

John Adams
Library.



IN THE CUSTODY OF THE
BOSTON PUBLIC LIBRARY.



SHELF N°

*ADAMS

*92.3

HISTOIRE ET CHRONIQUE MEMORABLE DE MES- SIRE IEHAN FROISSART.

REVEV ET CORRIGE SVS DIVERS
EXEMPLAIRES, ET SVIVANT LES BONS AV-
teurs, par Denis Sauvage de Fontenailles en Brie, Histo-
riographe du Treschrestien Roy Henry
deuxiesme de ce nom.

PREMIER VOLUME.



A PARIS.

A L'OLIVIER DE PIERRE LHVILLIER,
RVE SAINT IACQUES.

M. D. LXXIIII.

A. J.

ADAMS 92.3



A M O N S E I G N E V R.

ANNE DVC DE MONTMORENCI,
PER ET CONNESTABLE DE FRANCE.



Monseigneur, en continuant ma deduction Francoise de l'Histoire generale des Gaules & du royaume de France, apres qu'il a pleu à la magesté du Roy me retenir pour son Historiographe, par la presentation de Monseigneur le Cardinal de Chastillon, vostre neveu, le bon support de vous & des vostres m'a tellement aidé à vacquer à ceste mienne charge, que i'eusse peu maintenant monstrier quelque autre preuue de ma diligence, n'eust esté que m'y estant grandement serui de ce que messire Iehan Froissart en a escrit, & neantmoins l'ayant trouué trop miserablement corrompu par le commun malheur des autres liures, toute raison m'a commandé de ne luy estre moins secourable, que i'ay par auant esté à Maistre Nicole Gilles, en ses Annales de France, & au Seigneur d'Argenton, sur les Memoires de l'Histoire de son temps. A quoy faire me suis de tant plus volontiers employé, que ie l'ay veu prendre sa principale narration sur le commencement du regne de ce grád Comte Philippe, premier Roy de France en la tresillustre maison de Valois, & qu'entre ceux, qui luy aiderent vaillamment à deffendre la possession de son Royaume contre Edouard d'Angleterre, troisieme du nom, soy disant aussi Roy de France, par sa mere, sœur de trois Rois precedens & consécutifs, il y fait souuent fort honorable mention du preux & hardi Cheualier Charles de Montmorenci, Mareschal de France, & l'un de vos peres & predecesseurs. Il vous plaira donc, Monseigneur auouer ce miē labeur, & permettre que le present Volume, tesmoignage de l'humble deuotion que ie vous porte, se puisse presenter à vostre heureux & pacifique retour, pour estre biē rost apres suiui de trois autres ses compaignons, desia tous acheminez à donner plaisir & profit au public, sous l'autorité de vostre grandeur, que Dieu vueille maintenir en toute prosperité, comme l'en supplie & requiert vostre tres-humble & tresobeissant seruiteur.

DENIS SAVVAGE.

à ij



ADVERTISSEMENT

AVX LECTEURS.

SEIGNEURS Lecteurs, puis que la conference des autres Exemplaires vous pourra tesmoigner de la verité, ie n'employray point icy grand lagage à vous monstrer combien le present Auteur estoit corrompu, par l'ignorance des escrivains du temps passé, & par la négligence de ceux, qui faisans beaucoup plus de cōpte de leur profit particulier, que de celuy du public, & de leur propre honneur, ne se sont aucunement souciez comment il fust imprimé. Seulement vous aduertiray que l'Exemplaire, duquel i'ay fait copie à la presente Impression, est de mille cinq cens trente, par un Anthoine Conteau, Imprimeur à Paris, & des deux autres, dont ie me suis aidé, à la correction d'iceluy, l'un est de mille cinq cens & cinq, par Michel le Noir, Libraire de Paris, & de l'autre par Anthoine Verard, aussi Libraire de Paris, sans aucun date: combien qu'il me semble estre plus vieil que les deux autres, & moins que le fragment, duquel nous faisons quelques fois mention sur la marge, Toutes fois, à veritablement parler, ayans esté imprimez les uns sur les autres, le second Imprimeur a eu tant d'egard à corriger le premier, & le tiers le second, que tous trois ensemble ne me peuvent sembler qu'un tout seul, comme aussi l'Exemplaire du tiers Volume de la Mer des Histoires, prenant les mesmes mots de Froissart en plusieurs lieux, & iusques au 177. Chapitres d'iceluy Froissart, ne me peut estre en autre compte. Quant aux Abregez (que ie nomme par le nom des personnages auxquels ils sont, n'y trouuant aucunement celuy des Abregeurs) le premier (que le Seigneur Sala, Capitaine de Lyon, m'a liberalement presté) est escrit à la main, sans auoir iamais esté imprimé, & portant tel tiltre sur sa couuerture, Les Couraniques de Froissart, au front du second feuillet, ayant le premier esté deciré, montre ces propres mots, Table du premier Liure, & apres estant ceste page separee en deux colonnes, comme toutes les autres suiuanes, dit ainsi, S'ensuiuent les Rubriques de ce present volume qui contient les quatre liures de messire Jehan Froissart: & ainsi poursuit ses Rubriques, iusques au cinquiesme feuillet: là ou l'Abregeur allègue la raison, qui l'a mené à faire cet Abregé, & apres entre en matiere, poursuyuant fort briuement les principaux points, iusques à la fin des quatre volumes. L'autre Abregé (qu'un mien bon amy m'a moyenné, par la courtoisie d'un grand Seigneur de Bourgogne, en la maison de la Chaux) est aussi escrit à la main, en lettre plus grosse, & moins ancienne que l'autre, & semblablement sans auoir iamais esté imprimé. Mais, combien que l'Abregeur suppe Froissart de mot à mot, si veut il quelques fois tascher à le deuiser, en faisant attribuer l'œuvre d'autrui, & se gardant bien de se dire Abregeur, & mesmes en sa premiere page (qui est à deux colonnes, comme toutes les autres aussi) dit semblables mots, Cy commence le second volume des Croniques d'Angleterre lequel contient en soy six liures particuliers le premier desquels se commence au Roy Edouard qui fut né en Windesore. Et contient en soy quarante neuf chapitres au premier desquels il traite la cause pourquoy la guerre commença premierement entre les deux Roiaumes de France & d'Angleterre, premier chapitre. Puis entre vraiment en matiere, par tels mots. A fin que vous sachiez la cause pourquoy ne à quel tiltre les guerres de France & d'Angleterre encommencerent premierement ie le vous diray & racompteray en brief. Verité est que le bon Roy Edouard de Caruarenam iadis Roy d'Angleterre & pere du Noble Roy Edouard de Winderosse, Comme il a esté dit au six^e & dernier liure du premier volume de ceste œuvre presente, eut espousé Ysabel de Frâce fille du beau Roy Phelippe, qui en son viuât estoit vne des belles dames du monde. Il eut de ceste noble Dame deux fils & deux filles, desquels fils le premier fut le preu & gentil Roy Edouard de quoy ceste Histoire fut encommencée. L'autre eut nom Jehan datent qui mourut assez ieune. Laisnée des deux filles eut nom Ysabel qui fut mariee au ieune Roy Dauid d'Escocce, fils du Roy Robert le Brus & luy fut donnée à mariage en ieunesse par l'accord des deux Rois & Roiaumes d'Anglet. & d'Escocce en paix faisant, &c.

En apres

En-apres il pourfuyt par les propres parolles de Froissart, mais il abrege beaucoup plus que l'autre Abregé, quant à cet endroit, & de telle sorte qui apres cette genealogie il vient incontinent à continuer son mesme premier chap. en ceste maniere, Au temps que ceste croisie estoit en si grand fleur de renommée, &c. qui est le commencement du 29. chap. de Froissart, depuis lequel il poursuit tousiours comme de coustume, iusques sur la fin de son 13. Chap. là, ou parlant de la guerre du chap. 47. de Froiss. met tels mots. Si vint en Henaut ou il fist de moult grans destructions dont ie me passe de les toutes au lōg, racōter car qui en voudra sauoir, au liure Froissart lon le pourra trouuer, &c. Ainsi par plusieurs fois il renuoye le lecteur à Froissart, pour mieux couurir son deguisement, que neātmoins il decouure aussi souuent: quand, sans y prendre garde, il usurpe les mesmes mots, dont vse Froissart en parlant de soy mesme: comme, par exemple, disant Froissart, en son chap. 231. tels mots. Si fut le Prince de Galles conseillé de ces deux Cheualiers (comme ie fu depuis informé) qu'il voulist enuoyer, &c. cest Abregeur, ou extracteur (car ie ne voy point qu'il doine auoir le nom d'Auteur) dit semblablement ainsi, au 2. chap. du 6. liure de son 2. volume. Et fut ledit Prince cōseillé de ces deux Cheualiers si cōme ie feuz depuis informé qu'il enuoyast, &c. Or (quoy que soit) ie confesseray tousiours que l'un & l'autre m'ont grandement aidé, & bien fort confirmé en plusieurs de mes corrections encores que ie les aye trouuez eux mesmes horriblement corrompus en beaucoup d'endroits, & qu'il m'ayt fallu souuentes fois deuiner, principalement en faute de les auoir trouuez punctuez. Car hors-mis ce point, ferme & arresté (duquel ils vsent aussi tost à tort qu'à droit) il n'y a nulle nouuelle de punctuation en tous deux, non plus que d'apostrophes, d'accets, & de telles autres choses, que l'on observe auourd'huy. Dequoy ie vous ay bien voulu aduertir, afin que, si vous renconirez semblables elargissemens, là ou nous vous alleguons iceux Abregez, ne pensez point que cela vienne d'eux, mais seulement de l'accoustumance des compositeurs & correcteurs de l'Impri-merie: ausquels i'ay semblablement permis d'orthographier à leur mode, & oster beaucoup de lettres superflues en tout le contexte de Froissart: pourueu qu'ils ne s'eloingnassent point des raisons, que l'Antiquité peut auoir pour soy. Touchant le stile & ancienne maniere d'escrire de nostre Auteur, ie ne doute point qu'il n'ayt esté quelques autres fois changé, & aucunement renouuel-
lé, selon les temps: mais ie fay tant de scrupule de rien innouer en tels Auteurs, que si i'eusse en la propre copie, qu'il escriuist, ou feit escrire, ie l'eusse fait imprimer en son entier, pour faire appar-
roir du langage d'alors à celuy de maintenant. Il m'a suffi de luy par faire son sens, quand il estoit imparfaict (comme trop souuent il l'estoit par ignorance & par l'auarice de ceux, que i'ay dits au commencement de cet aduertissement) & d'interpreter sur la marge, ce qu'il pouuoit auoir d'estra-
ge en ses phrases, & en quelques mots du cours de son aage, en y adioustant les diuerses leçons, au cas que le sens m'ayt semblé les pouuoir souffrir, sans rien corriger, qui n'ayt esté euidentement cor-
rigeable, tant par la deduction de nostre Auteur mesme, que par l'accord de tous autres bons Hi-
storien. I'y eusse mis aussi toutes les raisons de mes corrections, & de l'ordre que i'ay tenu en la distinction des chap. mais, tant s'en faut que la marge les eust peu tenir, que les renuoyons à la fin du Volume, avec les Annotations, que la mesme marge n'a peu porter, elles fussent montées ius-
ques à la grosseur d'un tel Volume (nonobstant toute la briueté, à laquelle on les eust peu redui-
re) pour cause du nombre des fautes, que i'y ay trouuées: lequel estoit tant excessif, que ie ne m'en pourroye encores taire: n'estoit que la longueur de cet aduertissement me presse d'y faire fin, apres vous auoir dit, quant aux propres noms des personnes, places, & contrées, que ie n'y ay rien voulu mesler du mien à les restituer en leur naturel, pour la raison que i'ay autres fois dicté en sembla-
ble cas, sur les Memoires du Seigneur d'Argenton, & selon que verrez par nostre Annotation. 33. & par quelques autres, qui vous pourront satisfaire, comme i'espere que le reste vous conten-
tera semblablement en ce, qui pourroit requerir nostre diligence. Laquelle ie vous prie prendre en gré, pendant que ie tasche, de mieux en mieux, à respondre à la bōne opinion, que vous ont peu faire conceuoir de moy mes labours precedens, & en accomplissant mes promesses, donner fin à ven-
ure de plus-longue traitte, ainsi que i'espere faire de brief, en faueur de nostre nation Françoisse moyennant l'aide du Tout-puissant, qui nous vueille tenir en sa sainte grace. A lion, ce premier iour del'an, 1559. commençant à la Circoncision de nostre Sauueur.

TABLE DES CHAPITRES

D V PREMIER VOLVME DE MESSIRE

IEHAN FROISSART.

E Prologue.	page.	1.
Des plus preux Cheualiers, qui soient nommez en ce present liure.	CHAP. I.	2
D'aucuns predecesseurs du Roy Edouard d'Angleterre.	II.	2
Des parens du Roy Edouard d'Angleterre.	III.	3
De l'occasion, dont la guerre ment entre les Roys de France & d'Angleterre.	IIII.	3
Du Comte Thomas de Lanclastre, & de vingt & deux des plus grans d'Angleterre, qui furent decolez.	V.	3
Comment la Royne d'Angleterre se vint cōplaindre au Roy de France, son frere, de meſſire Hue le Despensier.	VI.	4
Cōe meſſire Hue le Despensier pourchaça que la Royne Yſabel fuſt deboutée de France.	VII.	5
Comment la Royne Yſabel ſe partit de France, & entra en l'Empire.	VIII.	5
Du bon traitement & confort, que receut la Royne d'Angleterre en Haynaut.	IX.	6
Comment la Royne Yſabel arriua en Angleterre, avec meſſire Iehan de Haynaut.	X.	7
Comment la Royne d'Angleterre aſſiegea le Roy ſon mary en la ville de Briſto.	XI.	8
Comment meſſire Hue le Despensier, le pere, & le Comte d'Arondel furent iuſticiez.	XII.	9
Comment le Roy d'Angleterre & Hue le Despensier, le ſils furent prins ſur mer par les gens de la Royne, ſa femme, & de ſon ſils, en ſe cuidant ſauuer & retirer du chaſtel de Briſto.	XIII.	9
Comment meſſire Hue le Despensier, le ſils fut iuſticié.	XIIII.	10
Du couronnement du Roy Edouard d'Angleterre, tiers de ce nom.	XV.	10
Comme le Roy Robert de Breux, d'Eſcoce, deſia le Roy Edouard.	XVI.	12
La diſſenſion qui fut entre les Archers d'Angleterre, & ceux de Haynaut.	XVII.	13
De la maniere des Eſcoçois, & comment ils ſauent guerroyer.	XVIII.	14
Comment le Roy Anglois fit ſa premiere cheuauchée ſur les Eſcoçois.	XIX.	15
Comment le Roy Edouard ſe maria à Madame Philippe de Haynaut,	XX.	21
Comment le Roy Robert d'Eſcoce mourut.	XXI.	22
Comment Philippe de Valois fut couronné Roy de France.	XXII.	23
De la bataille de Caſſel en Flandres.	XXIII.	24.
Comment le Comte de Kent & meſſire Roger de Mortemer furent iuſticiez.	XXIIII.	25
L'hommage, que le Roy Edouard fit au Roy de France, pour la Duché de Guienne.	XXV.	25
Comment meſſire Robert d'Artois fut chacé hors du Royaume de France.	XXVI.	28
Comment le Roy Edouard d'Angleterre print la cité de VVarnich.	XXVII.	28
Comme le Roy Philippe de France & pluſieurs autres Rois ſe croiſerent.	XXVIII.	31
Comme le Roy Edouard ſe conſeilla pour guerroyer le Roy Philippe de France.	XXIX.	32
Comment Iaques d'Artenelle gouuerna la Comté de Flandres,	XXX.	34
Comment aucuns Nobles de Flandres garderent l'Iſle de Cagant en Flandres contre les Anglois.	XXXI.	36
De la bataille de Cagant entre les Anglois & quelques Flamās du parti de leur Côte.	XXXII.	36
Comment le Roy Edouard d'Angleterre fit grandes alliances en l'Empire.	XXXIII.	37
Comment le Roy Dauid d'Eſcoce fit alliances au Roy Philippe de France.	XXXIIII.	38
Comment le Roy Edouard d'Angleterre fut fait vicaire de l'Empire d'Allemaigne.	XXXV.	39
Comment le Roy Edouard d'Angleterre & ſes alliez déſierent le Roy de France.	XXXVI.	39
Comment meſſire Gautier de Manny, apres les deſiances faites, fit la premiere cheuauchée en France.	XXXVII.	40
Comment, apres les deſiances, les gens du Roy de France entrerēt en Angleterre.	XXXVIII.	41
Comment le Roy Edouard d'Angleterre aſſiegea la cité de Cambray.	XXXIX.	41
Comment le Roy Edouard fit meſſire Henry de Flandres Cheualier, & apres marcha ſur la Picardie.	XL.	43
Comment le Roy de France & le Roy d'Angleterre accepterent iournée pour cōbattre.	XLI.	45
Comment les Roys de France & d'Angleterre ordonnerent leurs batailles à Vironſoſſe.	XLII.	46
Comment les deux Roys ſe departirent de Vironſoſſe, ſans bataille.	XLIII.	47
Cōment le Roy Edouard enchargea les armes de Frāce, & print le nom de Roy de Frāce.	XLIIII.	48
Comment		

<i>Comment les François ardirent la terre de messire Iehan de Haynaut.</i>	XLV.	49
<i>Comment le Comte de Haynaut print & destruit Aubenton en Thyerache.</i>	XLVI.	50
<i>De la cheuanchée que ceux de Tournay firent en Flandres.</i>	XLVII.	52
<i>De la cheuanchée que le Duc Iehan de Normandie fit en Haynaut.</i>	XLVIII.	54
<i>Comment ceux de Douay firent vne cheuanchée en Ostrenan, parauant que le Comte de Haynaut fust en Angleterre, & en l'Empire.</i>	XLIX.	57
<i>Comment le Duc de Normandie meit le siege deuant Thin l'Fuesque.</i>	L.	58
<i>De la bataille par mer, qui fut deuant l'Escluse en Flandres, entre le Roy d'Angleterre & les François.</i>	LI.	60
<i>Comment le Roy Robert de Cecille meit peine de pacifier les Roys de France & d'Angl.</i>	LII.	62
<i>Du parlement que le Roy d'Angleterre & ses allies tindrent à Villenort.</i>	LIII.	62
<i>Comment le Roy d'Angleterre assiégea la cité de Tournay, à grande puissance.</i>	LIII.	63
<i>Comment le Comte de Haynaut destruisit les villes de Seclin & d'Orchies.</i>	LV.	63
<i>Comment les Escotois reconquirent grande partie d'Escoce, au temps que le siege fut deuant Tournay.</i>	LVI.	64
<i>Du grand ost que le Roy de France assemblea, pour leuer le siege qui estoit deuant Tournay.</i>	LVII.	65
<i>Comment ceux de la garnison de Bouchain déconfirent plusieurs soudoyers de Mortaigne, deuant la ville de Condé.</i>	LVIII.	66.
<i>De la cheuanchée messire Guillaume de Bailloul & messire Vanflart de la Croix, au Pont de Cresfin.</i>	LIX.	67
<i>Comment le Comte de Haynaut assaillit la forteresse de Mortaigne en Picardie, par diuerses guises.</i>	LX.	68
<i>Comment le Comte de Haynaut print la ville de S. Amand, durant le siege de Tournay</i>	LXI.	69
<i>De la prise de messire Charles de Mommorency, & plusieurs autres François, au Pont de Cresfin.</i>	LXII.	70
<i>Comment les François furent deuant S. Omer, le siege durant deuant Tournay.</i>	LXIII.	71
<i>Comment le siege de tournay fut fait par vnes tréues.</i>	LXIII.	72
<i>De la guerre de Bretagne, & comment le Duc de Bretagne mourut sans hoirs, parquoy la dissension vint.</i>	LXV.	74
<i>Comment le Comte de Montfort print la ville & le chastel de Brest.</i>	LXVI.	75
<i>Comment le Comte de Montfort print la cité de Rènes.</i>	LXVII.	75
<i>Comment le Comte de Montfort prit la ville & le chastel de Hamibout.</i>	LXVIII.	76
<i>Comment le Comte de Montfort fit hommage au Roy d'Angleterre, de la Duché de Bretagne.</i>	LXIX.	77
<i>Comment le Comte de Montfort fut adiourné en Parlement à Paris, à la requeste de Monseigneur Charles de Blois.</i>	LXX.	78
<i>Comment la Duché de Bretagne fut adiugée à messire Charles de Blois.</i>	LXXI.	79
<i>Des Seigneurs de France, qui entrerent en Bretagne avec messire Charles de Blois</i>	LXXII.	79
<i>Comment le Comte de Montfort fut pris à Nantes, & comment il mourut.</i>	LXXIII.	80
<i>Comment le Roy d'Angleterre sement la tierce fois, pour guerroyer les Escotois.</i>	LXXIII.	81
<i>Comment le Roy Dauid d'Escoce vint, à grand ost, deuant Neuf-chastel sur Thin.</i>	LXXV.	82
<i>Comment le Roy Dauid d'Escoce print & destruit la cité de Durem.</i>	LXXVI.	83
<i>Comment le Roy d'Escoce assiégea le chastel de Salbery.</i>	LXXVII.	83
<i>Comment le Roy d'Angleterre fut enamouré de la Comtesse de Salbery.</i>	LXXVII.	85
<i>Comment le Comte de Salbery & le Comte de Moray furent deliurez de prison, par eschange l'un de l'autre.</i>	LXXIX.	86
<i>Comment Monseigneur Charles de Blois, avecques plusieurs Seigneurs de France, print la cité de Rènes.</i>	LXXX.	87
<i>Comment messire Charles de Blois assiégea, en Hamibout, la Comtesse de Montfort.</i>	LXXXI.	88
<i>Comment messire Gautier de Manny amena les Anglois en Bretagne.</i>	LXXXII.	90
<i>Comment le chastel de Conquest fut prins par deux fois,</i>	LXXXIII.	90
<i>Comment messire Louis d'Espaigne print les villes de Dynant & de Gerande.</i>	LXXXIII.	91

T A B L E

<i>Comment mesire Gautier de Manny déconfit mesire Louis d'Espaigne, au champ de Camperle</i>		92
<i>1 XXXV.</i>		
<i>Comment mesire Gautier de Manny print le chastel de Goy-la forest.</i>	LXXXVI.	93
<i>Comment mesire Charles de Blois print la ville de Carahes.</i>	LXXXVII.	94
<i>Comment mesire Iehan le Bouteiller & mesire Hubert de Fresnoy furent récoux de mort, deuant Hamibout.</i>	LXXXVIII.	95
<i>Comment Monseigneur Charles de Blois print la ville de Iugon, & le chastel.</i>	LXXXIX.	96
<i>De la feste & des ioustes, que le Roy d'Angleterre fit à Londres, pour l'amour de la Comtesse de Salisbury.</i>	XC.	97
<i>Comment le Roy d'Angleterre enuoya mesire Robert d'Artois en Bretagne.</i>	XCI.	98
<i>De la bataille de Grenesis, entre mesire Robert d'Artois & Louis d'Espaigne.</i>	XCII.	99
<i>Comment mesire Robert d'Artois print la cité de Vennes en Bretagne.</i>	XCIII.	100
<i>Comment mesire Robert d'Artois mourut.</i>	XCIII.	101
<i>Comment le Roy d'Angleterre vint en Bretagne pour guerroyer.</i>	XCV.	102
<i>Comment le Seigneur de Clifson & mesire Henry de Leon furent prins des Anglois, deuant Vennes.</i>	XCVI.	103
<i>Comment le Roy d'Angleterre print la ville de Dynant, & de quelques courses de Louis d'Espaigne sur la marine.</i>	XCVII.	103
<i>Des Seigneurs de France, que le Duc de Normandie emmena en Bretagne, à l'encontre du Roy Edouard d'Angleterre.</i>	XCVIII.	104
<i>Comment le Roy d'Angleterre & le Duc de Normandie furent à ost l'un contre l'autre deuant la cité de Vennes.</i>	XCIX.	104
<i>Comment le Roy de France fit decapiter le Sire de Clifson & plusieurs autres de Bretagne & de Normandie.</i>	C.	105
<i>De la confrairie saint George, que le Roy Edouard establit à VVindesore.</i>	CI.	106
<i>Comment le Roy d'Angleterre deliura de sa prison mesire Henry de Leon.</i>	CII.	106
<i>Comment le Roy d'Angleterre enuoya le Comte d'Erby guerroyer en Gascongne.</i>	CIII.	107
<i>Comment le Comte d'Erby conquist Bergerath.</i>	CIII.	108
<i>Comment le Côte d'Erby conquist plusieurs villes & forteresses en la haute Gascongne.</i>	CV.	110
<i>Comment le Comte de Quenfort fut prins en Gascongne, & comment il fut par échange deliuré.</i>	CVI.	111
<i>Comment le Comte de Laille, Lieutenant du Roy de France en Gascongne, meit le siege deuant le chastel d'Auberoche.</i>	CVII.	112
<i>Comment le Comte d'Erby print, deuant Auberoche, le Comte de Laille, & d'autres Comtes & Vicomtes, iusques à neuf.</i>	CVIII.	113
<i>Des villes que le Comte d'Erby print en Gascongne en cheuauchant vers la Riolo.</i>	CIX.	114
<i>Comment le Comte d'Erby meit le siege deuant la Riolo: & comment la ville se rendit à luy.</i>	CX.	116
<i>Comment mesire Gautier de Manny trouua le sepulchre de son pere.</i>	CXI.	au mesme
<i>Comment le Comte d'Erby conquist le chastel de la Riolo.</i>	CXII.	117
<i>Comment le Comte d'Erby print la ville de Maulron, & puis Villefranche en Gascongne.</i>		118
<i>CXII I.</i>		
<i>Comment le Comte d'Erby conquist la cité d'Angoulesme.</i>	CXIIII.	119
<i>Comment mesire Godeffroy de Harcourt fut banny de France.</i>	CXV.	au mes.
<i>De la mort Iagues d'Arteuelle de Gand.</i>	CXVI.	120
<i>Du Comte Guillaume de Haynaut: qui mourut en Frise, & grande Baronnie avecques luy.</i>		122
<i>CXVII.</i>		
<i>Comment mesire Iehan de Haynaut se retourna François.</i>	CXVII.	123
<i>Du grand ost, que le Duc de Normandie mena en Gascongne contre le Comte d'Erby.</i>	CXIX.	au mes.
<i>Comment Iehan Normech échappa d'Angoulesme, quand ladite ville se rendit François.</i>		125
<i>CXX.</i>		
<i>Comment le Duc de Normandie meit le siege deuant Aguilon, à bien cent mille combattans.</i>		126
<i>CXXI.</i>		
<i>Comment le Roy d'Angleterre cheuaucha en trois batailles par Normandie.</i>	CXXII.	129
<i>Du commandement que le Roy de France fit contre le Roy d'Angleterre.</i>	CXXIII.	130
<i>De la bataille de Caen: & comment les Anglois prindrent la ville.</i>	CXXIII.	131
<i>Des maux, que firent les Anglois en Normandie, comment mesire Godeffroy combattit ceux d'Amiens</i>		

<i>d'Amiens, deuant Paris: & comment le Roy d'Angleterre fut en Picardie.</i>	CXXV.	133
<i>Comment le Roy de France se print à consuyure le Roy d'Angleterre en Beauuoisnois, ainsi qu'il vouloit passer la riuere de Somme.</i>	CXXVI.	134
<i>Cy parle de la bataille de la Blanchè-taque, du Roy d'Angleterre contre mesire Godemar du Fay.</i>	CXXVII.	135
<i>De l'ordonnance des François à Crecy en Ponthieu: qui se meirent en trois batailles à pied.</i>	CXXVIII.	137
<i>L'ordonnance des François à Crecy: & comment ils auiserent le maintien des Angl.</i>	CXXIX.	137
<i>De la bataille de Crecy entre le Roy de France & le Roy d'Angleterre.</i>	CXXX.	138
<i>Comment le lendemain, apres la bataille, les Anglois déconfirent de rechef plusieurs François.</i>	CXXXI.	140
<i>Comment le lendemain, apres la bataille, les morts à Crecy furent nombrez par les Anglois.</i>	CXXXII.	141
<i>Comment le Roy d'Angleterre meit le siege deuant Calais: & comment les pources gens isirent de la ville.</i>	CXXXIII.	142
<i>Comment le Duc de Normandie dëfit son siege de deuant Aguilon.</i>	CXXXIII.	142
<i>Comment mesire Gautier de Manny cheuaucha en France par le Royaume, & vint d'Aguillon deuant Calais.</i>	CXXXV.	143
<i>Comment le Comte d'Erby print en Poictou plusieurs villes & chasteaux, & aussi la cité de Poitiers.</i>	CXXXVI.	au mesme
<i>Comment le Roy d'Escocë, au temps du siege de Calais, vint à ost en Angleterre.</i>	CXXXVII.	145
<i>Cy parle de la bataille de Neuf-chastel-sur-Thin, du Roy d'Escocë, & de la Roïne d'Angleterre.</i>	CXXXVIII.	au mesme
<i>Cy parle de Iehan Coppelant, qui print le Roy d'Escocë: & quel profit il en receut.</i>	CXXXIX.	146
<i>Comment le ieune Comte de Flandres fiança la fille du Roy d'Angleterre, par la contrainte des Flamans, & comment il se retira subtilement en France, sans l'espouser.</i>	CXL.	147
<i>Comment mesire Robert de Namur fit hommage au Roy d'Angleterre deuant Calais.</i>	CXLI.	149
<i>Comment les Anglois conquirent la Roche Darien: & comment mesire Charles de Blois y meit le siege.</i>	CXLII.	150
<i>De la bataille de la Roche Darien, & comment Monseigneur Charles de Blois fut prins des Anglois.</i>	CXLIII.	151
<i>Comment le Roy de France émeut grand ost, pour leuer le Roy d'Angleterre du siege de Calais.</i>	CXLIII.	au mesme
<i>Comment le Roy d'Angleterre fit garder le passage d'entour Calais: parquoy le Roy de France ne peut passer, n'approcher pour défaire le siege.</i>	CXLV.	152
<i>Comment la ville de Calais fut rendue au Roy d'Angleterre.</i>	CXLVI.	153
<i>Comment le Roy d'Angleterre repenpla la ville de Calais.</i>	CXLVII.	155
<i>D'un brigand de Languedoc, appelé Bacon.</i>	CXLVIII.	156
<i>D'un page, appelé le Croquart: qui deuint aussi Brigand.</i>	CXLIX.	au mesme
<i>Comment Aimery de Pauie, Lombard, vendit la ville de Calais, dont il estoit Capitaine, à mesire Geoffroy de Chargny, François, & comment le Roy d'Angleterre rompit la deliurance de la place, à la grande perte des François.</i>	CL.	157
<i>De la bataille de Calais entre le Roy d'Angleterre, sous la banniere mesire Gautier de Manny, contre mesire Geoffroy de Chargny & les François.</i>	CLI.	au mesme
<i>D'un chappelet de Perles, que le Roy d'Angleterre donna à mesire Eustace de Ribau mont.</i>	CLII.	159
<i>Le trespassement du Roy Philippe de France, le couronnement de son fils le Roy Iehan, & plusieurs autres articles.</i>	CLIII.	160
<i>Du Roy de Nauarre: qui fit occire Monseigneur Charles d'Espaigne, Connestable de France, & de plusieurs autres particularitez.</i>	CLIIII.	161
<i>De l'imposition & gabelle ordonnée en France par les trois eslats, pour le fait de la guerre.</i>	CLV.	164
<i>Comment le Roy de France print le Roy de Nauarre, & fit décapiter le Comte de Harcourt, & autres, à Rouen.</i>	CLVI.	165
<i>Du commandement, que le Roy de France fit pour combattre le Prince de Galles: qui cheuauchoit en Berry.</i>	CLVII.	167

<i>Comment le Prince de Galles print le chastel de Rommorentin.</i>	CLVIII.	168
<i>Du grand ost, que le Roy de France conduisit à la bataille de Poictiers.</i>	CLIX.	169
<i>L'ordonnance des François, auant la bataille de Poictiers.</i>	CLX.	170
<i>Comment le Cardinal de Perigourd traita pour accorder le Roy de France & le Prince de Galles, auant la bataille de Poictiers.</i>	CLXI.	171
<i>La bataille de Poictiers, entre le Prince de Galles & le Roy de France.</i>	CLXII.	173
<i>De deux François, qui fuyoient de la bataille de Poictiers: & de deux Anglois, qui les poursuuoient pour prendre, & eux mesmes en furent pris.</i>	CLXIII.	177
<i>Comment le Roy Iehan fut prins à la bataille de Poictiers.</i>	CLXIII.	au mesme
<i>Du don, que le Prince de Galles fit à messire Iames d' Andelee, après la bataille de Poictiers.</i>	CLXV.	179
<i>Comment les Anglois gaignerent grandement à la bataille de Poictiers.</i>	CLXVI.	179
<i>Comment messire Iames d' Andelee donna à ses quatre Escuyers cinq cens marcs de reuenue.</i>	CLXVII.	180
<i>Comment le Prince de Galles donna à soupper au Roy de France, le iour que la bataille auoit esté.</i>	CLXVIII.	au mesme
<i>Cy deuise comment le Prince de Galles retourna à Bordeaux, apres la bataille de Poictiers.</i>	CLXIX.	181
<i>Comment les trois estats de France s'assemblerent à Paris, apres la bataille de Poictiers.</i>	CLXX.	182
<i>Cōmēt les trois estats enuoyerent Gens-d'armes cōire messire Godeffroy de Harcourt.</i>	CLXXI.	183
<i>De la bataille de Constantin, entre messire Godeffroy de Harcourt & messire Louis de Rauenal.</i>	CLXXII.	184
<i>Cōment le Prince de Galles mena le Roy Iehan de France de Bordeaux en Angl.</i>	CLXXIII.	185
<i>Comment le Roy d'Escocce fut deliuré de la prison du Roy d'Angleterre.</i>	CLXXIII.	au mesme
<i>Comment le Duc de Lanclastre mit le siege à Rènes.</i>	CLXXV.	186
<i>Comment vn Cheualier de la Comté d'Eureux, appelé messire Guillaume de Granuille, reconquit la cité, le bourg, & le chastel d'Eureux, qui se tenoit adonc pour le Roy de France, & l'auoit le Roy conquis sur les Nauarrois, ainsi que dessus est dit au chapitre cent cinquante-sixiesme.</i>	CLXXVI.	186
<i>Des compaignons, dont l' Arche prestre estoit chef: & comment il fut honoré en Auignon.</i>	CLXXVI.	188
<i>Des Compaignons, desquels Ruffin, vn Gallois estoit chef.</i>	CLXXVIII.	au mesme
<i>Du Preuost des Marchans, & de ceux de Paris: & comment ils occirent trois Cheualiers en la chambre du Regent.</i>	CLXXIX.	au mesme
<i>Comment le Roy de Nauarre iſſit hors de la prison du Roy de France.</i>	CLXXX.	189
<i>Comment le Roy de Nauarre prescha solennellement à Paris.</i>	CLXXXI.	au mesme
<i>Du ōmencement de la manuaïſe Iaquerie de Beauuoisin.</i>	CLXXXII.	au mesme
<i>Comment le Roy de Nauarre desit plusieurs Iaques en Beauuoisin: & comment le Preuost des Marchans fit faire murs entour la cité de Paris.</i>	CLXXXIII.	190
<i>De la bataille de Meaux en Brie: ou les Iaques furent déconfits par le Comte de Foix & le Capital de Buſ.</i>	CLXXXIII.	191
<i>Comment Paris fut asſiegé du Duc de Normandie, Regent de France.</i>	CLXXXV.	au mesme
<i>Dès Parisiens, qui furent occis vers Sainct-Cloud par Anglois, qui auoient esté soudoyers à Paris.</i>	CLXXXVI.	192
<i>La mort du Preuost des Marchans de Paris.</i>	CLXXXVII.	193
<i>Du Roy de Nauarre: qui déſia le Royaume de France, le Roy de France estant en Angleterre.</i>	CLXXXVIII.	194
<i>Des Nauarrois: que les Picars asſiegerent dedans le chastel de Mauconseil.</i>	CLXXXIX.	195
<i>Comment aucuns des Bourgeois d'Amiens voulurent liurer la cité aux Nauarrois: & de la famine qui fut en France.</i>	CXC.	196
<i>Des Nauarrois: que les Picars asſiegerent dedans Sainct-Valery: & comment le Royaume de France estoit plein de Nauarrois.</i>	CXCI.	198
<i>Des Nauarrois, que le Chanoine de Robesart déconfit en Laonnois, pres la ville de Craulle.</i>	CXCII.	199
<i>Des Nauarrois: qui rendirent Saint Valery aux François, qui y furent longuement à ſiege.</i>	CXCIII.	200
<i>Comment messire Philippe de Nauarre, ayant émeu trois mille Nauarrois pour leuer le ſiege de Saint Valery, fut en grand danger.</i>	CXCIII.	200
		Des

- Des Navarrois, que messire Pierre d'Andelée amena de nuit en la cité de Chaalons, pour la prendre.* CXCV. 202.
- Comment le Comte de Roussy fut prins la seconde fois.* CXCVI. 203
- Des trois Roynes, & des Navarrois, qui furent assiegez deuant Melun.* CXCVII. au mes.
- Comment Monseigneur Broquart de Fenestragés & plusieurs François ordonnerent leurs batailles, contre Monseig. Eustace d'Auberthicourt & les Anglois, en Châpaigne* CXCVIII. 204
- Cy parle de la bataille de Nogent sur Seine, entre messire Broquart de Fenestragés, de la nation de Lorrainé, & les François, d'une part, & messire Eustace d'Auberthicourt, de la nation de Haynaut, avec les Anglois, d'autre part.* CXCIX. 205
- Comment les pillars, qui tenoyent les fortereffes en France, commencerent à decheoir par miracle.* CC. 206
- Comment les François refuserent l'accord, que le Roy Iehan fit en Angleterre.* CCI. 207
- Comment messire Eustace d'Auberthicourt fut deliuré de prison, par grand rançon.* CCII. 208
- Comment messire Broquart de Fenestragés se fit payer par force du Duc de Normandie, Regent de France.* CCIII. au mes.
- De la cheuauchée que messire Robert Canolle fit en Berry & en Auvergne: & des Seigneurs & Gentils-hommes du pays, qui le poursuyuoient.* CCIII. au mesme
- Des allemands, qui attendirent le Roy d'Angleterre à Calais, pour cheuaucher avec luy au Royaume de France, au temps que le Roy Iehan estoit en Angleterre.* CCV. 209
- Du grand appareil, que le Roy d'Angleterre amena en Frâce, pour guerroyer, au temps que le Roy de France estoit prisonnier en Angl. & de l'ordonnance de l'ost des Anglois.* CCVI. 210
- Comment le Roy d'Angleterre se partit de Calais: & l'ordonnance qui estoit en son ost, en cheuauchant par le pays de Picardie, pour aller deuant la cité de Reims, estant en grand nombre.* CCVII. 212
- Comment le Roy d'Angleterre assiegea la cité de Reims, & du chastel de Chargny, qui fut prins par les Anglois, & de la guerre qui recommença entre le Duc de Normandie & le Roy de Navarre.* CCVIII. 215
- Comment le Sire de Roze & sa route déconfirent le reste des gens du Sire de Gommegines: & comment le chastel de Commercy fut prins, & la garnison rendue à la volonté des Anglois.* CCIX. 218
- Comment, apres ce que le Roy d'Angleterre se fut parti de Reims, ou le siege estoit, il gasta & exila tout le pays ou il passa: & comment il vint à Auignon, & y seiourna, & des grans garnisons qu'il mena apres son ost.* CCX. 219
- Des propheties du Cordelier d'Auignon: & de l'embusche faite sur ceux, qui isirent de Paris, par les Anglois.* CCXI. 221
- La forme & la teneur de la lettre, faite sur la paix, qui fut faite deuant Chartres, entre les Roys de France & d'Angleterre.* CCXII. 224
- De ce qui fut fait à Calais entre les Roys de France & d'Angleterre, pour la Duché de Bretagne & pour quelques terres de feu Godeffroy de Harcourt, & comment le Roy Iehan parut de Calais, pour s'en retourner librement en ses pays.* CCXIII. 229
- Des commissaires, qui furent ordonnez, d'un costé & d'autre, à faire vider les garnisons, parmy le Royaume de France, & des Compaignons, qui se meirēt sus par le Royaume, & des maux qu'ils faisoient.* CCXIII. 231
- Comment messire Iaques de Bourbon, & son ost, fut déconfit par les Compaignies, & de la Croissee, que le Pape feit crier contre eux, apres ce qu'ils eurent prins le Pont-du-Saint-Esprit, & comment on trouua autre moyen de s'en defaire.* CCXV. 234
- De la mort du Duc de Lanclastre, & de celle du Duc de Bourgongne, qui fut occasion de nouvelle dissension entre le Roy de France & le Roy de Navarre, & comment le Prince de Galles vint deça la mer, & des ordonnances qui se firent en Angleterre.* CCXVI. 238
- Comment les Roys de France & de Cypre prindrent & iurerent la croix sur les mecreans: & du grand pourchas que le Roy de Cypre fit enuers plusieurs Roys & Princes, en plusieurs lieux de Chrestienté.* CCXVII. 239
- Des ostagers François, que le Roy d'Angleterre tenoit prisonniers, & du pourchas que le Roy de Cypre fit enuers les Roys de Navarre, d'Angleterre, & enuers le Prince de Galles, pour aller outre mer, à la croix nostre Seigneur.* CCXVIII. 241
- Comment le Roy Iehan de Frâce, estant retourné volontairement en Angl. y mourut.* CCXIX. 243
- Du bon ordre, que le Roy Charles, cinquiesme du nom, donna contre les Navarrois, deuant*

- son couronnement, & incontinent apres la mort du Roy Iehan son pere. CCXX. 245.
 Du retour du Roy de Cypre à Paris: de l'obsequie du Roy Iehan à S. Denis en France: & de la che-
 uauchée du Capital de Buz, partisan de Nauarre, contre Bertrand du Guesclin, partisan de Fran-
 ce. CCXXI. 247
 De la bataille, qui fut pres de Cocherel en Normandie, entre les François de Bertrand du Gues-
 clin, & les Nauarrois du Capital de Buz: & comment iceluy Capital fut prins, demourant la vi-
 toire aux François. CCXXII. 249
 Comment Charles le Quint, dit le Sage, fut couronné Roy de France: & comment son frere Phi-
 lippe fut par luy-mesme enuecti de la Duché de Bourgongne, & enuoyé contre les pillars des
 Compaignies, CCXXIII. 254
 De quelques cheuauchées de Louis de Nauarre sur le Royaume de France, & de quelques autres
 du Duc de Bourgongne contre luy, ou contre ses gens: & comment le Duc de Bourgongne fut
 contraint d'aller deffendre son pays, contre le Comte de Montbeliar. CCXXIII. 255
 Comment le Roy Charles enuoya assieger la Charité sur Loire: & comment le Duc de Bourgongne,
 la voulant auoir à volonte, fut content de la recevoir à composition, pour donner secours à mes-
 sire Charles de Blois, contre le Comte de Montfort, pour la Duché de Bret. CCXXV. 257
 Comment messire Charles de Blois vint contre le Comte de Montfort, en ordonnance de bataille,
 & comment messire Iehan Chandos, apres auoir ordonné les batailles du Comte de Montfort,
 empescha l'accord, que le Seigneur de Beaumanoir moyennoit entre ces deux, pretédans à la
 Duché de Bretagne. CCXXVI. 259
 De la bataille d'Aulroy, en laquelle Bertrand du Guesclin fut prins, Charles de Blois occis, & Ie-
 han de Montfort victorieux. CCXXVII. 262
 Le la retraicte des Chef du Comte de Montfort, apres sa victoire d'Aulroy, de la contenance qu'il
 eut, voyant Charles de Blois mort, des tréues données pour enseuelir les morts, & commet le Roy
 d'Angleterre fut aduerti de la dessusdite bataille d'Aulroy. CCXXVIII. 264.
 Comment le Comte de Montfort conquist Aulroy, & plusieurs autres places, sur la venue de mes-
 sire Charles de Blois: comment le Roy Charles moyenna paix entre eux: & comment semblable-
 ment paix fut faite entre les Roys de France & de Nauarre, par le moyen du Capital de Buz.
 CCXXIX. 266.
 De la guerre d'Espagne, entre le Roy Dom Pietre de Castille, & Henry, son frere bastard: à l'aide
 duquel messire Iehan de Bourbon & Bertrand du Guesclin menerent les pillars des Compai-
 gnies, pour en vider la France. & comment iceluy Henry fut couronné Roy de Castille, par leur
 moyen. CCXXX. 268
 Comment le Roy Dom Pietre, enuoya prier le Prince de Galles de luy vouloir aider contre son fre-
 re, le Bastard Henry: & comment il se retira vers iceluy Prince, qui l'enuoyoit querir, pour le re-
 ceuoir en Guienne. CCXXXI. 272
 Du grand Parlement, que le Prince de Galles tint à Bordeaux, sur l'affaire du Roy Dom Pietre, &
 comment, ayant receu lettre du vouloir de son pere, pratiqua le Roy de Nauarre à luy donner
 passage, pour remener ce Dom Pietre en son Royaume de Castille. CCXXXII. 275
 Des Preparatifs du Prince de Galles, pour remettre Dom Pietre au Royaume de Castille, & comēt
 le Bastard Henry, en estant assez tard aduerti, taschoit à y remedier. CCXXXIII. 277
 Comment le Comte de Narbonne, le Seneschal de Toulouze, & quelques autres Seigneurs Fran-
 çois, ayans assailli certaines Compaignies, venues au mandement du Prince de Galles, furent dé-
 confits pres Montauban: & comment le Pape deffendit aux prisonniers, que ses Compaignies,
 auoyent laschées sur leur foy, apres le fait-d'armes, de ne leur payer aucune rançon.
 CCXXXIII. 279
 Comment pendant que le Prince de Galles preparoit son voyage de Castille, le Roy de Maillorque
 vint à refuge à luy, contre le Roy d'Arragon: & comment ledit Prince mécontenta le Sei-
 gneur d'Albreth. CCXXXV. 282
 De la natiuité de Richard, fils du Prince de Galles: de la venue du Duc de Lancastre, son frere,
 pour l'accompagner en son voyage: de la pratique qu'il eut de-rechef avec le Roy de Nauarre,
 pour l'assurance de son passage: & comment Bertrand du Guesclin retourna à l'aide du Roy
 Henry. CCXXXVI. 284
 Comment le Prince de Galles & ses gens, ayans passé les monts de Nauarre, arriuerent à Pampe-
 lune, des lettres que le Roy Henry de Castille luy escriuit: & comment Thomas de Phelleton ser-
 uit d'auantcoureur. CCXXXVII. 286
 De la prise du Roy de Nauarre, par Olinier de Manny, Breton, partisan du Roy Dom Pietre, de
 l'arriuée du Prince à Sauneterre en Espagne, de l'écarrouche de Thomas Phelleton au logis
 du Roy

- du Roy Henry: & comment les deux armées ennemies s'entr'approcherent.* CCXXXVIII. 288
- De la venue de Bertrand du Guesclin, à l'aide du Roy Dom Pietre: & comment le Comte Dom Teille assaillit l'anâtgarde du Prince de Galles, & déconfit Thomas de Phelleton & ses Avant-coureurs.* CCXXXIX. 290
- Du bon conseil d'Arnoul d'Andreghen au Roy Henry de Castille: & de la tardive réponse du Prince de Galles aux lettres dudit roy.* CCXL. 292
- De la bataille de Nauarret: que le Prince de Galles, soutenât le party du Roy Dō Pietre de Castille, gagna contre le Roy Henry, frere bastart d'iceluy: & comment y estant pris Bertrand du Guesclin, le Roy Henry fut contraint d'escamper, apres s'y estre porté fort vaillamment.* CCXLI. 294
- Comment apres la bataille de Nauarret, tout le royaume de Castille se retourna vers le Roy Dom Pietre: comment il fit temporiser le Prince de Galles au Val-d'Olif, pendant qu'il estoit au pourchas d'argent, pour la paye des Gens-de-guerre.* CCXLII. 299
- Comment le Roy Henry de Castille, s'estant sauué de la bataille de Nauarret, fit guerre en Aquitaine: & comment le Prince de Galles sy en retourna d'Espagne, mal content du Roy Dom Pietre.* CCXLIII. 302
- Comment apres le retour du Prince en Aquitaine, le Roy Henry de Castille, abandonnant Bannieres en Bigorre, se retira vers le Roy d'Arragon: comment Bertrand du Guesclin fut mis à rançon, par le Prince: comment les compagnies dudit Prince allerent viure sur le Royaume de France: & comment plusieurs grans Barons d'Aquitaine se plainquirent au Roy Charles de certain fouage, que le Prince vouloit imposer en leurs terres.* CCXLIII. 304
- Comment le Bastard Henry de Castille, à l'aide du Roy d'Arragon & de Bertrand du Guesclin, fit de-rechef guerre à son frere Dom Pietre: & comment, l'ayant déconfit en bataille, & depuis prins, & tué, demoura paisible Roy d'Espagne.* CCXLV. 307
- Comment, à cause du fouage que le Prince de Galles vouloit leuer en Aquitaine, le Roy Charles de France fut conseillé de s'en porter pour souverain Seigneur: dont recommença la guerre entre les François & les Anglois.* CCXLVI. 311
- Comment le Roy de France enuoya adiourner le Prince de Galles, par un appel, en la chambre des Pers à Paris, contre les Barons de Gascongne.* CCXLVII. 315
- Comment le Prince de Galles fit mettre en prison les gens du Roy de France: qui auoient apporté l'appel contre luy.* CCXLVIII. 316
- Comment le Duc de Berry, & plusieurs autres, qui estoient en ostage en Angleterre, s'en retournerent en France.* CCXLIX. 317
- Comment le Comte de Perigourd, le Vicomte de Carmaing, & autres barons de Gascongne, déconfirent le Senechal de Rouergue.* CCL. 318
- Comment en celle saison le Roy de France retira plusieurs capitaines des Compagnies: & comment il enuoya défier le Roy d'Angleterre.* CCLI. 319
- Comment les défiances de France furent portées & baillées au Roy d'Angleterre: & comment le Cōte de S. Pol & le Seigneur de Chastillon conquerirent le Comte de Ponthieu.* CCLII. 320
- Comment le Roy d'Angleterre enuoya grand nombre de Gens-d'armes sur les frontieres du Royaume d'Escoce: & comment le Duc de Berry & le Duc d'Anion firent leur mandement, pour aller contre le Prince de Galles.* CCLIII. 322
- De plusieurs capitaines des compagnies, tenans diuers parti: & comment le Roy d'Angleterre enuoya le Comte de Cantebruge, & le Comte de Pennebroth, au Prince de Galles, son fils: & comment ils passerent par Bretagne.* CCLIII. 322
- Comment le Comte de Cantebruge & le Comte de Pennebroth arriuerent en Angoulesme: comment le prince les enuoya courir la Comté de Perigourd: & comment quelques Anglois furent déconfits pres Lusignan.* CCLIV. 323
- Comment messire Jehan Chandos print Terrieres: & comment le Comte de Perigourd & plusieurs autres Chenaliers assiegerent Riaumulle en Quercy.* CCLVI. 325
- Comment l'Archeuesque de Toulouze conuertit, à la partie du Roy de France, la cité de Cahors, & plusieurs autres villes: & comment le Duc de Guerles & celui de Iuilliers, défierent le Roy de France.* CCLVII. 325
- Comment le Duc de Bourgongne, frere du Roy Charles cinquième, fut marié à la fille du Comte de Flandres: & comment le Roy d'Angleterre pratiqua le Roy de Nauarre.* CCLVIII. 327
- Comment le Connestable de France & le Connestable de Hainaut meirent sus une grand' cheuauchée de Gens-d'armes, pour assaillir Ardre: & comment la forteresse de Reainuille fut prise, & tous les Anglois, qui y estoient, morts dedans.* CCLIX. 329

T A B L E

<i>Cōment les François prindrēt la roche de Posay: & cōment le Seneschal de Poictou ardit & exila la terre du Seigneur de Chauuigny, & print d'assaut sa maistresse ville de Breuse.</i>	CCLX. 330
<i>Comment messire Robert Canolle fut fait Maistre gouverneur des gens du Prince de Galles: comment il fit retourner Anglois messire Perducas d'Albreth: & comment il assiegea les compaignies Françoises au fort de Durnel.</i>	CCLXI. 331
<i>Comment messire Robert Canolle & messire Iehan Chandos se partirent de Durnel sans riens faire, & vindrent assieger la garnison de Domme.</i>	CCLXII. 333
<i>Comment messire Robert Canolle & messire Iehan Chandos se partirent de Domme, sans riens faire: & comment prindrēt Gauaches & rochemador, & plusieurs autres villes, qui s'estoient tournees Françoises.</i>	CCLXIII. 333
<i>Comment le comte de Canteburge & le comte de Pennebroth prindrent, par grand aduis, la garnison de Bordille.</i>	CCLXIII. 334
<i>Comment messire Robert Canolle, messire Iehan Chandos, & messire Thomas de Phelleton, ordonnerent de leurs gens, & retournerent deuers le Prince.</i>	CCLXV. 336
<i>Cōment les cōpaignies Anglesches prindrēt le chastel de Belleperche, & la mere au duc de Bourbon, qui estoit dedās: & cōment ils prindrēt aussi ce fort chastel de S. Seuer en Berry.</i>	CCLXVI. 336
<i>D'une grande armée de mer, que le roy de France vouloit enuoyer en Angleterre: & comment le Duc de Lanclastre, estant venu à Calais, rompit ceste entreprise.</i>	CCLXVII. 337
<i>Comment le chastel de la roche-sur-yon fut rendu aux Anglois: & comment le capitaine dudit lieu fut mis à mort, par le commandement du Duc d'Aniou.</i>	CCLXVIII. 338
<i>Cōment le Duc de Bourgongne se partit de la cité de Rouen, en intention de cōbattre le Duc de Lanclastre & les Anglois: & comment ils se logerent l'un deuant l'autre, à Tournehen.</i>	CCLXIX. 339
<i>Des grans maux que messire Iehan Chandos fit au pays d'Aniou: & comment il gasta la terre de la Vicomté de Rochechoart, exceptées les fortereffes.</i>	CCLXX. 340
<i>Comment messire Louis de Sancerre surprint le comte de Pennebroth & ses gens, desquels furent plusieurs occis, & le dit Comte assiégué en vne maison.</i>	CCLXXI. 341
<i>Cōment messire Iehan Chandos vint au secours du cōte de Pènebroth, à Puirenon.</i>	CCLXXII. 343
<i>Comment la Roynie Philippe d'Angleterre trepassa de ce siecle: & des trois dons, qu'elle requit au roy, son mari: & comment quelques François, assaillans le camp des Anglois, pres Tournehen, furent repoussez par Robert de Namur.</i>	CCLXXIII. 345
<i>Comment le Duc de Bourgongne se partit du Duc de Lanclastre, sans auoir bataille: & comment le Duc de Lanclastre s'en alla à Calais.</i>	CCLXXIII. 346
<i>Commene le comte de Pennebroth, se voulant venger d'auoir esté assailly à Puirenon, fit vne autre cheuauchée en Aniou: & comment l'Abbaye de Saint-Saluin, en Poictou, fut rendue Françoisse, & fortifiée.</i>	CCLXXV. 347
<i>comment la comté de Saint-Pol & quelques autres pays de la Picardie furent gastez par les Anglois, & messire Hue de chastillon prins.</i>	CCLXXVI. 348
<i>comment messire Iehan Chandos fut nauré à mort, en vne rencontre, & comment finalement les François estant demourez victorieux de ceste rencontre, se rendirent à ceux, que mesmes ils auoient prins.</i>	CCLXXVII. 350
<i>Cōment le Sire de coucy & le Sire de Pōmiers ne voulurēt estre de la guerre, pour l'un costé, ne pour l'autre: & du Sire de Maleual & de celui de Marneil, qui se rēdirent François.</i>	CCLXXVIII. 354
<i>La forme des lettres, que le roy Anglois enuoya en Aquitaine: & comment chastellerant fut pris par les François, & Belleperche assiegée.</i>	CCLXXIX. 355
<i>comment les côtes de canteburge & de Pennebroth emmenerēt la mere du Duc de Bourbon, avec la garnison de Belleperche: & comment le duc de Bourbon se saisit de la fortereffe.</i>	CCLXXX. 357
<i>De l'assemblée des quatre freres de France, de leurs preparatifs de guerre, de la deliurance de la mere du duc de Bourbon, & de l'accord d'être les rois de France & de Navarre.</i>	CCLXXXI. 378
<i>comment messire Bertrand du Guesclin se partit d'Espaigne, & s'en vint droit à Toulouze, ou le Duc d'Aniou le receut ioyeusement: & des fortresses, qu'ils prindrent ensemble, sur les Anglois.</i>	CCLXXXII. 360
<i>comment le Duc de Berry entra en Limosin.</i>	CCLXXXIII. 360
<i>comment trēues furent dōnees entre les Anglois & les Escçois: & cōment messire Robert canolle ardit, courut, & exila, tout le pays de Picardie, & celui de Vermandois.</i>	CCLXXXIII. 392
<i>Comment ceux de Noyon prindrent les Anglois, qui auoient bouté le feu au Pont-l'Euesque: & comment le roy de France manda messire Bertrand du Guesclin.</i>	CCLXXXV. 364
<i>Comment le Prince de Galles assemblea ses gens à congnac, ou se trouua le Duc de Lanclastre, son frere: &</i>	

- frere: & comment le Duc d'Anjou rompit sa cheuauchee, & le Duc de Berry la sienne, s'estant
Limoges rendue François. CCLXXXVI. 364
- Comment le Prince de Galles, voulût recouurer Limoges, l'assiegea & fit miner. CCLXXXVII. 365
- comment messire Robert canolle en faisant sa cheuauchee par plusieurs contrees du royaume de
France, vint pres Paris: & comment un cheualier de sa compagnie, reuenant d'une vaine en-
treprise, fut tué par un boucher de la ville. CCLXXXVIII. 366
- comment messire Bertrand du Guesclin prit la forteresse de Saint-Triel en Limosin: & comment
le Prince de Galles reconquit la ville de Limoges. CCLXXXIX. 367
- comment messire Bertrand du Guesclin fut fait conestable de France. CCXC. 369
- comment messire Bertrand & le Sire de Clisson déconfirent, au Pont-de-Boulan, les gens de mes-
sire Robert canolle. CCXCI. 370
- De la prise & rançon de messire Eustace d'Auberthicourt, partisan d'Angleterre: & comment
messire Raimond de Marneil, partisan de France, fut sauvé par sa garde, estant au danger du
Roy d'Angleterre. CCXCII. 371
- comment le Prince de Galles, luy estant mort son fils aisné, laissa la Duché d'Aquitaine en la gar-
de du Duc de Lancastre: & comment quatre cheualiers, Bretons, prindrent le chastel de
Mont-paon. CCXCIII. 372
- comment les quatre cheualiers, Bretons, se deffendirent vaillamment contre le Duc de Lancas-
tre: & comment ledit Duc print lesdits quatre cheualiers à rançon. CCXCIII. 374
- comment le Duc de Lancastre donna congé à tous ses gens, & s'en retourna à Bordeaux: & com-
ment le Sire de Pons se retourna François. CCXCV. 375
- comment les Anglois prindrent la forteresse de Montcontour. CCXCVI. 376
- comment Bertrand du Guesclin conestable de France, assiegea la ville d'Yves: & comment elle
luy fut rendue par composition. CCXCVII. 377
- Comment le Roy d'Angleterre, estant mal-content de Robert Canolle fut appaisé: & comment, y ayant eu
quelq' combat sur mer entre les Anglois & Flamans, la paix en fut faite incotinét. CCXCVIII. 378
- comment le roy de Maillorque fut rançonné du roy Henry d'Espagne, & puis s'en alla faire
guerre au roy d'Arragon. CCXCIX. 379
- Comment le Duc de Lancastre espousa la fille aisnée du roy Dom-Pietre d'Espagne: & comment
confederations furent faites entre le roy de France & le roy Henry d'Espagne. CCC. 379
- comment le Duc de Lancastre ordonna Gouverneurs en Guienne, & emmena sa femme avecques
luy: & comment messire Gautier de Manny mourut à Londres. CCCI. 380
- comment le roy d'Angleterre enuoya le comte de Pennebroth en Aquitaine, pour son Gouver-
neur: & comment les Espaignols, allies de France, luy donnerent une charge sur mer, pres la
rochelle. CCCII. 381
- comment ceux de la ville de la rochelle ne voulurent point secourir le comte de Pennebroth: &
comment le Seneschal de la rochelle, & le Seigneur de Tannaibouton, & autres, le vindrent
secourir. CCCIII. 383
- comment le comte de Pennebroth fut prins & déconfit des Espaignols: & comment estans lesdits
Espaignols partis du haure de la rochelle, avec leurs prisonniers, le capital de Buz arrina trop
tard à la rochelle. CCCIII. 283
- comment Yuain de Galles déconfit les Anglois en l'Isle Grenaisie: & comment le roy de France l'en-
uoya en Espagne, querir Gens-d'armes, pour assieger la rochelle. CCCV. 385
- comment le roy d'Angleterre fut moult courroucé de la prinse du comte de Pennebroth: & com-
ment Yuain de Galles le trouua prisonnier en Espagne. CCCVI. 386
- comment le conestable du Guesclin prit le chastel de Montmorillon, & autres places de Poitou:
CCCVII. 387
- comment le conestable de France receut Montcontour à composition: & comment il se partit du-
dit lieu, pour venir vers Monseigneur le Duc de Berry, en Limosin: là ou ils assiegerent Sain-
cte-Seuere. CCCVIII. 387
- comment ceux de Sainte-Seuere, durant un moult fort assaut, se rendirent à messire Bertrand:
& comment la cité de Poitiers se tourna François. CCCIX. 389
- comment les François prindrent le capital de Buz deuant Soubise par bataille, & comment ceux
de la rochelle se tournerent François. CCCX. 391
- comment messire Bertrand prit plusieurs chasteaux en rochelais: & comment le roy d'Angleter-
re, s'estant mis en mer, pour venir leuer le siege de Touars, ne peut prendre terre: dont ceux de
Touars, & autres Poiteuins se rendirent François. CCCXI. 394

T A B L E

<i>Du regret qu'auoit le duc de Bretagne de ne s'oser déclarer pour le Roy d'Angleterre du siege de Siretb pour mesire Bertrand du Guesclin: & comment, estans les Anglois déconfits, tout le pays de Poictou, de Xaintonge, & de la Rochelle, fut deliuré aux François.</i>	CCCXII. 397
<i>Du siege de Bercerel: de la paix d'entre le Roy de France & le Roy de Nauarre: & de la mort du Roy d'Eſcoce.</i>	CCCXIII. 400
<i>comment le comte de Salbery, Guillaume de Mesuille, & mesire Philippe de Courtenay, avec plusieurs Gens-d'armes, se mirent sur mer, & descendirent en Bretagne: & comment le Connestable de France y alla: dont le Duc de Bretagne passa en Angleterre.</i>	CCCXIII. 400
<i>Commēt, tenant les François quatre places asiegees, la Roche-sur-yon (qui en estoit l'une) se rēdit François: & comment le siege de Brest fut leué par composition: qui ne fut gardee.</i>	CCCXV. 402
<i>De la descente du Duc de Lanclastre à Calais & en Picardie: & comment quelque troupe de ses gens fut déconfite par le Seigneur de Subise, deuant Ribemmont, & vne autre pres Soissons, par certaine embusche de Bourguignons & de François.</i>	CCCXVI. 407
<i>Comment les ostages que ceux de Dernal auoient baillez, furent décolez: & comment mesire Robert Canolle fit aussi décoler les prisonniers, qu'il tenoit: & du reste de la cheuauchee du Duc de Lanclastre.</i>	CCCXVII. 405
<i>De la cheuauchee du Duc d'Aniou en la haute Gascongne.</i>	CCCXVIII. 408
<i>De la rācon du Côte de Pēnebroth & de ses cōpaignons: de quelque peu de trēues entre François & Anglois: de la composition de Bercerel, & de la mort du Comte de Pennebroth.</i>	CCCXIX. 409
<i>Comment plusieurs villes se rendirent au Roy de France, au pays de Gascongne: comment mesire Hue de Chastillon retourna de prison: & comment le chastel de Bercerel en Normandie se rendit François.</i>	CCCXX. 410
<i>De ce qui fut traité à Bruges entre les Roys de France & d'Angleterre: & cōment le Duc de Bretagne, estant retourné en son pays, y reprint quelques villes & chasteaux.</i>	CCCXXI. 413
<i>Comment quelques Seigneurs Bretons du parti de France, ayans cuidé estre surpris par le Duc de Bretagne, furent deliurez de son siēge, par les trēues de Bruges.</i>	CCCXXII. 413
<i>Comment Sainēt-Sauneur-le-Vicomte fut rendu aux François: & comment le Sire de Coucymena grosse armee en Auſtriche, qu'il pretendoit sienne.</i>	CCCXXIII. 414
<i>Du prolongement de trēues entre François & Anglois: de la mort du Prince de Galles: & du retour du Sire de Coucy, à bien peu d'exploit.</i>	CCCXXIII. 415
<i>Comment Richard, fils du feu Prince de Galles fut recognu pour prochain successeur, & premier héritier de la couronne d'Angleterre: & comment, estans les pourparlez de paix sans effect, & trēues faillies, fut renouuēlee la guerre entre François & Anglois.</i>	CCCXXV. 416
<i>Comment le Pape Gregoire, onziēme de ce nom, laissant Auignon, retourna à Romme: & comment, estant mort Edouard, tiers de ce nom, Richard, fils du feu Prince de Galles, fut couronné à Roy d'Angleterre.</i>	CCCXXVI. 417
<i>Comment le Roy de France meit sur mer grande armee, qui brulla plusieurs ports & villes d'Angleterre.</i>	CCCXXVII. 417
<i>Comment la ville d'Ardre se rendit François: & de la mort du Captal de Buz, & de la Royne de France aussi.</i>	CCCXXVIII. 418
<i>Comment la guerre recommença entre le Roy de France & le Roy de Nauarre: du siege de Cherbourg: & de la descente, que le Duc de Lanclastre fit en Bretagne: & comment le chasteau d'Aulroy se rendit François.</i>	CCCXXIX. 419
<i>Comment les François de la garnison de Montbourg furent déconfits par les Anglois de Cherbourg en vne rencontre.</i>	CCCXXX. 421

Fin de la Table du premier Volume.



CY COMMENCE LE

PROLOGVE DE MESSIRE IEAN

FROISSART, SUR LES CRONIQVES DE FRANCE,

Et d'Angleterre, Et autres lieux voisins.



F I N que les honorables emprises & nobles auentures & faicts-d'armes, par les guerres de France & d'Angleterre, soient notablemēt enregistrez & mis en memoire perpetuel, parquoy les preux ayent exēple d'eux encourager en bien faisant, ie vueil traicter & recorder Histoire de grand' louange. Mais auant que ie la cōmence, ie requier au Sauueur de tout le mōde, qui de neant crea toutes choses qu'il vueille crer & mettre en moy sens & entendemēt si vertueux que ie puisse continuer & perseuerer en telle maniere que tous ceux & celles, qui le liront, verrōt, & orrōt, y puissent prēdre esbatement & exēple, & moy encheoir en leur grāce. On dit, & il est vray, que tous

edifices sont massonnez & ouurez de plusieurs sortes de pierres, & toutes grosses riuieres sont faictes & rassemblees de plusieurs surgeons. Aussi les sciences sont extraictes & compilees de plusieurs Clercs: & ce, que l'un sçait l'autre l'ignore. Non pōrtant rien n'est, qui ne soit sceu, ou loing ou pres. Donc pour attaindre à la matiere que i'ay emprise, ie vueil cōmencer premieremēt par la grāce de Dieu & de la benoiste vierge Marie (dōt tout cōfort & auancemēt viennēt) & me vueil fonder & ordōner sur les vrayes Croniques, iadis faictes par reuerēd hōme, discret & sage, monseigneur maistre Iean le Bel, Chanoine de S. Lambert du Liege: qui grād' cure & toute bōne diligēce meit en ceste matiere, & la continua tout son viuāt au plus iustemēt qu'il peut, & moult luy cousta à la querre & à l'auoir: mais quelques fraiz qu'il y fist, rien ne les plaingnit: car il estoit riche & puissant (si les pouuoit bien porter) & estoit de foy mesme large, honorable & courtois: & volontiers voyoit le sien despendre. Aussi il fūt en son viuant mout aimé & secret à monseigneur messire Iean de Hainaut: qui biē est ramenteu, & de raison en ce liure: car de mout belles & nobles aduenues fūt il chef & cause, & des Roys moult prochain: parquoy le dessusdit messire Iean le Bel peut de lez luy veoir plusieurs nobles besongnes: lesquelles sont contenues cy apres. Vray est que ie, qui ay emprisi ce liure à ordōner, ay par plaissance, qui à ce m'a tousiours encliné, frequētē plusieurs nobles & grās Seigneurs, tāt en Frāce qu'en Angleterre, en Escoce, & en plusieurs autres pais: & en ay eu la congnoissance d'eux, & ay tousiours à mon pouuoir, iustemēt enquis & demandé du faict des guerres & des auētures, & par especial depuis la grosse bataille de Poitiers ou le noble Roy Iean de France fut pris.† Car deuāt i'estoye encor' moult ieune de sens & d'aage. Nonobstant si emprisi ie assez hardiment, moy issu de l'escole, à dicter & à ordonner les guerres, dessusdictes, & porter en Angleterre le liure tout cōpilé: si-cōme ie fey, & le presentay adonc à Madame Philippe de Haynaut, Roine d'Angleterre: qui liement & doucemēt le receut de moy & m'en fit grād profit. Et peut estre que ce liure n'est mie examinē n'ordonné si iustemēt que telle chose le requiert: car faicts-d'armes, qui cheremēt sont cōparez, doiuent estre donnez, & loyaument departiz à ceux, qui par prouesse y trauaillēt. Dōq' pour m'acquieter enuers tous ainsi que droict est, i'ay emprisi ceste Histoire sur l'ordonnāce & fondatiō deuāt dite, à la priere & requeste d'un mien cher seigneur & maistre, messire Robert de Namur, cheualier, seigneur de Beaufort: à qui ie vueil deuoir amour & obeissance: & Dieu me doint faire chose qui luy puisse plaire.

De qui Froissart a pris la presente Histoire.

† De quel tēps estoit Froissart. Surquoy faut noter qu'il ne porta q' partie de ce premier volume à la Roine Philippe car vo' verrez qu'il racompte la mort d'icelle, selon l'ordre des temps, en cedit premier & present volume.

Cy parle l'Acteur des plus preux Cheualiers qui soient nommez en ce present volume.

CHAPITRE PREMIER.

POUR tous nobles cœurs encourager, & leur monstrier exemple & matiere d'honneur, ie sire Iehan Froissart commence à parler, apres le rapport & relation de mōseigneur maistre Iehan le Bel, iadis Chanoine de S. Lâbert du Liege: & di ainsi, que plusieurs gēs nobles ont maintefois parlé des guerres de Frâce & d'Angleterre, qui pas iustement ne fauoient ou fauroiēt dire, se requis ou examinez en estoiet, cōmēt, ne par quelles raisons elles vindrēt. Mais veez la droite fondatiō de la matiere: & pource que ie n'y vueil mettre ny oster, oublier ne corrōpre, n'abreger l'Histoire en riē par defaute de langage, mais la vueil multiplier & accroistre en ce que ie pourray, vous vueil, de * poinct en poinct parler & monstrier toutes les auentures, puis la natiuité du trefnoble Roy Edouard d'Angleterre, qui si puissammēt regna, & auq̄l sont tāt auenues d'auentures notables & perilleuses, & tant de batailles adressees, & d'autres faict̄s-d'armes & de grans prouesses, puis l'an de grāce M. CCCXXVI. que ce gentil Roy fut couronné en Angleterre: quand luy & tous ceux, qui ont esté avec luy en ses batailles & heurieuses auentures, ou avec ses gens, là ou il n'a mie esté en propre personne (si-comme vous pourrez ouir cy apres) doiuent bien estre tenus & reputez pour preux: combien qu'il en y a grād' foison de ceux qui doiuent & peuuet estre bien tenus pour souverains entre les autres deuant tous: comme le propre corps du gentil Roy dessusdit, le Prince de Gales son fils, le Duc de Lenclastre, messire Regnaut de * Gobehan, messire Gautier de Manni en Haynaut, Cheualier, messire Iehan Chados, messire Fouques de Harle, & plusieurs autres qui sont ramenteus par le bien & la prouesse d'eux, dedans ce liure: car, par toutes les batailles ou ils ont esté, ils ont eu renommee des mieux faisans par terre: & par mer, & sy sont mōstrez si vaillāment, qu'on les doit tenir pour souverains preux: mais pourtant ne doiuent point ceux, qui avec eux ont esté, pis valoir. Aussi en France ont ils trouué bōne Cheualerie, roide, forte * & apperte, & grād' * foison: car le royaume de France ne fut oncques si déconfit, qu'on n'y trouuaſt tousiours biē à qui combattre: & fut le Roy Philippe de Valois vn tres-hardy & vaillāt Cheualier, & le Roy Iehan son fils, Charles le Roy de * Behaine, le Comte d'Alençon, le Comte de Foix, messire Saintre, messire Arnoul d'Agle, Messeigneurs de Beauieu, le pere & le filz, & plusieurs autres, que ie ne puis pas maintenant nommer, & qui bien seront en temps & en lieu ramenteus: car pour verité dire & soustenir, on doit biē tenir pour assez preuz tous ceux, qui en si cruelles batailles & si perilleuses ont esté veus, & sont demourez iufques à la déconfiture, suffisamment faisans leur deuoir.

Cy parle d'aucuns predecesseurs du Roy Edouard d'Angleterre.

CHAP. II.

Remierement, pour mieux entrer en la matiere de l'honorable & plaisante Histoire du noble Roy Edouard d'Angleterre, qui fut couronné à Londres, l'an mil CCCXXVI. le * iour de Noel, au viuāt du Roy son pere & de la Roynie sa mere, certaine chose est que l'opinion des Anglois cōmunemēt est telle (& on l'a veu souuent aduenir en Angleterre, puis le temps du gentil Roy Artus) qu'entre deux vaillans Roys d'Angleterre y en a tousiours eu vn moins suffisant de sens & de prouesse: Et cela est assez apparent par le Roy Edouard, dont ie parloye maintenāt: car vray est que son ayeul, qu'on appella * le bon Roy Edouard, fut mout preux, vaillant, sage, preudhōme, hardi, trefentreprenant, & bien fortuné en faits-de-guerre, & eut moult, affaire contre les Escōçois, & les conquist trois fois ou quatre, & ne peurent oncques les Escōçois auoir victoire ne durer contre luy: & quand il fut trespasſé, * son fils, de son premier mariage (qui fut pere * au gentil Edouard Roy) fut couronné apres luy: qui point ne luy ressembloit de sens ne de prouesse: mais gouerna & maintint son royaume moult sauagement par le cōseil d'autrui: dont depuis il luy mesprint moult laidement: comme vous pourrez ouir, fil vous plaist. Car, assez tost apres ce qu'il fut couronné, le Roy * Robert de Breux, qui estoit Roy d'Escoce (qui auoit si souuent donné affaire au Roy † Edouard dessusdit, que l'on tenoit pour bien preux) reconquist toute Escoce, & la bonne cité de * Beruic avec: & ardit & gasta grand partie du Royaume d'Angleterre, quatre iournees ou cinq dedans le païs, par deux fois: & decōfit le Roy & tous les Barōs d'Angleterre en vn lieu,

* Voyez l'Annotation premiere à la fin de ce presēt volume.

Cheualiers du party d'Angleterre, sous Edouard. 3. du nom.

* Voyez l'Annotation. 2. à la fin de ce volume.

* Annot. 3. 4. Cheualiers du party de France, sous le Roy Philippe de Valois.

* Annot. 5.

* Annot. 6.

* Annot. 7.

* Annot. 8.

* Annot. 9.

* Annot. 10.

Entendez premier de ce nō.

* Annot. 11.

* Annot. 12.

vn lieu, en Escocce, qu'on appelle * Esturmelin, par bataille renee & arrestee: & dura la *
chasse de ceste decõfiture par deux iours & par deux nuits: & s'enfuit le Roy d'Angle-
terre, à moult peu de gens, iusques à Londres. Mais, pource que ce n'est mie de nostre
matiere, ie m'en tairay atant. * Annot. 12.

Cy faict mention des parens du Roy Edouard d'Angleterre. CHAP. III.

LE Roy, qui fut pere à ce gẽtil Roy Edouard, auoit deux freres de * mariage: desquels
L'vn estoit appellé le * Comte Marechal, & estoit de moult sauuage & diuerse manie-
re. L'autre auoit nom messire Aimon, & estoit Comte * de Kent. Moult estoit iceluy *
preudhomme, doux & debõnaire, & bien-aimé de toutes gẽs. Ce Roy estoit marié à la
fille du beau Roy Philippe de France: qui estoit vne des plus belles Dames du mōde. Il
eut de ceste Dame deux fils & deux filles: desquels fils le premier est le gẽtil & le preux
Roy Edouard d'Angleterre: de qui ceste Histoire est cōmencee. L'autre eut nom Ichā:
& mourut assez ieune. L'aînée des deux filles, * eut nom Ysabel: & fut mariee au ieune *
Roy David d'Escocce, fils du roy Robert de Breux: & luy fut dōnee en mariage des ieune-
sse, par l'accord des deux royaumes d'Angleterre & d'Escocce, & par paix faisant. L'au-
tre fut mariee au Comte Regnaut: qui depuis fut appellé le Duc de Gueldres: & eut de
ceste Dame deux fils, dont l'vn se nommoit Regnaut, & l'autre se nommoit Edouard
qui depuis * regnerent en grand' puissance. * Annot. 13.
* Annot. 14.
* Annot. 15.
* Annot. 16.
* Annot. 17.

** Cy commence l'occafion, dont la guerre meut entre les Roys de France &
d'Angleterre.*

CHAP. IIII.

** Annot. 18.*

OR dit le Comte que le Roy Philippe, nomé le Bel, de France Roy, eut trois fils, a-
uec ceste belle fille Ysabel, qui fut mariee en Angleterre au Roy que i'ay dit dessus:
& furēt ces trois fils moult beaux: desquels l'aîné eut nom Louis (lequel fut au viuāt de
son pere Roy de Nauarre: & l'appelloit on le Roy Louis Hutin) le second apres eut nom
Philippe le Grand, dit le Long: & le tiers eut nom Charles: & furēt tous trois Rois de
France, apres la mort du Roy Philippe, leur pere, par droite succession legitime, l'vn a-
pres l'autre, sans auoir aucun hoir masle de leur corps, engendré par voye de mariage: si
qu'apres la mort du dernier Roy Charles, les douze Pers & les Barons de Frāce ne don-
nerēt point le Royaume à leur sœur (qui estoit Roïne d'Angleterre) pourtant qu'ils vou-
loient dire & maintenir, & encores veuleut, que le Royaume de Frāce est bien si noble,
qu'il ne doit mie aller à femelle, ne, par consequent, au Roy d'Angleterre son aîné fils.
Car, ainsi cōme ils veulēt dire, le fils de la femelle ne peut auoir droit ne succession, de
par sa mere venāt, là ou sa mere n'a point de droit. Si que par ces raisons les douze Pers
& les Barons de France donnerent, de leur commun accord, le Royaume de France à
Monseigneur Philippe, neveu iadis au beau Roy Philippe de France dessusdit: & oste-
rent la Roïne d'Angleterre, & son fils, de la succession du dernier Roy Charles. Ainsi
alla le Royaume de France hors de la droite ligne (ce semble à moult de gens) de quoy
grans guerres en font meües & venues, & grans destruccions de gẽs & de pays au roya-
me de France & ailleurs: si comme vous pourrez ouyr cy apres: car c'est la vraye fonda-
tion de ceste Histoire, pour racompter les grans entreprises & les grans faicts-d'armes
qui auenus en font. Car depuis le temps du bon Roy Charlemaigne, Roy de France,
n'aduindrent tant de grans auentures de guerre au Royaume de France.

*Du Comte Thomas de Lenclastre, & de vingt & deux des plus grans
d'Angleterre, qui furent decolez.*

CHAP. V.

LE Roy d'Angleterre deuāt dit, pere à ce gentil Roy Edouard, sur qui nostre matiere
est fondee, gouerna mout diuersemēt son royaume, par l'enhortement de mōsei-
gneur Hue, qu'on dit le Despēsier: qui auoit esté nourri, avec luy d'efance: & auoit tant
faict ce monseigneur Hue, que luy & monseigneur Hue, son pere, estoient les plus grās
maistres du royaume: & vouloiēt surmonter tous les autres haux Barons d'Angleterre
par enuie. Parquoy, apres la grand' * decõfiture d'Esturmelin, grād' murmure s'esmeut *
en Angleterre entre les nobles Barons & le cōseil du Roy, & meismement contre messire
Hue le Despēsier: & luy mettoiēt sus que par son cōseil ils auoiēt esté deconfits, & qu'il
estoit fauorable au Roy d'Escocce: & surce lesdits Barons eurent par plusieurs fois parle-
ment ensemble, pour aduifer qu'ils en pourroient faire: desquels Thomas de Lēclastre,
* Annot. 19.

† P. Verg. et Li
lie ne le fût que
cousin germain
de ce Roy Edo. 2

† Ceste cruauté
fut en l'an.
1321. selon les
deux dernière-
ment alleguées

* Anno. 20.

qui estoit † oncle du Roy, estoit le plus grand. Or s'en apperceut ledit messire Hue : si y pourueut tantost de remede trop selon : luy, qui estoit si bien du Roy, & si prochain comme il vouloit, & plus creu tout seul que tout le mode. Si s'en vint au Roy, & luy dit que ses Seigneurs auoient fait alliance contre luy, & qu'ils le mettroient hors de son Royaume, s'il ne s'en gardoit. Et tantost fit par son malicieux engin, que le Roy fit prendre tous les Seigneurs à vn iour de parlemēt, ou ils estoient assemblez, & † en fit decoler, sans delay & sans cognoissance de cause, iusqu'à vingt & deux des plus grans Barons, & tout premier le Comte Thomas de Lécلاstre: qui estoit preudhōme & sainct hōme, & fit depuis moult de beaux miracles au lieu ou il fut decapité. Pour lequel fait ledit messire Hue acquit grād' haine de tout le païs, & specialement de la Roïne d'Angleterre & du Comte de Kent: qui estoit frere audit Roy d'Angleterre. Et, quand ledit messire Hue l'aperceut, il meit si grād discord entre le Roy & la Roïne, que le Roy ne vouloit point voir la Roïne, ne venir en lieu ou elle fust: & dura ce discord assez longuement. Et adōc fut vn quidam, qui dit assez secrettement à la Dame & au Comte de Kent, pour les perils eslongner, ou ils estoient, qu'il leur pourroit bien mesaduenir prochainement, s'ils ne s'en gardoient: car ledict Mōseigneur Hue leur pourchassoit grand destourbier. Adōc la Roïne se pourueut secrettement pour venir en Frāce: & print son chemin à venir en pelerinage à Saint Thomas de Cantorbie, & puis vint * à Vvinceneze, & la nuit entra en vne nef appareillee pour elle & son ieune fils Edouard, & le Côte Aimon de Kent, & messire Roger de Mortemer: & en vne autre nef meirent leurs pourueāces: & eurent vent à souhait, & furent le lendemain deuant prime au haure de Boulongne.

*Comme la Roïne d'Angleterre se vint complaindre au Roy de France, son frere,
de messire Hue le Despensier.*

CHAP. VI.

† C'est à dire
Beaufreere, et
frere de son ma-
ri, comme il a
dit au chap. 3.
† Ceste venue
fut l'an. 1323
selon Lillie, ac-
cordant assez
bien avec no-
stre Auteur,
quāt aux trois
ans, mentionees
au cha. suiuāt.

Quand la Roïne Ysabel fut arriuee à Boulongne, ainsi comme vous oyez, & son fils & le Comte de Kent † son serourge, le Capitaine de la ville & l'Abé vindrent contre elle, & la recueillirent ioyeusement en l'Abbaye, & toute sa route & y fut deux iours. Au troisieme iour elle s'en partit, & tāt chemina par ses iournees, qu'elle s'en vint à Paris. Le Roy Charles son frere, qui estoit † informé de sa venue, enuoya, contre elle des plus grans de son Royaume, qui lors estoient enuiron luy: comme messire Robert d'Artois, Monseigneur de Cracy, Mōseigneur de Sulli, le Sire de Roie, & plusieurs autres: qui honnorablement la menerent en la cité de Paris deuers le Roy de France. Quand le Roy veit sa sœur (qui grand temps auoit que n'auoit veuë) & elle deut entrer en sa chambre, il vint contre elle, & la baïsa, & luy dit. Bien venez ma belle sœur, & mō beau neueu. Lors les print tous deux en les amenāt. La Dame (qui pas n'auoit trop grāde ioye, fors de ce qu'elle se trouuoit empres le Roy son frere) festoit ia voulue agenouiller, par trois fois ou quatre, aux pieds du Roy son frere: mais le Roy ne la laissoit, & la tenoit tousiours par la main dextre, & luy demandoit tousiours de son estat & de son affaire moult doucement: & la Dame respondit tressagement: & tant furent les parolles menees, qu'elle luy racompta les felonniees de Messire Hue le Despensier, & luy en requit confort & conseil. Lors, quād le noble Roy Charles de France eut ouy sa sœur lamenter (qui en plorant luy remōstroït sa besongne) si luy dit. Ma belle sœur, appeïsez vous: car, foy que ie doy à Dieu & à mōseigneur saint Denis, j'ay pouruoieray de remede, Adoncques la Dame s'agenouilla (vousist le Roy ou non) tout bas en terre, & luy dit. Mon trescher Seigneur & beau frere, Dieu vous en vueille ouir. Lors la print le Roy entre ses bras, & la mena en vne autre chambre: qui estoit toute parée & ordonnée pour elle & pour le ieune Edouard, son fils. Puis la laissa le Roy: & luy fit deliurer, par la Chambre-aux-deniers, tout ce que à elle appartenoit & à son fils. Depuis ne demeura gueres que sur celuy estat Charles, Roy de France, assemblea plusieurs grans Seigneurs & Barōs du Royaume de France, pour auoir conseil & bon auis comment il ordonneroit de la besongne de sa sœur. Si fut cōseillé au Roy, pour le mieux, qu'il laissast Madame sa sœur pourchasser amis & cōfortās au Royaume de Frāce: & † faingnist de ceste emprise. Car, d'émouuoïr guerre au Roy d'Angleterre, & de mettre son païs en haine, ce n'estoit pas chose qui appartenoit: mais que couuertement luy aidast d'or & d'argēt: car c'est le me- tal dequoy on acquiert l'amour des Gentilz-hommes & des pources soudoyers. A ce cōseil & auis s'accorda le Roy, & le fit dire tout coyement à la Roïne d'Angleterre, sa sœur par monseigneur Robert d'Artois: qui lors estoit l'un des plus grans de France.

† C'est à dire,
disimulast,
& fist semblāt
de ne se mesler
ny entēdre riē,
de ceste entre-
prise.

Comment

OR vous parlerons de ce messire Hue vn petit. Quand il veit qu'il eut le Roy d'Angleterre si bien attrait à sa volonté qu'il ne luy contredisoit chose qu'il luy voufist dire ne faire, il fit depuis tant de bōnes gens mettre à mort & iusticier sans loy ne sans iugement (pourtant qu'il les tenoit suspectz, & contre luy) & fit tant de merueilles, par son orgueil, que les Barōns qui demourerent, & le remenant du pais, ne le peurent plus porter: ains quirent & acquirent aucuns d'entre eux accord paisiblement: & firent secrettement fauoir à la Roïne leur Dame dessusdite (qui auoit ia demouré à Paris par l'espace de trois ans) s'elle pourroit trouuer voye où sens, parquoy elle peüst auoir aucune compagnie de Gens-d'armes, au nombre de mille hommes ou enuiron, & elle voufist ramener son fils au Royaume d'Angleterre; ils se traoient & obeiroient à luy. Ces lettres secrettes enuoyées d'Angleterre, la Roïne les monstra au Roy Charles son frere: le quel luy respondit, Ma belle sœur, Dieuy ait part, de tant valent voz besōngnes mieux. Or prenez de mes hommes iusques au nombre que voz aidans vous ont signifié & ie consentiray bien ce voyage, & leur feray faire deliurance d'or & d'argent, tāt qu'ils vous seruiront tresuolontiers. Sur ce la bonne Dame auoit ia tant prié, & tant donné, & promis, qu'elle eut de moult grans Seigneurs & ieunes Cheualiers & Escuyers de son accord, qui luy promirent la remener en Angleterre, & de force. Si ordonnoit la Dame tout secrettemēt son affaire & ses pourueances: mais oncques si occultemēt ne le peut faire, que messire Hue le Despensier ne le sceust. Lors s'aduīsa qu'il attrairoit le Roy de France par dōns: & enuoya, par messagers affaictēz & secrets, grande plantē d'or & d'argent & ioyaux riches & spēciaux deuers le Roy & son plus priuē Conseil: & fit tant, en brief temps, que le Roy & tout son plus priuē Conseil furent aussi froids d'aider à la Dame, comme ils en auoient eu grand desir: & brisa le Roy tout ce voyage, & deffendit, sur peine de perdre le royaume, qu'il ne fust nul si hardi qui avecques la Roïne d'Angleterre allast pour l'aider à remettre en Angleterre. Encore s'aduīsa ledict messire Hue de plus grande malice: & pour remettre la Roïne en Angleterre & en son danger & du Roy son mary, il fit au Roy d'Angleterre escrire au sainct-pere, en suppliant assez affectueusement, qu'il voufist escrire & mander au Roy Charles de France qu'il luy voufist renuoyer sa femme (car il s'en vouloit acquiter & à Dien & au monde) & que ce n'estoit pas sa coulpe qu'elle festoit partie de luy: car il ne luy vouloit que toute amour & bonne loyauté, telle que l'on doit tenir en mariage.

Aussi furent escriptes pareilles lettres aux Cardinaux: & encōres par subtiles voyes (qui toutes ne peuuent mie estre icy escriptes) il enuoya grand or & argent à plusieurs Cardinaux & Prelats les plus secrets & prochains du Pape: & aussi sages messagers, aduisez, & bien idoines & taillez de faire ce message: & mena tellemēt le Pape, par ses dōs & par ces fallaces, qu'il escriuit au Roy de France que sur peine d'excommuniement, il renuoyast sa sœur la Roïne Ysabel en Angleterre deuers son mary. Ces lettres furent apportées deuers le Roy de France par l'Euesque de Xaintes, que le Pape enuoyoit en legation. Quand le Roy les eut veues, il le fit dire à sa sœur (à laquelle de long temps n'auoit parlé) & luy fit dire qu'elle vuidast hastiuement de son Royaume, où il la feroit vuider à honte.

Comment la Roïne Ysabel se partit de France, & entra en l'Empire.

QUand la Roïne ouit ces nōtiuelles, elle ne sceūt que dire, ne quel aduis prendre, car ia s'elongoient d'elle les Barōns; par le cōmandement du Roy & n'auoit à nul confort ne recours fors tant seulement à son cher cousin messire Robert d'Artois: mais celui secrettement la conseilloit, & confortoit en ce qu'il pouoit (car autrement n'eust osé faire, pour le Roy qui l'auoit deffendu) & biē fauoit que la Roïne estoit ainsi dechacee par mal-talent, & par enuie: dont moult il luy ennuyoit. Si estoit messire Robert d'Artois comme il vouloit: mais il ne luy en osoit parler, car il auoit ouy dire & iurer au Roy que celui qui en parleroit (quel qu'il fust) qu'il luy osteroit sa terre & le banniroit de son Royaume. Si entendit bien secrettement que le Roy estoit en volonté de faire prendre sa sœur & son fils, & le Comte de Kent, & messire Roger de Mortemer, & de

† Ceci, avec les
Chapitres en-
suīuāz, iusques
au courōnemēt
du Roy Edou-
ard. 3. de ce
nom. vo^o pour-
ra faire enten-
dre ce que nous
auons nague-
res dit de l'an
de la venue de
la Roïne d'An-
gleterre vers le
Roy Charles le
Bel son frere
combien que P.
Verg. la Chro-
nique de frere
Guillaume de
Nangis ou de
son compaignō,
et celle de mon-
sieur du Tillet,
avec les Anna-
les d'Aquitai-
ne du bon hom-
me de Poitiers,
ne mettēt ceste
venue iusques
en l'an. 1324.
Auquel cas
fandroit enten-
dre que nostre
Auteur ne vou-
droit icy faire
ses ans cōplets
ains luy suffi-
roit que le se-
iour, fait en
France par la
Roïne d'Angle-
terre, eust par-
ticipé quelque
peu de l'an.
1324. cōtinuē
tout le suīuant
& fini dedans
le, 1326.

† Il vent dire
que Messire Ro-
bert d'Artois
estoit en tel
rang qu'il eust
peu souhait-
ter enuers

le Roy: mais
qu'il n'osoit par
ler à luy en fa-
ueur de la Roy-
ne d'Angle-
terre. Car il
auoit &c.

† Sala dit O-
stremam.

† Verard d'Am-
berticourt.

¶ Sala Au-
brechicourt.

† Verard dit ai-
ma & mieux

à mon auis.

* Annot. 12.

† Il l'a nague-
res nommé de
Ambreticourt
mais ie ne vo-
puis deuiner le
quel des deux
est le vray: si-
non que vous
trouueriez tous-
iours d'Am-
breticourt.
en ce chapitre,
& par apres

Vieille manie-
re de parler,
pour qu'à la
bonne chere
&c. Toutefois
† Verard dit
que de la bon-
ne chere.

les mettre es mains du Roy d'Angleterre & de messire Hue: & ainsi le vint il dire de nuit à la royne d'Angleterre, & l'aduisa du peril ou elle estoit: dont fut la Dame moult ébahie, & requit, tout en pleurant, audit messire Robert, conseil, lequel luy dit. Je vous cōseille que vous vous tirez deuers l'Empire, ou il y a plusieurs grans Seigneurs, qui biē vous pourront aider, & par especial le Comte Guillaume de Hainaut, & son frere. Les deux sont grans Seigneurs, preud'hommes & loyaux, crains & redoutez de leurs ennemis. Adonc la Dame fit appareiller toutes ses besongnes & payer & deliurer aux hostels le plus secrettement qu'elle peut: & elle & le Comte de Kent & leur route se partirent de Paris, & son fils avec elle: & cheminerent deuers Haynaut: & tant fit la royne par ses iournees qu'elle vint en Cambresis. Quand elle se sentit en l'Empire, elle fut plus asseurée que deuant: & passa parmy Cambresis, & entra † en Ostrenant en Hainaut, & vint † loger en l'hostel d'un petit Cheualier (qui s'appelloit le Sire † d'Ambricourt) & là receut le Cheualier la Dame moult ioyeusement, & la tint moult aise à son pouuoir, & tant que la Royne d'Angleterre & son fils en † amena depuis le Cheualier & sa femme & tous ses enfans à tousioursmais, & les auança en plusieurs manieres.

Du bon & traictement & confort, que receut la Royne d'Angleterre en Haynault.

CHAPITRE IX.

LA venue de la Royne d'Angleterre, qui descendoit en Haynaut, fut bien sceue en l'hostel du bon Comte: qui lors se tenoit à Valenciennes: & sceut messire Iehan de Hainaut l'heure qu'elle vint en l'hostel du Sire † d'Ambricourt: lequel messire Iehan, qui estoit frere dudit messire Guillaume, estoit mout ieune: & desirant hōneur, monta erramment à cheual, & se partit à petite compaignie, de Valenciennes, & vint ce soir à Ambreticourt, & fit à la Royne d'Angleterre tout honneur, & la reuerence qu'il peut. La Royne, qui estoit moult triste & égaree, luy commença à dire, en soy complaignant mout piteusement, ses douleurs: dont ledit messire Iehan eut grand' pitié, & en cōmença à larmoyer, & dit à la Dame. Certes Dame, veez cy vostre cheualier: qui ne vous faudra pour mourir, se tout le monde vous failloit: ains feray tout mon pouuoir de vous & vostre fils conduire, & de vous & luy mettre en vostre estat en Angleterre, à l'aide de Dieu & de voz amis qui par dela sont: & moy & tous ceux, que ie pourray prier, y mettrons les vies: & aurons gés d'armes assez, se Dieu plaist, sans le dāger du Roy de France. Adōcques la Royne (qui se feoit, & messire Iehan deuant elle) se dreça en estant, & se voulut agenouiller, de la grand' ioye qu'elle auoit, & de la grand' grâce qu'il luy offroit: mais le gentil messire Iehan se leua apertement, & prit la Dame entre ses bras, & luy dit, Ne plaie ia à Dieu que la Royne d'Angleterre face ce: mais, Dame, recōfortez vous, & vous & voz gens aussi: car ie vous tiendray ma promesse: & vous viendrez voir mon frere & Madame la Comtesse de Hainaut & leurs beaux enfans: qui vous receuront à grand' ioye: car ia leur en ay ouy parler. Lors la Dame luy dit: Sire ie trouue en vous plus d'amour & de confort qu'en tout le monde: & de ce, que vous me dictes & offrez, vous en ren cinq cēs mille mercis. Se vous me voulez faire ce que vous me promettez par courtoisie, ie deuindray vostre serue, & mon fils vostre serf à tousiours: & mettrons tout le Royaume d'Angleterre en vostre abandon, & à bon droit. Apres ce parlement, quand ainsi furent accordez, messire Iehan de Hainaut print congé pour ce soir, & s'en vint à Douaing, là se hebergea pour celle nuit en l'abbaye: & le lendemain apres la Messe & le boire, il mōta à cheual & s'en reuint deuers la royne: qui à grād' ioye le receut: & ia auoit elle disné: & estoit toute appareillie de monter, quand messire Iehan de Hainaut vint. Lors se partit la Royne d'Angleterre du chastel d'Ambricourt, & prit congé du cheualier & de la Dame, & leur dit, en les remerciant † que la bonne chere & ioyeuse, que leans on luy auoit faicte, vn temps viendroit que grandement il luy en souuiendroit, & à son fils aussi. Ainsi se partit la Royne en la compaignie d'un gentil Seigneur de Beaubōne chere mont: qui ioyeusement & reueremment la mena à Valenciennes: & encontre elle vindrent moult de Bourgeois de la ville pour la receuoir humblement. Ainsi fut elle amenée deuant le Comte Guillaume de Hainaut: qui la receut à grand' ioye. Aussi fit la Comtesse, & la festoyerent en ce qu'ils peurent, car bien le sçauoient faire. Adoncques auoit le Comte Guillaume quatre filles: Marguerite, Philippe, Iehanne, & Ysabel: desquelles le ieune Roy Edouard s'adonna le plus d'amour & de regard sur Philippe que sur les autres: & aussi la ieune fille le conuersoit plus, & tenoit plus grand' compaignie que

que nulle de ses autres sœurs. Ainsi la Roïne Ysabel demoura à Valenciennes, par l'espace de huit iours, de lez le bon Comte & Madame la Comtesse Jehanne de Valois: & cependant elle fit appareiller son erre & ses besongnes: & ledit messire Jehan fit escrire les lettres moult affectueusement aux Cheualiers & aux compaignons en qui il se fioit le plus en Hainaut, en Brabât, & en Behaigne: & leur prioit si à certes qu'il pouuoit chacun, sur toutes autres amitez, qu'ils veinssent avecques luy en ceste emprinse. Si en y eut moult grand' planté de l'un pais & de l'autre qui y allerent pour l'amour de luy & grand' planté qui n'y allerent mie, combien qu'ils en fussent priez. Et mesmement ledit messire Jehan de Hainaut en fut moult grandement reprins de son propre frere & d'aucuns de son Conseil: pourtant qu'il leur sembloit que l'emprinse estoit [†] si haute, & si perilleuse selon les discords & les grans haines qui estoient adonc entre les haux Barons & les communes d'Angleterre, & selon ce que les Anglois sont communement enuieux sur toutes manieres de gens estrangers, & doutoient que ledit messire Jehan de Hainaut, & ses compaignons, ne peust iamaiz reuenir. Mais, combien qu'on le blasmaist & deconseillaist, le gentil Cheualier ne s'en voulut oncques desister: ains dit qu'il n'auoit que d'une mort à mourir: qui estoit à la volonté de Dieu: & tous Cheualiers doiuent ayder, à leur loyal pouuoir, à toutes Dames & pucelles déchacees & deconseillees.

[†] C'est à dire fort haute, ou trop haute, en sorte que un tel si ne demande point de que apres luy.

Comment la Roïne Ysabel arriua en Angleterre, avecques messire Jehan de Hainaut.

CHAP. X.

Ainsi estoit meu & encouragé messire Jehan de Hainaut: & faisoit sa sermone & sa priere de Hainuyers à estre à Hale, & les Brabançons à Bredas, & les Behaignons au Mont-Sainte-Gertrud, & les Holandois (dont il eut aucuns) à estre à Dourdrech. Lors print congé la Roïne d'Angleterre du noble Comte de Hainaut, & de la Comtesse: & les mercia moult grandement, & doucement, de l'honneur, de la feste, & de la bonne chere & beau recueil qu'ils luy auoient faite: & les baïsa au departir. Ainsi la Dame se partit, & son fils & toute leur route, accompagnée de messire Jehan de Hainaut: qui à grand' durté, & moult enuis, auoit eu congé de son frere: & messire Jehan luy dit ainsi. Monseigneur, ie suis ieune: si croy que Dieu m'ait pourueu de ceste emprinse pour mon auancement. Si cuide, & croy de verité, que par péché, & à tort on ait ceste bone dame déchacée hors d'Angleterre, elle & son fils. Si est aumosne & gloire de Dieu, & au monde, d'adreuer & conforter les déconfortez, especialement si haute & si noble Dame, comme ceste est: qui est fille de Roy, & descendue de Royale lignee, & sommes de son sang, & elle du nostre. L'auroye plus cher à renoncer à tout ce que j'ay vaillant, & aller seruir Dieu outre mer, sans iamaiz retourner en ce pays, que la bone Dame fust partie de nous sans confort & ayde. Si me laissez aller, & me donnez congé de bonne volonté, si ferez bien, & vous en sçauray bon gré, & si exploiteray mieux les besongnes. Quand le bon Comte de Hainaut eut ouy son frere, & apperceu le grand desir qu'il auoit de faire ce voyage (qui à tresgrand honneur luy pouuoit tourner, & à ses hoirs à tousioursmais) si luy dit lors. Beau frere, ia à Dieu ne plaise que vostre bon propos vous brise, n'oste: & ie vous dōne cōgé au nom de Dieu. Lors le baïsa, & luy estraignit la main en signe de tresgrand' amour. Ainsi s'en partit messire Jehan de Hainaut, & vint ce iour gesir à Mons-en-Hainaut: & aussi fit la Roïne d'Angleterre. Que vous éloigneroye ie la matiere? Tant firent par leurs iournees qu'ils vindrent à Dourdrech en Holande: ou l'especial mandement estoit fait. Là endroit ce pourueurent de vaisseaux, grans & petis, ainsi qu'ils les peurent trouuer: & mirent, dedās, leurs cheuaux, leurs har-nois, & leurs pourueances. Puis se commāderent en la garde de Nostre-Seigneur: & se mirēt à chemin par mer. Là estoïēt, de cheualiers Hainuyers, messire Iehan de Hainaut, messire Henry d'Antoing, messire Michel de Ligne, le Sire de Gommegines, messire Perceual de Semeries, messire Robert de Bailleul, messire Sanxes de Bouffoit, le Sire de Vertaing, le Sire de Pocelles, le Sire de Villers, le Sire de Hein, le Sire de Sars, le Sire de Boifiers, le Sire d'Ambreticourt, le Sire de Sermuel, messire Oulphart de Goustelle, & plusieurs autres Cheualiers & Escuyers, tous en grand desir de seruir leur maistre. Quand ils se furent departis du Haure de Dourdrech, moult estoit la ^{*} nauire belle, selon leur quantité, & bien ordonnee, & le temps bel & sery & assez moite & attrempé: & vindrēt de premiere marce sur le departement deuant les digues de Holande. Lendemain ils se desarmerent, & tirerent leurs singles à mont, & se mirent à chemin en costoyant Zelan-

La Roïne de Angleterre en Holande avec messire Iehan de Hainaut.

^{*} Annot. 22.

de, & auoient intention de prendre terre à vn port, qu'ils auoient auisé: mais ils ne peurent: car vn grand tourment les print en mer: qui les mit loing de leur chemin, qu'ils ne sceurent par deux iours ou ils estoient. Dequoy Dieu leur fit grand' grâce, car s'ils se fussent embatus en iceluy port qu'ils auoient aduisé, ils eussent esté perduz, & cheuz és mains de leurs ennemis: qui bien scauoient leur venue, & les attendoient-là endroit pour les mettre tous à mort. Or aduint qu'au bout de deux iours ce tourment cessa: & apperceurent les mariniers terre en Angleterre. Si se tirerent celle part moult ioyeux: & là prindrent terre sur le sablon, & sur le droit riuage, sans haure & sans droit port. Si demourerent sur le sablon par trois iours à petit de pourueances de viures en déchargeant leurs cheuaux & leurs harnois: & ne scauoient en quel endroit d'Angleterre ils estoient arriuez, ou en port d'amis, ou en port d'ennemis. Au quart iour ils se mirent en chemin, à l'adventure de Dieu & de saint George: comme ceux qui auoient eu toutes mesaises de froid par nuit, & de faim, avecques les grandes paours qu'ils auoient eues, & auoient encores. Si cheuaucherent tant à mont & aual, d'une part & d'autre, qu'ils trouuerent aucuns villages: & apres trouuerent vne grand' Abbaye de Moines noirs, qu'on nomme * Sainct Hamon: où ils se refreschirent par trois iours.

*Retour de la
Royne Ysabeau
en Angleterre.
† Le Docteur
Maioris dit que
ce fut au vingt
quatrieme iour
de septembre.
1326.*

* Annot. 23.

*Comment la Royne d'Angleterre assiegea le Roy son mary en la ville
* de Bristo.*

CHAP. XI.

* Annot. 24.

*† C'est à dire
par la seure-
té & mande-
ment de qui,
ou desquels,
par vne an-
cienne maniere
de parler.*

Donc s'épandirent nouuelles par le pays, tant qu'elles paruindrent à ceux, par † qui seureté & mandement ladite Dame estoit rappeelee. Si s'appareillerent, au plus tost qu'ils peurent, de venir vers son fils qu'ils vouloient auoir à Seigneur: & le premier, qui vint encontre luy, & qui plus grand confort donna à ceux qui estoient venus avecques luy, ce fut le Comte Henry de Lenclastre au tort col: qui fut frere au Comte Thomas de Lenclastre qui fut décolé, comme vous auez ouy cy dessus: & fut pere au Duc de Lenclastre, qui fut si bon cheualier & si recommandé, comme vous pourrez ouir en ceste Histoire. Ce Comte Henry vint à grand' compagnie de Gens-d'armes: & apres luy vindrent, de costé & d'autre, Comtes, Barons, Cheualiers, & Escuyers, à tant de Gens-d'armes, qu'il leur sembla bien estre hors de peril: & tous les iours leur croissoient Gens-d'armes, ainsi qu'ils alloient auant. Si eurent conseil entre eux qu'ils iroient droit à Bristo (ou le Roy se tenoit lors, & avecques luy le Despensier) qui estoit bonne ville & forte, grosse, & bien fermee, seant sur vn bon port de mer: & y a vn chastel moult fort, seant sur mer, si que la mer flote tout autour. Là se tenoit le noble Roy, & messire Hue le Despensier (qui auoit pres de quatre vingts & dix ans) messire Hue le Despensier le ieune, maistre gouverneur du Roy (qui tous les mauuais faits luy conseilloit) le Comte d'Arondel (qui auoit à femme la fille de celuy Hue le Despensier le fils) & aussi plusieurs autres Cheualiers & Escuyers, qui repairoient entour la court. Si se mirent Madame la Royne & toute sa compagnie, Monseigneur de Haynaut, ses Comtes & ses Barons, & leurs routes, au plus droit chemin pour aller ceste part: & par toutes les villes, ou ils entroient, on leur faisoit grand' feste & honneur: & tousiours leur venoient gens à dextre & à senestre: & tant firent par leurs iournées, qu'ils paruindrent denant la ville de Bristo, & l'assiegerent à droit siege. Le Roy & messire Hue le Despensier, le fils, se tenoient volontiers au Chastel. Le vieil messire Hue le pere & le Comte d'Arondel se tenoient en la ville de Bristo. Quand ceux de la ville veirent le pouuoir de la Dame si grand & presque toute Angleterre de leur accord, & veirent le peril & le dommage si grand & si apparent, ils eurent conseil qu'ils se rendroient leurs vies sauues, leurs meubles & tous leurs auoirs. Si enuoyerent traicter & parlementer deuers la Royne & son Conseil, qui ne sy voulurent pas accorder, se la Royne ne pouuoit faire dudit messire Hue, & du Comte, à sa volonté. car pour les destruire estoit elle là venue. Quand les hommes de la ville veirent qu'autrement ils ne pouuoient venir à paix, ne sauuer leur ville & leurs biens, au destroit ils s'accorderent, & ouurirét leurs portes: si que Madame la Royne, & messire Iehan de Haynaut & tous les Barons, Cheualiers & Escuyers, entrèrent dedans, & prindrét leurs hostels & logis dedans ladite ville: & ceux qui ne sy pouuoient loger, se logerét dehors. Lors le dessusdit messire Hue fut prins & le Comte d'Arondel: & amenez deuât la Royne, pour en faire sa volonté. Aussi luy furét amenez ses enfans, Iehan son fils, & ses deux filles: qui furét là trouuees en la garde de messire Hue, dequoy la dame eut tresgrand' ioye (quand elle veit ses enfans que veuz n'auoit de gand temps)

& aussi

*La ville de Bristo
est composée a-
uec la Royne
d'Angleterre.*

*Prise de Hue
le Despensier,
le pere.*

& aussi eurent tous ceux de son costé. Lors pouuoit auoir le Roy grand dueil & messire Hue le Despensier le fils : qui * estoit en ce fort chastel enclos, & veoient tout le pays tourné du costé de la Roïne, & de son aîné fils Edouard.

* Annot. 25.

Comment messire Hue le Despensier, le pere, & le Comte d'Arondel furent iusticiez.

CHAP. XII.

Quand tous les Barons & la Roïne & tous les autres furent hebergez à leur aise, ils assiegerent le Chastel au plus pres qu'ils peurent. Puis fit la Roïne amener messire Hue le Despensier, le vieil, & le Comte d'Arondel de deuant son fils aîné, & deuant tous les Barons qui là estoient : & leur dit qu'elle, & son fils, leur feroit droit & loy, selon leurs œuures. Adoncques dit messire Hue. Ha, Madame, Dieu † vous vueille donner bon iuge & bon iugement : & se nous ne le pouuons auoir en ce siecle, que nous l'ayons en l'autre. Adoncques se leua messire Thomas Vvage, bon Cheualier sage & courtois (qui estoit Mareschal de l'ost) & leur racompta tout leur fait par escript, & le tourna en droit sur vn viel Cheualier qui là estoit : à fin qu'il apportast sur ce feauté qu'il auoit à faire de telles personnes & de tels faits par iugement. Le Cheualier se conseilla aux autres Barons & Cheualiers, & rapporta, de leurs opinions, qu'ils auoient bien mort defferuie, pour plusieurs horribles faits qu'ils auoient là endroit ouïs racompter : & les tenoient ia tous vrais & tous clairs, & qu'ils auoiēt deferuy par la diuersité de leurs faits, à estre iusticiez en trois manieres : premierement à estre trainez, & apres decapitez, & puis pendus au gibet. Tout en telle maniere qu'ils furent iugez, furent ils tâtost iusticiez par deuant le Chastel de Bristo, † voyans le Roy & messire Hue le fils & tous ceux de leās. Ceste iustice fut faite l'an mil ccc. xxvi. le iour Sainct Denis en Octobre.

Le Roy d'Angleterre assiegé dedans le Chastel de Bristo.

† Possible que nous y seroit aussi bon.

† 1326.

Iustice de Despensier, le pere.

* Annot. 26.

*Comment * le Roy d'Angleterre & Hue le Despensier, le fils, furent pris sur mer par les gens de la Roïne, sa femme, & de son fils, en se cuidant sauuer & retirer du Chastel de Bristo.*

CHAP. XIII.

Pres ce que ceste iustice fut faite, comme vous auez ouy, le Roy & messire Hue le Despensier, qui se veoient assiegez à tel mechef, & ne sçauoient nul confort, qui leur peust là endroit venir, se meirent vne matinee, entre eux deux, à peu de mesgnie, en vn petit batelet en mer, par derriere le Chasteau, pour aller * au Royaume de Gales, fils peussent : mais ils furent bien onze ou douze iours en ce petit batelet, & sefforçoient de nager tant comme ils pouuoient : mais ils ne sçauoient si loing nager, que tous les iours le vent, qui leur estoit contraire par la volonté de Dieu, ne les ramenast par chacun iour, vne fois ou deux, à moins de la quarte partie d'vn lieuë, pres du Chastel dont ils estoient partis. Au dernier il aduint que messire Henry de Beaumont, fils au Vicomte de Beaumont en Angleterre, entra en vne barque, & aussi avec luy aucuns compaignons : & se fit nager deuers iceux, & nagerent tant & si fort, qu'oncques les mariniers du Roy ne peurent tant fuir deuant eux, que finalement ne fussent attains, & à tout leur batel prins & amenez en la ville de Bristo, & liurez à Madame la Roïne & son fils, cōme prisonniers. Et ainsi aduint de ceste haute & hardie emprise de messire Jehan de Haynaut & de sa compaignie : qui n'estoient, quand ils entrèrent en la mer à Dourdrech, que trois cens Hommes-d'armes : & si reconquit par eux Madame Ysabel tout son estat, & meit à destruction tous ses ennemis : dont tout le país communemēt fut en grand' ioye, hors mis aucuns, qui estoient de la faueur de messire Hue le Despensier. Quand le Roy & ledit messire Hue le Despensier furent amenez à Bristo, par le dessusdit messire Henry de Beaumont, le Roy fut enuoyé, par le Conseil de tous les nobles Barons & Cheualiers, au fort chastel de * Berche, sous bone garde, moult bien & honnestement : & furent ordonnez gens d'estat entour luy qui bien sçauoient que l'on deuoit faire mais point ne le deuoient laisser passer, n'aller hors du pourpris : & ledit messire Hue fut tantost liuré à messire Thomas Vvage : qui estoit Mareschal de l'ost. Apres cecy se partit la Roïne & tout son ost, pour venir à Londres (qui est le chef d'Angleterre) & se meirent au chemin. Ledit messire Thomas Vvage fit bien fort lier ledit messire Hue le Despensier sur le plus petit & le plus maigre cheual qu'il peut trouuer, & luy fit vestir vn † tabbar, comme il souloit porter : & le faisoit ainsi mener, par derision, apres la route de la Roïne, par toutes les villes ou ils passoiēt, à trompes & nacaires, pour luy faire plus grand despit : tant qu'ils vindrent à Herfort, vne bonne cité. Là fut la Roïne

* Annot. 27.

Prinse du Roy d'Angle. & de Despensier, le fils.

* Annot. 28.

† Le passage mōstre assez que c'estoit quelque habillement :

cōme chamarré, ou mâteau.

Mais l'usage du mot s'est perdu avec celui de l'accoustrement.

Noz deux Exemph. derniers disent

tabbart & tabart.

moult reueramment receue & à grand' solennité: & toute la compagnie aussi: & celebra illec la feste de Toussaints: qui fut moult grande & bien estofée pour l'amour de son fils & des Seigneurs estranges qui là estoient avec luy.

Comment messire Hue le Despensier, le fils, fut iusticié.

CHAP. XIII

¶ Vand la feste fut passée, ledict messire Hue, qui point n'estoit aimé là endroit, fut amené par deuant la Roïne & tous les Cheualiers, qui là estoient assemblez. Illecques en ce lieu furent ramenteus tous ses faits par escript, & oncques ne dit riens à l'encontre, si fut iugé, par plaine sentence des Barons & Cheualiers, par telle maniere comme vous orrez. Premièrement il fut trainé sur vn bahu, à trompes & à trompettes, par toute la ville de Herford, de rue en rue, & puis fut amené en vne grâde place en la ville: là ou tout le peuple estoit assemblé. Là endroit il fut lié haut sur vne eschelle: si que tous, petis & grans, le pouuoient veoir: & auoit on fait en ladite place vn grand feu. Quand il fut ainsi lié, on luy coupa tout * premierement le vit & les couillons: pourtant qu'il estoit hereticque & sodomite, ainsi qu'on disoit: mesmement du Roy: & pource auoit dechassé le Roy la Roïne par son enhortement. Quand le vit & les couillons luy furent coupez, on les getta au feu, pour brusler: & apres, luy fut le cœur tiré hors du ventre, & getté au feu: pourtant qu'il estoit faux & traistre de cœur, & que par son traistre conseil & enhortement le Roy auoit † honny son Royaume & mis à méchef, & auoit fait décoller les plus grans Seigneurs du Royaume: par lesquels le Royaume deuoit estre bié soustenu & deffendu: & si auoit tellement seduit le Roy, qu'il ne pouuoit, ny ne vouloit, voir la Roïne sa femme, ne son aîné fils (qui deuoit estre leur Seigneur) ains les auoit dechassez, pour doutance de leur corps, hors du Royaume d'Angleterre. Et apres que ledit messire Hue fut ainsi atourné, comme dit est, on luy coupa la teste, & fut enuoyée en la cité de Londres. Apres ceste iustice faite, ainsi cōme vous auez ouy, la Roïne & tous les Seigneurs & grand' foison du commun du pais se meirēt en chemin vers Londres, & firent tant par leurs iournées qu'ils y vindrent: & ceux de la ville à grande cōpagnie yssirent à l'encōtre, grans & petis, & firent à la Roïne & à son fils grande reuerence, & à toute leur compagnie aussi: & donnerent ceux de Londres grans dons à ladite Roïne & à ceux de sa suite, là ou il sembloit mieux employé. Quand ils eurent esté ainsi receus & grandement festoyez & ils eurent là seiourné quinze iours. Les compaignons, qui estoient passez avec messire Iehan de Haynaut, eurent grâd talent de retourner chacun en leur contrée. Car il leur sembloit qu'ils auoient bien faite la besongne, & acquis grand honneur. Et lors prindrent congé de Madame la Roïne & les Seigneurs du pais. La Roïne & les Seigneurs les prierent assez de demourer encores vn petit de temps, pour voir qu'on deuoit faire du Roy (lequel estoit en prison, ainsi que vous auez ouy) mais ils auoient si grand desir de retourner chacun en sa maison, que prier n'y valut riens. Quand la Roïne & son conseil veirent ce, ils prierent à messire Iehan de Haynaut, qu'il voulsist encores demourer iusques apres Noel, & qu'il deteinst de ses compaignons avec luy, ce qu'il en pourroit retenir: mais le gentil Cheualier ne voulut mie laisser à parfaire son seruice, & cottraya courtoisement de demourer iusques à la volonté de la Roïne. Si detint de ses compaignons ce qu'il en peut detenir: mais petit fut, car les autres ne vouloient nullement demourer: dont il fut moult courroucé. Toutesfois, quād la Roïne & son conseil veirent que ses compaignons ne vouloiēt point demourer pour nulle priere, ils leur firent tout l'honneur & la reuerence qu'ils peurent, & leur fit la Roïne donner grand argent, pour leurs frais & pour leurs seruices, & grans ioyaux, chacun selon son estat: tant que tous s'en tindrent à bien contens: & avec ce elle leur fit rendre l'estimation de leurs cheuaux, qu'ils voulurent laisser, si haut comme chacun voulut estimer les siens, sans nul debat, ne sans dire ne trop ne peu: & tous furent payez en deniers contés. Et demoura ledit messire Iehan de Haynaut, à la priere de la Roïne, à petite cōpagnie de ses gens, entre les Anglois: qui tousiours luy faisoient tout hōneur & la compagnie qu'ils pouuoient, & aussi faisoient les Dames du pais (dont il y auoit grand foison) Comtesses, & autres grans Dames, & gentes Pucelles: qui venues estoient accompagner Madame la Roïne, & venoient de iour en iour: car il leur sembloit que le gentil Cheualier l'eust bien defferuy: si comme il auoit.

Le couronnement du Roy Edouard d'Angleterre, tiers de ce nom.

CHAPITRE. XV.

Après

Anno. 29.

† Ce vieil mot signifie des-honoré & mis à honté.

Finale iustice de Despensier le fils.

Retour de la pluspart des Flainuyers en leurs pays.

A Pres que le plus des compagnons de Haynaut s'en furent partis, & le seigneur de Beaumont demouré, la Royne d'Angleterre donna congé aux gens de son pays & à sa maison fors à d'aucuns nobles Cheualiers, qu'elle detint pour elle conseiller: & leur commanda que tous veinssent à elle à Londres, le iour de Noel, à vne grand' court que elle vouloit tenir. Adoncques tous ceux, qui se partirent, luy promirent, & aussi plusieurs autres, à qui la feste fut mandée. Quand ce vint à Noel, elle tint vne grand' court ainsi qu'elle auoit dit: & y vindrent tous les Comtes, les Cheualiers & Nobles d'Angleterre, les Prelats, & Consuls des bonnes villes. Et à ceste assemblée fut aduisé & ordonné que le pays ne pouuoit longuement durer sans Seigneur, & que l'on mettroit par escript tous les faits & les euures que le Roy, qui en prison estoit, auoit faictes par mauuais conseil, & tous les vsages & mauuais maintiens, & comme il auoit mal gouuerné son pays parquoy on le peust lire en plain Palais par deuaut tous les Nobles & les sages du pays, à ceste fin qu'il peussent prendre bon aduis & accord, comme & par qui le pays seroit gouuerné dorefnauant. Et, quand tous les cas & faits, que le Roy auoit faits & consentis à faire, & tous ses maintiens & ses vsages furent leus & bien entendus, les Barons & les Cheualiers & tous les Cōsuls du pays se tirerent à part à conseil, & facorderent la plus saine partie, & mesmement les grans Barons & les Nobles avecques les Consuls des bonnes villes, selon ce qu'ils auoient ouy dire, & qu'ils sauoient la plus grand' partie de ses faits, & de ses maintiens, & par certaine & par pure verité. Si fut dit que tel homme n'estoit mie digne de iamais estre Roy, ne de porter couronne, ne d'auoir nom de Roy: mais ils faecorderent à ce que son aîné fils (qui là estoit present, & estoit son droit hoir) fust couronné Roy au lieu du pere: mais qu'il prist bon conseil, sage, & féal, entour luy: pourquoy le Royaume fust de là en auant mieux gouuerné, autrement qu'il n'auoit esté, & que le pere fust bien gardé & honnestement tenu, tant que viure pourroit, selon son estat. Ainsi qu'accordé fut, par les plus haux Barons & par les Consuls des bonnes villes, il fut faict: & fut adonc couronné de couronne Royale, au Palais de Vvestmonstier, delez Londres, le ieune Roy Edouard: qui tant a esté heureux & fortuné en armes. Ce fut l'an de grace nostre Seigneur † mil trois cens vingt & six, le iour de Noel: & pouuoit adonc auoir enuiron dixhuit ans* (Il les eut à la feste de la Conuersion Sainct Paul ensuiuant) & là fut tresgrandement honnoré & seruy le gentil Cheualier messire Iehan de Haynaut, de tous les Princes & de tous les Nobles & non Nobles du pays: & là furent donnez grans ioyaux & tres-riches à luy & à ses compagnons qui demouréz estoient. Si demoura depuis, luy & ses compagnons, en grans festes & en grans soulas des Seigneurs & des Dames, qui là estoient, iusqu'au iour † des Roys, qu'il ouit dire que le Roy de Behaigne, le Comte de Haynaut son frere, & grand' planté de Seigneurs de France, fardoient pour estre à Condé, à vn estat & à vn tournoy, qui là estoit crié. Adonc ne voulut messire Iehan de Haynaut plus demourer, pour priere qu'ō luy sceust faire pour le grand desir qu'il auoit d'aller à ce tournoy, & de veoir son frere & les autres Seigneurs, & spécialement le plus noble Roy en largesse, le gentil Charlon Roy de Behaigne. Quand le ieune Roy Edouard & Madame sa mere & ses Barons veirēt qu'il ne vouloit plus demourer, & que priere n'y pouuoit plus valoir, ils luy donnerēt cōgé moult enuis. Si luy dōna le ieune Roy, par le cōseil de Madame sa mere, ccc. marcs d'Estrelins, vn* Estrelin pour vn denier, de rēte, hereditablement à tenir de luy en fief, & à payer chacun an en la ville de Bruges. Et dōna encore à Philippe de Chasteaux, son maistre Escuyer & son fouuerain Conseiller, cent marcs de rente à l'Estrelin; & ainsi à payer comme dit est. Et luy fit avec ce deliurer grand' force d'Estrelins, pour payer les frais de luy & de sa compagnie, pour reuenir en leurs pays: & le fit conduire à grand' compagnie de Cheualiers, iusques à Douures: & luy fit appareiller & deliurer tout son passage: & les Dames mesmes, la Comtesse de Garennes (qui estoit sœur au Comte de Bar) & aucunes des autres Dames luy donnerent grand' foison de beaux ioyaux & riches, au partir. Quand ledit messire Iehan de Haynaut s'en fut party du ieune Roy Edouard, luy & sa compagnie, & furent venus à Douures, ils monterent tantost es nefz pour passer outre, pour desir de venir à temps audit tournoy: & enuoya le Roy avecque luy quinze ieunes preux Cheualiers d'Angleterre, pour estre à ce tournoy avecques luy, & pour eux appointer & accointer aux Seigneurs & aux Cheualiers qui là deuoient estre. Si leur fit tout l'honneur & la compagnie qu'il peut: & tournoyerent en celle saison à Condé.

Edouard 2. de-
 pose de sa di-
 gnité Royale.

† 1326.
 Couronnement
 d'Edouard 3.
 du nom.
 * Annot. 30.

† 1327.

* Annot. 31.

Depart de
 Iehan de Hay-
 naut hors de
 Angleterre.

A Pres que ce messire Iehan de Haynaut s'en fut party du ieune Roy Edouard, comme dit est, iceluy Roy & Madame sa mere gouvernerent le pais par le conseil du bon Comte de Kent, oncle dudit Roy, & par le conseil de messire Roger de Mortemer: qui tenoit grande rente en Angleterre: bien sept cens liures de rente par an, vn Estrelin pour vn denier: & auoient tous deux esté bannis & dechacez hors d'Angleterre avec la Royne & ledit Roy, comme vous avez ouy. Et vserent aussi assez par le conseil de messire Thomas VVage, & par le conseil aussi de plusieurs autres, que l'on tenoit les plus sages du Royaume: combien qu'aucuns autres en eussent enuie: qui oncques ne mourut en Angleterre, & laquelle a aussi regné & veut regner en plusieurs autres pais. Ainsi passa l'Yuer & le Quaresme iusques à Pasques: & fut le Roy, & Madame sa mere, & le pais, tout en paix ce terme. Or aduint que quand le Roy Robert d'Escoce (qui auoit esté moult preux, & qui moult auoit souffert contre les Anglois, & moult de fois auoit esté chacé & deconfit au tēps du bō Roy Edouard, ayeul à ce ieune Roy Edouard, & estoit deuenue moult vieil & malade † de la grosse maladie, ce disoit on) sceut les aduenues du Royaume d'Angleterre, cōme le Roy auoit esté prins & depose de sa courōne, & ses Cōseillers iusticiez & mis à destruction, comme vous avez ouy, il se pourpensa qu'il défiendroit le ieune Roy. car, par tant qu'il estoit ieune, & que les Barōs du Royaume n'estoiēt point biē d'accord, si cōme il disoit, pourroit il biē faire sa besongne, & partie d'Angleterre conquerir. Et lors, enuiron Pasques mil c c c. x x v i i, il fit défiē† le ieune Roy Edouard & tout le pais: & manda qu'il entreroit au pais, & qu'il ardroit aussi auāt qu'il auoit autresfois fait, au temps que la deconfiture fut au chastel d'Esturmelin, où les Anglois receurent si grand dommage. Lors que le ieune Roy se sentit ainsi défié avec ses Consuls, ils le firent fauoir par tout le Royaume: & manderent que tous Nobles & autres fussent appareillez, chacun selon son estat, & venist chacun, selon son pouuoir, au iour de l'Ascension apres ensuiuant, à * VVaruich, vne bonne cité, qui sied en North: & enuoya, deuāt grand foison de Gens-darmes pour garder les frōtieres par deuers Escoce. Puis enuoya grans messages deuers messire Iehan de Hainaut, en luy priant moult affectueusement qu'il le voulist secourir & tenir compagnie à ce besoing, & qu'il voulist venir & estre deuers luy à VVaruich le iour de l'Ascension, à tout telle compagnie qu'il pourroit auoir de Gens-darmes. Quand le Sire de Beaumont ouit ce mandement, il enuoya ses lettres & ses messagers par tout là ou il pensoit recouurer de bons compaignons, en Flandres, en Hainaut, en Brabant, & ailleurs: & leurs prioit, si acertes qu'il pouoit, que chacun le voulist suyure, au mieux monté & appareillé qu'il pourroit, deuers VVisant, pour passer outre en Angleterre. Si le suyuit chacun volontiers, selon son pouoit, ceux qui furent mandez, & moult d'autres qui ne furent poinr mandez: pourtant que chacun pensoit en rapporter autant d'argent comme les autres auoient fait, qui auoient esté en l'autre cheuauchée en Angleterre avecques luy. Si qu'auant que le Sire de Beaumont venist à VVisant, ils trouuerent les nefes & les vaisseaux tous prests, qu'on leur auoit là amenez d'Angleterre. Lors se meirent dedās, au plus tost qu'ils peurent, & leurs cheuaux & harnois: & passerent outre, & vindrent à Douures: & ne cesserent de cheuaucher & d'errer tant qu'ils vindrent, à trois iours pres de Pentecouste, à la bonne cité de VVaruich: là ou le Roy, Madame sa mere, & les autres Seigneurs estoient & grande planté d'autres Barons, pour le ieune Roy conseiller & accompagner: & attendirent là endroit la venue de messire Iehan de Haynaut: & aussi attendoient ils que tous les Gens-darmes & Archers, & les cōmunes gens des bōnes villes & des villages, fussent outre passez. Et ainsi qu'ils venoient par grans routes, on luy faisoit loger es villages, à deux lieues ou trois pres de VVaruich, & là enuiron sur le plat pais, en les faisant outre passer par deuers les frontieres. Droit à ce point vint à VVaruich messire Iehan de Haynaut & sa route: si furent bien venuz, & grandement festoyez du ieune Roy, de Madame sa mere, & de tous les autres Barons: & leur fit on liurer les plus beaux faubourgs de la cité pour les heberger: & fut deliurée à messire Iehan de Haynaut vne Abbaie de blancs Moines, pour son corps & pour † son tinel tenir. En la compagnie dudit Cheualier vindrent de Hainaut le Seigneur d'Anghien (qui estoit appelé messire Gautier) & messire Henry Seigneur d'Antoing, le Sire des Seignoles, & messire Fastres de Rue, messire Robert de Bailleul, messire Guillaume de Bailleul son frere, le Sire de Haue-

† Il entend de
lépre selon le 14
liure de Boeth.

† 1327.
Défi du Roy
d'Escoce, Ro-
bert de Breux,
en uoyé au Roy
d'Angleterre

Annota. 32.

Retour de mes-
sire Iehan de
Hainaut en
Angleterre
contre les Esco-
çois.

† C'est à dire,
son train &
ceux de sa
maison. En-
cor v'sent au-
cuns de ce mot,
combien qu'il
soit fort ancien

Haue-

Hauereth, Chastelain de Mons, messire Alart de Briseil, messire Mechiél de Ligne, messire Iehan de Montigny le ieune, & son frere, * messire Saufe de Bouffac, le Sire de Gommes, messire Perceual de Seueries, le Sire de Biaurien, & le Sire de Folion. Item du pays de Flandres vindrent premierement messire Hector de Vilains, messire Iehan de Rodes, messire Vaufflart de Guistelle, & messire Jacques de Guistelle son frere, le Seigneur des Tarces, messire Gossuyn de la Muelle: & plusieurs y vindrent du pays de Brabant, le Sire de Dufle, messire Thierry de Vaucourt, messire Rasse des Gres, messire Iehâ de Cassebegne, messire Iehâ Pilestre, messire Guillaume de † Courtelles, les trois freres de Harlebeque, messire Gautier de Hautebergue, & plusieurs autres. Des Behaignons y vindrēt messire Iehan de Libeaux, messire Héry son frere, messire Héry de la Chappelle, messire Hue de Hay, messire Iehan de Limies, messire Lâbert des Prez, messire Gillebert de Hers. Et si y vindrent aucuns Cheualiers de Cambresis & d'Artois de leurs volontez, pour leurs corps auancer: tant que ledit messire Iehan de Hainaut eut bien en sa compagnie cinq cens Hommes-d'armes bien appareillez, & richement montez. Apres les festes de Pentecouste vint messire Guillaume de Iuliers (qui depuis fut Duc de Iuliers, apres le decès de son pere) & messire † Thierry de Hambarque (qui puis fut Comte de Los) à tresbelle route: & tout pour faire compaignie au gentil Cheualier dessusdit.

* Annot. 33.

† Les autres Exéplair. mettent de Courtelles.

† Sala dit Héry de Hemseberghe.

La dissension qui fut entre les Archers d'Angleterre & ceux de Haynaut.

CHAPITRE XVII.

LE gentil d'Angleterre, pour mieux festoyer ces Seigneurs & toute leur compaignie, tint vne grande court le iour de la Trinité, en la maison des Freres-mineurs, là ou luy & Madame sa mere estoient hebergeez, & tenoient leur tinel chacun à par luy: c'est assauoir le Roy de ses Cheualiers, & la Roïne de ses Dames: dont elle auoit grand' foison. A celle court eut bien le Roy cinq cens Cheualiers, & en fit bien quinze nouveaux & Madame la Roïne tint sa court & sa feste au dortouer, & eut bien, à sa table seans, soixante Damoiselles, qu'elle auoit prinſes pour festoyer ledit messire Iehan de Haynaut & ses autres Seigneurs. Là peut on veoir grand' noblesse de bien seruir de grand' planté de meſts & entremests, si estranges & si déguisēs, qu'on ne les pourroit deuiser. Là pouoit on veoir Dames noblement parées & richement, qui eust eu loisir de dancer ou de plus festoyer: mais nenny, car tantost apres disner vn grâd hutin cōmença entre aucuns garçons des Hainuyers & des Archers d'Angleterre, qui entre eux estoient hebergeez en iceluy fauxbourg: tellement que les Archers vindrēt à tout leurs arcs appareillez, & cōmencerēt à traire sur les garçons Hainuyers, si qu'il les conuint retraire en leurs hostels. La pluspart des Cheualiers & de leurs maistres estoient encorès à court: & tantost qu'ils eurent nouuelles de ce hutin, ils se tirerent, au plus tost qu'ils peurent, chaēun deuers son hostel, qui peut dedans entrer, & qui ne peut, il luy conuint dehors demourer en grand peril. Car ces Archers, qui bien estoient trois mille, tiroient pour tuer maistres & valets & supposoit l'on que † c'estoit aduisement, fait d'aucuns amis des Despēſiers & du Comte d'Arondel: qui auoient esté executez à mort par l'aide de messire Iehan de Haynaut. si s'en vouloient contreuenger. Et aussi les Anglois & les Anglesches, à qui estoient les hostels, fermoient & barroient les huis & leurs fenestres au deuant des Hainuyers, & ne les laissoient entrer dedans. Toutesfois il y en eut aucuns, qui entrerent en leurs hostels par derriere, & farmerent bien vistement: mais ilz n'oserent issyr par deuant, pour leurs sagettes: ains tost yſsirent hors par derriere, par les courtis, & rompirent les enclos & les palis, & attendirent l'un l'autre en vne place qui là estoit: tant qu'ils furent bien cent, ou plus bien armez, & aussi bien autānt de desarmez, qui ne pouoyent entrer en leurs hostels. Quand ces armez furent assemblez, ils hastèrent de secourir les autres compaignons, qui deffendoyent leurs hostels en la grande rue, au mieux qu'ils peurent: & passerent ces armez parmy l'hostel du Seigneur d'Anghien: ou il y auoit grandes portes derriere & deuant, sur la grande rue: & * feroient etramment dedans ces Archers. Du traict y eut plusieurs des Hainuyers blecez, & là furent bons Cheualiers, messire Fastre de Rue, messire † Perceual de Meries, messire Saufe de Bouffac. Car ces trois Cheualiers ne peurent oncques entrer en leurs maisons pour eux armer: mais ils firent autant d'armes comme tels qui estoient armez, & tenoient grans leuiers de chesne, qu'ils auoient prins en la maison d'un chartier, & donnoient les horions si grans, que nul ne les osoit approcher, & en abbatirent ce soir plus de soixante, car ils estoient grans & fors Che-

Hutin, ou debat, entre aucun. Anglois & Hainuyers de la suite du Roy d'Angleterre.

† Sala dit c'estoit vu fait d'aduis. &c. C'est adire que cela estoit fait de propos delibéré, par aucuns des amis des Despēſiers.

* Annot. 34.

† Il est ainsi es autres Exépl. Mais ie me doute que ce ne soit celuy, qu'il a furnonné de Seueries au chapitre precedent.

ualiers. Finablement les Archers, qui là estoient, furent déconfits & mis en chassé: & en y eut de morts en la place & aux champs bien trois cens ou enuiron: qui tous estoient de l'Euesché de Lincole. Si croy que Dieu n'enuoya onc si grande fortune à nulle gent, comme il fit à messire Iehan de Haynaut & à sa compagnie (car iceux ne tédoyent à autre chose fors à leurs meurdrir & dérober: combien qu'ils fussent là venus pour la besogne du Roy) n'oncques ne furent en si grand peril & angosse, que le temps qu'ils sejournerent à VVaruich. Encores ne furent ils pas à seureté, iusques à tant qu'ils se trouuerent

† C'est le haine ou ils s'embarquerent, pour passer en Angleterre: tellement qu'il veut dire qu'ils ne furent point en seureté jusqu'à tant qu'ils furent repassés la mer
† C'est à dire, par compagnies establies & assises come par estapes l'une ça, l'autre là

à VVisant, car ils écheurent en si grand' haine de tout le demourât des Archers, qu'aucuns Barons & souuerains Cheualiers d'Angleterre dirent aux Seigneurs de Hainaut, pour les aduiser, que ces Archers & autres hommes, comme commune d'Angleterre, estoient alliez plus de six mille ensemble, & menaçoient les Hainuyers de les venir ardoir & occire en leurs hostels de nuit & de iour: & ne trouuerent en leurs hostels personne, ne deuers le Roy, ne de par les barons, qui les ofast aider ne secourir: & n'auoient les Hainuyers autre entente fors que d'eux bien vendre, & chacun aider l'un à l'autre. Si firent plusieurs belles ordonnances par grand aduis: & les cōuenoit aucunes fois gesir to^o armez, & par iour tenir en leurs hostels, & auoir leurs harnois apareillez, & les cheuaux sellez: & aussi leur conuenoit continuellement guetter, † par cōnestablies, les champs & chemins d'entour la ville, & enuoyer escoutes demie lieuë loing de la ville, pour voir se celles gens viendroient, dōt informez estoient: parquoy, si ces escoutes oyoyent gēs émouuoir pour traire par deuers la ville, ils se deuoient retraire par deuers ceux qui gardoient les champs, pour eux aduiser: & qu'ils fussent plus tost montez & venus ensemble chacun à sa bannière, en vne place qui pour ce faire estoit aduisée. En telle tribulation demourerent ils en ces fauxbourgs par quatre semaines, & n'oserent élongner leurs hostels ne leurs armeures: exceptez aucuns Seigneurs, qui allerent en la cité, veoir le Roy & son Conseil, pour festoyer, & pour entendre des nouuelles: & si ceste male aduéture ne fust, ils seournassent assez aisément: car la cité & le pays d'entour eux estoit si plantureux, que dedās plus de six semaines que le Roy & les Seigneurs d'Angleterre, & plus de quarante mille hommes y seournèrent, les viures ne s'en rencherirent point, qu'on neust la denrée pour vn denier, aussi bien qu'on y auoit auant qu'ils venissent. Bons vins de Gascogne, * d'Aussois, & de Rin assez, & autre bon marché, tant de poulailles que d'autres manieres de viures: & amenoit on deuant leurs hostels le foin, l'auoine, & la litiere: dōt ils estoient bien seruis & à bon marché.

* Annota. 35.

Cy parle de la maniere des Escocois, & comme ils sauent guerroyer. CHAP. XVIII.

† Il entend le combat d'être les Hainuyers & les Archers d'Angleterre.



Vand ils eurent là seourné par l'espace de trois semaines † apres ceste bataille on leur fit assauoir, de par le Roy & par les Mareschaux, que chacun se pourueust, dedans celle autre semaine, de charretes & de tentes, pour gesir aux champs, & de tous outils necessaires, pour aller par deuers Escoce. Et adonques, quand on fut appareillé, le Roy & tous les Barons se tirerent hors, & allerent loger six lieux au dessus de ladite cité: & messire Iehan de Haynaut & sa compagnie furent logez, tousiours au plus pres du Roy, pour plus d'honneur leur faire, & à fin que ses Archers n'eussent auantage sur eux, & seournèrent le Roy & ses premieres routes deux iours, pour attendre les derniers, & pour eux aduiser chacun sil luy falloit riens. Au tiers iour apres, l'ost, qui estoit prest, délogea, & se tira auant iour, tant qu'on vint en la cité de * Duren vne grande iournée, à l'entrée d'un pays, qu'on appelle Northombelande:

* Annot. 36.

qui est sauage pays, plein de deserts & de montaignes, & moult pource pays de toutes choses, fors que de bestes. Si court parmy vne riuere, pleine de cailloux & de grosses

* Annota 37.

† C'est assauoir à Neuf-chastel sur Thin.

pierres, qu'on nomme Thin. Sur celle riuere sied la ville & le chastel qu'on nōme * Car doel en Gales: qui fut iadis au Roy Artus, & ou il se tenoit mout volōtiers, & deuant est assise la ville appelée Neuf-chastel sur Thin. Là † estoit le Marechal d'Angleterre, à tout grāde foison de Gēs-d'armes, pour garder le pays contre les Escocois: & à Cardoel estoient aussi grand' plātē de Gaulois (dont * le Sire de Hufort, & le Sire de Montbray estoient Gouverneurs) pour deffendre le passage: car les Escocois ne pouuoient entrer en Angleterre, sans passer ladite riuere. Si ne peurent les Anglois sauoir certaines nouuelles des Escocois, iusques à ce qu'ils vindrent à l'entree d'iceluy pays: & auoient passé celle riuere si coyemēt, qu'onc ceux de Cardoel ne s'en apperceurent: & aussi ceux de Neuf-chastel sur Thin n'en sceurent nulles nouuelles, si comme ils disoient. Car entre ces deux villes pouuoit bien auoir vingt & quatre lieues Anglesches.

Les

Les Eſcoçois ſont durs & hardis, & fort trauaillans en armes & en guerres: & quand ils veulent entrer en Angleterre, ilz meinent leur oſt bien vingt ou xxiiij. lieues loing, que de iour que de nuit, car ils ſont tous à cheual les vns & les autres: hors mis la truandaille, qui les ſuyuent à pied. Les Cheualiers & les Eſcuyers ſont bien montez ſur grans roucins, & les autres communes & gens du pays ſur petites hacquenees: & ſi ne meinent point de charroy, pour la diuerſité des montaignes, qu'ils ont à paſſer parmy ce pays de Northombelande: & ſi ne meinent nulles pourueances de pain ne de vin, car leur vſage eſt tel, en tēps de guerre, & leur ſobrieté, qu'ils ſe paſſent bien aſſez longuemēt de chair cuitte à moitié, ſans pain, & de boire eue de riuere, ſans vin: & ſi n'ōt que faire de chaudières ne de chaudières, car ils cuiſent bien eux meſmes leurs beſtes, quand ils les ont écorchées: & ſi ſauent bien qu'ils trouueront beſtes, à grande foiſon, au pays là ou ils veulent aller: pourquoy ils ne portent autre pourueance. Car chacū emporte, entre la ſelle de ſon cheual & le * penon, vne grāde piece platte: & ſi trouſſe derriere luy vne beſace

De quelle ſorte ſe maintiennent les Eſcoçois en leurs guerres.

* Annota. 39

pleine de farine: en telle entente que, quand ils ont tant mangé de chair cuitte que leur eſtomach leur ſemble eſtre vague & aſſoibly, ils gettent celle piece plate au feu, & détrēpent vn petit de leur farine: & quād celle piece eſt échauffée, ils gettēt de celle clere paſte ſur celle chaude piece, & en fōt vn petit tourtel en maniere de flamiche ou de buignet, & le mangent pour cōforter leur eſtomach. Parquoy ce n'eſt pas grand merueille ſilz ſont grans iournees, plus qu'autres gens. En telle maniere eſtoiēt ils entrez ou pays deſſuſdit, ſi le gaſtoient & ardoyent: & trouuoient tant de beſtes, qu'ils n'é ſauoient que faire, & auoient bien quatre mille hōmes armez, Cheualiers & Eſcuyers mōtez ſur trefbons courſiers & bōs roucins, & bien vingt mille hommes armez à leur guiſe, apres & hardis, & mōtez ſur petites hacquenees: qui ne ſont mie liées n'eſtrillées, ains les enuoie l'on tout incōtinent paître & paſturer és prés & es bruyeres. Si auoyēt deux bōs Capitaines, car le roy Robert d'Eſcoce, qui eſtoit moult preux, eſtoit adōc moult vieil, & fort chargé de la groſſe maladie. Si leur auoit dōné à Capitaine vn mout gētil Prince & vail lāt en armes: c'eſtaſſauoir, le Cōte * de Moray (qui portoit vn eſcu d'argēt à trois oreilles

* Annot. 40.

† Maioris Boeth le nomment touſiours Iaques Douglas ou Douglas.

Comme le Roy Anglois fit ſa premiere cheuauchee ſur les Eſcoçois.

CHAP. XIX.

Q Vand le Roy Anglois & tout ſon oſt eurent veu les fumees des Eſcoçois, ils firent tantōſt crier à l'arme, & commander que chacun ſe délogeaſt & ſuyuiſt les bannieres. Ainſi fut fait, & ſe tira chacune armee ſur les champs, ſi-comme pour tātōſt combattre. La endroit furent ordonnēes trois groſſes batailles à pied: & chacune bataille auoit deux ælles de cinq cens Hommes-darmes, qui deuoient demourer à cheual, & ſachez que lō diſoit qu'il y auoit biē là huit mille Hōmes-d'armes, cheualiers & Eſcuyers, & trente mille hommes armez & appareillez: la moitié montez ſur petites hacquenees & l'autre moitié Sergens à pied, Couſtilliers, enuoyez par election, de par les bonnes villes, à leurs gages: & ſi y auoit bien xxiiij. mille Archers à pied, ſans la ribaudaille. Or, ainſi que les batailles furent ordonnēes, on cheuaucha tout rengé apres les Eſcoçois, à l'endroit des fumées, iuſques à baſſes veſpres. Adonc ſe logea l'oſt en vn bois ſur vne petite riuere, pour eux aiſer & pour attendre le charroy & les pourueances: & tout le iour auoient ars & pillé les Eſcoçois à cinq lieues preſts de l'oſt, † & ne les pouuoient ra-

† Il veut dire que les Angl. ne pouuoient atteindre les Eſcoçois, encore que durant ce iour ils euſſent brûlé & pillé iuſques à cinq lieues pres de l'armee des Anglois.

conſuir. Lendemain au point du iour chacun fut armé: & meinent leurs bannieres aux champs, chacun en ſa bataille, toute iour, ſans dérouter par montaignes ne par valées: n'oncques ilz ne peurent approcher les Eſcoçois, qui venoyēt deuant eux: tant y auoit de bois, de mareſts, & deſers ſauuages, & mauuiſes mōtaignes & valées: & ſi n'eſtoit qui oſaſt, ſur peine de perdre la teſte, faire paſſer ne cheuaucher deuant les bannieres, fors les Mareſchaux. Quād ce vint apres nonne, ſur le veſpre, gens, cheuaux, & charroy, & meſmemēt gēs-à-pied, eſtoiēt tāt trauailliez, qu'ils ne pouuoient pl' aller auāt. Les Seigneurs veirēt qu'ils ſe trauailloient pour neāt: & iaçoit ce q' les Eſcoçois les vouſſent encor attēdre, ſi ſe mettoient ilz biē en telle mōtagne, ou ſur tel pas, qui ne ſe pourroit à eux cōbatre, ſans trop grād méchef. Si fut cōmādē, de par le Roy & les Mareſchaux, qu'ō ſe logeaſt là endroit, ainſi qu'il eſtoit, iuſques à lendemain, pour auoir cōſeil cōme ils ſe maintiendroiēt. Ainſi fut tout l'oſt logé ceſte nuit en vn bois ſur vne petite riuere: & le

*c'est à dire
brulant tout
en pays en-
nemy.*

*† Il entend de
tout bagage
inutil au com-
bat.*

*† C'est à dire
iusques à ce
que lon eust
tout perdu.
C. c. Ancien-
ne maniere de
parler.*

*† C'est à dire
iusques au
lieu, d'ou l'o
yoit le
bruit.*

*La peine ou fut
le camp des
Anglois, entre
les monts de
Northombel-
lande.*

*† To' les Exēp.
ont ainsi: mais
ie pense qu'il y
faut pisser.*

Roy fut logé en vne pource court d'Abbaye, qui là estoit. Ces Gens d'armes, cheuaux & charroy, & tout furent lors trauaillez outre mesure. Quand chacun eut prins piece de terre pour loger, les Seigneurs se tirerent à part, pour auoir conseil comme ils se pourroyent combattre aux Escotois, selon le pays ou ils estoient: & leur sembla, selō ce que ils veoyent, que les Escotois s'en ralioient en leur pays, † tout ardent, & que nullement ils ne pourroient combattre à eux entre ces montagnes, fors en grand peril: & si ne les pouuoient raconsuir: mais passer leur conuenoit celle riuiere de Thin: & fut dit en grād Conseil, que son se vouloit leuer à minuit, & le lendemain vn petit se haster, on leur ton droit le passage de la riuiere, & conuiendroit qu'ils se combattissent à leur méchef, ou ils demourroient tous cois en Angleterre, prins & attrapez. Acelle entente fut accordé que chacun se retraist à sa loge, pour soupper & boire ce qu'ils pourroient auoir: & dit chacun à ses compagnons qu'ils se teussent, afin qu'on ouist la trompette sonner, & qu'on meist les selles, & appareillast on ses cheuaux: & quād on l'orroit la secōde fois, que chacun s'armast sans tarder, & à la tierce fois, que chacun montast vistemēt, & se retirast à sa banniere, chacun endroit soy: & que chacun prist vn pain sans plus, & le trouffast derriere soy en guise d'vn braconnier: & aussi que chacun laissast là endroit † tout harnois, tous charrois, & toutes autres pourueances: car on se cōbattroit lendemain, à quelque méchef que ce fust, † si auroit on tout perdu, ou tout gaigné. Et, ainsi qu'ordonné fut, ainsi fut fait: & fut chacun armé: & mōta l'on entour minuit. Petit y eut de ceux qui dormirent: combien qu'on eust le iour trauailé: & ainçois que les batailles fussent à leur endroit assemblées, le iour commença à apparoir. Alors commencerēt les bānieres à cheuaucher à haste par bruyeres, par montaignes, par vallées, par roches, & par malaisez de stroitz, sans point de plain pays: & par dessus les mōtaignes & au plain des vallées estoient croulieres & grans marefts, & si diuers passages, que merueilles estoit que chacū n'y demouroit, car chacun cheuauchoit tousiours auant, sans attendre Seigneur ne compaignon: & fachez que, qui se fust bouté en ces croulieres, à malaise trouuaist qui luy aidast & si y demourerent grand' foison de bannieres à tout leurs cheuaux, en plusieurs lieux, & grande foison de sommiers, qui oncques puis n'en yssirent: & cria l'on moult ce iour aux armes: & disoit l'on que les premiers se combattoient aux ennemis: si que chacun cuidoit que ce fust vray, & se hastoit tant qu'il pouuoit, sur pierres & sur montaignes, le heaume appareillé & l'escu au col, le glaïue ou l'espee au poing, sans attendre pere ne frere, ne cōpagnon: & quand on auoit ainsi couru domie lieue, † dont les cris naiffoiēt on se trouuoit deceu: car c'auoient esté cerfs, ou bieches, ou autres bestes sauages (dōt y auoit grande foison en ces bruyeres & sauage pays) qui s'en fuyoient deuant ces bannieres: dont chacun huyoit apres ces bestes: & cuidoit on que ce fust autre chose.

Ainsi cheuaucha ce ieune Roy Anglois celuy iour, par montaignes & desers, sans tenir voye, chemin ne sentier, ne sans ville trouuer, par son conseil: & quand ce vint aux basses vespres qu'on fut venu sur celle riuiere de Thin (que les Escotois auoient passée, & les cōuenoit rappasser, ce cuidoyēt les Anglois) & ils furent là venus tous trauaillez, ils passerēt outre la riuiere à gué, moult à mal-aïse pour les grosses pierres qui dedans estoient: & quand ils furēt passez, chacun se logea sur celle riuiere, ainsi qu'il peut prédre terre: mais, ainçois qu'ils eussent prins terre pour loger, le solēil fut esconsé: & si y auoit petit d'entre eux qui eussent ne hache, ne coingnée, ferremēs, n'instrumēs pour couper bois pour eux loger: & si y en auoit plusieurs qui auoient perdu leurs cōpaignōs: & mesmement les Gens de pied estoient demourez derriere, & si ne sauoient à qui le chemin demander: & disoient ceux, qui mieux cuidoient cognoistre le pays, qu'ils auoient cheminé celuy iour vingthuit lieues Anglesches, tousiours courant sans arrester, fors que pour † passer, ou son cheual reffengler. Celle nuit les conuint gefir sur celle riuiere, tous armez chacū tenant son cheual en sa main par le frein: car ils ne sauoient à quoy les lier. Ainsi ne mangerent les cheuaux, toute la nuit ne le iour, d'auoine ny de nul fourrage: & les gens mesmes ne goustèrent, tout le iour ne la nuit, que chacun son pain, qu'il auoit trouffé derriere soy, & qui estoit encores tout mouillé de la sueur du cheual: n'ilz ne beurent autre breuage que de la riuiere qui couroit là, fors aucuns grans Seigneurs qui auoyent des bouteilles: & si n'auoyent ne feu ne lumière, car ils ne sauoient de quoy en faire, fors aucuns Seigneurs qui auoient des torches, qu'ils auoyent apportées sur sommiers. En tel méchef passerent ilz toute la nuit, sans oster les selles à leurs cheuaux, n'eux desarmer. Et, quand le desiré iour fut venu, qu'ils esperoient de trouuer au-

cune adresse, pour eux & leurs cheuaux aiser, ou pour combatre aux Escocois, qu'ils de-
 firoient moult pour eux deliurer de celle poureté, il commença à plouuoir toute la iour
 née, tant que la riuere, sur laquelle ils estoient logez, deuint si grande, auant l'heure de
 nonne, que nul ne la peut passer. Parquoy nul ne pouuoit enuoyer veoir en quel lieu
 ils estoient cheus, n'ou ils pourroient recouurer de fourrage, ne litiere pour leurs che-
 uaux, ne pain ne vin pour les soustenir: si les conuint ieusner ainsi toute la nuit: & les
 cheuaux aussi n'auoient fors fueilles d'herbes & d'arbres. Si coupoyēt plâçons de boys
 à leurs espées & † badelaires, pour leurs cheuaux lier, & verges pour faire logettes à eux
 bouter: & entour nonne aucuns pources du pays furent trouuez: lesquels dirent qu'il y
 auoit d'illec quatorze lieües iusqu'à Neuf-chastel sur Thin, & onze lieües iusqu'à Car-
 doel en Gales: & si n'y auoit nulle ville plus pres de là, ou l'on peust riens trouuer pour
 eux aiser. Quand ce fut noncé au Roy & aux Seigneurs, chacun enuoya tantost ses mes-
 sagers celle part, & ses petis cheuaux & ses sommiers, pour apporter pourueâces: & si fit
 on sauoir, de par le Roy, en la ville de Neuf-chastel sur Thin, que qui voudroit gagner,
 on amenaist pain & vin & autres denrées, & on les payeroit sans delay, & les feroit on
 conduire à sauueté dedans l'ost: & leur fit on sauoir qu'on ne partiroit de là iusques à ce
 que l'on sauroit que les Escocois estoient deuenus. Au lendemain, entour l'heure de nō-
 ne, reuindrent les messagers, que les Seigneurs auoient enuoyez aux prouisions, & en ap-
 porterent ce qu'ils peurent pour eux & pour leur ménie (mais ce ne fut mie grande-
 ment) & avec eux vindrent gens pour gagner, & amenerent mulets & petis cheuaux
 chargez de pain, mal cuit, en paniers, & pource vin en grans barils, & autres denrees à vē-
 dre: dont grand' partie de l'ost furent appaisez. Et ainsi de iour en iour, tant qu'ils seiour-
 nerent là enuiron la riuere, † huit iours, entre ces montaignes, en attendant chacū iour
 la suruenue des Escocois: qui aussi ne sauoient que les Anglois estoient deuenus, neant
 plus que les Anglois eux. † Ainsi furēt trois iours & trois nuits sans pain, sans vin, sans
 chandelle, sans auoine, sans fourrages, n' autres pourueâces: & apres, par l'espace de qua-
 tre iours, qu'il leur conuenoit acheter vn pain, mal cuit, six Esterlins (qui ne valoit, ou
 deust valoir, qu'un parisi) & vn † galon de vin vingt quatre Esterlins: qui ne deust valoir
 que six. Encores y auoit il si grād' rage de famine, que l'un le tolloit hors des mains à l'au-
 tre: dont plusieurs debatz aduindrent entre les compagnons des vns & des autres: & en-
 cores, avec tous ces méchefs, il ne cessoit de pluuoir toute celle semaine, parquoy leurs
 selles, panneaux, & contre sangles, furent tous pourris, & la plus grand' partie des che-
 uaux cassez sur le dos: & n'auoient de quoy ferrer ceux qui estoient déferrez: & aussi n'a-
 uoyent la plus grande partie que vestir, ne de quoy se couvrir pour la pluye & pour le
 froid, fors que de la busche verte, ou de leurs hocquetōs, ou de leurs armeures: & si n'a-
 uoient de quoy faire feu, fors que d'icelle busche verte: qui ne pouuoit ardoir, ne durer
 à la plue, qu'il faisoit. En celuy méchcf demourerēt toute celle semaine, sans ouyr nul-
 les nouvelles des Escocois, qu'ils cuidoient qu'ils deussent par là, ou assez pres, passer,
 pour retourner en leurs pays. de quoy grand murmure s'ouït entre les Anglois: car au-
 cuns vouloient dire, & mettre sus aux autres, qu'ils auoient donné ce conseil pour là ve-
 nir en ce point, & qu'ils l'auoient fait pour trahir le Roy & toute sa gent: si que pour ce
 fut il ordonné, entre les Seigneurs, qu'on se partiroit de là, & rappasseroit en ladite riuie-
 re, sept lieües au dessus, là ou elle estoit plus aisee à passer: & fit on crier que chacun s'ap-
 pareillaist pour déloger le lendemain, & que chacun suiuiſt les bānieres, & si fit on crier
 adonc que qui se voudroit tant trauailler qu'il peust apporter certaines nouvelles au
 Roy là où on pourroit trouuer les Escocois, le premier, qui ce luy rapporteroit, il auroit
 cent liures de terre à heritage, à Esterlin & le feroit le Roy Cheualier, Quand ces nou-
 uelles furent sceuës en l'ost, aucuns Cheualiers & Escuyers Anglois, iusques à quinze
 ou seize, pour conuoitise de gagner celle promesse, passerent la riuere en tref-grand
 peril & monterent les montaignes, & puis se departirent, l'un çà l'autre là: & se meit cha-
 cū à l'auēture à par luy. Lēdemain tout l'ost se délogea, & cheuaucherēt assez bellemēt
 ce iour (car ils estoient mal † habillez) & firēt tant qu'ils rapasserēt la riuere, à grand' mal-
 aise: car elle estoit moult grosse pour la pluye, & en y eut assez de baignez, & autant de
 noyez. Quād to' furēt passez, ils se logerēt là endroit, car ils trouuerēt fourrages, & prez
 & chāps, pour la nuit passer, delez vn petit village, que les Escocois auoient ars quād ils
 passerēt. Le lēdemain ils se partirēt par mōtagnes & par valles, tout le iour, iusque pres
 de nōne, que lon trouua aucuns villages ars & aucunes chāpaignes, où il y auoit blez &

† Le lieu fait as-
 sez entendre
 que c'estoient
 quelques bastōs
 trēchans mais
 autrement ne
 les cognois-ie.

† La deduction
 suiuite semble
 monſtrer qu'ils
 en partirēt au
 huitieme iour.

† Entēdez des
 Anglois, deuant
 qu'ils eussent
 nouuelles des
 deux villes
 susdites.

† On vſe encor
 de ceste mesure
 en Normandie
 pour double por-

Promesse du
 Roy d'Angleter-
 re à qui luy ap-
 porteroit nou-
 uelles du camp
 des Escocois.

† Peut estre que
 il faut icy lire
 mal-habiles,
 ou bien enten-
 dre par là, que
 leurs cheuaux
 & eux mes-
 mes, estoient

*mal en point
de marcher
fort, pour la di-
fette qu'ils au-
uoient eue de
toute chose.*

prez, si q̄ tout l'ost se logea là endroit celle nuit: & le tiers iour ils cheuaucherēt en telle maniere. Si ne sauoiet plusieurs ou on les menoit, ne nulles nouuelles des Escocois n'auoiet: & le quart iour en telle maniere, iusques à heure de tierce. Adōc vint vn Escuyer: moult fort cheuauchant, deuers le Roy: si luy dit. Sire, ie vous apporte nouuelles des Escocois, ils sont à trois lieues pres d'icy, logez sur vne montaigne, & vous attendēt là: & y ont bien esté huit iours: & ne sçauoiet nouuelles de vous, neant plus que vous sauez d'eux, ce vous fai- ie sauoir tout de vray: car ie me suis si fort approché d'eux, que i'ay esté prins & mené en leur ost prisonnier, deuant les Seigneurs, si leur dy nouuelles de vous, & comme vous les queriez pour combatre à eux: & tantost les Seigneurs me quitterent ma rançon & prison, quand ie leur eu dit que vous donniez cent liures de rente à l'Estherlin à celuy qui premier vous apporteroit nouuelles d'eux: par telle condition que ie leur promis que ie n'auroye repos, iusques à tant que ie vous eusse dites ces nouuelles: & dient qu'aussi grand desir ont ils de combatre à vous, cōme vous auez à eux: & les trouuez la endroit sans faute. Tātost que le Roy ouit ces nouuelles, il fit apprestier l'ost là endroit, en vn blé, pour leurs cheuaux paistre, & les sangler, de coste vne blāche Abbaye (qui estoit toute arse) qu'on nommoit, du temps du Roy Artus, la Blanche-lande. Là endroit se cōfessa & adreça chacun à son pouuoir: & fit le Roy dire grande plātē de messes (pour† accommicher ceux qui deuotion en auoient: & assigna tantost bien & diligemment à l'Escuyer cent liures de terre, que promis luy auoit: & le fit illec Cheualier, deuant tous. Adonc, quand on fut vn peu reposé & deieusné, on sonna la trompette, & chacun alla monter, & fit on les bannieres cheuaucher, ainsi que ce ieune Cheualier les conduisoit: & tousiours chacune bataille à par elle, sans dérouter par mōtagnes, & par valées, & tousiours renger, ainsi qu'on pouuoit, & qu'ordonné estoit: & tant cheuaucherent, & de tel randon, qu'ils vindrent entour midy si pres des Escocois, qu'ils les veirent cleremēt, & les Escocois eux. Si tost que les Escocois les veirent, ils yssirent de leurs loges à piē: & ordōnerēt trois bōnes batailles frāchemēt, sur le deualer de la mōtagne, là ou ils estoiet logez. Au dessus de celle mōtagne couroit vne riuere forte & roide, pleine de caillous & de si grosses pierres, qu'on ne la pouuoit pas bonnemēt passer à haste, sans grād méchef: & aussi, se les Anglois eussēt la riuere passée, si ny auoit il point de place, entre la riuere & la montaigne, là ou ils peussent auoir rengē leur bataille: & si auoient les Escocois leurs deux premieres batailles establies sur deux coins de la montaigne, & au pendant de la roche: ou l'on ne pouuoit bonnement monter ne râper pour les assaillir: maist estoient au party, pour les assaillās tous lapider de pierres, s'ils fussent passez outre la riuere: & ne pouuoient bonnement les Anglois retourner. Quand les Seigneurs d'Angleterre veirent la contenance des Escocois, ils firent toutes leurs gens traire à pied, & oster les esperons, & renger les trois batailles, ainsi qu'ordonné estoit deuant. Là endroit deuint grand' foison de Cheualiers nouueaux. Quand ces batailles furent rengées, & ordonnées, aucuns des Seigneurs d'Angleterre menerent le ieune Roy à cheual pardeuant toutes les batailles, pour les Gens-d'armes plus réueiller & réiouyr: lequel prioit moult gracieusement que chacun† se penast de bien faire la besongne, & de garder son honneur: & faisoit commander, sur peine de la teste coupper, que nul ne se meist deuant les bannieres de Mareschaux, & ne se meussent iusques à tant qu'on le commanderoit. Vn petit apres on commanda que les batailles allassent auant, pardeuant les ennemis, tout bellement le pas. Ainsi fut fait: si alla bien chacune bataille, en tel estat, grand chemin de terre, iusques au deualer de la mōtagne, sur laquelle les Escocois estoient. Ce fut fait & ordonné pour veoir se les ennemis se derouteroyent point, & pour veoir cōme ils se maintiēdroiet: mais on ne peut apercevoir qu'ils se meussent en riens: & tant estoiet pres les vns des autres, qu'ils cognoissoiet partie de leur armoirie. Adonc fit on arrester l'ost tout coy, pour auoir autre cōseil: & fit on aucūs cōpagnons mōter sur coursiers, pour écarmoucher à eux, & pour regarder le passage de la riuere, & pour aduiser leur contenance de plus pres: & leur fit on sauoir, par Heraux, que s'ils vouloient passer outre la riuere pour combatre au plain, on se tireroit arriere, & leur liureroit on bonne place, pour la bataille renger tantost, ou le lendemain au matin: & s'il ne leur plaisoit, qu'ils vouussent faire le cas pareil. Quand les Escocois eurent ouy ces traitez, ils prindrent entre eux conseil, & tātost respondirēt aux Heraux, qu'ils ne feroiet ne l'un ne l'autre: mais que le Roy & les Barons veioient biē qu'ils estoiet en son Royaume, & auoient ards & gasté tout par tout ou ils auoient passé: & si cela en-
nuoyoit

*Cest ancien
mot signifie cō-
munier & rece-
voir nostre Sei-
gneur.*

*Les Anglois
trouuent les
Escocois.*

*† Il veut dire
que les Escocois
estoient en tel
anantage, que
ils pouuoient
lapider les An-
glois. &c.*

*† C'est à dire
se meist en
peine & en
devoir.*

nuyoit & déplaïsoit au Roy, si le veinssent amender, car là ils demouroiēt tant qu'il leur plairoit. Quand le Conseil du Roy d'Angleterre veit leur vouloir, il fut crié & cōmandé que chacun se logeast là ou il estoit, sans reculler. Ainsi se logerent celle nuit moult à malaïse, sur dure terre & sur pierres moult sauuages, & tousiours armez & à grand méchef, ny n'auoient ne pouuoient recouurer pieux, ne verges, pour lier leurs cheuaux, ne fourrage ne litiere, ne busche pour faire feu. Quand les Anglois furent logez en telle maniere: & les Escoçois les veirent ils firent demourer aux champs de leurs gens, sur les places ou ils auoient estably leurs batailles, puis se retirerent à leurs logis, & firent tant de feux que merueilles: & firent, entre iour & nuit, si grand bruit de corner de leurs cors, tous à vne voix, qu'il sembloit proprement que tous les grans diables d'enfer fussent là venus. Ainsi furent logez celle nuit (qui fut la nuit Sainct Pierre, à l'entree de Aoust, de l'an mil trois cens vingtsept) iusques au lendemain, que les Seigneurs ouyrent messe. Apres fit on chacun armer, & les batailles renger, ainsi que le iour de deuant. Quand les Escoçois veirent ce, ils s'en vindrent loger aussi bien sur leur piece de terre, comme il auoient fait la iournee de deuant, & demourerent les deux osts ainsi regez iusques à midy, que les Escoçois ne firent oncques semblant de venir deuant les Anglois, n'aussi les Anglois deuers eux, car ils ne les pouuoient bonnement approcher sans grand dommage. Plusieurs compaignons, qui auoient cheuaux dont ils se pouuoient bien aider, passerent la riuere, & aucuns à pié, pour écaroucher à eux: & aussi se dérouterent aucuns Escoçois, qui couroient & racouroient tous éscarouchans les vns aux autres: tant qu'il en y eut de morts & de naurez & de prisonniers d'vns & d'autres. Mais, ainsi cōme apres midy les Seigneurs d'Angleterre firēt assaïoir que chacun se retraïst en sa loge (car bien leur sembloit qu'ils estoïēt là pour neant) se tira chacū en son logis. En tel estat furent ils † par trois iours, & les Escoçois d'autre part sur leur montaigne, sans departir: toutesfois, s'il y auoit tousiours gens écarouchans d'vne part & d'autre, & souuent de morts & de prins, il n'est point de doute: & tous les vespres les Escoçois faisoient par coustume grans feux, & faisoïēt grand bruit de corner & de huyer. L'intention des Seigneurs d'Angleterre estoit de tenir ces Escoçois là endroit comme assiegez (car ils ne se pouuoient bonnement combattre à eux) & les cuidoit on bien affamer en † leur pays: & sçauoient bien ces Anglois, par les prisonniers qu'ils auoient prins, que les Escoçois n'auoient ne pain ne vin, ne nulles pourueances, ne de sel. Des bestes auoient ils à grand foïson, qu'ils auoient prises au pays, si en pouuoient ils manger à leur plaisir, sans pain, à quoy ils acomptoient peu: mais qu'ils eussent vn peu de farine, pour en faire du tourteau, ainsi que dit est cy dessus: & aussi en vsent bien aucuns Anglois, quand ils sont en leur cheuauchee, quand il leur touche.

Or aduint que, le quatriesme iour au matin, les Anglois, qui regardoient deuers la montaigne aux Escoçois, n'en veirent nuls: car ils s'en estoient partis secrettement à minuit. Lors furent enuoyez gens à cheual & à pié par ces montaignes, pour sçauoir que ils estoient deuenus: & ceux les trouuerent, entour prime, logez sur vne autre montaigne, plus forte que celle de deuant n'estoit, sur celle riuere mesme, en vn grand bois, pour estre plus mucez, & pour plus secrettement aller & venir quand ils vouldroient. Si tost qu'ils furent trouuez, on fit les Anglois déloger, & tirer celle part tout ordonneement, & loger sur vne montaigne à l'encontre d'eux: & fit on les batailles renger, & faire semblant comme d'aller vers eux: mais si tost qu'ils veirent l'ordonnance aux Anglois & eux approcher, ils yssirent hors de leurs logis, & s'en vindrent loger assez pres de la riuere, encontre eux: mais oncques ne voulurent descendre, ne venir vers les Anglois: & les Anglois ne pouuoient aller à eux, qu'ils ne fussent tous morts, ou prins, d'auantage: & se logerent là endroit contre eux, & demourerent. xvij. iours tous pleins sur ceste montaigne: dont les Seigneurs d'Angleterre enuoyerent bien souuent leurs Heraux par deuers les Escoçois, pour parlementer à eux, qu'ils voussissent liurer place & piece de terre, ou on la liureroit à eux mesmes: mais oncques ne sy voulurent accorder. Si eurent les deux osts moult de malaïse en ces iours qu'ils seiournerent. La premiere nuit que les Anglois furent logez sur celle seconde montaigne, à l'encōtre des Escoçois, messire Guillaume Donglas print entour minuit enuiron deux cens hommes armez, & passa celle riuere bien loing de leur ost, parquoy on ne s'en apperceust: & se ferit en l'ost des Anglois vaillamment, en criant Donglas: vous y mourrez tous, larrons Anglois: & en tua luy & sa compaignie, auant qu'ils cessassent, plus de trois cens: & ferit des esperōs

Ce qui se fit entre les Anglois & Escoçois en quel temps.

† Entendez ces trois iours frācs sans y comprendre celuy auquel les Anglois allerent trouuer les Escoçois, ne celuy d'apres pour bien venir aux 24. dont il fera tantost mentiō.

† Ce leur se rapporte aux Anglois. Delogement des Escoçois.

Le camp des Anglois assaili de nuit par les Escoçois.

asprement iusques deuant la tente du Roy, tousiours criant & huant Donglas, Donglas: & coupa deux ou trois des cordes de la tente du Roy, puis s'en partit, & perdit aucuns de ses gens à la retraite (mais ce ne fut mie grandement) & puis retourna arriere vers les autres compagnons en la montaigne. Depuis n'y eut rien fait: mais toutes les nuits tous les Anglois faisoient grand guet & fort: car ils se doutoient du réueillement des Escocois: & auoient mis gardes & escoutes en certains lieux: parquoy fil aduenoit aucune chose, ils le faisoient sçauoir en l'ost: & gesoient presque tous les Seigneurs en leur har-nois: & tous les iours auoit des écarouches, & écarouchoit qui vouloit: & y en auoit souuent de morts & de naurez des vns & des autres. Le dernier iour † des xxiiij. fut prins vn Cheualier d'Escoce, qui moult enuis vouloit dire aux Seigneurs d'Angleterre l'estat & l'affaire des siens. Si fut il tant interrogué, qu'il dit que leurs Souuerains auoient accordé entre eux, le matin, que chacun fust armé au vespre, & chacun suyuiſt la banniere de messire Guillaume Donglas, & que chacun se teinst en secret: mais le Cheualier ne sçauoit de certain qu'ils auoient en pensee. Sur ce eurent les Seigneurs d'Angleterre conseil ensemble: & si aduiserent que, selon les parolles dudit Cheualier, les Escocois pourroient bien venir par nuit assaillir leur ost des deux costez, pour eux mettre en aduenture de viure ou de mourir: car plus ne pouuoient endurer leur famine. Si ordonnerent les Anglois entre eux trois batailles, & se logerēt en trois pieces de terre, deuant leur logis: & feirent moult grand foison de feu entour eux, pour veoir plus clair: & firent demourer tous les garçons en leur logis, pour garder leurs cheuaux. Si se tindrent ainsi tous armez celle nuit chacun desſous sa banniere ou son pennon-ceau: & , quand ce vint sur le point du iour, deux trompettes d'Escoce s'embatirent sur l'un des gens qui guettoient aux champs, si furent prins & amenez deuant les Sei-

† C'est assauoir qui commence-
rēt des que les
Anglois eurent
certaines nou-
uelles des Esco-
gois, lors qu'ils
s'allèrent cam-
per aupres de
eux. Car autāt
en trouverez,
si vous cōptez
par le menu, et
ainsi que nous
vous auōs des-
ia aduertis.

† Cōme s'il vou-
loit dire ainsi,
Les Escocois
nous ont biē
laissez icy
pour vous an-
noncer leur
dépāt, &
nous ont dō-
né congé de
ce faire, quād
nous pense-
rions qu'ils
pourroient
estre assez
loin de vous,
mais doutās
que nous ne
soyons par
aduenture
contrains de
le vous dire
pluſtoſt que
ne voudriōs,
ils se feront
hastes, & se-
ront bien
maintenant
à quatre ou
cinq lieues
loing d'icy.

gneurs du conseil du Roy: & dirent. Seigneurs, que guettez vous icy? vous perdez le temps: car, sur l'abandon de noz testes, les Escocois s'en font r'allez des auant minuiēt, & font ia quatre ou cinq lieues loing, † pour doutance que nous le vous diffions, & puis nous donnerent congé de le vous dire. Lors dirent les Anglois que le chasser apres les Escocois ne leur valoit riens: car on ne les pourroit raconsuyuir. Et encores, pour dou-tance de deceuance, les Seigneurs retindrent les deux trompettes tous cois, & les firēt demourer deuers eux: & ne rompirent point l'ordonnance ne l'establissement de leurs batailles, iusques apres prime: & , quand ils veirent que c'estoit verité que les Escocois s'en estoient allez, lors ils donnerent congé à tout homme de foy retraire à sa loge, & les Seigneurs allerent au Conseil, pour regarder qu'on en feroit. Entendis aucuns des cō-paignons Anglois monterent sur leurs cheuaux, & passerent ladite riuere, & vindrent sur celle montaigne, dont les Escocois estoient partis, & trouuerent plus de cinq cens grosses bestes, que les Escocois auoient tuees, pourtant qu'elles estoient pesantes, & ne les eussent peu suyuir, & ne les voulurent mie laisser viure pour les Anglois: & si trouue-
rent plus de trois cens chaudieres, * faites de cuir à tout le poil, pendues dessus le feu, pleines de chair & d'eaue pour faire bouillir, & plus de mille hastiers pleins de pieces de chair pour rostir, & plus de dix mille vieux ſouliers vſez, faits de cuir tout cru, à tout le poil, que les Escocois auoient là laissez: & trouuerent cinq pources prisonniers Anglois, que les Escocois auoient liez aux arbres tous nuds: & en y auoit aucuns qui auoient les iambes toutes rompues, si les delierent & les laisserent aller, puis reuindrent si à point, que chacun se delogeoit & ordonnoit pour s'en r'aller en Angleterre, & par l'accord du Roy & de son Conseil. Si suyuièrent tout ce iour les bannieres des Mareſchaux, & vin-drent loger de haute heure en vn beau pré: ou ils eurent assez à fourrager pour leurs che-uaux, ce qui leur vint tref-bien à point: car ils estoient tant foibles & tant affamez, qu'à grand peine pouuoient ils aller auant. Lendemain se delogerent plus auant, & vindrent loger de plus haute heure en vne grād Abbaye, à deux lieues pres de la cité de † Duren-
nes: & se logea le Roy la nuit en celle court, & l'ost contreal les prez: & si trouuerent
* Annot. 41. assez à fourrager, herbes, vesces, & blé. Le lendemain se reposa l'ost là endroit tout coy,
† C'est celle que
il a parauant
nommee Du-
ren, & que ie
pēse estre Du-
nelme.

les auoient les Bourgeois de Durennes trouuez & amenez en leur ville, à leurs couſts
* Annot. 42. & fait mettre en vuides grāches, chacune charrette à son pēoncel, pour les recognoi-
stre. Si

estre. Si furent moult ioyeux les seigneurs, quand ils eurent trouué leur charroy. Si se reposerent deux iours dedans la cité de Durennes, & l'ost tout entour (car tous n'eussent peu loger dedans la cité) & firent leurs cheuaux referrer, & se meirent à chemin vers † Ebruich. Si exploita tant le Roy & son ost, que dedans trois iours ils y vindrent: & là trouua Madame sa mere, qui le receut à grand' ioye, & aussi firent toutes les Dames & les Bourgeoises de la ville. La donna le Roy congé à toutes manieres de gens de leur en r'aller chacun en son lieu: & remercia grandement les Comtes, les Barons, & les Cheualiers, de leur bon conseil & ayde qu'ils luy auoient fait. Et tint encores delez luy messire Jehan de Haynaut & toute sa route: qui furent grandement festoyez de Madame la Royne & de toutes les Dames: & penserent les bannieres de leurs cheuaux (qui tous estoient enfondus) & les reliurerent au Conseil du Roy: & fit chacun somme pour luy de ses cheuaux morts & de ses fraiz: & en fit sa propre debte messire Jehan de Haynaut, & sen obligea enuers tous ses cōpaignons. Car le Roy & tous ses Consuls ne pouuoient si tost recouurer argent, tant que les cheuaux montoient: mais on leur en deliura assez par raison, pour payer leurs menus fraiz & pour retourner au pays: & puis apres, dedans l'annee, furent ils tous payez de tout ce que leurs cheuaux montoient. Quand les Hainuyers eurent reliurez leurs cheuaux, ilz acheterent de petites hacquenees pour cheuaucher plus à leur aise, & renuoyerent leurs garçons & leurs harnois, sommiers, maliers & bahus par mer: & meirēt tout en deux nefes, que le Roy leur fit deliurer, lesquelles arriuerent avec ces besongnes à l'Excluse en Flandres. Aussi prindrent les Hainuyers congé de Madame la Royne, du Comte de Kent, du Comte de Lenclastre, & des Barons, qui grandement les honorerent: & les fit le Roy accompagner de douze Cheualiers & de deux cens Hōmes-d'armes, pour doute des Archers: dont ils n'estoient mie moult asseurez: car il leur conuenoit passer, parmy leur pays, l'Euesché de Lincole. Si se partirent messire Jehan de Haynaut & toute sa route au conduit dessusdit: & cheuaucherent tant par leurs iournees, qu'ils vindrent à Douures. Là monterent ils en mer en nefes & en vaisseaux, qu'ilz trouuerent tous appareillez: & les Anglois qui les auoient conuoyez, se partirent d'eux, & retournerent chacun en son lieu: & les Hainuyers arriuerent à VVissant, & là seiournerent deux iours, mettant à point leurs cheuaux & le demourant de leurs harnois. Ce pendant vindrent messire Jehan de Haynaut & aucuns autres Cheualiers en pelerinage à Nostre-dame de Boulongne. Depuis ils retournerent en Haynaut, & se departirent tout l'un de l'autre, & se retrahit chacun chez soy: mais messire Jehan sen vint deuers le Comte, son frere (qui se tenoit à Valenciennes) qui le receut ioyeusement & volontiers: car moult l'aymoit. Adonc luy racompta le Sire de Beaumont toutes les nouuelles, si auant qu'il les sceut.

Comment le Roy Edouard se maria à Madame Philippe de Hainaut.

CHAP. XX.

NE demoura pas gramment apres que le Roy, Madame sa mere, & le Comte de Kent son oncle, le Comte Henry de Lenclastre, le Comte de Mortemer, & tous les Barons d'Angleterre, qui estoient demorez du Conseil du Roy, enuoyerent un Euesque, deux † Cheualiers bannerets, & deux bons Clercs, à messire Jehan de Haynaut, pour luy prier qu'il voulsist estre moyē à ce que le ieune Roy, leur Seigneur, fust marié, & que le Comte de Haynaut & de Holande luy voulsist enuoyer vne sienne fille: car il l'auroit plus chere que nulle autre, pour l'amour de luy. Le Sire de Beaumont festoya & honnora moult ces messagers & commissaires de par le Roy Anglois. Puis les mena à Valenciennes, deuers son frere: qui honorablement les receut aussi, & les festoya si souuerainement, que trop seroit longue chose à racompter. Quand ils eurent dit leurs messages, le Comte dit que moult grans mercis à Mōseigneur le Roy & à Madame la Royne, & aux Seigneurs, par le conseil desquels ils estoient là venus: quand ils luy faisoient tel honneur, que pour telle chose, ils auoient de si suffisans gens enuoyez: & que moult volontiers s'accorderoit à sa requeste, se nostre Sainct-pere le Pape & l'Eglise de Rome sy accordoit. Celle responce leur suffit grandement: & adoncques enuoyerent deux de leurs Cheualiers & Clercs droit par deuers le Sainct-pere, * en Auignon, pour impetrer dispensation d'iceluy mariage accorder. Car, sans le congé du Sainct-pere, faire il ne se pouuoit, pour le lignage de France, dont ils estoient moult prochains, si comme au tiers degré. Car leurs deux meres * estoient cousines germaines, yssues de deux freres. Assez tost apres ce qu'ilz furent venus en Auignon, ils eurent leurs besongnes faites: car

† Je pense qu'il falloit ainsi li-re au chap. 16. en lieu de VVaruich: c'est ceste ville d'Ebruich celle, que l'on nomme autrement Yorch, & en latin Eboracum: ainsi que nous disons en l'Annotation 32. à la fin de ce present volume.

Retour des Hainuyers en leur pays.

† Voyez un ancien liure, nommé la Salade, pour ces deux mots.

Annot. 43.

Annot. 44.

*Dispence du
pape pour le
mariage du ieune
Roy Edouard*

le Saint-pere & le College se consentirent moult benignement. Et, quand ces messages furent venus d'Auignon à Valenciennes, à toutes leurs bulles, ce mariage fut tantost octroyé & affermé, d'une part & d'autre. Si fit on pourvoir la deuse, & appareiller de tout ce qu'il leur falloit, si honnorablement comme à telle Damoiselle (qui deuoit estre Royne d'Angleterre) appartenoit. Et puis elle fut espousée, par la vertu d'une procuration apparant suffisamment: qui la fut apportée de par le Roy d'Angleterre. Puis monta en mer ladite Damoiselle Philippe de Haynaut à VVisant, & arriua à toute sa compaignie, à Douures: & la conduit iusques à Londres messire Iehan de Haynaut, son oncle. Si y eut adoncques à Londres grand' feste & noblesse de Seigneurs d'Angleterre: & fut la Royne couronnée: & furent faictes ioustes & tournois, dances & caroles, & grans & beaux mangiers, chacun iour: & durerent ces festes l'espace de trois semaines. Au chef d'aucuns iours messire Iehan de Haynaut print congé, & s'en partit à tout sa route, bien fournis de beaux ioyaux & riches, qu'on leur auoit donnez de costé & d'autre en plusieurs lieux: & demoura la ieune Royne Philippe à petite compaignie de son pays, hors mis vn Damoisel, qu'on appeloit par nom VVantelet de Manny: qui y demoura pour seruir & tailler deuant elle: lequel fit puis tant de prouesses en tant de lieux, que on n'en sçait le nombre.

*Couronnement
de Madame
Philippe de
Haynaut à
Royne d'An-
gleterre sous
iours en l'an
1327. selon
P. Virgile, &
George Lillie.*

Comment le Roy Robert d'Escoce mourut.

CHAP. XXI.

*Treues pour
trois ans entre
les Anglois et
Escoçois.*

A Pres ce que les Escoçois se furent partis de nuit de la montaigne là ou le ieune Roy Edouard & les Seigneurs d'Angleterre les auoient assiegez, si comme vous auez ouy, ils allerent vingt-deux lieues d'iceluy sauuage pays, sans arrester & passerent celle riuiere de Thin, assez pres de Cardoel en Gales, & le lendemain reuindrent en leur pays, & se departirent par l'ordonnance des Seigneurs, & s'en r'alla chacun en sa maison. Assez tost apres, aucuns Seigneurs & Barons pourchacerent tant entre le Roy Anglois, qu'vnes tréues furent donnees, par l'espace de trois ans, entre les deux Roys d'Escoce & d'Angleterre. Dedans celle tréue aduint que le Roy Robert d'Escoce, qui moult preux auoit esté, estoit demouré vieil & foible, & si chargé de la grosse maladie (ce disoit on) que mourir luy conuenoit. Quand il sentit sa fin approcher, il manda les Barons de son Royaume, esquels il se fioit le plus. Si leur dit que mourir luy conuenoit: & leur commanda sur leur loyauté, qu'ils gardassent feablement le Royaume, en ayde de Dauid son filz: & quand il seroit venu en aage, qu'ils luy obeyssent, & qu'ilz le couronnassent à Roy, & qu'ils le mariaissent en lieu si suffisant qu'à luy appartenoit. Et apres il appela le gentil messire Guillaume de Donglas, & luy dit deuant tous les autres. Messire Guillaume, cher amy, vous sauez que j'ay eu moult à faire & à souffrir en mon temps que j'ay vescu, pour soustenir les droitz de ce Royaume: & lors que j'eue le plus à faire, ie fi vn vœu, que ie n'ay point accompli: dôt me desplaist, l'ay voué que (se ie pouuoie tant faire que j'eusse ma guerre acheuee, parquoy ie peusse cestuy Royaume gouverner en paix) i'iroie aider à guerroyer contre les ennemis de nostre Seigneur Iesus Christ, & les aduersaires de la foy Chrestienne, à mon loyal pouuoir. A ce poinct a tousiours mon cœur tendu, mais nostre Seigneur ne le m'a pas voulu consentir: si m'a donné tant à faire en mon temps, & au dernier entrepris de tant dure & griëue maladie, de laquelle maladie me cōuiēt mourir. Or puis qu'il est ainsi que le corps de moy n'y peut aller, n'acheuer ce que le cœur a tant désiré, i'y vueil enuoyer le cœur, en lieu du corps pour mon vœu acheuer: & pource que ie ne fay en tout mon Royaume nul Cheualier plus preux ne plus vaillant † de vostre corps, ne mieux taillé pour mon voyage acheuer, en lieu de moy, ie vous prie trescher & tres-especial amy, tant comme ie vous puis prier, que vous vueillez ce voyage entreprendre, pour l'amour de moy, & pour mon ame acquiter enuers Nostre-Seigneur: car ie tiens tant de vostre noblesse & de vostre loyauté, que, se vous l'entreprenez, n'y faudrez nullement: & si en mourray plus aise: mais que ce soit par telle maniere comme ie vous diray. Je vueil que, si tost que ie seray trépassé, que vous prenez le cœur de mon corps, & le fay tes bien embaumer, & prenez tant de mon tresor qu'il vous semblera bon, pour parfournir tout le voyage, pour vous & pour tous ceux que vous voudrez mener avecques vous, pour le presenter au Saint-Sepulchre Nostre-Seigneur (là ou Nostre-Seigneur fut enseucly) puis que le corps n'y peut aller: & le faites si grandement, & vous pourvoyez si suffisamment de telle compaignie & de toutes autres choses, qu'à vostre estat appartient, & que

** Annot. 45.
Ce qu'ordonna
le roy Robert de
Escoce à Messire
Guillaume de
Donglas peu
auant sa mort*

*† Ce de pour
que, est fort
usité entre les
ancie's.*

par

par tout, ou vous viendrez, l'on sache que vous emportez le cœur du Roy Robert d'Escocce: lequel vous portez outre mer par son commandement, puis qu'ainsi est que le corps n'y peut aller. Tous ceux, qui là estoient, se prindrent à plourer: & quand ledit messire Guillaume peut parler, il dit. Gentil & noble Roy, cent mille mercis du grand honneur que vous me faites: quand de si noble & si grand chose & tel tresor me chargez: & ie feray volontiers & de bon cœur ce que vous me commandez, à mon loyal pouuoir. Iamais n'en doutez: combien que ie ne soye pas digne ne suffisant pour telle chose acheuer. Adoncques dît le Roy. Ha gentil Cheualier, grand mercis: mais que vous le me promettez. Le Cheualier dît. Certes, Sire, tres volontiers. Lors luy promit, comme bon Cheualier: & adonc dît le Roy. Or soit Dieu gracié & mercié: car ie mourray plus en paix dorenavant: puis que ie say que le plus preux & le plus suffisant de mon Royaume acheuera pour moy ce que ie ne peus oncques acheuer. Assez tost apres trépassa de ce siecle le vaillant Robert de Breux, Roy d'Escocce: & fut enseuely honnorablement: & fut le cœur osté & embasné: & gist le dessusdit Roy en l'Abbaye de Donfremelin tres-reueramment: & trépassa de ce siecle, l'an mil ccc. xxvi. le septième iour de Nouembre, le plus puissant Prince du Royaume d'Escocce: & farmoît d'argent à trois oreilles d'or. Quand le printemps vint, & la saison, messire Guillaume de Donglas se pourueut grandement de ce qui luy appartenoit, & monta en mer au port de Morais en Escocce, & s'en vint en Flandres droit à l'Escluse, pour ouir nouuelles, & pour sçauoir se nul de par-deça la mer s'appareilleroit pour aller par deuers la Sainte-terre de Hierusalem: à fin qu'il peust auoir meilleure compaignie. Si seiourna bié à l'Escluse par l'espace de douze iours, ainçois qu'il s'en partist: mais onc là endroit ne voulut mettre pied à terre, mais demoura tout ce terme sur la marine: & tenoit tousiours son tinel honnorablement, à troïpes & à naquaires, cōme si ce fust le Roy d'Escocce: & auoit en sa cōpaignie vn Cheualier banneret & sept autres cheualiers des plus preux du Royaume d'Escocce, sans l'autre menue: & si auoit toute sa vaisselle d'or & d'argēt, pots, bacins, escuelles, hanaps bouteilles, barrils & autres telles choses: & auoit iusques à vingt-six Escuyers ieunes & gētils, & des plus suffisans d'Escocce, dont il estoit seruy: & sachez que tous ceux, qui le vouloient aller veoir, estoient bien seruis de deux manieres de vins, & de deux manieres d'espices: mais que ce fussent gens d'estat. Au derrenier, quād il eut seiourné à l'Escluse par l'espace de douze iours, il entendit qu'Alphōs, le Roy d'Espaigne, guerroyoit le Roy de Grenade: qui estoit Sarrazin. Si auisa qu'il iroit celle part mieus employer son tēps & son voyage: & quād il auroit là fait sa besongne, il iroit outre, pour acheuer ce qui luy estoit enchargé. Si s'en alla deuant Espaigne, & descēdit premieremēt au port de Valēce la grand', & puis s'en alla droit vers le Roy d'Espaigne: qui tenoit son ost contre le Roy de Grenade, Sarrazin: & estoient assez pres l'un de l'autre, sur les frontieres de son pays. Aduint, assez tost apres que ce messire Guillaume de Donglas fut là venu, que le Roy d'Espaigne yffit hors aux chāps, pour plus pres approcher ses ennemis. Le Roy de Grenade issit hors d'autre part: si que l'un Roy veoit l'autre à tous ses bannieres: & cōmencerent à réger les batailles l'un cōtre l'autre. Ledit messire Guillaume se tira d'un costé, à toute sa route, pour mieus faire sa besongne, & monstrier son effort. Quand il veit les batailles rengées d'une part & d'autre, & veit les batailles du Roy d'Espaigne vn petit émouuoir, il cuida que elles fallassent assembler, & luy qui mieus vouloit estre des premiers que des derniers, ferit des esperons, & toute sa compaignie avecques luy, iusques à la bataille du Roy de Grenade: & assembla aux Sarrazins, & pensa que les batailles du Roy d'Espaigne le suyussent, mais non firēt, dont il fut deceu: car onques à ce iour ne le suiurēt. Là fut le gentil Cheualier messire Guillaume de Donglas enclos, & toute sa route, des ennemis: & y firent merueilles d'armes: mais finablement ils ne peurent durer: mais furent tous occis: dont ce fut grand dōmage qu'ils ne furent secourus des Espaignols. En ce tēps aucuns Seigneurs & preud'hōmes, qui desiroient la paix entre les Anglois & les Escocois, traictèrent tant, que mariage fut fait entre le ieune Roy d'Escocce & la sœur au ieune Roy Edoouard d'Angleterre. Si fut ce mariage acordé: & espousa la Dame le dessusdit Roy à Vvaruich, en Escocce: & y eut grās festes & beaux ébatemēs, de l'une partie & de l'autre.

Mort du Roy
d'Escocce Robert
de Breux.

† Je me doute
qu'il n'y faille
de Monros
(que la carte
met au pays
d'Angoux)
ou que ce ne
fust quelque
port de la com-
té de Moray.
Sala dit Mor-
rois.

Deuers.

* Annot. 46.

Mort de messire
Guillaume
de Donglas.

* Annot. 47.
sur le mariage
du Roy David
d'Escocce.

* Annot. 48.

Comment Philippe de Valois fut couronné Roy de France.

CHAP. XXII.

LE Roy Charles de France, fils au beau Roy Philippe, fut trois fois marié: & si mourut sans hoir mâle. La premiere de ses femmes fut l'une des plus belles Dames du

* Annot. a. 49 monde : & fut * fille au Comte d'Artois. Celle garda tresmal son mariage, & se forfit : parquoy elle demoura long temps en prison au Chastel-gaillard : & y fut à grand méchet, ainçois que son mary fust Roy. Quand le Royaume de Frâce luy fut écheu, & il fut couronné, les douze Pers de France, & aussi les Barôs ne vouloient point que le Royaume de France demourast sans hoir masle. Si aduiserent, par leurs sens, comment le Roy Charles fust marié. Si le fut à la fille de l'Empereur Henry de Luxembourg, sœur au gentil Roy de Behaigne : parquoy le premier mariage fut défait de celle Dame qui en prison estoit, par la declaration du Pape qui estoit lors. De ceste seconde dame de Luxembourg, qui estoit moult humble & preude femme, eut le roy vn fils : qui mourut moult ieune, & la Dame tantost apres à Yssoudun en Berry : & moururent tous deux assez soupçonnewement : dequoy aucunes gens furent encoulpez en derriere couuertemēt. Apres ce, le Roy Charles fut remarié, tiercemēt, à la fille de son oncle Mōseigneur Louis, Comte d'Eureux, sœur au Roy de Nauarre, * qui adonc estoit : & fut nommée la Royne Iehanne. Apres aduint que celle Dame fut enceinte, & ledit Roy, son mary, accoucha malade au liēt de la mort. Quand il apperceut que mourir luy conuenoit, il aduisa, fil aduenoit que ce fust vn fils, qu'il vouloit que messire Philippe de Valois, son cousin, en fust tuteur & Regent de tout son Royaume, iusques à tant que son fils seroit en aage d'estre Roy : & fil aduenoit que ce fust vne fille, que les douze Pers & les haux Barons de France eussent conseil & aduis entre eux d'en ordonner : & donnassent le royaume à celuy, qui auoit le doit par droit. Tantost apres le Roy Charles mourut : & fut * environ Pasques, l'an de grace mil ccc. xxviii. Ne demoura pas gramment apres, que la Royne Iehanne accoucha d'une belle fille : & adonc les douze Pers & Barôs de France s'assemblerent à Paris, au plus tost qu'ils peurent, & dōnerent le Royaume d'un cōmun accord à messire Philippe de Valois : & en osterent la Royne d'Angleterre, & le Roy son fils (laquelle estoit demourée sœur germaine du Roy Charles, dernièrement trépassé) par la raison de ce qu'ils dient que le Royaume de France est de si grand' Noblesse, qu'il ne doit mie, par succession, aller à femelle. Si firent iceluy Monseigneur Philippe couronner à Reims, le iour de la Trinité ensuyuant : & assez tost apres manda ses Barons & tous ses Gens-d'armes : & alla, à tout son pouuoir, en la ville de * Cassel, pour guerroyer les Flamens : qui estoient rebelles à leur Seigneur, mesmement ceux de Bruges, d'Ipre, & du Franc, ne vouloient obeyr audit Comte de Flandres, mais l'auoient dechassé : & ne pouuoit adoncques nulle part aller en son pays, fors seulement à Gand, & assez echarcement. Si déconfit adonc le Roy Philippe bien * douze mille Flamens : qui auoient fait vn capitaine nommé Colin † Dannequin, hardy hōme & courageux. Et auoient ledits Flamens fait leur garnison de Cassel, au commandement & aux gages desdites villes de Flandres, pour garder les frontieres là endroit. Si vous diray comment les Flamens furent déconfits, & tout par leur outrage.

Cy parle de la bataille de Cassel en Flandres.

CHAP. XXIII.

Les se partirent vn iour, sur l'heure de vespre, de Cassel, en intention & pour déconfire le Roy & tout son ost : & s'en vindrent tout paisiblement, sans point de noise, ordonner en trois batailles : desquelles l'une s'en alla droit aux tentes du Roy, & eurent presque le Roy surprins : qui se seoit à souper, & tous ses gens. L'autre bataille s'en alla droit aux tentes du Roy de Behaigne, & l'eurent presque trouué en tel poinct : & la tierce bataille s'en alla droit au Comte de Haynaut, & l'eurent aussi presque surprins : & le hastèrent de si pres, qu'à peine peurent estre ses gens armez, ne les gens de Monseigneur de Beaumont son frere. Et vindrent toutes ses trois batailles si paisiblement, iusques aux tentes, qu'à grand' peine peurent ils estre armez assez à heure, ne les Seigneurs assemblez : & eussent esté tous les Seigneurs & leurs gens morts, se Dieu ne les eust, ainsi que par miracle, secourus & aydez : mais par la grace de Dieu, chacun de ses seigneurs déconfit sa bataille, si entierement, & tous en vne heure, qu'oncques de seize mille Flamens il n'en échapa nul : & fut leur Capitaine mort : & ne sceut oncques nul de ses Seigneurs nouvelles l'un de l'autre, iusques à ce qu'ils eurent tout fait : & oncques dudit nombre des Flamens, qui morts estoient n'en recula vn seul, que tous ne fussent tuez & morts en trois monceaux, l'un sur l'autre, sans issir de la place, en laquelle ladite bataille commença : qui fut l'an de grace mil ccc. xxvi. le iour saint Barthelemy. Et adonc vindrent les François à Cassel, & y meirent les bannieres de France, & se redirent ceux de la ville au

le au Roy: & puis Piepingne, & puis Ypre, & tous ceux de la Chastellenie de Bergues ensuyuant: & receurent le Comte Louis leur Seigneur, & luy iurerent foy & loyauté à tousioursmais. Apres departit le Roy ses gens, & vint sejourner à Paris & là environ, & fut moult prisé & honoré de celle emprise, & du seruice du Comte Louis son cousin: & demoura en grand prosperité, & accreut l'estat Royal: & n'auoit eu oncquesmais Roy en France (si comme l'on disoit) qui eust tenu l'estat pareil du Roy Philippe.

Comment le Comte de Kent & messire Roger de Mortemer furent iusticiéz.

CHAPITRE XXIIII.

LE ieune Roy Edouard d'Angleterre se gouerna vn grand temps (si comme vous l'avez ouy cy dessus) par le Cōseil de Madame sa mere, & du Côte de Kent son oncle, & de messire Roger de Mortemer. Au dernier, enuie commença à naistre entre le Comte de Kent & ledit messire Roger: & tant que ledit messire Roger informa & enhorta tāt le ieune Roy, par le consentement de Madame sa mere, qu'ils luy firent entendre que ledit Comte de Kent le vouloit empoisonner, & le feroit mourir briēuement (fil ne s'en gardoit) pour auoir son Royaume, comme le plus prochain apres luy: car le plus ieune frere du Roy (qu'on appelloit * messire Iehan de Kent) estoit nouuellement trépassé. Dont tantost apres le Roy Edouard (qui croyoit trop legerement) fit prendre le Comte de Kent son oncle, & décoller † publiquement, qu'ocques ne peut venir à excusance: dont tous ceux du pays furēt moult troublez, & eurent puis à contre-cœur le Seigneur de Mortemer. Ne demoura gueres apres, que grand' infamie issit sur la mere du ieune Roy Edouard: ne say pas se vray estoit: mais cōmune voix estoit qu'elle estoit enceinte: coulploit on de ce fait le Seigneur de Mortemer. Aussi fut informé le Roy, que ledit Seigneur de Mortemer auoit enhorté, par enuie, la mort du Comte de Kent: que tous ceux du pays auoient tenu pour preud'homme & loyal. Lors fit le Roy prendre le Seigneur de Mortemer, & amener à Londres par deuant luy moult grand' foison de Barons & de Nobles de son Royaume: & fit compter, par vn Cheualier, tous les faits du Seigneur de Mortemer, ainsi que par declaration les auoit: & apres demanda à tous, par maniere de conseil & de iugement, quelle chose en estoit bonne à faire: & le iugement en fust tantost rendu: car chacun en estoit ia par renommee & par iuste information tout aduisé. Si respondirent au Roy qu'il deuoit mourir en telle maniere comme messire Hue le Despensier a esté executé. Au iugement n'eut nulle dilation, de souffrance, ne de mercy. * Si fut tantost trainé parmy la cité de Londres sur vn bahu: & puis fut mis sur vne eschelle emmy la place: & puis eut le vit couppé, & les couillons, & puis gettez en vn feu: pour ce qu'il auoit fait & pensé la trahison: & apres fut écartelé: & les membres enuoyez parmy les quatre citez les plus grandes d'Angleterre, & la teste demoura à Londres. Tantost apres le Roy, par le conseil de ses hommes, fit Madame sa mere enfermer en vn bel chastel: luy bailla dames & chambrieres & gens assez, pour la garder & seruir & tenir compaignie, & Cheualiers & Escuyers d'honneur. Aussi luy assigna il belle reuenue, pour la suffisamment gouuerner, selon son noble estat, tout le temps de sa vie: mais il ne voulut mie consentir qu'elle allast hors, ne qu'elle se monstraist nullement: fors parfois & en aucuns ébats, qui estoient deuant la porte du chastel, & qui respondoient à la maison. Si vīa ladite Dame illecques sa vie doucemēt, & la venoit voir deux ou trois fois l'an le ieune Roy Edouard son fils.

* Annota. 54.

† Le comte de Kent, oncle du tiers Roy Edouard d'Angleterre, decapité en l'an 1329. selon P. Virg. & Lillie.

* Annot. 55. sur la mort de Roger de Mortemer.

La Roynne Isabeau d'Angleterre enfermée.

De l'hommage, que le ieune Roy Edouard fit au Roy de France, pour la Duché de Guyenne.

CHAPITRE XXV.

APres ce que le Roy Edouard eut fait faire ces deux grans iustices, il print nouueaux Conseillers, des plus sages & des mieux creus de tout son Royaume. Or aduint, que environ vn an apres ce que le Roy Philippe de Valois † eut esté couronné à Roy de France, que tous les Barons & les tenans du Royaume luy eurent fait feauté & hommage: excepté le ieune Roy Edouard d'Angleterre, qui encores ne s'estoit tiré auant: & aussi il n'auoit point esté mandé. Si fut le Roy conseillé d'y enuoyer le Sire d'Ancenis, le Sire de Beaufaut, & deux Clercs en droit, Maistres en Parlement à Paris, nommez Maistre Pierre d'Orleans & Maistre Pierre de Maisieres. Ces quatre se partirent de Paris, & allerent tant, par leurs iournees qu'ils vindrent à VVifant.

† Il fut couronné le iour de la Trinité 1328. selon Nangis & du Tillet, accordans au 22. chap. de no. bre Auteur.

Là monterent ils en mer : si furent tanto st outre, & arriuerent à Douures : ou ils seiournerent vn iour, pour attendre leurs cheuaux & leur bagage, qu'on mit hors des bateaux. Apres exploiterent ils tant, par leurs iournées, qu'ils vindrent à VVindesore: ou le Roy d'Angleterre & la ieune Roynes se tenoient. Ces quatre dessus-nommez firent assauoir au Roy pourquoy ils estoient venus là. Le Roy Edouard d'Angleterre, pour l'honneur du Roy de France, son cousin, les fit venir auant, & les receut moult honorablement. Apres ils compterent leur message. Si leur respondit le Roy qu'il n'auoit mie son Conseil deuers luy, mais il le manderoit: & qu'ils se retirassent à Londres, & que là il leur seroit respondu tellement qu'il leur deueroit suffire. Sur ceste parolle, quand ils eurent disné en la chambre du Roy moult aises, ils se partirent, & vindrent ce soir loger à Colebruch, & le lendemain à Londres. Ne demoura pas gueres, depuis, que le Roy vint à Londres, en son palais, à VVestmonstier: & eut vn iour qu'il ordonna son Conseil ensemble: par lequel les messages du Roy furent mandez: & là dirent pourquoy ils estoient venus, & les lettres qui leur auoient esté baillées du Roy, leur Seigneur. Puis issirent hors de la chambre. Lors demanda le Roy à son conseil qu'il estoit de faire. Si fut adoncques conseillé de respondre, par l'ordonnance & stile de ses predecesseurs & par l'Euesque de Londres, en telle maniere. Seigneurs, qu'icy estes assemblez de par le Roy de France, vous soyez tous bien venus. Nous auons ouy vos parolles, & leu vos lettres. Si vous disons que nous conseillons mon Seigneur, qui cy est, qu'il s'en voise en France, veoir le Roy, son cousin qui moult amiablement l'a mandé: & du surplus de foy & d'hommage, il face son deuoir: car de vray il y est bien tenu. Et aussi direz ainsi au Roy vostre Seigneur, que nostre Seigneur le Roy d'Angleterre passera briuelement par delà, & fera tout ce qu'il doit faire. Et, apres que les messagers eurent esté festoyez, & que le Roy leur eut donné beaux dons & riches ioyaux, ils prindrēt cōgé, & exploiterent tāt qu'ils vindrent à Paris: ou ils trouuerent le Roy Philippe: à qui ils compterent toutes leurs nouuelles. Adoncques dit qu'il verroit volontiers le Roy Edouard son cousin: car oncques ne l'auoit veu. Quand ces nouuelles furent espendues parmi le Royaume de France, si s'appareillerent trespuissamment & richement Ducs & Comtes: & le Roy de France escript au Roy Charles de Behaigne, son cousin, & au Roy de Nauarre, le iour que le Roy d'Angleterre deuoit estre par deuers luy: & leur pria qu'ils y voussissent estre: & ceux y vindrent en tresgrand arroy. Et fut adonc conseillé au Roy de France, qu'il recueilleroit le Roy d'Angleterre en la cité d'Amiens: & fit là faire ses pourueances grandes & grosses, & appareiller sales, chambres, hostels, & maisons, pour receuoir luy & toutes ses gens, & aussi le Roy de Behaigne, & le Roy de Nauarre (qui estoient † de sa deliurance) & le Duc de Bourgongne, le Duc de Bourbon, le Duc de Lorraine, & messire Jehan d'Artois à plus de trois mille cheuaux, & le Roy d'Angleterre qui y deuoit venir à six cens cheuaux. Le ieune Roy d'Angleterre ne meit pas en oubly le voyage, qu'il deuoit faire au Royaume de France: & s'appareilla bien & suffisamment, & se partit d'Angleterre, en sa compaignie deux Euesques (auecques celui de Londres) quatre Comtes (monseigneur Henry, Comte d'Erby, son cousin germain fils de messire Thomas, Comte de Lenclastre au tort col, son oncle, le Comte de Salbery, le Comte de VVaruich, le Comte de Herford) & six Barons (messire Regnaut de Gobehe, monseigneur Thomas VVage, * Marschal d'Angleterre, le Sire de Peosy, le Seigneur de Manny, le Seigneur de Montbray) & plus de quarante autres nobles Cheualiers. Si estoient en la route & à la deliurance du Roy plus de mille cheuaux: & meirent deux iours à passer entre Douures & VVifant. Puis cheuaucha le Roy & sa route iusques à Boulongne: là ou il demoura vn iour: & fut enuiron la Miaoult l'an † mil trois cens vingt & neuf. Tanto st apres vindrent les nouuelles au Roy Philippe, que le Roy d'Angleterre estoit à Boulongne. Si enuoya tanto st le Roy son Conestable, & grand' foison de Cheualiers, deuers le Roy d'Angleterre: qu'ils trouuerent à Monstereuil sur la mer: & là eut grâdes cognoissances & approchemens d'amour. Depuis cheuaucha le Roy d'Angleterre en la compaignie du Conestable, & fit tant, à toute sa route, que il vint en la cité d'Amiens: ou le Roy Philippe estoit tout appareillé de le receuoir, le Roy de Behaigne, le Roy de Maillorque, & le Roy de Nauarre delez luy, & grand' foison de Ducs, de Comtes, & de Barons. Car là estoient les douze Pers de France, pour le Roy d'Angleterre festoyer, & aussi pour estre personnellement & faire tesmoing à son hommage: & fut le Roy d'Angleterre moult grandement receu: & furent & demourerent adoncques ces

Respoce d'Angleterre aux ambassadeurs du Roy Philippe de Valois pour l'hommage de Guienne, &c.

† C'est à dire, Aufquels il faisoit deliurer & fournir, à ses despens tout ce qui estoit necessaire pour leur defray.

** Annot. 56.*

† 1329. Amiable deliuerance du Roy Edouard d'Angleterre. 3. du nom au royaume de France, pour l'hommage de Guienne.

ques ces Seigneurs en la ville & cité d'Amiens iusques à quinze iours. Cete temps pendant eut mainte parolle & ordonnance faite & diuisee: & me semble que le Roy Edouard fit adonc hōmage de bouche & de parolle tant seulement (sans les mains mettre entre les mains du Roy de Frāce) ou aucuns Princes ou Prelats de par luy deputez. Et ne voulut adōcq' le Roy d'Angleterre, par le conseil qu'il eut dudit hōmage, proceder plus auāt: ainçois seroit retourné en Angleterre & auroit leules priuileges de iadis: qui deuoient éclaircir ledit hōmage, & monstrier comment & de quoy le Roy d'Angleterre deuoit estre hōme du Roy de France. Et le Roy de France luy respondit. Mon cousin, nous ne voulons pas vous deceuoir, & nous plaist bien ce que vous nous en auez fait à present, iusques à ce que vous soiez retourné en vostre pays, & que vous ayez veu, par les sceelles de voz predecesseurs, quelle chose vous en deuez faire. Apres le Roy d'Angleterre print congé, & se partit du Roy de France assez amiablement, & de tous les autres princes qui là estoient: & s'en retourna en Angleterre: & tant fit qu'il vint à VVinderose: ou la Roïne sa femme le receut moult ioyeusement, & luy demanda des nouvelles du Roy Philippe son oncle, & de son grand lignage de France. Le Roy son mary luy en recorda assez, & du grand estat qu'il auoit trouué, & des honneurs qui estoient en France: & ausquelles, du faire ne de l'entreprendre à faire, nul autre pays ne s'accompagne. Ne demoura gueres de temps, que le Roy de France enuoya en Angleterre, de son plus especial conseil, l'Euesque de Chartres & l'Euesque de Beauuais, Monseigneur Louis de Clermont, Duc de Bourbon, le Comte de Harecourt, le Comte de Tencaruille, & des autres Cheualiers & Clercs en droit, pour estre au Conseil d'Angleterre: qui se tenoit à Londres, sur l'estat que vous auez ouy, ainsi que le Roy d'Angleterre auoit regardé comment ses predecesseurs de ce qu'ils tenoient en Aquitaine, & dont ils s'estoient appelez Ducs, auoient fait hōmage, car ia murmuroient les plusieurs en Angleterre, que leur Seigneur estoit plus prochain de l'heritage de Frāce que le Roy Philippe. Non pourtant le Roy d'Angleterre & son Cōseil * ignoroient ce. Mais grand parlement & assemblee fut sur ledit hōmage en Angleterre: & y seiournerent les dessusdits, enuoyez du Roy de Frāce, tout l'Yuer & iusqu'au mois de May ensuiuant, qu'ils ne pouoient auoir nulle responce diffinitive. Toutesfois finalement le Roy d'Angleterre, par l'aduis de ses priuileges (ausquels ils adioustoient grand foy) fut conseillé d'escire lettres, ainsi comme patentes, scelees de son grand seal, & reconnoissant tel hōmage qu'il doit & deuoit adoncques faire au Roy de France. Laquelle teneur de la lettre s'ensuit.

EDOUARD par la grace de Dieu Roy d'Angleterre, Seigneur d'Irlande & Duc de Aquitaine, à tous ceux qui ces presentes lettres verront & orrōt, salut. Sçauoir faisons que comme nous feissions à Amiens hōmage à excellent Prince nostre trescher Seigneur & cousin Philippe Roy de France, lors nous fut dit & requis de par luy, que nous recongnussions ledit hōmage, * estre lige & que nous en faisant ledit hōmage, luy promissions expressment foy & loiauté porter. Laquelle chose nous ne feismes pas lors, pource que n'estions informez, & feismes audit Roy de France hōmage par parolles generalles, en disant que nous entrions en son hōmage, par ainsi comme noz predecesseurs Ducs de Guienne estoient au temps iadis entrez en hōmage du Roy de France, qui auoit esté pour le temps, & depuis en ça nous auons esté bien informez de la verité, recognoissons, par ces presentes, que ledit hōmage, que nous feismes en la cité d'Amiens au Roy de France († comment que par parolles generalles fust) est, & doit estre entendu, lige: & que nous luy deuōs foy & loiauté porter comme Duc d'Aquitaine, & Per de France, & Comte * de Poictou & de Môsterueil: & luy promettons † foy & loiauté porter. Et, à fin qu'au temps aduenir de ce ne soit iamais discord, nous promettons, pour nous & noz succeffeurs Ducs d'Aquitaine, que ledit hōmage se fera en ceste maniere. Le Roy d'Angleterre, Duc d'Aquitaine, tiendra ses mains es mains du Roy en France: & celui qui adrecera ces paroles au Roy d'Angleterre, Duc d'Aquitaine, & qui parlera pour le Roy de France, dira ainsi. Vous deuenez hommelige au Roy Monseigneur, qu'icy est, comme Duc de Guienne & Per de France, & luy promettez foy & loiauté porter. Dites voire. Et le Roy d'Angleterre, Duc de Guyenne, & aussi ses succeffeurs diront, Voire. Et lors ledit Roy de France receura ledit Roy d'Angleterre, & Duc de Guienne audit hōmage lige, à la foy & à la bouche, sauf son droit & l'autrui. Derechef, quand ledit Roy & Duc entrera en hōmage du Roy de France pour la Comté de Poictou & de Môsterueil, il mettra ses mains entre les mains du Roy de Frāce pour

† C'est à dire, sur ledit hōmage.

Retour du Roy d'Angleterre en son pays.

† C'est à dire, pour lesquels les choses faire, ou entreprendre à faire, nul autre pays ne s'accompagne à France.

* Annot. 57.

† 1330. Selon qu'il se peut voir peu parauant, & selon les Annales de France mesme cōbien qu'il les dient Mars pour May.

* Annot. 58.

† Comment pour combié. † Les Annales de France & Polyd. Virgil. mesme ne parlent que de Pothieu pour ces deux, & doute fort qu'il ne faille véritablement lire Pothieu pour Poictou, en toute ceste lettre: nonobstant que les autres Exemp mettent Poictou, l'escroie ainsi. Poitiers Monstreuil pour

la Comté de Poictou & de Monstereuil : & celuy qui parlera pour le Roy de France, adrecera ces parolles au Roy & Duc, & dira ainsi. Vous deuenez homme lige du Roy de France Monseigneur, qui cy est, comme Comte de Poictou & de Monstereuil : & luy promettez foy & loyauté porter. Dites voire. Et le Roy, Comte de Poictou, dira Voire. Et lors le Roy de France receura ledit Roy & Comte audit hommage à la foy & à la bouche, sauf son droit & l'autrui. Et ainsi sera fait & renouvelé toutes les fois que l'hommage se fera. De ce nous baillerons & nos successeurs Ducs de Guyenne, apres lesdits hommages faits, lettres patentes, sceelées de nos grans seaux, se le Roy de France le requiert. Et avec ce nous promettons en bonne foy tenir & garder affectueusement la paix & accord faicts entre les Roys de France & lesdicts Roys d'Angleterre, Ducs de Guyenne, &c. Ces lettres rapporteront en France les dessusdits Seigneurs : & le Roy de France les fit garder en sa Chancellerie.

Comment messire Robert d'Artois fut chassé hors du Royaume de France.

CHAPITRE XXVI.

† Tout ce narré de Robert d'Artois est depuis 1329. iusques au 19. iour du mois de Mars, 1332. auquel temps il fut solennellement banni de France, cōme veut Nāgis, pour la pluspart suiui par les Annales de France. † Entendez fils d'elle & neueux de luy, Roy. Robert d'Artois chassé de Namur & de Brabant, à la poursuite du Roy Philippe.

L'Homme du monde, † qui pl'aïda au Roy Philippe à paruenir à la courōne, ce fut messire Robert d'Artois : qui estoit vn des plus sages & haults Barōs de France, & le mieux enlignagé, & extrait des Royaux, & auoit à femme la sœur germaine dudit Roy Philippe : & auoit tousiours esté son plus special compaignon & amy en tous ses estats : & fut bien l'espace de trois ans, qu'en France estoit tout par luy fait, & sans luy n'estoit riens fait. Apres aduint que le Roy Philippe print ledit messire Robert en fort grand' haine, pour l'occasion d'un plaïd qui estoit émeu par deuant luy : dont estoit cause la Comté d'Artois, que ledit messire Robert vouloit auoir gaigné, par la vertu d'une lettre, que ledit messire Robert meit auant : qui n'estoit mie bien vraye, si comme on disoit. Et, se le Roy l'eust tenu en son ire, il l'eust fait mourir sans remede. Si conuint à messire Robert vider le Royaume de France, & venir à Namur, delez le Comte Iehan son neueu : & le Roy fit prendre sa sœur, femme audit messire Robert & ses deux † fils & neueux, Iehan & Charles : & les fit mettre en prison bien estroitement : & iura que iamaïs n'en ystroient tant qu'il viuroit : & oncques puis, pour personne qui en parlast, ils n'en bougerent dont il fut depuis moult blasmé en derriere. Puis enuoya le Roy chaudement deuers l'Euesque Raoul du Liege, en luy priant qu'il défiast & guerroyast le Comte de Namur, fil ne mettoit messire Robert d'Artois hors d'avec luy. Cest Euesque, qui mout aimoit le Roy de France, & qui peu aymoït ses voisins, le fit tantost : & lors fut le Comte de Namur si cōseillé, qu'il meit hors le Comte Robert de sa terre moult enuis. Lors vint messire Robert au Duc de Brabant, son cousin : qui le receut moult ioyeusement, & le cōforta. Si tost que le Roy de France le sceut, il manda que, fil le soustenoit ou souffroit à demourer ne repaïrer en sa terre, il n'auroit pire ennemy que luy, & le greueroit en toutes les guises qu'il pourroit. Et adonc le Duc l'enuoya moult couuertement tenir en Argentueil, iusques à tant que l'on sauroit comment le Roy se maintiendrait. Le Roy le sceut : qui par tout auoit ses espies : si en eut grand despit. Si pourchaça tant en moult brief temps, par son argent que le Roy de Behaigne (qui estoit cousin germain dudit Duc) l'Euesque du Liege, l'Archeuesque de Coullongne, le Duc de Guerles, le Marquis de Juliers, le Côte de Bar, le Sire de Los, le Sire de Fauquemont, & plusieurs autres Seigneurs, furent tātost alliez cōtre le Duc : & le défièrent, & entrèrent tātost en son pays parmi Esbaing : & allerēt tātost à Hanut : & ardirēt à leur volonté, par deux fois au pays, ce que bon leur sembla. Et enuoya avec eux le Roy de France, le Comte d'Eu, son Connestable, à tout grand' compaignie de Gens-d'armes. Si conuint que le Comte Guillaume de Haynaut s'en meslast lequel enuoya madame sa femme, sœur du Roy Philippe, & le Sire de Beaumont, son frere, en France, par deuers le Roy pour impetrer vne souffrance & vne tréue pour luy, d'une part, & pour le Duc de Brabant d'autre. Trop enuis s'y consentit le Roy de France : mais toutesfois l'accorda il : moyennant que le Duc se meïst du tout au dit & en l'ordonnance du propre Roy de France & de son conseil, & de ce qu'il auoit à faire au Roy & à chacun de ses Seigneurs qui défié l'auoient : & deuoit mettre dedans vn certain iour, qui mis y estoit, messire Robert d'Artois hors de sa terre & de son pouuoir : si comme il fit moult enuis.

*Comment le Roy Edouard d'Angleterre print la cité de * VVaruich.*

CHAPITRE XXVII.

† Lisez. Beruic, ou Vuaruich, en Escocce.

Vous

Vous auez ouy recorder des nouuelles entre les Anglois & les Escocois: Le temps de trois ans, que les † tréues deuoient durer, & encores vn an apres, furent les Escocois & les Anglois bien en paix. Ce qu'on n'auoit point veu au deuant, passé auoit deux cens ans, qu'ils ne se fussent guerroyez. Or aduint que le ieune Roy d'Angleterre fut informé que le ieune Roy Dauid d'Escoce (qui auoit espousé sa sœur) estoit saisy de Vvaruich: qui deuoit estre de son Royaume, & que le Roy Edouard, son ayeul, l'auoit tenu, & son pere long temps apres, paisiblement: & fut informé que le Royaume d'Escoce mouuoit de luy en fief, & que le ieune Roy d'Escoce son serourge, ne l'auoit encores releué, ne faiét hommage. Lors enuoya grans messages au Roy d'Escoce, & luy requist qu'il voulist oster sa main de la bonne cité de VVaruich, & le r'enfaisiner (car c'estoit son bō heritage, & auoit tousiours esté à ces Antecesseurs Roys d'Angleterre) & qu'il vésist à luy, pour luy faire hōmage du Royaume d'Escoce, qu'il deuoit tenir de luy en fief. Le Roy d'Escoce se conseilla à ses Barons, & aux gens du pays. Puis dît & respōdit aux messagers, Seigneurs, ie & tous noz Barons nous merueillons grandement de ce que vous nous requerez: car nous ne trouuons mie, à nos anciens, que le Royaume d'Escoce soit de riens tenu ne subiet, ne doit estre au Royaume d'Angleterre, ne par hommage, n'autrement: ne Monseigneur le Roy nostre pere, de bonne memoire, ne voulut faire hommage à ses antecesseurs Roys d'Angleterre, pour guerre que l'on fist. Aussi n'ay ie point conseil ne vōlonté du faire. En apres nostre pere le Roy Robert conquist la cité de VVaruich, par droite guerre contre le Roy son † pere: & l'obtint tout le cours de sa vie comme son bon heritage. Aussi pensons nous à bien faire, & bien la tenir: & en ferons nostre pouuoir. Si vous requier que vous vueillez prier au Roy (duquel la sœur nous auons à femme) qu'il nous vueille laisser en autelle franchise comme nos deuanciers ont esté, & iouir de ce que nostre pere conquist & maintint toute sa vie paisiblement: & que encontre ce ne vueille croire aucun mauuais conseil: car, se vn autre nous vouloit faire tort, si nous deuroit il aider & deffendre, pour l'amour de sa sœur, que nous auōs à femme. Les messages respondirent. Sire, nous auons bien entendu vōstre responce: si la dirons au Roy nostre Sire, en telle maniere que vous l'auez dite. Puis prindrent congé de retourner arriere à leurdit seigneur: auquel ceste responce ne pleut mie bien. Si fit mander à Londres, au iour du parlement, tous Barons, Cheualiers, & Consuls des bonnes villes de son Royaume, pour auoir conseil là dessus. Ce terme pendant vint messire Robert d'Artois en Angleterre, en guise de marchand, si le receut le ieune Roy Edouard moult ioyeusement, & le retint de son conseil, & luy assigna la Comté de Richemond: qui auoit esté à ses antecesseurs. Quand le iour du parlement approcha, & tout le pays fut assemblé à Londres, le Roy fit remonstrer ce qu'ils auoient escrit au Roy d'Escoce, & la responce d'iceluy Roy. Si pria à tous que chacun le voulist sur ce conseiller: tellement que son honneur y fust gardé. Et, quand tous eurent ensemble conseillé, il leur sembla que le Roy ne pouuoit plus porter par honneur, les tors que le Roy d'Escoce luy faisoit. Si rapporterent leur conseil, tel que le Roy se pourueust, le plus efforceement qu'il peust, de r'auoir la bonne ville de VVaruich: & qu'il peust entrer au Royaume d'Escoce, si puissamment qu'il peust cōtraindre le Roy d'Escoce qu'il fust tout ioyeux quād il pourroit venir à son hommage & satisfaction: & dirent qu'ils estoient tous desirans d'aller avec luy. De leur bonne vōlonté les mercia le Roy moult grandement, & leur pria que chacun fust prest & appareillé selon son estat, à vn iour dit, droict à Neuf-chastel sur Thin: & adoncques chacun retourna en son lieu pour se pourueoir. Et le Roy se fit appareiller: & enuoya encores autres messages à son serourge le Roy d'Escoce, pour le suffisamment sommer, & apres pour le défier, si n'estoit autrement conseillé. Le iour, qui estoit denoncé, approcha: & vint le Roy Edouard, à tout son ost, à Neuf-chastel sur Thin: & attendit par trois iours ses gens qui venoient en suiuant l'ost. Au quart iour il se partit, & s'en alla, à tout son ost, par deuers Escoce: & passa la terre du Seigneur de Peosy, & celle de Neufzuille: qui sont deux grans Barons en Northombelande, & † marchent aux Escocois: & aussi font le Sire de Rooz, le Sire de Ligy, & le Sire de Montbray. Si se tira le Roy Anglois, à tout son ost, par deuers la cité de VVaruich. Car le Roy d'Escoce n'auoit autrement voulu respondre aux seconds messages qu'aux premiers, si estoit défié & sommé. Tant exploita le Roy d'Angleterre, à tout son ost, qu'il entra en Escoce: & n'eut alors mie conseil de foy arrester à VVaruich, mais de cheuaucher en auant, & ardre le pays, comme son ayeul auoit fait iadis. Si che-

* Ces treues furent faites en l'an 1327. en Septembre ou Octobre, ainsi que lon peut voir par auant tellement qu'il faudroit que ce renouvellement de guerre eust esté en l'an 1331. ou 32. cōme semblent aussi vouloir Maioris, Boeth, & P. Virgil.

† C'est assavoir pere de ce Roy Edouard 3. du nom.

Robert d'Artois receu en Angleterre.

† Gerard dit marchisent, c'est à dire, sōr sur les marches. Le Roy d'Angleterre en Escoce avec son armee.

*Je pense que
c'est Edibourg,
capitale d'Es-
coce: laquel-
le ville nous
autres Fran-
çois nommons
l'Islebourg.
* Annot. 59.*

*† Vous aduise-
rez, si esper-
dus vous sem-
blera point
meilleur, selon
verard.*

*sala dit le
chastel Dal-
quet. La vil-
le de Bernic,
ou VVaruich
en Escoce asie
gee par le Roy
d'Angl. le 12.
d'avril 1333
selon les Histo-
res d'Angle-
terre & d'Es-
coce.*

*† C'est adire.
du matin,
quand il com-
mence à fai-
re iour.*

*† Tous les Ex-
empl. auoient
parauant à di-
re: qui pou-
uoit estre pour
adduire signi-
fiant suader,
ou persuader
† C'est adire le
destroit au-
quel ils esto-
ient, & le peu
de moyen
qu'ils auoi-
ent de tenir a-
pres le mois
dit.*

*Retour du Roy
Edouard en
Angleterre, a
pres sa conque-
ste de Bernic, ou
VVaruich en
Escoce.*

uaucha fort, & grandement foula, en ceste cheuauchée, toute la pleine d'Escoce: & exi-
la mout de villes fermées de fossez & de palis: & print le fort chastel de † Haindebourg
& y meit garnison de par luy: & passa la seconde riuere d'Escoce, deffous Fremelin: &
coururent ses gens tout le pays de là enuiron, iusques à Stom, & destruirent la bonne
ville de Donfremelin: mais ils ne firent nul mal à l'Abbaye, (car le Roy la deffendit) &
conquirent tout le pays, iusques à Dondieu, & iusques à Doubreton, vn tresfort chastel
sur la marche de la sauage Escoce, ou le Roy estoit retraits, & la Roine d'Escoce sa fem-
me: ne nul n'alloit au deuant des Anglois* mais s'estoient tous retraits dedàs les forests
de Gedeours (qui sont inhabitables pour ceux qui ne cognoissent le pays) & y auoient
tout attrait & mis à sauueté, & ne faisoient compte du demourât. Ce n'estoit pas de mer-
ueilles fil estoient † espendus: car leur Seigneur n'auoit que quinze ans, ou enuiron. Le
Comte de Moray estoit plus ieune, & vn ieune Damoisel (qui s'appelloit Guillaume de
Dōglas, neveu de celui qui estoit demouré en Espaigne) de tel aage: si que le royaume
d'Escoce estoit depourueu de bons capitaines. Quand le Roy Anglois eut esté & seiour-
né, couru & cheuauché la plaine d'Escoce, & arresté au pays l'espace de six mois & pl^e, &
il vid que nul ne venoit cōtre luy pour veoir son emprise, il garnit plusieurs Chasteaux,
qu'il auoit conquis, & s'aduifa que par iceux il guerroyeroit le demourant: puis se retra-
hit tout bellement deuers VVaruich: mais à son retour il gaigna le chastel de Daluest
(qui est de l'heritage au Comte de Donglas, & sied à cinq lieues de Haindebourg) & y
ordonna Chastellain & bonnes gardes. Puis cheuaucha à petites iournées, tāt qu'il vint
à VVaruich, la tresbonne ville & cité, laquelle est à l'entree d'Escoce, & à l'issue du pays
de Northombelande. Si l'environna le Roy, de tous points, & dit que iamais ne s'en par-
tiroit, tant q'il l'eust à sa volonté, ou que le Roy d'Escoce le venfist combattre & leuer à
force. Car elle estoit bien fournie & enuironnée, d'un lez, d'un bras de mer: & si auoit
dedans de bonnes gens en garnison, de par le Roy d'Escoce: Si eut par deuant la cité
maint assaut & maint hutin & drue écar mouche, & presque tous les iours. Car ceux de
la cité ne vouloient mie rendre simplement: ains cuidoyent tousiours estre secourus:
mais nul secours n'y apparut. Vray est qu'aucuns Cheualiers d'Escoce cheuaucherent à
la fois, & par vesprées, & par adiournemēs, réueiller l'ost aux Anglois: mais petit y fai-
soient, car l'ost des Anglois estoit si suffisamment gardé, que les Escocois n'y pouuoient
entrer, fors à leur grand dommage: & perdoient souuent de leurs gens. Quand ceux de
VVaruich veirent qu'ils n'estoient confortés de nul costé, & que les viures leur amenui-
soient, & leur estoient clos les pas de mer & de terre (parquoy nulles gens ne leur pou-
uoient venir) si commencerent à traiter, deuers le Roy Anglois, qu'il leur voufist accor-
der vne trêue à durer vn mois: & si dedàs ce mois le Roy Dauid, leur Seigneur, ou autre
pour luy, ne venoit, si fort que pour leuer le siege, ils rendroient la cité, sauues leurs vies
& leurs biens, & que les soudoyers, qui dedans estoient, s'en pourroient aller, s'ils vouloient;
en leurs pays d'Escoce, sans recevoir point de domage. Ce traité ne fut pas si tost accor-
dé, car le Roy d'Angleterre les vouloit auoir simplement, pour faire d'aucuns sa volonté
pourtant qu'ils s'estoient tant tenus contre luy. Mais il se laissa finalement † reduire par le
bon aduis de ses hommes: & aussi messire Robert d'Artois y meit grād' peine: qui auoit
esté en ceste cheuauchée tousiours avec luy, & qui luy auoit ia dit, par plusieurs Clers,
comment il estoit prochain de la couronne de France. Si eust veu volontiers ledit mes-
sire Robert, que le Roy Anglois émeust guerre aux François, & qu'il se fust retrait d'Es-
coce. Si que ces parolles, & plusieurs autres, enclinerent grandement le Roy à ce que le
traité de VVaruich se passast. Si signifiaient ceux de VVaruich au Roy d'Escoce, & à son
conseil, leur † effoine: & tout considéré, ils ne peurent trouuer nulle voye de leuer ledit
siege. Si fut la cité de VVaruich rendue au Roy Anglois au bout du mois, & aussi le cha-
stel (qui est moult bel & fort au dehors de la cité) & en prindrēt les Mareschaux de l'ost
possession & faisine de par le Roy d'Angleterre: & vindrēt les Bourgeois de la cité faire
hōmage & feauté audit Roy: & iurerēt & cogneurēt à tenir la cité de luy. Apres y entra
le Roy, à tresgrād' solénité de trōpettes: & y seiourna, depuis, douze iours: & y establit vn
Cheualier à gardiē: qui s'appelloit Edouard de Bailleul. Et, quād il se partit de VVaruich,
il laissa, avec ledit Cheualier, plusieurs ieunes Cheualiers & Escuyers, pour aider à gar-
der la terre cōquise sur les Escocois, & les frontieres d'iceluy pays. Lors retournerēt le
Roy & ses gēs: vers Londres: & dōna cōgé à toutes manieres de gens: & retourna chacū
en son lieu: & luy mesme vint à VVinderose, ou il se tenoit volōtiers, & messire Robert
d'Ar-

d'Artois delez luy: qui ne cessoit, ne nuit ne iour, de luy remōstrer quel droit il auoit à la courōne de Frāce: & le Roy y entendoit, & y pēsoit moult biē & volōtiers. Ainsi alla, en ce tēps, de la cheuauchee du Roy d'Angleterre en Escoce pour guerroyer contre les Escōçois. Il gasta la plus grand' partie de leur pays, & print plusieurs forts, que ses gens obtindrent sur les Escōçois, depuis vn grand tēps: & estoient demourez de par le Roy Anglois, plusieurs appers Cheualiers & Escuyers: entre lesquels messire Guillaume de Montagu, & messire Gautier de Manny faisoient souuent sur les Escōçois de hardies cheuauchees, de mēlées, & de hutins: & par vsage le plus y gaignerent sur eux. Et, pour mieulx auoir leurs entrées & leurs issues d'Escoce à maistrer le pays, messire Guillaume de Mōtagu fortifia la Bastide de Rosebourg, sur la marche d'Escoce: & en fit vn bō chasteau pour tenir contre tout hōme: & tant de grāces acquit en ses emprises, que le Roy de Angleterre le fit Comte de Salbery, & le maria moult hautement & noblement. Aussi Monseigneur de Manny (qui deuint en ces cheuauchées Cheualier) fut retenu du plus priuē Conseil du Roy, & moult aduancé en sa court. Bien est vray qu'aucuns Cheualiers d'Escoce faisoient ennuy aux Anglois, & se tenoient tousiours par deuers le sauage pais d'Escoce entre grans marests & grans forests, là ou nul ne les pouuoit suiur: & suyuoient à la fois les Anglois de si pres, que tous les iours y auoit mēlée: & à ces hutins perdit vn œil Monseigneur Guillaume de Montagu par ses hardies entreprises. En telles grans forests & marests, ou les Seigneurs d'Escoce se tenoient, f'estoit iadis le preux Roy Robert d'Escoce tenu par plusieurs fois, quand le Roy Edouard, ayeul à iceluy dont nous parlōs presentement, auoit déconfit & conquis tout le Royaume d'Escoce: & plusieurs fois fut il dechacé, qu'il ne trouuoit nully en son Royaume, qui l'osast heberger ne soustenir en chasteau n'en forteresse, pour la doute de ce Roy Edouard. Et, quand le Roy Edouard estoit arriere reuenue en Angleterre, ce preux Roy Robert rassembloit des gens, quelque part qu'il les peust trouuer: & reconqueroit ces chasteaux, forteresses, & bonnes villes, iusques à VVaruich: & les vnes par force & par bataille, les autres par beau parler & amour. Et, quand le Roy Edouard le sauoit, il auoit grand despit: & faisoit semondre ses osts, & ne cessoit iusques à tant qu'il eust déconfit & reconquis ledit Royaume d'Escoce, comme deuant. Ainsi aduint entre ces deux Roys (comme i'ay ouy recorder) que ce Roy Robert recōquit son royaume par cinq fois. Et ainsi se maintindrēt ces deux Roys: que l'on tenoit, en leur temps les plus preux du mōde: tant que le bon roy Edouard trépassa en la cité de VVaruich. Et, quand il mourut il fit appeler son aîné fils (qui apres luy fut Roy) par deuant ses Barons: & luy fit iurer, sur les Saincts, qu'aussi tost qu'il seroit trépassé, il le feroit bouillir en vne chaudiere, tant que la chair se departiroit des os: & apres feroit mettre la chair en terre, & garderoit les os: & toutes les fois que les Escōçois se rebelleroient contre luy, il semondroit ses gens, & porteroit avec luy les os de son pere. Car il tenoit fermement que tant qu'il auroit ses os avec luy, les Escōçois n'auroient point de victoire contre luy. Lequel n'accomplit mie ce qu'il auoit iuré: ains fit rapporter son pere à Londres, & là enseuelir: dont il luy mécheut, si-comme vous auez ouy cy parler.

Guillaume de Montagu fait Comte de Salbery.

Serment mémorable.

Comment le Roy Philippe de France & plusieurs autres Roys se croiserent.

CHAPITRE XXVIII.

EN ce temps le Roy Philippe de France se partit de Paris en grand arroy, † & le Roy de Behaigne, & le Roy de Nauarre en sa compagnie, & foison de Ducs, Comtes, & Seigneurs: (car il tenoit grand estat & noble, & faisoit grans liurées & grans despens) & alla visiter son royaume parmi Bourgongne, tant qu'il vint en Auignon: ou il fut moult honorablement receu du Pape Benedic, & de tout le College: & le plus qu'ils peurent l'honorèrent. Et fut, depuis, long temps là enuiron, avecques le Sainct-pere & les Cardinaux & se logeoit à Villeneuue hors Auignon. Si vint le Roy d'Arragon aussi, en ce temps à court de Romme, pour le veoir festoyer: & eut grans festes & solennitez à leurs approchemens: & furent là tout le Quaresme ensuiuant: dont il aduint que certaines nouuelles vindrent, en court de Romme, que les ennemis de Dieu estoient trop fort contre la Saincte-terre, & auoient reconquis presque tout le Royaume de † Rasse, & prins le Roy (qui c'estoit de son tēps fait chrestienner) & fait mourir à grand martyre & menaçoient encores les incredules grandement Sainte-Eglise & la Chrestienté. Le bon iour du grand Vendredy prescha le Pape, deuant les Roys dessusdits, la digne souffrance de Nostre-seigneur: & enhorta grandement à prédre la croix sur les Sarrazins: †

† Pour ces deux mots & le, tous mes Exempl. portoient Louis: mais il est certain par tous autres que ce Roy auoit nō Jehan, cōbien qu'il le nomme tousiours Charles cy apres, et qu'il l'ait ain si nōmé au chapitre premier. † Je me doute qu'il n'y ait faute en ce mot mais ie ne la puis amender seurement.

*Des Princes
croisez avec le
Roy de France*

*Paix entre les
Rois d'Arragõ
& de Maillor-
que, ou Maior-
que.*

*Ambassadeurs
de France de-
uers plusieurs
Princes, pour
la croisade.*

** Annot. 60.*

*† Il veut dire
Crete autre-
ment Candie,
tenue par les
Veniciens.*

tant que le Roy de Frâce, émeu de pitié, print la croix, & requit au Pape qu'il la voufist accorder. Dont le Pape luy accorda & cōferma, par cōdition qu'il absouloit de peine & de coulpe, vrais cōfez & repétans, le Roy de Frâce & tous ceux qui iroyent en ce Saint voiage avec luy. Le Roy Charles de Behaigne, le Roy de Nauarre, & le Roy Pierre d'Arragõ la prindrēt, & grād' foison de Ducs, Cōtes, Barõs, & Cheualiers, qui là estoiet: & auf si le Cardinal de Naples, le Cardinal de Pierregort, le Cardinal Blac, & le Cardinal d'Ofitie. Et fut tātost celle croix preschée & publiée par le mōde: & venoit à tous Seigneurs à moult grande plaifance, & spécialement à ceux qui vouloient le temps despenfer en armes, & qui adonc ne le fauoient mie bien raisonnement employer ailleurs. Quand le Roy de France & les Seigneurs dessus-nommez eurent esté vn grand temps deuers le Pape, & ilz eurent aduisé & confermé la plus grande partie de leurs besongnes, ilz se partirent de la court, & prindrent congé du Saint-Pere. Si s'en alla le Roy d'Arragon en son pays, & le Roy de France & sa compaignie vindrent à Mont-peslier, & furent là vn bien grand temps: & fit adōcques le Roy Philippe vne paix, qui se mouuoit entre le Roy d'Arragon & le Roy de Maillorque. Apres celle paix faite, il retourna arriere en France, à petites iournées, & à grās despens, visitant ses villes & chasteaux (dont il auoit sans nombre) & repassa parmi Auuergne, Berry, Beauſſe, & Gastinois, & reuint à Paris: ou il fut receu à grande feste. Le Royaume de France estoit adonc gras, dru, & plain, & les gens riches & puiffans de grand auoir: n'on n'y fauoit parler de nulle guerre. Sur l'ordonnance de la croix que le Roy de France auoit emprins pour aller outre mer, & dont il se faisoit chef, s'aduiferent plusieurs Seigneurs par le monde: & l'emprindrent aucuns par grande deuotion. Si fit le Roy Philippe le plus grand appareil & le plus bel, qu'oncques eust esté fait pour aller outre mer, ne du temps Godeffroy de Buillon, ne d'autres. Et auoit retenu & mis en certains ports de Marseille, d'Aiguesmortes, de Narbonne, & d'environ Mont-peslier, telle quantité de vaisseaux, de nauires, de carraques, de galées & de barges, que pour passer quarante mille Hommes-d'armes & leurs pourueances: & les fit tout le temps pourueoir de biscuit, de vins, de douce eue, de chair salée, & de toutes autres choses necessaires pour Gens-d'armes, & pour viure, à si grand' planté que pour durer trois ans, si estoit mestier. Et enuoya le Roy de Frâce grās messages au Roy de Hongrie (qui estoit moult vaillant homme) en luy priant qu'il fust appareillé, & son pays ouuert, pour receuoir les pelerins de Dieu. Ce Roy de Hongrie si y entendit mout volontiers, & dit qu'il estoit tout pourueu. En telle maniere le signifia le Roy de France au Roy de Cypre, à Monseigneur * Hugues de Luzencon, & au Roy de Cecille: qui se pourueurent, selon ce, bien & suffisamment. Encores enuoya le Roy de France deuers les Veniciens, en priant que leurs mettes fussent ouuertes, gardées, & pourueues de ce qui estoit necessaire. Iceux obeyrēt volontiers: & aussi firent les Geneuois, & tous ceux de la riuere de Genes: & fit le Roy passer outre, en l'Isle de Rhodes, le Grand-prieur de France, pour administrer viures & pourueâces en leurs mettes: & firēt ceux de Saint Iehan accord aux Veniciens, pour pourueoir moult bien en l'Isle de† Creth: qui est de leur Seigneurie. Briefuement chacun estoit appareillé pour faire ce que bon sembloit pour recueillir les pelerins de Dieu: & prindrent plus de trois cens mille personnes la croix, pour aller outre mer, & en ce noble Saint voyage.

Comme le Roy Edouard se conseilla pour guerroyer le Roy Philippe de France. CHA. XXIX

*† C'est adire
s'il emou-
noit paroles
en deman-
dār le Roy-
aume de Frā-
ce, & on le
luy refusoit,
& qu'apres il*

EN ce tēps que ceste croix estoit en si grande fleur, & qu'on ne parloit d'autre chose estoit messire Robert d'Artois en Angleterre, enchassé de Frâce, delez le ieune Roy Edouard: auquel il conseilloit tousiours qu'il voufist défiier le Roy de France, qui tenoit son heritage à grand tort: dont le Roy eut plusieurs fois conseil & grand' deliberation à ceux qui estoient des plus secrets, & spécialement Conseillers, comment il s'en pourroit maintenir, car enuis le lairroit, s'amender le pouuoit: & si debatoit, † & le debat en émouuoit, & on luy refusoit (comme on pourroit bien faire) & il s'en tenist tout coy, & point ne l'amendoit & faisoit son deuoir, il en seroit blasmé plus que par deuant. Et si voit bien, que par luy, ne par la puiffance de son Royaume, il pourroit à grand' peine mettre au dessous le grand Royaume de France: si n'acqueroit des Seigneurs puiffans en l'Empire & autre part, par son or & son argent, si requeroit souuent à ses speciaux amis & Conseillers, qu'ils luy voufissent donner sur ce leur aduis. A la parfin ses Conseillers luy respondirent d'un accord, & dirent. Cher Sire, la besongne est de si haute emprise,

emprise, que nous ne nous en oserions charger, ne finalement conseiller. Mais, cher Sire, nous vous conseillons que vous enuoyez suffisans messages, bié informez de vostre intention, à ce gentil Comte de Haynaut (duquel la fille auez) & à Monseigneur Iehan son frere (qui si vaillamment vous a feruy) en leur priant par amitié, que sur ce il vous vueillent conseiller (car mieux sauent qu'à telle chose appartient, que nous ne faisons) & fil est ainsi qu'ils s'accordent à vostre entente, ils vous sauront bié conseiller de quels Seigneurs vous vous pourrez le mieux aider, & comme vous les pourrez le mieux acquérir. A ce s'accorda le Roy, & pria l'Euesque de Lincole, qu'il vousist emprendre ce message à faire, pour l'amour de luy: & à deux Cheualiers bannerets, & à deux Clercs de droit, qu'ils vousissent faire compaignie à ce Prelat, durant le voyage. Adonc iceux s'appareillerent au plus tost qu'ils peurent, & monterét en mer, & arriuerét à Dunquerque, puis cheuaucherent parmy Flandres, tant qu'ils vindrent à Valenciennes. Là trouuerent le Côte Guillaume de Hainaut, qui gisoit si malade de goutte † artetique & de grauelle, qu'il ne se pouuoit mouuoir: & trouuerent aussi messire Iehan de Haynaut, son frere: si furent grandemét festoyez. Là cōpterent cōme & pourquoy ils estoiet là venus & enuoyez: & leur exprimerét toutes les raisons, & les doutāces que le Roy auoit mises auant. Adōc dit le gentil Côte: Se le Roy y peust paruenir, † ce m'aist Dieux, i'en auroye grand' ioye: & peut on bien penser que ie l'auroye plus cher pour luy (qui a ma fille) que n'auroye pour le Roy Philippe: * qui ne m'a rien fait: combien que i'aye sa sœur espousée: car il m'a détourné couuertement le mariage du ieune Duc de Brabant: qui deuoit auoir espousée ma fille. Parquoy ie ne faudray mie à mon cher & amé fils le Roy d'Angleterre, si treuve en son conseil qu'il le vueille entreprendre: ains luy donneray conseil & ayde à mon loyal pouuoir: & aussi fera Iehan mon frere: qui là fut, & qui autresfois l'a ferui: mais sachez qu'il faudroit bien auoir autre ayde plus forte que n'est la nostre, car Hainaut est vn petit pays, au regard du Royaume de France: & Angleterre en gist trop loing, pour nous secourir. Certes, Sire, vous donnez tresbon conseil, & nous monstrez grand signe d'amour & grand' volonté: de quoy nous vous remercions de par Nostre-Sire le Roy (ce respondit l'Euesque de Lincole, & dit encores) Cher Sire, conseillez nous, desquels Seigneurs Nostre-Sire se pourroit mieux aider: afin que luy puissions rapporter vostre cōseil. Sur l'ame de moy (respondit le Côte) ie ne sauroye aduiser Seigneur, si puissant, pour luy aider, cōme le Duc de Brabāt (qui est son cousin germain) l'Euesque du Liege, le Duc de Guerles (qui a sa sœur à femme) l'Archeuesque de Coulongne, le Marquis de Iuliers, messire Arnoul de Baquehen, & le Sire de Fauquemont: ce sont ceux qui plus auroient foison de Gens-d'armes, en brief temps, que Seigneurs que ie sache: & sont tresbons guerroyers: & fineroient bien fils vouloient, à dix mille hōmes armez: mais qu'on leur donne argent à l'auenant: & sont gens qui gagnent volontiers. S'il estoit ainsi que le Roy, mō fils, & vostre-Sire, eust acquis ces Seigneurs que ie vous dy, & il fust par decà la mer, il pourroit bien aller requerre le Roy Philippe outre la riuere d'Oise, & combattre à luy. Et par tant ces Seigneurs retournerét à Londres, & rapportèrent au Roy Edouard, ce qu'ils auoient trouué: dont il en eut grand' ioye, & fut moult reconforté. Si vindrét ces † nouuelles en France, & multiplierent petit à petit: & refroidit fort le Roy Philippe de celle crois emprise & preschée. Si contremanda à tous ses officiers (qui ses pourueances faisoient moult grosses) de ne bouger, iusques à tant qu'il eust veu de quel pié le Roy Anglois vouloit aller auāt: qui pas ne se refroidoit de soy pouruoir & appareiller. Si ordonna le Roy d'Angleterre dix Cheualiers bannerets, & quarante autres * Cheualiers ieunes Bacheliars: & les enuoya de là la mer droit à Valenciennes, & l'Euesque de Lincole (qui mout estoit vaillant) avec eux, pour cause de traiter à ces Seigneurs de l'Empire, que le Comte de Haynaut leur auoit nōmés, & pour en faire ce que luy, & messire Iehan, son frere, en conseileroient. Quand ils furent venus à Valenciennes, chacun regardoit le grand estat qu'ils maintenoient, sans rien espargner, non plus que se le propre corps du Roy d'Angleterre y eust esté en personne, dōt ils acqueroient grande grâce & grande renommée. Et si auoit entre eux plusieurs ieunes Bacheliars, qui auoient chacun vn œil couuert de drap, afin qu'ils n'en peussent veoir: & disoit on que ceux là auoient voué, entre Dames de leur pays, que iamais ne verroient que d'un œil, iusques à ce qu'ils auroient fait aucunes prouesses de leur corps ou Royaume de France, lesquels n'en vouloient riens cognoistre à ceux qui leur en demandoient, si en auoit chacun grāde merueille. Quand ils furēt assez festoyez & hōno-

neprist les armes, & ne se fmeist en deuoir de le cōquerir, il seroit plus blasmé de le tenir ainsi coy, que nō pas deuant les parolles emeues.

† Les medecins disent arthritique: qui est aux iointures.

† Ainsi m'aide Dieu.

* Annota. 61

† Tous ces prelatifs & cōmencemens de guerre se faisoient sur l'an. 1336. & 37

ainsi qu'il se peut veoir es Annal. de Fran. Polyd. Verg. & Cron. de Tillet.

* Annot. 62.

rien notable.

* Annot. 1. 63

† Entēde^z que
le Duc de Brabant
die ces
parolles du Roy
d'Angleterre.*Alliances de
quelques Sei-
gneurs de la
basse Allemai-
gne avec le Roy
d'Angle. com-
tre celuy de
France.*† C'est à dire
s'aleroyent.† C'est assauoir
fille d'iceluy
Roy de Be-
haigne, nommé
Iehan (comme
nous auōs dit)
et nompas
Charles.† Le penseroye
qu'il y fallust,
brasseur de
biere comme
vent la Legen-
de des Flamēz,
et les Ann.
de Fran.) n'e-
stoit que les au-
tres Exemp.et les Abreg.
disent bras-
seur de miel.
avec la Croni-
que de Flādres† Le n'ay ncore
peu saoir de
quel pris estoit
pour lors ce
Gros: mais mai-
tenant le Gros
de Flādres ne
vaut qu'enui-
rō sept deniers
de nostre mon-

rez à Valenciennes, l'Euesque de Lincole & la* plus grand' partie d'eux se tirerent par deuers le Duc de Brabant, par le conseil du Comte dessusdit. Si les festoya le Duc assez-suffisamment. Puis s'accorderent tellement à luy, qu'il leur promit lors de soustenir le Roy Anglois, & toutes manieres de ses gēs, en son pays. Car aussi estoit il son cousin germain: si pouuoit† aller & venir & demourer armé, & desarmé toutes fois qu'il luy plairoit. Et avec ce leur promit, par tout conseil, & parmy vne somme de florins, se le Roy Anglois, son cousin, vouloit le Roy de France défier suffisamment & entrer en son pays & si luy pouuoit auoir l'accord de ces Seigneurs dessusnommez, il le défieroit aussi, & s'en iroit avecques luy, avec mille hommes armez. Adoncques retournerent ces Seigneurs d'Angleterre à Valenciennes: & firent par messages, & par or & par argēt, que le Duc de Guerles, serourge au Roy d'Angleterre, le Marquis de Iuliers, pour luy & pour l'Archeuesque de Coulongne, & VValeran son frere, & le Seigneur de Fauquemōt, vindrent à Valenciennes parler à eux, par deuant le Comte de Haynaut (qui ne pouuoit aller ne cheuaucher) & par deuant Iehan Mōseigneur son frere: & si bien exploiterēt par deuers eux moyennant grand' somme de florins, que chacun deuoit auoir pour luy & pour ses gens, qu'ils eurent conuenant de défier le Roy de France, & d'aller avec le Roy d'Angleterre quand il luy plairoit, & que chacū le seruiroit à vn certain nōbre de Gens-darmes, à heaumes & timbres couronnez. Or est celuy estat maintenant venu, qu'on parle de lances, ou glaiues, ou de iaques: & vous dy que ces Seigneurs dessusnōmez promirent aux Seigneurs d'Angleterre, qu'ils se† prendroient aux Seigneurs d'outre le Rhin: que bien auoient pouuoir d'amener grās Gens-darmes, mais qu'ils eussent le parquoy. Puis prindrent tous cōgé les dessusdits Seigneurs Allemans, & retournerent en leur pays, & les Seigneurs d'Angleterre demeurerēt encor deuers le Côte de Hainaut, & enuoyerēt encor certains messagers par deuers l'euesque du Liege, Mōseigneur Raoul, & l'eussent moult volontiers attrait à leur parti, mais l'Euesque n'y voulut oncques entēdre, ne riēs faire contre le Roy de France: à qui il estoit deuenu homme, & entré en sa feauté. Le Roy Charles de Behaigne ne fut point mandé: car on sauoit bien qu'il estoit si adioint au Roy de France, par le mariage du Duc de Normandie, Iehan (qui auoit à femme Madame Bonne,† fille du Roy) que pour celle cause il ne feroit riēs cōtre le Roy de Frāce.

Comment Iacques d'Artenelle gouerna la Comté de Flandres. CHAP. XXX.

EN ce temps que ie vous dy, auoit grande diffension entre le Comte de Flandres & les Flamens, car ils ne vouloient point obeyr: & ne s'osoit tenir en Flandres, fors à grand peril. Et auoit lors vn hōme à Gād, qui auoit esté† brasseur de miel. Celuy estoit entré en si grand' fortune & en si grande grace à tous les Flamens que c'estoit tout fait ce qu'il faisoit & vouloit, deuiser & commander, par tout Flandres, de l'vn des bouts iusques à l'autre: & n'y auoit nully (tant fust grand) qui de riens oFAST trépasser son commandement, ne contredire. Il auoit tousiours apres luy, allans aual la ville de Gand, soixante ou quatre vingts valets, tous armez: entre lesquels y en auoit deux ou trois, qui sauoient de ses secrets: & quand il encontroit vn homme qu'il hayoit, ou auoit en souspeçon, il estoit tātost tué: car il auoit commandé à ses secrets valets, & dit. Si tost que i'encōtray vn homme, & ie feray vn tel signe, si le tuez sans faillir (tant grand soit il) sans attendre plus haute parolle. Et ainsi en aduenoit souuēt: & fit en celle maniere plusieurs grans maistres tuer: parquoy il estoit si douté, que nul n'osoit parler contre chose qu'il voulist faire, ne à peine penser de le contredire: & falloit que chacū luy fist chere. Et, quand ces cōpaignons dessusdits l'auoient racōduit à son hostel, chacun alloit disner en la maison, & tantost reuenoient apres disner deuant sa maison emmi la rue, & illecques plaidoient & brayoient, iusques adonc qu'il vouloit aller aual la ville iouer & ébatre: & ainsi, le conduisoient iusques à ce qu'il voulist soupper. Et sachez que chacun de ses soudoiers auoit, chacun iour, quatre† gros de Flandres, pour ses fraits & pour ses gaiges: & les faisoit bien payer de semaine en semaine. Et aussi auoit, par toutes les villes & chastellenies de Flandres, Sergens & soudoiers à ses gaiges, pour faire tous ses commandemens, & faire épier & saoir fil y auoit nulle personne qui fust rebelle à luy, ne qui dit, n'informast nulli contre sa volonté: & si tost qu'il en sauoit aucun en vne ville, il ne cessoit iamais qu'il ne l'eust banni, ou tué sans deport, ia si bien ne s'en gardast. Et mesme-ment tous les plus puissans de Flandres, Cheualiers & Escuiers, & Bourgeois des bonnes villes, qu'il pensoit qu'ils fussent fauorables au Comte en aucune maniere il les bannissoit

nissoit de Flandres, & leuoit la moitié de leurs rentes & reuenues, & laissoit l'autre moitié pour le douaire de leurs femmes, & à leurs enfans: & ceux qui estoient ainsi bannis (dont il y auoit foison) se tenoient à Saint-Omer, le plus: & les appelloit-on Auolez. A parler proprement, il n'y eut oncques en Flandres, n'en autre pays, Comte, Duc, Prince, n'autre, qui peust auoir vn pays si à sa volonté comme il eut, & si longuement: & estoit appelé Iacquemart d'Arteuelle. Il faisoit leuer les rentes, les vinages, & les droictures, que le Comte deuoit auoir, & qui luy appartenoient, quelque part que ce fust en la Côte de Flandres, & toutes les males-totes, il les dépendoit à sa volonté, & en donnoit sans en rendre nul cōpte. Et, quand il vouloit dire qu'argent luy faillloit, on l'en croyoit & croire l'en conuenoit, car nul n'osoit dire à l'encontre. Et quand il vouloit emprunter à aucuns Bourgeois sur son parement, il n'estoit nul qui oFAST l'éconduire à prester.

*noye, & vne li-
ure de gros en-
uiron sept francs*

Les messages d'Angleterre (qui estoient enuoyez deçà la mer, & se tenoient si honorablement à Valenciennes, comme vous auez ouy) se penserent entre eux, que ce seroit grand confort pour leur Seigneur le Roy (selon ce qu'ils vouloient entreprendre) fils pouuoient auoir l'accord des Flamens: qui estoient alors mal du Roy de France & du Comte leur Seigneur. Si s'en conseillèrent au Comte de Haynaut: qui leur dict, que vraiment ce seroit le plus grand confort qu'ils peussent auoir: mais il ne pouoit veoir qu'ils y peussent profiter, fils n'auoient premierement acquis la grace & la faueur de Iacquemart d'Arteuelle: dont dirent qu'ils en feroient leur pouuoir briefuement.

*† sous entendez:
quand à, par
vne maniere
de parler fort
visitée entre les
Francois.*

Tantost apres se departirent de Valenciennes, & s'en allerent en Flandres, & se departirent en trois ou quatre routes. Si s'en allerent partie à Bruges, & partie à Ypre, & la plus grande partie à Gand: & tous despendoient si largement, qu'il sembloit que l'argēt leur cheust des mains, & queroyent accord par tout, & promettoient aux vns & aux autres, là ou on les cōseilloit, & là ou ils croyoient mieux employer pour paruenir à leur entente. Toutesfois ledit Euesque de Lincole, & sa cōpaignie (qui allerent à Gand) firent tant par beau parler & autrement, qu'ils eurent l'accord & l'amitié de Iacques d'Arteuelle, & grande grâce en la ville, & mesmement d'un vieillard Cheualier, qui demouroit à Gand: ou il estoit moult fort aymé. Si l'appelloit on Mōseigneur le Courtisien: & estoit Cheualier banneret: & le tenoit on pour le plus preux Cheualier de Flandres, & le plus vaillant homme, & qui plus hardiment auoit tousiours serui les Seigneurs. Ce Seigneur Courtisien compaignoit & honnoit moult fort ces Seigneurs d'Angleterre, ainsi que vaillant homme doit faire Cheualiers estranges: mais il fut accusé de tel honneur, qu'il faisoit aux Anglois, enuers le Roy de France: lequel trefestroitement commanda au Comte de Flandres, qu'il fist tant qu'il peust auoir ledit Cheualier, & qu'il luy fist couper la teste. Le Comte (qui n'osa trépasser le commandement) fit tant que le Courtisien vint là ou le Comte le manda. Si fut prins, & tantost décolé, de quoy moult de gens furent dolens par pitié, & en sceurent moult mal gré au Côte: car il estoit moult aimé des Seigneurs du pays. Tant exploiterent ces Seigneurs d'Angleterre en Flandres, que ce Iacquemart d'Arteuelle meit plusieurs fois les Cōsuls des bonnes villes ensemble, pour parler de la besongne que ces Seigneurs d'Angleterre queroient, & des franchises & amitez qu'ils offroyent de par le Roy, leur Seigneur: & tant parlerent ensemble, qu'ils furent d'accord: en telle maniere, qu'il plaisoit bien aux Consuls de Flandres, que le Roy Anglois & toutes ses Gens-d'armes, & autrement, allassent par tout Flandres, ainsi qu'il leur plairoit: mais ils estoient si fort obligez enuers le Roy de France, qu'ils ne le pourroyent greuer, n'entrer en son Royaume, qu'ils ne fussent attains d'une trop grande somme de florins: & leur prierent, que ce leur vusist suffire iusques à vne autre fois & à tant retournerent ces messagers à Valenciennes, à grande ioye. Souuent signifioient ce qu'ils auoient besongné, au Roy leur Seigneur: qui leur enuoyoit grand or, & grand argent, pour faire leurs despens, & pour departir à ces Seigneurs d'Allemagne: qui ne demandoient autre chose.

*Les Ambassa-
Anglois en
Flandres, vers
Iacques d'Ar-
teuelle.*

*Le Courtisien
de Flādres de-
colé.*

*Les Flamens
pratiqués pour
les Anglois,
par le moien
d'Arteuelle,
sans le consen-
tement de leur
Comte.*

En ce temps trépassa le gentil Comte de Haynaut, nommé messire Guillaume, le vi. iour de Iuing, l'an mil ccc. xxxv. Si fut enseveli aux Cordeliers à Valenciennes, & fit on là son obseques: & chanta la messe l'Euesque de Cambray. Si y eut grande foison de Ducs, Comtes, & Barons, car il estoit grandement aimé & honoré de toutes gens, tant comme il vesquit. Apres son trépassement, se tira en la Côte de Haynaut, de Hollande, & de Zelande, Monseigneur Guillaume son fils: qui eut à femme la fille du Duc Iehan de Brabāt: & fut ceste Dame (qui s'appelloit Iehanne) douée de la terre de Biuch

*† 1337. Mort
de messire Guil-
laume, Comte
de Haynaut.*

(qui est moult bel heritage & profitable) & Madame Iehan, sa mere, s'en vint demourer à Fontenelles sur l'Escaut: & vſa sa vie là, comme bonne & deuote, en ladite Abbaye: & y fit moult de biens.

† Si vous trouuez les autres Auteurs quel que peu differens à cestuy en la deduction des guerres suivantes, souuen ne vous de ce que nous auons dit sur le 22. & 24. chap. & ailleurs. Quant au nom de cest' Isle, c'est Targant, en Sala Gaigant en la Chaux, et Cadzand, ou Caedzant en la Cronie. de Fland. Retour des ambassadeurs Anglois en leur pays.

Comment aucuns Nobles de Flandres garderent l'Isle de † Cagant en Flandres contre les Anglois.

CHAP. XXXI.

DE toutes ces ordonnances & confors, que le Roy Anglois acqueroit par deçà la mer fut le Roy Philippe de France tout informé, & eust volontiers attrait les Flamens de son accort: mais laques d'Arteuelle auoit si fort surmonté toutes manieres de gens de Flandres, que nul n'osoit contredire son opinion: & mesmement le Comte, leur Seigneur, ne sy osoit bonnement tenir: & auoit enuoyé Madame sa femme, & Louis son fils, en France, pour la doute des Flamens. Auecques tout ce, se tenoyent en l'Isle de Cagant aucuns Cheualiers & Escuyers de Flandres en garnison: dont messire Dutres de Halluin, messire Iehan de Radais, & les enfans de l'estrief estoient tous souuerains: & là gardoyent le passage contre les Anglois, & faisoient guerre couuertement: dont les Cheualiers & Escuyers d'Angleterre (qui estoient en Haynaut) furent tous informez que fils s'en r'alloient par là en leur pays, ils feroient rencontrez, parquoy ils n'estoient mie bien assurez. Nonobstant ce, ils cheuauchoyent & alloient à leur volonté, parmy le pays de Flandres, & par les bonnes villes: mais c'estoit sur le cōfort de Iacquemart d'Arteuelle: qui les supportoit & honnoroit en tout ce qu'il pouuoit. Et, apres, ces Seigneurs reuindrent à Dourdrech en Holande: ou ils monterent en mer pour écheuer le passage de Cagant: ou les dessusdits Cheualiers estoient, tous du pays de Flandres: & y estoient en garnison, de par le Roy de France & le Comte de Flandres, si comme on disoit. Si reuindrent les Anglois au mieux & au plus couuertement, qu'ils peurent, en Angleterre deuers le Roy Edouard, leur Seigneur: qui moult fut ioyeux de leur exploit: & quand il ouit parler de la garnison de Cagant, qui harioient ses gens, il dit qu'il y pouruoyeroit briefuement, Si ordonna assez tost apres le Comte d'Erby, messire Gautier de Manny, & aucuns Cheualiers & Escuyers Anglois: lesquels firent vn grād amas de Gés d'armes & d'Archers, & chargerēt leurs vaisseaux à Londres, en la Tamise: Si furēt cinq ou six cens hommes armez, & deux mille Archers. Quand ils furent entrez en leur nauire, ils defancrerent, & si vindrent de celle marée, la premiere nuit, gesir deuāt Gramefindes. Lendemain ils defancrerent, & vindrent deuant Mergates. A la tierce marée ils tirerent leurs voiles amont, & prindrent le parfond, & nagerent tant en mer, par leurs iournées, qu'ils vindrent en Flandres, Si arrouterent leurs vaisseaux, & les meirēt en bō conuenant, & vindrent assez pres de Cagant.

De la bataille de Cagant entre les Anglois & quelques Flamens du parti de leur Comte.

CHAP. XXXII.

QVand les Anglois veirent la ville de Cagant (ou ils tendoyent à venir, & à combattre ceux qui dedans estoient) lors s'aduiferent qu'ils auoient le vent & la marée pour eux, & qu'au nom de Dieu & de saint George ils approcheroient. Lors firent sonner les trompettes, & s'armerent, & appareillerent vistement, & ordonnerent leurs vaisseaux, & meirēt les Archers deuant, & singlerent fort deuers la ville. Moult bien auoyent les guettes & les gardes, qui se tenoient en Cagant, veu ceste grosse nauire approcher. Si supposerent bien que c'estoient Anglois: pourquoy ils festoient ia tous rengiez & armez sur les digues & sur le sablon, & mis leurs pennons par ordonnance deuant eux: & firent entre eux de nouveaux Cheualiers iusques à seize. Et pouuoient bien estre environ-cinq mille, tous comptez, bien aspres Cheualiers & Bacheliers: si comme ils monstroient. Et là estoit messire Guy de Flandres, vn bon & seur Cheualier (mais bastard estoit) qui prioit tous les compagnons, qui là estoient, de bien faire. Et là estoit messire Dutres de Halluin, messire Iehan de Rodes, messire Gilles de l'Estrief, messire Simon & messire Iehan de Bouquedent (qui là estoient faits Cheualiers) & Pierre d'Aglemouftier, & maints autres Bacheliers & Escuyers, aspres Hommes-darmes: & n'y eut riens parlementé: car les Anglois estoient desirans de les assaillir, & les Flamans d'eux deffendre. Adoncques firent traire leurs Archers fort & roide, & crierēt leurs cris: & cōuint à ceux qui le haure gardoient (vousissent ou non) reculer. Si en y eut du trait, à ce premier assaut, plusieurs de méhaignez & affolez, & prindrent terre les Barons & Cheualiers d'An-

† Souuenne vous encore de ce mot, pour toute la flotte des vaisseaux de mer.

† Je pense que c'est celui qu'il a peu parauant nommé de Radais. au chap. precedēt. Mais quant à tels noms & surnoms de personnes, villes, & autres places, excusez nous sur ce que nous a-

d'Angleterre, & vindrēt cōbattre aux haches, aux espées, & aux glaiues, l'un contre l'autre: & là eut plusieurs belles cheualeries & appertises d'armes faites: & moult vaillāmēt se cōbattirent les Flamens: & aussi moult cheualeureusement les receurēt les Anglois: & là fut moult bon Cheualier le Comte d'Erby: & s'auança si auant, du premier assaut, qu'il fut mis par terre: & là luy fut Monseigneur de Manny bon confort, car par appertises d'armes il le releua, & osta de tous perils, en écriant Lenclastre, au Comte d'Erby. Lors approcherēt de tous lez: & en y eut plusieurs de blecez, & par especial plus de Flamens que d'Anglois, car les Archers d'Angleterre (qui continuellement tiroient) leur portoient moult grand dommage à prendre terre. Au haure de Cagant fut dure la bataille, & moult fiere, car les Flamens estoient moult bonnes gens, & de grande appertise pleins. Car par election le Comte de Flādres les y auoit mis, pour garder le passage contre les Anglois: & s'en voulurent acquiter & faire leur deuoir en tous estats: si comme ils firent. Là estoient les Barons & les Cheualiers d'Angleterre: premierement le Comte d'Erby, fils au Comte Henry de Lenclastre au tort col, le Côte de Suffort, messire Robert de Golehen, messire Louis de Beauchamp, messire Guillaume, fils au Comte de VVaruich, le Sire de Beocler, messire Gautier de Manny, & plusieurs autres, qui hardiement assailloient les Flamens. Là eut aspre bataille, & moult bien combattue, car ils estoient main à main. Mais finalement les Flamens furent mis en chace: & en y eut plus de trois mille morts, tant sur le haure, que sur les rues & es maisons: & fut prins messire Guy le Bastard de Flandres: & furent morts messire Dutres de Halluin, & messire Iehan de Rodes, & les deux freres de † Brunquedent, & messire Gilles de l'Estrief, & plus de xxvj. que Cheualiers, qu'Escuyers: & fut la ville prinse & pillée, & tout l'auoir mis es vaisseaux avec les prisonniers: & fut la ville toute arse. Si retournerent les Anglois en Angleterre sans dommage. Si fit le Roy à Monseigneur Guy de Flandres fiancer sa foy, & obliger prison: le quel se tourna Anglois en celle année: & fit foy & hommage au Roy d'Angleterre.

Comment le Roy Edouard d'Angleterre fit grādes alliāces en l'Empire. CHAP. XXXIII.

A Pres la déconfiture de Cagant, ces nouuelles s'épandirent en plusieurs lieux: & disoient ceux de Flandres, que sans raison, hors de leur conseil & volonté, le Comte les auoit là mis. Si ne voufissent nullement laquemart d'Arteuelle, que la chose se fust portée autrement: & tantost enuoya ses messages au Roy Edouard, en se recommandant à luy de cœur & de foy: & luy signifia qu'en auant il conseilloit qu'il passast la mer, & véfist à Enuers: parquoy il sacquitaft des Flamens qui moult le desiroiēt à voir. Et supposoit assez que, si estoit par-deça la mer, ses besongnes en seroiēt plus cleres, & y prendroit grand profit. Adonc le Roy d'Angleterre fit moult grans pourueances: & quand l'Yuer fut passé, il mōta en mer, biē accōpagné de Comtes, Barons, & plusieurs Cheualiers. Si arriua en la ville d'Enuers: qui pour lors se tenoit pour le Duc de Brabat. Lors vindrent gens de tous costez, pour le veoir, & le grand estat qu'il maintenoit & portoit. Apres manda au Duc de Brabant son cousin, au Duc de Guerles son serourge, & au Marquis de Iuliers, à Monseigneur Iehan de Haynant, & à tous ceux dōt il auoit espoir d'estre conforté, qu'il parleroit volontiers à eux. Si vindrent tous à Enuers, entre la Pēthecouste & la saint Iehan. Quand le Roy les eut festoyez, il voulut sauoir d'eux, quand ils pourroient commencer ce qu'ils auoient promis: & leur pria qu'ils s'en voufissēt deliurer bien briuement. Car pour ce estoit il là venu, & auoit ses gēs tous appareillez, si luy tourneroit à grand dommage, s'ils ne s'en deliuroient appertement. Ces Seigneurs de l'Empire eurent grand cōseil & long entr'eux. Si respōdirēt finalement entre eux, cher Sire, quand nous venīsmes deça, c'estoit plus pour vous veoir que pour autre chose, si n'estions point pourueus de vous respondre sur ce que requis vous nous auez. Si nous retirons deuers noz gens, & reuiendrons à vous quand il vous plaira: & respondrons adonc si plainement, que la chose n'en demourra mie sur nous. Et adoncques eleurent la iournée, trois semaines apres la saint Iehan: mais bien leur remonstroit le Roy d'Angleterre les grans frais & dommages qu'il soustenoit pour leur attēte (car il pēsoit qu'ils fussent tous pourueus de respondre, quand il vint là) & leur dit, qu'il ne retourneroit iamais en Angleterre, iusques à tant qu'il sauroit certaine intention. Sur ce ces Seigneurs se departirent: & le Roy demoura tout coy en l'Abbaye de saint Bernard: & aucuns Seigneurs d'Angleterre demourerēt à † Enuers, pour luy faire compaignie, les autres s'ē-

uons iā dit plusieurs fois: & en apprenez la certitude d'autre que de moy qui ce pendant mettray peine que telle incertitude ne corrompe le principal de nostre Auteur.

† Parauant Bruquedent sur quoy vous prie de prendre garde vous mesmes à la diuersité de tels nōs & sur noms, Car, entre tant qu'il en nōmera cy-apres, la principale deductiō de nostre Histoire me pourra empescher de vous en marquer la diuersité.

Arrīuee du Roy d'Angl. à Enuers. 1338. selon Polyd. Verg. & les Ann. de France, comme il se peut prendre aussi de nostre Auteur, depuis la fin du chapitre. 30.

† Les autres Exemp. l'escrivent

uent toujours
ainsi & nous
aujourd'hui
par A. com-
ment font aus-
si les deux A-
brege & Fran-
çois, & la Cro-
nique de Flan-
dres mesme.

Assemblée du
Roy d'Angle.
& des Sei-
gneurs de la
basse Allem-
agne à Halle, cō-
tre le Roy Phi-
lippe de Valois.

Le Marquis
de Juliers eri-
gé en Comté,
& la Comté de
Guerles en Du-
ché.

† Ne prenez
pas ces mots
tant à la ri-
gueur, que par
là vous enten-
diez qu'il af-
signe ceste ve-
nue du Roy Da-
uid en France,
à l'an 1337.
dernierement
compté sur la
mort du Com-
te de Hainaut
mais prenez
les ainsi que les
autres sembla-
bles, depuis
le chapitre 27.

loyent ébanoyans par le pays, à grans despens: là ou ils estoient bien venus & festoyez. Le Duc de Brabant s'en alla à Louvain: & là se tint grans temps: & enuoyoit souuent, & pieça auoit enuoyé, deuers le Roy de France, pour luy prier qu'il ne creust nulle mauuaise information contre luy, car moult enuis feroit nulle alliance ne conuenance contre luy: mais le Roy d'Angleterre estoit son cousin germain: si luy pouuoit mauuaise ment éconduire de venir en son pays. Le iour vint que le Roy d'Angleterre attendoit la réponse de ces Seigneurs: mais ils se firent excuser: & manderent au Roy, qu'ils estoient tous appareillez, eux & leurs gens: mais qu'il fist tant au Duc de Brabant, qu'ils s'appareillaist (qui estoit le plus prochain, & qui plus froidement se portoit, ce leur sembloit) & aussi tost qu'ils sauroient de certain que le Duc de Brabant seroit prest, ils s'emouueroiēt & seroient au commencement de la besongne, aussi tost que le Duc seroit. Et sur ce, le Roy Anglois fit tant qu'il parla au Duc de Brabant: & luy remonstra la réponse de ces Seigneurs. Si luy pria en amitié, & luy pria par lignage, que nulle defaute ne fust en luy trouuée, car il s'aperceuoit bien qu'il l'apprestoît froidement: & fil n'en faisoit autre chose, il doutoit qu'il perdoit l'aide de ces Seigneurs d'Allemagne, par la defaute de luy. Lors dit le Duc qu'il s'en conseileroit. Quand il fut longuement conseillé, il respondit qu'il seroit assez tost prest & appareillé, quand besoing seroit: mais il auroit auant parlé à tous ces autres Seigneurs. Et pour ce manda à ces Seigneurs qu'ils venissent à luy, là ou mieux leur plairoit. Si fut la iournée assignée à la Myaoust: & fut mis ce parlement, par tous communs accords, à Halle, pour cause du ieune Comte Guillaume de Haynaut: qui y deuoit estre: & y fut avecques messire Jehan, Monseigneur de Hainaut, son oncle. Quand tous ces Seigneurs de l'Empire furent assemblez en la ville de Halle, ils eurent grans parlemens, puis dirent au Roy Anglois. Cher Sire nous ne voyons cause de défier le Roy de France, tout cōsideré: se vous ne pourchassez que vous ayez l'accord de l'Empereur, & qu'il nous commanda que nous défions le Roy de France de par luy: & la cause peut estre telle. Car de long temps a esté conuenancé & seellé, que nul Roy de France ne doit tenir, n'acquérir riens sur l'Empire: & ce Roy Philippe a acquis le chastel de Creuecœur en Cambresis, & le chastel d'Alues en Pailleul, & la cité de Ca Bray: pourquoy l'Empereur a bien cause de le défier par nous. Si vueillez pourchasser son accord pour nostre paix & honneur. Et le Roy d'Angleterre dit qu'il feroit volontiers par leur conseil. Puis fut ordonné que le Marquis de Juliers iroit à l'Empereur, & avecques luy des Cheualiers & Clercs du Roy, & aucuns du conseil du Duc de Guerles: mais le Duc de Brabant n'y voulut point enuoyer: mais il presta le chastel de Louvain au Roy d'Angleterre pour y demourer. Le Marquis de Juliers & sa compaignie trouuerent l'Empereur à Florebech. Si impetra ce pourquoy il estoit allé: & y mit Madame Marguerite de Haynaut grand' peine, que messire Louis de Bavière, lors Empereur de Rome, auoit espousée: & fut adonc ledit Marquis fait Comte: & le Duc de Guerles (qui estoit Comte) fut appelé Duc: & aussi l'Empereur donna commission à quatre Cheualiers & à deux Clercs de droit (qui estoient de son cōseil) pouuoir de faire le roy Edouard son vicaire, pour tout son Empire: & de ce prindrent les dessusdits Seigneurs instrumēs publiques, confermez & seellez suffisamment de l'Empereur.

Comment le Roy Dauid d'Escoce fit alliance au Roy Philippe de France. CHAP. XXXIIII.

EN ce temps le ieune Roy Dauid d'Escoce (qui auoit grande partie de son Royaume empesché, & ne le pouuoit recouurer pour l'effort du Roy Anglois) si se partit d'Escoce premierement, à petite mégnie, avecques la Roïne sa femme: & arriuerent à Boulongne, puis vindrent à Paris, au Roy Philippe: qui les festoya grandement: & luy presenta ses Chasteaux, pour seiourner à sa volonté, & de son auoir pour despendre: mais qu'il ne voufist faire nul accord ne paix au Roy d'Angleterre, fors par son Cōseil. Car bien sçauoit le Roy de France, que le Roy Edouard d'Angleterre s'appareilloit, tant qu'il pouuoit, pour luy faire guerre. Si retint le Roy de France, & soustint moult longuement, le Roy & la Roïne d'Escoce delez luy: & leur fit deliurer quant qu'il leur appartenoit (car d'Escoce leur venoit il assez petit, pour leur estat maintenir) & enuoya le Roy de France en Escoce grans messages aux Seigneurs & Barons, qui y estoient demourez, & guerroyoient contre les garnisons du Roy d'Angleterre: & leur fit offrir grāde aide & cōfort: mais qu'ils ne voufissent pacifier ne donner tréues aux Anglois, si ce n'estoit par sa volōté, & de leur Seigneur, qui tout ce luy auoit promis & iuré.

Adonc

Adonc ces Seigneurs d'Escoce se conseillèrent, & apres s'accorderent ioyeuſement à ſa requēſte: & iurerent & ſcellerent avec le Roy les Seigneurs. Et ainſi furent les alliances de ce temps faites entre le Roy de France & le Roy d'Escoce (qui ſe tindrent fermes vn long temps) & enuoya le Roy de France Gens-d'armes en Escoce, pour guerroyer les Anglois: & par eſpecial meſſire Arnoul d'Andregien (qui puis fut Mareſchal de France) le Seigneur de Garençieres, & pluſieurs Cheualiers Eſcuyers. Si penſoit le Roy de France, que les Eſcoçois dōneroient tant affaire au Royaume d'Angleterre, que les Anglois ne pourroiet venir de deça la mer (au moins ſinō bien petit) pour luy nuire & le greuer.

Comment le Roy Edouard d'Angleterre fut fait vicaire de l'Empire d'Allemagne.

CHAPITRE XXXV.

QVand le Roy d'Angleterre, & les Seigneurs à luy alliez, ſe furent departis du parlement de Halle, le Roy ſe retrahit à Louvain, & fit appareiller le Chasteſ pour ſa demeure: & manda à la Roynes, ſa femme, ſelle vouloit venir deça la mer, que ce luy plaſoit moult bien, car il ne pouuoit delà repaſſer pour toute celle année. Lors renuoia grande partie de ſes Cheualiers pour garder ſon pays meſmement ſur la marche d'Escoce. Tandis que ces beſongnes ſe faiſoient, les autres Cheualiers Anglois (qui eſtoiet en Brabant deuers le Roy d'Angleterre) eſpandirent aual le pays de Flandres & de Hainaut, en tenāt grans deſpēs: & donnoiet grans ioyaux aux Seigneurs & aux Dames & Damoiſelles, pour acquerir leurs graces: & tāt faiſoiēt, qu'ils eſtoient mout priſez & aimez de tous & de toutes: meſmemēt du cōmun peuple (à qui ils ne donnoient riens) pour le bel eſtat qu'ils maintenoient. Or reuindrent de l'Empire, enuiron la Touſſaints, le Marquis de Iuliers & ſa cōpagnie. Si ſignifia au Roy Edouard ſa reuenue, & luy māda que, Dieu mercy, il auoit biē exploité. Le Roy Edouard luy reſcrit q̄ à la feſte de S. Martin fuſt deuers luy: & demanda le Roy au Duc de Brabāt, ou il vouloit que ce parlemēt ſe teniſt: lequel Duc reſpondit à Arques, en la Comté de Loz, près de ſon pays. Et adōc le Roy le ſignifia à ſes alliez: qui tous y vindrēt. Si fut la halle de la ville biē encourtinée de beaux draps & riches, comme la chambre du Roy: & fut le Roy aſſis, la couronne d'or moult riche & noble au chef, plus haut cinq pieds que to^s les autres. Et lors, par deuant tous ceux qui là eſtoient, furent leuēs les lettres de l'Empereur: par leſquelles le Roy d'Angleterre eſtoit conſtitué & eſtably ſon vicaire & ſon Lieutenant pour luy: & luy donnoit pouuoir de faire loy & droit à chacun au nom de luy & de faire monnoye d'or & d'argent auſſi au nom de luy. Et commandoit par ces lettres, que tous ceux de ſon Empire, & tous autres, à luy ſubiets, obeiſſent à ſon dit vicaire, comme à luy meſme: & fiſſent feauté & hommage au vicaire de l'Empire: & que tantōſt là endroit fuſt clamé & reſpondu entre les parties, comme deuant l'Empereur, & iugé droit à la ſemonſe de luy. Et fut là endroit renouuellé vn iugement & ſtatut, & affermé: qui auoit eſté fait à la court de l'Empereur, le temps paſſé, qui eſtoit tel que, qui vouloit autrui greuer où porter dommage, il le deuoit deſier ſuffiſamment, trois iours deuant ſon fait: & qui autrement le faiſoit, il deuoit eſtre r'attaint de mauuais & vilain fait. Quand tout ce fut fait, les Seigneurs ſe departirent, & promirent les vns aux autres d'eſtre appareillez, ſans delay, trois ſemaines apres la ſaint Iehan, pour aller deuant la cité de Cambray: qui doit eſtre de l'Empire. & eſtoit tournée par deuers le Roy de France. Ainſi ſe departirēt ces Seigneurs, & alla chacun en ſon lieu: & le Roy Edouard, vicaire de l'Empire, ſ'en reuint à Louvain, delez la Roynes, ſa femme: qui eſtoit la venue nouuellement à grande nobleſſe, & bien accompagnée de Dames & de Damoiſelles d'Angleterre. Si tindrent là le Roy & la Roynes leur tinel, moult honnorablement, tout celuy Yuer: & fit faire mōnoye d'or & d'argent en la ville d'Enuers, à moult grand' ſoiſon. Mais nōn pourtant ne laiſſa pas le Duc de Brabant de faire ſes diligences, & enuoyer ſongneuſement pour meſſages, deuers le Roy de France Philippe, Monſeigneur Louis de Trauchen, ſon plus eſpecial Conſeiller, avecques autres, pour ſoy excuſer: pour laquelle choſe iceluy Cheualier y auoit eſté moult de fois enuoyé. En la fin il le fit demourer tout coy delez le Roy, afin que touſiours il l'excufaſt, & contredit toutes les informations, qui pouuoient venir à l'encontre de luy: & celuy Cheualier en fit tout ſon deuoir & tout ſon pouuoir.

Comment le Roy Edouard d'Angleterre & ſes alliez deſierent le Roy de France.

CHAPITRE XXXVI.

d ij

Lettres du Vicariat de l'Empire, ottrōie au Roy d'Angleterre par Louis de Baviere.

ſans vrāe quotation de année: car autrement il ne viendrait pas bien au temps du ſejour qu'il veut que le Roy d'Escoce euſt fait en France auant ſon retour, au chapitre 74.

† Prenez cest E
sté en l'a. 1339
selon les Ann.
de Fr. et Poly.
Verg. & selon
nostre Auteur
mesme, en com
ptant diligem
ment depuis
la fin du chapi
tre 30.

† Il y auoit vn
point apres
mer. & puis
Comme les
etc. mais on
peut veoir que
cela estoit cor
rompu: & ain
si me l'assurent
les Abregez
François.

† La mer des
Hist. & la
Chaux disent
Nusse, ou Nu
se.

† Au chap. 29.
il en nome vn
vvaleran: que
ie pense estre
cestuicy, &
de fait la
chaux le nome
icy Gallerant

Or passa celuy Yuer, & † l'Esté reuint: & la feste saint Iehan Baptiste approcha. Ces Seigneurs d'Angleterre & d'Allemagne s'appareillerent, pour acheuer leur empri se. Le Roy de France si se pourueut à l'encontre, car il fauoit partie de leur entente. Le Roy Edouard d'Angleterre fit faire toutes ses pouruances en Angleterre, & ses Genf d'armes appareiller, & faire passer la mer, si tost que la saint Iehan fut passée: & s'en alla tenir luy mesmes à Villenort: & fit ses gens (ainsi qu'ils venoient) prendre hostels en la vil le: & quand elle fut pleine, il les faisoit loger contreal les beaux prez, selon la riuere, en tentes & en trefs: & là demourerent depuis la Magdaleine iusques à la Nostre-Dame de Septembre, en attendant, de semaine en semaine, la venue des Seigneurs de l'Empi re, & par especial du Duc de Brabant: lequel tous les autres attendoient: & quand le Roy d'Angleterre veit qu'il ne venoit point, il enuoya grans messagers vers chacun, & les fit semondre qu'ils venissent, ainsi que promis auoient, le iour Saint Gille, en la ville de Malines, & luy dirent pourquoy ils tardoient tant. Le Roy Edouard d'Angleterre seiournoit à Villenort, & soustenoit chacun iour, sur ses despens, bien seize cens Hom mes-d'armes, tous venus d'outre mer, & bien dix mille Archiers, sans les autres pourfuy uans. Si luy pouuoit bien peser, avec le grand tresor qu'il auoit donné à ces Seigneurs, & avec les grans armées qu'il auoit establies sur la mer, † contre les Géneuois, les Nor mans, les Bretons, les Picars, & les Espaignols, que le Roy de France Philippe faisoit na ger & tenir sur la mer à ses gaiges, pour entrer en Angleterre, si tost que la guerre seroit ouuerte. Ces Seigneurs d'Allemagne, à la semonse du Roy d'Angleterre, vindrent à Malines: & s'accorderent assez communement, apres moult de parolles, que le Roy An glois pouuoit bien mouuoir à la quinzaine ensuiuant: estoient adoncques tous appa reillez. Et, afin que leur guerre fust plus belle, ils s'accorderent (comme faire le falloit) d'enuoyer leur défiace au Roy Philippe. Premierement le Roy d'Angleterre, le Duc de Guerles, le Marquis de Iuliers, messire Robert d'Artois, messire Iehan de Hainaut, le Marquis de † Mussé, le Marquis de Blancquebourc, le Sire de Fauquemont, messire Ar noul de Bacqueghen, l'Archeuesque de Coulongne, messire † Galetas son frere, & tous les Seigneurs de l'Empire, qui chefs se faisoient avecques le Roy d'Angleterre. Si fu rent ces défiaces escriptes & sceellées, excepté du Duc Iehan de Brabant: qui dit qu'il fe roit son fait à par luy, à temps & à point. De ces défiaces apporter en France fut char gé & prié l'Euesque de Lincole: qui les apporta à Paris, & fit son message bié & à point: tant qu'il ne fut de nully reprins ne blasmé: & luy fut deliuré vn saufconduit, pour re tourner deuers son Seigneur le Roy: qui se tenoit adonc à Malines, comme dit est.

Comment messire Gautier de Manny, apres les défiaces faites, fit la premiere cheuauchée en France.

CHAP. XXXVII.

EN la premiere semaine, que le Roy de France fut défié, messire Gautier de Manny, si tost comme il peut sentir que le Roy de France deuoit ou pouuoit estre défié, print & cueillit enuiron quarante Lances de bons compagnons. Si cheuaucha parmy Bra bant, que de iour que de nuit, tant qu'il vint en Haynaut, & se bouta dedans le bois de Blaton: & encores ne fauoit on qu'il deuoit faire: mais il dit à aucuns de ses plus priuez, qu'il auoit promis en Angleterre, deuant les Dames & Seigneurs, qu'il seroit le pre mier qui entreroit en France, & prendroit chastel ou forte ville, & y feroit aucunes ap pertises d'armes: & estoit son entête de cheuaucher iusques à Mortaigne, & de surpren dre la ville: qui est du Royaume de France. Ceux, à qui il s'en decourrit, le luy accor derét volotiers. Adonc ils ressanglerent leurs cheuaux, & restraignirét leurs armeures, & cheuaucherét tous ferrez, & passerent les bois de Blaton, & vindrét, droit à vn adiour nement, vn petit deuant soleil leuant, à Mortaigne, si trouuerét d'auéture le guichet ou uert. Adonc descendit messire Gautier tout deuant, & aucuns des autres cōpaignons, & entrérét à la porte, tout coyemét, & puis establiérét aucuns des leurs pour garder la por te, puis vindrét contreal la rue messire Gautier & son pénon, tout deuât la grosse tour: mais la porte & le guichet estoient bien fermez. Aussi la guete du chastel ouyt leur bruit & les apperceut de sa garde: & adonc cōmēça à corner de sa bucine, & crier trahy trahy. Lors s'eueillerét toutes gens, & les soudoyers du chastel: mais point ne faillirét de leur fort. Et lors messire Gautier de Manny se retrahit arriere tout bellement, & fit bouter le feu en la rue, contre ce chastel. Si falluma tantost, & furent bien à celle matinée cin quante maisons arses, & les gens effrayez, car ils cuidoyent estre tous prins. Mais mes fire

surprise de
Mortaigne en
Picardie p.r
les Anglois.

sire Gautier & sa compagnie cheuaucherent arriere, droit à Condé: & là passèrent l'estang & la riuere de Hayne. Puis ils cheuaucherent le chemin de Valenciennes, & le costoyerent à la dextre main, & vindrent à Deuain, & se retrahirent en l'Abbaye. Puis passerent outre deuers Bouhaing, & firent tant au Chastellain, que les portes leur furent ouuertes: & là passerent vne riuere, qui se fiert en l'estang, & vint d'amont deuers Alues en Pailleul. Apres s'en vindrent à vn tresfort chastel (qui se tenoit à l'Euesque de Cambray) que l'on appelle Thin: lequel fut moult soudainement surprins, & le chastel conquis, & le Chastellain & sa femme dedans: & en fit le Sire de Manny vne bonne garnison, & y ordonna demourer vn sien frere, Cheualier: qui s'appelloit messire Gilles de Manny: lequel fit depuis à ceux de Cambresis & à la cité de Cambray moult de détour bier. Car le chastel sied à vne petite lieue de ladite ville. Lors, quand messire Gautier eut fait ses entreprinse, il s'en retourna franchement en Brabant, deuers ledit Roy, son Seigneur: lequel il trouua à Malines, & luy compta ce qu'il auoit fait.

*Surprise du
chateau de
Thin en Cam-
bresis, par les
Anglois.*

Comment, apres les défiances, les gens du Roy de France entrerent en Angleterre.

CHAPITRE XXXVI

SI tost que le Roy Philippe de France sceut qu'il auoit esté défié du Roy Anglois & ses alliez, il retint Gens-d'armes & soudoyers de tous costez. Si enuoya Monseigneur le Galois de la Baufme, vn bon Cheualier de Sauoye, en la cité de Cambray, & l'en fit Capitaine, avec messire Tribaud de Marneil, & le Seigneur de Roye: & estoient bien tant Sauoyfiens que François, deux cens Lances. Et si enuoya le Roy saisir la Comté de Ponthieu: que le Roy d'Angleterre auoit tenue par-auant, de par Madamé sa mere. Et manda & pria à aucuns Seigneurs de l'Empire, tels comme le Comte de Haynaut son nepueu, le Duc de Lorraine, & le Comte de Bar, l'Euesque de Mets, & l'Euesque du Liege, qu'ils ne fissent nuls mauuais pourchaz contre luy & son Royaume. Le plus de ces Seigneurs luy respondirent, qu'aussi ne feroient ils: & le Comte de Haynaut luy rescriit moult courtoisement, qu'il seroit tout appareillé à luy & à son Royaume aider à garder contre tout homme: mais le Roy d'Angleterre vouloit guerroyer pour l'Empire, comme vicaire & Lieutenât de l'Empereur: parquoy il ne luy pouuoit refuser son pays ne son confort, car il tient en partie sa terre de l'Empereur. Si tost que messire Hue Qui-riel, messire Pierre Bahuchet, & Barbe-noire (qui gardoyent les destroits & les passages, entre Angleterre & France, à grande nauire) entendirent que les défiances estoient faites en Angleterre, ils vindrent, à vn Dimanche matin, au haure de Hantonne, tandis que les gens furent à la messe: & entrerent iceux, Normans, Picars, & Espaignols, en la ville, & la pillerent tout entierement, & y tuerent plusieurs gens, & violerēt pucelles, & efforcèrent femmes, & chargerent leurs vaisseaux du pillage qu'ils trouuerent en ladite ville: qui estoit pleine & bien garnie, puis s'entrerent en leurs nefes: & quand le flot de la mer fut venu, ils se defarmerent, & singlerēt, à l'exploit du vent, deuers Normandie, & s'en vindrent rafreschir à Dieppe: & là partirent leur butin & leur pillage.

*† Selon Polyd.
Nicole Bo-
chet, que les
Anna. de Fr.
nomment Ni-
cole le Buf-
chet, & Buf-
chet simple-
mēt. Noz A-
bregez ne speci-
fient gueres sou-
uent tels noms
propres & en-
cor chacun de
eux y est tant
different à son
compaignō, &
à soy mesme,
que ie trouue
meilleur de ne
vous confondre
en leurs varie-
tez.
Il y auoit par-
auant son oncle
simplement,
sans &, mais
il fault neces-
sairement enten-
dre icy messire
Iehan de Hay-
naut, oncle de ce
ieune Cōte: &
ainsi le peut on*

Comment le Roy Edouard d'Angleterre asiegea la cité de Cambray.

CHAPITRE XXXIX

LE Roy d'Angleterre se partit de Malines, & s'en vint à Brucelles: & toutes manieres de gens passerent au dehors. Adonc fauallerent Allemans à grand effort: qui estoient bien vingt mille hommes. Et si demanda le Roy Anglois au Duc de Brabant, quelle estoit son intention, d'aller deuant Câbray, ou de le laisser. Le Duc respōdit que, si tost qu'il pourroit sauoir qu'il auroit assiegé Câbray, il se tireroit celle part à tout douze cens Lâces, biē estofées de bōs Gens-d'armes. Lors se partit le Roy, & vint à Niuelle & là coucha vne nuit. Le lendemain vint à Mons-en-Haynaut: & là trouua le ieune Cōte de Haynaut & son oncle: qui le receut ioyeusement. Et tousiours estoit delez le Roy messire Robert d'Artois, & de son plus priuē conseil: & enuiron xvj. ou xx. grans Barōs & Cheualiers d'Angleterre, que le Roy menoit avecques luy pour son honneur & son estat, & pour le cōseiller: & si estoit l'Euesque de Lincole: qui moult estoit fort renommé en ceste cheuauchée, de sens & de prouesse: & si passoiēt tousiours les Anglois, & se logeoient sur le chemin & sur le plat pays, ainsi qu'ils venoiēt, & trouuoient tous viures appareillez pour leurs deniers. Les aucuns payerent, & les autres non. Quand le Roy eut reposé deux iours à Mons-en-Haynaut, il vint à Valenciennes, & y entra seulement luy

voir par l'Ex-
emp. de Gerard
disant, qui le
receurent,
cōme fait aussi
l'Abregé de
la Chaux.

douzième de Cheualiers: & là estoit ia venu le Côte de Haynaut, & messire Iehan son oncle, le Sire de Faguinelles, le Sire de Verchin, le Sire de Haureth, & plusieurs autres, qui se tenoyēt delez le Comte leur Seigneur. Et emmena le Comte le Roy, par la main iusques à la salle, qui estoit toute appareillée à le recevoir: dont il aduint qu'en montant les degrez de la salle, l'Euesque de Lincole (qui là estoit present) leua sa voix, & dit, Guillaume d'Auffonne, Euesque de Cambray, ie vous admoneste, comme procureur de par le Roy d'Angleterre, vicaire de l'Empereur de Romme, que vous vueillez ouurir la cité de Cambray: & s'autrement le faites, vous vous forfaites, & y entrerons par force. Nul ne respondit à ceste parolle: car l'Euesque n'estoit pas present. Encores parla l'Euesque de Lincole, & dit. Comte de Haynaut, nous vous admonestons, de par l'Empereur de Rōme, que vous veniez seruir le Roy d'Angleterre, son vicaire, deuant la cité de Cambray, à tout ce qu'auez de gens. Le Comte, qui là estoit present, respondit, & dit, Volontiers. Apres entrèrent en la salle, & menerent le Roy Anglois en sa chambre. Tantost apres fut le soupper appareillé: qui fut grand & beau, & bien ordonné. Lendemain se partit le Roy, & s'en vint à Aspre: & quand il eut esté deux iours à Aspre, & que ia moult de ses gens furent passez, il s'en partit, & vint deuers Cambray: & se logea à VVis: & assiegea la cité de Cambray de tous points: & tousiours luy croissoient gens. Là luy vint le ieune Comte de Haynaut en tresgrand arroy, & messire Iehan, son oncle: & se logerent assez pres du Roy. Apres le Duc de Guerles & ses gens, le Marquis † de Nuffe, le Comte de Mons, le Comte de Saunes, le Sire de Fauquemont, messire Arnoul de Bouqueghen: & tous les autres Seigneurs de l'Empire aliez au Roy.

† Parauant de
Mulle.

† Parauant
Louis de
Trauchen.

En ce lieu le
met ainsi l'Ab-
regé de Sala:
mais celuy de
la Chaux es-
crit Tranché

Au sixiesme iour que le Roy & ses Seigneurs se furent partis, & logez deuant Cambray, vint le Duc de Brabant en l'ost, en moult bel arroy: & auoit bien neuf cens Lances, sans les autres gēs armez: dont il y atoit foison. Il se logea deuers Ostrenan sur l'Escout: & fit on vn pont sur la riuere, pour aller de l'vn ost à l'autre. Tantost qu'il fut venu, il enuoya defier le Roy de France, qui se tenoit à Compiègne, de quoy Louis de † Tranchen (qui tousiours l'auoit excusé) fut si confus, qu'il ne voulut plus retourner en Brabant, ains mourut de dueil en France. Ce siege durant deuât Cambray, il y eut plusieurs écarouches & meslées, & cheuaucherent, par coustume, messire Iehan de Haynaut & le Sire de Fauquemont ensemble, & ardirent & gasterent moult fort le pays de Cambresis, & vindrent ces Seigneurs & leur routes, vn iour, à bien cinq cens Lances, & mille autres combattans, au chastel d'Oisy en Cābresis, & y liurerent vn grand assaut, & l'eussent prins de force, mais les Cheualiers & Escuyers, qui là estoient, le deffendirent si biē, de par le Seigneur de Concy, qu'ils n'y eurent nul dommage, & retournerent lesdits Seigneurs & leurs routes en leurs logis. Le Comte de Haynaut & ses gens vindrent, vn Samedy, à la porte deuers Saint-Quentin: & y liurerent grand assaut. Là fut Iehan Chandos (qui adōques estoit Escuyer, & des prouesses duquel ce liure parle fort) qui se getta entre les barrieres, à la porte, au long d'vne lance: & se combattoit moult vaillamment à vn Escuyer de Vermandois, appelé Iehan de Saint-Dager: & firent, l'vn contre l'autre, de moult belles appertises d'armes: & conquerent les Hainuyers, à force, les baillies: & là estoient, en tresbon conuenant, le Comte de Hainaut & ses Mareschaux, messire Girard de Verchin, messire Henry d'Antoing, & les autres, qui s'auenturoient hardiment pour leur honneur auancer, Avne porte (qu'on dit la porte Robert) estoient le Sire de Beaumont, & le Sire de Fauquemont, le Sire † d'Angien, messire Guillaume de Manny, & leurs gens: & y firent vn tresfort & dur assaut: mais ceux de Cambray & les soudoiers, que le Roy de France y auoit enuoyez, se deffendoient vaillamment & par grād aduis: & firent tant, que lesdits assaillans n'y conquerent riens, mais s'en retournerent, bien lassez & bien battus, à leurs logis. Le ieune Comte de † Manny vint la seruir le Comte de Hainaut par priere: & dit qu'il se tiendroit de leur parti, tant qu'ils seroient sur l'Empire: mais, si tost qu'il seroit au Royaume de France, il s'en iroit deuers le Roy de France, qu'il l'auoit retenu & prié: & aussi c'estoit l'intention du Comte de Haynaut: & cōmanda à ses gens, que nul si hardy, sur la hart, ne forfist riens au Royaume de France. Tandis que le Roy d'Angleterre tenoit le siege deuât Cambray, à bien quarante mille Hommes d'armes, & que moult la contraignit par assaux, faisoit le Roy Philippe son mandement à Peronne en Vermandois: & là enuiron se conseilla le Roy Anglois avecques ceux de son pays, principalement à messire Robert d'Artois, auquel il auoit grand fiance: & leur demanda lequel estoit le meilleur, d'entrer au Royaume de France, & venir con-

† Mes autres
Exemp. mettēt
d'Anghien,
c'est l'Abregé
de la Chaux
d'Enghien.
† Il faut (peut
estre) de Na-
mur, à ce qui
se peut veoir
sur la fin de ce
chap. combien
que tous mes
autres Exemp.
ayent Man-
ny. Les Abr.
François m'as-
seurent qu'il y
faut Namur.

nir con-

nir contre son aduersaire, ou de foy tenir deuant Cambray, tant que par force il l'eust conquise. Les Seigneurs d'Angleterre & son destroit Conseil regarderent que la cité estoit forte & pourueüe de gens, de viures & d'artillerie: & que longue feroit la chose de tant demourer là qu'ils l'eussent conquise: duquel conquest ils n'estoient pas bien certains: & s'approchoit l'Yuer: & n'auoient encores fait nuls faits d'armes: & estoient là à grans frais. Si conseillèrent qu'il cheuauchast auant au Royaume. Là trouueroient largement à viure, & mieux à fourrager. Si fut ce conseil tenu: & f'ordonnerent tous les Seigneurs à deloger: & firent trouffer tentes, & trefs, & toutes manieres de harnois: & cheuaucherent deuers le Mont-sainct-Martin (qui est du costé de l'entree de France) & cheuaucherent moult ordonnément, & par coniestablies, chacun Seigneur entre ses gens. Et estoient les Mareschaux de l'ost Anglois, le Comte de Norhantonne, & de Clocestre, & le Comte de Suffort: & estoit Conneftable d'Angleterre le Comte de VVaruich: & passerent assez pres du mont, la riuiere de l'Escout, tout à leur aise: car elle n'est mie moult large là endroit. Quand le Comte de Haynaut eut acompaigné le Roy d'Angleterre iusques au departement de l'Empire, & qu'il deuoit passer l'Escout, & entrer au Royaume, il print cōgé de luy, & dit que pour celle fois il ne cheuaucheroit plus avecques luy, & qu'il estoit prié & mandé du Roy Philippe, son oncle: à qui il ne vouloit point de haine: mais l'iroit seruir au Royaume, en telle maniere qu'il l'auoit seruy en l'Empire: & le Roy luy dit, Dieu y ait part. Lors le Comte de Haynaut, le Comte de Namur, & leurs routes, reuindrent arriere au Quesnoy: & donna le Comte de Haynaut cōgé à la plus grande partie de ses gens: mais il leur dit, & pria qu'ils fussent tous pourueus: car il deuoit aller, dedans brief temps, deuers le Roy de France, son oncle.

*Les Anglois
laissent le siege
de Cambray.*

*Comment le Roy Edouard fit messire Henry de Flandres Cheualier, & apres marcha
sur la Picardie.*

CHAPITRE XL.

SI tost que le Roy d'Angleterre eut passé la riuiere de l'Escout, & il fut monté sur le Royaume de France, il appela messire Henry de Flandres: qui adonc estoit ieune Escuyer. Si le fit Cheualier, & luy donna deux cens liures de reuenue, à l'Estherlin, chacun an & luy assigna bien & suffisamment en Angleterre. Puis vint loger le Roy en l'Abbaye du Mont-sainct-Martin: & là se tint par deux iours: & toutes ses gens si estoient partis entour luy sur le pays: & le Duc de Brabant estoit logé en l'Abbaye de Vancellez. Quand le Roy de France (qui se tenoit à Compiègne) entendit les nouuelles, si renforça son mandement par tout, & r'enuoya le Comte d'Eu & de Guines, son Conneftable, à tout grans Gens-d'armes, à Sainct-Quentin, pour garder la ville & les frontieres contre les ennemis: & r'enuoya le Seigneur de Coucy en sa terre, & le Seigneur de Hen en la sienne: & enuoya grans Gens-d'armes à Guise & à Ribemont, à Bohain, & aux fortes voïfines, sur l'entree du Royaume: & descendit deuers Peronne en Vermandois. Tandis que le Roy Anglois se tenoit en l'Abbaye du Mont-sainct-Martin, ses gens couroient le pays iusques à Bapaume, & bien pres de Peronne & de saint-Quentin. Si trouuerēt le pays bon & gras: car il n'y auoit point eu de guerre. Or aduint que messire Henry de Flandres en sa nouuelle Cheualerie, pour son corps auancer, & son honneur accroistre, se meit vn iour en l'assemblee de plusieurs Cheualiers: desquels messire Jehā de Hainaut estoit chef, & là estoit le Sire de Fauquemōt, le Sire de Bergues, le Sire de Vaudresen, le Sire de Lens, & plusieurs autres, iusques au nombre de cinq cens combatans: Bouqueghē, & auoient aduisé vne ville assez pres de là, appellee Honnecourt: ou la plus grand' partie des gens d'environ estoient, pour la fiance de de la forteresse: & ia y auoient tous leurs biens: & ia y auoient esté messire Arnoul de Baquehen, & messire Guillaume du Dunor & leurs routes: mais rien n'auoient fait. Adonc auoit vn Abbé à Honnecourt, de grand sens & de grand' hardiesse entrepris: lequel fit, au dehors de Honnecourt, faire & charpenter vnes bailles, & asseoir au trauers de la rue: & y pouoit auoir entredoux, de l'un pillier & de l'autre, demy pié d'ouuerture: Puis fit armer ses gens, & chacun aller aux guettes, pourueus de pierre & chaux viue, & de telle artillerie comme il apartenoit pour les garder: & si tost comme ses Seigneurs dessus nommez vindrēt à Honnecourt, ils se t meirēt entre les bailles & la porte de la ville: & fit ouurir la porte. Là vindrent les Seigneurs dessus nommez: qui se meirēt tous à pié, & approcherent les bailles (qui estoiet merueilleusement fortes) chacun son glaiue en sa main: & lors commencerent à getter & à lancer tresgrans coups à ceux de dedans, & eux à eux, & de se deffendre vail-

*† Selon la
Chaux ie pense
que ce soit Vau
celles, Ab-
baye de Bernar-
dins.*

*† Ce peut estre
celuy que par-
auāt il a nomē
Concy, au
cha. precedent.*

*† Prenez ce
surnō, ou Bac-
queghen, ou
Bouqueghē,
es chap. 36 &
39.*

*† Entēdez des
gens de l'Ab-
bé de la ville
de Honnecourt
assailie par les
Anglois &
que l'Abbē fit
ouurir premie-
remēt la porte,
pour mettre ses
gens entre les
bailles & icel
le porte.*

*vaillance de
l'Abbé de Hön-
necourt.*

lammement: Là estoit Damp Abbé: qui pas ne s'épargnoit, mais estoit deuant en bon con-roy, & recueilloit les horions puïssamment, & lançoit aussi, à la fois, grans coups appertement. Là eut mainte belle appertise faite: & getterent ceux des guettes, cōtreual pierres, bancs, & pots pleins de chaux, pour empêcher les assaillans. Là aduint que messire Henry de Flandres se tenoit tout deuant, son glaive à son poing: & lançoit les horions grans & perilleux, si aduint que Damp Abbé empoigna le glaive de messire Henry, & en le tirant vers luy, il fit tant que, parmy les fentes des barrières, il vint iusques aux bras messire Henry: qui ne vouloit pas laisser aller son dit glaive pour son honneur. Quand l'Abbé tint le bras du Cheualier, il le tira si fort à luy, qu'il le fit entrer es bailles iusques aux espauls, & le tint là à grand méchef: & l'eust tiré tout dedans, se les bailles eussent esté assez larges: & l'Abbé si le tiroit sans épargner. D'autre part les Cheualiers tiroient contre luy, pour recourir messire Henry: & dura ceste luitte & ce tirer longuement, & tant, que messire Henry fut moult greué. Toutesfois de force il fut recoux: mais son glaive demoura deuers l'Abbé. Et au tēps que j'escrivoie ce liure, vn iour que ie passay par là, il me fut monstré des Moynes, qui gardoient le lieu à grand parement. Ce iour eut Honnecourt moult fier assaut: & dura iusques aux vespres: & y eut plusieurs des assaillās morts & blecez. Messire Iehan de Haynaut y perdit vn Cheualier de Holande, appelé messire Herment: & s'armoit à vne face copenée de gueules, à trois fermaux d'azur ou chef de son escu. Quand les Flamens, Hainuyers, Anglois, & Allemans qui là estoient, veirent la bonne volonté de ceux de dedans, & qu'ils ne pouuoient riens conquister, mais estoient naurez & foulez, ils se retrahirent arriere sur le soir, & emporterēt en leurs logis les foulez & les blecez. Le lendemain au matin se partit le Roy Anglois du Mont-sainct-Martin, & commanda, sur la hart, que nul ne fist mal à l'Abbaye. Son commandement fut tenu, puis entrerent en Vermandois: & vindrēt ce iour loger, de haute heu-

*Les Anglois
sur le mont S.
Quentin, &
bien auant en
Picardie.*

*† Autres disent
Tierache: qui
est pays voisin
du Laonnois en
Picardie.*

re, sur le Mont Sainct-Quentin: & furent en bonne ordonnance de bataille: & les pouuoient bien veoir ceux de Sainct-Quentin, fils vouloient: mais ils n'auoient talent d'is-fir hors de la ville. Si vindrent les Coureurs d'Angleterre courir iusques aux barrières: & écaroucher ceux qui là se tenoient: & demoura l'ost sur le mont, iusques à lendemain prime. Lors eurent les Seigneurs conseil fils entreroient auant au Royaume, ou fils se tireroient en la † Tierasse, costoyans Haynaut. Par l'aduis du Duc de Brabant ils se tirerent en Tierasse: dont leur pourueace leur venoit tous les iours: & se le Roy Philippe les suyuoit à ost (ainsi qu'ils supposoiēt qu'il feroit) ils l'attendroient en plain chāp, & se combattroient à luy sans nulle faute. Adoncques se partirent du mont saint-Quentin, & s'arrouterent en trois batailles moult ordonneement. Les Mareschaux & les Allemās auoient la premiere: le Roy Anglois la moyenne, & le Duc de Brabant la tierce. Si cheuaucheroient ainsi ardent & pillant le pays: & n'alloient point plus de trois ou quatre lieues par iour: & se logeoient de haute heure: & passerent vne route d'Anglois & de Allemans la riuere de Somme, au dessous de l'Abbaye de Vermans, si la gasterēt moult fort. Vne autre route (dont messire Iehan de Haynaut, le Sire de Fauquemont, & messire Arnoul de Bacquehen estoient chefs) cheuaucherent vn autre chemin, & vindrent à Origny-saincte-Benoïste, vne ville assez bonne: mais elle estoit foiblement fermee. Si fut tantost prise par assaut, robee & pillée, & vne Abbaye de Dames violee, & la ville toute arse. Puis en partirent, & cheuaucherent vers Guise & Ribemōt: & le Roy Anglois se vint loger à Vehories: ou il se tint vn iour: & ses gens couroient, & destruisoient le pays là entour. Apres, ledit Roy Anglois print le chemin de la Flamenguerie, pour venir en l'Eschelle en Tierasse. Et les Mareschaux & l'Euesque de Lincole, à plus de cinq cens Lances, passerent la riuere de Trisagee & entrerent en Laonnois, vers la terre du Seigneur de Coucy: & ardirent Sainct Gouuin & la ville de Marle: & vindrēt vn soir loger à Vaux, dessous Laon. Le lendemain se retrahirent vers leur ost: car ils sceurent par aucuns leurs prisonniers, que le Roy Philippe de France estoit venu à Sainct-Quentin, à plus de cent mille hommes: & que là passioient la riuere de Somme. Si ardirent à leur retour vne tresbonne ville, qu'on appelloit Crecy-sur-Celle (qui point n'estoit fermée) & grand foison de villes & de hameaux là enuiron. Or dirons de la route messire Iehan de Haynaut: ou il y auoit bien cinq cens combattans. Il sen vint à Guise, & fit ardre & bruller toute la ville, & abbatre les moulins. Dedans la forteresse estoit Madame Iehanne, sa fille, femme au Comte de Blois, nommé Louis. Elle fit prier Monseigneur, son pere, qu'il voulsist épargner la terre & l'heritage du Comte son fils. Non-obstāt ce, messire Iehan

*Guise Bruslee
par les An-
glois.*

Iehan ne se voulut deporter,iusques à ce qu'il eust fait son entreprinse. Puis s'en retour-
na vers le Roy d'Angleterre: qui estoit logé en l'Abbaye de Sarnaques: & ses gens cou-
roient entandis tout le pays:& vindrent bien six vingts lances d'Allemands (dont le Sire
de Fauquemont estoit meneur) iusques en Lonnion en Thierasse,vne grosse plate ville.
Si festoient les gens de la ville de Lonnion communement retraits dedans le bois,& y
auoient apporté le leur à sauueté: & festoiēt fortifiez de roullis de bois coupez enuiron
eux. Si cheuaucherēt les Allemands celle part: & y suruint messire Arnoul de Baquehen
& sa route. Lors assaillirent ces gens de Lonnion, dedans ce bois: lesquels se deffendi-
rent le mieux qu'ils peurent mais ils furent ouuerts, & leur fort fut conquis, & tout mis
en chaste: & y en eut, tant de morts que de naurez, bien enuiron quarante: & perdirent
tout ce qu'ils auoient apporté. Ainsi fut ce pays couru sans deport: & en faisoient a-
doncques leur volonté.

Comment le Roy de France & le Roy d'Angleterre accepterent iournee pour combatre.

C H A P I T R E X L I.

LE Roy Edouard d'Angleterre se partit de Sarnaques, & s'en vint à monstereuil, là se
logea vn iour. Le lendemain vint à la Flamenguerie:& fit toutes ses gēs loger enuiron
luy:dont il auoit plus de quarāte mille: & eut conseil que là il attēdroit le Roy Philippe
& son pouuoir,& se combattroit,cōment qu'il fust. Le Roy de Frāce (qui estoit party de
Saint-Quētin,à tout son plus grand effort,& tousiours luy venoient gens de tout pais)
si exploita tant, avecques ses gens, qu'il vint à † Viroufosse: & là s'arresta le Roy, & com-
manda à toutes ses gens qu'ils s'arrestassent: & dit qu'il n'iroit plus auant, tant qu'il eust
combattu le Roy Anglois & tous ses alliez: puis qu'il estoit à deux lieuēs pres. Si tost que
le Comte de Haynaut (qui se tenoit au Quesnoy,tout pourueu de Gens-d'armes) sceut
que le Roy de Frāce estoit à Viroufosse, en espoir de combattre, il cheuaucha tant qu'il
vint en l'ost de France à tout cinq cens Lances:& se presenta au Roy, son oncle: qui ne
luy fit mie ioyeuse chere,pour cause de ce qu'il auoit esté avecques son aduersaire, de-
uant Cambray. Neantmoins le Comte s'en excusa si sagement, que le Roy & ses Con-
suls s'en contenterent assez:& fut ordonné des Mareschaux (c'est assauoir du Mareschal
Bertrād,& du Mareschal de Trie)à soy loger au plus pres des Anglois.Or sont ces deux
Roys de Frāce & d'Angleterre logez entre Viroufosse & la Flamēgtuerie, en plain pays,
sans nul auantage,& n'auoit on veu, de memoire d'homme, si belle assemblée de grans
Seigneurs. Quand le Roy Anglois fut arresté en la Chappelle en Thierasse, & il sceut
que le Roy Philippe estoit à deux lieuēs pres, si meit les Seigneurs de son ost ensemble,
& demanda comment à son honneur il se pourroit maintenir (car il auoit intention de
combattre) & adoncques regarderent les Seigneurs l'un l'autre, & prierent au Duc de
Brabant qu'il en voufist dire son entente:& le Duc respōdit que c'estoit bien son accord
qu'on le combattist:car autrement à leur honneur ne s'en pouuoient partir. Si conseilla
qu'on enuoyast Heraux deuers le Roy de France, pour demāder & accepter la iournée
de la bataille. Adoncques en fut chargé vn Heraut (qui là estoit au Duc de Guerles)
lequel sauoit bien parler François. Si fut informé quelle chose il deuoit dire. Lors che-
uaucha tant qu'il vint en l'ost de France, & se tira deuers le Roy Philippe & son conseil.
& luy dit comment le Roy Anglois estoit arresté sur les champs, & qu'il vouloit & re-
querroit auoir bataille,pouuoir cōtre pouuoir. A ce entendit le Roy Philippe volōtiers,
& accepta la iournée au Vendredy ensuyuant,dont il estoit le Mercredy. Si retourna le
Heraut arriere, bien reuestu de beaux manteaux fourrez, que le Roy de France & les
Seigneurs luy auoient donnez, pour l'amour des nouuelles qu'il auoit apportées, & re-
corda aux Seigneurs la bonne chere qu'on luy auoit faite. Ainsi fut la iournée accordée
de combattre,& fut signifiée à tous les compaignons de l'un ost & de l'autre. Si s'ordon-
nerent & habillerent selon ce. Le Ieudy au matin il aduint que deux Cheualiers du Cō-
te de Haynaut & de sa deliurance, le Sire de Faguinelles & le Sire de Tupegny,monte-
rent sur leur courriers,& se partirent de leur ost,eux deux seulement pour aller veoir la
maniere de l'ost Anglois. Si cheuacherent grand temps ouuertement,costoyans touf-
iours l'ost des Anglois. Si écheut que le courrier du Sire de Faguinelles s'effroya,& print
son mors aux dens, par telle maniere qu'il se demena tant qu'il fut maistre de son Sei-
gneur,& l'emporta(voufist ou non)emmy le logis des Anglois:& cheut entre les mains
des Allemands:qui tantost apperceurent qu'il n'estoit mie des leurs. Lors l'environnerent

† Guaguin dit
Burunfosse,
& la Chaux,
Buonfosse.

Heraut de
l'Anglois vers
le Roy Philippe
pour accor-
der iournee de
combattre.

de toutes parts, & le prindrent luy & son cheual aussi : & demoura prisonnier à cinq ou six Gentils-hommes Allemans : qui tantoist le rançonnerent : &, quand ils entendirent qu'il estoit Hainuyer, ils luy demanderent s'il congnoissoit point messire Iehan de Haynaut, & il dit qu'ouy : & leur pria, par bon amour, qu'ils le menassent deuers luy : car il estoit seur qu'il le plegeroit de sa rançon, s'ils vouloient. De ce furent les Allemans ioyeux, & le menerent deuers le Sire de Beaumont : qui plegea ledit Seigneur Cheualier deuers ses maistres. Ainsi retourna le Sire de Faguinelles en l'ost de Haynaut, deuers le Comte & les Seigneurs : & luy fut son courfier réduit, à la priere & ordonnance dudit Seigneur de Beaumont. Ainsi se porta ceste iournee : & n'y eut riens fait, qui face à recorder.

Comment les Roys de France & d'Angleterre ordonnerent leurs batailles à Viroufosse.

CHAPITRE XLII.

Quand vint le Vendredy au matin, les deux osts s'appareillerent, & ouyrent la Messe chacun Seigneur, entre ses gens & en son logis : & se communierent & confesserent plusieurs. Nous parlerons premierement de l'ordonnance des Anglois : qui se tirerent sur les champs, & firent trois batailles à pied, & meirent leurs cheuaux & tout leur harnois en vn petit bois qui estoit derriere eux, & s'en fortifierent.

Les principaux Seigneurs qui fusserent en bataille des Anglois quand ils cuidoient combattre les François à Viroufosse.

La premiere bataille eut le Duc de Guerles, le Marquis de Nusse, le Marquis de Blâquebourg, messire Iehan de Haynaut, le Comte de Mons, le Comte de Sauines, le Sire de Fauquemont, messire Guillaume du Fort, messire Arnoul de Baquehen & les Allemans : & y auoit xxij. bannieres & lx. pennons : & si estoient viij. mille hommes de bonne étoffe. La seconde bataille auoit le Duc de Brabant. Si auoit avec luy les Barons & les Cheualiers de son pays. Premierement le Sire de Kus, le Sire de Bergues, le Sire de Bredas, le Sire de Rodas, le Sire de Vaufelaire, le Sire de Broguinal, le Sire d'Estôneuort, le Sire de VVyten, le Sire de Elka, le Sire de Cassébegne, le Sire de Duffle, messire Thierry de Valcourt, messire Rasse des Grez, messire Iehan de Cassébegne, messire Iehan Filifée, messire Gilles de Coterebe, messire Gautier de Hotebergue, les trois freres de Harlebecque, messire Henry de Flandres (qui bien fait à ramenteuoir) & plusieurs autres Barons & Cheualiers de Flandres : qui estoient deffous la banniere du Duc de Brabant : c'est assauoir le Sire de Haillain, le Sire Guiten, messire Hector Villains, messire Iehan de Rodes, messire Vauflart de Guistelle, messire Guillaume d'Estrates, messire Gossuin de la Meulle, & plusieurs autres. Si auoit le Duc de Brabant iusques à vingt & quatre bannieres & quatre vingt pennons. Si estoient bien sept mille combattans toutes gens de bonne étoffe. La tierce bataille, & la plus grosse auoit le Roy avecques luy, & son cousin le Comte d'Erby, l'Euesque de Lincole, l'Euesque de Duren, le Comte de Salbery, le Comte de Norhantonne & de Cloestre, le Comte de Suffort, messire Robert d'Artois (qui s'appelloit Comte de Richemont) messire Regnaut de Gobehen, le Sire de † Percy, le Sire de Roosz, le Sire de Môt-bray, messire Louis, & messire Iehan de Beauchâps, le Sire de Lebbare, le Sire de Lanconne, le Sire de Basset, le Sire de Fil VVatier, messire Gautier de Manny, messire Hue de Hastings, messire Iehan de Lysle, & plusieurs autres que ie ne puis nommer : entre lesquels y fut messire Iehan Chandos : duquel moult de prouesses sont escrites en ce liure. Si auoit le Roy vingt & huit bannieres, & quatre vingt & dix pennons : & pouuoient estre en sa bataille enuiron six mille Hommes-d'armes, & six mille Archers : & auoient mis vne autre bataille sur elle : dont le Comte de

† Je pense que c'est celuy qu'il a nommé quelquefois Peosi.

† Ce peut estre celuy, qu'il a quelquefois appelé si nommé Beocler.

VVaruich, le Comte de Pennebroth, le Sire de † Bercler, le sire de Muleton, & plusieurs autres, estoient chefs : & se tenoient ceux à cheual, pour recôforter les batailles qui brâleroient : & estoient en arrieregarde. Quand ainsi furent ordonnez, & chacun Seigneur sous sa banniere, ainsi que commandé fut par les Mareschaux, le Roy Anglois monta sur vn palefroy bien emblant, accompagné tant seulement de messire Robert d'Artois de messire Regnaud de Gobehen, & de messire Gautier de Many : & cheuaucha deuant toutes les batailles : & prioit moult doucement, aux Seigneurs & aux compaignons que ils voufissent aider à garder son honneur : & chacun lors luy promit. Apres ce il s'en reuint en sa bataille, & se mit en ordonnance de bataille ainsi qu'il appartenoit & fit commander que nul n'allast ne se meist deuant les bannieres des Mareschaux.

Les principaux Seigneurs du party de France

Or dirons du Roy de France, si comme i'ay ouy dire à ceux qui y furēt. Il y eut onze vingts bannieres, quatre Roys, six Ducs, vingt & six Comtes, & plus de quatre mille Cheualiers, & des communes de France plus de quarante mille. Les Roys, qui estoient avec le

avec le Roy Philippe de Valois, estoient le Roy de Behaigne, le Roy de Nauarre, le Roy Daud d'Escoce: & apres eux, le Duc de Normandie, le Duc de Bretagne, le Duc de Bourbon, le Duc de Lorraine, & le Duc d'Athenes: Des Côtes, le Côte d'Aléçon, frere du Roy de France, le Comte de Flandres, le Comte de Haynaut, le Comte de Blois, le Comte de Bar, le Comte de Forestz, le Comte de Foix, le Comte d'Armignac, le Comte Daulphin d'Auuergne, le Comte de Longueuille, le Comte d'Estampes, le Comte de Vendosme, le Comte de Harcourt, le Comte de sainct-Pol, le Comte de Guines, le Comte de Boulongne, le Comte de Rouffy, le Comte de Dammartin, le Comte de Valentinois, le Comte d'Aucerre, le Comte de Sancerre, le Comte de Genesue, le Côte de Dreux, & de Gascongne, & de Languedoc, tant de Comtes & Vicomtes, que trop longue chose seroit à racompter. C'estoit grand' beauté à veoir sur les champs bannieres & pennons voleter, & cheuaux couuers, Cheualiers & Escuyers armez moult noblement. Et ordonnerent les François trois grosses batailles: & meirent en chacune quinze mille Hommes-d'armes, & vingtmille hommes à pié.

Comment les deux Roys se departirent de Vironfosse, sans bataille.

CHAPITRE XLIII.

ON se peut grandement émerueiller comment si belles Gens-d'armes se peüent partir sans bataille: mais les François n'estoiét point d'accord: mais en disoit chacun son opinion: & disoient par estrif, que ce seroit moult grand' honte & grand défaut, que ce le Roy ne se combattoit, quand il veoit ses ennemis si pres de luy, en son pays rengez, & aux champs, & les auoit sousmis en l'entente de combattre à eux. Les aucuns des autres disoient que ce seroit vne tresgrand' folie, s'il se combattoit: car il ne sauoit que chacun pensoit, ne se point de trahison y auoit. Car, se fortune luy estoit contraire, il mettoit son Royaume en grand' aduenture de perdre: & fil déconfisoit ses ennemis, pourtant n'auoit il mie le Royaume d'Angleterre, ne les terres des Seigneurs qui avecques luy estoient alliez. Ainsi estriuant & debattant sur diuerses opinions, le iour passa iusques à midy. Enuiron l'heure de nonne vn liéure, passant parmy les champs, se bouta entre les François. Lors commencerent ceux, qui le veirent, à crier & à huer, & à faire grand' noise. Parquoy ceux, qui estoient derriere, cuidoient que ceux de deuant se combattissent. Si meirent plusieurs leurs bacinets en leurs testes, & prindrent leurs glaives. Là eût fait plusieurs nouueaux Cheualiers: & par especial le Comte de Haynaut en fit quatorze: qu'on nomma tousiours les Cheualiers du Liéure. En celuy estat se maintindrent les batailles tout le iour, ce Vendredy, sans eux mouuoir, fors en la maniere que j'ay deuant dite: & avec tout ce, & nonobstant les estrifs qui estoient au Conseil du Roy de France, estoient portées lettres en l'ost de France, de recommandation, adressans au Roy & à son conseil, de par le Roy Robert de Cecille: lequel Roy Robert (comme on disoit) estoit vn tresgrand Astronome, & plein de grand' science. Si auoit plusieurs fois getté ses fors sur l'estat & sur les aduenues des Roys de France & d'Angleterre: & auoit trouué en l'Astrologie, & par influence, que, se le Roy de France se combattoit au Roy d'Angleterre, il conuenoit qu'il fust déconfit. Dont luy (comme Roy de cognoissance, & qui moult doutoit le peril & le danger du Roy de France, son cousin) auoit enuoyé ia de long temps, moult songneusement, lettres & epistres au Roy Philippe, & à son conseil, que nullemét ils ne se meissent en bataille contre les Anglois: là ou le Roy Edouard fust en personne. Pourquoy ceste doute & les rescriptions, que le Roy de Cecille en faisoit, ébahissoient grandement plusieurs Seigneurs du Royaume de France: & mesme le Roy Philippe en estoit tout informé. Mais, ce nonobstant, il estoit en grand' volonté de combattre: mais il fut tant déconseillé, que la iournée passa sans bataille, & se retrahit chacun en son logis. Quand le Comte de Haynaut veit qu'on ne se cōbattoit point, il s'en partit avec toutes ses gens, & vint ce soir arriere au Quesnoy. Le Roy Anglois, le Duc de Brabant, & les autres Seigneurs se meirent au retour, & firēt trouffer & charger tout leur harnois: & vindrent gesir, ce Vendredy, à Dauesnes en Haynaut, & là enuiron: & le lendemain prindrent congé l'un de l'autre: & se departirent les Allemands & les Brabançons, & retournerent chacun en leurs lieux: & reuint le Roy Anglois en Brabant, avecques le Duc son cousin. Ce iour de samedy, que les Anglois & les François furent ainsi ordonnez par bataille à Vironfosse, s'en vint apres nonne le Roy de France en son logis, tout courroucé: pourtant que la bataille n'estoit point adressée: apres que.

contre les Anglois: auquel lieu il oublie à nommer vn Duc & trois comtes: qui deuroient faire le nombre qu'il a dit: l'Abregé de la Chaux met le Duc de Berry apres Lorraine, sans specifier les Côtes: que Sala met generalement en nombre de 36.

† Parauant Vironfosse;

† Ce luy se rapporte au Royaume de Angleterre.

Les Cheualiers du Liéure.

Lettres du Roy Robert de Cecille, pour empêcher bataille entre les Roys de France & d'Angleterre.

† L'Exemple de la mer dit à Auesnes, & verard à Venes: qui est la ville d'Auenes, selon la Chaux.

† Il y faut Vendredy, ou endredy, par que;

mais ceux de son Conseil luy dirent que noblement il sy estoit porté: car il auoit moult hardiement pourfuyuy ses ennemis, & tant fait qu'il les auoit fait bouter hors de son Royaume: & qu'il conuiendroit au Roy Anglois faire moult de telles cheuauchées, auant qu'il eust conquis le Royaume de France. Le lendemain au matin le Roy Philippe donna congé à toutes manieres de Gens-d'armes, aux Ducs, Comtes, Barons, & Cheualiers, & remercia les chefs des Seigneurs moult courtoisement: quand ainsi bien appareillez ils l'estoient venus secourir. Ainsi se deffit ceste grosse cheuauchée: & apres s'en retourna chacun en son lieu. Le Roy de France s'en reuint à Saint-Omer: & ordonna là grand' partie de ses besongnes: & enuoya grand nombre de Gens-d'armes par ses garnisons: especialement à Tournay, à l'Isle, à Douay, & en toutes les villes marchissans à l'Empire. Il enuoya dedans Tournay messire Godemar du Fay, souuerain Capitaine, & Regent de tout le pays d'environ, & messire Edouard de Beauieu dedans Mortaigne: & quand il eut ordonné vne partie de ses autres besongnes à son talent, il se tira deuers Paris.

Comment le Roy Edouard enchargea les armes de France, & print le nom de Roy de France.

CHAPITRE

XLIIII.

*Assemblée du
Roy d'Angle-
terre & de ses
alliez à Bru-
celles.*

*Cautelle des
Flamens.*

*Autre assem-
blée à Gand.*

Q Vand le Roy Edouard se fut party de la Flamenguerie, & fut reuenue en Brabant, il s'en vint droit à Brucelles. Là le conuoyerent le Duc de Guerles, le Duc de Juliers, & le Marquis de Blanquebourg, le Comte de Mons, messire Iehan de Haynaut, le Sire de Fauquemont, & tous les Barons de l'Empire, qui s'estoient alliez à luy: car ils vouloient aduiser comment ils se maintiendroient de ceste guerre, ou ils s'estoient bouttez: & pour auoir certaine expedition, ils ordonnerent vn grand parlement à estre à la dite ville de Brucelles: & y fut prié & mādē laquemart d'Arteuelle, lequel y vint à grād arroy, & amena en sa compaignie tous les Consuls des bonnes villes de Flandres. A ce parlement fut le Roy Anglois fort conseillé, de ses alliez de l'Empire, qu'il fist vne requeste à ceux de Flandres, qu'ils luy voufissent aider à maintenir la guerre, & défier le Roy de France, & aller avec luy par tout ou il les vouldroit mener: &, s'ils vouloient ce faire, il leur aideroit à recouurer l'Isle, Douay, & Betune. Ceste parole ouirent les Flamens moult volontiers: mais, de la requeste que le Roy leur faisoit, ils demanderent auoir conseil entre eux tant seulement, & tantost respondroient. Le Roy leur accorda, si s'en conseillèrent à grand loisir, puis dirent. Cher Sire, autresfois nous auez faict telle requeste, sachez que si nous le peussions bonnement faire pour vostre honneur, & nos faits garder, nous le ferions: mais nous sommes obligez par foy & serment, & sur deux millions de Florins à la chambre du Pape, que nous ne pouuons émouuoir guerre au Roy de France (quel qu'il soit) sur peine d'encourir en ceste somme, & cheoir en sentence. Et, se vous voulez encharger les armes de France, & les écarteler d'Angleterre, & vous appeler Roy de France, nous vous tiendrons pour droit Roy de France, & vous demanderons quittance de nos faits, & vous nous la donnerez comme Roy de France. Par ainsi ferons nous affeurs & dispensez, & irons par tout là ou vous voudrez. Adonques eut le Roy besoing d'aduis: car pesant luy estoit de prendre les armes de France, & le nom de ce dont il n'auoit encores riens conquis: & ne sauoit quelle chose il en aduiendroit, ne se conquerre le pourroit, & d'autre part il refusoit enuis le confort & aide des Flamens: qui plus luy pouuoient aider à sa besongne, que tout le demourant du siecle. Si s'en conseilla le Roy aux seigneurs dessusdits de l'Empire, à Monseigneur Robert d'Artois, & à ses plus secrets, & especiaux amis: si que finalement, tout pesé le mal contre le bien, il respondit aux Flamens, par l'information des dessusdits Seigneurs, que, s'ils vouloient iurer & sceller cest accord, qu'ils luy aideroient à maintenir la guerre, il entreprendroit tout ce de bonne volonté, & aussi leur iureroit à r'auoir l'Isle, Douay, & Betune. Dont respondirent qu'ouy: & fut assigné vn certain iour à estre à Gand: auquel iour y fut le Roy d'Angleterre, & la plus grand' partie des Seigneurs de l'Empire, dessus nōmez, & tous les Consuls de Flandres generalement. Là furent toutes ces parolles deuant dites relatées, iurées, & scellées: & enchargea le Roy d'Angleterre les armes de France, & les écartela d'Angleterre, & emprint en auant le nom de Roy de France, & l'obtint tant qu'il le laissa par certaine composition, comme dit sera cy apres en ce liure.

A ce parlement (qui fut à Gand) conseillerent les Seigneurs que, sur l'Esté qui reuiendrait, ils feroient grand' guerre en France: & promirent qu'ils assiegeroient la cité de Tournay. De ce furent les Flamens tous réiouis: car il leur sembla qu'ils seroient fors & puissans

puissans assez pour la conquerre:&felle estoit cōquise,& en la Seigneurie des Anglois, de legier recouureront l'Isle,Douay,& Betunc,& toutes appendances,qui doiuent estre tenues de la Comté de Flandres:& encores fut là regardé,qu'il leur viendroit grandement à poinct,mais que le pays de Haynaut voulsist estre à ce parlement : mais il s'excusa si grandemēt, que le Roy d'Angleterre & les Seigneurs s'en tindrent pour contens. Ainsi demoura la chose sur celuy estat:& se departirēt les Seigneurs, & s'en alla chacun en son lieu. Le Roy d'Angleterre vint à Enuers, la Roïne sa femme demoura à Gand, avec ses gens : qui souuent estoit visitée & confortée de messire Jaques d'Arteuelle, & d'autres Seigneurs, & des Dames & Damoiselles de Gand : & laissa le Roy, au pays de Flandres, le Comte de Salbery & celuy de Suffort:lesquels vindrent en la ville d'Ipre,& tindrent là leur garnison, & la guerroyoient moult fort ceux de l'Isle, & de là enuiron. Quand le nauire du Roy d'Angleterre fut appareillé sur le haure d'Enuers, il monta en mer, & la plus grand' partie de ses gens: & nagea tant qu'il arriua à Londres, enuiron la saint * Andry:ou il fut hōnorablement receu de ceux de son pays:qui moult desiroient sa venue. Si vindrent à luy les complaints de la destruction que les Normans & les Picars & les Espaignols auoient faite de la bonne ville de Hantōne:& il dit que,fil venoit à tour, il leur feroit cherement comparer : comme il fit en celuy an mesme.

Comment les François ardirent la terre de messire Iehan de Haynaut.

CHAPITRE XLV.

OR compterons du Roy Philippe, qui fit mout fort renforcer sa grosse nauire, qu'il tenoit sur mer: dont messire † Kyrie, Bahuchet, & Barbe-noire estoient Capitaines, & tenoient ces trois maistres escumeurs grand' foison de Geneuois, Normans, Bretons & Picars en soudees & firent en celuy Yuer plusieurs dommages aux Anglois, & venoient souuent courre iusques à Douures, à Zanduic, à Rye, à Vintesse, & là enuiron sur les costes d'Angleterre: & les † reffongnoient moult les Anglois, car ceux estoient moult & plus de soixante mille soudoyers:& ne pouuoit nul issir d'Angleterre, qu'il ne fust veu & robbé:& tout mettoient à mort. Si conquirent ces soudoyers marins au Roy de France, en celuy Yuer, sur les Anglois, maint grand pillage, & par especial la belle grosse naue, qui s'appeloit Christofle, toute chargée d'auoir & de laines, que les Anglois amenoient en Flādres. Laquelle naue auoit moult cousté au Roy Anglois: mais ces Gens-d'armes Normās, & autres, dont ie parle, la prindrēt & pillerēt:& furēt tous ceux de dedans mis à mort : & en firent, depuis les François maint grand parlement: comme ceux, qui furent réiouys de ce conquest. Le Roy de France rescrit & commanda à Monseigneur de Beaumont, Seigneur de Brême, au Vidame de Chaalon, à Mōseigneur Iehā de la Boue, à Monseigneur Iehan & Gerard de Loire, qu'ils meissent vne armée de compaignons fus, & cheuauchassent en la terre de messire Iehan de Haynaut, & l'ardissent sans nul deport. Les dessusdits obeyrent, & se cueillirent secrettement: tant qu'ils furent bien enuiron cinq cens hommes armez. Si vindrent vne matinée deuant la ville de Symay, & accueillirent toute la proye: dont ils trouuerent grand' foison : car ceux du pays ne cuidassent iamais que les François deussent venir si auāt, ne passer le bois de † Thyerache: † Thierasse mais si firent, & ardirēt tous les fauxbourgs de Symay, & grand foison de villages là enuiron, & presque toute la terre de Symay, excepté les fortereffes. Puis se retrahirēt dedās Aubéton en Thyerache, & là departirēt leur pillage. Avec ce aduint que ces soudoyers, qui se tenoient en la cité de Câbray, vindrēt à vne petite forte maison, hors la ville de Cambray, qui s'appeloit Relenques: laquelle estoit à Monseigneur Iehan de Haynaut, & la gardoit vn sien fils bastard: & pouuoient estre avecques luy bien quinze compaignons:& furent assaillis vn iour entier, & moult bien se deffendirent. Si estoient les fosses si gelez, qu'on pouuoit bien venir iusques aux murs. Si troufferent tout ce qui leur estoit appartenant, & se partirent auant minuiēt, & bouterent le feu dedans Relenques. Le lendemain au matin ceux de Cambray vindrent là, & le parardirent, & abbatirent & Mōseigneur le Bastard & ses compaignons vindrent à Valenciennes: Vous auez bien ouy cy dessus recorder, comment messire Gautier de Manny print le chastel de Thinl'Euesque, & y meit dedans en garnison vn sien frere, appelé Gilles Gaignart, qu'on dit Manny. Celuy faisoit maintes cheuauchees sur ceux de Cambray, & leur portoit maints grans détourbiers, & couroit tous les iours presque deuant les barrieres. En celuy estat les tint il moult long téps. Si aduint vn iour que biē fort matin il se partit de la

† Parauant Quiriell, selon Polyd. Quieret, & Nangis Queret. † C'est à dire, redoutoient & craignoiēt Mais ie ne m'a muscray plus d'oresuuant à tels mots, ny aux vieilles manieres de parler, qui se pourrēt, exposer par la lecture de nostre auteur mesme.

Relēques bruslee.

D'un beau coup de lance donné sur le frere de Gautier de Manny.

garnison de Thin, & avec luy environ six vingts hommes armez: & s'en vint courir deuant Cambray, iusques aux barrieres. La noise fut grande: tant que plusieurs gens en furent effroyez, & s'armerent, & puis monterent à cheual à qui mieux mieux, & vindrent à la porte ou l'écarmouche estoit, & ou Monseigneur † Gillion auoit rebouté ceux de Cambray, si issirent contre leurs ennemis. Entre les Câbresiens auoit vn ieune Escuyer Gascon (qui se nommoit Guillaume Marchant) lequel se meit hors aux champs, monté sur vn bō courfier, la targe au col, le glaiue au poing, & armé de toutes pieces. Si esperōna tout deuāt par grand courage: & quand messire Gilles de Manny le veit venir deuant luy, si esperonna aussi deuers luy moult roidement: & fattaignirent de leurs glaiues sans épargner. Si eut ledit messire Gilles sa targe percée, & toutes ses armeures delez le cœur: & passa le fer tout outre son corps de l'autre lez. Si cheut à terre. Lors y eut de ces compaignōs de Cambray grand meēlée, & plusieurs des vns & des autres renuersez par terre, & mainte appertise d'armes faite. Finalement ceux de Cambray obtindrent la place, & rebouterēt leurs ennemis, & en blecerēt aucuns, & les chacerent auant, & retindrent messire Gilles de Manny (ainsi nauré qu'il estoit) & l'ēporterent à Câbray à grād ioye. Si le firent rātoſt desarmer, & regarder à sa playe, & mettre bien à poinct: & eussent volontiers voulu qu'il fust r'échapé de ce peril, mais il mourut le lēdemain. Lors eūrēt cōseil, qu'ils enuoyeroyēt le corps deuers ses deux freres, Jehan & Thierry: qui se tenoiēt adōc en la garnison de Bouchain en Ostrenant: car combien que le païs de Haynaut ne fust point en guerre, si se tenoient les frontieres de France toutes closes, & sur leur garde. Si ordōnerent adonc vn fercueil assez hōnorable, & le meirent dedans, & le cōmanderent à deux freres mineurs, qui le porterēt à ces deux freres: qui le receurēt en grād' douleur. Puis le firent porter aux Cordeliers à Valenciēnes: & là fut enseuely. Apres ce, les deux freres de Māny s'en vindrent au chastel de Thin-l'Euesque, & firent forte guerre à la cité de Cambray en contreuengeant la mort de leur frere. Vous deuez sauoir qu'en ce tēps estoit, de par le Roy Philippe, Capitaine de la cité de Tournay & de Tournesis messire Godemar de Fay, & des fortereſſes d'enuirō: & aussi adōc estoit le Seigneur de Beauieu dedās Mortaigne sur l'Escaut, le Seneschal de Carcaſſonne en la ville de Sainct-Amād, messire Aimery de Poictiers en Douay, Monseigneur le Galois de la † Balme, le Sire de Villars, le Mareſchal de Mirepois, & le sire de Marneil en la cité de Cambray. Et ne desiroient les Cheualiers & Escuyers & les soudoyers de Frāce autre chose, fors qu'ils peussent entrer au païs de Haynaut, pour piller le païs, & mettre en grād' peine. Aussi l'Euesque de Cambray estoit à Paris tout coy, deuers le Roy Philippe, & se cōplaignoit à luy, quand il cheoit à poinct, que les Hainuyers luy auoient fait plus de dōmage, ars & couru son païs que nuls autres. Si donna congé le Roy aux soudoyers de Câbresi de faire vne enuahie, & dōmager le païs de Haynaut: & adonc ceux des garnisons de Câbresi meīrent sus vne cheuauchée de six cens hōmes armez: & se partirent vn Samedy apres iour faillant, de Câbray, ceux qu'ordonnez y estoient: & aussi de celle heure se partirent ceux de la Male-maison, & se trouuerent tous sur les champs, & vindrēt en la ville de Haspre: qui estoit vne moult bōne ville & grosse: mais point n'estoit fermee: & si n'estoiēt les habitans en nulle doute: car on ne les auoit point aduīsez n'écriez de nulle guerre. Si aduīserent & entrèrent les François dedans: & trouuerent les gens, hommes & femmes, en leurs hostels: & les prindrent & pillerent à leur volōté, puis bouterent le feu par tout en la ville, & l'ardirēt si nettemēt, que riens ny demoura sinon les parois. Par dedās Haspre à vne prioré de moynes noirs, & grand edifice avec le mōstier, qui se tint de sainct Vaast d'Arras. Si la pillerent les François, & puis l'ardirent toute. Puis cheuaucherent, & chargerent leur pillage, & le chacerent deuant eux, & s'en retournerent à Câbray. Ces nouvelles furent sceuēs à Valenciēnes: & les sceut le Comte Guillaume, qui se dormoit en son hostel, que l'on dit en la Salle. Si se leua, & arma, & vestit moult hastiement: & fit réueiller aucuns Cheualiers, qui se tenoient deuers luy: mais ils estoient couchez dedās leurs hostels. Si ne furent mie si tost appareillez cōme fut le Comte: lequel, sans attēdre nully, s'en vint aux marches de Valenciēnes, & fit sonner les cloches au beffroy à bramble. Lors s'ēueillerent toutes gens & s'armerent, & suiuirent leur Seigneur à moult grand effroy: qui f'estoit ia mis hors de la ville, & cheuauchoit moult fort deuers Haspre. Quād il eut cheuauché enuiron vne lieuē, nouvelles luy vindrent que les François f'estoient retraits. Lors se retrahit en l'Abbaye de Fontenelles: qui estoit assez pres de là, ou Madame sa mere se tenoit, qui fut toute embesongnée de le rappaiser: tant estoit échauffé

† Gilles n'est
gueres. Mais
ceux de son tēps
pensaient beau
coup faire, de
ainsi changeo-
ter, alongir &
accourir les
noms propres:
comme de la-
ques, laquet,
laquin, laque-
mart,

† Parauant de
la Baume.

Haspre en Hai
nant saccagee
& bruslee par
les François

échauffé & courroucé d'ire: & disoit bien, que ce larcin de Haspre feroit il briuement comparer au Royaume de Frâce. Sa dame de mere luy accorda tout: & eust moult bien & volotiers excusé le Roy, de ceste t méprenture. Quand le Comte eut là esté vne espace de temps, il print cōgé d'elle, & retourna à Valenciennes: & fit tantost escrire lettres aux Cheualiers & aux Prelats de son pays, pour auoir conseil sur cest' aduenue. Quand messire Iehan de Haynaut sceut ces nouuelles, il monta à cheual & vint deuers le Comte son neveu. Si tost que le Comte le veit, il vint contre luy, & luy dit. Bel oncle, vostre absence est moult aux François t embellie. Sire (ce luy respondit le Sire de Beaumont) t Comme s'il vouloit dire, que si Iehan de Hainaut eust esté present, iamais les François n'eussent osé l'enuahir: & l'autre luy respond qu'il est presque bien aise de ce qui luy est aduenue: à cause qu'il supportoit les François.

Dieu en soit loué: de vostre ennuy & domniage seroye moult courroucé: mais cecy me vient assez à plaissance: or auez vous de l'amour & du seruice aux François, que vous auez tousiours portez. Or vous faut faire vne cheuauchée sur François en France. Regardez de quel costé (dit le Comte) & ce sera bien briuement. Et lors que la iournée du parlement, qui deuoit estre à Mons, fut venue, ils furent là: & y fut tout le Conseil du pays, & aussi de Holande & de Zelande. Illecques furent plusieurs parolles proposées: & vouloient les aucuns des Barons du pays qu'on enuoyast suffisans hommes deuers le Roy de France, à sauoir fil auoit accordé ne consenti à ardoir en Haynaut, ne enuoyé les soudoyers de Cambresis, en la terre du Comte, n'à quel tiltre ceux l'auoient fait: veu qu'on n'auoit point défié le pais, ne le Comte. Les autres Cheualiers vouloient qu'on se contreuengeast, en telle maniere comme les François auoient commencé. Entre ces parolles eut plusieurs estrifs & debats: mais finalement il fut considéré & imaginé, que le Comte de Haynaut & le pays ne pouuoient nullement issir de ceste besongne, sans faire guerre au Royaume de Frâce, tāt pour le larcin de la terre de Tournay, cōme pour celle de Haspre. Si fut ordonné qu'on défieroit le Roy de France: puis entreroit on à force dedans le Royaume de France: & de porter ces défiances, fut prié & chargé l'Abbé Thibaut de Saint-Crespin. Lors furent ces lettres & défiances escriptes & seellées du Comte & de tous les Barons & Cheualiers du pays. Apres le Comte remercia grandement tous ses hommes, pour la bonne volonté dont il les veit: car ils luy promirent confort & seruice en tous estats. L'Abbé de Saint-Crespin vint en France apporter au Roy Philippe les défiances: lequel n'en fit pas trop grand compte: & dit que son neveu estoit vn fol outrageux, & qu'il marchandroit bien de faire ardoir son pays. L'Abbé retourna deuers le Comte & son Conseil: & leur compta comment il auoit exploité, & les responces que le Roy luy auoit faites. Assez tost apres se pourueut le Comte de Gens-d'armes: & manda tous Cheualiers & Escuyers parmi son pays, & aussi en Brabant, & en Flandres: & fit tant qu'il eut bien grand nombre de Gens-d'armes bien étofez, tous à cheual. Si se partirent de Mons-en-Haynaut, & de là enuiron: & cheuaucherent deuers la terre de Symay. Car l'intention du Comte & de son oncle estoit, qu'ils iroient ardoir la terre du Seigneur de t Bremus, & aussi Aubenton & Thyerache.

Comment le Comte de Hainaut print & destruit Aubenton de Thyerache. CHAP. XLVI

Bien se doutoient ceux de la ville d'Aubeton du Comte de Haynaut & de son oncle: si l'auoient fait signifier au grand Baillif de Vermandois: qui leur auoit enuoyé le Vidame de Chaalons, Monseigneur de Beaumont, Monseigneur de la Boue, le t Seigneur Lore, & plusieurs autres. Si estoient mis deuant Aubeton ces Cheualiers & leurs routes: ou bien auoit trois cens hommes armez: & n'estoit la ville fermée que de palis: & la reparerent en aucuns lieux: & estoient tous pourueus d'attendre les Hainuyers, & de deffendre la ville: qui estoit bone & grosse, & pleine de draperie. Les Hainuyers vindrēt, vn Védredy au soir loger pres d'Aubenton, & là aduiserēt auquel costé elle estoit mieux prenable. Le lendemain vindrent en trois cōestablies, leurs bannieres deuant, bien ordōnement, & aussi leurs Arbalestriers. Le Comte de Haynaut eut la premiere bataille. & avec luy foison de gens: comme Cheualiers & Escuyers de son pays. Son oncle eut la secōde bataille: ou il y auoit planté de gēs-d'armes. La tierce eut le Sire de Fauquemōt, à tout grand' foison d'Allemans: & se tira chacun Seigneur sous sa banniere & entre ses gens. Celle part, ou ils furent enuoyez pour assaillir, commēça la bataille & l'assaut dur & fort: & s'employerēt les Arbalestriers dedans & dehors à traire: dont plusieurs furent blecez. Le Côte & sa route vindrēt iusques à la porte. Là eut grand assaut & forte écar-mouche. Là fit le Vidame de Chaalōs merueilles d'armes: & fit à la porte trois de ses fils Cheualiers qui y firēt plusieurs appertises d'armes. Mais le Comte & les siens si conqui-

Le Roy de France défié par le Comte de Hainaut, son neveu.

t Ce peut estre celui, que parauant il a dit de Brême.

t Ce peut estre l'un de ceux, qu'il nōme par auant de Loire.

La ville d'Aubenton en Thierache assaillie par les Hainuyers.

Aubenton prise de force.

Plusieurs places Françoises bruslees par les Hainuyers.

Le Comte de Hainaut en Angleterre.

† L'exēpl. de la Mer dit Courards, plus ap. prochain de Cōrard, nom familier aux Allemans.

rent les baïlles: & cōuint à ceux de dedās soy retraire en la porte. Là eut dur assaut sur le port, & à la porte deuers Symay estoit messire Iehan de la Boue, & messire Iehā de Beaumōt. Illec aussi fut l'assaut cruel & aspre à l'écarmouche: & cōuint aux Frāçois eux retraire dedans la porte. Car ils laisserent leurs barrieres: & les conquirēt les Hainuyers, & le pont aussi. Là fut l'assaut aspre & felon. Car ceux qui estoient entrez & mōtez sur la porte, gettoient bancs & mesfriers contreal, & pots pleins de chaux, & foison de pierres & cailloux: dont ils bleçoient merueilleusement les Gens-d'armes, fils n'estoient fort armez & paueschez. Là receut Baudoin de Haynaut, vn Escuyer de Haynaut, vn horion d'une grosse pierre sur sa targe: qu'elle fendit en deux moitez: & eut le bras rompu, dont il la portoit: & luy cōuint soy retraire au logis. Car il ne se pouuoit plus aider de grand temps, tant qu'il fut guarý. Le Samedy au matin fut l'assaut grand & fier à la ville d'Aubenton en Thierache: & se mettoiet les assaillans en grand' peine & peril pour cōquerre la ville. Aussi les Cheualiers & Escuyers, qui estoient dedans, mettoient grand' entente à eux deffendre: & bien leur cōuenoit y mettre leur aduis & hardiesse. Car ils estoient vigoureušemēt assaillis de tous costez, & de grād' foison de bons gens-d'armes: tant que la ville fut conquise par force: & furent les palis (qui n'estoient que de bois) rōpus. Et entra en la ville, tout premier messire Iehan de Haynaut & sa bāniere, à grās foules & grād cry, tant de gens que de cheuaux. Adonc se recueillirent en la place deuant le mōstier le Vidame de Chaalons, & aucuns Cheualiers & Escuyers. Si leuerent là leur banniere & leurs pennons, & mōstrerent bon semblant d'eux cōbattre, & tenir tant que par hōneur ils pourroient durer. Mais le Sire de Bremus & sa banniere s'en partit sans ordonnance: car il sauoit bien que messire Iehan de Haynaut estoit courroucé contre luy, & ne l'eust prins à nulle rançon. Et quand messire Iehan de Haynaut sceut que celuy, qui tant auoit porté de dōmage à sa terre de Symay, s'en fuyoit deuers Bremus, il le print à pourfuir & ses gens aussi: mais le Seigneur de Bremus trouua la porte de sa ville ouuerte: si se bouta dedās à grād' haste: & iusques là le pourfuiuit messire Iehan de Hainaut, l'espee au poing: mais, quand il veit qu'il luy estoit échapé, il retourna viftement, le grand chemin deuers Aubenton: & ses gens rencōtrèrent les gens de monseigneur de Bremus: qui le suiuiēt à leur pouuoir si en occirent & meirent à mort grand' foison. Le Côte qui estoit demouré à Aubenton, & ses gens se combattirent asprement à ceux qui estoient arrestez deuant le monstier. Là eut dur hutin & fier, & maint hōme déconfit & renuersé. Là furent bons Cheualiers le Vidame de Chaalons & ses deux fils: qui à la parfin y furent morts: ne oncques Cheualier ne Escuyer n'en échapa (fors ceux qui se sauuerent avec le Seigneur de Bremus) qu'ils ne fussent tous morts ou prins, & bien deux mille hommes de la ville: & fut toute pillée, & les grans auoirs, qui dedās estoient, chargez sur chariots & charrettes, & enuoyez à Symay: & fut la ville d'Aubenton toute arse: & se logerēt les Hainuyers ce soir sur la riuere. Apres la destruction d'Aubenton s'acheminèrent les Hainuyers & leurs routes deuers Mauberfontaines. Si tost qu'ils y parvindrent, ils la cōquirent (car il n'y auoit point de deffense) & la robberēt & ardirēt: & apres, la ville d'Aubecueil, & Segny le grand, & Segny le petit, & tous les hameaux de là enuiron, dont il y eut plus de quarante. Apres se tira le Comte de Haynaut deuers sa ville de Mons, & donna congé à toutes manieres de Gens-d'armes, & les remercia: & fit tant que tous se partirent de luy bien cōtens. Assez tost apres s'en alla le Comte embatre de faire alliance au Roy, son seigneur, pour estre plus fort en sa guerre: mais auant institua messire Iehan de Haynaut à estre maistre & Gouverneur de Holande & de Zelāde: & se tint messire Iehan de Haynaut à Mons: & pourueut le pays, & garnit: & enuoya, pour ayder à garder & conseiller les Bourgeois & comunautéz de Valēciennes, le Sire d'Autoing, le Sire de Verguy, le Sire de Gōmegines & messire Henry de Huspharice, & le Seneschal de Haynaut, à tout cent lances, en la ville de Lādrechies. Apres ce, meit, en la ville de Bouchain, trois Cheualiers Allemans: qui tous trois se nōmoient † Courars: & enuoya en Escaudimee, messire Girard de Saffesgines, & en la ville d'Auesnes, le Sire de Fauquemont: & ainsi par toutes les fortereffes de Haynaut, voire sur les frontieres de France.

Cy parle de la cheuanchée que ceux de Tournay firent en Flandres. CHAP. XLVII.

Quand le Roy de Frāce eut ouy recorder cōment les Hainuyers auoient ars au pays de Thierache, prins & occis ses Cheualiers, & destruit la bōne ville d'Aubenton, il commanda à son fils le Duc de Normandie, qu'il meist sus vne grosse cheuauchée, & venfist

venfist en Haynaut, & meist le pays en tel poinct que iamais il ne fust recouiert. Encores ordonna le Roy le Comte de Laille, † Gaston (qui adonc se tenoit delez luy à Paris) qu'il meist sus vne armee, & allast cheuaucher en Gascongne, comme lieutenant du Roy de France: & guerroyast Bordeaux & Bourdelois & toutes les forteresses, qui la se tenoient pour le Roy Anglois. Encores renforça le Roy de France la grosse naue, qu'il tenoit sur mer, des écumeurs: & manda aux Capitaines qu'ils fussent songneux d'eux tenir sur les mettes de Flandres: & que nullement ils ne laissassent le Roy d'Angleterre repasser ne prédre port en Flâdres, & se par leur coulepe demouroit, il les feroit de male mort mourir. Et, quand le Roy de France entendit que les Flamens auoient fait hom-
 mage au Roy d'Angleterre, il leur manda par vn Prelat, sous ombre du Pape, que (s'ils se vouloient retourner à recongnoistre à luy & à la couronne de France & relenquir le Roy d'Angleterre: qui enchantez les auoit) il leur pardôneroit tous maux-talens, & leur quitteroit la grand' somme de deniers & de Florins, dont ils estoient encores tenus vers luy, par obligation de iadis: & leur donneroit & seelleroit plusieurs belles frâchises. Les Flamens respôdirent qu'ils se tenoient pour bien absous & pour quittes de tout ce dont obligez estoient enuers le Roy de France: & adonc le Roy de France s'en complaignit au Pape Clement sixiesme: qui getta vne sentence d'excommuniment si horrible qu'il n'estoit nul Prestre, qui osast celebrer le diuin seruice. Dequoy les Flamens enuoyerent grâd' complainte au Roy d'Angleterre: lequel, pour les appaiser, leur manda que, la premiere fois qu'il rappasseroit la mer, il leur ameneroit des Prestres de son pays: qui leur chanteroient la Messe, voufist le Pape ou non: car il estoit bien priuilegié de ce faire. Et par ce moyen s'appaiseroit les Flamens. Quand le Roy de France veit qu'il ne pourroit retraire les Flamens de leur opinion, si commanda à ceux qu'il tenoit en sa garnison de Tournay, de l'Isle, de Douay, & des Chasteaux d'environ, qu'ils fissent guerre aux Flamens, & courussent en leur pays. Dont il aduint que messire Jehan de Roie, & messire Matthieu † de Tric, Marechal de France, avecques messire Godemar du Fay, & plusieurs autres Seigneurs, meirent sus vne cheuauchée de mille hommes, armez de fer tous bien montez, & trois cens Arbalestriers tant de Tournay, comme de l'Isle & de Douay, qui se partirent de la cité de Tournay, vn soir apres souper, & cheuauchèrent tant que sur le poinct du iour, ils vindrent deuant Courtray, & accueillirent entout
 Soleil leuant, toute la proye de là environ: & coururent les Coureurs iusques aux portes, & occirent & mehaignerent aucuns hommes, qu'ils trouuerent es fauxbourgs, puis s'en retournerent arriere sans dommage: & meirent le retour deuers la riuere du Lis, deuant eux toute la proye qu'ils trouuerent, & encontrerent ce iour: & menerent, en la cité de Tournay, plus de dix mille blanches bestes, & bien autant que pourceaux que vaches & beufs. De ce furent les Flamens moult troublez: & pour celle cause iura laque-
 mart d'Arteuelle (qui lors se tenoit à Gand) que ceste forfaiture seroit vengée au pays de Tournes & es enuiron: & fit incontinent commander, parmy les bonnes villes de Flandres, que tous fussent à vn certain iour avec luy, deuant la cité de Tournay: & † escrit au Comte de Salbery & au Comte de Suffort (qui se tenoient en la ville d'Ypre) qu'ils se tirassent celle part. Puis se partit de Gand, avec moult grans gens: & s'en vint entre Audenarde & la cité de Tournay, sur vn pas, qu'on dit au Pont-de-fer: & se logea là en attendant lesdits Comtes d'Angleterre, & aussi ceux de Flandres & de Bruges. Quand les deux Comtes dessus nommez entêdirent ce, si ne voulurent pas, pour leur honneur delayer: ains enuoyerent tantost par deuers Arteuelle, en disant qu'ils seroient là, au iour qui estoit ordonné. Sur ce se departirent assez brièvement de la ville d'Ypre environ cinquante Lances, & quarante Arbalestiers: & se meirent au chemin, ou d'Arteuelle les attendoit. Ainsi que ils cheuauchoient, & qu'il leur conuenoit passer au dehors de la ville de l'Isle, leur allée fut sceue en icelle ville. Si farmerent secrettement, & faillirent quinze cens Hommes à pied & à cheual: & se meirent en trois aguets: à fin que ces Comtes ne leur échapassent. Or cheminerent adoncques ces deux Comtes, & leurs routes, sur les marches de messire Vauflart de la Croix: qui long temps auoit guerroyé ceux de l'Isle, & encores guerroyoit quand il pouoit: & s'estoit tenu celle saison à Ypre, pour mieux les guerroyer: & se faisoit fort d'iceux Comtes mener sans peril (car il fauoit les addrees & les tortes voyes) & encores en fust il bien venu à chef, se ceux de l'Isle n'eussent faict, au dehors de leur ville, vn grand trenchis qui n'estoit pas accoustumé d'y estre. Et, quand messire Vauflart les eut menez iusques là, & il

† *Je pèse que ce n'est point son propre nom & qu'il faut lire Gascon.*

Le Roy sollicite les Flamens de retourner à luy

† *Parauant de Tric, chapitre 41.*

Course des Tournaisiens, & autres sur les Flamens.

† *Pour escriuit par sincopé de laquelle il use souvent.*

† *Autres disent
es moy & es
moyer pour
le verbe, &
les autres es-
mayer.*

veit qu'on leur auoit coupé la voye, si fut tout ébahy, & dit aux deux Comtes Anglois. Messeigneurs, nous ne pouuons nullement passer le chemin que nous allons, sans nous mettre au peril de ceux de l'Isle, pourquoy ie conseilie que nous retournons, & prenons arriere nostre chemin. Et ceux respondirent. Messire Vauflart, ia n'aduienne que nous issions hors de nostre chemin, pour ceux de l'Isle. Cheuauchons tousiours deuant: car nous auons accordé à d'Arteuelle que nous ferions ce iour, de quelque heure, là ou il seroit. Lors cheuaucherent les Anglois sans nul t'esmay: & adoncques messire Vauflart dit. Messeigneurs, vray est que pour guide en ce voyage vous m'avez prins, & que tout cest Yuer me suis tenu avec vous à Ypre, & de vous & de vostre compaignie me loue grandement: mais, fil aduient que ceux de l'Isle issent sur nous, n'avez nulle fiance que ie les doye attendre: mais me sauueray au plustost que ie pourray: car, se i'estoye prins par aucune aduventure, ce seroit sur ma teste: que i'ay plus cher que vostre compaignie. Adonc commencerent les Cheualiers à rire: & dirent qu'ils le tenoient pour bien excuse. Et tout ainsi qu'il imagina, aduint il: car ils ne se donnoient garde qu'ils se boutèrent en l'embusche: qui bien estoit fournie de Gens-d'armes & Arbalestriers: lesquels les écrierent tantost. Auant, auant, par ci ne pouuez vous passer, sans nostre congé. Lors cōmencerent tous à traire & à lancer sur les Anglois & leurs routes: Si tost que messire Vauflart en veit la maniere, il n'eut cure de cheuaucher pl^{us} auât: mais retourna au plustost qu'il peut, & se meit hors de la presse: & les deux Côtes cheurent es mains de leurs ennemis, & furēt mieux pris qu'à la rets. Car ils furēt embuschez en vn estroit chemin, entre hayes & espines & fossez de tous costez: si fort & par telle maniere, qu'ils ne pouuoient auant passer, ne retourner, ne prendre les champs. Toutesfois, quand ils veirent la male aduventure, ils descendirent tous à pied, & se deffendirent le mieux qu'ils peurent, & naurerent plusieurs de ceux de l'Isle: mais finalement leur deffense ne leur valut riens: car Gêd'armes frais & nouueaux croissoiēt tousiours sur eux. Là furent ils prins & retenus de force, & vn Escuyer, ieune & frisque, de Limosin, neueu au Pape Clement: qui s'appelloit Remon: lequel depuis qu'il se fut rendu prisonnier, fut occis, pour la conuoitise de ses belles armes. Ces deux Comtes furent mis en prison en la hale de l'Isle, & depuis enuoyez au Roy de France: qui promit à ceux de l'Isle, qu'il leur seroit grâdement guerdonné: car ils luy auoient fait vn beau seruice. Et quād Iaques d'Arteuelle (qui se tenoit au Pôt-de-fer) en sceut les nouuelles, il en fut mout courroucé: & cessa pour ceste aduēture, son emprise: & donna à ses Flamens congé: & puis s'en retourna en la ville de Gād.

*Prise des Com-
tes de Salbery
& de Suffort,
par ceux de
l'Isle, partisans
de France.*

La cheuauchee que le Duc Iehan de Normandie fit en Haynaut. CHAP. XLVIII

* 1340.

† *Le ne doute
point que ce ne
soit celui, qu'il
a nommé de
Trie, au cha-
pit. 41. & de
Trie, au chap.
47. & qu'il
nommera de
Troye au cha-
pitre 54.*

LE Duc Iehan de Normandie, aîné fils du Roy de France, fit son especial mandement à estre à Saint Quentin: & en estoient le Duc d'Athenes, le Comte de Flandres, le Comte d'Aucerre, le Comte Raoul, Comte d'Eu, & Connestable de France, le Comte de Porcien, le Comte de Rouffy, le Comte de Bresne, le Comte de Grand-pré, le Sire de Coucy, le Sire de Craon, & grād foison de nobles de Normādie & des basses marches. Quand tous furent assemblez, & le Duc fut venu à S. Quentin, enuiron apres Pasques l'an. * M. ccc. xl. le Connestable & les deux mareschaux de Frāce (monseigneur Robert Bertrand, & monseigneur Matthieu de † Tøye) trouuerent qu'ils estoient fix mille hommes armez, & huit mille, tāt brigans qu'autres gens de l'ost, pourfuyans. Si se meirent aux chāps, & s'arrouterent deuers le Chastel en Cābrefis, & passerent par dehors Bohaing: & cheuaucherēt tāt, qu'ils passerēt ledit Chastel en Cābrefis: & vindrēt loger en la ville de Montais, sur la riuere de Selles. Messire Richard Verchin, Seneschal de Haynaut, sceut, par ses espies, que le Duc estoit arresté à Mōtais, si pria aucūs Cheualiers & Escuyers (ce qu'il en peut trouuer delez luy) qu'ils voufissent aller ou il les meneroit: & ils luy accorderent. Si se partirent, de son hostel de Verchin, avecques luy, enuiron quarante Lances: & cheuaucherēt depuis le Soleil mucé, tant qu'ils vindrent à Forests, à l'issue de Haynaut, à vne petite lieuē de Montais: & pouuoit estre enuiron iour failly. Lors fit toutes ses gens arrester emmi vn champ, & leur fit estreindre leurs armures: puis leur dit qu'il iroit volontiers réueiller le Duc: & ils en furent tous ioyeux, & luy dirent qu'ils s'aduēturerōient volontiers avec luy: & ne luy faudroient iusques au mourir: & il leur dit grans mercis. Adonc estoit avec luy messire Iaques du Sart, messire Henry de Phalife, messire † Olphart de Guistelles, messire Iehan de Chastelet, avec messire Bertrand: & des Escuyers, Gilles & Thierry de Sommain, Baudoin de Beaufort, Colebrier

† *Ce peut estre
celuy qu'il a
parauant nom-
mé Vauflart.*

lebrier de Brule, Moreau de l'Escuyer, Saudard de Stramen, Ichau de Reberfat, Bridoul de Thiaux, & plusieurs autres. Puis cheuaucherent tout coyement, & vindrent à Montais, & se bouterent en la ville, (si ne faisoient les François point de guet) & se descendirent premierement le Seneschal & tous les compaignons deuant vn grand hostel: ou ils cuidoyent que le Duc de Normandie fust: mais il estoit en vn autre hostel: & leans estoient logez deux grans Seigneurs de Normandie, le Sire de Bailleul, & le Sire de Beauté. Si furent assaillis viftement, & la porte boutée hors. Quand ces deux Cheualiers se veirent ainsi surprins, & ouirent crier Haynaut, au Seneschal, ils furent tous ébahis: mais toutefois ils se deffendirent, au mieux qu'ils peurent: tant que le Sire de Bailleul fut là occis, & le Sire de Beauté pris du Seneschal: & promit, sur sa foy, dedans trois iours venir tenir prison à Valenciennes. Lors François se commencerent à émouuoir & iffirent de leurs hostels, & firent grans feux, & allumerent torches & chandelles, & éueillèrent l'un l'autre. Mesmement éueillâ on le Duc, & le fit on armer à grande haste, & deuelopper sa banniere deuant son hostel: & là se tirerent toutes manieres de Gens-d'armes de leur costé: & adonc les Hainuyers se retrahirent sagement à leurs cheuaux: & quand ils se furent remis ensemble, ils emmenerent iusques à dix ou douze bons prisonniers, & s'en retournerent sans dommage auoir (car ils ne furent point poursuis: tant faisoit brun & tard) & vindrent, droit à l'aube du iour, au Quesnoy. Là se reposerent & rafraeschirent, puis s'en vindrent à Valenciennes. Au matin commanda le Duc à déloger, & entrer en Haynaut, pour tout ardoir sans deport. Adonc s'arrouterent le charroy: & cheuaucherent les Seigneurs, les Coueurs premiers, qui bien estoient deux cens Lances: & en estoient Capitaines messire Tribaut de Marneil, le Galois de la Baume, le Sire de Mirepois, le Sire de Raiuenal, le Sire de Sempy, Monseigneur Ichau de Landas, le Sire de Hangeft, & le Sire de † Tramelles: & apres cheuauchoyent les deux Mareschaux (ou il y auoit bien cinq cens Lances) & puis le Duc de Normandie, à foison de Comtes Barons, & autres seigneurs. Si entrerent lesdits Coueurs en Hainaut, & ardirent Forbertran, Bertinginel, Escarmain, Vendegres-au-bois, Vendegres-sur-Scalon, sur la riuere du Cinel. Le lendemain passerent outre, & ardirent Osmelual, Villers en la chauffée, Gommegines, Marchepois, Pestel, Anfroy, Pipreux, le Fresnoy, Obeyes, la bonne ville de Bannoy, & tout le pays, iusques à la riuere de Hommel: & eût, ce second iour, grand assaut & écar mouche au Chastel de VVerchin, de la bataille des Mareschaux: mais ils n'y firent riens (car il leur fut bien deffendu) & s'en vint le Duc loger sur la riuere de Selles, entre Haufy & Saufoy. Messire Valerien, Seigneur de Fauquemont, estoit gardié de la ville de Maubenge, & bien cent Lances d'Allemands, & de Hainuyers avecques luy. Quand il sceut que les François cheuauchoyent (qui ardoient le pays) & oyoit les pueres gens plorer & plaindre le leur, il arma, & fit ses gens armer: & recōmāda la ville de Maubenge au Seigneur de Beurevoir, & au Seigneur de Montigny: & dit, à ses gens, qu'il auoit grand desir de trouuer les François. Si cheuaucha ce iour tousiours costoiāt le bois & la forest Moriual. Quand vint sur le soir, il ouit dire que le Duc de Normandie & tout son ost, estoient logez sur la riuere de Selles. Lors dit, qu'il les iroit réueiller. Si cheuaucha celle vespre: & enuiron minuit, il passa celle riuere à gué, & toute sa route. Quand tous furent outre, ils ressanglerent leurs cheuaux, & se remeireet à point, puis cheuaucherent tout doucement, tant qu'ils vindrent au logis du Duc. Quand ils deurent approcher, ils ferirent leurs cheuaux tout d'un randon, & se planterent en l'ost du Duc, en écriant Fauquemont: & commencerent à couper cordes, & abbatre tentes & paillons par terre, & à occire & decoupper gens, & mettre à grand méchef. Lors se commença l'ost à émouuoir, & se commença à armer, & tirer celle part ou le hustin estoit. Quand le Sire de Fauquemont veit que point fut, il se retrahit arriere, en retirant tout bellement ses gens: & adonc fut mort, des François, le Sire de Piquegny, Picard: & furent prisonniers le Vicomte de Quesnes, & le Borgne de Rouuroy, & durement nauré messire Anthoine de Coudun. Et, quand le Sire de Fauquemont veit que temps fut, il se partit, & toutes ses gens: & passerent la riuere de Selles sans dommage, car ils ne furent point poursuis. Si cheuaucherent puis tout bellement: & vindrent, enuiron Soleil leuāt, au Quesnoy: ou le Mareschal du logis se tenoit, messire Thierry de Vallecourt qui leur ouurit la porte. Lendemain au point du iour le Duc de Normandie fit sonner ses trompettes en son ost, si s'armerent & ordonnerent toutes manieres de gens, & passerent la riuere de Selles, & entrerent en Haynaut: & ceux qui cheuauchoyent deuant

Comment le Duc de Normandie cuida estre surprins par le Seneschal de Hainaut.

† L'Exemp. de la Mer dit Tramelles.

Plusieurs places de Hainaut brulees par les François, sous la conduite du Duc de Normandie.

Comment le Duc de Normandie cuida de rechef estre surprins par le Sire de Fauquemont.

† c'est à dire qu'il fut tēps

† Il a desu r'se
de ce mot au co
mencement de
ce chap. pour
ceux qui esto-
ent armez de
Brigandines à
mon aduis: cō-
bien que le ch.
148. & 149.
les prennent en
vraye signifi-
cation de ceux
que aujour-
d'huy nous ap-
pelos voleurs

(le Marechal de Mirepois, le Sire de Noifiers, le Galois de Baume, & messire Thibaut de Marneil, & quatre cens Lances, sans les † brigans) vindrent deuant le Quesnoy, iusques aux barrieres: & firent semblant d'assaillir, mais il estoit si bien pourueu de bonnes Gens-d'armes & de grande artillerie, qu'ils eussent perdu leur peine. Non pourtant ils écaroucherent vn petit deuant les baillies: mais on les fit retraire. Car ceux du Quesnoy decliquerent canons & bombardes: qui gettoient grans quarreaux. Si se doubterēt les François de leurs cheuaux, & se retrahirent, & ardirent Vargin le grand, & Vargin le petit, Frelaines, Samuas, Artes, Semeries, Artenel, Sariten, Turgies, Estinen, Aunoy: & volerent les flamèches iusques à Valenciennes: & entendis ordonnoyent les François leurs batailles sur le mont de Castres, près de Valéciennes: & se tenoient là en grande étoffe, & moult richement. Dont il aduint qu'environ deux cens Lances des leur (dont le Sire de Craon, le Sire de Mauleurier, le Sire de Mathefelon, & le Sire d'Auoir & les autres, estoient conducteurs) sauallerent deuers Maing, & vindrent assaillir vne bonne & grosse tour quarrée: qui pour long tēps estoit à Iehan Vernier de Valenciennes, & depuis fut elle à Iehan de Neufuille. Là eut grand assaut & cruel: & dura presque tout le iour: nō ne pouuoit les François faire partir (si en y eut il de morts, ou cinq ou six) & si bien se deffendoyent ceux qui la gardoient, qu'ils n'y prindrent point de dommage. Si s'en vindrent le plus des François à Trie: & cuiderent de premiere venue là passer l'Estang: mais ceux de la ville auoient défait le pont, & deffendoient le passage: & iamais en celuy endroit ne l'eussent les François conquis: mais il en y eut aucuns qui cognoissoient les passages de la riuere & le pays. Si amenerent bien deux cens Hommes de pied passer les planches à Ponny. Quand ceux furent passez outre, ils vindrent tantost sur ceux de Trie: qui n'estoient qu'un petit de gens au regard d'eux: & ne peurent durer. Si tournerent en fuite: & en y eut de morts & de naurez plusieurs. Ce mesme iour estoit parti de Valenciennes le Seneschal de Hainaut, à tout cent hommes armez, par la porte de Douzain, pour secourir ceux de Trie, car ils pensoient bien qu'ils auoient beaucoup à faire. Si auint qu'au dessus de saint Vast il trouua de rencontre environ vingt cinq coureurs François, que trois Cheualiers de Poictou menoient, c'est assauoir Monseigneur Bouciquaut (qui depuis fut Marechal de France) le Sire de Surgeres, & messire Guillaume Blondeau le tiers: & auoient passé le pont, assez pres de Valenciennes: lequel pont est appelé le pont de la Tourelle, & est dessus l'estang: quand le Seneschal les aperceut, si ferit apres: & porta ius de coup de lance, monseigneur Bouciquaut & le fit prisonnier, & l'enuoya à Valenciennes. Le Sire de Surgeres eschappa, & se sauua: mais messire Guillaume Blondel fut prins: & se rendit prisonnier à messire Henry d'Uphalipse: & furent presque tous les autres morts, ou prins. Ce fait, le Seneschal vint vers Trie, mais il n'y peut venir à temps, ains l'auoient ia les François cōquis, quand il y vint: & mettoient grand peine à abbatre les moulains, & vn petit chastelet, qui là estoit. Mais si tost quē le Seneschal vint là, ils n'eurent point là de loisir, car ils furent reboutez, occis, & decoupez, & mis en chasse, & les fit on saillir en la riuere de l'Escout: dont aucuns furent noyez: & en fut la ville de Trie toute deliurée: & vint le Seneschal passer l'Escout à Deuaing. Puis cheuaucha, à toute sa route, vers son chastelet de VVerchin, & se bota dedans, pour le deffendre, se mestier en estoit. Encores se tenoit le Duc de Normandie sur le pont de Castres en bonne ordonnance, la plus grand' partie du iour, car il cuidoit que ceux de Valenciennes le deussent combattre. Aussi eussent ils volontiers fait: mais messire Henry † d'Antoing (qui auoit la ville à garder) leur deffendoit: & estoit à la porte Cambrisiennne moult embesogné, & en grande peine d'eux détourner de non vuidier, & le Preuost de la ville auecques luy: qui les appaisoit ainsi qu'il pouuoit: & leur remonstra, apres, tant de belles raisons, qu'ils s'en souffrirēt. Quand le Duc de Normâdie & sa gent se furent tenus vn grand temps sur le mont de Castres, & ils veirent que nul n'issoit de Valenciennes pour les combattre, adonc furent enuoyez le Duc d'Athenes & les Marechaux de Frâce, le Comte d'Aucerre, le Sire de Chastillon, & environ trois cens Lances bien montez, pour courir iusques à Valenciennes. Ceux cheuaucherent en tresbonne ordonnance, & vindrēt à costé, deuers la Tourelle à Gogueb, iusques aux baillies de la ville: mais il n'y demourerent pas gramment, car ils doutoient le trait pour leurs cheuaux. Toutefois le Sire de Chastillō cheuaucha si auant, que son courfier cheut sous luy, & luy conuint monter sur vn autre. Ceste cheuauchée print son tour deuers les marests. Si ardirent & abbatirent tous les moulins, qui là estoient, sur la riuere de Vincel.

Defaite de quel
que troupe de
François, avec
la reconse de
Trie, par le Se-
neschal de Hay-
naut.

En quelque
lieu parauant
d'Autoing.

cel. Puis, prindrent leur tour par derriere les Chartreux, & reuindrent à leur bataille. Ores estoient aucuns compaignons François demourés derriere à Marly, pour mieux fourrager à leur aise. Si aduint que ceux, qui gardoient vne tour (qui est là aux hoirs de Hainaut, & fut iadis à messire Robert de Namur, de par Madame Ysabel, sa femme) aperceurent les François, qui là estoient demourez: & veirent que la grosse cheuauchée estoit retraite, si issirent hors, & les assaillirēt, & en occirēt la moitié, & leur tollirēt tout leur pillage: puis r'entrerent en leur tour. Encores se tenoient les batailles sur le mont de Castres, & tindrent tout le iour, iusques apres nonne, que les Coueurs reuindrent de tous costez. Dont ils eurent conseil entre eux moult grand: & disoient les Seigneurs que, tout considéré, ils n'estoient mie gens assez pour assaillir vne telle ville: & eurent finalement conseil d'eux retraire à Cambray. Si vindrēt ce soir loger à † Moing, & à Fontenelles: & furent là toute la nuit, & firent moult grand guet. Le lendemain s'en partirent: mais ils ardirēt Moing & Fontenelles, & toute l'Abbaye (qui estoit à Madame de Valois, sœur germaine du Roy de France) de quoy le Duc fut moult courroucé: & fit pendre ceux, qui le feu y auoient bouté. A ce departement fut acheuée de bruler la ville de Trie & le chastel & les moulins abbatus, & Prouuy, Rommeny, Thiaux, Mouceaux, & tout le plain pays entre Cambray & Valenciennes. Ce iour vint le Duc deuant Escandure, vn chastel, appartenant au Comte de Hainaut, bon & fort, seant sur la riuere de l'Escaut: & moult greuoit ceux de Cambray. Si en estoit Capitaine messire Girard de Sasseghines. Si aduint que, quand le Duc de Normandie eut esté deuant celui Chastel six iours, ledit chastel luy fut rendu sain & entier: dont tout le pays d'environ fut moult ébahy: & en furent soupçonnés de trahison messire Girard de Sasseghines, & vn sien Escuyer, qui s'appelloit Robert Marineaux. Si en moururent ces deux villainement à Mons-en-Hainaut: & ceux de Cambray abbatirent le chastel d'Escandure, & emporterent toutes les pierres ne leur ville, pour faire reparations & fortifications.

Défaite de quelques autres François par certains Hainuiers.

† Ce peut estre ce que parauant il a nommé Maing.

Le chastel d'Escandure rendu au Duc de Normandie

Comment ceux de Douay firent vne cheuauchee en Ostrenan, parauant que le Comte de Haynaut fust en Angleterre, & en l'Empire.

CHAPITRE. XLIX.

A Pres la destruction d'Escandure se retrahit le Duc Jehan de Normandie en Cambray, & donna congé à grande partie de sa gent, & les autres il enuoya aux garnisons de Douay & des autres forteresses voisines, celle semaine les François, qui se tenoient dedans Douay, issirent hors, & ceux de l'Isle avec eux: & pouuoient estre entourés trois cens Lances: & les conduisoient messire Louis de Sauoye, le Comte de Genefue, le Comte de Villars, le Galois de la Baume, le Sire de VVaurain, le Sire de Vassiers: & vindrent ardoir en Hainaut ce beau pays † d'Ostrenant: & ne demoura riens dehors les forteresses: dont ceux de Bouchain furent moult courroucés, car ils veoyent les feux, & les fumées entour eux, & si n'y pouuoient mettre nul remede. Si enuoyerent ils à Valenciennes, en disant que, se de nuit ils vouloient yssir environ six cens Lances, ils porteroient moult grand dommage à iceux, & aux François, qui estoient là tous cois logez ou plain pays: mais ceux de Valenciennes n'eurent pas conseil de vider la ville. Si eurent les François grande proye: & ardirent la ville de Nich, & la moitié d'Escoux, Escaudan, Here, Montegny, Seuain, Varlain, Vargny, Ambreticourt, Lourg, Saux, Ruet, Neufuille, lieu-saint-Amand, & tous les villages, qui en ce pays estoient: & en ramenerent grand pillage & grande proye. Et, quand ceux de Douay furent retraits, les soudoyers de Bouhan issirent dehors, & ardirent l'autre moitié d'Eston (qui se tenoit François) & tous les villages François, iusques aux portes de Douay, & la ville d'Esquerchin. Ainsi que ie vous ay deuisé cy deuant, que les garnisons sur les frontieres estoient pour ueues, & souuent y auoit des cheuauchées, des rencontres, & des faits d'armes, aduint celle saison, que soudoyers Allemans se tenoyent, de par l'Euesque de Cambray, en la Male-maison, à deux lieues du chastel Cábresien, & marchissans d'autre part plus pres de Landrechies: dont le Sire de Potrelles, Hainuyer, estoit gardien. Car le Comte de Blois (quoy qu'il en fust Sire) l'auoit rédu au Comte de Haynaut, pour le temps qu'il estoit François: † & le Comte le tenoit en sa main, & faisoit garder pour les François. Si y auoit souuent hutin de ceux de la Male-maison: & les Allemans, bien armez & bien montez, vindrent courir deuant la ville de Landrechies. Dont vn iour saillirent hors, pour † courir, comme dit est: & accueillirent la proye & amenerent deuant eux. Lors, quand la nouuelle & le haro en vint en Landrechies, s'arma le Sire de Potrelles, & fit ar-

† Nagueres Ostrenan.

† Ce peut estre ce que auparavant il a nommé Bouchain, et Eston nagueres Escoux.

† Entendez deuant le desl.

† C'est à dire ainsi comme

i'ay dit que
l'on faisoit
des courtes
les vns sur
les autres.

† C'est assavoir
Potrelles.

† Possible qu'il
y faut receu-
rent: & entē-
dez, par Fran-
çois, les Alle-
mans qui te-
noient le par-
ti François.

mer tous ses compagnons: & partirent à cheual pour recourir la proye. Si estoit le Sire de Potrelles tout deuant: & le suyuoient ses gens, à qui mieux micux. Il abaissa son glaive, & puis écria aux François, qu'ils retournaient: car c'estoit honte de fuir. Là estoit vn gentil Escuyer, appelé Albert de Coulongne: lequel se retourna franchement, & abaissa son glaive, & ferit son cheual des esperons contre le Seigneur de Potrelles: tellement qu'il le ferit sur la targe si grand horion, que le glaive vola en pieces: & l'Allemand Escuyer l'attingnit tellement de son glaive roide & fort, qu'onques ne brisa: mais perça la targe, les plates, & le hocqueton, & luy entra dedans le corps, & le poingnit droit au cœur, & l'abbatit du cheual nauré à mort. Lors les compagnons Hainuyers, le Sire de Banfiers, Girard de Mastin & Jehan de Mastin, & les autres, qui de pres les suyuoient, requirèrent les François fierement, & si asprement, qu'ils furent déconfits, morts, & prins (& peu en échappa) & la proye recouffée & ramenée, avecques les prisonniers, à Landrechies, & le Sire de Potrelles mort. Apres la mort du Sire de Potrelles, le Sire de Floron fut, grand temps, Capitaine de la ville & du chastel de Landrechies: & couroit souuent sur ceux de Bouhan, & de la Male-maison, du Chastel en Cambresis, & des frontières voisines. Ainsi couroyent les Hainuyers vn iour, & les François l'autre, si y en auoit souuent de rencontre & de ruez ius, si estoit le pays de Haynaut en grande tribulation: car vne partie du pays estoit ars, & si estoit encores le Duc de Normandie sur les frontières, & ne sauoit on qu'il auoit en pensée de faire: & si n'auoient nulles nouvelles du Côte de Haynaut. Bien est vray qu'il auoit esté en Angleterre: ou le Roy & les Barons l'auoient honoré & festoyé, & auoit fait grans alliances au Roy: & s'en estoit party & allé en Allemagne deuers l'Empereur Louis de Baviere: & c'estoit la cause pourquoy il seiournoit tant. D'autre part messire Jehan de Haynaut estoit allé en Brabant & en Flandres: & auoit remontré, au Duc de Brabant & à laquemart d'Arteuelle, la desolation du pays de Haynaut, & comme les Hainuyers leur prioient qu'ils voussissent entendre à pourueoir de conseil. Les dessusdits auoyent respondu que le Comte ne pouuoit longuement demourer: & luy reuenu, ils estoient appareillez d'aller, à tout leur pouuoir, là ou ils les voudroyent mener.

Comment le Duc Jehan de Normandie meit le siege deuant Thin-l'Euesque

CHAPITRE L.

† Je ne vous
puis dire la pro-
pre significatiō
de ce mot: mais
la vraye enten-
te de l'Auteur
ne vous peut
fuir pour cela.
Surquoy notez
qu'il a desia
parlé d'artille-
rie, & de bom-
bardes, & de ca-
nons, au cha-
48.
† L'Excp. de la
Mer dit regēt,
& mieux à
mon aduis.

Andis que le Duc de Normandie se tenoit dedans Cambray, l'Euesque & les Bourgeois du lieu luy remontrerent comment les Hainuyers auoient prins & emblé le fort Chastel de Thin, & que par amour, pour l'honneur & pour le profit du commun pays, il voussist mettre son entente à r'auoir iceluy chastel de Thin, car ceux de la garnison contraingnoient moult fort le pays d'enuiron. Lors fit semondre le Duc ses ostes de rechef, & meit ensemble grande foison de Seigneurs & de Gens-d'armes: qui se tenoyent en Artois & en Vermandois. Si se partit de Cambray: & vint, à tout ses gens, loger deuant Thin, sur la riuere de l'Escout, en ces beaux plains champs, au lez deuers Ostrenant. Là fit le Duc charrier grande foison d'engins, de Cambray & de Douay: & en y eut six moult grans (le Duc les fit leuer deuant la forteresse) lesquels engins gettoient, nuit & iour, grosses pierres & mangonneaux: qui abbatoient les combles & le haut des tours des chambres & des sales: & en cōtraingnoient les gens du chastel par cest assaut tresdurement: & si n'osoient les compagnons, qui le gardoient, demourer en chambres n'en sales qu'ils eussent: mais en caues & en celiers. Si souffrirent moult grande peine ces Gens-d'armes: desquels estoient Capitaines messire Richard Limosin Anglois, & deux Escuyers de Haynaut, freres au Comte de Namur, Jehan & Thierry. Ces trois, qui auoient la charge, disoyent souuent aux autres compagnons. Beaux Seigneurs, le Comte de Haynaut viendra vn de ces iours contre les François: qui nous deliurera à tout honneur, de ce peril, & nous saura bon gré de ce que si franchement nous sommes tenus: ceux de l'ost leur gettoient, par leurs engins, cheuaux morts, & autres bestes mortes & puantes, pour les empuantir, & dont estoit là dedans en moult grande détresse: car l'air estoit fort & chaut, ainsi comme en plain Esté: & de ce furent plus contrains que nulle autre chose. Si considererent: finalement entre eux, que celle mesaise ils ne pourroyent longuement endurer ne souffrir: tant leur estoit la punaïse abominable. Si eurent aduis de traiter vnes tréues: qui durerent quinze iours. Ce temps pendant ils signifierēt leur poureté à messire Jehan de Haynaut (qui estoit regard & gardié de tout le pays

le pays du Comte de Haynaut) & fils n'estoient confortez, ils rendroyent la place au Duc. Ce traité fut entamé & accordé. Lors ceux de la garnison firent partir vn Escuyer nommé Estrelart de Sommain, par l'ordonnâce du traité: qui s'en vint à Mons-en-Hainaut. Là trouua le Seigneur de Beaumôt: qui auoit ouy nouuelles de son neveu le Côté de Haynaut: qui reuenoit en son pays, & auoit esté deuers l'Empereur, & fait grans alliâces à luy & aux Seigneurs de l'Empire alliez du Roy d'Angleterre. Si informa le Sire de Beaumont l'Escuyer Estrelart de Sommain: & luy dit bien que ceux de Thin-l'Euesque seroient brièvement confortez: mais que son neveu fust retourné au pays. La trêue durant (qui fut prinse entre le Duc de Normandie & les soudoyers de Thin) reuint le Côté de Haynaut en son pays: dont toutes manieres de gens furent réiouis, car moult l'auoit désiré. Si luy recorda le Sire de Beaumont, son oncle, comme les choses estoient allées depuis son departement, & à quelle puissance le Duc de Normandie auoit seourné & demouré au pays, & ars & destruit par tout, fors les fortereffes. Le Comte respondit qu'il seroit bien amendé, & que le Royaume de France estoit assez grand, pour auoit satisfaction de toutes ces forfaitures: mais brièvement il vouloit aller deuers Thin-l'Euesque, contenter les bonnes gens qui là estoient, & qui honnorablement & loyaumēt festoient deffendus. Si fit le Comte ses mandemens & ses prieres en Allemagne & en Flandres, & vint à Valenciènes à grād' foison de Gens-darmes, Cheualiers, & Escuyers de son pays: & tousiours luy croissoient gens, & s'en partit à grand arroy & charroy de tentes & trefs, de paillions, & autres ordonances & pourueances: & se vint loger à Nās sur ces beaux plains & beaux prés, tout contreal la riuere de l'Escaut. Là estoient les seigneurs de Haynaut, messire Iehan de Haynaut, le Sire D'Eghien, le Sire de Verchin, & le Seneschal de Haynaut, le Sire d'Antoing, le Sire de Barbesson, le Sire de Lens, messire Guillaume de Bailleul, le Sire de Hauereth, Chastellain de Mons, le Sire de Montegnny, le Sire de Barbaix, messire Thierry de Valcourt, Mareschal de Haynaut, le Sire d'Almede & de Gommegines, le Sire de Brisueil, le Sire de Roisin, le Sire de Trasegmes, le Sire de Lalain, le Sire de Mastin, le Sire de Sars, le Sire de Vargny, le Sire de Beurieu, & plusieurs autres: qui tous se logerent delez le Comte leur Seigneur. Toutesfois y vint apres, le Comte de Namur moult honnestement, à tout deux cens Lances: & se logea adonques sur la riuere de l'Escaut, pres l'ost du Comte. Apres ce y vint le Duc de Brabant, à bien fix cens Lances, & le Duc de Guerles, le Comte de Mōs, le Sire de Fauquemont, messire Arnoul de Baquehen, & grande foison d'autres Seigneurs & Gens-d'armes d'Allemagne & VVitephalle. Si se logerent tous, les vns apres les autres, sur la riuere de l'Escaut, à l'encontre de l'ost des François: & plantureusement leur venoient viures de Haynaut & d'entour le pays. Quand ces Seigneurs se furent logez, ainsi que vous auez ouy, sur l'Escaut, entre Nans & Yllois, le Duc de Normandie (qui estoit de l'autre part, & auecques luy moult d'autres belles Gens-d'armes) signifia au Roy de France, son pere, comment l'ost du Comte croissoit chacun iour. Lors fit le Roy de France (qui lors se tenoit à Peronne en Vermandois à grans gens) vne grande semonse: & enuoya iusques à douze cens Lances de bonnes Gens-d'armes en l'ost de son fils: & assez tost apres il y vint cōme soudoyer, car il ne pouuoit viure en nulle maniere à main armée sur l'Empire, fil ne faussoit son serment, ainsi qu'il fit, & fit le Duc chef & souuerain de ceste emprise: & tousiours s'ordonnoit par le conseil de sondit pere. Et, quand ceux de la ville de Thin-l'Euesque veirent le Comte de Haynaut en si grand' puissance, si furēt mout fort ioyeux. Le quatriesme iour, apres qu'il fut là venu, vindrent ceux de Valenciennes, en grand arroy: desquels Iehan de Boissy, Preuost de ladite ville, estoit Capitaine. Si furent tantost entroyez écaroucher aux François, sur le riuage de l'Escaut, pour éclaircir l'ost, & pour faire à ceux de la garnison de chacun voye. Là eut grande écarouche des vns aux autres, & plusieurs quarreaux traits & lancés, & maint homme mort, nauré, & blecé. Tandis qu'ils entendoient à parler, les compagnons de Thin-l'Euesque, messire Richard Limosin, & les autres, se departirēt du chastel, & se meirent dedans l'Escaut: ou on leur auoit appareillé des bateaux: en quoy on les alla querre de l'autre part du riuage. Si furent amenez en l'ost du Comte de Haynaut: qui ioyeusement les receut & honora. Pendant que ces deux osts estoient ainsi assemblez pour le fait de Thin-l'Euesque & logez sur la riuere de l'Escaut, les François deuers France, & les Hainuyers deuers leur pays, couroient les Fourrageurs, fourrager par tout ou ils pouuoient, de l'un costé & de l'autre: mais point ne se trouuoient n'encontroient, car la riuere de l'Escaut estoit

Retour du Côté de Hainaut en son pays:

Le Comte de Hainaut en camp, contre le Duc de Normandie, chef des François.

† C'est adire à debatre de parolles, & combatre de fait.

*Heraux du Cō
te de Haynaut
au Duc de Nor
mandie, pour
liurer bataille.*

entre deux, mais les François parardirent & coururent tout le pays d'Ostrenan, ce que demouré y estoit: & aussi les Hainuyers tout le pays de Cambresis: & là vint à l'aide du Comte de Haynaut, & à sa priere, messire Jacques d'Arteuelle, à plus de soixante mille Flamens, tous bien armez: & se logerent puissamment à l'encontre des François. Quand ils furent venus, le Comte de Haynaut manda, par ses heraux, au Duc de Normandie, son cousin, que la bataille se peust faire entre eux, & que ce seroit grād blasme, pour toutes les parties, se si grans Gens-d'armes se departoient sans bataille. Le Duc respondit, pour ceste premiere fois, que sur ce il auroit aduis. Celuy aduis & conseil fut si long, que les heraux s'en partirent sans response: dont il aduint que, le tiers iour apres, le Côte y enuoya derechef, pour mieux sauoir l'intention du Duc & des François. Le Duc respondit qu'il n'estoit mie encores bien conseillé de combattre, ne de mettre iournée: & dit, outre, que le Comte estoit trop hastif. Quand le Comte ouit ce, si luy sembla vn delayement. Si manda tous les plus grans maistres de l'ost, & leur remonstra son intention, & la response du Duc: si en demanda auoir conseil. Adoncques regarderent ils chacun l'un l'autre: & ne voulut nul respondre premier: mais toutesfois le Duc de Brabant parla (pourtant que c'estoit le plus grand de l'ost) & dit que de faire vn pont, & de combattre aux François il n'estoit mie d'accord. Car il fauoit, de certain, que prochainemēt le Roy Anglois deuoit passer la mer, & venir assieger la cité de Tournay: si luy auons (dit il) iuré & promis foy, amour, & aide de nous & des nostres. Doncques, se nous combattions maintenant, & la fortune fust contre nous, il perdrait son voyage, ne nul confort il n'auroit de nous: & se la iournée estoit pour nous, il ne nous en sauroit nul gré, car c'est mon intention, que ia sans luy (qui est le chef de ceste guerre) nous ne nous cōbattons point au pouuoir de France: mais quand nous serōs deuant Tournay, luy avec nous, & le Roy de France d'autre part, enuis se departiroient si grans gens, sans batailler. Si vous cōseille, beau fils, que vous vous departez de cy (car vous y seiournez à mout grans frais) & s'en voise chacun en son lieu, car dedans dix iours vous aurez nouuelles du Roy d'Angleterre. A ce conseil là se tindrent la plus grande partie des Seigneurs, qui là estoient: mais le Comte de Haynaut pria aux Seigneurs, qui là estoient, & aux Barons tous en general, qu'ils ne voufissent mie encores partir: & ils luy accorderent. A ces parolles issirent hors de parlement, & s'en retournerent chacun en son logis. Trop volontiers se fussent partis ceux de Brucelles & de Louvain, car ils estoient si lassez, qu'ils n'en pouuoient plus. Le Comte de Haynaut appella, vn iour, messire Jehan de Haynaut son oncle, & luy dit: Bel oncle: vous cheuaucherez selō ceste riuere: & appellerez quelque hōme d'hōneur de l'ost François: & direz, de par moy, que ie leur liureray vn pont pour passer: mais que nous ayons trois iours & de respit ensemble, pour le faire: & que ie les vueil combattre comment que ce soit. Le Sire de Beaumont cheuaucha selon la riuere de l'Escaut, luy troisieme de Cheualiers tant seulement, son pennon deuant luy. Si apperceut de l'autre part vn Cheualier de Normandie, qu'il recongnut à ses armes. Si l'appella, & luy dit. Sire de Maubuisson, Sire de Maubuisson, parlez à moy. Lors faresta le Cheualier, & respōdit. Sire, que vous plaist? Le vous prie (dit le Sire de Beaumont) que vous vueillez aller deuers le Roy de France & son conseil, & luy dites que le Comte de Haynaut m'enuoye cy pour prendre vne trēue seulement qu'un pont soit fait sur c'este riuere, parquoy voz gens ou les nostres le puissent passer: & puis m'en venez dire la response, & ie vous attendray cy. Adonc le Seigneur de Maubuisson fiert son cheual des esperons, & vint à la tente du Roy: ou le Duc de Normandie & grande foison de Cheualiers estoient. Si relata son message: & eut briefuemēt response: & luy dit on. Sire de Maubuisson, vous direz à celuy, qui vous a cy enuoyé, qu'en celuy estat, que nous auons tenu le Comte iusques à ores, nous le tiendrons en auant, & luy ferons engager sa terre. Ainsi sera il guerroyé de tous costez. Et, quand bon nous semblera, nous entrerōs en Hainaut si auant, que nous ardrōs tout son pays. Ces parolles rapporta le Sire de Maubuisson à Monseigneur de Beaumont, qui l'attendoit sur le riuage: lequel luy dit grans mercis: & puis le Sire de Beaumont retourna deuers le Comte de Haynaut: qu'il trouua iouant aux eschets avec le Comte de Namur. Si tost qu'il veit son oncle, il se leua, & ouit la response du Roy de France: de laquelle le Comte fut courroucé, & dit que il n'en iroit mie ainsi.

*Les moyēs que
cherchoit le Cō
te de Haynaut
pour combatre*

*La bataille par mer, qui fut deuant l'Escluse en Flandres, entre le Roy d'Angleterre
& les François.*

CHAPITRE. LI.

Nous

Nous nous traïrons à parler du Duc de Normandie & du Comte de Haynaut, & dirons du Roy d'Angleterre: qui f'estoit mis en mer pour arriuer en Flandres, & puis venu en Haynaut pour guerroyer les François. Ce fut le iour deuant la saint Iehan Baptiste l'an mil cccc. xl. Si f'estoit toute sa naue partie du haure de la Tamise, & f'é venoit droitement à l'Escluse: & adonc se tenoit entre Blanqueberque & l'Escluse, sur la mer, messire Hue Kyriel, messire Pierre Bahuchet, & Barbe-noire, & plus de six vingts gros vaisseaux, sans les† hanguelos: & estoient bien Normans, Bidaux, Généuois, & Picars, environ quarante mille: & estoient là entrez & arrestez, du cōmandement du Roy de France, pour attendre la reuenue du Roy d'Angleterre, si luy vouloient deffendre le passage. Le Roy d'Angleterre & les siens (qui venoient singlant) veirent deuant l'Escluse si grande quantité de vaisseaux, que des maz sembloit droitement vn bois. Si demāda le Roy au patron de sa naue, quelles gens ee pouuoïēt estre: & il respondit qu'il cuidoit que ce fust l'armée des Normans, que le Roy de France tenoit sur mer: qui plusieurs fois luy auoient fait moult grand dommage, & ars la bonne ville de Hantonne, & conquis Chiristofle, son grand vaisfel. Lors respondit le Roy. l'ay de long temps desiré que ie les peusse cōbatre, si les cōbattons, fil plaist à Dieu & à S. George, car vrayement ils m'ōt fait tant de contrarietez, que i'en vueil prendre la vengeance, se i'y puis aduenir. Lors fit le Roy ordōner tous ses vaisseaux, & meit tous les plus forts deuant, & meit frōtiere, à tous les costez, de ses Archers: & entre deux nefes de ses Archers en auoit vne de Gens-d'armes: & encores fit il vne autre bataille sur costiere, toute pleine d'Archers, pour tecōforter les plus lassez, se mestier en estoit. Là auoit grand' foison de Cōteffes, de Barōnesses, Cheualereffes, & de Bourgeoises: qui venoïēt veoir la Royne d'Angleterre à Gand. Ces Dames fit le Roy d'Angleterre songneusemēt garder à trois cēs Hōmes-d'armes & cinq cens Archers. Quand le Roy d'Angleterre & ses Marefchaux eurent ordonnē leurs batailles & leurs nauïres sagement, ils firent tendre leurs voiles contremont: & vindrent au vent de quartier, pour auoir l'auantage du soleil: qui en venant leur venoit au visage. Si s'aduiserēt que ce leur pouuoit & pourroit trop nuire, si se detirerent vn petit, & tournerent tant qu'ils eurent le vent à volonté. Les Normans (qui les veoient biē tourner) s'ēmerueillerent pourquoy ils le faisoient: & disoient qu'ils† ressoignoient à reculer car ils ne sont pas gens pour nous. Bien veoient entre eux Normans, par les bannieres, que le Roy d'Angleterre y estoit personnellement, si meirent les vaisseaux en bon estat: car ils estoient sages en mer, & bons cōbattans: & ordonnerent Christofle le grād vaisfel (que conquis auoient sur les Anglois l'année de deuant) & grand' foison de trompettes & d'autres instrumens: & s'en vindrent requerre leurs ennemis. Là commença la bataille dure & fiere des deux costez. Archers & Arbalestiers cōmencerent à traire roidement l'vn contre l'autre: & Gens-d'armes approcherent, & cōbattirent main à main asprement: & pour mieux aduenir les vns aux autres, ils auoient gros croqs & hauets de fer, tenās à chaines, si les gettoïēt es nefes l'vn dedans l'autre, & les attachoiēt en fēble. Là eut mainte appertise d'armes faite, & mainte luite, prinse, & rescousse. Là fut Christofle le grād vaisseau,† formēt, du cōmencement, reconquis des Anglois, & tous ceux morts ou prins qui le gardoit: & lors y eut grād' huée & noise: & aprocherent moult fort les Anglois: qui pourueurent incontīnēt Christofle d'Archers: qui firent passer tout deuant & cōbatre aux Généuois. Ceste bataille, dont ie vous parle, fut moult felonnie & terrible, car les batailles & assaux sur mer sont plus durs & plus fors que par terre, car là on ne peut reculer, ne fuir: ains se faut vendre & cōbatre, & attendre l'auenture, & chacū endroit soy, monstrier son hardemēt & sa prouesse. Bien est vray que messire Hue Kyriel estoit bon & hardi, & aussi messire Bahuchet, &† Barbe-noire. Si dura la bataille & pestilence depuis prime iusques à nōne: & conuint les Anglois endurer grād' peine, car leurs ennemis estoïēt quatre cōtre vn, & toutes gens de fait & de mer. Là fut le Roy Anglois de sa main bō cheualier (car il estoit en la fleur de sa ieunesse) & aussi furēt le Cōte d'Erby & de Pennebroth, de Herford, de Hostidonne de Norhantōne & de Clocestre, messire Regnaud de Gobeghen, messire Richard d'Estanfort, le Sire de Percy, messire Gautier de Manny, messire Henry de Flandres, messire Iehan de Beauchamp, le Sire de Felleton, le Seigneur de Brasseton, mēsire Chandos, le Sire de la Vare, le Seigneur de Mil-lebon, & messire Robert d'Artois (qui s'appelloit le Comte de Richemont, & estoit delez le Roy en bōne étoffe) & plusieurs autres Barons & Cheualiers: qui si vaillamment sy portèrent, parmi vn secours de Bruges & du pays voisin, qui leur suruint, qu'ils obtin-

Le iour & an de la bataille de l'Escluse en Flandres.

† Le mesuis fort enquis de tels vaisseaux: mais ie n'en ai peu riē entendre au vray. Toutesfois on voit bien que l'auteur les prend pour les petis, l'Abregé de sala les nōme Hotrobos, & celui de la Chaux Hocquebos.

† Comme si les Normans eussent ainsi dit. Ils ont paeur puis que ils reculent: & aussi ne sont ils pas gens pour nous: c'est à dire assez forts.

† C'est à dire presque, venant de feré Latin.

† Il le nomme tousiours ainsi: mais quelques autres l'appellent Barbeuaire, comme fait aussi en sa Cronique vniuerselle Gionā Villani, & la Cronique de Flandres avec.

*Victoire aux
Anglois.*

drent la place & l'eau: & furent les Normans, & tous les autres François, déconfits, morts, & noyez: & oncques pié n'en échappa, que tous ne fussent mis à mort. Quand ceste victoire fut ainsi aduenue au Roy Anglois, il demoura toute celle nuit (qui fut la vigile saint Iehan Baptiste) sur mer, en ses naues, deuant l'Escluse, en grand bruit & noise de trompettes & d'autres manieres d'instrumens. Là le vindrent veoir ceux de Flandres: qui estoient informez de sa besongne & venue. Si demanda le Roy, aux Bourgeois de Bruges, de Iaquemart d'Arteuelle: & ceux luy respondirent qu'il estoit en vne semonse du Comte de Haynaut, contre le Duc de Normandie, à bien plus de soixante mille Flamens. Quand vint au lendemain, le iour saint Iehan, le Roy & toutes ses gens prirent port & terre: & se mit le Roy tout à pié, à grande foison de Cheualerie: & vindrent en cest estat en pelerinage à Nostre-Dame d'Ardembourg: & là ouit le Roy messe, & y disna, puis monta à cheual: & vint ce iour à Gand: ou la Roynes, sa femme, estoit: qui le receut à grande ioye, & toutes les gens du Roy, & tout le harnois, s'en vindrent celle part ou le Roy estoit, petit à petit. Ledit Roy d'Angleterre auoit escrit sa venue à ceux qui estoient dedans Thin-l'Èuesque contre les François. Si tost qu'ils sceurent qu'il fut arriué, & qu'il auoit déconfit les Normans, ils se délogerent: & donna le Comte de Haynaut congé à toutes manieres de gens, lesquels estoient venus à sa priere: excepté aux Seigneurs, qu'il amena à Valenciennes. Si les festoya & honora grâdemét, & par especial le Duc de Brabant, & Iaquemart d'Arteuelle: & proposa ledit d'Arteuelle, & dit emmy le marché, presens tous les Seigneurs & ceux qui le voulurent ouir, & remonstra quel droit le Roy d'Angleterre auoit à la couronne de France, & aussi quelle puissance les trois pays auoient (c'est assauoir Flandres, Haynaut, & Brabant) quand ils estoient d'une alliance: & fit tant adonc, par ses parolles & par son grand sens, que toutes manieres de gens, qui l'ouirent ou entendirent, dirent qu'il auoit noblement bien parlé, & par grande experience: & en fut de tous moult loué & prisé: & dirét qu'il estoit bien digne de gouuerner & exercer la Comté de Flandres. Apres ce se departirent les Seigneurs: & ordonnerent dedans huit iours à estre à Gand, & y veoir le Roy: qui les festoya grandement, & aussi fit la Roynes: qui nouuellement estoit releuée d'un fils, appelé Iehan: qui fut depuis Duc de Lenclastre, de par sa femme, fille au Duc Henry de Lenclastre. Adonc fut assigné un iour de parlement, à estre à Villenort.

*Les François
se leuēt du sie-
ge de Thin l'E-
uesque.*

*Iehan, fils du
Roy d'Angle-
terre nouveau-
né.*

*Comment le Roy Robert de Cecille meit peine de pacifier les Roys de France &
d'Angleterre.*

CHAP. LII.

Quand le Roy Philippe de France sceut la déconfiture de son armée sur mer, il se délogea, & retrahit vers Arras, & donna congé à vne partie de ses gens, iusques à tant qu'il auroit eu autres nouuelles. Mais il enuoya messire Godemar de Fay à Tournay, pour les aduiser des besongnes, & penser que la cité fust bié pourueue, car il se doutoit plus des Flamens que d'autres gens: & mit le Seigneur de Beauieu en Mortaigne, pour faire frontiere aux Hainuyers: & enuoya grande foison de Gens-d'armes à Saint-Omer, & à Aire, & à Saint-Venant: & pourueut suffisamment tout le pays, sur les frontieres de Flandres. En ce temps regnoit un Roy de Cecille: qui s'appelloit Robert: qui auoit renommée d'estre tresgrand Astronomen: & deffendoit, en ce qu'il pouuoit, au Roy de France, & à son Conseil, que point ne se cōbattist au Roy Anglois, car le Roy Anglois deuoit estre trop fortuné en toutes ses besongnes, & eust volotiers veu ledit Roy Robert qu'on eust lesdits deux Roys mis à accord & à fin de leur guerre, car il aimoit tant la couronne de France, qu'enuis eust veu sa desolation. Si estoit venu ledit Roy en Auignon, deuers le Pape Clement & le College: & leur auoit remonstré les perils qui pouuoient aduenir en France, par le fait de la guerre des deux Rois. Encores les prioit qu'ils se voufissent embesongner d'eux appaiser, pourtant qu'il les veoit si émeus en grâde guerre, ou nul n'alloit au deuant, dequoy le Pape & les Cardinaux respondirent que ils y entendroient volontiers, mais que les deux Roys les voufissent ouir.

*Le Roy Robert
de Cecille en
Auignon.*

Du parlement que le Roy d'Angleterre & ses alliez tindrent à Villenort.

CHAPITRE LIII.

À Ce parlement (qui fut à Villenort) furent les Seigneurs, qui s'enfuyuent. Le Roy d'Angleterre, le Duc de Brabant, le Comte de Haynaut, son oncle, le Duc de Guerles, le Comte de Iuliers, le Marquis de Blanquebourg, le Marquis de Nuffe, le Comte de Mons, messire Robert d'Artois, le Sire de Fauquemont, messire Guillaume de Du-

Dunort, le Comte de Namur, Iaquemart d'Arteuelle, & grâd' foison d'autres Seigneurs & de toutes les bonnes villes de Flandres, de Haynaut, & de Brabant trois ou quatre hōmes, par maniere de conseil. Là accorderent les trois pays de Flandres, de Brabant, & Haynaut, qu'ils feroient, de ce iour en auant, aydans & confortans l'un l'autre en tous cas: & fallierent, par certaines cōuenances, que, se l'un des trois pays auoit à faire cōtre qui que ce fust, les deux autres le deuoient aider: & fil aduenoit qu'ils fussent en discord n'en guerre ou temps aduenir les deux ensemble, le tiers y deuoit mettre bon accord: & fil n'estoit assez fort pour ce faire, il se deuoit traire par deuers le Roy d'Angleterre: en la main duquel ces conuenances estoient dites & iurées à tenir fermes & estables: qui comme ressort les deuoit appaïser. Et, par confirmation d'amour & d'amitié, ils ordonnerent † faire vne loy, qui auroit cours es trois pays, que l'on appelloit compaignons ou alliez. Et la fut regardé qu'environ la Madaleine le Roy Anglois se mouueroit, & viendrait mettre le siege deuant Tournay: & là deuoient estre tous les Seigneurs dessus-nōmez, ensemble le mandement des Cheualiers & Escuyers, avec le pouuoir des bonnes villes. Si se partirent sur cel estat, & se retirerent en leurs pays, pour eux appareiller bien & suffisamment.

Comment le Roy d'Angleterre assiegea la cité de Tournay, à grand puissance.

CHAP. LIIII.

OR sceut le Roy Philippe, assez tost apres le departement de ces Seigneurs qui auoient esté à Villenort, la plus grande partie de l'ordonnance de ce parlement. Si enuoya en la cité de Tournay droite fleur de cheualerie, le Comte d'Eu, † Connestable de France, le ieune Comte de Guines son fils, le Comte de Foix & ses freres, le Comte Aimery de Narbonne, messire Aimer de Poictiers, messire Geoffroy de Chagny, messire Girard de Monfaucon, ses deux Mareschaux, Monseigneur Robert Bertrand, & messire Matthieu de Troye, Monseigneur de Caieux, le Seneschal de Poictou, le Sire de Chastillon, & messire Jehan de Landas: lesquels auoient avecques eux Cheualiers & Escuyers preux en armes. Si vindrent à Tournay, & y trouuerent messire Godemar du Fay: qui au deuant y auoit esté enuoyé. Tantost apres regarderent aux pourueances de la ville, tant en viures qu'en artillerie: & y firent amener, du pays voisin, grande foison de blez & auoines, & autres pourueances. Or retournons au Roy d'Angleterre. Quand le terme deut approcher, que luy & les Seigneurs ses alliez se deuoient trouuer deuant Tournay, & que les blez commencerent à meurir, il se partit de Gand, avec sept Comtes de son pays, huit Prelats, xxviiij. bannerets, deux cens Cheualiers, quatre mille Hommes-d'armes, & neuf mil Archers, sans la pietaille: & passa, à tout son ost, parmy la ville d'Audenarde: & puis passa la riuere de l'Escaut, & vint loger deuant Tournay, à la porte qu'on dit Saint-Martin, au chemin de l'Isle & de Douay. Tantost. Apres vint le Duc de Brabant, à plus de vingt mille hommes, Cheualiers & Escuyers, & là communauté des bonnes villes. Si se logerent Brabançons au Pont-aries, contreal l'Escaut, mouuās de l'Abbaye saint Nicolas, reuenant vers les prez & la porte Valentinoise. Apres estoit le Côte de Haynaut, avec belle cheualerie de son pays: & auoit foison de † Holādois & Zelandois: qui le gardoient de prez, & seruoient ainsi comme leur Seigneur. Et fut le Comte logé entre le Roy d'Angleterre & le Duc de Brabant. Apres vint Iaquemart d'Arteuelle à plus de quarante mil Flamens, sans ceux d'Ipre & de Propigné, de Cassel & de Bergues: qui estoient enuoyez d'autre part, si comme vous orrez cy apres: & estoit Iagues d'Arteuelle à la porte Sainte-fontaine, d'une part de l'Escaut, pour aller & venir à leur aise. Le Duc de Guerles, le Comte de Iuliers, le Marquis de Blāquebourg, le Marquis de † Muffe, le Comte de Mons, le Comte de Sauines, le Sire de Fauquemont, messire Arnoul de Baquehen, & tous les Allemans, estoient logez d'autre part, deuers Haynaut, l'un ost & l'autre: & ainsi estoit la cité de Tournay environnée de tous costez: & pouuoient aller & cheuaucher d'un ost en l'autre: ne nul ne pouuoit entrer, partir, n'issir, que ce ne fust par congé, & qu'il ne fust veu de l'ost, de quelque costé que ce fust.

Comment le Comte de Haynaut destruisit les villes de Seclin & d'Orchies.

CHAP. LV.

LE siege fait, & arresté deuant la cité de Tournay, dura longuement. Si estoit l'ost de ceux de dehors bien pourueu de viures, & à bon marché, car ils leur venoient de tous costez. Le Comte de Haynaut se partit de l'ost vne matinée, à bien cinq cens

Alliance entre Flandres, Brabant, & Haynaut.

† L'Abregé de sala dit icy. Et fit adonc le roy Edouard forger monnoye: quieut cours, &c. A quoy l'autre cōsent, presque en mesmes mots: tellement

que pour vne loy, ie liroye volontiers vn aloy

† La fin du ch.

71. me fait remettre ces trois mots, apres le

Comte d'Eu combien qu'ils

fussent icy apres son fils,

par transpositio, en tous les

Exempl. & mesmement es

Abregéz. Frāçois.

L'armee du roy Edouard assiegeant Tournay

† Les ancies v-sent souuent de telle maniere de parler, sans y mettre de.

† Il a souuent mis Nulle: que ie pense estre Nuls, pres Coulōgne sur le Rin. Ferrard dit icy

Nulle, & les Abregés semblablement.

† Il faut (peut estre) lire tourmens, comme les Latins nōment tels engins tormēta L'Abregé de la Chaux dit atournemēs

Course de ceux de Saint-Amand. François sur le pays de Haynant.

† Il a desia vſé vne fois de ce mot, & en vſera ſouuent cy apres: mais ie ne vous en puis dire la propre ſignification.

† Entendez d'Eſcoce.

Lances, & passa deſſous l'Isle, ſi ardit la bonne ville de Seclin, & foison de villages là en uiron: & coururent ſes coureurs iuſques es fauxbourgs de Lens en Artois. Apres ceſte cheuauchée le Comte ſe meit ſur vn autre chemin, & cheuaucha deuers la bonne ville d'Orchies, ſi fut prinſe & arſe (car elle n'eſtoit point fermee) & Landas & Licelle, & pluſieurs autres bonnes villes là entour: & coururent tout le pays (ou ils eurent treſgrand pillage) & puis reuindrent arriere deuant Tournay, au ſiege. D'autre part les Flamens aſſaillirent ſouuent ceux de Tournay: & auoient fait neſs ſur l'Eſcaut, beffrois, & † tournemens d'affaux. Si venoient hurter & écaroucher, preſque tous les iours, à ceux de Tournay, ſi auoit ſouuent de naurez des vns & des autres: & ſe mettoient les Flamens en grande peine de conquerre & dommager Tournay. Entre les autres affaux en firent vn, qui dura vn iour tout entier. Là eut mainte grande appertiſe faite, car tous les Seigneurs & Cheualiers, qui en Tournay eſtoient, furent en celuy aſſaut: qui eſtoit fait en neſs & en vaiſſeaux à ce appareillez de long temps, pour ouurir & rompre les barrières à la poterne de l'Arche: mais elles furent ſi bien deffendues, que les Flamens n'y conquerent riens (ainçois perdirēt vne neſ toute chargée de gens: ou il y auoit plus de fix vings qui furent noyez) & retournerent au ſoir tous trauaillez. Ce ſiege durant iſſirent hors, vne matinée, les ſoudoyers de Saint-Amand (qui eſtoient grand foison) & vindrent à Hanon (qui ſe tenoit de Haynaut) & ardirent la ville, & violerent l'Abbaye, & deſtruirēt le monſtier, & emporterent tout ce qu'ils peurent emporter, & l'amenerent à Saint-Amand. Aſſez toſt apres ſe departirent leſdits ſoudoyers, & paſſerent le bois de Saint-Amand, & vindrent iuſques à l'Abbaye de Vicongne, & firent vn grand feu deuant la porte pour l'ardoir. Quand l'Abbé de leans apperceut le peril, il ſe partit haſtiuement à cheual, & cheuaucha par derriere tout le bois couuertement, & vint moult haſtiuement à Valenciennes, ſi requiſt au Preuoſt qu'on luy vouſiſt preſter les Arbaleſtriers: & quand on les luy eut accordés, il les mena avec luy, & les fit paſſer par derriere Raimés, & les meit en ce bois, qui regarde vers Pourcelet & ſur la chauffée. Là commencerent à traire ſur ces † Bidaux & Généuois, qui eſtoient deuant la porte de Vicongne. Si toſt qu'ils ſentirent ſes ſaiettes qui leur venoient de dedans ce bois, ils furent tous effrayez, & ſe meirent au retour, à qui mieux mieux. Ainſi fut l'Abbaye ſauuée.

Comment les Eſcoçois reconquirent grande partie d'Eſcoce, au temps que le ſiege fut deuant Tournay.

CHAP. LVI.

Vous deuez ſauoir comment meſſire Guillaume Donglas (ſils du frere de meſſire Guillaume Dōglas, qui mourut en Eſpaigne) le Comte de Moray, le Comte Patris le Comte de Suthirland, meſſire Robert de Herſy, meſſire Simon Freſiel, & Alexandre de Rameſay, eſtoient demourez Capitaines du demeurant d'Eſcoce, & ſe tindrēt lōgue mēt en la foreſt de Gedeours, par Yuer & par Eſté, par l'eſpace de ſept ans & plus: & guerroyoient touſiours les villes & les fortereſſes, là ou le roy Edouard auoit mis ſes gēs & ſes garniſōs: & ſouuēt leur aduenoiēt de mout belles aduētures, & perilleuſes: deſſſiles ils ſe partirēt à grād hōneur. Si aduint, au tēps que le Roy Anglois eſtoit par deça, & eſtoit deuant Tournay, que le Roy de Frāce enuoia gēs en Eſcoce: qui arriuērēt en la ville de S. Iehan. Et prioit adōc le Roy de Frāce, aux deſſus-nōmez d'Eſcoce, qu'ils vouſiſſēt faire ſi grād' guerre ſur le Royaume d'Angleterre, qu'il cōueniſt que le Roy Anglois ſ'eallaſt outre, & défiſt ſon ſiege de deuant Tournay, & leur promit gēs en aide, & de ſon auoir. Si qu'en ce temps, que le ſiege fut deuant Tournay, ces Seigneurs d'Eſcoce ſe pourueurent & ſe partirent, à grās gens, de la foreſt de Gedeours, & allerent par toute Eſcoce, reconquerant les fortereſſes qu'ils peurēt auoir: & paſſerēt outre la bōne cité de VVaruich & la belle riuiere de Thin: & entrērēt au pays de Northōbelāde: qui iadis fut au † Royaume. Là trouuerent beſtes graſſes, à grād' foison, ſi gaſterent tout le pays, & ardirent iuſques à la cité de Durem, & aſſez outre. Puis ſ'en retournerent par vn autre chemin, deſtruiſāt le pays: ſi que ils exilerent bien, à celle cheuauchée, trois iournées de long, du pays du Roy Anglois, puis rentrerent au pays d'Eſcoce, & reconquirēt toutes fortereſſes que le Roy Anglois tenoit, hors mis la bonne cité de VVaruich, & trois autres chaſteaux: qui leur faiſoyent trop grand ennuy, & ſont ſi forts, qu'à peine en pourroit on trouuer nuls ſi forts en nul pays. On appelle l'vn Strumelin, l'autre Roſebourg, & le tiers eſt le ſouuerain d'Eſcoce, Haindebourg: le quel ſied ſur vne haute roche: parquoy l'ō en voit tout le païs d'environ: & eſt la montagne ſi roide, qu'à peine y peut nul hōe mōter, ſans repoſer deux

deux fois ou trois. Si en estoit Chastellain messire Gautier Limosin: qui si vaillamment tint Thin-l'Euêque contre François. Or aduint que messire Guillaume de Donglas fau-
uifa d'un grand fait, & s'en decouurit à ses compagnons, au Comte Patris, à messire Robert, à Fresiel (qui auoit esté gardien du Roy Dauid d'Eſcoce) & à Alexandre de Ra-
mesay: qui tous sy accorderent. Si prindrent bien deux cens Lances de ces Eſcocois-
sauuages, & entrerēt en mer, & firent pourueace d'auoine, de blanche farine, de charbō
& de feurre, puis arriuerent paisiblement à vn port: qui estoit pres de ce fort chasteſt de
Haindebourg: qui leur reſtraignoit plus que tous les autres. Quand ils furent armez,
ils iſſirent hors par nuit, & prindrent dix ou douze des compagnons en qui ils se con-
fioient le plus, & se vestirent de pures cotes déchirées, & de pures chapeaux, en gui-
se de pures marchans: & chargerent douze petits cheualets de douze ſacs. les vns em-
plis d'auoine, les autres de farine, & les autres de charbon: & puis enuoyerent leurs com-
pagnons embuſcher en vne Abbaye deſtruite & gaſtée: là ou nul ne demouroit, & e-
ſtoit aſſez pres du pié de la montaigne, là ou le chasteſt ſeoit. Quand il fut iour, ces mar-
chans (qui couuertement estoient armez, se meirent au chemin vers le chasteſt, à tout
leurs cheuaux chargez, au mieux qu'ils peurent. Lors, quād ce vint au milieu de la mon-
taigne, ledit messire Guillaume de Donglas & messire Simon Fresiel allerent deuant, &
firent les autres venir tout bellement, & vindrent au portier, ſi luy dirent qu'ils auoient
là amené, en grande paour, blé & farine: & ſils en auoient beſoing, ils leur en ven-
droient volontiers & à bon marché. Le portier reſpondit qu'il luy en falloit pour la for-
tereſſe: mais il estoit ſi matin, qu'il n'oſeroit éveiller le Seigneur de leans, ne le Maistre-
d'hoſtel: mais feiſſent venir auant tout: & il leur ouueroit la porte. Adonc firent paſſer
tout bellement les autres, avec leurs charges: & entrerent tous en la porte des bailles:
qui leur fut ouuerte. Messire Guillaume de Donglas auoit veu que le portier auoit toutes
les grans clefs de la grand' porte du chasteſt, & auoit couuertement demandé au portier
de laquelle il défermoit la porte, & de laquelle le guichet. Quand la premiere porte fut
ouuerte (comme vous auez ouy) ils meirent dedans les cheualets, & en déchargerent
deux (qui portoient les ſacs de charbon) droitement ſur le ſueil de la porte (à fin qu'on
ne la peuſt clorre) & puis prindrent le portier, & le tuerent, ſi paisiblement qu'on ne ſon-
na mot. Puis prindrent les clefs, & défermerent la porte du chasteſt, puis corna ledit mes-
ſire Guillaume vn cor: & getterent ſes compagnons leurs cotes déchirées ius, & renuer-
ſerent les autres ſacs au trauers de la porte: à fin qu'on ne la peuſt fermer. Quand les au-
tres compagnons (qui estoient embuſchez aſſez pres de là) ouirent le cor, ils ſaillirent
de l'embuſche, & coururent contremont la voye du chasteſt: & adonc la guette du cha-
ſteſt (qui dormoit) ſ'éueillā au ſon du cor, ſi veit ces gens mōter haſtiuement tous armez.
Lors commença moult fort à corner, tant qu'il peut, & à crier trahy, trahy, Seigneurs,
trahy, armez vous toſt, car veez cy Gens-d'armes, qui approchent de voſtre fortereſſe.
Adonc ſ'éueillèrent tous, & vindrent (quand ils furent armez) iuſques à la porte: mais
messire Guillaume & ſes douze compagnons deſſendirent que la porte ne fuſt fermée.
Lors multiplia grād hutin entre eux: & tindrēt ceux de dehors l'entrée par grāde prouef-
ſe, tant que ceux de l'embuſche furent venus: & touſiours ceux dedans deſſendoient le
chasteſt, tant qu'ils pouuoient: & y firent merueilles d'armes, & tuerent, & naurerent au-
cuns de ceux de dehors. Mais messire Guillaume & les Eſcocois firent tant qu'ils con-
quirent la fortereſſe: & furēt tous les Anglois morts, fors le Chastellain, & ſix Eſcuyers:
qui furēt prins à mercy. Si demorerēt leans les Eſcocois tout le iour. Puis y eſtabli-
rēt, pour Chastellain, vn Eſcuyer du pays, apellé Simon de Veſy, & avec luy pluſieurs hom-
mes du pays d'Eſcoce. Ces nouuelles vindrēt au roy d'Angleterre au ſiege de Tournay.

Du grand oſt que le Roy de France aſſembla, pour leuer le ſiege qui estoit deuant Tournay.

CHAPITRE LVII.

Vous auez bien ouy cy deſſus recorder comment le Roy d'Angleterre auoit aſſiegé
la cité de Tournay, & la trauailloit moult, car il auoit en ſon oſt plus de ſix vingts
mille Hommes-d'armes, à compter les Flamens: leſquels ſ'acquiterent bien de l'aſſail-
lir: & pource que les pourueances de la cité commencerent à amendrir, les Seigneurs
de Frāce, qui dedās estoient, firent vider toutes manieres de gēs pures, qui pourueuz
n'estoiet pour attēdre l'aduētūre: & les meirēt hors en plain iour: & paſſerēt parmy l'oſt
du Duc de Brabant: qui leur feit grace, car il les feit cōduire, à ſauuētē, outre l'oſt & iuſ-
qu'au Roy de Frāce: qui ſe tenoit à Arras, & ſy estoit toute la ſaiſon tenu, tādīs que ceux

† Parauant
Richard.

† Hector Boeth
luy donne d'au-
tres compai-
gnons. Pray eſt
qu'il ſuit para-
uant ſouuent
fois mention
d'un Robert
Kech (que ie
penſe eſtre ce
Robert de
Herſi) & de
Simon Fra-
ſeire: mais ie ne
le trouue point
en ceſte charge
de Gardien. Il
parle auſſi de
ceſt Alexādre
ſuiuant le ſur-
nommant Rā-
ſay, & un au-
tre Lindeſay
que ie penſe e-
ſtre l'Alexan-
dre du commē-
cement de ce
cha. lequel no-
uons corrigē,
quant à ces pro-
pres noms &
ſurnoms, ſelon
Boeth & l'A-
bregé de la
Chaux.

Surpriſe de
Haindebourg
ſur les Anglois
par les Eſcocois

† La Mer des
Hist. dit Mon
thelien, et l'a
bregé de la
Chaux Mont
beliard cōme
ie faisoie.

† C'est à dire
en bon équi
page, par l'ar
gent que le
Roy de Fran
ce luy faisoit
deliurer
pour son en
tretien.

de Tournay estoient moult contrains, & qu'ils auoient grand mestier d'estre confortez Si fit vn treisgrand mandement parmi son Royaume, & aussi vne grande partie dedans l'Empire: tant qu'il eut le Roy Charles de Behaigne, le Duc de Lorraine, le Comte de Bar, l'Euesque de Mets, l'Euesque de Verdun, le Comte de † Montbelien, messire Iehan de Chaalon, le Comte de Genesue, le Comte de Sauoye, & Monseigneur Louis de Sauoye, son frere. Tous ces Seigneurs vindrent seruir le Roy de France, à tout ce qu'ils peurent auoir de gens. D'autre part vindrent le Duc de Bretagne, le Duc de Bourbon, le Comte d'Alençō, le Comte de Flandres, le Comte de Forest, le Comte d'Armignac, le Comte de Blois, messire Charles de Blois, le Comte de Harecourt, le Comte de Dâp martin, le Sire de Coucy, & moult d'autres Seigneurs & Barons. Apres y vint le Roy de Nauarre, à tout foison de Gens-d'armes du pays & de la terre qu'il tenoit en France (dōt il estoit homme du Roy) & si y estoit le Roy d'Escoce à la † deliurance du Roy de France à belle route de Gens-d'armes.

Comment ceux de la garnison de Bouchain déconfirent plusieurs soudoyers de Mortaigne, deuant la ville de Condé.

CHAP. LVIII.

QVand tous ces Seigneurs dessus-nommez & plusieurs autres furent venus à Arras deuers le Roy de France, il semeut, & vint à vne petite riuere, qui est à trois lieues pres de Tournay: laquelle est mout parfonde, & enuironnée de si grans marests, qu'on ne la pouuoit passer, sinon parmi vn petit chemin, si estroit, qu'un homme à cheual seroit assez empesché de passer outre, ne deux hommes ne s'y pourroyēt gouverner l'un de coste l'autre. Et se logea le Roy, & tout son ost, sur les champs, sans passer la riuere, car ils n'eussent peu. Le lendemain le; osts demourerent tous coys. Les Seigneurs qui estoient au pres du Roy, eurent conseil comment ils pourroyent faire ponts, pour passer celle riuere & les croulieres, plus aise & plus seurement. Si furent enuoyez aucuns cheualiers & ouuriers pour regarder le passage: mais, quand ils eurent tout aduisé, ils regarderent qu'ils perdroient le temps: & rapporterent au Roy qu'il n'y auoit point de passage, fors que par le Pont-de-Cressin tant seulement. Si demoura la chose en ce-luy estat, & se logerent les Seigneurs, chacun par luy, entre ses gens. Les nouvelles s'epandirent, par tout, que le Roy de France s'estoit logé au Pont-de-Cressin & entre le Pont-de-Bonnes, en entente de combattre ses ennemis: si que toutes manieres de gens d'honneur, qui desiroient auancer leur corps, se tirerent celle part, tant d'un costé que d'autre. Or aduint que trois Cheualiers Allemans, qui se tenoient en la garnison du Bouchain, furent informez que les deux Roys approchoient, & qu'on supposoit bien qu'ils se combattroient, dequoy les deux prièrent tant à leur compaignon qu'il s'accorda à ce qu'il demouroit, & les autres iroient deuant Tournay, querre les aduétures: & garderoit la forteresse bien & songneusement, iusques à leur retour. Si se partirent les deux cheualiers (dont on nommoit l'un messire Courrat d'Astra, l'autre messire Courrat de Lancenuch) & cheuaucherent tant qu'ils vindrent deuant Estâpons, dessus Valenciennes, car ils vouloient passer l'Escaut, à Condé. Si ouirent, entre Fresnes & Estâpons, grâd effroy de gens, & en veirent plusieurs fuians: dōt brocherēt ils leurs cheuaux celle part, & leur route. Si pouuoient estre enuiron xxv. Lâces. Lors encōtrerēt les premiers qui fuyoiēt, & leur demanderent qu'il leur failloit, ne qui leur estoit adueni. En nō Dieu Seigneurs (ce respondirent les fuyans) les soudoyers de Mortaigne sont issus, & ont cueilly grand proye cy entour, qu'ils emmeinēt deuers leur forteresse, & avec ce plusieurs prisonniers de ce pays. Lors respondirent les cōpagnōs Allemans. Et nous sauriez vous mener celle part ou ils vont? ils dirent ouy. Lors se meirent les Allemans en chasse apres les François de Mortaigne, & suyirent les bons hōmes (qui leur monstrent voye parmi les bois) & auancerent les dessusdits François assez pres de Nostre-Dame-au-bois: & estoient bien les François fix vingts soudoyers, & amenoiēt deuant eux deux cens grosses bestes, & aucuns payfās prisonniers: & estoit leur Capitaine, de par le Sire de Beauieu, vn cheualier de Bourgogne, apellé Iehan de Frelais. Si tost que les Allemans les veirent, ils les escrierēt fieremēt, & se bouterent de grâd radō cōtre eux: & là eut bon hutin & dur, car le cheualier Bourguignon se meit en deffense bien & hardiment, & les aucuns de sa route, nō pas tous. Car il y eut plusieurs Bidaux qui fuyoiēt: mais ils furent de si pres chassés des Allemans & des villaîs du pays (qui les fuioient aux plâçōs) que peu en échaperēt qu'ils ne fussēt morts & aterrez: & y fut messire Iehā de Frelais prins, & toute sa proye, recouffée & rendue

rendue aux hommes du pays: qui grand gré en sceurent aux Allemans. Depuis ces adventures s'en vindrent ces Allemans deuant Tournay: là ou ils furent les bien-venus.

*De la cheuauchee de messire Guillaume de Bailleul & messire Vauflart de la Croix,
au Pont-de-Cressin:*

CHAP. IIX.

A Ssez tost apres ce que le Roy de France s'en fut venu loger à ost au pont de † Bou-
Auines, se meit sur champs vne compaignie de Hainuyers faits par l'enhortement de † Parauant
Monseigneur Vauflart de la Croix: qui leur dit qu'il cognoissoit tout le pays, & qu'il Bonnes.
les ameneroit bien en tel lieu, sur l'ost du Roy de France, ou ils gaigneroient. Si se parti-
rent pour faire aucun beau fait-d'armes, vne iournée, enuiron six vingts compaignons,
Cheualiers & Escuyers, tous pour l'amour l'un de l'autre: & cheuaucherent deuers le
Pont-de-Cressin: & firent Monseigneur de Bailleul leur Chef: & à sa banniere se deuoient
tous rallier. Ceste matinée mesme cheuauchoient les Liegeois: dont messire Robert de
Bailleul, frere germain audit messire Guillaume de Bailleul, estoit Chef de par les Lie-
geois: car adonc il estoit commis à ce faire, & faire le deuot, avec l'Euesque du Liege & L'ost du Roy de
sa route. Si auoient les Liegeois passé le Pont-à-Cressin, & estoient en fourrage pour Boême, parti-
leurs cheuaux, & pour veoir aussi s'ils trouueroient nulle aduéture, ou ils peussent profi- san de France,
ter. Les Hainuyers cheuaucherent celle matinée, que nulle rencontre ne trouuerent (car assailli par quel-
il faisoit si grand bruine, qu'on ne pouuoit veoir vne lance de terre loing) & passerent le ques Hai-
pont. Quand tous furent outre, ils ordonnerent que messire Guillaume de Bailleul nuyers, parti-
& sa banniere demourroit au pont, & messire Vauflart, messire Raset de Monceaux, sans d'Angle-
& messire Jehan de Verchin, courroient deuant: & cheuaucherent si auant, qu'ils s'em- terre.
batirent en l'ost du Roy de Behaigne & de l'Euesque du Liege: qui assez pres du
pont estoient logez. Et auoit fait la nuit le guet, en l'ost du Roy de Behaigne, le Sei-
gneur de Rodemach: & ia estoit sur son departement, quand les coureurs Hay-
nuyers vindrēt. Si leur faillirēt audeuant hardiemēt, quand ils les veirent venir: & aussi
les Liegeois rebouterent les Coureurs grandemēt. Là eut adonc grand cōflict: car Hai-
nuyers s'éprouuerent moult vaillamment. Toutesfois pour reuenir à leur banniere, ils
se meirent deuers le pont, & Liegeois & Luxembourfins apres eux. Là eut grand ba-
taille: & fut conseillē à messire Guillaume de Bailleul, qu'il rapassast le pont avec sa ban- † Entendez
nieres: † car ils auoient encores de leurs compaignons. Et rapasserent les Hainuyers au qu'ils auoient
mieux qu'ils peurent: & au passer y eut mainte belle appertise d'armes faite, mainte prin- de leurs cōpai-
se, & mainte recousse. Si aduint que messire Vauflart ne peut rapasser le pont. Lors se gnons à l'autre
sauua au mieux qu'il peut: car il issit de la presse, & prit vn chemin qu'il cognoissoit as- costé: auquel ils
sez, & se vint bouter es marests, entre ronces & croulieres: & se tint la vn grand temps: vouloient re-
& les autres tousiours se combattirent. † Lesquels Liegeois & Luxembourfins auoient passer.
ia rué ius messire Guillaume de Bailleul. A ces coups vindrent ceux de la route messire † Il faudroit
Robert de Bailleul: qui venoient de courir. Quand ils ouyrēt le hutin, ils se tirerent celle possible ainsi li
part: & fit messire Robert de Bailleul tout deuant aller sa banniere: (que portoit vn Es- re, se comba-
cuyer, appelé Iaques de Forfine) en écriant Moriennes. Les Haynuyers (qui ia estoient tirent avec
échauffez) apperceurent la banniere de Moriennes (qui encores estoit toute droite) si les Liegeois
cuidèrent que ce fust la leur, ou ils se deuroient r'adreces: car moult petit y auoit de dis- & Luxem-
ference de l'un à l'autre: car les armes de Moriennes sont barres cōtrebarres, à deux che- bourfins: qui
uons de gueules: & le cheuron de messire Robert auoit vne petite croisettes d'or. Si ne auoient ia
l'aduiferent mie biē les Hainuyers: ains se vindrēt bouter de fait deffous la banniere de rué sus mes-
messire Robert, si furent moult fierement receus & reboutez, & tous déconfits. Si fu- † Abregez, n'en
rent morts de leur costé le hā de Vargny, Mōseigneur Gautier du Pōt-de-l'Arche, mes- particularisent
sire Guillaume de Pipempoix, & plusieurs Escuyers & Hommes-d'armes, & puis messi- rien.
re Jehan de Soire, messire Daniel de Bleze, messire Race de Monceaux, messire Louis Les Hainuyers
Dampelu, & plusieurs autres. Et retourna messire Guillaume de Bailleul au mieux qu'il de Guillaume
peut lequel se sauua: mais il perdit assēs des siēs. D'autre part messire Vauflart de la Croix de Bailleul dé-
qui s'estoit bouté entre marests & roseaux: ou il se tenoit, & sy cuidoit tenir iusques à la confits par son
nuit) fut apperceu d'aucuns compaignons, qui cheuauchoient sur les marests. Si firent propre frere.
si grand noise, & si grand bruit, que messire Vauflart issit, & se vint rendre à eux. Ceux le
prindrent, & l'amenerent en l'ost, & le liurerent à leur maistre: lequel le tint vn iour tout
entier en son logis, & l'eust volontiers sauué par pitié (car bien sauoit qu'il estoit prins
sur sa teste) mais les nouuelles en vindrent au Roy de France: si en vouloit auoir la co-

gnoissance. Si luy fut rendu messire Vauflart: & le Roy l'enuoya à ceux de l'Isle: auxquels il auoit porté moult de dommages: & pource le firent ils mourir depuis en leur ville, ne oncques n'en voulurent auoir nulle mercy, ne nulle rançon.

Comment le Comte de Haynaut assaillit la forteresse de Mortaigne en Picardie, par diuerses guises.

CHAP. LX.

† C'est à dire, craint des Hainuyers pour l'escour les & assaux qu'il faisoit sur eux, ou bien s'estoit douté de ces assaux qu'on luy donna.

† C'est à dire, armez, ou bien faut lire habillez, ainsi que veut aussi l'Exemple de Verard.

DE la venue messire Robert de Bailleul (qui auoit rué ius les Hainuyers) fut le Roy de France moult ioyeux. Or aduint, assez tost apres, que le Comte de Haynaut, messire Jehan son oncle, le Seneschal de Haynaut, & bien fix cens Lances, Hainuyers & Allemans, se departirent du siege de Tournay: & manda le Comte, à ceux de Valenciennes, qu'ils veinssent d'autre part, & se meüssent entre l'Echarpe & l'Escaut, pour assaillir la ville de Mortaigne: lesquels vindrent en grand arroy, & firent charrier & amener grans engins, pour getter en la ville. Or vous dy que le Sire de Beauieu (qui estoit dedans, & Capitaine de Mortaigne, & moult estoit † douté de ses assaux pourtant que Mortaigne fied pres de l'Escaut & de Haynaut, comme de tous costez) auoit faict piloter ladite riuere de l'Escaut: à fin qu'on n'y peust nauiger: & si pouuoit auoir, par droit compte, plus de douze cens pilots. Mais pourtant ne demoura mie que le Comte de Haynaut & les Hainuyers ne veinssent de l'un des costez, & les Valenciennes de l'autre. Si s'appareillerent, sans delay, d'assaillir: & firent ceux de Valenciennes tous leurs Arballestiers traire auant, & approcher les barrieres: mais il y auoit si grans trenchis de fossez, qu'ils n'y pouuoient aduenir. Lors s'aduiferent aucuns qu'ils passeroient l'Ecscharpe (comment qu'il fust) au deffous du Chasteau-l'Abbaye: & vindrét au lez, deuers saint Amand: & firent assaut à la porte, qui œuure deuers Maude. Si passerent outre ladite riuere, ainsi que proposé l'auoient: & furent bien quatre cens tous † habillez & le giers. Ainsi fut Mortaigne enuironnée à trois portes, des Haynuyers. Le plus foible de ses costez estoit deuers Maude: toutesfois il y faisoit fort assez. Celle part vint le Sire de Beauieu (car il sçauoit bien que d'autre part il n'auoit que faire) & tenoit vn glaiue roide, à vn fer bien acéré: & deffous ce fer auoit vn hauet agu: si que (quand il auoit lancé son coup, & il pouuoit ficher, en lançant le hauet, & tirer en fichant en plates ou en haubergeon, dont on estoit armé) il conuenoit qu'on s'en vensist, ou que l'on cheust en l'eau. Par ceste maniere en attrapa il le iour, & en noya plus de douze. Et fut à celle porte l'assaut plus grand que nulle part: & riens n'en sauoit le Comte de Haynaut qui estoit au lez, deuers Brisnel, tout rengé sur le riuage de l'Escaut. Et aduiferent là les Seigneurs, entre eux, voye & engin comment on pourroit tous les pilots, dont on auoit piloté l'Escaut, oster, & tirer hors par force ou par subtilité: parquoy on peust nager iufques aux murs. Si ordonnerent à faire en vne grosse nef vn engin, qui tous les tireroit l'un apres l'autre hors. Lors furent charpentiers mandez, & mis en œuure & ledit engin faict en vne nef. Ce iour mesmes ceux de Valenciennes leuerent vn tresbel engin à leur costé qui gettoit pierres dedans la ville & ou Chastel, & traualloit moult fort ceux de Mortaigne. Ainsi passerent ce premier iour, & la nuit ensuiuant en assaillant, aduisant, & deuissant comme ils pourroient greuer Mortaigne: & le lendemain se tirent à l'assaut de tous costez. Le tiers iour fut la nef toute ordonnée, & l'engin dedans, pour tirer hors tous les pilots. Lors commencerent à aller ceux qui s'en embesongnerent, au deffus du pilotis, & se prindrent à oster les pilots, dont il y auoit tant: mais tant de peine & de labeur eurent, ainçois qu'ils en peussent auoir vn, que les Seigneurs regarderent que iamais n'auroient fait: si commanderent à cesser cest ouurage. D'autre part il y auoit en Mortaigne vn Engigneur, tresbon maistre: qui considera l'engin de Valenciennes, & comment il greuoit leur forteresse: car il gettoit incessamment. Si leua au chastel vn engin (qui n'estoit mie moult grand) & l'attrempa bien & à point, & ne le fit getter que trois fois: dont la premiere pierre cheut à douze pas pres de l'engin de ceux de Valenciennes: la seconde au plus pres de la † huge: & la tierce pierre fut si bien appointée, qu'elle ferit l'engin parmi la fleche, & la rompit en deux moitez. Adonc fut grande la huée des soudoyers de Mortaigne. Ainsi furent les Hainuyers deux nuits & deux iours que riens ne conquerent. Si eurent le Comte & son oncle volonté d'eux retraire au siege de Tournay (si comme ils firent) & ceux de Valenciennes retournerent en leur ville, dont ils estoient.

† Côme l'engin nous est maintenant incognu aussi est-ce mot d'une des parties d'iceluy,

Comment

Comment le Comte de Haynaut print la ville de Saint Amand, durant le siege de Tournay.

CHAPITRE LXI.

Trois iours apres ce que le Comte de Haynaut fut reuenu de deuant Mortaigne, il fit vne priere aux cōpaignons, pour les amener deuant Sainct-Amand: car les plain-tes luy estoient venues que les soudoyers de Sainct-Amand auoient arse l'Abbaye de Hanon, & festoient mis en peine d'ardre Vicoigne, & auoient fait plusieurs despits aux frontieres de Haynaut. Si se partit le Comte du siege de Tournay, à bien trois mille cōbattans: & s'en vint deuant Sainct-Amand, au lez deuers Mortaigne: & n'estoit ladite ville de sainct-Amand fermée que de palis: & en estoit Capitaine vn Cheualier de Languedoc, appelé le Seneschal de Carcassonne: lequel auoit bien dit aux Moynes de l'Abbaye, & à ceux de la ville, qu'elle n'estoit mie tenable contre vn ost: non mie qu'il s'en voulist partir: ains la vouloit garder à son loyal pouoir: mais il le disoit par maniere de conseil. Ces parolles n'auoient mie esté creuës bien à point: toutesfois il auoit des lōg temps fait porter les ioyaux de l'Abbaye à Mortaigne, & là aller l'Abbé & tous les Moines: qui point n'estoient taillez d'eux deffendre. Ceux de Valenciennes (qui auoient esté mandez du Comte leur Seigneur, qu'ils fussent à vn certain iour deuant sainct-Amand, & il seroit à l'autre costé) vindrent bien douze mille combattans, & se logerent deuant Sainct-Amand: & firent armer tous les Arbalestiers, & tenir vers le pont de l'Escharpe. Là commencerent l'affaut fier & merueilleux: & en y eut plusieurs naurez de costé & d'atitre: & dura cest affaut tout le iour, que oncques ceux de Valenciennes n'y peurent riens forfaire: mais en y eut foison de morts & de blecez des leur: & leur disoient les Bidaux. Allez boire vostre godale, allez. Quand vint au soir, ceux de Valenciennes se retrahirent tous lassez, & moult émerueillez de ce qu'ils n'auoient ouy nulles nouuelles du Comte leur Seigneur. Si eurent conseil: & se délogerent & retrahirent deuers leur ville. Lendemain au matin, que ceux de Valenciennes se furent retraicts, le Comte de Haynaut se partit du siege de Tournay, & vint deuers S. Amand (cōme dit est) au lez deuers Mortaigne. Si se retrahit l'ost (si tost qu'il fut venu) & sa compaignie à l'affaut (qui fut moult grand & dur) & conquerent de premiere venue les bailles, & vindrent iusques à la porte, qui œuvre deuers Mortaigne. Là estoit tout deuant, à l'affaut, le Comte & son oncle: qui assailloient de grand courage, sans point épargner. Si furent tous deux recontréz de deux pierres, gettées d'amont: tant qu'ils eurent leurs bacinets effondrez, & les testes toutes estonnées. Adonc fût là vn, qui dit. Sire, en celuy endroit ne les aurions nous iamais: car la porte est forte, & la voye estroite: si cousteroit trop des vostres à conquerre: mais faictes apporter de gros merriens ouurez en maniere de pillots, & hurtez aux murs de l'Abbaye, nous vous certifions que de force on les pertuifera en plusieurs lieux: & se nous sommes en l'Abbaye, la ville est nostre: car il n'y a rien entre l'Abbaye & la ville. Donc commanda le Côte qu'on fist ainsi: car pour le mieux on luy conseilloit, pour le tost prendre. Siquist grans merriens de chesnes: qui furent tantost ouurez & aguisez deuant, & s'accompagnerent à vn Pilot vingt ou trente, & s'éueilloient, & puis boutoient de grand randon contre le mur, & tant vertueusement, qu'ils pertuiferent & rompirent le mur de l'Abbaye en plusieurs lieux, & puis entrerent dedans vaillamment, & passerēt vne riuere qui là est. Et là estoit ledit Seneschal de Carcassonne, sa banniere deuant luy: qui estoit de gueules à vn chef d'argent, à trois cheurons au chef: & estoit à vne bordure d'argent endentee. Delez luy festoient recueillis plusieurs compaignons de son pays: qui assez hardiment receurent les Hainuyers, & se combattirent trefvaillamment, tant qu'ils peurent: mais leur deffense ne leur valut riens: car les Hainuyers y vindrent à trop grand' foison: &, pour vous encores tout ramenteuoir à entrer de premier en l'Abbaye, il y auoit vn Moine, appelé Damp Froissart, qui y fit merueilles, & en occit & méhaigna, au deuant d'un pertuis ou il se tenoit, plus de dixhuit: & n'osoit nul entrer par le lieu: mais finalement il le cōuint partir (car il veit que les Hainuyers entroient en l'Abbaye, & auoient pertuifé le mur en plusieurs lieux) & se sauua le Moine au mieux qu'il peut, & fit tant qu'il vint à Mortaigne. Quand le Côte de Haynaut, & messire Iehan de Haynaut son oncle, & la Cheualerie de Haynaut, furent entrez en l'Abbaye, si commanda le Comte qu'on mist tout à l'espée: tant estoit courroucé, pour les despits qu'ils auoient faits en son pais. Si fut la ville moult tost emplie de Gens d'armes: & Bidaux & Géneuois estoient enchacez & quis de rue en rue, & d'hostel en

† Parauāt l'Escharpe, et ainsi Verard escrit ce mot dernier.

† S'éuertuoient possibles, mais Verard dit s'escuilloient.

† Vaillatise d'un moine de sains Amand.

*Retour du Côte
de Hainaut au
siege de Tournay.*

hostel: peu en échappa, que tous ne fussent morts & occis: & mesmement le Seneschal y fut mort dessous sa bannière, & plus de deux cens hommes environ luy. Ce soir retourna ledit Comte deuant Tournay. Le lendemain les Gens-d'armes de Valenciennes, & la communauté, vindrent à Saint-Amand, & parardirent la ville & toute l'Abbaye, & le grand monstier: & briserent toutes les cloches: dont il en y auoit moult, & de bonnes & mélodieuses. Item le Comte de Haynaut se partit encores du siege de Tournay, en sa route environ six cens hommes armez: & vint ardoir Orchies, & Landas, & le Chelle.

Autre cheuauchée du Comte de Haynaut sur France.

Puis passa, & toute sa route, en la riuere de l'Escarpe, au dessus de Hanon: & vindrent en France, en vne grosse Abbaye & riche, nommée Marchiennes: dont messire Aymé de Veruaux estoit Capitaine: & si auoit avecques luy vne partie des Arbalestiers de Douay. Là eut grand assaut (car le Cheualier auoit moult fort fortifié vne porte la premiere: qui estoit toute environnée de grans fosses & parfonds) & se deffendirent les François & les Moynes qui dedans estoient, tres-vaillamment. Les Hainuyers firent tant qu'ils eurent bateaux: si les meirent en l'Abbaye, & entrèrent par telle maniere dedans icelle: mais il eut noyé vn Cheualier Allemand, compaignon au Seigneur de Fauquemont, appelé messire Bacho de la VViére. A l'assaut de la porte furent bons Cheualiers le Côte de Haynaut & son oncle, le Seneschal de Haynaut & plusieurs autres: qui firent tant que la porte fut prinse, & messire Aymé prins & mort, & la plus grand' partie des autres: & furent aussi prins plusieurs Moynes, qui leans estoient, & toute l'Abbaye robée & arse, & la ville aussi pareillement. Puis s'en retourna le Comte, & sa route, au siege de Tournay.

Prise de l'Abbaye & ville de Marchiennes, par les Hainuyers.

De la prinse de messire Charles de Mommorency, & plusieurs autres François, au Pont-de-Cressin.

CHAPITRE LXII.

† Parauant Robert.

LE siege, qui fut deuant Tournay, fut grand & long & bien tenu: & bien supposoit le Roy Anglois à la prendre & conquerre: car bien sauoit qu'il y auoit, dedans, grand' foison de Gens-d'armes, & assez echarcemēt, de viures: si les pensoit bien affamer. Mais les aucuns dient qu'ils trouuerent assez de courtoisie en ceux de Brabant: qui souffrirent par plusieurs fois, passer, parmy leur ost, viures assez largement, pour mener deuant Tournay, & dedans avec. Ceux de Bruxelles & de Louvain furēt moult ennuyez de tant là demourer: & requierent au Marechal de l'ost, qu'ils peussent retourner en Brabant. Le Marechal leur respondit, que c'estoit bien son gré: mais il leur conuenoit mettre ius leurs armeures. Les dessusdits furent tous honteux: si n'en parlerent oncques puis. Or vous dirons d'une cheuauchée des Allemans: qui fut faite deuant Tournay, à ce mesme Pont-de-Cressin, ou messire † Louis de Bailleul & les Liegeois auoient déconfit les Hainuyers. Le Sire de Rauderondenc, & messire Iehan de Rauderondenc son fils, adoncques Escuyer, & messire Iehan de Raudebourg, aussi adoncques Escuyer, & maître du fils au Seigneur de Rauderondenc, messire Arnoul de Bacqueghen, messire Regnaud d'Escouenort, messire Courrad Dasto, messire Bastien de Basties, & Candrelhier son frere, & Monseigneur Strauren de Leurne, & plusieurs autres de la Duché de Iuliers & de Guerles, parlemēterent vn iour ensemble, & s'accorderent à cheuaucher le lendemain au poinct du iour. Si s'armerent & ordonnerent la nuit bien & suffisamment: & aussi se meirent avecques eux aucuns Bacheliers de Haynaut: c'est assauoir, messire Florent de Beauriou, messire Latas de la Haye, Marechal de l'ost, Monseigneur Iehan de Haynaut, & messire Oulphart de Guistelles, messire Robert de Gleuues de la Comté de Los, adonc Escuyer, & plusieurs autres. Si estoient bien trois cens, ou plus bons Hommes-d'armes. Si vindrent au Pont-de-Cressin: qu'ils passerent sans dommage. Et, quand ils furent par delà, ils s'aduiserent & conseillearent ensemble, comment ils se maintiendroient, pour le mieux & à leur honneur, d'aller réueiller & écarmoucher l'ost de France. Là furent establis le Seigneur de Rauderondenc, & Arnoul son fils, & messire Henry de Kalkren, vn Cheualier mercenaire, & messire Thilman de Saussy, messire Oulphart de Guistelles, messire l'Allemand, Bastard de Haynaut, & messire Robert de Gleuues, adonc Escuyer, & Iaquelet de Thiaux, à estre Coureurs, & cheuaucher iusques aux Tentes des François: & tous les autres Cheualiers & Escuyers (qui bien estoient trois cens) deuoient demourer au pont, & garder le passage, pour le deffendre aux aduentures des furuenans. Ainsi se partirent les Coureurs (qui pouuoient bien estre quarante Lances, tresbien montez sur fleurs de roussins & grans & gros) & cheuauchent

rent tout bellement, tant qu'ils furent en l'ost de France. Donc se bouterent ils dedans, de plain bond, & commencerent à decouper cordes, & à renuerfer tentes & trefs, & à faire grand déroy, & les François à eux écaroucher. Celle nuit auoient fait le guet deux grans Barons de France, le Sire de Mommorancy, & le Sire Saulieu : & estoient encores à celle heure que les Allemans vindrent sur leur garde. Quand ils ouirent la noise, si tournerent celle part leurs bānieres & leurs gens : & quand le Seigneur de Rauderondenc les veit venir, il tourna son frein, & fit cheuaucher son pennon & ses compagnons, pour reuenir au pont, & les François apres, roidement. En celle chace prindrent les François messire Oulphart de Guistelles : qui ne se sceut, ne ne peut, garder bié à point : car il auoit courte veue. Si fut enclos de ses ennemis, & pris prisonnier : & aussi deux Escuyers : dont on appeloit l'un de Mondrop, & l'autre Jaquelot de Thiaux. Les François cheuauchoiēt d'un haut & d'un lez, & les Coureurs Allemans d'autre : & estoient enuiron demy arpent de terre pres l'un de l'autre : dont ils se pouuoient bien recognoistre & entendre leurs langages : & disoient les François aux Allemans. Ha Seigneurs, vous ne vous en irez pas ainsi : & fut dit au Seigneur de Rauderondenc. Sire, Sire, aduisez vous : car il nous semble que les François nous tondront le pont. Lors respondit le Sire de Rauderondenc. S'ils sauent vn chemin, i'en say bien vn autre. Adonc se tourna sur dextre, & sa route : & prindrent chemin assez froyé : qui les menoit droit à celle riuere dessusdite : qui est moult parfonde & enuironnée de grans marefts. Et, quand ils furent là venus, si ne peurent passer : mais les conuint repasser par dessus le pont : & cuidans les Coureurs Allemans enclorre & prendre les François, cheuaucherent tousiours les grans galots par deuers le pont : & quand les François vindrēt pres du pont, & ils veirent la grosse embusche, qui estoit au deuant du pont, ils dirent entre eux. Nous chaçons moult follement : de leger pourrons plus perdre que gagner. Dont retournerent les plusieurs, & par especial la banniere du Seigneur de † Sainct Saulieu, & leur Seigneur aussi : & mondit Seigneur Charles de Mommorancy, & sa banniere cheuaucha tousiours auant, & ne voulut oncques reculer : mais sen vint de moult grād courage assembler aux Allemas, luy & ses gens aussi. Là eut des premiers venus moult dure rencontre & forte iouste, & maint homme renuerfē de l'un costé & de l'autre : & ainsi qu'ils assembloient, les Coureurs (qui costoyē les auoient) sen vindrent courir sur l'alle, & ferir : & se ferirent dedans de grand' volenté : & aussi les François les receurent au fer & à l'acier. Or vous diray de Monseigneur Regnaud † de Couuenort. Il recogneut bien la banniere du Seigneur de Mommorancy : qui estoit dessus sa banniere, l'espee au poing, en combattant de tous lez : & luy vint le Sire d'Escouuenort sur dextre, & bouta son bras fenestre au frein du courfier de Mommorancy : puis ferit le sien des esperons, en le tirant hors de la bataille : & le Seigneur de Mommorancy frapport grans coups de son espee sur le bacinet & sur le dos du Seigneur d'Escouuenort : lequel brisoit les coups à la fois, & les receuoit : & tant fit, que le Seigneur de Mommorancy demoura son prisonnier : & les autres combattoient moult vaillamment : & firent tant les Allemans, & leur route, qu'ils obtindrent la place, & prindrent bien quatre vingts prisonniers, Gentilshommes. Puis rappasserent le pont sans dommage : si vindrent en l'ost deuant Tournay, & sen alla chacun deuers sa partie.

Prinse d'Oulphart, ou Vanflart, de Guistelles, par les François, pres le pōt de Crespin.

† Parauant Saulieu simplement.

† Parauant d'Escouuenort, qui estoit ainsi escrit, descouuenort.

Prinse de Charles de Mommorancy, combattant fort vaillamment pres le pōt de Crespin.

Comment les François furent deuant Sainct-Omer, le siege durant deuant Tournay.

CHAPITRE LXIII.

OR recorderons vne aduerture, qui aduint aux Flamens que messire Robert d'Artois & messire Henry de Flandres gouuernoient : dont il en y auoit plus de quarante mille de la ville d'Ipre, de † Propingne, de Messines, de Cassel, & de la Chastellennie de Bergues : & se tenoient tous les Flamens au val de Cassel, logez en tentes & en trefs, & en grand arroy pour contrestre contre les garnisons Françoises, que le Roy Philippe auoit enuoyez à Sainct-Omer, à Aire, à Sainct-Venant, & es villes & forteresses voisines : & se tenoient dedans Sainct-Omer, de par le Roy de France, le Comte Dauphin d'Auuergne, le Sire Kaleuhen, le Sire de Montag, le Sire de Rochefort, le Vicomte de Touars & plusieurs autres Cheualiers d'Auuergne & de Limosin : & dedans Aire & dedans Sainct-Venant y en auoit il aussi grand' foison : & issoient souuent hors, & venoient écaroucher les Flamens aux François, enuiron quatre mille, tous legers & habiles compagnons, es fauxbourgs de Sainct-Omer : & derompirent plusieurs maisons, &

† L'Ex. de la Mer dit Propingne, Ve-rard Propingne, & la Cronique de Flandres, Poperinghes.

déroberent tout ce qu'ils peurent trouuer. L'effroy si monta en la ville de saint-Omer: si s'armerent les Seigneurs qui dedans estoient & toutes leurs gens: & s'en partirent par vne autre porte que par celle ou les Flamens estoient: & pouuoient estre enuiron six bannieres, & deux cens bacinets, & six cens bidaux tous à pié: & cheuaucherent tout-autour de Saint-Omer, ainsi qu'ils auoient guides qui bien les fauoient mener: & vindrent tout-à-temps à ces Flamens: qui semblesongnoient fort de piller tout ce qu'ils trouuoient en la ville d'Arques (qui est assez pres de Saint-Omer) & estoient leans espandus, sans Capitaine & sans arroy. Si vindrent les François soudainement sur eux, lances baissées, & bannieres desployées, & en bonne ordonnance de bataille, en écriant Clermont, Clermont, au Dauphin d'Auuergne. Lors entrèrent en ces Flamens: qui furent moult ébahis. Si ne tindrent aucune ordonnance: mais s'en fuirent tous, au plus tost qu'ils peurent: & getterent ius ce que chargé auoient, & prindrent les champs: & François après eux, tuans & abbattans par grans troupeaux: & dura ceste chace bien deux lieues: & en y eut bien de morts quatre mille huit cens: & retenus quatre cens: qui furent amenez à Saint-Omer, & mis en prison. Quand le demourant, qui échapper peurent, furent venus deuers leurs compaignons en l'ost, si compterent leurs aduentures aux vns & aux autres: & en vindrent les nouuelles à leurs Capitaines: qui dirent que c'estoit bien employé: car sans conseil & sans commandement ils y estoient allez.

*Grande défaite
& occision de
Flamens pres
Saint-Omer.*

*Memorable ef-
froy des Flamens*

*† Robert d'Ar-
tois & Henry
de Flandres.*

Or aduint, enuiron minuiet, que ces Flamens gisoient en leurs tentes & dormoient, qu'un si grand effroy vint, & telle paour les print tous generally, qu'ils se leuerent tous à grand haste, & en telle peine, qu'ils ne cuidoient iamais estre delogez à temps. Si abbatirent tantost tentes & pauillons, & troussèrent tout sur leurs chariots, & s'en fuyoient sans attendre l'un l'autre, & sans tenir voye ne conroy. Quand ces nouuelles vindrent à ces deux † Capitaines, ils se leuerent moult hastiement, & firent allumer, grans feux & grans tortis, & monterent à cheual, & vindrent au deuant des Flamens, & leur dirent. Beaux Seigneurs, dites nous quelle chose il vous faut, qui ainsi fuyez, n'estes vous pas bien asseurez? retournez au nom de Dieu: vous auez grand tort, quand ainsi fuyez, & nul ne vous chace. Mais, combien qu'ils fussent ainsi priez, ils s'en fuirent tousiours: & print chacun le chemin vers sa maison, au plus droit qu'il peut. Et, quand ces deux Seigneurs veirent qu'ils n'en auroient rien autre chose, si firent trousser leurs harnois, & mettre en voitures: & vindrent au siege deuant Tournay: & recorderent aux Seigneurs l'auenture des Flamens: dont on fut moult fort émerueillé: & dirent plusieurs qu'ils auoient esté en fantosme.

*† C'est à dire,
leuc.*

Comment le siege de Tournay fut † défait par vnes treues.

CHAP. LXIIII.

LE siege de Tournay dura longuemēt c'estassauoir onze semaines, trois iours moins. Or aduint que Madame Iehan de Valois, sœur au Roy de France, & mere au Côte de Haynaut, se trauailloit moult fort, de costé & d'autre, à fin que paix & respit fust entre ces parties, parquoy on departist sans bataille. Et par plusieurs fois la bonne Dame en estoit cheuë aux pieds du Roy de France: & apres estoit venue aux Seigneurs de l'Empire: especialement au Duc de Brabant & au Duc de Iuliers (qui auoit sa fille) & à Monseigneur Iehan de Haynaut. Et tant procura la bonne Dame, avec l'aide & conseil de messire Louis d'Augimont (qui estoit moult bien des deux parties) qu'une iournee de traiter fut accordée: là ou chacune des parties deuoit enuoyer quatre personnes suffisans, pour traiter toutes bonnes voyes pour accorder les parties, & souffrance de trois iours, que l'un ne deuoit forfaire sur l'autre. Si se deuoient assembler ces appointeurs en vne chappelle, seant emmi les champs, nommez Esplotin. Le iour ordonné, apres la messe & apres boire, ces traiteurs vindrent ensemble, & la dessusdite bonne Dame avec. De la partie du Roy de France y fut enuoyé Charles Roy de Behaigne, Charles Comte d'Alençon, frere dudit Roy de France, & aussi l'Euesque du Liege, le Comte de Flandres, & le Comte d'Armignac. De la partie du Roy d'Angleterre y furent enuoyez le Duc de Brabant, l'Euesque de Lincole, le Duc de Guerles, le Duc de Iuliers, & Monseigneur Iehan de Haynaut. Quand ils furent tous venus en ladite chappelle, ils se saluerent amiablemēt, & se festoyerent grandemēt. Apres entrèrent en leur traitement. Si traiterent, toute celle premiere iournee, sur plusieurs voyes d'accord: & tousiours estoit la bonne Iehan, Dame de Valois, parmy eux: qui treshumblement & de grand cueur leur prioit que chacune partie se voulist pener de faire le dit accord. Toutesuoyes celle

celle iournee passa sans nul accord: & s'en alla chacū en son lieu sur le conuenant de reuenir. Lendemain reuindrent à la chappelle en tel poinct. Si commencerent à traiter cōme deuant & cheurent sur aucunes voyes assez accordables: mais ce fut si tard, qu'on ne les peut escrire de iour. Si se partit le parlement adonc: & promeirent de venir là endroit pour parfaire & accorder le remanāt. Au tiers iour ces Seigneurs reuindrēt. Si accorderent vnes trēues, à durer vn an entre ces Seigneurs & ces gens qui là estoient d'une part & d'autre, & entre ceux qui guerroyoient en Escoce, en Gascongne, en Poictou, & en Xainctonge: ausquels la trēue deuoit commencer au quarantième iour ensuyuant: & là en dedans chacune partie le deuoit faire assauoir aux siens: sans nul mal engin. S'ils le vouloient, si le teinssent: & se tenir ne le vouloient, si guerroyassent assez l'un l'autre. Mais France, Picardie, Bourgongne, Bretaigné, & Normandie, les tenoient sans nulle exception. Et deuoient tantost entrer les trēues, & commencer entre les deux osts de Frāce & d'Angleterre: & deuoient les Roys de France & d'Angleterre, chacun pour & ou nom de luy, enuoyer quatre ou cinq Nobles personnes, & le Pape, en legation en la cité d'Arras: & ce, que ces parties ordonneroient, ces deux Roys tiendroient & confermeroient sans moyē. Et fut celle trēue accordee par telle condition, que chacun deuoit tenir paisiblement ce dont il estoit saisi. Ces trēues furent tantost crieies d'une part & d'autre: dont les Brabāçons eurent grand' ioye: car ils estoient au siege moult enuis. Qui le lendemain, si tost qu'il fut iour, veist têtes abbatre, chariots charger, & gēs eux émouuoir & apareiller, bien eust dit: Le voy vn nouveau siecle. Et ainsi demoura la bōne ville de Tournay saine & entiere: qui auoit esté en grād' peine & peril: car toutes leurs pourueances failloient: & n'en auoient mie pour trois iours ou pour quatre à viure. Les Brabāçons se meirēt au chemin vistemēt: car grand desir en auoient. Le Roy Anglois se partit moult enuis, si le peust: mais il luy cōuenoit † seruir partie de la volonté des autres Seigneurs, & croire leur conseil. Le Roy de Frāce ne pouuoit bonnemēt demourer là ou il estoit pour la punaïsie des bestes, qu'on tenoit si pres de l'ost, & pour le grand chaud qu'il faisoit: & si pensoient les François auoir hōneur de celle partie (si comme ils disoient) pour la raison de ce qu'ils auoient recouffe & gardee d'estre perdue la bonne cité de Tournay, & auoient fait departir celle grand' assemblee, qui y estoit, & riens n'y auoient fait: quoy qu'ils eussent moult grādemēt frayé. Les autres Seigneurs & ceux de leur partie pensoient aussi bien auoir eu l'honneur de celle departie: pour la raison de ce qu'ils auoient si longuement demouré dedans le Royaume & assiegé vne des bonnes citez que le Roy eust, & ars & gasté son pais tous les iours, luy sachāt & voyant, & point ne l'auoit secouru, de temps ne d'heure, ainsi qu'il deust: & au derrain il auoit accordé vne trēue, ses ennemis seans deuant la cité, & ardans & gastans son pays. Et se partirēt ces Seigneurs du siege de Tournay: & s'en retournerēt chacun en son lieu. Le Roy d'Angleterre reuint à Gand, delez sa femme: & assez tost apres il repassa la mer, & toutes ses gens, exceptez ceux qu'il laissa pour estre au parlement à Arras. Le Comte de Haynaut retourna en son pais: & eut adonc vne moult noble feste à Mōs-en-Hainaut, & vne iouste de Cheualiers: à laquelle iouste messire Gerard de VVerchin, Seneschal de Haynaut, fut, & iousta. Si y fut blecé, tellement qu'il en mourut. Vn fils demoura de luy appelé Iehā: qui depuis fut bō Cheualier & hardy: mais il demoura peu en santé. Le Roy de France donna congé à toutes ses gens: depuis s'en vint iouer & rafreschir en la ville de l'Isle: & là le vindrēt voir ceux de Tournay: lesquels le Roy receut moult ioyeusement, & leur fit grāce: pourtant qu'ils festoient si bien tenus & deffendus cōtre leurs ennemis, & que riens on n'auoit conquis sur eux. Là grāce, qu'il leur fit, estoit qu'il leur rendoit franchement leur loy, que perdue auoient de grand tēps: dont ils furent moult fort ioyeux: car messire Godemar du Fay, & plusieurs autres Cheualiers estrangers, en auoient esté Gouverneurs. Si resirent entre eux Preuosts & Iurez, selon leurs vsages anciēs. Quand le Roy eut ordonné, à son bon plaisir, vne partie de ses besongnes, il se partit de l'Isle, & se meit au chemin vers Frāce, pour venir à sa bōne ville de Paris. Or vint la saison que le parlemēt estoit ordōné à Arras. Si enuoya le Pape Clement sixième, en legation le Cardinal de Naples, & le Cardinal de Clermont: lesquels vindrent à Paris: ou ils furent moult grandement honorez du Roy de France: puis vindrent à Arras. A ce parlement furent, de par le Roy de France, le Comte d'Alençon, le Duc de Bourbon, le Comte de Flandres, le Comte de Blois, l'Archeuesque de Sens, l'Euesque de Beauuais, & l'Euesque d'Auxerre. De par le Roy d'Angleterre y furent l'Euesque de Lincole, l'Euesque de Durēmes, le Cōte de VVaruich, messire Robert d'Artois, Arras.

*Le conuenant
des trēues fai-
tes entre les
François &
Anglois.*

*† Possible qu'il
y faut, sui-
uir, ou suiure.*

*Le siege de Tour-
nay leué.*

*La grace du
Roy de France
à ceux de Tour-
nay.*

*Assemblée des
deputez du Pā-
pe, du Roy de
France, & de
celuy d'Angle-
terre pour con-
clure paix, à
Arras.*

*Trêue ralongee
de deux ans,
entre François,
& Anglois.*

messire Jehan de Haynaut, & messire Henry de Flandres. Auquel parlement il y eut plusieurs traitez & langages mis en auant: & parlementerent plus de quinze iours: mais riens ne fut affermé n'accordé: car les Anglois demâdoient, & les François ne vouloient riens donner, fors seulement rendre la Comté de Ponthieu: qui fut donnée à la Roïne Ysabel, en mariage avec le Roy d'Angleterre. Si se departit ce parlement sans riens faire: fors que la trêue fut r'alongee de deux ans: & fut tout ce que les Cardinaux y peurent impetrer. Apres ce chacun s'en r'alla hastiement à son lieu: & s'en reuindrent adonc les deux Cardinaux parmy Haynaut, à la priere du Comte de Haynaut: qui les festoya moult grandement.

Cy commence à parler de la guerre de Bretagne: & comment le Duc de Bretagne mourut sans hoirs: parquoy la dissension vint.

CHAP. LXV.

*† La Cronique
du Tillet avec
les Anna. de
Bretagne, met
ceste mort en
l'an 1340.
comme aussi
nostre Auteur
par la deductio
presedente &
subsequente, inf-
qu'à la fin du
chap. 75. sem-
ble vouloir que
ce fut sur la fin
dudit an.*

*Le Comte de
Montfort s'em-
pare de Nâtes,
& du tresor
de Limoges.*

*† Les Abregez
& les Anna.
de Bretagne di-
sent frere.*

*† Pour com-
paroissoit.*

A Ssauoir est que, quand les trêues furent accordees & seellees deuât la cité de Tournay, tous les Seigneurs & toutes manieres de gens se délogerent d'une part, & de autre: & r'alla chacun en sa contree. Le Duc de Bretagne (qui auoit esté à ost deuant Tournay, avec le Roy de France, plus étoffément que nul des autres Seigneurs & Princes) s'en retourna: mais vne maladie luy print sur le chemin telle qu'il le conuint arrester au liêt malade, & † mourir. Ce Duc, quand il trépassa de ce siecle, n'auoit nuls enfans, ne n'eut oncques de la Duchesse sa femme, ne n'auoit eu nulle esperance d'en auoir. Si auoit vn frere, de par son pere qui auoit esté, qu'on appelloit le Comte de Montfort: qui viuoit adonc: & auoit iceluy, à femme, la sœur du Comte Louis de Flandres. Celuy Duc de Bretagne auoit eu vn autre frere, germain de pere & de mere, qui trépassé estoit: si en estoit demouree vne ieune fille: laquelle ledit Duc son oncle auoit mariee à Mōseigneur Charles de Blois, maisné fils au Comte Guy de Blois, de la sœur au Roy Philippe de France, qui adonc regnoit: & luy auoit promis, en mariage, la Duché de Bretagne, apres son decès: pourtant qu'il se doutoit que le Comte de Montfort, son frere, n'y voufist reclamer droit par proximité, apres son decès: combien qu'il ne fust mie son frere germain: & il sembloit au Duc que la fille de son frere germain deuoit estre par raison plus prochaine, pour auoir ladite Duché apres son decès, que le Comte de Mōtfort son frere. Et, pourtant qu'il auoit tousiours douté que son frere le Comte de Montfort n'eforçast, apres son decès, le droit de sa ieune niece, par sa puissance, la maria il à Monseigneur Charles de Blois: en celle intention que le Roy Philippe (qui estoit son oncle) luy aydast mieux, & plus volontiers, à garder son droit contre ledit Côte de Montfort, s'il le vouloit entreprendre. Si tost que le Comte de Montfort peut sauoir que le Duc son frere estoit trépassé, il se tira tantost à Nantes (qui est la cité souueraine de Bretagne) & fit tant aux Bourgeois du pays d'enuiron, qu'il fut receu à Seigneur, cōme le plus prochain dudit Duc son frere, qui trépassé estoit: & si luy firent tous feauté & hommage. Et adonc luy & sa femme (qui bien auoient cuer de lyon) eurent conseil ensemble qu'ils tiendroient vne court & vne feste solennelle à Nantes. Et adonc manderent tous les Barōs & nobles de Bretagne, & les Consuls des bonnes villes & de toutes les citez, qu'ils voufissent estre à celle court, pour luy faire feauté, comme à leur droit seigneur: & ainsi le firent. Ce pendant, & la feste attendant, se partit de Nantes, à grand' foison de gens d'armes: & s'en alla vers Limoges: car il estoit informé que le tresor, que son † pere auoit amassé de long temps, estoit là enfermé. Quand il vint là, il entra en la cité en moult grād bobant, & luy fit on grand honneur, & fut noblement receu des Bourgeois, du Clergé, & de la communauté de la cité. Si luy firent tous feauté, comme à leur droit seigneur: & si luy fut ce grād tresor deliuré, par l'accord qu'il acquit aux Seigneurs & Bourgeois de la cité par grās dōs & promesses qu'il leur fit. Et, quād il eut là tāt festoyé & seiourné que il luy pleut, il s'e partit à tout le grād tresor, & s'en reuint droit à Nâtes: là ou madame sa femme l'attédoit. Si demourerēt tous cois à Nantes, à moult grād' ioye, iusques au iour que la feste deuoit estre, & la grand' court tenue: & faisoient moult grans pourueances pour celle grande feste parfournir. Quād le iour de la feste fut venu, & nul n'e † cōparoit pour mandement qui fait leur eust esté (fors vn Cheualier, qu'ō nōmoit messire Héry de Leon, Noble & puissant hōme) neantmoins ils firent leur feste, par trois iours, des Bourgeois de Nantes & des bōnes gens de là entour, au mieux qu'ils peurent. Si eurent conseil entre eux de retenir soudoyers, à cheual & à pié, tous ceux qui venir y voudroiet: & departir ce grād tresor, pour venir ledit Comte mieux à son propos de ladite Duché de Bretagne,

Bretaigne, & pour contraindre tous rebelles de venir à sa mercy. A ce Conseil se tindrent tout ceux qui là furent, Cheualiers, Clercs & Bourgeois : & furent retenus soudoyers venans de tous costez, & largement payez : tant qu'ils en eurent grand planté, à pié & à cheual, Nobles & non Nobles, & de plusieurs pays & contrees.

Comment le Comte de Montfort print la ville & le chastel de Brest. CHAP. LXVI.

Q Vand le Comte de Montfort apperceut qu'il auoit gens à planté, il eut conseil d'aller conquerre, par force ou par amour, tout le pays, ou destruire tous les rebelles, à son pouuoir. Puis issit hors de la cité de Nantes, à grand ost : si se tira par deuers vn moult fort chastel, qui sied d'un costé sur mer : & en estoit gardien messire Garnier de Clifson, vn moult noble Cheualier, & vn des plus haux Barons de Bretaigne. Aincois que ledit Comte vint à Brest, il auoit si fort contrainct ceux du pays, fors des forteresses, que chacun le suyuoit à cheual, ou à pié (car nul ne l'osoit laisser) si qu'il auoit moult grand planté de Gens-d'armes. Quand il fut paruenue deuant le chastel de Brest, & tout son ost, il fit appeler ledit Capitaine, par messire Henry de Leon : qui luy requist qu'il voulsist obeir audit Montfort, & rendre la ville & le chastel, comme à Duc de Bretaigne. Le Cheualier respondit que riens n'en feroit, ne tiendrait à seigneur, si n'auoit mandement & enseignes du Seigneur à qui il deuoit estre par droit. Adonc se retrahit Monseigneur de Montfort arriere, & défia ledit Cheualier & tous ceux du chastel & de la ville. Le lendemain, quand il eut ouy messe, il commanda que tous fussent armez : & fit le chastel assaillir : qui moult estoit fort & bien pourueu. Et le Chastellain, messire Garnier fit aussi toutes ses gens armer : qui bien estoient trois cens hommes armez & bons combattans : & fit chacun aller à sa deffense, là ou il les auoit establis : & en print enuiron quarante des plus hardis : si vint hors du chastel iusques aux bailles : & les assaillans vindrent tous batailler. A ce premier assaut eut dur hutin, & y eut moult de gens morts & de naurez de ceux de dehors : & y fit ledit Capitaine moult de faits d'armes : mais au derrain vindrent foison d'assaillans : & les semonnoit ledit de Montfort si asprement, que chacun s'efforçoit d'assaillir, & se mettoit en aduenture : si que les bailles furent gaignees, & conuint les deffendans retraire vers la forteresse à grand méchef : car les assaillans se ferirent parmy eux, & en tuerent aucuns : & le Capitaine les confortoit de ce qu'il pouuoit, & les mettoit à sauueté dedans la maistresse porte. Quand ceux, qui estoient dedans la porte, veirent le grand méchef, ils eurent paour de perdre le chastel, & laisserent aualler le grand ratel, & encloirent le Cheualier Capitaine dehors, & aucuns de leurs compagnons : lesquels se combattirēt moult fort à ceux de dehors : & y furent à grand méchef, & fort naurez, & presque tous morts. Et le Capitaine (qui moult fort estoit nauré) ne se voulut onques rendre, pour priere qu'on luy fist. Et ceux du chastel s'efforcèrent de traire & getter grosses pierres : tant qu'ils firent les assaillans tirer arriere : & retirerent sus, vn petit, le ratel. Si entra le Capitaine en la porte, & aucuns des compagnons, qui demourez estoient avecques luy moult fort naurez. Le lendemain fit le Comte de Montfort faire & appareiller engins & instrumens, pour plus fort assaillir le chastel : & dit qu'il ne s'en partiroyt, pour bien ne pour mal, si l'auroit à sa volonté. Au tiers iour il entēdit que messire Garnier estoit trépassé, à cause des playes qu'il auoit receues en soy deffendant & vray estoit. Lors fit ledit Duc de Montfort armer toutes ses gens, & recommencer le assaut moult vigoureusement : & fit traire auant aucuns instrumens qui estoient faits, & grans mesfriers pour getter outre les fossez, pour venir iusques au mur du chastel. Ceux de dedans se deffendirēt, en tirant & gettant pierres, & feu, & pots tous pleins de chaux, iusques enuiron l'heure de midy. Adonc leur fit requerre ledit de Montfort qu'ils se voulsissent rendre, & le tenir à Seigneur, & il leur pardonnoit son maltalent : dont ils eurent conseil bien longuemēt : tant qu'au dernier ledit de Montfort fit cesser l'assaut. Et, quand ils se furent longuemēt conseillez, ils se rendirent de bon accord, sauf leurs corps & leurs biens. Si entra adonc ledit de Montfort dedans le chastel à peu de gens, & receut la feauté de tous les hommes de la Chastellennie : & y establit vn Cheualier pour souuerain : en qui moult il se fioit, puis reuint à ses tentes moult ioyeux.

Comment le Comte de Montfort prit la cité de Rènes. CHAP. LXVII.

Q Vand le Comte de Montfort fut reuenu entre ses gens, & il eut estably ses gens & ses gardes dedans le chastel de Brest, il eut conseil qu'il se tireroit deuers la cité de

Garnier de Clifson Capitaine de Brest.

Brest assailli par le Comte

† Iusques à ce qu'il l'eust Maniere de parler fort usitée entre les anciens

Brest rendu au Comte de Montfort par composition.

† Si les Ann. de Bretaigne vous semblent discorder à nostre Auteurs, quāt au tēps de ceste prise &

*d'autres, notez
quel la corrup-
tion de leurs
nôbres les fait
discorder à el-
les-mesmes.*

*† Mot fait à
plaisir sur la
chose mesme:
ou bien y fault
huy, venant
de huyer: qui si
gnifie élever sa
voix & s'es-
crier.*

*Par quel moy
Rènes se rendit
au Comte de
Montfort.*

Rènes: qui estoit assez pres de là. Si fit déloger ses gens, & tirer le chemin vers Rènes: & par tout, ou il venoit, il faisoit toutes manieres de gens rendre à faire feauté à luy. comme à leur droit Seigneur: & amenoit tous ceux, qui se pouuoient ayder, avecques luy: pour reconforter son ost: & ils ne l'osoient refuser pour doutance de leurs corps. Et tant alla, qu'il vint deuant la cité de Rènes: si fit tendre ses tentes, & loger ses gens entour la ville & entour les faubourgs. Ceux de la ville firent grand semblant d'eux deffendre. Si estoit leur Capitaine messire Henry de Pennefort: qu'ils aymoient moult pour sa prouesse & loyauté. Celuy issit hors de la ville, à tout deux cens hommes, vne fois à l'aube du iour. Si ferit à l'un des costez de l'ost, & abbattit tentes & logis, & en tua aucuns. Pourquoy ceux de l'ost cōmencerent à crier aux armes, & se meirent en deffense. Ceux, qui auoient fait le guet deuers l'ost, ouïrent le cry & le † hahay, lors se tirèrent celle part, & encontrerent ceux de la ville, qui retournoient: si s'entreferirent: & y eut bon hutin & fort: & y accoururent ceux de l'ost qui estoient armez. Quand ceux de la ville apperceurent que ceux de dehors croissoient tousiours, ils se déconfirent & s'en fuyrent vers la ville, tant qu'ils peurent: mais il en demoura foison de morts & de prins: & y fut prins messire Henry de Pennefort, & amené deuant le Comte: lequel Comte eut conseil qu'il enuoyeroit messire Henry deuers la ville, requerre aux Bourgeois qu'ils se rendissent au Comte, ou il feroit pēdre deuant la porte iceluy messire Henry: pourtant qu'il auoit entendu que ce Cheualier estoit fort aymé de toute la communauté de Rènes. Quand ainsi fut fait, ceux de la cōmunauté de Rènes se meirent en conseil: qui dura moult longuement: car le cōmun auoit grand' pitié de leur Capitaine, que moult aymoient, & si auoient petites pourueances pour le siege longuement soustenir: & pource se vouloient mettre à paix: mais les grans Bourgeois (qui estoient bien pourueus) ne fy voulurent accorder. Si multiplia la dissension, tant que les grans Bourgeois (qui estoient tous d'un lignage) se tirèrent d'une part, & dirent, tout haut, que tous ceux, qui seroient de leur accord, se tirassent d'une part avecques eux. Ils se tirèrent tant de ceux de leur accord & lignage, qu'ils furent bien deux mille tous d'un accord. Quand les autres communes veirent ce, ils commencerent à émouuoir & à crier moult fort sur les grans Bourgeois, disans sur eux laides parolles & vilaines: & au dernier ils leur coururent sus, & en tuerent grand' foison. Lors, quand les grans Bourgeois se veirent à tel méchef, ils crièrent mercy, & dirent qu'ils s'accorderoient à la volonté du commun & du pays. Adonc cessa le hutin: & coururent tout le cōmun ouurir les portes, & redirent la cité au Comte de Montfort, & luy firent hommage & feauté grans & petis, & le recognurent à Seigneur. Ainsi fit messire Henry de Pennefort: qui fut retenu de son Conseil.

*† Les Annal.
de Bret. disent,
Hembout.*

*Salā Ham-
bourg, & la
Chaux Hami-
bourg.*

*† C'est assauoir
iour d'aduiz
conclu.*

*† Tous noz Ex
emplaires, &
Abregez le
nomment tous-
iours ainsi:
mais les Ann.
de Bret. disent,
Penhoet.*

Comment le Comte de Montfort print la ville & chastel de † Hamibout.

CHAPITRE

LXVIII.

A Donc entra le Comte de Montfort en la ville de Rènes à grand' feste: & fit son ost tout coy loger aux champs: & fit la paix entre les Bourgeois & le commun. Puis il establit Baillifs, Preuosts, Escheuins, Sergens', & autres officiers: & seiourna en la cité trois iours pour se reposer, & son ost, & pour auoir aduis qu'il feroit de là en auant. Auquel † iour fit son ost déloger: & eut conseil de se retraire vers vn des plus fors chasteaux & forte ville, sans cōparaison, de toute Bretagne: qu'on nomme Hamibout: & s'ied premieremēt sur vn port de mer: & court le fleuve tout autour par grans fossez. Quand messire Henry de † Pennefort veit ce, il eut paour qu'il ne mécheust par aduēture à son frere, qui en estoit Chastellain. Si tira le Côte à part à cōseil, & luy dit. Sire ie suis de vostre cōseil: si vous doy feauté. Je voy que vous voulez traire deuers Hamibout. Sachez que la ville & le chastel sont tant forts, qu'ils ne sont mie aisez à gaigner, ainsi que vous pouuez pēser: vo' y pourrez seoir & perdre le tēps d'un an, auāt que les puissiez auoir par force. Mais ie vous diray bien (se croire vous me voulez) commēt vous le pourrez auoir. Il fait bon ouurer par engin plus que par force, quand autrement ne peut estre. Vous me baillez (si vous plaist) iusques à cinq cens Hommes-d'armes à faire ma volonté: & ie les meneray deuant vostre ost par l'espace de demie lieue de terre: & porteray la banniere de Bretagne deuant moy. I'ay vn frere, qui dedans est, gouuerneur de la ville & du chastel. Tantost qu'il verra la banniere de Bretagne, & il me cognoistra, ie suis certain qu'il me fera ouurir les portes: & i'entreray dedans à tout mes gens, & me faisiray de la ville & des portes, & prendray mon frere: si le vous rendray prins à vostre volonté, fil

ré, fil ne veut obeyr à moy: mais que vous me promettez, la foy du corps, que mal vous ne luy ferez. Par mon chef (dit le Comte) nenny: & vous estes bien aduisé: si vous ayme mieux que deuant, & encores mieux vous aimeray, se vous pouuez tant faire que ie soye Seigneur de Hamibout, de la ville & du chastel. A donc se partit messire Henry de Pennefort, & sa route du Comte de Montfort, en sa compaignie bien cinq cens hommes armez: & sur le soir il vint à Hamibout. Lors, quand Oliuier de Pennefort sceut sa venue, si le laissa dedans entrer, & ses Gens-d'armes aussi: & vint contre luy sur la rue. Si tost que messire Henry le veit, il s'approcha de luy, & le print, en disant. Oliuier, vous estes mon prisonnier. Comment (ce luy dit Oliuier) le me suis confié en vous, & cuidoye que vous venussiez icy pour moy aider à garder ceste ville & chastel. Beau Sire (dit messire Héry) il ne va pas ainsi. Le me mets en faisine de par le Côte de Montfort: qui est presentement Duc de Bretagne, & à qui i'ay fait feauté & hommage, & toute la plus grand' partie du pais: si y obeïrez aussi: & encor' il vaut mieux que ce soit par amour que par force: & vous en saura Monseigneur le Comte meilleur gré. Tant fut Oliuier de Pennefort pressé & admonesté de son frere, qu'il s'accorda à luy, & aussi au Comte: qui entra hautemēt dedans la ville: laquelle est bonne & grosse, & bon port de mer. Si se meit tantost en possession de la ville & du fort chastel, & meit ses Gens-d'armes dedans, & ses garnisons. Si se tira, apres son ost par deuant la cité de Vennes: & fit tant parler & traiter à ceux de Vennes, qu'ils se rendirent à luy, & luy firent feauté & hommage, comme à leur Seigneur. Il establit en la cité toutes manieres d'officiers: & y seiourna trois iours tous entiers. Au tiers iour il s'en partit, & alla assieger vn moult fort chastel, qu'on nomme la † Roche-Perron. Si en estoit Chastellain Monseigneur Oliuier de Clifson, cousin germain au seigneur de Clifson. Et seiourna le Comte deuant, à siege fait, plus de dix iours, qu'ōc ne peut trouuer voye, parquoy il peult le Chastel auoir, tant estoit fort, & si ne pouuoit auoir accord au Chastellain: parquoy il voulsist obeyr à luy, ne par promesses ne par menaces. Si s'en partit atant le Côte, & laissa le siege, iusqu'à tāt que pl^r grād pouuoir luy viēdroit: & alla assieger vn autre chastel, à dix lieues de là, appelé le chastel † Aulroy: & en estoit chastellain messire Geoffroy de Malestroit: & auoit à cōpaignon messire Yuō de Triguedy. Et fit le Côte assaillir le chastel deux fois: mais il veit biē qu'il pourroit plus perdre que gagner: si s'accorda à vne trēue & à vn iour de parlement, par le pourchas de messire Iehan de Laon: qui adōc estoit avecques luy. Le parlemēt se porta tellement qu'ils furent bōs amis: & firent les deux Cheualiers feauté au Comte: lequel Comte se partit tātost de là. Quand il eut laissé les deux Cheualiers gardiens d'iceluy chastel & d'iceluy pais de par luy, il mena son ost par deuant vn fort chastel, assez près de là: qu'on nommoit Goy-la-forest. Celuy, qui Chastellain en estoit, veit que le Côte de Montfort auoit grand ost, & que le pays se rendoit à luy: si que par l'aduis & par le conseil de messire † Helin de Leon (avec lequel il auoit esté grand compaignon en Puce, en Grenade, & plusieurs autres estranges pays) il s'accorda audit Comte de Montfort, & luy fit feauté & hommage: & demoura gardien dudit chastel, de par ledit Comte de Montfort. Tantost apres le Comte de Montfort se partit de là, & s'en alla deuers Caraches, bonne ville & fort chastel: & y auoit dedans vn Euesque, qui Seigneur en estoit. Celuy Euesque estoit oncle de messire Henry de Leon: si que, par le conseil & l'amour dudit messire Henry, il s'accorda audit Comte de Montfort, & le reconnut à Seigneur, iusques à ce qu'autre viendroit auant, qui plus grand droit monstreroit pour auoir la Duché de Bretagne,

Prise d'Oliuier de Pennefort, Capitaine de Hamibout.

Vennes se rend au Comte de Montfort.

† Les Ann. de Bretaig. mettēt ainsi Roche de rien, sala chastel Penō & la Chaux, Roche periō

† Les Annales de Bretagne mettēt ainsi Daulray, puis Trezeguidi, pour Triguedi.

† Aulroy réduit au Comte de Montfort.

† Je pense qu'il faille lire Henry.

Goy-la-forest réduit au Comte de Montfort.

Caraches rendue à Montfort.

Verard & la Chaux la nommēt Carahes & sala Garaches.

† Les Annales de Bretagne disent Seple, parlant un peu autrement de tout ce fait suruant: mais ie me contenteray toujours, si mō Auteur consent à soy mesmes.

Comment le Comte de Montfort fit hommage au Roy d'Angleterre, de la Duché de Bretagne.

CHAPITRE

LXIX.

Pourquoy vous feroy-ie long compte? En celle maniere conquist le Côte de Mōtfort tout le pays q vous auez ouy: & se fit par tout appeler Duc de Bretagne. Puis s'en alla à vn port de mer, qu'on nomme Gredo. Si departit toutes ses gens, & les enuoya par ses citez & fortresses pour les ayder à garder. Puis se meit en mer, & s'en vint à Cornouaille, & arriua au port qu'on appelle † Cepsee. Là enquit du Roy Anglois, ou il le trouueroit: si luy fut dit que le plus du temps il se tenoit à VVinderose. Donc cheuauecha celle part, & toute sa route: & fit tant par ses iournees qu'il vint à VVinderose: ou il fut receu, à grand'ioye, du Roy, de la Roïne, & des Barons qui estoient là. Là remonstra au Roy Anglois, & à messire Robert d'Artois, & à tout le Conseil du Roy, comment il estoit mis en possession & en faisine de la Duché de Bretagne: qui écheuē

luy estoit par la succession du Duc son frere, dernièrement trépassé. Or faisoit il doute que messire Charles de Blois & le Roy de France ne la luy voulsissent oster par puissance: parquoy il festoit là trait, pour releuer la Duché, & la tenir en foy & hommage du Roy d'Angleterre à tousioursmais, † & il l'en fist seur contre le Roy de France & contre tous autres, s'empeschier le vouloient. Le Roy Anglois imagina que sa guerre contre le Roy de France en seroit embellie, & qu'il ne pouuoit auoir entree au Royaume de France plus profitable que par Bretagne. Auecques les Allemans & les Brabançons il n'auoit riens fait, fors despendre grossièrement: & l'auoient mené & demené les Seigneurs de l'Empire (qui auoient prins son or & son argent) ainsi qu'ils auoient voulu, & riens fait. Si descendit à la requeste du Comte ioyeusement: & print l'hommage de la Duché, par la main du Comte, qui se nommoit & appeloit Duc. Et là luy ottroya & promeit le Roy Anglois, presens les Barons & les Seigneurs qui auecques luy estoient venus, & aussi les Seigneurs d'Angleterre qui là estoient, qu'il luy ayderoit, deffendrait, & garderoit, comme son homme, contre tout homme (fust Roy de France, ou autre) selon son loyal pouuoir. De ces paroles & hommages furent escrites lettres, & seellees: dont chacune des parties eut la copie. Auecques ce, le Roy & la Roïne donnerent au Côte, & à ses gens, grans dons & beaux ioyaux, & tant qu'ils dirent qu'il estoit noble Roy, & vaillant, & bien taillé de regner encores en grand prosperité. Apres print le Comte congé, & se partit d'eux, & passa Angleterre, & entra en mer: & tant nagea qu'il vint à Gredo (le propre port dont il estoit party) en la basse Bretagne: puis vint à Nantes: ou il trouua la Comtesse sa femme: laquelle dit qu'il auoit ouuré par tresbon conseil.

† C'est à dire, pourueu que le Roy d'Angleterre l'en fist seur, &c.

Hommage du Comte de Mōtfort pour la Duché de Bret. au Roy d'Angle.

Comment le Comte de Montfort fut adiourné en Parlement à Paris, à la requeste de Monseigneur Charles de Blois.

CHAP. LXX.

Quand Monseigneur Charles de Blois (qui se tenoit, à cause de sa femme, estre droit hoir de Bretagne) entendit que Monseigneur Jehan, le Comte de Montfort, conqueroit ainsi, par force, le pays & les fortresses qui deuoient estre siennes par raison, il s'en vint à Paris complaindre au Roy Philippe son oncle. Le Roy Philippe eut conseil à ses douze Pers quelle chose il deuoit faire. Si luy fut cōseillé qu'il appartenoit bien que le Comte de Monfort fust mandé & adiourné, par suffisans messages à estre à Paris, pour ouir qu'il en voudroit respondre: & ainsi fut fait: Si fut le Comte trouué en la cité de Nantes, grand feste demenant: & fit grand chere & feste aux messagers du Roy: &, au dernier, respondit qu'il vouloit estre obeissant au Roy, & qu'il iroit volontiers à son mandemēt. Si s'appareilla moult grandement, & se partit de Nantes: & tant erra par ses iournees, qu'il vint à Paris: & entra dedans à plus de quatre cens cheuaux: & fut là tout le iour & toute la nuit. Le lendemain, enuiron tierce, monta à cheual luy & sa compagnie, & cheuaucha vers le palais. Là l'attendoit le Roy Philippe & tous les douze Pers, & grand planté des Barons de France, auecques monseigneur Charles de Blois. Quand le Comte de Monfort fut venu au palais, il se tira en la chambre ou le Roy & les Barons estoient. Si fut moult fort regardé & salué des Barons: puis se vint encliner deuant le Roy, & luy dit. Sire, ie suis icy venu à vostre mandement & à vostre plaisir. Le Roy luy dit. Côte de Mōtfort, de ce vous say-ie bon gré. Mais-ie m'émerueille moult fort pourquoy ne cōment auez osé entreprendre, de vostre volōté, la Duché de Bretagne, ou vous n'avez nul droit: car il y a plus prochain de vous, que vo^{us} en voulez desheriter: & pour mieux vous en efforcer, vous estes allé à mon aduersaire le Roy d'Angleterre, & l'avez de luy releué, ainsi comme on m'a comté. Le Comte dit. Ha, cher Sire, ne le croyez pas: car vrayement vous estes de ce mal informé. Mais de la poursuite, dont vous me parlez, m'est il aduis Sire (sauue vostre grâce) que vo^{us} en méprenez: car ie ne say nul si prochain du Duc mon frere, dernièrement trépassé, que moy, &, se iugé & déclaré estoit par droit, qu'autre y fust plus prochain que moy, ie ne seroye ne rebelle, ne honteux de m'é deporter. Le Roy dit. Sire Côte, vous en dites assez. Mais ie vous cōmāde sur † quan que vous tenez de moy & q^{ue} tenir vous en devez, q^{ue} vous ne partez de la cité de Paris iusques à quinze iours, que les Barons & les Pers iugerōt de ceste proximité: si saurez adonc quel droit vo^{us} y aurez, & se vous le faites autremēt, sachez que vous me courroucerez. Le Côte dit. Sire, à vostre volonté. Lors se partit de Court, & vint en son hostel pour disner. Quand il fut en son hostel venu, il entra en sa chābre: & quand il eut pése & aduisé moult de doutes, il monta à cheual à petite compagnie, & s'en retourna en Bretagne, auant que le Roy n'au-

Le Comte de Montfort compare deuant le Roy de France.

† Les anciens usioient fort de ce mot pour tant que.

Roy n'autre (fors ceux de son conseil) sceussent riens de son partement: ains pensoit chacun qu'il fust déhaité en son hostel. Quand il fut reuenu à Nantes delez la Comtesse sa femme, il luy compta son aduenture, puis alla, par le conseil d'elle, par toutes les citez & chasteaux qui estoient à luy rendus: & establit, par tout bons Capitaines & planté de foudoyers, à pié & à cheual: & les paya bien.

*Secret retour
du Cōte de Mōt
fort en Bretaig.
au scē de son
seul conseil.*

Comment la Duché de Bretagne fut adiugée à messire Charles de Blois

CHAPITRE LXXI.

CHacun doit sauoir que le Roy de France fut moult courroucé, & aussi Charles de Blois, quand ils sceurent que le Comte de Montfort estoit échappé d'eux. Toutesfoi ils attendirent iusques à la quinzaine, que les Pers & les Barons de France deuoient leur iugement rendre de la Duché de Bretagne. Si l'adiugerent du tout à Monseigneur Charles de Blois: & en osterent le Comte de Montfort, pour deux raisons. L'une, pour tant que la femme de Monseigneur Charles de Blois, par representation de son pere (qui estoit l'ainé d'apres le Duc de Bretagne, dernier mort, & sō frere de pere & de mere) venoit à estre plus prochaine, que le Comte de Montfort: qui estoit puisné des defusdits, & ainé d'une autre mere que la leur: laquelle siene mere onc n'auoit esté Duchesse de Bretagne par son chef: en forte qu'il y peust pretendre droit par elle. L'autre raison si estoit telle, que combien qu'il fust ainsi que le Comte de Montfort y eust aucun droit, si l'auoit il forfait par deux raisons. L'une, pour tant qu'il l'auoit releué d'autre Seigneur que du Roy de France: de qui on la doit tenir en fief. L'autre raison, pour ce qu'il auoit transgressé le commandement de son Seigneur le Roy de France, & brisé son arrest & prison, & s'en estoit party sans congé. Quand ce iugement fut rendu en pleine audience de tous les Barons, le Roy appella Monseigneur Charles de Blois son neveu, & luy dit. Beau neveu, vous auez pour vous iugement de bel heritage & grand. Or vous hastez, & vous prenez de le conquerre sur celui qui le tient à tort: & priez tous voz amis qu'ils vous vueillent aider à ce besoing: & ie ne vous y faudray mie, car ie vous prestera de mon or & de mon argent assez: & diray à mon fils, le Duc de Normâdie, qu'il se face chef avec vous. Adonc Monseigneur Charles s'enclina contre le Roy son oncle, en le remerciant moult grandement: & tantost pria le Duc de Normandie son cousin, & le Comte d'Alençon son oncle, le Duc de Bourgongne, le Comte de Blois son frere, le Duc de Bourbon, Monseigneur Louis d'Espagne, Monseigneur Iaques de Bourbon, le Comte d'Eu, pour lors Cōestable de France, & le Comte de Guines son fils, le Vicomte de Rohan, & tous les autres Princes & Barons, qui là estoient: qui tous luy dirent qu'ils yroient volōtiers avec luy, & à leur Seigneur le Duc de Normâdie, chacun à tout tant de Gens d'armes comme il pourroit auoir. Puis se partirent les Princes & Barons, & penserent d'eux appareiller & faire leur pourueances.

Annot. 64.

Des Seigneurs de France, qui entrèrent en Bretagne avec messire Charles de Blois.

CHAPITRE LXXII.

QUand tous ces Seigneurs de Normandie, le Duc d'Alençon, le Duc de Bourgongne, & les autres Seigneurs, Barons, & Cheualiers, qui deuoient aller avecques messire Charles de Blois, pour luy aider à reconquerre la Duché de Bretagne furent prests, & leurs gens, ils se partirent de Paris les aucuns, & les autres de leurs lieux. Si s'en allerent les vns apres les autres, & s'assemblerent en la cité d'Angers, puis s'en allerent à Ancenis (qui est à la fin du Royaume, à ce costé) & illec seiournerent trois iours, pour mieux ordonner leur conroy & leur charroy, puis cheuaucherent auant, & entrèrent au pays de Bretagne. Et, quand ils furent aux champs, ils nombrerent leur ost à cinq mille hommes armez, sans les Gèneuois: qui estoient bien trois mille: & les conduisoient trois Cheualiers de Gènes: dōt l'un auoit nom messire †Othes de Rue, & l'autre messire Charles Germaux. Et si y auoit grande planté de bidaux, & d'arbalestiers: lesquels menoit Monseigneur le Galois de la Baume. Quand toutes ces gens furent issues d'Ancenis, ils se retirerent deuers vn tresfort chastel, assis sur vne haute mōtaine qu'on appelle Chastōceaux: & est à l'étrée de Bretagne. Si estoit tresbien garni & fourni de Gēs d'armes: & en estoient Capitaines deux Cheualiers de Lorraine: l'un appellé Mōseigneur Gilles, & l'autre messire Valerien. Quand ces Seigneurs de France l'approcherent, ils eurent conseil qu'ils l'assiegeroient, car ils passioient auant, & laissoient vne telle garnison der-

*†suivant les
Ann. de Genes
d'Agostino lu
stiniano, ie pen
se qu'ils furent
nommez Odo-
ard Dorie &
Charles Gri-
maldi.*

Gionan Villani, en sa Cron. vniuerselle fait mention d'Antou Doric & de Charles Grimaldi, Capitaines des Géneuois à la bataille de Crecy qui est cy apres au cha. 129. la Chaux dit Oſtes dorne, &c. Chastonceaux rendu à Charles de Blois, estant ceste place nommée Chatoceaux par les Ann. de Bret. Prise de Quarques, que les Ann. de Bretagne nomment Carquefoit salaQuaque fore, & la Chaux Quaquefort† le- confesse ne sa- uoir proprement la signification de ce Verbe: et est la premiere fois que ie l'aie iamais veu: si- non qu'à ceste cinquieme re- uene ie trouue par la Cron. de Flandres, qui en vse souuent que ce mot si- gnifie faire courſes, four- rager, & écar- moucher.

riere eux, ce leur porteroit grand dommage. Si l'assiégerent tout autour, & y firent plusieurs assaux: mesmemēt les Géneuois: qui s'abandonnerent moult fort, pour eux mōstrer à ce commencement: & y perdirent de leurs compagnons par plusieurs fois, car ceux de dedans se deffendirent sagement: si que ces Seigneurs y demourerent grande piece auant qu'ils le peussent passer: mais au dernier ils firent si grand attrait de mesrien & de fallourdes, qui furent amenées iusques aux fossez du chasteſt, qu'ils l'assaillirēt tresfierement: si qu'en assaillant, ils firent emplir les fossez de ces mesriens: tant qu'on pouuoit bien (qui vouloit & qui estoit assez couuert) aller iusques aux murs du chasteſt. Ceux de dedans lançoient & gettoient pierres & chaux & feu ardent: & ce nonobstant, ceux de dehors vindrent iusques aux murs: & auoient fait chas & instrumens, parquoy on picquoit les murs: tout à couuert: & lors ceux de dedans se rendirent, sauues leurs vies & leurs biens. Lors, quand les Seigneurs de France eurent conquis Chastonceaux, le Duc Jehan de Normandie (qui estoit souuerain de tous) le liura à messire Charles de Blois, comme sien: qui meit dedans Chastellain, & Gens-d'armes foison, pour garder l'entrée du pays, & pour conduire ceux qui viendroiēt apres eux. Si se délogerēt ces Seigneurs & se tirerent par deuers Nantes: qui est la maistresse ville de toute Bretagne: là ou ils tenoient que le Comte de Montfort, leur ennemy, estoit. Si aduint que les Mareschaux de l'oſt & les Coureurs trouuerent en leur voye vne bonne ville & grosse, bien fermée de fossez, si l'assaillirent fierement. Ceux de dedans estoient peu de gens, & petitement armez, si fut la ville tantost gaignée & toute pillée, & la moitié arſe, & tous les gens mis à l'espée: & appelle on la ville Quarques, & sied à quatre lieues, ou à cinq, pres de Nantes. Les Seigneurs se logerent celle nuit là entour. Lendemain se tirerent vers Nantes: qu'ils assiégerent tout autour: & firent tendre tentes & pauillons. Lors les Gens-d'armes, qui estoient dedans la cité (dont il y auoit grande foison avec les Bourgeois) s'en alerent tous armer & tenir aux deffenses ce iour, ainsi qu'ordonné auoient. Ceux de l'oſt entendirent à eux loger & aller fourrager: & aucuns Géneuois & Bidaux allerent pres des baillies, pour écaroucher &† paſeter. Si issirent aucuns des soudoyers & ieunes Bourgeois encontre eux: tant qu'il y eut tiré & lancé, & d'un costé & d'autre plusieurs morts & naurez. Ainsi eut là des écarouches par deux, ou par trois fois, tant que l'oſt demoura illec. Au dernier aucuns soudoyers de la cité & des Bourgeois issirent hors à vne matinée, à l'adventure: & trouuerent iusques à quinze chars, chargez de viures & de pourueances: qui s'en alloient deuers l'oſt, & gens qui les conduisoient, iusques à foixante: & ceux de la cité estoient bien deux cens. Si leur coururent sus, & les déconfirēt & en occirent aucuns, & aucuns échapperent, qui l'allerent dire en l'oſt. Si y allerent aucuns, pour recourir la proye: & les r'acouſirent assez pres des baillies de la cité. Là multiplia le hutin tresdurement, car ceux de l'oſt y vindrent à si grande foison, que les soudoyers en eurent trop grand faix: mais toutesfois ils firent dételler les cheuaux, & les chacerent iusques dedans la porte: à fin que si l'aduenoit que ceux de l'oſt obtenissent la place, ils ne peussent emmener les chariots, ne les pourueances, si legerement. Et alors les autres soudoyers de la cité issirent, pour aider à leurs compagnons, & aussi des autres Bourgeois pour aider à leurs parens. Ainsi multiplia le hutin: & en y eut planté de morts & de naurez de costé & d'autre, & foison de bien deffendans & assaillans: & y eut tresgrand hutin, qui dura longuement, car tousiours croissoit la force de l'oſt, & si suruenoit tousiours nouuelles gens. Tant en vint, qu'à la fin messire Henry veit qu'il estoit temps de retraire, & qu'ils pouuoient plus perdre, à demourer là, que gagner. Il fit ceux de la ville retraire, au mieux qu'il peut: & furēt si pres poursuis, au retraire, qu'il en y eut foison morts, & de prins plus de deux cens Bourgeois de la cité, dequoy le Comte de Montfort blasma moult messire Héry, pour courroux de ce qu'il auoit fait si tost retraire. Dont messire Henry fut moult melancolieux: & ne voulut onc puis venir au conseil du Comte (si comme il souloit) sinon bien petit: & s'émervelloient les gens moult fort pourquoy† ils le faisoient.

Comment le Comte de Montfort fut prins à Nantes: & comment il mourut.

CHAPITRE LXXIII.

† L'Exēp. de la Mer & l'Ab. de la Chaux disent simplement il le faisoit, mais on peut entendre par, faisoient

OR aduint (ainsi comme j'ay ouy recorder) que les Bourgeois de la cité (qui veoient leurs biens destruire dedans la cité & dehors, & auoient leurs enfans & leurs amis en prison, & doutoient encores pis auoir au temps aduenir) s'aduiferent & parlerent ensemble

semble secrettement, tant qu'ils eurent entre eux accord de traiter à ces Seigneurs de France couiertement, parquoy il peussent aduenir à paix, & r'auoir leurs amis & enfans quittes & deliures, qui estoient en prison. Et traitèrent tant secrettement, qu'il leur fut accordé qu'ils r'auoient leurs prisonniers tous deliurez : & ils deuoient liurer vne des portes ouuertes, pour entrer les Seigneurs en la cité, pour aller prendre le Comte de Montfort dedans le chastel, sans riens forfaire ailleurs à la cité, n'aux corps, n'aux biens. Et vouloient dire aucunes gens, que ce fut fait assez par l'accord & pourchas de Monseigneur Henry de Leon (lequel auoit esté vn des maistres Conseillers dudit Comte) par ce qu'il l'auoit menacé, cōme dit est dessus. Et ainsi fut fait : & entrèrent les Seigneurs à vn matin, avec eux ceux qu'ils vouloient auoir : & allerent droit au chastel, si briserent les huis, & prindrent le Comte de Montfort, & l'amenerent droit à leurs tentes, hors de la cité, sans riens forfaire, ne à corps, ne à biens, de la cité. Ce fut l'an de \dagger grace mil ccc. xli. entour la feste de Toussaincts. Les Seigneurs de France entrèrent en la cité à grande ioye : & firent les Bourgeois, & tous ceux de la cité, feauté & hommage à Monseigneur Charles de Blois, comme à leur droit Seigneur : & demourerent les Seigneurs en la cité, par l'espace de trois iours, grande feste demenant, puis conseillèrent à Monseigneur Charles de Blois, qu'il se tenist en la cité de Nâtes, & là entour, iusques au nouueau tēps, & fist ce qu'il peust par soudoyers & par forteresses qu'il auoit reconquises. Et adonc s'en partirent ces Seigneurs, & firent tant qu'ils reuindrēt à Paris, ou le Roy estoit. si luy liurerent le Comte de Montfort pour prisonnier. Le Roy le fit mettre en là tour du Louure, lez Paris : là ou il demoura longuement : & au dernier il mourut, comme l'ay ouy recorder, qu'il fut vray. Or vueil-ie retourner à la Comtesse de Montfort : qui bien auoit courage d'homme & cœur de lion. Elle estoit en la cité de Rēes, quand elle entendit que son Seigneur fut prins : & combien qu'elle eust grand dueil au cœur, elle reconfortoit tous ses amis vaillamment, & tous ses soudoyers : & leur remonstroit vn petit fils (qu'elle auoit, appelé Iehan, comme son pere) & leur disoit. Haa, Seigneurs, ne vous ébahissez mie de Monseigneur, que nous auons perdu. Ce n'estoit qu'un homme, veez cy mon petit enfant : qui sera (se Dieu plaist) son restorier, & vous fera des biens assez : & i'ay de l'auoir à planté : si vous en donneray assez, & vous pourchasseray tel Capitaine parquoy vous serez tous recōfortez. Quand la Cōtesse eut ainsi recōforté ses amis & ses soudoyers (qui à Rēes estoient) elle alla par toutes ses forteresses & bonnes villes, & menoit son ieune fils avecques elle, & les sermōnoit & reconfortoit en telle maniere qu'elle auoit fait ceux de Rēes, & enforçoit ses garnisons de gens, & de tout ce qu'il leur falloit : & payoit largement par tout, & donnoit d'abondant là ou elle pensoit que employé estoit. Puis vint à Hamibout sur la mer. Là se tint elle, & son fils avecques elle, tout celuy Yuer. Souuent enuoyoit reuifiter ses garnisons, & reconforter : & tresbien payoit ses gens de leurs gages.

pourquoy Monseigneur Henry tenoient courroux l'un contre l'autre.

† 1341. Prise du Comte de Montfort.

Parauant de la Comtesse de Montfort à ses gens, apres la prise de son mary.

Comment le Roy d'Angleterre s'ement la tierce fois, pour guerroyer les Escocois.

C H A P I T R E

LXXIIII.

Vous auez cy dessus ouy recorder comment, le siege durant deuant Tournay, les Seigneurs d'Escoce auoient reprins plusieurs villes & forteresses sur les Anglois, qu'ils tenoient au Royaume d'Escoce : & n'estoiet demourez Anglois fors seulement le chastel de \dagger Sturmelin, la cité de VVaruich, & Rozebourg : & seoyēt les Escocois à siege fait (avec eux aucuns Seigneurs de Frâce : que le Roy Philippe leur auoit enuoyez pour parfaire leur guerre) deuant le chastel de Sturmelin : & l'auoient tellemēt cōtraint, que les Anglois, qui l'auoient, ne le pouuoient tenir longnement. Dont il aduint que, quand le Roy Anglois fut retourné, du siege de deuant Tournay, en son pays, il eut conseil de cheuaucher vers Escoce, comme il fit : & se meit au chemin entre la saint \dagger Michel & la Toussaincts : & fit vn grand mandement, que toutes Gens-d'armes & Archers le suyussent vers VVaruich. Lors s'emeurent toutes manieres de gens parmi Angleterre, & vindrent celle part ou ils estoient semons. Mesinement le Roy s'en vint à VVaruich : & là s'arresta, en entendant ses gens : qui venoyent à grand effort, l'un apres l'autre. Les Seigneurs d'Escoce furent informez de la venue du Roy d'Angleterre, si hastèrent moult le chastel de Sturmelin, qu'ils auoyent assiegé, & contraingnirent ceux de dedans par engins & canons, & tellement qu'il conuint aux Anglois rendre la forteresse, & s'en partirent, sauf leurs corps & leurs membres : mais riens n'emporterent. Celles nouvelles

† Parauant Strumelin : que Maïoris nomme Struiling, et Boeth Struerlin. † Il semble que nostre Auteur vueille que ce cy soit del'ā du siege de Tournay 1340. Mais qui, prendra bien garde aux chap. 53. 64. et 64. gros

uerat qu'à grā-
de peine le Roy
d'Angleterre
eust peu estre a
lors repassé en
son Royaume:
en sorte que vo-
lontiers i'at-
tribueroye cecy
à l'an 1341. et
par ce moyen
trouuerions le
retour du Roy
Dauid d'Esco-
ce en son Royau-
me en l'an 1342
comme veulent
les Historiogra-
phes d'Angl.
& d'Escoce.

Trêues entre
Angl. & Esc.
pour 4. mois,
ou, pour 3. mois
selon le chap.
suivant.

* Ann. 65.

Retour du Roy
Dauid en son
Royaume d'Es-
coce, en l'an
1341. comme
semble vouloir
nostre Auteur:
dōt vous pour-
rez coniectu-
rer la venue
d'iceluy Roy en
France, & la
noter sur le ch.

34. puis qu'il
a dit encores
nagueres en ce
present ch. que
les Escosois a-
uoient guer-
royé plus de
sept ans sans
Seigneur.
† le ne doute
point qu'il n'e-
tende des Isles
d'Orkanie, &
qu'il ne faille
lire Suedre et
Noruegue,
pour Souegne
et Malbegne:

vindrent au Roy d'Angleterre, ou il estoit. Si s'en partit, & tira vers Sturmelin, & passa outre, & vint à Neuf-chastel sur Thin: & se logerent ses gens en icelle ville & es villa- ges d'environ: & là seiournerent plus d'un mois, en attendant leurs pourueances: qu'on auoit mises sur mer, entre la saint André & la Toussaincts, mais plusieurs de leurs nefes furent peries, car leurs vaisseaux eurent telle fortune de vent sur mer, que petit leur en vint: mais allerent arriuer par vent contraire (vouffissent ou non) en Holāde & en Frise. Parquoy les Anglois, qui se tenoient à Thin & là environ, eurent grand defaute & cher tēps: & ne peurent aller auāt. Car fils fussent passez, ils n'eussent sceu ou fourrager, n'ou recouurer viures, car l'Yuer estoit entré: & auoient les Escosois tous leurs biens & leurs blés mis es fortereffes: & auoit le roy d'Angleterre biē 6000, hōmes de cheual & 40000 hōes de pié. Les Seigneurs d'Escoce, qui festoiēt retraits deuers la forest de Gedeours, apres la prinse de Sturmelin, entēdirēt biē que le Roy d'Angleterre seiournoit à Neuf-chastel sur Thin, à grande gent, pour ardoir & exiler le pays d'Escoce. Si eurent conseil comment il se maintiendroient. Car ils estoient peu de gens, & auoient guerroyé plus de sept ans sans Seigneur, nuit & iour, aux champs & aux forests, en grande malaïse: & encores n'auoyent point de secours du Roy leur Seigneur. Si s'accorderent qu'ils en- uoyeroient, deuers le Roy d'Angleterre, vn Euesque & vn Abbé, pour requerre vnes trêues. Lesquels messagers se partirent des Escosois: & cheuaucherent tant qu'ils vin- drent à Neuf-chastel sur Thin: ou ils trouuerent le Roy à grande foïson de Baronnie.

Ces deux messagers (qui là estoient venus sur sauſconduit) remonſtrèrent au Roy, & à son conseil, leur besongne, si ordonneement qu'une trêue fut accordée à durer par qua- tre mois, par telle condition que ceux d'Escoce deuoient enuoyer en France messagers suffisans au Roy Dauid: & luy signifieroyēt que (ſil ne venoit, dedās le mois de May en- ſuyuant, si puiffamment que pour reſiſter & deffendre son pays) ils se rendroyent aux Anglois, ne iamais ne le tiendroyent à Seigneur. Sur ce retournerent ces deux Prelats d'Escoce aux Escosois: qui tantost ordonnerent pour enuoyer en France meſſire Ro- bert* de Verſi, & meſſire Simō Fresiel, & deux autres Cheualiers, pour compter au Roy, leur Seigneur, ces nouuelles. Le Roy Anglois (qui à Neuf-chastel seiournoit à grande meſaiſe, & auſſi toutes ſes gens, par defautes de viures & de pourueances, & par ce ſe- ſtoit trouué plus enclin d'accorder la trêue) ſe partit de là, & reuint arriere en Angleter- re, & r'enuoya ſes gens chacun en ſon lieu. Les Meſſagers d'Escoce, deſſuſdits, ſe mei- rent à chemin deuers France, & paſſerent la mer à Douures: & le Roy Dauid (qui par le terme de ſept ans auoit demouré en France, & ſauoit que ſon pays eſtoit moult deſolé, & ſes gens à grand méchef) ſi eut conseil qu'il prendroit congé du Roy de France, & ſ'e reuiēdroit en ſon Royaume pour ſes gens recognoiſtre & viſiter. Si ſe mit à la voie, luy & la Roïne ſa femme, auant que leſdits meſſages fuſſent paruenus à luy: & ſ'eſtoit mis en mer, à vn autre port, au gouuernement d'un marinier, appellé meſſire Richard le Flament: ſi qu'il arriua au port de Morois en Escoce, ainçois que les Seigneurs d'Es- coce le ſceuffent.

Comment le Roy Dauid d'Escoce vint, à grand oſt, deuant Neuf-Chastel ſur Thin.

CHAPITRE. LXXV.

Quand le ieune Roy Dauid d'Escoce fut venu en son pays, ſes gens vindrent à luy à grand ioye & à grande ſolennité: & le menerent en la cité de ſaint-Iehan en Escoce. Illec vindrent gens de toutes parts, pour le venir veoir & feſtoyer: & apres, cha- cun luy alla remonſtrer les dommages & toute la deſtruction, que le Roy Edouard & les Anglois auoient fait en Escoce. Si dit le Roy Dauid d'Escoce qu'il ſ'en végeroit biē, ou il perdrait le demourant de ſon pays, ou il mourroit en la peine. Puis eut conseil, ſi enuoya grans meſſages à tous ſes amis, loing & pres, en priant & requérant que cha- cun luy voufiſt aider à ce beſoing. A ce mandement vint le Comte † d'Orquenay, vn grand Prince & Puiffant: & auoit à femme la ſœur du Roy Dauid. Si y vint, à grande planté de Gens-d'armes: & auſſi pluſieurs autres Barons & Cheualiers de Souegne, de Melbegne, & de Dānemarche: les vns pour amour, les autres pour ſoudées. Tant y en vint de coſtē & d'autre, qu'ils furent bien (quand tous furēt venus entour la cité de ſaint Iehan en Escoce, au iour que le dit Roy les auoit mandez) lx. mille hommes à pié, & ſur hacquenées bien trois mille armez, Cheualiers & Escuyers, à tout les Seigneurs & ceux du pays d'Escoce. Quād tous furent appareillez, ils ſ'e meurēt pour aller exiler ce qu'ils
pour-

pourroient du Royaume d'Angleterre (car la tréue de trois mois estoit expirée) ou ils disoient qu'ils se combattoient au Roy: qui tant leur auoit fait de méchance souffrir. Si se partirent de la ville de Saint-Iehan, bien ordonneement: & vindrent le premier iour gesir à Donfremelin. Puis passerent, le lendemain, vn petit bras de mer aupres de Donfremelin: & quand ils furent tout outre, ils cheminerent à grand exploit, & passerent deffous Haindebourg, & puis apres toute l'Escoce, & de coste le fort Chastel de Rozebourg: qui se tenoit Anglois, mais point n'y assaillirent, car ils ne vouloiét mie faire blecer leurs gens, ne desployer leur artillerie: & ne sauoient se besoing en auoiét: pourtant qu'ils esperoient à faire vn grand fait, auant que retourner en Escoce. Apres passerent assez pres de la cité de VVaruich: & cheminerent outre, sans l'assaillir: & entrerent au Royaume d'Angleterre, par le pays de Northombelande: & vindrent sur la riuere de Thin, ardant & gastant tout le pays: & tant firent, par leurs iournées, qu'ils vindrent deuant Neuf-chastel: qui sied sur la riuere de Thin. Là se logea le Roy Dauid d'Escoce & tous ses osts, celle nuit, pour saoir fil y pourroit de riens exploiter. Quand vint au point du iour, aucuns Gentils-hommes de là entour (qui estoient en la ville) issirent par vne porte secrettement, pour émouuoir l'ost: & estoient plus de deux cens Lances. Si se frapperent à vn des costez de l'ost, droitement aux tentes du Comte de Moray: qui s'armoit d'argent à trois oreilles de gueules. Si le trouuerent en son liét, & le prindrent: & tuerēt planté de ses gens, auant que l'ost fust éueillé: & gagnerent grande foison d'auoir, puis retournerent en la ville baudement, & à grande ioye: & liurerent le Comte de Moray au Chastellain, Monseigneur Iehan de Neufuille. Quand ceux de l'ost furent éueillez & armez, ils coururent, comme forsenez, aux bailles de la ville: & firent vn grand assaut: qui dura longuement: mais petit leur valut: ains perdirent assez de leurs gens, car en la ville auoit foison de Gens-d'armes: qui bien & sagement se deffendirent, parquoy il conuint aux assaillans retourner à leur perte.

mais ie ne trouue en nul autre rié de cestamas ne que ce Côte fust son beau-frere, ou serour ge. Sala dit Orbrenay, Norvueg, Sourde, & Danemar-che. La Chaux se contente de nommer seulement Orkenni Saillie de ceux de Neuf chastel par laquelle fut pris le Côte de Moray, Escocois.

Comment le Roy Dauid d'Escoce print & destruit la cité de Durem.

CHAPITRE LXXVI.

Quand le Roy Dauid & son cōseil veirēt que le demourer estoit là dāgereux, & si ne leur pouuoit porter profit n'hōneur, ils s'en partirent & entrerēt au pays de l'Euesché de Durē, & l'ardirēt, & gasterent, puis se tirerent par deuers la cité de Durem, & l'assiegerent, & y firent plusieurs grans assaux, cōme gens forsenez: pourtāt qu'ils auoiēt perdu le Comte de Moray, & si sauoient qu'en la cité auoit grand auoir assemblé. Car tout le pays d'entour y estoit affuy, & se trauailloient chacun iour d'assaillir plus aigrement, & faisoit faire le Roy d'Escoce instrumens & engins, pour venir assaillir iusques aux murs. Quand les Escocois se furent departis de deuant Neuf-chastel, messire Iehan de Neufuille, Chastellain, se partit d'illec, monté sur fleur de coursier, & élongna les Escocois (car il sauoit bien les adresses & les refuges du pays, comme celuy qui en estoit) & fit tant que dedans cinq iours il vint à Chartesec: ou le Roy Anglois estoit pour lors: auquel il compta les nouuelles des Escocois. Adonc le Roy d'Angleterre enuoya ses messages par tout: & manda à tous ses gens, Cheualiers Escuyers, & autres dont on se pouuoit aider, & dessus l'aage de quinze ans, & au deffous, de soixante, que nul ne s'excusast, ses lettres veues & ses mandemens ouys, qu'ils ne venissent tantost vers luy, sur les marches de Nort, pour aider à deffendre son pays, que les Escocois destruisoyent. Adonc sauancerent Comtes, Barons, Cheualiers, & communautéz des bonnes villes: & se meirent en la voye, de grande volonté, pour venir vers VVaruich: & mesmement le Roy se partit premierement, & n'attendit nully (tant auoit grande haste) & chacun le suyuoit de tous costez. Ce pendant fit le Roy d'Escoce assaillir la cité de Durem, par engins & instrumens qu'il auoit fait faire, tant fort que ceux de dedans ne la pouuoient garantir, qu'elle ne fust prinse, & toute robée, & arse, & toute manieres de gens mis à mort sans mercy, hommes & femmes, Moynes & Prestres, Chanoyes & enfans: & n'y demoura personne, maison n'Eglise, que tout ne fust mis à destruction: dont ce fut pitié, de destruire ainsi Chrestienté, & les Eglises, ou Dieu estoit seruy & honoré:

Le Chastellain de Neufchastel vers le Roy de Angleterre.

Prise de Durē par les Escocois dont ie ne trouue rien ailleurs mais on y bien de Roxbourg ou Rosebourg en May. & Boeth.

Comment le Roy d'Escoce assiegea le Chastel de Salebery.

CHAP. LXXVII.

Quand ce fut aduenü, le Roy Dauid eut cōseil qu'il se tireroit arriere, selon la riuere de Thin, & se tireroit par deuers la riuere de Cardoel: qui est à l'entrée de Gal-

† s'il ne faut
icy fils du fre
re, entendez
qu'es maisons
Nobles on prend
souuent le sur
nom de la mere
pour diuerses
causes.

salebery assail-
li par les Esco-
çois.

† il faut enten-
dre icy plus
qu'il ne dit:
c'est assavoir
que le Roy d'an-
gleterre auoit
donné ce chastel
à la Comte de
Salebery à ce
Guillaume de
Montagu pri-
sonnier, comme
il se voit au
chapitre 27-

les. Ainsi qu'il alla celle part, il se logea, celle nuit, delez le fort Chastel de Salebery: qui estoit bien garny de Gens-d'armes. Si en estoit souverain messire Guillaume de Montagu (fils de la sœur du Comte de Salebery) apres son oncle: qui ainsi auoit nom. Quand la nuit fut passée, l'ost du Roy Dauid d'Escoce se délogea, pour traire auant par deuant Cardoel: & passerent les Escocois, par routes, assez pres de ce Chastel, moult fort chargez d'auoir, qu'ils auoient gaigné à Durem. Quand messire Guillaume de Montagu veit, du Chastel, qu'ils n'estoient tous passez, & qu'ils n'arrestoient point, il issit, tout armé à cheual, hors, avec luy quarante compaignons d'armes: & suyrent couuertement apres le derrain trait: qui auoient cheuaux si chargez d'argent & d'auoir, qu'à peine pouuoient aller auant: & les raconsuyrent à l'entrée d'un bois, & leur coururent sus. Si en tuerent & blecerent, luy & ses compaignons, plus de deux cens: & prindrent bien six vingts cheuaux chargez de ioyaux & d'auoir, & les amenerent deuers le Chastel. Le cry & les fuyans vindrent iusques à Monseigneur Guillaume Donglas: qui faisoit adonc l'arrieregarde, & auoit ia passé le bois. Qui adonc veist les Escocois retourner à cours de cheual par montaignes & par vallees, messire Guillaume Donglas tout deuant, il en peust auoir hideur, tant coururent, qu'ils vindrent au pied du Chastel. Si monterent la montaigne à grande haste: mais, ainçois qu'ils paruenissent aux bailles, ceux de dedans les auoient refermées, & l'auoir & la proye mis à sauueté. Lors commencerent les Escocois à les assaillir moult fort: & ceux de dedans à deffendre de traire & de getter, tant qu'on pouuoit. Illecques s'efforcerent grandement les deux Guillaume de greuer l'un l'autre. Et dura celuy assaut tant que tout l'ost fust reuenu audit assaut, & le Roy mesmes. Quand le Roy & son Conseil eurent veu leurs gens morts, gifans sur les chäps, & veirent les assaillans blecez & naurez sans rien conquerre, il commanda qu'on laissast l'assaut, & qu'on s'en allast loger. Car il ne se partiroit de là, si auroit veu cōment il pourroit ces gens venger. Lors pouuoit on veoir gens appareiller, & fremir, & querir pièce de terre pour loger, les assaillans retraire, les naurez r'apporter, & r'appareiller, les morts r'assembler. Lendemain le Roy d'Escoce commanda que chacun s'appareillast pour assaillir, & ceux de dedans pour deffendre. Là eut fort assaut & perilleux. Là eust on veu de bien-faisans de costé & d'autre. Là estoit la Comtesse de Salebery: qu'on tenoit pour la plus belle Dame & la plus sage du Royaume d'Angleterre: & estoit le Chastel au Côte de Salebery: qui fut prins, avec le Comte de Suffort, pardeuant l'Isle en Flandres: & estoit lors encores en prison au Chastellet de Paris: & † auoit ce chastel donné audit Comte (quand il le maria à ladite Comtesse) pour la prouesse & pour le seruice qu'il auoit tousiours trouué audit Comte: qui parauant estoit appelé messire Guillaume de Montagu: comme il appert cy dessus en ce liure. Icelle Comtesse reconfortoit moult fort ceux de dedans, & par le regard d'une telle Dame & de son doux admonnestement un homme doit bien valoir deux au besoing. Cest assaut dura longuement: & y perdirent les Escocois moult de leurs gens, car ils s'abandonnoient hardiment: & portoient arbres & mesriés à grāde foison, pour emplir les fossez, & pour amener leur instrumēs iusques au mur, s'ils peussent, mais ceux de dedans se deffendirent si bien qu'il, conuint les assaillans retraire: & le Roy commanda les instrumens garder, pour réforer l'assaut le lendemain. Lors retourna chacun en son lieu, fors ceux qui deuoient garder les instrumens. Les uns plouroient les morts: les autres confortoient les naurez. Ceux du chastel veirent bien que ce faiz leur estoit trop grand (car ils estoient moult trauaillez, & que, se le Roy Dauid maintenoit son propos, ils auroient fort tēps. Si eurent conseil entre eux qu'ils enuoyeroient deuers le Roy Edouard: qui estoit à VVaruich ia venu, ce sauoient ils bien de verité, par les prisonniers d'Escoce, qu'ils auoient prins. Si regarderent, entre eux, qui feroit ceste besongne: mais ils ne pouuoient trouuer nul, qui voulsist le chastel laisser à deffendre, ne la belle Dame aussi, pour porter ce message. Si y eut entre eux grand estrif. Quand le chastelein, messire Guillaume de Montagu, veit ce, il leur dit: Seigneurs, ie voy bien vostre loyauté & bone volonté: si que, pour l'amour de Madame & de vous, ie mettray mon corps en aduenture de faire ce message, car j'ay grande fiance en vous, & à ce que ie voy, vous garderez bien le chastel iusques à ma reueneue, & d'autre part, j'ay grande esperance au Roy, nostre Sire, que ie vous ameneray bien briuevement si grand secours, que vous en aurez ioye, & vous serōt bien guerdonnez les biens que vous aurez faits. De ceste parolle furent Madame la Comtesse & tous les compaignons moult ioyeux. Quand la nuit fut venue, ledit messire Guillaume s'appareilla

pareilla au mieux qu'il peut, pour plus paisiblement sortir de leās, qu'il ne fust aperceu de ceux de l'ost. Si luy aduint si bien, qu'il pleut toute nuit, si fort que nul des Escotois n'osoit issir de sa loge. Si passa à minuit parmi l'ost, qu'onques ne fut veu. Quand il fut passé, & il fut iour, il cheuaucha tant auant, qu'il rencontra deux hommes d'Escoce, à demie lieuë pres de l'ost: qui amenoient deux beufs & vne vache par deuers l'ost. Monseigneur Guillaume congneut qu'ils estoient Escotois, si les naura tous deux moult fort & tua les beufs: à fin que ceux de l'ost n'en eussent l'aïsement. Puis dit aux deux naurez: Allez: si dites à vostre Roy que Guillaume de Mōtagu auoit ainsi passé parmy leur ost, & qu'il s'en alloit querre secours au Roy Anglois, qui estoit à Waruich. † Ils parlerent ensemble, entendis que le Roy Dauid faisoit souuent & ardamment assaillir: & veirent que le Roy faisoit souuent ses gens naurer & martyrer sans raison: & si veirent que le Roy Anglois viendrait bien à eux combattre, ainçois que le Chastel peust estre conquis. Si dirent au Roy Dauid, d'un accord, que le demourer là n'estoit mie son profit ne son honneur, car il leur estoit moult honnorablement adueni de leur entreprise: & si auoyent fait grand despit aux Anglois, quand ils auoient geu en leur pays par douze iours & prins & destruit la cité de Durem: & que, tout considéré, il estoit bon qu'il se retirast vers son pays & Royaume: & ils feroient pour le mieux: & emmenassent ce qu'ils auoyent conquis: & qu'une autre fois ils retourneroient en Angleterre, quand il luy plairoit. Le Roy, qui ne voulut mie issir hors du conseil de ses hommes, s'y accorda, mais ce fut bien enuis. Toutesfois il se délogea au matin, & tout son ost aussi: & s'en allerent lesdits Escotois droit vers la grande forêt de Gedeours (ou les sauages Escotois se tenoient) tout bellement & à leur aise, car ils vouloient sauoir que le Roy d'Angleterre feroit en auant: ou s'il se tireroit arriere, ou s'il iroit auant en leur pays.

Hardieſſe de Guillaume de Montagu, Chastelain de Salebery, en l'absence du Comte son oncle.

† *N'entendez pas de ces deux naurez seulement: mais des principaux d'Escoce avec eux.*

Retraite des Escotois en leur pays.

Comment le Roy d'Angleterre fut enamouré de la Comtesse de Salebery. CHAP. LXXVIII.

ACe iour mesmes que les Escotois se partirent, au matin, de deuant le Chastel de Salebery, vint le Roy Edouard, à tout son ost, à l'heure de midy, en la place ou les Escotois auoient logé. Si fut courroucé, quand il ne trouua lesdits Escotois, car ils estoient venus à si grande haste, que ses gens & ses cheuaux estoient si las & si trauaillez que merueilles. Si commanda que chacun se logeast là endroit, car il vouloit aller veoir le Chastel, & la noble Dame qui leans estoit: qu'il n'auoit veüe puis ses nopces, quand elle fut mariée. Adonc chacun s'en alla loger & reposer, ainsi qu'il voulut. Si tost que le Roy Edouard fut desarmé, il print iusques à dix ou à douze Cheualiers, & puis s'en alla deuers le Chastel, pour saluer la Comtesse de Salebery, & pour veoir la maniere des faux que les Escotois auoient faits, & les deffenses que ceux du Chastel auoient faites à l'encontre. Si tost que la Dame de Salebery sceut la venue du Roy, elle fit ouurir toutes les portes, & vint hors, tant richement vestue, que chacun s'en émerueilloit: & ne se pouuoit on cesser de la regarder, & remirer sa grande noblesse, avec la grande beauté & le gracieux parler & maintien qu'elle auoit. Quand elle fut venue au Roy, elle s'enclina iusques à terre contre luy, en le regrant de son secours: & l'amena au Chastel, pour le festoyer & honorer, comme celle qui tresbien le fauoit faire. Chacun la regardoit à merueilles: & le Roy mesmes ne se pouuoit tenir de la regarder: & bien luy estoit aduis qu'onques n'auoit veüe si noble, si frisque, ne si belle Dame. Si le ferit tantost vne estincelle de fine amour au cœur: qui luy dura par long temps, car il luy sembloit qu'au monde n'y auoit Dame, qui tant fust à aymer comme elle. Si entrerent au Chastel main à main: & le mena la Dame premierement en la sale, & puis en sa chambre: qui estoit si noblement parée, qu'il appartenait à telle Dame. Et tousiours regardoit le Roy la gentil Dame, si fort qu'elle en deuenoit toute honteuse. Quand il l'eut grande piece regardée, il s'en alla à vne fenestre, pour soy apuyer: & comença moult fort à penser. La Dame alla les autres Cheualiers & Escuyers festoyer, puis commanda appareiller à dîner, à mettre les tables, & la sale parer & ordonner. Quand la Dame eut tout deuissé, & commandé à ses gens ce que bon luy sembloit, elle s'en reuint à ioyeuse chere par deuers le Roy (qui encores pensoit & musoit souuent) & luy dit. Cher Sire, pourquoy pensez vous si fort? tant penser n'appartient pas bien à vous, vostre grace satue: ainçois deussiez vous mener feste & ioye (quand vous auez enchacé voz ennemis: qui ne vous ont osé attendre) & deussiez laisser aux autres penser du demourant. Le Roy luy dit. Haa, chere Dame, sachez que, depuis que j'entray ceās, il m'est vn songe adueni, duquel ie ne

La Comtesse de Salebery visitée par le Roy Edouard d'Angleterre.

Le Roy Edouard decouvre son amour à la Comtesse de Salebery.

me prenoye garde, si m'y conuint penser, & si ne say qu'aduenir il m'en pourra, mais ie ne say comment i'en pourray mon cœur oster. Haa, cher Sire (dit la Dame) vous deussiez tousiours faire bonne chere, pour voz gens mieux conforter : & laisser le penser & le musier. Dieu si vous a tant aidé, iusques à ores en toutes vos besongnes, & doné si grande grace, que vous estes le plus douté & honoré Prince des Chrestiens : & se le Roy d'Escoce vous a fait depit & dommage, vous le pourrez bien améder, quand vous voudrez : ainsi qu'autresfois l'avez fait. Si laissez le musier, & venez en la sale (si vous plaist) delez voz Cheualiers, car il sera tantost prest à disner. Haa, chere Dame (dit le Roy) autre chose me touche & gist au cœur, que vous ne pensez. Car certainement le doux maintien, le parfait sens, la grace, la grande noblesse, & la beauté, que i'ay trouuée en vous, m'ont si fort surprins, qu'il conuint que ie soye de vous aymé. Car nul escōduit ne m'en pourroit oster. Lors dit la Dame. Haa, cher Sire, ne me vueillez mie mocquer ne tenter, ie ne pourroye cuider que ce fust à certes ce que vous dites, ne que si noble & gentil Prince, comme vous estes, eust pensé à deshonnorer moy & mon mary : qui est si vaillant Cheualier, & qui tât vous a seruy, & encor gist pour vous en prison. Certes, Sire vous seriez de tel cas peu prisé, & n'en seriez de rien meilleur : & certes onc telle pêsée ne me vint au cœur, ne ia (se Dieu plaist) ne fera, pour homme qui soit né : & (se ie le faisoie) vous me deuriez blasmer : mais mon corps punir, iusticier, & démembrer. Atant partit la vaillante Dame, & laissa le Roy mout fort ébahy : & s'en reuint en la sale pour faire haster le disner. Puis retourna au Roy, & amena de ses Cheualiers, & luy dit. Sire, venez en la sale, les Cheualiers vo⁹ attédent pour lauer, car ils ont ia trop ieusné, & vous aussi. Le Roy se partit de la chambre, & s'en alla en la sale, & laua : & puis s'assit entre les Cheualiers, au disner, & la Dame aussi, mais le Roy disna bien petit : & ne fit onc à ce disner fors que penser : & à la fois (quand il osoit la Dame en son maintien regarder) il gettoit ses yeux celle part, de quoy toutes gens auoient grand merueille : car ils n'en estoient point accoustumez : n'oc en tel point ne l'auoient veu : ainçois cuidoyēt les aucuns que ce fust pour les Escotois, qui luy estoient échappez. Tout ce iour demoura le Roy Anglois au Chastel : & ne fauoit que faire. Aucunesfois il se reduisoit qu'honneur & loyauté luy deffendoit de mettre son cœur en telle fausseté, pour deshonnorer si vaillante Dame, & si vaillant & loyal Cheualier, comme son mary estoit : qui tousiours l'auoit tant bien seruy. D'autre part amour le contraingnoit si fort, qu'elle surmontoit honneur & loyauté. Ainsi se debattoit le Roy à luy mesmes, tout le iour & toute la nuit. Au matin se leua : & fit tout son ost déloger & tirer apres les Escotois, pour les chacer hors de son Royaume. Puis print congé de la Dame, en disant. Ma chere Dame, à Dieu vous commans, iusques au reuenir : & vo⁹ prie que vous vueillez aduiser, & autrement estre conseillée que vous ne m'avez dit.

Le Roy d'Angleterre suit les Escotois.

Cher Sire (dit la Dame) Dieu le pere glorieux vous vueille conduire, & oster de villaine pensée : car ie suis & seray tousiours appareillée de vous seruir à vostre honneur & au mien. A tant se partit le Roy tout ébahy, à tout son ost : & s'en va apres les Escotois : & les suiuit iusques à la bonne cité de Waruich : & se logea à quatre lieuës pres de la forest de Gedeours : là ou le Roy Dauid & tous ses gens estoient entrez, pour les grandes forests qu'il y a. Là endroit demoura le Roy Anglois, par l'espace de trois iours, pour sauoir se les Escotois voudroyent issir hors pour combattre à luy. Et en ces trois iours y eut tant d'écarmouches, entre les deux osts, que merueilles : & y en auoit souuent de morts & de prins d'un costé & d'autre. Et sur tous les autres y estoit plus souuent venu, en bon conuenant, messire Guillaume de Donglas : qui s'armoioit d'asur à comble d'argent, & de dans le comble trois estoilles de gueules : & estoit celuy qui y faisoit plus de beaux faits & belles recouffes & hautes emprinses : & fit en l'ost des Anglois moult de destourbier.

Comment le Comte de Salebery & le Comte de Moray furent deliurez de prison, par eschange l'un de l'autre.

CHAPITRE LXXIX.

† Entendez au Roy d'Escoce. & que ces tréues furent faites en l'an 1342 selon P. Ver.

Tous ces trois iours parlementerent aucuns prudhommes de tréues & d'accord entre ces deux Roys : & tant y traitterent, qu'une tréue fut accordée à durer deux ans : voire par ainsi que le Roy de Frâce sy accordast, car le Roy de France estoit si fort allié à luy, qu'il ne pouoit donner tréues, ne faire paix sans luy. Et (se le Roy Philippe ne sy vouloit accorder) si dureroiēt les tréues, entre les Anglois & les Escotois, iusq's au premier iour de May. Et deuoit estre quite le Côte de Moray de sa prison : se le Roy d'Escoce pouoit tât pourchacier, au Roy de Frâce, q le Côte de Salebery fust quite aussi de sa prison. Laquel-

Laquelle chose deuoit estre aussi pourchacée dedans la feste saint Iehan Baptiste. Le Roy d'Angleterre s'accorda à celle tréue plus légèrement: pource qu'il auoit guerre en France, en Gascongne, en Poictou, en Xainctonge, & en Bretagne: & par tout y estoient ses gens & soudoyers. Lors se departit le Roy d'Escoce: & enuoya grans messages au Roy de France, pour accorder ce que traité estoit il luy plaist. Si pleut assez bien au Roy de France, pour mieux complaire au Roy d'Escoce. Si r'enuoya tantost le Comte de Salebery en Angleterre: dont (si tost qu'il y fut) le Roy d'Angleterre r'enuoya le Comte de Moray, deuers le Roy Dauid d'Escoce.

*gil. combien que nostre An-
teur semble
toujours estre
à son an 1341.
cōme on le peut
mieux apper-
cevoir par le
chap. suuant.*

*Comment Monseigneur Charles de Blois, avec plusieurs Seigneurs de France, print
la cité de Rènes.*

CHAP. LXXX.

Vous deuez sauoir que, quand le Duc de Normandie, le Duc de Bourgongne, le Duc d'Alençon, le Duc de Bourbon, & le Comte de Blois, le Connestable de France, le Comte de Guines son fils, messire Jacques de Bourbon, messire Louis d'Es-
paigne, & les Comtes & les Barons de France se furent partis de Bretagne, & eurent
conquis le fort Chastel de Chatonceaux, & la cité de Nantes, & prins le Comte de
Montfort, & liuré au Roy de France (qui l'auoit fait mettre en prison au Louure lez Pa-
ris) Monseigneur Charles de Blois estoit demouré en la cité de Nantes, & au pays d'en-
tour, qui obeissoient à luy, en attendant la saison d'Esté: en laquelle il fait meilleur guer-
royer qu'en la saison d'Yuer. Quand la douce saison d'Esté fut reuenue, ces Seigneurs
de France dessus-nommez, & foison d'autres avecques eux, s'en r'allèrent deuers Bre-
tagne, à grand ost, pour aider à Monseigneur Charles de Blois à reconquerre le demou-
rant de la Duché de Bretagne. Si trouuerent ledit messire Charles de Blois en la cité de
Nantes. Lors eurent conseil d'assieger la cité de Rènes tout autour. La Comtesse de
Montfort l'auoit au deuant bien garnie: & y establit Capitaine messire Guillaume de
Cadudal, Breton: ces Seigneurs de France firent à la cité de Rènes mout de dommages
& plusieurs grans assaux: & ceux de dedans se deffendirent si bien, que ceux de dehors
y perdirent plus qu'il ne gaignerent. Si tost que la Comtesse de Montfort sceut que les
Seigneurs de France estoient reuenus en Bretagne en si grande puissance, elle enuoya
messire Aymery de Clifson en Angleterre, prier secours au Roy Edouard: par telle con-
dition que le ieune fils du Comte de Montfort & de ladite Comtesse prendroit à fem-
me l'une des filles du Roy d'Angleterre, & s'appelleroit Duchesse de Bretagne. Le Roy
Anglois estoit adonc à Londres, & festoyoit le Comte de Salebery: qui nouuellement
estoit venu de sa prison. Quand messire Aymery de Clifson fut venu au Roy Anglois,
le Roy luy ottroya toute sadite requeste: & commanda à Monseigneur Gautier de Man-
ny, qu'il print tant de Gens-d'armes comme Monseigneur Aymery deuiferoit, & s'appa-
reillast au plus tost qu'il pourroit pour aller aider à la Comtesse de Montfort, & print,
avec ce, deux ou trois mille des meilleurs Archers d'Angleterre. Adonc messire Gau-
tier se mit en mer, avec messire Aymery: & avec luy allerent les deux freres de Lymo-
dalle, messire Louis & messire Iehan, le Haze de Brabant, messire Hubert de Fresnoy,
messire Alain de Sirefonde, & plusieurs autres, & six mille Archers, mais vn grand tour-
ment les print en mer & vent contraire: parquoy il les conuint demourer sur la mer par
l'espace de quarante iours. Or est à sauoir que messire Charles de Blois & ces Seigneurs
de France tindrent le siege de Rènes, tant qu'ils y firent grand dommage, parquoy les
Bourgeois en furent moult ennuyez: & volontiers se fussent accordez de rendre la cité
s'ils osassent: mais messire Guillaume de Cadudal ne s'y voulut accorder nullement. Et,
quand les Bourgeois & le commun de la ville eurent assez souffert, & qu'ils ne veoyent
nul secours de nulle part venir, ils se voulurent rédre: mais messire Guillaume ne le vou-
lut souffrir. Et au derrain le prindrent, & meirent en prison: & eurent promesses & con-
uenances à Monseigneur Charles de Blois d'eux rendre le lendemain: par telle condi-
tion, que tous ceux de la partie de Montfort s'en pourroyent aller sauement, quelque
part qu'ils pourroyent: & Monseigneur Charles leur ottroya. Ainsi se rendit la cité de
Rènes, l'an * mil cccc. xlii. à l'entrée de May: & messire Guillaume de Cadudal ne
voulut point demourer de la court de Monseigneur Charles de Blois: ains s'en alla tan-
tost, par deuers Hamibout, à la Comtesse de Montfort: qui encores n'auoit nulles nou-
uelles de messire Aymery de Clifson, ne de sa compagnie.

*† Frere de char-
les de Blois, se-
lon le chap. 17.
† Parauant
Chaston-
ceaux.*

*† Entendez de
l'an 1341. se-
lon le cha. 73.*

*Mariage accor-
dé entre le ieun-
ne Comte de
Montfort &
vne des filles
du Roy E-
douard.*

** 1342. Rènes
se rend à Char-
les de Blois.*

Comment messire Charles de Blois assiegea, en Hamibout, la Comtesse de Montfort.

CHAPITRE

LXXXI.

Quand la cité de Rénes fut rendue, & les Bourgeois eurent fait feauté & hommage à Monseigneur Charles de Blois, iceluy Monseigneur Charles eut conseil d'aller vers Hamibout: là ou la Comtesse estoit. Car (puis que le Seigneur estoit en prison) s'il pouuoit prendre la Dame & son fils, il auroit toute sa guerre finie. Lors se tira avecques les Seigneurs de France dessus-nomez vers Hamibout, si assiegerét la ville & le Chastel tout autour, tant qu'ils peurent par terre. * Adoncques la Comtesse estoit à Hamibout, avec l'Euesque de Leon en Bretagne, oncle de ce messire Henry de Leon, qui estoit de la partie de messire Charles de Blois, & auoit tousiours esté depuis la prinse Monseigneur de Montfort. Et si y estoit messire Yues de Tribiquedi, le Sire de Landreman, ledit messire Guillaume de Cadudal, le Chastellain de Guingamp, les deux freres de Quirich, messire Henry & messire Oliuier de Pénafort, & plusieurs autres. Lors, quand la Comtesse & ses Cheualiers entendirent que les Seigneurs de France venoient pour eux assieger, & qu'ils estoient assez pres de là, ils firent commander qu'on sonnast la [†]baucloche, & que chacun fallast armer & allast à sa deffense. Quand Monseigneur Charles de Blois & les François furent approchez de la ville de Hamibout, ils firent leurs gens loger. Aucuns ieunes cōpaignons Espaignols, François, & Généuois, allerent iusques aux bailles pour écaroucher, & aucuns de dedans isirent hors contre eux. Si y eut grand hutin: & perdirent plus les Généuois, qu'ils n'y gagnerent. Quand le vespre approcha, chacun se retrahit à sa loge. Le lendemain les Seigneurs eurent conseil qu'ils feroient assaillir les bailles, pour veoir la contenance de ceux de dedans, & pour veoir s'ils pourroient riens conquerir. Si assaillirent le tiers iour si fort aux bailles, le matin entour heure de prime, que ceux de dedans isirent hors, les aucuns des plus suffisans: qui se deffendirent vaillamment: & firent l'assaut durer iusques à l'heure de nonne, que les assaillans se retrahirent vn peu arriere: & y laisserent foison de morts, & en ramenerent planté de blecez. Quand les Seigneurs de France veirent leurs gens retraire, ils en furent moult courroucez: & firent retourner l'assaut plus fort que deuant: & ceux de Hamibout s'efforcerent aussi d'eux deffendre. Et la Comtesse (qui estoit armée de corps) cheuauchoit sur vn courfier, de rue en rue, par la ville: & prioit & semonnoit ses gens de bien deffendre: & faisoit aux Damoiselles, & aux autres femmes, dépecer les chauffées & porter les pierres aux creneaux, pour getter à leurs ennemis: & faisoit apporter des pots pleins de chaux viue pour getter, sur les assaillans. Encores fit ceste Comtesse de Monfort vne treshardie entreprise. Elle mōtoit, à la fois, en vne tour moult haute, pour veoir comme ses gens se maintiendroyent. Si regarda que tous ceux de l'ost, seigneurs & autres, auoient tous laissé leurs logis, & estoient presque tous allez veoir l'assaut. Lors elle mōta sur son courfier (ainsi armée qu'elle estoit) & fit mōter avec elle trois cēs hommes à cheual: lesquels allerent à vne autre porte, qu'on n'assailloit point. Si isirent de celle porte elle & sa compaignie: & se ferit es têtes & es logis des Seigneurs de France, & y fit bouter le feu: & n'y trouuerent que garçons & valets: qui tantost s'en fuirent. Quand les seigneurs de France veirent leurs logis ardoir, & ouirent le cry, ils coururent vers leurs logis, criās, trahi, trahi. Si ne demoura adonc nul à l'assaut. Quand la Comtesse veit ce, si s'assembla ses gens: & quand elle apperceut qu'elle ne pourroit entrer en Hamibout sans trop grand dommage, si s'en alla vn autre chemin, vers le chastel de Brest: qui sied assez pres de là. Quand messire Louis d'Espagne (qui estoit Marechal de l'ost) fut venu aux logis qui ardoient, & veit la Comtesse & ses gens qui s'en alloient tant que ils pouuoient, il se meit apres pour les raconsuyure, & grande foison de Gens-d'armes avecques luy. Si les chaça de si apres, qu'il en méhaigna & tua aucuns, qui mal estoient montez. Mais la Comtesse cheuaucha si bien, qu'elle & grande partie de ses gens vindrent audit chastel: ou elle fut receue à grande feste. Lendemain les Seigneurs de France (qui auoient perdu leurs tentes & leurs pourueances) eurent conseil qu'ils se logeroient d'arbres & fucilles pres de la ville: & furent moult émerueillez, quand ils sceurent ce qu'auoit fait la Comtesse. Et ceux de la ville: ne sceurent que la Cōtesse estoit de uenue: dont ils furent à grand malaise, car ils furent bien cinq iours qu'ils n'en peurent auoir nouuelles. Et tandis se pourchaça la Cōtesse, tant qu'elle eut bien cinq ou six cens compaignons armez & bien montez. Puis se partit de Brest entour là minuiet: & vint, droit au point que le Soleil se léue, cheuauchant à l'vn des costez de l'ost: & fit ouurir la porte du chastel de Hamibout, & entra dedans, à grande foison de trompettes & de nacaires, dequoy l'ost de France fut moult émerueillé: & s'en allerent tous armer:

& cou-

Ann. 66.

[†] C'est en plusieurs lieux de France le tozin ou beufroy.

Hamibout assailli.

vaillances de la Cōtesse de Montfort.

& coururent deuers la ville, pour assaillir: & ceux de dedans aux creneaux, pour deffendre. Là cōmença grand assaut & dur: qui dura iusques à haute nonne: & plus y perdirēt les François que ceux de dedans. Enuiron l'heure de nonne firent ces Seigneurs cesser l'assaut, car leurs gens se faisoient tuer & naurer sans raison. Si se retrahirent: & eurent conseil que Monseigneur Charles de Blois iroit assaillir le chastel d'Aulroy (que le Roy Artus fit faire & fermer) & iroyent avecques luy le Duc de Bourbon, le Comte de Blois & le Mareschal de France, messire Robert Bertrand: & que messire Henry de Leon, & partie des Généuois, & Monseigneur Louis d'Espaigne, le Vicomte de Rohan, & tout le demourant des Généuois & Espaignols demoureroient deuant Hamibout: & manderoient douze grans engins (qu'ils auoient laissez à Rénes) pour getter à la ville & au chastel de Hamibout. Car ils veoyent bien qu'ils ne pouuoient profiter pour assaillir. Ainsi firent les François, de leurs gens, deux osts. Si en demoura l'un deuant Hamibout: & l'autre alla assieger le Chastel d'Aulroy. Messire Charles de Blois se tira deuers celuy Chastel d'Aulroy: & se logea, luy & sa compaignie, tout enuiron: desquels nous parlerons, & nous souffrerons des autres. Iceluy messire Charles fit assaillir & écaroucher ledit Chastel, car ceux de dedans estoient tresbien garnis: & y auoit bien deux cens compaignons aidables: desquels estoient Capitaines messire Henry de Pennafort & Oliuier son frere. A quatre lieuës de ce Chastel sied la bonne ville de Vennes: qui se tenoit à la Comtesse de Montfort: & en estoit souuerain messire Geoffroy de Malestroit. D'autre part sied la bonne ville de Guingamp en Bretagne: dont le Chastellain de Dynant estoit gardien. Lequel Chastellain estoit adonc avec ladite Comtesse, en la ville de Hamibout: mais il auoit laissé, en la ville de Dynant, en son hostel, sa femme & ses filles: & aussi auoit laissé Capitaine, en lieu de luy, messire Regnaud son fils. Entre ces deux bonnes villes sied vn fort Chastel: qui se tenoit à messire Charles de Blois: & l'auoient fait bien garnir de Gens-d'armes & soudoyers Bourguignons. Si en estoit maistre, Girard de Maulain, & avec luy vn autre bon Cheualier: lequel estoit appelé messire Pierre Porte-beuf: lesquels gastoient tout ce pays de là entour, & si destraignoiēt ces deux villes, tellement que nulles pourueances ne marchandises n'y pouuoient entrer, fors en grand peril; car ces Bourguignons cheuauchoiēt vn iour par deuers Guingamp, & l'autre par deuers Vennes, & tant cheuaucherent, ainsi, que ledit messire Regnaud de Dynant print, par vne embusche qu'il auoit establie ledit messire Girard de Maulain, & trezecinq de ses compaignons: & recouit iusques à quinze marchans, & tout leur auoir, que ces Bourguignons auoient prins, & amenoyent vers leur garnison (qui est appelée la Rocheprion) mais messire Regnaud les conquist, & amena tous à Dynant, en prison, dōt il fut moult foit prisé. Or dirons de la Comtesse de Montfort (qui estoit assiegée en Hamibout) & de messire Louis d'Espaigne: qui tenoit le siege deuant elle, & auoit si défroisé la fermeté de la ville, par ses engins, que ceux de dedans commencerent à s'ebahir, dont il aduint que l'Euesque de Leon parla vn iour à messire Henry de Leon, son neveu, par le pourchas duquel (comme l'on disoit) le Comte de Montfort auoit esté prins. Lesquels parlerent ensemble, par assurement, tant d'vnes choses & d'autres, qu'ils accorderent que ledit Euesque deuoit pourchasser accord, à ses compaignons, parquoy Hamibout fust rendu à messire Charles de Blois: & ledit messire Henry deuoit pourchacer d'autre part, que ceux de dedans feroient appeisiez & quittes enuers messire Charles de Blois, & qu'ils ne perdroyent riens de leur auoir. Ainsi se departit ce parlement: & r'entra l'Euesque en la ville. La Comtesse se douta tantost du mauuais pourchas. Si pria à ces Seigneurs de Bretagne, pour l'amour de Dieu, qu'ils ne feissent nulle doute, & qu'il le auroit tantost grand secours, auant trois iours. Mais ledit Euesque parla & monstra tant de raisons à ces Seigneurs, qu'il les meit en grand effroy celle nuit. Le Lendemain recōmença, tellement qu'ils estoient d'accord, ou bien pres, à sadite opinion: & ia estoit messire Henry venu assez pres de la ville pour la prendre par leur accord, quand la Comtesse (qui regardoit auall la mer, par vne fenestre du Chastel) commença à crier, à grande ioye, le voy venir le secours, que l'ay tant desiré. Ceste parolle dit elle par deux fois. Lors coururent ceux de la ville aux creneaux & aux fenestres des murs, & veirent grande foison de nauires grandes & petites, bien bastillées, venans deuers Hamibout. Dont bien penserent que c'estoit le secours d'Angleterre: qui auoit (comme dit est) par soixante jours eu vent contraire sur la mer.

siège deuant Hamibout & deuant Aulroy pour Charles de Blois, to^s en vn mesme temps,

Prise d'aucuns de la garnison François de Rocheprion: qui peut estre ce que parauant il a nommé Rocheperon.

Traité de l'Euesque de Leon pour rēdre Hamibout: & de ce commencement d'article auons r'accomplé le commencement du ch. present: comme vous dira l'Annot. du nombre. 66.

† Il n'est dit que quarante ans

chapitre 80.
Mais si le nom
bre estoit par
abregé, il est
aise d'auoir
pris. pour xl
par transposi-
tion. La Chaux
met aussi lx.

Saillie de ceux
de Hamibout
sous Gautier
de Manny.

† Parauant
Linodalle,
comme aussi
Galeran de
Laudeman:
que ie pense e-
stre celui que
il a nagueres
nommé le sire
de Landreman
et au ch. 81.
aussi.

Quand le Chastellain de Guingamp, messire Yues de Tribiquedi, messire Galleran de Laudeman, & les autres Cheualiers, veirent ce secours venir, ils dirent à l'Euesque qu'il pouuoit bien contremander son parlement, car point n'estoient conseillez de faire ce qu'il leur enhortoit. Et lors l'Euesque, messire Guy de Leon, dit. Seigneurs, doncques departira nostre compagnie, car ie m'en iray deuers celui qui plus grand droit y a, ce me semble. Lors se partit de Hamibout: & défia la Dame, & tous ses aidans: & alla dire à Monseigneur Henry de Leon comment la besongne se portoit. Dont Monseigneur Henry (qui fut courroucé) fit tantost dreuer les plus grans engins, qui fussent en l'ost, au plus pres du Chastel qu'on peut: & commanda qu'on ne cessast de getter par iour & par nuit. Puis se partit de là: & emmena son oncle, l'Euesque, deuers messire Louis d'Espagne: qui le receut en bon gré, & moult ioyeusement: & aussi fit messire Charles de Blois. Quand il fut parti, la Côtresse fit appareiller & bien tapisser sales & châbres, pour heberger aisément les Seigneurs & Barons d'Angleterre, qu'elle veoit venir: & enuoya encontre eux moult noblement. Quand ils furent descendus, elle vint encontre eux en grande reuerence, si les festoya au mieux qu'elle peut, & remercia: & emmena tous les Cheualiers & Escuyers dedans le Chastel loger, & en la ville, à leur aise: & leur donna lendemain à disner grandement. Toute la nuit ne cefferent les engins de getter, & le lendemain aussi. Quand vint apres disner que la Dame eut festoyé ces Seigneurs, messire Gautier de Manny (qui estoit chef des Anglois) demanda de l'estat de ceux de la ville & de ceux de l'ost. Puis regarda, & dit qu'il auoit grande volonté d'aller abbatre vn grand engin (qui moult pres leur estoit assis, & grand ennuy leur faisoit) mais qu'on le voulsist suyuir. Lors messire Yues de Tribiquedi dit qu'il ne luy faudroit ia à ceste premiere enuahie. Ainsi dit le Sire de Landreman. Lors s'en allerent tous armer, puis issirent hors paisiblement par vne porte: & firēt aller avec eux trois cens Archers: lesquels tiroient tellement qu'ils firent fuir ceux, qui gardoient le grand engin: & les Gens-d'armes, qui venoient apres ces Archers, en tuerent aucuns: & abbatirent ce grand engin, & le dépecerent, & le couperent par pieces. Puis s'en coururent de randon iusques aux tentes & logis, si y meirent le feu: & tuerent & naurerent plusieurs de leurs ennemis, ainçois que l'ost fust émeu, puis se retrahirent tout bellement arriere. Quand ceux de l'ost furent armez, ils vindrent apres eux, courans cōme forsenez. Quand messire Gautier veit ce, il dit. Iamais ne foye salué de Madame & chere amie, se ie n'entre en chastel n'en forteresse, iusques à tant que j'aye l'un de ces venans versé. Lors se tourna, le glaive au poing, vers ses ennemis, aussi firēt les deux freres de † Lâdehale, le Haze de Brabât, messire Yues de Tribiquedi, messire Galleran de Landreman, & plusieurs autres cōpagnōs. Si brocherent aux premiers venans: & en firent plusieurs verser, les iambes contremont. aussi en y eut il des leurs versez. Là commença vn tresfort hutin, car tousiours venoient auant ceux de l'ost, si multiplierent leur effort, parquoy il conuint aux Anglois retraire tout bellement vers la forteresse. La peust on veoir, d'une part & d'autre, belles enuahies, belles recouffes, prouffes, & faits-d'armes. Les Anglois se retrahirent sagement iusques aux fossez: & là rendirent estal à tous combattans les Cheualiers, iusques à ce que leurs gens fussent retraits à sauueté. Et sachez que ceux, qui point n'auoient esté à abbatre le grand engin, issirent de la ville, & se rengerent sur les fossez: & tirerent si fort, que ils firent ceux de l'ost reculer: & naurerent & occirent plusieurs hommes & cheuaux. Lors (quand ceux de l'ost veirent qu'ils estoient au versant, & qu'ils perdoient sans riés conquerir) ils firent retraire leurs gens à leurs logis, &, quand ils furent tous retraits, ceux de la ville se retrahirent aussi, chacun à son hostel. Lors descendit la Comtesse, du Chastel, à ioyeuse chere: & vint baïser messire Gautier de Manny & ses compagnons, les vns apres les autres, deux fois ou trois, comme vaillante Dame..

Comment le Chastel de Conquest fut prins par deux fois.

CHAP. LXXXIII.

Lendemain messire Louis d'Espagne appella le Vicomte de Rohan, l'Euesque de Leon, Monseigneur Henry de Leon, & le maistre des Géneuois, pour auoir conseil qu'ils feroiēt: car ils veoiēt la ville de Hamibout forte, & le secours qui venu leur estoit, & mesmement les Archers: qui tous les déconfisoient. Si employoyent le temps pour

pour neāt à demourer là: & ne voyoient tour ne voye, parquoy ils peussent riens conquerré. Si s'accorderent tous à ce qu'ils se délogeroient le lendemain, & se tireroiēt par deuers le Chastel d'Aulroy: là ou messire Charles de Blois tenoit le siege. Lendemain au matin ils défirerent leurs Logis, & se tirerent celle part, ainsi qu'ordonné estoit: & ceux de la ville firent grand huy apres eux, pour eux aduenturer: mais ils furent rechacez arriere: & perdirent de leurs compagnons, ainçois qu'ils peussent r'entrer en la ville. Quand messire Louis d'Espaigne & toute sa charge de Gens-d'armes furent venus en l'ost de messire Charles de Blois, il luy compta la raison pourquoy il auoit laissé le siegede Hamibout. Adoncques ordonnerent ils entre eux, par grand' deliberation de conseil, que ledit messire Louis & ceux, qui estoient venus avecques luy, iroient assieger la bonne ville de † Dynant: qui n'estoit fermee que de paliz & d'eau. Et, ainsi que messire Louis alloit deuers Dynant, il passa assez pres d'un vieil Chastel, qu'on nommoit Conquest, & en estoit Chastellain, de par la Comtesse, un Cheualier de Normandie, appelé messire Mencon, avecques luy plusieurs soudoyers. Messire Louis fit traire son ost celle part, & assaillir moult fort. Ceux de dedans le deffendirent si bien, que l'assaut dura iusques à minuiēt: & se logea l'ost là endroit. Lendemain fut l'assaut commencé: si approcherent les assaillans si pres des murs, qu'ils y feirent un grand trou: car les fosses n'estoient mie trop parons: si entrerent dedans à force: & meirent à mort tous ceux du Chastel (excepté le Cheualier: qu'ils prindrent prisonnier) & y establirent un autre Chastellain & soixante compagnons avecques luy, pour garder le Chastel. Puis se partit messire Louis, & alla assieger Dynant. La Comtesse de Montfort sceut que messire Louis d'Espaigne & son ost estoient arrestez deuant le Chastel de Conquest. Lors appela messire Gautier de Manny & tous les compagnons soudoyers, & leur dit que, fils pouuoient desieger ce Chastel & déconfire messire Louis, ils acquerroient grand honneur. Tous s'y accorderent, & se partit lendemain matin de Hamibout, de si grande volonté, que petit en demoura en la ville. Tant cheuaucherent qu'ils vindrent enuiron nonne deuant ce Chastel de Conquest: & y trouuerent la garnison des François: qui le iour de deuant l'auoient prins, comme dit est. Lors (quand messire Gautier de Manny entendit ce, & que messire Louis d'Espaigne estoit allé assieger la ville de Dynant) il en eut grand dueil: pource qu'il ne pouuoit combattre à luy. Si dit à ses compagnons qu'il ne se partiroit de là, si sauroit quels gens il y auoit au Chastel, & comment il auoit esté perdu. Lors s'appareillerent luy & ses compagnons pour assaillir le Chastel: & monterent tous targez contremont. Quand les Espaignols François, qui dedans estoient, veirent venir en telle maniere, ils se deffendirent tant qu'ils peurent: & ceux de dehors les assaillirent moult fort, & les tindrent si pres du traict, qu'ils approcherent les murs malgré ceux du Chastel: & trouuerent le trou du mur, † parquoy ils auoient le iour de deuant gagné ledit Chastel. Si entrerent dedans par le trou mesmes & tuerent & occirent tous les Espaignols: exceptez dix: qu'aucuns Cheualiers prindrent à mercy. Puis se retrahirent les Anglois & Bretons par deuers la ville & Chastel de Hamibout (car ils ne l'osoient bonement élongner) & laisserent le Chastel de Conquest sans garde, tout seul: car ils veioient bien qu'il ne faisoit mie à tenir.

† Les Ann. de Bret. semblent attribuer cecy à Guingamp combien qu'elles parlent peu apres de Dinan: que Pol. Vergil. nomme Dinanum.

† Il vst souuēt de ce neutre parquoy, pour le masculin ou pour le feminin tāt pluriers que singuliers.

Comment messire Louis d'Espaigne print les villes de Dynant & de Gerande.

CHAPITRE

LXXXIIII.

O R reuiendray à messire Louis d'Espaigne: qui fit loger son ost hastiement tout au tour de la ville de Dynant en Bretagne: & fit tantost faire petis bateaux & nacelles, pour assaillir de toutes parts, par mer & par eau. Quand les Bourgeois d'icelle ville (qui n'estoit fermee que de paliz) veirent ce, ils eurent paour, grans & petis, de perdre corps & auoir: si † conuenancerent au quart iour apres que l'ost fut là venu: & se redirent, malgré leur Capitaine messire Regnaud de Guingamp: lequel ils tuerent emmi le marché: pour ce qu'il ne s'y voulut accorder. Quand la ville fut rendue à messire Louis d'Espaigne, & il y eut esté par deux iours, & il eut prins la feauté des Bourgeois, il leur donna à Capitaine ce Girard de Maulain, Escuyer (qu'il trouua leans prisonnier) & Monseigneur Pierre Portebœuf avecques luy. Puis s'en alla, à tout son ost, deuers une grosse ville, seāt sur la mer: qu'on nōme † Gerade. Si l'assiegea par terre: & trouua assez pres grand foison de bateaux & de nefes, pleins de vins: que marchans auoient là amenez de Poictou & de la Rochelle, pour vendre. Si eurent tantost les marchans vendu tous leurs vins: &

† Il y auoit si comme ils firent, mais à tort & sans cause.

† Les Ann. de Bret. la nōmēt Guerrande, & les deux Abregez, Frāçois, Garlade.

Gerande pillée par les Bloisies furent mal payez. Puis fit prendre messire Louis ses nefes, & y fit entrer Gens-d'armes, & partie des Geneuois & Espaignols. Si fit le lendemain assaillir la ville, par terre & par mer: qui ne se peut legerement deffendre: ains fut assez tost gaignee par force, & tâtost robee & mise à l'espee, sans mercy hommes & enfans, & cinq Eglises arses & violees: dont Monseigneur Louis en fut moult courroucé, si fit tantost vingt & quatre de ceux, qui auoient ce fait, pendre & estrangler. Là fut grand tresor gaigné: si que chacun en eut tant qu'il en pouuoit porter: car la ville estoit moult riche & marchande. Quand celle grosse ville (qui Gerande estoit appelée) fut ainsi gaignee, ils ne sceurent ou aller plus auant, pour gagner. Si se meit messire Louis en ses batteaux (qu'il auoit gaignez) & la compagnie messire † Othes Dorne, & d'aucuns Geneuois & Espaignols, pour aller aucune part aduenturer sur la marine: & le Vicomte de Rohan, l'Euesque de Leon, messire Henry son neveu, & tous les autres, s'en reuindrēt en l'ost messire Charles de Blois: qui seoit encores deuant le Chastel d'Aulroy: & trouuerent grand foison de Seigneurs & de Cheualiers de France, qui nouuellement estoient là venus: tels comme messire Louis de Poictiers, Comte de Valence, le Comte d'Auxerre, le Comte de Porcien, le Comte de Joigny, le Comte de Boulongne, & plusieurs autres: que le Roy Philippe leur auoit enuoyez pour les reconforter: & aucuns y estoient venus de leur volonté, pour veoir & seruir ledit messire Charles de Blois: & encores n'estoit le fort chastel d'Aulroy gaigné: mais auoient si grand famine dedans, qu'ils auoient mangé par sept iours, tous leurs cheuaux, & ne les vouloit on prendre à mercy, fils ne se rendoient simplement. Quand ils veirent que mourir les conuenoit, ils issirent hors couuertement par nuit, à la volonté de Dieu: & passerent tout parmy l'ost, à l'un des costez. Si en furent aucuns apperceuz & tuez: mais Monseigneur Henry de Pennefort & messire Oliuier, son frere, se sauuerent & eschapperent par vn bosquet, qui là estoit: & s'en allerent droit à Hamibout, deuers la Comtesse. Ainsi reconquit messire Charles de Blois le Chastel d'Aulroy, quand il y eut esté par dix semaines & plus: & le fit refaire & r'appareiller, & bien garnir de Gens-d'armes & de toutes pourueances. Puis s'en partit: & s'en alla, à tout son ost, assieger la cité de Vennes (dont messire Geoffroy de Malestroit estoit Capitaine) & se logea tout autour. Lendemain aucuns compagnons, Bretons & soudoyers (qui gisoient en la ville de † Ploiremel) issirent hors, & se meirent en peine de le gagner. Si se ferirent en l'ost de messire Charles de Blois, & les vindrent éveiller secrettement: mais ils furent enclos, quand l'ost fut éveillé: & perdirent de leurs gens beaucoup. Les autres s'en fuirent: qui furent suyuis iusques à Ploiremel: qui est assez pres de Vennes. Quand ceux de l'ost furent reuenus de la chace, ils allerent, de ce tour mesme, assaillir la ville de Vennes, fort & roidement: & gagnerent par force les baillies, iusques à la porte de la cité. Là eut tresfort assaut, & plusieurs morts de costé & d'autre, iusques à la nuit. Lors fut accordé vn respit: qui deuoit durer lendemain tout le iour. Les Bourgeois se conseillerent fils se rendroient ou non. Lendemain furent tellement conseillez, qu'ils se rendirent maugré le Capitaine: lequel (quand il veit ce) se meit hors de la cité secrettement, tandis que l'on parlementoit: & s'en alla par deuers Hamibout. Et le parlement se fit ainsi que messire Charles de Blois & les Seigneurs de France entrerent en la cité: ou † Sala Crais, ils furent par cinq iours. Puis allerent assieger vne autre cité, appelée † Traiz.

Vennes rendue aux Bloisies.
† Sala Crais, & la Chau, Craas.

Comment messire Gautier de Manny déconfit messire Louis d'Espaigne au champ de Camperle.

CHAP. LXXXV.

† Saint-Mathe, *Annal. de Bret.*
† Entendez d'aller.
† Je doute que ce ne soit celui qu'il a auparavant nommé
Yvon de Tribiquedy, au chap. 68. &

OR sachez que (quand messire Louis d'Espaigne fut monté, au port de Gerande, sur mer) luy & sa compagnie nagerent tant, par mer, qu'ils arriuerent en Bretagne bretonnant, au port de Camperle, & assez pres de Quiperquorentin & de † Saint-Mathieu-de-fine-poterne. Si issirent des nefes, & allerent ardoir & roberent tout le pays: & trouuerent moult grand auoir: qu'ils apporterent en leurs nefes: puis allerent autre part: & ne trouuerent nulluy qui les † deffendist. Quand messire Gautier de Manny & messire Aimery de Clifson entendirent ces nouuelles, ils eurent volonté d'aller celle part: puis s'en decouurirent à messire † Gilles de Tribiquedy, au Chastellain de Guingamp, au Sire de Landreman, à messire Guillaume de Cadudal, aux deux freres de Pennefort, & à tous les Cheualiers, qui estoient là à Hamibout: & tous sy accorderent de bonne volonté. Lors se meirent au chemin (c'est assauoir en leurs vaisseaux) & emmenerent trois mille Archers avecques eux: & ne cefferent de nager tant qu'ils vindrent au port, ou les

ou les nefz messire Louis d'Espaigne estoient encore. Lors entrerent dedans, & occirent tous ceux qui les gardoient: & y trouuerent tant d'auoir, qu'ils s'en émerueillèrent moult fort. Puis se meirent à terre, & vindrēt en plusieurs lieux ardoir les maisons & les villages. Si se partirent en trois batailles par grād sens, pour plus tost trouuer leurs ennemis: & laisserēt trois cens Archers, pour garder leurs nefz & l'auoir qu'ils auoient gaigné: puis se meirent à la voye par plusieurs chemins. Ces nouvelles vindrent à Mōseigneur Louis d'Espaigne. Lors r'assembla son ost & ses gens, & se meit au retraire deuers ses nefz, à grand' haste: & encontra vne de ces trois batailles: si veit bien que combattre luy conuenoit: dont se meit en bon conuenant: & fit là aucuns Cheualiers nouueaux: especialement vn sien neveu, appelé Alphons. Lors messire Louis & les siens se ferirent en la bataille premiere, si roidement qu'ils en ruerent ius plusieurs: & l'eussent déconfite: se n'eussent esté les autres deux batailles: qui y suruindrent, par le cry & par le hu, qu'ils auoient ouy dire aux gens du pays. Lors commença le hutin à renforcer, & les Anglois si fort à traire, que Gēueois & Espaignols furent déconfits, & presque tous morts à grād méchef. Car ceux du pays (qui les suyuoient à boulettes & à fondes) y suruindrent: si qu'à grand' peine messire Louis y échappa: & fut moult fort nauré: & s'en fuit dedans ses nefz: & ne ramena, de bien six mille qu'il auoit avecques luy, que trois cens ou enuiron: & y laissa mort sondit neveu: que moult aymoît. Quand il fut venu à ses nefz, il n'y peut entrer, pour les Archers, qui y estoient: qui la nauire gardoient. Si se meit en vn vaisel (que on nommoit Lique) à tresgrand' haste, à tout ce qu'il peut recouurer de ses gens, qui estoient échappez: & se meit à nager moult fort.

Quand messire Gautier & sa route furent venus en leur nauire, en poursuuyant messire Louis, ils entrerent tantost es plus appareillees vaisseaux qu'ils trouuerent. Si drecent les voiles, & nagerent tant qu'ils peurent, apres messire Louis: & laisserent ceux du pays conuenir du demourant, & eux venger, & reprendre partie de ce qu'on leur auoit robé. Messire Gautier & sa route eurent bon vent: & tousiours veoient messire Louis & ses gens moult fort nager deuant eux: tellement qu'ils ne le pouuoient aconsuyre. Et tant nagerent les mariniers de messire Louis d'Espaigne, qu'ils vindrent arriuer au port de Redon. La descendit à terre messire Louis, & ceux qui estoient avecques luy échappez. Si entrerent en la ville: mais là ne s'arrestèrent mie gramment, que les Anglois estoient arriuez, & descendoient pour eux combattre. Adonc se hastia messire Louis: & monta sur petis cheuaux (qu'il emprunta en la ville) & s'en alla vers Rénes: qui est assez pres de là. Et monterent aussi ses gens, qui peurent recouurer des cheuaux: & ceux, qui ne peurent, se passerent à aller tout à pied, suyuant leurs compaignons. Si en y eut plusieurs de lassez & de mal montez attains: qui cheurent es mains de leurs ennemis. Toutesfois messire Louis fit tant qu'il entra en la cité de Rénes: & les Anglois & Bretons s'en reuindrent à Redon: & là reposerent celle nuit. Lendemain se remeirent à chemin par mer, pour reuenir deuers Hamibout, à la Comtesse leur Dame: mais ils eurent vent contraire, & leur conuint prendre terre à trois lieuës de la ville de Dynant. Puis se meirent au chemin par terre, ainsi qu'ils peurent: & gasterent le pais entour Dynant: & prenoient cheuaux tels comme chacun les pouuoit trouuer: † les aucuns sans bride, & les autres sans selle: & allerent tant qu'ils vindrent à Rocheprion. Lors dit messire Gautier à ses compaignons. Seigneurs, i'iroye volontiers assaillir ce fort chastel (se l'auoye compaignie) tout trauaillé que ie suis: pour essayer se nous y pourrions riens conquerre. Les autres Cheualiers respondirent. Sire, allez y hardiment, & nous vous suyurons iusques à la mort. Adonc se meirent tous contremont la montaigne, appareillees pour assaillir. A ce poinct estoit celuy Escuyer Girard de Maulain leans, comme Capitaine: lequel auoit esté prisonnier à Dynant, comme dit est dessus. Celuy fit armer ses gens, & traire aux guettes & aux deffenses: & ne se meit pas derriere: ains vint, à toutes ses gens, deffendre le Chastel. Là eut fort assaut & perilleux: & y furēt entre les autres, moult fort blecez messire Iehan le Bouteiller, & messire † Matthieu du Fresnoy: tant qu'il les conuint r'apporter aual, & mettre gesir en vn pré, avecques les autres naurez & blecez.

Comment messire Gautier de Manny print le Chastel de Goy-la-forest.

CHAPITRE LXXXVI.

CE Girard de Maulain auoit vn frere, appelé † Regne de Maulain qui estoit Chastelain d'un autre petit fort, qu'on appelloit Fauet: qui sied à moins d'une lieuë pres de

Yues de Tri-
biquedi, au
chapitre 81.

† Ils n'en met-
toient icy que
deux, mais le
texte precedēt
le subsequēt
monstrēt assez
la faute, cōme
aussi fait l'A-
bregē de sala.

Deconfiture de
messire Louis
d'Espaigne,
Bloisien.

† Notez enco-
res la nauire,
pour toute la
flotte des vais-
seaux.

† Les cinq mots
suyuans defail-
loient en tous
nos Exemp.

Assaut à la
Rocheprion par
Gautier de
Manny.

† Il en nomme
parauant vn
Hubert du Fres-
noy chap. 80.

† Ce nom peut
estre celuy qui
nous est Renē.

la Rocheprion. Quand Regne de Maulain entendit que les Anglois & Bretons assailloient son frere, il fit armer de ses compagnons iusques à quarante: & cheuaucha par deuant Rocheprion, pour soy aduenturer, & pour veoir sen aucune maniere il pourroit ayder à son frere. Si suruint sur ces Cheualiers & Escuyers, qui gisoient naurez en vn pré, auecques leur mesgnee. Ce Regne leur courut sus: & print les Cheualiers & Escuyers, & les fit amener deuers Fauet, comme prisonniers, ainsi blecez qu'ils estoient. Aucuns de leur mesgnee sen fuyrent à messire Gautier de Manny (qui entendoit moult fort à assaillir) & quand ils luy eurent noncé l'adventure, il fit cesser l'assaut, & se meit, à toute sa route, hastiuement deuers Fauet, pour aconsuyre ceux qui emmenoient ces prisonniers: mais ils ne se peurent tant haster, que ledit Regne ne fust r'entré, à tout ses prisonniers, en son Chastel. Quand les Anglois & Bretons furēt là venus l'un apres l'autre, ils commencerent à assaillir, ainsi trauaillez qu'ils estoient: mais petit y firent. Car il se deffendit vaillamment: & ia estoit tard. Si se logerent là celle nuit, pour assaillir lendemain. Girard de Maulain sceut tantost ces nouuelles: si monta à cheual de nuit, & sen vint tout seul, vn petit deuant le iour, à Dynant. Si compta à Monseigneur Pierre Portebœuf, Chastellain de Dynant, la cause de sa venue: & quand il fut iour, il fit assembler les Bourgeois de la ville en la hale. Là leur remonstra Girard de Maulain sa besongne: si bien que les Bourgeois furent d'accord & les soudoyers. Lors s'armerent toutes gens, & se meirent à la voye, tant comme ils peurent, par deuers Fauet: & estoient bien six mille hommes, qu'vns qu'autres. Messire Gautier le sceut par vne espie: si eut conseil à ses compagnons: & regarderent qu'ils se tireroient vers Hamibout: car grand méchef leur pouuoit aduenir, se ceux de Dynant leur venoient d'une part, & l'ost de Monseigneur Charles d'autre part: si seroient enclos ou prins ou morts. Si s'accorderent à ce, que le meilleur poinct seroit de laisser leursdits compagnons en prison, & tout perdre, iusques à ce qu'ils le pourroient amender. Et, ainsi qu'ils retournerent deuers Hamibout, ils passerent deuant vn Chastel, qu'on nomme Goy-la-forest: qui (quinze iours auoit) estoit rendu à messire Charles de Blois. Lors dit messire Gautier à ses compagnons qu'il n'iroit plus auant (tant trauaillé qu'il fust) iusques à ce qu'il eust assaillie ce fort Chastel, & veu l'estat de ceux qui estoient dedans. Puis print sa targe à son col, & monta contremont iusques aux baillies & aux fossez du Chastel: & les Anglois & les Bretons le suiurent. Lors commencerent fort à assaillir: & ceux de dedans se deffendirent vigoureusement. Et Monseigneur † Herue de Leon & Monseigneur Guy de Gony estoient auec messire Charles de Blois deuant Carahes. L'assaut dura longuement: & messire Gautier semonoit les assaillans: & se mettoit au deuant des autres, au plus grand peril: & les Archers tiroient si honniement, que ceux de dedans ne s'osoient monstrier, sinon petit. Si firent tant messire Gautier & ses compagnons, que les fossez furent emplis, à l'un des costez, de feurre & de bois: parquoy ils vindrent iusques aux murs: qu'ils picquerent tant, de grandes picques & maillets auecques marteaux, qu'ils le percerent d'une toise de large: & alors entrèrent les Anglois & Bretons dedans le chastel, à force. Si tuerent tous ceux qu'ils y trouuerent: & se logerent là endroit: & le lendemain se meirent au matin en chemin: & tant cheminerent qu'ils vindrent à Hamibout.

Comment messire Charles de Blois print la ville de Carahes. CHAP. LXXXVII.

Quand la Comtesse de Montfort sceut la venue desdits Anglois & Bretons, elle alla encontre eux, & les festoya, baïsa & accola de grand courage: & donna à disner, au chastel, moult noblement, à tous les Cheualiers & Escuyers de renom. A ce poinct Monseigneur Charles de Blois auoit conquise la cité de Vennes, & auoit assiegé † Carahes. La Comtesse & messire Gautier de Manny enuoyerent tantost grans messages au Roy Edouard, pour luy signifier comment Monseigneur Charles de Blois & les seigneurs de France auoient reconquis Vennes & Rénes, & autres bonnes villes & chasteaux de Bretagne: & qu'ils conquerroient tout le demourant, fil ne les venoit secourir brièvement. Ces messages se partirent de Hamibout: & firent tant qu'ils arriuerent en Cornouaille: puis cheuaucherent deuers Winderose. Or dirons de messire Charles de Blois: qui tant auoit contrainct, par assaux & par engins, la ville de Carahes, que elle se rendit à Monseigneur Charles: qui la receut à mercy: & ceux de dedans luy iurerent feauté, loyauté, & hommage: & le recognurent à Seigneur. Si y meit messire Charles nouueaux officiers: & y seiourna, & les Seigneurs de France, par quinze iours, pour eux & leur

Aucuns des gens de Manny prisonniers au Chastellain de Fauet.

Le fort de Fauet assailli.

† *Je me doute qu'il ne faille icy Helin de Leō, & Guy de Goy ou Goy: le dernier desquels pouuoit estre gardien du chasteau, & l'autre bien son amy: comme il se peut veoir cy deuant à la prise d'iceluy chasteau par Mōtfort, chap. 68. L'Abbr. de la Chaux dit Héry de Leō & Guy de Goy.*

† *Je pense que c'est Carahes & Carahes aux Anna. de Bret. quelque fois Caraches cy dedās et sur la fin du chap. 84. Traiz.*

& leurs gens rafraeschir. Là dedans eurent conseil qu'ils se tireroient par deuers Hamibout: si comme ils firent: & l'assiegerent tout autour, si auant comme assieger la peurent. Si estoit la ville moult renforcee, & auitaillee, & pourueue. Le quatriesme iour, que ces Seigneurs furent mis & assis deuant Hamibout, y vint messire Louis d'Espaigne: qui festoit tenu en la ville de Rènes bien six semaines: & là fit curer & medeciner les playes. Si le receurent les Seigneurs à grand' ioye: car il estoit moult honoré & prisé entre eux. La compagnie de France croissoit tous les iours: car grand' foison de Seigneurs de France & Cheualiers reuenoient, de iour en iour, du Roy d'Espaigne (qui adonc faisoit guerre au Roy de Grenade, & aux Sarrazins) si que, quand ils passoient par Poictou, & ils oyoient nouuelles des guerres qui estoient en Bretaigne, ils s'en alloient celle part. Et Monseigneur Charles auoit fait dreuer quinze ou seize grans engins deuant Hamibout: qui gettoient grosses pierres aux murs & en la ville. Mais ceux de dedans n'en faisoient pas grâment compte: car ils estoient fort paueschez & garantis à l'encontre: & venoient aucunes fois aux murs & aux creneaux: & les frottoient par derision: & crioit: Allez querir vos compaignons, qui se reposent au champ de Camperle. Dont Monseigneur Louis d'Espaigne & les Gênois auoient grand despit.

Comment messire Jehan le Bouteiller & messire † Hubert du Fresnoy furent recoux de mort, deuant Hamibout

CHAP. LXXXVIII.

† N'aguères
Matthieu, au
chap. 85. sur
la fin.

VN iour vint messire Louis d'Espaigne à la tente de Monseigneur Charles de Blois: & luy demanda pour tous les seruices que faits luy auoit, vn don, present' grand' foison des nobles Seigneurs de France, en guerdon desdits seruices: & Monseigneur Charles le luy octroya: pourtant qu'il se sentoist estre moult tenu à luy. Puis dit Monseigneur Louis. Je vous prie que vous faciez icy tantost venir les deux Cheualiers qui sont en vostre prison au Chastel de Fauet (c'est assauoir messire Jehan le Bouteiller & messire Hubert du Fresnoy) & les me donnez pour en faire à ma volonté. C'est le don que ie vous demande. Ils m'ont chacé, déconfit, & nauré: & si ont occis Monseigneur Alphôs mon neveu: si ne m'en say autremét venger: fors que ie leur feray les testes coupper, par deuant leurs compaignons, qui leans sont enfermez. Messire Charles (qui de ce fut moult ébahy) luy dit. Certes les prisonniers vous donneray volontiers: puis que demandé les auez: mais ce seroit grand' cruauté & blasme à vous, se vous faisiez deux si vaillans hommes mourir: & auroient noz ennemis cause de faire ainsi aux nôtres, quand tenir les pourroient: & nous ne sauons qu'aduenir nous est de iour en iour. Pourquoy, cher Sire, & bon cousin, ie vous prie que vous vueillez estre mieux aduisé. Monseigneur Louis luy dit. Se vous ne me teniez conuenant, sachez que ie me partiray de vostre compagnie, & ne vous seruiray n'aymeray tant que ie viue. Quand Monseigneur Charles de Blois veit que faire luy conuenoit, il enuoya tantost certains messagers au Chastelain de Fauet. Si furent tantost amenez les deux Cheualiers en l'ost, par vn matin, en la tente de messire Charles de Blois: & pour priere que l'on fist à messire Louis d'Espaigne on ne le pouuoit oster de son propos qu'il ne conuenoit que les deux Cheualiers fussent décolez apres disner: tant estoit courroucé contre eux. Toutes ces parolles demandes, & responses, qui furent dites entre Monseigneur Charles de Blois & messire Louis, à l'occasion des deux Cheualiers, furent tantost sceuës, & dites à messire Gautier de Manny, & à messire Aymery de Clifson, par compaignons espies: & leur remonstre-
rent le méchef des deux Cheualiers. Si eurent conseil qu'ils en pourroient faire. Puis commencerent à penser l'vn çà, l'autre là: & ne sçauoient qu'aduifer. Au dernier dit messire Gautier: Seigneurs, ce seroit grand honneur à nous, se nous pouuions ces deux Cheualiers deliurer: & se nous nous mettons en aduenture & nous faillons, le Roy Edouard nous en saura bon gré, & aussi feroient tous preud'hommes, qui au temps aduenir en pourroient ouyr parler: puis que nous en aurions fait nostre deuoir. Si vous diray mon aduis: & vous aurez talent de l'entreprendre: car il me semble qu'on doit bien les corps aduenturer, pour les vies de deux si vaillans Cheualiers sauuer. L'ay aduisé (fil vous plaist) que nous nous armerons, & partirons en deux parts: dont l'vne des parts ira maintenant (ainsi que l'on disnera) par ceste porte: & s'en iront les compaignons renger & monter sur les fossez, pour émouuoir l'ost & pour écaroucher (bien croy que tous ceux de l'ost accourront celle part tantost) & vous, messire Aymery, en ferez Capitaine (fil vous plaist) & aurez avecques vous mille bons Archers (pour les suruenans der-

*Deliberatiō de
ceux de Hami-
bout, pour sau-
uer Jehan le
Bouteiller &
Hubert du
Fresnoy.*

riere faire reculler) & trois cens Hommes-d'armes: & ie prendray cent de mes compaignons & cinq cens Archers: si iſtrons par celle poterne, d'autre part, couuertement: & viendrons par derriere ferir en leurs logis: que nous trouuerons vuides. I'auray bien auecques moy des gens qui ſauent bien la voye aux tentes de meſſire Charles de Blois: ou ces deux Cheualiers ſont: ſi me tireray celle part: & ie vous aſſeure que moy & mes compaignons ferons noſtre pouuoir de les deliurer: & les r'amenerons à ſauueté, ſil plaist à Dieu. Iceluy aduis pleut à tous: & ſ'en allerent armer & appareiller incontinent: & ſur l'heure de diſner, meſſire Aymery ſ'en partit, à tout ſa compaignie & fit ouvrir la ſouueraine porte de Hamibout: dont le chemin alloit tout droit à l'oſt de Monſeigneur Charles. Et, en demenant grans cris & grans noiſes, ſ'en vindrent aux tentes & aux trefs: & les commencerent à decouper & renuerſer par terre, & à tuer gens, là ou ils les trouuerent. L'oſt, qui fut bien effroyé, ſe commença à émouuoir: & ſ'armerent toutes manieres de gens au pluſtoſt qu'ils peurent: & ſe tirerent deuers les Bretons & Anglois: qui les recueillirent bien viſtement. Là eut dure écar mouche, & maint homme abbatu de coſté & d'autre. Quand meſſire Aymery veit que l'oſt eſtoit preſque tout émeu, armé, & trait ſur les champs, il retrahit ſes gens tout bellement, en combattant, iuſques deuant les bailles de la ville. Et adóc ſ'arreſterent illecques tous cois: & les Archers eſtoient illecques tous rengez ſur le chemin, de coſté & d'autre: qui trayoient ſaïettes à leur pouuoir, & treſefforcement, contre eux. Là fut le hutin fort: & y accoururent tous ceux de l'oſt: exceptez les varlets. Ce pendant meſſire Gautier de Manny & ſa routé iſſirent couuertement, par vne petite poterne: & vindrēt par derriere l'oſt, es tentes & es loges des Seigneurs de France. Oncques ne trouuerent homme, qui les veiſt: car tous eſtoient ſur les foſſez à l'écar mouche. Et ſ'en vint meſſire Gautier de Manny droit en la tente de Monſeigneur Charles de Blois: & trouua les deux Cheualiers: c'eſtaſſauoir Monſeigneur Hubert du Freſnoy, & meſſire Iehan le Bouteiller. Si furent tantost montez ſur leurs deux courſiers, qu'on leur auoit amenez: & ſ'en vindrēt au pluſtoſt qu'ils peurent, & r'entrerent dedans Hamibout, par ou ils eſtoient paffeſ. Si vint la Comteſſe encontre eux: qui les receut à grand ioye. Encores ſe combattoient les Anglois & Bretons, qui eſtoient deuant les barrieres: & embefongnoient moult fort ceux de l'oſt. Puis vindrent tantost les nouuelles, aux Seigneurs de France, que les Cheualiers eſtoient récoux. Quand meſſire Louis l'entendit, il ſe tint pour deceu: & demanda quelle part les Anglois & les Bretons eſtoient, qui récoux les auoient: & on luy dit qu'ils eſtoient preſque retraits dedans Hamibout: & adonc ſe partit meſſire Louis de l'aſſaut, & ſe tira deuers les logis par maltalent: & auſſi ſe commencerent à retraire toutes manieres de gens. En ce retrait furent prins deux Cheualiers Bretons, de la partie de la Comteſſe: qui trop ſ'abandonnerent: c'eſtaſſauoir le Seigneur de † Lenderman & le Chaſtellain de Guingamp: dont Monſeigneur Charles eut grand ioye, & furent menez en ſa tente: ou ils furent ſi bien preſchez, qu'ils ſe tournerent de la partie à Monſeigneur Charles: & luy firent feauté & hommage. Trois iours apres tous ces Seigneurs ſ'aſſemblerent en la tente de Monſeigneur Charles, pour auoir conſeil qu'ils feroient. Car ils veoient que la ville & le Chaſtel de Hamibout eſtoient ſi forts, & bien garnis de Gens-d'armes, que riens n'y pouuoient gagner. D'autre part le pays d'entour eſtoit ſi gaſté, qu'ils ne ſauoient plus ou aller fourrager. Si leur eſtoit l'Yuer prochain. Parquoy ils ſ'accorderent qu'ils partiroient de là. Si conſeillerent en bonne foy, à Monſeigneur Charles de Blois, qu'il meiſt par toutes les citez, bonnes villes, & forterefſes qu'il auoit conquiſes, bonnes garniſons, & vaillans Capitaines: parquoy ſes ennemis ne les peuſſent récoure ne réconquerre: & auſſi (ſ'aucun vaillant homme ſe vouloit entremettre de prendre & donner vne tréue, iuſques à la feſte de Penthecouſte) il ſy accordaſt legerement.

† Ce peut eſtre
celuy qu'il a pa
rauant nommé
de Lauder-
man & Lan-
dreman.

Comment Monſeigneur Charles de Blois print la ville de Ingou, & le Chaſtel.

C H A P I T R E

LXXXIX.

† 1342. Sie-
ge leué de deuant
Hamibout.

A Ce conſeil ſe tindrent tous ceux qui là eſtoient: car c'eſtoit entre la ſainct Remy & la Touſſaincts, † l'an mil ccc. xlii. Si ſe partirent tous ceux de l'oſt, & autres: & alla chacun en ſa contree: & Monſeigneur Charles de Blois ſ'en alla deuers la ville de Carahes, à tout ſes Barons & nobles Seigneurs de Bretagne, qu'il auoit amenez là endroit, de ſa partie. Si retint avec luy pluſieurs Seigneurs & Barons de France pour luy ayder à

ayder à conseiller. Quand il fut venu à Carahes, tandis qu'il entendoit à ordonner de ses besongnes & de ses garnisons, il aduint qu'un riche Bourgeois & grand Marchand qui estoit de la ville de Iugon (fut rencontré de son Mareschal messire Robert de Beauvais. Si fut prins, & amené en la ville de Carahes, à Monseigneur Charles de Blois. Ce Bourgeois faisoit toutes les pourueances de la Côtessse de Môtfort en la ville de Iugon, & autre part: & estoit moult ay mé & creu en ladite ville de Iugon: qui moult est bien fermée, & noblemēt assise, & aussi le chastel bel & fort. Ce Bourgeois (qui ainsi estoit prins) eut grād' paour de mourir: si pria qu'on le laissast passer par rançon. A parler briuement, messire Charles le fit tāt examiner, & enquerre d'vnes choses & d'autres, qu'il enconuenança à rendre & trahir la ville de Iugon: & se fit fort de liurer vne des portes ouuertes, de nuit, à certaine heure (car il estoit tant creu, qu'il en gardoit les clefs) & pour mieux tout ce assseurer qu'il en meit son fils en hostage: & monseigneur Charles luy en prōmeit dōner 500. liures de terre hereditablemēt. Ce iour vint: la porte fut ouuerte à minuit. Monseigneur Charles & ses gens s'en entrèrent, par la porte dedans la ville de Iugon, à celle heure, à moult grand' puissance. Le guet du chastel s'en apperceut bien: si cōmença à crier à l'arme, à l'arme, trahi, trahi. Les Bourgeois (qui de ce ne se donnoient garde) se commencerent à émouuoir: & quand ils veirent leur ville perdue, ils s'en fuirent deuers le chastel par troupeaux: & le Bourgeois, qui trahi les auoit, se meit à fuir deuers le chastel avec eux, par couuerture. Et, quand il fut iour, messire Charles & ses gens entrèrent es maisons des Bourgeois pour heberger, & prindrent tout ce qu'ils voulurent. Et, quand Monseig. Charles veit le chastel si fort & si empli de Bourgeois, il dit qu'il ne se partiroit de là iusques à ce qu'il auroit le chastel à sa volonté. Le Capitaine messire Girard de Rochefort & les Bourgeois apperceurēt tantost que le Bourgeois les auoit trahis: si le prindrent, & pendirent aux creneaux & aux murs du chastel: & quand ils entendirent que Monseigneur Charles ne s'en partiroit point tant qu'il eust le chastel à sa volonté, & sentoient qu'ils n'auoient mie pourueances assez pour eux tenir plus haut de dix iours, ils s'accorderent qu'ils se rendroient, saufs leurs corps & leurs biens, qui leur estoient demourez. Ainsi leur fut accordé: & firent feauté & hommage à Monseigneur Charles: & y establit Capitaine ledit messire Girard de Rochefort: & rafreschit la ville & le chastel d'autres Gens-d'armes & de pourueances. Entandis que ces choses aduindrent s'embe-
songnoient aucuns preud'hommes de Bretagne de parlementer vne trēue entre Monseigneur Charles de Blois & la Comtesse de Môtfort: laquelle s'y accorda: & aussi firent tous ses aydans: car le Roy d'Angleterre leur auoit aussi mandé, par les messagers que la Comtesse & le Sire de Manny y auoient enuoyez. Si tost que ces traitez furent afferme-
mez, la Comtesse se meit en mer, & passa en Angleterre.

La ville de Iugon trahie aux Bloisens.

Le chasteau de Iugon redu aux Bloisens par composition.

Trēue entre les Bloisens & Montfortins.

De la feste & des ioustes, que le Roy d'Angleterre fit à Londres, pour l'amour de la Comtesse de Salebery.

CHAP. XC.

Vous auez bien ouy, en l'histoire cy deuāt, commēt le Roy d'Angleterre auoit grans guerres en plusieurs marches & pais, & par tout ses gens & garnisons à grans frais & cousts: c'est assauoir en Picardie, en Normādie, en Gascōgne, en Xainctōge, en Poictou, en Bretagne, & en Escocce. Si auez bien entendu comment il auoit si ardamment aimé, & par amours, la belle & noble Dame, Madame Elis, Côtessse de Salebery, qu'il ne s'en pouuoit abstenir. Car amour l'admonnestoit nuit & iour, & tellement luy representoit la beauté & le frisque arroy d'elle, qu'il ne s'en sauoit conseiller: & n'y faisoit que penser tousiours: cōbien que le Côte de Salebery fust le plus priuē de tout son cōseil, & l'un de ceux d'Angleterre, qui plus loyaumēt l'auoit ferui. Si aduint que pour l'amour de ladite Dame, & pour le grand desir qu'il auoit de la veoir, il auoit faict crier vne grand' feste de iouste à la ¶ mi Aoust, à estre en la bonne cité de Londres: & l'auoit fait crier par deça la mer, en Flādres, en Haynaut, en Brabant, & en Frāce: & dōnoit à tous Cheualiers & Escuyers (de quelque pays qu'ils fussent) saufconduit allāt & retournāt. Et auoit mādē par tout son Royaume (si acertes q̄ plus pouuoit) que tous Barōs, Seigneurs, Cheualiers Escuyers, dames, & damoiselles y vēsissent (si cher qu'elles auoient l'amour de luy) sans nulle excusation: & cōmanda expressement au Comte de Salebery qu'il ne laissast nullemēt que ma Damoiselle sa femme n'y fust: & qu'elle y amenaist toutes les dames & Damoiselles, qu'elle pouuoit auoir entour elle. Le Comte luy octroya volontiers (car il n'y pensoit en nulle villennie) & la bonne Dame ne l'osa éconduire. Mais elle y vint moult en-

† 1342.
Ainsi que lon peut appercevoir en ce present chap. si les trēues d'entre les Anglois & Escocois ne furent faites qu'en l'an 1341. ainsi que semble vouloir nostre Auteur
chap. 79.

uis: car elle pensoit bien pourquoy c'estoit: & si ne l'osoit decouvrir à son mary: car elle se sentoit bien à tant aduisée & attempée pour oster le Roy de son opinion. Ceste feste fut moult grande & noble: & y furent le Côte Guillaume de Haynaut, & messire Iehan de Haynaut son oncle, & grand' foison de Barons & de Cheualiers, tous de haut & de grand lignage: & fut bien dancé & bien iousté par l'espace de quinze iours: sauf que mōseigneur Iehan aîné fils du Vicomte de Beaumont en Angleterre y fut tué au iouster: lequel estoit bel & hardi Cheualier: & portoit vn escu d'azur, semé de fleurs de lis d'or, à vn lion d'or rampant, à vn baston de gueules parmy l'écu. Toutes les Dames & les Damoiselles furent de si riche atour qu'estre pouuoient, chacune selon son estat: exceptée

† Possible que d'elle y seroit meilleur.

† Je croy qu'il y fault plustost Pennebroth comble qu'il le nomme encores ainsi au chap. 94. Sala dit Pennebruch & l'autre Pennebrouch.

penſee ne volonte d'obeir à luy en nul vilain cas, qui peust tourner au deshonneur † de luy & son mari. A ceste feste fut messire Henry au tort col, Comte de Lenclastre, messire Henry son fils, Comte Derby, messire Robert d'Artois, Côte de Richemōr, le Comte de Norenton & de Cloestre, le Comte de Waruich, le Comte de Salebery, le Côte de † Pennefort, le Comte de Herford, le Comte d'Arondel, le Comte de Cornouaille, le Côte de Quenford, le Comte de Suffort, le Baron de Stanfort, & moult d'autres Seigneurs, Barons & Cheualiers d'Angleterre. Ainçois que ceste grāde noblesse se fust departie, eut receu plusieurs lettres le roy d'Angleterre: qui venoient de plusieurs seigneurs de diuers pays, de Gasconne, de Bayonne de Flandres, de Jaques d'Arteuelle son grād ami, & des marches d'Escoce, du Seigneur de Rooz, du Seigneur de Perſy, & de Mōseigneur Edouard de Bailleul, capitaine de Waruich: qui luy signifioit que les Escoçois tenoient assez foiblement les trēues, qui auoient esté accordées l'année passée entre eux & les Anglois: & faisoient vne grand' assemblée & semonſe: mais ils ne fauoient de certain ou ils vouloient traire. Aussi les soudoyers, qu'il tenoit en Poictou, en Xainctonge, en la Rochelle & en Bourdelois, luy rescriuoient que les François sapareilloient moult fort pour guerroyer: car les trēues deuoient faillir entre Frāce & Angleterre: qui † auoient esté données à Arras, apres le departement du ſiege de Tournay. Ainsi eut le Roy bon mestier d'aduis. Si respondit aux messagers bien & à poinct.

† Reconre au chap. 64.

Comment le Roy d'Angleterre enuoya messire Robert d'Artois en Bretagne.

CHAP.

XCI.

† L'an 1342. pouuoit encores bie durer, mais gardez vous bien d'entendre que la Côteſſe de Mōtfort fuſt à la feste de Miaouſt ſuſdit. Car cela ne s'accorderoit pas au chap. 89. † l'adiouſte les quatre mots ſuyuans, ſelon l'Abregé de la Chaux, ſans leſquels nous enſions tātost en à deuiner ſur ceſt Eueſque.

EN ce temps, † que le parlemēt estoit à Londres des Barons & Seigneurs d'Angleterre dessusdits, le Roy d'Angleterre vouloit (toutes autres choses mises ius) ſecourir la Côteſſe de Mōtfort: qui lors ſejournoit delez la Roïne d'Angleterre. Si pria le Roy à son cher couſin, messire Robert d'Artois, qu'il print à ſa volōté des gēs-d'armes & Archers, & paſſaſt, avec la Comteſſe en Bretagne. Dont messire Robert ſ'appareilla: & fit ſa charge de Gens-d'armes & d'Archers: & vindrent aſſembler à Hantonne, ſur mer: ou ils furent vn grand temps, ainçois qu'ils euſſent vent à gré & à leur volōté. Si ſ'en partirent enuiron Paſques, & entrèrent en leurs vaiſſeaux, & monterent en mer. En ce parlement leſdits Princes du Royaume d'Angleterre conſeillerent au Roy Edouard en bonne foy (cōſiderées les groſſes beſongnes, qu'il auoit à faire) qu'il enuoiaſt † l'Eueſque Louis de Lincole à ſō ſerourge le roy d'Escoce, pour acorder vne trēue ferme & eſtablie (ſil pouuoit) à durer deux ans ou trois. Le Roy ſ'y accorda enuis: mais deſiroit à guerroyer les Escoçois, tant fort qu'ils ſeroient deſirans de prédre les trēues. Les Seigneurs d'Angleterre luy dirent que ſauue ſa grāce, & que ce ne ſeroit pas le meilleur, ſelon ce qu'autrefois il auoit tāt gaſté & deſtruit, & ſelō ce qu'il auoit à faire en tāt de païs, & ſi forts. Et diſoient que c'estoit grand ſens (quand on auoit pluſieurs guerres en vn tēps) ſi on en pouuoit l'vne accorder par trēues, l'autre appaiſer, & la tierce guerroyer. Tant luy mōſtrerēt de raiſons, qu'il ſ'y accorda, & pria au Prelat deſſuſdit qu'il y vouliſt aller. L'Eueſque ne le voulut mie écōduire: ains ſe meit à chemin: puis vint arriere ſans riē faire. Si r'apporta au Roy d'Angleterre que le Roy d'Escoce n'auoit point de conſeil de dōner trēues, ne de faire nul accord, ſans le gré du Roy de Frāce. Lors dit le roy d'Angleterre, tout haut, que briēuement il attourneroit le Royaume d'Escoce, tellement qu'il ne ſeroit iamais recouré. Si māda, par tout ſon Royaume, que chacun fuſt à Waruich, à la feste de Paſques, appareillé d'aller là ou il les voudroit mener: exceptez ceux qui ſ'en deuoient aller en Bretagne. Le iour de Paſques vint: & le Roy d'Angleterre tint vne grand' court à Waruich,

Waruich. Tous les Princes, Seigneurs & Cheualiers d'Angleterre (qui pour le temps y estoient) y furent, & aussi grand foison de la communauté du pays. Et furent par l'espace de trois semaines sans cheuaucher plus auant: car bonnes gens s'embesongnerent entre les deux Roys: parquoy il n'y eut point adonc de guerre: & fut vne trêue iurée à tenir ¶ deux ans: & la firent les Escocois confermer par le Roy de France. Lors l'enuoya le Roy d'Angleterre toutes ses gens en leurs hostels: & luy mesmes reuint à Winderose, & enuoya adonc Monseigneur Thomas de Holande & Monseigneur Jehan d'Arteu- 11343. Trêues renouuclées entre les Angl. & Escoc. pour deux ans.

De la bataille de Grenesis, entre messire Robert d'Artois & Louis d'Espagne.

CHAP.

XCII.

OR parlerons de l'armée de messire Robert d'Artois. En ce temps écheurēt Pasques si hautes, qu'eürō Pasques closes l'on eut entrée du mois de May, au milieu duquel mois la trêue de Monseigneur Charles de Blois & de la Cōtesse de Mōtfort deuoit faillir. Si estoit biē Monseigneur Charles de Blois informé du pourchas que la Cōtesse de Mōtfort auoit fait en Angleterre, & du cōseil que le Roy d'Angleterre luy deuoit faire: dōt Monseigneur Louis d'Espagne, messire Charles Germaux, & messire ¶ Othon Dornes, estoient establis sur la mer, à l'encontre de Grenesis, à trois mille Gēueois, & mil hommes-d'armes, & trentedeux gros vaisseaux. Ainsi que messire Robert d'Artois, le Comte de Pennefort, le Comte de Salebery, le Comte de Suffort, le Comte de Quenfort, le Baron de Stanfort, le Seigneur Despensier, le Seigneur de ¶ Bourfier, & plusieurs autres Cheualiers d'Angleterre, & leurs gens, avec la Cōtesse de Montfort, nageoient par mer au lez deuers Bretagne, ayans vent à souhait, ils approcherent l'Isle de Grenesis, à l'heure de releuée, Si apperceurent la grosse naue des Gēueois: dont messire Louis d'Espagne estoit chef. Si dirent leurs mariniers. Seigneurs, armez vous & ordonnez: car veez cy Gēueois, & Espaignols, qui viēent. Lors sonnerent les Anglois leurs trompettes, & meirent leurs pennons au vent, armoyez de leurs armes, avecques la banniere sainct George: & fordōnerent bien & fagement, & s'encloïrent de leurs Archers, puis nagerēt à pleine voile, ainsi que le vent les portoit: & pouuoient estre enuiron quarante six vaisseaux, que grans que petis: mais nul n'en y auoit si grand, ne fort, comme messire Louis d'Espagne en auoit neuf: & entre ces neuf auoit trois galées, qui se remonstroient par dessus toutes ses autres nefes: & en chacune de ces trois galées estoïēt les trois corps des Seigneurs, Monseigneur Louis d'Espagne, messire Charles, & Monseigneur Othes. Si approcherent les vaisseaux: & commēcerēt Gēueois à traire de leurs arbalestēs à grād randon; & les Archers d'Angleterre aussi sur eux. Là eut grand trait des vns aux autres: & dura longuement: & y eut maint homme nauré: & (quand les seigneurs Barons, Cheualiers & Escuyers s'approcherent, & qu'ils peurent de lances & espées venir ensemble) adoncques y eut dure bataille & cruelle: & moult bien fy éprouuerent les vns & les autres. La Comtesse de Montfort y valut bien vn homme: car elle auoit cœur de lion: & auoit vn glaïue enrouillé & trenchant, dont fierement elle se combattoit. Les Gēueois & Espaignols (qui estoient en ces grans vaisseaux) gettoient d'amont gros barreaux de fer & archegayes: dont ils trauailloïēt moult les Anglois. Si cōmença ceste bataille enuiron vespres: & les departit la nuict: car il fut moult obscur sur le vespre, & se couurit l'air moult espes: si qu'à peine pouuoïēt cognoistre l'vn l'autre. Si se retrahit chacū, & se meit à l'ancre: & commencerent à appareiller leur naue: mais point ne se desarmerent: car ils cuidoiēt derechef auoir bataille. Vn petit deuant minuiēt il se leua vn orage, vn vent, & vne tempeste si grande & horrible, qu'il sembloit proprement aduis que tout le monde deust finer: & n'y auoit si hardi ne si outrageux, de l'vne part ne de l'autre, qui ne voulsist estre à terre: car ces barges & ces nauires hurtoient les vnes contre les autres, ¶ qu'il sembloit qu'elles deussent ouurir & fendre. Si demanderēt conseil les Seigneurs d'Angleterre à leurs mariniers quelle chose leur seroit bōne à faire. Ils respōdirent que d'eux mettre à terre, le pluſtoſt qu'ils pourroient: car la fortune estoit si trefgrande en mer, que (se le vent les y boutoit) ils estoient tous en danger d'estre noyez. Lors entēdirent ils à traire les ancras à mont: & meirent les singles ainsi comme à demi quartier: & tantost élongnerent la place. D'autre part les Gēueois & Espaignols se defancrerent, & prindrent le parfond: car ils auoient plus grans vaisseaux que les Anglois n'auoient: si

† Parauant Othes Dorne

† Selon Polyd. Verg. il faudroit lire Burscher.

Rencontre de Robert d'Artois & Louis d'Espagne sur la mer, & separation d'eux par orage

† Il faut entendre si rudement, ou tel mot, & est ceste maniere de parler fort usitee des anciens.

*On fut poussé
Robert d'Ar-
tois par tempe-
ste de mer.*

pouuoient mieux attédre le hutin & la fortune de la mer:& aussi(se leurs gros vaisseaux eussent flotté en terre) ils eussent esté en peril d'estre rompus : pourtant se bouterent ils au parfond. A leur departement trouuerent quatre nefes Anglesches,chargées de pourueances(qui s'estoient tenues en sus de la bataille) lesquelles quatre nefes ils attacherent à leurs nefes,& les amenerent apres eux.Et sachez que le vent & la fortune estoit si grande,qu'elle les bouta en moins d'un iour, plus de cent lieuës loing du lieu ou ils s'estoient cōbattus:& les nefes messire Robert d'Artois prindrent terre à vn petit port, assez pres de la cité de Vennes: dont ils furent tous refiouys, quand ils se trouuerent à terre.

Comment messire Robert d'Artois print la cité de Vennes en Bretagne.

CHAP. XCIII.

*† Il use aussi
de ce mot au
chap. preceder,
cō il a fait ail-
leurs de la na-
uire, pour tou-
te la flotte des
vaisseaux.*

*On se trouua
Louis d'Espai-
gne apres la
tēpeste susdite.*

*† Il y auoit vñ
nes : mais le
chap. suiuant
de l'Abbr. de
la Chaux me
l'ont fait chan-
ger.*

*† Je pense qu'il
y fault vn au-
tre nom, car il
n'a point dit
que cestuy-cy
se fust renolté,
depuis la fin
du chap. 89. là
ou il le fait
Bloisien.*

A Infi & par ceste grand' fortune se dérompit la bataille, sur mer, de messire Robert d'Artois & de sa route, à l'encōtre de Mōseigneur Louis d'Espaigne & de ses gens: & ne fait on bonnemēt à qui en donner l'honneur: car ils se partirēt tous malgré eux,& par la diuersité du tēps. Mais toutesfois les Anglois prindrēt port assez pres de Vennes: & issirent hors à terre: & meirent leurs cheuaux sur le sablon, & toutes leurs pourueances & armeures. Puis ordonnerent à traire leur † naue deuers Hamibout, & aller assieger la cité de Vennes. De par Monseigneur Charles de Blois y estoiet adonc Messeigneurs Henry de Leon, & Oliuier de Clifson, comme Capitaines d'iceluy lieu. Aussi y estoit le Sire de Tournemine, & celuy de Loheac. Quād ces Seigneurs de Bretagne veirent les Anglois venus, & qu'ils fordonnoient pour eux assieger, ils entendirent premierement au chastel: puis aux guerites & aux portes: & meirent à chacune porte vn Cheualier, & dix Hommes-d'armes, & vingt Archers parmy les Arbalestriers. Or dirons de messire Louis d'Espaigne & de sa route. Sachez que, quand ce grand tourment & ceste fortune les eurent prins & eleuez & boutez en mer, ils furent toute celle nuit, & le lendemain iusques à nonne, moult tourmentez, en grand' aduenture de leurs vies, & perdirēt deux de leurs vaisseaux, & tous les gens qui dedans estoiet. Quand vint au tiers iour, enuiron prime, la mer s'appaïsa. Si demanderēt les Cheualiers aux mariniers de quelle part ils estoiet plus pres de la terre: & ils respondirēt du Royaume de Nauarre. Les Patrōs dirēt que le vent les auoit élongnez, en sus de Bretagne, plus de six vingts lieuës. Si se meirēt là à l'ancre, & attendirent la marée: si que, quand le flot de la mer reuint, ils eurent assez bon vent pour retourner vers la Rochelle: si costoyerent Bayōne: mais point ne l'approcherent: & trouuerent quatre nefes de Bayonne: qui venoient de Flādres: si les assaillirēt & prindrent tantost, & meirent à mort tous ceux qui estoient dedans. Puis nagerēt vers la Rochelle: & firent tant, en brieufs iours, qu'ils arriuerēt en Guerrande: Là se meirēt ils à terre: si entendirent que messire Robert d'Artois estoit à siege deuant Vennes. Lors enuoyerent deuers Monseigneur Charles de Blois (qui estoit à † Rēnes) à sauoir quelle chose ils feroient. Messire Robert d'Artois (si comme vous auez ouy) auoit assiegé la cité de Vennes à mille Hōmes-d'armes & trois mille Archers: si courut tout le pais d'entour, & l'exiloit & ardoit iusques à Dynant en Bretagne, & iusques à Goy-la-forest: & n'osoit nul demourer sur le plat pays. Le siege durant deuant Vennes il y eut aux bailles de la ville mainte écar mouche & maint assaut: & estoient ceux de dedans moult songneux de deffendre la cité: & tousiours se tenoit la Comtesse de Montfort au siege, auecques messire Robert. Aussi messire Gautier de Manny (qui s'estoit tenu à Hamibout, depuis que la Comtesse de Montfort s'estoit mise en mer pour passer en Angleterre) re-chargea Hamibout à Monseigneur Guillaume de Cadudal, & à messire † Girard de Rochefort: Puis print auecques luy messire Yues de Tribiquedi, & cent Hommes-d'armes & deux cens Archers: si vindrent en l'ost deuant Vennes. Assez tost apres fut fait vn assaut en la cité, en trois lieux, tous à vne fois: & tiroient les Archers d'Angleterre si espesement, qu'à peine s'osoient ceux de dedans monstrier aux guerites, Si dura iceluy assaut vn iour entier: & y en eut plusieurs de blecez de costé & d'autre. Quand vint au soir, les Anglois se retrahirent en leurs logis, & ceux de Vennes en leurs hostels, tous lassez. Si se desarmerent: mais ceux de l'ost ne firent pas ainsi: ainçois se tindrent en leurs armeures: & osterent seulement leurs bacinets: puis beurent vne fois chacun, & se rafreschirent. Or aduint que là presentement, par l'aduis de messire Robert d'Artois, ils fordonnerent derechef en trois batailles: & en menerent les deux aux portes, ou il falloit le plus fort assaillir: & la tierce bataille firent tenir toute coye couuertement.

Et ordon-

Et ordonnerent que (si tost qu'ils auroient assailly longue piece, & que ceux de Vennes entendoient à eux deffendre) ils se tireroient auant sur le plus foible costé : & seroient tous pourueus d'eschesles de cordes à crochets de fer, pour getter sur les murs, & attacher aux guerites : & essayeroient de conquerir la ville. Ainsi fut fait. Si vint Monseigneur Robert, & la premiere bataille, assaillir & écaroucher à la baille d'une des portes, & le Comte de Salebery aussi à une autre porte : & (pource qu'il faisoit tard, & à fin que ceux de dedans fussent plus ébahis) ils allumerét grâs feux : si que la clarté resplendoit dedans la cité. Dont il aduint que ceux de dedans cuiderent que leurs maisons ardissent. Si crierent, trahi, trahi, armez vous, armez vous. Et ia estoient les plusieurs couchez pour eux reposer : car moult auoient eu de trauail le iour de deuant. Si se leuerent soudainement : & vindrent chacun (qui mieux mieux, sans ordonnance & nul arroy, & sans parler à leur Capitaine) celle part ou le feu estoit. Et aussi les Seigneurs qui en leurs hostels estoient, s'armerent. Tandis qu'ils estoient ainsi embrouillez, le Comte de Quenfort & messire Gautier de Manny, qui auoient la tierce bataille, vindrent du costé ou nul ne gardoit. Si drecerent leurs eschesles, & monterent contremont, les targes sur leurs testes : & entrerent par les murs paisiblement en la cité : n'ouques ne s'en donnerent garde les François & Bretons qui dedans estoient, tant qu'ils veirent leurs ennemis sur les rues. Lors tournerent en fuite, chacun pour soy sauuer : & n'eurent mie les Capitaines loisir d'eux sauuer ne retraire au Chastel : ains monterent à cheual, & passerent par une poterne, & prindrent les champs pour eux sauuer : & furent tous ceux heureux, qui issir peurent. Toutesfois les quatre Cheualiers † dessus nommez, se sauuerent, & une partie de leurs gens : & tous ceux qui furent trouuez ou attains des Anglois, furent morts ou prins : & fut toute la ville de Vennes couruë & robbée : & y entrèrent toutes manieres de gens : & mesmement la Comtesse de Montfort, delez messire Robert d'Artois : qui en eut grand' ioye.

*Vennes assaillie
eschellee, &
surprise par Ro-
bert d'Artois.*

*† Au commen-
cement de ce
chapitre.*

Comment messire Robert d'Artois mourut.

CHAP. XCIIII.

Ainsi que ie vous compte, fut la cité de Vennes prinse. Cinq iours apres retourna la Comtesse de Montfort, messire Gautier de Manny, messire Yues de Tribiquedy, & plusieurs autres Cheualiers d'Angleterre & de Bretagne, dedans Hamibout. Encores se partirent de Vennes, & de messire Robert d'Artois, le Comte de Salebery, le Comte de Pénafort, le Comte de Suffort, & le Comte de Cornouaille, à tout trois mil Hommes d'armes & trois mil Archers : & s'en vindrēt à la cité de Rénes : dont Monseigneur Charles de Blois & sa femme estoient partis, quatre iours deuant, & venus à Nantes : mais ils auoient laissé en la cité grand' foison de Cheualiers & Escuyers. Et tousiours se tenoit messire Louis d'Espagne sur mer, à tout ses Espaignols & Géneuois : & gardoit tant s'ongneusement les frontieres d'Angleterre, que nul ne pouuoit aller ne venir d'Angleterre en Bretagne, qu'il ne fust en grand peril : & fit celle année aux Anglois maint dommage. Pour la prinse & perte de la cité de Vennes, fut le pais moult fort émeu. Car bien cuiderent que les Capitaines, qui dedans estoient, la deussent garder & deffendre vn tēps, contre tout le monde : car elle estoit assez forte, bien pourueue de Gens-d'armes, & de toute artillerie, & d'autres pourueances. Si estoient pour la mesaduenture tous honteux le Sire de Clifson & messire Henry de Leon : car aussi les ennemis en parloient villainement sur leur partie. Si aduint que ces deux Cheualiers cueillirent grand' foison de compagnons, Cheualiers, & Escuyers de Bretagne : & prierent aux Capitaines qu'ils voufissent estre à un iour, qui nommé estoit entre eux, sur les champs, à telle quantité de gēs comme ils pourroient. Tous y obeyrent de grand' volonté : & s'émurent tellemēt toutes manieres de gens de Bretagne, qu'ils furent un iour deuant la cité plus de douze mil homes, que francs que vilains, & tous armez. Et là vint moult efforcément Mōseigneur Robert de Beaumanoir, Marechal de Bretagne. Si assiegerent la cité de tous costez : puis la commencerent à assaillir moult fort. Lors, quand messire Robert d'Artois se veit assiegé † deuant la cité de Vennes, si ne fut pas negligent de se deffendre moult vaillamment contre les Bretons, qui courageusement s'aduenturoient, & se hastoient : à fin que ceux, qui se tenoient deuant Rénes, ne leur venissent briser leur entreprinse. Si liuerent un assaut si dur, & si bien ordonné, les assaillans, Cheualiers & Escuyers, & mesmēt les bons hommes du pais, & tant donnerēt à faire à ceux de dedans, qu'ils conquirent les baillies du bourg, & puis les portes de la cité : & entrerent dedans par force.

*Renes assiegée
par les Mont-
fortins.*

*† Le siege estoit
bien deuant :
mais Robert es-
toit dedans la
ville.*

*Vennes reprise
par les Bloisès.*

† Il a fait mention de deux: mais ie pense que cestuy cy estoit fils du ieune.

Trépas de Robert d'Artois toujours 1343.

† Si le chapelet est vray, il faut icy Pennefort, mais veritablement ceste Cōrē s'appelle Pennebroth, ou Pēbruch, selon Polyd. Verg.

Vennes assaillie par le Roy d'Angleterre.

† Ce peut estre celui, que parauant il nōme Girard, au chap. 93. & ainsi le nomme icy l'Ab de la Chaux. Nātes assiegee par le Roy d'Angleterre.

Si furent les Anglois mis en chace: & en furent aucuns morts & naurez: & par especial messire Robert d'Artois y fut moult nauré: & à grand' peine fut il sauué, & gardé d'estre prins: & s'en partit par vne poterne de derriere, & Monseigneur de Stanfort avec luy. En icelle prinse de Vennes fut prins prisonnier, de Monseigneur Henry de Leon, le Sire Despensier d'Angleterre, fils à Monseigneur Huon (dont au cōmencemēt fait † mention ce liure) mais il fut si fort nauré au prendre, qu'il mourut le troisiēme iour apres. Ainsi eurent les François la cité de Vennes. Et messire Robert d'Artois demoura vne piece dedans Hamibout: & en la fin luy fut cōseillé qu'il retournaſt en Angleterre (car là trouueroit il meilleurs Cirurgiens & medecins) mais, au retourner en Angleterre, il fut moult greué & oppressé de la marine: & s'en émeurent tellemēt ses playes, que, quād il fut venu & apporté à Londres, il mourut tantost apres, de ceste maladie. Si auoit esté courtois, preux, & hardy, & du plus noble sang du monde. Il fut enseuely à Londres, en l'Eglise saint Pol: & bien fit le Roy Anglois faire son obsequie ainsi solennellement comme si c'eust esté pour son cousin germain le Comte d'Erby: & fut messire Robert d'Artois fort plaint en Angleterre. Si tost que le le Roy d'Angleterre sceut sa mort, il iura & dit que iamais n'entendrait à autre chose, tant qu'il auroit vengé la mort de luy: & iroit luy-mesmes en Bretagne, & mettroit en tel poinct le pays, q̄ dedans quarante ans apres il ne seroit qu'il n'y parust. Si enuoya tātost lettres, parmi son Royaume, q̄ chacun, noble & non noble, fust prest & appareillé, pour venir avec luy au bout du mois: & fit faire grans amas de nefſ & de vaisseaux: & les fit bien pourueoir & étoffer de ce qu'il appartenoit. Au bout du mois il se meit en mer en grand' naue: & vint prendre port assez pres de Vennes: là ou Monseigneur Robert d'Artois & sa compaignie arriuerent. Quand ils furent en Bretagne, ils descendirent à terre, & mēirent trois iours à mettre hors leurs cheuaux & leurs pourueances. Au quatriēme iour ils cheuaucherent deuers Vennes: & se tenoit le siege du Comte de Salebery, du Comte de † Pennebroth, & des Anglois dessusnommez, deuant la cité de Rénes.

Comment le Roy d'Angleterre vint en Bretagne pour guerroyer. CHAP. XCV.

TAnt exploita le Roy Anglois, depuis qu'il eut terre prinse en Bretagne, qu'il vint, à tout son ost, par deuāt la cité de Vennes, & l'assiegea de tous poincts. Adonc estoiet dedans Vennes Oliuier de Clifſon, messire Henry de Leon, le Sire de Tournemine, messire Geoffroy de Malestroit, & messire Guy de Loheac: lesquels auoient bien supposé, de long temps, que le Roy Anglois viendrait en Bretagne. Si auoient la cité & le chastel pourueus grandement de toutes pourueances de gens & autres choses necessaires. Et si tost que le Roy Anglois fut logé par deuant, il les fit assaillir asprement, & traire les Archers de grand randon: & dura celuy assaut demy iour: mais riens n'y firent, fors trauailler: tant fut la cité bien deffendue. Quand la Comtesse de Montfort sceut la venue du Roy Anglois, elle se partit de Hamibout, accōpaignée de Monseigneur Gautier de Manny, & de plusieurs autres Cheualiers & Escuyers: & vint deuāt Vennes, veoir & festoyer le Roy d'Angleterre, & les Barons de l'ost: & dedans quatre iours apres elle s'en retourna à Hamibout, avecques ses gens. Or parlerons de Messire Charles de Blois: qui estoit dedans la cité de Nantes. Si tost comme il sceut, que le Roy Anglois fut arriué en Bretagne, il le signifia au Roy de France son oncle, pour auoir secours. Quand le Roy Anglois, qui seoit deuant Vennes, veit celle cité si forte & si bien garnie, & entendit par ses gens que le pays de là entour estoit si poure & si gasté qu'ils ne sauoient ou fourrager, n'ou auoir viures pour eux ne pour leurs cheuaux (tant estoient grand nombre) il ordonna le Côte d'Arondel, le Baron de Stanfort, Monseigneur Gautier de Manny, messire Yues de Tribiquedy, & messire † Richard de Rochefort, à tout cinq cens Hōmes-d'armes & six mille Archers: & cheuaucha tout ardent & exilāt le pays, d'un costé & d'autre. Si fut deuant Rénes: ou il fut tresioyeusement receu de ses gens: qui là estoiet, & auoiet esté long tēps. Et, quand le Roy eut là esté cinq iours, il entēdit q̄ messire Charles de Blois estoit à Nātes, & faisoit son amas de Gēs-d'armes. Lors se partit le Roy Anglois de deuāt Rénes: & y laissa ceux q̄ trouuez y auoit. Si vīt deuāt Nātes: & l'assiegea le plus auāt qu'il peut: mais tous ne la pouuoiet enuironer: tāt estoit grāde & estēdue. Si coururēt les Mareschaux & leurs gēs enuiron: & gasterent moult fort le pays. Et furent le Roy d'Angleterre & ses gens ordōnez sur vne montaigne, au dehors de Nantes, vn iour de matin iusques à nōne, par maniere de bataille: & cuidoiēt les Anglois que

messire

messire Charles lès voufist combattre, mais, quand ils veirent qu'ils n'auroient point de bataille, ils se retirerent en leurs logis: mais les Coureurs coururent iusques aux bailles: & à leur retour ardirent les fauxbourgs. Ainsi se tint le Roy d'Angleterre deuant Nantes: & messire Charles estoit dedans: qui souuent escriuoit l'estat des Anglois au Roy de France: qui ia auoit chargé à son fils, le Duc de Normâdie, de le secourir: lequel Duc estoit ia venu en la cité d'Angers: & là faisoit son amas de Gens-d'armes: qui là venoient de tous costez. Entandis le Roy d'Angleterre (qui auoit assiegé la cité de Nantes d'un costé) y faisoit souuent assaillir & écaroucher: mais rien n'y cōquit: ains y perdit tousiours de ses hommes. Quand il veit que par assaut il ne pouuoit riés faire, & que Monseigneur Charles de Blois n'istroit point aux champs pour le combattre, il establit † le Comte de Quenfort, messire Henry Vicomte de Beaumont, le Seigneur de Persy, le Seigneur de Rooz, le Seigneur de Montbray, le Seigneur de la Varc, Monseigneur Regnaud de Gobeghen, & Monseigneur Iehan de l'Isle, à six cens hommes armez, & deux cens Archers, tout destruisant le bon pays de Bretagne d'un costé & d'autre: tant qu'il vint droit deuant la ville de Dynant: dont messire Pierre Portebœuf estoit pour lors chef. Là meit le Roy le siege tout autour: & la fit moult fort assaillir: & ceux de dedans si entendirent à eux deffendre. Ainsi assaillit le Roy d'Angleterre tout en vne saison & un iour (tant ses gens comme luy) trois † citez en Bretagne, & vne bonne ville.

† Entendez du
siege de Nâtes
cōme parauant
le Comte d'An
rondel à celui
de Vennes, pen
dât que ce Roy
alloit tout de-
struisant ius-
ques à Dynant
† C' est assaillir
Renes, Vennes,
Nantes, &
Dynant:

*Comment le Seigneur de Clifson & messire Henry de Leon furent prins des Anglois
deuant Vennes.*

CHAPITRE XCVI.

Pendant que le Roy d'Angleterre alloit, venoit, & cheuauchoit le pays de Bretagne ses gens (qui seoyent deuant la ville de Vennes) y liurerent tous les iours moult diuers assaux, à l'une des portes. Si se tirerent celle part tous les bons Gens-d'armes de l'une part & de l'autre. Là eut maintes belles appertises d'armes faites: car ceux de Vennes auoient ouuerte la porte, & se tenoient à la barriere: pour cause qu'ils veoient la banniere du Côte de Waruich, celle du Côte d'Arôdel, du Baron de Stanfort, & de messire Gautier de Manny, qui s'abandonnoient (ce leur sembloit) assez follemēt. De quoy le Sire de Clifson, messire Henry de Leon, & les autres Cheualiers s'aduēturoient plus courageusement. Là eut dure écarouche, d'un costé & d'autre, moult longuement. Finablement l'assaut se porta tellement que les Anglois furent reboutez & reculez arriere des barrieres. Si sauancerent les Cheualiers de Bretagne: & ouurirent les barrieres, chacun son glaue en son poing: & laisserent six Cheualiers des leur pour garder la ville, avec foison d'autres gens. Puis tout à pié, lançant & écarouchant, ils poursuyurent les Anglois: qui tousiours en reculant les combattoient. Là eut grand cōfiēt, toutesfois les Anglois multiplierent & fortifierent tant, qu'il conuint aux Bretons reculer: & nompas si riglément qu'ils estoient auallez. Là eut grande luitte & forte meslée: & remonterēt les Cheualiers de Bretagne à grand malaïse, si y eut maint homme mort & bledé. Quand ceux qui gardoient la barriere, veirent leurs gens reculer & rechacer, ils retirerent leurs bailles, si mal à point, qu'il conuint le Seigneur de Clifson demourer dehors: & fut prins deuant la barriere: & ausi fut messire Henry de Leon: & d'autre part les Anglois (qui estoient montez viftement, & tout le premier le Baron de Stanfort) furent enclos entre les bailles & la porte. Là eut grand & cruel hutin, & fut prins & retenu le Sire de Stanfort, & plusieurs des siens, qui estoient delez luy, furent morts ou prins. Si se retrahirent a tant les Anglois en leurs logis, & les Bretons en la cité de Vennes.

Prinse du Ba-
de Stanfort par
les Bloisens.

*Comment le Roy d'Angleterre print la ville de Dynant: & de quelques courses de
Louis d'Espagne sur la marine.*

CHAPITRE XCVII.

Par telle maniere que vous auez ouy compter, furent prins ces Cheualiers. Depuis cest assaut n'en y eut nul si grand, ne si renommé d'armes, comme celui fut, car chacun se tenoit sur sa garde. Or parlerons du Roy d'Angleterre: qui auoit assiegé la ville de Dynant. Quand il eut là tenu le siege iusques à quatre iours, il fit querre & pourueoir foison de nacelles, & fit entrer les Archers dedans, & nager iusques aux paliz de bois, dont la ville estoit fermée. Si tirerent iusques dedans icelle, si roidement qu'à peine se pouoit nul monstrier aux fenestres n'aux deffenses. Entre ces Archers auoit autres assaillans, qui portoient grans coignées bien trenchans, dont, tandis que les Archers tiroient, ils couppoient paliz, & tantost les eurent grandement domagez, tant qu'ils

en getterent vn grād pan par terre, & entrerent dedans par force. Adonc ceux de la ville commencerent à fuir vers le marché: mais petite r'alliance se fit entre eux, car ceux, qui auoient passé le fossé dedans les nacelles, & qui estoient entrez en la ville, vindrent dedans la porte, & l'ouurirent. Si entrerent dedans toutes manieres de gens. Ainsi fut prinse la ville de Dynant en Bretagne: qui fut toute courue & robbée, & le Capitaine meslire Pierre Portebeuf prins. Si prindrent les Anglois de sa compagnie desquels qu'ils voulurent: & gaignerent grand auoir dedans, car elle estoit lors moult riche, pleine, & marchande. Lors, quand le Roy d'Angleterre eut fait son entreprise, & sa volonté de la ville de Dynant en Bretagne, il la laissa toute vague: & n'eut mie conseil de la tenir, Si chemina vers Vennes: & quand il fut venu, il se logea. Or parlerons de Monseigneur Louis d'Espagne, de Monseigneur Charles de Germaux, & de Monseigneur Othon Dornes: qui estoit † pour le temps Admiral de la mer, à huit galées, treize barques, & trente nefes chargées de Gencuois & Espagnols. Si se tenoient sur mer entre Angleterre & Bretagne: & portoient par plusieurs fois grans dommages aux Anglois: qui venoient rafraeschir leurs gens de pourueances deuant Vennes. Et, vne fois entre les autres, coururent sur la naue du Roy Edouard d'Angleterre: qui gisoit à l'ancre, en vn petit port, deuant Vennes: & n'estoit mie adonc bien gardée. Si occirent la plus grāde partie de ceux qui la gardoient: & y eussent porté maint grand dommage, se les Anglois, qui estoient deuant Vennes, ne fussent accourus. Et, quād les nouvelles en vindrent en l'ost, chacun y courut: toutesfois on ne se sceut si fort hastier, que messire Louis & sa route n'emmenassent quatre vaisseaux de pourueances: & en effronderent trois: & perirent ceux qui dedans estoient. Adonc fut conseillé au Roy qu'il fist traire sa naue au haure, de Brest, l'vne partie, & l'autre partie au haure de Hamibout. Si le fit ainsi comme il luy fut conseillé: & tousiours tenoit siege deuant Vennes, & deuant Renes.

† Il est mal aisé de sauoir du quel il veut entendre & faut (peut estre) lire ces mots en plurier: cōme sont les suiuās et ainsi le trouue maintenant aux Abr. disās que pour le réps estoiet Admiraux.

Des Seigneurs de France, que le Duc de Normandie emmena en Bretagne, à l'encontre du Roy Edouard d'Angleterre.

CHAP. XCVIII.

Nous retournerons à la cheuauchée, que le Duc de Normandie fit en celle saison, en Bretagne pour cōforter son cousin messire Charles de Blois. Le Duc, qui auoit fait son assemblée, sceut que le Roy Anglois domageoit moult fort le pays de Bretagne, & auoit assiegé trois citez, & prins la ville de Dynant. Si se partit de la cité d'Angers moult efforcément, à plus de quatre mille Hommes-d'armes, & trente mille autres gens. Si farrouta tout le charroy le grand chemin de Nantes: & les conduisoient les deux Marechaux de France: le Sire de † Mommorancy, & le Sire de Saint-venant. Apres cheuauchoit le Duc de Normandie, le Comte d'Alençon son oncle, le Comte de Blois son cousin. Là estoit le Duc de Bourbon, le Comte de Ponthieu, le Comte de Boulongne, le Comte de Vendosme, le Comte de Dampmartin, le Sire de Craon, le Sire de Coucy, le Sire de Suly, le Sire de Fresnes, le Sire de Roye, & tant de Barōs & Cheualiers de Normādie, d'Auuergne, de Berry, de Limosin, du Maine, de Poictou, de Xaintonge, que longuement mettroye à les nommer tous: & encore ils croissoiēt tousiours, car le Roy de France r'enforçoit son mandement. Les nouvelles vindrēt aux Seigneurs d'Angleterre, qui seioient deuant Nantes, que le Duc de Normandie venoit à tout quarante mille hommes: lesquels le signifierent au Roy d'Angleterre hastiuement. Lors fut le Roy pensif: & eut vne espece d'imagination de briser son † siege, & aussi celui de Renes: & retraire deuant Nantes. Depuis luy fut conseillé qu'il estoit en bonne place & forte, & apres de sa naue: & qu'il se tenist là, & attendist ses ennemis, & mandast ses gens, qui estoient deuant Nantes: & laissast encores le siege qui estoit deuant Renes, car ils ne luy estoient pas si loingtains, qu'ils ne les confortassent bien tost, si estoit besoing. A ce conseil se tint le Roy. Si manda ceux, qui seoyent deuant Nantes: lesquels vindrent au siege deuant Vennes. Et le Duc de Normandie & ses gens exploiterent tant qu'ils vindrent en la cité de Nantes: ou Monseigneur Charles de Blois & foison de Cheualiers estoient. Si se logerent les Seigneurs en la cité, & leurs gens enuiron, sur le pays, car tous ne se pouuoient loger en la cité, n'aux fauxbourgs.

† Le pense que c'est celui, que il nomme Charles de Mommorancy au ch. 62

† Celui de Renes auquel il estoit en person ne: & de fait la Chaux le specifie.

Comment le Roy d'Angleterre & le Duc de Normandie furent à ost l'un contre l'autre deuant la cité de Vennes.

CHAPITRE. XCIX.

Entan-

Et tandis que le Duc de Normandie sejournoit à Nantes, firent les Seigneurs d'Angleterre, qui seioient deuant Rènes, vn assaut tresgrand & bien ordonné: & auoient, vn grand temps auant, appareillé instrumens & aornemens pour assaillir: & dura l'assaut vn iour entier: mais ils n'y conquerirent riens: ains y perdirent de leurs gens: dont il y eut de morts & de naurez foison, car dedans la cité estoit le Baron d'Ancenis, le Sire du Pont, messire Jehan de Malestroit, Yuain Charuel, & Bertrā Graisquin, Escuyer. Ceux se deffendirent si bien, avec l'Euesque de la cité, qu'ils n'y prindrent point de dommage. Nonobstant se tindrent là les Anglois: & coururent & gasterent le pays enuiron. Adonc se partit le Duc de Normandie, à tout son ost: & eut conseil de foy traire deuers Vennes pour plus tost trouuer ses ennemis, car bien auoit entendu que ceux de Vennes estoient plus estrains que ceux de Rènes, & en plus grand peril d'estre perdus. Si farrouerent ses Gens-d'armes, sous le cōduit de deux Mareschaux: & messire Geoffroy de Charny, & le Comte de Guines, Connestable de France, faisoient l'arrieregarde. Tant exploiterent ces Gens-d'armes, qu'ils vindrent assez pres de Vennes, d'autre part ou le Roy d'Angleterre estoit logé. Si se logerent les François contreal vn beau pré: & firent vn grand fossé contre leur ost. Si cheuaucherent à la fois les Mareschaux, & messire Robert de Beaumanoir, Mareschal de Bretagne: & alloient souuēt écaroucher en l'ost des Anglois: & Anglois sur eux. Si en y auoit souuent de ruez ius de costé & d'autre: & adonc le Roy d'Angleterre demanda le Comte de Salebery, le Comte de Pennebroth, & les autres qui se tenoyent au siege deuant Rènes. Les Anglois & les Bretons de Montfort pouoient lors estre enuiron deux mille cinq cens Hommes-d'armes, six mille Archers, & quatre mille Hommes-de-pied. Les François estoient quatre fois plus, de bonne étoffe, & bien appareillez. Le Roy d'Angleterre auoit basti son siege deuant Vennes, par tel le maniere que les François ne pouoient venir vers luy par auantage: & depuis la venue du Duc de Normandie ne fit point le Roy Anglois assaillir la cité, car il vouloit épargner ses gens & son artillerie. Ainsi furent ces deux osts l'un deuant l'autre vn grand temps. Et bien auant en l'Yuer enuoya le Pape Clement sixiesme le Cardinal de Prenefte, & le Cardinal de Clermont: qui souuent cheuaucherent de l'un ost à l'autre, pour accorder ces parties: mais ils ne les pouoient condescendre à paix. Cependant il y eut souuent des issues & des écarouches, ainsi que les Coueurs s'entrerencontroyent: si y en auoit souuent de ruez ius: & n'osoient les Anglois, par especial, aller en fourrage, fors en grande compaignie, car toutes les fois qu'ils cheuauchoyent, ils estoient en grand peril, pour les embusches qu'on mettoit sur eux. Avec ce, messire Louis d'Espagne & sa route gardoient si songneusement le pays de la mer, qu'à grande peine venoit riens en l'ost des Anglois: & y auoient moult de souffrettes: & estoit l'intention du Duc, qu'il tenoit là le Roy comme assiégué: mais aussi les François estoient contrains du froid tēps, car nuit & iour il plouuoit dessus eux: dont ils perdirent la plus grande partie de leurs cheuaux, & les conuint deloger, & traire sur les champs, pour la grande foison d'eau, qui estoit espendue en leurs logis. Lors firent tant les Cardinaux qu'vnes tréues furent accordées, à durer trois ans: & les iurerent le Duc de Normandie & le Roy d'Angleterre, à non enfreindre le temps durant d'iceluy terme, ainsi qu'il est de coustume.

Comment le Roy de France fit decapiter le Sire de Clifson & plusieurs autres de Bretagne & de Normandie.

CHAPITRE C.

Enfi se desit ceste grande assemblée: & se leua le siege de Vennes: & se retrahit le Duc de Normandie vers Nantes: & emmena les deux Cardinaux avec luy: & le Roy d'Angleterre se retrahit deuers Hamibout, ou la Comtesse de Montfort se tenoit. Encores fut là fait vn échange du Baron de Stanfort & du Seigneur de Clifson. Quand le Roy d'Angleterre eut esté vne espace de temps dedans Hamibout avec la Comtesse, & ordonné de ses besongnes, il la chargea aux deux freres de Pennebroth, & à messire Guillaume de Cadudal, & aux autres. Puis s'en retourna en Angleterre, enuiron Noel, avec sa Cheualerie, & aussi le Duc de Normandie se trahit en France, & donna congé à toutes manieres de Gens-d'armes, & s'en alla chacun en son lieu. Et tantost apres fut prins le Seigneur de Clifson, soupçonné de trahison, & fut mis au Chastellet de Paris. Dequoy tous ceux, qui patler en oyoient, furent moult émerueillez, & en parloient les Barons & Cheualiers de France l'un à l'autre, en disant. Que peut on ores demander au Seigneur de Clifson? mais nul n'en sauoit donner vraye responce, fors tant que l'on

† L'ex. de la Mer dit Glasquin, Sala de Claquin, & la Chaux de Claquin.

† Il fait paraissant cestuy cy fils du Comte d'Eu, Connestable de France: mais le pere pouoit bien estre aussi vray Cōte de Guines, en permettant le titre à son fils: ou bien pour rez lire, fils du Connest. &c. La Chaux dit simplement icy Comte de Guines.

Legats du Pape Clement sixiesme, pour faire paix en Bretagne. 1343.

Tréues de trois ans entre les partisans de Blois & ceux de Montfort, toujours en l'an 1343. selon les Annal. de Bret. mesmes.

† Le doute qu'il n'y faille plus tost Pennefort desquels il a parlé des le commencement de ceste guerre de Bret. & ainsi le trouue en l'Abr. de la Chaux, par ceste 5. reuene. † On peut icy

cōpter 1344. à commencer l'a par le premier iour de Ianuier † d'Auau-gour Annal. de Bret. cōme ie le trouue auſſi maintenant en la Chaux. † On peut entendre par ce mot, que quelque grand Dame les accusa ou poursuiuit leur mort: ou bien faudroit (possible) lire par fa mine, entédāt qu'on les eust fait mourir de faim en prison mais ie trouue par tout ailleurs, qu'ils moururent publiquemēt, d'auantage l'Ab. de la Chaux dit tels mots Encores assez tost apres furent mis à mort par pareille soupçon (ie ne say mie s'elle estoit vraie ou non) quatre Cheualiers, &c. qui me fait croire qu'il ne seroit mauuais d'y lire p fame, c'est adire par bruit & renōde tra hison) ou bien par sēblable soupçon.

† 1344. fondation de l'ordre du Iartier: que Polyd. Verg. Lillie, & Tillet, ne mettent iusques à 1350. † Ceci monstre que nous auons fait selon l'intentiō de l'Auteur. luy ayans nombré ses chap. † Peut estre que

imaginoit que l'enuie venoit à cause de ce que le Roy d'Angleterre l'auoit micux aimé deliurer, en échange du Baron de Stanfort, que Monseigneur Henry de Leon: qui encores estoit demouré prisonnier, si que (par celuy aduantage, que le Roy d'Angleterre fit au Seigneur de Clifſon, non mie audit meſſire Henry) penserent ses ennemis autre chose qu'il n'y auoit, par aduenture: & en sourdit tel soupçon, qu'il en fut décolé à Paris: ou il eut grande plainte: n' oncques ne s'en peut excuſer. Assez tost apres furent accusez de ſemblable cas plusieurs Cheualiers: c'estaſſauoir le Sire de Maleſtroit, & son ſils, le Sire de † Vangour, meſſire Thibaud de Morillon, & plusieurs autres Seigneurs de Bretagne, iusques à dix Cheualiers & Eſcuyers: lesquels furent decolez à Paris. Et encores assez tost apres furent mis à mort par † femme (ie ne say mie ſe ce fut vray ou non) quatre Cheualiers de Normandie: c'estaſſauoir Sire Guillaume Baron, meſſire Henry de Maleſtroit, le Sire de Rocheteſſon, & meſſire Richard de Perſy: dont il sourdit depuis maints gros mechefs en Bretagne & en Normandie. Le Sire de Clifſon auoit vn ieune ſils, appellé Oliuier de Clifſon, ainſi comme ſon pere. Celuy ſe tira tātōſt au Chasteſt de Montfort, avec la Comteſſe de Montfort, & Iehan de Montfort, ſon ſils: qui estoit preſque de ſon aage, & auſſi ſāns pere, car vrayement estoit il mort au Loure à Paris.

De la confrairie ſainct George, que le Roy Edouard eſtablit à Winderose.

CHAPITRE. C I.

EN ce temps vint en propos & en volonte au Roy Edouard d'Angleterre, qu'il feroit faire & reedifier le grand Chasteſt de Winderose, que le Roy Artus fit iadis faire & fonder: là ou premierement fut commēcée & eſtorée la noble Table-ronde: dont tant de bons & vaillans hommes & Cheualiers estoient, & iſſirent, & trauaillerent en armes & en prouesses par tout le monde. Et feroit ledit Roy vne ordonnance des Cheualiers & luy & de ſes enfans, & des plus preux de ſa terre: & en ſeroient en ſomme quarante: & les nommeroit on les Cheualiers du bleu iartier: & la feſte à durer d'an en an, & de la ſolennizer à Winderose, le iour ſainct George. Et, pour ceſte feſte commencer, le Roy aſſembla, de tout ſon pays, Comtes, Barons, & Cheualiers: & leur dit ſon intention: & ils luy accorderent ioyeuſemēt: pource qu'il leur ſembloit vne chose moult hōnorable ou toute amour ſe nourriroit. Adoncques furent eleus quarante Cheualiers, par aduis & par renommée les plus preux de tous les autres: lesquels ſeellerēt & iurerent à pourſuir & tenir la feſte & les ordonnances telles qu'elles estoient là diuiſées. Et fit le Roy fonder & edifier vne chappelle de ſainct George, au Chasteſt de Winderose: & y eſtablit Chanoines pour Dieu ſeruir, & les renta moult grandement. Puis enuoya le Roy publier la feſte, par ſes Heraux, en France, en Eſcoce, en Bourgongne, en Haynaut, en Flādres, en Brabant, & en l'Empire d'Allemagne: & ſi dōnoit à tous Cheualiers & Eſcuyers qui venir y voudroyent, quinze iours de ſauſconduit apres la feſte. Et deuoit eſtre ceſte feſte le iour ſainct George enſuiuant, l'an † mil trois cens quarante & quatre, au Chasteſt de Winderose. Et deuoit eſtre accompagnée la Roine d'Angleterre de trois cens Dames & Damoiſelles, toutes nobles & gentils-dames, & parées richement de paremens ſemblables.

Comment le Roy d'Angleterre deliura de ſa prison meſſire Henry de Leon.

CHAPITRE. C I I.

ENTandis que le Roy d'Angleterre faiſoit ſon grand appareil de recevoir Dames & Damoiſelles, qui à la feſte viendroient, luy vindrent nouuelles du Sire de Clifſon & des autres Seigneurs deſſusnommez au † centieſme chapitre: dont il fut moult courroucé: tant qu'il vouloit faire ſemblablement du corps meſſire Henry de Leon, qu'il tenoit en ſa prison: & l'eust fait en ſon courroux, ſe n'eust eſté Monſeigneur d'Erby, ſon couſin, qui luy remonſtra, deuant ſon Conſeil, pluſieurs belles raiſons, pour ſon honneur garder & ſon courage reſrener, & luy dit. Monſeigneur, ſe le Roy Philippe a par haſtiueté fait ſa ſelonnie de mettre à mort ſi vaillans Cheualiers comme ceux estoient, n'en vueil lez pour ce blecer voſtre courage, car, au vray conſiderer, n'a que faire voſtre prisonnier de comparer tel outrage, mais le vueillez mettre à rançon raiſonnable. Lors fit le Roy d'Angleterre amener par deuant luy le prisonnier Cheualier, & luy dit. Haa, meſſire Henry, meſſire Henry, mon aduerſaire Philippe de Valois a monſtré ſa ſelonnie trop † curieuſemēt, quand il a fait ainſi mourir tels Cheualiers, dōt il me déplaiſt moult grādemēt

dement, & semble à aucuns de nostre partie qu'il l'ait fait par despit de nous, & se ie vou loye regarder à sa felonnie, ie feroye de vous le semblable fait, car vous m'avez plus fait de cōtrariété, en Bretagne, & à mes gens, que nuls autres. Mais ie m'en souffreray à tāt, & luy laisseray faire sa volenté, & garderay mon honneur à mon pouuoir, & vous laissez venir à rançon legiere (pour l'amour du Comte d'Erby, qui m'en a prié) mais que vous vueillez faire ce que ie vous diray. Le Cheualier dit. Cher Sire, ie feray à mon pouuoir tout ce que vous me commanderez. Le Roy dit. Messire Henry, ie say bien que vous estes vn des plus riches Cheualiers de Bretagne, & que, se ie vouloye bien vous presfer, vous payeriez trente ou quarante mille Escus. Vous irez deuers mon aduerfaire le Roy Philippe de Valois, & luy direz de par moy (pourtant qu'il a mis à mort vilaine si vaillans Cheualiers à mon despit) que ie di & vueil porter qu'il a enfraint & brisé les tréues, que nous auions ensemble, & y renonce de mon costé, & le defie de ce iour en auant. Et, parmi ce que vous ferez ce message, ie vous laisseray passer sur dix mille escus, que vous payerez, ou enuoyerez à Bruges, dedans cinq iours apres que vous aurez passé la mer. Et encores direz à tous Cheualiers & Escuyers de delà, que pource ne laissent mie à venir à nostre feste, car nous les y verrons volontiers, & auront sauf venant & sauf retournant quinze iours apres la feste. Le Cheualier dit. Le fourniray vostre message à mon pouuoir. & Dieu vous vueille rendre la courtoisie que vous m'avez fait, & à Monseigneur d'Erby aussi. Depuis ceste ordonnance ne demoura gueres ledit messire Henry de Leon en prison: ains eut congé du Roy d'Angleterre, si vint à Hantonne: & là entra en vn vaisfel en mer: & auoit intention d'arriuer à Harfleur: mais vn tourmēt le print sur iour: qui dura plus de quinze iours: & furent perdus les cheuaux de luy & de ses gens & gettez en mer: & messire Henry fut si tourmenté, qu'oncques depuis il n'eut santé. Toutesfois, à grand méchef, les mariniers prindrent terre au Crotay. Si vindrent, tous à pied, messire Henry & sa compaignie, iusques à Abbeuille. Là se monterent ils: mais Monseigneur Henry estoit si trauaillé, qu'il ne pouuoit souffrir le cheuaucher. Si se meit en litiere, & vint à Paris, deuers le Roy Philippe: & fit son message bien & à point: & puis ne vesquit pas longuement: ains mourut en r'allant en son pays, en la cité d'Angers. Dieu en ait l'ame.

*Delirance de
Henry de Leon*

*Mort de Henry
de Leon.*

Comment le Roy d'Angleterre enuoya le Comte d'Erby guerroyer en Gascoigne. CHAP CIII.

OR approcha le iour saint George, que ceste feste se deuoit tenir au Chastel de Windsor: & y fit le Roy d'Angleterre grand appareil de Comtes, Barons, Dames, & Damoiselles: & fut la feste moult grande & noble, bien festoyée, & bien ioustée: & dura par le terme de quinze iours: & y vindrent plusieurs Cheualiers de deça la mer, de Flandres, de Haynaut, & aussi de Brabant: mais de France n'y eut il nuls. La feste durant plusieurs nouuelles vindrent au Roy, de plusieurs pays: & par especial y vindrent Cheualiers de Gascongne le Sire de l'Esparre, le Sire de Chaumont, & le Sire de Mucident, enuoyez de par les autres Barons & Cheualiers, qui pour le temps de lors se tenoyent Anglois: tels que le Seigneur † de Labreth, le Seigneur de Pumiers, le Sire de Môtfer-
rat, le Sire de Duras, le Sire de Craton, le Sire de Grailly, & plusieurs autres: & aussi de par la cité de Bordeaux, & celle de Bayonne. Si furent lesdits messagers moult bien venus, & festoyez du Roy d'Angleterre & de son Conseil: auquel ils monstroient commēt moult foiblement son pays de Gascongne, & ses bōs amis, & la bōne cité de Bordeaux estoient confortez, Si luy prierent qu'il y voulist enuoyer tel Capitaine, & tant de Gens d'armes, qu'ils fussent fors à l'encontre des François (qui y tenoient les champs) avecques ceux qu'ils y trouueroyent. Et assez tost apres ordonna le Roy le Comte d'Erby, son cousin: & le fit Souuerain de tous ceux qui iroient en ce voyage, & nomma les Cheualiers qu'il vouloit qui fussent dessous luy, & premierement le Comte de Pennebroth, le Comte de Quenfort, le Baron de Stanfort, messire Gautier de Manny, Monseigneur Franque de la Halle, le Lieure de Brabant, messire Hue de Hastings, messire Estienne de Tomby, le Sire de Manne, messire Richard de Lehedon, Monseigneur Normad de Finefroide, Monseigneur Robert de Lérni, messire Iehan de Mornich, messire Richard de Roclue, messire Robert de Quentonne, & plusieurs autres, & furēt bien trois cens Cheualiers & Escuyers, six cens Hommes-d'armes, & deux mille Archers. Et dit le Roy à son cousin, qu'il print assez or & argent, & en departist largement aux Cheualiers & Escuyers, parquoy il eust l'amour & la grace d'eux. Encores ordōna le Roy d'An-

*† Je doute qu'il
n'y falle d'Al-
bret. Neant-
moins la Chaux
dit Labret.*

gleterre, ceste feste durant, Monseigneur Thomas d'Augorne, pour aller en Bretagne deuers la Comtesse de Montfort, pour luy aider à garder le pays: combien que les tréues y fussent, car il se doutoit que le Roy Philippe n'y fist guerre, pour les parolles qu'il luy auoit mandées par messire Henry de Leon. Pourtant y enuoya ledit messire Thomas, à cent Hommes-d'armes & deux cens Archers. Encores ordonna le Roy le Comte de Salebery à aller en la Comté Dulneestre, car les Escosçois festoient rebellez contre luy: & auoient ars en Cornouaille bien auant: & couru iusques à Brisco: & assiégué la ville de Dulneestre. Pourtant y enuoya il le Comte de Salebery, à tout trois cens Hommes-d'armes, & six cens Archers, bien appareillez. Ainsi departit le Roy ses gens: & fit deliurer par ses tresoriers, aux Capitaines, assez or & argent, pour tenir leur estat, & paier les compagnons de leurs gages: & ceux là se partirent, ainsi qu'ordonné fut.

† Il l'escrit
ainsi: tant-
ost dit autre-
ment: si que ie
nepuis assurer
s'il faut de
Dulneestre, ou
d'Vneestre.

Sala dit simple-
ment Dulne-
estre, & la
Chaux de
Dulneestre.
† 1344. le Co-
te d'Erby arri-
ue à Bayonne.

Or parlerons premierement du Comte d'Erby, car il eut la plus grande charge: qu'il amena en Hantonne: ou il entra en sa naue: & singla tant, au vent & aux estoilles, qu'ils arriuerent au haure de Bayonne, vne bonne cité & forte: qui tousiours festoit tenue Angloise. Là prindrent terre, & déchargèrent toutes leurs pourueances, le sixiesme iour de Iuin, l'an mil trois cens & quarante quatre, & furent ioyeusement receus des Bourgeois de Bayonne: & sy rafreschirent, eux & leurs cheuaux, par sept iours. Au huitiesme iour le Comte d'Erby & tous ses gens s'en partirent, & vindrent à Bordeaux: ou ils furēt receus à grande procession: & fut le Comte logé en l'Abbaye de Saint-Andry: & toutes ses gens logerent dedans la cité. Quand le Comte de Laille entendit la venue de ces Anglois, il manda le Comte de Comminges, le Comte de Pierre-gord, le Comte de Carmain, le Vicomte de Villemur, le Comte de Valentinois, le Comte de Mirande, le Comte de Duras, le Seigneur de Mirade, le Sire de la Barde, le Sire de Pincornet, le Vicomte de Chastillon, le Sire de Chastel-neuf, le Sire de Lestin, & l'Abbé de Saint-Siluer, & tous les Seigneurs qui se tenoient du Roy de France. Quand tous furent venus, il leur demanda ainçois Conseil, sur la venue du Comte d'Erby. Ces Seigneurs respondirent qu'ils estoient assez fors, pour garder le passage de la riuiere de Gascongne, à Bergerath, contre ces Anglois. Ceste response pleut moult au Comte de Laille: qui pour le temps de lors estoit en Gascongne, comme Roy: & auoit esté des lé temps de la guerre, qui auoit esté entre les Roys de France & d'Angleterre: & y auoit tenu les champs, & prins villes & chasteaux: & si guerroyoit ceux qui se tenoient Anglois. Et adonc ces seigneurs de Gascongne manderent gés de tous les costez: & se bouterēt es faux-bourgs de Bergerath (qui sont grans & fors, & enclos de la riuiere de Garonne) & attirerent es fauxbourgs la plus grande partie de leurs pourueances, à sauueté.

† Je pense que
ce peut estre ce
luy, qu'il nom-
me de Lescu,
& de Lescū
aux Chapitres
104. & 106.
La Chaux dit
de Lescut.

Comment le Comte d'Erby conquist Bergerath.

CHAPITRE CIIII.

O R vous diray du Comte d'Erby. Quand il eut seiourné à Bordeaux enuiron quinze iours, il entendit que ses Barons & Cheualiers de Gascongne se tenoient à Bergerath. Si se tira cellé part à vn matin: & fit les Marechaux de son ost (messire Gautier de Manny, & messire Franque de Halle) aller deuant. Si cheuaucherent les Anglois ce matin, trois lieues tant seulement, à vn chastel, qui se tenoit pour eux: qu'on nomme Montcroulier, seant à vne petite lieue de Bergerath. A ce Chastel de Montcroulier se tindrent tout le iour, & la nuit aussi. Le lendemain leurs Coureurs allerent courir iusques aux bailles de Bergerath: & à leur retour r'apporterent à messire Gautier de Manny, que ils auoient veu vne partie du conuenant des François, & qu'il leur sembloit assez simple. Ce iour disnerent les Anglois assez matin: dont aduint que, seant à table messire Gautier, regarda sur le Comte d'Erby: & dit, Monseigneur, se nous estions droits Gens-d'armes, & bien armez, nous beuurions à ce soir des vins à ces Seigneurs de France, qui se tiennent à Bergerath en garnison. Le Comte dit, la pour moy ne demourra. Quand les compagnons ouïrent ce, si dirent les vns aux autres. Allons nous armer, nous cheuaucherons tantost deuant Bergerath. Il n'y eut plus fait ne plus dit, tous furent armez & montez. Quand le Comte d'Erby veit ses gens de si bonne volonté, si fut moult ioyeux & dit, Or cheuauchons, au nom de Dieu & de saint George, deuers noz ennemis. Lors cheuaucherent, à bannieres déployées, en la plus grande chaleur du iour, tant qu'ils vindrent deuant les bailles de Bergerath: qui n'estoient mie legeres à prendre, car vne partie de la riuiere de Garonne les enuironnoit. Quand les Seigneurs, qui se tenoient François, veirent que les Anglois les venoient assaillir, si dirent entre eux qu'ils seroyent recueillis.

cueillis. Lors se meirent au dehors en ordonnance. Là auoit grande foison de Bidaux, & des gens du pays, mal-armez. Les Anglois, qui venoient tous reugez & ferrez, s'approcherent tant, que ceux de la ville les veirent, & que les Archers cōmencerēt à tirer ferme mēt. Quand ces gens-de-pied sentirent les saiettes, & veirent ces bannieres & ces pēns qu'ils n'auoient point accoustumē de veoir, si cōmencerent à reculler parmi leurs Gens d'armes, & Archers à traire de moult grand rādon, & mettre à grand mēchef. Lors s'approcherent les Seigneurs d'Angleterre les glaives abbaissez, & monter sur leurs bons courriers. Si se ferirent dedās ces Bidaux, de grande maniere: & les abbatoient de costē & d'autre: & en occirent à leur volentē, car les Gēs-d'armes François ne pouuoient approcher, n'aller auant, pour leurs gens de pied, qui reculloient sans arroy, & leur brisoient leur chemin. Là eut grand hutin, & maint hōme rēuerfē à terre, car les Archers d'Angleterre estoiet sur costē, à deux lez du chemin: & traioient si vniemēt, q nul n'osoit approcher n'issir. Ainsi furēt reboutez ceux de Bergerath dedās leurs fauxbourgs: mais ce fut à tel mēchef pour eux, que le premier pont & les baillies furēt gagnēs de force: & entrerent les Anglois dedans avec eux: & là, sur le paiement, eut maint Cheualier & Escuier mort & blecē, & maint prisonnier, de ceux qui se mettoient au-deuant, pour deffēdre le passage: & fut occis le Sire de Mirepois, sous la banniere de messire Gautier de Manny: qui tout premier entra es fauxbourgs. Quand le Comte de Laille vit que les Anglois estoient entrez es fauxbourgs, & tenoiet & abbatoient gens sans nulle merci, luy & les seigneurs de Gascongne se retrahirent tout bellēment deuers la ville: & passerent le pont, à quelque mēchef que ce fust. Là eut deuant le pont grande écar mouche, & dura moult longuemēt. & se cōbattirēt les Seigneurs François & les Anglois dessus nommez † au chap precedent, par grand vaillāce, main à main. Là ne se pouoit Cheualerie ne Bachelerie celer. Le Sire de Manny s'auança tant entre ses ennemis, qu'à grāde peine le pouoit on r'auoir. Là prindrēt les Anglois le Vicōre de Bouquētū, le Sire de Chasteauneuf, le Sire de Chastillon, & le Sire de Lescū: & se retrahirent tous les François dedās le fort, & fermerent leur porte, & auallerent le ratel. Puis monterent aux guerites, & cōmencerent à lācer & à getter, & à faire reculler leurs ennemis. Cest assaut & écar mouche dura iusques au vespre, que les Anglois se retrahirent tous lassez, & se bouterēt es fauxbourgs qu'ils auoient gaignez: ou ils trouuerent vins & viandes foison, pour les viure largement deux mois, si en estoit besoing. Quand vint le lendemain, le Comte d'Erby fit sonner ses trōpettes, & armer ses gens en ordonnance de bataille, & approcher de la ville, pour assaillir forment: & dura l'assaut iusques à nonne. Petit y firent les Anglois. Car ils veirent que il y auoit de bons Gens-d'armes: qui se deffendoient de grand volentē. À l'heure de nōne se retrahirent les Anglois. Car ils veirent bien qu'ils y perdoient leur peine. Si se retrahirent les Seigneurs à conseil: & ordonnerent qu'ils assaudroiet la ville par eaue, car elle n'estoit fermée que de paliz. Lors enuoya le Comte d'Erby deuāt la naue de Bordeaux, querir des nefs, & luy en fut amenē par la riuere de Girōde: & y auoit plus de soixante, que barques que nefs, qui gisoient au haure, deuant Bordeaux: & vint celle naue deuant Bergerath. Lendemain au soir ordōnerēt les Anglois leurs batailles & leurs besongnes. Et à l'heure de soleil leuāt furent les Anglois, qui ordonnez estoiet pour assaillir, en eau & leur naue toute appareillée: & en estoit Capitaine le Baron de Stanfōrt. Là auoit plusieurs Cheualiers & Escuyers, qui s'y estoient tirez pour leurs corps auancer: & aussi y auoit grand foison d'Archers. Si approcherent vistemēt, & vindrent iusques à vn grand rouillis, qui est deuant le paliz: & le getterent par terre. Et adonc vindrent les gens de la ville au Comte de Laille, & aux Seigneurs Cheualiers & Escuyers, qui là estoient: & dirent, Seigneurs, regardez que vous voulez faire. Nous sommes en aduētūre d'estre tous perdus. Se ceste ville est perdue, nous perdrōs tout le nostre, & noz vies aussi. Si vaudroit mieux que nous la rendissions au Comte d'Erby, que nous eussions plus grand domma ge. Le Comte de Laille dit. Or allōs celle part, ou vous dites que le peril est, car nous ne la rendrons pas ainsi. Lors vindrēt ces Cheualiers & Escuyers de Gascongne, & se meirēt à deffēdre le paliz. Les Archers, qui estoiet es barques, tiroient si roidemēt, qu'à peine se pouuoient les assaillans apparoir, si ne se vouloyent mettre en aduētūre d'estre tuez, ou mallement blecez. Par dedans la ville, avecques les Gascons, estoient les Gēneuois, bien deux ou trois cens: lesquels Arbalestriers estoient bien paueschez contre le trait des Archers: & embesongnerēt grādemēt iceux Archers tout le iour. Si y en eut plusieurs blecez de costē & d'autre. Finablement les Anglois, qui estoient dedās la naue,

*Combat des
François
des Anglois
deuant Berge-
rath.*

*Prise des faux
bourgs de Ber-
gerath par les
Anglois.*

*† Tous noz
Exemp. metēt
ainsi: mais i'd-
seroie asseuer
que la vraye
copie metoit en
ceste sorte au
Chap. c'est à-
dire, au Cha-
pitre.*

*Assaut par
eau sur la ville
de Bergerath.*

*Retraite des
Gascons François
à la Riolo, a-
bandonnans
Bergerath.*

exploiterent tant, qu'ils rompirent vn pan de paliz: & adonc se retrahirent ceux de Bergerath arriere, & requierent auoir conseil, tant qu'ils fussent conseillez pour eux rendre. Il leur fut accordé le parfait du iour, & la nuit ensuiuant: fors qu'ils ne se deuoient en riens fortifier. Ainsi se retrahit chacun en son logis. Celle nuit furent en grand conseil les seigneurs de Gascongne: & enuiron minuiet: chargerent leur auoir: & puis se partirent de la ville de Bergerath, & cheminerent vers la ville de la Riolo: & qui est assez près de Bergerath. On leur ouurit les portes, & entrerent dedans, & se logerent. Lendemain au matin les Anglois r'entrerent de rechef dedans la naue, deuant Bergerath: & vindrent nager celle part ou ils auoient rompu le paliz. Si trouuerent illecques foison de ceux de la ville, qui prierent iceux Cheualiers, qui là estoient, qu'ils voufissent prier au Comte d'Erby, qu'il les voufist prendre à mercy, sauues leurs vies & leurs biens: & dorenavant ils feroient obeissance au Roy d'Angleterre. Le Comte de Pennebroth & le Comte de Quenfort respondirent qu'ils en parleroient volontiers. Lors vindrent au Comte d'Erby, qui n'estoit mie de là: & luy remonstrerent tout ce que les gens de Bergerath vouloyent faire. Le Comte d'Erby dit, Qui mercy prie, mercy doit auoir. Dites leur qu'ils ouurent leur porte, & nous laissent entrer dedans: & nous les assèurerons de nous & de noz gens. Lors retournerent ces deux Seigneurs vers ceux de Bergerath, & leur recorderent tout ce que vous auez ouy. Lesquels vindrent à la place, & sonnerent les cloches & s'assemblerent tous, hommes & femmes: & firent ouvrir les portes, & vindrent en procession humblement, contre le Comte d'Erby & ses gens. Si le menerent en la grande eglise, & luy iurerent feauté & hommage, & le recongnurēt à Seigneur, au nom du Roy d'Angleterre, par la vertu d'une procuration qu'il en portoit.

Bergerath rendue aux Anglois par les habitans.

Comment le Comte d'Erby conquist plusieurs villes & forteresses en la haute Gascongne.

CHAPITRE V.

Celle propre iournée, que le Comte de Laille & les Barons & Cheualiers de Gascongne furent retraits en la Riolo, ils aduiserent qu'ils se departiroient, & se tireroient es garnisons: & guerrieroient par forteresses: & mettroient quatre ou cinq cens combattans, dont ils feroient frontiere: & en feroient chef le Seneschal de Toulouze, le Comte de Villemur à Auberoche, messire Bertran des Prez à Pelagrue, Monseigneur Philippe de Dyon à Montagret, le Sire de Montbrandon à Mauduran, Arnout de Dyô à la Montgis, Robert de Malmore à Beaumont en Laillois, messire Charles de Poictiers à Pennes en Agmois: & aussi les Cheualiers de garnison en garnison se departirent: & le Comte de Laille demoura en la Riolo, & fit reparer la forteresse. Et quand le Comte d'Erby eut prins la possession de Bergerath, & se fut rafreschi par deux iours, il demanda au Seneschal de Bordeaux, quelle part il se tireroit, car pas ne vouloit seiourner. Le Seneschal respondit, qu'il seroit bon d'aller deuers Pierregort, & en la haute Gascongne. Dont fit le Comte d'Erby ordonner ces besongnes, & traire vers Pierregort, & laissa Capitaine à Bergerath messire Ichon de la Santé. Ainsi que les Anglois cheuaucheroient, ils trouuerent vn Chastel, qu'on appelle Lango: dont le Vigueur de Toulouze estoit souuerain. Si l'arrestèrent, & dirent qu'ils ne laisseroient pas ce Chastel derriere. Et là comença la bataille des Mareschaux à assaillir: & y furent vn iour tout entier: mais riens n'y couquirent les Anglois. Le lendemain presque tout l'ost fut deuât: qui gettoient grand foison de bois & de falourdes es fosses: tant qu'on pouuoit aller iusques aux murs. Lors fut demandé à ceux de dedans, par messire Franque de Halle, fils se rendroient: & qu'ils y pourroient si loguement mettre, qu'ils n'y viendroient iamais à temps. Ils requierent auoir conseil de respondre. Ce leur fut accordé. Et, quand ils furent conseillez, ils s'en partirent, mais riens n'emporterent, & s'en allerent deuers Mouffac: qui se tenoit François, Le Comte d'Erby establit au Chastel de Lâgo vn Escuyer à gardien (qui s'appelloit Aymon Lyon) & avec luy trente Archers. Lors cheminerent le Comte d'Erby & ses gens vers vne ville, appelée le Lac, & adonc ceux d'icelle ville vindrent au deuant du Comte d'Erby, & luy apporterent les clefs de la ville, & luy firent feauté. Le Comte d'Erby passa outre, & vint à Maudurant, qu'il gagna d'affaut, & quand il eut mis Gens-d'armes dedans la forteresse, il vint deuant le Chastel de Mongis, qu'il print par telle maniere, & le Cheualier qu'il trouua dedans, enuoya à Bordeaux prisonnier. Puis cheuaucha deuers Punach, qu'il conquist, & puis conquist la ville & le Chastel de la Lieue, & là se rafreschit par trois iours. Au quatriesme iour vint à Forsath, qu'il gagna assez legerement: & apres, la tour de Pondaire. Puis vint deuant vne bonne ville & grosse: qui est appelée Beau-

† Agenois, possible comme ie trouue main tenant Aginois en l'exé. de Verard, Aginois en sala, & Aguyuns, en la Chaux. Le Chastel de Lango assailli, & rendu aux Anglois par composition.

La ville du Lac rendue aux Anglois, & plusieurs autres places par eux conquises.

Beau-

Beaumont en Laillois: qui se tenoit ligement du Comte de Laille. Trois iours fut le Côté d'Erby deuant, & y fit maint grand assaut, car elle estoit moult bien pourueüe de Gens-d'armes & d'artillerie: qui la deffendirent tant qu'ils peurent durer. Finablement fut prinse: & y eut moult grand occision de ceux qui furent dedans trouuez: & là se rafreschit le Comte d'Erby de nouueaux Gens-d'armes. Puis vint deuant la souueraine ville du Comte de Laille: dont † Monseigneur Philippe de Dyon & Monseigneur Arnout de Dyon estoient gardiens. Si l'environna, & fit traire ses Archers auant, & approcher iusques aux barrieres: lesquels commencerent à traire si fort, que ceux de la ville ne fosoient apparoir pour deffendre: & conquirent ce premier iour les Anglois les bailles, & tout, iusques à la porte: & sur le soir ils se retrahirent. Quand vint au matin, ils recommencerent l'assaut en plusieurs lieux, si embesongnerēt tant ceux de dedans, qu'ils ne sauoient à quel costé entendre. Si prierent à deux Cheualiers, qui estoient là, qu'ils traitassent au Comte d'Erby, parquoy ils demourassent en paix, & que le leur fust sauué. Lors enuoyerent par deuers eux vn Heraut: qui impetra vn iour de respit pour auoir cōposition. Lors fit le Côté d'Erby retraire ses gens: & vint iusques aux barrieres parler à ceux de la ville. Delez luy estoient le Baron de Stanfort & le Seigneur de Manly. Le Côté vouloit qu'ils se rendissent simplemēt: mais l'accord se porta ainsi, que ceux de la ville se mettroient en l'obeissance du † Duc & du Roy d'Angleterre (& de ce enuoyerent douze de leurs Bourgeois en la cité de Bordeaux en ostage) & les Cheualiers & Escuyers François si s'en partirent sur saufconduit, & allerent deuers la Riote.

Comment le Comte de Quenfort fut prins en Gascongne, & comment il fut par échange deliuré.

CHAPITRE CVI.

A Pres ce conquest, & que le Comte d'Erby eut laissé Gens-d'armes & Archers de par luy, il vint deuant Bonual. Là fit grand assaut. Si y eut plusieurs hommes blecez dedans & dehors. Finablement il la print, & vint à mercy: & la rafreschit de Gens-d'armes & de Capitaine. Puis cheuaucha outre, & entra en la Comté de Pierregort, & passa deuant Bordalle: mais oncques n'y fit assaillir. Car bien veit qu'il eust perdu sa peine. Si exploita tāt qu'il vint deuant Pierregort. Si estoit dedās la ville le Côté de Pierregort, Monseigneur Roger de † Quēfort son oncle, le Sire de Duras, & bien six vings Cheualiers & Escuyers du pays. Quand le Comte d'Erby fut là venu, il aduisa comment il pourroit assaillir à son aduantage: mais il la veit forte: si que, tout considéré, il n'eut mie conseil d'y employer ses gēs: mais se retrahit, & vint loger à deux lieuës de là, sur vne petite riuere, pour venir assaillir le Chastel de Pelagrue. Enuiron minuit issirent de Pierregort deux cens Lances, bien montez: qui cheuaucherent roidement. Si vindrēt, auāt qu'il fust iour, ferir au logis des Anglois: dont ils occirent & méhaignerent foison de gens, & entrerent au logis du Comte de Quenfort: & le trouuerent qu'il s'armoit. Si fut assailli vistemēt, & prins (ou autremēt il eust esté mort) & trois Cheualiers de son hostel. Puis se retrahirent les Gascons, ainçois qu'on fust plus éveillé: & prindrent leur chemin vers Pierregort. Si leur fut mestier qu'ils trouuassent les portes ouuertes, car ils furent poursuis chaudement, & reboutez dedās les barrieres: mais si tost que les Gascons furēt en leurs gardes, ils descendirent de leurs cheuaux, & prindrent leurs glaiues, & vindrēt combattre main à main aux Anglois: & tindrent leur pas, & firent tant qu'ils n'y perdirēt riens. Puis retournerent ces Anglois deuers le Côté d'Erby: qui tāt cheuaucha quil vint deuant Pelagrue: ou il fut six iours: & y fit maint assaut. Là fut faite la deliurāce du Côté de Quenfort & de ses autres cōpaignons, en échange du Vicôte de Bouquentin, du Vicomte de Chastillon, du Seigneur de Lescun, & du Seigneur du Chastelneuf: par tel si q toute la terre de Pierregort demourroit trois ans en paix: mais bien se pourroient armer les Cheualiers & Escuyers d'iceluy pays, sans forfait. Mais on ne pouoit prédre, ardoir ne piller nulle chose, durant ce temps, en ladite Comté. Ainsi se partirēt les Anglois de deuant Pelagrue (car celle terre est de la Comté de Pierregort) & cheuaucherent deuers Auberoche: qui est beau Chastel, & fort, del' Archeuesché de Toulouze. Les Anglois se logerent deuant, aussi à bout comme fils deussent demourer vne saison: & enuoierēt dire à ceux de dedans, qu'ils se rendissent, ou fils y estoient prins par force, ils feroient tous morts sans merci. Ceux de la ville, du Chastel, & d'entour, eurent doute de leurs corps & biēs: & ne leur apparoit nul secours de leur costé. Si se meirent en l'obeissance du Côté d'Erby, sauf leurs corps & leurs biens: & le recogneurent à Seigneur au nō du Roy d'An-

Beaumont en Laillois pris d'assaut par le Comte d'Erby.

† Il n'est pas inuenient que ils ne fussent sortis des places qu'il leur baille à garder au commencement de ce chapitre.

La souueraine ville de Laille rendue aux Anglois par composition.

† C'est assauoir Duc de Guiēne: qui estoit le Roy d'Angleterre mesme:

ou bien fait li re Comte, en

tendāt de celui d'Erby: & ain si se veulent les deux Abr Frā

gois. La place de Bonual faite Angloise,

† Je pense qu'il faut lire Pier-

regort, au lieu de Quen

fort. combien

que la Chaux ait aussi Keu-

fort.

Prinse du Côté de Quenfort

aupres du chasteau de Pelagrue.

Deliurance du Comte de Quē

fort.

Auberoche et Libourne rendues au Comte d'Erby.

gleterre, par vertu d'une procuration qu'il en auoit. Puis se retira le Comte d'Erby tout bellement deuers Bordeaux: & laissa dedans Auberoche, en garnison, messire Frâque de Halle, messire Alain de Finefroide, & messire Ichâ de Lindehalle. Apres vint à Libourne, une bonne ville & grosse, en son chemin de Bordeaux, à douze lieues d'illecques. Si l'assiegea: & dit bien à tous ceux, qui ouyr le vouloient, qu'il ne partiroit iusques à ce qu'il l'auroit. Ceux de dedans se meirent à conseil: si que, tout considéré le bien contre le mal, ils ne se firent assaillir ne harier: ains se rendirent au Comte d'Erby: qui y fut trois iours: & luy firent hommage. Le Comte d'Erby enuoya le Comte de Pennebroth † à Bergerath: & laissa Monseigneur de Stanfort, messire Estienne de Courcy, Mōseigneur Alixandre Haulsiel, & leurs gens dedans Libourne. Lors se partit le Comte d'Erby, le Comte de Quenfort, messire Gautier de Manny, & les autres: & cheuaucherent deuers Bordeaux: & tant firent qu'ils y paruindrent.

† Tous noz
Exemp. ne met
toient point ou
il l'enoia: mais
le chap. 108.
nous fait seurs
que ce fut à Ber
gerath: et ainsi
le trouuons mai
tenât en l'Ab.
de la Chaux.

Comment le Comte de Laille, Lieutenant du Roy de France en Gasconne, meit le siege deuant le Chastel d'Auberoche.

CHAP. CVII.

† Il le fait cō
te aussi au ch.
103. mais cy a
pres ne le fait
que l'icomte en
ce present cha.
n'en l'autre
prochain.

Surprise des
lettres des An
glois d'Aubero
che par les gēs
du Comte de
Laille.

AV retour, que le Comte fit en la cité de Bordeaux, fut il ioyeusement receu: & vindrent les Clercs & Bourgeois de la ville en grande procession contre luy, & luy abandonnerēt pourueâces, & toutes autres choses, à prédre à sa volonté. Si se tint le Côte avec ses gens en la cité: & s'ebatoit avec les Bourgeois & Bourgeoises de la ville. Or dirons du Côte de Laille, qui se tenoit à la Riote. Quand il entendit que le Côte d'Erby festoit trait au seiour dedans Bordeaux, & n'estoit mie apparent qu'en la saison il cheuauchast plus, il escriuit deuers le Comte de Pierregort, † celui de Carmain, celui de Comminges, celui de Bruniquel, & deuers tous les Barons de Gasconne, qui se tenoyēt François. Si assemblerent leurs gens, & furent tous appareillez, au iour nommé, deuant Auberoche, ainsi qu'il leur auoit assigné. Car il y vouloit mettre le siege, ainsi qu'il leur escriuoit. Ils obeirent à luy, car il estoit ainsi comme Roy es parties de Gasconne. Si ne s'en donnerent point de garde les Cheualiers, qui dedans Auberoche estoiet, iusques à tant qu'ils se veirent assiegez de tous costez, tant que nul ne pouuoit entrer en la garnison, qu'il ne fust apperceu. Et firent charier, de Toulouze, quatre grans engins que ils faisoient getter en la forteresse iour & nuit: & ne firent point d'autre assaut: si que dedans six iours, ils rōpirent les cōbles des tours, & ne fesoient ceux du Chastel tenir, fors es chambres voutées, par terre. Et estoit l'intention de ceux de l'ost, qu'ils les occiroiēt là dedans, ou ils se redroiēt simplemēt. Bien estoiet venues nouuelles au Côte d'Erby, que le siege estoit deuât Auberoche: mais point ne sauoit que ses gēs fussēt si oppressez. Quand messire Frâque de Halle, messire Alain de Finefroide, & messire Ichâ de Lindehalle, qui estoient assiegez dedans Auberoche se veirent en tel parti, ils demanderent à leurs valets, si y en auoit nul, qui vusist gagner à porter une lettre, qu'ils auoient escrite, à Bordeaux, & la bailler au Côte d'Erby. Lors sauâça un valet, & dit qu'il la porteroit volontiers, non mie tant pour la conuoitise de gagner, cōme pour eux deliurer de peril: & la nuit ensuiuant le valet print la lettre seellée de leurs seaux: & si la coufit en ses draps: puis se fit aualler dedans les fossez. Quand il fut au fons, il monta contremōt, & se meit à la voie parmi l'ost, car autrement ne pouuoit il passer. Si fut rencōtré du premier guet, & alla outre, car il sauoit bien parler Gascon: & nomma un seigneur de l'ost. & dit qu'il estoit à luy, si fut laissé passer: mais il fut prins & detenu, au dessous des tentes, d'autres Seigneurs qui l'amenerent en l'ost. Si fut tasté, & interrogué, & lettres trouuees sur luy. Lors fut gardé iusques au matin, que les Seigneurs de l'ost s'assemblerēt, & leurēt la lettre en la tente, ou estoit le Côte de Laille. Si eurent moult grâde ioye, quand ils sceurent que ceux de la garnison estoient tant contrains, qu'ils ne se pouuoient plus longuement tenir. Lors prindrent le valet, & luy pendirent les lettres au col, & le meirent tout en un monceau au fons d'un engin: puis le renuoyerent & getterent en Auberoche. Le valet cheut tout mort deuât les autres valets du Chastel: qui furēt de ce mout troublez. A celle heure estoit monté à cheual le Comte de Pierregort & son oncle, messire Charles de Poitiers, le † Vicôte de Carmain, & le Sire de Duras: lesquels passerēt par deuant les murs de la forteresse, au plus tost qu'ils peurent. Si écrierent à ceux de dedans, & leur dirent en † gabois. Seigneurs, demâdez à vostre messager, ou il a trouué le Côte d'Erby si appareillé, quâd enquit se partit de vostre forteresse, & ia est retourné de son voyage.

† Parauant
iours. Cō
te.
† C'est adire en
leur moquât
ou raillant:
& vient

Et

Et adonques messire Franque de Halle dit. Par ma foy, Seigneurs, se nous sommes ceans enclos, nous en istrans, quand Dieu voudra, & le Comte d'Erby: & pleust à Dieu qu'il sceust en quel estat nous sommes, car, s'il le fauoit, il n'y auroit si aduisé des vostres, qui ne tressongnast à tenir les châps: & se vo^l luy vouléz signifier, l'un des nostres se mettra en vostre prison, pour rançonner, ainsi qu'on rançonne vn Gentil-homme. Les François respondirent: Nenny, nenny, les choses ne se feront pas ainsi. Le Comte d'Erby le saura tout à temps, quand par noz engins nous aurons abbatu ce Chastel, rez à rez de terre, & que vous, pour voz vies sauuer, vous rendrez simplement. Certes (dit messire Franque) ce ne sera ia que nous nous rendiôs ainsi, & deussions nous tous mourir ceans. Adonques passerent les François outre & vindrent en l'ost: & les trois Cheualiers Anglois demourerent en Auberoche, † tous éhavis, car ces pierres d'engins leur bailloient de si durs horions, qu'il sembloit, à † veoir dire, que ce fust foudre, qu'il cheust du ciel, quand elles descendoient & frappoyent contre les murs du Chastel.

ce mot de gaber, qui signifie mocquer, ou railler.

† C'est à dire craignist: & peut venir de reformidare Latin par corruption et changement de lettres.

† Les anciës usent de ce mot pour verité.

Comment le Comte d'Erby print, deuant Auberoche, le Comte de Laille, & d'autres Comtes & Vicomtes, iusques à neuf.

CHAP. CVIII.

Toutes les parolles, les deuises, & le conuenant du messager qui auoit esté prins deuant Auberoche, & l'estat de la lettre, & la necessité de ceux de dedâs, furent sceuës à Bordeaux, par vne espie, qui auoit esté en l'ost. Lors manda le Comte d'Erby au Comte de Pennebroth, qui se tenoit à Bergerath, qu'il fust deuers luy, en vn lieu, à certaine heure: & aussi le manda à messire Henry de Stanfort, & à messire Estienne de Tomby: qui se tenoyent à Libourne. Puis cheuaucherēt, vers † Libourne, le Comte d'Erby, messire Gautier de Manny, & ceux qu'ils auoient delez eux: & cheuaucherent secrettemēt sous guides, qui congnoissoient le pays. Si vint le Comte d'Erby à Libourne, & là seiourna vn iour, en attendant le Comte de Pennebroth. Et, quād il veit qu'il ne venoit point, il se meit à voye, pour le grand desir qu'il auoit de conforter ses Cheualiers, qui en Auberoche se tenoient. Si issirent de Libourne le Comte d'Erby, le Comte de Quenfort, messire Gautier de Manny, messire Richard de Hastings, messire Estienne de Tomby, le Sire de Ferrieres, & les autres compagnons: & cheuaucherent toute la nuit, & vindrent lendemain à deux petites lieues d'Auberoche. Si se bouterent dedans vn bois, & descendirēt de leurs cheuaux, & les lierēt aux arbres & aux feuilles, & les laisserēt tousiours pasturer en l'herbe, en attendant le Comte de † Pennebroth: & furent toute celle matinée iusques à nonne, car ils ne sauoient que faire: pour ce qu'ils n'estoient que trois cens Lances, & six cens Archers: & les François, qui estoient deuant Auberoche, pouuoient estre dix ou douze mille hommes. Aussi leur sembloit lascheté & paresse, s'ils laissoient perdre leurs compagnons. En la fin messire Gautier de Manny dit. Seigneurs, nous monterons tous à cheual, & costoyerons à la couuerte de ce bois, ou nous sommes à present, tant que nous soyons au lez de delà, qui ioint pres de leur ost: & quand nous serons prests, nous frapperons noz cheuaux des éperons, & crierons noz cris hautement. Nous y entrerons sur le souper, & nous les verrons si déconfits, qu'ils ne tiendront nul conroy. Les Cheualiers, qui à ce conseil furent, respondirent. Nous le ferons, ainsi que vous l'ordonnez. Lors reprindrent chacun son cheual, & les restraingnirent: & leurs armeures firent restraindre. Et ordonnerent tous leurs pages, leurs valets, & leurs malettes, à demourer illec. Puis cheuaucherent tout † souef, au long du bois, tant qu'ils vindrent sur l'autre bout, ou l'ost des François estoit logé, assez pres, sur vn grand val, en vne petite riuere. Lors déueloperent leurs bannieres & leurs pennons, & ferirent les cheuaux des éperons, & vindrent tout de front, sur le large, ferir en l'ost des Seigneurs & Barons de Gascongne: qui furent bien surprins, car de celle embusche ne se donnoient ils nulle garde: & se deuoient tātost seoir au souper, & les plusieurs y estoient ia assis. Tous ces Anglois venoient tous aduisés de ce qu'ils deuoient faire: & écrierent Erby, Erby, au Comte. Puis commencerent à renuerfer tentes & paillons, & occire & méhaigner gens. Si ne sauoient les François auquel entendre, tant estoient hastez. Et, quand ils se trouuerent sur les champs pour eux assembler, ils trouuerent Archers & Arbalestriers, tous appareillez, qui leur trayoient, & occioient. Là fut prins, en sa tente, le Comte de Laille, & durement nauré: & le Comte de Pierregort, en son paillon, & messire Roger, son oncle: & fut occis le Sire de Duras, & messire Aymar de Poictiers: & prins le Comte de Valentinois, son frere. Chacun fuyoit à qui mieux mieux: mais le

† Il y auoit Auberoche en tous noz Exe. mais vous verrez tantost que il y falloit Libourne: & ainsi le semble vouloir Sala, disant la Vrone.

† Tous noz Exemp. mettoient Pennefort: mais la deduction precede monstre assez, qu'il y faut Pennebroth: & ainsi le veulent noz Abr. François.

† C'est adire doucement, ou bellemēt.

Prise du Comte de Laille deuant Auberoche.

†Bruniquet: au ch. present. Comte de Comminges, le Vicomte de Carmain, & celuy de Villemur, & celuy de †Brū quel, le Seigneur de la Borde, le Sire de Taride, & autres, qui estoient logez d'autre part du Chastel, se recueillirent & meirent leurs bannieres hors, & se tirèrent sur les champs. Mais les Anglois, qui auoient ia déconfit la plus grande partie de l'ost, vindrent, en écriant leurs cris, & se bouterent es plus drus. Là vist-on faire plusieurs & maintes belles appertises d'armes, mainte prinse, & mainte recousse. Quand messire Franque de Halle, & messire Iehan de Lindalle, qui estoient au Chastel d'Auberoche, entendirent la noise, & congurent les bannieres & pennons de leurs gens, ils s'armerent hastiuement & tous ceux qui avecques eux estoient: & monteterent à cheual, & issirent hors de la forteresse, & vindrent sur les chāps, & se bouterent au plus fort de la bataille, sur le chemin, & se rafreschirent moult fort les Anglois. Que vous feroye ie long parlemēt? tous ceux de la partie du Comte de Laille, qui là estoient, furent déconfits, & presque tous morts ou pris: & peu en fussent échappez, se la nuit ne fust si tost venue. Là eut pris, tant Côtes cōme Vicomtes, iusques à neuf: & de Barons, Cheualiers, & Escuyers, tāt qu'il n'y auoit Hōmes-d'armes des Anglois, qui n'en eust deux, ou trois. Ceste bataille fut deuant Auberoche, la nuit saint Laurens, †l'an mil ccc. xliiii. Or adonc les Anglois firent bōne compaignie à leurs prisonniers, & en receurent plusieurs sur leur foy, à reuenir dedās vn certain iour à Bordeaux, ou à Bergerath. Puis se retrahirēt les Anglois dedans Aube-

*Tour de la de-
confiture du sie-
ge deuant Au-
beroch 1344.
cōme deuant.*

roche: & là donna à soupper le Côte d'Erby à la plus grande partie des prisonniers, Côtes & Vicôtes, & aussi pareillement aux Cheualiers & Escuyers: & rendirent les Anglois graces & louenges à Dieu: pour ce qu'ils auoient déconfit plus de dix mille hommes: & ils n'estoient que mille cōbattans, qu'vns qu'autres, parmi les Archers: & auoient recouf- se la ville & le Chastel d'Auberoche, & leurs compaignons, qui dedans deux iours euf- sent esté pris. Au matin, vn peu apres soleil leuant, le Comte de Pennebroth vint, à tout trois cens Lances, & quatre mille Archers, qui auoient ia ouy l'aduenture de la bataille sur le chemin. Si dit au Côte d'Erby. Certes cousin, il me semble que vo' ne m'auiez pas fait courtoisie ny hōneur, quand vous auez cōbattu mes ennemis sans moy: qui m'auiez mandé si à certes: & pouuez bien sauoir que ie ne me fusse iamais souffert, que ie ne fusse venu. Lors dit le Comte d'Erby, Beau cousin, nous estions moult desirans de vostre venue, & nous souffrismes tousiours du matin iusques au vespere, en vous attendant. Et, quand nous veismes que vous ne veniez point, nous n'osâmes plus attēdre. Car, se noz ennemis eussent apperceu nostre venue, ils eussent eu l'aduantage sur nous: & Dieu mer cy, nous l'auons eue sur eux: si nous aiderez à les conduire iusques à Bordeaux. Ce iour & la nuit se tindrent en Auberoche: & lendemain matin ils furent tous mōtez & armez. Si s'en partirent, & y laisserēt Capitaine vn Cheualier de Gascongne, de leur partie: qui sappelloit Monseigneur Alixandre de Chaumont. Si cheuaucherent deuers Bordeaux & emmenerent la plus grande partie de leurs prisonniers.

Des villes, que le Comte d'Erby prit en Gascongne, en cheuauchant vers la Riolo.

CHAPITRE. C I X.

*†L'an 1345. et
semble icy que
nostre Auteur
prenne le com-
mencement de
sō an à Pasques*

TAnt cheuaucherent les dessusdits Anglois & leurs routes, qu'ils vindrēt à Bordeaux, ou ils arriuerent à grande ioye: & ne sauoient les Bourgeois comment festoyer le Comte d'Erby, & messire Gautier de Manny: par l'emprinse duquel le Comte de Laille estoit pris, & plus de deux cens Cheualiers. Ainsi se passa celuy Yuer, que il n'y eut nulles besongnes faites es marches de Gascongne qui facent, à recorder. Quand vint apres Pasques, qu'on compta †l'an mil trois cens quarante & cinq, enuiron la mi-May le Comte d'Erby, qui s'estoient tenu tout l'Yuer à Bordeaux, fit vn grand amas de Gens-d'armes & d'Archers: & dit qu'il vouloit faire vne cheuauchée deuers la Riolo, que les François tenoient, Si vint le premier iour, de Bordeaux à Bergerath: ou il trouua le Comte de Pennebroth: qui aussi auoit fait son mandement. Si furent ces Seigneurs, & leurs gens, trois iours dedans Bergerath, & au quatriesme s'en partirēt. Quand lesdits Anglois furent sur les chāps, ils émeurēt leurs gēs, & se nōbrerent, & se trouuerēt bien enuiron mil le combattans, & deux mille Archers. Lors cheuaucherent, tant qu'ils vindrēt deuāt vn Chastel, qu'on nōme S. Basille: le quel ils assiegerent de tous lez, ceux du Chastel considererent que les plus grans Barons de Gascongne estoient prisonniers, & qu'ils n'au- roient secours de nul costé: si que, tout considéré, iceux iurerēt feauté au Roy Edouard d'Angleterre. Lors passa †ledit Comte d'Erby outre, & print le chemin deuers Aguillō.

*Le Chasteau de
saint Basille,
en Gascongne.
redu Anglois.*

†Les Exem. d:

Mais,

Mais, ainçois qu'il y paruint, trouua le Chastel de la Rochemilon: qui estoit bien pourueu de soudoyers & d'artillerie. Ce nonobstant ledit Comte d'Erby commanda qu'il fust asprement assailli. Lors s'auancerent Anglois, & commencerent à assaillir. Ceux de dedans gettoient bancs, & grans barreaux de fer, & pots pleins de chaux: dont ils occirent & blecerent plusieurs Anglois, qui montoient contremont, & s'auançoient trop follement, pour leurs corps aduenturer. Quand le Comte d'Erby veit que ses gens se trauailloient, & se faisoient tuer pour neant, si les fit retraire. Lendemain fit acharier, par les villains du pays, grand foison de busches & falourdes & feurre, & getter es fosses, avecques grand planté de terre. Quand vne partie des fosses furent emplies, tant qu'on pouuoit bien aller iusques au pied du mur du Chastel, il fit arrouter, & bien armer, & mettre en bonne ordonnance, trois cens Archers: & puis fit passer par deuant eux, pour les émouuoir, deux cens brigans paueschez: qui tenoient grans pics & hauerers de fer: & entendis que ceux hurtoient & picquotoiét au mur, les Archers tiroient si fort qu'à peine fosoient ceux de dedans monstrier à leurs deffenses: & en cel estat furent la plus grand partie du iour, tant que les picquoteurs firent vn trou au mur, si grand que dix hommes y pouuoient entrer de front. Lors s'ébahirent ceux du Chastel & de la ville, & se tirerent par deuers l'Eglise: & aucuns vindrent par derriere. Ainsi fut prise la forteresse de la Rochemilon, & toute robée, & occis la plus grand partie d'eux, exceptez ceux, qui s'estoient retraits dedans l'Eglise: lesquels le Comte d'Erby fit sauuer: car ils se rendirent simplement à sa volonté. Lors rafreschit le Comte d'Erby le Chastel, de nouvelles gens: & y establit nouueaux Capitaines deux Escuyers d'Angleterre, Richard Wille, & Robert Lescot. Puis vint le Comte d'Erby pardeuant † Montsegur: & là fit loger ses gens, & faire maisons, pour eux & pour leurs cheuaux: & y fut le Comte d'Erby quinze iours. Si estoit gardien de la ville messire Hugues de Bastefol. Et sachez qu'il n'y eut oncques iour, qu'il n'y eust assaut: & y furent chariez les grans engins de Bordeaux & de Bergerath: dont les pierres qu'ils gettoient, rompoient tout, & murs, & rectz, & sales & grans manoirs. Si mandoit tous les iours le Comte d'Erby à ceux de la ville, que, s'ils estoient pris par force, ils seroient tous morts: mais, s'ils se vouloient rendre en l'obeissance du Roy d'Angleterre, il leur pardonneroit tout son maltalent, & les tiendrait à bōs amis. Ceux de la ville, qui volōtiers se fussent rédus, en parlerent à leur Capitaine, par maniere de Conseil, assauoir qu'il leur cōseilleroit: lequel leur dit qu'ils † estoient encores sur les fosses, & bien pourueus, pour eux tenir demi an, s'il le conuenoit. Lors se partirent de luy, ainsi comme à bon gré: mais au vespre ils l'emprisonnerent moult estroitement, & luy dirent que iamais n'en iroient, s'il ne leur aidait, à accorder au Comte d'Erby: & quand il eut iuré qu'il en feroit son deuoir, ils le deprisōnerent: & adonc vint il aux bailles de la ville, & fit signe qu'il vouloit parler au Comte d'Erby. Messire Gautier de Manny estoit en la presence: si s'en vint parler au Capitaine, & luy dit. Sire de Manny, vous ne vous deuez pas émerueiller se nous fermons les portes contre vous. Car nous auons iuré feauté au Roy de France. Or voyons nous que personne de par luy ne vous deffend les champs, & croyons que vous cheuaucherez encores outre. Parquoy, pour moy & les hommes de ceste ville, vous prions que nous puissions demourer en composition, que vous ne nous faciez point de guerre, ne nous a vous, le terme d'un mois: & se dedans iceluy, le Roy de France ou le Duc de Normandie venoient en ce pays, si forts que pour vous combattre, nous serons quittes de nos conuenances: &, s'ils ne venoient, ou l'un d'eux, nous nous mettrons en l'obeissance du Roy Edouard d'Angleterre. Et lors Monseigneur Guillaume alla porter les nouvelles au Comte d'Erby: lequel sy accorda, parmi ce que ceux de la ville ne se pourroient de riens renforcer ce terme durant: & que, se ceux de l'ost des Anglois ce temps pendant auoient mestier de viures, ils en auroient pour leur argent, & de ce baillèrent ceux de la ville bons ostages, douze de leurs plus fuffisans Bourgeois: qui furent enuoyez à Bordeaux. Puis se rafreschirent les Anglois des pourueances de ladite ville: mais point n'entrerent dedans. Puis passerent outre en courant & en exilant tous le pais: qu'ils trouuoient plein & dru: & adoncques vint le Chastellain d'Aguillon au deuant du Comte, & se rendit saufs biens, & ceux de la ville & du Chastel. Dequoy ceux du pays furent moult émerueillez: car c'estoit vn des plus forts chasteaux du monde & le moins prenable. Et, quand l'Escuyer, qui auoit Aguillon rendu, vint à Toulouze (qui est à dixsept lieues pres de là) ceux de la ville le prindrent, & luy meirent sus trahison, & le pendirēt.

*La Mer & du
Noir avec le no
stre, mettoient
ledit Roy
d'Angleterre;
mais Verard & noz
Abregez, assen
rēt ce que nous
auōs remis, de
uant que les a
noir vens, nous
fondant sur no
stre mesme de
struction.*

*La Rochemilon
prise par le Cō
te d'Erby.
† il y auoit
Monseigneur,
mais le Chap.
suivant mōstre
ce qu'il y falloit
loint que l'Ex.
de Verard dit
Montsegur,
& salue Mōt
figur et Mōt
segur aussi:
comme l'autre
Montsegur.
† le liroze vo
lontiers ainsi
que les enne
mis n'estoient
encor' sur les
fosses & quāt
à eux de la
ville, qu'ils
estoint biē
pourueuz,
&c. autremēt
ie ne l'ētē pas
biē. Toutefois ie
trouue mainte
tenāt tels mots
en la Chaux,
& il les en
blasma dure
ment, disant
qu'ils s'ef
froyoient de
neant, car ils
estoint en
cōres bien
pourueuz,
pour euz te
nir encores
bien deux
ans.
Le Chastel de
Aguillon ren
du aux An
glois par son
chastellain.*

Ce chastel icy est biē seant en la poincte de deux grosses riuieres, portans nauire. Si le fit le Comte d'Erby rafreschir & reparer aussi, pour y auoir son retour, & en faire son garde-corps: & le bailla en garde à messire Iehan de Gombry. Puis vint le Comte à vn chastel, appelé Segart: qu'il print par assaut: & furent morts tous les soudoyers estrangers, qui dedans estoient: & d'illecques vint deuant la ville de la Riolo.

Comment le Comte d'Erby met le siege deuant la Riolo: & comment la ville se rendit à luy.

CHAP. CX.

*Montsegur rē-
du aux An-
glois, selon le
traité de para-
uant.*

OR vint le Comte Héry d'Erby par deuant la Riolo, à tout ses gens: si l'assiegea estroitement de tous costez: & met bastides sur les champs, & sur les chemins, en telle maniere que nulles pourueances, ne les viures, ne pouuoient venir dedans la ville: & fit assaillir presque tous les iours: & dura le siege bien auant en la saison. Et, quand le terme fut venu que ceux de Montsegur se deuoient rendre, le Comte d'Erby y enuoya: & adoncques ceux de la ville deuindrent hommes, par feauté, à Monseigneur d'Erby: qui representoit, en ces choses, la personne du Roy d'Angleterre. Mesmement messire Hugues de Bastefol deuint homme dudit Comte, avecques ceux de Montsegur, à certains gages, qu'il auoit du Comte d'Erby, pour luy & pour ses compaignons. Les Anglois, qui seioient deuant la Riolo, & qui y furent plus de neuf semaines, auoient faict charpenter deux beffroys de gros mesrien, à trois estages, & seant chacun beffroy sur quatre roeles: & estoient ces beffroys au lez deuers la ville, tous couuerts de cuir boulu, pour deffendre du feu & du trait: & auoit en chacun estage cent Archers. Si menerent ces Anglois, à force d'hommes, ces deux beffroys, iusques aux murs de la ville: car, entandis qu'on les auoit ouurez & faicts, ils auoient empli les fossez, si auant que pour cōduire ces beffroys à leur aise. Si commencerent ceux, qui estoient en ces estages, à traire à ceux qui se tenoient en deffense: si roidement que nul ne fosoit monstrier aux deffenses, s'ils n'estoient tresbien armez ou paueschez. Entre ces deux beffroys, qui estoient arrestez deuant les murs, auoit deux cens compaignons, à hoyaux & à pics de fer, & autres instrumens pour effondrer les murs. Si les rompirēt & osterent les pierres: & adonc les Bourgeois vindrent à l'une des portes, demander aucun Seigneur de l'ost, pour parler. Quand le Comte d'Erby le sceut, il enuoya messire Gautier de Manny & le Baron de Stanfort: lesquels y allerent, & trouuerent que ceux de la ville se vouloient rendre, sauf leurs corps & leurs biens. Quand le Capitaine de leans, messire Agos des Bans, qui estoit de Prouence, sentit que ceux de la ville se vouloient rendre, il se bouta dedans le chastel de la Riolo, avec ce qu'il auoit de compaignons: & y fit mener, entandis que ce traité se faisoit, grand' quantité de vins & de pourueances de la ville. Puis s'encloirent dedans, & dirent qu'ils ne se rendroient mie ainsi. Or retournerent les deux Cheualiers dessusdits deuers le Comte d'Erby: si luy dirent que ceux de la ville se vouloient rendre, sauf leurs corps & leurs biens. Le Comte r'enuoya les Cheualiers, sauoir comment le Capitaine se voudroit maintenir. Si r'apporterent au Comte, qu'il estoit retraits au chastel, & ne se vouloit rendre: & quand le Comte eut pensé sur ce, il dit. Allez, allez, prenez les à mercy: par la ville aurons nous le chastel. Lors vindrent iceux Cheualiers de rechef à ceux de la ville, & les receurent à mercy: parmy ce qu'ils vindrent sur les chāps apporter les clefs de la ville au Comte d'Erby, & les luy presenterent, en disant. Cher Sire, de ce iour en auant nous recognoissons à estre voz feaux, & subgets, & nous mettons du tout en l'obeyssance du Roy d'Angleterre. Et iurerent sur la teste, qu'ils ne conforteroient en riens ceux du chastel de la Riolo, mais les greueroient de tout leur pouuoir. Si deffendit le Comte, sur peine de la hart, que nul ne fist mal à ceux de la Riolo: & adoncques le Comte & ses gens se tirerent dedans la Riolo: & fit bien tost environner le chastel, & dreuer, deuant iceluy tous ses engins, qui nuiēt & iour gettoient contre les murs: mais petit l'empirerent: car il estoit moult haut, & de pierre dure: & fut iadis ouuré par mains de Sarrazins: qui faisoient les fondemens si forts, & les ouurages si estranges, que ce n'est point de comparaison à ceux de maintenant. Quand le Comte veit qu'il perdoit son temps par ses engins, il les fit cesser: & pource qu'il n'estoit mie sans mineurs, il appela ceux, qu'il auoit lors, & les fit commencer à miner, pour aller par dessous les fossez du chastel. Si n'eurent pas si tost faict en la Riolo.

*La Riolo réduite
au Comte d'Er-
by, par compo-
sition.*

*Batterie sur le
chastel de la
Riolo par les en-
gins du Comte
d'Erby.*

Comment messire Gautier de Manny trouua le Sepulcre de son pere. CHAP. CXI.

Entandis

EN tandis qu'on seoit là, & que ces mineurs minoient, messire Gautier de Manny se-
 Eaduifa de son pere (qui iadis auoit esté occis au voyage de saint Iaques) & auoit ouy
 recorder, en son enfance, qu'il auoit esté enseveli en la Riote, ou là enuiron. Si fit assa-
 uoir, parmy la ville de la Riote, que, si estoit nul qui sceust à dire de verité ou il estoit
 mis, & qu'on l'y menast, il donneroit à celui cent écus: & alors se tira vn ancien hom-
 me, qui dit à messire Gautier: Certes, Sire, ie vous cuide bien mener au lieu, ou assez
 pres, ou vostre Seigneur de pere fut enseuely. Et le Seigneur de Manny luy dit, Se voz
 parolles peuuent estre prouuées vrayes, ie vous tiendray mon conuenant, & encore
 outre. Or est vray qu'il y eut iadis vn Euesque en Cambresis: qui estoit Gascon, de ceux
 de Buc, & de Mirepois. Si aduint que, du temps de cest Euesque, vn grand tournoye-
 ment se fit au deuant de Cambray: ou il y eut bien cinq cens Cheualiers tournoyans.
 Là eut vn Cheualier Gascon: qui s'adreça au Sire de Manny, pere à Monseigneur Gau-
 tier de Manny & à ses freres. Si fut ce Cheualier Gascon si rudement nauré & abbatu,
 qu'oncques depuis le tournoyement, il n'eut santé: & mourut. Si fut de sa mort accoul-
 pé le Sire de Manny: & demoura en la haine de l'Euesque de Cambray, & de son ligna-
 ge. Enuiron deux ou trois ans apres, bonnes gens s'embesongnerent: & fut la paix fai-
 te: & au nom d'amende & de paix, s'en deut aller le Sire de Manny à saint Iaques en
 Galice. En ce temps, qu'il fut en ce voyage, seoit deuant la ville de la Riote le Comte
 Charles de Valois, frere du beau Roy Philippe: & auoit t assis vn grand temps illec. Car
 elle se tenoit Anglesche, avecques plusieurs autres villes & citez, qui estoient au Roy
 d'Angleterre, pere à celui, qui assiegea Tournay: si que ledit Sire de Manny à son re-
 tour s'en vint veoir ledit Comte de Valois: car le Comte Guillaume de Haynaut auoit
 à femme t sa fille: & luy monstra ses lettres. Car il estoit là comme Roy de France. Ad-
 uint que ce soir le Sire de Manny s'en reuenoit vers son hostel: si fut attendu & espié du
 lignage de celui, pour qui il auoit fait son pelerinage: & au dehors des logis du Comte
 de Valois fut occis & meurdry: & ne peut l'on sauoir qui l'auoit occis: fors que les des-
 fusdits en furent soupçonnez: mais ils estoient là si forts, qu'ils s'en passerent & excuse-
 rent: ne nul ne se fit partie pour Monseigneur de Manny, si le fit le Comte de Valois en-
 seuelir en ce champ, en vne petite chappelle, qui estoit pour le temps hors de la ville de
 la Riote: & quand le Comte de Valois l'eut conquise, ceste chappelle fut mise en la clo-
 sture de la ville. Et bien souuenoit audit ancien homme de toutes ces choses: car il auoit
 esté present à mettre ce Seigneur de Manny en terre. Et lors Monseigneur de Manny
 vint, avecques cest homme, au lieu ou son pere auoit esté enseveli iadis: & auoit vn petit
 tombel de marbre sur luy: que ses valets y auoient fait mettre. Quand ils furent venus
 sur le tombel, le vieil homme dit. Certes, Sire, cy dessous gist & fut enseveli vostre pere.
 Lors fit le Sire de Manny lire la lettre & escriture de ce tombel (qui estoit en Latin) par
 vn sien Clerc: si trouuerent que le preud'homme auoit dit verité. Lors dedans deux iours
 apres, fit oster & leuer le tombel, & prendre les os de son pere, & mettre en vn fercueil
 puis les enuoya en Valenciennes, en la Côté de Haynaut: & de rechef il les fit enseuelir,
 dedans l'Eglise des Freres-Mineurs, honnorablement, assez pres du cueur du monstier:
 & luy fit faire depuis son obsequie tresfreueramment, & les fait on encores tous les ans.

*Incident sur la
mort du pere
de Gautier de
Manny.*

*t C'est assavoir
tenu siege ou
pour temps,
saut lire cap.*

*t C'est assavoir
la fille de Char-
les de Valois.*

*Les os du seu-
pere de Gautier
de Manny por-
tez de la Riote
à Valenciennes
en Hainaut.*

Comment le Comte d'Erby conquist le chastel de la Riote.

CHAP. CXII.

OR reuenons au siege de la Riote & du chastel, ou le Comte d'Erby fut plus d'onze
 semaines. Tant ouurerent ses mineurs, qu'ils vindrent sous le chastel, si auant que
 ils abbatirent vne basse court es t cengles du chastel. Au dongeon ne pouuoient ils
 mal faire: car il estoit massonné sur vne roche, dont ne pouuoit trouuer le fons. Lors
 Monseigneur Agos des Bans, Capitaine, dit à ses compagnons qu'ils estoient minez,
 & en grand peril. Lors furent les compagnons en grand effroy: & luy dirent. Sire, vous
 estes en grand méchef, & nous aussi, se remede n'y est mis, vous estes nostre Chef, &
 vous deuons obeyr. Vray est, que honnorablement nous sommes cy tenus: & n'aurons
 nul blasme deormais de nous composer. Si parlons au Comte d'Erby, assauoir s'il nous
 voudroit laisser d'icy departir, sauf noz corps & noz biens: & nous luy rendrons la for-
 teresse, puis qu'autrement nous ne pouuons finer. Lors descendit messire Agos de la
 grosse tour. Si bouta sa teste hors d'une petite fenestre, & fit signe qu'il vouloit parler à
 aucun de l'ost. Tantost vindrent aucuns Anglois, qui luy demanderent qu'il vouloit:
 & il dit qu'il parleroit volontiers au Comte d'Erby, ou à messire Gautier de Manny:

*t C'est à dire
dedans l'en-
ceint.
La Chaux
escrit des
Chaingles.*

Quand ces nouvelles furent venues au Comte d'Erby, il dit à messire Gautier de Manny & au Baron de Stanford. Allons iusques à la forteresse, savoir que le Capitaine veut dire. Lors ils cheuaucherent celle part. Quand messire Agos le veit, il osta son chapeiron tout ius, & les salua l'un apres l'autre: puis dit. Seigneurs, il est bien vray que le Roy de France m'a enuoyé en ceste ville & en ce chastel, pour le garder & deffendre à mon pouuoir. Vous sauez cōment ie m'en suis acquité, & voudroye encores faire: mais tousiours ne peut on pas demourer en vn lieu. Ie m'en partiroye volontiers, & tousmes cōpaignons, si vous plaist: & voudrions aller autre part: mais que nous eussions nostre congé. Si nous laissez partir sauf noz corps & noz biens, & nous vous rédrans la forteresse. Le Comte d'Erby dit. Messire Agos, messire Agos, vous ne vous en irez pas ainsi: nous sauons bien que nous vous auons si oppressez, que nous vous aurons quand nous voudrons. Car vostre forteresse ne gist que sur estayes. Si vous rendez simplement, & ainsi ferez vous receu. Messire Agos respondit. Certes, Sire, si nous conuenoit entrer en ce parti, ie tien de vous tant de bien & d'honneur & de gentillesse, que vous ne nous feriez que courtoisie: ainsi q̄ vous voudriez que le Roy de France fist à voz Cheualiers: si ne blecez mie, se Dieu plaist, la noblesse de vous, pour vn peu de soudoyers, qui cy sont: qui ont gaigné en grand' peine leurs deniers, & lesquelz i'ay amenez de Prouence, de Sauoye, & du Dauphiné. Car sachez que, se le moindre des nostres ne deust venir à mercy aussi bien comme le plus grand, nous nous voudrions vendre ainçois, tellement qu'onques gens, assiegez en forteresse, ne se vendirent en telle maniere. Si vous prie que vous y vueillez entendre: & nous faites compaignie d'armes: si vous en saurons bon gré. Adoncques se tirèrent ces trois Cheualiers ensemble: si parlerent longuement de plusieurs choses. Finalement ils regarderent la loyauté de messire Agos, & qu'il estoit estranger, & qu'aussi on ne pouuoit miner la grosse tour du Chastel: si luy dirent. Monseigneur Agos, nous voudrions faire à tous Cheualiers estrangers bonne cōpaignie.

Le chastel de la Riolerendu au Comte d'Erby par cōposition.

Si voulons, beausire, que vous partez & tous les vostres: mais vous n'emporterez q̄ voz armeures. Ainsi soit fait, dit messire Agos. Lors se tira à ses compaignons, & leur dit cōme il auoit exploité. Lors farmerent & sellerent leurs cheuaux: dont ils n'auoient que fix. Les aucuns en acheterent des Anglois: qui leur vendirent bien cher. Ainsi se partit messire Agos des Bans du chastel de la Rioler, qu'il rendit aux Anglois: qui s'en meirent en saifine: & ledit messire Agos s'en vint en la cité de Toulouze.

† Verard dit icy Mauleon & les Abr. Mauron par tout.

Comment le Comte d'Erby print la ville de † Maulrou, & puis Villefranche en Gascongne.

CHAP.

CXIII.

† Les Abregés disent Montpesas. Le chastel de Montpesas prins d'assaut par les Anglois.

A Pres que le Comte d'Erby eut sa volonté, & fut venu à son entente de la ville de la Rioler & du chastel, ou il auoit esté vn grand temps, il cheuaucha outre: mais il laissa vn Cheualier Anglois, pour entendre à la reparation de la ville & du chastel, & remettre à poinct ce qui rompu estoit. Lors cheuaucha le Comte vers † Montpesas. Quand il fut là venu, si le fit assaillir: & n'auoit dedans le Chastel que bons hommes du pays: qui sy estoient boutez, & retraits leurs biens sur la fiance du fort lieu: & bien se deffendirent tant qu'ils peurent: mais finalement le chastel fut prins par assaut & par eschellement: mais il cousta grandement, au Comte de ses Archers: & y fut tué vn Gentil-homme d'Angleterre, appelé Richard de Pennenort: qui portoit la banniere du Seigneur de Stanford. Si donna le Côte le Chastel & la Chastellenie à vn sien Escuyer, qui s'appelloit Thomas de Léclastre: & laissa avec luy en garnison, vingt Archers. Puis vint le Comte à la ville de † Maulrou: qu'il fit assaillir: mais il ne l'eut mie par assaut: si se logea celle nuit. Lendemain vn Cheualier de Gascongne, qui auoit nom messire Alexandre de Chaumont, dit au Comte. Sire, faites semblant de vous déloger, & tirer autre part: & laissez vn petit de voz gens deuant la ville. Ceux de leans istront tantost (de tant les cognois-je bien) & voz gens, qui seront demourez, se feront chacer, & nous serons en embusche deffous ces oliuiers. Si tost qu'ils nous auront passé, vne partie retournera sur eux, & l'autre partie retournera deuers la ville à ce conseil se tint le Comte d'Erby. Si fit demourer, derriere le Comte de Quenfort, à cent hommes seulement, & les aduisa de ce, qu'il vouloit faire: puis s'en partit & fit tout trousser chars & sommiers (ainsi comme si luy eussent aller autre part) & élongner la ville, enuiron demie lieue: & meit vne grosse embusche en vn val d'oliuiers, & en vignes: puis cheuaucha outre. Quand ceux de Maulrou veirent le Comte partir, & vne partie de ses gens, si dirent entre eux. Or tost issions

† Verard dit maintenant, Maulrou avec les autres Exemp.

Ruse de guerre pour surprendre la ville de Maulrou.

& allons combattre aux ennemis, en ce tantet d'Anglois, qui sont demourez derriere: car tantost les aurons déconfits & mis à mercy: si fera honneur & profit à nous grandement. Tous s'accorderent à ceste opinion: si s'armerent vistement, & faillirent à qui mieux mieux. Si pouuoient bien estre quatre cens. Quand le Comte de Quenfort & ceux de sa route les veirent issir, ils comencerent à reculer, & les François apres à grād' haste: & tant les pourfuyirent, qu'ils passerent l'embusche: si faillirent vistement hors, en écriant Manny: car messire Gautier estoit leur Chef. L'vne partie de son embusche se ferit entre ces François: & l'autre partie se ferit & cheuaucha deuers la ville: si trouuerent les baillies & les portes toutes ouuertes, en la garde d'environ minuiet: qui encores cuidoiēt que ce fussent leurs gens. Parquoy les premiers venans se faisirent de la porte, & du pont: & furent tantost Seigneurs de la ville: car ceux de la ville, qui estoient ifus, furent enclos deuant & derriere: si furent tous morts ou prins: & ceux, qui estoient demourez en la ville, se rendirent au Comte d'Erby: qui les receut à mercy: & respira, par gentillesse, la ville d'ardoir & piller: & la donna, & toute la Seigneurie, à Monseigneur Alexandre de Chaumont par l'aduis duquel elle auoit esté gaignée. Si en fit ledit Alexandre vn sien frere, Escuyer, Chastellain, appelé Anthoine de Chaumont: & pour mieux garder la ville, le Comte d'Erby luy laissa ses Archers, & quarante Bidaux à tout pauas: & puis vint le Comte d'Erby à Villefranche en Agenois: qu'il print par assaut, & le chastel aussi. Si y laissa Capitaine vn sien Cheualier, Anglois, appelé messire Thomas Coq. Ainsi cheuauchoit le Comte d'Erby le pais, de costé & d'autre: ne nul ne luy alloit au deuant: & conqueroit villes & chasteaux: & conqueroient ses gens si grand auoir, que merueilles feroit à penser.

Prinse de la ville de Maulrou.

Villefranche en Agenois prinse d'assaut par le Comte d'Erby.

Comment le Comte d'Erby conquist la cité d'Angoulesme.

CHAP. CXIIII.

Quand le Comte d'Erby eut à sa volonté Villefranche, il cheuaucha deuers Miremont, en approchant Bordeaux: car oncques ses Coureurs à celle fois n'approcherent le Port-Sainte Marie. Si fut trois iours deuant Miremont: & au quatrième se rendit. Si la donna le Comte à vn sien Escuyer, appelé Iehan Brisco: & apres, ses gens prindrent vne petite ville fermée, sur la gironde, appelée Thonnins: & apres, le fort chastel de Damassen: qui estoit fort bien garni de Gens-d'armes & d'Archers: puis vint deuant la cité d'Angoulesme, qu'il assiegea de tous poincts: & dit qu'il ne s'en partiroit, tant qu'il l'auoit à sa volonté: dont ceux de la cité se composerent parmi ce que ils enuoyerent à Bordeaux vingt quatre des plus notables & riches en ostage de leur cité, & demoureroient en souffrance de paix vn mois: & se dedans vn mois le Roy de France enuoyoit homme si fort, qu'il peust tenir les champs contre le Comte d'Erby, ils l'auoient leurs ostages, & seroient absous dudit traité: & si ce ils n'auoient, ils se mettroient en l'obeyssance du Roy d'Angleterre. Lors passa outre le Comte d'Erby: & vint deuant Blasmes: qu'il assiegea de tous points. Si en estoient Capitaines deux Cheualiers de Poitou, messire Guischart d'Angle, & messire Guillaume de Rochechouart: lesquels dirent qu'ils ne se rendroient à homme. Et, entandis qu'on fut deuant Blasmes, cheuaucherent les Anglois deuant Mortaigne, en Poitou: dont messire Bouciquaut estoit Capitaine. Si eut grand assaut: mais riens n'y firent: ains y laisserent plusieurs des leurs morts & blecez. Si s'en retournerent: & furent deuant Mirebel, & deuant Aulny. Puis reuindrent au siege de Blasmes. Presque tous les iours y auoit faite aucune appertise d'armes, le siege durant, deuant Blasmes. Le terme d'un mois vint, que ceux d'Angoulesme se deuoient rendre. Si enuoya le Comte d'Erby ses deux Mareschaux: ausquels ceux de la cité iurerent hommage & feauté, au nom du Roy d'Angleterre par vertu d'une procuration, qu'il auoit. Ainsi eurent paix ceux de la cité: & reuindrent leurs ostages: si enuoya le Comte, à leur requeste, Iehan de Noruich, Escuyer, Capitaine d'icelle cité. Et tous iours se tenoit le siege deuant Blasmes, tant que les Anglois s'en tindrent tous lassez: car l'Yuer s'approchoit: & si ne conquirent riens sur ceux de Blasmes. Si eurent conseil qu'ils se retrairoient à Bordeaux, iusques au nouveau temps: & se delogerent, & passerent la Gironde, & vindrent à Bordeaux: & tantost apres le Comte d'Erby departit toutes ses gens, & enuoya chacun en sa garnison, pour mieux entendre aux besongnes sur la frontiere, & estre aussi plus au large.

Miremont, Thonnins, & le chastel de Damasse prins par les Anglois.

Traité des Angoumois avec le Comte d'Erby.

Saladit Blasmes, & la Chaux Blasmes.

Angoulesme rendue aux Anglois, selon le traité de penparant.

Comment messire Godeffroy de Harecourt fut banni de France.

CHAP. CXV.

† Ayant com-
mencé son an-
1345. au cha-
109. ie luy lais-
se tenir son no-
bre, & à no-
Chron. &
Ann. de Fra-
ce le leur, com-
me j'ay fait, et
vueil tousiours
faire.

EN ce temps & en ceste saison écheut en l'indignation, & en haine du Roy messire Godeffroy de Harecourt (qui estoit vn grand Baron de Normandie, frere, au Comte de Harecourt, & Sire de saint Sauueur le Vicomte, & de plusieurs villes en Normãdie) & ne fut que par enuie: car, vn petit deuant, il estoit si bien du Roy, & du Duc, qu'il vouloit. Si fut banni publiquement du Royaume de France: &, se le Roy l'eust tenu en son ire, il n'en eust ia moins fait, qu'il fit de messire Oliuier de Clifson, & des autres, qui en l'année † de deuant auoient esté décolez à Paris. Si eut messire Godeffroy amis en voye: qui luy dirent secrettement que le Roy estoit indigné contre luy. Lors vuida le Royaume, au plustost qu'il peut: & s'en vint en Brabant, delez le Duc Iehan de Brabant, son cousin: qui le receut ioyeusement. Si demoura là vn grand temps: & despendit sa re- uenue, qu'il auoit en Brabant: car en France n'auoit il riens: car le Roy auoit faisi toute sa terre de Constantin: & en faisoit leuer le profit: & ne pouuoit ce Cheualier reuenir en l'amour du Roy de France, pour chose que le Duc de Brabant l'en sceut prier. Ceste haine cousta gramment au Royaume de France: especialemēt au pais de Normandie. Car les traces en parurent cent ans apres: comme vous orrez en l'histoire.

De la mort Iagues d'Arteuelle de Gand.

CHAP. CXVI.

† L'an 1345.
infaliblement:
cōme il se voit
par la deductiō
de deuant &
d'apres, & par
les Annal. de
France: cōbien
qu'il y eust icy
bien au long
mil quatre cēs
quarante &
six, & en tous
noz Exemp.
aussi, fors es
Abregez: qui
disent comme
nous.

EN ce temps regnoit encores au pays de Flandres, en grand' prosperité & puissance, Ece Bourgeois de Gand, Iagues d'Arteuelle: qui estoit si bien du Roy d'Angleterre, qu'il vouloit: car il promettoit audit Roy, qu'il le feroit Seigneur & heritier de Flandres: & si en reuestiroit son fils, le Prince de Galles: & feroit en celle saison de la Comté de Flandres Duché. Dequoy estoit sur celle entente le Roy d'Angleterre en celle saison (qui fut enuiron la saint Iehan Baptiste, l'an † mil trois cens quarante & cinq) venu à l'Escluse, à grand' foison de Baronnie & de Cheualiers: & auoit là amené le ieune Prince de Galles, son fils, sur les promesses de Iaquemart d'Arteuelle. Si se tenoit là le Roy & toute sa naue au haure de l'Escluse, & aussi son tinel: & là le venoient veoir & visiter ses amis de Flandres: & eut plusieurs parlemens entre le Roy & ledit Iaquemart d'Arteuelle d'une part: & les Consuls des bonnes villes d'autre part, sur l'estat dessusdit. Dont ceux du pais n'estoient mie bien d'accord audit Roy, n'audit Arteuelle: lequel preschoit sa querelle de desheriter le Comte Louis, leur naturel Seigneur, & son ieune fils Louis, & en heriter le fils du Roy d'Angleterre. Ceste chose dirent qu'ils ne feroient iamais: dont au dernier parlement, qui auoit esté à l'Escluse, dedans la naue du Roy Anglois, qu'on nomme Catherine (qui estoit si grande & si grosse, que merueilles seroit à recorder) ils auoient respondu ainsi d'un commun accord: Cher Sire, vous nous requerez d'une chose moult pesante, & qui au temps aduenir pourroit toucher au pays de Flandres, & à noz hoirs. Vray est que nous ne sauons auourd'huy au mōde Seigneur, de qui nous aimissions tant le profit & l'auancement, que nous ferions de vous. Mais ceste chose nous ne pourrions pas faire, de nous tant seulement: se toute la communauté de Flandres entierement ne fy accorde. Si se traita chacū deuers sa ville, & remōstrerons generalement ceste besongne aux hommes de noz villes: & là ou la plus saine partie se voudra accorder, nous l'accorderons aussi: & serons cy arriere dedans vn mois, & vous respondrons si à poinct, que vous en ferez bien content. Le Roy d'Angleterre ne ledit d'Arteuelle n'en peurent adonc autre chose auoir, n'autre respōse. Si la voufissent auoir bien plus briue, se faire se peust. Mais nenny. Si respondit le Roy: En la bonne heure. Ainsi se partit le parlement, & retournerent les Consuls des bonnes villes en leurs lieux. Or demoura encores vn petit Iaquemart d'Arteuelle delez le Roy d'Angleterre, pour la cause que le Roy d'Angleterre se decouuroit à luy feablement de ses besongnes: & les promettoit tousiours, & asseuroit qu'il les feroit venir à son entente. † Mais il les deceut, quand il demoura derriere, & qu'il ne vint à Gand aussi tost que les Bourgeois, qui auoient esté enuoyez au parlemēt de par tout le corps de la ville. Lors quand le cōseil de la ville de Gand fut retourné arriere, en l'absence d'Arteuelle ils firent assembler, au marché, grans & petis: & là remōstra le plus sage d'eux tous, par aduis, sur quel estat le parlement auoit esté à l'Escluse, & quelle chose le Roy d'Angleterre requeroit par l'aide & par l'information d'Arteuelle. Dont toutes gens commencerent à murmurer sur luy, & ne leur vint mie à plaissance ceste requeste: & disoient que s'il plaisoit à Dieu, ils ne feroient ia sceus ne trouuez en telle déloyauté, que de vouloir desheriter leur naturel Seigneur, pour heriter vn estrange: & se partirent tous du marché, ainsi que mal contens, & en

† Combien que
les autres Ex-
empl. dient
Mais il le de-
ceut: si croy-je
qu'ils sont tous
corrompus, &
qu'il y faut,
Mais il se de-
ceut, cōme la
suiute le semble
monstrer claire-
ment: & ainsi
le trouuons
maintenant en
l'Abbr. de la
chaux, par no-
strés. reueue.

& en haine dudit Arteuelle. Or regardez comment les choses aduiennent. Car, fil fen fust aussi bié venu comme il alla à Bruges & à Ypre, remōstrer & prescher la querelle du Roy d'Angleterre, il leur eust dit tāt d'vnes choses & d'autres, qu'ils se fussent tous accordez à son opinion: ainsi que ceux des dessusdites villes estoient. Mais il se fioit tant en sa prosperité & en sa grandeur, qu'il y pensoit bié recouurer assez à temps. Quād il eut fait son retour il vint à Gand, ainsi cōme à heure de midy. Ceux de la ville, qui bien sauoient sa reueneue, estoient assemblez sur la rue, par ou il deuoit passer: & si tost qu'ils le veirent, ils commencerent à murmurer, & à mettre trois testes en vn chapperon, & à dire, Veez cy celui, qui est trop grand maistre, & qui veut ordonner de la Comté de Flandres à sa volonté: ce qui ne fait mie à souffrir. Encore, avec tout ce, on auoit semé parolles parmi la ville de Gand, quant au grand tresor de Flandres, que Iaquemart d'Arteuelle auoit assemble, par neuf ans & plus, qu'il auoit eu le gouuernement de Flandres (car des rentes du Comte il n'allouoit nulles: ains les mettoit, & auoit tousiours mises, en des pots: & tenoit son estat, & auoit tenu le terme dessusdit, sur les amēdes des forfaitures de Flandres tant seulement) que ce grand tresor (ou il auoit deniers sans nombre) il auoit enuoyé en Angleterre tout secrement. Ce fut vne chose qui moult enflāma ceux de Flandres & de Gand. Ainsi que Iaquemart d'Arteuelle cheua choit parmi la rue, il s'aperceut tantost, qu'il y auoit aucune chose de nouuel cōtre luy: car ceux qui se fouloiet encliner cōtre luy, retournoient l'épaule, & r'entroient en leurs maisons. Si se commença à douter: car, aussi tost qu'il fut descendu en son hostel, il fit fermer & barrer portes, huis, & fenestres. A peine eurent ses valets cecy fait, que la rue, ou il demouroit, ne fust couuerte, deuant & derriere, de gens, & especialement de menus gens de mestier. Là fut son chastei enuironné, deuant & derriere, assailli: & rompu par force. Bien est vray que ceux de leans se deffendirent moult longuemēt, & en tuerent & blecerent plusieurs: mais à la fin ils ne peurēt durer: car ils estoiet assallis si roidemēt, que presque les trois parts de la ville estoit à cest assaut. Quand Iagues d'Arteuelle veit l'effort, & cōment il estoit oppresse, il vint à vne fenestre sur la rue, & se cōmença à humilier, & à dire, par moult beau langage, & à chef nud, Bōnes gēs, que vous fault il? ne qui vous meut? pourquoy estes vous si troublez sur moy? en quelle maniere vous puis-je auoir courroucez? dites le moy: & ie l'amēderay pleinemēt à vostre volonté. Lors respondirēt, tous à vne voix, ceux qui ouy l'auoiet, Nous voulons auoir cōpte du grand tresor de Flandres que vous auez deuoyé, sans nul tiltre de raison. Adonc respondit ledit d'Arteuelle moult doucement, Certes Seigneurs, au tresor de Flandres ne prins oncques riens. Or vous retrayez doucement en voz maisons, ie vous en prie, & reuenez demain au matin: & ie seray pourueu de vous faire & rendre si bon compte, que par raison il vous deura suffire. Adoncques respondirent ils à vne voix. Nenny, nous le voulons tantost auoir: vous ne nous échapperez pas ainsi. Nous sauons, de verité, que vous l'avez pieça vuidé & enuoyé en Angleterre, sans nostre sceu: pour laquelle chose il vous faut mourir. Quand Iaquemart d'Arteuelle ouit ce mot, il ioingnit les mains, & commença à plōrer moult tendrement: & dit, Seigneurs tel comme ie suis, vous m'avez fait: & me iurastes iadis que contre tous hommes vous me deffendriēs: & maintenāt vous me voulēs occire sans raison. Faire le pouuēs, se vous voulez. Car ie ne suis qu'un seul homme entre vous tous: Aduisez vous, pour Dieu, & retournez au temps passé: & confidez les grāces & les courtoisies, que iadis vous ay faites. Vous me voulez rendre petit guerdon, des grans biens qu'au temps passé vous ay faits. Ne sauez vous pas comment marchandise estoit perie en ce pays, & ie la recouray? Apres ie vous ay gouuernez en si grande paix, que vous auez eu, au temps de mon gouuernement, toutes choses à souhait: bleds, auoines, auoir, & toutes autres marchandises: dont vous estes recouurez & en bon poinct. Lors commencerent ils à crier, tous en vne voix, Descendez & ne nous sermonnez plus de si haut: car nous voulons auoir compte & raison du grand tresor de Flandres, que vous auez gouuerné trop longuemēt sans rendre compte. Pource qu'il n'appartenoit mie à vn officier, qu'il reçoie les biens d'un Seigneur, & d'un pays, sans rendre compte. Quand Iaquemart d'Arteuelle veit que point ne se deporteroient, & ne se refroidiroient, il ferma sa fenestre, & s'aduīsa qu'il istroit par derriere, & s'en iroit dedans vne eglise, qui se ioignoit pres de son hostel: mais son hostel estoit ia rompu & effondré par derriere: & y auoit plus de quatre cens personnes qui tous crioiēt à l'auoir. Finablement il fut prins entre eux, & là occis, sans nulle merci: & luy donna le coup de la mort vn sellier, qui s'appelloit Thomas Denis.

*Ement des Gā
dois contre Iagues d'Arteuelle, & les propos qu'il eut avec eux, & eux avec luy.*

La mort miserable de Iagues d'Arteuelle.

Ainsi finit Jaques d'Arteuelle ses iours: qui en son temps auoit esté si grand maistre en Flandres. Pources gens le móterent premieremēt: & méchâtes gens le tuerēt à la parfin. Ces nouuelles s'épandirēt tâtost en plusieurs lieux: si fut plaint des aucuns & les autres en furent bien ioyeux. En ce temps se tenoit le Comte Louis en Terremonde. Si en fut moult ioyeux, quād il ouit dire que Iaquemart d'Arteuelle estoit occis: car il luy auoit esté moult cōtraire en toutes ses besongnes. Ce nō obstant ne fosa il fier en ceux de Flandres, ne reuenir à Gand. Quād le Roy d'Angleterre, qui se tenoit à l'Escluse, & sy estoit tenu tout le temps, en attendant la relation des Flamens, entendit comment ceux de Gand auoient occis Iaquemart d'Arteuelle, son grand ami & son cher compere, il en fut si tres courroucé & si tres émeu que merueilles. Si se partit tantost de l'Escluse, & r'entra en mer, en menaçant grandement les Flamens, & le país de Flandres: & dit bien que ce ste mort seroit moult cher cōparée. Lors les Consuls des bonnes villes de Flandres (qui sentirent & entendirent bien, & l'imaginerent tantost, que le Roy d'Angleterre seroit courroucé contre eux) faduiserēt que de la mort d'Arteuelle ils s'en iroiet excuser: especiallemēt ceux de Bruges, d'Ypre, de Courtray, d'Audenarde, & du Frac. Si enuoyerent en Angleterre deuers le Roy & son cōseil, pour apporter vn fauscōduit: à fin q̄ seuremēt ils se peussent aller excuser. Le Roy qui estoit vn petit refroidi de son ire, leur accorda: & vindrent gens d'estat de toutes les bonnes villes de Flādres, en Angleterre (excepté de Gand) deuers le Roy, enuiron la saint Michel: & se tenoit à Westmonstier dehors Londres. Là s'excuserent fort doucement de la mort d'Arteuelle, & iurerent solennellement que nulle chose n'en fauoient: & fils l'eussent sceu, c'estoit celuy qu'ils eussent gardé & deffendu: & si estoient de la mort de luy moult courroucez & desolez: & le plaignoient & regrettoient moult fort: car ils recognoissoiet qu'il leur auoit esté tresprouce, & nécessaire à tous leurs besoins, & auoit regné, & gourné le pays de Flādres, moult sagement: & si ceux de Gand, par leur outrage, l'auoient tué, on le leur feroit amēder si grandement, qu'il suffiroit. Et remonstrent encors au Roy, & à son conseil, que se d'Arteuelle estoit mort, pourtāt n'estoit il mie éloigné de la grâce & amour de ceux de Flandres: fauf & excepté qu'il n'auoit que faire d'entendre à l'heritage de Flādres, tant qu'ils le deussent oster au Comte leur naturel Seigneur † (comme François qu'il fust) ny à son fils, son droit hoir, pour l'en hériter, ne son fils le Prince de Galles: car ceux de Flandres ne sy consentiroient iamais. Mais, cher Sire, vous atiez de beaux enfans, fils & filles, le Prince de Galles, vostre aîné fils, ne peut faillir, qu'il ne soit encors vn grād Seigneur, sans l'heritage de Flandres: & vous auez vne Damoiselle à fille, moins aînée, & nous vn ieune Damoisel, que nous nourrissons & gardōs: qui est heritier de Flādres: si se pourroit encors bien faire vn mariage d'eux deux: & ainsi tousiours demourroit la Côte de Flādres à l'vn de voz enfans, Ces parolles & autres adoucirent grandement le courage & le maltalent du Roy d'Angleterre: & se tint finablement assez bien content des Flamens: & eux de luy. Ainsi fut oubliée, petit à petit, la mort de Iaquemart d'Arteuelle.

Du Comte Guillaume de Haynaut: qui mourut en Frise, & grand Baronnie avec luy.

CHAPITRE CXVII.

Annot. 67.

EN ce temps, & en celle mesme saison, le Comte de Haynaut, nōmé Guillaume, seoit en la ville * d'Vtrecht: & y fut vn grād temps, pour auoir aucuns droits, qu'il y demandoit auoir. Si contraignit tellement par siege & par assaut ceux d'Vtrecht, qu'il les eut à sa volonté, & meit à raison. Assez tost apres, en celle mesme saison, enuiron la sainct Remy, le Comte fit vne grand' assemblée de Gens d'armes, Cheualiers, & Escuyers de Haynaut, de Flandres, de Brabant, de Holande, de Guerles, & de Iuilliers: & se partirent le Comte & ses Gens d'armes de la ville de Dourdrech en Holande à moult grand foison de nefes & de vaisseaux: & singlerent deuers Frise: car le Côte de Haynaut s'en disoit estre Sire: & de fait, se les Frisons fussent gens que l'on peust mettre à raison, le Côte de Haynaut y eust eu grand droit. Si fit adonc vne partie de son pouuoir de la requerre & demāder: mais il y demoura, & grand' foison de Cheualiers & Escuyers. Dieu en ait les ames. Messire Iehan de Haynaut ne demoura pas au pays de Frise avecques son neveu: mais, ainsi que d'autre part il se vouloit combattre aux Frisons, comme tout forsené, ses gens, voyans la déconfiture, le prindrent, & le getterēt (vousist ou non) en vne nef: & especiallemēt messire Robert de Gluues: qui adonc estoit Escuyer de son corps. Si retourna à petite mesgnie, tout débaraté: & s'en vint au Mont-saincte-Gertrud, en Holande: ou Ma-

Le Roy d'Angleterre part de l'Escluse, pour retourner en Angleterre.

Excuses de quelques villes de Flādres au Roy d'Angle. sur la mort de Arteuelle tousiours 1345.

† C'est à dire, (cōbiē qu'il tint le parti de Frâce) & ainsi dit la Chaux.

ou Madame, sa niece, Madame Jehanne (qui fut femme au dessusdit Comte, & fille aînée au Duc de Brabant) l'attendoit : laquelle se tira lors à la terre de Buich, dont elle estoit douée. Et ainsi vacqua la Côte de Haynaut vn temps : & la gouerna messire Iehan de Haynaut, iusques à tant que Madame Marguerite de Haynaut, mere au Comte Aubert, se tira celle part, & en print la faisine & l'heritage, & luy firent les Seigneurs & les Barôs feauté & hommage. Ceste Dame Marguerite, Comtesse de Haynaut, auoit à mary Monseigneur Louis de Bauiere, Empereur de Romme, & Roy d'Allemaigne.

Comment messire Iehan de Haynaut se retourna Francois.

CHAP. CXVIII.

A Ssez tost apres le Roy Philippe de France traita, & fit traiter par le Comte de Blois, deuers Monseigneur Iehan de Haynaut, qu'il voulsist estre François, & luy transporter, en France, la reuenue qu'il auoit en Angleterre, & la luy assigneroit si suffisammēt comme il plairoit à son Conseil. A ce ne s'accorda mie legerement : car il auoit sa fleur de ieunesse vsee au seruice du Roy d'Angleterre : & si l'auoit tousiours le Roy moult aimé & desiré. Lors, quand le Comte Louis de Blois (qui auoit sa fille à femme, & en auoit trois fils : Louis, Iehan, & Guy) veit qu'il n'y pourroit point entrer par celle voye, en trouua le moyen, par le Sire de Sagunelles : qui estoit compaignon à Monseigneur Iehan, & le plus grand de son Conseil. Si fut aduisé, pour le traire hors du parti des Anglois, que pour vn grand temps on luy fist entendre, qu'on ne luy vouloit payer sa reuenue en Angleterre : & de ce se melancolia Monseigneur Iehan de Haynaut : tellement qu'il renonça aux fiefs & conuenances qu'il auoit au Royaume d'Angleterre : & quand le Roy de France le sceut il enuoya deuers luy suffisans messagers : si le retint à luy, & de son Conseil, à certains gages : & le recompensa, en son Royaume, de tant de reuenues, & plus, qu'il n'auoit tenu en Angleterre.

† Je pense que c'est celui qu'il a quelquefois nommé de Faguinelles, depuis le chapitre 32.

Du grand ost, que le Duc de Normandie mena en Gascogne, contre le Comte d'Erby.

CHAPITRE CXIX.

LE Roy fut informé des cheuauchées & des conquests, que le Comte d'Erby auoit faits au pays de Gascogne, si auoit fait vn tresgrand & especial mandement, que tous nobles, & non nobles, dont on se pourroit aider en fait d'armes, fussent en la cité d'Orleans & de Bourges, & là enuiron, à certain iour. Par ce mandement vint à Paris le Duc Odes de Bourgongne, & son fils le Côte d'Artois & de Boulongne. Si se presenterent au Roy à tous mille lances. Apres vint le Duc de Bourbon & le Côte de Ponthieu son frere, à grād foison de Gēs-d'armes. Si y reuint le Côte d'Eu & de Guines, Cōnestable de Frâce, en moult grād arroy. Aussi le Côte de Tācaruille, le Dauphin d'Auuergne, le Côte de Forests, le Côte de Dāpmartin, le Côte de Vādosme, le Sire de Coucy, le Sire de Craō, le Sire de Sulli, l'Euesque de Beauuais, le Sire de Frēnes, le Sire de Beauieu, Mō seigneur Iehan de Chaalon, le Sire de Roie, & moult d'autres : lesquels s'assemblerēt en la cité d'Orleans : voire ceux de par deçà Loire : & ceux de delà (comme de Poictou, de Xainctōge, de la Rochelle, de Caoursin, de Limosin & d'Auuergne) es marches de Toulouse. Si passerent toutes ces gens outre, par deuers Rouergue : & s'en trouuerent grand foison de venus & assemblez, en la cité de Roddes, des marches d'Auuergne & de Prouence. Tant firent ces Seigneurs & Gens d'armes, qu'ils vindrent en la cité de Toulouse, & là enuiron : car tous ne se peurent pas loger en la cité : tant estoient grand nombre : presque cent mille testes armées ou plus. † Ce fut l'an de grâce 1345. Tantost apres la feste de Noel, le Duc de Normandie (qui estoit Chef de celui ost) se partit à tout celle armée, & fit cheuaucher, deuant, ses Mareschaux : le Sire de Monmorency, & le Sire de saint-venant. Si se tirerent premierement deuant le chastel de Miremont : que les Anglois auoient conquis en celle saison. Si l'assaillirent moult fort à seiour : & y auoit enuiron cent Anglois, qui le gardoient avec leur Capitaine Iehan † Bristo. Avec les François estoit messire Louis d'Espaigne, avec grād foison de Géneuois Arbalestiers : qui point ne s'épargnerent : si que ceux du Chastel ne se sceurent si bien deffendre, que de force ils ne fussent prins, & morts la plus grand partie de ceux de dedans, & mesme-ment le Capitaine. Si se rafreschirent les Mareschaux de nouueaux Gens-d'armes : Puis passerent outre, & vindrent deuant Villefrāche en Agenois. Là s'arresta tout l'ost, & l'euirōnerent & assaillirent. Adōc n'y estoit pas messire Thomas † Crocq : ains estoit à Bordeaux, deuers le Comte d'Erby, qui l'auoit mandé. Tous ceux, qui à ce iour estoient

† L'an 1345. come tousiours.

† Il a dit Bristo cha. 114.

Miremont repris par les François.

† Parauant Coq cha. 113 & l'abr. de la Chaux dit aussi Coq.

† Paravant
de Noruich
chap. 114. &
ainsi le mettēt
les Abregez
combiē que les
Exemp. dient
ici Normet.
† le doute que
ce ne soit celui
qu'il a nommé
de Courci au
cha. 106. sur la
fin. & de
Tombi sur le
commencemēt
du 108. ainsi
que la Chaux
le nomme sem-
blablement de
Tombi.

Angoulesme
estroitement as-
siege par le
Duc de Nor-
mandie.

† Possible que
leuoit y seroit
aussi bon, ve-
rard dit cress-
soit.

dedans Villefranche, se deffendirent vigoureusement: mais finablement ils furent prins par force, & la ville courue & arse, & occis la greigneur partie des soudoyers. Et adōc se retira l'ost deuers la cité d'Angoulesme: & laisserēt Villefranche & le chastel tout entier, sans abbatre, & sans garde. La cité d'Angoulesme assiegerēt tout autour. Si en estoit Capitaine, de par le Roy d'Angleterre, vn Escuyer, appelé Iehan † Normech. Quād le Cōte d'Erby, qui se tenoit en la cité de Bordeaux, entendit la venue du grand ost de Frāce, & qu'ils auoient ia reconquis Miremont & Villefranche, & toute robée & arse, hors mis le chastel, il enuoya tantost quatre de ses Cheualiers (esquels il se fioit moult) & leur pria qu'ils prinsissent soixāte hommes armez, & trois cens Archers, & allassent par deuers Villefranche. Si prinsissent le chastel (qui estoit demouré tout vuide, & entier) & le meissent à poinct, & les portes de la ville aussi: & si les François le venoiēt derechef assaillir, qu'ils le deffendissent: car il les secourroit, à quelque meōchef que ce fust. Et ceux le firēt ainsi. C'estoient messire Estienne † de Cōby, messire Richard de Halledon, messire Raoul de Hastings, & messire Normand de Finefroide. Apres le Comte d'Erby pria au Comte de Pēnebroth, à messire Gautier de Manny, à messire Franque de Halle, à Monseigneur Thomas Crocq, à messire Ichā de la Touche, à Mōseigneur Richart de Beauuais, à Mōseigneur Philippe de Rochlene, à Mōseigneur Robert de Neufuille, à Mōseigneur Thomas Briset & à plusieurs autres Cheualiers & Escuyers, qu'ils voussissent aller à Aguilon, & garder la forteresse: car trop seroit courroucé, s'il la perdoit. Ceux se partirēt (q estoiet bien quarante Cheualiers & Escuyers, & trois cens hōmes armez parmi les Archers) & s'en vindrēt bouter dedans le fort chastel d'Aguillō. Si trouuerēt encores bien six vings cōpaignōs: que le Comte d'Erby y auoit laissez. Lors pourueurēt le chastel de viures de farines, & d'autres pourueāces bien & largement. Ainsi que les quatre cheualiers dessus-nōmez pour aller à Villefrāche, cheuauchoiēt parmi le païs, en allant celle part ils cueillirent grand foison de beufs, de vaches, de moutōs, de blez, d'auoines, & d'autres viures. Si firēt tout amener, deuāt eux, dedans Villefrāche. Si reprindrēt le chastel & reparerent & releuerēt les murs, & les portes de la ville: & firēt tant qu'ils furent plus de quinze cens hōmes, tous aidables, & pourueus de viures pour plus de six mois. Le Duc de Normandie (qui fut grād tēps deuant la cité d'Angoulesme) veit que par assaut il ne la pouuoit auoir ne gagner: car elle estoit si bien deffendue, qu'il y perdoit chacun iour de ses gēs. Si cōmāda que nul n'allast plus à l'assaut, & que chacun se delogeast, & allasēt loger plus pres de la cité. Ce siege durāt, vn iour vint au Duc le Seneschal de Beaucaire: q luy dit, Sire, ie say bien toutes les marches de ce païs, s'il vous plaist à moy prester 600. hōmes armez, j'iroye aduēturer aual ce païs, pour querre bestes & vitailles: car assez tost aurōs defaute de viures. Tout ce pleut bien au Duc & à son cōseil. Si print lēdemain ledit Seneschal plusieurs Cheualiers & Escuyers, qui se desiroiēt à auācer: & se bouterēt dessous luy le Duc de Bourbon, le Comte de Ponthieu son frere, le Comte de Tancarville, le Comte de Forests, le Dauphin d'Auuergne, le Sire de Pons & de Partenay, le Sire de Coucy, le sire d'Aubigny, le sire d'Aussemōt, le sire de Beauieu, Mōseigneur Guischart d'Angle, Mōseigneur de Saintre, & plusieurs autres, iusques à neuf cēs lāces. Lors mōterēt à cheual vne vespre: & cheuaucherēt toute la nuit, iusques au poinct du iour, q l'aube † creuoit. Si vindrent deuant vne grosse ville qui nouuellemēt s'estoit rēdue aux Anglois. Si l'apeloit on Athenis. Là endroit vint vne espie: qui dit audit Seneschal, que dedās auoit biē enuiron fix vingts hōmes armez (tāt Gascōs, cōme Anglois) & trois cēs Archers qui moult biē se deffendroiēt, si on les assailloit. Mais j'ay veu (dit l'espie au Seneschal) issir la proye dehors de la ville: & y a bien enuiron deux cēs grosses bestes: & sont au dessous de la ville, es prez. Lors dit le Seneschal aux Seigneurs, qui là estoient, Messeigneurs, ie cōseille que no' demourōs en celle vallée, & ie m'ē iray, à tout 60. cōpaignōs, accueillir la proye: si l'ameneray ci endroit: & ie pēse que les Anglois s'ē istrōt hors, pour recourir la proye. Si leur irez au deuant. Et ainsi fut fait. Le Seneschal à tout 60. cōpaignons tresbien mōtez, cheuaucha, par voyes couuertes, autour de la ville, ainsi que l'espie le menoit: tant qu'il vint es beaux prez, ou les bestes pasturoient. Tātost fit épartir ses compaignons, & mettre ces bestes ensemble: puis les chacerent deuant eux, au dessous de la ville, par vne autre voye, qu'ils n'estoiēt venus. Les gardes de la porte & du chastel, qui ce veoiēt, commencerent à faire grand' noise, & à corner, & émouuoir ceux de la ville, & les compaignons, qui par aduenture encore dormoient: car il estoit fort matin. Lors saillirēt sus hastiuemēt, Si s'ellerēt tous leurs cheuaux, & s'assemblerent en la place.

Puis

Puis vindrent chacun, à qui mieux mieux. Si ne demourerent en la ville, fors que les vilains. Les Anglois, qui estoient issus aux champs pour recourre leur proye, se hastoient moult fort, en écriât aux François. Vous ne vous en irez pas ainsi. Le Seneschal & sa route commencerent à eux haster: & s'en vindrent ferir sur ces Anglois, qui les chaçoient. Lesquels n'eurent pas loisir d'eux retourner: ains estoient si épars, qu'en briève heure furent ius. Là fut prins le Capitaine, messire Estienne de Lefy, Anglois, & tous ceux d'honneur qui entour luy estoient: & le demourant tout mort. Puis cheuaucherēt les François hastiement deuers la ville: & entrerent de dans d'affaut (car elle estoit sans garde) & la premiere bataille, qui y entra, fut celle du Duc de Bourbo. Si se faisirēt lesdits Seigneurs de la ville: & la rafreschirent, de nouuel, de gens & de Capitaine: puis il s'en partirent, à toute leur proye & leurs prisonniers: & s'en reuindrent lendemain deuant Angoulesme. Si acquit le Seneschal de Beaucaire grand honneur en ceste cheuauchée: combien qu'il eust de plus de grans Seigneurs assez, qu'il ne fust.

La ville d'Angoulesme prise par les François.

Comment Iehan de Normech échappa d'Angoulesme, quand ladite ville se rendit Française.

CHAPITRE CXX.

Ainsi se tint des Seigneurs de France vn grand temps le siege deuāt Angoulesme: & acouroient les François tout le païs, q̄ les Anglois auoient cōquis: & y faisoient maints destourbiens: & ramenoient souuent des prisonniers, & grans proyes, en leur ost, quand ils trouuoient à poinct: & moult y conquirent les deux freres de Bourbon grand' grâce: car ils estoient tousiours des premiers cheuaucheurs. Quand Iehan de Normech, Capitaine d'Angoulesme, veit que le Duc de Normandie ne se partiroit poit du siege, qu'il n'eust la cité à sa volōté, & sentit que les pourueances de leans se mendrissent, & que le Cōte d'Erby ne faisoit nul compte de leuer le siege, & aussi s'apperceut que ceux de la ville s'enclinoient moult aux François, & pieça se fussent tourneiz François, s'ils eussent osé, si se douta de trahison, & pensa qu'il se sauuerait, luy & ses compaignons. La ¶ vigile de la purification Nostre-dame il vint aux creneaux de la cité, tout seul, sans dire à nul hōme quelle chose il vouloit faire. Si fit signe, de son chapperon, à ceux de l'ost, qu'il vouloit parler à aucun d'eux. Ceux qui apperceurent ce signe, vindrent celle part, & luy demanderent qu'il vouloit. Et il dit, Je parleroye volontiers à Monseigneur le Duc de Normandie, ou à l'un de ses Mareschaux. Et adonc ceux l'allerent nōcer au Duc de Normandie: qui tātost y vint, & avec luy amena aucuns cheualiers. Aussi tost que Iehan de Normech, Capitaine de la ville, veit ledit Duc, il osta son chapperō, & le salua: & le Duc luy rēdit son salut, & luy dit, Iehan, comment vous va? Vous voulez vous rendre? Je ne suis mie conseillé de ce faire (dit il) mais ie vous vouldroye bien prier que, pour la reuerance du iour Nostre-dame, qui sera demain, vous nous accordissiez vn respit, qui durast demain seulement: parquoy les vostres, ne les nostres, ne peussent greuer les vns les autres, mais demourassent en paix. Et le Duc luy dit, Je le vueil. Le iour de la Chandeleur, au matin, Iehan de Normech s'arma, & tous ses compaignons, vns & autres: & fit tout trousser ce qu'ils auoient. Puis fit ouurir la porte: & issit hors de la cité. Lors ceux de l'ost se cōmencerent à émouuoir. Adonc cheuaucha Iehan de Normech: qui alla tout deuant, & dit, Seigneurs, Seigneurs, souffrez vous ne faites nul mal aux nostres: car nous auons tréues auioürd'hui tout entier (ainsi que sauez) accordées de Monseigneur le Duc de Normandie, & de nous aussi. Si vous ne le sçauiez, allez le sauoir: car nous pouons bien, sus ces tréues, aller & cheuaucher, quelque part que nous voulons. Ces nouuelles vindrent au Duc, pour sauoir qu'il en vouldroit faire: lequel leur dit qu'il les laissast aller, de par Dieu, leur chemin, quelque part qu'ils vouldroient: car nous ne les pouons de riens contraindre à demourer. Je leur tiēdray ce q̄ ie leur ay promis. Ainsi s'en alla Iehan de Normech, & sa route: & passerēt parmi l'ost de France sans auoir dommage: & s'en vindrēt vers Anguillon. Et, quand les Cheualiers de leans sceurent cōment il estoit parti, & auoit sauué le siē, ils dirēt qu'il festoit aduisé d'une grād' subtilité. Le lendemain du iour Nostre-dame, les Bourgeois d'Angoulesme se tirerēt à cōseil: & eurent aduis qu'ils se rendroient au Duc. Si enuoyerent deuers luy, en l'ost, aucuns traiteurs: qui exploiterent tellement, que le Duc les print à merci, & leur pardōna son maltalēt: & entra dedans la ville, & au chastel: & receut l'hommage des citoyens: & y establit Capitaine messire Anthoine de Villiers, & cent soudoyers avecques luy. Apres se délogea le Duc, & se trahit deuers le chastel de ¶ Damasson: ou il tint le siege quinze iours, & y eut tous les iours assaut. Finablement

† Ceci est de 1346. à ceux qui commencēt l'an par le premier de l'auier & le peuvent marquer des la reprinsē de Mi remont par les François au chap. precedent

Angoulesme se rend au Duc de Normandie.

† Parauant

Damassen au
chap. 114. &
ainsi le tien-
nent icy les
Abbr.
François.
† Paravant
Thônins au
chap. 114. Sa-
la dit icy
Thours, &
la Chaux
Tours.
† 1346. peut
maintenant.
estre icy mar-
qué sûrement.

il fut prins: & tous les Anglois & Gascons, qui estoient dedans furent occis. Si donna le Duc le chastel & chastellenie à vn Escuyer de Beaufse, qui s'apeloit le Borgne de Nully. Apres vint le Duc deuant † Tomins (qui sied sur la Garonne) & le trouua bien garni d'Anglois & de Gascons. Si y fut tout le iour à assaillir & à écaroucher. Si y fut grand téps: & en la fin se rendirent ceux de dedans, sauf leurs corps & leurs biens: & les deuoit faire conduire iusques à Bordeaux, sur son peril. Ainsi se partirent ces cōpaignons estrangers: mais ceux de la ville demourerent en l'obeïssance du Duc: qui se tint là sur la riuere de Garonne, à tout son ost, iusques † apres Pasques: qu'il se tira deuers le port Sainte-Marie, sur celle mesme riuere: & là auoit enuiron deux cens Anglois, qui gardoient la ville & le passage: & l'auoient fortifiée grandement: mais ils furent prins par assaut, & tous ceux qui dedans estoient. Si la reparerent dedans, & rafreschirent les Gens-d'armes: puis s'en partirent les François: & cheuaucherent deuant Aguillon.

Comment le Duc de Normandie meit le siege deuant Aguillon, à bien cent mille combattans.

C H A P I T R E C X X I .

TAnt exploiterent ces Seigneurs du pays de France (dont le Duc de Normandie estoit Chef & souuerain) qu'ils vindrent deuant le chastel d'Aguillon. Si se logerent, & s'épartirēt contreual les beaux prez & larges selon la riuere (qui porte grand nauire) chacun Seigneur entre ses gens, & chacune Connestablie à par luy, ainsi qu'ordonné estoit par les Marechaux de l'ost. Ce siege dura iusques à la saint Remy: & y auoit bien cent mille hommes armez, à cheual & à pié: & conuenoit ceux de dedans combattre à ceux de l'ost, deux ou trois fois le iour: & le plus souuēt du matin iusques au soir, sans cesser: car tousiours leur suruenoit de nouuelles gens (cōme Gèneuois, & autres) qui ne les laissoient reposer. Premieremēt les Seigneurs de France regarderēt qu'ils ne pouuoient paruenir iusques à la forteresse, s'ils ne passoient la riuere: qui estoit large, longue, & profonde. Si commanda le Duc qu'un pont fust fait (quoy qu'il coustast) pour passer la riuere. Si y vindrēt pour ce pōt ouurer, plus de trois cens ouuriers qui charpētoient iour & nuēt. Quand les Cheualiers, qui dedans Aguillon estoient, veirent que ce pont estoit fait outre la moitié de la riuere, ils firent appareiller trois naues, & entrerēt dedans. Puis chacerent tous ces charpentiers en chemin, & les gardes aussi. Si desfirent sans delay, tout ce qu'ils auoient fait en vn grand temps. Quand les Seigneurs de France veirēt ce, ils firent appareiller autres nauires à l'encontre d'eux: & meirent grand foison de Gens-d'armes dedans: comme Gèneuois, Bidaux & Arbalestiers: & commanderent aux ouuriers à ouurer, sur la fiance de leurs gardes. Quand les ouuriers eurent ouuré, vn iour, iusques à midy, Monseigneur Gautier de Manny & aucuns de ses cōpaignons entrerent en vne nef, & coururent sus aux ouuriers, & leur firent laisser leur œuure, & retournerēt arriere: & fut lors tout défait, quant qu'ils auoient fait. Ce debat & celle riote recōmençoient de iour en iour: & au dernier les Seigneurs de France y furent si étoffement, & garderēt si bien les ouuriers, que le pont fut fait, & accōpli bon & fort. Si passerent adōc les Seigneurs, & tout l'ost, armez & ordōnez par maniere de bataille: & assaillirēt le chastel d'Aguillon vn iour entier: mais riens n'y firent. Si retournerēt deuers le soir en leurs logis: & estoit leur ost bien pourueu de tous biens. Ceux du chastel se retrahirēt de leur deffense, & remeirent en bon poinēt ce que rōpu & brisé estoit: car ils auoient avec eux foison d'ouuriers. Quand vint le lendemain les François ordonnerent qu'ils mettroiēt leur ost en quatre parties: la premiere desquelles assaudroit des le matin, iusques à prime: la seconde, de prime iusques à midy: la tierce, de midy iusques à vespres: & la quarte de vespres iusques à la nuēt. Si assaillirent, par celle ordōnance, six iours: mais ceux de dedans ne furēt oncques si trauaillees, qu'ils ne se deffendissent si tresvaillammēt, que ceux de l'ost n'y sceurent riens gaigner, fors tant seulement le pont qui est deuant le chastel. Lors eurent les Seigneurs François autre conseil: car ils enuoyerēt querre, à Toulouze, huit des plus grans engins qui y estoient: & encores en firent faire & charpenter quatre plus grans: & firēt getter ces douze engins sans cesser iour & nuēt, par deuāt le chastel: mais ceux de la forteresse estoient si bien gueritez, qu'onques pierre d'engin ne les greua, fors aux tēts des manoirs: & auoient ceux du Chastel grans engins qui débrisoient tous les engins de dehors: & en peu d'heure ils en briserent plus de six. Ce siege durant aduint plusieurs fois, que Monseigneur Gautier de Manny s'en issit hors, à tout cent ou six vingts cōpaignons: & alloient outre la riuere, de leur costé, fourrager: & reue-

Aguillon as-
sailli par les
François.

reuenoient, voyant souuent ceux de l'ost, à grans proyes. Or aduint vn iour que Monseigneur Charles de Montmorency, Marechal de l'ost, cheuauchoit, à cinq ou six cens compaignons à cheual: & r'amenoit moult grande proye: qu'il auoit fait recueillir sur le pays, pour l'ost aitailler. Si l'encontra Monseigneur Gautier de Māny, deffous Aguillon. Si s'entreferirent: & y eut dur hutin, & maint homme renuerfē, blecē, & mort, d'une part & d'autre. Les François estoient bien cinq contre vn. Si vindrent ces nouuelles dedās Aguillon. Lors issirent chacun, qui mieus mieus: & le Comte de Pēnebroth tout deuant. Si vindrent tout deuant à la meslee: & trouuerent Monseigneur Gautier de Māny, qui estoit à terre, enclos entre ses ennemis, & y faisoit merueilles d'armes. Tantost fut recoux & remontē. Entendis qu'ils se combattoient fort & asprement, les François chacerent, leur proye fort & asprement, & la meirent à sauuetē: ou autrement ils l'eussent perdue, car les Anglois, qui issirent hors d'Aguillon pour secourir leurs cōpaignōs, s'ēpartirent tantost sur les François, & les ēcarmoucherent, tellement qu'ils les enchacerent, & deliurerent leurs gens qu'ils auoient prins, & en prindrent plusieurs des leurs prisonniers: & à moult grande peine se sauua Monseigneur Charles de Montmorancy: lequel sen reuint moult hastiuement, ainsi comme tout deconfit. Quand ce fut fait, les Anglois retournerent dedans Aguillon: & eurent beaucoup de tels rencōtres & hutins, & souuent, sans les assaux & ēcarmouches qui y estoient presque tous les iours. Vn iour fit on armer tous ceux de l'ost: & commanderent les Seigneurs que ceux de Toulouze, ceux de Carcassonne, ceux de Beaucaire, & leurs Seneschaucēs, assaillissent du matin, iusques à Midy: & ceux de Rouergue, de Caours, d'Agēnois, † à leur retraite, iusques à vespres: & à celuy, qui pourroit gagner le pont de la porte du Chastel, on luy donneroient cent escus d'or. Le Duc de Normandie, pour mieus fournir à celuy assaut, fit venir sur la riuere grande plantē de nefes & de challans. Les plusieurs entrèrent dedans, pour raison de passer celle riuere: & les aucuns passerent au pont. Ceux du Chastel se deffendirent. Finablement les † aucuns se meirēt dedans vne petite naue en l'eau, par deffous le pont: & getterent grans crocs & hauets audit pont leuis. Puis tirerent à eux si fort, que ils rompirent les chaines de fer, qui le pont tenoient: & l'auallerent ius par force. Lors se lancerent François sur le pont, si hastiuement qu'ils trebucherent l'un sur l'autre, tout en vn mont (car chacun d'eux desiroit moult à gagner les cent escus) & ceux d'amont gettoient pierres, pots pleins de chaux, grans mērains, & eau chaude. Si en y eut plusieurs blecez, morts & trēbuche en l'eau des fossez. Toutesfois fut le pont conquis par force: mais il cousta plus qu'il ne valoit: & si ne peurent gagner la porte: ains se trahirent à leurs logis (car il estoit tard: & auoient mestier de reposer) & adonc ceux du Chastel issirent hors, & refirent le pont, plus fort qu'il n'estoit deuant. Le lendemain vindrent deux maistres engigneurs au Duc de Normandie: qui dirent que, s'on leur vouloit liurer bois & ouuriers, ils feroient quatre † chauffaux, qu'on meneroit aux murs du Chastel: & feroient si haux, qu'ils surmonteroient les murs. Le Duc commanda qu'ils les feissent: & fit prendre tous les charpentiers du pays, & payer largement. Si furent faits ces quatre chauffaux, en quatre grosses nefes: mais on y meit longuement: & cousterent grans deniers. Si y fit on les gens entrer, qui à ceux du Chastel deuoient combattre. Quand ils eurent passē la moitié de la riuere, ceux du Chastel decliquerent quatre † martinets, qu'ils auoient faits nouuellement, pour remedier contre lesdits chauffaux. Ces quatre martinets gettoient si grosses pierres, & si souuent sur ces chauffaux, qu'ils furent bien tost froislez: tant que les Gens-d'armes, & ceux qui les conduisoient, ne se peurent dedans garantir. Si se retirerent arriere, le plus tost qu'ils peurent: & ainçois qu'ils fussēt outre la riuere, l'un des chauffaux fut effondrē au fond de l'eau: & la plus grande partie de ceux, qui dedans estoient, furent noyez: dōt ce fut grand dommage, car il y auoit de bons Cheualiers: qui desiroient leurs corps aduancer. Quand le Duc de Normandie veit que par ce ne pourroit venir à son entente, il fit les trois chauffaux cesser, & retraire. Lors il ne peut plus aduiser voye comment il peust le fort Chastel d'Aguillon conquerre: & si auoit dit qu'il ne partiroit, si auroit le Chastel à sa volontē, & ceux qui dedans estoient: si le Roy, son pere, ne le remandoit. Si ordonnerent les Seigneurs de France, que le Connestable de France & le Comte de Tancarville allerent à Paris, par le conseil du Duc. Si recorderent, au Roy Philippe, l'estat du siege d'Aguillon. Si voulut le Roy q son fils, le Duc de Normandie, demourast encores deuant Aguillō, tant qu'il l'eust conquis par famine, puis que par assaut ne le pouuoit auoir. Le Roy d'Angleterre si

Rencontre de Charles de Montmorency & de Gautier de Māny, deuant Aguillon.

† C'est à dire quand les autres se retire roient à midy.

† Entendez des François.

† Sala dit chats.

† Sala dit martinets.

Godeffroy de Harcourt estoit banni de France, & arriva en Angleterre.

† L'an 1346.

necessairement come il se voit par cy deuant, et par cy apres cobie qu'il n'eust icy que

1345. en tous noz.

Excep. ne

mesmes en

l'Abbr. de la

Chaux, s'e tai

sant Sala.

† Combien que

la Chaux die

semblablement

Irois: si est ce

que ie pese que

il faut lire. Ir-

landois. habi-

tans l'Isle d'Ir-

lande, voisine

d'Angl. &

d'Ecosse Ver-

dit Irlois.

Quand aux

Gallois, ce s'ot

ceux de la prin-

cipauté de Gal-

les en Anglet.

** Annot. 68.*

† Je croy qu'il

faut lire gras:

et ainsi l'a Ve-

rrard: & la

Chaux-gras.

† Il entend par

ler de la flotte

des vaisseaux,

par le moye de

la riviere d'Or-

ne sur laquelle

est Caen, non

gueres loing

de la mer. Ce

que confirme la

Chaux, disant

& vous pour

ra vostre na-

uire suyvir

iufqu'à Caë.

d'Aguillon. Si se pensa qu'il meneroit sus vne grosse armée en Gascongne. Si commen-
ça à faire ses pourueances bellement, & à mander gens parmi son Royaume, & aussi ail-
leurs; ou il esperoit en auoir, parmi ses deniers payât. En ce temps arriua en Angleterre
monseigneur Godeffroy de Harcourt: qui estoit banny & chacé de France. Si fut receu
du Roy, & de son hostel: & luy assigna belle terre, & grande, en Angleterre, pour son e-
stat tenir étoffement. Assez tost apres eut le Roy fait venir, au haure de Hantonne, grâ-
de quantité de naues & de vaisseaux: & faisoit celle part traire toutes manieres de Gens-
d'armes & d'Archers. Enuiron le iour saint Iehan Baptiste l'an † mil trois cens quarante
fix se partit le Roy, de la Royne sa femme: qu'il recommanda en la garde du Comte de
Kent son cousin. Si establit le Seigneur de Percy, & le Seigneur de Neufuille, à estre gar-
diens de tout son Royaume, avecques l'Archeuesque d'Yort, l'Euesque de Lincolle, &
l'Euesque de Durem: & ne vuida pas tout son Royaume, qu'il ne demourast assez de Gés
d'armes pour le garder & deffendre, si mestier luy en faisoit. Puis cheuaucha le Roy,
tât qu'il vint sur les marches d'Antonne: & là se tint, tât qu'il eut vêt pour luy, & pour tou-
tes ses gés. Si entra en son vaisfel, & le Prince de Galles son fils, & Monseigneur Godef-
froy de Harcourt, & tous les autres Seigneurs, Comtes, Barons, & Cheualiers, entre
leurs gens, ainsi qu'ordonné estoit. Si pouuoient bien estre en nombre de quatre mille
Hommes-d'armes, & dix mille Archers, sans les Irois & les † Gallois: qui suiuoient l'ost
tous à pied. Or vous nômerôs aucuns Seigneurs, qui estoient avecques le Roy Edouard
& premieremēt Edouard son aîné fils, Prince de Galles (qui lors estoit en l'aage de trei-
ze ans, ou enuiron) le Comte de Herfort, le Comte de Noréton, le Comte d'Arondel,
le Comte de Cornouaille, le Comte de Waruich, le Comte de Hastidonne, le Comte
de Suffort, le Comte d'Agnessfort: & des Barons, Monseigneur de Mortemer (qui puis
fut Comte de la Marche) Monseigneur Iehan, Monseigneur Louis, Monseigneur Ro-
ger de Beauchamp, Monseigneur Regnaut de Gobethgen, le Sire de Montbray, le Sire
de Rooz, le Sire de Lucy, le Sire de Felleton, le Sire de Brafton, le Sire de Labray, le Si-
re de Millon, le Sire de Maulne, le Sire de Basset, le Sire de Barelet, le Sire de Villeby,
& plusieurs autres Seigneurs: & des Bacheliers, Monseigneur Iehan Chandos, Monsei-
gneur fils Vbarnie, Monseigneur Pierre, & Mōseigneur Iames d'Andelee; Mōseigneur
Roger de Verteualle, Monseigneur Barthelemy de Bries, Monseigneur Richart de Pen-
nebruges, & moult d'autres, que ie ne puis nommer. Peu d'estrangers y auoit. Si y estoit
de la Comté de * Haynaut messire Olphas de Guistelles, & cinq ou six Cheualiers d'Al-
lemaigne: que ie ne fay mie nômer. Si singlerent ce iour à l'ordonnance de Dieu, du vêt,
& des mariniers. Si firent assez bon exploit, pour aller deuers Gascongne: ou le R oy
tendoit à aller. Au tiers iour, qu'ils se furent mis sus, le vent leur fut tout contraire, & les
rebouta sur les marches de Cornouaille. Si geurent là, à l'ancre, six iours & six nuits. En
ce termine eut le Roy autre conseil, par l'enhortement & information de Monseigneur
Godeffroy de Harcourt: qui le conseilla pour le mieux, & à faire plus grand exploit, que
il prinst terre en Normandie. Si dit adoncques bien au Roy, Sire, le pays est vn des plus
† grans du monde: & vous promets, sur le bandon de ma teste, que, se vous arriuez là,
vous y prendrez terre à vostre volonté: ne là nul ne vous viendra au deuant, qui riens
vous dure, car ce sont gens en Normandie, qui oncques ne furēt armez: & toute la Che-
ualerie, qui y peut estre, gist maintenant deuant Aguillon, avec le Duc: & trouuerez en
Normandie grosses villes, & riches bastides (qui point ne sont fermées) ou voz gens au-
ront si grand profit, qu'ils en vaudront mieux vingt ans apres: & vous pourra vostre † ar-
mée suiuir, iufques pres de Caen en Normandie. Si vous prie humblement que ie soye
ouy & creu de ce voyage. Le Roy Edouard d'Angleterre (qui pour le temps de lors e-
stoit en sa ieunesse & en sa fleur, & qui ne desiroit fors à trouuer les armes, & ses enne-
mis) finclina de grande volonté aux parolles de Monseigneur Godeffroy de Harcourt:
qui l'appelloit son cousin. Si commanda expressement à tous ses mariniers, qu'ils tour-
nassent vers Normandie: & luy-mesme print l'enseigne de l'Admiral le Comte de Wa-
uich, & voulut luy-mesme estre Admiral pour ce voyage: & se meit tout deuant, cōme
patron & gouuerneur de toute la naue: & singlerent en mer avecques le vent, qu'ils a-
uoient à volonté. Si arriua la naue du Roy Edouard d'Angleterre en l'Isle de Constan-
tin, & sur certain port, qu'on appelle la Hogue saint Wast: & si tost qu'ils furent descen-
dus, les nouvelles s'épandirent tantost, parmy tout le pays, que les Anglois auoient là
pris terre, à grand nombre de gens. Si vindrent messages, accourans à Paris, deuers le
Roy

Roy, enuoyez de par les villes de Constantin. Bien auoit ouy recorder le Roy de France en celle faison, que le Roy d'Angleterre mettoit sus vne grande armée de Gens-d'armes, & que prins auoit vent, sur mer, des bondes de Normandie & de Bretagne: mais on ne sauoit encores quelle part ils vouloient traire. Donc, si trestost que le Roy entendit que les Anglois auoient prins terre en Normandie, il fit hastier son Conneftable le Comte de Guines, & le Comte de Tancarville (qui nouuellement estoient reuenus d'Agillon) & leur dit qu'ils se trahissent deuers Caen, & se tenissent là, & la gardassent, & toute celle marche, contre les Anglois: & iceux respondirent volontiers, & qu'ils en feroient leur pouuoir. Si se partirent du Roy, & de la cité de Paris, à tout grande foison de Gens-d'armes: & tousiours leur en venoit: & cheuaucherent tant qu'ils vindrent en la ville de Caen: ou ils furent receus à grande ioye des Bourgeois de la ville, & des bonnes gens d'environ: qui s'y estoient retraits. Si entendirent les dessusdits Seigneurs aux ordonnances de la ville (qui pour le temps n'estoit fermée) & aussi à faire armes appailler, & pourueoir d'armes chacun, selon son estat. Or reuiendrons au Roy d'Angleterre: qui est arriué en la Hogue saint Wast, assez prez de saint Sauueur le Vicomte, l'heritage de Monseigneur Godeffroy de Harcourt: qui adonc estoit avec les Anglois.

Le Roy d'Angleterre à la Hogue saint Wast, au pays de Constantin en Normandie pour faire guerre au Roy Philippe de Valois. Et fut ceste descente au premier iour de Iuillet 1346. selon Titul & Lillie.

Comment le Roy d'Angleterre cheuaucha en trois batailles par Normandie.

CHAPITRE

CXXII.

QVand la naue du Roy d'Angleterre eut prins terre en la Hogue, & elle fut là toute arriüée sur le sablon, le Roy issit hors de son vaissel: & du premier pied qu'il meit sur la terre, il cheut si roidement, que le sang luy vola hors du nez. Apres le prindrent les Cheualiers, qui empres luy estoient: & luy dirent, Cher Sire, retrayez vous en vostre nef & ne venez meshuy à terre, car veez cy vn petit signe pour vous. Lors le Roy respondit prôptement, & sans delay, Pourquoi? mais c'est vn tresbon signe pour moy, car la terre me desire. De ceste responce furent ses gens moult réiouis. Ainsi se logea le Roy ce iour, & la nuit, sur le sablon. Endementiers déchargea on la naue des cheuaux & de tous leurs harnois: & eurent conseil illecques dedans, comment ils se pourroient maintenir. Si fit le Roy deux Mareschaux en son ost (l'un, Godeffroy de Harcourt, & l'autre, Mōseigneur de Waruich) & Conneftable, Monseigneur d'Arondel: & ordonna le Comte de Hastidonne à demourer sur leur naue, avecques cent ou six vingts Hommes-d'armes, & quatre cens Archers: & puis eurent autre conseil comment ils cheuaucheroient. * Ils ordonnerent leurs gens en trois batailles. L'une iroit d'un lez, tout serrant la marine, à dextre, & l'autre à fenestre: & le Roy, & le Prince son fils, iroyent par terre: & deuoient toutes les nuits les batailles des Mareschaux retraire au logis du Roy. Si commencerent à cheuaucher & aller ces Gens-d'armes, ainsi qu'ordonné il estoit. Ceux, qui s'en alloient sur la mer, & selon la marine, prenoient toutes les nefes, petites & grandes, qu'ils trouuoient: & tant allerent ceux de mer & ceux de terre, qu'ils vindrent à vn bon port de mer, & vne forte ville, qu'on clame Harfleu: & les conquirent tantost. Car les Bourgeois se rendirent, pour doute de mort. Mais pour ce ne demoura mie que toute la ville ne fust robée & prins or & argent, & chers loyaux. Car ils en trouuerent si grande foison, que garçons n'auoient cure de draps fourrez de vert. Et firent tous les hommes de la ville issir hors: & les firent entrer es vaisseaux avecques eux: pource qu'ils ne vouloient mie qu'iceux se peussent rassembler pour eux greuer, quand ils seroient outre passez. Apres ce que la ville de Harfleu fut prinse robée sans ardoir, ils s'epandirent parmi le pays, selon la marine. Si y firent vne partie de leur volonté, car ils ne trouuerent homme, qui la leur déniaft. Et allerent tāt, qu'ils vindrēt à vne bonne ville, grosse, & riche: qui s'appelle Cherbourg. Si en ardirent & roberent vne partie: mais dedans le chastel ne peurent ils entrer, car ils le trouuerent trop fort, & bien garni de Gens-d'armes. Puis passerent outre, & vindrent deuers Montebourg & Valongnes, si la prindrent & roberent toute, & puis l'ardirent. En telle maniere ardirent & roberent grande foison d'autres villes en celle contrée: & conquirent si grand auoir, que merueilles seroit à compter & à nombrer. En apres vindrent à vne moult grosse ville, & bien fermée: qu'on appelle Quarenten: ou il y a moult bon chastel: & adonc y auoit grande foison de soudoyers, qui la gardoient. Adonques descendirent les Seigneurs, & les Gens-d'armes, de leurs nefes: & vindrent deuant la ville de Quarenten, & l'assaillirent roidement. Quand les Bourgeois veirent ce, ils eurent

Chute du Roy d'Angleterre en descendant de sa nef.

** Anno. 69. qui vous monstrea q' s'il n'y a faute en ce reste de cha. il y faut beaucoup mieux imaginer que ce, que l'on y voit. Le doute qu'il n'y faille Barfleu, selon que me monstre l'Euesque d'Auranches, en son 2. liure Latin de l'Estat des Gaules: & de fait ie trouue maintenant Barfleu en Sa la, & Harfleu en Verard, & en la Chaux.*

† Pour ce que ie ne me suis point bien satisfait en l'entente de ce ch. ie laisseray ce passage comme il est. Neantmoins il me semble que il faudroit ainsi lire, Quand le Roy Edouard d'Angleterre (ainsi que vous avez ouy) eut enuoyé ses gens sur la marine avec l'un de ses Mareschaux (qui fut le Comte de VVaruich) & avec autres Capitaines (desquels fut Monsieur Regnant de Gobethen) assez tost apres. † Le liron plus tost fenestre, si ie me contenoie de l'imagination de ce voyage, prenant le dextre costé pour ceux de la marine.

* Annot. 70.

grande paour de perdre corps & auoir, femmes & enfans: Si les firent entrer dedans, mal gré les Gens-d'armes & soudoyers, qui avec eux estoient. Si meirent leur auoir à leur volonté. Car ils sauoient bien qu'il estoit perdu d'auantage. Quand les soudoyers veirēt ils ce, se retrairēt par deuers le chastel (qui estoit moult fort) & ces Seigneurs d'Angleterre ne voulurent mie laisser le chastel fort: mais se trairent en la ville. Puis firent assaillir audit chastel, par deux iours, si fort que ceux, qui dedans estoient, & qui ne veioient nul secours, le rendirent, sauf leurs vies & leur auoir. Si s'en partirent & allerēt autre part & les Anglois firent leur volonté de celle bonne ville, & du fort chastel, & regarderent qu'ils ne le pourroient bonnement tenir. Si l'ardirent tout, & abbatirent: & firent les Bourgeois de Quarenten entrer en leur naue, & aller avecques eux, tout ainsi qu'ils auoient fait ceux de Harfleu, de Charbourg, & de Montebourg, & des villes qu'ils auoient prinſes & pillées sur la marine. Cy parlerons nous vn petit de la cheuauchée du Roy d'Angleterre, aussi bien comme nous auons parlé de ceste. Quand le Roy † Edouard d'Angleterre eut enuoyé ses gens sur la marine l'un de ses Mareschaux, le Cōte de Waruich, Monseigneur Regnaut de Gobethen, ainsi que vous avez ouy, assez tost apres il se partit de la Hogue saint Wast, ou il estoit: & fit Monseigneur Godeffroy de Harcourt conduiseur de tout son ost: pourtant qu'il sauoit les entrées & les issues de toute Normandie. Lequel Mōseigneur Godeffroy se partit, comme Mareschal, de la route du Roy à cinq cens armeures de fer, & à deux mille Archers: & cheuaucha bien six ou sept lieues loing de l'ost du Roy Edouard, en exilant le pays. Si trouuerent le pays gras & plantureux de toutes choses: les granges pleines de bleds, & d'auoines: les maisons pleines de toutes richesses: riches Bourgeois, chars, charettes, cheuaux, pourceaux, moutōs, beufs, qu'on nourrissoit en ce pays là, & les plus beaux biens du monde. Si en prirent à leur volonté, desquels qu'ils voulurent: & les amenerent en l'ost du Roy. Mais les valets ne donnoient point, ne ne rendoient aux gens du Roy, l'or ne l'argent, qu'ils trouuoient ains le retenoient pour eux. Et ainsi cheuauchoit messire Godeffroy de Harcourt, chacun iour, de costé le grand ost du Roy, au † dextre costé: & reuenoit au soir en l'ost à toute sa compagnie, là ou il sauoit que le Roy deuoit loger: & telle fois estoit, qu'il demouroit bien deux iours ou trois, quand il trouuoit grand pays à fourrager. Si print le Roy chemin deuers Saint Lou en Constantin, avec son charroy: mais, ainçois qu'il y paruenist, il se logea sur vne riuere, attendant ses gens, qui auoient faite la cheuauchée sur la marine: ainsi que vous avez ouy. Quand ils furent reuenus, & ils eurent tout leur auoir auoituré, le Comte de Waruich, le Comte de Suffort, messire Thomas de Hollande, & messire Regnaut* de Gobethen, & leur route, reprindrent leur chemin à fenestre, ardent & exilant le pays, ainsi que Monseigneur Godeffroy faisoit: & le Roy cheuauchoit entre les batailles, & tous les soirs se trouuoient ils ensemble.

Du mandement que le Roy de France fit contre le Roy d'Angleterre.

CHAPITRE.

CXXIII.

Ainsi par les Anglois estoit ars & exilé, robé, gasté, & pillé, le bon pays & gras de Normandie. Lors manda le Roy de France Monseigneur Iehan de Haynaut, qui vint à luy moult puissamment, avecques grande Bachelerie de Haynaut & d'ailleurs. Et aussi manda le Roy, par tout, Gens d'armes, Ducs, Comtes, Barons, & Cheualiers, plus grand nombre qu'onques n'auoit esté fait, ne veu en France cēt ans au deuant: & pourtant qu'il mandoit ainsi gens par tout, en loingtaings pays, ils ne furent mie si tost venus n'assemblez: ainçois eut mallement le Roy d'Angleterre couru & ars le pays de Constantin, & de Normandie: ainsi comme il fera dit cy-apres. Ces nouuelles vindrent au Roy de France (qui se tenoit à Paris) comme le Roy d'Angleterre estoit arriué en Constantin, & gastoit tout le pays, à dextre & à fenestre. Dont dit le Roy Philippe, & iura, que iamais ne retourneroient les Anglois, si auroient esté combattus: & les détourbiers & ennus, qu'ils faisoient à ses gens, leur seroient bien chers vendus. Si fit tantost, & sans de lay, ledit Roy escrire lettres à grande foison: & enuoya premierement deuers ses bons amis de l'Empire (pour ce qu'ils estoient plus loing) & aussi au † gentil Roy de Behaigne (que moult aimoit) & à Monseigneur Charles dē Behaigne, son fils: qui deslors s'appelloit Roy d'Allemaigne, & en estoit Roy notoirement, par l'aide & pourchas de Monseigneur son pere, & du Roy de France: & auoit ia enchargé les armes de l'Empire. Si les pria le Roy de France, si acertes comme il peut, qu'ils venussent à tout leur effort. Car

† Il l'a tousiours nommé Charles, depuis le chapitre premier. Mais tous autres tāt

il vouloit cheuaucher contre les Anglois: qui luy ardoient son pays. Les dessusdits Seigneurs ne se voulurent mie excuser: mais firēt leurs amas de Gens d'armes, d'Allemands, de Behaignons, & de Luxembourfins: & s'en vindrent deuers le Roy de France, à grāde puissance. Aussi escriuit le Roy au Duc de Lorraine: lequel le vint feruir à plus de trois cens Lances. Si y vint le Comte de Samines en Saminois, le Comte de Salebruges, le Comte de Flandres, & le Comte Guillaume de Namur, chacun à moult belle route. Vous auez ouy cy dessus l'ordonnance des Anglois, & comment ils cheuauchioient en trois batailles: les Marechaux à dextre & à fenestre, & le Roy, & le prince de Galles, son fils, en la moyenne. Et vous dy que le Roy cheuauchoit à petites iournées, & tousiours estoient ils logez entre tierce & midy: & trouuoient le pays si plantureux, & si garni de tous viures, qu'il ne leur conuenoit faire nulles pourueues, fors que de vins. Si en trouuoient ils assez par raison. Et n'estoit point de merueilles, se ceux du pays estoient effrayez & ébahis. Car, auant ce, ils n'auoient oncques veu nuls Hommes d'armes: ny ne sauoient que c'estoit de guerre, ne de bataille. Si fuyoient deuant les Anglois, de tant loing qu'ils en oyoient parler: & laissoient leurs maisons & leurs granches toutes pleines & si n'auoient art ne maniere du sauuer, ne du garder. Le Roy d'Angleterre & le Prince de Galles, son fils, auoient en leur route environ trois mille Hommes d'armes, six mille Archers, & dix mille Sergens de pied, sans ceux qui cheuauchioient avecques les Marechaux. Si cheuaucha ledit Roy en telle maniere que ie vous dy, ardant & exilant le pays sans point briser son ordonnance: & ne tourna point vers la cité de Constances: ains s'en alla par deuers la grosse ville de Saint Lou en Constantin: qui pour le temps estoit vne bonne ville, riche, & marchande: & valoit trois fois autant que la cité de Constances. En celle ville de Saint Lou auoit tresgrande draperie, & grosse, & grande foison de riches Bourgeois: & trouua on biē en ladite ville de Saint Lou manāst huit ou neuf vingts, que Bourgeois, que gens de mestier. Quand le Roy d'Angleterre fut venu assez pres, il se logea dehors, & ne voulut oncques loger en la ville, pour la doute du feu. Si enuoya ses gens deuant: & fut tantost la ville prinse, & courue à peu de fait, & robée par tout: n'il n'est homme viuant, qui peust penser ne croire le grand auoir, qui fut là gaigné & la grande foison de draps, qu'ils y trouuerent: & en eussent fait grand marché, s'ils eussent trouué qui les acheptast. Puis se meirent les Anglois à chemin deuers Caen: qui encores est plus grosse ville, & plus forte, & pleine de tresgrande draperie, & de toutes marchandises, & de riches Bourgeois, & de nobles Dames, & de belles eglises: & par especial y a deux grosses Abbayes, moult riches: l'une de Saint Estienne, & l'autre de la Trinité. A l'un des costez de la ville sied vn chastel: qui est vn des beaux de Normādie: & en estoit Capitaine messire Robert de Blargny, avecques trois cens Geneuois. Au corps de la ville estoit le Comte d'Eu & de Guines, Cōestable de France, le Comte de Tancarville, & foison de Gens d'armes. Le Roy cheuaucha celle part tout sagement: & remeit ses batailles ensemble: & se logea celle nuit sur les champs, à deux petites lieues de Caen, en vne ville, & sur vn haure, qu'on appelle † Hautstrehan: & là fit amener son nauire le Comte de Hastidon: qui en estoit conduiseur & patron. Le Connestable de France & les autres Seigneurs, qui là estoient assemblez, guetterent moult la ville de Caen celle nuit & le lendemain s'armerent, & aussi tous les Bourgeois de Caen. Puis se trairent, & ordonnerent adonc le Connestable & le Comte de Tancarville, que nul ne vuidast la ville, ains gardassent les portes, le pont, & la riuere, & laissassent les premiers faubourgs aux Anglois: pource qu'ils n'estoient point fermez. Car encores seroient ils bien embesongnez de garder le corps de la ville: qui n'estoit fermée que de la riuere. Ceux de la ville dirent qu'ils traïroyent sur les champs, car ils estoient fors assez pour combattre le Roy d'Angleterre. Quand le Connestable veit la grande volonté d'eux, il respondit, Ce soit au nom de Dieu, vous ne combattrez mie sans moy. Lors se meirent au dehors de la ville en bonne ordonnance: & si firent semblant d'eux bien combattre & deffendre, & de mettre leurs vies en aduēture.

De la bataille de Caen: & comment les Anglois prindrent la ville. CHAP CXXIII.

EN ce iour se leuerent les Anglois moult matin: & s'appareillerent pour aller deuant Caen. Puis ouit le Roy messe, deuant soleil leuāt: & apres mōra à cheual, & le Prince son fils, & messire Godeffroy de Harcourt: qui estoit Marechal & gouuerneur de l'ost & † par lequel conseil le Roy ouuroit en partie. Si se trairent tout bellement celle part,

Allemands & Italiens que François, le nomment le hā le faisant fils de l'Emp. Hēry de Luxembourg du nō. † Possible que c'est celui qu'il a nommé de Sauines, sur la fin du ch. 54. & me doute que les deux mots suuans n'ayēt esté adioustés icy de gairē de cœur. Toutesfoi la Chaux dit Sauines en Saumois.

† Ce nōbre me semble bien petit, pour vne ville telle, que il l'a fuit: & broie vo. oitiers huit ou neuf mille, ou pour le moins, huit ou neuf cens si on ne veut entendre que les autres eussent abandonné la ville, et que ce reste y fust demouré seulement les Abr. m'as-seurent maintenant de 8. à 9. mille.

† L'Euesque de Auranche nō me ceste place Hestrehā & Estreham & le cha. suuant Austerhen. Verard dit icy Austrehan. & au ch. suuant Austreghen Mais la Chaux escrit Austrechem.

† par le conseil duquel.

Ancienne maniere de parler

† Je pense que il y faut encore veirer: ou bien lire puis-apres ouir pour voir, entendant du bruit que font les fleches en fendat l'air † de Blargny au ch. preceder & les Abr. VVar gny. † C'est assavoir de dessus son cheual. † Le Connestable de France. & le Comte de Tancarville prisonniers de Thomas de Hollande.

Remonstrances de Godeffroy de Harcourt au Roy Edouard. pour garder de metre le feu en la ville de Caen.

** Anno. 71. et ce pendant sachez que ie suis contrainct de laisser ce pas sage comme il*

leurs batailles rengées: & cheuaucheroient les batailles des Marechaux tout deuant. Si approcherent la grosse ville de Caen. Ceux de la ville, qui festoient mis aux champs contre les Anglois, quand ils veirent les trois batailles des Anglois approcher, & bannieres & pennons à grande planté, & ouirent ces Archers qu'ils n'auoyent accoustumez à veoir, ils furent si effrayez, qu'ils s'en fuirent vers leur ville, sans arroy, malgré le Connestable & tous les Gens d'armes qui là estoient. Adoncques les Anglois les poursuirerent aigrement: & quand ce veirent le Connestable & le Comte de Tancarville, ils se bouterent en vne porte, sur l'entrée du pont, à sauuer, & avecques eux aucuns Cheualiers, car les Anglois estoient ia entrez en la ville. Aucuns Cheualiers & Escuyers, & autres gens François, qui sauoient le chemin vers le Chastel, se trairent celle part: & le Chastellain, Monseigneur Robert † de Margny, les receuoit tous. Car le Chastel est durement grand & plantureux. Si furent tous à sauueté ceux qui là peurent venir. Les Anglois, qui combattoient les fuyans, en firent moult grand' occision, car ils n'en prenoient nuls à mercy. Dont il aduint que le Connestable de France & le Comte de Tancarville (qui estoient montez en celle porte, au pied du pont) regardoient amont & au long de la rue, & veoyent grande occision, car ils n'en prenoient nuls à mercy. Si se doubterent qu'ils n'en cheussent en ce party, entre mains d'Archers, qui point ne les congneussent mais ils apperceurent vn Cheualier (qui n'auoit qu'un oeil) appelé messire Thomas de Hollande, & cinq ou six Cheualier avec luy: lequel ils auoient autrefois veu en Puce, en Grenade, & en autres voyages. Lors l'appellerent, qu'il les voulist prendre à prisonniers: & adonc messire Thomas se trahit celle part à toute sa route, & † descendit, & monta, luy dixseptiesme, en la porte: & trouuerent les dessusdits Seigneurs, & bien vingt & cinq Cheualiers avecques eux: lesques se rendirent tantost à messire Thomas: qui les print † prisonniers. Puis laissa des gens assez pour les garder. Si monta, & vint sur les rues & détourna ce iour mainte grande cruauté faire: & aussi firent plusieurs Cheualiers & Escuyers: & détournerent mainte Bourgeoise, & mainte Dame de cloistre, à violer. Et cheut si bien adonc aux Anglois, que la riuiere de Caen (qui porte gros nauires) estoit si basse & si morte, qu'ils la passoient & repassoient sans le dâger du pont. Ceux de la ville (qui estoient montez en loges & en soliers & en ces estroittes rues, & gettoient pierres, bancs, & mortiers) occirent & méhaignerent ce iour plus de cinq cens Anglois: dont le Roy d'Angleterre fut si courroucé au soir, quand il en ouit la verité, qu'il ordonna que le demourât on meist tout à l'espée, & ladite ville en feu. Mais Godeffroy de Harcourt luy dit, Cher Sire, vueillez affermer vn peu vostre courage: & vous suffise de ce que vous en auez fait, vous auez encores à faire vn grand voyage, ainçois que vous soyiez deuant Calais, ou vous tirez à venir: & si a encore en ceste ville moult grande foison de peuple qui se deffendra en leurs maisons, si on leur court sus: & vous pourroit grâment couster de voz gens, ainçois que la ville fut exilée: parquoy vostre voyage s'en pourroit dérompre. Laquelle chose vous redonderoit à moult grâde honte & blâme. Si épargnez vos gens: qui vous viendront tresbien à point dedans vn mois, car il ne peut estre autrement que vostre aduersaire, le Roy Philippe, ne vous vienne combattre: & trouuez encores des destroits, des passages, des assaux, & des rencontres plusieurs: parquoy les gens, que vous auez, & plus encore, vous auront bon mestier: & sans nul occire, nous serons bien maistres de ceste ville: & nous mettront volontiers hommes, & femmes, tout le leur à nostre bandon. Lors dit le Roy Edouard d'Angleterre, Messire Godeffroy, vous estes nostre Marechal, si en ordonnez, ainsi comme il vous plaira, car dessus vous, quand pour ceste fois, ne vueil ie point mettre regard. Adoncques messire Godeffroy fit cheuaucher sa banniere de rue en rue: & comanda, de par le Roy, que nul ne fust si hardi, sur la hart, de bouter feu, ne d'occire homme, ne de violer femme. Quand ceux de Caen ouirent ce ban, ils recueillirent aucuns des Anglois en leurs hostels, sans rien forfaire: & aucuns ourirent leurs coffres, & abandonnoient tout ce qu'ils auoient, mais qu'ils fussent assurez de leurs vies. Ce nonobstant il y eut dedans la ville de villains faits, de meurtres & de roberies: & ainsi furent les Anglois Seigneurs de la ville, par trois iours: & gainerent moult grand auoir: * qu'ils enuoyerent par barques & par bateaux en Saint Sauueur par la riuiere de Austerhen à deux lieues de là ou leur grosse naue estoit. Et adoncques le Comte de Hostidonne, à tout deux cens Hommes d'armes, & quatre cens Archers, pour ramener leur naue, à tout leur conqueste & leurs prisonniers, arriere en Angleterre. Et acheta le Roy d'Angleterre le Connestable de France & le Comte de Tancarville, de

Mon-

Monseigneur Thomas de Holande, & de ses compaignons: & en paya vingts mille Nobles tous appareillez.

Des maux que firent les Anglois en Normandie: comment messire Godeffroy combattit ceux d'Amiens, deuant Paris: & comment le Roy d'Angleterre fut en Picardie CHA. CXXV.

Ainsi ordonna le Roy d'Angleterre ses besognes, estant en la ville de Caen: & si renuoya sa naue, toute chargée de draps, de ioyaux, & de vaisselle d'or & d'argent, & de toutes autres richesses, à moult grande foison, & de prisonniers, plus de soixante Cheualiers, & trois cens riches Bourgeois. Et, quand il eut fait de la ville de Caen à sa volonté, il s'en partit: & fit cheuauchier ses Mareschaux ainsi comme deuant, l'un à dextre & l'autre à senestre, ardant & exilant le plat pays. Si prindrent le chemin d'Eureux: mais point n'y trouuerent d'acquest, car elle estoit moult bien fermée, mais ils cheuauchèrent deuers vne autre grosse ville: qu'on clame Louuiers, si estoit vne ville en Normandie, ou on faisoit la plus grande planté de draperie: & estoit grosse & riche, & moult marchande. Si entrerēt les Anglois dedans: & la cōquirent à peu de fait, car elle n'estoit point fermée. Si fut toute courue, robée, & pillée, sans deport: & y conquirent les Anglois grand auoir. Lors, quand ils en eurent fait leur volonté, ils passerent outre: & entrèrent en la Comté d'Eureux: qu'ils ardirent toute, excepté les villes fermées & les chasteaux, que le Roy laissa sans assaillir, car il vouloit épargner ses gens & son artillerie. Si se meit sur la riuere de Seine, en approchant Rouen: ou il y auoit foison de Gés-d'armes de Normandie: & en estoit Capitaine le Comte de Harcourt, frere de messire Godeffroy de Harcourt, & le Côte de Dreux. Les Anglois ne tournerent point deuers Rouen: mais allerēt à Gisors: ou il y auoit fort chastel. Si ardirēt la ville. Apres ardirēt Vernō, & tout le pays d'environ Rouē, & le Pōt-de-l'arche: & vindrēt ainsi iusqu'à Mâtes & à Meulenc: & gasterent tout le pays d'environ: & passerēt delez le fort chastel de Robeboise: & par tout trouuerēt ils, sur la riuere de Seine, tous les ponts défaits. Et tāt alletent, qu'ils vindrent iusques à Poissy: & trouuerent le pont rompu: mais encores y estoient les attaches, & les gistes en la riuere. Là seiourna le roy par l'espace de cinq iours. Endemētiers fut le pont refait, pour passer l'ost sans peril: Si coururēt ses Mareschaux iusque biē pres de Paris, & ardirent Saint Germain en Laye, & la Montioye, Saint Cloud; Boulōgne lez Paris, & le Bourg-la-Royne. Si ne furent mie ceux de Paris bien asseurez, car elle n'estoit point adonc fermée. Adoncques fement le Roy Philippe, & fit abbatre les appentiz de Paris, & s'en vint à Saint-Denis: là ou le Roy de Behaigne, Monseigneur Iehan de Hainaut, le Duc de Lorraine, le Comte de Flandres, le Côte de Blois, & grande Baronnie & Cheualerie estoiet. Quand les gens de Paris veirent le Roy partir, ils vindrent à luy, eux gettans à genoux: & dirēt, Haa, Sire & noble Roy, que voulez vous faire? qui voulez laisser la noble cité de Paris? Le Roy dit, Mes bōnes gens, ne vous doutez, ia les Anglois ne vous aprocherōt de plus pres. Pource qu'ils luy disoient ainsi, Noz ennemis sont à deux lieues pres, tantost serōt en ceste ville, quand ils sauront que vous en ferez parti: & nous n'aurōs, qui nō deffende cōtre eux. Sire, veuillez demourer, pour aider à garder vostre bonne cité de Paris, Et, en ce disant, il leur dit. Le m'en vois à Saint-Denis, deuers mes Gens-d'armes, car ie vueil cheuaucher cōtre les Anglois, & les combattre, cōment qu'il soit. Le Roy d'Angleterre se tenoit en l'Abbaye des Dames à Poissy, à la Mi-aoust: & y celebra la solennité Nostre Dame: & fut à table en draps fourrez d'hermines, d'escarlate vermeille, sans manches. Ainsi que le Roy d'Angleterre cheuauchoit, & alloit son ost traināt, cōe dit est, messire Godeffroy de Harcourt, l'un de ses Mareschaux, cheuauchoit d'autre part d'un costé, & faisoit l'auantgarde, à tout cinq cēs hōmes-d'armes, & biē environ treize cēs Archers. Si encontra, de grande aduenture, grād' foison de Bourgeois d'Amiens à cheual, qui s'en alloient, au mandement du Roy Philippe, à Paris. Si furent assaillis viftement de luy & de sa route, & ceux se deffendirent vaillamment, car ils estoiet grande foison, & biē armez, & auoient quatre Cheualiers d'Amiennois Capitaines, & dura ceste bataille moult longuement. Si en y eut de premiere venue plusieurs ruez ius, d'un costé & d'autre, mais finablement les Bourgeois furent prins, & presque tōt morts & cōquirēt les Anglois tout leur charroy, & leurs harnois, ou il y auoit mout de bōnes choses, car ils alloient au Roy de France mout étoffement, pōurant qu'ils n'auoiet esté de grand temps hors de leur cité. Si en y eut de morts, sur la place, bien douze cens. Le Roy d'Angleterre entra au pays de Beauuoisin, en exilant le plat pays: & s'en vint loger

estoit, ne le pouuant bien entendre à mon gré. Toutefois ie li-roie volontiers en ceste sorte qu'ils enuoierent, par barques & par batreaux en seure sauueré par la riuere d'Orne, à deux lieues de là, & iusqu'au haur de Hautstrehan ou leur grosse naue étoit & adonc partit le Comte

Le Roy d'Angleterre à Poissy.

S. Germain en Laye bruslé.

Le Roy d'Angleterre à Poissy, le iour de Nostre Dame en Aoust, tousiours 1346.

Défaite d'aucuns Bourgeois d'Amiens, venans au mandement du Roy Philippe.

*Beauuais pour
neant assailli
par les Anglois*

*Le chasteau
d'Argis brûlé
par les Anglois.*

*L'honnesteté
du Roy d'An-
gleterre enuers
les Damoiselles
du chasteau de
Poys.*

*La ville de Pois
brûlée, & les
deux cha-
steaux abatus.*

à vne moult belle & riche Abbaye, appelée de S. Messien, pres Beauuais. Illec se tint le Roy vne nuit. Le lendemain, qu'il s'en partit, il regarda derriere luy & veit que l'Abbaye estoit toute enflâbee. Si fit tâtost prédre 20. de ceux, qui le feu y auoient bouté, car il auoit deffendu que nul ne violast eglise, ne boutast feu en Abbaye. Le Roy passa delez la cité de Beauuais sans assaillir, car il ne vouloit alouer ses gens, & son artillerie sans raison. Si vint loger ce iour, de haute heure, à vne petite ville: qui est appelée Nully. Les deux Mareschaux de l'ost passerent si pres de la cité de Beauuais, qu'ils allerent assaillir & écarmoucher à ceux des barrières: & partirent leurs gens en trois batailles: & dura leur assaut iusques à remontée, mais la cité estoit bien fournie & fermée: & y estoit l'Euesque: dont la besongne en valoit mieux. Quand les Anglois veirent qu'ils n'y pouuoient riens conquister, ils s'en partirent: mais ils ardirent tous les faux-bourgs rez à rez des portes. Puis vindrent au soir ou le Roy estoit logé. Le lendemain le Roy & tout son ost se délogerent si cheuaucherent parmi le pays, ardent & gastant tout, deuant eux: & vindrēt loger en vn grand village, appelé Grandcuiller. Le lendemain passa le Roy par deuant Argis. Si ne trouuerent les Coureurs nully, qui gardast le chasteau. Si l'assaillirent & le prindrent à peu de fait, & l'ardirent. Puis passerent outre, destruisans le pays d'entour: & vindrent ainsi iusqu'au chasteau de Poys: ou il y auoit bonne ville, & deux beaux chasteaux: mais nul des Seigneurs n'y estoit: fors deux belles Damoiselles, filles au Seigneur de Poys: qui tost eussent esté violées, si n'eussent esté deux Cheualiers d'Angleterre: messire Iehā Chados & le Sire de Basset: qui les deffendirent: & pour le garder, les menerent au Roy: qui pour honneur leur fit bone chere: & leur demanda ou elles vouldroient estre, si dirēt à Corbie. Là les fit le Roy cōduire sās peril. Celle nuit se logea le Roy en la ville de Pois. Si parlerent les bons homes de Poys, & ceux des chasteaux, aux Mareschaux de l'ost, à eux sauuer & non ardoir: & se rançonnerent à vne somme de florins: qu'ils deuoient payer le lendemain, quād l'ost seroit parti. Au matin, le Roy se mit à chemin à tout son ost: & demourerent aucuns, de par les Mareschaux, pour attendre celuy argent, qu'on leur deuoit liurer. Quād ceux de la ville de Poys furent assemblez, ils veirent que les demourans de derriere estoient peu de gens. Si dirent qu'ils ne payeroyent riens: ains coururent sus à ses Anglois, lesquels se deffendirent, & enuoyerent querir secours apres l'ost. Quand Monseigneur Regnaut de Gobeghen, & messire Thomas de Hollande (qui conduisoient l'arrière-garde) entēdirent ce, ils retournerent, en escliant trahi, trahi, & vindrent deuers Poys. Si trouuerent encores leurs compaignons, qui se combattoient à ceux de Poys. Si furent ceux de Pois presque tous occis, & toute la ville arse, & les deux chasteaux abatus. Puis retournerent les Anglois deuers l'ost du Roy, qui estoit venu à Araines, & auoit cōmandé toutes gens loger, sans aller plus auant, & auoit deffendu, sur peine de la hart, que nul ne forfist à la ville, de larcin, ne d'autre chose, car il se vouloit là tenir, vn iour ou deux, pour auoir aduis comment il pourroit passer la riuere de Somme: & bien luy conuenoit qu'il la passast, comme vous orrez recorder.

Comment le Roy de France se print à confusure le Roy d'Angleterre en Beauuoisin, ainsi qu'il vouloit passer la riuere de Somme.

CHAP. CXXVI.

La ville de Fontaines en Picardie brûlée par les Anglois.

OR vueil ier retourner au Roy Philippe de France, qui estoit à Saint-Denis, & ses gens là enuiron, & tousiours luy croissoient gens de tous costez. Il s'en partit, & cheuaucha tant par ses iournées, qu'il vint à Coppigny, les Guise, qui sied à trois lieues pres d'Amiens, & là il s'arresta. Le Roy d'Angleterre (qui estoit à Araines) ne sauoit encore là ou il pourroit passer la riuere de Somme, qui est grosse, large, & parfonde, & si estoient les ponts défaits, & moult bien gardéz de Gens-d'armes. Et adoncques, à la requeste du Roy, ses deux Mareschaux, à tout mille Hommes-d'armes & deux mille Archers, allerent tantost sur la riuere, pour trouuer leur passage, & passerent parmi Longpré, & vindrent au Pont-athemi, qu'ils trouuerent bien garni de foison de Cheualiers & Escuyers, & d'autres gens du pays. Les Anglois se meirent à pied, & assaillirent les François, du matin iusques à prime, mais le pont, & aussi la deffense estoit si bien bastillee, & fut si bien deffendue, que les Anglois s'en partirent sans riens faire. Et vindrent à vne moult grosse ville, qu'on clame Fontaines sur Somme, si l'ardirent, & roberent toute, car elle n'estoit mie fermée. Puis vindrēt à vne autre ville, qu'on apelle Lōgen Pōthieu. Si ne peurēt gagner le pōt, car il estoit biē garni & deffēdu. Si s'en partirent, & cheuaucherent vers Piquegny, & trouuerēt la ville, le pōt, & le chasteau, mout biē garnis, parquoy il estoit impossible de la passer. Ainsi auoit le Roy de France fait garder les destroits & les passages

ges sur la riuere de Somme: à fin que le Roy d'Angleterre & son ost ne peussent passer, car il les vouloit combattre à sa volonté, ou affamer. Quand les deux Mareschaux eurent ainsi tasté & costoyé la riuere de Somme, ils retournerent arriere au Roy d'Angleterre: & luy recorderent que de nul costé ils ne pouuoient trouuer passage. Ce mesmes soir vint le Roy de France gesir à Amiens, à plus de cent mille hommes. Le Roy d'Angleterre fut moult pensif. Si ouit messe, deuant soleil leuant. Lors il fit sonner ses trompettes de délogement. Si fuyirent toutes manieres de gens les bannieres des Mareschaux, si comme le Roy auoit commandé le iour deuant: & cheuaucherent parmy le pays de Vimeu, en approchant la bone ville d'Abbeuille: & trouuerēt vne ville pres d'illecques, ou grande foison de gens du pays festoient recueillis, sur la fiance d'un peu de deffense, qu'il y auoit, mais les Anglois conquirent la ville en venant, & tout ce qui dedans estoit: & y eut tué & prins grande foison d'hommes de la ville, & du pays d'environ: & se logea le Roy d'Angleterre au grand Hospital. Le Roy de France se partit d'Amiēs, & vint à Araines, enuiron heure de midy: & le Roy Anglois s'en estoit parti enuiron prime: & encores trouuerent les François des pourueances de chairs enhastées, pain & pastes en fours, vin en tonneaux & en barilz, & moult de tables mises: que les Anglois auoient laissées, car ils festoient partis d'illec à grande haste. Illecques se logea le Roy de France, en attendant sa Baronnie. Le Roy d'Angleterre estoit en la ville de Nysemēt. Quand ses deux Mareschaux furent reuenus au soir (qui auoient couru tout le pays iusques es portes d'Abbeuille, & esté deuāt Saint-Valery: & là fait vne grāde écarmouche) le Roy meit son conseil ensemble: & fit venir deuant luy plusieurs prisonniers du pays de Ponthieu & de Vimeu, que ses gens auoient prins: & leur demanda le Roy moult courtoisement, s'il y auoit nul d'eux qui sceust qu'il y eust passage deffous Abbeuille, ou nous & noz gens puissions passer sans nul peril. Qui le vouldra enseigner, nous le quitterōs de sa prison, & vingt de ses cōpaignons pour l'amour de luy. Là auoit vn valet, appelé Gobin Agace: qui dit au Roy, Sire, ie vous promets sur ma teste, que ie vous meneray bien à tel pas, ou vous passerez la bonne riuere de Sōme, & vostre ost, sans peril: & y a certaines mettes de passages, que vous passerez, avec douze hommes de front deux fois entre iour & nuit: & n'auront de l'eaue plus auant que iusques aux genoux: mais, quand le flot de la mer est en venant, il regorge la riuere si cōtremont, que nul ne la pourroit passer: & quand ce flot (qui vient deux fois entre iour & nuit) s'en est tout rallé, la riuere demeure là endroit si petite, qu'on y passe bien aisément, & sans danger, à pié & à cheual: & à ce passage y a grauier de blanche pierre, forte & dure: sur quoy on peut fermement charier: & pource l'appelle l'on la Blanche-taque. Si vous aprestez à estre sur la riuere auant soleil leuant. Le Roy dit, Compaignon, si ie trouue vray ce que tu dis, ie te quitteray ta prison, & à tous tes compaignons, & te donneray cens Nobles. Lors commanda le Roy à ses gens que tantost fussent prests au son de la trompette, pour partir de là & aller ailleurs.

Cy parle de la bataille de la Blanche-taque, du Roy d'Angleterre contre messire

Godemar du Fay.

CHAP. CXXVII.

LE Roy d'Angleterre ne dormit mie gramment celle nuit: ains se leua à minuit, & fit sonner sa trompette: & adoncques fut tantost chacun appareillé, & somniers & chars chargez: & se partirent sur le point du iour de la ville d'Oysement, & cheuaucherent sur le conduit de Gobin Agace, tant qu'ils vindrent, enuiron soleil leuant, à ce qu'on clame Blanche-taque: mais le flot de la mer estoit adonc tout grand & plein. Si ne peurent passer. Toutesfois conuenoit il au Roy aussi bien attendre tous ses gens: qui venoient apres luy. Si demoura là endroit iusques apres prime, que le flot s'en fut rallé. Le Roy de Frāce auoit adoncques ses Coureurs sur le pays: qui luy rapporterēt le conuenant des Anglois. Si pensa qu'il enclorroit le Roy d'Angleterre entre Abbeuille & la riuere de Somme, & le prendroit ou combatroit à sa volonté: & deslors qu'il estoit encores à Amiens, auoit il ordonné vn moult grand Baron de Normandie, appelé messire Godemar du Fay, pour garder le passage de Blanche-taque: ou il conuenoit aux Anglois passer, & nō en autre lieu. Si festoit parti messire Godemar, à tout mille Hommes d'armes, & six mille de pied, parmi les Gēcuois. Si estoient venus à Saint-Regnier en Ponthieu, & de là au Crotay: ou ledit passage sied: & auoit amené, ainsi qu'il cheuauchoit celle part, grand' foison de gens du pays: & aussi estoient venus avecques luy ceux d'Abbeuille, moult étoffement: & furent audit passage, au deuant des Anglois, bien en-

Le Roy d'Angleterre deloge soudainement de Araines deuāt le Roy de Frāce

Gobin Agace, prisonnier de guerre en seigneur au Roy d'Angleterre. le gué de la Blanchetaque, en la riuere de Somme.

Il la nagueres nommée Nysemēt. Verard dit icy Oysement, come fait au si Sala mais la Chaux à Oise mōt par tout.

Godemar du Fay, garde du passage de la Blanchetaque,

† Si ce mot n'est
 corrompu, ie
 confesse ne l'en
 tendre pas. Ve-
 rard dit Tour
 uiquiaux:
 mais les Abr.
 s'en taisent.
 † Noz, autres
 Exemp. disent
 bachelereux
 Quoy que soit
 il signifie har-
 di & auantu
 reux.
 † Je doute qu'il
 ne falle icy lire
 les Archers:
 combien q' tous
 noz. Exemp.
 dient comme
 cestuy-cy. La
 Chaux met
 Archers.
 Les Anglois de
 mourez, mai-
 tres du passage
 de la Blanche-
 taque.

uiron 12000. homes qu'vns qu'autres: dont il y auoit bien deux mille † touruiquiaux.
 Lors quād l'ost d'Angleterre fut là venu, messire Godemar du Fay vint renger ses gens
 François sur le pas de la riuiere, pour garder & deffendre le passage. Le Roy d'Angle-
 terre ne laissa mie à passer pour ce: ainçois, quand le flot de la mer s'en fut r'allé, il com-
 manda tantost à ses Mareschaux ferir en l'eau, au nom de Dieu & de saint George.
 Lors se ferit dedans le plus † bacheualeureux, & le mieux monté de tous. Là en la riuie-
 re eut fait mainte iouste, & maint homme renuersé d'un costé & d'autre: & y eut maint
 hutin. Là eut aucuns Cheualiers & Escuyers d'Artois & de Picardie, de la charge mes-
 sire Godemar, qui, pour leur honneur auancer, se meirent audit gué: & auoient plus cher
 à iouster dedans l'eau, que sur terre. Les François se tenoient tous rengez sur le destroit
 du passage de la riuiere: dont les Anglois estoient durement rencontrez, quand ils ve-
 noient à l'issue de l'eau, pour prendre terre. Car il y auoit Gèneuois: qui du trait leur
 faisoient moult de maux. Aussi d'autre part les † Mareschaux d'Angleterre trayoient
 bien vniement. Endementiers qu'ils embefongnoient les François, Gens-d'armes pas-
 soient. Sur le pas de Blanche-taque fut la bataille forte & dure: & mainte belle apperti-
 les Archers: se d'armes eut faite ce iour, d'un costé & d'autre. Finablement les Anglois passerent ou-
 tre, à quelque mechef que ce fust: & se trayoient ainsi qu'ils passoient tous sur les chāps.
 Si passa le Roy, & le Prince de Galles son fils, & tous les Seigneurs. Depuis ne tindrent
 les François guerres de conroy: ains s'en partit qui peut. Quand messire Godemar veit
 la déconfiture, il se sauua au plus tost qu'il peut: & aussi firent plusieurs de sa route: & prin-
 drent aucuns le chemin d'Abbeuille, & les autres celui de Saint-Regnier. Ceux, qui à
 pied estoient, ne peurent fuir: ains en y eut grande planté de ceux d'Abbeuille, de Mon-
 stereul, d'Arras, & de Saint-Regnier, morts & prins: & dura la chace plus d'une grosse
 lieuë. Encores n'estoient mie les Anglois tous outre passez sur le riuage, quand aucuns
 Coureurs, François, especialemēt du Roy de Behaigne, & de messire Jehan de Haynaut
 vindrent sur eux: & conquirent, sur les derniers, aucuns cheuaux & harnois: & si en tue-
 rent plusieurs, sur le riuage, qui mettoient peine à passer. Le Roy de France estoit parti
 d'Araines, celle matinée: & cuidoit trouuer les Anglois sur la riuiere de Somme. Quād
 il ouit dire que messire Godemar & sa route estoient decōfits, il s'arresta sur les champs:
 & demanda à ses Mareschaux qu'il estoit bō de faire. Ceux dirent, Vous ne pouuez pas-
 ser, fors au pont d'Abbeuille, car le flot de la mer est ia reuenue à la Blanche-taque. Lors
 retourna le Roy de France: & vint loger à Abbeuille. Le Roy de d'Angleterre, quand il
 fut outre la riuiere de Somme rendit grans graces à Dieu: & commença à cheuaucher
 par telle maniere, & par telle ordonnance, qu'il auoit fait par deuant. Puis appella Go-
 bin Agace, si le quitta de sa rançon, & tous ses compagnons aussi: & luy fit bailler cent
 Nobles d'or, & un bon rouffin. Depuis cheuaucha le Roy d'Angleterre tout souef: & eut
 ce iour en pensée, de loger en une bonne ville & grosse: qu'ō clame Norelle, & sied pres
 de là. Mais, quand il sceut que la ville estoit à la Comtesse d'Aumarle, sœur à Monsei-
 gneur Robert d'Artois, il assura la ville, & le pays qui à la Dame appartenoit. Si alla lo-
 ger plus auant: mais ses Mareschaux cheuaucherent iusques au Crotay: qui sied sur mer.
 Si prindrent la ville, & l'ardirent toute: & trouuerent sur le port grande foison de nefes,
 barges, & vaisseaux, chargez de vins de Poictou: qui estoient à marchans de Xaincton-
 ge, & de la Rochelle. Si en firēt les Mareschaux charier du meilleur en l'ost du Roy d'An-
 gleterre. Puis courut l'un des Mareschaux iusques es portes d'Abbeuille. Apres retour-
 na vers Saint-Regnier, au dessous, sur la marine: & vint courir iusques à la ville de Saint-
 Esprit de rue. Ces deux batailles des Mareschaux se meirent, le vendredy apres nonne,
 avec la bataille du Roy: & se logerent, toutes trois ensemble, assez pres de Crecy en Pon-
 thieu. Le Roy d'Angleterre estoit bien informé que le Roy de France le suyuoit pour
 combattre. Si dit à ses gens, Prenons cy place de terre, car nous n'irons plus auant, si au-
 rons veu noz ennemis. Et bien y a cause que les attende, car ie suis sur le droit heritage
 de Madame, ma mere: qui luy fut donné en mariage: si le voudray † chalāger contre mō
 aduersaire le Roy Philippe de Valois. Et, pource qu'il n'auoit pas tant de gēs, de la hui-
 tiesme partie, cōme le Roy de France auoit, ses Mareschaux aduiserent un lieu à son ad-
 utāge: & là trahit le Roy son ost. Puis enuoya ses Coureurs deuers Abbeuille: à fauoir se
 fendre quel le Roy de France ce vendredi se traitoit sur les chāps. Ils respondirēt qu'il n'estoit nulle
 que chose, apparence. Lors il dōna congé à ses gēs d'eux retraire à leurs logis pour ce iour, & lende-
 main biē matin, au son des trompettes, estre tous apareillez en celle place. Ce vėdredi,
 tout

† Aucuns es-
 crivent ce vieil
 mot, sans h: et
 signifie vendi-
 quer faire
 fiennne, & def-
 fendre quel-
 que chose,
 cōme telle.

tout le iour, se tint le Roy de France à Abbeuille, en attendant ses gens: & enuoya ses Mareschaux (le Seigneur de Saint-Venant, & Monseigneur Charles de Montmorécy) hors d'Abbeuille, regarder sur le pays, pour sauoir la verité des Anglois. Si rapporterét à heure de vespres, que les Anglois estoient logez sur les champs. Ce soir donna le Roy de France à souper à tous les Seigneurs, qui estoient dedés Abbeuille: voire aux plus grâs Princes. Si furent en moult grand parlement d'armes: & leur pria le Roy, apres souper, qu'ils fussent l'un à l'autre amis & sans enuie, & courtois sans orgueil. Encores attendoit le Roy le Comte de Sauoye: qui deuoit venir à tout mille Lances: dont il auoit esté bien payé à Troye en Champaigne, pour trois mois.

De l'ordonnance des Anglois à Crecy en Pontbieu: qui se meirent en trois batailles à pied.

CHAPITRE

CXXVIII.

LE vendredy (si comme ie vous ay dit) se logea le Roy d'Angleterre en pleins chāps. Car ils trouuerent le pays plantureux de vins & de viandes: & aussi, pour les deffauts qui aduenir pouuoient, grans pourueances & charroy les suiuiroient. Si entendirent à eux mettre à point, & à fourbir leurs armeures. Ce soir donna le Roy à souper aux Cōtes & aux Barons de son ost: & fit bonne chere: & quand il leur eut donné congé d'aller reposer, & il fut demouré delez les Cheualiers de sa chambre, il entra en son oratoire: & fut là à genoux & en oraisons, deuant son autel, en priant Dieu qu'il le laissast lendemain (s'ils se combattoient) issir de la besongne à honneur. Enuiron minuit s'en alla coucher. † Le lendemain se leua assez matin: & ouit messe, & le Prince de Galles son fils: & se cōmunierent: & la plus grande partie de ses gens se confesserent, & meirent en bō estat. Apres les messes dites, cōmanda le Roy à tous ses gēs, à eux armer, & eux traire sur les champs, en la propre place qu'ils auoient deuāt aduisée. Si fit faire le Roy vn grād parc pres d'un bois derriere son ost, & là mettre tous chars & charrettes: & fit entrer dedans ce parc tous ses cheuaux: & demoura chacun Homme-d'armes & Archer à pied: & n'auoit en ce parc, qu'une seule entrée. Apres il fit ordonner, par son Conneftable & ses deux Mareschaux, iusques à trois batailles. Si fut mis en la premiere bataille le ieune Prince de Galles, & auecques luy le Comte de Waruich, le Comte † de Quanfort, messire Godeffroy de Harcourt, messire Regnaut de Gobeghen, messire Thomas de Hollande, Monseigneur Richard de Stanfort, le Sire de Mauue, le Sire de la Ware, messire Iehan Chandos, messire Berthelemy de Bornes, Monseigneur Robert de Neufuille, Monseigneur Thomas de Clifort, le Sire de Boursier, le Sire de la Tumier & plusieurs autres Cheualiers & Escuyers, que ie ne puis nōmer. Si pouuoient estre enuiron huit cēs Hommes-d'armes, & deux mille Archers, & mille brigans parmi les Gallois. Si se trahit moult ordonnément aux champs chacun Sire sous sa banniere & son pennon, & entre ses gens. Et en la deuxiesme bataille furent le Comte de Norhantonne, le Comte d'Arondel, le Sire de Rooz, le Sire de Ligy, le Sire de Vallaby, le Sire de Bassiet, le Sire de Saint-Aubin, messire Louis Tuetō, le Sire de Milletonne, le Sire de la Selle, & plusieurs autres, enuiron huit cens Hommes-d'armes, & douze cens Archers. La tierce bataille eut le Roy pour son corps: c'est assauoir sept cens Hommes-d'armes, & deux mille Archers. Puis monta le Roy sur vn petit pallefroy, vn baston blanc en sa main, l'un des ses Mareschaux à dextre, & l'autre à fenestre: & alla tout le pas, de renc en renc, en admonestant & priant les Seigneurs, qu'ils vouissent entendre à son honneur garder, & à defendre son droit: & ce disoit il si doucement, & de si † lie chere, que, qui fust déconforté se fut recōforté en l'oyāt & regardāt. Quand il eut ainsi visité toutes ses batailles, il fut haute tierce. Si se retrahit en sa bataille: & ordonna que toutes gens mangeassent à leur aise, & beussent vn coup. Si mangerēt & beurēt tout à loisir. Puis trousserēt pots, barils, & pourueances, sur leurs chariots: & reuindrent en leurs batailles, ainsi qu'ordonnez estoient par les Mareschaux: & fassirent tous par terre, leurs bacinets & leurs arcs deuant eux, repofans pour estre plus frais, quand leurs ennemis viendroyent.

L'ordonnance des François à Crecy: & comment ils aduiserent le maintien des Anglois.

CHAP.

CXXIX.

ICeluy iour de Samedy se leua le Roy de France, assez matin: & ouit messe en son hostel, dedans Abbeuille, en l'Abbaye Saint-Pierre (ou il estoit logé) & aussi firent ses gens: & se partit d'Abbeuille apres soleil leuant. Quand il fut élongné de la ville, de deux lieues, approchant ses ennemis, on luy dit, Sire, il seroit bon que vous fissiez enten-

dre à ordonner voz batailles, & laiffiez toutes manieres de gens à pied passer deuant: parquoy ils ne fuffent foulez de ceux de cheual. Lors enuoya le Roy quatre Cheualiers le Moyne de Bafcle, le Seigneur de Noyers, le Sire de Beauieu, & le Sire d'Aubigny. Lesquels cheuaucherent bien pres des Anglois, tant qu'ils peurent bien voir vne partie de leur affaire. Et bien veirēt les Anglois qu'ils estoient là venuz pour les voir: mais ils n'en firent point de semblant: & les laiffèrent tous en paix retourner. Quand le Roy de France veit ses quatre Cheualiers reuenir, il s'arresta sur les champs. Les dessusdits rompirent les presses, & vindrent iusques au Roy: qui leur dit, Seigneurs, quelles nouuelles? Si regarderent tous quatre l'un l'autre, sans mot sonner, car nul ne se vouloit nommer, ne parler auant son compaignon. Finablement le Roy dit au Moyne de Bafcle, qu'il parlât: qui estoit au Roy de Behaigne, & auoit tant fait de son corps, qu'il estoit tenu pour l'un des vaillans Cheualiers du monde. Lors dit le Moyne de Bafcle, Je parleray, Sire, puis qu'il vous plaist, sous correction de mes compaignons. Nous auons cheuauché, & auons veu le maintien de voz ennemis. Sachez qu'ils sont arrestez en trois batailles: & vous attendent. Si conseille de ma partie (sauf tous dits le meilleur conseil) que vous faciez toutes voz gens arrester cy sur les champs, & loger pour ceste iournée, car ainçois que les derniers soient venus iusques icy, & voz batailles soient bien ordonnées, il fera tard. Si feroient voz gens lassez & sans arroy: & trouueriez voz ennemis frais & pourueus. Si pouuez lendemain au matin ordonner voz batailles plus meurement, & par plus grand loisir aduifer voz ennemis, & par quel costé on les pourra cōbattre. Car soyez tout seur qu'ils vous attendront. Le Roy commanda qu'ainsi fust fait. Si cheuaucherent lesdits Mareschaux, l'un deuant l'autre derriere, en disant aux bannieres, Arresterz, bannieres, au nom de Dieu & de Saint Denis. Ceux, qui estoient premiers, s'arrestèrent, & les derniers cheuaucherent: & disoient qu'ils ne s'arresteroient point, iusqu'à tant qu'ils seroient aussi auant que les premiers: & quand les premiers les veirent approcher, ils cheuaucherent auant: & ainsi le Roy ne les Mareschaux ne peurent estre maistres. Si cheuaucherēt sans arroy, si auant qu'ils veoient leurs ennemis. Si tost que les premiers veirent leurs ennemis, ils recullerent tous à un faix desordonné: dont ceux de derriere sebahirēt & cuiderent que les premiers se cōbattissent: & eussent adonc eu biē espace d'aller, deuant ils eussent voulu. Dequoy aucuns y allerent, & aucuns se tindrent tout coy. † Les communes, dont tous les chemins estoient pleins & couuerts, entre Abbeuille & Crecy, quand ils eurent approché leurs ennemis à trois lieues pres, ils tirerent leurs espées, & écrierent. A la mort, à la mort. Et illecques auoit moult grans gens, & si grande multitude de Seigneurs, que chacun vouloit monstrier sa puissance. Si n'estoit nul homme (combien qu'il fust present à la iournée) qui sceust, ne peust, imaginer, ne recorder, la verité (especialement de la partie des François) tant y eut poure arroy & petite ordonnance en leurs grans conrois: qui estoient sans nombre. Et, ce que j'en say & diuiseray en ce liure, ie l'ay appris le plus par les Anglois (qui imaginerent bien leur conuenant) & aussi par les gens Monseigneur Jehan de Haynaut, qui fut tousiours delez le Roy Philippe de France.

*Comencement
du desordre des
François à la
bataille de Crecy
en Ponthieu.*

*J'ay suivy
l'ex. de Verard
pour ce lieu.
Toutefois ieli-
voie volontiers
en ceste sorte.
Quand les
Communes
(dont tous
les chemins
etc.) veirēt
qu'on appro-
choit des en-
nemis à trois
lieues pres
tiraient leurs
espees, etc.
Ce qui est con-
firmé par la
Chaux, disant
ainsi. Lesquels,
quand ils es-
toient à trois
lieues pres,
sacquoient
leurs espees,
etc. Neant-
moins tout re-
uient à un sens.*

Cy parle de la bataille de Crecy entre le Roy de France & le Roy d'Angleterre. CHA. CXXX.

Les Anglois (qui ordonnez estoient en trois batailles, & qui seoyent ius à terre) si tost qu'ils veirent les François approcher, ils se leuerent ordonnément sans effroy, & se rengerent en leurs batailles. Celle du Prince fut toute premiere: dont, les Archers estoient en maniere d'une herse: & les Gens-d'armes au fond de la bataille. Le Comte de Norhantonne, & le Comte d'Arondel, avec leur bataille (qui faisoit la seconde) se tenoyent sur elle bien faitissement, pour conforter le Prince, si l'ocuenoit. Vous deuez sauoir que ces Seigneurs, Roys, Ducs, Comtes, & Barons François, ne vindrent mie iusques là ensemble: mais l'un deuant, & l'autre derriere sans ordre. Quand le Roy de France veit les Anglois, si luy mua le sang: & dit à ses Mareschaux, Faites passer les Gencuois deuant, & commencer la bataille, au nom de Dieu & de Saint Denis. Là auoit de ses Gencuois Arbalestiers environ quinze mille. Si estoient tous lassez d'aller à pied ce iour (six lieues, tous armez) & de porter leurs arbalestes, Si dirent, à leur Conestable, qu'ils n'estoient mie ordonnez adoncques de faire nul grand exploit de bataille. Ces parolles vindrent au Côte d'Aléçō: qui dit, On se doit biē charger de telle ribaudaille: qui faillēt au plus grand besoing. Entre ces choses cheut vne pluye, grosse & espesse, & un tonnoire

& vne t̄eclipse moult terrible: & auant ceste pluye, par dessus les batailles (autant d'un t̄ *A mo' aduis qu'il y faut plus tost elide, venant d'elider: qui signifie éclairer, en matiere d'orages, La Chaux dit esclistre.*) auoient vollé grand' foison de Corbeaux, en demenant moult grand' tempeste. Apres ce, l'air commença à s'éclaircir: & le soleil à luire, moult bel & clair: & l'auoient les François droit aux yeux, & les Anglois par derriere. Quand les Gèneuois furent tous mis ensemble, & ils deurent approcher leurs ennemis, ils cōmencerent à iupper moult espouuentablement, pour les Anglois ébahir: mais les Anglois se tindrent tous cois, n'oncques n'en firent semblant. Secondement encores ainsi iupperent, & puis allerent vn petit: & les Anglois estoient tous cois, sans point mouuoir de leur parc. Tiercement encores iupperent moult haut & clair: & passerent auant. Si tindrent leurs arbalestes, & commencerent à traire: & adonc les Anglois archers passerēt vn pas plus auant. Puis firent voller leurs sagettes de grand randon, tant viuement que ce sembloit neige. Quand les Gèneuois sentirent ces sagettes (qui leur perçoient, bras, testes, & bauleures) les plusieurs couperent les cordes de leurs arbalestes, & les aucuns les iettoient ius. Si se meirent ainsi au retour, tous déconfits: & les Anglois auoient vne grande haye de Gens-d'armes, montez & parez richement: qui gardoient le cōuenant des Gèneuois. Quand le Roy de France veit les Gèneuois retourner, il dit, Or tost tuez ceste ribaudaille: car ils nous empescheront la voye sans raison. Là veissiez Gens-d'armes t̄ entailler entre eux, & frapper & ferir sur eux: & tousiours tiroient les Anglois durement, en la plus grande presse. Si feroient parmi le corps ou parmi les membres, chēuaux & Gens-d'armes: qui estoient là entaillez, moult richement armez & montez. Si trebuchoient parmi ces Gèneuois: si qu'ils ne se pouoient r'auoir, ne releuer. Et là, entre ces Anglois, auoit pillars & Bidaux, Gallois, & Cornouaillois: qui portoient grans coustilles. Si venoient entre leurs Gens-d'armes & Archers (qui leur faisoient voye) & trouuerent les François en ce danger, Comtes, Barons, Cheualiers & Escuyers. Si les occioient par tel estat: & en y eut plusieurs meurtis: dont le Roy d'Angleterre fut depuis courroucé, qu'on ne les auoit prins à rançon. Le vaillant Roy de Behaigne t̄ y fut occis: qui s'appeloit Charles de Luxembourg. Car il fut fils au gentil Roy & Empereur Henry de Luxembourg. Quand il (qui estoit aueugle) entendit l'ordonnance de la bataille, il dit, Ou est mōseigneur Charles mon fils? Ses gens dirent, Nous ne sauons, nous cuidons qu'il se combatte. Lors dit à ses gens, Seigneurs, vous estes mes gens, & mes compaignons & amis à la iournée d'huy. Je vous requier que vous me menez si auant, que ie puisse ferir vn coup d'espée. Les Cheualiers respondirent qu'ils le lairoient enuis. Et adoncques (à fin qu'ils ne le perdissent en la presse) ils le lierent par les freins de leurs cheuaux tous ensemble: & meirent le Roy tout deuant, pour mieux accomplir son desir: & ainsi s'en allerent sur leurs ennemis. Monseigneur Charles de Behaigne t̄ (qui fécioit, l'ay Roy de Behaigne, & en portoit les armes) vint ordonnément iusques à la bataille: mais quand il veit que la chose alloit mal pour les François, il s'en partit. Je ne say pas bonnement quel chemin il print. Le Roy son pere alla si auant sur ces ennemis, qu'il ferit vn coup de son espée (voire plus de quatre) & se combattit moult vigoureusement: & aussi firent ceux de sa compaignie: & si auant si bouterent, que tous y demourerent: & furent lendemain trouuez sur la place, autour du Roy, & tous leurs cheuaux liez ensemble. Le Comte d'Alençon alla moult ordonnément sur les Anglois, & les combattit, & le Comte de Flandres d'autre part. Ces deux Seigneurs, & leurs routes, en costoyant les Archers vindrent iusques à la bataille du Prince: & là se combattirent vaillamment, & moult longuement & tresvolontiers y fust venu le Roy de France (qui veoit leurs bānieres) mais il y auoit vne grand' haye d'Archers au deuant. Ce iour auoit donné le Roy de France vn coursier noir à Monseigneur Iehan de Haynaut: qui l'auoit baillé à Monseigneur Iehan de Fusselles, vn sien Cheualier, qui portoit sa banniere: lequel sur ce coursier tréperça tous les conrois des Anglois. Quand il fut outre à prendre son retour, il trébucha parmi vn fossé, & se bleça durement: & là eust esté mort: mais son page l'auoit poursuy autour des batailles. Si le trouua, qu'il ne se pouoit r'auoir: combien qu'il n'eust autre empeschement que du cheual. Car les Anglois n'issoient point de leurs batailles pour nully prendre ne greuer. Lors descendit le page: & fit tant qu'il releua son maistre, le Seigneur de Fusselles: lequel ne reuint mie arriere: par le chemin qu'il auoit esté: car il n'eust peu bōnemēt pour la presse. Ceste bataille de Samedi, entre la Broye & Crecy, fut felonneuse & cruelle: & y aduindrent plusieurs faits-d'armes: qui ne vindrēt mie tous à cognoissance. Sur la nuit plusieurs Cheualiers & Escuyers Frā-

† C'est à dire, cois perdirent leurs maistres. Si † vaueroient sur les champs: & sembattoient souuent, s'en alloient à petite ordonnance, sur les Anglois: & tantost ils estoient enuahis & occis: car nul n'errant & vaueroit prins à rançon, n'à merci: & ainsi l'auoiēt ordonné les Anglois entre eux. Au † matin aucuns François, Allemans, & Sauoisiens, ouurirent par force les Archers de la bataille du Prince de Galles, & vindrent iusques aux Gens-d'armes cōbattre main à main: & lors la seconde bataille des Anglois (qui se tenoit sur aëlle) vint rafreschir la bataille du Prince: qui en auoit besoing: car autrement elle eust eu à faire: &, pour le peril ou ceux de la premiere bataille se veirent, ils enuoyerent hastiuemēt vn Cheualier de leur conroy au Roy d'Angleterre (qui se tenoit plus-amont, sur la montaigne d'un moulin) & dit le Cheualier, quand il fut venu iusques au Roy, Sire, le Comte de Waruich, le Comte † d'Estanfort, messire Regnaut de Gobeghen, & les autres, qui sont delez vostre fils, sont combattus aigrement des François: parquoy ils vous prient que vous & vostre bataille leurs venez aider: car, si tel effort se multiplie ainsi, ils doutent que vous n'ayt affaire. Si dit le Roy, Mon fils est il mort, ou à terre, ou s'il est blecé, qu'il ne se puisse aider? Le Cheualier respondit, Nenny, Sire, si Dieu plaist: mais il est en dur parti d'armes: si auroit bō mestier de vostre aide. Le Roy dit, Or retournez deuers luy, & deuers ceux, qui cy vo^o ont enuoyé: & leur dites, de par moy, qu'ils ne m'enuoyēt moshuy querir, ne requerre pour aduētūre qui leur aduēne: tāt q̄ mō fils soit en vie: & leur dites que ie leur mande, qu'ils laissent gagner à l'enfant ses esperons: mais ie vueil (se Dieu l'a ordonné) que la journée soit sienne, & que l'honneur luy en demoure, & à ceux, a qui ie l'ay baillé en garde. Lors retourna le Cheualier à ses maistres, & leur compta ces parolles: qui grandement les couragerent: & se repentirent de ce que l'auoient enuoyé. Bien est vray que Mōseigneur Godeffroy de Harcourt (qui estoit en la bataille du Prince) eust volontiers veu que le Comte de Harcourt, son frere, se fust sauué: & ia auoit ouy recorder à aucuns Anglois, qu'on auoit veu sa banniere, & qu'il estoit avec ses gens, venu combattre aux Anglois. Mais Monseigneur Godeffroy n'y peut venir à temps: & fut tué le Comte sur la place: & aussi fut le Comte d'Ammarle, son neüeu. D'autre part, le Comte d'Alençon, & le Comte de Flandres se combattirent moult vaillamment aux Anglois, chacun deffous sa banniere, & entre ses gens: mais ils ne peurent resister à la puissance des Anglois: & furent là occis, & plusieurs autres Cheualiers & Escuyers, dōt ils estoient seruis & accompaignez. Le Comte Louis de Blois, neüeu du Roy de France, & le Duc de Lorraine, serourge d'iceluy Comte, avecques leurs gens & leurs bannieres, se combattirent moult fort: mais ils furent enclos d'une route d'Anglois & Gallois, & furent occis: combien qu'ils y firent moult de prouesses. Aussi furent là tuez le Comte d'Auxerre, le Comte de Sainct-Pol, & moult d'autres. Sur le vespre tout tard, le Roy † (qui n'auoit à son departement que soixante hommes, qu'un qu'autres, fut admōnesté par Monseigneur Jehan de Haynaut (qui là estoit, & l'auoit remonté vne fois, ayant le courfier du Roy esté occis par le trait) de se retirer, en luy disant, Sire, retracez vous, il est tēps, ne vous perdez mie si simplement: si vous auez perdu à ceste fois, vous recouurerez à vne autre. Lors le print par le frein, & l'emmena, ainsi cōme par force: & par-avant il l'auoit ia prié qu'il se voufist retraire. Lors cheuaucha tāt le Roy, qu'il vint au chastel de Broye. Si le trouua fermé car il faisoit ia moult noir & obscur. Lors fit le Roy appeler le Chastellain: qu'il vint sur les guettes, & dit, Qui est ce là, qui appelle à ceste heure? Le Roy dit, Oūtrez, ouurez, Chastellain, c'est la fortune de France. Le Chastellain recognut la parolle du Roy: si faillit auant, & ouurit la porte, & baissa le pont. Si entra le Roy, & sa route: & n'auoit avecques luy que cinq Barons: c'estassauoir messire Jehan de Haynaut, messire Charles de Mommorency, le Sire de Beauieu, le Sire de Aubigny, & le Sire de Mōtfort, Si ne se voulut mie le Roy enserrer illecques: ains beut vn coup: puis s'en partit, avecques les siens, enuiron minuit: & cheuaucha sous guides, qui cognoissoient le pays: tant qu'il vint au poinct du iour en la cité d'Amiens: ou il s'arresta. Ce Samedy les Anglois ne se partirent oncques de leurs conrois, pour chacer apres homme: ains se tenoient sur le pas, en gardant leur place: & se deffendirent contre tous ceux qui les assailloient: & finit ceste bataille à heure de vespres.

Comment le lendemain, apres la bataille, les Anglois déconfirent derechef plusieurs François.

Quand la nuit du Samedi fut toute venue, & qu'on n'oyoit plus iupper ne crier, ne renommer nulle enseigne, ne nul Seigneur, si tindrent les Anglois à auoir la place pour eux, & leurs ennemis déconfits: & adonc ils allumerent grand foison de falots & de tortis: pourtât qu'il faisoit moult brun. Et alors † saualla le Roy Edouard: qui † *C'est à dire, descendit de son mont.* encores de tout ce iour n'auoit mis son bacinet. Si vint à toute sa bataille, deuers son fils, le Prince de Galles: qu'il accola & baïsa, en disant Beau fils, Dieu vous doint bonne perseverance: vous estes mon fils. Car loyaument vous vous estes acquité à ce iour, si estes digne de terre tenir. Le Prince s'éclina tout bas, & s'humilia en honorant le Roy son pere. Celle nuit regracierent les Anglois moult Nostre-Seigneur, par plusieurs fois, de leur belle aduétude: & ne firēt nuls bobans: car le Roy d'Angleterre ne vouloit mie que nul bobant se fît. Quand vint au Dimenche, il faisoit si grand bruine, qu'à peine pouuoit on veoir le long de demi arpent de terre. Lors se partirent de l'ost, par l'ordonnance du Roy & des Mareschaux, enuiron cinq cens lāces & deux mille Archers, pour cheuaucher, & sauoir fils trouueroient nully des François, qui se fussent recueillis. Ce Dimenche matin festoient partis d'Abbeuille, & de Saint Riquier en Ponthieu, les communautés de Rouen & de Beauuais: qui riens ne sauoient de la déconfiture de ce Samedi. Si trouuerēt en leur encōtre les Anglois: & cuidoient que ce fussent François, & se bouterent parmi eux. Quand les Anglois les veirent, ils leur coururēt sus: & y eut grand bataille. Mais les François tantost tournerent en fuite: & ne tindrent point de cōroy. Si en y eut morts par les champs, par les hayes, & par les buissons (ainsi qu'ils fuyoient) plus de sept mille: & s'il eust fait cler, il n'en fust ia échappé pié. Aſsez tost apres, en vne autre route, furent rencontrez de ces Anglois, l'Archeuesque de Rouen, & le Grand-Prieur de France: qui riens ne sauoient de la déconfiture: ains auoient entendu que le Roy se cōbatroit le Dimēche. Là eut grand bataille derechef: car ces deux Seigneurs estoient bien pourueus de bons Gens-d'armes: mais ils ne peurent durer contre les Anglois, que ils ne fussent presque tous morts: & petit s'en échapperēt: & y furent tuez les deux chefs, qui les menoient. Celle matinée trouuerent les Anglois plusieurs François: qui festoient foruoyez le Samedi, & qui auoient geu celle nuit aux champs: & ne sauoient nulles nouuelles du Roy, ne de leurs conduiseurs. Si mettoient les Anglois à l'espée tout tant qu'ils en pouuoient trouuer: & me fut dit que de communauté, & de gens de pié des citez & des bonnes villes de France, il en y eut occis, ce Dimenche au matin, plus de † quatre fois autant que le Samedi, que la grosse bataille fut.

Déconfiture des communautés de Rouen & de Beauuais par les Anglois au iour d'apres la bataille de Crécy.

† Ce passage est raconté selon l'Exemp. de Verrard, estans tornoz autres corrompus en ce lieu. La Chaux dit aussi tels mots. Il eut ce Dimēche au matin plus quatre fois d'occis que le Samedi que la bataille fut.

Comment le lendemain, apres la bataille, les morts à Crecy furent nombrez par les Anglois.

CHAPITRE CXXXII.

CE Dimenche ainsi que le Roy issit de messe, reuindrent les cheuaucheurs & les Archers, qui auoient esté enuoyez, à sauoir si nulle r'assemblée se faisoit des François: & recorderent au Roy ce qu'ils auoient veu & trouué: & dirent qu'il n'en estoit nulle apparence. Adonc enuoya le Roy pour chercher les morts, à sauoir quels Seigneurs y estoient demourez. Si furēt ordōnez pour aller là, messire Regnaut de Gobeghen, & messire Richard de Stanfort, & trois Heraux, pour recognoistre les armes, & deux Clercs, pour escrire les noms. Ceux meirent peine de visiter tout les occis: & chercherent tout ce iour aux chāps: & retournerent au Roy, ainsi qu'il deuoit s'asseoir à soupper. Si firēt iustement rapport de ce qu'ils auoient veu: & dirent qu'onze chefs de Princes estoient demourez sur la place, quatre vingts bānieres, & douze cens Cheualiers, & enuiron trēte mille hommes d'autres gens. Si farresterēt encores les Anglois celle nuit: & le Lundy matin fordonerent pour partir. Si fit le Roy d'Angleterre tous les corps des grās Cheualiers prendre de dessus terre, & porter au mōstier de Mōtereul, & les enseuelir en terre sainte. Et fit sauoir à ceux du pais, qu'il dōnoit trēues trois iours, pour chercher le champ de Crecy, & enseuelir les morts. Puis cheuaucha outre, par deuant la ville de Mōtereul sur mer: & ses Mareschaux coururēt deuers Hedin: & ardirent Vambā & Seram: mais au chastel ils ne peurent riens faire: car il estoit trop fort, & bien gardé. Si se logerent ce Lundy sur la riuēre de Hedin, au lez deuers Blangy. Lēdemain cheuaucherent deuers Boulōgne: & ardirent la ville de Saint-Iosse, & le Neuf-chastel, & puis Esclapes de Lue, & tout le pais de Boulonnois: & passerent le pais de Boulongne, & la forest de Hardelou: & vindrent iusques à la grosse ville de Wisam. Là se logea le Roy, & le Prince, & tous les Anglois: & se rafreschirent vn iour: & le † leudy vindrent deuant la forte ville de Calais.

† Qui fut le dernier iour de Aoust 1346: selon que nous auons dit par la premiere Annot. du chap. 128.

Le siege de Calais assis en forme de ville, par le Roy Edward d'Angleterre. 3. du nom.

Humanité du Roy d'Angl.

DE la ville de Calais estoit Capitaine vn Cheualier de Bourgongne, appelé messire Iehan de Vienne, & auecques luy messire Arnoul d'Andreghe, messire Iehan de Surie, messire Bardo de Belle-bourne, messire Geoffroy de Lamente, messire Pepin de Werre, & plusieurs autres Cheualiers & Escuyers. Quand le Roy d'Angleterre fut venu deuant la ville de Calais, il l'assiegea: & fit bastir & ordonner, entre la ville, la riuere, & le pont de Calais, hostels & maisons, & icelles charpenter de gros mesfriers. Si estoient assises par rues: & les fit couvrir de chaumes & de genefts: & auoit en ceste ville du Roy d'Angleterre toutes choses necessaires à vn ost: & (plus encores) place pour tenir marché le Mercredy & le Samedy: & là estoient merceries, boucheries, halles de draps, de pain, & de toutes choses necessaires: & venoient d'Angleterre & de Flandres: & recouuroit on, pour son argent, son aisement de tout. Auecques ce les Anglois couroient souuent en la Comté de Guines en Tirenois, & iusques aux portes de Sainct-Omer, & de Boulongne. Si ramenoient en leur ost grand' proye: & point ne faisoit assaillir ladite ville de Calais le Roy: car bien sauoit qu'il y perdrait sa peine. Si épargnoit ses gés, & son artillerie: & disoit qu'il affameroit la ville (tant long temps qu'il y peust mettre) si le Roy de France ne venoit leuer le siege. Quand le Capitaine de Calais veit les ordonnances du Roy d'Angleterre, si fit partir toutes menues gens, qui n'auoient point de pourueances: & vuidèrent vn Mercredy, qu'hômes que femmes, & qu'enfans, plus de dixsept cés: & quand ils passerent parmi l'ost des Anglois, & on leur demâda pourquoy ils vuidoient, ils respōdirent qu'ils n'auoient de quoy viure. A donc leur fit le Roy grâce de passer parmi son ost sauement: & les fit dîner bien-largement: & puis leur fit donner à chacun deux esterlins, en charité & aumosne: de quoy les vns prièrent moult pour le Roy.

Comment le Duc de Normandie défit son siege de deuant Aguilon.

CHAP.

CXXXIII.

† C'est assavoir pendant ce siege d'Aguillon.

Mort de Philippe de Bourgogne Comte de Artois.

Saillie d'Anglois d'Aguillon sur les François, leués leur siege.

Courroux du Roy Philippe contre Godemar du Fay.

QUand au Duc de Normandie (qui se tenoit deuant Aguilon, & qui dedans auoit assiege messire Gautier de Manny & les autres Cheualiers d'Angleterre comme dit est dessus) il aduint ce † siege pendât, enuiron la Mi-Aoust, qu'il fit vne écar mouche deuant le chastel d'Aguillon: & tellemēt se multiplia, que la plus grād' partie de l'ost y alla. Adonc estoit là venu nouuellement Monseigneur Philippe de Bourgongne, Comte d'Artois & de Boulongne, & cousin germain audit Duc: lequel estoit moult ieune Cheualier: & si tost que l'écar mouche fut commencée, il s'arma, & monta sur vn courfier grand & fort. Si brocha des esperons, pour venir en l'écar mouche à haste: mais son courfier s'accueillit au cours, & emporta le Cheualier tout malgré luy: si que, en trauerfant vn fossé, le cheual cheut, & Monseigneur Philippe dessous luy. Si fut tellement froissé, qu'onques puis n'eut santé: ains il mourut de celle bleçure.

Assez tost apres, le Roy de France manda son fils le Duc de Normandie, que toutes effoines mises derriere, il se défit du siege, & retourna en France, pour ayder à garder son heritage contre les Anglois. Sur ce le Duc demanda conseil aux Comtes & Barons, qui là estoient: car il auoit dit que point ne partiroit du siege, iusques à tant qu'il auroit prins la forteresse, & ceux qui dedans estoient. Mais il luy fut conseillé, que, puis que le Roy son pere le mandoit si expressement, il pouuoit bien se partir, sans forfait. Et adonc, lendemain au matin, les François se delogèrent au poinct du iour: & troufferent tentes & trefs, & toutes les ordonnances, hastiement: & se meirent en voye vers France. Et adonc les compagnons, qui dedans Aguilon se tenoient, s'armerent & monterent: & issit le pennon de Monseigneur Gautier, tout deuant: & se vindrēt bouter dedans les François (qui n'estoient mie encores tous partis) & en occirent & decouperent plusieurs: & en prindrent plus de quarante, que d'vns que d'autres: qu'ils emmenerent en leur forteresse. Par ces prisonniers ils sceurent la cheuauchée, que le Roy d'Angleterre auoit faite en celle faison en France, & qu'il tenoit siege deuant Calais.

Auant que le Roy de France se partist d'Amiens pour aller à Paris, apres la bataille de Crecy, il fut tellement émeu contre messire Godemar du Fay (lequel n'auoit mie fait son deuoir de garder le passage de la Blanche-taque: parquoy les Anglois estoient passez outre & venus en Ponthieu) qu'il le voulut faire pendre: & à ce s'enclinerent plusieurs

fieurs du Conseil du Roy: qui bien eussent voulu que ledit messire Godemar eust comparé la perte, que le Roy auoit receue à Crecy: & l'appeloient traistre. Mais messire Jehan de Haynaut l'excusa, & refrena le maltalent du Roy, luy remōstrant qu'à peine eust il peu resister à la puissance du Roy d'Angleterre, quand toute la fleur du Royaume de France ensemble n'y peut riens faire. Et assez tost apres vint le Duc de Normandie en France, au Roy son pere, & à la Roïne sa mere: qui volontiers le veirent.

Comment messire Gautier de Manny cheuaucha en France par le Royaume, & vint d'Aguillon deuant Calais.

CHAP. CXXXV.

Depuis ne demoura gueres de tēps que Mōseigneur Gautier de Māny meit en parolles vn grand Cheualier de Normandie: le quel Cheualier il tenoit en prison. Si luy demāda quelle quantité d'argēt il payeroit biē pour sa rançon. Iceluy respondit, Trois mille écus. Lors dit messire Gautier, le say biē que vo'estes du sang au Duc de Normandie, & moult aimé de luy, & trefespecial en son Conseil. Je vous croiray sur vostre foy. Si irez deuers le Duc, vostre Seigneur: & m'impetrez vn saufcōduit, pour moy vingtième tant seulement pour cheuaucher parmi France iusques à Calais, payant courtoisement tout ce que ie dépendray: & se vous le me pouuez impetrer du Duc, ou du Roy, ie vous quitteray vostre rançon: & vous sauray gré: car ie desire moult à veoir le Roy d'Angleterre: & si ne vueil gesir en vne ville, qu'une nuit. Et (si ce ne poutiez faire) vous reuiendrez, dedans vn mois, tenir prison en ceste forteresse. Et sur ce le Cheualier vint à Paris, au Duc son Seigneur: duquel il obtint saufconduit, ainsi que dit est: & le porta à Aguillon, à messire Gautier qui par ce quita ledit Cheualier Normand de sa rançon: & adonc, tātost apres messire Gautier se meit à chemin, à vingt cheuaux: & s'en vint parmi Auvergne: & se nommoit par tout: &, quand il farrestoit en aucun lieu, il monstroit sa lettre: & tantost estoit deliuré. Mais quand il vint à Orleans, il fut là arresté (cōbien qu'il monstra sa lettre) & fut mené à Paris, & mis en prison au Chastelet. Quand le Duc de Normandie le sceut, il alla tantost deuers le Roy son pere: & luy remonstra comment messire Gautier de Manny auoit saufconduit de luy. Si luy requit, tant cōme il peut, qu'il le luy voulsist deliurer: car autrement on diroit qu'il l'auroit trahi. Le Roy respondit qu'il le feroit mettre à mort: & qu'il le tenoit trop pour son grād ennemi. Lors dit le Duc, que, s'il en faisoit ainsi, fust tout certain que iamais ne farmeroit contre le Roy d'Angleterre, ne tous ceux que détourner il en pourroit: & au departir dit le Duc, que iamais en l'ost du Roy n'entreroit. Ainsi demoura ceste chose vn grand tēps: & vn Cheualier de Haynaut, appelé messire Mansart † Desue, pourchaçoit fort ledit messire Gautier: & auoit moult de peine, pour aller & venir deuers le Duc de Normandie. En la fin le Roy fut si conseillé, qu'il fit deliurer messire Gautier de prison, & luy fit payer tous ses frais: & le voulut le Roy veoir: & disna Monseigneur Gautier avec luy, en l'hostel de Nesle, à Paris: & luy fit presenter le Roy dons & ioyaux: qui bien valoient mil florins. Messire Gautier les receut par vne cōdition, que luy venu à Calais, il en parleroit au Roy d'Angleterre, son Seigneur: &, s'il luy plaisoit il les receuroit: &, si autrement il les renuoyeroit. Le Roy & le Duc dirent qu'il auoit parlé cōme loyal Cheualier. Puis print congé messire Gautier d'eux: & cheuaucha tant par ses journées, qu'il vint en Haynaut: & se rafreschit à Valenciennes, trois iours. Puis s'en partit, & vint à Calais: & fut bien venu du Roy d'Angleterre: le quel, quand il ouit que messire Gautier auoit dons du Roy de France, il dit, Sire Gautier, vous nous auez tousiours loyaument serui iusques à ores: & ferez encores, ainsi que nous esperons: renuoyez au Roy Philippe ses presens, vous n'avez nulle cause du retenir, nous auons assez, Dieu merci, pour vous & pour nous: & sommes en grand' volonté de vous bien faire, selon le bon seruice que fait nous auez. Et adonc messire Gautier print tous ses ioyaux, & les bailla à son cousin, Monseigneur Mansart: & luy dit, Cheuachez en France deuers le Roy, & me recommandez à luy: & que ie le remercie moult de fois des beaux ioyaux, qu'il m'auoit presentez: mais ce n'est pas l'aise, ne la paix du Roy d'Angleterre, Monseigneur que ie les reçoie. Et adonc ce Cheualier le fit: mais le Roy ne voulut reprendre les ioyaux: ains les donna audit messire Mansart: qui en remercia le Roy: & n'eut nulle volonté contraire du prendre.

† Ce surnom est ainsi en tous nos Exemp. & le lisez cōme il vous plaira. Toutefois la Chaux escrit Mansart desue

Comment le Comte d'Erby print en Poitou plusieurs villes & chasteaux, & aussi la cité de Poitiers.

CHAP. CXXXVI.

prise de Mirabel en Xaintonge, par les Anglois.

† Perard dit Lusignan, & la Laignen. & la Chaux Luzeguem.

Ceux de saint Jehan d'Angely se rendent aux Anglois.

La ville de Poitiers prise de assaut & pillée par les Anglois.

Vous auez bien ouy cy dessus recorder comment le Comte d'Erby f'estoit tenu toute la saison en la cité de Bordeaux, le siege pendant des François deuant Aguilhon. Si tost qu'il sceut que le Duc de Normandie eut défait le siege, il fit son mandement à tous les Cheualiers & Escuyers de Gascongne, qui Anglois se tenoient. Lors vindrent à Bordeaux le Sire d'Albret, le Sire de l'Esparre, le Sire de Rosam, le Sire de Mucident le Sire de Pumiers, le Sire de Tourton, le Sire de Bouqueton, messire Aimery de Traste, & plusieurs autres: & assembla le Comte douze cés Hommes-d'armes, deux mille Archers, & trois mille pietons. Si passerent toutes ses Gens-d'armes, & leurs routes la riuiere de Garonne, entre Bordeaux & Blaye. Puis prindrent le chemin de Xaintonge: & vindrent à Mirabel: si prindrent la ville d'assaut, & le chastel: & y meirent gens de par eux. Puis cheuaucherent vers Aulnoy: si conquerent la ville & le chastel, &, apres, Surgeres & Bènon: mais au chastel de Marant (qui est à trois lieues de la Rochelle) ne peurent ils riens forfaire: & vindrent à Mortaigne sur mer, en Poictou: & le prindrèt par force & meirèt gens & garnison de par eux. Puis cheuaucherent vers † Laignen: si ardirèt la ville: mais au chastel ne peurent ils riens forfaire. Apres vindrent à Taillebourg: si conquirèt le pont, la ville, & le chastel: & occirèt tous ceux, qui dedàs estoiet: pource qu'en les assaillant ils leur auoient occis vn vaillant Cheualier. Et sachez que le pays estoit si effroyé, que tous fuyoient deuant les Anglois: & s'enclouoiet es bones villes, & laissoiet leurs maisons vagues: & n'y auoit autre apparence de deffense: sinon des Cheualiers & Escuyers de Xaintonge: qui se tenoient en leurs forts, & ne monstroient nul semblant de combattre aux Anglois. Tant exploita le Côte d'Erby, & sa route, qu'il vint deuant S. Jehan-d'Angely: & la fit assaillir. Si n'auoient la ville nuls Gens-d'armes. Et adonc au vespre, quand l'assaut fut failli, Sire Guillaume de Rion, Maire de celle ville, & la plus grand partie des Bourgeois, enuoyerent pour auoir sauconduit pour six de leurs Bourgeois pour venir traiter au Comte. Si l'eurent durant celle nuit, & tout le iour ensuiuant: & adonc, le lendemain au matin, ces bourgeois vindrent en la tente du Comte: si iurerent à estre bons Anglois, tât que le roy d'Angleterre, ou personne forte de par luy, les vouldroit & pourroit tenir en paix enuers les François. Si se rafreschit le Comte quatre iours en la ville & receut l'hommage des Bourgeois: puis s'en vint deuant la ville de Nyort (dont Monseigneur Guischart d'Angle estoit souuerain) & y fit trois assaux, sans riens conquerre. Si s'en partit, & vint au Bourg-Saint-Maximien: qu'il print par force: & occit tous ceux qui dedans estoient. Apres ce, vint deuant Monstreul-boyvin: ou il y auoit plus de deux cens monnoyeurs: qui là forgeoient la monnoye pour le Roy de France: lesquels dirent qu'ils se deffendroient bien, & ne se vouldroient rendre à l'admonnition du Comte. Mais il y eut si fort assaut, que Monstreul-boyvin fut conquis, & ceux de dedans morts. Si rafreschit le Comte le chastel, de nouuelles gés, Puis vint le Comte deuant la cité de Poitiers: qui estoit grande & esparse: si l'assiegea de l'un des costez (car il n'auoit mie assez de gens pour l'assieger de tous costez) & tantost fit assaillir: & ceux de la ville qui estoient grand foison de menus gens, peu aidables) deffendirent si bien la ville, que les gens du Comte n'y peurent riens forfaire: ains se retrahirent en leurs logis, tous lassez. Le lendemain aucuns Cheualiers du Comte s'armerent: & cheuaucherent autour de la ville. Puis firent leur rapport, au Comte, de ce qu'ils auoient trouué & veu. Lors eut conseil d'assaillir, le lendemain, en trois lieux, & de mettre la greigneur partie de ses Gens d'armes, & Archers, à vn endroit, ou il faisoit le plus foible: & ainsi fut fait. Si n'auoit adonc en la ville plus nul gentil Cheualier, qui sceust que c'estoit d'armes: & aussi n'estoient mie foisonnez de gens experts en armes: parquoy ils ne peurent pas si tost courir, n'aller de l'un à l'autre. Si entrerent par cest assaut les gens du Comte, par le plus foible costé. Quand ceux de dedans se virent ainsi conquis, ils s'en-fuirent, le plustost qu'ils peurent, par les autres portes (car il y auoit plusieurs issues) mais il en demoura de tuez plus de sept cens: car les gens du Comte mettoient tout à l'espee, hommes, femmes, & petis enfans. Si fut la cité toute courue & robée: qui estoit pleine de grans biens, tant des habitans d'icelle cité, comme de ceux du plat pays: qui la estoient retraits. Si destruisirent les gens du Comte plusieurs eglises, & y firent grans dérois: & plus eussent fait, mais le Comte commanda sur la hart, que nul ne boutast le feu en Eglise, n'en maison. Car il vouloit se tenir là dix ou douze iours. Lors cesserent en partie les maux à faire: mais encores en fit on assez en larrecin. Si tint le Comte la cité douze iours: & plus l'eust tenue, s'il eust voulu. Car nul

ne la

ne la luy venoit chalanger: mais trembloit tout le pais: car riens n'y estoit demouré, hors les grans garnisons. Le Comte s'en partit de Poitiers: & la laissa vague (car elle n'estoit point tenable: tant estoit de grand' garde) & au departement ses gens estoient tant chargez d'auoir, que là ils auoient trouué, qu'ils ne faisoient cōpte de draps: fors d'or & d'argent, & de pennes. Si retournerent, par petites iournées, à Saint-Iehan d'Angely. Là ils se reposerent vne espace de temps: & en ce iour dōna le Comte grans ioyaux aux Anglois, & aux Dames & Damoiselles de la ville: & leur donnoit presque tous les iours, dîners & souppers, grans & beaux: & les tenoit tousiours en réueil. Si acquit tant leur grâce, qu'ils disoient communément de luy, que c'estoit le plus noble prince, qui peust cheuaucher sur pallefroy. Puis print congé d'eux: & fit au Maire, & aux plus riches Bourgeois, renouueller leurs sermens, qu'ils tiendroient & garderoient la ville, ainsi comme le bon heritage du Roy d'Angleterre. Puis cheuaucha le Comte à tout son arroy, par les fortereffes, qu'il auoit conquises: tant qu'il vint à Bordeaux. Là donna congé à toutes manieres de gens: & les remercia grandement de leur seruice.

† Je doute que il n'y faille lire Angelins pour ceux de S. Iehā d'Angely: & peu apres en réiouiſſance pour en réueil. De quoy m'asseurent les deux Abre. François.

Comment le Roy d'Eſcoce, au temps du ſiege de Calais, vint à oſt en Angleterre.

CHAPITRE CXXXVII.

IE me suis longuement tenu à parler du Roy Dauid d'Eſcoce: mais iusques maintenant ie n'ay eu nulle cause d'en parler. Car, si-comme cy dessus est contenu, les tréues, qu'ils prindrent & dōnerent par accord l'un à l'autre, furent tenues sans enfreindre. Or aduint que, quand le Roy d'Angleterre eut assiegé la ville de Calais, les Eſcoçois fauiferent qu'ils feroient guerre aux Anglois; & contreuengeroient les grans ennuis, qu'ils leur auoient faits. Car leur pays estoit maintenant vuide de Gens d'armes: & en auoit grand' foison le Roy d'Angleterre avecques luy, deuāt Calais. Si en auoit en Bretagne, en Poictou, & en Gascongne. A ceste guerre rendit grand' peine le Roy de France: à fin que les Anglois fussent si embesongnez, qu'il leur conuenist briser le ſiege, & retourner en Angleterre. Or fit le Roy Dauid son mandement à estre en la ville de † S. Iehan-sur-Taye, en Eſcoce. Là vindrent tenir leur parlement les Comtes, les Prelats, & les Barons d'Eſcoce: & furent tous d'accord qu'au plus hastiuement, qu'ils pourroyent, ils entreiroient en Angleterre. Si fut prié & mādē Iehan des Aduilles, qui gouernoit les Eſcoçois sauages, † qu'il obeist à luy, & non à autrui: & y vint à tout trois mille hommes, des plus outrageux de son pays. Quand tous les Eſcoçois furent assemblez, ils furent bien, qu'vns qu'autres, cinquante mille combatans: & oncques ne sceurent faire leur assemblée si secrettement, que la Roïne d'Angleterre (qui se tenoit au Nort, sur les marches d'Ebruich) n'en fust toute informée. Lors fit elle escrire & mander tous ceux, qui se tenoient du Roy d'Angleterre: & s'en vint tenir en la cité d'Yorc (qu'on dit Ebruich) en la contrée de Northombelande: & adonc s'emeurent plusieurs Gens d'armes & Archers (qui estoient encores au pays) & vindrent deuant Neufchastel-sur-Thin, ou la Roïne les manda. Endementiers partirent les Eſcoçois, de Saint-Iehan-Deston: & vindrent ce premier iour loger à Donfremelin. Le lendemain passerent vn petit bras de mer (qui là est) le Roy vint à Esturmelin, & là passa, à l'estroit, l'eau. Le second iour vint il à Handebourg. Illecques se rassemblerent les Eſcoçois, si estoient bien trois mille armeures de fer, Cheualiers & Escuyers: & biē trente mille hommes, montez sur haquenées. Si vindrent à Rosebourg, la premiere fortteresse d'Angleterre, à ce costé: de laquelle Monseigneur Guillaume de Montagu auoit la garde: & iadis l'auoit bastie contre les Eſcoçois. Ce chastel est bel & moult fort: & passerent outre les Eſcoçois, sans l'assaillir: & se vindrent loger entre Precy & Lincole, sur vne riuere: & commencerent à destruire & ardoir la Comté de Northombelande: & coururent leurs coureurs iusques à Ebruich, & ardirent tout ce qui au dehors du mur estoit, & tout contreal la marine. Puis reuindrent à leur oſt, à vne iournée pres de Neufchastel-sur-Thin.

† C'est vn fleuve, que les descriptions nommēt Taus, & luy tātost Deston, ou de Taon.
† Combien que il semble dire que ce Iehan des Aduilles fust prié d'obeir au Roy, &c. neātmoīs ie liroye volontiers ainsi, & obeissoient à luy & non à autre: encore que ie n'aye que luy qui parle de cest article: sinon que par ma cinguième reuēūe ie trouue tels mots en la Chaux. Et fut adōc prié & mandē Iehan des Aduilles qui gouernoit les Eſcots sauages auquel ils obeissoient & non à autrui qu'il vouſist estre en leur armee & cōpaignie.

Cy parle de la bataille de Neufchastel-sur-Thin, du Roy d'Eſcoce & de la Roïne d'Angleterre.

CHAPITRE CXXXVIII.

LA Roïne d'Angleterre (qui desiroit à deffendre son pays, & garder de tous encombriers) pour mieux monſtrer que la besongne estoit sienne, s'en vint iusques à Neufchastel-sur-Thin. Et illecques se logea, & attendit ses gens: qui tousiours venoient des marches de Nort, & du pays de Northombelande, & de Galles: qui marchoit

† C'est à dire, petits hameaux, qui sont quelques maisons de cōpaignie, reculees hors de leurs villages & bourgades.

assez pres de là. Les Escotois (qui sauoient que le mandement des Anglois se faisoit au Neufchastel) se trahirent celle part. Si enuoyerent leurs coureurs courir deuant la ville: lesquels à leur retour ardirent aucuns † hamelets, qui là estoient tāt que les flameches & les fumées s'en volerent dedans la ville. Si voulurent les Anglois issir sur ceux, qui ce faisoient: mais leurs souuerains ne les laisserent issir. Le lendemain le Roy d'Escoce à bien quarante mille hōmes, qu'vns qu'autres, s'en vint loger à trois petites lieues Angloiches pres du Neufchastel-sur-Thin, en la terre du Seigneur de Neufuille: & mādèrent à ceux, qui estoient dedās la ville du Neufchastel, que, s'ils vouloient issir hors, ils les cōbatroient volontiers. Les Barons & Prelats d'Angleterre respondirent qu'ouy & qu'ils aduentureroient leurs vies, avec l'heritage de leur Seigneur le Roy Anglois. Si se retrahirent tous sur les champs: & se trouuerēt enuiron douze cēs Hōmes-d'armes, trois mille Archers, & sept mille autres hommes, parmi les Gallois. Les Escotois s'en vindrent vn iour loger deuant eux, & les Anglois d'autre part: & se meist chacun en ordonnance de bataille: & adonc la Roïne d'Angleterre vint là ou ses gens estoient: & y fut tant, que ses gens furēt tous ordōnez en quatre batailles. La premiere gouernoit l'Euesque de Durē, & le Sire de Perfy: la secōde, l'Archeuesque d'Yorc, & le Sire de Neufuille: la tierce, l'Euesque de Lincole, & le Sire de Montbray: la quarte Monseigneur E douard de Bailleul, souuerain de Waruich, & l'Archeuesque de Cantorbie, & le Sire de Rooz. Si eut chacune bataille sa droite portion de gens-d'armes & d'Archers, selon leur aisement: & là estoit la Roïne d'Angleterre parmi eux: qui prioit de bien faire la besongne, & garder l'honneur de son Seigneur le Roy d'Angleterre: & que, pour Dieu, chacun se teinst prest d'estre bon combattant: & luy eurent en cōuenant, qu'ils s'en acquitteroient loyaument, à leur pouuoir, autant, ou mieux, que si leur Seigneur y estoit personnellement. Lors se partit la Roïne, de ses gens: qu'elle commanda en la garde de Dieu, & de Monseigneur saint George: &

Commencemēt de la bataille de Neufchastel sur Thin, entre les Angl. & Esco. la ou fut pris le Roy David d'Escoce.

* Annot. 72.

tantost apres les batailles des Escotois s'emeurent, & aussi firent celle des Anglois. Lors cōmencerent les Archers à traire d'un costé & d'autre: mais le trait des Escotois ne dura mie grand' foison: & les Archers d'Angleterre tiroient de grand' force: & quand les batailles se furent approchées ensemble, il y eut dure besongne, forte, & bien combatue. Si cōmença la bataille enuiron heure de tierce: & dura iusques à heure de nōne. Les Escotois tenoient haches dures, & bien trenchās: dont ils donnoient grans horions. Mais finablement les Anglois obtindrēt la place: mais il leur cousta grādement de leurs gens. Si y demourerent morts, des Escotois, * le Côte de Sys, le Comte Dostre, le Comte Patris, le Comte de Suthirlant, le Côte Dastredare, le Comte de Mare, le Comte Iehan de Donglas, & Mōseigneur Alexandre de Rameray (qui portoit la bāniere du Roy) & plusieurs autres Barons, Cheualiers, & Escuyers. Et là fut le Roy prins: qui hardiment se cōbattit, & fut dūremēt nauré au prendre, d'un Escuyer de Northombelande, appelé Iehan Coppeland: lequel (si tost qu'il tint le Roy) se bouta hors de la presse, luy huitième de cōpaignons, qui estoient de sa chambre: & cheuaucha tout le iour tant qu'il éloigna la place, ou la besongne auoit esté faite, enuiron quinze lieues: & vint ce iour au vespre en vn chastel, qu'on clame Chastel-orgueilleux: & dit bien qu'il ne rendroit le Roy d'Escoce à hōme, n'à femme, fors à son Seigneur le Roy d'Angleterre. Ce iour furent prins le Côte de Moray, le Côte de la Marche, Monseigneur Guillaume de Donglas, Monseigneur Robert de Werfy, l'Euesque † d'Abidāne, l'Euesque de Saint Andry, & plusieurs autres Cheualiers & Barons: & en y eut de morts, qu'vns qu'autres, enuiron quinze mille: & le demourant se sauua au mieux qu'il peut. Et fut ceste bataille assez pres de Neufchastel-sur-Thin, l'an mil c c c x l v i. le Samedy † prochain d'apres la Saint Michel.

† Ce peut estre en Latin Aberdoma & Abredin en Escotois.

† Iour de la prise du Roy David d'Escoce, en l'an 1346 cōme veut aussi Villani, parlant du 26. de Octobre.

Cy parle de Iehan Coppeland: qui print le Roy d'Escoce: & quel profit il en recout.

CHAPITRE

CXXXIX.

QVand la Roïne d'Angleterre (qui se tenoit au Neufchastel) entēdit que la iournée estoit pour elle & pour ses gens, si monta sur vn palefroy, & vint sur la place, ou la bataille auoit esté. Et lors luy fut dit que le Roy d'Escoce estoit prins par vn Escuyer, appelé Iehan Coppeland: qui l'auoit mené avecques luy: mais on ne sauoit quelle part. Si fit la Roïne escrire audit Escuyer, qu'il luy amenast son prisonnier le Roy d'Escoce: & que pas bien à point n'auoit fait son gré, quand ainsi l'en auoit mené hors des autres, sans congé. Tout ce iour se tindrent les Anglois sur la place que gaignée auoient, & la Roïne avecques eux: & le lendemain ils retournerent en la ville de Neufchastel.

Quand

Quand les lettres de la Roïne furent par vn Cheualier presentées à Iehan Coppeland, il respōdit que le Roy d'Escoce, son prisonnier, il ne rendroit à homme, n'à Dame nulle, fors à son Seigneur le Roy d'Angleterre: & qu'on fust tout seur de luy: & qu'il le pensoit garder si bien, qu'il en rēdroit bon cōpte. Et adōc la Roïne fit escrire lettres, qu'elle enuoya au Roy d'Angleterre, son Seigneur: qui estoit deuant Calais. Par ces lettres fut informé le Roy, de l'estat de son Royaume. Lors il manda tātost à Iehan Coppeland, qu'il venfist parler à luy deuant Calais: lequel Iehan meit son prisonnier en bōnes gardes, en vn fort chastel, sur les marches de Northōbelāde & de Galles. Puis se meit à chemin par mi Angleterre, & vint à Douures, ou il se meit en mer: & arriua deuant Calais. Quād le Roy d'Angleterre veit l'Escuyer, si le print par la main, en luy disant, Haa, bien vienne mon Escuyer, qui par sa vaillāce a prins mon aduerfaire le Roy d'Escoce. Iehan Coppeland se meit d'vn genouil deuant le Roy, & luy dit, Se Dieu m'a voulu consentir si trefgrād' grāce, qu'il m'a donné le Roy d'Escoce, & ie l'ay conquis par faict d'armes, on n'en doit pas auoir enuie sur moy: car aussi bien peut Dieu enuoyer sa grāce & sa force, quād il échet, à vn poure Escuyer, comme il fait à vn grand Seigneur. Et, Sire, ne me vueillez fauoir nul malgré, si ie ne le rēdy tantost au mādement de Madame la Roïne: car ie tiēde vous, & mon serment ay de vous, non d'elle, fors tout à poinct. Le Roy luy dit, Iehā le bon seruice que vous nous auez fait, & la vaillāce de vous, vaut biē que vous en soyez excusé: & honnis soiēt tous ceux, qui vous portent rācune. Vous retournerez en vostre maison, & prédrez vostre prisonnier le Roy d'Escoce, & le menerez à ma femme: & en nō de remuneratiō, ie vo' assigne, aupres de vostre hostel, tout ce qu'aduifer on pourra, iusques à cinq cens liures de rente à l'Estherlin, par an, de reuenue: & vous retien Escuyer de mon corps, & de mon hostel. Et adonc Iehan Coppeland au tieris iour s'en partit de deuant Calais, & retourna en Angleterre. Quād il fut venu en son hostel, il assembla ses amis, & ses voisins: lesquels, avecques Iehan Coppelād, prindrent le Roy d'Escoce, & le menerent en la cité d'Ebruich, & là le presenta, de par son Seigneur le Roy d'Angleterre, à la Roïne d'Angleterre: & l'excusa si sagement, qu'elle s'en tint pour bien contente. Quand la Roïne eut entendu à pourueoir bien & grossièrement la cité d'Ebruich, le chastel de Rosebourg, la cité de Durem, la ville de Neufchastel-sur-Thin, & toutes les garnisons & les marches d'Escoce, & laissé au pays de Northōbelande le Seigneur de Prey & le Seigneur de Neufuille, comme souuerains, pour entendre à toutes ses besongnes, elle se partit d'Ebruich, & retourna à Londres. Lors elle fit mettre, au fort chastel de Londres, le Roy d'Escoce, le Comte de Moray, & tous les autres prisonniers: & ordonna de bonnes gardes sur eux. Lors elle se meit en mer à Douures, & eut bon vent: tellement qu'elle arriua tantost deuant Calais, trois iours auant la feste de Toussaincts. Dequoy le Roy d'Angleterre tint court: & ordonna vn grād disner, à tous les Seigneurs qui là estoient, & à toutes Dames principalement. Car la Roïne en auoit amené grand' foison, tant pour l'accompagner, comme pour venir veoir peres, freres, sœurs, & amis, qui se tenoient au siege deuant Calais.

Iehan Coppelād ayāt prins le Roy d'Escoce, va deuers le Roy Edouard au siege de Calais.

Iehā Coppelād presente le Roy David, son prisonnier, à la Roïne d'Angleterre.

La Roïne de Angleterre à Calais, trois iours deuant la Toussaincts; tousiours

1346.

Comment le ieune Comte de Flandres fiança la fille du Roy d'Angleterre, par la contrainte des Flamens: & comment il se tira subtilément en France, sans l'espouser.

CHAPITRE

CXL.

LE siege se tint longuement deuant Calais. Si aduint de moult grans aduenturés, & belles: desquelles ie ne pourroye mie la quatrième partie descrire. Car le roy de France auoit fait establi tant de Gens-d'armes es fortrefesses, en la marche des Comtez de Guines d'Artois, & de Boulongne, & autour de Calais & tant de Géneuois, Normans & autres en naire sur mer, que les Anglois, qui vouloient issir hors, à cheual ou à pié, pour aller fourrager & aduēturer, trouuoient souuent des rencontres dures & fortes. Et aussi y auoit souuēt † paleties & écarouches contre les portes, & sur les fosses: dōt point ne se departoiēt sans morts, & sans naurez. Vn iour perdoiēt les vns: vn autre iour perdoiēt les autres. Le Roy d'Angleterre & ses consuls estudierent, nuict & iour, à faire engins & instrumens, pour mieux oppresser ceux de Calais: lesquels contrēpensoient & faisoient tant, que riens ne les pouuoit greuer. Mais nulles pourueances ne leur pouuoient venir: fors en larrecin, & par deux mariniers (qui estoient maistres & conduiseurs de tous les autres) desquels l'on nōmoit l'un Marant, & l'autre Mestriel: & estoient ceux demourās à Abbeuille. Par ces deux mariniers estoiet moult souuēt ceux de Calais recōfortez

† Il a desia vñ se du verbe paletier au chap. 72. là ou nous auōs noté qu'il peut signifier faire courtes fourrager & écaroucher.

† C'est à dire, en cachette, & comme à la derobee. en † larrecin: & par eux hardiment aduenturer, se meirent par plusieurs fois en grād peril: & furent moult de fois chacez, & presque prins: mais tousiours échappoient, & firent maint Anglois mourir, & noyer. Tout celuy Yuertint le Roy siege, & auoit grand imagination de tenir la communauté de Flandres en amitié: car aduis luy estoit que parmy eux il pouuoit plus aisement venir à son entente: si enuoyoit moult souuent deuers eux grans promesses: & leur disoit, & faisoit dire, que, fil pouuoit venir à son entente de Calais, il leur recouurerait l'isle de Douay, & toutes les appendances. Si que par telles promesses les Flamés s'emeurēt, en la saison que le Roy d'Angleterre estoit encores en Normandie: duquel voyage il vint à Crecy, & à Calais. Et vindrēt les Flamens mettre le siege deuant Bethune: & estoit leur Capitaine Mōseigneur Oudart de Renty (qui estoit bāni de Frāce) & tindrent vn moult grād siege deuāt ladite ville, & moult la cōtraignoiet par assaut: mais il y auoit dedans capitaines, de par le Roy de France, quatre Cheualiers, qui tresbiē la garderēt: c'estassauoir messire Geoffroy de Chargny, Mōseigneur Eustace de Ribeaumōt, Monseigneur Bauldouin de Mekin, & Monseigneur Iehan de Landas: & fut la ville de Bethune si bien deffendue, que les Flamés n'y conquirēt riens: ains retournerent en Flandres, sans riens faire, neant plus que deuant. Quand le Roy d'Angleterre fut venu deuāt Calais, il ne cessa mie d'euoyer deuers les cōmunautēz de Flandres grās messages, & de leur faire grans promesses, pour tenir leur amitié, & abbatre l'opinion du Roy de France: qui moult fort se penoit de les attraire à son amour & volontiers eust veu le Roy d'Angleterre, que le Comte Louis de Flādrēs (qui encores n'auoit que quinze ans d'aage) voufist sa fille espouser: qui auoit nō Ysabel. Si procura tāt le Roy d'Angleterre que les Flamés s'y accorderēt: dont il fut moult réiouy: car il luy sembloit que, parmi ce mariage, il f'aideroit des Flamens plus pleinement: & aussi il sembloit aux Flamés, que, fils auoient le Roy d'Angleterre de leur accord, ils pourroiet bien resister aux François: & leur sembloit plus necessaire & profitable l'amour du Roy d'Angleterre, que du Roy de Frāce: mais leur Seigneur (qui auoit esté nourri entre les Royaux de France, & encores y demourroit) ne s'y vouloit point accorder: & disoit franchement qu'il n'auoit la fille, à fēme, de celuy qui luy auoit tué son pere. D'autre part le Duc Iehan de Brabant pourchaoit grandement, que le Comte de Flandres voufist prendre à femme sa fille: & luy promettoit qu'il le feroit pleinement iouir de la Comté de Flandres, par amour, ou autremēt: & faisoit le Duc entēdāt au Roy de Frāce, que, si ce mariage de sa fille se faisoit, il feroit tāt que to⁹ les Flamés seroiet de sō accord, & cōtraires au roy d'Angleterre: si q⁹ par telles promesses le Roy de Frāce s'accorda au mariage de Brabāt. Quād le duc de Brabāt eut l'accord du Roy de Frāce, il enuoya tātost messages en Flādrēs, deuers les plus grās Bourgeois des bōnes villes: & leur fit remōstrer tāt de si belles raisons coulourées, que les cōsuls des bōnes villes māderēt le Côte leur seigneur, & luy firēt dire & fauoir qu'il voufist venir en Flādrēs, & vser de leur cōseil: & seroient ses bōs amis & luy rendroient & liureroient toutes ses iustices & iurisdicōiōs, & les droitures de Flādrēs aussi, & plus auāt que nul Côte ne les auoit onques eues. Le Côte eut par cōseil qu'il viēdroit en Flādrēs ou il fut receu à moult grād ioye: & luy furēt présentēs, de par les bōnes villes, grās dōs, & de beaux presens. Si tost que le Roy d'Angleterre sceut ces nouuelles, il enuoya en Flādrēs le Côte de Norhātōne, le Comte d'Arōdel, & messire Regnaut de Gobeghē. lesquels parlemēterēt & pourchacerēt tāt vers les officiers & cōmunautēz de Flādrēs, qu'ils eurent plus cher que leur Seigneur print à femme la fille du Roy d'Angleterre, que la fille du Duc de Brabāt: & en prierent tresaffectueusement leur Seigneur: & pour l'y attraire, luy remōstrerēt plusieurs belles raisons qui lōgues seroiet à racompter, & tāt, que les Bourgeois, qui portoient la partie du Duc de Brabāt, n'osoient dire du cōtraire. Mais lors le Côte ne s'y voulut, aucunemēt cōsentir, pour parolles ne pour raisons qu'ō luy dit: ains disoit tousiours, qu'il n'auoit ia à fēme la fille de celuy, qui auoit occis son pere, & luy deust on donner la moitié du Royaume d'Angleterre. Quād les Flamés ouirēt ce, si dirēt q⁹ ce Seigneur estoit trop Frāçois, & mal-cōseillé, & qu'il ne leur feroit ia nul bien, puis qu'il ne vouloit croire leur conseil. Si le prindrent, & meirent en prison courtoise: & bien luy dirent que iamais n'en istroit, fil ne croyoit leur cōseil. Et aussi luy dirent que, si Mōseigneur son pere n'eust tāt aimé les Frāçois, mais eust creu leur cōseil, il eust esté le plus grand Seigneur de toute Chrestientē: & eust recouuré l'Isle, Douay, & Bethune: & fust encores en vie. Ce demoura vn petit de temps: & le Roy d'Angleterre tint tousiours le siege deuant Calais, & tint grand court & noble le iour de Noel.

Le Qua-

Pratiques du Roy d'Angle. avec les Flamés pour faire le mariage de leur Comte & de sa fille Ysabel.

Retour du ieune Comte Louis de Flandres en sa Comté, sur les promesses de ses subiects, le voulans retirer de France.

Les Flamens mettent leur Comte en seure garde, pour le faire marier à la fille d'Angleterre.

Le **†** Quaresme ensuiuant reuindrent, de Gascongne, le Comte d'Erby, le Comte de Pennebroth, & le Comte de Quenfort, & grand' foison de Cheualiers & Escuyers, qui avec eux auoient la mer passée. Le Comte de Flandres fut longuement au danger des Flamens, & en prison courtoise: Mais moult luy ennuyoit. Si fit à eux qu'il croiroit leur conseil. Car plus luy pouuoit venir du bié d'eux, que de nul autre pays. Ces parolles réiouirent moult les Flamens. Si le meirent tantost hors de prison, & luy accomplirēt vne partie de ses déduits, tant que d'aller en riuieres (à cela estoit il moult enclin) mais tousiours auoit bōnes gardes, qu'il ne leur échappast, ou fust emblé de ceux, qui l'auoient entrepris à garder sur leurs testes, & qui estoient du tout en la faueur du Roy d'Angleterre, & le guettoient de si pres, qu'à peine pouuoit il aller piffer. Ceste chose si proceda & dura tant, que le Comte de Flandres eust en conuenant à ses gens que moult volontiers prédroit à femme la fille du Roy Edouard d'Angleterre: & ainsi les Flamens le signifient au Roy & à la Roïne, & qu'ils voufissent venir à Bergues, en l'Abbaye, & là fissent venir leur fille: car ils y ameneroient leur seigneur, & là se cōcluroit ce mariage. Vous deuez sauoir que le Roy & la Roïne furent moult réiouis de ces nouuelles, & dirent que les Flamens estoient bōnes gēs. Si fut, par accord de toutes parties, vne iournée assignée à estre à Bergues sur la riuere entre le neuf port de Grauelines. Là vindrēt les plus notables hōmes & les plus autentiques des bonnes villes de Flandres en grand estat & puissant: & y amenerent leur Seigneur, qui moult courtoisement s'enclina deuers le Roy, & la Roïne qui ia estoient venus en trefgrand arroy. Le Roy d'Angleterre print le Côte par la main droite moult doucement: & le **†** conuoya, en parlant. Puis s'excusa de la mort du Comte son pere: & dit (se Dieu luy voufist aider) qu'ocques le iour de la bataille de Crecy, ne le lendemain n'ouit parler du Comte de Flandres. Le ieune Comte par semblant se tint de ses excusances assez pour content. Puis fut parlé du mariage: & là eut certains articles & traitez faits, gettéz, & accordez entre le Roy d'Angleterre & le Comte Louis & le pays de Flandres, sur grand' **†** consideration & alliances: qui furent toutes promises & iurées à tenir. Illecques fiança & iura ledit Comte Madame Ysabel, la fille du Roy Edouard d'Angleterre & de la Roïne, & si la promit à espouser. Si fut celle iournée relaxée, iusques à vne autre fois, qu'on auroit plus grand loisir. Puis s'en retournerēt les Flamens en Flandres: qui remenerent leur Seigneur: & moult amiablement se departirent du Roy d'Angleterre, de la Roïne, & de leur conseil: & le Roy, d'eux: lequel s'en retourna deuant Calais. Et ainsi demourerent les choses en celuy estat **†** tres-étouffement: & aussi de beaux & riches ioyaux, pour dōner & departir au iour des noces: & la Roïne aussi: qui bien s'en vouloit acquiter, & qui d'honneur & de largesse estoit pleine. Le Côte de Flandres (qui estoit reuenue en son pays entre ses gens) estoit tousiours en riuere: & mōstroit par semblant, que ce mariage aux Anglois luy plaisoit trefgrandement: & s'en tenoient aussi les Flamens comme pour tous seurs: & n'y auoit plus sur luy si grand' garde que par deuant. Mais ils ne cognoissoient pas encores bien la condition de leur Seigneur. Car (quelque semblant qu'il monstraist forainement) il auoit le courage tout François au dedans. Car vn iour aduint qu'il alla veller en la riuere, en la semaine qu'il deuoit espouser ladite fille d'Angleterre: & getta son Fauconnier vn faucon apres le heron, & le Comte aussi vn. Si se meirent ces deux faucons en chace, & le Comte apres, ainsi comme pour les suyuir: & ledit Comte disoit haye haye: & quand il fut vn peu elongné, & qu'il eut l'aduantage des champs, il ferit son chetial des esperōs, & s'elonna, & alla tousiours auant sans retourner en telle maniere que ses gardes le perdirent. Si s'en vint ledit Comte en Artois & là fut asséuré. Puis s'en vint en France, deuers le Roy Philippe & les François: ausquels il racompta ses aduentures: & le Roy & les François disoient qu'il atoit trop bien ouuré: & les Anglois d'autre part disoient qu'il les auoit trahis & deceus. Mais pour ce ne laissa pas le Roy d'Angleterre à tenir en amour les Flamens. Car il sauoit bien que le Comte n'auoit point ce fait par leur conseil: mais en estoient tres courroucez: & l'excusation, qu'ils en firent, il creut assez legèrement.

† Ceux qui commencent leur an par le premier iour de l'auier peuuent icy marquer
1347.

† Possible que costoya y seroit aussi bon que couoya.

† Je li confederation.

† Je doute qu'il y ait faute de quelques mots deuant trefestouffement: mais c'est chose asséurée que le sens est imparfait apres & voudroye tels ou semblables mots: & ce pendant le Roy d'Angleterre faisoit provision de draps de soye & aussi &c. Les Abregés ne disent rien de ceste particularité.

Comment messire Robert de Namur fit hommage au Roy d'Angleterre, deuant Calais.

CHAPITRE CXLI.

EN ce temps, que le siege se tenoit deuant Calais, venoient veoir le Roy & la Roïne plusieurs Barons & Cheualiers de Flandres, de Brabant, de Haynaut, & d'Allemagne: & ne se partoient nul sans grand profit. En ce temps estoit nouuellement venu en la

† Je pense qu'il
faut plus tost li-
re & pñctuer
ainsi du voia-
ge du S. Se-
pulchre. Mô-
seigneur.
C.

Comte de Namur † du liege du sainct Sepulchre Monseigneur Robert de Namur & l'auoit le Sire Despétin fait Cheualier en la Sainte-terre. Si estoit encores moult ieune: & n'auoit esté prié de l'un Roy, ne de l'autre. Si se meit en bon arroy & riche: & vint au siege deuant Calais, honorablement accompagné de Cheualiers & Escuyers. Si se presenta au Roy d'Angleterre qui liemēt le recut: & aussi fit la Royne & les Barons. Si entra grādemēt en leur amour & grāce, pour cause qu'il portoit le nom de messire Robert d'Artois, son oncle: que iadis ils auoient tant aimé, & auquel ils auoient trouué si grand conseil. Si deuint en ce temps ledit messire Robert de Namur homme feal au Roy d'Angleterre: & luy dōna le Roy trois cens liures à l'Estherlin, par chacun an: & les luy assigna sur ses coffres, & à estre payez à Bruges. Depuis se tint avecques le roy, au siege deuant Calais, tant que la ville fut gāgnée, comme vous orrez recorder en auant.

† Les Annal.
de Bret. disent
la Roche-
derien, sala-
dorien, & la
Chaux darain
& darian.

Comment les Anglois conquirent † la Roche-Darien: & comment messire Charles de Blois y meit le siege.

CHAP. CXLII.

† Les Annal.
de Bret. disent
Thomas Da-
gourne & de
Hartenelle:
mais nostre au-
teur dira tātost
Dagorne &
Iehan de Ar-
teuelle. Quāt
à moy ie liroye
volontiers Da-
gorne ou d'A-
gorne &
d'Arteuelle,
par le nom de
deux places.
La Chaux dit
de gorne &
darteuelle.

IE me suis longuement tenu à parler de Monseigneur Charles de Blois, Duc de Bretaigne, pour ce temps & de la Comtesse de Montfort: mais ç'a esté pour les trēues, qui furent prinſes deuant la cité de Vennes: lesquelles furent moult bien gardées: & iouit, les trēues durant, chacune des parties, assez paisiblement de ce qu'il tenoit en deuant. Si tost qu'elles furent passées, ils commencerent à guerroyer moult forment. Si estoient venus en Bretaigne de par le Roy d'Angleterre, messire † Thomas d'Angourne, & Monseigneur Thomas de Harteuille: & estoient partis du siege de Calais, à tout deux cens Hommes d'armes, & quatre cens Archers. Si demourerent delez ladite Comtesse, en la ville de Hamibout, & avecques eux, messire Tanneguy du Chastel, Breton-bretonnant. Si faisoient souuent ces Anglois & Bretons des cheuauchées contre les gens Monseigneur Charles: & les gens de Monseigneur Charles aussi sur eux: & vne heure perdoiet, & l'autre gaignoient. Si estoit tout le pays par ces Gens-d'armes gāsté, exilé, & rançonné: & tout comparoient les pources gens. Aduint vn iour que ces trois Cheualiers allerent assieger vne bonne ville, qu'on clame la Roche-darien: & auoient assemblé foison de gēs-d'armes à cheual, & soudoyers à pié. Si assaillirent forment la ville: qui vaillamment fut deffendue, tant que les Anglois n'y gaignerent riens. En la garnison estoit Capitaine, de par Monseigneur Charles de Blois, Tassart de Guines. Or estoient les trois parts plus Anglois que François. Si prindrēt ledit Tassart & dirent, qu'ils l'occiroient, fil ne se rendoit Anglois avecques eux: & pource dit Tassart qu'il feroit à leur volonté. Et sur cest estat le laisserent aller: & se commencerent à traire deuers les Anglois: & se tournerent de la partie de la Comtesse de Montfort: & demoura Tassart, comme deuant, gardien de la ville. Et, quand les Anglois retournerent deuers Hamibout, ils y laisserent foison de Gens-d'armes & d'Archers, pour aider à garder le chastel & la ville. Quand Monseigneur Charles de Blois ouit ces nouuelles, si iura que ce ne demouroit pas ainsi. Si manda, par tout, les Seigneurs de sa partie, en Bretaigne & en Normandie: & assembla, en la cité de Nantes, seize cens armeures de fer, & douze mille hommes-de-pié: & bien auoit quatre cens Cheualiers, & xxij. bannieres. Si vint assieger la Roche-darien: & y fit getter grans engins, iour & nuict: qui moult fort trauailloient ceux de la ville. Si enuoyerēt messagers ceux de la ville deuers la Comtesse de Montfort: car on leur auoit promis confort, s'ils estoient assiegez. Lors enuoya la Comtesse ses messagiers par tout, ou elle pensoit auoir gens. Si assembla en peu de temps mille armeures de fer, & huit mille hommes-de-pié, lesquels elle meit au conduit des trois Cheualiers dessus-nommez: qui dirent que iamais ils ne retourneroient, qu'ils n'eussent la Roche-darien desassiegée: ou ils mourroient en la peine. Puis se meirent à chemin tant qu'ils vindrent assez pres de l'ost Monseigneur Charles de Blois: & illecques se logerent sur vne riuere, en intention de combattre le lendemain. Et, quand ils se furent mis à repos, Monseigneur Thomas Dagorne & messire Iehan d'Arteuelle firent armer enuiron la moitié de leurs gēs: si se partirent coyement à minuict: & se bouterent en l'ost Monseigneur Charles de Blois, à l'un des costez: & occirent & abbatirēt grand foison de gens: & tant demourerēt en ce faisant, que tout l'ost fut émeu, & armez toutes manieres de gens: si ne se peurēt partir sans bataille. Là furent enclos, & cōbattus asprement: & ne peurent porter le faix des François. Si y fut prins & nauré durement messire Thomas Dagorne: & se sauua le mieux qu'il peut, ledit Monseigneur Iehan, avecques ceux, qui échapper pouuoient sur la riuere.

La Roche-da-
rien assiegee
par Charles de
Blois.

Camisade des
Montfortins à
Charles de
Blois, ou fut
prins Thomas
Dagorne chef
d'iceux.

Si ra-

Si racompta à Monseigneur Tanneguy du Chastel, & à moult d'autres, son aduventure. Si eurent ensemble conseil qu'ils s'en retourneroient deuers Hamibout.

Cy parle de la bataille de la Roche-darien: & comment Monseigneur Charles de Blois fut prins des Anglois. † Ils prenoient anciennement ce mot pour tout combat, ou fait d'armes.

CHAPITRE

CXLIII.

A Celle propre heure & en celuy estat, endementiers qu'ils estoient en grand conseil de deloger, vint là vn Cheualier, de par la Comtesse (qui s'appelloit Garnier, Sire de Cadudal) à tout cēt armeures de fer, & n'auoit peu pluſtoſt venir. Quand il ſceut leur conuenant, il leur dit. Or toſt, armez vous, & montez à cheual: &, qui point n'en a, ſi viēne à pié, car nous irons veoir noz ennemis: qui ſe tiennēt tous aſſeurez: pourquoy nous les déconfirons. Lors ſe partirent ceux, qui à cheual estoient: & ceux de pié les ſuyuoiet: & ſ'en vindrent, enuiron ſoleil leuant ſerir en l'oſt de Monseigneur Charles de Blois: qu'ils trouuerent dormant & reposant, car il ne cuidoit auoir plus nul encombrer. Ces Bretons & Anglois, d'un coſté, ſe commencerent à haſter, & à abbatre tentes, trefs, & pauillons, & à occire & decouper gens: & les ſurprindrent, car ils ne faisoient point de guet. Si y furent occis ceux de la partie Monseigneur Charles de Blois: & tous les Barōs de Bretaigne & de Normandie, qui avecques luy auoient eſté, prins celle * nuit. Ainſi fut le ſiege de la Roche-darien défait: & meſſire Charles fut mené en Hamibout. Mais touſiours ſe tindrent ſes villes, citez, & fortereſſes, car ſa femme (qui s'appelloit Duchefſe de Bretaigne) print la guerre de grande volonté.

Autre camisade par laquelle Charles de Blois fut fait prisonnier de la Comtesse de Mortfort le 20. de Iuin 1347. ſelon les Anna. de Bret. Annot. 73.

Comment le Roy de France émeut grand oſt, pour leuer le Roy d'Angleterre du ſiege de Calais.

CHAPITRE

CXLIIII.

LE Roy Philippe de France (qui ſentoit ſes gens de Calais durement contrains) com-
manda par tout ſon Royaume, que tous Cheualiers & Eſcuyers fuſſent à la feſte† de
Penthecouſte en la cité d'Amiens, ou là pres. Si n'oſa null laiſſer qu'il ne vieniſt au iour,
ou toſt apres: & y tint le Roy ſa court ſolennellement. Audit iour ſe trouuerent vers luy,
le Duc de Normandie, ſon ſils ainſné, le Duc d'Orleans, ſon puisné ſils, le Duc Odes de
Bourgongne, le Duc de Bourbon, le Comte de Foix, Monseigneur Louis de Sauoye,
Monseigneur Iehan de Haynaut, le Comte d'Armignac, le Comte de Valentinois, le
Comte de Forests, & moult d'autres Comtes, Barōs, & Cheualiers. Quand tous furent
venus à Amiens, ils eurent pluſieurs conſeils. Si euſt volontiers veu le Roy de France,
que les paſſages de Flandres luy fuſſent ouuerts: Si euſt enuoyé au Comte, deuers Gra-
uelines, vne partie de ſes gens, pour rafreſchir ceux de Calais, & combattre les An-
glois à ce coſté bien aiſement par la ville de Calais. Si enuoya le Roy en Flan-
dres grans meſſages, pout traiter aux Flamens ſur celuy estat. Mais le Roy d'Angleterre
y auoit tāt d'amis, que iamais ils ne luy euſſent accordé celle courtoisie. Lors dit le Roy
de France qu'il iroit auant, au lez deuers † Boulongne. Le Roy d'Angleterre (qui ne pou-
uoit conquēter la ville de Calais, fors par famine) fit charpenter, pour forclorre le pas
de la mer, vn chaſtel, grand & haut, de longs meſſiens, tant fort & ſi bien bretéſché, qu'o-
ne l'eufſt peu greuer. Et fit ce chaſtel aſſeoir droit ſur la ville, du coſté de la mer: & le fit
bien pourueoir † de pringalles, de bombardes, d'arcs, & d'autres inſtrumens: & y eſta-
blit quarante Hommes-d'armes, & deux cens Archers: qui gardoient le haure, & le port
de Calais, ſi pres que riens n'y pouuoit entrer, n'iſſir, que tout ne fuſt confondu. Ce fut
l'aduis, qui plus fit de contraire à ceux de Calais, & plus toſt les fit affamer. En ce temps
enhorta tant le Roy d'Angleterre les Flamens (leſquels le Roy de France vouloit met-
tre en traité, comme dit eſt) qu'ils iſſirent hors de Flandres cent mille: & vindrent mettre
le ſiege deuant la bonne ville d'Aire: & ardirent tout le pays de là enuiron: Meineuille,
la Gorge, Eſtelles, le Ventre, & vne marche, qu'o dit Laloe, & iuſques eſ portes de Saint-
Omer & de Terouenne. Et ſ'en vint adoncques le Roy de France loger en la ville d'Ar-
ras: & enuoya grande foiſon de Gens-d'armes es garniſons d'Artois: & par eſpecial ſon
Conneſtable, meſſire Charles d'Eſpaigne, à Saint Omer, car le Comte d'Eu & de Gui-
nes (qui auoit eſté Conneſtable de France) eſtoit priſonnier en Angleterre, comme dit
eſt. Ainſi ſe porta toute celle ſaiſon bien auant: & embesonnerent grandement les Fla-
mens les François, ainçois qu'ils ſe partiſſent. Quand les Flamens furent retraits, & ils
eurent congnu les baſſes marches de Laloe, lors ſe partit le Roy de France, & ſa compai-
gnie, de la cité d'Arras: & vindrent à Hedin: & tenoit bien l'oſt, parmy le charroy, trois

† Qui fut en l'a 1347. comme la deductio pre cedente le mon ſtre ouuertement

† Il y auoit Bourgogne mais ſas raiſon † il dira d'ef- pringales au ch. ſuivant de- quoy ie n'enten la ſignificatiō.

ſiege des Fla- mens deuant la ville d'Aire; cō tre les François.

Retraite des Flamens, & pour ſuire du Roy à la deli- urance de Calais

grosses lieuës de pays. Quand le Roy se fut reposé vn iour à Hedin, il vint l'autre iour à Blangy. Là l'arresta, pour sauoir quel chemin il feroit. Si eut conseil d'aller tout le pays qu'on dit la Belume. Lors se meit il à voye, & toutes ses gens apres: ou bien auoit deux cens mille hommes, qu'vns qu'autres. Et passerent le Roy & ses gens parmi la Comté de Fauquemberge: & vindrent droitement sur le mont de Sangates, entre Calais & Wifant: & cheuauchioient tous armez au clair de la lune, bannieres desployées: & estoit grande beauté à regarder leur puissant arroy. Ceux de Calais (qui les veoient de leurs murs) quand ils apperceurent qu'ils se logeoient, ce leur sembloit vn petit siege.

† Il y auoit Fanges, mais il dit tousiours par-cy-apres Sangates. & ainsi le tiens icy Verard, & les Abr. aussi.

Comment le Roy d'Angleterre fit garder le passage d'entour Calais: parquoy le Roy de France ne peut passer, n'approcher pour desfaire le siege CHAP. CXLV.

OR vous diray que le Roy d'Angleterre fit, & auoit fait. Quand il veit que le Roy de France venoit à si grand ost, pour desaffieger la ville de Calais (qui tant luy auoit cousté d'auoir, de gens, & de peine de son corps) sachant qu'il auoit la ville si destrainte, qu'elle ne se pouuoit longuement tenir, par defaute de viures, & qu'il luy viendrait à grand contraire, si luy en conuenoit ainsi partir, s'aduifa que les François ne pouuoient approcher son ost, ne la ville de Calais, fors que par l'un de deux pas: ou par les dunes, sur le riuage de la mer: ou par dessus, ou il y auoit foison de fosses, de crolois, & de mar-

† Aucuns le nō refts: & n'y auoit sur le chemin qu'un seul pont, par ou l'on sceust passer, si l'appelloit on le pont de Millaiz. Si fit le Roy traire toute sa naue par deuers les dunes, & bien garnir de bombardes, d'arbalestes, d'Archers, d'espringalles, & de telles choses: parquoy l'ost des François ne peust passer par là. Et fit le Comte d'Erby aller loger sur le pont de Millaiz, à grande foison de Gens-d'armes & d'Archers: parquoy les François ne peussent passer, s'ils ne passoient parmi les marests: qui sont impossibles à passer † entre le mont de Sangates & la mer. A l'autre lez, deuers Calais, auoit vne haute tour: que trente Archers d'Angleterre gardoient: & tenoient le passage des dunes, pour les Anglois: & l'auoient fortifié de grans & doubles fossez. Quand les François furent logez sur le môt de Sangates (comme dit est) les communes de Tournay (qui estoient bien quinze cēs) allerent celle part: & adoncques ceux de dedās trahirent à eux: si en naurent aucuns. Mais ceux de Tournay passerent les fossez, & vindrent iusques à la motte de terre, au pié de la tour, à piqués & hoyaux. Là eut dur assaut, & plusieurs de ceux de Tournay blecez: mais la tour fut conquise & renuersée, & morts tous ceux qui estoient dedans. Le Roy de France enuoya ses Mareschaux (le Seigneur de Beauieu, & le Seigneur de Saint-Venant) pour aduiser par ou on pourroit plus aisément passer, pour approcher les Anglois, & les combattre. Mais, quand ils eurent aduisé les passages & les destroits, ils retournerent au Roy: & luy dirent que nullement il ne pourroit venir aux Anglois, qu'il ne perdît ses gens † d'auantage: & demoura ainsi la chose cestuy iour, & la nuit ensuiuant. Le lendemain, apres la messe, le Roy de France enuoya, deuers le Roy d'Angleterre, Monseigneur Geoffroy de Chagny, Monseigneur Eustace de Ribaumont, messire Guy de Nesle, & le Sire de Beauieu: lesquels, en cheuauchant telle forte voye, consideroyent comme le passage estoit fort à garder. On les laissa passer paisiblement tout outre (car le Roy Anglois l'auoit ainsi ordonné) & moult priserent l'ordonnance du Comte d'Erby & de ses gens (qui gardoient le pont de Millaiz, par ou ils passerent) & cheuaucherent tant qu'ils vindrent iusques au Roy: qui bien estoit pourueu de grande Baronnie delez luy. Tantost meirent tous quatre pié à terre: & vindrent iusques au Roy: qu'ils enclinerent. Lors dit Monseigneur Eustace de Ribaumont, Sire, le Roy de France vous signifie par nous, qu'il est venu sur le mont de Sangates, pour vous combattre: mais il ne peut trouuer voye, pour venir à vous. Si verroit volontiers que vous vousissiez mettre de vo-

Le Roy Philippe de Valois fait presenter la bataille au Roy Edouard d'Angleterre troisieme du nom.

stre Conseil ensemble, & il mettroit du sien auecques: & par l'aduis d'iceux, aduiserait on place, ou l'on se peust combattre. Le Roy d'Angleterre fut tantost aduisé de respondre, si dit, Seigneurs, j'ay moult bien entendu ce que vous me requerez, de par mon aduersaire: qui tient à tort mon heritage: dont il me poise. Si luy direz de par moy (si luy plaist) que ie suis icy endroit, & y ay demouré pres d'un an. Tout ce a il bien sceu: & y fust bien venu plustost, si il eust voulu, mais il m'a laissé si longuement demourer icy, que j'ay grossièrement despendu du mien: & y puis auoir tant fait, qu'assez tost ie seray Seigneur de Calais. Si ne suis ie pas du tout conseillé faire à sa deuise, n'à son aise, n'elongner ce que j'ay conquis, & que j'ay tant desiré & comparé. Si que (si luy & ses gens ne peurent par là passer)

là passer) si voient au tour, pour la querre la voye. Lors retournerent les quatre Barons: & furent enuoyez outre le pont de Millaiz. Si recorderent au Roy de France la res-
 se du Roy d'Angleterre. Endementiers que le Roy de France estudioit commēt il pour-
 roit combattre les Anglois, vindrent en son ost deux Cardinaux, de par le Pape Cle-
 ment, en legation: lesquels se meirent en peine d'aller de l'un ost à l'autre: & procurerēt
 tant, que, sur certain traité d'accord, vn respit fut prins entre ces deux Roys & leurs gēs,
 eux estans au siege tant seulement, & sur les champs. Et meirent, par leur promotions,
 de toutes parties quatre Seigneurs ensemble: qui deuoient parlementer de paix. De la
 partie du Roy de France y furent le Duc de Bourgongne, le Duc de Bourbon, messire
 Louis de Sauoye, & messire Jehan de Haynaut: & du parti des Anglois, le Comte d'Er-
 by, le Comte de Norhantonne, Monseigneur Regnaud de Gobeghen, & Monseigneur
 Gautier de Manny: & les deux Cardinaux estoient traiteurs & moyens, allans & venans
 d'un costé & d'autre. Si furent lesdits Seigneurs trois iours ensemble: & meirent plu-
 sieurs deuises & positions: desquelles nulles ne vindrent à effait. Et endementiers le Roy
 d'Angleterre faisoit tousiours efforcer son ost: & faisoit faire grans fossez sur les dunes.
 parquoy les François ne les peussent surprendre. Ces trois iours passerent, sans traité &
 sans accord. Si retournerent ces deux Cardinaux à S. Omer. Et, quand le Roy de France
 veit qu'il n'y pouuoit riens faire, si se délogea le lendemain au matin: & se mit à chemin-
 deurs Amiens: & donna congé à toutes manieres de Gens-d'armes & Communes.
 Quand ceux de Calais veirent leurs gens departir, si demenerent grande douleur. Au-
 cuns Anglois se ferirent en la queue des François, si y gaignerent sommiers, charrettes
 cheuaux, vins, & autres choses, & des prisonniers: qu'ils ramenerent en l'ost, deuant la
 ville de Calais.

*Pour parlé de
 paix entre les
 François et les
 Anglois, durāt
 le siege de Ca-
 lais.*

Comment la ville de Calais fut rendue au Roy d'Angleterre. CHAP. CXLVI

A Pres le departement du Roy de France, & de son ost, du mont de Sangates, ceux
 de Calais veirent bien que leur secours estoit failli: dont ils estoient en si grande
 douleur & destresse, que le plus fort ne se pouuoit à peine soustenir. Lors ils prièrent tāt
 Monseigneur Jehan de Vienne, leur Capitaine, qu'il monta aux creneaux des murs de
 la ville, & fit signe à ceux de dehors, qu'il vouloit parler à eux. Quand le Roy d'Angle-
 terre ouit ces nouuelles, il y enuoya Monseigneur Gautier de Manny, & messire Basset.
 Quand ils furent là, Monseigneur Jehan de Vienne leur dit, Chers Seigneurs, vous estes
 moult vaillans Cheualiers en fait d'armes: & sauez que le Roy de France (que nous te-
 nons à Seigneur) nous a ceans enuoyez: & commanda que nous gardissions ceste ville
 & le chastel: si que blasme n'en eussions, & luy nul dommage. Nous en auons fait nostre
 pouuoir. Or est nostre secours failli, & nous si estrains, que nous n'auons de quoy viure,
 si nous conuiendra tous mourir, ou enrager de famine, si le gentil Roy, vostre Seigneur
 n'a merci de nous. Laquelle chose luy vueillez prier en pitié: & qu'il nous vueille laisser
 aller, tout ainsi que nous sommes: & vueille prendre la ville & le chastel, & tout l'auoir,
 qui est dedans, si en trouuera assez. Ace respondit messire Gautier de Manny, & dit, Je-
 han, nous sauons partie de l'intention Monseigneur le Roy, car il nous l'a dit. Sachez
 que ce n'est mie son entente, que vous en puissiez aller ainsi: ains est son intention que
 vous mettez tous à sa pure volonté, ou pour rançonner ceux qu'il luy plaira, ou pour fai-
 re mourir. Car ceux de Calais luy ont tant fait de cotrarietez & de dépits, que le sien
 ont fait despendre, & si grande foison de ses gens mourir, que c'est vn nombre. Monsei-
 gneur Jehan de Vienne dit, Ce seroit trop dure chose pour nous. Nous sommes ceans
 vn petit de Cheualiers & Escuyers: qui loyaument auons ferui le Roy de France, nostre
 souuerain Sire (si comme vous feriez le vostre en pareil ou semblable cas) & auons en-
 duré maint mal & mesaise. Mais ainçois souffrirons encores tant de peine, qu'onques
 Gens-d'armes ne souffrirent la pareille, que nous consentissions que le plus petit garçō
 de la ville eust autre mal que le plus grand de nous. Mais nous vous prions que, par vo-
 stre humilité, vueillez aller deuers le Roy d'Angleterre, & luy prier qu'il ait pitié de nous
 si luy ferez courtoisie. Car nous esperons en luy tant de gentillesse, qu'à la grace de Dieu
 son propos se changera. Monseigneur Gautier & Monseigneur Basset retournerent de-
 uers le Roy, & luy recorderent ce que dit est. Et le Roy dit qu'il n'auoit volonté de faire
 autrement: fors qu'ils se rendissent simplement à son vouloir. Messire Gautier dit, Mon-
 seigneur vous pourrez bien auoir tort, car vous nous donnez tresmauuais exemple. Si

*Le Capitaine
 de Calais par-
 lementē avec les
 Anglois pour
 obtenir compo-
 sition.*

*Remonstrance
 de Gautier de
 Manny au Roy
 d'Anglet. pour
 la composition
 de Calais.*

vous nous enuoyez en aucune de voz fortresses, nous n'irions mie si volôtiers, si vous faisiez ces gens mettre à mort, car ainsi feroit on de nous par semblable cas. Ces parolles aiderent à soustenir plusieurs Barons, qui là estoient. Si dit le Roy d'Angleterre. Seigneurs, ie ne vueil mie estre tout seul contre vous tous. Sire Gautier, vous direz au Capitaine de Calais, que la plus grande grace, qu'il pourra trouuer en moy, c'est qu'ils se partent de la ville six des plus notables Bourgeois, les chefs tous nuds, & tous déchaussés, les hars au col, & les clefs de la ville & du chastel en leurs mains: & de ceux ie feray à ma volonté: & le ramenant ie prendray à mercy. A tant reuint Monseigneur Gautier à Monseigneur Iehan: qui l'attendoit sur les murs, si luy dit tout ce qu'il auoit peu faire au Roy. Ie vous orie (dit Monseigneur Iehan) qu'il vous plaise cy demourer, tant que l'aye tout cestuy affaire remonstré à la Communauté de la ville, car ils m'ont cy enuoyé: & à eux tint (ce m'est aduis) d'en respondre. Lors messire Iehan vint au marché: & fit sonner la cloche. Si s'assemblerent tantost, en la halle, hommes & femmes de la ville. Si leur fit messire Iehan rapport des parolles cy deuant recitées. & leur dit bien qu'autrement ne pouuoit estre, & sur ce eussent aduis & briue réponse. Lors commencerent à plorer toutes manieres de gens, & à demener tel dueil, qu'il n'est si dur cœur (qui les veist) qu'il n'en eust pitié: & mesmement messire Iehan en larmoyoit tendrement. Apres se leua le plus riche Bourgeois de la ville (qu'on apelloit messire Eustace de Saint-Pierre) lequel dit deuant tous. Seigneurs, grans & petis, grand méchef seroit de laisser mourir vn tel peuple (que cy est) par famine ou autrement, quand on y peut trouuer aucun moyen: & seroit grande aumosne & grace enuers Nostre-Seigneur, qui de tel méchef les pourroit garder. I'ay endroit moy si grande esperance d'auoir pardon enuers Nostre-Seigneur, se ie meurs pour ce peuple sauuer, que ie vueil estre le premier. Quand Sire Eustace eut ce dit, chacun l'alla adorer de pitié: & plusieurs se gettoient à ses pieds, en pleurs & en parfonds soupirs. Secondement vn autre treshonneste Bourgeois, & de grande affaire, se leua: & dit qu'il feroit compaignie à son compere, Sire Eustace. Si apelloit on cestuy Sire Iehan d'Aire. Apres se leua laques de Wifant (qui estoit moult riche de meubles & d'heritages) & dit qu'il tiendrait compaignie à ses deux cousins. Ainsi fit Pierre Wifant son frere: & puis le cinquiesme & le sixiesme: lesquels s'atournerent ainsi que le Roy auoit dit. Et adoncques Monseigneur Iehan monta sur vne petite hacquenée (car à grande malaise pouuoit il aller à pié) & les mena deuers la porte. Lors fut grand dueil des hommes, des femmes, & des enfans, de larmes & soupirs. Et ainsi vindrent iusques à la porte: que messire Iehan fit ouurir: & se fit enclorre dehors, avec les six Bourgeois, entre les portes & les barrieres. Si dit à Monseigneur Gautier de Manny (qui l'attendoit là) Ie vous deliure (comme Capitaine de Calais) par le consentement du poure peuple de ceste ville, ces six Bourgeois: & ie vous iure que ce sont, & estoient auourd'huy, les plus honorables & notables de corps, de cheuance, & de Bourgeoisie, de la ville de Calais. Si vous prie, gentil Sire, que vous vueillez prier le Roy pour eux, qu'ils ne meurent pas. Ie ne say (dit messire Gautier) que Monseigneur le Roy en voudra faire: mais i'en feray mon pouuoir. Lors fut la barriere ouuerte, si allerent ces six Bourgeois deuers le palais du Roy: & messire Iehan r'entra en la ville. Quand messire Gautier eut présenté ces six Bourgeois au Roy, ils s'agenouillerēt, & dirēt à iointes mains, Gentil Sire Roy, veez icy six qui auons esté Bourgeois de Calais, & grans marchans, si vous aportés les clefs de la ville, & du chastel: & nous mettons en vostre pure volonté, pour sauuer le remanant du peuple de Calais: qui a souffert moult de griefs. Si vueillez auoir pitié & mercy de nous par vostre haute noblesse. Lors plorerent, de pitié, les Comtes, Barons, Cheualiers, & autres: qui illec estoient assemblez à grand nombre. Le Roy regarda sur eux tresdepitement. Car moult hayoit le peuple de Calais, pour les grans contrarietez & dommages que le temps passé sur mer luy auoient faits. Si commanda qu'ō leur trenchast les testes. Tous prioient au Roy, si acertes qu'ils pouuoient, qu'il en voufist auoir mercy: mais il n'y vouloit entendre. Lors messire Gautier dit, Haa, gentil Sire, vueillez refrener vostre couraige, vous auez la renommée de souueraine noblesse. Or ne vueillez faire chose, parquoy elle soit amendrie, ne qu'on puisse parler sur vous en nulle vilennie. Toutes gens diroient que ce seroit cruauté, si vous faisiez mourir si honnestes Bourgeois: qui de leur volonté se sont mis en vostre mercy, pour les autres sauuer. Adoncques gaigna le Roy: & dit, Soit fait venir le coupe-teste. Ceux de Calais ont fait mourir tant de mes hommes, qu'il conuient ceux-cy mourir aussi. Adoncques la Royne d'Angleterre (qui estoit moult

Six des plus notables Bourgeois de Calais s'abandonnēt à la volonté du Roy d'Anglet. pour tout le reste du peuple par acte pl^s que Romai.

moût enceinte) se meit à genoux en plorant, & dit, Haa, gentil Sire, depuis que ie rap-
passay la mer, en grand peril, ie ne vous ay riens requis. Or vous prie humblement en
don, que, pour le fils Sainte Marie, & pour l'amour de moy, vous vueillez auoir de ces
fix hommes mercy. Le Roy la regarda, & se teut vne piece: puis dit, Haa, Dame, i'aima-
se mieux que vous fussiez autre part que cy, vous me priez si acertes, que ie ne vous puis
éconduire, si les vous donne à vostre plaisir. Lors la Roïne emmena ces fix Bourgeois
en sa chambre, si leur fit oster les cheuestres d'entour le col: & les fit reuestir, & disner
tout à leur aise. Puis donna à chacun fix Nobles: & les fit cōduire hors de l'ost à sauueté.

*La Roïne d'An-
gleterre sauue
la vie aux fix
Bourgeois de
Calais, par sa
prière au Roy.*

Comment le Roy d'Angleterre repeupla la ville de Calais. CHAP. CXLVII.

A Infi * comme vous auez ouy, fut la forte ville de Calais † assise par le Roy d'Angle-
terre, l'an de grace mil ccc xlv i. enuiron la Saint Iehan Decolaste, en la fin du
mois d'Aoust: & fut conquise audit an de grace mil ccc xlv i. en ce mesme mois.
Quand le Roy d'Angleterre eut donné les fix Bourgeois de Calais à la Roïne, sa fem-
me, il appella Messire Gautier de Manny & ses deux Mareschaux (le Comte de Waruic,
& le Comte de Stanfort) & leur dit, Seigneurs prenez les clefs de la ville & du chastel
de Calais: si en allez prendre la saisine, & fiancer prison à tous les Cheualiers qui leans
font: & tous soudoyers, qui sont venus simplemēt pour gagner leur argēt, faites vider,
& tout le demourant, hōmes & femmes, & enfans, car ie vūcil la ville repeupler de purs
Anglois. Et lors ces trois Seigneurs, à cent hommes seulement, vindrent prēdre la pos-
session de Calais: & firent aller es portes, tenir prison, Monseigneur Iehan de Surie, Mō-
seigneur Iehan de Vienne, Monseigneur Iehan de Bellebourne, & les autres. Puis firent
porter, par les soudoyers, toutes armeures, & getter en vn mont, à la halle de Calais. Puis
firent partir toutes manieres de gēns: & ne retindrent qu'vn Prestre, & deux autres an-
ciens hommes, bons coustumiers des loix & des ordonnances de Calais: & fut pour en
feigner les heritages. Apres ordonnerent le chastel pour loger le Roy & la Roïne: & si
appareillerent les hostels pour receuoir les gens du Roy. Quand ce fut fait, le Roy mon-
ta à cheual: & fit monter la Roïne, les Barons, & Cheualiers. Si cheuaucherent deuers
Calais: & entrerent dedans la ville, à foison de trompettes, de Tabours, de naquaires, &
de buccines: & y seiourna le Roy, tant que la Roïne fust releuée d'vne fille, appelée
Marguerite. Et donna le Roy de beaux hostels, en la ville de Calais, à Monseigneur de
Manny, au Baron de Stanfort, au Seigneur de Bethen, à messire Berthelemy de Bonnes,
& aux Seigneurs, pour repeupler la ville: & estoit son intention, luy retourné en Angle-
terre, qu'il enuoyeroit trente fix bons Bourgeois de Londres, moult riches: & feroit tant
que la ville feroit repeuplée d'Anglois purs, laquelle intention il accomplit. Si fut la
neufue ville, & la bastide, qui deuant Calais estoit faite pour tenir siege, tout défaite: &
le chastel, qui estoit sur le hautre, abbatu, & le gros mesrien amené à Calais. Si ordonna
le Roy gens pour garder les portes, aux murs, aux tours, & aux barrieres de la ville: & tout
ce, qui estoit rompu, il fit r'appareiller, si ne fut mie si tost fait. Et furent enuoyez en An-
gleterre messire Iehan de Vienne & ses compagnons, si furent enuiron demy an à Lon-
dres, puis furent mis à rançon. Or m'est aduis que c'estoit grande pitié de ces Bourgeois
& Bourgeoises, & de leurs enfans, quand il leur conuint laisser leurs hostels: leurs herita-
ges, meubles, & auoirs, car riens n'emporterent: & si n'en eurent point restaurement du
Roy de France, pour qu'ils auoient tout perdu: & toutesuoyes ils firent au mieux qu'ils
peurent. La greigneur partie se tira à Saint Omer. Le Cardinal Guy de Boulongne (qui
estoit venu en France en legation, & estoit delez le Roy de France, son cousin, en la cité
d'Amiens) pourchaça tant, qu'vnes tréues furent données, entre les Roys de France &
d'Angleterre, & leurs pays & adherens, à durer deux ans. Et fut ceste tréue accordée de
toutes parties: mais la Duché de Bretagne en fut exceptée, car là tindrent tousiours les
deux Dames guerre l'vne contre l'autre. Le Roy & la Roïne d'Angleterre retournerent
en leur Royaume: & demoura Capitaine de Calais Aimeri de Paue, vn Lombard: que
le Roy auoit mout auancé. Puis enuoya le Roy d'Angleterre à Calais trente fix Bour-
geois de Londres, riches & sages, & leurs femmes & enfans: & tousiours y croissoit le
nombre, car le Roy croissoit & seelloit les libertez & franchises si grandes, que plusieurs
sy vindrent amasser volontiers. En ce temps fut amené à Londres Monseigneur Char-
les de Blois: qui s'appelloit Duc de Bretagne. Si fut mis en courtoise prison, au chastel
de Londres, auecques le Roy d'Escoce, & le Côte de Moray. Mais il n'y eut esté guerres

* Annot. 74.
† C'est à dire
assiege ve-
nant du verbe
affir pour as-
sieger: duquel
ont fort vſé
les anciens.

Tréues pour
deux ans, entre
les Roys de Fra-
nce & d'Angle-
terre, en l'an
1348. selon P.
Virg. Lil. 6.
Tiller.

Aimeri de Pa-
ue, Capitaine
de Calais, pour
le Roy d'Angl.
Charles de Bois
prisonnier à
Londres.

longuement, qu'à la priere de la Roynie d'Angleterre, sa cousine germaine, il fut receu sur la foy: & cheuauchoit à sa volonté autour de Londres: mais il ne pouuoit gesir qu'une nuit dehors, si l'estoit en la compagnie du Roy, ou de la Roynie. En ce temps estoit prisonnier en Angleterre le Comte d'Eu, & de Guines: qui estoit mout gentil Cheualier & si bien luy aduenoit quand qu'il faisoit, qu'il estoit par tout le bien venu du Roy, de la Roynie, des Barons, Dames & Damoiselles.

Cy parle d'un brigand de Languedoc, appelle Bacon.

CHAP. CXLVIII.

Quel brigandage couroit en uiró l'an 1348

Toute celle année que la trêue fut accordée, que vous avez ouie, se tindrent les deux Roys en pays l'un contre l'autre. Mais messire Guillaume de Donglas & les Escocois, qui se tenoient en la forests de Gedeours, guerroyoient tousiours les Anglois, par tout ou ils les pouuoient trouuer. Aussi ceux, qui estoient en Gascongne, en Poictou, & en Xainctonge, tant François qu'Anglois, ne tindrent oncques fermement les trêues des deux Roys: ains conqueroient souuent villes & chasteaux les vns sur les autres, par force ou par pourchas, par embler ou par exiler, de nuit ou de iour: & leur aduenoit souuent de moult belles aduétures: vne fois aux François, l'autre fois aux Anglois. Et tousiours gaignoyent pources Brigans, à dérober les villes & les chasteaux: & deuenoient les aucuns riches: qui se faisoient Capitaines des autres Brigans: tant qu'il en y auoit bien de tels, qui auoyent la value de quarante mille escus. Ils épioient telles fois, & bien souuent, vne bonne ville, ou vn chastel, vne iournée, ou deux, loing. Puis s'assembloient vingt ou trente Brigans, & alloient par voyes couuertes, tant de iour que de nuit: & entroyent en la ville ou chastel, qu'ils auoient épié, droit sur le point du iour: & boutoient le feu en vne maison. Et, quand ceux de la ville veoient ce, si cuidoient que se fussent Gens-d'armes à puissance: qui voussissent ardre leur ville. Si s'en fuyoient, à qui mieux mieux: & ces Brigans brisoient maisons, coffres, & estuyers: & prenoient tout ce qu'ils trouuoient, & s'en fuyoient. Ainsi firent à Donseurs, & en plusieurs autres villes & chasteaux: qu'ils prenoient, & puis les reuendoient. Entre les autres fut vn Brigand en Languedoc: qui épia le fort chastel de Coubourne en Limosin: qui sied en tresfort pays. Si cheuaucha de nuit, avecques trente de ses cōpaignons: & vindrent au chastel, & le prirent, & l'exilerent. Et si prirent le Seigneur, appelé Le Coubourne, & l'emprisonnerent en son chastel mesmes: & occirent toute la mesgnie de leans. Si le tindrent si longuement, qu'il se rançonna à vingt quatre mil escus, tous appareillez: & encores tint cedit Brigand le chastel, & bien le garnit: & en guerroya le pays. Et depuis, par ses prouesses, le Roy de Frâce le voulut auoir empres luy: & achapta son chastel vingt mille escus: & fut Huissier d'armes du Roy de Frâce, & à grand hōneur delez luy. Et appelloit on ce Brigand Bacon: & estoit tousiours bien monté, sur beaux courriers, & doubles-rouens, & de gros pallefrois. Aussi estoit il armé comme vn Comte, & tresrichement. Et en ce luy estat il demoura tant qu'il vesquit.

Le Brigand Bacon prend le chasteau de Coubourne en Limosin.

† Je pense qu'il y faut doubles rouffins comme au chasteau.

Cy parle d'un page, appelé le Croquart: qui deuint aussi Brigand.

CHAP. CXLIX.

EN autelle maniere se maintint on en Bretagne, car il y auoit Brigans, qui guerroyoient villes, fortresses & bons chasteaux: & les roboient & tenoient. Puis les reuendoient à ceux du pays, bien & cher. Si en deuenoient les aucuns (qui se faisoient maistres dessus les autres) moult riches: & y en eut vn entre les autres, qui estoit appelé Croquart, & auoit esté en son temps vn pource garson, & long temps page au Seigneur d'Ercle en Hollande. Quand ce Croquart commença à deuenir grand, il eut congé, si s'en alla es guerres de Bretagne: & se meit au seruice d'un Homme-d'armes: & s'y porta moult bien. Si aduint qu'en vne rencontre son maistre fut prins & occis. Lors par sa prouesse les cōpaignons l'eleurent pour leur Capitaine, en lieu de son maistre: & lors il profita tant, par rançons & princes de villes & de Chasteaux, qu'on disoit qu'il auoit bien la finance de quarante milles escus, sans ses cheuaux: dont il auoit bien vingt ou trête bons courriers, & doubles-rouffins, Et auoit le renom d'estre le plus appert Homme-d'armes, qui fust au pays: & fut élu pour estre à la bataille † des trente: & fut le meilleur combattant du costé des Anglois: & luy fut promis du Roy de France, que si luy vouloit deuenir François le Roy le feroit deuenir Cheualier, & le marieroit bien richement, & luy doneroit deux mil liures de reuenu par an: mais Croquart ne s'y voulut consentir. Si aduint vne fois qu'en cheuauchant vn ieune courrier, fort en bride, qu'il auoit achapté trois cens escus, l'éprou-

† Je n'ay encores rien veu de ceste bataille des trente, sino que l'Abr. de sala dit ainsi.

l'eptouua si fort au courir, que le cheual l'éporta outre sa volonté: si qu'au saillir d'un fossé le courfier trébuscha, & se rompit son maistre le col: & ainsi finit Croquart.

Comment Aimeri de Pauie, Lombard, vendit la ville de Calais, dont il estoit Capitaine, à messire Geoffroy de Chargny, François: & comment le Roy d'Angleterre rompit la deliurance de la place, à la grande perte des François.

CHAP. CL.

EN ce temps se tenoit en la ville de Saint-Omer messire Geoffroy de Chargny: & là regardoit les frontieres, en vñant de toutes choses, touchant aux armes, cōme Roy. Si faduifa que Lōbars, de leur propre nature, sont volontiers cōuoiteux: & pource il essaya à rauoir la ville de Calais: dont Aimeri de Pauie estoit gardien. Or, pour les tréues, ceux de Saint-Omer pouuoient aller & venir à Calais, & ceux de Calais à Saint-Omer: & y alloient les gens de l'un à l'autre, pour faire leurs marchandises. Si fit messire Geoffroy traiter secrettement à Aimeri de Pauie: tant qu'il promeit rendre la ville, & le Chastel de Calais, parmi vingt mille escus. Or le sceut le Roy d'Angleterre: lequel manda à Aimeri le Lōbard, qu'il passast la mer: & vint en Angleterre, à Westmonstier, car il ne cuidoit iamais que le Roy d'Angleterre sceust la trahison, pource qu'elle auoit esté pourchacée si secrettement. Quand le Roy veit son Lombard, il le tira à part, & luy dit, Tu fais que ie t'ay donné en garde ce que j'aime le mieux au monde, après ma femme & mes enfās: c'est assauoir la ville & le chastel de Calais, tu l'as vendu aux François, pource tu as bien defferui la mort. Lors se getta le Lōbard aux piez du Roy, & dit, Ha, gētil Roy pour Dieu mercy. Il est biē vray ce que vous dites: mais encores se peut bien le marché dérompre, car ie n'en receu onques denier. Ce † Lombard auoit nourri le Roy d'enfance: & moult l'auoit aimé: Si luy dit, Aimeri, ie vueil que tu poursuyues ton marché: & le iour, que tu leur deuras liurer Calais, que tu le me signifies: & par tant te pardonne mon maltalent. Surce retourna le Lombard à Calais, & tint son affaire secret, & adonc messire Geoffroy (qui bien cuidoit auoir Calais) fit son mandement secrettement, & deuoit auoir cinq cens Lāces: mais la greigneur partie de ses gens ne fauiēt ou il les vouloit mener, fors seulement aucuns Barons. Si croy qu'il n'en parla oncques au Roy de Frāce. Car le Roy ne luy eust iamais cōseillé, pour cause des tréues. Si deuoit le Lombard liurer la cité de Calais, † la nuit de l'an. Si le signifia, par vn sien frere, au Roy Anglois.

Ce fut l'un des trēte de la partie des Anglois qui cōbattirent contre trēte François, & fut le meilleur cōbat des trente.

Le Roy d'Angleterre fait iouer un tour de cōtetretrahison à Aimeri de Pauie.

† Entendez, que le Roy auoit nourri ce Lombard.

† Entendez, de la nuit qui suit le dernier iour de Decēb. auquel il finit son an 1348. cōme les deux cha. suiuans le monstreront.

Cy parle de la bataille de Calais entre le Roy d'Angleterre, sous la banniere messire Gautier de Manny, contre messire Geoffroy de Chargny & les François.

CHAPITRE

CLI.

QVand le Roy d'Angleterre sceut ces nouuelles, & la certainté du iour qui estoit arresté, il se partit d'Angleterre, avec trois cēs Hommes-d'armes & fix cens Archers. Si monta au port de Douures: & sur vne vespre arriua à Calais, tant secrettement que n'en sceut riens: & sembuscherent ses gens au chastel, en chambres & en tours: & le Roy aussi: qui dit au Seigneur de Manny. Messire Gautier, ie vueil que vous soyiez de ceste besongne le Chef, car moy & mon fils nous combattons sous vostre banniere. Or diray ie de Monseigneur Geoffroy de Chargny: qui le dernier iour de Decembre, au soir se partit † d'Arras, à tout ses Gens-d'armes & Arbalestiers: & vint pres de Calais, enuiron heure de minuit. Si l'arresta, en attendant ses gens: & enuoya deux de ses Escuyers: lesquels trouuerent Aimeri le Lombard qui les attendoit: auquel ils demāderent s'il estoit heure que messire Geoffroy se trahist auant. Le Lombard dit qu'ouy. Lors retournerent les deux Escuyers deuers messire Geoffroy: lequel fit passer ses gens, par ordonnance de bataille, le pont de Millaiz. Puis enuoya douze de ses Cheualiers, à tout cent armeures de fer, pour prendre la faisine du chastel de Calais, car bien luy sembloit (s'il auoit le chastel) qu'il seroit Sire de la ville: parmi ce qu'il estoit assez fort de gens: & encores, sur un iour, il en auoit foison, s'il en auoit mestier. Et fit deliurer à Mōseigneur Odart † de Récy (qui estoit en celle cheuauchée) vingt mil escus, pour payer le Lombard. Si demoura ledit messire Geoffroy tout coy, avec ses gens, sa banniere deuant luy, sur les champs: & estoit son entente que par la porte de la ville il entreroit en Calais: & autremēt ne vouloit il entrer. Le Lombard auoit auallé le pont du chastel de la porte des chāps: & laissa entrer paisiblement ces cent armeures de fer: & messire Odart deliura ces vingt mille escus, en un sac, au Lombard: qui dit qu'il pensoit bien qu'ils y estoient tous, & qu'il n'auoit pas loisir de les compter, car il seroit tātost iour. Lors il enferma le sac aux escus en

† Je pense qu'il y faut plustost de Ardres, ou de Saint-Omer: cōme semble vouloir la Chaux.

† Possible que c'est un qu'il a surnomé de Rēti: qui eust esté rappellé de bānissēmēt par le Roy Philippe depuis le ch. p. 140. Verard et

le Noir disent vne chambre:& dit aux Frâçois qu'il les vouloit mettre en la grosse tour:à fin qu'ils fussent plus seurement,& Seigneurs du chastel. Si se trahit celle part,& tira le varroul outre:& tantost fut la porte de la tour ouuerte. En celle tour estoit le Roy d'Angleterre, avec deux cēs Lâces:qui tâtoist faillirēt hors, les espées& les haches en leurs mains, en écriant Manny, Manny, à la recouffe:& en disant, Cuident ces François à si peu de gens auoir cōquis le chastel de Calais? Les François veirent bien que la deffense ne leur valoit riēs. Si se redirent pour prisonniers, & à peu de fait. De ces prisonniers n'y eut gueres de blecez:& les fit on entrer en celle tour:dont les Anglois s'en estoient issus: & là furēt ils enfermez. Et adonc se partirent les Anglois du chastel:& se meirent en ordonnâce,& mōterēt à cheual, car bien sauoient que les Frâçois auoient les leurs. Si cheuaucherēt les Archers deuers la porte de Boulongne. Là estoit messire Geoffroy, sa banniere deuant luy de gueulles à trois escussions d'argent:& auoit moult grand desir d'entrer le premier en la ville de Calais. Si disoit aux Cheualiers, qui delez luy estoient, Que ce Lombard met à ouurir la porte ! il nous fait cy mourir de froit. En nō Dieu (dit messire Pepin de Werre) Lōbars sont malicieuses gens, il regardera voz florins, fil en y a nuls faux t'espoir aussi fil y sont to°. A ces parolles vint le Roy d'Angleterre, & son fils delez luy, sous la bāniere messire Gautier de Manny, & aussi autres bannieres:c'est assauoir du Côte de Stāfort du Côte de Suffort, de Mōseigneur Iehan de Mōtagu, frere au Côte de Salbery, de Mōseigneur de Beauchāp, du Seigneur de Bercler, & du Seigneur de la * Werre. Tous ceux estoient Barons, & à banniere:& plus n'en y eut celle iournée. Si fut tâtoist la grād' porte ouuerte:& issirēt hors tous les dessusdits. Quand les Frâçois les veirēt issir, & ils ouirent crier Māny, à la recouffe, ils cognurent bien qu'ils estoient trahis. * Si dit Monseigneur Geoffroy à ses gēs, Seigneurs, se nous fuyōs, nous sōmes perdus † d'auātage, si nous vaut mieux cōbattre de bonne volōté, espoir sera la iournée pour nous. Par S. George (dirēt les Anglois) vous dites vray:& † mal ait qui fuira. Lors se reculerent tous: & se meirēt à piē, & chacerent leurs chevaux es voyes, car ils les sentoient trop foulez. Quand le Roy d'Angleterre veit ce, il fit arrester la bāniere sous qu'il estoit:& dit, Le me vouldray cy dresser à cōbattre. On face la plus grande partie de noz gens cheuaucher auant, vers la riuie re & le pont de Millaiz, car j'ay entendu qu'il y a mout grand foison de Frâçois à cheual & à piē. Lors se partirent de la route iusques à six bānieres, & trois cēs Archers:lesquels vindrent iusques au pont de Millaiz:que Monseigneur Monau de Frennes & le Sire de Cresques gardoient:& estoient les Arbalestiers de Saint-Omer & d'Aire entre Calais & le pont:lesquels eurent en celle rencōtre dur hutin:& en y eut, que d'occis que de noyez, plus de six cens, car ils furent tantost déconfits, & chassiez sur la riuie re. Si estoit encore moult matin: mais tantost fut iour. Ces Cheualiers de Picardie tindrent ce pas vne espace:& là furent faites maintes appertises d'armes, de l'vn lez & de l'autre:mais les Anglois croissoient tousiours (qui issioient de Calais) & les François appetissoient. Si veirēt bien les François qu'ils ne pourroient longuement tenir le pont. Lors mōterēt sur leurs courriers ceux qui les auoient, & monstrent les talons:& les Anglois apres eux en chace. Là eut maint homme renuersé:& tous les mieux montez le gaignerent:& se sauuerent le Sire de † Siēnes, le Sire de Cresques, le Sire de Sempy, le Sire de Lonchinleich, & le Sire de Namur:& si en y eut plusieurs prins par leur outrage, qui se fussēt biē sauez s'ils eussent voulu. Et, quand il fut grād iour, qu'ils peurēt recognoistre l'vn l'autre, aucūs Cheualiers & Escuyers se recueillirent ensēble, & se cōbattirēt ensēble moult vigoureux sement aux Anglois:& tāt qu'il y eut aucuns des François, qui prindrent de bons prisonniers:dont ils eurent grand honneur & profit. Nous parlerons du Roy d'Angleterre: qui là estoit sans cognoissance de ses ennemis, sous la bāniere de messire Gautier de Māny. Il vint avec ses gens, tout à piē, requerre ses ennemis: qui se tenoient moult ferrez, leurs lances, retailées de cinq piez, par deuant eux. De premiere venue il y eut dure rencontre, & moult fors boulteis, & sarresta le Roy dessus Mōseigneur Eustace de Ribāumont qui estoit fort & hardi Cheualier. Si longuement se combattit au Roy, que merueilles, si les faisoit moult plaisant voir. Depuis tout se combattit: & fut leur bataille rōpue, car deux grosses routes des vns & des autres vindrent celle part:qui les dérompirent. Là eut grand estour & dur:& bien combattirēt, du costé des François, Monseigneur Geoffroy de Chargny, Monseigneur Iehā de Landas, Monseigneur Heet or & Monseigneur Gauvain de Bailleul, le Sire de † Cresques, & les autres:mais tous les passoit Mōseigneur Eustace de Ribāumont. Lequel ce iour abbattit le Roy à genoux, deux fois:mais il conuint

† Les anciens ont fort usé de ce mot pour estre peut c'est adire possible.
* Anno. 75.

* Anno. 76.
† C'est à dire par l'aduan tage que les ennemis au rōt sur nous
† Cecy se disoit en moquerie par ceux des Anglois, qui estoient si pres des Frâçois qu'ils pouuoient auoir ouy Geoffroy de Chargny:& alors se reculerent tous ceux des Frâ cois qui estoient les plus pres de eux, & se meirent à pied, &c.

† Nagueres Frennes. Verrard dit icy Fien nes, & aussi font les Abr. Mais, pour Cresques, la Chaux dit Cresques.

Cōbat du Roy d'Anglet. & d'Eustace de Ribāumont.

† Il abie dit nagueres qu'il se

uint en la fin que Monseigneur Eustace rendist son espée au Roy, en disant, Sire Cheualier, ie me ren vostre prisonnier, car la iournée demourra pour les Anglois. Et furent tous prins, ou morts, ceux, qui avecques Monseigneur Geoffroy de Chagny estoient & y furent morts messire Henry du Bois, & messire Pepin de la Warre: & puis messire Geoffroy, & tous les autres: & tout le dernier, qui y fut prins, & qui plus fit celuy iour d'armes, ce fut messire Eustace de Ribamont. Ainsi fut ceste besongne acheuée: qui fut deffous Calais, en l'an de grace mil trois cens quarante huit, † droitemēt le dernier iour du mois de Decembre, vers le matin.

D'un chapelet de perles, que le Roy d'Angleterre donna à messire Eustace de Ribamont.

CHAPITRE

CLII.

Quand ceste besongne fut passée, le Roy d'Angleterre se trahit à Calais, droit au chastel: & là fit il mener tous les Cheualiers prisonniers. Adonc sceurent bien les François que le Roy d'Angleterre y auoit esté en propre personne, deffous la banniere de messire Gautier de Manny. Si leur fit dire le Roy que, celle nuit de l'an, il leur vouloit à tous dōner à soupper, en son chastel de Calais. Or vint l'heure du soupper, que les tables furent mises, & que le Roy & ses Cheualiers furent appareillez: & furent tous vestus de robes neuues, & les François aussi: qui firent grande chere (combien qu'ils fussent prisonniers) car le Roy le vouloit. Le Roy fassit: & fit seoir ces Cheualiers delez luy, moult honorablemēt: & les seruit, du premier mets, le gētil Prince de Galles, & les Cheualiers d'Angleterre, & au secōd mets, ils s'en allerent seoir à vne autre table. Si furēt seruis biē en paix, & à grād loisir. Quand l'on eut soupé, l'on leua les tables. Si demoura le Roy en sa salle, entre ces Cheualiers François & Anglois: & estoit à nu chef: & portoit vn chapelet de fines perles sur son chef. Si commença le Roy d'aller de l'un à l'autre: & quand il s'adreça à messire Geoffroy de Chagny, il changea vn peu contenance: & en le regardant de costé, dit, Messire Geoffroy, ie vous doy par raison peu aimer, quand vous me vouliez embler, par nuit, ce que i'ay si chērement comparé, & qui m'a cousté tant de deniers. Si suis moult lié & ioyeux de ce que ie vous ay prins à l'epreuue, vous en vouliez auoir meilleur marché, que ie n'ay eu, qui la cuidiez auoir pour vingt mille escus, mais Dieu m'a aidé, car vous auez failly à vostre entente. A ces mots passa il, & laissa ester Monseigneur Geoffroy (qui oncques mot n'auoit respondū) & vint le Roy à messire Eustace de Ribamont: auquel il dit ioyeusement, messire Eustace, vous estes le Cheualier au monde, que veisse onques plus vaillāment assaillir ses ennemis, ne son corps deffendre: ny ne me trouuē onques en bataille, où ie t'eusse qui tāt me dōnast affaire, corps à corps que vo' auez huy fait. Si vous en dōne le pris, & aussi sur 10^e les Cheualiers de ma court, par droite sentence. Adoncques print le Roy son chapelet, qu'il portoit sur son chef (qui estoit bon & riche) & le meit sur le chef de Monseigneur Eustace: & dit, Monseigneur Eustace, ie vous donne ce chapelet, pour le mieux combattant de la iournée, de ceux de dedans & de dehors: & vous prie que vous le portez ceste année pour l'amour de moy. Je say bien que vous estes gay, & amoureux, & que volontiers vous vous trouuez entre Dames & Damoiselles. Si dites, par tout là ou vous irez, que ie le vous ay donné. Si vous quitte vostre prison: & vous en pouuez partir demain, s'il vous plaist. Celuy an, mil trois cens quarante neuf, le Roy Philippe de France espousa sa seconde femme, à Brie Comte-Robert, le Mardy, vingt & neuuiesme iour de Ianuier, c'est assauoir Madame Blāche, fille du Roy Philippe de Nauarre (qui auoit esté mort en Espagne) laquelle estoit en l'aage de dix huit ans, ou enuiron. Item le dixneuuesme iour de Feurier ensuyuant (qui fut le iour de Quaresme-prenāt) espousa le Duc de Normandie, ainsné fils du Roy de Frāce, à Sainte-Geneuiefue, pres S. Germain en Laye, sa seconde femme: c'est à sçauoir Jehanne, Comtesse de Boulongne: qui auoit esté femme à Monseigneur Philippe, fils au Duc Eudos † de Bourgongne: lequel Monseigneur Philippe mourut deuant Aguillon, l'an mil trois cens quarante & six. La Comtesse auoit esté fille du Comte Guillaume de Boulongne, & de la fille Louis, Comte d'Eureux: & tenoit ladite Comtesse de Boulongne la Duché de Bourgongne, & les Comtez d'Artois, de Boulongne, & d'Auuergne, & plusieurs autres terres. En l'an mil † trois cens cinquante, à l'entrée d'Aoust, se combattit Raoul de Caours, & plusieurs autres Cheualiers & Escuyers, iusques au nombre de six vingts hommes d'armes, ou enuiron, contre le Capitaine du Roy d'Angleterre, en Bretaigne, appelé messire Thomas Dagorne, Anglois, deuant vn chastel, appelé

sauua, mais il peut bien reuenir au combat quand il fut iour. † Il a dit Vverre pen

parauant. † Ce qu'il a dit au chap. precédent. & qu'il dira tantost au

suināt, mōstre clairemēt qu'il faut icy plus

entendre qu'il ne dit: c'est assauoir que ce fait d'armes fut cō

mencé durant la nuit, qui suit le dernier

du mois de Decemb. 1348. & acheuē le

matin du premier iour de l'āuier 1349. cōme la Chaux

le dit en tels mots. Ainsi fut ceste besongne acheuē de

uant Calais en l'an de grace mil cccxlix: droitemēt le

premier iour du mois de l'āuier † Il y auoit sus

se, mais trop impertinemēt:

secōdes nopces du Roy Philippe de Valois, & du Duc de Normandie, son fils

ainsné. † Il l'a parauant nommé

Odes, au ch. 144 qui peut aisement reuenir à Eude, es

Annales de France. † L'an 1350

Mort de Thomas d'Agorne, Anglois,

Aulion: & fut ledit messire Thomas mort, & toutes ses gens, iusques au nombre de cent Hommes-d'armes, ou enuiron.

Le trespassement du Roy Philippe de France, le couronnement de son fils le Roy Iehan, & plusieurs autres articles.

CHAP. CLIII.

Entree du Roy Iehan à Paris.

Le Comte d'Eu Conestable de Frâce decapité

† La Mer des Hist. suiuit icy les grandes Chro. de France, dit le Seig. de Rueil.

† selon le chap. 152. il faut icy comencer l'an 1351. & suiuant le chap.

144. ne faut prendre ceste article que pour confirmation d'estat à Charles d'Espaigne car il le fait là Conestable des l'an. 1347.

Confrairie de saint-Ouen.

† Il y auoit estoille: mais tous autres disent estoille.

† il faut presuposer qu'elles auoient esté renouuillées depuis le regne du Roy Iehan, come veulent aussi P. Emil, & Tillet.

† l'an 1352. † Je n'ay peu

Celuy an, le xxij. iour d'Aoust, le Roy Philippe de France mourut à Nogét le Roy, pres de Coubois: & fut apporté à Nostre-dame de Paris. Le Ieudy ensuyuant fut enterré le corps à Saint-Denis, au costé fenestre du grand autel: & les entrailles furent enterrées aux Iacobins à Paris: & le cœur fut enterré à Bourfôtaines en Valois. Le xxvj. iour de Septembre ensuyuant, vn iour de Dimenche, fut sacré à Reims le Roy Iehan, aîné fils du Roy Philippe: & aussi fut couronnée ce iour la Roïne Iehanne, femme dudit Roy Iehan: & là fit le Roy Cheualiers: c'estassauoir son aîné fils, Dauphin de Viëne, Louis son second fils, le Comte d'Alençon, le Comte d'Estampes, Monseigneur Iehan d'Artois, le Duc Philippe d'Orleans, frere dudit Roy Iehan, le Duc de Bourgongne, fils de ladite Roïne Iehanne, de son premier mary c'estassauoir de Mōseigneur Philippe de Bourgongne (le Comte de Dampmartin, & plusieurs autres. Puis se partit de Reims ledit Iehan, le Lundy ensuyuant, & retourna vers Paris, par Laon, par Soissons, & par Senlis: & entrerent lesdits Roy & Roïne à Paris en tresbelle feste, le Dimenche dixseptiesme iour d'Octobre: & dura la feste toute celle semaine. Puis demoura le Roy à Paris, à Neelle & au Palais, iusques pres la Saint Martin ensuyuant: & fit l'ordonnance de son Parlement. Le Mardy, seiziesme iour de Nouembre ensuyuant, Raoul, Comte d'Eu & de Guines, Conestable de France (qui nouuellement estoit venu d'Angleterre, de prison) fut prins en l'hostel de Neelle à Paris (là ou ledit Roy Iehan estoit) par le Preuost de Paris, du commandement du Roy. En celuy hostel fut il tenu prisonnier, iusques au Ieudy ensuyuant: & là à l'heure de matines, dont le Vendredy adiourna, en la prison ou il estoit fut decapité, present le Duc de Bourbō, le Comte d'Armignac, le Comte de Mōtfort, Monseigneur Iehā de Boulongne, le † Comte de Renel, & plusieurs autres Cheualiers: lesquels estoient là, du cōmandement du Roy: lequel estoit au Palais. Et fut le defusdit Conestable decapité pour grandes trahisons, qu'il auoit confessées, presens le Duc d'Athenes & plusieurs autres. Si en fut le corps enterré aux Augustins de Paris, hors des murs du mōstier, du cōmādement du Roy, pour l'hōneur des amis d'iceluy Cōnestable. Au mois de † Ianuier, ensuyuant, Charles d'Espaigne (à qui le Roy auoit doné la Cōté d'Angoulesme) fut fait, par iceluy Roy, Conestable de Frâce. Le premier iour d'Auril ensuyuant, se cōbattit Monseigneur Guy de Neelle, Marechal de Frâce, en Xainctōge, à plusieurs Anglois & Gascons: & fut ledit Marechal, & ses gēs, décofit: & y fut prins le Marechal, Monseigneur Guillaume son frere, Mōseigneur Arnoul d'Andreghe, & plusieurs autres. Le iour de Pasqs-fleuries (q furēt le dixième iour d'Auril mil c c c l i) fut présenté à Gilles Rigaut de Rouffi (qui auoit esté Abbé de Saint Denis, & de nouuel auoit esté Cardinal) le chappel rouge, au Palais à Paris, en la presence du Roy Iehā, par les Euesques de Laon & de Paris, & par mandement du Pape, fait à eux par bule, ce qui n'auoit point accoustumé estre autresfois fait: mais ce fut en la presence du Roy Iehan. En Septembre ensuyuant fut recourée, par les François, la ville de Saint-Iehā d'Angely (que les Anglois auoient tenue enuiron cinq ans) & fut rendue par les gens du Roy Anglois (pource qu'ils n'auoient nuls viures) & sans bataille aucune. Au mois d'Octobre ensuyuant fut publiée la Cōfrairie de la noble maison de S. Ouen, pres de Paris, par le Roy Iehan: & portoient ceux, qui en estoient, chacun vne † estoille en son chapperon, & par deuant en son mantel. Cestuy an fut plus grande cherté, qu'on n'auoit euē de memoire d'homme, par tout le Royaume de Frâce, car vn septier de bled valoit à Paris huit liures parisis: & vn boisseau de pois, huit sols: & les autres grains à la value. Ce mois d'Octobre, au iour que la Confrairie Saint-Ouen fut celebrée, prindrent les Anglois la ville de Guines, † durant les tréues. En celuy an fut fait le mariage du Conestable de France, & de la fille Monseigneur Charles de Blois. En l'an mil c c c l i i. † vigile de la Nostre-dame de Mi-Aoust, se combattit Monseigneur Guy de Neelle, Seigneur d'Offemont, lors Marechal de France, en Bretagne: & fut ledit Marechal occis en la bataille, le Sire de Briquebec, le Chastellain de Beauuais, & plusieurs autres Nobles, tant du pays de Bretagne comme d'autres marches du Royaume de Frâce. Le quatriesme iour de Septēbre, se deuoit cōbattre à Paris † le Duc de Boēsme cōtre le Duc de Lenclastre, pour parolles qu'iceluy Duc de Lēclastre deuoit auoir dites au Duc de Boēsme: dōt il l'appella en la court

court du Roy de Frâce. Et vindrēt ces deux Ducs en chāps, to^o armez, en vnes lices: qui pour celle cause furēt faites, pour l'Allemād demādeur, & l'Anglois deffēdeur. Et, ia soit ce que l'Anglois fust ennemy du Roy de France, & que par saufconduit il fust venu soy combattre, pour garder son honneur: toutesfois le Roy de France ne souffrit pas qu'ils se combattissent: mais depuis qu'ils eurent fait les sermens, & qu'ils furent montez à cheual pour combattre, les glaiues au poing, le Roy print la besongne sur luy: & les mit d'accord. Le sixiesme iour de Decembre ensuiuant mourut le Pape Clement, sixiesme, en Auignon, & l'onzieme an de son Pontificat: & l'onzieme iour d'iceluy mois ensuiuant fut eleu en Pape, enuiron heure de tierce, vn Cardinal Limosin: qu'on appelloit, par son tiltre, le Cardinal d'Ostie, mais, pour ce qu'il auoit esté Euesque de Clermont, on l'appelloit plus communement le Cardinal de Clermont, qu'autrement: & fut appellé Innocent, & par son propre nom estoit appellé messire Estienne Aubert.

Du Roy de Nauarre: qui fit occire Monseigneur Charles d'Espaigne, Connestable de France, & de plusieurs autres particularitez.

CHAP. CLIIII.

L'An mil trois cens cinquante & trois, le sixiesme iour de Ianuier, assez tost apres le point du iour, Monseigneur Charles, Roy de Nauarre & Comte d'Eureux, fit tuer, en la ville de l'Aigle en Normandie, en vne hostellerie, Monseigneur Charles d'Espaigne, Connestable de France, en son liēt, par plusieurs Gens-d'armes, qu'il y enuoya: lequel demoura en vne granche, dehors de celle ville, iusques à ce que ceux, qui firent le fait, retournerent deuers luy. Et en sa compagnie estoient (si comme on disoit) Monseigneur Philippe de Nauarre, son frere: Monseigneur Louis de Harcourt, & Monseigneur Godeffroy de Harcourt, son oncle, & plusieurs Cheualiers, & autres, tant de Normandie que de Nauarre. Et apres se retrahit le Roy de Nauarre, & sa compagnie, en la cité d'Eureux (dont il estoit Comte) & se garnit & enforça: & avec luy s'en allerent les dessusdits de Harcourt, le Seigneur de Maulue, le han Maller, Seigneur de Grauille, Mōseigneur Almaury de Meulent, & plusieurs autres Nobles de Normandie. Et tantost apres se transporta le Roy de Nauarre en sa ville de Mante: & ia par auant auoit enuoyé plusieurs lettres closes, à plusieurs des bonnes villes du Royaume de France: par lesquelles il escriuoit, qu'il auoit fait mettre à mort ledit Cōnestable, pour plusieurs grans mesfaits, que ledit Connestable luy auoit faits: & enuoya le Comte de Namur par deuers le Roy de France, à Paris. Et puis le Roy de France enuoya à Mante, par deuers le Roy de Nauarre, le Cardinal de Boulōgne, l'Euesque de Laon, le Duc de Bourbō, le Côte de Vendosme, & autres: lesquels traiterent avec le Roy de Nauarre: Car, ia soit ce qu'il eust fait mettre à mort ledit Connestable de Frâce (si comme dessus est dit) il ne luy suffisoit pas que le Roy de France (de qui il auoit espousé la fille) luy pardōnast ce fait: † ains faisoit requestes & demandes de plusieurs grandes choses, qu'il vouloit auoir du Roy de Frâce son Seigneur: & cuidoit on, au Royaume de Frâce, qu'entre ces deux Roys deust auoir grande guerre. Car le Roy de Nauarre auoit fait plusieurs alliances, & grans semōses, en diuerses regions: & se garnissoit tresfort, & enforçoit ses villes & chasteaux. Finalement, apres plusieurs traitez, fut fait accord entre les deux Roys, par certaines manieres, dōt aucuns des points s'ensuyuent. C'est assauoir que le Roy de France bailleroit au Roy de Nauarre trentē huit mille liures, à tournois, de terre: tant pour cause de certaine rente (que le Roy de Nauarre prenoit sur le tresor à Paris) & pour autre terre (que le Roy de Frâce luy deuoit asseoir par certains traitez, faits, par lōg tēps auant, entre les predecesseurs de ces deux Roys, à raison de la Côte de Chāpaigne) cōme aussi pour cause du mariage du Roy de Nauarre: qui auoit espousé la fille du Roy de France: par lequel mariage luy auoit esté promise grād' quantité de terre: c'est assauoir douze mil liures de terre: en sorte que le Roy de Nauarre voulut auoir la Comté de Beaumont-le-Roger, la réte de Breteul en Normandie, Conches, Orbec, la Vicoté du Pôteau de mer, & le Baillia ge de Constantin. Lesquelles choses luy furēt accordées par le Roy de Frâce: ia soit ce que le Côte de Beaumōt, & les terres de Conches, de Breteul, & d'Orbec, fussent à Mōseigneur Philippe, frere du Roy de France: qui estoit Duc d'Orleans, auquel Duc le Roy de France, son frere, donna autres terres en recompense de ce. Outre cōuient accorder au Roy de Nauarre, pour paix auoir, que lesdits de Harcourt, & tous ses autres alliez, en treroient en sa foy (s'ils vouloient) de toutes leurs terres (quelque part qu'elles fussent au Royaume de France) & en auroit le Roy de Nauarre les hōmages, s'il leur plaisoit, & au-

trouuer qui estoit ce Duc. Vray est que les Ann. de Frâce disent vn Duc de Boesme, & la Mer des Hist. le Duc de Bresnit. Tāt y a que nōstre Auteur a tousiours dit royaume de Behaigne, quād il a voulu parler du pays que au iourd'hui nous appellons, Boesme. Toutesfois l'Abbr. Latin de la presente Hist. fait par Sleidan, dit Prince de Boheme. Les Abr. François n'en disent rien du tout.

† L'an 1353.

† Les Annales de Frâce disent ainsi, et la Mer des Hist. de Meaux; avec les Croniq. de France.

† Il y auoit simplement; ains faisoit requestes au Roy &c. mais nō auons rēply le sens suiuant les Ann. de France & la Mer des Hist. esquel les ce chap. est presque de mot à mot, cōme es Cron. de Frâce: aussi nous auons depuis trouuē que l'Abbr. de sala dit ainsi.

& encor ne luy suffist il pas: ains requist au Roy de France ce plusieurs choses.

*Le Roy de Na-
uarre demāde
pardon au Roy
de France pour
la mort de son
Conneſtable.
† Selon tous bōs
Auteurs, et ſui-
uant noſtre Au-
teur meſme par
cy deuant nous
anōs r'acouſtré
ce paſſage: qui
eſtoit corrompu
en ceſte ſorte.
Et toſt apres
la Roynie Ie-
hanne Ante
de la Roynie
Blāche ſœur
du Roy de
Nauarre: la-
quelle Iehā-
ne auoit eſté
fēme au Roy
Philippe der-
nier trespas-
ſé, vint en la
preſence du
Roy de Fran-
ce, lequel ils
enclinerent:
c'eſt adire de-
uant lequel
s'enclinerēt
luy faiſant la
reuerence,
Nous auons ſe-
blablement ain-
ſi fait du reſte
de ce cha. qui
eſtoit horrible-
ment corrompu
en tous noz
Exemplaires.
† La Mer des
Hiſt. adioute
de Paris, avec
les Chr. de Frā-
ce. † Reconcilia-
tion des Seig.
de Harcourt a-
vec le Roy Iehā-
ne l'an. 1354.
† En ceſt arti-
cle & en l'an-*

trement non. Outre luy fut accordé, qu'il tiendrait toutes leſdites terres, avecques cel-
les qu'il tenoit par auant, en Pairie: & pourroit tenir (ſil vouloit) Eſchiquier, deux fois
l'an, auſſi noblement comme le Duc de Normandie. Et encores luy fut accordé, que le
Roy de France luy pardonneroit (& à tous ceux, qui auoient eſté à l'occifion du Con-
neſtable) la mort d'iceluy: & ainſi promeit, par ſon ſerment, que iamais pour occaſiō de
ce, ne leur feroit, ne feroit faire, villennie ou dommage: & avec ce, eut le Roy de Nauar-
re vne grande ſomme d'eſcus d'or, du Roy de France. Et, auant ce que le Roy de Nauar-
re vouliſt venir à Paris deuers le Roy de France, il conuint qu'on luy enuoyaſt, par ma-
niere d'oſtage, le Comte d'Aniou, ſecond fils du Roy de France. Apres ſ'en vint à Paris,
à grande foiſon de Gēs-d'armes. Le quatrieſme iour de Mars enſuyuant il vint en la chā-
bre de Parlement: ou le Roy de France eſtoit en ſiege, & pluſieurs des Pairs de France,
avec ſes gens de Parlement, & pluſieurs de ſon Conſeil: & y eſtoit le Cardinal de Boulō-
gne. Là pria le Roy de Nauarre au Roy de France, qu'il luy vouliſt pardonner ledit fait
du Conneſtable. Car il auoit eue bōne cauſe d'auoir fait ce qu'il auoit fait: laquelle il of-
frit à dire lors, ou autrefois, au Roy de France. Et outre dit & iura, qu'il ne l'auoit fait au
contennement du Roy de Frāce ne de ſon office de Cōneſtable: & qu'il ne feroit de riēs
ſi courroucé, cōme d'eſtre en l'indignatiō du Roy de Frāce. Et, ce fait, Mōſeigneur Ia-
ques de Bourbō, Cōneſtable de France, du cōmandemēt du Roy de Frāce mit la main
au Roy de Nauarre. Puis le fit-lon traire arriere: † & toſt-apres, la Roynie Iehāne tâte du
Roy de Nauarre, & la Roynie Blāche, ſœur d'iceluy (la premiere deſquelles auoit eſté fē-
me du Roy Charles le Bel, & l'autre du Roy Philippe, dernier trespasſé) vindrent en la pre-
ſence du Roy de France: leſq̃lles enclinerent. Et adōc Monſeigneur Regnaut de Trie
ſagenouilla, & dit, Mon trefredouté Seigneur, veez cy mes Dames les Roynes, Iehanne
& Blāche: qui ont entēdu que Mōſeigneur de Nauarre eſt en voſtre malle-grace: dōt el-
les ſōt formēt courroucées. Si vous ſuppliēt que vous luy vueillez pardōner voſtre mal-
talent: & ſi Dieu plaift, il ſe portera ſi biē enuers vous, que vous & tout le peuple de Fran-
ce ſ'en tiendront pour bien cōtens. Et adōc le Conneſtable & les Mareſchaux allerent
querir le Roy de Nauarre: & il vint derechef deuāt le Roy de France: & ſe mit au milieu
des deux Roynes. Et adōc ledit Cardinal parla ainſi, Monſeigneur de Nauarre, nul ne
ſe doit émerueiller ſe le Roy de France ſ'eſt tenu pour mal-cōtent de vous, pour le fait
qui eſt aduenū (lequel il ne cōuient ia que ie die: puis que vous l'avez ſi publié par voz let-
tres, & autremēt par tout, que chacun le fait) car vous eſtes tāt tenu à luy, que ne le deuf-
ſiez auoir fait, vous eſtes de ſon ſang ſi prochain, que chacun le fait, vous eſtes ſon hom-
me & ſon Pair: & ſi avez eſpouſée ſa fille: & de tāt avez plus méprins. Toutefois, pour
l'amour de mes Dames les Roynes, qui cy ſont (qui moult affectueuſemēt l'en ont prié)
& auſſi qu'il tient que vous l'avez fait par petit conſeil, il vous pardonne de bon cœur &
de bonne volonté. Et alors leſdites Roynes & le Roy de Nauarre meirent chacū le ge-
noul à terre, en remerciant le Roy. Et encores dit le Cardinal, Qu'aucun du lignage du
Roy, ou autre, ne ſ'auenturaſt doreſnauant de faire tels faits, comme le Roy de Nauarre
auoit fait. Car vrayement, ſil aduenoit, & fuſt le fils du Roy, qui le fiſt du plus petit Offi-
cier que le Roy euſt, ſi en ſeroit il iuſticié. Et adōc la Court ſe departit. Le xxj. iour de
Mars vn Cheualier Bannerel, des baſſes Marches, appellé meſſire Regnaut de Preſſigny
Seigneur de Marant pres de la Rochelle, fut trainé, & puis pendu au gibet † par le iuge-
ment de parlement, & de pluſieurs du grand Conſeil du Roy. L'an mil trois cens cin-
quante & quatre, au mois d'Aouſt, ſe recōcilierent, au Roy de France, le Comte de Har-
court, & Monſeigneur Louis ſon frere: † & luy deuoient reueler moult de choſes (ſi cō-
me on diſoit) & par eſpecial tout le traité de la mort Monſeigneur Charles le Conneſta-
ble. Et au mois de Septembre enſuyuant ſe partit de Paris le Cardinal de Boulongne, &
ſ'en alla en Auignon. & diſoit on communement qu'il n'eſtoit pas en la grace du Roy:
ia ſoit ce que par l'eſpace d'un an, qu'il auoit demouré en France, il euſt touſiours eſté ſi
priué avec le Roy, comme pouuoit eſtre d'autre. Et en ce temps ſ'abſēta du Royaume de
Frāce Monſeigneur Robert de Lorris, Chambelan du Roy de France: & diſoit l'on que,
ſil euſt eſté tenu, il euſt eu dommage du corps, pource qu'il deuoit auoir réuelé, au Roy
de Nauarre, aucūs ſecrets du Roy de Frāce: ſi comme leſdits de Harcourt deuoient auoir
réuelé au Roy de France. Au mois de Nouembre, † enſuyuāt, le Roy de Nauarre ſe par-
tit ſecretement de Normandie: & ſ'en alla ébatre, par pluſieurs lieux, iuſques en Auignō
& à Nauarre. En ce mois partirent auſſi de Paris, l'Archeueſque de Rouen, Chancelier
de France

de France, & le Duc de Bourbon, pour aller en Auignon, vers le Pape, & illec traiter de tre suiuant de-
 paix entre les Roys de France & d'Angleterre, avec le Duc de Lencastre, & autres An- failloient quel-
 glois, à ce deputez. Celuy mesme mois se partit le Roy de France, & s'en alla en Nor- ques mots que
 mandie, & fut iusques à Caen: & fit prendre & mettre toutes les terres du Roy de Na- ay adionstex
 uarre en sa main, & instituer officiers de par luy, & mettre gardes es chasteaux du Roy de France, &
 de Nauarre, excepté en six: c'est assauoir en Eureux, au Ponteau-de-mer, à Cherbourg, comme nostre
 à Gauray, à Auranches, & à Mortaigne: lesquels ne luy furent pas rendus. Car il y auoit Auteur mes-
 dedans des Nauarrois: qui respondirent à ceux, que le Roy y enuoya, qu'ils ne les ren- me le monstre
 droient, fors au Roy de Nauarre, leur Seigneur: qui les leur auoit baillez en garde. Au tantost en ce
 mois de Januier apres vint M^{seigneur} Robert de Lorris, par saufconduit qu'il eut du present chap.
 Roy: & demoura bien enuiron l'espace de quinze iours à Paris, auant qu'il eust acces de avec la Mer
 parler à luy: & apres y parla: mais il ne fut pas reconcilié à plein: ains retourna en Aui- des Hist. & Po
 gnon, par l'ordonnance du conseil du Roy, pour estre aux traitez avec les gens du Roy, lyd. Virg. con-
 En la fin de Feurier, ensuyuant, vindrēt nouuelles que certaines tréues, qui auoient esté formes aux
 prinſes entre les Roys de France & d'Angleterre, iusques en Auriſ ensuyuant, estoient Chroniques de
 prolongées par le Pape, iusques à la Natiuité de S. Iehan Baptiste, pource que ledit Pape France:
 n'auoit peu trouuer voye de paix: à laquelle les traiteurs, qui estoient en Auignon, tant † L'an 1355:
 pour l'un Roy cōme pour l'autre, se vouſſent cōſentir. Et enuoya le Pape meſſagers de à cōmencer ain
 uers les Roys, ſur vne autre voye de traiter, que celle qui auoit esté autrefois pour parlée ſi qu'il a fait
 entre les traiteurs. Ce meſme mois le Roy de France fit faire Florins de fin or, appelez au chap. 152:
 Florins à l'aiguel: pource qu'en la pille auoit vn aiguel: & estoient de cinquantedeux au combien qu'il
 marc: & lors qu'ils furent faits, le Roy en donnoit quarantehuit pour vn marc de fin or: ſemble tantost
 & deffendit l'on le cours de tous autres Florins. En ce mois meſſire Gaucher de l'Orme ne vouloir com
 vint à Paris, parler au Roy de France, comme meſſager du Roy de Nauarre: & ſen re- mencer qu'à
 tourna au mois de † Mars ensuyuant: & emporta lettres de ſaufconduit deuers le Roy de Pasques.
 Nauarre. Celuy an, le ſoir de Quareſme-prenant, vindrent pluſieurs Anglois pres de la Florins à l'ai-
 ville de Nantes en Bretagne: & entrerent dedans le chaſtel, par eſchelles, enuiron cin- gnel.
 quantedeux d'entre eux, & le prindrent. Mais Monſeigneur Guy de Rochefort (qui en † Il y auoit Fe
 estoit Capitaine, & estoit en la ville, hors le chaſtel) fit tant par aſſaut, qu'il le recouura urier: mais le
 la nuit meſme: & furent ces cinquantedeux Anglois morts ou prins. A Paſques, l'an precedent aſſeu
 mil trois cens cinquante & cinq, le Roy Iehan enuoya en Normandie ſon ainſné ſils, re nostre corre-
 Charles, Dauphin de Viennois, ſon Lieutenant: & y demoura tout l'Eſté: & luy ottroye- tion.
 rent les gens du pays trois mille Hommes d'armes pour trois mois. Item au mois de
 Aouſt, ensuyuant, le Roy de Nauarre vint de Nauarre: & deſcendit au chaſtel de Cher- Le Roy de Na-
 bourg en Coſtantin, & avecques luy dix mille hommes, qu'unſ qu'autres: & furent plu- uarre s'eſtant
 ſieurs traitez entre les gens du Roy de France & du Roy de Nauarre & enuoyerēt plu- ſecrettement re
 ſieurs fois de leurs gēs l'un deſdits Roys par deuers l'autre. Et ceux, qui par le Roy Char- tiré de France
 les de Nauarre estoient au chaſtel d'Eureux & au Ponteau-de-mer, pilloient tout le païs en ſon Royau-
 d'enuiron: & vindrent aucuns des Nauarrois au Chaſtel de Conches (qui estoit pour me, deſcend en
 lors en la main du Roy Iehan de France) & le prindrent leſdits Nauarrois, & le garnirēt Normandie à
 bien de viures & de Gens d'armes: & pluſieurs autres choſes firent les gens du Roy de n'auſin armee.
 Nauarre, contre les gens du Roy de France. Et finalement fut fait accord entre le Roy ſecond accord
 de France & le Roy de Nauarre: & puis alla le Roy de Nauarre deuers Monſeigneur entre les Roys
 Charles, Dauphin de Viennois, au chaſtel de Verneul: & ledit Dauphin le mena en la de France &
 bonne ville de Paris: & le vingtquatrieme iour de Septembre, vindrent leſdits Roy de de Nauarre:
 Nauarre & Dauphin à Paris, deuers le Roy de France, au chaſtel du Louure. Et, quand
 ils furent venus en la preſence de pluſieurs, le Roy de Nauarre fit la reuerance au Roy
 de France: & ſ'excusa moult honnorablemēt de ce qu'il ſ'estoit parti hors du Royaume
 de France. Et, pource qu'on luy auoit rapporté qu'aucuns luy deuoiēt auoir doné blaſ-
 me enuers le Roy de France, ſi luy requit le Roy de Nauarre, qu'il luy vouſſit nommer
 ceux, qui ce auoient fait, & puis iura que, puis la mort du Conneſtable, il n'auoit fait
 choſe contre le Roy de France, qu'un loyal homme ne peuſt & deuſt faire. Et neant-
 moins il requit au Roy de France, qu'il luy vouſſit tout pardonner, & le tenir en ſa grā-
 ce: & promeit le Roy de Nauarre qui luy ſeroit bon & loyal, ſi comme ſils doit eſtre à
 Pere, & vaſſal à ſon Seigneur. Et adonc luy fit dire le Roy de France, par le Duc d'A-
 thenes, qu'il luy pardonnoit tout de bon cœur. Item au mois d'Octobre, en celuy an de
 mil cccc lv. le Prince de Galles (qui estoit ainſné ſils du Roy d'Angleterre) alla en Gal-

donard d'Angleterre. 3. du nom guerroye les François en Aquitaine.

Le Roy d'Angleterre. descend à Calais, & court iusques à Hedin.

Le Roy Iehan de France presente le combat au Roy d'Angleterre.

congne, & iusques aupres de Toulouze. Puis passa la riuere de Garonne, & alla en Carcassonne, & ardit le bourg: mais il ne peut forfaire la cité: car elle fut deffendue. Et de là alla à Narbonne, ardant & exilant le pays: & au mois de Nouembre retourna à Bordeaux, à tout grand pillage & foison de prisonniers, sans ce qu'il trouuaft, qui luy donnaft aucune chose à faire: & toutesvoies estoient au pays le Comte d'Armignac, Lieutenant du Roy de France en Languedoc, Monseigneur de Foix: Monseigneur Iagues de Bourbon, Seigneur de Ponthieu, & Conestable de France, & Monseigneur Iehan de Clermont, Marechal de France, à plus grand' compaignie que n'estoit ledit Prince de Galles. Celuy an, en la fin du mois d'Octobre, descendit le Roy d'Angleterre à Calais. Si cheuaucha iusques à Hedin, & rompit le parc, & ardit les maisons qui estoient audit parc: mais il n'entra point au chastel, n'en ladite ville de Hedin. Et adonc le Roy de France (qui auoit fait son mandement en la ville d'Amiens) tantost qu'il eut ouy les nouvelles desdits Anglois, cheuaucha deuers le Roy d'Angleterre: qui lors retourna à Calais: & le Roy de France alla apres, iusques à Saint-Omer: & luy manda par le Marechal d'Authain, & par plusieurs autres Cheualiers, qu'il le combattroit (s'il vouloit) corps à corps, ou pouuoir contre pouuoir, à quelque iour qu'il voudroit: mais le Roy d'Angleterre refusa la bataille, & repassa la mer en Angleterre, & ledit Roy de France retourna à Paris.

De l'imposition & gabelle ordonnée en France par les trois Estats, pour le fait de la guerre.

CHAP. CLV.

Le Roy Iehan donne la Duché de Normandie à son fils Charles, Dauphin de Viennois.

† Sala dit cinquante ces mille & à la verité combien que ie ne trouuasse specification de pl^e grande somme en to^r ceux qui ont parlé de cest article, si ne pouuoie ie peser qu'il ne fust la faire pl^e grande icy pour l'égard de l'imposition & gabelle, sans que ie parle du grand subsid^e & adionsté: qui à mon aduis pouuoit suffire à

Celuy an, enuiron la Saint-Andry, furent assemblez à Paris, par le commandement du Roy de France, les Prelats, les Chapitres, les Barons, & les Bourgeois des bonnes villes du Royaume de France: & leur fit le Roy exposer en sa presence, en la chambre de Parlement, l'estat des guerres, par le Chancelier de France: & leur requit ledit Châcelier qu'ils eussent aduis ensemble sur quel aide ils peussent faire audit Roy de France, qui fust suffisant pour faire le fait de la guerre. Et, pource que ledit Roy de France auoit entendu que les subiets du Royaume de France se tenoient forment pour greuez de la mutation des monnoyes, ledit Roy de France offrit à faire forte monnoye & durable: mais qu'on luy fist autre aide: qui fust suffisant pour faire sa guerre. Lesquels respondirent (c'estassauoir le Clergé, par la bouche de l'Archeuesque de Reims: les Nobles, par la bouche du Duc d'Athenes: & les bonnes villes, par la bouche d'Estienne Martel, Preuost des Marchans en ladite ville de Paris) qu'ils estoient tous prests & appareillez de mourir & de viure avecques ledit Roy de France, & de mettre corps & auoir en son seruice: & requierent deliberation de parler ensemble. Laquelle deliberation leur fut voloutairement ottroyée. Celuy an, la vigile de la Conception Nostredame, donna le Roy de France la Duché de Normandie à son aîné fils Charles, Dauphin de Viennois, & Comte de Poictiers: & le lendemain luy en fit ledit Charles hommage. Apres la deliberation des trois Estats dessusdits, ils respondirent au Roy de France, en la chambre de Parlement, par les bouches des dessusnommez, qu'ils luy feroient trente mille Hommes-d'armes pour vn an, à leurs despens: & pour auoir la finance à payer les trente mille hommes (laquelle finance fut estimée † cinquante mille liures Parisis) ces trois Estats ordonnerent qu'on leueroit sur toutes gens (de quelque estat qu'ils fussent, comme gens d'Eglise, Nobles, & autres) imposition de huit deniers Parisis pour liure, de toutes denrées: & que gabelle de sel courroit par tout le Royaume de France. Mais, pource que l'on ne pourroit pour lors sauoir si ladite imposition & gabelle suffisoit, il fut ordonné que les trois Estats retourneroient à Paris pour cognoistre & veoir lesdites impositions & gabelle. Auquel premier iour de Mars ensuiuant ces trois estats, retournerent: excepté aucunes grosses villes de Picardie, les Nobles, & plusieurs autres villes de Normandie. Et y vindrent ceux, qui furent à l'estat desdites impositions & gabelle: & trouuerent que ce ne suffisoit pas pour auoir ladicte somme. Si ordonnerent nouveau subsid^e: c'estassauoir que toute personne (fust du sang du Roy, ou autre) Clerc ou Lay, Religieux ou Religieuse, exempt, & non-exempt, hosteliers, Chefs d'Eglise, ou autres (qui eussent rentes, reuenues, offices, ou administration) femmes veufues, ou celles qui faisoient chefs, enfans mariez & non-mariez (qui eussent aucune chose de par eux, & fussent en garde, baille, tutelle, cure, main-bonne, ou administration quelconque) monoyers, & tous autres (de quelque estat, autorité, ou

té, ou priuilege qu'ils vlassent, ou eussent vſé au temps passé) qui eussent vaillant cent li-
 ures de reuenue, ou au deſſous) fuſt à vie, ou à heritages, ou à gages, à cauſe d'offices &
 penſions, à vie ou à volonte) feroit aide & ſubſide de quatre liures, pour le faict des-
 dites guerres: de quarante liures de reuenue, ou au deſſous, quarante ſols: de dix liures
 de reuenue, ou au deſſus, vingt ſols: & au deſſus de dix liures (fuſſent enfans en main-
 bonne: au deſſus de quinze ans, ou laboureurs, & ouuriers gaignans, qui n'eussent au-
 tre choſe que de leur labourage) feroient aide de dix ſols; & ſils auoient autre choſe
 que de leur labourage, du leur ils feroient aide, comme les autres. Seruiteurs merce-
 naires, ou alouez (qui ne viuoient ſeulement que de leur ſeruice, & qui neantmoins
 gaignoient la ſomme de plus de cent ſols par an) feroient ſemblable aide & ſubſide de
 dix ſols: à prendre les ſommes deſſuſdites à Paris, au pays de Paris, & à Tournois, au
 pays de Tournois. Et, ſi leſdits ſeruiteurs ne gaignoient que cent ſols, & au deſſous, ils
 n'aideroient de nulle riens: ſils n'auoient aucuns biens equipollens: auquel cas ils aide-
 roient comme deſſus. Et auſſi n'aideroient de riens Mandiens, ne Moines cloiftriers,
 ſans office ou adminiſtration: n'enſans en main-bonne, ſous l'aage de quinze ans: qui
 n'eussent aucunes choſes, comme deſſus. N'auſſi Nonnains: qui n'eussent en reuenue au
 deſſus de dix liures. N'auſſi femmes mariées: pource que leurs maris aideroient, & ſe-
 roit compté ce, qu'elles auroient de par elles, avecques ce que leurs maris auroient. Et,
 quant aux Clercs & gens-d'Egliſe, Prelats, Abbez, Prieurs, Chanoines, Curez, & au-
 tres, comme deſſus, qui auroient vaillant au deſſus de cent liures de reuenue (fuſt c'en
 benefices de S. Eglife, ou en patrimoine, ou en l'un avec l'autre) iuſqu'à 5000. liures, fe-
 roient aide de 4. liures pour les premieres 100. liures, & pour chacun autre cēt de liures,
 iuſqu'auſdites 5000. liures, 40. ſols: & ne feroient de rien aide, au deſſus deſdites 5000.
 liures, n'auſſi de leurs meubles. Et les reuenues de leurs benefices ſeroient eſtimez ſelon
 le taux du dixième: ny ne ſen pourroiet nuls affranchir par quelconques priuileges, nō-
 plus qu'ils faiſoient de leurs dixièmes, quand les dixièmes eſtoient ottroyées. Et auſſi,
 quant aux Nobles & gens des bonnes villes, qui auoient vaillant au deſſus de cent li-
 ures de reuenue, leſdits Nobles feroient aide, iuſques à cinq mille liures de reuenue,
 de quarante ſols pour chacun cent, outre les quatre liures du premier cent: & les gens
 des bonnes villes par telle & ſemblable maniere, iuſques à mille liures de reuenue, tant
 ſeulement. Et, quant aux meubles des Nobles, qui n'auoient pas cent liures de reue-
 nue, l'on eſtimeroit les biens meubles, qu'ils auoient, iuſques à la valeur de mille liures,
 & nomplus: & quant aux gens non Nobles, qui n'auoient pas quatre cens liures, l'on
 priſeroit leurs biens meubles, iuſques à la valeur de quatre mille liures (c'eſtaſſauoir
 cent liures de meubles, pour dix liures de reuenue) & de tant feroient aide, par la ma-
 niere cy deſſus deuſſée. Et, ſil aduenoit qu'aucun Noble n'eust vaillant ſeulement iuſ-
 ques à cent liures de reuenue, n'en meubles purement iuſques à mille liures, ou qu'au-
 cun non Noble n'eust ſeulement de reuenue quatre cens liures, n'en meuble purement
 quatre mille liures, & ils fuſſent partie en reuenue, & partie en meuble, l'on eſtimeroit
 ſa reuenue & ſon meuble enſemble, iuſques à la ſomme de mille liures, quant aux No-
 bles, & de quatre mille liures, quant aux non Nobles. Le ſamedy, cinquième iour de
 Mars, l'an mil trois cens cinquante & ſix, ſe meut vne diſſenſion, en la ville d'Arras, des
 menus contre les gros: & tuerent ce iour les menus dixſept des plus Nobles d'icelle
 ville: & le Lundy enſuiuant en occirent autres quatre: & pluſieurs en bannirent, qui n'e-
 ſtoient pas en ladite ville d'Arras: & ainſi demourerent leſdits menus gens maîtres
 d'icelle ville d'Arras.

*Comment le Roy de France print le Roy de Nauarre, & fit decapiter le Comte de Harcourt,
 & autres, à Rouen.*

CHAP. CLVI.

I Tem le Mardy, cinquième iour d'Auril enſuiuant (qui fut le Mardy apres la Mi-Qua-
 reſme) le Roy de France ſe partit au matin, auant iour, de Maineuille, tout armé, ac-
 compaigné d'environ cent Lances (entre leſquels eſtoient le Comte d'Aniou ſon ſils,
 le Duc d'Orleans ſon frere, Monſeigneur Iehan d'Artois, Comte d'Eu, Monſeigneur
 Charles ſon frere, couſin germain dudit Roy de France, le Comte de Tanearuille, meſ-
 ſire Arnoul d'Andreghen, Mareſchal de France, & pluſieurs autres Barons & Cheua-
 liers, iuſques au nombre deſſuſdit) & vint droit au chaſtel de Rouen, par l'huis de der-
 riere, ſans entrer en la ville: & trouua en la ſalle dudit chaſtel, aſſis à diſner, Charles, ſon
 ainſné ſils, Duc de Normandie, Charles, Roy de Nauarre, Iehan, Comte de Harcourt,

beaucoup plus
 de trente mille
 Hommes d'ar-
 mes, tels que ie
 penſe qu'il en-
 tend; c'eſt aſſa-
 uoir trente mil
 teſtes en armes
 & non pas lan-
 ces, fournies de
 leurs Archers
 & Couſtillers.
 Car en ce cas
 écherroit autre
 conſideration.
 Quant au reſte
 du chapitre, i'o
 ſe preſque aſ-
 ſeurer de l'a-
 uoir remis en
 ſon entier, com-
 bien qu'il fuſt
 tant corrompu
 que la raiſon
 de noz, corre-
 ctions euſt eſté
 beaucoup plus
 ample que ſon
 texte.

† L'an 1356.
 mutinerie de-
 dans la ville de
 Arras: d'ou
 l'on voit enco-
 res, avec le cha-
 pitre ſuiuant,
 qu'il commença
 l'an deuant
 Paſques.

† Si plusieurs
de tels noms
& surnoms
sont autrement
es *Annal. de*
France, en la
Mer des Hist. es
Chron. de Frâ-
ce & ailleurs
ne vous en pre-
nés pas à moy.

Le Comte de
Harcourt &
quelques au-
tres decapitez
à Rouen.

Le Roy de Na-
uarre enuoyé
de Rouen pri-
sonnier à Paris

† L'an 1356.
cōme dessus pu-
niton des mu-
tins d'Arras.

Le Duc de Len-
clastre au pays
de Constantin
en Normandie
pour le Roy de
Anglet. contre
le Roy de Frâce
avec les Na-
uarrois.

Vernueil, au
Perche, prins
& pillé par les
Anglois &
Navarrois.

les Seigneurs de Preaux, de Grauille, & de Clere, & plusieurs autres. Et là fit le Roy de France prendre ledit Charles Roy de Navarre, le Comte de Harcourt, les Seigneurs de Preaux & de † Clere, messire Louis & messire Guillaume de Harcourt, freres dudit Comte, Monseigneur Fricquet de Fricquant, le Sire de Tournebu, Monseigneur Maubue de Mamefnars, & deux Escuyers, Oliuier Doublet, & Jehan de Vaubatu & plusieurs autres. Si les fit emprisonner en diuerses chambres de ce chastel: pource que, depuis la reconciliation faite de la mort messire Charles, Connestable de France, le Roy de Navarre auoit machiné & traité plusieurs choses au dommage, deshonneur, & mal du Roy de France, & de son Royaume: & le Comte de Harcourt auoit dit, au chastel de Ruel, ou auoit esté l'assemblée faite pour faire aide au Roy de Frâce, plusieurs iniurieuses parolles contre ledit Roy, en détournât, à son pouuoir, icelle aide estre accordée. Lors alla disner le Roy de France, puis monta à cheual, & tous ceux de sa route: & allerent en vn champ, derriere ledit chastel, appelé le Champ du pardon: & là fit mener le Roy de France, en deux charrettes, ledit Comte de Harcourt, le Seigneur de Grauille, Monseigneur Maubue, & Oliuier Doublet: & illecques leur furent les testes couppees: & apres furent tous quatre trainez iusques au gibet de Rouen: & là furent leurs corps pendus, & leurs testes mises sur le gibet. Ce iour, & le lendemain, deliura le Roy de France tous les autres prisonniers, excepté seulement trois: c'estassauoir Charles, Roy de Navarre (qui fut mené en prison à Paris, au Louure, & depuis fut mis en Chastelet, & luy furent baillez aucuns du Conseil du Roy de France, pour le garder) & lesdits Fricquet & Vaubatu: qui furent aussi emprisonnez au Chastelet. Et pource Monseigneur Philippe de Navarre tint plusieurs chasteaux & forteresses, que le Roy de Navarre, son frere, auoit en Normandie, & ia soit ce que le Roy de France mandast audit Monseigneur Philippe qu'il luy rendist lesdits chasteaux, toutesvoies ne le vouloit il pas faire: mais assemblerēt il & Monseigneur Godeffroy de Harcourt plusieurs ennemis du Roy de France: qu'ils firent venir au pays de Constantin: lequel pays ils tindrent contre le Roy de France & ses gens. Le mercredy apres Pasques, l'an mil trois cens † cinquante & six, messire Arnoul d'Andreghen. Mareschal de France, alla en la ville d'Arras: & illec moult sagement, & sans effort de Gēs-d'armes, fit prendre plus de cent prisonniers, de ceux qui la ville auoient mise en rebellion, & meurtry plusieurs des gros Bourgeois: & le lendemain fit couper les testes à vingt d'iceux: & les autres il fit tenir en prison, iusques à ce que le Roy en eust autrement ordonné: & par ce fut mise la ville en vraye obeyssance du Roy. Au mois de Iuin ensuiuant descendit le Duc de Lenclastre en Constantin: & se meit avec messire Philippe de Navarre, & avecques messire Godeffroy de Harcourt. Si estoient enuiron quatre mille combattans: qui cheuaucherent à Lisieux, & à Orbec, & au Ponteau-de mer: & rafreschirent le chastel: qui auoit esté assiegé par plus de deux mois. Mais Monseigneur Robert de Hotetot, maistre des Arbalestiers de France (qui auoient tenu le siege, avecques plusieurs Nobles & autres) s'estoit parti du siege, quand il sceut la venue du Duc de Lenclastre: & auoit laissé ses engins & son artillerie: & ceux, qui dedans le chastel estoient, prindrent tout. Apres cheuaucherent le Duc & messire Philippe, en robant & pillant les villes & le pays par ou ils passoient, iusques à Bretueil: qu'ils rafreschirent. Et pource qu'ils trouuerent que la cité & le chastel d'Eureux auoient esté de nouuel rendus au Roy de France (qui moult longuement y auoit fait siege: & auoit esté la cité toute arse, & l'Eglise cathedrale toute robée & pillée, tant par les Navarrois, qui rendirēt le chastel par cōposition cōme par aucuns des gens du Roy de France, qui estoient à siege) ledit Duc de Lenclastre & messire Philippe alerent à Vernueil au Perche: & prindrent la ville & le chastel: & pillerent tout, & ardirerent partie de la ville. Le Roy de France, qui auoit faict sa semonse, tantost qu'il ouit nouuelles du Duc de Lenclastre, alla apres à grand' compaignie de Gens-d'armes & de Gens-de-pié: & le suiuit iusques à Cōdé, en allant droit vers la ville de Vernueil: & s'en alloit le Duc de Lenclastre vers la ville de l'Aigle: & le suyuit le Roy de France iusques à Tuebeuf, à deux lieues de la ville de l'Aigle: & là fut dit au Roy de France, qu'il ne le pourroit accōsuyure: car il y auoit grans forests, ou il se bouteroit sans ce qu'on le peust auoir. Pourtant retourna ledit Roy de France à tout son ost: & vint deuant le chastel de Thilliers: que l'on disoit estre en la main desdits Navarrois. Si le print le Roy de France: & y meit gardes de par luy. Apres il vint deuant le chastel de Bretueil: auquel auoit des gens de par ledit Roy de Navarre: & y fut le Roy de France à siege, enuiron l'espace de

ce de deux mois & adonques luy fut ledit chastel rendu par composition, & s'en allerent ceux de dedans là ou ils voulurent, à tout leurs biens & auoir.

Du mandement, que le Roy de France fit pour combattre le Prince de Galles: qui cheuauchoit en Berry.

CHAP. CLVII.

Quand le Roy Iehan de France eut fait ses cheuauchées, & reconquis en basse Normandie les villes & chasteaux du Roy de Nauarre (qu'il faisoit tenir en prison) & il fut retrait en la cité de Paris, il n'y eut gueres seiourné, quād il ouit dire que le Prince, à tout son effort, estoit ia entré moult auant en son pays, & approchoit durement le bon pays de Berry. Lors dit le Roy, & iura, qu'il cheuaucheroit contre luy, & le combatroit quelque part qu'il le trouueroit: & adonc fit le Roy derechef vn tref-especial mandement, à tous Nobles & fiefs tenans de luy, que nul sur peine de soy trop grandement meffaire, ses lettres veuës, ne s'excusast, ny ne demourast, qu'il ne venfist deuers luy, sur les marches de Blois & de Touraine: car il vouldoit combattre les Anglois. Et le Roy, pour haster sa besongne, se partit de Paris: car encores tenoit il grand foison de Gens-d'armes sur les champs: Si vint à Chartres, pour mieux apprendre du conuenant des Anglois: & là s'arresta: & tousiours luy venoient Gens-d'armes à effort, de tous les costez, d'Auuergne, de Berry, de Bourgongne, de Lorraine, de Haynaut, de Vermandois, de Picardie, de Bretagne & de Normandie: & tout ainsi qu'ils venoient, ils passioient outre, & faisoient leurs monstres, & se logeoient sur le pays, par l'ordonnance des Mareschaux, Monseigneur Iehan de Clermont, & Monseigneur Arnoul d'Andreghen. Et faisoient le Roy grossièrement pourueoir & refreschir ses forterefes, & garnisons de bons Gens-d'armes, d'Aniou, de Poictou, du Maine, & de Touraine, sur les marches & frontieres, par ou on esperoit que les Anglois deuoient passer, pour leur clorre le pas: & tollir viures & pourueances, qu'ils ne peussent riens recouurer pour eux, ne pour leurs cheuaux. Nonostant tout ce, le Prince & sa route (ou bien auoit deux mille Hommes-d'armes, & six mille Archers) cheuauchoit à leur aise, & recouuoient de tous viures à grand foison: & trouuoient le pays d'Auuergne (ou ia ils estoient entrez & auallez) moult gras, & rempli de tous biens: mais ils ne se vouldoient arrester à ce: ainçois vouloient guerroyer leurs ennemis. Si ardoient & exiloient tout le pays, quād & eux. Et (quand ils estoient entrez en vne ville, & ils la trouoient pourueüe de tous biens, & ils sy estoient refreschis deux iours ou trois, & ils s'en partoient) ils exiloient le demourant: & defonsoient les tonneaux pleins de vins, & ardoient bleds, auoines, & toutes choses: à fin que leurs ennemis n'en eussent amendement. Puis cheuauchoiēt auant: & tousiours trouuoient bon pays & platureux: car en Berry, en Touraine, en Aniou, en Poictou, & au Maine, y a moult grasse marche pour Gens-d'armes. Tant cheuaucherent les Anglois par telle maniere, qu'ils vindrent en la bonne cité de Bourges: & y eut grand' écarrouche à l'une des portes: & y furent bons Cheualiers le Sire de Coufant & Monseigneur Hutin de Memelles (qui gardoient la cité) & y eut maintes appertises d'armes faictes. Puis s'en partirent les Anglois, sans plus y faire: & vindrent à Issoudun, à vn fort chastel. Si l'affaillirent roidement: & là se recueillit l'ost. Mais ils ne le peurent point gagner: car le Chastellain & les Gentils-hommes, qui dedans estoient, le deffendirent forment. Si passerent les Anglois outre: & prindrent leur chemin vers vne bonne grosse ville, & bon chastel: mais elle estoit foiblement fermée: & peu de gens y demouroient pour la deffendre. Si fut prinse de force: & là trouuerent les Anglois vins & viures à grand plan-té: & y seiournerent trois iours, pour eux refreschir. Illecques vindrent nouuelles au Prince de Galles, q̄ le Roy de France estoit en la ville de Chartres, à tresgrand' foison de Gens-d'armes, & que toutes les villes & les passages de dessus la riuere de Loire estoient fermez, & si bien gardez, que nullemēt il ne pourroit passer celle riuere. Si eut le Prince conseil qu'il se mettroit au retour, & passeroit parmi Touraine & Poictou, & retourneroit à Bordeaux (dont il estoit parti) en destruisant & gastant le pays par ou il passeroit. Lors se meirent au retour, quand ils eurent fait de la ville à leur talent: & auoient ce iour prins le chastel, & occis la plus grand' partie de ceux, qui estoient dedans. Apres ils cheuaucherent deuers Rommorentin. Si enuoya au pays de Berry le Roy de France trois grans Barons, pour garder les frontieres, & aduiser le conuenant des Anglois: c'est à fauoir le Sire de Craon, Mōseigneur Bouciquaut, & l'Hermitte de Chaumont lesquels, à trois cens Lances, cheuaucherent sur les frontieres, en costoyant les Anglois: & les

*† le liroye volō
tiers icy à
Vierzon,
pour vers: cō-
me veulent les
Annales de
France, & ainsi
l'ay-je trouuē
depuis Abre-
ge François
& en l'Exēp.
de Verard.*

† D'Auber-
thicourt en
l'Exemp. de la
Mer, & en ce-
luy de Verard
& Ambreci-
court en la
Chaux.

auoient ia poursuis iusques à six iours: & n'auoient peu trouuer leur aduantage d'entrer en eux, n'affaillir: car les Anglois cheuauchoiēt si sagement, qu'on ne les satoit ne pouuoit on enuahir de nul costé, pour gaigner rien sur eux. Si se bouterēt vn iour ces Frâçois en embusche, assez pres de Rommorentin, sur vn pas, qui estoit assez merueilleux: par ou il cōuenoit les Anglois passer. Ce iour estoient departis des routes du Prince de Galles, de la bataille des Mareschaux, & par le congé Mōseigneur Berthelemy de Brisches, le Sire de Mucident, Gascon, Monseigneur Petiton Courton, le Sire de la Warre, le Sire de Basset, Monseigneur Daniel Passeler, Monseigneur Richart de Pontchardon, Monseigneur Noel Lorinch, le ieune Sire d'Espensier, Monseigneur Edouard, & Monseigneur † d'Amberthicourt, à tout deux cens combattans, pour courir deuant Rommorentin. Si passerent parmi l'embusche des François: qu'onques ne s'en donnerent de garde: Si tost qu'ils furent outre; les François ouurirent leur embusche, & ferirent leurs cheuaux des esperons. Si estoient montez sur fleurs de courriers, & roides rouffins, & apperts. Les Anglois (qui estoient ia bien auant) sentirent l'effroy des cheuaux derriere eux, & apperceurent que c'estoient leurs ennemis, qui se hastoient. Si s'arrestèrent tout à vn faix, & attendirent les François qui venoient de grand' volonté, tous aduisez de ce que ils deuoient faire, tous serrez, les lances baissées, Et ainsi vindrent courant iusques aux Anglois: lesquels se coururent, & laisserent passer les François outre: & n'y eut des leurs qu'environ cinq ou six ruez par terre en celle empreinte: & puis se recueillirent tantost, & remeirent ensemble, & reuindrent aux François. Là eut, tout à cheual, grand & fort poignis d'armes & de lances: & dura treslonguement: & y eut plusieurs Cheualiers & Escuyers abbatus d'un costé & d'autre, & puis par force releuez & recoux. Et dura ceste chose vne bōne espace, qu'on ne sceut à dire ceux, qui auroient du meilleur: tant estoient fort encomblez l'un à l'autre. Et tant se combattirent vaillamment, que la bataille des Mareschaux commença à approcher & l'aperceurent les François, comme elle leur venoit sur elle, en costoyant vn bois. Lors ils se partirent (qui mieux mieux) & prindrent l'adrece deuers Rommorentin: & les Anglois apres, ferant & abbattant sans nul épargner, ne leurs cheuaux. Là eut grand estour & dur, & maint hōme mis à méchef, & renuersé par terre. Toutesfois la moitié, & plus, se bouterent dedans le chastel de Rommorentin: qui leur fut tout appareillé. Si se sauuerent les trois Barons, & aucuns Cheualiers & Escuyers, les mieux montez: & toutesfois la ville de Rōmorentin fut prinse par les Anglois à leur premiere venue. Car pour lors il n'y auoit gueres de forteresse: & chacun des François aussi entendit à luy sauuer & bouter dedans le chastel.

La ville de Rō-
morentin prise
par les Angl.

Comment le Prince de Galles print le chastel de Rommorentin. CHAP. CLVIII.

Le chasteau de
Rōmorentin as-
saié par les
Anglois, par
deux fois de-
uant sa prinse.

LEs nouuelles vindrent au prince de Galles, que ses gens auoient eu rencontre. Lors fit arrouster son ost deuers Rommorentin: & vint en la ville: qui estoit toute pleine de ses gens: qui festudioient comment ils pourroient prendre le chastel. Lors dit le Prince à Mōseigneur Iehan Chādos, qu'il allast parler aux Cheualiers de leās: & adonc messire Iehan vint deuant les barrières du Chastel, & fit signe qu'il vouloit parlementer d'aucune chose. Ceux, qui estoient à la garde, s'enquirent de son nom, & de par qui il estoit enuoyé: puis le monstrent à leurs maistres. Adoncques saualerent Monseigneur Bouciquaut & l'Hermite de Chaumont, & vindrent iusques aux barrières. Quand messire Iehan les veit, il les salua: & dit: Seigneurs, ie suis cy enuoyé deuers vous, de par Monseigneur le Prince: qui veut estre moult courtois à ses ennemis, si comme il me semble. Il dit ainsi, que, si vous voulez rendre ceste forteresse, & vous mettre en sa prison, il vous prendra à merci, & vous fera tresbonne compagnie. Messire Bouciquaut dit, Nous n'auōs nulle volonté de nous mettre en tel parti d'armes: ne faire si grand folie, quand il n'en est encores besoing, Nous sommes tous confortez de nous deffendre. Lors ils se partirent: & commanda le Prince qu'on se logeast: car lendemain il vouloit faire assaillir le chastel. Si se logerent dedans la ville de Rōmorentin, & dehors aussi, à leur aise. Le lendemain matin s'armerent Gens d'armes & Archers, & se traitēt chacun en sa banniere, & commencerent à assaillir le chastel tresasprement. Les Archers se tenoient sur les fossez: & trayoient si vniement, qu'à peine osoit nul apparoir aux deffenses: & aucuns nageoient sur huis & sur clayes, piqués, hoyaux, arcs, & sagettes en leurs mains: & vindrent, au fonds, houer & picqueter. Ceux, qui estoient au dedās, gettoient pierres grosses, & pots pleins de chaux. Là fut occis, du costé des Anglois vn Escuyer

Escuyer qu'on appelloit Remod de Gedulach: & estoit de la route du Captal de Buz. Celuy assaut dura tout le iour, à bié peu de repos. Puis se traierent les Anglois en leurs logis: & entendierent à mettre à point les dehaitez & les naurez: & ainsi passerent la nuit. Quand le soleil fut leué, les Mareschaux de l'ost firent sonner leurs trôpettes. Lors se meirerent en cōroy tous ceux, qui pour assaillir furent appareillez. A celuy assaut fut le Prince de Galles personnellemēt: & pour sa presence s'efforçoierent moult les Anglois: & pres de luy fut occis vn Escuyer, appelé Bernard, d'un geēt de pierre. Lors iura le Prince que iamais ne se partiroit de là, si auroit le chastel & ceux de dedās à sa volōté: & adonc r'enforça l'assaut de toutes parts. Si imaginerent aucuns subtils hōmes que pour traire & lācer on se traualloit en vain: & ordōnerent à porter canōs en auāt, & à traire, en t aquereaux & à feu Gre-
geois, dedās la basse-court: si que toute la basse-court fut embrasée: & se multiplia telle-
ment ce feu, qu'il entra en la couuerture d'une grosse tour: qui estoit toute couuerte de
chaume. Quand ceux de dedās apperceuerent qu'il leur cōuenoit rēdre à la volōté du Prin-
ce, ou perir par feu, tātost le sire de Craō, & le sire de Bouciquaut, & l'Hermite de Chau-
mōt descēdirent aual, & se rēdirent à la volōté du Prince: qui les fit cheuaucher, & aller
auecques luy, comme ses prisonniers, auec plusieurs autres Cheualiers & Escuyers, qui
estoit au chastel de Rommorentin: qui fut laissé vague, & tout exilé.

† C'est la pre-
miere fois que
i'aye leu ce nō,
& ne vo^s puis
dire que c'est
proprement.

Du grand ost, que le Roy de France conduisit à la bataille de Poitiers. CHAP. CLIX.

A Pres la prinse du chastel de Rommorētin & des Cheualiers dessus-nōmez, le Prin-
ce & ses gens cheuaucherent cōme deuant, en destruisant le païs & approchāt An-
iou & Touraine. Le Roy de France (qui estoit à Chartres) s'en partit, & vint à Blois: ou il
sarresta deux iours. Puis vint à Amboise, & le Lendemain à Loches. Là il entendit nou-
uellemēt que les Anglois estoierent en Touraine, & qu'ils prenoierent leur retour deuers Poi-
ctou. Car tousiours estoierent les Anglois costoyez par aucuns apperts Cheualiers de Frā-
ce & de Bourgongne: qui tousiours mandoient au Roy la certaineté d'eux. Puis vint le
Roy de France à la Haye en Touraine: & ses gēs auoient passé Loire au pont d'Orleās, à
Mehun, à Saumur, à Blois, à Tours, & là ou ils pouuoient: & y auoit si grand nōbre de bō-
nes gens, qu'ils estoient bien vingt mille hommes d'armes, sans les autres. Si y auoit bien
25. que Ducs que Cōtes, & plus de six vingts bānieres: & les quatre fils du Roy y estoierent
moult ieunes: c'estassauoir le Duc Charles de Normandie, Mōseigneur Louis (qui fut
depuis † Duc d'Aniou) Mōseigneur Iehan (qui fut depuis Duc de Berry) & Mōseigneur
Philippe, le maîné: qui fut depuis Duc de Bourgongne. En ce temps auoient esté en-
uoyez en France, de par le Pape Innocent vi. messire Bertrand, Cardinal de Perigourd,
& messire Nicole, Cardinal † d'Aigel, pour traiter paix entre le Roy de Frāce & ses mal-
ueuillans, & premieremēt contre le Roy de Nauarre (qu'il faisoit tenir en prison) & en
auoient ces deux Cardinaux plusieurs fois parlemēté audit Roy, le siege de Bertueil du-
rant: mais riens n'auoierent impetré. Or f'estoit trait le Cardinal de Perigourd en la cité de
Tours, & là auoit ouy nouuelles que le Roy de Frāce se hastoit durement, pour trouuer
les Anglois. Si cheuaucha par deuers la cité de Poitiers, & se partit de Tours: car il en-
tendit que ces deux osts y tiroient pour y venir: Les nouuelles vindrent au Roy de Frā-
ce, que le Prince de Galles se hastoit, pour retourner dōt il estoit venu. Si se dōuta le Roy
qu'il ne luy échappast: & se partit de la Haye en Touraine, & toutes ses gens apres luy: &
cheuaucherent vers Chauigny: ou ils se logerent vn Ieudy, † tant en la ville que dehors,
tout cōtreual vn beau pré, au long de la riuere de la Creuse. Le lendemain, apres boire,
passa le Roy de Frāce celle riuere au pont de Chauigny: & cuidoit adonc que les An-
glois fussent deuant luy: mais non estoient. Toutefuoyes, en les poursuyuant, passerent ce
† Vendredy plus de quarāte mille cheuaux: & encores en passerent plusieurs à Chastel-
leraut: &, tout ainsi qu'ils passoiēt, ils prenoient le chemin de Poitiers. D'autre part le
Prince de Galles & ses gens ne sauoient mie iustement le cōuenant des François: mais
ils supposoiēt qu'ils n'estoient pas loing. Car leurs † fourreurs ne trouuoient plus que
fourrer: dont ils auoierent moult grand' defaute de viures en leur ost: & se repētoierent les plu-
sieurs de ce qu'ils en auoierent fait si grād exil (endementiers qu'ils estoient en Berry, en An-
iou, & en Touraine) & qu'ils ne s'en estoient autrement pourueus. Or aduint, ainsi que le
Vendredy que ce grand ost du Roy de France, & luy mesmes passerent la riuere au pōt
de Chauigny, q̄ pour la presse & la foule qui y estoit, & pour estre logez plus à leur aise,
trois grans Barōs de Frāce (c'estassauoir le Sire de † Craon, Mōseigneur Raoul de Cou-

† Il le dit desia
Comte d'An-
iou, au chap.
156.

† Je pense que
ce surnom soit
corrompu: mais
ie ne trouue
par qui le rac-
constrer, sinon
q̄ue la Chaux
dit Cardinal
Durgel.

† Qui fut 15.
de Sept. 1356.

cōme on verra
mieux cy apres.

† Le precedent
& le subsequēt
monstrent que

Samedy ne
valoit riē icy,
en sous noz
Exemp.

† Fourreurs
& fourrer
pour fourra-
geurs &
fourrager.

† s'il ne faut
icy le surnom

d'un autre, il faut presupper qu'il s'estoit deliuré de prison, depuis la fin du chap. 158. La Chaux dit le Comte de Joigny, le Côte d'Anfoire (pour Auxerre, à mon aduis) & le Seigneur de Chastillô sur Marle. sala ne met que le Côte de Joigny & le Comte de Coucy. † Ce peut estre celui qu'il a nommé d'Auberthicourt, au chap. 157, † Subtilité de quelques Anglois par laquelle fut pris Raoul de Coucy & plusieurs autres François.

Ecarmonchede quelques auteurs. Ang. sur la queue de l'armée du Roy de France, ainsi qu'il vouloit entrer dedans Poitiers.

cy, & le Comte de Joigny) demourerent ce Védredy, tout le iour, en la ville de Chauuigny, avec vne partie de leurs gës: & les autres passerēt à tout leur harnois, excepté ce que ils auoient retenu pour leurs corps. Le Samedi au matin ils délogerēt, & passerent ledit pont, & poursuiuirēt la route du Roy (qui pouuoit bien estre enuiron trois lieues loing) & prindrēt les chāps, & les chemins des bruyeres, au dehors d'un bois, pour venir à Poitiers. Cestuy Samedi matin s'estoient délogez d'un village, assez pres de là, le Prince & ses gens: & de là auoiet enuoyé, courir aucuns cōpaignons de leurs gës, pour sauoir s'ils trouueroient nulle aduenture, & auroient nulles nouuelles des François. Si pouuoient estre ces Coureurs enuiron soixante armeures de fer, tous bien mōtez selon leur affaire. Entre ces Cheualiers estoient Monseigneur Eustace † d'Auberthicourt, & Mōseigneur Iehan de Guistelles. Si se trouuerent d'auēture au dehors de ce bois, & entre ces bruyeres dont ie parloye maintenant. Les François cognurent que c'estoiet leurs ennemis. Si meirēt leurs bacinets, au pluſtoſt qu'ils peurēt: & déueloperent leurs bānieres, & abbaïſferent leurs lances, & ferirent leurs cheuaux des esperôs. Quād ces Anglois veirent ces Frāçois (qui estoiet bien deux cens armeures de fer) ils aduīserēt † qu'ils se feroient chacer: car le Prince & sō ost n'estoiet pas loing de là. Lors tournerēt les freins des cheuaux, & prindrent l'orniere des bois: & les François apres eux, écrians leurs cris, & demenans grād' noise. Ainsi qu'ils cheuauchoiēt en chaçāt, ils s'embattirēt sur la bataille du Prince: qui estoit toute arrestée entre bruyeres, & attēdoient là pour ouir nouuelles de leurs cōpaignons. Monseig. Raoul de Coucy, & sa banniere, se bouta si auāt, qu'il vint deſſous la bāniera du Prince. Là eut dur hutin: & se cōbattit le Cheualier vaillāment. Toutefois il fut prins, & le Côte de Joigny, le Vicôte de Breuse, le sire de Chauuigny: & tous les autres morts & prins: & petit s'en sauuerent. Par ces prisonniers le Prince sceut que le Roy de France les auoit auancez: & que nullemēt ne pourroit departir, sans y estre cōbattu. Si r'assembla ce Samedi, sur les chāps, toutes ses gës: & fit cōmāder que nul, sur la teste, ne courust ou cheuauchast, sans cōmandement, deuāt la bataille des Mareschaux. Ainsi cheuaucherent ce Samedi des l'heure de prime iusques à vespres, tant qu'ils vindrent à deux petites lieues de Poitiers. Adonc furēt ordonnez pour courir & sauoir ou les Frāçois tenoient les chāps, le Capal de Buz, messire Haimenon de Punieres, Monseigneur Barthelemi de Brunes, & mōseigneur Eustace d'Auberthicourt: & se departirēt ces Cheualiers, à tout deux cens armeures de fer, tous biē montez sur fleurs de courſiers. Si cheuaucherent tant auant, qu'ils veirent la grosse bataille du Roy: & estoient tous les chāps couuerts de Gens-d'armes: & ne se peurent ces Anglois tenir, qu'ils ne viēſſent courir, & ferir à la queue des François. Si en ruerent aucuns par terre, & fiancerent prisonniers: tant que l'ost se cōmença grandement à émouuoir: & en vindrent les nouuelles au Roy de France, ainsi qu'il deuoit entrer en la cité de Poitiers. Lors il retourna: & fit retourner toutes manieres de gens bien auant, sur les chāps. Si fut ce Samedi moult tard, ainçois qu'ils fussent là logez. Les coureurs Anglois retournerēt au Prince: & luy recorderent vne partie du conuenant des François, & qu'ils estoient moult grand nombre de gens. Et adonc (dit il) Dieu y ait part. Or nous faut il sauoir comment nous les combattons à nostre aduātage. Ceste nuit se logerent les Anglois en forts lieux, entre hayes, vignes, & buissons: & fut leur ost bien gardé, & aussi celui des François.

L'ordonnance des François, auant la bataille de Poitiers.

CHAP. CLX.

† Qui fut 18. iour de Septe. 1356. comme dessus. † Ainsi le met tēt noz. Exēpl. & les Anna. de France aussi. Mais il faudroit donc presupper que le Roy Iehan eust contēté Iagues de Bourbon de quelque au-

Q Vand ce vint le Dimēche † au matin, le Roy de France (qui grād desir auoit de cōbattre les Anglois) fit en son pauillon chanter vne messe solennellement: & f'accōmunia luy & ses quatre fils aussi. Apres la messe dite, se tira deuers luy le Duc d'Orleās, le Duc de Bourbō, le Côte de Ponthieu, Monseig. Iagues de Bourbō, le Duc d'Athenes, † Cōnestable de Frāce, le Côte de Tācaruille, le Côte de Salleburce, le Côte de Dāmartin, le Côte de Vāradour, & plusieurs autres grās Barōs de Frāce, & ces teneurs voisins: tels que Monseigneur de Clermont, Monseigneur Arnoul d'Andreghen, Mareschal de Frāce, le Sire de S. Venant, Monseigneur Iehan de Lādas, Monseigneur Eustace de Ribbaumont, le Sire de Fiennes, Monseigneur Geoffroy de Chargny, le Sire de Chastillô, le Sire de Suly, le Sire de Neelle, messire Robert de Duras, & moult d'autres: qui y furent appelez par conseil. Là parlerent vn grand temps. Si fut adoncques ordonné que toutes manieres de gens se traitoient sur les champs, & que chacun Sire déuelopast sa banniere, & la meist auant au nom de Dieu & de Sainct Denis. Lors sonnerent trompettes

trompettes parmi l'ost. Si s'armerent toutes gens, & monterent à cheual & vindrent sur les châps, là ou les bannieres du Roy ventiloient, & estoient arrestées. Là peut on veoir grand' noblesse de belles armeures, & riches armoiries de bannieres & de pennons. Car là estoit toute la fleur de Frâce: ne nul Cheualier, n'Escuyer, n'osoit demourer à l'hostel, fil ne vouloit estre deshonoré. Là firent ordonner, par l'aduis du Connestable & des Mareschaux de France, trois batailles, & en chacune seize mil † Hommes-d'armes: dont tous estoient monstrez & passez Hommes-d'armes. Si gouuernoit la premiere bataille le Duc d'Orleans, à trente six bannieres, & deux cens pennons. La deuxieme le Duc de Normandie, & ses deux freres, Monseigneur Louis & Monseigneur Jehan. La tierce deuoit gouuerner le Roy de France. Endemētiers que ces batailles se mettoient en arroy, le Roy de France appela Monseigneur Eustace de Ribaumont, Monseigneur Jehan de Landas, & Monseigneur Guichard de Beauieu: & leur dit, Cheuauchez auant, plus pres du conuenant des Anglois: & aduisez iustement leur arroy, cōment ils font, & par quelle maniere nous les pourrons combattre: soit à pié, soit à cheual. Et adoncques ces trois Cheualiers se partirent du Roy pour ce faire: & le Roy qui estoit sur les champs, monté sur vn blāc courfier) disoit à ses gens, tout en haut. Entre vous, quand vous estes à Paris, à Chartres, à Rouen, ou à Orleans, vous menacez les Anglois, & desirez à auoir le bacinet en la teste, deuāt eux. Or y estes vous: ie les vous monstre: si leur vueillez mōstrer voz maltalens, & contreuenger vos amis, & les dommages qu'ils vous ont faits: car sans faute nous combattrons. Ceux qui l'entendirent, respondirent, Sire, Dieu y ait part: & tout ce verrons nous volontiers. En ce poinct reuindrent les trois Cheualiers desusnommez: lesquels fendirent la presse, & approcherent le Roy: qui leur demanda des nouvelles. Messire Eustace de Ribaumont si respondit pour tous (car les cōpaignons l'ē auoient prié) & dit, Sire, nous auons regardé les Anglois: si peuuent bien estre par estimatiō, deux mille † Hōmes-d'armes, quatre mille Archers, & quinze cēs Brigās. Si sont en vn tresfort lieu: & ne pouons imaginer qu'ils ayent fait qu'vne bataille: mais moult sagement l'ont ordonnée: & ont prins le long du chemin, fortifié durement de haye & de buissons: & ont vestu celle haye d'vne part de leurs Archers: tellement qu'on ne peut entrer, ne cheuaucher en leur chemin, fors que parmi eux: si conuiēt il aller celle voye, qui les veut cōbattre. En celle haye n'a qu'vne seule entrée, n'issue: ou (espoir) quatre hōmes-d'armes (ainsi qu'au chemin) pourroiet cheuaucher de frōt. Au bout de celle haye, entre vignes & espines (ou l'ō ne peut aller, ne cheuaucher) sont leurs Gēs-d'armes tous à pié & ont mis tout deuant eux, leurs Archers en maniere d'vne herse, qui ne seroit mie legere chose à déconfire. Le Roy dit, Cōme nous conseillerez vous y aller? Messire Eustace respondit, & dit, Sire, tous à pié, exceptez trois cens armeures de tous ces plus apperts & hardis, durs & entreprenās, de vostre ost, biē armez & mōtez sur fleurs de courfiers, pour derōpre & ouurir les Archers: & puis faire vos batailles de gēs-d'armes viftement fuiuir, tous à pié & venir sur les Gēs-d'armes main à main, & les cōbattre de grād volōté. C'est tout le conseil, que de mon aduis y puis dōner: &, qui mieux y fait, si le die. Le Roy dit qu'ainsi il seroit fait. Lors se partirēt du roy ses deux Mareschaux: & cheuaucherēt de bataille en bataille: si trierēt & eleurent, à leur aduis, iusques à trois cēs Cheualiers & Escuyers des plus apperts de tout l'ost, & chacun d'eux mōté sur fleur de courfiers, & armez de toutes pieces. Et tantost apres fut ordonnée la bataille des Allemans (qui deuoit demourer à cheual pour cōforter les Mareschaux) dont le Comte de † Sal-leburce, le Comte de Neydo, & le Comte de Nosto, estoient conduiseurs. Là estoit le Roy Jehan armé, luy vingtième, en ses paremens: lequel auoit recommandé son fils aîné à la garde du Sire de Saint-Venant, de Monseigneur de Landas, & de Monseigneur Thibaut de Bodenay. Et estoit Monseigneur Regnaud de Quenolle, dit l'Arche prestre, armé pleinement es armes du ieune Comte d'Alençon.

Comment le Cardinal de Perigourd traita pour accorder le Roy de France & le Prince de Galles, auant la bataille de Poictiers.

CHAP. CLXI.

QUand les batailles du Roy de France furent ordonnées & appareillées, & chacun Sire dessous sa banniere & entre ses gens, & sauoit aussi chacun ce qu'il deuoit faire, si fut commandé que tous ceux, qui lances auoyent, les retaillassent à cinq piés (parquoy on s'en peust mieue aider) & que tous ostassent leurs esperons. Et, si cōme les François deuoyent assembler, & qu'ils commençoient à approcher le Cardinal de

tre chose, & eust baillé cest estat au Duc d'Arhenes, depuis le mois de Octobre de l'an 1355. Car laques de Bourbo estoit alors encores Connestable au chap. 154. † Par ce redoublement des mors, d'Hommes d'armes entendez, que chacun d'eux estoit biē armé, & éprouné pour bon homme de guerre: & non pas que ce fussent hommes d'armes fournis de Archers & de Coustillers comme nous auons ia dit sur le chap. 155. † Il faut maintenant prendre ce mot pour gens de cheual armez de harnois complet à la mode de ce tēps là. Quant à Brigans, il en a parlées chap 148. & 149. s'il ne prend ce mot icy pour gens de pié armez de brigandines. † Je pense qu'il faille ici lire de Salzbourg, mais, quant aux deux autres, ie ne les cognoy, nō plus que Thibaut de Bodenay, qu'il surnommra de Vode noy au chap. 162. & la Mer des Hist. Bordenay & Vaudenay. Quant à l'Arche prestre il aura nom

Arnoul de
Cernolle. au
chap. 162. La
Chaux escrit
ces trois conditi-
ons d'Alle-
mans en ceste
sorte, le Côte
de Sallebru-
ge, le Comte
de Nido &
le Comte
Iehan de Na-
sto, puis Bau-
denay &
Cernoble.

Offres du prin-
ce de Galles au
Roy Iehan, pour
éviter la batail-
le.

Querelle entre
Iehan Chandos
Anglois &
Iehan de Cler-
mont. François
pour leur deu-
se.

Perigourd vint esperōnāt deuers le Roy: & estoit parti moult matin de Poictiers. Si enclina le Roy moult bas, en luy priant à mains iointes, pour Dieu qu'il voufist abstenir vn petit, tant qu'il eut parlé à luy. Lors dit le Cardinal. Trescher Sire, vous auez cy toute la fleur de Chaualerie de vostre royaume, cōtre vne poignée de gēs, que les Anglois sont, au regard de vous: & si vous les pouuez auoir, & ils s'accordēt à vous sās bataille, il vous seroit plus profitable & honnorable à les auoir par telle maniere, qu'aduēturer tant noble Cheualerie & si grand', comme vous auez cy. Si vous prie au nom de Dieu & d'humilité, que ie puisse cheuaucher deuers le Prince, & luy remōstrer en quel dāger vous le tenez. Le Roy dit, Il nous plaist bien: mais retournez tantost. A tāt se partit le Cardinal, du Roy, & vint diligemment deuers le Prince: qui estoit entre ses gens, au fort d'vne vigne, tout à pié. Si tost que le Cardinal fut venu, si descēdit à terre, & se tira deuers le Prince: qui benignemēt le receut: & luy dit le Cardinal (quād il l'eut encliné & salué) Certes, beau fils, si vous auiez aduifē iustemēt la puissāce du Roy de France, vous me laisseriez cōuenir de vous accorder avec luy, si ie pouuoie. Le Prince (qui estoit ieune hōme) dit, Sire, l'honneur de moy & de mes gēs sauue, ie voudroye bien encheoir en toutes voyes de raison. Le Cardinal dit, Beau fils, vous dites bien: & ie vous accorderay, se ie puis. Car ce seroit moult grand' pitié, si tant de bonnes gens (comme icy sont, tant d'vn costé que d'autre) venoiēt ensemble par bataille. Lors se partit le Cardinal de Perigourd: & reuint au Roy. Si luy dit, Sire, vous n'auiez que faire de vous trop hastier, pour eux combattre: car ils ne vous peuuent fuir. Si vous prie que huy tant seulement, & iusques à demain soleil leuāt, vous leur accordez respit. Le roy ne sy voulut accorder: car vne partie de ceux de son Conseil ne sy affentoient point. Mais finablement le Cardinal parla tant, que le Roy accorda ce respit: & fit tēdre, droit au lieu ou il estoit, vn pauillō vermeil moult ioly & riche: & dōna congé, à toutes manieres de gēs, d'eux retraire à leurs logis, excepté la bataille du Connestable & des Mareschaux. Ce Dimenche tout le iour trauailla ledit Cardinal de cheuaucher de l'vn à l'autre: & les eust volontiers accordez. Mais le Roy ne vouloit descēdre à accord, fil n'auoit des Anglois les 4. principaux, & q̄ le Prince & ses gens se rendissent simplement. Si y eut offres plusieurs mises auant: & offroit le Prince rendre au Roy de France tout ce que conquis auoit en ce voyage, villes & chasteaux & quitter tous prisonniers que luy & ses gens auoiēt prins: & à luy iurer non soy armer cōtre le Roy de France, de sept ans entiers. Mais oncques le Roy ne son Conseil n'en voulurent riens faire: & furent longuement en celuy estat, que le Prince & cent de ses Cheualiers se veinssent mettre en la prison du Roy de France: autrement on ne les laisseroit passer. Lequel traité le Prince ne les siens n'eussent iamais accordé. Endementiers que le Cardinal portoit les parolles, & cheuachoit de l'vn à l'autre, en esperāce de bien, aucuns Cheualiers, tant François qu'Anglois, cheuacherent ce Dimēche en costoyāt les batailles, pour aduifer chacun le conuenant de ses ennemis. Dont il aduint que Monseigneur Iehan Chandos auoit ce iour cheuauché & costoyé la bataille du Roy de France sur alle. En telle maniere auoit cheuauché Monseigneur Iehan de Clermont, l'vn des Mareschaux de France en imaginant l'estat des Anglois. Et adonc (si comme ces deux Cheualiers retournoient, chacun deuers son costé) ils s'entrerencontrerent. Si portoiēt chacun d'eux vne mesme deuise, d'vne bleue Dame, ouurée d'vne brodure, au ray du soleil: & tousiours deffous leur haux vestemens, en quelque estat qu'ils fussent. Si dit Monseigneur de Clermont, Chandos, depuis quand auez vous emprins à porter ma deuise? Mais vous la mienne (respondit Chandos) car autant bien est elle mienne cōme vostre. Ie le vous nie (dit Monseigneur Iehan de Clermont) & si la souffrance ne fust entre les vostres & les nostres, ie vous mōstrasse tantost, que vous n'auiez nulle cause de la porter. Ha (dit Monseigneur Iehan Chādos) vous me trouuerez demain tout appareillé de defendre, & de prouuer par fait d'armes, qu'aussi bien est elle mienne, comme vostre. Mōseigneur Iehan de Clermont dit, Chandos, ce sont bien les parolles de voz Anglois: qui ne sauent aduifer riens de nouuel: mais quant, qu'ils voyent, leur est bel. A tant passerent outre: ne n'y eut adonc plus fait ne plus dit: & chacun s'en retourna deuers ses gens. Le Cardinal de Perigourd (qui ne peut oncques à chef venir d'accorder le Roy & le Prince) ce Dimenche, de basses vespres retourna à Poictiers. Celuy iour se retirerent les François sur les champs: & au soir se retirerēt en leurs logis, & faiserent. Car ils auoient des viures & pourueances assez largement: & les Anglois en auoient grand' faute: & ne sauoient ou aller fourrager, n'en quel parti: si fort leur estoit tenu le pas: n'ils ne se pouuoien

pouuoient partir de là, sans le danger des François. Ce Diméche firent fossoyer & hayer leurs Archers au tour d'eux, pour estre pl^o forts: & quât ce vint au Lundy matin, le Prince & ses gens furent tantost appareillez & mis en bonne ordonnance, cōme deuant. En telle maniere firent les François, enuiron soleil leuant. Le Lundy, au plus matin reuint le Cardinal de Perigourd, de rechef, en l'un ost & en l'autre: & les cuida par sō preschemēt pacifier, & lors luy fut dit des François, qu'il retournaſt ou il voudroit, & que plus ne portast nulles parolles de traitez, ne d'accords: car il luy en pourroit bien mal prédre. Quād le Cardinal veit qu'il se trauailloit en vain, il print congé du Roy de France: & s'en vint au departir, deuers le Prince: & luy dit, Beau fils, faites ce que vous pourrez il vous faut combattre: ne ie ne puis trouuer nulle grāce d'accord; ne de paix, enuers le Roy de France. Le Prince dit, C'est bien l'intention de nous & des nōstres: & Dieu vüeille aider au droit. Ainsī le Cardinal retourna à Poictiers. En sa compaignie auoit aucuns Escuyers & Hommes-d'armes: qui estoient plus fauorables au Roy de France, qu'au Prince. Quand ils veirent qu'on se cōbattroit, ilssemblerent de leurs maistres, & se bouterent en la route des François: & firēt leur souuerain du chastellain d'Ampostre (qui estoit, pour le tēps, audit Cardinal) & de ce ne sceut riens ledit Cardinal, iusques à ce qu'il fut venu à Poictiers. † L'ordonnance du Prince de Galles estoit; quant à ses batailles, telle cōme les trois Barons de France, dessus-nōmez, en rapporterēt la certaineté au Roy de France: fors tant que, depuis, les Anglois auoient ordōné aucuns apperts Cheualiers & Bacheliens, pour demourer à cheual, comme la bataille des Mareschaux de France. Et auoient encores, sur le dextre lez d'une petite mōtaine (qui n'estoit point trop haute, ne trop roide à mōter) ordonné trois cens hōmes à cheual, & autāt d'Archers, tous à cheual, pour costoyer la couuēte de ceste montaigne, & venir autour, sur ælle, ferir en la bataille du Duc de Normandie: qui estoit en la bataille à piē, dessous celle mōtaine. C'estoit tout ce qu'ils auoient fait de nouuel: & se tenoit le Prince en la grosse bataille au fond de celles vignes, tout armé, leurscheuaux empres eux, s'il en estoit besoing: & estoient fortifiez & enclos, au plus foible costé, de leur charroy & de tous leurs harthois. Or vüeil ie nommer aucuns des plus renommez Cheualiers, qui là estoient delez le Prince: c'est assauoir le Comte de Waruich, le Comte de Suffort, le Cōte de Salebery, le Comte de Stanfort, Mōseigneur Jehan Chandos, Mōseigneur Richard de Stafort, Mōseigneur Regnaud de Gobe ghen, le Seigneur Despensier, Monseigneur Iames d'Anelée, Mōseigneur Pierre sōn frere, le Seigneur d'Arcler, le Sire de Basset, Monseigneur Guillaume Waruē, le Sire de la Vare, le Sire de Maulue, le Sire de Willy, Mōseigneur Bertelemy de Bruñes, le Sire de Feletō, Monseigneur Richard de Pennebruce, Monseigneur Estiēne de Constracon, le Sire de Braffeton, & autres Anglois. Et estoient de la Gascongne le Sire de Prumes, le Sire de Bourguenre, le Captal de Buz, Monseigneur Jehan de Chaumont, le Sire de l'Espare, le Sire de Rosen, le Sire de Cousen, le Sire de Montferrand, le Sire de Landulas, Monseigneur le Souldichet de l'Estarde, & plusieurs autres: que ie ne puis mie nōmer. De Hainuyers, Mōseigneur Eustacē d'Auberthicourt, & Mōseigneur Jehā de Guistelle: & deux autres estrangers, Monseigneur Daniel Phafelle, & Monseigneur Denis de Moerbette. Si n'estoient les gens du Prince, en tout & par tout, nombrez point plus de huit mille hommes: & les François estoient bien soixante mille combattans, tous cōmptez: dont il y en auoit bien plus de trois mille Cheualier.

Cy parle de la bataille de Poictiers, entre le Prince de Galles & le Roy de France.

CHAPITRE CLXII.

QVand le Prince de Galles veit que cōbattre luy cōuenoit, & que le Cardinal s'en alloit sans riens exploicter, & que le Roy de France petit les prisoit, il dit à ses gens: Or, beaux Seigneurs, si nous sommes vn petit nombre contre la puissance de noz ennemis, si ne nous ébahissons pour ce mie: Car la victoire ne gist pas en grand peuple: mais ou Dieu la veut enuoyer. S'il aduient d'auātage, que la iournée soit pour nous, nous ferōs les pl^o honorez du mōde. Si nous sōmes morts, j'ay encores mō pere & de beaux freres, & aussi vous auez de bons amis, qui nous contreuengeront. Si vous prie que vous vüillez huy entēdre à bien combattre: car, s'il plaist à Dieu, & à Saint George, vous me verrez huy bō Cheualier. De ces parolles & plusieurs autres belles raisons, que le Prince remonstra ce iour à ces gens, & fit remonstrer par ses Mareschaux, ils estoient tous reconfortez, Delez le Prince, pour le garder & conseiller, estoit Monseigneur Jehan Chādos:

† Qui fut 19.
iour de Sept.
1356. comme
touſiours

† Le vōs prie
de iuger si ce
passage estoit
point corrompu
en ceste sorte.

L'ordonnan
ce du Prince
de Galles es
toit quāt de
ses batailles
telles cōme
les trois bat
tailles de Frā
ce les dessus
nommez: &
en rapporte
rent la certai
neté au Roy
de France
fors tant que
depuis ils au
oient ordō
né, &c.

Ce que nous a
uons raconté
selon le sens pré
cedent, deuant
qu'auoir vñ
les mots de la
Chaux, qui
sont tels: L'or
donnance des
Anglois es
toit avec tel
le cōme les
quatre Che
ualiers dont
cy dessus a es
té parlé, le
rapporterēt
en certaine
té au Roy
Jehan, fors
tant, &c.

Le nombre des
cōbattans, sans
Anglois que
François, à la
bataille de
Poictiers.

Le Prince de
Galles encourā
ge ses gens à la
bataille.

*Veu notable du
seigneur Iames
d'Andelée,
Anglois.*

*Commencemēt
de la bataille
de Poitiers par
Iames d'An-
delée, & Eusta-
ce d'Auberthi-
court du costé
des Anglois.*

*† Qui auratels
Exempl. que
les nostres e-
stoient, verra
quelle corrup-
tion il y auoit
en ce lieu.*

*Eustace d'Au-
berthicourt
prisonnier des
Allemands de
France.*

*Arnoul d'An-
dregghen, Ma-
reschal de Fra-
nce, fait prison-
nier des An-
glois, son com-
paignon Iehan
de Clermont tué
leur batail-
le déconfite,*

n'oncques ce iour n'en voulut partir, pour chose qui luy aduenist. Aussi sy estoit tenu Mōseigneur Iames d'Andelée vn grand temps: mais, quand il sceut qu'on se cōbattroit il dit au Prince, Monseigneur i'ay serui tousiours loyalement Monseigneur vostre pere, & vous aussi & feray tant que ie viuray. Cher Sire, ie le vous monstre, pourtant que iadis ie vouay qu'à la premiere besongne, ou le Roy vostre pere, ou l'vn de ses fils, seroit, ie seroye le premier assaillant, & le meilleur combattant de son costé: ou ie mourroye en la peine. Si vous prie trescheremēt, en guerdon que ie feis oncques du seruice au Roy vostre pere & à vous aussi, que vous me donnez congé, que de vous à mon honneur ie puisse partir, & moy mettre en estat d'accōplir mon vœu. Le Prince luy accorda, & dit, Mōseigneur Iames, Dieu vous doint huy grâce d'estre le meilleur des autres. Adōc luy bailla il la main. & se partit le Cheualier du Prince: & se mit au premier frōt de leurs batailles, accompaigné tant seulement de quatre Escuyers, qu'il auoit retenus pour son corps garder. Cestuy messire Iames estoit sage & vaillant Cheualier: & par luy auoit esté faite la plus grand' partie de l'ordonnance des batailles, le iour de deuant. Or vint messire Iames tout deuant, pour combattre la bataille des mareschaux de France, Semblablemēt messire Eustace d'Auberthicourt rendit grand' peine qu'il fut des premiers assaillans. Si le fut ou formēt pres. A l'heure que messire Iames d'Andelée sauāça premier de requerre ses ennemis, il écheut à messire Eustace ainsi que ie vous diray. Vous auez ouy cy dessus, en l'ordonnance des batailles, que les Allemans François (qui estoient avec les Mareschaux de France) demourerent tous à cheual. Mōseigneur Eustace d'Auberthicourt, Hainuyer-Anglois, qui estoit à cheual baissa son glaue, & embrāça sa targe, & ferit son cheual des esperons, & vint entre les batailles. Adōc vn Cheualier d'Allemaigne, appelé Mōseigneur Louis de Coucoubres (qui portoit vn Escu d'argēt, à cinq roses de gueules: & Monseigneur † Eustace d'ermes, à deux hamedes de gueulles) voyant venir Mōseigneur Eustace hors de son cōroy, partit aussi de la route du Comte Iehā de Nosto, & vint adrecer audit Monseigneur Eustace. Si se cōsuiurent si roidement, qu'ils trebucherent tous deux à terre. Si fut l'Allemand nauré en l'espaule: & ne se releua mie si tost, que messire Eustace fit. Quand messire Eustace fut relevé, il print son alaine, & vint deuers le Cheualier, qui là gisoit: mais cinq Hommes-d'armes, Allemās, vindrēt sur luy: qui l'embesongnerent fort, & le porterēt par terre. Là fut il tellement pressé & à poinct, qu'il fut prins, & mené prisonnier entre les gens du Comte de Nosto: qui n'en firent adonc nul cōpte: & ne say s'ils luy firent iurer prison: mais le lierent sur vn char, avec leurs harnois. Lors cōmença l'estour de toutes parts, & ia estoit approchée la bataille des Mareschaux de France: & cheuaucherent, auant, ceux qui deuoient rompre la bataille des Archers: & entrerēt, tous à cheual, dedans le chemin, ou la grosse haye estoit, espesse de deux costez. Si tost comme ces Hommes d'armes furent là embattus, les Archers commencerent à traire à grand exploit, à deux lez de la haye, & à blecer cheuaux, & traire, dedans, de ces longues sagettes barbuës. Les cheuaux, qui les fers sentoient, redoutoient, & ne vouloient point aller auāt: & se tournoient l'vn de trauers, & l'autre de costé, ou ils pouuoient: & trebuchoient deffous leurs maistres qui ne se pouuoient aider, ne releuer: ne oncques la bataille des Mareschaux de France ne peut approcher la bataille du Prince. toutesfois il y eut aucuns Cheualiers & Escuyers bien montez, qui, par force de leurs cheuaux, passerent outre & rompirent la haye, & cuiderent approcher la bataille du Prince mais ils ne peurent. Monseigneur Iames d'Andelée, en la garde de ses quatre Escuyers, & l'espée en sa main, estoit au premier front de ceste bataille: & trop en sus de tous les autres: & là faisoit merueilles d'armes. Si s'en vint par grand' vaillance, combattre deffous la banniere Monseigneur Arnoul d'Andreghen, Mareschal de France: & là ils se combattirent grand temps ensemble: & fut durement mené messire Arnoul: car la bataille des Mareschaux de France fut tantost déroutée & déconfite par le traict des Archers, avecques l'aide des Hommes-d'armes: qui se boutoient entre eux, quand ils estoient abbatus: & les prenoient, & occioient à leur volonté. Là fut prins messire Arnoul d'Andreghen: mais ce fut d'autres gens, que de messire Iames d'Andelée, ne de ses quatre Escuyers: car oncques ledit Cheualier, ne print prisonnier la iournée: mais tousiours entendoit à combattre, & d'aller sur ses ennemis. D'autre part messire Iehan de Clermont se combattit sous sa banniere, tant qu'il peut durer: mais il fut abbatu: & ne se peut releuer, ne venir à rançon: ains fut là occis: & aucuns veulent dire que ce fut pour les parolles, qu'il auoit eues le iour de deuant à Monseigneur Iehan Chandos. Et apres en peu

en peu d'heure aduint le méchef sur la bataille des Mareschaux de France, car ils foyoyent l'un sur l'autre: & ne pouuoient aller auant. Les François (qui estoient derriere, & ne pouuoient aller auant) reculerent & vindrent sur la bataille du Duc de Normandie: qui estoit grande & espesse par deuant: mais tantost fut éclaircie & esparse par derriere, car quand ils entendirent que les Mareschaux estoient déconfits, si monterent les plus à cheual, & s'en partirent, car il descendit vne route d'Anglois d'une montaigne, en costoyant les batailles, tous monterent à cheual, & grande foison d'Archers aussi avecques eux: & vint ferir sur elle en la bataille du Duc de Normandie. Au vray dire, les Archers d'Angleterre faisoient à leurs gens grand aduantage. Car ils tiroient tant espessément, que les François ne fauoient de quel costé entendre, qu'ils ne fussent confusys de trait: & s'auançoient tousiours ces Anglois, & petit à petit conqueroyent terre. Quand les Gens-d'armes d'Angleterre veirent que ceste bataille des Mareschaux estoit déconfite & que la bataille du Duc branloit, & commençoit à s'ourrir, ils monterent tous errans à cheual, qu'ils auoient tous pourueus & ordonnez empres eux. Quand tous furent montez, ils se meirent ensemble, & écrierent Saint George, Guienne. Monseigneur Jehan Chandos dit au Prince, Sire cheuauchez auant, la journée est vostre. Dieu sera huy en vostre main. Adreçons nous deuers nostre aduersaire le Roy de France, car celle part gist tout le fort de la besongne. Bien say que par vaillace il ne fuira point, si nous demourra, si plaist à Dieu, & à Saint George: mais qu'il soit bien combattu. Et ia auez dit qu'on vous verra huy bon Cheualier. Le prince dit, Jehan, allors, vous ne me verrez huy retourner: mais tousiours cheuaucher auant. Lors dit à sa banniere, cheuauchez auant, banniere, au nom de Dieu, & de Monseigneur Saint George. Et le Cheualier, qui la portoit, fit le commandement du Prince. Illecques fut la presse & l'estour grand & perilleux: & y eut maint homme réuersé. Et sachez que, qui estoit cheut, ne se pouuoit releuer, si n'estoit secouru, & moult bien aidé. Ainsi que le Prince cheuauchoit, en entrât dedans ses ennemis, & que ses gens le suyuoyent, il veit sur le dextre costé, en un petit buisson, Monseigneur Robert de Duras: qui là gisoit mort, & sa banniere de lez luy (qui estoit de France, au sentoir de gueulles) & bien dix ou douze des siens à l'enuiron. Si dit à deux de ses Escuyers, & à trois de ses Archers, Mettez le corps de ce Cheualier dessus vne targe, & le portez à Poitiers, si le presentez, de par moy, au Cardinal de Perigourd: & luy dites que ie le salue, à tous ces enseignes. Et adonc fut ainsi fait, car on l'auoit ia informé que les gens du Cardinal estoient demourez sur les champs, & eux armez contre luy. Qui n'estoit pas chose, appartenant, ne droit fait-d'armes, car gens-d'Eglise (qui pour bien & sur traité de paix vont & viennent, & trauaillent de l'un à l'autre) ne se doyent point combattre par raison, pour l'un ne pour l'autre. Et, pourtant que ceux l'auoient fait, en estoit le Prince courroucé au Cardinal: & luy enuoya son neveu messire Robert de Duras: & vouloit au Chastellain † d'Ampost (qui auoit là esté prins) faire trancher la teste pourtant qu'il estoit de la famille du Cardinal. Mais Monseigneur Jehan Chandos luy dit, Monseigneur, souffrez vous de ce: & entendez à plus grande chose, que ceste n'est. Espoir excusera le Cardinal si bien ses gens, que vous en ferez tout content. Le Prince & ses gens se dreicerent vers la bataille du Duc d'Athenes, Connestable de France. Là eut grand froissis, & maint homme rué par terre. Là crioient aucuns Cheualiers & Escuyers de France (qui par troupeaux se combattoient) Montioye, Saint-Denis: & les Anglois crioient Saint George, Guienne. † Et heurterent adonc le Prince & ses gens encontre la bataille des Allemans du Comte de Sallebruce, du Comte de Nosto, du Comte de Nydo, & de leurs gens: mais ces Allemans furent en peu de temps reboutez & mis en chace. Là trayoient les Archers Anglois si viuement, que nul ne s'osoit mettre en leur trait. Si occirent maint homme: qui ne peut venir à rançon. Là furent morts les trois Comtes dessus-nommez, & plusieurs Cheualiers & Escuyers de leurs routes: & au recueillir fut recoux Monseigneur Eustace d'Auberthicourt, par ses gens: qui le remercièrent à cheual: & y fit depuis maintes appertises d'armes: & print de bons prisonniers ce iour. Quand la bataille du Duc de Normandie veit approcher si forment la bataille du Prince, ils entendirent presque tous à eux sauuer, & les enfans du Roy (c'est assauoir le Duc de Normandie, le Comte de Poitiers, † & le Comte de Touraine, qui estoient moult ieunes) creurent legerement ceux, qui les gouernoient. Toutesfois Monseigneur Guichard d'Angle, & messire Jehan de Saintre (qui estoient de lez le Comte de Poitiers) ne voulurent pas fuir, ains se meirent au plus fort de la bataille. Ainsi se parti-

*La bataille du
Duc de Normā
die assaillie par
les Anglois.*

*Jehan Chandos
fait cheuaucher
le Prince de Gal
les cōtre le Roy
de France.*

*† Il dit d'Ampost
au ch.
precedent.*

*† Ce passage estoit
villainement corrompu en
tous nos Bxep.*

*Recouffe d'Eustace d'Auberthicourt.
† Combien qu'il ne leur ait encores
donné ces titres, ains en ait
nommé l'un Cōte d'Aniou,
au ch. 156. neā
moins c'est chose
seigneur qu'il*

entend de Loys
& Jehā, enfās
du Roy, cōe l'o
voit tantost, et
par les chapi-
tres 159. &
160. selon les-
quels nous auōs
éclairci ce pas-
sage: qui autre-
ment donnoit
peine au le-
cteur. Cōbat de
la bataille du
Roy avec celle
des Marechaux
d'Angleterre
s'estas retirées
les deux autres
siennes princi-
pales.

† Le me doute
qu'il n'y ait
faute icy de
quelques mots,
pour dire que le
Duc de Bourgo-
gne, fils du pre-
mier mariage
de la Roïne,
fust illec. Mais
pource qu'il ne
l'a aucunemēt
nommé en tou-
te ceste cheua-
chée du Roy cō-
tre le Prince de
Galles, ie n'en
ose asseurer: car
noꝝ deux Abr.
se passent le-
gement de ce ch.
et mesmement
la Chaux est
icy fort corōpu.

† Le liroye vo-
lontiers icy
le Côte de
Vātadour, ou
quelque autre.
Car il fait en-
cores prēdre ce
Pompadour
au ch. 164. La
Chaux, apres
Thibault de
Vuandenay,
met & messire

rent, par conseil, les trois fils du Roy, & avec eux plus de huit cens Lances, qui oncques n'approcherēt leurs ennemis. Si prindrēt le chemin à Chauuigny. Quand Mōseigneur Jehan de Landas, & Monseigneur Thibaut de Vodenoy (qui estoient meneurs du Duc de Normandie, avec le Sire de S. Venant) eūrēt cheuauchē vne grosse lieuē en la cōpaignie du Duc, ils prindrent congé de luy: & priērent au Seigneur de Saint-Venant, que point ne le voufist laisser: ains le menast à sauuetē, car en ce acquerroit il plus d'honneur que fil dempouroit en la bataille du Roy. Si encontrerent le Duc d'Orleans, & sa route, toute saine & entiere: qui estoient partis, & venus par derriere la bataille du Roy. Bien est vray que plusieurs bons Cheualiers & Escuyers (combien que leurs Seigneurs se partissent) si auoient ils plus cher mourir, qu'ils eussent eu aucun reproche. La bataille du Roy s'en venoit de bon conuenant, toute de piē, assembler aux Anglois. Là eut grand hutin, dur, & fier: & y furent donnez & receus maints horiōs de haches, d'espées, & d'autres bastons de guerre. Si assemblerent le Roy de France & Monseigneur Philippe, son moins aîné fils, à la bataille des Marechaux d'Angleterre: c'est assavoir le Côte de Waruich, & le Comte de Suffort: & aussi y auoit des Gascons: comme le Captal de Buz, le Seigneur de Pomiers, Monseigneur Aimery de Charrée, le Sire de Languran, le Sire de l'Estrade. Là reuindrent assez à tēps Monseigneur Jehan de Landas, & Monseigneur de Vodenoy: lesquels se meirent à piē, en la bataille du Roy. D'autre part se combattoit le Duc d'Athenes, Connestable de France, & ses gens: & vñ peu en fus, le Duc de Bourbon, bien enuironné de bons Cheualiers de Bourbonnois & de Picardie. D'autre part, sur costiere, estoient les Poiçteuins: c'est assavoir le Sire de Pons, le Sire de Partenay, le Sire de Dāpmair, le Sire de Montabouton, le Sire de Surgeres, Monseigneur Jehan de Saintre, Monseigneur Guichard d'Angle, le Sire d'Argenton, le Sire de Linieres, le Sire de Montrande, le Vicomte de Rochouart, le Comte d'Aulnoy, † & plusieurs autres. Là combattoient plusieurs: c'est assavoir Monseigneur Iaques de Beauieu, le Sire de Chasteau-villain, & plusieurs autres Cheualiers & Escuyers de Bourgogne. D'autre part estoient le Comte de Vantadour, & de Montpensier, Monseigneur Iaques de Bourbon. Monseigneur Jehan d'Artois, Monseigneur Iaques son frere, & monseigneur Arnoul de Cernolle, dit l'Arche prestre, armé pour le ieune Comte d'Alençon. Si y estoient d'Auuergne le Sire de Marcueil, le Sire de la Tour, le Sire de Chalenton, le Sire de Montagu, le Sire de Rochefort, le Sire de la Chaire, & le Sire d'Achon: & de Lymosin, le Sire de Linal, le Sire de Noruel, & le Sire de Pierre-buffiere: & de Picardie, Monseigneur Guillaume de Merle, Monseigneur Arnoul de Renneual, Monseigneur Geoffroy de Saint-Digier, le Sire de Chauny, le Sire de Hely, le Sire de Monsant, le Sire de Hagnes, & plusieurs aures. Encores estoit en la bataille du Roy le Comte de Donglas, d'Escoce: qui se combattit vne espace de temps assez vaillamment: mais, quand il veit que la déconfiture se tournoit du tout sur les François, il s'en partit, & se sauua, au mieux qu'il peut. Car nullement ne vouloit estre prins des Anglois: ains eust plus cher estre occis. Messire Iames d'Ardelee, par l'aide de ses quatre Escuyers, se combattit tousiours au pl^{us} fort de la bataille: & fut durement nauré au corps, & au visage: & tant que force & alaine luy peurent durer, il se combattit: & alloit tousiours auant: & tant qu'il fut moult empeché. Adonc, sur la fin de la bataille, le prindrent ses quatre Escuyers, qui le gardoient: & l'amenerēt moult foible, & fort nauré, au dehors de la bataille, delez vne haye, pour luy vn petit refroidir & éuenter. Si le desarmerent, le plus doucement qu'ils peurent, & entendirent à ses playes bender, & coudre les plus perilleuses. Et le Roy Jehan, de son costé, fut tresbon Cheualier, &, si la quarte partie de ses gēs luy eussent ressemblé, la iournée eust esté pour eux. Toutesfois ceux, qui demourerent, s'acquitterent à leur pouuoir tant qu'ils furent tous morts ou prins, & petit s'en sauua de ceux, qui se meirent avec le Roy. Là furent occis le Duc Pierre de Bourbon, Monseigneur Guichart de Beauieu, & le Sire de Landas, & prins durement, nauré, l'Arche prestre, messire Tribaut Vodenoy, † & le seigneur de Pompadourt, & morts le Duc d'Athenes, Connestable de France, & l'Euesque de Chaalons en Champaigne, & d'autre part prins le Comte de Vaudemons & de Genuille, & celuy de Vendosme, & occis, vn petit plus en sus, Monseigneur Guillaume de Neelle, messire Eustace de Ribaumont, le Sire de la Tour, & Mōseigneur Guillaume de Montagu, & prins messire Louis de Melual, le Sire de Pierre-buffiere, & le Sire de Senerach, & en celle emprise plus de deux cens Cheualiers morts & prins, d'autre part se combattoient vne route de Cheualiers de Normandie, & y furent morts messire

Guinen-

Guinenton de Châbly, & messire de Baudrin de la Housse, & plusieurs autres, qui estoient deroutez, & se combattoient par troupeaux.

De deux François, qui fuyoyent de la bataille de Poitiers: & de deux Anglois, qui les poursuivoient pour prendre, & eux mesmes en furent prins.

CHAP. CLXIII.

Entre ces batailles & rencontres, & les chaces & poursuites, qui furent ce iour sur les champs, cheut à messire Edouard de Roucy, ainsi que vous diray. Il estoit parti de la bataille, car il veoit bien qu'elle estoit perdue sans recouurer. Si ne se voulut mie mettre au danger des Anglois: & estoit ia éloigné d'une lieuë. Si l'auoit vn Cheualier d'Angleterre poursuy vne espace de temps, la lance au poing, & luy cria trois fois, Cheualier, retournez, car c'est grande honte de fuir ainsi. Et adonc Monseigneur Edouard s'arresta & l'Anglois le cuida venir ferir, & asleoir la lance sur sa targe: mais il faillit, car Monseigneur Edouard se détourna contre le coup: & ne faillit pas à l'Anglois: ains le ferit, de son espée, sur son bacinet: si qu'il l'estonna tout, & l'abbattit de son cheual à terre: & se tint là tout coy vne espace de temps, sans releuer. Adonc meit pié à terre Monseigneur Edouard, & luy appuya l'espée sur la poitrine, en disant, que vrayement il l'occiroit, si ne se rendoit à luy, & fiansoit prison, récoux ou non récoux. L'Anglois se rendit, & alla avec luy: qui depuis le raçonna. Encores aduint, au plus fort de la chace, qu'un Escuyer de Picardie, appelé Iehan de Helennes, s'estoit parti de la bataille du Roy Iehan, & auoit trouué son page: qui luy auoit rendu son cheual, frais & nouveau, si estoit monté dessus: & cheuauchoit sa voye. Aussi estoit sur les champs le Sire de Vercler, un ieune Cheualier, qui à ce iour auoit leué bannière: lequel, tout seul, se print à poursuir ledit Iehan de Helennes. Et, quand le Sire de Vercler l'eut ainsi poursuy l'espace d'une lieuë, Iehan de Helennes retourna sur luy: & meit son espée sous son bras, à la maniere d'un glaive: & ainsi vint sur le Seigneur de Vercler: lequel * print l'espée par les hans, en leuant la main pour getter: & l'escoutit, & laissa aller. Iehan de Helennes (qui veit l'espée, en voulant venir vers luy) se détourna du coup: & perdit par celle voye l'Anglois son coup: mais Iehan consuiuit, en passant, son bras: tellement qu'il fit l'espée cheoir au champ. Quand l'Anglois veit son espée perdue, & que Iehan auoit la sienne, il faillit ius de son courfier, & vint, tout le petit pas, là où son espée estoit: mais il n'y peut oncques si tost venir, que Iehan getta par aduis son espée, si roidement qu'il acconsuit l'Anglois, es cuisses: tellement que l'espée entra dedans, & le coust tout parmi, iusques aux hans. Lors cheut le Cheualier (qui ne se pouuoit aider) & Iehan descendit: qui vint prendre l'espée du Cheualier qui gisoit à terre, puis vint tout le pas à luy: & luy demanda s'il se vouloit rendre. Le Cheualier luy demanda son nom. Iehan de Helennes m'appelle on, & vous, comment? Certes, compaigns (dit le Cheualier) j'ay nom Thomas: & suis Sire de Vercler, un trèsbel chastel, seant sur la riuere de Sauerne, en la marche de la terre de Galles. Sire de Vercler (dit l'Escuyer) vous ferez mon prisonnier: & ie vous mettray à sauueté, & entédray à vous guerir, car il me semble bié que vous estes durement nauré. Le Cheualier dit, Ie le vous accorde, vrayement suis ie vostre prisonnier, car vous m'avez loyaument conquis. Là luy creança il sa foy, que, récoux ou non récoux, demourroit son prisonnier. Adonc tira Iehan son espée du Cheualier, si demourra là playe toute ouuerte: mais Iehan la lia & benda bien fort: & fit tant qu'il le meit sur son courfier. Si le mena tout le pas ce iour, iusques à Chasteleraut. Illec seiourna plus de quinze iours, pour l'amour de luy: & le fit medeciner. Et quand il luy fut un petit amendé, il le meit en une litiere, & le fit mener tout souef à son chastel, en Picardie. Là fut il plus d'un an, tant qu'il fut bié guari: mais il demoura affollé: & quand il se partit, il paya six mille Nobles: & deuint celui Escuyer Cheualier, pour le grand profit qu'il eut du Seigneur de Vercler.

Comment le Roy Iehan fut prins à la bataille de Poitiers.

CHAP. CLXIII.

Adiennent souuent les fortunes en armes & en amours, plus heureuses & plus merueilleuses, qu'on ne les pourroit penser, ne souhaiter. Au vray dire, ceste bataille (qui fut assez pres de Poitiers, es champs † de Beauvoir & de Maupertuis) fut moult grande & perilleuse. Si y adiindrent moult de beaux faits d'armes: qui ne vindrent mie à congnoissance: & y souffrirent les combattans, d'un costé & d'autre, moult de peine. Là fit le Roy Iehan, de sa main, merueilles d'armes: & tenoit une hache de guerre, dont bien se deffendoit & combattoit. A la presse rompre & ouurir, furent prins, assez pres de

Bauduin Dametrin mors le Duc, &c. puis apres Vadamont, & Vataout & celui de denosme par corruption.

Annor. 77.

† Ily auoit de Beaumont, mais les Ann. de Fr. et d'Aquit. & plusieurs autres,

*diset de Beau-
noir: qui estoit
facile à corrom-
pre. La Chaux
dit Beauma-
noir.*

*† Je pense que
c'est celui, que
il a nommé de
Dampmaire
au ch. 162. &
que les Ann.
d'Aquit nom-
ment Iehan
Dänemarie,
disant qu'il y
fut tué. La
Chaux met le
sire de puya-
ne.*

** Annot. 78.*

*Le Roy Iehan se
réd à un Che-
ualier, nommé
Denis de Mo-
rebeque.*

*Le Prince de
Galles arreste
sa chace.*

luy, le Comte de Tancarville, messire Jaques de Bourbon, Comte de Ponthieu, & Monseigneur Iehan d'Artois, Comte d'Eu: & d'autre part, vn petit en fus, deffous la banniere du Captal fut prins messire Charles d'Artois, & moult d'autres Cheualiers & Escuyers. La chace de la déconfiture dura iusques es portes de Poictiers: & là eut grande occisiō & grand abbattis de gens & de cheuaux, car ceux de Poictiers fermerent leurs portes: & ne laissoient nul entrer dedans. Pource y eut sur la chauffée, deuant la porte, grande horribleté de gens occis, naurez, & abbatus: & se rendoyent les François, de tant loing qu'ils pouuoient choisir vn Anglois: & y eut plusieurs Anglois Archers, qui eurent là quatre, ou cinq, ou six prisonniers. Le Sire de Pons, vn grand Baron de Poictou, fut là occis, & moult d'autres Cheualiers & Escuyers: & prins le Vicomte de Rochouart, le Sire † de Dompuanement, le Sire de Partenay & de Xainctonge, le Sire de Montendre: & messire Iehan de Saintre y fut aussi prins: qui tant y fut battu, qu'onques puis il n'eut santé. Si le tenoit on pour le meilleur Cheualier de France. Et là fut laissé pour mort, entre les morts, Monseigneur Richard d'Angle: qui bien s'estoit combattu celle iournée & se combattit vaillamment, assez pres du Roy, Monseigneur de Chargny. Si estoit toute la presse sur luy: pour ce qu'il portoit la souueraine banniere du Roy. Et il mesme auoit sa banniere sur les champs, qui estoit de gueulles, à trois escussions d'argent. Tant y suruindrent Anglois & Gascons de toutes parts, que par force ils ouurirent la presse de la bataille du Roy: & furent les François si meslez entre leurs ennemis, qu'il y auoit bien telle fois cinq hommes sur vn Gentil-homme. * Là fut prins le Seigneur de Pôpadour, & Monseigneur Barthelemy de Brunes: & fut occis Monseigneur Geoffroy de Chargny, la banniere de France entre ses mains: & le Comte de Dampmartin, de Monseigneur Regnaut de Gobeghen. Là eut adonc trop grande presse, pour la conuoitise de prendre le Roy Iehan: & luy crioyent ceux, qui le congnoissoient, & qui plus pres de luy estoient, Rendez vous, rendez vous, ou autrement vous estes mort. Là auoit vn Cheualier de la nation de Saint-Omer: & estoit retenu du Roy d'Angleterre à gages: & appelloit on iceluy Denis de Morebeque: qui par cinq ans auoit serui les Anglois: pourtant qu'il auoit, des sa ieunesse, forfait le Royaume de France par guerre d'amis, & d'un homicide qu'il auoit fait à Saint-Omer. Si cheut adonc si bien audit Cheualier, qu'il estoit delez le Roy de France, & le plus prochain qui y fust, quand on tiroit ainsi à le prendre. Si se lança en la presse, à force de bras & de corps (car il estoit grâd & fort) & disoit au Roy, en bon François (ou le Roy s'arresta, plus qu'aux autres) Sire, Sire, rendez vous. Le Roy (qui se veoit en dur parti) demâda, en regardant le Cheualier, A qui me rendray-je? à qui? ou est mon cousin le Prince de Galles? si ie le veoye, ie parleroye. Sire (respondit messire Denis) il n'est pas icy: mais rendez vous à moy, & ie vous meneray deuers luy. Qui estes vous? dit le Roy. Sire, ie suis Denis de Morebeque, vn Cheualier d'Artois: mais ie ser le Roy d'Angleterre: pource que ie ne puis estre au Royaume de Frâce: pourtant que i'ay forfait tout le mien. Lors luy bailla le Roy son dextre gand, disant, le meren à vous. Là eut grande presse, & grand tireurs empres le Roy. Car chacun s'efforçoit de dire, le l'ay prins: & ne pouuoit le Roy aller auant, ne Monseigneur Philippe, son moins aîné fils. Le Prince de Galles (qui estoit courageux, & cruel cōme vn lyon) print ce iour grand plaisir à combattre, & chacer ses ennemis. Messire Iehan Chandos (qui estoit delez luy, n'onques de tout ce iour ne l'auoit laissé, n'aussi ne tendoit à prendre aucun prisonnier) luy dit, sur la fin de la bataille, Sire, c'est bon que vous vous arrestez icy & mettez vostre banniere haut, sur ce buisson. Si se rallieront voz gens: qui sont durement espars. Car ie ne voy plus nulles bannieres, ne nuls pennons François, ne conroy entre eux, qui se peult rallier. Si vous refreschissez vn petit: car ie vo' voy mout échauffé. Lors fut mise la banniere du Prince sur vn haut buisson: & menestriers de corner, & trôpettes & clerôs faire leur deuoir. Si osta le Prince son bacinet. Tâtoft furent appareil-
lez les Cheualiers de son corps, & ceux de sa châtre: & fut illec tēdu vn petit paillō ver-
meil: ou le Prince entra: & luy apporta on à boire, & aux Seig. qui estoient entour luy, qui
tousiours multiplioient: car ils reuenoient de la chace, si s'arrestoient là, ou enuiron, & leurs
prisonniers entour eux. Si tost que les deux Mareschaux furent reuenus, le Prince leur
demanda s'il fauoient nulles nouuelles du Roy de France. Sire, nenny, pas certaines:
mais nous croyons qu'il soit mort, ou prins, car il n'est point parti des batailles. Lors dit
le Prince au Comte de Waruich, & à messire Regnaut de Gobeghen, le vous prie que
partez d'icy, & cheuauchez si auant, que à vostre retour vous m'en sachez dire la verité.

Ces

Ces deux Barons de rechef remonterent à cheual, & se partirent du Prince, & mōterent sur vn tertre, pour veoir entour eux. Si apperceurent vne flotte de Gens-d'armes, tous à pié: qui venoient moult lentemēt. Là estoit le Roy de Frāce, tout à pié, en grand peril, car Anglois & Gascons en estoient les maistres: & l'auoyent tollu à messire Denis de † Morebeque, & moult éloigné de luy: & disoient les plus forts, Je l'ay prins, ie l'ay prins. Mais toutesfois le Roy de France, pour écheuer le peril, auoit dit, Seigneurs, Seigneurs, menez moy courtoisement, & mon fils aussi, deuers le Prince, mō cousin: & ne vous riotez plus de ma prinse, car ie suis assez grand Seigneur, pour vous faire tous riches. Ces parolles, & autres que le Roy leur dit, les faula vn petit: mais non pourtant tousiours recommençoient leur riote. & n'alloient pié de terre, qu'ils ne riotassent. Quand les deux Barons dessusdits veirent celle foule de gens, si descendirent du tertre, & brocherent cheuaux des esperons, celle part. Quand ils furent à la place, si demanderent, Qu'est ce cy? Et on leur dit, C'est le Roy de France, qui est prins: & le veulent auoir, & chalanger, plus de dix Cheualiers & Escuyers. Adoncques les deux Barons entrerent, à force, en la presse: & firent toutes manieres de gens tirer arriere: & leur commanderent de par le Prince, sur la teste, que tous se tiraissent arriere, & que nul ne l'approchast, fil n'y estoit ordonné, & commis. Lors se trairent toutes gens, bien en sus du Roy, & des deux Barons qui tantost descendirent à terre: & enclinerent le Roy tout bas, puis le conduirent, tout en paix, deuers le Prince de Galles.

† Il y auoit icy de Brerbeq: mais l'Exempl. de la Mer a encorés Morebeque: & ainsi le nōment tous autres: et mesmement la Chaux ecrināt Morbeque.

Du don, que le Prince de Galles fit à messire Iames d'Andelée, apres la bataille de Poictiers.

CHAPITRE

CLXV.

AVssi tost que le Comte de Waruich & messire Regnaut de Gobeghen se furent par tis du Prince (si comme cy-dessus est contenu) le Prince demanda aux Cheualiers qui estoient empres luy, De messire Iames d'Andelée, est il nul qui en sache riens? Ouy, Sire (respondirent aucuns Cheualiers, qui là estoient) il est fort nauré: & gist en vne lit tiere, assez pres d'icy. Par ma foy (dit le Prince) de sa naureure ie suis moult courroucé. Or sachez (ie vous prie) fil pourroit endurer le porter iusques cy: &, fil ne peut, ie l'iray veoir. Lors se partirent deux Cheualiers du Prince, & vindrent deuers messire Iames: & luy dirent comme le Prince le desiroit veoir. Grand merci (dit messire Iames) à Mon seigneur le Prince, quand il luy plaist se souuenir d'un si petit Cheualier comme ie suis. Adonc appella il de ses varlets, iusques à huit: & se fit porter, en sa littiere, là ou le Prince estoit. Quand Monseigneur Iames fut pres du Prince, le Prince se baissa sur luy, & luy fit grāde chere: & dit, Monseigneur Iames, ie vous doy bien honnorer, car par vo stre vaillance auez huy acquis la grace, & la renommée de nous tous: & estes tenu, par certaine science, pour le plus preux. Messire Iames dit, Monseigneur, vous pouuez dire ce qu'il vous plaist, ie voudroye bien qu'il fust ainsi: & si ie me suis huy aduacé pour vo seruir, pour accōplir vn vœu que i'auoye fait, on ne le doit mie tourner à prouesse. Mesi re Iames (dit le Prince) ie, & tous les nostres, vous tenōs, à la iournée d'huy, pour le mei leur de nostre costé: & pour vostre grace accroistre, que vous ayez mieux pour vous étoffer à suyuir les guerres, ie vous retien à tousiours mais pour mon Cheualier, à cinq cens marcs de reuenué par an: dont ie vous assigneray bien sur mon heritage, en Angle terre. Sire (respondit messire Iames) Dieu me laisse de seruir les grans biens, que vous me faites. A ces parolles print il congé du Prince (car il estoit moult foible) & le rempor terent ses varlets à son logis: & ne pouuoit mie grandement estre éloigné, quand le Cō te de Waruich & Monseigneur Regnaut de Gobeghen entrerent au pavillon du Prin ce, & luy presenterent le Roy de France. Le Prince de Galles senclina tout bas contre le Roy, & le réiouit (si comme bien le fauoit faire) & fit là apporter le vin & les espices: & en donna luy-mesme au Roy, en signe de grande amour.

† Il y auoit le vingt deux ième iour de Septemb. l'ā mil trois cēs cinquante sept. Mais au iour, tous noz autres Hist. Ann. et Cron: acordent, pour le dixneuſième excepté mon Guaguin: qui dit vingtième s'il n'est corrompu. Quand à l'an, il est certain que ce fut mil trois cens cinquante six; par nostre Autēar mesme, cy deuant, & cy apres iusques vers la fin des ch. 172 & par les deux Abr.

Comment les Anglois gaignerent grandement à la bataille de Poictiers. CHAP. CLXVI.

Ainsi fut ceste bataille déconfite (comme vous auez ouy) es champs de Maupertuis, à deux lieuës de la cité de Poictiers, † le dixneuſième iour de Septembre, l'an mil trois cens cinquante six. Si commença enuiron prime, & fut toute finie à nonne. Mais encore n'estoient mie les Anglois, qui chacé auoient, tous retourner. Pource auoit le Prince fait mettre sa banniere sur vn buissō, pour r'allier ses gens: mais ils furent basses vespres, ainçois qu'ils fussent tous reuenus de la chace. Et là fut morte (si comme on re-

*aussi qui neant
moins disent le
vingt deuxié
me de Sept.
† Il y auoit icy
deux tās mais
les Anna. de
Frâce, avec no-
stre Auteur mes-
me, parauant
m'asseurent de
cette correction
cōme fait aussi
l'exemp. de Ve-
rard, encores
que la Chaux
die deux tātz
C^c.*

cordoit) de la Cheualerie de France toute la fleur: & estoient prins, avec le Roy & Monseigneur Philippe son fils, dixsept Comtes, sans les Barons, Cheualiers, & Escuyers: & y furent morts cinq ou six mille, que vns, qu'autres. Quand les Anglois furent tous, ou en partie, reuenus de la chace, ils auoient † deux fois autant de prisonniers qu'ils estoient de gens. Si eurent cōseil l'un par l'autre, pour la grāde charge qu'ils en auoient, qu'ils en rançonneroient le plus sur les champs: li-comme ils firent: & trouuerent les prisonniers les Anglois & Gascons moult courtois. Si en y eut ce iour mis à rançon grande foison, & receus simplement sur leur foy à retourner, dedans Noel, à Bordeaux, & là apporter leurs payemens. Quand ils furēt ainsi comme tous assemblez, chacun se retrahit en son logis, & tout ioignant ou la bataille auoit esté. Si se defarmerent aucuns, & non pas tous & firent defarmer leurs prisonniers: & leur firent tant d'amour qu'ils peurent, chacū aux siens, car à celuy, qui prenoit prisonnier en la bataille, de leur costé, le prisonnier estoit sien, & le pouuoit quitter, ou rāçonner, à sa volonté. Si peut chacun sauoir, que tous ceux, qui là furent avec le Prince de Galles, furent tous riches d'honneur & d'auoir, tant parmi les rançons des prisonniers, comme parmi le gaing d'or & d'argent, qui là fut trouué en vaisselle d'or & d'argent, en riches ioyaux, en males, farcies de ceintures riches, & pesant d'or & d'argent, & de bons manteaux. Si ne faisoient compte d'armes, de harnois ne de bacinets, ne d'autre maniere de harnois. Car tous les François estoient là venus moult richement, & étoffément: comme ceux qui cuidoyent bien auoir la journée pour eux.

Comment messire Iames d'Andelée donna à ses quatre Escuyers cinq cens marcs de reuenue.

CHAPITRE

CLXVII.

Quand messire Iames d'Andelée fut arriere rapporté en sa littiere en son logis, & il eut grandemēt remercié le Prince, du don que fait luy auoit, il n'eut gueres demouré en sa loge, quand il manda messire Pierre d'Andelée son frere, Monseigneur Barthelemy de Brunes, Monseigneur Estienne de Gouffenton, le Seigneur de Villy, & Monseigneur Raoul de Ferrieres. Ceux estoient de son lignage: & en leur presence fit venir les quatre compaignons, qu'il auoit eus pour son corps celle journée: & dit aux Cheualiers, Seigneurs, il a pleu à Monseigneur le Prince me donner cinq cens marcs de reuenue par an, & en heritage: pour lequel don ie luy ay fait seruice bien petit de mon corps: & veez cy quatre Escuyers, qui m'ont tousiours serui loyaumēt, & par especial à la journée d'huy. Ce que j'ay d'honneur, est par leur emprise & par leur hardement, parquoy ie les vueil remunerer. Si leur donne, & resigne, en leurs mains, le dō & les cinq cēs marcs, que Monseigneur le Prince m'a dōnez, en telle forme & maniere qu'il les m'a accordés: & m'en desherite, & les en herite purement, & sans rappel. Les Cheualiers, qui là estoient regarderent l'un apres l'autre: & dirent entre eux. Il vient à messire Iames de grāde vaillance de faire ce don. Si luy respondirēt d'une voix, Sire, Dieu y ait part, ainsi le tesmoignerons nous, là ou ils voudront. Si se partirent atant de luy: & vindrent les aucuns deuers le Prince: qui deuoit donner à soupper, au Roy de France, de ses pourueances, car les François en auoient fait amener grande foison apres eux: & elles estoient faillies aux Anglois: & plusieurs n'auoient point de pain, de trois iours auoit passez.

Comment le Prince de Galles donna à soupper au Roy de France, le iour que la bataille auoit esté.

CHAPITRE

CLXVIII.

Quand vint au soir, le Prince de Galles dōna à soupper, en sa loge, au Roy de Frâce, & à la plus grāde partie des Princes & Barons, qui estoient là prisonniers: & assit le Prince le Roy de Frâce, son fils messire Philippe, messire Iaques de Bourbō, Monseigneur Jehan d'Artois, le Comte de Tancarville, le Côte d'Estāpes, le Comte de Dampmartin, le Côte de Grauille, & le Seigneur de Partenay, à vne table haute & bien couuerte: & tous les autres Barons & Cheualiers à autres tables. Et seruoit tousiours le Prince au deuant de la table du Roy, & par toutes les autres tables, aussi humblement comme il pouoit: n'oncques ne se voulut seoir à la table du Roy, pour priere que le Roy en fist: ains disoit qu'il n'estoit encore mie assez suffisant, qu'il luy appartenist de foy seoir à la table de si grand Prince, & de si vaillant homme, que le corps du Roy estoit: & luy disoit bien, Cher Sire, ne vueillez mie faire simple chere: pourtant si Dieu n'a voulu huy consentir vostre vouloir, car certainement Monseigneur mon pere vous fera tout hōneur & amitié, le

*Consolatio du
Prince de Gal-*

tié, le plus qu'il pourra: & s'accordera à vous si raisonnablement, que vous demourrez les au Roy Jehā
bons amis ensemble à tousiours: & m'est aduis que vous auez grande raison de vous é- de France, son
lieffer: combien que la iournée ne soit tournée à vostre gré, car vous auez auourd'huy prisonnier.
conquis le haut nom de prouesse: & auez passé auourd'huy tous les mieus-faisans de
vostre costé. Je ne le di mie, cher Sire, pour vous louer, car tous ceux de nostre partie, qui
ont veu les vns & les autres, se sont, par pleine conscience, à ce accordés: & vous en don-
nent le pris & chappelet. A ce point commencerent tous à murmurer: & disoient, entre
eux François, que noblement & à poinct le Prince auoit parlé: & disoyent qu'en luy a-
uoit, & auroit encôres, vn gentil Seigneur, fil pouuoit durer longuement, & viure & en
telle fortune perseverer.

Cy deuiſe comment le Prince de Galles retourna à Bordeaux, apres la bataille de Poictiers.

CHAPITRE CLXIX.

Quand ils eurent souppé, & assez festoyé, selon le point là ou ils estoient, chacun fé-
alla en son logis, avec ses prisonniers, Cheualiers & Escuyers: qui se rançonne-
rent enuers ceux, qui prins les auoyent: qui leur demandoyent, sur leur foy, combien ils
pourroyent payer sans eux greuer: & les croyoient légèrement: & si disoyent communé-
ment, qu'ils ne vouloyent mie si estroitement rançonner nul Cheualier, n'Escuyer, qu'il
ne peust bien cheuir, & aduācer son hōneur. Et quand vint au matin, que ces Seigneurs
eurent ouy messe, & ils eurent beu & mangé vn petit, & les varlets eurent tout trouffé &
appareillé leur charroy, ils se délogerent, & cheuaucherent deuers Poictiers. En la cité
de Poictiers estoit venu, la propre nuit, le Sire de Roye, à cent Lances: qui n'auoit point
esté à la bataille: mais auoit encontré le Duc de Normandie, assez pres de Chauigny:
lequel Duc l'auoit enuoyé à Poictiers, pour le garder, tant qu'il orroit autre nouvelles.
Quand le Sire de Roye fut venu dedans Poictiers, pourtant qu'il sentoit les Anglois af-
sez pres, fit toute celle nuit entēdre es portes, es tours, & es guettes de la ville: & au matin
fit armer toutes manieres de gens, & aller chacun à sa deffense. Les Anglois passerent
oultre, sans point approcher, car ils estoient si chargez d'or & d'argēt, de ioyaux, & de bōs
prisonniers, qu'à leur retour ils n'affailloyēt nulle forteresse: mais leur sembloit vn grād
exploit, s'ils pouuoient le Roy de France, & leur conquest, mener à sauueté, en la cité de
Bordeaux. Si alloient ils à petites iournées, pour les pēſās prisonniers, & le grād charroy,
qu'ils menoyent: & ne cheminoyent, tout le iour, point plus de quatre ou de cinq lieues
& se logeoient de haute heure: & cheuauchoyent ensēble, sans eux dérouter: excepté la
bataille des Mareschaux: qui alloit deuant, à cinq cens armeures de fer, pour ouurir le
pays: mais ils ne trouuoient nulles rencōtres, car tout le pays estoit effrayé: & se tenoient
toutes manieres de Gens-d'armes en leur forteresse. Sur ce chemin vint à la cognoissan-
ce du Prince, cōmēt messire Iames d'Andelée auoit dōné, à ses quatre Escuyers, la reue-
nue de cinq cens marcs. Si le demanda: & adonc messire Iames se fit porter, en sa littiere
deuant le Prince: qui le reçut moult courtoisement & luy dit, Messire Iames, on nous a
donné à entendre que la reuenue, que nous vous auons donnée, vous parti de nous &
retourné en vostre logis, la rendistes & donnaistes tātost à quatre Escuyers. Si sauriōs vo-
lōtiers pourquoy vous faites ce, & si le dō vous fut point agreable. Mōseig. (dit le Che-
ualier) ouy trèsgrandement: & la raison, qui me meut à ce faire, ie la vous diray. Ces qua-
tre Escuyers (qui cy sont) m'ont serui long temps, bien & loyaument, en plusieurs grans
besongnes: & encôres à ce iour, que ie leur fei le don, ne leur auoye ie de riens remuneré
leurs seruices: & si onc en leur viuant ne m'eussent plus serui, qu'ils firent à la bataille de
Poictiers. Si suis ie tenu de tant, & de plus, enuers eux, car, cher Sire, ie ne suis qu'un seul
homme, & ne puis qu'un homme: &, sur le confort & aide d'eux, j'ay emprins d'accom-
plir le vœu, que de long temps auoye voué: & fu, par force & bonté d'eux, premier assail-
lant: & eusse esté mort en la besongne, s'ils ne fussent. Dont, quand i'eu considéré la bon-
té & l'amour qu'ils me monstrent, ie n'eusse mie esté bien courtois, n'aduisé, si ie ne les
eusse guerdonnez, car, Monseigneur, Dieu mercy tousiours ay ie assez eu, & auray tant
que ie viuray: n'oncques de cheuāce ne m'ebahy: n'ebahiray. Et, si j'ay fait ceste fois ou-
tre vostre volonté, cher Sire, ie vous prie que le me pardonnez. Car aussi entierement,
comme deuant serez vous serui de moy, & de mes Escuyers, à qui j'ay le don donné. Le
Prince dit, Monseigneur Iames, de chose, que vous ayez faite, ne vous blasmeray. Mais
vous en fay bon gré: &, pour la bonté des Escuyers, & que tant vous louez d'eux, ie leur

*Nouveau pré-
sent du Prince
de Galles à Ja-
mes d'Andelée*

accorde vostre don: & vous ren fix cens marcs, par la maniere & condition que deuant les teniez. Tant exploiterent le Prince de Galles & ses routes, qu'ils vindrent & passerēt sans dommage, parmi Poictou & Xaintonge: & vindrent à Blaye: & là passerent la Gironde: & arriuerent en la bonne cité de Bordeaux. On ne vous pourroit recorder la feste & la solennité, que ceux de Bordeaux (Bourgeois & Clergé) firēt au Prince, & comme honnorablement il fut receu, & le Roy de France aussi. Si amena le Prince le Roy, en l'Abbaye de Saint-Andry: & là se logerent tous deux: & le Roy d'un costé, & le Prince de l'autre. Si achapta le Prince, des Barons, des Cheualiers, & des Escuyers de Gascongne, la plus grande partie des Comtes du Royaume de France, qui prins estoient: & en paya deniers tous appareillez: & là eut plusieurs assemblez & questions de Cheualiers & Escuyers de Gascongne, & d'ailleurs, pour la prinse du Roy de France. Toutesfois Denis de Morebeque, par droit d'armes & vrays enseignes qu'il en disoit, le chalengoit, vn autre Escuyer de Gascongne, (qui s'appelloit Bernard † de Toutes) y disoit auoir grand droit. Si y eut plusieurs paroles deuant le Prince & les Barons qui là estoient: & , pource que ces deux se deuoyēt combattre, le Prince meit la chose en arrest, iusques à tant que ils fussent en Angleterre: & que nulle declaratiō n'en seroit faite, fors deuant le Roy son pere: mais, pource que le Roy de France aidoit à soustenir le droit à messire Denis, & que plus il s'enclinoit à luy, qu'à nul des autres, le Prince tout coyement fit deliurer, audit messire Denis, deux mille Nobles, pour aider à son estat. Assez tost apres la venue du Prince à Bordeaux, y vint le Cardinal de Perigourd: qui là estoit enuoyé, en legation, du Pape: si comme dit est: & fut là plus de quinze iours, auant que le Prince vouist parler à luy, pour la cause du Chastellain de † Camposte, & de ses gens: qui auoyent esté en la bataille de Poictiers: & cuidoit le Prince, que le Cardinal les y eut enuoyez. Mais le Cardinal, par moyens, qu'il acquit du Sire de Chaumont, du Seigneur de Montferrant, & du Captal de Buz, ses cousins, fit tant demonstrer de bōnes raisons au Prince, qu'il eut voye de parler à luy: & , quand il fut deuant luy, il s'excusa si sagement, que le Prince & son Conseil le tindrent pour excusé: & reuint en l'amour du Prince, comme deuant, & passerent tous ses gens parmi rançons conuenables: & fut mis le Chastellain à deliurance, parmy 10000. francs, qu'il paya. Depuis cōmença le Cardinal à traiter sur la deliurāce du Roy Iehan, mais ie m'en passe briefuement, pource que rien n'en fut fait. Ainsi se tindrent toute la saison, iusques à Quaresme ensuyuant, le Prince de Galles, les Gascons & les Anglois, en la cité de Bordeaux en grād soulas & reueil, & despendoyent solemēt l'or & l'argent, qu'ils auoyent gaigné. Aussi en Angleterre firent grande ioye, quand les nouuelles y vindrent de la besongne de Poictiers, touchant les François, & de leur déconfiture, & en fit on les solennitez, par les eglises, grādes & nobles, & les feux par les villes d'Angleterre. Si estoient tresbien venus Cheualiers & Escuyers, qui reuenoyent en Angleterre, & à la besongne auoient esté, & estoient honnorez plus que les autres.

Comment les trois Estats de France s'assemblerent à Paris, apres la bataille de Poictiers.

CHAPITRE

CLXX.

EN ce temps, que la besongne de Poictiers aduint, estoit le Duc de Lenclastre en la Comté d'Eureux, & sur les marches de Constantin, & delez luy messire Philippe de Navarre, & Monseigneur Godeffroy de Harcourt, & là ils guerroyoiet la Normédie, & auoient guerroyé toute la saison, pour la cause du Roy de Navarre, que le Roy de France auoit emprisonné. Et auoyent mis grande peine ces trois Seigneurs, comme ils peussent auoir esté en la cheuauchee du Prince, mais ils n'y peurēt paruenir, car les passages de la riuere de Loire auoient esté si bien gardez de tous costez, qu'ils ne peurent passer. Dequoy, quand ils ouirent dire que le Prince auoit prins le Roy de France, & la verité, de la besongne de Poictiers, ainsi qu'elle se porta, si en furent grandement reiois: & rompirent leur cheuauchee, pourtant que le Duc de Lenclastre & Monseigneur Philippe de Navarre voulurent aller en Angleterre, ainsi qu'ils firent, & enuoyerent messire Godeffroy de Harcourt tenir frontiere à Saint-Sauueur-le-vicomte. Or diray des trois enfās du Roy Iehan de Frāce, c'estassauoir Charles, Louis, & Iehan, qui retournez estoiet de la déconfiture de Poictiers. Or mout estoiet ieunes d'aage, & de cōseil. Si auoit en eux petit recouurer, ne nul d'eux ne vouloit entreprendre le gouuernement du Royaume, de France, & avecques ce, les Cheualiers & Escuyers (qui retournez estoient de la bataille

† L'Exemple
de la Mer et celui
du Noir disent
de Troutes
et Verard de
Toutes, Mar.
la Chaux du
de Truttres.

† Il a dit d'An
postre &
d'Ampost es
ch. 161. # 162.

taille) en estoient tous hays & blasmez des Communes: tant qu'enuis ils sembattoient es bônes-villes. Si aduint que tous les Prelats de Sainte-eglise, Euesques & Abbez, tous les Nobles Seigneurs & Cheualiers, le Preuost des Marchans, & les Bourgeois de Paris: & les Consuls des bonnes villes du Royaume de France, furent tous ensemble en la cité de Paris: & vouloyent sauoir & ordonner comment le Royaume de France seroit bié gouverné, iusques à tant que le Roy Iehan, leur Seigneur, seroit deliuré. Et voulurent encore sauoir, plus auant, qu'estoit deuenue le grand tresor, qu'on auoit leué au Royaume de France, le temps passé, en dismes, en maletostes, en subfides, en forges de monnoyes, & en toutes autres extorsions: dont les gens auoyent esté fort mal-menez & triboulez, & les soudoyers mal payez, & le Royaume mal-gardé & deffendu. Mais de ce ne sauoit nul rendre compte. Si s'accorderent que les Prelats éliroyent douze personnes, bonnes & sages, entre eux: qui auroient pouuoir, de par eux, & de tous les Clergez, d'ordonner & aduiser voyes conuenables pour ce faire. Les Barons & les Cheualiers aussi éleurent douze Cheualiers, les plus-sages & les plus-discrets, pour entendre à ces besongnes: & les Bourgeois douze, en autelle maniere. Ainsi fut ordonné & confirmé d'un commun accord. Lesquelles xxxvj. personnes deuoyent estre moult souuent à Paris ensemble, & là parler & ordôner des besongnes du Royaume: & toutes manieres de choses se deuoyent rapporter par ces trois Estats: & deuoyent obeyr tous autres Prelats tous autres Seigneurs, toutes autres Communautéz des citez, & des bonnes-villes, à tout ce que ces trois Estats feroient & ordonneroyent. Toutesfois, en ce commencement, il en y eut plusieurs en celle election, qui ne pleurent mie bien au Duc de Normandie, n'à son Conseil. Ou chef premier les trois Estats deffendirent à forger la monnoye, qu'on forgeoit: & faisirét les coings. Apres requirét, au Duc de Normandie, qu'il fust saisi du Chancelier du Roy son pere, de Monseigneur Robert de Lorris, de Monseigneur Robert de Bucy † de Pouellement, & des autres maistres des Comptes, & Conseillers du temps passé dudit Roy: parquoy ils rendissent bon compte de tout ce qu'on auoit prins & leué au Royaume, par leur conseil. Quand tous ces Maistres & Cōseillers entédirét ce, ils s'en partirent du Royaume de France, plustost qu'ils peurent, & s'en allerent en autres nations demourer, tant que ces choses fussent reuenues en autre estat.

Comment les trois estats enuoyerent Gens-d'armes contre mesire Godeffroy de Harcourt.

CHAPITRE

CLXXI.

A Pres, ces trois Estats ordônerent & establirent de par eux, & en leurs noms, Receueurs, pour receuoir toutes maletostes, dixièmes, subfides, & toutes autres droitures, appartenant au Roy & au Royaume: & firent forger nouvelle monnoye de fin or: qu'on clamoit † Moutons: & eussent volontiers veu que le Roy de Nauarre fust deliuré de prison, du chastel de Creuecœur en Cābrefis: ou il estoit emprisonné, car il sembloit à plusieurs de ceux des trois Estats, que le Royaume en seroit plus fort, & miéux deffendu, au cas qu'il vouldroit estre bō & loyal, poutât qu'il y auoit peu de Nobles au Royaume de Frāce, à qui on se peust r'allier, que tous ne fussent morts, ou prins, à la bataille de Poictiers. Si requierent au Duc de Normandie qu'on le voulist deliurer: car il leur sembloit qu'on luy faisoit grand tort: ny ne sauoient pourquoy on le tenoit. Le Duc respondit qu'il n'oseroit mettre conseil à sa deliurance, car le Roy son Pere le faisoit tenir, ne sauoit pourquoy, n'à quelle cause. En ce temps vindrent nouuelles au Duc, & aux trois Estats, que Monseigneur Godeffroy de Harcourt guerroyoit mallement le bon pays de Normandie: & couroyent les gens (qui n'estoient pas grande foison) deux ou trois fois la semaine, iusques es fauxbourgs de Caen, de Saint-Lou, d'Eureux, & de Constances: & si ne leur alloit nul au deuât. Si ordonnerent le Duc & les trois Estats vne cheuauchée de Gens-d'armes, de bien trois cens Lances, & cincqens armeures de fer: & y establirét quatre Capitaines: c'estassauoir le Sire de Rameual, le Sire de Kenny, le Sire de Riuille, & le Sire de Frianiulle. Si se partirent ces Gens-d'armes de Paris, & s'en vindrent à Rouen: & là s'assemblerent de tous costez: & y eut plusieurs Cheualiers d'Artois & de Vermandois, tels comme Monseigneur de Kyneky, Monseigneur Louis de Hanefklie, Monseigneur Edouard de Roucy, Mōseigneur Iehan de Fiēnes, Monseigneur Enguerā de Hedin, & plusieurs autres: & aussi, de Normandie, moult d'apperts Gens-d'armes & exploiterent tant ces Seigneurs & leurs routes, qu'ils vindrent en la cité de Constances: & en firent leur garnison.

*Ce qui fut acor
de par les trois
Estats à Paris,
apres la batail
le de Poictiers.*

*† Je pense que
c'est le surnom
de quelque an-
tre et li ne ve vo-
lontiers Iehan
de Pouilleui-
lain, selon les
Ann. de Fran-
ce cōbiē que la
Mer des Hist.
prenāt dorefna-
uāt tous les pro-
pres mots des
Chron. de Fran-
ce die Iehan
poil le vilain
L'exemp. de Ve-
rard le distin-
gue d'avec Bu-
ci par vne telle
virgule, † Ce
pourroyēt estre
ceux, que l'on
nōma à la grā-
de laine.
† La Chaux dit
Raineual.
Crequin.
Louis de Ha-
nesquerque.
Oudard de
Réti. Enguer-
ran Dendin.
Iehan de Fiē-
nes. Celuy de
la Chaux Re-*

cheual. Ca-
sin. Friauil
le. Crequi.
Louis de Ha
nesbecque.
Oudard de
Renti, Jehan
de Fiennes,
& Enguerrā
Dendin.
Il a naguere
dit de Rame
nal.

Il faut que ce
soit ce Rame
nal ou Raue
nal d'icy deff^s.

† Tous noz. Ex
emplaires auoi
ent en ceste sor
te sans autre
punctuation.
& se meirent
dedās par là
ainsi qu'ils a
uoiet tour
noyé autour
des hayes en
grandentree
messire Go
deffroy & les
siens auoiet
aussi tour
noyé & si e
stoient arre
stés au plus
foible lez. Si
tost que les
François se
tindrēt coi là
e-c. Mais in
gez, quel sens
on en pouuoit
tirer. Les Abr.
se taisēt de ce
ste particulari
té. † 1356. an
de la bataille
de Constantin.
ou fut tué Go
deffroy de Har
court.

De la bataille de Constantin, entre messire Godeffroy de Harcourt & messire Louis de † Raunenal.

CHAPITRE.

CLXXI.

Quand messire Godeffroy de Harcourt (qui estoit fort-hardi, & courageux) sceut que les François estoient venus en la cité de Constances, il cueillit tout ce qu'il peut auoir de Gens-d'armes, d'Archers, & de compaignons: & dit qu'il cheuaucheroit deuers eux. Si partit de Saint-Sauueur le-vicomte: & pouuoient estre bien enuiron sept cēs hōmes, qu'vns qu'autres. Ce propre iour cheuaucherent aussi les Frāçois: & enuoyèrent leurs Coureurs decouurir. Si rapporterēt à leurs Seigneurs, qu'ils auoiet veu les Nauarrois. D'autre part messire Godeffroy auoit enuoyé ses Coureurs: qui auoyent cheuau chē vn autre chemin, & considerē le conuenant des Frāçois, & bannieres & pennōs, & qu'elle quantité ils estoient. De tout ce ne fit messire Godeffroy compte: ains dit, puis qu'il veoit ses ennemis, qu'il les combattroit: & adonc meit ses Archers tout deuant, ce qu'il en auoit: & ordonna ses Anglois & Nauarrois. Quand Monseigneur Raoul de † Raunenel en veit la maniere, il fit les François descendre à piē, & eux pauescher de targes, cōtre le trait: & commāda que nul n'allast auant, sans son cōmandement. Les Archers de Monseig. Godeffroy commencerent à approcher (cōme commandē leur fut) & à traire sagettes à force de bras. Ces Frāçois (qui estoient fort-armez & paueschez) laissoiet traire sur eux (car celuy assaut ne leur portoit point de dōmage) & tant furēt en tel estat, sans eux mouuoir ne reculer, que ces Archers eurent employē toute leur artillerie. Lors getterent leurs arcs à terre, & commencerent à ressortir sur leurs Gens-d'armes: qui estoient tous rengez au long d'vne haye, messire Godeffroy tout deuant sa banniere. Lors commencerēt les Archers François à traire vistemēt, & à recueillir sagettes de tous costez (car grand' foison en auoit sur les chāps) qu'ils employerēt sur ces Anglois & Nauarrois: & aussi Gens-d'armes approcherent moult vigoureusement. Là eut grand hutin & dur, quād ils furent venus main à main: mais les Gens-de-piē de Monseig. Godeffroy ne tindrēt point de conroy: ains furent tantost déconfits: & adonc Monseigneur Godeffroy se retira sagemēt au fort d'vne vigne, enclos de dures hayes: & y entrerent de ses gens tous ceux, qui s'y peurent bouter. Quand les François l'apperceurent, ils se meirēt tous à piē. Si enuironnerent le fort: & aduiserent comme ils y pourroyent entrer. Si allerent tant autour, qu'ils trouuerent voye: & s'enhardirent entre eux: † & se meirent dedans par là. Ainsi qu'ils auoient tournoyé autour des hayes, en querāt entrée, messire Godeffroy & les siens auoient aussi tournoyé: & si estoient arrestez au plus foible lez. Si tost que les François tindrent ceste voye, là veissiez mainte appertise d'armes: & cousta aux François des leurs moult grandement, ainçois qu'ils peussent ouurir la voye & le passage, à leur volonté. Toutesfois ils entrerent dedans: & fut la banniere de messire Regnaut toute premiere, & luy tantost apres, & les autres Cheualiers & Escuyers apres. Quand ils furent au clos, il y eut grand hutin & dur, & maint homme renuersē: & ne tindrent les gēs Monseig. Godeffroy nul conroy (ainsi qu'il cuidoit qu'ils deussent faire, & qu'ils luy auoyent promis) ains se partirent la plus grande partie: & ne peurent endurer les François. Quand messire Godeffroy veit ce, il dit à soy mesme, qu'il aimoit mieux à mourir, que d'estre prins. Si print vne hache: & s'arresta en son pas, l'vn piē apres l'autre, pour estre plus fort, car il estoit boiteux d'vne iambe: mais il auoit grande force à ses bras. Là se combattit vaillamment & longuement: & n'osoit nul attendre ses coups: & adonc deux François monterent sur leurs courriers, & baissèrent leurs lances, & vindrent tous d'vne empreinte sur luy: si le porterent à terre. Lors s'auancerent aucuns hōmes de guerre: à tout leurs espées, & les luy enflerēt, par dessous, au corps, & le tuerent sur la place: & furent tous presque morts & prins ceux, qui avecques luy estoient venus: & ceux, qui échapper peurent, s'en retournerent à saint-Sauueur le vicomte. Et fut enuiron la Saint Martin d'Yuer, † l'an mil c c c. lvi. Apres la décōfiture & la mort dudit Cheualier messire Godeffroy de Harcourt, & que le champ fut tout deliuré, s'en retournerent les Frāçois à Constances: & là amenerent leur gaing, & leurs prisonniers: & assez tost apres repairent en France, deuers le Duc de Normandie (qu'on clamoit adonc Regent) & deuers les trois Estats: qui moult hōnorerent les Cheualiers & Escuyers, qui en Cōstātin auoiet esté. Si se tīt Saint-Sauueur-le-vicōte en auāt Anglefche, & toute la terre Mōseig. Godeffroy de Harcourt, car il l'auoit vendue pour apres sō deces, au Roy d'Angl. & en auoit desherité Mōseigneur Louis de Harcourt, son neveu pource q̄ ledit messire Louis ne se

ne se voulut tourner de son costé. Si tost que le Roy d'Angleterre ouit nouvelles de la mort messire Godeffroy de Harcourt, il le plaignit moult: & enuoya Gés-d'armes, Cheualiers & Escuyers, & Arbalestiers, plus de quatre cens, par mer, pour prendre la saisine de Saint-Sauueur (qui valut bien trente mille frans par an, de reuenue) & fit Capitaine de la terre, & des chasteaux, Monseigneur Iehan de l'Isle. Les trois Estats entendirent toute celle saison aux ordonnances du Royaume de France: & estoit tout gouverné par eux.

Comment le Prince de Galles mena le Roy Iehan de France, de Bordeaux en Angleterre.

CHAPITRE. CLXXIII.

Celuy * Yuer le Prince de Galles & la plus grande partie des Anglois, qui à la bataille de Poictiers auoyent esté, se tindrent à Bordeaux: & entendirent à pourueoir nauires, à ordonner leurs besongnes, pour emmener le Roy de France & son fils, & la plus grande partie des Seigneurs, qui là estoient, en Angleterre. Quand la saison approcha que le Prince deut partir, & que ses besongnes estoient ainsi que toutes prestes, il mada le Sire d'Albret, le Sire de Mucident, le Sire de l'Esparre, le Sire de Puniers, & le Sire de Rosen, pour garder tout le pays iusques à son retour. Puis entra le Prince en mer, & les Seig. de Gascongne, qui avec luy estoient. Si fut le Roy de France tout par luy en vn vaisfel, pour mieux estre à son aise. En ceste nauire auoit 200. homes-d'armes & 2000. Archers. Car on auoit dit au Prince, que les gés des trois Estats (par lesquels le royaume de France estoit gouverné) auoient mis sus, en Normâdie & au Crotay, deux grâs armées de soudoyers, pour aller au deuât des Anglois, & leur tollir le Roy de France: mais oncques n'en veirent apparence. Si furent ils onze iours & onze nuits sur mer: & arriuerent le douzième au haure de Sanduich. Puis issirent hors des nefes, & s'hebergerent en la ville, & es villages d'enuiron: & se tindrent illecques deux iours, pour eux rafreschir: & au tiers iour ils s'en partirent, & vindrent à Saint-Thomas de Cantorbie. Lors, quand le Roy d'Angleterre sceut la venue, il commanda à ceux de Londres, qu'ils s'ordonnasent tellement comme il appartenoit à tel Seigneur receuoir, que le Roy de France. Adoncques ceux de Londres se vestirent par Conneftablies, & trefrichement: & tous les Maistres, de draps differens des autres. A Saint-Thomas de Cantorbie firent le Roy de France & le Prince de Galles leurs offrandes: & y reposerent vn iour. Le lendemain au matin cheuaucherent iusques à Rocestre: & puis se reposerent là. Au tiers iour ils vindrent à Dertford: & au quart iour à Londres: ou ils furent receus moult honorablement: & aussi auoient esté par toutes les bonnes villes, ou ils auoient passé. Si estoit le Roy de France (ainsi qu'il cheuauchoit parmi Londres) monté sur vn blâc courfier, tresbien appareillé: & le Prince de Galles, monté sur vne petite hacquenée noire, delez luy. Ainsi fut il couoyé tout au long de la cité de Londres, iusques à l'hostel de Sauoye: lequel hostel est heritage au Duc de Lenclastre. Là tint le Roy de France sa maison vn temps: & là le vindrent veoir le Roy & la Roïne d'Angleterre: qui grandement le festoierent, & depuis moult souuent le visiterent: & le consoloyent de ce qu'ils pouuoient. Tan tost apres vindrent en Angleterre, par le commandement du Pape Innocent vi, messire Tailleram, Cardinal de Pericourd, & messire Nicole, Cardinal d'Argel. Si commécerent à exposer & entamer de paix entre les Roys de France & d'Angleterre: & moult y trauaillerent, mais oncques n'y peurent riens exploiter. Toutesfois par aucuns bons moyens procurerent vne tréue entre les deux Roys & leurs confortans, à durer iusques à la Saint Iehan Baptiste, l'an mil ccc. l. ix. Et furent mis hors de tréues Monseigneur Philippe de Nauarre & ses alliez, & la Comtesse de Montfort, & la Duchesse de Bretagne. Vn peu de Temps apres fut le Roy de France translaté de l'hostel de Sauoye, & mis au chastel de Windesore, & tout son hostel. Si alloit voler, chacer & deduire, & prendre tous ses ébatemens, enuiron Windesore, ainsi qu'il luy plaisoit: & Monseigneur Philippe son fils aussi: & tout le demourant des autres Seigneurs, Comtes, & Barons, se tenoyent à Londres. Si alloient veoir le Roy, toutes les fois qu'il leur plaisoit: & estoient receus sur leur foy seulement.

Comment le Roy d'Escoce fut deliuré de la prison du Roy d'Angleterre. CHAP. CLXXIIII.

Vous auez bien ouy recorder comment le Roy Dauid d'Escoce fut prins en Angleterre. Quand il y eut esté prisonnier plus de neuf ans, il aduint, assez tost apres

Le Roy d'Ang. en possession des terres de Godeffroy de Harcourt en Constantin.

* Annot. 79.

† Souuient ne vous qu'il prend nauire, en gère femme, pour toute la flotte, & armee marine.

† Il y auoit Clocestre, & Dardeforde apres: mais les Cartes & descriptions asseurent nostre cerrection: comme aussi fait la Chaux, disant neantmoins Dorderfort, pour Dertfort. † Parauant d'Aigel, au chap. 159. Sala dit icy duor-gel. Tréue entre les François et les Anglois et peut on icy copier l'année 1357 à commencer par le premier de l'annuier comme par auant.

*Traité de la de
liurace du Roy
d'Escoce, hors
la main des
Anglois.*

ces tréues accordées entre France & Angleterre, que les deux Cardinaux dessusdits, & l'Euesque de S. Andry d'Escoce, s'embesongnerent de la deliurace du Roy d'Escoce. Et se fit traité par telle maniere, q̄ le Roy d'Escoce ne se deuoit iamais armer cōtre le Roy d'Angleterre, en son Royaume: ne cōseiller, ne cōsentir, à son loyal pouuoir, ses hōmes, pour eux armer à greuer, ne guerroyer, Anglois. Et deuoit le Roy d'Escoce, luy reuenue en son Royaume, mettre toute peine & diligēce qu'il pourroit enuers ses hōmes, à fin q̄ le Royaume d'Escoce fust tenu en fief & hommage du roy d'Angleterre: & si le pays ne vouloit accorder à ce, le Roy d'Escoce iureroit solēnellement à tenir bōne paix & ferme enuers le Roy d'Angleterre: & obligerait & allioit son Royaume (comme droit Seigneur & heritier) à payer, dedans dix ans, cinq cens mille Nobles: & en deuoit, à la semonce du Roy d'Angleterre, enuoyer bons pleges & ostages: tels que le Comte de Donglas, le Comte de Moray, le Comte de Mare, le Comte de Suthirlād, le Comte de Fif, le Baron de Versi, & messire Guillaume de Cathenes: lesquels deuoient demourer en Angleterre, comme prisonniers & ostagers, pour le Roy leur Seigneur, iusques au iour que celuy argent seroit payé. De ces ordonnances & obligations furent faits instrumēs publiques & lettres patētes, seellées de l'un Roy & de l'autre: & se partit lors d'Angleterre le Roy Daud: & s'en vint arriere en son pays: & la Royne † Ysabel sa femme, sœur du Roy d'Angleterre. Si fut le Roy moult honnorablemēt receu de ses hōmes: & visita son pays, puis vint demourer, entretant qu'on luy appareilloit son fort chastel de † Haindebourg (qui estoit tout desarmé) à Saint-Iehan d'Eston, vne bonne ville & marchande, sur vne riuere qu'on appelle Tave.

† Tous autres
la nomment le
hanne.
† Il a tousiours
ainsi nommé ces
deux villes, et
la riuere aus-
si ch. 56. &
137. cōbié qu'il
dist icy Hami-
bout, S. Iehan
seon, et Tric.
† L'an 1357.

Comment le Duc de Lenclastre meit le siege à Rēnes.

CHAP. CLXXV.

† Je vous laisse
à penser s'il e-
stoit de la pa-
renté de Tho-
mas Dagorne,
au ch. 142. Sa-
la le surnōme
icy Dāgorne
et la Chaux
Dagorne.

ENviron la My-May, † l'ā de grace mil c c c. l v i i. meit le Duc de Lenclastre sus vne grosse cheuauchée de Gens-d'armes en Bretagne, tant d'Anglois comme de Bretons à l'aide de la Cōtesse de Mōtfort, & de son ieune fils (qui ia s'armoit & cheuauchoit & estoient biē mille Hōmes-d'armes tresbiē appareillez, & cinq cens d'autres gens, parmi les Archers. Si se partirent ces Gens-d'armes de Hamibout: & vindrent, tout ardent & exilant le pays de Bretagne, deuant la bonne cité de Rēnes: & l'assiegea le Duc tout environ: & s'y tint tout le temps enfuyuant: & là fit plusieurs fois assaillir: mais petit y gagna. Car dedans estoient le Vicomte de Rohan, le Sire de Lual, messire Charles de Dignen, & plusieurs autres: & y estoit vn ieune Bachelier (qui s'appelloit Bertrand du Glesquin) lequel se cōbatit, ce siege durant deuant Rēnes, à vn Anglois, appelé messire Nicole † Dogorne. Et fut la bataille prinse par trois fers de glaue, & trois fers de hache, & trois coups de dagues: & se porterent chacun des deux Cheualiers moult vaillamment: & volōtiers furēt veus de ceux de dedans, & aussi de ceux de dehors, si se partirent de la bataille sans dommage. Si estoit adonc Monseigneur Charles de Blois au pays: mais il ne se pouoit armer: & poursuyuoit moult aigrement le Regent de France, en luy priāt qu'il voulsist enuoyer Gens-d'armes pour leuer le siege de Rēnes: mais le Regent & les besongnes du Royaume estoient si brouillées, qu'il ne pouoit de riens exploiter. Si demoura ainsi le siege deuant la cité de Rēnes.

† Sala dit Gau-
uille, & la
Chaux Grauil-
le.

Comment vn Cheualier de la Comté d'Eureux, appelé messire Guillaume de † Granuille, reconquit la cité, & le bourg, & le Chastel d'Eureux: qui se tenoit adoncques pour le Roy de France, & l'auoit le Roy conquis sur les Nauarrois, ainsi que dessus est dit au chapitre cent cinquante & six.

CHAPITRE CLXXVI.

IL y auoit vn Cheualier en Normandie, nommé Monseigneur de Granuille: qui estoit au Roy de Nauarre, de foy & de serment: & trop luy desplaisoit la prinse dudit Roy de Nauarre: & aussi faisoit il à plusieurs Bourgeois: mais ils ne le pouoient amēder, tant que le Chastel leur fust ennemy. Si demouroit ce messire Guillaume à deux petites lieues d'Eureux: & auoit son retrait en la cité chez vn Bourgeois, qui au temps passé auoit esté grand amy du Roy de Nauarre. Quand messire Guillaume venoit à l'hostel de ce Bourgeois, il mangeoit avec luy, à grande recreation: & parloyent d'vnes choses & d'autres, & par especial du Roy de Nauarre, & de sa prinse: qui moult leur ennuyoit.

Conspiratiō de
messire Guillan-
me de Gran-

Aduint vne fois que messire Guillaume dit, Si vous voulez bien acertes, ie recōqueray ceste cité, le bourg & le chastel, au Roy de Nauarre. Commēt se pourroit il faire (dit le Bourgeois) car le Chastellain est si fort Frāçois: & sans le chastel nous ne no⁹ y oseriōs éprou-

éprouuer: car il est maistre de la cité & du bourg. Messire Guillaume dit, Je le vous diray. Il faudroit que vous eussiez, de vostre accord, trois ou quatre Bourgeois de vostre amitié: & pouruoiriez voz maisons de bons compaignons armez: & ie feroye tant, sur mon peril, que nous entrerions dedans le chastel, sans danger, par cautelle. Et adoncques fit tant le Bourgeois, en peu de tēps, qu'il acquit biē cent Bourgeois de son accord. Messire Guillaume alloit & venoit en la cité, sans suspectiō: & ne f'estoit poit armé, au tēps passé, avecques messire Philippe de Nauarre: pour cause de ce que sa reuenue gisoit toute, ou en partie, assez pres d'Eureux: & le Roy de France, du temps qu'il conquist Eureux, auoit toutes les terres d'enuiron fait obliger à luy: autremēt il les eust tollues. Il en auoit eu le corps tāt seulemēt: mais les cœurs estoiet demourez Nauarrois. Encore, si le Roy Iehan eust esté en France, cestuy messire Guillaume n'eust osé entreprendre ce qu'il fit. Mais il sentoit les besongnes de Frāce moult embrouillées, & que les trois Estats si mettoiet peine de la deliurance du Roy de Nauarre. Et adonc, quād messire Guillaume veit qu'il auoit toute sa besongne preste, & que ces Bourgeois estoiet aduisez de ce qu'ils deuoiet faire, il arma tresbien: & puis vestit vne hoppelande par dessus, & print son mantel encores par dessus, & dessous son bras vne courte hache, & delez luy son varlet (qu'il auoit informé de son affaire) & s'en vint † petier en la place, deuant le chastel: ainsi qu'il auoit fait iadis plusieurs fois. Tant alla & vint en petiant, que le Chastellain (qui auoit accoustumé de venir à la porte, deux fois ou trois) ouurir la porte du chastel: voire tant seulement le guischet: & se tint là tout droit par-deuant. Quand messire Guillaume le veit, il s'approcha de luy petit à petit, en le saluant moult honnorablement. Le Chastellain se tint tout coy: & luy rendit son salut. Tant fit messire Guillaume, qu'il vint iusques à luy. Puis commença à parler d'aucunes oisuetez, & demanda au Chastellain, fil auoit point ouy nouuelles, qui couroient en France. Le Chastellain (qui trop peu en apprenoit: car il estoit tousiours leans enfermé) fut moult desirant d'apprendre des nouuelles. Si dit qu'il n'auoit apprins nulles nouuelles: mais (dit il) fil vous plaist, apprenez les nous. Volontiers (dit messire Guillaume) On dit en Frāce que le Roy de Dannemarche & le Roy d'Irlāde se sont alliez ensemble: & ont iuré que iamais ne r'entreront en leur terre, si auront destruite toute Angleterre, & r'amené le Roy de France à Paris: car ils sont sur mer plus de cent mille hommes: & sont les Anglois en si grand' doute d'eux, qu'ils ne sauent auquel entendre ny aller, pour garder leur païs: car de grand temps est il forti entre eux, que Dannois les deuoient destruire. Le Chastellain demandoit comment il sauoit ces nouuelles. Messire Guillaume dit qu'un Cheualier de Flādres luy en auoit escrit la vérité: & m'a enuoyé le plus beau ieu d'eschets, que ie vey onc. Or trouua il ceste bourde: pourrāt qu'il sauoit que le Chastellain aimoit moult le ieu d'eschets. Le Chastellain dit, Je le verroye volontiers, Messire Guillaume dit, Je le manderay querir, par tel cōuenant, que vous iouerez à moy pour le vin. Puis dit à son varlet, Va querir ce ieu d'eschets, & le nous apporte à la porte. Lors se partit le varlet: & le Chastellain & messire Guillaume entrèrent à la premiere porte du chastel: & adonc le Chastellain ferma le guischet par dedans: car il bouta le varrouil outre, sans le fermer à la clef. Lors dit messire Guillaume, Chastellain, ouurez ceste seconde porte, vous la pouuez bien ouurir, sans danger. Le Chastellain ouurit seulement le guischet: & fit messire Guillaume passer outre, pour monstrier les † chaingles du chastel: & il mesme passa aussi. Le varlet s'en alla aux Bourgeois: qui auoient compaignons armez en leurs maisons: lesquels il fit venir deuant le chastel: puis sonna vn cornet: comme deuisé luy estoit. Quand messire Guillaume ouit ce cornet, il dit au Chastellain, Iffons, & allons outre ceste seconde porte: car mon varlet cy viendra tantost. Adonc rappassa messire Guillaume le guischet, & se tint tout coy deuant: & le Chastellain (qui voulut passer apres) meit le pié outre, & baissa la teste. Messire Guillaume s'auança de prendre sa hache, qu'il auoit sous son mantel: & en ferit le Chastellain: tellement qu'il le pourfendit iusques aux dents, & l'abbattit mort sur le fueil. Puis vint ledit Guillaume à la premiere porte, & la defferma. La guette du chastel auoit ouy le cornet du varlet: dont il fut moult émerueillé. Car on auoit fait vn ban en la ville, que, sur peine de perdre le poing, on ne sonnast nul cor. Encores veit gens tous armez, accourir vers la porte du chastel. Si corna tantost: & cria trahi, trahi: Adōc ceux qui estoient au chastel, s'auallèrent deuers la porte: & furent ébahis, quand ils la trouuerent ouuerte, & le Chastellain mort: couché de trauers, & messire Guillaume d'autre part, la hache au poing: qui gardoit l'entrée. Tantost furent venus ceux, qui estoient

nulle, & de quelques Bourgeois, pour prendre d'emblee le chasteau d'Eureux sur le Roy de France.

† Le passage monstre assez, q ce mot signifie proumenner, mais ie n'ay point memoire de l'auoir veu ailleurs. Sala dit iambier pour ce mot.

Subtilité de messire Guillaume de Grāuille, pour abuser le chastellain d'Eureux.

† Je n'entens point ce mot: s'il ne le prent pour l'écceint & contour du chasteau.

Le chastellain d'Eureux subtillement tué par Granville.

Le chastel d'Eureux reprins d'emblee pour les Nauarrois.

† La Chaux dit icy Canolle, Jaques de Picques, Fricque de Fricquâs, & messire Fourdigais.

† Il l'a nommé & surnommé Renaud de Quenolle au chap. 160. & Arnoult de Cernolle au cha. 162. Sala dit icy Regnaut de Croulles, & la Chaux Regnaut de Cernoles.

establis pour aider à messire Guillaume. Si entrèrent à la premiere porte, & puis à la seconde: & rebouterent fierement les soudoyers. Si en y eut plusieurs morts ou prins, desquels qu'on vouloit: & entrerēt au chastel: & par telle maniere fut recōquis le fort chastel d'Eureux. Si se rendirent tantost ceux de la cité, & les Bourgeois aussi: & bouterent hors tous les François: & manderent Monseigneur Philippe de Nauarre (qui assez nouvellement estoit reuenu d'Angleterre) lequel se vint bouter dedans la cité d'Eureux: & en fit souueraine garnison, pour guerroyer le bon pais de Normandie, avec luy Monseigneur Robert † Canoble, Monseigneur James Pisu, Monseigneur Fricquet de Fricquât, le Bascle de Marneil, Monseigneur Iouel, Monseigneur Fondrigans, & autres: qui puis firent maint méchef en France: si comme vous orrez recorder auant en l'histoire.

Des compaignons, dont l'Arche prestre estoit Chef: & comme il fut honoré en Auignon.

CHAP.

CLXXVII.

EN ce temps mesme print vn Cheualier, qu'on clamoit messire Arnoult de † Canolle, & communement dit l'Arche prestre, vne grand' compaignie de Gens-d'armes, assemblez de tous pays: qui veirent que leurs soudes estoient faillies puis que le Roy de France estoit prins. Si ne sauoient ou gagner en France. Si allerent premierement deuers Prouence, & y prindrent plusieurs fortes villes & forts chasteaux, & déroberent tout le pays iusques en Auignon: & n'auoient autre Chef ne Capitaine, fors le Cheualier Arche prestre: dont le Pape Innocent sixième (qui demouroit en Auignon) & tous ses Cardinaux auoient grand' doutance de leurs corps: & faisoient nuit & iour armer leurs familles. Quād l'Arche prestre & ses gens si eurent robé tout le pays, le Pape & le Clergé firent traiter à l'Arche prestre: & vint: sur bonne cōdition, en Auignon, & là plus part de ses gens: & fut aussi reuerēment receu, comme fil eust esté fils au Roy de France: & disna plusieurs fois delez le Pape & les Cardinaux: & luy furent pardonnez tous ses pechez: & au departir on luy liura quarāte mil escus, pour deliurer à ses compaignons. Si se departirent ses gens çà & là: mais tousiours tenoient la route dudit Arche prestre.

Des compaignons, desquels Ruffin, vn Gallois, estoit Chef. CHAP. CLXXVIII.

AVssi en ce temps se leua vne autre compaignie de Gens-d'armes & de brigans, assemblez de tous pays, entre la riuere de Loire & la riuere de Seine: parquoy nul n'osoit aller entre Paris & Orleans, n'entre Paris & Montargis: ne nul n'y osoit demorer: ains estoient affuis à Paris les gens du plat-pays, & à Orleans. Et auoient iceux compaignons fait vn Capitaine d'un Gallois, appelé Ruffin: qu'ils firent faire Cheualier: & deuint si riche & si puissant d'auoir, que nul n'en sauoit le nōbre. Et cheuauchioient souuent ces compaignons pres de Paris, vn iour vers Orleans, & vn autre vers Chartres: & ne demoura place, ville, ne forteresse (si elle n'estoit trop bien gardée) qui ne fust adonc toute courue & robée: c'est assauoir Sainct Arnoult, Galardō, Broumaux, Aloes, Estampes, Chartres, Montlehery, Plouuiers en Gastinois, Milly, Larchant, Chastillon, Montargis, Yfieres & tant d'autres villes que merueilles seroit à racompter. Et cheuauchioient aual le pays par troupeaux, cy vingt, cy trente, cy quarante: & ne trouuoient nul, qui les détournast. D'autre part au pais de Normandie, sur la marine, auoit vne trop plus grand' cōpaignie de pillars & de robeurs, Anglois & Nauarrois: desquels messire Robert † Canolle estoit Chef: qui en telle maniere conqueroient villes, chasteaux, & forteresses: & ne leur alloit nul au deuant. Et auoit iceluy messire Robert ià de long temps tenu celle ruse: & trop bien eust finē de cent mille escus: & tenoit grand' foison de soudoyers à ses gages: qu'il payoit si bien, que chacun le suiuit volontiers.

Cy parle du Preuost des Marchans, & de ceux de Paris: & comment ils occirent trois Cheualiers en la chambre du Regent.

CHAP.

CLXXIX.

AV † temps que ces trois estats regnoient, se commencerent à leuer telles manieres de gens: qui sappeloient les compaignies: & auoient guerre à toutes manieres de gens, qui portoient malettes. Or vous dy que les Nobles du Royaume de France, & les Prelats de Sainte-Eglise se commencerent à ennuyer de l'emprise & ordonnance des trois Estats: si en laissoient le Preuost des Marchans conuenir, & aucuns des Bourgeois de Paris: pour ce qu'ils s'entremettoient plus auant, qu'ils ne vouffissent. Si aduint vn iour que le Regent de France estoit au Palais à Paris, à tout grand' foison de Cheualiers, de Nobles,

† Il a n'aguere dit Canoble, au chap. 176. sur la fin. Sala dit icy Robert Canolle & la Chaux Robinet Canoble.
† Si vous trouuez cest Auteur different avecques quelques autres, souuēne vous que i'ay protesté de ne l'accorder qu'à soy mesme & le vëger du tort que lō luy peut auoir fait selon ma petite puissance.

Nobles, & de Prelats. Le Preuost des Marchans aussi assembla grand' foison des communes de Paris: qui estoient aussi de son accord, & portoient chapperons semblables: à fin que mieux se recognussent. Si vint le Preuost au Palais, enuironné de ses hommes: & entra en la chambre du Duc, & luy requit moult aigrement, qu'il voufist reprendre le fait des besongnes du Royaume de France, & y mettre conseil: pourtant que le Royaume (qui à luy deuoit paruenir) fust si bien gardé, que telles manieres de compaignons (qui regnoient) n'allassent mie gastant le pays. Le Duc respondit qu'il le feroit volôtiers si auoit la mise, parquoy il le peust faire: mais celuy qui faisoit leuer les profits & les droitures, appartenantes au Royaume, le deuoit faire. S'il le fit, ie ne say pourquoy ne comment ce fut: mais les parolles multiplierét tant, & si haut, que là endroit furét occis trois des plus grâs du conseil du Duc, si pres de luy, que sa robe en fut ensanglantée: & en fut luy mesme en grand peril. Mais on luy dōna vn des chapperons à porter: & si cōuint qu'il pardonnast illec la mort de ses trois Cheualiers: les deux d'armes, & le tiers de loix. Si appelloit on l'vn Monseigneur Robert de Clermont, gentil & Noble grâdement: l'autre, le Seigneur de Conflans, & le Cheualier de loix, Monseigneur Simon de Bucy.

Cy dit comme le Roy de Nauarre issit hors de la prison du Roy de France.

CHAPITRE CLXXX.

A Pres ceste aduenture, aduint qu'aucuns Cheualiers (Monseigneur Iehan de Piquigny, & autres) vindrent, sur le confort du Preuost des Marchans, & des Consuls d'aucunes des bōnes-villes, au fort chastel d'Alleres † en Pailleus, seant en Picardie: ou le Roy de Nauarre estoit, pour le temps emprisonné, & en la garde de Mōseigneur Tristan du Bois. Si apporterent lesdits exploiters telles enseignes, & si certaines au Chastellain, & si bien espierét, quand Mōseigneur Tristan n'y estoit point, que par ceste emprise fut le Roy de Nauarre deliuré hors de prison, & amené, à grand' ioye en la cité d'Amiens: ou il fut liement recueilli & receu. Si descendit chez vn Chanoine (qui grandement l'aimoit) appelé Monseigneur Guy Kyrec: & fut le Roy de Nauarre amené par Monseigneur Iehan de Piquigny: & fut chez ce Chanoine plus de quinze iours, tant qu'il eut appareillé tout son arroy, & qu'il fut tout asseuré du Duc de Normandie: car le Preuost des Marchans (qui moult l'aimoit) luy impetra sa paix deuers le Duc & ceux de Paris. Puis fut le Roy de Nauarre, par Monseigneur Iehan de Piquigny, & autres Bourgeois d'Amiens, mené en la cité de Paris: ou il fut volontiers veu de toutes gens: & mesmement le Duc de Normandie le festoya: car faire luy cōuenoit: pource que le Preuost & ceux de sa secte luy enhortèrent de ce faire. Si se dissimuloit le Duc au gré du Preuost & d'aucuns de Paris.

† Les Ann. de France & la Mer des Hist. disent Alleux en Cambresis, Sala Al-leux en Pal-luail & la Chaux Orliés en Palliuat.

Le Roy de Nauarre vient de Amiens à Paris, apres sa de liurance, au mois de Feurier 1358. à nostre mode, sel' noz Ann. & Chr. de France, & sans faire tort à nostre auteur. † Les Anciens prenoient ces verbes prescher & sermonner pour harenguer, de quelque maniere que ce fust mais au iourd'huy ils ne s'entendent que pour ce qui appartient à la religion.

Comment le Roy de Nauarre prescha solennellement à Paris. CHAP. CLXXXI.

Q Vand le Roy de Nauarre eut esté vne espace de temps à Paris, il fit vn iour assembler toutes manieres de gens, Prelats Cheualiers, & Clercs de l'Vniuersité: & † prescha & remonstra sagement en Latin, present le Duc de Normandie, sa complainte, de s'griefs & violences qu'on luy auoit faits, à tort & sans raison. Et dit que nul ne voufist douter: & qu'il vouloit viure & mourir en deffendant le Royaume de France, & la couronne: & le deuoit bien faire: car il en estoit extrait de pere & de mere, & de droite lignée, & en Ancestres. Et donna adonc assez à entédre, par ses parolles, que, fil vouloit chalenger le Royaume de France, & la couronne, il monstreroit bien par droit, qu'il en feroit bien plus prochain que le Roy d'Angleterre n'estoit. Et sachez que son sermon, & son langage, fut volontiers ouy, & moult recommandé. Ainsi petit à petit entra il en amour de ceux de Paris: tant qu'ils auoiét plus de faueur & d'amour en luy, qu'ils n'auoiét au Regent le Duc de Normandie: & aussi plusieurs autres villes & citez du Royaume de France. Mais (quelque semblant, ne quelque amour, que le Preuost des Marchans, ne ceux de Paris, mōstrassent au Roy de Nauarre) oncques Monseigneur Philippe de Nauarre ne sy voulut assentir: n'y ne voulut venir à Paris: & disoit qu'en Communauté n'auoit nul certain arrest, fors que pour tout honnir.

Cy parle du commencement de la mauuaise Iaquerie de Beauuoisin. CHAP. CLXXXII.

A Ssez tost apres la deliurance du Roy de Nauarre aduint vne merueilleuse & grand' Tribulation au Royaume de France: si comme en Beauuoisin, en Brie, sur la riuiere

† Toutes nos
Ann. & Chro.
de France di-
sent qu'ils com-
mencerent à se
assemler au
mois de May.
1358.

Cruauté des Ia-
ques de Beau-
uoisin.

Horrible &
plus qu'horri-
ble cruauté.

Iaques Bonshoms
Roy des Iaques

† Le liroye vo-
lontiers de Ga-
stinois ou tel
autre pais, voi-
sin de nostre
Brie: ou au-
tour, pour Ar-
tois.

* Annot. 80.

de Marne, en Laonnois, & entour Soissons: car aucunes gens des villes champestres, sans Chef, † s'assemblerent en Beauuoisin: & ne furent mie cent hommes les premiers. Et disoient que tous les Nobles du Royaume de France, Cheualiers & Escuyers, honnissoient le Royaume: & que ce seroit grand bien qui tous les destruiroit: & chacun de eux dit, Il dit vray. Honni soit celuy, par qui il demoura que tous les Gentils-hommes ne soient destruits. Lors se cueillirent: & allerent, sans autre conseil & sans nulles armeures, fors que de bastons ferrez & d'autres cousteaux, en la maison d'un Cheualier: qui pres de là demouroit. Si briserent la maison: & là tuerent le Cheualier, la Dame, & tous les enfans, petis & grans: & ardirent la maison. Secôdement ils allerent en vn autre fort chastel: & prindrent le Cheualier, & le lierent à vne attache, bien & fort: & violerent sa femme, & sa fille, les plusieurs, voyant le Cheualier. Puis tuerent la Dame, & la fille, & tous les enfans, & puis le Cheualier à grand' martire: & ardirent & abbattirent le chastel. Ainsi firent ils en plusieurs chasteaux & bonnes maisons: & multiplierent tant, que ils furent bien six mille: & par tout, ou ils arriuoient, leur nombre croissoit: car chacun de leur semblance les suyuoit: ainsi que chacun autre les fuyoit: & emportoient les Dames & Damoiselles leurs enfans dix lieues & vingt lieues loing, ou ils se pouuoient garantir: & laissoiét leurs maisons toutes vagues, & leur auoir dedans. Et ces méchans gés, assemblez sans Capitaine & sans armeures, roboient, ardoient, & occioient tous Gêtils-hommes qu'ils trouuoient, & efforçoient toutes Dames & pucelles: & qui plus faisoit de maux & de villains faits, tels que creature humaine ne deuroit n'oseroit penser, celuy estoit le plus prisé entre eux, & le plus grand maistre. Je n'oseroie escrire les horribles faits, & inconuenables, qu'ils faisoient aux Dames. Entre les autres desordonnances, ils occirent vn Cheualier, & le bouterent en vn haste, & le rostirent au feu, voyant la Dame & ses enfans: & apres ce que la Dame eut esté efforcée de dix ou de douze, ils luy en firent manger par force: puis la firent mourir de malle mort. Si auoient fait vn Roy entre eux (qui estoit de Clermont en Beauuoisin) & l'eleurent le pire des pires: & estoit appelé ce Roy Iaques Bonshoms. Ces méchans gens ardirent & destruirent au pais de Beauuoisin, & enuiron Corbie & Amiens, & à Montdidier, plus de soixante maisons bonnes, & forts chasteaux. En telle maniere si fausses gens estoiet aussi au pays de Brie & † d'Artois: & conuint toutes les Dames du pays, & les Cheualiers & Escuyers, qui échapper pouuoient, fuir à Meaux en Brie, l'un apres l'autre, ainsi qu'ils pouuoient: & aussi bien la Duchesse de Normandie, & la Duchesse d'Orleans, comme plusieurs autres Dames: si elles se vouloient garder d'estre violées, & apres, meurtries par ces maudites gens: * qui se maintenoient ainsi entre Paris & Noyon, & entre Paris & Soissons, & par toute la terre de Coucy: & destruirent, entre la Comté de Valois, entre l'Euesché de Laon, de Noyon, & de Soissons, plus de cent chasteaux & bonnes maisons de Cheualiers & d'Escuyers.

Comment le Roy de Nauarre défit plusieurs Iaques en Beauuoisin, & comment le Preuost des Marchans fit faire murs entour la cité de Paris.

CHAP.

CLXXXIII.

† Je n'ony ia-
mais parler de
ce pays: & dou-
te qu'il n'y en
faillie quelque
autre: mais ie
ne voy de qui
le prendre, s'il
ne vent dire
Cociois, en
tendant des en-
uirons de Cou-
cy.

Occasion de la
closure de Pa-
ris.

QVand les Gentils-hommes de Beauuoisin, de † Courbois, de Vermandois, & des terres ou ses mechans gens conuersoient, veirent ceste forsenerie, ils mandèrent secours, à leurs amis: comme en Flandres, en Brabant, en Haynaut, & en Behaigne. Si en vint tantost assez de tous costez: & s'assemblerent ces Gentils-hommes estrangers avec ceux du pays. Si commencerent à tuer & decoupper ces méchans gens: & les tuoiet & pendoient, par troupeaux, aux arbres qu'ils trouuoient. Mesmement le Roy de Nauarre en meit vn iour à fin plus de trois mille, assez pres de Clermôt en Beauuoisin: mais ils estoient ia tât multipliez, que, s'ils eussent esté tous ensemble, ils eussent esté bien cét mille: & quand on leur demandoit pourquoy ils faisoient ainsi, ils respondoient qu'ils ne sauoient: mais qu'ils faisoient ainsi qu'ils veoient les autres faire: & pensoient qu'ils deussent en telle maniere destruire tous les Nobles & Gentils-hommes du monde. En ce temps se partit le Duc de Normandie de la cité de Paris: & se douta du Roy de Nauarre, du Preuost des Marchans, & de ceux de sa secte (car ils estoient tous d'un accord) & s'en vint au Pont-de-Charenton sur Marne: & fit vn grand mandement de Gentils-hommes: & défia le Preuost des Marchans, & ceux qui luy vouloient aider: & adonc le Preuost se douta que de nuict on venist courir Paris: qui adonc n'estoit point fermée. Si meit

meit ouuriers en œuvre, ce qu'il en peut auoir de toutes parts: & fit faire grans fossez autour de Paris, & murs, & portes: & y eut, le terme d'un an, tous les iours trois cens ouuriers: dont ce fut grand fait, que de fournir vne armée, & enuironner, de toute deffense, vne telle cité comme Paris: & vous dy que ce fut le plus-grand bien, qu'onques Preuost des Marchans fit: car autrement elle eust esté depuis gastée & robée par moult de fois, & par plusieurs actions.

Cy parle de la bataille de Meaux en Brie: ou les Iaques furent déconfits par le Comte de Foix & le Capital de Buz.

CHAP. CLXXXIIII.

EN ce temps, que ces méchans gens couroient, reuindrent de Puce le Comte de Foix & le Capital de Buz, son cousin. Si entendirent en leur chemin (si-comme ils deuoient entrer en Frâce) la pestilence, qui couroit sur les Nobles-hômes. Si sceurent en la cité de Chaalons, que la Duchesse de Normandie, la Duchesse d'Orleans, & bien trois cens Dames & Damoiselles, & le Duc d'Orleans aussi, estoient à Meaux en Brie, pour celle Iaquerie. Lors s'accorderent ces deux Cheualiers qu'ils iroient veoir ces Dames, & les renforceroient à leur pouuoir, combien que le Capital fust Anglois: car il y auoit tréues entre le Roy de France & d'Angleterre. Si pouuoient estre en leur route environ foixante Lances. Quand ils furent à Meaux en Brie, ils furent moult bien venus de ces Dames & Damoiselles. Ces Iaques & villains de Brie (qui entendirent qu'il y auoit à Meaux grand foison de Dames & Damoiselles, & de ieunes & gentils enfans) s'assemblerent, & avecques eux ceux de Valois: & vindrent deuant Meaux. Et d'autre part ceux de Paris (qui sauoient bien ceste assemblée) se partirent vn iour de Paris, par troupeaux: & vindrent avecques les autres: & furent bien neuf mille tous ensemble: & tousiours leur venoient gens de diuers chemins. Si vindrent iusques aux portes de la ville. Les gens de la ville ouurirēt les portes, & les laisserent entrer. Si entrerent si grād planté, que toutes les rues en estoient pleines, iusques au Marché. Quand ces Nobles Dames (qui estoient logées au Marché de Meaux: qui est assez fort: mais qu'il soit gardé: car la riuere de Marne l'environne) veirent si grande multitude de gens accourir sur elles, si furent moult ébahies: mais ces deux Seigneurs & leur route vindrent à la porte du Marché: qu'ils firent ouurir: & se meirent au deuant de ces vilains (qui estoient mal-armez) avec la banniere du Comte de Foix, & celle du Duc d'Orleans, & le pennon du Capital de Buz. Quand ces méchans gens veirent ces gens armez, & bien appareillez pour garder le Marché, si commencerent les premiers à reculer, & les Gentils-hommes à les pourfuyuir, & à lancer sur eux de leurs lances, & de leurs espées. Adonc ceux, qui estoient deuant, & qui sentirent les horions, reculerent de hieure, tous à vn faix: & cheoient l'un sur l'autre. Lors issirēt toutes manieres de Gēs-d'armes hors des barrières, & gaignerent tantost la place: & se bouterent dedans ces méchans gens. Si les abbattoient à monceaux, & les tuoient ainsi comme bestes: & rebouterent tout hors de la ville, qu'onques nul d'eux n'y tint ordonnance, ne conroy: & en occirent tant, qu'ils en estoient tous ennuyez: & si les faisoient faillir à monceaux dedans la riuere. Briëuemēt, ils en meirēt ce iour à fin plus de sept mille: & n'en fust nul échappé, s'ils les eussent voulu fuyuir plus auant. Et, quand les gens-d'armes retournerent, ils meirēt le feu en la def-soustrame ville de Meaux: & l'ardirent toute, & tous les vilains du bourg, ce qu'ils en peurent dedans enclore, pource qu'ils estoient de la partie des Iaquiers. Depuis ceste déconfiture (qui fut faite à Meaux) ne se r'assemblerent ils nulle part: car le ieune En-gueran, Sire de Coucy, auoit foison de Gentils-hommes delez luy: qui les mettoient à fin, par tout ou ils les trouuoient, sans nulle mercy.

Comment Paris fut assiegé du Duc de Normandie, Regent de France.

CHAP.

CLXXXV.

ASsez tost apres celle aduenue, le Duc de Normandie assembla tous les Nobles & Gentils-hommes, qu'il peut auoir, tant du Royaume comme de l'Empire, parmy leurs soudées payant: & estoient bien trois mille Lances: & s'en vint assieger Paris, par deuers Sainct-Anthoine, contreal la riuere de Seine: & estoit logé à Sainct-Mor, & ses gens là enuiron, qui couroient tous les iours iusques à Paris. Et se tenoit le Duc aucunes fois au pont de Charanton, & autres fois à Sainct-Mor: & ne venoit riens à Paris de ce costé, ne par eaue, ne par terre (car le Duc auoit prins les deux riuieres, Marne & Seine) & ardirent ses gens, autour de Paris: tous les villages qui n'estoient fermez, pour mieux chastier ceux de Paris: & si la ville de Paris n'eust esté adonc fortifiée, ainsi qu'el-

† La signification de ce mot s'entend assez par sa derivation, mais c'est la premiere fois que ie l'aye iamais leu, & m'y sembleroit deffoustraine aussi bon.

le estoit, elle eust esté destruite: & n'osoit nul saillir, n'entrer à Paris, pour paour des gens du Duc: qui couroient d'une part & d'autre Seine, ainsi qu'ils vouloient, ne nul ne leur venoit au deuant. Le Preuost des Marchans tenoit en amour le Roy de Nauarre ainsi qu'il pouuoit, & son Conseil, & la Communauté de Paris: & faisoit (comme dessus est dit) de nuit & de iour ouurer à la fermeté de Paris: & y faisoit tenir grand' foison de Gens d'armes & soudoyers Nauarrois, & Anglois Archers, & autres compaignons avec luy. Si y auoit en la ville de Paris aucuns suffisans hommes (tels cōme Jehan Maillard, Simon son frere, & plusieurs de leur lignage) ausquels il déplaisoit grandemēt de la haine du Duc de Normandie: mais le Preuost des Marchans auoit si tiré à luy toutes manieres de gens, que nul ne l'osoit dedire, fil ne se vouloit faire tuer sans mercy.

*Nouuel accord
entre le Roy de
Nauarre & le
Regēt de Fran
ce, pour l'égard
des Parisiens.*

Le Roy de Nauarre (qui veoit les variemens entre ceux de Paris & le Duc de Normandie) si pensoit & supposoit que ceste chose ne se pouuoit longuement tenir en tel estat: & n'auoit mie trop grand' fiance à la Communauté de Paris. Si s'en partit de Paris, au plus courtoisement qu'il peut: & s'en vint à Saint-Denis: & là tenoit foison de Gens d'armes, aux gages de Paris. En ce poinct furent bien six semaines le Duc à Charenton, & le Roy à Saint-Denis: & mangeoient & pilloient le pays de tous costez. Entre ces deux s'embesongnerent l'Archeuesque de Sens, l'Euesque d'Ausserre, l'Euesque de Beauuais, le Sire de Montmorency, le Sire de Fiennes, & le Sire de Saint-Venant: & tant allerent de l'un à l'autre, & si sagement exploiterent, que le Roy de Nauarre, de bonne volonté, sans nulle contrainte s'en vint à Charenton, deuers le Duc de Normandie, son serourge: & s'excusa de ce, dont il estoit soupçonné: & premierement de la mort de de ses deux Mareschaux, & de maistre Simon de Bucy, & du despit que le Preuost des Marchans luy auoit fait au Palais de Paris: & iura que ce fut sans son sceu: & promeit au Duc qu'il demourroit delez luy, à bien & à mal de celle entreprinse: & fut là entre eux la paix faite. Et dit le Roy de Nauarre qu'il feroit amender, à ceux de Paris, la felonnie qu'ils auoient faite: & deuoit la Communauté demourer en paix: parmi ce que le Duc deuoit auoir le Preuost des Marchans, & douze Bourgeois (desquels qu'il voudroit élire dedans Paris) & les corriger à sa volonté. Ces choses accordées, le Roy de Nauarre retourna à Saint-Denis: & le Duc vint à Meaux en Brie: & donna congé à tous Gens d'armes: & fut le Duc prié d'aucuns Bourgeois de Paris (qui ce traité auoient aidé à entamer) qu'il venfist seurement à Paris, & qu'on luy feroit tout l'honneur qu'ils pourroient. Le Duc respondit qu'il tenoit bien la paix à bonne, qu'il auoit iurée: ne ià par luy (se Dieu plaisoit) ne feroit enfreinte: mais iamais à Paris n'entreroit, fil n'auoit eu satisfaction de ceux, qui courroucé l'auoient. Le Preuost des Marchans & ceux de sa secte visitoient souuent le Roy de Nauarre à Saint-Denis: & luy remonstrent comment ils estoient en l'indignation du Duc, pour cause de luy (car ils l'auoient deliuré de prison, & amené à Paris) & que pour Dieu il ne voufist mie auoir trop grand' fiance au Duc, n'à son Cōseil. Le Roy dit, Certes Seigneurs & amis, vous n'aurez ià mal sans moy: & quād vous auez de present le gouuernement de Paris, ie conseille que vous vous pouruoyez d'or & d'argent: tellement que, fil vous vient besoing, vous le puissiez retrouver: & l'enouoyez hardiment cy à saint-Denis, sur la fiance de moy: & ie le vous garderay bien: & entretiendray tousiours des Gens d'armes secrettement, & des compaignons aussi: dōt au besoing vous guerroyerez voz ennemis. Ainsi fit depuis le Preuost des Marchans, toutes les semaines deux fois, mener deux sommiers, chargez de Florins, à Saint-Denis, deuers le Roy de Nauarre: qui les receuoit moult liement.

Des Parisiens: qui furent occis vers Saint-Cloud par Anglois, qui auoient esté soudoyers à Paris.

CHAP. CLXXXVI.

*Emeute entre
les Anglois, sou
doyers de Paris
& les Parisiens.*

OR aduint qu'il estoit demouré à Paris grand' foison de soudoyers Anglois & Nauarrois, ainsi que le Preuost des Marchans & la Communauté de Paris les auoient retenus à gages, pour eux aider contre le Duc de Normandie: & moult bien & loyaumēt sy estoient portez, la guerre durant. Quand l'accord fut fait des Parisiens & du Duc, aucuns de ces soudoyers se partirent de Paris, & aucuns non. Ceux, qui s'en partirent, vindrent deuers le Roy de Nauarre: qui tous les retint: & encore en demoura à Paris plus de trois cens qui là s'ebattoient, & despēdoient leur argent liemēt. Si s'emeut debat entre eux & ceux de Paris: & y eut de morts plus de soixante Anglois. Parquoy le Preuost des Marchans blasma ireusement ceux de Paris: & toutesfois pour appaier la Communauté,

nauté, il print plus de cent cinquante Anglois, & les fit emprisonner en trois portes: & dit à ceux de Paris (qui estoient tous émeus d'iceux occire) qu'il les corrigerait selonc leur forfait: & parmi ce, se r'apaiserent ceux de Paris. Quand vint à la nuit, le Preuost les fit deliurer, & aller leur voye. Si vindrēt à saint-Denis, au roy de Nauarre: qui tous les receut. Au matin, quand ceux de Paris sceurēt la deliurāce des Anglois, ils en furēt moult courrouceez sur le Preuost: mais il, qui estoit sage hōme, s'en sceut adōc bien oster & dissimuler, tant que ceste chose foublia. Or vous diray de ces soudoyers Anglois & Nauarrois. Quand ils furent à saint-Denis, & remis ensemble, ils se trouuerēt plus de trois cens. Si faduiferent qu'ils cōtreuengeroiēt leurs cōpaignōs, & les despits qu'on leur auoit faits. Si commencerent tantost à défier ceux de Paris, & à courir aigremēt, & à faire guerre à ceux de Paris, & à occire & decouper toutes manieres de gēs de Paris, qui issoiēt ne nul n'osoit vuidier hors des portes. Lors ceux de Paris requirēt au Preuost des Marchāns, qu'il voulsist faire armer vne partie de la Communauté, & mettre hors aux chāps: car ils vouloient cōbattre ces Anglois. Le Preuost leur accorda: & dit qu'il iroit avec eux. Si fit vne journée armer vne partie de ceux de Paris, & en fit partir iusques à douze cens: & quand ils furent aux champs, ils entendirent que ces Anglois, qui les guerroyoient se tenoient vers saint-Cloud. Si se partirēt en deux (à fin qu'on ne leur peust échapper) & se deuoient trouuer à vn certain lieu, assez pres de saint-Cloud. Lors se separa vne partie, de l'autre: & vindrent par deux chemins. Si se t promenerent ces deux parties tout le iour enuiron Montmartre: & ne trouuerent point leurs ennemis. Aduint que le Preuost (qui auoit la moindre partie) entour remontée entra en Paris (sans auoir riens fait) par la porte saint Martin. L'autre partie qui point ne fauoit le retour du Preuost (se tint sur les chāps, iusques sur le vespre, qu'ils se meirēt au retour, sans ordōnance n'arroy (cōme ceux qui n'auoiēt, & ne cuidoiēt point auoir, d'empeschement) & reuenoient par troupeaux, ainsi cōme tous lassez: & portoit l'un son bacinet en sa main, & l'autre sur sō col: l'un par ennuy traينوit son espée, & l'autre la pēdoit en écharpe: & auoient prins leur chemin, pour rentrer en Paris par la porte saint Hōnoré. Si trouuerent ces Anglois au fons d'un chemin: qui estoient bien quatre cens, tous d'une sorte: lesquels ecrierēt ces François, & se ferirent entre eux, & les rebouterent diuersemēt. Si en y eut d'abbattus de premiere venue, plus de deux cens, Ces François (qui de ce ne se donnoient garde) furent si ébahis, qu'ils ne tindrent point de conroy: ains se meirent en fuite, & se laisserent occire & decouper cōme bestes, & s'en fuirent. Si en y eut de morts en ceste chace plus de six cens: & furent poursuits iusques dedans les barrières de Paris. De ceste aduenture fut moult blasimé le Preuost des Marchans de la Cōmunauté de Paris: & dirēt qu'il les auoit trahis. Le lēdemain au matin les prochains parēs & amis de ceux, qui estoient tuez, issirent de Paris, pour aller querir les corps des morts en chars & en charrettes pour les enseuelir: mais les Anglois auoient mis vne embusche sur les chāps si qu'ils en tuerēt & méhaignerēt plus de six vingts. Et en ce trouble & méchef estoient écheus ceux de Paris: & ne se fauoient de qui garder. Si estoient nuit & iour en grād souspeçon. Car le Roy de Nauarre se refroidoit d'eux aider, pour cause de la paix qu'il auoit iurée au Duc de Normādie, & pour l'outrage que les Parisiens auoient fait aux soudoyers Anglois: si consentoit bien que ceux de Paris en fussent chastiez. D'autre part le Duc de Normādie souffroit assez t que les Parisiens fussent endōmāgez: pourtant que le Preuost des Marchans auoit encores le gouuernemēt d'eux: Lequel Preuost & ceux de sa secte n'estoient mie bien à leur aise. Car ceux de Paris les t déprisoient vilainement: si-comme ils estoient informez.

La mort du Preuost des Marchans de Paris.

CHAP. CLXXXVII.

LE Preuost des Marchans & ceux de sa secte auoient souuent entre eux plusieurs conseilz secrets, pour sauoir comment ils se pourroiēt maintenir: car ils ne pouuoient trouuer, par nul moyen, merci au Duc de Normandie: qui mandoit generallyment à tous ceux de Paris que nulle paix ne leur tiendrait: iusques à tant que douze hōmes de Paris (lesquels qu'il voudrait élire) luy fussēt liurez pour faire sa volōté. Laquelle chose ebahissoit moult le Preuost & ceux de sa secte. Si regarderent finablement qu'il valoit mieux qu'ils demourassent en vie, & en bonne prosperité du leur & de leurs amis, q ce qu'ils fussent destruits: & que mieux leur valloit occire, que d'estre occis. Lors traiterent secrettement deuers ces Anglois, qui guerroyoient durement ceux de Paris, & se porta certain accord entre eux: c'est que le Preuost & ceux de sa secte deuoient estre au

† Il y auoit cōmencerēt, pour lequel mot i'eusse volōtiers leu cheuauchement, s'il eust aucunemēt parlé de gens à cheual.

Embusche des Anglois surprenant les Parisiens.

† l'y adiouste ces cinq mots suyans cōme necessaires.

† Il y auoit de partoiēt.

Mais il n'estoit possible d'en tirer bon sens: et maintenant il

y est entier, quand on rapportera ils estoient informez au preuost & aux siens.

L'Exem. de v'e rard dit de-parloient & celui du Noir aussi.

*Entreprise
du Preuost des
Marchés, pour
faire tuer tous
les Parisiens qui
ne seroient de
sa secte.*

*L'entreprise
du Preuost des
Marchés de
Paris déconner
te.*

*Le Preuost des
Marchés de
Paris tué,*

*Le Duc de Nor
mandie Regent
en France re-
tourne à Paris.*

dessus de la porte Saint-Honoré & de la porte Saint-Anthoine: si qu'à heure de mi-nuit Anglois & Nauarrois, tous d'une sorte, y deuoient entrer, si pourueus, que pour courir & destruire Paris par tout: sinon là ou certain signe (que les ennemis deuoient cognoistre entre eux) seroit trouué aux fenestres & huis de Paris: & par tout ailleurs, ou le signe ne seroit trouué, ils deuoient tout mettre à l'espée, hommes & femmes. Celle propre nuit, q̄ ce deuoit aduenir, inspira Dieu aucuns des Bourgeois de Paris: qui tousiours auoient esté de l'accord du Duc: c'est assauoir Iehan Maillard, Simó son frere, & plusieurs autres: lesquels par inspiration diuine (ainsi le doit on supposer) furent informez q̄ Paris deuoit estre couru & destruit. Tantost s'armerent, & firent armer ceux de leur costé: & réueillerent secrettement ces nouuelles en plusieurs lieux, pour auoir plus de confortans. Si vindrent, tous pourueus de tout ce qu'il leur falloit, vn petit auant mi-nuit, à la porte S. Anthoine: & trouuerent le Preuost des Marchés, les clefs de la porte en sa main. Si dit Iehan Maillard au Preuost, en le nommât son nom, Estienne, que faites vous cy à ceste heure? Le Preuost dit, Iehan, à vous qu'en monte de le sauoir? Je suis cy pour prendre garde à la ville, dont j'ay le gouuernement. Par Dieu (dit Iehan) il n'en va mie ainsi: ains n'estes icy à ceste heure pour nul bien: & ie vous monstreray (ce dit il à ceux, qui estoient empres luy) comment il tient les clefs de la porte en ses mains, pour trahir la ville. Le Preuost dit, Iehan vous mentez. Iehan respondit, Mais vous, Estienne, mentez. Et tãtost ferit sur luy: & dit à ses gens, A la mort, à la mort. Chacun frappe de son costé: car ils sont traistres. Là y eut grand hutin: & s'en fust volôtiers fuy le Preuost. Mais Iehan le frappa d'une hache sur la teste: si l'abbattit à terre (quoy qu'il fust son compere) & ne s'en partit tãt qu'il l'eut occis, & six de ceux qui là estoient: & furent les autres menez en prison. Puis ils comencerent à émouuoir & éveiller les gens, parmi les rues de Paris: & vindrent Iehan Maillard & ceux de son accord à la porte Saint-Honoré: & y trouuerent gens de la secte au Preuost. Si les encoulperent de trahison: n'excusation, qu'ils fissent, ne leur valut riens. Là en y eut plusieurs prins, & enuoyez en diuers lieux en prison: & ceux qui ne se laissoient prendre, estoient occis sans merci. Celle nuit aussi en furent prins en leurs lits & maisons qui tous furent encoulpez de la trahison, dont le Preuost des marchés estoit mort: car ceux, qui prins estoient, confessoient tout le fait. Lendemain au matin Iehan Maillard fit assembler la plus grand' partie de la Communauté de Paris au marché des halles. Là monta sur vn échafaut: & remontra generally la cause pourquoy ils auoient tué le Preuost des Marchés. Puis furent iugez à mort, par le conseil des preud'hommes de Paris, tous ceux qui auoient esté de la secte au Preuost, si furent tous executez en diuers tourmens de mort. Ces choses faites, Iehan Maillard (qui tresgrandement estoit en la grâce de ceux de Paris) & aucuns preud'hommes, adherans à luy, enuoyerent Simon Maillard & deux Maistres de Parlement (Messire Iehan Alphons, & maistre Iehan Pastorel) deuers le Duc de Normandie: qui se tenoit à Charenton. Ceux luy recorderent l'adventure de ceux de Paris: & prierent au Duc qu'il voulsist venir à Paris, pour aider à conseiller la ville dorefnauât, quand tous ses aduersaires estoient morts. Le Duc respondit qu'aussi seroit il tres-volontiers: Lors vint à Paris, & avec luy messire Arnould d'Andreghe, le Seigneur de Roie, & autres Cheualiers: & se logea au Louure.

Du Roy de Nauarre, qui défia le Royaume de France, le Roy de France estant en Angleterre.

CHAP. CLXXXVIII.

QVád le Roy de Nauarre sceut la verité de la mort du Preuost des Marchés son grãd ami, & de ceux de sa secte, il fut moult courroucé: pourtât que le Preuost luy auoit esté moult fauorable, & pource que renommé estoit Chef de la trahison du Preuost: si que luy, bien cõseillé, & Monseigneur de Nauarre son frere (qui delez luy se tenoit à Saint-Denis) il ne pouuoit veoir nullement, qu'il ne fist guerre au Royaume de France. Si enuoya tantost défiance au Duc de Normandie, & aux Parisiens, & à tout le corps du Royaume de France: & se partit de Saint-Denis, & coururent ses gens, au departement, la ville de Saint-Denis, & la roberent toute, & Melun sur Seine: ou la Roine Blanche sa sœur estoit (qui iadis auoit esté femme au Roy Philippe) laquelle Dame le receut moult liement: & luy mit tout ce qu'elle auoit, en abandon. Si fit le Roy de Nauarre, de ladite ville & du chastel, sa principale garnison: & retint par tout Gens-d'armes soudoyers, Allemãs, Brabançons, Hainuyers, Behaignois, & gens de toutes parts, qui à luy venoient, & le seruoient volôtiers. Car il les payoit hautement, de l'argent qu'il auoit assemblé, par l'aide

l'aide du Preuost des Marchés, tant de ceux de Paris, cōme des villes voisines. Et Monseigneur Philippe de Navarre se tira à Mâle & à Meulac, sur la riuere de Seine: & en fit ses garnisons: & tous les iours luy croissoient gens de tous costez: qui desiroient à gagner. Ainsi cōmencerent le Roy de Navarre & ses gés à guerroyer le Royaume de France, & par especial la noble cité de Paris: & estoient tous maistres de la riuere de Seine, de Marne & d'Oise. Se multiplierēt tant ces Navarrois, qu'ils prindrent la forte ville de Crael (parquoy ils estoient encores plus maistres de la riuere d'Oise) & le fort chastel de la Herielle à trois lieues d'Amiens, & depuis, Mauconseil. Ces trois forteresses firent detourbier, sans nombre, au Royaume de France: & y auoit bien quinze cens combattans, qui couroient parmi le pays: ne nul ne leur alloit au deuāt: & tantost s'espandirēt par tout, & prindrent, assez tost apres, le chastel de Saint-Valery: dont ils firent vne tresforte garnison: dequoy messire Guillaume de Bonnemare & Jehan de Segures estoient Capitaines, à bien cinq cens combattans: & couroient tout le pais iusques à Dieppe, & environ Abbeuille, selon la marine, iusques aux portes du Crotay, & de Roye, & de Monstereuil sur la mer. Ces Navarrois, quand ils auoient aduisé vn chastel ou vne forteresse (cōbien qu'elle fust bien forte) ne doutoient point de l'auoir. Si cheuauchoiēt moult souuent, en vne nuit, trente lieues, & venoient sur vn pays qui n'estoit en nulle doute: & ainsi exiloient, & embloient les chasteaux & forteresses par le Royaume de France: & prenoient à l'adiourner, les Cheualiers, & les Dames & Damoiselles, en leurs lits & les rançonnoient, & prenoient aucunes fois tout le leur, & puis les boutoient hors de leurs maisons. De la ville de Crael sur Oise estoit souverain Mōseigneur Fondrigais Navarrois. Celuy donnoit les saufs conduits à ceux, qui vouloient aller de Paris à Noyon, ou de Noyon à Compiègne, ou de Compiègne à Soissons ou à Laon, & ainsi sur les marches voisines: & luy valurent bien les saufs conduits, au temps qu'il se tint à Crael, cent mille francs. Au chastel de Herielle se tenoit messire Jehan de Piquegny, Picard: qui estoit bon Navarrois. Ses gens cōtraignoient mallement ceux de Montdidier, d'Arras de Peronne d'Amiès, & tout le pais de Picardie, selon la riuere de Sōme. Au chastel de Mauconseil estoient bien trois cens combattans: desquels † Rabinois de Durichars, Frangnelin, & Hannequin François estoient Chefs. Ceux couroient & pilloient tout le pais d'environ Noyon: & s'estoient rachaptées à ces Capitaines, toutes les grosses villes, non fermées, environ Noyon, à payer vne quantité de Florins la semaine: & aussi les Abbayes. Autrement ils eussent esté tous ars & destruits. Car ils estoient trop cruels sur leurs ennemis. Par telles manieres de gens demourerent les terres vagues: ne nul ne les labouroit: dont depuis vn trefcher temps nasquit par tout au Royaume de France.

Des Navarrois: que les Picars assiegerent dedans le Chastel de Mauconseil.

CHAPITRE

CLXXXIX.

Quand le Duc de Normãdie (qui se tenoit à Paris) entendit que telles Gens-d'armes exiloient le pais, au tiltre du Roy de Navarre, & qu'ils multiplioient de iour en iour, il enuoya par toutes les bonnes-villes de Picardie & de Vermandois, en priant que chacun, selon sa quantité, luy voussissent enuoyer vn certain nombre de Gens-d'armes, à pié & à cheual, pour resister contre les Navarrois: qui exiloient le Royaume de France: dont il auoit le gouuernement. Les citez & bonnes villes le firent tref-volontiers: & se taillerent, chacun selon son aisement de Gens-d'armes à pié & à cheual, d'Archers & d'Arbalestiers: & se trahirent premierement deuers la bone cité de Noyon, & droit deuant la garnison de Maucōseil, pource qu'il leur sembloit que c'estoit la plus legere des forteresses des Navarrois, & qui plus harioit ceux de Noyon, & le bō pays de Vermandois. Si furent capitaines de toutes ces gés d'armes, & cōmunes, l'Euesque de Noyō, Mōseigneur Raoul de Coucy, le sire de Raenal, le sire de Chauny, le sire de Roye, & messire Matthieu de Roye son frere: & auoient ces Seigneurs, avec eux, plusieurs Cheualiers & Escuyers de Picardie & de Vermandois: q' assiegerēt Maucōseil, & y liurerēt plusieurs assaux: & cōtraignoient durement ceux de dedās: lesquels veirēt biē qu'ils ne se pourroient lōguement tenir: pource signifient ils leur mechef à Mōseigneur Jehan de Piquegny qui se tenoit à la Herielle, & à qui toutes ses gens & forteresses obeïssioient) lequel se hâta durement de conforter ses bons amis de Mauconseil. Si manda secrettement à ceux de la garnison de Crael, qu'ils fussent appareillez, sur les champs, à vn certain lieu, que il leur assigna: car il vouloit cheuaucher le pais. Toutes Gens-d'armes se trahirēt au lieu.

*Riuieres & p. a
ces prinſes par
les Navarrois
au cœur de
France.*

† *A ce que ie
puis compren-
dre par les cha.
189. 191. &
196. il faut ici
lire Rabi-
geois de Du-
ry, Charles
Frangnelin,
& Hanne-
quin François
pour noms &
surnoms.*

Quand tous furent assemblez, ils se trouuerent bien mille Lâces. Puis cheuaucherēt de nuict, ainsi que guides les menoient: & vindrent à vn adiournemēt, deuant le Chastel de Mauconseil. Celle matinée faisoit si grand' brouée, qu'vn arpent de terre ne pouuoit on veoir loing. Si tost qu'ils furent venus, ils se ferirent soudainement en l'ost des François: qui de ce ne se donnoient garde: ains dormoiēt à petit de guet, comme tous assurez. Si

Picars du parti de France déconfits en leur siege de Mauconseil par les Nauarrois.

écrierēt les Nauarrois leur cry: & cōmencerent à tuer & à decouper gens, & à abbatre tentes & trefs, & à faire grand' écar mouche, tant que les Frâçois n'eurent loisir d'eux armer, ne de reculer: ains se meirent à fuir deuers Noyon (qui leur estoit prochaine) & les Nauarrois apres. Là eut moult de gens morts & réuersez entre Noyon & Ourcās-l'Abbaye, & entre Noyon & le Pôt-l'Euesque, & tout là entour: & gisoïēt les morts & les blecez à terre par monceaux, & sur les chemins, entre hayes & buiffons: & dura la chace iusques es portes de Noyō: & fut la cité en grād peril de perdre. Car les aucūs (qui là furēt, tāt de l'vne partie que de l'autre) dirēt que, si les Nauarrois eussent voulu acertes, ils fussent entrez dedans la ville. Car ceux de dedans furent tellement effrayez, que quand ils

L'Euesque de Noyon & autres seigneurs faits prisonniers par les Nauarrois.

entrerent dedans leur ville, ils n'eurēt mie aduis ne loisir de la fermer deuers Cōpiegne. Et fut prins l'Euesque de Noyon, deuers la barriere: & illec fiāça prison, autremēt il eust esté mort. Lēdemain furēt prins Mōseigneur Raoul de Coucy, Monseigneur Raoul de Rauenal, le Sire de Chauny, & ses deux fils, le Borgne de Rouuroy, le Sire de Turte, le Sire de Vēdueil, Mōseigneur Anthoine de Coudun, & bien cēt Cheualiers & Escuyers: & y eut de morts plus de quinze cēs hommes: & par especial ceux de la cité de Tournay y perdirēt grossièrement (car ils estoient là venus en grād étoffe) & dient aucuns que de sept cēs, qu'ils estoïēt, il en retourna moult peu, que tous ne fussent morts ou prins. Car ceux

† *L'an 1358. au mois de Aoust, déconfiture des Picars par les Nauarrois, pres Mauconseil.*

de Maucōseil issirent aussi: qui paraiderēt à faire la décōfiture: qui fut l'an mil trois cens † cinquāte huit. Le Mardy ensuyuant, apres la Nostre-dame de Mi-Aoust, les Nauarrois amenerēt la plus grand' partie de leurs prisonniers à Crael (pourtāt qu'il y a bōne ville & forte) & conquirent là tresgrand auoir, tant en ioyaux, comme en prisonniers: qu'ils rançonnerent si bien que depuis en deuindrent riches & ioyeux: & rançonnerent ces Bourgeois de Tournay, & d'autres villes, à telles étoffes bien & fricquemēt: à fers de glaiues, à haches, à espées, à iacques, à pourpoints, à housseaux, & à toutes manieres d'outils, qui leur estoient necessaires. Les Cheualiers & Escuyers rançonnoient à mises d'argent, ou à coursiers, ou à rouffins: ou d'vn poure Gentil-hōme, qui n'auoit de quoy payer, ils prenoient biē le seruice vn quart d'an, ou deux, ou trois: ainsi qu'ils estoïēt d'acord. De vins,

† *C'est à dire, que les bonnes villes n'auoient rien: sinon à la dérobée, ou par fausconduit de ces Nauarrois.*

de viures, & d'autres pourueāces, auoiēt ils assez largement: car le plat-pays leur en deliuroit assez, pour cause de rançon: † ne rien n'auoit es bōnes villes, fors en larrecin, ou par fausconduit: qu'ils vendoient bien cher: mais ils le leur ottroyoient de tout entieremēt: excepté de trois choses: chapeaux de bieures, plumes d'austuces, & fers de glaiues. Oncques ne voulurent accorder ces trois iolietez en leurs fausconduits. Ceux de Maucōseil ardirent & violerent la plus grād' partie de la bonne Abbaye d'Ourcās: dont moult dépleut au Capitaine de Mauconseil, quand il le sceut. Et s'epandirent ces Nauarrois en plusieurs lieux, d'vne part & d'autre la riuere d'Oise & celle de Sōme: & vindrent deux

† *Aduisez, si c'est Rabinois de Durichars au chap. 188.*

Hommes-d'armes † (Rabigeois de Dury & Robin Lescot) qui prindrent par eschellement, la bonne ville de Berly: dont ils firent vne garnison, & la fortifierent durement. Ces deux compaignons auoient deffous eux, & à leurs gages, bien enuiron quatre cens compaignons: & leur donnoient certaines soudées, & les payoient de mois en mois. Si couroiēt ceux de Berly, ceux de Maucōseil, ceux de Crael, & ceux de Herielle, par tout ou ils vouloiēt (car nul ne leur cōtredisoit: & les Cheualiers estoient tous embesongnez à garder leurs fortereffes & leurs maisons) & alloient ces Nauarrois & Anglois, ainsi par tout, cōme ils vouloient (vne fois armez, & l'autre fois estoient desarmez) & s'ebatoient de fortereffe en fortereffe, tout ainsi cōme si le pays fust en paix. Le ieune Sire de Coucy faisoit moult bien garder ses villes & ses Chasteaux: & estoit aussi, comme souuerain de toute la terre, le Chanoine de Rebecart. Cestuy reffongnoiēt plus les Nauarrois, que nul des autres: car il en ruoit, plusieurs fois, maints par terre.

Comment aucuns des Bourgeois d'Amiens voulurent liurer la cité aux Nauarrois: & de la famine qui fut en France.

CHAP. CXC.

OR aduint ainsi, que Monseigneur Iehan de Piquegny (lequel estoit de la partie du Roy de Nauarre, & le plus grand de son Cōseil, & par quel aide il auoit esté deliuré, & qui

& qui se tenoit en la Herielle, à trois lieues pres d'Amiens) pourchaça tant, par subtil engin & beau langage, avec aucuns Bourgeois d'Amiès, des plus grans de la cité, qu'ils deuoient mettre les Nauarrois dedans la ville: & enfermerent couuertemēt ces bourgeois traistres, en leurs chambres & greniers, aucuns Nauarrois qui deuoient aider à destruire la ville. Et vindrent vn soir Monseigneur Iehan de Piquegny, Mōseigneur Guillaume de Grauille, Mōseigneur Fricquet de Fricquant, Monseigneur Lin de Belaisy, & Mōseigneur † Fōdrigay, & avec eux bien sept cens cōbattans, sur le cōfort de leurs amis, qu'ils auoiēt leans, aux portes, au lez deuers la Herielle: & les trouuerent toutes ouuertes, ainsi qu'ordoné estoit. Adonc saillirent hors ceux qui estoient mucez es celiers & es chābres: & commencerent tous à crier Nauarre. Ceux d'Amiès se réueillerent, & crièrent, Trahi, trahi. Si se recueillirent, & trahirent par deuers la porte, là ou le plus grand tumulte estoit, entre le bourg & la cité. Si garderēt ceux, qui premiers y vindrēt, assez bien la porte, & de grande volonté: & en y eut d'vn costé & d'autre, moult grand' foison d'occis: & si les Nauarrois se fussent hastez d'entrer en la cité, si tost qu'ils furent venus, ils l'eussent gaignée: mais ils entendirent au bourg, & firent leur entreprinse assez couardemēt. Aufsi celle nuit inspira Dieu Monseigneur Morel de Fiennes, Connestable de France, & le Côte de Saint-Pol: qui estoient à Corbie, à grand' foison de Gens-d'armes. Si cheuaucherent vigoureuement: & y vindrent si à poinct, que les Nauarrois auoient ia conquis tout le bourg, & mettoiēt grād' peine à auoir la cité: & l'eussent gaignée, si les dessusdits ne fussent venus: lesquels, si tost qu'ils furēt entrez en la cité d'Amiès, par vne autre porte, se trahirent là ou la meslée estoit, & déveloierent leurs bannieres, & les ordōnerent sur la rue, sans passer la porte. Car ils tenoiēt le bourg pour tout perdu: ainsi qu'il fut. Ce secours l'encouragea moult ceux d'Amiens: & alluma on, sur les rues, grand' foison de torches & de falots. Quād mōseigneur Iehan de Piquegny & les Nauarrois entendirēt que ces Seigneurs & leurs routes estoient venus & rengez en la cité, ils s'aduiferēt qu'ils pourroient plus perdre que gagner. Messire Iehan retrahit ses gens le plus courtoisement qu'il peut: & conseilla de retourner. Lors se recueillirent Nauarrois & ceux de leur costé: & sonnerent la retraite. Mais ils coururent & pillerent tout le bourg, & l'ardirent. Si y auoit bien trois mille maisons, & de bons hostels foison, & Eglises parochiales, & autres: qui toutes furent arses: & riens n'y eut † deporté. Ainsi retournerent les Nauarrois: & remporterent grand auoir (qu'ils trouuerent ou grand Bourg d'Amiès) & foison de prisonniers: & s'en allerent arriere en leurs garnisons. Quād les Nauarrois furent tous retraits, le Connestable & le Comte de Saint-Pol departirent leurs gens, & les enuoyèrent par toutes les portes: & leur cōmanderent, sur la hart, qu'ils ne laissassent nul hōme vuidier de la ville. Et ainsi fut fait. Le lendemain au matin ces deux Seigneurs, & aucuns Bourgeois d'Amiens, qui cognoissoient le maniment de la ville, & qui sōuspecōnoient aucuns Bourgeois, & Bourgeoises, de ceste trahison, allerēt es maisōs de ceux & de celles qu'ils pensoient trouuer. Si en prindrent iusques à dixsept: lesquels furent tantost décolez emmi le marché, publiquement: & mesmemēt l'Abbē du Gars: qui cōsenti auoit ceste trahison, & logé vne partie de ces Nauarrois en sa maison. Aussi tost apres, par cas semblable, furent trainez & iusticiez, en la bonne cité de Laon, six des plus grans Bourgeois de ladite cité de Laon: & si l'Euesque du lieu eust esté tenu, mal eust esté pour luy: car il en fut accusé: & depuis ne s'en peut il excuser. Mais il se partit secrettemēt: car il eut amis en voye qui luy noncerent ceste venue. Si se retrahit tantost par deuers le Roy de Nauarre, à Melun sur Seine: qui le receut moult liemēt. Telles aduenues aduenoiēt souuent au Royaume de France: & pource se tenoient les Barons & Cheualiers, & aussi les citez & bonnes-villes, chacun sur sa garde. Et, au vray dire, le Roy de Nauarre auoit plusieurs amis semez, & acquis, parmi le Royaume de France: &, si on ne s'en fust apperceu si à poinct, ils eussent fait de plus contraires faits, qu'ils ne firent: combien qu'ils en firēt assez. En ce temps, que le Duc de Normandie & ses freres se tenoient à Paris, n'osoient nuls marchans, n'autres gens, issir hors de Paris, ne cheuaucher en leurs besongnes & affaires, qu'ils ne fussent tantost ruez ius, de quelque costé qu'ils voufissent aller. Car le Royaume estoit si rempli de Nauarrois, qu'ils estoiet maistres du plat-pays, & des riuieres, & des citez, & des bonnes-villes: dont vn si chair temps vint en France, qu'on vendoit vn tonnelet de harēnc trente escus d'or, & toutes autres choses à l'aduenāt: & mouroient les petites gens de faim. Et dura bien ce chair temps plus de quatre ans: & par especial es bonnes-villes de France ne pouuoit on trouuer de sel, si ce n'estoit par les mi-

† Il dit Fou-
drigais au chē
pit. 188.

Secours à ceux
d'Amiens, qui
tenoient le par-
ti de France,
par Morel de
Fiennes Conne-
stable.

† C'est à dire
épargné.

Punition des
trahistres d'A-
miens.

Grande chair-
té en France.

nistres du Duc de Normandie: & le faisoient iceux achapter aux gens à leur ordonnance, pour cueillir plus grand argent, pour payer des soudoyers.

Des Nauarrois, que les Picars assiegerent dedans Saint-Valery, & comment le Royaume de France estoit plein de Nauarrois.

CHAP. CXCI.

*Saint Valery
assiégé par les
Picars François*

Moult acquirent le Cōnestable de Frâce & le ieune Côte de Saint-Pol grand' grâce, parmi le pays de Picardie, du secours qu'ils auoient fait à ceux d'Amiens: & se commencerent tous les Cheualiers & Escuyers de Picardie à accompagner avec eux: & dirent & accorderent les cōpaignons, Barons, & Cheualiers, qu'ils iroient assieger Saint-Valery. Si le signifia le Cōnestable par toutes les citez & bōnes villes de Picardie. Lors se cueillirēt ceux de Tournay, d'Arras, de l'Isle, de Douay de Bethune, de Saint-Omer, de Saint-Quētīn, de Perōne, d'Amiens, de Corbie, & d'Abbeuille: & se taillerent à vne quantité de gens: qu'ils enuoyerent deuers le Cōnestable & le Comte de Saint-Pol. Si fēmeurent tous les Cheualiers & Escuyers. Mesmemēt de Haynaut en y alla assez, pour cause des heritages qu'ils tenoient en France. Le Sire d'Andregheū y enuoya le ieune Sēeschal de Haynaut, Monseigneur Iehan de Verthin, moult étoffement, & Monseigneur Hue d'Authoing son cousin, & plusieurs autres: & vindrent mettre le siege deuant Saint-Valery. Si estoient bien deux mille Cheualiers & Escuyers: & enuoyerent bien douze mille hommes les communautēz des bonnes-villes, à leurs despens: & par especial ceux d'Abbeuille en furent trop chargez. Car là prenoient ils la plus grāde partie de leurs pourueāces. Si se tint le siege deuant Saint-Valery, vn grand temps & y eut maint fort assaut, & moult grād' écar mouche: & presque tous les iours y auoit il aucune chose de nouuel, ou aucune appertise d'armes: car les ieunes Cheualiers & Escuyers de l'ost falloient aduēturer: & biē trouuoient à qui: car Mōseigneur Guillaume Bōnemare, & Iehan Segure, & autres cōpaignōs de leās, venoient iusqu'aux barrieres de leurs forteresses, lancer & écar moucher, à ceux de l'ost. Si en y auoit de blecez & de naurez, à la fois des vns, & à la fois des autres. Et pouuoient estre ceux de Saint-Valery trois cēs cōpaignōs, sans ceux de la natiō de la ville: qu'ils faisoient cōbattre, & eux aider. Autrement ils eussent mal fini. Les Seigneurs de l'ost firent là charier les engins d'Amiens & d'Abbeuille, & assēoir deuant Saint-Valery: qui gettoient grosses pierres: qui moult trauailloient ceux de dedans: lesquels auoient des canons & † espingales: dont ils trauailloient aussi ceux de dehors.

† Il a vſé de ce mot pringalles & espringalles es cha. 144. & 145. Arrivee du Captal de Buz en Normandie contre le parti François

† Il a vſé de ce mot chaigles au chap. 176. mais ie n'entē ne l'vn ne l'autre, nō plus que granues d'archers, ou d'acier, cōme dit Verard.

En ce tēps que ce siege se tenoit là, & que le Roy de Nauarre guerroyoit de tous costez le Royaume de Frâce, arriua à Cherbourg le Captal de Buz, cousin au Roy de Nauarre: qui l'auoit prié, & retenu à deux cens Lances, à gages. Si tost que le Captal de Buz fut venu en Normandie, il se meit aux chāps: & cheuaucha tant parmi le païs du Roy de Nauarre, qu'il vīt à Māte: là ou il trouua Mōseigneur Philippe de Nauarre: avec lequel il fut aucuns iours. Puis sē partit secrettemēt à tout ses cōpaignōs: & cheuaucha tāt en vne nuit, parmi le bon pays de Vulgueſſin & Beauuoisin, qu'il vint à Cleremōt en Beauuoisin, vne grosse ville (qui n'estoit point fermée) & vn bon chastel, avec vne grosse tour, à † changles tout autour. Et adonc sur l'adiournement, le Captal eschella & embla celle forteresse: & ia soit ce que, à la veuē du mōde, la tour est impossible à prēdre, toutesfois la print il par eschelles de cordes & de granues d'Archers: & y entra tout premieremēt, en rampant cōme vn chat, messire Bernard de la Salle: qui en son temps en eschella plusieurs. Et ainsi tāt fit le Captal de Buz, qu'il conquist Cleremōt: qu'il tint vn grād tēps, & avec luy plusieurs cōpaignons: qui moult trauaillerent, depuis, le pays de Vulgueſſin & de Beauuoisin, parmi l'aide des Nauarrois, & des autres forteresses, qu'ils tenoient là enuiron: comme Crael, la Herielle, & Maucōseil: & estoit tout le plat-pays à eux: ne nul n'alloit au deuant. Ainsi estoit guerroyé de tous lez le Royaume de France, au tiltre du Roy de Nauarre: & y furent prins plusieurs forts chasteaux en Brie, & en Champaigne, en Vallois, en l'Euesché de Noyon, de Sēlis, de Soissons, & de Laon: desquels plusieurs Cheualiers & Escuyers de diuers pays estoient Chefs. Par deuers Pont-sur-Seine, vers Prouins, & Troye, vers Auxerre, & vers Tonnerre, estoit le pays si entrepris de guerroyeurs, qu'on n'osoit issir hors des citez & des bōnes-villes. Entre Chaalons & Troye, au chastel de Beaufort (qui est l'heritage au Duc de Lenclastre) se tenoit messire Pierre d'Andelée: & couroit tout le pays d'environ. D'autre part à Pont-sur-Seine, & à la fois au fort Nogent, se tenoit messire Eustace d'Auberthicourt, Hainuyer, à tout cinq cens

cens combattans:& pilloyent tout le pays d'enuirō eux. D'autre costé en Champaigne se tenoit Albrest, vn Escuyer d'Allemagne. Ces trois Capitaines tenoyent en la marche de Champaigne,& sur la riuere de Marne, plus de soixāte chasteaux & fortes maisons:& mettoient sur les champs, quand ils vouloyent, plus de deux mille combattans:& auoient mis tout le pays en leur subiection:& rançonnoient & roboyent tout. Si auoient robé & ars la bonne ville d'Aimery, & Esparnay, & la bonne ville de Vertuz,& toutes les bonnes-villes, selon la riuere de Marne, iusques au Chateau-Thierry: & tout ainsi enuiron la cité de Reims: & auoient prins la bonne ville & cité de Ronay,& le fort chastel de Hans en Champaigne,& tout en mont, iusques à Saint-Antoine en Partois. Et plus-avant, sur la marche de Bourgongne & de Partois, se tenoient Thibaut Chaufour,& Jehan Chaufour: qui, au tiltre du Roy de Nauarre, auoient prins en l'Euesché de Langres vn fort chastel, appelé Montfançon. Leans auoit quatre cens combattans: qui couroyent tout le pays, iusques à l'Euesché de Verdun, par deuers le pays de Soissons. Et entre Laon & Reims se tenoient autres pilleurs:& estoit la souueraine garnison d'iceux à † Velly: ou il y auoit biē fix cens combattans:& en estoit Capitaine Rabigois de Dury, Anglois: lequel retenoit toutes manieres de gens & de compagnons, qui le vouloient seruir:& les payoit si biē, de terme en terme, que tous les seruiēt volontiers. Si auoit vn cōpaignon, à perte & à gaigne (qui estoit appelé Robin Lescot) lequel alla, par les festes de Noel, gaigner le fort chastel de Rouffy, & tous ses gens, & toutes les pourueances du fort chastel: qui estoient grandes. Et roba toute la ville: & fit de la ville, & du chastel, vne garnison: qui depuis greua moult le pays de là entour. Et si rançonna ledit Côte, sa femme, & sa fille, à la somme de douze mille Florins d'or, au mouton: & si detint la ville & le chastel tout l'Yuer, & l'Esté apres: qui fut en l'an mil trois cens cinquāte-neuf. Et, quād le Comte de Rouffy eut payé sa rançon, il s'en alla tenir à Laon, & là ou il luy plaisoit, & en l'Euesché de Laon, & en plusieurs autres lieux. En ce temps on ne faisoit nuls ahans de terre: dont vn moult cher temps nasquit depuis.

De plusieurs places occupées par les Nauarrois, contre le Regent.

† *Aduisez, si c'est point celle qu'il a nommée Berli au cha. 189. car i' e suis d'aduis.*

Le chastel de Rouffy prins durant les festes de Noel 1358. † L'an 1359.

Des Nauarrois: que le Chanoine de † Robefart déconfit en Laonnois, pres la ville de Craulle.

CHAPITRE

CXCII.

† *Robefart, à la fin du chap. 189.*

EN ce temps (si-comme ie fu informé) aduint à Monseigneur le Chanoine de Robefart vne belle iournée: car il aduint que le Sire de Pinon (vn Baneret de Vermandois) cheuauchoit, à soixante armeures de fer, de forteresse en autre. Ce iour cheuauchoit ceux de la garnison de Velly, & ceux de la garnison de Rouffy: mais point n'y estoient les Capitaines, & n'y auoit fors trois cens compagnons: qui se vouloyent aduenturer pour gaigner. Si aduint que assez pres de la ville de Craulle, en Laonnois, ils veirent le Seigneur de Pinon: qui cheuauchoit sous son pennon assez ordonnement, & tenoit les champs par deuers Craulle. Tantost apperceurent que c'estoient François:& aussi le Sire de Pinon (qui veoit ces Nauarrois venir) apperçut bien qu'il ne leur pouuoit echapper. Toutesfois luy & les siens marcherent sur dextre, en costoyant Craulle, car les Nauarrois leur auoient trenché le chemin. Si ferirēt leurs cheuaux des esperons, pour eux sauuer, fils peussent. Les Nauarrois apres eux, en écriant Saint George, Nauarre: & estoient mieuz montez que les François:& les eussent atteints à moins de demie lieuë. Or écheut au Seigneur de Pinon, qu'il trouua sur les champs vn grand fossé, large & profond, enclos de fortes hayes à l'vn des lez:& n'y auoit qu'une seule entree estroite, ou l'ō peust cheuaucher. Si tost qu'il se veit outre & sa route, il congnut tantost l'aduantage. Si dit, A pié, à pié, il nous vaut mieuz cy attendre l'adventure de Dieu, & soy deffendre, que d'estre morts ou prins en fuyant. Lors meit le pié à terre, & tous les siens apres luy. Illecques suruindrent les Nauarrois, qui aussi descendirent à pié. Entre les gens du Sire de Pinon auoit vn Escuyer: qui dit à son varlet, Monte sur mon courfier, ne l'espargne point, si cheuauche deuers la garnison de Pierrepont, si prieras au Chanoine de Robefart, qu'il nous vienne secourir. Le varlet dit, Or, prenez que ie le trouue, comment poura il venir à temps? car il y a cinq lieuës d'icy. l'Escuyer dit, Fais en ton deuoir. A tant se meit le varlet à chemin, & laissa son maistre, assailli fierement de ces pillars de Velly & de Rouffy. Le Sire de Pinon & sa route se deffendirent par grande vertu: & se tindrent, sur l'aduantage de ce fossé, des l'heure de prime iusques à remonte, qu'oncques ne se déconfirent. Or diray du varlet: qui cheuaucha, sans cesser, iusques à Pierrepont en Laonnois. Là fit son message au Chanoine de Robefart, qui respondit qu'il feroit son deuoir

Le Seigneur de Pinon, François en danger des Nauarrois.

Secours du chanoine de Robesart au seig. de Pinon.

de cheuaucher iusques sur la place, ou le Sire de Pinon se combattoit, car il sauoit forment ou c'estoit. Lors fit sonner sa trompette, & mōter à cheual ses cōpaignons: & pouuoient biē estre enuiron six vingts. Et enuoya vn sien varlet iusques à Laon (qui n'estoit mie loing de la) au Capitaine, pour l'informer de ses besongnes: mais pourtant ne voulut mie attendre ce secours de Laon: mais cheuaucha tousiours les grans galops, tant qu'il trouua le Sire de Pinon & les siens: qui moult estoient trauaillez des Nauarrois: si qu'ils n'eussent peu durer longuement. Tantoist ledit Chanoine baissa sa lance, & se ferit en ces Nauarrois. Si en abbatit trois, de la premiere venue: & ses gens (qui estoient frais & nouueaux) rebouterent tantoist ces Nauarrois: qui estoient fort lassez de combattre tout le iour. Le Chanoine de Robesart donnoit les horions si grans, d'une hache qu'il tenoit, que nul ne l'osoit attendre: & furent ces pillars tous déconfits, & morts sur la place plus de cent cinquante: & ceux, qui peurent échapper, furent rencontrez de ceux de Laon: qui les partuerent: si que de trois cens, qu'ils estoient, il n'en échappa que quinze, que tous ne fussent morts ou prins.

Des Nauarrois: qui rendirent Saint-Valery aux François: qui y furent longuement à siege.

CHAPITRE.

CXCIII.

† C'est assauoir
Aoust de 1558
iusques à
Quaresme de 1559
à cōmencer l'au
premier iour
de l'annier.

*Saint-Valery
rendu François
par cōposition.*

Ainsi que ie vous ay cy-dessus dit, & compté, les Seigneurs de Picardie, d'Artois, de Ponthieu, & de Boulenois, furent vn grand temps deuant Saint-Valery: & y liuerent maint grand assaut, par engins & autres instrumens. Entre les autres choses aduint que le Sire de Baciens, Picard, estoit vne fois allé sur la marine, en approchant le chastel, pour le mieux aduiser. Si fut feru d'un carrel d'espringalle: si mourut. Ceux de dedans auoient si grande plâté d'artillerie, qu'on ne les pouuoit assaillir sans grand dommage. Si se tint le siege des l'ētree d'Aoust † iusques en Quaresme. Si dirēt les Seigneurs qu'ils les affameroient: puis que par assaut ne pouuoient riens prendre. Sur celuy estat se tindrent vn grand temps: & firent songneusement guetter tous les destroits & passages, tāt que riens ne pouuoit venir à ceux de dedans, par mer ne par terre. Si cōmencerent leurs pourueances moult à amoindrir. Car ils n'osoient issir hors pour aller fourrer: & d'autre part nul secours ne leur apparoissoit. Si eurent conseil qu'ils traiteroient deuers le Connestable de France, le Comte de Saint-Pol, & les autres Barons de l'ost, qu'ils peussent partir, & rendre leur forteresse, saufs leurs corps & leurs biens, & aller là ou ils voudroient. Ainsi leur fut accordé, sans porter nulles armeures: mais ce fut à grande peine, car le Comte de Saint-Pol vouloit qu'ils se rendissent simplement. Or estoit venu deuers Saint-Valery, pour leuer le siege, messire Philippe de Nauarre: & en eust fait son pouuoir si ceux de Saint-Valery ne se fussent si tost rēdus: & en furent messire Philippe & les siens moult courrouceez: mais amender ne le peurent.

Comment messire Philippe de Nauarre, ayant émeu trois mille Nauarrois pour leuer le siege de Saint-Valery, fut en grand danger.

CHAP. CXCIII.

Encores estoient les Seigneurs de France sur les champs tous régez: ne nul ne s'estoit parti, mais ils deuoient partir. Si troufferent tentes & trefs, & se délogerent, quand les nouuelles leur vindrent que les Nauarrois cheuauchoyent, & estoient à trois lieues pres d'eux. C'estoit messire Philippe de Nauarre: qui gouernoit toute la terre de son frere le Roy de Nauarre (c'est assauoir la Comté d'Eureux) & à luy obeissoient toutes manieres de Gens-d'armes, qui guerroyent le Royaume de France. Si auoit esté informé, de messire Jehan de Piquegny, que ceux de Saint-Valery estoient sur le point d'eux rendre. Si fut Monseigneur Philippe encouragé de leuer ce siege: & auoit amassé secretement, à Mante & à Meulenc, iusques à trois mille hommes, qu'un qu'autre. Là estoient le ieune Comte de Harcourt, le Sire de Granville, Monseigneur Robert Canolle, messire Jehan de Piquegny, & plusieurs autres Cheualiers & Escuyers: lesquels messire Philippe auoit amenez à trois lieues pres de Saint-Valery, quand elle fut rendue, & en sceut la verité par Monseigneur Guillaume Bonnemare, & Jehan Segure, qui le trouuerent sur le chemin. Quand les François, qui auoyent prins la possession de Saint-Valery, entendirent la venue de Monseigneur Philippe de Nauarre & de ses Nauarrois, lors se retrahirent illecques, sur les champs, à conseil, le Connestable de France, le Comte de Saint-Pol, le Sire de Chastillon, le Sire de Poix, le Sire Beaufaut, le Sire de Helly, le Sire de Crestkes, Monseigneur Odart de Rency, Monseigneur Baudouin d'Ennekin, & au-

cuns

cuns Barons & Cheualiers, qui là estoient. Si s'accorderent qu'ils iroyent combattre les ennemis. Adonc fut commandé par le Connestable, que chacun se meist en arroy vers les ennemis. Lors toutes manieres de gens cheuaucherent ordonnément celle part: ain si comme pour tantost combattre. Messire Philippe & les Nauarrois entendirent que les François venoyent sur eux, bien trente mille, si n'eurent mie conseil d'eux attendre: ains passerent la riuere de Somme, au plus tost qu'ils peurent: & se bouterent au chastel de Long en Ponthieu, cheuaux & harnois, & quant qu'ils auoient, si en furēt mout à estroit. A peine y estoient ils entrez, quand les François (qui les suyuoient) vindrent deuant: & pouuoit estre heure des vespres: & tousiours venoyent gens, car encores les Communes des citez & des bonnes-villes de Picardie ne pouuoient mie si tost venir, que les Gens-d'armes. Si eurent conseil les Seigneurs qu'ils se logeroyent deuant la fortresse, & attendroyent toutes gens (qui venoyent les vns apres les autres) & au lēdemain assauroient. Ainsi fut fait. Les Nauarrois (qui leans estoient à petites pourueances) quand vint enuiron minuit, issirent de Long en Ponthieu, par derriere, sans faire noise: & prindrent le chemin de Vermandois: & furent élongnez de plus de deux lieues, auant que les François sceussent leur departemens, & adoncques s'armerēt, & entrerēt es tēcloux des Nauarrois. Ainsi cheminerent les Nauarrois deuant, & les François apres, tant que les Nauarrois vindrent à Thorigny, vn petit village, seant sur vn tertre: dont on veoit tout le pays d'enuiron: & est sur costiere, entre Saint-Quentin & Peronne en Vermandois. Là s'arrestèrent les Nauarrois pour rafreschir eux & leurs cheuaux: & se combattre les conuenoit, ils estoient au * cerne: si auoyent bon aduantage d'attendre. Ils n'eurent mie arresté longnement, quand tout le pays, sous eux, fut plein & couuert de François, & estoient, qu'vns qu'autres, plus de trente mille. Quand les Nauarrois veirent qu'ils faisoient semblant d'eux cōbattre, ils issirent de leurs logis, & firent de leurs gens trois batailles: dont Mōseigneur Robert Canolle auoit la premiere: la seconde messire † Louis de Nauarre & le Comte de Harcourt: & n'auoient, en chacune bataille, point plus de sept cens combattans: & retaillerent tous leurs glaives, à la mesure de cinq piez de long: & au pendant de la montaigne, ou ils estoient, firent porter, par leurs varlets, tous leurs esperons: & leur ordonnerent les mettre à terre, les molettes contremont: parquoy nul de leurs ennemis ne les peust aucunemēt approcher, qu'à malaise. Et là fit Mōseigneur Philippe de Nauarre le ieune Comte de Harcourt Cheualier, & leua banniere: & le ieune Seigneur de Granuille aussi. Les François s'arresterēt deuant les Nauarrois: & se meterent à pié: & vouloyent les aucuns, que tantost on les allast cōbattre. Les autres disoient Noz gens sont trauaillez, & si en a encore foison derriere. C'est bon que nous les attendons, & nous logeons meshuy, tantost sera tard: & demain nous les combattons plus ordonnément. Ainsi se logerent les François, & rangerent tout leur charroy (dont ils auoient foison) à l'entour d'eux. Quand les Nauarrois veirent qu'ils ne feroient combattus, ils se retrahirent, sur le soir, dedans leur village de Thorigny, & firent grand appareil de feu & de fumées, pour faire entendre qu'ils vouloyent loger illecques celle nuit, mais, si tost qu'il fut anuicté, ils eurent leurs cheuaux appareillez, & f'estoient aduisez de leur affaire, & se partirent coyement, & faisoit brun & espez, & s'auallerent vers la riuere de Somme, qu'ils passerent à gué, à vn petit village, pres de Bethācourt. Puis cheminerent vers les bois de Boham, qu'ils costoyerent, & cheuaucherent celle nuit pres de sept lieues, dont il en demoura assez derriere, de mal monter: que ceux de Boham prindrent. Aussi les paysans du pays en tuerent aucuns: qui ne peurent suyure leur maistres, ou qui auoient perdu leur chemin. Or diray des François: qui sceurent le departement des Nauarrois, vn petit deuant le iour. Si s'aduiferent qu'ils passeroient Somme, à Saint-Quentin, au pont: & iroyent & istroyent au lez deuers Lience: & ainsi approchoient des Nauarrois. Lors cheuaucherent hastiement, chacun à qui mieux mieux, & à l'adrée deuers Saint-Quentin: & vindrent là endroit à l'aube creuant. Car il n'y auoit que deux petites lieues. Si estoient, tout deuant, le Connestable, & le Comte de Saint-Pol. Quand les gardes de la ville (qui estoient amont, en la premiere porte) entendirent celui effroy, & sentoient par aduis leurs ennemis logez delez eux, si n'estoient mie biē assurez. Mais ia estoit leur pont leué, si ne leur pouuoit on porter contraire. Ils demanderent, Qui est ce là, qui vous approchez à ceste heure? Le Connestable respondit, Ce sommes nous tels, & tels, qui voulons passer en ceste ville, pour aduancer les Nauarrois qui se sont emblez de Thorigny, & s'en fuyent de nous, ouurez tantost, nous le vous cō-

Le Connestable de France, avec grosse armée, cherche à combattre Philippe de Nauarre, & ses gens.

† Aucuns disent écloz: qui signifie les marques et traces des piés de ceux qui cheminent. Verard dit écloz.

** Annot. 81.*

† Pour ce qu'il n'a point encores parlé de cestuy cy, et qu'il n'est pas vray semblable que Philippe de Nauarre n'eust prins vne bataille pour soy, et aussi que la tierce bataille, et son conduiseur, ne sont point icy nommez: ie li roye volontiers en ceste sorte: la secōde messire Philippe de Nauarre: & le Comte de Harcourt la tierce. Les Nauarrois se sauuent du Connestable de France.

*Ceux de Saint
Quentin refu-
sent à ouvrir
leurs portes à
l'ost du Conne-
stable.*

mandons de par le Roy. Et les gardes dirent que les clefs estoient en la ville, deuers les iurez. Lors allerent deux d'iceux gardes deuers ceux, qui les clefs gardoyent: lesquels dirent qu'ils n'ouuiriroyent point les portes, sans le conseil de toute la ville: mais, ainçois que ce fust fait, estoit ia presque souleil leuant. Là conseillèrent comment ils pourroient respondre. Puis vindrent à la porte, & monterent ceux, qui deuoyent respondre, amont à la porte: & bouterent les testes hors par les fenestres: & dirent au Connestable, & au Comte de Saint-Pol, qui là estoient tout deuant, Chers Seigneurs, ayez nous pour re-commandez & excusez ceste fois, c'est le conseil de la Communauté de ceste ville, que vous cinq, ou six qui là estes, y entrez, si vous plaist, pour l'honneur de vous, & les autres voient ou bon leur plaira. Lors ces Seigneurs furent tous courroucez: & y eut de grosses parolles & vilaines: mais pour riens ceux de Saint-Quentin ne voulurent ouurir leur porte. Si n'eurent mie conseil ces Seigneurs, de plus pourfuyuir les Nauarrois, car ils eussent perdu leur peine. Si se departirent tous les François, par le conseil du Connestable: & vint le Comte de Saint-Pol en son chasteau de Boham, si courroucé, qu'à peine pouuoit il parler à nully.

Des Nauarrois: que messire Pierre d'Andelée amena de nuit en la cité de Chaalons, pour la prendre.

CHAP. CXC.V.

*Il y auoit Sei-
gne: mais sans
raison.*

Ainsi se departit ceste grosse cheuauchée: les François d'une part, & les Nauarrois d'autre: lesquels Nauarrois vindrent ce iour à Velly: & passerent la riuere d'Oise à gué. Lors sentirent qu'ils estoient hors de tous perils, si se rafraichirent: & quand ils sceurent que bon fust, ils retournerent en Normandie: & cheuaucherent seurement de forteresse en forteresse (car ils estoient tous maistres des riuieres, & du plat-pays) & entre-
rent de rechef en Constantin, si guerroyoient, comme deuant, la Normandie. D'autre part se tenoit le Roy de Nauarre à Melun sur Seine, à grande foison de Gens-d'armes. Si aduint que messire Pierre d'Andelée, Capitaine de Beaufort (qui sied entre Troye & Chaalons) getta son aduis, que si pouuoit passer la riuere de Marne, au dessus de la ville de Chaalons, & venir delez l'Abbaye de Saint Pierre, il entreroit legerement en celle ville. Si attendit, sur son propos, tant que la riuere de Marne fut bien basse. Lors assembla secrement ses compagnons (car il tenoit bien cinq ou six forteresses autour de luy) & furent en sa route bien quatre cens combattans: lesquels il fit partir de Beaufort à minuit: & les mena au passage, sur la riuere de Marne, ou il devoit à passer: & auoit des gens du pays, qui le menoyent sur le passage. Il les fit tous descendre à pié, & donner leurs cheuaux à leurs varlets: & adonc les mena outre l'eau (qui moult estoit plate, & courtoise) & quand tous furent outre, ils vindrent, tout le petit pas, par deuers l'Abbaye de Saint Pierre. Bien auoit des gardes & des guettes grande foison, espars parmi la ville, es carrefours: dont ceux, qui estoient les plus prochains de celle Abbaye de Saint Pierre (qui est tout amont au dehors de la cité) oyoyent clairement le baidissement des Nauarrois, car, ainsi qu'ils passoyent, leurs armeures sonnoient & retentissoient, dequoy plusieurs, qui ce oyoyent, s'emeuilleoyent que ce pouuoit estre, car à la fois messire Pierre & ses gens cessoyent d'aller: & si tost qu'ils se reprenoyent à aller, ce son & retentissement reuenoit à ces gardes: qui estoient en la rue Saint-Pierre, car le vent venoit à ce costé. Et adonc dirent aucuns d'entre eux, Veez cy larrons Anglois & Nauarrois, qui viennent pour nous escheller & prendre. Or tost, faisons noise, & éveillons ceux de la cité: & aucuns voient deuers S. Pierre, pour sauoir que ce peut estre. Oncques si tost ne purent ce faire, qu'il Messire Pierre & sa route furent en la court S. Pierre, car les murs en celuy endroit, n'auoyent point quatre piez de haut à monter. Si bouterent tâtost, outre, la porte de l'Abbaye, & entrèrent en la rue: qui est grande & large. Ceux de la cité furent moult effroyez. Car on crioit par tout, Trahi, trahi, à l'arme, à l'arme. Si s'armerent les gens vistement, & se recueillirent ensemble, pour estre plus fors: & vindrent deuers leurs ennemis, qui tous ces premiers venus occirerent & ruerent par terre: & vint adonc si mal à point à ceux de la cité de Chaalons, que Pierre de Chaalons (qui auoit esté Capitaine de la cité, à tout cent Lances, plus d'un an entier) estoit adonc parti nouvellement, car il ne pouuoit estre payé, à sa volonté, de ses gages. Ceux de la cité (ou il y a grande Communauté) s'emeurent de tous lez: & se meirent fièrement en deffense: & bien leur en estoit besoing. Mais ils receurent grand dommage des leurs: & conquerirent les Nauarrois toute la premiere ville, iusques aux ponts de Marne. Outre les ponts se rassemblèrent ceux de la

*Pierre d'Ande-
lée iusques en
la court S. Pier-
re de Chaalons,
& plus outre
avec ses Na-
uarrois.*

de la cité:& deffendirent ce premier pont:qui leur valut grandement. Là eut tiré & écar mouché:& moult bien assailloyent & écar mouchoyent les Nauarrois:& s'aduançoient aucuns Anglois Archers,& passoient sur les gistes du pont,& tiroient tellement à ceux de Chaalons, que nul n'osoit entrer en leur traict. En celle riote furent iusques à midy:& veulent dire aucuns, que Chaalons eust esté adonc gaigné: si n'eust esté messire Odes de Grancy: qui auoit esté inspiré, le iour deuant, de la cheuauchée des Nauarrois: dont à grande haste il auoit prié plusieurs Cheualiers & Escuyers, car il sauoit bien que dedas Chaalons n'auoit nul Gentil-homme. Si estoit venu de nuit & de iour, & avec luy messire Philippe de Iancourt, Monseigneur Anceau de Beaupré, Monseigneur Iehan de Guermillon, & plusieurs autres, iusques à soixante Lâces. Tâtoist qu'ils vindrent à Chaalons, ils se retrahirent au pont, que ceux de la ville deffendoyent contre les Nauarrois: qui mettoient grande entente de le conquerre. Là fit le Sire de Grancy déuelopper sa banniere:& approcha les Nauarrois de grande volonté. De la venue Monseigneur de Grancy furent ceux de Chaalons mout réiouis, à bon droit, car sans luy, & son confort, eussent ils eu fort temps. Quand messire Pierre d'Andellée & les siens veirent ces Bourguignons, ils se retrahirent bellement, par la voye qu'ils estoient venus. Si trouuerent sur la riuere de Marne leurs varlets: qui leur auoyent amenez leurs cheuaux. Si monterent sus:& rappasserent la riuere, sans nul empeschement:& retournerent arriere, à petit de conquest, vers Beaufort. De leur departement furent mout ioyeux ceux de Chaalons, si en louerent Dieu: & remercierent le Seigneur de Grancy, de la courtoisie qu'il leur auoit faite:& luy donnerent cinq cens francs, pour luy & pour ses gens:& prierent Monseigneur Iehâ Befars (qui là estoit & leur voisin) qu'il voulist demourer deuers eux, pour les conseiller & aider. Si le leur accorda, parmi bons gages qu'ils luy en deliurerent & entendit à refortifier la cité, là ou il conuenoit le plus.

Secours d'Odes de Grancy à ceux de Chaalons: dont fut repoussé Pierre d'Andellée.

Comment le Comte de Roussy fut prins la seconde fois.

CHAP. CXCVI.

EN ce temps aduint que ceux de la garnison de Velly, & ceux de la garnison de Roussy, se meirent ensemble:& vindrent prendre, par assaut, la ville de Sissonne: & en firent vne garnison de toutes manieres de gens: qui auoient vn Capitaine, appelé † Hannequin François, vn garson de Coulongne sur le Rin: qui estoit si cruel en ses cheuauchées, qu'il n'auoit pitié ne merci de ceux, dont il estoit au dessus. Si ardoit tout le pays: & occioit hommes, femmes, & enfans, qui ne se pouuoient rançonner à sa volonté. Or aduint que le Comte de Roussy (qui auoit encores le mal-talent en son cœur de sa ville, & de son chastel de Roussy, que ces pillars Nauarrois luy auoient tollu) fit faire vne priere de Cheualiers & Escuyers entour luy: & eut bien cent Lances, parmi quarante hommes à cheual, qu'il amena de la cité de Laon: & y estoit le Comte de Porcien, Monseigneur Robert de Canency, le Seigneur de Montegny en † Ostremant, & autres. Si cheuaucherent deuers Sissonne: & trouuerent les Nauarrois d'icelle garnison, qui ardoient vn village, si leur coururent sus baudement. Celuy Hannequin & les siens meirent tantost le pié à terre:& rangerent leurs Archers deuant eux. Là eut grande bataille & dure: mais ceux de Laon retournerent, à peu de fait, deuers leur cité:& les autres François demourerent, & se combattirent moult bien & longuement. Toutesfois la journée ne fut point pour eux. Là fut durement nauré le Comte de Roussy, & prins. Aussi furent prins prisonniers Monseigneur Girard de Canency, le Seigneur de Montegny, & autres Hommes-d'armes. Ainsi fut prins le Comte de Roussy, deux fois, en moins d'une année. Monseigneur Eustace d'Auberthicourt tenoit en ce temps, en Champagne, bien sept cens combattans. Si conquist tresgrand auoir, en rançons, & en vendages de villes & de chasteaux, & aussi en rachapt de pays & de maisons, & aussi de saufs conduits: & tenoit bien douze fortereffes. Il aima adonc par amours, & depuis espousa, Madame Ysabel de Iuilliers, fille iadis au Comte de Iuilliers. Ceste Dame auoit aussi en amours Monseigneur Eustace, pour les grandes appertises d'armes, qu'elle en oyoit recorder:& luy enuoya la dite Dame hacquenées, & coursiers, & lettres amoureuses, parquoy ledit messire Eustace en estoit plus hardi:& faisoit tant de Cheualeries & de beaux faits-d'armes, que chacun gaignoit avecques luy.

† C'est vn des trois, qu'il a nommé au chap. 188. Capitaines de la garnison de Maucou.

† Il nomme vn pays Ostremant, en laquelle ch. d'icy deuant: qui peut estre Ostrelād signifiant pays Oriental, en langage Allemand.

Amourettes d'Eustace d'Auberthicourt et d'Ysabel de Iuilliers, niece de la Roynne de Angleterre et, veufue du Comte de Kent, se lon Salu.

Des trois Roynes, & des Nauarrois, qui furent assiegez deuant Melun. CHAP. CXCVII.

Pres la rendue de Saint-Valery (si comme cy-dessus vous auez ouy recorder) le Duc de Normandie assébla bien trois mille Lâces:& se partit de Paris, & vint met-

*Les principaux
seigneurs, que
le Regēt enuoya
assiéger Melun.*

tre le siege deuant Melun, sur Seine, que les Nauarrois tenoyent: & y estoÿt trois Roy-
nes. L'une, la Royne Iehanne, tante du Roy de Nauarre, & femme iadis au Roy Charles
de France: l'autre la Royne Blâche, femme iadis au Roy Philippe de France, & sœur au
Roy de Nauarre: la tierce, la Royne de Nauarre, sœur au Duc de Normandie. Le Duc de
Normandie y enuoya par son mandement (car en personne il n'y vint pas) Monseigneur
Morel de Fiennes, Connestable de France, le Comte de Saint-Pol, Monseigneur
Arnoult d'Andreghen, Marechal de France, Monseigneur Arnoult de Coucy, l'Euef-
que de Troye, Monseigneur Broquart de Fenestragues, Pierre du Bar, & Philippe des Ar-
moyes, & autres, iusques au nombre de trois cens Lances: lesquels assiégerent Melun,
tout à l'environ: & y firent amener, de Paris, foison d'engins & espringalles: qui nuit &
iour gettoÿent en la forteresse, & y liuroÿent plusieurs assaux. Si se commencerent à
ébahir les Nauarrois qui dedans estoÿent, & plus encores ces Roynes: qui volontiers
eussent veu que ce siege se fust défait à quelque méchef. Mais les Capitaines (Monsei-
gneur Iehan Pippes, & Monseigneur Iehan Carbinaux) leur disoient, Dames, ne vous
ébahissez mie, car vn de ces iours sera leué le siege, car il le nous a esté signifié par Mon-
seigneur le Roy de Nauarre. Pour lors se tenoit il à Vernon: & messire Philippe de Na-
uarre faisoit leur amas à Mante, & à Meulenc, pour leuer le siege: & y venoyent les Gens-
d'armes de toutes les garnisons Nauarroises. D'autre part le Duc de Normandie (qui sa-
uoit que les Nauarrois vouloyent le siege leuer) retenoit soudoyers, par tout ou il les
pouuoit auoir. Si les enuoyoit deuant Melun: mais bonnes gens s'embesongnoÿent en-
tre le Duc & le Roy, car adonc estoÿent en France le Cardinal de Perigourd, & le Car-
dinal de Durget: lesquels firent tant, que iournée de paix fut assignée à Vernon: & là vin-
drent le Duc de Normandie, & ses Consuls: & d'autre part le Roy de Nauarre, & Mon-
seigneur Philippe son frere: & y fut la paix faite: & iura le Roy de Nauarre qu'il seroit
bon François: & mit en sa paix iusques à trois cens Cheualiers & Escuyers: ausquels le
Duc pardona son mal-talent. Si en excepta aucuns des autres: ausquels il ne voulut mie
pardonner leurs meffaits. A celle paix ne voulut oncques accorder Monseigneur Phi-
lippe de Nauarre: ains dit au Roy son frere, qu'il estoit tout enchanté, & qu'il se mépre-
noit vers le Roy d'Angleterre: à qui il s'estoit allié, & lequel Roy luy auoit tousiours tant
loyaument aidé. Si se partit Monseigneur Philippe, par mal-talent, de son frere, luy qua-
triesme tant seulement: & cheuaucha, le plustost qu'il peut, vers Saint-Sauueur le vi-
côte: qui estoit garnison Anglesche: & en estoit Capitaine, de par le Roy Anglois, Mon-
seigneur Thomas d'Agorne, Anglois: qui receut Monseigneur Philippe, & dit qu'il fac-
quittoit loyaument deuers le Roy d'Angleterre.

*Comment Monseigneur Broquart de Fenestragues & plusieurs François ordonnerent leurs
batailles, contre Monseigneur Eustace d'Auberthicourt & les Anglois, en Champagne.*

CHAPITRE.

CXCIII.

*Tréues faillies,
et renouelle-
ment de guerre
entre François
& Anglois.*

*† Sala dit Bro-
bras simple-
ment.*

Parmi l'ordonnance de celle paix demourerent au Roy Charles de Nauarre plu-
sieurs villes & chasteaux en Normandie: qui estoÿent deuant en debat: & par espe-
cial Mante & Meulenc. Et fut adonc la paix faite du ieune Comte de Harrecourt & du
Duc de Normandie: & y rendit grande peine Monseigneur Louis de Harrecourt: qui
estoit du Conseil du Duc, & de son hostel: & donna le Duc au Comte, en mariage, la fil-
le du Duc de Bourbon, sœur de la Duchesse de Normandie. Ainsi se desit le siege de de-
uant Melun sur Seine: & demoura la ville François. Mais, nonobstant celle paix, fut
aussi guerroyé le Royaume de France comme deuant: & estoÿent adoncques nouuel-
lement faillies les tréues entre le Royaume de France & le Royaume d'Angleterre:
si que ces Gens-d'armes (qui auoyent longuement fait guerre, pour le Roy de Nauar-
re, en France, en Bourgogne, en Normandie, en Picardie, en Champagne, en Brie, &
en Beauffe) la firent forte & villaine, au tiltre du Roy d'Angleterre: & ne se tourna onc-
ques forteresse, pour paix qui y fust: car les compaignons auoient apprins à piller & à
rançonner gens es pays, & à cheuaucher (tels deux mille en y auoit) à dix ou à douze
cheuaux: &, s'ils n'eussent plus guerroyé, par aduenture ils fussent allez à pié. Apres le de-
partement du siege de Melun, pria le Duc de Normandie Monseigneur † Broquart de
Fenestragues (qui estoit de la nation de Lorraine, & tenoit bien cinq cens compaignons
à ses gages) qu'il luy voulist aider à mettre hors de Châpaigne ces Anglois, qui tenoient
& guerroyoient le pays nuit & iour. Messire Broquart s'y accorda, parmi vne grand' som-
me de Florins, qu'il deuoit auoir pour luy & pour ses gens. Lors s'assemblerent Gens-
d'armes

d'armes de Champagne & de Bourgogne, l'Euesque de Troye, le Comte de Vaudemont, le Comte de Louy, Monseigneur Iehan de Chaalon, & Monseigneur Broquart de Fenestrages. Si furent bien deux cens Lances, & quinze cens Brigans: & vindrent deuant le fort chastel de Hans en Champagne: que les Anglois tenoient, & auoyent tenu bien an & demi. Si le prindrent au troisieme assaut: & y furent bien morts quatre vingts Anglois: ne nul ny fut prins à merci. Puis se retrahirent les François en la cité de Troye: & quand ils furent refreschis, si issirent, à douze cens † Lances & neuf cens Brigans: & cheminerent deuers Nogent sur Seine. Monseigneur Eustace d'Auberthicourt (qui sceut ceste cheuauchée) assembla des garnisons, qui à luy se tenoient) iusques à quatre cens Lances & deux cens Archers: avec lesquels il se partit de Pont-sur-Seine: & estoit armé de toutes armeures, excepté de son bacinet: & cheuauchoit sur vne hacquenée, qui luy auoit esté donnée: & luy menoit on vn courfier à dextre: & n'eut gueres cheuauché, quand il ouit nouuelles des François: & rapporterent les Coureurs, de l'une partie & de l'autre, qu'ils auoient veu leurs ennemis. Mais, si messire Eustace eust sceu que les François eussent esté si grand nombre, il eust prié Monseigneur Pierre d'Andellée, † & Albreth, qui tresbien l'eussent conforté de quatre cens combattans. Et adonc Monseigneur Eustace recueillit ses gens au dehors de Nogent: & se mit en vn tertre, au fort d'une vigne, ses Archers par-deuant luy. Quand les François furent venus, ils ordonnerent trois batailles: & gouuernoit la premiere l'Euesque de Troye, & Monseigneur Broquart: la deuxiesme, Monseigneur Iehan de Chaalon, & le Comte de Louy: la tierce, le Comte de Ianuille. Messire Eustace (qui estoit entre ses gens) dit, Seigneurs, combattés nous de bon courage, ceste iournée sera nostre: puis serons Seigneurs de toute Champagne: ou il y auoit iadis Comté. Encores pourroy-ie bien tant faire de seruice au Roy d'Angleterre (que ie tien pour Roy de France) qu'il me donneroit ceste Comté. Puis appella aucuns ieunes Escuyers, tels que le Seigneur Courageux de Manny son cousin, Iehan de Paris, Martin d'Espagne, & autres: qu'il fit Cheualiers: & mit toutes ses gens à pié: & fit retailler à vn chacun son glaue, au volume de cinq piés: & mit son pennon deuant luy: qui estoit d'hermines à deux hamedes de gueulles.

Cy parle de la bataille de Nogent sur Seine, entre messire Broquart de Fenestrages, de la nation de Lorraine, & les François, d'une part, & messire Eustace d'Auberthicourt, de la nation de Haynaut, avec les Anglois d'autre part.

CHAP.

CXCIX.

Quand messire Broquart de Fenestrages (qui estoit hardi & courageux Cheualier) veit que messire Eustace d'Auberthicourt & sa bataille ne descendoient point de leur tertre. si dit, Allons vers eux, il les nous faut combattre, à quelque méchef que ce soit. Et adonc s'aduança il, & sa bataille: & messire Eustace recueillit ceste premiere bataille: tellement qu'il la rompit, & fit branler: & en renuersa par terre plus de quarante, à celle premiere empreinte: & l'eust déconfite sans recouurer, quand la seconde bataille des François approcha: laquelle réueillit grandement la premiere, & la remeit ensemble, estant ià toute esparse. Adonc commencerent à traire ces Archers d'Angleterre: tellement que nul n'osoit entrer en leur traict. Adonc vint la tierce bataille des François, sur elle, reconfortant grandement le combat: qui fut aspre & dur: & furent les François trois cōtre vn. Messire Eustace d'Auberthicourt, d'un glaue qu'il tenoit, rua par terre iusques à quatre des plus vigoureux de ses ennemis. Quand messire Broquart veit sa prouesse, il lança son glaue par dessus tous les autres, qui estoient entre messire Eustace & luy: & assena ledit messire Eustace en la visiere du bacinet, & passa outre, & luy rōpit trois dents en la bouche: mais pour ce ne laissa il mie à combattre. Or auoient les Anglois l'aduantage d'une montaigne, & se tenoient si serrez, qu'on ne pouuoit entrer en eux. Si estoient les François à cheual, & les Anglois à pié, d'autre part vn petit plus en sus estoient leurs Archers qui faisoient leur bataille à part: & tiroient viuement aux François: & tournoyèrent les François autour des Anglois, pour eux rōpre & ouurer, & à la mesure que les François tournoyent, les Anglois firēt ainsi. Or vindrēt les Brigans François: qui n'auoient peu si tost venir que les Gés-d'armes, car ces Brigans (qui estoient bien neuf cens) estoient à pié: lesquels (tantost qu'ils furent venus) à lances & à pavois rōpirent les Archers, & les mirent en voye, car le trait ne pouuoit entrer en eux: tant estoient fort paueschez: & aussi les Archers estoient durement foulez, car ils festoient durement cōbattus. Et adoncques la seconde bataille des François, tous à cheual, courut apres ces

† l'eusse volentiers leu Vaudemont: mais il dit encores Vedumot au ch. suiuant. Les Exemp. de Ferrard et du Noir disent icy Vaudemont.

† La deduction suiuante me semble mōstrer que chacune Lance n'estoit qu'un homme, & at d'un costé que d'autre. † Je pense que c'est celui, qu'il a nommé Albreth au ch. 191. et qui vraiment se deuroit nōmer Albert, à mō aduis. Aduançages parol les d'Eustace d'Auberthicourt, partisan d'Angl. pour encourager ses gens contre les François de Broquart de Fenestrages.

Du coup de Broquart de Fenestrages à Eustace d'Auberthicourt.

*Anglois decon-
fists, et Eustace
d'Auberthi-
court prisonnier*

Archers: & les occirent tous. Puis vindrēt ceux de ceste seconde bataille sur les garçons qui gardoient les cheuaux des Anglois: & les occirent & prindrent; tant que petit s'en sauua. Endementiers se combattirent les deux autres batailles aux Anglois d'un costé, & les Brigans d'autre costé: & finalement rompirent les Anglois, tellemēt que oncques puis ne se peurent mie bonnement r'allier: & fut le pennon de messire Eustace (qui estoit estendart) conquis & deschiré. A celle empreinte, que les Anglois s'ouurirent, en y eut foison de ruez par terre: & en prindrent les François desquels qu'ils voulurent. Si écheut messire Eustace es mains d'un Cheualier de dessous le Comte de Vedumont: qui s'appelloit messire Henry Quenillart. Iceluy fiança messire Eustace: & iceluy Henry eut grande peine, pour luy sauuer, car la Communauté de Troye le vouloit tuer, pour les grans appertises d'armes, qu'il auoit faites au pays de Champagne. Là furent prins Mōseigneur Iehā de Paris, Monseigneur Martin d'Espaigne, & plusieurs autres Cheualiers, & Escuyers: & ceux, qui sauuer se peurent, se boutoyent au fort de Nogent, mais ce fut petit, car ils furent prins presque tous, ou morts: & fut laissē Monseigneur Courageux de Manny entre les occis, comme mort: & fut ainsi oublié, mais, apres celle déconfiture quand tous les François s'en furent partis, luy (qui estoit durement nauré, & comme de mi mort) leua vn petit le chef: si ne veit que gens morts, & à terre, autour de luy. A donc se leua, au mieux qu'il peut: & s'asit, si regarda qu'il n'estoit mie loing de la forteresse de Nogent: qui estoit Anglesche. Lors fit tant en vne heure, en luy trainant, & l'autre en luy appuyant, qu'il vint au pié de la grosse tour puis fit signe aux compaignons de leans, qu'il estoit des leurs. Adonc sauallerent de la tour, & le vindrent querir en la barriere: si l'emporterent, entre leurs bras, dedans la forteresse: & luy coufurent, banderent, & appareillerent ses playes, & le gouuernerēt si bien qu'il guarir. † Celle rencontre fut l'an mil trois cens cinquante neuf, la vigile de Saint Iehan Baptiste.

† Jour de la ba-
taille de No-
gent. 1359.

Comment les pillars, qui tenoient les forteresses en France, commencerent à decheoir par miracle.

CHAPITRE CC.

A Pres la déconfiture de Nogent sur Seine, dont ie vous ay parlé, & que le champ fut tout deliuré, s'en reuindrent les Barons & Gens-d'armes François à Troye: & y amenerent leur conquest & leur butin. Mais nul des prisonniers n'y amenerent: ainçois les firent tourner d'autre part es garnisons Françoises, car les Cōmunes de la cité les vouloient occire. Quand ceux, qui estoient demourez à Pont-sur-Seine, entendirent que Mōseigneur Eustace d'Auberthicourt, leur Capitaine, estoit prins, & tous les siēs morts ou prins, ils troussèrent tout ce qu'ils auoient, au plus tost qu'ils peurent: & s'en partirent, pource qu'ils n'estoiēt qu'un petit. Ainsi firent ceux de Torcy, d'Espouay, d'Ausy, de Mary, de Pleusy, & de tous les forts, qui au deuant auoiēt obey à messire Eustace: & les laissoient vagues, pour la doute de l'Euesque de Troye. & de messire Broquart de Fenestragues (qui estoient forts guerroyeurs) & se bouterēt en d'autres forts, en sus d'eux. Mais messire Pierre d'Andellée ne se partit point pource de Beaufort, ne Iehā de Segure de Nogēt, ny Albert de Gié-sur-Seine. En ce temps trépassa assez merueilleusemēt, au chastel de la Herielle, qu'il tenoit à trois lieuës d'Amiens, Monseigneur Iehan de Piquegny: & (si-comme on dit) il fut estrāglé de son Chābellan: & formēt ainsi mourut messire Luc de Bekusy: qui estoit de son Conseil. En ce tēps si cōme aucuns cōpaignons de la route messire Pierre d'Andellée cheuauchioient, vn iour ils entrerent en vn bon village, appelé Ranay, si le deroberēt. En ce point que le Curé du lieu chatoit la messe grāde, aduint qu'un Escuyer Anglois entra en l'Eglise, & print le calice sur l'autel: auquel le prestre deuoit consacrer le precieux corps de Iesuchrist. Si getta le vin en la voye: &, pourtant que le prestre en parla, il le ferit de son gād à trauerse main, si fort q̄ le sang en volla sur l'autel. Puis isirent ces pillars aux chāps: & portoit celuy Escuyer la platine & le corporal. Si commencerent à tournoyer son cheual & luy, sur les champs, diuersemēt: & à deme-
ner telle tempeste, que nul ne l'osoit approcher, & cheurēt luy & son cheual illec tout en vn mont: & estranglerent l'un l'autre, & se conuertirent en cendre & en poudre. Lors vouerent tous ses compaignons que iamais Eglise ne violeroient. En ce temps ceux de la garnison de Mauconseil n'auoient nulles pourueances, si la vendirēt à ceux de Noyō, & à ceux du pays d'enuiron, douze mille moutons: & s'en pouuoient partir à sauueté: ainsi qu'ils firent, à tout le leur: & se retrayoyent es autres forteresses de Cracl, de Clermōt de la Herielle, de Velly, de Pierrepont, de Rouffy, & de Sissonne: qui longuement festoiēt
tenues

*Estrange mort
de Iehan de Pi-
quegny.*

*Autre estrange
mort d'un Es-
cuyer, partisan
d'Angleterre.*

*Mauconseil ven-
du à ceux de
Noyon, et par
eux abbatu, et
rasé.*

tenus Nauarroises, & depuis la paix du Roy de Nauarre, se tenoyent Anglesches. Si tost que ceux de Noyon eurent Mauconseil, ils l'abbatirent, & raserent tout par terre. Aussi Iehan Segure vendit la garnison de Nogent-sur-Seine à l'Euesque de Troye: & la luy liura, pour vne quantité de Florins, qu'il en deuoit auoir, dont il en eut lettres seellées sous le seel de l'Euesque. Si entra en la cité, & descendit en l'hostel de l'Euesque, qui luy dit, Iehan, vous demourrez delez moy, deux ou trois iours: & entretant vo^o appareilleray vostre argent & paiement. Iehan (qui estoit venu sur assurance de l'Euesque) s'y accorda. Mais la Communauté commença à dire, Comment se truffe Monseigneur l'Euesque de nous? qui tient delez luy le plus fort pillart de France, & veut encores que nous luy donnons nostre argent. Puis s'emeurent tous d'une sorte, & enuoyerent grans gardes à leurs portes, afin qu'il ne peust échapper: & vindrent six mille hommes armez à leur usage, pour occire iceluy Iehan Segure, en la court de l'Euesque. Quand l'Euesque veit ce, il dit, Beaux amis, il est cy venu sur mō saufconduit: & si sauez les traitez, qui sont entre moy & luy, par vostre accord. Si seroit grāde deloyauté, si en ceste assurance on luy faisoit nul contraire. Mais (quoy que l'Euesque dit) ils entrèrent par force, en la salle, & puis en la chambre. Si quirent tant ledit Escuyer, qu'ils le trouuerent: si l'occirent & le detrencherent par pieces.

*Nogent rendu
aux François,
& Iehan Se-
gure occis.*

Comment les François refuserent l'accord, que le Roy Iehan fit en Angleterre.

CHAPITRE. CCI.

Je me suis longuement tenu à parler du Roy d'Angleterre: mais ie n'ay eu cause d'en parler iusques à cy, car, tant comme les tréues durerent entre luy & le Royaume de France, à son tiltre ses gens ne firent point de guerre: mais ces tréues estoient faillies le premier iour de May, l'an mil trois cens cinquante neuf, & auoyēt guerroyé toutes les forteresses Anglesches & Nauarroises, depuis ce iour, au nom de luy: & faisoient encor de iour en iour. Or aduint que tantost apres la paix faite du Duc de Normandie & du Roy de Nauarre (si comme cy-dessus auez ouy recorder) Monseigneur Arnoult d'Andregghen, Mareschal de France, retourna en Angleterre, car il n'estoit pas quitte de sa foy, de la prinse de Poitiers. En ce temps estoient venus, de Westmonstier en la cité de Londres, le Roy d'Angleterre & le Prince de Galles, son fils d'un lez, & le Roy de France & messire Jacques de Bourbon, d'autre: & là furent assemblez ces quatre, tant seulement, en conseil: & firent accord de paix, sans moyen, sur certains articles, qu'ils firent escrire en vne lettre, pour apporter en France au Duc de Normandie. Le Comte & messire Arnoult passerent la mer, & arriuerent à Boulongne: & exploiterent tant, qu'ils vindrent à Paris. Là trouuerent le Duc, & le Roy de Nauarre. Si leur monstrent lesdites lettres. Adonc le Duc de Normandie en demanda conseil au Roy de Nauarre: qui conseilla que les Prelats, les Nobles, & les Consuls des bonnes-villes fussent tous mandez: & ainsi fut fait. Si sembla au Roy de Nauarre, au Duc de Normandie, & à ses freres, & à tout le Conseil du Royaume, que cest accord estoit trop dur: & respondirent, tous à vne voix, aux deux Cheualiers & Seigneurs, qui la lettre auoient apportée, qu'ils auoient plus cher endurer encores le grand méchef ou ils estoient, que le Royaume de France fust ainsi amendri: & que le Roy Iehan demourast encore en Angleterre. Quand le Roy de France entendit qu'ils n'auoient riens exploité, il dit, Ha, ha, Charles, beau fils, vous vous conseillez au Roy de Nauarre: qui vous deçoit, & en deceuroit quarante tels que vous estes. Et, quand le Roy d'Angleterre sceut leur rapport, il dit, qu'ainçois que fust l'Yuer passé, il entreroit au Royaume de France si puissamment, qu'il y demoureroit tant, qu'il auroit fin de sa guerre, ou bonne paix, à son plaisir & à son honneur. Si fit le plus grād appareil qu'il eust onc fait commencer. En celle saison, & enuiron la My-Aoust, Monseigneur Iehan de Craon, Archeuesque de Reims, & ceux de ladite ville & du pays enuiron, parmi Cheualiers & Escuyers de la Côte de Rethel & de Laon, vindrent mettre le siege deuāt le chastel de Rouffy: & tant le cōtraingnirent, sur le terme de cinq semaines que ceux, qui dedans estoient, se rendirent, sauues leurs vies & leurs membres: & de ce eurent bones lettres, & qu'ils pourroient aller (quelque part qu'ils voudroient) à sauement sur le cōduit de l'Archeuesque, du Côte de Porcien, & du Comte de Braine: qui là estoient. Mais, quand ils s'en partirent, les Cōmunautéz, qui y estoient, leur vindrēt au deuāt: & en occirent la plus grande partie, maugré les Seigneurs: qui à grande peine sauuerent le Capitaine Hanequin François. Ainsi eut le Comte de Rouffy sa ville & son chastel.

*† Le iour & an
que les tréues
d'apres la prise
du Roy Iehan
faillirent entre
François et An-
glois: cōbie que
il die un peu
autrement au
chapitre 173.
† Je n'ay pas
memoire qu'il
ait dit cy deuāt
que ce Mares-
chal fust reue-
nu en France;
depuis sa prise.
Annot. 82.*

*Parolles du Roy
Iehan, entendant
le refus de son
accord.*

*† Tousiours.
1359.*

*Le chastel de
Rouffy redonné
François par
composition.*

Comment messire Eustace d'Auberthicourt fut deliuré de prison, par grande rançon.

CHAPITRE CCII.

A Pres la récouffe du chastel de Rouffy, mourut messire Pierre d'Andelée, de maladie, en son lit, dedans le chastel de Beaufort en Champagne, dequoy les compaignons, qui à luy se tenoient, furent moult dolens. Si regarderent ces Anglois & Alle-mans, qui d'une sorte faisoient la guerre pour le Roy d'Angleterre, qu'ils ne pouuoient auoir meilleur Capitaine, que messire Eustace d'Auberthicourt: qui estoit guari de ses playes. Lors enuoyerent † Faucon le Heraut en la Comté de Vedumont, parler audit Côte, & à M^{seigneur} Héry Quenillart, maistre à iceluy Eustace. Si fut ledit messire Eustace mis à finance: & paya vingts & deux mille francs de France, tous appareillez, car les cōpaignons des garnisons de Châpaigne & de Brie se taillerent volōtiers: & en paya volontiers chacū sa part. Ainsi fut deliuré: & eut sa hacquenée & son courfier: qu'il auoit perdus à la bataille de Nogent, & que Madame Ysabel de Iulliers, Comtesse de † Kent, qui l'aimoit, luy auoit enuoyez d'Angleterre. Et aussi là rendirent les Anglois le chastel de Conflans en Châpaigne, qu'ils tenoient. Quand ces cōpaignōs, qui venoiēt de guerroyer le Royaume de Frâce, eurent messire Eustace, ils en firent leur souuerain: & se r'al-lierent à luy toutes manieres de gens. Si entrèrent en la Côté de Rethel (ou ils n'auoient encore point esté) & emblerent la bonne ville d'Athen sur Esne: & y trouuerent plus de cēt pieces de vin. Si en firēt leur souueraine garnisō: & coururēt tout le pays autour de Reims: & pillerent Esparnoy, Dāmary, Touraine, & la bonne ville de Vertuz: ou les Anglois eurēt mout grād profit: & en firent vne garnison: qui couroit tout le pays d'enuirō, selon la riuier de Marne iusques à la Ferté-milon: & venoiēt ceux d'Athē courir, to^r les iours, iusq̄s à Mesieres-sur-Meuse, & iusques à Douchery, & iusques au Chefne poulleux.

Comment messire Broquart de Fenestragés se fit payer par force du Duc de Normandie, Regent de France.

CHAP. CCIII.

La ville de Bar sur Seine pillée par Broquart de Fenestragés.

EN celle mesme saison aduint que ce Cheualier messire Broquart de Fenestragés (qui auoit esté à l'aide du Duc de Normandie & des Frāçois, contre les Anglois & Nauarrois, & les auoit aidé à ruer ius & déconfire, & bouter dehors leurs forteresses de Châpaigne) auoit esté mauuaiselement payé de ses gages: & luy deuoit on bien, pour luy & ses gens, trente mille francs. Si enuoya certains hommes à Paris, deuers le Duc: qui ne respondit mie bien à leur plaifance, car ils retournerent sans riens faire. Et adonc messire Broquart enuoya défier le Duc, & tout le Royaume de Frâce: & entra en vne bonne ville & grosse (qu'on dit Bar-sur-Seine) où à ce iour il y auoit plus de neuf cens hostels. Si la roberent ses gens: mais ils ne peurent auoir le chastel: tant estoit fort, & bien gardé. Si chargerent leur pillage, & emmenerent plus de cinq cens prisonniers: & ardirent tellement la ville, qu'oncques n'y demoura estoc sur autre. Puis se retrahirent à Conflans (dont ils auoient fait leur garnison) & firent depuis au pays de Champagne plus de vilains faits, qu'oncques Anglois ne Nauarrois n'auoit fait. Quand messire Broquart & ses gens eurent ainsi couru & robé le pays, on s'accorda deuers eux: & eurent tout ce qu'ils demandoient, & plus assez. Si se retrahit Monseigneur Broquart en Lorraine, dont il estoit parti: & là il r'amena toutes ses gens: & laissa le Royaume de France & le pays de Champagne en paix, quand il eut fait des maux assez.

De la cheuauchée que messire Robert Canolle fit en Berry & en Auuergne: & des Seigneurs & Gentils-hommes du pays, qui le poursuuoient.

CHAP. CCIIII.

† Tout ce lieu estoit corrompu par trāspōsitiō de lignes & de mots. Mais la substance des

EN ceste mesme saison, l'an mil cccc lxx. meit sus Robert Canolle vne cheuauchée de trois mille combattans, qu'vns qu'autres. Si se partit luy & ses routes des marches de Bretagne: & s'en vindrent cheuauchant tout contremont Loire: & entrèrent en Berry: & cheuaucherent tout parmy, ardent & exilant le pays: & disoit on qu'ils auoyent empris à passer parmi Auuergne, & venir veoir le Pape & les Cardinaux en Auignon, & auoir de leurs Florins, aussi bien que l'Arche prestre en auoit eu. † Pour resister à l'encōtre de luy s'estoiēt assemblez qui mieux mieux, les Gentils-hōmes d'Auuergne, & de Limosin, & le Côte de Forests (lequel auoit mis sus bien quatre cens Lances, & quād tous furent assemblez, ils furent grād nōbre. Si cheminerēt deuers ledit messire Robert Canolle & ses gēs: qu'il auoit amenez des marches de Bretagne, iusq̄s à l'êtree d'Auuergne:

gne:& se nommoient Anglois. Et tant cheuaucherent ces Seigneurs d'Auuergne, avec leurs routes & leur arroy, qu'ils vindrēt à vne petite iournée pres de messire Robert Canolle & de ses Anglois:& veirent d'une mōtaine, ou tout leur ost estoit assemblé & arresté, ce que les Anglois faisoient. Au lendemain s'adresserent celle part. Si vindrent ce iour, à deux petites lieuës du pays, pres d'eux. Lors prindrent terre, & logerent sur vne montaigne:& les Anglois estoient sur vne autre montaigne:& veoient chacun des deux osts les feux, qu'ils faisoient de l'un ost en l'autre. Le lendemain se délogerent les François, & se tirerent plus-auant, tout à l'encontre (car ils cognoissoient le pays) & s'en vindrent, à heure de nonne, loger sur vne montaigne, droit deuant les Anglois, & n'auoient entre eux qu'une prairie, du large de douze arpens de terre. Tantost les Anglois s'ordonnerent pour combattre:& meirent leurs Archers au pendant de la montaigne, deuant eux. Et adonc les Seigneurs de Frâce ordonnerent deux batailles:& auoit en chacune bien cinq mille hommes. Si auoit la premiere bataille le Dauphin d'Auuergne, Comte de Cleremont:& l'appelloit on Beraut:& deuint illecques Cheualier:& leua banniere, écartelée d'Auuergne & de † Merquel. Si estoit delez luy Mōseigneur Robert Dauphin, son oncle, le Sire de Montagu, le Sire de Talencon, le Sire de Rochefort, le Sire de Serignac, Monseigneur Godeffroy de Boulongne, & plusieurs ieunes Escuyers de Limosin, de Quercy, d'Auuergne, & de Rouergue. En la seconde bataille estoient le Comte de Forests, Monseigneur Iehan de Boulongne, Comte d'Auuergne, le Sire d'Archer & ses fils, le Sire d'Achon, le Sire d'Vzes, Monseigneur Regnaut de Forests, frere dudit Comte de Forests, & grande foison de Cheualiers & Escuyers, en grande volōté de combattre: si comme ils monstroyent. D'autre part messire Robert Canolle & ses routes par semblant monstroient qu'ils en auoyent grande volōté aussi. Ainsi se tindrēt iusques au soir, l'un deuant l'autre, chacun en son fort, sans luy mouuoir: fors qu'il y eut aucuns ieunes Cheualiers & Escuyers, qui, pour acquerre pris d'armes, descendirēt par le congé de leurs Mareschaux, & vindrent dedans le pré, pour iouster l'un contre l'autre:& qui pouuoit conquerre son compaignon, il l'amenoit. Au soir chacun se retrahit en son logis:& firent bon guet & grand. Si se titerent à conseil les Seigneurs de France:& ordonnerent qu'à l'heure de minuit ils descendroyent de leur mōtaine, au lez qu'ils estoient montez, & non mie au lez de leurs ennemis:& pour seulesmet tournoyer deux lieuës, ils viendroyent à l'autre costé de la montaigne des Anglois: duquel costé ladite montaigne n'estoit point haute, ne roide à monter:& encores y viendroyent (espoir) si matin, qu'encores ne seroyent mie les Anglois tous armez:& ainsi le deuoit chacun des Seigneurs dire à ses gens. Mais oncques si secrettement ne sceurent se demener, que les Anglois ne le sceussent tantost par vn Anglois, qui estoit prisonnier en l'ost des François. Lequel sembla, & vint en l'ost Mōseigneur Robert se tira à conseil avecques aucuns de son ost, où il auoit le plus de fiance. Si que, considerée la puissance des François, il n'estoit mie bon d'eux attendre. Lors trousserent tout, & partirent:& furent conduits par gens du pays: qu'ils tenoyent pour prisonniers. A l'heure de minuit les François se meirent en arroy de bataille:& cheminerent ainsi qu'ordonné estoit:& vindrent à l'adiourneement sur la montaigne, où ils euidèrent trouuer les Anglois. Et, quand ils congurēt qu'ils estoient partis, ils firent cheuaucher aucuns des leur, des plus apperts, par les montaignes, pour sauoir s'ils en orroyent nulles nouuelles. Ceux r'apporterent en leur ost, à heure de tierce, qu'on les auoit veus passer:& nommerent le chemin ou, & qu'ils s'en alloient deuers Limoges en Limosin. Quand ces Seigneurs d'Auuergne l'entendirent ils, rompirent leur cheuauchee:& r'allā chacun en sa maison. Affez tost apres fut traité & fait le mariage de ce gentil Cheualier Monseigneur Beraut, Dauphin d'Auuergne, à la fille du gentil Côte de Forests: qu'il auoit de la sœur Monseigneur Iaques de Bourbon.

Des Allemans: qui attendirent le Roy d'Angleterre à Calais, pour cheuaucher avecques luy au Royaume de France, au temps que le Roy Iehan estoit en Angleterre.

C H A P I T R E

CCV.

LE Roy d'Angleterre toute celle saison faisoit vn si grand appareil pour venir en Frâce, que deuāt on n'auoit point veu le semblable. Dequoy plusieurs Barōs & Cheualiers de l'Empire d'Allemagne (qui autres fois l'auoiēt serui) s'aduancerent grādement en celle annee:& se pourueurent bien étoffement de cheuaux & de harnois, au mieux qu'ils peurent, selon leur estat: & vindrent au plus tost qu'ils peurent, par les costieres

f iij

*Abr. assuré
nostre correctio.*

Les Gentilshommes d'Auuergne, et des pays voisins, logez pres de Robert Canolle.

† Je pense qu'il faut un autre mot: mais ie ne puis deuiner quel si ce n'est Clermōt. Toutesfois la Chaux met morqueil.

Deliberation des Auvergnas pour aller surprendre Robert Canolle de nuit.

L'entreprinse des Auvergnas decouuerte à Robert Canolle, et luy sauuee par la fuite.

Retraite des Auvergnats, chacun chez soy apres la fuite de Robert Canolle.

*Calais plein de
étrangers venus
pour guerroyer
sous le Roy
d'Angleterre.*

*† Toujours.
1359.*

*Le Duc de Len-
clastre enuoyé à
Calais par le
Roy d'Angl.
pour en faire
subtilement de
loger les estran-
gers.*

*Le Duc de Len-
clastre en Ar-
tois, avec ses
Anglois & es-
trangers.*

*Le Roy d'Ang.
à Calais : là ou
le Duc de Len-
clastre luy re-
meine ses estran-
gers, à son man-
dement.*

de Flandres, deuers Calais : & là se tindrent en attendant le Roy d'Angleterre. Or aduint que le Roy d'Angleterre & ses gens ne vindrent mie si tost à Calais, qu'on disoit. Dont tant de manieres de gens vindrent à Calais, qu'on ne se sauoit ou heberger, ne cheuaux establer : & avecques ce, pain, vin, foin, auoine, & toutes autres pourueances, y estoient moult cheres : tant qu'on n'en pouuoit point recouurer, ne pour or, ne pour argent. Et tousiours leur disoit on, Le Roy viendra en l'autre semaine. Ainsi attendoient tous ces Seigneurs Allemas mercenaires, Behaignons, Brabâcons, Flamens, Hainuyers, pources & riches, des l'entrée d'Aoust, iusques à la Saint † Luc : & conuient à plusieurs vendre la plus grande partie de leurs ioyaux : & se le Roy fust adonc venu, il n'eust sceu ou se heberger, ne ses gens : fors au chastel, car le corps de la ville estoit prins. Et si estoit doute que ces Seigneurs (qui auoyent tout despens) ne se voufissent point partir de Calais, pour Roy ne pour autre : si on ne leur eust tous rendus leurs despens. Le Roy n'en auoit mie mandé la quarte partie : ains estoient les aucuns venus de leur volonté, pour auoir sa grace & biens-faits, & les autres pour gagner & piller sur le Royaume de France. Lors enuoya le Roy d'Angleterre le Duc de Lenclastre à Calais, à quatre cens armeures de fer, & deux mille Archers & Gallois. Lequel Duc, venu à Calais, fut moult coniouy de ces Seigneurs estrangers : qui luy demanderent nouuelles du Roy : & il excusa qu'il ne pouuoit mie auoir si tost ses pourueances appareillées. Puis dit à ses Seigneurs, que le sejourner ne leur valoit riens : mais vouloit cheuaucher en France, pour veoir qu'il y trouueroit. Si leur pria qu'ils voufissent cheuaucher avec luy : & il presteroit à chacun vne somme d'argêt, pour payer leurs hostes, & leurs menus frais : & leur liureroit pourueances, si auant qu'ils voudroyent charger sur leur sommiers. Il sembla à ces Seigneurs que ce seroit honte de sejourner, & de refuser la requeste du Duc : si luy ottroyerent. Si fit chacun referrer ses cheuaux, & puis trouffer : & se partirent de Calais à grande noblesse, avec le Duc : & s'en allerent deuers Saint-Omer. Et pouuoient bien estre enuiron deux mille armeures de fer, sans les Archers & les Gens-de-pié. Si passerēt au dehors de Saint Omer : mais point n'y assaillirent : ains cheuaucherent deuers Bethune, & passerent outre : & vindrent au Mont-Saint-Eloy, vne bonne Abbaye & riche, seant à deux petites lieuës d'Arras : & là sejournerēt par l'espace de quatre iours, pour eux rafreschir, & leurs cheuaux, car ils trouuerent en l'Abbaye tresbien dequoy. Quand ils eurent robé & gasté tout le pays d'enuiron, ils cheuaucherent tant, qu'ils vindrent en la ville de Bray-la-quelte ils assaillirent toute la journée : & y mourut vn Banneret d'Angleterre, & autres. Car ceux de la ville se deffendirent vaillamment, parmi le recōfort du Comte de Saint Pol, & du Seigneur de Lameual, & d'autres, iusques à deux cens Lances : lesquels se vindrent bouter par derriere en la ville. Et, quand les Anglois veirent qu'ils n'y pourroient riens conquerir, ils s'en partirent : & suyrirent la riuere de Sōme, à grande defaute de pain & de vin : & vindrent à vne ville, appelée Cheresi : là ou ils trouuerent suffisammēt pain & vin. Si passerent là endroit la riuere, au pont (qui n'estoit mie défait) & sejournerent illecques la nuit & le iour de la feste de Toussaints. En ce iour vindrent nouuelles au Duc, que le Roy, son Seigneur, estoit arriué à Calais : & luy manda que tantost il se retirast deuers luy, & toute sa compaignie. Lors retournerent deuers Calais : En ceste cheuauchée estoit messire Henry de Flandres, à tout deux cens armeures de fer : & de Brabant y estoit messire Henry de Bautresen, Seigneur de Bergues, Monseigneur Girard de la Harde, Monseigneur Franque de Halle : & de Haynaut Monseigneur Gautier de Manny, & Monseigneur Iehan de Gommequines : & de Béhaignons messire Gautier de la Haute-pōme, messire Regnaud de Boullât, Mōseigneur Godeffroy de Harduemont, & Monseigneur Iehan son fils, Monseigneur de Duras, Thierry de Ferram, Monseigneur Ruffe de Iumeppe, Monseigneur Gille Sorles, Monseigneur Iehan de Bermont, Monseigneur Regnaud de Bergehes, & plusieurs autres Seigneurs. Les Allemans, & mercenaires d'estrange pays, ne sauroye nommer, si m'en tairay à tant, pour le present.

Du grand appareil, que le Roy d'Angleterre amena en France, pour guerroyer au temps que le Roy de France estoit prisonnier en Angleterre : & de l'ordonnance de l'ost des Anglois.

CHAPITRE

CCVI.

Ainsi que le Duc de Lenclastre & ses Barons & Cheualiers s'en retournoyent deuers Calais, pour trouuer le Roy d'Angleterre, que tant auoyent desiré, ils rencontrèrent en leur chemin, à quatre lieuës pres de Calais, si grande multitude de gens que tout

tout le pays en estoit couuert: & si richement armez & parez, que c'estoit grand deduit à regarder les armes luisans, bannieres ventillās, & leur conrois par ordōnance le petit pas cheuauchans. n'on n'y peut oncques riē amēder. Quand le Duc & ces Seigneurs dessus-dits furent venus iusqu'au Roy, il les festoya & regracia de leur seruice. Tantost apres ces *Remonstrances des estrangers susdits, pour estre recompensez de la despense qu'ils auoient faicte en attendant le Roy d'Anglet. & la response d'iceluy seul, attendant celle de son conseil.*
 Allemans mercenaires, Brabācons, & Béhaignons tous assemblez, remōstrerent au Roy comment ils auoient leur auoir despēdu, & cheuaux & harnois vendus: si que peu ou neant leur estoit demouré, pour luy seruir: auquel ils estoient là venus: & n'auoient de quoy pour r'aller en leur pays, se besoing estoit. Si luy prierent que par sa noblesse il y voulsist entendre. Le Roy dit, Je ne suis mie biē pourueu d'icy endroit respondre pleinement: & vous estes fort trauaillez, si-comme ie pense. Si vous allez refreschir, deux ou trois iours, dedans Calais: & ie me conseilleray encores ennuit, & demain vous enuoye-
 ray telle response qu'il vous deura suffire par raison, & selon mon pouuoir. Lors se partirent ces Seigneurs estrāgers de la route du Roy & du Duc, & s'en allerēt deuers Calais. Quand ils eurēt cheuauché enuiron demie lieuē, ils rencōtrerent moult beau charroy & grand. Apres rencōtrerent le Prince de Galles, noblement & richement paré d'armes, & toutes ses gens: dont il auoit si grand' foison, que tout le pais en estoit couuert: & cheuauchoit tout le commun pas, regez & ferrez ainsi comme pour tantost combattre, tousiours vne lieuē, ou deux, en sus de l'ost du Roy son pere: si que leurs charrois, & leurs pourueances, charroyoiet entre les deux osts. Laquelle ordōnance ces Seigneurs estrangers veirent volontiers. Apres que ces Seigneurs estrangers eurent tout ce diligēment regardé & considéré, & ils eurent reueremment salué le Prince, & les Seigneurs & Barons qui estoient avecques luy, & le Prince aussi les eut bellement & moult courtoisement receus, ainsi que celuy, qui bien le sauoit faire, ils prindrent congé de luy, & luy remonstrerent leur besongne & leur poureté, en luy priant moult humblement, qu'il voulsist entendre à leur necessité. Le Prince leur accorda liement & volontiers. Si passerent plus outre: & cheuaucherent tant qu'ils vindrent à Calais: & là logerent. Le second iour, apres ce qu'ils furent venus à Calais, le Roy d'Angleterre leur enuoya *Response du Roy d'Angl. & de son Conseil, sur les remonstrances susdites.*
 sa respōse, par trois suffisans Cheualiers: qui leur dirent pleinement, qu'il n'auoit mie apporté si grand tresor, que pour eux payer tous leurs frais, & tout ce qu'ils voudroient demander: & luy faisoit bien besoing ce qu'il auoit faict venir, pour parfourrir ce qu'il auoit emprins. Mais, s'ils estoient si conseillez, qu'ils voulsissent venir avecques luy, & prendre la fortune & l'aduenture de bien & de mal, se bonne aduenture ou gaing luy échecioit, il vouloit qu'ils y partissent bien & largement: sauf tant qu'ils ne luy peussent rien demander pour leurs gages, ne pour cheuaux perdus, ne pour despens ne domages, qu'ils peussent faire, n'auoir: car il auoit assez amené gēs de son pays, pour acheuer la besongne. Ces responces ne pleurent mie bien à ces Seigneurs estrāgers, n'à leurs compaignons: qui auoient durement trauaillez, & despēdu le leur, & en gage mis leurs cheuaux, & leurs harnois, & le plus vendu par necessité. Toutesfois ils ne peurent autre chose auoir: fors qu'on presta à chacun aucune chose, par grâce, pour s'en retourner en son pays. Si en y eut aucuns des Seigneurs, qui vindrent deuers le Roy, tous pour eux aduēturer: car blasme leur eust esté de retourner, sans autre chose faire. Or vous deuise-
 ray la maniere & l'ordonnance du grand appareil, que le Roy d'Angleterre fit faire ainçois qu'il partist de son pais, & qu'il eut en son voyage, dont ie vous parle. Si ne s'en doit on mie briēuement passer: car oncques si grand, ne si bien ordonné, ne partir hors d'Angleterre. Vn petit deuant que le Roy d'Angleterre se partit de son pays, il fit tous les Comtes & les Barons de France, qu'il tenoit prisonniers, departir, & mettre en plusieurs lieux, & en forts chasteaux parmi son Royaume, pour estre mieux au dessus d'eux: & fit *Comment le Roy d'Angl. fit retenir les prisonniers de la bataille de poitiers, auant que partir de son pays.*
 mettre le Roy de France au chastel de Londres (qui estoit moult grand & fort, seant sur la riuere de la Tamise) & son ieune fils, messire Philippe, avecques luy: & les retraingnit, & leur tollit moult de leurs deuis: & les fit garder plus estroitement que deuant. Apres, quād'il fut appareillé, fit assauoir par tout, que tous ceux, qui estoiet appareillez & pourueus pour venir en France, se tirassent deuers la cité de Doures: car il leur liureroit nefes & vaisseaux, pour passer la mer. Chacun s'appareilla, au mieux qu'il peut: & ne demoura nul Cheualier, n'Escuyer, n'hōme d'hōneur (qui fust de l'aage d'entre vingt ans & soixāte (que tous ceux n'y allassent: si que presque tous les Cōtes, les Barōs, les Cheualiers, & les Escuyers du Royaume d'Angleterre, vindrent à Doures: exceptez ceux, que le Roy & son Conseil auoient establis & ordonnez pour garder ses chasteaux, ses Bailliages, ses
Le grand appareil d'Anglet. contre France.

Protestatio du Roy d'Angle. à ses gens, auant que partir de Douures, pour venir en France.

Mairies, les ports sur mer, les haures, & les passages. Quand tous furent assemblez à Douures, & ces nefes appareillées, le Roy fit toutes les gens, grans & petis assembler en vne place, au dehors de Douures. Si leur dit pleinement que son intention estoit telle, qu'il vouloit passer outre au Royaume de Frâce, sans iamais rappasser, iusques à tant qu'il auroit fin de guerre, ou paix à sa suffisance, ou à son grand honneur: ou il mourroit en la peine: & s'il y auoit aucuns entre eux, qui à ce ne voussissent entendre, il leur prioit qu'ils s'en voussissent retourner. Si entrerent tous en nefes & en vaisseaux, qu'ils trouuerent, au nom de Dieu & de Saint-George: & arriuerent à Calais, deux iours deuant la feste de Toussaincts, mil trois cens cinquante-neuf.

Comment le Roy d'Angleterre se partit de Calais: & l'ordonnance qui estoit en son ost, en cheuauchant par le Pays de Picardie, pour aller deuant la cité de Reims, estant en grand nombre.

CHAP. CCVII.

† Je pense que ce mot soit corrompu: mais ie ne trouue par qui l'amender: d'autant que P. Verg. ne le fait du Duc de Clarence, iusques en l'an 1361. Sala dit Comte de Dulneestre, come aussi fait la Chaux.

Quand le Roy d'Angleterre fut à Calais arriué, & le Prince son aîné fils, & encores trois de ses enfans (messire Lyonnet, Comte † d'Vluestre, messire Iehan, Comte de Richemont, & messire Aimon, le plus ieune des quatre) & tous les Seigneurs enfuyans & tous leurs gens, ils firent décharger leurs cheuaux, & leurs harnois, & toutes les pourueances: & seiournerent à Calais par quatre iours: & puis fit le Roy commander que chacun fust appareillé de mouuoir: car il vouloit cheuaucher apres son cher cousin, le Duc de Lenclastre. Si se partit ledit Roy, le lendemain au matin de la ville de Calais, à tout son grand arroy: & se meit sur les champs, à tout le plus grand charroy, & le mieux attelé, que nul veist oncques issir d'Angleterre. On disoit qu'il auoit plus de six mille chars attelés: qui tous estoient venus d'Angleterre. Puis ordonna toutes ses batailles, si bien & si richement parées, vnes & autres, que c'estoit soulas & deduit à regarder: & fit son Connestable (que moult aimoit) Monseigneur de la Marche.

Premierement auoit cinq cens Cheualiers, tous armez de fer, & mille Archers, au deuant de sa bataille. Apres cheuauchoit sa bataille: ou il y auoit trois mille hommes tous armez, & cinq mille Archers: & cheuauchoit luy & ses gens, tousiours regez & ferrez, apres le Connestable. En enfuyant la bataille du Roy, venoit le grand charroy: qui cōprenoit bien enuiron deux lieues de long: & y auoit plus de cinq mille chars, tous attelés: qui menoient toutes les pourueances pour l'ost, & outils, dont on n'auoit point vſé au deuant de mener avecques Gens d'armes: si comme de moulins à la main, fours pour cuire, & toutes autres choses necessaires. Et apres cheuauchoit la forte bataille du Prince de Galles, & de ses freres: ou il y auoit bien deux mille armeures de fer, noblement montez, & richement parez, & tous Gens d'armes & Archers regez & ferrez, ainsi que pour tantost combattre, se mestier en eust esté. En cheuauchant, ils ne laissassent mie vn garçon derriere eux, qu'ils ne l'attendissent: & ne pouuoient aller bonnement plus de quatre lieues le iour. Et en celuy estat furent rencontrez du Duc de Lenclastre, & des Seigneurs estrangers (si comme cy-dessus est dit) entre Calais & l'Abbaye de Lokes, sur vn beau plain: & encores y auoit en celuy ost du Roy d'Angleterre iusques à cinq cens varlets, avecques pelles & coignées: qui alloient deuant le charroy, & vnoient le chemin & les bois, & couppoient les hayes, buissons, & espines, pour charroyer plus aise. Or vous vueil nommer les grans seigneurs du Royaume d'Angleterre, qui passoient adonc la mer avecques le Roy d'Angleterre, & en la compagnie du duc de Lenclastre, son cousin germain: & premierement ses quatre fils (messire Edouard, messire Lyonnet, messire Iehan, & messire Aimon) &, puis apres, messire Henry, Duc de Lenclastre, messire Iehan, Comte de la Marche, Cōnestable d'Angleterre, le Comte de Waruich, le Comte de Suffort, Mareschaux d'Angleterre, le Comte de Herfors & de Norhantonne, le Comte de Sallebery, le Comte d'Estanfort, le Comte † d'Aquessifort, l'Euesque de Lincole, l'Euesque de Durem, le Sire de Percy, le Sire de Neufuille, le Seigneur d'Espensier, le Sire de Roos, le Sire de Manny, messire Regnaud de Gobeghen, le Seigneur de Mōtbray, le Sire de Warre, messire Iehan Chandos, messire Richard de Pennebruge, le Sire de Manne, le Sire de Villeby, le Seigneur de Solenton, le Seigneur de Basset, le Seigneur de Corbanton, le Seigneur de Siluancier: messire Iames d'Andelée, messire Barthelemy de Frunes, le Seigneur de Salich, messire Estienne de Gousanton, messire Hugues de † Hasiongues, messire Iehan de l'Iste, messire Noel Loruich, & grād' foison d'autres: que ie ne puis tous nommer. Si cheuaucherent tous ces Seigneurs ordonné

Les noms des seigneurs qui passerēt la mer avec le Roy d'Angleterre. † Au ch. 121. il y a un d'Agnessefort: que ie pēse estre un mesme nō, corrompu en tous les deux lieux. Verard dit, d'Aquessifort, comme fait aussi la Chaux. † Je pense qu'il

donnément (ainsi que dessus est dit) des ce qu'ils partirent de Calais: & passèrent parmi y faut Hastin
Artois, tous au dehors la cité d'Arras: & venoient le chemin, que le Duc de Lenclastre gues. Iesexep.
auoit tenu. Si ne trouuerent les gens que viure sur le plain pays: car tout s'estoit bouté de Verard &
dedans les forteresses: & si estoit le pays de grand temps appoury, & si exilé, & mesme du Noir disent
ment il estoit si cher temps au Royaume de France, & si grand' famine y couroit, pour de Haston-
cause de ce qu'on n'auoit de trois ans deuant riens labouré sur le plain pays, que, si bleds gues, & la
ou auoines ne leur fussent venus de Haynaut & de Cambresis, les gens fussent morts de Chaux Hastin
faim en Artois & en Vermandois, & en l'Euesché de Laon & de Reims: &, pource que gues comme
le Roy d'Angleterre (ainçois qu'il partist de son pays) auoit ouy parler de la famine & moy.
de la pauvreté du pays de France, estoit-il si bien pourueu & chacun Seigneur aussi se-
lon son estat (excepté de feurres & d'auoines) & de ce repaïssoient ils leurs cheuaux, au
mieux qu'ils pouuoient. Auecques ce le temps estoit moult plouuieux: qui leur faisoit
moult de méchef, & à leurs cheuaux: car presque tous les iours & toutes les nuits plou-
uoit il à randon, sans cesser, tant que le vin de celle année ne valut riens. Tant cheuaucha
le Roy d'Angleterre à petites iournées, & tous ses osts, qu'il arriua à Bapaumes.

Si vous diray d'une aduventure, qui sur le chemin aduint à messire Galhaut de Ribem-
mont, vn treshardi & appert Cheualier de Picardie. Vous deuez sauoir que toutes les
villes, les citez, & les chasteaux, sur le passage du Roy d'Angleterre: estoient tresbien
gardez: car chacune ville de Picardie prenoit & receuoit Cheualiers & Escuyers à ses
frais. Le Comte de Saint-Pol se tenoit à deux cens Lances, dedans la cité d'Arras: le
Conestable de Frâce à Amiens: le Sire de Monsaut à Corbie: messire Odoart de Ran-
cy & messire Enguerrant de Hedin à Bapaumes: messire Baudouin † Dannekins, Maistre
des Arbalestiers à Saint-Quentin: & ainsi de ville en ville, & de cité en cité: car ils sa-
uoient tous notoirement, que le Roy d'Angleterre venoit assieger la bonne ville de
Reims. Or aduint que ceux de Peronne en Vermandois (qui estoient sur le passage du
Roy d'Angleterre) n'auoient point de Capitaine, ne de gardien: & si les approchoient
fort les Anglois dont ils n'estoient pas bien aises. Si feoit celle ville sur la riuere de Som-
me: & les Anglois pourfuyuoient fort les riuieres. Si s'aduiferent ceux de Peronne de
messire Galhaut de Ribemont: qui n'estoit encores nulle part receu: ains se tenoit (cō-
me ils furent informez) à Tournay. Si enuoyerent lettres, deuers luy moult courtoises,
en luy priant qu'il voulist aider à garder la bonne-ville de Peronne, à tout ce qu'il pour-
roit auoir de compaignons: & on luy payeroit tous les iours, pour sa personne, vingt
francs: &, pour chacun Cheualier de dessous luy, dix: & chacune Lance pour trois che-
uaux † vij. francs le iour. Messire Galhaut (qui desiroit & demandoit les armes par tout,
& qui se veit prié moult courtoisement de ceux de Peronne, ses voisins) à leur dit s'ac-
corda moult légèrement: & respondit, & leur manda qu'il iroit, & qu'il feroit là du iour
au lendemain. Si se pourueut, au plustost qu'il peut: & pria & concueillit de bons com-
paignons: & puis se partit de Tournay, enuiron luy trentiesme, & tousiours luy croi-
soient gens: & manda à messire Roger de Coulongne, qu'il fust à l'encontre de luy, sur
vn certain lieu, qu'il luy assigna. Messire Roger y vint luy vingtiesme de bons compai-
gnons. Tant fit ledit messire Galhaut, qu'il eut bien cinquante Lances de bons compai-
gnons: & s'en vint loger vn soir, en approchant Peronne, à deux petites lieues pres de
leurs ennemis, & en vn village sur les champs, ou ils ne trouuerent nulluy: car toutes les
gens du plat-pays s'estoient boutez dedans les forteresses. Lendemain au matin ils s'en
deuoient venir à Peronne: car ils n'en estoient mie loing. Quand ce vint apres soupper,
à heure de minuit, & qu'on eut ordonné leur guet, ainsi qu'on bourdoit & iangloit des
armes, & ils auoient entre eux assez matiere d'en parler, messire Galhaut dit, Nous se-
rons demain moult matin à Peronne: mais, ainçois que nous y entraissions, ie conseille-
roye que nous cheuauchissions sur les frontieres de noz ennemis: car ie croy assez qu'il
en y a aucuns qui pour eux aduancer, ou pour la conuoitise de trouuer aucune chose à
fourrager sur le pays, se déroutent, & prennent l'aduantage de cheuaucher matin: si
pourrions tel trouuer d'auenture, qui payeroit nostre escot. A ces parolles s'accorderēt
tous ces compaignons: & le tindrent entre eux secret: & furent au poinct du iour tous
prests, & leurs cheuaux seellez: & puis se meirent aux champs, assez ordonnément: & is-
furent hors des chemins, qui tiroient pour aller à Peronne: & commencerent à costoyer
les bois, pour sauoir s'ils trouueroient nulluy: & vindrent en vn village, ou les gens a-
uoient fortifié le monstier. Là descendit messire Galhaut: car dedans le fort auoit pain

De ce qui ad-
uint à Galhaut
de Ribemont
Picard François
cherchant ad-
uventure sur les
gens du Roy
d'Angleterre.
† s'il prenoit
ce surnom de
quelque place
l'escrivoye
d'Annekins,
si nō, Danne-
kins ou Dan-
nequin, cōme
il semble vou-
loir en ce mes-
me chap. cy a-
pres. La Chaux
met icy bau-
duin Dane-
kin.
† N'estans tel
les particulari-
tez, escrites
par autres, que
par nostre Au-
teur, tous mes
Exemp. escri-
uans vng, me
faisoient bien
suspçonner de
sept: mais la
Chaux m'en a
bien asseuré,
l'escrivant ain-
si bien marqué
vij. francs.

& vin, & chairs assez: & ceux, qui dedans estoient leur offrirent à en prendre à leur volonté. Endementiers qu'ils estoient là en la place, deuant le fort, messire Galhaut appella deux de ses Escuyers (desquels Bridoul de Tallonne estoit l'un) & leur dit, Cheuauchez en-auant sur les châps, & decouurez le pays deuant & derriere, à sauoir si vous trouuez nulluy: & puis reuenez cy à nous: & nous vous attendrons cy. Les deux Escuyers se partirent, montez sur moult bons courriers: & puis prindrēt les champs: & s'adreçerēt en vn bois, qui estoit à demie lieue François de là. Celle matinée cheuauchoit messire Regnaud de Boullant, vn Cheualier d'Allemaigne, de la route du Duc de Lenclastre: & auoit cheuauché depuis l'aube du iour, & tourné tout le pays; & n'auoit riens trouué. Si f'estoit là arresté. Les deux Escuyers dessusdits vindrent celle part: & cuiderent que ce fussent aucuns Gens-d'armes du pays, qui se fussent là mis en embusche: & cheuauchèrent si pres qu'ils aduiferent l'un l'autre. Or auoient les deux Escuyers François ensemble parlé, & dit, S'ils sont Allemans, il nous faut feindre: & s'ils sont de ce pays, aussi bien nous nommerons nous. Quand ils furent paruenus si pres d'eux, que, pour parler & cognoistre l'un l'autre les deux Escuyers cognurēt tantost, à leur ordonnance, qu'ils estoient estrangers & leurs ennemis. Messire Regnaud de Boullant parla à eux, & demāda, A qui sont les compaignons? en langage Allemand, Briboul de Tallonne respondit (qui bien sauoit parler ce langage) & dit, Nous sommes à messire Barthelemy de Bonnes. Et ou est (dit messire Regnaud) le Cheualier messire Barthelemy? Il est (dit il) en ce village.

*Par cy deuant
en ce cha. mes-
me, il en a nom-
mé vn Barthe-
lemy de Fru-
nes: qui peut
estre cestuici au-
trement surnom-
mé de Brunes
es cha. 159.*

*161. 164. &
167. la Chaux
le nomme
Bietremieu
de Brumes,
& de Bruy-
nes.*

Et pourquoy est il arresté? dit le Cheualier. Sire, pource qu'il nous a enuoyez deuant, pour sauoir se trouuerions riens à fourager & à courir sur ce pays. Par ma foy (dit messire Regnaud) nēny, j'ay couru tout ce pays: mais ie n'ay riens trouué. Retournez vers luy: & luy dites qu'il se tire auant, & nous cheuaucherons ensemble deuers Sainct-Quentin, à sauoir se nous trouuerons point meilleur marché, n'aucune bonne aduenture. Et qui estes vous? dit l'Escuyer qui parloit à luy. Sire (respondit le Cheualier) on m'appelle Regnaud de Boullant, dites l'ainsi à messire Barthelemy. A ces parolles retournerent les deux Escuyers: & vindrent au village, ou ils auoient laissé leur maistre. Si tost que messire Galhaut les veit, il leur demanda, Quelles nouuelles? auez vous riens veu ne trouué? Sire, ouy assez par raison. Cy-dessus en ce bois est messire Regnaud de Boullant, luy trentième ou enuiron: & a huy toute ceste matinée cheuauché. Si vous desire moult en sa compaignie, pour cheuaucher encores plus-auant vers Sainct-Quentin. Commēt (dit messire Galhaut) que dites vous? messire Regnaud de Boullant est vn Cheualier de Allemaigne, & de la cheuauchée d'Angleterre. Tout ce sauons nous bien, dirent les Escuyers. Et comment estes vous donc partis de luy? Sire (respondit Bridoul de Tallonne) ie le vous diray. Alors luy recorda il toutes les parolles, qui cy-dessus sont dites: & quand messire Galhaut les eut ouies, si pensa vn petit. Puis demanda conseil à messire Regnaud de Coulongne, & à aucuns Cheualiers, qui là estoient, qu'il en estoit bon à faire. Les Cheualiers respōdirent, & dirent, Sire, vous demandez aduentures: & quand elles vous viennent en la main, si les prenez: car en toutes manieres doit on, par droit d'armes greuer son ennemy. A ce conseil s'accorda legèrement messire Galhaut: qui estoit desirant de trouuer ses ennemis. Si fit appareiller son courrier: & meit son bacinet à visiere (parquoy il ne peult estre cognu) & ainsi firent tous les autres. Puis isirent du village, & prindrent les châps. Si cheuaucherent à la dextre, deuers les bois, ou messire Regnaud les attendoit: & pouuoient estre enuiron lxx. hommes armez: & messire Regnaud n'en auoit que trēte. Si tost que messire Regnaud les veit sur les champs, il se rappareilla moult bien, & recueillit ses gens, & se partit moult ordonnément de son embusche, son pennon tout déueloppé deuant luy: & s'en vint tout le petit pas, deuers les François: qu'il cuidoit estre Anglois. En approchant, il leua sa visiere: & salua messire Galhaut, au nom de messire Barthelemy de Bonnes. Messire Galhaut se tint tout coy: & luy respondit assez feintement: & puis dit, Allons, allons, cheuauchons auant. Adōcques se tirerent ses gens d'un costé, les Allemans d'autre. Quand messire Regnaud de Boullant en veit la maniere, & comment messire Galhaut regardoit de costé sur luy, à la fois, & point ne parloit, si entra en suspeçon: & n'eut mie cheuauché en celuy estat le quart d'une heure, quand il s'arresta tout coy delez son pennon, & entre ses gens: & dit tout haut, Ie fay doute, Sire Cheualier que vous ne soyez point messire Barthelemy de Bonnes: car messire Barthelemy cognoi-ie bien assez: mais point ne vous ay r'auisé encores: si vueil que vous vous nommez, ainçois que ie cheuauche plus auant en vostre

*Surprise de
Regnaud de
Boullant par
Galhaut de Ri-
bemont, mal
executée.*

com.

compaignie. A ces mots leua messire Galhaut sa visiere, en allant deuers le Cheualier, pour le prendre par les resnes de son courfier: & écria, Nostre-dame, Ribemmont.

Et tantoist messire Roger de Coulongne dit, Coulongne, A la recouffe. Quand messire Regnaud de Boullant se veit en ce parti, il ne fut mie trop effroyé: mais meit la main, moult appertement, à vne espée de guerre (qu'il portoit à son costé) forte & roide: & la tira hors du fourreau. Ainsi que messire Galhaut sauua (qui le cuida prendre & arrester par le frein) messire Regnaud luy bouta celle roide espée dedans le corps, par telle maniere qu'il perça tout outre les plates, & la luy fit passer de l'autre lez: & puis tira son espée, & ferit son cheual des esperons, & laissa messire Galhaut moult fort nauré. Quand les gens de messire Galhaut veirent leur maistre & Capitaine en celuy estat, ils furent ainsi que tous forsenéz: & commencerent à eux dérouter, & entrer es gens de messire Regnaud de Boullant: & les assaillirent fieremēt, & en y eut aucūs ruez par terre. Si tost q̄ ledit messire Regnaud eut doné le coup audit messire Galhaut, il ferit le courfier des esperons, & print les chāps. Là eut aucūs aspres Escuyers dudit messire Galhaut qui se meirēt en chace apres luy. Endementiers que ses gens se cōbattoient, & que les François entendoiet à eux greuer ce qu'ils pouuoiet, messire Regnaud (qui estoit fort Cheualier, dur & hardi, & bien aduisé en ses besongnes) n'estoit mie effroyé. Mais, quand il veoit qu'aucuns le suyuoient de si pres, que retourner luy conuenoit, ou receuoir blasme, il se arrestoit sur l'un d'eux, en son pas: & donnoit vn coup si grand, de sa roide espée, que celui, qu'il feroit, n'auoit plus volonté de le suiure plus. Et ainsi, en cheuauchant, il en renuerfa iusques à trois moult fort blecez: & fil eust eu vne hache bien acérée en sa main, il n'eust feru coup, qu'il n'eust occis vn homme. Tant fit ledit Cheualier, qu'il éloigna les François, & qu'il se sauua: & n'y eut point de dommage de son corps. Dequoy ses ennemis le tindrent à grand' prouesse, & tous ceux qui depuis en ouirent parler. Mais ses gens furent tous morts ou prins: & petit s'en sauuerent. Et là sur la place on entendit à messire Galhaut de Ribemmont (qui estoit moult fort nauré) & fut emmené le plus doucement que l'on peut, en la ville de Peronne, & là medeciné. De ceste naureure ne fut il oncques puis guari sainement: car il estoit vn Cheualier de si grand' volonté, & si courageux, que pour ce ne se vouloit il mie épargner: & ne vesquit pas, apres ce, gueres longuement. Or retournerons nous au Roy d'Angleterre: & compterons comment il vint assieger la bonne ville & cité de Reims.

Comment le Roy d'Angleterre assiegea la cité de Reims: & du Chastel de Chargny, qui fut prins par les Anglois: & de la guerre qui recommença entre le Duc de Normandie & le Roy de Navarre.

CHAP. CCVIII.

Tant exploiterent les dessusdits Anglois, qu'ils passerent Artois: ou ils auoient trouué le plat-pays pource, & dégarni de viures, & entrèrent en Cambresis: ou ils trouuerent la marche plus grasse, & plus planteureuse: car les gens du plat-pays n'auoient riens bouté es forteresses: pourtant qu'ils cuidoient estre tous asseurez du Roy d'Angleterre & de ses gens. Mais le Roy d'Angleterre ne l'entendoit mie ainsi, ne que ia fussent ceux de Cambresis de l'Empire. Si s'en vint le dessusdit Roy loger en la ville de Beauvais en Cambresis, & ses gens tout enuiron. Là se tindrent quatre iours, pour eux refrechir, & leurs cheuaux: & coururent la plus grand' partie de Cambresis. L'Euesque Pierre de Cambray, & le conseil des Seigneurs du pays, & des bonnes-villes d'environ, enuoyerent sur faufconduit, deuers le Roy & son Conseil, certains messages, pour sauoir à quel tiltre il guerroyoit. On leur respondit que c'estoit pource que, du temps passé, ils auoient fait alliances & grans confors aux François, & soustenus en leurs villes & forteresses, & fait aussi auant partie de guerre, comme leurs ennemis. Si deuoient bien pour celle cause estre guerroyez. Autre responce, ou forment pareille, n'eurent ceux qui y furent enuoyez. Si conuint souffrir & porter les Cambresiens leur dommage, au plus bel qu'ils peurent. Ainsi passa le Roy d'Angleterre parmi Cambresis: & s'en vint en Thierache: mais ses gens couroient à dextre & à senestre, & prenoient viures par tout ou ils en pouuoient auoir: dont il écheut que messire Barthelemy de Bonnes couroit deuant Saint-Quentin. Si trouua & encontra d'auenture le Capitaine & gardien, pour le tēps, de Saint-Quentin, messire Baudoin Dannequin. Si furent eux & leurs cheuaux ensemble: & y eut grand hutin, & plusieurs renuersez d'un lez & d'autre. Finablement les Anglois obtindrent la place: & fut prins ledit messire Baudoin Dannequin, & prisonnier à messire Barthelemy de Bonnes: à qui il l'auoit esté autrefois, de la bataille de Poi-

Galhaut de Ribemmont fort nauré par Regnaud de Boullant.

Le Roy d'Angleterre à Beauvais en Cambresis contre le droit de l'Empire.

Le Roy d'Angleterre en Thierache.

† il y auoit Finablement les François, mais les chap.

159.161.164. Etiers. Si retournerent les Anglois deuers le Roy d'Angleterre: qui estoit logé, pour ce iour, en l'Abbaye de Femy: ou ils trouuerent grand' foison de viures, pour eux & pour leurs cheuaux: & puis passerent outre: & tant errerent, sans trouuer nul empeschement, qu'ils vindrent en la marche de Reims. Si vous diray par quelle maniere ils l'assiégerent. Le Roy fit son logis à Saint-Wale, outre Reims: & le Prince de Galles à Saint-Thierry. Le Duc de Lenclastre tenoit en-apres le plus grand logis: & les Comtes, les Barons, & les Cheualiers, estoient logez es villages entour de Reims. Si n'auoient pas leurs aises, ne le temps à leur volonté: car ils estoient là venus au cœur de l'Yuer, enuiron la Saint-Andry: qu'il faisoit laid & pluuieux: & estoient leurs cheuaux mal logez, & mal traitez, & mal nourris: car tout le pays (deux ans, ou trois, au-deuant) auoit esté si guerroyé, que nul n'auoit labouré ses terres. Pourquoy on n'auoit nuls fourrages, blez n'auoines, en gerbes n'en estrains: & couenoit aux plusieurs aller fourrager dix ou douze lieues loing. Si estoient rencontrez des garnisons Françoises: parquoy il y auoit hutins & meslées moult souuent: vn heure perdoient les Anglois, & l'autre gaignoient. De la bonne cité de Reims estoient Capitaines, à ce iour que le Roy d'Angleterre y meit le siege, messire Iehan de Craon, Archeuesque dudit lieu, Monseigneur le Comte de Porcien, messire Hugues de Porcien son frere, le Sire de la Bone, le Sire de Canency, le Sire Dannore, le Sire de Lore, & plusieurs autres Barons Cheualiers & Escuyers de la marche de Reims. Si s'embesongnerent tellement, le siege durant, que nul dommage n'y eut en la ville: car la cité estoit forte, & bien fermée: & de bonne garde: & aussi le Roy d'Angleterre n'y fit point assaillir: pource qu'il ne vouloit mie ses gens trauailler ne blecer. Et demourerent ledit Roy & ses gens au siege deuant Reims, sur l'estat que vous auez ouy, des la feste saint-Andry, iusques à l'entrée † de Quaresme. Si cheuaucherent souuent les gens dudit Roy à grans routes, pour trouuer aduentures: les aucuns par toute la Comté de Rethel, iusques à Wark, iusques à Maisieres, & iusques à Douchery & à Mouson: & se logeoient au pays trois iours ou quatre: & déroboient tout, sans deffense ne contredit de nully: & puis s'en repairoient en leur ost. Auecques ce, en ce temps que le Roy d'Angleterre estoit venu deuant Reims, auoit prins messire Eustace d'Auberthicourt la bonne ville d'Achery-sur-Esne: & dedans trouuerent foison de viures, & par especial plus de trois mille tonneaux de vin. Si en departit au Roy d'Angleterre grandement, & à ses enfans: dont ils luy en sceurent grand'gré. Entendis que le siege estoit deuant Reims, queroient les aucuns Cheualiers les aduentures: dont il aduint que messire Iehan Chandos, messire Iaques d'Andelée, le Sire de Mucident, messire Richard de Pontchardon, & leurs routes, cheuaucherent si auant deuant Chaalons en Châpaigne, qu'ils vindrent à Chargny en Dormois, vn moult bel & fort chastel. Si le regarderent & considererent moult de pres. Quand là furent venus, si le conuoiterent moult merueilleusement: & le assaillirent. Dedans estoient en garnison deux bons & vaillans Cheualiers, qui le gardoient: dont l'un auoit nom messire Iehan de Caples: & portoit vn escu d'or, à vne croix ancrée, de sable. Là eut fort assaut & dur: & leurs Cheualiers & leurs gens se deffendoient tresbien: & aussi ils estoient assaillis rudement, & de grand'volonté. En celuy assaut fauança ledit de Mucident (vn Cheualier moult riche, & grand homme en Gascongne) qui fut feru tellement d'un get de pierre, sur son bacinet, que ledit bacinet fut effondré & la teste effondrée: & fut là abbattu ledit Cheualier, & mis à grand méchef: & en mourut là entre ses gens, sans le porter plus auant. De la mort du Sire de Mucident furent les autres Barons & Cheualiers si courroucez, qu'ils iurerent que iamais de là ne partiroyent, si auroient conquis le chastel, & ceux qui dedans estoient. Adoncques se prindrent à assaillir le chastel, plus fort que deuant. Là eut faite mainte belle appertise d'armes: car les Gascons estoient tout forsenéz, pour la cause de leur maistre, qu'on leur auoit tué. Si entrerent dedans les fossez, sans eux épargner: & venoient iusques aux murs: & rampoient contremont, leurs targes sur leurs testes. Entendis les Archets tiroient si viuement & roidement, que nul n'osoit apparoir, fors en grand peril. Tant fut assailli le chastel, qu'il fut prins: mais moult leur cousta. Quand les Anglois furent au dessus, ils prindrent les deux Cheualiers (qui si vaillamment s'estoient combattus) & aucuns Escuyers & Gentils-hommes: & le demourant ils meirent à l'espee: & tresmal menerent ceux dudit chastel de Chargny: pourtant qu'ils ne le vouloient mie tenir. Si retournerent dire au Roy & aux Barons, comment ils auoient exploité. En ce temps, & entendis qu'on estoit par deuant la cité de Reims, s'emeurent haines & grans mal-talens entre le Roy de Na-

Capitaines de Reims durant le siege du Roy d'Angleterre.

† Ce Quaresme fut de l'an 1360. commençans au premier de Ianier à nostre mode. Mais il aduint beaucoup de choses deuant comme nous verrez.

Le sire de Mucident tué à l'assaut du chastel de Chargny.

Chargny prins par les Anglois

Renouuellement de guerre entre le Roy de Na-

de Na-

de Nauarre & le Duc de Normãdie. La raison, & la cause, ne say-ie mie moult biẽ: mais il aduint adoncques que le Roy de Nauarre se partit soudainement de la citẽ de Paris, & fẽ alla à Måte-sur-Seine: & dẽfia le Duc de Normãdie & ses freres, dequoy le Royau- me de Frãce fut moult ẽmerueillẽ, en pensant à quel tiltre ceste guerre estoit renouue- lẽe. Adonc print, sous ombre de ceste guerre, vn Escuyer de Brucelles (qu'on appelloit Waustre Ostrate) le fort Chastel de Robeboise, seant sur la riuere de Seine, à vne peti- te lieuẽ de Mante: lequel fit moult de maux, depuis, à ceux de Paris & du païs d'enui- ron. En ce temps que le Roy d'Angleterre seoit deuant la citẽ de Reims, par l'ordonnã- ce que vous auez ouye, aduint que le Sire de Gommegines (qui estoit retournẽ en An- gleterre deuers Madame la Roine, quãd le Roy d'Angleterre eut renuoyẽ les estrãgers à Calais, si-comme cy-dessus est dit & contenu) rapassã la mer: & vint en Haynaut, & en sa compaignie aucuns Escuyers de Gascongne & d'Angleterre: & tiroient tous à venir deuant Reims. Le ieune Sire de Gommegines (qui se desiroit auancer, luy reuenu en Haynaut) fit vne cueillette d'aucuns compaignons: & se bouterent plusieurs Hommes- d'armes en sa route, & deffous son pennon. Quand ils furẽt tous assemblez, ils pouuoient bien estre enuiron trois cẽs, vns & autres. Si se partirẽt de Maubuge (ou l'assemblée estoit faite) & vindrẽt à Vesnes en Haynaut, & passerẽt outre, & puis à Trelon. Or estoit adõc le Sire de Roye en garnison au Ray en Thierache, & grand' foison de cõpaignons avec luy, tant Cheualiers qu'Escuyers: & auoit entendu par ses espies (qu'il auoit tousiours sur les marches de Haynaut) que le Sire de Gommegines auoit mis sus vne charge de Gẽs- d'armes, pour amener deuant Reims, au confort du Roy d'Angleterre: & deuoient luy & ses gens passer parmi la Thierache. Si tost que le Sire de Roye fut informẽ de la veritẽ de ceste cheuauchẽe, il signifia son affaire secrettement aux compaignons d'enuiron, & espẽcialement à messire Robert, le Chanoine de Roberfart: qui pour lors gouuernoit la terre du ieune fils le Cõte de Coucy, & se tenoit au chastel de Merle. Quand le Chanoine le sceut il ne fut mie froid de venir celle part: & s'en vint deuers le Sire de Roye à biẽ quarante Lãces: & se fit Chef le Sire de Roye de ceste cheuauchẽe. Ce fut biẽ raison: car c'estoit vn grand Baron de Picardie: & estoit, pour le tẽps, vne bõne personne, & vn bon Hõme-d'armes bien renommẽ & cognu en plusieurs lieux: & se meirent ces Gens-d'ar- mes François (qui pouuoient bien estre trois cẽs) en embusche, sur le chemin où le Sire de Gommegines & sa route deuoient passer: qui nulle chose n'en sauoient: ains euidoiẽt passer: & de fait, sans rencõtre entrèrent en la Thierache, & au chemin de Reims: & vin- drent vn iour, à heure de tierce, au plus matin, en vn village, qu'on appelle Habergny. Si eurent cõseil qu'ils s'arresteroiẽt là vn petit, pour refreschir eux & leurs cheuaux: & puis monteroient sans point d'arrest. Adoncques descendirent ils en ¶ celuy village: & se cõ- mencerent à ordonner, pour establer leurs cheuaux. Entendis que les cõpaignons sap- pareilloient, le Sire de Gommegines (qui estoit adonc ieune & volontaire) dit qu'il vou- loit cheuaucher hors de ce village, & sauoir s'il trouueroit riens mieux à fourrager. Si ap- pela cinq ou six de ses compaignõs, & Cristofle de Mur (vn sien Escuyer, qui portoit son pennon) & se partirent de ¶ Bergny tout roidement sans point de guerre. Or estoient ces Cheualiers Frãçois, & leurs gens, en embusche dehors ce village: qui les auoiẽt poursui- uis le iour de deuant, & la nuit d'apres: & attẽdoient qu'ils les peussent tirer à leur aduã- tage: & s'ils ne les eussent trouuez sur les champs, ils auoient en propos d'entrer au villa- ge, & eux rẽueiller: mais le Sire de Gommegines leur cheut ainli en la main. Quãd donc ces Seigneurs François apperceurent cheuaucher le Sire de Gommegines si celẽment, si furent les premiers tous ẽmerueillez quels gens se pouuoient estre: & enuoyerẽt deux coureurs deuant: qui rapportèrent que c'estoient leurs ennemis. Quand ils ouyrent ces nouuelles si ce partirent de leur embusche chacun, en ẽciant, Roye, au Seigneur de Roye. Et se partirent les Cheualiers deuant Monseigneur de Roye, sa banniere deuant luy toute dẽuoloppẽe, messire Flamon de Roye son cousin, messire Louis de Roberfart, le Chanoine de Roberfart, son frere (qui estoit Escuyer) messire Tristan de Bonne-roye & les autres, chacun selon son estat, son glaue en son poing, & baissẽz les fers des lãces, deuers leurs ennemis, en ẽciant Roye, au Seigneur de Roye. Quand le Sire de Gom- megines se veit en ce parti, & ainli hastẽ, si fut tout ẽmerueillẽ. Non-pourtãt il eut bon auid, & hardiement d'arrest, & d'attendre ses ennemis: & ne daignerent luy ne les siens fuir. Si baissèrent leurs glaues & se meirent en ordonnance de combattre. Là vin- drent les François, bien mõtez: & se bouterẽt roidement en ces Anglois & Gascons: qui

Nauarre & le Re-
gent de France

De la cheuauchee du Sire de Gommegines vers le Roy de Angleterre durant le siege de Reims.

¶ Il disoit ioy en celle ville mais il dit vil- lage deuant & apres.

¶ Il l'a nague- res nommẽ Habergny.

Surprise & prise du Sire de Gommegines, par le Seigneur de Roye Fran- çois.

n'auoient mie trop grand' route: si fut de premiere venue le Sire de Gommegines rué ius, de coup de glaive: & n'eut oncques puis espace, en la place de remonter. Là se meirent en deffense luy & ses gens, moult vaillamment: & y fit maint belle appertise d'armes: mais finalement le Sire de Gommegines ne peut durer: si fut prins & fiancé prisonnier, & deux Escuyers de Gascongne avecques luy: qui moult vaillamment se combattoient, & enuis se rendoient: mais par force les conuint rendre: autrement ils eussent esté tuez, ainsi que Christofle de Mur, vn bon Escuyer: qui portoit le pënon du Sire de Gommegines. A brief parler, ceux, qui là estoient, furent tous morts ou prins: exceptez leurs varlets: qui se sauuerent à bien fuir: car ils estoient bien montez: & aussi on ne fit point de chace apres eux: car ils entendirent à plus grand' chose.

Comment le Sire de Roye & sa route déconfirent le reste des gens du Sire de Gommegines: & comment le chastel de Commercy fut prins, & la garnison rendue à la volonté des Anglois.

CHAP. CCIX.

Q Vand ces Cheualiers & Escuyers eurent prins le Seigneur de Gommegines, & rué ius ceux qui avec luy estoient issus du village, ils ne voulurent arrester: mais brocherēt des esperōs, & se meirēt au village deffusdit, en écriant Roye, au Seigneur de Roye. Dōt furent tous ceux, qui là estoient, ébahis, quand ils sceurent leurs ennemis si pres d'eux: & estoeint la pluspart de farmez, & tous espars si ne se peurent r'allier, ne mettre ensemble. Là les prindrent les François à volonté, en granches, en logis, & en fours: & y eut ledit Chanoine de Roberfart plusieurs prisonniers: pourtant que les bānieres le cognoissoient mieux, que nul des autres. Bien est la verité, qu'il en y eut aucuns, qui se reculerent en vne petite forte maison, enuironnée d'eauë, qui sied en ce village de Habergny & conseilloyent aucuns, qui dedans estoient, qu'on se deffendist: & y mettoient bonne raison, en disant, Ceste maisō est assez forte pour nous tenir, tāt que le Roy d'Angleterre (qui est deuāt Reims) orra nouuelle de nous: & si tost qu'il pourra sauoir que nous sōmes icy, oppressez des François, il nous enuoyera conforter sans nulle doute. Lors responderent les Anglois, qu'ils n'estoient mie asseurez: car (dirēt ils) ceste maison est toute plate, & enuironnée de noz ennemis. Là estoient les compagnons en debat, & en estrif entre eux. Là vindrēt le Sire de Roye, & les Seigneurs qui leur dirēt. Oyez, Seigneurs. Si vous vous faites assaillir tant ne petit, vous estes morts sans mercy: car tantost vous prēdrōns de force. Si que par ces parolles, ou semblables, furēt plusieurs ébahis: & mesmemēt les plus hardis: & se rendirent tous ceux qui dedans estoient, sauues leur vies. Si furent tous prins prisonniers, & menez au chastel de Coucy, & es garnisons prochaines: dont les François estoient partis. Ceste aduenture aduint à Mōseigneur de Gommegines, & à sa route, environ Noel mille trois cens cinquāteneuf. Dequoy le Roy d'Angleterre (quād il le sceut) fut mout courroucé: mais amender ne le peut, quant à ceste fois. Or reuenōs au siege de Reims, & parlons d'vne aduenture, qui aduint à messire Barthelemy de Brunnes: qui auoit assiegé la tour & le chastel de Commercy: & vn Cheualier, Champenois, estoit dedans: qu'on appeloit messire Henry de Noir: & crioit Vienne.

Le mois & an de la prinse du Seigneur de Gommegines.

† Il l'a n'ague res surnomme de Brunnes. comme en tous les chap. de la bataille de Poitiers.

Le chasteau de Commercy miné par Barthelemy de Brunnes ou de Bonnes, Anglois.

Le siege tenant deuant Reims, estoient les Seigneurs, les Cōtes, & les Barons, es pays de la marche de Reims (si-comme vous auez ouy compter cy-dessus) pour mieux estre à leur aise, & pour garder les chemins, que nulles pourueāces n'entrassent en ladite cité: tellement que ce Cheualier messire Barthelemy † de Bōnes, à grand Baronnie d'Angleterre, estoit, à tout sa charge & sa route de Gens-d'armes & d'Archers, logez pres de Cōmercy, vn moult bel chastel qui est à l'Archeuesque de Reīs: lequel Archeuesque y meit en garnison le Cheualier dessus-nōmé, & aussi plusieurs bons compagnōs, pour le garder & deffendre cōtre leurs ennemis. Ce chastel ne doutoit nul assaut: car il y auoit vne tour carrée mallement grosse & espesse de mur, & bien garnie d'armes de deffense. Quād messire Barthelemy (qui le chastel auoit assiegé) l'eut bien aduisé & considéré sa force, & la maniere que par assaut il ne le pourroit auoir, il fit appareiller vne quātité de mineurs (qu'il auoit avecques luy, & à ses gages) & leur commanda qu'ils fissent leur deuoir de la forteresse miner, & que bien il les payeroit: lesquels responderent qu'ils le feroient trefvolontiers. Adonc entrerent les ouuriers en leur mine: & minerent continuellement, nuit & iour: & firent tant, qu'ils vindrent moult auant sous la grosse tour: & à la mesure qu'ils minoient, ils estançonnoient: & n'ent sauoir rien ceux de dedans. Quand ils furent au dessus de leur mine, tant que pour faire renuerfer la tour quand ils vouldroient, ils vindren

vindrent à messire Barthelemy de Bonnes: & luy dirent, Sire, nous auons tellement appareillé nostre ouurage, que ceste grosse tour trebuschera quand il vous plaira. Or bien (respondit le Cheualier) n'en faites plus, sans mon commandement. Et ceux dirent, Volontiers. Adonc monta ledit Cheualier: & emmena Iehan de Guistelles avec luy (qui estoit de ses compaignons) & s'en vindrent iusques au chastel. Messire Barthelemy fit signe qu'il vouloit parlementer à ceux de dedans. Tantoist messire Henry se tira auant, & s'en vint aux creneaux: & demanda qu'il vouloit. Le vueil (dit messire Barthelemy) que vous vous rendez: ou vous estes tous morts sans remede. Et comment (dit le Cheualier François qui se print à rire) Nous sommes bien pourueus de toutes choses: & vous voulez que nous nous rendons si simplement: ce ne sera ia, dit messire Henry. Certes, si vous estiez informez en quel parti vous estes (dit le Cheualier Anglois) vous vous rendriez tantoist à peu de parolles. En quel parti sommes nous, Sire? respondit le Cheualier François. Vous istrez hors (respondit messire Barthelemy) & ie le vous monstrey par conditions & par assésurance. Messire Henry entra en ce traité: & créut le Cheualier Anglois, & issit hors du fort, luy quatrième tant seulement: & vint là ou messire Barthelemy & Iehan de Guistelles estoient. Si tost comme ils furent là venus, ils les menerent à leur mine: & leur monstrerēt cōme la grosse tour ne tenoit plus que sur estāçons de bois. Quand le Cheualier François veit le peril, il dit à messire Barthelemy. Certainement vous auez bōne cause: ce, que fait en auez, vient de grand' gentillesse. Si nous rendons à vostre volonté. Là les print messire Barthelemy, comme ses prisonniers: & les fit tous hors de la tour partir, & vns & autres, & leurs biens aussi: & puis fit bouter le feu en la mine. Si ardirent les estāçons: & puis, quand ils furent tous ars, la tour (qui estoit mallement grosse) ouurit, & se partit en deux, & réuerfa d'autre part. Or regardez (dit messire Barthelemy à messire Héry † de Vaux, & à ceux de la forteresse) si ie vous disoye verité. Sire, ouy: nous demourrons voz prisonniers, à vostre volonté: & vous remercions de vostre courtoisie: car, si laques Bons-homs eussent ainsi de nous eu l'audeffus que vous auez ores eu, ils ne nous eussent mie fait la chose pareille que vous auez. Ainsi furent prins les compaignōs de la garnison de Commercy, & le chastel effondré.

L'honneste party que fait Barthelemy de Bonnes à ceux de Commercy.

† Parauant de Noir. Mais les Abregez le surnomment de Vaux, & tous les Exepl. aussi en ce lieu.

Comment, apres ce que le Roy d'Angleterre se fut parti de Reims, où le siege estoit, il gasta & exila tout le pays ou il passa: & comment il vint à Aquillon, & y seiourna: & des grans garnisons qu'il mena apres son ost.

CHAP. CCX.

LE Roy d'Angleterre se tint au siege, deuant la cité de Reims, bien le terme de sept semaines, ou plus: mais oncques ne fit assaillir, ne peu ne petit: car il eust perdu sa peine. Quand il eut là tant esté, qu'il luy commença à ennuyer, & que ses gens ne trouuoient plus riens que fourrager, & perdoient leurs cheuaux, & estoient à grand malaise de tous viures, ils se delogerent, & s'arrouterent comme au deuant, & se meirent au chemin, par deuers Chaalons en Champaigne: & passa ledit Roy & son ost tout assez pres de Chaalōs & se meit par-deuers † Bar-le-Duc, & apres par-deuers la cité de Troye: & vint loger à Mery-sur-Seine: & estoit tout son ost entre Mery & Troye: ou l'on compte huit lieues. Entandis qu'il estoit à Mery-sur-Seine, son Cōnestable cheuaucha outre (qui tousiours auoit la premiere bataille) & vint deuant Sainct-Florētīn (dont messire Oudart de Ren- cy estoit Capitaine) & y fit vn moult grand assaut: & fit, deuant la porte de la forteresse, déuelopper la bāniere (qui estoit faisie d'or & d'azur, à vn chef palle, les deux courroyes couronnez de geronnes en vn escusson d'argent emmy la moyenne) & eut grand assaut & fort: mais riens n'y conquirent les Anglois. Et vindrent ledit Roy d'Angleterre, & tout son ost: & se logerent à Sainct-Florentin, & entour, sur la riuere de * Mouson, & quand ils s'en partirent, par-deuant Tonnerre: & là eut grand assaut & dur: & là fut la ville de Tonnerre prinse par force, & non le chastel. Mais les Anglois gaignerent le corps de la ville de Tonnerre: & y trouuerent plus de trois mille pieces de vin: qui leur firent grand bien. Adonc estoit dedans la cité † d'Ausserre le Sire de Fiennes, Cōnestable de France, à grand' foison de Gēs-d'armes. Le Roy d'Angleterre & son ost se reposerēt dedans Tonnerre par cinq iours, pour la cause des bons vins qu'ils y auoient trouuez: & assailloient souuent le chastel: mais il estoit bien garni de bons Gens-d'armes: desquels messire * Baudoin Dēnekin, Maistre des Arbalestiers, estoit Capitaine. Quand ils furent bien reposez & refreschis en la ville de Tonnerre, ils s'en partirent & passerent la riuere d'Armēcon: & laissa le Roy d'Angleterre le chemin d'Ausserre, à la droite main:

Le Roy d'Angleterre. Leue son siege de Reims.

† Possible que Bar-sur-Aube seroit icy meilleur: comme que tous les Exepl. & Abregez. François dient Bar-le-Duc.

Annot. 83.

† Il y auoit Dampierre, mais la situation des lieux avec le chap. suivant, me l'a fait ainsi corriger. A quoy ie suis maintenant confirmé par l'Abrege de la Chauz, estant celuy de Sala corrompu en ce lieu.

Annot. 84.

& print le chemin de Noyers: & auoit celle intention d'entrer en Bourgongne, & d'estre là tout le Quaresme: & passa luy & son ost au dessus de Noyers: & ne voulut oncques qu'on y assaillist (car il tenoit le Seigneur prisonnier, des la bataille de Poitiers) & vindrent le Roy & tout son ost au dessous de Noyers, au giste, en vne ville qu'on appelle Montroyal, sur vne riuere qu'on appelle Sellettes. Et, quand le Roy s'en partit, il monta celle riuere: & s'en vint loger droit à Aguillon, sur la riuere de Sellettes. Car vn sien Escuyer (qu'on appelloit Iehā d'Alēçon, & s'armoit d'azur, à vn escuillon d'argēt) auoit prins la ville de Flauigny (qui sied assez pres de là) & auoit dedans trouuée de toutes pourueances, pour viure le Roy & l'ost, vn mois entier. Si leur vint tresbien à point: car le Roy fut en ladite ville d'Aguillon, des la nuit des Cendres, † iusques à la mi-Quaresme. Et tousiours couroient ses Mareschaux, & ses coureurs, le pais ardent, exilant & gasant, tout autour d'eux: & refreschissoient souuent l'ost de nouuelles pourueances. Vous deuez sauoir que le Roy d'Angleterre & les riches hommes, menoient, sur leurs chars, tentes, pavillons, moulins, & fours pour cuire, & forge de cheuaux, & toutes autres choses necessaires: & pour tout cela étoffer, ils menoiēt biē six mille chars, tous attelés, chacun: de quatre rouffins bons & forts: qu'ils auoient mis hors d'Angleterre: & auoit encores, sur ces chars plusieurs nacelles & batellets, faits & ordonnez si subtilement de cuir bouilli, que merueilles estoit à regarder. Si pouuoient bieu estre trois hommes dedans, pour aider à nager parmi vn estang ou vn viuier (tant grand qu'il fust) & pescher à leur volonté. Dequoy ils eurent grand aise sur le temps de Quaresme: voire les Seigneurs & les gens d'estat: mais les Communes se passoient de ce qu'ils auoient. Et, avec ce, le Roy auoit bien, pour luy, trente faucōniers à cheual, chargez d'oiseaux, & bien soixante couplss de forts chiens & autant de leuriers: dōt il alloit, chacun iour, ou en chace ou en riuere, ainsi que il luy plaisoit: & si y auoit plusieurs des Seigneurs & des riches hōmes, qui auoient leurs chiens & leurs oiseaux, ainsi cōme le Roy. Et estoit tousiours leur parti en trois parties: & chacune cheuauchoit par luy: & auoit chacū ost auāt garde: & si ce logeoient chacun ost par luy, vne lieuē en sur de l'autre: & le Roy d'Angleterre le tiers, & le plus grand. Et ainsi se maintindrent ils, mouuans de Calais, iusques adonc qu'ils vindrent deuant la bōne ville de Chartres. Nous parlerōs du Roy d'Angleterre: qui se tenoit à Aguillon sur Sellettes, & viuoit, luy & son ost des pourueances que Iehan d'Alençon auoit trouuées à Flauigny. Entandis que le Roy seiournoit là, pensant & imaginant comment il se maintiendrait, le ieune Duc de Bourgōgne (qui regnoit pour le temps) & son Conseil, par la requeste & ordonnance de tout le pays de Bourgongne tout entierement, enuoyerent, deuers le Roy d'Angleterre, suffisās messagers, Barōs & Cheualiers, pour traiter, & ressembler de non ardoir le pais, n'aussi courir ledit pais de Bourgōgne. Si se chargerēt adōc de porter ces traitez les seigneurs ci-apres nōmez. Premieremēt messire Anceaume de Salins, grād Chācellier de Bourgōgne, messire Iaques de Viēne, messire Iehā Derie, messire Hugues de Viēne, messire Guillaume de Thoroise, & messire Iehan de Montmartin. Ces Seigneurs exploiterēt si bien, & trouuerent le Roy d'Angleterre si traitable, qu'une cōposition fut faite, entre le Roy d'Angleterre & le pays de Bourgongne, à non courir: & l'asseura ledit Roy de luy & des siēs, le terme de trois ans durāt, parmy deux cens mille frācs: qu'il disoit auoir tous appareillez. Quand ceste chose fut seellée & accordée, le Roy se delogea, & tout son ost: & print son retour, le droit chemin de Paris: & s'en vint loger sur la riuere d'Yonne, à Leon, dessous † Voselay. Si s'estendirent ses gens celle part, selon ladite riuere d'Yonne: & comprenoient tout le pais, iusques à Clamecy, à l'entrée de la Cōté de Neuers: & entrerēt les Anglois en Gastinois: & tāt exploita le Roy d'Angleterre, par ses journées, qu'il vint deuant Paris: & se logea à deux petites lieuēs pres: c'est à sçauoir au Bourg-la-Royne. Ainsi, tournoyant le pays cheminoit le Roy d'Angleterre & ses gens (qui destruisoient tout deuant eux) & d'autre part les garnisons: qui se tenoiēt & faisoient guerre pour luy en Beauuoisin, en Picardie, en France, en Brie, & en Champagne, guerroyoient & gastoient tout le pais. D'autre costé le Roy de Nauarre (qui se tenoit en la marche de Normandie) faisoit aussi moult forte guerre. Ainsi estoit moult greuē le noble Royaume de France, de toutes parts. Si ne sauoit on auquel entendre: & par especial messire Eustace d'Auberthicourt (qui se tenoit à † Cheny-sur-Esne) auoit grand garnison de soudoyers & de compaignons: qui gastoient, rançonnoient, & pilloient tout le pays: & couroient toute la bonne Comté de Rethel, iusques à Douchery, iusques à Mesieres, iusques au Chesne-pouilleux, iusques à Setenay, en la Cōté de Buy: & gi-

† Entendez de
l'an 1360. à
nostre mode.

Traicté du Duc
de Bourgongne
avec le Roy de
Anglet pour
sauuer son
pays.
† Possible Ve-
zelay, combien
que la Chaux
die Kon sous
Voselay.

† Il a dit Ache-
ry chap. 208.
Sala dit Thin
et la Chaux
Atigny.

& gisoient & logeoient au pays, ou ils vouloient deux nuits ou trois, sans estre détourbez de nulluy: & puis s'en venoient loger, reposer, & rafraeschir, en leurs fortresses, à Cheny. Bié est verité que tous les seigneurs d'environ, Cheualiers & Escuyers, le menaçoient moult fort: & assemblerent & assignerent entre eux plusieurs iournées, pour venir aux champs, & venir assieger ledit messire Eustace à Cheny: mais oncques n'en fut riés fait. Et aduint que les cōpaignons (qui ne faisoient nuit & iour fors subtillier, & aduiser cōment ils pourroient prendre & embler villes & fortresses, & quelle part ils se tireroient pour mieus gagner, vindrent de nuit à vne forte ville & bon chastel, qui sied en Laonnois: assez près de Montagu, en tresforts marests: & appelle l'on ladite forteresse Pierrepont: & estoient adonc, dedans, grand foison de bonnes gens du pais: qui y auoient mis le leur sur la fiance du fort lieu. A l'heure que ces cōpaignons de Cheny vindrent là, le guet estoit ia tout endormi. Si se meirent lesdits cōpaignons, par conuoitise de gagner, parmi ces forts marests, à grand méchef: & vindrent iusques aux murs: & puis entrerent en la ville: & la gaignerent sans deffense: & là déroberent toute à leur volonté. Si trouuerent plus d'auoir, qu'en nul lieu ou ils eussent esté: & quād il fut grand iour, ils ardirēt la ville: & partirent: & s'en vindrent à Cheny, bien fournis de grand pillage.

Des propheties du Cordelier d'Auignon: & de l'embusche faite sur ceux, qui isirent de Paris, par les Anglois.

CHAP.

CCXI.

EN ce temps vn Frere-mineur, plein de grand' clergie, & de grand entendement, en la Cité d'Auignon estoit: qu'on appelloit Frere Iehan de Rochetaillade: lequel Frere-mineur le Pape Innocent sixième faisoit tenir en prison, au chastel de Baignoux, pour les grandes merueilles qu'il disoit à aduenir: mesmement & principalemēt sur les Prelats & Presidens de Sainte-Eglise, pour les grans superfluitez & orgueil, qu'ils demenoient: & aussi sur le Royaume de France & sur les grans Seigneurs de Chrestienté, pour les grandes oppressions, qu'ils faisoient au commun peuple. Et vouloit ledit frere Iehan prouuer sa parolle par l'Apocalypse, & par les anciens liures des Saints Prophetes: qui luy estoient ouuerts par la grâce du saint Esprit: si qu'il disoit mout de choses: qui fortes estoient à croire. Si en veoit on bien aduenir aucunes, dedans le temps qu'il auoit annoncé: & ne les disoit mie cōme Prophete: mais les disoit par les anciennes escriptures, & par la grâce du saint-esprit: qui luy auoit donné entédement de declarer toutes ces anciennes Propheties, pour annoncer à tous Chrestiens l'année & le temps qu'elles deuoient aduenir. Et en fit plusieurs liures, bien distez, & bien fondez de grand' science & de clergie: desquels l'un fut fait l'an mil trois cens quarantefix: & auoit escrit dedās tant de merueilles, que fortes estoient à croire: ia en eust on veu plusieurs choses aduenir. Et, quand on luy demandoit de la guerre aux François, il disoit que ce n'estoit riens de ce qu'on auoit veu, au pris de ce qu'on verroit: car il n'en seroit paix, ne fin, iusques à tāt que le Royaume de France en seroit exilé & gasté, par toutes ses parties & regions. Et tout ce a l'on bien veu aduenir depuis: car le Noble Royaume de France a esté gasté & exilé (& par, especial au termine que ledit Frere-mineur y mettoit, l'an lvj. l'an lvij. l'an lviii. & l'an lix.) & toutes ses regions: tellement que nuls des Princes, ne des Gentils-hōmes, ne fosoient mōstrer cōtre les gens de bas-estat, assemblez de tout pays, venus l'un apres l'autre, sans le Chef de haut hōme: & auoient ledit Royaume de France, sans nulle deffense, à leur volonté, ainsi cōme vous auez ouy: & éliisoient souuerains Capitaines entre eux, par diuerses marches: ausquels obeïssioient ceux, qui se mettoient en leur cōpaignie: & faisoient certaines conuenances, l'un à l'autre, de leur roberie & pillerie, de leurs rançons & des prisonniers: & en trouuoient tant, que les Capitaines deuenoient tous riches du grād auoir qu'ils assembloient. Le dessusdit Roy estoit logé au bourg-la-Roïne, à deux petites lieues de Paris: & tout son ost contremont, en allant vers Montlehery. Si enuoya ledit Roy, entandis qu'il estoit là, ses Heraux dedans Paris, au Duc de Normādie (qui sy tenoit, à tout grans Gēs-d'armes) pour demander bataille: mais le Duc ne la luy accorda point: ainçois les messagers s'en retournerēt sans riens faire. Quād le Roy veit qu'il n'istroit point de Paris pour le combattre, si en fut tout courroucé. Adōc s'auança ce bon Cheualier messire Gautier de Manny, & pria son Seigneur, qu'il luy voufist laisser faire vne cheuauchée & enuahie, iusques aux baillies de Paris: & le Roy luy accorda: & nomma personnellement ceux, qui allaient avecques luy: & fit le Roy plusieurs Cheualiers nouveaux: desquels le Sire de la Ware fut l'un, le Sire de Siluacier, messire Balastre, messire Guillaume Torceaux, messire

De frere Iehan de Rochetaillade.

Le Roy d'Angleterre logé au Bourg-la-Roïne, à deux lieues pres de Paris.

*Écarmouche
de Gautier de
Mâny, iusques
aupres des por-
tes de Paris.*

*Le Roy d'An-
gleterre déloge
de Bourg-la-
royne.*

*Quelques Gen-
tils-hômes Frâ-
çois surprins
par une embus-
che du Captal
de Buz, pres
Bourg-la-roy-
ne.*

re Thomas le Despenser, messire Jehan de Neuville, messire Richard d'Ostmay, & plusieurs autres: & l'eust esté Colart d'Auberthicourt, fils à messire Nicolle (car le roy le vouloit: pourtant qu'il estoit à luy, & son Escuyer de corps) mais ledit Escuyer s'excuia: & dit qu'il ne pouvoit trouver son bacinet. Le Sire de Mâny fit son emprise: & emena ces nouveaux Cheualiers écarmoucher & courir iusques aux bailles de Paris. Là eut moult bonne écarmouche & dure. Car il y auoit dedàs de moult bons Cheualiers & Escuyers: qui moult volôtiers fussent issus, se le Duc de Normâdie l'eust voulu cōsentir. Toutesfois les Gêtils-hômes, qui estoient dedàs Paris, garderēt la porte & la barriere, tellemēt qu'ils n'y eurent point de dōmage: & dura celle écarmouche iusques à midy: & en y eut de naurez des vns & des autres. Adōc se retrahit le Sire de Mâny: & emmena ses gēs à leur logis: & se tindrēt là encores ce iour, & celle nuit ensuiuāt. Au lēdemain se délogea le Roy d'Angleterre: & print le chemin de Mōtlehery. Or vous diray quel propos aucūs Cheualiers d'Angleterre & de Gascōgne eurent à leur délogemēt. Ils sentirēt dedàs Paris tāt de gētils-hômes, qui supposerēt ce qui aduint: c'est qu'il en sortiroit aucūs ieunes auētueux; pour éprouuer leurs corps, & pour gagner. Si se meirēt en embusche biē enuirō deux cēs hômes armez, tous d'élite, Anglois & Gascōs, en vne vuide maison, à trois lieues de Paris. Là estoit le Captal de Buz, messire Aimenō de Pōmiers, & le Sire de Courtō, Gascōs: & Anglois, le Sire de Neuville, le Sire de Mōtbray, & messire Richard de Pōtehardon. Car six Cheualiers souuerains estoient de ceste embusche. Quand les Frāçois, qui se tenoient dedans Paris, veirent le délogemēt du Roy d'Angleterre, si ce cueillirēt aucuns ieunes Cheualiers: & dirēt entre eux, C'est bō que nous issions secretemēt hors, & pourfuyuōs vn petit l'ost du Roy d'Angleterre, à sauoir si nous y pourrions riens gagner. Si furent tantost d'un accord: si que messire Raoul de Coucy, messire Raoul de Reiuenal, le Sire de Monfaut, le Sire de Helay, le Chastellain de Beauuais, le Begue de Villaines, le Sire de Beauifiers, le Sire d'Vlbarin, messire Gauvain de Valouel, messire Flament de Roye, messire Azelles de Cauilly, messire Pierre de Fermoises, Pierre de Sauoifies, & biē cent Lances en leur compagnie, issirent hors, tous les bien montez, & en grand volōté de faire aucune chose: mais qu'ils trouuassent à qui. Et cheminerent tout le chemin du Bourg-la-Royne: & passerēt outre & se meirēt aux chāps, tout le fray des cheuaux & des gens du Roy d'Angleterre: & passerent encores outre ladite embusche du Captal & de sa route. Assez tost apres qu'ils furent passez, l'embusche des Anglois & des Gascons issit hors & alla auant, les glaiues abbāissiez, en écriant leur cry. Les François se retournerent (qui eurent grād merueille que c'estoit) & cogneurēt tantost que c'estoient leurs ennemis. Si farresterent tout coy: & se meirent en ordōnance de bataille: & abbaissierēt leurs glaiues, contre les Anglois & Gascons: qui tantost furent là: & y eut de premiere rencontre, forte iouste, & plusieurs ruez par terre, d'un lez & d'autre: car ils estoient tous forts, & biē montez. Apres celle iouste ils tirerent leur espées, & entrerent l'un dedans l'autre: & cōmencerēt à abbattre & à ferir, & à donner grans horions: & là eut faite mainte belle appertise d'armes: & dura ce poignis vne grand' espace: & fut tellement demené, qu'on ne sceut à dire, vn temps, les François, ou les Anglois, auront du meilleur: & par especial là fut le Captal de Buz vn tresbon Cheualier: & y fit, de la main, mainte appertise d'armes. Finablement, les Anglois & les Gascons se porterent si bien & si vaillāment, de leur costé, que la place leur demoura (car ils estoient plus, de tant & demy, que les François) & là fut, du costé des Frāçois, bō Cheualier, le Sire de Cāpremy. Si se cōbattit moult vaillāment dessous sa bāniere: & fut celui, qui la portoit, occis: & estoit la banniere d'argēt, à vne beucle de guelles, à six merlettes noires, trois dessus & trois dessous: & fut le Sire de Campremy prins en bon conuenant. Les autres Cheualiers & Escuyers François (qui veirent la mal-aduerture, & qu'ils ne se pouuoient recouurer) se meirent au retour deuers Paris, tout en cōbattant, & les Anglois apres, en les poursuivant de grand' volonté. En celle chace (qui dura outre le Bourg-la-Royne) furent prins neuf Cheualiers, que Banerets, qu'autres: & si les Anglois & les Gascons: qui les pourfuyuoient, ne se fussent doutez de l'issue de ceux de Paris, ia nul n'en fust échapé: qu'ils ne fussent tous morts ou prins. Quand ils eurent fait leur emprise, ils retournerent deuers Mōtlehery (ou le Roy d'Angleterre estoit) & emmenerent leurs prisonniers: ausquels ils firent tres-bonne compagnie: & les rançonnerent moult courtoisement, ce propre soir, & les renuoyerent arriere à Paris, ou là ou il leur pleut aller: & les creurēt legēremēt sur leur foy. L'intention du Roy d'Angleterre estoit telle, qu'il entreroit en ce bon pays de Beausse, & se trai-

se traitoit tout bellement sur ceste riuere de Loire: & s'en viendroit tout celuy esté rafraischir en Bretagne, iusques apres Aoust: & tâtost sur les vendanges (qui estoient mout belles apparens) retourneroit, & viendroit de-rechef mettre le siege en France: & le mettroit en France: c'est assavoir deuant Paris. Car point ne vouloit retourner en Angleterre (pource qu'il en auoit parlé au partir si auant) si auoit à son intention ledit Royaume & laisseroit par les forteresses ses gens (qui guerre faisoient pour luy en France, en Champaigne, en Poictou, en Ponthieu, en Vimeu, en Vulgueffin, & en Normandie, & en tout le Royaume de France) & chez les bonnes citez & les bonnes-villes, qui de leur bonne volonté s'accorderoient à luy. Adonc estoient le Duc de Normandie à Paris, & ses deux freres, & le Duc d'Orleans leur oncle, & tous les plus grans Consuls: qui imaginerent bien le courage du Roy d'Angleterre, & comment luy & ses gens fouloient & appauurissoient le Royaume de France: & que ce ne pouuoit longuement tenir ne souffrir, car les rentes des Seigneurs & des eglises se perdoient generally par tout. Alors estoit Chancelier de France vn mout sage homme & vaillant: qui estoit nommé messire Guillaume de Montagu, Euesque de Therouenne: par lequel conseil on besongna en France & bien le valoit en tous estats, car son conseil estoit bon & loyal. Auecques luy y estoient encores deux Clercs de grande prudence: dont l'un estoit Abbé de Clugni, & l'autre maistre des Freres-prescheurs: & l'appelloit on frere Simon de Langres, maistre en diuinité. Ces deux Clercs, dernièrement nommez, à la premiere requeste & ordonnance du Duc de Normandie & de ses freres, & du Duc d'Orleans leur oncle, & de tout le Grand-conseil entierement, se partirent de Paris, sur certains articles de paix, & messire Hugues de Genéue, Seigneur d'Autun, en leur compagnie: & s'en vindrent deuers le Roy d'Angleterre: qui cheuauchoit en Beaussé, par deuers Galardon. Si parlerent ces deux Prelats & le Cheualier au Roy d'Angleterre: & commencerent à traiter paix avec luy & ses alliez. Ausquels traitez le Duc de Lenclastre & le Prince de Galles, le Comte de la Marche, & plusieurs Barons d'Angleterre, furent appelez. Si ne fut mie ce traité accompli (quoy qu'il fust entamé) mais fut longuement demené: & alloit tousiours le Roy d'Angleterre auant, querant le pays garni. Ces traiteurs (comme bien conseillez) ne vouloient mie le Roy laisser, ne leur propos aneantir. Car ils veoient le Royaume de France en si poure estat, & si greué, qu'en trop grand peril il estoit, s'ils attendoyent encores vn esté. D'autre part le Roy d'Angleterre demandoit & requeroit les demandes si grandes, & si preiudiciables, que le Royaume de France en eust esté mout greué: & ne s'y vouloient accorder les Seigneurs, pour leur honneur: si que tous leurs traitez & parlemens durerent dixsept iours, tousiours poursuyuans le Roy d'Angleterre les dessusdits Prelats & le Seigneur d'Autun, messire Hugues de Genéue: qui mout bien estoit ouy, & volentiers, en la court du Roy d'Angleterre. Si r'enuoyoit tous les iours, ou de iour en autre, leurs traitez, & tous leurs procez, deuers le Duc de Normandie & ses freres, en la cité de Paris, & sur quelle forme & estat ils estoient, pour auoir responce quelle chose en estoit bonne à faire, & du surplus comme ils se maintiendroyent. Ces parolles & ces procez estoient conseillez secrettement, & examinez suffisamment en la chambre du Duc de Normandie: & puis estoit escrit iustement & parfaitement, à l'intention du Duc & par l'aduis de sondit Conseil, ausdits traiteurs. Parquoy l'on ne passoit rien, ne de l'un costé ne de l'autre, qui ne fust bien specifié, & iustement & cautelement. Là estoient en la chambre du Roy d'Angleterre, sur son logis (ainsi comme il s'écheoit, & qu'il se logeoit sur son chemin, tant deuers la cité de Chartres, comme ailleurs) des dessusdits François grandes offres mises auant, pour venir à conclusion de guerre, & ordonnance de paix. Ausquelles choses le Roy d'Angleterre fut trop dur à entamer. Car l'intention de luy estoit telle, qu'il vouloit demourer Roy de France (combié qu'il ne le fut mie, ains mourut en celuy sien estat) & vouloit estorer en Bretagne, en Blois, & en Touraine, tel estat & comme cy-dessus a esté dit. Et, si le Duc de Lenclastre, son cousin (que mout aimoit, & croyoit) luy eust déconseillé paix à faire, ainsi qu'il la luy conseilloit, il ne se fust point accordé: mais il luy remonstroit mout sagement: & disoit, Monseigneur, ceste guerre, que vous tenez au Royaume de France, est mout merueilleuse, & trop peu fauorable pour vous. Voz gens y gagnent: & vous y perdez le temps. Tout considéré, se vous y guerroyez, selon vostre opinion, vous y vserez vostre vie, deuant que vous en viengnez iamais à vostre entente. Si vous conseille, entâdis que vous en pouuez issir à vostre honneur, que prenez les offres que l'on vous presente, car, Monseigneur, nous pouuons plus

*Pour parler
du traité de
paix, accordée
à Bretigny en
Beaussé, entre
les François &
les Anglois.*

*† C'est assavoir
d'y laisser gar-
nisons es forte-
resses et es bon-
nes villes, ainsi
qu'en Champaigne,
en Poictou
& es autres
pays, naguères
mentionnés en
ce present cha-
pitre.*

perdre en vn iour, que nous n'auons gaigné en vingt ans.

*Menaces du ciel
émouuât le Roy
d'Angleterre à
paix: qui fut
close au villa-
ge de Breteigny
pres Chartres.*

Ces parolles, belles & subtiles, que le Duc de Lenclastre remonstroit feablement, en intention de bien, au Roy d'Angleterre, conuertirent ledit Roy, par la grace du Saint-esprit: qui y ouuroit aussi. Car il aduint à luy, & à toute sa gent, luy estant deuant Chartres, qui mout humilia & brisa son courage, car, entandis que ces traiteurs François alloient & preschoient ledit Roy & son Conseil, & qu'encores nulle responce agreable n'en auoient eue, vne orage, vne tempeste, & vne foudre, si grande & si horrible descendit du ciel en l'ost du Roy d'Angleterre, qu'il sembloit proprement que le siecle deust finir. Car il cheoit si grosses pierres, qu'elles tuoient hommes & cheuaux: & en furent les plus hardis tous ébahis. Adoncques regarda le Roy d'Angleterre deuers l'eglise de Nostre-dame de Chartres: & se voua, & rendit deuotement à Nostre-dame: & promet & confessa (si comme il dit depuis) qu'il s'accorderoit à la paix. Adoncques estoit il logé en vn village, assez pres de Chartres: qu'on appelle Bretigny: & là fut certaine ordonnance & composition faite & gettée de la paix, sur certains articles, qui cy ensuyuant sont ordonnez. Et, pour ces choses plus entierement faire & pour suiuir, les traiteurs, & autres gens clerks en droit, du Conseil du Roy d'Angleterre, ordonnerent sur la forme de la paix, par grande deliberation & par bon aduis, vne lettre: qu'on appelle la Chartre de la paix: dont la teneur s'ensuit cy apres.

* Annot. 85.

* La forme & la teneur de la lettre, faite sur la paix, qui fut faite deuant Chartres, entre les Roys de France & d'Angleterre.

CHAPITRE. CCXII.

† Si ceste lettre ne vous semble tant bien pun-ctuee et éclaircie, que le reste de l'Hist. considerez que le stile de tels instrumens a tousiours esté, et est encores, fort subiet à telles obscuritez: et sembleroit à ceux, qui les font, qu'on leur feroit grand tort de les leur éclaircir.

* Annot. 86.

EDouard, par la grace de Dieu Roy d'Angleterre, Seigneur d'Irlande & d'Aquitaine, à tous ceux, qui ces presentes lettres verront, salut. † Comme par les dissensions, débats, discords, & estrifs, meus, ou esperez à mouuoir, entre nous & nostre trescher frere le Roy de France, certains traiteurs & Procureurs de nous & de nostre trescher aîné fils Edouard, Prince de Galles, ayans à ce suffisant pouuoir & autorité pour nous, & pour luy, & pour nostre Royaume d'une part, & certains autres traiteurs & Procureurs de nostre-dit frere & de nostre trescher neveu Charles, Duc de Normandie & Dauphin de Vienne, fils aîné de nostredit frere le Roy de France, ayans pouuoir & autorité de son pere, en ceste partie, pour sondit pere & pour luy d'autre part, ayent esté assemblez à Bretigny pres de Chartres. Auquel lieu ayt esté parlé, traité, & accordé, * par les traiteurs & Procureurs de l'une partie & de l'autre, sur les dissensions, débats, guerres, & discords deuantdits. Et que les Procureurs de nous & de nostre fils, pour nous & pour luy, & les Procureurs de nostredit frere & de nostredit neveu, pour son pere & pour luy, ayent iuré, sur les Saintes Euangiles, tenir, garder, & accomplir ledit traité, comme ainsi nous l'auons iuré & iurerons, ainsi qu'il est dit & accordé audit traité. Et que parmi ledit accord, entre les autres choses, nostre frere de France & son fils deuantdits, soyent tenus & ayent promis bailler, deliurer, & delaisser à nous & à noz hoirs & successeurs, à tousiours, les Comtez, citez, villes, chasteaux, forteresses, terres, Isles, rentes, reuenues, & autres choses qui s'ensuyuent cy apres, avec tout ce que nous tenons en Guienne & en Gascogne, à posséder perpetuellement par nous, noz hoirs, & noz successeurs, ainsi que les Roys de France l'ont tousiours tenu, ce, qui est en domaine, en domaine, & ce qui est en fief, en fief, par le temps & maniere cy-dessous éclaircis. Cestassauoir la cité, le chastel, & la Comté de Poictiers, & toute la terre & pays de Poictou, ensemble le fief de Thouars, & la terre de Belle-ville: la ville & le chastel de Xaintes, & toute la terre & la Comté de Xaintonge, par-deça & par-dela Charente, avecques la ville & forteresse de la Rochelle, & leurs appartenances & appendâces: la cité & le chastel d'Agen, & le pays d'Agenois: la cité, la ville, le chastel, & toute la terre de Perigourd, & tout le pays de Perigueux: la cité, & le chastel de Limoges, & la terre & le pays de Limosin: la cité, & le chastel de Cahors, & la terre & le pays de Cahorsin: la cité, le chastel, & le pays de Tarbe: la terre, le pays, & la Comté de Bigorre: la Comté le pays, & la terre de Gaure: la cité & le chastel d'Angoulesme, & tout le pays d'Angoulmois: la cité, la ville, & le chastel de Rodais, & la Comté & le pays de Rouergue. Et, s'il y a en la Duché de Guienne aucuns Seigneurs (comme le Comte de Foix, le Comte d'Armignac, le Comte de l'Isle, le Vicomte de Carmain, le Comte de Perigourd, le Vicomte de Limoges, ou autres) qui tiennent aucunes terres dedans les mettes desdits lieux, ils soyent tenus nous en faire les hommages, & tous autres seruices & deuoirs, deuz à cause de leurs terres & lieux, en la maniere

niere qu'ils ont fait le temps passé: & que nous y entrerons en tout ce, que nous, ou autres des Roys d'Angleterre, anciennement nous y auions riens eu. En apres ayent aussi promis de nous delaisser la Vicomté de Montreul sur la mer, en la maniere que du temps passé, & tout ce que nous ou autres des Roys d'Angleterre y ont tenu: &, quant à ce qu'en ladite terre de Môtreul ont esté aucuns débats sur le partage d'icelle terre, nostre frere de France nous ayt promis qu'il le nous fera declairer, au plus hastiement qu'il pourra, luy reuenu en France. Item nous ayent aussi promis deliurer la Comté de Ponthieu toute entierement: sauf & excepté que, si aucunes choses ont esté alienées par les Roys d'Angleterre, qui ont esté & regné le temps passé, & ont anciennement tenu ladite Comté & appartenances à autres personnes qu'aux Roys de France, nostredit frere ne ses successeurs ne seront tenus de les nous rendre: &, si lesdites alienations ont esté faites aux Roys de France, qui ont esté pour le temps, sans aucun moyen, & nostredit frere les tienne à present en sa main, il les laissera à nous entierement: excepté que, si les Roys de France les ont eus par échange à autres terres, nous deliurerons à nostredit frere ce que l'on en a eu par échange, ou luy delaisserons les choses ainsi alienées, mais, si les Roys d'Angleterre, qui ont esté pour le temps de lors, en auoient aliené ou transporté aucunes choses en autres personnes que des Roys de France, & qu'ainsi elles fussent depuis venues es mains de nostredit frere, ou aussi par partage, il ne sera pas tenu de les nous rendre: & aussi, se les choses dessusdites doiuent quelque hommage à nous ou à nos successeurs, nostredit frere les baillera à autres: qui nous en feront hommage: &, si lesdites choses ne doyuent hommage à nous & à nous successeurs, il nous en baillera vn teneur: qui nous en fera deuoir, dedans vn an prochainement venant, apres qu'il s'en sera parti de Calais. Item nous ayent semblablement promis laisser posséder le chastel & la ville de Calais: le chastel, ville, & Seigneurie † de Merle: les villes, chasteaux, & Seigneuries de Sangate, Colloigne, Hames, Walles, & Oye, avecques les terres, bois, marests, riuieres, rentes, reuenues, Seigneuries, aduouesons d'eglises, & toutes autres appartenances & lieux, entregisans entre les mettes & bournes, qui s'ensuyuent: c'est assauoir de Calais iusques au fil de la riuere, par deuant Grauelines: & aussi par le fil mesme de la riuere, qui chet au grand lac de Guines, iusques à Fretin: & d'illec par la vallee, autour la môtaine de Caleuli, en cloant mesmes la môtaine: & aussi iusques à la mer, avecques Sangate, & toutes ses appartenances. Item que possederons aussi le chastel, la ville, & toute la Comté de Guines, avecques toutes les villes, chasteaux, & forteresses, terres, lieux, hommages, hommes, Seigneuries, bois, forests, & droitures d'icelle, aussi entierement comme le Comte de Guines, dernièrement mort, le tint au temps de sa vie: & obeiront les eglises, & les bonnes-gens, estans dedans les limitations de ladite Comte de Guines de Calais, de Merle, & des autres lieux dessusdits, ainsi qu'ils obeissoient à nostredit frere, & au Comte de Guines, qui fut pour le temps. Toutes lesquelles choses, cōprinſes en ce present article, & en l'autre prochain precedent de Merle & de Calais, nous tiēdrōns en domaine: exceptez les possēsiōs & heritages des eglises: qui demourront ausdites Eglises entierement: quelque part qu'ils soient assis, & aussi exceptez les heritages des autres gens du pays de Merle & de Calais, iusques à la value de cent liures de terre par an, la monnoye courant au pays, & au dessus: lesquels heritages leur demourront, iusqu'à la value dessusdite, & au dessous: mais les habitatiōs & heritages, assis en ladite ville de Calais, & leurs appartenances, demourront en domaine à nous: pour en ordonner à nostre volonté, & aussi demourront aux manans & habitans en la terre, ville & Comté de Guines, tous leurs domaines entierement, & y reuiendront pleinement: sauf ce qui est dit & declairé par auant des confrontations, mettes, & bournes dessusdites, en l'article de Calais. Item que nous tiēdrōns aussi toutes les Isles adiacēs aux terres, pais & lieux auant nommez, ensemble & avecques toutes les autres Isles, que nous tenions au temps dudit traité. Et comme il y ayt aussi esté pourparlé que nostre dit frere & son aîné fils renonceront aux ressors & souuerainetez, & à tout droit, qu'ils pourroyent auoir es choses dessusdites, & que nous les tiēdrōns comme voisin, sans nul ressort & souueraineté de nostredit frere, au Royaume de Frāce: & que tout le droit entierement que nostredit frere a es choses dessusdites, il nous cederà, quittera, & transportera perpetuellement à tousiours. Et aussi ayt esté pourparlé que semblablement nous & nostre dit fils renoncerons expressement à toutes les choses, qui ne doyuent estre baillées & deliurées à nous par ledit traité: & par especial au nom & au droit de la couronne de

†Encores que
i'aye suivi ce
qui m'a semblé
le meilleur en
tous ceux, qui
ont parlé de ce-
cy: neantmoins
ie ne vous ose
asseurer d'auoir
bien remis les
propres noms
des places de
cest article, ne
que la descrip-
tion, y cōtenue
soit bien en son
entier, sans a-
uoir esté sur les
lieux. Voyez ce
qui en sera es
letres des Ann.
85. et 86. & ce
pendant notez
qu'il y auoit,
en tous noz
Exemp. San-
gates, Cou-
longne, Bai-
nes, et kalenli
ou karlenli
pour Sangate
Colloigne,
Hames, &
Calculi.

France, & du Royaume, & à l'hommage, souveraineté & domaine de la Duché de Normandie, de la Comté de Touraine, & des Comtez d'Anjou & du Maine, & à la souveraineté & hommage de la Comté de Flandres, & à la souveraineté & hommage de la Duché de Bretagne (excepté que, quand au droit, que le Comte de Montfort doit & peut avoir en la Duché & pays de Bretagne, nous l'avons réservé & mis, par mots expres, hors de nostre traité: sauf tant que nous & nostre dit frere, venu d'Angleterre à Calais, en ordonnerions si à point, par bon advis & conseil de noz Barons, à ce deputez, que nous mettrions à paix & à accord le Comte de Montfort, & nostre cousin messire Charles de Blois: qui demande & chalange droit à l'heritage de Bretagne) & renoncions à toutes autres demandes, que nous faisons & faire pourrions, pour quelconque chose que ce soit (exceptées les choses dessusdites: qui doyent demourer, & estre baillées à nous & à noz hoirs) & que nous transporterons & céderons tout le droit, que nous pouvons avoir en toutes les choses, qui à nous ne doyent estre baillées. Sur lesquelles choses, apres plusieurs altercations eues sur ce, & par especial tendans à ce que lesdites renonciations, transports, cessions, & delaissemens dessusdits, soyent faits tant & si tost que nostre dit frere aura baillé à nous & à noz gens, especialement de par nous deputez, la cité & le chastel de Poictiers, & toute la terre & le pays de Poictou, ensemble le fief de Thouars & de Belle-ville: la cité & le chastel d'Agen, & toute la terre & pays d'Aginois: la cité & le chastel de Perigourd, & toute la terre & le pays de Perigueux: la cité & le chastel de Cahors, & toute la terre de Cahorsin: la cité & le chastel de Rodais, & tout le pays de Rouergue: la cité & le chastel de Xainctes, & toute la terre de Xainctonge: la cité & le chastel de Limoges, & tout le pays de Limosin: & ce que nous, ou autres Roys d'Angleterre, anciennement auons tenu en la ville de Montreuil sur mer, & es appartenances: Item la Comté de Ponthieu, toute entierement: sauf & excepté la teneur de l'article, contenu audit traité, qui de ladite Comté fait mention: Item le chastel, & la ville, de Calais: le chastel, la ville, & la Seigneurie de Sangate, Colloigne, Hames, Wallles, & Oye: avecques les terres, rivières, marests, bois, rentes, Seigneuries, & autres choses, contenues en l'article, faisant mention de ce: Item le chastel, & la ville, & toute entierement la Comté de Guines: avecques toutes les terres, chasteaux, villes, forteresses, lieux, hommes, hommages, Seigneuries, bois, forests, & droitures, selon la teneur de l'article, en faisant mention plus plainement audit traité: & avec les Isles, adiacés aux terres, pays, & lieux avant-nommez: & avecques les autres Isles, que nous tenions à present (c'est à entendre au temps dudit article, & de la paix) Pource que nous, & nostre frere le Roy de France, deus & auos promis, par foy & serment, l'un à l'autre, iceux traitez & paix tenir, garder & accomplir, & de non venir encôtre, & que sommes tenus nous & nostre dit frere le Roy de France, & noz fils aînez dessusdits, par obligatiō & promesse, & par foy & serment d'une part & d'autre, faire certaines renonciations l'un pour l'autre, selon la forme & teneur dudit article & paix, dût la forme & teneur s'ensuit. Ité est accordé q̄ le Roy de France & son aîné fils le Rgēt, pour eux & pour leurs hoirs à tousiours, & le plus tost qu'il se pourra faire sans malengin, & au plus-tard dedās la feste de S. Michel, prochainement venant en un an, rendront & bailleront audit Roy d'Angleterre, & à tous ses hoirs & successeurs, & transporteront en eux les hōneurs, regalez, obeissances, hōmages, ligeances, vassaux, fiefs, services, recognoissances, sermens, droitures, † main mise & imperie, toutes manieres de iurisdiccions, hautes & basses, ressors, sauuegardes, Seigneuries, & souverainetez, qui appertenoient & appartiennent, & pourroyent aucunement appartenir, aux Roys & à la couronne de France, ou à aucune autre personne, pour cause du Roy & de ladite couronne de France, en quelque temps que ce soit, es citez, villes, chasteaux, forteresses, Isles, pays, & lieux, avant-nommez, ou en aucuns d'iceux, ou en leurs appartenances, & appendances quelsconques d'iceux, soient Princes, Ducs, Vicomtes, Archeuesques, Evēques, Abbez, ou autres Prelats d'eglise, Chevaliers, Barons, Nobles, & autres q̄lcoques: sans riēs à eux, leurs hoirs ou successeurs, ou à la courōne de France ou autre que ce soit, retenir ne réserver en iceux, pourquoy eux ou leurs hoirs & successeurs, ou aucuns des Roys de France, ou autre q̄ ce soit à cause du Roy ou de la couronne de France, aucune chose y puisse chalanger ou demander, au temps advenir, sur le Roy d'Angleterre, ses hoirs ou successeurs, & sur aucun des vassaux & subiects dessusdits, pour cause desdits pays & lieux dessus-nommez. Aussi que toutes les avant-nommes personnes, & leurs hoirs & successeurs, perpetuellement seront hommes liges & subiects

† A mon advis
qu'il y auroit
mieux aissi que
Bretigni dit,
mer & mixte
impere: et les
Cron. de Fran.
à peu pres pour
cela, que les lu
risconsultes La
tins disent me
rum & mix-
tū imperiū.

subiets du Roy d'Angleterre, & de tous ses hoirs & succeffeurs : & auront & tiendront iceux toutes les personnes, citez, Côtez, terres, pays, Isles, chasteaux, & lieux auât-nommez, & toutes leurs appartenances & appendances : & demourront pleinement & perpetuellement, paisiblement & franchement, en leur Seigneurie, souueraineté, obeissance, ligeauté, & subiection : comme les predeceffeurs, Roys de France les auoient & tenoyent au temps passé : & que ledit Roy d'Angleterre, & ses hoirs & succeffeurs auront, & tiendront, paisiblement & perpetuellement, tous les pays, auant-nommez, en toute franchise & liberté perpetuelle, comme Seigneur souuerain & lige, & voisin au Roy de France, & audit Royaume de France : sans y congnoistre souueraineté, ou faire obeissance, hommage, ressort, & subiection, & sans faire, au temps aduenir, aucun seruice, ou recongnoissance, au Roy, ou à la couronne de France, des citez, Comtez, chasteaux, pays, terres, Isles, lieux, & personnes deuant-nommez, ou pour aucune d'icelles. Item est accordé que le Roy de France & son aîné fils renonceront expressement ausdits ressors & souuerainetez, & à toutes les choses, qui par ce present traité doyent appartenir au Roy d'Angleterre : & semblablement le Roy d'Angleterre & son aîné fils renonceroût à toutes les choses, qui par ce present traité ne doyent estre baillées ne données au Roy d'Angleterre, & à toutes les demandes qu'il faisoit au Roy de France : & par especial au nom, au droit, aux armes, & au chalange de la couronne & du Royaume de France : à l'hommage, souueraineté, & Domaine de la Duché de Normandie, & de la † Duché de Touraine, & des Comtez d'Aniou & du Maine : & à la souueraineté & hommage de la Comté & du pays de Flandres : & à toutes autres demandes, que le Roy d'Angleterre faisoit au temps dudit chalange, & faire pourroit, au temps aduenir, audit Royaume de France, par quelconque cause que ce soit : outre & excepté ce, qui par le present traité doit demourer, & estre baillé au Roy d'Angleterre, & à ses hoirs. Et transporteront, cederont, & delaisseront, l'un Roy à l'autre, perpetuellement, tout le droit, que chacun d'eux a, ou peut auoir, en toutes les choses, qui par ce present traité doyent demourer, ou estre baillées, à chacun d'eux : & quant au temps & lieu, ou & quand, lesdites renonciations se feront, parleroût, & en ordonneront, les deux Roys à Calais ensemble. Et pour ce aussi que nostredit frere de France & son aîné fils, pour tenir & accomplir les articles de la paix & accords dessusdits, ont renoncé expressement aux ressors & souuerainetez compris esdits articles, & à tout le droit qu'ils auoient, ou auoir pouuoient, en toutes les choses dessusdites (que nostredit frere nous a baillées, † deliurees, & delaisées) & es autres, qui dorefnauant nous doyent demourer & appartenir par ledit traité de paix, Nous parmi lesdites choses, renonçons expressement à toutes les choses, qui par ledit traité de paix ne doiuent estre baillées, à nous, pour nous & noz hoirs, & à toutes les demandes, que nous faisons, ou pouuons faire, enuers nostredit frere de France : & par especial au nom & au droit de la couronne de France : & du Royaume, & à l'hommage, souueraineté, & domaine de la Duché de Normandie, des Comtez du Maine, d'Aniou, & de Touraine, & à la souueraineté & hommage du pays & de la Comté de Flandres, & à toutes autres demandes, que nous fissions, ou faire pourrions, à nostredit frere, par quelconque cause que ce soit : outre & excepté ce, qui par ce present traité doit à nous demourer, & à noz hoirs : Et luy transporterons, cedons, & delaissons, & luy en nous, & l'un en l'autre, au mieux que nous pouuôs, tout le droit, qu'un chacun de nous pourroit, ou pouuoit auoir, en toutes les choses, qui par ledit traité de paix doiuent demourer, ou estre bailliez, à chacun de nous : en reseruât aux eglises, & aux gës d'Eglise, ce qui à eux appartient, ou pourroit appartenir : & que tout ce, qui a esté occupé & detenu du leur, pour occasion des guerres, leur soit recompensé, restitué, rendu, & deliuré : Et que les villes & forteresses, & toutes les habitatiôs, & les demourans en icelles, soient & demourent en telles libertez & franchises, comme par auant estoient en nostre main & Seigneurie : & leur soit confermé par nostredit frere de France, si en est requis : si contraires ne sont aux choses deuâdites. Et submettoûs, quâd à noû, toutes choses de noû, & de noz hoirs & succeffeurs, à la iurisdiction & coertion de l'eglise de Rome : Et voulons & consentons que nostre Sainct pere le Pape confirme toutes ces choses, en donnant monitions & mandemens generaux, sur l'accomplissement d'icelles, contre nous, noz hoirs & succeffeurs, & contre noz Communes, Colleges, Vniuersitez, ou personnes singulieres quelconques, & en donnant sentences generales d'excomuniement, de suspension, d'interdit, ou pourriôs estre encourus par nous, ou par eux, par ce fait, & si tost q nous à eux fe-

† Il ne l'a par
auât faite que
Comté.

† N'entendez
pas reaumêt
& de fait,
mais verbale
ment & par
promesse de
l'é faire iouir
au temps ac-
cordé. C'est à
sauoir dedâs la
feste s. Michel,
1361. ou dedâs
quel autre tēps
accordé en cer-
tain article, ou
autre lettre, de
faillant en ceste
cy, comme on le
peut apercevoir
sur la fin d'icel-
le, & par celle
des Cron. de F.
donnée à Calais
le 23. iour d'O-
ctobre 1360.

rons ou attenterons, en occupant ville, chastel, cité, ou forteresse, ou quelsconques autres choses, faisant, ratifiant ou agreant, & donnant conseil, confort, faueur, ou aide célement, ou en appert, contre ladite paix. Desquelles sentences ils ne puissent estre absous, iusques à ce qu'ils ayent fait pleine satisfaction à tous ceux, qui par celuy fait auront soustenu, ou soustiendront, dommage. Et avecques ce voulons & consentons que par nostredit Saint pere le Pape (à fin que plus fermement soit tenue, gardée, & observée ladite paix à perpetuité) toutes les pactions, confederations, alliances, & conuenances (comment qu'elles puissent estre nommées) au cas qu'elles puissent estre preiudiciables, ou obuier à ladite paix, par quelque voye, au temps present, ou aduenir (supposé qu'elles fussent fermées & baillées par peines, & par sermens, & confirmées de nostre Saint pere le Pape, ou d'autre)) soyent cassées & mises au neant, comme contraires au bien cōmun, & au bié de paix, improfitables à toute Chrestienté, deplaisances, à Dieu. Et qu'en tous sermens, en tels cas faits, soit relaté ou decerné, par nostre Sainct pere le Pape, que nul ne soit tenu à tels sermens, alliances, & conuenances tenir & garder: & deffendu qu'au temps aduenir n'en soyent faites de telles, ou semblables: & si de fait aucun attentoit ou faisoit le contraire, que des maintenant les casse, amorte, & rende nulles, & de nulle valeur: & neantmoins nous les en punirons (comme violateurs de paix) par peine de corps & de biens: si comme le cas le requerra, & que raison le voudra. Et, se nous procurions ou souffrions estre fait le contraire (que Dieu ne vueille) nous voulons estre reputez pour mensongers, & déloyaux tenus: & voulons encourir en tel estat blasme, & diffame, cōme Roy sacré doit encourir en tel cas: & iurerōs, sur le corps Iesus christ, les choses dessusdites tenir, garder, & accomplir, & n'y contreuenir par nous, ou par autre, en quelque cause ou maniere que ce soit. Et, à ce que lesdites promesses soient tenues & accomplies, nous, noz hoirs, & tous les biens de nous & de noz hoirs, obligeōs à nostredit frere le Roy de France & à ses hoirs: & iurons sur les Sainctes Euangiles, par nous corporellement touchées, que nous parferons, tiendrons, & accomplirons, † ou cas dessusdit, toutes les deuantdites choses, par nous promises & accordées, comme dit est. Et voulons, au cas que nostre frere, ou ses deputez, au lieu & au terme & par la maniere que dessus est dit, face son deuoir, que deslors, au cas dessusdit, noz presentes lettres, & quanque compris est dedans, ayent tant de vigueur, effect, & fermeté, comme auroyēt noz autres lettres, par nous promises & baillées, comme dit est. Sauf toutesfois & reserué par nous, noz hoirs & successeurs, que lesdites lettres, dessus-incorporées, n'ayent aucun effect, ny ne nous puissent porter aucun preiudice ou dommage, iusques à ce que nostredit frere & neveu auront fait, enuoyé & baillé lesdites renonciations, par la maniere dessusdite: & aussi qu'ils ne s'en puissent aider contre nous, noz hoirs, & successeurs, en aucune maniere: sinon au cas dessusdit. En tesmoing de laquelle chose, nous auons fait mettre nostre seel à ces presentes lettres, données à Calais, le vingtquatriesme iour d'Octobre, l'an de grace Nostre-seigneur mil ccc. lx

† C'est assauoir
quand le Roy
de France luy
rendroit et bail
leroit ce que des
sus dedas la s.
Michel susdite:
ou bien faut en
tendre qu'il y
ait quelques ar
ticles perdus en
cette lettre: com
me le reste sem
ble mōstrer (ain
si que i'ay dit
nagueres) &
comme à la ve
rité ie l'ay trou
uee horriblement
corrompue.

Quand ceste arriere-charte (qui s'appelle Lettre de renonciation, tant d'un Roy cōme de l'autre) fut escrete, grossoyée, & scelee, on la leut & publia generally, en la chambre du Conseil, presens les deux Roys dessus-nommez, & leurs Consuls. Si sembla à chacun estre belle & bonne, & bien dictée, & bien ordonnée: & là derechef iurerēt lesdits Roys, & leurdits aînez, fils, sur les Sainctes Euangiles, corporellement touchees, & sur le corps Iesus christ sacré, tenir garder, & accomplir, & non enfreindre, toutes les choses dessusdites. Depuis encores, par l'aduis & deliberation du Roy de France & de son Conseil, & sur la fin de leur parlement, fut requis le Roy d'Angleterre, qu'il voulsist donner & accorder vne commission generale: qui descendist sur tous ceux, qui pour le tēps tenoient, en l'ombre de sa guerre, villes chasteaux, & forteresses, au Royaume de Frāce: parquoy ils eussent cause, cōmandement, & cognoissance d'en vider & partir. Le Roy d'Angleterre (qui ne vouloit que tout bien, & bonne paix nourrir entre luy & le Roy de France, son frere, ainsi q' iuré & promis l'auoit) descendit à ceste requeste legerement: & luy sembla de raison: & cōmanda à ses gēs, qu'elle fust faite sur la meilleure forme qu'ō pourroit, à l'entente & discretion du Roy de France & de son Conseil. Adoncques derechef se meirent les plus especiaux du Conseil des deux Roys dessusdits ensemble: & là fut gettee, escrete, & grossoyée, par l'aduis de l'un & de l'autre, vne cōmission: dont la te neur s'ensuit. E D O V R D, par la grace de Dieu Roy d'Angleterre, Seigneur d'Irlande, & d'Aquitaine, à tous noz Capitaines, gardes de villes & de chasteaux, adherās & alliez,

estans

estans es parties de Frâce, tant en Picardie, en Bourgongne, en Aniou, en Berry, en Normandie, en Bretagne, en Auvergne, en Champagne, ou Maine, en Touraine, & en toutes les mettes & limitations du domaine & teneur de France, salut. C O M M E paix & accord soient faits entre nous, noz alliez, & adheras, † d'une part, & nostre cher frere le Roy de France, ses alliez, & adherans, d'autre part, sur tous les débats & discords, que nous auons eus au tēps passé, ou pourriōs auoir ensemble, & ayōs iurés, sur le corps Iesus Christ, & aussi nostre trescher fils aîné, & autres noz enfans, & ceux de nostre sang, avec plusieurs Prelats, Barons, & Cheualiers, & des plus notables de nostre Royaume, & aussi ayent iuré nostredit frere, & nostre neueu le Duc de Normandie, & noz autres neueux ses enfans, & plusieurs Barons, Cheualiers, & Prelats dudit Royaume de France, à tenir & garder fermement la paix: Et comme ainsi soit, ou aduienne, qu'aucuns guerroyeurs de nostre Royaume, ou de noz subiets, se pourroyent efforcer de faire ou d'entreprendre aucune chose contre ladite paix, en prenant ou detenant forteresses villes, citez, ou chasteaux, ou en faisant pillages, ou prenant gens, ou arrestant leurs corps, leurs biens, leurs marchandises, ou autres choses, faisans contre ladite paix (dequoy il nous déplairroit grandement, & ne le pourriōs ou voudriōs souffrir, ne passer sous ombre de dissimulation, en aucune maniere) Nous, voulans de tout nostre pouuoir es choses dessusdites estre remedié, voulōns, desirōns, & ordonnōns, par la deliberation de nostredit Cōseil de certaine science, que nuls de noz subiets, ou alliez, de quelconque estat ou condition qu'il soit, face, ou s'efforce de faire, contre la paix, en faisant pillage, prenant ou retenant forteresses, personnes, ou biens quelsconques du Royaume de France, ou d'aucun de nostredit frere, de ses subiets, alliez, & adherans ou autres quelsconques. † Et en cas qu'il s'en trouue aucuns, qui facent contre ladite paix, & ils ne laissent, cessent, & deportent de ce faire, en rendant les dommages que faits auront, dedans vn mois apres ce qu'ils auront esté requis sur ce par aucuns de noz Officiers, sergens, ou personnes publiques, que par tel fait seulement, sans autre procez ou condānatiō, ils soient deslors reputez bannis de nostre Royaume, & de nostre pouuoir, & aussi du Royaume & terres de nostredit frere, & tous leurs biens confisque, & obligez à nous & à nostre dōmaine: & fils pouuoient estre trouuez en nostre Royaume, nous cōmandons, & voulōs expressēmēt, que punitiō en soit faite, cōme de traistrēs & rebelles à nous, par la coustume de faire en crime de lese maïesté, sans faire sur ce grace, remission, souffrance, ne pardon. Et pareillement le voulōns faire de noz subiets, de quelscōques estats qu'ils soyent, qui en nostre Royaume, deçà & delà la mer, prendront, occuperont, & detiendrōt forteresses quelcōques, contre la volonté de ceux, à qui elles appartiendront, ou qui bouterōt feu, rançonneront villes ou personnes, ou feront pillages, ou roberies, ou émouueront guerres en nostre pouuoir, & sur noz subiets. S I M A N D O N S, cōmandons, & enioingnons expressēmēt à tous nōz Sēeschaux, Baillifs, Preuosts, Chastellains ou autres noz Officiers, sur quāque ils peuuēt mieffaire enuers nous, & sur peine de perdre leurs offices, qu'ils publiēt ou facēt publier, ces presentes, par les lieux notables de leurs Seneschauſſées, Bailliages, Preuostez, & Chastellenies: & que nul, ce mādēmēt ouy & veu, ne demeure en forteresse qu'il tienne audit Royaume de France, hors de l'ordonāce du traité de la paix, sur peine à estre ennemy à nous & à nostredit frere de Frâce: Et toutes les choses dessusdites gardēt & facēt garder entieremēt, & accōplir de point en point: Et sachēt tous, que s'ils en sont negligens ou deffaillans, avec la peine dessusdite nous leur ferons rendre les dōmages à tous ceux, qui par leurs defautes ou negligences auront esté greuez ou domagez. & avec ce, les punirons par telle maniere, qu'il en sera exēple à tous autres. En tesmoing desquelles choses nous auons fait faire cestes noz lettres patentes, donnees à Calais, le xxiiij. iour d'Octobre, l'an de grace Nostre-Seigneur mil c c c. l x.

† Ces mots, *in-f*
ques à d'autre
part, de faillō-
ent en to^r noz.
Exēpl. n'y ay-
ant que la prin-
cipale substāce
de ceste lettre
en noz Abr.

† Il y auoit icy
corruption de
sens en tous les
Exem. par fau-
te des mots
suynans, *in-f*
ques à facent.

De ce qui fut fait à Calais entre les Roys de France & d'Angleterre, pour la Duché de Bretagne, & pour quelques terres de feu Godeffroy de Harcourt: & comment le Roy Iehan partit de Calais, pour s'en retourner librement en ses pays. CHAP. CCXIII.

A Pres toutes ces lettres faites & diuifées, & ces lettres & commissions deliberées & baillées, & si bien ordonné tout, par l'aduis de l'un & de l'autre, que les parties se tenoyent pour contentes, vray est qu'il fut parlé de messire Charles de Blois & de messire Iehan de Montfort, sur l'estat de Bretagne (car chacun d'eux reclamait grand droit à auoir en l'heritage de Bretagne) & (quoy que la en fust parlementé, & regardé cōmēt on

pourroit toucher les choses, & eux appaïser) riens n'en fut diffiniement fait, car si comme i'en fus depuis informé, le Roy d'Angleterre & les siens n'y auoient mie trop grande affection, car ils presumoyent que le temps aduenir toutes manieres de Gens-d'armes, de leur costé, partiroyent & vuideroient les garnisons & fortereffes qu'ils tenoiēt à present, & auoient tenues au Royaume de France, & se retireroiēt quelque part que ce fust: & mieux valoit, & plus profitable estoit, que ces guerroyeurs & pilleurs se retirassent, en la Duché de Bretagne (qui est vn des gras pays du monde, & bon pour tenir Gens-d'armes) que qu'ils viensissent en Angleterre, car leur pays en pourroit estre perdu & robé. Ceste imagination fit assez brief les Anglois partir le parlemēt de l'article de Bretagne dont ce fut peché, & mal fait qu'on n'en exploita autrement, car, si les deux Roys voulsissent bien acertes, par l'aduis de leurs Consuls, paix eust esté ia faite entre les parties: & se fust chacun tenu à ce qu'on luy eust donné: & si eust messire Charles de Blois receu ses enfans (qui gisoient prisonniers en Angleterre) & si eust plus longuement vescu, qu'il ne fit. Et pource qu'il n'en fut onc riens, fait les guerres ne furent iamais si grâdes en la Duché de Normandie, au deuant de l'ordonnance de la paix des deux Roys, dont nous parlōs maintenant, comme elles ont esté depuis (si-cōme vous orrez, en ensuyuant, en l'Histoire) & mesmes entre les Barons & Cheualiers du pays de Bretagne: qui soustenu ont l'une partie & l'autre. Si que le Duc Henry de Lenclastre (qui fut vaillant Sire, & sage, & imaginatif, & qui trop durement aimoit le Comte de Montfort, & son aduācement) dit au Roy Iehan de France, present le Roy d'Angleterre, & la plus grād' partie de leurs Cōsuls, Sire, encores ont les tréues de Bretagne, qui furent passées & données deuant Rénès, à durer iusques au premier iour de May. La au-dedans enuoyera le Roy nostre Sire, par son Conseil, gens de par luy, & de par son † fils le ieune Duc messire Iehan de Montfort, en France, deuers vous: & ceux auront pouuoir & autorité d'entendre & de prédre tel droit, que ledit messire Iehan peut auoir, de la succession son pere en la Duché de Bretagne: si q̄ vous & voz Cōsuls, & les nostres, mis ensēble, en ordōneront: & pour plus grād' seureté, est bon que les tréues soient r'allongées, iusques à la Saint Iehan Baptiste ensuyuant. Ainsi fut il fait, comme le deffusdit de Lenclastre le parlemēta: & puis les autres Seigneurs parlerent d'autre matiere. Le Roy Iehan (qui auoit grand desir de retourner en France, cōme c'estoit raison) mōstroït au Roy d'Angleterre, de bō courage, tous les signes d'amour qu'il pouuoit, & à son neueu le Prince de Galles: & le Roy d'Angleterre autant bien à luy: & par plus grād' confirmation d'amour, les deux Roys (qui par l'ordonnance de la paix s'appelloient freres) donnerent à quatre Cheualiers, † chacun de leur costé, la somme de huit mille francs, François, par an, de reuenue: c'est à entendre pour chacun, deux mille. Et pource que la terre de Saint-Sauueur le Vicomte en Constantin venoit en Angleterre du costé deuers messire Godeffroy de Harcourt, par don, & par vendage que ledit messire Godeffroy en auoit fait au Roy d'Angleterre (ainsi cōme il est contenu cy-dessus en celiure) & que ladite terre estoit hors de l'ordonnance du traité de la paix, & cōuenoit, à quicōque vouloit tenir la terre deffusdite, qu'il en fust homme, de fief & d'hommage, au Roy de France, pour celle cause le Roy l'auoit donnée & reseruée à messire Iehan Chandos (qui plusieurs beaux seruices luy auoit faits) & à ses enfans. Parquoy le Roy de France, par grande deliberation de courage & d'amour, la conferma & seella, à la priere du roy d'Angl. audit messire Iehan Chādos, & à la posseder cōme son bon & droit heritage. Si est-ce vne moult belle terre & redable, car elle vaut biē vne fois l'an, seize cens frācs. Encore, avec ces choses, furent plusieurs autres lettres faites, & alliances: desquelles ie ne puis du tout faire mētion, car durāt quinze iours, ou enuiron (que les deux Roys, leurs enfans, & leurs Cōsuls, furent en la ville de Calais) y auoit tous les iours parlement, & nouuelles ordōnances, en recōfermāt & allouāt la paix & d'abondāt, renouuelloiēt lettres, sans briser ne corrōpre les premieres: & les faisoïēt toutes sur vn date, pour estre pl^r seures & pl^r approuuées: desq̄lles i'ay depuis veu la copie sur les registres de la Chācellerie de l'un Roy & de l'autre. Quand toutes ces choses furent si bien faites, diuïsées, & ordōnées, q̄ nul n'y fauoit, ne pouuoit, par raison, riēs de mander, amender, ne corriger, & qu'on ne cuidoit mie (par les grandes alliances & obligations, ou les deux Roys & leurs enfans estoient liez, & auoient iuré) que ceste paix se deust briser comme elle fit (ainsi que vous orrez cy-apres, en ensuiuant ce liure) & que to^z ceux, qui deuoient estre ostages pour la redemption du Roy de France, furent venus à Calais, & que le Roy d'Angleterre leur eust iuré de les tenir & garder paisiblement en son

† C'est adire gēdre, pour cest endroit.

† La Chaux dit chacun du costé de son cōpaignō, la somme &c.

Iehan Chādos fait Seigneur de S. Sauueur-le Vicōte, par le Roy d'Angl.

† Il n'y auoit que six mille francs en tous noz Exmpl.

son Royaume, & que les [†]fix cens mille francs furent payez aux deputez du Roy d'Angleterre, le Roy d'Angleterre donna au Roy de France vn moult beau & grand soupper dedans le chastel de Calais, & moult bien ordonné: & seruirent les enfans dudit Roy, & le Duc de Lenclastre, & les plus grans Barons d'Angleterre, à nuds chefs. Apres ce soupper prindrent finalement congé ces deux nobles Roys l'un de l'autre, moult gracieusement & amiablement: & s'en retourna le Roy de France en son hostel. Le lendemain (qui fut vigile Saint Simon & Saint Iude) le Roy de France partit de Calais, & tous ceux de son costé, qui partir s'en deuoient: & se mit le Roy de France tout à pié, pour venir en pelerinage à Nostre-Dame de Boulongne: & luy firent compaignie le Prince de Galles & ses deux freres: c'est assauoir, messire Lionnet, & aussi messire Aimō, Et ainsi vindrēt tous à pié, deuant disner, iusques à Boulongne: ou ils furent receus à grād ioye: & là estoit le Duc de Normandie, qui les attendoit. Si vindrent les dessusdits Seigneurs, tous à pié, en l'eglise de Nostre-Dame de Boulongne: & firent leurs offrandes moult deuotement. Puis tournoyèrent par l'Abbaye de leans: qui estoit appareillée pour le Roy recevoir, & les enfans d'Angleterre. Si furent là ce iour: & la nuit ensuyuant furēt delez le Roy, leur pere, qui les attendoit. Si passerent tous ces Seigneurs ensemble la mer, & tous les ostagers de France. Ce fut la vigile de la Toussaints, l'ā mil ccc. lxx. Or est raison que ie vous nōme tous les Nobles du Royaume de France, qui entrerent en Angleterre pour le Roy de France. Premièrement messire Philippe, Duc d'Orleans, iadis fils du Roy Philippe de France. En apres ses deux neueux (le Duc d'Aniou, & le Duc de Berry) & puis le Duc de Bourbon, le Comte d'Alençon, messire Iehan d'Estampes, Guy de Blois pour le Comte Louis de Blois son frere, le Comte de Saint Pol, le Côte de Harcourt, le Côte Dauphin d'Auuergne, messire Enguerrant, Seigneur de Coucy, messire Iehan de Ligny, le Comte de Porcien, le Comte de Brēne, le Sire de Montmorēcy, le Seigneur de Roye, le Seigneur de Preaux, le Seigneur d'Estouteuille, le Seigneur de Clerietz, le Seigneur de S. Venāt, le Seigneur de la Tour d'Auuergne, & encōres des autres: que ie ne puis tous nommer. Aussi de la bonne Cité de Paris, de Rouen, de Reims, de Bourges en Berry, de Tours en Touraine, de Lion sur le Rosne, de Sens en Bourgōgne, d'Orleans, de Troye en Champaigne, d'Amiens, de Beauuais, d'Arras, de Tournay, de Caen en Normandie, de Saint-Omer, de l'Isle, de Douay, & de chacune cité, deux ou quatre Bourgeois. Et finalement passerent tous la mer: & s'en vindrent en la bonne cité de Londres, & le Roy d'Angleterre commanda & enioingnit à ses Officiers, sur quanque ils pourroyent meffaire enuers luy, qu'ils fussent à ces Seigneurs & à leurs gens, courtois, & les fissent eux, & leurs gens, tenir en paix: car ils estoient en sa garde. Le cōmandement du Roy fut bien tenu & gardé en toutes manieres: & alloyēt ces Bourgeois ostagers iouer, sans peril & riote, aual la cité de Lōdres, & enuiron: & les Seigneurs alloiēt chacer & voler à leur volōté, & eux ébattre & deduire sur le pays, & veoir les Dames: & oncques n'y furent contrains: mais trouuerēt le Roy moult courtois & amiable. Or parlerons vn petit du Roy de France: qui estoit venu à Boulōgne, apres estre party de la ville de Calais.

Des Commissaires, qui furent ordonnées, d'un costé & d'autre, à faire vider les garnisons, parmi le Royaume de France: & des Compaignons, qui se meirent sus par le Royaume: & des maux qu'ils faisoient.

CHAP.

CCXIII.

LE Roy de France ne seiourna pas gueres à Boulongne: mais s'en partit tantost apres la Toussaints, & vint à Montreuil & à Hedin, & fist tant qu'il vint en la bonne cité de Amiens, & par tout estoit il receu grandement & hōnorablement. Quand il eust esté à Amiens (ou il se tint apres, iusques à Noel) il s'en partit: & reuint à Paris. Là fut il solennellement & reueremment receu de tout le Clergé de Paris, & amené & conuoyé iusques au Palais, ou il descēdit, & messire Philippe son fils aussi & tous les Seigneurs qui auueques luy estoient: & là fut le disner grand & noble, & bien étoffé. Je ne vous aurois iamais diuise cōme puisāment le Roy de France fut recueilly à son retour en son Royaume, de toutes manieres de gens, car il estoit mout desiré. Si luy dōna lon de beaux dōs, & de riches presens, & le vindrēt voir & visiter les Prelats & Barōs de son Royaume, & le festoyerent & éiourēt, si cōme il appartenoit, & le Roy les receut moult doucemēt. Assez tost apres [†] que le Roy Iehan fut retourné en France, passerent la mer les cōmis & establis du Roy d'Angl. pour prendre la possession des terres, des pais, des Cōtez, des Sēneschauchées, des citez, des villes, des chasteaux, & des fortereffes, qui luy deuoyent

mais les Abt. m'ont fait foy de ce qu'y auōs adiousté. Le Roy Iehan de France deliuré de la main des Angl. la veille Saint Simon s. Iude 1360.

Retour du Roy d'Angl. en son pais. Les noms des ostages de France, emmenez en Angl. pour le Roy Iehan.

Retour du Roy Iehan à Paris.

† Ceci peut estre de 1361. à cōmēcer par le 1. iour de l'ānier.

*La difficulté,
que le Roy Iehan
eut à faire obeir
plusieurs au
Roy d'Angl. se
lon la paix de
Bretigny.*

*De la Constan
ce des Rochel
lois enuers la
couronne de
France.*

*Le Roy d'Angl.
en possession de
ce qu'il deuoit
auoir deça la
mer, par le trai
té de Bretigny.
Iehan Chandos
Lieutenant du
Roy d'Angl. en
Aquitaine.*

*Commissaires du
Roy d'Angl.
pour faire ren
dre au Roy de
France ses for
teresses.*

estre baillées & deliurées par le traité de la paix. Si ne fut mie si tost fait, car plusieurs Seigneurs de Languedoc ne voulurent mie, du premier, obeyr à eux, ny eux rendre au Roy d'Angleterre: quoy que le Roy de France les quittaist de foy & d'hommage, car il leur sembloit à trop grand contraire & aduersité, si aux Anglois obeyr leur couenoit. Et, par especial, es lointaines marches, le Côte de la Marche, le Comte de Perigourd, le Côte de Cōminges, le Vicomte de Chastillon, le Vicôte de Carmaing, le Seigneur Pincornet, & plusieurs autres, s'émueruilloient fort du ressort, dont le Roy de Frâce les quittoit: & disoient aucuns qu'il ne luy appartenoit point à les quitter, & que par droit il ne le pouuoit faire, car ils estoient en la Gascogne trop anciennemēt chartez & priuilegez du grand Charlemagne (qui fut Roy de France) qu'il ne pouuoit mettre le ressort en autre court qu'en la sienne: & pource ne voulurent ces Seigneurs, du premier, legerement obeyr à luy. Mais le Roy de Frâce (qui vouloit tenir, & à son pouuoir accomplir, ce qu'il auoit iuré & seellé) y enuoya messire Iaques de Bourbon, son cher cousin: lequel appaisa la plus grande partie de ces Seigneurs: & deuindrent hommes, ceux qui le deuoient deuenir au Roy d'Angleterre: cōme le Côte d'Armignac, le Sire d'Albret, & moult d'autres, qui, à la priere du Roy de France, & de messire Iaques de Bourbon, son cher cousin, obeyrent, mais ce fut bien enuis. Al'autre costé, sur la marine, en Poictou, en Rochellois, & tout en Xainctonge, vint il à trop grand déplaisir aux Barons, & aux Cheualiers, & aux bonnes villes du pays, quand il les conuint estre Anglois: & par especial, ceux de la ville de la Rochelle ne fy voulurent accorder: & s'en excuserēt par trop de fois: & furēt plus d'un an, qu'onques ils ne voulurent laisser entrer Anglois en la ville: & se pourroit on émerueiller des douces & amiables parolles, qu'ils escriuoyent au Roy de France: en le suppliant, pour Dieu, qu'il ne les voufist mie quitter de leur foy, n'eux élogner de son domaine, & mettre es mains des estrangers: & qu'ils auoient plus cher à estre tallez tous les ans, de la moitié de leur cheuanche, que ce qu'ils fussent es mains des Anglois. Sachez que le Roy de France (qui veoit leur bonne volonté & loyauté, & oyoit souuēt leurs excusations) auoit grād' pitié d'eux: mais il leur mādait & escriuoit affectueusemēt, & songneusement, qu'il leur conuenoit obeyr: ou autrement, la paix seroit enfreinée & brisée: la quelle seroit en trop grande preiudice au Royaume de France. Si que, quand ceux de la Rochelle veirent ce, & le destroit ou ils eussent esté, & qu'excusances, parolles, ne prieres qu'ils fissent, ne leur valoient riens, ils obeirent: mais ce fut à trop grande durescé: & dirent bien les notables gens de la ville, Nous ferons & obeirons aux Anglois des lésures: mais les cœurs ne s'en mouueront. Ainsi eut le Roy d'Angleterre la faisine & la possession de la Duché d'Aquitaine, de la Comté de Pōthieu, & de Guines, & de toutes les terres qu'il deuoit auoir deça la mer: c'est à entēdre au Royaume de Frâce, & qui luy estoient données par l'ordonnāce dudit traité. Et premieremēt, en celle propre année, messire Iehan Chandos passa, cōme Regent & Lieutenant du Roy d'Angleterre: & vint prendre la possesiō de toutes les terres dessusdites, les foy & hommage des Cōtes, des Vicōtes, des Barons, des Cheualiers, de villes, & des fortresses, & meit & institua, par tout Seneschaux, Baillifs, & Officiers, à son ordonnance: & vint demourer à Niorth. Si tenoit ledit messire Iehan Chandos grād estat, & noble: & biē auoit de quoy, car le Roy d'Angleterre (qui moult l'aimoit) le vouloit: & certes il en estoit bien digne, car il fut doux Cheualier, courtois, begnin, amiable, large, preux, sage, & loyal en tous estats, & qui vaillamment se maintenoit en tous affaires, & entre tous Seigneurs & toutes Dames: n'oncques Cheualier de son temps ne fut mieux aimé, ne prisé, qu'il estoit, d'vns & d'autres. Entandis que les cōmis, & deputez de par le Roy d'Angleterre, prenoient les faisines & possessions des terres dessusdites (si comme l'ordonnance d'accord & de paix le traitoit & portoit) estoient autres cōmis, deputez & establis ausi de par le Roy d'Angleterre, es mettes & limitations de Frâce, avec les gens du Roy de France: qui faisoient vider & partir toutes manieres de Gens-d'armes, des forts & des garnisons qu'ils tenoient: & leur cōmandoient & enioingnoient estroitement, sur peine de perdre corps & auoir, & estre ennemis du Roy d'Angleterre, qu'ils laissassent & deliurassent les fortresses, qu'ils tenoient, au Roy de Frâce. Là auoit aucuns Cheualiers & Escuyers du ressort d'Angleterre qui obeissoient, rendoyent, ou faisoient rendre, par leurs compaignōs, lesdits forts que ils tenoyent: & si y en auoit ausi, qui ne vouloyent obeyr: & disoyent qu'ils faisoient guerre, en l'ōbre du Roy de Nauarre. Et encores en y auoit assez d'estrangers: qui estoient grās Capitaines & grās pilleurs) qui ne s'é vouloiēt mie partir cōme Allemās Brabāços, Flamens

Flamens, Hainuyers, Gascôs, & mauuais Frâçois: qui estoïent appauuïs par les guerres.

Si s'en vouloient recouurer, & guerroyer le Royaume de France. Parquoy tels gens perseuererent en leur mauuaistié: & firent depuis moult de mal au Royaume, cõtre tous ceux, qui greuer les vouloyët. Et, quand les Capitaines des fors estoient partis courtoisement, & auoient rendu tout ce qu'ils tenoient, & ils se trouuoïent sur les châps, & donnoient congé à leurs gens, ceux, qui auoient appris à piller & à rauager, & qui bien fauoient que le retour en leur pays ne leur estoit pas profitable, ou (espoir) n'y osoient retourner, pour les villains faits dont ils estoient accusez, se recueilloient ensemble: & faisoient nouueaux Capitaines, & prenoient, par election, tout le pire d'entre eux: & puis cheuauchioient outre, en suyât l'un l'autre. Si se recueillirent premierement en Champagne, & en Bourgogne: & firent là de grans routes, & grans compagnies: qui s'appelloient les Tard-venus: pource qu'ils auoient encores peu pillé au Royaume de France. Si vindrent, & prindrent soudainement le fort de Ginuille, & trefgrand auoir dedans: qu'on y auoit assemblé de tout le pays d'environ, sur la fiance du fort lieu: &, quand ces Compaignons eurent trouué celuy grand auoir, qui bien estoit prisé cent mille francs ils le departirent entre eux, tant qu'il peût durer: & tindrent le chastel vn temps: & coururent & gasterët tout le pays de Champagne, les Eueschez de Verdun, de Thou, & de Langres: &, quand ils eurent assez pillé, ils passerent outre: mais ils vendirent ainçois le chastel de Ginuille à ceux du pays, & en eurent mille frâcs. Puis entrèrent en Bourgogne: & s'en y vindrent reposer & rafreschir, en attendant l'un l'autre: & y firent mout de maux & de villains faits. Car ils auoient, de leur accord, aucuns Cheualiers & Escuyers du mesme pays: qui les menoient & conduisoient. Si se tindrent grand temps autour de Befançon, de Digeon, & de Beaune: & roberent tout iceluy pays (car nul n'alloit au deuant) & prindrent la bonne-ville de * Guiercy en Beaunois: & la roberët & pillerent toute: & se tindrent là vn temps, autour Vergy, pour la cause du gras pays: & tousiours accroissoit leur nombre. Car ceux, qui partoyent des fortresses, & ausquels leurs maistres donnoient congé, se trayoient tous celle part. Si furët bien là, † le Quaresme, seize mille combattans. Quand ils se trouuerent si grand nombre, ils ordonnerent & establirent entre eux plusieurs Capitaines: à qui ils obeïrent du tout. Si vous en nommeray aucuns les plus grans maistres d'eux: & premierement vn Cheualier de Gascogne: qu'on appelloit messire Seguin de Batefol. Celuy auoit bien en sa route deux mille combattans. Et encores y estoient Tallebert Tallabaton, Guy du Pin, Espiote, le petit Mechin, Batailler Hânequin François, le Bourg de l'Espare, Nadoz de Baugerât, le Bourcarnus, le Bourg de Bretueil, le † Nucharge, Lescot, Arbrethoury, Lalleinât Bourdonnelle, Bernard de la Salle, Robert Briquet, Carnelle, Aimenõ d'Ortige, Garfiot du chastel, Girõnet du Paux, Ortingo de la Salle, & plusieurs autres. Si s'aduiferent ces Cõpaignons, environ la Mi-Quaresme, qu'ils se tireroyent vers Auignon, & iroyent veoir le Pape & les Cardinaux. Si passerent outre la Bourgogne: & coururët en la Comté de Mascon: & s'addrecerent pour venir en la Comté de Forests (ce bon gras pays) & vers Lion sur le Rosne. Quand le Roy de France entendit nouuelles que ces Compaignons multiplioient ainsi, & gastoient & exiloient son Royaume, si en fut mout fort courroucé: Car il luy fut dit & remonstré, par grande especialité de cõseil, que ces compaignons pourroient si fort multiplier qu'ils feroient plus de maux & de villains faits au Royaume de France (ainsi que ià auoient fait, & faisoïent) que la guerre des Anglois n'eust fait. Si eut aduis & cõseil ledit Roy d'enuoyer contre eux combattre. Si en escriuit le Roy de France, especialement & souverainement, deuers son cousin, messire Iaques de Bourbon (qui se tenoit adonc en la ville de Mõtpeslier, & auoit mis nouuellement messire Iehã Châdos en saisine & possession de plusieurs terres, citez, villes, & chasteaux de la Duché: si-cõme cy-dessus est contenu) & luy mandoit le Roy, qu'il se fist Chef cõtre toutes ces Cõpaignies, & prist tât de Gës-d'armes de tous costez, qu'il fust fort assez pour eux cõbattre. Quand messire Iaques de Bourbon ouit ces nouuelles, il s'aualla incõtinent deuers la cité d'Aginois, sans faire nulle part point d'arrest, & enuoya, par tout, lettres & messagers, en priant & mädant les Nobles, Cheualiers, & Escuyers, au nõ du Roy de France: & chacun obeïssoit à luy trefvolontiers. Si le suyirent Cheualiers & Escuyers, au nom du Roy de Frâce: qui se trahirent auant, deuers Lion sur le Rosne, car il vouloit ces gës mauuais cõbattre. Ledit messire Iaques de Bourbon est moult bié aimé par le Royaume de Frâce: & chascun obeïssoit à luy trefvolontiers. Si le suyuoient Cheualiers & Escuyers de to^o costez, d'Auiergne, de

† il y auoit
mâsois en to^o
les Exepl. mais
la Chaux nous
assure de ceste
correction.

Les cõpaignies
des Tard-ve-
nus, assemblez
en Châpaigne
& en Bourgon-
gne.

† Tous noz Ex
emplaires &
l'Abr. de Sala,
s'en taisât l'au-
tre, auoient Gé-
uille: mais la
connoissance
du pays assure
ma correction.

* Anno. 87.
† C'est de 1361.
à nostre mode.
Capitaines des
Tard-venus:

† Aduisez si
Lányt du ch.
suyuant est ce-
stuy-cy:

Messire Iaques
de Bourbon chef
des gës du Roy
contre les com-
paignies.

Les cõpaignies
des Tard-ve-
nus entrent en
Masconnois.

† Congnoissant
ce chemin, ie
n'ay feint d'y
mettre ce mot,
pour Tourais,
& Tourius.

† Je doute qu'il
n'y faille paies
cōme le disant
par moquerie:
et ainsi le trou-
ue en la Chaux

Les cōpaignes
au Lionnois.

† A ces deux
premieres fois,
qu'il nōme ce-
ste place: il y a-
uoit Brunay
en tous noz
Exemp. et, à la
tiercefois, Bou-
ray: mais la cō-
gnoissance des
lieux m'y a
fait mettre seu-
rement Bri-
gnais, cōme ie
trouue mainte-
nant Brinay
par les deux
Abregez.

* Annot. 88.

Limosin, de Prouëce, de Sauoye, & du Dauphiné: & d'autre part reuenoiēt grande foi-
son de Cheualiers, Escuyers, de la Duché & de la Côté de Bourgōgne, q̄ le ieune Duc de
Bourgōgne y enuoyoit. Si se tirerent tous ces Gens-d'armes, & passerent outre (cōme ils
venoyent) deuers Lion sur le Rosne, & en la Comté de Mascon. Si s'en vint ledit messire
Iaques en la Comté de Forest: dont sa sœur estoit Dame, de par ses enfans (car le Com-
te de Forests, son mari, estoit nouuellement trepassé) & gouuernoit le pays, pour le tēps
d'adonc, messire Regnaud de Forests, frere audit feu Côte de Forests: qui recueillit ledit
Iaques & ses gens ioyeusement: & les festoya au mieux qu'il peut. Et là estoient les deux
neueux aussi de messire Iaques de Bourbō: à qui il les presenta moult doucemēt: & il les
meit delez luy, pour cheuaucher & armer, pour aider à deffendre leur pays, car les Com-
paignons tiroient celle part. Quand ces routes & ces Cōpaignons (qui se tenoient vers
Chaaalon sur la Sofne, & enuiron † Tournus, & là entour ces gras pays) entendirent q̄ les
François se recueilloient, & assembloiet pour eux cōbattre, si se meirent les Capitaines
ensēble, pour auoir aduis & conseil cōment ils se maintiendroiēt. Si nōbrerēt entre eux
leurs gens & leurs routes: & trouuerent qu'ils estoiet enuiron seize mille cōbattās, qu'vns
qu'autres. Si dirēt ainsi entre eux, Nous irons cōtre les François (qui nous desirēt à trou-
uer) & nous combatrons à nostre aduantage, se nous pouuōs, & nō mie autrement. S'ad-
uenture donne que fortune soit pour nous, nous serōs tous riches & recouurez pour vn
grand temps, tant en bons prisonniers que nous prendrōs, qu'en ce que nous serōs si re-
doutez ou nous irons, que nul ne se mettra contre nous: &, se nous perdons, nous serons
† perdus de noz gages. Ce propos fut tenu entre eux & arresté. Si se délogerent: & mōte-
rēt cōtre mōt, par deuers les mōtaignes, pour entrer en la Côté de Forests, & venir sur la
riuere de Loire: & trouuerent en leur chemin vne bōne ville: qu'ō appelle Charlieu, au
Bailliage de Mascon. Si l'environnerent, & l'assaillirent: & se meirent en grāde peine de
la prendre par assaut: & y furent vn iour tout entier, mais riens n'y firent, car elle fut bien
gardee, & deffendue, des Genstils-hommes du pays: qui s'estoient dedans retraits, autre-
ment elle eust esté prinse. Si passerent outre: & s'épartirent parmi les terres du Seigneur
de Beauieu (qui sont sur les marches) & illec firent moult de dōmages: & puis entrerent
en l'Euesché de Lion: & ainsi qu'ils alloient & cheuauchoiēt, prenoient petis forts, ou
ils se logeoient: & firent mout de detourbiers par tout, ou ils conuerferēt. Si prindrent
vn chastel, & le Sire dedans, & la Dame: le quel chastel on appelle † Brignais: & est à trois
lieuēs pres de Lion sur le Rosne. Là se logerēt & arresterent, car ils entendirent que les
François s'estoient tous tirez sur les champs, & appareillez pour combattre.

*Comment messire Iacques de Bourbon, & son ost, fut déconfit par les Compaignies: &
de la Croisée, que le Pape fit crier contre eux, apres ce qu'ils eurent prins le
Pont-du-saint-Esprit: & comment on trouua autrement moyen de s'en
defaire.*

CHAPITRE CXXV.

LES Gens-d'armes qui s'estoient assemblez avec messire Iaques de Bourbon, & se te-
noient à Lion sur le Rosne, entendirēt là que les compaignies approchoient moult
fort, & auoient iā conquis, & prins, de force, la ville, & aussi le chastel, de Brignais, & en-
cores des autres forts: & gastoient & exiloient tout le pays. Si depleurēt moult ces nou-
uelles à messire Iaques de Bourbō (pourtāt qu'il auoit en gouuernement la Côté de Fo-
rests, la terre à ses neueux) & aussi fit il à tous les autres. Si se meirēt aux chāps: & se trou-
uerēt grād' foison de Gēs-d'armes, Cheualiers, & Escuyers. Si enuoyerēt leurs coureurs,
pour sauoir cōmēt ces cōpaignes faisoiet, ou ils estoiet, & ou ils les trouueroiet. Or vo^o
diray la grād' malice des cōpaignes. Ils s'estoiet logez des^o * vne haute mōtaine, & a-
uoiet vn lieu, là ou on ne les pouuoit aduiser, & qui deffendoit qu'ō ne peust approcher
ladite mōtaine: & là dedās auoiet mis les meilleurs de leurs gēs, & leurs harnois. Or, sa-
chās bien qu'ō ne pourroit decouurir q̄ ce qu'ils voudroyēt de leur fait, laisserēt aduiser
ces Coureurs François, & approcher si pres d'eux, qu'ils les eussent bien euz fils voufif-
sent: & s'en retournerēt iceux Coureurs, sans auoir domage, deuers messire Iaques de
Bourbon, & le Comte d'Vzes, & le Sire Regnaud de Forest & les Seigneurs, qui là les
auoyent enuoyez. Si leur recorderēt le plus de ce qu'ils auoient veu: & dirēt ainsi, Nous
auous veu les Compaignies, rengées & ordonnées sur vn tertre, & bien aduisez à nostre
loyal pouuoir: mais, tout veu & consideré, ils ne sont pas plus de cinq mille hommes, ou
six mille, là enuiron: & encores sont ils si mal armez, q̄ merueilles. Quād messire Iaques
de

de Bourbon eut ouy ce rapport, si dit à l'Archeuesque. Vous m'auiez dit qu'ils estoient bien seize mille combattans, & vous oyez tout le contraire. Sire (respōdit il) encores n'y en cuide-je ia moins: & fils n'y sont, Dieu y ait part: c'est tant mieux pour nous: si regardez que vous voulez faire. En nom Dieu (dit messire Iaques de Bourbon) nous les irons combattre. Là fit arrester messire Iaques de Bourbon, sur le champ, toutes ses bannieres & pennons: & ordonna toutes ses batailles, & les meit en tresbon arroy, ainsi que pour tantost combattre (car ils veioient leurs ennemis deuāt eux) & fit là plusieurs Cheualiers nouueaux: & premièrement son aîné fils Pierre (& là leua banniere) son neueu le ieune Comte de Forest (& leua banniere aussi) le Sire de Tournon, le Seigneur de Molinier, & le Sire de Groslee du Dauphiné. Là estoient messire Louis & messire Robert de Beauieu, messire Louis de Chaalon, messire Hugues de Vienne, le Comte d'Vzes, & plusieurs autres bons Cheualiers & Escuyers: qui tous se desiroient auācer pour leur honneur, & ruer ius ces Compaignies: qui pilloient le pays sans nul tiltre de raison. Si fut ordonné l'Arche prestre (qu'on appelloit messire Regnaud de Carnolle) à gouuerner la premiere bataille: & il l'entreprint volontiers: car il estoit hardi & appert Cheualier: & auoit en sa route enuiron seize cens combattans. Ces gens des Compaignies (qui estoient en vne montaigne) veioient trop bien l'ordonnance des François: mais on ne pouuoit veoir la leur, n'eux approcher, fors à méchef & à danger: & estoient en vne montaigne, ou il y auoit bien mille charettées de cailloux: qui leur firent trop d'auātage & de profit. Si vous diray par quel moyen. Ces Gens-d'armes de France (qui les desiroient & vouloient combattre, comment, qu'il fust) ne pouuoient venir à eux, n'approcher: s'ils ne costoyoient celle montaigne, ou ils estoient tous arrestez: si que, quand ils vindrent par dessus eux, ceux d'amont (qui tous estoient aduisés de leur fait, & tresbien pourueus chacun de grād prouision de ces cailloux: car il ne leur conuenoit que se baisser, & les prédre) commencerent à getter si fort, sur ceux qui les approchoient, qu'ils les effondroient & nauoient & méhaignoient: tellement que nul ne pouuoit, ny n'osoit passer auant: & fut ceste premiere bataille si foulée, qu'oncques depuis ne se peut bonnement aider. Adonc au secours approcherent les autres batailles: c'est assauoir messire Iaques de Bourbon & son fils, & aussi ses neueux & leurs bannieres, & grand foison de bonnes Gens-d'armes: qui tous falloient perdre: dont ce fut dommage, & pitié qu'ils n'ouuerent par plus d'aduis, & meilleur conseil. Bien auoient dit l'Arche prestre & aucuns Cheualiers, qui là estoient, qu'on alloit combattre les Compaignies en trop grand peril, au parti ou ils estoient: & qu'on se souffrist tant qu'on les eust délogez de ce fort, ou ils s'estoient mis: si les auroit on plus aisément: mais ils ne peurent oncques estre ouys. Ainsi que messire Iaques de Bourbon & les autres Seigneurs avec bannieres & pennons deuant eux, approchoient & costoyoient celle montaigne, les plus nices, & les moins armez des Compaignies, les affoloient. Car ils gettoient si viuement, & si roidement, ces pierres & ces cailloux, sur ces Gens d'armes, qu'il n'y auoit si hardi, ne si bien armé, qui ne les ressongnast. Et, quand ils les eurent tenus en celuy estat, & bien battus, vne grand' espace, leur grande bataille, fresche & nouuelle, vint auant, par autour d'icelle montaigne, & par vne voye secrette, estans drus & ferrez comme vne broce, & ayans toutes leur lances recouppées, à la mesure de six piez, ou enuiron: & en celuy estat, s'écrians tous d'une voix, de grande volonté vindrent ferir en ces François. Si en renuerferent, en celle premiere emprise, plusieurs par terre. Là eut grand frappeis d'un costé & d'autre: & s'abandonnoient & combattoient ces Compaignons si trefardement, que merueilles seroit à penser, & reculerent hardiment les François. Et là fut l'Arche prestre bon Cheualier & vaillāt, & moult excellentement se combattit: mais il fut tant entrepris & demené par force d'armes, que moult fort fut blecé & nauré, & retenu à prisonnier, luy & plusieurs Cheualiers & Escuyers de sa route. Que vous feroy-je long parlement de celle besongne? En effect les François en eurent le pire: & y furent moult fort naurés messire Iaques de Bourbon & messire Pierre son fils: & y fut occis le ieune Côte de Forest, & prins messire Regnaud de Forest son oncle, le Côte d'Vzes, messire Robert de Beauieu, messire Louis de Chaalon, & plus de cent Cheualiers. Encores à grand' peine furent rapportez, en la Cité de Lion, messire Iaques de Bourbon & messire Pierre son fils. Ceste bataille de Brignais fut l'an de grâce * mil c c c. l x i. le Vendredy apres les grans Pasques. Trop furent ceux des marches, ou ces Compaignies se tenoient, ébahis, quand ils ouirent recorder que leurs gens estoient déconfits: & n'y eut si hardi, ne tant eust bon chastel & fort, qui ne

† La Chaux dit l'Arche prestre: duquel a esté quelques fois parlé cy-deuant, & sera encores tantost. Quel ordre tint messire Iaques de Bourbon, pour assailir les Compaignies en leur fort du Bois-de-Goyet, pres Brignais, à trois lieues Françoises de Lion.

† La Chaux dit icy de Cennole.

† La Chaux dit empaincte.

La bataille de Brignais, gagnée contre les François, par les Compaignies ramassées.

† L'abreg. de la Chaux met ce suuy-cy, & ses nombres des morts: comme semble aussi Sala.

* Annot. 89.

Trepas de messire Jaques de Bourbon, de son fils.

Que deuindrēt les Compaignies apres la bataille de Brignais.

† Sala, s'en tait sans la Chaux, dit Arce: mais si c'est Hance, sur le chemin de Lion à Mascon, il est à quatre grandes lieues de Lion.

† Il a dit Mechin au chap. precedent.

† Il y auoit comunement ennemy, en tous les Exem. mais nous l'auons ramendé selon les deux Abregez.

fremist: car les sages supposoient & imaginoient tantost, que grand méchef en istroit & multiplieroit: si Dieu proprement n'y mettoit remede. Ceux de Lion sur le Rosne furēt moult ébahis, quand ils entēdirent que la journée estoit pour les Compaignies: toutefois ils recueillirent doucement toutes manieres de gens, qui de la bataille retournoiet: & furent moult courroucez de messire Jaques de Bourbon, & aussi de messire Pierre, son fils: & les vindrent moult doucement visiter, avec les Dames & Damoiselles de la ville de Lion: dont il estoit bien-aymé. Messire Jaques de Bourbon trépassa de ce siecle, trois iours apres ce que la bataille eut esté: & aussi messire Pierre son fils ne vesquit gueres longuement apres. Si furent de tous moult plains & regrettez. De la mort dudit messire Jaques de Bourbon fut le Roy de France moult courroucé: mais amender ne le peut: si luy conuint passer son dueil, au mieux qu'il peut.

Or vous parlerons de ces Compaignies: qui perseuererent à se maintenir ensemble: ainsi cōme gēs to^r réiouis & recōfortez de leurs besongnes, pour la belle journée qu'ils auoiet eue: dont ils eurent moult grand gaing, tant sur la place, cōme en rançons de bōs prisonniers. Cesdites Compaignies menerent bien le tēps à leur volonté, en celuy pais. car nul n'alloit à l'encontre d'eux. Tātoſt apres la déconfiture de Brignais, ils entrerent, & s'épartirent, parmi la Comté de Forest: & là pillerent & gasterent toute, excepté les forteresses. Et, pource qu'ils estoient si grans routes, que bien petit ne leur tenoit riens, se partirent en deux parts: & retint messire Seguin de Batefol la moindre part. Toutesfoiſ il y auoit bien en la compaignie enuiron trois mille combattās. Si s'en vint demourer & seiourner à † Ence, à vne lieue de Lion: & la fit fortement reparer & edifier: & se tenoient ses gens là enuiron, sur celle marche: ou il y a vn des gras pays du monde. Si couroient & rançonnoient, à leur aise & volonté tout le pays de par-delà & par-deçà Soſne: comme la Comté de Mascon, l'Archeuesché de Lion, & la terre du Seigneur de Beauieu, & tout le pays, iusques à Marſilly-les-Nonnains, & la Comté de Neuers. L'autre partie des Compaignies, sous Nandoz de Baugerant, Espiote, Carnelle, Robert Briquet, Ortingo & Bernard de la Salle, Lannyt, le Bourgcamus, le Bourg de Bretueil, le Bourg de l'Espare, & plusieurs autres d'une sorte & d'une alliance, fauallerent deuers Auignon: & dirent qu'ils iroient veoir le Pape & les Cardinaux, & auroient de leur argent: ou ils seroient hariez de grand' maniere: & se tiendroient là entour, tant pour attendre les rançons de leurs prisonniers, que pour veoir si l'accord des deux Roys se tiendrait. En allant ce chemin d'Auignon, ils prenoient villes, chasteaux, & forteresses: & ne se tenoient nuls deuant eux: car le pays estoit effrayé: & là en celle marche ils n'auoient oncques eu guerre: & ainsi ne sauoient les hommes des petits forts eux tenir, ne garder, contre telles Gens d'armes. Si entendirent ces Compaignies qu'au pont-sainct-Espirit, à sept lieues d'Auignon, y auoit moult grand auoir, & grand tresor du pays d'enuiron: qui là estoit recueilli & rasſemblé, & mis sur la fiance de la forteresse. Si s'aduiferent, entre eux Compaignons, que, s'ils pouuoient prendre entre eux le Pont-sainct-Espirit, il leur vaudroit trop: car ils seroient maistres & Seigneurs du Rosne, & de ceux d'Auignon. Apres qu'ils eurent bien estudié la dessus, & getté leurs aduis, Guyot du Pin & le petit † Methin (cōme i'ay ouy dire & recorder) cheuaucherent eux & leurs routes, vne nuit toute entiere: & firent plus de xv. lieues: & vindrent, sur le poinct du iour, à ladite ville du Pont-sainct-Espirit: & la prindrent, & tous ceux & celles, qui dedans estoient: dont ce fut pitié: car ils occirent maint preud'homme, & y violerent mainte Damoiselle: & y conquerent si grand auoir, qu'on ne le scauroit nombrer, & assez grandes pourueances pour viure vn an. Et pouuoient par iceluy pont courir à leur aise, & sans danger, vne heure au Royaume de France, & l'autre en l'Empire. Si fauallerēt & rassemblerent là tous les Compaignons: & couroiet tous les iours, iusques aux portes d'Auignon, dequoy le Pape & les Cardinaux estoient en grand effray & paour. Et auoient ces compaignies du Pont-sainct-Espirit fait vn capitaine, souuerain entre eux: qui se faisoit † communement nommer Ami de Dieu, & ennemi de tout le monde.

Encores auoit en France grand' foison de pilleurs, Anglois, Gascons, & Allemans: qui vouloient (ce disoient) viure: & y tenoient des forteresses & des garnisons: & (quoy que les Commis du Roy d'Angleterre leur eussent commandé à vuidier, & à partir) ils n'auoient pas tous obey: dont moult déplaisant estoit le Roy de France, & tout son Cōseil. Mais, quand les plusieurs (qui se tenoient en diuers lieux au Royaume de France) entendirent que leurs Compaignons auoient rué ius messire Jaques de Bourbon, & deux

deux mille Cheualiers & Escuyers, & prins maint homme prisonnier, & derechef prins & conquis la ville du Saint-Esprit, & si grand auoir dedans, que c'estoit chose innombrable, & esperoient qu'ils conquerroient Auignon, ou ils mettroient à mercy le Pape & les Cardinaux, & tout le pays de Prouence, chacun eut propos d'aller celle part, en conuoitise de plus mal faire & de gagner. Qui fut la cause pourquoy plusieurs guerroyeurs laisserent leurs forts & forteresses, & s'en allerent deuers leurs Cōpaignons, en esperance de plus piller. Quand le Pape Innocent, sixième, & le College de Rome se veirent ainsi vexer & guerroyer par ces maudites gens, si en furent moult ébahis: & ordonnerent vne croisée sur ces mauuais Chrestiens: qui se mettoient en peine de destruire Chrestienté (si comme les † Bandes firent iadis à tiltre de nulle raison) & qui gastoient tout le pays, ou ils cōuerfoient, sans cause, & roboient sans deport quan qu'ils pouuoient trouuer, & violoient femmes vieilles & ieunes, sans pitié, & tuoient hommes, femmes & enfans, sans merci, qui riens ne leur auoient meffait: & qui plus de villains faits y faisoit, estoit le plus preux & le plus vaillant. Si firent le Pape & les Cardinaux sermonner de la croix publiquement: & absolurent, de peine & de coulpe, tous ceux, qui prendroient la croix: & qui s'abandonneroient de corps & de volonté, pour destruire celle mauuaise gent, & leur compaignie: & eleurent les Cardinaux messire Pierre du Monstier, Cardinal d'Arras, dit d'Ostie, à estre Capitaine d'icelle croisée. Lequel tantost se trahit hors d'Auignon, & s'en vint seiourner & demourer à Carpentras, à sept lieuës d'Auignon: & retenoit toutes manieres de gens & de soudoyers deuers luy, qui vouloient sauuer leurs ames, & acquerir leurs pardons dessusdits. Mais on ne leur vouloit riens donner: & ainsi s'en partoient les aucuns, & alloient en Lombardie: les autres s'en retournoient en leur pays: & les autres se mettoient en la mauuaise compaignie: qui tousiours croissoit de iour en iour. Si se partirent en plusieurs lieux & compaignies: & firent autant de Capitaines, comme de Compaignies. Ainsi harioient ils le Pape & les Cardinaux, & les marchans d'enuiron Auignon: & y firent moult de maux, iusques bien-auant en † l'Esté de mil trois cens soixante & vn.

† Tous les Ex-
empl. ont ainsi:
mais ie doute
qu'il n'y faille
Vandes ou
Vandels, pour
Vandales, et
telles autres
Barbares na-
tions, les Abre-
gés s'en taisent
Le Cardinal de
Arras Cap. de
la Croisée, ordō-
nee par le Pape
contre les com-
paignies.

Or aduint que le Pape & les Cardinaux s'aduiferent d'un moult gentil Cheualier, & bon guerroyeur: c'estassauoir du Marquis de Montferrat: qui auoit grand temps tenu guerre contre les Seigneurs de Millan, & encores faisoit. Si le manderent: & il vint en Auignon: & fut moult honoré du Pape & des Cardinaux. Là fut traité deuers luy, parmi vne grand' somme d'argent qu'il deuoit auoir, qu'il mettroit hors de la terre du Pape, & de là enuiron, les Compaignies, & les meneroit en Lombardie. Si traita ledit Marquis deuers les Capitaines des Compaignies, & les mena si bien, que, parmi soixante mille Florins, qu'ils eurent pour departir entre eux, & auecques grandes gages, que le Marquis leur donna, ils s'accorderent à ce qu'ils iroient en Lombardie: & auecques tout ce, ils seroient absous de peine & de coulpe. Tout ce fait, accompli, & accordé & les Florins payez, ils rendirent la ville du saint-Esprit: & laisserent la marche d'Auignon; & passerent outre, auecques ledit Marquis: dont le Roy Iehan, & tout son Royaume, furent grandement réiouis, quād ils se veirent déliurez de ces gens: mais encore en retournerent assez en Bourgongne: & ne se partit pas adonc messire Seguin de Batefol: qui tenoit la garnison de Ence, & si ne la vouloit laisser pour traité, ne pour chose, qu'on sceust promettre: mais ledit Royaume en plusieurs lieux fut plus en paix que deuant. Quand le plus des routes des Compaignies furent parties & passees outre, auecques ledit Marquis en la terre de Piedmont; ledit Marquis en fit tresbien sa besongne sur les Seigneurs de Millan, & conquist plusieurs villes, chasteaux, & forteresses, & pays sur eux: & eut plusieurs rencontres & écarrouches, à l'honneur & profit de luy: & le meirent les compaignons, dedans vn an, au-dessus de sa guerre: & luy firent, en partie, auoir son entente des deux Seigneurs de Millan, messire Galeas & messire Barnabo qui depuis regnerent en grand' prospérité. Or aduint que messire Seguin de Batefol (qui estoit tenu tout le temps en la garnison de † Ence, sur la riuere de † Sofne) print & eschella vne bonne Cité en Auuergne: qu'on dit † Briodo, & qui sied sur la riuere d'Ailler: & se tint dedans plus d'un an: & la fortifia tellement, qu'il ne doutoit nul homme: & si couroit tout le pays d'enuiron, iusques à Clermont, iusques à Tilhac, iusques au Puy, iusques à Case-dieu, iusques à Montferrant, à Rion, à la Nonnette, à Viffoire, à Oudalle, & la terre au Comte Dauphin (qui estoit pour le temps ostager en Angleterre) & y fit de moult grans dommages. Et, quand il eut bien fort appauury tout le

† Tousiours
1361.

Le Marquis de
Montferrat em-
meine les com-
paignies en
Lombardie.

† Verard dit
icy Ance.
Verard & sa
la disent Briodo.
de.

pays de là enuiron, il s'en partit par accord & par traité: & emmena son grand pillage, & son grand trefor: & s'en alla en Gascongne: dont il estoit parti & issu. Dudit messire Seguin ne say-ie plus: fors tant que j'ay ouy compter, qu'il mourut assez merueilleusement. Dieu luy pardoint tous ses meffaits.

* *Annot. 90. De la mort du Duc de Lenclastre, & de celle du Duc de Bourgongne: qui fut occasion de nouvelle diffension entre le Roy de France & le Roy de Nauarre: & comment le Prince de Galles vint de çà la mer: & des ordonnances qui se firent en Angleterre.* CHAP. CCXVI.

† *sala dit, Michelle.*

* *Annot. 91.*

La Duché de Bourgongne entre les mains du Roy Iehan.

† *L'an 1362.*

La mort du Pape Innocent, estant le Roy Iehan vers luy en Auignon.

† *sala dit Salathie.*

Du parlement que le Roy Edwardart 3. du nom tint sur l'estat des fils

EN ce temps trépassa de ce siecle, en Angleterre, le gentil Duc de Lenclastre: qui Henry s'appeloit. Dequoy le Roy & tous les Barons, Cheualiers & Escuyers, furent moult courroucez, fils le peussent amender. De luy demourerent deux filles: c'est assauoir Madame † Mahaut, & Madame Blanche: l'aînée desquelles fut mariée au Comte de Haynaut, nommé Guillaume, fils de messire Louis de Bauiere & de Madame Marguerite de Haynaut, sa femme: & la maisnée à messire Iehan, Comte de Richemont, fils au Roy d'Angleterre: qui fut depuis Duc de Lécلاstre, de par Madame sa femme, par la mort du Duc Héri de Lécلاstre. En celle saison aussi trépassa le ieune Duc de Bourgongne, nommé Philippe, Duc & Côte de Bourgogne, Côte d'Artois & de Boulôgne, Palatin de Brie & de Champagne: * qui eut à femme la fille au Comte Louis de Flandres: lequel Comte eut la Comté d'Artois & de Bourgongne, & en fit foy & hommage au Roy de France: & messire Iehan de Boulongne, Comte d'Auuergne, eut la Comté de Boulongne, & le Roy Iehan print & retint par proximité, la Duché de Bourgogne, & tous les droits de Champagne: dont il dépleut grandement au Roy de Nauarre (qui se disoit estre hoir de Champagne) mais amender ne le peut. Car le Roy Iehan si le hayoit grandement. En ce temps vint en propos & en intention, au Roy de France, qu'il iroit en Auignon, veoir le Pape & les Cardinaux, tout iouant, ébatant, & visitant la Duché de Bourgogne: qui nouuellement luy estoit écheuë. Si fit le Roy faire ses pourueances: & se partit de Paris entour la Sainct Iehan Baptiste, † l'an mil trois cens soixantedeux: & laissa Charles son aîné fils, Duc de Normandie, Regent & gouuerneur dudit Royaume. Si emmena avec luy ledit Roy messire Iehan d'Artois, son cousin (que moult aimoit) le Comte de Tancarville, le Comte de Dampmartin, Bouciquaut Marechal de France, & plusieurs autres: & tant chemina, à petites iournées & grans despens, & en seiournant de ville en ville, & de cité en cité du pais de Bourgongne, qu'il vint, enuiron la sainct Michel, à la Ville-neufne, dehors Auignon. Là estoit son hostel, appareillé pour luy, & pour ses gens, & toutes ses grandes pourueances faites. Si fut grandement réiouy & festoyé du Pape, & de tout le Collège d'Auignon: & se visitoient souuent, l'un l'autre, le Roy de France, le Pape, & les Cardinaux. Le Roy se tint à Ville-neufue tout le temps & toute la saison ensuyuant. Enuiron Noël trépassa de ce siecle le Pape Innocent: & furent en grand discord les Cardinaux, pour faire vn Pape: car chacun le vouloit estre: & par especial le Cardinal de Boulongne, & le Cardinal de Perigourd: qui estoient les plus grâs du Collège. Dequoy, par leur diffensio, furēt lōg tēps en grâs discords: & les Cardinaux se meirēt, & arresterēt du tout, à l'ordonance & dispositio des deux Cardinaux dessus nōmez: tellement que, quand ils veirent qu'ils auoient failli à la Papalité, & qu'ils ne le pouuoient estre, ils dirent ensemble, q̄ nul des autres ne le feroit point. Si eleurent l'Abbé de S. Victor de Marseille: qui estoit mout Saint hōme, & de bōne vie, & grād clerc, & qui moult auoit trauaillé pour l'Eglise, en Lombardie, & ailleurs. Affez tost après sa creation, entendit le Roy de Frāce que messire Pierre de Luzinien, Roy de Cypre & de Hierusalé deuoit venir en Auignō & auoit passé la mer. Si dit le Roy de Frāce, qu'il l'attendroit: car moult grand desir auoit de le veoir, pour les grans biens qu'il en auoit ouy recorder, & pour la guerre qu'il auoit faite aux Sarrazins: car voirement auoit de nouuel le Roy de Cypre prins la forte cité de † Salatie, sur les ennemis de Dieu, & occis tous ceux & celles, qui dedans furent trouuez, sans riens excepter. Aussi en ce temps mesme, & en celuy Yuer, y eut grand parlement en Angleterre, sur les ordonnances du pays, & especialement sur les enfans du Roy d'Angleterre: car on regarda & confidera que le Prince de Galles tenoit grand estat & noble: & bien le pouuoit faire: car il estoit vaillant homme, puissant, & riche: & auoit grand heritage d'Aquitaine: ou tous biens & toutes abondances estoient. Si luy fut remonstré, & dit du Roy son pere, qu'il voufist tirer celle part: car il y auoit bien terre en sa Duché, pour tenir si grand estat comme il vouloit.

Aussi le

Aussi les Barons & Cheualiers d'Aquitaine le vouloient auoir delez eux: & en auoient prié le Roy son pere: quoy que messire Iehan Chados leur fust doux & amiable, & bien courtois en tous estats: mais encores aimoient ils plus cher auoir leur naturel Seigneur, & souuerain, que nul autre. Le Prince descendit legèrement à ceste ordonnance: & s'appareilla, ainsi qu'il appartenoit à luy & à son estat, & à Madame sa femme. Et, quand tout fut pourueu, ils prindrent congé du Roy, & de la Royne, & de leurs freres: & puis s'en partirent d'Angleterre: & nagerent tant par mer, qu'ils arriuerent, eux & leurs gens, à la Rochelle. † Mais nous lairrons vn petit à parler du Prince: & parlerons d'aucunes autres ordonnances: qui furent faites en ce temps, & instituées en Angleterre. Il y fut adonc ordonné par le Roy, & par son conseil, que messire Lionnet, second fils du Roy, qui s'appelloit Comte de Dulneestre, seroit de là en-auant, Duc de Clarence: & Messire Iehan, tiers fils des enfans du Roy, qui lors s'appelloit Côte de Richemont, fut fait Duc de Lécلاstre: laquelle terre luy venoit de par madame sa femme, Madame Blanche, par la succession du bon Dnc Henry de Lencلاstre, pere d'elle. Encores fut adonc aduisé & confideré par le Roy, & par son Conseil, que Messire Aimon, son maisné fils, qui s'appelloit Comte de Cantebrugge, seroit bien pourueu, si on le pouuoit allier par mariage à la fille du Comte de Flandres: qui estoit veufue. Mais, combien que cela fust pour lors proposé, si n'en fut il pas si tost traité: car il conuenoit ceste chose faire par moyen: & si estoit la Dame encor assez ieune. En ce temps, & auant le partement du Prince, trépassa la mere du Roy d'Angleterre, Madame Ysabel de France, fille iadis au beau Roy Philippe. Si luy fit ledit Roy faire son obsequie, aux Freres-mineurs de Londres, noblement, grandement & reueremment: & y furent tous les Prelats & les Barons d'Angleterre, & les Seigneurs de France, qui ostagers estoient. Et fut ce fait auant le departement du Prince de Galles, & de la Princeesse: & tantost apres (comme cy dessus est dit) ils se partirent d'Angleterre, & arriuerent à la Rochelle: ou ils furent receuz à grād' ioye: & y sejournerent par quatre iours entiers. Si tost que messire Iehan Chados (qui grand tēps auoit gouuerné la Duché d'Aquitaine) entendit nouuelles que le Prince venoit, il s'en partit de Niort (ou il se tenoit) & s'en vint, à belle compaignie de Cheualiers & Escuyers, en la ville de la Rochelle: ou ils festoyerent moult fort le Prince, la Princeesse, & toute leur compaignie. Si fut le Prince amené, à grand hōneur & à grand' ioye, en la cité de Poictiers: & là le vindrent veoir à grand' ioye les Barons & Cheualiers de Poictou, & de Xaintonge, qui pour le temps se tenoient là: & luy firent feauté & hommage. Puis cheuaucha ledit Prince de cité en cité, & de ville en ville, prenant par tout la foy & hommage: ainsi qu'il appartenoit de faire. Apres vint à Bordeaux: & là se tint vn grand tēps, & tousiours la Princeesse delez luy. Si les vindrent là veoir les Comtes, les Vicomtes, les Barons & les Cheualiers de Gascongne, & les Seigneurs: lesquels il receut tous ioyeusement: & facquitta si honorablement d'eux, que tous s'en contenterent: & mesmement le Comte de Foix le vint veoir: auquel le Prince & la Princeesse firent grand' feste & grand' ioye: & fut adonques la paix faite de luy & du Comte d'Armignac: qui vn grand temps estoient hariez & guerroyez. Assez tost apres fut fait † Connestable de tout le pays de Guyenne messire Iehan Chandos, & Mareschal messire Guichart d'Angle. Si pourueut le Prince les Cheualiers de son pays & de son hostel, & especialement ceux qu'il aimoit le plus, de ses beaux & grans offices, qui estoient parmi la Duché d'Aquitaine: & remplit ses Sēeschaucées, & ses Bailliages, de Cheualiers d'Angleterre: qui tantost tindrēt grād estat & puissant, & (espoir) plus grand que ceux du pays ne voufissent: mais point n'en alla par leur ordonnance. Or nous laisserons à parler du Prince de Galles, Duc d'Aquitaine, & de la Princeesse: & parlerons du Roy Iehan de France: qui se tenoit lors à Ville-neufue, lez Auignon.

† Tout cest article, insques à En ce temps trepassa, est pris de l'Abregé de la Chaux come celui de sala le porte aussi: mais en pl^s briefs mots.

Trépas d'Ysabel de France, mere du Roy de Angleterre.

Descente du Prince de Galles à la Rochelle, pour demorer en Aquitaine.

† La Chaux dit Senechal

Comment les Roys de France & de Cypre prindrent & iurerent la croix sur les mécreans: & du grand pourchas que le Roy de Cypre fit enuers plusieurs Roys & Princes, en plusieurs lieux de Chrestienté.

CHAP. CCXVII.

Enuiron la † Chandeleur, mil trois cens soixantedeux, vint le Roy Pierre de Cypre † Il oublie icy à commencer son an par le premier iour de l'annier. en Auignon: à laquelle venue fut la court toute réiouye: & allerent plusieurs Cardinaux contre luy, & l'emmenèrent au Palais deuers le Pape Urbain: qui ioyeusement le receut: & aussi fit le Roy de France: qui là estoit present. Et, quand ils eurent esté là vne pièce, & prins vin & espices, les deux Roys se departirent du Pape, & se trahit chacun à

son hostel. Ce terme pendant se fit vn gage de bataille, deuant le Roy de France, à Ville-neufue, dehors Auignon, de deux nobles & apperts Cheualiers: c'est assauoir messire Aimon de Pommiers, & messire Foulques d'Archiac. Quand ils se furent combattus, bien & cheualereusement assez ensemble, ledit Roy de France les appaisa, & les accorda de leur riote. Ainsi se tindrent les deux Roys tout ce temps, & le Quaresme, en Auignon, & pres de là. Si visitoient souuent le Pape, qui les receuoit ioyeusement. Or aduint plusieurs fois qu'en ces reuissitations le Roy de Cypre remonstra au Pape, le Roy de France present, & les Cardinaux, comme pour sainte Chrestienté ce seroit noble chose, & digne, qui ouuriroit le saint passage d'outre mer, & qui iroit sur les ennemis de Dieu. A ces parolles entendit le Roy de France tref-volontiers: & bien proposoit, en luy-mesme, qu'il iroit (fil pouuoit viure trois ans, tant seulement) pour deux raisons. L'une estoit, que le Roy Philippe son pere l'auoit iadis voué & promis. La seconde, pour traire hors du Royaume toutes manieres de Gens-d'armes, nommez compaignies (qui pilloient & déroboient, sans nul tiltre de raison, son Royaume) & pour sauuer leurs ames. Ce propos garda & réserva le Roy de France en soy-mesme, sans en parler à nul luy, iusques au iour du grand Vendredy, que le Pape Urbain prescha en sa chappelle de Auignon, presens les deux Roys de France & de Cypre, & le saint Collège. Apres la sainte predication (qui fut moult humble & moult deuote) le Roy de France, par grâd deuotion, emprit la croix, & requit doucement au Pape, qu'il la voulist accorder & confermer. Ce que le Pape, luy accorda volontiers, & benignement: & la prindrent & en-

† Il y auoit icy le Comte d'Artois, le Comte d'Eu, mais nous n'auons remis ce passage selon la Chaux, & selon le chap. suuant.

† Cest article estoit tout corrompu par le defaut de quelques mots que i'y ay adionnez suuant le sens de l'Auteur, n'estant rien particularisé dedans les Abregez.

† L'an 1363. voyage du Roy de Cypre vers plusieurs princes Chrestiens, pour la Croissee.

chargerent messire Talleran, Cardinal de Perigourd, † Messire Jehan d'Artois, Comte d'Eu, le Comte de Dampmartin, le Comte de Tancarville, messire Arnoul d'Andregghen, le Grand-Prieur de France, messire Bouciquaut, & plusieurs, Cheualiers, qui là estoient presens: & de ceste entreprise fut moult ioyeux le Roy de Cypre: & en regradia grandement Nostre-Seigneur: & le tint à grand' vertu & mistere. Tout ainsi, que vous pouuez veoir & ouir, emprindrent & enchargerent, dessus leurs vestemens, la vermeille croix le Roy de France & les dessus-nommez. Avec tout ce, Nostre saint-Pere le Pape la conferma, & l'enuoya prescher en plusieurs lieux: & † toutesfois non point par toute la Chrestienté. Si vous diray pourquoy. Le Roy de Cypre (qui là estoit venu en intention d'émouuoir ceste croisée, & qui auoit emprins de prendre plaisir à veoir l'Empereur, & tous les haux Barons de l'Empire, & le Roy d'Angleterre aussi, & consequemment tous les Chefs des Seigneurs Chrestiens, ainsi qu'il fit, comme vous orrez cy-apres en l'Histoire) au Saint Pere offrit & au Roy de France, corps, cheuance, & parole pour remontrer, par tout ou il viendroit & s'embattroit, la grâce & deuotion de ce voyage, pour y faire encliner & descēdre tous Seigneurs, qui de ce n'auoient eu deuotion parauant. Si estoit cedit Roy tant creu & honoré, & de raison, qu'on disoit que parmi son langage, & par la certainté, qu'il demonstroit à tous Seigneurs, de ce voyage, y auroit plus tost gagné les cœurs, qu'autres predications. Si s'en souffrit le Pape atant: & sur ce poinct s'arrestèrent. Tantost apres les Pasques, qui furent de l'an † mil trois cens soixantetrois, le Roy de Cypre partit d'Auignon: & dit qu'il vouloit aller veoir l'Empereur, & les Seigneurs de l'Empire: & puis reuiendroit par Brabant, par Flandres, & par Haynaut au Royaume de France. Si print congé du Pape & du Roy de France: qui en tous cas s'acquitterent moult bien deuers luy, en dons, en ioyaux, & en grâces, que le Pape luy fit & à ses gens. Assez tost apres le departement du Roy de Cypre, le Roy de France print congé du Pape: & s'en alla deuers la ville de Montpessier, pour visiter Languedoc: ou n'auoit de long temps esté. Or parlerōs du Roy de Cypre & du voyage qu'il fit, Il chemina tant par ses iournées, qu'il vint en Allemagne, en vne cité, qu'on appelle Prague: & y trouua l'Empereur d'Allemagne, messire Charles de Behaigne: qui le receut grandement, & tous les Seigneurs de l'Empire, qui delez luy estoient. Si fut ledit Roy de Cypre à Prague, & là enuiron, trois semaines: & enhorta grâdemēt, en l'Empire, ce S. voyage: & tout par tout, ainsi comme il alla & passa parmi Allemagne, l'Empereur le fit défrayer. Puis vint le Roy de Cypre en la Duché de Iuilliers: ou le Duc le réiouit, & fit grand' feste. De là s'en alla en Brabant: ou le Duc & la Duchesse le receurēt grandement, en la bonne ville de Brucelles, en disners, en soupers, en ioustes, & en ébatemens (car bien le sauoient faire) & luy donnerent, au departement, grans dons & grâs ioyaux. Puis s'en partit, & s'en alla en Flandres, veoir le Comte Louis: qui aussi le receut & festoya moult grandement: & trouua qui bien le festoya à Bruges, & especiallement

† le Roy

† le Roy de Dannemarc: qui là estoit venu, pour le veoir. Si fit tant ledit Comte Louis, que lesdits Roys furent contens de luy, & des Cheualiers & des Barons de sa terre: Ainsy passa ledit Roy de Cypre cest Esté, depuis son depart d'Auignon, en faisant son voyage parmi l'Empire, & sur les frontieres, pour enhorter le passage d'outremer contre les Sarrazins. Dequoy bien auoient tresgrand' ioye plusieurs Seigneurs, & grand desir qu'il se fist: & aucuns autres s'en excusoient.

† Il y auoit lez le Côte Loys mais nous auons remis ce passage selon les Abregez.

Des ostages François, que le Roy d'Angleterre tenoit prisonniers. & du pourchas que le Roy de Cypre fit enuers les Roys de Nauarre, d'Angleterre, & enuers le Prince de Galles, pour aller outremer, à la croix Nostre-Seigneur.

CHAP. CCXVIII.

EN ce temps auoit le Roy d'Angleterre fait grâce à quatre Ducs (c'est assauoir au Duc d'Orleans, au Duc d'Aniou, au Duc de Berry, & au Duc de Bourbon) & se tenoient ces seigneurs à Calais: & pouuoient cheuaucher quelque part qu'ils vouloient, trois iours hors de Calais, & le quatrième, dedans soleil recôsé, reuenir. Et l'auoit fait le Roy d'Angleterre en intencion de bié, & à ce qu'ils fussent plus prochains de leurs pourchas de Frâce, & qu'ils songnassent de leur deliurâce: ainsi qu'ils faisoient. Les quatre seigneurs dessusdits, estans à Calais, enuoyerent grans messages, & plusieurs fois, de par eux, au Roy de Frâce, & au Duc de Normandie, son aîné fils (qui les auoit ainsi mis en ostage) en leur remonstrât & priât qu'ils entédissent à leurs deliurâces, ainsi que promis & iuré leur auoient, quand ils entrèrent en Angleterre: ou, autrement ils y entendroient eux mesmes, & ne se tiédroient plus pour prisonniers. Mais (quoy que ces Seigneurs, ainsi qu'ils sauez, fussent tresprochains du Roy) leurs Procureurs & messagers n'estoient point ouïs à leur aise, ny eux deliurez: dont grâdemét déplaist aux Seigneurs dessusdits, & par especial au Duc d'Aniou: & disoit qu'il y pouruoyeroit bié de remède: † cōment qu'il en deust aduenir. Or estoit adonc le Royaume & le cōseil du Roy, & du Duc de Normâdie, durement embesongné, tant pour la croix que le Roy auoit adōcques chargée, que pour la guerre du Roy de Nauarre: qui formēt guerroyoit & harioit le Royaume de France: & auoit adōcques remādē aucuns Capitaines des cōpaignies de Lōbardie, pour mieux faire sa guerre. Qui estoit la cause principale, pour laquelle on ne pouuoit légèrement entendre à la deliurance des quatre Ducs dessus-nommez, ne leurs messagers depeschier, quand ils venoient en France. Or parlerons du Roy de Cypre. † Quand il eut veu & visité l'Empire, & autres pais, cōme ouy auez, il reuint en Frâce: ou il fut receu grâdemét du Roy, & des grans Seigneurs de sa court. Auquel lieu se tindrent grans parlemens, sur l'estat de ceste croisée pour sauoir comment ce voyage se pourroit parfournir, à l'honneur du Roy de France, & de son Royaume. Si estoit l'aduis des plus sages, voyans le Royaume si greué & occupé de guerre, de pilleurs des Cōpaignies, & de robeurs, qui y venoient & descendoient de tous pays, que ce voyage ne se pouuoit bonnement faire, iusques à ce que le Royaume fust en meilleur estat, ou que l'on eust paix au Roy de Nauarre. Mais nōobstāt tout ce, nul ne peut au Roy de France briser, n'ōster, sa deuotion de faire ledit voyage. Si l'accorda au Roy de Cypre, promettāt d'estre à Marseille, du Mars, qui venoit, en vn an (que l'on compteroit l'an mil trois cens soixantequatre,) & que sans nulle faute, adonc il passeroit & liureroit pourueances à tous ceux qui passer vouldroient la mer. Sur cest estat se partit le Roy de Cypre du Roy de France: & veit qu'il auoit encore bon terme de soy retraire en son pays, & de faire ses pourueâces. Si cōsidera en soy, qu'il iroit voir le Roy de Nauarre, sō cousin, à fin de faire la paix entre luy & le Roy de Frâce, fil eust peu. Si se partit du Roy Iehan: & tant exploita, qu'il vint en la forte ville de Cherbourg: ou il trouua ledit Roy de Nauarre, & messire Philippe son frere: qui le receurent en grand' ioye & honneur: mais finalement de paix des deux Rois ne peut rié estre traité: si premieremēt le Roy de Frâce ne rédoit l'heritage, que les deux freres pretédoient. Laquelle chose voyāt ledit roy de Cypre, prit cōgé d'eux. Si s'en vint passer au Pōt-de-l'Arche, la riuiere de Seine. Puis vint à Abbeuille, à Rue, à Mōtreul & à Calais: ou il trouua les Ducs d'Orleans, de Berry, & de Bourbon: mais le Duc d'Aniou † estoit retourné en France: ie ne say sur quel estat. Ces trois Ducs dessus-nommez, receurent, ainsi comme prisonniers, en ladite ville de Calais, le Roy de Cypre tresioyeusement: & ledit Roy s'acquitta d'eux moult doucement. Si furent là ensemble plus de douze iours. Finalement, quand le Roy de Cypre eut vent à sa volonté, il passa la mer: & arriua à Douures. Si se tint là, & sy rafreschit par deux iours, entandis que on déchargea ses vaisseaux: & puis cheuaucha ledit Roy

† Ceste fin de clause est de la chaux: au lieu qu'il y auoit ici cōbien qu'il s'en print garde.

† Tout cest article defailloit icy: & n'y en restoit que tels mots corrompus.

Quand le Roy de Cypre eut vilité & veu ces Seigneurs & les pays dessus nommez, il cheuaucha tant Par ses iournees, qu'il vint à Calais ou il trouua trois Ducs, le Duc d'Orleans, le Duc de Berri & le Duc de Bourbon.

† car il estoit retourné en France ie ne say sur quel estat. Mais nous l'auons fourni par l'abregé de la Chaux, y accordant sala en plus briefues parolles. Sala dit, si s'estoit retourné sans cōgé ne say cōment.

† *Tout ce qui s'esuit, inſqu'à Or ſe partit, eſt de la Chaux cōfirmé par ſa la, entels brieſſe mots. Mais le Roy ſ'en excuſa pour ſa vieilleſſe. Le Roy d'Eſcoce y ſuruint, qui fut recueilli à grād ioye, & l'en-treſirét grād feſte les trois Roys en la bōne cité de Lōdres: puis retourna le Roy de Cy-pre en Frāce à Amiēs, &c.*

de Cypre, à petites iournées, iuſques à tant qu'il vint à la bonne cité de Londres. Quād il y paruint, il y fut hōnorablemēt feſtoyé des Barōs de France qui là ſe tenoiēt, & auſſi de ceux d'Angleterre: qui cheuaucherēt au deuāt de luy. Car le Roy Edouard y enuoya de ſes Cheualiers: c'eſtaſſauoir le Cōte de Herford, meſſire Gautier de Māny, le ſeigneur Deſpēſier, meſſire Raoul de Ferriere: meſſire Guichard de Pennebruge, meſſire Richard d'Eſtanfor, & autres: qui l'accōpaignerent & menerēt iuſques en ſon hoſtel, parmi la cité de Lōdres. Ie ne vo³ pourroye pas cōpter, en vn iour, les nobles diſners & ſoupers, les feſtoyemēs & les grās chères, les dōs, les preſens, & les ioyaux, qu'ō dōna & preſēta (eſpeciale-mēt la Roynes Philippe) au gētil Roy de Cypre. Et, à vray dire, il luy appartenoit biē: car il les eſtoit venu veoir de loing, à grās frais, & pour enhorter le Roy qu'il vouliſt prendre la vermeille croix, & aider à recouurer le paſſage ſur les ennemis de Dieu: mais le Roy d'Angleterre ſ'excufa gracieuſement & ſagemēt, † diſant ainſi, Certes, beau couſin, j'ay bōne volōté d'aller en ce voyage: mais ie ſuis deſormais trop vieux. Si en lairray conuenir à mes enfans: & croy que, quād le voyage ſera ouuert, vous ne le ferez pas ſeul: ains aurez de mes Cheualiers & Eſcuyers: qui vous y ſeruiront volontiers. Sire (ce dit le Roy de Cypre) vous parlez aſſez: & croy que voiremēt y viendront ils pour Dieu ſeruir, & eux auancer: mais que vous le leur accordiez. Car les Cheualiers & Eſcuyers de ceſte terre trauaillent volontiers. Ouy (ce dit le Roy d'Angleterre) & ne le debattroye iamais: ſi grandes beſongnes ne ſourdoient à moy, & à mon Royaume: dont preſentemēt ie ne me donne garde. Oncques le Roy de Cypre ne peut autre choſe impetrer du Roy d'Angleterre touchant le voyage deuant dit: mais, tant comme il ſeiourna illec, fut touſiours liement & hōnorablemēt feſtoyé en diuers & grans ſoupers. Or aduint durant ce tēps, que le Roy Dauid d'Eſcoce auoit à beſongner en Angleterre, deuers le Roy Edouard: ſi que, quād il entendit que le Roy de Cypre eſtoit à Lōdres, il ſe haſta moult fort de cheuaucher (āfin de le trouuer illec) & vint à Lōdres ſi à poinēt, qu'encore n'eſtoit il parti. Si ſe recueillirent & cōiouirent grandement enſemble ces deux Roys: & leur donna de recheſſe le Roy d'Angleterre deux fois à ſouper au Palais de Weſtmōſtier: & là prit le Roy de Cypre congé du Roy & de la Roynes d'Angleterre qui à ſon departement luy dōnerent de beaux dons: entre leſquels le Roy Edouard donna vne nef, appellée Catherine, belle & grande à merueilles: laquelle le Roy d'Angleterre auoit meſmemēt fait faire en ſon nom, pour paſſer outre en Hieruſalē: & priſoit on celle nef douze mille francs: & giſoit adonc celle nef au haure de Sāduich. De ce dō remercia grandemēt le Roy de Cypre le Roy d'Angleterre, & luy en ſceut grand grē: & ne ſeiourna pas depuis grandemēt au païs ains ſ'en retourna deuers le Roy de France: mais le Roy d'Angleterre le défraya de tout ce, que luy & ſes gens deſpendirent, allant, venant, & ſeiournant en ſon Royaume. Ie ne ſay pas bien que ce fut: mais il laiffa le vaiſſel, deuant-dit, à Sāduich: ne point il l'ēmena avec luy. Or ſe partit d'Angleterre le Roy de Cypre: & repaſſa la mer à Boulongne. Si ouit dire, ſur ſon chemin, que le Roy de France, le Duc de Normandie, & meſſire Philippe, maifné ſils dudit Roy, & le grand conſeil, deuoient eſtre en la bōne ville d'Amiens. Si tira le Roy de Cypre celle part: & y trouua le Roy de France, nouuellemēt venu, & vne partie de ſon conſeil. Si fut d'eux grandement feſtoyé: & leur recorda la greigneur partie de ſes voyages: leſquels l'ouirent & l'entendirent volontiers. Quand il eut là eſté vne eſpace de tēps, il dit qu'il n'auoit riens fait, iuſques à tāt qu'il euſt veu le Prince de Galles: & dit ſil plaiſoit à Dieu, qu'il l'iroit veoir auant ſon retour, & les Barons de Poiētou & d'Aquitaine. † Tout ce luy accorda le Roy de Frāce aſſez bien: mais il luy pria cherement, à ſon departir, qu'il ne preniſt voyage en ſon retour, fors que parmi Frāce: & le Roy de Cypre le luy accorda volōtiers. Si ſe partit ledit Roy de Cypre d'Amiēs: & cheuaucha deuers Beauuais: & paſſa la riuere de Pōtoife: & fit tāt par ſes iournées, qu'il vint à Poiētiers. En ce temps eſtoit le Prince en Angoulefme: & deuoit là auoir prochainement vne tresbelle feſte, de quarāte Cheualiers & de quarāte Eſcuyers, pour l'amour de Madame la Princeſſe: qui eſtoit accouchée d'un beau ſils: qu'ō nōmoit Edouard: ainſi comme ſon pere. Si toſt que le Prince ſceut la venue du Roy de Cypre, il enuoya deuers luy, par eſpecial, meſſire Iehan Chādos, & grāde foiſō de Cheualiers & d'Eſcuyers de ſon hoſtel: qui l'amenerent en grande ioye & reuerence, & moult honnorablement, deuers le Prince, qui le receut moult humblement, & grandement en tous eſtats. Si laifférons vn petit à parler du Roy de Cypre: & parlerons du Roy de France: & compterōs à quelle intention luy & ſon Conſeil eſtoient venus à Amiens.

† *La Chaux dit Laquelle choſe le Roy de Frāce luy accorda cherement, mais bien luy pria qu'il ne priſt voyage à ſon retour parmi France. ſala ſe taiſt de ceſte particularité: ſinō que le Roy de Cypre alla veoir le prince de Galles.*

Comment le Roy Iehan de France: estant retourné volontairement en Angleterre, y mourut.

CHAPITRE

CCXIX.

IE fu adonc informé (& vray estoit) que le Roy Iehan auoit propos & affection d'aller en Angleterre, veoir le Roy Edouard son frere, & la Roïne sa sœur: & pour ce auoit assemblé vne partie de son conseil: & ne luy pouuoit nul faire varier son propos: posé qu'il luy fust assez conseillé du contraire: & luy disoient plusieurs Prelats & Barons de Frâce, qu'il entreprenoit vne grâde folie, & quād il se vouloit encores mettre au dāger du Roy d'Angleterre. Mais, leur respōdāt à ce, disoit qu'il auoit trouué au Roy d'Angleterre son frere, & en la Roïne, & en ses neueux ses enfans, tant de loyauté & d'hōneur, qu'il ne se pouuoit trop louer: & qu'ē riēs il ne se doutoit d'eux, qu'ils ne luy fussent courtois, doux, & loyaux & amis en tous cas: & aussi vouloit il excuser son fils, le Duc d'Aniou, qui estoit retourné en Frâce. A ceste parolle n'osa nul parler au cōtraire: puis qu'il l'auoit ainsi arrefté & ordōné en luy. Si ordonna là derechef son fils, le Duc de Normādie, à estre Regēt & gouuerneur du Royaume de Frâce, iusques à son retour: & promet bien à son mainné fils, messire Philippe, que luy reuenu du voyage ou il alloit, il le feroit Duc de Bourgogne, & l'heriteroit de la Duché. Quand toutes ces choses furent bien faites & ordōnées à son entente, & ses pourueāces, en la ville de Boulongne, il se partit de la cité d'Amiēs, & se meit à la voye: & cheuaucha tāt, qu'il se vīt à Hedin: là ou il s'arresta, & tint sō Noel: & là le vint voir le Côte Louis de Flādes: qui mout l'aimoit: & le Roy luy. Là furēt ensēble enuiron trois ou quatre iours: & le iour des Innoēes se partit de Hedin. Tāt exploita le Roy Iehā, qu'il vint à Boulōgne: & se logea en l'Abbaye: & tant y seiourna, qu'il eut vent à sa volonté. Si estoiet avec luy, de son Royaume pour passer la mer, messire Iehan d'Artois, Comte d'Eu, le Côte de Dampmartin, le grand Prieur de Frâce, messire Bouciquaut Māreschal de Frâce, messire Tristā de Maguelles, messire Pierre & messire Iehā de Villiers, messire Iehā d'Anuille, messire Nicolas Bracq, & plusieurs grās Cheualiers. Quand leurs nefes furent toutes chargées, & les mariniers eurent bon vent, ils le signifirent tantost au Roy. Si entra le Roy en son vaissel, enuiron minuit, & toutes ses gens dedans les autres: & tāt singlerēt par leurs iournées, qu'ils vindrēt en Angleterre: & arriuerēt à Douures enuiron heure de vespre. Ce fut le iour de deuāt la † vigile de l'Apparition des trois Rois: qu'ō dit la Thiphaine. Les nouuelles vindrēt au Roy d'Angleterre, & à la Roïne (qui se tenoiet adōcques à Altē, vn mout riche manoir: qui estoit au Roy d'Angleterre, à sept lieues de Lōdres) que le Roy de France estoit descendu & arriué à Douures. Si enuoya tātost des Cheualiers de son hostel, celle part grand' foison: c'estassauoir messire Barthelemy de Brunes, messire Alain de Bouqueselles, messire Richard de Pennebrūge, & plusieurs autres. Ceux se departirēt du Roy, & cheuaucherent deuers Douures: & trouuerēt là encore le Roy de France, ou il estoit arriué audit Douures. Si le cōuoyerent & hōnorerēt grādemēt, & de bon cœur (cōme ceux qui biē le sauoiet faire) & luy dirēt (apres plusieurs choses & grās hōneurs, qu'ils luy firēt) que le roy, leur seigneur, estoit mout ioyeux de sa venue. Le Roy de Frâce les en creut legēremēt. Le lēdemain au matin mōta ledit Roy à cheual, & ses gens aussi, & cheuaucherent deuers Cantorbie: & vindrent là au disner. A l'entrer en l'eglise saint Thomas fit le Roy grand' reuerence: & donna au corps Saint Thomas, vn mout riche ioyau, & de grand' valeur. Si se tint ledit Roy de France deux iours en la ville de Cantorbie. Au tiers iour il s'en partit, & cheuaucha le chemin de Londres: & fit tant, qu'il vint à Altem: ou le Roy se tenoit, & grād' foison de Seigneurs, appareillez pour le receuoir. Ce fut vn Dimenche, à heure de releuée, qu'il vint là. Si eut, entre celle heure & le souper, grās danſes & grās karolles. Là estoit le ieune Seigneur de Coucy: qui s'efforçoit de biē dāser & de biē chāter, quād son tour venoit: & volōtiers estoit veu des Frāçois & des Anglois: car trop bien luy seoit à faire tout tāt q'il faisoit. Le ne puis mie de tout parler, & recorder cōe hōnorablemēt le Roy d'Angleterre & la Roïne receurēt le Roy. Quād il se partit d'Altē, il se vīt à Lōdres: si vindrēt toutes manieres de gēs, par cōnestablies, cōtre luy: & le receurēt & recueillirēt en grād' reuerence, & ainsi fut amené, à grand' foison de menestriers, iusques en l'hostel de Sauoye: qui estoit ordōné & appareillé pour luy. Dedās ledit chastel, avec le Roy, estoient hebergez ceux de son sang, ostagers de France: & premieremēt son frere le Duc d'Orleans, son fils le Duc de Berry, son cōtūsin le Duc de Bourbō, le Comte d'Alençon, Guy de Blois, le Côte de Saint-Pol, & mout d'autres. Si se tint ledit Roy, vne partie de l'Yuer, entre ses gens mout ioyeusement: & le visiterent souuent le Roy d'Angleterre &

† Qui seroit en
l'an 1364. à
commēcer l'atē
par le premier
iour de l'ānier,
à ma mode.

Arrivée du
Roy Iehan de
France à Lon-
dres, men de sa
seule volonté.

*Le Roy de Cy-
pre receu par le
Prince de Gal-
les en la ville
d'Angoulesme.*

ses enfans: c'est assavoir le Duc de Clarence, le Duc de Lenclastre, & messire Aimon son mainné fils: & furēt par plusieurs fois en grans festoyemēs ensemble, en disners, en soupers, & en moult d'autres manieres, en celuy hostel de Sauoye, & au Palais de Westminster (qui sied pres de là) ou le Roy de France alloit secrettement par la riuere de la Thamise, quand il vouloit. Si regretterent plusieurs fois ces deux Roys messire Jacques de Bourbon: & disoient que ce fut grand dommage que de luy: car trop bien luy feoit à estre entre les seigneurs. Nous laisserons vn petit à parler du Roy de France: & parlerons du Roy de Cypre: qui vint en Angoulesme, deuers le Prince de Galles, son cousin: qui le receut moult ioyeusement: & aussi firent tous les Barons, Cheualiers & Escuyers de Poictou, & de Xainctonge, qui delez le Prince estoient: c'est assavoir le Vicomte de Thouars, le Seigneur de Pōs, le Seigneur de Parthenay, messire Louis de Harcourt, & messire Guichard d'Angle: & des Anglois, messire Iehā Chādos, messire Thomas de Felletō, messire Noel Loruich, messire Richard de Pōrchařdō, messire Simō de Basselle, & plusieurs autres, tant du pays que du Royaume d'Angleterre. Si fut le Roy de Cypre biē hōnorē & festoyē du Prince, de la Princeſſe, des Barōs, & des Cheualiers dessusdits: & se tint illecques plus d'vn mois: & puis le mena messire Iehan Chandos iouer & ébatre parmi Xainctōge & parmi Poictou, & veoir la bōne-ville de la Rochelle: ou l'ō luy fit grād' feste. Et, quād il eut par tout esté, il retourna en Angoulesme: & fut à celle grād' feste, que le Prince y tint ou il y eut grād' foisō de Cheualiers & d'Escuyers. Assez tost apres la feste, le Roy de Cypre print cōgé du Prince & des cheualiers du païs: mais auāt leur eut il remōstrē principalemēt pourquoy il estoit là venu, & sur quel estat il auoit emprins à porter la croix vermeille qu'il portoit: & cōmēt le Papel' auoit cōfermée: & la dignité du voyage: & cōment le Roy de Frāce par deuotiō, & plusieurs autres grās seigneurs l'auoiēt emprins & iurē. Le Prince & les Cheualiers luy respōdirēt courtoisemēt, que voiremēt c'estoit vn voyage, ou toutes gēs de biē & d'hōneur deuoiēt entendre: & fil plaisoit à Dieu que le passage fust ouuert, il ne seroit mie seul: mais auroit de ceux qui se desirēt auācer. De ces parolles se tint le Roy de Cypre biē cōtēt: & puis s'en partit: mais messire Iehā Chādos luy tint cōpaignie, tāt qu'il fust hors de la principauté. Si me sēble qu'il retourna arriere vers Frāce, pour venir vers Paris, en intētion de cuider trouuer le Roy de Frāce reuenu: & nō estoit: car le Roy de Frāce estoit en l'hostel de Sauoye, accouchē malade: & luy empiroit tous les iours: dōt trop grādemēt déplaisoit au Roy d'Angleterre, & à la Roïne: car les plus sages Medecins disoiēt, qu'il estoit en grād peril. Et de tout estoit informē le Duc de Normādie (qui se tenoit à Paris, & qui auoit le gouuernemēt du Royaume de Frāce) car messire Bouciquaut auoit passē la mer: & auoit informē le Duc, de ceste matiere. Le Roy de Nauarre en sauoit aussi la certaineté: dōt il n'estoit mie courroucé: car il eseroit q̄, si le Roy de France mouroit, sa guerre en seroit pl^e belle. Si escriuit deuers le Captal* de Bufz (qui se tenoit adōc delez le Cōte de Foix, son serourge) q̄ il vēsist à luy en Normādie: & qu'il le feroit seigneur & souuerain par dessus tous ses Cheualiers.* Le Captal, qui desiroit les armes, & qui estoit cousin audit Roy de Nauarre, obeīt à son mādēmēt. Si se partit du Cōte de Foix, & s'en vint passer parmi la Principauté, ou il pria aucuns Cheualiers & Escuyers sur son chemin: mais petit en conquist: car pas ne se vouloient adonc armer Anglois, ne Gascons, ne Poicteuins, pour le fait du Roy de Nauarre, contre la couronne de France: car il leur souuint des alliances iurées à Calais, entre le Roy d'Angleterre, leur Seigneur, & le Roy de Frāce, si grandes & si fortes, que ils ne les vouloient pas blecer, ne briser. Ce temps pendant que le Captal de Buz vint vers le Roy de Nauarre en Normandie, le Roy Iehan de France trépassa de ce siecle, au royaume d'Angleterre: dont le Roy Edouard, la Roïne sa femme, & tous leurs enfans, & tous les grands Seigneurs du païs, furent moult courroucez pour l'hōneur & la grand' amour, que le roy depuis la paix faite, leur auoit monstrée. Le Duc d'Orleans son frere, & le Duc de Berry son fils (qui de sa mort furent moult courroucez) enuoyerent ces nouuelles, à grand' haste, deuers le Duc de Normandie: & quand ledit Duc sceut la verité, il en fut moult courroucé: & bien fut raison. Toutesfois, cōsiderant qu'il fault toute chose créée naturellement terminer, & qu'il ne pouuoit remedier à ceste mort, la porta patiemment, au plus qu'il peut. Puis, se voyant successeur de l'heritage de France, & estant bien informē cōment le Roy de Nauarre pouruoyoit tous les iours ses garnisons en la Comté d'Eureux, & qu'il leuoit des Gens d'armes, pour le guerroyer, faduifa qu'il se pouruoyeroit de bon conseil, & de bon remede sur ce fil pouuoit.

*Le Roy Iehan
malade en l'ho-
stel de Sauoye
à Londres.*

* Annot. 92.

* Annot. 93.

*Trepas du Roy
Iehan de Fran-
ce en Angleter-
re, le 8. ou 10.
d'Auril 1364*

Du bon ordre, que le Roy Charles, cinquième du nom, donna contre les Nauarrois, deuant son couronnement, & incontinent apres la mort du Roy Iehan son pere. CHAP. CCXX.

EN ce temps s'armoit, & f'estoit tousiours armé pour les François, vn Cheualier de Bretagne: qu'on appelloit messire Bertrand du Guesclin. Le bien de luy ne la bonne renommée n'estoit mie grandement cognüe: fors entre les Cheualiers de Bretagne: qui se tenoient entour luy, au pays de Bretagne: ou il auoit demouré, & tousiours tenu la guerre pour messire Charles de Blois. Ce messire Bertrand estoit, & fut tousiours entre-eux, estimé moult vaillant Cheualier, & bien aimé de toutes Gens d'armes: & ia estoit grandement en la grâce du Duc de Normandie, pour les grandes vertus, qu'il en auoit ouy recorder. Il aduint doncques que le Duc de Normandie (aussi tost qu'il eut ouy de certain recorder le trépassement du Roy son pere) ainsi qu'il se doutoit grandement du Roy de Nauarre, dit à messire Bouciquaut. Partez vous d'icy avec tout ce qu'auiez de gens, & cheuauchez la Normandie. Vous y trouuerez messire Bertrād du Guesclin. Si vous prie que vo⁹ & luy vous embattiez pres du Roy de Nauarre: parquoy nous soyōs Seigneurs de la riuere de Seine. Messire Bouciquaut respondit, Sire, cecy feray-ie tresuolontiers. Adonc se partit, & emmena avec luy grand foison de Cheualiers & Escuyers, & print le chemin de Normādie, par deuers S. Germain, & donna à entendre à ceux, qui avec luy estoient, qu'il alloit deuāt le chastel de † Rolleboesse: que certaines manieres de gens (qui faisoient tous les maux du monde) nōmez Compaignies, tenoient. Rolleboesse est vn chastel, bon & fort sur la riuere de Seine, à vne lieuē pres de Māte: & estoit en ce tēps répli & garni de Cōpaignons Gēs-d'armes: qui faisoient guerre d'eux mesme: & couroient aussi bien sur le Roy de Nauarre, comme sur le Roy de France: & auoient vn Capitaine, à qui ils obeyssioient entieremēt, & qui les entretenoit & payoit, parmi certains gages qu'il leur dōnoit: & estoit né de la ville de Brucelles: & l'appeloit on Wautaire Austarde, appert hōme-d'armes, & outrageux. Iceluy & ses gens auoient tout le pais de là enuiron tout robé: & n'osoit nul aller de Paris à Māte, ne de Māte à Rouē, n'a Pōtoise, pour eux: & aussi biē ruoient ils sur les Nauarrois, cōme sur les Frāçois: & par especial ils cōtraignoient durement ceux de Māte. Quād messire Bouciquaut partit de Paris (quoy qu'il donnast à entendre qu'il alloit celle part) il faillit à prendre le droit chemin de Rolleboesse: & attendit messire Bertrand du Guesclin & sa route: qui auoient par auant cheuauché deuant la cité d'Eureux, & parlementé à ceux de dedans la cité: mais on ne luy auoit voulu ouurir les portes: ainçois auoient fait ceux de dedās cruels efforts de le seruir de pierres: si se tira deuers le Mareschal: q'l'attēdoit sur vn chemin, assez pres de Rolleboesse. Quād ils se furēt trouuez, ils estoient bien cinq cēs Hōmes-d'armes. Si eurent ces deux Capitaines grād parlemēt ensemble: à sauoir cōe ils se maintiēdroient, & par quelle maniere ils pourroient auoir la ville de Māte ou ils taschoient. Si conclurent que messire Bouciquaut, luy cētième de Cheualiers seulesmēt, cheuaucheroit celle part, deuāt: & viēdroit à Māte: & feroit l'effroyé: & diroit q'ceux de Rolleboesse le chaoient & qu'ils le laissasēt entrer dedās. S'il y entre, tātost il faisira les portes: & messire Bertrād & sa route viēdrōt, & se bouterōt dedās: & en ferōt à leur volōté. S'ils ne l'ōt par ceste façon, ils ne voyēt tourcōmēt ils l'ayēt. Ce cōseil fut tenu, & le retindrēt les seigneurs entre eux secret: & se partit messire Bouciquaut & la route qu'il deuoit mener: & cheuaucha deuers Māte: & messire Bertrād d'autre part: & se meirent luy & les siens en embusche, assez pres de Māte. Quād messire Bouciquaut deut approcher Māte, ils se derouterēt, ainsi cōme gēs déconfits & mis en chace: & s'en vint ledit Mareschal, luy dixième: & les autres petit à petit le suiuiōient. Si s'arresta deuant les barrieres: & dit, Aarou, bonnes gens de Mante, ouurez voz portes, & nous laissez entrer dedans: car veez cy ces meurtriers de Rolleboesse, qui nous chacent, & nous ont déconfits. Qui estes vous? Sire (dirent ceux, qui là estoient.) Seigneurs (dit il) ie suis messire Bouciquaut, Mareschal: que le Duc de Normandie enuoyoit deuant Rolleboesse: mais les larrons de dedans m'ont déconfit: & m'en conuient fuir (veille ou non vueille) & me prendront moy & mes gens: si vous ne nous ouurez voz portes. Ceux de Mante (qui cuidoient qu'il leur dit verité) luy respondirent, Sire, nous sauons bien que ceux de Rolleboesse sont noz ennemis, & les vostres: & ne leur chaut à qui ils ayent la guerre: & d'autre part le Duc de Normandie nous hait, pour cause du Roy de Nauarre nostre Seigneur: si sommes en grand' doute que ne soyons deceus par vous: qui estes Mareschal de France. Par ma foy,

† sala dit Rolleboisse. La Chaux s'en taist, mais il y a Rouleboisse en l'histoire ou liure de prouesses de Bertrand du Guesclin.

Bertrand du Guesclin au service du Roy Charles 5. du nom.

Ruse de guerre par laquelle le Mareschal Bouciquaut & Bertrand du Guesclin prirent la ville de Mante sur les Nauarrois.

messieurs, n'oserez: ie ne suis ici venu que pour greuer ceux de Rolleboesse. A ces paroles ouurirēt ils leurs portes, & laisserēt dedās entrer messire Bouciquaut: & tousiours le suiuiōient gens petit à petit. Entre les dernieres gens de messire Bouciquaut & les gēs de messire Bertrand n'eurent ceux de Mante loisir de refermer les portes. Car (quoy que messire Bouciquaut & les siēs se trahissent tātost à l'hostel, & se desarmasēt, pour mieux appaiser la ville) messire Bertrand & sa route vindrēt les grans gallops: & écrierēt Saint Yues, Guesclin, à la mort tous Navarrois: dont entrērēt en ces hostels, & pillerēt tout ce qu'ils y trouuerent: & prindrent des prisonniers, desquels qu'ils voulurēt & en tuerent.

Autre ruse de guerre par laquelle la ville de Meulenc fut prinse sur les Navarrois.

Et tātost, incontinent qu'ils furēt entrez à Mante, vne route de Bretons s'en vindrent à Meulēc, vne lieuē par delà: & y entrèrent assez subtilement. Car ils dirent que c'estoiet Gēs-d'armes: que messire Guillaume de Grauille enuoyoit de par-delà: & autāt ou plus en estoit demourē à Mante, Ceux de Meulenc cuiderent qu'ils dissent verité: pourtant qu'ils estoient venus le chemin de Mante: & ne pouuoient estre venus par autre riuere que par-delà, n'auoir passē Seine, fors qu'au port de Mante. Si les creurent & ouurirent leurs barrieres: & meirent en leur ville ces Bretons: qui tātost se saisirent des portes, & écrierēt saint Yues, Guesclin: & cōmencerēt à decouper gens: qui tātost au mieux qu'ils peurent, se meirent à eux fuir & sauuer, quād ils se veirent ainsi deceus & trahis, & qu'ils n'eurent pouuoir d'eux recouurer. Ainsi furent Mante & Meulenc prinse: dont le Duc de Normādie fut moult ioyeux, & le roy de Nauarre moult courroucé, quād il le sceut. Si meit tātost gardes & Capitaines especiaux par toutes ses villes & chasteaux: & tint à grand dommage la perte de Mante & de Meulenc: car ce luy estoit vne belle entrée en Frāce. En celle propre semaine arriua le Captal de Buz à Cherbourg à bien quatre cēs Hommes-d'armes. Si luy fit le Roy de Nauarre grand ioye & grand feste: & luy remōstra en ce complaignant du Duc de Normandie, comment on luy auoit emblē ses villes de Mante & de Meulenc. Le Captal respondit & dit, Monseigneur, s'il plaist à Dieu, nous irons au deuant: & exploiterons tellement (s'il plaist à Dieu) que tost les rāurez, & encores plus d'autres villes, & chasteaux assez. On dit que le Roy de Frāce s'en ira tātost faire couronner à Reims, si luy irons porter ennuy & dommage. De la venue du Captal de Buz le Roy de Nauarre fut moult réioui: & dit qu'il le feroit tātost cheuaucher en France. Si māda le Roy de Nauarre Gens-d'armes de toutes parts, ou il pouuoit sa uoir

Arriuee du Captal de Buz parauant de Buz au chap. precedent, à l'aide du Roy de Nauarre.

† Tous les Exemp. ont ainsi, s'en taisans les Abregés, mais ie n'ay iamais ouy parler de tel surnom de Normandie, et doute qu'il n'y faille la Balle.

& imaginer qu'il en pourroit auoir. Adonc estoit en Normādie la † Marne vn Cheualier d'Angleterre: qui autresfois s'estoit armé pour le Roy de Nauarre: & estoit moult a pert hōme en fait-d'armes: & l'appeloit on messire Iehan Iouel. Celuy auoit en sa route en uiron deux ou trois cens Lances. Le Roy de Nauarre enuoya deuers luy: & luy pria qu'il le voulsist venir seruir, à ce qu'il auoit de gens. Messire Iehan Iouel descendit à la priere du Roy de Nauarre: & vint par deuers luy: & se meit en son seruice. Bien fauoit le Duc de Normādie que le Roy de Nauarre faisoit son amas, de Gēs-d'armes, & que le Captal de Buz en feroit Chef. Si se pourueut: & rescriuit à messire Bertrand du Guesclin, que luy & ses Bretons fissent frōtieres cōtre les Navarrois: & qu'il luy enuoyeroit gens assez, pour combattre le pouuoir du Roy de Nauarre: ordonna messire Bouciquaut à demourer à Mante & à Meulēc. Si partit messire Bertrād, à tous ses Bretons: & se meit aux chāps par deuers Vernon: & en brieis iours enuoya le Duc de Normandie deuers luy grans Gēs-d'armes: comme le Comte d'Auxerre, le Vicōte de Beaumōt, le sire de Beauieu, & plusieurs autres Cheualiers & Escuyers. Encores estoient en ce temps issus de Gascongne, & venus en France, pour seruir le Duc de Normandie, le Sire d'Albreth, messire Aime-

† Curton par auant en quelques autres lieux.

mon de Pōmiers, messire Petiton de † Corton, le Souldich de l'Estrade, & plusieurs autres: de quoy le Duc de Normandie leur sceut bon grē: & leur pria qu'ils voulsissent cheuaucher en Normandie contre ses ennemis, Les dessusdits Seigneurs obeyrent volontiers: & se meirent en arroy: & cheuaucherent tous en Normandie: exceptē le corps du Seigneur d'Albreth. Celuy demoura à Paris, delez le Duc: mais ses gens allerēt en celle cheuauchée. En ce temps icy vn Cheualier des frontieres de Bretaigne Frāçoise (qu'on

† Il le nomme- ra tātost, Beaumont. Sala dit Bray mont.

appeloit † Brehemon de Laual) vint courir deuant Eureux: si auoit en sa cōpaignie quarante Lāces, tous Bretōs. Adonc estoit dedans Eureux vn ieune Cheualier: qu'on appeloit messire Guy de Grauille. Aussi tost qu'il sceut l'effroy, il courut soy armer, & faire armer tous les soudoyers de leās: & mōterent tous à cheual: & se meirent aux chāps. Messire Beaumōt auoit ia fait son entreprinse: & veez cy messire Guy de Grauille, mōté sur fleur de courfier: qui s'écria tout haut Beaumōt vous ne vous en irez pas ainsi, il vo^r faut

parler

parler à ceux d'Eureux:& vous veulent apprédre à eux cognoistre. Quand messire Beaumont s'ouit écrier, si retourna son courfier, & baissa son glaive, & s'adreça droitement dessus messire Guy. Ces deux Cheualiers s'entrerencontrerent, de grand randon, tellement sur leurs targes, que les glaives s'en volerent, en tronçons: mais ils se tindrēt si franchement, qu'oncques ne partirent des arçons:& passerent outre. Au retour, qu'ils firēt, ils tirerent leurs espées:& tantost s'entremeslerent leurs gens, de premiere venue:& en y eut maints renuersez d'une partie & d'autre. Là s'acquitterent les Bretons bien loyaument: mais finablement ils ne peurent obtenir la place: ainçois leur conuint demourer (car gens croissoient de tous costez sur eux)& furent tous morts, ou prins, qu'onc nul n'en échappa:& fut prins messire Beaumont de Laual par messire Guy de Grauille:& l'amena, comme son prisonnier, dedans le chastel d'Eureux:& aussi y furēt menez tons les autres, qui prins estoient. Ainsi aduint de ceste aventure: dont messire Guy en fut mout prisē & aimé du Roy de Nauarre, & de ceux d'Eureux.

Prise de Brehemon de Lanal, par Guy de Grauille.

Du retour du Roy de Cypre à Paris: de l'obsequē du Roy Iehan à Saint Denis en France: & de la cheuauchée du Captal de Buz, partisan de Nauarre, contre Bertrand du Guesclin, partisan de France.

CHAP.

CCXXI.

Environ ce temps retourna en France le Roy de Cypre (qui reuenoit d'Aquitaine) & s'en vint droitement à Paris:& se tira deuers le Roy de France, par-auant nommé Duc de Normandie. En ce tēps estoient delez luy ses deux freres (c'estassauoir le Duc d'Aniou, & Monseigneur Philippe: qui depuis fut Duc de Bourgongne) & attendoient le corps du Roy, leur pere: qu'on rapportoit d'Angleterre. Si leur aida à complaindre ledit Roy de Cypre leur dueil:& luy mesme print en moult grande deplaisance ceste mort du Roy de France (pour la cause que son voyage en estoit arriere) & se vestit du dueil de noir. Or vint vn iour, que le corps du Roy de France (qui estoit embasme, & mis en cercueil) approcha de la ville de Paris. Lequel corps Monseigneur Iehan d'Artois, le Cōte de Dāpmartin, & le Grand-Prieur de France raconduisoyent. Si vindrent de Paris le Duc de Normandie & ses freres, le Roy de Cypre, & la greigneur partie du Clergé de Paris:& allerent tous à piē outre S. Denis en France:& là fut emporté & enseuēly le feu Roy en grāde solēnité:& chātā sa messe l'Archeuesque de Sens, le iour de son obsequē. Apres le seruice fait, & le dīner (qui fut moult noble) les Seigneurs & les Prelats retournerēt tous à Paris. Si eurent parlement & conseil ensemble, à sauoir comment ils se maintiēdroyēt (car le Royaume ne pouuoit estre longuement sans Roy) & fut conseillé, par l'aduis des Prelats & des Nobles, qu'on se tireroit deuers la cité de Reims. Si en escriuit le Duc de Normandie (car ainsi s'appelloit il encores) à son oncle Monseigneur Wincelant, Duc de Brabant & de Luxembourg, & aussi au Comte de Flandres, en leur priant qu'ils voufissent estre à son couronnement:& estoit le iour assignē au iour de la Trinitē, prochainement venant.

Le corps du Roy Iehan enseuēly à Saint Denis en France.

Entandis que ces besongnes & pourueances se faisoient, & que ces Seigneurs s'ordōnoient, s'approchoyent aussi les François & les Nauarrois en Normandie:& ia estoit venu en la cité d'Eureux le Captal de Buz: qui là faisoit son amas, & son assemblée de Gēs-d'armes & de compagnies, par tout ou il les pouuoit auoir. Si parlerōs de luy & de messire Bertrand du Guesclin, & d'une belle iournee de bataille: qui fut le Ieudy deuant la Trinitē, que le Duc deuoit estre couronné & consacré en Roy de France (ainsi qu'il fut) en la cité cathedrale de Reims. Quand Monseigneur Iehan de Grally (dit & nommé Captal de Buz) eut fait son amas & assemblée, en la cité d'Eureux, d'Archers & de Brigans, il ordonna de ses besongnes:& laissa en ladite ville & cité vn Capitaine, Cheualier (qui s'appelloit Monseigneur Michel d'Orgery) & enuoya à Conches Monseigneur Guy de Grauille, pour faire frōtiere dessus:& puis se partit d'Eureux, à tout ses Gens-d'armes & ses Archers, car il entendit que les François cheuauchoiēt: mais il ne sauoit quelle part. Il se meit aux champs, en grand desir de les trouuer:& nombra ses gēs. Si se trouua sept cens Lances, & bien trois cens Archers, & cinq cens autres hommes aidables. Là estoient delez luy plusieurs bons Cheualiers & Escuyers:& especialement vn Banneret du Royaume de Nauarre (qui s'appelloit le Sire de Saulx) & le plus grand & le plus appert, & qui tenoit la plus grande route de Gens-d'armes & d'Archers, c'estoit vn Cheualier d'Angleterre: qui s'appelloit messire Iehan Iouel. Si y estoient encores Monseigneur Pierre de Saqueville-messire Guillaume de Gaunille, Monseigneur Bertrand du

Le Captal de Buz, aux chāps contre Bertrand du Guesclin.

† Tous noz, Ex
emplaires auoi
ent le blafol-
le demarneil
et sur la fin de
ce ch. monsei-
gneur de bas-
cles de mar-
neil, & la
Chaux melsi
re bastle de
maroel. Mais
me souuenant
que ce peut estre
vn, qu'il a sou-
uent nommé le
Basque ou le
Bascle de
marneil ie me
suis dispesé de
le remettre ain-
si que voyez.
† le doute que
ce ne soit celuy
qu'il a quelque
fois nommé Ou-
dart de Réti.

Franc, † le Basque de Marneil, & plusieurs autres, tous en grande volonté d'encontrer messire Bertrand, & le combattre. Si tiroient à venir deuers Passy & le Pont-de-l'Arche, car bien pensoient que les François passeroient là la riuere de Seine: voire fils ne l'auoient ia passée. Or aduint, droitement le Mecredy de la Penthecouste, que le Captal & sa route, cheuauchans hors d'un bois, rencontrèrent d'adventure vn Heraut: qui s'appelloit le Roy Faucon: & estoit parti, au matin, de l'ost des François. Si tost que le Captal le veit, bien le recongnut: & luy fit chere (car il estoit Heraut au Roy d'Angleterre) & luy demanda dont il venoit, & s'il sauoit nulles nouuelles des François. En nom de Dieu (dit il) Monseigneur, ouy, ie me suis huy parti d'auecques eux, & de leurs routes: & vous quierent aussi: & ont grand desir de vous trouuer. En quelle part sont ils (dit le Captal) deçà le Pont-de-l'Arche, ou delà? En nom de Dieu (dit Faucon) ils ont passé le Pont-de-l'Arche, & Vernon: & sont maintenant (comme ie croy) assez pres de Passy. Et quels gens sont ils (dit le Captal) ne quels Capitaines ont ils? di le moy, ie t'en prie. En nom de Dieu (dit Faucon) ils ont bien mil & cinq cens combattans, & toutes bonnes Gens-d'armes. Si y sont messire Bertrand du Guesclin (qui a la plus grande route des Bretons) le Comte d'Auxerre, le Vicomte de Beaumont, Monseigneur Louis de Chaalon, le Sire de Beauieu, Monseigneur le Maistre des Arbalestiers, Mōseigneur l'Arche prestre, & Monseigneur † Odart de Remi: & si y sont de Gascongne, vostre pays, les gens du Seigneur d'Albreth: & y est Monseigneur Aimemon de Pomiers, & Monseigneur le Souldich de l'Estrade. Quand le Captal ouit nommer les Gascons, si fut mout émerueillé: & rougit tout de felonnie: & repliqua tost sa parolle, en disant, Faucon, Faucon, est-ce en bōne verité que tu dis que ces Seigneurs de Gascongne (que tu nommes) sont là? & les gens du Seigneur d'Albreth? Sire (dit le Heraut) par ma foy ouy. Et ou est le Sire d'Albreth? dit le Captal. En nom Dieu (dit Faucon) il est à Paris, avec le Regent Duc de Normandie: qui s'appareille fort pour aller à Reims, car on dit communement que Dimenche prochain il sera sacré & couronné. Adoncques meit le Captal la main à sa teste: & dit ainsi, par mal-talent, Par le cap saint Anthoin, Gascons contre Gascons se pourmeneront. Adonc parla le Roy Faucon pour Prie (vn Heraut, que l'Arche prestre enuoyoit là) & dit au Captal, Mōseigneur, assez pres d'icy m'attend vn Heraut, que l'Arche prestre enuoye deuers vous, lequel Arche prestre (ainsi que i'enté par le Heraut) parleroit volontiers à vous. Lors respondit le Captal, & dit, Ha, Faucon, Faucon, dites à ce Heraut François, qu'il n'a que faire plus auant: & qu'il die à l'Arche prestre, que ie ne vueil nul parlement à luy. Adonc sauança messire Iehan Iouel: & dit, Monseigneur, & pourquoy? Espoir est-ce pour nostre profit. Dōt dit le Captal, Iehan, Iehā, non est, mais l'Arche prestre est si grand barateur, que s'il venoit iusques à nous, comptant iangles & bourdes, il aduiferoit & imagineroit nostre force & noz gens: si nous pourroit tourner à grand contraire, si n'ay cure de ses parlemens.

Adoncques retourna le Roy Faucon deuers Prie, son compaignon (qui l'attendoit au bout d'une haye) & excusa le Captal bien & sagement: tant que le Heraut en fut tout content, & rapporta arriere à l'Arche prestre tout ce que Faucon luy auoit dit.

Ainsi eurent les François & les Nauarrois cognoissance les vns des autres, par le rapport des deux Heraux: & se conseillèrent, aduiserent, & adreçerent, ainsi que pour tantost trouuer les vns les autres. Quand le Captal eut ouy dire, au Roy Faucon, quel nombre de gens les François estoient, il enuoya tātost certains messagers en la cité d'Eureux, deuers le Capitaine: en luy signifiant qu'il voulsist faire vider & departir toutes manieres de Compaignons, ieunes † armerets (dont on se pourroit aider) & iceux traire deuant Cocherel, car il pensoit bien que là, en celuy endroit, trouueroit il les François: & que sans nulle faute (quelque part qu'il les trouueroit) il les combattroit.

Quand ces nouuelles vindrent en la cité d'Eureux, à Monseigneur † Leger d'Orgefy, il le fit crier en public: & commanda estroitement que tous ceux, qui à cheual estoient, se trahissent par deuers le Captal. Si en partirēt derechef plus de six vingts, tous ieunes compaignons, de la nation de la ville. Ce Mecredy se logea, à heure de nōne, le Captal de Buz sur vne montaigne, & ses gens tous enuiron: & les François (qui les desiroyēt à trouuer) cheuauchoiēt tousiours auant, & tant qu'ils vindrent sur vne riuere, qu'on appelle, au pays, Yton: & court autour, deuers Eureux: & naist bien pres de Conches, & se logerent tout aisément, ce Mecredy, à heure de releuée, en vn beau pré, tout du long de ceste riuere. Le lendemain au matin délogerent les Naruarrois: & enuoyerent leurs

Cou-

† le doute qu'il
n'y faille Ban-
nerets.
† Nagueres Mi-
chel d'Orge-
fy, en ce presēt
chapitre.

Coueurs deuant, pour sauoir s'ils orroyent point nulles nouvelles des François: & les François enuoyerent aussi leurs Coueurs, pour sauoir s'ils orroyent point nulles nouvelles des Nauarrois. Si en rapporterēt chacun à sa partie, en moins que de deux lieues certaines nouvelles. Et cheuauchioient les Nauarrois, ainsi que Fauco les menoit, droit à l'adrece, le chemin qu'il estoit venu. Si vindrent, à heure de prime, sur les champs de Cocherel: & veirent les François deuant eux: qui là ordonnoient leurs batailles: ou il y auoit grande foison de bannieres & de pennons: & estoient, par semblant, plus, d'autant & demi, qu'ils ne furent. Si farresterent lesdits Nauarrois tous cois, au dehors d'un petit bois, qui là estoit: & puis se tirerent les Capitaines à part: & se meirent en ordonnance. Premierement ils firent trois batailles, bien & faittement, tout à pié: & enuoyerent leurs males, & leurs garçons, en ce petit bois: & establirent diligemment monseigneur Jehan Iouel en la premiere bataille, & luy ordonnerent les Anglois, tous Hommes-d'armes, & Archers. La deuxiesme eut le Captal de Buz: & pouuoient estre en sa bataille enuiron quatre cens combattans, qu'un qu'autres. Si estoient delez le Captal le Sire de Saulx en Navarre (un ieune Cheualier) & sa banniere, & Monseigneur Guillaume de Gauville, & Monseigneur Pierre de Saqueville. La troiesme eurent trois autres Cheualiers: c'est assauoir Monseigneur le Basque de Marneil, Monseigneur Bertrād du Franc, & Monseigneur † Saufelopins: & estoient enuiron quatre cēs armeures de fer. Quand ils eurent ordonné leurs batailles, il ne s'elongnerēt point loing l'un de l'autre: & prindrent l'aduantage d'une montaigne (qui estoit à la droite main, entre les bois & eux) & se rengerent, tout de front, sur celle montaigne, par-deuāt leurs ennemis: & meirent encores, par aduis, le pennon du Captal en un fort buisson d'espines: & ordonnerent, là entour, soixante armeures de fer, pour le garder & deffendre: & le firent par maniere d'estendard, pour eux rallier, si par force d'armes ils estoient espars, & ordonnerent qu'encores point ne se deuoyent partir, ne descendre de la montaigne, pour chose qui aduenist: mais, si on les vouloit combattre, qu'on les allast là querre.

De la bataille, qui fut pres de Cocherel en Normãdie, entre les François de Bertrand du Guesclin, & les Nauarrois du Captal de Buz: & comment iceluy Captal fut prins, demourant la victoire aux François.

CHAP.

CCXXII.

Tout ainsi ordonnez & regez se tenoyent Nauarrois & Anglois d'un costé, sur la montaigne que ie vous dy. Entādis les François ordonnoient leurs batailles: & en firent trois, & une arriere-garde. La premiere eut messire Bertrand du Guesclin, à tous ses Bretons: & fut ordonné pour assembler à la bataille du Captal. La deuxiesme eut le Comte d'Auxerre: & si y estoient, avecques luy, gouuerneurs, le Vicomte de Beaumont & Monseigneur Baudoin d'Annequin, Maistre des Arbalestiers: & eurent avecques eux les François, les Picars, & les Normans, & messire † Odart de Rency, messire Enguerrāt Dandin, messire Louis de Faukerques, & plusieurs autres bons Cheualiers & Escuyers. La troiesme eut l'Arche prestre, & les Bourguignons: & avec luy furent Monseigneur de Chaalon, Monseigneur de Beauieu, Monseigneur Jehan de Vienne, Monseigneur Guy de Felay, Monseigneur Hugues de Vienne, & plusieurs autres: & deuoit ceste bataille assembler au † Basque de Marneil, & à sa route. Et l'autre bataille (qui estoit pour arriere-garde) estoit toute pure de Gascons: desquels messire Aimemon de Pommiers, Monseigneur le Souldich de l'Estrade, Monseigneur Perducas d'Albreth, & Monseigneur Petiton de Courton, furent souverains, & meneurs. Or eurent là ces Cheualiers Gascons un grand aduis. Ils imaginerent tantost l'ordonnance du Captal, & comment ceux de son costé auoient mis & assis son pennon sur un buisson, & qu'aucuns des leurs le gardoient, comme en voulans faire leur estendard. Si dirent ainsi. Il est de necessité, que, quand nos batailles seront assemblées, nous nous tirions de fait, & adrecions de grande volenté, au pennon du Captal, & que nous nous mettiōs en peine de le conquerre. Car, si nous le pouuons auoir, nos ennemis en perdront moult de leur force, & seront en peril d'estre déconfits.

Encores aduiferent cesdits Gascons une autre ordonnance: qui leur fut moult profitable, & qui leur parfit iournée. Assez tost apres que les François eurent ordonné leurs batailles, les Chefs des Seigneurs se meirēt ensemble, & se conseillerēt, un grand temps, comment ils se maintiendroient (car ils veoient leurs ennemis grandement sur leur aduantage) & alors dirent les Gascons dessusdits une parolle, qui moult volōtiers fut ouie. Seigneurs, nous sauons bien qu'au Captal y a un aussi preux & seur Cheualier de ses be-

Approches des François & des Nauarrois.

L'ordre des Nauarrois attendant bataille.

† La Chaux dit Sauxes lo- puis, par deux mots.

Aduantage des Nauarrois régez sur une montaigne.

L'ordre des François, voulans assaillir les Nauarrois en leur montaigne.

† Il a dit Odart de Rency au chap. precedent.

† Il y auoit Basile en ce lieu. l'Hist. de Bert. du Guesclin, dit le Baston de Mareul,

Bon aduis des Gascons du parti de France, pour le combat suyuant.

Autre bon aduis des Gascons susdits.

songnes, qu'on pourroit aujourd'huy trouuer en nulle terre:& tant commé il sera sur la place,& pourra entendre à combattre,il nous portera trop grand dommage.Si ordonnons que nous mettrons aux cheuaux trente des nostre,des plus apperts & des plus hardis,par aduis,& ces trente n'entendront à autre chose , fors eux adrécier deuers le Capital:&entandis que nous entendrons à conquerre son pennon,ils se mettront en peine, par force de leurs coursiers & de leurs bras, de dérompre la presse , & venir iusques au Capital: & de fait,ils prendront ledit Capital , & le trousseront , & l'emporteront entre eux,& le meneront,à sauueté, ou que ce soit : & ià n'attendront fin de bataille: en sorte que,s'il peut estre prins&retenu par telle voye,la iournée sera du tout nostre:tât fort ses gens seront ébahis de sa prinse. Les Cheualiers de France & deBretaigne,qui là estoiet, accorderét ce conseil legerémét:& dirét que c'estoit vn bon aduis,& qu'ainsi seroit fait: Si éleurent tantost entre eux tréte Hômes-d'armes,des plus hardis & des plus entreprenans,par aduis, qui fussent en leurs routes:& furent montez ces trente hommes,chacun sur bons coursiers, les plus legers & les plus roides, qui fussent dessus la place : & se tirerent d'un lez,sur les champs, aduisez & informez quelle chose ils deuoient faire : & les autres demourerent tous à pié, sur les champs, en l'ordonnance qu'ils deuoient estre. Quand ceux de France eurent toutes ordonnées leurs batailles à leurs aduis,&que chacun fauoit quelle chose il deuoit faire, ils parlerent entre eux , & regarderent longuement quel cry pour la iournée ils crieroyent, & à quelle banniere ou pennon ils se trahiroient,si furent grâd temps sur tel estat,que de crier Nostre-Dame,Auxerre:&de faire le Côte d'Auxerre leur souuerain,pour ce iour: Mais ledit Comte ne s'y voulut oncques accorder:ains s'excusa moult gracieusement,en disant.Messeigneurs,grand merci de l'honneur que me portez,&voulez faire,mais quâd à moy,pour le Present ie ne vueil pas ceste charge,car ie suis encores trop ieune, pour encharger si grand fais, & tel honneur,car c'est la premiere iournée,arrestée , ou ie fu oncques , parquoy vous prendrez vn autre que moy.Icy auez plusieurs bons Cheualiers:comme Monseigneur Bertrand du Guesclin,Monseigneur l'Arche prestre,Môseigneur le Maistre des Arbalestiers,Môseigneur Louis de Chaalon,Monseigneur Aimemon de Pommiers,& messire Odart de Rancy:qui ont esté en plusieurs grosses besongnes & iournées arrestées,& sauét mieux comment telles choses se doyuent gouverner,que ie ne fais. Si m'en deportez, ie vous en prie.Adonc regarderent tous les Cheualiers,qui là estoient,l'un l'autre:& luy dirét. Comte d'Auxerre,vous estes le plus grand de mise,de terre,& de lignage, qui cy soit, si pouuez bien de droit estre nostre Chef.Certes, Seigneurs(respondit il) vous me dites vostre courtoisie , mais ie seray aujourd'huy vostre compaignon , & mourray & viuray, & attendray l'ad uenture, delez vous. Car, quant à souueraineté, ie n'en vueil point auoir.Adonc regarderent ils l'un l'autre, pour sauoir lequel donques ils ordôneroyét. Si fut regardé & aduisé,pour le meilleur Cheualier de toute la place , & qui plus s'estoit combattu, & qui mieux sauoit aussi comment telles choses se deuoient maintenir,Môseigneur Bertrand.Si fut ordonné,d'un commun accord,qu'on crieroit Nostre-Dame, Guesclin:& qu'on s'ordonneroit celle iournée,du tout,par ledit messire Bertrand.Toutes choses faites & establies,& chacun Sire dessous sa banniere ou son pennon,ils regarderent que leurs ennemis estoyent tousiours sur leur terre,& point ne partoyent de leur fort(car ils ne l'auoient mie en conseil,ny en volonté)dont moult ennuyoit aux François,pourtant qu'ils les veoyent grandement à leur aduantage: & aussi que le soleil cômençoithaut à monter:qui leur estoit à grand contraire,car il faisoit moult grâd chaut, si le ressongnoient tous les plus seurs & les plus forts,car encores estoient ils tous ieuns, & n'auoient porté vin ne victuaille auecques eux,qui riens leur vauisist:fors aucuns Seigneurs,qui auoient petis flasconneaux, pleins de vin: qui tantost furent tous vuidez: & point ne s'en estoyent pourueus, n'aduisez , au matin : pource qu'ils cuidoient aussi tost combattre,qu'ils seroyent là venus. Mais non firent (ainsi qu'il apparut)ains les deceurent les Anglois & les Nauarrois par subtilité,en tout ce qu'ils peurent: & fut bien haute heure,auant qu'ils se meissent ensemble. Quand les Seigneurs de France veirent ce conuenant,ils se meirent ensemble par maniere de conseil,à sauoir cômment ils se maintiendroyent,& s'on les iroit combattre, ou non. A ce conseil n'estoyent mie de bon accord,car aucuns vouloyent qu'on les allast combattre(comment que ce fust) disans que c'estoit grand blasme pour eux, quand tant y mettoient. Si debattoient les aucuns, mieux aduisez,ce conseil:& disoyent que (si on les alloit cōbattre au parti ou ils estoiet,

Honnestes Excuses du Comte d'Auxerre, refusant d'estre souuerain chef des François pour la bataille de Cocherel.

Bertrand du Guesclin, élu Chef de tout le parti François pour la bataille susdite de Cocherel.

Conseil des François, pour sauoir s'ils assailliroient les Nauarrois en leur montaigne.

& ainsi arrestez sur leur aduantage) on se mettoit en tresgrand peril, car, des cinq, ils au-
roient les trois. Finalement ils ne pouuoient estre d'accord, tel que d'eux aller combat-
tre. Ce pendant bien veoyent & confideroyent les Nauarrois la maniere d'eux: & di-
soyent, Veez les cy, ils viendront tantost à nous, pour nous cōbattre, ils en font en gran-
de volonte. Là auoit aucuns Cheualiers & Escuyers Normans, prisonniers entre les An-
glois & les Nauarrois: lesquels prisonniers auoient esté receus sur leur foy: & les laissoiēt
aller leurs maistres parmy l'ost paisiblement, & cheuaucher: pourtant qu'ils ne se pou-
uoient armer deuers les François. Si disoyent iceux prisonniers aux Seigneurs Fran-
çois, Seigneurs, aduisez vous, Car, se la iournée se depart sans bataille, voz ennemis se-
ront demain trop grandement recōfortez, car on dit, entre eux, que Mōseigneur Louis
de Nauarre y doit venir, à bien quatre cens Lances. Si que ces parolles enclinoiēt gran-
dement les Cheualiers & Escuyers de France à combattre (comment qu'il en fust) les
Nauarrois: & en furent appareillez par trois ou quatre fois: & tousiours vainquoyent
les plus sages: & disoient. Seigneurs, attendons encores vn petit, & voyons comme ils se
maintiendront, car ils sont si grans & si presumptueux, qu'ils nous desirent à combattre,
aussi bien que nous faisons eux. Là en y auoit plusieurs durement foulez, & mal-menez
pour la grande chaleur qu'il faisoit, car il estoit sur heure de nonne. Si auoiēt ieusné tou-
te la matinée: & estoient armez: & si estoient ferus du soleil, parmi leurs armeures: qui e-
stoient échaufées: & disoient bien iceux, Si nous allons combattre contre celle montai-
gne, au parti ou nous sommes, nous serons tous perdus d'auantage: mais retrayons nous
pour meshuy, en nostre logis: & demain au matin nous aurōs autre conseil. Ainsi esto-
ient ils en diuerses opinions. Quand les Cheualiers de France (qui ces gens auoient, sur
leur honneur, à conduire & gouuerner) veirēt que les Anglois & Nauarrois d'une forte
ne partiroyēt de leur fort (& si estoit ià nonne) & eurent ouy les parolles, que les prison-
niers François, qui venoyent de l'ost, leur auoient dites, & consideré que la greigneur
partie de leurs gens estoit moult foulée & trauaillée pour le chaud, qui les tenoit en grā-
de deplaisance, ils se remeirent ensemble, par l'aduis de messire Bertrand du Guesclin
(qui estoit leur Chef, & à qui ils obeissoient) & eurent autre conseil. Seigneurs (dit il)
nous voyons que noz ennemis nous desirent à combattre: & si en ont grande volonte:
ainsi que ie croy, mais point ne descendront de leur fort: si ce n'est par vn parti, que ie
vous diray. Nous ferons semblant de nous retraire, & de non combattre pour meshuy
(aussi sont noz gens durement foulez & trauailliez pour le chaud) & ferons tous noz var-
lets, noz harnois, & noz cheuaux, passer tout bellement outre ce pont & l'eau, & retrai-
re à noz logis: & tousiours nous tiendrons sur elle, & entre noz batailles, & en aguet,
pour veoir comment ils se maintiendront. S'ils nous desirent à combattre, ils viendrōt,
& descendront de leur mōtaine, pour nous venir querre tout à plein. Tantost que nous
verrons leur conuenant (s'ils le font ainsi) nous serons appareillez, & trétous prests, pour
retourner sur eux: & ainsi les aurons mieux à nostre aise. Ce conseil fut accepté de tous:
& le tindrent pour le meilleur entre eux. Adonc se retrahit chacun Sire entre ses gens,
& dessous sa banniere, ou son pennon: ainsi comme il deuoit estre. Puis sonnerent leurs
trompettes: & firent vn grand semblant d'eux retraire: & commanderent tous Cheua-
liers & Escuyers, à leurs varlets & garçons, de passer le pont, & mettre outre la riuierē
leurs harnois. Si passerent plusieurs en celuy estat, & presque tous: & puis aucuns Gens-
d'armes feintement. Quand messire Iehan Iouel (qui estoit appert Cheualier & vigou-
reux, & qui auoit grand desir des François, combattre) appercent la maniere comment
ils se retrayoient, si dit au Captal, Sire, Sire descendons appertement, ne veez vous pas
comment les François s'en fuyent? Ha (dit le Captal) ils ne le font que par malice &
pour nous attirer. Adonc s'auança messire Iehan Iouel (qui moult auoit grand desir de
combattre) & dit à ceux de sa route (en écriant Saint George) Passez auant, qui m'aime-
ra, si me fuyue, ie m'en vois combattre. Dont tira il son glaiue en son poing, par deuant
les batailles: & estoit ià descendu de la mōtaine, & vne partie de ses gens, ainçois, que
le Captal s'en meust. Quand le Captal veit que c'estoit à certes, & que messire Iehan Iouel
s'en alloit combattre sans luy, si le tint à grāde presumption: & dit à ceux de delez luy.
Allon, descendon la montaigne appertement, messire Iehan Iouel ne se combattra pas
sans moy. Lors s'auancerent toutes les gens du Captal, & luy tout le premier, son glaiue
en son poing. Quand les François (qui estoient en aguet) les veirent descendus, & ve-
nus au plein, si furent tous réiouis: & dirent, Veez cy tout tant que nous demandons

*Bon conseil de
Bertrand du
Guesclin: par le
quel il attira
les Nauarrois
au cōbat, hors
de leur fort,
pres Cocherel.*

*Messire Iehan
Iouel, Anglois
du parti de Na-
uarre, le pre-
mier atrait au
combat & Ba-
taille de Co-
cherel.*

*Le vray point
de la bataille
de Cocherel.*

*† Il en a nommé
vn Enguer-
rant Dandin
au comencement
de ce ch. que ie
pense estre ce-
stuy-cy.*

*Commēt l'Ar-
che prestre se re-
tira de la ba-
taille de Coche-
rel, sans y com-
battre de sa
personne.*

*† Sala dit luy
xij.*

*Continuation
de la bataille
de Cocherel.*

huy toute iour. Adonc retournerent ils, en grande volonté de recueillir leurs ennemis & écrierent, d'une voix, Nostre-dame, Guesclin. Si drécerent leurs bannieres deuers les Nauarrois: & commencerent à assembler leurs bannieres de toutes parts, & tout à pié: & du costé des Nauarrois, vint messire Iehan Iouel deuant, le glaive au poing: qui mout courageusement vint assembler leurs bannieres, à la bataille des Bretons (desquels messire Bertrand estoit Chef) & là firēt mainte belle appertise d'armes, car il fut hardi Cheualier: & trop bien y trouua à qui parler. Adonc s'épartirent les Cheualiers & Escuyers sur ces pleins: & commencerent à ferir, à lancer, & à frapper de toutes armeures, ainsi comme ils les auoient à main: & entrèrent l'un cōtre l'autre, par grand vassellage: & se combattirent de tresgrand courage & volonté. Là crioyent les Anglois & les Nauarrois, d'un lez, Sainct George: & les François, Nostre-Dame Guesclin. Là furent moult bons Cheualiers, du costé des François, messire Bertrand du Guesclin, le ieune Comte d'Auxerre, le Vicomte de Beaumont, messire Baudoin d'Annequin, messire Louis de Chaulon, le ieune Sire de Beauieu, messire Anthoine (qui leua sa banniere) messire Anthoine de Kanerly, messire Odart de Rancy, & messire † Enguerrant de Hedin. Semblablement du costé des Gascons (qui auoient leur bataille à part) se combattirent vaillamment messire Aimemon de Pommiers, messire Perducas d'Albreth, messire le Souldich de l'Estre, messire Petiton de Courton, & plusieurs autres, tous d'une sorte: & s'adreçerent ces Gascons à la bataille du Captal & des Gascons aussi, car ils auoient grande volonté d'eux trouuer. Là eut dur hutin, & grand poignis, & faite mainte appertise d'armes. On ne doit point mentir à son pouuoir.

On me pourroit demander que l'Arche prestre (qui là estoit vn grand Capitaine, & qui tenoit grande route) estoit deuenu? pource que ie n'en fay nulle mention.

Je vous diray la verité. Si tost que l'Arche prestre veit l'assemblément de la bataille, & que l'on se combattoit, il se bouta hors des routes, mais il dit à ses gens, & à celuy, qui portoit sa banniere, Je vous ordonne & commande, sur quanque vous pouuez forfaire enuers moy, que vous demouriez & attendiez la fin de la bataille. Je m'en pars sans retourner, car ie ne me puis huy combattre, n'armer, contre aucuns Cheualiers, qui sont par-delà. Et, si on vous demande de moy, si en respondes ainsi à ceux, qui vous en parleront. Ainsi se partit il, † & vn sien Escuyer tant seulement: & repassa la riuere: & laissa les autres conuenir: & oncques ne s'en donnerent de garde (pource qu'ils veoyent ses gens & sa banniere) iusques à la fin de la besongne: & le cuidoyent deléz eux. Or vous parleray de ladite bataille, cōment elle fut perseuerée. Au commencement de la bataille, quand messire Iehan Iouel fut descendu, toutes gens le suyuirēt, au plus pres que ils peurent: & mesmemēt le Captal, & sa route: qui cuidoyent biē auoir la iournée pour eux, mais il en fut autrement. Quand ils veirent que les François furent retournez par bonne ordonnance, ils s'apperceurent tantost qu'ils s'estoient forfaits. Non pourtant (comme gens de grande entreprise) ils ne s'ebahirent de riens: mais eurent intention de tout recouurer, par bien cōbattre. Si reculerent vn petit, & se meirent ensemble: & puis fourirent, & firent voye à leurs Archers (qui estoient derriere eux) pour traire. Quand les Archers furent deuant, si élargirent, & comencerent à traire de grāde maniere: mais les François estoient si fort armez: & si fort paueschez contre le traict, qu'oncques ils n'en furent greuez: sinon bien petit: & pource n'en laisserent point à combattre: mais entrèrent, tous à pié, dedans Nauarrois & Anglois: & iceux entre eux, de grande volonté. Là eut moult grand chappelis des vns & des autres: & ostoient l'un à l'autre, par force de bras & de luitter, leurs lances, & leurs haches, & leurs armeures: dont ils se combattoient, & se prenoient & fiançoient prisonniers l'un l'autre: & s'approchoient de si pres, qu'ils se combattoient main à main, si vaillamment que c'estoit merueilles à veoir. Si pouuez bien croire qu'en telle presse, & en tel peril, il y en auoit de renuersez, d'abbatus & de morts, à grande foison, car nul ne s'épargnoit, ne d'un costé ne d'autre. Et vous dy que les François n'auoient que faire de dormir, ne de reposer sur leur bride, car ils auoient gens de grād fait, & de hardie emprise, en la main. Si cōuenoit chacun soy loiaument acquitter, & deffendre son corps, & garder son pas, & prendre son aduantage, quand il venoit à point: autrement ils eussent esté tous déconfits. Si vous dy, pour verité, que les Bretons & les Gascons y furent tresbonnes gens: & y firent plusieurs appertises d'armes. Or vous vueil compter des trente, qui estoient élus pour s'adreçer au Captal. Iceux, estans trop bien montez sur fleur de courriers, & n'entendans à autre chose,

finon

finon à leur entreprise (si-comme chargez en estoient) s'en vindrent, tous ferrez, là où le Captal se combattoit moult vaillamment d'une hache, & donnoit les coups si grans, que nul n'osoit approcher de luy. Si rompirent la presse, par force de cheuaux, & aussi parmi l'aide des Gascons: qui leur firent voyage. Ces trente, qui estoient aussi bien montez, que vous auez ouy, & qui fauoient quelle chose ils deuoient faire, ne voulurent refongner la peine, ne le peril: mais vindrent iusques au Captal, & l'environnerent, & s'arrestèrent du tout sur luy, & le prindrent, & embracerent de fait entre eux, par force: & puis vuidèrent la place, & l'emporterent en celuy estat: & y eut adoncques grand abatis: & commencerent toutes les batailles à se renger celle part. Car les gens du Captal (qui sembloient bien forsenez) crioient, Récouffe au Captal, recouffe. Neantmoins ce ne leur pouuoit aider, ne valoir: pource qu'en effect le Captal fut emporté, & rauy, en la maniere que ie vous dy, & mis à sauueté. Toutesfois à l'heure, que ceste prise aduint, on ne fauoit encores de verité lesquels auoyent le meilleur du combat. En ce grand hutin & froisis, & pendant que Nauarrois & Anglois entendoient à fuyuir la trace du Captal (qu'ils veoyent mener, & porter deuant eux: dont ils sembloient forsenez) messire Aymemon de Pommiers, messire Petiton de Courton, messire le Souldich de l'Estrade, & les gens du Seigneur d'Albreth, d'une force entendirent, par grande volonté, à eux adrécer au pennon du Captal: qui estoit en un buisson, & dont les Nauarrois faisoient leur estendard. Là eut grand hutin, & dure & aspre bataille, car il estoit bié gardé, & deffendu de bones gens: & par especial de messire l'Abbé de Marneil, & de messire Geoffroy de Rouffillon. Là eut fait mainte recouffe, & maint homme blecé, nauré, & renuerlé par terre. Toutesfois les Nauarrois (qui là estoient delez ce buisson, & entour le pennon du Captal) furent ouverts, & reculez, & morts le Bascle de Marneil, & plusieurs autres: & y fut prins messire Geoffroy de Rouffillon, & fiancé prisonnier de messire Aymemon de Pommiers: & alors fut incontinent saisi le pennon du Captal, & tous ceux, qui là estoient, ou morts, ou prins, ou reculez, si auant, qu'il n'en estoit nulles nouuelles. Quand le pennon du Captal fut prins, conquis, deciré, & rué par terre, & entendis que les Gascons entendirent à ce faire, les Bretons, les François, les Picars, les Normans, & les Bourguignons, se combattoient d'autre part moult vaillamment: & bien leur en estoit necessité, car les Nauarrois les auoyent reculez. & estoit demouré mort entre eux, du costé des François, le Vicomte de Beaumont: dont ce fut dommage, car il estoit ieune Cheualier, & bien taillé de valoir encores grande chose. Si l'auoient ses gens, à grand méchef, porté hors de la bataille: & là le gardoyent: comme i'ay ouy raconter à ceux, qui y furent, d'un costé & d'autre. Et n'auoit point personne veu autelle bataille, & d'autelle quantité de gens, estre aussi bié combattue, comme elle fut, car ils estoient tous à pié, & main à main: si s'entrelançoient les vns dedans les autres, & s'entr'éprouuoient au bien combattre, de telles armeures qu'ils portoient: & par especial de ses haches donnoient si grans horions que tous s'étonnoient. Là furent nurez, & durement blecez, messire Petiton de Courton & messire le Souldich de l'Estrade, & tellement que depuis, pour la iournée, ne se peurent aider.* Messire Jehan Iouel (par qui la bataille comença, & qui des premiers moult vaillamment auoit assailli & enuahi les François) y fit ce iour mainte appertise d'armes: & ne daigna onc reculer: & s'ébattit si auant, qu'il fut moult fort blecé, en plusieurs lieux, au corps & au chef: & fut prins & fiancé prisonnier d'un Escuyer de Bretaigne, dessous messire Bertrand du Guesclin: & adonc fut il porté hors de la presse. Finalement les François obtindrent la place: mais de leur costé demourerent morts le Maistre des Arbalestiers, messire Louis de Hanebreque, & plusieurs autres: & du costé des Nauarrois, le Sire de Saux, & foison de ses gens. Aussi ce iour mourut prisonnier messire Jehan Iouel. Si furent prins messire Guillaume de Ganuile, messire Pierre de Saqueuille, messire Geoffroy de Rouffillon, messire Bertrand du Franc, & plusieurs autres. Petit s'en sauuerent des Nauarrois, que tous ne fussent morts ou pris sur la place.* Ceste bataille fut en Normadie, assez pres de Cocherel, par un leudy, vintquatriesme iour de May, mil ccc. lxxi. Apres ceste decositure, & que tous les morts estoient ià déuestus, & que chascun entendoit à ses prisonniers (qui les auoit) & à les mettre à point (si blecez estoient) & que ià la plus grande partie des François auoient le pôt passé, & se retiroient, à leurs logis, tous foulez & lassez, messire Guy de Ganuile (fils à messire Guillaume de Ganuile, qui prins estoit sur la place) estant parti de la ville de Conches (garnison Nauarroise) à tout cinquante Lances, en intentiō de se joindre

Prise du Captal de Buz, en la bataille de Cocherel.

† Tous noz Ex-empl. auoient ce mot en ceste sorte Labbe, & me doute qu'il n'y felle aussi le Bascle, ou le Basque, les Abr. n'en disent mot.

† l'ay adiouste tous ces mots, iusques à qui là estoient: sans lesquels le sens estoit imparfait.

** Annot. 94.*

Fin de la bataille de Cocherel, demourans les François victorieux.

** Annot. 95.*

† Sur la fin du cha. 220. il en a surnomé un de Grauille:

que le ch. suy- dre à la troupe, du Captal (côme il fē estoit moult hasté) vint, brochât des esperôs, en la place, ou la bataille auoit esté. Sur quoy les François (qui derriere estoient) écrierent, Re-
 freres tantost tournons, veez cy noz ennemis: & à ce cry messire Aymemon & sa route, qui estoient
 estre cestuy-cy encores demourez sur la place, voyant ces Nauarrois venir, meit son pennon tout haut
 ch. 221. et 222 sur vn buisson, pour rallier les François. Quand messire Guy veit ce, & ouit, crier, No-
 surnôment son stre-dame, Guesclin, & n'apparoissoit nulluy de ses gens, mais en veoit foison de tous
 pere de Gau- morts gefir à terre, il congnut tantost que les Nauarrois auoiēt esté déconfits: & alors re-
 uille, & de tourna le chemi qu'il estoit venu. Ce soir aduiserēt les François de ce qu'ils eurent en leurs
 Ganuille, e- tentes: & fut l'Arche prestre mout fort demandé, & de luy parlé. quand on aperceut qu'il
 stat l'un ou n'auoit point esté en la bataille: & l'excuserent ses gens, au mieux qu'ils peurēt. Et sachez
 l'autre corôpu. que les trente, qui le Captal emporterent, ainsi côme vous auez ouy, ne cesserēt, † si l'eu-
 † C'est adire iuf rent amené à Vernon, à sauueté, & mis dedans le chastel. Le lendemain se delogerēt les
 ques à ce François, & vindrēt en la cité de Rouen: & illec laisserēt vne partie de leurs prisonniers.
 qu'ils l'eurent, &c.

Comment Charles le Quint, dit le Sage, fut couronné Roy de France: & comment son frere Philippe fut par luy-mesme inuesti de la Duché de Bourgongne, & enuoyé contre les pillars des Compaignies.

CHAP. CCXXIII.

Le iour de la Sainte Trinité, mil c c c l x i i i. le Roy Charles, aîné fils du Roy Iehan de France, fut couronné & consacré à Roy, en la grande Eglise de Nostre-dame de Reims (& aussi sa femme, fille au Duc Pierre de Bourbon) par l'Arche prestre
 † Il entend Philippe, frere du Roy, iâ désigné Duc de Bourgogne, au ch. 219. Anno. 96. Inuestiture de Philippe maîné frere du Roy en la Duché de Bourgongne.
 dudit lieu. Là furent le Roy Pierre de Cypre, le Duc d'Aniou, le † Duc de Bourgongne, messire Wincellant de Behaigne, Duc de Luxembourg & de Brabant, les Comtes, d'Eu, de Dampmartin, de Tancarville, de Vaudemont, & moult de Prelats & de Seigneurs. Et adonques furent à Reims grans festes & solennitez, par cinq iours que le Roy y seiourna, puis s'en partit, & vint à Paris. * Si ne pourroit on racompter, en vn iour. les solennitez, ne les grans cheres, qu'on luy fit à Paris. Puis retournerent les Seigneurs en leurs pays: c'est assauoir les estrangers, qui auoyent esté à son couronnement.

A la reueneue du Roy de France à Paris, fut pourueu, & reuestu de la Duché de Bourgongne, son frere moins aîné: & se partit de Paris, à grans gens, & alla prendre la faîsine & hommage des Barons, Cheualiers, citez, chasteaux, & bonnes-villes, de ladite Duché de Bourgongne: & quand il eut visité tout son pays, il retourna à Paris. Et l'Arche prestre, deuant-dit, se rappaisa au Roy, parmi bonnes excusations, que ledit Arche prestre monstra au Roy, de ce qu'à la iournée de Cocherel il ne se peut armer contre le Captal: & ledit Captal (qui auoit esté amené prisonnier à Paris) fut: à la priere du Seigneur d'Albreth, élargi sur sa foy: lequel Captal aida moult à excuser l'Arche prestre enuers le Roy, & enuers les Cheualiers de France (qui moult parloyent villainement contre luy) avecques ce qu'il auoit de nouuel rué ius en Bourgongne, au dehors de Dyion, bien quatre cens pillars: desquels Guillot du Pin, Taillebert, Taillebourdo, & Iehan de Chaufour, estoient Capitaines. En ce temps fit le Roy de France trencher le chef à messire Pierre de Saqueuille, en la cité de Rouen (pourtant qu'il auoit tenu le parti des Nauarrois) & messire de Ganuille n'en eust eu pas moins: si n'eust esté messire Guy, son fils: qui signifia au Roy de France, que, si l'on faisoit à son pere nul grief, il en feroit semblablement à messire † Brannon de Laual, vn grand Seigneur de Bretaigne, qu'il tenoit prisonnier. Dequoy le lignage de messire Brannon en parlerent au Roy: & firent tant que par échange ils reurent messire Brannon, contre messire de Ganuille: qui fut deliuré. En ce temps racquitta messire Bertrand du Guesclin le chastel de Rolleboise, en payant six mille francs au Capitaine, nommé † Wauistre: lequel retourna arriere en Brabant: dont il estoit. Encores se tenoyent en plusieurs fortresses de Caux, de Normandie, du Perche, de Beauffe, & d'ailleurs, grandes compaignies de pillars (qui moult fort harrioyent le Royaume de France) les aucuns sous l'adueu du Roy de Nauarre, & les autres d'eux mesmes, pour rober sur le Royaume, sans nul tiltre de raison. Si enuoya le Roy de France le Duc de Bourgongne, son frere, contre ces pillars: & fit le Duc son mandement en la cité de Chartres. Puis se tira sur les champs, accompagné de messire Bertrand du Guesclin, de messire Bouciquaut, du Comte d'Auxerre, de messire Louis de Chaalon, du Sire de Beauieu, de messire Aymemo de Pommiers, de messire Raiuenal, du Begue de Villaines, de messire Nicolle de Ligne, Maistre des Arbalestiers, de messire Odart de Rancy, de messire Enguerrant de † Heudin, & de bien cinq mille cōbattās.

Quand

Quand ils se virent si grande foison, ils se departirent en trois: dont messire Bertrād, à tout mille combattans, s'en alla sur le pays de Constantin, par deuers les marches de Cherbourg pour là garder les frontieres, & que les Nauarrois ne fissent point de dommage au pays de Normandie. Si furent avec messire Bertrand Monseigneur de † Xancerre, le Côte de Joigny, messire Arnoult d'Andrehé, & foison de Cheualiers & Escuiers de Bretagne & de Normandie. L'autre charge eut messire Iehan de la Riuiere, & en sa cōpaignie plusieurs Cheualiers & Escuiers de France & de Picardie: lequel les enuoia en la Comté d'Eureux. Et le Duc, à tout la plus grande route, vint assieger † Marcheranuille, vn fort chastel, q̄ les Nauarrois tenoient, & là fit charier plusieurs engins de la cité de Chartres, & getter de iour & de nuit à la forteresse, & moult fort la contraignirent.

† s'il n'y fust d'Auxerre. l'escritoire voutiers Sancerre,

† Sala dit marcheranuille.

De quelques cheuauchées de Louis de Nauarre sur le Royaume de France: & de quelques autres du Duc de Bourgongne contre luy, ou contre ses gens, & comment le Duc de Bourgongne fut contraint d'aller deffendre son pays, contre le Comte de Montbeliard.

CHAPITRE.

CCXXIIII.

ENTANDIS que ces Gens-d'armes estoient ainsi en Beauffe & en Normandie, & qu'ils Egreuoyent asprement les Nauarrois & ennemis du Royaume, messire Louis de Nauarre, estant adōc trépassé Phillippe son frere, auoit enchargé les faits de la guerre pour le Roy de Nauarre, son frere: & auoit défié le Roy de France, pourtant que celle guerre touchoit au chalange de leur heritage. Si auoit rassemblé, depuis la bataille de Cocherel, & rassembloit encores tous les iours, Gens-d'armes par tout, ou il les pouuoit auoir. Si auoit tant fait par moyens, & par Capitaines des Compaignies (dont encores auoit grande foison en France) qu'il auoit bien douze cens Lances en sa route. Delez luy estoient messire Robert Canolle, messire Robert Ceney, & messire Robert Briquet de † Carfnelle: & si estoient ses Gens-d'armes (qui tous les iours croissoient) logez entre la riuiere de Loire & la riuiere d'Allier: & si auoit couru vne partie de Bourbōnois & d'Auuergne, enuiron Moulins, Saint-Pierre-le-monstier, & Saint Pourfain. De ces gens, que messire Louis de Nauarre conduisoit, se partit vne route de compaignons, d'environ trois mille (desquels Bertrand de la Salle & Ortingo estoient Chefs & Capitaines) & passerent la riuiere de Loire, au dessus de Marcilly-les-Nonnains. Puis cheuaucherent tant (que nuit que iour) que sur vn adiournement, ils vindrent à la Charité, vne grosse ville & bien fermée, sur la riuiere de Loire. Si l'eschellerent sans nul estrif, & se bouterent dedans: & se tindrent en vne place de la ville, au costé par ou ils estoient entrez. Et, pource qu'ils cuidoyent que ceux de la ville eussent fait embusche, ils n'oserent entrer plus-auant: tant qu'il fust grād iour. En ce terme ceux de la ville emporterent leurs meilleures choses en bateaux (qui estoient sur la riuiere de Loire) & y meirēt femme & enfans: & puis nagerent à sauueté, vers la cité de Neuers: qui est à cinq lieues de là. Quand il fut iour, les Nauarrois, Anglois, & Gascons (qui auoyent eschellé la ville) se tirerent auant: & trouuerent les maisons toutes vuides. Si eurent conseil que celle ville ils tiendroient, & fortifiroient, car elle leur seroit bien seant, pour courir deçà & delà la riuiere de Loire. Lors l'enuoyerent dire à Louis de Nauarre (qui se tenoit en la marche d'Auuergne) lequel leur enuoya incontinent messire Robert Briquet, & bien trois cens armures de fer. Lesquels passerent le pays sans contredit: & entrèrent, par le pont sur Loire, en la ville de la Charité. Quand ils se trouuerent ensemble, si en furent plus forts: & commencerent à guerroyer le Royaume de France moult fort.

† Verard dit de Carfuellé

La charité sur Loire prise par les pillars & Nauarrois, & par eux fortifiée.

Or dirons du Duc de Bourgongne: qui estoit à siege-par deuant Marcheranuille. Tant approcha, par engins & par assaux, ceux de dedans, qu'ils se rendirent, sauf leurs corps & leurs biens: & s'en partirent tātost: & enuoya le Duc prédre la saisine par Bouciquaut, & par messire Iehan de Vienne, Mareschal de Bourgongne, & deliura le Duc le chastel à vn Escuyer de Beauffe, appelé Guillaume de Chartres, & avecques luy, pour le garder, quarante compaignons. Puis mena le Duc ses gens deuant le chastel de Camerolles: qu'il assiegea tout enuiron, car il sied en plain pays. Or parletons de messire Iehan de la Riuiere: qui tenoit siege deuant Acquegny assez près de Passy, en la Comté d'Eureux: & auoit en sa route deux mille bons combattans, car il estoit si bien du Roy, qu'il faisoit de ses finances à sa volonté. Au chastel d'Acquegny auoit Anglois, Normans, François, & Nauarrois: qui là festoient retraits depuis la bataille de Cocherel

Marcheranuille prise par Phillippe de France, Duc de Bourgongne.

Ce que fit Iehan de la Riuiere, pour le Roy de France, en la Côte d'Eureux

*¶ Verarâ ne dit
rien de cestuy
cy, en ce lieu.*

*Camerolles ren
du au Duc de
Bourgogne, dô-
né aux Char-
trins. & par
eux rasé.*

*Le chasteau de
Drue pris de
force par le Duc
de Bourgogne,
& celui de
Preux, par cō-
position.*

*Le chasteau de
Connay assié-
gé par le Duc de
Bourgogne.*

*Le Comte de
Montbeliart
enuahit Bour-
gogne.*

*Connay rendu
par compositiō
au Duc de Bour-
gogne.*

*¶ Si c'est Mon-
seigneur de
Xanferre de
la fin du chap.
preced. il fân-
droit entendre
qu'il fust reue-
nu d'avec Ber-
trand du Gues-
clin: et, si c'est
celuy qu'il a
nagueres nom-
mé en ce pre-
sent cha. il au-
roit laissé Jehâ
de la Riviere.*

& bien se deffendirent: & estoient pourueus d'artillerie & de viures. Toutesfois furent à ce menez, qu'ils se rendirent, sauues leurs vies: & emporterent leurs biens dedâs Cherbourg, ou ils se retrahirent. Et adonc messire Jehan garnit de nouvelles gens ce chastel: & puis se tira deuers la cité d'Eureux. Si estoient de sa charge messire Hue de Chastel, le Sire de Sanny, † messire Louis de Xanferre, messire Matthieu de Roye, messire de Monfang, le Sire d'Ely, le Sire de Cresques, le Sire de Campy, messire Odart de Rancy, messire Enguerrant de Heudin, & plusieurs autres Cheualiers & Escuyers de France.

Entandis le Duc de Bourgogne mal-aisa tant ceux de Camerolles, qu'il leur conuint rendre à la volonté du Duc. Si furent prins à mercy tous les soudoyers estrangers: mais aucuns pillars de la nation de France (qui là festoient bôtez) furent tous morts. Là vindrent en l'ost aucuns des Bourgeois de Chartres: & prierēt au Duc qu'il leur voufist donner, pour les salaires de leurs engins, le chastel de Camerolles (qui moult les auoit hariez & mal-menez au temps passé) & le Duc leur donna à leur volonté. Tantost apres, ceux de Chartres meirent ouuriers en œuvre: & abbatirent tout le chastel par terre. Adonc vint le Duc deuant vn chastel, qu'ō dit Drue: qui sied ou plain de la Beausse: & le tenoyent pillars. Si le conquist par force: & furent tous morts ceux qui dedans estoient. Puis vint le Duc deuant vn chastel: qu'on dit Preux, si le fit enuironner de tous costez, & y liurer maint assaut, ainçois qu'il le peust conquerir: mais finalement ceux de Preux se rendirent, sauf leurs corps: & n'en emporterēt riens du leur: & demourerent prisonniers, à la volonté du Duc, tous les François, qui dedans estoient. Si fit le Duc de Bourgogne prendre la possession du chastel, par ses Mareschaux, puis le donna à vn Cheualier de Beausse (appelé messire Pierre du Bois) à fin qu'il le fust bien reparer, & qu'il le gardast bien & suffisamment. Apres s'en vindrent rafreschir, en la cité de Chartres, le Duc & la plus grande partie de ses gēs. Quand il eut là esté cinq ou six iours, il vint assieger le chastel de Connay (qui moult auoit fait de détourbier au pays d'environ) & y fit drécer fix grans engins. Entandis que ces sieges, assaux & prinſes, se faisoient en Beausse & en Normandie, couroit ledit messire Louis de Nauarre en la basse Auuergne: & y tenoit les champs: & appourissoit le pays: & nul ne luy alloit au-deuant: & aussi ceux de la Charité sur Loire faisoient entour eux ce qu'ils vouloyent. D'autre part le Comte de Montbeliart, avec aucuns de ses alliez d'Allemagne, estoit entré en la Duché de Bourgogne par deuers Besançon: & y gastoit tout le pays, pourquoy le Roy de France mandoit au Duc de Bourgogne, qu'il défist son siege, & qu'il se tirast deuers Paris, car il luy conuenoit aller en Bourgogne. Quand le Duc ouit ce, il fut pensif: pour ce qu'il auoit dit qu'il ne se partiroid de Connay, tant qu'il l'eust à sa volonté. Mais ceux de son conseil luy dirent que, veu que le Roy (qui l'auoit enuoyé) le mandoit, il s'en pouoit bien partir sans forfait, mais on n'en fit nul semblant à ceux de Connay. Si leur fut demandé des Mareschaux, s'ils se vouloyent rendre simplement: & ils respondirent que nenni, mais que volontiers ils se rendroyent, sauf leurs corps & leurs biens, & ainsi les conuint partir. Si liura le Duc le chastel à vn Escuyer de Beausse (qui auoit nom Philippe d'Arcieres) lequel le repara, & rafreschit de bons compagnons.

Puis vint le Duc à Chartres: & là rechargea la plus grande partie de ses gens au Comte d'Auxerre, à Bouciquant, & à messire † Louis de Xanferre: & se tira le Duc de leans à Paris, avecques messire Louis d'Alençon, le Sire de Beauieu, & le Sire de Vienne, & tous les Bourguignons: lesquels il fit cheuaucher, sans arrester, deuers Bourgogne, mais le Duc vint deuers le Roy son frere: qui se tenoit à Vaux-la Comtesse, en Brie.

Là fut vn iour seulement delez luy: & puis exploita tant, qu'il vint à Troye en Champagne: & puis print le chemin de Langres, & par tout mandoit Gens-d'armes, & ia festoient cueillis les Bourguignons, & mis en frontiere contre les ennemis, & là estoient l'Acheprestre, le Sire de Chasteau-villain, le Sire de Vergy, le Sire de Grancy, le Sire de Soubornon, le Sire de Rougemont, & vn moult riche homme, appelé Jehan de Boulongne, le Sire de Prises, messire Hugues de Vienne, le Sire du Chastel, l'Euesque de Langres, & plusieurs autres: lesquels furent moult réiouis quand leur Seigneur le Duc fut venu. Lors cheuaucherent contre leurs ennemis (qui bien estoient quinze cens Lances) lesquels se retrahirent adonc outre le Rin: & les Bourguignons entreterent dedans la Comté de Montbeliart, & en ardirent vne grande partie.

Comment

Comment le Roy Charles enuoya assieger la Charité sur Loire: & comment le Duc de Bourgogne, la voulant auoir à volonté, fut content de la recevoir à composition, pour donner secours à messire Charles de Blois, contre le Comte de Montfort, pour la Duché de Bretagne.

CHAPITRE.

CCXXV.

Et tandis enuoya le Roy de France messire Moreau de Fiennes, son Connestable, & les deux Mareschaux (c'est assavoir messire Bouciquaut, & messire Moutô de Brannille) & grande foison de Cheualiers & Escuyers, mettre le siege deuant la Charité sur Loire: & ceux vindrent, & l'assiegerent d'un costé. Si alloyent les compaignons presque tous les iours écaroucher à ceux de dedans. Apres que le Duc de Bourgogne, & la plus grande partie de ses gens, qui avecques luy auoient cheuauché en la Côté de Môtbeliard, furent venus à Paris, le Roy enuoya le Duc, à plus de mille Lances, deuant la Charité: & lors estoient bien à ce siege trois mille Cheualiers & Escuyers: desquels plusieurs alloient écaroucher à ceux de la garnison. Si en y auoit de naurez des vns & des autres. Là furent faits Cheualiers, & leuerent bannière, à vne faillie que ceux de la Charité firent hors, messire Robert d'Alençon, fils du Comte d'Alençon qui demoura à Crecy, * & messire Louis d'Auxerre (qui estoit fils du Comte d'Auxerre) & le frere du Comte d'Auxerre: qui là estoit present. Si furent ceux de la Charité fort oppressez: & volontiers se fussent rendus par composition: mais le Duc de Bourgogne les vouloit auoir à sa volonté: & leur auoit tollu la riuere: à fin que nulles pourueances ne leur peussent venir. En ce temps mesme Louis de Nauarre (qui exiloit tout deuant luy, es marches d'Auuergne) assébloit gens de tous costez, pour venir leuer le siege de la Charité: & bien auoit deux mille combattans: & auoit enuoyé en Bretagne deuers messire Robert Canolle, deuers messire Gautier Huet, deuers messire Matthieu de Gournay, & deuers aucuns Cheualiers & Escuyers, à ce qu'ils le voussissent venir seruir. Lesquels y desiroient moult aller: mais ils estoient à siege, avec le Comte de Môtfort, deuant le chastel d'Aulroy en Bretagne. Lors, quand messire Louis veit qu'il ne les pouoit auoir, il se tira deuers Cherbourg, par l'ordonnance du Roy son frere. Et adoncques (à fin que messire Charles de Blois eust plus de Gens-d'armes) le Roy de France manda au Duc de Bourgogne, qu'il prist ceux de la Charité par traité: pourueu qu'ils rendissent la forteresse, & iurassent que, dedans trois ans, pour le fait du Roy de Nauarre, ne s'armeroyent. Ainsy se rendirent ceux de la Charité: & n'emporterent riens du leur: & s'en partirent tous à pied: & passerent parmi le Royaume de France, sur le saufconduit du Duc. Et adonc reuindrent en la ville de la Charité ceux & celles, qui estoient de la nation, & qui s'en estoient allez ailleurs demourer: & le Duc retourna à Paris. Apres cela, le Roy de France accorda à son cousin messire Charles de Blois, qu'il eust de son Royatme iusques à mille Lances: & rescriuit à messire Bertrand du Guesclin (qui estoit en Normãdie) qu'il s'en allast en Bretagne, pour aider à cōforter messire Charles de Blois, cōtre messire Iehan de Môtfort. De ces nouuelles fut ledit messire Bertrãd mout réioui, car il auoit tous iours tenu ledit Charles pour son naturel Seigneur. Si se partit de Normandie, à tout ce qu'il auoit de gens: & cheuaucha deuers Tours en Touraine, pour aller en Bretagne, & messire Bouciquaut s'en vint tenir le siege en Normandie, en son lieu. Tant exploita ledit messire Bertrand, & sa route, qu'il vint à Nantes en Bretagne: & là trouua ledit messire Charles de Blois, & Madame, sa femme: qui le receurent moult doucement: & luy sceurent tresgrand gré de ce qu'il estoit venu à leur secours: & puis eurent parlement ensemble, comment ils se maintiendroyent (car aussi y estoit la meilleure partie de Bretagne: & auoient affection d'aider à messire Charles de Blois: & le tenoient tous à Duc, & à Seigneur) pour leuer le siege de deuant Aulroy, & combattre messire Iehan de Montfort. Ne demoura gueres apres, que grande Baronnie & Cheualerie de France & de Normandie vindrent là: c'est assavoir le Comte d'Auxerre, le Comte de Joigny, le Sire de Franuille, le Sire de Prie, le Begue de Villaines, & plusieurs bons Cheualiers & Escuyers, tous d'une sorte, & droites gens d'armes. Les nouuelles vindrent à messire Iehan de Montfort (qui tenoit son siege deuant Aulroy) que messire Charles de Blois faisoit grand amas de Gens-d'armes, & que grand foison de Seigneurs de Frãce luy estoient venus, & venoient encores tous les iours, avec l'aide & confort qu'il auoit encores des Barons, Cheualiers, & Escuyers de la Duché de Bretagne. Si tost qu'il messire Iehan de Môtfort en tedit ces nouuelles, il les signifia feablement en la Duché d'Aquitaine, aux Cheualiers &

* Anno. 97.

† Il y auoit assiegez mais la deduction suyuante assure nostre correction cōte font Gerard et Sala les An: de Bret. et tous autres bons Auteurs.

Bertrand du Guesclin enuoyé, par le Roy Charles au secours de Charles de Blois.

† Il y auoit pour venir mettre le siege deuant Aulroy. Mais vous verrez tantost que c'estoit à tort, & par l'abus du passage, que nous auons naguères annoté.

Arrivée de Iehan Chandos au siege d'Aulroy pour le Comte de Montfort.

Escuyers d'Angleterre qui là se tenoyent: & especialement à messire Iehan Chandos: en le priant chèrement qu'à ce grand besoing il le voulist conforter & conseiller: & que il esperoit en Bretagne vn moult beau fait d'armes: auquel tous Cheualiers & Escuyers, pour aduancer leur honneur, deuoyent volontiers entendre. Quand messire Iehan Chandos se veit prié si affectueusement du Comte de Montfort, si en parla à son Seigneur le Prince de Galles, pour fauoir qu'il luy estoit bon de faire. Le Prince luy respondit, qu'il y pouuoit bien aller sans nul forfait (car ià se faisoient les François partie cōtre

ledit Côte, à l'occasion de messire Charles de Blois) & qu'il en donnoit bon conseil. De ces nouuelles fut messire Iehan Chandos moult ioyeux: & se pourueut bien & grandement: & pria plusieurs Cheualiers & Escuyers de la Duché d'Aquitaine, mais trop petit en allerent auecques luy: fils n'estoient Anglois, toutesfois il en mena bien deux cens Lances, & autant d'Archers: & cheuaucha tant, parmi Poictou & parmi Xainctonge, qu'il entra en Bretagne: & vint au siege deuant Aulroy: & là trouua il le Comte de Montfort: qui le receut ioyeusement: & fut moult réioui de sa venue. Aussi furent messire Oliuier de Clifton, messire Robert Canolle, & les autres compaignons: & leur sembloit proprement & generalement, que mal ne leur pouuoit aduenir: puis qu'ils auoyent messire Iehan Chandos en leur compaignie. Si passerēt la mer hastiuemēt plusieurs Cheualiers & Escuyers d'Angleterre (qui desiroiēt leurs corps aduancer: & eux combattre aux François) & vindrent deuant Aulroy à l'aide du Comte de Montfort: qui tous les receut à grand ioye. Si estoient bien, tant Anglois que Bretons (quand ils furent tous ensemble) seize cens combattans, & enuiron huit ou neuf cens Archers. Nous retournerons à parler de messire Charles de Blois: qui se tenoit en la bonne cité de Nantes: & là faisoit son amas & son mandemēt de Cheualiers & d'Escuyers, de toutes pars, là ou il les pensoit auoir, car bien estoit informé que le Comte de Mōtfort estoit moult reconforté des Anglois. Si prioit les Barons, les Cheualiers & Escuyers de Bretagne (dont il auoit eu & receu les hommages) qu'ils luy voufissent aider à garder son heritage, & à le deffendre contre ses ennemis. Si vindrent des Barons de Bretagne, pour luy seruir, & à son mandement, † le Vicomte de Rohan, le Sire de Leon, messire Charles de Dinan, le Sire de Rieux, le Sire de Tournemine, le Sire d'Ancenis le Sire de Malestroit, le Sire de Quintin, le Sire d'Auaugour, le Sire de Loheac, le Sire du Pont, & moult d'autres: que ie ne puis nommer. Si se logerent ces Seigneurs, & leurs gens, en la cité de Nantes, & es villages d'enuiron. Quand ils furent assemblez tous ensemble, on les estima à †

†Tels sont ces noms es Ann. de Bretagne.

†Quisōt deux mille cinq cens dedans l'Abr. de Sala.

Priere de la femme de messire Charles de Blois à sō mari

vingt cinq cens Lances, parmi ceux de France. Si ne voulurent là ces Seigneurs faire trop long seiour: mais conseillerent à messire Charles, de cheuaucher par-deuers leurs ennemis. Au departement, & au congé prendre, Madame, la femme à messire Charles de Blois, dit à son mari, present messire Bertrānd du Guesclin & aucuns Barons de Bretagne, Monseigneur, vous vous en allez deffendre & garder mon heritage, & le vostre (car ce, qui est mien, est vostre) lequel messire Iehan de Montfort nous empesche & a empesché vn grand temps, à tort & sans cause, ce fait Dieu. Les Barons de Bretagne qui cy sont, sauēt bien comment i'en suis droite heritiere. Si vous prie chèrement, que nulle ordonnance, ne composition d'accord, ne traité, ne vueillez faire, ou y condescendre, que le corps de la Duché ne nous demoure. Et son mari le luy eut en conuenant.

Adonc se partit, & se partirent tous les Seigneurs Cheualiers & Barons, qui là estoient & prindrent congé de leur Dame: qu'ils tenoient pour Duchesse. Si s'arrouterent & cheuaucherent ces Gens-d'armes par-deuers † Rēnes: & tant exploiterent, qu'ils y parvindrent: & se logerent dedans Rēnes la cité, & enuiron: & se reposerent & rafreschirent pour apprendre & entendre de la † conuiue de leurs ennemis, & aduiser aucun lieu, qui fust suffisant pour combattre leurs ennemis: en cas qu'ils trouueroient ne tant, ne quāt, de leur aduantage sur eux. Et là furent dites & pourparlées plusieurs parolles & langages des Cheualiers & Escuyers de France & de Bretagne, qui là estoient venus pour aider & conforter messire Charles de Blois: qui estoit mout doux, & moult courtois, & qui par aduenture se fust volontiers condescendu à paix, & eust esté content d'vne partie de Bretagne seulement, & à peu de plair: mais, en nom de Dieu, il estoit † si bouté & persuadé de sa femme & de tous les Cheualiers de son costé, qu'il ne s'en pouuoit retraire ne dissimuler.

†Voyez sur le comecement du chap. suyuant. †C'est assauoir de la cōtenāce & maintien,

†C'est adire si pressé des parolles de sa femme. &c.

Comment

Comment messire Charles de Blois vint contre le Comte de Montfort, en ordonnance de bataille: & comment messire Jehan Chandos, apres auoir ordonné les batailles du Comte de Montfort, empescha l'accord, que le Seigneur de Beaumanoir moyennoit entre ces deux pretendans à la Duché de Bretagne.

CHAP. CCXXVI.

Entre † Vennes & Aulroy (ou messire Jehan de Montfort feoit) y a huit lieues de pais. Si vindrent nouuelles audit de Montfort, que messire Charles de Blois approchoit fort, & auoit les plus beaux Gens-d'armes, les mieux armez, & les mieuz ordonnez, que on eust oncques veu issir de France. De ces nouuelles furent le plus des Anglois, qui là estoient en desir de combattre, tous ioyeux. Si commécerent ces compaignons à mettre leurs armeures à point, & à refourbir leurs lances, leurs dagues, leurs haches, haubergeons, heaumes, bacinets, visieres, espées, & toutes manieres de harnois: car bien pensoient que de brief en auroient mestier. Adoncques se retrahirent les Capitaines de l'ost vers le Comte de Montfort: & premierement messire Jehan Chandos (par lequel cōseil en partie il vouloit vser (messire Eustace d'Auberthicourt, messire Robert Canolle, messire Hue de Camelle, messire Matthieu de Gournay, & les autres. Si regarderent & conseillèrent ces Cheualiers & ces Barons, par le conseil de l'un & de l'autre, & par aduis, qu'ils se retrairoient au matin hors de leurs logis, & prendroient terre & place sur les champs: & là aduiseroient de tout ce qui feroit à faire pour le mieux contre les ennemis, quād on pourroit en auoir la cognoissance. Si fut noncé, & signifié parmi l'ost, que chacun fust au lendemain appareillé, & mis en arroy, & en ordonnance de bataille: ainsi que pour tantost combattre,

Ceste nuit passa, & le lendemain vint (qui fut par vn Samedi) qu'Anglois & Bretons issirent generallement tous d'une sorte, hors de leurs logis: & s'en vindrent moult faitissement, & en bonne ordonnance, au derriere dudit chastel d'Aulroy: & là prindrent place & terre: & dirent & affermerent entre eux, que là attendroient ils leurs ennemis. Droitement ainsi qu'à heure de prime, messire Charles de Blois & tout son ost vindrent: qui festoient partis le Vendredy, apres boire, de la cité de † Vennes: & auoient celle nuit geu à trois petites lieues pres d'Aulroy. Et estoient les gens de messire Charles de Blois les mieux ordonnez, & le plus faitissement, & mis en meilleur estat de bataille, qu'on peust veoir ne deuiser: & cheuauchioient si ferrez, qu'on ne peust getter vn esteuf entre eux, qui ne fust cheu sur pointes de glaiues (tant les portoient roidement contremont) & d'eux veoir & regarder prenoient les Anglois grand' plaissance. Si s'arrestèrent les François sans eux délayer, deuant leurs ennemis: & prindrent terre entre grans bruyeres, & fut commandé, de par leur Mareschal, que nul n'allast auant sans commandement, ny ne fust iouste, course, n'empainte. Si s'arrestèrent tous Gens-d'armes: & se meirent en arroy, & en bonne conuiue: ainsi comme pour tantost combattre: car ils n'esperoient autre chose: & en auoient grand desir & volonté. Monseigneur messire Charles de Blois, par le conseil de messire Bertrand du Guesclin (qui estoit vn grād Chef, & moult creu & loué des Barons de Bretagne) ordonna ces batailles: & en fit trois, & vne arrieregarde: & me semble que messire Bertrand eut la premiere, avecques grand' foison de Cheualiers & d'Escuyers de Bretagne, La secōde eut le Comte d'Auxerre, & le Comte de Joigny: avecques grand' foison de Cheualiers & d'Escuyers de France. La tierce & la meilleure partie, eut Charles de Blois, & en sa cōpagnie plusieurs haux Barons de Bretagne: & estoient delez luy le Vicomte de Rohan, le Sire de Leon, le Sire d'Auaugour, messire Charles de Dinā, le Sire d'Ancenis, le Sire de Malestroit, & plusieurs autres. Et à l'arrieregarde estoit le Sire de Raix: le Sire de Rieux, le Sire de Tournemine, le Sire du Pont, & moult d'autres: bons Cheualiers & Escuyers. Et estoient en chacune de ses batailles bien mille combattans. Là estoit messire Charles de Blois, à admonester & prier chacun, par ses batailles, moult doucement qu'ils luy voufissent estre loyaux & preudhommes: & prenoit sur son ame, & sur sa part de Paradis, que ce seroit sur bon droit, & iuste qu'on se combattroit. Et là luy proméirent vn chacun, que si bien s'en acquitteroient, qu'il leur en sauroit bon gré. Or vous parlerons du conuiue des Anglois & des Bretons de l'autre costé, & comment ils ordonnerent leurs batailles. † Entendez donc, que le Comte de Montfort fust principal Chef de toute ceste part: neantmoins messire Jehan Chandos estoit souuerain Capitaine sur eux tous: car le Roy d'Angleterre l'auoit ainsi escrit au Comte de Montfort: & auoit aussi

† Ce passage, & vn autre tantost apres, avec les Anna. de Bret. me fait peser qu'il faille lire Vennes pour Rénès, sur la fin du chap. preced. ou Rénès, pour Vennes, en cestuy cy cōme semblent aussi vouloir les trois chap. suyuans.

† Ceci fait à ce que nous auons nagueres noté, au commencement de ce chap.

Le camp de Charles de Blois arrive deuant Aulroy, à la venue de ses ennemis.

Ordonnance des batailles de Charles de Blois.

† Tout l'article suiuant estoit si confus en tous noz. Exēp. que ie n'ay fait dissultré de le vo'eclaircir selon plusieurs bons Auteurs, & le nostre mesme.

mandé à Chandos, que souverainement & especialement il entendist aux besongnes de son fils: pource que le Comte de Montfort auoit eu la fille du Roy d'Angleterre, pour cause de mariage. Suyuant tels escripts & mandemens, apres que messire Iehan Chandos (estant tout deuant les Cheualiers & Escuyers de Bretagne, qui se tenoient lez messire Iehan de Montfort) eut bien imaginé & considéré la conuiue des François en soy-mesme, il les pris durement: & ne s'en peut taire. Si dit, Se Dieu m'aist, il appert que toute la fleur d'honneur de Cheualerie est par delà, auecques grans sens & bonne ordonnance. Et puis dit, tout haut, aux Cheualiers, qui ouir le peurent, Seigneurs, il est heure que nous ordonnions noz batailles: car noz ennemis nous en donnent exemple.

Ceux, qui l'ouirent, respondirent, Sire, vous dites verité: & vous estes cy nostre maître & nostre conseiller: si en ordonnez à vostre intention: car par-dessus vous, n'aurez vous point d'autre regardeur: & aussi sauez vous mieux, en tous sens, commēt telle chose doit maintenir, que nous ne faisons, entre nous autres. Là fit messire Iehan Chandos trois batailles, & vne arrieregarde: & meit en la premiere, messire Robert Canolle, messire Gautier Huet, & messire Richard Brullé. En la seconde, messire Oliuier de Clifson, messire Eustace d'Auberthicourt, & messire Matthieu de Gournay. La tierce fut ordonnée au Comte de Montfort: à demourer delez luy: & y auoit en chacune bataille cinq cens Hommes-d'armes, & quatre cens Archers. Quand ce vint sur l'arrieregarde, il appela messire Hue † de Caurellée: & dit ainsi. Messire Hue, vous ferez l'arrieregarde, & aurez cinq cens combattans dessous vous, en vostre part: & vous tiendrez sur ælle: & ne bougeriez de vostre pas, pour chose qui aduienne: si vous n'y voyez grand besoing: comme si noz batailles branlent, ou s'ouurent par-aventure. Et, là ou vous les verrez branler & ouurir, vous vous y retirerez, & les conforterez, & rafraischirez: vous ne pouuez aujourd'huy faire meilleur exploit. Quand ledit messire Hue de Caurellée entendit messire Iehan Chandos, si fut tout hôteux, & moult courroucé: & dit. Sire, Sire, baillez, ceste arrieregarde à vn autre que moy: car ie ne m'en quiers ia embesongner. Et puis dit ainsi. Sire Cheualier, en q̄l estat ne maniere m'auez vous si déuoyé, q̄ ie ne soye aussi biē taillé de moy combattre des premiers que vous autres? Dont respondit Messire Iehan Chandos moult aduisément: & dit ainsi. Messire Hue, ie ne vous establi mie en l'arrieregarde, pour chose que vous ne soyez vn des bōs Cheualiers de nostre cōpaignie: & fāy bien, & de verité, que tresbiē vous cōbattriez des premiers: mais ie vo' y ordōne: pour ce que vous estes vn sage Cheualier, & bien aduisé: & si cōuient que l'vn d'entre nous le soit, & le face. Si vous prie chèrement, q̄ vous le vueillez faire: & ie vous promets que si vous le faictes, nous en vaudrōs mieux, & vous mesmes y acquerrez grand hōneur. Et plus auāt ie vous promets que toute la premiere requeste, que vo' me prierez, ie la vous octroyeray, & y cōdescendray. Mais nō obstant, pour les parolles que luy dit messire Iehan Chandos, ledit messire Hue de Caurellée ne s'y voulut accorder: & tenoit & affermoit ce pour grād blasme: & prioit pour Dieu, & à iointes mains, qu'on y mist vn autre: car, en effect, il se vouloit cōbattre tous des premiers. De ces parolles & respōses estoit messire Iehan Chandos sur le poinct de larmoyer: & dit encores moult doucemēt. Messire Hue, ou il faut que le faciez, ou que ie le face. Or regardez lequel vaut mieux. Adōc s'aduīsa ledit messire Hue: & fut à ceste derniere parolle tout confus: & dit, Certes, Sire, ie say bien que vous ne me requerriez de chose, qui tournast à mon deshonneur: & ie le feray volontiers: puis qu'ainsi est. Adoncques print messire Hue de Caurellée ceste bataille (qui s'appelloit arrieregarde) & se tira sur les champs, arriere des autres, sur ælle: & se meit en ordonnance. Ainsi ce Samedy (qui fut le huitième iour d'Octobre, l'an mil trois cens soixante-quatre) furent ces batailles ordonnées. les vnes deuant les autres, en vn beau plain, assez pres d'Aulroy en Bretagne. Si vous dy que c'estoit belle chose à veoir & considerer: car on y veoit bannieres, pennons & harnois, parez moult richement de tous les deux costez: & par especial les François estoient si suffisamment & faitiffement ordonnez, que c'estoit vn moult grand plaisir de les veoir & regarder.

Or vous dy que, ce pendant qu'ils ordonnoient & deuisoient leurs batailles & leurs besongnes, le Sire de Beaumanoir, vn moult grand & riche Baron de Bretagne, alloit de l'vn à l'autre, traitant & pourparlant de la paix. Car volōtiers y eust besongné (s'il eust peu) pour les perils écheuer: & s'y embesongnoit en bonne maniere: & le laissoient les Anglois & les Bretons de Montfort aller & venir, & parlementer à messire Iehan Chandos, & au Comte de Montfort, pourtant qu'il estoit par foy fiancé prisonnier par deuers

eux,

Ordonnance des batailles messire Iehan de Montfort, cōtre Charles de Blois deuant Aulroy. † Au commencement de ce chapitre il en surnōme vn de Camel le, que ie pense estre cestuicy, estant surnōmé de Couurelay, en Bert. du Guesclin.

Entremises du Seigneur de Beaumanoir, pour accorder les Seigneurs de Blois & de Montfort.

eux: & ne se pouuoit armer. Si meit ce Samedy maint propos & maintes parolles en-
 auant, pour venir à paix (dont nulle ne s'en fit) & besongna tousiours, allant de l'un à l'autre,
 iusques à nonne: & par son sens impetra, des deux parties, vn certain respit, pour le
 iour & la nuit ensuyuant, iusques au lendemain, soleil leuant. Si se retrahit chacun en
 son logis ce Samedy: & faiserent chacun de ce qu'ils auoient. Pendât que ce respit cou-
 roit de toutes les parties, le chastelain d'Aulroy fortit, ce Samedy au soir, de sa garnison:
 & s'en vint paisiblement en l'ost messire Charles de Blois, son maistre: qui le receut ioyeu-
 sement. Si s'appeloit ledit Escuyer Henry de Hauternelle, mout appert homme: & ame-
 na en sa compaignie quarante Lances de bons compaignons, bien armez, & bien mon-
 rez: qui luy auoient aidé à garder la forteresse.

Quand Monseigneur Charles veit le chastelain, il luy demanda, tout en riant, de l'e-
 stat du chastel. En nom Dieu (dit l'Escuyer) Dieu mercy nous sommes encores bien
 pourueus pour le tenir deux mois ou trois: si en estoit besoing. Henry, Henry (respon-
 dit messire Charles) demain au iour serez vous deliuré de tous poincts, ou par accord
 de paix, ou de bataille. Sire (dit l'Escuyer) Dieu y ait part. Par ma foy, Henry (dit Mon-
 seigneur Charles: qui reprint la parolle) i'ay encores en ma compaignie iusques à vingt-
 cinq Hommes-d'armes, d'aussi bonne étoffe, & aussi bien appareillez d'eux acquitter, *Je doute qu'il*
 qu'il y en a point au Royaume de France. Monseigneur (dit l'Escuyer) c'est vn grand a- *ne faille icy lire*
 uantage: si en deuez louer Dieu, & regracier grandement: & aussi messire Bertrand du *xxv cens: com*
 Guesclin, & les Barons de France & de Bretagne, qui vous sont venus feruir ainsi cour- *me il a dit au*
 toisement. Ainsi s'ébatoit ledit messire Charles, de paroles, avec ce messire Henry: puis *cha. precedent.*
 à l'un, puis à l'autre: & passerent ainsi celle nuit, mout aisément. Ce soir fut prié messi- *† Je doute aussi*
 re Iehan Chandos, mout affectueusement, d'aucuns Anglois, Cheualiers & Escuyers, *qu'il ne faille*
 qu'il ne se voufist mie assentir à la paix de leur Seigneur & de messire Charles de Blois: *ici lire Bretos*
 car ils auoient le leur tout despendu: si estoient pources: & vouloient, par bataille, ou tout *ou tantost du*
 perdre, ou aucune chose recouurer: & messire Iehan Chandos le leur auoit ainsi promis *Seigneur de*
 & enconuenancé. Quand ce vint le Dimêche au matin chacun en son ost s'appareilla, *Mortfort pour*
 vestit, & arma. Si dit on plusieurs messes en l'ost messire Charles de Blois: & furent ad- *leur seigneur*
 ministrés ceux, qui le voulurent estre. Aussi firent en telle maniere ceux du Comte de
 Mortfort: & vn petit deuant soleil leuant, se tira chacun en sa bataille, & en son arroy: ain-
 si qu'il auoit esté dit le iour de deuant. Assez tost apres reuint le Sire de Beaumanoir qui
 portoit les traitez, & qui volontiers les eust accordez, si eust peu) & s'en vint premier,
 en cheuauchant deuers messire Iehan Chandos: qui isit de sa bataille, aussi tost qu'il le
 veit venir: & laissa le Comte de Montfort (qui delez luy estoit) & s'en vint, par les chaps,
 parler à luy. Quand le Sire de Beaumanoir le veit, il le salua mout humblement: & luy
 dit, Messire Iehan Chandos, ie vous prie, pour Dieu, que nous mettions d'accord ces
 deux Seigneurs: car ce seroit mout grand pitié: si tant de bonnes gens, qui sont icy, se
 combattoient, pour leur opinion soustenir. Adoncques respondit messire Iehan Chan-
 dos, tout au contraire des choses, & des parolles, qu'il auoit mises auant la nuit deuant:
 & dit, Sire de Beaumanoir, ie vous aduise que vous ne cheuauchiez meshuy plus auant: *Iehan Chados*
 car noz gens dient, que, si vous peuuent enclorre entre eux, ils vous occiront. Avec *rompt les entre*
 tout ce, dites à Monseigneur de Blois, que (comment qu'il aduienne) messire Iehan *mises de la*
 de Montfort le veut combattre: & isir de tous traitez de paix & d'accord: & dit ainsi, *paix de Bretai*
 qu'il demourera auiourd'huy Duc de Bretagne: ou il mourra en la place. Quand le Sire *gne.*
 de Beaumanoir entendit Chandos ainsi parler, si fut mout courroucé: & dit, Chandos,
 Chandos, ce n'est mie l'intention de Monseigneur: qui aussi bonne volonté a de com-
 battre, que Monseigneur Iehan de Montfort: & aussi ont toutes ses gens. A ces parolles
 il s'en partit sans plus riens dire: & retourna deuers messire Charles de Blois & les Ba-
 rons de Bretagne qui l'attendoient. Messire Iehan Chandos se retira deuers le Comte
 de Montfort qui demanda, Comment va la besongne? que dit nostre aduersaire? Qu'il
 dit? (respondit messire Iehan Chandos) Il vous mande par le Seigneur de Beaumanoir
 (qui nagueres s'est parti d'avecques moy) qu'il se veult combattre (comment qu'il soit)
 & demourer Duc de Bretagne auiourd'huy: ou il mourra en la place. Et celle responce
 fit adoncques messire Iehan Chandos, pour donner bon courage à son maistre & Sei-
 gneur, le Comte de Montfort: & fut la fin de la parolle messire Iehan Chandos telle,
 qu'il dit. Or regardez que vous en voulez faire: & si vous voulez combattre ou non. Par
 Monseigneur Saint George (dit messire Iehan de Montfort) ouy: & Dieu vueille ai-

der au droit. Faites auant passer noz bannieres. Et ainsi passerent. Quand au Seigneur de Beaumanoir, il dit à Monseigneur Charles de Blois, Sire, Sire, par Monseigneur Sainct Yues i'ay ouy la plus orgueilleuse parolle de messire Iehan Chandos, que i'ouysse passé à long temps: car il dit que le Comte de Montfort demourra Duc de Bretagne: & vous monstrera bien que vous n'y auez nul droit. De celle parolle mua couleur messire Charles de Blois: & il respōdit. Du droit soit-il à Dieu: qui le scet. Ainsi dirent tous les Barons de Bretagne. Adonques fit passer auant ses bannieres & Gens d'armes, au nom de Dieu & de Monseigneur Sainct Yues.

De la bataille d'Aulroy: en laquelle Bertrand du Guesclin fut prins, Charles de Blois occis, & Iehan de Montfort victorieux.

CHAP. CCXXVII.

VN petit deuant heure de prime s'approcherent les batailles. Qui fut tresbelle chose à regarder: comme ie l'ay ouy dire à ceux, qui y furent, qui veuës les auoient: car les François estoient aussi ferrez & ioints, qu'on ne peust mie getter vne pomme, qu'elle ne cheust sur vn bacinet, ou vne lance: & portoit chacun Homme-d'armes son glaue, droit deuant luy, retailé à la mesure de cinq piez, & vne hache: forte & dure, & bien acérée, à petit manche, à son costé, ou sur son col: & s'en venoient ainsi, tout bellement le pas, chacun Sire en arroy, & entre ses gens, & sa banniere deuant luy, ou son pennon, aduisez de ce qu'ils deuoient faire. Et aussi d'autre part les Anglois estoient tresfaitiffement ordonnez: & s'assemblerent premieremēt les Bretons & messire Bertrand du Guesclin, & sa † Baronnie, à la bataille de messire Robert Canolle, & de messire Gautier Huet. Et meirent les Seigneurs de Bretagne (qui estoient d'un lez & de l'autre) les bannieres des deux Seigneurs (qui s'appeloient Ducs) l'une contre l'autre. Là eut de premiere rencontre fort bouteis de lances, & fort estrif & dur. Bien est vray que les Archers Anglois tirent du commencement: mais leur traict ne greua gueres les François: car ils estoient trop bien armez, & fort bien paueschez contre le traict. Si getterent ces Archers leurs arcs ius (qui estoient forts compaignons & legers) & se bouterent entre les † Hommes d'armes de leur costé: & puis s'en vindrent à ces François, qui portoit ces haches: si s'adrecerent à eux de moult grand' volenté: & osterent, des le commencement, à plusieurs leurs haches: dequoy ils se combattirent depuis bien & hardiment. Là eut faite mainte appertise d'armes, mainte luitte, & mainte prinse, & mainte recouffe: & sachez que, qui estoit cheut à terre (c'estoit le plus fort du releuer: si n'estoit tresbien secouru. La bataille messire Charles de Blois s'adreça droitemēt à la bataille du Comte de Montfort: qui estoit moult forte & espeffe. En sa compaignie, & en sa bataille, estoit le Vicōte de Rohan, le Sire de Leon, messire Charles de Dinan, le Sire de Quintin, le Sire d'Ancenis, le Sire de Rochefort: & auoit chacun sa banniere deuant luy. Là eut, ie vous dy grosse bataille, & dure, & moult bien combattue: & furent ceux de Montfort du commencement deffoulez moult fort: mais messire Hue de Caurellée, qui estoit sur ælle, & qui auoit vne belle bataille, & de bonnes gens, à l'endroit, ou il veoit ses gens branler, ouuir, ou declore, les reboutoit & remettoit, par force, sus. Et ceste ordonnance leur valut grandement. D'autre part se combattoient messire Oliuier de Clifson, messire Eustace de Auberthicourt, messire Matthieu de Gournay, & plusieurs autres bons Cheualiers & Escuyers, à la bataille du Comte d'Auxerre & du Comte de Ioigny: qui estoit moult grande, grosse, & bien étoffée de bonnes Gens-d'armes. Là eut mainte belle appertise faite, mainte prinse, & mainte recouffe. Là se combattoient François & Bretons, d'un lez, moult vaillamment: & treshardiment se combattoient des haches, qu'ils portoit, & qu'ils tenoient. Là fut messire Charles de Blois bon Cheualier merueilleusement, & qui vaillamment & hardiment se combattit, & assembla à ses ennemis de grand' volenté: & aussi fut bon Cheualier son aduerfaire, le Comte de Montfort. Chacun y entendoit ainsi comme pour luy. Là estoit messire Iehan Chados: qui faisoit trop grand fait-d'armes: car il fut en son temps fort Cheualier, hardi, & redouté de ses ennemis en bataille, sage & aduisé, & plein de grand ordonnance. Si conseilloit le Comte de Montfort en ce qu'il pouuoit, entendant à l'adrecer & à le reconforter, & ses gens aussi: & là disoit, Faites ainsi, & ainsi: & vous tirez de ce costé, & de ceste part. Le ieune Comte de Montfort le croyoit, & vsoit par son conseil. D'autre part messire Bertrand du Guesclin, le Sire de Tournemine, le Sire d'Auaugour, le Sire de Raix, le Sire de Loheac, le Sire de Malestroit, le Sire du Pont, le Sire du † Priet, & maint bon Cheualier & Escuyer de Bretagne,

† Je doute qu'il n'y falle aussi tost, banniere.

† Il y auoit gēs simplement en tous noz Exempls. pour le mot suiuant: que nous auons remis selon la Chaux, nous semblant parant ce passage obscur, pour le quel cuidoier claircir, les Ann. de Bret. prenans toute ceste bataille de Eroissart, disēt ainsi, & se bouterent hors d'entre les gens de leur costé.

† Ce peut estre

Bretaigne & de Normandie, qui là estoient du costé messire Charles de Blois, se cōbat-
 toiet mout vaillāment, & y firent mainte belle apertise d'armes, & tant se cōbatirēt, que
 toutes ces batailles se recueillirent ensemble: excepté l'arrieregarde des Anglois, dōt
 messire Hue de Caurellée estoit chef & souuerain. Ceste bataille se tenoit tousiours sur
 ælle: & ne s'embesongnoit d'autre chose: fors de radrecer, & remettre en arroy, les leurs
 qui branloient, ou qui se déconfisoient. Entre les autres cheualiers, messire Oliuier de
 Clifson y fut bié veu & aduisé: & y fit merueilles de son corps, & tenoit vne hache, dont
 il ouuroit & rompoit les presses: & ne l'osoit nul approcher, & sy combattit si auāt (telle
 fois fut) qu'il fut en grand peril: & y eut mout affaire de son corps, en la bataille du Com
 te d'Auxerre & de Ioiny: & trouua durement forte encontre sur luy, tāt que d'un coup
 de hache il fut feru, en trauers: qui luy abbatit la visiere de son bacinet, & luy entra la
 poincte de la hache en l'œil: & l'eut depuis creué: mais pource ne demoura mie, qu'il ne
 fust encores tresbon Cheualier. Là se recououroient batailles & bannieres: qui vne heu-
 re estoient au bas, & tantost par bien combattre, se remettoient sur bout, tant d'un lez
 que d'autre. Entre les autres Cheualiers, messire Iehan Chandos fut tresbon Cheualier:
 & vaillāment se combattit d'une hache, qu'il tenoit: dont il donnoit les horions si grans,
 que nul ne l'osoit approcher: car il estoit grand & fort Cheualier, & bien formé de tous
 ses membres. Si s'en vint batailler en la bataille du Comte d'Auxerre & des François.
 Là eut faite mainte belle apertise d'armes: & par force de bien cōbattre, luy & ses gens
 rompirent & bouterent celle bataille bien auant: & la meirent en tel méchef, que briē-
 uement elle fut déconfite, & toutes les bannieres & pennons de ceste bataille gettez
 par terre, rompus & déchirez: & les Seigneurs mis & tournez en grand méchef: car ils
 n'estoient aidez, ne confortez, de nul coste: mais estoient tous leurs gens embesongnez
 à eux deffendre & combattre. Au vray dire, quand vne déconfiture vient, les déconfits
 se déconfient & s'ébahissent de trop peu: &, s'un chet, il en chet trois: &, sur trois dix: &
 sur dix, trente: & pour dix (fils fuyent) il en fuit vn cent. Ainsi fut de ceste bataille de
 Aulroy. Là crioient & écríoient ces Seigneurs, & gens qui estoient delez eux, leurs en-
 seignes & leurs cris: dequoy les aucuns en estoient ouis & recōfortez, & les aucuns non:
 qui estoient en trop grand presse, & trop arriere de leurs gens: tellement que, par force
 d'armes ennemies, le Comte d'Auxerre fut moult fort nauré, & prins deffous le pennon
 de messire Iehan Chandos, & fiancé prisonnier: le Comte de Ioiny aussi: & le Sire de
 Preet, vn grand Banneret de Normandie. Encores se combattoient les autres batailles
 moult vaillamment: & se tenoient les Bretons en bonne conuiue: & toutesfois à parier
 d'armes loyaumēt, ils ne tindrent pas si bié leur pas, ne leur arroy (ainsi cōme il apparut)
 que firent les Anglois & les Bretons de Montfort: & trop grādement leur valut, ce iour
 la bataille sur ælle de messire Hue de Caurellée. Quand les Anglois & les Bretons de
 Montfort veirent branler les François, si se conforterent entre eux grandement. Si eu-
 rent aucuns des François tantost leurs cheuaux appareillez: si monterent deffus & com-
 mencerent à fuir, fort & viftement. Adonc se partit messire Iehan Chandos, & vne rou-
 te de ses gens: & s'en vindrent adrecer sur la bataille de messire Bertrand du Guesclin:
 ou l'on faisoit merueilles d'armes: mais elle estoit ia ouuerte, & plusieurs bons Cheua-
 liers & Escuyers mis à grand méchef. Là y eut donné maint dur & pesant horion de
 ces haches, & effondré maint bacinet, & maint homme nauré & mort: & ne peut, au
 vray dire, messire Bertrand, ne les siens porter le faix des autres. Si fut là prins messire
 Bertrand du Guesclin, par vn Escuyer Anglois, deffous le pennon de messire Iehan
 Chandos: & en celle prinse, print & fiança prisonnier ledit messire Iehan Chandos vn
 Baron de Bretaigne: qui s'appelloit le Seigneur de Raix, lequel estoit hardi Cheualier à
 merueilles. Apres ceste dure bataille de Bretons rompue, ladite bataille fut ainsi que dé-
 confite: & perdirent les autres tout leur arroy: & se meirent en fuite (chacun au mieux
 qu'il peut) pour soy sauuer: exceptez aucuns bons Cheualiers & Escuyers de Bretaigne:
 qui ne vouloient mie laisser leur Seigneur, Monseigneur Charles de Blois: mais aimoiet
 plus cher mourir, qu'auoir reproche. Si se recueillirent & rallierent autour de luy: & se
 combattirent depuis moult vaillamment, & trefaprement: & là eut faite mainte apper-
 tise d'armes: & se tint ledit messire Charles de Blois, & ceux qui delez luy estoient, vne
 espace de temps, en eux deffendant, & en combattant. Mais finalement ils ne se peu-
 rent tant tenir, qu'ils ne fussent déconfits, & déroutez, par force d'armes: car la plus grād'
 partie des Anglois conuerfoient eelle part. Là fut la banniere de messire Charles de

*celuy qu'il a
surnommé de
Prie au chap.
225. & tan-
tost de Preet.*

*Oliuier de
Clifson blecé
en l'œil.*

*La bataille des
Comte d'Au-
xerre déconfite*

*Les Comtes de
Auxerre &
de Ioiny pri-
sonniers.*

*Bertrand du
Guesclin pri-
sonnier, & sa
bataille decon-
fite.*

La bataille de Charles de Blois déconfite, & luy mesme tué. Mais le liure des Prouesses de Bertrand du Guesclin en parle bien autrement.

Gens de nō tuéz ou prins, en la bataille d'Aulroy.

† Le doute qu'il ne falle icy le sire de Tournemine et de Mailly, pour de Māny, peu apres, ou Mān luy, selon les

Ann. de Bret.

** Annot. 98.*

** Annot. 99.*

† Voyez sur le comencement du

chap. CCXXVI.

† Les Annal.

de Bret. disent

que ce fut le

iour S. Michel.

16. d'Octobre.

Blois déconfite, & conquise, & gettée par terre: & celuy occis, qui la portoit. Là fut occis messire Charles de Blois (le viaire sur ses ennemis) & vn sien fils bastart (qui s'appelloit messire Iehan de Blois) & plusieurs autres Cheualiers & Escuyers de Bretagne. Et me semble qu'il auoit esté ainsi ordonné en l'ost des Anglois, que (si on venoit au dessus de la bataille, & si messire Charles de Blois estoit trouué en la place) on ne le deuoit point prendre à rançon, mais l'occire. Et, en ce cas semblable, les François & les Bretons auoient ainsi ordonné de messire Iehan de Montfort: car en ce iour ils vouloient auoir fin de bataille & de guerre. Là eut (quand ce vint à la fuite) grand mortalité, & grand occisiō, & grand déconfiture, & maint bon Cheualier prins, & mis à grand méchef. Là fut toute la fleur de Cheualerie, qui tenoit le parti de Blois pour le temps & pour la iournée, ou morte ou prinse. Moulte petit de gens d'honneur échapperent qu'ils ne fussent ou morts ou prins: & par especial des Bannerets de Bretagne: & y demourerent morts messire Charles de Dinā, le Sire de Leon, le Sire d'Ancenis, le Seigneur d'Auaugour, le Sire de Loheac, le Sire de Gargolle, le Sire de Malestroit, le Sire du Pont, & plusieurs Cheualiers & Escuyers, que ie ne puis tous nommer. Et y furent prins, le Côte de Rohan, messire Guy de Leō, le Sire de Rochefort, le Sire de Raix, le Sire de Rieux, le Comte de Tonnoirre, messire Henry de Malestroit, messire Oliuier de Manny, le Sire de Riuille, le Sire de Franuille, le Sire de Raineual, & plusieurs autres de Normandie, & plusieurs bons Cheualiers & Escuyers de France, auecques le Comte * d'Auxerre, & de Ioigny. A brièvement parler, ceste déconfiture fut moulte grande, & moulte grosse, & moulte de bonnes gens y furent morts, tant sur le champ, que sur la chace: qui dura huit grosses lieuës de pays, & iusques pres de † Rénes. Si aduindrent là en dedans maintes aduentures: qui toutes ne vindrent mie à cognoissance) & aussi maint homme mort, & maint autre receu prisonnier sur les champs: ainsi que les aucuns cheoient en bōnes mains, & qu'ils trouuoient leurs maistres bons & courtois. Ceste bataille fut assez pres d'Aulroy en Bretagne, † l'an de grâce Nostre-Seigneur 1364.

De la retraite des Chefs du Comte de Montfort, apres sa victoire d'Aulroy: de la contenance qu'il eut, voyant Charles de Blois mort: des tréues, données pour enseuelir les morts: & comment le Roy d'Angleterre fut aduertit de la dessusdite bataille d'Aulroy,

CHAP.

CCXXVIII.

A Prés la grande déconfiture (si-comme vous auez ouy) & que la place fut toute deliurée, les Chefs des Seigneurs Anglois & Bretons retournerent d'un lez: & n'entendirent plus à chacer: mais en laisserent conuenir à leurs gens. Si se tirerent deuers le Comte de Montfort, messire Iehan Chandos, messire Robert Canolle, messire Eustace d'Auberthicourt, messire Matthieu de Gournay, messire Iehan Boursier, messire Gautier Huet, messire Hue de Caurellée, messire Richard Brullé, messire Richard Tancon, & plusieurs autres: & s'en vindrent deuant vne haye: & se comencerent à desarmer: car ils veirent bien que la iournée estoit pour eux. Si meirent les aucuns leurs bannieres & leurs pēōs à celle haye, & les armes de Bretagne tout en haut sur vn buisson, pour rallier leurs gens. Adonc se tira messire Iehan Chandos, messire Robert Canolle, messire Hue de Caurellée, & aucuns Cheualiers, deuers messire Iehan de Mōtfort: & luy dirēt, tout en riant, Sire, louez Dieu: & faites bonne chère: car vous auez huy cōquis l'heritage de Bretagne. Il les enclina moulte doucemēt: & puis parla si haut que tous l'ouirēt. Messire Iehan Chādos (dit il) ceste bōne aduēture m'est aduenue par le grād sens & prouesse de vous: & ce say-ie de verité, & aussi tous ceux, qui icy sont. Si vous prie, beueez en mon hanap. Adōc luy rēdit vn flascon plein de vin, ou il auoit beu, pour luy raffreschir, & luy dit encores. Apres Dieu, ie vous en doy sauoir plus grand gré, qu'à tout le monde. A ces parolles reuint le Sire de Clifson, tout échauffé & enflambé: & auoit moulte longuement pourfuiui ses ennemis, & à peine s'en estoit il peu partir: & ramenoit ses gens, & grād foison de prisonniers. Si se tira deuers le Côte de Mōtfort, & les Cheualiers, qui là estoiet: & descēdit ius de son courfier: & s'en vint refreschir delez eux. Pendant qu'ils estoient en celuy estat, reuindrent deux Cheualiers, & deux Heraux, qui auoiet esté enuoyez chercher entre les morts, pour sauoir que messire Charles estoit deuenue: car on n'estoit point certain s'il estoit mort, ou non. Si dirent ainsi tout en haut. Monseigneur, faites bōne chere: car nous auons veu vostre aduersaire, messire Charles de Blois, mort.

A ces

Gracien seté du Comte de Mōtfort à messire Iehan Chādos.

A ces parolles se leua le Côte de Môtfort: disant qu'il le vouloit aller veoir, & qu'il auoit
 autant de volôté de le veoir mort, cōme vif. Si s'en allerent avec luy ces Cheualiers qui
 là estoient. Quand ils furent venus au lieu, ou il gisoit, mis à part, & couuert d'une targe,
 il le fit découurir: & puis le regarda moult piteusement: & pensa vne espace: & puis dit:
 Haa, Mōseigneur Charles, beau cousin, cōbien que, pour vostre opiniō maintenir, soiēt
 aduenus en Bretagne moult de mēchefs, si Dieu m'aist il me desplaist neantmoins, quād
 ie vous trouue ainsi: mais il ne se peut faire autrement. Lors cōmença à larmoyer adonc
 le tira arriere messire Iehan Chandos, en luy disant, Sire, Sire, partons d'icy: & regraciez
 Dieu, de la belle aduenture que vous auez: car, sans la mort de cestuy, ne pouuiez vous
 venir à l'heritage de Bretagne. Adonc ordonna le Comte que messire Charles de Blois
 fust porté à Guingant: & il fut fait incōtinent en grand' reuerēce: & là fut enseuely ho-
 norablement & reuerēment: ainsi que bien luy appartenoit: car il estoit bon & loyal, &
 vaillāt Cheualier. Lequel corps de luy sanctifia par la grāce de Dieu, & l'appelōs Sainct
 Charles: & l'approuua & canoniza le Pape Urbain, cinquieme qui regnoit pour le temps:
 car il faisoit, & fait encores plusieurs miracles, tous les iours. † Apres ceste ordōnāce, &
 q̄ tous les morts furēt dēuestus, & q̄ les victorieux furēt reuenus de la chace, ils se tirerēt
 deuers les logis, dont au matin ils s'estoient partis. Si se defarmerēt & faiserēt de ce qu'ils
 auoient (car bi auoiēt de quoy) & entēdirent à leurs prisonniers: & furēt remuez & appa-
 reillez les naurez: & leurs gēs mēsmes, qui estoient naurez & blecez, firēt mettre à poinct.
 Quand ce vint le Lundy au matin, le Comte de Montfort fit sauoir à ceux de la cité de
 † Rēnes, & des villes d'environ: qu'il dōnoit & accordoit trēues trois iours, pour recuei-
 lir les morts dessus les champs, & les enseuelir en saincte terre. Laquelle ordōnance on
 tint moult bonne. Si se tint le Comte de Montfort deuant le chastel d'Aulroy à siege: &
 dit que point ne se partiroit, si l'auoit à sa volunté. Les nouuelles s'espādirent, en maints
 lieux & en plusieurs pays, comment messire Iehan de Môtfort, par le conseil & confort
 des Anglois, auoit obtenu la victoire, & commēt messire Charles de Blois estoit demou-
 ré mort & déconfit, & morte & prinse toute la Cheualerie de Bretagne, qui se faisoit
 partie cōtre iceluy de Montfort. Si en auoit messire Iehan Chandos grādement la grā-
 ce & la renōmée: & disoiēt toutes manieres de gens, Seigneurs, Cheualiers, & Escuyers,
 qui en la besongne estoient, & auoient esté, que par luy & par son sens, & par sa grand'
 prouesse, auoient les Anglois & les Bretons obtenu la place. De ces nouuelles furent
 tous les amis & les confortans dudit messire Charles de Blois moult doulens, & moult
 courroucez comme ce fut raison) & par especial le Roy de France. Car ceste déconfitu-
 re luy touchoit moult grādement: pourtāt que plusieurs des Cheualiers de son Royau-
 me y auoiēt esté morts & prins: & entre autres, messire Bertrand du Guesclin (que moult
 il aimoit) le Comte d'Auxerre, & le Comte de Ioiny, & tous les Barons de Bretagne,
 sans riens en excepter. Si enuoya ledit Roy de France son frere messire Louis, Duc de
 Aniou, sur les marches de Bretagne, pour recōforter le pays (qui estoit moult désolé &
 déconforté, pour l'amour de leur Seigneur, Mōseigneur Charles de Blois: que perdu a-
 uoient (& recōforter aussi Madame la Duchesse de Bretagne, femme dudit Charles de
 Blois: qui estoit si désolée & déconfortée de la mort de son mari, que c'estoit pitié de la
 veoir. Ce que ledit Duc d'Aniou estoit bien tenu de faire (quoy que volōtiers le fist) car
 il auoit espousé sa fille. Si promettoit de grand' volunté, aux bōnes-villes, citez & cha-
 steaux de Bretagne, & au demourant du païs de Bretagne, cōseil, cōfort & aide, en tous
 cas. Enquoy la Dame (qu'il reclamoit mere) & le pays eurent, vne espace de temps, grād'
 fiance: iusques adoncques que le Roy de France, pour tous perils écheuer, y meit proui-
 sion: si comme vous orrez cy-apres. Si vin-drent aussi ces nouuelles au Roy d'Angleter-
 re. Car le Côte de Montfort luy auoit reserit, au cinquieme iour apres que la bataille a-
 uoit esté deuant Aulroy, en la ville de Douures en Angleterre: & en emporta lettres de
 creance vn varlet. Pour suiuant d'armes: qui auoit esté à la bataille, & lequel le Roy d'An-
 gleterre fit tantost son Heraut, luy donnant le † nom de Windesore, & moult grād pro-
 fit, par leq̄l Heraut, & par aucuns Cheualiers d'un lez & de l'autre, ie fu informé du tout.
 Et, quant à la cause pourquoy le Roy d'Angleterre estoit adoncques à Douures, veez la
 maintenant & suiuant, Il est bien verité qu'un mariage de messire Aimon, Comte
 de Cantebrug: fils audit roy d'Angleterre, avecques la fille du Comte Louis de Flan-
 dres auoit esté traité & pourparlé, trois ans † deuant. Auquel mariage le Côte de Flan-
 dres s'estoit nouuellement assenti & accordé: mais que le Pape Urbain, cinquieme, le

*Paroles du Côte
 de Montfort
 regardāt Cha-
 les de Blois
 mort.*

*Sepulchre de
 Chales de Blois
 depuis canonizé.*

*† Les Annales
 de Bret. adion-
 stent comme
 lon dit:*

*† Voyez, sur le
 commencement
 du chap. 226.*

*Continuation
 du siege d'Aul-
 roy par le com-
 te de Montfort:*

*Messire Louis
 Duc d'Aniou
 enuoyé par le
 Roy Charles
 son frere au re-
 confort du par-
 ti de Blois.*

*Nouvelles de
 la bataille de
 Aulroy au Roy
 d'Angleterre:
 † Il y auoit ici
 le dō de Vun-
 desore, & de
 Vuidesore.
 Mais la Chaux
 assure nostre
 correction.*

*† Ce fut l'an
 1362. comme
 il est au chap.*

216. Et ainsi voulist dispenser: car ils estoient moult prochains de lignage. Et auoit esté le Duc de ne faut pasenté Lanclastre, & messire Aimon son frere, à grand' foison de Cheualiers, en Flandres, de- dre que les ans fussent cōplers. † Ce passage e- stoit corrompu en ceste sorte. qui les auoit receus mout honorable- mēt & pour grande com- motion de paix & d'a- mour. Ledit Comte, &c. Mais la Chaux a confirmé ce que nous auons deuiné.

vouslist dispenser: car ils estoient moult prochains de lignage. Et auoit esté le Duc de Lanclastre, & messire Aimon son frere, à grand' foison de Cheualiers, en Flandres, de- uers ledit Côte Louis: † qui les auoit receus moult hōnorablement. Et, pour plus gran- de conionction de paix & d'amour, ledit Côte de Flādres estoit venu à Calais, & auoit passé la mer iusques à Douures(ou le Roy & vne partie de son cōseil estoient) & encores estoit là, quand le dessusdit varlet & messager en ce quartier apporta les nouvelles de la besongne d'Aulroy: & ainsi cōme elle auoit esté. De laquelle aduenue le Roy d'Angle- terre & les Barōs qui là estoient furēt moult réiouis, & aussi fut le Côte de Flandres, pour l'amour, hōneur, & aduācement de son cousin germain, le Côte de Mōtfort. Si furēt le Roy d'Angleterre, le Comte de Flādres, & les dessusdits, enuiron trois iours à Douures, en festes & en ébatemens: & quād ils se furēt assez ébatus & réiouis, & qu'ils eurent fait ce pourquoy ils estoient assemblez, le Côte de Flandres print cōgé du Roy d'Angleter- re, & s'en partit. Si me semble que le Duc de Lāclastre & messire Aimon passerent la mer avec le Comte de Flandres, & qu'ils luy tindrent tousiours compaignie, iusques à tant qu'il fut reuenue à Bruges. Mais nous nous souffrerons à parler de ceste matiere: & parle- rons du Comte de Montfort, disans comment il perseuera en Bretagne.

Comment le Comte de Montfort conquist Aulroy, & plusieurs autres places, sur la venue de Messire Charles de Blois: comment le Roy Charles moyenna paix entre eux: & comment semblablement paix fut faite entre les Roys de France & de Nauarre, par le moyen du Capital de Buç.

CHAP. CCXXXIX.

† Hauteruel- le cha. 226.

Aulroy rendu au Comte de Montfort.

† Iugon An- nal. de Bret & sala aussi.

Ceux de Iou- gou recognois- sent le Comte de Montfort à Seigneur.

† Lon peut icy cōpter 1365. à ma mode, selon la fin du chap. precedēt & se- lō ce qu'il viēt n'agueres de di- re.

† Ce passage me a empesché de remettre Ven- nes pour Ré- nes és 2. chap. preced. & fait soupçonner que il ne fālle Ré- nes pour Ven- nes, au chap. 226. encor que lō peust presūp- poser que Ven- nes se seroit rendue à Montfort, in- contināt apres la bataille de Aulroy.

LE Comte de Montfort(si-comme il est cy-dessus dit)rint & meit le siege deuāt Aul- roy: & dit qu'il ne fē partirot, tāt qu'il l'eust à sa volōté: dōt ceux du chastel n'estoient mie bien aises. Car ils auoient perdu leur Capitaine Henry de † Fentenicle (qui estoit de- mouré en la besongne, & toute la fleur de leurs cōpaignons) & ne se trouuerent leans, qu'un petit de gens: & si ne leur venoit secours de nul costé. Si eurent conseil d'eux ren- dre, & la forteresse: sauf leurs corps & leurs biens. Si traiterent, deuers le Côte de Mont- fort & son Conseil, de l'estat dessusdit. Ledit Côte qui auoit en plusieurs lieux à enten- dre, & point ne sauoit encores cōment le pays se vouloit maintenir) les print à mercy: & laissa paisiblement partir ceux, qui partir voulurent: & print la saisine de la forteresse: & y meit gēs de par luy. Puis cheuaucha outre, & tout son ost: qui tous les iours croissoit: car Gens d'armes & Archers luy croissoient & venoient à grand effort: & aussi se tournoient plusieurs Cheualiers & Escuyers de Bretagne deuers luy: & par especial les Bretōs Bre- tōnans. Si s'en vint deuāt la bōne ville de † Iougou: qui se cloit contre luy, & se tint trois iours: & là fit ledit Comte de Montfort assaillir par deux assaux: & en y eut moult de ble- cez dedās & dehors. Ceux de Iougou (qui se veoiēt assaillis, & point de secours) n'auoient mie, n'y n'eurent, conseil d'eux faire harier. Si recognurent ledit Côte de Mōtfort à Sei- gneur: & luy ouurirent leurs portes: & luy iurerent foy & loyauté tenir & garder, à tous- iours mais, Si remua ledit Comte tous officiers en la ville: & y en meit de nouveaux. Puis cheuaucha deuant la ville de Dinan. Là meit il grand siege: qui dura iusques bien auant en l'Yuer: car la ville estoit bien garnie de grans pourueāces, & de bonnes Gēs-d'armes: &, pource que le Duc d'Aniou les enhorta qu'ils se tēfissent, ainsi que bōnes gens doiuent faire (car il les confortoit) ceste opinion les fit tenir, & endurer maint assaut. † Quand ils veirent que leurs pourueances amēdrissoient, & que nul secours ne leur apparoissoit, ils traiterent de paix, deuers le Comte de Mōtfort: lequel y entendit volōtiers: & ne de- siroit autre chose: mais qu'ils le vouissent recognoistre à Seigneur: ainsi qu'ils firent. Si entra en ladite ville de Dinan, à grād' solennité: & luy firent tous feauté & hōmage. Puis cheuaucha à tout son ost: & s'en vint deuant la bōne cité de Cāpercorantin. Si l'assiegea de tous poincts: & y fit amener & charier les grans engins de † Vennes & de Dinan: & dit qu'il l'auroit deuant qu'il s'en partist. Si vous di ainsi, que les Anglois & les Bretōs de Montfort (comme messire Iehan Chandos, & les autres, qui auoient prins en la bataille d'Aulroy des prisonniers) n'en rançonnoient nuls: ny ne les mettoient à querre finance (pourtant qu'ils ne vouloient mie qu'ils se recueillissent ensemble, & en fussent de-rechef combattus) mais les enuoyerent en Poictou, en Xaintonge, à Bordeaux, & à la Rochel- le, tenir prison: & ce pendant conquirent lesdits Bretōs & Anglois, d'un costé & d'autre, le pays de Bretagne. Pendant que le Comte de Montfort seoit deuant la cité de Cam- percorantin, & que moult l'eut gastée par force d'engins & d'assaux (qui nuit & iour y gettoient) couroient ses gens tout le pays d'environ: & ne laissoient riens à prédre: fil n'estoit

n'estoit trop chaud, trop froid, ou trop pesant. De ces aduenues estoit le Roy de France bien informé. Si eut plusieurs conseils, propos, & imaginatiōs, pour resoudre comment il pourroit vser des Besongnes de Bretagne: car elles estoient en moult dur parti: & si n'y pouuoit bonnement remédier, fil n'émouuoit son Royaume, & faisoit derechef guerre aux Anglois, pour le fait de Bretagne. Ce qu'on ne luy conseilloit mie à faire: ains luy fut dit en grand' especialité & délibération de Cōseil, Trescher Sire, vous auez tenu l'opinion de Messire Charles de Blois, vostre cousin, & aussi fit vostre Seigneur de Pere, & le Roy Philippe vostre ayeul (qui luy donna en mariage la niece du dernier Duc de Bretagne) par lequel fait moult de maux sont aduenuz en Bretagne, & au pais d'environ. Or est-il ainsi que messire Charles de Blois, vostre cousin, en Bretagne gardant & de fendant, est mort: & n'est nul, de son costé, qui le droit de ceste guerre; ne de son chalonge, reléue: car ia sont en Angleterre prisōniers ceux, ausquels il appartient, & en touche moult: c'est assauoir ses deux fils, Iehan & Guy. Si voyons & oyons recorder tous les iours que messire Iehan de Montfort prend & conquiert villes & chasteaux, & les attribue du tout à luy, ainsi cōme son lige heritage. Par ainsi pourriez vo^r perdre vos droits, & l'hommage de Bretagne: qui est vne moult grosse & noble chose en vostre Royaume, & que deuez bien douter à perdre. Car (se le dit Comte de Mōtfort se releuoit de vostre frere, le Roy d'Angleterre: ainsi que fit iadis son pere) vous ne le pourriez rauoir, sans grand' guerre & grand' haine entre vous & le Roy d'Angleterre: ou bōne paix est maintenant: que nous ne vous conseillons mie à briser. Si nous semble (quand tout est bien imaginé & considéré) cher Sire, que ce seroit bon d'enuoyer certains messagers, & sages traiteurs, deuers Monseigneur Iehan de Montfort, pour sauoir cōment il se veut maintenir, & entamer matiere de paix entre luy & le pais & ladite Dame: qui s'en appelle Duchesse. Puis sur ce que lesdits traiteurs trouueront en luy, & en son Conseil, vous aurez aduis. Au fort, il vaudroit mieux q̄ il demourast Duc de Bretagne (pourueu qu'il le voufist recongnoistre de vous, & vous en fist toutes droitures: ainsi que Sire feal doit faire à son seigneur) que la chose fust en plus grād peril. A ces parolles entēdit le Roy de Frāce volontiers: & furent adonc aduisez & ordonnez en Frāce, messire Iehan de Craon, † Archeuesque de Reims, le Sire de Craon, son cousin, & messire Bouciquaut, pour aller à ce voyage, deuant Campercorantin, & là parler & traiter au Comte de Montfort, & à son Conseil, sur l'estat, que vous auez ouy. Si se partirent ces trois Seigneurs dessus-nōmez (quand ils furent aduisez & informez de ce, qu'ils deuoient faire & dire) & tant exploiterent, par leurs iournées, qu'ils vindrent au siege des Bretons & des Anglois, deuāt Campercorantin: & se nommerent messagers du Roy de France. Le Côte de Montfort, messire Iehan Chandos, & ceux de son Conseil, les recueillirent moult ioyeusement. Si remonstrerent ces Seigneurs, bien & sagement, ce, pourquoy ils estoient là enuoyez. A ce premier traité respondit le dit Côte de Montfort, qu'il s'en cōseilleroit: & y assigna iournée. Ce temps pēdant vindrent seiourner ces trois Seigneurs de Frāce en la cité de Rēnes. Si enuoya en Angleterre le Comte de Montfort le Sire de Latumer, pour remonstrer au Roy ces traitez, & quelle chose il en cōseilleroit. Le Roy d'Angleterre (quand il fut informé (dit qu'il cōseilloit bien le Côte de Mōtfort à faire paix: mais que la Duché luy demourast: & aussi qu'il recōpēfast ladite Dame (qui Duchesse s'estoit appelée) d'aucune chose: biē & hōnestemēt: & luy assignast sa rente, en certain lieu: là ou elle la peust auoir sans dāger. Le Sire de Latumer rapporta arriere tout le cōseil, & la respōse du Roy d'Anglet. au Côte de Montfort, qui se tenoit à Cāpercorātin. Depuis ces lettres veuēs, & ces responces ouies, messire Iehan de Montfort & son conseil enuoyerent deuers les messagers du Roy de France (qui se tenoient à Rēnes) & ceux vindrent en l'ost. Là leur fut responce donnée, & faite bien & courtoisement: & leur fut dit que messire Iehan de Montfort ne se departiroit du chalāge de Bretagne, pour chose qu'il aduēsist: fil ne demouroit Duc de Bretagne: ainsi qu'il se tenoit & appeloit. Mais (là ou le Roy luy feroit ouurir paisiblement citez, villes, & chasteaux, & rendre fois & hommages, & toutes droitures: ainsi que les Ducs de Bretagne anciēnement l'auoient tenue) il le recongnoistroit volontiers à Seigneur naturel: & luy feroit hōmage & seruice, presens les Pers de Frāce: & * encores, pour cause de leur affinité & parété, il aideroit aussi & recōforteroit sa coufine, la femme à Monseigneur Charles de Blois: & aideroit aussi à deliurer ses cousins, Iehan & Guy: qui estoient prisōniers en Angleterre. Ceste responce pleut bien à ces Seigneurs de France, qui là auoient esté enuoyez. Si prindrent iour & terme de l'acce-

*Remonstrances
du conseil de
France au Roy
Charles, pour
le fait de Bre-
tagne,*

† *Il y auoit sim-
plemēt Arche-
uesque, mais
nous y auons
adiouste de
Reims, selon
les Annal. de
Fr. & de Bret.*

*Pour parlé de
paix entre les
messagers du
Roy Charles et
Comte de Mōt-
fort, pour la Dis-
ché de Bret.*

*Response du Cō-
te de Montfort
aux messagers
du Roy Char-
les, sur le pour
parlé de la
paix de Bret.
* Anno. 100.*

Conclusion de la paix de Bre. entre Iehan de Montfort & la venue Charles de Blois.

Charles 5. rend la terre d'olivier de Clisson fils de celui qui fut decapité du regne de Phil. de Valois.

Paix entre les Rois Charles de France & de Navarre qui peut estre du commencement de 1365. comme nous auons nagueres noté.

Le Capital de Buz, renonce à l'hommage de la chastellenie de Nemours: que le Roy Charles luy auoit baillee.

† Sala dit ainsi, mais ie n'en trouue rien en l'histoire de Naples ny ailleurs

pter, ou non: & on le leur accorda legéremēt. Tantoist ils l'enuoyerent deuers le Duc de Aniou: qui s'estoit retrait à Angers, & auquel le Roy auoit remis toutes les ordonnances du faire ou du laisser. Quand le Duc d'Aniou veit les traitez, il se conseilla sur iceux, vne grande espasse de temps, & luy bien conseillé, il les accepta, & reuindrent arriere deux Cheualiers, qui enuoyez auoient esté deuers luy: & rapporterent la responce dudit Duc d'Aniou, scellée. Si se partirēt de Rēnes les dessusdits messagers de Frāce, & s'en vindrēt à Câpercorātin: & là finalement fut la paix faite, accordée, & scellée, de Mōseigneur de Mōtfort. Et adonc demoura Duc de Bretagne: par tel si, q̄ (fil n'auoit enfans de sa chair, par loyauté de Mariage) la terre, apres son deces, deuoit retourner aux enfans Monseig. Charles de Blois. Et la dame (qui fut fēme à messire Charles de Blois) fut Cōtesse de Pōthiēure: laq̄lle terre pouuoit valoir, par an, enuiron vingt mille frācs: & tāt luy deuoit-on faire valoir. Et deuoit ledit messire Iehan de Mōtfort venir en France, quād mādē y seroit, pour faire hōmage au Roy de Frāce, & recognoistre la Duchē de luy. Et de tout ce print on chartes & instrumens publicques, & lettres grossoyées, & sellées de l'vne partie & de l'autre, Et par ainsi entra le Comte de Montfort en Bretagne: & demoura Duc vn temps, & iusques à ce qu'autres nouuelles de guerre reuindrent, comme vous orrez recorder en-auant en l'Histoire. Avec toutes ces choses, parmi l'ordonnance de la paix, reut le Sire de Clisson toute la terre, que le Roy Philippe iadis luy auoit ostée: & la luy rendit le Roy Charles de France, & encores de l'autre assez. Celuy Sire de Clisson sacointa du Roy de France: & faisoit tout ce qu'il vouloit: & sans luy n'estoit riens fait. Si fut le pais de Bretagne tout ioyeux, quād ils se trouuerēt en paix: & print ledit Duc les fois & hommages des citez, des villes & des chasteaux, & de tous les Prelats & Gētilshōmes. Assez tost apres se maria le Duc à la fille de Madame la Princesse de Galles (que elle auoit euē de messire Thomas de Holande) & en furēt les noces faites, en la bōne cité de Nantes, moult grandes & moult nobles. Encores aduint en cet Yuer, que la Roynne Iehanne, ante du Roy de Nauarre, & la Roynne Blanche, sœur d'iceluy, pourchacerēt & exploiterēt tāt, que paix fut faite & accordée entre le Roy de Frāce & le Roy de Nauarre, parmi l'aide & le grād sens de Monseigneur le Captal de Buz: qui y meit grād peine: & parmi ce, fut quitte de sa prison: & luy mōstra le Roy de Frāce grād signe d'amour: & de fait luy donna le beau chastel de Nemours, & toutes les appartenances & appendances de la chastellenie (ou bien appartiennent trois mille francs de reuenue: & en deuint hōme au Roy de France ledit Captal. Duquel hommage ledit Roy de France fut moult grādement réiouy: car il aimoit moult le seruice d'vn tel Cheualier cōme le Captal de Buz estoit pour ce temps. Mais il n'y fut mie trop longuement: car (quand il reuint en la Principauté, deuers le Prince: qui estoit informé de ceste ordonnāce) on le blasma moult fort & luy dit on, qu'il ne se pouuoit acquitter loyaumēt à seruir deux Seigneurs: & qu'il estoit trop conuoiteux, quād il auoit prins terre en France: ou il n'estoit aimé ny honoré. Quād il se veit en ce parti, ainsi receu & appelé du Prince de Galles son naturel Seigneur, il fut tout vergongneux: & s'excusa: disant qu'il n'estoit mie trop fort lié au Roy de France: & que bien pouuoit défaire tout ce, que fait auoit. Si enuoya par vn Escuyer son hommage au Roy de France: & renonça à tout ce, que donné luy auoit: & demoura delez le Prince. Parmi la composition & ordonnance de la paix, qui se fit entre le Roy de France & le Roy de Nauarre, demourerent audit Roy de France la ville de Mante & de Meulenc, & le Roy luy rendit autres chasteaux en Normandie. En ce tēps se partit de France messire Louis de Nauarre, & passa outre en Lombardie, pour espouser la Roine de Naples, & à son depart emprunta du Roy de France, sur aucuns chasteaux qu'il tenoit en Normandie, soixante mille francs. † Mais depuis qu'il eut espousé ladite Roine, ne vesquit gueres longuement. Dieu luy pardoint ses fautes: car il fut moult bon Cheualier & courtois.

De la guerre d'Espagne entre le Roy Dom Pietre de Castille, & Henry son frere bastard: à l'aide duquel messire Iehan de Bourbon & Bertrād du Guesclin menerent les pillars des Compaignies, pour en vider la France: & comment iceluy Henry fut couronné Roy de Castille, par leur moyen.

CHAP.

CCXXX.

† Tousiours 1365.

EN ce temps † estoient ces Compaignies si grandes en Frāce, qu'on ne sauoit que faire: car les guerres du Roy de Nauarre, & celles de Bretagne, estoient faillies. Si auoient ses Compaignons, qui poursuyuoient les armes, apprins à viure de pillage, & d'auantage

d'auantage. Si ne fen pouuoient, & aussi ne vouloiēt tenir, n'abstenir: & tout leur recours estoit en France: & appelloient ces Compaignons le Royaume de Frāce leur chambre. Toutesfois ils n'osoient conuerſer en Aquitaine: car la terre ne les eust mie soufferts: & aussi, à vray dire, la plus grāde partie des Capitaines estoiet Gascōs & Anglois, & hōmes du Roy d'Angleterre, ou du Prince (aucuns Seigneurs Bretōs y auoit: mais c'estoit petit) dequoy moult de bōnes gēs du Royaume de Frāce murmuroiēt, & parloiēt sur la partie du Roy d'Angleterre & du Prince: & diſoiēt, couuertemēt qu'ils ne s'acquittoiet mie biē enuers le Roy de Frāce: quand ils n'aidoiēt à bouter ces malles gens hors dudit Royaume. * Neātmoins ils les auoiēt plus cher arriere d'eux, que delez eux. Si cōsidererent les fages hōmes de France, que, ſon n'y mettoit remede & conseil, ou qu'on ne les cōbatist, ou qu'on ne les enuoyast hors par grand' mise d'argent ils destruiroient le noble Royaume de France, & sainte Chrestientē. Adoncques auoit en Hongrie vn Roy: qui les voufist bien auoir delez luy: & les eust trop bien embeſongnez cōtre les Turcs: à qui il auoit à besongner, & qui luy portoient moult de dommages. Si en escriuit au Pape Urbain, cinquieme (qui estoit pour le temps en Auignon, & qui volon tiers en eust vcu la deliurāce du royaume) & aussi en escriuit deuers le Roy de Frāce, & le Prince de Galles. Si traita l'on deuers les Capitaines: & leur offrit on grand argent, & passages: mais oncques ne sy voulurent consentir: & respondirent que ia ils n'iroient si loing guerroyer: car il fut là dit, entre eux d'anciens compaignons (qui bien cognoissoient le pays de Hongrie) qu'il y auoit de tels destroits, que, ſils sy estoient embattus, iamais n'en iſtroiēt: & les y feroit on mourir de malle mort. Ceste chose les effroya tellemēt, qu'ils n'eurent nul talent d'y aller. Quand le Pape Urbain & le Roy de France veirent qu'ils ne viendroient point à leur intention de ces malles gens (qui ne vouloient point vider, ne partir du Royaume de France: ains y multiplioient tous les iours) si regarderent & aduiferēt vne autre voye. En ce temps auoit vn Roy en Castille (qui s'appeloit Dom Pietre) de merueilleuses opinions plein: & estoit trefrudement rebelle à tous cōmandemens & ordonnances de l'Eglise: & vouloit subiuguer tous ses voisins Chrestiens & especialemēt le Roy d'Arragon (qui s'appeloit Pierre, & estoit bon catholique) & luy auoit tollu vne partie de la terre: & encores se mettoit il en peine de luy tollir le demourant. * Ce Roy Dom Pietre de Castille auoit trois freres bastards, enfans du bō Roy Alphōs, son pere, & d'vne Dame, qui s'appeloit la Riche Done. L'aisné auoit nō Henry: le second, Dom Teille: & le tiers, Sāce. Ce Roy Dom Pietre les hayoit moult fort, & ne les pouuoit delez luy veoir: & volō tiers par plusieurs fois, les eust mis à fin, & decolez, ſil les eust ten⁹. Neātmoins ils auoiēt esté moult aimez du Roy leur pere: & auoit le Roy en son viuāt, dōné à Hēry, l'aisné, la Cōté d'Escōges: mais le Roy Dom Pietre, son frere, la luy auoit tollue: & tous les iours guerroyiēt ensemble. Ce bastard Hēry estoit, & fut mout preux cheualier, & hardi: & auoit grād tēps cōuerſé en Frāce, & poursuiui les guerres, & serui le Roy de Frāce & l'aimoit grādemēt. Ce Roy Dō Pietre (si cōme cōmune renōmée couroit) auoit fait mourir la mere de ces enfās, mout diuersemēt: dequoy il leur déplaisoit: & estoit biē raison. Aussi, avec ce, auoit fait mourir, & exiler plusieurs haux Barōs du royaume de Castille: & estoit si cruel, & si plein d'horreur, que tous ses hōmes le craingnoiēt, & doutoient, & hayoiēt: si mōstrer luy ofassent. Et auoit fait mourir vne tresbōne Dame & sainte: qu'il auoit euē à femme: c'est assauoir Madame Blāche, fille au Duc Pierre de Bourbon, & ſœur germaine à la Royne de Frāce; & à la Cōteſſe de Sauoye: de laquelle mort il dépleut trefgrādemēt à tout sō lignage: qui estoit vn des nobles du mōde. Encores courut vne renōmée, des gens de ce Roy Dom Pietre mesmemēt, qu'il festoit amiablemēt cōposé au Roy de Grenade, * au Roy de Bellemarine, & au Roy de Tresmesairées: qui estoient ennemis de Dieu & incredules. Et se doutoiēt ses gēs, qu'il ne fist aucuns griefs à son pays, & ne violaſt les eglises: car il leur tollut leurs rêtes, & leurs reuenues: & tenoit les Prelats de Sainte-Eglise en prison: & les contraignoit, par maniere de tyrannie. Dōt les grans plaintes venoient tous les iours à nostre Sainēt-Pere le Pape, en suppliant qu'il y voufist mettre remede. Aufquelles prieres & plaintes le Pape Urbain descendit & entendit: & enuoya tantost ses messagers en Castille, deuers le Roy Dom Pietre, en luy mandant, & commandant, qu'il venſist tātost, & sans delay, en propre personne en Court de Rōme, pour soy lauer, nettoyer, & purger, des villains faits, dont il estoit encoulpé. Ce Roy Dom Pietre, cōme orgueilleux & presomptueux, n'y daigna venir: mais encores villēnia grādemēt les messagers du Sainēt-Pere: dōt il cheut moult fort en l'indignation de l'Egli-

* Annot. 101.

Dom Pietre de Castille & de ses freres bastards.

* Annot. 102.

† Quant à ceste Comté d'Escoges, Salamet descōges & la Chaux destures. Nos Cron. & An. de Fr. de Tristemare, approchant d'une place, nommee Transtamarin en l'histoire d'Esp. de Rodric, Eueſque de Tolede, & encores pl⁹ de Tristamarre en Michel Rits. Voyez le chap. 248. cy apres.

* Anno. 103.

*Dom Pietre de
Castille declaré
inhabile à te-
nir Royaume.*

*Le Bastard Hé-
ry legitimé par
le Pape à tenir
le Royaume de
Castille.*

*Bertrand du
Guesclin deli-
uré de la prisô-
de Iehan Chan-
dos, pour me-
ner les Compai-
gnies en Castil-
le.*

*Messire Iehan
de Bourbô prin-
cipal chef du
voyage de Ca-
stille.*

*† Ce voyage
peut commencer
l'an 1366. à
ma mode, selon
que ie puis com-
prendre des Chr.
et Ann. de
France, et
par la deductio
suivante.*

*† La Chaux
dit ici destan-
ges.*

*Responſe de Dô
Pietre aux Cō-
paignies: qui
luy demandoient
passage pour al-
ler en Grenade*

se, & du Chef de l'Eglise, nostre Saint-Pere le Pape. Si perseuera tousiours celuy mau-
uais Roy Dom Pietre en son peché. Adôcques fut regardé & aduisé cômēt, ne par quel
le voye, on le pourroit battre ou corriger: & fut dit & aduisé qu'il n'estoit mie digne de
porter nom de Roy, ne de tenir Royaume: & fut en plein cōsistoire en Auignô, & en la
chambre du Pape, excōmunié publicquemēt, & declairé & réputé pour bougre & in-
credulc: & fut adôcques aduisé & regardé qu'ô le corrigeroit par ces cōpaignies, qui se
tenoient au Royaume de France, Si furent tantost mâdez en Auignon le Roy d'Arragô
(qui moult hayoit ce Roy Dom Pietre) & Héry, le Bastard d'Espagne. Là fut par nostre
S. Pere le Pape ledit Bastard legitimé à obtenir le Royaume, & ledit Roy Dom Pietre
maudit, & condâné, de la sentence du Pape. Là dit le Roy d'Arragon qu'il liureroit &
ouuriroit passage parmy son Royaume, & administreroit viures & pourueâces pour to-
Gens-d'armes & leurs suyans, qui en Castille aller voudroient & entrer, pour confon-
dre ce Roy Dom Pietre, & le bouter hors de son Royaume. De ceste ordonnance fut
moult éiouv le Roy de Frâce: & meit peine & cōseil à ce que messire Bertrand du Gues-
clin (que messire Iehan Chandos tenoit prisonnier) fust mis à finâce: & il y fut mis, par-
mi cent mille francs, qu'il paya. Si en payerent vne partie le Roy de Frâce & le Pape, &
Henry le Bastard l'autre. Tâtoſt apres sa deliurance, ou traita par deuers les Capitaines
des Compaignies: & leur promet on grand profit à faire: mais qu'ils vouſſent aller en
Castille. A quoy s'accorderēt legéremēt: parmi grād argēt, qu'ils eurent pour departir en-
tre eux. Si fut adôcques ce voyage signifié au Prince de Galles, & à ses Cheualiers & Es-
cuyers, & par especial à messire Iehā Châdos: qui fut prié qu'il vouſſit estre vn des chefs,
auec messire Bertrād: mais il s'excusa, & dit que point il n'iroit. Toutesfois pource ne de-
moura point ce voyage à faire. Si y allerēt de la terre du Prince maints Cheualiers: c'est
à fauoir messire Eustace d'Auberthicourt, messire Hue de Caurellée, messire Gautier
Huet, messire Matthieu de Gournay, messire Perducas d'Albreth, & plusieurs autres. Si
se fit du tout chef de ceste emprise messire Iehā de Bourbô, Côte de la marche pour cō-
treuenger la mort de sa cousine, la Roïne d'Espagne: & deuoit ouurer & vſer (ainſi qu'il
fit) par le cōseil de messire Bertrād du Guesclin: car ledit Côte de la marche estoit adôc-
ques vn moult ieune Cheualier. En ce voyage ci se meit ausſi le sire de Beauieu (qui s'ap-
peloit Anthoine) & plusieurs autres bōs Cheualiers, & tels q̄ messire Arnoul d'Andreg-
hē, Mareſchal de Frâce, messire le Begue de Villaines: le Sire d'Antoing en Haynaut, le
Sire de Brisnel, messire Iehan de Neufuille, messire de Guimars de Bailheul, messire Ie-
han de Berguetes, l'Allemād de Saint-venant, & moult d'autres que ie ne puis tous nō-
mer. Si s'approcherēt, tous ces Gens-d'armes: & aduācerēt leur voyage: & † se meirēt au
chemin: & firent leur assemblée en Lâguedoc, & à Mōtpellier, & là enuiron: & passerent
tous par Narbône, pour aller deuers Parpignā, & entrer, par ce costé, au Roiaume d'Ar-
ragon: & pouuoiet ces Gens-d'armes estre enuiron trente mille. Là estoient tous le chefs
des cōpaignies: c'est assauoir mōseigneur Robert Briquet, mōseigneur Iehā Carſueillée,
Nādô de Bagerāt, Lāny, le Petit Meschin, le Bourg-Camus, le Bourg de l'Espare, Batil-
let, Espiote, Aymemô d'Ortige, Perrot de Sauoye, & moult d'autres, tous d'un accord &
d'une alliance, en moult grand volôté de bouter ce Roy Dom Pietre hors du Royaume
de Castille, & d'y mettre le Côte † d'Esconges, son frere, le Bastard Héry. Ce pēdant le
Roy Dom Pietre (qui iā estoit informé que ces Gens-d'armes vouloiet venir sur luy, au
Royaume de Castille) n'en faisoit autre cōpte: sinon qu'il assembloit ses gens, pour resi-
ſter à l'encontre d'eux, & cōbattre bien & hardimēt à l'entrée de son païs. Quād ils deu-
rent entrer en Arragon, ils enuoyerent deuers luy, pour coulourer & embellir leur fait:
& luy mâderent qu'il vouſſit ouurir passage, & les destroits de son Royaume, & admini-
ſtrer viures & pourueâces aux pelerins de Dieu: qui auoient entrepris, & par grād de-
uotion, d'étrer & d'aller au Royaume de Grenade, pour venger la souffrance de Nostre-
Seigneur, & destruire les incredulcs, & exaucer nostre foy. Le roy Dô Pietre de ces nou-
uelles ne fit q̄ rire: & respōdit qu'il n'en feroit riens: & que iā n'obeyroit à telle truādail-
le. Quād ces Gens-d'armes & Cōpaignons sceurent sa volonté & responſe, ils tindrent
ce Roy Dom Pietre à moult orgueilleux & presomptueux: & se hasterent & aduancerēt
de luy faire le pis qu'ils pourroient. Si passerent tous parmi le Royaume d'Arragon: & le
trouuerent ouuert & appareillé, & par tout viures & pourueances à bon marché: car le
Roy d'Arragon auoit moult grand ioye de leur venue: pource que ces Gēs-d'armes luy
reconqueroient tantost, sur le Roy de Castille, toute la terre entierement, que le Roy
Dom

Dom Pietre atoir iadis conquise, & qu'il tenoit sur luy, de force. Quand ils eurent conquis villes, citez, fortereffes, chasteaux, destroits, ports, & passages, que le Roy Dom Pietre auoit attribuez à luy, du Royaume d'Arragon, messire Bertrand & ses routes les rendirent au Roy d'Arragon: parmi ce que, des ce iour en-auant, il aideroit & conforteroit, Henry le Bastard, contre Dom Pietre. Puis passerent tous ces Gens-d'armes la grande riuere, qui depart Castille & Arragon: & entrerent au Royaume d'Espagne.

Ces nouuelles vindrent au Roy de Castille: & que François, Bretons, Anglois, Normans, Picars, & Bourguignons, estoient entrez en son Royaume, & auoient passé la grosse riuere, qui departoit le Royaume de Castille & d'Arragon, & auoient tout reconquis ce qui estoit par delà l'eau, ou tant il auoit eu de peine au conquerre. Si fut moult fort courroucé: & dit que la chose ne demoureroit pas ainsi. Si fit vn trespecial mandement par tout son Royaume: en disant & signifiant à tous ceux, ausquels ses lettres & ses messages s'adreçoient, qu'il vouloit tantost, & sans nul delay, aller cōbattre ces Gens-d'armes, qui estoient entrez en son Royaume de Castille. Trop peu de gens obeyrent à son commandement, & quand il cuida auoir vne grande assemblee de ses hommes, il n'en eut nulluy: mais le relenquirent & delaisserent les Barons & les Cheualiers d'Espagne: & se tournerent tous deuers son frere le Bastard: & luy conuint s'enfuir: ou autrement il eust esté prins: tant estoit fort hay de ses ennemis & de ses hommes: ne nul ne demoura pour lors delez luy: fors vn loyal Cheualier: qui s'appelloit Ferrand de Castres. Celuy ne voulut oncques relenquir le Roy Dom Pietre, pour aduenture qui luy aduint. Si s'en vint le Roy Dom Pietre à Seville, la meilleure cité d'Espagne. Quand il y fut venu, il ne s'y sentit pas trop asseur: mais fit trouffer & mettre en nefs, & en grans coffres, son tresor: & se partit de Seville, avec sa femme & ses enfans, & Ferrand de Castres, son Cheualier. Si* arriua le Roy Dom Pietre, le soir mesme (comme vn Cheualier debaraté & deconfit) en vne ville de Galice: qu'on dit la Coulongne: ou il y a vn moult fort chastel. Si se bouterent là dedans, luy & sa femme, & ses enfans: c'est assauoir deux ieunes filles, qu'il auoit, nommées Constance & Ysabel: & n'auoit de tous ses hommes, & de tout son Conseil, fors le dessusdit Ferrand de Castres. Or vous dirons de Henry le Bastard, son frere: & comment il perseuera en sa besongne. Ainsi que i'ay dit deuât, ce Roy Dom Pietre estoit si hay de ses hommes, par tout son Royaume de Castille, de chef en chef, pour les grandes & merueilleuses iniustices qu'il auoit faites, à l'occision & destruction des Nobles de son Royaume, par luy mis à fin, & occis de sa propre main que, si trestost qu'ils veirent son frere le Bastard entrer en Castille, avec si grande puissance, ils se tirerent tous par-deuers luy, & le receurent à Seigneur, & cheuaucherent avecques luy: & luy firent ouurir citez, bourgs, villes, & chasteaux, & toutes manieres de ges faire hommage. Et crioient les Espaignols, tous d'une voix, Viue Henry, & meure Dom Pietre: qui nous a esté si cruel, & si malin. Ainsi menerent Henry par tout le Royaume de Castille (c'est assauoir messire* Gomez Garilz, le Grand-maistre de Calatraue, & le Maistre de Saint-Iaques) & firent toutes manieres de gens obeir à luy: & le couronnerent à Roy, en la cité d'Estiraiges: & luy firent tous les Prelats, Comtes, Barons, & Cheualiers, reuerence, comme à Roy: & luy iurerent qu'ils le tiendroient à tousiours mais à Seigneur: & le seruiroient, & luy obeiroient, comme à leur Roy: & en tel estat (se besoing en estoit) mourroient. Si cheuaucha ledit Roy, de cité en cité, & de ville en ville: & par tout luy fit on reuerence, cōme à Roy. Si donna ledit Roy Héry aux Cheualiers estrangers, qui mis l'auoient au Royaume de Castille, grans dons, & riches ioyaux: tāt & si largement, que tous le reputoient pour large & honorable Seigneur: & disoient communément Normans, François, & Bretons, qu'en luy auoit toute largesse, & qu'il estoit digne de viure & de tenir terre, & regneroit encores puissamment & en grande prosperité. Ainsi se veit le Bastard d'Espagne en la seigneurie du Royaume de Castille: & fit ses deux freres, Dom Teille & Sance, chacun Comte, & leur donna grand reuenue & grand profit. Si demoura Roy de Castille, de Galice, de Seville, de Tollette, & de* Leon, iusques adonc que la puissance de Galles & d'Aquitaine le meit hors, remettant le Roy Dom Pietre en la possession & Seigneurie des Royaumes dessusdits: si comme vous ordrez recorder cy-apres en l'Histoire. Quand le Roy Henry se veit en tel estat, & au desus de ses besongnes, & que toutes gens, francs & villains, obeissoient à luy, & le tenoient Roy & Seigneur, & qu'encores n'estoit apparent de nul contraire, qu'on luy voulsist debattre, il imagina, & getta son aduis, pour son nom exaucer, & pour employer ces gens

*Les cōpaignies
estās seuremēt
passées par Arragon,
entrent en Castille.*

*Dom Pietre, abandonné de ses
gens, fuit à Seville, & en
Galice.*

** Anno. 104.*

** Annot. 105.
Couronnement
de Henry, le Bastard,
à Roy de Castille en la
ville d'Estiraiges
(que la Chaux nōme
icy desturges
les Ann. de Bret.
de Estiraiges) le iour de
Pasques 1366
selon les Ann.
de France: qui nōmet
ceste ville Burs, pour
Burgues. à mon aduis
& ainsi le dit Bertrand
du Guesclin. Quant à
moy, ie ne connoy point
encor d'Estiraiges.*

** Annot 106.*

†Maulni,
Annales Bret.
Bertrand du
Guesclin Cōne-
stable du royaume de Castille.

des Compaignies (qui estoient issus hors du Royaume de France) qu'il feroit vn voyage sur le Roy de Grenade. Si en parla à plusieurs Cheualiers, qui là estoient: & en furent bien d'accord. Encores tenoit tousiours delez luy ledit Roy Henry les Cheualiers du Prince (c'estassauoir messire Eustace d'Auberthicourt: messire Hue de Caurellée, & les autres) & leur faisoit & monstroit grand semblant d'amour, en intention de ce qu'il en vouloit estre aidé & serui, au voyage de Grenade: ou il esperoit aller. Assez tost apres son ronnement, se departirent d'auec luy la plus grande partie des Cheualiers de France: & leur fit grans dons au departir: & retournerent le Comte de la Marche, messire Arnoult d'Andreghen, le Sire de Beauieu, & plusieurs autres. Encores demourerent en Castille, delez le Roy Henry, messire Bertrand du Guesclin, messire Oliuier de † Manny, & les Bretons, & aussi les Compaignons, iusques adonc qu'autres nouvelles leur vindrent. Si fut messire Bertrand du Guesclin fait Conestable de tout le Royaume de Castille, par l'accord du Roy Henry premierement, & de tous les Barons du pays. Or vous parlerés du Roy Dom Pietre, & comment il se maintint.

Comment le Roy Dom Pietre, enuoya Prier le Prince de Galles de luy vouloir aider contre son frere, le Bastard Henry: & comment il se retira vers iceluy Prince: qui l'enuoyoit querir, pour le receuoir en Guienne.

CHAPITRE.

CCXXXI.

Le Roy D^o Pietre, estat parti de Galice par mer, y estre pouz sé par le vent.

Vous auez bien ouy cōment le Roy Dom Pietre s'estoit bouté dedās le chāstel de la Coulongne par mer, auec sa femme & ses deux filles, & Dom Ferrand de Castres tant seulement: si que (pendant que le Bastard son frere, par la puissance de Gens-d'armes qu'il auoit attrait hors du Royaume de France, conqueroit Castille, & que tout le pays se rendoit à luy, si-comme cy-dessus est dit) il auoit esté moult fort effroyé. Or n'estoit il mie encores du tout asseuré audit chāstel de la Coulōgne. Car il doutoit trop malement son frere le Bastard: & bien sauoit que (là ou l'on le sauroit) on le viendroit querre de force, & assieger. Si n'auoit attendu ce peril: mais s'estoit parti de nuit, & mis en vne nef, auec sa femme & ses deux filles, & Dom Ferrand de Castres, & tout ce qu'il auoit d'or & d'argent & de ioyaux. Mais ils eurent le vent si contraire, qu'oncques ne se peurent élongner de la Coulongne: & les conuint derechef y retourner, & rentrer en leur forteresse. Adonc demanda le Roy Dom Pietre à Dom Ferrand de Castres, son Cheualier, comment ils se maintiendroyent, en soy complaignant de fortune: qui luy estoit ainsi contraire. Monseigneur (dit le Cheualier) ainçois que vous partiez d'icy, ce seroit bon que vous enuoissiez deuers vostre cousin, le Prince de Galles, à sauoir fil vous vouldroit recueillir: & le prier que pour Dieu, & pour pitié, il vous fist entēdre à vous. car en aucunes manieres il y est tenu, par grandes alliances: que le Roy son pere & le vostre eurent iadis ensemble. Le Prince de Galles est bien si noble, & si gentil de sang & de courage, que, quand il saura & sera informé de vostre ennuy & tribulation, il luy en prédra grande compassion: & si luy vouloit aider à remettre en vostre Royaume, il n'est auourd'huy Sire, qui le sceust faire deuant luy: tant est craint & redouté par tout le monde, & aimé de tous Gens-d'armes. Vous estes bien cy endroit, & en bonne forteresse, pour vous tenir vn grand temps, & iusques à tant que les nouvelles vous seront retournées d'Aquitaine. A ce conseil l'accorda legerement le Roy Dom Pietre: & furent lettres escriptes, moult piteuses & amiables: & vn Cheualier & deux Escuyers, estans priez de faire ce passage, l'entreprindrent volontiers: & tantost se bouterent sur mer: & tant y nagerent, qu'ils arriuerent à Bayonne, vne cité qui se tenoit du Roy d'Angleterre. Si demanderent des nouvelles du Prince: & on leur dit qu'il estoit à Bordeaux. Lors monterent tous à cheual: & firent tant par leur exploit, qu'ils vindrent en la bonne cité de Bordeaux: & se tirerent vers l'hostellerie: & puis, assez tost apres, se tirerent par-deuers l'Abbaye de Saint Andrieu: ou le Prince se tenoit. Si dirēt le Cheualier & les Escuyers, messagers dudit Roy Dom Pietre, aux Cheualiers du Prince, qu'ils estoient Espaignols, messagers de Dom Pietre de Castille. Ces nouvelles vindrent tantost au Prince: qui les voulut veoir, & sauoir qu'ils demandoient. Ceux s'en vindrent par-deuant luy: & se getterent à genoux: & le saluerent, selon leur vsage: & recōmanderent le Roy, leur Seigneur, à luy, & luy baillerent leurs lettres. Le Prince fit leuer lesdits messagers: & print les lettres: & les ouurit: & puis les leut par grand loisir: & trouua comment piteusement le Roy Dom Pietre luy rescriuoit, & luy signifioit ses durtez & pouretez: & comment son frere le Bastard, par puissance des grandes alliances qu'il auoit faites, au Pape premierement & au

Messagers de Dom Pietre de Castille au Prince de Galles.

& au Roy de France, & au Roy d'Arragõ, & aux Compaignies, l'auoiēt bouté hors de son heritage du Royaume de Castille. Si luy prioit pour Dieu, & pour pitié, qu'il y voufist entendre & pourueoir de conseil & remede, si feroit bien & aumosne: & en acqueriroit grace à Dieu, & à tout le monde, car ce n'estoit mie fait en vray Chrestien, de desheriter vn fils legitime, & heriter par puissance de tyrannie, vn Bastard. Le Prince (qui estoit moult vaillant Cheualier, & sage) cloit les lettres en ses mains: & puis dit aux messagers (qui là estoient en presence) Vous nous estes les biens venus, de par nostre cousin le Roy de Castille. Vous demourrez cy, delez nous: & vous ne vous partirez point sans responce. Adonc furēt tantost appareillez les Cheualiers du Prince (qui sauoient quelle chose ils deuoyēt faire) & emmenerent le Cheualier Espagnol, & les deux Escuiers: & les tindrent bien aises. Le Prince (qui estoit demouré en sa chambre, & pensoit grandement à ces nouuelles, & sur ces lettres, que le Roy Dom Pietre luy auoit enuoyées) manda tantost messire Iehan Chandos, & messire Thomas Pheleton: les deux plus especiaux de son Conseil, car l'un estoit grand Seneschal d'Aquitaine, & l'autre Connestable. Quand ils furent venus deuant luy, si leur dit, tout en riant. Seigneurs, veez cy grans nouuelles: qui nous viennent d'Espagne. Le Roy Dom Pietre, nostre cousin, se complaint grandemēt du Bastard Héry, son frere: qui luy a tollu son heritage, & l'en a bouté dehors: si cōme vous auez ouy recorder par ceux, qui en sont venus. Si nous prie, mout doucemēt, sur ce, cōfort & aide: cōme il appert par ses lettres. Adōc derechef les leut le Prince, de mot à mot, par deux fois: & les deux Cheualiers volontiers y entēdirēt. Quand il eut leu lesdites lettres, si dit ainsi. Vous, messire Iehā, & vous messire Thomas, vo^s estes les plus especiaux de mon Conseil, & ou plus ie me fie & arreste. Si vous prie q^e me vueillez conseiller quelle chose en est bonne à faire. Adoncques les deux Cheualiers regarderent l'un l'autre, sans riens dire. Et le Prince derechef les appella: & leur dit. Dites hardiment ce que vous ensemble. Si fut le Prince de Galles conseillé de ces deux Cheualiers (comme ie fu depuis informé) qu'il voufist enuoyer, deuers ce Roy Dom Pietre, Gens-d'armes, iusques à la Coulongne (ou il se tenoit: si comme ses lettres & ses messagers disoyent) & qu'il fust amené à Bordeaux, pour plus pleinement sauoir qu'il voudroit dire: & adonc sur ses parolles ils auroient aduis: & feroit si bien conseillé, que par raison il deuroit suffire. Ceste responce pleut bien au Prince. Si furent priez & ordonnez de par le Prince, d'aller en ce voyage, & querre à la Coulongne en Galice ce Roy Dom Pietre & son demourant de gens, premierement messire Thomas Pheleton, souuerain Chef de ceste armée, & messire Richard de Pontchardon, messire Noel Lornich, messire† Simōn de Burle, & messire Guillaume Tronfseaux: & deuoit auoir, en ceste armée, douze nefes, chargées d'Archers, & de Gens-d'armes. Si firent ces Cheualiers, dessus-nōmez, leurs pourueāces & ordonnāces: tout ainsi que pour aller en Galice. Puis se partirent de Bordeaux, & les messagers du Roy Dom Pietre en leur compaignie: & cheuaucherent deuers Bayonne: & tant firent, qu'ils y paruindrent: & y seiournerent trois iours ou quatre, en attendāt bon vent, & chargeāt & ordonnāt leurs besongnes. Au cinquième iour (comme ils deuoient partir) le Roy Dom Pietre de Castille arriua à Baïonne: & estoit parti de Coulongne en grande doute (& n'y auoit plus osé demourer) & son demourant de gens auecques luy (qui n'estoit pas grande foison) &, de son tresor, tout ce qu'il en auoit peu amener. Si furent les nouuelles de sa venue moult grandes entre les Anglois: & se trahirēt messire Thomas de Pheleton, & les autres Cheualiers & Escuiers deuers luy: & le recueillerent moult doucement: & luy compterent & remonstrent comment ils estoient appareillez & émeus, par le commandement du Prince leur Seigneur, de l'aller querir iusques à la Coulongne, ou ailleurs, se mestier en estoit. De ces nouuelles fut le Roy Dom Pietre moult ioyeux, & en remercia grandement le Prince, & les Cheualiers qui là estoient. La venue du Roy Dom Pietre (qui estoit arriué à Baïonne) signifient messire Thomas & les autres au Prince: qui en fut moult réioui. Depuis ne seiournerent gueres de temps les dessusdits Cheualiers en la cité de Baïonne: mais emmenerent le Roy Dom Pietre de Castille, par deuers la cité de Bordeaux, & tant expellerent, par leurs iournées, qu'ils y vindrent. Mais le Prince (qui moult desiroit veoir son cousin le Roy Dom Pietre) pour plus l'honorer & festoier, issit hors de Bordeaux, accompagné de Cheualiers & d'Escuiers, & vint contre le Roy, & luy fit grande reuerence, quand il l'encontra: & l'honora de fait, & de parolle, moult grandement car bien le pouoit faire, & nul Prince de son temps ne l'eust iceu mieux faire que luy. Quand ils se

*Recueil du prin
ce de Galles
aux messagers
de Dō Pietre.*

*Le Prince de
Galles en con
seil, sur la res
ponce qu'il de
uoit faire aux
messagers du
Roy Dō Pietre.*

*Gens ordōnez
par le Prince
de Galles, pour
luy amener le
Roy Dō Pietre.
† La Chaux dit
Simōn bour
le & Guillau
me trouf
seaux.*

*Le Roy Dom
Pietre recen à
Bayonne, par
les deputés, à
l'aller querir.*

*Le Prince de
Galles au denāt
du Roy Dō Pie
tre, pour le Bie
veigner, pres
Bordeaux.*

† *La Chaux dit*
eneurs qui
moult se hu-
milioit.

Arrivée de Dō
Pietre à Bor-
deaux avec le
Prince de Gal-
les.

Remonstrances
d'aucuns du
Conseil du Prin-
ce pour le diuer-
tir de soutenir
le Roy Dō Pie-
tre, deuant qu'il
fust à Bordeaux

Response du
Prince de Gal-
les à son Cōseil.

furent bien recueillis & réiouis (ainsi comme il appartenoit) ils cheuaucherent deuers Bordeaux, & meit ledit Prince le Roy Dom Pietre au-dessus de luy, n'oncques il ne le voulut faire ne consentir autrement. Là en cheuauchant remonstroit le Roy Dom Pietre au Prince † (qui moult s'humilioit) ses pouretez, & comment son frere le Bastard l'auoit bouté & chacé hors de son Royaume de Castille, & se complaignoit aussi grandement de la deloiauté de ses hommes, car tous l'auoient relenqui, excepté vn Cheualier, qui là estoit, qui luy enseignoit ce que faire deuoit, & s'appelloit Dom Ferrand de Castres. Le Prince moult courtoisement & sagement le reconfortoit, & luy prioit qu'il ne se voufist mie trop ébahir ne décōforter, car fil auoit tout perdu, il estoit bien en la puissance de Dieu de luy rendre sa perte, & plus largement, & de luy faire auoir vengeance de ses ennemis. Ainsi, en parlant de plusieurs choses, & de parolles vnes & autres, cheuaucherent iusques à Bordeaux: & descendirent en l'Abbaye Saint Andrieu, à l'hostel du Prince & de la Princeesse: & fut mené le Roy Dom Pietre en vne chambre: qui estoit ordonnée pour luy. Quand il fut appareillé, ainsi qu'à luy appartenoit, il vint deuers la Princeesse & les Dames: qui le receurent moult courtoisement, ainsi que bien le sauoient faire. Le vous pourroye ceste matiere trop demener, sur leurs festes & leurs éiouissemés. Si m'en passeray briefuement: & vous compteray comment le Roy Dom Pietre exploita deuers le Prince, son cousin: lequel il trouua grandement courtois & amiable, & descendant à ses prieres: combien qu'aucuns de son Conseil luy eussent remonstré & dit ainsi que ie vous diray. Ainçois que ce Roy Dom Pietre fust venu à Bordeaux, aucuns sages Seigneurs, & imaginatifs, tant de Gascongne que d'Angleterre (qui estoient du Conseil du Prince, & qui loyaument, à leur aduis, le deuoyent & le vouloient conseiller) auoient dit au Prince telles parolles, ou semblables. Monseigneur, vous auez ouy dire, par plusieurs fois, que, qui trop embrace, mal estreint. Il est verité que vous estes l'un des Princes du monde le plus prisé, douté, & honoré: & tenez, par-deça la mer, grande terre, & moult belle Seigneurie, & en paix, Dieu merci. Aussi n'y a il nul Roy (soit prochain ou lointain) qui au temps present vous osast courroucer: tant estes renommé de bonne Cheualerie, de grace, & de bonne fortune. Si vous deuroit par raison suffire ce que vous en auez, sans acquerre nul ennemi. Nous le disons, pourtant que le Roy Dom Pietre de Castille (qui maintenant est bouté hors de son Royaume) est vn hōme, qui a esté moult cruel, & plein de mauuaises humeurs: & par luy ont esté faits & endurez maints maux au Royaume de Castille, & maints vaillans hommes décolez & mis à fin sans raison: tellement que par les villains cas, qu'il a faits & consentis, il s'en trouue maintenant deceu, & bouté hors de son Royaume. Auecques tout ce, il est ennemi de l'Eglise, & excommunié du Saint-Pere: & tel est réputé: & a vn grand temps esté comme vn Tyran: & sans nul tiltre de raison, a tousiours greué & guerroyé ses voisins (comme le Roy d'Aragon & le Roy de Nauarre) & eux par puissance voulu desheriter: & fit (si-comme commune renommée court parmi son Royaume, & de ses gens mesmes) mourir sa femme, vne ieune Dame, vostre cousine, fille au Duc de Bourbon. Parquoy, vous y deuriez bien penser, & y regarder. Car tout ce, qu'il a à souffrir maintenant, ce sont verges de Dieu, enuoiées pour le chastier, & pour donner aux autres Rois Chrestiens, & Princes de la terre, exemple qu'ils ne facent mie ainsi. De telles parolles, ou semblables, auoit esté aduisé & conseillé le Prince, deuant ce que le Roy Dom Pietre arriua à Bayonne. Mais à ces parolles & conseil par luy fut respondu en ceste maniere: & dit ainsi. Seigneurs, ie tien, & croy certainemēt, qu'à vostre loyal pouuoir vous me conseillez. Le vous dy que ie suis tout informé de la vie & de l'estat de ce Roy Dom Pietre: & say bien qu'il a fait des maux sans nombre: dont maintenant il se trouue deceu. Mais, pour le present, la cause, qui nous meut & donne courage de luy vouloir aider, est telle que ie vous diray. C'est qu'il ne nous semble pas chose conuenable, qu'un Bastard tienne vn Royaume à heritage, & qu'il boute hors de son Royaume vn sien frere, & hoir de la terre par bon & loyal mariage: & tous Rois, ou enfans de Rois, ne le doiuent nullement consentir, car c'est vn moult grand preiudice contre l'estat Royal. Auecques tout ce, Monseigneur mon pere & ce Roy Dom Pietre ont grand temps eu alliances, & grandes confederations ensemble: par lesquelles nous sommes tenus de luy aider, au cas qu'il nous en prie & requiere. Ainsi fut ledit Prince meū & encouragé de vouloir aider & conforter iceluy Roy Dom Pietre, en son tresgrand besoing: & ainsi respondit il à son Conseil, quand aduisé en fut, n'oncques ne luy peut on oster, ne briser, son dit popos, que tousiours, n'y fust, & de plus

*Promesse du
Roy Dom Pietre
au Prince de
Galles.*

plus, ferme & entier. Quand le Roy Dom Pietre de Castille fut venu deuers luy en ladite cité de Bordeaux, moult s'humilioit enuers ledit Prince: & luy offroit de moult grâs d'ors & grand profit: & si disoit qu'il feroit Edouard, son aîné fils, Roy de Galice, & départiroit à luy, & à ses gens, tresgrand auoir: qu'il auoit laissé derriere, au Royaume de Castille (pour cause qu'il ne l'auoit peu amener avecques luy) & estoit si bien mûc & enfermé que nul ne le fauoit: fors luy, tant seulement. A ces parolles entendoyent les Cheualiers moult volontiers, car Anglois, & Gascons, de leur nature sont volontiers conuoiteux. Si fut conseillé audit Prince, qu'il assemblast tous les Barons de la Duché d'Aquitaine, & son especial Conseil: & qu'il eust à Bordeaux un moult grand Parlement: & là remonstrest le Roy Dom Pietre à tous, comment il se vouloit maintenir, & de quoy il leur satisferoit: si estoit ainsi que le Prince entreprinst de le remener en son pays, & qu'il fist son pouuoir de l'y remettre. Lors furent lettres escrites, & messagers employez, & Seigneurs mandez de toutes parts. Premièrement le Comte d'Armignac, le Comte de Comminges, le Sire d'Albreth, le Comte de Carmang, le Captal de Buz, le Sire de Candé, le Vicomte de Chastillon, le Sire de l'Escut, le Sire de Rosem, le Sire de l'Esparre, le Sire de Chaumont, le Sire de Mucident, le Sire de Tourton, le Sire de Pincornet, & tous les autres Barons & Cheualiers de Gascongne & de Verue. Si en fut fort prié le Comte de Foix: mais il n'y voulut point aller: & s'en excusa: pource qu'adonc il auoit mal en vne jambe, & ne pouoit cheuaucher. Toutesfois il y enuoia tout son Conseil, pour luy.

† La Chaux
Cauale.

† La Chaux
Courton.

† La Chaux
met Byerne.

Mais se croy
qu'il faut Guie

ne par tout et
ne peut y estre
mal leu.

Du grand Parlement, que le Prince de Galles tint à Bordeaux, sur l'affaire du Roy Dom Pietre: & comment, ayant receu lettres du vouloir de son pere, pratiqua le Roy de Nauarre à luy donner passage, pour remener ce Dom Pietre en son Royaume de Castille. CH. CCXXXII.

ACe Parlement (qui fut assigné en la cité de Bordeaux) vindrent les Comtes, les Vicomtes, les Barons, les Seigneurs, & les sages hommes de Xaintonge, de Poictou, de Quercy, de Limosin, de Gascongne, & de toute Aquitaine. Quand ils furent tous venus, ils entrerent en Parlement: & parlementerent, par trois iours, sur l'estat & ordonnance de ce Roy Dom Pietre d'Espagne: qui estoit, & se tenoit tousiours, emmi le Parlement, delez ledit Prince, son cousin: qui parloit & langageoit pour luy, en coulourant ses besongnes. Finalement il fut conseillé audit Prince, qu'il enuoyast suffisans messagers, par deuers le Roy son pere, en Angleterre, pour sauoir quelle chose il luy conseileroit à faire, & quand on auroit eu la responce dudit Roy d'Angleterre, les Barons se mettroient trestous ensemble, & cōseilleroient si bien ledit Prince, que par droite raison il luy deueroit bien suffire. Adonc furent nommez, & ordonnez par le Prince, quatre Cheualiers: qui deuoient aller en Angleterre: c'est assauoir le Sire de la Ware, messire Noel Lornich, messire Iehan, & messire Helie de Pommiers. Si se departit adonc ce parlement ainsi: & s'en alla chacun en son lieu: & demoura le Roy Dom Pietre à Bordeaux, delez le Prince & la Princeesse: qui moult l'honoroiert & festoyoiert. Assez tost apres se departirent les quatre Cheualiers dessusdits (qui estoient ordonnez pour aller en Angleterre) & entrerent en deux nefes: & exploiterent tant par leurs iournées, sur mer, à l'aide de Dieu & du vent, qu'ils arriuerent à Hantonne: & reposerent là un iour, pour eux refreschir, & traire hors des vaisseaux leurs cheuaux, & leurs harnois. Puis monterent le second iour: & cheuaucherent tant par leurs iournées, qu'ils vindrent en la cité de Londres. Si demanderent du Roy, & là ou il estoit: & on leur dit qu'il se tenoit à Windesore. Si allerent celle part: & furent grandement bien-venus & recueillis du Roy & de la Roine: tant pour l'amour du Prince, leur fils, cōme pource qu'ils estoient Seigneurs & Cheualiers de grande recommandation. Si monstrerent celsdits Cheualiers & Seigneurs leurs lettres au Roy: qui les ouurit, & fit lire: & quand il eut un petit pensé, leur dit. Seigneurs, vous vous retirerez: & ie manderay aucuns Barons & sages hommes de mon Conseil, si vous en respondrons & expedierons assez brieffuement. Ceste responce pleut assez à ces Cheualiers, & se tirerent le lendemain à Londres. Il ne demoura gueres de temps depuis, que le Roy d'Angleterre vint à Westmonstier: & là furent à ce iour vne partie des plus grans gens de son Conseil: comme son fils le Duc de Lenclastre, le Comte d'Arondel, le Comte de Sallebery, † le Côte de Manny, messire Regnaud de Gobenghen, le Comte de Perfy, le Sire de Neufuille, & moult d'autres: & aussi, des Prelats, l'Euesque de Wicener, l'Euesque de Lim, & l'Euesque de Londres. Si conseillerent grandement, & longuement, sur les lettres du Prince, & sur la priere qu'il faisoit au Roy son

Messagers du
Prince de Galles,
au Roy son
pere sur l'affaire
de Castille.

† La Chaux dit
le Sire, & au
tant à Perfy:
comme nostre
Auteur mesme
a tousiours fait
cy-deuant: &
quant aux Pre
lats Vaince
stre (duquel ie
doute & Lin
cole etc.
mieux à mon
aduis.

*Respoſe du Roy
d'Ang. ſur l'af-
faire de Caſtille*

*†Ce reſte de
clauſe eſt de la
Chaux.*

*Belles Bourdes
de Dom Pietre
au Prince de
Galles.*

*†La Chaux dit
de Maroeon
ne c'eſt adire
de Raince-
uaux, que i'ay
touſiours ouy
nommer Ron
ceuaux.*

*Parlement ou
Conſeil de Bai-
ne, auquel le
Roy de Nauar-
re fut pratiqué
pour Dom Pie-
tre.
*ſala dit en-
cliner.*

pere. Finalement il ſembla audit Roy, & à ſon Conſeil, choſe deuë & raifonnable au Prince, d'entreprendre à remettre & remener le Roy d'Eſpaigne arriere en ſon heritage: & l'accorderent notoirement: & ſur ce reſcriurent lettres notables, de par le Roy & le Conſeil d'Angleterre, audit Prince, & à tous les Barons d'Aquitaine: & les rapportèrent arriere ceux, qui auoient les autres apportées: & reuindrent en la cité de Bordeaux ou ils trouuerent le Prince & le Roy Dom Pietre: auxquels ils baillèrent aucunes autres lettres: que le Roy d'Angleterre leur enuoyoit. Si fut derechef nommé & assigné vn parlement en la cité de Bordeaux: & y vindrēt tous ceux, qui demâdez y furent. Si furēt là leuës les lettres du Roy d'Angleterre: qui parloyent & deuifoient pleinement, cōment il vouloit que le Prince ſon fils, au nom de Dieu & de Monſieur Saint George, entreprint le Roy Dom Pietre à remettre en ſon heritage: dont on l'auoit à tort, ſans raiſon, & frauduleuſement (comme il apparoiſſoit) bouté hors. Et faiſoiēt encores leſdites lettres dudit Roy mention, que moult eſtoit tenu & obligé par certaines conuenances & alliances, iadis faites & accordées entre luy & le Roy de Caſtille, ſon couſin, de luy aider, ou cas que beſoing ſeroit, & que prié & requis en ſeroit. Et commandoit à tous ſes feaux & prioit à tous ſes amis, que le Prince de Galles, ſon fils, fuſt aidé, conſeillé, & conforté en toutes ſes beſongnes: ſi comme il ſeroit d'eux, ſ'il y eſtoit preſent. Quand tous les Barons d'Aquitaine ouïrent lire ces lettres, & tous les mandemens, & la volonté du Roy, & du Prince leur Seigneur, ſi reſpondirent ioyeuſement: & dirent ainſi. Sire, nous obeyrons volontiers au commandement du Roy, noſtre ſouuerain Seigneur. C'eſt bien raiſon qu'à vous & à luy obeifſons: & auſſi ferons nous, & vous ſeruirons en ce voyage, & le Roy Dom Pietre auſſi: mais nous voulons ſauoir qui nous deliurera & payera noz gages, car on ne met mie hors de leurs hoſtels Gens-d'armes ainſi, pour aller guerroyer en eſtrange pays: † ſans auoir aucune deliurance de paiement. Adoncques regarda le Prince ſur le Roy Dom Pietre, & dit. Sire Roy, vous oyez que noz gens dient, ſi leur en reſpondez, car en vous en tient à reſpondre: qui les deuez mener beſongner. Adoncques reſpondit le Roy Dom Pietre au Prince: & dit. Mon cher couſin, tant que mon or, & mon argent, & mon treſor, que i'ay amené par-deçà (qui n'eſt pas ſi grand de trente fois, que celui de par-delà) ſe pourra eſtendre, ie le vueil donner & departir à voz gens. Dont dit le Prince. Monſieur, vous dites bien, & du ſurplus i'en feray ma debte deuers eux: & vous deliureray & preſteray tout ce qu'il vous faudra, iuſques à tant que nous ſoyons en Caſtille. Par mon chef (reſpondit ledit Roy Dom Pietre) vous me ferez grande courtoisie. Encores en ce parlement regarderent aucuns ſages (comme le Comte d'Armignac, le Sire de Pommiers, meſſire Iehan Chandos, le Captal de Buz, & pluſieurs autres) que ledit Prince de Galles ne pouuoit bonnement faire ce voyage, ſans l'accord & ſans le conſentement du Roy de Nauarre: car il ne pouuoit aller en Eſpaigne ſâs paſſer par ſon pays, & par les deſtroits de † Ranceuaux. Lequel paſſage il n'eſtoit pas bien aſſeuré d'auoir. Car ledit Roy de Nauarre & ledit Roy Henry le Baſtard, auoient de nouuel fait alliances bien grâdes enſemble. Si fut là longuement parlemēté, cōmēt on en pourroit cheuir: & en fin fut dit & conſideré des ſages, qu'un autre parlemēt ſe feroit & ſ'assigneroit en la cité de Bayōne, pour toutes les parties d'Aquitaine: & là en dedans enuoiroit le Prince ſuffiſans hommes & traiteurs, par-deuers le Roy de Nauarre: qui le prieroient, au nō du Prince, qu'il vouſiſt eſtre à ce parlement en la cité de Bayōne. Ce conſeil fut tenu, & ſur ce arreſté: & partit chacun, pour aller au parlement: & eurent chacun en volonté d'eſtre audit parlement à Bayonne, au iour qui mis & ordōné y fut. En ce terme, le Prince enuoya meſſire Iehan Chandos, & meſſire Iehan Phelleton, deuers le Roy de Nauarre: qui ſe tenoit en la cité de Pampelune. Ces deux Cheualiers, cōme ſages & bien en langagez, exploiterent ſi bien par-deuers le Roy de Nauarre, qu'il eut en conuenant, & ainſi le ſeella, d'eſtre en ce parlement, & ſur ce ils retournerent deuers le Prince: à qui ils recorderent ces nouuelles. Au iour, que ce parlement fut assigné en la cité de Bayonne, vindrent le Roy d'Eſpaigne, le Prince, le Comte d'Armignac, le Sire d'Albreth, & tous les Barons de Gaſcogne, de Poictou, de Quercy, de Rouergue, de Xainctonge, & de Limoſin: & là fut le Roy de Nauarre perſonnellement: auquel le Prince & le Roy Dom Pietre firent moult d'honneur: pour ce qu'ils penſoient en mieux valoir. Si eut, en la cité de Bayonne, derechef grand parlement & lōg: & dura cinq iours & eurent ledit Prince & ſon Conſeil moult de peine & de trauail, ainçois qu'ils peuſſent auoir le Roy de Nauarre de leur accord, car il n'eſtoit mie leger à ſentamer: là ou il veoit qu'on

qu'on auoit besoing de luy. Toutesfois le grand pouuoir du Prince le mena à telle fin, qu'il iura, prômet, & seella, au Roy Dom Pietre, paix amour alliance, & cōfederation: & le Roy Dom Pietre aussi à luy, sur certaines cōpositions, qui furēt là ordonnées: desquel les le Prince de Galles fut moyen, traicteur, & diuiseur. C'est assauoir que le Roy Dō Pietre (comme Roy de toute Castille) donna, seella, & accorda, audit Roy de Nauarre, & à ses hoirs, pour tenir hereditablement, toute la terre de Groing (ainsi comme elle festēd par de-çà & par de-là la riuere) & toute la terre & cōtrée de Sauueterre, & la ville, le chaste & toutes les appartenāces, de la ville de Saint-Iehan-du-pié-des-ports, & de la marche de là enuiron. Lesquelles terres, villes, chasteaux, & Seigneuries, il luy auoit tollues iadis, & tenues de force. Avec tout ce, ledit Roy de Nauarre deuoit auoir † vingt mille francs, pour ouurir son pays, & laisser passer paisiblement tous Gens-d'armes, & leur faire administrer viures & pourueances, leurs deniers paiaint: de laquelle somme de Florins il fit sa debte enuers le Roy de Nauarre. Quand les Barons d'Aquitaine sceurent que traitez se faisoient, & que Dom Pietre estoit d'accord au Roy de Nauarre, ils voulurent sauoir qui leur deliureroit & paieroit leurs gages: & le Prince, qui grande affectiō auoit à ce voyage, en fit sa debte enuers eux: & le Roy Dom Pietre au Prince.

Des preparatifs du Prince de Galles, pour remettre Dom Pietre au Royaume de Castille, & comment le Bastard Henry, en estant assez tard aduertis, taschoit à y remedier.

CHAPITRE

CCXXXII.

Quand toutes ces choses furent ordonnées & confermées, & que chacun sceut ce qu'il deuoit faire & auoir, & ils eurent seiourné en la ville de Bayonne plus de douze iours, & ébatu ensembl, le Roy de Nauarre, print congé, & se trahit au Royaume de Nauarre, dont il estoit parti, & se departirēt ces Seigneurs, les vns des autres: & se retrahit chacun en son lieu. Mesmement le Prince s'en vint à Bordeaux: & le Roy Dom Pietre demoura à Bayonne. Si enuoya tantost ledit Prince, en Espagne, ses Heraux, deuers ses Cheualiers, & deuers aucuns Capitaines (qui estoient Anglois & Gascōs, fauorables & obeissans à luy) pour leur dire & signifier qu'ils se retrahissent tout bellement, & prinssent dudit Bastard congé, car il auoit mestier d'eux: & les employeroit ailleurs. Quand les Heraux, qui ces lettres & ces nouuelles apporterent en Castille deuers les Cheualiers du Prince, vindrent deuers eux, & ils veirent & congurent qu'il les remandoit, si prindrent congé du Roy Héry, le plus tost qu'ils peurent, & le plus courtoisemēt, sans eux decouurir, ne l'intention du Prince. Le Roy Henry (qui estoit large, courtois, & honorable) leur donna moult doucement de beaux dons: & les remercia moult grandement de leur seruice. Si partirent d'Espagne messire Eustace d'Auberthicourt, messire Hue de Caurellée, messire Gautier Huet, messire Matthieu de Gournay, messire Iehan d'Eureux, & leurs routes, & plusieurs autres Cheualiers & Escuiers (que ie ne puis pas tous nommer) de l'hostel du Prince: & reuindrent plus tost qu'ils peurent. Encores estoient les Compagnies esparfes parmi le païs. Si ne sceurent mie ces nouuelles aussi tost, que les Cheualiers, cy-dessus-nommez, firent. Toutesfois, quād il les sceurent, ils se meirent ensemble, & se recueillirent, au retour, messire Robert Briquet, Iehan Treuelle, messire Rebours, messire Perducas d'Albreth, messire Garfis du Chast, Naudon de Bagerant, le Bourg de l'Esparre, le Bourg † Camus, & le Bourg de Bretueil. Mais le Roy Henry ne sceut mie ces nouuelles, ne que le Prince voulust ramener le Roy Dom Pietre son frere, aussi tost que firent les dessusdits: & bien leur besongna. Car, sil l'eust sceu, ils ne fussent mie partis si legerement, qu'ils firent: car bien estoit en sa puissance d'eux porter contraire, & détourbier. Toutesfois, quand il en sceut la verité, il n'en fit pas grand compte, par semblant: & neantmoins en parla à messire Bertrand du Guesclin: qui estoit encores delez luy. Si luy dit. Sire Bertrand, regardez du Prince de Galles. On nous a dit qu'il nous veut guerroyer, & remettre ce luy (qui s'appelle Roy d'Espagne) en nostre Royaume par force. Et vous, qu'en dites vous? Aquoy respondit messire Bertrand. Il est bien si vaillant Cheualier, que, puis qu'il l'a entrepris, il en fera son pouuoir. Si vous di que vous faciez biē garder voz destroits, & voz passages, de tous les costez: en sorte que nul ne puisse passer, n'entrer, n'isir de vostre Royaume, fors que par vostre congé: & taindis tenez à amour toutes voz gens, le say de verité que vous aurez en France grande aide de maints Cheualiers: qui volontiers vous seruiron. Si m'en retourneray par-delà, par vostre congé: & ie say biē que ie vous trouueray par-delà moult d'amis: & vous y en

† Fustēt frācs ou Florins, car Sala tient l'un et la Chaux l'autre: cōme ils sent to^{deux} en ceste clause, tous ces deux Abr. ticmēt pour le nōbre de six vingt mille, mieux à mō aduis: nonobstant que les Ann. de Bret. dient vingt quatre mille francs.

Plusieurs Cheualiers, et Capitaines de Compaignies, partirent d'Espagne au mandemēt du Prince de Galles.

† Le liure de Bertrand du Guesclin dit le Bourg de Cōminges, le faisant frere du Comte de Comminges.

Conseil de Bertrand du Guesclin au Roy Héry, Bastard de Castille, contre le Prince de Galles, & Dom Pietre.

Retour de messire Bertrand du Guesclin en France, pour moïensecours au Roy Henry de Castille, contre le Prince de Galles, voulant restablir Dom Pietre en son Royaume.

Le Roy Henry de Castille s'assure du Roy d'Arragon.

La peine, qu'enrent aucunes Cōpaignies à leur retour d'Espagne en Aquitaine.

Iehan Chandos au deuant des Cōpaignies.

† Le doute qu'il n'y faille d'Auch.

† La Chaux dit Bascle.

Iehan Chados assure les Cōpaignies, pour le voyage du Prince de Galles.

acquerray le plus que ie pourray. Par ma foy (dit le Roy Henry) vous dites bien: & du surplus ie m'en ordonneray à vostre volonté. Ne demoura gueres de temps apres, que messire Bertrand se partit: du Roy Henry, & s'en vint en Arragon: ou le Roy le recueillit ioyeusement: & fut bien quinze iours delez luy: & puis s'en partit: & tant fit par ses iournees, qu'il vint à Montpessier: & là trouua le Duc d'Anjou: qui le receut moult ioyeusement: car mout l'aimoit. Quand il eut esté vn terme delez luy, il s'en partit: & s'en reuint en France, deuers le Roy: qui le receut à tresgrande ioye. Quand les certaines nouuelles se pandirent en Espagne, en Arragon, & au Royaume de France, que le Prince de Galles vouloit remettre le Roy Dom Pietre au Royaume de Castille, si en furent plusieurs émerueillez: & en parlerent en mainte maniere. Les aucuns disoient que le Prince entreprenoit ce voyage par orgueil & presumption, & qu'il estoit courroucé de l'honneur que messire Bertrand auoit eu de conquerre tout le Royaume de Castille, au nom du Roy Henry, & de le faire Roy. Les autres disoient que pitié & raison le mouuoit à ce que de vouloir aider au Roy Dom Pietre remettre en son heritage, car ce n'estoit mie chose raisonnable d'un Bastard tenir Royaume, ny auoir nom de Roy. Et ainsi estoient, par le monde, plusieurs Cheualiers & Escuyers en diuerfes opinions. Toutesfois le Roy Henry rescriuit tantost deuers le Roy d'Arragon: & y enuoya grans messagers, en luy priant qu'il ne se voulsist nullement accorder ne composer deuers le Prince, ne ses alliez car il estoit, & vouloit estre, son bō voisin & ami. Le Roy d'Arragon (qui moult l'aimoit, car du temps passé il auoit trouué le Roy Dom Pietre moult hautain) l'assura que nullement, ne pour perdre grande partie de son Royaume, il ne falleroit avecques le Prince, n'accorderoit au Roy Dom Pietre: mais ouvroit son pays, pour laisser passer toutes manieres de gēs, qui en Espagne voudroyent aller (tant de France, que d'ailleurs) à son aide & confort: & empescheroit tous ceux, qui le voudroient greuer. Ce Roy d'Arragon tint bien ce qu'il promeit au Roy Henry. Car (aussi tost qu'il sceut, de verité, que le Roy Dō Pietre estoit aidé du Prince, & que les Compaignies tendoient celle part) il fit clorre tous les pas d'Arragō, & iceux garder bien & estroitement: & meit Gens-d'armes & & guetteurs sur les mōtaignes, & es destroits de Cathelōgne: si que nul n'y pouuoit passer, fors en grand peril. Mais les Compaignies trouuerent vn autre chemin: & eurent trop de maux & de pouuretez, ainçois qu'ils peussent issir hors des dāgers d'Arragō. Toutesfois ils vindrent sur les marches de la Comté de Foix: & trouuerēt ledit pays de Foix clos contre eux. Car ledit Comte nullement ne vouloit que telles gens entraissent en sa terre. Si vindrēt nouuelles au Prince (qui pour le temps se tenoit à Bordeaux, & pensoit, & imaginoit nuit & iour, comment à son hōneur il pourroit fournir ce voyage) que ces Compaignons ne pouuoient passer, ne retourner en Aquitaine, & que les pas d'Arragon & de Cathelongne estoient deuoyez & clos, & qu'iceux Compaignons estoient à l'entrée de la Comté de Foix, nō pas trop à leur aise. Si se douta ledit Prince, que le Roy Henry & le Roy d'Arragon ne retirassent par aucune contrainte, ou par grans dons & par promesses, ces Gens-d'armes (qui estoient bien douze mille, & desquels il esperoit auoir confort) & qu'ils ne fussent à l'encontre de luy. Si s'aduisa ledit Prince qu'il leur en uoyeroit messire Iehan Chandos, pour traiter avec eux, & les retenir: & qu'il enuoyeroit aussi par-deuers le Comte de Foix, le priant, par amour, qu'il ne voulsist faire contraire à ces Compaignies: & que tout le dommage, qu'ils feroient sur sa terre, il luy rendroit mieux au double. Ce message, à faire pour son Seigneur, entreprint messire Iehan Chados: & se partit de Bordeaux: & cheuaucha deuers la cité † d'Ast en Gascōgne: & tāt exploita par ses iournees, qu'il vint en la Comté de Foix: ou il trouua ledit Comte de Foix de bon accord: & le lascia passer outre, parmi son pays, paisiblement. Si trouua les Compaignies en vn pays, qu'on dit † Baselle. Là traita il à eux: & exploita si bien, qu'ils eurent tous en conuenant de seruir & aider le Prince en ce voyage, parmi grand argent, qu'ils deuoient auoir de prest: & tout ce leur iura ledit messire Iehan Chandos. Si vint de-rechef deuers ledit Comte de Foix: & luy pria, moult doucement, que ces gens (qui estoient au Prince) il voulsist souffrir & laisser passer par vn des bouts de sa terre. Le Côte (qui vouloit estre agreable à iceluy Prince, & qui estoit son hōme en aucune maniere) pour luy complaire luy accorda: parmi tant, qu'ils ne deuoient point faire nul dōmage à luy, ny à sa terre. Ce que messire Iehan Chados luy eut en conuenāt: & enuoya arriere vn sien Escuyer, & vn Heraut, deuers ses Cōpaignies, & tout le traité qui estoit entre luy & le Côte de Foix: Puis s'en retourna deuers le Prince à Bordeaux, & là luy recorda tout son

son voyage, & comment il auoit exploité. Le Prince (qui le croyoit & aimoit) se tint bien content de son exploit, & de son voyage. En ¶ ce temps estoit le Prince en la droite fleur de sa ieunesse: & ne fut oncques lassé ne saoulé (depuis qu'il se commença premierement à armer) de guerroyer, & de tendre à tous haux faits-d'armes: & encores à ceste entre-prise dudit voyage d'Espaigne, & de remettre en son Royaume, par force d'armes, ce Roy chacé, honneur & pitié le mouuoient. Si en parloit souuent à messire Jehan Chandos, & à messire Thomas de Phelleton (qui estoient les plus especiaux de son Conseil) en demandant qu'il leur en sembloit. Ces deux Cheualiers luy disoient bien. Monseigneur, certes c'est plus grâde emprise, sans comparaison, que ce ne fut de bouter le Roy Dom Pietre dehors de son pays, car il estoit hay de ses hommes: & tous le relenquirent quand il cuida estre aidé. Or iouit & possède à present tout le Royaume ce Bastard Roy & toute entierement à l'amour des Nobles, des Prelats, & de tout le demourant: & l'ont fait Roy: & parainssi le voudront tenir en celuy estat: comment qu'il soit. Si auez grand mestier que vous ayez en vostre compaignie grande foison de bons Gens-d'armes, & d'Archers: car vous trouuerez bien à qui combattre quand vous viendrez en Espaigne. Si vous conseillons que vous rompiez la greigneur partie de vostre vaisselle & tresor (dont vous estes bien aisé maintenant) & en faites monnoye, pour departir largement aux Compaignons, desquels vous serez serui en ce voyage, & qui pour l'amour de vous iront (car pour le Roy Dom Pietre n'en feront ils riens) & si enuoyez deuers le Roy vostre pere, en luy priant que soyiez aidé de cent mille francs: que le Roy de France doit enuoyer en Angleterre dedans brief temps. Si prenez par tout finance, ou vous la pourrez trouuer & auoir (car bien vous fera besoing) sans tailler voz hommes, ne vostre pays & vous en ferez mieux aimé & serui de tous. Ace cōseil, & plusieurs autres bōs & loyaux que les Cheualiers luy donnerent, se tint le Prince de Galles: & fit rompre & briser les deux parts de sa vaisselle (tant d'or que d'argent) & en fit faire & forger monnoye, pour donner & departir largement aux Cōpaignons. Auec ce, il enuoya en Angleterre, par deuers le Roy son pere, pour impetrer les cent mille frâcs, dont ie parloye ores. Le Roy d'Angleterre (qui sentoit assez les besongnes du Prince son fils) les luy accorda legement: & en escriuit au Roy de France, & luy en enuoya lettres de quittance. Si furent les cent mille francs en telle façon deliurez aux gens du Prince, & departis à toutes manieres de Gens-d'armes. Vne fois estoit en recreation le Prince de Galles en sa chambre, en la cité d'Angoulesme, avec plusieurs Cheualiers de Gascongne, de Poictou, & d'Angleterre: & bourdoit à eux, & eux à luy, de ce voyage d'Espaigne, & fut du temps que messire Jehan Chandos estoit outre, apres les Compaignies. Si toutna son chef deuers le Sire d'Albreth: & luy dit, Sire d'Albreth, à quelle quantité de gens pourriez vous biē seruir en cē voyage? Le Seigneur d'Albreth fut tost appareillé de respondre: & luy dit, Monseigneur, si ie vouloye prier tous mes amis (c'est à dire tous mes feaux) i'auroye biē mille Lances, & toute ma terre gardée. Par mon chef (dit le Prince) Sire d'Albreth, c'est belle chose. Et lors regarda sur le Seigneur de Phelleton, & sur aucuns Cheualiers d'Angleterre: & leur dit, en Anglois, Par ma foy on doit bien aimer la terre, ou l'on a vn tel Baron: qui peut seruir son Seigneur à mille Lances. Apres il retourna derechef sur le Seigneur d'Albreth: & dit, de grande volonté Sire d'Albreth, ie les retien tous. Ce soit au nom de Dieu, Monseigneur, dit le Sire d'Albreth. De ceste retenue deut depuis aduenir grand méchef: comme vous orrez ça-avant en l'Histoire.

†Toujours.
1366.

Cōseil de Jehan Chandos, et de Thomas de Phelleton, au Prince de Galles, pour luy faire auoir monnoie

Le Prince de Galles fait briser sa vaisselle en monnoie d'or et d'argent pour son voyage de Castille.

Comment le Comte de Narbonne, le Seneschal de Toulouze, & quelques autres Seigneurs François, ayans assailli certaines Compaignies, venues au mandement du Prince de Galles, furent déconfits pres Montauban: & comment le Pape deffendit aux prisonniers, que ces Compaignies auoyent laschez sur leur Foy, apres le faict-d'armes, de ne leur payer aucune rançon.

CHAP.

CCXXXIII.

OR retournons nous aux Compaignies: qui s'estoient alliees & accordées avecques le Prince. * Si vous dy qu'ils eurent moult de maux, ainçois qu'ils fussent rentrez en la Principauté. Quand ils se veirent hors des dangers de Cathelongne & d'Arragon ils se partirent en trois routes: & par l'accord du Comte de Foix, du Comte d'Armignac, & du Seigneur d'Albreth, l'une des parties s'en alla costoyant Foix & Toulouze: l'autre, la Côte d'Armignac, & la tierce s'en alla vers Albreth. En la premiere route estoit la plus grand' partie des Gascons: & s'en venoient ces Compaignons (qui pouuoient bien

* Anno 107.

† Sala dit ar-
chiers & brin
gans.

Cours des
François du
Côte de Narbō
ne iusques pres
Montauban ou
s'estoient reti-
rés quelques
uns des Com-
paignies.

Propos du Ca-
pitaine de Mon-
tauban & du
Comte de Nar-
bōne sur la rai-
son des courses
precedentes.

estre enuiron trois mille) par routes & par cōpagnies (en l'une trois cēs, & en l'autre quatre cēs) deuers l'Euesché de Toulouze: & Mōtauban. Adonc auoit vn Cheualier de Frāce à Seneschal de Toulouze: qui s'appelloit Guy d'Azay. Quand il entendit que ces Cōpaignies approchoient, & cheuauchoiēt en routes, & ne pouuoient estre en somme plus de trois mille combattans (qui encore estoient foulez, mal armez & mal mōtez, & pis chauffez & habillez) si dit qu'il ne vouloit pas que telles gens approchassent Toulouze, ne le Royaume de France, pour eux recouurer: & dit qu'il iroit au-deuant, & qu'il les combatroit au plaisir de Dieu. Si signifia tantost son intention à Monseigneur Amory, Comte de Narbonne, & au Seneschal de Carcassonne, & à celui de Beaucaire, & à tous les Cheualiers, Escuyers, & Officiers de là enuiron, en eux mandant & requerāt aide, pour eux aider à garder les frontieres, contre ces malles Compaignies. Tous ceux, qui mandez & priez furent, obeyrent, & hastèrent, & vindrent, au plus tost qu'ils peurent, en la cité de Toulouze: & se trouuerent iusques à cinq cens Lances, Cheualiers & Escuyers & bien quatre mille † ribaux: & se meirent tous sur les champs, deuers Montauban, à sept lieues de Toulouze. Les premiers, qui venoyent, & venus estoient, cheuauchoyent tousiours auant, attendant leurs compaignons. Quand le Comte de Narbonne & messire Guy d'Azay (qui se faisoient souuerains, & meneurs de tous ces Gens-d'armes) furent partis de la cité de Toulouze, ils s'en vindrent loger assez pres de Montauban: qui pour lors se tenoit en l'obeyssance du Prince: & en estoit Capitaine pour lors vn Cheualier, qui s'appelloit messire Jehan Comes. Si euenoyent ces Seigneurs de Frāce leurs Coureurs deuant Montauban pour attirer hors quelques uns de ces Compaignons, qui y estoient arriuez, & s'y tenoient, avecques messire Robert Cem. Quand le Capitaine de Montauban entendit que les François estoient venus à main armée, & à ost, deuant sa forteresse, si fut émerueillé: pourtant que la terre estoit du Prince. Si vint aux baillies de ladite forteresse: & fit tant que par assurance il parla aux Coureurs: & leur de manda qui là les auoit euenoyez, & pourquoy ils sauācoiēt de courir sur la terre du Prince: qui estoit voisine, & deuoit estre amie, avec le corps du Seigneur, au Royaume & au Roy de France. Ceux respondirent: & dirent. Nous ne sommes mie de noz Seigneurs, qui cy nous ont euenoyez, chargez de vous rēdre de ce response: mais, pour vous appaiser, si vous voulez venir, ou euenoyer, par deuers noz Seigneurs, vous en aurez certaine respōse. Ouy (dit le Capitaine de Mōtaubā) Je vous prie q̄ vous vo' retracez par-deuers eux: & leur dites qu'ils m'euenoyent vn saufconduit (par quoy ie puisse aller à eux: & retourner arriere) ou qu'ils m'euenoyent dire tout plainemēt pourquoy, ny à quel tiltre, ils me font guerre, car, se ie cuidoye q̄ ce fust tout à certes, ie le signifieroye à Mōseigneur le Prince: qui y pouruoyeroit de remede. Ceux respondirent, Tresvolontiers. Si retournerent, & racompterent à leurs Seigneurs toutes ces parolles. Ce saufconduit fut impetré au nō de messire Jehā, & apporté à Montaubā. Adōc se partit luy cinquiesme, tāt seulmēt: & vint au logis des dessusdits Frāçois: & trouua lesdits Seigneurs: qui estoient tous appareillez de le receuoir: & aduisez de luy respōdre. Il les salua: & ils luy rēdirēt son salut. Puis leur demāda à quelle cause ils auoient euenoié courir, à main armée, par-deuāt sa forteresse: qui se tenoit de Monseigneur le Prince. Ils respondirēt. Nous ne voulons nullemēt enuahir personne, ny faire guerre: mais nous voulōs noz ennemis chacer, ou que les sauons. Et qui sont voz ennemis? & là ou ils sont? dit le Cheualier. Ou nom de Dieu (respondit le Côte de Narbonne) ils sont dedans Montauban & sont robeurs & pilleurs qui ont durement couru sur le Royaume de Frāce. Et aussi, messire Jehan, se vous estiez biē courtois à voz voisins, vous ne les deuriez mie soustenir à piller & à rober les pources gēs, sans nul tiltre, car par tel tiltre s'émouuerēt les haines entre les Seigneurs. Si les mettez hors de vostre forteresse: ou autremēt vous n'estes mie ami au Roy, ny au Royaume de France. Seigneurs (respondit le Capitaine) il est verité qu'il y a Gens-d'armes dedās ma garnison, que Monseigneur le Prince a mādēz, & les retient pour luy. Si ne suis mie cōseillé d'eux faire partir si soudainemēt: &, s'ils vous ont fait aucun déplaisir, ie ne voy mie qui vous en face droit, car ce sont Gens-d'armes, il leur conuient viure (ainsi qu'ils ont accoustumé) & sur le Royaume de Frāce, & sur le Prince. Dont respondirēt le Sire de Narbonne & messire Guy d'Azay: & dirent. Ce sont Gens-d'armes, tels, quels: qui ne sauent viure, fors de pillage & roberie, & qui mal-courtoisement ont cheuauché sur noz mettes, si le compareront: se nous les pouuons aux chāps tenir, car ils ont ars, prins & pillé, & fait mout de maux, en la Seneschaucée de Toulouze: dōt les plaintes sont ve-

nuës à nous, & se nous leur souffrions ce faire, nous serions traistres enuers le Roy nostre Seigneur: qui icy nous a'establis pour garder sa terre. Si leur dites, de par nous, ainsi, car puis que nous sauons ou ils logēt, nous les trouuerōs, car il nous sera amendé: ou il nous coustera encore plus. Autre respōse ne peut auoir lors le Capitaine de Montauban: & s'en partit mal-cōtent d'eux: & dit que ià, pour les menaces deux, il ne briserait son intentiō. Si s'en retourna: & recorda aux Compaignons toutes les parolles, que vous auēz ouies. Quand les Cōpaignons entendirent ces nouuelles, ils ne furent mie bien assurez, car ils n'estoient pas à ieu parti contre les François, si se tindrēt sur leur garde, au mieux qu'ils peurent. Or aduint que droit au cinquiesme iour, apres que ces parolles eurent esté dites, messire Perducas d'Albreth, à tout vne grāde route de Compaignons, deūt passer par Montauban, car le passage estoit là, pour entrer en la Principauté. S'il le fit sauoir à ceux de la ville. Quand messire Robert Cem & les autres Compaignons, qui là se tenoyent pour enclos, entendirent ces nouuelles, si en furent moult réiouis. Si signifient tout secrettement la conuiue des François audit Perducas, & comment ils les auoyent là assiegez, & les menaçoient durement: & aussi quels gens ils estoient, & quels Capitaines ils auoient. Quand messire Perducas d'Albreth entendit ce, si n'en fut de riens effroyé: ains recueillit ses cōpaignons de tous lez: & s'en vint bouter dedans Mōt-

Perducas d'Albreth renforce les Cōpaignons de Montauban.

Auant, auant, à ces pillars: qui roben & pillent le mōde, & viuent sur chacun, sans cause & sans raison. Quand ces Compaignons veirent ce, & que c'estoit à certes quē cōbattre les conuenoit, ou mourir illecques à honte, si descendirent de leurs cheuaux, & se rangerent & ordonnerent tous à pié, & attendirent les François: qui vindrent sur eux moult hardiment: & se meirent aussi tous à pié, deuant eux. Là cōmencerent à traire, à lancer, & à chacer les vns les autres, & dōner grans coups & apperts: & y en eut plusieurs abbatuz des vns & des autres. Là eut grand' bataille, forte & dure, & bien cōbattue, & maint appertise d'armes faite, & maint Cheualier & Escuyer renuersé par terre. Toutesfois les François estoient trop plus que les Cōpaignes, & bien deux cōtre vn. Si n'auoient mie paour: ains rebouterent à ce commencement, par bien cōbattre, les Cōpaignes bien auant, & iusques au dedans des barrieres. Là eut, au rentrer, maint homme mis à mort & à méchef: & eussent eues les Cōpaignōs fort temps, si ce n'eust esté le Capitaine de ladite ville: qui fit armer toutes gens, & commanda estroitement, que chacun, à son loyal pouoir, aidast aux Compaignies, qui estoient des gens au Prince. Lors s'armerēt ceux de la ville, & se meirent en arroy avec les Cōpaignes, & se bouterent en écar mouche, & me-

Les cōpaignes de Montauban demandans passage, sont assaillies par les François du Cōte de Narbonne.

Le Capitaine de Montauban & ceux de la ville secourent les Cōpaignes.

Le Bourg de Bretueil, et autres Cōpaignes, au secours des premieres.

mement les fēmes de la ville monterēt en leurs logis, & en folliers, pour ueus de pierres & de cailloux, & commencerent à getter sur les François, si fort & si roidement, qu'ils estoient tous embesongnez d'eux targer, pour le get de pierres, & en blecerent plusieurs, & les firēt reculer. Dont s'asseurerēt les Cōpaignes (qui furēt grand tēps en grand peril) & enuahirent fierement les François. Et vous dy qu'il y eut là fait autant d'appertises d'armes, de prinſes, & de recouffes, qu'on en auoit veu long temps faire, car les Compaignies n'estoient qu'un petit, au regard des François, si se penoit chacun de bien faire la besongne, & rebouterent leurs ennemis, par force d'armes, tout au dehors de la ville. Et aduint adonc, ce pendant qu'on se combattoit, qu'une route de Compaignies (que le Bourg de Bretueil & Naudō de Bagerant menoyēt, & en laquelle route estoiet biē quatre cēs cōbattans) se bouterēt, par derriere, en la ville, & auoiet cheuauché toute la nuit, en grand' haste, pour estre là, car on leur auoit donné à entēdre que les François auoient

Déconfiture du Comte de Narbonne et autres François, par quelques Compaignies, pres Montauban. † Jour de la déconfiture susdite tousiours en l'an 1366. † La Chaux dit icy (côme tousiours) de Labreth Robert chenit Iehan triuet Robert dau beterre le bourg, &c.

assiegé leurs Compaignons de Montauban. Là eut de rechef grand hutin, & furent les François par ces nouuelles gens fierement assaillis & combattus: & durerent ces batailles des heure de tierce, iusques à heure de basse nonne. Finalement les François furent déconfits, & mis en chace, & ceux bien heureux, qui peurent monter à cheual, & peurēt partir, & aller leur voyage. Là furent prins le Comte de Narbone, messire Guy d'Azay, le Comte d'Vzes, le Sire de Môtmorillon, le Seneschal de Carcassonne, le Seneschal de Beaucaire, & plus de cent Cheualiers, que de France, que de Prouëce, que des marches de là enuiron, & maints Escuyers riches, & maint hōme riche de Toulouze & de Môtpeulier: & encores eussent ils plus prins, s'ils eussent chacé, mais ils n'estoient qu'un peu de gens, mal-montez, si ne s'osèrent aduenturer plus auant: & se tindrent à ce qu'ils eurent. Ceste écarouché fut à Montauban, la † vigile Nostre-dame en Aoust, l'an de grace mil trois cens soixantefix. Apres la déconfiture & prinse dessusdite, lesdits Perducas † d'Albreth, messire Robert Cem, messire Iehan Comes, le Bourg de Bretueil, Naudon de Bagerant, & leurs routes, departirent leur butin, & tout leur gaing: dont ils eurent grande foison. Et à tous ceux, qui prisonniers auoient, ils leur demouroient: & en pouuoient faire leur profit, & rançonner ou quitter, s'ils vouloient: dont ils leur firent bonne compaignie: & les rançonnerent moult courtoisement, chacun selon son estat & affaire: & encores le firent de tant plus doucement, que ceste aduenture leur estoit fortuneusement venue, par beaux faits d'armes: & ceux, qui furent receus sur leur foy, s'en allerent: & leur donnerent terme d'apporter leurs rançons à Bordeaux, ou ailleurs, ou bon leur sembla. Si s'en partit chacun, & reuint en son pays: & les Compaignons s'en allerent deuers le Prince, qui les receut ioyeusement: & les enuoya † loger en vne marche (qu'on appelle Baselle) entre les montaignes. Or vous diray qu'il aduint de ceste besongne, & comment le Côte de Narbone, le Seneschal de Toulouze, & les autres (qui auoient esté rançonnez, & receus sur leur foy) firent, & payerēt. En ce temps regnoit le Pape Urbain cinquième, qui tant hayoit ces manieres de gens, que plus ne pouuoit: & les auoit de grand temps excommuniez, pour les villains faits, qu'ils faisoient. Quand il fut informé de ceste iournée, & comment, en bien faisant à son entente, le Comte de Narbonne & les autres auoiēt esté ruez ius, si en fut mout fort courroucé: & ce souffrit, tāt qu'ils furēt mis à finâce, & reuenus en leurs maisons: & alors leur māda, par mots expres, & leur deffendit estroitement, que de leurs rāçons ils ne payassent riē: & les dispēsa & absolu de leur foy. Ainsi furēt quittes ces Seigneurs, Cheualiers & Escuyers, qui auoiēt esté prins, à Montauban: & n'osèrent passer le cōmandemēt du Pape. Si vint à aucuns bien à point & aux cōpaignies moult mal: qui s'attendoient bien d'auoir argent (& le cuidoient auoir pour faire leurs besongnes, & eux monter & appareiller, ainsi que Compaignōs de guerre s'habillent, quand ils ont largement de quoy) & ils n'eurent riens. Si leur vint à moult grand contraire ceste ordonnance du Pape (comme dit est) & s'en complaignirent, par plusieurs fois, à messire Iehan Chandos: qui estoit Connestable d'Aquitaine, & regard auoit, par droit d'armes, sur telles besōgnes: mais il dissimuloit ēuers eux, au mieux qu'il pouuoit: pourtant qu'il fauoit voirement que le Pape les excōmunioit, & que leurs faits & estats tournoient à pillerie. Et me semble qu'ils n'en eurent onc puis autre chose.

† Les Abr. ne disent riē de ceste demie clause & me doute qu'il n'y faille un autre mot que Baselle. Car le ch. 233. dit que le Prince les fit sortir de là, par permission du Côte de Foix, et à quel propos les en eust il tirez pour les y remettre.

Comment, pendant que le Prince de Galles preparoit son voyage de Castille, le Roy de Maillorque vint à refuge à luy, contre le Roy d'Arragon: & comment ledit Prince mécontenta le Seigneur d'Albreth.

CHAP.

C CXXXV.

Nous parlerons du Prince de Galles, & approcherons son voyage, & vous compterons comment il perseuera. Premièrement (si comme dessus est dit) il fit tant, qu'il eut toutes ces Compaignies, de son accord: ou il y auoit bien douze mille combattans, & moult luy cousterent à retenir: & encores) quand il les eut) il les soustint à ses fraiz & à ses gages, auant qu'il partist de la Principauté, des l'issue d'Aoust, iusques à l'entrée de Feurier. Avec tout ce ledit Prince receuoit toutes manieres de Gens-d'armes, † ou il les pouuoit auoir. Du Royaume de France n'en eut ils nuls. Car tous se retrayoiēt deuers le Roy Henry, pour l'amour des alliances, qui estoient entre le Roy, leur Seigneur, & le Roy Henry: & encores eut le Roy Henry aucuns des compaignes: qui estoient Bretons fauorables à messire Bertrand du Guesclin: desquels messire Bertrand de Brudes, Alain de S. Pol, Guillaume de Brueix, & Alain de la Couette, estoient Capitaines. Si eust bien eu ledit Prince encores plus de Gens-d'armes estrangers (cōe Flamans, Allemās &

† Ce passage estoit corrompu en ceste sorte ou il les pouoit auoir du royaume de France & d'ailleurs.

Bra-

Brabançons) s'il eust voulu: mais il en renuoya assez: & eut plus cher à prendre ses feaux de la Principauté, que les estrangers. Aussi il luy vint vn grand confort d'Angleterre: car quand le Roy son pere veit que ce voyage se feroit, il donna congé à son fils, Monseigneur Jehan Duc de Lenclastre, de venir veoir le Prince de Galles, à vne grand' quantité de Gés-d'armes: c'est assauoir quatre cens Hommes-d'armes, & quatre cens Archers. Doncques, quand les nouvelles vindrent au Prince que son frere deuoit venir, il en eut moult grand' ioye: & fardonna sur ce. En ce tēps vint deuers le Prince, en la cité de Bordeaux, messire Iames Roy de Maillorque. Ainsi se faisoit il appeler: combien qu'il n'y eust riens: car le Roy d'Arragon le tenoit, sur luy de force: & auoit le Pere dudit Roy de Maillorque fait mourir en prison, en vne cité d'Arragon: qu'on dit Barcelonne, † Parquoy cedit Roy Iames, pour contreuenger la mort de son pere, & recouurer son heritage, estoit parti du Royaume de Naples: duquel il auoit la Roïne à femme pour le tēps. Auquel Roy de Maillorque fit grand' feste le Prince de Galles: & le conioit & cōforta doucement & grandemēt: & (quand il luy eut ouy recorder toutes les raisons, pourquoy il estoit là venu, & à quelle cause le Roy d'Arragon luy fit, & faisoit, tort, & luy tenoit son heritage, & auoit fait mourir son pere) si luy dit le Prince. Sire Roy, ie vous promets en loyauté, que, nous reuenus d'Espaigne, nous entendrons, à vous remettre en vostre heritage de Maillorque, ou par traité, ou par force. Ces promesses pleurēt moult audit Roy. Si se tint delez le Prince en la cité de Bordeaux, en attendant le departement, ainsi que les autres: & luy faisoit ledit Prince, par honneur la plus grand' deliurance qu'il pouuoit: pourtant qu'il estoit lointain & estranger, & n'auoit mie ses finances à son aise. Tous les iours venoient plaintes, audit Prince, de ces Compaignies, qui faisoient tous les maux du monde aux hommes & aux femmes, au pays ou ils conuersoient: & veissent volontiers ceux des marches, ou ces gens se tenoient que le Prince auançast son voyage: & il en estoit en grand' volonté: mais on luy conseilloit qu'il laissast passer le Noel: à ce qu'il n'eust l'Yuer sur le dos. A ce conseil fenclinoit assez le Prince: pourtant que Madame la Princesse, sa femme, estoit durement enceinte, & aussi moult tendre & éplorée du departement de son mari. Si eust ledit Prince volontiers veu qu'elle fust accouchée, auant son departement: & la Princesse eust volontiers veu que son mari fust demouré. Entandis se faisoient & ordonnoient tousiours grans pourueances & grosses: qui trop fort leur besongnoient: car ils deuoient entrer en vn pays, ou ils en trouueroient bien petit. Pendant que le seiour se faisoit à Bordeaux, & que tout le país estoit plein de Gés-d'armes, eurent le Prince & ses gens plusieurs conseils & consultatiōs ensemble: & m'est aduis que le Sire d'Albreth fut contremandé, & ses mille Lances: & luy escriuit ledit Prince, par le conseil de ces hommes, ainsi. Sire d'Albreth, Comme ainsi soit que de nostre volonté liberale vous ayons retenu, pour nous seruir à mille Lances, au voyage que nous tendons par la grâce de Dieu entreprendre, & brièvement paracheuer, apres auoir considéré noz besongnes, & les fraiz & despens que nous auons tant par les estrangers qui se sont boutez en nostre seruice, comme par les gens des Compaignies (desquels le nombre est si grand, que ne les voulons pas laisser derriere, pour les perils qui s'en pourroient ensuyuir) † & qu'il conuient plusieurs de noz feaux demourer, à fin que nostre terre en soit gardée. Pour ces causes a esté, & est ordonné par nostre Conseil, qu'en ce voyage vous nous seruirez (comme vous y estes escrit) à deux cens Lances. Si les vueillez trier, & mettre hors des autres: & le demourant laissez faire leur exploit, & leur profit. Dieu soit garde de vous. Escrit à Bordeaux, le huitième iour de Decembre. Ces lettres, seellées du grand seel du Prince de Galles, furent enuoyées au Sire d'Albreth: qui se tenoit en son pays, & entendoit fort à faire ses pourueances & appareiller: car on disoit, de iour en iour, que le Prince deuoit partir. Quand il veit ces lettres que le Prince luy enuoyoit, il les ouurit, en pensant, & les leut par deux fois pour mieux les entendre: car il fut de ce, qu'il trouua dedans, moult émerueillé: & ne se pouuoit auoir, tant fort estoit il courroucé) & disoit ainsi. Comment? Monseigneur le Prince de Galles se truffe & gabbe de moy: quand il veut que ie donne congé à huit cens Lances, Cheualiers & Escuyers: lesquels à son commandement i'ay tous retenus, & leur ay brisé leur profit à faire en plusieurs manieres. Adonc, en son courroux, le Sire d'Albreth demanda tantost vn Clerc: & il vint: & quand il fut venu, il luy dit. Ecrivez: & le Clerc escriuit (ainsi que le Sire d'Albreth luy deuisoit.) Cher Sire, ie suis grandement émerueillé des lettres, que m'auiez enuoyées: & ne say mie bonnement, & ne trouue en moy con-

Et tous se retrayoiēt &c. Mais la Chaux confirme nostre correction.

Arrivée du roy Iames en laques de Maillorque, à Bordeaux.

† Ceux qui au rōt de tels Exē. que nous pourrōnt voir comment ce passage estoit imparfait: lequel nous auons par fait selon la Chaux & l'histoire de Naples.

Cause de mescontentement entre le Prince de Galles & le Sire d'Albreth.

† Estant ceste lettre toute corrompue parauant, nous l'auons redrecée au sēs de l'auteur y estat aucune-ment aidez, par la briue substance de la Chaux

Lettres du Sire d'Albreth au Prince de Galles.

† La Chaux
mettant ceste
lettre toute au
long, use de ce
mesme mot:
qui est ici pris
pour choisir,
trier (comme il
a dit en l'autre
lettre) & se-
parer: duquel
dernier il a esté
fait par langa-
ge corrompu,
& approprié
aux petits en-
fans, quand on
les separe d'a-
vec leurs nour-
rices pour leur
faire oublier le
lait.

seil, comment sur ce ie vous en doy, ne sache respondre car il me tourne à grand preiudice, & à grand blasme, & à tous mes hommes aussi: lesquels, à vostre ordonnance & commandement, i'auoye retenus, & qui sont tous appareillez de vous faire seruice: & leur ay détourné à faire leur profit ailleurs, en plusieurs estats: car les aucuns estoient meus & ordonnez d'aller outre mer, en Pruce, en Constantinople, ou en Hierusalé: ainsi que tous Cheualiers, qui se desirent aduancer. Si leur vient à grand merueille & déplaisance, de ce qu'ils sont boutez derriere: & sont tous émerueillez (côme aussi suis ie) de ce qu'ils sont ainsi boutez derriere, & en quelle maniere ie le puis auoir deserui. Cher Sire, plaïse vous sauoir q'ie ne sauroye † seurer les vns des autres. Je suis le pire, & le moindre tous: & l'aucuns y vont, tous irons: ce say ie bien. Dieu vous ait en sa sainte garde. Escrit, &c. Quand le Prince de Galles eut ouy ceste response, si la tint à moult presomptueuse: & aussi firent aucuns de son Conseil, des Cheualiers d'Angleterre, qui là estoient. Si crolla le Prince la teste: & dit en Anglois (si-côme adonc ie fu informé: car i'estoye lors à Bordeaux) Le Sire d'Arbreth est vn grand maistre en mon pays: quand il veut briser l'ordonnance de mon Conseil: mais par Dieu il n'en ira pas ainsi qu'il pense. Or demeure s'il veut: car sans ses mille Lances ferons nous le voyage: si Dieu plaist. Adoncques parlerent aucuns Cheualiers d'Angleterre, qui là estoient: & dirent. Monseigneur, vous cognoissez petitement la pensée des Gascons, & comment ils s'outrecuident, & nous aiment peu, & peu ont aimé du temps passé. Ne vous souuient il pas comment grandement ils se vouloient iadis porter encontre vous, en la cité de Bordeaux, quand le Roy Iehan de France y fut premieremēt amené? Ils disoient, & maintenoient tout notoirement, que par eux, & par leur emprise, vous auiez fait le voyage, & prins le Roy de France: & bien fut apparent qu'ils voulurent se porter outre: car vous fustes en grans traitez contre eux, plus de quatre mois, ainçois qu'ils voussissent consentir que ledit Roy allast en Angleterre. & leur conuint premierement satisfaire à leur volôté, pour eux tenir en amour. Sur ces parolles se teut le Prince: mais pource n'en pensa il moins. Et veez cy forment la premiere fondation de la haine qui fut entre le Prince de Galles & le Sire d'Albreth: & fut adonc le Sire d'Albreth en grand peril: car le Prince estoit grand & haut de courage, & cruel en son hayr: & vouloit (fust à tort, ou à droit) que tous Seigneurs (auxquels il pouuoit commander) teinsent de luy. Mais le Comte d'Armignac (qui estoit oncle dudit Seigneur d'Albreth) fut informé de ces nouuelles entre le Prince, son Seigneur, & son neveu le Seigneur d'Albreth. Si vint à Bordeaux, deuers le Prince & messire Iehan Chados & messire Thomas de Phelleton (par le conseil desquels ledit Prince faisoit & ouuroit tout) & emmoyenna si bien ses parties, que le Prince se teut & appaisa. Toutesfois le Sire d'Albreth ne fut escript qu'à deux cens Lances: dont il n'estoit mie plus ioyeux: n'aussi n'estoient ses gens: n'oncques-puis n'aimerent le Prince, tant comment ils faisoient deuant. Si leur cōuint porter & passer leur ennuy, au mieux qu'ils peurent: car ils n'en eurent adonc autre chose.

De la natinité de Richard, fils du Prince de Galles: de la venue du Duc de Lanclastre, son frere, pour l'accompagner en son voyage: de la pratique qu'il eut de-rechef avec le Roy de Nauarre, pour l'asseurance de son passage: & comment Bertrand du Guesclin retourna à l'ayde du Roy Henry. CHAP. CCXXXVI.

† Qui fut 1367
à ma mode.

Le prince de
Galles part de
Bordeaux pour
son voyage de
Castille.

TAnt fut demené le temps, en faisant les Pourueances dudit Prince, & en attendant la venue dudit Duc de Lanclastre, que Madame la Princesse trauailla, & se deliura, par la grace de Dieu, d'un beau fils: qui fut né le iour de l'Apparition des trois Roys, en † celle année, par vn Mercredy, & vint celuy enfant sur terre, à heure de tierce, ou enuiron. Dequoy le Prince & tous ses gens furent moult réiouys. Si fut baptisé, le Vendredy ensuyuant, à heure de haute nonne, dedans les Saincts fons de l'eglise Sainct-Andrieu, en la cité de Bordeaux: & le Baptisa l'Archeuesque dudit lieu: & le tint sur les fons l'Euesque d'Agen en Agenois, & le Roy de Maillorque: & eut à nom celuy enfant Richard: & fut depuis Roy d'Angleterre: si-comme vous orrez ensuyuant, en l'Histoire. Le Dimenche apres, heure de prime, se partit de Bordeaux ledit Prince, en tresgrand arroy: & & toutes manieres de Gens-d'armes, qui là seiournoient, aussi: mais la greigneur partie de son ost estoit ia passée, & logée enuiron la cité d'Ast en Gascongne. Si vint le Prince, le Dimenche au soir, en celledite cité: & là se logea, & seiourna par trois iours. Car on luy dit que son frere, le Duc de Lanclastre venoit, & qu'il estoit passé (il y auoit quinze iours)

iours (& arriué en Bretagne, à Saint-Matthieu-de-fine-poterne, & venu à Nantes, où le Duc de Bretagne l'auoit grandement festoyé & coniouy. Depuis exploita tant ledit de Lanclastre, qu'il cheuaucha parmi Poictou & Xaintonge, & vint à Blaye, & là passa la riuiere de Gironde: & arriua sur le quay à Bordeanx. Si vint à l'Abbaye de Saint-Andrieu: où la Princesse gisoit: qui le coniouit ioyeusement, & toutes les Dames & Damoïselles, qui là estoient. A ce iour le Duc de Lanclastre ne voulut gueres demourer, ne sejourner à Bordeaux: mais print congé de sa sœur la Princesse, & se partit à toute sa Compagnie: & cheuaucha tant qu'il vint en la cité d'Ast: où il trouua ledit Prince de Galles, son frere. Si s'écouyrent grandement: car moult s'entr'aimoient. Là eut moult grandes approches d'amour entre eux & leurs gens. Assez tost apres que le Duc de Lanclastre fut là venu, vint le Comte de Foix: qui fit grand' chere: & grand' reuerence de bras & de semblant, audit Prince, & à son frere: & s'offrit du tout à leur commandement. Le Prince (qui fauoit bien honorer tous Seigneurs, chacun selon ce qu'il estoit) l'honora grandement: & le mercia moult de ce qu'il les estoit venu veoir: & apres il luy chargea son pays, & le pria qu'il voulsist estre songneux de le garder iusques à son retour. Le Comte le luy accorda ioyeusement & volontiers: & sur ce s'en retourna ledit Côte en son pays, quand il eut prins congé: & le Prince & le Duc de Lanclastre demourerent encores en la ville d'Ast, estans tous leurs gens espars enuiron le pays, & à l'entrée des ports & des passages de Nauarre, Car point encores ne fauoient, de verité, fils passeroient ou non, & si le Roy de Nauarre leur ouuriroit le passage: combien qu'il le leur eust en conuenance: car renommée couroit communément parmi tout l'ost, que de nouuel il estoit composé & accordé au Roy Henry: dont le Prince, & son conseil, estoit moult émerueillé, & le Roy Dom Pietre moult melancolieux. Or aduint (pendant ce qu'ils sejournerent là, & que ces parolles couroient) que messire Hue de Caurelee & ses gens s'approcherent de Nauarre: & prindrent la cité de Mirande & la ville du Pont-la-Royne: dont tout le pays fut durement effroyé: & en vindrent les nouuelles iusques au Roy de Nauarre. Quand il entendit que les Compagnies vouloient entrer par force en son pays, si fut moult fort courroucé: & escriuit tout le fait au Prince. Le Prince s'en passa assez brièvement: pourtant que le Roy de Nauarre (ce luy sembloit) ne tenoit pas bien au Roy Dom Pietre, toutes ses conuenances. Si luy escriuit ledit Prince, qu'il veinist, ou enuoyast, s'excuser des parolles, qu'on luy mettoit à fus. Car les gens disoient notoirement, qu'il festoit tourné deuers le Roy Henry. Quand le Roy de Nauarre entendit ce qu'on luy mettoit à fus de trahison, il fut plus courroucé que deuant. Si enuoya vn appert cheualier deuers le Prince: lequel on nommoit messire Martin de Kare. Celuy vint en la cité d'Ast, excuser le Roy de Nauarre: & parla tellement & si sagement audit Prince, que le Prince s'appaisa: parmi tant qu'il deuoit retourner en Nauarre, deuers son Seigneur le Roy: & le deuoit faire venir à Saint-Iehan-du-pié-des-ports: & là, luy venu, le Prince auroit conseil, s'il iroit parler à luy, ou s'il y enuoyeroit. Sur celuy estat se partit ledit messire Kare dudit Prince: & retourna en Nauarre, deuers le Roy: & luy recorda tout son traité, & en quel estat il auoit trouué le Prince & son cōseil, & aussi comment il estoit parti d'eux. Celuy messire Martin fit tant, qu'il emmena le Roy son Seigneur à Saint-Iehan-du-pié-des-ports: & puis se retrahit en la cité d'Ast, deuers le Prince. Quand le Prince sceut que le Roy de Nauarre fut approché, il eut conseil d'envoyer deuers luy son frere, le Duc de Lanclastre, & messire Iehan Chandos. Ces deux Seigneurs, à petite mesgnée, se meirent à chemin, avecques ledit messire Martin de Kare: qui les mena en ladite ville de Saint-Iehan-du-pié-des-ports, deuers le Roy de Nauarre: lequel les receut ioyeusement: & là parlerent longuement ensemble. Finalement il fut accordé que le Roy de Nauarre approcheroit encores ledit Prince, & viendrait en vn certain lieu, qu'on dit, audit pays, Pierre-ferrade: & là viendroient le Prince & le Roy Dom Pietre parler à luy: & là de-rechef ils renouelleroient tous leurs conuenances: & si sauroit chacun quelle chose il deuroit auoir & tenir. Le Roy de Nauarre se dissimuloit ainsi: pourtant qu'il vouloit estre plus asséuré de ces conuenances, qu'il n'estoit: car il se doutoit (si ces Compagnies fussent entrées en son pays, & on ne luy eust par-auant pleinement seellé ce, qu'il vouloit & demandoit à auoir) qu'il n'y viendrait iamais à temps. Apres ce traité retournerent le Duc de Lanclastre & messire Iehan Chandos: & compterent, audit Prince, comment ils auoient exploité, & aussi au Roy Dom Pietre. Ce traité leur pleut assez bien: & tindrent leur journée: & vindrent audit

Arrivée du Duc de Lanclastre vers son frere, le Prince de Galles, en la ville d'Ast en Gasconne.

Prise de quelques places du Roy de Nauarre, delayant de ouurir passage à Hue de Caurelee, l'un des Capitaines du Prince de Galles.

† Nagueres de Kare.

Assemblée du Roy de Navarre, du Roy Dō Pietre, & du Prince de Galles à Pierre-ferrade.

† Le fins estoit imparfait icy en ceste sorte, & se departirēt amiablement ensemble de leur parlemēt sur l'ordonnance, & son ost &c. Mais ie n'ay eu par qui le parfaire autrement, parlāt sala fort brièvement, & estant la Chaux corrompu en telle maniere, & se departirēt amiablement ensemble du parlement que le Prince & les destroits tous ouuers, &c. Qui fait que ie me doute qu'il n'y faille encor quelques mots touchant le Prince de Galles.

† Qui fut en l'an 1367. comme nous l'auōs desia commēcé. † Il y auoit ainſi & leur fut dit que ceux qui passeroient le passage qu'ils ne pouuoient, &c. Mais la Chaux assure nostre correction † La Chaux dit Guichard † Il a bien parlé de Riuille & de Franuile, prisonniers de la bataille, d'Aulroy, mais nullemēt de cestuicy, sinō que le mot soit

lieu, ou elle estoit assignée: & d'autre part sy trouua le Roy de Nauarre, & son plus especial Conseil. Là furent à Pierre-ferrade ces trois Seigneurs: c'est assauoir le Roy Dom Pietre, le Prince de Galles & le duc de Lâclastre d'un costé, & le Roy de Nauarre d'autre, longuement parlās ensemble. Si fut là deuise & accordé q̄lle chose chacū deuoit auoir & faire: & là furent renouellez & encōuenācez les traitez, qui auoient esté entre ces parties, en la cité de Bayōne: & là sceut de verité le Roy de Nauarre q̄lle chose il deuoit auoir & tenir, sur le Royaume de Castille: & iurerent bonne paix, amour, & confederation ensemble, le Roy Dom Pietre & luy: † & se departirent amiablement ensemble de leur Parlement: sur l'ordonnance duquel son ost pouuoit passer, quand il luy plairoit: & trouueroit les passages & destroits tous ouuers, & tous viures appareillez parmi le Royaume de Nauarre, en les payant. Adonc se trahit le Roy de Nauarre en la cité de Pampelune: & le Prince, son frere, & le Roy Dom Pietre, en leurs logis, en la cité d'Ast. Encores estoient à venir plusieurs grans Seigneurs de Poictou, de Bretagne, & de Gascongne, en l'ost du Prince-qui se tenoient derriere: car si-cōme dessus est dit) on ne sceut clairement, iusques à la fin de ce parlement, si le Prince auroit le passage ou non: & mesmement on supposoit en France, qu'il ne passeroit point, & que le Roy de Nauarre luy briserait son voyage: & on en veit le cōtraire. Dont (quand les Cheualiers & Escuyers, tant d'un costé que d'autre, en sceurent la verité, & que le passage estoit ouuert) si aduancèrent leurs besongnes, & cheuaucherent au plus tost qu'ils peurent. Car ils sceurent tantost que le Prince passeroit & aussi qu'on ne s'en retourneroit point sans bataille.

Si vint le Sire de Clifson, à belle route de Gens-d'armes: & aussi tout enuis y vint, au dernier, le Sire d'Albreth, à tout deux cens Lances: & l'accompagna, en ce voyage, avecques le Captal de Buz. Tous ces Parlemens & assuremens estoient sceus en France: car tousiours y auoit messagers, allans & venans sur les chemins: qui portoient & rapportoient les nouuelles. Parquoy quand messire Bertrand du Guesclin (qui se tenoit delez le Duc d'Aniou) sceut que le Prince passeroit, & que le passage de Nauarre luy estoit ouuert, si aduança ses besongnes, & renforça ses semonses & son mandement: & cognut tantost que ceste chose ne se departiroit iamais sans bataille. Si se meit au chemin pardeuers Arragon, pour venir deuers le Roy Henry: & l'aduança le plus tost qu'il peut: & le suiurent toutes manieres de Gens-d'armes, qui en estoient mandez & priez: & aussi plusieurs du Royaume de France, & d'ailleurs: qui en auoient affection, & qui se vouloient aduancer. Or parlerons nous du passage du Prince, & comment il passa luy & toute sa route.

Comment le Prince de Galles & ses gens, ayans passé les monts de Nauarre, arriuerent à Pampelune: des lettres, que le Roy Henry de Castille luy escriuit: & comment Thomas de Phelleton seruit d'auantcoureur.

CHAP. CCXXXVII.

ENtre Saint-Iehan-du-pié-des-ports & la cité de Pampelune sont les destroits des montaignes, & forts passages de Nauarre: qui sont moult perilleux & felōs à passer. Car il y a tels cent lieux sur ces passages, que cent hommes garderoient à non passer, cōtre tout le monde. Si faisoit adonc moult grand froid sur ces passages: car ce fut enuiron le mois de † Féurier, qu'ils vindrent & passerent. Mais ainçois qu'ils se missent à la voye, ne qu'ils se hastassent de passer, les Seigneurs regarderent & conseillèrent: comment, ne par quelle voye, ils passeroient, ne par quelle ordonnance. Si veirent bien, † & leur fut dit par ceux qui bien cognoissoient le passage, qu'ils ne pouuoient passer tous ensemble: & pource l'ordonnerent ils à passer en trois batailles, & par trois iours: c'est assauoir le Lundy, le Mardy, & le Mercredy. Le Lundy passerent ceux de l'auantgarde: desquels le Duc de Lanclastre estoit Capitaine. Si passerent en sa Compagnie le Connestable d'Aquitaine, messire Iehan Chandos: qui bien auoit sous luy douze cens pennons, tous parez de ses armes, d'argent à un pel éguisé de gueules. Qui estoit moult belle chose à regarder. Là estoient les deux Marechaux d'Aquitaine aussi: c'est assauoir messire † Richard d'Angle, & messire Estienne de Consentonne: & auoient iceux le pennon de Saint George en leur compaignie. Là estoient en l'auantgarde, avecques ledit Duc, messire Guillaume de Beauchamp, fils au Comte de Waruich, messire Hugues de Hastings, & le Sire de Neuuille: qui seruoit messire Iehan Chandos, à trente Lances: en ce voyage, & à ses fraiz, pour la prinse de la bataille d'Aulroy. Là estoient le Sire d'Aubeterre, messire Garſes du Chastel, messire Richard de Cautō, messire Robert de Cem, messire

messire Robert Bruquies, Iehan Treuelle, Aimery de la Rochechouart, Gaillard de la Moitre, Guillaume de Cliceton, Villebos le Bouteiller & Pannetier: & tous iceux estoient, ou leurs pennons, deffous messire Iehan Chandos, & pouuoient estre enuiron dix mille cheuaux: & passerēt tous le Lūdy, cōme dit est. Le Mardy passerēt le Prince de Galles, & le Roy Dō Pietre, & aussi le Roy de Nauarre: qui estoit reuenu deuers ledit Prince pour l'acōpaigner & luy enseigner le passage. En la droite route du Prince estoient messire Loys de Harcourt, le Vicōte de Chasteleraut, le Vicōte de Rochechouart, le Sire de Partenay, le Sire de Pinaue, le Sire de Cannabouton, & to^{us} les Poiteuins, & messire Robert de Phelletō, Grād-Seneschal d'Aquitaine, messire Guillaume son frere, messire Eustace d'Auberthicourt, le Seneschal de Xainctonge, le Seneschal de la Rochelle, le Seneschal de Quercy, le Seneschal de Limosin, le Seneschal d'Agenois, le Seneschal de Bigore, messire Richard de Pontchardon, messire Noel Loruich, messire Dāgoses, messire Thomas Balastre, messire Louis de Merual, messire Aimon de Marnel, le Sire de Pierrefuffire, & bien quatre mille Hommes-d'armes: & estoient enuiron dix mille cheuaux. Si eurent en ce Mardy moult pesant passage, & dur, de vent, de froid, & de neige. Toutesfois ils passerent outre: & se logent ces Hommes-d'armes en la cité de Pampelune: mais le Roy de Nauarre amena le Prince de Galles, & le Roy Dom Pietre, en la cité de Pampelune, au souper: & là les tint tous aises: car bien y auoit de quoy. Le Mercredy passerent le Roy Iames de Maillorque, le Comte d'Armignac, le Comte d'Albreth (son neveu) messire Bernard d'Albreth (Sire de Gironde) le Comte de Perigord, le Vicomte de Carman, le Comte de Comminges, le Captal de Buz, le Sire de Clifson, les trois freres de Pommiers (messire Iehan, messire Helie, & messire Aimon, le Sire de Chaumont, le Sire de Mucident, messire Robert Canolle, le Sire de l'Espare, le Sire de Condon, le Sire de Rosem, le Souldich de l'Estrade, messire Petiton de Courton, messire Aimery de Tarse, le Sire de la Barde, messire Bertrand de Caude, le Sire de Pincornet, messire Thomas de Vistufuble, messire Perducas d'Albreth, le Bourg de Bretueil, Nandon de Bagerant, Bertrand de la Salle, Ortingo, Lanut, & tout le demourant des Compaignies. Si estoient bien dix mille cheuaux: & eurent vn peu plus courtois passage ce Mercredy, que n'eurent ceux qui passerent le Mardy. Si se logerent tous ces Gens-d'armes, premiers, moyens, & seconds en la combe de Pampelune, en attendant l'vn l'autre, & refreschissant eux & leurs cheuaux: & se tindrent là, enuiron Pampelune (pourtāt qu'ils y trouuerent grandement à manger: comme chair, pain, vin, & toutes autres pourueances, pour eux & pour leurs cheuaux) iusques au Dimenche ensuyuant. Si vous dy que tous ces Compaignons ne payoient pas tout ce qu'on leur demandoit: & ne se pouuoient abstenir de piller & de rober tout ce qu'ils trouuoient: & firent enuiron Pampelune, & aussi sur le chemin, moult de détourbiers. De quoy le Roy de Nauarre estoit moult courroucé (mais amender ne le pouuoit) & se repentit, par trop de fois, de ce que il auoit audit Prince, & à ses gens, ouuert & administré le passage: car plus y auoit de dommage, que de profit. Or n'estoit il pas temps de monstrier ce qu'il en pensoit: car il veoit & consideroit bien qu'il n'estoit pas lors maistre de son pays. Si en auoit il tous les iours les plaintes des vns & des autres de son pays: qui moult fort angoissoient & estraignoient son cœur: mais amender ne le pouuoit. Toutesfois il faisoit moult fort prier, aux Gens-d'armes du Prince, par ceux de son Conseil, qui mieux & plus longuement auoient suyuy les armes en leur Compaignie (comme en Normandie & en plusieurs autres lieux du Royaume de France) qu'ils s'absteinsent de piller & de rober le pays, comme ils faisoient: ausquels ils promettoient qu'ainsi le feroient. Bien estoit informé le Roy Henry du passage du Prince: car il auoit ses messagers & ses espies, allans & venans, tous les iours. Si festoit pourueu, & pourueoit encores tous les iours moult fort, & moult doucement, de Gens-d'armes de la Communauté de Castille (dont il s'appeloit Roy) pour resister à l'encontre, Et si attendoit, de iour en iour, messire Bertrand du Guesclin, à grand secours de France: & si auoit fait vn especial mandement & commandement par tout son Royaume, à tous ses feaux, sur peine de perdre la teste, que chacun selon son estat, à pié & à cheual, venfist à luy pour aider à garder & deffendre son Royaume. Ce Roy Henry estoit moult fort aimé: & aussi tous ceux de Castille auoient mis peine de luy aider à chacer Dom Pietre: & pourtant obeyrent ils plus tost à son commandement. Si estoient venus, & venoient encores efforcément tous les iours delez luy, par son commandement, à Sainct Dominique plus de soixante mille hommes, qu'à pié

corrompu en l'un de ces deux, ou bien ce qui-cy pour l'un d'iceux: La Chaux dit

Pierrebuffie re. Mais il a plusieurs de tels propres nōs & surnoms maintenant d'une sorte, maintenant d'une autre, ainsi que noz Exempl. tellement que ie me tiē à ce que ie vous en ay desia dit, vous laissant choisir lesquels il vous plaira. Biē vo^{us} veu-x-ie aduer-tir qu'il met tantost douze mille cheuaux, pour dix mille: comme aussi fait Sala.

Traitement, que firent les Compaignies aux Nauarrois

C'est à dire, en diligence & les attrayant amiablement. Mandement du Roy Henry de Castille pour assembler ses gēs

*Lettres du Roy
Henry de Ca-
stille au Prince
de Galles.*

*† Gerard & la
Chaux disent
les ports.*

qu'à cheual, tous appareillez de faire sa volonté: & de mourir ou de viure, fille conue-
noit. Quand le Roy Henry ouyt certaines nouuelles que le Prince de Galles, à tout son
effort, estoit au Royaume de Nauarre, & auoit ia passé les destroits de Rancevaux, &
approchoit moult fort, si eut bien cognoissance que combattre le conuenoit au Prince
& de ce par semblant estoit moult ioyeux: & dit, tout haut. Le Prince de Galles est vail-
lant & preux Cheualier: &, pource qu'il sente que c'est sur mon droit que ie l'atten, ie
luy vueil escrire vne partie de mon entente. Adonc demanda vn Clerc: & il vint auant.
Escriuez (dit le Roy Henry) vnes lettres. Lesquelles parloient ainsi. A trespuissant &
honoré Seigneur, le Prince de Galles & d'Aquitaine. Cher Seigneur, comme nous au-
ons entendu que vous & voz gens soyez passez par-deuers † les portes de deçà, & que
vous auez fait accords & alliances à nostre ennemy, & que vous nous voulez greuer &
guerroyer, nous en auons eu moult grand merueille: car onques ne vous fîmes chose,
ny ne voudrions faire, pourquoy ainsi à main armée vous doyez venir sur nous, pour
nous tollir tant petit d'heritage, que Dieu nous a donné. Mais vous auez la grâce & la
fortune d'armes, plus que nul Prince du iourd'huy, pourquoy nous esperons que vous
vous glorifiez en vostre puissance. Or pource que nous sauons de verité que nous que-
rez pour auoir bataille, vueillez nous laisser sauoir par quel lez vous entrez en Castil-
le, & nous vous ferons au-deuant, pour garder & deffendre nostre Seigneurie. Escript,
&c. Quand ceste lettre fut escripte, le Roy Henry la fit seeller: & puis appela vn sien He-
raut, & luy dit. Va ten, au plus tost que tu pourras, deuers le Prince de Galles: & luy bail-
le ces lettres de par moy. Le Heraut respondit. Monseigneur volontiers Adonc se par-
tit du Roy Henry, & s'adreça parmi Nauarre: & fit tant qu'il trouua le Prince. Si s'age-
nouilla deuant luy: & luy bailla les lettres du Roy Henry. Le Prince fit leuer le Heraut:
& print les lettres, & les ouurit, & les leut par deux fois pour mieux les entendre.
Quand il les eut leuës & imaginées, il manda vne partie de son Conseil: & fit le Heraut
partir de ce lieu d'assemblée. Quand son Conseil fut venu, il leut de-rechef la lettre, &
la leur exposa de mot à mot: & puis leur en demanda conseil: & dit le Prince, pendant
qu'on conseilloit la responce, Ce Bastard est vn vaillant Cheualier, & plein de grand
prouesse: & luy vient de grande hardiesse ce, qu'il nous a escrit maintenant. Là furent
longuement le Prince & son Conseil. Finalement ils ne peurent estre d'accord d'escrire
& fut dit au Heraut. Mon amy, vous ne vous en pouuez encores partir d'icy. Quand il
plaira à Monseigneur le Prince, il escrira par vous, & non par autre. Si vous tenez delez
nous, tant que vous aurez responce: car Monseigneur le veut ainsi. Le Heraut respondit.
Dieu y ait part. Ainsi demoura il delez le Prince & les Compaignons, tout aise. Le pro-
pre iour au soir que le Heraut eut apporté ces lettres, s'aduāça messire Thomas de Phel-
letō: & demāda vn don au Prince. Lequel Prince (qui ne sauoit mie quelle chose il vou-
loit) luy demāda. Quel dō voulez vous auoir? Mōseigneur (respōdit messire Thomas) ie
vous prie q̄ vous m'accordez, que ie puisse partir de vostre ost, & cheuaucher deuāt (car
i'ay plusieurs Cheualiers & Escuyers tous de ma sorte, qui desirēt à s'aduācer) & ie vous
promets que no^r cheuaucherōs si-auāt, que no^r saurōs la cōiue des ennemis, & quelle
part ils se tiēent & se logēt. Le Prince luy accorda volōtiers celle requeste: & luy sceut
encore grād grē. Si se partit de l'ost du Prince ledit Thomas de Phelletō: qui se fit Chef
de celle cheuauchée: & en sa cōpaignie estoiet ceux que ie vous nōmeray. C'est assauoir
messire Guillaume Phelleton son frere, messire Thomas du Fort, messire Robert Canol-
le, messire Gaillard Viguiier, messire Raoul de Hastigues, messire Goufes, & plusieurs au-
tres Cheualiers & Escuyers: & estoient bien † huit vingts Lances, & trois cens Archers,
bien mōtez, & bons Gens-d'armes: & encores y estoient messire Hue de Stanford, mes-
sire Richard Cautō, & messire Simon de Burle: qui ne sont mie à oublier. Si cheuauche-
rent ces Gēs-d'armes parmi le royaume de Nauarre: & auoient guides qui les menoiēt:
& trouuerent la riuere de Merc (qui est moult roide & moult forte) au Groing: & alle-
rent loger outre, en vn petit village, qu'on dit Nauarret: & là se tindrent, pour mieux sa-
uoir & ouyr ou le Roy Henry se tenoit, & apprendre son conuenant.

*Cheuauchee de
Thomas Phelle-
ton, Seneschal
d'Aquitaine.*

*† Ainsi disent
les deux Abr.
y ayant icy par
auant sept
vingts sans y
adiouster Lan-
ces.*

*De la prinse du Roy de Nauarre par Olinier de Manny, Breton, partisan du Roy Dom Pietre,
de l'arriuee du Prince de Sauneterre en Espagne, de l'écarmouche de Thomas Phelleton
au logis du Roy Henry, & comment les deux armées ennemies s'entr'approcherent.*

PEndât que ces choses se faisoient, & que tous ces Cheualiers seiournoiët en Nauarret, & qu'ëcore se tenoit le Prince en la marche de Pâpelune, fut le Roy de Nauarre prins, en cheuauchât de ville à autre, du costé des François, par messire Oliuier de Mány: dôt le Prince & tous les Anglois & ceux de leur costé, furent moult émerueillez: & supposerët les aucuns, en l'ost du Prince, † que tout par cautelle il s'estoit fait prédre: pourtât qu'il ne vouloit mie le Prince cōuoyer plus auant, n'aller avec luy en sa cōpaigrie: par ce qu'il ne sauoit mie cōment la besongne se porteroit du Roy Héry & du Roy Dō Pietre. Il n'estoit nul, qui en sceust le certain: mais, toutesfois, Madame la Royne, sa femme, fut moult ébahie & déconfortée: & s'en vint à genoux deuant le Prince, en luy disant, Cher Sire, pour Dieu, mercy. Vueillez entédre au Roy, mō Seigneur (qui est prins frauduleusement, & ne sauôs cōment) & tant faire, cher Sire, nous vous priôs, par pitié & pour l'amour de Dieu, que nous le r'ayons. Adonc respōdit le Prince doucemēt. Certes, Dame & belle cousine, sa prinse nous déplaist grandement: & e pouruoyrôs de remede brièvement. Si vous prie que ne vous vueillez déconforter: mais recōforter: car se nous profitôs en ce voyage, sachez voiremēt qu'il y partira: & n'entédros à autre chose, † reuenus si le r'aurez. Et ainsi s'en retourna la Royne de Nauarre, mais vn sié noble Cheualier, nōmé Martin de la Kare, entreprint ledit Prince à cōduire & mener parmi le Royaume de Nauarre: & luy fit auoir guides pour ses gens: car autremēt ils ne sceussent auoir tenu les destroits, ne les diuers chemins. Si se partit le Prince de là ou il estoit logé: & passerët luy & ses gës parmi vn pas, qu'ō appelle Sarris: qui moult leur fut diuers à passer: car il estoit petit, & garni d'vn tresmauuais chemin. Si eurent moult de † disettes: car ils trouuerent petit de viurs sur ce passage, tant qu'ils vindrent à Sauueterre. Sauueterre est vne moult bōne ville: qui gist en vn bon pays, & gras selon les marches voisines: & est icelle ville de Sauueterre à l'issue de Nauarre, & à l'étrée d'Espaigne: & se tenoit pour le Roy Henry. Si se partit trestout l'ost en celuy pays: & les cōpaignes s'aduancerent: qui cuidoient assailir Sauueterre & la prendre de force, & tout y piller. De ce estoient ils en grande volōté, pour le grand auoir qu'ils sauoient dedans: que ceux d'ëuiron y auoient mis, & apporté, sur la fiance de la forteresse. Mais ceux de Sauueterre ne voulurent mie attédre ce peril: car ils cognurent & sentirent tantost: qu'ils ne pouuoient nullement durer, ne resister, cōtre si grād ost que le Prince menoit, si on les assailloit. Si s'en vindrēt tantost rendre au Roy Dom Pietre: & luy crierët mercy: & luy presenterët les clefs de ladite ville. Le Roy Dom Pietre, par le conseil du Prince, les print à mercy. Autremēt n'eussent mie esté: car il les vouloit tous destruire. Toutesfois ils furent tous prins à mercy: & entrèrent le Prince, le Roy Dom Pietre le Roy de Maillorque, & le Duc de Lanclastre par dedans: & le Comte d'Armignac & tout le demourant se logerent par les villages. Nous nous soufrerons vn petit à par du Prince: & parlerons de ses gens, qui estoient à Nauarret. Ces Cheualiers dessus-nōmez (qui là se tenoient) desiroient moult leurs corps auancer: car ils estoient cinq † iournées en sus leurs gens, depuis qu'ils se departirent premierement d'eux: & issoient souuent de Nauarret: & cheuauchoit souuent sur la marche de leurs ennemis, pour apprendre comme ils faisoient, & quelle part ils se tenoient: & ia estoit aussi logé le Roy Henry dessus les chāps, avec tout son ost. Lequel Roy moult desiroit à ouir nouuelles du Prince, s'émierueillant fort que son Heraut ne reuenoit. Si couroient aussi ses gens tous les iours, pour apprendre nouuelles des Anglois, iusques à bien pres de Nauarret, & tant que le Comte Dom Teille, frere audit Roy Héry, sceut qu'il y auoit Gens-d'armes en garnison, de leurs ennemis, en la † ville de Nauarret. Dôt il pensa qu'il les iroit plus attrempément visiter, & veoir de plus pres. Mais, auant qu'il le fist, il aduint que ces Cheualiers d'Angleterre cheuaucherent vn soir si auant, qu'ils s'embaritèrent † au logis du Roy Henry: & y firent vne grād' écar mouche: & réueillerent merueilleusement l'ost: & en occirët aucune & en prindrēt: & par especial le Cheualier du Guet y fut prins sans recouurement, & sans dommage d'eux. Au lendemain ils enuoyerent vn Heraut au Prince (qui se tenoit à Sauueterre) & luy signifirët, par luy, tout ce qu'ils auoiët trouué: & luy signifirèrent en quel estat ses ennemis gisoient, & quelle puissance ils auoiët: car ils en furent tout informez par les prisonniers qu'ils tenoient. De ces nouuelles fut le Prince moult ioyeux, & aussi de ce que ces gens se portoient si bien sur la frontiere.

Le Roy Henry (qui estoit courroucé de ce que ces Anglois, qui se tenoient à Nauarret, l'auoient ainsi réueillé) dit qu'il les vouloit approcher. Si se partit, & toutes ses gens † de là ou ils estoient logez: & auoit en propos de soy aller loger es plains de la vil-

† Le liure de Bert. du Guesc. dit bien que ce ne fut point par feinte.

Priere de la Royne de Nauarre au Prince de Galles, pour le recouurement de son mary.

† C'est à dire, quand nous serons reuenus, nous ne ferons autre chose, iusques à tant que le r'ayez † Il y auoit de suites. Mais vous pouuez veoir comment & aussi la Chaux assure nostre correctiō Sauueterre prise à mercy par le moyen du Prince de Galles.

† s'en taisans Sala, la Chaux dit ainsi: mais il me semble que c'est assez de cinq lieues, si on ne veut entendre qu'il y auoit cinq iours que ils estoient deuant.

† Il a n'agueres dit petit village.

† Les Abregez disent sur l'ost.

† Ce passage e-

*flloit corrompu
en ceste sorte
de la ou ils
estoiēt logez
es plains de-
uāt la victoi-
re. Quand,
e-c. Mais les
Abr. no^e l'ont
ainsi fait ramē-
der cōme vent
aussi la dedu-
ction suisuante.*

*Le Prince de
Galles deuant
la ville de Vi-
ctoire, assez
pres du camp
de Dom Henry*

*†le doute qu'il
n'y faille Fel-
leton.*

le de Victoire. Si passa la riuere qui court deuant Nauarret, pour tirer celle part. Quand messire Thomas de Phelletō & les Cheualiers dessus-nōmez: qui à Nauarret se tenoiēt, entēdirent ces nouuelles, & que le Roy Henry auoit passé l'eauē, & tiroit tousiours auāt, pour trouuer le Prince & ses gens, si eurent conseil & volenté d'eux déloger de Nauarret, & de prédre les chāps, pour mieux sauoir encores la parfaite verité des Espaignols. Si se délogerent de Nauarret, & se meirent aux chāps: & enuoyerent certaines nouuelles au Prince, cōment le Roy Henry approchoit moult fort, & le desiroit, par semblāt, à trouuer. Quand le Prince (qui se tenoit encores à Sauueterre) entendit que le Roy Hēry auoit passé l'eauē, & prenoit son chemin pour venir deuers luy, si en fut moult réiouy: & dit, si haut que tous l'ouirent. Par ma foy ce Bastard est vn vaillant Cheualier & hardi: & luy vient de grād prouesse, & de grand hardemēt, de nous querir ainsi. Or (puis qu'il nous quiert, & nous le querons) par droit nous nous deurions entretrouuer, & cōbattre. Si est bon que nous partions d'icy, & qu'allions deuant premieremēt, pour prendre Victoire, & le lieu & la place: ainçois que noz ennemis y viēent. Dont se partirent, au lendemain, de Sauueterre, bien matin, le Prince & tous ses gens: & firent tant qu'ils vindrēt deuant Victoire. Si trouuerēt le Prince & ses Cheualiers messire Thomas de Phelleton & les autres dessus-nōmez: ausquels il fit grād feste: & leur demāda d'vnes choses & d'autres. Pendant qu'ils deuisoient, les Coueurs rapporterēt qu'ils auoiēt veu les Coueurs de leurs ennemis: & sauoiēt, de certain, que le Roy Hēry & ses gēs n'estoiēt point loing de là, par les signes qu'il en auoiēt veus, & par le cōuenāt des Espaignols. Quād le Prince entēdit ces nouuelles, il fit sonner ses trōpettes, & crier à l'arme par tout sō ost. Quād ils eurent ouy ces nouuelles. ils se recueillirent tous ensemble, ainsi ordōnement cōme il conuenoit: & se rangerent moult cōuenablement, sur les chāps par bataille: ainsi qu'ils deuoiet estre: car chacun sauoit, des au partir de Sauueterre, quelle chose il deuoit faire & ou il se deuoit retraire. Si f'ordōnerent tantost, & se retrahirent chacun là ou il deuoit aller. Là veit on grād' noblesse de bānieres & de pennons, & de toute armoirie. Si vous dy que c'estoit grand' noblesse, & vne grand' beauté à regarder. Là estoit l'auantgarde, si bien rangée & ordonnée, que merueilles: de laquelle le Duc de Lancastre estoit Chef & gouuerneur: & avec luy messire Iehan Chandos, Connestable d'Aquitaine: lequel estoit moult étoffement en grād arroy. Là eut fait, par les batailles, plusieurs Cheualiers: & fit le Duc de Lāclastre, en l'auātgarde, Cheualiers, messire Raoul Camois, messire Gautier Boring, messire Thomas Danuery: & en fit le Duc iusques à douze. Et messire Iehan Chādos en fit aucuns, de quelques bōs Escuyers d'Angleterre & de son ost: c'estassauoir Courton, Clifson, Prieur, Guillaume de †Feruetō, Aimery de Rochechouart, Girard de la Mote, & Robert Briquet. Et le Prince fit Cheualiers, premierement Dō Pietre (le Roy d'Espaigne) messire Thomas de Hollāde, fils de sa femme la Princesse, messire Philippe & messire Denis de Courtenay, messire Iehan Tōnet, messire Nicolas Bonde, & des autres plusieurs: & aussi faisoient les autres Seigneurs par leurs batailles. Si y en eut fait ce iour trois cēs & pl^e: & furēt là rāgez tout ce iour, pour attēdre bataille, & leurs ennemis: fils se fūsēt traits auāt: mais ils ne vindrēt, n'approcherēt de plus pres, que les Coueurs auoiēt esté. Car le Roy Henry attendoit encores grand secours d'Arragon, & especialemēt messire Bertrand du Guesclin (qui deuoit venir à plus de 4000. cōbattans) &, sans ces gens, il ne se fust mie volontiers combattu. De tout ce fut iedit Prince tout ioyeux car aussi toute sō arrieregarde (ou plus auoit de six mille hōmes) estoit en arriere, plus de sept lieues de païs. Dequoy le Prince eut ce iour, qu'ils furēt deuāt Victoire, mainte angosse au cœur, voyāt qu'elle mettoit tāt à venir. Neātmoins, si les Espaignols se fussent traits auant pour combattre, le Prince, sans nulle faute, les eust recueillis & combattus.

De la venue de Bertrand du Guesclin, à l'aide du Roy Dom Henry: & comment le Comte Dom Teille assaillit l'auātgarde du Prince de Galles, & déconfit Thomas de Phelleton & ses Auancoueurs.

CHAP. CCXXXIX.

Quād ce vint au soir, les deux Mareschaux (messire Richard d'Angle, & messire Estiēne de Gouscenton) ordonnerent & cōmanderent de tout retraire, & de tous loger: & qu'au lendemain, au son des trōpettes, chacun se trahist sur les champs, en ce propre estat qu'ils auoient esté. Si obeyrent tous à ceste ordonnance: excepté messire Thomas de Phelleton & sa route: dont j'ay parlé cy-dessus. Car ils se departirent, ce propre soir

pre soir du Prince: & cheuaucherēt plus auant, pour mieux apprēdre de l'estat des ennemis: & s'en allerēt logger en sus de l'ost, biē deuxlieuēs de pais. Aduint ce soir, que le Côte Dom Teille frere du Roy Henry, estant au logis du Roy son frere. & luy parlāt d'vnes choses & d'autres, dit au Roy Hēry. Sire, vous sauez que noz ennemis sont logez moult pres d'icy: & n'est nul qui les réueille. Le vous prie me donner congé, que demain au matin ie puisse cheuaucher deuers eux, à tout vne route de vos gens, qui en sont en grand' volonté: & ie vous promets que nous irons si auant, que nous vous en apporterōs enseignes vrayes, & certaines nouuelles d'eux & de leurs entreprinſes le Roy Henry qui veit son frere en grand' volonté) ne luy voulut mie briser son bon vouloir: mais le luy accorda legērement. En celle propre heure descendit en l'ost messire Bertrand du Guesclin, à plus de quatre mille combattans, de France & d'Arragon: dōt le Roy & ceux de son ost furent grandement réiouis: & fut festoyé, & hōnoré, & recueilli si grandement comme à luy appartenoit. Le Comte Dom Teille ne voulut mie ſejourner sur son propos: mais requit & pria tous les compaignons, qu'il fauoit estre de grand' volonté, & qu'il pensoit bien auoir: & en eust volōtiers prié messire Bertrand du Guesclin, messire Arnoul d'Andreghe, le Begue de Villaines, & le Vicōte de Roquebertin d'Arragon fil eust osé: mais, pourtant qu'ils estoient venus n'auoit gueres, il les laissa: & aussi le Roy Henry luy deffendit que point ne leur en parlast. Le Comte Dom Teille s'en passa assez briēuement: & en eut aucuns de Frāce & d'Arragon, qui auoient là ſeourné toute la saison: & fit tant qu'il eut biē six mille cheuaux, & les hommes mōtez dessus, & bien habillez: & estoit son frere Sance en sa cōpaignie. Quand ce vint au matin, à l'aube du iour, ils furent tous arrangez, & montez à cheual. Si se partirent de l'ost: & cheuaucherent en bon cōuenant, par deuers les logis des Anglois: &, enuiron soleil leuant, ils rencōtrèrent, en vne vallée, vne partie des gens de messire Hue de Caurellée, avec son † harnois: qui auoient geu la nuit vne grand' lieuē au deſſous de l'ost des Anglois, & ledit messire Hue meſme. Si tost q̄ les Espaignols & François, d'un lez, les apperceurēt, ils brocherent sur eux: & tantost les dēcōſirent, Si furent tous ruez, ou en partie, & ledit harnois cōquis. Mais messire Hue (qui venoit par derriere) trouua vn autre chemin. Toutesſois il fut apperceu & chacé: & luy conuint fuir, luy & toutes ſes gens, iusques en l'ost du Duc de Lancaſtre. Les Espaignols (qui estoient plus de six mille en vne route) cheuaucherēt en ceſte empreinte, sur vn des cornets des logis de l'auantgarde: que cōduisoit le Duc de Lancaſtre. Si commencerēt à écrier Caſtille, & à faire vn grand abbattis, & ruer par terre logis & feuillées: & abbatre, occire, & méhaigner gens, & tout tant qu'ils pouuoient trouer deuant eux: tellement que toute l'auantgarde commença à ouir ce bruit, & gens & Seigneurs à ſe réveiller, & eux armer, & traire deuant la loge du Duc de Lancaſtre: qui ia estoit armé, & ſa bāniere miſe deuant ſoy. Si se trahirent Anglois & Gascons haſtiuement sur les champs, chacun Sire deſſous ſa bāniere ou ſon pennon, ainſi qu'ordonné estoit au partir de Sauueterre: & cuiderent moult estre combattus. Si se trahit chacun, tant Anglois que Gascons, haſtiuement sur les chāps, chacun Sire deſſous ſa bāniere, ou ſon pennon, ainſi qu'ordonné estoit: comme dir eſt. Si se trahit tantost le Duc de Lancaſtre sur vne mōtaine: & là vindrent messire Iehan Chādos & les deux Mareſchaux, & pluſieurs autres Cheualiers (qui ſe meirent tous en ordōnance delez ledit Duc) & apres vindrent le Prince & le Roy Dom Pietre: & tout ainſi comme ils venoient, ils ſ'ordonnerent. Or ſachez que le Côte Dom Teille & ſon frere auoient aduiſé de venir sur ceſte mōtaine, & la prendre les premieres, pour auoir l'aduantage: mais ils faillirēt à leur aduis: ainſi qu'auiez ouy recorder. † Quād ils veirēt dōc, qu'ils n'y pouuoient aduenir, & que l'ost Anglois estoit tout émeu, si ſe recueillirēt tous enſemble, pour ſe retourner deuers leur ost: & ainſi partirēt, & cheuaucherēt en moult bon conuenant, ſous eſperance de trouuer aucune bonne aduēturer. Mais auant leur departement, il y eut fait aucunes appertifes d'armes: car aucuns Cheualiers Anglois & Gascons, ſe partirēt de leur arroy, & vindrēt ferir en ces Espaignols, & en porterēt aucuns par terre. Mais touſiours ſe tenoit la groſſe bataillē de ces Anglois sur la mōtaine deſſusdite: car ils cuidoient biē estre cōbattus. Au retour que ces Espaignols firent en éloignant le Prince, & approchèt leur ost, ils rencōtrēt les Coureurs du Prince: c'eſtaſſauoir messire Thomas de Phelletō & ſon frere, messire Richard Tancon, messire Dōgouſes, messire Hue de Haſtingue, messire Gaillard Viger, & pluſieurs autres: qui bien estoient deux cens, Cheualiers & Eſcuyers, Anglois & Gascons. Si brocherēt tantost deuers eux, parmi vne grād' vallée, en écriāt Caſtille, au Roy Henry. Les Cheualiers

*Arrivée de
messire Bertrād
du Guesclin au
camp du Roy
Henry.*

*† C'est à dire,
bagage.*

*Camifade du
Côte Dō Teille
à l'auantgarde
du Prince de
Galles.*

*† Tout ce passa
ge estoit corrompu
par omiſſion
changement, &
transpoſition de
mots: mais
nous l'auons rā
mendé ſelon le
ſens de l'Au-
teur, y eſtans
confirmé par
les Abregez.*

*Rencontre du
Comte Dom
Teille & de
Thomas Phelle-
ton.*

*Temerité de
messire Guillau-
me de Phelleto
par laquelle il
fut occis.*

*Déconfiture de
Thomas de
Phelleton &
de ses auatcou-
reurs par le Co-
te Dom Teille.*

dessus-nommez (qui bien veirent en leur rencontre celle grosse route d'Espaignols: lesquels ils ne pouuoïent écheuer) se conforterent au mieux qu'ils peurent, & se tirerent ensemble sur les champs, & prindrent l'aduantage d'une petite montaigne: & là se meirēt tous ensemble, & puis vindrent les Espaignols, & l'arrestèrent tous ensemble deuant eux, en considerant cōment ils les pourroient auoir & cōbattre. Là fit messire Guillaume de Phelleton vne grand' appertise d'armes, & vn grand outrage: car il descendit de la montaigne, la lāce abaissée, en esperōnant le courfier: & s'en vint ferir entre les Espaignols: & acconsuyuit vn Cheualier de son glaiue, si roidement, qu'il luy en perça toutes les armeures, & le luy passa parmi le corps, & l'abattit tout mort par terre. Là fut ledit messire Guillaume enuironné, & enclos de toutes parts: & là se cōbatit si vaillāmēt, que nul Cheualier ne pourroit mieux: & leur porta dōmage grand, ainçois qu'ils le peussent atterrer. Son frere & les autres Cheualiers, qui sur la mōtaigne estoïēt, bien le veoient combattre, & les grans appertises d'armes qu'il faisoit, & le peril ou il festoit mis: mais conforter ne le pouuoïent: fils ne se vouloient perdre. Si se tindrent tous quois sur là mōtaigne dessusdite, en leur ordonnance: & le Cheualier se cōbatit, tant qu'il peut durer: mais en fin il fut là piteusement occis. Depuis entēdirēt les Espaignols & les Frāçois à requerre & enuahir ces Anglois: qui se tenoïēt sur ceste petite mōtaigne. Lesquels ce iour firent plusieurs grās appertises d'armes: car à la fois d'une empreinte ils descēdoïēt & venoïēt cōtre leurs ennemis, & puis, en eux reboutāt tressagemēt, ils venoïēt remōter en la montaigne: & se tindrēt en celuy estat iusques à haute nōne. Bien les eust cōfortez le Prince, fil l'eust sceu: & les eust deliurez de ce peril: mais riens n'en fauoit. Si leur cōuint attēdre l'aduēture. Quand ils se furent tenus & combattus iusques à l'heure que ie dy, le Comte Dom Teille (qui trop enuieux estoit de ce que tāt se tenoïēt) dit ainsi tout en haut, & par mal-talēt. Seigneurs, nous tiēdrons nous meshuy icy à ces gens: nous les deussions ores auoir deuorez, auant, auant: cōbattons les de meilleure ordōnance, on n'a riens: si on ne le compare. A ces mots s'aduancerent François & Espaignols, de grand' volonté: & s'en vindrent, en se tenant par les bras, drus & espes, eux bouter de lāces & de glaiues, sur les Anglois: & estoient si grand foison, que les Anglois ne les peurent rompre, n'ouuir. Là eut fait sur la mōtaigne moult de belles appertises d'armes: & se cōbatirent & deffendirent à leur pouuoir les Anglois & les Gascons moult vaillāmēt: mais depuis que les Espaignols furent entrez dedans, ils ne se peurent longuement tenir. Si furent tous prins, & conquis par force d'armes: & y en eut aucuns occis: & oncques aucuns des Cheualiers & Escuyers qui là estoient, n'échappa: & n'y eut qu'aucuns varlets & garçons, qui se sauuerent par leurs cheuaux, & reuindrent au soir en l'ost du Prince: qui tout le iour festoit tenu rangé & ordonné sur la montaigne: car il cuidoit bien estre combattu.

*Du bon Conseil d'Arnoul d'Andreghe au Roy Henry de Castille, & de la rardine res-
ponse du Prince de Galles aux lettres dudit Roy.*

CHAP. CCXL.

A Pres la prinse & la conqueste des dessusdits Cheualiers & Escuyers, le Comte Dom Teille, & Sāce son frere, & leurs gens, retournerēt arriere deuers l'ost, tous ioyeux: & vindrent au soir au logis du Roy Henry. Si firēt les deux freres, qui ceste cheuauchée auoient faite, present au Roy Héry de leurs prisonniers: & recorderēt là audit Roy, present messire Bertrand du Guesclin, messire Arnoul d'Andreghe, & autres, cōment à la iournée ils festoient combattus, & quel chemin ils auoient fait: & comment ils auoient trouué les gens de messire Hue de Caurellée: & qu'ils auoient ruez ius, & chacez iusques à l'ost du Duc de Lāclastre, & réueillé moult fort ledit ost, & porté grand dommage: & comme ils festoient partis, & au retour auoient rencontré ces Cheualiers, qui prins estoient. Le Roy Henry (qui oyait & escoutoit ces parolles en grād gloire) respōdit adōc ioyeusement au Cōte Dom Teille, son frere: & dit. Beau frere, vous auez grandemēt exploité: & vous en guerdonneray grandement: & bien sachez que tous les autres viendront par ce pas. Adonc s'aduāça de parler messire Arnoul d'Andreghe. Sire, Sire, sauue soit vostre grâce. Je ne vueil pas reprendre vostre parolle: mais ie la vueil amender: & vous dy que, quand par bataille vous assemblerez au Prince, vous trouuerez là Gens d'armes tels, comme il les faut trouuer: car là est la fleur de toute la Cheualerie † du monde: & là trouuerez durs & sages combattans, & à bonnes certes, & iā pour mourir plein piē n'en fuiront. Si auez bien mestier que vous ayez aduis & conseil sur ce poinct. Mais, se vous me voulez croire, vous les déconfirez sans coup ferir: car (se vous faites garder

† La Chaux dit
de decha les
monts.
Bon conseil,
d'Arnoul de
Andreghe
non suiny.

garder tant seulement les destroits & les passages: parquoy pourueances ne leur puissent venir) vous les affamerez & decōfrez par ce poinct: & retourneront en leur pais sans arroy, & sans ordonnance: & alors vous aurez vostre volonte & voz desirs accomplis. Adonc respōdit le Roy Héry: & dit. Mareschal, par l'ame de mō pere ie desire tant à veoir le Prince, & éprouuer ma puissance à la sienne, que iamais ne partirons sans bataille: & Dieu merci, i'ay & auray bien dequoy m'y seruir: car tout premieremēt ià sont en mō ost sept mille Hōmes-d'armes, mōtez sur chacū vn bō coursier ou destrier, & tous couuerts de fer, si bien qu'ils ne craindrōt traict † n'Archer. En apres i'ay bien vingt mille d'autres gens, montez sur genets, & armez de pié en cap. Du surplus i'ay bien quarante mille hōmes de Communauté, à lances, à dards, & à pauois: qui feront vn grād faict: & tous ont iuré que point ne me faudrōt, iusques au mourir: si que, Sire Arnou, Mareschal, ie ne me doy pas ébahir: mais conforter grandement en la puissance de Dieu & de mes gens. En celuy estat finirent ils leur parlemēt: & apporterent Cheualiers & Escuyers vin & espiques. Si en prindrent le Roy & les Seigneurs d'enuiron & puis retournerēt chacun en son logis. Si furent fermentez, comme prisonniers, & departis l'un de l'autre, les Cheualiers & Escuyers Anglois & Gascons, qui prins auoient esté ceste iournée. Or retournerons nous au Prince: & parlerōs vn petit de son ordōnance. Le Prince de Galles & le Duc de Lanclastre) qui se tindrent tout le iour sur leur mōtaigne) au vespre furent informez cōment leurs Coureurs estoient tous morts ou prins. Si en furēt moult courrouce: mais amender ne le peurent. Si se retrahirent à leurs logis: & se tindrent là tout le soir. Quand ce vint au matin, ils eurent conseil de cheuaucher, & partir de là, & d'aller plus-auant & délogerent, & vindrent des lors loger plus pres de Victoire: & furēt là tous armez: ainsi que pour cōbattre tātost: car ils estoient informez que le Roy Héry & son frere, & leurs gens, n'estoient mie trop loing: lesquels toutesfois ne se tirerēt point plus-auant. Mais sachez que le Prince & son frere estoiet en grand' defaute de viures & de pourueances, pour eux & pour leurs cheuaux. Car ils estoient logez en moult mauuais pais & maigre: & le Roy Henry & ses gens en moult bon pays & gras. Si vendoit on, en l'ost du Prince, vn pain (qui n'estoit mie bien grand) vn Florin: & encores trop volontiers le payoit, qui en pouuoit auoir. Si faisoit moult destroit temps de vent & de pluye & de neige, & en ce mesaise & danger furent ils six iours. Quand le Prince & les Seigneurs veirēt que les Espaignols ne se tiroient point auant pour combattre, & que là estoient en grand destresse, si eurent cōseil qu'ils iroient querre passage ailleurs. Si se délogerēt & meirēt à chemin, en retournant vers Nauarret, & passerent vn pays que l'on appelle † le pays de la Garde: & quand ils l'eurent passé, ils s'en vindrēt en vne ville, qu'on appellē † Viēne. Là se rafreschirent le Prince, le Duc de Lanclastre, le Comte d'Armignac, & les autres Seigneurs deux iours: & puis s'en vindrent passer la riuere, qui depart Castille & Nauarre, au pont du Groing, es vergers, dessous les Oliuiers: & là trouuerent meilleur pays qu'ils n'auoient fait par-auant: mais trop grandement y auoit grand' defaute de viures.

Quand le Roy Henry sceut que le Prince & ses gens auoiet passé la riuere au pont du Groing, si se departit de Sainct-Michaut (ou il f'estoit tenu & logé longuement) & s'en vint loger deuāt Nauarret, sur ceste mesme riuere. Les nouuelles vindrēt au Prince, cōment le Roy Henry f'estoit approché: si en fut moult fort ioyeux. Si dit tout haut. Par S. George en ce Bastard a vn vaillant Cheualier. A ce qu'il mōstre, il nous desire à trouuer & combattre, Si nous trouuera briēuement, ce ne peut longuement durer. Adōc appela le Prince le Duc de Lāclastre son frere, & aucuns des Barōs de sō cōseil: qui là estoiet: & escriuit, par leur aduis, responce aux lettres, que le Roy Henry luy auoit enuoyées. Laquelle forme de lettre resposiue deuisoit ainsi. E D O V A R D, par la grâce de Dieu Prince de Galles & d'Aquitaine, & hōnoré & renōmé Héry, Côte de † Tristemare: qui pour le presēt s'appelle Roy de Castille. Cōme ainsi soit que vous nous ayez enuoyé vnes lettres par vostre Heraut (esquelles sont contenus plusieurs articles, faïsans mention que vous sauriez volōtiers pourquoy nous tenōs à ami vostre ennemi nostre cousin le Roy Dom Pietre, & à quel tiltre nous vous faisons guerre, & sommes entrez à main armée en Castille) respondant à ce, Sachez que c'est pour soustenir droiture & garder raison (ainsi qu'il appartient à tous Roys) & pour entretenir grandes alliances, que nostre Seigneur le Roy d'Angleterre & le Roy Dom Pietre ont euës des iadis ensemble. Mais, pource que vous estes aujourd'huy renommé de bonne Cheualerie, nous vous accorderions volontiers à luy, se nous pouuions: & ferions tant par priere, enuers nostre cousin le

† La Chaux die
ne lance.

† Les Abr. di-
sent lx. mille:

Disette et mes-
aise du Camp
du Prince de
Galles, pres la
ville de Victoi-
re, sur les mar-
ches de Castil-
le.

† La Chaux dit
le pas, &c.
† La Chaux dit
voyanc.

Responce au
Prince de Gal-
les aux lettres
du Roy Henry
le Bastard.

† Il y auoit icy
Cristemare:
mais la Chaux
dit Tristena-
re, approchant
de Tristema-
re en tous bons
Auteurs.

† 1367. comme
dessus, & no-
rez, que la
Chaux dit, de
lez le groing
pour à Groing

Roy Dom Pietre, que vous auriez au Royaume de Castille grand' part. Mais de la couronne & de l'heritage vous faut deporter. Si ayez conseil sur ce: & sachez que nous entrerōs audit Royaume de Castille, par lequel lez il nous plaira le mieux. Escrit à Groing, le † trétième iour de Mars. Quād ceste lettre fut escripte, on la cloyt & seella si fut baillée au Heraut, qui auoit l'autre apportée, & qui la responce auoit attendue plus de trois semaines. Si se partit de la presence du Prince & des Seigneurs: & tant cheuaucha, qu'il vint deuant Nauarret, es bruyeres ou le Roy Henry estoit logé. Si vint au logis du Roy: & là se trahirēt les plus grās Barōs de l'ost, pour ouir des nouuelles, quād ils sentirēt leur Heraut venu. Ledit Heraut s'agenouilla deuāt le Roy: & luy bailla la lettre, q̄ le Prince luy enuoyoit. Le Roy la print, & l'ouurit: & appela au lire, messire Bertrād du Guesclin & aucuns Cheualiers de son Cōseil. Là fut ladite lettre veuē, & leuē, & biē cōsiderée. Adoncques parla messire Bartrād: & dit au Roy Henry. Sire, sachez que briēuement vous cōbattrez. De tant cognoy-ie bien le Prince. Si ayez aduis sur ce: car vous auez bien mestier que vous regardiez à voz besongnes, & entendiez à voz gens, & à ordōner voz batailles. Damp Bertrand (ce luy respondit le Roy Henry) ce soit au nom de Dieu. La puissance du Prince ne doute riēs: car i'ay bien trois mille cheuaux armez (qui ferons sur les deux ælles) & auray bien sept mille guetteurs, & biē vingt mille Hommes-d'armes (des meilleurs que l'on puisse trouuer en toute Castille, Galice, Portugal, Cordoue, & Siuille) & dix mille bons Arbalestriers, & bien soixante mille hōmes de piē, à tout lances & archegayes, & autres manieres de glaiues & d'armes: & ont to' iuré qu'ils ne me faudrōt pour mourir. Si sachez, Sire Bertrand, que i'en auray le meilleur par la grâce de Dieu (en qui ie me fie) & moyennant le bon droit aussi, que i'ay en la querelle & en la besongne. Si vous prie à trestous que nous ayons bon courage. Ainsi se deuisoient le Roy Henry & messire Bertrand du Guesclin ensemble, d'vnes choses & d'autres: & laisserēt à parler des lettres, que le Prince auoit enuoyées: car c'estoit bien l'intention du Roy Henry que ils se combattroient. † Si entendirent à ordonner leurs gens, & leurs besongnes, le Cōte Dom Teille & le Comte Sance: qui adonc estoient fort renommez & honnorez en l'ost, par la cheuauchée qu'ils auoient mise sus, & dont ils estoient venus à bon conroy. Mais ores vous parlerons du Prince, & comment il persēuera.

† Ce passage estoit fort corrompu en tous les Excp. par transposition de mots: mais nous l'auons redrecé selon le sens de l'auteur, s'en taisās les Abr.

De la bataille de Nauarret: que le Prince de Galles, s'oustenant le parti du Roy Dom Pietre de Castille, gaigna contre le Roy Henry frere bastard d'iceluy: & comment, y estant prins Bertrand du Guesclin, le Roy Henry fut contraint d'escamper, apres s'y estre porté fort vaillamment.

CHAP. CCXLI.

† La Chaux dit es bruyeres de Nauarret.

Quand ce vint au Vendredy, deuxième iour du mois d'Auril, il se délogea de deuant le Groing (là ou estoit logé luy & tout son ost) & cheuaucherēt tous ses gens armez par maniere de bataille: ainsi que pour tantost combattre (car bien sauoient que le Roy Henry n'estoit mie loing, & cheminerent ce iour deux lieues: & s'en vindrent, à heure de tierce, droit deuant Nauarret: & se logerent là. Si tost qu'ils eurent prins piēce de terre, le Prince enuoya ses Coureurs deuāt, pour sauoir la conuiue des ennemis, & là ou ils estoient logez. Ces Coureurs, montez sur fleurs de coursiers, se departirēt de l'ost du Prince, & cheuaucherēt si auant, qu'ils veirent entieremēt tout l'ost des Espaignols (qui estoient logez † deuant Nauarret) & ce rapporterēt-ils au Prince: qui en ouit volōtiers parler. Quād ce vint au soir, il fit secrettemēt signifier par tout son ost, qu'au premier son de sa trōpette on s'appareillaist, au secōd qu'on s'armaist, & au tiers qu'ō mōtaist à cheual, & que l'on partist prestemēt en suyuant les bānieres des Marechaux, & le pēnon S. George: & que nul sur sa teste ne s'aduançast d'aller deuant: fil n'y estoit cōmis, Tout en celle maniere que le Prince de Galles auoit ce Vendredy sur le soir, enuoyé ses Coureurs deuāt, pour aduiser la cōuiue des Espaignols, le Roy Héry auoit aussi enuoyé les siens, pour apprēdre de l'estat du Prince, & ou il estoit logé, & comment, Ceux qui y furent en rapporterent la verité: & sur ce poinct eurent le Roy Henry & messire Bertrand du Guesclin aduis & conseil. Si firent, ce Vendredy de haute heure, toutes leurs gens souper, & puis aller reposer, pour estre plus frais, & plus nouueaux, à heure de minuit: qu'ordonné leur estoit eux armer, & appareiller, & traire sur les champs, & ordonner leurs batailles: car bien sauoient qu'au lendemain ils se combattroient. Si se tindrent les Espaignols ce soir tous aises. Car bien auoient dequoy, & de tous viures largement: & les Anglois en auoient grand' defaute: dont ils desiroient moult à combattre,

battre, pour tout perdre, ou tout gagner. Apres minuit sonnerent les trompettes du Roy Henry. A ce son se reueillerent, s'armerent, & appareillerent toutes manieres de gens. Au second apres se trahirent hors de leurs logis, & se meirent tous sur les champs: & ordonnerent trois batailles. La premiere eut messire Bertrand du Guesclin, & messire Robert de Roquebertin, Vicôte en Arragon: & là furent tous les estrâgers, tant de France comme d'autre pays: & y furent deux Barons de Haynaut: c'est assavoir le Sire d'Antoing, & messire Alars, Sire de Brisfueil. Là furent aussi messire le Begue de Villaines, le Begue de Villiers, messire Iehan de Bergutes, messire Gauvain de Bailleul, l'Allemand de Saint-Venant (qui fut là fait Cheualier) & plusieurs autres Cheualiers de France, d'Arragon, de Prouence, & des marches voisines. Si estoient bien en ceste bataille quatre mille Cheualiers & Escuyers, moult bien-armez, & ordonnez à l'usage de France. La seconde bataille eut le Comte Dom Teille & son frere Sance: & estoient bien en cel le ordonnance, parmi les Genetaires, † xxv. mille, tant à pié qu'à cheual: & se tirerent vn peu arriere de la bataille de messire Bertrand, à la fenestre main. La tierce bataille, & la plus grosse sans comparaison, gouuernoit le Roy Henry: & estoient en son arroy bien sept mille hommes à cheual, & soixante mil à pié, parmi les Arbalestiers. Quand ils furent ordonnez, le Roy Henry monta sur vne mulle, forte & roide, à l'usage du pays, & ainsi partit de son conroy: & s'en alla visiter les Seigneurs, de rang en rang, en eux priant moult doucement, qu'ils voussissent ce iour eux employer à garder leur honneur: & leur remonstroit à tous la besongne, de si bonne chere, qu'ils en estoient tous ioyeux. Apres qu'il fut ainsi allé de l'vn à l'autre, il s'en reuint en sa bataille, dont il estoit parti: & tantost fut iour, & enuiron soleil leuant, se meirent à voye par-deuers Nauarret, tous rangez & ordonnez, ainsi que pour trouuer leurs ennemis, & tantost combattre l'vn à l'autre. † Le Prince de Galles (ainsi comme dit est) auoit fait ses ordonnances de bataille des deuant Viçtoire, quand il cuida estre combattu: & ne les auoit en rien muées. Car tousiours depuis auoit cheuauché en celle maniere: & ainsi sur l'aube du iour se mit aux champs, faisant marcher ses batailles comme elles deuoient aller, & en tel estat que pour tâtost trouuer & rencontrer leurs ennemis: & ne cheuauchioient nuls deuant les batailles des Mareschaux: fils n'estoient ordonnez pour courir: & bien sauoient les deux Seigneurs & leurs oïsts, par le rapport des Coureurs, qu'ils se deuoient trouuer. Si cheuaucherent & cheminerent, tout le petit pas, les vns contre les autres. Quand le soleil fut leué, c'estoit moult grande beauté de veoir ces batailles & ces armeures resplendir contre le soleil. En celuy estat cheminerent tant, qu'ils approcherent l'vn l'autre: & prindrent ledit Prince & ses gens vne petite montaigne: & au descendre ils apperceurēt leurs ennemis tout clèrement: qui venoient droitement le chemin vers eux. Quand ils eurent tous descēdu celle montaigne, ils se tirerent en leurs batailles sur les champs: & se tindrent tous quois. † Aussi tost que les Espaignols veirent les Anglois ainsi arrestez, ils s'arrestèrent comme eux en leurs batailles. Si restraingnit chacū ses armeures, & se mit à point, ainsi que pour tantost combattre. Là, entre les batailles, apporta messire Iehan Chandos sa banniere: laquelle encores n'auoit nullement boutée hors de son estuy. Si la presenta au Prince: auquel il dit ainsi. Monseigneur, veez cy ma banniere. Je la vous baille, par telle maniere qu'il vo^s plaise la déueloper, & qu'aujourd'huy ie la puisse leuer, car, Dieu merci, j'ay biē de quoy, en terre & heritage, pour tenir estat, ainsi cōme appartient à ce. Ainsi print le Prince, & le Roy Dom Pietre (qui là estoit) la banniere entre leurs mains: qui estoit d'argent à vn † pieu aguisé de gueulle. Si la deuelopperent: & la luy rendirent par la hante, en disant ainsi. Messire Iehan, veez, cy vostre banniere. Dieu vous en laisse vostre preu faire. Lors se partit messire Iehan Chandos: & rapporta entre ses gens sa banniere: & dit ainsi. Seigneurs, veez cy ma banniere & la vostre, si la gardez ainsi qu'il appartient. Adonc la prindrent les Compaignons: & en furent tous réiouis, & dirent que, fil plaifoit à Dieu & à Saint George, ils la garderoient bien, & s'en acquiteroient à leur pouuoir. Si demoura la banniere es mains d'un bon Escuyer Anglois (qu'on appelloit Guillaume Alery) qui la porta seuremēt ce iour, & qui loyaumēt s'en acquita en tous estats. Assez tost apres descendirent de dessus leurs cheuaux, sur le sablon, les Anglois & les Gascons: & se recueillirent mout ordonnément ensemble, chacun Seigneur deffous sa banniere & son pennon, en arroy de bataille, & ainsi qu'ordonnés estoient, des lors qu'ils passerent les montaignes. Si estoit grand soulas à veoir & considerer les bannieres & pennons, & la noble armée qui là estoit. Adoncques se commencerent les batailles

Ordre des Batailles du Roy Henry de Castille.

† Les Abr. disēt xvj. mille: mais sala adiouste cheuaux seulement & la Chaux hommes simplement.

† Nous auons prins ceste clause, et quelques mots suiuas de la Chaux, pour parfaire les sēs de nostre Auteurs en cest endroit: la corruption duquel nous n'auons voulu mettre icy pour ne trop charger le marge: cōe nous ne ferōs plus aussi en autres lieux s'il n'en est grand besoing.

† Ce lieu estoit corrompu par faute de punition & de mots: que nous auōs semblablement prins de la Chaux, † Au ch. 237. il a dit pel, & ainsi dit icy la Chaux.

Oraisō du Prince de Galles à Dieu, pour obtenir victoire.

† La Chaux dit marchez, mieux à mon aduis.

Commencemēt de la bataille de Nauarret, par les gens de Chandos et du Guesclin.

Le Comte Dom Teille fuit deuant le Prince de Galles: dont est sa bataille deconfite.

† Il auoit Dan cille corrompāt le sens de l'Auteur, mais nous l'auos remis selon le ch. 237. s'en taisans les Abrege.

† Il a parauāt dit soixante, qui estant autrefois escript par abrege, peut auoir esté aisement corrompu en ceste sorte xl pour lx

Le danger, auquel fut Iehan Chandos.

** Anno. 108.*

† Il y auoit Nauarret, Mais les Ann. de France accordent avec la

vn petit à émouuoir: & vn peu deuant l'approchement, & qu'on venfist à l'assembler, le Prince de Galles, ouurant les yeux, & regardant deuers le ciel, ioingnit les deux mains: & dit. Vray Dieu, pere Iesus Christ: qui m'avez fait & formé, consentez par vostre benigne grace, que la iournée d'huy soit pour moy & pour mes gens: ainsi vrayement comme vous sauez que, pour raison & pour droiture aider, garder, & soustenir, & ce Roy, chacé & desherité, remettre en son Royaume & heritage, ie me suis enhardi & aduancé de combattre, & le remettre sus. Apres ces parolles, il tendit la main dextre au Roy Dō Pietre (qui estoit delez luy) & le print par la main, en disant ainsi. Sire Roy, vous saurez huy, si vous aurez iamais riens au Royaume de Castille. Et puis dit. † Drecez bannieres au nom de Dieu de saint George. A ces mots le Duc de Lanclastre & messire Iehan Chandos approcherent: dont il aduint que ledit Duc de Lanclastre dit à messire Guillaume de Beauchamp. Guillaume, yeez là noz ennemis: mais vous m'y verrez huy bon Cheualier: ou ie mouray en la peine. Aces mots ils s'approcherent, & les Espaignols aussi: & assemblerent, des premiers, la bataille du Duc de Lanclastre, & de messire Iehan Chandos à la bataille de messire Bertrand du Guesclin & du Marechal d'Andreghen, ou bien auoit quatre mille Hommes-d'armes. Là y eut: de premiere boutée, grande encounter de lances & d'escus: & furent en vn estat grand temps, auāt qu'ils peussent entrer les vns dedans les autres. Là eut fait mainte grande appertise d'armes, & maint homme renuersé & getté par terre: qui oncques depuis ne se peut releuer. Quand ces deux premieres batailles furent assemblées, les autres ne voulurent mie seiourner: mais s'approcherent & bouterent ensemble viftement: & sen vint le Prince de Galles, accompagné du Roy Dom Pietre de Castille, & de messire Martin de la Kare (qui represētoit le Roy de Nauarre) à la bataille du Comte Dom Teille & du Comte Sance: dont il aduint (ainsi que le Prince & ses gens approchoient d'eux) ledit Comte Dom Teille reffongna: & se partit sans arroy, & sans ordonnance, & sans combattre, avec deux mille hommes à cheual, de sa route: & ne scet on qu'il luy fallut. Si fut ceste seconde bataille ouuerte, & tantost deconfite. Car le Captal de Buz, & le Sire de Clifson, & leurs gens, vindrent sur eux à pié, de la bataille du Comte † d'Armignac: & là les occirent & méhaignerent, & en firent vn grand chappelis. Adoncques s'adressa la bataille du Prince & du Roy Dom Pietre sur la bataille du Roy Henry: ou plus auoit de † quarante mille hommes, qu'à pié qu'à cheual. Là commença l'estour grand & fort, de tous costez. Car ces Espaignols & ces Castillans auoient fondes: dont ils gettoient pierres: & effondroyent heaumes & bacinets: tellement qu'ils en méhaignerent & ruerent maint homme par terre. Là tiroient Archers d'Angleterre (qui de ce sont coustumiers) moult aigrement: & bleçoiet ces Espaignols, & les mettoient en grand méchef. Là crioit on, d'vn lez, Castille, au Roy Henry: & d'autre part, S. George. Guienne. Tandis se combattoient aussi les premieres batailles du Duc de Lanclastre, de messire Iehan Chandos, & des deux Marechaux (c'est assauoir messire Guischar d'Angle, & messire Estienne de Consenton) alencōtre de messire Bertrand du Guesclin, & des autres Cheualiers de France & d'Arragon: là ou il y eut faite mainte appertise d'armes: & furent les vns & les autres moult forts à ouurir & entamer: & tenoyent les plusieurs leurs lances à deux mains, & les boutoyent l'vn contre l'autre, en pressant: & les autres se combattoient de courtes espées & de dagues. A ce commencement se tindrent bien fort, & se combattirent moult vaillammēt François & Arragonnois: & conuint les bons Cheualiers d'Angleterre souffrir moult de peine. Là fut messire Iehan Chandos tresbon Cheualier: & y fit, dessous sa banniere plusieurs grans appertises d'armes: mais tout en combattant & reculant ses ennemis, s'enclōit si auant entr'eux, qu'il fut pressé, & abbatu à terre: & cheut sur luy vn grand homme, Castillan: qui s'appelloit Martin Ferrand, & moult estoit entre les Espaignols renommé de grand hardement. Celuy meit grande entente à occire messire Iehan Chandos: & le tint sous luy en grand méchef. * Adoncques s'aduifa ledit Chandos d'vn cousteau qu'il portoit au costé de ses plattes. Si le tira: & en ferit tant celuy Martin, au dos & aux costez, qui le luy embarra au corps & le naura à mort, estant sur luy. Puis le renuer sa d'autre part: & alors ledit messire Iehan Chandos se leua, au plus tost qu'il peut: & ses gens furent tost appareillez entour luy: qui à grande peine auoiēt rompu la presse, pour venir ou il estoit cheu. Le Samedy au matin, entre † Nardres & Nauarret fut la bataille moult dure, grande, felonneuse, & horrible, & moult y eut de gens mis à grand méchef. Là firent de moult grans faictz-d'armes le Prince de Galles, le Duc de Lanclastre

son

son frere, messire Iehan Chandos, messire Guischar d'Angle, le Captal de Buz, le Sire ^{Chaux, pour} de Clifson, le Sire de Raix, messire Hue de Caurellée, messire Matthieu de Gournay, Nardres, ^{ois} messire Louis de Harcourt, le Sire de Pons, & le Sire de Partenay. D'autre part se combattoient les Gascons: c'est assavoir le Sire d'Armignac, le Sire d'Albreth, le Sire de Pö- ^{Nadres, en} miers & ses freres, le Sire de Mucidet, le Sire de Rosem, le Comte de Perigourd, le Cö- ^{Bertrand du} te de Comminges, le Comte de Carman, le Sire de Condon, le Sire de l'Espare, le Si- ^{Guesclin.} re de Chaumont, messire Berthemieu de Cande, le Sire de Pincornet, messire Bernard d'Albreth, le Sire de Geröde, messire Aimery de Taiste: le Souldich de l'Estrade, messire Petiton de Courton, & plusieurs autres Cheualiers & Escuyers: qui s'aquiterent en armes à leur loyal pouuoir. Sous le Pennon Saint George, & à la banniere de messire Iehan Chandos, estoient les Compaignies: ou bien estoient douze cens pennonceaux. Là auoit de bons Cheualiers & Escuyers, durs & hardis, & entreprenans: tels que messire Robert Ceny, messire Perducas d'Albreth, Robert Briquet, messire Garfis du Chastel, messire Gaillard Viger, Iehan Cresnel, Naudon de Bagerant, Aymemon d'Ortige, Perrot de Sauoye, le Bourg Camus, le Bourg de l'Espare, le Bourg de Bertueil, Espiote, & plusieurs autres. Si vous dy q messire Bertrad du Guesclin, messire Arnoul d'Andreghé le Comte Sance, messire Gomez Garilz, & les Cheualiers de France & d'Arragon (qui se combattoient à ces routes) ne l'auoient mie d'auantage. Car ces Cöpaignes estoient gens durs & forts, & bien vsitez d'armes. Encores y estoient moult grande foison de Cheualiers & d'Escuyers d'Angleterre, sous la banniere du Duc de Lanclastre, & de messire Iehan Chandos. Car là estoient messire Guillaume de Beauchamp, fils au Comte de Waruich, messire Raoul Camois, messire Gautier Ourfuich, messire Thomas de Demery, messire Iehan Grandon, messire Iehan d'Ippre, messire Iehan du Pré, messire Aimery de Rochechouart, messire Gaillard de la Mote, & plus de deux cens autres Cheualiers, que ie ne puis tous nommer. Aussi, à parler iustement, ledit messire Bertrand du Guesclin, le Mareschal d'Andreghen, le Begue de Villaines, le Sire d'Anthoing, le Sire de Brisnel, messire Gauvain de Bailleul, messire Iehan de † Bergettes, le Begue de Villiers, l'Allemand de Saint-Venant, & les bons Cheualiers & Escuyers de France, qui là estoient, s'y acquitterent loyaument: & sachez de verité, que (si les Espaignols eussent aussi bien fait leur deuoir, comme ils firent) les Anglois & les Gascons eussent eu beaucoup plus à souffrir, qu'ils n'eurent. Si ne demoura mie par le Roy Henry, qu'ils ne fissent bien leur deuoir, car bien les auoit au-deuant admonnestez & priez & bien faire: & luy-mesmes s'y porta moult vaillamment & hardiment: & faisoit merueilles de s'y combattre, de donner grand courage & reconfort à ses gens, & d'admonnester & aller au-deuant de ceux, qui branloyent & fuyoient: en disant ainsi. Seigneurs, ie suis vostre Roy. Vous m'avez fait Roy de toute Castille, & iuré & voué, que pour mourir, vous ne me fardrez. Gardez, pour Dieu, le serment, que vous m'avez iuré & promis: & vous acquittez enuers moy, & ie m'acquitteray enuers vous, car ià plein pié ie ne fuiray, tant que ie vous vöye combattre. Pour ces parolles & plusieurs autres, pleines de confort, remeit le Roy Henry, trois fois ce iour, les gens ensemble: & luy mesme, de sa main, se combattit si vaillamment, qu'on le doit bien honorer & recommander. Moult fut ceste bataille grande & perilleuse: & moult y eut de gës morts, naurez, estains, & méhaignez. Si portoyent les Communautéz d'Espaigne des fondes à leur vsage: dont ils gettoient des pierres moult fierement. Ce qui greua moult fort, au commencement, les Anglois. Mais (quand ce get fut passé, & qu'ils sentirent les sagettes des Anglois) ils ne tindrent plus nul arroy. Si auoit il en la bataille du Roy Henry grande foison de bons Gens-d'armes, tant d'Espaigne, que de Lisbonne, d'Arragon, & de Portugal: qui s'acquitterent volontiers & moult loyaument, & ne se deffinerent mie si tost, mais se combattirēt mout vaillamment, de lances & de guisarmes, d'archegayes & d'espees. Il y auoit aussi encores sur elles de la bataille du Roy Henry plusieurs † Gënetaires, montez sur bons cheuaux: qui tenoient leurs batailles en vertu, car (quand elles branloyent, ou se vouloyent ouurir par aucun costé) ces Gënetaires (qui estoient sur elle) les reboutoyent en-auant. Si n'auoyent mie les Anglois, ne les Gascons, d'auantage: mais le comparerent & achapterent grandement, par bōne Cheualerie, & par grande prouesse & vaillāce d'armes. Aufsi, à vray dire, le Prince auoit la fleur de toute Cheualerie: & pour lors estoient avec luy les meilleurs combattans du monde. Vn petit en sus de la bataille du Prince, estoient le Roy de Maillorque & sa route: qui se combattoient vaillamment: & s'en acquitterent à

† La Chaux diē
icy Verlettes.

Vaillant main
tien du Roy Hē
ry de Castille.

† Il y auoit icy
güetteurs par
tout: qui me dö
noient à songer.
Mais la Chaux
disant, geni-
teurs, m'afait
deuiner Gene-
raires, prenant
le nom de leurs
cheuaux, appel-
lez Genets.

leur pouuoir. D'autre part estoit messire Martin de la Kare: qui representoit le Roy de Nauarre:& y faisoit aussi tresbien son deuoir. Je ne puis mie de tous les bons parler, mais delez le Prince,& en sa bataille,auoit plusieurs bons Cheualiers,tant d'Angleterre que de Gascogne: comme messire Richard de Pontchardô, messire Thomas le Despenser, messire Thomas de Hollande, messire Noel Loruich, messire Hue & messire Philippe de Courtenay, messire Iehan Comes, messire Nicolas Bonde, messire Thomas Comes, & plusieurs autres: tels que le Seneschal de Xainctonge, messire Baudouin de Frâuille, le Seneschal de Bordeaux, le Seneschal de la Rochelle, le Seneschal de Poictou, le Seneschal d'Angoulesme, le Seneschal de Rouergue, le Seneschal de Lymosin, le Seneschal de Perigourd, messire Louis de Marnel, messire Raymon Donduel, & plusieurs autres: & sachez que nul d'eux ne se faignoit de bien combattre: & aussi ils trouuoient bien à qui. Car Espagnols & Castillans estoient presque cent mille testes armées: si que la grande quantité de peuple les tenoit en vertu: & ne pouuoit estre qu'il n'en y eust de bien combattans, & bien faisans à leur pouuoir. Là estoit le Roy Dom Pierre moult échauffé, & qui desiroit moult à rencontrer son frere le Bastard: & disoit. Ou est ce fils de putain? qui s'appelle Roy de Castille? Le Roy Henry se combattoit autre part, moult vaillamment: & tenoit, au mieux qu'il pouuoit, ses gens en vertu: & disoit. Bonnes gens, vous m'avez fait Roy, & couronné. Aidez moy à garder l'heritage, dont vous m'avezherité. Par telles parolles, & autres semblables, qu'il leur disoit, furent plusieurs en ce iour hardis & vaillans: qui demourerent sur les champs, & pour leur honneur, ne daignerent fuir de la place. La bataille du costé des Espagnols, qui mieux combattit, & qui mieux fut aussi combattue, & plus entierement, ce fut celle de messire Bertrand du Guesclin. Car là estoient, des deux costez, droitz Gens-d'armes: qui se combattoient & bandoyent à leur pouuoir: & là furent faites plusieurs appertises d'armes: & par especial, messire Iehan Chandos y fut tresbon Cheualier: & y conseilla & gouuerna, ce iour, le Duc de Lancastre, en telle maniere que fit iadis le Prince de Galles, son frere, en la bataille de Poictiers. Dequoy il fut moult honoré & recomandé: & ce fut bien raison, car vn tel vaillant homme, & bon Cheualier, qui si bien s'acquitte enuers ses Seigneurs, doit bien estre honoré & recommandé. Si n'entendit oncques ledit Chandos à prendre prisonnier de sa main propre: ains seulement à combattre, & aller tousiours auant. Mais ses gens, & dessous sa banniere, furent prins plusieurs bons Cheualiers & Escuyers d'Arragon, de France, & de Bretagne: & par especial, messire Bertrand du Guesclin, messire Arnoult d'Andreghen, messire le Begue de Villaines, & plus de soixante Cheualiers: & consequemment la bataille dudit messire Bertrand du Guesclin fut deconfite, & tous morts, ou prins, ceux, qui y estoient, tant de France que d'Arragon & là fut occis le Begue de Villiers, & pris le Sire d'Antoing en Haynaut, le Sire de Bresneil, messire Gauvain de Bailleul, messire Iehan de Berguettes, messire l'Allemand de Saint-Venant, & moult d'autres. Adonc s'en reuindrent ces bannieres & ces pennons (c'est assauoir, la banniere du Duc de Lancastre, la banniere de messire Iehan Chandos, la banniere des deux Mareschaux, & le pennon Saint George) sur la bataille du Roy Henry, en écriant, à haute voix, Saint George. Guienne: Là furent Espagnols, & ceux de leur costé, mout fort reboutez. Là veit l'on le Captal de Buz, & le Sire de Clifson, bié combattre, & d'autre part messire Eustace d'Aubérthicourt, messire Hue de Caurellée, messire le Souldich, & messire Iehan d'Eureux, se monstrent bons Cheualiers.

Là estoit le Prince en bon conuenant, & se monstrent bien comme grand Seigneur & bon Cheualier, en acquerrant & combattant ses ennemis, de grande volonté.

D'autre part le Roy Henry en tous estats s'y acquitta moult vaillamment: & recourra & retourna ses gens par trois fois. Car, adonc que le Comte Dom Teille & bié trois mille hommes à cheual se partirent, se commencerent moult les autres à déconfire, & s'en vouloient la pluspart d'entre eux aller & fuir: mais ledit Roy Henry leur estoit allé au-deuant, en disant. Beaux Seigneurs, que faites vous? pourquoy me voulez vous ainsi tguerpir & trahir? vous, qui, m'avez fait Roy, & mis la couronne sur le chef, & l'heritage de Castille en ma main? Retournez vous, pour m'aider à le garder, & à le chalanger & deffendre: & demourez delez nous, car, par la grace de Dieu, tout fera enhuy à nous. Si que par telles parolles, ou semblables, encouragea les plusieurs, & les fit cōbattre moult longuement: si bien qu'ils n'osoyent fuir, de honte: quand ils veoyent leur Roy & leur Seigneur ainsi vaillamment combattre, & parler si amialement: & là mourut plus de mille

Prins de Bertrand du Guesclin, et déconfiture de sa bataille.

† Ce vieil mot signifie abandonner.

mille & cinq cens personnes: qui se fussent bien sauuées autrement, & qui eussent bien prins le temps à point, & à leur aduantage: se n'eust esté l'amour de leur Roy & Seigneur.

† Quand la bataille de messire Bertrand du Guesclin & du Marechal d'Andreghen fut oultrée & déconfitte, & toutes ces grosses batailles du Prince mises ensemble, les Espaignols ne peurent ce faix souffrir ne soustenir: mais commencerent à fuir, & à eux retraire, moult effrayement, & sans arroy, † deuant la cité de Nauarret, & à passer la grosse riuere, qui par là endroit court: ne pour chose, que le Roy Henry leur dit, ils ne voulurent retourner.

Quand le Roy Henry veit la pestilence & déconfiture sur ses gens, & que point de recouurer n'y auoit, si demanda son cheual, & monta dessus, & se bouta entre les fuyans: & ne print mie le chemin de la riuere, ne de la cité de † Nauarret (car pas ne se vouloit enclorre) mais print vne autre voye, en élongnant tous perils: & de tant fut il aduisé. Car assez sentoit, & cognoissoit, que fil estoit prins, il seroit occis sans nulle merci. Adonques monterent Anglois & Gascons à cheual, & commencerent à chacer ces

Espaignols & Castillans (qui s'en fuyoient tous déconfits) (iusques à la grosse riuere: & à l'entrées du pont de Nauarret eut moult grande hideur, & moult grande effusion de sang, & maintes gens occises & noyées. Car les plusieurs failloient en l'eau (qui estoit roide & hideuse) & si aimoient les aucuns plus cher estre noyez, que qu'ils fussent occis.

En celle fuite & chace auoit, entre les autres, deux vaillans hommes d'Espagne, Cheualiers d'armes (qui portoyent habit de Religieux) dont l'un s'appelloit le Grand-Prieur de Saint-Iaques, & l'autre le Grand-Maistre de Calatràue. Iceux, & leurs gens, se meirēt pour estre à sauueté, dedans la cité de † Nauarret: & furent de si pres pourluyuis, qu'Anglois & Gascons, à leur dos, conquirent le pont dessusdit: & là eut grāde occisiō: & entrerent en la cité, avec les dessusdits: qui s'estoyent boutez en vne forte maison, ouurée & maçonée de pierres: laquelle tantost fut cōquise, & lesdits Cheualiers, prins, & mout de leurs gens morts, & toute la cité courue & pillée & y firent Anglois & Gascons grandement leur profit. & aussi firent ils au logis du Roy Henry & des autres Seigneurs Espaignols, & moult y trouuerent ceux, qui premierement se trahirent celle part, de vaisselle

d'argent & de ioyaux. Car ledit Roy Henry & ses gens y estoient venus en grand arroy: &, quand ce vint à la déconfiture, ils n'eurent mie loisir de retourner celle part, & de mettre à sauueté, ce qu'au matin laissé y auoient. Si fut ceste déconfiture mout grande & hideuse, & espécialement sur le riuage y eut mout de gens morts: & disoient adonc les aucuns (comme j'ay depuis ouy recorder à ceux, qui y furent) qu'on veoit l'eau, dessous † Nauarret, rouge du sang des hommes & des cheuaux, qui là furent morts & occis. Ceste bataille fut entre Nardres & Nauarret en Espagne, en l'an de l'incarnation Nostre-Seigneur, mil trois cens soixante & † six, le tiers iour du mois d'Auril: & ce iour fut Samedy.

Comment apres la bataille de Nauarret, tout le Royaume de Castille se retourna vers le Roy Dom Pietre: & comment il fit temporiser le Prince de Galles au Val-d'Olif, pendant qu'il estoit au pourchas d'argent, pour la paye des Gens-de-guerre. CH. CCXLII.

A Pres la déconfiture de la bataille de Nauarret (qui fut toute passée entre nonne & la remontée) le Prince de Galles fit tenir sa banniere en vn buisson, tout haut, sur vne petite montaigne, pour r'allier ses gens: & là se recueillirent tous ceux, qui de la chace reuenoyent. Là vindrent le Duc de Lancastre, messire Iehan Chandos, le Sire de Clifson, le Captal de Buz, le Comte d'Armignac, le Sire d'Albreth, & tous les Barons: & auoient en haut leurs bannieres leuées, pour recueillir leurs gens: qui se rangeoyent sur le champ, à la mesure qu'ils venoyent. Là estoit messire Iames, Roy de Maillorque, sa banniere deuant luy: là ou ses gens se recueilloient. Vn petit en sus estoit messire Martin de la Kare, la banniere à son Seigneur le Roy de Nauarre (qu'il representoit) deuant luy. En tel ordre estoient aussi tous les Comtes & les Barons de l'ost: tellement que c'estoit vne chose moult belle à regarder & confiderer. Adonc vint le Roy Dom Pietre tout échauffé: qui venoit de la chace, monté sur vn coursier noir, sa banniere, armoyée de Castille, deuant luy: & descendit à terre, si tost qu'il apperceut la banniere du Prince & se tira celle part. Quand ledit Prince le veit venir, il s'aduança, & se hasta de l'accon-fuyure pour l'honneur de luy. Là se voulut le Roy Dom Pietre agenouiller, en remerciāt le Prince: mais ledit Prince s'aduança, & se hasta de le venir prendre par la main: & ne le voulut mie consentir agenouiller. Lors dit le Roy Dom Pietre. Cher & beau cousin, ie

† Nous auons remis ce passage selon le sens precedēt, estāt mesmes corrompu en la Chaux.

† La Chaux dit deuers Nauarret, & Sala Nauarret. † La Chaux dit encores Nardres.

† La Chaux dit iusques au pont de la grosse riuere à l'entree de la cité de Nardres, & La Chaux, estāt neātmoins corrompu au reste de ce passage dit encores Nardres: & Sala Nauarret.

Mais ie ne trouue nulles cartes ou descriptions, ny autre chose, qui me face raissō de tout cecy. † La Chaux dit encores icy Nardres.

† Qui est septième, à commencer l'an par le premier de l'auier comme iefay tousiours.

Retraite des gens du Prince de Galles, apres sa victoire de la bataille de Nauarret.

Remerciement du Roy Dō Pietre au Prince de Galles.

vous doy moult de graces & de louenges donner, pour la belle iournée que i'ay huy eue par vous. Adoncques respondit le Prince. Sire, rendez en graces à Dieu, & toutes louenges. Car la victoire vient toute de luy, & non pas de moy. Lors se trahirent ensemble les Seigneurs du Conseil du Prince, & parlerent d'autres besongnes : & fut là tant ledit Prince, q̄ tous ses gēs furēt reuenus de la chace, & qu'il eut ordonné quatre Cheualiers, & quatre Heraux, pour aller par les champs, sauoir quelles gens de prix, & quelle quantité, y estoient morts & demourez, & aussi pour sauoir la verité du Roy Henry (qu'ils appeloient Bastard) sil estoit mort ou non, car encorēs n'en sauoient ils riens. Apres ceste

Le Prince de Galles se loge au camp de l'ennemy.

† La Chaux dit cinq mille & lx. mais Sala n'en met pas plus que nostre texte.

ordonnance ledit Prince & ses gens sauallerent es logis dudit Roy Henry & des Espaignols. Si s'epandirent, par ordonnance, tout par tout : & se logerent bien & aisement. Car ledit logis estoit grand & estendu : & moult largement de grandes pourueances y auoit dont ils auoyent eu grande souffrette. Si se tindrent à leur aise : & souperent ce soir en tresgrād'ioye. Apres soupper reuindrent ces Cheualiers & ces Heraux, qui auoyent cherché les champs, & visité les morts. Si rapporterent, par compte, que † cinq cens & soixante hommes-d'armes y estoient demourez : mais point n'y auoit esté trouué le Roy Henry, dequoy le Roy Dom Pietre n'estoit pas ioyeux. Entre ces Hommes-d'armes n'auoient trouué que quatre Cheualiers morts, de leur parti, dont les deux estoient Gascons, le tiers, Allemand, & le quart, Anglois. Encorēs des Communautéz auoyent trouué enuiron sept mille cinq cens morts, sans ceux qui furent noyez (dont on ne peut sauoir le compte) &, des leurs, bien enuiron quarante autres hommes. Si se tindrent ce Samedy au soir tous aises. Car bien auoient dequoy : & trouuerent vins & viandes plantureufemēt : & se refreschirent le Dimēche toute iour : qui fut Pasques-fleuries. Le Dimenche au matin, à heure de prime, quand le Prince fut leué & appareillé, si issit hors de son paillon. Adoncques vindrent à luy le Duc de Lancastre son frere, le Comte d'Armignac, le Sire d'Albreth, messire Iehan Chandos, le Captal de Buz, le Sire de Pommiers, messire Girard d'Angle, le Roy de Maillorque, & grande foison de Cheualiers & d'Escuyers. Assez tost apres vint : deuers le Prince, le Roy Dom Pietre de Castille : auquel le Prince faisoit tout honneur & humble reuerence. Si s'aduança de parler ledit Roy Dom Pietre : & dit ainsi. Cher Seigneur & beau cousin, ie vous prie & requier en amitié, que me vueillez deliurer les mauuais traistres de ce pays, c'est assauoir mon frere Sance le Bastard, & les autres, si leur feray trancher la teste, car mout bien l'ont desserui.

Adoncques s'aduifa le Prince de Galles : & dit ainsi audit Roy Dō Pietre : qui ceste requeste auoit faite. Sire Roy, ie vous prie au nom d'amour, & par lignage, que me donnez & accordez vn don. Ledit Roy Dom Pietre (qui nullement ne luy eust refusé) luy accorda moult volontiers : & dit ainsi. Monseigneur & beau cousin, tout ce, que i'ay, est vostre. Lors dit le Prince. Sire Roy, ie vous prie que vous pardonnez à tous voz gens (qui vous ont esté rebelles) tous maltalens : & vous ferez bien & courtoisie : & si vous en demourerez plus en paix en vostre Royaume. Mais ie vous excepte Gomez Garilz, car

Accord et par don du Roy Dō Pietre à ses prisonniers & rebelles, à la requeste du Prince de Galles.

de cestuy vueil ie bien que vous faciez vostre volonté. Le Roy Dom Pietre luy accorda ceste priere, mais ce fut moult enuis : combien qu'il ne l'osast éconduire : tāt se sentoient tenu à luy. Si dit. Beau cousin, ie le vous accorde bonnement. Si furent mandez les prisonniers d'Espaigne, qui estoient en l'ost du Prince : & les accorda ledit Prince au Roy Dom Pietre, leur Seigneur : & baïsa le Comte Sance son frere : & luy pardonna son maltalent, & aussi à tous les autres : &, parmi, ce ils enconuenancerent & iurerent feauté, hōmage, & seruice, à le luy tenir bien & loyaument à tousioursmais : & deuindrent ses hommes, & le recongnurent à Seigneur & à Roy. Ceste courtoisie, auecques plusieurs autres, luy fit le Prince : mais depuis assez petitemēt les recongnut : comme vous orrez çà auant en l'Histoire : & aussi ledit Prince fit grande courtoisie aux Barons d'Espaigne : qui prisonniers estoient. Car, si le Roy Dom Pietre les eust tenu en son courroux, il les eust tous fait mourir sans merci. Là luy fut deliuré messire Gomez Garilz : duquel il n'eust prins nulle rançon : tant fort le haïoit. Si le fit décoler deuant luy, au dehors du logis.

Apres ce, le Roy Dom Pietre monta à cheual, & le Comte Sance son frere, & tous ceux qui ses hommes estoient deuenus, & les Mareschaux du Prince (c'est assauoir messire Guischar d'Angle, & messire Estienne de Goufenton) & bien † cinq cens Hommes d'armes : & se partirent de l'ost du Prince : & cheuaucherent deuers Burgues : & y vindrēt le Lundy au matin. Ceux de la ville de Burgues (qui informez estoient de la besongne, & comment elle estoit allée, & de la déconfiture du Roy Henry) n'eurent mie conseil,

† La Chaux dit cinq mille mais Sala n'en met que cinq cēs.

ne volonté, d'eux enclorre, ne tenir contre leur Prince: mais vindrent plusieurs riches hommes, & les plus notables, au dehors de la ville, & luy presenterent les clefs: & le receurent à Seigneur: & le menerent, avec toutes ses gens, en ladite cité de Burgues, à grande ioye & solennité. Ce Dimenche, tout le iour, se tint le Prince, es logis, qu'il auoit trouuez & conquis: & le Lundy, apres vespres, il se delogea, luy & ses gens: & vindrent loger à Berguete: & y furent iusques au Mercredy: qu'ils vindrent tous deuant Burgues, & entra ledit Prince en la ville, à grande reuerence, & aussi le Duc de Lanclastre, & le Cōte d'Armignac, & aucuns des grans Seigneurs, & leurs gens tindrent leurs logis sur les champs, au dehors de Burgues, car tous n'eussent pas peu estre logés en la ville aisement * ne proprement. Si venoit ledit Prince par chacun iour aux champs, en son pavillon (qui là estoit rendu) & là faisoit & rendoit iugement d'armes, & de toutes choses à ce appartenantes: & y tint champ & gage de bataille. Parquoy on peut bien dire que toute Espaigne fut quelques iours à luy, & en son obeissance. Le Prince de Galles & le Roy Dō Pietre tindrent leurs Pasques en la ville de Burgues: là ou ils seiournerent enuiron trois semaines, & plus: & le iour † de Pasques vindrent ceux d'Astures, de Tollerte, de † Leon, de Cardoue, de Galice, de Siuille, & de toutes les autres marches & limitatiōs du Royaume de Castille, faire hommage au Roy Dom Pietre: & le vindrent veoir, & ledit Prince, & ce loyal Cheualier de Castille, Dom Ferrand de Castres: lequel fut par eux festoyé & honoré, & moult volontiers veu. Quand le Roy Dō Pietre eut là seiourné le terme que ie vous ay dit, & plus, & qu'il eut veu & entēdu q̄ nuls ne luy estoiet plus rebelles, mais tous en son obeissance, le Prince de Galles, par l'informatiō de ses gens, & pour faire ce qui appartenoit, luy dit. Sire Roy, vous estes, Dieu merci, Sire & Roy de vostre pays, & n'y sentons plus nul empeschement, ne nulle rebellion, que tous voz gens n'obeissent à vous: & nous seiournons icy à grans frais & mises. Si vous diēz que vous queriez argent, pour payer tous ceux, qui vous ont remis en vostre Royaume: & que vous teniez voz conuenances, ainsi que iuré & seellé vous nous l'avez. Si vous en saurons bon gré: & de tant plus briefuement vous le ferez, de tant y aurez plus de profit, car vous sauez que Gens-d'armes veulent viure, & estre payez, ou qu'il soit prins. Apres ces paroles respondit le Roy Dom Pietre. Sire cousin, nous tiendrons & accomplirons, à nostre loyal pouuoir, ce que iuré & seellé auons. Mais, quand à present, nous n'auōs point d'argent. Si nous traions à la marche de Siuille: & là en procurerons nous tant, qu'en pourrions satisfaire par tout. Si vous tiendrez au Val-de-l'Olif (ou il y a grasse marche) & nous retournerons deuers vous au plus tost que nous pourrons, & au plus tard, dedans la Pēthecouste. Ceste responce fut plaisante au Prince & à son Conseil: & se partit assez briefuement le Roy Dom Pietre dudit Prince: & cheuaucha deuers la cité de Siuille, en intention de procurer & auoir argent, ainsi qu'il auoit enconuenancé: & le Prince s'en alla loger au Val-de-l'Olif, avec tous ses Seigneurs: & ses gens s'epandirent sur le pays, pour trouuer & auoir viures plus largement, pour eux & pour leurs cheuaux: & y seiournerent à peu de profit pour les païsans, car les Cōpaignons ne se pouuoient tenir de piller. Or furēt esparfēs nouvelles en Frāce, en Angleterre, en Allemagne, & en tous païs, que le Prince de Galles, & sa puissance, par la bataille auoit decōfit le Roy Héry, & prins ou tué, ou chacé, ou noyé, le iour de la bataille, plus de cent mille hommes de ses gens. Si en fut ledit Prince renommé & honoré de toute bonne Cheualerie, & de haute entreprise, en tous les lieux qu'on en oyoit parler; & par, especial, en l'Empire d'Allemagne, & au Royaume d'Angleterre: & disoyent les Allemans, les Flamans, & les Anglois, que le Prince de Galles estoit toute la fleur de Cheualerie; & qu'un tel prince estoit digne de gouverner tout le monde: quand par sa prouesse il auoit eu trois si hautes iournées, & si nobles: c'est assauoir la premiere à Crecy en Ponthieu, la secōde, dix ans apres, à Poictiers, & la tierce en Espaigne, deuant Nauarret. Si firent, en la cité de Londres en Angleterre, les Bourgeois de ladite ville solēnité & triomphe, pour la victoire: ainsi que anciennement on faisoit pour les Roys, qui auoient obtenu la place, & déconfit leurs ennemis. Mais en France furent regretez & lamētez les bons Cheualiers du Royaume, qui auoient esté morts & prins en la iournée, & par especial, messire Bertrand du Guesclin, & messire Arnoul d'Andreghe, & plusieurs autres: qui neantmoins furent depuis moult courtoisement traitez, & les aucuns mis incontinent à finance, cōbien que messire Bertrand ne le fust pas si tost: d'autant que messire Jehan Chandos (qui estoit son maistre) ne le vouloit point deliurer: avec ce que ledit messire Bertrand ne l'en pressoit

Le Roy Dom
Pietre receu à
Seigneur de
Burgues.

† La Chaux des
barbesque:
qui peut estre
Briuesca en
la Carte d'Es-
paigne.

* Annot. 109.

† 1367.
† Il y auoit li-
bonne mais
sans raison, cō-
me ilestoit aus-
si au cha. 130.
ainsi que nous
disons en
l'Anno. 109.

Le Prince de
Galles demāde
argent au Roy
Dō pietre, pour
payer ses gens.

Dom Pietre
vers Siuille au
pourchas d'ar-
gent, et le Prin-
ce au Val-de-
l'Olif, en l'at-
tendant.

Quel bruit es-
renon acquit
le Prince de
Galles par sa
victoire de Ca-
stille.

pas trop. Or vous parlerons vn petit du Roy Henry, & comment il fit, quand il se partit de la bataille, & puis retournerons au Prince, & au Roy Dom Pietre de Castille.

Comment le Roy Henry de Castille, s'estant sauné de la bataille de Nauarret, fit guerre en Aquitaine, & comment le Prince de Galles sy en retourna d'Espagne, mal content du Roy Dom Pietre.

CHAP. CCXLIII.

Retraite du Roy Henry en Arragon, apres sa déconfiture de Nauarret.

Le Roy Henry à Montpeslier, vers le Duc d'Aniou, pour faire guerre en Aquitaine.

† Ce verbe aherdre vient du Latin aherere: & signifie icy s'allier.

La ville de Bannieres, en Bigorre, prise par le Roy Henry de Castille, sur le Prince de Galles.

LE Roy Henry (si comme cy-dessus est dit) se sauua au mieux qu'il peut, & éloigna ses ennemis, & emmena sa femme & ses enfans (au pl^o tost qu'il peut) en la cité de Valence, en Arragon: là ou le Roy d'Arragon se tenoit: qui estoit son compere & son amy, & auquel il recorda toute son aduventure: & assez tost apres, ledit Roy Henry eut conseil qu'il passeroit outre, & iroit deuers le Duc d'Aniou (qui pour le temps se tenoit à Montpellier) & luy recorderoit aussi son aduventure. Celuy aduis fut plaissant au Roy d'Arragon: & consentoit bien qu'il partist: pourtant qu'il estoit ennemy au Prince: qui luy estoit pres voisin. Si se partit ledit Roy Henry, du Roy d'Arragon, & laissa, en la cité de Valence, sa femme & ses enfans: & tant exploita par ses iournées, qu'il passa Narbonne (qui est la premiere cité du Royaume de France, de ce costé là) & puis Biefiers, & tout ce pays là. Puis vint à Montpeslier: & illec trouua le Duc d'Aniou: qui moult l'aimoit, & tresfort hayoit les Anglois: quoy qu'il ne fist point de guerre. Lequel Duc (qui informé estoit de l'affaire dudit Roy Henry) le receut & recueillit moult ioyeusement, & le reconforta au mieux qu'il peut. Si fut avecques luy vne espace de temps: & puis vint en Aui-gnon, veoir le Pape Urbain cinquiesme: lequel s'en deuoit partir, pour aller à Romme: ainsi qu'il fit. Depuis retourna ledit Roy Henry à Montpeslier, deuers ledit Duc d'Aniou: & lors eurent quelques traitez ensemble: & me fut adonc dit & recordé par ceux, qui en cuidoyent aucune chose sauoir (mais depuis on en a bien veu l'apparence) que le Roy Henry achapta, ou emprunta, dudit Duc d'Aniou, vn chastel, seant pres Toulouze, sur les marches de la Principauté: lequel chastel on appelle Roquemore. Là il recueillit & assembla des Compaignons, comme Bretons, & autres: qui n'estoient pas passez en Espagne, avecques le Prince, & furent à ce commencement trois cens. Ces nouuelles furent enuoyées à Madame la Princeesse, qui pour lors se tenoit à Bordeaux, & que le Roy Henry pourchaçoit aide & confort, de tous costez, pour faire guerre à la Principauté, & à la Duché de Guienne. Si en fut toute ébahie: &, pourtāt qu'il se tenoit sur le Royaume de France, elle en escriuit, & enuoya grans messagers, par-deuers le Roy de France: en luy suppliant qu'il ne vousist mie consentir que le Bastard d'Espagne luy fist guerre, & eust son ressort & son retour en France, car trop grans maux en pourroiet naistre & aduenir. Le Roy de France descendit legerement à la priere de la princeesse: & enuoya messagers hastiuement deuers le Bastard Henry (qui se tenoit audit chastel de Roquemore, sur les frontieres de Montauban: & qui commençoit ia à guerroyer le pais d'Aquitaine, & la terre du Prince) en luy mandant & commandant, que luy estant ou se iournāt sur son Royaume, il ne fist point de guerre en la terre de son cher neueu, le Prince de Galles & d'Aquitaine: & encores, pour donner plus grand exemple à ses gens que point ne f'aherdissent avec le Bastard Henry, il fit le ieune Comte d'Auxerre aller tenir prison, au chastel du Louure à Paris: pourtant qu'il estoit en de grans traitez deuers le Roy Henry, & qu'il y deuoit aller en grand nombre de Gens-d'armes (comme on disoit) & pource luy fit le Roy de France briser son voyage & son propos. Au mandemēt du Roy de France obeit le Roy Henry: comme ce fut raison. Mais pource ne laissa mie à faire son emprise: ains se partit de Roquemore, à tout bien quatre cens Bretons, ayant encor, pour alliez & adherans avec luy, les Cheualiers & Escuyers Bretons, qui s'ensuiuent, c'estassauoir messire Arnoul de Limosin, messire Geoffroy Ricons, messire Pons de Lakonet, Seuestre Budes, Aliot de Calais, & Alain de Saint-Pol. Si vindrent ces Gens-d'armes, Bretons & autres, sur les terres du Prince, cheuauchans roidement parmi les montaignes: & entrerent en Bigorre, en la Principauté: & y prindrent & eschellerent vne ville: qu'on appelle Bannieres. Si la fortifierent & reparerent bien & fort: & puis cheuaucherent en la terre du Prince: & là commencerent à courir, & y porterent grand dommage. Mais la Princeesse y enuoya, au-deuant, messire Iames d'Andelée: leq^l estoit demouré en Aquitaine, tout souuerain & gouuerneur, pour garder le pays. Toutesfois le Roy Henry & les Bretons y firēt mout de dommage, car tousiours leur croissoient gens. Or retournerons nous au Prince de Galles & à ses gens: qui se tenoyent au Val-de-l'Olif,

l'Olif, & là enuiron, en attendant la reuenue du Roy Dom Pietre. Quand le Prince eut seiourné au Val-del'Olif, iusques † à la Saint Iehan Baptiste en Esté, & encores outre, en atendant le Roy Dom Pietre, qui point ne reuenoit, ne de luy certaines nouuelles n'auoit si fut moult melancolieux: & meit tout son Conseil ensemble, pour fauoir qu'il estoit bon à faire. Si fut le Prince conseillé qu'il enuoyast deux ou trois de ses Cheualiers, deuers ledit Roy, pour luy remontrer ses besongnes, & demander pourquoy il ne tenoit son conuenant, & son iour, ainsi qu'ordonné l'auoit. Si furent tantost prests d'aller deuers ledit Roy Dom Pietre, dessusdit, messire Noel Loruich, messire Richard de Pontchardon, & messire Thomas Balastre. Si exploiterent tant les Cheualiers du Prince, & cheuaucherent tant par leurs iournées, qu'ils vindrent en la cité de Siuille: là ou le Roy Dom Pietre se tenoit: qui les receut, par sèblant, assez ioyeusement. Ces Cheualiers firent leurs messages bien & à point: ainsi que chargé leur estoit de par leur Seigneur le Prince. Le Roy Dom Pietre leur respondit, en soy excusant: & dit. Certes, Seigneurs, il nous desplaist grandement de ce que nous ne pouuons tenir ce que nous auons enconuenancé à nostre cousin le Prince. Si l'auons nous remonsté, & fait remonsté par plusieurs fois, à noz gens es marches de par-deçà: mais noz gens s'excusent: & disent qu'ils ne peuuent point d'argent faire, tant que les Cōpaignies soyent sur le pays, car ils ont ià rué ius trois ou quatre de noz Tresoriers: qui portoyent noz finances par-deuers le Prince, nostre cousin. Si luy direz de par nous, que nous luy prions qu'il se vueille retraire, & mettre hors de nostre Royaume ces malles gens de Compaignies: & qu'il nous laisse par-deçà aucuns de ses Cheualiers: ausquels, au nom de luy, nous payerons & deliurerons l'argent, tel qu'il demâde, & auq'l nous sōmes tenus & obligez. Qui fut toute la responce, que les Cheualiers en peurent auoir. Si se partirent du Roy Dom Pietre: & retournerent deuers le Prince au Val-de-l'Olif. Si luy compterent, & à son Cōseil, ce que veu & ouy auoient. De laquelle responce le Prince fut plus melancolieux que deuant pour ce qu'il veit bien que le Roy Dom Pietre luy faillloit de conuenances, & varioit à faire raison. En ce seiour, que le Prince fit au Val-de-l'Olif (ou il fut plus de quatre mois, & forment presque tout l'Esté) accoucha au liêt malade le Roy de Maillorque: dont le Prince fut moult courroucé: comme aussi furent les autres Seigneurs. Là fut mis à finance messire Arnoul d'Andregghen, le Begue de Villaines, & plusieurs Cheualiers de France & de Bretagne (qui auoient esté prins à la besongne de Nauarret) & échangez pour messire Thomas de Phelletō, pour messire Richard Centō, pour messire Hugues de Hastings, & pour leurs autres cōpaignons. Mais encores demoura au danger du Prince, messire Bertrād du Guesclin: ne point ne fut rāçonné si tost q'les autres. Car les Anglois & le cōseil du Prince disoient ainsi, q' si l'estoit deliuré, il feroit de-rechef plus forte guerre que deuant, avec le Bastard Héry: duquel le Prince estoit informé qu'il estoit en Bigerre, & auoit prins la ville de Bannieres, & guerroyoit moult fort son pays. Pour laquelle chose la deliurāce de messire Bertrād ne fut pas si belle, ne si hastiue. Quand ledit Prince de Galles eut ouy les excusations dudit Roy Dom Pietre, si fut plus pensif, que deuant, n'auoit esté: & en demanda auoir conseil. Ses gens (qui moult desiroient à retourner, car ils portoient à grand méchef la chaleur & l'air du pays d'Espaigne: & mesmement ledit Prince en estoit tout pensif, & tout maladiſ) luy cōseillerent qu'il retournaſt, & q' le Roy Dō Pietre auoit faillý grandement, à son blasme & à son deshonneur. Adonc fut noncé par tout, à eux remettre au retour. Quand ce vint sur le mouuoir & sur le departement le Prince enuoya, deuers le Roy de Maillorque, messire Hue de Courtenay & messire Iehan Chandos, en luy remonstrant cōment il vouloit partir d'Espaigne: & qu'il eust sur ce aduis, car trop enuis le laisseroit derriere: ou cas qu'il voudroit retourner. Le Roy de Maillorque dit aux dessusdits Cheualiers. Grand mercy à Monseigneur le Prince, nostre compere: mais, quant à present, ie ne pouroye cheuaucher, ne porter le pié à l'estrief iusques au plaisir de Dieu. Adonc parlerent encores les Cheualiers: & luy demanderēt. Et voulez-vous que Mōseigneur le Prince vous laisse vne quātité de Gēs-d'armes, pour vous garder & vous conduire, quand vous ferez à point de cheuaucher? Lors respondit Nenni, car il ne fauoit pas quel long seiour il feroit. Lors prindrent congé du Roy de Maillorque, & retournerent deuers le Prince: auquel ils recordèrent tout ce qu'ils auoient exploité, & les respōses du Roy de Maillorque. Le Prince respondit, & dit. En la bōne heure. Adonc se partit le Prince, & toutes ses gēs: & se meit au retour, par deuers vne bonne cité: qu'on dit † Madrigay: & là s'arresta quelque peu. Puis vint au val, qu'ō dit de

† Toujours en l'an 1367.

Messagers du Prince de Galles, pour sōmer le Roy Dō Pietre de ses promesses, et la respōse d'iceluy.

Arnoul d'Andregghen et plusieurs autres, prisonniers de la bataille de Nauarret mis à rançon, & Bertrand du Guesclin retenu

Honnesteté du Prince de Galles enuers le Roy de Maillorque, malade au Val-de-l'Olif.

Depart du Prince de Galles hors de Castille.

† La Chaux dit
Madrigal &
Sorie, pour
Foirie.

† Il y auoit icy
qui nulle-
mēt n'estoit,
mais la dedu-
ction suiuite
assure nostre
correction cōme
aussi fait la
Chaux.

† Ce passage est
éclaircy selon
Verard & la
Chaux.

* Anno. 110.

Retour du Prin-
ce de Galles à
Bordeaux.

sejour des Cō-
paignies en la
Principauté,
ou Duché d'A-
quitaine.

Foirie, sur le departement d'Espagne, d'Arragon, & de Nauarre : là seiourna plus d'un mois, luy & ses gens. Car aucuns passages luy estoient clos sur les marches d'Arragon : & disoit on en l'ost, que le Roy de Nauarre (qui † nouuellement estoit retourné de sa prise) se estoit composé au Bastard d'Espagne & au Roy d'Arragon, & qu'il deuoit empêcher le passage dudit Prince, mais il n'en fut riens : si comme il apparut depuis. Nompourtant on en faisoit doute : pour ce qu'il estoit en son pays, & ne venoit point deuers le Prince. En ce seiour † enuoya le Prince, sur certain pas, entre Espagne & Arragon, aucuns traiteurs : & là eurent grand parlemēt à autres du Roy d'Arragon, & par plusieurs iournées. Mais finalement traitez & conseils se porterent tellement, que le Roy d'Arragon deuoit ouurir son pays, pour laisser retourner paisiblement les gens du Prince : & aussi ils deuoient passer sans moleste ne violence faire à nul du pays, & payer tout courtoisement ce qu'ils prendroient. Adonc vindrent le Roy de Nauarre & messire Martin de la Kare au-deuant du Prince, quand ils veirent que le traité se portoit ainsi entre luy & le Roy d'Arragon. Si luy firent tout l'honneur & reuerence qu'ils peurent : & luy offrirent doucement passage pour luy, & pour son frere le Duc de Lancastre, & pour plusieurs Barons & Cheualiers d'Angleterre & de Gasconne : mais il vouloit bien que les Compaignies prenissent vn autre chemin, que parmi Nauarre. Le Prince & les autres Seigneurs (qui veoyent leur chemin & leur adrece plus prompte parmi Nauarre, que sur les marches d'Arragon) ne voulurent mie renoncer à ceste courtoisie : * mais en remerciant grandement le Roy : & mesmement le Prince pratiqua si bien avec luy, qu'il obtint semblablement passage pour les Compaignies & pour tous ceux de son ost, assurant & iurant pour eux audit Roy, qu'ils passeront tant paisiblement, & si bien payés, qu'il s'en contenteroit. Ainsi partirent le Prince & ses Gens-d'armes hors du Royaume de Castille : & se meirent au retour : & passerent, au plus courtoisement qu'ils peurent, parmi le Royaume de Nauarre : & fut le Prince conuoyé par le Roy de Nauarre, & par messire Martin de la Kare, iusques au pas de Rôceaux : & depuis tant exploita, qu'il vint en la cité de Bayonne : là ou il fut receu à grande ioye : & là se refreschit, & se reposa, par l'espace de quatre iours. Puis s'en partit & reuint à Bordeaux : ou il fut receu à grande solennité : & vint Madame la Princesse contre luy, faisant porter son aîné fils, Edouard : qui pouuoit bien auoir alors trois ans, ou enuiron. Puis donna congé à toute son armée : & ainsi se departirent Gens-d'armes les vns des autres : & se trahirent les Seigneurs, Barons, & Cheualiers de Gasconne en leurs maisons, & les Seigneurs, Barons, & Cheualiers d'Angleterre en leurs Seneschaucées, ou Capitaineries, & les Cōpaignies (ainsi qu'elles passoiēt & reuenoient) demourerent en la Principauté, en attendant paiement. Car le Prince (qui se s'etoit mout tenu à eux) leur vouloit tout satisfaire & payer, à son pouuoir : ou qu'argent fust prins. Si disoit que, combié que le Roy Dom Pietre ne luy eust point tenu ses conuenances, si ne le deuoient point comparer ceux, qui bien serui l'auoient.

Comment apres le retour du Prince en Aquitaine, le Roy Henry de Castille, abandonnant Bannieres en Bigorre, se retira vers le Roy d'Arragon : comment Bertrand du Guesclin fut mis à rançon, par le Prince Comment les Compaignies dudit Prince allerent viure sur le Royaume de France : & comment plusieurs grans Barons d'Aquitaine se plainquirent au Roy Charles de certain fouage, que le Prince vouloit imposer en leurs terres.

CHAPITRE

CCXLIII.

† 1368. se peut
icy commencer à
nostre mode,
ainsi que ie puis
comprendre
par noz Ann.
& Croniques.

Si tost que le Roy Henry (qui se tenoit en la garnison de Bannieres en Bigorre, & sy se estoit long temps tenu) entendit que le Prince estoit reuenu d'Espagne en la Principauté, il s'en partit de là, à ce qu'il auoit de Gens-d'armes, Bretons, & Compaignons, & entra en Arragon, & vint deuers le Roy d'Arragon (qui moult l'aymoit, & qui le receut ioyeusement) & là se tint tout l'Yuer : & de rechef, y eut nouvelles alliances entre luy & le Roy d'Arragon, pour guerroyer le Roy Dom Pietre, & † couroyent ia les routes des Bretons, qui estoient adherans avecques luy (desquels estoient Capitaines messire Arnoult de Limosin, messire Geoffroy Ricons, & messire Pons de Lakonet) sur le pays d'Espagne, & y faisoient guerre pour le Roy Henry. Or parlerons nous de la deliurance de messire Bertrand du Guesclin. Apres que le Prince de Galles fut retourné en Aquitaine, & son frere le Duc de Lancastre en Angleterre, & aussi tous les Barons sur leur lieu, demoura encores prisonnier messire Bertrand du Guesclin au Prince & à messire Iehan Chados : & ne pouuoit venir à rançon, ny à finace : dōt mout deplaisoit au Roy

Roy Héry: qui amèder le peust. Or aduint(ainsi q' i'en fu adóc informé) qu'un iour, que le Prince estoit en Gogues, il appella messire Bertrand du Guesclin: & luy demanda comment il luy estoit. Monseigneur (respondit messire Bertrand) il ne me fut iamais mieus: & c'est bien droit qu'il me soit bien, car ie suis, es prisons, le plus honoré Cheualier du monde. Et comment? dit le Prince. On dit (ce dit messire Bertrand) au Royaume de France, & ailleurs, que vous me doutez & ressongnez tant, que vous ne m'osez mettre hors de voz prisons, par quoy i'en suis grandement prisé & honoré. Le Prince (qui entendit ceste parolle, & cuida bien que messire Bertrand la luy dit à bon sens, car vraiment son Conseil ne vouloit nullement qu'il eust sa deliurance, iusques adonc que le Roy Dom Pietre auroit payé le Prince, en ce qu'il luy estoit tenu enuers luy & ses gens) respondit. Vous messire Bertrand! pensez vous donc que pour vostre cheualerie nous vous retenons? Par Saint George nenni. Et, beau Sire, payez cent mille francs: & vous ferez deliuré. Messire Bertrand (qui desiroit sa deliurance, & à ouir sur quelle fin il pourroit partir) print le Prince à ce mot: & dit. Monseigneur, † à Dieu le veu, ie n'en payeray ia moins. Et, tantost que le Prince l'eut ainsi ouy parler, il s'en fust volontiers repenti: & dit on que ceux de son Conseil allerent au-deuant: & luy dirent. Monseigneur, vous auez tresmal fait: quand si legerement l'avez rançonné. Et vous fussent bien lors ses gens, qu'il s'en fust réuqué, & eust brisé ceste conuenance: Mais le Prince (qui fut sage & loyal Cheualier) respondit bien & sagement: & dit. Puis qu'accordé nous luy auons, nous luy tiendrons: ne ia n'en irons au contraire, car ce nous seroit blasme, honte, & vergongne, si reproché nous estoit que nous ne le vousifions mettre à finance: quand il s'y veult mettre si grossément, que de payer cent mille francs. Depuis cest accord fut ledit messire Bertrād mout songneux de querre ceste finace: & exploita si bien, par l'aide qu'il eut du Roy de Frāce & du Duc d'Aniou (qui moult l'aimoit) qu'il paya, en moins d'un mois, les cent mille francs: & s'en vint seruir le Duc d'Aniou, à bien deux mille cōbattans, en Prouēce: ou ledit Duc estoit à siege, deuant la ville de Tarascō: qui se tenoit pour la Royne de Naples. En ce temps fut traité le mariage de Monseigneur Lionnel, fils au Roy d'Angleterre, Duc de Clarence: & Comte de Dulneestre, à la fille Monseigneur Galeas, Seigneur de Millan: laquelle ieune Dame estoit nièce de Monseigneur le Comte de Sauoye, & fille de Madame Blanche, sa sœur: & se porta si bien le traité, & le cōseil d'entre les parties, que le mariage fut accordé: & vint ledit Duc de Clarence, accōpaigné grandemēt de Cheualiers & d'Escuyers, d'Angleterre en Frāce: ou le Roy, le Duc de Bourgongne, le Duc de Bourbō, & le Sire de Coucy, le recueillirēt & festoyerent grādement à Paris. Si passa le dessusdit parmi le Royaume de Frāce: & vint en Sauoye: ou le gentil Comte le receut moult honnorablement à Chambery: & fut la trois iours grandement festoyé de Dames & de Damoiselles. Au quart iour il s'en partit: & le conduisit le Côte de Sauoye iusques à Milan: & là espousa il sa nièce, la fille à Mōseigneur Galeas, le † Lundy d'apres la Trinité, l'an mil trois cens soixante huit. Or retournōs nous au besongnes de Frāce. Vous auez bien ouy cy-dessus recorder du voyage, q' le Prince de Galles fit en Espaigne: & cōment il se partit mal-cōtent du Roy Dō Pietre: & cōment il s'en retourna en Aquitaine. Quād il reuint, toutes manieres de Gēs-d'armes le suiurēt, pource qu'ils ne vouloient mie demourer en Espaigne: d'autant qu'ils ne pouuoient estre pays de leurs gages par le Roy Dom Pietre: ainsi qu'en conuenancé leur auoit. Mais, apres qu'ils furent tous retournez, le Prince n'eut mie aussi tous leurs payemens si appareillez, qu'il vousist biē, car le voyage dessusdit l'auoit si fort miné & denué d'argēt, q' merueilles seroit à pēser. Parquoy seiournerent ces gens des Cōpaignies sur son pays d'Aquitaine assez long tēps: & ce pendāt ne se pouuoient tenir de tousiours mal faire: & estoient bien fix mille cōbattās. Si leur fit dire & prier le Prince, qu'ils vousissent issir hors de son pays, & aller ailleurs pourchacer à viure, car il ne les pouuoit plus sōstenir, n'entretenir. Les Capitaines des Compaignies (qui estoient tous Anglois & Gascons: tels que messire Robert, Briquet, Ichā Tresnelle, messire Robert Ceney, messire Gaillard Vigier, le Bourg de Bertucil, le Bourg Camus, le Bourg de l'Esparre, Naudon de Bagerant, Bernard de la Salle, Ortigo, & Lamut, & plusieurs autres) ne voulurent mie courroucer ledit Prince: & pour tant issirent de sa Principauté, le plus tost qu'ils peurent: & entrerent en France (qu'ils appelloient leur Chambre) & † passerent la riuere de Loire: & s'en vindrent arrester en Chāpaigne sur l'Archeuesché de Reims, & es enuirs: cōe sur l'Euesché de Noyō, & de Soissons, & tousiours leur croissoient gens, & estoient si courrouceez de leurs besōgnes,

Auantageuses parolles de Bertrand du Guesclin au Prince de Galles, cause de sa deliurance. Toutesfois ceste deliurance est un peu autrement au liure de ses prouesses.

† Tous les Exe. et Abr. ont ainsi. Et croy que c'estoit le parti culier iuron de Bertrand du Guesclin: cōme s'il eust voulu dire ou nom de Dieu soit: ou biē faudroit (possible) lire Par Dieu ie le veux. Car Gēs d'armes iurēt volontiers ainsi brusquement.

Arrivée de Lionnel de Clarence, fils du Roy d'Angl. à Paris, le 6. d'Auril 1368. selon noz Chron. & Annales. † An & iour du mariage du Duc de Clarence à Milan.

Les Cōpaignies entrēt d'Aquitaine au Royaume de France.

† Ce passage fut à l'entrée de Février 1368. à nostre mode, selon les Chron. de France.

*Mariage du
seigneur d'Al-
breth et d'Ysa-
bel de Bourbo.*

*Du fouage que
le Prince de Gal-
les voulut im-
poser en Aqui-
taine d'ou vint
renouvellemēt
de guerre entre
France & An-
gleterre.*

*Le Comte d'Ar-
mignac et au-
tres Seigneurs
d'Aquitaine
ne veulent ac-
corder le foua-
ge au Prince.*

*†C'est adire.
quand ils de-
uoyēt faire
guerre au
Prince.*

qu'ils n'auoient pas bien faites par-auant, qu'ils eussent volontiers (à ce qu'ils mōstroiet) combattu les François: fils y eussent voulu entendre. Et, pour mieux sauēturer, ils chercherent tout le Royaume de France: & en ce temps y firent moult de maux & de tribulations: & de villains faits: dont les plaintes venoient tous les iours au Roy de France & à son Conseil: & si n'y pouuoit on mettre remede. Car on ne s'osoit hazarder à les combattre: & disoient ceux, qui prins estoient aucunes fois des garnisons Françaises: que le Prince de Galles les y enuoyoit couuertement: dont les gens s'emercuilloient en France, & par tout: & en parloit on en diuerfes manieres contre le Prince. Si manda adonc le Roy de France le Seigneur de Clifton: & en fit vn grand Capitaine contre ces mauuaises Compaignies, pource qu'il estoit vn moult bon Cheualier & hardi: & à ceste cause s'enamoura le Roy de France grandement de luy. En ce temps fut fait le mariage du Seigneur d'Albreth, & de Madame Ysabel de Bourbon: duquel mariage le Prince de Galles ne fut gueres réioui: mais eust mieux aimé que le Seigneur d'Albreth se fust marié ailleurs: & en parla moult grossièrement sur luy & sur sa partie, & moult rudemēt. Mais les plus grans de son Conseil, tant Cheualiers qu'Escuyers, l'excuserent au mieux qu'ils peurent: en luy disant que chacun s'auance & aggrandit, au mieux qu'il peut: & qu'on ne doit iamais blasmer vn bon Cheualier, fil pourchace son honneur & profit au mieux qu'il peut: pourueu qu'il ne laisse point à seruir son Seigneur, en ce à quoy il est tenu. De telles parolles, ou semblables, estoit repeu le Prince de Galles, pour l'appaiser: mais nō-obstant (quelque semblant qu'il en fist) il n'en estoit pas bien content, car bien sauoit que ce mariage estoit vne departie & vn élognemēt d'amour, de luy & de ceux de son costé: comme verité fut: selon ce que dit l'Histoire: qui en traitera cy-apres. Pendant que ces Compaignies seiournoient ainsi en France, fut le Prince de Galles conseillé, d'aucuns de son Conseil, de leuer vn fouage en Aquitaine: & par especial y meit grande peine l'Euesque de Rodais en Rouergue. Car l'estat du Prince & de Madame la Princesse estoit adoncques si grand, que nul Prince Chrestien ne l'auoit si grand. Au Conseil de ce fouage furent appelez les Barons de Gascongne, de Poictou, de Xainctongne & de Rouergue (ausquels il appartenoit à parler) & plusieurs des citez & des bonnes-villes d'Aquitaine. Là leur fut remonstré à Nyort (ou ce parlement estoit assemblé) (especiallement & generally, par ledit Euesque de Rodais, Chancelier d'Aquitaine, & present le Prince, en quelle maniere on vouloit leuer ce fouage: & que ledit Prince n'auoit mie intention de le leuer, ne faire courir en son pays, fors seulement cinq ans: tant qu'il fust appaisé du grand argent qu'il deuoit, & auoit accreu par le voyage d'Espaigne. A celle ordonnance tenir estoient assez d'accord les poictuins, & ceux de Xainctonge, de Limosin, de Rouergue, & de la Rochelle: parmi ce que le Prince deuoit tenir ses mōnoyes estables sept ans. Mais ce propos refusoient ceux des hautes marches de Gascongne: comme le Comte d'Armignac, le Sire d'Albreth son neveu, le Comte de Comminges, le Vicomte de Carman, le Sire de la Barde, le Sire de Cande, le Sire de Pincornet, & plusieurs grans Barons des marches, citez, & bonnes-villes de leur ressort, & disoient que du temps passé, qu'ils auoient obeï au Roy de France, n'auoient esté greuez ne pressez d'aucun fouage, subside, imposition, ne gabelles: ne ia ne feroient, tant que deffendre le pourroyent: & que leurs terres & Seigneuries estoient franchises, & exemptes de toutes debtes: & que les tenir en tel estat leur auoit iuré le Prince. Nonobstant ce, pour eux departir amiablement de ce parlement dudit Prince, ils respondirent qu'ils en auroient aduis, & en parleroyent encor ensemble (eux retournes en leur pays) à plusieurs Prelats, Euesques, Abbez, Barons, & Cheualiers: ausquels il appartenoit bien d'en parler, en plus grande deliberation de conseil, qu'ils n'auoient eu par-auant: & le Prince de Galles & son Conseil n'en peurent lors auoir autre chose. Ainsi se departit ce parlemēt de la ville de Nyort, & retournerent chacun en son lieu, mais il leur fut commandé, & ordonné de par le Prince, qu'ils fussent tous reuenus dedans vn iour, qui assigné leur fut à celle heure. Or retournerent ces Barons & ces Seigneurs de Gascongne en leur pays: qui bien affermerent que sur l'estat, dont partis estoient de deuers le Prince, plus ne retourneroient: ne que ia, † pour faire guerre au Prince, ce fouage ne courroit en leurs terres. Ainsi se commença le pays à rebeller contre le Prince, & vindrent en France le Seigneur d'Armignac, le Seigneur d'Albreth, le Seigneur de Comminges, le Comte de Perigourd, & plusieurs autres haux Prelats, Barons, Cheualiers, & Escuyers de Gascongne, & meirent plaintes en-auant: en la chambre du Roy de France (ledit Roy de France,

& les Pers presens (sur les griefs, que le Prince leur vouloit faire: & disoient qu'ils auoient pleintes des sei-
ressort audit Roy, & qu'à luy se deuoient retraire & retourner, cōme à leur Seigneur sou- gneurs de Gas-
uerain, le Roy de Frāce (qui ne vouloit pas aller contre la paix, qui se tenoit entre le roy congne contre
d'Angleterre & luy) si dissimula sur ces parolles: & y respondit moult à poinct: disant à le Prince de
ces Barons de Gasconne. Certes Seigneurs, la iurisdiction de nostre heritage & de la Galles, au Roy
couronne de France voudrions nous tousiours garder & augmenter: mais nous auons de France, pre-
iuré, apres nostre Seigneur de pere, plusieurs articles en la paix: desquels il ne nous sou- sens les Pers.
uiuent pas de tous: si en regarderons & visiterons les lettres: & tout ce, qui y sera par nous
& pour vous, le vous aiderons à garder: & vous mettrōs à accord deuers nostre trescher
neueu le Prince de Galles: car par aduenture n'est il pas bien conseillē, de vouloir que
vous & vos subiets ne demouriez en vos franchises. De ses respōses, que le Roy de Fran-
ce fit à celle heure, se contēterent moult les Gascons: & se tindrent à Paris delez le Roy,
sans eux vouloir retourner en leur pays. Dequoy le Prince n'estoit pas bien content: &
tousiours perseueroit, & faisoit perseuerer son Cōseil, sur l'estat de ce fouage. Messire Ieā
Chandos (qui estoit l'un des grans de son Conseil, & vaillant Cheualier) estoit contrai- Iehan Chandos
re à ceste opinion: & bien voulist que le Prince s'en deportast: si que, quand il veit que se retire en sa
point n'en viendrait à Chef (à fin qu'on ne luy en peust riens reprocher, ne qu'il en fust terre de S. Sau-
accouplē print congé du Prince, & excusation d'aller en Normandie, en la terre de ueur-le-vicomte,
Saint-Sauueur-le-vicomte (dont il estoit Sire) pour la visiter: car point n'y auoit esté pour n'estre
depuis trois ans. Ce que le Prince luy accorda. Si se partit de Poictou ledit messire Ieā au Conseil dis
Chandos: & s'en vint en Constantin: & seiourna en la ville de Saint-Sauueur, ou là en- fouage.
uiron, plus de demi-an. Ce pendant tousiours procedoit le Prince sur le fouage: lequel
(fil eust esté mis à exploit) eust valu par an douze cens mille francs, pour payer seule-
ment sur chacun feu vii franc, le fort portant le foible. Nous retournerons au Roy
Henry (qui estoit en ce temps au Royaume d'Arragon) & recorderons comment il
perseuera depuis.

*Comment le Bastard Henry de Castille, à l'aide du Roy d'Arragon & de Bertrand
du Guesclin, fit de-rechef guerre à son frere Dom Pietre: & comment, l'ayant dé-
confit en bataille, & depuis prins, & tué, & demoura paisible Roy d'Espagne.*

CHAPITRE. CCXLV.

LA plus grande partie de l'estat du Prince, & de son affaire, fauoient les Roys voisins:
Ltels que le Roy Pierre d'Arragon, & le Roy Henry. Car ils mettoiēt grand' peine du
sauoir: & bien auoient entendu comment les Barons de Gasconne estoient allez à Pa-
ris, delez le Roy, & se commençoient tous à troubler & à rebeller contre le Prince. De-
quoy n'estoient mie les dessusdits courroucez, & par especial le Roy Henry: qui tiroit à
venir au conquest de Castille: qu'il auoit perdu par la puissance du Prince. Si se partit le
Roy Héry du Roy d'Arragō: & prit cōgé de luy en la ville de Valēce la grāde: & sē parti-
rent en sa cōpagnie, du Royaume d'Arragon, le Vicōte de Roquebertin & le Vicōte de
Roddes: & furēt bien 3000. hōmes de cheual, & six mil de pié, parmi aucuns Gēneuois:
qui là estoient soudoyers. Si cheuaucherēt ces Gens-d'armes vers Espagne, iusques à la
cité de Burgues (qui tantost fouurit, & rendit au Roy Henry, le receuant à Seigneur) &
de là vindrent deuant le Val-de-l'Olif: car le Roy Henry entendit que le Roy de Mail- Burgues redue
lorque y estoit: de laquelle chose il fut moult ioyeux. Quand ceux de la ville du Val-de- au Roy Henry
l'Olif entendirent que ceux de Burgues festoient retournez & rendus au Roy Henry, de Castille.
ils n'eurent pas conseil d'eux tenir, ne faire assaillir: ains se rendirent: & recueillirent le-
dit Roy Henry, cōme leur Seigneur, ainsi que iadis auoient fait, Si tost que le Roy Hen-
ry fut entré en la ville, il demāda ou le Roy de Maillorque estoit: & on le luy enseigna.
Tantost le Roy Henry vint celle part, & entra en l'hostel, & en la chambre, ou il estoit
encores tout pesant de sa maladie. Le Roy Héry vint à luy: & luy dit ainsi. Roy de Mail-
lorque, vous auez esté nostre ennemy, & à main armée estes entré en nostre Royaume Prinse du Roy
de Castille: parquoy nous mettons en vous la main, & vous rendez nostre prisonnier: de Maillorque
ou vous estes mort. Le Roy de Maillorque (qui se veoit en dur parti, & que deffense ne par le Roy Hen-
luy valoit riens) dit. Sire, ie suis mort voirement, se vous voulez: mais tresvolontiers ie ry en la ville
me ren à vous pour estre vostre prisonnier, & nō à autre: &, se vo⁹ me voulez en aucune de Val-d'olif.
maniere mettre en autres mains que les vostres, si le me dites: car i'aimeroye plus cher
estre mort, qu'estre mis es mains de mon aduersaire, le Roy d'Arragon. Le Roy

*Le pais de Galice
ce vèdu au Roy
Henry.*

*† Vous en trou-
ueriez quelque
chose en Ber-
trand du Gues-
clin.*

*Le Roy Dō Pie-
tre, derechef a-
bandoné de ses
subiets, assem-
ble des Maures
de Grenade &
autres mes-
creans, à sa sou-
de.*

*† La Chaux dit
de Tramesa-
nes, & sala
de Tousemai-
ne, estât nomé
de Tresmesai-
rees, au chap.
230.*

*Arrivée de
Bertrand du
Guesclin en
l'ost du Roy Hē-
ry.*

*Bon conseil de
Bertrand du
Guesclin au
Roy Henry.*

Hēry dit: Nenni: car ie ne vous feroye pas loyauté: & si seroit grandement à mō blasme. Vous demourrez mon prisonnier, pour vous quitter: ou pour vous rançonner: se ie vueil. Ainsi fut prins & assermenté le Roy de Maillorque, du Roy Henry: qui meit grâdes gardes au Val de l'Olif, pour plus especialemēt le garder: & puis cheuaucha outre, vers la cité de Leō en Espaigne: qui tātost fouurit contre luy: quand ils ouirent dire qu'il venoit celle part. Quand la cité de Leon en Espaigne se fut rendue au Roy Henry, tout le pays de la marche de Galice se commença à rendre & à tourner: & vindrent audit Roy Henry plusieurs haux Barons & Seigneurs: qui par-auant auoient fait hommage au Roy Dō Pietre: car (quelque semblant d'amour qu'ils luy eussent mōstré, present le Prince) ils ne le pouuoient aimer: tant leur auoit fait de cruauté iadis: & estoient bien en doute qu'encores derechef il leur en fist: & le Roy Henry les auoit tenus amiablement, & supportez doucement: & leur promettoit à faire beaucoup de bien: & pourtant se trahirent tous deuers luy. Encores n'estoit pas messire Bertrand du Guesclin en sa compaignie: mais il approchoit merueilleusement, à tout deux mille combattans, & estoit parti du Duc de Aniou: qui auoit acheué sa guerre en Prouence, & défait son siege de deuant Tarracon, par composition. † Ie ne sáy mie à dire quelle. Si estoient partis, avec le dessusdit, aucuns Cheualiers & Escuyers de France (qui desiroient à faire faits d'armes) & estoient ia entrez en Arragon: & cheuauchoit fort pour venir deuers le Roy Hēry, qui auoit mis le siege deuant Tollette. Ces nouuelles du reconquest, & comment le pays se retournoit deuers son frere le Bastard, vindrent au Roy Dom Pietre: qui se tenoit en la marche de Siuille & de Portugal: là ou il estoit aimé petitement. Quand donc il entendit ces nouuelles, il fut moult fort courroucé sur sondit frere le Bastard, & sur ceux de Castille, qui le relenquissoient: & dit, & iura, qu'il en prendroit si cruelle vengeance, que ce seroit exemple à tous autres si fit tantost vn mandement, & commandement par tout, à tous ceux dont il esperoit auoir aide & seruice. Si manda & pria tels, qui point n'y vindrent: ains s'en excuserent, au mieux qu'ils peurent, & les aucuns de-rechef se retournerent deuers le Roy Henry: & luy enuoyerent leur hommage. Quand le Roy Dom Pietre veit que ses gens luy failloient, si se commença à douter: & se conseilla à Dom Ferrand de Castres (qui oncques ne luy faillit) lequel luy conseilla qu'il print par tout gens, ou il les pourroit auoir, tant en Grenade qu'ailleurs, & qu'il se hastast de cheuaucher contre son frere le Bastard auant qu'il s'enforçast plus au pays. Le Roy Dom Pietre ne voulut mie sejourner sur ce propos: mais enuoya deuers le Roy de Portugal (qui estoit, son cousin germain, & de luy eut grans gens) & aussi deuers les Roys de Grenade, de Belle-marine. & † de Tramesames: & fit alliâces à eux: parmi ce que ces trois Roys dessusdits il deuoit tenir en leur estat, & point ne leur faire de guerre par l'espace de trête ans: & iceux Rois luy enuoyerent plus de vingt mille Sarrazins, pour luy aider à faire sa guerre. Si fit tant le Roy Dom Pietre, qu'il eut bien tant de Chrestiens que de Sarrazins, quarante mille hommes, tous assemblez en la marche de Siuille. En ces traitez & pourchas qu'il faisoit, & pendant que le siege estoit deuant Tollette, descendit, en l'ost du Roy Henry, messire Bertrand du Guesclin, à tout deux mille combatans: & y fut receu à grand'ioye (comme ce fut bien raison) & furent tous ceux de l'ost réiouis de sa venue. Le Roy Dom Pietre (qui auoit fait son amas de Gens-d'armes à Siuille, & là enuiron, si-comme dessus est dit: & qui desiroit à combattre le Bastard son frere) se partit de Siuille, avec son grand ost, pour venir leuer le siege de deuant Tollette: ou il peut bien auoir, de l'une à l'autre, sept iournées de pais. Si vindrent nouuelles, en l'ost du Roy Hēry, que le Roy Dom Pietre approchoit, & en sa compaignie plus de quarante mille hommes, qu'vns qu'autres: & que sur ce il eust aduis. A ce conseil furent appelez les Cheualiers de France & d'Arragon, qui là estoient, & par especial messire Bertrand du Guesclin: par lequel on vouloit du tout ouurer. Ledit messire Bertrād donna vn cōseil, qui fut tenu: c'est assauoir que tantost, avecques la plus grand' partie de ses gens, le Roy Henry cheuauchast à effort, deuers le Roy Dom Pietre: & en quelconque estat qu'on le trouuast, qu'on le combattist: car (dit il) nous sommes informez qu'il vient à grand effort, & à grande puissance, sur nous: & trop nous pourroit greuer s'il venoit par aduis iusques à nous: & se nous allons à luy sans ce qu'il le sache, nous le prendrons bien luy & ses gens, en tel parti, & si depourueumēt, que nous en aurons l'aduantage, & seront déconfits: ie n'en doute mie. Le conseil de messire Bertrand fut ouy & tenu, & se partit de l'ost, sur vn soir, ledit Roy Henry & en sa compaignie tous les meilleurs combattans, par election: & laissa tout le

demou-

demourant de son ost en la garde & gouuernement du Comte Dom Teille, son frere: & cheuaucha outre: & auoit ses espies tousiours allans & venans, qui fauoient & rapportoient songneusement la conuiue du Roy Dom Pietre & de son ost: & le Roy Dom Pietre ne sauoit riens du Roy Henry: ne qu'il cheuauchast ainsi contre luy: tellement que luy & ses gens en cheuauchoiert plus espars, & en plus petite ordonnance. Si aduint que, sur vn adiournement, le Roy Henry & ses gens deurent rencôtrer le Roy Dom Pietre & ses gens: qui celle nuit auoient geu en vn chastel, assez pres de là, appelé Montiel: & l'auoit le Sire de Montiel recueilli & honnoré, en ce qu'il pouuoit. Si s'en estoit au matin parti, & mis à chemin: & cheuauchoit assez esparsément: car il ne cuidoit mie estre combattu à ce iour. Si vindrent soudainement, à bannieres déployées, & tous pourueus de leur fait, le Roy Henry, son frere Sance, messire Bertrand du Guesclin (par lequel conseil ils ouuroient) le Begue de Villaines, le Sire de Roquebertin, le Vicomte de Rodais, & leurs routes: & estoient bien six mille combattans: & cheuauchoiert tous ferrez de grand randon: & s'en vindrent ferir de plain bond, & de grand volonté, es premiers que ils rencontrerent: en écriant Castille, au Roy Henry: & Nostredame, Guesclin. Si enuahirent & assaillirent roidement ces premiers: qui tantost furent déconfits & reboutez bien auant. Là en y eut plusieurs d'occis & de ruez par terre: car nul n'estoit prins à rançon, & ainsi estoit ordonné, du conseil de messire Bertrand, des le iour de deuant, pour la grande planté de Iuifs, & autres mécreans, qui y estoient. Quand le Roy Dom Pietre (qui cheuauchoit en la plus grand' route) ouit nouuelles que ses gens estoient enuahis, assaillis, déconfits, & reboutez vilainement de son frere le Bastard Henry, & des François, si fut fort émerueillé dont il venoit: & veit bien qu'il estoit trahi & deceu, & en aduerture de perdre (car ses gens estoient moult espars) combien que (comme bon Cheualier & hardi qu'il estoit, & de grand confort & entreprinse) il s'arresta tout quoy sur les champs: & fit sa banniere déuelopper & mettre au vent, pour recueillir ses gens: & enuoya dire à ceux qui estoient derriere, qu'ils se hastassent d'eux tirer auant: car il se combattoit aux ennemis. Parquoy s'aduancerent toutes manieres de gens vaillans: & se trahirent, pour leur honneur, deuers la banniere du Roy Dom Pietre: qui venteloit sur les champs. Là eut grand' bataille & merueilleuse: & y eut maints hommes renuersez & occis du costé du Roy Dom Pietre. Car le Roy Henry, messire Bertrand, & leurs gens, les requeroient de si grand volonté, que nul ne duroit contre eux. Mais ce ne fut mie si tost acheué: car ceux du Roy Dom Pietre estoient si grand' foison, qu'ils estoient six contre vn: mais ils furent prins de si pres, que c'estoit merueille à venir comment on les déconfisoit & abbattoit. Ceste bataille des Espaignols, les vns cõtre les autres, & des deux freres Roys, & de leurs alliez, assez pres de † Montiel, fut en ce iour moult grande & horrible, & moult y furent bons Cheualiers du costé du Roy Henry, messire Bertrand du Guesclin: messire Geoffroy Ricõ, messire Arnoul Limosin, messire Gauvain de Bailleul, messire le Begue de Villaines, Alain de S. Pol, & Aliot de Calais, & les Bretons qui là estoient: & aussi, du Royaume d'Arragon, le Vicõte de Roquebertin, le Vicõte de Rodais, & plusieurs autres bõs Cheualiers & Escuyers que ie ne puis tous nõmer: & y firèt maintes grãs appertises d'armes: & bien leur en estoit besoing. Car aussi trouuerèt ils gens, cõtre eux assez estranges, tels q̃ Sarrazins & Portugalois: car les Iuifs, qui là estoient, tournerent tantost le dos: ne point ne se cõbattirent: mais mout fort se cõbatirèt ceux de Grenade & de Bellemarine: & portoient arcs & archegayes, dont ils sauoient bien iouer: & y firent plusieurs grans appertises d'armes, de traire & de lancer. La estoit le Roy Dom Pietre merueilleusement hardi, & se combattant fort vaillamment d'une hache qu'il tenoit: dont il donnoit les coups si grans, que nul ne s'en osoit approcher. Là s'adreça la banniere du Roy Henry, son frere, deuers la sienne, bien espesse & bien pourueue de bons combattans, en écriant leurs cris, & en boutant fierement de leurs Lances. Lors se commencerèt à ouurir ceux qui delez le Roy Dom Pietre estoient, & à s'ebahir mallement. Dõ Ferrád de Castres (qui auoit à garder & conseiller le Roy Dõ Pietre, son Seigneur) veit bien (tant auoit bon sentement) que leurs gens se perdoient & déconfisoient: car trop s'ebahissoient: pourtant que soudainement prins on les auoit. Si dit au Roy Dom Pietre. Sire, sauuez vous, & vous reculez en ce chastel de Montiel, dont vous estes au matin parti. Se vous estes là retrait, vous ferez à sauueté: & si vous estes prins de voz ennemis, vous estes mort sans merci. Le Roy Dom Pietre crêut ce conseil: & se partit, au plus tost qu'il peut: & se retrahit deuers Montiel. Si y vint si à poinct, qu'il trouua les

Le Roy Dõ Pietre assailli au depouruen, par son frere Henry.

† Il y auoit icy & par auant: Nantueil: mais la Carte d'Esp. & Al-fonse de Carte ge, assure ma correction. Aussi sala dit Mantueil, es Guesclin, avec Michel Rits, Monuel, & Monuiet.

La bataille du Roy Dom Pietre tourne à deconfiture.

Retraite du Roy Dõ Pietre au chastel de Montiel.

portes du chastel ouuertes: & là fut receu luy douzième tant seulement. Pédant cela se cōbattirēt les autres qui estoiet espars sur les chāps, & faisoiet les aucuns ce qu'ils pouuoient. car les Sarrazins, qui là estoient, & qui point le pays ne cognoissoient, auoient aussi cher qu'ils fussent morts, que longuement chacez. Si se vëdoient, & aussi les autres, merueilleusement. Les nouuelles vindrent au Roy Henry, & à messire Bertrand que le Roy Dom Pietre estoit retrait & enclos au chastel de Montiel, & que le Begue, & sa route l'auoient poursuiui iusques là: & qu'il n'y auoit audit chastel qu'un seul pas, par ou on y entroit & issoit, & que deuant celle entree se tenoit le Begue de villaines dessusdit & auoit là mis son pennon. De ces nouuelles furent mout grandement réiouis ledit Roy Henry & messire Bertrand du Guesclin, & se retrahirent tous celle part, en cōbattant & occiant gens, & les tuant ainsi que bestes: & estoient tous lassez d'occire, couper & abbatre. Si dura ceste chace plus de trois grosses heures: & y eut ce iour plus de † quatorze mille, qu'un qu'autres, morts & naurez, Trop petit s'en sauuerēt: si ce n'estoient ceux du païs qui sauoient les refuges. Ceste bataille fut dessous Montiel, & là enuiron en Espagne, le † trezième iour du mois d'Aoust, l'an de grace mil trois cens soixante & huit. Apres ceste deconfiture du Roy Dom Pietre & de ses assemblees, & que le Roy Henry & messire Bertrand du Guesclin eurent obtenu la place deuant le chastel de Montiel, ils se logerent & arrangerent tout à l'enuiron du chastel (ou estoit ledit Roy Dom Pietre) & bien disoient qu'ils n'auoient rien fait n'exploité, s'ils ne prenoiet ledit chastel de Montiel, & ledit Roy Dom Pietre, qui estoit dedans. Si manderent tout leur estat & gouuernement à leurs gés, qui se tenoient deuant Tollette: à fin qu'ils en fussent plus cōfortez. De ces nouuelles furent tous réiouis le Comte Dom Teille, † & tous ceux qui là le siege tenoient, Le chastel de Montiel estoit assez fort, pour bien tenir un grand tēps, se pourueu eust esté de viures. Mais quand le Roy Dom Pietre y entra, il n'y en auoit point, pour viure quatre iours: dont s'ëbahissoit mout fort le roy Dō Pietre & ses cōpaignons. Car ils estoient de si pres guettez de nuit & de iour, qu'un oiseau ne s'en peust partir du chastel, qu'il ne fust veu & apperceu. Le Roy Dom Pietre (qui estoit dedās en grand angoisse de cœur, & qui se voit enclos de ses ennemis tout entour de luy, & bien sauoit qu'à nul traité de paix ne d'accord il ne viendrait) fut en grande imagination: si que tous cas cōfidez, & les perils ou il se trouuoit, & la faute de viures qui leans estoit, il fut conseillé qu'à heure de minuit partiroit du chastel, luy douzième, & se mettroiet en la garde de Dieu, & auroient guides, qui les meneroient en quelque lieu à sauueté. Si s'arresterēt audit chastel en celuy estat: & se partirent enuiron heure de minuit, le Roy Dom Pietre, Dom Ferrand de Castres, & le reste des douze. Si faisoit moult brun: & à celle heure faisoit le guet messire le Begue de Villaines, à plus de trois cens combattans. Ainsi que le Roy Dom Pietre estoit issu du chastel avec sa route, & qu'ils s'en venoient par vne haute voye qui descendoit en bas, & se tenoient si quois qu'il sembloit qu'il n'y eust nully, le Begue de Villaines (qui estoit tousiours en doute & en soing de son fait, & en treneur de tout perdre) ouit (ce luy sembla) le son de passer sur le pauement. Si dit à ceux qui delez luy estoient. Seigneurs tenez vous tous quois, ne faites nul effroy, j'ay ouy gens, sachons quels ils sont, & qu'ils quierent à ceste heure. Je ne say si ce seroiet point auictuailleurs: qui viensissent refreschir ce chastel de viures: car il n'en est mie bien garni. Adonques s'auança ledit Begue, ayant sa dague au poing: & vint à un homme qui estoit pres du Roy Dom Pietre: & luy demanda. Qui est tu? parle, ou tu es mort. † Celuy, à qui messire le Begue parloit, estoit Anglois, si refusa à parler: & se lança outre, en l'écheuât: & ledit Begue le laissa passer: & se r'adreça sur le Roy Dom Pietre: & luy sembla (quoy qu'il fist bieu brun) que ce fust il, à la semblance du Roy Henry son frere: car trop bien se ressembloient. Si luy demanda, en portant la dague sur la poitrine. Et vous, qui estes vous? nommez vous, & si vous rendez tantost: ou vous estes mort. En ce parlant, il le print par le frein de son cheual: & ne voulut mie qu'il luy échappast: ainsi que le premier auoit fait. Le Roy Dom Pietre (qui voit vne grosse route de Gens-d'armes deuant luy, & qui bien sentoient que échapper ne pouuoit) dit au Begue de Villaines (qu'il reconnut) Begue, Begue, ie suis le Roy Dom Pietre de Castille: à qui on fait moult de torts, par mauuais conseil. Je me ren, comme prisonnier: & me mets, & tous ces gens qui sont cy (qui ne sommes que douze) en ta garde & volonté. Si te prie, au nom de gentillesse, que tu me mettes en sauueté: & ie me rançonneray à toy, tout ainsi que tu voudras: car, Dieu mercy, j'ay encores tresbien de quoy: mais que tu m'écheues des mains du Bastard. Lors

respondit

† Les deux
Abr. disent
vingt-quatre
mille.

† An & iour
de la bataille
de Montiel, en
Espagne.

Le Roy Dom
Pietre assié-
gé dedans le
château de
Montiel par
son frere
Henry, le
bastard.
† Il y auoit
icy le Comte
de Sanxes:
mais il l'a
n'agueres
mis en ceste
bataille de
Montiel

Le Roy Dom
Pietre sort
du chastel
de Montiel,
sachant à
se sauuer
de nuit.

† Ce passage
est ramené
selon la
Chaux.

Le Roy Dō
Pietre estant
decouvert
par le
Begue de
Villaines
se rend à
luy.

respondit ledit Begue (ainsi comme ie fu depuis bien informé) qu'il venfist tout seurement luy & sa route, & que son frere par luy ne sauroit riens de ceste aduenture, Sur ce luy estat fen allerent ils, & fut mené le Roy Dom Pietre au logis du Begue de Villaines, & proprement en la chambre de messire Lyon de Lakonnet: mais il n'y eut point esté vne heure, quand le Roy Héry & le Comte de Roquebertin & leurs gens (nôpas grand' foison) vindrent au logis dessusdit: Si tost que le Roy Henry fut entré en la chambre ou le Roy Dom Pietre estoit, il dit ainsi. Ou est le fils de putain Iuif, qui s'appelle Roy de Castille? Adoncques le Roy Dom Pietre (qui fut moult hardi, & cruel homme) disant. Mais tu es le fils de putain: & ie suis le fils d'Alphons. A ces mots il print à bras le Roy Henry son frere, & le tira à luy, en luitant: & fut le plus fort de luy: & l'abbattit dessus luy, sur vne aubarde, qu'on dit en François coeste de materats de soye: & meit la main à sa coustille, & là l'eust occis sans nul remede, se n'eust esté le Vicomte de Roquebertin, qui print le pié du Roy Dom Pietre, & le renuerfa, & meit le Roy Henry dessus: lequel tira en grande diligence vne coustille longue (qu'il portoit souuent en écharpe) & la luy embarra parmi le corps: & tantost faillirent ses gens: qui luy aiderent à l'acheuer. Et là furent occis, delez luy vn Cheualier d'Angleterre qui s'appeloit messire Raoul Heline, & qui iadis auoit esté surnommé le verd-Escuyer) & vn Escuyer (qui s'appeloit Iaqués Roland) pourtant qu'ils festoiét mis en deffense: mais à Dom Ferrand de Castres, & aux autres on ne fit point de mal: ains demourerent prisonniers à Monseigneur le Begue de Villaines, & à messire Lyon de Lakonnet. Ainsi finit le Roy Dom Pietre de Castille (qui iadis auoit regné en tresgrand' prosperité) & encores le laisserent ceux, qui l'auoient occis, trois iours sur terre (dont il me semble que ce fut pitié, pour l'humanité & se gaboient les Espaignols de luy. Au lendemain le Seigneur de Montiel se vint rendre au Roy Henry, qui le print & receut à mercy, & aussi tous ceux, qui se vouloient retourner deuers luy. Les nouuelles s'épandirent par toute Castille, que le Roy Dom Pietre estoit mort: si en furent courroucez ses amis, & tous ses ennemis grandement réiouis. Quand les nouuelles vindrent au Roy de Portugal que son cousin estoit mort par telle maniere, si en fut moult fort courroucé: & dit, & iura, que ce seroit amendé.

*Le Roy Dō Pi-
tre de Castille
occis par son frè-
re le Bastard
Henry.*

Si enuoya tantost défiance au Roy Henry: & luy fit guerre, & tint la marche de Siuile vne saison contre luy: mais pource ne laissa mie le Roy Henry à poursuiuir son entreprinse: ains s'en retourna deuers Tollette, qui se rendit tantost, quand ils sceurent la mort du Roy Dom Pietre: & aussi fit le pays dépendant de la couronne de Castille.

*Tollete & tou-
tes les dépendā-
ces du Royau-
me de Castille
se rendent au
Roy Henry.*

Mesmement le Roy de Portugal n'eut mie conseil de tenir la guerre contre le Roy Henry. Si en fut fait accord & paix, par le moyen des Barons & Prelats d'Espaigne. Si demoura le Roy Henry tout en paix dedans Castille, & messire Bertrand du Guesclin delez luy, & messire Oliuier de Manny, & aucuns autres de Frâce, de Bretagne, & d'Arragō: ausquels le Roy Henry fit grand profit: & moult y estoit tenu: car, sans l'aide d'eux, il ne fust ia venu à chef de ses besongnes. Si fit ledit messire Bertrand * Cōestable d'Espaigne: & luy donna la terre de Soyrie (qui bien valoit par an vingt mille francs) & à messire Oliuier, son neveu, la terre de Crecte (qui bien valoit aussi dix mille francs de rente) & aussi à tous les autres Cheualiers tant & si largement, que tous furent contens de luy. Si vint tenir son estat à Burgues, avec sa femme & ses enfans, regnant comme Roy. De la bonne prosperité & bonne aduenture de luy furent moult réiouys le Roy de Frâce & le Duc d'Aniou (qui moult l'aimoit) & aussi fut le Roy d'Arragon. En ce temps trépassa de ce siecle † messire Lionnel d'Angleterre: qui en celle saison estoit passé outre les monts (si comme cy-dessus est dit) & auoit prins à femme la fille Monseigneur Galleas, seigneur de Millan: &, pourtāt qu'il mourut merueilleusemēt, messire Edouard le Despensier, son compaignon (qui là estoit) en fit guerre audit Galleas, & rua ius de ses gens, par plusieurs fois: mais à la fin Monseigneur le Comte de Sauoye en fit l'accord. Or reuiendrons nous aux besongnes & aux aduentures de la Duché d'Aquitaine.

Anno. III.

*† Tout cest arti-
cle est corrigé se-
lon le cha. 244
& suiuant la
chaux, combiē
que ie ne trou-
ue rien ailleurs
de ceste guerre
d'Edouard le
Despensier.*

Comment, à cause du fouage que le Prince de Galles vouloit leuer en Aquitaine, le Roy Charles de France fut conseillé de s'en porter pour souverain Seigneur: dont recommença la guerre entre les François & les Anglois.

CHAP. CXLVI.

Nous auons cy-dessus recordé comment le Prince estoit conseillé & informé de leuer vn fouage en la terre, dont toutes gens se tenoient à trop chargez, & par especial ceux de Gascongne. Car ceux des basses marches de Poictou, de Xainctonge, & de

la Rochelle sy accorderent assez bien: pourtant qu'ils estoient plus pres du seiour du Prince: & aussi ont ils tousiours esté plus obeyssans & descendans aux ordonnances de leurs Seigneurs, & plus fermes & estables, que ceux de lointaines marches. Pour ceste chose mettre à l'intention du Prince & de son Conseil, furent plusieurs parlemés assemblez à Niorth, à Angoulesme, à Poictiers, à Bordeaux, & à Bergerat, & tousiours mainte-

noient ceux † d'Angoulesme que ia n'en payeroiét, ne ia en leur terre souffrir ne le pourroient: & mettoient en auant qu'ils auoient ressort en la chambre du Roy de France. De ce ressort estoit durement le Prince courroucé: & respondoit à l'encontre: & disoit que non auoient: & que le Roy de France auoit quitté tous ressorts & toutes iurisdicções, quand il rendit ces terres à son Seigneur de pere: ainsi que bien estoit apparent par les traitez & chartes de la paix: qui de ce faisoient pleinement & paisiblement mention: & que nul article † de ressort n'y auoient les traiteurs de ladite paix reserué pour le Roy de France. A ce propos respondoient les Gascons: & disoient qu'il n'estoit mie en l'ordonnance & puissance du Roy de France, n'oncques ne fut, qu'il les peust acquitter du ressort, sans le consentement des Prelats, des Barons, des citez, & des bonnes-villes de Gascongne: qui ne l'eussent iamais souffert, ny ne souffriroient, s'il estoit à faire: d'autant que ce seroit pour tousiours faire demourer le Royaume de France en guerre. Ainsi estoient brouillees les Princes & les Barons de Gascongne: & soustenoient chacun son opinion: & disoient qu'ils auoient bon droit: & se tenoient tous quois à Paris, delez le Roy de France, le Comte d'Armignac, le Sire d'Albreth, le Comte de Perigourd, le Comte de Comminges, & plusieurs autres Barons de Gascogne qui informoient le Roy tous les iours, par grand loisir, que le Prince, par orgueil & presumption, les vouloit suppediter, & éleuer choses indeuës en leurs terres: lesquelles choses ils ne souffriroient iamais estre faites. Si disoient & remonstroient au Roy, qu'ils auoient ressort à luy: & vouloient que ledit Prince fust appelé en Parlemēt, en la chambre des Pers, sur les griefs & sur les molestes, qu'il leur vouloit faire. † Or combien que le Roy de France entretinist cesdits Seigneurs de Gascongne pendant qu'ils le requeroient ainsi d'auoir aide & confort de luy, comme de leur Souuerain, en disant qu'autrement ils se retireroient en autre court, & par ce moyen perdrait celle Seigneurie: neantmoins descendoit moult enuis à leur requeste. Pourtant qu'il sentoient bien que la chose ne pouuoit venir à autre chef, qu'à guerre: laquelle sans grand tiltre de raison, il ne vouloit émouuoir. Car encores veoit il son Royaume trop greué, & trop pressé de Compagnies & d'ennemis: &, d'auantage, le Duc de Berry, sō frere, estoit encores ostager en Angleterre de sorte qu'il vouloit faire ses choses tout meurement. En ce temps estoit reuenue en France messire Guy de Ligny, Comte de Saint Pol, sans prendre congé des Anglois, & par grande subtilité, mais pource que la matiere en seroit longue, à deuiser, ie m'en passeray brièvement. Ce Côte

havoit tant les Anglois, qu'il n'en pouuoit nul bien dire: & rendoit grāde peine à ce que le Roy de France descendist à la priere des Gascons, car biē sauoit que, se le Prince estoit appelé en Parlement, ce seroit vn grād mouuement de guerre. Al'opinion du Côte de S. Pol estoient descendus plusieurs Prelats, Côtes, Barons, & Cheualiers du Royaume de France: & disoiēt biē au Roy, que le Roy d'Angleterre n'auoit en riens tenu la paix, ne ce que il auoit iuré & scellé, selō la teneur des traitez, qui furent faits à Bretigny, delez Chartres & depuis confirmez à Calais, † car les Anglois auoiēt tousiours couuertement guerroyé le royaume de France, autāt ou plus, depuis la paix faite, qu'au par-auant. Si remonstrent au Roy qu'il trouuerait la verité de ce qu'ils disoiēt, s'il faisoit lire les chartes de la paix, & les articles esq̄ls le roy d'Angleterre & sō fils aîné se soufmirēt par foy & sermēt. Adōc le Roy de France pour mieux estre informé de la verité, & pour garder les droitures de son Royaume, fit apporter, en la chābre de son cōseil, toutes les chartes de la paix: & les fit lire, par plusieurs fois, pour mieux examiner les points & les articles qui dedans estoient. Si furent leues & veues cepēdāt plusieurs fois pour mieux aduenir au fons de leur matiere, & entre les autres, en y auoit vne de soufmissiōs: ou le Roy & son Cōseil s'arrestēt le plus: pourtāt qu'elle parloit pleinement & claiement de ce, dont il vouloit ouir parler. Laquelle lettre disoit ainsi. E D O V A R D, par la grace de Dieu Roy d'Angleterre Seigneur d'Irlande & d'Aquitaine, à tous ceux, qui ces presentes lettres verront, salut. Sachez tous qu'en l'accord & paix finale, faite entre nous & nostre trescher frere le Roy de France, sont contenus deux articles, contenans la forme qui ensuit. Item que les Roys dessusdits seront tenus de faire confirmer toutes les choses dessusdites, par nostre

Sainct

Sainct pere le Pape: & seront icelles aualuées par fermés, sentences, & censures de court de Romme, & par tous autres liens, en la plus forte maniere, que faire se pourra. Et seront impetrées dispensations, absolutions, & lettres de ladite Court de Romme: touchant la perfection & accomplissement de ce present traité, & seront baillées aux parties, au plus tard dedaus trois semaines, apres ce que le Roy sera arriué à Calais. Ité, à fin que les choses dessusdites, passées, & traitées, soient plus fermes estables, & valables, seront faites & données les fermetez qui sensuyuent. C'est assavoir lettres, seellées des seaux desdits Roys & des aînez fils d'eux, les meilleures qui pourront estre faites & ordonnées par le conseil desdits Roys. Et iureront lesdits Roys & leurs aînez fils, & leurs autres enfans, & aussi quelques autres des lignages Royaux, & des grans Seigneurs de leurs Royaumes, iusques au nombre de vingt, qu'ils tiendront & aideront à tenir, en tant que chacun d'eux touche, lesdites choses faites & accordées, & qu'ils les accôpliront, sans iamais venir au contraire, sans fraude & sans malengin, & sans y faire nul empeschement. Et, si y auoit aucuns personages desdits Royaumes de France & d'Angleterre qui fussent rebelles, ou ne vouüssent accorder les choses dessusdites, les deux Roys dessusdits ensemble feront tout leur pouuoir, de corps, de biens, & d'amis, de mettre lesdits rebelles en vraye obeyssance, selon la forme & teneur dudit traité. Et, avecques ce, se soumettront lesdits deux Roys, & leurs Royaumes, à la coërtiô de nostre saint pere le Pape: à fin que il puisse contraindre par sentences, censures ecclesiastiques, & autres voyes deuës, celuy qui sera rebelle: selô qu'il sera de raison. Et, parmi les fermetez & seuretez dessusdites, renôceront lesdits Roys, pour eux & pour leurs hoirs, par foy & par sermêt, à toutes guerres & proces de fait. Et, si par desobeyssance, rebellion, ou puissance d'aucuns subiets du Royaume de France, ou par aucune iuste cause, ledit Roy de Frâce, ou ses hoirs, ne pouuoient accomplir toutes les choses dessusdites, ledit Roy d'Angleterre, ses hoirs, ne son Royaume, ou aucuns pour eux, ne feront, ou deurôt faire, guerre cōtre ledit Roy de Frâce, ne ses hoirs, ne son Royaume: mais tous ensemble s'efforcerôt de remettre lesdits rebelles en vraye obeyssance, & d'accomplir les choses dessusdites. Et aussi, faucuns dudit Royaume & obeyssance dudit Roy d'Angleterre ne vouloiēt rendre les chasteaux, villes, fermetez ou forteresses: qu'ils tiennent audit Royaume de France, & obeyr au traité dessusdit, ou si par iuste cause ledit Roy d'Angleterre ne pouuoit accôplir ce qui est dit au presët traité, le Roy de Frâce, ne ses hoirs, ny aucun pour eux, ne ferôt point de guerre au Roy d'Angleterre: ny à son Royaume: mais tous deux ensēble ferôt leur plein pouuoir de recouurer les chasteaux, villes, & forteresses dessusdites, mettre les rebelles en bōne obeyssance, & moyenner que tout accôplissement soit fait aux traitez dessusdits. Et seront aussi faites & dōnées, d'une part & d'autre, selon la nature du fait, toutes manieres de fermetez & seuretez, qu'ō pourra & saura deuïser, tāt par le Pape & le Collège de Rōme que par autres, pour l'entretienement de la paix, & des choses y accordées. Parquoy nous, desirans auoir & nourrir perpetuelle paix & amour entre nous & nostredit frere, & le Royaume de Frâce, auons renôcé, & par ces presentes renonçons, à toutes guerres & autres proces de fait cōtre nostredit frere, ses hoirs & successeurs, & le Royaume de Frâce & ses subiets. Et promettōs & iurons, & auons iuré sur le corps de Iesuchrist, pour nous & noz successeurs, que nous ne ferons: ne faire souffrirons, par fait, ou par parole, venir contre ceste renonciation, ne contre aucunes des choses contenues es dessusdits articles. Et, si nous faisons, ou souffrions estre fait, le contraire par quelque maniere (ce que Dieu ne vueille) nous voulons estre reputé pour faux, mauuais, & pariure: & encourir en tel blasme & diffame, que Roy sacré, & couronné, doit encourir en tel cas. Et renonçons à impetrer toute dispēsation & absolution du Pape, cōtre ledit sermêt: &, si impetrée estoit, nous voulōs qu'elle soit nulle & de nulle valeur, & q nous ne nous en puissions aider en aucune maniere. Et, pour tenir plus fermemēt les choses dessusdites, soumettōs no^s, noz hoirs, & noz successeurs, à la iurisdiction & coërtiô de l'eglise de Rōme: & voulons & consentōs que nostre S. pere le Pape confirme toutes ces choses, en ordōnant monitions & mādēmēs generaux: pour l'accôplissement d'icelles cōtre nous, noz hoirs & successeurs, & cōtre noz subiets (soient Cōmunes, Vniuersitez, Collèges, ou personnes singulieres quelconques) & en donnant sentences generales d'excōmuniemēt, de suspēsiō, ou d'interdit, pour estre encourues pour nous ou pour eux, si tost cōme no^s, ou eux, ferons ou attenterons le contraire, en occupant villes, chasteaux ou forteresses, ou autre chose quelconque, en faisant, ratifiant, ou donnant conseil, confort, faueur,

dees aux An-
glois par le tra-
té de Bretigni.
Voyez l'Ann.
86. & vous y
trouuerez vne
autre lettre: de
laquelle sont ti-
rez ces deux
articles: que
nous auons icy
corrigez, cōme
les autres là

† Le nom de ce
ste Comté est re
mis selo le cha.
216. et Aimo
de Langley, selo
P. Verg. fut ain
si nommé pour
raison du lieu,
ou il nasquit:
puis eut tiltre
de Comte de
Cantebruge.
† Outre les en
fans susnommez
du Roy d'An
glet. P. Verg.
dit qu'il eut en
cores deux mas
les, & trois fe
melles, mais ie
ne vous puis
asseurer si tout
cela viuoit en
core. Les Abr.
ne prennēt que
la substance de
ceste lettre, &
encore fort brie
uement.
† Il y auoit
Breitaigne, à
trop peu de rai
son. Aussi la
Chaux confir
me ma corre
ction.

ny aide celément, ou en appert, contre les choses dessusdites. Et auons fait semblablement par nostre trescher & aisné fils Edouard, Prince de Galles, iurer lesdites choses, & par noz fils puisnez, Lionnet, † Comte de Dulneestre, Iehan, Comte de Richemôt, & Aimon de Langley, & par nostre trescher cousin Philippe de Nauarre, & par les Ducs de Lanclastre, & de Breitaigne, par les Comtes d'Estanfort & de Sallebery, par le Seigneur de Manny, par le Captal de Buz, par le Seigneur de Môtfort, par Iames d'Andellée. Roger de Beauchamp, Iehan Chandos, Raoul de Ferrieres, Edouard le Despensier, Thomas & Guillaume de Phelleton, Eustace d'Auberthicourt, Franque de Halle, Iehan de Môbray, Berthelin de Brouues, Henry de Persy, & par plusieurs autres Cheualiers. Et ferons aussi iurer semblablement, au plus tost que nous pourrons bonement, noz † autres enfans, & la plus pleine & grande partie des Prelats, gens d'Eglise, Côtes, Barons, & autres Nobles de nostre Royaume. En tesmoing de laquelle chose nous auons fait mettre nostre seel à ces presentes données en nostre ville de Calais, l'an de grâce mil trois cens soixante, le 24. iour d'Octobre. Entre les autres lettres, qui auoient esté données, tant à Bretigny lez Chartres, côme en la ville de Calais, quād le Roy Iehan sy tenoit, au temps dessusdit, fut ceste lettre adonc du Roy Charles, son aisné fils, tresbien leuë & à grād loir examinée & visitée, presens les plus especiaux de son Conseil: & là disoient bien les Prelats & les Barons de France, qui à ce Conseil estoient appelez, que le Roy d'Angleterre & le Prince de Galles, ne l'auoient en riens tenue n'accomplie: mais prins auoiet chasteaux & villes, & seiourné & demouré audit Royaume, à grand dōmage, & rançoné & pillé le peuple: tellemēt que le payement de la redemption du feu Roy Iehan estoit encores en partie à payer: & que sur ce, & par ce point, le Roy de Frāce & ses subiets auoiet bon droit & iuste cause de briser la paix, & guerroyer les Anglois, & leur tollir † la terre, qu'ils auoient deçà la mer. Encores fut adonc dit au Roy secrettemēt, & par grand déliberatiō, Cher Sire, entreprenez hardimēt la guerre, vous y auez cause: & sachez qu'aussi tost que vous l'aurez entreprinse, vous verrez & trouuerez que ceux du pays de la Duché d'Aquitaine se tourneront deuers vous: comme Prelats, Barons, Comtes, Cheualiers, Escuyers & Bourgeois des bones villes. Car, d'autāt q̄ le Prince procede à leuer ce fouage, il demeure en la haine & mal-vueillāce de toutes persōnes: & sera mal-aisé qu'il en viēne à chef. Pource que ceux de Poictou, de Xainctonge, de Quercy, de Rouergue, & de la Rochelle, sont de telle nature, qu'ils ne peuuent aimer les Anglois: & eux aussi (qui sont orgueilleux & presomptueux) ne les peuuent aimer: n'ocques ne firent. Auec ce, les Officiers du Prince font tant d'extortiōs au peuple, en Xainctonge: en Poictou, & à la Rochelle, qu'ils prēnent tout en abādon: & si font si grans leuées, au tiltre du Prince, que nul n'a riens au sien. D'auantage les Gentils-hōmes du pays ne peuuent venir à tels offices: car tout emportent les Anglois & les Cheualiers du Prince. Ainsi estoit le Roy de France induit & conseillé à mouuoir guerre: & mesmemēt le Duc d'Aniou (qui pour le tēps se tenoit à Toulouze) y mettoit grand' peine: & desiroit moult que la guerre fust recōmencée & renouuellée: côme celuy, qui ne pouuoit aimer les Anglois pour aucunes déplaissances qu'au tēps passé ils luy auoient faites. D'autre part les Gascōs disoient songneusement au Roy de France, Cher Sire, nous tenons à auoir nostre ressort en vostre court. Si vous supplions que vous nous faciez droit & loy (si-côme le plus droiturier du mōde) des grans griefs & extortiōs, que le Prince de Galles & ses gens nous veulent imposer. Autrement, si vous refusez de nous faire droit, nous nous pourchacerons ailleurs, & nous rendrōs & mettrōs en court de tel Seigneur, qu'il nous fera auoir raison: & vous perdrez vostre Seigneurie. Le Roy de France, qui enuis eust perdu cela (car à grād blasme & preiudice fust tourné à luy & au Royaume) leur respondoit moult courtoisement que iā par faute de loy, ne de cōseil, ils ne se traitoient en autre court, qu'en la siēne: mais qu'il cōuenoit de telles besongnes vser par grād cōseil & aduis. Ainsi les demena il pres d'un an: & les faisoit tenir tous quois à Paris: mais il payoit tous leurs frais: & leur dōnoit encores grans dons, & grans ioyaux: & ce pēdant tousiours s'enqueroit secrettemēt: si la paix estoit brisée entre luy & les Anglois, & la guerre encōmēcée, fils la maintiēdroiet: & ils respōdoient que iā de la guerre, du costé de là, ne luy faudroit † essonnier, car ils estoient assez forts pour guerroyer le Prince & toute sa puissance. Le Roy de l'autre costé sentoait aussi tout bellemēt, à ceux d'Abbeuille, q̄ls il les trouueroit, & fils demoureroiet bons Frāçois: & ils ne desiroiet autre chose que d'estre Frāçois, tāt hayoiet les Anglois. Ainsi acquerait le Roy de France, de tous costez, amis: car autrement il n'eust osé faire ce qu'il

ce qu'il fit. En ce temps fut né Charles de France, aîné fils du Roy de France, en l'an de grâce mil trois cens soixante & huit: dont le Royaume fut moult réioui: &, deuant ce auoit esté né Charles d'Albreth. De la natiuité de ces deux enfans (qui estoient cousins germains) fut le Royaume moult ioyeux, & par especial le Roy de France.

Comment le Roy de France enuoya adiourner le Prince de Galles, par vn appel en la chambre des Pers à Paris, contre les Barons de Gascogne.

CHAP.

CCXLVII.

Natiuité de Charles premier fils du roy Charles cinquieme, le 3. Decembre selon les Annales de France.

Tant fut le Roy de France conseillé & enhorté de ceux de son Conseil, & songneusement supplié de ces Gascons, qu'un appel fut fait & formé pour aller en Aquitaine, appeler le Prince de Galles en Parlemēt à Paris: & de ce furent le Côte d'Armignac, le Seigneur d'Albreth, le Comte de Perigourd, le Comte de Cōminges, le Vicomte de Carmaing, le Seigneur de la Barde, le Sire de Pincornet, & plusieurs autres, causes & chefs. Si contenoit ledit appel cōment leidits Gascons se plaignoient de certains grans griefs, que le Prince de Galles & d'Aquitaine leur vouloit faire, & à leurs gens: & de ce leidits Gascons appeloient & tiroient à ressort le Roy de France: lequel, si cōme de son droit, ils auoient prins & ordōné pour leur iuge. Quād ledit appel desdits Barōs & Seigneurs du pays de Gascogne fut bien fait & formé, mis & redigé par escript, & biē corrigé, & au mieux que tous les sages du Cōseil de France sceurent & peurent faire & cōsiderer, toutes raisons gardées & obseruées, il fut dit & cōclu, par ledit Cōseil, qu'il seroit signifié au Prince de Galles: & qu'on l'adiourneroit: à comparoir en personne à Paris, en la chambre des Pers de France, pour assister à droit, & respondre aux complaints contre luy faites: pour quoy faire, la charge en fut baillée à vn Clerc de droit, biē enlāgagé, pour mieux exploiter la besōgne, & à vn moult noble Cheualier de Beauffe, nōmé Caponnel de Capōnal: lesquels avec leurs gens & leur arroy, se partirent de Paris, & se merent au chemin par deuers Poictou: & tant exploiterēt par leurs iournées, qu'ils passerēt Berry, Touraine, Poictou, & Xainctōge: & vindrēt à Blaye: & là passerent la riuere. Puis vindrent à Bordeaux (ou le Prince & Madame la Princeffe se tenoient plus, pour celuy temps, qu'autre part) & par tout disoient les dessusdits qu'ils estoient messagers du Roy de France: dont ils estoient par tout les tresbien venus. Quand ils furent entrez en la cité de Bordeaux, ils se hebergerent en vne hostellerie (car iā estoit tard, & enuiron heure de vespres) & là se tindrent tout ce iour & la nuit, iusques au lendemain, qu'à heure cōpetente ils s'en vindrent en l'Abbaye de Sainct-Andrieu: ou ledit Prince de Galles se logeoit. Les Cheualiers & les Escuyers dudit Prince les recueillirēt mout doucemēt, pour la reuerence du Roy de France: de qui ils se renōmoient. Si fut ledit Prince de Galles tantost informé de leur venue: & les fit tantost venir auant. Quand leidits messagers furent venus deuant ledit Prince de Galles, ils s'enclinerent moult bas, & le saluerent en grand reuerence (ainsi comme bien luy appartenoit, & que bien le sauoient faire) & puis luy baillerent lettres de creancé. Ledit Prince les print, & les leut mot à mot: & puis leur dit. Vous soyez le tresbien venuz. Or nous dites tout ce, que vous auez à nous dire.

À voir la date de la lettre suivante, nous pouuons icy commēcer l'an 1369. à nostre mode accustomed: c'est à sauoir par le premier de l'annier.

Messagers du Roy Charles 5. vers le Prince de Galles, pour l'adiourner à la chambre des Pers de France.

Trescher Sire (dit le Clerc en droit) veez cy vnes lettres qui nous furent baillées à Paris, de nostre Sire le Roy de France: lesquelles lettres nous promismes par nostre foy, que nous publierons en la presence de vous: car elles vous touchent. Le Prince mua lors sa couleur, estant moult émerueillé que ce pouuoit estre: & aussi furent aucuns Barons & Cheualiers qui delez luy estoient. Neantmoins il se refrena: & dit. Dites, dites, toutes bonnes nouuelles nous aurons volontiers. Adoncques print ledit Clerc la lettre: & la leut de mot à mot. Laquelle lettre contenoit ce qui sensuit.

CHARLES, par la grâce de Dieu Roy de France, à nostre neveu, le Prince de Galles & d'Aquitaine, salut. Comme ainsi soit que plusieurs Prelats, Barons, Cheualiers, Vniuersitez, Communautéz, & Colléges, des marches & limitations du païs de Gascogne, demourans & habitans es bandes de nostre Royaume, avec plusieurs autres du pays & Duché d'Aquitaine, se soient traits par-deuers nous en nostre Court pour auoir droit d'aucuns griefs & molestes indeuës, que vous, par foible conseil & simple informatiō, auez proposé de leur faire, & de laquelle chose sommes émerueilléz. † Doncques, pour obuier & remedier à ces choses, nous nous sommes ahers & aherdons avec eux, tant que, de nostre maiesté Royale & Seigneurie, nous vous commandons, que vous viengnez en nostre cité de Paris, en propre personne, & vous monstriez & presentiez deuant nous, en nostre chambre des Pers, pour ouir droit sur lescrites complaints &

Lettres patentes du roy Charles, pour adiourner le prince de Galles.

C'est le stile du temps passé: et encor y en a il bien peu, qui le fassent meilleur auioird'huyn en tels instrumens.

† La Chaux ad
iuste icy da-
rain pallé,
c'est adire der-
nier pallé, qui
estoit encore de
1368, à leur
mode, & com-
mencement de
1369. à la
mienne.

† To nos Exép.
& la Chaux
mesme ont ain-
si, & en ce cas
prennēt ayeul
pour oncle,
comme l'alliā-
ce estoit faite
entre eux par
la paix de Bre-
tigni, mais no-
uons trouuē
iour en cer-
tain fragment
de vieil Exēpl.
imprimé, & de
fait ie liroye vo-
loriers adiour-
nement, n'e-
stoit que ie trou-
ue encores ce
mesme mot
ayeul repeté
sur la fin du
present chap.

† Il y auoit &
rapporterēt,
mais la dedu-
ctiō suiuante le
dementiroit, et
aussi la Chaux
dit en inten-
tion de rap-
porter, &c.

† Il y auoit icy
de Basle, &
de Bale es au-
tres Exép. &
en la Chaux
mesme, & Ba-
des & Bade
parauant là ou
il parle premie-
rement de ce
souage. Mais
plusieurs bōnes
cōiectures me
font continuer
d'escrire Ro-
dais.

Les messagers
du roy Charles
faits prisoniers
par cōmādemēt
du Prince de
Galles.

griefs émeus de par vous à faire sur vostre peuple qui clame à auoir & à ouir ressort en nostre Court. Et à ce n'y ait point de faute: & soit au plus hastiement que vous pourrez, apres ces lettres veuēs, En tesmoing de laquelle chose nous auōs à ces presentes mis nostre seal. Donnē à Paris le vingtcinquième iour du mois de Ianuier. †

Comment le Prince de Galles fit mettre en prison les gens du Roy de France: qui auoient apporté l'appel contre luy.

CHAP. CCXLVIII.

Quand le Prince de Galles eut ouy lire ceste lettre, si fut plus émerueillé que deuant: & croulla la teste, & regarda sur les dessusdits François: & quand il eut vn peu pensé, il respondit par telle maniere. Nous irons volontiers à nostre † ayeul à Paris (puis que mandē nous est du Roy de Frāce (mais ce sera le bacinet en la teste, & soixante mil- le hōmes en nostre cōpaignie. Adonc s'agenouillerent les deux François, qui là estoiet: & dirent. Cher Sire, pour Dieu merci. Ne prenez pas cest appel en grand despit, ny en trop grād courroux. Nous sommes messagers, enuoyez de par nostre Sire le roy de Frā- ce, à qui nous deuons toute obeissance (cōme les vostres vous doiuent faire) & nous cō- uient expressēmēt le faire: & aussi tout ce, que vous nous voudrez encharger, nous le di- rons trefvolōtiers au Roy nostredit Sire. Nēni (dit le Prince) ie n'en say nul mal-gré, fors à ceux, qui cy vous enuoyēt, & vostre Roy n'est pas bien conseillé, de se herdre avec noz suiets, & se vouloir faire iuge de ce, dōt à luy n'appartiēt riens, n'ou il n'a point de droit. Car bien luy sera mōstré qu'au rendre & mettre en faisine Mōseigneur mon pere, ou ses Cōmis, de toute la Duchē d'Aquitaine, il en quitta tous les ressorts: & tous ceux qui ont formé leur appel contre moy, n'ont autre ressort, qu'en la court d'Angleterre de mōsei- gneur mon pere: & ainçois qu'il soit autremēt, il coustera cent mille vies. A ces parolles se départit le Prince d'eux, & entra en vne chambre: & les laissa là quois. Adonc vindrēt aucuns Cheualiers Anglois auant, & leur dirent. Seigneurs partez d'icy: & retournez en vostre hostel: vous auez bien fait ce, pourquoy vous estes venus, vous n'aurez autre res- ponse: fors celle, que vous auez euē. Lors se partirent le Cheualier & le Clerc, & retour- nerent en leur hostel, & là disnerent: & tantost apres disner, ils trousserēt bagage, & mō- terent à cheual, & se partirent de Bordeaux, & se meirent à chemin, pour reuenir deuers Toulouze, & † rapporter au Duc d'Aniou tout ce qu'ils auoient exploité. Le Prince de Galles (cōe dessus est dit) estoit tout melācolieux de cest appel, qu'ō luy auoit fait. Auf- si estoiet les Barōs & Cheualiers qui delez le Prince estoient: & voussissent bien, & le cō- seilloiet au Prince, que les deux messagers fussent occis, pour leur salaire: mais le Prince les en deffendoit. Si auoit sur eux mainte dure imagination: & quād on luy dit qu'ils e- stoient partis, & qu'ils tenoient le chemin de Toulouze, il appela messire Thomas de Felleton, le Sénéchal de Rouergue, messire Thomas de Pontchardon, messire Thomas de Percy, sō Chācelier l'Euesque † de Rodais, & plusieurs autres de ses plus haux Barōs, & leur demanda. Ces François, qui sen reuont, emportent ils saufconduit de moy? Les dessusdits respondirent qu'ils n'en auoient ouy nulles nouuelles. Non (dit le Prince: qui croulla la teste) Ce n'est pas bon qu'ils se departēt si legēremēt de nostre pays, & voient recorder leurs iangles au Duc d'Aniou (qui petit nous aime) & qu'ils dient comment ils m'ont adiourné personnellement en mon hostel. Aussi, tout considéré, ils sont plus messagers à mes hōmes, le Comte d'Armignac, le Sire d'Albreth. le Côte de Perigourd, & celuy de Comminges, & de Carmaing, qu'ils ne sont au Roy de France. Si que, pour le despit qu'ils nous ont fait, nous accordōs qu'ils soient retenus & mis en prison. De ces parolles furent ceux du Cōseil du Prince tous ioyeux: & vindrent à leur propos: & dirēt que trop on auoit tardé à ce faire. Tātost en fut charge le Seneschal d'Agenois (qui s'ap- peloit messire Guillaume le Moine) vn moult appert & noble Cheualier d'Angleterre: le quel monta tantost à cheual, avec ses gens: & se partit de Bordeaux: & pourfuiuit tant & si fort les dessusdits François, qu'il les acconfsuiuit sur la terre d'Agenois. Si les arresta, & meit main à eux, d'office: & trouua autre cautelle que du fait du Prince: car, en eux arre- stant, point ne nōma le Prince: mais dit que leur hoste du soir s'estoit plaint d'vn cheual, qu'ils luy auoient chāgé en son hostel. Le Cheualier & le Clerc furent moult émerueil- lez de ces nouuelles: & s'en excuserent: mais pour excusation qu'ils fissent, ils ne peurent estre desarrestez: ains furēt menez en la citē d'Agen, & mis au chastel en prison: & laisse- rent aller les Anglois aucuns de leurs garçons: qui retournerēt en Frāce, au plus tost que ils peurent: & passerēt parmi la citē de Toulouze: & recorderēt au Duc d'Aniou l'affai- re, ainsi qu'il en alloit: dont le Duc ne fut mie trop fort courroucé: pourtāt qu'il pensoit bien que

bien que c'estoit cōmencement de guerre & de haine: & se pourueut & aduifa couuer
temēt selon ce. Les nouuelles de la prise de ces messagers vindrēt aussi au Roy de Fran-
ce. Car leurs varlets, s'en estās retournez à la Court, recorderēt tout ce qu'ils auoiet veu,
& ouy dire à leurs maistres, quant à l'estat, gouuernement, & contenances du Prince de
Galles. De laquelle aduenue le Roy de Frâce fut moult fort courroucé: & le tint à grād
despit: & s'aduifa selō ce, & sur les parolles que le Prince auoit † dites cōtre l'appel: c'est
à sauoir qu'il viēdroit à son ayeul, personnellement le bacinet en la teste, & soixāte mil-
le hommes en sa compaignie. De ceste responce, grande & fiere ne pensa mie moins le
Roy de France. Si s'ordōna moult, subtilement & sagement, cōme à cōmencer si grand
& pesāt faix de guerre. Car, à la verité ce luy estoit vn moult grief faix, que d'émouuoir
le Roy d'Angleterre & sa puissance: cōtre qui ces predecesseurs auoient tant labouré au
temps passé: cōme ceste Histoire en a fait mētion. Mais, au nom de Dieu, il estoit si fort
requis des haux Barons de Guienne, & d'autre part (qui luy monstroient les extortions
des Anglois, & les grans dommages, qui à cause de ce aduenoient, & pouuoient adue-
nir au temps futur) que nullement ne pouuoit dissimuler: iā soit ce q̄ moult luy greuaist
de recommencer guerre, quand il se mettoit à penser & considerer la destructiō du po-
ure peuple (qui iā par si long temps auoit duré) & le danger & les opprobres aussi, qui a-
uoient esté sur les Nobles de son Royaume, à cause des guerres passées.

† Tout ce resse
de chap. estoit
brouillé de sor-
te que l'on n'en
pouuoit tirer
bonne constru-
ction, mais
nous l'auons
debrouillé par
le sens de l'Au-
teur, y estās as-
seurez par la
Chaux, combié
qu'il en parle
assez briue-
ment.

*Comment le Duc de Berry, & plusieurs autres, qui estoient en ostage en Angleterre, s'en
retournerent en France.*

C H A P.

C C X L I X.

DE † ceste responce grande & fiere ne pensa mie le Roy de France, ne son Conseil,
moins: & s'ordonnerent & pourueurent selon ce grandement & quoyement. En ce
temps estoit retourné en France, d'Angleterre, par la grâce que le Roy d'Angleterre luy
auoit faite messire Jehan de France, Duc de Berry: & auoit congé vn an. Si se dissimula
& porta si sagement, qu'onques puis ny retourna: & print tant d'excusatiōs & d'autres
moyens, que la guerre fut toute ouuerte: comme vous orrez recorder assez briuemēt.
Aussi messire Jehā de Harcourt estoit retourné en son pais: & luy auoit le Roy d'Angle-
terre fait grâce, à la requeste de messire Louis de Harcourt, son oncle, qui estoit de Poi-
ctou, & des Cheualiers du Prince, pour le temps d'alors. Lequel Côte de Harcourt eut
vne maladie: qui trop bien luy cheut à poinct: car elle luy dura tāt que la guerre fut tou-
te renouuellée: parquoy onques depuis ne r'entra en Angleterre. Guy de Blois (qui pour
le tēps estoit vn ieune Escuyer, & frere au Côte de Blois) estoit deliuré franchement de
Angleterre: car (quand il apperceut & entēdit que le Roy de France, pour qui il estoit en
ostage, ne le deliuroit point) il fit traiter deuers le Seigneur de Coucy: qui auoit à femme
la fille du Roy d'Angleterre: & qui tenoit pour lors vn grand reuenue en Angleterre, de
par sa femme, assigné sur les coffres de Roy. Si se porta le traité & accord si bien entre le-
dit Roy & le Seigneur de Coucy, son † fils, & Guy de Blois, que ledit Guy, par la volōté
& consentement de ces deux freres, Louis & Jehan, & de l'accord du Roy de Frâce, ré-
signa purement & absolument, es mains du Roy d'Angleterre, la Côte de Soissons. La-
quelle Comté ledit Roy d'Angleterre rendit & donna à son fils, le Seigneur de Coucy:
qui le quitta de quatre mille liures pour an de reuenue. Ainsi se firent ces pactiōs & con-
uenances. † Le Comte Pierre d'Alençon aussi, par la grâce que le Roy d'Angleterre luy
auoit faite, estoit retourné en Frâce: où il demoura tant, & trouua tant d'excusatiōs, que
onques puis il n'y retourna en l'ostage, dōt il estoit parti. Mais ie croy bien qu'à la fin il
paya trēte mille francs, pour sa foy & son sermēt acquitter. Par-auant ce, en estoit tres-
bien cheu au Duc Louis de Bourbon: qui pour celle cause auoit esté en ostage en An-
gleterre. Car, par la grâce que le Roy d'Angleterre luy auoit faite, il estoit retourné en
France: dont il aduint, pēdant le temps qu'il estoit en France à Paris, delez † son serour-
ge, que l'Euesque de Wincestre, Chancelier d'Angleterre, trépassa de ce siecle. Or en ce
tēps regnoit vn Prestre: qu'ō apeloit messire Guillaume de Wican. Iceluy messire Guil-
laume de Wican estoit si bien en la grâce du Roy d'Angleterre, que par luy estoit tout
fait, ne sans luy on ne faisoit riens. Quād celuy office de Chancellerie & Euesché furēt
vacans, tantoist le Roy d'Angleterre, par l'information & priere dudit messire Gullau-
me, escriuit au Duc de Bourbon, qu'il voufist tantoist, pour l'amour de luy, trauailler tāt,
qu'il allast deuers le sainct-Pere Urbain, pour impetrer, pour son Chappellain, l'Euesché
de Wincestre: & il luy seroit bien courtois à la † prison. Quand le Duc de Bourbon veit

† il veut dire
que le Roy
de France &
son cōseil ne
pensoiet pas
moins que
d'auoir vne
telle respōce
du Prince de
Galles, ains
s'y attēdoiet
asseurement
de sorte que
ce pendāt ils
pouroioiet
à leurs affai-
res:

† C'est à dire
gendre.

† Tout ce qu'il
dit du retour
de ces ostages
au present cha-
p. ne se doit pas
attribuer à no-
stre an 1369.
mais seulemēt
qu'ils estoiet en
France au tēps
que le Roy eut
nouuelles de la
respōse du Prin-
ce de Galles.
† C'est à dire
deuers le roy
Charles qui
auoit espou-
sé sa sœur.

† Les Exēp. & la Chaux ont tous ainsi. Tou-
tesfois ie liroye
volontiers ran-
çon, comme il
semblera ran-
tost vouloir.

† La Chaux dit
en ceste sorte.
Si fut ledit
Duc de Bour-
bō quitte de
sa prison par
mi xxv. ou-
biant mille
francs qu'il

paya avec
l'Euesché de
Vvincestre
qu'il resigna
audit messire
Vvillerain.
Car il le furnō
me tousiours
ainsi.

† Tous les au-
tres Exēpl. & la Chaux mes-
me ont ainsi ne
antmoins ie li-
roye plustost en
ceste sorte, que
sur l'esté il vi-
endroit tenir
siege, & re-
presenter sa
personne à la
foire du Len-
dit.

† Aduisez, si
la vieille leçon
vaut mieux
ainsi, car au-
cū des leurs
en respōdroi-
ent des gens
du Prince.
Quāt à moy ie
trouue ceste cy
de la Chaux
meilleure.

Désaite de
quelque troupe
d'Angl. par les
Gascons du par-
ti François pre-
mier cōmence-
ment du renou-
uelemēt deguer-
re en France.

les messagers du Roy d'Angleterre, & ses lettres, il en fut moult réiouy. Si monstra tout l'affaire au Roy de France, & ce dequoy le Roy d'Angleterre & messire Guillaume le prioiēt. Le Roy luy cōseilla d'aller deuers le Pape. Si se partit ledit Duc, à tout son arroy & exploita tant par ses iournées, qu'il vint en Auignon: ou le Pape Urbain pour le temps se tenoit, car encores n'estoit point parti, pour aller à Romme, auquel Sainct-Pere ledit Duc de Bourbon fit sa priere: à laquelle le Pape se condescendit: & donna audit Duc l'Euesché de Wincestre, pour en faire à sa volonté: & s'il trouuoit tel le Roy d'Angleterre, qu'il luy fust cōrtois & amiable à sa composition pour sa deliurāce, il vouloit bien que ledit Wican eust ledit Euesché. Sur ce retourna ledit Duc de Bourbon en France, & depuis en Angleterre: & traita de sa deliurance, enuers le Roy & son conseil: ainçois qu'il voulist montrer ses bulles. Le Roy, qui moult aimoit ledit Wican, fit tout ce qu'il voulut: † & fut ledit de Bourbon quitte de sa prison: & encores il paya vingt mille francs: & messire Guillaume Wican demoura Euesque de Wincestre, & Chancelier d'Angleterre. Ainsi se deliurent les Seigneurs de France: qui estoient ostagers en Angleterre. Or retournerons nous aux guerres de Gascongne: qui recommencerent premierement pour cause de l'appel, dont cy deuant est parlé.

Comment le Comte de Perigourd, le Vicomte de Carmaing, & autres Barons de Gascongne, déconfirent le Seneschal de Rouergue.

CHAP: CCL.

Vous deuez sçauoir que le Prince de Galles print en grand despit l'adiournement qu'on luy auoit fait, à estre & comparoir à Paris: & bien estoit son intention, selon la responce qu'il auoit dite & faite aux messagers du roy, que sur l'esté, il viendroit tenir † sō siege, & remontrer sa personne à la feste du Lendit. Si enuoya tantost dire aux Capitaines des cōpaignies des Anglois & Gascons, qui estoient de son accord, & qui pour lors se tenoient sur la riuere de Loire, qu'ils ne s'elōgnassent mie trop: car de brief il en auroit à faire & les embesongneroit. Desquelles nouuelles le plus des Compaignies furēt moult ioyeux. Or n'eust point le Prince failli à sa parolle: mais de iour en iour il aggrauoit d'enfleure & de maladie (laquelle il auoit prise en Espagne) dont ses gens estoient tous ébahis: car desia ne pouuoit il plus cheuaucher. Dequoy le noble Roy de France estoit tout informé: & auoit par escript tout l'affaire & l'estat de sa maladie. Si le iugeoiēt les Medecins & les Chirurgiens de France estre pleins d'hydropisie, & de maladie incurable. Affez tost apres la prinse de messire Capōnel de Capōnal & du Clerc de droit (qui furent prins & arrestez de messire Guillaume le Moine, & menez prisonniers en la cité d'Agē: si cōme dessus est dit) (le Côte de Cōminges, le Comte de Perigourd, le Vicomte de Carmaing, & avec eux messire Bertrād Taude, le Seigneur de la Barde, le Seigneur de Pincornet, & plusieurs autres Cheualiers & Escuyers, qui se tenoient en leurs terres & Seigneuries, prindrent en grād despit la prinse des dessusdits messagers: car au nom d'eux, & pour eux, ils estoient allez en ce voyage: Si s'aduiferent qu'ils se contreuēgeroiēt & ouuriroiēt la guerre † par aucuns lez: & prendroient aussi des gens du Prince: car si grād despit ne faisoit pas à souffrir. Si entēdirēt que messire Thomas Wake deuoit cheuaucher à Rodais, pour entēdre à la forteresse: & se tenoit à Villenoue d'Aginois: & deuoit partir de là à soixante Lances tant seulement. Quād les dessusdits Cheualiers entendirent les nouuelles si en furent tous ioyeux: & se mirent en embusche sur ledit messire Thomas, enuiron trois cens Lances en leur cōpaignie: si que, sur le dehors de Montauban, enuiron deux lieuēs (ainsi que ledit Seneschal de Rouergue cheuauchoit à soixante Lances, & deux cens Archers) ceste grosse embusche de Gascons leur faillit au deuant. Lors les Anglois furent tous ébahis: qui ne se dōnoient garde de ceste embusche, Toutesfois ils se meirent en deffense bien & roidement: mais les Gascons qui estoient pourueus de leur fait, les enuahirēt mout fieremēt: & là en eut, de premiere venue, grād foisō de ruez par terre: & ne peurēt lors lesdits Anglois porter le faix, ne souffrir les Gascons de Perigourd, de Cōminges, & de Carmaing. Si fouurirent & déconfirent incontinent, & sans grande resistance, tournerent le dos, & là en y eut grand' foison de morts & de prins: & cōuint audit messire Thomas fuir: ou autrement il eust esté prins. Si se sauua, à moult grand méchef, par la bonté de son courfier: & s'en vint bouter en la garnison de Montauban: & les Gascons & autres retournerent en leur païs: & emmenerent leurs prisonniers, & leurs conquests. Ces nouuelles vindrent moult tost au Prince de Galles (qui se tenoit pour le temps en Angoulesme) & comment son Seneschal de Rouergue auoit

gue auoit esté rué ius par le Comte de Perigourd, & par ceux qui l'auoient fait appeller en la chambre des Pers à Paris. De ceste aduenue fut moult fort courroucé le Prince de Galles: & dit bien qu'il seroit amendé cherement & hastiement sur les personnes & les terres & Seigneuries de ceux, qui cest outrage auoient fait. Si escriuit tantost ledit Prince de Galles deuers messire Iehan Chandos (qui se tenoit en Constantin, à Saint-Sauueur-le-Vicomte) en luy mandant expressément que, ces lettres veuës, il se tiraist, sans nul delay, par deuers luy. Ledit messire Iehan Chandos voulut obeïr audit Prince de Galles: & se hastia, au plus tost qu'il peut: & s'en vint en Angoulesme, deuers le Prince de Galles, son Seigneur: qui le receut à grande ioye: & tantost ledit Prince de Galles l'enuoya, à grande foison de Gens-d'armes & d'Archers, en la ville de Montauban, pour là faire guerre aux Gascons & François: qui multiplioient tous les iours, & couroyent sur la terre dudit Prince de Galles. Ledit messire Thomas, Seneschal de Rouergue, se recueillit au mieux qu'il peut: & s'en vint à Rodais: & pourueut & refreschit grandemēt la dite cité: & aussi la ville & le chastel † de la Millan, sur les marches de Montpeslier: & par tout meit Gens-d'armes & Archers. Messire Iehan Chandos (qui se tenoit en la ville de Montauban) tint franchement la marche & la frontiere, contre les François & Gascons, avecques les autres Barons & Cheualiers, que le Prince de Galles y enuoya: tels que Monseigneur le Capal de Buz, les deux freres de Pommiers, messire Iehan & messire Helie, le Souldich de l'Estrade, le Seigneur de Partenay, le Seigneur de Pons, messire Louis de Harcourt, le Seigneur de Pinaine, le Seigneur de Tānaybouton, & messire Richard de Pontchardon. Si faisoient souuent des issues iceux Cheualiers, & leurs routes, sur les gens du Comte d'Armignac, du Sire d'Albreth, du Comte de Perigourd, du Cōte de Comminges, du Vicomte de Carmaing, du Vicomte de Tharide, du Seigneur de la Barde, & de plusieurs autres Barons & Cheualiers, tous d'une alliance: qui faisoient illecques frontieres. Si gaignoient vne fois les vns, & puis les autres: ainsi que telles aduentures viennent en faits d'armes. Encores se tenoit le Duc d'Aniou tout quoy: & ne se mouuoit point, pour chose qu'il en ouïst dire, car le Roy de Frāce, son frere, luy auoit deffendu qu'il ne fïst point de guerre au Prince de Galles, n'à ses gens, iusques à ce qu'il orroit & auroit de luy certaines nouuelles.

*Iehan Chandos
à Montauban,
contre les Gas-
cons du parti
François.*

*† Il laisse le nō
de ceste place tel
qu'il estoit, ne
le congnoissant
nullement. Tois
refois la Chaux
dit de Millan.*

Comment en celle saison le Roy de France retira plusieurs Capitaines des Compaignies, & comment il enuoya desfer le Roy d'Angleterre.

CHAP. CCLI.

LE Roy de France toute celle saison secrettement & subtilement auoit retraits plusieurs Capitaines des Compaignies, & autres: qui festoient partis des Anglois, & estoient montez contremont la riuere de Loire, sur les marches de Berry, & d'Auvergne, & les consentoit le Roy de France viure & demourer sur le pays. Mais point ne se mouuoient encores ses Compaignons François, car le Roy de France ne vouloit mie estre encore nōmé en ceste guerre: de peur qu'il n'empirast son fait, & qu'il ne perdïst la Côté de Ponthieu: qu'il tēdoit fort à r'auoir. Car, se le Roy d'Angleterre eust senti que le Roy de France luy vouïst auoir fait guerre, il eust bien obuï au dommage qu'il receut de Ponthieu, car il eust si bien pourueu la bonne ville d'Abbeuille, d'Anglois, & de gens de par luy, qu'ils eussent esté maïstres & souuerains: & ainsi eust il fait en toutes les garnisons & appendances de ladite Comté. Lors estoit Seneschal de ladite Comté, de par le Roy d'Angleterre, vn bon Cheualier Anglois: qui s'appelloit messire Nicolas de Louuaing, & auquel le Roy d'Angleterre auoit grande fiance, & à bon droit, car pour membres arracher, il n'eust pensé, ne consenti, nulle lascheté à faire. En ce temps estoient enuoyez en Angleterre le Comte de Salebruce, & messire Guillaume des Dormans, de par le Roy de France, pour parler au Roy d'Angleterre & à son Conseil, & leur remonstrier comment de leur partie le pays de France (ainsi qu'ils disoient) auoit esté, & encores estoit, mal-mené, tous les iours, tant par le fait des Compaignies (qui guerroyoient, & auoient guerroyé, depuis six ans en çà, le Royaume de France) que par autres † accidens: dont le Roy de France & les autres de son Conseil estoient informez, & se contentoyent mal de ce que le Roy d'Angleterre & son aîné fils, le Prince de Galles, se maintenoient de telle forte. Si demeurèrent les deux personages dessusdits en Angleterre, par l'espace de deux mois, pendant lequel terme ils proposerent plusieurs articles & raisons au corps du Roy: dont plusieurs fois l'auoient melancolié & courroucé, mais ils ny cōptoient qu'un petit, car de ce faire & dire estoient ils chargez par le Roy de France.

*† Il entend des
extorsions, dōt
les Gascons se
plaignoient du
Prince de Gal-
les. Quant au
reste de la clau-
se, il est ramen-
dé selon le sens
de l'Auteur, et
cōfirmé par les
deux Abregez.*

*Défi du Roy
Charles 5. au
Roy Edouard 3.
Annot. 112.*

*† l'ay bien oſé
mettre icy de
Bourgogne,
pour de Bolō
gne, cōbiē que
il ne m'y ſem-
ble gueres bien
à propos. La
Chaux s'e tai-
ſant ſala, ne
parle que de
France ſeule-
ment, & eſt le
reſte du chap.
ramédé ſelon
le ſens de l'Au-
teur meſme.*

ce, & par ſon Cōſeil. Or aduint, q̄ quand le Roy de Frāce eut ſecrettement ſeureté que ceux d'Abbeuille ſe tenoient François, & que les guerres eſtoient ouuertes en Gaſcongne, & tous Gens-d'armes du Royaume de France appareillez, & en grande volonté de faire guerre au Prince de Galles, & d'entrer en la Principauté) il (qui ne vouloit mie, au temps preſent, n'aduenir, luy eſtre reproché qu'il euſt enuoyé ſes gés ſur la terre du Roy d'Angleterre & du Prince, pour prendre villes, citez, chasteaux, & fortereſſes ſur eux, ſans déſiance) eut conſeil qu'il enuoyeroit déſier le Roy d'Angleterre: ainſi qu'il fit, par ſes lettres cloſes: & * les porta vn de ſes varlets (qui eſtoit Breton) & trouua à Douures le deſſusdit Comte de Sallebruce, & meſſire Guillaume des Dormans: qui retournoyent d'Angleterre en France, & auoient accompli leur meſſage. Aufquels ledit Breton comp ta vne partie de ſon intention (car ainſi en eſtoit il chargé) &, quand les deſſusdits l'eurent entédu, ils partirent d'Angleterre, au plus toſt qu'ils peurent: & paſſerent la mer. Si furent tous ioyeux, quand ils ſe trouuerent en la ville & fortereſſe de Boulongne. En ce temps auoit eſté enuoyé à Romme, deuers le Pape Urbain cinquieſme, de par le Prince de Galles, pour les Beſongnes d'Aquitaine, meſſire Guichard d'Angle, Mareſchal d'Aquitaine. Si auoit trouué le Pape aſſez amiable & descendant à ſes prieres & requeſtes: mais à ſon retour il ouit nouuelles qu'ō faiſoit guerre au Prince, & que les François couroyent ſur la Principauté. Si fut tout ébahi comment il pourroit retourner: & nonobſtant il vint deuers le gentil Comte de Sauoye: lequel en ce temps il trouua en Piémont en la ville de Pinerol, car il faiſoit guerre contre le Marquis de Saluces. Ledit Comte de Sauoye receut ioyeuſement ledit meſſire Guichard d'Angle, & toute ſa compagnie. & les tint deux iours moult aiſes: & leur donna grans dons: &, par eſpecial, meſſire Guichard en eut la meilleure part, car le gentil Comte de Sauoye l'honoroit grandement pour ſa bonne cheualerie. Quand ledit meſſire Guichard & ſes gens furent partis du Comte de Sauoye, tant plus approchoient les mettes de France & de † Bourgongne, tant plus oyoyent de dures nouuelles, & deplaiſantes à leur propos: ſi que, tout confidéré, meſſire Guichard veit bien que nullement, en l'eſtat ou il cheuauchoit, il ne pourroit retourner en Guienne. Si ſe diſſimula, & différa: & meit & donna tout ſon eſtat, & ſon arroy, à la gouuernance & ordonnance d'un Cheualier, qui eſtoit en ſa compagnie: qui ſ'appelloit meſſire Iehan Sore, car il auoit ſa fille eſpouſée: & parloit bon François: & eſtoit des marches de Bretagne. Ledit meſſire Iehan print en charge & en command, & en conduiſt, toutes les gens de meſſire Guichard d'Angle, ſon pere: & ſ'en vint en la terre de Monſieur de Beauieu: & là paſſa la riuere de Soſne: & ſ'accointa ſi douce ment dudit Seigneur de Beauieu, que ledit Seigneur amena ledit Cheualier, & toute ſa route, à Rion en Auuergne, deuers le Duc de Berry. Si ſ'offrit là à eſtre bon François, pourueu qu'il paſſaſt & arriuaſt paiſiblement en ſon hoſtel de Bretagne: ainſi qu'il eſtoit dit & accordé entre luy & le Seigneur de Beauieu. Mais ledit meſſire Guichard, en guiſe d'un poure Chappellain, mal-monté & déciré, paſſa parmi les marches de France, de Bourgongne, & d'Auuergne: & fit tant qu'à grande peine il entra en la Principauté: & vint en Angoulefme, deuers le Prince: ou il fut bien venu. Et vn autre Cheualier (qui eſtoit allé en legation avec luy, & ſ'appelloit meſſire Guillaume de Sens) ſ'en vint bouter en l'Abbaye de Clugny, en Bourgogne: & là ſe tint plus de cinq ans, qu'on ne ſ'oſa bo ger ne partir: & à la fin ſe rendit François. Or reuenōs au Breton, qui porta les déſiances du Roy Charles de France au Roy Edouard d'Angleterre.

Comment les déſiances de France furent portées & baillées au Roy d'Angleterre, & comment le Comte de Sainct-Pol & le Seigneur de Chaſtillon conquirent la Comté de Ponthieu.

CHAPITRE CCLII.

TAnt exploita ledit varlet, qu'il vint à Londres: & entendit que le Roy d'Angleterre & ſon Conſeil eſtoient au Palais de Wemonſtier. Or auoit là le Roy d'Angleterre vn grand temps parlementé & conſeillé ſur les beſongnes & affaires du Prince (qui eſtoit des Barons & Cheualiers de Gaſcongne guerroyé) pour ſauoir comment il ſe main tiendroit, & quelles gens d'Angleterre on y enuoyeroit, pour conforter le Prince. Si luy vont venir autres nouuelles: qui luy donnerent à penſer plus que deuant, car le varlet, qui portoit les lettres de déſiances, fit tant qu'il entra en ladite chambre, ou le Roy & tout ſon Conſeil eſtoient, & dit qu'il eſtoit vn varlet de l'hoſtel du Roy de France, là enuoyé de par le Roy, & qu'il apportoit lettres, qui ſ'addreçoient au Roy d'Angleterre, mais

mais il ne fauoit dequoy elles parloient, ne point à luy n'appartenoit d'en rien sauoir. Il les offrit, à genoux, au Roy. Le Roy, qui desiroit sauoir dequoy elles parloyent, les fit prendre, & ouuir, & lire. Or fut tout émerueillé le Roy, & tous ceux qui là estoient, & qui les ouirent lire, quand ils entendirent les défiances. Si aduiferent & regarderēt bien dessus & dessous, le feel, & congurent, assez clairement, que lescdites défiances estoient bonnes. Si fit on le garson partir, & luy dit on qu'il auoit bien fait son message, & qu'il se meist hardiment au chemin: & qu'au retour il ne trouueroit point d'empeschement (cōme il ne fit aussi) & ainsi s'en retourna au plus tost qu'il peut. Encores estoient à ce iour ostagers en Angleterre, pour le fait du Roy de France, le Comte Dauphin d'Auuergne, le Comte de Porcien: le Sire de Mauleurier, & plusieurs autres: qui furent en grand souci de cœur, quand ils ouirent ces nouuelles, car point ne sauoyent que le Roy d'Angleterre & son Conseil feroient, ne voudroient faire d'eux. Vous deuez sauoir que le Roy & son Conseil prindrent en grand dépit les défiances, apportées par vn garson: & disoiet que ce n'estoit pas chose appartenāte, que guerre de si grans Seigneurs, comme du Roy de France & du Roy d'Angleterre, fust noncée & défiée par vn varlet: mais bien valoit que de cela eust esté parlementé par vn Prelat, ou par vn vaillant homme, Baron ou Cheualier: & neantmoins il n'en eurent autre chose. Si fut dit & cōseillé, là où le Roy estoit, qu'il enuoyast tantost, & sans delay, grans Gens d'armes en Ponthieu, pour là garder la frontiere: & par especial en la ville d'Abbeuille: qui gisoit en grand peril d'estre prinse. Le Roy entendit volontiers à ce conseil: & furent ordonnez à ce le Sire de Percy le Sire de Neuville, le Sire de Carbestōne, & messire Guillaume de Windesore, à trois cens hommes & mille Archers. Pendant que ces Seigneurs s'ordonnoient & appareilloient au plus tost qu'ils pouuoient, & que là estoient venus à Douures pour passer la mer, autres nouuelles vindrent de Ponthieu: qui ne leur firent mie trop de ioye. Car aussi tost que le Comte Guy de Saint-Pol & messire Guy de Castillon, pour le temps Maistre des Arbalestiers de France, peurent penser, aduiser, & considerer, que le Roy d'Angleterre estoit défié, ils se tirerent par-deuers Ponthieu: & auoient fait secrettemēt leurs mandemens de Cheualiers & d'Escuyers d'Artois, de Haynaut, de Cambresis, de Vermandois, de Vimeu, & de Picardie. Si estoient bien fix vingts Lances: qui s'en vindrent à Abbeuille: & leur furent tantost ouuertes les portes (car c'estoit chose pourparlée & aduisee) & entrèrent ces Gens d'armes dedans, sans mal faire à ceux de la nation de la ville. Messire Hue de Castillon (qui estoit meneur & conduiseur de ces Gens d'armes) se tira tantost la part, où il pensoit trouuer le Seneschal de Ponthieu, messire Nicole de Louuaing. Si fit tant qu'il le trouua, & qu'il le prit & receut pour son prisonnier: & print encores vn moult riche Clerc, & vaillant homme: qui estoit Tresorier de Ponthieu. Ce iour eurent les François maint bon & riche prisonnier: & se saisirent du leur: & perdirent les Anglois, à ce iour, tout ce qu'ils auoient en ladite ville d'Abbeuille. Encores coururent ce iour mesme les François à Saint-Valery: & y entrèrent de fait: & s'en saisirent: & aussi à Crotay: & le prindrent: & aussi la ville † Derne sur la mer. Assez tost apres vint le Comte de Saint-Pol au Pont de Saint Remy, sur Somme: où aucuns Anglois de là enuiron s'estoient recuillis. Si les fit assaillir ledit Comte: & là eut moult grande écar mouche: & y fut faite grande vaillance d'armes: & y fut fait Cheualier Galeran, son fils aîné: lequel se porta moult bien & vaillamment en sa nouuelle cheualerie. Si furent les Anglois, qui là estoiet, si durement assaillis, qu'ils furent déconfits, & morts, & prins, & ledit Pont & forteresse conquis & mis entre main des François: & à briuement parler, tout le pays & la Comté de Ponthieu furent deliurez des Anglois: n'oncques nul n'y demoura, qui peust greuer le pays. Ces nouuelles vindrent au Roy d'Angleterre (qui se tenoit à Londres) & comment ceux de Ponthieu l'auoyent relenqui, & s'estoient tournez François. Si en fut ledit Roy moult courroucé: & eut mainte dure imagination sur aucuns ostagers de France, qui estoient encores à Londres, mais il aduifa que ce seroit cruauté: s'il leur faisoit comparer son mal-talent. Neantmoins il enuoya tous les Bourgeois des citez & des bonnes villes de France (qui là estoient ostagers) en autres villes forteresses, & chasteaux, parmi son Royaume: & ne les tint mie si au large, comme ils auoyent esté tenus le temps passé: & le Comte Dauphin d'Auuergne rançonna il de trente mille francs, & le Comte de Porcien à dix mille francs, mais encores demoura le Sire de Roye en prison, en mout grand danger, car il n'estoit mie bien de la Court du Roy d'Angleterre. Si luy conuint souffrir & endurer moult de maux, iusques à tant

Les François recens dedās Abbeuille, à la perte des Anglois.

† La Chaux dit de Rue.

La Comté de Ponthieu reduite es mains du Roy de France.

Rançon du Comte Dauphin d'Auuergne & du Comte de Porcien.

que sa deliurance vint, par grande fortune & aduventure, comme vous orrez auant en l'Histoire.

Comment le Roy d'Angleterre enuoya grand nombre de Gens-d'armes sur les frontieres du Royaume d'Escoce: & comment le Duc de Berry & le Duc d'Aniou firent leurs mandemens, pour aller contre le Prince de Galles. CHAP. CCLIII.

† La Chaux dit
icy Hantone
guernesye
Lisle demslo
& guernesée

Quand le Roy d'Angleterre se veit ainsi défié du Roy de France, & la Comté de Ponthieu perdue, apres luy auoir tant cousté à reparer villes, chasteaux, & maisons (car il y auoit mis cent mille francs, par-dessus toutes reuenues) & il se veit guerroyé de tous costez, & que mesmement il luy fut dit que les Escoçois s'estoient alliez au Roy de France, & qu'ils luy feroient guerre, il en fut fort courroucé: & toutesfois il douta plus la guerre des Escoçois, que celle des François, car bien sauoit que les Escoçois ne l'aimoient pas bien, pour les grans dommages que du temps passé il leur auoit faits. Si enuoya tantost grans Gens-d'armes sur les frontieres d'Escoce, à Beruic, à Roxbourg, & à Neufchastel-sur-Thin, & là par tout sur les frôtieres, pour les garder: & aussi il meit grâs Gens-d'armes sur mer, au lez deuers † Anthonne, Greuesine, & l'Isle de Blisso. Car on luy dit que le Roy de France faisoit vn grand appareil de nauires & de vaisseaux, pour venir en Angleterre. Si ne se sauoit de quelle part guetter: & vous dy bien que les Anglois adonc furent moult ébahis. Si tost que le Duc d'Aniou & le Duc de Berry sceurēt que la défiance estoit, & la guerre ouuerte, si ne voulurent pas seiourner: mais firent leurs mandemens especiaux, l'un en Auvergne, & l'autre à Toulouze, pour enuoyer en la Principauté. Le Duc de Berry auoit, de son mandement, tous les Barons d'Auvergne, de l'Euesché de Lion, & de l'Euesché de Mascon, le Seigneur de Beauieu, le Seigneur de Villars, le Seigneur de Tournon, messire Godeffroy de Boulongne, messire Jehan d'Armignac son serourge, messire Jehan de Villemur, le Seigneur de Montagu, le Seigneur de Talencon, messire Hue Dauphin, le Seigneur de Rochefort, & moult d'autres. Si se tirent tantost ces Gens-d'armes en Touraine, & sur les marches de Berry: & commencerent fort à guerroyer le bon pays de Poictou, mais ils le trouuerent moult bien garni de Gens-d'armes, de Cheualiers, & d'Escuyers: & par-ainsi ne l'eurent mie d'auantage. Adonc estoient sur les marches de Touraine en garnison, en fortereffes Françoises, messire Louis de Saint-Julian, messire Guillaume de Bourdes, & Carnet Breton. Ces trois estoient compaignons, & grans Capitaines de Gens-d'armes. Si firent en ce temps plusieurs appertises d'armes, moult grans, sur les Anglois: ainsi comme vous orrez plus auant en l'Histoire.

De plusieurs Capitaines des Compaignies, tenans diuers parti, & comment le Roy d'Angleterre enuoya le Comte de Canteburge, & le Comte de Pennebroth, au Prince de Galles, son fils, & comment ils passerent par Breitaine. CHAP. CCLIIII.

Le chaste de
Beaufort en
Châpaigne rē-
du François,

Plusieurs Capi-
taines des Com-
paignies deue-
nus François à
la poursuite du
Duc d'Aniou.

LE Duc de Léclastre auoit de son heritage en Châpaigne: c'est assauoir vn chaste, entre Troye & Chaalôs: qui s'appelloit Beaufort, & duquel vn Escuyer Anglois (qui se nōmoit le Pourfuyuant d'amour) estoit capitaine. Quand celuy Escuyer veit que la guerre estoit ainsi renouvelée entre le Roy de France, & le Roy d'Angleterre, si se tourna François: & iura foy & loyauté tenir, de ce iour en-auant, comme bon François, au Roy de France, & le Roy pour ce luy fit grand profit: & luy laissa ledit chaste de Beaufort en sa garde, avec vn autre Escuyer de Champaigne: lequel on appelloit Yuain. Iceluy Pourfuyuant d'amour & Yuain estoient grans compaignons ensemble: & firent depuis sur les Anglois, & sur ceux de leur costé, maintes appertises d'armes. Mais aussi messire le Chanoine de Roberfart (qui auoit esté bon & loyal François par cy-deuant) à celle guerre renouvelée se tourna Anglois: & deuint homme, de foy & d'hommage, au Roy d'Angleterre: qui fut de son seruice moult ioyeux. Ainsi se tournoient les Cheualiers & Escuyers d'un costé à l'autre: & tant auoit procuré le Duc d'Aniou, deuers les Cōpaignies de Gascongne, que messire Perducas d'Albreth, le petit Mechin, le Bourg de Bretueil, Aimemon d'Ortigue, Perrot de Sauoye, Jaquet de Bray, & Naudon de Pans, se tournerent François: dont les Anglois furent moult courroucés, car leur force en affoiblit grandement. Si demourerent Anglois Naudon de Bagerant, le Bourg de l'Espare, le Bourg-camus: & les plus grans Capitaines des leurs: comme fut messire Robert Briquet, Robert Thin, Jehā Tresnelle, Gaillard de la Mote, & Aimery de Rochechouart: & se tenoyent

noient ces Cōpaignies d'Anglois & de Gascons, & leur accord, en l'Euesché du Mans, & sur la basse Normandie: & auoient prins vne ville, qu'on appelle Vire, & destruisoient & honniffoient tout le pays, de là enuiron. Ainsi tournoient les Compaignies, ou d'un lez, ou d'autre: & se tenoyent tous, ou Anglois, ou François. Le Roy d'Angleterre eut conseil d'enuoyer son fils le Comte de Cantebruge, & le Comte de Pennebroth, en la Duché d'Aquitaine, deuers son frere le Prince de Galles, à tout vne charge de Gens-d'armes & d'Arbalestiers. Si furent nommez & ordonnez ceux, qui avecques eux iroient. Si me semble que le Sire de Tarbestonne en fut l'un, & messire Brihans d'Estrapletonne messire Thomas Balastre, messire Iehan Truues, & plusieurs autres. Si monterent, au plus tost qu'ils peurent, sur la mer: & estoient en somme quatre cens Hommes-d'armes, & autres quatre cens Archers. Si singlerent deuers Bretagne: & eurent bon vent, & à souhait. Si arriuerent au haure de Saint-Malo-de-l'Isle. Quand le Duc de Bretagne, messire Iehan de Montfort, peut sauoir qu'ils estoient arriuez sur son pays, si en fut moult ioyeux: & enuoya tãtost aucuns de ses Cheualiers deuers eux, pour mieux les réiouir & festoyer: tels que messire Iehan de Laigniguay, & messire Iehan Augustin. De la venue des Cheualiers du Duc de Bretagne furent moult contens le Comte de Cantebruge & le Comte de Pennebroth: mais encores ne fauoient de verité si les Barons, les Cheualiers, & les bonnes-villes de Bretagne, les laisseroyent passer par leur pays, pour entrer en Poictou. Si en firent les dessusdits Seigneurs d'Angleterre requeste & priere au Duc & au pays. Le Duc (qui moult estoit fauorable aux Anglois, & qui bien enuis les eust courroucez) s'y accorda legerement: & tant exploita deuers les Barons, Cheualiers, & bonnes-villes de son pays, qu'il leur fut accordé qu'ils passeroient, sans danger & sans riote: par-ainsi qu'ils payeroyent sur le pays: & les Anglois ioyeusement l'accorderent ainsi. Si tirerent le Comte de Cantebruge, le Comte de Pennebroth, & leur Conseil, deuers ces Compaignons, qui se tenoyent au Maine, à Chastel-gontier & à la Vire, & qui tout honni & appouri auoyent le pays: & dirent qu'ils passeroient outre avec eux. Si se porta traité & accord, qu'ils se partiroyent de là, & viendroient passer la riuere de Loire, au pont de Nantes, sans porter dommage au pays. Ainsi l'accorderent les Bretons.

Entendez que le Côte de Cantebruge & le Prince de Galles soient freres cō vous aurez tousiours vne cy deuant.

Le Duc de Bretagne donne passage aux Anglois pour aller en Poictou.

Ence temps estoit messire Hue de Caurellée, sur la marche d'Arragon, à vne grosse route de Compaignons, qui nouuellement estoient issus d'Espaigne. Si tost qu'il peut entendre que les François faisoient guerre au Prince, il se partit, à tout ce qu'il auoit de Gens-d'armes de Compaignies & d'autres: & passa outre Arragon & Foix: & entra en Bigorre: & fit tant qu'il vint deuers le Prince: qui se tenoit en la cité d'Angoulesme. Quand le Prince le veit venir, si luy fit moult grand chere: & luy sceut grand gré de ce secours: & le fit demourer delez luy, tant que les Compaignies (qui estoient issues hors de Normandie, & qui auoyent vendu les fortereffes, qu'ils tenoyent) furent venues, car les Bretons les laisserent passer parmi leur pays: pourueu qu'ils ne porteroient nul dommage. Si tost qu'ils furent venus en Angoulesme, & là enuiron, le Prince ordonna messire Hue de Caurellée à estre Capitaine d'eux: & estoient bien, parmi ceux qu'il auoit amenés d'Arragon avec luy, deux mille combattans. Si les enuoya tantost ledit Prince es terres du Comte d'Armignac & du Seigneur d'Albreth, pour les ardoir & exiler: & y firent grand guerre: & y porterent grand dommage.

Hue de Caurellée Capitaine general des Compaignies d'Anglois.

Comment le Comte de Cantebruge & le Comte de Pennebroth arriuerent en Angoulesme: comment le Prince les enuoya courir la Comté de Perigourd, & comment quelques Anglois furent déconfits pres Lusignan.

CHAP. CCLV.

Quant aux Comtes de Cantebruge & de Pennebroth, ils se tindrēt tousiours à Saint Malo-de-l'Isle, avec les gens de leur charge (comme cy-dessus est dit) iusques à tant que toutes les Compaignies de leur costé furent passées outre, par l'accord du Duc de Bretagne, & par la bonne diligence, qu'il y mit. Quand ils furent là refreschis, & ils eurent le congé & l'accord de passer, ils se departirent de Saint-Malo, & s'en vindrēt, par leurs iournées, en la cité de Nantes: & là receut iceux Seigneurs ledit Duc moult honorablement: & se tindrent delez luy trois iours: & y refreschirent eux & leurs gēs. Au quatriesme iour ils passerent outre la grosse riuere de Loire, au pont de Nantes en Bretagne: & puis cheminerent tant par leurs iournées, qu'ils vindrent en Angoulesme: ou ils trouuerent le Prince & la Princeffe. De la venue du Comte de Cantebruge, son frere, & du Comte de Pennebroth fut le Prince grandement reiouy. Si leur demanda

Arriuee des Cōtes de Cantebruge & de Pennebroth en Angoulesme. vers le Prince de Galles.

du Roy, son pere, & de Madame la Royné, sa mere & de ses autres freres, & comment ils le faisoient: & lors les dessusdits en parlerent bien à point: ainsi qu'il appartenoit. Quand ils eurent seiourné delez le Prince trois iours, & ils se furent refreschis, le Prince leur ordonna de partir d'Angoulesme, & d'une cheuauchée faire en la Comté de Perigourd. Les deux dessusdits Seigneurs, & les Cheualiers qui avecques eux estoient venus d'Angleterre, sy consentirent & accorderent legerement, & s'ordonnerent & pourueurent, selon ce qu'il appartenoit: & prindrent congé du Prince, & s'en allerent en grād arroy: & estoient bien trois mille combattans, parmi plusieurs Cheualiers & Escuyers de Poictou, de Xainctonge: de Limosin: de Quercy, & de Rouergue: que le Prince leur donna, & auxquels il commanda d'aller en leur cōpaignie. Si cheuaucherent iceux Seigneurs & ces Gens-d'armes: & entrerent efforcément en la Comté de Perigourd. Si la cheuaucherent, & commencerent à assaillir: & y firent plusieurs grans dommages: & quand donc ils eurent ars & couru la plus grande partie du pays, ils s'en vindrent mettre le siege deuant vne forteresse: qu'on appelle Bordille: de laquelle estoient Capitaines deux Escuyers de Gascongne, freres: Ernaldon & Bernardel de Batefol. En la garnison de Bordille, en la Comté de Perigourd, auoit avec les dessusdits Capitaines, grande foison de bons compaignōs: que le Comte de Perigourd y auoit enuoyez & establis, pour aider à garder ladite forteresse. Laquelle estoit biē pourueüe de toute artillerie, de vins & des viures, & de toutes autres pourueances, pour la tenir bien & longuement: & aussi ceux, qui la gardoient, en estoient à bonne volonté. Si eut deuant Bordille, le siege pendant, plusieurs grandes appertises d'armes faites, maint assaut, mainte enuahie, mainte recueille, & mainte écar mouche: & presque tous les iours. Car les deux Escuyers dessusdits estoient hardis, entreprenans, & orgueilleux, & qui petit aimoiēt les Anglois. Si venoyent souuent à leurs barrieres écar moucher à eux. Vne fois perdoient & l'autre gaignoient: ainsi que les aduentures aduiennēt en tels faits-d'armes, & en semblables. D'autre part en Poictou, sur la marche d'Aniou & de Touraine, estoient biē mille combattans, François, Bretōs, Bourguignōs, Picars, Normans, & Angeuins: qui couroient moult souuent en la terre du Prince de Galles, & tous les iours: & y faisoient moult grand dommage. Desquels Gens-d'armes estoient Capitaines messire Iehan de Bueil, † messire Guillaume des Bourdes, messire Loys de S. Iulian, & Carnet le Breton. A l'encontre de ces Gens-d'armes se tenoiēt aussi, sur les frōtieres du pays de Poictou & de Xainctonge, aucūs Cheualiers & Escuyers dudit Prince de Galles, & par especial, † messire Simō de Burle, & messire Dangosse: mais ils n'auoient mie la quarte partie des gēs, que les François auoient. Car ils estoient tousiours mille cōbattans ensemble, ou plus, quād ils cheuauchoiēt: & les Anglois ne se trouuoient à la fois, que deux cens, ou trois cens au plus, car le Prince en auoit enuoye, en trois cheuauchées, grand foison: c'est assauoir à Montauban enuiron cinq cens, avec messire Iehan Chandos: es terres du Comte d'Armignac, & du Seigneur d'Albreth, aussi, grande foison, avec messire Hue de Caurellée: & la plus grande partie avec le Comte de Canteburge, son frere, deuant Bordille. Toutesfois pour cela ne demouroit mie que ceux, qui estoient en Poictou contre ces François, ne s'acquittassent bien loyaument de faire leur deuoir de cheuaucher & de garder les frontieres à leur pouuoir: & tousiours l'ont ainsi fait les Anglois, & toutes manieres de gens de leur costé: ny n'ont point refusé ne reffongné: pourtant s'ils n'estoyent mie grāde foison. Dont il aduint vn iour que les François furent informez de verité que les Anglois cheuauchoiēt, & estoient sur les champs: & de ce furent ils tous ioyeux: & s'ordonnerent, & recueillirent: & se meirent en embusche toutes leurs routes, ainsi que les Anglois retournoient: qui auoient fait vne cheuauchée lors, entre Mirebel & Lusignā. Sur vne chauceée déroutē (qui est là) les François leur saillirent au-deuant: qui bien estoient cinq cens cōbattans: dont les dessusdits Capitaines estoient conduiseurs & gouuerneurs, c'est assauoir messire Iehan de Bueil, messire Guillaume de Bourdes, messire Louis de Saint-Iulian, & Carnet Breton. Là eut grand hutin, & forte rencontre, & maint homme renuerlé par terre, car les Anglois se meirent à deffense moult hardiment, & se combattirent bien & vaillāment, tant comme ils peurent durer, & y firent aucuns maintes appertises d'armes, & y furēt tresbons Cheualiers messire Simon de Burle & messire Dangosse, mais finalement ils n'eurent point le meilleur, car ils n'auoyent qu'une poignée de gens, au regard des François. Si furent déconfits, & leur conuint fuir, & se sauua messire Dangosse, au mieux qu'il peut, & s'en vint bouter au chastel de Lusignan, & messire

Bordille en Perigourd assiegee par les Anglois

† Sur la fin du ch. 253. il nōme cestuy cy et le dernier vn peu autrement. Les Abr. s'en taisent. † Ceste clause et les suivantes. sont éclaircies selon la deduction de l'Auteur, y estā les Abregez fort brieufs.

Quelle troupe d'Anglois déconfite pres Lusignan, & vn de leurs Capitaines prins,

messire Simō Burle fut de si pres pourfuiuy & enchacé, dessus vne chaucée rompue, pres dudit Lusignan, qu'il fut rattaché & prins des François, & tous les gés morts ou prins, & petit s'en sauuerēt. Si retournerēt les François, en leurs garnisons, qui furēt moult ioyeux de ceste aduētūre: & aussi fut biē le Roy de Frāce, quād il le sceut, & le Prince de Galles en fut fort courroucé: & plaingnit moult fort la prinse de son bō Cheualier messire Simon Burle: que moult il aimoit: & c'estoit raison, car, au vray dire, il auoit esté, pour tout son tēps, vn tres-appert homme d'armes, & courageux, & qui vaillamment s'estoit porté pour son Seigneur le Roy d'Angleterre & sa partie. Si auoient fait les autres compaignons: qui là furent prins & morts sur la chaucée: dont le Prince & ceux de son costé furent dolés & moult courroucez: & ce n'estoit pas de merueilles, car on dit cōmunémēt qu'un homme en vaut cent: & cent n'en valent pas vn: &, au vray dire, aucunefois il aduiuent que par vn homme vn pays est raddrecé, & réiouy par son sens & par sa prouesse: & d'un autre vn pays tout perdu & desespéré. Or va il ainsi plusieurs fois des choses.

Comment messire Iehan Chandos print Terrieres, & commēt le Comte de Perigourd & plusieurs autres Cheualiers assiegerent † Riaumulle en Quercy.

CHAP. CCLVI.

† Les deux Arbreges disent Royanuille.

A Pres ceste aduēture (qui aduint entre Mirebel & Lusignan, comme dessus est dit) cheuaucherent les Anglois & les Poicteuins mieux ensemble, & plus sagement. Or parlerons de messire Iehan Chandos, & de messire Guichard d'Angle, & des autres qui se tenoient à Montauban, à sept lieuēs de Toulouze, & faisoient souuent des issues honorables & profitables, pour eux combattre. Pendant qu'ils estoient là, ils regarderent qu'ils n'employoient pas trop bien leur saison, fors que de garder la frontiere. Si s'aduiserent qu'ils viendroient mettre le siege par-deuant Terrieres en Toulouzain. Si fordonerent, selon ce qu'il appartenoit: & se departirent vn iour, en grand arroy, dudit Montauban: & s'en vindrent deuant Terrieres. Quand ils furent là tous venus, ils l'assiegerēt tout à l'enuiron. Si imaginerent & regarderent bien que d'assaut ils ne l'auroient point à leur aise: ils ne l'auroient par mine. Si se meirēt leurs mineurs en œuures: lesquels exploiterent si bien, qu'au chef de quinze iours ils la prindrent par mine, & furent morts tous ceux qui dedans estoient, & la ville robée & courue. Encores en celle cheuauchée ils auoient aduisé de prendre vne autre ville, à trois lieuēs de Toulouze: qu'on appelloit Laual: & auoient mis leur embusche assez pres d'Illec, en vn bois: & s'en venoient de leurs gens enuiron quarāte hōmes, armez, couuertement sous vestemens de villains, mais ils furēt deceus par vn vilain garson, qui venoit pié à pié avec eux: lequel decourir la besongne: & par ce ils faillirent à leur entente: & s'en retournerent à Mōtauban. En ce tēps tenoient les champs le Comte de Perigourd, le Comte de Cōminges, le Comte de l'Isle le Vicomte de Carmaing, le Vicomte de Brunikel, le Vicomte de Talar, le Vicomte de Murendon, le Vicomte de Laustre, messire Bertrād de Tharide, le Sire de la Barde, le Sire de Pincornet, messire Perducas d'Albret, † le petit Mechin, le Bourg de Bretueil, Aimemon d'Ortige, Jaquet de Bray, Perrot de Sauoye, & Arnaudon de Pans, & estoient bien ces Gens d'armes, parmi les Compaignons, dix mille hommes, combattās. Si entrerent par le commandement du Duc d'Aniou (qui pour le temps se tenoit en la cité de Toulouze) en Quercy, moult efforcément, & meirent le pays en grand' tribulation, & ardirent & exilerent le pays, & s'en vindrent à Riaumulle en Quercy, & y assiegerent le Seneschal de Quercy: qui l'auoit par-auant suffisamment pourueü de tout ce qui appartenoit à vne ville garder, & de bons compaignons Anglois, qui iamais ne se fussent rendus, pour mourir, combien que ceux de la ville en fussent en bonne volonté. Quand ces Cheualiers & Barons de France l'eurent assiegé, ils enuoierent querre quatre moult grans engins en la cité de Toulouze, & on les leur enuoya incontinent. Si furent drecez & mis en ordonnance, par deuers la garnison de Riaumulle. Si gettoiet, nuit & iour, pierres & mangonneaux, par dedans la ville (qui moult en fut cōtreinte & affoiblie) & avec tout ce, ils auoient mineurs avec eux: qui se meirent à miner, & qui se vanterent que en brief ils prendroyent la ville. Mais tousiours se tenoient les Anglois comme bonnes gens & vaillans, & confortoyent l'un l'autre, & de ces mineurs ne faisoient, par semblāt, pas grand cōpte.

Terrieres en Toulouzain minée et prise par les Anglois.

† Il y auoit icy le Bourg de l'Esparre. mais il le laisse Anglois au ch. 254. & le fait encores tel au chap. 259.

Comment l'Archeuesque de Toulouze conuertit, à la partie du Roy de France, la cité de Cahors, & plusieurs autres villes, & comment le Duc de Guerles & celui de Tuilliers desferent le Roy de France.

CHAP. CCLVII.

† Ceste clause
est parfaite &
éclaircie suiuant
la deduction de
l'Auteur, et se-
lon la briefue
substance des
Abregez.

Harengueurs
en Picardie, re-
monstrans la
querelle du Roy
de France.

Deuotions du
Roy de France.

Deuotions &
remonstrances
du Roy d'Ang.
pour sa querelle

† Voyez les ch.
9. 20. 29. 33.
& 117.

* Anno. 113.
† l'y adionste
tout ce reste de
clause suiuant
la deduction du
present ch. Car
autrement la
clause estoit im-
parfaite.
Annot. 114.

Et tandis que ces Gens-d'armes François se tenoient ainsi en Quercy, & sur les marches de Limosin & d'Auuergne: le Duc de Berry estoit en autre part en Auuergne, là ou il tenoit grand nombre de Gens-d'armes: tels que messire Jehan d'Armignac son seigneur, Monseigneur Jehan de Villemur, Roger de Beaufort, le Seigneur de Beauieu, le Seigneur de Villars, le Seigneur de Sergnac, le Seigneur de Calencon, messire Griffon de Môtagu, & messire Hugues Dauphin, avec grande foison de bōs Cheualiers & Gens d'armes, & couroyent sur les marches de Rouergue, de Quercy, & de Limosin, & appourissoient, dōmageoient, & hōniffoient fort le pays, ou ils couroiēt: ne nul ne duroit deuant eux. † encor aduint il pour lors, par l'admōnestemēt Monseigneur le Duc de Berry pendant que ses gens tenoient les chāps en Quercy & en Rouergue, que le Duc d'Anjou fit partir de Toulouze celui, qui en estoit Archeuesque (lequel estoit vn moult bon Clerc, & vaillant) & le fit aller vers la cité de Cahors, dōt son frere estoit Archeuesque. Ledit Archeuesque prescha tellemēt, & par bonne maniere, la querelle du Roy de France, que ladite cité de Cahors se tourna François: & iurerent les habitans foy & loyauté tenir, de ce iour en auāt, au Roy de Frāce. En apres ledit Archeuesque cheuaucha outre & par tout preschoit & remōstroit le bon droit du Roy de France: & tellemēt se portoit, que tout le pays se tournoit, & fit lors tourner plus de soixante, que villes que citez, chasteaux & forteresses, parmi le confort des gens du Duc de Berry: c'estassauoir de messire Jehan d'Armignac, & des autres, qui cheuauchioient au pays. Il fit tourner Sigac, Gaignac, Capedonac, & plusieurs autres bonnes-villes, & forts chasteaux. Car il preschoit que le Roy de France auoit si grand droit, & si bon, en ceste querelle, que les gens, qui loyoient parler, le croyoiēt du tout: & aussi de nature, & de leur volonté, ils estoieiēt trop plus François qu'ils n'estoient Anglois, qui bien aidoit à la besongne. En telle maniere que ledit Archeuesque f'en alloit preschant & remonstrant la querelle & le droit dudit Roy de France es mettes & limitations de Languedoc, estoieiēt aussi en Picardie Prelats & Clercs de droit, qui bien & suffisamment faisoient leur deuoir de remonstrer & prescher aux gens des Communautéz, des citez, & des bonnes-villes, & par especial, messire Guillaume des Dormans preschoit ladite querelle du Roy de France, de cité en cité, & de bonne-ville en bonne-ville, si sagement & si notablement, que toutes gens y entendoient moult volontiers, & estoient les besongnes du Royaume, par luy & par ses parolles, tellement coulourées, que merueilles. Avecques ce, ledit Roy de France, meu de deuotion & d'humilité, faisoit continuellement faire processions de tout le Clergé: & luy-mesme y alloit tout déchaux, & nus piez, & Madame la Royne aussi. En celui estat y alloient donc, en requerant & suppliant à Dieu deuotement, qu'il voulsist entendre à eux, & aux faits & besongnes du Royaume de France: qui si long temps auoit esté en tribulation. Si faisoit ledit Roy de France par tout son Royaume estre son peuple, par contrainte des Prelats & gens d'Eglise, en ceste deuotion. Tout par semblable maniere faisoit le Roy d'Angleterre en son Royaume: & y auoit vn Euesque, pour le tēps, à Londres, qui faisoit plusieurs belles & grandes prediciōs: & remōstroit au peuple, en ses sermons & predications, que le Roy de France, à son tresgrand tort, auoit renouuellé la guerre: & que c'estoit cōtre droit & cōtre raison, par plusieurs points & articles, qu'il leur mōstroir. Au vray dire, il estoit de necessité à l'un Roy & l'autre (puis qu'ils vouloient guerroyer) qu'ils fissent mettre en terme, & remonstrer à leur peuple, l'ordonnance de leur querelle: parquoy chacun entendist, de plus grād volonté, à cōforter son Seigneur, & de ce estoient ils tous reueillez en l'un Royaume & en l'autre. Le Roy d'Angleterre auoit enuoié en Brabant & en Haynaut, pour sauoir fil en seroit point aidé, & auoit † par lignage souuēt prié le Duc Aubert (qui tenoit en bail, pour ce tēps, la Comté de Haynaut) qu'il voulsist ouurir sō pais pour passer, aller, demourer, seiourner (si mestier estoit) & entrer, par celui pays, au Royaume de Frāce, & y faire guerre. Le Duc Aubert, à la priere du Roy d'Angleterre son oncle, & de Madame la Royne sa tante, fust assez legerement descendu en bonne volonté, par le pourchas & monition de Monseigneur Edouard de Guerles) qui se faisoit partie pour ledit Roy) * & aussi par le moyen du Duc de Iuilliers, son cousin germain, † mais il estoit desia gaigné: comme vous orrez. Ces deux cy pour ce temps estoient, de foy & d'hommage, liez & conuenances au Roy d'Angleterre: & auoient ia esté priez & aduisez de par ledit Roy d'Angleterre (qui auoit enuoié deuers eux grans messagers) qu'ils retenissent gēs (chacun iusques à mille Lāces, & ils seroient contentez. * Parquoy ces deux Seigneurs eussent volontiers veu, avec le

Roy

Roy d'Angleterre, que le Duc Aubert eust esté de leur alliance: & en estoit le Duc grandement tenté, parmi grans dons, que le Roy d'Angleterre luy promettoit donner: & luy faisoit porter telles parolles & promesses par ces deux Seigneurs, & par quelques Cheualiers, qu'il auoit enuoyez deuers luy, & principalement par le Seigneur de Comines qui, en partie pour ceste cause, estoit retourné en Haynaut apres auoir esté certain tēps delez ledit Roy. Mais le Roy de France & son Conseil auoient pratiqué Monseigneur Jehan Werthin, Seneschal de Haynaut, par qui tout le pays estoit gouuerné: & lequel estoit sage homme, & vaillant Cheualier, & bon François. Ce Seneschal estoit tant creu, & tant aimé dudit Duc, & de Madame la Duchesse, qu'il brisa tout le propos des Anglois parmi l'aide du Comte de Blois, & de messire Jehan de Blois son frere, & du Seigneur de Ligny, & du Seigneur de Barbançon, & fit tant que le Duc Aubert & tout le pays demourerent neutres, & ne se tindrent d'une part, ne d'autre: & ainsi respondit Madame Jehanne, Duchesse de Brabant. Le Roy Charles de France (qui estoit sage, & subtil) auoit charpenté & ouuré, entour ses traitez, trois, ans deuant: & bien sauoit qu'il auoit de bons amis en Haynaut, & en Brabant, & par especial, la plus grande partie des Confuls des Seigneurs, & pour sa guerre embellir & coulourer, il fit copier, par ses clerks, plusieurs lettres, touchant la paix, confirmée à Calais: & là endedans enclorre toute la substance du fait, & quelle chose le Roy d'Angleterre & ses enfans auoyent iuré à tenir, & en quoy par leurs lettres seellées ils s'estoient soumis, & les renonciations aussi qu'ils auoient faites, & les commissions qu'ils deuoient auoir sur ce baillées à leurs gens, & tous les points & articles qui estoient pour luy, en condamnant le fait des Anglois, & auoient esté ces lettres publiées es chambres & compagnies des Seigneurs & de leur Conseil: à fin qu'ils en fussent bien informez. Tout en telle maniere, & à l'opposite, faisoit le Roy d'Angleterre ses remonstrances, & ses excusations, en Allemagne, là ou il pésoit auoir aide. Le Duc de Guerles (qui estoit neveu de ce Roy d'Angleterre, estat fils de sa sœur, & par ainsi cousin germain des enfans d'iceluy Roy) & le Duc de Iuilliers (lesquels deux estoient, pour ce temps, bons & loyaux Anglois) auoient prins en grand despit l'ordonnance des défiances, que le Roy de France auoit fait faire par vn garçon: & en reprenoiēt ledit Roy de France: & blasmoient grandement luy & son Conseil, quand par telle maniere l'auoient fait. Car guerre de si grans Seigneurs & si renommez, comme du Roy de France & du Roy d'Angleterre, deuoit estre ouuerte & défiée par gēs notables: tels que grans Prelats, Euesques, ou abbez. Si disoient que les François auoient conseillé d'ainsi le faire, par grand orgueil & presumption: & enuoyerent les dessusdits defier le Roy de France moult notablemēt, & plusieurs Cheualiers d'Allemagne auez eux: & estoit leur intention d'entrer bien tost en France, & d'y faire telle chose, qu'elle y parust vingt ans apres. Mais de ce ne firent ils riens, car leur propos fut brisé, par autre voye qu'ils ne cuident comme vous orrez recorder en l'Histoire.

** Anno. 1114.
† Le ne vous as-
seure pas d'a-
voir bien remis
ce mot, mais en
car y est il meil
leur que Com-
minges n'e-
stait pas.*

*† Je doute s'il
faudroit point
lire icy mois,
pour ans.*

** Ann. 1115.*

*Défi des Ducs
de Gueldres &
de Iuilliers, en-
uoyé au Roy de
France.*

*Comment le Duc de Bourgogne, frere du Roy Charles cinquiesme, fut marié à la
fille du Comte de Flandres, & comment le Roy d'Angleterre pratiqua le Roy
de Nauarre.*

CHAP. CCLVIII.

Vous deuez sauoir, & en auez cy-deuāt ouy parler, le grād pourchas, que le Roy d'Angleterre fit & meit, par l'espace de cinq ans & plus, pour auoir la fille au Comte de Flandres en mariage, pour son fils Aimon, Comte de Canteburge. Les deuises & les ordonnances en seroient trop longues à compter & à demener. Si m'en passeray briefuement. Mais sachez qu'onques le Roy d'Angleterre ne peut tant exploiter, par quelque voye ou moyē que ce fust, q̄ le Pape Urbain, cinquiesme, les voulsist dispēser. Si demoura ce mariage à faire. Le Comte de Flandres, estant prié d'autre part du Roy de France pour son frere le Duc de Bourgogne, & voyant que ce mariage ne passeroit point en Angleterre: & que sa fille demouroit à marier, & si n'auoit point d'autres enfans, entendit que le propre mouuement de Madame sa mere, la Comtesse d'Artois, tendoit au ieu ne Duc de Bourgogne, car c'estoit vn grand mariage & haut, & bien pareil à luy. Si enuoya grans messagers en Angleterre, pour traiter d'auoir dudit Roy quittance, quant aux promesses d'entre eux. Ceux, qui enuoyez y furent, exploiterent si bien, que le Roy d'Angleterre (qui ne vouloit que toute loyauté) quitta le Comte de Flandres de toutes contuenances, & retournerent les messagers à Bruges: & recorderent au Comte, leur Seigneur, comment ils auoient exploité. De celuy exploit fut le Comte tout ioyeux

† La Chaux di
cent mille.

Mariage du
Duc de Bourgo
gne avec la fille
de Flandres le
19. iour de Iuin
1369. selon les
Ann. de Frâce.

Le Roy de Na
uarre vers le
Roy d'Angl.

Quelques An
glois déconfits
sur mer par les
Normans.

& depuis ne demoura gueres q̄ ce mariage du Duc de Bourgogne & de la fille de Flandres se fit, parmi grans traitez, conuenances, & alliances des vns aux autres. Si me fut adóc dit que le Côte de Flâdres, pour ce mariage laisser passer, receut plus de t̄ cinquante mille francs de profit: & demourerent encores la ville de Douay & celle de l'Isle, à luy en grand argent de charge, que ledit Roy donnoit, en faisant ce mariage, à son frere, & au Comte de Flandres: qui print la saisine & possession des dessusdites villes: & y meit ses gens: & furent ces villes attribuées à Flandres, pour cause de gage. Mais ie n'en say plus auant. Tantost apres ceste ordonnance, on proceda au mariage: qui se fit & confirma en la ville de Gand: & là eut grande feste & solennité au iour des nopces, & apres: & y eut grande foison de Seigneurs, Barons, & Cheualiers: &, par especial, le gentil Sire de Coucy y fut: qui bié seoit à vne feste: & mieux le sauoit faire, que nul autre: & pour ceste cause le Roy de France l'y enuoya. Si furent bien & grandement festoyez, tant en ioustes, qu'autrement: & en apres chacun retourna en son pays. Le Roy d'Angleterre (qui ueoit que le Comte de Flandres, pour la cause du mariage, estoit allié en France) ne sauoit que supposer, ne si le Comte de Flandres se feroit partie contre luy, avec le Duc de Bourgogne son fils (qui par succession deuoit estre son hoir à la Comté de Flandres ne quelle conuenance il y auoit entre ledit Comte & le Roy de France. Si se tint ledit Roy vn petit plus dur, & plus contre les Flamens, & leur monstra griefs, & leur en fit môstrer par ses gens, sur mer, & ailleurs en son pays, ainsi qu'on les y trouuoit, & qu'ils venoient en marchandise. De ce n'estoit mie le Roy de France courroucé, car il eust veu volontiers que la guerre eust esté ouuerte entre les Flamens & Anglois: mais les sages hômes de Flandres, & les Bourgeois des bonnes-villes, n'en auoient nulle volonté, & soustenoient tousiours plus les Communautéz de Flandres la querelle & opinion du Roy d'Angleterre, à estre bonne & iuste, que celle du Roy de France. Le Roy Edouard d'Angleterre (qui acqueroit amis de tous costez, & bien luy besongnoit, selon les grans guerres & rebelliôs, qui luy apparoiissoiēt en ses pays de deçà la mer) entēdit bien que le Roy Charles de Nauarre, son cousin (q̄ se tenoit en la basse Normâdie) seroit assez tost de son accord. Car il estoit en haine cōtre le Roy de Frâce, pour aucunes terres: lesquelles leur estoient en debat: tellement que le Roy de Nauarre les reclamoit de son heritage, & le Roy de France les luy dénioit. Si en auoient esté leurs gens & leur Conseillers par plusieurs fois ensemble: mais ils n'y auoient peu trouuer moyen, ny accord. Si estoit la chose demourée en ce parti: & chacun se tenoit sur sa garde: & auoit ledit Roy de Nauarre fait grossement pourueoir ses villes & chasteaux en Constantin, & en la Côte d'Eureux, & sur les bonnes-villes de Normandie, & se tenoient à Cherbourg, & par toutes les garnisons, Gens-d'armes. En ce tēps estoit delez luy messire Eustace d'Aubethicourt, maître & gouuerneur d'une ville outre les Gués-Saint-Clement, au clos de Constātin, qu'il tenoit du Roy de Nauarre (car c'estoit de son heritage) & est appelée ceste ville Carentem: & estoit ledit messire Eustace le plus elpecial de son Conseil: si que le Roy d'Angleterre enuoya deuers luy (car il estoit aussi son homme, & son Cheualier) pour sauoir l'intention du Roy de Nauarre. Or le trouua il tel, & si bien exploita ledit messire Eustace d'Aubethicourt, que le Roy de Nauarre à priuée mesgnie entra dans vn vaisfel, qu'on appelle Lin: & vint audit Roy: qui luy fit grand' chere & bonne: & eurent là ensēble grād parlement, & long, & furēt si bié d'accord, que le Roy de Nauarre, luy retourné à Cherbourg, deuoit défier le Roy de France, & recueillir, & mettre par tous ses chasteaux, les Anglois. Apres ces ordonnances & confederations, entre ces deux Roys faites & confirmées, le Roy de Nauarre retourna arriere en Normâdie, en la ville de Cherbourg: & là fut cōduit par quelques Cheualiers & Escuyers de l'hostel du Roy d'Angleterre & de Madame la Royne, ausquels à leur retour il mécheut mout mal, car ils rencōtrērēt Normans & escumeurs de mer, qui tātost les enuahirent & assaillirent fieremēt, si qu'ils furēt plus fors qu'eux. Si cōquirent les des Normās les Anglois, & les meirent tous à mort: ny oncques homme ils n'en prindrent à mercy. Ainsi alla de ceste aduenture. Dequoy le Roy d'Angleterre fut mout courroucé, quand il le sceut: mais amēder ne le peut à ceste fois. Assez tost apres la reuenue du Roy de Nauarre (qui estoit retourné à Cherbourg) messire Eustace d'Aubethicourt (qui auoit esté mādē & priē du Prince de Galles, & enuoyé querir par messagers & par Heraux) print cōgé du Roy de Nauarre, pour aller seruir le Prince. Lequel Roy luy donna congé mout enuis: mais ledit Eustace luy monstra tant de raisons, que finalement il se partit, & entra en mer avecques ce qu'il auoit de gēs:

& vint arriuer à Saint-Malo-del'Isle: & là print terre: & cheuaucha vers Nantes, pour passer la riuere de Loire, par l'accord du Duc & de ceux du pays (qui encores ne se mouuoient ne de l'un lez ne de l'autre) & exploita tant par ses iournées ledit messire Eustace qu'il entra en Poictou: & vint en la ville d'Angoulesme, deuers le Prince: qui le receut à grande ioye, & qui assez tost apres l'enuoya deuers messire Jehā Chādos, & vers le Captal de Buz: qui se tenoyent à Montauban, & faisoient là frontiere contre les François. Si fut ledit messire Eustace le bien venu entre les compagnons, si trestost qu'il y vint.

Comment le Connestable de France & le Connestable de Haynaut meirent sus vne grande cheuauchée de Gens-d'armes, pour assaillir Ardre, & comment la forteresse de Rainuille fut prinse, & tous les Anglois, qui y estoient, morts dedans.

CHAP.

CCLIX.

† Par-avant
Riaumulle
au chap. 256.

EN ce temps meirent sus les Cheualiers de Picardie vne cheuauchée de Gens-d'armes, en intention de cheuaucher, & aller veoir ceux d'Ardre. De laquelle cheuauchée furent adoncques Chefs messire Iehan Moreau de Fiennes, Connestable de France, & messire Iehan Wertin, † Connestable de Haynaut, par le commandement du Roy de France. Si s'assemblerent en la bonne-ville de Saint-Omer, & estoient mille Lances, Cheualiers & Escuyers. Si vindrent ces Gens-d'armes faire leur monstre par deuant: la Bastide d'Ardre (qui biē estoit garnie & pourueüe d'Anglois) & se logerent par-deuant: & donnerent à entendre, qu'ils leur tiendroyent là le siege. Les Anglois, qui pour ce temps estoient dedans Ardre, n'en furent point ebahis: mais s'ordonnerent & appareillerent pour deffendre, si on les assailloit. Si s'ordonnerent vn iour les Seigneurs de France & de Haynaut, qui là estoient: & se trahirent tous sur les champs, en moult frisque & noble arroy: & là estoit grand beauté de veoir les bānieres des Seigneurs mettre auant, & faire leur monstre. Si assaillirent, à petit de profit, ce iour, car il en eut de naurez & de blecez: & si n'y conquirent riens: & me semble (selon ce que ie fu adonc informé) qu'au cinquiesme iour ils se partirent d'Ardre sans autre exploit: & s'en retourna chacun en son lieu. Ainsi se dérompit ceste cheuauchée. Or retournons maintenant aux besongnes des lointaines marches: si compterons du siege, qui se tenoit deuant Rainuille en Quercy: que les François y auoient mis & establi: qui estoient plus de douze mille combattans, parmi les Compagnies, & toutes bonnes Gens-d'armes, & encores à deux iournées d'eux se tenoient les gens au Duc de Berry: messire Iehan d'Armignac, messire Iehan de Villemur, le Sire de Beauieu, & les autres d'Auuergne & de Bourgogne, qui bien estoient trois mille combattans: qui tantost se fussent traits auant, se besoing eust esté. Messire Iehan Chandos, le Captal de Buz, & messire Guichard d'Angle, & les autres, qui faisoient frontiere à Montauban, sauoient bien le siege des François deuant Rainuille, & quel nombre de leur costé ils estoient sur le pays. Si ne se trouuerent mie gens assez, pour les combattre, ne leur siege leuer, car le Comte de Cantebruge & le Côte de Pennebroth (qui estoient au siege deuant Bordille) ne vouloyent nullement briser leur siege. Or aduint que les François (qui auoient deuant Rainuille mis leurs mineurs en mine, & qui auoyent leurs engins, qui gettoient nuit & iour) contraingnirent tellement ceux de Rainuille, que lesdits mineurs vindrēt à leur entente, & firent réuerfer vn grand pan de mur. Parquoy la ville fut prinse, & tous les Anglois, qui dedans estoient, morts sans prendre mercy, dont ce fut dommage, car il y auoit de bons Escuyers. Ceux de la nation de la ville furent prins à merci: parmi ce que, de ce iour en-auant, ils seroient bōs & loyaux François. Si ordonnerent les Seigneurs, qui là estoient, Capitaines & Gens-d'armes pour garder la ville, & autres gens pour donner conseil & aduis de la reparer ou mestier estoit. Si se departirent les Gens-d'armes, apres le conquest de Rainuille, sur le pays de Quercy & de Rouergue, pour eux refreschir, & estre mieux à leur aise, & s'en vindrent les Compagnies en la cité de Cahors, & là enuiron. Si en furent Capitaines Aimemon d'Ortige, Perrot de Sauoye, le petit Mechin, Jaques de Bray, & Arnould de Pans: & destruisoient tout le pays. Si retournerent le Comte de Perigourd, le Comte de l'Isle, le Comte de Cōminges, le Vicomte de Carmaing, & les autres Seigneurs, en leurs terres. Car messire Hue de Caurellée, messire Robert Briquet, Iehan Trefnelle, Lanut, Nandō de Bagerant, le Bourg-Camus, † le Bourg de l'Espare, & toutes ces gens des Compagnies, y faisoient grande guerre, & auoient ars & destruit la terre du Comté d'Armignac, & celle du Seigneur d'Albreth. En ce temps auoit vn Seneschal en Rouergue, tres vaillant homme & bon Cheualier, Anglois qui s'appelloit messire Thomas † de Wite-

† Il ne le fait
que Seneschal
au chap.
tre 257.

Rainuille en
Quercy prinse
par les François.

† Le Bourg de
Bretueil estoit
deuant cestuy-
cy, mais il le
fait François
es chap. 254.

† Il l'a sur-
nommé de Vva-
ke au chap.
tre. 250.

† Il a dit de la
Millan chap.
250.
† La Chaux s'e
taisât, sala dit
& aussi vne
forteresse ap
pelée Vvacle
re, sans parler
de Bretagne.
Il falloit qu'il
en tint l'un,
ou l'autre, par
Lieutenant, si
ce lieu cy n'est
corrompu.

uallé. Cestuy-cy tenoit la ville & le chastel † de Millan, à vne iournée de Montpessier. Or, combien que le pays d'entour luy fust tourné & conquis, si tint il ladite garnison de Millan plus d'un an & demy, † & vne autre forteresse en Bretagne, qu'on appelle Wāclere: & fit en ce temps plusieurs belles cheuauchées & issues honorables, iusques à ce que messire Bertrād du Guesclin le bouta hors, ainsi comme vous orrez recorder cy-auant en l'Histoire. Et tousiours se tenoit le siege deuant Bordille.

Comment les François prindrent la Roche de Posay, & comment le Seneschal de Poictou ardit & exila la terre du Seigneur de Chauigny: & print d'assaut sa maistresse ville de Breuse.

CHAP. CCLX.

*Cheuauchée du
seneschal de
Poictou, Angl.*

*La ville de Breu
se assaillie &
cōquisepar les
Anglois.*

A Vsi se tenoit sur les marches de Poictou messire Iehan de Bueil, messire Guillaume des Bordes, messire Louis de Saint-Julian, & Carnet Breton, à plus de douze cens combattāns: qui imaginoyent & estudioyent, nuit & iour, commēt ils pourroyent prendre, escheller, & embler villes, chasteaux, & forteresses, en Poictou. Dont il aduint qu'ils emblerent, & prindrent par echellement, le chastel, qu'on dit la Roche de Posay, à l'entrée de Poictou, sur la riuere de Creuse, à deux lieues de la Haye en Touraine, & assez pres de Chastelleraut, sur ceste mesme riuere. Si en fut mout fort tout le pays de Poictou effrayé, car les François en firent vne grande garnison: & la reparerent, pourueurēt & rafreschirent de viures, & d'artillerie, bien & grossément. Quand ces nouuelles vindrent au Prince, si en fut mout fort courroucé: mais il ne le peut amender. Si māda tantost messire Guichard d'Angle, messire Louis de Harcourt, le Seigneur de Partenay, le Seigneur de Pinane, & plusieurs autres (qui se tenoyent à Montauban, deuers messire Iehan Chandos) qu'ils reuenissent appertement: & qu'il les vouloit ailleurs enuoyer. Ces dessusdits Seigneurs, par l'ordonnance du Prince, se partirent de Montauban: & exploiterent tant par leurs iournées, qu'ils vindrēt en la ville d'Angoulesme deuers le Prince: qui tantost les enuoya deuers Poictiers, pour garder la cité, & faire frontiere aux François. Asez nouuellement festoit tourné François vn grand Baron de Poictou (qui fut le Sire de Chauigny, Vicomte de Breuse) & la ville aussi: & l'auoit garnie de Bretons & de Gens-d'armes: mais point n'estoit en sa terre: ains estoit venu en Frāce, delez le Roy. De ceste aduenture furent le Prince & tous les Barons de Poictou mout courroucez. Si fut soupsonné le Vicomte de Rochoart: & fut informé le Prince, qu'il se vouloit tourner Frāçois. Dont il aduint que le Prince le māda en la cité d'Angoulesme, ou il estoit: & luy dit son intention. Le Vicomte s'en deffendit, & excusa au mieux qu'il peut: mais ce ne demoura il mie, qu'il ne luy conuint tenir prison fermée: & demoura vn grand temps en ce danger. En ce temps estoit grand Seneschal de Poictou messire Charles d'Andelée, vn mout sage & vaillant Cheualier: qui meit sus vne grand' cheuauchée de tous les Barons & Cheualiers de Poictou, & là estoiet messire Guichard d'Angle, messire Louis de Harcourt, le Sire de Pons, le Sire de Partenay, le Sire de Pinane, messire Geoffroy d'Argenton, messire Maubrun de Linieres, le Sire de Tannaybouton, messire Guillaume de Montaudire, & plusieurs autres Cheualiers & Escuyers de Poictou, & estoiet biē douze cēs Lances: & encores y estoit aussi messire Baudouin, Seneschal de Xainctōge. Si firent ces Seigneurs leurs assemblées à Poictiers: & puis s'en partirent en grand arroy, & cheuaucherent tant qu'ils vindrent en Berry. Si cōmencerent à ardoir & exiler le pays, & à hōnir poures gens: & y firent mout de dommages. Puis s'en retournerent en Touraine: & par tout, ou ils conuerfoient, le pays estoit tout tourmenté, & en grande tribulation, ne nuls ne leur alloient au deuant. Car ils estoient si forts, qu'ils tenoyent les champs: & entrerent ces Gens-d'armes en la terre du Seigneur de Chauigny: dont le Seigneur estoit nouuellement tourné François. Si l'ardirent & exilerent toute, sans deport: hors mis les villes & forteresses: & vindrent les dessusdits deuāt sa maistresse ville de Breuse: & l'assaillirent, & firent assaillir, vn iour tout entier, par leurs Gēs-d'armes mais riens n'y cōquesterent. Lors s'allerēt loger: & dirent qu'ils ne partiroyēt mie ainsi: & qu'elle estoit bien prenable. Si se leuerent au point du iour, & s'armerent & ordonnerent, & sonnerēt leurs trompettes d'assaut. Si approcherent ces Poictuins & ces Anglois: & se meirent en ordonnance par conestablies, chacun Seigneur entre ses gens, deffous sa banniere. Là eut, par vn Samedy, grād assaut & dur, & biē cōtinué. Car il y auoit, dedās la ville, Gēs d'armes & cōpaignons, qui se deffendoient du mieux qu'ils pouuoient, car ils sauoyent que c'estoit sur leur vie. Si y firent mainte belle appertise d'armes. Le Seneschal de Poictou,

Etou, & le Seneschal de Xainctonge (qui estoient en grand' volonté & desir de conquerre la forteresse) faisoient leurs Archers traire si vniment, qu'à peine s'osoit nul monstrier aux guettes pour deffendre. Si furent à ce iour, & ce Samedy au matin, ceux de Breuse si fort assaillis, & si continuellement, par traire & lancer, & écaroucher à eux, que finalement elle fut conquise, & la porte gettée par terre: & entrerent tous dedans, qui entrer y voulurent. Si furent prins les Hommes-d'armes du Vicomte: & tantost en firent pendre les Seigneurs de l'ost, iusques à seize, en leurs propres armes, en despit du dessusdit Vicomte: qui n'y estoit pas: mais se tenoit à Paris, delez le Roy de France. Si fut toute la ville arse: & y perdirent les habitans & demourans tout le leur: & encores en y eut grand' foison de morts & de noyez. Puis s'en retournerent les Anglois, & leur route, en la cité de Poictiers, pour se mieux à leur aise rafraeschir.

Comment messire Robert Canolle fut fait maistre gouverneur des gens du Prince de Galles: comment il fit retourner Anglois messire Perducas d'Albreth: & comment il assiegea les Compaignies Françoises au fort de Durmel.

CHAP. CCLXI.

Quand messire Robert Canolle (qui se tenoit en Bretagne, ou il auoit bel & grand heritage, & qui tousiours auoit esté bon & loyal Anglois, & serui & aimé le Roy d'Angleterre, & le Prince de Galles) son aîné fils, & esté en leurs armées & cheuauchées) entendit que les François faisoient ainsi forte guerre audit Prince, & qu'ils luy tolloient & vouloient oster son heritage d'Aquitaine (lequel il auoit iadis aidé à conquerre (si luy vint à grand' admiration & déplaisance: & s'aduifa en soy-mesme qu'il prendroit ce qu'il pourroit auoir de Gens-d'armes, & s'en iroit seruir le Prince, à ses propres fraiz & despens. Tout ainsi comme il imagina & considera, il fit: & cueillit & manda tous ses feaux, & pria tous ses amis: & assembla enuiron soixante Hommes-d'armes, & autant d'Archers de sa deliurâce: & fit sa pourueace sur la mer, en quatre grosses nefes en vne ville de Bretagne, & en port de mer, qu'on appelle Kaouka. Quand toutes ses pourueances furent faites & accomplies, il se partit de son hostel de Derual: & se trahit celle part. Si entra en son vaissel: ou il trouua ses gens desia sur mer. Si singlerent tant au vent, qu'ils arriuerent au quay de la Rochelle. Si luy firent les Bourgeois de la Rochelle grand' feste, contre leur cœur: mais ils n'en osent autre chose faire: & là trouua il messire Jehan d'heureux: qui estoit Capitaine de la Rochelle, de per le Prince de Galles: † car le Seneschal, nommé messire Thomas de Perfy, estoit avecques messire Jehan Chandos. Ledit messire Jehan d'Eureux receut ledit messire Robert moult ioyeusement: & luy fit toute la meilleure: compaignie qu'il peut faire: & se rafraeschit ledit messire Robert, & ses gens, par deux iours. Au troisieme iour ils se partirent, & se meirent au chemin deuers Angoulesme: & tant exploiterent par leurs iournées qu'ils y parvindrent. De la venue messire Robert Canolle fut le Prince moult réioui: & ne le peut pas par semblant trop réioui, ne festoyer: ny aussi Madame la Princesse. Tantost le Prince le fit maistre & souuerain de tous les Cheualiers & Escuyers de son hostel, pour cause d'amour & de vaillance, & d'honneur: & leur commanda obeyr à luy, comme à leur souuerain: & ils dirent que si feroient ils volontiers. Quand ledit messire Robert Canolle eust esté delez le Prince enuiron cinq iours, & ceux furent appareillez qui deuoient aller en sa cheuauchée, & aussi qu'il sceut quelle part elle se traitroit, il print congé du Prince, & se partit d'Angoulesme, bien accompagné des Cheualiers du Prince avecques luy: tels que messire Richard de Pontchardon, messire Estienne de Goufenton, messire Dagloiret, messire Noel Loruich, messire Guillaume Torciel, messire Hugues de Hastings, messire Jehan Triuet, messire Thomas le Despensier, messire Tancon, messire Thomas Balaistre, messire Nicolas Bonde, messire Guillaume le Moyne, le Seneschal d'Agenois, messire Baudoin de Franuille, & plus de soixante Cheualiers. Si estoient enuiron soixante Hommes-d'armes, & cinq cens Archers, & autant de Brigans, & tous en grand volonté de trouuer & combattre les François: Si cheuaucherent ces gens du Prince (dont messire Robert Canolle estoit Chef & gouverneur) par-deuers Agen, pour venir en Quercy (ou les Compaignies se tenoient) & tant exploiterent par leurs iournées, qu'ils vindrent en la cité d'Agen. Si se tindrent là vn petit, pour eux rafraeschir, & attendre les ennemis. Pendant ce que messire Robert Canolle se tenoit à Agen, & ses gens là enuiron, il entendit que messire Perducas d'Albreth vn grand Capitaine des Compaignies, & qui en auoit plus de trois cens de sa route, dessous luy) estoit en celle saison sur le pays,

† Ce nom de Seneschal est icy remis selon la Chaux, & selon le cha. 268

Cheuauchée de Robert Canolle Anglois.

Perducas d'Albreth retourné Anglois à la persuasion de Robert Canolle

† *C'est à dire, n'estoit gueres difficile à garder.*

Le fort de Durmel assiégué par Robert Canolle

par le pourchas du Duc d'Aniou tourné François. Si enuoya tantost ledit messire Robert Canolle deuers luy Heraux, & certains messagers: & fit tant que, sur faufconduit, il vint parler à luy sur les champs, en vn certain lieu, qu'ils ordonnerent. Quand ledit messire Robert veit ledit messire Perducas, il luy fit grand' chere: & puis petit à petit il entra en parolles. Si luy cōmmença à remonstrer comment il auoit fait grandement son blafme, quand il s'estoit tourné François, & issu du seruice du Prince: qui tant l'auoit aimé, honnoré & aduancé, *Que vous feroi-je long compte?* Messire Robert Canolle, comme sage & subtil, prescha tant audit messire Perducas d'Albreth, qu'il le tourna Anglois, luy, & toutes ses gens: & se tournerent adonc des compagnies des Gascons plus de cinq cens: dont le Duc d'Aniou fut moult courroucé, quand il en sceut les nouuelles: & tint moins de compte & de seureté audit Perducas: & aussi firent tous les autres, qui estoient de la partie des François: & en ressongnerent trop plus les Anglois. Les nouuelles vindrent, en la cité de Cahors, aux autres Compaignons, & à Aimon d'Ortige, au petit Mechin, à Iaques de Bray, à Perrot de Sauoye, & à Arnaudon de Pans (qui tenoient là vne vne tresgrand' garnison, & l'auoient tenue tout le tēps) que messire Perducas d'Albreth estoit retourné Anglois, & toute sa route aussi. Si en eurent les dessusdits grand ennuy au cœur, & effray: & regarderent & considererēt entre eux, que la cité de Cahors estoit de trop grand garde, & trop foible, pour eux tenir à l'encontre des Anglois. Si s'en partirent de là: & la recommanderent à l'Euesque dudit lieu, & aux Bourgeois de la ville: & s'en vindrent en vne Prioré, assez pres de là: qu'ils auoient de long temps fortifié: lequel on appeloit Durmel. Ceste forteresse † n'estoit point de grand' garde. Si se meirent dedans par bonne ordonnance, pour attendre leurs ennemis: lesquels vindrent celle part, tantost qu'ils sceurent qu'ils s'estoient la retraits: & assiegerent & enuironnerent ladite forteresse: & puis y establirent & firent maint assaut: mais ceux de dedans estoient si bien aduisez & garnis de bonne artillerie, qu'ils n'en faisoient compte. Quand messire Jehan Chandos, messire Thomas de Phelletō, le Capital de Buz, messire Jehan de Pommiers, messire Thomas de Persy, messire Eustace d'Auberthicourt, & les Cheualiers du Prince, qui se tenoient à Montauban, entendirent que messire Robert Canolle auoit assiégué les Capitaines des Compaignies en la garnison de Durmel, si eurent conseil qu'ils se tireroient celle part: car la chose s'ordonnoit assez bien, pour trouuer là aucuns grans faits-d'armes. Si se partirent de Montauban plus de trois cens Lances: & y en laisserent bien deux cens en garnison: desquels estoient Capitaines messire Aimery de Chartres, messire le Souldich de l'Estrade, messire Bernardet d'Albret, & le Sire de Geronde. Si cheuaucherent les dessusdits bien fort, pour venir au siege de Durmel. Ainsi qu'ils cheuaucheroient, ils trouuerent en leur chemin vne ville Françoisise, assez forte: qui s'appeloit Monsac: & estoit tant seulement en la garde de ceux de la ville: car il n'y auoit nul Gentil-homme dedans. Pour aduiser la ville, enuoyerent leurs Coueurs, Si rapporterent lesdits Coueurs qu'elle estoit assez forte, & que sans siege, ou assaut, on ne la pourroit bonnement auoir. Adonc se conseillèrent les Seigneurs sur le champ, pour sauoir quelle chose en estoit bon à faire. Adoncques ils trouuerent en conseil, que ce ne seroit pas bon d'eux là arrester, & de briser leur emprise, pour aller deuant Durmel. Si passerēt outre: & estoit encores assez matin, Ainsi qu'ils pouuoient estre enuiron vne lieue outre, ils rencontrerent quatre sommiers: tous chargez de victuaille: lesquels furent tantost prins & arrestez: & leur fut demandé dont ils venoient, & aussi ou ils alloient. Si congurent verité, en disant qu'ils estoient partis de Toulouze, & auoient intention d'entrer en la ville de Monsac, & de là mener leur victuaille. Dont furent examinez plus-auant de l'estat de la ville, & quels gens ils estoient là dedans. Les sommiers si respondirent qu'ils n'oseroient mentir, & que la ville estoit mout estreinte de famine, & ne pēsoient y auoir là dedans de tous viures (si assiegez estoient) pour viure quatre iours, & qu'il n'y auoit nul Gentil-homme, n'autre de deffense, que des bons hommes de la ville. Dont se meirent les Gentils-hommes ensemble: & eurent conseil qu'ils n'iroient plus auant, tāt que ils eussent mis peine de conquerre icelle dite ville. Si retournerent, & retindrent les victuailles pour eux, & rendirent aux quatre sommiers leurs cheuaux, & leur dirēt qu'ils allassent aux nouuelles pourueances, & puis s'en vindrent mettre le siege deuant Monsac: & se commencerent à loger, ainsi comme fils deussent demourer là vn mois: & firent ce premier iour semblant qu'ils assaudroient le lendemain: & leuerent deuant les murs aucuns canons qu'ils auoient. Quand ceux de Monsac en veirent la maniere, si se commen-

commencerent moult fort à effrayer: & sentirent bien qu'ils ne pourroient longuement tenir: car ils n'auoient nulles pourueances. Si commencerent à traiter deuers les dessus-dits Cheualiers d'Angleterre: & se porterent les traitez si bien, qu'ils recognurent le Prince de Galles à Seigneur, & à tenir ladite ville de luy à tousioursmais, sans fraude & sans mal-engin: & parmi ce, ils demourerent en paix: & ne leur ostoit on riens du leur. Si ordonnerent les Cheualiers, messire Iehan Chandos & les autres, à la requeste de la ville, vn Cheualier à Capitaine (lequel on apeloit messire Robert Miton) & vingt Hommes-d'armes, & quarante Archers avecques luy, aux fraiz & gages des hommes de la ville. Puis cheuaucherent outre, tant qu'ils vindrent deuant Durmel: ou messire Robert Canolle & les autres estoient. Si eut là grans approchemens & grans recognoissances d'amour, quand ils se trouuerent tous ensemble: & se meirent au siege avecques les autres, par bonne ordonnance.

Comment messire Robert Canolle & messire Iehan Chandos se partirent de Durmel sans riens faire, & vindrent assieger la garnison de Domme.

CHAP. CCLXII.

LE siege pendant deuant Durmel, il y eut plusieurs assaux & écarouches, & aussi grand fait-d'armes. Car c'estoient toutes bonnes Gens-d'armes, qui tenoient le siege deuant: & ceux de dedans estoient bons combattans, & bien rusez aux armes: & autrement ils ne se fussent point longuement tenus. Si vous di que les Anglois & ceux de leur costé, qui là gisoient au siege, ne l'auoient mie d'auantage: mais estoient en trop dur parti, en deux manieres. Car il plouuoit nuict & iour (qui faisoit trop grand ennuy aux hommes & aux cheuaux) & avec tout ce, ils auoient si grand defaute de viures, qu'ils ne sauoient que manger: & y vendoit on vn pain trois vieux gros: encores n'en pouuoit on recouurer pour son argent, bien souuent. De vins auoient ils assez, & largement: & ce leur faisoit grand reconfort. En celuy estat furent ils plus de cinq semaines. Quand ils veirent que riens ne faisoient, & que la garnison de Durmel point ils ne prendroient & qu'ils seiournoient là en grand malaïse, si s'aduiferent qu'ils se délogeroient, & se tiroient par-deuant la ville & le chastel de Domme, en plus gras pays: ainsi qu'ils firent. Or estoit Sire & gouuerneur de ladite ville, & dudit chastel, messire Robert de Domme (qui en estoit Seigneur) & avecques luy auoit vn sien cousin, Cheualier: qui s'apeloit messire Pierre Sanglet. Si auoient par-auant ces deux Cheualiers les viures du plat pays de là enuiron tous retraits là dedans. Quand les Anglois & les Gascons (qui bien estoient quinze cens Hommes-d'armes, & deux mille, qu'Archers, que Brigans) furent là venus, si s'ordonnerent, & meirēt en arroy de siege: & commencerent à assailir la forteresse, de grand' volonté. Si y leuerent plusieurs grans engins, assaux, & écarouches: ou il y eut fait, durant le siege grandes appertises d'armes. Quand ils eurent esté au siege quinze iours, & ils eurent veu que riens n'y faisoient, ne riens n'y conqueroient, & qu'ils y gisoient en grand' peine & grand trauail, si s'aduiferent & conseillerent, les vns par les autres, qu'ils signifieroient leur estat & leur affaire au Prince de Galles, leur Seigneur: qui se tenoit en Angoulesme. Si fut ordonné d'aller celle part, & de faire ce message, Chandos le Heraut: lequel se partit de ses maistres, & exploita tant par ses iournées, qu'il vint en la ville d'Angoulesme: ou il trouua le Prince, à moult petite mesgnie: car tous ses Cheualiers & Escuyers estoient d'une part & d'autre. Quand le Heraut, nommé Chandos, fut là venu, il se mit à genoux deuant le Prince, & luy recommanda tous ses maistres dessus-nommez (lesquels il auoit laissez au siege deuant Domme) & puis luy recorda & remontra bien & sagement l'estat & l'affaire de leur ordonnance, ainsi qu'il informé & chargé l'auoient, avecques lettres de creance, qu'il apportoit à Monseigneur le Prince. Le Prince entendit à ce bien & volontiers: & dit qu'il en auroit aduis: & fit demourer le Heraut delez luy: & y fut cinq iours: & au fixième il luy fit deliurer, sous son seel, lettres escriptes & seellées: & luy dit, au departir, Chandos, saluez nous les Compaignons: & il respondit, Monseigneur volontiers. Lors se departit du Prince ledit Heraut: & se mit au retour par-deuers Quercy. Or vous recorderay-ie de ceux de l'ost, & comment ils exploiterent, & quelle chose ils firent, pendant que ledit Heraut alla & vint, & fit son message.

Comment messire Robert Canolle & messire Iehan Chandos se partirent de Domme, sans riens faire: & comment ils prindrent Gauaches & Rochemador, & plusieurs autres villes, qui s'estoient tournées Françoises.

CHAP. CCLXIII.

La ville de Monsac prise par les Anglois.

Les Anglois leuent leur siege de deuant Durmel.

Le chastel de Domme assaili par les Anglois.

*† si c'est celui
du chap. 260.
il y a nom
Charles.*

*Gauaches ren-
due Angloise.*

*La forteresse de
Froins rendue
Angloise.*

*Rochemador as-
saillie, & ren-
due aux An-
glois.*

*Villefranche
assiégée & re-
ndue aux An-
glois.*

Assez tost apres que Chandos fut parti de ses maistres, du siege de Domme, messire Jehan Chandos, messire Robert Canolle, messire Thomas de Phelleton, le Captal de Buz, & messire † James d'Andellée, & les autres Seigneurs & Cheualiers qui là estoient, eurent conseil & aduis ensemble, qu'ils defferoient leur siege (car là riens ne con-
queroient & cheuaucheroient plus auant sur le pays, & conqueroient villes & garni-
sons, qui festoient tournées Françoises nouuellement, par l'effort des Compaignies, & du Duc de Berry. Si se délogerent & departirent de Domme: & se meirent au chemin, & vindrent pardeuant Gauaches: qui tantost se rendit: & se tournerent Anglois ceux de dedans, aussi tost qu'ils furent là venus. Si se rafreschirent les Seigneurs, & leurs gens, dedans ladite ville de Gauaches, par trois iours: & pendant ce temps aduiserent ou ils se tireroient. Quand ils partirent, ils cheuaucherent deuant vne forteresse: que les Compaignons auoient nouuellement prinse, estant appelée Froins. Si tost que ceux de celle garnison sentirent les Anglois venir à si grād effort, & que ceux de Gauaches festoient retournez Anglois, si deuindrent aussi Anglois, & iurerent qu'ils demourroient à tousiours tels, mais ils en mentirent. Si passerent outre les Anglois, & vindrent deuant Rochemador. Ceux de la ville estoient moult bien fortifiez. Si n'eurent pas volonté d'eux rendre. Quand les Anglois furent venus iusques à ladite ville, & ils eurent aduisé & considéré la maniere de ceux de ladite ville de Rochemador, si meirent auant leurs engins & l'artillerie, & la commencerent à assaillir de grand' façon & de bonne ordonnance. Là eut (ie vous dy) moult grand assaut & dur, & plusieurs hommes naurez & blecez du trait de dedans & dehors. Si dura celuy assaut vn iour tout entier. Quand ce vint au vespre, les Anglois se retrahirent en leurs logis: & auoient bien intention de l'assaillir le lendemain: mais, durant celle nuit, ceux de Rochemador (qui auoient ce iour senti la force & la vertu de ceux de l'ost, & comment ils auoient fort assailli & pressé se conseil-
lerent, & dirent bien les plus sages, & les mieux aduisez, qu'à la longue ils ne pourroient tenir: &, s'ils estoient prins par force, ils seroient tous morts & perdus, & leur ville arse sans mercy: & que, tout considéré le bien contre le mal, quant à ce, ils traiteroient pour eux rēdre aux Anglois: & se porta ce traité, si biē qu'ils s'accorderēt, parmi ce que de ce iour en-auant ils seroient bons Anglois: & se porta ce traité si bien, qu'ils s'accorderent, parmi ce que de ce iour en-auant ils seroient bons Anglois: & ainsi le iurerent solennel-
lement. Auecques ce, ils deurent, à leurs fraiz & mises, menēr & conduire le terme de 15 iours, cinquante sommiers de viures, apres l'ost, pour auictuailler ledit ost, des pourueances de la ville: mais on les payeroit courtoisemēt par vn certain pris, qui y fut ordonné: & ainsi demoura Rochemador en paix: Puis cheuaucherēt les Anglois outre, par deuers Villefranche en Toulouzain, en gastant & exilant tout le plat pays, & mettāt les pources gens en grād misere, & cōquerāt villes & chasteaux (qui festoient tournez François) les vns par traitez, & les autres par force. Si vindrēt les dessusdits Seig, & leurs gēs, deuant Villefranche: qui estoit assez bien fermée, & pourueue de viures & d'artillerie: car tout le plat pays de là enuiron s'y estoit retrait. Quand il furent là venus, ils l'assiēgerent & l'assaillirent de grand' volōté: & y eut en quatre iours, maint grand assaut & fort, & plusieurs naurez de ceux de dedans & dehors. Tout considéré, ils regarderent que longuement ils ne se pourroient tenir, & qu'ils ne seroient aidez ne reconfortez de nul costé (au moins ne leur estoit il point apparent) & parainsi tournerēt & se rendirent Anglois par composition, telle qu'on ne leur deuoit point porter de dommage. Ainsi deuint Villefranche, sur les marches du Toulouzain, Anglesche. Dequoy le Duc d'Aniou (qui se tenoit à Toulouze) fut moult courroucé & dolent, quand il en sceut les nouuelles: mais amender ne le peut, quant à celle fois. Si meit & laissa leans messire Jehan Chandos, à gouuerneur & Capitaine, vn Cheualier Anglois (qui s'appelloit messire Robert le Roux) & puis passerent outre, en exilant tout le pays. Or retournerons au siege de Bordille, & compterons comment le Comte de Cantebruge & le Comte de Pennebroth perseuererent.

Comment le Comte de Cantebruge & le Comte de Pennebroth pyindrent, par grand aduis, la garnison de Bordille.

CHAP. CCLXIIII.

Pendant que les dessusnommez Barons & Cheualiers d'Angleterre & leurs routes faisoient leurs cheuauchees & leur conquest, tant en Rouergue, en Quercy, qu'en Agenois (ou ils furent vne moult longue saison) se tenoit le siege deuant la garnison de Bordille:

Bordille: ou il fut plus de neuf semaines. Si vous dy que, le siege là tenant, y eut plusieurs assaux, écarouches, & grans appertises d'armes, presque tous les iours. Car ceux de dedans venoient par vsage, tous les iours, à main armée, iusques à leurs barrieres, hors de la porte: & là écarouchoient moult lōguement, vaillamment & hardiment, à tous venans: & si bien se portoient, & proprement que de ceux de l'ost ils auoient grand' louange. Ainsi se tindrent en celuy estat vn grand temps: & se fussent encores trop plus tenus, si orgueil & presomption ne les eust tentez: car ils estoient gens assez, & tous hardis compaignons, & bien garnis de viures, pour tenir, & d'artillerie, pour eux deffendre: tellement que ceux de l'ost se commencerent fort à tanner: combien qu'ils fussent là moult honorablement. Si regarderent qu'ils y estoient à grans fraiz, & que trop peu ils y conqueroient. Or aduint vn iour, qu'ils eurent conseil & aduis, cōment ils se maintiendroient, pour leur affaire approcher. Si ordonnerent qu'au lendemain, à l'heure de prime, ils feroient tous leurs gens armer, & eux tenir secrettement en leurs logis: & enuoyèrent aucuns d'eux écaroucher à ceux de la forteresse. Car ils les sentoient de si grand' volonté, que tantost ils istroient hors, & se mettroient sur les champs, pour eux combattre: & en ce faisant, leurs gens (qui seroient là enuoyez) se feindroient, & se tourneroient, tout combattant, deuers leurs gens, petit à petit, ainsi que déconfits, pour ceux dudit fort attirer plus auant: & ils auroient ordonné vne bataille de leurs gens, toute à cheual: qui se mettroit entre leurs ennemis & la forteresse: parquoy, quand ils voudroient retourner, ils ne pourroient. Celuy aduis fut arresté entre eux: & dirent que son ne les auoit par celle maniere, on ne les auroit point à son aise. Si que lendemain au matin, ils firent secrettement armer toutes leurs gens: & enuoyèrent, iusques à deux cens, écaroucher à ceux de Bordille. Quand les compaignons, qui dedans estoient & les Capitaines Ernaudon & Bernardin les veirent venir, si en furent tous ioyeux: & s'armèrent appertement: & firent armer leurs gens. Si pouuoient bien estre enuiron sept vingts, tous ieunes & legers compaignons: & firent ouurir leur porte toute arriere: & vindrent à leurs barrieres: & recueillirent, aux lances & aux pennars, les Anglois, bien & faitiffement: & y firent tant que les Anglois perdirent terre, & reculerent ainsi qu'il leur estoit ordonné. Quoy voyans les compaignons de Bordille, firent passer leur pennon deuant: & dirent, Auant, auant, par le chef Saint-Anthoine ceux cy sont nostres. Lors les enuahirent ils de grand' volonté, en les chaçant: tellement qu'ils en getterent aucuns par terre, & en blecerent & prindrent prisonniers. Mais (pource qu'ils vouloient tout auoir, & ainsi comme on dit, grand' conuoitise fait moult petit) ils élongnerent tant leur forteresse, que, quand ils y voulurent retourner, ils ne peurent. Car messire Iehan de Montagu (qui estoit sur la deuant dite embusche) se mit à toute sa route (qui estoient plus de cinq cens bons combattans) entre la forteresse & eux: & là endroit sur la place, fut fait Cheualier de Monseigneur le Comte de Cantebruge: & puis les enuahirent de grand' volonté. Quand ces compaignons de Bordille se veirent ainsi attrapez, si cognurent bien qu'ils auoient trop follement chacé. Neantmoins ils se recueillirent tous ensemble, comme vaillans gens: & se commencerent à combattre, & à faire tant de grans appertises d'armes, que merueilles seroit à recorder: & se tindrent, sans eux déconfire, bien par l'espace de deux heures, ou enuiron, tousiours lançans & eux combattās & entrans dedans leurs ennemis, & s'en rattrayans moult vaillamment: & tant y firent d'appertises d'armes, que proprement les Seigneurs d'Angleterre, qui là estoient y prindrent moult grand' plaifance: & y fut ledit messire Iehan de Montagu tresbon Cheualier & vaillant, & qui bien se combattit & assaillit ses ennemis. Finalement ceux de Bordille furent là déconfits, & tous morts ou prins, tant qu'onques pié n'en échappa: & là furent recoux ceux, que prins auoient, & les deux Escuyers & Capitaines, Ernaudon & Bernardin de Batefol, faits prisonniers dudit Monseigneur de Montagu.

Pendant que celuy Escuyer auoit là esté, le Comte de Cantebruge & le Comte de Pennebroth s'estoient auancez: & auoient conquis les barrieres, & la porte: & estoient entrez dedans, la banniere du Comte de Cantebruge deuant. Ainsi eurent les Anglois la garnison de Bordille: & firent les hommes de la ville iurer foy & seureté à eux, à tenir la ville de par le Prince. Si ordonnerent les Seigneurs à demourer pour la garde, le Seigneur de Mucident, & ses gens, & luy baillerent soixante Archers. Puis dépecerent leur siege: & eurent cōseil qu'ils se retireroient en Angoulesme, deuers le Prince, pour sauoir quelle chose il vouloit qu'ils fissent. Ainsi se défit le siege de Bordille: & se meirent les

saillie de ceux de Bordille cause de leur défaite, & de la prise de leur place
† La Chaux dit pavaix, & de fait ie ne l'éten point autrement

Bordille conquis se par les Anglois.

Seigneurs, & leurs routes, au retour. Or retournerons nous aux dessusdits Cheualiers de Angleterre & de Gascongne, qui cheuauchioient en Quercy: & parlerons de Chandos le Heraut, & des nouuelles qu'il porta, de par le Prince de Galles.

Comment messire Robert Canolle, messire Iehan Chandos, & messire Thomas de Phelleton, ordonnerent de leurs gens, & retournerent deuers le Prince. CHAP. CCLXV.

Ainsi que les dessusdits & leurs routes, & les Compaignons avecques eux, cheuauchioient es marches de Rouergue & de Quercy, & qu'ils faisoient tourner villes & chasteaux, & mettoient le pays, ou ils conuerfoient, en grand' tribulation, reuint Chandos, le Heraut: qui les trouua en Quercy, deuant vne forteresse, qu'ils auoient moult estreinte. Incontinent qu'ils veirent le Heraut reueni, si luy firent moult grand' chere: & luy demanderent des nouuelles. Il leur dit que Monseigneur le Prince les saluoit tous, & les desiroit moult à veoir: & à ces mots il leur bailla les lettres, que le Prince leur enuoyoit. Si les prindrent les Barons, & les leurent. Si trouuerent, avec saluts & amitez, qu'il ordonnoit & vouloit que messire Iehan Chandos, messire Thomas de Phelleton, & Monseigneur le Captal de Buz, retournassent en Angoulesme deuers luy: & que messire Robert Canolle & ses gens, & tous ses compaignons, demourassent en l'estat, ou ils estoient: & fissent guerre. Quand ces quatre Seigneurs (qui là estoient Chefs de toutes ces Gens-d'armes) entendirent ces nouuelles, si regarderent tous l'un l'autre: & puis demanderent quelle chose estoit bonne à faire. Si s'adrecerent, d'une voix, deuers messire Robert Canolle: & luy dirent. Messire Robert Canolle, vous voyez & entendez comme Monseigneur le Prince nous remade, & veut & ordonne que vous demouriez sur ce pays, & soyez Chef & gouuerneur de toutes ces Gens-d'armes. Seigneurs (respondit messire Robert Canolle) Monseigneur le Prince me fait plus d'honneur, que ie ne voudroye. Sachez que ia sans vous ie ne demourray: & si vous partez, ie partiray. Si eurent conseil de retourner tous quatre deuers le Prince, pour sauoir plus pleinement son entente. Ainsi se déroipit ceste grand' cheuauchée: & quand ce vint au departement, ils enuoyerent messire Perducas d'Albreth en la ville de Rochemador, & toutes ses gens, pour faire là frontiere contre les François: & dirent ainsi les Seigneurs aux autres Compaignies. Seigneurs, vous oyez comment Monseigneur le Prince nous remande: & ne fauons de verité qu'il nous veut. Si vous dirons que vous ferez: vous recueillirez vos gens & vous remettrez ensemble, & monterez à mont les marches de Limosin & d'Auvergne, & ferez là guerre (car sans guerre ne pouuez vous viure) & nous vous iurons & promettons loyaument, que, si vous prenez, ou conquerez, ville chastel, ou forteresse en France, en quelque lieu que ce soit, n'en quelque marche, & vous y estes assiegez, nous vous irons conforter, tellemēt que nous leuerons le siege. Ceux, qui ces promesses ouirent, dirent, C'est bien dit: & nous le retenons ainsi: car par-adventure en aurons nous mestier. Ainsi se departirent ils les vns des autres: & se déroipit ceste grosse cheuauchée, les Compaignies d'un lez, & les Seigneurs d'autre: qui s'en reuindrent tous, par accord, en la ville d'Angoulesme, deuers le Prince: qui leur fit grand' chere. Or estoient reuenus aussi de la Comté de Perigourd, vn petit au-deuant, le Comte de Cantebruge, le Comte de Pennebroth, & messire Iehan de Montagu, & tels autres. Or vous parlerons des compaignies & Gens-d'armes, qui partis estoient de messire Iehan Chandos: & comment ils perseuererent.

Comment les Compaignies Anglesches prindrent le chastel de Belleperche, & la mere au Duc de Bourbon, qui estoit dedans & comment ils prindrent aussi le fort chastel de Sainte-Seuere en Berry. CHAP. CCLXVI.

† Ces noms
sont remis selon
la Chaux, des-
faillant icy ce-
luy du tiers.

Entre les Compaignies auoit là trois Escuyers de la terre du Prince: qui estoient grās Capitaines des Compaignies, & hardis, & apperts Hommes-d'armes, & moult grās aduiseurs & eschelleurs de forteresses. † Si appelloit on l'un Ortingo, l'autre Bernard de Wisle, & le tiers Bernard de la Salle. Ces trois compaignons ne voulurent mie sciuerner, qu'ils ne fissent parler d'eux, en faisant aucun exploit d'armes: Si s'en vindrent, avec leurs routes, en Limosin, pour se rafreschir. En ce temps en estoit Seneschal & gouuerneur, de par le Prince, messire Iehan d'Eureux. Ces trois dessusdits getterent leur aduis à prendre en France aucune forteresse, & regarderent que Belleperche, en Bourbonnois, estoit vn bel chastel & fort: & y demouroit la mere au Duc de Bourbon & à la Royne de Fran-

de France. Si entendirent par leurs espies que la bonne Dame estoit là seule entre ses gens: & n'auoit audit chastel comme point de garde. Encores le Chastellain dudit lieu alloit & venoit souuent dehors: & n'estoit mie trop songneux de le garder. Ces Compaignons, & vne partie des leurs (ceux qui voulurent élire ne sommeillerent point trop sur leur entente: mais cheuaucherent vn iour & vne nuit: & vindrent sur l'adiourner, à Belleperche, & l'eschellerent, & le prindrent, & la mere à la Royne de France (qui estoit dedans) & là regarderent que la forteresse estoit belle & bonne, & en gras pays: & dirent qu'ils la tiendroient contre tout homme. Encores en celle propre nuit ils prindrent vne autre forteresse (qui s'appelle Sainte-Seuere, sur les marches de Limosin) & la donnerent à messire Jehan d'Eureux. Ces nouuelles furent tantost sceues en France, & que Belleperche estoit prinse des Anglois, & la mere de la Royne de France dedans. Si en fut le Roy de France moult courroucé: & aussi furent la Royne & le Duc de Bourbon: mais amender ne le pouuoient, quant à ceste fois. En ce temps fut élu en France pour estre vn des Mareschaux des guerres, messire Louys de Sancerre, vn vaillant homme & hardi Cheualier. Encores viuoit messire Arnou d'Andreghen: mais il estoit si vieil, & si froissé d'armes porter, & du trauail du temps passé, que bonnement aider ne s'en pouuoit: ne plus s'embesongner de l'office: mais encores s'armoit il tref-volontiers, quand il venoit à point. Or vous parlerons vn petit des besongnes de Picardie (aussi bien que vous auons parlé de celles des lointaines marches) & d'une assemblée qui fut faite en la cité de Rouen.

Prinse de Belleperche par les Anglois.

Loys de Sancerre fait Mareschal de France au lieu d'Arnou d'Andreghen.

D'une grande armée de mer, que le Roy de France vouloit enuoyer en Angleterre: & comment le Duc de Lanclastre, étant venu à Calais, rompit ceste entreprinse.

CHAPITRE CCLXVII.

LE Roy de France toute celle saison † d'Esté auoit fait tresgrad appareil de nefes, de bar- † *Toujours en l'an 1369.*
Liges, & de vaisseaux, sur le port de Harfleur: & auoit intencion d'enuoyer vne armée en Angleterre, bien étoffée de toutes bonnes Gens-d'armes, de Cheualiers & d'Escuyers: desquels messire Philippe, son frere, Duc de Bourgogne estoit Chef, Capitaine, & gouverneur: ainsi que pour tout destruire Angleterre. Si se tenoit & seiournoit proprement le Roy de France, en la bonne cité de Rouen, pour mieux entendre à ses besongnes: & alloit, toutes les semaines ordinairement deux ou trois fois, veoir les nauires, & auoit à ce moult grad' affection. Auec tout ce, son mandement estoit si grand & si estédu parmi son royaume, que là, enuiron Rouen, Veulgueffin, & Beauuoisin, venoient tous les iours Gens-d'armes, à si grand' quantité, que c'estoit merueilles, † & tousiours se faisoient & ap- † *Ces deux classes sont ramenées selon le sens de l'Auteur, & suivant les Abreges.*
prochoient les pourueces, si grades & si grosses, & en telle maniere q' si c'eust esté pour aller en Castille, ou en Portugal. Mais le Sire de Clifson (qui estoit vn des especiaux du Cōseil du Roy) ne s'accordoit pas bien à ce voyage: ains decōseilloit au Roy, & à tous les Nobles de sō Royaume, d'aller en Angleterre: & disoit qu'ils n'estoient mie, si bié vsagez, n'accoustumez de faire guerre sur mer, comme estoient les Anglois: & alleguoit, sur ce, beaucoup de raisons: ainsi que celui qui cognoissoit mieux la cōdition & la nature des Anglois, & l'estat du pays d'Angleterre, que moult d'autres. Mais, nō obstant cela, on ne pouuoit briser le propos du Roy, ne d'ancuns de son Cōseil, tant que ceste armée ne partist. Le Roy d'Angleterre, & son fils le Duc de Lāclastre, & plusieurs autres de son Cōseil, estoient aduisez & informez de ceste armée, & cōment les Français les deuoient venir voir & guerroyer en leur pays. De laquelle chose ils estoient tous ioyeux: & auoient bié & suffisammēt pourueu, de bons Gens-d'armes & d'Archers, tous les passages & les haures sur mer, à l'encōtre de Ponthieu & de Normādie, pour les recueillir, s'ils venoient, & estoit tout le royaume d'Angleterre aduisé & cōforté pour cōbatre les Français, s'ils y venoient: & eut adonc conseil & volonté le Roy d'Angleterre d'enuoyer le Duc de Lāclastre son fils, à tout vne charge de Gens-d'armes, en la ville de Calais. Si ordonna & nōma promptement ledit Roy d'Angleterre ceux, qui iroient auecques luy: c'est assauoir le Comte de Sallebery, le Comte de Waruich, messire Gautier de Manny, le Seigneur de Roos, messire Henry de Parcy, le Seigneur de Basset, le Seigneur de Willeby, le Seigneur de Warre, le Seigneur de la Poulle, messire Thomas de Grāson, messire Alain de Bourke-sele, messire Richard Stury, & plusieurs autres. Si estoient bien enuiron cinq cens Hommes-d'armes, & cinq cens Archers. Si vindrēt les dessusdits en la ville de Douures, & là enuiron: & puis passerent, quand leur nauiure fut preste: & eurent vent à volonté: &

Passage du duc de Lanclastre, fils du Roy de Angleterre, à Calais.

arriuerent en la forte ville de Calais. Si issirent dehors de leurs vaisseaux: & en meirent, petit à petit, toutes leurs choses dehors: & se hébergerēt tous en ladite ville. En celle saison le Roy d'Angleterre auoit enuoyé prier, moult especialemēt, messire Robert de Namur qu'il le voulist seruir, durant sa guerre, à tout sa charge de Gens-d'armes. Ledit messire Robert (qui tousiours auoit esté bon Anglois, & loyal (auoit respondu que tātost seroit appareillé, si tost qu'on le manderoit, & qu'il sauroit que le Roy, ou vn de ses enfans, seroit à Calais, ou sur les champs, pour cheuaucher en France: si que (si trestost qu'il entendit que le Duc de Lancastre estoit arriué à Calais) il semonnit tous ses compaignōs, & ceux dont il vouloit estre aidé & serui: & fit tout son harnois appareiller, ainsi comme à luy appartenoit. Or retournon aux besongnes de Poictou.

Comment le chastel de la Roche-sur-yon fut rendu aux Anglois: & comment le capitaine dudit lieu fut mis à mort, par le commandement du Duc d'Aniou.

CHAP.

CCLXVIII.

VOUS deuez sauoir que quād le departemēt fut fait des Barōs & Cheualiers de Guienne, qui auoient cheuauché en Quercy & en Rouergue, & Chādos le Heraut eut apporté les nouuelles du Prince, ils retournerēt tous par vn accord en la ville d'Angoulesme: ou ils trouuerent le Prince: qui les receut moult ioyeusement. Vn petit deuant estoit retourné le Comte de Cantebruge, & le Comte de Pennebroth, & leurs gens, apres le conquest de Bordille: si comme cy-dessus est dit & contenu. Si s'eioirēt, & firent grād' feste ces Seigneurs & ces Barons quand ils se trouuerēt tous ensemble: & s'aduiferent & conseillèrent ou ils se tireroient, pour mieux exploiter leur saison. Si regarderēt que sur les marches d'Aniou auoit vn bel chastel & fort, qui se tenoit du ressort d'Aniou: lequel on appelloit la Roche-sur-yon: & aduiferent tous qu'ils iroient celle part, & y mettroiēt le siege, & le conquerroient, s'ils pouuoient. Si ordonnerent leurs besongnes, & se meirent au chemin, pour aller celle part: & encores leur reuindrent, depuis, tous les Barons & Cheualiers de Poictou: c'esta sauoir messire Iames d'Andellée, le Sire de Pons, le Sire de Partenay, messire Louis de Harrecourt, messire Guichard d'Angle, le Sire de Pinane, le Sire de Tannaybouton, messire Mabrimon de Linieres, & le Seneschal de la Rochelle, messire Thomas de Perfy. Si se trouuerēt ces Gens-d'armes & ces Seigneurs grand' foison (quand ils furēt reuenus tous ensemble) & plus de trois mille Lances: & exploiterēt tant, qu'ils vindrent deuant ledit chastel de la Roche-sur-yon: qui estoit bel & fort & de bonne garde, & bien porueu de bonnes pourueāces, & d'artillerie. Si en estoit Capitaine, de par le Duc d'Aniou, vn Cheualier, qui s'appelloit messire Iehan Blondeau: qui tenoit dessous luy, audit chastel moult de bons cōpaignons aux fraiz & despēs dudit Duc. Si ordonnerent les dessus-nommez Seigneurs & Barons qui là estoient, leur siège, par bonne maniere & grand' ordonnance: & l'environnerent tout autour (car bien estoient gens à ce faire) & firent † amener & charier de la ville de Touars, & de la cité de Poictiers, grans engins: & les firent drecher deuant la forteresse, & encores plusieurs canons & espringalles: qu'ils auoient de pourueance en leur ost, & de long temps † vsagé de les mener. Si estoit leur ost moult plantureux de tous viures: car il leur en venoit grand' foison de Poictou, & des marches prochaines. Quand messire Iehan Blondeau se veit ainsi assiegé & oppressé de tant de bons Gens-d'armes (car là estoient presque tous les vaillans Gens-d'armes & Cheualiers d'Aquitaine: & il ne luy apparoissoit nul cōfort de nul costé) si se commença moult fort à effrayer. Car bien veoit que les Seigneurs, qui là estoient, ne le lairroient, iusques à tant qu'ils l'eussent prins par force, ou autrement. En l'ost du Comte de Cantebruge, de messire Iehan Chandos, & des Barōs qui là estoient, y auoit aucuns Cheualiers des marches de Poictou: qui bien cognoissoiēt ledit Capitaine, & qui l'auoient accōpaigné au temps passé. Si vindrēt iceux iusques aux barrieres: & firent tant, que, sur assurece & saufsōduit, ils parlerent à luy: & le menerēt tāt par parolles (car il n'estoit mie bien subtil: cōbien qu'il fust bō Cheualier) qu'il entra en traité de rendre la forteresse: si elle n'estoit secourue, & le siege leué, dedās le terme d'un mois: parmi ce qu'il deuoit auoir six mille frācs, pour les pourueāces de dedās. Ce traité fut entamé, & mis outre: & demourerēt ceux du chastel aussi en leur estat, ledit terme durant, parmi la composition dessusdite: & si dedans le mois durant ils n'estoiēt secourus, le chastel estoit rendu. Ceste chose accordée, le Cheualier le signifia au Duc d'Aniou, au Roy de France, au Duc de Berry, & à tous les Seigneurs, dont il pensoit estre

† C'est à dire, accoustumé.

estre aidé: à fin qu'il se peust mieux excuser de blasme, s'il en estoit reproché. Nonobstant ce, & toutes lescdites significacions (combien que le chastel fust bel & bon, & bié nécessaire à estre François, pour le pays d'Aniou & de Touraine) oncques il ne fut secouru, ne conforté, de nully: si que, tâtost que le mois fut passé & expiré, lescdits Seigneurs Anglois requirerent audit Cheualier, qui leur teinst conuenant: & de ce il auoit liuré bons pleiges. Ledit messire Iehan ne voulut mie aller à l'encontre: & dit ainsi à ses Compaignons, que, puis que le Roy de France & le Duc d'Aniou vouloient perdre la forteresse, il ne la pouoit mie tout seul garder. Si la rendit aux Anglois, qui la estoient: lesquelz en prindrent tantost la faisine & possession: & en eurent grand' ioye: & il eut aussi ce qui luy estoit accouenancé: c'est assauoir les six mille francs pour les pourueances du chastel (qui les valoient bien) & fut conuoyé luy & tous les siens iusques en la ville d'Angers. Si tost qu'il fut là venu, il fut prins & arresté du Gouverneur d'Angers, & mis au chastel en prison. Si entendy ainsi, que de nuict il fut bouté en vn sac, & getté en la riuiere, & noyé, par le commandement & ordonnance du Duc d'Aniou: pource qu'il auoit prins or & argent, pour rēdre la forteresse: qui estoit bié taillee de soy tenir vn an: se mestier eust esté. Ainsi eurent les Anglois le chastel de la Roche-sur-yon en Aniou: & y meirēt garnison de par eux, & le reparerent tresbien: & puis s'en retournerēt en Angoulesme deuers le Prince. Apres le conquest de la Roche-sur-yon (dōt les François furent moult courroucez) les Seigneurs (si-cōme dessus est dit) s'en retournerēt en Angoulesme: & là dōna le Prince congé à aucuns, de retourner en leurs maisons. Si s'en alla messire Iames d'Andellée (ce vaillant Cheualier, & Senechal de Poictou pour le tēps) sejourner & domourer à Fōtenay-le-Comte: & là accoucha ledit Cheualier d'une maladie qui moult le greua. & tant qu'il en mourut. Dequoy le Prince & madame la Princesse furent moult courroucez: & aussi furent tous les Barons & Cheualiers de Poictou. Si luy fit on son obsequie moult reuerēment en la cité de Poictiers, & y fut le Prince personnellemēt. Assez tost apres, par la priere & requeste de tous les Barons & Cheualiers de Poictou, messire Iehan Chados (qui estoit Connestable d'Aquitaine) fut Senechal de Poictou: & s'en vint sejourner & demourer en la cité de Poictiers. Si faisoit souuent des issues & des Cheuauchées sur les François: & les tenoit de si court, qu'ils n'osoient cheuaucher fors en grādes routes. En ce tēps fut deliuré de prison le Vicomte de Rochechoart: que le Prince de Galles auoit tenu en prison: pource qu'il le soupçonnoit François. Or dōc, à la priere & requeste de ses amis de Poictou (qui estoient pour lors delez ledit Prince de Galles) ledit Prince le deliura: & luy rendit toute sa terre. Quād ledit Vicomte de Rochechoart fut deliuré de prison, il s'en vint tout couuertement (au plustost qu'il peust à Paris, par deuers le Roy de France, & se tourna François: & reuint encōres en sa terre, sans ce qu'on sceust riens de son affaire: & meit Thibaut du Pont, Breton, vn bon Homme-d'armes en la forteresse: & enuoya tantost défiér ledit Prince de Galles: & luy fit grand' guerre. Or vous parlerons, vn peu, du Duc de Lancastre.

La Roche-sur-yon rēdue aux Anglois, moyennant six mille francs.

Le Capitaine, que auoit rēdu la Roche-sur-yon getté en l'eau dedans vn sac

La mort de messire Iames d'Andellée.

Delivrance du Vicomte de Rochechoart.

Défi du vicomte de Rochechoart, au prince de Galles.

Comment le Duc de Bourgongne se partit de la cité de Rouen, en intention de combattre le Duc de Lancastre, & les Anglois: & comment ils se logerent l'un deuant l'autre, à Tournehen.

CHAP. CCLXIX.

QVand le Duc de Lancastre fut venu à Calais (ainsi que dessus est dit) & que ses gens furēt vn petit refreschiz, si ne voulurēt point là sejourner, qu'ils ne fissent aucun exploit d'armes en France. Si se departirēt vn iour ses deux Mareschaux, à bien trois cēs Lances & autant d'Archers: & passerent outre Guines: & cheuaucherent si auant qu'ils vindrēt iusques outre la riuiere † Dostre: & coururēt tout ls pays de là enuiron: & prindrent leur tour vers l'Abbaye de † Linques: & cueillirent toute la proye, & la menerent en sauueté, en la ville de Calais. Le lēdemain ils firent vn autre chemin: & vindrēt deuers Boulongne: & porterent grand dōmage au plat pays. Adonc se tenoit le Côte Guy de Saint-Pol, & messire Galeran son fils, en la cité de Thērouenne, à tout grans Gens-d'armes: mais point n'en issirēt contre lescdits Anglois, quand ils cheuaucherēt: car ils ne se tenoiēt mie assez forts pour eux cōbatre, ne tollir les chāps. Les nouuelles vindrēt au Roy de Frāce (qui se tenoit à Rouē, & qui là auoit le plus grād appareil, & le plus bel du monde) comment le Duc de Lancastre estant là venu, & arriuē à Calais: & couroient ses gens tous les iours en France. Quand le Roy & son Conseil entendirent ce, si eurent nouuelles imaginations. En celle propre sepmaine deuoit le Duc de Bourgongne: à

† La Chaux dit la riuiere Desque. Vous aduiserez, si ce est point celle que l'Euesque d'Auranche nōme Archie. † La Chaux dit Licques.

*L'entreprinſe
du voyage de
Angleterre ro-
pue.*

*Le cāp du Duc
de Lenclastre
pres Tournehe.*

*Le camp du
Duc de Bourgō-
gne pres Tour-
nehen.*

*† L'Abregeur
de la Chaux,
deguisant icy
Froissart, a tels
mots, Car il
fut dit au
Duc de Len-
clastre que
pour certain
le Duc de
Bourgōgne,
etc.*

tout sa charge (ou plus auoit de trois mille bons combattans) entrer en mer, pour aller en Angleterre. Là regarderēt le Roy & les Prelats, & son conseil, qu'il estoit mieux seant & appartenāt (au cas qu'ō sentoit & sauoit les Anglois par-deça la mer) les venir cōbat- tre & requerre que d'aller en Angleterre. Si fut tout le premier propos brisé, & signifié, par tout l'ost François, que chacun se délogeast de Rouen, & de là enuiron, au plus tost que on pourroit, & qu'ō s'appareillast & aduāçast de venir vers la ville de Calais, avec le Duc de Bourgongne, par le commandement du Roy de France, car il vouloit aller cōbattre les Anglois, par-deça la mer. Adoncques veissiez Gens-d'armes réiouir & appareiller: & se meirēt tantost à la voye. Le Duc de Bourgōgne, à tout son arroy, se meit tantost à che- min: & print son addrece, pour venir passer la riuere de Somme, au pōt d'Abbeuille: & fit tant par ses iournées, qu'il vint à Mōtereul-sur-la-mer, & de là, enuiron Hedin & saint Pol: & sur celle marche attendirent les François l'un l'autre. Lors estoiet venues nouuel les au Duc de Lenclastre, que les François approchoient fort, pour le venir combattre. Dequoy ledit Duc de Lēclastre, à tout ses gens estoit issu de Calais, & venu loger, & prē- dre terre en la vallée de Tournehen. Guerres ne demoura, après qu'il fut là venu, que ce gentil Cheualier, messire Robert de Namur, à grand arroy le vint seruir, à cent Lāces de bons Gēs-d'armes, de Cheualiers, & d'Escuyers, en sa compaignie. De sa venue fut ledit Duc de Lanclastre moult réiouy: & luy dit. Mon bel oncle: vous nous estes le bien venu. On nous donne à entēdre que le Duc de Bourgōgne approche moult fort, & nous veut combattre. Sire (respondit messire Robert de Namur) Dieu y ait part. Nous le verrons tref-volōtiers. Si se logerent moult bien les Anglois au val de Tournehen: & se fortific- rent de bōnes hayes: & tous les iours leur venoient viures de Calais, à grādes pouruean- ces: & si couroient leurs Coureurs en la Comté de Guines, pour auoir des viures: mais petit y en conqueroient: car tout le plat-pays de là enuiron estoit perdu: & auoir on mis tout, dedans les villes & forteresses. Or vint le Duc de Bourgongne & sa cheualerie. Si se logea sur le mont de Tournehen: & commencerent tantost ses Mareschaux à loger tou- tes Gens-d'armes à l'encontre des Anglois. Si se logerent lesdits François bien & ordō- nement, & tantost & sans delay: & cōprenoyent leurs logis moult grand' foison: & bien y auoit dequoy. † Car i'ouy adonc recorder, pour certain, que le Duc de Bourgōgne eut là avec luy quatre mille bons Cheualiers. Cōsiderez donc si le demourant n'estoit grād. Si se tindrent là vn grand temps, l'un deuant l'autre, sans riens faire. Car le Duc de Bour- gongne (combien qu'il fust le plus fort, & qu'il veist avecques luy de bons Gēs-d'armes, sept contre vn) si ne vouloit il point combattre, sans l'ordonnance & congé du Roy de France, son frere: qui n'auoit mie adoncques conseil de ce faire. Or sachez de verité, que si les François se fussent tirez auant pour combattre, les Anglois ne les eussent point re- fusez: ains estoiet tous les iours appareillez, & aduisez, pour eux recevoir. Car ils auoiet tous leurs conrois ordōnez à ce: & sauoit chacun quelle chose il deuoit faire, fils tiroiet auant: mais (pource qu'ils estoient petit, & en lieu fort) ils ne vouloient point partir nice- ment de leur aduantage. Si venoient bien souuent aucuns Compaignons écaroucher aux François: là ou vne heure ils perdoient, & vne autre heure ils gaignoiet: ainsi que les aduentures aduiēnent souuent en tels faits-d'armes. En ce temps estoit le Comte Louis de Flandres moult enclin à l'honneur & profit du Duc de Bourgongne, son fils & se te- noit en vne moult belle maison, delez Gand: que nouuellemēt auoit fait edifier. Si oyoit souuent nouvelles dudit Duc & de son estat, & le Duc de luy, par messagers, allans & ve- nans & bien conseilloit ledit Comte à son fils, pour son honneur, qu'il ne passast point l'ordonnance de son frere le Roy de France, ne son Conseil. Or retournerons nous aux besongnes des lointaines marches: car les Cheualiers & Escuyers y auoient plus souuēt à faire: & y trouuoient des aduentures, plus qu'ils n'eussent fait autre part, pour les guer- res, qui y estoient plus abondantes.

*Des grans maux que messire Jehan Chandos fit au pays d'Aniou: & comment il gasta la terre de la
Vicomte de Rochechoart, exceptées les forteresses.*

CHAP. CCLXX.

LE terme pendant que ceste cheuauchée fut faite à Tournehen, & là enuiron, aduin- drent en Poictou aucuns faits-d'armes: qui ne sont mie à oublier. Car messire Jehan Chādos (qui estoit Seneschal de Poictou, & vn treshardi Cheualier & vaillāt, & qui tres grand desir auoit de trouuer les François, & les combattre) ne vouloit point planté se- journer. Si meit, pendant ce qu'il se tenoit à Poictiers, vne cheuauchée de Gens-d'armes
sus (com-

fus (comme Anglois & Poictuins) & dit qu'il vouloit cheuaucher en Aniou, & reuenir
 par Touraine, & veoir les François, qui se tenoient sur les marches & sur les frontieres.
 Tout son propos & sa cheuauchée il signifia au Comte de Pennebroth: qui se tenoit en
 garnison, à tout deux cens Lances à Mortaigne-sur-mer. Le Comte de Pennebroth fut
 de ces nouuelles moult réiouy: & volōtiers sy fust trouué. Mais ses gens, & aucuns Che-
 ualiers de son Conseil, luy briserent son desir: & luy dirent. Monseigneur vous estes vn
 ieune Cheualier, & vn Seigneur à parfaire: & se vous vous mettez maintenant en la cō-
 paignie & en la route de messire Iehan Chandos, il en aura la voix & la renommée: & vous
 n'y serez ia nommé, fors que cōme son compaignon. Si vous vaut mieux que vous (qui
 estes vn grand Seigneur, & de haute extraction) faciez vostre fait à part, & laissez faire
 le sien à messire Iehan Chandos: qui n'est qu'un Bachelier, au regard de vous. Ces parol-
 les, & autres, refroidirēt le dit Comte de Pennebroth qu'il n'eust nulle volonté d'y aller:
 & s'excusa deuers le dit messire Iehan Chandos: qui pour ce ne voulut mie briser son en-
 tente: mais fit son assemblée à Poictiers, & puis s'en partit, à tout trois cens Lances de
 Cheualiers & d'Escuyers, & deux cens Archers: & là furent messire Thomas de Perfy,
 messire Estiēne de Goufenton, messire Richard de Pontchardon, messire Eustace d'Au-
 berthicourt, messire Richard † Tenton, messire Thomas le Despēsier, messire Noel Lor-
 uich, messire Dāgoules, messire Thomas Balastre, messire Iehan Crinel, messire Guillau-
 me de Montendre, messire Maubrin de Linieres, messire Geoffroy d'Argenton, & plu-
 sieurs autres Cheualiers & Escuyers. Si cheuaucherent ses Gens-d'armes & ses Archers
 hardiment, & par bonne ordonnance, ainsi que pour faire vn grand fait: & trépasserent
 Poictou, & entrèrent en Aniou. Si trestost qu'ils se trouuerent là, ils se commencerent à
 loger sur le plat pays: & tantost enuoyerent leurs Coureurs deuant, ardoir & exiler le
 plat pays. Si firent en ce bon pays & gras d'Aniou moult d'ennuis & de maux, sans que
 nul leur venist au-deuant: & y seiournerent plus de quinze iours, & especialement de-
 dans vn pays, qui est moult bon & plantureux: qu'on appelle Loudunois. Puis se meirēt
 au retour, entre Aniou & Touraine, & tout contre val la riuere de Creuse: & entrèrent
 le dit messire Iehan Chādos & ses gēs, en la terre du Vicōte de Rochechoart: & l'ardirēt
 & gasterent mallemēt: ne riēs n'y laisserent (fors les forteresses) que tout n'y fust exilé &
 destruit. Si furēt deuāt la ville de Rochechoart: & l'assaillirēt de grand' façon: mais riēs
 n'y conquirent: car il y auoit dedans de bons Gens-d'armes: desquels Thibaut du Pont
 & † Helions de Talay estoient Capitaines. Si la garderēt de blasme, & de prendre: & pas-
 serent outre lesdits Anglois: & vindrēt à Chauuigny. Là sentit le dit messire Iehan Chā-
 dos que le Marechal de France, messire Louis de Sancerre, & grād' foison de Gens-d'ar-
 mes, estoit à la Haye en Touraine. Si eut tresgrand' volonté d'aller celle part: & signifia
 son intention, moult hastiuement au Comte de Pennebroth, en luy priant qu'il voulist
 aller avecques luy, deuant la Haye en Touraine: & qu'il le trouueroit à Chastelleraut. Si
 fut Chandos, le Heraut, porteur de ces presentes, & de ce message: & trouua le dit Cōte
 de Pēnebroth à Mortaigne-sur-la-mer: qui là faisoit son armée & sō assemblée de Gēs-
 d'armes: & vouloit faire ainsi qu'il apparoissoit vne cheuauchée. Si s'excusa encores le-
 dit Comte, par l'information de ses gens, & de son Conseil: & dit qu'il n'y pouuoit aller.
 Au retour que le Heraut fit, il trouua son maistre, & ses gēs, à Chastelleraut. Si luy fit res-
 pōse de son message. Quād messire Iehan Chandos entēdit ce, il fut tout melācolieux:
 & cognut bien que par orgueil & presumption, le Cōte laissoit ce voyage à faire. Si res-
 pondit à ces parolles: & dit, Dieu y ait part. Puis donna à la plus grand' partie de ses gens
 congé: & les departit: & luy-mesme retourna à la cité de Poictiers.

† La Chaux dis-
icy Tacon.

Cheuauchee de
messire Iehan
Chandos sur le
pais d'Anion.

Rochechoart
assaillie par les
Anglois.

† La Chaux dis-
icy allions de
Callaix.

*Comment messire Louis de Sancerre surprint le Comte de Pennebroth & ses gens: desquels
furent plusieurs occis, & le dit Comte assiegé en vne maison.* CHAP. CCLXXI.

OR vous cōpterons du Comte Iehan de Pennebroth & quelle chose il fit. Si trestost
 qu'il peut sauoir que messire Iehan Chandos fut retrait à Poictiers, & qu'il eut à ses
 gens donné cōgé, il meit sa cheuauchée sus (ou il y auoit bien trois cens Anglois & Poi-
 ctuins) & se partit de Mortaigne, Encores y eut aucuns Cheualiers & Escuyers de Poi-
 ctou, & de Xainctonge, & aussi quelques Anglois (qui auoient esté avecques messire Ie-
 han Chandos) lesquels se meirent en sa route. Si cheuaucherent ces Gens-d'armes (dōt
 le dit Cōte de Pennebroth estoit Chef & souuerain) & passerent parmi Poictou: & prin-
 drent, à l'addrece, le propre chemin, que messire Iehan Chādos & ses gens auoient fait

Cheuauchee dis
Comte de Pen-
nebroth sur le
Loudunois.

*secrete cheua-
chee du Comte
de Sancerre, cō-
tre le Comte de
Pennebroth.*

*† Ce comence-
ment de clause
defailloit: mais
nous l'auons
fourni selon le
sens de l'Au-
teur, et suiuāt
la Chaux, qui
dit ainsi, mais
entretant
que les var-
lets, &c.*

*† C'est à dire,
sans follez
trempons.*

*Le Comte de
Pennebroth as-
siegé & assail-
ly par le Com-
te de Sancerre
en vn lieu nom-
mé Puirenou,
sur les marches
de Poictou.*

& entrèrent en Aniou: & exilerēt le plat pays, & tout ce, que les premiers en auoiēt lais-
sé, & qui s'estoit rançonné. Si se reposerent & rafraischirent en ce pays de Loudunois: &
puis reprindrent leur addrece, & s'en vindrent en la terre du Vicōte de Rochechoart: ou
ils firent grand dōmage. Les François (qui se tenoiēt es garnisons Frāçoises sur les mar-
ches de Touraine, d'Aniou, & de Poictou, là ou moult auoit grād' foison de bōnes Gēs-
d'armes) entēdirent & sceurent la verité de ces deux cheuauchées, & comment, par or-
gueil & presumption, le Comte de Pennebroth (qui estoit vn ieune hōme) n'estoit vou-
lu venir en la Compaignie: de messire Iehan Chandos. Si s'aduiserent qu'ils le mettroiēt
ius (fils pouuoient) & qu'il feroit trop plus aisément déconfit, que ledit messire Iehan
Chandos. Si firent vn mandement secrettement de toutes les garnisons de là enuiron:
& s'en fit Chef messire Louis de Sancerre, Marechal de France. Si sauallerent ces Gēs-
d'armes de nuit, tout secrettement, à la Coche de-Pouzay en Poictou: qui estoit Fran-
çoise. Là estoit messire Robert de Sancerre, cousin audit Marechal, messire Iehan de
Vienne, messire Iehan de Bueil, messire Guillaume de Bourdes, messire Louis de Saint-
Julian, & Carnet le Breton: & estoient bien sept cens combattans. Le Comte de Penne-
broth auoit prins son tour, & estoit r'ētré en Poictou, & auoit acheué de bruller toute la
terre du Vicomte de Rochechoart: & en sa compaignie estoit messire Baudoin de Fran-
uille, Seneschal de Xainctonge, messire Thomas de Persy, messire Thomas le Despēsier,
messire Dangoufes, messire Iehan Oruich, messire Iehan Herpedane, messire Iaques de
Surgeres: messire Iehā Couson, messire Thomas de Saint-Aubin, messire Robert Cui-
fort, messire Simon Aufagre, messire Iehan de Mortain, messire Iehan Couchet, & plu-
sieurs autres. Si cheuaucherēt ses Anglois & Poictuins sans nul émay: & n'auoient ouy
nouuelles de nulles Gens-d'armes: & s'en estoient entrez, à tout grand pillage & grand
auoir, en Poictou. Si vindrent vn iour, de haute nonne, loger en vn village, qu'on appel-
le Puirenou: ainsi comme ceux qui cuidoiēt estre tous asseurez. † Mais pendant qu'ils
se logeoient ainsi, & que les varlets entēdoient à establer leurs cheuaux, & appareiller à
soupper, alors vindrent ces François (qui sauoient bien leur conuiue, & estoient tous
aduisez de ce qu'ils deuoient faire) & entrèrent en ce village de Puirenou, les lances ab-
baissées, en écriant leur cry, Nostre-Dame, Sancerre, au Marechal: & puis commen-
cerent à gens abbatre par les rues, & dedans leurs hostels. Le cry & la noise commen-
ça tantost à s'éleuer, & gens entrer en tresgrand effroy: car ils estoient soudain surprins.
Ces nouuelles vindrent au Comte de Pennebroth, à messire Thomas de Persy, à mes-
sire Thomas de Franuille, & aux autres Cheualiers, & que c'estoient François, qui les a-
uoient là enuahis & assaillis. Si furent tantost ces Seigneurs & leurs gens appareillez: &
se meirēt hors de leurs hostels: & se commēcerent à recueillir ensemble: mais ils n'y peu-
rent tous venir: car la force des François fut là si grande, que les Anglois & Poictu-
ins, d'un costé, ne les peurent souffrir: & en y eut en ceste premiere empreinte, que
morts que prins, plus de six vingts: & n'eut le Comte de Pennebroth & aucuns Cheua-
liers, qui là estoient, plus de remede, ne d'aduis, fors que d'eux retraire (au plus tost qu'ils
peurent) en vne plate maison de Templiers, † seant toute à sec, & tant-seulement fer-
mée de pierre. Là se recueillirent & enfermerent ceux, qui y peurent venir à temps,
dont le demourant fut tantost mort & prins, & la plus grande partie de leurs harnois,
& de leurs cheuaux perdue, & perdit le Comte de Pennebroth toute sa vaisselle. Les
François (qui les pourfuyuoient de pres) entendirent qu'ils estoient là recueillis, &
enclos. Si en furent tous ioyeux, & dirent entre eux, ils ne nous peuuent échapper,
tous seront nostres, nous leur ferons cherement comparer tous les dommages, qu'ils
ont fait en Aniou & en Touraine. Parquoy se tirerent deuers ceste maison moult or-
donnement, & trop bien appareillez, & en grande volonté pour assaillir. Quand ils fu-
rent là venus, il estoit heure de remonte. Si regarderent ledit hostel, & deuant & der-
riere, en considerant qu'il estoit bien prenable: & alors le comēcerent à assaillir moult
fort: & y eut là faite mainte belle appertise d'armes. Car les François estoient grande
foison, & bons Gēs-d'armes. Si assaillirēt en plusieurs lieux celle maisō: qui estoit moult
forte: & donna le Comte de Pennebroth & ses gens moult affaire aux François: & les
Anglois (qui n'estoiēt pas grand' foison) se penoient moult de bien faire la besongne, &
d'eux deffendre: car il leur touchoit. Si y eut en ce iour aucunes eschelles drecées, & cō-
paignons aduentureux, montans à mont, les pauais sur leurs testes, pour eux contregar-
der des pierres & du traict: & quand ils venoient tout à mont, ils n'auoient riens fait:
car ils

car ils trouuoient bien à qui parler, Gens-d'armes, Cheualiers, & Escuyers, tenans lances & espées en leurs mains, qui asprement les combattoient, & vaillamment, main à main, & qui les faisoient descendre, plus tost qu'ils n'estoient mōtez, † & avec tous ceux là, y auoit des Archers d'Angleterre entrelardez parmi, à deux piez droitz sur les murs: qui tiroient si viuement, que les François (qui estoient deffous, & assaillans) ressongnoient moult ce traict. Or furent les Anglois en cest assaut & effroy, iusques à la nuit: que les François (qui estoient tous lassez & trauaillez d'assaillir & de combattre) se retrahirent, & sonnerent leurs trompettes de retraite, & dirent qu'ils auoient assez fait pour ce iour, iusques au lendemain au matin, qu'ils viendroyent derechef assaillir. Tout considéré entre eux, disoient les François, Ils ne nous peuuent échapper, n'elongner, qu'ils ne soient nostres, car nous les tenons pour enclos & affamez. Si s'en vindrent à leur logis, moult ioyeux, & faiserent de ce qu'ils auoient: & firent grand guet par-deuant ladite maison, pour estre mieux asseurez de leur affaire. Si deuez bien croire, & sauoir de verité, que le Comte de Pennebroth & les Seigneurs & Cheualiers, qui estoient assiegez & enclos de leurs ennemis dedans l'hostel, de Puirenon, n'estoient pas à leur aise. Car ils sentoient que leur forteresse n'estoit pas trop forte, pour durer à la longue contre tant de bons Gens-d'armes: & si estoient mal pourueus d'artillerie (qui leur estoit vn grand grief) & aussi de viures, mais de ce ne faisoient ils grand compte, car, au fort, ils ieusneroient biē vn iour & vne nuit, pour eux garder: se mestier estoit. Quand ce vint à la nuit (qu'il faisoit brun & espais) ils prièrent vn Escuyer, appert Homme-d'armes, & en qui ils auoient grande fiance: & luy dirent qu'il se voufist partir, & on luy feroit voye par derriere: & cheuauchast appertement: & il seroit au iour à Poictiers: & là trouueroit il messire Iehan Chandos & ses compagnons, si leur dit comment il leur estoit, & encores comment ils viendroyent bien à temps pour eux reconforter, car ils se tiendroyent bien encores dedans ladite maison, iusques à nonne. L'escuyer (qui veit le danger grand, ou il & tous les Seigneurs estoient) dit qu'il feroit tresvolontiers ce message: & encores se vanta il de trop bien sauoir le chemin. Si se partit de l'ost dessusdit, enuiron minuiet, par vne fausse poterne: & se mit au chemin au plus droit qu'il peut, & qu'il sceut, pour venir à Poictiers, deuers messire Iehan Chandos: mais tant y eut, qu'ocques celle nuit il ne sceut tenir voye ne chemin: & se foruoya: & fut grand iour, ainçois qu'il fust entré en la voye de Poictiers. Quand ce vint au point du iour, les François, qui auoient assiegé les Anglois au Puirenon, (comme vous oyez) sonnerent leurs trompettes, & s'armerent, & dirent, entre eux, qu'ils assaudroient en la froidure du iour, car ce leur estoit plus profitable, qu'en la chaleur. † Le Comte de Pennebroth & les Cheualiers, qui leans enclos estoient avec luy, n'auoient point dormi toute la nuit: ains festoient fortifiez de ce qu'ils auoient peu: comme de bancs, & de pierres, qu'ils auoient apportez sur les murs. Si sentirent bien que les François s'ordonnoient, pour les venir assaillir. Si se conforterent & aduiserent sur ce. Deuant l'heure de soleil leuant, vne bonne espace furent lesdits François tous appareillez: & leur fut comandé, de par leur Seigneur & Capitaine, de se traire auant. Lors s'en vindrent deuers ledit hostel, par connestablies: & entrerent, par grande volonté, en leur assaut, & trop bien, des ce qu'ils comencerent, & s'en acquiterent, & firent leur deuoir: & auoient apporté eschelles. Si les appointoyent contre les murs: & montoyent sus, † à l'estriuée, armez & garnis de pauois suffisamment (car autrement ils n'eussent point duré) & tenoient à grand honneur & vassellage celui, qui pouuoit estre monté le premier: & aussi estoit ce vrayemēt. Là n'estoient mie les Anglois oiseux, ne recrus d'eux deffendre (car autrement ils eussent esté morts ou prins) mais se deffendoient si vaillamment, que c'estoit merueilles: & gettoient grosses pierres sur les targes & bacinets, & les effondroyent si rudement, qu'ils n'auroient & bleçoient plusieurs de ces assaillans: & tant en faisoient leur deuoir, qu'ocques on ne veit si petit fort tenir si vaillamment, contre tant de bonnes Gens-d'armes. Ainsi fut celui assaut continué, depuis le matin iusques à prime.

† Ceste de
clausse est r'ac-
constré selon le
sens de l'Au-
teur s'estaisans
les Abregez.

† Ceste clausse est
démesslée selon
le sens de l'Au-
teur, confirmé
par la Chaux.

† C'est adire,
à l'enui.

Comment messire Iehan Chandos vint au secours du Comte de Pennebroth à Puirenon.

CHAPITRE

CCLXXII.

Entre prime & tierce, & au plus fort de l'assaut (ainsi que les François estoient fort courrouceez de ce que les Anglois duroient tant, & qu'ils auoient mandé, aux villages de là enuiron, qu'ils apportassent pics & hoyaux, pour effondrer le mur: cōme c'estoit

*Messagers du
Comte de Pen-
nebroth à Iehan
Chandos, pour
auoir secours.*

ce, que les Anglois doutoient le plus) le Comte de Pennebroth appella derechef vn fié Escuyer, & luy dit. Mon amy, montez sur vn courfier, & issez hors par derriere, & on vous fera voye. Si cheuauchez, à grand exploit, droit à Poictiers: & recordiez, à messire Iehan Chandos, l'estat & le danger, ou nous sommes: & me recommandez à luy, à tout ces enseignes. Lors tira vn anel d'or de son doigt: & luy dit, Donnez le luy de par moy, & il le recongnoistra bien. Ledit Escuyer (qui tint ceste affaire à grand honneur) print cest anel: & monta viftement sur vn courfier, le plus appert de leans: & se departit par derriere, pendant qu'on assailloit, car on luy fit voye. Si se meit au chemin, deuers la cité de Poictiers: & tandis duroit l'assaut grand & fort: & assailloient François moult fort: & Anglois se deffendoient de grand courage, & bien le conuenoit. Or vous parlerons du premier Escuyer: qui estoit parti de Puirennon à heure de minuiet, & qui toute nuit estoit fouruoyé, sans tenir voye ne sentier. Quand ce vint au matin, & qu'il fut grand iour il recongnut bien son chemin, & se meit à l'addrecé deuers Poictiers: & estoit ià son cheual tout lassé. Toutesfois il vint là enuiron heure de tierce: & descendit en la place, deuant l'hostel de messire Iehan Chandos. Si entra incontinent dedans: & trouua qu'il estoit à la messe. Si vint deuant luy, & s'agenouilla, & fit son message, ainsi qu'il luy appartenoit. Messire Iehan Chandos (qui auoit la melancolie de l'autre iour en sa teste: par ce que le Comte de Pennebroth n'auoit voulu cheuaucher avec luy) ne fut mie si tost à ce bien enclin: mais respondit, & dit ainsi. Ce seroit fort que nous y puissions venir à temps & ouir ceste messe entiere. Tantost apres la messe, les tables furent drecées, & la cuisine, appareillée. Si demanda on audit messire Iehan Chandos, fil vouloit disner: & il dit. Ouy: puis qu'il est prest. Tantost apres il se tira en la sale: & Cheualiers & Escuyers faillirent auant: qui apportèrent l'eau, pour lauer les mains. Tout ainsi qu'il lauait, pour foy seoir à table, veez cy le second messager du Comte Iehan de Pénnebroth: qui entre en la sale, & s'encline deuers messire Iehan Chados, & tire tantost l'anel hors de sa bourse: & luy dit. Cher Sire, Monseigneur le Comte de Pennebroth se recommande à vous, à tout ces enseignes, & vous prie chèrement, que vous le veniez conforter, & oster, d'un grand danger ou il est, au Puirennon. Messire Iehan Chados print l'anel, & le regarda, & bien le recongnut: & veit bien que c'estoient vrayes enseignes. Si respondit ledit messire Iehan Chandos. De venir là à temps seroit fort: fils estoient en tel parti, comme cy endroit me comptez, à vostre département. Puis dit ainsi. Allon, allon disner. Et assit à table ledit messire Iehan Chandos, & tous les autres: & mangerent tout le premier mets. Ainsi qu'ils estoient ià seruis du second mets, & l'auoient encommencé, messire Iehan Chandos (qui auoit moult imaginé sur ces besongnes) leua la teste, en regardant sur ces compaignons: & dit vne parolle, qui fut mout volontiers ouye. Le Comte de Pennebroth (qui est vn Sire de haut & noble affaire, & de grand lignage, ayant mesmement espousé la fille de mon naturel Seigneur le Roy d'Angleterre, & estant compaignon d'armes, & de toutes autres choses, à Monseigneur de Cantebruge) me prie si benignement, que ie doy bien descendre à sa priere & le secourir & conforter: se i'y puis venir à temps & à heure. Adonc bouta il la table outre: & dit aux Cheualiers & Escuyers. Seigneurs, ie vueil cheuaucher deuers Puirennon. Lors eurent ses gens grande ioye de ses parolles: & furent tantost appareillez: & trompettes sonnerent: & Gens-d'armes monterent à cheual parmi Poictiers, chacun qui mieux pouuoit. Car ils furent tantost informez que messire Iehan Chandos cheuaucheroit deuers Puirennon, pour reconforter le Comte de Pennebroth & sa route: que les François auoient assiegez. Lors se meirent aux champs Cheualiers & Escuyers, & Gens-d'armes: & se trouuerent tantost plus de deux cens Lâces: & tousiours leur croissoiét gens: & se meirét à cheuaucher roidemét. Ainsi que messire Iehan Chados & sa route cheuauchoiét ainsi efforcément, nouuelles en vindrent au Puirennon, entre les François: qui continuellment auoient assailli, des le point du iour, iusques à midy: & leur dirét leurs espies. Chers Seigneurs aduisez vous, car messire Iehan Chandos est parti de Poictiers, à tout plus de deux cens lances: & s'en vient ceste part à grand exploit, & à grand desir: à fin qu'il vous puisse trouuer. Quand messire Louis de Sancerre, messire Iehan de Vienne, messire Iehan de Bueil, & les autres, qui là estoient, ouirent ces nouuelles, ils dirét ainsi entre eux, les plus aduisez. Noz gens sont lassez, & trauaillez d'assaillir ces Anglois, huy & hier, si vaut mieux que tout bellement nous nous mettions au retour & à sauueté, avec nostre gaing & noz prisonniers, que ce que nous attendions icy la venue de messire Iehan Chandos & de sa route

*† Ceste clause
est encores dé-
meslée selon le
sens de l'Au-
teur, & confir-
mée par la sub-
stance de la
Chaux.*

*Iehan Chados
au secours du
Comte de Pen-
nebroth.*

qui

qui sont tous fraits & tous nouveaux, car plus y pourrions perdre, que gagner. Ce conseil fut tenu, & tantost creu, car il n'y conuenoit point faire long seiour. Si firent les Seigneurs sonner les trôpettes de retraite. Adonc se recueillirēt toutes leurs gens: & se meirent ensemble: & arrouterent tout leur harnois & leur charroy: & se meirēt au chemin, par deuers la Roche-de-Pouzay. Le Côte de Pennebroth & les autres congurent tantost que les François auoient ouy nouuelles. Si dirent entre eux, Pour verité Chandos cheuauche: & pourtant se sont retraits les François: qui ne l'osent attendre. Or tost, tost, parton d'icy, & nous retrayon deuers Poictiers, & nous les rencontrerons. Lors monterent à cheual ceux, qui auoient cheuaux: & les autres allerēt à pié: & les plusieurs monterent deux sur vn cheual. Si se departirent du Puirennon, & prindrent le chemin de Poictiers, & n'estoient pas vne lieuë arriere, quand ils rencontrèrent messire Iehan Chandos & sa route, en tel estat que ie vous dy: c'est assauoir les aucuns à pié, & les autres, deux sur vn cheual. Si se firent là grande cognoissance & grans approchemens d'amour: & dit messire Iehan Chandos qu'il estoit bien courroucé, quand il n'estoit là venu à tēps: ^{† C'est adire} parquoy il eust trouué les François. Si cheuaucherent ainsi, en parlant & † ianglant, enui-gaudissant. ron trois lieuës: & prindrent congé les vns des autres. Si retourna messire Iehan Chandos à Poictiers, & Monseigneur le Comte de Pennebroth à Mortaigne-sur-la-mer: dōt il estoit parti premierement: & les Marechaux de France, & leurs gens, retournerent à Pouzay: & là se refreschirent, & departirent, leur butin: & puis se retrahirent chacun en sa garnison, & emmenerent leurs prisonniers: & les rançonnerent courtoisement: ainsi que les François & Anglois ont tousiours fait l'un à l'autre. Or retournerons nous à l'assemblée de Tournehen: & parlerons de la mort de la plus gentille Roïne, plus large, & plus courtoise, qu'il en regna oncques en son temps. Ce fut Madame Philippe de Haynaut, Roïne d'Angleterre & d'Irlande.

Comment la Roïne Philippe d'Angleterre trépassa de ce siecle: & des trois dons, qu'elle requit au Roy, son mari, & comment quelques François, assaillans le camp des Anglois, pres Tournehen, furent repoussez par Robert de Namur. CHAP. CCLXXIII.

EN ce temps, que ceste assemblée de tant de Nobles du Royaume de France fut faite à Tournehen (desquels le Duc de Bourgogne estoit Chef & souuerain) & que le Duc de Lanclastre se tenoit en la vallée avecques ses gens de l'autre part, aduint en Angleterre vne chose toute commune: mais elle fut trop piteuse pour le Roy & ses enfans, & pour tout le pays. Car la bonne Dame, Roïne d'Angleterre (qui tant de biens auoit fait en son temps, & en son viuant tant reconforté de Cheualiers, de Dames, & de Damoiselles, & si largement donné & departi du sien à toutes gens, & qui si naturellement auoit tousiours aimé la nation de Haynaut, le pays dont elle fut née) s'accoucha au liēt malade, dedans le chastel de Windesore: & tant porta celle maladie, qu'elle aggreua sa fin. Quand la bonne Dame congnut que mourir luy conuenoit, elle fit appeller le Roy son mari: &, quād le Roy fut deuāt elle, elle tira hors de sa couerture la droite main, & la meit en la main droite du Roy (qui grāde tristesse auoit au cœur) & là dit la bōne Dame ainsi. Nous auōs en paix, en ioye, & en prosperité, vſé tout nostre temps, si vous prie qu'à ce departemēt vous me vueillez dōner trois dōs. Le Roy, tout en plorant, & en larmoyāt, respōdit: & dit. Dame, demādez: & il vous sera ottroyé & accordé. Mōseigneur, ie vous prie pour toutes manieres de gens, à qui du tēps passé i'ay eu affaire & ausquels ie suis tenue pour leurs marchandises, tant delà la mer, cōme deçà, & que vous les vueillez legerement croire, & payer, pour moy acquitter. En apres, pour toutes ordonnances, que i'ay faites, & pour les laiz, que i'ay ordōnez & laissez, tant aux eglises de ce pays, qu'à celles de delà la mer, ou i'ay eu ma deuotion: à ce que vous les vueillez tenir & accomplir, & aussi les autres, que i'ay faits à ceux & à celles, qui m'ont seruie. Tiercement, Monseigneur, ie vous prie que ne vueillez élire autre sepulture, que de gefir delez moy, au cloistre de Wesmonstier, quand Dieu fera sa volonté de vous. Le Roy, tout en plorant, respōdit. Dame, ie le vous accorde. En apres, la bonne Dame fit le signe de la vraie croix * sur luy, & commanda le Roy à Dieu, & son fils Thomas, le moins aîné: qui estoit delez luy: & puis assez tost elle rendit son esprit: lequel ie croy fermement que les Saints Anges rauirent & emporterent en la grande ioye des cieux, car onques en sa vie ne fit, ne pensa, chose, parquoy elle se deust perdre. Si trépassa la dessusdite Roïne d'Angleterre, en l'an de grace mil ccc. lxx. la vigile de Nostre-dame de Mi-aoust. Les

Retraite du Côte de Sancerre, hors du siege de Puirennon.

Les trois dons, que la Roïne d'Angl. Philippe de Haynaut demanda au Roy son mari, deuant qu'elle trépassast.

**Annot. 116.*

*Jour du trépas
de la Roïne
d'Angleterre,
en l'an 1369.*

*Camisade de
quelques Fran
çois, viuent
repoussés par Ro
bert de Namur
pres Tournehé.*

*† Tous noz
Exemp. auoient
de Manny,
mais la leçon de
la Chaux me
semble ici meil
leure selon nostre
ch. 267 et 269
† La Chaux n'a
point ces deux
mots. Toutefois
puisqu'il Robert
de Namur a-
uoit fait de la
nuit le iour, ie
suis contēt que
Froissart nōme
ce repas souper.*

*† La Chaux le
surnomme tous
iours de Sepé
tin en ce chap.*

nouvelles en vindrent à Tournehén, à l'ost des Anglois. Si en furent toutes manieres de gens courroucez, & par especial son fils, le Duc de Lancastre. Mais il n'est mort, qu'il ne conuienne oublier & passer: & pour ce ne laisserent mie les Anglois à tenir leur estat & leur ordonnance: & furent là vn grand temps deuant les François. Or aduint qu'aucuns Cheualiers & Escuyers de France (qui là estoient, & qui tous les iours leurs ennemis veoient) se conseillèrent vn iour, & eurent parlement ensemble, d'aller lendemain, au point du iour, écarroucher les Anglois, & recueillir le guet. De celuy accord furēt plus de trois cens Cheualiers & Escuyers: & les plusieurs estoient de Vermandois, d'Artois, & de Corbiois. Si le signifient les vns aux autres, sans parler à leurs Mareschaux. Quand ce vint au matin, qu'ils deurent faire leur emprise, ils furēt au point du iour tous armez, & monterent à cheual, & mis ensemble. Si cheuaucherent en celuy estat, sans effroy & commencerent à tournoyer le mont de Tournehén, pour venir à leur aduantage, & pour ferir en l'vne des ailes de l'ost des Anglois. A ce costé estoit le logis de messire Robert de Namur, & de ses gens: & en celle propre nuit auoit fait le guet ledit messire Robert: si que sur l'adiournement s'estoit retrait: & seoit à table, † au soupper, tout armé (hors mis son bacinet) & le Sire Despontin delez luy. Sur quoy veez cy les François venir: qui se fierent en ce logis de messire Robert, & d'aucuns autres Seigneurs Allemans, & Anglois: qui estoient aussi logez de ce costé. Encores n'estoient point defarmez ceux, qui auoient fait le guet avecques messire Robert: dont trop bien leur vint à point. Car ils se meirent tantost au-deuant de ces Gens-d'armes, & de ces François (qui venoient esperonnant de grande voulōte) & leur deffendirent & briserent leur chemin. Les nouvelles en vindrent tantost audit messire Robert, & que ses gens se combattoient & estoient assaillis des François, & à l'heure il bouta la table outre, il seoit: & dit au Sire Despontin. Allon, allon aider à noz gens. Tantost il meit son bacinet sur sa teste, & fit prendre sa banniere (qui estoit deuant son pavillon) & la déuelopper: & alors luy fut dit. Sire, enuoyez deuers le Duc de Lancastre: & ne vous combattez point sans luy.

Il respondit franchement: & dit. Je ne say, ie vueil aller, le plus droit chemin que ie pourray deuers mes gens. Qui vouldra enuoyer deuers Monseigneur de Lancastre, si y enuoye, qui m'aimera si me suyue. Lors se partit, le glaive au poing, en approchant les ennemis, estans le Seigneur † Despontin & messire Henry de Sancelles delez luy, & aussi ses autres Cheualiers: qui tantost furent en la bataille, & trouuerent leurs gens qui se combattoient aux François: qui estoient moult grāde foison, & qui bien deussent (au vray dire) auoir là fait vn grand fait. Mais, tantost qu'ils veirent messire Robert de Namur venu, & sa banniere, ils se ressortirēt, & briserēt leur cōroy, car ils douterēt que tout l'ost ne fust là tout prest: & aussi estoit il de verité, en plusieurs lieux: & ia estoit haut soleil leué. Là fut mort, deffous la banniere de messire Robert, vn Cheualier de Vermandois: qu'on appelloit messire Robert de Coulongne: dont ce fut grād dōmage. Car il estoit riche, doux, & courtois, & bon Cheualier en tous estats. Ainsi se porta ceste besongne. Car les François s'en retournerent, sans plus de fait: pource qu'ils douterent à plus perdre: & messire Robert ne les voulut mie chacer trop follemēt. Si recullerent ses gēs, quand les François furent tous retraits & reboutez: & s'en reuindrent en leurs logis.

Comment le Duc de Bourgongne se partit du Duc de Lancastre, sans auoir bataille, & comment le Duc de Lancastre s'en alla à Calais.

CHAP. CCLXXIII.

DEpuis ceste aduenture n'y eut nul fait-d'armes: qui à recorder face. Si déplaisoit il bien à aucuns, d'vn costé & d'autre, de ce qu'on ne se combattoit point: & disoit on tous les iours, On se combattra demain: & ce iour ne vint oncques. Car (si comme cy-dessus est dit) le Duc de Bourgongne ne vouloit mie briser l'ordonnance du Roy son frere, ny aller à l'encontre. Car elle luy estoit estroitement commandée: & y auoit tousiours messagers, allans & venans du Duc au Roy, & du Roy au Duc, pour cest affaire. En fin le Duc de Bourgongne (comme ie fu alors informé) imagina & confidera qu'il gisoit là à grans frais & despens, & qu'il n'y pouuoit estre longuement à son honneur. Car il auoit bien enuiron quatre mille Cheualiers, & plus: & il veoit que les autres n'estoient qu'vne poignée, au pris des siens: & point ne les auoit combattus, ny ne combattroit. Si enuoya de ses Cheualiers deuers le Roy son frere, lesquels luy remonstrerent son intention, & alors le Roy congnt assez, que le Duc auoit raison. Si luy manda, que, ses lettres veuës, il se délogeast, & donnast à toutes manieres de Gens-d'armes congé, & se tirast

ver

vers Paris, car luy-mesme y alloit. Quand le Duc de Bourgongne ouit ces nouuelles, si les signifia secrettement au plus grans de son ost: & dit. Il nous faut déloger, car le Roy nous remande. Quand ce vint à l'heure de minuit, ceux, qui bien estoient informez de ce fait, eurent tout trouffé, & furent tous montez, si bouterent le feu en leurs logis. A ceste heure reuenoit messire Héry de Sâcelles à son logis: & auoit fait le guet des gës de messire Robert de Namur: à qui il estoit. Si apperceut vn feu, & puis deux, & puis trois. Si dit à soy-mesme. Les François nous pourroient bien reueiller, ils en font bien la contenance. † Allon, allon (dit il à ceux, qui estoient delez luy) vers Monseigneur Robert: si l'eueillerons: à celle fin qu'il soit pourueu de bonne heure. Si s'en vint tantost ledit messire Henry en la loge de messire Robert de Namur, & appella ses Chambelans, & dit. Il faut que Monseigneur se reueille. Les varlets allerent iusques au liêt, & ledit messire Héry de Sancelles delez eux: qui éveilla ledit messire Robert, & luy dit tout ce, qu'il auoit veu. Si respondit ledit messire Robert. Nous aurons assez tost autres nouuelles. Faites armer & appareiller tous noz gens. Et luy-mesme s'appareilla, & arma tantost. Quand ses gens furent venus, il fit prendre sa banniere: & s'en alla deuers la tente du Duc de Lancastre: qui farmoist (car on luy auoit ia signifié ces nouuelles) & fut tantost appareillé: & là vindrēt les Seigneurs, petit à petit, deuers ledit Duc de Lancastre: & ainsi cōme ils venoient ils se rangeoient: & se tenoient tous quois, & sans lumiere. Si enuoya adonc, par ses Mareschaux, le Duc rāger tous ses Archers, au deuant du lieu, par ou il esperoit q̄ lesdits François le viendroient combattre: fils venoient, car pour certain ils cuydoient bien estre combattus. Quand ils eurent esté en celuy estat bien deux heures, & veirent que nul ne venoit, si furent plus émerueillez, que deuant. Adonc appella le Duc de Lancastre aucuns Seigneurs, qui là estoient delez luy: & leur demanda quelle chose en estoit bonne à faire. L'un disoit d'un, & l'autre d'autre, chacū par son opinion & raison. Quand ledit Duc vint à ce vaillant Cheualier, messire Gautier de Manny, il demanda, Et vous, messire Gautier, qu'en dites vous. Je ne say (dit messire Gautier) mais, si i'en estoye creu, i'ordonneroye tous mes Archers & mes Gens-d'armes, par maniere de bataille: & iroye tousiours petit à petit, car il sera tantost iour, si verra on bien deuant soy. Le Duc s'asentoit assez bien à ce conseil: & les autres luy conseilloyent le contraire: & luy disoient qu'il ne se bougeast encores. Et furent en cest estrif & debat, iusqu'à tant qu'on ordonna des gens de messire Robert de Namur & de messire Waleran de Bourne, pour mōter à cheual: pourtāt qu'ils estoient habiles & fors legers, & biē fauoient cheuaucher. Si s'en partirēt adonc 30. Cheualiers, des mieux mōtez & appareillez: & cheuaucherēt deuers l'ost des François, & fauallerēt tout bas. Pendant que ceux cy firēt leur chemin, encor' dit messire Gautier de Manny audit Duc. Sire, Sire, ne me croyez iamais si ces François ne s'en fuyent, montez, & faites monter voz gens, & les poursuyuez asprement: & vous aurez vne belle iournée. Adonc respondit le Duc: & dit. Messire Gautier, i'ay vſé par conseil iusques à ores, & encores feray. Mais ie ne pourroye croire que tant de vaillans Gens-d'armes & de nobles Cheualiers, qui la sont, s'en deussent ainsi partir, & par aduenture que les feux, qu'ils ont faits, sont pour nous attirer: & tantost noz Coureurs reuiendrōt qui nous en diront la verité. Ainsi comme ils parloient & se deuisoient, veez cy les Coureurs reuenir: qui dirent, au propos de messire Gautier de Manny, tout ce qu'ils auoient veu & trouué: & n'auoient nully trouué, fors aucuns pources victuailleurs, qui suyuoient l'ost. La eut messire Gautier de Manny grand honneur. Si se retrahit le Duc de Lancastre en son logis, & s'en alla desarmer, & fust venu ledit Duc au logis des François disner: se ce n'eust esté le feu: qui y estoit trop grand, & aussi la fumée, mais le soir il y vint soupper, & loger sur la montaigne, luy & ses Gens-d'armes: & se tindrent là bien aises de ce qu'ils auoient. Le lendemain ils se délogerent, & retournerent à Calais: & le Duc de Bourgongne, quand il se délogea, s'en vint ce iour loger à Saint-Omer: & la se tint, & tout son ost, & s'en departit & retourna chacun chez soy. On les eust depuis à grande peine remis ensemble.

*Depart du Duc
de Bourgongne
d'aupres de
Tournehen.*

*† Ceste clause
est encores ra-
mendee selon le
sens de l'Au-
teur assure par
la Chaux, en
tels mots.*

*Allon allons
deuers messi-
re Robert à
fin que luy
eueillé de bō
ne heure se
puisse pour-
ueoir.*

*Depart du Duc
de Lancastre
d'aupres de
Tournehen.*

*Comment le Comte de Pennebroth se voulant venger d'auoir esté assailli à Puirenou, fit
vne autre cheuauchée en Anjou, & comment l'Abbaye de Saint-Saluin, en Poictou,
fut rendue Françoisse, & fortifiée.*

CHAPITRE CCLXXV.

EN celle propre & mesme semaine que la departie de Tournehen se fit, le Comte de Pennebroth (qui estoit en Poictou, & qui auoit prins à grande deplaisance que

messire Louis de Sancerre, messire Iehan de Vienne, messire Iehan de Bueil, & les autres, l'auoient ainsi rué ius au Puirennon : si comme cy-dessus est contenu) s'aduifa qu'il s'en contreuengeroit, si pouuoit. Si se departit de Mortaigne-sur-mer, à tout son arroy (qui estoit bien d'environ deux cens Lances) & s'en vint en Angoulesme, delez le Prince, qui luy fit grande chere. Ledit Comte le pria qu'il luy voulist prester de ses gens, & s'accorder à mettre sus vne cheuauchée, car il auoit grand desir de foy contreuenger des despits, que les François luy auoient faits. Le Prince (qui moult l'aimoit) luy accorda legerement. A ce terme estoit venu nouuellement de la Comté d'Armignac, messire Hue de Caurellée: & auoit ramené plus de cinq cens combattans, gens des Compaignies. Si leur donna ledit Prince congé d'aller en ceste cheuauchée, avecques le Comte de Pennebroth, & encores en furent priez, dudit Comte, messire Louis de Harcourt, messire Guichard d'Angle, messire Perceual de Coulongne, le Sire de Pons, le Sire de Partenay, le Sire de Pinane, messire Thomas de Percy, messire Thomas de Pontchardon, & plusieurs Cheualiers du Prince, & de son hostel: qui sy accorderent volontiers, car ils desiroient à cheuaucher. Si furent bien (quand tous furent ensemble) cinq cens Lances, trois cens Archers, & quinze cens autres gens, en maniere de Brigans, à tout † lances & pauois: qui suyuoient l'ost à pié. Si se departirent tous ces gens: dont ledit Comte de Pennebroth estoit Chef & gouuerneur. Si cheminerent tant par leur arroy, que ils vindrent en Aniou. Si commencerent le pays à ardoir & à exiler, & y faire moult de desarrois, & passerent outre, à l'un des lez, ardent & exilant villes, chasteaux, & petits forts (qui ne se pouuoient tenir) & rançonnant le plat pays iusques à Saumeur sur Loire. Si se logerent es fauxbourgs: & commencerent à assaillir la ville: mais ils ne la peurent prendre. Car messire Robert de Sancerre, à tout grans Gens-d'armes, estoit logé dedans: qui la garderent bien de prendre, & d'auoir nul dommage mais tout le pays de là enuiron fut ars, gasté, & destruit. Si s'en vint messire Hue de Caurellée, & sa route, à un pont sur Loire: qu'on dit le pont de See. Si furent ceux, qui le gardoient, découffits, & ledit pont prins, & se bouterent dedans ces Compaignons: & le fortifierét, tellement qu'ils le tindrent depuis un grand temps. Encores en ceste cheuauchée prindrent les Anglois vne Abbaye sur Loire: qu'on dit Saint-Mor. Si la remparerent & fortifierent, tellement qu'ils en firent vne grande garnison, & qui moult dommegea & greua le pais l'Yuer & l'Esté ensuyuant. En celuy temps & en celle saison auoit en Poictou vne Abbaye, & encores est: qu'on appelle Saint-Saluin, à sept lieues pres de Poictiers. Dedans celle Abbaye y auoit un Moine: qui trop fort hayoit son Abbé: & bien luy monstra. Car pour la grande haine qu'il auoit à luy, il trahit ledit Abbé: & tout le conuent: & rendit & deliura l'Abbaye, & la ville, à messire Louis de Saint-Iulian, & à Carnet le Breton: qui la prindrent & reparerent, & en firent vne bonne garnison. De la prinse de Saint-Saluin fut messire Iehan Chandos si courroucé, qu'il ne s'en pouuoit r'auoir: pource qu'il estoit Seneschal de Poictou: & on auoit prins & emblé vne telle maison en sa Seneschaucée. Si dit bien en foy-mesme, que s'il viuoit longuement, il la rauoit (comment que ce fust) & le compareroient chèrement ceux, qui celuy outrage auoient fait. Nous laisserons un peu † ester les besongnes de Poictou: & parlerons du Duc de Lanclastre.

† Il a souuent prins ce mot pour tout long-bois, ou arme d'haste, mais ie doute qu'il ne le vueille aussi prendre, en ce lieu, pour tout autre, qui se lançoit, d'ardoit, ou gettoit

L'Abbaye de S. Mor-sur-Loire prinse des Anglois.

L'Abaye de S. Saluin trahie par un Moine de leans, et rendue aux François.

† C'est adire estre en cest estat, et vicié ce mot, fort usité par les anciens du verbe Latin stare.

Comment la Comté de Saint-Pol & quelques autres pays de la Picardie furent gastés par les Anglois, & messire Hue de Chastillon prins: CHAP. CCLXXVI.

Cheuauchée du Duc de Lanclastre en la Côte de Saint-Pol. † La Chaux dit sur les mots.

Quand le Duc de Lanclastre fut retrait à Calais, apres le departement de Tournen (comme cy-dessus est contenu) & que luy & ses gens se furent reposez & refrechis par trois iours, il eut aduis & conseil qu'il iustroit hors, & tireroit ses gens sur les champs, & cheuaucheroit en France. Si fut commandé & ordonné par ses Marechaux (qui estoient le Comte de Waruich, & messire Roger de Beauchamp) que chacun se trahist sur les champs. Laquelle chose on fit volontiers, car ils desiroient tous cheuaucher en France. Lors se partirent de Calais toutes manieres de Gens-d'armes & d'Archers moult ordonnément, car chacun sauoit quelle chose il deuoit faire, & ou il estoit ordonné d'aller. Si élongnerent Calais, ce premier iour, tant seulement de cinq lieues. Au lendemain ils vindrent deuant Sain-Omer: & là y eut moult grande écar mouche à la porte: mais les Anglois n'y arresterent pas gramment. Si passerent outre, & vindrent loger † sur les morts de Hersault: & le tiers iour coururent deuant la cité de Therouenne. Là estoit le Comte de Saint Pol, à tout grâde foison de Gens-d'armes. Si n'y arresterent

rent

rent point les Anglois: ains passerent outre, & prindrent le chemin de Hedin: & se logerent, ce soir, sur vne petite riuere. Quand le Comte de Saint-Pol sentit que les Anglois s'en alloient vers son pays, il congnt bien qu'il n'y alloient mie pour son profit, car trop le haioient. Si se partit de nuit: & recommanda la cité au Seigneur de Saint-Py, & à messire Jehan de Raye: & cheuaucha tant qu'il vint en la ville de Saint-Pol: & le lendemain à heure de prime les Anglois furent deuant: & là eut grande écar mouche: & y fut la venue du Comte de Saint-Pol bié profitable, car par luy, & par ceux qu'il amena, fut la ville gardée. Si vous dy que le Duc de Lancastre & ses gens se reposerent & refreschirent à leur aise, en la Comté de Saint-Pol, & ardirent & exilerent tout le plat pays, & y firēt moult de dommages, * & furent deuāt le chastel de Perides: ou Madame du Douaire se tenoit. Illec, en aduisant promptement le fort, ledit Duc de Lancastre tasta le font des fossez, avec vn † glaiue: mais, nonobstant, point n'y assaillirent, combien qu'ils en fissent grand semblant. Si passerent outre: & s'en vindrent vers Lucheu, vn tresbel chastel: qui estoit audit Comte. Si ardirent la ville: mais ledit chastel n'eust garde. Puis passerent outre, en approchant de Saint-Riquier, & ne cheminoiēt lesdits Anglois: que trois ou quatre lieues le iour. Si ardirent, pillerent & exilerent tout le plat pays, ou ils conuersoient. † Si passerent la riuere de Somme, à la Blanche-taque deffous Abbeuille: & puis entrerent au pays de Vimeu en intentiō d'aller à Harfieu, sur la riuere de Seine, pour y ardoir la nauire du Roy de France. Le Côte de Saint-Pol & messire Moreau de Fiennes, Connestable de France, à tout grans Gens-d'armes, poursuyuoient & costoyoient l'ost des Anglois: parquoy ils ne fosoient dérouter: ains leur falloit aller le droit chemin, & cheuaucher en si grande route, que pour combattre les François, fils y fussent venus, par aucune aduenture. Ainsī cheminerent & cheuaucherent tout le Vimeu, & la Côte d'Eu, & entrerent en l'Archeuesché de Rouen, & passerent à Dieppe, & cheuaucherent, & firent tant par leurs iournées, qu'ils vindrent deuant Harfieu: & là se logerent. Le Comte de Saint-Pol festoit aduancé: & estoit entré dedans la ville, à tout deux cens Lances. Là furent les Anglois trois iours deuant Harfieu: mais riens n'y assaillirent. Au quart iour ils se delogerent, & prindrent leur retour parmi la terre du Seigneur d'Estouteuille (lequel ils n'aimoient gueres) & l'ardirent, & l'exilerent toute, ou en partie: & puis s'en vindrent parmi † Frâcquesin, & rauallerēt deuers Oisemōt, pour reuenir passer la riuere de Somme à la Blanche-taque. En ce temps estoit dedans la bone-ville d'Abbeuille, pour Capitaine & souverain d'icelle, Hue de Chastillon, Maistre des Arbalestiers de France. Quand il sentit que le Duc de Lancastre deuoit rappasser, il arma, & fit armer dix ou douze de ses gens tant-seulement, avec luy, & monterent à cheual, & dit qu'il vouloit aller veoir la garde de la porte de Rouuray: † à fin qu'il n'y eust point de faute de deffense, & que les Anglois (qui ne deuoient mie passer trop loing de là) ne la trouuassent trop nicemēt gardée deuers eux. Encores estoit il mout matin, & faisoit moult grāde bruine. Messire Nicole de Louvain (qui au tēps passé auoit esté Seneschal de Ponthieu, & leq̃l messire Hue de Chastillon auoit en celle propre année prins & rançonné de dix mille francs: dōt tāt bié luy souuenoit qu'il auoit grand' entente de regaigner & reconquerre ce qu'il auoit perdu) festoit, luy † vingtiesme tant-seulemēt, parti, des le point du iour, de la route du dit Duc: & ainsī que celui qui fauoit toutes les adrecs & les destroits de la enuiron (car il les auoit † vsez & hātez bien trois ans, & plus) festoit venu bouter en embusche, sur aduenture de gaigner, entre Abbeuille & le deffusdit chastel de Rouuray: & auoit passé vn petit ru, qui couroit parmi vn marais, & festoit caché & arresté en de vieilles maisons, non habitées. Or ne cuidast iamais messire Hue que la route des Anglois se deust mettre en embusche si pres de ladite ville: Si se tenoient ledit messire Nicole & ses gens tous quois, quand veez cy, cheuauchant parmi la rue, qui conduisoit à Rouuray, messire Hue de Chastillon, luy dixiesme tant-seulement, tout armé de ses armeures, excepté de son bacinet: mais vn de ses pages, mōté sur vn coursier, le portoit apres luy. Si passa outre le petit ruisel, qui là estoit: & tira vers la porté de Rouuray, & à venir aux Arbalestiers qui la gardoient, pour sauoir des nouuelles, & ce que les Anglois faisoient. Quand messire Nicole de Louvain (qui guettoit là) le veit, il le recongnt si bien, qu'il n'eust pas esté plus ioyeux, qui luy eust doné ving mille francs, Si faillit hors de son embusche, & dit. Allon, allon, veez cy ce que ie demande, c'est le Maistre des Arbalestiers, ie ne desiroye autre que luy. Lors poignit le coursier des esperons, & baissa la lance, & s'en vint sur ledit messire Hue de Chastillon: & luy dit ainsī. Ren toy, Chastillon, ou tu es mort. Messire Hue

Annot. i i 7.

† Les ancies ont souuēt prins ce mot pour lāce: & aussi la Chaux dit icy Lance.

† Ceste clause & la suiuaute sont ramendees selon le sens de l'auteur, confirmé par les Ab.

† Sala dit icy vexin, & la Chaux vexin.

† Ceste demie clause est aussi ramendee selon le sens de l'Auteur, confirmé par les Ab. & principalement par la Chaux.

† La Chaux dit trentiesme.

† C'est adire acoustumez, & est tout ce reste de ch. inf. ques à la prinse du seigneur de Chastillon, demesle, & éclairci suiuaute les des de l'Auteur et des Ab.

(qui fut moult émerueillé dont ces Gēs-d'armes issoient) n'eut mie loisir de mettre son bacinet, ne de monter sur son courfier. Parquoy, se voyāt en si dur parti, demāda. A qui me rendray-ie? Messire Nicole de Louvain respondit. A Louvain, à Louvain. Et iceluy, pour écheuer le peril, & voyant qu'il ne s'en pouuoit fuir, dit. Je me ren. Dōt fut il prins, & faisi: & luy fut dit. Cheuauchez tost avec nous, veez là la route du Duc de Lanclastre: qui passe par cy-deuant. A celle empreinte fut là occis vn moult vaillāt Bourgeois d'Abbeuille (qui s'appelloit Laurens Dancons) dont ce fut moult grand dommage. Ainsi fut prins & attrapé, par grande fortune, messire Hue de Chastillon, pour le temps Maistre des Arbalestiers de France, & Capitaine d'Abbeuille, par messire Nicole de Louvain: pour laquelle prinse le Duc de Lanclastre eut grande ioye: & aussi eurent tous les autres Anglois. Mout furent les gēs d'Abbeuille & les amis de messire Hue de Chastillō courrouce de la prinse de luy: mais ils ne la peurent amender pour celle fois. Or cheuauchèrent les Anglois, & passerent la riuere de Somme, à la † Blanchetache: & puis monterent deuers la ville de Rue-sur-mer, & apres vers Mōtreul-sur-mer: & firēt tant par leurs journées, qu'ils retournerent en la ville de Calais. Là donna le Duc de Lanclastre congé à tous les estrangers: & se partirent de luy messire Waleran de Bourne & les Allemans. Si retourna le Duc de Lanclastre arriere en Angleterre, & les Allemans en leur pays, & n'auoient pas intention de guerroyer iusques à l'Esté (car ia estoit † la Saint Martin d'Yuer, & plus auant) mais au printemps, qui reuenoit, le Duc de Lanclastre auoit dit aux estrangers, qu'il repasseroit la mer, plus efforcément qu'il n'auoit fait: & prieroit ses cousins, le Duc de Guerles & le Duc de Iuilliers, pour venir en Frāce. Or nous taisōs à parler des besongnes de Picardie (car il n'y en eut nulles, en grand temps, depuis ce) & parlerōs de celles du pays de Poictou: ou les faits-d'armes aduenoient plus souuent.

Comment messire Iehan Chandos fut nauré à mort, en vne rencontre, & comment finalement les François, estans demourez victorieux de ceste rencontre, se rendirent à ceux que mesmes ils auoient prins.

CHAP. CCLXXVII.

TRop touchoit, & greuoit au cœur, la prinse de Saint-Saluin à messire Iehan Chandos: qui estoit, pour ce temps, Seneschal de Poictou. Si mettoit toutes ses imaginations à ce qu'il la peust r'auoir: fust par emblée, ou par eschelles, il n'auoit cure comment. Or en fit il plusieurs fois des embusches de nuit, & à toutes failloit. Car messire Louis (qui la gardoit) en estoit moult songneux: & bien sauoit que la prinse de S. Saluin deplaisoit mout à messire Iehan Chandos. Or aduint ainsi, que, † la nuit de deuant la nuit du chef du mois de Ianuier, messire Iehan Chandos (qui se tenoit en la cité de Poictiers) auoit fait vne semonse, & vn mandement des Barons, Cheualiers, & Escuyers de Poictou: & leur auoit dit qu'ils venissent là tout secrettement, car il vouloit cheuaucher. Les Poictuins ne l'eussent iamais refusé, car moult l'aimoient. Si s'assēblerent en la cité de Poictiers, & y vindrēt messire Guichard d'Angle, messire Louis de Harcourt, le Sire de Pōs, le Sire de Partenay, le Sire de Pinane, le Sire de † Tōneboutō, messire Geoffroy d'Argentō, messire Maubruny de Liniers, messire Thomas de Perfy, messire Baudouin de Fesuille, messire Richard de Pontchardon, & plusieurs autres. Quand ils furent tous assemblez, ils estoient bien trois cens Lances: & se partirent de nuit de Poictiers, & ne sauoient (exceptez les Seigneurs) ou on les vouloit mener: & auoient lesdits Anglois leurs eschelles, & tout leur arroy pourueu. Si vindrent tous iusques audit lieu. Là furent ils informez de leur fait: & descendirent de leurs cheuaux: & les baillerent à leurs garçons. Si entrerent les Anglois dedans les fossez: & estoit enuiron minuit. En celuy estat ou ils estoient, & lors briefuement ils eussent fait, & fussent venus à leur intention, ils ouirent le guet du fort, qui corna. Je vous diray pourquoy. Celle propre nuit estoit parti de la Roche-de-Pouzay † Carlouet, à tout quarante Lances: & venoit à Saint Saluin, pour querre messire Louis de Saint-Iulian, pour cheuaucher en Poictou, si reueilla le guet, & ceux du fort. Or cuidoient les Anglois (qui estoient à l'opposite, & qui riens ne sauoient de ce la, ne que François voussissent entrer au fort) qu'ils fussent apperceus, ou par gardes, ou par espies, qui sceussent leur venue & emprise. Si se tirerent tantost hors des fossez, & dirent. Allon, allon, nous auons, pour ceste nuit, failli à nostre fait. Si monterent sur leurs cheuaux: & retournerēt tous ensemble à Chauigny, sur la riuere de Creuse, à deux petites lieuës pres de là. Quand ils furent là tous venus, les Poictuins demanderent à messire Iehan Chandos, s'il vouloit plus riens, & il leur dit que non. Or retournez, au nom

† sala dit la nuit deuant la nuit du iour de l'an, & la Chaux enuiron la nuit de l'a qui fut 1370.

† Il l'a presque tousiours nommé Tanalboutō que les Anna. d'Aq. escriuent Taunaybou tonne. Les Anglois taschent à surprendre saint-Saluin.

† Il l'a presque tousiours nommé Carnet. La Chaux escrit icy Carnolet, & sala karaolot.

de Dieu:& ie demourray meshuy en ceste ville. Lors se departirēt les Poictuins,& aucuns Cheualiers d'Angleterre avec eux:& estoient bien deux cens Lances. Si entra ledit messire Iehan Chandos en vn hostel:& fit allumer le feu. Là estoit encores demouré delez luy messire Thomas de Perfy, Seneschal de la Rochelle,& sa route. Si dit à messire Iehan Chados. Sire, est ce vostre intētion de demourer meshuy icy? Ouy (dit messire Iehan Chandos) pourquoy le demādez vous? Sire, pource que ie vous prie (puis que cheuaucher ne voulez) que vous me donniez congé, & ie cheuaucheray quelque part avecques mes gens, pour sauoir se ie trouueroye aucune aduenture. Allez au nom de Dieu, dit messire Iehan Chandos. A ces mots se partit messire Thomas de Perfy, & trente Lances en sa compaignie. Ainsi demoura ledit messire Iehan Chandos entre ses gens,& messire Thomas passa le pont, à Chauuigny: & print le long chemin à Poictiers, ayant laissé ledit Iehan Chandos tout melancolieux de ce qu'il auoit failly à son intention,& sur ceste imaginatiō estoit en vne grāde cuisine, ou foyer, & là se chauffoit de feu d'estrain, que son Heraut luy faisoit:& iangloit à ses gens,& ses gens à luy: qui volontiers l'eussent osté de sa melancolie. Apres vne grande espace qu'il fut là venu,& que il fordonnoit pour vn peu dormir,& auoit demandé s'il estoit iour, il entra vn homme à l'hostel, qui vint deuant luy,& luy dit. Monseigneur, ie vous apporte nouuelles. Et quelles? respondit il. Monseigneur, les François cheuauchent. Comment le fais tu?

Monseigneur, ie suis parti de Sainct-Saluin avec eux. Et quel chemin tiennent ils? Monseigneur, ie ne say de verité, fors qu'ils tiennent (ce me semble) le chemin de Poictiers. Et lesquels sont ce des François? Monseigneur, c'est messire Louis de Saint-Julian & Carlouet le Breton, & leurs routes. Il ne m'en chaut (dit messire Iehan Chandos) Je n'ay meshuy volenté de cheuaucher: & aussi pourront ils bien trouuer rencontre sans moy. Si demoura vne grande espace moult pensif en ce propos, & puis s'aduifa & dit. Quoy que i'aye dit, c'est bō q'ie cheuauche. Tousiours me faut il retourner à Poictiers: & tantost sera iour. C'est veoir: dirent les Cheualiers, qui là estoient. Lors fit ledit messire Iehan Chandos appareiller son arroy, & se meit en point pour cheuaucher: & aussi firent tous les autres. Si monterent tous à cheual, & se partirent, & prindrēt le droit chemin de Poictiers, en costoyant la riuere: & si pouuoient bien estre les François, en ce propre chemin, vne grande lieuē deuant eux, qui tiroiēt à passer la riuere à vn pont, que l'on appelle Leusac: † & en ce, les Anglois eurent cognoissance des François, par leurs cheuaux: qui entrèrent au fay des cheuaux desdits François. Si dirent les Anglois, l'un à l'autre, Ou les François, ou messire Thomas de Perfy, cheuauchent deuant nous. Tantost apres ces deuiz la nuit adiourna, & fut incontinent haute matinée (car, à l'entree du mois de Ianuier, les matinées sont tantost despendues & passees) & pouuoient bien estre les François & Bretons enuiron à vne lieuē dudit pont de Leusac, quand ils apperceurent, de l'autre costé de la riuere, messire Thomas de Perfy, & toute sa route, & ledit messire Thomas & les siens les auoiēt ia apperceus, tellement qu'ils auoient cheuauché les grans galops, pour auoir l'aduantage du pont dessusdit: & auoient dit. Veez là les François, ils sont vne grosse route contre nous: & pourtant faut que nous ayons & prenions l'aduantage du pont. Quand messire Loys & Carlouet apperceurent que les Anglois, qui estoient de l'autre part de la riuere, se hastoient pour venir au pont, si s'aduancerēt aussi. Toutesfois les Anglois y vindrent deuant:& en furent maistres:& descendirent tous à pié, & fordonnerent, pour le pont garder & deffendre. Quand les François furent venus iusques au pont, si se meirent à pié, & baillerent leurs cheuaux à leurs varlets & les firent traire arriere:& prindrēt leurs lances:& se meirēt en bōne ordōnance, pour aller gaigner le pont, & assaillir les Anglois: qui se tenoient franchement sur leur pas, & n'estoient de riens effrayez, cōbien qu'ils ne fussent qu'un petit, au regard des François. Ainsi que ces François & Bretons estudioient & imaginoient cōmēt, ne par quelle maniere, à leur plus grād aduātage, ils pourroiet enuahir & assaillir les Anglois, veez cy arriuer messire Iehan Chados & sa route, à bāniere deploye, & toute vantelāt (qui estoit d'argēt à vn pel aguisé de gueulles) laquelle Iaques Alery, vn vaillāt Hōmes-d'armes, portoit. Si pouuoiet estre enuiron quarante Lances, qui approchoient moult fort les François. Ainsi que ces Anglois de messire Iehan Chandos estoiet sur vn tertre, enuiron trois † bannieres de terre en sus du pont, les garçons des François (qui les apperceurēt, & qui se tenoient entre ledit pōt & ledit tertre) furēt tous effrayez:& dirent. Allō, allō sauonnoz corps & noz cheuaux. Si s'en partirent, & fuirēt:& laisserent là leurs maistres. Quād

† Qui aura de tels Exem. que nous verra cōment toutes les clauses suivantes luy sont éclaircies par cōsideration des sens de l'Auteur. En quoy m'a grādemēt cōfirmé l'Abr. de la Chaux, combien qu'il soit aussi quelquefois corrompu en ces passages.

† verard dit ici bournieres, le Noir bōnier, & la Chaux bōniers, mais ie confesse bīe que

ie ne ſay enco-
res la vraie ſi-
gnification de
ce mot, ſi nō que
ce peut eſtre
quelque eſpace
de terre comme
ſeroit arpēt en
noſtre bon pays
de Brie.

* Annot. 118.

Anno. 119.

† La Chaux dit
icy Reproces
cōbien qu'il ait
par auant vſé
du verbe ram-
pronner pour
eſcharnir.
Rencontre de
Iehan Chandos
contre Louis de
Saint Iulian par
tiſan de Frāce.

† C'eſt adire en
la face & eſt
tout ce paſſage
de la mort de
Chandos éclair-
cy par le ſens
meſme de l'Au-
teur, et ſuiuāt
la ſubſtance des
Abregez.
Meſſire Iehan
Chandos frappé
à mort.

† La Chaux dit
Edouard de
Cliffort.

meſſire Iehan Chandos, ayant ſa banniere deployee deuant luy, fut venu iuſques aux François, ſi n'en tint pas grand compte (car petit les aimoit & priſoit) ains, tout à cheual les commença à † eſcharnir, en diſant. Entendez vous? François, vous mallement bon- nes Gens-d'armes, vous cheuauchez à voſtre volonté & à voſtre aife, de nuit & de iour, vous prenez villes & fortereſſes en Poictou: dont ie ſuis Senefchal, vous rançonnez pau- ures gens, ſans mon cōgé, vous cheuauchez par tout, à teſte armée, il ſemble que le pays ſoit tout voſtre: & par Dieu, nō eſt. Meſſire Louis, meſſire Louis, & vous, Carlouet, vous eſtes maintenant trop grans maiſtres. Il y a plus d'un an & demi, que j'ay mis mon enten- te à ce que vous peuſſe trouuer, ou rencontrer, or vous voy-ie, Dieu mercy, & parlerons à vous, & ſi ſaurons lequel eſt le plus fort en ce pays, ou moy ou vous. On m'a dit, par pluſieurs fois, que me deſirez moult à trouuer & à veoir, ſi m'auiez trouué. Ie ſuis Iehan Chandos: ſe bien me rauifez, voz grās appertifes d'armes (qui ſont ſi bien renommées) ſi Dieu plaift nous les éprouuerons. De tels langages les recueillit meſſire Iehan Chan- dos: qui ne vouliſt eſtre en autre part, fors que là: tant les deſiroit à combattre. Meſſire Louis & Carlouet ſe tenoient tous quois: ainſi que tous recōfortez qu'ils ſeroient cōbat- tus, & riens n'en fauoit meſſire Thomas de Perſy, ne les Anglois, qui delà le pont eſtoiet. * car le pont de Leuſac eſt haut, à boſſe au milieu: & cela leur en tolloit la veuë. Entre ces parolles & † rampoſnes, que meſſire Iehan Chandos diſoit & faiſoit aux François, vn Breton print ſon glaue: & ne ſe peut abſtenir de commencer meſlée. Si vint aſſener vn Eſcuyer Anglois (qui ſ'appelloit Sunekins Dodalle) & luy arreſta ſon glaue en la poi- ſtrine: & tant le tira & bouta, qu'il abbattit ledit Eſcuyer ius de ſon cheual, à terre. Meſ- ſire Iehan Chandos (qui ouit l'effroy derriere luy) ſe tourna ſur ſon coſté, & veit ſon Eſ- cuyer à terre geſir, & qu'on frappoit ſur luy. Si ſe chauffa, en parlant plus que deuant, & dit à ſes cōpaignons, & à ſes gens. Comment? lairrez vous ainſi ceſt homme tuer? à pié, à pié. Si ſaillit tantot à pié, & auffi firent tous les ſiens: & fut Sunekins récoux, & la batail- le cōmencée. Meſſire Iehan Chandos (qui eſtoit fort Cheualiers, & hardi, & cōforté en toutes ſes beſongnes) auoit ſa banniere deuant luy, enuironnée des ſiens, & l'eſcu deſſus ſes armes, eſtant luy-meſme aorné d'un grād veſtement (qui luy battoit iuſques à terre) armoyé de ſon armoirie, d'un blāc ſamit, à deux paulx aguifez de gueulles, l'un deuāt & l'autre derriere, & bien ſembloit ſuffiſant hōme, entreprenāt, & aduentureux: & en celuy eſtat, pié auāt autre, le glaue au poing, ſ'en vint ſur ſes ennemis. Or faiſoit à ce matin vn petit de roſée: dōt eſtoit la voye mouillée, tellemēt qu'en marchāt il ſagenouilla en ſon parement (qui eſtoit ſur le plus long) tāt qu'un petit il trébucha: & ce pendāt vn Eſcuyer (qui ſ'appelloit Iaques de S. Martin, & eſtoit fort hōme & appert) luy lança vn coup de glaue: qui le print † en la chaire, & ſ'arreſta deſſous l'œil, entre le nez & le frōt: & ne veit point meſſire Iehan Chādos le coup venir ſur luy, de ce lez là, car il auoit l'œil eſteint: & y auoit cinq ans qu'il l'auoit perdu, es lādes de Bordeaux, en chaçāt vn cerf: &, avec tout ce méchef, meſſire Iehan Chandos ne porta onc de viſiere: de ſorte qu'en trébuchant il ſ'appuya ſur le coup, & aida luy-meſme à ſ'ēferer: & le glaue (qui eſtoit getté de bras roide) l'attaingnit tellement, que le fer luy entra iuſques au ceruel: & puis retira l'Eſcuyer ſon glaue à luy: & meſſire Iehan Chādos, pour la douleur qu'il ſentit, ne ſe peut tenir en eſtant: mais cheut à terre, & tourna deux tours moult douloureuſement: ainſi que celuy qui eſtoit feru à mort, car oncques, de puis le coup, il ne parla. Quād ſes gens veirent cel le aduenture, ils furent tous forſenez. Adonc ſaillit ſon oncle, † Edouard Cliffors: qui le print entre ces cuiſſes (car les Frāçois taſchoiēt à l'auoir deuers eux) & le deffédit de ſon glaue trefvaillāment: & lançoit les coups ſi grās & ſi arreſtez, q' nul ne l'oſoit approcher. La eſtoient deux autres Cheualiers (c'eſtaſſauoir meſſire Iehan Chābo, & meſſire Ber- trand de Caſſelies) qui ſembloiēt bien eſtre hors du ſens, pour leur maiſtre, qu'ils veoiēt là geſir. Les Bretons (qui eſtoient plus que les Anglois) furent grandement recōfortez, quand ils veirent le Capitaine de leurs ennemis à terre: & bien penſoient qu'il eſtoit na- uré à mort. Si ſaduācerēt, en diſant. Par Dieu, Seigneurs Anglois, vous nous demourrez tous, car vous ne nous pouuez échapper. Là firent les Anglois merueilles d'armes, tant pour eux garder du danger ou ils eſtoient, que pour cōtreuenger leur Seigneur, meſſire Iehan Chandos: lequel ils veoient en dur parti. Celuy Iaques de S. Martin (qui dōné a- uoit le coup) fut aduiſé d'un Eſcuyer de meſſire Iehā Chandos, ſi vint ſur luy mout iré- mēt, & le ferit, en courāt, de ſon glaue, & le tréperça tout outre, parmi les deux cuiſſes: & puis retira ſō glaue, mais pour ce ne laiſſa mie encores iceluy Iaques de S. Martin à cō- battre.

battre. Or si messire Thomas de Petfy (qui premierement estoit venu au pont) eust riens sceu de ceste aduventure, les gens de messire Iehan Chandos eussent esté grâdemment reconfortez: mais nenni: & pource qu'il n'auoit eu nulles nouvelles des Bretons, depuis qu'il les auoit veus venir vers le pont, en grâde & grosse troupe, il cuidoit qu'ils se fussent retraits. Si se retrahit ledit messire Thomas, & ses gens: & tindrēt le chemin de Poictiers: ne pour lors ne sceurēt rien de la besongne. Là se cōbattirent les Anglois, deuant le pōt de Leusac: & y eut faite mainte belle appertise d'armes. Briēuement, les Anglois ne pēurent là souffrir, n'endurer, les faits des Bretons & des François: & furent là deconfits, & prins, pour la plus grande partie. Mais tousiours se tenoit Edoüard Cliffors: qui point ne se vouloit partir de son neueu. Or, si les François eussent eu leurs cheuaux, ils s'en fussent partis à leur honneur, & eussent emmené de bons prisonniers, mais ils n'en auoient nuls, car leurs garçons (si comme dessus est dit) s'en estoient fuis à tout: & aussi ceux des Anglois s'estoient retraits & detournez bien-auant de la besongne. Si demourerent en ce danger: dōt ils estoient tous courroucez: & disoient entre eux, Veez cy mauuaise ordōnance, la place est nostre: & si n'en pouuons partir, par la faute de noz garçons, car il n'est pas bien aduenant à nous (qui sōmes armez & trauaillez) d'aller à piē parmi ce pays, qui nous est tout contraire: & si sommes plus de six lieues arriere de la plus prochaine forteresse, que nous ayons: & si auons icy de noz gens (qui sont blecez & naurez) que nous ne pouuons laisser derriere. Ainsi qu'ils estoient en celuy estat, & qu'ils ne sauoient lequel faire, & auoient enuoyé deux ou trois de leurs Bretōs, tous desarmez, courir par les chāps pour sauoir s'ils verroient nuls de leurs varlets, alors va venir messire Guichart d'Angle, messire Louis de Harcourt, le Seigneur de Partenay, le Seigneur de Tannaybouton, le Sire d'Argenton, le Sire de Pinane, messire Jaques de Surgiers, & plusieurs autres (qui bien estoient deux cens Lances) qui queroiēt les François, car on leur auoit dit qu'ils cheuachoient: & auoient proprement la vent, & le fleur, & le fray de leurs cheuaux. Si venoient tout errandonnant, bannieres & pennons ventelans. Si tost que les Bretons & les François les veirent approcher, ils cognurent bien que c'estoient leurs ennemis, les Barons & les Cheualiers de Poictou. Si dirent ainsi aux Anglois, qui là estoient. Veez cy voz gens, qui vous viennent au secours: & nous sauons bien que nous ne pouuons durer à eux. Vous, & vous (si les commencerent tous à nommer) estes noz prisonniers. Nous vous quittons de voz prisons: parmi tant, que vous nous ferez bōne cōpaignie. Encores auons nous plus cher que nous soyons à vous, qu'à ceux qui viennent. Et ceux responderent, Dieu y ait part. Ainsi furēt les Anglois quittes de leurs prisons. Tantost furent lesdits Poictuins venus, les lāces baissées, en écriant leur cri. Adonc les Bretōs & les François se trahirēt d'un lez, & dirēt, Ho, Seigneurs, cessez, cessez, nous sommes prisonniers. Là le tesmoignerēt les Anglois, en disāt, Il est verité, ils sont nostres. Carlouet fut à messire Bertrand de Casselies, & messire Louis de S. Iulian fut à messire Iehan Chābo. Il n'y en eut nul, qui n'eust son maistre. Or furent trop dolens & déconfortez ces Barōs & ces Cheualiers de Poictou, quand ils veirent leur Seneschal, messire Iehan Chandos, gesir en celuy estat, & qu'il ne pouuoit parler. Si cōmēcerent moult amèrement à le regretter, en disāt, Fleur de Cheualerie, messire Iehan Chandos, bien mal fut le glaiue forgé, dōt vous estes nauré, & mis en peril de mort. Là plorerent mout tendrement ceux, qui là estoient entour luy: & bien les entendoit, & se complaignoit, mais nul mot ne pouuoit parler. Là tordoient leurs mains, & tiroient leurs cheueux, & gettoient grās cris & grās plains, & par especial, ceux de son hostel. Là fut ledit messire Iehan Chādos de ses gens desarmé moult doucement, & couché sur targes & sur pauois, & amené & apporté, tout le pas, à Mortemer, la plus prochaine forteresse de la, & les autres Barons & Cheualiers retournerent à Poictiers: & là ils amenerent leurs prisonniers. Si entendit que celuy Jaques de Saint-Martin (qui auoit nauré ledit messire Iehan Chandos) fut si mal visité de ses playes, qu'il mourut à Poictiers. Ledit gentil Cheualier, dessus-nomé, ne vesquit de ceste naureure, qu'un iour & vne nuit, & mourut. Dieu en ait l'ame, car onc, depuis cent ans, ne fut plus courtois, ne plus plein de toutes bonnes & nobles vertus & conditions, entre les Anglois, qu'il luy. Quand le Prince, la Princesse, le Comte de Cantebruge, le Comte de Pennebroth, & les Cheualiers & Barons d'Angleterre, qui estoient en Guienne, sceurent la mort du dessusdit, si en furent tous déconfortez, & dirent qu'ils auoient tout perdu, deçà & delà la mer. De ses amis & amies fut plaint & regreté ledit messire Iehan Chandos: & les Seigneurs de France l'eurent tātost ploré. Ainsi aduiēnent les be-

† Ce passage est semblablement éclairci par la deduction de l'Auteur, et selon la substance de la Chaux.

† C'est la premiere fois, que j'aye veu ce mot, et me doute qu'il n'y faille lire erramment, c'est adire sans tenir, voye ne sentier, pour la haste qu'ils auoient, & ainsi l'entend nostre Auteur aiant peu former ce mot de errer, et de randon (qui signifie roideur) et à la verité la Chaux dit pourquoy ils venoient de grand randon. Au reste nostre pūctuation vous éclaircit les clauses suinātē qui autrement ne se pouuoient entendre.

Mort de messire Iehan Chandos.

† Pour que luy, par une ancienne maniere de parler

longnes. Les Anglois l'aimoient, pource qu'en luy estoient toutes hautes entreprinſes. Les François le haioient: pour ce qu'ils le redoutoient. Si l'ouy-ie bien en ce tēps regretter des bons & vaillans Cheualiers de France: & diſoient que de luy estoit grand domage: & mieux vauſiſt qu'il euſt eſté prins, que mort, car, ſil euſt eſté prins, il estoit bien ſi ſage & ſi imaginatif, qu'il euſt trouué aucun moyen, parquoy paix euſt eſté entre France & Angleterre: & ſi estoit bien tāt aimé du Roy d'Angleterre & de ſes Eſcuyers, qu'ils l'enſſent plus creu, que tout le monde. Si perdirent François & Anglois moult à ſa mort (n'oncques ie n'en ouy dire autre choſe) & plus Anglois, que François, car par luy euſſent eſté en Guienne faites toutes recourances. Apres la mort de meſſire Iehan Chandos fut Senefchal de Poictou meſſire Thomas de Perſy. Or écheut la terre de Saint-Sauueur-le-Vicomte à donner au Roy d'Angleterre, ſi la dōna à vn ſien Cheualier: qui ſappelloit meſſire Alain de Boucqueſelle, appert homme à merueilles. De tout l'auoir de meſſire Iehan Chandos (ou bien auoit quatre cens mille francs) fut hoir & ſucceſſeur le Prince de Galles, † car le deſſusdit ne fut onc marié: & ſi n'auoit nuls enfans. Aſſez toſt apres furent rançonnez, & mis à finance, les Compaignons, qui auoient eſté prins au pont de Leufac: & payerent deniers appareillez (parmi ce que le Roy de France leur aida) & retournerent en leurs garniſons meſſire Louis de Saint-Julian, meſſire Guillaume des Bourdes, & Carlouet le Breton.

Meſſire Thomas de Perſy ſenefchal de Poictou, apres la mort de Iehan Chandos. † ſ'il auoit des autres parens (cōme il a nagueres dit Eddouard Clifſors ſon oncle) ceſte raiſon ne me ſemble point aſſez ſuffiſante. Toutesſois la chaux n'eſt dit pas d'auātage.

Comment le Sire de Coucy & le Sire de Pommiers ne voulurent eſtre de la guerre, pour l'un coſté, ne pour l'autre: & du Sire de Maleual & de celui de Marneil, qui ſe rendirent François.

CHAP. CCLXXVIII.

*Le ſire de Coucy voyage, pour euitier les guerres de Fra. & d'Angl. et peut eſtre es ch. & le ſuiuant, encores de l'ā 1369. Aimemon de Pommiers en Perlerinage. * Anno. 120.*

† Combien que ceſt aduerbe puiſſe venir de ce nom mal, ſi le prend il icy pour mout ou merueilleuſement, et en a ainſi uſe au ch. precedēt, la ou Chandos par le aux François. Encor ſe ſert il ſouuent de ceſt autre aduerbe durement & de quelques au-

EN ce temps estoient aucuns Cheualiers de France en grand ennuy de ce qu'ils voyent ainſi, par nuit & par iour, la guerre des deux Roys multiplier, & par eſpecial, le Sire de Coucy: à qui il en touchoit moult, & deuoit toucher, car il tenoit bel heritage & grand en Angleterre, tāt de par luy, comme de par ſa femme: qui estoit fille dudit Roy. A laquelle terre il conuenoit qu'il renonçaſt, ſil vouloit ſeruir le Roy de France: dont il estoit de la nation, & des armes. Si ſ'aduīſa qu'il diſſimulerait moyennemēt de l'un Roy & de l'autre: & ſ'en iroit oublier le temps, ou que ce fuſt. Si ordonna ſes beſongnes ſagement: & print congé du Roy de France, à petite meſgnie, & fit tant par ſes journées, qu'il vint en Sauoye: là ou il fut recueilli honnorablement du Comte, des Barons & des Cheualiers du pays, & quand il eut là eſté tant que bon luy ſembla, il ſ'en partit, & paſſa outre: & entra en Lombardie: & vint deuers les Seigneurs de Millan (c'eſtaſſauoir Monſieur Galeas, & Monſieur Barnabo) ou il fut, à ce commencement, entre eux le bien venu. Tout en telle maniere partit de la Duché d'Aquitaine meſſire Aimemon de Pommiers (qui estoit Cheualier du Prince) & dit que, la guerre durant, il ne ſ'armeroit point, ne pour l'un ne pour l'autre. Si ſ'en alla le deſſusdit Cheualier outre mer, en Cypre, & au Saint-ſepulchre, & en pluſieurs autres beaux voyages. En ce temps estoit venu à Paris meſſire * Iehan de Bourbon (qui tenoit ſa terre, d'un lez, du Prince) & volontiers euſt veu le Roy de France, qu'il euſt renuoyé ſon hommage au Prince, & fuſt demouré François: mais ledit Seigneur, Comte de la Marche, n'en voulut adoncques riens faire: & auſſi ne fit le Sire de Pierre Buſſiere, vn Bāneret de Limosin: qui estoit à Paris ſur tel eſtat. Mais deux autres Barons de Limosin, & grās Seigneurs mallement † (c'eſtaſſauoir meſſire Louis de Maleual, & meſſire Remon de Marneil, ſon neueu: qui pour ce temps ſe tenoient à Paris) ſe tournerent François, & firent depuis, par leurs fortereſſes, grande guerre au Prince. Dequoy le Roy d'Angleterre & ſon Conſeil furēt moult courrouceez: & ſemblablement de ce que les Barons & Cheualiers de Guienne ſe tournoient ainſi François, ſans nulle contrainte, fors de leurs volontez. Si eut conſeil ledit Roy d'Angleterre, qu'il feroit eſcrire vnes lettres ouuertes, ſeellées de ſon ſeel: & qu'il les ferroit apporter, par deux ou trois de ſes Cheualiers, en Poictou, & en Aquitaine, & là les publier par toutes les citez, chaſteaux, & bonnes-villes. En ce temps fut deliuré de la priſon d'Agen meſſire Caponnel de Caponnel, & échangé pour vn autre Cheualier du Prince: qui auoit eſté prins en vne écarmouche deuant Perigourd & ſe nommoit meſſire Thomas Balafre. Mais le Clerc de droit, qui enuoyé auoit eſté auecques luy, demoura à Agen: & ledit meſſire Caponnel reuint en France. Or parlerons des lettres ouuertes, que le Roy d'Angleterre enuoya en Aquitaine.

La forme des lettres, que le Roy Anglois enuoya en Aquitaine: & comment chastellerault fut prins par les François, & Belleperche assiegée.

CHAP.

CCLXXIX.

tres en aussi estrange maniere. Mais son siecle le portoit ainsi,

† Il m'a esté forcé d'aider un peu à ceste lettre, autrement vous n'y eussiez trouué noplus de construction qu'es prognostications & presages de Nostradamus.

EDWARD, par la grâce de Dieu roy d'Angleterre, seigneur d'Irlande & d'Aquitaine. A tous ceux, qui ces presentes lettres verront, ou orront. † Sachez tous que nous, considerans & regardans aux besongnes des mettes, marches, & limitations de nostre Seigneurie d'Aquitaine, ainsi comme elle s'estend de chef en chef, auons esté presentement informez d'aucuns molestes & griefs, faits, ou pensez à faire de par nostre trescher fils le Prince de Galles, es pays dessusdits. Parquoy nous, estans tenus, & le voulâs estre, d'obuier & remedier à toutes choses indeuës, & à toutes haines & rancunes d'entre nous & noz feaux amis & subiets, Annonçons & pronõçons, certifions & ratifions, que nous, de meure & bonne volonté, & par grand' deliberation de Conseil, à ce appelé, voulons que nostre trescher fils le Prince de Galles, se deporter de toutes exactions, faites ou à faire: & restitue à tous ceux & celles, qui greuez ne pressez auront esté par luy, ou par ses gens & officiers en Aquitaine, tous cousts, fraiz & dommages, leuez & à leuer, au nom desdites exactions, aides, & fouages. Et, si aucuns de noz feaux, subiets, & amis, tant prelats comme gens d'eglise, Vniuersitez, Colleges, Euesques, Comtes, Vicomtes, Barons, Cheualiers, Communautéz, & gens des citez & bonnes villes, se sont retournez, & se soient voulu tenir, par mauuaise information, & pauvre aduis, à l'opinion de nostre aduersaire le Roy de France, Nous leur pardonnons ce méfait: si, ces lettres veues, ils retournent vers nous, ou vn mois apres. Et prions à tous noz loyaux & certains amis, que ils se tiennent en leur estat, tant que de leurs foy & hommage ils ne soient reprochez. Laquelle chose nous déplairoit grandement, & la verrions trop enuis. Et, si de nostre trescher fils le Prince, ou d'aucuns de ses gens, ils se plaignent, en disant qu'il soient aucunement greuez ou pressez, ou ayent esté au temps passé, nous leur ferons amender tous griefs: tellement que par raison deura suffire, pour nourrir paix, amour, concorde, & vnté entre nous & ceux des marches & limitations dessusdites. Et, à fin qu'ils tiennent ces choses à verité, nous voulons que chacun prenne & ait la copie de ces presentes: lesquelles nous auons solennellement iurées à tenir, & non enfreindre, sur le corps Iesuchrist, present nostre trescher fils Iehan, Duc de Lancastre, Guillaume, de Sallebery, le Comte de Waruich, le Comte de Harcourt, Gautier de Manny, le Bastard de Persy, & celui de Neufuille, de Buffy, & d'Estanfort, Richard de Pennebroth, Roger de Beauchamp, Guy de Brianne, le Seigneur de Meue, & celui de Ware, Alain de Bouqueselle, & Richard Stury, Cheualiers. Donné en nostre palais de Westmonstier, l'an de nostre regne quarantequatre, le cinquième iour de † Nouembre. Les lettres furent apportées, par deux Cheualiers du Roy d'Angleterre, en la Principauté & Duché d'Aquitaine, & notifiées & publiées par tout, & les copies enuoyées promptement & secretement à Paris, deuers le Vicomte de Rochechoart, le Seigneur de Maleual, le Seigneur de Marneil, & les autres, qui là se tenoient, ou ailleurs, à ceux qui François retournez s'estoient. Mais, pour chose qu'elles eussent esté enuoyées & publiées parmi ledit pays d'Aquitaine, ie n'ouy point dire que nul laissast, pour ce, à faire son intention & volõte: mais † encor s'en tournoit il tous les iours au parti de France: & tousiours conqueroient les François auant: & aduint (si tost q' messire Loys de S. Julian fut retourné en la Roche-de-Poulay, & messire Guillaume des Bourdes en la garnison de la Haye en Touraine, & Carlouet à Saint-Saluin, qu'ils meirent sus secretement vne cheuauchée de Gens d'armes & de Compaignons, hardis & bien montez: & vindrent escheller, sur vne adiournée, la ville de Chastellerault: & eussent prins & attrapé messire Louis de Harcourt (qui dormoit en son hostel de ladite ville, & qui de ce nullement ne se donnoit garde) mais il s'en fuit en ses draps linges, & tout déchaux, de maison en maison, & de iardin en iardin, en moult grand' doute qu'il ne fust prins desdits François (qui auoient eschellé ladite forteresse: en laquelle il estoit couché: comme dit est) & fit tant qu'il s'en vint bouter sous le pont de Chastellerault (que ses gens auoient fortifié) & là se sauua il, & s'y tint vn grand temps. Mais les Bretons & les François furent maistres de la ville, tout-entierement: & en firent vne belle, grande, & bonne garnison: & en fut Carlouet Capitaine: & venoient tous les iours les Bretons & les François, qui estoient en ladite ville de Chastellerault, combattre à ceux dudit pont: & là eut faite, par plusieurs iours, mainte grand' écar mouche, & mainte appertise d'armes. Le Duc Louis de Bourbon (qui sentoient les

† Cecy me fait dire que le ch. precedent, avec partie de cestuy cy, & insqu'à mais encore s'é tournoit, est encore de l'ā 2369.

† Ceste demie clause est accõplie selon la Chaux, & est cecy de l'an 1370. à ma mode, selõ qu'il se peut voir par le chap. 277.

Chastellerault prins par les François.

Anglois & les Compaignies en son païs de Bourbonnois, & comment Ortigo, Bernard de Wist, & Bernard de la Salle, tenoient son chastel de Belleperche, & Madame sa mere dedans (prenoit cest outrage à grand' déplaissance. Si faduifa qu'il mettroit sus vne cheuauchée de Gens-d'armes, & viendrait mettre le siege par-deuant le chastel de Belleperche, & ne s'en partiroit iusques à ce qu'il le r'auroit. Si en parla au Roy de France: lequel le luy accorda legérement: disant qu'il luy aideroit à faire son siege, de gens † & de mises. Or se partit il de Paris: & auoit fait son mandement à Moulins, en Auuergne, & à Sainct-Pourcain: & eut moult grand' foison de Gens-d'armes, & de bons combattans: & le vint seruir le Sire de Beauieu, à trois cens Lances: le Sire de Villars, & de Roucillon, à cent Lances: & grand' foison de Barons & Cheualiers d'Auuergne, & de Forest: dont il estoit Sire, à cause de Madame sa femme, fille à ce gentil Seigneur, Monseigneur Beraut, Comte Dauphin. Si s'en vint le dessusdit Duc loger & emmesnager deuant le chastel de Belleperche: & y fit, par-deuant, vne bastide grande & grosse, pour ses gens: qui sy tenoient & retrayoiēt à couuert, tous les soirs: & tous les iours venoiēt écaroucher à ceux du fort. Encor auoit ledit Duc de Bourbon fait venir & charier quatre grâs engins, deuant la forteresse: lesquels gettoient à l'estriuée, iour & nuict, pierres & mangonneaux: tellement qu'ils dérompirent tous les combles des tours & des maisons, & abbattirent la plus grand' partie des tours. De laquelle chose la mere du Duc de Bourbon (qui estoit leans prisonniere) estoit moult fort effraye. Si fit plusieurs prieres à son fils, qu'il se voulsist cesser de faire tel assaut (car trop là greuoient les engins) mais le Duc de Bourbon (qui bien certainement sauoit que ceste priere & requeste venoit de ses ennemis) respondit que point il ne cesseroit, pour chose qu'il en peust aduenir. Quand les Compaignons du fort veirent comment ils estoient oppressez, & que tous les iours multiplioit l'effort des François (car encores y estoit venu, † de rechef, messire Louis de Sâcerre, Marechal de Frâce, à tout grand' foison de gēs-d'armes) si faduiferēt qu'ils māderoient & signiferoient leur poureté à messire Iehâ d'Eureux, Seneschal de Limosin: qui se tenoit à la † Soubteraine, à deux petites iournées pres d'eux: & qui sauoit cōment les Seigneurs de Poictou & de Gascogne en celle maniere qu'ils partirēt de la cheuauchée de Quercy, leur eurent encōuenancé, sur leur foy, que s'ils prenoiēt forteresses en France, & ils estoient assiegez ils seroient confortez. Si escriuirent tantost lettres: & les enuoyerent de nuict, par vn de leurs varlets, à la forteresse de messire Iehan d'Eureux: lequel messire Iehan recōgnut bien le messager, aux enseignes qu'il luy dit: & respondit, quand il eut leu les lettres, qu'il l'acquitteroit bien & volontiers, & luy mesme, pour mieux exploiter, iroit en Angoulesme par-deuers le Prince & les Seigneurs, qui là estoient: & tellement sy conduiroit, que ceux de Belleperche seroient confortez & deliurez de ce peril. Si se partit ledit messire Iehan, apres ce qu'il eut recommandé sa forteresse, & sa garnison, à ses compaignons: & tant cheuaucha par ses iournées, qu'il vint en Angoulesme: là ou il trouua le Prince, le Comte de Cantebruge, le Comte de Pennebroth, messire Iehan de Montagu, messire Robert Canolle, messire Thomas de Perfy, messire Thomas de Phelleton, messire Guichard d'Angle, le Capal de Buz, & plusieurs autres. Si leur remonstra, bellement & sagement, comment les Compaignons estoient estreins & assiegez au chastel de Belleperche, par le Duc de Bourbon, par le Comte de † Sainct-Pol, & par les François. A ces parolles entendirent les Seigneurs tres-volontiers: & respondirent que vraiment seroient ils confortez, comme on leur auoit promis. De ceste besongne furent chargez le Comte de Cantebruge, & le Comte de Pennebroth: & fit tantost vn mandement le Prince à tous ses feaux, que, ses lettres veues, on se trahist deuers la ville de Limoges, Dont faduancerent Cheualiers & Escuyers, Compaignons & Gens-d'armes: & vindrent là ou ils auoient esté mandez. Si furent quand tous furent assemblez, plus de quinze cens Lances, & ennir on trois mille d'autres gens: & tant exploiterent par leurs iournées, qu'ils vindrent deuant Belleperche: ou ils se logerent, & s'ordonnerent à l'opposite des François: qui se tenoient à leur bastide: qui estoit aussi forte, & aussi enuironnée: comme vne bonne ville seroit: & ne sauoient les fourrageurs des Anglois ou aller fourrager. Toutesfois on leur amenoit aucuns viures de Poictou, quand on pouuoit. Or fit sauoir adonc messire Louis de Sancerre, Marechal de France, l'ordonnance & l'estat des Anglois à Paris, au Roy & aux Cheualiers, qui là se tenoient, & fit mettre & attacher † cedulles au Palais, & ailleurs, disant ainsi. ENTRE vous Cheualiers & Escuyers, qui desirez à trouuer les armes, & qui les demandez, ie

vous

† C'est à dire, des frais & despēs qu'il y faudroit mettre.

Siege de Belleperche par le Duc de Bourbon

† C'est à dire, d'abondant.

† La Chaux dit souueraine.

† Si n'a il point encore parlé de cestuy, durāt ce siege: & me semble qu'il y fault pluſtoſt Sancerre.

La Chaux passe tout ceci fort briuement, & sala encor plus.

Secours aux Anglois de Belleperche.

† C'est à dire, car tels & plaquards.

vous aduisé, & dy pour verité, que le Comte de Cantebruge, & le Comté de Pennebroth, & leurs gens, sont venus deuant Belleperche, en intention de leuer nostre siege: là ou noz gens se sont si longuement tenus, & auons tant estreins ceux de la forteresse, qu'il faut qu'ils se rendent tantost, ou que nous soyons combattus par force d'armes. Si venez celle part hastiuement: (car là trouueriez vous aucuns grans faits-d'armes) & sachez que les Anglois gisent assez diuerfement, & sont bien en lieu & en parti tel, qu'on leur peut porter grand dōmage. A l'exhortatiō & requeste dudit Marefchal aucuns bōs Cheualiers & Escuyers du Royaume de France s'aduācerent celle part: * & say bien que le gouuerneur de Blois, nommé Allart de Toustanne, y alla, à tout cinquante Lances: & aussi fit le Comte de Porcien, & messire Hue de Porcien son frere.

Annot. 1212

Comment les Comtes de Cantebruge & de Pennebroth emmenerent la mere du Duc de Bourbon, avecques la garnison de Belleperche: & comment le Duc de Bourbon se saisit de la forteresse.

CHAP. CCLXXX.

¶ Quand le Comte de Cantebruge & le Comte de Pennebroth eurent esté deuant les François, & aussi deuant Belleperche, le terme de quinze iours, & ils veirent que point n'issoient de leur bastide, pour eux venir combattre, ils eurent conseil & aduis d'enuoyer vn Heraut deuers eux, pour sauoir quelle chose ils vouloient faire. Si en fut Chandos, le Heraut, chargé: & luy fut dit quelle chose il leur diroit. Si y vint, & leur dit ainfi. Mes maistres & Seigneurs m'enuoyent deuers vous, & vous font assauoir par moy, qu'ils sont tous émerueillez de ce que vous les auez eus, ia le terme de quinze iours, deuant vous, & si n'estes point issus de vostre fort pour eux combattre. Si vous mandent que, si vous voulez vous traire hors, & venir deuers eux, ils vous laisseront prendre & aduiser piece de terre, pour vous combattre à eux: si en ait la victoire celuy, à qui Dieu la donnera. A ceste parolle respondit le Duc de Bourbon, & dit ainfi. Chandos, vous direz à voz maistres, que ie ne me combattray mie à leur volonté & ordonnance: & bien say vrayement qu'ils sont là: mais point ne me partiray d'icy, & si ne déferay mon siege, tant que j'aye reconquis le chastel de Belleperche. Monseigneur (dit le Heraut) ie leur diray bien volontiers. Lors se partit le Heraut Chandos, & s'en retourna vers ses maistres, & leur dit ceste response: laquelle ne leur fut pas plaisante. Si se meirent en conseil: & apres le conseil, ils dirent à Chandos autres parolles: lesquelles ils vouloient qu'il rapportast aux François: si comme il fit: & leur dit de-rechef, quand il fut reuenue. Seigneurs mes maistres & mes Seigneurs vous mandent par moy puis que combattre ne voulez, ne la partie prendre qu'ils vous ont faite, que dedans trois iours, Sire Duc de Bourbon, à heure de tierce, ou de midy, vous verrez vostre Dame de mere mettre à cheual, & emmener. Si aduisez sur ce, & la recouez, se vous pouuez. De * Madame de mere (dit le Duc de Bourbon) me déplaisit moult, se ie la voy emmener: & la r'aurons quand nous pourrons. Mais, pource que vous nous auez cy mis des parties, vous direz encores à voz maistres, que, si ils se veulent mettre sur les champs iusques à cinquante, nous nous y mettrons aussi: & en ait, qui en pourra auoir. Monseigneur (dit le Heraut) ie le leur diray volontiers, tout ainfi que vous me le dites. A ces mots partit Chandos d'eux, & s'en vint arriere deuers le Comte de Cantebruge, & le Comte de Pennebroth, & les autres: à qui il fit la relation de la partie: que le Duc de Bourbon leur mandoit: mais ils ne eurent pas conseil d'y entendre. Si s'ordonnerent, pour eux partir de là, & emmener la Dame, & ceux du fort: qui estoient moult trauaillez des engins de l'ost. Quand ce vint au iour, que mis & ordonné y auoient, ils firent sonner au matin leurs trompettes. Si s'armerent & appareillerent toutes gens, & se trahirent sur les champs, tous en arroy de bataille, à pié & à cheual, ainfi que pour combattre, bannieres & pennons deuant eux. ¶ En celuy estat (ou ils estoient tous ordonnez & appareillez, ainfi que ie vous recorde) par grand réueil faisoient corner & sonner leurs trompettes & menestriers moult hautement: & à heure de tierce firent vider & partir ceux du chastel de Belleperche, & Madame de Bourbon, & la firent monter sur vn pallefroy, bien ordonné pour elle, & ses Dames & Damoiselles avecques elle. * Si se partirent les Anglois & leurs routes, à heure de midy: & adreçerent ladite Dame messire Eustace d'Auberthicourt & messire Iehan d'Eureux: & se trahirent en celuy estat en la Principauté: & demoura ladite Dame prisonniere, vne espace de temps, ausdites Compaignies, † en la Roche vancloire, en Limosin. Mais oncques ne pleut bien sa prinse au Prince: & disoit, quand on en parloit, que, si autres gens que les Compaignies l'eussent fait, il la leur eut fait remettre de Vyāclere.

Annot. 1225

† La Chaux adiouste icy, après eux, & la leua ce iour bāniere messire Iehan de Mōragu neueu du cōte de Salibem, pour Salberā à mon aduis.

Annot. 1232

† La Chaux dit en la Roche de Vyāclere.

tantost, & sans delay: &, quand les Compaignons qui pour prisonniere la tenoient, luy en parloient, il leur disoit (quelque marché qu'ils fissent) qu'il reust son Cheualier, messire Simon de Burle: que les François tenoient. Vous deuers sauoir que le Duc de Bour, bon fut moult courroucé durant ce iour, que les Anglois emmenerent Madame, sa mere, hors de la forteresse de Belleperche en Auvergne. Assez tost apres leur departement, il se trahit auant: & ennoya ses gens prendre & saisir, comme sien, le Chastel de Belleperche, que les Anglois auoient laissé tout vague. Si le fit ledit Duc de Bourbon reparer & fortifier plus, qu'il n'auoit esté deuant la prinse des Compaignies. Ainsi se défit

*En quelle part
se retirerent les
François & An
glois du siege
de Belleperche.*

ceste grand' cheuauchée: & se tira chacun sur son lieu & s'en allerent les François, qui estoient avecques ledit Duc de Bourbon audit siege, en leurs garnisons dont ils estoient issus: & le Duc de Bourbon retourna, avecques ses Cheualiers & Escuyers, en France, delez le Roy qui luy fit grand chère: & fut moult ioyeux de sa venue (& le Comte de Cantebruge s'en alla demourer pres son frere en Angoulesme: & le Comte de Pennebroth, & ceux de sa route, s'en vint tenir & seiourner en la ville de Mortaigne-sur-mer, en Poictou. Si se partirent ces Compaignons & ces Gens-d'armes (qui estoient retournez de Belleperche) en Poictou & en Xainctonge: & chercherent tout le pays, pour auoir des viures: & encores faisoient ils de villains faits: n'ils ne s'en sauoient, ne pouuoient, abstenir. Assez tost apres se departit du Prince messire Robert Canolle, & retourna en Bretagne, en son chastel de Dorual. Si n'eut pas là esté vn mois, que le Roy d'Angleterre luy mada, que tantost & sans delay toutes excusations cessans & mises derriere, il ordonnast de ses besongnes (ainsi comme il verroit qu'il feroit de faire pour son profit) & qu'il passast la mer, & le vinst veoir en Angleterre. A ce mandement obeyt moult volontiers, & s'appareilla ledit messire Robert & entra en mer, & tant singla qu'il vint en Cornouaille. Là print il terre, à la Roche-Saint-Michel: & puis cheuaucha tant parmi le pays d'Angleterre, que il vint à Windesore: ou il trouua ledit Roy d'Angleterre: qui eut moult grand' ioye de sa venue: & aussi eurent tous les Barons d'Angleterre: pourtant qu'ils en pensoient bien auoir besoing, & qu'il estoit vn grand Capitaine & meneur de Gens-d'armes.

*Retour de Robert Canolle
en Angleterre*

De l'assemblee des quatre freres de France, de leurs preparatifs de guerre, de la deliurance de la mere, du Duc de Bourbon, & de l'accord d'entre les Roys de France & de Nauarre.

CHAPITRE CCLXXXI.

EN ce temps se partit le Duc d'Aniou de la ville de Toulouze: & cheuaucha en grand Arroy, parmi le Royaume de France: & exploita tant par ses iournées, qu'il vint en la bonne-ville de Paris: & là il trouua le Roy son frere, & les Ducs de Berry & de Bourgogne, ses autres freres: qui le receurent ioyeusement: & eurent les quatre freres pendant le terme qu'ils se tindrent à Paris, plusieurs conseils & consultations ensemble, sur l'estat des besongnes du Royaume, pour sauoir comme ils guerroyeroient & se maintiendroient, sur l'Esté aduenir. Si fut adonc proposé & ordonné qu'on feroit deux grosses armées & cheuauchées en Aquitaine: desquelles le Duc d'Aniou & sa route gouverneroient l'une, & entreroient en Guienne, par-deuers la Riolle & Bergerath: & le Duc de Berry conduiroit l'autre, au lez deuers Limoges, en Quercy: & se deuoient ces deux armées trouuer deuant la ville d'Angoulesme, & là dedans assieger le Prince. Encores fut adonques proposé & aduisé, par grand' deliberation de conseil, qu'on remanderoit Messire Bertrand du Guesclin, ce vaillant Cheualier (qui si vaillamment & loyaument festoit combattu pour la couronne de France, & qu'il seroit prié qu'il voufist estre Conestable de France. Quand le Roy Charles & ses freres ensemblement, & aussi leur conseil, eurent tout ordonné & getté leur propos (ainsi qu'ils vouloient qu'il se fist) & qu'ils se furent ébatus vn grand temps ensemble, le Duc d'Aniou, sur l'entrée du mois de † May, print congé d'eux tous, pour retourner le premier es pais de son Gouvernement: pourtant qu'il auoit à faire le plus lointain chemin. Si fut conuoyé des Barons & Cheualiers de France: pource qu'il en estoit moult fort aimé. Si cheuaucha tant ledit Duc par ses iournées, & si bien exploita qu'il vint à Montpellier: & là seiourna plus d'un mois: & puis reuint à Toulouze. Si se pourueut tantost de Gens-d'armes, par tout ou il les pouuoit auoir: & ià en auoit il grand' foison: qui se tenoient sur les champs, & faisoient frontiere aux Anglois, en Rouergue & en Quercy. Car le petit Mechin, Naudon de Pans, Perrot de Sauoye, le Bourg-camus, Anthoine le Negre, Lamit, Jaques de Bray, & grand' foison de leurs routes, festoient tenus toute la saison en Cahors: & auoient

*† 1370. assen-
blement.*

*Preparatifs
de guerre par
les François.*

honni &

honni & appouri tout le pays. D'autre part le Duc de Berry s'en vint à Bourges en Berry, & fit vn tresgrand mandement de Cheualiers & d'Escuyers de France & de Bourgongne: & aussi le Duc de Bourbo se retrahit en son pays: & fit sa semose, pour estre en ceste cheuauchée: & assambla grand' foison de Cheualiers & d'Escuyers de la Comté de Forest & de Bourbonnois. Le Comte Pierre d'Alençon, * son frere, se pourueut d'autre part, bien & efforcement. En ceste saison estoit reuenu du pais de Puce messire Guy de Blois: qui là auoit esté fait Cheualier nouuellement: & auoit leué banniere en vne escarmouche, qui fut faite sur les ennemis de Dieu. Aussi tost que ce gentil Cheualier fut retourné en Haynaut, & il ouit nouuelles de ceste cheuauchée, qui se faisoit, & deuoit faire, de ses cousins de France, en la Duché d'Aquitaine, il se pourueut si bien & si grossement, que pour y aller: & se partit de Haynaut, à tout son arroy: & s'en vint à Paris, se presenter au Roy: qui le veit moult volontiers, & luy ordonna d'aller, avecques le Duc de Berry, à ceste cheuauchée, à vne charge de Gens-d'armes, Cheualiers, & Escuyers. Si se partit messire Guy de Blois, de la cité de Paris: & cheuaucha vers Orleans, pour aller en Berry. Tout en telle maniere que le Roy de France auoit ordonné ses armées & ses cheuauchees, ordōna le Roy d'Angleterre deux armées & cheuauchées: & fut dit & arresté, que le Duc de Lancastre s'en iroit, à quatre cens Hommes-d'armes & autant de Archers, en la Duché d'Aquitaine, pour conforter ses freres: car on supposoit bien que en ce pays là se tireroient les plus fortes guerres, pour la saison. Avecques ce le Roy d'Angleterre & son Conseil getterent leurs aduis, qu'ils feroient vne armée de Gens-d'armes & d'Archers, pour enuoyer en Picardie: de laquelle armée seroit Chef messire Robert Canolle: qui bien se fauoit embesongner de gouuerner & de mener Gens-d'armes & routes: car il l'auoit apprins de gens assez experts & de grand temps. Messire Robert à la priere & requeste du Roy d'Angleterre & de son Conseil, descendit ioyeusement, & entreprit de faire cedit voyage, & de venir à Calais, & passer parmi tout le Royaume de France, & de combattre les François, fils se vouloient mettre au-deuant, sur les champs: & de ce se tenoit pour tout assuré. Si se pourueut si bien que merueilles, & aussi tous ceux qui avecques luy estoient, & deuoient aller en ce voyage. En ce temps fut deliurée de prison la mere au Duc de Bourbon, en échange, pour messire Simon de Burle Cheualier du Prince de Galles: & aida grandement à faire les traitez, & les pourchas de sa deliurance, messire Eustace d'Auberthicourt. Dequoy le Duc de Bourbon & la Royne de France luy sceurent bon gré. Toute celle saison auoient esté grans traitez & grans parlemens entre le Roy de France & le Roy de Nauarre (qui se tenoit à Cherbourg) & tant s'embesongnerēt les parties de l'un Roy & de l'autre, que l'on remonstra au Roy de France, qu'il n'auoit que faire de tenir guerre à son serourge le Roy de Nauarre, & qu'il auoit pour le present, assez grande guerre aux Anglois, & aussi qu'il valoit beaucoup mieux qu'il laissast aucune chose aller du sien, que plus grans maux en sourdissent: car, si le Roy de Nauarre vouloit consentir à arriuer les Anglois en ses forteresses du clos de Constantin, il greueroit trop le pays de Normandie, laquelle chose faisoit bien à considerer, & à redouter. Tant fut le Roy de France induit & pressé, qu'il s'accorda à la paix & vint à la ville de Rouen: & là furent tous les traitez remis auāt, & confermez: & allerent, deuers le Roy de Nauarre, l'Archeuesque de Rouen, le Comte d'Alençon, le Comte de Sallebruche, messire Guillaume des Dormas, & messire Robert de Lorris. Si le trouuerent à Vernon. Là y eut grans disners, & beaux & grans festins: & puis amenerent les dessus-nommez ledit Roy de Nauarre à Rouen, deuers le Roy de France. Là furent derechef toutes les alliances & confederations faites & iurées escriptes & seellées: & me semble que le Roy de Nauarre par paix faisant, deuoit renoncer à tous † proces & promesses d'amour qui estoient entre luy & le Roy d'Angleterre: &, luy reuenu † en Nauarre, il deuoit faire defier le roy d'Angleterre, &, pour plus grande seureté d'amour tenir & nourrir entre luy & le Roy de France, † luy deuoit laisser Charles & Pierre, ses enfans. Sur tel estat se partirent de Rouen, & vindrent en la cité de Paris: & là eut derechef grand' festé & solennité. Quand ils eurent assez ioué & festoyé ensemble, congé fut prins: & se partit le Roy de Nauarre moult amiablement du Roy de France: & laissa ses deux enfans avecques leur oncle: & puis print le chemin de Montpelier: & retourna, par là, en la Comté de Foix, & puis en son pays de Nauarre. Or retournons nous aux besongnes d'Aquitaine.

* Annot. 124.

Preparatifs de guerre par les Anglois.

Deliurance de Madame de Bourbon.

Paix et accord entre les Roys de France & de Nauarre.

† C'est à dire, procedures.
† La Chaux dit à Vernon.
† Ce reste de clause est adionsté s'elo les Abr. autrement elle estoit imparfaite.

Comment messire Bertrand du Guesclin se partit d'Espagne, & s'en vint droit à Toulouze: ou le Duc d'Aniou le receut ioyeusement: & des fortereffes, qu'ils prindrent ensemble, sur les Anglois.

CHAP. CCLXXXII.

Vous devez sauoir (si-comme cy-dessus est dit) comment le Duc d'Aniou auoit esté en France, sur l'estat que, luy reuenu en Languedoc, il deuoit entrer à toute force, en Guienne: car il ne pouuoit nullement aimer le Prince & les Anglois: ny ne fit oncques. Aussi auant son departement, pour la promotion de luy, le Roy de France enuoya lettres & grans messagers en Castille, deuers le Roy Henry: à ce qu'il voulist renuoyer en France messire Bertrand du Guesclin: si luy en fauroit bon gré. Aussi trefamiablement le Roy & le Duc d'Aniou en escriuirent audit Bertrand. Si exploiterent si bien les messagers qui y furent enuoyez, qu'ils trouuerent en la cité de Leon en Espagne ledit Roy Henry, & messire Bertrand. Si firent leur message, sur le mandement & ordonnance du Roy de France. Le Roy d'Espagne n'eust iamais retenu ledit messire Bertrand ny ne se fust iamais excusé. Tâtoft l'ordōna ledit messire Bertrād du Guesclin, au plustost qu'il peut: & print congé du Roy Henry, & partit à tous ses gens: & exploita tant par ses iournées, qu'il vint à Toulouze: ou le Duc estoit qui ia auoit assemblée grād' foison de Gés-d'armes, Cheualiers & Escuyers: & n'attendoit autre chose, fors que messire Bertrand fust venu: si qu'à la venue dudit messire Bertrand, le Duc d'Aniou & tous les autres François furent grandement réiouys: & ordonnerent pour partir de Toulouze, & entrer en la terre du Prince. En ce temps estoit venu à Hautonne le Duc de Lanclastre, à quatre cens Hommes-d'armes & autant d'Archers: † & faisoient charger leurs nefes & leurs vaisseaux de toutes pourueances: & auoient intētion de singler vers Bordeaux: mais qu'ils eussent vêt. Avec ledit Duc, & en sa charge, estoient le sire de Ros, messire Michel de la Poulle, messire Robert le Roux, messire Iehan de S. Lo, & messire Guillaume de Beauchāp. Affez tost apres se partit le Duc d'Aniou, de la cité de Toulouze, en tresgrand arroy, & bien ordonné. Là estoit le Côte d'Armignac, le Sire d'Albreth: le Côte de Perigourd, le Côte de Comminges, le Vicomte de Carmaing, le Comte de l'Isle, le Vicôte de † Bruniquel, le Vicôte de Narbone, le Vicôte de Talat, le Sire de la Barde, le Sire de Pincor-net, messire Bertrand Tande, le Seneschal de Toulouze, le Seneschal de Carcassonne, le Seneschal de Beaucaire, & plusieurs autres: & estoient deux mille Lances, Cheualiers & Escuyers, & six mille * Brigans à pié, à lāces & à pauois, & de toutes ses gēs estoit † Conestable & Gouverneur messire Bertrand du Guesclin. Si prindrent le chemin d'Agénois: & trouuerent encores sur les champs, plus de mille combattans des routes des cōpaignies (qui les auoient attendus toute la saison, en Quercy: & cheuaucherent deuers Agen. La premiere fortereffe ou ils vindrent, ce fut deuant † Moysac. Le pays estoit si effrayé de la venue du Duc d'Aniou, pour le grand nombre de gens qu'il menoit, qu'ils fremissoient tous deuant luy: & n'auoient les villes, ne les chasteaux, nulles volonteiz de eux tenir. Quand ils furent venus deuant Moysac, ceux de dedans se rendirent tantost, & se tournerent François. Puis allerent outre, deuers la cité d'Agen: qui se tourna aussi, & se rendit François. En apres vindrent deuers Thounins sur Garonne: & cheuaucherent les François à leur aise, pourfuyuant la riuere, pour trouuer plus gras pays: & vindrent au Port-Sainte-Marie (qui se tourna tantost François) & par tout mettoient les François Gens-d'armes & faisoient Garnisons: & vindrent deuant la ville de Thounins: laquelle tantost se rendit, ville & chastel. Si y establirent vn Capitaine, & vingt Lances, pour les garder. En apres ils prindrent le chemin de Montpensier & d'Aguillon, ardant & exilant tout le pays. Quand ils furent venus à † Montpensier (qui estoit bonne ville, & fort chastel) ceux du dedans furent si effrayez du Duc d'Aniou, qu'ils se rendirent au Roy de France. * Puis vindrent ces François deuant le fort chastel d'Aguillon: là ou ils furent quatre iours seulement: & alors se rendirent ceux du dedans au Duc d'Aniou, n'estans pas tels que messire Gautier de Manny, quand il le garda contre le Duc Iehan de Normādie, qui depuis fut Roy de France. Aussi ceux de Bergerath furent moult émerueillez comme ils s'estoient si tost rendus. A ce iour estoient Capitaines de Bergerath le Captal de Buz & messire Thomas de Felleton, à cent Lances d'Anglois, & de Gascons,

Arrivée de Bertrand du Guesclin à Toulouze, apres son dernier voyage d'Espagne. † Les trois mots suiuaus sont de la Chaux sans lesquels le sens estoit imparfait.

† Il y auoit icy de Brunkiel, mais il en a par-anāt tousiours surnommé vn de Bruniquel, que ie pe se estre cestuici.

** Annot. 125.*

† La Chaux dit Capitaine.

† Il dira tâtoft Moysach, cōme disent aussi les autres Exē. Mais sala dit Moufach, & la Chaux Moutfacy.

† Tous nos Exemp. & Abr. mettoient Mōt-pessier par tout, mais le chap. precedent avec les Cartes & descriptiōs assure ma correction.

Annota. 126.

Comment le Duc de Berry entra en Lymosin.

CHAP.

CCLXXXIII.

Tout en

Tout en telle maniere cōme le Duc d'Aniou & ses gens estoient entrez en la terre du Prince, par deuers le Toulouzain & l'Agenois, ainsi cheuaucherent le Duc de Berry & ses routes en Limosin, * à bien douze cens Lâces & trois mil Brigans, conquerans vil-
 les & chasteaux, & ardās & exilans le pais. Auec le Duc de Berry estoiet le Duc de Bour-
 bon, * le Comte d'Alençon, messire Guy de Blois, messire Robert d'Alençon, Comte
 du Perche, messire Iehan d'Armignac, messire Hugues Dauphin, messire Iehan de Ville-
 mur, le Sire de Beauieu, le Sire de Villars le Sire de Senac, messire Geoffroy de Monta-
 gu, messire Loys de Maleual, messire Raimon de Marneil, messire Iehan de Boulongne,
 messire Godeffroy son oncle, le Vicôte d'Vzes, le Sire de Sulli, le Sire de Taléton, le Si-
 re de Confant, le Sire Dappechere, le Sire Dacon, messire Iehan Damenue, Ymbaut de
 Peschin, & plusieurs autres bons Barons, Cheualiers, & Escuyers. Si entrerent ces Gens-
 d'armes en Limosin: & y firent moult de defarroys: & puis s'en vindrent mettre le siege
 deuant la cité de Limoges. Par-dedans auoit aucuns Anglois en garnison: que messire
 Hue de Caurellée (qui estoit Seneschal du pais) y auoit ordonnez & establis: mais il n'en
 estoit pas maistre: ains la tenoit & gouernoit l'Euesque de la ville: auquel le Prince de
 Galles auoit grand fiance: pourtant qu'il estoit son compere. Le Prince de Galles (qui se
 tenoit en la ville d'Angoulesme (fut informé de ces deux grosses cheuauchées, tant du
 Duc d'Aniou, comme le Duc de Berry: & comment ils estoient entrez, à grand effort,
 en la terre, par deux lieux: & fut encores ausi dit au Prince, à ce qu'on pouuoit veoir & i-
 maginer, qu'ils tiroiet à venir deuers Angoulesme, & de l'assieger avec madame la Prin-
 cesse: & que sur ce il eust aduis. Le Prince (qui fut vn moult vaillant hōme, & moult ima-
 ginant, & conforté en soy-mesme) respondit que ia ses ennemis ne le trouueroient en-
 fermé, n'en ville n'en chastel: & qu'il vouloit issir aux champs contre eux. Si meit tātost
 clercs & Cheualiers en œuvre d'escire lettres, & d'enuoyer par tous ses loyaux amis &
 subiets, en Poictou, en Xainctonge, à la Rochelle, en Rouergue, en Quercy en Gorre, en
 Bigorre, & en Agenois: & leur mandoit expressiēmēt que chacun s'apprestast, pour ve-
 nir (au plustost qu'ils pourroient, & à tout le plus de gens qu'ils auroient) deuers luy, en
 la ville de Congnac. Là estoit son mandement asis: & se partit tantost d'Angoulesme,
 pour y aller avecques madame la Princesse, & Richard, leur ieune fils. Mais, pendāt que
 ce mandement se faisoit: & que toutes gens s'appareilloient, les François cheuauchoiēt
 tousiours auant, & gastoient & exiloient le pays: & s'en vindrent deuers Linde, vne bō-
 ne-ville, seant sur la riuiera de Dordonne, à vne lieuē de Bergerath: & en estoit Capitai-
 ne vn moult vaillāt Cheualier de Gascōgne: qui s'appeloit messire Thonius de Batefol,
 & auoit ladite ville de Linde en garde. Or vindrēt par là deuāt le Duc d'Aniou, le Com-
 te d'Armignac, le sire d'Albreth, le Comte de Perigourd, le Vicôte de Carmaing, & tous
 les autres Barōs & Cheualiers de leurs routes. Si meirēt tantost le siege deuāt, par grand
 ordōnance: & dirēt qu'ils ne s'en partiroidēt, tāt qu'ils l'auroiēt. La ville estoit bōne, forte,
 & biē pourueue de tous biēs, & d'artillerie. Car Mōseigneur le Captal de Buz & messire
 Thomas de Felletton y auoiēt esté depuis quinze iours & l'auoient refreschie: & leur en-
 tentē estoit, que trop bien estoiet ceux de la Linde raillez d'eux tenir (s'ils vouloiēt) par-
 mi le cōfort, qu'ils pouuoient auoir hastiuemēt) fil leur en estoit besoing (de Bergerath,
 Mais les hommes de la ville estoient si enclins à eux tourner François, que merueille e-
 stoit: & entēdirent aux traitez & promesses, que le Duc d'Aniou leur faisoit faire par ses
 gens: & tant fut pressé ledit capitaine, messire Thonius, qu'il sy accorda aussi: parmi vne
 sōme d'argēt (qu'il deuoit auoir) & grād profit to⁹ les ans, du Duc d'Aniou: &, sur ce, pro-
 mettoit d'estre bon François. Si fut le tout ordōné tellement que, sur vne matinée, il de-
 uoit mettre les François en la ville. Ce marché & ce traité furent sceus, en la ville de Ber-
 gerath, le soir, dōt il deuoit ce faire le lendemain, & la place liurer. Adonc estoit là venu
 le Côte de Câtebruge, à deux cēs Lâces: qui fut present au rapport qu'ō fit. De ces nou-
 uelles furēt mōseigneur le Captal & messire Thomas de Felletō trop émerueillez, disās
 qu'ils seroient au liurer de la ville. Si se partirent de Bergerath apres minuit: & cheua-
 cherent deuers la ville de Linde: & vindrēt là, au poinct du iour: & firēt ouurir vne por-
 te: & cheuaucherent outre: sans point attendre, iusques à vne autre porte, par ou lesdits
 François deuoient entrer: qui estoient iā tous prests & appareillez, & entroient, & les
 mettoit ledit messire Thonius dedans. Dont se tira auant le Captal de Buz, l'espée au
 poing: & descendit à pié, assez pres de la porte: & aussi firent tous les autres: & dit
 en approchant tousiours, Messire Thonius, mauuais traistre, tu y mourras tout pre-

* Annot. 127.

* Ann. 128.

† Il y auoit icy
 le maistre de
 lieu, mais la
 Chaux, avec
 les chap. 286.
 & 287. assen-
 re nostre corre-
 ction.

Preparatifs de
 Prince de Gal-
 les pour se def-
 fendre contre
 les deux ar-
 mées de Fran-
 ce.

La ville de Lin-
 de sur Dordon-
 ne assiegee par
 le Duc d'An-
 ion.

*Le Capitaine de
Linde, liurant
sa place aux
François, tué
par le Captal
de Burz.*

mieremēt: & iamaïs ne feras trahison, apres ceste cy. A ces mots il lâça son espée sur luy, & la luy bouta si roidement, qu'il la luy embattit au corps, & la fit faillir plus d'un pié de l'autre lez: & l'abbattit en la place tout mort. Les François (qui apperceurent Monseigneur le Captal & sa banniere, & messire Thomas de Felleton & sa banniere, & comment ils auoient failli à leur entente) reculerent tantost, & tournerent le dos. Ainsi demoura ladite ville Anglesche: & fut adoncques en grand peril & danger d'estre courue & arse des Anglois, & les gens tous morts, pource qu'ils auoient esté consentans à ce traité. Mais ils s'excuserent bellement & sagement, disant que ce qu'ils en auoient fait ne consenti à faire, auoit esté par crainte, & principalement par leur Capitaine: qui l'auoit comparé. Si s'en passerent les Seigneurs à tant, & demourerent les habitans en bonne paix: mais ces deux Seigneurs dessusdits demourerēt là, tant que le Duc d'Aniou & ses gens s'y tindrent à siege, & iusques à tant qu'ils reprindrent vn autre chemin. Or parlerons vn peu de l'estat & ordonnance du royaume d'Angleterre (car il en eschet à parler) & de la cheuauchée, que messire Robert Canolle fit parmi le Royaume de France.

Commēt treues furent données entre les Anglois & les Escocois: & comment messire Robert Canolle ardit, courut, & exila tout le pays de Picardie, & celui de Vermandois.

CHAPITRE

CCLXXXIIII.

*Treues de neuf
ans entre les
Anglois &
Escocois.*

*Descente de
Robert Canolle
à Calais.*

*† Il adouisoit
icy & quatre
mille, sans di-
re qu'elles gens,
mais no^s auos
suini les deux
abregez, encor
que la Chaux
die Anglois
pour Galois.*

*† Ainsi ont ro^s
les Exemp. &
sala Ternois
s'en taisant la
Chaux. Toute-
fois i'y liroye
volontiers de
Terouenois.*

Anglois que messire Robert Canolle & ses gés partissent d'Angleterre, il y eut grand conseil entre les Anglois & les Escocois: & furent si sagement demenees les paroles, & par si bonnes & si vaillans gens (qui ressongnoient le dommage de l'un & de l'autre Royaume) qu'vnes treues furēt prinſes entre l'un Roy & l'autre, leurs pays, leurs gés, & tous leurs adherans, à durer neuf ans: & se pouuoient les Escocois armer, & aller cōme les autres soudoyers les gages prenās, de tel costé qu'ils vouldroient, ou Anglois, ou François: dont il aduint que messire Robert, & sa route, en eut bien cent Lances. Quand ledit messire Robert & tous les gens, qui avec luy deuoient aller & estre, furent appareillez & venus à Douures, & ils furent passez outre à Calais, luy-mesme passa tout derriere, & arriua au haure de Calais: & puis issit à terre: ou il fut receu, à grand ioye du Capitaine, messire Nicole de Stambourne, & de tous les cōpaignons. Quand ils se furent là rafreschis sept iours: & ils eurent getté leur aduis sur quelle part ils iroient, & quel chemin ils tiendroient, si ordōnerent leur charroy & leur pourueance, & issirent par vn matin, & se meirent sur les champs, moult ordonnément. Si estoient enuiron quinze cens Lances & quatre mille Archers, † parmi les Galois. Avecques ledit messire Robert estoient ifus d'Angleterre, par l'ordonnance du Roy, messire Thomas de Grantson, messire Alain de Boucqueselle, messire Gillebert Giffar, le Sire de Saluatier, messire Jehan de Bourfier, messire Guillaume de Meruille, messire Geoffroy Ourselle, & plusieurs autres Cheualiers & Escuyers apperts & vaillans Hommes-d'armes: qui vindrent, ce premier iour, assez pres de Fiennes. Messire Moreau de Fiēnes (qui pour le temps estoit Connestable de France) se tenoit en son chastel, & grand foison de bons cōpaignons avecques luy, Cheualiers & Escuyers: qui furēt tous pourueus & aduisez des Anglois recueillir. Le lendemain (quand ils les vindrent veoir, & qu'ils se meirent en ordonnance pour les assaillir) ils veirent bien qu'il n'y auoit point d'auantage pour eux. Si passerent outre la Côté de Guines: & entrerent en la Comté de Faucamberge, & l'ardirent toute: & vindrent deuant la cité de Therouenne: mais point n'y assaillirent: car elle estoit si bien pourueüe de bonnes Gens-d'armes, qu'ils eussent perdu leur peine. Si prindrent leur chemin parmi le pays de † Terrenois, pour entrer en Artois: & ainsi qu'ils cheuaucheroient trois ou quatre lieues par iour (ne plus n'estoit, pour la cause de leur charroy, & des gens de pié) ils se logeoient es gros villages, & de haute heure, à midy ou à nonne. Si vindrent ainsi, à tout leur ost, tant qu'ils furent deuant la cité d'Arras: & se logerent les Seigneurs & les Capitaines dedans la ville du Mont-Saint-Eloy, pres d'Arras: & leurs gens là enuiron: qui couroient & pilloient tout le pays, si loing qu'ils fosoient estendre. Le Roy de France auoit celle faison, pour toutes ces citez, chasteaux, forteresses, & bonnes villes, aux ponts & passages, mis grand foison de bōnes Gés-d'armes, pour les garder & deffendre, s'ils estoient assaillis: & ne vouloit que nul issist contre eux. Quand messire Robert, Canolle & ses cōpaignons furent departis du Mont-Saint-Eloy & de là enuiron, apres qu'ils s'y furent rafreschis deux iours, avec leurs cheuaux, ils s'ordonnerēt, & passerent outre au dehors de la cité d'Arras: & alors messire Guillaume de Meruille & messire Geoffroy

Geoffroy Ourfelle (qui estoient Mareschaux de l'ost) ne se peurēt tenir qu'ils n'allassent veoir ceux d'Arras de plus pres. Si se departirēt de leur grosse bataille enuiron deux cēs Lances, & bien enuiron quatre cens Archers: & sauallerēt es fauxbourgs d'Arras, & vindrent iusques aux barrieres: qu'ils trouuerent bien pourueus d'Arbalestiers & de bōnes Gens-d'armes. Adonc estoit dedās la ville messire Charles de Poictiers, delez Madame d'Artois: mais il ne fit nul semblant d'issir hors, ne de combattre les Anglois. Quand les Anglois eurent fait leur course, & ils se furēt vn petit arrestez deuant les barrieres, & virent que nul n'istroit contre eux, ils se meirent au retour, deuers leurs compaignons: qui les attendoient en vne grosse bataille, rangée & ordonnée sur les chāps: mais, quand ce vint au partir, ils voulurent donner souuenance qu'ils auoient là esté: car ils bouterent le feu es fauxbourgs d'Arras, pour atraire hors ceux de la ville, qui nulle volonté n'en auoiet. Lequel feu fit grād dōmage: car il ardit vn grād monastere de freres Prescheurs, cloistre, & tout ce, qui estoit au dehors de la ville. Apres celle empreinte, les Anglois passerent outre: & prindrent le chemin de Bapaumes, ardant & exilant tout le pays. Si firent tant par leurs iournées, qu'ils vindrent en Vermandois: & arriuerent à Roye. Si fut la ville arse: Puis passerent outre: & cheminerent vers Hem en Vermandois. Là festoiet retraits tous ceux du plat-pais, & aussi à Sainct-Quentin, & à Peronne: & y auoient tout le leur. Parquoy les Anglois ne trouuoiet riens: fors les granches pleines de blé: car c'estoit apres † Aoust. Si cheuaucherent courtoisement, sans eux trop laisser ne trauailler, deux ou trois lieues le iour: & quand ils trouuoient vne grasse marche, ils y seiournoiet deux ou trois iours: & enuoyoit messire Robert Canolle courir deuant vne ville, ou vn chastel, qui estoit chef du pais d'enuiron, & parloiet les Mareschaux aux Capitaines, sur assurance, en disant ainsi. Combien donnerez vous, en purs deniers, pour ce pays d'icy enuiron? & nous le respiterons de l'ardoir, & de le courir vilainement? Là se cōposoient, sur certains traitez & ordonnances, les plats-pays à Monseigneur Robert Canolle: & payoiet vne quantité de Florins. Si estoient parmi celle cōposition respitez d'ardoir: & profite ledit messire Robert Canolle en ce voyage, par ceste ordōnance, de la somme & de la valeur de cent mille frācs: dont depuis en fut mal de Court. & accusé au Roy d'Angleterre, en disant qu'il n'auoit point biē fait la besongne: si comme ie vous recorderay plus-auāt, en ceste presente Histoire. La terre du Seigneur de Coucy demoura toute en paix: n'oncques les Anglois n'y fortifierent à homme, ny à femme (qui y fust, & qui dit, Je suis à Monseigneur de Coucy) de la valeur d'vn denier. Tant firent, qu'ils vindrēt deuant la bōne-ville & cité de Noyō: qui bien estoit pourueüe & garnie de Gens-d'armes. Si s'arrestèrent là enuiron, & l'approcherent de moult pres: & là aduiserent si nul assaut leur pourroit valoir. Si là trouuerent à leur aduis bien bertrāchee, & appareillee de def fendre si mestier en estoit: & estoit messire Robert logé en l'Abbaye d'Orcāp, & ses gēs là enuiron: & vindrēt vn iour deuant la cité, rangez & ordōnez par maniere de Bataille, pour sauoir si ceux de la garnison & de la Cōmunauté de la ville istroient point: mais ils n'en auoient nulle volōté. Là eut vn Cheualier d'Escoce qui fit vne moult grand' ap pertise d'armes: car il se partit de son cōroy, son glaue au poing, monté sur son coursier, son page derriere luy, & brocha des esperons, tout contre val la montaigne. Si fut tantost deuant la barriere: & appelloit on ledit Cheualier messire Iehan Affueton, hardi hō me & courageux, & bien aduisé & arresté en ses besongnes. Quand il fut deuant les barrieres de Noyon, il meit piē à terre, ius de son coursier: & dit à son page. Ne te par point d'icy. Puis print son glaue en son poing, & s'en vint iusques es barrieres, & faillit outre, par-dedans les barrieres. Là auoit de bons Cheualiers du pays (comme messire Iehan de Roye, messire Lancelot de Lorri, & bien dix ou douze) qui furent tous émerueillez qu'il vouloit faire: & neantmoins ils le receillirent tref-bien. Là dit le Cheualier Escoçois. Seigneurs, ie vous vien veoir: car vous ne deigueriez issir hors de voz barrieres: & i'y daigne bien entrer. Ie vueil éprouuer ma Cheualerie contre la vostre: & me conquerez, si vous pouuez. Apres ces mots, il getta & lança plusieurs grās coups de son glaue à eux, & à luy des leurs: & fut en tel estat cōtre eux, luy tout seul sur eux, écarrouchāt & faisant trefgrād' apertise d'armes, plus d'vne heure: & si naura vn Cheualier, ou deux des leurs: & auoit si grand' plaissance à luy combattre, qu'il s'entre oubloit, & le regardoient les gens de la ville, & de la porte, & des † garites, à grād merueille, & luy eussent porté grand dommage, du trait, s'ils eussent voulu: mais nenny: car les Cheualiers François le leur auoient deffendu. Tant fut en celuy estat, que son

*Les fauxbourgs
d'Arras brul-
lez par les
Anglois de Ro-
bert Canolle.*

*† Toujours
1370.*

*Robert Canolle
deuant Noyon.*

*Vaillāce d'un
cheualier Esco-
du parti d'An-
gleterre.*

*† Il a dit en
quelques lieux
guerites, qu'il
sont icy cre-
neaux en la
chaux.*

Page vint sur son courfier, moult pres des barrieres: & luy dit tout haut, en son langage, Monseigneur, partez vous: il en est heure: car noz gens se partent. Le Cheualier (qui bien l'entendit l'appareilla: & lança, depuis, deux ou trois coups: &, quand il eut fait, il print son glaiue, & se relança à l'autre lez des barrieres, sans nul domage: &, tout armé qu'il estoit se getta sur son courfier, derriere son Page. Quand il fut sus monté, il dit aux François. Adieu Seigneurs, grand mercy. Si brocha des esperons: & fut tantost à ses Compaignons. Laquelle appertise d'armes de Monseigneur Iehan Assueton fut moult prisee de toutes gens.

Comment ceux de Noyon prindrent les Anglois, qui auoient bouté le feu au Pont l'Euesque: & comment le Roy de France manda messire Bertrand du Guesclin. CHAP. CCLXXXV.

Messire Robert Canolle & ses gens, à leur departemēt de la ville de Noyon, ardirēt la ville du Pōt-l'Euesque sur la riuere d'Oise: ou il auoit de grans hostels. Les Cheualiers & Escuyers, qui estoient en la cité de Noyon, eurent grand déplaisance de ce feu: & entendirent que messire Robert & sa route estoient partis & retraits. Si vindrent de la cité de Noyon enuiron soixante Lances: & vindrent encores si à point en la ville du Pont-l'Euesque, qu'ils y trouuerent ceux, qui le feu y auoient bouté & des autres aussi qui entendoient au pillage. Si furent recueillis de grand maniere: car la plus grand partie furent morts & occis: & gaignerent les François plus de soixante cheuaux: & recourēt plusieurs prisonniers, qu'ils vouloient emmener: & encores de beaux hostels: qui eussent esté ars, s'ils ne fussent venus à point: & remenerēt à Noyon plus de 15. prisonniers Anglois: ausq̄ls on coupa les testes: Or cheuaucherēt les Anglois en leur ordonnance: & monterēt à mōt, pour venir en Laonois, & pour passer à leur aise la riuere d'Oise, & aussi celle d'Esne. Si ne forfirent riens en la Côté de Soissons, pource qu'elle estoit au Seigneur de Coucy. Bien est vray qu'ils estoient poursuiuis & costoyez d'aucuns Seigneurs de Frāce: tels que le Vicomte de Meaux, le Seigneur de Chauny, Monseigneur Raoul de Coucy, Monseigneur Guillaume de † Mehung, fils au Comte de Tancarville, & de leurs gens. Parquoy les Anglois ne s'osoient point dérouter: mais se tenoient ensemble: & aussi les François ne se ruoient point entr'eux: mais se logeoient tous les soirs dedans les forts, & dedans les bonnes-villes: & les Anglois sur le plat-païs: ou ils trouuoient assez à viure, & vins nouveaux: dont ils faisoient grand largesse. Si cheuaucherēt tant ainsi, ardent, exilant, & rançonnant le pays, qu'ils passerent la riuere de Marne, & entrerent en Châpaigne, & passerent la riuere d'Aube, & retournerēt es marches de Prouins: & passerēt par plusieurs fois la riuere de Seine: & tiroient à venir deuant la cité de Paris. Car on leur auoit dit que le Roy de France auoit fait là vn grand mandement de Gens-d'armes: desquels le Comte de Saint-Pol & le Sire de Clifson deuoiēt estre chefs & Gouverneurs. Si les desiroient fort à combattre: &, par semblant, ils monstroient qu'ils ne vouloient autre chose que la bataille: & pource le Roy de France escriuit à messire Bertrand du Guesclin (qui estoit en Aquitaine avec le Duc d'Aniou) que, ses lettres veues, il se retirast en France: car il le vouloit embesongner autre part. En ce temps reuint en la cité d'Auignon le Pape Urbain, cinquième: qui auoit demouré à Romme, enuiron quatre ans: & reuint en esperance de faire paix entre les deux Roys, car la guerre estoit renouvellee: qui trop luy déplaisoit. De la reueneue dudit Pape furent † ceux d'Auignon, & de la marche d'enuiron, tous réiouis: car ils pensoient bien à en valoir mieux. Or parlerons du Prince de Galles comme il perséuera.

† La Chaux dit Melun, & mieux à mon aduis.

Retour du pape Urbain en Auignon.

† Il y auoit icy les Cardinaux & la marche, &c.

Mais la Chaux assure nostre correction avec le sens de l'auteur.

Comment le Prince de Galles assembla ses gens à Cognac, ou se trouua le Duc de Lanclastre, son frere: & comment le Duc d'Aniou rompit sa cheuauchée. & le Duc de Berry la sienne, s'estant Limoges rendue Françoisse. CHAP. CCLXXXVI.

Vous avez cy-dessus ouy recorder comment le Prince de Galles auoit fait son mandement à Cognac, sur l'intention d'aller & de cheuaucher contre le Duc d'Aniou: qui luy gastoit & ardoit son pays. Si s'aduiferent de venir à son mandement au plustost qu'ils peurent les Barons, Cheualiers, & Escuyers de Poictou, de Xaintonge, & de la terre qui se tenoit du Prince: & se partit le Comte de Pennebroth, de sa garnison, à tout cent Lances: & s'en vint deuers le Prince. En ce temps arriua le Duc de Lanclastre, & ses gens, à Bordeaux: dont le pays fut fort réiouy. Si n'y firent pas grand sejour: mais s'en partirent (car ils entendirent que le Prince vouloit aller contre ses ennemis)

ennemis) & rencōtrèrent, à vne iournée de Congnac, le Comte de Pennebroth: qui tiroit celle part. Si se fit grand' cognoissance, quand ils se trouuerent: & cheuaucherēt ensemble: & vindrēt à Congnac: ou ils trouuerent le Prince, & Madame la Princesse, & le Comte de Canteburge: qui furent moult réiouis dé la venue des dessusdits: & tousiours venoient Gens-d'armes de Poictou, de Xainctōge, de la Rochelle, de Bigorre, de Gourre, de Gascongne, & des marches voisines, obeïssans au Prince, Le Duc d'Aniou, le Côte d'Armignac, le Sire d'Albreth, les Côtes & Vicôtes, & les Cheualiers & les Escuyers de leur accord (qui, si-comme cy-dessus est dit: auoient conquis citez, chasteaux, villes, & forteresses, en leur venue, plus de 40. & qui auoient approché de la cité de Bordeaux, † à cinq lieues pres, & gasté tout le pays d'euiron Bergerath & la ville de Linde) entendirent bien que le Prince auoit vn mandement fait, & qu'il estoit venu à Cōgnac, & aussi que le Duc de Lanclastre estoit arriué, à tout grand' foison de Gens-d'armes & d'Archers, au pays. Si eurent conseil ensemble, comment ils se pourroient cheuir. Pour le tēps de lors estoit nouuellement mandé messire Bertrand du Guesclin, du Roy de France du Duc de Berry: qui se tenoit au siege, deuāt la cité de Limoges: & auoit tellement estreins ceux de dedans, qu'ils estoient sur tel poinct, que pour eux rendre: mais qu'il y eust bons moyens. A ce conseil du Duc d'Aniou, & des Barons & Cheualiers, qui là estoient delez luy, & mis pour conseiller ensemble, fut appelé messire Bertrand du Guesclin, cōme c'estoit bien raison. Là eut plusieurs parolles dites & mises auant. Finalement, tout considéré, on cōseilla au Duc d'Aniou, de déropre, pour celle saison, sa cheuauchée, & d'euoyer toutes ses gens en garnison, & de guerroyer par garnisons: car ils auoient assez fait aux chāps, pour ce tēps. Aussi il besongnoit, & venoit grandement à poinct, que les seigneurs de Gascongne, qui là estoient cōme le Côte d'Armignac, le Comte de Perigourd, le Sire d'Albreth, & les autres) veinssēt à se retraire en leur pais pour les garder, & y faire frōtiere: car ils ne sauoient que le Prince (qui auoit fait si grand' assemblée) auoit en pēsee. Si se departirēt tous par commun accord, les vns des autres: & s'en vint le Duc d'Aniou en la cité de Cahors. Si espartit ses gens & ses compagnies parmi le pais qu'il auoit cōquis: & se bouterēt es garnisons & le Côte d'Armignac, & le Sire d'Albreth: & les autres retournerent en leur pais: & pourueurent leurs villes & leurs chasteaux grandement: ainsi que ceux qui esperoient auoir la guerre, & firent aussi estre appareillez leurs gens, pour garder & deffendre leur pays: si besoing estoit. Or parlerōs de messire Bertrand du Guesclin: qui se partit du Duc d'Aniou, & fit tant luy & sa route, qu'il vint au siege, deuāt Limoges: ou le Duc de Berry & le Duc de Bourbon, & grās Cheualiers de Frāce, se tenoient. Quand messire Bertrand fut venu au siege, si s'en réiouirent grandement les François: & fut grande nouuelle de luy, & dedans la cité, & dehors, Tantost il commença à poursuivre quelques traitez, qui estoient entamez entre l'Euesque de Limoges & ceux de la cité d'une part, & le Duc de Berry d'autre part: & les poursuyuit si songneusement, qu'ils se firent: & se tournerent François l'Euesque & ceux de la cité de Limoges: & entrèrent le Duc de Berry, le Duc de Bourbon, messire Guy de Blois, & les Seigneurs de France dedans, à grand' ioye: & en prindrent les foy & les hommages: & se rafreschirent & reposerēt par trois iours là dedans: & eurent les dessusdits conseil & aduis qu'ils déroproient leur cheuauchée, pour celle saison (ainsi que le Duc d'Aniou auoit fait) & s'en retourneroient en leur pais, pour prendre garde à leurs villes & forteresses, pour cause de messire Robert Canolle (qui tenoit: les champs en France) & aussi qu'ils auoient bien exploité, quand ils auoient prins vne telle cité comme Limoges. Ce conseil & aduis ne fut point brisé. Si se departirent les Seigneurs, les vns des autres: & demoura messire Bertrand au pays de Limosin, à tout deux cens Lances. Si se buta es chasteaux du Seigneur de Maleual: qui estoit tourné Frāçois. Quand le Duc de Berry se partit de Limoges, il ordōna & institua en ladite cité, à la requeste de l'Euesque dudit lieu, messire Jehan de Villemur, messire Hugues de la Roche, & Roger de Beaufort, à cent Hommes-d'armes: & puis se tira en Berry: & le Duc de Bourbon s'en retourna en Bourbonnois: & les autres Seigneurs des lointaines marches s'en vindrent en leur pays. Or parlerons du Prince, & comme il exploita.

† Sala dit
quize lieues

Les gens de la
cheuauchée du
Duc d'Aniou
se retirent en
leurs garnisons

Limoges réduite
Françoise.

Comment le Prince de Galles voulant recouurer Limoges, l'assiéga: & fit miner.

CHAPITRE. CCLXXXVII.

Quand les nouuelles vindrēt au Prince de Galles que la cité de Limoges estoit Frāçoise, & que l'Euesque dudit lieu, qui estoit son cōpere, & en qui il auoit eu au tēps

passé grand fiance) auoit esté à tous les traitez, & l'auoit aidée à rendre, si en fut moult courroucé, & tint moins de cōpte de l'Euesque, & de tous autres Gés-d'Eglise: ou il adioustoit au deuant grand' foy. Si iura l'ame de son pere (qu'onc il ne pariura) qu'il la raueroit, & qu'il n'entendroît iamais à autre chose deuant, & qu'il feroit comparoir aux traistres chèrement leur forfait. Quand la plus grande partie de ses gens furēt venus, on les

† *Sala dit quatre mille brigans, & la Chaux trois mille hommes de pié. & sont les deux clauses suivantes racoustrees selon luy mesme, cōbien qu'il y soit aussi corrompu en quelque cas*

† *La Chaux a tousiours Neuuille, pour cestuicy qui est aussi au parauant de Meruille.*

Quant à ces autres des Compaignies, si vous trouuez qu'il en ait mis cy deuant aucuns d'eux du party François presuppōsés qu'ils se feroient retourner Anglois.

† *Ceste clause est de la Chaux & à la verité ceste queue eust esté trop courte*

nōbra à douze cens Lances, Cheualiers & Escuyers, à mille Archers, † & à mille hommes de pié. Si se departirent de la ville de Congnac: mais messire Thomas de Phelleton, & le Captal de Buz estoient demourez à Bergerath, pour garder la frontiere cōtre les François & les cōpaignons, qui se tenoient sur le pays. Auecques le Prince estoient ses freres de Lanclastre & de Cantebruge, messire Guichard d'Angle, messire Louis de Harcourt, le Sire de Pons, le Sire de Partenay, le Sire de Pinane, le Sire de Tonnybouton, messire Perceus, de Coulongne, messire Godeffroy d'Argenton, Poicteuins: & des Gascōs, le Sire de Mōtferrant, le Sire de Chaumont le Sire de Lōgueren, messire Aimery de Tharfe, le Sire de Pōmiers, le Sire de Muciden, le Sire de l'Esparre, le Souldich de Lestrade, le seigneur de Gerōde, & plusieurs autres: & d'Anglois, messire Thomas de Perfy, le sire de Rooz, Monseigneur Guillaume de Beauchāp, messire Michel de la Poulle, Mōseigneur Estiēne de Goufenton, messire Richard de Pontchardon, Messire Baudouin de Frāuille, messire Simon Burle, messire Dangouffe, messire Jehan d'Eureux, messire Guillaume de † Mesuille, & assez d'autres, que ie ne puis par tous nōmer: & de Hainuyers, messire Eustace d'Auberthicourt: & des cōpaignons, messire Perducas d'Albreth, Naudō de Bergerant, Lanuit, le Bourg de l'Esparre, le Bourg de Bretueil, Espiote, Bernard de Wyft, & moult d'autres. Si se meirent tous ses Gens-d'armes au chemin, en grand' ordōnance: & tindrent les champs: & cōmença tout le pais à fremir contre eux. Des lors ne pouuoit le Prince de Galles cheuaucher, mais se faisoit mener & charier en litiere, pour son aisance. Si prindrent le chemin de Limosin, pour venir deuant Limoges: & tant exploiterent les Anglois, qu'ils y vindrent. Si se logerent tantost tout au tour: & iura le Prince, que iamais n'en partiroit, tant qu'il l'eust à sa volonté. L'Euesque du lieu & les Bourgeois sentirent bien qu'ils festoient trop forfait, & qu'ils auoient grandemēt courroucé le Prince. Dequoy ils se repētoient moult: mais ils n'y pouuoient remédier: car ils n'estoient mie Seigneurs, ne maistres de leur cité. Messire Jehā de Villemur, messire Hugues de la Roche, & Roger de Beaufort (qui la gardoient, & qui Capitaines en estoient) recōfortoient grandement les gens de la ville: & disoient. Seigneurs, ne vous effrayez de riens. Nous sommes forts assez, pour nous tenir contre la puissance du Prince: & par assaut ne nous peuuent ils prendre ne greuer: car nous sōmes bien pourueus d'artillerie. Quand le Prince & ses Mareschaux eurent biē imaginé & cōsidéré la puissance & la force de Limoges, & ils sceurent le nombre des gentils-hōmes qui dedans estoient, si dirent bien que par assaut ils ne l'auroient iamais: & pourtant iouerent alors d'un autre mestier. Le Prince menoit par vsage tousiours avec luy, & en ses cheuauchées, grand' foison de Hurons: qu'on dit Mineurs. Iceux furent tantost mis en œuure: & commencerent moult fort à miner, & à faire leur ouurage. Les Cheualiers, qui dedans estoient, cognurent bien qu'on les minoit: & à ceste cause commencerent à fossoyer à l'encontre pour briser leur mine. † Mais nous lairrons vn petit du Prince, en parlant de messire Robert Canolle.

Comment messire Robert Canolle, en faisant sa cheuauchée par plusieurs contrées du Royaume de France vint pres Paris: & comment vn Cheualier de sa Compaignie, reuenant d'une vaine entreprinse, fut tué par vn boucher de la ville.

CHAPITRE CCLXXXVIII.

Messire Robert Canolle (cōme cy-dessus est dit) estoit en grand nōbre de Gés-d'armes entré au Royaume de Frāce. Si cheuauchoit, à petites iournées & à grans despens, parmi le Royaume: & tout cōparoient les pures gens, & le plat-pays. Car les Anglois (ainsi qu'ils alloient & venoient) faisoient moult de desfrois: & à ce qu'ils mōstroient, ils ne vouloient que la bataille. Quand ils eurent passé tout le pays d'Artois, Vermandois, l'Euesché de Laon, & l'Archeuesché de Reims en Champagne, ils retournerent en Brie: & s'en reuindrent par-deuers la cité de Paris: † & se logerent vn iour & deux nuicts deuant, & aupres. Pour le temps de lors le Roy Charles de France y estoit: qui bien pouuoit veoir, de son hostel de Saint-Pol, le feu & les fumées qu'ils faisoient, par-deuers Gastinois. A ce iour estoient en la ville de Paris le Connestable de France

† *Noz Ann. & Cron. de France nomment aucuns des villages de*

messire

(messire Moreau de Fiennes) le Comte de Saint-Pol, le Comte de Tancarville, le Comte de Sallebruche, le Vicomte de Meaux, messire Raoul de Coucy, le Seneschal de Haynaut, messire Odart de Rancy, messire Anguerrât Daudin, le Sire de Chasteliulian, messire Jehan de Vienne, le Sire de la Riuere, & plusieurs autres grans Cheualiers & vail-lans hommes de France. Mais point n'en issoient, car le Roy ne le vouloit souffrir: ains le deffendoit. Car le Sire de Clifson (qui estoit alors le plus especial de son Conseil, & le mieux creu de tous) y mettoit grand decry: & disoit, Sire, vous n'avez que faire d'employer voz gens en ces forsenes. Laissez les aller. Ils ne vous peuuent tollir vostre heritage, ne bouter hors par fumées. A la porte Saint-Iaques, & aux barrieres, estoient le Comte de Saint-Pol, le Vicomte de † Rouen, messire Raoul de Coucy, le Sire de Canin le Sire de Cresques, messire Odart de Rancy, & messire Anguerrant Daudin.

*leurs logis pres
Paris mais nos
Exem. et Abr.
s'en taisent des
tout.*

† La Chaux de
Rohem.

Or, auant vn Mardy matin, que ces Anglois delogerent, & qu'ils bouterent le feu dedans les villages, ou ils auoient esté logez, tant qu'on les veoit tout pleinement de Paris, vn Cheualier de leur route auoit voué, vn iour deuant, qu'il viendrait iusques à Paris, & qu'il hurteroit aux barrieres, de sa lance. Il n'en mentit point: mais se partit, le glaue au poing, la targe au col, & armé de toutes pieces: & s'en vint esperonnant son courfier, son Escuyer derriere luy, sur vn autre courfier, qui portoit son bacinet. Quand il deut approcher de Paris, il print son bacinet, & le mit en sa teste: & son Escuyer le luy laça par derriere. Lors se partit, brochant son courfier des esperons: & s'en vint de plein bond ferir iusques aux barrieres. Elles estoient ouuertes: & cuidoient les Seigneurs & Barons, qui là estoient, qu'il d'eust entrer dedans la ville, mais il n'en auoit nulle volôté: ainçois, quand il eut hurté aux barrieres, ainsi que voué l'auoit, tira son frein, & se mit au retour. Lors dirent les Cheualiers de France, qui le veirent retraire, Allez vous en, allez, vous vous estes bien acquitté. Quand au nom de ce Cheualier, ie ne le say pas, ne de quel pays il estoit: mais il s'armoist de gueulles, à deux † souffles noires, & vne bordure noire, non endentée. Or eut il vn dur rencontre, car il trouua vn boucher sur le pauement, moult fort homme, & qui bien l'auoit veu passer: lequel tenoit vne hache trenchant, à longue poignee, & fort pesant. Ainsi que le Cheualier s'en r'alloit tout seul, & que de ce ne se donnoit garde, celui vaillant boucher luy vint sur le costé, & luy décliqua vn coup entre le col & les espaulles, si grād, qu'il le réuerfa tout à dens, sur le col de son cheual: & puis recouure, & le refiert au chef, & luy met la hache dedans. Le Cheualier, de la grande douleur qu'il sentit, cheut à terre: & le courfier fuit iusques à l'Escuyer: qui l'attédoit, au tourner d'une rue, sur les champs. Celuy Escuyer print le courfier: & fut tout émerueille qu'il estoit aduenue à son maistre, car bien l'auoit veu cheuaucher, & aller iusques aux barrieres, & hurter de son glaue, & puis retourner arriere. Si s'en vint celle part, & n'eut gueres allé auant, quand il le veit entre quatre compaignons, qui frapportoient sur luy, ainsi cōme dessus vne enclume: & fut si effrayé, qu'il n'osa aller plus auant, car biē veoit qu'il ne luy pouuoit aider. Si se mit au retour, au plus tost qu'il peut. Ainsi fut là occis ledit Cheualier: & le firent lesdits Seigneurs, qui estoient à la porte, enterrer en sainte terre: & ledit Escuyer retourna en l'ost: qui recorda l'aduēture, qui estoit aduenue à son maistre. Si en furent tous les compaignons courrouce: & vindrent ce soir gesir entre Montlehery & Paris, sur vne petite riuere: & se logerent de haute heure.

*Vaine entreprē
se, recompensée
selō son merite.*

† La Chaux es-
crit a deux fois
de fable
& vne vor-
diere non en-
dentée. Puis,
parlant de ce-
luy qui frappa
ce Cheualier,
dit loudier,
pour boucher
à la secon-
de fois vilain:

*Comment messire Bertrand du Guesclin print la forteresse de Saint-Triel en Limosin, &
comment le Prince de Galles reconquit la ville de Limoges. CHAP. CCLXXXIX.*

Pendant que messire Robert Canolle faisoit son voyage, & que le Prince de Galles & ses deux freres seiournoient deuant la cité de Limoges, messire Bertrand du Guesclin & sa route (ou il pouuoit auoir enuiron deux cens Lances) cheuauchoit à vn des costez du pays de Limoges: mais point ne gisoit de nuit aux champs, pour la doute des rencontres des Anglois: ains se retiroit dedans des forteresses, qui s'estoient tournées Francoises: lesquelles estoient à messire Louis de Maleual, à messire Raimond de Marneil, & à d'autres: & tous les iours cheuauchoit, & se mettoient en grande peine de conquerre villes & forts. Bien le sauoit le Prince: & en venoient à luy les nouuelles & les plaintes tous les iours, mais il ne vouloit mie défaire son siege, car il auoit prins trop à cœur la perte de Limoges. Si entra ledit messire Bertrād en la Vicomté de Limoges, sur vn païs, qui se tenoit & rendoit au Duc de Bretaigne, Monseigneur Jehan de Montfort: & là cōmença à courir, au nō de Madame, la femme à Mōseigneur Charles de Blois, à laquelle

† *sala dit S. yues, & la Chaux Saint Irrier.*

l'heritage auoit esté iadis. Si fit là grande guerre: & nul ne luy alla au-deuant, car le Duc de Bretagne ne cuidoit point que messire Bertrand le deust guerroyer. Or vint il deuant † Saint-Yriel: ou il n'y auoit nul Gentil-homme, qui le sceust deffendre. Si furent ceux de dedans si effrayez, qu'ils se rendirent à l'obeyssance de Madame de Bretagne: pour qui il faisoit guerre. De Saint-Yriel firent les Bretons grande garnison: par laquelle ils prindrent plusieurs autres villes en Limosin. Mais retournon au Prince de Galles.

† *le doute qu'il n'y felle lire le lieu.*

Enuiron vn mois, & non plus, fut le Prince de Galles deuant la cité de Limoges: n'ocques il n'y fit assaillir, n'écarmoucher: mais tousiours miner. Les Cheualiers, qui dedans estoient, & ceux de la ville, qui bien sauoient qu'on les minoit, firent aussi miner à l'encontre, pour faire occire les mineurs Anglois, mais ils faillirent à leur mine. Quand les mineurs du Prince (qui, tout ainsi qu'on les contreminoit, échangeoient † l'eau de leur mine) furent au-dessus de leur labeur & ouillage, ils dirent. Monseigneur, nous ferons renuerser (quand il vous plaira) vn grand pan de mur dedans les fossez: par lequel vous entrerez dedans la cité, tout à vostre aise, sans danger. Ces nouuelles pleurent grandement au Prince. Si dit, Je vueil que demain, à heure de prime, vostre ouillage se môstre. Lors bouterent les mineurs le feu en leurs mines: & le lendemain (ainsi que le Prince l'auoit ordonné) renuersa vn grand pan de mur: qui remplit les fossez, par l'endroit ou il estoit cheu. Tout ce veirent les Anglois volontiers, car là estoient tous armez & ordonnés sur les champs, pour entrer en la ville. Ceux de pié y pouuoient bien entrer par là tout à leur aise: & y entrerent: & coururent à la porte: † & coupperent les flans: & l'abbatirent par terre, & toutes les barrières aussi, car il n'y auoit point de deffense: & fut tout ce fait si soudainemēt, que les gens de la ville ne s'en dōnerent garde. Alors le Prince, le Duc de Lanclastre, le Comte de Cantebruge, le Comte de Pēnebroth, messire Guichard d'Angle, & tous les autres, & leurs gens, entrerent dedās: & alors eussiez veu pillars à pié, tous appareillez de mal-faire, & de courir la ville, & occire hommes & femmes, & enfans: & ainsi leur estoit il commandé. Là eussiez veu tresgrande pitié, car hommes, femmes &

† *il y auoit & rompirēt les fleaux, selon la Chaux.*

Limoges sacca gee par les gēs au Prince de Galles.

enfans, se gettoient à deux genoux deuant le Prince, en criant merci, mais il estoit enflāmē de si grande ardeur, que point n'y entendoit: ne nul, ne nulle, n'estoit ouy, mais tout mis à l'espée, quant qu'on trouuoit & rencontroit, & mesmes ceux & celles, qui point n'en estoient coupables: & ne say comment ils n'auoient pitié des pources gens, qui n'estoient mie taillez de faire nulle trahison: mais ceux le comparoient, & comparerent, plus que les grans maistres, qui auoient fait le mal-fait. Il n'est si dur cœur (qui adōc fust en la cité de Limoges, & eust souuenance de Dieu) qui ne plorast tendrement, du grand méchef qui y estoit, car plus de trois mille hommes, & femmes: & enfans, y furent décolez celle iournée. Dieu en ait les ames, car ils furent bien martirs. En entrant en la ville, vne route d'Anglois se ruerent dedans le Palais de l'Euesque. Si fut là trouué, & prins, & amené † sans ordonnance, deuant le Prince: qui le regarda felonneusement: & la plus belle parolle, qui luy sceust dire, ce fut qu'il luy feroit trencher la teste: & puis le fit oster de sa presence. Or parlerons des Cheualiers, qui leans estoient: c'est assauoir messire Iehan de Villemur, messire Hugues de la Roche, & Roger de Beaufort, fils au Comte de Beaufort, Capitaines de la cité. Quand ils veirent la tribulation & la pestilence, qui ainsi couroit sur eux & sur leurs gens, ils dirent. Nous tous serons morts: si nous ne nous deffendons. Or nous vendon cherement, ainsi que bons Cheualiers doiuent faire. Là dit messire Iehan de Villemur à Roger de Beaufort. Il faut estre Cheualier. Roger respondit: & dit. Sire, je ne suis pas encores si vaillant, que pour estre Cheualier: mais grād mercy, quand vous le me ramenteuez. Il n'y eut plus dit, car sachez qu'ils n'auoient pas bien loisir de parler longuement ensemble. Toutesfois ils se recueillirent en vne place, & faccoterent illecques contre vn vieil mur: & développerent leurs bannieres messire Iehan de Villemur & messire Hugues de la Roche: & se meirent ensemble en bon estat. Si pouuoient estre tous assemblez enuiron quatre vingts. Là vindrent le Duc de Lanclastre & le Côte de Cātebruge & leurs gens: & meirent tantost pié à terre, comme ils les veirent: & les vindrent requerir de grande volonté: & deuez sauoir que les gens de ces trois Capitaines François ne durèrent gueres à l'encontre des Anglois: ains furent tantost naurez, morts, & prins. Là se combattirent mout longuement le Duc de Lanclastre & messire Iehan de Villemur (qui estoit grand Cheualier & fort, & bien taillé de tous membres) & le Comte de Cantebruge & messire Hugues de la Roche, & le Comte de Pēnebroth & messire Roger de Beaufort (qui estoit lors Escuyer) & firent ces trois

† *C'est adire sās ordre, & sans auoir egard à sa dignité.*

Prouesse des troiscapitaines de Limoges, François.

Fran-

François plusieurs appertises d'armes, & les laisserent tous les autres conuenir, & mal pour ceux, qui ce fussent tirez auant. Le prince en son chariot vint celle part: & les regarda moult volontiers: & se rappaisa & adoucit, en eux regardant, moult fort: & tant se combattirent que les trois François d'un accord, en regardant leurs espées, dirēt, Seigneurs nous sommes vostres: & nous auez cōquis. Si ouurez de nous selon le droit d'armes. Par Dieu (dit le Duc de Lancastre) nous ne l'étendons pas autrement, messire Jehan: & nous vous receuons, comme noz prisonniers. Et ainsi furent prins les trois Cheualiers dessus-dits: si comme ie fu informé. Or ne cessa l'on mie à tant, mais fut toute la cité de Limoges courue, pillée, & robée sans deport, & toute arse & mise à destructiō: & puis s'en partirent les Anglois: qui emmerent leurs conquests, & leurs prisonniers: & se retrahirent vers Congnac: ou Madame la Princesse estoit. Si donna le Prince cōgé à toutes ses Gēs d'armes, & n'en fit pour celle saison plus-auant, car il ne se sentoit bien à son aise: ains tousiours aggrauoit sa maladie: dont ses freres & ses gens estoient tous ébahis.

Les trois Capitaines de Limoges se rendent.

Or vous diray comment l'Euesque de Limosin (qui fut en grand peril de perdre sa teste) finit sa prison. Le Duc de Lancastre le demanda au Prince: qui le luy donna & accorda: & le luy fit deliurer, à faire sa volonté. Ledit Euesque eut amis sur le chemin: & en fut le Pape informé, qui nouuellement estoit venu de Romme en Auignon: dont trop bien écheur audit Euesque, car autrement il estoit mort. Si requit ledit Pape au Duc de Lancastre, qu'il luy voufist donner ledit Euesque, & luy fit ceste requeste par si douces & amiables parolles, que ledit Duc ne le voulut point esconduire. Si le luy ottroya & enuoya: dont le Pape luy sceut grand gré. Or parlerōs nous des aduentures de France.

L'Euesque de Limoges deliuré au Pape.

Comment messire Bertrand du Guesclin fut fait Connestable de France. CHAP. CCXC.

OR fut le Roy de France informé de la destruction & du conquest de Limoges, & comment le Prince & ses gens l'auoient laissée toute vague, ainsi comme vne ville deserte. Si en fut moult courroucé: & print en grande passion le dommage & ennuy des habitans d'icelle. Or fut aduisé & regardé en France, par l'aduis & conseil des Nobles & des Prelats, & à la commune voix de tout le Royaume (qui bien y aida) qu'il estoit de nécessité que les François eussent vn Chef & gouuerneur, nommé Connestable (car messire Moreau de Fiennes se vouloit oster & deporter de l'office) qui fust vaillant homme de sa main, & entreprenant aux armes, entre tous Cheualiers & Escuyers: si que, tout considéré & imaginé, d'un commun accord on y éleut messire Bertrand du Guesclin (mais qu'il voufist entreprendre l'office) pour le plus vaillant, & le mieux entaillé & idoine de ce faire, & le plus vertueux & fortuné en ses besongnes, qui en ce tēps s'armaist pour la couronne de France. Adonc luy escriuit le Roy, & enuoya certains messagers, qu'il venfist parler à luy à Paris. Ceux, qui y furent enuoyez, le trouuerent en la Vicomté de Limoges: ou il prenoit chasteaux & fors: & les faisoit rendre à Madame de Bretagne, femme de feu messire Charles de Blois, & auoit nouuellement prins vne ville, qui s'appelloit Brandonne: & festoient les gens rendus à luy: & cheuauchoit deuant vn autre. Quand les messagers du Roy de France furent venus iusques à luy, il les recueillit ioyeusement & sagement: ainsi que bien le sauoit faire. Si luy baillerent les lettres du Roy: & firent leur message bien & à point. Quand messire Bertrand se veit especiallement mandé, si ne se voulut mie excuser de venir deuers le Roy de France, pour sauoir quelle chose il vouloit. Si se partit, au plus tost qu'il peut: & enuoya la plus grande partie de ses gens es garnisons, qu'il auoit conquises: & en fit souuerain & gardien messire Oliuier de Manny, son neveu. Puis cheuaucha tāt par ses iournées, qu'il vint en la cité de Paris: ou il trouua le Roy, & grande foison de Seigneurs de son Conseil: qui le recueillirent ioyeusement & dit & remontra le Roy proprement, comme on l'auoit élu & aduisé à estre Connestable de France. Adoncques s'excusa messire Bertrand grandement, & tressagement: & dit qu'il n'en estoit mie digne, & qu'il estoit vn pauvre Cheualier, & vn petit Bachelier, au regard des grans Seigneurs & vaillans hommes de France: combien que fortune l'eust vn peu aduancé. Et là luy dit le Roy, qu'il s'excusoit pour neant, & qu'il conuenoit qu'il le fust, car il estoit ainsi ordonné & déterminé de tout le Conseil de France: le quel il ne vouloit mie briser. Lors s'excusa encores ledit messire Bertrand par vne autre voye: & dit, Cher Sire & noble Roy, ie ne vo' puis, ny n'ose, ny ne vueil, dédire de vostre bon plaisir. Mais il est verité que ie suis vn pauvre homme, & de basse venue en l'office de la Cōnestablie: qui est si grād & si noble, qu'il cōuient (qui biē la veut exercer, & s'en

Election de Bertrand du Guesclin à Cōnestable de France.

Bertrand du Guesclin à Paris, au mandement du Roy.

Excuses de Bertrand du Guesclin, pour n'accepter la Connestablie.

acquitter) qu'il commande & exploite moult auant, & plus sur les grans, que sur les petits. Or veez cy Messieurs voz freres, voz neueuz, & voz cousins, qui auront charges, de Gens-d'armes en oïst & en cheuauchées: & comment oseroye-ie commander sur eux? Certes, cher Sire, les enuies sont si grandes, que ie les doy bien ressongner. Si vous prie cherement, que vous me deportiez de ceste office, & la bailliez à vn autre, qui plus volontiers la prendra que moy, & qui mieux le sache faire. Lors respondit le Roy: & dit, Messire Bertrád, ne vous excusez point par celle voye, car ie n'ay frere, cousin, ny neveu ne Comte, ne Baron, en mon Royaume, qui n'obeisse à vous: & se nul en estoit au contraire, il me courrouceroit, tellement qu'il s'en apperceuroit. Si prenez l'office ioyeusement: & ie vous en prie-Messire Bertrand congnot bien qu'excusances, qu'il sceust faire ne monstrent, ne valent riens. Si l'accorda finalement à l'opinion du Roy. mais ce fut moult enuis. Là fut pourueu, à grande ioye, messire Bertrand du Guesclin de la Connestablie de France: & pour le plus aduancer, le Roy l'assit deléz luy à sa table: & luy monstra tous les signes d'amour, qu'onc il peut: & luy donna, avec l'office, plusieurs beaux dons, & grandes terres & reuenues en heritage, pour luy & pour ses hoirs: & à ceste promotion meit grande peine, & grand conseil, le Duc d'Aniou.

Bertrand du Guesclin accepte la Connestablie, le 2. iour d'Ouict. 1370. selon les Annales & Croniques de France.

Comment messire Bertrand & le Sire de Clifson déconfirent, au Pont-de-Boulain, les gens de messire Robert Canolle.

CHAP. CCXCI.

Les deux autres Exép. ont icy pont de Boulain, que le liure de Bert. du Guesclin nome pōtval-lam, & sala semblablement, disant la Chaux pōtboulain.

ASsez tost apres que messire Bertrand du Guesclin fut reuestu de celle office, il dit au Roy qu'il vouloit cheuaucher vers messire Robert Canolle & ses gens: qui se tenoyent alors sur les marches d'Aniou & du Maine. Ces nouvelles pleurent bien au Roy, & dit. Prenez ce qu'il vous plaist, & ce que bon vous semblera de Gens-d'armes, tous obeissans à vous. Lors se pourueut ledit Connestable: & meit sus vne cheuauchée de Gens-d'armes Bretons, & autres: & se partit du Roy: & cheuaucha vers le Maine: & emmena en sa compagnie, avec luy, le Sire de Clifson. Si s'en vint ledit Connestable en la cité du Mans: & là fit sa garnison: & le Sire de Clifson en vne autre ville, qui estoit assez pres de là: & pouuoient bien estre enuiron cinq cens Lances. Encores estoit messire Robert Canolle & ses gens sur le pays: mais ils n'estoient pas bien d'accord, car il y auoit vn Cheualier en leur route, Anglois (qui s'appelloit messire Iehan Maistreurde) qui point n'estoit de leur volonté, ne de l'accord des autres: mais déconseilloit tousiours la cheuauchée, & disoit qu'ils perdoyent leur temps, & qu'ils ne se faisoient que lasser & trauailler à point de fait & de conquest: & f'estoit ledit Cheualier (qui menoit vne grande route, & auoit de bons Gens-d'armes) parti des autres. Messire Robert Canolle & messire Alain de Boucqueselle tenoient tousiours leur route: & estoient logez assez pres du Mans. Messire Thomas de Grantson, messire Gilbert Giffar, messire Geoffroy Orfel, & messire Guillaume de Mesuille, se tenoient à vne bonne iournée arriere d'eux. Quand messire Robert Canolle & messire Alain de Boucqueselle sceurent le Connestable de France & le Sire de Clifson venus au pays, si en furent grandement réiouis: & dirent, Ce seroit bon que nous nous recueillissions ensemble, & nous tenfissions à nostre aduantage sur ce pays. Il ne peut estre que messire Bertrád, à sa nouuelleté, ne nous vienne veoir & qu'il ne cheuauche. Il le laisseroit trop enuis. Nous auons ia cheuauché tout le Royaume de France: & si n'auons trouué nulle aduventure. Mandon nostre entente à messire Hue de Caurelle (qui se tient à Saint-Mor-sur-Loire) & à messire Robert Bricquet, & à messire Bertrand Cein, & aux autres Capitaines des Compagnies: qui sont pres d'icy, & qui viendront tantost, & volontiers. Se nous pouuions ruer ius ce nouuel Connestable, & le Seigneur de Clifson (qui nous est si grand ennemy) nous aurions trop bien exploité. Entre messire Robert, messire Alain, & messire Iehan, n'y auoit point de discord, mais faisoient toutes leurs besongnes par vn mesme conseil. Si enuoyerent tantost lettres & messagers secrettement, par deuers messire Hue de Caurelle & messire Robert Bricquet, & les autres, pour eux aduiser & informer de leur fait, & qu'ils se voufissent traire auant, & ils combattroient les François. Aussi signifient ils celle besongne à messire Thomas de Grantson, à messire Gilbert Giffar, & à messire Geoffroy Ourfelle, & aux autres, pour estre sur vn certain pas, qu'on leur auoit ordonné, car ils esperoient que les François (qui cheuaucheroient) seroient combattus. Aces nouuelles enten dirent les dessusdits volontiers: & fordonnerent & appareillerent sur ce, bien & à point & se meirent en voye, pour venir vers leurs compagnons: & pouuoient estre enuiron deux cens Lances. Oncques si secrettement, ne si quoyement, ne sceurent ce mande-

† La Chaux dit Nestron.

men

ment enuoyer deuers leurs compaignons, que messire Bertrand & le Sire de Clifson ne le sceussent, & ce qu'ils vouloyent faire. Quand ils furent informez, ils s'armerēt de nuit & se partirent, avecques leurs gens, de leurs garnisons: & tournèrent sur les champs. Celle propre nuit estoient partis de leurs logis messire Thomas de Grantson, messire Geoffroy Ourfelle, messire Gilbert Giffar, messire Guillaume de Mesuille, & les autres, & venoient deuers messire Robert Canolle & messire Alain de Boucqueselle, sur vn pas ou ils les esperoient trouuer. Mais on leur accourcit leur chemin, car droitement au lieu, qu'on appelle le pas † Pont-vollant, furent ils rencontrez & r'atteins des François: † *Choisissez le quel il vous plaira de tous les nōs qui sont au comēcemēt de ce chap. et li sez le pas du Pont, &c.* qui leur coururent sus, & les enuahirent soudainement: & estoient bien quatre cens Lances, & les Anglois enuiron deux cens. Là eut dure bataille, & bien combattue, & qui longuement dura, de l'un costé & de l'autre, car, si tost qu'ils les trouuerent, ils meirent tous pié à terre, & vindrent l'un sur l'autre moult roidement: & là se combattirent, de leurs lances & des espees, moult vaillamment. Toutesfois la place demoura aux François, & obtindrent victoire cōtre les Anglois: & furent tous morts, ou prins, qu'onc Anglois ne s'en sauua: si ce ne fut des pages & des varlets, ou de tels garçons, qui, estans mōtez sur les courriers de leurs maistres, se sauuerent, & se partirent, quand ils veirent la déconfiture. Si furent prins messire Thomas de Grantson, messire Gilbert Giffar, messire Geoffroy Ourfelle, messire Guillaume de Mesuille, messire Philippe de Courtenay, messire Hue le Despensier, & plusieurs autres Cheualiers & Escuyers: qui furent tous amenez prisonniers en la cité du Mans. Ces nouvelles furent tantost sceues par tout le pays, & par messire Robert Canolle & par les autres, & aussi par messire Hue de Caurelle, & par Monseigneur Robert Bricquet & leurs compaignōs. Si en furent moult courrouce: & se brisa leur emprise, pour celle aduenture: & ne vindrent ceux de Saint-Mor sur-Loire point auant: mais se tindrent tous quois en leurs logis: & messire Robert Canolle & messire Alain de Boucqueselle se retrahirent tout bellement: & se dérompit leur cheuauchée: & rentrent en Bretagne (car ils n'en estoient point loing & vint le dit messire Robert à son chastel de Dorual: & donna à toutes manieres de Gens-d'armes & d'Archers congé, pour aller à leur profit, par tout ou ils le pourroient faire & trouuer. Si s'en retrahit vne partie, & les plusieurs, en Angleterre, dont ils estoient partis: & messire Alain de Boucqueselle s'en vint yuerner & demourer en sa ville de Saint-Sauueur-le-Vicomte: que le Roy d'Angleterre luy auoit donnée. Apres celle deconfiture de † Pont-villain (ou vne partie des Anglois furent ruez ius, tant que leur cheuauchée se dérompit & défit) messire Bertrād du Guesclin (qui, en la nouuelleté de son office de Connestable de France, auoit eu ceste belle aduenture: dont il eut grande grace & recommandation) s'en vint en France, & le Sire de Clifson avec luy: & amenerent la plus grande partie de leurs prisonniers en leur compaignie, en la cité de Paris, & là les tindrent bien-aïses sans danger, † & les rançonnerēt sur leur foy courtoisement, sans autre contrainte. Ils ne les meirent point en prison, en fers, ny en ceps: ainsi que les Allemans font leurs prisonniers (quand ils en tiennēt) pour en attirer plus grande finance. Maudits soient ils. Ce sont gens sans pitié & sans hōneur: & aussi on n'en deuroit nul prédre à mercy. Les François firent bonne compaignie à leurs prisonniers, & les rançonnerent courtoisement, sans trop les greuer. De la deconfiture de Pont-vaillain sur les Anglois furent moult courrouce le Prince de Galles, le Duc de Lancastre, & ceux de leur costé: qui se tenoient à Congnac, apres la vengeance & reconqueste de Limoges. En ce temps, & enuiron Noel, trépassa de ce siecle, en Auignon, le Pape Urbain, cinquiesme (qui tant fut vaillant clerc, preud'homme, & bon François) & adonc se meirent les Cardinaux au Conclau: & eleurent entre eux vn Pape: & le firent, par commun accord, du Cardinal de Beaufort, & fut ce Pape appelé Gregoire onzieme. De la creation & diuine election de luy fut moult ioyeux le Roy de France (pourtant qu'il le sentoit bon François, & preud'home) & estoit, au temps de sa creatiō, delez luy en Auignon le Duc d'Aniou: qui meit grande peine à ce qu'il fust Pape.

De la prise & rançon de messire Eustace d'Auberthicourt, partisan d'Angleterre, & comment messire Raimont de Marneil, partisan de France, fut sauué par sa garde, estant au danger du Roy d'Angleterre.

CHAP. CCXCII.

EN ce temps aduint à messire Eustace d'Auberthicourt vne moult dure aduenture. Ainsi qu'il cheuauchoit en Limosin, vint par vn soir dedans le chastel du Seigneur

† Les Annales d'Aniou, le nōment pōt vaillain, & la Chaux ici pōt voulain, & le Noir pōt vaillain. † Pour tous ces mots, iusques à De la deconfiture la Chaux s'en taisant sa la, dit ainsi. Et la mist messire Bertrand les prisonniers à courtoises rançons sans onc les mettre en fers ne en ceps comme font les Allemans.

† Ainsi l'escriit
la Chaux, pour
ce que nous di-
sôs auionrdhui
contreplegé

de Pierre Buffiere:qu'il tenoit pour amy,& pour compaignon,& pour bon Anglois. Mais Pierre Buffiere meit Thibaut du Pont,vn Homme-d'armes Breton,& sa route,de- dans son chastel, lequel Thibaut du Pont print ledit messire Eustace d'Auberthicourt (qui de ce ne se donnoit point de garde)& le mena avecques luy, comme son prison- nier: & le rançonna depuis,de douze mille Francs: dont il en paya quatre mille:& son fils François d'Auberthicourt, demoura en ostage, pour le demourant, deuers le Duc que ledit messire Eustace auoit mis grand' peine à la deliurance de Madame sa mere: de Bourbon: qui l'aiuoit † ramplegé, & rendu grande peine à sa deliurance, pour cause que les Compaignies prindrent à Belleperche. Depuis sa deliurance, messire Eustace d'Auberthicourt s'en vint demourer à Carentem,outre les Guez-Sainct-Clement en la basse Normandie,en vne bonne-ville, que le Roy de Nauarre luy auoit donnee:& là mourut,Dieu en ait l'ame. Car il fut tant comme il vesquit & dura moult vaillant Che- ualier. En ce temps s'en r'alloit messire Raimon de Marneil(qui s'estoit retourné Fran- çois)de Paris en son pays. Si eust assez dure rencontre. Car il trouua vne grand' route d'Anglois,des gens de messire Hue de Caurellée: qu'un Cheualier de Poictou menoit. Si cheut si mal à point entre leurs mains,qu'il ne peut fuir:ains fut prins& amené prison- nier en Poictou,au chastel dudit Cheualier. La prinse de messire Raimon fut sceüe en Angleterre,& tant que le Royen fut informé. Si escriuit tantost ledit Roy deuers le Cheualier en luy mandant qu'il luy enuoyast tantost son ennemy, & traistre, messire Raimon:& il en prendroit si grande vengeance,que ce seroit exemple à tous autres:& pour sa prinse luy donneroit six mille Francs. Messire Geoffroy d'Argenton(qui le te- noit)ne voulut mie desobeyr au Roy,son Seigneur:& dit que tout ce feroit il volôtiers. Messire Raimon de Marneil fut informé commét le Roy d'Angleterre le vouloit auoir, & qu'il l'auoit mandé,& comment son maistre estoit tout deliberé de luy enuoyer.

Composition de
Raimo de Mar-
neil avecques
sa garde.

Quand ledit messire Raimon sceut ces nouuelles,si fut plus ébahi que deuant:& ce fut bien raison.Si commença en sa prison à faire les plus piteux regrets du monde,& rât que celuy,qui le gardoit(qui estoit Anglois,& de la nation d'Angleterre)en eut grande pitié,& le commença à reconforter moult doucement. Messire Raimon (qui ne veoit reconfort en ses besongnes,puis qu'on le deuoit mener en Angleterre,deuers le Roy)se decouurit enuers sa garde:& luy dit,Mon amy, se vous me voulez oster & garder de ce danger ou ie suis, ie vous enconuenance & vous promets par ma loyauté, que ie vous partiray moitié à moitié de toute ma terre,&vous en heriteray:ne iamais,tant que ie vi- ue,ne vous faudray.L'Anglois(qui estoit vn pauvre homme)confidera que messire Rai- mon estoit,en peril de sa vie,& qu'il luy promettoit grande courtoisie. Si en eut grande pitié & compafsion,& dit qu'il se mettroit en peine de le sauuer.Adonc messire Raimo (qui fut moult réiouy de ceste responce) luy iura la foy, qu'il luy tiédroit ce que promis luy auoit,& encores outre,fil vouloit:& sur celuy estat s'asseurerent,& aduiferent com- ment ils se pourroient cheuir. Quand ce vint à la nuit,celuy Anglois(qui portoit les clefs du chastel,& de la tour,ou messire Raimon estoit)ouurit la prison,& vne poterne du chastel:& fit tant qu'il le fit hors saillir:& se meirent aux champs,& dedans vn bois, pour eux détourner,tant qu'ils ne fussent r'atteins:& eurent celle nuit tant de paureté, que nul ne la pourroit penser,car ils cheminerent plus de sept lieues,tout à pié:&si auoit gelé tellement qu'ils decirerent tout leurs piez.Toutesfois ils firēt tant, qu'ils vindrent au lendemain, en vne forteresse Françoisise: ou ils furent recueillis moult grandement des compaignons:qui la gardoient.Ausquels ledit messire Raimon compta son aduen- ture. Si louerent tous Dieu.Bien est vray qu'au lendemain, quand son maistre se fut ap- perceu qu'ils estoient partis,on les quist, à gens-de-cheual, par tout: mais on n'en peut nul trouuer:& ainsi échappa de grand peril messire Raimon de Marneil,& retourna en Limosin,& recorda à ses amis cōme celuy Escuyer,Anglois,luy auoit fait grande cour- toisie. Si fut depuis ledit Anglois moult hōnoré entr'eux:& luy vouloit bailler messire Raimon la moitié de son heritage: mais il n'en voulut onc tant prendre,fors seulemēt 200. liures de reuenue,& estoit assez(ce disoit il) pour luy & pour son estat maintenir.

Comment le Prince de Galles,luy estant mort son fils aîné,laissa la Duché d'Aquitaine en la garde du Duc de Lanclastre, & comment quatre Cheualiers, Bretons, prin- drent le chastel de Mont-paon.

CHAP. CCXCIII.

EN ce temps trépassa de ce siecle,en la cité de Bordeaux, l'aîné fils du Prince & de la Princesse.Si en furent moult fort courroucez,& ce fut bien raison.Pour le temps de
lors

lors fut conſeillé audit Prince de Galles & d'Aquitaine, qu'il retournaſt en Angleterre ſur ſa nation, & que par-aventure il recouurerait plus grande ſanté. Ce conſeil luy dōnerent les Cirurgiēns & Médecins: qui ſe congnoiſſoyent en ſa maladie. Le Prince ſy accorda aſſez bien: & dit qu'il y retournerait volontiers. Si fit ordonner ſur ce toutes ſes beſongnes: & me ſemble que le Comte de Cantebruge, ſon frere, & le Comte Iehan de Pennebroth furent ordonnez de retourner avec luy, pour luy faire cōpaignie. Quand ledit Prince deut partir d'Aquitaine, & que ſa nauire fut toute preſte ſur la riuere de Garonne au haure de Bordeaux, & que proprement il eſtoit là, & Madame ſa femme, & le ieune Richard ſon fils, il fit vn mandement tres-eſpecial, en la cité de Bordeaux, de tous les Barons & Cheualiers du pays de Gaſcogne, & du pays de Poictou, & de tout ce, dont il eſtoit Seigneur, & auoit obeyſſance. Quand ils furent treſtous venus & mis enſemble en vne chambre, deuant luy, & en ſa preſence, il leur remonſtra commēt il auoit eſté leur Prince & Seigneur, & comment il les auoit touſiours tenus en bonne paix (tāt comme il auoit peu) & en grande proſperité & puiſſance, contre tous leurs voiſins & ennemis: & que, pour recouurer ſanté & guarifon (dont il auoit moult grand beſoyn) il auoit eſpoir & intention de ſ'en retourner en Angleterre. Si leur prioit moult cherement que le Duc de Lancaſtre, ſon frere, ils vouſſent croire & ſeruir, & obeyr à luy, comme ils auoient fait le temps paſſé à foy-mefme (car ils le trouueroient bon Seigneur, & courtois) & auſſi en toutes ſes beſongnes ils le vouſſent aider & conſeiller. Les Barons d'Aquitaine, de Gaſcogne, de Poictou, & de Xainctonge, luy eurent tous en conuenance, & luy iurerēt par leur foy & ſermēt, que ia en eux ne trouueroit defaute. Si firent la feauté & hommage audit Duc: & luy recongnurent toute amour, ſeruice, & obeyſſance: & ainſi le luy iurerent, preſent le Prince: & le baiſerent tous en la bouche. Apres ces ordonnances faites, ledit Prince ne ſeiourna pas gramment en la cité de Bordeaux, mais entra en ſon vaiſſel, & Madame la Princeſſe & leur fils, & le Comte de Cantebruge, & le Côte de Pennebroth: & eſtoient bien en celle flotte cinq cens combattans, ſans les Archers. Si ſinglerent tant, que, ſans peril & ſans dōmage, ils arriuerent au haure d'Antonne. Là iſſirent ils des vaiſſeaux: & ſe refreschirent par deux iours, puis monterent à cheual, & le Prince en ſa liere: & exploiterent tant, qu'ils vindrēt à Winderofe: ou le Roy ſe tenoit: qui receut ſes enfans moult doucemēt, & ſinforma, par eux, de l'eſtat de Guiēne. Quand le Prince eut eſté delez le Roy, tant que bien luy ſuffiſoit, il print congé: & ſe retrahit en ſon hoſtel Cameſtades. Nous nous ſouffrerons à parler, tant qu'à preſent, du Prince: & maintenant parlerōs des beſongnes d'Aquitaine. Aſſez toſt apres que le Prince fut parti de Bordeaux, le Duc de Lancaſtre entendit à faire l'obſequ de ſon neueu Edouard, fils du Prince, ſon frere. Si le fit faire moult grandement & reuerēment, en ladite cité de Bordeaux: & là furent tous les Barons de Poictou & de Gaſcogne, qui luy auoient iuré obeyſſance. Pendant ce que ces ordōnances ſe faiſoient, & qu'on entendoit à faire ce luy obſequ, & que ces Seigneurs ſe tenoyent à Bordeaux iſſirent hors de la garnifon de Perigourd bien deux cens Lances de Bretons: qui là ſe tenoyent, & que le Duc d'Anion y auoit enuoyez. Deſquels eſtoient Capitaines quatre bons Cheualiers, & hardis, hommes mallement: qui eſtoient nommez meſſire Guillaume de Lonual, meſſire Alain de la Houſſaye, meſſire Louis de Mailly, & le Sire d'Arcy. Or cheuaucherēt ces Seigneurs & leurs routes, iuſques à vn chaſtel bel & fort: qu'on dit de Mont-paon: dont vn Cheualier eſtoit Seigneur. Quand ces Bretons furent venus iuſques là, & ils eurent couru iuſques deuant les barrieres, ils monſtrerent ſemblant de l'afſaillir: & l'environnerēt moult hardiment: & alors meſſire Guillaume de Mont-paon (ſe monſtrant auoir le courage plus François, qu'il n'auoit Anglois) ſe tourna & rēdit François, à peu de fait: & meit les deſſuſdits Cheualiers, & leurs gens, en ſon chaſtel: leſquels dirent qu'ils le tiendroient contre tous hommes. Si le reparerent & appareillerent tantōſt de ce qu'il y appartenoit. Ces nouuelles furent ſceues à Bordeaux. Tātōſt le Duc de Lāclaſtre dit aux Barōs, que ils n'exploitoient pas bien, car les Bretons cheuauchoyent, & auoient prins Mont-paon qui marchife aſſez pres de là. De quoy ledit Duc & tous les Seigneurs, qui là eſtoient, eurent moult grande vergongne, quand ils le ſceurent: & ſordonnerent & appareillerent tous, pour traire celle part, & partirent de la cité de Bordeaux ſur vn Mecredy, apres boire. Avec le Duc de Lancaſtre eſtoit le Seigneur de Pons, le Sire de Partenay, meſſire Louis de Harcourt, meſſire Guichard d'Angle, meſſire Parceual de Coulōgne, meſſire Geoffroy d'Argenton, meſſire Iaques de Surgeres, meſſire Maubruny de Linieres,

*Remonſtrances
du Prince de
Galles à ceulx
d'Aquit. pour
eſtre obeiffans
au Duc de Lā-
claſtre, en ſon
abſence.*

*Foy & homa-
ge des Aquitai-
niens au Duc
de Lancaſtre.*

*Le Prince de
Galles retourne
en Angleterre.*

*† La Chaux diē
en ſon hoſtel
& chaſtel de
verkameſta-
de a xx. liuēs
de la cité de
Londres.*

*Le chaſtel de
Mont-paon rē-
du François ſur
quoy ie cōmen-
ceroye volon-
tiers l'an 1378
à ma mode.*

messire Guillaume de Montendre, messire Hugues de Vinoye, le Sire de Crupenac, & plusieurs autres Barons & Cheualiers du pays de Poictou & de Xainctonge. Si y estoient de Gascongne le Captal de Buz, le Sire de Pommiers, messire Helie de Pommiers, le Sire de Chaumont, le Sire de Montferrant, le Sire de Langeron, le Souldich de l'Estrade, messire Bernadet de Labret, le Sire de Geronde, messire Aimery de Testu, & plusieurs autres: & d'Angleterre, messire Thomas de Phelleton, messire Thomas de Perly, le Sire de Ros, messire Michel de la Poulle, le Sire de Villeby, messire Guillaume de Beauchâp, messire Richard de Pontchardon, messire Baudras de Franuille, messire Dangouffes, & plusieurs autres. Si estoient bien sept cens Lances, & cinq cens Archers. Si cheuauchèrent moult ordonnément par-deuers Mont-paon: & tant cheuauchèrent, qu'ils y vindrent. Quand messire Guillaume de Mont-paon sceut que le Duc de Lanclastre & ses gens le venoient assieger, si ne fut mie trop asseur. Car bien sauoit que, si estoit prins, il le feroit mourir de malle mort, & que point ne feroit receu à merci, car il f'estoit trop forfait. Si s'en découurit aux quatre Cheualiers dessusdits: & leur dit qu'il s'en departiroit, & feroit tenir à Perigourd: & que du chasteau ils fissent à leur volonté. Adonc se departit le dessusdit, ainsi que proposé l'auoit: & s'en vint en la cité de Perigourd (qui estoit moult forte) & laissa son chastel en la garde des quatre Cheualiers dessusdits.

Comment les quatre Cheualiers, Bretons, se deffendirent vaillamment contre le Duc de Lanclastre, & comment ledit Duc print lesdits quatre Cheualiers à rançon.

CHAPITRE.

CCXCIII.

*Mont-paon assié-
gé par le Duc
de Lanclastre.*

QUand le Duc de Lanclastre, & les Barons & Cheualiers de sa route furent venus deuant le chastel de Mont-paon, si l'assiegerent, & sy bastirent aussi bien & aussi fort, que s'ils deussent y demourer sept ans: & ne seiournerent pas, quand ils y furent: mais se meirent tantost à assaillir de grande volonté, & enuoyerent querir & couper, par les villains du pays, vne grande foison de bois, & d'autres choses: & les firent charroyer & renuerfer dedans les fossez: & furent bien sur celuy estat quinze iours, ou plus, qu'on n'entendoit à autre chose, fors qu'à remplir les fossez: & sur ces bois & merriens on mettoit estrain & terres: & tant firent lesdits Seigneurs, par l'aide de leurs gens, qu'ils remplirent vne grande quantité des fossez, & tant qu'ils pouuoient bié venir aux murs, pour écaroucher à ceux de dedās: ainsi qu'ils faisoient tous les iours, par cinq ou par six assaux: & y auoit les plus beaux estours du monde. Car les quatre Cheualiers Bretons, qui dedans se tenoient, estoient droitz Gens-d'armes: & si bien se deffendoyent, & si tresvaillamment se combattoient, qu'ils en sont bien à recommander: & (combien que les Anglois & les Gascons les approchassent de si pres, que ie vous dy (toutesfois point ne s'en effrayoient: ne sur eux riens on ne conqueroit. Assez pres de là, en la garnison de S. Maquaire, se tenoyent autres Bretons (desquels Iehan de Mallestrois, & Seuestre Budes estoient Capitaines) qui tous les iours oyoient parler des grâdes appertises d'armes, qu'il faisoit deuant Mont-paon: & auoient grande enuie & grand desir qu'ils y fussent. Si en parlerent ainsi ensemble plusieurs fois, en disant, Nous sauons noz compaignons pres d'icy, & si vaillans gens que tels & tels (si les nommoient) qui ont tous les iours, par cinq ou six fois, estours, & la bataille à la main: & point n'y allons: qui icy seiournons à riens de fait. Certainement nous ne nous en acquittons pas bien. Si estoient en grand estrif d'aller à eux: & quand ils auoient tous parlé, & ils consideroyent le peril de laisser leur forteresse sans l'un d'eux, ils ne sauoient comment en faire. Si dit vne fois Seuestre Budes. Par Dieu, Iehan, j'iray, ou vous irez: or regardez lequel ce sera. Iehan respondit, Seuestre, vous demourrez, & j'iray. Là furent de-rechef en estrif, tant que par accord & par serment, fait & iuré present tous les compaignons, ils tireroient à la longue paille: & celui, qui auroit la plus longue, iroit: & l'autre demourroit. Si tirerent tantost: & échut à Seuestre Budes la plus longue. Lors y eut de leurs compaignons grande risée. Ledit Seuestre ne la tint mie à fable: mais s'appareilla, & monta tantost à cheual: & partit luy douziesme d'Hommes-d'armes, & cheuaucha tant, que sur le soir il se vint bouter en la ville & forteresse de Mont-paon: dont les Cheualiers & les compaignons, qui là dedans estoient, eurent grande ioye: & tindrent grand compte dudit Seuestre. Ainsi comme ie vous ay cy-dessus dit, il y auoit tous les iours assaux à Mont-paon: & trop bien les Cheualiers, qui dedans estoient, se deffendoyent: & y acquirent grand honneur, car, iusques adonc qu'on leur fit renuerfer vn pan de leur mur, ils ne seffraye-

*Plaisant sort
de deux Cap-
taines Bretons
pour aller au
secours de ceux
de Mont-paon.*

f'effrayerent de rien. Mais ie vous di que les Anglois ordonnerent manteaux, & attournemens d'affaux (quand ils peurēt approcher parmi les fossez, remplis iusques au mur) & là auoit Brigans, & gens paueschez, qui portoient de grās pics de fer: à force desquels ils picquerent tant le mur, qu'ils en firent cheoir, sur vne remontée, plus de quarāte piez de large. & puis tantost les Seigneurs de l'ost ordonnerent & establirent vne moult grande bataille de leurs Archers: qui tiroient si vniment à ceux de dedans que nul ne f'osoit mettre au deuant, n'apparoir. Quand messire Guillaume de Longual, messire Alain de la Houffaye, messire Louis de Mailly, & le Sire d'Arcy, se veirent en ce parti, si sentirēt biē que plus ne se pouuoient tenir. Si enuoyerent tantost vn de leurs heraux, monté à cheual, parmi ce mur, pour parler au Duc de Lanclastre, car ils vouloyent entrer en traité, s'ils pouuoient. Ledit Heraut vint iusques audit Duc (car on luy fit voye) & remonstra ce pourquoy il estoit là enuoyé. Le Duc, par le conseil de ceux qui là estoient, donna respit à ceux de dedans, tant qu'ils eussent parlementé à luy. Le Heraut retourna & fit celle relation à ses maistres: & tantost tous quatre se trahirent ¶ auant sur les fossez: là ou le Duc de Lanclastre enuoya parler à eux messire Guichard d'Angle. Là sur les fossez furent ils en traité, & demanderent en quelle sorte & maniere ledit Duc les vouloit prendre, n'auoir. Messire Guichard (lequel estoit chargé de ce qu'il deuoit faire & dire) dit, Seigneurs, vous auez grandemēt courroucé Monseigneur. Car vous l'auiez cy tenu plus ¶ d'onze semaines: ou il a grādemēt frayé, & perdu moult de ses gēs, parquoy il ne vous receura ne prédra iamais à merci, se vous ne vous rendez simplement: & encores veult il auoir, tout premierement, messire Guillaume de Mont-paon, & le faire mourir (ainsi qu'il l'a defferui) comme traistre. Lors respondi messire Louis de Mailly: & dit, messire Guichard, quant à messire Guillaume de Mont-paon (que vous demandez à auoir) nous vous iurons bien & loyaument, que nous ne fauons ou il est, & que point il n'est tenu en ceste ville, depuis que vous meistes le siege deuant. Mais il nous seroit moult dur de nous rendre en la maniere que vous nous voulez auoir: qui cy sommes enuoyez comme soudoyers, gaignāt nostre argent: ainsi que vous enuoyeriez les vostres, ou que vous mesme iriez personnellement, & auant que nous fissions vn tel marché nous nous vendrions chèrement: tellement qu'on en parleroit cent ans apres noz vies. Mais retournez par-deuers Monseigneur le Duc: & luy dites qu'il nous prenne courtoisement, sur certaine composition de rançon: ainsi qu'il voudroit qu'on fist les siens, s'ils estoient écheux en ce danger. Lors respondi messire Guichard: & dit, l'en feray volontiers mon plain pouoir. A ces parolles retourna deuers le Duc, & print en sa compaignie le Captal de Buz, le Seigneur de ¶ Roufain, & le Seigneur de Mucident, pour mieux faire la besongne. Quand lesdits Seigneurs furent venus deuant le Duc, si luy remonstrerent tant de belles parolles, vns & autres, qu'il descendit à leur entente: & print les quatre Cheualiers, Bretons, & Seuestre Budes, & leurs gens, à mercy comme prisonniers. Ainsi eut il de-rechef la saisine & possession de la forteresse de Mont-paon: & print la feauté des hommes de la ville: & y ordonna deux Gascons, Cheualiers, pour la garder & quarante Hommes-d'armes, & autant d'Archers: & la firent tantost iceux reparer biē & à droit, par les maçons de là enuiron: & la rafreschirent de viures & d'artillerie.

¶ Ce passage est fourni selon le sens de l'Auteur, et par les propres mots de la Chaux. ¶ Sala en cōpte autant mais la Chaux n'escrie que vj.

¶ La Chaux dit Rosen.

Mont-paon rendue aux Anglois par composition.

Comment le Duc de Lanclastre donna congé à tous ses gens, & s'en retourna à Bordeaux, & comment le Sire de Pons se retourna François.

CHAPITRE

CCXCV.

A Pres la conqueste de Mont-paon, & que le Duc de Lanclastre l'eut repourueüe de bonnes Gens-d'armes & de Capitaines, ils se délogerent: & donna ledit Duc congé à toutes ses gens, pour se retraire chacun en son lieu. Si se departirent les vns des autres & retournerent en leurs maisons: & s'en reuint le Duc en la cité de Bordeaux, & les Poicteuins en leurs pays: & ceux de Gascongne s'en rallerent en leurs villes & chasteaux. Si se commencerent à espandre les Compaignies sur le pays: là ou ils firent moult de maux, aussi bien en terre d'amis, comme d'ennemis. Si les soustenoit ledit Duc, & les souffroit faire leurs aises: pour ce qu'il pensoit bien en auoir à besongner: & par especial pour ce que les guerres estoient, pour le temps de lors, plus dures & plus fortes, sans comparaison, en Poictou, qu'autre part. Si se tenoyent les François en grand garnison, au Chastel de Mont-contour, à quatre lieues de Touars, & à six lieues de Poictiers: desquels François messire Pierre de la Guerfille & Iourdain de Coulongne estoient Capi-

¶ Ce passage est éclairci selon le chap. suuant.

† Ceste clause
avec les suivan-
tes, est éclaircie
par le sens de
l'Auteur, &
suivant la
Chaux.

taines & souverains. Si couroyent presque tous les iours deuant Touars, ou deuant Poictiers. & y faisoient grans contraires: & moult les reffongnoyent ceux du pays. D'autre part, à Chastelleraut se tenoit Carlouet le Breton à bien sept cens Bretons (qui trop domageoient le pays) & ceux de la Roche-de-Pouzay, & ceux de S. Saluin, couroient aussi, pres que tous les iours, & n'osoient les Barons & les Cheualiers de Poictou, qui Anglois se tenoient, cheuaucher parmi le pays, fors en grans routes, pour la doute des François, qui estoient enclaués en leurs pays. Biē tost après la reuēue de Mont-paon, & que ces Seigneurs de Poictou furent retraits en leurs pays (qui tenoient frontiere aux François) il y eut secrets traitez, menez par Monseigneur Louis de Saint-Julian, par le Vicomte de Rochechoart, & par autres François, avec grans pourchas, venans du Roy de France: qui nuit & iour traualloit à atraire ceux de Poictou à son accord. Si furent ces traitez tant bien conduits, que le Sire de Pons se tourna François, outre la volonté de Madame sa femme, & de ceux de sa ville de Pons en Poictou: & par ce demoura doncques la Dame, Angloise: & le Sire, François. De ces nouvelles furent moult courroucez les Barons & les Cheualiers de Poictou, qui Anglois estoient, car le Sire de Pons estoit là moult grand Seigneur. Quand le Duc de Lancastre l'entendit, si en eut moult grand mal-talent: & en voulut grand mal au Seigneur de Pons, & grand bien à Madame sa femme, & à ceux de la dessusdite ville, qui se vouloiēt tenir Anglois, & pour aider & conseiller la Dame, fut ordonné vn Cheualier (qui s'appelloit messire Aime-mon de Bours) hardi homme & vaillant. Car ledit Seigneur de Pons couroit, presque tous les iours, deuant la ville: & ne les deportoit en riens: mais telle fois y venoit, qu'il en estoit rechacé & rebouté, & qu'il s'en retournoit à dommage.

Comment les Anglois prindrent la forteresse de Montcontour. CHAP. CCXCVI.

Ainsi estoient les affaires & les besongnes des Anglois entouillées en Poictou: & les Seigneurs & les Cheualiers l'un contre l'autre: & y fouloit le fort le foible: & ne faisoit on droit, ne loy, ne raisō, à nully: & estoient les fors & les chasteaux entrelacez les vns dedās les autres, les vns Anglois, & les autres François: qui couroiēt & racouroiēt, & pilloieiēt les vns sur les autres, sans point de deport. Or saduiserent aucuns Barons & Cheualiers de Poictou (qui Anglois estoient) que ceux de la garnison de Montcontour les traualloient plus que nuls des autres, & qu'ils se retiroyēt celle part, & les iroient assieger. Si firent vn mandement en la ville de Poictiers, au nō du Seneschal de Poictou, messire Thomas de Percy. Auquel mandement obeirent tous Cheualiers & Escuyers, & furent cinq cēs Lances, & bien deux mille Brigans paueschez, parmi les Archers, qui là estoient & avec eux se trouuerent messire Guichard d'Angle, messire Louis de Harcourt, le Sire de Partenay, le Sire de Pinane, le Sire de Tanayboutō, le Sire de Cupegnac, messire Parceual de Coulongne, messire Geoffroy d'Argenton, messire Hugues de Vinoye, le Sire de Coys, le Sire de Puiffances, messire Iames de Surgeres, messire Maubrun de Linieres & plusieurs autres: & y furent aussi quelques Anglois (qui pour le temps se tenoient en Poictou, pour cause d'office, ou pour aider à garder le pays) tels q̄ Mōseigneur Baudouin de Frāuille, messire Dāgosse, messire Gautier Huet, messire Richard de Pontchardon, & autres. Quand ils se furent tous assemblez à Poictiers, & ils eurent ordonné leurs besongnes & leur arroy, ils s'en partirent: & prindrent le chemin de Montcontour, tous ordonnez & appareillez, ainsi que pour l'assieger. Le Chateau de Montcontour sied sur les marches d'Aniou: & est mallement fort & beau, à quatre lieues de Touars. Tant exploiterent lesdits Poictuins (qui estoient bien en compte trois mille combattans) que ils y parvindrent, & l'assiegerent tout au tour: & auoient fait amener & charier grans engins, de Touars, & de la cité de Poictiers. Si les firent (tantost qu'ils furent venus) dreuer par-deuant ledit chastel de Montcontour, & getter à ladite forteresse, nuit & iour. Avecques, ce les Seigneurs ennoyoyent tous les iours assaillir & écaroucher à ceux dudit fort: & là eut fait plusieurs grandes appertises d'armes. Car avec les Poictuins estoient gens des Compaignies, qui ne pouuoient, ne vouloiēt seiourner, tels que Iehan Creuelle, & David de Hollegraue. Ces deux, avecques messire Gautier Huet, en estoient Capitaines. Messire Pierre † de Cresille & Iourdain de Coulongne (qui dedans estoient se portoient vaillamment, & s'en venoyent tous les iours combattre aux Anglois, à leurs barrières. Entre les assaux qui là furent faits (dont il y en eut plusieurs au dixième iour que les Anglois & Poictuins furent là venus, ils assaillirent tellement & de si grande

† Il a dit de la
Guerille au
cha precedent,
la Chaux écrit
Gresille.

grande volôté, & par si bonne ordonnance, que de force ils percerent les murs du chastel, & entrèrent dedans, & conquièrent les François: & y furent tous morts & occis ceux, qui dedans estoient, exceptez messire Pierre & lourdain, & cinq ou six Hommes d'armes: que les Compaignies prindrent à mercy. Apres celle aduventure & celle prinse de Montcontour, messire Thomas de Percy, messire Louis de Harcourt; & messire Guichard d'Angle, par l'accord & conseil des autres Barons & Cheualiers, donnerent le chastel à messire Gautier Huet, à Iehan Creuelle, à Dauid Hollegraue, & aux Compaignons (qui bien estoient cinq cens combattans) pour faire là frontiere contre ceux d'Aniou & du Maine, & puis se departirent les Seigneurs, & retournerent chacun en son lieu. Ainsi demoura le chastel de Montcontour & la frontiere en garde & ordonnance des dessusdits: qui y firent tantost vne grande garnison, & le remparerent grandement, & le tindrent depuis moult longuement, & moult en greuerēt le pays de là enuiron: car tous les iours ils couroient en Aniou & au Maine.

*Prinse de Mōt
contour, par les
Poicteuins &
Anglois.*

Comment Bertrand du Guesclin Connestable de France, assiegea la ville d'Vzes: & comment elle luy fut rendue par composition.

CHAP.

CCXCVII.

Nous retournons à parler de messire Bertrand du Guesclin, Connestable de France, qui se estoit tenu à Paris delez le Roy, depuis la reueneue † de Pont-vallant: ou luy & le Sire de Clisson auoient les Anglois ruez ius: si comme cy dessus est dit. Or eurent ils bien entendu que les Anglois tenoient les champs en Poictou & en Guienne: si que (tantost apres la Chandeleur, † que le Printemps commença à retourner) ledit messire Bertrand faduila qu'il mettroit sus vne grande armée, & assemblée de Seigneurs & de Gés-d'armes, & cheuaucheroit d'autre part, ainsi que les Anglois cheuauchoiēt au pays de Poictou, Quercy, & Rouergue. Car là auoit aucuns Anglois, qui trop honorablemēt se tenoient: & i estoient tenus, depuis la guerre renouuellée: & encores les gés de messire Iehan d'Eureux se tenoiēt de nouuel au pays de Limosin: & auoient en Auvergne prins vn chastel, cité, & ville tout ensemble (qui s'appelle Vzes) qui pas ne faisoit à souffrir. Si disoit ledit Connestable de France, qu'il se vouloit tirer celle part. Si fit, par le congé du Roy, vn grand mandement de Gens-d'armes: & se partit de Paris à grande route: & tousiours luy croissoient gens: & tant exploita ledit Connestable qu'il vint en Auvergne. Adoncques estoient delez luy, & en sa compaignie, le Duc de Berry, le Duc de Bourbon, le Comte d'Alençon: le Comte du Perche son frere, le Comte de Saint-Pol, le Dauphin d'Auvergne, le Comte de Vendosme, le Comte de Porcien, le Sire de Sully, le Sire de Montagu, messire Hugues Dauphin, le Sire de Beauieu, le Sire de Rochefort, le Sire de Talencon, & grande foison de bons Barons & Cheualiers des marches de France. Si exploiterent tant ces Seigneurs, avec les Gens-d'armes dessusdits, qu'ils vindrent deuant la cité d'Vzes. Si se logerent aupres: & furent quinze iours deuant, y donnant grans assaux & forts: mais oncques en celle empreinte ils ne peurent prendre la forteresse, car il y auoit des Anglois dedans qui vaillamment la garderent. Si se partirent ces Gés-d'armes: & cheuaucherent outre, avec le Connestable, es parties de Rouergue: & les aucuns Chefs des Seigneurs vindrent en Auignon, veoir le Pape Gregoire, & le Duc d'Aniou, qui se tenoit avec luy. Tātoſt apres celle visitation, & que ces Seigneurs eurent parlé au Duc d'Aniou, se departirent de ladite cité d'Avignon, & se retirent deuers le Connestable: qui cheuauchoit en Rouergue, & conqueroit villes & chasteaux sur les Anglois. Si s'en vindrēt deuant la ville de † la Mulae (laquelle messire Thomas de Veul-

† Il y a main-
tenant ainsi en
tous nos Exem-
et pōt voulai
en la chaux.

† Nous pouuons
donc cōpter icy
seurement 1371
à nostre mode.

† L'Exemp. de
verard dit la-
mulae, celui
du Noir la mu-
lae, et l'Ab. de
Sala lamerau
s'en taisant la
chaux. Quand
au reste, il est é-
clairci par le sēs
de l'Auteur, et
par sala.

† Il a nagueres
dit Veulque-
faire comme
la Chaux dit
icy Veulque-
fare, s'en tai-
sant sala.

† *Verard dit*
sainte Seuer
n'estât ceste pla
ce aucunement
icy nommé par
les Abregez. deuers le Connestable, si bien & si sagement, qu'ils se partirent sans danger & sans blafme: & emporterent, de tout le leur, ce que porter en pouuoïent: & avec tout ce, ils deuoiēt estre enuoyez iusques à Sainte-Simere en Limosin. Ceste ordonnance fut tenue: & les Anglois s'en partirent, & rendirent tout ce qu'ils tenoient d'Vzes, cité & chastel: & furēt menez sans peril, iusques à la garnison dessusdite. Ainsi acquist messire Bertrand, en ce voyage, grande foison de pays (que les Anglois auoiēt tenu) & puis retourna en France.

Comment le Roy d'Angleterre, estant mal content de Robert Canolle fut appaisé, & comment y ayant eu quelque combat sur mer entre les Anglois & Flamans, la paix en fut faite incontinent.

CHAPITRE. CCXCVIII.

† *Les autres*
Exepl. disent
Maistreour-
de, et la Chaux
mestehour-
de.

† *Les deux au-*
tres Exem. es-
crivent a lab-
baye & à la
baye, & la
Chaux labaye
sans mettre à
deuant, dont ie
croy qu'il faut
lire l'Abaye.
Toutesfois Sala
dit le bay.
Flamans déco-
fits sur mer par
les Anglois.

† *Ainsi dit icy*
le Noir & Ve-
rad, avec la
Chaux, labaye
s'e taisât Sala.

Paix entre An-
glois & Fla-
mans.

Vous auez ouy-cy dessus parler de la cheuauchée, que messire Robert Canolle fit en France, & puis comment il retourna en son chastel de Derual en Bretagne. Or est verité qu'aucuns Anglois parlerent grandement contre son honneur à leur retour en Angleterre: & tant que le Roy & son Conseil furent informez contre luy, & mal contents. Mais, quād ledit messire Robert le sceut, il s'enuoya excuser par deux de ses Escuiers d'honneur: tellement que le Roy & son Conseil congurent qu'ils auoient esté mal-informez dudit messire Robert, & de luy bien se contenterent: parmi ce que messire Alain de Boucqueselle & aucuns autres Cheualiers & bien aimez du Roy luy aiderent à excuser: & le compara cheremēt messire Iehan † Maistourde, car il fut prins & iusticié publiquement en la cité de Londres. Par celle iustice fut excusé de toutes parolles, mal dites, ledit messire Robert: & demoura en la grace du Roy & du Prince. Le Roy d'Angleterre (qui se veoit guerroyé des François) acqueroit amis, deçà la mer, ce qu'il pouuoit: & auoit pour luy le Duc de Guerles, son neveu, & le Duc de Iuilliers: & deuoyent mettre sus, en celle saison, vne quantité de Gens-d'armes (& bien estoit en leur puissance) pour entrer en France. En ce temps le Roy d'Angleterre enuoya le Comte de Herfort, & les Cheualiers de son hostel, moult ordonnément en Bretagne, pour parler au Duc, sur aucunes ordonnances, qui deuoyent estre entre luy & le Duc. Pour lors n'estoient point amis les Anglois & les Flamans: ains festoient en celle saison hariez & enuahis sur mer: & tant que les Flamans y auoient perdu: dont il leur deplaisoit. Si se trouuerent d'auenture deuant vn haure en Bretagne (qu'ō dit † à la Baye) ces Anglois & ces Flamens. Si estoit Patron de la naue des Flamans Iehan Pitresonne, & de ces Anglois, messire Guy de Brienne. Si trestost comme ils se furent trouuez, ils s'assemblerent, & firent les vns sur les autres: & là eut moult grāde bataille & dure: & estoient là des Cheualiers dudit Roy, avec le Côte de Herfort, messire Richard Stury, messire Thomas de Vuisque, & des autres. Si se combattirent ces Cheualiers, & leurs gens, moult asprement à ces Flamans: & se porterent tresuaillāmēt: cōbien que les Flamans fussēt plus largement & pourueus de leur fait, car ils n'auoiēt desiré toute la saison autre chose, fors qu'ils peussent trouuer les Anglois: mais pour ce ne l'eurent ils mie d'aduantage. Si demoura ceste bataille sur mer bien trois heures: & là eut fait plusieurs grās appertises d'armes, & maint homme nauré & blecé du trait: & auoient les nauires attachez à crochets & à chaines de fer: parquoy ils ne peussent fuir. Finalement la place demoura aux Anglois: & furent lesdits Flamans déconfits, & le Sire Iehan Pitresonne, leur Patron, prins, & tout le demourant mort ou prins: n'onc nul n'en échappa. Si retournerent lesdits Anglois arriere en Angleterre: là ou ils amenerent leur conquest, & leurs prisonniers: & ne firent point leur voyage pour lors. Si compterent ces nouvelles au Roy d'Angleterre, leur Seigneur qui fut moult ioyeux de leur aduenue: quand il entendit que les Flamans (qui enuahis les auoient) estoïēt déconfits. Si furent tātost enuoyez: en prison fermée, Iehan Pitresonne & les autres, & espars par Angleterre. Apres celle décofiture, qui fut faite sur les Flamans deuant † le baye en Bretagne, le Roy d'Angleterre fit mettre grās Gens-d'armes sur mer, à l'encontre desdits Flamans, & les commanda guerroyer, & clorre le pas, parquoy riens ne venist audit pays, fors à grād danger. Quand ceux de Bruges, d'Ipre, & de Gand, entendirēt ces nouvelles, si meirent leur cōseil ensēble: & dirent, tout imaginé & considéré, que profitable chose ne leur estoit point, d'auoir la guerre, ne la haine, aux Anglois (qui leur estoient voisins, & marchisans à eux) pour l'opinion de leur Seigneur, le Comte, aider & soustenir. Si se dissimulerent les bonnes-villes, & enuoyerent hommes suffisans, & bōs traiteurs, en Angleterre, deuers le Roy & son Conseil, lesquels exploiterent si bien, auant leur retour, qu'ils apporterent paix au pays de Flandres, & aux Flamans, sur certains

certain articles & ordonnances, seellées entre l'une partie & l'autre. Si demoura la chose en bon & seur estat. Or parlerons vn petit du Roy de Maillorque.

Comment le Roy de Maillorque fut rançonné du Roy Henry d'Espagne, & puis s'en alla faire guerre au Roy d'Arragon.

CHAP.

CCXCIX.

Vous auez bien ouy cy-dessus recorder comment le Roy Iames de Maillorque fut prins à Valdolif en Castille, au reconquest que le Roy Henry fit en Espagne, & comment il demoura prisonnier audit Roy Henry. Quand la Roynne de Naples sa femme, & la Marquise † de Montferrat, sa sœur, entendirent ces nouvelles, si furent moult courroucees de l'aduenue: & y pourueurent de remede & de conseil. Le vous diray par quelle maniere. Elles firent traiter, par sages, & vaillans hommes, deuers le Roy Henry, pour la rançon dudit Roy de Maillorque: & firent tant, qu'il fut mis à rançon, en la somme de cent mille francs: lesquels les deux Dames dessusdites payerent si courtoisement, que le Roy Henry leur en sceut gré. Tantost que le Roy de Maillorque se peut partir, il retourna à Naples: & n'y voulut mie sejourner: ains fit tant, qu'il eust or & argent à grand pouoir, & amis de toutes parts: & se meit au chemin de-rechef, en intention de guerroyer le Roy d'Arragon, son aduersaire, qu'il ne pouuoit aimer: car il luy auoit tué son pere, & luy detenoit son heritage. Si exploita tant ledit Roy, qu'il vint en Auignō, deuers le Pape Gregoire, onzième: & là se tint plus d'un mois: & fit ses complaints si bien & si à point, audit Sainct-pere, qu'il condescendit assez à ses prieres, & consentit bien audit Roy de Maillorque, qu'il fist guerre audit Roy d'Arragō: car il auoit cause qui le mouuoit: & c'estoit pour son heritage recouurer. Si se pourueut ledit Roy de Maillorque de Gens-d'armes, & les achapta bié cher, par tout ou il en peut auoir: comme Anglois, Gascons Alle-mās, Bretons, & gēs de compagnies: desquels messire Gracien du chastel, messire Iehan de Malestroit, Seuestre Budes, & laques de Bray estoient Capitaines. Si pouuoient bien estre enuiron douze cens bōs combattans, & passerent outre, & entrerēt en Nauarre, & sejournerent là par le consentemēt du Roy de Nauarre, & entrerent en Arragon, & commencerent ces Cheualiers & Gens-d'armes, & leurs routes, à faire guerre au Roy d'Arragon, & à courir sur son païs, & à prédre: & assaillir petits forts, & à trauailler le plat païs, ou ils pouuoient habiter & entrer, & à rançonner hommes: tellement que le Roy d'Arragon (qui bien se doutoit de celle guerre) enuoya grans Gens-d'armes sur les frontieres: desquels le Côte de Roquebertin & le Comte de Roddes furent capitaines. Celle guerre pédant (qui estoit ia toute ouuerte, & moult † felle) le Roy Iames de Maillorque s'accoucha malade de-rechef au Val-de-Sorie: de laquelle maladie il mourut: & par ainseurent les Arragonnois paix de ce costé, vn grand temps: & se departirent ces compagnons, qui là auoient guerroyé: & s'en retournerent en France, deuers le Seigneur, dont ils pensoient auoir plus de profit. Or parlerons du Duc de Lanclastre.

Comment le Duc de Lanclastre espousa la fille aînée du Roy Dom Pietre d'Espagne: & comment confederations furent faites entre le Roy de France & le Roy Henry d'Espagne,

CHAP.

CCC.

LE Duc Iehan de Lanclastre se tenoit en la bonne cité de Bordeaux sur Garonne: & delez luy plusieurs Barōs, Cheualiers, & Escuyers d'Aquitaine. Car encores estoient les choses en estat pour la partie des Anglois-combien qu'aucuns Barons de Poictou & de Limosin fussent retournez François) & faisoit souuent des issues & des cheuachées sur les ennemis: ou riens ne perdoit: & bien le ressongnoient au pays ceux, qui tenoient les frontieres pour le Duc d'Aniou. Celuy Duc estoit veue, & sans femme: car Madame Blanche, Duchesse de Lanclastre & d'Erby, estoit trépassée de ce siecle. Si aduiferent les Barons de Gascongne, & messire Guichard d'Angle, que le Roy Dom Pietre auoit deux filles de son premier mariage, de la sœur au Roy de Portugal: lesquelles estoient en la cité de † Bayonne: & là à garant les auoient amenées aucuns Cheualiers, par mer, de la marche de Siuille, pour la doute du Roy Henry, aussi tost qu'ils sceurent la mort de leur pere, le Roy Dom Pietre. Si se tenoient les filles: comme toutes égarees: dont on pouuoit auoir grand pitié: car elles estoient heritieres de Castille (qui bien leur fist droit) par la succession du Roy leur pere, Si fut ce remonstré au Duc de Lanclastre, en disant ainfi, Monseigneur vous estes à marier: & nous sauons là vn grand mariage: dont vous ou vostre hoir, serez encores Roy de Castille: & c'est tref-

† Ces deux mots
suinās sont ad-
ionstés selon les
deux Abr. cō-
bien que celui
de la Chaux
soit corrompū
en ce passage.

Le Roy de Mail-
lorque vers le
Pape en Au-
gnon.

† C'est à dire,
cruelle venant
de l'adiectif La-
tin fera.

† l'ay mis ce
mot pour Gas-
congne selon
les Abregez.

Le Duc de Lanclastre prend à femme Madame Constance, fille aînée du Roy Don Pierre de Castille.

Ambassade du Roy Henry de Castille vers le Roy de France, pour alliance & confederation.

grand' aumosne de reconforter & cōseiller pucelles & filles de Roy, especialement qui sont en tel estat, comme elles sont. Si prenez l'aînée en mariage. Nous le vous conseillons. Car de present nous ne sauons ou vous vous pourriez plus hautement marier, ne de quoy si grand profit vous peust naistre. Ces parolles, & autres, entamerent tellement le cœur dudit Duc, & si bien luy pleurent, qu'il y entendit volontiers: & enuoya tantost & sans delay querre les Damoiselles (qui s'appelloient, l'une Constance, & l'autre Ysabel) par quatre de ses Cheualiers, & partit de Bordeaux ledit Duc, quand il sceut leur venue: & alla contre elles en grand arroy: & espousa l'aînée, Madame Constance, sur le chemin en vn village, delez la cité de Bordeaux (lequel village s'appelle Rochefort) & eut illecques, au iour des espousailles, grand' feste, & foison de Seigneurs & de Dames, pour la feste plus enforcer. Tātost apres les espousailles, le Duc amena Madame, sa femme, à Bordeaux, & là eut derechef grand' feste: & furent ladite Dame & sa sœur moult festoyées des Dames & des Damoiselles de Bordeaux: & leur furent donnez grans dōs, & beaux presens, pour l'amour dudit Duc. Les nouuelles vindrent en Castille, au Roy Henry, & aux Barons dudit Royaume (qui aliez à luy estoient de foy & d'hommage) comment sa niece auoit espousé le Duc de Lanclastre, & encores supposoit on que sa moins aînée sœur espouserait le Comte de Cantebruge, estant ledit Duc retourné en Angleterre. Si fut plus pensif ledit Roy Henry que deuant, & meist tout son Conseil ensemble. Si fut adoncques conseillé qu'il enuoyast grans messagers deuers le Roy de France: & que bien sceussent parler & remonstrer son affaire. A ce conseil & aduis se tint le Roy Henry: & ordonna sages hommes & des plus autentiques de son Royaume, pour aller en France. Si se meirent au chemin, en grand arroy: & firent tant par leurs iournées, qu'ils vindrent en la cité de Paris: ou ils trouuerent le Roy: qui les receut à grand' ioye: ainsi que bien le sceut faire. Entre le Roy dessusdit & les Ambassadeurs du Roy Henry (qui auoient procurations seellées, bonnes & iustes, de faire traitez, & proceder en toutes choses, au nom de leur Seigneur) eut plusieurs parlemens, traitez, & cōseils secrets, & autres: lesquels sortirent à effect. Finalement donc en ce temps furent accordées, ordonnées, & confirmées alliances, & confederations, moult grandes, & icelles iurées solennellement de toutes les deux parties, à les tenir fermement, & non les briser, n'aller à l'encontre, par aucune voye: & que ces deux Roys demoureroient en vne vnitè de paix, d'amour, & d'alliance. Si iura adoncques le Roy de France, en parolles de Roy, qu'il aideroit & conforteroit le Roy de Castille, en toutes ses besongnes, & ne feroit paix n'accord aucunement au Roy d'Angleterre, qu'il n'y fust mis dedans. A ces traitez, accords, & alliances faire, meit grand' peine, messire Bertrand du Guesclin: qui moult aimoit le Roy Henry. Apres toutes ces choses faites, confirmées & seellées, se departirent les Ambassadeurs du Roy Henry, & retournerent en Espagne: & trouuerent leur Seigneur à Leon en Espagne: qui fut moult ioyeux de leur reuenue, & de ce qu'ils auoient bien exploité: & se tint depuis par ses alliances le Roy Henry plus assuré & conforté que deuant.

Comment le Duc de Lanclastre ordonna Gouverneurs en Guienne, & emmena sa femme avec luy: & comment messire Gautier de Manny mourut à Londres. CHAP. CCCI.

*† Toujours
1371.*

De ce qu'ordonna le Duc de Lanclastre sur son parlement d'Aquitaine.

Nous retournerons au Duc de Lanclastre: qui se tenoit en la cité de Bordeaux. Or eut il aduis, † enuiron la S. Michel, qu'il retourneroit en Angleterre, pour mieux informer le Roy, son pere, des besongnes d'Aquitaine. Si f'ordonna & appareilla sur ce, tellement qu'un petit deuant ce qu'il deust mouuoir, ne partir il assembla, en la cité de Bordeaux, tous les Barons & Cheualiers de Guienne, qui pour Anglois se tenoient. Quand ils furent tous venus il leur remonstra qu'il auoit desir de retourner en Angleterre, pour certaines choses, & pour le profit d'eux tous, & de celui d'Aquitaine: & qu'à l'Esté, prochain venant, il retourneroit si le Roy son pere l'accordoit. Ces parolles pleurent bien à tous ceux qui les entendirent. Là institua & ordōna ledit Duc Monseigneur le Captal de Buz, le Seigneur de Mucident, & le Seigneur de l'Esparre, pour estre gouverneurs de tout le pays de Gascongne, qui pour eux se tenoit: & en Poictou, messire Louis de Harcourt, & le Seigneur de Partenay: & en Xainctonge messire Louis d'Argenton, & messire Guillaume de Montendre: & laissa tous les Seneschaux & Officiers, ainsi comme ils estoient par-deuant. Là furent ordonnez d'aller en Anglererre, avec le Duc, de par le Conseil des Gascons, Xainctongers, & Poicteuins, pour parler & remon-

strer

strer les besongnes & l'estat d'Aquitaine plus pleinement, messire Richard d'Angle, le Sire de Pinane, & messire Aimery de Tarce: & encores, pour eux attendre, différa & délaya le Duc vn petit. Quand ils furent tous appareillez, & les nefz chargées & ordonnées, ils entrèrent dedās, sur le haure de Bordeaux: qui est beau & large. Si se partit le dit Duc, à grand compaignie de Gens-d'armes & d'Archers, & auoit bien soixante vaisseaux en sa route, parmi les pourueāces: & emmena avecques luy sa femme, & sa sœur. Si exploiterent tant les mariniers, par le bon vent qu'ils eurent, qu'ils arriuerent au haure d'Antonne en Angleterre: & là issirent des vaisseaux, & entrèrent en la ville. Si se reposèrent & refreschirent par deux iours: & puis s'en partirent: & cheuaucherent tant qu'ils vindrent à Windesore: ou le Roy se tenoit: qui receut son fils le Duc, les Dames & Damoïselles & les Cheualiers estrangers, à grand feste: & par especial, il veit volontiers messire Guichard d'Angle. En ce temps trépassa ce gentil Cheualier messire Gautier de Manny en la cité de Londres: dont tous les Barons d'Angleterre furent moult courrouce, pour la loyauté & bon conseil, qu'en luy auoient tousiours veu & trouué. Si fut enseveli à grand solénité, en vn monastere de Chartreux, qu'il auoit fait edifier au dehors de Londres: & furent au faict de son obsequie le Roy d'Angleterre, & tous ses enfans, & les Barons & Prelats d'Angleterre. Si écheut toute sa terre de delà la mer, & de deça, au Comte Iehan de Pennebroth: † qui auoit à femme Madame Anne sa fille. Si enuoya le dit Comte de Pennebroth releuer sa terre, qui écheuë luy estoit en Haynaut, par deux de ses Cheualiers: qui firent bien leur deuoir par-deuers le Duc Aubert: qui tenoit la Comté de Haynaut en bail, pour le temps.

Retour du Duc de Lancastre en Angl. vers le Roy son pere.

Trépas de messire Gautier de Manny.

† il falloit donc que ce fust en secondes noces. Car parauāt il l'a fait gendre du Roy d'Angleterre.

Comment le Roy d'Angleterre enuoya le Comte de Pennebroth en Aquitaine pour son Gouverneur: & comment les Espaignols, allies de France, luy donnerent vne charge sur mer, pres la Rochelle.

CHAP. CCCII.

Tout celuy † Yuer se porterent ainsi les besongnes en Angleterre: & y eut plusieurs Conseils & imaginations entre les Seigneurs, sur l'estat du pais, pour sauoir cōment ils se maintiēdroient sur l'Esté, qui venoit: & auoient les Anglois intētion de faire deux voyages: l'vn en Guienne, & l'autre en France, par Calais: & acqueroient amis de toutes parts, tant en Allemagne, cōme es marches de l'Empire: ou plusieurs Cheualiers & Escuyers estoient de leur accord. Avecques tout ce, ils faisoient le plus grand appareil du monde, & de toutes choses necessaires pour vn ost, aussi grand comme l'on en eust veu de grand temps faire. Bien sauoit le Roy de Frāce, par aucuns, des Anglois le secret, & sur quel estat ils estoient, & quelle chose ils proposoient à faire. Si se conseilloit & aduisoit sur ce: & pourueoit ses citez, villes, & chasteaux, moult grandement, en Picardie: & tenoit par tout, en garnison: grand foison de Gens-d'armes: parquoy le pays ne fust surprins de nulle malle aduenture. † Quand l'Esté fut venu, & le Roy Edouard d'Angleterre eut tenu sa feste, & fait la solennité de Saint George, au chastel de Windesore (ainsi qu'il auoit vsage de faire par chacun an) & que messire Guichard d'Angle fust entré comme confrere, avecques le Roy & ses enfans, & avec les Barons d'Angleterre, qui se nommoient, en ceste confraternité, les Cheualiers du bleu iartier, le dit Roy faualla à Londres, en son Palais de Wesmonstier: & là eut grand conseil & appareillement, sur les besongnes du pays: & pourtant que le Duc de Lancastre deuoit celle saison passer en France par les plains de Picardie, & le Comte de Canteburge son frere avecques luy, le Roy ordonna & institua, à la priere de messire Guichard d'Angle & des Poictuins, le Comte de Pennebroth, à aller en Poictou, pour visiter le pays, & faire guerre aux François de ce costé. Car les Gascons & Poictuins ensemble auoient requis & prié au Roy d'Angleterre, par lettres, & par la bouche de messire Guichard d'Angle, que, s'il estoit conseillé que nul de ses enfans, ne fust en celle saison voyage vers eux, il leur enuoyast le Comte de Pennebroth, que moult aimoient, & desiroient à auoir: car ils le sentoient bon Cheualier, & hardi. Si dit le Roy d'Angleterre au Comte de Pennebroth, present plusieurs Barons, & Cheualiers (qui là estoient assemblez au Conseil) Iehan, beau fils, ie vous ordonne, & institue, que vous alliez en Poictou, en la compaignie de messire Guichard: & là serez Gouverneur & souuerain de toutes les Gens-d'armes, que vous y trouuerez (dont il y a grand foison: si cōme de ce ie suis informé) & de ceux aussi, que vous y menerez. Le Comte de Pennebroth sagenouilla deuant le Roy, & dit. Monseigneur, grand merci du haut honneur, que vous me faites. Ie seray volontiers par

† A mon aduis que nous pouuons ici cōmencer l'an 1372. à nostre mode.

† C'est maintenant seuremēt, 1372.

Le Comte de Pennebroth gouverneur de Aquitaine.

† Ces trois
mots ne sont
point es Abr.
Et ne say de-
quoy ils seruent
icy, fors que ie
pese qu'il veut
dire que la
terre de ce
Cheualier es-
toit outre la
riuiere de
Somme ou
de Sofne.

† La Chaux dit
Barquedant.

Iour de la ren-
contre des An-
glois & Espai-
gnols pres la
Rochelle sur la
mer, en l'an
1372. comme
dessus.

de-là vn de voz petits Mareschaux. Ainsi sur cest estat se departit celuy parlement: & re-
tourna ledit roy à Windesore: & emmena messire Guichard avecques luy: auquel il par-
loit souuent des besongnes de Poictou & de Guienne. Messire Guichard luy disoit: Mō-
seigneur, mais que nostre Capitaine & meneur, le Comte de Pēnebroth, soit arriué par-
de-la, nous ferons bonne guerre. Car nous y trouuerons entre quatre ou cinq cens Lā-
ces: qui tous obeyront à vous: mais qu'ils soient bien payez de leurs gages. Lors respon-
dit le Roy. Messire Guichard, messire Guichard, ne vous souciez point d'auoir or & ar-
gent, pour faire par-de-la bonne guerre. Car i'en ay assez: & si l'employeray volontiers
en telle marchandise: puis qu'il me touche, & les besongnes de mon Royaume. Ainsi, &
avec plusieurs autres telles parolles, s'ébatoit ledit Roy d'Angleterre, en parlant audit
messire Guichard: que moult il aimoit & croyoit: car c'estoit bien raison. Or vint la fai-
son, & fut le Comte de Pennebroth en tels termes, qu'il deut partir. Si print congé du
Roy: qui le luy donna volontiers, & à tous ceux qui estoient en sa Compaignie: & me-
semble que messire Othe de Grantson, † d'outre la Sonne, y fut ordonné pour y aller. Le
Comte de Pēnebroth n'eut pas adonc trop de gens en sa compaignie: ains eut tant-seu-
lement les Cheualiers de son hostel, sur l'information que messire Guichard auoit faite
au Roy, Mais il emportoit, en Nobles & en Florins, telle somme de monnoye, que pour
payer trois mille combattans. Si exploiterent tant les dessusdits, apres le congé prins du
Roy, qu'ils vindrent à Antonne: & là seiournerent quinze iours, en attédant le vent. Au
seixième iour, ils eurent vent à volonté: & entrèrent en leurs vaisseaux: & se partirent du
haure: & se commanderent en la garde de Dieu & de Saint-George: & singlerent vers
Poictou. Le Roy Charles de France fauoit la greigneur partie des Conseils d'Angleter-
re (ie ne say pas comment: ne par qui ils estoient réuelez) & comment messire Guichard
d'Angle & ses compaignons estoient allez en Angleterre, sur tel estat que pour impetrer
du Roy, qu'ils eussent vn bon meneur & Capitaine: & ia fauoit que le Comte de Penne-
broth estoit ordonné d'y venir, à toute sa charge. Si fesoit ledit Roy de France, aduisé
sur ce: & auoit secrettement mis sus vne armée de Gens-d'armes par mer: voire à sa prie-
re & requeste. Car ses gens estoient au Roy Henry de Castille: lesquels il luy auoit en-
uoyez, parmi les alliances & confederations qu'ils auoient ensemble: & estoient ces Es-
paignols, d'une flotte, quarante grosses nefes, & treize barques, bien pourueues de bre-
tesches: ainsi que les nefes d'Espaigne sont. Si en estoient patrons & souuerains quatre
vaillans hommes: c'estassauoir Ambroise de Boucquenegre, Cabesse de † Vakadent,
Ferrant de Pion, & Rodigo de la Rochelle. Si auoient ces Espaignols vn grand temps
ancré sur mer, en attendant le retour des Poicteuins, & la venue du Comte de Penne-
broth (car bien fauoient qu'ils deuoient venir en Poictou) & fesoient mis & ancrez de-
uant la ville de la Rochelle. Or aduint ainsi, que le iour de deuant la vigile Saint Iehan
Baptiste (qu'on compta l'an de grace mil trois cens septante deux) le Comte de Penne-
broth, & sa route deurent arriuer au haure de la Rochelle: mais ils trouuerent les dessus-
dits Espaignols au-deuant: qui leur détourberent le riuage, & furent moult ioyeux de
leur venue. Quand les Anglois & les Poicteuins veirent les Espaignols: & que com-
battre les conuenoit, si se conforterent en eux-mesmes (combien qu'ils ne fussent mie
bien partis, tant de gens, comme de grans vaisseaux) & s'armerent & ordonnerent,
ainsi que pour tantost combattre: & meirent leurs Archers au-deuât d'eux. Puis les nefes
Espaignolles (qui bien estoient pourueues & garnies dedans de grand' foison de Gens-
d'armes & de Brigans, qui auoient arbalestes & canons, & dont les plusieurs tenoient
grans barreaux de fer, & plombées de plomb, pour tout effondrer) tantost furent ap-
prochées en demenant grand' noise. Ces grosses nefes d'Espaigne prindrent le vent d'a-
mont, pour prendre leur tour sur les nefes Anglesches, que peu doutoient & prisoient:
ains s'en vindrent, fendant à plein voile, dessus: & là eut à ce cōmencement, grand' cri-
rie des vns & des autres: & se portoient les Anglois moult bien: & là fit le Comte de Pē-
nebroth aucuns de ses Escuyers Cheualiers, pour l'honneur. Là eut moût grande bat-
taille & dure, & eurent les Anglois à quoy bien entendre. Car ces Espaignols qui es-
toient en leurs grans vaisseaux, tenoient gros barreaux de fer, & grosses pierres, & les
lançoient & gettoient contre val, pour effondrer les nefes Anglesches: & bleçoient gens
& Hommes-d'armes moult mallement. Là estoit, entre les Cheualiers d'Angleterre &
de Poictou, cheualerie & prouesse remonstrée tres-grandement. Le Comte de Pen-
nebroth se combattoit, & requeroit ses ennemis moult fierement: & y fit ce iour plu-
sieurs

fieurs grandes appertises d'armes: & aussi firent messire Othe de Grantson, & messire Guichard d'Angle, & le Sire de Pinane, & tous les autres Cheualiers.

Comment ceux de la ville de la Rochelle ne voulurent point secourir le Comte de Pennebroth, & comment le Seneschal de la Rochelle, & le Seigneur de Tannaybouton, & autres le vindrent secourir.

CHAP. CCCIII.

ACe que j'ay ouy recorder à ceux, qui furēt à celle besongne, deuāt la Rochelle, bien monstrent les Anglois & les Poicteuins, qui là estoient, qu'ils desiroient moult à conquerre & auoir grand pris d'armes. Car onc gens ne se tindrent plus vaillamment, ne si bien ne se combattirent: veu qu'ils n'estoient qu'un petit de gens au regard des Espaignols, & en menus vaisseaux: & se pouuoit on émerueiller comment tant duroient: mais la grāde prouesse & cheualerie d'eux les recōfortoit & tenoit en force & vigueur: car, fils eussent esté pareils de nefes & de vaisseaux, les Espaignols ne les eussent mie eus d'auātage: car ils tenoient leurs lances acérées: dont ils lançoient leurs horions si grans, que nul ne les osoit approcher, fil n'estoit trop bien armé & pauesché. Mais le traict & le geēt (qui venoit d'amont) de pierres, de plombées de plomb, & de barreaux de fer, les greuoit & tempestoit moult fort: & naura & bleça de leurs Cheualiers & Escuyers, ce premier iour, plusieurs. Bien veoient les gens de la Rochelle la bataille: mais point ne s'aduancerent d'aller, ne de traire celle part, pour conforter leurs gens (qui si vaillamment se combattoient) ainçois les laissoient conuenir. En celuy estrif & en celle riote furent ils, iusques à la nuit, qu'ils se departirent les vns des autres: & se meirent à l'ancre. Mais les Anglois perdirent ce premier iour deux barges de pourueances: & furent tous ceux qui dedans estoient, mis à mort. Toute celle nuit fut messire Iehan de Hardanne (qui pour le temps estoit Seneschal de la Rochelle) en grandes prieres enuers ceux de la ville & enuers leur Maire Iehā Chauderon & les autres, & ce qu'ils se voufissent armer, & faire armer la Communauté de la ville, & entrer en barges & en nefes (qui sur le gué estoient) pour aller aider & conforter leurs gens: qui tout ce iour si vaillamment s'estoient combattus. Ceux de la Rochelle (qui nulle volonté n'en auoient) s'excusoient & disoient qu'ils auoient à garder leur ville, & qu'ils n'estoient mie gens de mer, ne combattre ne se sauoient sur mer, ny aux Espaignols: mais, si la bataille estoit sur terre ils iroient volontiers. Si demoura la besongne en celuy estat: n'oncques il ne les peut amener à ce, pour priere qu'il peust faire. A ce iour estoient dedans la Rochelle le Seigneur de Tannaybouton, messire Iagues de Surgeres, & messire Maubrun de Linieres: qui bien s'acquitterēt de prier, avec les dessusdits ceux de la Rochelle. Quand ces quatre Cheualiers veirent qu'ils ne pouuoient riens exploiter, ils s'armerent, & firent armer leurs gens, ce qu'ils en auoient (qui n'estoit pas grand foison) & entrèrent en quatre barges (qu'ils prindrent sur ledit gué) & au point du iour, quād le flot fut reuenue, ils se firēt nager iusques à leurs gens, qui leur sceurēt grand gré de leur venue) & disoient bien au Comte de Pennebroth, & à Monseigneur Guichard d'Angle, que de ceux de la Rochelle ne feroient point secourus, ne confortez: & qu'ils s'aduifassent sur ce: & ceux (qui amēder ne le pouuoient) respondirent qu'il leur conuenoit la merci de Dieu, & l'adventure attendre: & qu'un temps viendroit que ceux de la Rochelle s'en repentiroient.

Comment le Comte de Pennebroth fut prins & déconfit des Espaignols: & comment estans lesdits Espaignols partis du haure de la Rochelle, avec leurs prisonniers, le Capital de Buz arriva trop tard à la Rochelle.

CHAP. CCCIIII.

QVand ce vint au iour, que la marée fut reuenue, & que le flot estoit à plain, les Espaignols se défancrerent, en demenant grand noise, de trompettes & de tabours: & se meirent en bonne ordonnance, ainsi que le iour de deuant ils auoient fait: & arrouterent toutes leurs grosses nefes, pourueues & armées moult grandement: & prindrent l'aduantage du vent, pour enclore les nefes des Anglois (lesquels n'estoient pas grand foison, au regard desdits Espaignols) & estoient les quatre Patrons (qui cy-dessus sont nommez) tout deuant, en tresbonne ordonnance. Ceux du pays d'Angleterre, & aussi du pays de Poictou (qui bien veoient leur conuiue) s'ordonnerent selon ce: & se recueillirent tous ensemble, & ce qu'ils auoient d'Archers: & les meirent tout deuant. Puis vindrent les Espaignols, à pleine voile (c'estassauoir Ambroise Boucquenegre. Cabesse de Vake, Dom Ferrand du Pion, & Rodigo de la Rochelle: qui les gouernoit) & com-

Retraite des Anglois & des Espaignols pour raison de la nuit suruenue.

† La Chaux dit la greue.

Recommencement de combat entre les Anglois & les Espaignols. † Il a dit Vake cadent au chap. precedent les Abr. s'en taisent icy.

† La Chaux
n'en escrit que
xij.

mencerent la bataille felonueuse & perilleuse. Quand ils furent tous assemblez, les Espaignols getterent grans crochets & chaines de fer, & s'attacherent aux Anglois: parquoy ils ne se pouuoient departir: car ils les tenoient, ainsi que pour eux. Auecques le Comte de Pennebroth & messire Guichard d'Angle auoit † vingtdeux Cheualiers de grand' volonte, & de bon hardement: qui vaillamment se combattoient de lances & de espées, & de telles armeures qu'ils portoit. Là furent en celuy estat vn grand temps, lançans & combattans les vns aux autres: mais les Espaignols auoient trop grand' aduantage d'affaillir & de deffendre, enuers les Anglois. Car ils estoient en grans vaisseaux, plus hauts & plus forts assez, que ceux des Anglois. Parquoy ils lançoient barreaux de fer, pierres, & plombes, qui mout trauailloient les Anglois. En celuy estrif & en celle riote, combattant & deffendant, lançant & tirant l'vn sur l'autre, furent ils iusques à heure de tierce, qu'onques gens sur mer ne prindrent si grand trauail, que les Anglois & Poictuins firent là. Car il y auoit le plus de leurs gens blecez, du trait & du geſt des pierres & des fondes: & tant q' messire Aimery de Trasce, ce vaillât Cheualier de Gascongne, y fut occis, & messire Iehan de Lantonne: qui estoit Cheualier du corps du Comte de Pennebroth. Au vaisseau dudit Comte estoient arrestées quatre grosses nefes Espaignolles: desquelles Cabesse de Vake, & Dom Ferrand de Pion estoient Gouverneurs. En ces vaisseaux estoient grand' foison de bonnes gens, pour combattre & trauailler: & tant firent, qu'ils entrerent au vaisseau du Comte: ou il fut fait grandes apertises d'armes, & là fut prins ledit Comte de Pennebroth, & tous ceux qui estoient dedans, morts ou prins. Tout premierement y furent prins, de ses Cheualiers, messire Robert Buffors, messire Iehan Courſon, & messire Iehan de Griueres: & furent morts messire Simon Houffagre, messire Iehan de Mortaing, & messire Iehan Touchet. D'autre part se combattoient les Poictuins (c'est assauoir messire Guichard d'Angle, le Sire de Pinane, le Sire de Tannaybouton, & aucuns Cheualiers de leurs routes (& en vne autre nef, messire Othe de Grantſon, contre Ambroise de Boucquenegre & Rodigo de la Rochelle. Si en auoient plus que leur faix: tant qu'iceux Cheualiers furent tous prins des Espaignols: n'onques nul n'en échappa, qu'il ne fust mort ou prins, & tous leurs gens en danger d'occire. Mais, quand ils eurent les Seigneurs, ils ne tuerent plus les varlets: car les seigneurs prierent pour leurs gens, qu'on les laissast, & qu'ils feroient bien pour tous. Qui se trouue en tel parti d'armes (comme le Comte de Pennebroth, & messire Guichard d'Angle & leurs gens se trouuerent deuant la Rochelle, en ce iour deuant nommé) il faut bien prendre l'aduenture en gré, telle que Dieu, ou fortune luy enuoye. Mais sachez que pour ce iour (combien que les Cheualiers & Escuyers, qui là furent morts & prins, le comparerent) le Roy d'Angleterre y perdit plus que nul: car par celle déconfiture se perdit depuis tout le pays: comme vous orrez plus-auant en l'Histoire.

Départ des Espaignols avec leurs prisonniers.

Le Capitäl de Buz trop tard à la Rochelle.

On me dit, que la nef Anglesche (ou la finance, dont messire Guichard deuoit payer les soudoyers en Guienne, estoit) fut perie, & tout l'auoir qui dedans estoit, & qu'il ne vint à nul profit. Tout ce iour (qui fut la vigile Sainct Iehan Baptiste) & la nuit, & le lendemain, iusques apres nonne, se tindrent les Espaignols ancrez deuant la Rochelle, en demenant grand' ioye. Si en écheut tresbien à vn Cheualier de Poictou: qui s'appeloit Iaques de Surgeres: car il parla si doucement & si beau à son maistre, qu'il fut quitte, parmi trois cens frans qu'il paya la contans: & vint le iour Sainct Iehan dîner en la ville de la Rochelle: & par luy sceut on comment la besongne estoit allée, & lesquels estoient morts ou prins. Plusieurs des Bourgeois de la ville monstrent par semblant qu'ils en fussent courroucez: qui tous ioyeux en estoient, car onques n'aimèrent naturellement les Anglois. Quand ce vint apres nonne, ce iour de Sainct Iehan Baptiste, que le flot fut reuenü, les Espaignols se desancrerent, & tirerent les voiles à mont: & se departirent, en demenant grand' noise, de trompettes & de tabours. Si auoient, dessus leurs mats, des estendars, en maniere de grans pënons, armoyez des armes de Castille, si grans & si lōgs, que les bouts bien souuent en frapportoient la mer: & estoit moult grand' beauté de les veoir. En cest estat se departirent les dessusdits: & prindrēt le tour de la haute mer, pour cheminer vers Galice. En ce propre iour de Sainct Iehan, au soir, vindrent à la Rochelle grand' foison de Gens-d'armes, Gascons & Anglois: lesquels n'auoient point encores ouy parler de ceste aduenture: mais bien sauoient que les Espaignols gisoient, & auoient eu vn grand temps, deuant la Rochelle. Si venoient celle part, pour ceux de la ville reconforter: & d'iceux Gens-d'armes estoient chefs, quant aux Gascons, messire le Capitäl de Buz,

de Buz, messire Beras de la Lâde, messire Pierre de Lâduras, messire le Souldich, & messire Bertrand du Franc: & des Anglois, messire Thomas de Perfy, messire Richard de Pontchardon, messire Guillaume de Ferritonne, messire Dangosses, messire Baudouin de Franuille, messire Gautier Huet, & messire Iehan d'Eureux. Quand ces Seigneurs & leurs routes (ou bien auoit six cens Hommes-d'armes) furent venus à la Rochelle, † on leur fit grand' chere de bras. Car on n'en oïoit autre chose faire. Adoncques furent ils informez & certifiez, par messire Jaques de Surgeres, de la bataille des Espaignols, & comment elle estoit allee, & lesquels y estoient morts ou prins. De ces nouuelles furent les Barôs & les Cheualiers trop courroucez: & se tindrent bien pour infortunez, quand ils n'y auoient esté: & regretterent moult fort le Comte de Pennebroth & messire Guichard d'Angle, quand ils auoient ainsi perdu leur saison. Si se tindrēt à la Rochelle ne say quants iours, pour auoir aduis & conseil comment ils se maintiendroient, & quelle part ils se tireroient. Nous laisserons vn petit à parler d'eux: & parlerons d'Yuain de Galles, & comment il exploita en celle saison.

Comment Yuain de Galles decōfit les Anglois en l'Isle † Grenesie: & cōment le Roy de France, l'enuoya en Espaigne, querir Gens-d'armes, pour assieger la Rochelle. CHAP. CCCV.

Celuy Yuain de Galles auoit esté fils à vn Prince de Galles: lequel le Roy Edouard auoit fait mourir (ie ne say pas pour quelle raisō) & d'iceluy faisi la seigneurie & principauté, & icelle donné à son fils le Prince de Galles: Si estoit venu iceluy Yuain en France: & se cōplaignit au Roy Charles de France, des iniures que le Roy d'Angleterre luy auoit faites, & faisoit: comme de luy auoir occis son pere, & de luy tollir son heritage. Si l'auoit le Roy de France retenu: & l'auoit fort aduancé, en luy dōnant charge & gouuernement de grand' foison de Gens-d'armes. Encores en celuy Esté, † dont i'ay parlé premierement, luy auoit il deliuré quatre mille cōbattans & enuoyé sur mer. Dequoy ledit Yuain s'estoit bien acquitté: comme ie vous diray. Quand il eut sa charge de Gens-d'armes (ainsi que cy-dessus est dit) il entra en mer, sur les vaisseaux que le Roy de France luy auoit fait appareiller & pouruoir, au haure de Harfieu: & se departit & singla, à plain voile, deuers Angleterre, en l'Isle de Grenesie, à l'encontre de Normandie: de laquelle Isle Aymon Rose, vn Escuyer d'honneur du Roy d'Angleterre, estoit Capitaine. Quand il sceut que les François estoient là arriuez (lesquels Yuain de Galles menoit) si en eut grād mal-talent: & vint tantost au-deuant: & fit son mandement parmi ladite Isle (qui n'estoit pas grande) & assembla, que de ses gens, que de ceux de ladite Isle, enuiron huit cens hommes: & s'en vint sur vn certain pas, combattre bien & hardiment ledit Yuain & ses gens: & là eut grand' bataille & dure, & qui dura moult longuement. Les Anglois à la fin furent déconfits: & y en eut de morts plus de quatre cens sur la place: & conuint audit Aymon fuir: ou autrement il eust esté mort, ou prins. Si se sauua, à moult grand méchef: & se vint bouter en vn moult bel & fort chastel (que on appelle Cornet) situé à deux lieues pres de là ou la bataille fut, & l'auoit ledit Aymō en celle saison fait biē pouruoir de tout ce, qui appartenoit à celle forteresse. Apres celle déconfiture, ledit Yuain cheuaucha auant, & recueillit ses gens: & entendit que ledit Aymon s'estoit bouté au chastel de Cornet. Si se trahit tantost celle part: & y meit le siege, & l'enuironna de tous costez: & y fit plusieurs assaux: mais ledit chastel estoit fort, & bien pourueu de bonne artillerie. Si ne l'auoient pas les François à leur aise. Ce siege pendant denant Cornet, aduint l'adventure de la prise du Comte de Pennebroth: & de messire Guichard d'Angle, & des autres, deuant la Rochelle: si comme dessus est contenu. Dequoy le Roy de France (quād il en ouit les nouuelles) fut fort réiouy, & étēdit pl^r fort aux besōignes de Poictou, q̄ iamais. Car il sentit qu'assez legēremēt (si les Anglois venoient encor vn petit à leur declin) les citez & les bonnes-villes se rendroient. Si eut aduis & conseil ledit Roy, qu'en Poictou, en Xainctonge, & en Rochellois, il enuoyeroit, pour celle saison, son Cōnestable, & toutes Gens-d'armes: & feroit chaudement guerroyer, les dessusdits pais par mer & par terre pendant que les Anglois n'auoient nul Capitaine souuerain: car le pays gisoit en grand branle. Parquoy il enuoya ses messagers & ses lettres audit Yuain de Galles (qui se tenoit au siege deuant Cornet: duquel siege ledit Roy fauoit tout l'estat, & que le Chastel estoit imprenable) mandant que tantost, ses lettres veues, il se partist de là, & défit son siege, & entraist en mer, en vn vaisfel qui estoit ordonné pour luy, & s'en allast en Espaigne deuers le Roy Henry, pour impetrer & auoir barges & gallées, & son

† La Chaux dis les bourgeois leur firent grand chere de bras car ils n'en oïoient autre chose faire. de quoy vous pouuez, entendre le sens de l'Auteur avec ce qu'il a nagueres dit.

† Les deux autres Exemples disent icy greuesie, & les Ab. grenesie

† C'est assavoir de 1372. comme dessus.

Le chasteau de Cornet en l'Isle de Grenesie assiéger par Yuain de Galles parti de France.

Yuain de Galles leue son siege de Cornet pour aller en Espagne.

Admiral & Gens-d'armes, & qu'il veinst mettre le siege deuant la Rochelle, par mer. Ledit Yuain (quand il veit les messages, & le mandement du Roy) y obeït (comme ce fut raison) & défit son siege, & donna congé à ses gens, & leur appresta nauires pour retourner à Harfleur: & là endroit il entra en vne grosse nef, & print le chemin d'Espagne: & ainsi se défit le siege de deuant Cornet.

Comment le Roy d'Angleterre fut moult courroucé de la prinse du Comte de Pennebroth: & comment Yuain de Galles le trouua prisonnier en Espagne. CHAP. CCCVI.

Vous deuez sauoir que le Roy d'Angleterre fut moult courroucé, quand il sceut les nouuellles de l'armée qu'il enuoyoit en Poictou, & qu'elle estoit ruée ius par les Espaignols: & aussi furent tous ceux, qui l'aimoient: mais amender ne le pouuoient, pour celle fois. Si imagina luy & les sages du pays d'Angleterre, que le pays de Poictou & de Xainctonge se perdrait par tel affaire: & le remōstrerent bien au Roy & au Duc de Lancastre. Si furent vn grand temps sur tel estat, que le Côte de Sallebery, à tout cinq cens Hommes-d'armes, iroit celle part: mais, combien qu'ainsi fust conscellé & aduisé, si n'en fut il riens fait. Car ils vindrent autres traitez & conseils de Bretaigne, qui tous ceux empeschèrent. Dequoy ledit Roy se repentit depuis: quand il n'y peut mettre remede. Or aduint que les Espaignols (qui prins auoient le Côte de Pennebroth, & les autres, dont le liure a fait mention) eurent vn petit de seiour sur la mer, par vent contraire. Toutefois ils arriuerent au port-Sainct-Andry en Galice: & entrerent en la ville, ainsi qu'à heure de midy: & là amenerent tous leurs prisonniers en vn fort chastel, liez trestous de chaines de fer, selon leur vsage. Car autre courtoisie ne sauent les Espaignols faire. Ils sont semblables aux Allemās. Celle propre iournée estoit là arriuē en sa nef ledit Yuain de Galles, & entré en celuy hostel, ou Dom Ferrand de Pion & Cabesse de Vake auoient amené le Comte de Pennebroth & ses Cheualiers. Si fut dit ainsi à Yuain, là ou il estoit en sa chambre, Sire, venez veoir ces Cheualiers d'Angleterre que noz gens ont prins: Ils entreront tantost ceans: & n'a gueres qu'ils sont venus. Yuain (qui fut moult desirant de les veoir, pour sauoir lesquels c'estoient) passa outre: & rencontra en la salle de son hoste, à l'issue de sa chambre, le Comte de Pennebroth: lequel il reconnut bien: combien qu'il ne l'eust iamais gueres veu. Si luy dit en maniere de reproche, Comte de Pennebroth, venez vous en ce pays, pour moy faire hommage de la terre, que vous tenez en la Principauté de Galles? dont ie suis hoir, & que vostre Roy me toulte & oste par mauuais conseil? Ledit Comte de Pennebroth fut moult honteux & déplaisant: Car il se sentoit & veoit prisonnier en estrange pays: & point ne congnoissoit celuy homme, qui parloit son langage. Si luy respondit, Qui estes vous? qui m'accueillez de telles parolles? Si luy respondit Yuain, Je suis Yuain, fils & heritier du Prince Aymon de Galles: que vostre Roy d'Angleterre fit mourir à tort & à peché, en me deshéritāt apres. Mais, quand ie pourray, par l'aide de mon trescher Seigneur le Roy de France, i'y pouruoyeray de remede: & vueil bien que vous sachez, que (si ie vous trouuoie en place, n'en lieu ou ie puisse combattre à vous) ie vous monsteroie la loyauté, que vous m'avez faite, & aussi le Comte de Herfort, & Edouard le Despensier. Car par voz peres, avecques autres Conseilliers, fut trahi Monseigneur mon pere: dont il me doit bien déplaire: & l'amenderay quand ie pourray. Adoncques faillit auant messire Thomas de Sainct-Aubin (qui estoit Cheualier du Comte) lequel se hastā de parler: & dit ainsi, Yuain, si vous voulez dire & maintenir qu'en Monseigneur ayt, n'eut oncques esté, nulle lascheté, ny en Monseigneur son pere, ne qu'il vous doye hommage, ny autre chose, mettez vostre gage auant, & vous trouuerez qui le leuera. Adoncques respondit Yuain: & dit, Vous estes prisonnier. Je ne puis auoir nul hōneur de vous appeler. Car vous n'etes pas à vous: ainçois estes à ceux qui vous ont prins. Mais, quand vous serez quitte, ie parleray plus auant: car la chose ne demourra pas ainsi. Entre ces parolles se bouterent aucuns Cheualiers & vaillans hommes d'Espagne, qui là estoient, & les departirent. Depuis ne demoura mie grāment que les quatre Admiraux, dessus-nommez, amenerent les prisonniers deuers la cité de Burgues en Espagne, pour les rendre au Roy: qui pour le temps se tenoit droit là. Quand le Roy Henry sceut que les dessusdits venoient, & approchoient Burgues, si enuoya son aîné fils (qui s'appelloit Iehan, & lequel on nommoit, pour le temps, l'Infant de Castille) à l'encontre des dessusdits, & grand' foison de Cheualiers & d'Escuyers, pour eux honorer (car bien sauoit ledit Roy quelle chose il appartenoit

Rigoureuses parolles d'Yuain de Galles au Comte de Pennebroth, prisonnier en Espagne.

partenoit d'en faire) & luy-mesme les honnora de parolles & de faict, quand ils furent venus iusqu'à luy. Assez tost apres en œuura le Roy par ordonnance: & furent espars en diuers lieux, parmi le Royaume de Castille,

Comment le Connestable du Guesclin print le Chastel de Montmorillon, & autres places de Poictou.

CHAPITRE

CCCVII.

Nous retournerons aux besongnes du pays de Poictou (qui pource temps ne furent pas petites) & parlerons cōment les Cheualiers de Gascongne & d'Angleterre (qui le iour Sainct-Iehan Baptiste au soir vindrent en la ville de la Rochelle: si comme vous auez cy-dessus ouy) persēuererent: ainsi comme ceux, qui moult fort courrouceez furent de ce que le iour de deuant ils n'estoient point venus à la bataille, & qu'ils n'auoient trouuē à poinct les Espaignols. Or eurent ils entre eux cōseil & aduis quelle chose ils feroiēt, n'ou ils enuoyeroient. Car desia se cōmençoient ils à douter de ceux de la Rochelle. Si ordonnerent & instituerent messire Iehan d'Eureux, à estre Seneschal de la Rochelle, & 300. armeures de fer à la garde du chastel. Car, tant comme ils en seroient Seigneurs, ceux de la ville ne feroient rebeller. Ceste ordonnance faite, Monseigneur le Capital de Buz (qui estoit Chef & gouuerneur de toute ceste cheuauchée) messire Thomas de Perfy, messire Dangouffes, messire Richard de Pontchardon, Monseigneur le Souldich, messire Berais de la Lande, & les autres, & leurs routes, & se departirent de la Rochelle: & pouuoient estre enuiron quatre cens Lances: qui prindrent le chemin de Soubize: car là auoit Bretons: qui tenoient ēglises & petits forts, & les auoient fortifiez. Si tost que ces Seigneurs & leurs gens furent là venus ils les bouterent hors, & en deliurerent ladite marche. En ce temps tenoient les champs sur les marches d'Aniou, d'Auuergne, & de Berry, le Connestable de France, le Duc de Berry, le Duc de Bourbon, le Comte d'Alençon, le Dauphin d'Auuergne, messire Louis de Sancerre, le Sire de Clifon, le Sire de Laual, le Vicomte de Rohan, le Sire de Beaumanoir, & grand foison de Baronnie de France: & estoient plus de trois mille Lances. Si cheuaucherent tant ces Seigneurs (qui se tenoient au Connestable) qu'ils entrerent en Poictou (ou ils se tenoient tous ensemble) & vindrent mettre le siege deuant vn chastel: qui s'appelle Montmorillon. Si tost qu'ils furent là venus, ils l'affaillirent viftement, & le conquirent: & furent tous morts ceux qui dedans estoient: & puis le refreschirent d'autres geus. Apres ils s'en vindrent deuant Chauuigny (qui sied deuant la riuere de Creuse) & l'assiēgerent: & y furent deux iours, & au tiers iour ceux de dedans se rēdirent, & furent prins à mercy. En apres ils cheuaucherent outre: & vindrent deuant Leuzat: ou il y a ville & chasteau, Si se rēdirent incontīnēt, sans eux faire assaillir. Puis s'en vindrent deuant la cité de Poictiers: & couchèrent vne nuit dedans les vignes. Dequoy ceux de la cité estoient moult ēbahis: & se doutoient d'auoir le siege: mais non eurent, quant à celle fois. Car ils se partirēt le lēdemain: & se tirerent deuers le chastel de Montcōtour: dont Iehan de Cresuelle & Dauid Houlegraue estoient Capitaines: & auoient deffous eux bien enuiron foixante bons cōpaignons, preux & hardis, & qui moult auoient contrainct le pays & les marches d'Aniou & de Touraine, & aussi toutes les garnisons Frāçoises: en sorte que Monseigneur le Connestable dit qu'il n'entendrait à autre chose, iusques à ce qu'il l'auoit.

Comment le Connestable de France recut Montcontour à composition, & comment il se partit dudit lieu, pour venir vers Monseigneur le Duc de Berry, en Limosin: là ou ils assiēgerent Sainte Seuer.

CHAP.

CCCVIII.

Tant exploiterent le Connestable de France, le Duc de Bourbon, le Comte d'Alençon, le Sire de Clifon, le Vicōte de Rohan, le Sire de Laual, le Sire de Beaumanoir, le Sire de Sully, & tous les autres Barōs & Cheualiers de leur route, qu'ils vindrēt deuant Montcontour, vn bel chastel, à fix lieues pres de Poictiers. Quand ils furent là venus: si l'assiēgerent par grand facon: & se meirent tantost à l'affaillir, par bonne ordonnāce, & (pource qu'il y auoit, à l'ēuiron des murs, de grāns fossez, & si parsons qu'ils ne pouuoient approcher les murs de pres, à leur aise & volōté) ils enuoyērēt querre & couper, par les villains du pays, grand force de bois & d'arbres, & les firent là mener & porter, à force de harnois & de corps, & renuerfer tost es fossez, & getter grand foison de paille & de terre par-dessus. Si eurent tout ce fait en quatre iours: tant qu'ils pouuoient bien aller iusques ausdits murs à leur aise: & puis, quand ils eurent tout ce fait, si commencerent

† Ce passage est parfait selon le chap. suuant, & confirmé par les Abr.

Chēuauchée de Bertrand du Guesclin en Poictou.

Chauuigny & Leuzat prins des François.

Siege de Montcontour par Bertrand du Guesclin.

à assaillir de moult grād' volōte, & par bō exploit: & ceux du fort à eux deffendre. Car il leur estoit bon mestier: & eurent vn iour tout entier l'assaut: ou ils receurent moult de peine: & furent en grand' aduēture & peril d'estre prins: mais ils estoient tant de bōnes gēs-d'armes, que pour ce cinquième iour ils n'eurent garde. Au fixième iour le Connestable de France & ses Bretons, s'ordonnerent, & tirerēt auāt, pour assaillir plus fort que deuant: & s'en venoient tous paueschez, portans pics & hoyaux en leurs mains: & vindrent iusques aux murs. Si cōmencerent tous à ferir & à frapper, & à tirer hors pierres, & à per-tuifer ladite muraille, en plusieurs lieux: & tant firent que les compagnons, qui dedans estoient: se cōmencerent à ébahir. Neantmoins ils se deffendirent li vaillāment, qu' oncques gens firēt. Iehan Cresuelle & Dauid Houlegraue (qui Capitaines en estoient) imaginerent le peril, & comment messire Bertrand & ses gens les assailloient, & (à ce qu'ils monstroient) point ne partiroyēt de là, tant qu'ils les eussent, & s'ils estoient prins par force, ils seroient tous morts: & veioient bien que nul confort ne leur venoit de nulle part. Si entrèrent en traité, pour eux rendre, sauue leur vie & leur corps. Le Connestable qui ne vouloit mie fouler ne greuer ses gens, ne ceux du fort trop presser (pourtant qu'ils estoient droits Gens-d'armes) entendit à ces traitez, & les laissa passer: parmi ce que, saufs leurs corps, ils se partirent: mais nuls de leurs biens n'emporterent, † fors or & argent: & les fit cōduire iusques à Poictiers. Ainsi eut le Cōnestable le chastel de Montcontour. Si en print la faifine: & le fit reparer: & se tint illecques, pour luy & ses gēs refreschir. Car il ne sauoit encores quelle part il se tireroit, ou deuant Poictiers ou ailleurs. Quand ceux de la cité de Poictiers sceurent ces nouuellss, & que le Cōnestable & les Bretons auoient repris le chastel de Montcontour, si furent plus ébahis & émerueillez que deuant: & enuoyerent tantost leurs messagers deuers Monseigneur Thomas de Perfy: qui estoit leur Seneschal: & cheuauchoit alors en la compagnie du Capal. Ainçois que ledit messire Thomas en ouist les nouvelles, messire Iehan d'Eureux (qui se tenoit au chastel de la Rochelle) en fut informé: & luy fut dit cōment le Cōnestable de France auoit ia geu deuant Poictiers, & aduisé le lieu: & pensoient ceux de Poictiers qu'ils auroient le siege: & si n'y estoit point le Seneschal. Ledit messire Iehan d'Eureux ne meit pas celà en nonchalloir: mais se meit à conforter & à cōseiller ceux de Poictiers: & puis se partit de la Rochelle, à tout cinquante Lances, & ordonna & institua, à son partement, vn Escuyer qui s'appelloit Philippot Mācel) à estre Capitaine & gardien, iusques à son retour, dudit chastel de la Rochelle. Puis cheuaucha vers Poictiers: & entra dedās: dont ceux de la cité luy sceurent grand gré. Or vindrent ces nouvelles à messire Thomas de Perfy (qui se tenoit en la route du Capal) de par ses bōnes gens de Poictiers: qui le prioient qu'il se voufist retraire celle part (car ils supposoient à auoir le siege) & aussi qu'il voufist venir, avec le plus de gens qu'il pourroit: car les François estoient moult forts sur les champs. Ces nouvelles ouyes, messire Thomas remonstra au Capal tout l'affaire, pour sauoir qu'il en voudroit dire. Le Capal de Buz eut sur ce aduis: & luy aduisé, il n'eut mie conseil de dérompre sa cheuauchée: mais dōna congé audit messire Thomas de Perfy: qui cheuaucha tant qu'il vint en la cité de Poictiers: ou il fut receu à grād' ioye, des hōmes de la ville qui moult le desiroiēt (& trouua là Monseigneur Iehan d'Eureux. Si se firēt grand' feste & grand' reconnaissance. Tout celuy estat & celle ordōnance sceut le Cōnestable (qui se tenoit encores à Montcontour) & cōment ceux de Poictiers estoient refreschis de bonnes gens-d'armes. Adonques luy estoient venues nouvelles, que Monseigneur de Berry se tenoit, à grand' foison de Gēs-d'armes d'Auuergne, de Berry & de Bourgōgne, sur les marches de Limosin, & qu'il vouloit mettre le siege deuant Sainte-Seuere en Limosin: laquelle ville & garnison estoit à messire Iehā d'Eureux: & la gardoit, de par luy, messire Guillaume de Perfy, Richard Gille, & Richard Horne, à tout grand' foison de bons compagnons: qui tous auoient couru, pour le temps, sur le pays d'Auuergne & de Limosin, & fait moult de dommages & détourniers. Parquoy le Duc de Berry se vouloit traire celle part: & prioit audit Connestable, que, s'il pouuoit nullement, il voufist venir deuers luy, pour aller deuant ledit fort. Ledit Connestable (qui estoit moult imaginatif, sage, & fort subtil en toutes ses besongnes) regarda que pour lors il ne feroit riens deuant Poictiers, quand il y meneroit ses gens. (Car la cité estoit grandement rafreschie de bons Gens-d'armes (mais dit qu'il se tireroit deuers le Duc de Berry. Si se partit de Montcōtour, à tout son ost, quand il eut ordonné qui garderoit la forteresse dessusdite: & exploita tant, qu'il vint deuers le Duc de Berry: qui luy sceut grand gré de sa venue,

& à tous

Montcontour
rēdu à Bertrād
du Guesclin.
† Ceste exceptio
n'est point es
Abregez, &
aussi me sem-
ble elle imper-
tinentte icy.

& à tous ses Barons & Cheualiers: & là y eut grand nombre de Gens-d'armes, quand ces deux osts furent ensemble. Si exploita tant ledit Duc de Berry (& le Conestable en sa cōpaigrie, qu'ils vindrent deuant Sainte-Seuere: & estoient bien enuiron quatre mille Hōmes-d'armes. Si assiegerent la garnison, & ceux qui dedans estoient: & auoient bien propos qu'ils ne se partiroient, tant qu'ils l'eussent. Quand ces compaignons furent venus deuant la forteresse, ils cōmencerent fort à l'assaillir, par grand' ordonnance: & messire Guillaume de Perfy, & ses gens, à eux deffendre. Ces nouuelles vindrent en la cité de Poictiers, à messire Iehan d'Eureux qui estoit Sire & Seigneur d'icelle forteresse) & cōment le Duc de Berry, le Dauphin d'Auuergne, le Cōnestable de France, le Seigneur de Clifson, le Vicomte de Rohan, & bien quatre mille Hommes-d'armes, auoient assiegé la forteresse de Sainte-Seuere en Limosin. Si fut moult pensif: & en parla à messire Thomas de Percy (qui estoit present au rapport de ces nouuelles) & dit, Messire Thomas, vous estes Seneschal de ce pays, & auez grand' voix & fort grand' puissance, de faire ce, dont ie vous prie: c'est que vous me conseilliez, & entendiez à mes gens secourir: qui seront prins de force, si on ne les conforte. Par ma foy (respondit messire Thomas) i'en ay grand' volonté: & voudroye bien y trouuer remede: &, pour l'amour de vous, ie partiray en vostre compaignie: & nous en irons parler à Monseigneur le Captal de Buz (qui n'est pas loing) & mettray peine à l'émouuoir: à fin que nous allions leuer le siege, & combattre les François. Lors se departirent de Poictiers les dessusdits Cheualiers: & recommanderent la cité en la garde du Maiour d'icelle: qui s'appeloit Iehan Regnaut vn bon & loyal homme. Si cheuaucherent tant les dessusdits, qu'ils trouuerent le Captal de Buz sur les champs: qui s'en alloit deuers Saint-Iehan-d'Angely. Adoncques les deux Cheualiers (qui là estoient venus) luy remonstrement moult affectueusement comment les François auoient prins Mont-morillon de costé Poictiers, & aussi le fort chastel de Montcôtour, & qu'ils se tenoient au siege deuant Sainte-Seuere: qui estoit à messire Iehan d'Eureux: à qui on deuoit bien aucun grand seruice: & encores dedans ledit fort estoiet enclos & assis messire Guillaume de Percy, Richard Gille, & Richard Horne: qui ne faisoient pas à perdre. Le Captal de Buz pensa sur ces parolles vn petit: & puis respondit: & dit, Seigneurs, quelle chose est bōne que i'en face? A ce conseil furent appelez aucuns Cheualiers, qui là estoient. Si respondirent les dessusdits, Il y a grand temps que nous vous auons ouy dire, que vous desirez moult les François combattre: & vous ne les pouuez mieux trouuer à poinct. Si vous tirez celle part: & faites vostre mandement parmi Poictou, & en Aniou. Encores y a il gens assez, pour combattre les François, auecques la grand' volonté, que nous en auons. Par ma foy (respondit le Captal de Buz) ie le vueil. Si les combattons bien tost: fil plaist à Dieu, & à Monseigneur Saint George. Tantost enuoya ledit Captal lettres sur les champs, par deuers les Barōs, Cheualiers, & Escuyers de Poictou, & de Xainctonge, qui Anglois se tenoient: & prioit & enioignoit estroitement, qu'ils s'apprestassent de venir, le plus efforcémēt qu'ils pourroient: & leur donnoit place, ou ils le trouueroient. Tous Cheualiers, Barōs, & Escuyers, à qui ces dites lettres furēt enuoyées, & qui certifiez & mandez, en furēt, s'en partirēt sans point d'arrest, & se meirēt au chemin, pour trouuer ledit Captal, chacun au plus tost qu'il pouuoit. Là furent le Sire de Partenay, messire Louis de Harcourt, messire Hugues de Vinoue, messire Thomas son frere, messire Parceual de Coulōgne, messire Aimery de Rochechoart, messire Iaques de Surgeres, messire Geoffroy d'Argenton: le Sire de Puissances, le Sire de Rouffillon, le Sire de Crupegnac, messire Iehan d'Angle, messire Guillaume de Montendre, & plusieurs autres Barons, Cheualiers, & Escuyers: & firent tant, qu'ils se trouuerent bien enuiron neuf cens Lances, & cinq cens Archers.

S. Seuere assiegee par Bertrand du Guesclin.

Preparatifs des Anglois pour aller au secours de Sainte Seuere.

Comment ceux de Sainte-Seuere, durant vn moult fort assaut, se rendirent à messire Bertrand: & comment la cité de Poictiers se tourna François.

CHAP.

CCCIX.

Les nouuelles vindrent en l'ost, deuant Sainte-Seuere, à messire Bertrand du Guesclin & aux autres Seigneurs, que les Anglois & Poicteuins, & tous ceux de leur alliāce, approchoient moult fort, & venoient pour leuer le siege. Quand le Conestable entendit ce, il ne fut de riens effrayé: ains fit armer toutes manieres de gens: & commanda que chacun tirast auāt, à l'assaut. A son cōmandemēt ne voulut nul desobeyr. Si vindrēt François & Bretons deuant la forteresse, armez & paueschez de bonne maniere: & commencerēt à assaillir de grand' volonté, chacun Sire dessous sa bāniere, & entre ses gens.

Assaut à Sainte Seuere.

Si vous dy que c'estoit grand' beauté à les veoir. Car a celuy assaut y eut quaranteneuf bannieres, & grand' foison de pennons: & là estoient ledit Cōestable, & messire Louis de Sancerre, Marechal, chacun ainsi qu'il deuoit estre: qui trauailloient mout à asseurer leurs gens, pour assaillir de plus grand courage. Là faduanoient Cheualiers & Escuyers de toutes nations, pour leur honneur croistre, & leurs corps aduancer: qui y faisoient merueilles d'armes. Car les plusieurs passoient tout parmi les fossez (qui estoient tous pleins d'eau) & s'en venoient, leurs targes sur leurs testes, iusqu'au mur: & en celle appertise, pour chose que ceux d'amont gettoient, point ne reculloient: mais alloient tous iours, plus-avant vers la forteresse: & là estoient, sur lesdits fossez de la forteresse, le Duc de Berry, le Duc de Bourbon, le Comte d'Aléçon, le Dauphin d'Auuergne, & les autres grans Seigneurs: qui admonnestoient leurs gens de bien faire: & pour la cause des Seigneurs, qui les regardoient, faduanoient les Compaignons plus volontiers: & ne doutoient mort ne peril. Messire Guillaume de Perfy & les deux Escuyers d'honneur (qui Capitaines estoient de la forteresse) regarderent comment on les assailloit de grand' volonté, & que celuy assaut ne refroidissoit point, ny ne cessoit point: & qu'ainsi continuer ils ne se pourroient tenir: & si ne leur apparoissoit confort de nul costé: si comme ils supposoient, Car, s'ils eussent sceu comment leurs gens estoient, à moins de dix lieues d'eux, ils se fussent encores reconfortez, & à bonne cause: car bien se fussent tenus, tant qu'ils en eussent ouy certaines nouvelles. Mais point ne le sauoient: & pourtant entrerent ils en traité deuers ledit Conestable, pour écheuer plus grand dommage.

*S. Seuer redue
par compositio
à Bertrand du
Guesclin.*

*Division entre
les habitans de
Poitiers, pour
les partis Fran
çois & Angl.*

*Bertrand du
Guesclin receu
dedans Poi
tiers.*

*† Les noms &
surnoms de ces
deux sōt remis
selon le chap.
precedēt y ayāt
par auant icy,
Iehan deu
brues, comme
il le mettoit
aussi tousiours,
cy apres pource
Iehan d'E
ureux: duquel
nous sommes
asseurez par le
liure de Bert.
du Guesclin.
Quant à Tho
mas de Perfi
il estoit icy nō
mé Iehan.*

Messire Bertrand (qui estoit biē informé que dedans le soir il orroit nouvelles des Anglois & des Poicteuins) entendit à leurs traitez mout volōtiers: & les print, sauues leurs vies: & se saisit de la forteresse: dont il fit grand' feste. Apres ce, il fit toutes ses gens traire sur les champs, & mettre en ordonnance de bataille, ainsi que pour tantost combattre: & leur dit & fit dire: Seigneurs aduisez vous: car les ennemis approchent: & esperons encores auoir en huy la bataille. Si s'appreste chacun, au mieux qu'il pourra, cōme pour son corps garder & deffendre. Mais les Anglois ne se hasterent point de venir lors: puis qu'ils furent certifiez de la prinse de Sainte-Seuere. Or parlerons de ceux de Poictiers & comment ils se maintindrent. En ce temps écheut que ceux de Poictiers furent en grand' dissension. Car les trois pars de la ville se vouloient tourner François. Mais Iehan Regnaut (qui estoit Maiour de la ville) & vne partie de la Communauté vouloient demourer Anglois. Toutesfois les plus riches Bourgeois & les Gens d'Eglise (dont il y eut grand' foison) vouloient (comment qu'il fust) que le Conestable de France fust mādē. Si luy signifierent secrettemēt qu'il se hastast de venir, pour prendre la faine de la cité: & on luy ouuriroit les portes. De ce fut mout ioyeux le Conestable: qui le remonstra au Duc de berry, & de Bourbon: & furent d'accord que le Conestable se partit de l'ost à tout trois cens compaignons, montez sur les meilleurs courriers qu'ils eussent. Si cheuaucha ce iour, & la nuit ensuyuant à petit de repos, plus de trente lieues, par vn autre chemin que celuy, que les Anglois tindrent: & droit au point du iour, vint à Poictiers. Si trouua les portes ouuertes, & ceux de son parti tous appareillez de le receuoir: com-ils firent. Mais s'il eust arresté l'espace d'une lieue, il ne fust point venu à temps: Car Iehan Regnaut & ceux de sa partie (qui festoient apperceus des affaires des autres) auoient à grand' haste, enuoyé deuers messire † Iehan d'Fureux & messire Thomas de Perfy: lesquels à cent Lances & à cent Archers, estoient ia venus à vne petite lieue de la cité. De la prinse de la bonne cité de Poictiers furent mout ébahiz les Cheualiers & Escuyers de Poictou, de Gascongne, & d'Angleterre: qui en Poictou estoient assemblez (comme dit est) iusques à huit cens Lances & quatre cens Archers. Lors se tirerent à Conseil, pour sauoir comment ils se maintiendroient. Car ils se veoient en grand peril: & ne se sauoient loyallyment en qui fier.

Si dirent là les Cheualiers & les Barons de Poictou vne parolle, pour mieux asseurer les Anglois. Certes, beaux Seigneurs, ce nous déplaist grandement que amender ne pouuons, que les choses se portent ainsi en ce pays: & soyez certains que (tant comme nous pourrons durer, & qu'il y aura maison ne fort, en Poictou, ou nous nous puissions retraire) nous serons tousiours bons & loyaux enuers nostre naturel Seigneur, le Roy d'Angleterre, & enuers vous, Adonc respondirent les Cheualiers Anglois, qui là estoient: Nous nous y affions bien: & aussi, iusques au mourir, vous nous trouuerez Compaignons & amis. Là eut sur les champs, grans parlemens: si que, tout considéré:

il fut

il fut conseillé que Poictuins se tirassent d'un lez, & les Anglois d'autre. Si se partirent là endroit moult amiablement les uns des autres: c'est assavoir le Seigneur de Partenay, le Seigneur de Touars & de Rouffillon, messire Aimery de Rochechoart, Jehan d'Angle, Louis de Harcourt, Parcevaux de Coulongne, Capitaine de Touars, Hugues Brionne, Regnaut de Touars, Guillaume de Compaignac, Jaques de Surgeres, & les autres Cheualiers & Escuyers de Poictou, prindrent le chemin de Touars: & les Anglois (c'est assavoir messire Jehan d'Eureux, Richard de Pontchardon, Thomas de Perfy, messire Dangouffes, Geoffroy d'Argentō, Matthieu Foucques, Thomas de Gournay, Gautier Huet, Jehan Cresnelle, & les autres) prindrent le chemin de Nyorth: ou ils cuiderent entrer, sans arrester. Mais, quand ils y parvindrent, ils trouuerent les portes closes & les pons leuez: & leur dirēt ceux de la ville, que point n'y entreroient. Lors se trahirent ensemble au conseil ces Seigneurs d'Angleterre: & dirēt que ce ne faisoit mie à souffrir. Si se meirent en bon arroy: & assaillirent la ville, de grande volenté, & ceux de dedans se deffendirent, mais il n'y auoit dedans nul Cheualier, ne Gentil-homme, † pour eux conduire: ains seulement gens mecaniques: qui ne sauoient que c'estoit de guerroyer. Si furent conquis des Anglois: & fils se peussent estre tenus iusques au vespre, ils eussent esté confortez grandement. Car le Cōnestable y deuoit enuoyer Thibaut du Pont, à tout deux cens combattans pour eux rafreschir. Toutesfois n'y vindrēt point, car la ville fut prise d'assaut, & toute robée, & occis grande foison d'hommes & de femmes: & se tindrent là les Anglois, pour mieux attendre des nouuelles.

Les portes de Nyorth fermées contre les Anglois, qui pour tāt la forcerēt. † Ce passage est parfait selon les sēs de l'Auteur et par les mots de la Chaux.

Comment les François prindrēt le Capital de Buz deuant Soubise par bataille, & comment ceux de la Rochelle se tournerent François.

CHAP. CCCX.

EN ce terme que les Anglois se tenoient à Nyorth, & que bonnement ne s'osoient de partir d'ensemble, arriua deuant la Rochelle Yuain de Galles, en la compaignie de l'Admiral du Roy Henry d'Espaigne, nommé Dom Rodigo le Roux, qui auoit quatorze grosses nefes & huit gallées, toutes chargées de Gens-d'armes & de pourueances. Si se meirent deuant la ville de la Rochelle, par maniere de siege: si que riens n'y pouuoit entrer, n'issir, qu'en danger. Adonc ceux de la Rochelle (qui n'estoient point à seur) se tirent quoyement deuers Yuain de Galles & l'Admiral d'Espaigne: & furent d'accord que ceux de dedās, ne ceux de dehors, ne mefferoiēt point l'un à l'autre. Mais tousiours se tenoient les Espaignols & les François à l'ancre, deuant la Rochelle: & auoient leurs espies sur le pays de Poictou & de Xaintonge, pour sauoir quelle chose on y faisoit. Adoncques estoit Capitaine du chastel de la Rochelle vn Escuyer Anglois nommé Philippe Mancel. Ce pendant le Connestable de France (qui se tenoit à Poictiers) enuoya, deuant le chastel de Soubise, le Sire de Pons, & Thibaut du Pont, à tout trois cens Lances, qu'un vns qu'autres. Soubise est vn fort chastel, seant sur la mer, droit sur la bouche de la Charente, ainsi qu'elle se fiert en mer. Si estoit la Dame de Soubise dedans, nompas à grand Gens-d'armes. Mais elle demanda tantost, par vn sien Escuyer, secours à Jehan de Grailly, Capital de Buz, Connestable d'Aquitaine (qui se tenoit à Saint-Jehan d'Angely) lequel manda tantost messire Henry Haye, Seneschal d'Angoulesme, messire Guillaume, Seigneur de Marneil, neueu à Monseigneur Raimond de Marneil, messire Thomas de Perfy, & Jehan Cresnelle: lesquels vindrent à Saint-Jehan d'Angely. Tout celle le assemblée, & l'ordonnance du siege, sauoit bien Yuain de Galles, qui se tenoit deuant la Rochelle. Si print quatre cens Lances des plus especiaux & plus seurs combattans de sa route, & les mit en treize barges: & se partirent luy & messire Jaques de Montmoy, & Morelet son frere: & laisserent Rodigo le Roux, Admiral d'Espaigne, deuant la Rochelle, à tout le demourant de leurs gens: & nagerent secretement deuers Soubise: & vindrent à l'autre part du chastel, à l'opposite du Seigneur de Pons qui rien ne sauoit de ceste embusche. Aussi ne fit ledit Capital, qui faisoit son amas à Saint-Jehan d'Angely: Car, s'il l'eust sceuë, plus grande route eust amenée avecques luy. Mais il l'enuoya vne grande partie de ses gens, & en laissa aussi vne partie à Saint-Jehan d'Angely: & se partit à tout deux cens Lances tant seulement: & cheuaucha tant, qu'environ la nuit il vint assez pres de l'ost des François, & du chastel de Soubise. Si descendit au dehors d'un petit bosquet: & là estreingnirent leurs plates, & reffanglerent leurs cheuaux. Puis monterent, & deuelopperent leurs bannieres & leurs pennons: & vindrent ferir en l'ost des François soudainement, en écrivant leurs cris. Là endroit eut grand abbatis, & plusieurs

La Rochelle assiegée par Yuain de Galles et par les Espaignols, alliez des François.

Soubise assiegé par les François

Subtile embusche d'Yuain de Galles, pres Soubise.

Le camp des François surpris par le Capital de Buz, devant Soubise, & secouru par l'embusche d'Yvain de Galles.

† Prise du Capital de Buz, par un Escuyer de Vermadois que la Chaux surnoie d'auillette

Soubise rendue à l'obeissance du Roy de France.

† Ceste clause est fournie par les de l'Auteur, & par la substance de la Chaux.

S. Jehan d'Angely, Angoulesme Taillebourg & Xaintes, retournerent à l'obeissance du Roy de France.

† Sala en dit icy tout autat, mais la Chaux dit simplement à grand compaignie, pour ne discorder avec le comencement de ce cha.

gens morts & mehaignez, car les François ne s'en donnoient garde. Là furent prins le Sire de Pons & Thibaut du Pont, & bien soixante des plus suffisans de leur route, & les autres mis en chace: & lors va venir Yuain de Galles, avec sa route: qui à grande haste avoit passé la Charête en leurs barges: & apporterent foison de tortis & de fallots, & d'autres ordonnances de feu, car il y faisoit moult obscur. Si s'en vindrent quatre cens Lances (qui estoient de bonne estoffe, & fraiz & nouveaux) & se bouterent entre ces Anglois & Gascons: qui cuidoient avoir accompli leur emprise: & ia estoient les plusieurs espars pour entendre au pillage: & entendoient les Cheualiers & Escuyers à leurs prisonniers. Là furent les Anglois & Gascons recueillis de grand maniere, & ruez ius par terre: & furent en peu d'heure déconfits. Si s'advança là vn appert Escuyer de Vermadois (qui s'appelloit Pierre Danielles) & s'approcha si pres du Capital de Buz, qu'il le fit fiancer prisonnier, par beau fait d'armes. Lequel Capital estoit pour ce iour le Chevalier de Gascongne & d'Angleterre, que le Roy de France & les François desiroient plus à tenir, pource qu'il estoit moult fort hardi, & bon Capitaine. Là fut prins messire Thomas de Persy, par vn prestre de Galles, appelé messire Dauid: & aussi là furent prins messire Henry Haye, messire Morice de Line, & plusieurs autres Cheualiers & Escuyers: & échapperent, à grand peine, messire Gautier Huet, messire Petiton de Courton, messire Guillaume Ferenconne, & Carmille: lesquels se ferirent deuers la ville de Soubise: & n'eurent plus de secours: fors que la Dame estoit à la barriere: laquelle leur fit ouvrir la porte. Si entrerent dedas, & plusieurs autres. L'edemain au matin Yuain de Galles fit traire toutes ses barges & nefes, par-deuât la ville de Soubise: & la fit assaillir fermement: & d'autre part assailloient aussi le Sire de Pons & Thibaut du Pont (qui auoient esté reioins) & ceux de la ville se deffendirent fierement & vaillamment. Mais la Dame veit que la ville n'estoit pas forte, pour tenir longuement: & si n'auoit nulle esperance de secours: puis que le Capital estoit prins. Si appella les Barons & Cheualiers au Conseil: & puis les enuoya traiter aux François: & se porta ainsi le traité, que les Cheualiers, qui là estoient, pouuoient partir sans peril, & eux retraire, à Nyort, à Xainctes, à Lusignan, ou quelque part qu'il leur plairoit: & deuoit la Dame de Soubise soy mettre en l'obeissance du Roy de France. Ain si se departirent les Anglois de Soubise: & furent conduits sauvement, là ou il leur pleut aller. Lors prindrent les François la possession de la ville, & la feauté de la Dame de Soubise: qui iura dorenavant obeir au Roy de France, & toute sa terre aussi, & adonc retournerent en leurs barges Yuain de Galles & messire Jaques de Montmoy, & leurs gens: & emmenerent le Capital de Buz, & leurs prisonniers, en leur grosse naue: qui seoit deuant la Rochelle: & le Sire de Pons & les autres Bretons se hasterent de cheuaucher vers S. Jehan-d'Angely pour se joindre, avec grans Gens-d'armes, que le Connestable de France y enuoya. Là estoit le Vicomte de Rohan, les Seigneurs de Clifson, de Tournemine, de Beaumanoir, & de Rochefort, & messire Guillaume de Bourdes, messire Oliuier de Manny, messire Regnaut de Limosin, messire Geoffroy Ricon, Yuon de Laconnet, Alain de Saint-Pol, Carfuelle, & plusieurs autres: lesquels vindrent deuant la ville de Saint Jehan-d'Angely: & y firent grande monstre & semblant d'assaillir. Ceux de Saint-Jehan veirent que le pays se perdoit, & que leur Capitaine estoit prins, & n'attendoient secours de nul. Si se rendirent François. Puis cheuaucherent les Bretons deuers Angoulesme (qui se retourna aussi tost François: & puis Taillebourg aussi. En apres vindrent deuant Xainctes, ou ils furent deux iours & deux nuits deuant. Car le Capitaine, messire Guillaume de Ferenconne, dit qu'il ne se rendroit mie ainsi, & fit semblant de se deffendre. Adoncques estoit dedans Xainctes l'Euesque dudit lieu (qui estoit François) lequel atourna tellement les citoyens, qu'ils prindrent le Capitaine dudit lieu, & dirent qu'ils l'occiroient, s'il ne consentoit qu'ils fussent François. Adoncques ledit messire Guillaume s'accorda à eux, parmi ce qu'ils traitteroyent aux François pour eux. & pour luy, à ce qu'il s'en peust aller quittement. Tout en telle maniere se porta le traité entre les François & les citoyens. Si prindrent lesdits François la faisine de la cité & du chastel de Xainctes, & messire Guillaume de Ferenconne s'en alla, & fut conduit iusques en la ville de Bordeaux. Deuant la ville de la Rochelle gisoit à l'ancre Yuain de Galles, en la compaignie de Dom Rodigo le Roux, Admiral d'Espagne, à quarante grosses nefes, & treize barges, avec huit gallées d'Espaignols. Si auoient grands traitez ensemble ceux de dehors & ceux de dedans, mais ceux de la ville ne se pouuoient nullement tourner François, tant que le chastel fust en la possession des Anglois. Or attendirent ils tous iours,

iours, en eux diffimulant, tant que les Anglois (qui l'auoient tenu toute la saison) s'en estoient petit à petit partis, & l'auoient laissé, eux & Monseigneur Jehan d'Eureux, en la garde d'un Escuyer, appelé Philippe Mancel : qui auoit avecques luy environ cent compagnons, qu'un, qu'autre. En ce point estoit Maire de la ville un Bourgeois, appelé Jehan Candorier, lequel assembla un iour une partie de ceux qui estoient plus François, qu'Anglois. Si leur dit, Beaux Seigneurs, nous voyons nos voisins tourner François de toutes parts : & serons bien tost si enclos, que nous ne nous saurons de quel costé tourner, n'issir de ceste ville. Si seroit bon maintenant, entretant qu'il est à point, de regarder la maniere, comment nous pourrions auoir le chastel de ceste ville : qui par tant de fois nous a courroucé & trauaillez, & est ores en foible garde. Car Philippe Mancel n'est pas trop malicieux. Je luy diray ainsi, que j'ay receu un mandement, de par le Roy d'Angleterre : lequel contient que ie face tous les gens de ceste ville [†] armer & accompagner en une place, que ie nommeray : & que i'en sache le compte, & de ceux du chastel aussi : tellement que ie luy en puisse escrire la verité. Si luy commanderay qu'il isse hors, & face sa monstre : & ie croy assez qu'il le fera : & nous aurons pourueu d'une bonne embusche, en ces vieilles murailles de dehors le chastel, de deux cens compagnons : lesquels, quand ceux du chastel seront issus, se mettront entre eux & le pont, qui sera auallé : & d'autre part nous serons pourueus de nostre part. Si leur viendrons au-deuant, & les prendrons à volonté : & ainsi serons saisis d'eux & du chastel, si vous semble bon. Ils respondirent qu'ouy. Adoncques persevererent en celuy estat : & firent ledit Maire Chef de ceste emprise : & manda ledit Philippe : & luy donna à disner bien & grandement, & à aucuns des plus grans Bourgeois de la ville, qui estoient de son accord : & y parlerent des besongnes du Roy d'Angleterre. Apres disner fit le Maire apporter une belle lettre, seellée du grand seau du Roy d'Angleterre : pour mieux faire croire ledit Philippe : qui point ne sauoit lire : mais bien congnot le seel. Si lisoit ledit Maire la lettre : & ordonnoit parolles à sa volonté : qui point n'y estoient escrites : mais les formoit sur la substance desusdite. Puis dit le Maire à Philippe. Chastellain, vous voyez & oyez comment le Roy, nostre Sire, me mande & me recommande que ie vous commande, de par luy, que vous faciez demain vostre monstre : & aussi nous ferons la nostre. Celuy Chastellain (qui n'y entendoit que tout bien) dit qu'il le feroit tresvolontiers, & se partit sur celuy estat. Celle nuit, auant le iour, le Maire print deux cens compagnons, & les fit bien armer, & les mit secretemēt en embusche pres du chastel, es vieilles murailles, qui là estoient.

Après heure de prime, le Maire fit sonner la cloche, & armer tous ceux de la ville. Assez tost après Philippe Mancel fit aussi armer tous ses compagnons : dōt il y en auoit soixante, tous apperts & deffensables. Puis issirent du chastel : & après ce qu'ils eurent passé le pont, l'embusche se mit entre les Anglois & la porte du chastel. Lors veirent bien les Anglois qu'ils auoient esté trahis. Si coururent sur ceux de l'embusche, pour cui der reconquerre l'entrée du chastel. Mais le Maire vint tantost, à tout la Communauté de la ville : où il y auoit plus de [†] deux cens hommes. Si furent ainsi les Anglois assaillis, deuant & derriere : & furent tous prins, car ils se rendirent sauues leurs vies. Mais pour ce n'eurent mie ceux de la ville le chastel, car les Anglois y auoient laissé douze de leurs gens : lesquels l'auoient fermé bien & fort. Adoncques le Maire vint Philippe, leur Capitaine, & à ses compagnons, Si leur dit, Seigneurs, escoutez que nous vous dirons. Si tost ne faites rendre le chastel, sachez pour certain que nous vous ferōs à tous couper les testes, au pié de ce pont. Les Anglois respondirent qu'ils en feroient volontiers leur pouuoir. Si vindrent les aucuns parlementer à ceux, qui dedans estoient : & fut accordé, d'une partie & d'autre, que ceux qui leans estoient, & tous ceux qui prins estoient, seroient mis en une nef, & conduits, du Maieur & des Bourgeois de la Rochelle, iusques à Bordeaux. Ainsi eurent ceux de la Rochelle leur chastel. Si tost que les Ducs de Berry, de Bourgongne, & de Bourbon, le Marechal de Sancerre, le Viconte de Rohan, les Seigneurs de Sully, de Pons, de Clifton, & de Beaumanoir, & plusieurs autres Barons de France, sceurent ces nouuelles, ils se partirent de Berry (où ils se tenoyent) & des marches de Limosin & d'Aniou : & s'acheminèrent pour venir deuers la cité de Poictiers (où le Connestable de France se tenoit) & en leur chemin ces Seigneurs prindrent en Poictou une ville, appelle Saint-Maixant : laquelle se rēdit, si tost qu'ils y vindrēt. Le chastel fut prins d'assaut, & tous ceux morts, qui dedans estoient. Apres prindrent le chastel de Merle, & puis le chastel d'Aunay, & autres fortereffes, qu'ils trouuerent en leur chemin. Quand

† Ceste clause et la suiuante sont éclaircis par les propres mots de la Chaux, et par la substance de Sala.

Subtilité du Maire de la ville de la Rochelle : enuers la simplicité du Capitaine du Chastel.

† L'Exemp. de Verard escrit ij c. mille hommes, mais l'Abregé de la Chaux plus raisonnable en cest endroit, ne dit que deux mille homes

Chenauchée du Duc de Berry vers Poictiers.

La ville de Saint-Maixant, en Poictou rendue Françoises.

Demãde des Rochellois aux Capitaines de France.

ils furent venus à Poictiers, ils enuoyerent certains messagers, pour traiter à ceux de la Rochelle. Ceux de la Rochelle ne voulurent mie ouurir leurs portes, pour iceux Seigneurs: ains dirent à leurs messagers, que ceux de la ville ne se vouloyent mie rēdre ainſi mais, ſil plaſoit à Monſeigneur de Berry, & aux autres deſſusnommez, que dedans ſix iours ils leur peuſſent enuoyer ſaufconduit, pour aller à Poictiers, ils porteroient là leur intention toute entierement, ainſi qu'ils auoient en penſée de faire. Les meſſagers François retournerent arriere, & dirent ce à leurs Seigneurs. Lors fut le ſaufconduit donné & aucuns Bourgeois de la Rochelle vindrent là: & dirent aux Seigneurs François, que, ſils ſe mettoient en l'obeiſſance du Roy de France, c'eſtoit leur intention que le chaſtel de la Rochelle ils mettroient par terre: & feroient bien ſceller que iamais il n'y auroit chaſtel: & auſſi que la ville de la Rochelle, & tout le pays de Rochellois, demoureroient à touſiours mais, au reſſort & domaine du Roy de France: ne iamais n'en feroient oſtez ne deſſeurez par mariage, par paix, ne par aucune aduenture, qui iamais peult aduenir au Royaume de France, par quelque condition que ce fuſt: & auroyēt, en la ville, coings, pour forger Florins, et monnoye blāche & noire, de telle forme & alloy, qu'ont ceux de Paris. Mais ce ne voulurent les Seigneurs de France, qui là eſtoient, accorder, iuſques à tant que le Roy de France en auroit eſté aduiſé, & pour aller deuers le Roy, donnerent les Seigneurs ſaufconduit à ceux de la Rochelle. Adoncques douze Bourgeois de la Rochelle vindrent à Paris, deuers le Roy de France: qui leur accorda tout ce que dit eſt & moult les feſtoya: & leur dōna beaux ioyaux. Quand ils furent retournez à la Rochelle, ils monſtrèrent leurs chartres, ſcellées du Roy, & conſermées de la Chambre du Roy & des Pers. Si firent tantost abbattre, & raſer par terre, le grand & fort chaſtel de la Rochelle. Puis manderent aux Seigneurs de France, qui ſe tenoient à Poictiers, qu'ils venſiſſent: & on leur ouuriroit les portes. Si y vint le Conneſtable de France, à tout deux cens Hommes-d'armes tant ſeulement: & y fut receu à grande ioye: & luy fit on feauté & hommage, comme au Roy de France. Car il monſtra bōne procuratiō, de par le Roy qui l'auoit eſtabli és parties de par-de là, comme ſon corps representant.

Comment meſſire Bertrand print pluſieurs chasteaux en Rochellois, & comment le Roy d'Angleterre, ſeſtant mis en mer, pour venir leuer le ſiege de Touars, ne peut prendre terre, dont ceux de Touars, & autres Poictieus, ſe rendirent François.

CHAPITRE.

CCCXI.

† LaChaux dit
apellé Guil-
laume de
Paux qui a-
uoit avec lui
vn cheualier
de Naples ap-
pelé meſſire
Iaques de na-
ples ſans ſur
nom. Le liure
de Ber. du Gueſ-
clin ne nomme
point ces deux
& compte tou-
te ceſte reduitiō
d'Aquitaine
diuerſement,
cōme ſont auſſi
quelques au-
tres. Mais il
me ſuffit que
mon Auteur
accorde à ſoy-
meſme, cōe i'ai
dit ailleurs.

Quand le Conneſtable de France, meſſire Bertrand du Gueſclin, euſt eſté quatre iours en la Rochelle, & il eut remonſtré & deuſé à ceux de la ville comment ils ſe maintiendroient doreſnauāt, il ſ'en partit: & retourna à Poictiers, deuers les Ducs & Seigneurs deſſusdits, avec leſquels il ſe meit ſur les champs, pour conquerre aucunes fortereſſes ſur les marches de la Rochelle: & furent bien trois mille Lances. Si partirent de Poictiers: & vindrent aſſieger le chaſtel de Benon (qui eſtoit bel & fort) & dirent que ils ne ſ'en partiroyent iamais, tant qu'ils l'euffent. De ce chaſtel eſtoit Capitaine, de par le Captal de Buz, vn Eſcuyer de la Comté de Foix, † appellé Guillaume de Pans, & avecques luy vn Cheualier de Naples, appellé meſſire Iaques, ſans ſurnō. Là fit on pluſieurs affaux: & là ſe deffendirent moult vaillamment ceux de dedans. Aſſez pres de là eſtoit la garniſon de Surgeres: ou il y auoit Anglois (qui là tenoyent de par le Captal: qui prins eſtoit) (leſquels dirent, vn ſoir, qu'ils viendroyent réueiller loſt des François. Si cheua-cherent, à vn adiournement, enuiron quarante Lances, parmi ce qu'ils auoyent mandé ceux de Marant: & ſ'en vindrent ferir es logis du Conneſtable de France, & blecerent pluſieurs des ſiens, & par eſpecial, occirent vn ſien Eſcuyer. L'oſt ſemeut: & ſ'aſſemblerent les François, au plus toſt qu'ils peurent. Les Anglois (qui auoyent fait leur empriſe, ſans nul danger) retournerent: & rentrerent en leur fortereſſe, ſans nul dommage. De ce fut le Conneſtable ſi courroucé, qu'il iura que iamais ne ſe partiroit de là, tant qu'il euſt prins le chaſtel de Benon, & feroient tous morts ceux, qui dedans eſtoient. Si fit, ce meſme iour au matin, appareiller & armer toutes manieres de Gens-d'armes: & fit bail-ler à chacun ſa liurée, & tirer auant tous habillemens d'affaux: & fit aſſaillir par telle maniere, que long temps auoit qu'on n'auoit veu ſi dur, ne ſi hideux aſſaut: & entroyent ces Gens-d'armes & Bretons es foſſez, ſans eux eſpargner: & venoient iuſques au pié du mur les pauois ſur leur teſtes: & picquoyent & houoyent, de pics & de hoyaux, par telle maniere, que c'eſtoit grande merueille à les regarder: & firent tant les Bretons qu'ils abbatirent

tirent vn pan de mur, par lequel ils entrerent dedans sans nul danger. Si fut prins le chastel, & tous ceux occis, qui dedans furent trouuez. Apres ce, le Conneftable fit reparer le chastel, & rafrefchir de nouuelles Gens-d'armes. Puis se retira deuers le chastel de † Morant: & ceux, qui estoient dedans, se rendirent tantoit, sauf leurs corps & leurs biens. Apres s'en vint deuant Surgeres, qui se meit aussi en l'obeissance du Roy de France: mais les Anglois s'en estoient partis: & n'auoient osé attendre la venue du Conneftable de France. Lequel vint, apres ce, deuant le chastel de Fontenay-le-Comte: ou la femme de messire Iehâ de Harpedâne se tenoit. Si assiegea la ville & le chastel: & y fit plusieurs assaux. Finalement tous ceux de dedans, qui le voulurent ainsi, en partirent par composition, avecques ladite Dame, sous le saufconduit du Conneftable, & se retrahirent à Touars: & les François eurent la faisine du chastel & de la ville: & sy rafrefchirent. En apres le Conneftable & lesdits Seigneurs de France vindrent assieger Touars: ou la plus grande partie des Cheualiers de Poictou se tenoyent: c'est assauoir le Vicôte de Touars, les Seigneurs de Partenay, de Poufanges, de Cors, & de Crupignac, messire Louis de Harcourt, Geoffroy d'Argenton, Iagues de Surgeres, & Parceual de Coulongne. Si auoient fait faire les Seigneurs, à Poictiers & à la Rochelle, grans engins & canons: dont ils assaillirent & trauaillerent grandement ces Poicteuins. Lesquels, tout considéré, meurent traitez auant, tant qu'ils peussent demourer en paix: eux & leurs terres, iusques à la Saint † Michel ensuiuant, tousiours en l'an mil trois cens septante deux: & deuoyent signifier tout leur estat deuers le Roy d'Angleterre, leur Seigneur: & (si dedans ce iour n'estoyent vsitez, ou confortez, du Roy d'Angleterre, leur Seigneur, ou de l'un de ses enfans) ils deuoyent estre, eux & leurs terres, obeyssans au Roy de France. Ce traité fut accordé & tenu: & retournerent adonc aucuns Cheualiers de Frâce à Paris: & y fut amené le Captal de Buz, emprisonné sous bone garde, en vne tour du Temple. Le Roy (qui de sa prinse fut moult ioyeux) fit deliurer à l'Escuyer, qui prins l'auoit, douze cens frâcs. Les messagers desdits Seigneurs de Poictou vindrent en Angleterre: & remonstrerent au Roy Edouard, & au Prince de Galles (qui adonc estoit en assez bon point) & à leur Cōseil, les nouuelles de Poictou & de Xainctonge. Quand le Roy veit qu'il perdoit, à si peu de fait, les terres, qui tant luy auoient cousté à conquerre, si fut tout pensif vne longue piece: & quand il parla, il dit que prochainemēt il iroit là si puissammēt, qu'il attédroit bien la puissance du Roy de Frâce, & ne retourneroit iamais en Angleterre, si auroit cōquis tout ce que perdu auoit, ou perdrait tout le demourant. En ce tēps estoit faite l'armée & la charge du Duc de Lanclastre (qui estoit moult grande) & deuoit arriuer à Calais: mais le cōseil du Roy se porta ainsi, qu'ils s'en iroient en Poictou, & en Xainctonge, & deuers la Rochelle, & q'c'estoit le plus prochain voyage & le plus besoigneux: & fit le Roy d'Angleterre vn tresgrand & especial mandement par tout son Royaume: & commanda que tous venissent armez & pourueus, à Hantonne, & là enuiron: ou ils deuoyēt monter en mer, dedans le iour, qui assigné estoit. Nul n'osa, ny ne voulut, éconduire son commandement: mais se partirent de leurs lieux toutes manieres de Gens-d'armes & d'Archers: & se tirerent deuers la marine (ou ils auoient bien enuiron quatre cens vaisseaux, qu'un qu'autres) & les Seigneurs se trahirent deuers le Roy & ses enfans: qui se tenoient à Westmonier, delez Londres. Si estoit ainsi ordonné, entre le Roy d'Angleterre & le Prince son fils, que (si le Roy d'Angleterre mouroit en ce voyage, ou le Prince) le fils du Prince, nommé Richard (qui fut né à Bordeaux) deuoit estre Roy d'Angleterre: si que, quand tous les Seigneurs d'Angleterre furent venus deuers le Roy, auant leur departement, le Prince leur fit reconnoistre, que fil aduenoit ainsi qu'il mourust auant son pere, son fils seroit Roy d'Angleterre, apres le decez de son grand pere. Les Comtes, Prelats, Cheualiers, & toute la Communauté du pays, aimoient tant le Prince pour les belles iournées qu'il auoit faites au pays & ailleurs, qu'ils luy accorderent ioyeusement, & le Roy premierement, & tous ses enfans, & tous les Seigneurs d'Angleterre apres, & le leur fit ledit Prince iurer & sceller, ainçois qu'ils partissent. Ces choses faites, le Roy, le Prince, le Duc de Lanclastre, les Cōtes de Cantebruge, de Sallebry, de Waruich, d'Arondel, de Suffort, & d'Estanfort, le Sire d'Espensier (qui nouuellement estoit reuenue de Lombardie) le Seigneur de Perfi, de Vienne, de Ros, de Warre & tous les Barons & Cheualiers d'Angleterre (ou bien auoit trois mille hommes à lances, & dix mille Archers) vindrent à Hantonne: ou ils monterent en mer, en aussi grand flotte, qu'onques Roy se partit d'Angleterre, pour aller en quelconque voyage que ce fust

† Nagueres
Marant.

Fontenay-le-
Comte rendis
Francois par
composition.

† L'an 1372.
comme dessus.

Le Captal de
Buz, mené à Pa-
ris, estât prison-
nier de guerre.

Preparatifs du
Roy d'Angle.
pour aller secou-
rir ses partisans
d'Aquitaine.

Richard, fils
du Prince de
Galles, designé
Roy, en cas que
le Prince mou-
rust deuant le
Roy d'Angle.

*Le Roy d'Angl.
se met sur mer
avec grand' co-
paignie pour
descendre en
Aquitaine.*

*† Les surnoms
de ces deux sōt
selon les deux
cha. precedens.*

*Parolles du Roy
d'Angl. s'en re-
tournant, sans
auoir peu pren-
dre terre en A-
quitaine.*

*† Ceste clause
est accomplie
par le sens de
l'Auteur &
par la substāce
de la Chaux.*

*† Tousiours
1372 comme
dessus.*

& nagerent vers la Rochelle: & costoyerent Normandie & Bretagne: & eurent diuers vents. Le Roy de France faisoit vn grand amas de Gens-d'armes en Poictou, pour tenir sa iournée deuant Touars. Si estoit tout le pays répli de Gens-d'armes. D'autre part ain- si faisoient les Gascons, & Monseigneur Archambault de Grailly, oncle de Mōseigneur le Captal de Buz, à la priere de messire Thomas de Phelleton, Seneschal de Bordeaux: & estoient bien trois cens Lances: & furent en celle compaignie les Seigneurs de Duras, de Courton, de Mucident, de Rosen, de Langoren & de Landuras, messire Pierre de Landuras, messire Pierre de Courton, & messire Guillaume de Feritōne, Anglois. Tous ceux-cy se departirent de Bordeaux: & vindrent à Nyorth. Là trouuerent messire Gautier Huet, messire Iehan† d'Eureux, messire Thomas de Gournay, Iehan Cresuelle, & plu- sieurs autres: si que, quand ils furent là assemblez, ils se trouuerent bien enuiron douze cens combattans: & messire Richard de Pontchardon y vint: qui amena bien de-rechef douze cens combattans. Le Roy d'Angleterre & ses enfans, & leur grosse armée, se te- noient sur mer: & ne pouuoient prendre terre à la Rochelle, n'enuiron. Car le vent & fortune leur estoit contraire: & furent bien en celuy estat neuf semaines, & tant que la Saint Michel approcha, & que le Roy & son conseil veirent bien, qu'ils ne pouuoient te- nir leur iournée deuant Touars. Si se trouua le Roy d'Angleterre moult courroucé: & donna congé à ses gens, pour aller quelque part qu'ils voudroient: & dit adonc le Roy, à son retour. Il n'y eut oncques Roy, qui moins s'armast, & si n'y eut onc Roy, qui tant me donnast à faire. Ainsi retourna celle grosse naue du Roy Anglois: & eurent tresbon vent, & à souhait, à leur retour. Apres ce congé & departement, que ces nefes firent les vn des autres, arriuerent à Bordeaux sur Gironde, toutes d'vne flotte, bien deux cens voilles & nefes de Marchans du Royaume d'Angleterre: qui alloient aux vins. Quand ce vint pres de la S. Michel, que les Barons d'Angleterre & de Gascōgne (qui estoient venus de Nyorth, pour estre à Touars avec le Roy d'Angleterre) veirent que le Roy ne venoit point (dont ils furent tous moult fort émerueillez) alors, pour eux acquitter, ils enuoyerent certains messagers à Touars, de par eux, deuers les Barons de Poictou: aus- quels ils dirent, Treschers Seigneurs, nous sommes icy enuoyez de par les Seigneurs de Gascongne, † obeissans au Roy d'Angleterre, & par les Seigneurs Anglois de leur com- paignie: qui nous ont tous prié de vous dire qu'ils ont assemblé tout leur pouuoir à ceste fois: & peuuent estre à Nyorth enuiron douze cens combattans, appareillez de vous ai- der & seruir en tous estats: & vous prient que vous leur faciez sauoir, si, en l'absence du Roy d'Angleterre & de ses enfans, ils vous peuuent conforter. & si ceste iournée se tien- dra, car ils veulent, en la compaignie de vous aduenturer leurs corps & leurs biens. Les Barons de Poictou dirent, Nous en aurons conseil: & grand merci aux Barons de Gas- congne & d'Angleterre, qui icy vous ont enuoyez: quād nous les trouuōs si appareillez pour nostre secours. Si se meirent les Cheualiers de Poictou ensemble: & ne furent pas, à ce premier iour, d'accord. Car le Sire de Partenay (qui estoit vn des grans de la com- paignie) vouloit qu'ils tenissent leur iournée deuant Touars, en representāt le Roy d'An- gleterre, & les autres disoyent qu'il y auoit seellé, que le Roy d'Angleterre, ou l'vn de ses enfans y seroit: &, si n'y estoit, ou l'vn d'eux, ils deuoient estre en l'obeyssance du Roy de France. Si retourna le Sire de Partenay en son hostel, par mal-talēt: mais depuis il fut tāt presché, qu'il fut de l'accord des autres. Si remāderent qu'il conuenoit que le Roy d'An- gleterre, ou l'vn de ses fils, fust à la iournée, selon le traité: dōt les Anglois & Gascons, qui estoient à Nyorth, furent moult courroucez: mais amēder ne le pouuoient. Si vint † le iour S. Michel: & vindrent de Poictiers, tenir leur iournée deuant Touars, les Ducs de Ber- ry, de Bourgōgne & de Bourbon, le Connestable de France, le Seigneur de Clifson, le Vi- comte de Rohan, le Dauphin d'Auuergne, messire Louis de Sācerre, le Seigneur de Sul- ly, & mout grāde Baronnie de France, & furent bien enuiron dix mille Lances, sans les autres cōbattans: & furent en ordōnance de bataille, deuant Touars, la veille S. Michel & le iour. Quand vint au soir, ils se retrahirent en leurs logis, & au matin, les deux freres du Roy de France, & le Connestable, manderent aux Cheualiers de Poictou, qui dedās Touars se tenoient, qu'ils tensissent ce, qu'ils auoient promis, iuré, & seellé. Ceux respon- dirent que briēuement se tireroient à Poictiers, & mettroient, en l'obeyssance du Roy de France, eux & leurs terres. Ceste responce suffist assez aux Seigneurs de Frāce. Si se parti- rent de deuant Touars, & donnerent congé les Ducs à la plus grāde partie de leurs gens.

A ce departement, le Seigneur de Clifson, à tout grande quantité de Gens-d'armes (que

le Conneſtable de France luy deliura) ſ'en vint deuant Mortaigne-fur-mer: qui ſe tenoit pour le temps Angleſche:& en eſtoit Capitaine vn Eſcuyer d'Angleterre, appellé Iaques Clere:lequel pouuoit auoit avec luy ſoixante compaignons. Quand le Sire de Clifſo fut venu deuât Mortaigne,il la fit aſſaillir moult fort:&luy meſme ne ſy épargna pas,mais de celuy aſſaut ny peut riens conquerre.Si ſe tira au ſoir à ſon logis,& le Capitaine(qui ſe veit moult oppreſſé)manda ſecrettement aux Cheualiers de Gaſcogne & d'Angleterre,qui ſe tenoiēt à Nyorth,qu'ils venſſent de nuit à Mortaigne,& il les mettroit en ſon hoſtel,& paſſeroient legerement parmi le logis du Sire de Clifſon: qui n'auoit que deux cens cōbattans.Adonc ſe partirēt ces Seigneurs ſecrettemēt de Nyorth, avec cinq cens Lances:& cheuaucherent de nuit,pour venir à Mortaigne;car ils auoiēt moult grand deſir d'attrapper le Sire de Clifſon. Mais vne eſpie (qui eſtoit partie avec ceux de Nyorth)auoit entendu vne partie de leur conuiue. Si vint moult haſtiuement deuers le Seigneur de Clifſon:& le trouua, ſur leſoir,ſeant au ſoupper. Si luy dit que ſes ennemis eſtoient partis de Nyorth,& eſtoient bien enuiron cinq cens combattans: qui venoient par-deuers luy. Lors le Seigneur de Clifſon bouta la table outre: & ſarma haſtiuement:& puis monta à cheual:& ſe partit ſoudainement,luy & tous les ſiens: & laiſſerent la plus grande partie de leurs beſongnes ſur les champs: & cheuaucherent tant, qu'ils vindrent à Poictiers:& les Anglois(qui auoyent failly à leur entête)ſ'en retournerent tous à Nyorth,moult courroucez:&aſſez toſt apres ſ'en partirent de Nyorth:ou ils laiſſerent en garniſon meſſire Iehan d'Eureux,meſſire Dangouſes, & Creſnelle: & meſſire Iehan Huet retourna en Angleterre:& tous les autres ſ'en retournerēt à Bordeaux & ardirent,à leur retour,toute la terre du Seigneur de Partenay.Ainſi fut conquis tout le pays de Poictou:exceptées les fortereſſes de Nyorth,Elifeth,Mortemer,Mortaigne, Luſignan,Chaſtel-Accart,la Roche-fur-yon,Gauzar,la Tour-de-l'arbre,Merxis, & autres.Encores,ſe tindrent toutes ces fortereſſes, & firent pluſieurs enuahies & aſſaux ſur leurs voiſins:& vne fois chaçoient,& l'autre fois eſtoient rechacez.

*Mortaigne fut
mer aſſaillie
par le sire de
Clifſon.*

*Le sire de Clifſon
cōtreint de
leuer ſon ſiege,
de Mortaigne
par la ſuruenue
des Anglois
de Nyorth.*

*† Je penſe que
ceſt celui, qu'il
a touſiours nom-
mé Gautier.
Toutesſois noz
autres Exem.
et la Chaux di-
ſent ici Ichā.*

Du regret, qu'auoit le Duc de Bretagne, de ne ſoſer declairer pour le Roy d'Angleterre, du ſiege de Sireth par meſſire Bertrand du Gueſclin, & comment eſtans les Anglois deconſits, tout le pays de Poictou, de Xainctonge, & de la Rochelle, fut deliuré aux François.

CHAPITRE CCCXII.

LE Duc de Bretagne(qui en ce temps ſe terioit aſſez paſſiblement en ſon pays) eſtoit moult courroucé du dōmage des Anglois. Car(ſi-comme il diſoit)tel, qu'il eſtoit, le Roy d'Angleterre&toute ſa puſſance l'auoient fait:ne de luy n'eũt riēs eſté:ſe ne fuſt le Roy Anglois:qui touſiours auoit guerroyé pour luy,&preſté or& argent, & auoit eu ſa fille en mariage: & volontiers eũt veu le Duc, que ſon pays euſt eſté de la partie du Roy d'Angleterre.Mais tous les Barōs, Cheualiers,&Eſcuyers de Bretagne,eſtoient tresbōs François,&,par eſpecial,les Seigneurs de Clifſon & de Laual& le Vicōte de Rohan:qui pour le tēps eſtoient les plus grans Chefs de Bretagne:& dirent bien leſdits Seigneurs audit Duc, Cher Sire,ſi toſt que nous pourrons apperceuoir que vous vous ferez partie pour le Roy d'Angleterre,contre le Roy de Frāce,noſtre ſouuerain Seigneur,nous vous relenquirōs tous,& mettrōs hors de Bretagne.Toutesſoyes le Duc ne pouuoit ſon courage courrir:& diſoit qu'ō faiſoit grand tort au Roy d'Angleterre:& ſe decouurit,& par la mout auant,à aucuns Seigneurs de Bretagne.

*Menaces de
quelques Barōs
de Bretagne à
leur Duc, en
cas qu'il fiſt riē
cōtre le Roy de
France.*

*† La Chaux diſt
que ſ'ils ve-
yent quelcō
que default
au Duc on
luy fiſt ſauoir*

Le Roy de Frāce(qui auoit attrait à luy l'amour & les cœurs de ceux de Bretagne, excepté de meſſire Robert Canolle)prioit † que ſil venoit nulles deffenſes au Duc, que ils luy fiſſent ſauoir:& il y pouruoieroit de remede.

*etc. Qui me
ſemble mieux.*

*† La Chaux diſt
qu'ils ne le
preſiſſēt,pour
priſſent, &
enuoyāſſent
a Paris pour
quoy il ſigni-
fia c. Lequel
ſens me plaiſt
bien auſſi.*

Le Duc ſ'apperceut que ſes gens le ſouſponnoient, & mettoient grand regard ſur luy.Si ſe douta † qu'ils n'enuoyāſſent à Paris: & ſignifia vne partie de ſon eſtat au Roy d'Angleterre:&le pria qu'il luy vouſiſt enuoyer Gens-d'armes,pour ſ'en aider,ſi meſtier eſtoit.Le Roy luy enuoya le Sire de Meſuille,à quatre cens combattans:& autant d'Archers:leſquels vindrent arriuer à S. Matthieu-de-fine-poterne:& là ſe tindrēt en la ville ſans faire domage ne contrainte au pays:mais payoient tout ce qu'ils prenoient,& furent là tout l'Yuer:n'onc le Duc ne les voulut mettre en fortereſſe qu'il eũt †.Quand les Cheualiers de Bretagne,& le pays, veirent ces Anglois venir au confort du Duc, ils le

† ſala adionſte

icy pour dou-
te de ses gēs
et bien, a mon
aduis.

† Nous pouuōs
icy commencer
nostre an 1373
† Sala dit Ty-
reth la Chaux
Cyzes, et Ber.
du Guesclin.
Tiset.

† Il y auoit icy
Dangoullay
que nous auons
redrecē suināt
la Chaux, &
peut estre ce,
qu'il a nommē
Gouzar à la
fin du ch. prece-
dent, la clause
suināte est aus-
si racontree se-
lon la Chaux,
sala, &
Guesclin.

* Anno. 129.

† La Chaux dit
& leur porte
rōt gand dō-
mage ain-
çoiz qu'ils
se peussent
deffendre. Le
quel sens me
seble meilleur,
que l'autre.

Bataille de Si-
reth, ou Tiset, à
quatre lieues de
Nyorth en Poi-
toun, entre Frā-
çois et Anglois
demourant la
victoire aux
François.

prindrent en grande indignation: & cloïrent toutes leurs forteresses, & mōstrerent plu-
sieurs maux-talents au Duc. Si demourerent toutes ces choses, ainsi variātes, tout celuy
Yuer. Aussi tost † que l'Yuer fut passé, Monseigneur Bertrand du Guesclin, Conne-
table de France, se partit de Poictiers, à bien quatorze cens combattans: & s'en vint assie-
ger la ville & le chastel de Sireth. Si estoient avec luy, de Cheualiers Bretons, messire A-
lain de Beaumont, Iehan de Beaumanoir, Arnoul Limosin, Geoffroy Ricon, Yuon de
Lacomet, Geoffroy de Koniel, & plusieurs autres Cheualiers & Escuyers: & se logerent
& amesnagerent deuant † Sireth: & se firēt enuironner de grans paliz: à fin qu'ils ne fus-
sent de nuit surprins. Souuent alloient les apperts cōpaignons eux éprouuer à la forte-
resse: & lāçoïēt & écarmouchoïēt à ceux de dedās: & ceux de la forteresse se deffendoïēt
aussi vaillāment. Or aduint que, ce siege pendāt messire Robert Micō & Nycotin l'Escot
(qui estoient gardiēs de la forteresse) signifierēt tout leur estat à messire Iehan d'Eureux
& à messire Dāgoufes qui estoient Capitaines de Nyorth, lesquels mādērent tātost tous
ceux de la garnison de Lusignan & † de Gouffay. Si s'assēblerēt à Nyorth: & s'en partirēt
en nōbre de six à sept cēs bōs Gēs-d'armes, tous armez, sans les pillars. Si cheuaucherēt
tant qu'ils vindrēt à Sireth. Car il n'y a que quatre lieuēs, de Nyorth. Quand ils furēt ve-
nus deuant Sireth, ils sarresterent vne espace de tēps, pour entēdre à leurs besongnes.
Mais mieux leur vauisist festre tantost boutez es logis du Connestable: auquel vindrent
les nouuelles, entandis, que les Anglois estoient rangez sur les champs. Si n'en fut mie
le Connestable trop effrayé, mais fit armer ses gens, sans feinte faire, & iceux traire en-
semble. Adoncquas, quand il les veit tous ensemble, il leur dit, Beaux Seigneurs, quel
le volonté auez vous de combattre voz ennemis? car ie croy bien que combattre nous
conuiendra. Ils responderent, Monseigneur, il nous sied trop bien, Dieu mercy.
Lors s'aduifa le Connestable de mettre vne embusche, sur ceux du chastel, car bien pen-
soit qu'ils istroient. Si establit bien deux cens combattans pour ceste embusche. Apres
fit cheoir, par terre, la plus grande partie de ses paliz (à fin, qu'ils ne leur fissent point d'é-
pēschement, quand ils voudroient issir dehors) & ordonna deux batailles. L'vne gouuer-
noit messire Alain de Beaumont, & l'autre messire Geoffroy de * Carnuel: & comman-
da que nul ne surpassast sa banniere, ny n'allast auant, iusques à tant qu'il le commande-
roit: & se tint tout quoy en son logis. Or parlerons de messire Robert Micon & de mes-
sire Robert l'Estoc: qui estoient à mont au chastel, & veoyēt les Anglois sur les champs,
tous appareillez. Si dirent tous ensemble, Armon nous, & nous parton tous d'icy (car
nous passerons bien parmi ces Bretons) & si tost que noz gens sauront que nous com-
battons, ils viendront: & leur porterons grand dommage, auant qu'ils sachent riens de
nostre issue. Adoncques s'armerent tous ceux, qui deuoient sortir, & pouuoient estre
enuiron soixante combattans. Si isirent à cheual, pour écarmoucher l'ost: mais ils furēt
rencontrez de l'embusche: qui estoit mise sur eux. Là eut moult grand poignis, mais les
Anglois furent si enclos, qu'ils ne pouuoient reculer, n'aller plus-auant. Si furent tous
morts, ou prins, que nul n'en échappa: & furent prins lesdits deux Capitaines. Encores
se tenoyent les autres Anglois sur les champs, & ledit Connestable de France dedans
son clos: & ne se tiroit point auant, car il cuidoit que les Anglois eussent vne grosse em-
busche, en vn bosquet, qui estoit derriere luy. Or auoyent les Anglois là amené, en leur
compagnie, vne route de Poictuins & de Bretons, pillars, qui estoient bien enuiron
deux cens. Lesquels les Anglois enuoyerent deuant, pour écarmoucher aux François.
Si tost que lesdits pillars furent deuant la bataille de Monseigneur le Connestable, ils
dirent qu'ils estoient bons François, & qu'ils vouloient estre des siens, fil luy plaisoit.
Ledit Connestable respondit qu'ouy. Si les fit tourner d'un lez: & apprint d'eux le con-
uenant des Anglois, & qu'ils n'auoient nulle embusche. Quand le Connestable de Fran-
ce entendit ce, il fut plus conforté que deuant. Lors remeit ses gēs ensemble: & fit passer
auant sa banniere, & tirer sur ælle les deux batailles dessusdites: & vindrent tous à pié,
en boutant ius le reste des paliz, qu'ils auoyent laissez debout en terre, & chacun d'eux
éciant Nostre-dame, Guesclin. Quand les Anglois les veirent issir hors de leur fort, ils
estoient aussi tous ordōnez à pié, & se bouterent auant de grande volōté: & rencontre-
rent de premiere venue la bataille du Connestable. Là fut lancé & bouté de lances &
d'espées, & percerēt les Anglois, de premiere venue, la bataille du Cōnestable, tout ou-
tre: & mettoient maints hommes par terre. Mais les Bretons auoient sagemēt ordōné
leurs

leurs besongnes, quāt aux deux batailles, qui estoient sur elle: lesquelles leur suruindrēt tous fraiz & nouueaux: & ferirent sur les Anglois (qui iā estoient lassēz) tellement qu'ils furent reboutez de grand' maniere. Toutesfois, cōme gens de grād courage, il se retournerent, sans mēpasser, en leur estat: & sy combattirent mout vaillāment, de ce qu'ils auoient: comme haches, & espēs de Bordeaux: dont ils donnoient de grand coups. Là furent de tresbons cheualiers d'un costē & d'entre, & qui s'aduēturerent hardimēt pour exaucer leur honneur. Si fut ceste bataille ausi bien combattue, & y eut faites ausi belles appertises d'armes, & de prinſes & de rēcouffes, qu'on en auoit veu de grand temps faire au pays. † Car ils estoient tous à piē, en vn beau plain, sans aduantage. Si se penoit chacun de bien faire la besongne, à son pouuoir. Là eut maint homme mort & blecē, & ruē par terre, & mis à grand mēchef. Finalement tous les Anglois, qui là estoient venus, furent tellement déconfits qu'onc n'en échappa nuls, qu'ils ne fussent tous morts, ou prins. Là furent morts deux bons Escuyers c'estassauoir Richard de Mesuille, & Guillaume Ourſelle) & Iagues Vbille durement naurē. Là furent prins messire Iehan d'Eureux, Aimery de Rochechoart, Dauid Hollegraue, Richard Olliue, Iehan Cresnelle, & plusieurs autres d'Angleterre & de Poictou. Ceste bataille de Sireth fut l'an de grace † mil ccc. lxxi. le vingtiesme iour de Mars. Apres retournerent le Connestable de France & ses gens en leurs logis: & s'appareillerent, & meirent à point: & entendirent aux naurez & aux blecez, & ausi aux prisonniers: dont ils auoyent grande foison. En apres, le Connestable enuoya parler, à ceux du chastel, messire Alain de Beaumont: lequel leur dit, que s'ils estoient prins par force, ils seroyēt tous mis à mort, sās merci. Adōc ceux de la garnison se meirent à la merci du Connestable: lequel leur fit grace, car il les laissa partir quittement: & leur donna sauſconduit, pour aller iusques à Bordeaux. Ainsi eurent les François le chastel & la terre: qui se meit en l'obeissance du Roy de France. Apres vindrent les Bretons, tout chaudement, deuant Nyorth: qui est vne mout bōne-ville au pays de Poictou, & qui auoit tout le temps souſtenu les Anglois: & y auoient tenu mout grād' garnison. Si tost que ceux de Nyorth sceurēt que le Cōnestable venoit celle part, ils allerent encōtre luy, & luy presēterēt les clefs de la ville: & l'amenerēt iusques dedās la ville. & toutes ses gēs, à grād' ioye. Là se rafreſchirent les Bretōs quatre iours: & puis s'en partirēt à grād' arroy: & estoient bien enuiron quatorze cēs Lances, & vindrent deuant Lusignan: qui fut rendu par telle cōposition, que ceux de la garnison s'en partitionoient, sauſ leurs corps, & ce qu'ils pourroient porter, deuant eux, du leur, sur le sauſconduit dudit Connestable de France: qui leur dura iusques à Bordeaux. Ainsi eurent les François ce chastel (qui estoit mout grand, & mout bel) & toute la Seigneurie & ceux de la terre deuindrent hommes au Roy de France. Apres cheuaucherent les Bretons deuant le † Chastel-Allart: & enuoya tantost ledit Connestable deuers la Dame de Plainmartin qui estoit fēme à messire Guichard d'Angle, & là se tenoit. Laquelle supplia que sur assurances, elle peust aller parler au Duc de Berry, à Poictiers. Ce que ledit Connestable luy ottroya: & la fit conduire par l'un de ses Cheualiers. Quand elle fut venue au Duc, elle s'enclina toute ius. Le Duc la fit leuer, & luy demanda qu'elle vouloit dire. Monseigneur (dit elle) ie suis requise, du Cōnestable de France, que ie mette moy & ma terre en l'obeissance du Roy de France. Or sauez vous bien que Monseigneur & mon mari gist prisonnier en Espagne. Si est toute sa terre en mon gouuernement. Ie suis vne femme de nulle deffenſe: & ne puis pas faire de l'heritage de mondit mari à ma volonté, car par-adventure, si ie faisoie aucune chose contre son plaisir, il ne m'en sauroit grē, & en prendroye blasme. Mais, pour vous appaiser, & ma terre mettre en paix, ie me cōposeray & mes gens ausi, que nous ne ferons point guerroyez, & ausi nous ne ferons point de guerre: &, quand Monseigneur sera reuenu de prison, & retournē en Angleterre, ou ie croy bien qu'il se retirera, ie luy signifieray ceste cōposition. Si m'en respondra sa volonté: & tantost vous en respondray. Le Duc respondit, Dame, ie le vous accorde: parmi tant que vous, ne voz fortereſſes & chasteaux, ne pouruoierez de viures ne d'artillerie, ny ne reconforterez, autrement quelles sont maintenant. Puis retourna la Dame au Chastel-Allart: & en fit leuer le ſiege. Car elle monſtra lettres du Duc de Berry. Adonc se partirent les Bretons (dont le Connestable de France estoit Chef) & vindrent deuant Mortemer, & adonc la Dame de Mortemer se rēdit: & se meit, ſoy & sa terre, en l'obeissance du Roy de France: & rendit le chastel de † Diene, qui luy appartenoit.

† Ces six mots
sont adioustez
selon les Ab.e.
ſtant leſens par
auant aucune-
mēt imperſait.

† Qui est 1372
à ma mode.

La garnison de
Sireth à la mer-
ci du Connesta-
ble de France.

Nyorth rendu
François.

Lusignan retour-
né François.

† Ie croy que
c'est celui, qu'il
a dit Chastel
Acart au cha-
precedent, et de
ſait ſala eſcrit
icy chastel a
cart, & la
Chaux cha-
ſtel a Kart.

Mortemer ren-
du à Bertrand
du Gueſclin.
† ſala eſcrit
diene, & la
Chaux diene.

Ainsi fut tout Poictou, Xainctonge, & la Rochelle, quitte & deliure des Anglois. Quand le Conneftable eut par tout mis gardes, & qu'il ne sentoît, es marches deffusdites, iufques fur la riuere de Gironde, nul rebelle, il reuint en France: & ia estoîent retournez les Ducs de Berry, de Bourgongne, & de Bourbô, & la plus grande partie des Barôs de France, qui auoient esté à ces conquestes. Si les auoit le Roy moult bié festoyez à leur retour mais encores ne fut ce riens. Car, quand messire Bertrand vint à Paris, ne le pouuoit le Roy assez honorer. Si se tint le Conneftable delez le Roy à Paris, & ailleurs.

Du siege de Bercerel, de la paix d'entre le Roy de France & le Roy de Nauarre, & de la mort du Roy d'Escoce.

CHAPITRE

CCCCXII.

EN ce temps auoient les Seigneurs de Clifson, de Laual, de Vangour, de Tournemine de Rieux, & de Rochefort, le Vicomte de Rohan, messire Carles de Dignen, Bannet de Bretagne, le Marechal de Blarouille, les Seigneurs de Hâbue, de Ruille, de Fonteuille, de Granuille, de Farmille, de Denneual, & de Cleres, bannerets de Normandie & d'autres gens grande foison, de Bretagne & de Normandie, mis le siege deuât le fort chastel de Bercerel: & moult le contraignoient par assaut. Si auoit dedans deux Capitaines d'Angleterre (c'estassauoir messire Iehan Appert, & messire Iehan Cornouaille) lesquels auoient des compagnons, qui bien se deffendoyent: & eut en celle saison, deuant Bercerel, faites maintes appertises d'armes, maintes issues, maint assaut, & mainte écar mouche. Assez pres de là se tenoyent aussi, dedans S. Sauueur-le-Vicomte, messire Thomas Tribles, messire Iehan de Bourg, messire Philippe Pecharde, & les trois freres de Mauleurier: si que, par-auant que le siege venist deuant Bercerel, ces deux garnisons couroyent toute la Basse-Normâdie: & ne demouroit rien hors les fortereffes, que tout ne fust prins & amené dedans lesdites fortereffes: & rançonnoyēt l'Euesché de Bayeux, & l'Euesché d'Eureux: & les y auoit consentis le Roy de Nauarre, & confortez, par plusieurs fois, de gens & de pourueances: qu'il tenoit aussi en ses garnisons, en la Comté d'Eureux.* Car il n'estoit mie d'accord avecques le Roy de France: si que la garnison de Cherbourg, de Gouerel, de Gonches, de Bretueil, d'Eureux, & plusieurs autres, obeyssans au Roy de Nauarre, auoyent aussi grandement appauuri & gasté le pays de Normandie. Mais en ce temps s'ensuiuirent bons traitez entre les deux Roys, par le moyen du Comte de Salebruces (qui moult auoit cheuauché de l'un à l'autre) & aussi de l'Euesque d'Eureux: tant qu'on les meit d'accord: & furent les deux Roys amiablement ensemble au chastel de Vernon sur Seine: & iurerent, presens plusieurs grans Seigneurs de France, paix, amour, vnité, & confederation, à tousioursmais. Si vint le Roy de Nauarre en France, avecques le Roy de France (qui luy fit tout honneur & reuerence, & à ses gens aussi) & meit adonc le Roy de Nauarre toute sa terre de Normandie en la main & gouuernement du Roy de France, son serourge: & laissa ses deux fils, Charles & messire Pierre, delez le Roy de France, leur oncle. Puis s'en partit par grande amour: & s'en reuint arriere en Nauarre. Ainsi se tint celle paix quatre ans: mais depuis se meit entre eux grande diffension: si comme vous orrez auât en l'Histoire, fil est qu'il la vous die, ou face dire. † Mais ie ne la cuide pas mener, en ce liure, iufques à la fin. Le septiesme iour de May, l'an mil trois cens soixante & treize, trépassa de ce siecle, en la ville de Haindebourg, le Roy Dauid d'Escoce: & fut enseveli en l'Abbaye de Dôfremelin, delez le Roy Robert de Breux son pere. De luy ne demoura ne fils ne fille, engendrez de son corps: mais fut Roy apres luy, par droite succession, vn sien neveu, nommé Robert: qui estoit Seneschal d'Escoce. Bel Cheualier estoit: & auoit onze fils.

Le Roy de Nauarre met ses terres de Normandie en la main du Roy de France. † Il commence, et poursuit ceste guerre aucunement depuis le ch. 239 iufques à la fin de ce present Volume.

Comment le Comte de Salbery, Guillaume de Mesuille, & messire Philippe de Courtenay, avecques plusieurs Gens-d'armes, se meirent sur mer, & descendirent en Bretagne, & comment le Conneftable de France y alla, dont le Duc de Bretagne passa en Angleterre.

CHAPITRE

CCCCXIII.

AVsi en ce temps fut ordonné en Angleterre, pour garder le pays, que le Comte de Salbery, Guillaume de Mesuille, & messire Philippe de Courtenay, se mettoient sur mer, avecques vne grande charge de Gés-d'armes. Car on disoit que les Espaignols, & Yuain de Galles, venoyent sur mer, à tout six mille hommes, pour venir ardoir le pays. Si eurent lesdits Seigneurs d'Angleterre quarâte grosses nefes, sâs les barges, & deux mille Hômes-d'armes, sâs les Archers. Si se departirent de Cornouaille (ou ils môtérēt en

en mer) & prindrent leur adrece, pour venir en Bretagne: & vindrent de celle empreinte à S. Malo-de-l'Isle: & ardirent, au haure, deuant la ville, sept grosses nefes d'Espaigne: qui là gisoyent. Dont tout le pays fut moult émerueillé: & dirent que le Duc les y auoit fait aller. Si se commencerent à se mettre, avec tresgrand soupçon, en villes, chasteaux, & citez: & les firent fermer, mieux que deuant. Car le Duc estoit decouuert de son seeret à aucuns Cheualiers de Bretagne: qui reuelerent ses parolles: tant que le Roy de Frâce ordonna son Conneftable, à cheuaucher deuers Bretagne, à grande force de Gens-d'armes: & luy comanda qu'il meit en sa faifine, villes, citez, chasteaux, & forterefes, & tous les rebelles † à luy, qu'il les deconfist de corps & d'auoir. Le Conneftable se partit de Paris: & vint à Angers. Là fit son mandement. Si y vint le Duc de Bourbon, le Comte d'Arleuçon, le Comte du Perche, le Comte de Porcien, le Dauphin d'Auuergne, les Vicomtes de Meaux & d'Aufnay, messire Raoul de Coucy, Robert de S. Paul, Raoul de Raineval, Louis de Sancerre, Marechal de France, & grande foison de Baronnie, & de Cheualiers du pays de Vermandois, d'Artois, & de Picardie, fans ceux qui vindrent des marches d'Aniou, de Poictou, & de Touraine. Le Comte de Salbery (qui estoit à Saint-Malo-de-l'Isle, & toute son armée) sauoit bien celle assemblée, & que tout le pays de Bretagne estoit contre le Duc. Si se partit de là, à tout ses nefes: & nagea & singla tât, qu'il vint à Brest: qui est vn des plus forts chasteaux du monde. Quand le Duc de Bretagne sceut la venue du Conneftable, il ne fosa mie fier en ceux de Vennes, de Dinan, ne de nulle bonne ville, qu'il eust en bretagne: & pensoit que, s'il estoit enclos, il se mettroit en grand peril. Si vint au chastel d'Aulroy: qui sied entre Vennes & Rénes, & qui se tenoit pour luy. Car il en auoit baillé la Seigneurie à vn Cheualier d'Angleterre: qu'on appelloit messire Iehan Augustin. A ce Cheualier chargea le Duc sa femme: & luy pria qu'il en fist bonne garde. Le Cheualier le luy enconuenança. Adonc cheuaucha ledit Duc deuant Saint-Mattieu-de-fine-poterne: mais la ville fut close contre luy. De là vint le Duc à Kouke: & là monta en mer pour arriuer en Angleterre. Le Conneftable de France entra en Bretagne: & vindrent en sa compagnie les Barons & Cheualiers de Bretagne, qui auoient esté au siege de Bercerel, & auoient recommandé le siege aux Seigneurs & Barons de Normandie. Quand le Conneftable de France fut venu deuant la cité de Rénes, ceux de dedans sceurent bien qu'il venoit pour saisir toute la terre. Car le Roy & son Conseil disoient que le Duc l'auoit forfait: pourtant qu'il auoit mis, & soustenu les Anglois, ses ennemis, en ses villes & chasteaux: & il mesme se vouloit faire partie, avec le Roy d'Angleterre, à l'encontre de la couronne de France: de qui il tenoit sa Duché de Bretagne en foy & hōmage. Si ne se voulurēt mie ceux de Rénes faire guerroyer: ains receurent le Conneftable paisiblement & sans danger: & le recognurent à leur Seigneur pour le Roy de France. † Quand le Conneftable de France eut la faifine de la ville de Rénes, si cheuaucha hastiuement deuant la ville de Dinan: laquelle se rendit en l'obeyssance du Roy de France. Apres vint le Conneftable deuant la cité de Vennes: qui tantost se rendit. Apres vint à Luzumont: qui se tenoit de par le Duc de Bretagne, & furēt ceux de dedans assaillis roidement, & prins par force. Si furent occis tous ceux, qui dedans estoient. Puis vint le Conneftable deuant Iugon, qui se meit en l'obeyssance du Roy de France. Aussi fit le chastel de Gouy-la-forest, la Roche-de-rien, la ville de Guingamp, Saint-Mattieu-de-fine-poterne, & Saint-Malo-de-l'Isle. Apres vint deuant Quipercorren, qui se tourna tantost: puis Camperle, Credo, Galade, & plusieurs forterefes: qui là estoient enuiron. Si cheuaucha le Conneftable premierement Bretagne Bretonnât pourtant qu'il la sentoit tousiours plus encline au Duc Iehan de Montfort, que Bretagne Gallot. Quand le Duc de Bretagne se partit pour aller en Angleterre, il institua & establit messire Robert Canolle, à estre Gouverneur de toute la Duché, mais peu de Seigneurs obeyrent à luy. Toutef-voyes il pourueut bien, & suffisamment, son chastel de † Derual, de gens & d'artillerie, & le recommanda à vn sien cousin (qu'on appelloit messire Hue Broitte) & ledit messire † Robert se tira, tout quoy, dedans Brest. Le Conneftable de France vint deuant Hamibout, où estoit Capitaine, de par le Duc de Bretagne, vn Escuyer Anglois, appelé Thomelin Vbich, & encores estoit dedans, avec luy, vn Cheualier, enuoyé de par messire Robert Canolle (qu'on appelloit messire Thomas Prieur) & estoient bien quatre vings, tous bien cōptez, sans ceux de ladite ville. Si tost que les François furēt venus, ils comēcerent à assaillir mout fort le chastel, & menoient avec eux, par tout où ils alloient, grās engins, & plusieurs canōs dōt ils

*Quelques nefes
d'Espaigne
brullées par les
Anglois, prest
S. Malo-de-l'Isle
en Bretagne*

Voyage du Conneftable en Bretagne:

Fuite du Duc de Bretagne, en Angleterre, & prise de la pluspart de ses villes par le Conneftable.

† La Chancellerie adouste parmi la procuration qu'il portoit.

† Les Annales de Bre. le moment quelquesfois Dorual.

† Robert Canolle, Gouverneur de Bretagne en l'absence du Duc, se retire au chasteau de Brest.

auoient prins plusieurs villes, chasteaux, & forteresses, en Bretaigne: & par especial, la ville de Camperle en fut prinse: dont Iaqués Roos, vn moult vaillant Escuyer d'Angleterre, estoit Capitaine: qui ne peut venir à mercy, car il cheut es mains de messire Oliuier de Clifson: qui l'occit d'un glaue: & aussi en occist il plusieurs de sa main. Il n'auoit pitié ne mercy, d'Anglois, puis qu'il en auoit le dessus. Or reuenon au siege de Hamibout. Le Connestable de France (qui auoit fait drécer ses engins, & asseoir les canons, deuant la ville & le fort chastel de Hamibout, que messire Charles de Blois n'auoit oncques peu conquerre) commanda à tous Gens-d'armes, que chacun se trahit legerement à l'assaut, car il dit qu'il vouloit soupper dedans. Lors assaillirent de grande maniere, sans eux espargner, & ceux de dedans se deffendirent vaillamment, avecques les Anglois. Mais le Connestable leur dit, Entendez, entre vous hommes de leans: Il est certain que nous vous conquerrons tous, & soupperons encores en huy en ceste ville. Mais (s'il y a nul des vostres tant soit hardi, qui gette pierre ne carrel, par qui le plus petit de nous, & de

† La Chaux dit
a dieu le veu
comme il est cy
deuant, quand
Bertrand asseu
re sa rançon au
Prince de Gal
les. Verard dit
ie promets
& le voue a
dieu, &c.

noz garçons, soit blecé) † à Dieu le voue, ie vous feray à tous tollir la vie. Telle parolle ébahit si fort ceux de Hamibout, qu'ils allerent en leurs maisons: & laisserét les Anglois conuenir: qui se deffendirent assez vaillamment, tant qu'ils peurent durer. Mais la ville estoit si grande, que les Anglois, tous par eux, ne peurent pas par tout entendre. Si entrerent dedans les gens du Connestable: & furent tous les Anglois morts: exceptez les deux Capitaines: qui furent prins. Et, pour ce que les gens de la ville de Hamibout auoyent obey au commandement du Connestable, quand on assailloit, il commanda que nul ne fust si hardi, de leur porter dommage. Quand messire Bertrand du Guesclin, Connestable de France, eut conquis la ville & le fort chastel de Hamibout en Bretaigne, il y seiourna enuiron quinze iours, puis se meit au chemin, deuers la ville de Kouke. Entretant le Comte de Salbery, messire Guillaume de Mesuille, messire Bertrand d'Estapellonne, & messire Guillaume de Luzy (qui auoyent rafreschi la forteresse de Brest, de Gens-d'armes, d'Archers, & de pourueances) entrerent en leurs nefes, & se meirent sur mer, pour la garder à l'encontre des François: qui tenoient adonc les champs en

La ville de Kou
ke prinse d'as
saut par les
François.

Bretaigne, car les Anglois ne sauoient quelle part le Conestable tiroit à les mener. Quand le Connestable vint deuant la ville de Kouke (qui est vn haure de mer) il la print par force d'assaut. Si furent morts les Anglois, qui dedans estoient: excepté le Capitaine, nommé messire Iehan Longnay: qui fut prins à mercy. Celle ville reparerent les François: & la rafreschirent de Gens-d'armes, & de toutes autres pourueances. Puis se trahirent tous par-deuant Brest: ou le Sire de † Neufuille, & messire Robert Canolle se tenoient: qui auoyent avecques eux deux cens combattans, & autât d'Archers. Si assiegerent Brest les Seigneurs de France & de Bretaigne: qui estoient bien enuiron six mille combattans. Assez tost apres qu'ils eurent là mis le siege, fut mandé, de par le Duc d'Aniou, messire Oliuier de Clifson (qui avecques luy auoit vne partie de celles gēs) à ce qu'il venist mettre le siege deuant la Roche-sur-yon: que les Anglois tenoient encores) & adoncques assiegea le Seigneur de Clifson la ville, tout au tour: & dreça grād' foison d'engins: qu'o

† Il pense que
c'est celui qu'il
a des long tēps
surnommé de
Mesuille.

luy amena d'Angers & de Poictiers. Si vindrent là, en la compagnie des Bretons, plusieurs Nobles & Gentils-hommes d'Aniou & de Poictou. Si commencerent fort à combattre & contraindre ceux de la Roche-sur-yon: & dirent bien qu'ils ne s'en partiroyent tant qu'ils l'eussent. En celuy temps estoit † aualé en son pays le Duc d'Aniou: qui rafreschissoit souuent ceux, qui tenoyent le siege, de pourueances: & tousiours se tenoit le siege deuant Brest, du Connestable de France, du Duc de Bourbon, des Comtes d'Alençon, & de Perigourd du Dauphin d'Auuergne, & de la Baronnie de France. Mais trop peu y conquirent. Car Brest est vn des fors chasteaux du monde: & pour ce que messire Robert Canolle en estoit Capitaine, s'aduiferent les Seigneurs de France, qu'ils enuoyeroient assieger son chastel de Derual. Si y allerent plusieurs Nobles de Bretaigne & de

La Roche-sur
yon assiegee
par le Sire de
Clifson.

† Il y auoit icy
simplement a
uallé, tellement
qu'il sembloit
que ce fust le
nom de quelque
place. Mais il a
souuent usé de
ce mot auallé,
pour descēdu
& ainsi l'auoir
remis par la
Chaux.

Touraine, à tout bien enuiron quatre cens combattans.

Comment, tenans les François quatre places assiegées, la Roche-sur-yon (qui en estoit l'une) se rendit Française, & comment le siege de Brest fut leué par cōposition, qui ne fut gardée. CHAP. CCCXV.

Asi tindrent les Seigneurs de France quatre sieges: l'un deuant Bercerel, l'autre deuant Brest, le tiers deuant la Roche-sur-yon, & le quart deuant Derual. Si eut à chacun pour prendre ces forteresses, fait maint assaut, & maintes appertises d'armes. Ceux de la Roche-sur-yon (qui estoient les plus loing de tout confort, & enclos entre leurs ennemis) composerent, que, s'ils n'estoient secourus dedans vn mois, ils se partiroyent de là,

& mer-

& mettroiēt le chastel en l'obeissance du Roy de France. Adonc le Seigneur de Clifson & les autres Cheualiers, qui là estoient, tindrent leur iournée: & quand nul ne vint, n'apparut, pour leuer le siege, le chastel se rendit: & s'en partirent les Anglois, sur le saufconduit du Seigneur de Pons: & s'en allerent vers Bordeaux. Puis vindrent messire Oliuier de Clifson, & les autres, qui furent à ceste conqueste, deuant le chastel de Derval: ou ils firent amener grans engins, & bien ordonnez. A celuy siege de Derval le Conneftable de France, le Duc de Bourbon, les Comtes d'Alençon & du Perche, & grand' foison de Baronnie & Cheualerie de France vindrent. Car il leur sembloit qu'ils perdroient leur temps deuant Brest. Mais il y en demoura bien deux mille: & firent vne bastide sur certain pas, pour garder les voyes, q̄ nul n'allast à Brest, pour rafreschir la forteresse. Quand messire Bros & ceux, qui estoient dedans Derval, se veirent ainsi fort oppressez, ils douterent que de force ils fussent prins. Si aduiferent d'un traité, pour auoir vn respit durant deux mois: & si dedans les deux mois dessusdits ils n'estoient secourus, du Duc de Bretagne, ou d'autre, fort assez pour tenir les champs & leuer le siege, se les François se vouloient combattre, ils se rendroient, & la forteresse, à Monseigneur le Duc d'Aniou, ou au Cōneftable: & se gens-d'armes venoient de par le Duc de Bretagne, pour y costoyer les François, ceux de dedans demourroient en paix. Ce traité fut entamé: & en fut le Duc d'Aniou (qui estoit sur les marches) informé. Si l'accorda: parmi ce que ceux de Derval ne deuoient nul recueillir, ce terme durant, en leur forteresse. Adoncques messire Bros en liura Gentils-hommes, Cheualiers, & Escuyers, pour ostagers. Apres ceste composition cheuaucha le Conneftable de France vers la ville de Nantes. Ceux de la cité se fermerent contre luy (pource qu'il venoit là à main armée) & vindrent sauoir son intention. Le Conneftable de France, leur dit qu'il estoit enuoyé & institué, de par le Roy de France, leur Seigneur, pour prendre la possession & saisine de ladite Duché: & que messire Iehan de Montfort (qui s'en appelloit Duc) l'auoit forfaite. Les Bourgeois de Nantes demanderent Conseil, pour respondre. Quand ils se furent longuement cōseillez, ils se tirerent auant & dirent, Cher Sire, il nous vient à grand merueille de ce que on prend ainsi l'héritage de Monseigneur le Duc. Car le Roy de France nous commanda iadis à le receuoir à Duc & à Seigneur. Si luy auons iuré feauté & hōmage: & il nous a promis & iuré gouverner comme subiets: & ce nous a il tenu: & n'auons encores sceu en luy nulle cause de fraude, ne de soupçon. Si vous venez en ceste ville par vertu de la procuracion que vous auez, nous accordons que vous y entriez: par condition, que, si aduient que le Duc de Bretagne retourne en ce pays & vueille estre bon François, Prelats, Barons Gentils-hommes, & bonnes-villes de Bretagne, & nous tous le recognoistrions à Seigneur: & ferons quittes, sans dommage auoir ores, ny autresfois: & ne consentirez à nous faire moleste ne violence nulle: & ne receurez les rentes, ne les reuenues de Bretagne: ains seront mises en depost deuers nous, iusques à ce que nous oyons autres nouuelles: qui mieux nous seront agreables que cestes. Le Conneftable leur iura à tenir tout ce, comme Procureur du Roy de France en ce cas. Ainsi entra en la cité de Nantes (qui est le Chef de Bretagne) & tous ceux aussi, qui avec luy estoient. Quand messire Robert Canolle (qui estoit souuerain du fort chastel de Brest) entendit que messire Hue de Bros, son cousin, auoit fait composition de la forteresse de Derval vers les François, & ne veoit que par nulle voye il se peust partir de là, pour le chastel reconforter, si ne composoit aussi, lors commença ledit messire Robert à traiter aux François & Bretons, qui deuant Brest se tenoient. Lesquels respondirent que sans Conneftable ne feroient ils riens. Mais ¶ vn Cheualier d'Angleterre, & deux Escuyers, eurent saufconduit: & vindrent en vn manoir, delez la cité de Nantes, ou le Conneftable se tenoit sur la riuere de Loire, avecques grand' foison de Cheualerie de France & de Bretagne. Si se porta le traité ainsi, que ceux de Brest auroiēt respit de quarante iours: & en ce tēps deuoient estre confortez de gens assez pour combattre le Conneftable: ou, sinon, ils deuoient rendre la forteresse: & deuoient ceux de Brest demourer en celuy estat, comme ils estoient, sans eux renforcer en riens, n'aitailler. Adonc ces trois traiteurs reuindrent deuers messire Robert Canolle: qui enuoya, pour pleiges, suffisans hōmes, Cheualiers & Escuyers, au Cōneftable. Quand ces ostages furent venuz, ils furēt mis en la prison du Conneftable, & tous ceux qui estoient au siege deuant Brest, se partirent d'illecques, & donna le Conneftable congé à plusieurs: & le Roy de France les manda pour garnir ses citez, villes, chasteaux, & forteresses en Picardie: car le Duc de Lancastre estoit arri-

*La Roche-fort
yon rendue
Françoisse.*

*¶ il a dit mes
sire Hue Broi
te au chap.*

*Le siege de Der
ual leué par cō
position.
¶ Il me semble
que cōbātte.
y vaudroit
mieux.*

*Composition
moyennant la
quelle Bertrād
du Guesclin en
tra dedans la
ville de Nantes.*

*¶ Il y auoit
deux: mais
nous auons sus
ui la Chaux,
ioint ce qu'il
dira tantost.*

*Le siege de Brest
leué par com
position.*

ué à Calais, avec grād'armée. Quand le Comte de Salbery (qui estoit sur mer, & auoit toute la saison gardé la frontiere de Bretagne & de Normandie : & encores l'auoit le Roy d'Angleterre reconforté : & pouuoit auoir mille Hommes-d'armes, & enuiron deux mille Archers (entendit la composition de ceux de Brest, il dit que, si plaist à Dieu, il combattroit les François. Si nagea tant, qu'il arriua à Brest: qui sied sur la mer.

Le comte de Salbery deuant Brest attendant les François selon la composition

Lors print terre & place, deuant Brest, & toutes ses gens: & tous les soirs se retiroient en leurs nauires: & tous les iours estoient ils rangez par bataille, pour combattre leurs ennemis: fils se tiroiēt auant. Le Connestable (qui auoit donné congé à la plus grand' partie de ses gens, & qui tenoit deux sieges, l'un deuant Bercerel, & l'autre deuant Dermal, & qui aussi ne cuidoit mie que le Comte de Salbery deust là venir (si fort qu'il fit) se partit de la marche de Nantes, quand la iournée de Brest deuit approcher. Il n'alla point iusques là: car il entendit que les Anglois estoient forts assez pour le cōbattre. Si voulut ouurer de ceste besongne, par grand aduis de cōseil: ainsi qu'il fit. Si se tint tout coy sur la place sans point se traire auāt: & fut là sept iours. Quand le Côte de Salbery (qui se tenoit deuāt Brest & auoit pris la place à son aduantage) veit que le Cōnestable de Frāce & les

Heraut du cōte de Salbery, appelant le Cōnestable à bataille.

Bretons ne se tiroient point auāt, il enuoya vn Heraut: qui vint par-deuers messire Bertrand du Guesclin. Si s'enclina vers luy, & le salua: & luy dit, Monseigneur, le Comte de Salbery & les Seigneurs d'Angleterre vous signifient par moy (qui suis Heraut-d'armes, & leur varlet) que, comme ainsi soit que de long temps vous ayez assiégué la ville & le chastel de Brest, mes Seigneurs & mes maistres ont entendu que certains traitez & compositions de rendre la forteresse sont mis auant, s'elle n'est secourue & confortée dedans le iour, qui n'est mie trop lointain: Si vueillez sauoir qu'ils se sont tirez deuant Brest, pour tenir leur iournée, & garder leur forteresse: & vous mandent & prient, que

Reponse du Cōnestable au Heraut de Salbery.

vous vueillez traire auāt: & vous ferez combattu sans point de faute: & si vous ne le voulez faire, si leur renuoyerez leurs ostages. Lors dit le Connestable, Heraut vous nous apportez bonnes nouuelles: & vous soyez le tresbien venu. Vous direz à voz maistres, que nous auons plus grād desir d'eux cōbattre, qu'ils n'ont nous: mais ils ne sont mie en lieu ny en place, ou le traité fut premierement parlé & accordé. Si leur dites qu'ils se tirent celle part: & sans faute ils seront combattus. Adonques retourna le Heraut deuāt Brest, à ses maistres: ausquels il fit son message: & lesquels le r'enuoyerent tantost deuers le

Contreresponse des Anglois au Cōnestable de France.

Connestable: auquel il dit: Monseigneur, ie vien de mes Seigneurs & maistres: ausquels i'ay fait relation des parolles, que m'auiez chargées. Ils dient ainsi que ce sont gens de mer: qui n'ameinent mie cheuaux avecques eux: & aussi ils n'ont mie accoustume d'aller à pié. Parquoy ils vous signifient, que, si vous leur voulez enuoyer voz cheuaux, ils

Replique du Cōnestable.

viendront, sans faute, en quelque place qu'il vous plaira, pour vous combattre, & garder leur iournée, Bel ami (dit le Connestable) nous ne ferons ia tant d'aduantage à noz ennemis (si Dieu plaist) que nous leur doions enuoyer noz cheuaux (car on le tiendrait à trop grand outrage) & se nous estions conseillez de ce faire, si voudrions auoir bons hostages & suffisans, pour respondre de noz cheuaux. Certes (dit le Heraut) de ce ne m'ont ils riens enchargé: fors tant que, se vous ne voulez encheoir en ce party, ils dient que vous n'avez nulle cause de retenir leurs ostages: si les leur renuoyez: & vous ferez ce que vous deuez. Le Connestable dit qu'ils n'estoient mie conseillez de ce faire. Ainsi demoura la chose & s'en retourna le Heraut au Comte de Salbery & aux Cheualiers, qui en sa compaignie estoient deuāt Brest. Lesquels quand ils veirent qu'ils n'en auroient autre chose: & que leurs ostages n'estoient point renuoyez, si furent moult courroucez. Toutesfois ils se tindrent là sur la place franchement, sans eux mouuoir, iusques à tant que la iournée fut expirée, & qu'ils apperceurent bien que le Connestable ne viendrait point auant pour eux combattre. Si se meirent dedans Brest, & rauittaillerent & rafreschirent grandement ladite forteresse, & quand le Connestable de France veit, d'autre part, que les Anglois ne se tiroient point auant pour le combattre, si s'en partit: & emmena les ostages Anglois, qu'il auoit avecques luy, cōme prisonniers: & dit que les Anglois de Brest n'auoient pas bien tenu ce, en quoy ils estoient obligez. Depuis la recouffe de ceux de Brest, & que le Comte de Salbery eut rafreschi & auitaillé la forteresse, il partit de là: & se mit sur mer, pour garder les marches & les frontieres: ainsi qu'il y estoit commis: & messire Robert Canolle, d'autre part, se partit aussi de Brest: & fit tant qu'il vint en la forteresse de Dermal. Si tost qu'il fut en Dermal, cela fut signifié au Duc d'Aniou (qui estoit allé à Nantes) & au Connestable. Si supposerent tantost

*Brest rauittail-
lé par le Comte
de Salbery con-
tre la composi-
tion selon l'en-
teente des Fran-
çois.*

toft ce qu'il en aduint. Car meffire Robert Canolle brifa tous les traitez que ses gens auoient faits: & renonça à tous: & manda au Duc d'Aniou, & au Conneftable de France, qu'il n'en tiendrait nuls: car les gens n'estoient pas puiffans de faire composition sans luy, & sans son fceue. Quand le Duc ouit ces nouuelles, il vint personnellement au fiede de Derual.

De la defcente du Duc de Lanclastre à Calais & en Picardie: & comment quelque troupe de ses gens fut déconfite par le Seigneur de † Subife, deuant Ribemmont, & vne autre pres Soiffons, par certaine embusche de Bourguignons & de François.

C H A P I T R E

C C C X V I.

A Calais estoient arriuez, à plus de trois mille hommes-d'armes, & dix mille Archers les Anglois: & auoient trois ans deuant, imaginé & pourueu ce voyage: & estoient moult garnis, & tous les Seigneurs, qui avecques eux passerent: c'estassauoir: les Ducs de Lanclastre & de Bretagne, les Comtes de Waruich, d'Estanfort, & de Suffort, meffire Edouard, Seigneur d'Espenfier (qui estoit le plus grand des Barons, & Conneftable, pour le temps, de tout l'ost) les Seigneurs de Villy, de la Poulle, de Basset, de Hubelles, & de Holenton, meffire Héry de Perfy, Louis de Clifford, Guillaume de Beauchamp, le Chanoine de Roberfart, Gautier Hue, & Hue de Caurelée, Estienne de Goufenton, Richard de Pontchardon, & plusieurs autres Cheualiers & Escuyers d'Angleterre: que ie ne puis tous nommer. Le Roy de France (qui sentoit assez que le passage des Anglois se feroit) auoit pourueu ses villes, citez, forteresses, & chasteaux, en Picardie, en Artois, & aussi en Vermandois: & auoit par tout mis Gens-d'armes, à grand foison: comme Bretons, Bourguignons, Picars, Normans, & plusieurs soudoyers, qu'il auoit aussi de l'Empire. Or se partirent de Calais les Anglois, apres qu'ils eurent ordonné & mis à point leur charroy: dont ils auoient grand foison. Si cheuaucherent en trois batailles: & s'ordonnerent si bien, qu'il n'y auoit qu'à mener: & estoit tout premierement la route des Mareschaux (dont les Comtes de Waruich & de Suffort estoient Chefs) & puis les deux Ducs de Lanclastre & de Bretagne, & grand foison de belle Cheualerie en leur route. & apres eux, le Conneftable, le Sire d'Espenfier, en vne autre route: & cheuaucherent tous ferrez, sans eux dérouter, & tousiours la teste armée, & tous prests de combattre, s'ils trouuaissent à qui: & se logeoient tous les soirs ensemble: & faisoient grand guet & fort, à fin qu'ils ne fussent surprins: & cheuauchoient trois lieues le iour: & n'osoient nul cheuaucher deuant les bannieres des Mareschaux, s'il n'estoit enuoyé pour combattre: Si passerent par-deuant Montreuil (dont Monseigneur de Handebourg estoit Capitaine) mais point n'y assaillirent: puis deuant Saint-Omer, & apres, deuant Térouenne. Si ardirent les Coureurs la terre du Comte de Saint-Pol: & vindrent assez pres d'Arras: & se logerent les deux Ducs en l'Abbaye du Mont-sainct-Eloy: & y furent deux iours. Puis s'en partirent: & costoyerent Arras: mais point n'y assaillirent: car bien fauoient qu'ils y perdroyent temps. Si vindrent à Bray-sur Somme: & là eut grand assaut des deux Mareschaux, deuant la porte: car dedans y auoit garnison de bons Cheualiers & Escuyers de Picardie: dont le Vicôte de Meaux estoit Capitaine, & meffire † Raoul de Menac. Le chanoine de Roberfart en emporta trois par terre, du fer du glaive, au deuant de la porte: & là eut dure écar mouche. Toutesfois les François garderent si bien la porte: qu'ils ne perdirent riens: & passerent les Anglois tout outre, costoyans la riuere de Somme, & s'aduiferent qu'ils la viendroyent passer entre Han en Vermandois, & Saint-Quentin. Ainsi cheuaucherent les osts: dont le Duc de Lanclastre estoit Chef, par l'ordonnance du Roy Anglois, son pere. Adonc reuenoit le Sire de Bouffiers, de Haynaut en France. Si passa si à point à Han, que ceux de la ville luy prierent moult affectueusement qu'il le voulsist apprestre en leur ville, & aider à la garder cōtre les Anglois. Il leur accorda: & y fut environ deux iours, tant que les Anglois furent tout outre: qui auoient prins leur tour à mont, pour entrer en Vermandois, & passer la riuere de Somme, au plus estroit. Quand le Seigneur de Bouffiers entendit que les Anglois estoient ainsi comme tous passez, & qu'ils s'en alloient vers Saint-Quentin, & vers Ribemmont (ou le Seigneur de Chin, duquel il auoit la fille à femme) tenoit grand heritage, & aussi luy-mesme en y auoit de par sa femme, & sentit le chastel de Ribemmont tout dégarni & dépourueu de Gens-d'armes, si print lors congé de ceux de Han: qui fort le mercierent de son seruice. Puis s'en partit, à tout ce qu'il auoit de compaignons (qui n'estoient pas

† Il dira Bouffiers, par tout cy apres, & sa la voules, et la Chaux Bossut.

Cheuauchee du Duc de Lanclastre par le roy-aume de France.

† Le doute qu'il n'y faille courir pour auant-courir & decourir pais. Assaut des Anglois à Bray sur Somme.

† La Chaux ne le nommât aucunement sala escrit, Raoul de Rauienal puis dit A cest assaut le canon de Roberfart en

porta trois par terre de fer de glaue deuant, &c.

† Il y auoit icy qui auoit sa fille &c. Mais ce qui sera cy apres en ce present chap. avec la Chaux assent ma correction.

gramment)& tant cheuaucha qu'il vint à Saint-Quentin, en grand peril (car le pays estoit tout rempli d'Anglois) & fut si à point mis en la ville, que les Coureurs Anglois coururent iusques à la porte, si tost qu'il y fut entré. Si trouua le Sire de Boufiers, en la ville, messire † Guillaume des Bourges (qui là estoit Capitaine de par le Roy) lequel receut ioyeusement le Sire de Boufiers: & luy pria moult fort, qu'il voulsist leans demourer pour luy aider à garder la ville. Le sire de Boufiers s'excusa, & dit qu'il auoit épris d'aller à Ribémont pour garder la ville & forteresse: qui estoit sans garde: & pourtât pria il si fort ledit messire Guillaume, qui luy deliura douze Arbalestiers: & n'eut le Sire de Boufiers gueres cheminé, qu'il apperceut vne route d'Anglois: mais il print vne basse voye, autour d'eux, car il cognoissoit bien le pays. & aussi iceux Anglois ne se déroutèrent point. Ainsi cheuaucha ce iour, en grand peril, vers Ribemmont. Si rencontra vn Cheualier de Bourgongne, appelé messire Iehan de Bueil: qui alloit deuers S. Quentin. Mais, quand il eut parlé au Seigneur de Boufiers, il se mit avecques luy, deuers Ribemmont, & pouuoient estre environ quarante Lances, & trente Arbalestiers. Ainsi qu'ils approchoient Ribemmont, & ia auoient enuoyé l'un de leurs Coureurs, pour informer ceux de la ville, qu'ils fussent recueilliz, & qu'ils venoient là pour aider à garder la ville, ils veirēt naïstre & approcher vne route d'Anglois: ou il y auoit bien, par semblant, quatre vingts hommes tous montez. Lors dirent les François, Veez noz ennemis, qui viennent de piller. Or leur allon au-deuant. Adoncques brocherent ils les cheuaux des éperons (chacun le mieux qu'il pouuoit) en écriant Nostre-dame, Ribemmont: & s'en vindrent ferir sur les Anglois, qu'ils déconfirent & occirent pour la plus grande partie: & furent tous heureux, qui en peurent échapper. Quand les François eurent rué ius ces Anglois, ils vindrent à Ribemmont: ou ils trouuerent le Seigneur de Chin: qui, vn petit deuant, estoit entré en la ville, à bien environ quarante Lances & vingt Arbalestiers. Ainsi comme ces trois nobles Cheualiers estoient sur la place de la ville, deuant le chastel, & que plusieurs de leurs gens estoient retraitz à l'hostel, & se desarmoient, ils ouïrent la guette du chastel, qui crioit, Aux Gens-d'armes qui approchent de la ville. Lors se tirèrent ensemble: & demanderent à la guette combien ils estoient bien par semblant. Il respondit: Environ quatre vingts Hommes-d'armes. Lors dit le Sire de Boufiers, Il nous les conuient aller combattre: car se feroit grand blasme sur nous, de les laisser aller courre si pres de nostre forteresse. Le Sire de Chin dit, Vous dites voir, beau fils. Faites tirer hors noz cheuaux, & déuelopper ma banniere. Lors dit messire Iehan de Bueil, Seigneurs, vous n'irez point sans moy. Mais volontiers ie conseilleroye que nous allissions vn petit plus meurement: car par-aventure ce sont gens d'armes coureurs: que les Mareschaux d'Angleterre, ou le Conestable, enuoyent courir par-cy-deuant, pour nous attirer de nostre garnison. Si pourroit bien nostre issue tourner à folie. Le sire de Boufiers dit, Si i'en suis creu, nous les irons combattre, & brièvement: & (quoy qu'il en aduienne) j'iray. Lors remeit son bacinet & retreingnit ses plates, Puis issirent: & pouuoient estre environ six vingts combattans: & les Anglois environ quatre vingts: & estoient de la route messire Hue de Caurelee. Mais ledit messire Hue estoit demouré delez le Duc de Lancastre, mais il y auoit iusques à six Cheualiers, & grād foison d'Escuyers estoient venus pour contreuanger leurs compaignons: qui auoient esté ruez ius. Si tost que les François furent hors de la porte, ils trouuerent les Anglois, qui baïssèrent leurs lances, & se ferirent moult fort entre les François, qui fourirent, & passerent les Anglois outre, parmi eux. Adonc fit si grand poudriere qu'à peine recognoissoient ils l'un l'autre, Les François (qui estoient ouuerts) se meirent ensemble: & cōmencerēt à crier Nostre-dame, Ribemmont: Là eut maint homme renuersé, de l'un lez & de l'autre. Le Sire de Chin tenoit vne plōbée: dont il effondroit les bacinets, qu'il attingnoit: car il estoit grand & fort Cheualier, & bien formé de tous membres. Mais il fut si fort feru sur son bacinet, qu'il chancela: & fust cheu à terre: si n'eust esté soustenu d'un Escuyer. Lequel étonnement, le greua depuis grandement, tant qu'il vesquit. Là eut plusieurs Cheualiers & Escuyers Anglois, qui estoient tous émerueillez de ce qu'ils veoient son non pareil & semblable aux armes, sans difference, du Seigneur de Coucy: & disoient, Le Seigneur de Coucy a il enuoyé cy ses gens? & il nous deust estre ami? Là endroit eut dure bataille, mais finalement furēt tous morts ou prins les Anglois: & peu s'en sauèrent: & eut le Sire de Boufiers † les deux freres de Pennebroth, vn Cheualier & vn Escuyer: & messire Iehan de Bueil en eut deux autres. Puis se retirerent à Ribemmont: & passa tout l'ost

† La Chaux es-
crit Guichart
des Bordes,
& puis apres
Guillaume
simplement.

Rencontre de
François &
Anglois pres
Ribemmont.

Autre fait d'ar-
mes des mesme
François &
autres Angl.
pres Ribemmont

† La Chaux s'e-
crisat sala dit
deux freres
de Pennerot
vn cheualier
l'autre Es-
cuyer, &c.

l'ost d'Angleterre deuant, mais point n'y assaillirent (car ils eussent perdu leur peine) & se deporterent d'ardoir & de faire nul dommage en la terre du Seigneur de Coucy: qui estoit pour le temps en Lōbardie, & laissoit conuenir les guerres de France: Si vindrent les Anglois eux loger aux vaux de deffous Laon, & là enuiron, deffous Bruyeres & Crecy: & firent au pays de Laonnois moult de dommages. Mais, au-deuant de ce, le Roy de France auoit fait retraire tous les biés du pays dedās les fortereffes: & estoient les villes & chasteaux si bien pourueus, que les Anglois n'auoient nul aduantage d'approcher, ne d'assaillir: & aussi ne ce vouloient mie à ce employer: mais eussent volōtiers veu que le Roy de France & ses gens les eussent combattus: mais le Roy le deffendoit tous les iours: & si les faisoit poursuivre de bonne Cheualerie: qui les tenoit si decour, qu'ils n'osoient derouter: & se logeoient les François, tous les soirs, es fortereffes, & de iour suyuoient les Anglois: qui se tenoient tousiours ferrez. Or aduint qu'outre Soissons, à vne matinée, les Anglois, en nombre de bien six vingts Lances, coururent sur le pais, & vindrent sur vne embusche de Bourguignons & de François: dont messire Iehan de Vienne, Iehan de Buail, Guillaume de Bourdes, Hue de Porcien, Iehan de Coucy, le Vicomte de Meaux, & les Seigneurs de Raineual & de la Boue estoient † souuerains, & avec eux plusieurs autres Cheualiers & Escuyers, par routes & compaignies: & pouuoient estre ces François bien trois cens Lāces qui tousiours costoyoiēt. à leur aduantage, les Anglois: & celle nuit auoient geu aux champs: & auoient ia fait leur embusche en vn bosquet en Soissonnois: & les Anglois vindrent à ce matin courir en vn village: & encores estoit l'ost logé derriere. Quand les Anglois eurent passé l'embusche, les François saillirent hors, & déuellerent leurs bannieres & leurs pennons. Quand les Anglois veirent celle grosse route si pres d'eux, si s'arrestèrent: & eurent aduis d'ēuoyer en l'ost: qui estoit loing de là, bien vne grosse lieue. † Mais messire Gautier Huet (qui estoit vn grand Capitaine Anglois, & estoit lors assez pres de là ou la besongne aduint) si tost qu'il en fut aduisé, il monta à cheual, à grand haste, la lance au poing, sans bacinet & sans visiere, & n'ayant qu'une cotte, de fer vestue, tant seulement: & cheuaucha celle part, sans autre aduis ou conseil, & gens le suiurent, au mieux qu'ils peurent. Si eut en l'estour le col percé, d'un glaue, tout outre: & cheut en la place tout mort. Les Anglois se combattirent moult vaillamment: mais finalement ils furent morts & prins: & peu s'en sauua. Là furent prins par les François, les Cheualiers Anglois, qui s'en suiuent: c'est assauoir messire Iehan Rademein, Thomas Fauque, Hue Brunel, Thomas le Despensier, Thomas le Breton, Nicole Gascoing, Iehan Chandely, Phelippe de Chambery, Hue Harpe, Danne, & Leonet d'Autrin: & des Escuyers, Iehan Gallare, Thomas Brudelay, Henry Mamefort, Guyon de Chuet, Guillaume d'Autry, Iehan Menet, Autequem, Guillaume Gausul, Iehan de Frombert, Thomelin Sollerant, Guillaume Quinteuin, Robin Rochelle, Robert d'Andely, Raol d'Estamby, & Thomas Artus. Les nouuelles vindrent en l'ost, que leurs gens se combattoient. Lors se hastèrent les Mareschaux & tout l'ost, de venir celle part: mais ils ne se sceurent tant aduācer, que la chose ne fust passée: & estoient ia les Bourguignons & François retraites. Si ne les sceurent en quelle part les Anglois querir. Ainsi alla de celle rencontre (comme ie fu informé) qui fut † assez pres d'Ouchy en Soissonnois le vingtième iour † de Septembre, l'an mil trois cens soixante & trēze. Apres ces deux aduentures de Ribemont & d'Ouchy, n'aduint au Duc de Lanclastre, ny à ses gens, aucune aduenture au Royaume de France: qui à recorder face. Si passerēt ils par maints passages & destroits: mais ils cheuauchoiēt sagement, & se tenoient ensemble, & auf si le Cōseil du Roy luy disoit ainsi, Laissez les aller. Par fumées ne peuuent ils venir à vostre heritage. Il leur ennuiira: & iront tous à neant: car, quand vn orage & vn tempeste s'appert aucunes fois en vn pays, si se depart puis apres: & se degaste de soy-mesme. Ainsi aduiendra il de ces Anglois.

Comment les ostages, que ceux de Derual auoient baillez, furent décolēz: & comment messire Robert Canolle fit aussi décoler les prisonniers, qu'il tenoit: & du reste de la cheuauchée du Duc de Lanclastre.

CHAP.

CCCXVII.

Ainsi, comme vous auez ouy recorder cy-dessus, messire Robert Canolle estoit venu à son chastel de Derual (qu'il tenoit pour son heritage) & vouloit briser le traité, qui estoit fait entre ses gēs & le Duc d'Aniou. Parquoy le Duc estoit venu au siege deuant Derual: & estoient adonc moult grand foison de Seigneurs en sa compaignie, de Bre-

† Ce passage est radrecé & accompli suivant la Chaux.

Autre troupe d'Anglois deconfite par les François pres d'Ouchy en Soissonnois.

† Ce passage est éclairci & parfait suivant la Chaux qui dit Gautier

Huet, pour Gautier de Manny, qui est mort long tēps a. Verard aussi n'a que Gautier sans surnom.

† La Chaux dit delez Souchi

† Il y auoit icy de Feurier, mais sala s'en taisant, la Chaux m'assure du mois, que j'y ay remis, cō bien qu'il die le ix. iour d'iceluy: que les grandes Cron: de France écriuent l'onzième du mesme mois de Septembre.

Aussi la dedition precedēte & subsequēte me monstroient bien que ce ne pouuoit estre au mois de Feurier

† *Encores que vous entēdiez que le Connestable fist telle response au Roy, neātmoins ceste clause demeure encor obscure et aimeroiemieux lire ainsi selon la Chaux, laquelle chose il leur mandoit souuent si que ces Seigneurs prenoient grand peine pour obeir au Roy leur Seig. & aussi pour auoir la faisine dudit chastel de Derual.*

raigne, de Poictou, & des basses marches. Or voulist bien le Roy de France que son Connestable (qui là estoit) & le Sire de Clifson, & plusieurs autres, refusent en France, pour aider à poursuyuir les Anglois, avec son frere le Duc de Bourgongne. Si luy † mandoit souuent que ces Seigneurs, qui estoient au chastel de Derual, se tenoient pres d'eux acquitter, & d'obeyr au Roy & d'auoir la faisine du fort chastel de Derual. Quand le iour fut passé que le chastel deuoit estre rendu, si le siege n'estoit leué, ceux dudit siege furent tous émeueillez à quoy ceux de dedans pensoient. Si penserent que messire Robert Canolle festoit mis dedans, & les auoit rafreschis. Si enuoyerent lesdits Duc & Connestable deuers messire Robert Canolle & messire Hue Broe: lequel auoit fait le traité. Quand le Heraut fut venu en la place: & en la forteresse, il dit aux seigneurs, qui y estoient, Messieurs m'enuoyent cy par deuers vous: comme ceux qui sauroient volontiers pourquoy vous n'acquitez voz ostages, & deliurez ce chastel ainsi que le conuenant le porte, & que vous, messire Hue, l'avez iuré. Adōcques dit messire Robert Canolle, Heraut, vous direz à vos maistres, que mes gens ne peuuent faire cōposition sans moy: & pource vous retournerez vers eux le leur dire. Le Heraut s'en retourna, & recorda à ses Seign. ce q̄ messire Robert luy auoit chargé. Si le renuoyerēt à ceux de dedas, pour leur dire que ils ne deuoient nully recueillir, par la composition de leur traité: & ils auoient recueilly & receu messire Robert Canolle (ce qu'ils ne deuoient pas faire) & sceussent de verité, que, se le chastel n'estoit rendu, on feroit décoler les ostages. Messire Robert Canolle respondit, Par Dieu Heraut, par les menaces de voz Seigneurs ie ne perdray pas mon chastel: &, si il aduient que le Duc d'Aniou face mes hommes mourir par orgueil, ie luy feray le pareil. Car i'ay ceans Cheualiers & Escuyers prisonniers. Mais si i'en deuoye auoir cent mille francs, il n'y en aura ia nul à mercy. Quand le Heraut eut fait le rapport à ses Seigneurs, le Duc d'Aniou fit appeler le Coupe-teste, & amener les ostages (qui estoient deux Cheualiers, & vn Escuyer) lesquels furent décolés pres du chastel: si que ceux de dedans le pouuoient veoir, & cognoistre. Tantost messire Robert Canolle fit lancer vne table outre, par les fenestres de la salle du chastel, & là amener quatre prisonniers, qu'il tenoit (c'est assauoir trois Cheualiers, & vn Escuyer) desquels il pouuoit auoir grand rançon: mais tous quatre les fit décoler, & renuerfer emmi les fosses, les testes d'un costé, & les corps de l'autre. Apres ceste chose, se défit le siege: & se partirent toutes manieres de gens d'armes: & reuindrent en France: & mesmement le Duc d'Aniou vint à Paris, delez le Roy, son frere: & le Connestable, le Seigneur de Clifson, & les autres, cheuaucherent vers la cité de Troyes. Car les Anglois estoient ia en celle marche: & auoient passé la riuere de Marne: & prenoient leur chemin vers Auxerre. En ce temps le Pape Gregoire, onzième, auoit enuoyé en France, en legation, l'Archeuesque de Rouen & l'Euesque de Carpentras, pour traiter paix & accord (s'ils peussent) entre le Roy de France & d'Angleterre. Si eurent ces deux prelatz moult de peine à cheuaucher deuers le Roy de France & ses freres, & puis deuers de Duc de Lanclastre: & tousiours les Anglois alloient auant, parmi la Comté de Forest: & passerent toute Auvergne, Limosin, & la riuere de Loire, & celle d'Aliér, de Dordonne, & de Loth. Si n'eurent mie les Anglois toutes leurs aises en ce voyage. Aussi n'eurent plusieurs François, qui les poursuiuoient: & y moururent, en celle poursuite, trois Cheualiers de Haynaut (c'est à sauoir messire Fateres de Berlammont, Bridol de Montagin, & le Begue de Warlan.) Et aussi, du lez des Anglois y en moururent aucuns. Tant exploiterent le Duc de Lanclastre & aussi le Duc de Bretagne, & leurs routes, qu'ils vindrent à Bergerath, à quatre lieuës pres de Bordeaux: & tousiours les auoient poursuiuis les François: comme dessus est dit. Le Duc d'Aniou & le Connestable de France estoit amont, vers Rouergue, Rodais, & Toulouze: & estoient venus à Perigourd: & là se reposerent, & les deux Prelatz dessusdits cheuaucherent tousiours, preschans à l'une partie & à l'autre plusieurs raisons, pour eux faire cheoir en accord: mais chacun se tenoit si fort, qu'ils ne vouloient condescendre, sans auoir grand aduantage. Si vint le Duc de Lanclastre, enuiron Noel à Bordeaux: & là se tindrent les deux Ducs † tout l'Yuer & le Quaresme ensuyuant. Si se departirent aucuns Cheualiers, quand la cheuauchée fut passée: & retourna en Angleterre le Seigneur de Basset, & sa route: dont le Roy Edouard le tança, & le reprint, de ce qu'il estoit retourné sans son fils.

Legats du Pape pour traiter paix entre France & Angl.

Le Duc de Lanclastre apres auoir trauesé plusieurs pays du royaume de France, arriué à Bergerat en Gasconne.

† *Nous pouuons ici commencer l'an 1374. à nostre mode acoustumee.*

De la cheuauchée du Duc d'Aniou, en la haute Gasconne.

CHAP. CCCXVIII.

Tantost

TAntoist apres Pasques, l'an mil trois cēs soixāte & † quatorze, fit le Duc d'Aniou (qui se tenoit à Perigourd) vne grand' assemblée. Là estoit le Conestable de France, & la plus grand' partie des Barons & Cheualiers de Bretaigne, de Poictou, d'Aniou & de Touraine: & si y furent de Gascongne, messire Iehan d'Armignac, les Seigneurs d'Albreth & de Perigourd, les Comtes de Comminges & de Narbonne, les Vicomtes de Carman de Villeure, & de Thalat, le Comte Dauphin d'Auuergne, la plus grād' partie des Seigneurs d'Auuergne & de Limosin, le Vicomte de Minedon, les Seigneurs de la Barde & de Pincornet, & messire Bertrand de Charde: & estoient bien quinze mille hommes à pié: & auoient grand' foison de Geneuois & Arbalestiers: qui cheminerent vers la haute Gascongne: & vindrent deuant Sainct-Siluier: dont vn Abbé estoit Seigneur: & ia-çoit ce qu'il y eust forte ville, l'Abbé se douta qu'il ne la perdit par force. Si commēça à traiter deuers le Duc d'Aniou, en luy remonstrant que luy, ne sa terre ne vouloient pas estre, ne demourer en guerre, ny en indignation, cōtre luy: & que c'estoit moult petit de chose de sa ville & de son effort, au regard des villes & chasteaux de la haute Gascongne: ou il tiroit à aller: si comme on supposoit. Si prioit que on le voufist laisser en paix, par composition que luy ne ses gens ne feroiēt nulle guerre, & on ne leur en fit point: & que tout ce que les Seigneurs, heritez des arrierefiefs de Gascongne feroient, il feroit aussi. On le luy accorda, parmi ostages qu'il en bailla, & qui allerent tenir prison en la ville de Perigourd. Puis s'arouta tout l'ost (dont le Duc d'Aniou estoit Chef) deuers Montmarfen & la ville de Lourde, en la haute Gascongne: dont messire Arnoul de Vire estoit Capitaine. Si l'assiegerent & enuironnerent les François: & demanderent premiere-ment s'ils se vouloient rendre à Monseigneur le Duc d'Aniou. Ceux de Lourde se fussent assez tost accordez: mais le Cheualier dit que le Comte de Foix l'auoit establi: si ne le rendroit à nul homme, fors à luy. Quand le Conestable de France l'ouit, il fit toute maniere de Gens-d'armes traire auant, & assaillir par si grand' vertu, que la ville fut prinse & occis le Capitaine, & plusieurs hommes & femmes: & fut la ville toute courue & robée, & la laisserent en celuy estat: Mais, au departir, ils y laisserent gens de par eux. Apres entrerent les François en la terre de Chastel-bon: qui fut toute courue & pillée. Apres passerent par la terre de Chastel-neuf: qu'ils assaillirent aussi moult fort & cheuaucherent à mont, vers Bierne: & vindrent à l'entrée de la terre du Seigneur de l'Escut: & cheminerent si auant, qu'ils vindrēt deuant vne bonne ville & bon chastel: qu'on dit † Sault, & se tient du Comte de Foix. Pour toutes les terres des arriefiefs de Gascongne, que le Côte de Foix tenoit, bien auoit en intention le Prince de Galles: par plusieurs fois, ainçois qu'il allast en Espagne, d'en guerroyer le Comte de Foix: pourtant que le Côte ne les vouloit point recognoistre tenir de luy. Si estoit la chose demourée en celuy estat, pour l'occasion dudit voyage d'Espagne. Or pourtant que le Duc d'Aniou (qui conqueroit, & auoit aussi conquis, la plus grande partie d'Aquitaine) s'en monstroit comme Seigneur, & s'en vouloit mettre en possession, ainsi fut mis le siege deuant la ville de Sault en Gascongne: qui n'estoit mie legere ne facile à prendre, & en estoit Capitaine messire Guillaume de † Pans: Quand le Comte entēdit qu'on conqueroit ainsi ses terres, & les arrierefiefs, dont il conuenoit par raison qu'il fist hommage au Roy de France, ou au Roy d'Angleterre, il manda le Vicomte de Chastel-bon, les Seigneurs de Merfant, de Chastel-neuf, de l'Escut, & l'Abbé de Sainct-Siluier. Puis enuoya impetrer vn saufconduit pour aller deuers le Duc d'Aniou (qui se tenoit au siege deuant Sault) par lequel ils peussent venir par assurance parler à luy. Le Duc l'accorda. Si vindrent les dessusdits parlementer à luy, & à son Conseil, en l'ost: & l'accorda à ce que les dessusdits Seigneurs, & terres, deuoient demourer en souffrance, iusques à la Mi-Aoust, parmi tant que ceux, qui seroient les plus forts deuant la ville de † Monfac, dedās ce iour, de la partie du Roy de France, ou de la partie du Roy d'Angleterre, & qui pourroient tenir les champs, en demourroient en iouissance, & à icelle partie les Seigneurs desdits arrierefiefs seroient tenus à tousioursmais & en paix: & de ce deliurerent le Comte de Foix & lesdits Seigneurs ostages: & alors reuint le Duc d'Aniou en la ville de Perigourd, à tout ses Gens-d'armes: & ne donnoit à nul congé.

† Il n'y auoit que treize en tous nos Exēp. mais la deduction precedēte & subsequēte assure ma correction. Ioint que les Abr. le mettent tous deux en ceste sorte lxxiiij. Composition de l'Abbé de s. siluier en la haute Gascongne, avec le duc d'Aniou.

Prinse de la ville de Lourde que sala nō me Loede en la haute Gascongne.

† Les deux Abbregez, selon lesquels i'ay corrigé le passage suuant, disent Sanc.

† La Chaux dit Paux.

† La deduction precedente & la subsequente du chap. 320. me fait croire qu'il faut lire icy Sault ou Sanc ou bien Monfac, pour Sault ou Sacy deuant.

De la rançon du Comte du Pennebroth, & de ses compaignons, de quelque peu de tréues entre François, & Anglois, de la composition de Bercerel, & de la mort du Comte de Pennebroth

EN ce temps se fit vne échange des belles terres, que le Cōnestable de France & messire Oliuier de Manny auoient en Espagne, & que le Roy d'Espagne leur auoit données, pour les beaux seruices qu'ils luy auoient faits: & donna le Conneſtable de France la terre de † Sairie en Castille, pour le Comte de Pēnebroth (qui fut prins à la Rochelle) & messire Oliuier de Manny la terre de Grece, pour mes Seigneurs Richard d'Angle & Guillaume son neveu, Othe de Grantzon, Iehan de † Grimeres, & le Sire de Tānayboulton. En traitant ce, vn autre traité commēça entre le Duc d'Aniou & le Duc de Lanclastre, par la promotion des deux Prelats dessusdits. Si furent enuoyez par le Duc de Lanclastre, à Perigourd, sur assurance deuers le Duc d'Aniou (qui se tenoit comme Roy & Regent sur ces marches des Seigneuries de Frāce & d'Angleterre) le Chanoine de Roberſac, & mes Seigneurs Guillaume Hellunay & Thomas Douuille: & fut vn respit accordé, entre ces Seigneurs & leurs aydans, iusqu'au dernier iour d'Aouſt: & si deuoient lesdits Ducs estre, à l'entrée de Septembre, en la marche de Picardie: le Duc d'Aniou à Sainct-Omer, & le Duc de Lanclastre à Calais. Apres ces tréues, le Duc de Lanclastre, le Duc de Bretagne, les Comtes de Waruich, de Suffort, d'Estāfort, les Seigneurs d'Espensier & de Willeby le Chanoine de Roberſac, messire Henry de Percy, les Seigneurs de Mauue, & tous les autres Seigneurs & Cheualiers, le huitième iour de Iuillet se partirent de Bordeaux: & retournerent en Angleterre. Quand les Capitaines de Bercerel, messire Iehan Appert & Iehan de Cornouaille, eurent tenu la forteresse, enuiron vn an, contre les François qui y tenoient le siege, & qui fort les auoient contrains) & ils veirēt que point de secours n'auroient, & que leurs pourueances commençoient fort à faillir ils eurent conseil l'vn à l'autre, qu'ils se mettroient à composition. Si traiterent enuers les Seigneurs de Hambuye, d'Estonuille, de Blainuille, de Frainuille, & les Barons de Normandie, qui là estoient, tous lassez d'auoir tenu le siege si longuement. Mais ils ne voulurent faire nul traité, sans le ſceu du Roy de France: lequel l'accorda à ce que, si le Duc de Bretagne personnellemēt, dedans le iour de Touſſaints prochainement venāt, n'estoit si fort deuant Bercerel, que pour leuer le siege ceux de dedans se rendroient à composition: Et de ce baillerent ostage: Ledit Comte de Pennebroth fut rançonné à † six vingt mille francs de fināce: & en firent leur debte les Lombars de Bruges, à payer quand il seroit sain & en bon point. Si cheuaucha le Comte, sur le conduit du Conneſtable, par le Royaume de France, tant que fièvres & maladies le prindrēt sur le chemin: & vint en litiere iusques sur la cité d'Aras: là ou ſaggraua tellement ſa maladie, qu'il accoucha du tout au lit: & y mourut. Ainſi perdit le Conneſtable ſon argent. Or demoura du Côte de Pēnebroth, & de Madame Anne, ſa femme (qui auoit eſté fille de messire Gautier de Manny) vn beau ſils: qui adonc auoit deux ans. Messire Guichard d'Angle ſina ainſi, que ie vous diray. Vous ſauez que le Sire de Roye demoura priſonnier en Angleterre: lequel auoit vne ſeule fille: qui deuoit estre heritiere † de ſō pere. Si se fit vn traité, par les amis dudit Seigneur de Roye, enuers messire Oliuier de Manny, vn Cheualier de Bretagne, & neveu à messire Bertrand du Gueſclin: par tel moyen, qu'il deliurerait hors de priſon ledit Seigneur de Roye, par échāge, pour vn de ſes priſonniers: & auroit la fille du Baron de Roye à femme, qui estoit de grand lignage. Lors enuoya messire Oliuier de Manny vers le Roy d'Angleterre, pour ſauoir lequel des Cheualiers il aimoit le plus à l'auoir, pour le ſeigneur de Roye. Le Roy ſ'ēclina plus à messire Guichard d'Angle. Si renuoya ledit Seigneur de Roye quitte & deliure: & le Sire de Manny espouſa la fille du Seigneur de Roye: & depuis se maria ledit ſeigneur de Roye à la fille du ſeigneur de Ville & de Floron, en Haynaut: & les autres Cheualiers (c'eſtaſſauoir, le Sire de Tannayboulton, messire Othe de Grantzon, & Iehan de Grimeres) se meirent à finances: & compoſerent enuers messire Oliuier de Manny par courtoise raiſon.

Comment plusieurs villes se rendirent au Roy de France, au pays de Gascongne: comment messire Hue de Chastillon retourna de priſon: & comment le chaſtel de Bercerel en Normandie se rendit François,

CHAP. CCCXX.

QUand la Mi-aouſt approcha, que la iournée se deuoit tenir deuāt Mōſac, par le Duc d'Aniou, il vint en grād arroy de Gēs-d'armes: & fut en la grand' place, deuant Monſac, ſix iours logé, qu'onques nul n'y vint, ne n'y apparut. Car les Anglois cuidoiēt, que, parmi ce traité du respit qui estoit prins, celle paction se deust passer: Mais le Duc d'Aniou & ſon Conseil ne l'entendirent mie ainſi. Si ſ'en debattit messire † Thomas de Fel-

† ſala ſ'en tair
ſant la chaux
de tout ce cha.
dit Suric.
† il a dit Gri-
ueres au cha.
304.

Treues entre
les François et
Anglois, iuf-
qu'au dernier
d'Aouſt en l'ā
1374. deſſus
dit & retour
du Duc de Lan-
clastre en An-
gleterre.

Composition de
Bercerel, ſur-
quoy ſi vous
trouuez quel-
que diuerſité
pour ces noms
au chap. 313.
ne vous en pre-
nez pas à moy
† il n'y auoit
que ſix mille
en tous noz
Exempl. mais
ſala m'affeure
que c'eſtoit trop
pen.

† Je doute qu'il
n'y faille de ſa
mere, par la
fin de ce pre-
ſent chap.

de Felletō, Seneschal de Bordeaux: mais il n'en eut autre chose: ains mādā le Duc d'Anioul au Côte de Foix, au Vicomte de Chastel-bō, aux Seig. de Marsen: de Chastel-neuf, & del'Escut, & à l'Abbé de saint-Siluiet, qu'ils teinsent ce qu'ils auoient enconuenancé: ou il feroit mourir leurs ostages: & entretoit en leurs terres si puiffamment, qu'il les feroit venir à merci. Adonc ces seigneurs meirent eux & leurs terres en l'obeyffance du Roy de France: & ouurirent leur ville ceux de Mōfac (qui estoit vne tresbelle garnison) & vindrent presenter les clefs au Duc d'Anioul: & luy firent feauté & hommage. Si entrèrent les seigneurs, qui là estoient, avec le Duc: & y seiournerent enuiron dixhuit iours. Entretant eurent conseil quelle part ils se tireroient. Si tost que le mois d'Aoust fut passé, & que les tréues, qui auoient esté prinſes & dōnées entre les dessusnommez François: & les Anglois qui estoient en la terre de Gascongne, furent expirées, lors cōmencerent les Seigneurs à guerroyer: & vint le Duc d'Anioul deuant la Riolle. Quand il y eut tenu le siege par trois iours, ceux de la Riolle se meirent en l'obeyffance du Roy de France. Apres ce, vint deuant Langon: qui se rendit aussi: puis saint-Marquaire, Coudose, Basile, & la Tour de Prudēce, Maulion, & la Tour de Drou: & bien quarante que villes que chasteaux, se tournerent, en ce voyage, François: & la derniere, qui se tourna, ce fut Auberoche: & par tout meit le Duc d'Anioul Gens-d'armes & garnisons, & quād il eut tout ordonné à son plaisir, si retourna en France, & le Connestable aussi: car le Roy les remandoit. Si donna congé à la plusgrand' partie de ses gens: & reuindrēt les seigneurs de Clifſon, de Beaumanoir, de l'Auaugourt, de Ray, & de Rion, les Vicomtes de Rohan, de Laual, & les autres Vicōtes, au siege de Bercerel, pour tenir leur iournée: car on disoit que le Duc de Bretaigne, messire Robert Canolle, & le Seigneur d'Espenſier viendroient leuer le siege. Vous auez bien ouy recorder, cy-dessus, comment messire Hue de Chastillon maistre-des-Arbalestiers fut prins deuāt Abbeuille, par messire Nicole de Louvain, & mené en Angleterre. Si ne pouuoit venir à rançon: tant luy demandoit on grand' finance. Toutesfois vn marchand de Flandres s'aduança, & fit tant qu'il l'osta subtillemēt d'Angleterre. Si en feroit la maniere trop longue à racompter: & pource m'en passeray briuement. Quād il fut venu en France, le roy luy rendit son office d'estre maistre-des-Arbalestiers, & l'enuoya en Abbeuille, comme deuant: pour garder les frontieres: & avec luy tousiours deux cens Lances: & que tous ceux des enuirs obeissent à luy, cōme messire Iehan † de Berthouilliers, Capitaine de Boulongne, messire Héry des Isles capitaine de Dieppe, & tous ceux, qui se tenoient es frontieres & garnisons de Têrouenne, S. Omer, † de Liques, de Fiennes, & Montroye. Or aduint que le Sire de Commegines, Capitaine d'Ardre, & messire Iehan d'Vbrues s'assemblerent à Ardre, & pouuoient estre enuiron huit cens Lances, Si s'en partirent vn matin, tous bien montez & coururēt vers Boulongne, veoir s'ils trouueroient riens. Ce iour estoit issu le Capitaine de Boulōgne, messire Iehan de Lōguilliers, à bien soixante lances: & cheuauchoit vers Calais, pour trouuer aucune aduētūre. A son retour rencontra le Sire de Cōmegines, & sa route: qui auoient cheuauché deuers Boulōgne. Lesquels chargerent incontinent sur ces François & les ruerent ius: tellement que le Capitaine se sauua à grand' peine: & y perdit quatorze Lāces de ses hommes. Apres celle chace, retourna le Sire de Cōmegines vers Ardre. Ce iour au matin auoit fait sa monstre ledit Maistre-des-Arbalestiers: & auoit avec luy grande foison de Gensd'armes d'Artois, de Vermandois, de là enuiron, & estoient plus de trois cens Lances, Le Comte de Saint-Pol (qui nouuellemēt estoit reuenue en Picardie, de sa terre de Lorraine) auoit emprins sō chemin, pour aller en pelerinage à nostre-Dame de Boulōgne. Si ouit cōter en la voye q̄ le maistre-des-Arbalestiers vouloit cheuaucher. Lors se meit en sa cōpagnie: & cheuaucherēt tous ensēble les François: & se vindrēt rāger deuāt ardre: ou ils se tindrēt grād tēps sur les chāps: & ne sauoient riens des Anglois, qui cheuauchoit: ne aussi les Anglois d'eux. Quād les François eurent esté vne espace deuāt Ardre, & ils veirent que nul n'issoit, ils retournerēt deuers l'Abbaye de Liques, Si tost qu'ils furent partis de deuāt Ardre, vn Anglois issit couuertement de la ville: & fit tāt par voyes & par sentiers (car il cognoissoit biē le pays) qu'il trouua le seig. de Cōmegines & ses cōpaignons qui retournoient vers Ardre. Quand il luy eut cōpté la cheuauchée des François, ils cheuaucherent tout le pas ensemble: & ainsi que les François eurent passé Tournehan, ils furent certifiez que le Capitaine d'Ardre cheuauchoit. Lors cheuaucherent tantost sur costé, & firent embuscher vne troupe de trois cens Lances, en vn bosquet, dessus Liques (dont messire Hue de Chastillon estoit Chef, & là

laume, mais il l'a tousiours nommé Thomas, & un sien frere Guillaume: qui mourut en Espagne, tenant le parti de Dom Pietre.

La Riolle et plusieurs autres villes de Gascongne reduites à l'obeyffance de France. † Sala dit la tour de prandre & la chaux le tour de prandre, & peu apres la tour de dyce de dyo, pour de Drou.

† Il y aura tantost de Longuilliers, & en sala Languilliers, mettant icy la Chaux Bortevilliers.

† La Chaux ne les nommant, sala dit, de Liques, de Fiennes, de Landichon, & de la Montoire. Or aduint que le Sire de Gomenies capitaine d'Ardre & messire Iehan de Brues, &c.

*Rencontre de
quelques Fran-
çois & An-
glois ou fut pris
le ieune comte
de S. Pol.*

*† La Chaux dit
de Molle.*

*Le Duc d'An-
iou & le Duc
de Lanclastre,
s'approchent
pour traiter
quelque accord
entre Frâce &
Angleterre.
tousiours en l'ā
1374.*

*Bercerel mis
en l'obeissance
du Roy de
France.*

*S. Sauueur le
viconte assiegé
par l'Admiral
de France.*

demourerent. Si fut ordonné, pour decouurer le ieune Comte de Sainct-Pol, & avec luy grand' foison de Cheualiers, & Escuyers. Assez pres de là, au long d'une grand' haye, estoit arresté le Sire de Commegines, & messire Gautier d'Vkeues, & leurs routes: & là estoient descendus à pié, & en tresbonne ordonnance, messire Iehan de Harston comença à courir, à vingt Lances pour ouurer l'embusche des François: & dit qu'il se laisseroit chacer: & sur celuy estat cheuaucha, & vint courir sur les chāps. Le ieune Comte de saint Pol (qui cheuauchoit d'autre part, à cent Lances) dit à ses compaignons, Auant, auant, veez cy noz ennemis. Lors ferirent leurs cheuaux des esperons, celle part, à qui mieux mieux, & se vindrent bouter sur messire Iehan de Harston: lequel se meit au retour, & se fit chacer iusques au lōg de la haye, ou les Anglois estoient rengez, les Archers deuant. Si tost que les François furent venus iusques là, les Anglois les recueillirent aux lances, aux haches, & aux espées: & commencerent les Archers moult fort à traire, & à verser Gens-d'armes, & abbattre cheuaux. Là eut faicte mainte appertise d'armes. Mais à la fin furent les François enclos, & ruez ius. Le ieune Comte de saint-Pol y fut prins d'un Escuyer de la Duché de Guerles. Là furent prins les seigneurs de Pons & de Clary, messire Guillaume de † Nielle, Charles de Chastillon, Leonnet d'Araines, Gauues de Vaisnel, Henry des Isles, & Iehan son frere, le Chastellain de Beauuais, & plusieurs autres Cheualiers & Escuyers. Tantost apres celle déconfiture vint le sire de Chastillon & sa banniere, à tout trois cens Lances: & vint iusques au pas de la haye. Mais quand il veit que ses gens estoient ruez ius, il s'en ralla, & tous ceux qui avecques luy estoient: & s'en partirent sans coup ferir: & adoncques les Anglois & Hainuyers emmenerent leurs prisonniers en la ville d'Ardre. Ce soir le sire de Commegines achapta le Comte de saint Pol, de l'Escuyer, qui l'auoit prins: & bien tost apres, l'emmena en Angleterre, & le presenta au Roy: qui luy en sceut bon gré, & luy en fit grand profit. En ce temps estoit reue-nu de Gascongne, en France, le Duc d'Aniou, & le Conestable de France: & aussi l'Archeuesque de Rouen, & l'Euesque de Carpentras auoient esté grand tēps delez le Roy, à Paris. Si estoient passez outre, & venus à Sainct-Omer: & aussi estoit passé à Calais le Duc de Lanclastre & le sire Bacinier: lesquels vindrent depuis à Bruges. Assez tost apres vint le Duc d'Aniou à Sainct-Omer en grand arroy. Là manda, pour estre delez luy, son cousin messire Guy de Blois: lequel se partit de Haynaut moult ordonnément, & vint au Duc. Adoncques se tenoient sur les frontieres de France & de Flandres, vers Aire, vers la Croix, vers Bailleul en Flandres, vers la ville de Cassel, & là enuiron, le Conestable de France, les seigneurs de Clifson, de Lual, & messire Oliuier de Manny, & plus de six cens Lances: & gardoient le pays que nul empeschement ne veinist du Comte de Flandres. Car il n'y auoit pas grand' finance: & ne voulut oncques venir à Bruges, pour chose que les traiteurs luy sceussent faire. Vous auez bien ouy comment ceux de Bercerel festoient tenus plus d'un an, & festoient mis en composition d'eux rendre: fils n'estoient secourus dedans le iour de la Toussains. Quand le iour deut approcher, le Roy de France y enuoya grans Gens-d'armes: & en furent priez tous les Cheualiers de Bretagne, & ceux de Normandie: excepté ceux, que le Conestable auoit avecques luy. Là furent les Mareschaux de France (messire Louis de Sanxerre, & messire mouton de Blanuille) le Comte de Harcourt, & messire Jaques de Vienne Admiral de Frâce, le Dauphin d'Auergne, messire Iehā de Bueil, & plusieurs autres Seigneurs: lesquels tindrēt leur iournee moult solennellemant, deuant Bercerel. Nul n'y vint, n'apparut. Si se rendit la forteresse: mais il s'en partit, qui partir vouloit. Ainsi se porta le traité: & s'en partit messire Iehan Appert & Iehan de Cornouaille: lesquels, avecques leurs gens, entrerent en mer. Si retournerent en Angleterre: & les Barōs de France prindrent la saisine de la forteresse de Bercerel. Si la reparerent & rafreschirent de gens, d'artillerie, & d'autres pourueances. Assez tost apres vindrent ces Gens-d'armes, par le commandement du Roy de France, mettre le siege deuant saint-Sauueur-le-Vicomte, en Constantin: qui auoit esté à messire Iehan Chandos: & depuis sa mort, l'auoit le Roy d'Angleterre doné à messire Alain de Boucqselle: qui lors estoit en Angleterre, & y auoit laissé, pour capitaine, un Escuyer, appelé Carenton, avec messire Thomas Cornet, & Iehan de Bourg, & les trois freres de Mauleurier. Si pouuoient estre leans, avecques les dessus-nommez, enuiron six vingts compaignons, tous armez, & deffenfables: & fut premierement saint-Sauueur assiegé par mer, de messire Iehan de Vienne, Admiral de France, & de tous les Barōs & Cheualiers de Bretagne & de Normandie. Si y eut moult grand ost, & grand' foison de

Gens-

Gens, d'armes, & planté de tous biens: & auoient les Seigneurs de France fait dreer engins deuant la ville: qui moult fort trauailloient les compaignons de la forteresse.

De ce qui fut traité à Bruges entre les Roys de France & d'Angleterre: & comment le Duc de Bretagne, étant retourné en son pays, y reprint quelques villes & chasteaux,

CHAPITRE CCCXXI.

Or reuiendrons nous à ces Seigneurs traiteurs, qui estoient à Bruges: c'est assauoir les Ducs d'Aniou & de Bourgogne, le Comte de Sallebruce, l'Euesque d'Amiens, & l'Esleu de Bayeux: & d'autre part le Duc de Lancastre, le Côte de Salbery, & l'Euesque de Londres. Or tout premieremēt (à fin que nul mal n'aduenist à ces Seigneurs, n'à leurs gens: qui cheuauchioient de l'un à l'autre) y furent accordées vnes tréues, à durer iusques au premier iour de [†] May, en la marche d'être Calais & la riuere de Somme: & demourerent les autres terres en guerre. Adōcques furent réuoyez en Bretagne les Seigneurs de Clifson, & de Lual, avec leurs routes, pour aider à garder le pays, & les frontieres de là enuiron. Entandis qu'on traitoit à Bruges, le Duc de Bretagne (qui estoit demouré en Angleterre: ainsi que vous auez ouy) sentoist son pays en grand tribulation, & qu'il estoit ia presque tout tourné contre luy, & si estoit enclose sa femme au chasteil d'Aulroy. Si se tenoit le Duc (qui n'estoit pas à son aise) delez le Roy d'Angleterre: qui moult l'aimoit: & luy disoit, Beau fils: ie say biē que pour l'amour de moy vous auez mis en balâce & hors de vostre Seigneurie, grād & bel heritage. Mais bien foyez asscuré que ie le vous recouureray: ny ne feray paix à François, que vous ne foyez rentré dedās. Pour lesquelles promesses le Duc senclinoit deuant le Roy, & humblement le remercioit. Or aduint [†] en ce temps que le Duc de Bretagne assembla à Hantōne trois mille Archers: lesquels furent tous payez de leurs gages, par l'ordonance du Roy d'Angleterre, pour demi-an, avec deux mille Hommes-d'armes. Si y estoient les Comtes de Cantebruge & de la Marche, le Seigneur d'Espensier, messire Thomas de Hollande, Nicolas Camoire, Edouard de Thuifort, Richard de Pontchardon, Iehan Lessellée, Thomas de Grantzon, Hue de Hastings, les Seigneurs de Manne & de Poulle, & plusieurs Cheualiers & Escuyers. Si vint le Duc, à tout ses Gens-d'armes & Archers, arriuer à Saint-Mathieu de fine-poterne en Bretagne. Si se prindrent à issir tous hors des nefes: & prindrent terre: & tantost assaillirent fort le chasteil: qui estoit au dehors de la ville. Le chasteil n'estoit mie garni de gens, ne d'artillerie. Si le prindrēt les Anglois par force: & y occirent tous ceux, qui estoient dedans: Quand ceux de la ville de saint-Mathieu le sceurent, ils ouurirent leurs portes, & receurēt le Duc à seigneur. Puis vindrent les Anglois deuant la ville [†] de Saint-Pol-de-Leon (qui estoit forte & bien fermee, & se clouit tantost deuāt ledit Duc) & là eut fait vn grand & merueilleux assaut: & tiroient les Archers (qui estoient sur les bords des fossez) si vniment, que nuls ou peu, osoient apparoir pour deffendre. Si fut la ville prinse, courue, & exilée. Puis vindrent deuant saint-Brieu-des-vaux: qui adonc estoit bien garnie de forts Gens-d'armes, & autres pourueances: car les seigneurs de Clifson, de Beaumanoir, le Vicomte de Rohā, & plusieurs autres seigneurs de Bretagne (qui se tenoient à Lamballe) y auoient esté. Si l'auoient rafreschie de ce qu'il y appartenoit. Celle ville assiegea le Duc & les Anglois. Quand ceux de saint-Sauueur-le-Vicomte entendirent que le Duc de Bretagne & ces seigneurs d'Angleterre estoient arriuez en Bretagne, ils cuidoiēt qu'ils deussent là venir leuer le siege. Laquelle chose ils desiroiēt moult. Car ils estoient estreins de grans engins: qui gettoient, nuit & iour, contre la forteresse: si qu'ils ne sauoient ou traire, pour eux garder. Si eurent conseil qu'ils se tireroiēt vers les seigneurs de France, qui estoient là: à fin qu'ils eussent tréues, iusques à Pasques: qu'on compteroit l'an mil trois cens septantecinq (ce pouuoit estre enuiron six semaines, qu'ils prendroient de seiour) &, si dedans ce terme ils ne venoient combattre & leuer le siege, ils se rendroient, sauf leurs corps & leurs biens: mais la forteresse demoureroit au Roy de France. Ce traité se passa, & demoura le siege, mais on ne faisoit point de guerre à ceux de saint-Sauueur: & ils n'en faisoient point aussi.

[†] Qui deuoir estre de l'an 1375. & peut estre accordée ceste treue sur la fin de l'an prece-

[†] Il me semble que nous pouuons icy commencer nostre an 1375. comme il se pourra tan tost veoir.

Retour du Duc de Bretagne en son pais.

[†] Le nom de ceste ville est remis selon les Abr. & les Ann. de Bret. & l'autre d'icelle pres aussi.

Composition de la garnison de S. Sauueur le vicomte au siege du Roy de France.

Cōment quelques Seigneurs Bretons du parti de France, ayans cuydé estre surprins par le Duc de Bretagne, furent deliurez de son siege, par les tréues de Bruges,

CHAPITRE CCCXXII.

m m iij

† La Chaux dit
Campelly
sala caperly,
& les Anna.
de Bretagne
Quemperle.

† La Chaux dit
mais les mi-
neurs auoient
perdu leur
mine, & par
en ce poinct
entendez en
ce temps.

Bretōs du parti
François assie-
gez par le Duc
de Bret. à Cam-
pelly.

Lettres des tré-
ues de Bruges,
apportées au
duc de Bret.
cause de leuer
son siege.

† La Chaux
s'en taisant sa-
la, dit de Kér,
et s'il y faudroit
point de Ze-
lande.

LE Vicōte de Rohan & les Seigneurs de Clifson & de Baumanoir (qui faisoient fron-
tiere contre le Duc de Bretagne & les Anglois, qui seioient deuant sainct-Brieu-des-
vaux) entendirent que messire Jehan d'Eureux se tenoit assez pres de † Cápelly, & guer-
royoit & honnissoit le pays: & auoit, par les hōmes du pays, fait reparer & fortifier vne
petite forteresse, ou il se tenoit, & en faisoit sa garnison: & l'appeloit le nouuel fort: &
ne pouuoient issir hors de leur ville) qu'ils ne fussent happez. Si en signifierēt la maniere
au Seigneur de Clifson, & aux autres, qui se tenoient à Láballe. Lors se partirent la plus
grand' partie d'eux: mais ils laisserēt foison de leurs gens, pour garder la ville: Si cheua-
cherent tant, qu'ils vindrent deuant ce nouuel fort: qu'ils assiegerent tout entour. Ces
nouuelles vindrent en l'ost de Bretagne: qui seioit deuant Sainct-Brieu-des-vaux. Là a-
uoit fait faire le Duc vne mine: en laquelle on auoit ouuré par quinze iours: † & auoient
en ce poinct les mineurs perdu leur mine: & leur en cōuenoit reprēdre vne autre. Quād
le Duc & les Seigneurs de son ost entendirent ce, ils dirent entre eux. Tout consideré,
nous perdons cy nostre tēps. Allon aider à messire Jehan d'Eureux: & (si nous pouuons
trouuer, sur les chāps, ceux, qui ont assiegé) nous aurōs fait bō exploit. Lors sauiserēt en
eux: & puis délogerēt & s'acheminerēt deuers le nouuel fort: que les Seig. de Bretagne
faisoient assaillir. Si auoient ia tant fait qu'ils estoient au pié du mur, & ne craignoient chose
qu'ō leur gettast d'amōt: car ils estoient bien paueschez: & aussi ceux du fort n'auoient riēs
que getter. En ce poinct vindrent nouuelles, tout battant, aux Seigneurs de Bretagne
(qui assailloient) en leur disant, Seigneurs, partez vous hastiuement d'icy, car veez cy les
Anglois: qui viennent avec le Duc de Bretagne: & ne sont pas loing d'icy deux lieuēs.
Lors fut sonnée la trompette de retraite. Si se recueillirent tous: & demanderent leurs
cheuaux: puis se partirent: & se meirēt dedans Campelly, qui estoit pres de là. Si ferme-
rent les portes: & à peine auoient les ponts leuez, & les barrieres reboutées, quād le Duc
de Bretagne & les Barons d'Angleterre furent par-deuant. Lesquels auoient passé par
le nouuel fort, & parlé à messire Jehan d'Eureux: qui grandement les auoit remerciez de
leur venue: car autrement il eust esté prins tantost. Le Duc & les Anglois bastirent leur
siege deuant la ville de Campelly, & firent traire auant Archers, & Brigans, bien paues-
chez. Adonc y eut grand assaut, car les Anglois ne se faingnoient: & aussi ne faisoient
point ceux de dedans. Si en y eut plusieurs blecez d'vne part & d'autre. Ainsi y eut tous
les iours assaut & écar mouche: & veirent ceux de dedans, qu'ils ne se pouuoient pas lō-
guement tenir: & si ne leur paroissoit nul secours. Aussi ne pouuoient partir de là, qu'ils ne
fussent apperceus (tant bien estoit la ville enuironnée) & si de force ils estoient prins, ils
pensoient qu'ils ne viendroient à nulle mercy, & par especial le seigneur de Clifson: tant
estoit hay des Anglois. Lors commencerent ces seigneurs de Bretagne à traiter deuers
le Duc, pour eux rendre: mais qu'on les laissast aller parmi courtoise rançon: & le Duc
vouloit qu'ils se rendissent simplement. A peine peurent impetrer vn respit, qui durast
huit iours: & le respit durant, leur cheut si biē à point, que deux Cheualiers Anglois, en-
uoyez là de par le Duc de Lancastre (qui se tenoit à Bruges, & s'y estoit tenu tout l'Yuer
dont l'vn auoit nom Messire Nicole Carsuelle, & l'autre messire Gautier Ourfuich, des-
cendirēt en l'ost du Duc: & apporterēt chartres grossoyées, & sellées, des tréues prin-
ses entre les Roys de France & d'Angleterre: & commandoit le Duc de Lancastre, par la
vertu du traité fait à Bruges, que sans delay ils se departissent sans guerroyer: Si fut tan-
tost la tréue leuē & publiée parmi l'ost, & aussi signifiée à ceux, qui dedans Campelly es-
toient. Lesquels en furent moult réiouis: c'est assauoir le seigneur de Clifson, le Vicom-
te de Rohan, le Sire de Baumanoir, & les autres: car il leur vint bien à poinct. Ainsi se
défit le siege de Cápelly: & donna le Duc de Bretagne congé à tous ceux, qui avec luy
estoit (fors à ceux de son hostel) & vint à Aulroy: ou sa femme estoit. Si s'en retourne-
rent en Angleterre le Comte de Cantebruge & de la Marche, messire Thomas de Hol-
lande, Comte † Derlant, & le Sire d'Espēsier, & les autres Anglois. Quād le Duc de Bre-
tagne eut ordonné ces besongnes toutes à grand loisir, & rafreschi la ville & le chastel
de Brest, & aussi Aulroy, de pourueances & d'artillerie, il se partit de Bretagne sa femme
avecques luy: & s'en retourna en Angleterre,

*Comment Saint-Sauueur-le-Vicomte fut rendu aux François, & comment le Sire de Cou-
cy mena grosse armee en Autriche qu'il pretendoit sienne.* CHAP. CCCXXIII.

CE iour, que les tréues furent faites & accordées à Burges, à durer vn an, entre les
Rois de Frāce & d'Angleterre, & tous leurs aidans & alliez, encore iurerēt le Duc
de Bour-

de Bourgongne d'une part, & le Duc de Lancastre d'autre, qu'ils reuiendroyent là à la Toussaincts : & deuoit vn chacun paisiblement tenir, le traité durant, tout ce, dont il estoit en faisine. Or cuiderent les Anglois que Saint-Sauueur le Vicomte se deüst sauuer parmi ce traité: mais les François disoient que la premiere cōuenance passoit la dernière ordonnance: & quand le iour approcha, que ceux de Saint-Sauueur se deuoient rendre, ou estre reconfortez de leurs amis, le Roy de France enuoya gens de tous costez, & y eut au iour plus de six mille Lances, Cheualiers & Escuyers, sans les autres gens. Mais il n'y vint nul, pour le siege leuer, tellement que, quād la iournée fut expirée, ceux de Saint-Sauueur se rendirent aux Seigneurs de France, mais ce fut enuis: car la forteresse estoit bien seante aux Anglois. Si vindrent à Carenten le Capitaine messire Thomas † Tinet, Iehan de Bourg, les trois freres de Mauleurier, & les autres Anglois, qui là estoient: & chargerent leurs besongnes, & eux, en nef & en vaisseaux. Puis retournerent en Angleterre. Adoncques le Connestable de France rafreschit la ville & le chasteau de Saint-Sauueur-le-Vicomte, de nouuelles gens: & y meit vn Cheualier Breton, pour Capitaine: & entendit ainsi adonc, que le Roy de France luy en donna la Seigneurie. En ce temps estoit reuenue en France le Seigneur de Coucy: qui grand temps s'estoit tenu en Lombardie, avecques le Comte de Vertu, fils à messire Galeas: & guerroya contre messire Bernabo, & ses alliez, pour cause de l'Eglise & du Pape Gregoire vnziesme (qui regnoit pour le temps) & pour le Sainct College de Romme. Le Sire de Coucy, par la succession de Madame sa mere (qui auoit esté sœur au Duc d'Austriche dernièrement mort) deuoit estre héritier de la Duché. Car ce Duc estoit trépassé, sans auoir enfant de loyal mariage: & auoient ceux d'Austriche donné la terre à vn du lignage, assez plus lointain, que le Seigneur de Coucy n'estoit. Si s'en estoit le Sire de Coucy plusieurs fois plaint à l'Empereur messire Charles de Behaigne, L'Empereur recognoissoit assez que le Seigneur de Coucy auoit depit: mais il ne pouuoit pas à son aise cōtreindre ceux d'Austriche: qui estoient fors en leur pays, & auoient grande foison de bonnes Gens-d'armes, Bien les auoit le sire de Coucy guerroyez aucunes fois, par le confort d'une sœur tante, sœur dudit Duc, par lequel il reclamoit droit à l'heritage: mais petit y auoit fait. Quand le Sire de Coucy fut reuenue en France, le Roy luy fit grand chere. Si s'aduifa le Sire de Coucy, qu'il y auoit en France grande foison de Gens-d'armes oiseux: & qu'on ne fauoit plus ou les employer pour cause des tréues, qui estoient entre les François & Anglois. Si requist le Sire de Coucy au Roy de France, qu'il luy voulsist aider à auoir ces Compaignons Bretons, qui guerroyoient & harioient le Royaume, & il les meneroit en Austriche. Le Roy (qui bien voulsist que les Compaignons fussent autre part) le luy accorda. Si presta, ou donna (ie ne say lequel ce fut) soixante mille francs, pour departir aux Compaignons. Lors se meirent au chemin vers Austriche, enuiron la Saint Michel. Si firent moult de maux par tout, ou ils cheuaucherent. Encores se bouterent en ces routes, à l'aide du Seigneur de Coucy, plusieurs Barons, Cheualiers, & Escuyers de France, d'Artois, de Vermandois, de Haynaut, & de Picardie: tels que les Vicōtes de Meaux, & d'Aulnoy, messire Raoul de Coucy, le Baron de Roie, Pierre de Bar, & plusieurs autres: qui desiroient leurs corps aduancer.

*Saint Sauueur
le-Vicomte ren
du aux Fran-
çois.*

*† Il a dit Cor
net au ch. 320*

*Voyage du Sei-
gneur de Coucy
en Austriche,
toujours en
l'an 1375.*

Du prolongement de tréues entre François & Anglois: de la mort du Prince de Galles,

& du retour du Sire de Coucy, à bien peu d'exploit.

CHAP.

CCCXXIIII.

Quand le iour de Toussaints deüst approcher, s'en reuindrēt à Bruges parlemēter de par le Roy de France, le Duc de Bourgongne, le Côte de Salbruce, l'Euesque d'Amiēs, l'eleu de Bayeux, & le duc d'Aniou (mais il se tint à S. Omer, & sy tint tout le tēps) & de par le Roy d'Angleterre y estoiet les Ducs de Lancastre & de Bretagne, le Côte de Salbery, & l'Euesque de Londres. Si vous dy que la ville de Bruges fut bien garnie de tous estats: & par especial, le Duc de Bourgongne y tint moult grand estat, & noble. Avecques le Duc de Lancastre se tenoit messire Robert de Namur: & luy fit tresbonne compaignie, tant qu'il fut en Flandres. Là estoient les Ambassadeurs du Pape: c'est assauoir l'Archeuesque de Rouen, & l'Euesque de Carpentras, qui alloient des vns aux autres, & proposoyent & mettoient raisons auant, mais nulles n'en vindrent à effect, & furent tous ces Seigneurs, en ces premiers traitez, trop longuement & trop loing de leurs accords. Car le Roy de France demandoit à l'auoir quatorze cens mille francs (qui auoyent esté payez pour la redemption du Roy Iehan) & que la ville de Calais fust abba-

Tréues prolongees.

† L'an 1376.
Trépas d'Edou
ard, Prince de
Galles.

Autre prolongement de tréues, iusques au mois d'Auril de l'an qui fut 1377. à ma mode.
† C'est Tuer pou
uoit tenir de
1375. et 1376
à ma mode, cō
me on veoit de
puis la fin du
chapitre. 323.

tue. Ce que le Roy d'Angleterre n'eust iamais fait. Si furent les tréues r'alogées, iusques à la Saint-Iehan-Baptiste, l'an lxxvj. & furent les Seigneurs à Bruges tout l'Yuer, & tout le temps bien-auant. Si retournerét, † sur l'Esté, chacun deuers sa partie: excepté le Duc de Bretagne: qui demoura en Flandres, deuers le Comte Louis, son cousin: qui luy fit tousiours grande chere. En ce temps, le iour de la Trinité, trépassa de ce siecle la fleur de la Cheualerie des Anglois, messire Edouard d'Angleterre, Prince de Galles & d'Aquitaine, au Palais de Westmonstier, lez Londres: & fut embasme & mis en vn vaisfel de plomb, & gardé iusques à la Saint-Michel ensuiuant, pour l'enseuelir en plus grande reuerence & nombre de gens, quand les Parlemens sont à Londres. Le Roy Charles de France, pour cause de lignage, fit faire obseque dudit Prince, moult reueremment, en la Sainte-chappelle du Palais, à Paris: & y eut, par l'ordonnance du Roy, moult de Prelats & de Nobles du Royaume de France. Encores furent ces tréues alongées, par le pourchas des Ambassadeurs iusques au premier iour d'Auril. Or parlerons vn petit du Seigneur de Coucy, & des Allemans. Quand ceux d'Austriche, & les Allemans, entendirent que le Sire de Coucy venoit si efforcément, pour guerroyer en Austriche, ils firent ardoir & destruire trois iournées de pays, selon la riuere. Puis se retirerent es montagnes, & en lieux inhabitables. Quand les Gens-d'armes, dont le Sire de Coucy estoit Chef, cuiderent trouuer viures & pourueances, ils n'en eurent nulles: mais souffrirent, toute la saison, † & l'Yuer, moult de pouretez: & si ne sauoient quelle part aller, pour courir, ne fourrager, ne recouurer viures pour eux, ne pour leurs cheuaux: qui leur mouroyent de faim, & de froid, & de mesaise. Pourquoi, quand le printemps vint, ils s'en retournerent en France, & s'épartirent en plusieurs lieux, pour eux rafreschir: & enuoya le Roy de France la plus grande partie des Compaignies en Bretagne, & en la Basse-Normandie, pour seiourner & reposer, car il pensoit bien qu'il en auroit encores à faire. Acc retour, que le Sire de Coucy fit en France, se cōmença-il à ordonner, & à estre bon François. Car il auoit trouué le Roy de Frâce moult amiable, & condescendant à ses besongnes: & aussi son lignage luy cōseilloit, qu'il n'auoit que faire de vuidier son héritage, sur l'ombre de la guerre du Roy d'Angleterre, car il estoit François de nom, & d'armes, & de sang & d'extraction. Si enuoya Madame sa femme, en Angleterre: & retint seulement l'aînée de ces deux filles: & la moins aînée laissa en Angleterre: ou elle auoit esté tousiours nourrie. Si fut enuoyé, de par le Roy de France, le Sire de Coucy à Bruges, à ces Parlemens, qui y furent tout l'Yuer: & point n'y estoiet encor adóc les grans Seigneurs, fors tant seulement que le Duc de Bretagne se tenoit tousiours delez le Comte de Flandres son cousin: mais point ne s'embesongnoit du traité, fors bien petit.

Comment Richard, fils du feu Prince de Galles, fut recongnu pour prochain successeur, & premier heritier de la couronne d'Angleterre, & comment, estans les pourparlez de paix sans effet, & treues faillies, fut renouuellée la guerre entre François & Anglois.

CHAP. CCCXXV.

A Pres la feste saint Michel, qu'on eut fait à Londres l'obseque du Prince, ainsi qu'il appartenoit, le Roy d'Angleterre fit recognoistre à ses enfans, le Duc de Lâclastre le Comte de Cantebruge, & Monseigneur Thomas, le moins aîné, & à tous les Barons Comtes, Prelats, & Cheualiers d'Angleterre, le ieune Damoisel Richard, à estre Roy apres son decez: & ainsi leur fit iurer solennellement: & le fit seoir delez luy, le iour de Noel, au dessus de tous ses enfans, en estat maïestal, en remonstrant & representant qu'il seroit Roy d'Angleterre, apres son decez. Si furent enuoyez à Bruges pour ce téps, de la part des Anglois, messire Iehā, Sire de Gobehē, l'Euesque de Herfort, & le Doyé de Lōdres: & de la partie des François, le Côte de Sallebruche, le sire de Chastillon & maïstre Philebert l'Espïote: & y estoiet encore les Prelats Ambassadeurs, qui tousiours traitoiēt que paix se fist. † Si traiterent tant sur le mariage du ieune fils du Prince avec Madame Marie, fille du Roy de France, qu'apres se partirent les parties, tant de France que d'Angleterre, & apres rapporterent leurs traitez deuers l'vn Roy & deuers l'autre. * Enuiron

† Nous pouuōs
icy cōmēcer no-
stre an 1377.

* Anno. 131.

Quaresme-prenant se fit vn secret traité entre les deux Roys pour leur partie à Montreuil sur mer: & furent enuoyez à Calais, de par le Roy Anglois, messire Guichard d'Angle, Richard Stan, & Geoffroy Caucher, & de par les François, le seigneur de Coucy & de la Riuere, messire Nicole Braques, & Nicolas Bracier. Et traiterent grand temps sur le mariage dessusdit. Et offrirent adonc les François (si comme ie fu informé) aucunes choses:

choses: mais ils vouloyent auoir autres choses, ou riens. Si rapportèrent encores ces Seigneurs leurs traitez deuers leurs Seigneurs: & furent leurs tréues r'alongées iusques au premier iour de May: & reuindrent arriere à Calais le Comte de Salbery, l'Euesque de saint Dauid, Chancelier d'Angleterre, & l'Euesque de Herford: & de par le Roy de France, le sire de Coucy, & messire Guillaume des Dormans Chancelier de France. Mais oncques ils ne foserent affier sur certaine place, pour parlemeter ensemble, entre Montreuil & Calais, n'entre Montreuil & Boulongne, ne sur ces frontieres, pour chose que ces deux Prelats: traiteurs, sceussent dire ne remonstrer. Si demourerent ces traitez & parlemens en iceluy estat. Quand la guerre fut ouuerte, comme deuant, messire Hue de Caurellée fut enuoyé à estre gardien de Calais.

Comment le Pape Gregoire, onzième de ce nom, laissant Auignon, retourna à Rome, & comment, estant mort Edouard, tiers de ce nom, Richard, fils du feu Prince de Galles, fut couronné à Roy d'Angleterre.

CHAP. CCCXXVI.

Quand le Pape, † nommé Gregoire onzième (qui f'estoit longuement tenu en Auignon) entendit que paix ne se pouuoit faire entre les parties dessusdites, si en fut tout melancolieux: & ordonna ses besongnes assez briefuement: & s'en alla à Rome, tenir son siege. Quand le Duc de Bretagne (qui f'estoit tenu plus d'un an delez le Comte de Flandres, son cousin) veit que la guerre renouuelloit, il print congé du Comte, & cheuaucha iusques à Grauelines. Là le vindrent querre, avecques Gens-d'armes & Archers, le Comte de Salbery, & messire Guichard d'Angle: & le menerent iusques à Calais: & là seiourna le Duc un mois. Puis passa en d'Angleterre: & vint à † Rènes, à deux lieues de Londres, sur la riuiere de Thamise: ou le Roy d'Angleterre gisoit malade: & y trepassa de ce siecle, la vigile saint Iehan Baptiste, mil trois cens lxxvij. Lors fut grand dueil en Angleterre: & furent tantost les passages clos de tous costez: & ne pouuoit nul issir d'Angleterre: car on ne vouloit pas q' la mort du Roy d'Angleterre fust si tost sceue en France, iusques à tant qu'on eust mis ordonnance au pays. En ce temps reuindrent en Angleterre le Comte de Salbery, & messire Guichard d'Angle. * Si fut le corps du Roy Edouard porté en grans processions, larmes & pleurs, derriere luy ses enfans, & les Nobles & Prelats du Royaume d'Angleterre, tout au long de la cité de Londres, à viaire decouuert, iusques à Westmonstier: & là fut enseuely, delez Madame sa femme. Assez tost apres, & au mois de Iuillet, le ieune Roy Richard, en l'onzième an de son aage, fut couronné au Palais de Westmonstier, en grande solennité: & l'adextrerent les Ducs de Lanclastre & de Bretagne: & fit ce iour quatre Comtes & neuf Cheualiers: c'est assauoir messire * Thomas, son oncle, Comte de Bouquingam, le Seigneur de Persy, Comte de Northombellande, messire Thomas d'Angle, Comte de Hostidonne, le Seigneur de Mombray, Comte de Netigeiz, si fut ce ieune Roy mis en l'ordonnance de ce gentil Cheualier messire Guichard d'Angle, par l'accord de tout le pays, pour l'instruire en nobles vertus: & demoura le Royaume d'Angleterre au gouuernement du Duc de Lanclastre. Si tost que le Roy de France sceut la mort du Roy Edouard d'Angleterre, il dit que bien noblement & vaillamment auoit regné, & que bien deuoit estre de luy nouuelle & memoire au nombre des preux. Lors assembla grande foison de Nobles & Prelats de son Royaume: & fit faire obsèques, & toute son ordonnance, en la sainte-Chapelle du Palais à Paris. Assez tost apres trepassa † Madame, aînée fille du Roy de France: laquelle estoit iurée & conuenancée au gentil Damoisel, Guillaume de Haynaut, le fils aîné du Duc Aubert.

Comment le Roy de France meit sur mer grande armée: qui brulla plusieurs ports & villes d'Angleterre.

CHAP. CCCXXVII.

Au temps des tréues dessusdites, le Roy de France f'estoit tousiours pourueu grossement de nauires & de galées: & luy auoit le Roy d'Espagne enuoyé son Admiral, messire Ferrand Sausse: lequel avec messire Iehan de Vienne, Admiral de France, vint ardoir la ville de † Rye, cinq iours apres le trespas du Roy Edouard d'Angleterre, la vigile de saint Pierre en Iuin, & y meirent à fin hommes & femmes, & tout ce qu'ils trouverent. Ces nouuelles vindrent à Londres. Si ordonnerent les Comtes de Canteburge, & de Bouquingam d'aller à Douures, & grande foison de Gens-d'armes: & le Comte de Salbery, & messire Iehan de Montagu, d'autre part, d'aller deuers les marches de

† l'eusse ici volontiers cōment ce le second volume de Froiss. ou, pour le moins, au couronnement du Roy Richard, selon la Chaux, mais les ch. 313 329. et 330. m'en ont empêché.

† La Chaux dit Regnes.

Trepas du Roy d'Angleterre. l'an 1377.

* Anno. 132. m'estant failli l'Abregé de la Chaux.

Couronnement du Roy Richard second de ce nom en Angleterre. Anno. 1333.

† sala dit madame la ieune Marie fille de France qui estoit cōuenancée &c.

† sala dit Roye, et auos mis les iours et les mois sui-uans, ainsi que le vent la dedu-ction preceden-te n'y ayant ici

parauant que quatre iours & le mois de Iuillet, pour Iuin, † Il a nagueres dit Iehan.

Hantonne. Apres ce, l'armée du Roy de France vint prendre terre en l'Isle de Wigth: & ardirent les François les villes, qui s'ensuiuent: c'est assauoir Lamende, Dartemode, Ple-mende, Plefume, & plusieurs autres. Puis, quand ils eurent pillé & ars la ville de Wigth, ils se tirerent en mer: & costoyerent auant: & descendirent à vn port, qu'on dit Poq. Là estoit le Comte de Salbery, & messire † Guillaume de Montagu (qui leur deffendoyēt le passage) mais ils ardirent vne partie de la ville de Poq. Puis entrerent en mer: & costoyerent vers Hantonne: & vouloyent tous les iours prendre terre en Angleterre, mais les Anglois, & la route du Comte de Salbery (qui cheuauchoit, à mesure qu'ils erroyent par mer) leur deffendoient suffisamment à prendre terre. Si vindrent ces gens de mer deuant Hantonne. Là estoit messire Iehan d'Arondel, à grande foison de Gens-d'armes & d'Archers: qui bien deffendoient la ville: ou autrement elle eust esté prise. Si s'en partirent les François: & vindrent vers Douures: & vindrent vn iour prendre terre à costé vne Abbaye, † qu'on dit De lians. Là y eut moult grande foison de gens du pays assemblés: & auoient fait du Prieur de leans, & de messire Thomas Cheny, & de Iehan Fufel-lée, leurs Chéuetains. Lesquels se meirent en bon arroy, pour deffendre le passage: & ne leurent pas les François d'aduantage: ainçois leur cousta de leurs gens, ains qu'ils peussent arriuer. Toutesfois par bien combattre ils prindrent terre: & y eut là grande écar-mouche: & furent lors tous les Anglois reculez, & mis en chace: & en y eut bien deux cens morts: & y furent prins les deux Cheualiers & le Prieur de leans. Apres ce, les François rentrerent en leur nauire: & se tindrent à l'ancre, deuant celle Abbaye, toute la nuit. Lors sceurent les François premieremēt la mort du Roy Edouard, par leurs prisonniers & le couronnement du Roy Richard, & encores vne partie des ordonnances d'Angle-terre, & quelle quantité de gens il y auoit ordonnez. Adonc messire Iehan de Vienne fit partir vne barge: laquelle arriua à Harfleu: ou il y auoit vn Cheualier: lequel cheuaucha iusques à Paris: & y trouua le Roy: auquel il dit les certaines nouvelles de la mort du

Nouvelles de la mort du Roy Edouard d'Angleterre au Roy de France.

† Combien que tous les Exem. dient ainsi, neantmoins ce nō bre me semble trop excessif. Mais ie n'ay par qui le vous remettre en son entier.

Roy d'Angleterre: ou le Roy adiousta verité. Apres, les François se partirent de là, & les Espaignols aussi, & singlerent contremont: & eurent le vent à leur volonté: & vindrent de celle marée, à heure de tierce, deuant Douures: & estoient bien les François enuiron fix vingt gallées. Alors estoit dedans Douures, à moult grande foison de Gens-d'armes & d'Archers, messire Aimon, Comte de Cantebruge, & messire Thomas son frere, Côte de Bouquingam: lesquels furent, avec † cent mille combattans deuant le port, les bannieres déployées: & attendoient les François (qu'ils auoient de loing veu venir) & tousiours venoyent gens du pays d'enuiron: qui les auoient veu nager. Les François vindrent deuant le port: mais point n'y nagerent, ne ny arressterent: ains passerent outre, & prindrent le parfond de la mer, car la mer se commençoit à retraire. Mais ce nonobstāt se tindrent là tout le iour, & toute la nuit ensuiuant & les Anglois en leurs gardes. Les François, qui estoient en mer, vindrent, de l'autre marée, deuant le haure de Calais: & en celle place entrerent.

Comment la ville d'Ardre se rendit François, & de la mort du Capitail de Buz, & de la Royne de France aussi.

CHAPITRE

CCCXXVIII.

Toute celle faison messire Hue de Caurellée, Capitaine de Calais, messire Iehan de Harlestonne, Capitaine de Guines, & le Sire de Gommegines, Capitaine d'Ardre faisoient moult de cheuauchées en Picardie, & toutes les semaines trois ou quatre fois, & couroient souuent deuant saint-Omer, Arques, Mouton, Fiennes, & là enuiron, iusques à Boulongne, & pres de Therouenne: & especiallement la garnison d'Ardre leur faisoit moult d'ennuy: dont les plaintes venoient souuent au Roy de France. Le quel demanda par quelle voye on les pourroit contraindre: & il luy fut respondu, Sire, la garnison d'Ardre n'est mie si forte, qu'on ne la puisse bien auoir. Le Roy dit, Pour l'auoir (qui pourra) nous ne voulons riens épargner. Depuis, ne demoura gueres que le Roy de France fit vn mandement secrettement: & ne sauoyt on où il vouloit enuoyer ses Gens-d'armes: dont il fit Chef le Duc de Bourgongne, son frere: & y auoit bien. † xxv. cens lances de bonne estoife. Lesquels vindrent soudainement deuant la bastide d'Ardre: qu'ils assiegerent de tous costez. Là estoit avecques le Duc de Bourgongne, le Comte de Guines, le Mareschal de Blainuille, les Seigneurs de Clifson & de Laual, de Rogemont, de la Riuiere, de Bregide, de Frainuille, d'Ainuille, d'Ancoing, de Raineual, & d'Angest, messire Iaques de Bourbō, le Seneschal de Haynaut, & plusieurs autres Cheualiers

ualiers

ualiers & Barons, & auoyent engins, qui gettoient pierres, deux cens pesant, & assailloyent moult fieremēt. Le Sire de Gommegines (qui estoit Sire de la forteresse) se veoit enclos de tāt de bōnes Gens-d'armes, qu'il s'en émeruilloit. Lesquels luy promettoient bien, que (se par assaut la forteresse estoit prinse) luy & tous ceux de leās feroient morts, & si n'estoit mie pourueu d'artillerie, pour longuement deffendre. Si que, par le procurement du Seigneur de Raineual, son cousin germain, il entra en traité de rendre la garnison, saufs leurs corps & le leur. Ce traité fut longuement demené. Toutesfois la forteresse fut rendue: & tous ceux qui voulurent, s'en partirent, & furent conduits, par messire Gauvain de bailleul, en la ville de Calais. Si demoura Capitaine d'Ardre messire Guillaume des Bordes: & puis en fut vn long temps gardien le Vicomte de Meaux: & tiercement en fut Chef le Sire de Sainpy. Ce propre iour que ceux d'Ardre se rendirent, vint le Duc mettre le siege deuāt le chastel d'Arduich (que les trois freres de Mauleurier d'Angleterre tenoyent) & y fut trois iours: & y eut plusieurs écarouches, mais ceux de dedans se rendirent: & furent conduits à Calais, du Marechal de France. Apres ce, vint assieger le Duc Vaclighen: qui se rendit aussi, par telle façon & maniere cōme les trois autres feirēt: & quand le Duc les eut bien auitaillees & rafreschies de Gēs-d'armes & d'Arbalestiers, il dōna cōgé à toutes manieres de Gēs-d'armes: & se retira en Frāce, deuers le Roy: & les Seigneurs Bretons se retrahirent deuers Bretagne (car * nouuelles vindrent que le Duc de Bretagne estoit arriuē à Brest, à tresgrande armée) & les Barons de Bourgongne, & les autres, retournerent en leurs lieux. Or sauez vous ouy-cy dessus recorder comment messire Iehan, le Captal de Buz fut prins deuant Soubise, & emprisonné dedans la tour du Temple à Paris. Le Roy d'Angleterre & son fils le Prince eussent volontiers veu sa deliurance: & en auoit esté grand parlemēt à Bruges: & eussent volontiers veu sa deliurance, au nom de change du ieune Comte de Saint-Pol, & de trois ou quatre Cheualiers. Mais le Roy de France & son Conseil ne le voulurent cōsentir: & luy fit dire le Roy, de par le prieur de France (qui l'auoit en garde) que s'il vouloit iurer que iamais ne s'armeroit contre la couronne de France, on condescendrait à sa deliurance. Le Captal respondit que iamais ne feroit ce serment, pour mourir en la prison. Ainsi demoura en prison, en estroite garde cinq ans: & y eut petite ioye, car il print la prison en petite patiēce: & y fut tāt qu'il y mourut. Si le fit le Roy de France enterrer, & faire son obsequie solennellement: & y eut plusieurs Barons, Prelats, & Cheualiers de France. Ainsi affoiblissoient les Capitaines d'Angleterre, car en celle année trépassa le Sire d'Espenier, vn grand Banneret d'Angleterre. De luy & de sa femme (qui fut fille de feu messire Berthelemy de Brunes) demoura vn fils, & quatre filles. Assez tost apres la mort dudit Captal de Buz (qui tant auoit esté preux Cheualier) accoucha la Royne de France, d'vne fille (qui fut * nommée Katherine) & en celle gesine print la Royne vne maladie dont elle mourut. Ceste Royne (qui auoit esté pleine de moult bonnes mœurs) fut fille au gentil Duc de Bourbon, messire Pierre: qui mourut en la bataille de Poictiers. Si fut fait son obsequie en l'Abbaye de S. Denis: ou elle fut ensepulturée moult solennellement: & y furent priez tous les Nobles & Prelats de Frāce: voire ceux des marches prochaines de Paris.

Comment la guerre recommença entre le Roy de France & le Roy de Nauarre: du siege de Cherbourg, & de la descente, que le Duc de Lancastre fit en Bretagne, & comment le chastel d'Aulroy se rendit François.

CHAP. CCCXXIX.

Depuis que la paix fut faite à Vernon, entre les Roys de France & de Nauarre (ainsi comme vous auez ouy cy-dessus) & que le Roy de Nauarre eut laissé ses deux fils delez le Roy de France leur oncle, vne soupçon fut aduisée sur vn Escuyer (qui estoit en l'hostel du Roy de France, de par le Roy de Nauarre, avecques lesdits enfans: & fut ce luy Escuyer nommé messire Jaques de Rue) & sur vn Clerc, grand maistre: qui estoit du Conseil du Roy de Nauarre, & grand gouuerneur en la Comté d'Eureux: & auoit nom celui Clerc maistre Pierre du Tertre. Lesquels furent † cruellement iusticiez à Paris: & recongnurent, deuant tout le peuple, qu'ils auoient voulu empoisonner le Roy de France. Adoncques le Roy de France meit sus grans Gens-d'armes, dont il fit Chef le Connestable, & avecques luy le Seigneur de la Riviere, & plusieurs autres Barons & Cheualiers. Lesquels descendirent en Normandie, deuant les forteresses du Roy de Nauarre (qui estoient belles & nobles, & bien garnies) & meirent le siege deuant vne des for-

Ardre rendue au Duc de Bourgongne pour le Roy de France

** Annot. 133*

† Ces articles de trépassemēt sont icy mis, selon l'ordre des temps ainsi que luy mesme remet celui de la Royne au ch. 11 de son second volume.

** Annot. 134*

† Jaques de Rue & Pierre du Tertre executés à Paris, pour auoir voulu empoisonner le Roy de France, en l'an 1378. à toutes modes, comme l'on veoit par les Cro. & Ann. de France.

teresses du Roy de Nauarre (qui estoient belles & nobles, & bien garnies) & mèirent le siege deuant vne des forteresses du Roy de Nauarre (qui estoit appelée le Ponteau-de-mer) & auoyent les François plusieurs canons, & plusieurs engins, & grans habillemens & grans assaux: dont ils contraingnirent fort la place, mais ceux de dedans se tindrent moult vaillamment. Si y eut plusieurs assaux & écarouches. L'ong temps dura le siege:

Le Ponteau-de-mer redés aux François.

& fut le chastel moult débrisé, & ceux de dedans durement oppressez & requis par plusieurs fois, par le Conestable, qu'ils se rendissent: ou tous seroyent morts, fils estoient prins par force. C'estoient les promesses que le Conestable promettoit par coustume. Les Nauarrois veoyent leurs viures affoiblir, & deffaillir: & sentoient le Roy de Nauarre trop loing d'eux. Si rendirent la forteresse: & puis furent conduits à Cherbourg: & emporterent leurs biens. La forteresse fut abbattue, & rasée par terre: qui maints deniers auoit cousté à faire: & aussi les murs & toutes les tours du Ponteau-de-mer furent abbattues. Puis vindrent les François assieger la forteresse de Mortaigne: & y furent grand temps, mais ceux de dedans ne veoyent nul secours apparent, du Roy de Nauarre: & aussi les autres forteresses Nauarroises n'estoient mie fortes, pour resister aux François. Si se rendirent en telle maniere, comme ceux du Pôteau-de-mer auoient fait, & sachez qu'en celle propre saison le Conestable meit en l'obeissance du Roy de France toutes les villes, chasteaux, & forteresses de ladite Comté: & furent tous les chasteaux de ladite Comté d'Eureux ruez par terres, & toutes les bonnes-villes declofes: à fin que iamais

Les forteresses du Roy de Nauarre abbattues et démolies en Normandie.

guerre ne peust soudre au Royaume de France, de chastel ne de forteresse, que le Roy de Nauarre tint en la Comté d'Eureux. Aussi y fit courir le Roy de France les gabelles & subides: ainsi qu'ils couroyent parmi le Royaume de France. D'autre part le Roy d'Espaigne fit entrer au Royaume de Nauarre son frere, le Bastard d'Espaigne, à tout grand Gens-d'armes: lesquels commencerent à gaigner le pays, & à assaillir villes & chasteaux & ne pouuoit le Roy de Nauarre entrer à riens, qu'à resister à l'encontre. Lors signifia le Roy de Nauarre son estat au Roy Richard d'Angleterre: à fin qu'il luy voulsist aider, pour resister à l'encontre du Roy de France, en sa Comté d'Eureux: & sa personne demourroit en Nauarre, pour garder ses lieux & forteresses, à l'encontre du Roy d'Espaigne. Parquoy le Roy Richard, par le conseil qu'il eut, enuoya messire Robert le Roux, à tout vne route de Gens-d'armes & d'Archers. Lesquels descendirent à Cherbourg: & aussi sy estoient recueillis tous ceux des forteresses de la Comté d'Eureux: qui auoyent esté gaignées du Conestable de France. Quand ils furent tous ensemble en la forteresse, il y eut belle & grosse garnison, & toutes Gens-d'armes d'élite: & pourueurent icel le forteresse de viures, car ils pensoient là estre assiegez. Quand le Conestable & le Sire de la Riuiere avec leur route, eurent tout cherché parmi la Comté d'Eureux, & qu'il n'y eut riens demouré, appartenant au Roy de Nauarre, que tout ne fust declos, & en l'obeyssance du Roy de France, ils vindrēt deuant Cherbourg, fort & noble lieu, & lequel fonda premierement Iulius Cesar, quand il conquist Angleterre, & est vn port de mer.

La forteresse de Cherbourg fondée par Iules Cesar, lors que il entra en Bretagne, maintenant Anglet.

Les François l'assiegerent de tous costez, fors par la mer: & s'amestnagerent, & pourueurent, pour y demourer, sans en partir, deuant qu'ils l'eussent prins. Messire Robert le Roux & sa route faisoient maintes faillies, de iour & de nuit: & n'estoit iour, ne nuit, qu'on ne fit écarouche: & n'y requierent oncques les François à faire fait-d'armes, qu'ils ne trouuassent bien à qui, & y eut moult combattu & iousté par fer de lance & de glaue, & plusieurs morts & prins, tant d'un costé que d'autre, le siege pendant, qui dura tout le demourant de l'Esté. Messire Oliuier du Guesclin se meit en embusche: en muables enseignes, delez ladite forteresse. Puis fit encommencer vne écarouche: & furent les François reboutez des Anglois, & reculez iusques à l'embusche dudit messire Oliuier: lequel, avecques sa science se meit hors d'embusche, le glaue au poing, & courut, tout aduisé de ce que luy & les siens deuoient faire, sur les Anglois, & Nauarrois, fierement, & là eut dure encontre, tant d'un costé comme d'autre: & y eut maint homme renuersé par terre, mort, nauré, prins, & recoux. Finalement messire Oliuier du Guesclin fut prins, & fiancé prisonnier d'un Escuyer Nauarrois, appelé Iehan le Coq, appert Homme d'armes, & fut tiré dedans Cherbourg, & finit l'écarouche, plus au dommage des François, que des Anglois: & fut ledit messire Oliuier enuoyé en Angleterre, & y demoura long temps prisonnier à Londres, puis fut rançonné. A grand mise demourerent les François deuant Cherbourg, iusques bien auant en l'Yuer, à petit de conquest. Si aduiserent qu'ils gastoyēt leurs temps, & que Cherbourg estoit imprenable, & que tout

† Qui fut de l'an 1378, comme il se voit à la fin de cest article. † Je doute qu'il n'y faille la suite.

rafres-

Parquoy les François se délogerent: & meirent bonnes garnisons à l'encontre de Cherbourg: c'est assavoir à Mont-bourg, au Pont-Doue, à Carenten, à Saint-Lo, & à Saint-Sauveur-le-Vicôte. Puis donna le Connestable congé à tous ceux de sa route. Si se retrahit chacun en son lieu: & fut en l'an mil trois cens septante & huit. Vous auez bien ouy, cy-dessus, comment le Duc de Bretagne se partit de Bretagne, & auoit emmené, avecques luy, sa femme en Angleterre. Si demourerent en la terre qu'ils auoient audit Royaume (laquelle terre on apeloit la Comté de Richemont) & mettoit le Duc grand peine, à auoir aide du ieune Roy Richard d'Angleterre, pour reconquerre son pays (qui estoit retourné François (mais il n'en pouuoit estre ouy.

Ce pendant le Duc de Lanclastre fut informé, que, si venoit en Bretagne, à tout vne bonne armée, qu'il y auroit aucuns forts & chasteaux, qui se rendroient à luy: &, par especial, Saint-Malo-de-l'Isle, vne belle forteresse, & haute de mer. Lors le Duc de Lanclastre meit sus vne grosse armée, & vint à Hantonne. Là fit appareiller vaisseaux, & leurs pourueances. Si entra en mer, à tout grand foison de Seigneurs & de Gens-d'armes, & d'Archers d'Angleterre. Tant nagerent ces Seigneurs, qu'ils vindrent à Saint-Malo, & si tost qu'ils furent à terre, ils issirent de leurs vaisseaux, & déchargerent toutes leurs pourueances. Si se tirerent deuant la ville de Saint-Malo: & y bastirent le siege de tous costez. Ceux de la ville ne furent pas trop effrayez: car ils estoient bien pourueus de vitailles, de Gens-d'armes, & d'Arbalestiers: qui vaillamment se deffendirent, & y fut le Duc bien grand temps. Quand le Connestable de France & le Sire de Clifson le sceurent, ils firent vn grand mandement de tous costez, & vindrent deuers S. Malo, pour leuer le siege: & cuidoit on plusieurs-fois, que bataille se deust faire entre les deux parties, & firent plusieurs-fois les Anglois leurs gens ordonner, tous prests pour combattre. Mais oncques le Connestable, ne le Sire de Clifson n'approcherent si pres, que la bataille se peust faire entre eux. Adonc, quand les Anglois eurent là esté grand temps, & qu'ils virent bien que ceux de la ville n'auoient nullé volonté d'eux rendre, le Duc de Lanclastre eut conseil de déloger: car il veoit bien qu'il perdrait là son temps. Si entra en mer, & retourna en Angleterre, & donna congé à toutes manieres de Gens-d'armes, & s'en retourna chacun en son lieu. Encores estoit le chastel d'Aulroy en la faisine du Duc de Bretagne: qui tout quoy estoit en Angleterre. Si y enuoya le Roy plusieurs Seigneurs de France & de Bretagne, & y fut le siege mis, grand & planier, & dura long temps. Ceux d'Aulroy (qui ne veirent apparence d'estre secourus de nul costé) entrerent en traitté, par condition, que (s'ils n'estoient secourus du Duc de Bretagne ou du Roy d'Angleterre, forts assez pour tenir la place, dedans certain iour nommé) ils deuoient rendre la place. Ce traitté fut accordé, le iour fut venu, & les François tindrent leur journée: & nul ne s'apparut le Duc de Bretagne, ne des Anglois. Si fut le chastel pris, & mis en l'obeyssance du Roy de France: ainsi comme les autres chasteaux & bonnes-villes du pays de Bretagne estoient: & s'en departirent ceux d'Aulroy: qui y estoient de par le Duc de Bretagne.

*Descente du
Duc de Lan-
clastre à saint
Malo.*

Comment les François de la garnison de Montbourg, furent déconfits par les Anglois de Cherbourg en vne rencontre.

CHAP. CCCXXX.

L'AN de l'incarnation Nostre-Seigneur mil trois cens septante & neuf, en la nou-
uelle saison, tantost apres Pasques, le Roy Charles de France (qui veit comme ceux
de Cherbourg guerroyoient moult fort le pays de Constantin) ordonna messire Guil-
laume des Bordes, vaillant Cheualier & bon Capitaine, à estre gardien & souuerain
Capitaine de Constantin, & de toutes les forteresses d'alencontre de Cherbourg. Si
s'en vint ledit messire Guillaume, à tout belle route de Gens-d'armes, & d'Arbalestiers
Géneuois: & vint gesir à Môtbourg: dont il fit bastille contre Cherbourg: & fit plusieurs
cheuauchées, & tresvolontiers eust trouué la garnison de Cherbourg. Car il ne desiroit
tant riens que, qu'ils les peust cōbattre: car il se sentoit bon Cheualier, vaillant, & hardy,
& entreprenant, & considerant qu'il auoit fleur de Gens-d'armes avec luy, de ses garni-
sons. En ce temps mesme fut enuoyé, pour Capitaine de Cherbourg, vn Cheualier An-
glois, appellé messire Jehan Harleston, de qui i'ay plusieurs fois parlé. Si auoit esté grand
temps capitaine de Guines. Lequel monta en mer à Hantonne, à 300. hommes-d'armes

*† Il n'y auoit
icy que huit,
s'en taisant sa-
la: mais la de-
duction prece-
dente: & sub-
sequente assen-
re nostre corre-
ction.*

& autant d'Archers. Tant nagerent qu'ils arriuerent à Cherbourg: & estoit de sa route messire Othe de Grantson: & des Anglois y estoient messire Iehan Aubourc, messire Iehan Orcelle, & plusieurs Cheualiers & Escuyers. Si tost qu'ils furent arriuez, ils meirent hors leurs cheuaux & harnois, & se refreschirent aucuns iours dedans Cherbourg, & meirent hors leurs cheuaux, & harnois & toutes leurs besongnes, & s'apprestèrent: pour cheuaucher sur le pays, & faire grand' guerre. Aussi messire Guillaume des Bordes subtilioit iour & nuit, comment, & en quelle maniere, il leur peust porter dommage. Si sachez qu'en la saison les deux Capitaines meirent maintes embusches l'un sur l'autre à peu de fait. Car l'adventure ne donnoit mie qu'ils trouuassent l'un l'autre: fors aucuns compaignons, qui s'aduenturoient follement, tant pour honneur acquerre, comme pour gaing, & trouuer adventures, & ceux-cy s'entre-rencontroient souuent, & ruoient ius l'un l'autre. Les François gaignoient aucunesfois, & l'autre perdoient. Tant cheuaucherent l'un sur l'autre, que messire Guillaume des Bordes se partit vne matinée de Mont-bourg, & toute sa garnison, en volonté de cheuaucher deuant Cherbourg, & combattre messire Iehan de Harleston: fil le pouuoit attraire aux champs. Si s'en vint bien appareillé & ordonné, à toute sa puissance, tant de Gens-d'armes & d'Arbalestiers, comme de gens de pié. D'autre part messire Iehan de Harleston (qui riens ne fauoit du fait des François) eut volonté aussi de cheuaucher, & fit sonner ses trompettes, & armer toutes ses Gens-d'armes, tant de cheual que de pié: & fit tout tirer aux champs: & ordonna qui demourroit en la forteresse. Puis cheuaucha en grand arroy: & ordonna messire Orcelle, avecques ses gens-de-pié, pour eux mener & conduire. Apres ce, ordonna ses coureurs. Aussi auoit fait messire Guillaume des Bordes. Or tant cheuaucherent en celle maniere, de l'un costé & de l'autre, que les Coureurs se trouuerent, & s'entrecheuaucherent de si pres, que les Coureurs Anglois auiserēt tout à plain les François, & aussi les coureurs des François auiserēt les Anglois. Si s'en retournerent chacun en son costé, & rapporterent la verité de leurs ennemis. Lors furent les deux Capitaines moult ioyeux. Car ils auoient trouué ce qu'ils queroient: & ils desiroient moult à trouuer l'un l'autre. Quand les deux Capitaines eurent ouy le rapport de leurs Coureurs, chacun recueillit ses gens bien & sagement: & firent d'eueller leurs pennons, en approchant l'un de l'autre, & estoient les Gens-de-pié Anglois avecques les Gens-d'armes. Aussi tost qu'ils furent pres les vns des autres, comme d'un traict d'arc, les François meirent pié à terre, & aussi firent les Anglois, & commencerent Archers & Arbalestiers à traire moult fort, & Gens-d'armes à approcher, les glaiues au poing, tous baïssiez: regez & serrez si pres, que plus ne pouuoient. Lors s'assemblerent de tous costez: & commencerent tous à bouter de glaiues, & à pousser & ferir, & de haches & de espées, moult fort. Là eut moult dure bataille, & forte, & bien combattue, & là veit on Gens-d'armes éprouuer leurs prouesses. Là estoit messire Guillaume des Bordes armé de toutes pieces, vne hache en sa main, & fraploit moult fort, à dextre & à senestre: & ce, qu'il consuioit à plain coup, estoit rué par terre. Là fit il tant d'armes & de prouesses de son corps, qu'à tousioursmais il en doit estre loué & prisé: & ne demoura pas en luy, qui ne meit tous les Anglois à déconfiture. D'autre part messire Iehan de Harleston, Capitaine de Cherbourg, se combattoit bien & vaillamment vne hache en sa main, pié auant autre, & bien y besongnoit: car il auoit à faire à dure partie, & durs combattans. Là eut mainte vaillantise faite ce iour: & là eut maint homme mort & nuré. Là fut messire Iehan de Harleston porté par terre, & en tresgrand' auéture de sa vie: mais par force d'armes fut il récoux. La bataille dura longuement, & moult fort fut combattue, & bien cōtinuée, tant d'un costé cōme d'autre: & ne l'eurent pas les Anglois d'auantage: car il en y eut plusieurs morts & naurez & méhaignez, & aussi les François. Finalement les Anglois se cōbatirent si longuement, & de si grand cœur, qu'ils obtindrent la place: & furent déconfits les François, & morts, & pris: & petit s'en sauua de gens d'honneur. Car ils s'estoient si fort cōbattus & de si grand' puissance, qu'ils n'auoient nul pouoir d'eux partir: ains vouloient tous mourir, ou vaincre leurs ennemis. Là fut pris messire Guillaume des Bordes, en bon conuenant, d'un Escuyer de Hainaut, appelé Guillaume de Beaulieu, appert Homme d'armes, & qui grand temps auoit geu Anglois, es forteresses de Calais. A cestuy se rēdit ledit messire Guillaume, moult dolēt & courroucé, de ce que la iournée n'auoit esté pour luy. Là veit on Anglois mettre François à grād méchef,

*Rencontre de
François &
Anglois en la
quelle les Fran-
çois furent dé-
faits.*

*Prise de Guil-
laume des Bordes,
Capitaine
de Montbourg.*

méchef: & en furent plusieurs prins prisonniers à la fin de la bataille, mais moult fut grande pitié des morts. Quand les Anglois eurent dépouillé les morts, messire Jehan de Harleston & les siens se partirent de la place, & emmenerent les prisonniers, & leur gaing, dedans Cherbourg. Vous pouvez bien croire que les Anglois menerent grande ioye de celle journée, que Dieu leur auoit donnée. Si fut ledit messire Guillaume des Bordes moult conioy & festoyé, de ce qu'on peut faire, car sa personne le valloit bien. Ceste déconfiture fut entre Montbourg & Cherbourg, le iour Saint-Martin le-bouillant. L'an mil trois cens soixante & dixneuf. Quand le Roy de France eut nouvelles que la garnison de Montbourg & son Capitaine estoient morts & pris, & que le pays estoit moult effrayé de celle déconfiture, le Roy (côme sage & biē auisé, & pourueu en toutes ses affaires) y pourueut tantost de remède, & enuoya, sans delay, à Montbourg grans Gens-d'armes de rechef, pour garder les frontieres, & les forteresses, & le pays, à l'encontre de la garnison de Cherbourg: & fut Chef de ces Gens-d'armes, de par le Roy de France messire Hutin de Bremalles: & tindrent les marches à l'encontre des Anglois. † Mais depuis, par l'ordonnance du Roy, ils abandonnerent Montbourg, & tout le pays de Constantin (qui estoit le plus gras pays du monde) & fit on toutes gens, hommes, femmes, & leurs enfans, issir hors du pays dudit Constantin, & abandonnerent belles maisons & possessions, & se retrahirent toutes ces gens par deçà ledit Constantin, & tindrent les François frontiere à Dune, à Carenten, à Saint-Lo, & par toutes les marches, sur le clos de Constantin.

*lour & an de
la rencontre
susdite.*

*† Sur la fin de
cet article finit
aussi Sala son
premier Vol. et
me defaut
l'Ex. du Noir.*

FIN DV PREMIER VOLVME DE MESSIRE
JEHAN FROISSART.

ANNOTATIONS SUR LE PREMIER VOLUME DE FROISSART.

ANNOTATION PREMIERE.

de point en point] Entendez des points & auantures les plus necessaires à mieux entrer en regne de ce Roy Edouard d'Angleterre, qui fut troisieme du nom, apres que les Normans du Royaume de France eurent conquis Angleterre sur les Danois, par la conduite de leur Duc Guillaume, surnommé le Bastard, tel qu'il estoit. Quand à la naitié de cest Edouard, elle fut le vingtcinquieme de l'annuier, en l'an mille trois cens & neuf, come l'on peut appercevoir (si le lieu n'est corrompu) par le quinzieme chapitre de ce present volume: nonobstant que le Docteur Maioris, au premier chapitre de son 5. liure des gestes des Escocois, le face naistre en l'an 1312.

ANNOTATION II.

Regnaud de Gobehan] L'Abregé du Capitaine Sala dit icy Regnaud de Cohan. Celuy de Monsieur de la Chaux n'en parle nullement: nom plus que de Foulques de Harle: que Sala dit Franc de Zable. L'Abregé Latin de Sleidan ne fait aucune mention de telles particularitez.

ANNOTATION III.

& apperte] Noz ancestres ont usé de ce mot appert & apperte, pour expert & experte, ou droit & adroit aux armes.

ANNOTATION IIII.

foison] C'est un mot ancien, signifiant multitude: duquel on use encor, & principalement les Historiographes & Poetes.

ANNOTATION V.

de Behaigne] C'est le Royaume, qu'auionrd'huy nous appellons Boëme, enclaué dedans la grande Allemagne, & tenant le septiesme lieu en l'election de l'Empire. Mais, quant au Roy, qui pour lors y regnoit, toutes autres Histoires & Croniques le nomment Iehan: de sorte que ie liroye volontiers icy le Roy Iehan de Behaigne, & son fils Charles le Comte d'Alençon, &c. combien que l'Abregé de Sala, se taisant les deux autres de cery, die, avec tous noz autres Exem. comme cestuy-ci: ainsi que nous auons trouué par nostre quatriesme & cinquiesme reueue.

ANNOTATION VI.

le iour de Noel] Ilen dit encor autant au 15. chapitre de ce premier Volume: combien que Polydore Vergile, sur la fin du 8. liure de son Histoire d'Angleterre, & George Lilie, en sa Cronique, dient que ce fut le 29. de l'annuier.

ANNOTATION VII.

le bon Roy Edouard] Estant iceluy le premier de ce nom apres la conqueste susdite, fut aussi surnommé Lanf-gaux (c'est adire aux longues iambes) selon le 14. liure des Histoires d'Escocce d'Hestor Boeth, accordant avec plusieurs autres.

ANNOTATION VIII.

son fils] Cestuy-ci fut Edouard 2. de ce nom, surnommé Carcariuam, ou Caernaruam, du nom du Chasteau de la principauté de Gales, auquel il nasquit: comme veulent Hestor Boeth, George Lilie, & autres. Toutesfois renoyant ce premier Volume, pour la 4. & 5. fois, sur les Abregez dessusdits, i'ay trouué Caruarenam en celuy de la Chaux.

ANNOTATION IX.

au gentil Edouard] Sur le quel Froissart commence le principal de son Histoire, estant 3. de ce nom, & surnommé Vuindefore, selon Maioris, au lieu dessus allegué, accordant aux Annales de France, & à l'Abregé de la Chaux quant à ce point.

ANNOTATION X.

Robert de Breux] Hestor Boeth, en son Catalogue des Roys d'Escocce, dit qu'il commença son regne en l'an 1306. estant premier de ce nom entre les Roys d'Escocce, l'Abregé de la Chaux le nomme & surnomme Robert le Brus, approchant du Latin Brusius.

ANNOTATION XI.

de Beruic] Ily auoit de Vuaruich: mais P. Verg. Lilie, Boeth, & Maioris, assurent nostre correction: comme fait semblablement l'Abregé de Sala, disant Berich, sans que les deux autres en fassent icy mention. Aussi eust il esté malaisé au Roy d'Escocce d'estre entré iusques à Vuaruich, qui est comme au milieu d'Angleterre. Ce Bernich, que l'Abregé de la Chaux escrit Berrevvich en autre endroit, est sur les lisieres des deux Royaumes, entre le Northombelande d'Angleterre & le pays de la Marche en Escocce.

ANNOTATION XII.

Esturmelin] N'estoit que la bataille, de laquelle il parle, fut long temps deuant la reprise de Beruic par les Escocois, ie liroye volontiers icy Sterling selon les Auteurs Nagues alleguez & de fait ie pense qu'il faut ainsi lire, & que Froissart n'a point esté bien curieux des l'ordre de temps, iusques au commencement de sa principale matiere l'Abregé de Sala & l'Empire de Verard disent Estrumelin. Celuy de la Chaux n'en dit rien, nom plus que le Latin de Sleidan.

ANNOTATION XIII.

de mariage] L'Abregé de Sala dit de remariage: & mieux à mon auis. Car cet Edouard 2. estoit fils (comme il a ia dit) du premier mariage d'Edouard 1. qui auoit espousé Aleonor, fille d'Alfonse, Roy de Castille: & apres la mort d'icelle, se maria à Marguerite de France, de laquelle, entre autres enfans, il eut ceux, desquels il fait icy mention.

ANNOTATION XIII.

le Comte Marechal] les Croniques de Flandres de Monsieur de la Chaux luy baillent le titre de Comte de Mar tans en quelque lieu, & en quelque autre le nomment le Comte Mariscaux & Marischeux: mais son propre nom estoit Thomas, selon P. Verg. qui nomme aussi l'autre frere, Edmund. Guaguin l'appelle, Aymer les Annales de France Aimé: & P. Emil Almeric.

ANNOTATION. XV.

kent] il y avoit quelquesfois Cain, Cam, & kent. Mais il est certain que c'est kent en Anglois, que P. Verg. appelle Cantium, qui a Cantorbrie, ou Cantorberi, pour principale ville, & ainsi l'avons nous trouué en l'Abregé de Sala: comme aussi la Cronique de Flandres dessus dite l'escrit Comte de Quent, revenant à une mesme prononciation.

ANNOTATION. XVI.

eut nom Ysabel] P. Verg. disant que l'aînée eut nom Alienor, & qu'elle mourut deuant le temps d'estre mariée, dit aussi que la 2. estant nommée lehanne, fut mariée au Roy David d'Escoce, fils de Robert de Breux, sans parler aucunement de ce Regnaud de Gueldres, duquel Froissart fait mention. Neantmoins les deux Abregez François, & tous les autres Exemples, disent comme cestuy ci: excepté Guerles pour Gueldres.

ANNOTATION. XVII.

qui depuis regnerent] Il n'entend pas qu'ils fussent Roys: mais grans & puissans Princes: & se prend regnerent, pour vescurent. L'Abregé de la Chaux aionste contre leurs ennemis, apres puissance.

ANNOTATION XVIII.

Cy commence l'occasion) Il semble que cet article viendroit mieux à propos ci-apres, lors que guerre s'emeut entre le Roy Philippe de Valois & Edouard 3. de ce nom, Mais, ayant nostre Auteur parle de la genealogie d'Angleterre, a pris occasion de traiter semblablement de celle de France, à la charge d'en répéter encores quelque point, quand besoing sera. Sur quoy faut noter que l'Abregé de la Chaux ne dit rien de tous les chapitres suyvans, jusques au 29. là ou sans avoir aucunement parlé de croisee, ains acheuant sur la cause des guerres d'entre les François & les Anglois, pour raison que Philippe de Valois avoit succédé au Royaume de France, commence ainsi son article: Au temps que ceste croisee estoit en si grand fleur, &c.

ANNOTATION XIX.

déconfiture d'Estrumelin) Ceste déconfiture d'esturmelin, ou de Strelin, comme nous avons dit, fut en l'an 1314. selon P. Verg. & Lilie, ausquels Boeth semble accorder. & Maior, à peu apres.

ANNOTATION XX.

à Vuinceneze) La grand mer des Histoires, suivant Froissart de mot à mot, nomme ce lieu Vuincence, & l'Exemple de Verard Vuinceneze. Mais encores que ie pense que tous trois soient corrompus, il est mal aisé de restituer tels lieux sans avoir bien cognu le pays. Au demourant, les histoires d'Angleterre & d'Escoce, comptent diversement ceste venue de la Roine Ysabel en France, & pour diverse cause, comme font aussi nos Historiographes, Annalistes, & Croniqueurs François, mesmement differens entre eux.

ANNOTATION XXI.

Du bon traitement) Il est manifeste, par le cha. 102. que l'Auteur avoit divisé son Histoire par chap. mais les Impressions n'en avoient aucunement quoté les nombres, en quelques Exemples, que ce fust: & mesmes s'en faisoit deux chap. que celui, qu'il alleguoit pour centiesme, ne le fust, tellement que, pour luy fournir son compte, m'a falu couper le precedent, & de sa dernière partie former cestuy-ci, comme semblablement j'ay fait de la 2. partie du 12. l'appropriant à tel rang, qu'elle sert de chapitre 13.

ANNOTATION XXII.

La navire belle) Il prend ce mot pour toute la flotte des vaisseaux marins, & pource, que les Latins nomment Classis. Sur quoy fait noter que navire. en genre masculin, signifie un seul vaisseau le nauiguage, comme j'ay tousjours proprement usé de ce mot, pour chacune de ses significations en ma traduction des Histoires de P. Louio, encores, que certains Baragouins m'en ayent voulu reprendre deuant les Grans-Seigneurs.

ANNOTATION XXIII.

Saint Hamon) P. Verg. ayant dit que ceste compaignie prit terre en la contrée de Sulffolch, fait mention d'une bourgade, nommée Oruel, en laquelle s'en allerent rafraeschir. La Cronique de Flandres susdits la nomme Noruuelle, disant que c'est un port de mer

ANNOTATION XXIII

Bristo) Il y avoit Brisco paravant en tous noz Eexem. Mais P. Verg. & mesmes les Annales de France, avec les Cartes & descriptions d'Angleterre, nous font soy de Bristo, ou Bristol: comme aussi l'Abregé de Sala dit Bristo.

ANNOTATION XXV.

qui estoit en ce fort chastel) Je say bien que P. Verg. raconte ceci un peu autrement, disant que le Roy Edouard tenoit encores les chaps. Toutesfois à eux deux le debat, me suffisant, pour ceste heure, que mon Auteur ne cōtrarie à soy mesme. Car aussi l'entreprise d'accorder tels auteurs, pour chacune particularité, me semble tant difficile, que ie l'estime impossible. C'est beaucoup, quand ils ne sont differens en la principale deduction de l'Histoire.

ANNOTATION XXVI.

Comment le Roy d'Angleterre) Nous vous avons desia dit, en l'Annot. 21. pourquoy nous avons fait icy le 13. cha. qui me semble en rang si propre, que ie ne pouvoye mieux, pour parfaire la centaine, au lieu que Froissart la de mande cy apres, au chap. qui est maintenant 102.

ANNOTATION. XXVII

Au Royaume de Gales) Il n'estoit pour lors que principauté, de laquelle Edouard, fils du Roy duquel Froissart parle en ce lieu, estoit le tiers Prince, depuis qu'elle avoit esté érigée en tel titre de dignité.

ANNOTATION. XXVIII.

de Berche) P. Verg. nomme la premiere prison du Roy Edouard, 2. du nom, Keneluorth: qui est Kemlborch en Maioris. Puis appelle la seconde Barkley, qui est ceste cy sans difficulté, se trouvant située entre Clocestre & Bristo.

ANNOTATIONS

ANNOTATION XXIX.

tout premierement &c.) les mots suiuaus (les semblables desquels se trouuent aussi quelquesfois en Iehan de Meun, & en autres tels vieux peres) tesmoignent assez que leur siecle ne faisoit gueres de scrupule d'appeller toutes choses par leur propre nom. Toutesfois ie ne seroye iamais d'avis de les ensuyure en cela: mais ouy bien de prendre d'eux ce qu'il auoient autrement de bon en leur simplicité.

ANNOTATION XXX.

Il les eut) Si ce lieu n'a point esté corrompu, Froissart parlez icy tant résolument de l'aage de ce 3. Edouard, lors qu'il fut couronné, que ie suis presque contraint de le croire: nonobstant que P. Verg. & Lillie soyent en different de quatre ans avec luy. Mais ie doute qu'il y ait de la corruption. Car l'Abregé latin de Sleidan met ce couronnement en l'an 16. d'Edouard: comme fait aussi la mer des Histories, prenant tousiours tous les autres mots de Froissart, & mesmement Maioris ne parle alors que de 15. ans, s'accordant fort bien à soy mesme, en ce qu'il a fait naistre en l'an 1312. ainsi que nous auons dit en la prem. Anno. Noz. deux derniers Exemp. ne disent aussi que 16. ans.

ANNOTATION XXXI.

vn estrelin) ie ne vous puis dire maintenant si les espèces & la valeur des monnoyes ont point changé, depuis ce temps là, en Angleterre: mais Strelin fait auourd'huy seulement valoit la somme, à laquelle il est auousté, comme vn denier Strelin, pour neuf des nostres, Tournois, & vne liure Strelin, pour neuf des nostres, Tournoises aussi.

ANNOTATION XXXII.

à Vuaruich) Combien que nostre Exem. de la mer des Hist. ait Vueruich par toutmunt a en e: si est ce que ie me doute qu'il n'y fale yorch. Car Vuaruich est comme au milieu du Royaume d'Angleterre, tenant presque autant de l'Orient que de l'Occident, & plus du Midi, que du North ou Septentrion: & neanmoins nostre Auteur dit que la vile, ou le Roy d'Angleterre, fit son amas, sied en North. Ce qui se peut entendre plustost d'Yorch, comme mesmes le veut P. Virgile. Maioris & Hestor Boeth apres luy, ayans tous deux veu & suiuy Froissart pour le principal de ceste guerre (de laquelle se tait entierement l'Abregé Latin de Sleidan) ne font aucune mention de ceste particularité. l'Exemples du Noir dit Veruich, & celui de Verard Varuich: mais l'Abregé de Sala, disant maintenant Beraich, maintenant Eberuich, & finalement Ebruich, m'assure d'Yorch: que les Latins nomment Eboracum. Joint que le Chapitre 19. en nomme vne Ebruich: que ie pense estre ceste cy: selon le Chapitre 137. de ce mesme present Volume.

ANNOTATION XXXIII.

Messire Saufe] l'Exemp. de la Mer des Histories dit Sauce de Bouffat, sans dire Messire, & peu-apres, le Sire de foison, pour Folion. Mais il faudroit auoir fort bien hanté les pays, & s'estre diligemment enquis de toutes celles anciennes races, place, & maisons, & de toutes choses appartenantes à reconnoistre la mémorable antiquité.

Qui seroit entreprise digne de la faueur d'un Grand Seigneur. Car les Escriptuains du temps passé, estans pour la plusspart indoctes, & ne sachans gueres d'auantage que former les lettres de leur Alphabet, ont tout corrompu: & n'ont retenu les vrais noms des races, places, & maisons, sinon qu'elles fussent de tel renom, qu'ils ne les pouuoient ignorer. Les deux derniers Ex. disent Saufe de Bouffat: mais pour folion, Verard dit le Sire de fioion, & l'autre le Sire de folion.

ANNOTATION XXXIIII.

feroyent erramment] c'est adire frapoient à tors & à trauers. L'un vient de ferir (qui signifie fraper) & l'autre, d'errer, qui pour ce lieu, signifie traueser pays, sans tenir vraye voye ne sentier, ains comme à l'auanture, & à la desesperade.

ANNOTATION XXXV.

d'Aussois] ie croy qu'il veut entendre de ceste contrée, ou est située la ville de Strasbourg, deça le Rin: laquelle contrée les Allemans nomment Alsars, ou Elsats, luy ayant forgé ce nom d'Alsaria, quand ils veulent parler à la mode Latine. Toutesfois, i'eusse volontiers leu d'Außerrois, estans les vins d'alentour d'Ausserre sur Yonne fort estimez, & la voiture d'iceux aussi commode que celle des autres, mais pource que les vins d'Alsatz & du Rin sont autant renommez entre ceux qui traffiquent en Allemagne, ie laisse le passage comme il est.

ANNOTATION XXXVI.

de Duren] Maioris, confessant qu'il a suiuy froissart en descriuant ceste guerre, nimme cette vile Durem: que ie pense estre celle, que P. Verg. & les Cartes d'Anglet. nomment Dunelmum: comme aussi nostre Auteur, au chap. 19. la nomme encores Durennnes, corrompant le mot de Dunelme, qui est Duresme en la cron. de Flandres.

ANNOTATION XXXVII.

Cardoel en Gales] Maioris & P. Verg. le nomment Carliolum: mais, si c'est ce que les Cartes marquent par Carleolum, il n'est pas situé sur la riuere du Thin, ne mesmement en Gales. Toutefois il est bien sur les marches d'Escoce & d'Ang. l'Abregé de Sala le nomme Carducil.

ANNOTATION XXXVIII.

le Sire da Huford] Maioris dit le Comte de Harphord, & les autres Exemp. Huford. Cette ville & Comté (que nous pouuons nommer Hereford, selon P. Verg. & les Cartes) est située sur les marches de Gales, & en Gales mesmes, comme aucuns veulent, sur le costé d'Orient: tellement que ce Comte pouuoit auoir amené force Galois avecques luy.

ANNOTATION. XXXIX.

Le penon] ie confesse franchement que ie n'enten point la propre signification de ce mot. Mais voicy tout que dit Maioris, quant à ce lieu. Les Escoçois portent avec eux, es arçons de derriere des selles de leurs cheuaux des billacs pleins de farine, & certaines larges pièces de fer: sur lesquelles, apres les auoir bien fort fait chauffer, estendent quelque peu de peste de leur farine, & ainsi la cuisent, comme le pain au four. Encores décrit il la maniere de cuire cette paste, avec tels fers, au ch. 2. de son prem. liure des gestes des Escoçois.

AN NOT A T I O N S.

AN NOT A T I O N XL.

le Comte de Moray] Il y auoit Morel en tous les Exemp. & en l'Abregé de Sala Moret: mais Maioris & Boeth, l'appellant Thomas Rhanulphe par son nom & surnom, nomment aussi sa Comté Morauic: que Monsieur de Fraisse, maintenant Euesque de Bayonne, tourne par Moray, en sa description d'Escoce, & ainsi nous a semblé bon de le snyure, approchant du Latin, & de l'Abregé susdit.

AN NOT A T I O N XLI.

faictes de cuir] j'ay entendu de ceux, qui disent auoir veu chose semblable en Escoce, que les Escocois, apres auoir écorché les grosses bestes, attachent les peaux par les pieds, à quatre fourchettes droites, fichées en terre, tellement qu'au milieu d'icelles peaux, ainsi suspendues, se fait un fond, dedans lequel ils mettent bouillir & cuire ce qu'ils veulent, sur feu moyen, & si bien temperé, que c'est tout s'il brusle seulement le poil, qui est tourné vers luy.

AN NOT A T I O N XLII.

xxx j. iours au deuant] C'est adire trentedeux iours par auant, Mais ie croy que ce nombre est corrompu. Car si lon compte bien par le menu depuis que les Anglois laisserent leur charroy, on y trouuera trentesept iours pour le moins: comme on pourra veoir des le commencement du Cha. iusques à ce passage, encores que Verard ne mette icy que xxij. iours.

AN NOT A T I O N XLIII.

en Auignon] Car le siege papal y estoit transporté de Romme, des l'an 1305. & y demeura bien 70. ans

AN NOT A T I O N XLIIII.

estoit cousines germaines] la mere de ce ieune Roy Edouard estoit fille du Roy Philippe le Bel, & celle de la Damoiselle de Hainaut, fille de Charles de Valois, frere d'iceluy Roy Philippe.

AN NOT A T I O N XLV.

& luy dit] Hestor Boeth, nommant tousiours cestuy ci Iaques Douglas, dit qu'il fut eleu par les Seigneurs d'Escoce, apres la mort de leur Roy Robert de Breux, à porter son cueur en Hierusalem: combien que Maioris s'accorde avec nostre Auteur, quant à ce point.

AN NOT A T I O N XLVI.

Si s'en alla deuers Espagne] Maioris s'accorde ici avec nostre Auteur, mais Boeth dit que ce Douglas accomplit le testament du Roy Robert, & qu'à son retour de Hierusalem il fut tué en Grenade, aidant au Roy d'Arragon contre les Sarrazins.

AN NOT A T I O N XLVII.

En ce temps] suyuant ce qu'il a dit depuis la mort du Roy Robert de Breux, il semble qu'il vueille ce mariage auoir esté fait en l'an 1328. comme veut aussi Lillie, combien qu'il die que le Roy Robert ne fust pas encores mort. P. Verg. est bien d'accord avec eux, quant à l'an: mais il tient que le Roy Robert estoit mort. Hestor Boeth dit que ce fut 1329, & que le Roy Robert viuoit encores, & que mesmes la Roynie Elisabeth, ou Ysabel, mere de la mariée, fut presente à faire ce mariage, dedans Beruich en Escoce. Quand à Maioris, il assure bien qu'il fut fait encores du vivant du Roy Robert, estant fort mal-aisé de tirer de luy en quel an.

AN NOT A T I O N XLVIII.

à Vuaruich en Escoce] pource qu'il auoist en Escoce, ie luy laisseray ce mot de Vuaruich: encores qu'asseurement cette ville d'Escoce soit nommée Beruic, comme aussi l'Exemp. de la mer des Hist. & celui du Noir en approchent assez, quand ils escriuent Veruich, nonobstant que Sala dit Ebruich en Gales, pour ce lieu.

AN NOT A T I O N XLIX.

fille au Comte d'Artois] Elle auoit nom Blanche, estant fille d'Othelin, premierement Comte de Bourgongne, de son propre, & d'Artois par apres, à cause de Mahaut: sa femme, fille de Robert d'Artois: qui fut fils de Robert de France, Comte d'Artois, frere de S. Louis. Sur quoy vous pourrez voir plus amplement les Hist. Ann. & Croniq. de France, & principalement pour les races suyuanes.

AN NOT A T I O N L.

qui adonce estoit] C'est adire du temps du Roy Philippe de Valois, & du 3. Edouard d'Angleterre. Car il est certain que Charles le Bel fut Roy de France & de Nauarre, comme ses predecesseurs freres, & que mesmement Philippe de Valois, en attendant quel enfant auroit la Roynie Iehanne d'Eureux, fut Regent de tous les deux Royaumes, apres la mort d'iceluy Charles. Puis, estant icelle accouchée d'une fille, inhabile à succeder à l'un & à l'autre Royaume, fut vray Roy de France, & laissa prendre possession, & propre iouissance de Nauarre, à Philippe, fils de Louis d'Eureux, lequel Philippe auoit espousé Madame Iehanne, fille du feu Roy Louis Hutin, premier filset successeur de la Roynie Iehanne de Nauarre, Comtesse palatine de Champagne & de Brie, mon pays naturel.

AN NOT A T I O N LI.

en uiron Pasques] Les Annales de France & la Cron. de Monsieur du Tillet disent qu'il mourut le 1. ou le 2. iour de Feurier. 1327. ne racomptans leur premier iour de l'an iusques à Pasques, tellement que c'est bien l'an 1328. de nostre Auteur.

AN NOT A T I O N LII.

Cassel] Guaguin, P. Emil, & monsieur du Tillet la nomment Cassel, mais les Annales de France & la Cronique de Flandres susdicte disent le mont de Cassel, & autres le Val de Cassel, n'estant point de montaigne sans valée, comme dit le Prouerbe.

AN NOT A T I O N LIII.

douze mille] Je doute que ce nombre ne soit icy corrompu. Car il en compte seize mille au chap. suyuant. Ce qui approcheroit mieux des dixhuit mille de P. Emil, & des 19. ou 20. mille de Guaguin, & des Annales de France. L'Abregé de Sala dit 11. mille, puis 15. mille La Cron. de Flandres ne met point le nombre, mais dit en general que ils furent tous tuez.

AN NOT A T I O N LIIII.

ANNOTATIONS.

Messire Iehan de Keut] *Encores que les autres Exemp. le portent ainsi, neant moins i'eusse volontiers leu de Kent, voyant que par tout ce chapitre, ils mettent aussi le Comte de Keut, pour le Comte de Kent: comme ils font presque par tout ailleurs, ou ils en parlent. Mais trouuant en P. Verg. qu'il pouuoit estre surnommé de Heltham, pour raison du lieu de sa naissance, ou de Helcan, selon Hestor Boeth, ou Iehan datent, selon l'Abregé de la Chaux tout au commencement, ie vous lairray le choix de ces cinq mots. Bien vous vueil-je aduertir que sa mort est plus de six ans apres celle du Comte de Kent, selon Maioris & Boeth, & violement par la main propre de ce Roy Edouard, son frere: nonobstant que Polidore Vergile la mettent enuiron le temps que nous disons, escrive qu'il mourut de maladie.*

ANNOTATION LV.

Si fut tantost trainé] *P. Verg. sans le charger d'autre chose que de trahison, dit qu'il fut puni en l'an 1330. Toutesfois le chap. suyuant semble monstrier que toutes ces deux executions furent faites deuant que le Roy Edouard fust sommé, comme Duc de Guienne, de faire hommage au Roy Philippe de Valois. Ce qui pourroit auoir esté fait au commencement de l'an 1329, à ce que lon peut veoir par le Cha. 22. & par le 25. Mais, puisque nostre Auteur ne se contredit point, ie luy laisse auoir son compte, & aux autres le leur: ainsi que i'ay tousiours fait, & feray encores ci-apres, ne voulant plus noter telles diuersitez, de paour d'engendrer quelque trouble es esprits des Lecteurs.*

ANNOTATION LVI.

Mareschal d'Angleterre] *Combien que les autres Exem. le portent ainsi: neant moins il me semble qu'il faudroit lire, le Mareschal d'Angleterre, le faisant autre que Thomas Vuage. Car, sans cette distinction il ne pourra venir au nombre de six Barons, en les comptant l'un apres l'autre.*

ANNOTATION LVII.

ignoroyent ce] *c'est adire ignoroyent que l'on murmurast de ceste succession, ou pour mieux dire dissi-muloyent & faisoient semblant d'ignorer ce droit, sans en rien traicter au parlement, qui fut lors assemblé.*

ANNOTATION LVIII.

estre lige] *Aucuns debaten s'il faut point dire ligé, & d'ou vient ce mot. Sur quoy voyez les Iurisconsultes, & aussi pour l'hommage de foy & de bouche.*

ANNOTATION LIX.

mais l'estoient tous retraits] *Entendez que les Escossois s'estoient retirez en ces forests: que ie pense estre de l'ancienne Caledonie, maintenant nommée Calender & Calder par aucuns, & par autres Callendir & Caldiguord. Sur quoy vous prie auoir egard, quand aux vrais noms des hommes & des places, à ce que ie vous en ay desia dit: & semblablement quant à quelques diuersitez, que les Auteurs peuent auoir en leurs Histoires, car ce chapitre est suget à tout cela.*

ANNOTATION LX.

Hugues de Luzençon] *Ce pourroit bien estre le nom & surnom du Roy de Cypre: mesme, ou de quelque sien proche parent, descendu de Gui de Lusignan, premier Roy de Cypre: combien que mes deux derniers Exemp. ecrivent aussi de Luzencon: & n'y a point de doute que Hugues de Lusignan ne fust pour lors Roy de Cypre.*

ANNOTATION LXI.

qui ne m'a rien fait] *Je doute qu'il ne faille lire qui ne m'est riens, fors que i'ay, &c. ou qui ne m'a riens fait, que mal, combien, &c. l'Abregé de la Chaux dit comme il s'ensuit, Car ie l'aimeroie mieux pour luy (qui a ma fille espousée) que pour l'autre, combien que ma femme soit sa sœur. Car il m'a detourné, &c.*

ANNOTATION LXII.

Cheualiers ieunes Bacheliers] *possible qu'il faudroit lire ainsi. que cheualiers que ieunes Bacheliers ou bien entendre que peu-parauant de ieunes Bacheliers eussent esté faits nouveaux Cheualiers. Voyez l'ancien liure, comme la Sallade: & ce pendant notez que l'Abregé de Sala ne dit rien de ces bacheliers en ce lieu, combien que l'autre en parle, usant des mesmes mots de Froissart.*

ANNOTATION LXIII.

le Duc de Brabant par, *Nonobstant que tous les Ex. eussent oublié ces cinq mots, si est ce que le contexte monstre que nous les y auons bien remis, & mesmes en sommes maintenant mieux asseurez par les Abregez François.*

ANNOTATION LXIIII.

& en osterent] *Tout ce passage iusques à l'autre raison si estoit telle, estoit si vilainement corrompu en tous noz Exempl. & mesmement en l'Abregé de Sala, s'en passant l'autre fort de leger, qu'il m'a esté force de le corriger, suyuant toutes autres bonnes Histoires, accordantes au Chapitre. 65. de nostre Auteur mesme. Mais pour ce que ce point est de consequence, ie vous mettray la propre teneur de chacun d'eux, afin d'en pouoir mieux iuger. Premièrement, quant à nostre principal Exemplaire, ses mots & punctuation estoient en telle sorte. & en osterent le Comte de Montfort pour trois raisons. L'une pourtant que la femme mōseigneur Charles de Blois qui estoit fille du frere germain du Duc de Bretagne qui estoit mort de par le pere, dont le Comte venoit estoit plus prochain que n'estoit le Comte de Montfort qui estoit d'un autre pere qui oncques n'auoit esté Duc de Bretagne. Ce que la Mer des Histo. ensuit du tout, excepté qu'elle ne met rien entre pere & dont. Le semblable fait aussi l'Exemp. de Verard, sinon qu'il ne met point de Bretagne apres frere germain du Duc. Celuy du Noir est tout pareil à nostre principal, fors qu'il adionste encor une telle virgule apres Montfort. Au regard de l'Abre. de Sala il escrit ainsi qu'il s'ensuit. Le Roy de France courroucé que le Côte de Montfort luy estoit ainsi eschapé fit assembler les pers & le conseil pour iuger de la Duché de Bretagne, lesqls adiugerēt la Duché à messire Charles de Blois & ce pour trois raisons. La premiere, pour ce que la femme de messire Charles de Blois estoit fille du frere germain du Duc trepassé de par mere & p'especial de pere dōt la duché venoit. Et le Côte de Mōtfort estoit d'un autre pere qui ne fut onc du Duc*

Duc de Bretagne. Aussi le Comte de Môtfort les auoit forfait pour deux raisons. L'une pour ce qu'il auoit releuée celle Duché d'autre seigneur qu'il ne deuoit, mesmemēt de l'ennemy, du Royaume. Et l'autre raison pource qu'il auoit trespaslé le commandement du Roy & s'en estoit allé sans son congé. *Vray est que quant à soy, il ne se contredit point. Car, pour l'Abregé de nostre 65. chapit. il dit au-parauant tels mots, parlant de ce Duc de Bretagne, duquel la succession estoit en controuersé. Il auoit vn frere de par mere appellé Comte de Montfort, & s'il auoit à femme la seur au Comte Loys de Flandres qui lors viuoit. Ce Duc auoit vn autre frere de pere & de mere qui estoit trespaslé, mais auoit laissé vne fille qu'auoit espousée messire Charles de Blois fils au Comte Guy de Blois de la seur du Roy Philippe de France lors regnant. Et auoit le Duc au mariage d'icelle fille donnée la Duché de Bretagne, doutant tousiours que son frere de Montfort ne luy en voulsist faire aucun tort. Iacoit ce qu'il ne fust que son demifre & luy sembloit que le Roy de France aideroit à son neveu messire Charles à garder son droit. Mais ceux, qui ont bien leu tous les autres bons Historiens sur ce point, peuent veoir clairement que ce bon homme & bregneur, voulant restituer ce passage corrompu, & accorder nostre chap. 65. avec le 71. s'est trompé soy-mesme, contrariant à la verité. Pource que, mettant en l'un & en l'autre que le Comte de Montfort n'estoit frere que de mere au dernier Duc de Bretagne mort sans enfans, & qu'il estoit d'un autre pere dont la Duché ne venoit point, eust il esté si ou tragieux que de vouloir entreprendre contre vn Roy de France, son Seigneur, à vouloir desheriter la fille d'un des propres fils de celui qui auoit esté vray Duc de Bretagne, & propre niece du dernier trespaslé, étant fille legitime de son frere germain: qui lors eust deu succeder à la Duché, s'il eust vescu? Certainement cela ne peut estre vray semblable, et ainsi faut tenir, avec tous les autres, que ce Côte de Montfort estoit frere de pere à ce dernier Duc de Bretagne, & prendre ce passage comme nous l'auons remis. Aquoy s'accorde assez bien l'Abregé de la Chaux, disant tels mots sur le chap. 65 de nostre Auteur, qu'il fait 24. chap. de son Abregé. Le Duc de Bretagne quand il trespasla de ce siècle n'auoit nuls enfans ne n'auoit oncques eu de la Duchesse sa femme, mais il auoit vn frere de par son pere qui estoit Comte de Montfort qui auoit espousée la seur au Comte Loys de Flandres qui encores viuoit. Et en auoit ce Duc de Bretagne eu vn autre germain de pere & de mere qui trespaslé estoit, mais il auoit laissé vne fille laquelle le Duc son oncle auoit mariée à messire Charles de Blois maîné fils au Comte Guy de Blois & de la seur au Roy Philippe de France qui adonc regnoit. Et luy auoit promise en mariage la Duché de Bretagne pour ce qu'il doutoit que apres son trespas le Comte de Montfort son frere ny voulsist demander droit & en fust tort à sa niepce laquelle deuoit estre son hoir par raison & selon son aduis pource que le Comte de Montfort iacoit ce qu'il feust frere si n'estoit il pas germain. Et pource que ledit Comte de Montfort estoit trespuissant, maria il sadieste niepce audit messire Charles de Blois en intention que se guerre s'esmouuoit pour la Duché le Roy Philippe de France son oncle luy aideroit à deffendre & garder son droit, &c. Mais, pour que la corruption du 71. cha. luy faisoit, possible trop de peine, il saute habillement par-dessus, se contenant de nous laisser tels mots. Chacun doit sauoir que le Roy de France fut durement courroucé quand il sceut que le Comte de Montfort estoit ensement eschappé. Toutes fois apres la quinzaine passée le conseil & les Barons adiugerent la Duché de Bretagne à messire Charles de Blois. Si l'appella le Roy son oncle & luy dist beau nepueu, &c. Sur tous lesquels mots vous pouuez, asséoir vostre iugement. Vray est que l'Histoire, ou le liure des prouesses de Bertrand du Guesclin, fait parler Charles de Blois bien autrement de la parenté de ce Iehan de Montfort. Mais ie ne trouue que luy, qui en parle ainsi.*

ANNOTATION LXV.

Robert de Verfi &c.] Ce peut estre l'un de ceux, qui sont nommez Robert de Herfi & Simon de Verfi au Chap. 56. Maioris & Boeth ne nomment point ces deputez. Aussi ne fait Sala, mais la Chaux dit Robert de Breuil, ayant en autres lieux surnommé de Verfi & Simon Friset, comme tousiours.

ANNOTATION LXVI.

Adonques la Comtesse] Ce passage estoit corrompu en ceste sorte. Adonques la Comtesse estoit à Hamibout, l'Euesque de Leon en Bretagne qui estoit de la partie de messire, &c. Mais nous luy auons adiousté les mots, qui luy defailloient, selon la fin du mesme Cha. Aquoy nous a confirmé l'Abregé de la Chaux, disant ainsi. Dedans Hambourg estoient avec la Comtesse l'Euesque de Leon en Bretagne dōt messire Henry de Leon estoit qui se tenoit de la partie de messire Charles de Blois messire Yues de Trenguidy le Sire de Laudremol, &c. Sur quoy ie vous laisse à penser si cet Yues de Trenguedy, que nostre Auteur nomme icy Yues de Tribiquedy, est celui qu'il a nommé Yuon de Triguidy au chap. 68.

ANNOTATION LXVII.

d'Vtrecht] Il y auoit d'Austriche: mais l'Abregé de Sala ma tout assuré d'Vtrecht, laquelle ville est nommée Traiectum & Ultraiectum, en Latin, étant située sur la Moselle. Quand au reste du chap. il estoit fort corrompu en tous noz. Exem. Mais nostre correction a esté confirmée par l'Abregé susdit, duquel vous ay bien voulu mettre icy les propres mots, qui sont tels. En celle saison le Comte Guillaume de Haynaut mit à raison & à sa volonté ceux de Treth. Puis s'en alla en Frise dont il disoit estre sire, mais ils ne luy voulurent obeyr. Il y mena grand planté de Cheualiers & Escuyers de Haynaut, de Flandres, de Brabant, de Hollande, de Zelande, de Guerles, & de Iulliers, mais tous y demourerent, & le Comte Guillaume mesmes y fut occis & conuint à messire Iehan son oncle retourner à petite maisgnie à sainte Guertrud en Hollande ou il trouua sa belle niepce madame Iehanne de Brabat moult desolee pour la mort de son mary. Adonc retourna la Comté de Haynaut à dame Marguerite fille du Duc Aubert de Bauiere. Ceste dame auoit espousée messire Loys de Bauiere Empereur de Rome Roy d'Allemagne. Sur quoy faut noter que ceste Dame Marguerite est dite mere du Comte Aubert en tous noz. Exem. cōme elle estoit vraiment, étant seur du Comte Guillaume de Hainaut dernier trespaslé, & mariée à l'Empereur Louis de Bauiere, de sorte que l'Abregé de Sala est corrompu sur ce dernier point, et pour fille, faut mere du Duc Aubert. Quant à l'Abr. de la

ANNOTATIONS.

chaux, il parle generalement de ce chapit. en ceste maniere. En ce mesme temps le Comte Guillaume de Haynaut allénibla grand nombre de gens d'armes pour aller en Frise comme il fit le cuider conquerre pour ce qu'il s'en disoit seigneur, mais riens ny fist ains y mourut & avecques luy plusieurs bons chevaliers dont ce fut grand dommage, & s'en failly bien peu que messire Iehan de Haynaut oncle du dit Guillaume ny fut prins, mais par le plaisir de nostre Seigneur & par sa grand cheualerie il fut sauué. Si s'en retourna à petite mainie tout desbarete & vint arriuer en moult grand paour à Sainte Gertrude en Holande auquel lieu lattendoit sa belle niepce la Comtesse de Haynaut qui moult fut troublée quand elle sceut la mort de son Seigneur & mary. Si se trait la Dame en la terre de Buich dont elle estoit douée. Allez tost apres le Roy de France sachant ceste aduventure il trouua maniere d'atraire messire Iehan de Haynaut, &c.

ANNOTATION LXVIII.

Haynaut] Il y auoit Hauiou & Aniou en Verard, mais nous sommes assurez de Haynaut par le cha. 62. là ou il fait Oulphart de Guistelles Bachelier de Haynaut, l'ayant nommé Vauflart de Guistelle, au ch. 42. Aussi auons nous icy trouué Haynaut, & Oulphas de Guistelles en l'Abregé de la chaux.

ANNOTATION LXIX.

Ils ordonnerent] L'aprehension du vray sens de tout ce reste de chap. m'a esté si difficile, que ie confesse ne m'en contenter point, & doutant qu'autant n'en puisse auenir à quelques lecteurs, j'ay bié voulu mettre icy les propres mots des Abregez, pour veoir s'ils leur pourront profiter à l'entente d'iceluy cha. Celuy de Sala les a donc tels. Puis se mirent en trois batailles & commencerent à aller auant en pays. L'une bataille deuers la mer à dextre: & l'autre à fenestre, & le Roy & son fils en la moyenne & toutes les nuits se retraioient tous ensemble & s'en alloient tousiours en ce point robans & pillans le pays. Ils prindrent Barefleu par traitté, mais si la pillerent ils de tous poins & mirent les hommes de la ville dedans leurs vaisseaux afin qu'ils en fussent seurs. Puis allerent selon la marine pillans & robans iusques à Chierbourg & pillerent la ville mais au chastel ne peurent ils mal faire, car il estoit trop fort. Puis prindrent Montebourg & Vallongnes & conquerent tant d'auoir en celle cheualerie que ce fut vne grande merueille. Puis prindrent Quarenten ville & chastel par traitté & ardirent le chastel & tousiours prenoyent les homes des villes & les mettoient en leurs nauires pour ce qu'ils ne se peussent rassembler pour les greuer. Ainsi fut ars, &c. Qui est le commencement de nostre Cha. 123. Quand à l'Abregé de la Chaux, il est crit en ceste sorte. Si eurent la endedans conseil comment ils se pourroient maintenir & fist le Roy deux Mareschaux en son ost desquels l'un fut messire Godeffroy de Harcourt & l'autre le Comte de VVaruich. Si fist Connestable le Comte d'Arondel & ordonna le Comte de Hostidonne de demourer sur la nauire à cent hommes d'armes & trois cens Archers. Et puis se fait ordonnerent comment ils cheuaucheroient. Si ordonnerent leurs gens en trois batailles l'une à aller d'un costé tout ferrant la marine à dextre & l'autre à fenestre. Et le Roy & le Prince son fils iroyent par terre au milieu & deuoit toutes les nuits retraire la bataille des Mareschaux au logis du Roy. Si commencerent ces gens d'armes à aller & cheuaucher, ainsi comme ordonné estoit. Ceux qui alloient parmy la mer en costoyant prenoient toutes les nefes qu'ils trouuoient petites & grâdes si emmenoyent avec eux Archers & gens de pied en pillant & robant tout ce qu'ils pouuoient & tant allerent ceux de la mer & de terre qu'ils vindrent iusques à un bon port de mer & bonne forte ville que on nomme Harfleu laquelle ils eurent tantost conquise par leur effort: car les Bourgeois se rendirent pour doute de mort, mais pource ne demoura mie que toute la vill ne feust pillée & robée ou ils trouverent si grand foison d'or argent & riches ioyaux que garçons n'auoient cure de draps fourrez de vair ou de gris. Et firent les Anglois issir tous les hommes hors de leur ville & entrer dedans leurs vaisseaux avecques eux afin que ils ne se rassemblent mie pour eux greuer quant ils seroyent outre passez. Puis poursuit par clauses & mots si peu differens de nostre texte, qu'il n'est ia besoing de les mettre icy, iusques au lieu, ou il dit. Or parlerons maintenant de la compaignie du Roy d'Angleterre & comment ils besongnerent comme nous auôs faite de ceste icy. Quand le Roy d'Angleterre eut enuoyé ses gens selon la marine, le Comte de VVaruich & messire Regnaud de Gobechem ainsi que vous auez ouy. Il se partit aussi de la Longne saint Vaast ou premierement il estoit descendu sur terre & fist messire Godeffroy de Harcourt conducteur de tout son ost pource qu'il fauoit les entrées & les issues de Normandie lequel messire Godeffroy se partit comme Mareschal de la route du Roy à cinq cens armeures de fer & à deux mille Archers si cheuauchoit bien vij. ou vij. lieues loing de l'ost du Roy ardant & exillant le pays qu'ils trouuerent grans & habondans en toutes richesses dont on se pourroit aduiser. Si en prindrent à leur volonté desquels qu'ils voulurent, lesquels ils emmenerent en l'ost du Roy, mais les varlets ne rendoient pas compte à leurs seigneurs de tout l'or & l'argent qu'ils trouuoient anchois en retenoient de leur partie largement pour eux. Ainsi comme vous oyez cheuauchoit chacun iour le vaillant cheualier messire Godeffroy de Harcourt de coste le grad ost du Roy cōquerant cheuance innumerable & reuenoit tousiours au soir en la route du Roy à toute sa compaignie, se n'estoit qu'il trouuaist si gras pays qu'il ne peust tout fourrager en un iour & adonc demouroit il deux iours. Si print le Roy Edouard son chemin vers saint Leu en Constantin, mais ainçois qu'il y arriuaist il se logea sur vne riuere en attendant ses gens qui auoient fait la cheuachée sur la marine comme vous auez ouy. Quand ils furent venus & ils eurent tout leur auoir mis à voiture le Comte de VVaruich le Comte de Suffort messire Thomas de Hollande messire Regnaud de Gobechem avec leur route reprindrent leur chemin à la fenestre main ardant & exillant le pays. Ainsi comme faisoit messire Godeffroy de Harcourt à dextre. Et le Roy cheuauchoit entre ces batailles, &c.

ANNOTATION LXX.

de Gobechem] Il le surnomme par trois fois ainsi, depuis le chapitre. 121. Mais neantmoins ie croy que c'est celuy qu'il

qu'il a surnom mē de Gobechem, au cha. 42. comme la Chaux l'escriit Gobechem en tout ce passage.

ANNOTATION LXXI.

qu'ils enuoyerent] la raison de la lecture, que j'ay mise en marge sur ce passage, est que combien qu'il ayt parlé de saint Sauueur le Viconte a la fin du chap. 121, & qu'il y ait encores S. Sauueur Linelin & S. Sauueur d'Yue, en ce voisinage là, & que la riuere d'Orne, s'aland rendre dedans la mer à Estreham, ainsi que dit l'Euesque d'Auranches, se puisse nommer riuere d'Estreham, neantmoins ie ne voy point pourquoy les Anglois y eussent deu enuoyer leur proie, ayans la grande flote de leurs vaisseaux si pres d'eux, comme il a dit au cha. precedent; & semble encor le dire icy. l'Abregé de Sala dit seulement tels mots sur ce passage. Le Roy d'Angleterre eut cōseil d'enuoier tout leur conquest d'or & d'argent & de ioyaux & leurs bons prisonniers en Angleterre dont il y auoit plus de quarante Cheualiers & trois cens Bourgeois. Et fut le Comte de Hostidonne commis à tout ce hommes d'armes & quatre cens Archers à faire ce voyage, & y alla faulueiment. Mais celuy de la Chaux en parle plus resōlument en tels mots. Et enuoyerent par barges & bateaux tout le butin & auoir que conqueste auoient depuis leur parremēt d'Angleterre c'est assauoir draps ioyaux & vaisselle d'or & d'argent & toates autres richesses dont on pouuoit auoir argent parmy la riuere iusques à Austre hem a deux lieues pres de la ou leur autre grosse nauire estoit ancrée. Si fut ordonné apres le butin chargé sur mer que pour le conduire faulueiment en Angleterre le Comte de Hostidonne en seroit le conduiseur, &c. Toutesfois ie n'en suis pas satisfait.

ANNOTATION LXXII.

le Comte de Sis] il est certain que plusieurs de ces noms & surnoms sont corrompus, mais il ne m'a esté possible de les remettre en leur entier, d'autant qu'Hector Boeth, estant seul qui parle amplement de ceste bataille, n'accorde point avec nostre Auteur, tant pour les occis que pour les prisonniers. Quant à noz Abregez, celuy de Sala escriit ainsi. Mais finalement les escots si furent desconfits & occis sur la place les Comtes de Bosleon, de Patris, de Surlant, d'Astredui, & de Mare, cinq grans Barōs & autres plusieurs Cheualiers & Escuyers & autres gens iusques à quinze mil, & fut leur Roy prins & retenu par vn Escuyer de Northombelande nommé Iehan Copelant. Et si furent prins le Comte de Moret, le Comte de la Marche & plusieurs autres barons & Cheualiers. Celuy de la Chaux met en ceste sorte. Toutesfois les Anglois obtindrent la place, car le Comte de Bosy le Comte de Bosquem le Comte de Patris le Comte de Surlant le Cōte d'Astredui, le Comte de Mare, messire Iehan de Dōglas, messire Thomas, de Donglas, messire Simon Frisel & messire Alexandre de Rameray, qui portoit la banniere du Roy d'Escocce & plusieurs autres grans Barons Cheualiers & Escuyers y moururent, & y fut prins le Roy d'Escocce, qui hardiment & durement se combattoient au prendre & fut nauré d'un Escuyer de Northombelande appelé Iehan de Copelant lequel si trestost qu'il tint le Roy à sa volonté en ouura sagement, car au pluistost qu'il peut il se bouta hors de la presse luy vingtiesme de compaignons de sa charge & cheuaucha tant ce iour qu'il eslongna la place ou ceste belongne auoit esté enuiron xv. lieues. Car il vint ce soir se gesir en vn fort chastel appelé, le chastel Orgueilleux, & dist bien qu'il ne le rendroit à homme ne à femme, sinon à son droiturier seigneur le Roy d'Angleterre. Encores furent prins cedit iour le Comte de Mourer, le Comte de la Marche, messire Guillaume de Donglas, messire Archebans de Donglas, messire Robert de Verfy, l'Euesque de Bredane, l'Euesque de saint Andry, &c.

ANNOTATION LXXIII.

celle nuit] il dit ce mot, par ce que l'entreprise fut commencée de nuit par Cadudal, & que les Bloisens reposoient encor apres l'autre travail de la nuit, ou bien faudroit ainsi lire, qui avec luy auoient esté au combat celle nuit furent pris, comme luy. Car on voit qu'il y faut plus entendre, qu'il ne dit, & croy qu'il y a faute de quelques mots en ceste clause, qui n'estoit nullement ponctuée.

ANNOTATION LXXIIII.

Ainsi comme] Ce passage estoit fort corrompu en tous noz Exemplaires & suiuant la deduction precedente, depuis le cha. 132, avec la lecture de tous ceux qui ont escriit de ceste conqueste, nous l'auons remis en ceste sorte. Ainsi fut la forte ville de Calais conquise par le Roy Edouard d'Angleterre, en l'an mil. ccc. xlvij au mois d'Aoust: & lors le Roy d'Angleterre appella, &c. Mais j'ay mieux aimé vous y mettre ce que j'en ay trouué en l'Abregé de la Chaux par ma cinquiesme reueue. Ce qui accorde bien à ce que j'auoy mis sur la marge pour seconde leçon en la maniere suiuant. Ainsi fut la forte ville de Calais assiegée par le Roy Edouard d'Angleterre, l'an 1346. au mois d'Aoust, & à luy rendue l'an d'apres, au mesme mois, auquel temps le Roy d'Angleterre appella Monseigneur Gautier de Manny, &c.

ANNOTATION LXXV.

de la vverre] pource qu'il a peu-par auant mis Pepin de verre du parti des François, & que maintenant il nomme icy le Seigneur de la verre du parti des Anglois, outre la difference qu'il y peut auoir de l'un à l'autre, il se trouue souuent que plusieurs de mesme maison sont en diuers seruices. Mais nous auons tesmoignage que c'estoient deux diuerses maisons. Car Pepin est surnommé de vaastere en la chaux, & l'autre de la vware, approchant fort de la vware en Verard.

ANNOTATION LXXVI.

Si dit Monseigneur Geoffroy] pource que tous mes Ex. auoient en ceste sorte. Si dist mōseigneur Geoffroy à ses gens seigneurs se nous fuyons nous sommes perdus d'auantage, si nous vault mieux cōbatre de bonne volonté, espoir sera la iournée pour nous. Par S. George dirent les Anglois vous dictes vray & mal air qui fuira. Lors se reculerēt tous & se mirēt à pied, & chacerēt leurs cheuaux es voyes. Car ils les sentoient trop foulez. Quand le Roy d'Angleterre, &c. ie me suis rangé au plus pres d'eux que j'ay peu. Toutesfois la lecture de l'Abregé de la Chaux me semble meilleure, comme elle ensuit. Et adonc dist messire Geoffroy de Charny vne haute parolle à messire Eustace de Ribeumont & à messire Iehan de Landas

qui n'estoient pas loing de luy. Seigneurs le fuyt ne nous vault riens se nous fuions nous sommes perdus d'avantage mieux vault que nous nous defendons de bonne volonté contre ceux qui viennent quen fuyant comme laches & recreans nous soyons prins & deconfits Espoir sera la bataille pour nous. Aquoy les Cheualiers respondirent tous d'une voix. Sire vous dictes vray mal ait celuy qui s'en fuira. Lors par bonne ordonnance tous les François descendirēt de leurs cheuaux si les chasterent arriere d'eux pour ce que trop les sentoient foullez & se mirent en arroy pour attendre ou recevoir leurs ennemis. Quand le Roy d'Angleterre, &c.

ANNOTATION LXXVII.

print l'espée] *l'enten ce passage en ceste sorte.* Le Seigneur de Vercler, voyant que Iehan de Helennes tenoit son espée iointe à son costé, la pointe deuant: comme vne lance en arrest, prit la siene par la poignée, la degaina, & l'éleua en haut, pour en getter coup, & de fait, la secoua & branla en l'air, puis laissa aller son coup, pensant rencontrer l'ennemy. Mais Iehan de Helennes (qui, en approchant de luy: veit son bras ainsi estendu) gauchit au coup: lequel par ce moyen fut perdu pour l'Anglois, & neantmoins, tout aussi tost, Iehan de Helennes parfournit son poindre, & en passant, ataignit & rencontra si rudement le bras de l'Anglois, qu'il luy fit tomber l'espée de la main.

ANNOTATION LXXVIII.

Là fut prins] *Si Pompadour est bien pris sur la fin du chap. 162. il faut icy le Comte de Ventadour, ou quelque autre. Mais les chap. precedens, depuis 159. me font croire, avec le 208. ci-apres, qu'il faut ainsi lire.* Là fut pris Messire Baudouin d'Annequin, de Monseigneur Barthelemy de Brunes. Car veritablement ce Barthelemy estoit du parti d'Anglet. & ne fut point pris par les nostres, comme verrez tantost, au chap. 167. Sala est coustumier de se taire de telles particularitez. La Chaux est corrompu & contrariant à soy-mesme en beaucoup de passages de ceste bataille de Poitiers, & mesmement icy, quand il dit, apres Dampmartin. Aussi fut messire Baudes danekin & messire Regnaud de Gobehan. Car il a desfa fait prendre ce Baudouin danekin sur la fin de nostre Chap. 162. comme nous l'y auons annoté sur la marge.

ANNOTATION LXXIX.

Celuy yuer] *Pource que les deux Abregez parlant icy d'un article, duquel noz Exemplaires se taisent, estant neantmoins bien digne d'estre annoté, nous vous en auons bien voulu mettre ici leurs propres mots.* Celuy de Sala dit donc ainsi. Quand lyuer fut passé le Prince se voulut partir de Gascongne & emmener le Roy de France en Angleterre & les sieurs qui auoient esté pris avecques luy, mais les Seigneurs de Gascongne, luy contredirent disans que le Roy qu'ils auoyent aidé à prendre ne les eslongneroit pas ainsi. Le Prince leur remonstra des raisons assez pour les contenter mais ne se y voulurent consentir iusques à ce que le Prince leur fist deliurer cent mil florins & par tant ils furent contens. Puis recommanda le pays à garder au Seigneur de Labreth & au Seigneur de l'Espare au seigneur de Poumiers & au seigneur de Rosou iusques à son retour, &c. Mais celuy de la Chaux use de plus long propos, en ceste sorte. Quand les Gascons entendirent que le Prince de Galles aîné fils du Roy leur Seigneur vouloit mener hors de leur puissance le Roy de France qu'ils auoient aidé à prendre & conquerre ils n'en firent du premier coup d'avis & dirent au Prince, Cher Sire nous vous deuons en quancques nous pouuons tout honneur obediencia & loyal seruice & nous louons de vous tant que pouuons ou sauons: mais ce n'est pas nostre intention que le Roy de France pour lequel mettre en vostre main nous auons enduré moult de trauaux vous nous eslongnez ainsi. Car Dieu mercy il est en bonne cité en laquelle nous sommes gens assez pour le bien garder contre les François se par puissance le vouloient sur nous par force reconquerre. Adonc le Prince oyant les Gascons ainsi parler leur respōdit beaux sieurs. Il est bien vray ce que vous dictes, mais mōsieur mon pere le veut auoir & veoir & du seruice que fait nous auez à luy & à moy vous sauons bon gré & vous sera grandement remery, mais ce nonobstāt ces Gascons ne se pouuoient accorder à ce que le Prince leur eslongnast le Roy de France iusques à ce que messire Regnaud de Gobehem & messire Iehan Chandos y trouuerēt moyen, car ils sentoient les Gascons cōuoiteux si dirent au Prince, Sire Sire offrez leur vne somme de deniers & vous les verrez descendre à vostre requeste pourquoy le Prince leur offrit lx. mille florins, mais encores n'en voulurent ils riens faire finalement on en parla tant qu'un accord se fist parmy cent mille francs que le Prince doit deliurer aux Barons de Gascogne pour departir entreux de laquelle il fist sa propre debte & leur paya anchois qu'il se partist de Bordeaux. Apres il entra en mer, &c.

ANNOTATION LXXX.

qui se maintenoient] *Combien que j'aye trouué l'Exemplaire de Verard moins corrompu que tous les autres, si est ce qu'il m'a fallu aiouster & changer icy quelques mots, pour remettre ce passage en son entier, qui autrement estoit en luy, & es autres de telle corruption qu'il s'ensuit.* Ainsi se maintenoient entre Paris & Noyon & entre Paris & Soixons & par route la terre de Coucy, entre la Comté de Valois, entre Briefche de Laon, de Noyon & de Soixons plus de cent chasteaux & bonnes maisons de Cheualiers & Escuyers. L'Abregé de Sala, se taisant la Chaux de toute ceste laquerie, en parle bien generalement. Tantefois si m'a il confirmé en ce que j'en auoye deuiné.

ANNOTATION LXXXI.

au cerne] *Je say bien que cerne est vne ligne tirée en rond & en forme de cercle, mais ie confesse n'en entendre pas mieux ce passage: & me doute qu'il n'y fale quelque autre mot, que ie ne say ou prendre.* Car Sala parle icy briuement, & la Chaux se tait du tout, depuis la deliurance du Roy de Nauarre, iusques à nostre cha. 201. ou il est parlé du refus, que les François firent de l'accord que le Roy Iehan auoit fait en Angleterre.

ANNOTATION LXXXII.

le Comte] *Il faut deuiner qui est ce Comte, si ce n'est Tancarville ou Dampmartin, que les Croniques & les Anna-*

les Ann. de Fr. nomment tous deux à ce message. Neantmoïs ma cinquiesme reueue, faicte sur l' Abregé de la Chaux m' assure de Tancarville, en escriuant tels mots. Si furent vn iour, en secret conseil eux iiij. seulement ou ils firent vn accord sans moyen sur certains points qu'ils traitterent & ordonnerent. Puis quand ils les eurent tous preposez ils les firent escrire en vne lettre ouuerte laquelle les deux Roys sceellerent de leurs seaux. Et ce fait ils manderent le Comte de Tancarville & messire Arnoul d'Andreham qui estoient illec venus nouuellement ausquels ils chargerent ceste lettre pour porter en Frâce du Duc de Northmandie à ses freres & aux conseillers du Royaume: de laquelle chose faire les ij. sieurs deuantdits se chargerent. Si passerent la mer & exploiterent tant, &c.

ANNOTATION LXXXII.

de Mouson] le doute que ce mot ne soit corrompu: mais ie ne puis assurer du vray pour ceste heure: nomplus que de la riniere d' Armencon: de laquelle il parlera tantost, & que ie pense estre cete cy mesme. Sala dit icy darmenten, & la Chaux darmenton.

ANNOTATION LXXXIII.

Baudouin dennekin] si est ce Baudouin Dannequin, de la prise duquel il a parlé au chap. 208. il faut presupposer qu'il eust esté deliuré. La Chaux dit Baudouin danekin.

ANNOTATION LXXXV.

La forme & la teneur] la deduction de ce chap. monstre clairement qu'il y a faute icy de la vraye Charte de paix, & de plusieurs articles, qui se trouuent es grandes Croniques de France, & en la Mer des Histoires & mesme-ment es Abregez François, desquels m'a semblé bon de vous mettre icy les propres mots, toutesfois corrigez, punctués, & ornés, en continuation du vray fil de l'Histoire. Celuy de la Chaux met donc ainsi. Laquelle paix fut mise par escrit, & veue & examinée par les parties, & acceptée, & en fut escripte vne lettre, que l'on nomme la Charte de Bretigni, qui cōtient en substāce, que le Roy d'Angleterre, pour luy & pour ses hoirs, deuoit auoir la Comté de Poictiers, & tout le pays de Poictou, le hief de Touars & de Belcuile, tout le pays de Xaintonge, la Rochelle, & toutes les appartenances: la terre d'Agen & d'Agnois, la terre de Perigourd & de Perigueux, le pays de Limosin, de Cahors, de Bigorre, d'Angoulême, & de Rouergue, & les Seigneuries & hommages d'iceux pays: la Vicomté de Montreul, & la Comté de Ponthieu. Item deuoit auoir, comme son heritage, Calais, Merlè, Sangate, Coulongne, Hames, Vuales, & Oye, & toute la Seigneurie d'icelles places, & la Côte de Guines. Et si deuoit le Roy d'Angleterre, auoir trente cens mille Francs à payer en cinq ans. Et si deuoit auoir, pour ostages, des plus grans Seigneurs de France, & de chacune des vingt meilleures citez du Royaume, deux ou trois des plus notables Bourgeois. Et en accomplissant ces choses de la part des François. Le Roy d'Angleterre deuoit renoncer, pour luy & pour ses hoirs, au nom & aux armes de France, & rendre le Roy Iehan, & messire Philippe, son fils, quittes de leur prison en la ville de Boulongne, & tous les autres Seigneurs aussi, qui auoient esté pris à la bataille de Poictiers. Et si ne deuoient le Roy de France & son fils non vser de ressort, ne de souueraineté, de toutes les terres & Seigneuries accordées au Roy d'Angleterre, iusques à certain temps, & qu'autrement en seroit ordonné. Et si deuoit le Roy d'Angleterre, outre ce que dit est, auoir paisiblement la Duché de Guiéne. Celle Charte fut faite & donnée à Bretigny, pres Chartres, le xxv. iour de May, l'an de grace mil ccc. lx. Celle Charte de paix fut acceptée de tout le cōseil de France, & sceellée du seel du Duc de Normandie, fils aîné & heritier de la courōne de France: & lors furent vne tréues accordées à durer iusques à la S Michel en vnan, pendāt lequel tēps viendroient la bonne paix, tant desirée par tout le Royaume de France. Et furent ces tréues, & ceste esperāce de paix, publiées par toutes les citez & bonnes villes de Frâce. Puis vindrēt à Paris quatre chevaliers notables, enuoyez du Roy d'Angleterre & de son aîné fils: & pour eux iurerent celle paix à tenir, sur le corps de Nostre-Seigneur Sacré: dont la cité fut moult réiouye. Apres ces choses ainsi faites. & que le Roy d'Angleterre eut conclu de retourner à Calais, le Duc de Normādie luy bailla plusieurs chevaliers & Gētilshōmes, qui le conduisirent iusques à Calais, & luy firēt ouurir viles & passages, tant qu'ils vindrent à Calais: & le Roy mōta en mer à Harfieu, & de la s'en alla en Angleterre. Si tost qu'il y fut venu, il fit le Roy Iehan mettre hors de prison, & le fit secrettemēt venir à Vueslmōstier: là ou ils parlerēt enlēble, & fut adōc le Roy Iehā auerti du traité de la paix, ainsi & par la maniere qu'il auoit esté fait & passé, Si en loua Dieu: comme celuy, qui desiroit grandement sa deliurance. Tantost apres fut le Roy deliuré & ramené à Calais, mais il y seiourna longuement: pour ce que le payement de six cens mille frans ne fut pas si tost prest, obstant la pauureté & desolātion du Royaume. Et conuint que Messire Galeas, Duc de Milan, en fist la fināce, moyennant laquelle le Roy Iehan luy donna vne siēne fille à mariage, pour son fils, qui estoit ieune, & à marier. Or estoit traité que les garnisons des fortereſſes Françoises, que les Anglois tenoient, s'en partiroyent & redroient leurs places, mais aucuns en y eut, qui les vendirent, & autres en y eut, qui n'en voulurent point partir, ains se prindrent à rober & à exiler, cōme deuant, sous l'ombre du Roy de Nauarre, especialemēt sur les marches de Normandie & de Bretagne. Or vint ce premier payement iusques à S. Omer: mais on ne l'osoit porter à Calais: pour ce qu'aucuns Seigneurs de Frâce refusoient d'eux mettre en ostage pour le Roy. Et par tant demeura le Roy Iehan à Calais, trois ou quatre mois, & lors le Roy Edouard reuint à Calais, pour mieux faire sa besongne: & furent encores les deux Rois en grand parlement eus-semble, & furent encores veues & examinées les lettres de la paix: & pour mieux faire, en furent faites, de rechef vnes autres, cōprenās tous les articles de celle paix: & outre ce, le Roy de Frâce & son fils aîné, pour eux & pour leurs hoirs, deuoient renōcer au ressort & souueraineté de toutes les terres & Seigneuries, qui par ladite paix auoient esté cedées & trāsportées au Roy d'Angleterre & à ses hoirs, & deuoit ledit Roy d'Anglet. & ses hoirs, tenir toutes icelles terres en souueraineté, ainsi & par la maniere

Si ce lieu n'est corrompu, il accorde mal à ce que dira tantost l'autre Abregé & de, fait ceste phrase, ou maniere de parler ne deuoyent non vser, n'est guerres François.

Qui sont celles de nostre Ch. 212. de nāt lesquelles tout ce que nous auons n'agueres amené de Sala en ceste Ann. defaut en tous nos Exemp.

que le Roy de France les auoit tenues & possédées au temps passé, & comme il les tenoit deuant ledict traité de paix: & que le Roy d'Angleterre & son fils aîné deuoyent renoncer à toutes les demandes, qu'ils auoient faictes en France: & comme dict est, au nom & aux armes & à la calenge de la couronne de France, à l'hommage & souveraineté de la Duché de Normandie, de la Duché de Touraine, des Comtes d'Anjou, & du Maine, de la Comté & du pays de Flandres, & à toutes autres choses, non accordées & non baillées par ledict traité de paix. Et si deuoyent les terres & les villes, ainsi baillées, demeurer en leurs franchises & libertez, tout ainsi comme deuant. Et par ces mesmes lettres & accord se submirent les deux Roys, pour eux & pour leurs hoirs, à la correction & iugement du Pape & de la Court de Romme, & à toutes sentences, qui par ladicte Court seroient données entre celuy & ceux, qui iroyent contre ledict traité: & qu'ils n'en peussent estre absous, iusqu'à ce qu'ils en iroyent faire planiere satisfaction. Et si deuoyent, par expres ces renonciations estre faictes dedans la Saint Michel, l'an mil trois cens soixante & vn. Ces choses escriptes & veues par le conseil des deux Roys, iceux deux Roys, & leurs deux fils aînez iurerent tout le contenu en icelles, sur le Corpus Domini sacré, & à le tenir de point en point à perpetuité. Et puis, à la requeste des François, le Roy d'Angleterre bailla ses lettres, en forme de commission: pour faire vider tous gens-d'armes des forteresses, appartenantes au Roy de France, dedans le mois apres que sommes & requis en seroyent, sur peine d'estre tenus & repetez bannis de France & d'Angleterre, & comme rebelles & traistres. Et aussi qu'ils se gardassent de piller & de rober, sur la pareille peine. Et fut ordonné que ces lettres seroyent publiées en tous lieux, ou besoing en seroit. Or voyla comment l'Abregé de sala fournit au defaut de noz Exempl. Maintenant voyez la deduction de celuy de la Chaux, & choisissez lequel il vous plaira. Il dit adonc ainsi. Et pour ces choses plus entierement faire & poursuivre, les traitteurs d'une part, & autres grans Clercs en droit du Roy d'Angleterre, ordonnerent sur la forme de la paix, par grand deliberation, vne lettre qui s'appelle la Charte de la paix, dont la teneur s'ensuit.

Essayez si vous pourrez trouver fond, ou rime, en ce que disoit icy l'Abregé en tels mots, soient assembles à Bretrigni prez de chartres. Au q'l lieu est acor dé finable paix & concorde des traitteurs & procureurs de l'une & de l'autre partie sur les dissensions de bats guerres & discords dessusdits lesquels traitteurs de paix les procureurs de nous & de nostre fils pour nous & pour luy & les procureurs de nostredict frere & de nostre dit nepueu pour son pere & pour luy iuront sur saintes euangiles à tenir garder & accomplir ce dit traité, sensuiura parmi le quel accord entre les autres choses que nostre frere de France & son fils dessusdits sont tenus & ont promis de bailler de liurer & de laisser, &c. Mais si celieu est corrompu, aussi est le reste en plusieurs lieux, desquels ie vous prie croire ma correction, sans que i'aye peine de vous en amener le tesmoignage en marge, & vous en nuy de veoir un tant notable traité ainsi depraué par l'ignorance des escriuains.

EDOUARD, par la grace de Dieu Roy d'Angleterre, Seigneur d'Irlande & d'Aquitaine, à tous ceux, qui ces présentes lettres verront, salut. Comme les dissensions, débats, estrifs, noies, & discords, meus, & esperez à mouuoir, entre nous & nostre trescher frere le Roy de France, certains traitteurs de nous & de nostre trescher fils aîné Edouard, Prince de Galles, ayans à ce suffisance, pouuoir, & autorité, pour nous & pour luy, & pour nostre Royaume, d'une part, & certains autres traitteurs & procureurs de nostredit frere & de nostre trescher nepueu Charles, Duc de Normandie, Dauphin de Viéne, & fils aîné de nostredit frere le Roy de France, ayans pouuoir & autorité de sondict pere en ceste partie, & pour luy, & ayant esté assemblez à Bretrigni pres de Chartres, auquel lieu ayt esté accordée finale paix & concorde, par les traitteurs de l'une & de l'autre partie, sur les dissensions, débats, guerres, & discords dessusdits: lesquels traitteurs & procureurs de nous & de nostre fils, pour nous & pour luy, & les procureurs de nostredit frere & de nostredit nepueu, pour son pere & pour luy, ayent iuré, sur les saintes Euangiles, tenir, garder, & accomplir ledict accord, comme aussi le iurons ainsi qu'il s'ensuyura, & que parmy ledict accord, entre autres choses, nostre frere de France & son fils, dessusdits, soiét tenus & ayent promis bailler deliurer, delaisser à noz & à noz hoirs & successeurs, à tousiours, les Comtés, villes, chasteaux, citez, forteresses, terres, isles, rentes, & reuenues, & autres choses qui s'ensuyuent ci-apres, avec tout ce que nous tenons en Guiéne & en Gascongne, à tenir & posséder perpetuellemēt à nous & à noz hoirs & à noz successeurs, ainsi q' les Rois de France l'ont tousiours tenu ce, qui est en domaine, & ce, qui est en fief, & ce par le temps & maniere ci-apres declarer. C'est assauoir la cité, & le chastel, & la Côté de Poitiers, & toute la terre & tout le pays de Poitou, ensemble la terre de Belleuille, la ville & le chastel de Xaintes, & la terre & le pays de Xaintonge pardeça & par-dela Charente, avec la ville & forteresse de la Rochelle, & leurs appartenances & appendances, la cité & le chastel d'Agen, & le pays d'Aginois, la cité, la ville, le chastel, & toute la terre & pays de Cahorsin, la cité, chastel, & le pays de Tarbe: la terre, & pays, & Comté de Bigorre, la Comté, la terre, & pays de Gaures, la cité & le chastel d'Angoulesme, & la Comté, terre, & pays d'Angoulmois, la ville & le chastel de Rodais: la Comté, la terre, & le pays de Rouergue. Et, fil y a en la Duché de Guiéne aucuns Seigneurs (comme le Comte de Foix, le Comte d'Armignac, le Comte de l'Isle, le Vicomte de Carmain, le Vicomte de Limoges, ou autres) qui tiennent aucunes terres, dedans les mettes desdicts lieux, en facent hommage à nous, & tous autres seruices & deuoirs, deus à cause de leurs terres & lieux, en la maniere qu'ils les ont faits au temps passé, ia soit ce que nous, ou aucuns des Roys d'Angleterre, anciennement n'y ayons rien eu. En apres ayent aussi promis de nous delaisser la Vicomté de Môtreal sur la mer, en la maniere que du temps passé aucuns Roys l'ont tenue & en ladicte terre de Montreuil ont esté aucuns débats du partage d'icelle terre, nostre frere nous ayt promis de le nous faire éclaircir, au plus-hastiuemēt qu'il pourra, luy reuenue en France. Item nous ayent aussi promis deliurer la Comté de Ponthieu toute entierement, sauf & excepté que, si aucunes choses ont esté aliénées par les Roys d'Angleterre, qui ont régné pour le temps, & ont anciennemēt tenu ladicte Comté & appartenances, à autres personnes qu'aux Roys de France, nostredit frere, ne ses successeurs, ne sera pas tenu de les nous rendre: & si lesdictes alienations ont esté faictes aux Rois de France, qui ont esté pour le temps, sans aucun moyen, & nostredit frere les tienne à-present en sa main, il les laissera à nous entierement, excepté que, si les Roys de France les ont eus par échange à autres terres, nous deliurerons à nostredit frere ce que l'on en a eu par échange, ou luy delaisserons les choses ainsi aliénées. Mais, si les Roys d'Angleterre, qui ont esté pour le temps de lors, en auoient aliéné ou transporté aucunes choses en autres personnes que des Roys de France, & qu'ainsi elles fussent depuis venues es mains de nostre-dict frere, il ne sera pas tenu de les nous rendre, & aussi, se les

les choses dessusdictes doyent hommage, nostredict frere les baillera à autres. qui en feront hommage à nous & à noz successeurs: & se lesdictes choses ne doyent hommage, il nous baillera vn, qui en fera le deuoir, dedans vn an prochain, apres qu'il sera parti de Calais. Item nous ayent semblablement promis laisser posséder le chastel & la ville de Calais: le chastel, ville, & Seigneurie de Merli: les villes, Chasteaux, & Seigneuries de Sangate, Coulôgne, Hames, Vuale, & Oye, avec terres, bois, marests, riuieres, rentes, reuenues, Seigneuries, & autres appartenances: c'est assauoir de Calais iusques au fil de la riuere, par-deuât Grauelines: & aussi par le fil mesme de la riuere. qui chet au grâd lac de Guines, iusques à Fretin: & d'illec par la valée, autour de la montaigne de Caltuli, encloant mesmes la montaigne, & aussi iusques à la mer: avec Sangate & toutes ses appartenances. Item que posséderons aussi le chastel, la ville, & toute la Comté de Guines, avec toutes les terres, villes, chasteaux, hommages, Seigneuries, riuieres & bois, aussi entierement comme le Comte de Guines, dernièrement trespaslé, les tenoit en son temps: & à nous obeyront les Eglises & les bonnes-gens, estâs, dedans les limitations de ladicte Comté de Guines, de Calais, & de Merli, & des autres lieux dessusdits, ainsi qu'ils obeissent à present à nostredict frere, & qu'ils obeissent au Comte de Guines, qui fut pour le temps. Toutes lesquelles choses, comprises en ce present article, & en l'article prochain precedent de Merli & de Calais, nous tiendrons en domaine: exceptez les heritages des Eglises, qui demeureront ausdictes eglises entierement (quelque part qu'ils soient assis) & aussi exceptez les heritages des autres gens du pays de Merli & de Calais, assis hors ladicte ville de Calais, iusques à la value de cent liures de terres par an, de la monnoye courant au pays, & au dessous: lesquels heritages leur demeureront iusques à la value dessusdicté, & au-dessous, mais les habitations & heritages, assis en ladicte ville de Calais, & leurs appartenances, demoureront en domaine à nous: pour en ordonner à nostre volonté, & aussi demeureront aux manans & habitans en la Côte de Guines tous leurs domaines entierement, & y reuiendront plainement, sauf ce qui est dit par auant des confrontations, mettes, & bournes dessusdictes en l'article de Calais. Item que nous tiendrons aussi toutes les Isles adjacentes aux terres, pays, & lieux auant-nommez, avec toutes les autres isles, que nous tenions au temps dudict traité. Et comme il y ait aussi esté pourparlé que nostredict frere & son aîné fils renonceront aux ressors & souuerainetez, & à tout le droit, qu'ils pourroyent auoir es choses dessusdites, & que nous les tiendrons comme voisin, sans nul ressort & souueraineté de nostredict frere, ou du Royaume de France: & que tout le droit, que nostredict frere auoit es choses dessusdites, il nous transportera perpetuellement & à tousiours. Et aussi ay esté pourparlé que semblablement nous & nostredict fils renoncerons expressement à toutes les choses, qui ne doyent estre baillées à nous par ledict traité, & par especial au nom & au droit de la couronne & du Royaume de France, & à l'hommage, souueraineté, & domaine de la Duché de Normandie, de la Comté de Touraine, & des Comtez d'Aniou & du Maine, & à la souueraineté & hommage de la Comté & du pays de Flandres, & à la souueraineté & hommage de Bretagne (excepté que, quant au droit du Côte de Montfort, tel qu'il le peut auoir en la Duché & pays de Bretagne, nous l'ayons reserué & mis hors de nostre traité, par mots expres, sauf tant que nous & nostredict frere, venus d'Angleterre à Calais, en ordonnerons si à point, par le bon auis & conseil de noz gens à ce deputez, que nous mettrons à paix & à accord le Comte de Montfort, & nostre cousin Messire Charles de Blois, qui demande & calenge droit à l'heritage de Bretagne) & renoncerons à toutes autres demandes, que nous faisons, ou faire pourrions, pour quelque cause que ce soit (exceptées les choses susdictes: qui doyent demeurer à nous & à noz hoirs) & que nous leur transporterons tout le droit, que nous pouuons auoir en toutes les choses, qui à nous ne doyent estre baillées. Sur lesquelles choses, apres plusieurs altercations eues sur ce, & par especial, pource que lesdictes renonciations, transports, cessions, & delaissement dessusdicts, ne se font pas de present. **NOUS FINALEMENT** auons accordé à nostredict frere, par la maniere, qui s'ensuit. C'est assauoir que nous, & nostredict aîné fils, renoncerons & ferons, & auons promis à faire, les renonciations, transports cessions, & delaissemens dessusdits, quand, & si tost que nostredict frere aura baillé à nous, ou à noz gens, especialement par nous à ce deputez, la cité & le chastel de Poictiers: & toute la terre & pays de Poictou, enséble le fief de Touars le fief & la terre de Belleuille: la cité & le chastel d'Agen, & toute la terre & le pays d'Agenois, la cité & le chastel de Perigourd, & toute la terre & le pays de Perigueux, la cité & le chastel de Cahors, & toute la terre & le pays de Cahorsin: la cité & le chastel de Rodais, & toute la terre & pays de Rouergue, la cité & le chastel de Xaintes, & toute la terre & pays de Xaintonge: le chastel & la ville de la Rochelle, & le pays de Rochellois: la cité & le chastel de Limoges, & toute la terre & le pays de Limosin: la cité & le chastel d'Angoulesme, & toute la terre & pays d'Angoulemois: la terre & pays de Gaures: la Comté de Ponthieu, & la Comté de Guines. Lesquelles choses nostredict frere nous a promis bailler, en la forme que ci-dessus est contenu, ou à noz espiciaux deputez, dedans vn an ensuyuant, luy party de Calais, pour retourner en France, & tantost, ce fait, deuant certaines personnes, que nostredict frere deputera, nous, & nostre aîné fils, ferons, en nostre Royaume d'Angleterre, celles, renonciations, transports, cessions, & delaissemens, par foy & par serment, solennellement: & d'icelles ferons bonnes lettres ouuertes, scellées de nostre grand seel, par la forme & maniere comprise en noz autres lettres sur ce faits, & ainsi que compris est audict traité. Lesquelles lettres nous enuoyerons, à la feste de l'assumption, en la ville de Bruges, & les ferons bailler à ceux que nostredict frere y enuoyera, pour les receuoir. Et, si auenoit que dedas le terme assigné, nostredict frere ne peust aisément bailler, ne deliurer, à nous, ou à deputez, les citez, villes, chasteaux, lieux, forteresses, & pays cy-dessus nommez (combien qu'il en doye faire son plain pouuoir, sans dissimulation il les nous

doit bailler & deliurer, ou faire deliurer, dedans le terme de quatre mois, ensuyuant l'an accompli. Encores avec toutes ces choses, & autres qui s'ensuiuent ci-apres, est dict & accordé: par la teneur du traité, que quand nous aurons renuoyé, ou ramené nostredit frere de France à Calais, six semaines apres ce qu'il y sera venu, nous deuons receuoir, ou nous, ou noz gens, à ce de par nous especialémēt deputez, six cens mille frans: & dedans l'an, de lors prochain ensuyuant, nous en seront payez quatre cens mille, en la cité de Londres en Angleterre: & des lors, chascun an prochain ensuyuant, quatre cens autres mille, en ladicte cité, iusques à tant que trois millions nous soient parpayez: &, pource nous seront liurez, mis en ostage, & enuoyez demeurer en nostre cité de Londres en Angleterre, des plus nobles du Royaume de France, qui pas ne furent prisonniers à la bataille de Poictiers, & de dix neuf citez & villes, des plus notables du Royaume de France, de chacune deux, ou quatre, hommes, ainsi qu'il plaira à nostre conseil. Et, estant tout ce accompli, les ostages venus à Calais, & le premier payement payé, ainsi que dict est, nous deuons nostredit frere de France, & Philippe son fils, deliurer en la ville de Boulongne sur la mer, & tous ceux, qui avec eux furent prisonniers à la bataille de Poictiers, sans paier aucune rāçō, s'ils ne se font desia rāçōnez à nous, ou à noz gens. Et, pource que nous sauons bien de verité que nostre cousin Messire Iaques de Bourbon a toniours mis & rendu peine à ce qu'accord & appointment fussent faits entre nous & nostredit frere de France, en quelconque estat qu'il soit, rançonné, ou à rançonner, nous le deliurerons, sans cousts & sans fraiz, avec nostredit frere, en ladicte ville de Boulongne: mais que le traité soit tenu, ainsi que nous esperons qu'il le sera. Et aussi nous a promis nostredit frere, que luy & son aîné fils renonceront, & feront, semblablement & par la maniere dessusdicte, les renonciations, transpors, cessions, & delaissemens, accordez par ledict traité, & à faire de leur partie, ainsi comme ci-dessus est dit: & enuoyera nostredit frere ses lettres patentes, sceillées de son grand seal, ausdits lieux & termes, pour les bailler aux gens, qui de par nous y seront deputez semblablement, comme dit est. Aussi nous a promis nostredit frere, que luy & ses hoirs surferront, iusques aux termes des renonciations dessus-declarées, d'vser de souverainetez & de ressors en toutes les citez, Comtezvilles, chasteaux, terres, pays, forteresses, Isles, & lieux que nous tenions au temps dudit traité, & lesquelles nous doyent demeurer par icelny, & aux autres, qui à cause desdites renonciations & dudit traité, nous seront baillez, & qui doyent demeurer à nous & à noz hoirs, sans ce que nostredit frere, ses hoirs, ou autres, à cause de la couronne de France iusques au termes dessus-eclaircis, & iceux durans, puissent vser d'aucuns seruices ou souverainetez, ne demander sugectiō sur nous, noz hoirs, ou noz sugets d'icelles, presens ou à venir, ne querelles ou appeaux en leurs Cours receuoir, n'escire à icelles, ne de iurisdiction aucune vser, à cause des Comtez, citez, villes chasteaux, terres, isles, & lieux prochainement nommez. Et nous a aussi accordé nostredit frere, que nous, noz hoirs, ou aucuns de noz sugets à cause desdites Comtez, citez, villes, chasteaux, terres, isles, & lieux dessusdits, ne serons tenus, ny obligez, de le recognoistre en nulle souveraineté, ne de faire aucun seruice, ou deuoir, à luy ny à ses hoirs, ny à la couronne de France. Et accordons aussi, que nous, & noz hoirs, surferrons de porter tiltre & nom de Roy de France, par lettres, ou autrement, iusques aux termes dessusnommez. Et, au cas qu'es articles dudit accord & traité de la paix, ou mesmes en ces presentes, ou en autres quelconques, y ait aucun dict ou fait, qui sente la trāslation ou renonciatiō raisible, ou expresse, des ressors ou souverainetez dessusdits, l'intentiō de nous, & de nostredit frere, est que lesdites terres, qui nous seront baillées, comme dit est, demeureront en l'estat qu'elles sont à present, & toutes fois surferra d'vser de souveraineté en icelles, & d'y demander sugectiō, par la maniere dessusdicte, iusques aux termes dessus declarez. Et aussi voulons & accordōs à nostredit frere, qu'apres il aura baillé lesdites Cōtez, citez, villes, chasteaux, forteresses, terres, pays, isles, & lieux dessus-nommez, ainsi que bailler les nous doit, ou à noz deputez, & fait lesdits transpors renonciations, & cessions, & d'iceux enuoyé lettres à Bruges, ainsi que dict est, entre les mains de ceux, qui par nous seront à ce deputez, la renonciation, cession, transport, & delaissement, à faire de nostre part, soient tenus pour faits, & par abondant que nous renoncions des lors, par mots expres, au nom, au droit, & au calenge de la couronne & du Royaume de France, & à toutes les choses que nous deuons renoncer par force dudit traité, si auant que profiter pourra à nostredit frere & à ses hoirs. Et voulons & accordons que par ces presentes ledict traité de paix & d'accord, fait entre nous & nostredit frere & les sugets, adherans, & alliez d'une part & d'autre, ne soit, quant aux autres choses y contenues, empiré ou afoibli en aucune maniere, mais voulons & nous plaist qu'il soit & demeure en sa plaine force & vertu. Toutes lesquelles choses, en ces presentes lettres escriptes. Nous, Roy d'Angleterre dessusdit, voulons, ottroyons. & promettons loyaument, en bonne foy, & par serment fait sur le corps Nostre-Seigneur, & sur ses saintes Euangiles, tenir, garder, & entierement accomplir, sans fraude & sans mal engin, de nostre partie: & à ce, & pour ce faire, obligeons, à nostredit frere de France, nous & noz hoirs, & tous noz bien, presens & auenir, en quelcōque lieu qu'ils soiēt. Renonceant, par nostredite foy & serment, à toutes exceptions de fraude & de deceuance de droits, prises, ou à prendre, & à impettrer dispensation de Pape, ou d'autre (laquelle si, impetrée estoit, nous voulons estre nulle, & de nulle valeur, & que nous ne nous en puissions aider) & aux droits, disāns que Royaume ne pourra estre diuisé, & generally renonciation non valoir (fors en certaine maniere, & à tout ce que pourrions dire & exposer au contraire en iugement & dehors. En tesmoing desquelles choses, nous auons fait mettre nostre grand seal à ces presentes lettres, ordonnées à Bretigny d'empres Chartres, le vingt-cinquiēme iour du mois de May, l'an de grace Nostre-Seigneur mil.ccc. lx. Quand ceste lettre, qui s'appelloit l'une des Chartres (car encores en y eut il d'autres faites & sceillées en celle année, en la ville de Calais, si-comme ie vous en parleray, quand temps & lieu sera) fut escripte en maniere de proget, on la monstra au Roy d'Angleterre, & à son cōseil, ausquels elle pleut

C'est ce, qui ne s'acorde pas à l'autre Abregécōme nous l'auons parauant noté sur la marge de ceste Annotation.

tresbien ainsi. Adonc les traitteurs dessusdits, cōmis par le Duc de Normandie, ayans la Charte grossoyee & seellée, se partirent du Roy d'Angleterre, & vindrent à Paris, deuers le Duc de Normandie, & le Conseil de France, monstrans icelle Charte au Duc & au grand conseil, deuant lesquels elle fut leue, toute au long, & tenue pour agreable. Car force estoit d'y consentir: d'autant que le Royaume ne pouuoit plus porter les desolations, ne les guerres, qui y estoient par la puissance du Roy d'Angleterre. Apres la lettre bien leue & bié examinée, oncques n'y fut point, ny article, debatue: mais la seella le Duc de Normandie, comme aîné fils du Roy de France, & hoir du Roy son pere, & furent, assez tost pres, les dessusdits traitteurs renuoyez au Roy d'Angleterre, qui les attendoit en son ost pres de Chartres. Quand ils furent venus, il n'y eut mie grand parlement. Car ils dirēt qu'à toutes les choses dessusdites le Duc de Normandie, ses freres, leur oncle, & tout le Conseil de France, s'estoient doucement & benignement accordez. Ces nouuelles plurent moult grandement au Roy d'Angleterre, dont pour mieux faire que laisser, & pour plus grande seurte, fust parmy l'ost d'Angleterre vne tréue criée, à durer iusques à la Saint Michel en vn an, & tenir fermement & stablement, entre les Royaumes de France & d'Angleterre, & tous ses adherans & allies d'une part & d'autre, & que dedans ce terme bonne paix se feroit entre les Roys & les deux parties. Tantost apres furent ordonnez Sergēs de par le Roy de France, commis & enuoyez de par le Duc de Normandie, qui s'exploiterent de cheuaucher parmy le Royaume de France, & denoncer publiquement es citez, villes, chasteaux, bourgs & forteresses, ceste tréue & esperance de paix. Lesquelles nouuelles furent ouies par tout volontiers. Encor, estans reuenus lesdits traitteurs en l'ost du Roy d'Angleterre, requierent audict Roy, & à son Conseil, que quatre Barons d'Angleterre, Procureurs de luy, veinssent avec eux, en la cité de Paris, pour iurer la paix en son nom: afin que le peuple s'appaisast mieux, Laquelle chose le Roy d'Angleterre accorda volontiers, & y furent ordonnez, & enuoyez, le Seigneur de Stafort, Messire Regnaud de Gobechem, Messire Guy de Briane, & messire Roger de Beaucamp, Bânerets. Ces quatre Seigneurs par l'ordonnance du Roy d'Angleterre leur Seigneur, se partirent & mirent au chemin, avec l'Abbé de Clugni & messire Hugue de Geneue, & cheuaucherent tant qu'ils vindrent à Montl'heri. Quand ceux de Paris seurent leur venue, par le commandement du Duc de Normandie toutes les Religions & le Clergé de Paris, en grande reuerence, vindrent bien-auant sur les champs, contre les Barons d'Angleterre dessusnommez, & les amenerent ainsi, moult honorablement, dedans Paris, & encores vindrent encontre eux plusieurs hauts Seigneurs & grans Barons de France, qui lors se tenoient dedans Paris. Si furent routes les cloches sonnées à leur venue, & quand ils entrerent dedans la cité, trouuerent toutes les grandes rues houssees, & parées de drap d'or, aussi honorablement comme on peut auiser, ne deuifer, & ainsi furent ils amenez au Palais, qui richement estoit appareillé, pour eux receuoir. Là estoient le Duc de Normandie, ses freres, leur oncle le Duc d'Orleans, & grande foison de Seigneurs & de Prelats du Royaume de France, qui les recueillirent honorablement & sagement. Ces quatre Barons d'Angleterre, estant le peuple present au Palais, firent serment, & iurerent, au nom du Roy leur Seigneur, & de ses enfans, sur le corps de Iesus Christ sacré, & sur saintes Euangiles, à tenir & accomplir ledict traité de la paix, si-comme ci-dessus est déclaré. Ces choses faites, ils furent menez au festin: là ou ils furent grandement honnorez du Duc de Normandie, & de ses freres, & des hauts Barons de France, qui là estoient. Apres cela ils furent menez en la Sainte-Chappelle du Palais: là ou leur furent môltrez les plus beaux, les plus riches, & les plus dignes ioyaux du monde, qui là estoient, & sont encores, & mesmement la couronne, dont † Dieu fut couronné à son saintisme trauail: & donna le Duc de Normandie, à chacun des Cheualiers, vne des plus grandes espines de ladicte couronne. Laquelle chose chacun des Cheualiers prisa moult, & le tint au plus noble ioyel, qu'on luy peust donner. Si furent là ce iour, le soir, & le lendemain, iusques apres dîner, & quand ils prirent congé du Duc de Normandie, il fit à chascun d'eux donner vn moult bel & bon courfier, richement paré & ensellé, & plusieurs autres beaux ioyaux (desquels ie me passeray en brief) dont ils remercierent grandement le Duc de Normandie. Apres s'en partirēt du Duc & des Seigneurs qui là estoient. Si s'en retournerent vers le Roy leur Seigneur: & y vindrent le lendemain assez matin en grand nombre de gens-d'armes, qui les conuoyerent, & qui deuoyēt aussi conduire le Roy d'Angleterre, & ses gens, iusques à Calais, & faire ouutir villes, chasteaux, & citez, pour eux laisser passer parmy, & administrer tous viures paisiblement. † Quand ils furent venus iusques à l'ost du Roy d'Angleterre leur Seigneur, ils luy recorderent comment honorablement ils auoient esté receus, & luy monstrerent les dignes ioyaux, que le Duc leur auoit donnez: dont le Roy eut moult grande ioye, & festoya liement le Connestable de France, & les Seigneurs, qui là estoient venus, & leur donna beaux dons, grans ioyaux, & assez. Adonc fut ordonné que toutes manieres de gens se delogeassent, & se retraissent bellement, & en paix, deuers le Pont-de-l'arche, pour illec passer la riuere de Seine, & apres, vers Abbeuille, pour passer la Somme, & puis tout droit à Calais. Si se delogerent toutes manieres de gens, & se mirent au chemin, & auoyent guides & Cheualiers de France, enuoyez de par le Duc de Normandie, qui les conduisoient & menoient, ainsi qu'ils vouloient aller. Le Roy d'Angleterre, quand il se partit, passa par la cité de Chartres, & y hebergea vne nuit. Puis le lendemain vint moult deuotement en l'Eglise Nostre-Dame de Chartres, là ou il ouit messe, & y fit grandes offrandes, en la compagnie de ses enfans de ses gens, & apres, partirent, & monterent à cheual. Si vint le Roy, avec luy ses enfans & ses gens à Hattieu en Normandie & là passerent la mer, & retournerent en Angleterre. Les demourans de l'ost, qui si tost ne peurent cheuaucher, vindrent, au mieux qu'ils peurent, sans dommage & sans peril: car par tout leur estoient viures appareillez pour leur argent, iusques à la ville de Calais, & là prirent François congé d'eux, apres les auoir conuoyez. Si passerent

*Les vieux mots
sont icy tels dōt
Dieux fut cou
ronnez. &c. entē
dant de Nostre
Sauueur Iesus-
Christ, à sa pas-
sion.*

*Il commence icy
vn chapitre en
fait le sommaire
tel. Comment
le roy Edouard
s'en retourna
en Angleterre,
& comment le
Roy Iehan ne
pouuoit venir
en France par
defaute de pe-
cune & des pil-
leries, que les
Anglois faiso-
ient au Royau-
me de France.*
Chapitre x.

les Anglois au mieux qu'ils peurent: & retournerent en Angleterre. Si tost que le Roy d'Angleterre fut retourné arriere en son pays (comme il fit avecques les premiers) il se trait à Londres. & alors fit mettre hors de prison le Roy de France, & venir secrettement au Palais de Vuestmonstier. Puis se trouuerent en la chappelle dudit Palais, & là remonstra le Roy d'Angleterre, au Roy de Frâce, tous les traittez de la paix, & comment son fils, le Duc de Normandie, au nom de luy, auoit iuré & seellé, pour sauoir quelle chose il en diroit. Le Roy de France (qui ne desiroit autre chose que sa deliurance, & issir hors de prison, à quelque mechef que ce fust) n'eust iamais mis empeschement à ces ordonnances: mais respondit que Dieu en fust bien loué: quand paix estoit entre eux.

Quand Messire Jaques de Bourbon sceut ces nouuelles, il en fut durement réiouy, & vint à Londres, au plustost qu'il peut, deuers les deux Rois, qui luy firent grande chere. Puis cheuaucherent tous ensemble, & le Prince de Galles, en leur compagnie, & vindrent à Vuindesfore: là ou la Royne estoit: qui moult fut ioyeuse de leur venue, & de la paix du Roy son mari, & du Roy de Frâce son coufin. Si eut là grand semblant & approchement d'amour entre ces parties, & donnez, & rendus, grans dons & ioyaux. Depuis fut il accordé que le Roy de France, & son fils Monsieur Philippe, & tous les Barôs de France, qui là estoient pour le temps, se partissent & traissent deuers Calais. Adonc prirent ils congé de la Royne d'Angleterre, & de ses filles: qui moult estoient ioyeuses de la paix, & du partement du Roy de France. Si acconuoya le Roy de France iusques à Douures: & là se teint tout aise par deux iours, & tous les François aussi. Au troisieme iour ils entrerent en mer, accompagnez du Prince de Galles, du Duc de Lancastre, du Comte de Vuaruic, de Messire Jehan Chandos, & de plusieurs autres Seigneurs: & arriuerent à Calais, enuiron la Saint Jehan Baptiste. Si se tindrent en la ville de Calais tout aisément: & attendirent là, durant quelque espace de temps, les messagers du Duc de Normandie: qui deuoient apporter la finace de six cës mille francs. Mais cest argent ne vint mie si tost, qu'on esperoit qu'il deult venir. Car il ne fut mie si tost recueilli des officiers du Roy de France. Si veindrent le Duc de Normandie & ses deux freres en la cité d'Amiens, pour mieux ouir tous les iours nouuelles de leur pere, & entendre à sa besongne, & à sa deliurance: & ¶ entremettes se recueilloit le payement parmy le Royaume de France. Si entendy & ony recorder adonc, que Messire Galliaze, Sire de Millan & de plusieurs citez en Lombardie, fit ce premier payement, parmy vn traité, qui se meit en auant. Car il auoit vn sien fils à marier. Si requit au Roy qu'il luy voulist donner vne sienne fille, & la luy accorder: parmy tant, qu'il payeroit ces six cens mille francs. Le Roy de France (qui se veoit en danger) pour auoir argent plus appareillé, sy accorda legerement. Or ne fut mie ce mariage si tost fait, ou confirmé. Parquoy l'argent ne fut mie si tost deliuré. Si cōuint ce danger souffrir au Roy de France, & attendre l'ordonnance de ses gens. Quand le Prince de Galles & le Duc de Lancastre, qui se tenoient à Calais, delez le Roy de France, veirent que le terme passoit, & que le payement pas n'approchoit, si eurent volonté de retourner en Angleterre: & mirent ordonnance à leur partement, si laisserent le Roy de France en la garde de quatre moult bons Cheualiers: c'est assauoir Messire Regnaud de Gobehe, messire Gautier de Manny, messire Guy de Brianne, & messire Roger de Beaucamp, & payoit le Roy de France ses fraiz & les fraiz de ces Seigneurs, & de leurs gës. Si monterent à grande foison, bien le terme de quatre mois, qu'ils furent à Calais. Or vous parlerôs d'aucuns Cheualiers Anglois, Capitaines Gascons des garnisons, qui se tenoient en France. Ceux-cy furent moult courrouceez des nouuelles de la paix, quand ils eurent le commandement du Roy d'Angleterre, pour partir hors de leurs places. Si vendirent plusieurs leurs forteresses à ceux du pays d'euiron, & en receurent grand argët. Puis s'en parrirent, & les aucuns ne s'en voulurent mie partir, cõe ceux, qui auoient appris à piller, ains firent guerre, comme deuant, en l'ombre du Roy de Nauarre, & furent ceux, qui se tenoient sur la marche de Bretaigne & de Normandie. Mais messire Eustace d'Aubreticourt, qui se tenoit dedàs la ville d'Atigni, la vëdit, bié & cher, à ceux du pays: & toutesfois, ayât simplemēt cōuenu avec eux pour la sōme, en fut, depuis mal payé: & si n'en eut autre chose. Aussi se partirent tous ceux, qui tenoient forteresses en Laonnois, en Picardie, en Brie, en Champaigne, & en Gastinois. Si s'en retournoient les aucuns, qui auoient assez gaigné, & qui ¶ tanez estoient de gaigner

C'est adire, Ce pendant qu'autres disent endementiers.

C'est adire ennuyez.

par ce parti, en leur pays: & les autres se retrayoient en Normandie, deuers les forteresses Nauarroises. Or vint le payement de ces six cens mille francs en la ville de Saint Omer: & fut tout cela mis & arresté en l'Abbaye de Saint Bertin, sans le porter adonc plus auant. Car aucuns des hauts Barôs de France (qui cleus & nommez estoient, pour estre ostagers, & entrer en Angleterre) refusoient & ne vouloient venir auant, & en faisoient grand danger. Ainsi demeura le Roy de France, du mois de Iuillet iusques à la fin du mois d'Octobre. Quand les choses furent si approchées, que le payement fut tout pourueu (comme dit est) & venus à Saint Omer ceux, qui deuoient venir & entrer en ostage, pour le Roy de France, au Roy d'Angleterre, il rappassa la mer, à grande quantité de Seigneurs, & arriua à Calais là ou se teint grand parlement, d'un costé & d'autre, du Conseil des deux Roys, qui par l'ordonnance de la paix s'appelloiēt freres. Là furent de rechef les lettres du traité leues, auisées, & bien examinées, pour sauoir si riens y auoit à mettre, ou à en oster, ou quelque article à corriger. Si donnoient tous les iours les deux Roys l'un à l'autre, & leurs enfans, si grandement & si richement, que merueilles seroit à penser: & estoient en reioiuissances & recreations ensemble si ordonnément, que grande plaïssance y prenoient toutes gens au regarder: & laissoient les deux Roys leurs gens & leurs Conseillers conuenir du surplus: si qu'entre eux fut là aduisé & regardé, pour le meilleur, & pour plus grande seureté, qu'autres lettres, comprenans tous les articles de la paix, fussent escriptes & seellées, les deux Roys presens, & leurs enfans. Et, pourtant que le certain arrest de la paix venoit & descendoit du Roy d'Angleterre, ces autres, qui furent là faites, disent ainsi ¶. E D O V A R D, par la grace

Il commence icy vn chap. & en fait le sommaire tel. Ci deuisé la forme des lettres en brief. faites sur l'alliance & confection de la paix d'entre le Roy de France & le Roy d'Angleterre, & les promesses que l'un des Roys fit à l'autre sur ladistematere apres lesquelles promesses fut faite la chartre de renouacion. Chap. 21.

la grace de Dieu Roy d'Angleterre, Seigneur d'Irlande & d'Aquitaine, à tous ceux qui ces presentes lettres verront ou orront salut. Sauoir faisons que N o v s, pensans & considerans que les Roys & les Princes Chrestiens, qui veulent bien gouverner le peuple à eux suget, doyent fuir guerres, dissensions, & discors (dont Dieu est offensé) & querre & aimer, pour eux & pour leurs sugets, paix, vnté, & concorde, par laquelle l'amour du souverain Roy des Roys peut estre acquise, les sugets gouvernez en tranquillité, & obuié aux perils des guerres, & recordans les grans maux, dommages, & afflictions, que nostre Royaume & noz sugets ont par long temps soustenu, pour cause des diuisions, guerres, & discors, qui duré ont longuement entre nous & nostre trescher frere de France, noz Royaux, & noz sugets, apres auoir finalement fait bon accord, & confirmé bonne paix ensemble, desirans icelle tenir & perseverer en bonne amour perpetuellement, par bonnes & fermes alliances, entre nous & nostre dit frere, noz hoirs, noz Royaumes, & noz sugets de l'un & de l'autre, à ce que iustice en soit mieux gardée & deffendue, les rebelles, malfaicteurs, & desobeissans à l'un & à l'autre, plus aisement cōtrains à obeyr, toute Chrestité maintenue en plus paisible estat, & la Terre-Sainte mieux secourue & aidée, & estans deuemēt informés que nostre saint pere le Pape a dispensé, par grande deliberation, avec nous & nostredit frere de France, c'est assavoir avec nous & tous noz sugets tant gens-d'Eglise, comme autres sur les confederations, alliances, conuenances, obligations, liens, & sermens, qui peuvent estre entre nous, nostre Royaume, & sugets, d'une part, & le pays, bonnes, villes, gens, & sugets de Flandres d'autre part, en tant que le bien & l'effect de ladite paix d'entre nous & nostredit frere de France eussent peu estre empelchez par icelles confederations, & que pourtant les ayt nostre dit Saint-pere cassées, ostées, annichilées, & irritées, si comme tout ce en les lettres & proces, sur ce faits, est plus plainement contenu, pour consideration des raisons & causes dessusdictes, & aussi que voulons accomplir, comme toucher nous doit, ledit accord & lesdites alliances, ainsi qu'otroyé l'auons, suyuant plusieurs tresgrandes & meures deliberations eues sur ce. A v o n s fait, & par ces presentes faisons, pour nous, noz enfans, hoirs, & successeurs, d'une part, avec nostredit frere de France, les enfans, les hoirs, son Royaume, les terres, & sugets, d'autre part, perpetuelles alliances, confederations, amitez, pactions, & conuenances, qui apres s'ensuyuent, &c. † Lesquelles choses, pour le present, ie me passe à dire. Mais sachez que toutes choses, qui alors se peuvent imaginer par les Cōseillers des deux Roys tendans à ce que bonne & seure paix fust à tousiours mise entre eux deux, furent tout au long couchées par escrit, & iurées à entretenir par les deux Roys & par leurs enfans, & par les Princes, Prelats, & Barons des deux Royaumes. En tesmoignage de quoy. N o v s Edouard, Roy d'Angleterre, Seigneur d'Irlande & d'Aquitaine, auons fait mettre nostre seel à ces presentes lettres, donnees en nostre ville de Calais, le xxiiij. iour d'Octobre, l'an mil trois cens lx. Ceste lettre, qui sapelloit lettre de confederation & d'alliance, entre les Roys de France & d'Angleterre, fut grossoyée, & seellée sur la forme & maniere, que vous auez ouye. Puis fut leue & publiée deuant les deux Rois & leurs enfans, & ceux de leurs Conseillers, qui là estoient presens. Si sembla à chacun estre belle & bonne, & en grande promotion d'amour & de paix. A lors fut requis, par l'Euesque de Terouanne, Chancelier de France, au Roy d'Angleterre, qu'il voulist accomplir ledit traité de paix, & tous les articles, à la cautele du temps à venir. Le Roy d'Angleterre respondit qu'il en estoit tout appareillé, & tout desirant: mais qu'on luy dist de quoy, & comment. Là fut apportée la Charte de paix, & leue generalement: & apres ce, les Conseillers du Roy de France requierent qu'encores vne Charte, semblable à ceste, faisant mention plainement de renonciation, fust grossoyée & seellée, pour mieux confirmer leurs ordonnances, & toutes gens appaiser, ausquels la paix pouuoit toucher. Le Roy d'Angleterre & son Conseil l'accorderent legerement. Puis furent les traitteurs, & la plus grāde partie des Conseillers des deux Roys, mis ensemble: ou vne lettre fut progettée, escripte, & grossoyée notablement, sur la date de la precedente alliance & confederation, † en laquelle furent reprins, mot apres mot, & de point en point, tous les articles contenus en la premiere Charte de paix. Si fut seellée du grād seel du Roy d'Angleterre, en laqs de soye, & de cire verte. Lesquelles lettres les deux Rois, leurs enfans, & leurs successeurs, Prelats, Ducs, Comtes, & Barons, promirent à tenir, & en firent les sermens tels, qu'ils appartenoyent faire, & renoncèrent les deux Roys, tant d'un costé comme d'autre, ainsi comme ils auoient promis, & comme en la lettre de paix fait mention. Puis pour conclusion y auoit tels mots. Et, afin que lesdites choses, & chacune d'icelles, soient de point en point, & par la forme & maniere dessusdite tenues & accomplies, nous obligeons nous, noz hoirs, & tous noz biés, à nostredit frere le Roy de France, & à ses hoirs, & iurons sur les saintes Euangiles, par nous corporellement touchées, que nous proferons, tiendrons, & accomplirons, au cas dessusdit, toutes les deuantdites choses, par nous promises & accordées, comme deuant est dit. Et voulons, au cas que nostre frere, ou ses deputez, au lieu, & au terme, & par la maniere que dessus est dit, face son deuoir, que deslors, au cas dessusdit, noz presentes lettres, & tout ce que compris est dedans, ayent autant de vigueur, effect, & fermeté, comme auoyent, ou auoir pourroyent, autres lettres par nous promises & baillées, cōme dit est. Sauf toutesfois & reserué par nous, noz hoirs & successeurs, que lesdits briefs, ou lettres, dessus encorporez, n'ayent aucun effect, ny ne puissent à nous porter aucun préiudice, ou dommage, iusques à ce que nostredit frere & neveu ayent fait, enuoyé, & baillé lesdites renonciations par la maniere dessusdite, & aussi qu'ils ne s'en puissent aider contre nous, noz hoirs, & successeurs, en aucune maniere: sinon au cas dessusdit. En tesmoing de laquelle chose, nous auons fait mettre nostre seel à ces presentes lettres, données à Calais, le xxiiij iour d'Octobre, l'an de grace mille trois cens lx. Apres ceste fin de lettres de nostre Abregé de la Chaux, il fait ainsi le sommaire d'un chapitre. Comment la paix fut iurée de rechef entre les Roys de France & d'Angleterre: & comment nulle paix ne fut lors

L' Abregeur vous troussant ainsi ce passage court, renuoye raisiblement le Lecteur aux conuenances alleguées en la lettre precedente, pour retourner incontinent à la conclusion de ceste cy.

Les precedens & subsequens monstreront bien qu' il parle icy de la lettre qui nous est demeurée pour cha. 212. de nostre premier Vo. de Froiss. & que tout ce que nous auons fourni en ceste Ann. 85. y defailloit.

faite sur la Duché de Bretagne, & la cause pourquoy. Chapitre xij. Quand celle arriere-charte, qui s'appelle la lettre de renonciation, fut faite, escripte, & scellée, tant d'un Roy comme de l'autre, on la leut & publia generally, &c. Sur lequel point nous rentrons vrayement en la matiere de nostre Auteur.

ANNOTATION LXXXVI.

par leurs traitteurs] Ceste lettre estoit fort corrompue, par omission, changement, & transposition de mots, & par faute de punctuation: mais nous l'auons racoustree selon vne, presque de semblable teneur en trois diuers Exemplaires du tiers Volume des grandes Croniques de France, donnée à Calais le 23. d'Octobre 1360. & selon vne autre du Prince de Galles, que j'ay escripte à la main, ayant esté donnée à Boullogne, le 26. iour des mois & au dessus dits, et extraite & collationnée sur les Originaux, par un tresorier des Chartres, nommé le Roulié: ainsi qu'il en fait foy par son signe nommant ceste lettre le traité de Bretigny, qui toutesfois n'est qu'incorporé dedans vne autre du Roy Edouard, mesme ment incorporée en celle dudit prince, de laquelle ie vous bailleray presentement copie, semblablement reueue & corrigée par moy en quelque lieux, ou elle en auoit besoing, par l'ignorance du Clerc, qui l'auoit extraite. La teneur en est donc telle. EDOUARD, aîné fils au noble Roy d'Angleterre Seigneur d'Irlande & d'Aquitaine, Prince de Galles, Duc de Cornouaille, & Comte de Cestre, à tous ceux, qui ces lettres verront, salut. Nous auons veu & diligemment aduise les lettres de nostre trescher Seigneur & pere, contenant la forme qui s'ensuit. Edouard, par la grace de Dieu Roy d'Angleterre, Seigneur d'Irlande & d'Aquitaine, à tous ceux, qui ces lettres verront, salut. Comme par certains traitteurs & Procureurs, pour nostre partie, & autres traitteurs & Procureurs, pour la partie de nostre trescher frere le Roy de France à Bretigny pres de Chartres, l'octisme iour de May, dernier passé, ayt esté fait traité de paix finale, sur tous les debats & discords, que nous pouuions auoir l'un enuers l'autre: duquel traité la teneur s'ensuit. Edouard, aîné fils au noble Roy de France & d'Angleterre: Prince de Galles, Duc de Cornouaille, & Comte de Cestre, à tous ceux qui ces presentes lettres verront, salut. Nous vous faisons sauoir que de tous les debats & discords quelconques, meus & demenez entre nostre tresredouté Seigneur & pere le Roy de France & d'Angleterre d'une part, & nos cousins le Roy & son fils aîné, Regent le Royaume de France, d'autre part, pour bien de paix est accordé, l'octisme iour de May, l'an de grace mille trois cens soixante, à Bretigny, delez Chartres, en la maniere qui s'ensuit.

C'est adire le huitiesme.

Premierement que le Roy d'Angleterre, avec ce qu'il en tient en Guienne & en Gascongne aura pour luy & pour ses hoirs, perpetuellement & à tousiours, toutes les choses qui s'ensuiuent, à les tenir par la maniere que le Roy de France, ou son fils, ou aucuns de ses ancestres Roys de France, les tiennent. C'est assauoir ce, qu'en souueraineté, en souueraineté, & ce qu'en domaine, en domaine, par les temps & manieres en dessous éclaircies, la cité, le chastel, & la Comté de Poictiers, & toute la terre & pays de Poictou, ensemble le fief de Touars, & la terre de Belleuile, la cité & le chastel de Xainctes, & toute la terre & le pays de Xainctonge, pardeça & pardela la Charente, la cité & le chastel d'Agen, & la terre & le pays d'Agenois, la cité, le chastel, & toute la Comté de Perigourd, & la terre & le pays de Perigueux: la cité & le chastel de Limoges, & la terre & le pays de Limosin, la cité & le chastel de Cahors, & la terre & le pays de Cahorsin la cité, le chastel, & le pays de Tarbe, & la terre, le pays, & la Comté de Bigorre, la Comté, la terre, & le pays de Gaure: la cité & le chastel d'Angoulesme, & la Comté, terre, & pays d'Angoulemois, la cité & le chastel de Rodais, & les terres & pays de Rouergue. Et s'il y a aucuns Seigneurs, comme le Comte de Foix, le Comte d'Armignac, le Comte de l'Isle le Comte de Perigueux, le Vicomte de Limoges, & autres, qui tiennent aucunes terres, ou lieux, dedans les mettes desdits lieux, ils feront hommage au Roy d'Angleterre, & tous autres seruices & deuoirs, deuz à cause de leurs terres, ou lieux, en la maniere qu'ils ont fait au temps passé. Il aura le Roy d'Angl. tout ce que le Roy d'Angl. ou aucuns des Roys d'Angl. anciennement tiennent en la ville de Montreuil sur la mer, & es appartenances. Item aura le Roy d'Angl. la Côté de Ponthieu, toute entierement, sauf & excepté que, si aucunes choses de ladicte Comté & de ses appartenances ont esté alienées par les roys d'Angleterre, qui ont esté, à autres personnes qu'aux Roys de France, le Roy de France ne sera pas tenu de les rendre au Roy d'Angleterre: & si lesdites alienations ont esté faites aux Roys de France, qui ont esté pour le temps, sans aucun moyen, & le Roy de France les tiennent à present en sa main, il les laissera au Roy d'Angleterre entierement, excepté que, si les roys de France les ont eus par échange à autres terres, le Roy d'Angleterre deliurera au Roy de France ce que l'on en a eu par échange, ou luy laissera les choses ainsi alienées. Mais, si les roys d'Angleterre, qui ont esté pour le temps, en auoyent aliené ou transporté aucunes choses, en autres personnes que des roys de France, & que depuis fussent venues es mains du Roy de France, ou aussi par partage, le Roy de France ne sera pas tenu de les rendre. Aussi, se les choses dessusdites doyent hommages, le Roy les baillera à autre, qui en fera hommage au Roy d'Angleterre, & s'elles ne doyent hommage, le Roy de France baillera un tenant, qui luy en fera le deuoir, dedans un an prochain, apres ce qu'il sera parti de Calais. Item le Roy d'Angleterre aura le chastel & la ville de Calais: le chastel, la ville, & Seignurie de Merli: les villes, chasteaux, & Seigneuries de Sangate, Colloigne, Hames, Vualles, & Oye, avec terres, bois marests, riuieres, rentes Seigneuries, adouelions d'Eglises, & toutes autres appartenances, & lieux entregisans dedans les mettes & bournes, qui s'ensuiuent. C'est assauoir de Calais iusques au fil de la riuere, par deuant Grauelines, & ainsi, par le fil mesme de la riuere, tout entour l'angle: & aussi par la riuere, qui va pardela Poil, & aussi par mesme la riuere, qui chet en grand lay de Guientes, iusques au Fretun, & d'illec, par la valée, entour la montaigne de Calculi, en encloant mesme la moutaigne, & aussi iusques à la mer, avec Sangate, & toutes les appartenances. Item ledit Roy d'Angleterre aura le chastel, la ville, & toute entierement la Comté de Guines, avec toutes les terres, villes, chasteaux, fortresses, lieux, hommes, hommages, Seigneuries, bois, forests, & droitures, d'icelle

Je ne doute point que la description de ces mettes & Bournes ne soit corrompue icy, ou es autres noz Ex. & Abregé mais il faudroit auoir veu les lieux mesmes pour bien la restituer.

d'icelles, aussi entierement cōme le Comte de Guines, dernier mort, les reīnt en son tēps, & obeirōt les eglises, & les bōnes gens, estās dedās les limitations de ladite Cōté de Guines, de Calais, & de Merli, & des autres lieux dessusdits, au roy d'Angl. ainsi cōme ils obeissoient au roy de France, ou au Comte de Guines, qui fut pour le temps. Toutes lesquelles choses de Merli & de Calais, contenues en ce present article, & en l'article prochain precedent, le roy d'Angl. tiendra en domaine: excepté l'heritage des Eglises, qui demourra ausdites eglises entierement, quelque part qu'il soit assis, & aussi excepté les heritages des autres gens du pays de Merli & de Calais, assis hors ladite ville de Calais, iusques à la value de cent liures de terre par an, de la monnoye courant au pays, & au-dessous. Lesquels heritages leur demourront, iusques à la value dessusdite, & au-dessous, mais les habitations & heritages, assis en ladite ville de Calais, avec leurs appartenances, demourrōt en dōmaine au Roy d'Ang. pour en ordōner à sa volōté: & aussi demourrōt aux habitans en la Cōté, ville, & terre de Guines tous leurs dōmaines entierement, & y reuiēdrōt plainement: sauf ce qui est dit des cōfrontatiōs, mettes, & bournes, en l'article prochain precedent. Item accordé est que ledit roy d'Angl. & ses hoirs auront & tiendront toutes les isles, adiacentes aux terres, pays, & lieux, auant-nōmez, avec toutes les autres isles, que le roy d'Ang. tient à present. Item accordé est que le roy de France, & son aīné fils le Régēt, pour eux & pour tous leurs hoirs & successeurs, au plustost que l'on pourra, sans fraude & sans mal engin & au plustard, dedans la feste S. Michel, prochainement venant, en vn an, rendront, bailleront, & deliureront, audit roy d'Angleterre, & à tous ses hoirs, & successeurs, & transporteront en eux tous les honneurs, obediēces, hommages, ligeances, vassaux, fiefs, seruices, recognoissances, droitures, mer & mixte impere, toutes manieres de iurisdiciōs, hauts & bas ressorts, sauuegardes, aduocōns & parrōnages d'eglises, toutes manieres de Seigneuries & souuerainetez, & tout le droit qu'ils auoient, ou pourroyent auoir, appartenoit, appartient & peut appartenir, par quelque cause, titre ou couleur de droit, à eux, aux roys, & à la couronne de France, pour cause des citez, Cōtez, chasteaux, villes, terres, pays, isles, & lieux auant-nōmez, & de toutes leurs appartenances & deppendances, quelque part qu'ils soient, & chacun d'iceux, sans riens y retenir à eux, à leurs hoirs ou successeurs, ny aux roys ou à la couronne de France. Et aussi manderont ledit Roy & son aīné fils, par leurs lettres patētes, à tous Archeuesques, Euesques, & autres Prelats de S. Eglise, & aussi aux Cōtes, Vicōtes, Barōs, Nobles, Citoyens, & autres quelconques des citez, Cōtez, terres, pays, isles, & lieux auant-nōmez, qu'ils obeissent au roy d'Angl. & à ses hoirs, & à leur certain commandement, en la maniere qu'ils ont obey aux roys & à la couronne de France, & par leurs mesmes lettres, les quitterōt & absoudrōt, au mieux qu'il se pourra faire, de tous hōmages, foīs, sermens, obligations, subiectiōs, & promesses, faites par aucuns d'eux aux roys & à la couronne de France, en quelconque maniere. Itē accordé est que le roy d'Ang. aura les citez, Comtez, chasteaux, terres, pays, isles, & lieux auant-nōmez, avec toutes leurs appartenances & appendances, quelque part qu'ils soient, à tenir à luy, & à tous ses hoirs & successeurs, hereditablement & perpetuellement, en dōmaine, ce que les Roys de France y auoient en dōmaine, & aussi en fiefs, seruices, souuerainetez, ou ressorts, ce que les roys de France y auoient par telle maniere: sauf tant comme est dit par dessus, en l'article de Calais & de Merli. Et, si des citez, Comtez, chasteaux, terres, pays, isles, & lieux auant-nōmez, souuerainetez, droict, mer & mixte Impere, iurisdiciōs, & profits quelconques, que tenoit aucun Roy d'Angleterre illec, & en leurs appartenances & appēdāces, aucunes alienatiōs, donatiōs obligatiōs, ou charges, ont esté faites par aucuns des roys de France, qui ont esté pour le temps, puis lxx. ans en ça, par quelconque forme, ou cause que ce soit, toutes telles donations, alienations, obligations, & charges, sont des ores, & seront du tout, mises au neāt & rappelées, cassées, & anulées: & toutes choses, ainsi données, alienées, ou chargées, serōt royaumēt & de fait, rendues & baillies audit roy d'Angleterre, ou à ses députez, especiaux, en mesme entiere que ils furent aux roys d'Angleterre, depuis lxx. ans, en ça, au plustost que l'on pourra sans mal engin, & au plustard, dedans la Saint Michel prochainement venant en vn an, à tenir par ledit roy d'Angleterre, & par tous ses hoirs & successeurs, perpetuellement & hereditablement, par la maniere que dessus excepté ce que dit est en l'article de Ponthieu, qui demourra en force, & sauf & excepté toutes les choses données & alienées aux eglises: qui leur demourront paisiblement en tous les pays ci dessus, & dessous, nommez, si que les personnes desdictes eglises print diligemment, pour lesdicts roys, comme pour leurs fondateurs, y estans leurs consciences chargées.

Item est accordé que le roy d'Angleterre aura & tiendra toutes les citez, Comtez, chasteaux, & pays, dessusnommez, qui anciennement n'ont esté des roys d'Anglet. en l'estat & ainsi que le roy de France ou ses fils, le tient à present. Item est accordé que: si dedans les mettes desdits pays, qui furent anciennement des roys d'Angleterre, auoit aucunes choses, qui autresfois n'eussent esté des rois d'Angleterre, & dont le roy de France eust esté en possession au iour de la bataille de Poitiers, qui fut le xix. iour de Septembre, en l'an mil trois cens cinquante six elles seront & demourront au roy d'Angleterre, & à ses hoirs, par la maniere que dessus. Item accordé est que le roy de France & son aīné fils le Regēt, pour eux & pour leurs hoirs, & pour tous les rois de France & leurs successeurs à tousiours, au plustost qu'il se pourra faire sans mal engin, & au plustard, dedans la Saint Michel, prochainement venant, en vn an, rendront & bailleront au roy d'Angleterre, & à tous ses hoirs & successeurs, en transporteront en eux, tous les honneurs, regalitez, obediēces, hommages, ligeances, vassaux, fiefs, seruices, recognoissances, sermens, droitures, mer & mixte Impere, toutes manieres de iurisdiciōs, hautes & basses, ressorts, sauuegardes, Seigneuries, & souuerainetez, qui appartenoient & appartiēēt ou pourroient en aucune maniere appartenir aux rois & à la couronne de France, ou à aucune autre personne à cause du Roy & de la couronne de France, en quelque temps, es citez, Comtez, chasteaux, terres, pays, isles, & lieux auant nommez, ou en aucun d'eux, & en leurs appartenances & appendances quelconques, ou personnes, vassaux, ou sugers quelconques d'iceux (soient Princes, Ducs, Com-

res, Vicôtes, Archeuesques, Euesques, & autres Prelats d'Eglise, Barôs, Nobles, & autres quelcôques) sans riens à eux, leurs hoirs, ou successeurs, à la courône de Frâce, ou autre q ce soit, retenir, ne referué en iceux, dont eux, leurs hoirs & successeurs, ou aucun roy de France, ou autre que ce soit, à cause du Roy ou de la couronne de France, aucune chose y puisse calenger ou demâder, au temps à venir, sur le roy d'Angl. ses hoirs & successeurs, ou sur aucun des vassaux & sugets auant-dits, pour cause des pays & lieux auant-nommez: ains que toutes les auât-nômées personnes, & leurs hoirs & successeurs perpetuellement, seront hommes liges & sugets du Roy d'Angl. & de tous ses hoirs & successeurs, & que le roy d'Ang. ses hoirs & successeurs, tiendront & auront toutes les personnes, citez, Côtez, terres, pays, isles, chasteaux, & lieux auant-nommez, & toutes leurs appartenances & appendances, & à eux demourront plainement, perpetuellemēt, & franchemēt, en leur Seigneurie, souueraineté, obeissance, ligeance, & sugettion comme les roys de France les auoiēt & tenoient en aucun tēps. Et que le dit Roy d'Ang. ses hoirs & successeurs, auront & tiendront perpetuellement tous les pays auant-nommez, avec leurs appartenances & appendances, & les autres choses auant-nômées, en toute frâchise & liberté perpetuelle, cōme Seig. souuerains & liges, comme voisins au Roy & au Royaume de Frâce, sans y recognoistre souuerain, ou faire aucune obediēce, hommage, ressort, & sugettion, & sans faire en aucun tēps à venir, aucun seruice, ou recognoissance aux roys, ny à la courône de France, des citez, Comtez, chasteaux, terres, pays, isles, lieux, & personnes, auât-nomez, ou pour aucune d'icelles, Itē est accordé que le Roy de France & son aîné fils renoncerōt expressement ausdits ressorts & souuerainetez, & à tout le droit qu'ils ont, & peuuent auoir, en toutes les choses, qui par ce present traité doyuent appartenir au Roy d'Anglet. & semblablement le Roy d'Ang. & son aîné fils renōcerōt expressement à toutes les choses, qui par ce present traité ne doyuent estre baillées, ou demourer, au Roy d'Ang. & à toutes les demandes qu'il faisoit au roy de France: & par especial au nom & au droit de la couronne & du Royaume de France, à l'hōmage, souueraineté, & dōmaine de la Duché de Normandie, de la Duché de Touraine, & des Côtez d'Aniou & du Maine, à la souueraineté & hommage de la Duché de Bretagne, à la souueraineté & hommage du pays & Comté de Flandres, à toutes autres demandes, que le Roy d'Ang. faisoit, ou faire pourroit, au Roy de France, pour quelconque cause que ce soit, sauf & excepté ce, qui par ce present traité doit demourer, ou estre baillé, audict Roy d'Ang. & à ses hoirs Et transporteront, cederont, & delaisserōt les roys, l'un à l'autre, perpetuellemēt tout le droit que chacun d'eux a, ou peut auoir, en toutes les choses, qui par ce present traité doyuent demeurer, ou estre baillées, à chacun d'eux: & du temps & lieu, ou & quand, lesdites renonciatiōs se feront, parleront & ordonneront les deux roys à Calais ensemble. Itē est accordé, afin que ce present traité puisse estre plus-brièvement accompli, que le Roy d'Ang. fera amener le Roy de France à Calais, dedans trois semaines apres la Natiuité S. Iehan Baptiste, prochainement venant cessant tout iuste empeschement, aux despens du Roy d'Ang. hors les fraiz de l'hostel dudit Roy de France. Item est accordé que le Roy de France payera au Roy d'Ang. trois millions † d'escus d'or, dont les deux valēt un noble de la monnoye d'Ang. & en seront payez audit roy d'Angl. ou à ses députez, six cens mille escus, à Calais, dedans quatre mois, à compter depuis que le roy de France sera venu à Calais, & dedans l'an, de lors prochain ensuyuant, en seront payez quatre cens mille, tels que dessus, en la cité de Londres en Angl. & de lors, chacun an prochain ensuyuant, en seront tousiours payez quatre cens autres mille, tels cōme deuant, en ladite cité, iusques à tant que les trois millions seront parpayez. Item est accordé qu'en payant lesdits six cens mille escus à Calais, & baillant des ostages cy-dessous nōmez, & deliurant au Roy d'Angleterre, dedans les quatre mois, à compter depuis que le roy de France sera venu à Calais, comme dit est, la ville, le chastel, & les forteresses de la Rochelle, & les chasteaux, forteresses, & villes de la Côte de Guines, avec toutes leurs appartenâces & appendances, la personne du dit roy sera toute deliurée de prison, & pourra partir franchement de Calais, & venir en pouuoir, sans aucun empeschement, mais il ne se pourra armer, ne ses gens, cōtre le roy d'Angl. iusques à tant qu'il ayt accompli ce qu'il est tenu de faire par ce present traité. Et sont ostages, tant prisonniers pris à la bataille de Poictiers, cōme autres, qui demourront pour le roy de France, ceux qui s'ensuiuent, c'est à sçauoir Messire Louis, Côte d'Aniou, Messire Iehan, Côte de Poitiers, fils au roy de Fr. le Duc d'Orléâs, frere audit roy, le Duc de Bourbon, le Côte de Blois, ou son frere, le Côte d'Aléçon, ou Mōsieur Pierre d'Aléçon son frere, le Côte de S. Pol, le Côte de Harcourt, le Côte de Portien le Côte de Valentinois, le Côte de Bréne, le Comte de Vaudemont, le Comte de Forest, le Vicomte de Beaumont, le Sire de Couci, le Sire de Preaux, le Sire de Saint-Venant, le Sire de Garétieres, le Dauphin d'Auuergne, le Sire de Hangeft, le Sire de Montmoranci, Monsieur Guillaume de Craon, Monsieur Louis de Harcourt, & Mōsieur Ieā de Ligni, & quant aux nōs des prisonniers, ils sōt tels, Messire Pilippe de Frâce, le Comte d'Eu, le Comte de Longueuille, le Comte de Pontieu, le Comte de Tancarville, le Comte de Ligni, le Comte de Sancerre, le Comte de Dampmartin, le Comte de Ventadour, le Comte de Salebriche, le Comte d'Auxerre, le Comte de Vendosme, le Sire de Craon, le Sire de Derual, le Marechal de Deuchan, & le Sire d'Aubigni. Item est accordé que les dessusdits seize prisonniers, qui iront demourer en ostage pour le roy de France, comme dit est, seront, parmi ce, deliurez de leurs prisons, sans payer aucunes rançons pour le temps passé, s'ils n'ont esté d'accord de certaine rançon par conuenance, faite par auant le tiers iour de May, dernier passé. Et, si aucun d'eux est hors d'Angleterre, & ne se rend à Calais en ostage dedans le premier mois, apres lesdites trois semaines de la S. Iehan, cessât iuste empeschement, il ne sera pas quitte de sa prison, mais sera contraint, par le roy de France, à retourner en Angleterre, comme prisonnier, ou payer la peine, par luy prouuise, & encourue par défaut de son retour. Item est accordé qu'en lieu desdits ostages, qui n'iront à Calais, ou qui mourront, ou se departiront, sans congé, hors du pouuoir du roy d'Angleterre, le roy de France sera tenu d'en bailler

bailler d'autres de semblable estat, au plus pres qu'il pourra estre fait, dedans quatre mois prochains, apres que le Baillif d'Amiens, ou le Meier de S. Omer, en sera sur ce, par lettres dudit roy d'Ang. certifié. Et pourra le roy de Frâce, à son partir de Calais, amener en sa cōpaignie dix des ostages, tels que les deux Roys accorderont, & suffira que, du nombre des quarante dessusdits, en demeurent iusques au nombre de trente. Item est accordé que le Roy de France, dedans trois mois apres qu'il sera parti de Calais, rendra à Calais, en ostage, quatre personnes de la ville de Paris, & deux personnes de chacune des villes, dont les noms s'ensuyuent: c'est assauoir S. Omer, Arras, Amiens, Beauuais, l'Isle, Douay, Tournay, Reims, Challons, Troyes, Chartres, Toulouse, Lion, Orleans, Cōpiégne, Rouen, Caen, Tours, & Bourges, & qu'ils soient des plus suffisans desdites villes, pour l'accomplissement de ce present traité. Ité est accordé que le Roy de France sera amené d'Ang. à Calais, & demourra à Calais par quatre mois apres sa venue, mais il ne payera rien, du premier mois, pour cause de sa garde, & pour chacun des autres mois ensuyuans, qu'il demourra à Calais par defaute de luy, ou de ses gens, il payera, pour ses gardes, dix mille Royaux, tels qu'ils courēt à present en Frâce, deuant son departir de Calais: & ainsi au fur du tēps, qu'il y demourra. Ité est accordé qu'au plustost que faire se pourra, dedans l'an prochain, apres ce que le roy de France sera parti de Calais, Monsieur Iehan, Côte de Montfort, aura la Côte de Montfort, avec toutes ses appartenances, en faisant hōmage lige au Roy de Frâce, & tous tels deuoirs & seruices, qu'un bon & loyal vassal lige doit faire à son Seigneur lige, à cause de ladite Côte: & aussi luy seront rēdus ses autres heritages, qui ne sont mie de la Duché de Bretagne, en faisant hōmage, ou autre tel deuoir qu'il appartiendra, & fil veut aucune chose demander en aucuns des heritages, qui sont de ladite Duché, hors du pays de Bretagne, bonne & briēue raison luy en sera faitē par la court de France. Ité sur la question du dōmaine de la Duché de Bretagne (qui entre ledit monsieur Iehan de Montfort d'une part, & monsieur Charles de Blois d'autre part) accordé est que les deux rois, ayans appellé par deuant eux, ou leurs députez, les parties principales de Blois, & de Montfort, par eux, ou par leurs deputez especiaux, s'informeront du droit des parties, & s'efforceront de les mettre d'accord, sur tout ce qui est en debat entre eux, au plustost qu'ils pourront. Et, en cas que lesdits roys par eux, ne par leurs deputez, ne les pourroient accorder dedans vn an prochain, apres que le Roy de France sera arriué à Calais, les amis d'une partie & d'autre s'informeront diligemment du droit des parties, par la maniere que dessus est dit, & s'efforceront de mettre lesdites parties d'accord au mieux que faire se pourra, & au plustost qu'ils pourrōt, & s'ils ne les peuuent mettre d'accord dedans demi an adōc prochain ensuiuant ils apporteront ausdits deux rois, ou à leurs deputez, tout ce qu'ils aurōt trouué sur le droit des parties, & sur quoy le debat demoura entre lesdites parties, & adonc les deux Roys, par eux & par leurs députez especiaux, au plustost qu'ils pourront, mettrōt lesdites parties d'accord, ou diront leur final auis sur le droit d'une partie & d'autre: & cela sera executé par les deux Roys, & au cas qu'ils ne le pourront faire dedās demi an de lors prochain ensuiuant, adōc lesdites parties principales, de Blois, & de Montfort, ferōt ce que mieux leur sēblera, & les amis d'une part & d'autre aiderōt quelque part qu'il leur plaira, sans empeschemēt desdits Roys, & sans auoir, en aucun tēps à venir, dōmage, blasme, ne reproche, par aucū desdits rois, pour la cause dessusdite. Et, si ainsi estoit que l'une desdites parties ne voulsist cōparoir suffisamment deuant lesdits rois, ou leurs députez, au tēps qui leur seroit establi, & aussi, au cas que, lesdits Roys, ou leurs députez, auoierēt ordōné & déclaré que lesdites parties fussent d'accord, ou qu'ils auoierēt dit leur auis pour le droit d'une partie, & aucune desdites parties ne se voudroit acorder à ce, ny obeir à ladite declaratiō, adōc lesdits rois serōt encōtre luy de tout leur pouuoir, & en aide de l'autre, qui se voudroit recorder & obeir. Mais en nul cas les deux rois, par leurs propres personnes, ny par autres, ne pourront faire, ny entreprendre guerre l'un à l'autre, pour la cause deuantdite, & tousiours demourra la souueraineté & l'hōmage de ladite Duché au Roy de France. Ité que toutes les terres, pays, villes, chasteaux, & autres lieux, baillez ausdits Rois, serōt en telles libertez & franchises, cōme elles sont à present, & serōt icelles franchises cōfirmées par lesdits Seig. rois, ou par leurs successeurs, & par chacun d'eux, toutes les fois, qu'ils en seront sur ce deuement requis, si contraires n'estoient à ce present accord. Ité ledit Roy de Fr. rendra, & fera rēdre & establi de fait, à Mōsieur Philippe de Nauarre, & à tous ses adherēs en appert, au plustost que l'ōpourra sans mal engin, & au plustard, dedās vn an prochain, apres que le Roy de Fr. sera parti de Calais, toutes les villes, chasteaux, forteresses, Seigneuries, droits, rētes, profits, iurisdicciōs, & lieux quelcōques, que ledit Mōsieur Philippe (tāt pour cause de luy, que pour cause de sa fēme) ou que lesdits adherēs teindrent, ou doyuent tenir, au Royaume de Fr. & ne leur fera iamais ledit Roy reproche, dōmage, ny empeschemēt, pour aucune chose, faite auant ces heures: ains leur pardonera toutes offenses & méprisōs du tēps passé, pour cause de la guerre, & sur ce auront ses lettres, bonnes & suffisantes, si que ledit Monsieur Philippe & ses auant-dits adherēs retournēt en son hōmage, luy facēt les deuoirs, & luy soient bōs & loyaux vassaux. Ité est accordé que le Roy d'Ang. pourra dōner, ceste fois seulement, à qui il luy plaira, en heritage, toutes les terres & heritages, qui turent de feu Mōsieur Godeffroy de Harcourt, à tenir de la Duché de Normandie, ou d'autres Seigneurs, de qui elles doyuent estre tenues de raison, parmi les hommages & seruices anciennement accoustumez. Item est accordé que nul homme, ne païs, qui ait esté en l'obeissance d'une partie, & viendra par cest accord à l'obeissance de l'autre partie, te soit empesché pour choses faicte au temps passé. Item est accordé que les terres des bannis & adherēs d'une partie & d'autre, & aussi des Eglises d'un Royaume ou de l'autre, & que tous ceux, qui sont desheritez, ou ostez de leurs terres & heritages, ou chargez d'aucune pension, taille, ou redeuance, ou autrement greuez, en quelque maniere que ce soit, pour cause de ceste guerre, soient restituez entierement es mēmes droits & possessions, qu'ils eurent deuant la guerre commence, & que toutes manieres de forfaitures, trépas de deuoirs, ou méprisōs, faicts

par eux, ou aucun d'eux, en moyen temps, soyent du tout pardonnez, & que ces choses soient faites le plustost que l'on pourra bonnement, & au plustard, dedans vn an prochain, apres que le Roy de France sera parti de Calais, excepté ce qui est dit en l'article de Calais, de Merli, & des autres lieux nommez audit article, excepté aussi le Vicomte de Fronfac, & messire lehan de Galard: lesquels ne seront point cōpris en cest article: mais demourrōt leurs biens, & heritages, en l'estat qu'ils estoient par auant ce present, traité. Itē est accordé que le Roy de France deliurera au roy d'Ang. au plustost qu'il pourra bonnement & deura, & au plustard, dedans vn an prochain, apres son departir de Calais, toutes les citez, villes, pays, & autres lieux dessusnommez: qui par ce present traité doyuent estre bailliez au roy d'Angleterre. Item est accordé qu'en baillant au roy d'Angleterre, ou à autres pour luy, par especial deputez, les villes & forteresses, & toute la comte de Ponthieu, les villes & forteresses, & toute la comté de Montreul, la cité & le chastel de Xaintes, & les chasteaux, villes forteresses, & tout ce que le roy tient en domaine au pays de Xaintonge, de ça & dela Charente, le chastel & la cité d'Angoulême, & les chasteaux, forteresses, & villes, que le roy de France tient en domaine es pays d'Angoulmois, avec lettres & mandemens des delaillemens des fois & hommages. Le Roy d'Ang. à ses propres cousts & fraiz, deliurera toutes les forteresses, prises & occupées par luy, par ses sugets, adherens, & aliez, es pays de France, de Touraine, d'Anjou, du Maine, de Berry, d'Auvergne, de Bourgogne, de Châpaigne, de Picardie, & de Normâdie, & de toutes les autres parties, terres, & lieux, du Royaume de France: exceptées celles de la Duché de Bretagne, & des pays & terres, qui par ce present traité doiuent appartenir & demourer au roy d'Ang. Itē est accordé que le roy de France fera bailler & deliurer au roy d'Ang. ou à ses hoirs & deputez, toutes les villes, chasteaux, forteresses, & autres terres, pays, & lieux auant-nōmez, avec leurs appartenances, aux propres fraiz & cousts dudit roy de France, & aussi, que, s'il y auoit aucuns rebelles, ou desobeissans de rendre, bailler, ou restituer audit roy d'Anglet. aucunes citez, villes, chasteaux, pays, lieux, ou forteresses, qui par ce present traité luy doiuent appartenir, le roy de France sera tenu de les faire deliurer au roy d'Ang. à ses despens, & semblablement le roy d'Angleterre fera deliurer, à ses despens, les forteresses, qui par ce present traité doiuent appartenir au roy de France, & serōt tenus leldits rois, & leurs gens, à eux s'entr'aider, quāt à ce, si requis en sont, aux gages de la partie, qui le requerra: qui seront d'un florin de Florēce par iour pour Cheualier, & demi-florin pour Escuyer, & pour les autres au sur, & du surplus des doubles, gages, est accordé que, si leldits gages sont trop petis, eu egard au marché des viures au païs, il en fera à l'ordonnance de quatre Cheualiers, pour ce eleuz, c'est assauoir d'eux d'une partie, & deux d'autre. Itē est accordé que tous les Archeuesques, Euesques, & autres Prelats de S. eglise, à cause de leur réporalite, serōt sugets de celuy des deux rois, sous qu'ils tiendront leurs temporalité, & s'ils ont réporalitez sous tous les deux rois, ils seront sugets de chacun les deux rois, pour la temporalité qu'ils tiendront sous chacun d'iceux. Itē accordé est que bonnes alliances, amitez, & confederations soient faites entre les deux rois de France & d'Ang. & leurs royaumes, en gardant l'honneur & la cōscience de l'un roy & de l'autre: nonobstans quelcōques confederations, qu'ils aient de ça & dela, avec quelcōques personnes, soient d'Escoce, de Flandres, ou d'autre païs quelcōque. Itē accordé est que le roy de France & son aîné fils le Regent, pour eux & pour leurs hoirs rois de France, si auāt qu'il pourra estre fait, se delayerōt, & partirōt du tout, des alliances, qu'ils ont avec les Escoçois, & promettrōt, si auāt que faire se pourra, q'iamais eux, ne leurs hoirs, ne les rois de France, qui pour le tēps serōt, ne donneront ne feront, au roy, ny au Royaume d'Escoce, n'y aux sugets d'iceluy, presens ou a venir, aide, faueur, ne cōfort, contre ledit roy d'Ang. ne cōtre ses hoirs & successeurs, ne cōtre son royaume, ne cōtre ses sugets, en quelconq maniere, & qu'ils ne feront autres alliances avec leldits Escoçois en aucū tēps à venir, encontre leldits rois & royaume d'Ang. Et semblablement, si auant que faire se pourra, le roy d'Angleterre, & son aîné fils se delayeront, & partiront du tout, des alliances qu'ils ont avec les Flamans, & promettront qu'eux, ne leurs hoirs, ne les rois d'Ang qui pour le temps seront, ne donneront, ny ne feront, aux Flamans, presens, ou à venir, aide, confort, ne faueur, contre le roy de France, ses hoirs & successeurs, contre son royaume, ne contre ses sugets, en quelcōque maniere, & qu'ils ne feront autres alliances avec leldits Flamans, en aucū tēps à venir, contre les rois & royaume de France. Itē accordé est que les collations & prouisions, faites d'une part & d'autre, des benefices vacans, tāt cōme la guerre a duré, tiennent & soient valables, & que les fruits, issues, & reuenues, receues & leuées de quelconque benefices & autres choses tēporelles quelconques, esdits royaumes de France & d'Angleterre, par l'une partie & par l'autre, durans leldites guerres, soient quittes d'une part & d'autre. Itē que les rois dessusdits seront tenus de faire confermer toutes les choses dessusdites, par nostre S. Pere le Pape, & seront icelles aualuées par sermens, sentences, & censures de Court de Romme, & par tous autres lieux, en la plus forte maniere, que faire se pourra. Et seront impetrées dispensations, absolutions, & lettres de ladite Court de Romme, touchant la perfection & accomplissemēt de ce present traité, & seront baillées aux parties, au plustard dedans les trois semaines, apres ce que le roy sera arriué à Calais. Item que tous les sugets desdits rois, qui voudront estudier es estudes & Vniuersitez des royaumes de France, d'Angleterre, iouront des priuilegez & liberez desdites estudes & Vniuersitez, tout ainsi comme ils pouuoient faire auant ces presentes guerres, & cōme ils font à present. Item, afin que les choses dessusdites, traitées & parlées, soient plus estables, fermes, & valables, serōt faites & données les fermetes qui s'ensuiuent: c'est assauoir lettres, scellées des seaux desdits rois, & des aînez fils d'iceux, les meilleures qu'ils pourront faire & ordonner par les Conseils desdits rois: & iureront leldits rois, & leurfdits enfans aînez, & autres enfans, & aussi les autres des lignages desdicts Seigneurs, & autres grans des royaumes, iusques au nombre de vingt de chacune partie, qu'ils tiendront & aideront à tenir, pourtant qu'à chacun d'eux touche, leldites choses, traitées & accordées, &

dées, & les accompliront, sans iâmais venir au contraire, sans fraude & sans mal engin, & sans y faire nul empeschement. Et, si y auoit aucuns personnages desdits Royaumes de Frâce & d'Ang. qui fussent rebelles, ou ne voulsissent recorder les choses dessusdites, lesdits Roys feront tout leur pouuoir, de corps, de biés, & d'amis, de mettre lesdits rebelles en vraye obeissance, selô la forme & teneur dudit traité. Et avec ce, se soumettront lesdits Roys, & leurs hoirs & Royaumes, à la coercion de nostre S. Pere le Pape: afin qu'il puisse cōtraindre, par sentences, cēsures d'Eglises, & autres voyes deues celuy qui rebelle, selon ce qu'il sera de raison. Et, parmy les fermetez & seuretez dessusdites, renôcerôt lesdits Roys, & leurs hoirs, par foy & par serment, à toute guerre, & à toute procedure de fair, & si par desobeissance, rebelliō, ou puissāce d'aucuns sugets du Royaume de Frâce, ou aucune iuste cause, le Roy de Frâce, ou ses hoirs, ne pouuoiet accōplir toutes les choses dessusdites, le Roy d'Ang. ses hoirs, ou aucun pour eux ne feront ou deuront faire guerre contre ledict roy de France ne ses hoirs, ne son Royaume: mais tous ensēble s'efforceront de mettre lesdits rebelles à vraye obeissance, & d'accōplir les choses dessusdites: & s'aucuns du Royaume & obeissance du Roy d'Ang. ne vouloient rendre les chasteaux, villes ou forteresses, qu'ils tiennēt au Royaume de Frâce, & obeir au traité dessusdit, ou pour iuste cause ne pourroit accōplir ce qu'il doit faire par ce present traité, le Roy de France, ne ses hoirs, ny aucun pour eux, ne feront point de guerre au Roy d'Ang. ny à son royaume: mais tous deux ensemble ferôt leur pouuoir de recouurer les chasteaux, villes, & forteresses dessusdites, & moyenner que toute obeissance & accōplissement soit fait aux traittez dessusdits. Et seront aussi faites & données, d'une partie & d'autre, selon la nature du fait, toutes manieres de fermetez & seuretez, que l'on saura, ou pourra diuiser, tant par le Pape, & le Collège de la court de Rome, comme autrement, pour tenir & garder perpetuellemēt la paix, & toutes les choses cy-dessus recordées. Itē est recordé, par ce present traité & accord, que tous autres accords, traittez, ou preloquutions, s'aucuns en y a de faits ou pourparlez au tēps passé, soiēt nuls, & de nulle valeur, & du tout mis au neant, & ne s'en pourront iâmais aider les parties, ne faire aucun reproche l'un cōtre l'autre, pour cause d'iceux traittez & accords, s'aucuns en y auoit, comme dit. Item que ce present traité sera approuué, iuré, & confirmé par les deux Roys à Calais, quand ils y seront en leurs personnes, & depuis que le Roy de France sera party de Calais, & sera en son pouuoir, dedans vn mois prochain, ensuyuant ledit departement, ledit Roy de Frâce en fera lettres confirmatoires, & autres necessaires, ouuertes: & les deliurera & enuoyera à Calais, audit Roy d'Angleterre, ou à ses députez, audit lieu: & aussi ledit Roy d'Ang. en prenant lesdites lettres confirmatoires, en baillera lettres confirmatoires, pareilles à celles dudit Roy de Frâce. Itē accordé est que nul des roys ne pourra, ne fera procurer, par luy, ne par autres, qu'aucunes nouuelles, ou gricfs, se facent par l'Eglise de Rome, ou par autres de Sainte-Eglise quelconques ils soient) contre ce present traité, sur aucun desdits Roys, leurs coadiuteurs, adherans, ou alliez, quels qu'ils soient, ne sur leurs terres, ne de leurs sugets, pour occasion de la guerre, ne pour autres choses, ne pour seruices, que lesdits adherés, coadiuteurs, ou alliez, ayent faits ausdits roys, ou à aucun d'iceux: & se nostredit S. pere, ou autre, le vouloit faire, les deux roys le detourberont, selon ce qu'ils pourront bonnement, sans mal engin. Itē des ostages, qui seront baillez au roy d'Ang. à Calais, de la maniere & du temps de leur departement, les deux roys en ordonneront à Calais. † Et que plusieurs articles dudit accord ayent esté depuis corrigez à Calais, en certaines manieres, pource que les renonciations, qui sont à faire d'une partie & d'autre, selon ledit traité, n'ont pas esté faites à Calais purement & simplement, Nous estant audit lieu de Calais, sauoir faisons que nous voulons, accordons, & nous plaist, qu'après ce que les renonciations, cessions, transports, & delaissemens, serôt faits, ou faites, d'une partie, & d'autre. & icelles enuoyees & deliurées à Bruges, par la maniere que contenue est en vnes autres lettres, sur ce faites, sceelées des seaux de nous & de nostre dit frere, iceux articles, par la maniere qu'ils furent passez & accordez audit lieu de Bretigni, & cōme contenu est ci dessus, soyēt baillez & deliurez à nostredit frere, scelees de nostre seel, & du seel d'Edouard, Prince de Galles, nostre trescher & aîné fils, & les luy promettons bailler & deliurer audit lieu de Bruges, à la feste de S. Andrieu, prochainement venant, en vn an, au cas que nostredit frere nous enuoyera les renonciations, qui sont à faire de sa part, & qu'il les deliurera à noz gens au lieu deuant dit, & aussi lettres pareilles, tant de la teneur dudit traité, qu'autres, scelees de son seel, & de nostre neveu son fils. Et voulons, que quand les choses dessusdites seront faites & accōplies par la maniere dessusdite, lesdits articles, ci-dessus incorporez, demeurent en leur force & vertu, & ayāt tel effect & valeur, pour l'une partie & pour l'autre, comme s'ils n'eussent point esté corrigez. Et promettons loyaument en bonne foy, & iurons sans mal engin, tenir, garder, & accomplir sans fraude, ce que dessus est dit. En tesmoignance de ce, nous auons fait mettre nostre seel à ces presentes lettres, donnees à Calais le xxiiij iour d'Octobre, l'an de grace mille trois cens soixante. † Pour ce est il que nous, voulās de tout nostre pouuoir, entériner & accomplir tout ce que nostredit seigneur & pere a promis & conuenancé, promettons loyaument, & en bonne foy, & auons iuré, & iurons, sur le corps Iesuchrist sacré, tenir, garder, & accōplir, pour tant qu'il nous touche, & pourra toucher, toutes & chacunes des choses conuenues es lettres dessus transcriptes, & par la forme & maniere qui comprise y est: sans venir, ou faire venir, pour le temps auenir, en aucune maniere, à l'encontre. Donné, par tesmoignage de nostre seel, à Boulongne, le xxv. iour d'Octobre, l'an de grace, mille trois cens soixante.

Ce sont maintenant les mots de la lettre du Roy d'Angl. incorporāt en foy celle du Prince de Galles. touchant le traité de Bretigni, cōme vous auēz veu

Ce sont maintenant les mots de la lettre du Prince de Galles, cōfermant le vouloir de son pere, naguères declairé.

Seelées de seel, en cire rouge, pendant à laqs de foye verte.

Collatio facta est cum litteris originalibus existentibus in thesauro chartarum regis, per me
Thesaurarium ac custodem dictarum chartarum, inscriptum, anno domini
millesimo quingentesimo quadagesimo, decima nona die Februarij.

LE ROVLYE.

ANNOTATIONS.

ANNOTATION LXXXVII.

Guicerci en Beauuois] Les autres Exemp. ont Guicrey en Beauuois, & sala Ginery en Beauuoisis, comme il y auoit icy Beauuois en nostre Exemp. s'en taisant la Chaux: mais (quel que soit le nom de la ville) il ented qu'il le fust au terroir de celle de Beaune, en la Duché de Bourgongne.

ANNOTATION LXXXVIII.

dessus vne haute montaigne] M'estant retiré, comme autres fois, en la petite ville-bourgade de Saingenis-Lanual, deux lieues Françoises pardela Lion, selon la descente du Rosne, du costé du Royaume, & à vne semblable lieue pardeça Brignais, pour vaquer plus-solitairement à mes estudes, & reueoir tiercemét les presentes Histoires de Froissart, deuant que les faire imprimer sur ma correction. Maistre Matthieu Michel, mon hôte & bon amy, Precepteur de quelques ieunes enfans de certains Bourgeois de Lion, ayant souuent ouy parler du fait-d'armes ensuyuant, à ceux du pays, le matin du 27. iour de Iuillet 1558. me conduisit, en allant le droit chemin de Saingenis à Brignais, iusques à enuiron trois quarts de lieues Françoises, au bout desquels, sur le costé gauche de nostre chemin, trouuasmes vn petit mont, ou tertre couuert d'un petit bosquet de ieunes chesnes, & de redrageons de chesneaux, en forme de taillis, là ou les plus anciens hommes du pays, selon le rapport des ayeuls aux peres, & des peres aux fils, disent qu'estoyent cāpées les compaignies, qu'ils nomment les Anglois, s'abusans en ce qu'ils pensent que ces Anglois ayent esté défaites en ce lieu. Illec, en conferant la description de nostre Auteur au lieu propre: & estans allez iusques à la vilette de Brignais (qui n'est qu'à vn quart de lieue pardela ce petit mont) & ayans d'auantage circui tout l'environ, trouuasmes que ceste mesme montaignette (que les gens du pays appellent le bois du Goyer) estoit vrayement le fort, que nostre Auteur décrit, & qu'il n'y a rien de faute, sinon qu'il la dit icy haute montaigne, encores qu'elle ne se puisse vrayement nommer que tertre, ou colline, comme aussi les Abregez ne disent simplement que montaigne, Ceste montaignette, colline, ou tertre, estant situé en vne combe, aucunement bossue (qui tend d'un gros hameau, nommé le Peron, iusques à Brignais) & flanquée d'une montaigne, appelée le mont les Barolles, du costé droit, & d'une autre montaigne, prenant son n. du village d'Erigni, du costé gauche, au iour dessusdict pouuoit auoir, pour son Orient, le vray endroit de la ville de Lion, pour son Midy, celui du village de Vourles, pour son Occident, celui de Brignais, & pour son Septentrion, le mont des Baroles, beaucoup plus élue, la descente duquel l'approche si fort, qu'il n'y a que le seul chemin, qui meine de Saingenis à Brignais, qui face la separation de l'une à l'autre. Du costé de son Orient, il a vne assez belle petite plaine à bas, puis de costé mesme se drée incontinent roidement (mais non gueres hautement) & presque ainsi du costé de Septentrion, iusques à tant qu'il fait vn coupeau, comme en forme de Rondelle: dont il a eu quelquefois le nom de Môt rond, & maintenant de Monrand, enuers aucuns, par langage corrompu. Ce coupeau, monstrant encores, pour reste de l'enceint des tranchées du fort des compaignies, iusques à trois piez de profondeur, & iusques à cinq ou six de largeur, presque tout à l'entour, avec autant de rampart, que le temps en a peu souffrir, parmy monceaux de cailloux au dedans du fort, peut auoir enuiron cinquante grans pas en diametre, & enuiron sept vingts en contour: & deuers son Occident s'anale si platement, qu'il s'euanoit incontinent en vne assez grande plaine, qui enuironne tout Brignais: et de ce costé, ou deuoit estre l'entrée du fort, n'y a nulle marque de trenchée, par l'espace d'environ douze grans pas: mais tost apres, elle recōmence vers le Midi: duquel costé se trouue vne biē petite cōbe, comme le fond d'une vague, se regétant sur vn autre plus bas coupeau (nommé le petit Mont-rond, ou Monrand) qui s'aplanit incontinent du tout vers Vourles, & vers Erigni, & en telles plaines cōtinues s'estoit cachée la plupart des cōpaignies, derriere ces deux coupeaux. Si nous fut dit, & a esté souuentefois depuis, par gens dignes de foy, qu'il n'y a pas long temps que l'on a trouué plusieurs bastions, & autres harnois de guerre, dedans les terres d'environ.

ANNOTATIONS LXXXIX

Ce sont Pasques fleuries, estant ce mot de rameaux corrompu.

mille trois cens lxj.] Tous noz Exem. & l'Abr. de la Chaux, on ce mesme nombre, & les mesmes mots suyuant: combien qu'en l'Eglise des freres Prescheurs de Confort, à main droite du grand autel, y ayt tels mots. Cy gist Messire Iaques de Bourbon, Comte de la Marche, qui mourut à Lyon, de la bataille de Brignais, qui fut l'an mil trois cens soixāte deux, le Mecredy deuant les 7 rampos. Item ci gist Messire Pierre de Bourbon, Comte de la marche, son fils, qui mourut à Lion, de ceste mesme bataille, l'an dessusdit, &c. Mais ie croy plus tost noz Exemp. voyant ceste escripture toute fresche, & presque moderne.

ANNOTATION XC.

& de celle du Duc) Ce sommaire, & le cōmencement du cha, en tous les Exem. estoit corrompu de cette sorte. De la mort du Duc de Lancastre & de Boulongne, & de l'occasion de la guerre qui fut entre le Roy de France & de Nauarre, & comment le Prince vint deça la mer, & des ordonnances qui se firent en Angleterre.

En ce temps trespassa de ce siecle en Angleterre le gentil Duc de Lancastre qui Henry s'appelloit. Dequoy le Roy & tous les Barons, Cheualiers & Escuyers furent moult courroucez s'ils le peussent amēder. De luy demeurerent deux filles, Madame Mahault & madame Blanche laissnée, & le Côte de Haynaut nōme Guillaume fils à messire Loys de Bauiere & Madame Marguerite de Haynaut sa femme la maisnée, & messire Iehan Côte de Richemont fils au Roy d'Angl. qui fut depuis Duc de Lancastre de par Madame sa femme par la mort du Duc Henry de Lancastre. Et messire Iaques de Bourbon demoura à poursuir le traitté de messire Iehan de Mōtfort Duc de Bretagne & de messire Charles de Blois qui auoit esté pourparlé en la ville de Calais, si comme cy dessus est dit dont grans guerres & grans maux auindrent au pays de Bretagne ainsi cōme vous orrez ensuiuant. En ce tēps vint en propos & en intention au Roy de France, &c. Mais s'en taisant l'Abr. de la Chaux, nous l'auons ramendé selon celui de sala, & suyuant tous autres bons Auteurs.

ANNOTATION XCI

qui eut à femme) Combien que nous ayons racoustré ce cōmencement de ch. selon l'Abr. de sala: neantmoins si ne laissoit il pas luy-mesme d'estre icy corrompu en ceste sorte. & eut à femme la fille au Côte Loys de Flandres eut la Côte d'Artois & la Côte de Bourgongne & fit foy & hōmage au Roy de France, messire Iehan de Boulongne Côte d'Auuergne eut la Comté de Boulongne. Et le Roy Iehan &c. Mais nous l'auons ramendé selon P. Emil, & tous autres bons Auteurs: et pour mieux entendre ce passage, faut noter que du mariage d'Othelin Comte

ANNOTATIONS.

Comte de Bourgogne, & de Mahaut, Comtesse d'Artois, vindrent trois enfans: c'est assavoir Robert, Jehanne, & Blanche. Robert mourut sans enfans. Jehanne fut mariée à Philippe le Long, depuis Roy de France, & de ce mariage vindrent aussi trois filles à estre mariées. La premiere, nommée Jehanne, fut femme du Duc de Ende de Bourgogne (pour raison de laquelle peut venir le droit des Côtés de son ayeul, et ayeule d'Artois & de Bourgogne, en la maison des Ducs de Bourgogne d'alors, & à cause de son pere, Philippe le Long, Roy de Navarre, et Palatin de Brie & de Champagne, la succession de ce Palatinat, demeurant seulement le Royaume de Navarre à l'heritiere du Roy Louis Hutin, apres que le Roy Charles le Bel fut decedé sans enfans; ainsi qu'en voulut ordonner le Roy Philippe de Valois, fauorisant à son beau frere le Duc Ende) & d'eux deux vint Philippe: qui engendra en la Comtesse de Boulongne, depuis femme du Roy Jehan de France, cet autre Philippe, dernier Duc de Bourgogne ceste lignée là, mourant sans enfans. La seconde fille, appelée Marguerite, fut mariée à Louis, Comte de Nevers, & depuis Comte de Flandres, & pere de ce dernier Louis de Flandres: qui fait icy cet hommage, representât sa mere. Et la tierce, nommée Marie, espousa le Dauphin de Vienne. Quand à Blanche, sœur de Jehanne, femme de Philippe le Long, ce fut celle qui se forfit au mariage d'elle & de Charles le Bel, deuant qu'il fust Roy: & de ce mariage ne vient nuls enfans à cognoissance. Au demeurant, de deux sœurs, que le Duc Ende auoit, l'aînée (qui eut nō Marguerite) fut mariée à Louis Hutin, depuis Roy de F. & de ce mariage cobie qu'elle s'y forfist aussi) vint Jehanne, qui fut mariée à Philippe, Cōte d'Eureux succedât icelle au Royaume de Navarre, & habile à succeder au Palatinat de Brie & de Chāpaigne, au moyen de feu son pere, qui estoit mort paisible possesseur de tout cela, comme Charles, leur fils, Roy de Navarre, le veut icy pretendre. L'autre sœur du Duc Ende de Bourgogne, nommée Jehanne, fut mariée à Philippe de Valois, depuis Roy de France, & de ce mariage sortit le Roy Jehan, qui prend icy la Duché de Bourgogne, mais non tant pour raison de sa mere, que par l'ancien droit de la loy salique, voulant que les Perriers, & apanages des fils de France, retournent à la couronne, en faute d'hoir masle. Au regard de messire Jehan de Boulongne, il estoit frere de la mere, de ce dernier Duc Philippe, qui deuoit estre morte deuant son fils, comme ie le trouue aussi es Croniques de Flandres.

ANNOTATION XCII.

le Captal de Bufz) Les autres Exemp. disent de Beufz, sala de Berich, & la Chaux cappital de Beuch, son cousin, & par serourge, entendez, que le Comte de Foix estoit beau-frere du Roy de Navarre, ayant espousé la sœur d'iceluy Roy, selon Sala.

ANNOTATION XCIII.

Le Captal obeit) Nous auons amplifié ce passage suyuant la Chaux, estant assez mal ordonné dedans noz Exemples en ceste sorte. Le Captal obeit & se partit du Comte de Foix & s'en vint. Et en son chemin pria aucuns Cheualiers & Escuyers sur le chemin. Mais petit en eut. Si que ce temps pendant le Captal venant deuers le Roy de Navarre, le Roy Jehan de France trespassa, &c.

ANNOTATION XCIII.

Messire Jehan Iouel) Ce passage estoit corrompu en ceste sorte, la furent naurez & durement blecez messire Petiton de Courton & messire le Souldich de l'Estrade, & tellement que depuis pour la ioutnée ne se peurent aider messire Jehan Iouel par qui la bataille commença & qui des premiers moult vaillamment auoit assailly & enuahy. Les François y firent ce iour mainte appertise d'armes, & ne daigna onc reculler. &c. mais nous l'auons remis selon le sens de toute la deduction de ceste bataille y estans confirmez par l'Abregeur de la Chaux, qui comme bon Anglois, ou partisan d'Angleterre, n'a peu traire ici la vaillance de ce messire Jehan Iouel, Anglois, combien qu'il trouffe fort court tout ce Cha. ne le trouuât guères à l'auantage de son pays,

ANNOTATION XCV.

ceste bataille) L'Ab. de la Chaux dit ainsi Ceste bataille fut en Normâdie assez pres de Cocheret par vn Ieudy le xxiiij. iour de Mars lan mil. lxiij. ccc Et fut le Captal mené à Vernon. Puis commence vn autre article, en ceste sorte. Le iour de la Trinité mil. ccc. lxiij. Le Roy Charles aîné fils du Roy Jehan, & Celuy de Sala met tels mots. Ceste bataille fut à vn Ieudy xxij. iour de May lan mil ccc lxiij. Le Captal fut mené droit à Vernon de ceux qui le prindrent, & fut sceu depuis que son intention estoit de faire enuahie sur le Duc de Normandie qui s'en alloit à Reins fil n'eust eu cest empeschement. Et fut de ceste bataille honneur donné à messire Bertrand de Claquin par le bon conseil qu'il donna & pour le mieux combattant de la iournée. Le iour de la bataille de l'an dessusdit fut le Roy Charles couronné à Reims, &c. Mais il est certain que l'Escriuain, ayant encores bataille en sa teste, le laissa couler icy en sa plume pour, trinité, L'Hist. de Bert. du Guesclin dit tels mots, & fut ceste bataille duant la Trinité en l'an de l'incarnation nostre Seigneur. Mil ccc. lxiij.

ANNOTATION XCVI.

Si ne pourroit) Sala dit ainsi. Puis retourna le Roy à Paris, ou il fut receu à grāde ioye & à grans esbatemens, & là trouua la plus grand partie des Seigneurs qui eurent esté à la bataille de Cocheret si les festoya & honnora grandement, & par dessus tous les autres il honnora messire Bertrand de Claquin. Le Roy Charles au retour de son couronnement donna la Duché de Bourgogne à monsieur Philippe son frere lequel y alla tantost & print les fois & hommages de ceux du pays. Puis s'en retourna à Paris & Rappaisa son compere l'Arche prestre au Roy qui estoit mal cōtent de luy, pource qu'il ne veut combattre à la bataille de Cocheret, La Chaux dit simplement, puis s'en partit & vint à Paris & à sa reueneue fust saisy & vestu de la Duché de Bourgogne Philippe son maîsne frere lequel ce fait se partit de Paris à grās gēs. Si alla prendre la saisine & hommages des Barōs Cheualiers citez chasteaux & bonnes villes de ladite Duché puis s'en retourna à Paris. Et luy fut baillée charge pour dechasser hors du Royaume les pillars & gens de compaignies auquel voyage il print plusieurs places sur les Navarrois & mit le siege deuant la Charité sur Loire. Voila comment il abrege matiere iusques à la guerre de Bretagne suyuant, demeurant Sala passablement copieux iusques là.

ANNOTATION XCVII.

& messire Louis d'Auxerre) Ce passage estoit ainsi en nostre Exem. & messire Loys d'Auxerre qui estoit fils

ANNOTATIONS.

du Comte d'Auxerre, & le frere du Comte d'Auxerre qui la estoit present, & de telle sorte en celui du Noir, & messire Loys d'Auxerre qui estoit fils du Comte d'Auxerre & frere du Comte d'Auxerre qui la estoit present, & encores Verard de telle autre sorte, meilleure, à mon aui, & messire Louis d'Auxerre qui estoit fils du Comte d'Auxerre qui la estoit present. Mais telle diuersité n'empesche point que ie ne croie, que le Monseigneur de Xaucerre de la fin du cha. 223. & le messire Louis de Xanferre, du cha. 224 ne soit corrompu, & qu'il n'y fale Auxerre, comme aussi Verard escrit Xanferre en ce dernier, estant bien aise de prendre vne n, pour un u, & d'adiouster un x, deuant le mot, par megarde.

ANNOTATION XCVIII.

d'Auxerre & de Ioigni) Pour confirmation de l'Ann. du passage precedent, & pour raison de ma presente correction, il y auoit icy Xauxerre, en mon principal Exemp. Mais ie n'ay feint à le corriger, selon luy mesme par cy de uant. Car encores que quelque Comte de Sanferre puisse auoir pris en ceste bataille d'Aulroy, si est ce que nostre Auteur y a tousiours ioint ces deux, comme voisins, sans y auoir aucunement parlé de Sanferre. Aussi m'en assure bien l'Abregé de sala en tels mots. mais finalement les François furent deconfits & furent prins messire Bertrād de Claquin, le Comte d'Auxerre, le Comte de Ioigni, & grand planté, &c.

ANNOTATION XCIX.

& moult de bonnes gens) Mon principal Ex. & celui du Noir estoient icy corrompus en ceste sorte. & moult de bonnes gens y furent mors tāt sur les champs qu'en la place, & duroit huit grosses lieues de pays iusques pres de Renes. Si auindrent la maintes aduantures en dedans que routes ne vindrent mye en cognoissance, & aussi maint hōme mort, prins & receuz sur les chāps ainsi que les aucuns cheoyent en bonnes mains, &c. Ce que i'ay corrigé selon les commencemens du cha. 226. & 228. selon l'Exemp. de Verard, disant ainsi, & moult de bonnes gens y furent mors tant sur les champs que en la place & duroit la ionchee des mors huit grosses lieues de pays iusques pres de Renes. Si auindrent &c. & aussi maint homme mort prins & receuz sur les champs ainsi que les aucuns. &c. Aquoy m'a confirmé l'Abregé de sala, disant tels mots. Et dura la chasse apres la deconfiture viij bonnes lieues.

ANNOTATION C.

& encores pour cause) il y auoit ainsi, & encores pour cause de ayde & de pourfuyte il ayderoit, &c. dont ayde estoit surperflu, & poursuite mal à propos. Toutefois, combien que i'y aye deuiné ce qui m'a semblé le plus approchant du sens de l'Auteur, & de ces deux mots corrompus, neantmoins ie soupsonne qu'il y ait encores quel que clause, ou demie, perdue par auant, faisant mention de l'offre de la Comté de Ponthieure, pour la venue de Charles de Blois. Mais ie ne vous en puis assurer par les Abregez. Car sala ne dit que tels mots, apres les messagers enuoyez par le Roy Charles, & se porta leur traitté tellement que le Comte de Montfort tant du gré du Roy de France comme par le conseil du Roy d'Angleterre demoura Duc de Bretagne. Et le roy de Frāce luy promist faire ouurir les villes & les chasteaux de Bretagne & assigneroit la Comté de Pontieure vail lant xx mille francs de reuenue par an hereditablement à madame la veufue de messire Charles & si aideroit à deliurer de prison d'Angleterre Iehan & Guy ses enfans. Par ces moyens fut la paix faite & si reut le sire de Clifson toutes les terres, &c. Quand la Chaux, apres les propres mots du conseil du Roy d'Angleterre, il dit seulement. Et ainsi fut accordé parquoy la paix se fist au gré & volonté des deux roys & de leurs confaux comme plus à plain en est touché au liure de Froissart. Avecques toutes ces choses par my l'ordonnance de ceste paix † reut le Seigneur de Clifson sa terre, &c.

L'escriuain ayāt pris vne n, pour un u, escrit Rent.

ANNOTATION CI.

Neantmoins ils les) le doute qu'il n'y ait ici faute de quelques mots, & que Froissart, voulant excuser les deux Princes Anglois, n'entende ce passage en ceste sorte. Mais combien que lō murmurast ainsi cōtre le Roy d'Angleterre & le Prince de Galles: neantmoins ils eussent mieux aimé ces compaignies loing, que pres du royaume de France, ou ils auoient telle part, que ces compaignies par ce moyé estoier pres d'eux quand ils estoient en France, ou bien lisant peu-par auant ouuertement pour couuertement, faudroit dire qu'ils ne se soucioyent point de tous ces murmures, & qu'ils aimoyent mieux ces compaignies sur les terres de leur voisin que sur les leurs, là ou tels pillars eussent peu venir, si ces Princes Anglois les eussent guerroyez.

ANNOTATION CII.

Ce Roy Dom Pietre) Toute cette clause estoit corrompue ainsi qu'il s'ensuit. Avec tout ce le roy Dompierre de Castille rauit trois enfans du bon Roy Alphons son pere & d'une dame qui s'appelloit la riche Drue, laisné auoit nom Henry, le second Dancille, & le tiers Sanles. Mais nous l'auons racoustré selon noz Abr. y estans fort aidez par l'Hist. d'Espagne d'Alfonse de Cartage, par Michel Rits, en son traitté des Roys d'Espagne, & par le liure de Bertrand du Guesclin.

ANNOTATION CIII.

au Roy de Bellemarine &c.) Il y auoit de tresbelle marine, mais nous auons remis ce mot selon tous noz Hist. & cron. avec Bertrand du Guesclin, & selon luy-mesme au ch. 245. comme aussi la Chaux dit belmarin, approchant fort de Benamarin au second cha. d'Alfonse de Cartage, & estoit ce Royaume en la Mauritanie Tingitaine, outre le destroit de Gibraltar. Quand au Roy de Tresmesfairées (qui estoit ainsi escrit Tresmesfairées, il le nomme de Trameslames, au ch. 245. dessus dit. Mais ie n'en ay encores peu rien trouuer ailleurs, sinon que la Chaux dit ici au Roy de Tresmassein, & trouuasmcs, au ch. nagueres allegué, auquel lieu sala dit de Tousemaine,

ANNOTATION CIIII.

Si arriua le Roy Dom Pietre) Ce passage estoit corrompu en ceste sorte. Si arriua le roy Dompierre le soir mesmes comme vn cheualier desbaraté & deconfit en Galice que on dit la Coulongne, &c. Mais nous l'auons remis selon la deduction suyuant, & selon sala, qui dit, & s'en alla en Galice à la Coulongne & se bouterent dedans le chasteil qui moult estoit fort, &c. La Chaux ainsi, & vint arriuer en Galice à vne ville appelée la Quelongne comme vn cheualier desbaraté sy se bouta dedans le fort chasteil &c. Les Annales de Bretagne ayans aussi pris les propres mots de Froissart pour ceste guerre d'Espagne, disent la ville de la Cou-

la Cou-

la Coulongne en Galice.

ANNOTATION CV.

Gomez Garilz, &c. il y auoit Gommegaux, mais trouuant au ch. 241. Gommès Garilz, & par tout après Guillaume Garilzet en la Chaux, Gomez Garilz, ie l'ay remis par tout ainsi, approchant plus du naturel du pays à ce que j'ay entendu par gens, qui l'ont hanté. Quand à Calatraue, il y auoit Gallestraue, mais les Histoires, Cartes, & descriptions d'Espagne, font foy de nostre correction.

ANNOTATION CVI.

& de Leon] Il y auoit de Lizebonne, mais la Chaux dit de Leon, & mieux, à mon auis, entendant de Leon ou Legion, & nompas d'Vlisbonne, principale de Portugal, qui auoit son Roy à part.

ANNOTATION CVII.

Si vous di) La vieille leçon estoit ici telle. Si vous dy qu'ils eurent moult de maux ainçois qu'ils fussent rentrez en la principauté de Cathelongne & d'Arragon, & se partirent en trois routes. L'une des parties s'en alla costoyant Foix & Bourne. Et l'autre Cathelongne & Armignac, & la tierce s'en alla en Arragon, ou entre Arragon, selon Perard, par l'accord du Comte d'Albreth, du Comte d'Armignac & du Comte de Foix. En celle route auoit la plus grande &c. Les Abregez, passent si legerement par-dessus ce lieu, iusques à tant qu'il est parlé du Sénéchal de Toulouse, que ie ne vous puis assseurer ma correction par eux. Mais ie me suis conformé à la deduction precedente & subsequente.

ANNOTATION CVIII.

Adonques l'auifa) il y auoit ainsi, Adóc se aduifa le dit Cheualier d'un cousteau de plates qu'il portoit en son feing si le trait. &c. Sala dit en ceste sorte, mais Chandos d'un coutel de plantes qui portoit en son poing le naura à mort, &c. En quoy j'ay suuy la Chaux, pour le mieux. Dont faut entendre qu'il prend plates, & non plantes pour les tassettes de la cuirace, ou haubergeon, de Chandos, selon qu'ils s'armoyent en ce tēps là.

ANNOTATION CIX.

Ne proprement) Ce passage estoit corrompu en ceste sorte, & proprement venoit le dit Prince en son logis, & la faisoit & rendoit, &c. Mais la Chaux assure nostre correction: s'en taisant Sala.

ANNOTATION CX.

mais en remercierent] Tout ce passage, iusques à & tant exploita, est pris du sens de l'Auteur, & principalement de la Chaux, disant tels mots, ains en remercierent grandement le roy & son conseil & ainsi passa le Prince & tout son ost courtoisement parmy Naurre. Car il iura pour ceux des compagnies audit roy qui le conuoya iusques aux destroits de Roncevaux, &c.

ANNOTATION CXI.

Connestable d'Espagne) Il faut entendre qu'il luy confirma cet estat, le luy ayant baillé des sa premiere conquēte, comme on voit à la fin du cha. 230. Quant à la terre de Soyrie, la Chaux dit forie, et Sala forie, & pour Crete, la Chaux Crete.

ANNOTATION CXII.

& les porta vn de ses varlets) Pour toute la substance de la clause entiere sala dit ainsi. Ces choses ainsi pourueues par le roy de France il enuoya par vne lettre closes & par vn Breton varlet de sa cuisine qui les porta deffier le roy d'Angleterre lequel print les deffiances en grād despit & mesmemēt pour ce que vn garçon les auoit apportees. Si eut conseil que tantost & sans delay il enuoyast pourueoir à la ville d'Abbeuille, &c. La Chaux, disant presque tous les propres mots de nostre texte, parle de ce varlet en telle sorte, enuoya deffier le roy d'Angleterre par ses lettres closes desquelles pour lesquelles porta vn varlet de cuisine de son hostel. Et passa le dit varlet qui estoit Breton la mer sy apoint qui trouua à Douures le dit Comte de Sallebruge, &c.

ANNOTATION CXIII.

& aussi par le moyen du Duc) Deuant ces mots (les cinq premiers desquels j'adiouste, pour plus grand eclarcissement) on eust encores peu enclorre, & qui auoit la fille espousée, dedans la parenthese, mais le cha. 3 & la fin de cestuy ci mesme, confirmée par les Abr. monstrent clairement qu'ils n'y valoient rien. Car le pere de cet Edouard de Gueldres (duquel il est icy question) auoit espouse vne des sœurs du Roy Edouard, & ce Roy Edouard 3. n'eut que trois filles desquelles l'une fut mariée à Iehan de Montfort, Duc de Bretagne, l'autre au Duc de Bedford, & la tierce au Comte de Pennebroth, selon P. Verg. sur la fin de son 19. liure de l'Hist. d'Angleterre.

ANNOTATION CXIIII.

pourquoy ces deux Seigneurs] Tout ce passage estoit si horriblement corrompu, que combien que ie l'aye remis selon le sens de l'Auteur, & suuyant les Abregez, neantmoins ie ne m'en puis bien contenter, sans vous monstrier de quoy. Voila donc comment il estoit. Pourquoy ces deux Seigneurs aduiferent volontiers. Veu avec le Roy d'Angler. que le Duc Aubert eust esté de leur alliance & en estoit le Duc grandement tenté parmy grans dons que le Roy d'Ang. leur promettoit à donner & à faire par ces Cheualiers qu'il y auoit en uoyez deuers luy & par le Seigneur de Comminges qui se tenoit delez le roy & qui estoit pour ceste cause en partie retourne en Haynaut, & par le grand conseil de Monseigneur Iehan Vuerthin Seneschal de Haynaut qui par tout le pays estoit gouverné & lequel estoit sage homme & vaillant Cheualier & bon François. Le Seneschal estoit tant creu &c. Quand aux mots de l'Abr. de sala, il sont tels. En ceste mesme maniere faisoit faire le roy d'Ang. en son pays processions solennelles, & faisoit remonstrier au peuple la querelle estre bonne & iuste & si ne celloit d'enuoyer en l'Empire & faire & retenir amis pour auoir entrée en France & pour auoir de l'aide des Seigneurs de l'Empire. Il eut legeremēt à la querelle le Duc de Guerles son nepueu & le Duc de Iuliers lesquels pour luy complaire enuoyerent tantost apres deffier le roy de France. Il cuida auoir de sa part le Duc Aubert de Bauiere qui tenoit en bail la Comté de Henaut à cause de sa femme & la Duchesse Iehanne de Brabāt, mais le roy Charles qui fut vn Seigneur sage & pourueu de sens & d'auoir les auoit si peruenus qu'ils se tindrēt

Il s'abuse et faut lire sa mere come on voit au ch. 117. Il y faut Gueldres ou Gueldres, selon le ch. 3. & s'abuse aussi es cinq mots suyans, comme nous auons dit en l'Annot. precedente.

neutres en ceste guerre. Or voicy maintenant ce qu'en dit la Chaux. Le Duc Aubert à la priere du Roy d'Angleterre son oncle & de Madame la Roynie sa tante fust assez tost descendu par le pourchas & monicion de messire Edouard de Galles qui auoit sa fille espousee & du Duc de Iulliers son cousin germain. Lesquels estoient liez de foix & d'hommages au Roy d'Angleterre & leur auoit mandé qu'ils se tenissent pourueus chacun de mille lances & ils seroiēt deliurez pourquoy ces deux Seigneurs eussent volontiers veu que le Duc Aubert eust esté de leur confederation. Lequel si enclinoit assez à cause des grans profits que le roy d'Angleterre luy promettoit, mais toutesfois par le cōseil du Seigneur de Vuerchin Seneschal de Hainaut par qui tout le pays estoit en partie gouuerné. Car il estoit sage & vaillant Cheualier, grandement ayme du Duc & de la Duchesse, & si estoit bon François. Tous les traitez des Anglois furent brisez moiennant aussi l'aide du Côte de Blois & de messire Jehan son frere du Seigneur de Brabençon & du Seigneur de Lingne & fut cōclud que le Duc Aubert & son pays demouroient neutres. Car ils ne se tenoient d'une partie ne d'autre. Et pareillement en respōdit Madame Jehanne Duchesse de Brabant. Le Roy Charles de France qui estoit sage & subtil auoit charpenté & ouuré tous ses traitez trois ans deuant. Si auoit bien qu'il auoit de bons amis en Hainaut & en Brabant. Espécialement la pluspart des conſaux des Seigneurs & pour sa guerre embellir & courroucer. Il fist par ses clerks coppier, &c.

ANNOTATION CXV.

Le Duc de Guerles) *Pource que ci deuant, en ce mesme ch. il semble faire le Duc de Iulliers cousin germain de ce Duc de Gueldres, & qu'il brouilloit encor icy quelque chose du parentage de ce Duc de Iulliers (duquel ie n'ay encores peu trouuer assez, pour me contenter, ny en Munster, ny en Volsangue Lazie) vous pourrez encores garder la vieille leçon en ceste sorte.* Le Duc de Guerles neveu de ce roy d'Angleterre fils de sa seur & le Duc de Iulliers cousin germain de ses enfans lesquels estoient pour ce temps bons Anglois & loyaux auoient prins, &c. *Aussi la Chaux la confirme en telle maniere* Le Duc de Guerles neveu au roy Edouard d'Angleterre fils de sa seur & le Duc de Iulliers cousin germain à ses enfans qui pour ce temps estoient bons Anglois auoient prins, &c. *Toutesfois ma correction est fondée sur les ch. 3 & 33. de nostre Auteur mesme.*

ANNOTATION CXVI.

sur luy) *Je pense qu'il y faille sur elle. Toutesfois la Chaux met ceste clause en telle sorte.* Apres ces choses la bonne Dame fist le signe de la croix sur le roy & Monsieur Thomas son mainné fils en les recommandant à Dieu puis tantost rendit son ame à Dieu comme ie croy. Car onc ne fut sceu que en sa vie fist chose, ne pensast, parquoy elle peust perdre la grace de nostre Seigneur.

ANNOTATION CXVII.

& furent deuant) *La Chaux dit ainsi, & furent deuant le chastel de Pernes ou la douariere se tenoit. Sala dit bien Pernes: Mais il ne parle aucunement de la Dame.*

ANNOTATION CXVIII.

à escharnir) *Les parolles suyantes de Jehan Chandos monstrent assez que ce mot signifie irriter, ou agacer, en ou trageant aucunement. Neantmoins c'est la premiere fois que ie l'aye leu, & ne say d'où il peut venir. La Chaux dit rampronner: pour ce verbe: que ie ne congnois nomplns. que l'autre, combien que nostre Auteur use de ce mot rampoines, peu apres.*

ANNOTATION CXIX.

car le pont de Leusac) *Ceci, avec la demie clause precedente, est tout de mesme en la Chaux: mais i'y presuppōse d'auantage: c'est assauoir que les François, voyans venir Chandos, s'arrestèrent quois, sans faire semblant de vouloir de vouloir gagner le pont, & les Anglois de Persy, voyans qu'on ne leur demandoit rien, s'en allerent paisiblement vers Poictiers, sans venir Chandos, tant pour la hauteur de ce pont, que pour quelques maisons & arbres, qui pouuoient estre à l'environ, & à la separation de ces deux routes d'Anglois, & de ceste presuppōsition se trouue quelque chose puis apres, au mesme chapitre.*

ANNOTATION CXX.

Iean de Bourbon) *Cestuy-ci estoit fils de messire Iagues de Bourbon, qui combat les Compaignies au ch. 215, & estoit Comte de la Marche: comme nous l'auons mis en texte peu apres, n'yant, par auant nostre reueue, que tels mots, mais ledit Comte ne voulut adonc riens faire, &c.*

ANNOTATION CXXI.

& say biē) *Combien que i'aye ramendé ce passage selon l'Exem. de Verard, disant ainsi. Toutesfois scay ie biē que le gouuerneur de Blois nommé Allart de Toustanne y alla à tout cinquante lances, &c. & selon l'Abr. de la Chaux, escriuant ceste clause corrompue, Alors le Roy de France ayant ces nouuelles oytes il enuoya le gouuerneur le Comte de Pourſieuem & messire Hue de Pourſieué & grand foison de Cheualiers & Escuyers tirer celle part pour venir à Belle Perche. Quand le Comte de Câtebruge, &c. Neantmoins, pource qu'il me semble qu'il y faudroit encores les noms de quelques autres Seigneurs, selon qu'on le peut appercevoir par les deux autres Exemplaires, ie suis content de vous laisser encor icy leur vieille leçon, qui est telle. Toutes fois scay ie bien que le gouuerneur de Blois, Allart de Toustanne à tout cinquante lances y vindrent & aussi fit &c. En quoy ie me doute que quelque bon compaignon, se voulant gaber de ceux de Blois, que l'on dit auoir souuent ces mots say ie bien en la bouche, les ait ici aioussez, & nous ait corrompu le reste.*

ANNOTATION CXXII.

De Madame de mere) *Ce que les Abr. disent en ce lieu, est tant conformé à ce que dit le Prince de Galles au ch. suyuant, que ie ne vous en doy frustrer. Celuy de Sala dit donc ainsi. Le Duc respondit que oncques n'eust esté veu que pour guerre de Seigneurs on tenist dame ne damoiselle prisonnieres & que ce ne seroit pas leur honneur d'emmener sa mere, mais fils vouloient liuer cinquante des leurs & il enuoieroit cinquante des siens, ceux la verroit il volontiers combattre, & en eust, qui auoir en pourroit, les Anglois n'en voulurent riens faire, ains s'ordonnerent pour partir de la, donc quand le iour vint qu'ils auoiēt ordonné, &c. Celuy de la Chaux en ceste sorte. Alors le Duc de Bourbon respondit & dit, Chandos dites à voz maistres*

ANNOTATIONS.

voiz maistres qu'ils guerroyoient mal honnorablement quand vne ancienne femme seule entre gens ils ont prise pour emmener & raur comme prisonniere oncques en temps passé n'a esté veu en guerre des Seigneurs que Dames & Damoiselles fussent prisonniere: ne rauries de Madame ma mere me de plaira se ie la voy emmener & la raurons quand nous pourrions, mais la forteresse n'emeneront ils pas elle nous demourra, & pource que icy estes reuenus langager † contendant que voz maistres bataille vous leur direz encores que s'ils se veullent mettre sur les champs iusques à nous y emmettrons aussi si soit heureux qui peut. Puis poursuit comme nostre texte, & presque en tous les mesmes mots.

ANNOTATION CXXIII.

Si se partirent les Anglois) Les Abregez ont icy quelque chose d'auantage, tellement que Sala dit, ce voyant le Duc de Bourbon qui oncques n'en issit de sa bastide, mais il enuoya par ses gens saisir le chastel & donna congé aux autres de retourner chacū en sa place, &c. Celuy de la Chaux en ceste sorte, tout ce pouuoient veoir les François qui estoient en leurs logis s'ils vouloient & bien le veirent, mais oncques ne firent semblant d'eux en bouger si se departirent les Anglois & leurs routes à heure de midy & auoient la garde de la Duchesse, &c.

ANNOTATION CXXIIII.

& son frere) Il y auoit tout simplement son frere, mais les ch. 283. & 297. assurent nostre correction, avec les Abr. en tels endroits, accordans avec le liure de Bertraud du Guesclin, qui donne le Côte du Perche pour frere, à ce Duc d'Alençon, nonobstant que noz Genealogistes n'en mettent rien, au moins que i'aye encores veu.

ANNOTATION CXXV.

Brigans) Il y auoit icy lances, mais ayant nostre Auteur parlé de telles gēs de guerre au ch. 275. i'ay remis ce passage selon luy-mesme, & selon les Abr. desquels Sala dit ainsi, iusques à deux mille lances & six cens Brigas, & la Chaux ainsi, & estoient deux mille lances, Cheualiers & Escuyers & six mille brigans à pié à cheual & à pauaix, là ou pour à cheual, fant à lances. Surquoy souuienne vous de ce que nous auons mis en marge, pour ce mot lances, audict chapitre. 275.

ANNOTATION CXXVI.

Puis vindrent ces François) Tous noz Exemp. mettoient en ceste sorte, & puis vindrent deuant le fort chastel d'Aguillon. La ils furent quatre iours, & estoit dedans messire Gautier de Manny & ses compaignons qui tantost se rendirent au Duc d'Aniou, dont ceux de Bergerath furent moult esmeruilliez, &c. Mais nous auons racourci ce passage selon les chap. 121. & 133. & 279. de nostre Auteur, avec confirmation de la Chaux, disant ainsi, puis vindrent deuant Aguillon deuant lequel ils furent quatre iours lequel n'auoit pas si bonne garde qu'il y auoit pourtant (il y faut escrire pour le temps) que messire Gautier de Manny l'auoit tenu contre le Duc de Normandie si se rendirent tantost dont ceux de Bergerath, &c.

ANNOTATION CXXVII.

à bien douze cens) Il y auoit icy, à bien douze cens cheuaux & lances & trois mil lances conquérās &c. Mais i'ay ramené ce passage ainsi que i'ay dit en l'Annotat. 125. y estant confirmé par les Abre. desquels Sala dit ainsi, à tout deux cens lances & quatre mille brigans, &c. & la Chaux ainsi, à tout douze cens lances & trois mille brigans, &c. m'arrestant plustost à la Chaux pour les nombres.

ANNOTATION CXXVIII.

Le Comte d'Alençon) La Chaux dit icy le Comte d'Alençon Comte du Perche, sans parler aucunement de ce Robert d'Alençon, qui sera tantost dit Comte du Perche, et nommé Ichā dedans l'Ab. de la Chaux Dequoy ie vous aduerti expressement, pour cause de l'Ann. 124. me semblant que ce passage de la Chaux se doit distinguer en ceste maniere, Le Comte d'Alençon, le Comte du Perche, &c. Quant au reste de ces noms & surnoms, ie les laisse, comme ie les trouue, ne les congnoissant bien à mon gré.

ANNOTATION CXXIX.

de Canuel) Il a nagueres dit de koniet: quel a Chaux surnomme icy de Carnet, Guesclin Carmeil, & carmeil, & les Anna. de Bret. Kaernicol. Vous trouuerez aussi tantost Robert l'Estoc, pour Nicotin l'Escot, que la Chaux escrit Martin estoit & Jaques l'estoit, & Verant Robert l'Escot, en ce dernier lieu, tellement qu'e tel les diuersitez ie vous laisse à choisir, me suffisant que le vray sens de nostre Auteur n'en soit point corrompu.

ANNOTATION CXXX.

Car il n'estoit) Si les Abr. n'ont les propres mots du reste de ce ch. iusques à la mort du Roy d'Ecosse neātmoins ils ont la substance, tellement qu'ils me font presuposer qu'il y eust en quelque renouvellemēt de discord entre ces deux Rois de France & de Nauarre, depuis la paix qu'ils firent en l'an 1370. au cha. 281. A quoy n'empesche point que le Roy de Nauarre eust laissé ses enfans au Roy de France. Car, estans neueux d'iceluy, par sa seur, le Roy de Nauarre pourroit auoir pense qu'il ne les traitteroit point autrement que ses proches parens, quelque discord, qu'il y eust entre eux. Toutes fois ce, qui est là dit, est tant semblable à ce, qui est icy, que ie me doute que ce ne soit vne mesme chose, redite icy par occasion, & non pour l'attribuer au temps du siege de Bercevet (qui fut en l'an 1373) ains à l'an 1370 dessusdit, auquel les Cron. & Ann. de France mettent assurément cet accord de France & de Nauarre, qui à la verité estoit bien necessaire au Roy de France, pour ce temps là. Iugez, en comme mieux vous semblera.

ANNOTATION CXXXI.

Enuiron Quaresmeprenant) Combien que ces clauses de traitement de paix, me semblent corrompues & imparfaites, neantmoins, pour ce que ie trouue aussi l'Abr. de la Chaux corrompu en ceste sorte, & prendrent les deux parties conuenances d'enuoyer gens de par eux à Montreul sur la mer si furent enuoyez à Calais messire Guichard d'Angle Richard Stan & Geoffroy Ganchier & la de part des François les Seigneurs de Coucy & de la Riuiere, messire Nicolas Brecque & sire Nicole Motier: lesquels traitterent sur le mariage dessusdit grand réps & offrirent adōr les François si (cōme ie fut informé) douze citez, puis rapportèrent iceux Seigneurs traittez à leurs Roys & furent leurs tréues ralongez iusques au premier iour de May & reuindrēt à rien à Calais le Comte de Sallebrin, messire Guichard d'Angle, l'Euesque

Ceci est corrompu & se peut ainsi ramēder, disant que voz maistres demandent bataille vous leur direz encores que s'ils se veulent mettre, aux champs, iusques à cinquante nous y en mettrās aussi cinquante. Si soit heureux, qui pourra.

A N N O T A T I O N S.

de Saint David Chancelier d'Angleterre & l'Euesque de Harfort & de par le roy de France le Sire de Coucy & messire Guillaume des Dormans Chancelier de France, mais oncques ils ne s'oserent affier sur certaine place pour parlementer ensemble entre Montreul & Boulongne & Montreul & Calais ou es frontieres pour chose que ces deux Prelats traitteurs sceussent dire ne remonstrer si demourerent ses traittez & parlemens sur celuy estat, *je vous ay bien voulu garder l'ancienne leçon. Toutesfois, ie liroye volontiers ainsi.* Enuiron Quaresme prenât se fit vn secret traité entre les deux roys, & prirent les deux parties conuenances d'enuoyer grans personages de chacun costé, à certain lieu, qui seroit ordonné entre Calais & Boulongne, ou entre Calais & Montreul sur la mer, pour parlementer ensemble, & acheuer de traitter paix & accord: & ce pendant, pour entretenir & continuer les choses pourparlées furent enuoyez à Calais, de par le roy Anglois, messire Guichard d'Angle, Richard Stan, & Geoffroy Gaucher, & à Boulongne, ou Montreuil de par le roy de France, les Seigneurs de Concy & de la Riuiere, messire Nicole Braques: & Nicolas Bracier, allas tousiours les deux Prelats dessusdits des vns aux autres, pour entremetteurs. Si traitterent grand temps sur le mariage dessusdit, & offrirent adonc les François, si comme ie fu informé, aucunes choses, mais les Anglois vouloient auoir autres choses, ou riens. Si rapporterent encores ces traitteurs leurs traittez deuers leurs Seigneurs, & furent leurs tréues ralongées iusques au premier iour de May: & durant ce temps vindrent encor à Calais, les autres personages, que le roy d'Angleterre deuoit députer pour se trouuer au lieu, qui seroit ordonné pour parlementer, c'est assauoir le Comte de Sallebery, l'Euesque de Saint-David, Chancelier d'Ang. & l'Euesque de Herford, & à Boulongne, ou Montreuil, de par le roy de France, le Sire de Coucy & messire Guillaume des Dormans, Chancelier de France. Mais onc ils ne s'oserent affier sur certaine place, pour parlementer ensemble, entre Calais & Montreul, ou entre Boulongne & Calais, ne sur leurs frontieres, &c. *Sala dit seulement tels mots.* Et fut adonc parlé du mariage du Damoisel Richard & de Madame Marie fille du Roy de France & eurent de grans difficultez ensemble auant que ceux qui estoient deputez à traitter de celle matiere se vouussent accorder du lieu ou ils se pourroient assembler. Car ils ne s'osoient fier les vns aux autres & en fin ils n'en firent riens.

A N N O T A T I O N C X X X I I.

Si fut le corps) *sur cet article me vien à faillir l'Abregé de la Chaux, finissant à tels mots, ou il fut enterré de lez Madame Philippe de Haynaut sa femme. Et atant prent fin le second volume de ces Croniques & commencera le tiers, au couronnement du ieune Roy Richard, iadis fils au noble Prince de Galles. Puis ainsi, plus bas, & hors du rang ordinaire.*

Ci fine le second volume des Croniques d'Angleterre.

Or pleust à Dieu que i'eusse le tiers, pour vous assurer mieux de ce qui viendra au reste. Car ie me doute fort qu'il y aura bien à deuiner, & desia me semble que l'Auteur eust mieux fait de commencer son second Volume au couronnement du Roy Richard, & d'y asseoir, en leur lieu, chascun des articles du reste des chap. de ce present premier Volume. Pource qu'ainsi bien y en repete il la pluspart.

A N N O T A T I O N C X X X I I I.

Thomas son oncle) *Tous noz Exemp. auoient icy Nicolas son oncle Comte de Volengi, & au commencement du chap. suyuant les Comtes de Cantebruge & de Boulogni. Mais disans plus auant audit chap. Aymon, Comte de Cantebruge, & messire Thomas son frere, Comte de Bouquingam, ie n'ay point feint d'y mettre, par tout, Thomas de Bouquingam, selon P. Verg. qui dit qu'il estoit sursurnommé Vuodestok, par le nom du lieu, ou il auoit esté né. Quand aux deux dernieres Comtez, ie confesse ne les cognoistre pas bien encores.*

A N N O T A T I O N C X X X I I I I.

Nommée Katherine) *Il y auoit Marie, mais il dit luy mesme Katherine, au ch. II du 2. Volume, & aussi font les Cron. & Ann. de France.*

A N N O T A T I O N C X X X V.

Nouvelles vindrent) *Telles nouvelles leur peurent bien venir, mais le chap. suyuant, & le premier, & le 15. du 2. Volume monstrant assez que le Duc de Bret. n'y estoit pas en personne.*

F I N D E S A N N O T A T I O N S.

D V P R E M I E R V O L V M E.

HISTOIRE ET CHRONIQUE MEMORABLE DE MES- SIRE IEHAN FROISSART.

REVEV ET CORRIGE SVS DIVERS
EXEMPLAIRES, ET SVIVANT LES BONS AV-
teurs, par Denis Sauuage de Fontenailles en Brie, Histo-
riographe du Treschrestien Roy Henry
deuxiesme de ce nom.

SECOND VOLUME.



A PARIS.

A L'OLIVIER DE PIERRE L'HVILLIER,
RVE SAINT IACQUES.

M. D. LXXIIII.



A M O N S E I G N E V R

ANNE DVC DE MONTMORENCI,

PER ET CONNESTABLE DE FRANCE.



Monseigneur, si par le premier Volume de Froissart vous auez veu les cheualeuses prouesses du roy Philippe de Valois, les perilleuses auentures du roy Iehan son fils, & les commencemens de la sage conduite du roy Charles cinquiesme, fils & prochain successeur du roy Iehan, le present second Volume vous fera veoir aussi les heureuses victoires de ce prudent roy Charles son fils, la pluspart acquises par le cōseil & execution du tant renommé Cheualier Bertrand du Guesclin Connestable

de France, vraye figure de vous pres la Magesté du feu roy de bonne memoire. Encor y verrez vous Messire Oliuier de Clisson semblablement Connestable de France, faire tel deuoir en sa charge, sous la rendre ieunesse du roy Charles sixieme, fils du cinquieme susdit, que l'on luy peut attribuer, entre autres, presque tout l'honneur de la victoire de Rosebecque: ou furent déconfits les rebelles de Gand, s'y trouuant mort Philippe d'Arteuelle, leur Capitaine général. Ce que ie n'eusse tāt tardé à vous presenter apres l'auoir remis au plus pres de son entier: si la perte commune, auene aux sugets de ce royaume par l'estrange mort de leur bon Prince & roy, ne m'eust esté tant particuliere, que de m'auoir fait tomber en toute indisposition de le pouuoir faire plustost: & principalement par vne maladie telle, qu'elle ne m'a laissé au corps, restant neantmoins l'esprit tel qu'il a pleu à Dieu me le donner, rien de biē vigoureux, fors qu'un courageux vouloir de paracheuer ce que i'ay commencé sur l'appuy & sousténement de vostre tresnoble maison, en consideration & faueur du Public. Pour effect duquel bon vouloir s'offre maintenant ceste mienne reueue & correction du second Volume dessusdit, qu'il vous plaira, Monseigneur, en receuant la verité de mon excuse, auoir encores pour agreable, pendant que la grande bōté diuine (qui vous vueille maintenir en tout heureux estat) me donnera la grace de faire sortir les deux autres en lumiere, & quelque chose d'auantage par vostre bon moyen, demeurant tousiours vostre treshumble & tresobeyssant seruiteur.

DENIS SAVVAGE.

TABLE DES CHAPITRES DV SECOND VOLUME DE MESSIRE IEHAN FROISSART.

D E la cheuanchee que le Duc d'Aniou fit contre les Anglois au pays de Bordelois.	page 1.
CHAP. I.	
Comment messire Thomas de Felleton fut déconfit & pris, avec plusieurs des principaux Seigneurs de Gascongne, par quelques François du siege de Bergerat.	II. 3
Comment Bergerat fut rendu au Duc d'Aniou: & comment les Sires de Duras & de Rosem, ayās promis d'estre François, se retournerent Anglois.	III. 4
Comment Castillon, Sauueterre, et plusieurs autres places de Gascongne, se rendirent au duc d'Aniou, pour le Roy de France.	IIII. 6
Comment le Duc d'Aniou prit la ville et le chastel de Saint-Macaire par composition, et la ville de Duras pas assaut, et son chastel à mercy.	V. 7
Comment le Duc d'Aniou se retira vers sa femme, à Toulouze, et le Connestable vers le Roy de France: et comment Yuain de Galles assiegea Mortaigne-sur-la-mer.	VI. 9
Comment le Roy Charles de France moyenna que les Escocois fissent guerre aux Anglois: & comment le chastel de Bernic fut pris par les escocois.	VII. 10
Comment le comte de Northombellande reprit le chastel de Bernic.	VIII. 12
Comment le comte de Northombellande, & le Comte de Northen, & les autres Anglois entrerent à grand'puissance au Royaume d'Escoce.	IX. 13
Comment Messire Thomas Monsegrauce & autres Anglois furent déconfitz par les Escocois.	X. 15
Du trépas des Roynes de France & de Nauarre: & du renouvellement de discord entre leurs maris.	XI. 16
Du trépas du Pape Gregoire onziésme: & comment apres la mort soudaine de son prochain successeur, les cardinaux eleurent, par contrainte, Urbain sixiésme dont commença le scisme en l'Eglise de Romme.	XII. 17
Des Ambassadeurs, que le Roy de Nauarre enuoya en France, pour cuider recouurer ses enfans: & comment deux de ses gens furent concincus d'auoir voulu empoisonner le roy de France.	XIII. 19
Comment le roy de France enuoya saisir les terres du roy de Nauarre, tant en Normandie, qu'en Languedoc: & comment le roy de Nauarre, s'allia aux Anglois, & sous quelles conuenances.	XIIII. 20
Comment le Sire de Concy & le Sire de la Riuiere prirent plusieurs places de la comté d'Eureux, sur le roy de Nauarre, pour le roy de France.	XV. 22
Des grans Gens-d'armes que le Duc d'Aniou retenoit contre les Anglois & du siege que les Espaignols tenoient deuant Bayonne.	XVI. 23
Des issues & cheuanchees, que les Anglois firent en celle saison sur diuers lieux, parmi le royaume de France, & aussi la piteuse mort d'Yuain de Galles.	XVII. 24
Comment ceux d'Eureux se rendirent aux François: & des deux osis, assemblez deuant Saint-Malo.	XVIII. 26
Comment les Anglois vindrent leuer le siege de Mortaigne.	XIX. 28
Comment les Anglois recouurerent plusieurs forts chasteaux sur les François, au pays de Bordelois.	XX. 29
Comment la mine faite par les Anglois contre ceux de Saint-Malo, fut perdue, & le siege leué.	XXI. 30
Comment messire Olivier du Guesclin fut pris de ceux de Cherbourg.	XXII. 31
Comment la garnison Francoise de versat fut déconfite en vne rencōtre, & leur forteresse rendue aux Anglois: & comment le Roy de Nauarre vint à Bordeaux, demander secours aux Anglois.	XXIII. 32
Du siege de Pampelune, tenu par l'Enfant de Castille: & comment messire Thomas Triuet, Anglois, y menant secours au Roy de Nauarre, prit plusieurs places en Gascongne, sur les François.	XXIIII. 33
Comment messire Thomas Triuet, avec ses Anglois, arriva au secours du Roy de Nauarre: & comment	

- Comment le siege de Pampelune fut leué. xxv. 35
- Comment les Anglois & Nauarrois coururent sur le Royaume d'Espagne, & de ce qui leur y aduint. xxvi. 36
- D'une course de meſſire Thomas Triuet ſur la ville d'Alfaro en Eſpaigne, & comment, eſtant la paix faite entre le Roy d'Eſpaigne & de Nauarre, le Roy Henry mourut, & Iehan, ſon fils, fut couronné. xxvii. 37
- Comment le Sire de Mucident ſe retourna Angloiſe & comment le Sire de Langurant fut nature à mort: & comment auſſi le Capitaine de la garniſon de Bouteuille fut deconſtit & le chaſtel rendu François. xxviii. 39
- Comment meſſire Thomas Triuet ſ'en retourna en Angleterre, avec ſes compaignons: & comment un Heraut de ſa compaignie compta, au Duc de Lancaſtre, tout le diſcours de la mort du Roy Henry de Caſtille, & le couronnement de Iehan, ſon fils aîné xxix. 40
- Comment un meſſager du Roy de France fut empeſché de faire ſon voyage, par le Comte de Flandres: dont ſourdut grande diſſenſion entre le Roy & le Comte. xxx. 41
- Comment le Duc de Bretagne ſe retira de Flandres en Angleterre, & comment le ieune Comte de S. Pol, eſtant priſonnier de guerre en Angleterre, ſ'y maria. xxxi. 44
- De la guerre du Duc d'Aniou en Bretagne, & de la priſe de meſſire Guillaume des Bordes par la garniſon de Cherbourg. xxxii. 45
- Comment Godeffroy Teſle-noire, & Aymerigot Marcel, Capitaines du parti d'Angleterre, prirent quelques places fortes en Auvergne & en Limouſin: ſur les François. xxxiii. 46
- Du ſciſme qui fut fait en l'Egliſe, & la maniere comment, des Bretons, qui guerroyerent ceux de Rome, & de la Royne de Naples, qui mit ſes terres en la main du Pape Clement ſixieſme. xxxv. 47
- Comment le Pape Clement ſ'en alla en Auignon, & des dons, qu'il fit au Duc d'Aniou, & comment meſſire Silueſtre Bude & ſes compaignons furent decolez. xxxvi. 50
- De l'eſtat de Flandres, au temps duquel il eſt icy parlè, de la principale cauſe & racine de la guerre du Comte de Flandres & des Flamans: & comment les Blancs-chaperons furent mis ſus par Iehan Lyon. xxxvii. 52
- Comment, par l'enhortement de Iehan Lyon, les Gadois enuoyerent aucuns des notables Bourgeois da la ville de Gand, deuers le Comte de Flandres, leur Seigneur, pour la conſeruacion de leurs priuileges & franchiſes: & de la priere que le Comte fit aux Bourgeois, pour oſter les Blancs-Chapperons. xxxviii. 55
- Comment les Blancs-Chaperons de Gand occirent le Bailly, emmy le marché, & des biens & maiſons aux Matthieux: qui furent deſtruits & gaſtez, & du grand brouillis, qui fut lors à Gand. xxxix. 58
- Des douze Bourgeois de Gand, qui furent tranſmis deuers le Comte de Flandres, & comment les Blancs-Chaperons pillerent & ardirent le chaſtel d'Andreghien: que le Comte ay moit grandement. xl. 59
- De la mort Iehan Lyon, des Capitaines, que les Gandois eleurent, & des bonnes-villes de Flandres, qui ſ'alierent à ceux de Gand. xli. 61
- Comment les Gandois aſiegerent, de tous coſtez, la ville d'Audenarde: & du grand aſſaut, qu'ils firent à Terremonde: ou le Comte leur Seigneur, eſtoit. xlii. 63
- Des aſſaux, qui ſe faiſoient deuant Audenarde: & de la paix, qui fût faite entre les Flamans & le Comte de Flandres, par le moyen du Duc de Bourgogne. xliii. 65
- Comment le Duc de Bretagne retourna d'Angleterre en Bretagne, à la priere de ſes gens: de la volonté des Anglois, pour le mariage de leur ieune Roy d'Angleterre: & comment aucuns Anglois, qui eſtoient enuoyez au Duc de Bretagne, furent tourmentez en la mer. xliiii. 67
- Comment ceux de Gand enuoyerent Ambaſſadeurs à leur Comte, pour le faire venir en leur ville. xlv. 69
- Comment le Comte de Flandres entra en la ville de Gand: de ſon ſecret departement, & comment les murs d'Audenarde furent abbatus par les Blancs-Chaperons & leurs alliez & complices. xlvi. 70
- Comment les Gandois rendirent Audenarde, & des maiſons aux Nobles de Flandres, qu'ils abbattirent, & comment la guerre commença, entre iceux Nobles & les Gandois, moult cruelle & ſans pitié. xlvii. 73

T A B L E

<i>Comment les Flamans furent guerroyez par les Nobles de Flandres.</i>	XLVIII. 75
<i>Comment mesire Bertrand du Guesclin, Connestable de France, trépassa.</i>	XLIX. 76
<i>Comment le Duc de Bretaigne enuoya vers le Roy d'Angleterre, pour auoir secours, & comment le Comte de Bouquingam, maisné fils du Roy Edouard d'Angleterre, fut ordonné pour ce voyage.</i>	L. 77
<i>Comme le Comte de Bouquingam, maisné fils du Roy Edouard d'Angleterre, & les Anglois, se partirent de Calais, pour venir en France, & de leurs ordonnances.</i>	LI. 78
<i>Comment le Sire de Brimeu & ses enfans furent pris des Anglois, & toute leur route: & comment la garnison de Peronne fut rechacée moult hastiement dedans leur ville.</i>	LII. 80
<i>Comment les Anglois ardirent & gasterent le pays de Champaigne, des rencontres, qu'ils trouverent en leurs chemins, & des prisonniers qu'ils prirent.</i>	LIII. 82
<i>Comment les Anglois vindrent deuant Troyes: de l'escarmouche, qui fut faite pres les portes, de la prise d'une bastide, que le Duc de Bourgongne auoit fait faire au dehors: & comment le Roy Charles pratiqua ceux de Nantes.</i>	LIIII. 83
<i>Comment les Anglois cheuaucherent tout le pays de Gastinois & de Beauffe: comment un Escuier François requit un Anglois de iouster: & comment ils sy porterent moult vaillamment.</i>	LV. 86
<i>Comment le Roy Charles le quint, deuint malade: & de ce qu'il en chargea au liect de la mort.</i>	LVI. 88
<i>Comment le Seigneur de Hangeſt cuida estre pris des Anglois, & comment le Seigneur de Mauuoſin demoura leur prisonnier, & comment ils passerent la riuere de Sartre, à grand malaise.</i>	LVII. 89
<i>De la mort du Roy Charles de France cinquieme de ce nom.</i>	LVIII. 90
<i>Comment les Anglois arriuerent en Bretaigne, comment le Duc s'excusa enuers eux de sa longue demourée: & comment ils entreprirent ensemble de mettre le siege deuant Nantes.</i>	LIX. 91
<i>Du couronnement du Roy Charles de France, sixieme de ce nom.</i>	LX. 93
<i>Comment le Comte de Bouquingam asiegea Nantes, & des braues saillies de ceux de dedans.</i>	LXI. 94
<i>De ce qui empescha le Duc de Bretaigne de venir au siege de Nantes, & comment ceux de dedans continuoient vaillamment leurs saillies.</i>	LXII. 96
<i>Comment les Anglois se partirent du siege de Nantes, & des belles excusations, que le Duc de Bretaigne bailla au Comte de Bouquingam.</i>	LXIII. 98
<i>De quelques ioustes & faits-d'armes, accomplis en la presence du Comte de Bouquingam, entre certains François & Anglois.</i>	LXIIII. 101
<i>Comment le Duc de Bretaigne fit sa paix enuers le Roy de France: comment les Anglois retournerent en leur pays, & du fait d'armes d'entre un Escuyer François & un Anglois.</i>	LXV. 103
<i>Comment la guerre recommença entre le Comte de Flandres & les Gandois, & comment aucuns de Gand & d'Ypre furent deconfits par les embusches du Comte de Flandres.</i>	LXVI. 107
<i>Comment ceux d'Ypre & de Courtray se retournerent deuers le Comte de Flandres, & comment la ville de Gand fut asiegee.</i>	LXVII. 109
<i>Comment le Comte de Flandres leua le siege de Gand, & comment il déconfit une grande partie de l'armée des Gandois, par l'outrecuidance de Rasse de Harſelles, leur Capitaine pres Nieule.</i>	LXVIII. 111
<i>Comment Pietre du Bois, Capitaine du reste de l'armée des Gandois, se retira à Gand, & comment y ayant esté en grand danger de sa vie, asiegea la ville de Courtray.</i>	LXIX. 113
<i>Comment Arnoul le Clerc, Capitaine de quelque troupe de Blancs-Chaperons, déconfit plusieurs Nobles du Comte de Flandres, & comment il fut aussi puis apres déconfit & tué.</i>	LXX. 115
<i>Comment, durant ceste guerre de Flandres, les riches hommes de Gand estoient tirannisez par leurs gens de guerre, & comment Philippe d'Artenelle fut fait Capitaine de Gand.</i>	LXXI. 116
<i>De la guerre entre les Roys de Castille & de Portugal.</i>	LXXII. 119
<i>Comment le Comte de Cantebrugge partit d'Angleterre, pour aller en Portugal: & comment le Duc de Lancastre s'en alla sur la marche d'Eſcoce, pour faire tréues avec les Eſcoçois.</i>	LXXIII. 121
<i>Comment les menues gens d'Angleterre se rebellerent contre les Nobles.</i>	LXXIIII. 122
<i>Des maux, que le peuple d'Angleterre faisoit sur les officiers du Royaume, & comment ils enuoyerent un cheualier parler au Roy.</i>	LXXV. 123
<i>Comment le commun d'Angleterre entra dedans Londres: des grans maux & outrages, qu'il y fit & de la</i>	

- & de la mort de l'Archeuesque de Cantorbic: & de plusieurs autres. LXXVI. 125
- Comment les Nobles d'Angleterre furent en tresgrand peril d'estre destruits, & comment trois principaux Capitaines des rebelles furent punis, & leurs gens renuoyez en leurs maisons. LXXVII. 128
- Des tréues d'entre les Anglois & les Escocois, & comment le Duc de Lanclastre se tint en Escocce durant les rebellions d'Angleterre. LXXVIII. 132
- Comment le Roy Richard d'Angleterre alla par les villes & villages de son Royaume, en faisant punition de ceux, qu'il y trouuoit auoir esté des principaux rebelles & mutins: & comment le Duc de Lanclastre retourna d'Escocce en Angleterre. LXXIX. 133
- Du mal-talent, que le Duc de Lanclastre conceut cõtre le Comte de Northombellande, pour le refus qu'on luy auoit fait de luy ouurir Bernich. LXXX. 134
- Comment le Comte de Canteburge & ses gens arriuerent à Lissebonne en Portugal. LXXXI. 135
- Comment le Comte de Flandres assiegea Gand de rechef. LXXXII. 137
- Comment le Comte de Flandres leua son siege de Gand, & cõment deux riches Bourgeois de Gand qui vouloient moyenner paix entre le Comte & leur ville: furent tueZ publiquement par Pierre du Bois & Philippe d'Artenelle. LXXXIII. 137
- De l'émence, qui fut à Paris, pour les aides qu'on vouloit mettre sus: comment le Sire de Concy l'appaisa: & des preparatifs du Duc d'Anjou, pour son voyage de Naples. LXXXIII. 141
- Comment les Anglois cheuaucherent sur les Espaignols, outre le commandement du Roy de Portugal: & comment le chasteil de la Fighiere, en Espagne fut pris. LXXXV. 143
- Comment apres la cõqueste du chasteil de la Fighiere: le Chanoine de Roberfac: retournant à sa garnison, fut en grand danger, & du secours de France au Roy de Castille. LXXXVI. 145
- Comment l'Empereur Vincelant enuoya sa sœur Anne au Roy Richard d'Angleterre, qui la prit à femme. LXXXVII. 145
- Comment le Roy de France ne peut point auoir d'argent du Receueur de Paris: & comment le Duc d'Anjou passa en Italie: & de sa noble Cheualerie. LXXXVIII. 147
- Comment le Comte de Sauoye, accompagnant le Duc d'Anjou, au Royaume de Naples, fit couper la teste à vn, qui se ventoit de leur faire auoir le chasteau de l'Oeuf par enchantement. LXXXIX. 149
- Comment le Chanoine de Roberfac & ses gens, cheuauchans de rechef contre la volonté du Roy de Portugal, prirent quelques places sur les marches de Senille. XC. 150
- Des grans pillés & proyes, que le Chanoine & ses compaignons firent sur le Roy de Castille, & cõment, s'estans mutinez contre le Roy de Portugal, payement leur fut incontinent deliure. XCI. 151
- Comment les Roys de Castille & de Portugal assemblerent leur puissance, & comment la paix fut faite entre eux, contre la volonté des Anglois. XCII. 154
- De la iouste d'entre vn Cheualier François, partisan de Castille, & vn Anglois, partisan de Portugal: & comment le Comte de Canteburge remmena ses gens en Angleterre, & son fils mesme dont depuis le Roy de Castille espousa la femme, Infante de Portugal. XCIII. 156
- Des grans neceßitez de viures, que ceux de Gand auoient, & comment les Gandois en furent secourus par ceux du Liege. XCIII. 157
- La dure response, que le Comte de Flandres fit à ceux, qui s'entremettoient de paix faire entre luy & les Gandois: & comment durant ce temps, les Maillotins s'eleuerent de rechef à Paris. XCV. 160
- Comment cinq mille Gandois se partirent de la ville de Gand, pour aller assaillir leur Comte & ceux de Bruges, apres la response que Philippe d'Artenelle leur rapporta de l'assemblée de Tourmay. XCVI. 161
- L'ordonnance de la bataille des Gandois, qui deconfirent le Comte de Flandres, & ceux de Bruges, & la maniere comment ce leur auint. XCVII. 164
- Comment la ville de Bruges fut prise par les Gandois, & comment le Comte de Flandres se sauua en l'ostel d'une pource femme, en la ville de Bruges. XCVIII. 166
- Comment ceux de Gand épargnerent les marchans estrangers dedans Bruges, & cõment le Comte de Flandres partit de Bruges: & s'en vint à l'Isle, là ou aucuns de ses gens s'estoient desia retiréz. XCIX. 168
- De ce que les Gandois firent à Bruges, apres leur conqueste, & comment toutes les villes de Flandres se rendirent à eux, fors Audenarde. C. 170
- Des bobans de Philippe d'Artenelle, estant de retour à Gand: & comment le Comte de Flandres

<i>se maintenoit ce pendant à l'Isle.</i>	C I. 171
<i>Comment Philippe d'Arteuuelle & ses Gandois meirent leur siege deuant Audenarde.</i>	C II. 172
<i>Comment aucuns Gandois du siege d'Audenarde, en courant sur les terres de leur Comte, brulerent quelques villages des frontieres du Roy de France, dont ils eurent guerre à tous deux.</i>	C III. 173
<i>Comment le Duc de Bourgongne moyenna que le Roy Charles de France, son neueu, fist guerre aux Gandois & à leurs adherans, tant pour contreuengance de ses vilages bruslez, que pour aider au recouurement de Flandres, pour le Comte, son homme & vassal.</i>	C IIII. 174
<i>D'un songe du Roy de France, Charles sixiesme: dont il print vn Cerf volant pour deuise.</i>	C V. 176
<i>Comment durant le siege d'Audenarde, les rebelles de Flandres firent contenance de prier le Roy Charles, pour les remettre en paix avec leur Comte, & comment estans, meprises du Roy, tascherent d'attirare l'Anglois à leur alliance.</i>	C VI. 177
<i>Comment les Ambassadeurs des Gandois, & les autres rebelles de Flandres, faillirent à auoir l'alliance d'Angleterre assez à temps.</i>	C VII. 179
<i>Comment le messager, que les Gandois auoient enuoyé au Roy Charles, fut deliuré de prison: & comment quelques prisonniers de Tournay & de Courtray furent échangez les vns pour les autres.</i>	C VIII. 180
<i>De quelques Commissaires du Roy Charles, pour faire certain traitté avec les Flamans: & comment en demandant sauf-conduit, leurs messagers furent retenus prisonniers en Flandres.</i>	C IX. 181
<i>Responce de Philippe d'Arteuuelle aux Commissaires de France: & comment il la leur enuoya par vn sien prisonnier d'Audenarde</i>	C X. 182
<i>Des gracieuses lettre, que Philippe d'Arteuuelle escriuit feintement à ceux de Tournay, & comment les Commissaires de France retournerent deuers le Roy.</i>	C XI. 183
<i>Comment apres le rapport des Commissaires de la paix: & à la suscitation du Comte de Flandres, present, le Roy Charles fit assembler ses gens de guerre en Artois, contre les Flamans, & comment Arteuuelle fit garder les passages de Flandres.</i>	C XII. 184
<i>Comment plusieurs Cheualiers du party du Comte de Flandres, ayans passe le Pont-Amenin, furent deconfits & tuez au rappasser par les Flamans, leur estant le pont rompu, & comment Arteuuelle, en sachant les nouuelles à Ypre, en donna courage au peuple.</i>	C XIII. 185
<i>Des conseils & ordonnances de l'armée de France, pour passer en Flandres, apres les ponts rompus & gardez.</i>	C XIII. 187
<i>Comment quelque peu de François, ne pouuans passer au pont de Commynes: trouuerent autre moyen, par petites barques & nacelles, au desceu des Flamans.</i>	C XV. 189
<i>Comment ce peu de François, qui estoit passé outre la riuere du Lis, se mit en bataille deuant les Flamans.</i>	C XVI. 191
<i>Comment les François, qui auoient passé la riuere du Lis, déconfirent Pietre du Bois, & ses Flamans, & en occirent grande foison, & comment le reste de l'Avantgarde resit & passa le pont de Commynes.</i>	C XVII. 193
<i>Du conseil, que Philippe d'Arteuuelle prit, pour cuidoier resister à la puissance du Roy de France, & comment il eut nouuelles de ses Ambassadeurs d'Angleterre.</i>	C XVII. 195
<i>Comment le Roy passa la riuere du Lis, sur le pont de Commynes, & comment la ville d'Ypre se mit en son obeissance.</i>	C XIX. 196
<i>Comment le Roy eut nouuelles de quelque émeutte des Parisiens, comment plusieurs places de Flandres se rendirent à luy.</i>	C XX. 197
<i>Comment le Roy de France logea dedans Ypre: comment Pietre du Bois empescha que ceux de Bruges ne se rendissent à luy, & comment Arteuuelle assembla sa puissance, pour combattre les François.</i>	C XXI. 198
<i>Comment Philippe d'Arteuuelle, ayant donné à souper à tous ses Capitaines, les instruisit de ce qu'ils auroient à faire le lendemain, en la bataille de Rosebecque, & de la merueille, qui auint en son camp durant ceste nuit.</i>	C XXI. 200
<i>Comment le Roy Charles donna à souper à ses oncles: & à quelques autres de ses principaux Barons, le soir deuant la bataille de Rosebecque, & comment le Conestable de Cliffon fit tant qu'il s'excusa de ne demourer pres la personne du Roy pendant la bataille.</i>	C XXI. 202
<i>Comment Philippe d'Arteuuelle & ses Flamans partirent de leur fort du matin, pour se camper au Mont d'or, pres d'Ypre, & comment le Conestable, l'Amiral de France & le Bastard de Langres, allerent deconourir leur maintien.</i>	C XXI. 203

TABLE

De la bataille de Rosebecque, entre les François & les Flamans, & comment Philippe d'Artenelle, chef des Flamans, y fut tué, & tous ses gens déconfits,	CXXV. 204
Du nombre des morts en la bataille & chace de Rosebecque, de Philippe d'Artenelle, pendu apres sa mort: du siege d'Andenarde leué: de la retraite de Pietre du Bois à Gand, & comment le roy logea en la ville de Courtray.	CXXVI. 206
Comment ceux de Bruges se rendirent & mirent en l'obeissance du roy de France, et en sa mercy: comment le comte de Blois garda que le pais de Hainaut ne fut couru & pillé, et comment ceux de Gand furent reconfortez de Pietre du Bois.	CXXVII. 208
Comment les traittez d'alliances furent rompus entre les Anglois & les Flamans, & comment le roy se partit de Flandres.	CXXVIII. 209
De quelque vaine entreprise de paix entre le roy Charles & les Gandois, & comment le roy estant de retour à Paris, fit oster les chaises des rues, & chastia grièvement les Parisiens, pour cause de leurs émeutes des Maillets.	CXXIX. 211.
Comment plusieurs notables hommes furent decapitez avec Maistre Jehan des Marests, à Paris, & quelques autres en plusieurs villes & citez de France.	CXXX. 214
Comment les Gandois renouellerent leur guerre, & comment le comte de Flandres se fit hair des Anglois.	CXXXI. 215
Des bulles que le Pape Urbain enuoya en Angleterre, pour destruire les Clementins, & comment l'Euesque de Nordwich fut chef de ceste entreprise.	CXXXII. 216
Comment l'Euesque de Nordwich, chef des Anglois pour l'entreprise d'Urbain contre les Clementins, descendit à Calais avec son armee & Urbanistes.	CXXXIII. 217
Comment l'Euesque de Nordwich, chef des Urbanistes d'Angleterre, entra sur les pays de Flandres, contre l'opinion de Hue de Caurelee, comment le comte de Flandres luy enuoia des Ambassadeurs, et de la dure response, qu'il leur fit.	CXXXIII. 218
Comment l'Euesque de Nordwich cheuaucha vers Donquerque, & comment, ayant déconfit douze mille Flamans, prit & saisit la ville.	CXXXV. 221
Comment les Anglois de l'Euesque de Nordwich, ayās conquis toute la coste marine de Granelines à l'Ecluse, meirent le siege deuant la ville d'Ypre.	CXXXVI. 223
Comment les Gandois vindrent au siege d'Ypre avec les Anglois, et comment le Seigneur de S. Leger, allāt renforcer la garnison de Courtray pour le roy de France, fut deconfit par quelques Anglois, pres commines.	CXXXVII. 224
Comment l'Euesque du Liege, n'ayant peu moyenner paix avec celui de Nordwich, pour le Comte de Flandres, s'en retourna sans riens faire.	CXXXVIII. 225
Du grand mandement, que le Roy de France fit, en intention de leuer le siege d'Ypre, & de la deconfiture d'aucunes gens du Comte de Flandres par les Anglois, à la demolition du monstier d'Ermenin.	CXXXIX. 226
D'un dur assaut, que les Anglois & Gandois liurerent à la ville d'Ypre, & comment, estant le Roy de France en Artois avecques sa puissance, leuerent incontinent leur siege.	CXL. 227
Comment le Duc Federic de Bauiere arrina en l'ost du Roy de France, & comment le Comte Guy de Blois, à tout ses gens-d'armes, vint à Arras, nonobstant qu'il fust bien malade.	CCLI. 229
Comment l'Avantgarde des François prit Cassel & Trugben, & comment les Anglois abandonnerent Bergues, et se retirerent à Bourbourg, là ou le Roy les assiegea.	CXLII. 229
Comment François Aitremen, l'un des Capitaines de Gand, surprit la ville d'Andenarde par une nuit.	CXLIII. 233
Comment Aimerigot Marcel, Capitaine d'Anglois es marches d'Auvergne, print d'emblee le chasteau de Marquel, & comment la Comtesse Dauphine le racheta de cinq mille francs.	CXLIII. 234
Comment le Roy de France fit assaillir Bourbourg, & comment, luy estant par apres rendue par composition & tous Anglois retirez de Flandres, donna congé à son armee.	CXLV. 236
Comment les Anglois de l'Euesque de Nordwich furent mal receus à leur retour en Angleterre: comment certains, grans personnages furent députez pour faire paix, ou trêues, entre les Rois de France & d'Angleterre, & comment le Duc de Brabant mourut.	CXLVI. 238
Comment, durant le traitement de paix ou de trêues, les Gandois outragerent ceux de Tournay & comment trêues furent accordées entre les Rois de France & d'Angleterre & leurs aliez.	CXLVII. 239
Comment le Côte Louis de Flandres mourut, & de l'ordre, qui fut tenu à son obseques.	CXLVIII. 240

- Comment les comtes de Northombellande & de Nortyinghen, & les Anglois, meirent sus une cheuauchée pour entrer en Escocce, & des Ambassadeurs de France, qui furent enuoyez en Escocce, pour notifier les tréues, qui estoient entre France & Angleterre. CXLVIII. 242.
- Comment les Barons & cheualiers d'Escocce, & aucuns de France, meirent sus une cheuauchée, pour entrer au royaume d'Angleterre: sans le seu du roy d'Escocce, & comment il s'en enuoya excuser par un Heraut. CXLIX. 244
- Comment les tréues, qui furent prises entre les Francois & Anglois & leurs aliez, furēt publiques en Escocce & Angleterre, & comment les Cheualiers de France, en retournant d'Escocce, furent en grand danger par vent contraire. CL. 245
- Comment le Seigneur Destournay fit son assemblée pour reprendre Audenarde, & comment par son sens il la conquist. CLI. 247
- Comment le Duc d'Aniou mourut en un chasteau lez Naples, & comment sa vefue fut conseillé d'aller deuers le Pape pour la possession de Prouence. CLII. 248
- Des preparatifs de France, pour renouveler guerre aux Anglois, & comment la Duchesse de Brabant fit le mariage des enfans de Bourgongne à ceux de Hainaut. CLIII. 249
- Comment le Roy & les Seigneurs de France & de Hainaut firent faire leurs pourneances à cambray: du message, que le Duc de Lancastre enuoya deuers le comte de Hainaut: & des noces des enfans de Hainaut & de Bourgongne. CLIIII. 251
- Comment le Duc de Berri fiança sa fille au fils du comte de Blois, & comment le Duc de Bourbon & le comte de la Marche firent leur mandement pour entrer en Limosin. CLV. 253
- Du voyage de messire Jehan de Vienne, Admiral de France, en Escocce, contre les Anglois, apres les treues faillies. CLVI. au mesme
- Des maux que faisoient les routiers de Gand, nommez les Pourcelets, & comment François Attremen déconfit quelque troupe de François, pres Ardembourg. CLVII. 254
- De la poursuite de Madame d'Aniou, pour la possession de Prouence, & comment messire Galeas, comte de Vertus, fit emprisonner son oncle Bernabo Visconte. CLVIII. 255
- Comment Guillaume de Lignac, Sénéchal de Xaintonge pour le Roy de France, prit le chasteau de L'Aigle, sur les Anglois, & comment l'armée du Duc de Bourbon prit Montliou, & le port de Taillebourg, en asiegeant la place. CLIX. 256
- Comment messire Jehan de Vienne, Admiral de France, arriva en Escocce, avec son armée, & du meunais traitement, qu'ils y trouuerent. CLX. 258
- Comment la ville d'Ardembourg cuida estre prise d'emblée par François Attremen & ses Gandois. CLXI. 260
- Comment Louis de France, frere du Roy Charles sixiesme, fut marié à Marguerite de Hongrie par procureur, & comment Madame de Brabant fit venir la fille du Duc Estienne de Bauiere, pour la marier au Roy Charles. CLXII. 261
- Comment François d'Attremen, avec ses Gandois, prit le Dan: & comment ceux de Bruges tascherent à le recouurer. CLXIII. 264
- Comment le Roy Charles espousa Madame Ysabel de Bauiere, & comment il asiegea le Dan. CLXIII. 265
- Comment plusieurs Bourgeois de l'Escluse furent decapitez, pour une trahison contre les François, & comment le Duc de Bourgongne l'acquesta de messire Guillaume de Namur, par échange de la terre de Bethune. CLXV. 266
- Comment François d'Attremen & ses gens abandonnerent le Dan, & comment la ville fut prise & destruite par les François, & le pays des Quatre mestiers aussi. CLXVI. 267
- Comment le Roy de France se partit de Flandres, & donna congé à ses gens: & comment estant venu à Paris pour traiter aux Ambassadeurs de Hongrie, nouvelles vindrent, apres que le Marquis de Blancquefort auoit pris à femme, par force, l'heritiere de Hongrie. CLXVII. 268
- Comment le Duc de Bourbon print Bertueil en Poictou, & comment il retourna vers le Roy à Paris. CLXVIII. 269
- Comment l'armée d'Escocce & les gens de l'Admiral de France entrerent en Northombellande: & comment leur venant la puissance d'Angleterre alencontre, se retirerent dedans les frontieres d'Escocce. CLXIX. 270
- De la merueilleuse auenture, qui auint en l'ost du Roy d'Angleterre, cōment messire Jehan de Hollande occit messire Richard de Stanfort, & comment le comte de Stanfort son pere, vint en l'ost du Roy d'Angleterre, pour demaader iustice. CLXX. 272
- Comment le Roy d'Angleterre fit destruire l'Eglise de Mauros en Escocce, & comment les Barons de

T A B L E

<i>rons de France & d'Escoce entrèrent sur les marches de Galles.</i>	CLXXI. 274
<i>Comment le Roy d'Angleterre destruisit la ville de Haindebourg, & la meilleure partie d'Escoce: & comment les François & Escoçois faisoient le semblable es marches de Galles & de Northombellande.</i>	CLXXII. 275
<i>Comment le comte d'Acquessuffort fit rompre au Roy d'Angleterre la poursuite des François & des Escoçois au pays de Galles: & comment les Anglois s'en retournerent en Angleterre, par ou ils estoient allez en Escoce, & les François & Escoçois en Escoce, par le mesme chemin, qu'ils auoient pris pour entrer dernièrement en Angleterre.</i>	CLXXIII. 276
<i>Du mauuais traitement & de la grande rigueur des Escoçois envers l'Admiral de France & ses gens: & comment ils retournerent en France.</i>	CLXXIII. 277
<i>De l'estat de Flandres en celuy temps, & comment deux bons Bourgeois de Gand s'entremirent secrettement de la paix avecques le Duc de Bourgongne, sy accordant mesmes François Attremen.</i>	CLXXV. 279
<i>Comment les deux Bourgeois dessusdits prirent iournée d'eux assembler avec leurs amis, pour accomplir leurs entreprises, & comment tous ceux de la ville de Gand s'accorderent à faire paix, nonobstant la resistance, qu'y cuida faire le Gouverneur pour le Roy d'Angleterre, & Pietre du Bois.</i>	CLXXVI. 281
<i>Comment mesire Jehan d'Elle apportant lettres patentes du Duc de Bourgongne aux deux Bourgeois de Gand, au Marché des denrées, sur le fait de pardon & de paix avec leur Seigneur le Duc de Bourgongne, pour la ville de Gand & ses complices, & cōment ceste paix fut confirmee à Tournay, par autres lettres patentes, bien authentiquées de chacun costé.</i>	CLXXVII. 283
<i>Charte de la paix de Flandres, entre le Duc Philippe de Bourgongne, comte de Flandres par sa femme & les Gandois & leurs complices.</i>	CLXXVIII. 284
<i>Comment, apres la paix de Gand, Pietre du Bois se retira en Angleterre, avec mesire Jehan le Bourcier, par auant Gouverneur de Gand pour le Roy d'Angleterre.</i>	CLXXIX. 287

Fin de la Table du second Volume.



CY COMMENCE LE

SECOND VOLUME DES CRONIC-

QUES SIRE IEHAN FROISSART: AV PRE-

*mier Chapitre duquel il traite de la cheuauchee que le Duc d'Aniou
feît contre les Anglois au pays de Bordelois.*

CHAPITRE PREMIER.



IE N auez ouy † cy dessus recorder cōment le Duc de Bourgongne fit vne cheuauchée es marches de Picardie (qui moult fut honorable pour luy, & profitable pour les François * & comment il ordonna en Ardre, & es Chasteaux dont il tenoit la possession, Capitaines & Gens-d'armes pour les tenir, & par especial, en ladite ville d'Ardre: ou il establit à demourer messire Guillaume des Bordes, & en son absence, le Vicomte de Meaux, & le Sire de Sainp papres. Ceux là firent remparer & fortifier mallement: combien qu'elle fust forte assez par auant. Le Roy de France, (qui de ses nouvelles fut tresgrandement réioui, & qui tint à belle & bonne ceste cheuauchee) enuoya tantost ses lettres à Saint-Omer: & commanda que la ville d'Ardre fut bien garnie, & pourueue de toutes pourueances, grandement & largement. Tout fut fait, ainsi qu'il cōmanda. Si se deffit ceste cheuauchée: mais le Sire de Clifson & les Bretons ne dérōpirent point leur route: mais, le plustost qu'ils peurent, retournerēt vers Bre taigne. Car nouvelles estoient venues au Seigneur de Clifson & aux Bretons, eux estās deuāt Ardre, que Ianequin de Clere, vn Escuyer d'Angleterre, & bon Hōme-d'armes, estoit issu d'Angleterre, & venu en Bretagne, & * qu'il auoit mis des Anglois dedans Brest. Parquoy les Bretons retournerēt, le plustost qu'ils peurent, & emmenerent messire Iaques de Vertain, Sēeschal de Haynaut, avec eux: & le Duc de Bourgongne s'en retourna en France, delez le Roy son frere. En ce temps se faisoit vne grande assemblée de Gens-d'armes en la marche de Bordeaux, au mandement du Duc d'Aniou & du Con nestable, car ils auoient vne iournée arrestée contre les Gascons & Anglois: de laquelle ie parleray plus plainemēt, quand i'en feray mieux informé, que ie ne suis encor. En † ce tēps q̄ le Duc de Bourgongne fit son armée en Picardie, (si cōme il est cōtenu ci-dessus) le Duc d'Aniou estoit en la bōne cité de Toulouse, delez Madame sa fēme: & imaginait subtillement, nuit & iour, cōment il pourroit porter contraire & dōmage aux Anglois. Car il sentoit encore plusieurs villes & chasteaux, sur la riuere de Dordonne, & es fron tieres de Rouergue, Toulousain, & Querci: qui contrarioient grandement le pays: & tra uailloient toutes gens, dont il auoit l'obeissance. Si fauifa qu'il y pouruoyeroit de reme de: & getta son auis, qu'il iroit mettre le siege deuant Bergerat: pourtant que c'est la clef de Gascongne, tant sur la frontiere de Rouergue & de Querci, que de Limosin. Et pour tant qu'il sentoit plusieurs grans Barons de Gascongne contraires à luy (tels que le Sei gneur de Duras, le Seigneur de Rosé, le Seigneur de Mucidēt, le Seigneur de Lāgurant, le Seigneur de Guernoles, & de Carles, messire Pierre de Lāduras, & plusieurs autres) il aduifa qu'il feroit vn puissant & grand mandement, pour resister contre les dessusdits, & estre si fort, qu'il peust tenir les champs. Si escriuit à messire Iehan d'Armignac, que à ce besoing ne luy voufist faillir, & enuoya aussi deuers le Seigneur d'Albreth: & auoit

† Au cha. 328
du premier Vo
lume.

* Annot. 1:

* Anno. 2:

† Sur ce point
faut noter que
nostre Auteur
retourne icy à
l'ā 1377. ayāt
laissé à rédiger
par escrit plu
sieurs choses,
sur les quatre
derniers ch. de
son premier Vo
lume pource
qu'il n'en estoit
pas encor.

mandé en France le Connestable, & le Marechal de France messire Louis de Sancerre & aussi le Sire de Coucy, & plusieurs Cheualiers & Escuyers, en Picardie, en Bretagne, & en Normandie: qui tous estoient desirans & auoient grand volonté de le seruir, & de leurs corps auancer en fait d'armes, & acquerir honneur, & louenge: & ia estoient deuers luy venus le Connestable & le Marechal de France. Bien sauoit le Duc d'Aniou, qu'il y auoit vn grand different entre les cousins & amis des Seigneurs de Pommiers, Gascons, & messire Thomas de Felleton, grand Sénéchal de Bordeaux & de Bordelois. La raison parquoy, ie la vous diray, & esclarciray cy pres. Au parauant ce temps, en l'an mil trois cens septante cinq, estoit aduenue vne cruelle Iustice en la cité de Bordeaux, emprise, faite, & accomplie par messire Thomas de Felleton, Lieutenant du Roy d'Angleterre es marches de Bordeaux, sur le Seigneur de Pommiers (qui s'appelloit messire Guillaume) & tout par maniere de trahison. Dequoy on fut moult emerueillé. Si furent pris en la cité de Bordeaux, au commandement & ordonnance du Sénéchal, ce seigneur de Pommiers & vn sien Clerc, Conseiller, & Secretaire, de la natio de Bordeaux (qui s'appelloit Iehan Coulon) & fut prouué sur eux (si comme ie fu adonc informé) que le seigneur de Pommiers se deuoit rendre, son corps & ses chasteaux, aux François: n'ont ne s'en peurent excuser, n'oster, qu'il ne les conuenist faire mourir. Si furent le sire de Pommiers & son Clerc publiquement décoléz en la cité de Bordeaux, en la place, deuant tout le peuple: dōt on fut moult emerueillé: & tindrent ce fait à grand blasme ceux du lignage: & se partit de Bordeaux & de Bordelois ce gentil Cheualier, oncle au defusdit, messire Aymon de Pommiers: & prit ce fait à grāde vergongne: & iura que iamais pour le Roy d'Angleterre ne s'armeroit. Si s'en alla outre mer au Saint-Sepulcre & en plusieurs autres voyages: & quand il fut retourné, il s'ordonna François, & se mit, luy & sa terre, en l'obeissance du Roy de France: & deffia tantost le Seigneur de l'Esparre, Gascon & luy fit grande guerre: pourtant qu'il auoit esté au iugement. Encores, pource mesmes fait & soupçon, & pour le Chastel de Fronzac (qui fut pris & liuré aux François estant de l'heritage au Seigneur de Pommiers: qui mourut & fut decolé en la cité de Bordeaux) furent occupez de cette mesme trahison messire Iehan du Bleffac, messire Pierre de Landuras, & messire Bertrand du Franc: & en tindrent prison à Bordeaux plus de sept mois. Mais depuis ils en furent deliurez par le pourchas de leurs amis (car on n'en pouuoit riēs prouuer sur eux) & en demoura vn long temps en grande danger, & en telle tache & parole, messire Gaillard Vighier: dont on estoit moult emerueillé, pourtant qu'il n'estoit pas au pays, mais en Lombardie, avec le Seigneur de Coucy, & au seruice du Pape Gregoire: qui l'en aiderent à excuser, quand la cognoissance leur en fut venue: & en demoura le Cheualier sur son droit. Si s'en engendrerent & nourriront en Gascongne plusieurs haines couuertes: dont plusieurs mechefs en auindrent. Quand le Duc d'Aniou vid que temps fut departit de Toulouse, & que la greigneur partie de ses Gens-d'armes s'en estoient venus & traiz sur les champs, & par especial le Connestable de France (en qui il auoit moult grande fiance) il se partit de Toulouse, & se mit à chemin, tout droit deuers Bergerat: & en estoit gardié & Capitaine messire Perducas d'Albret: & se tenoit en vn petit chasteau, à vne petite lieue de Languedoc: qu'on appelle Moueux, vn moult beau fort. Tant exploiterent les osts du Duc d'Aniou, qu'ils vindrent deuant Bergerat: & se logerent à l'enuiron, au plus pres de la riuere qu'ils purent, pour auoir l'aide d'eux & de leurs cheuaux. Là estoient avec le Duc d'Aniou, grans gens & nobles: & premiere-ment messire Iehan d'Armignac, à grande route, le Connestable de France aussi, à grande charge, messire Louis de Sancerre, messire Iehan de Bueil, Pierre de Bueil, Yuain de Galles, messire Maurice Trisquedi (qui iadis fut en Bretagne, & sy estoit maintenu du coté & en la partie des François & Bretons l'un de xxx.) messire Alain de Beaumôt, messire Alain de la Houffaye, messire Guillaume & Pierre de Mornay, messire Iehan de Vers, messire Boudouin Cremoux, Thibaud du Pôt, Heliot de Calais, & plusieurs autres bōs Gēs-d'armes, & grans routes. Si s'estēdirent, & firent leurs logis sur ces beaux prez pres la riuere de Dordōne: & estoit grand plaisir à les regarder. Au plus pres du logis du Duc estoit logé le Cōnestable de Frāce. Si venoient souuent les cōpaignōs, qui desiroyēt les armes & leurs corps auancer, écaroucher aux barrieres. Si en y auoit de blecez & de naurez du trait: ainsi cōme en telles auentures les faits-d'armes auienēt. Au chef de six iours, q le siege fut mis deuāt Bergerat, vindrēt en l'ost du Duc, deuāt Bergerat, en grand arroy, & bien accompagnés de Gens-d'armes & de Brigans, le Sire d'Albreth, & mes-

*Bergerat assie-
gé par le Duc
d'Aniou.*

fire Bernard d'Albret, son cousin, si y furent receus à grande ioye, car l'ost en fut moult grandemēt renforcé. Au huitiesme iour du siege, furent le Duc d'Aniou & les Capitaines de l'ost en conseil, comment on pourroit le pluſtoſt, & le plus appertement, greuer ceux de Bergerat. Si en furēt là pluſieurs parolles dites & deuſſées: & furent ſur vn eſtat longuement, pour aſſaillir ladite ville: & puis eurent nouveau conseil, & que leurs aſſaux pourroient trop blecer de leurs hommes, à petit conqueſt: & ſe departit ce Cōſeil ſans auoir nul certain arreſt, fors que de tenir le ſiege, car encores attendoit on grand nombre de Gens-d'armes (qui venoient de France) & par eſpecial, le Seigneur de Coucy.

Comment meſſire Thomas de Felleton fut déconſtit & pris, avec pluſieurs des principaux Seigneurs de Gaſcogne, par quelques François du ſiege de Bergerat. CHAP. II.

Vous deuez ſauoir que meſſire Thomas de Felleton (qui ſe tenoit à Bordeaux, & qui ſentoit ſes ennemis à douze lieuës pres de là, & ſi puiffans que de puiffance il ne pouuoit pas reſiſter contre eux: dont il n'eſtoit pas bien ioyeux: & toute la faiſon auoit entendu que le Duc d'Aniou auoit faiēt ſon mandement pour l'eſtat des François) auoit mandé en Angleterre, au Roy & à ſon conseil: mais ceux, qui enuoyez y eſtoient, n'auoient rien exploité. Car le pays d'Angleterre eſtoit en branle, & en different l'un contre l'autre: & par eſpecial, le Duc de Lancaſtre n'eſtoit pas bien en la grace du commun peuple (pourquoy pluſieurs incidences, perilleuſes & haineuſes, en auindrent depuis en Angleterre) & ne partoyent en ce temps nuls Gens-d'armes d'Angleterre, pour venir en Gaſcogne, n'en Bretagne. Dequoy ceux qui les frontieres tenoyent à l'inſtance du ieune Roy d'Angleterre, n'en eſtoient pas plus réioiſ: & eſtoit auenu que meſſire Thomas de Felleton auoit prié le Seigneur de l'Eſparre d'aller en Angleterre, pour mieux informer le Roy, ſes oncles, & le pays, des Beſongnes de Gaſcogne, à ce qu'ils y pourueuſſent de conseil: & eſtoit ia le Sire de l'Eſparre, à la priere de meſſire Thomas de Felleton, parti de Bordeaux & entré en mer: mais il eut vne fortune de vent ſur mer, qui le bouta en la mer d'Eſpaigne. Si fut rencontré de neſſes Eſpaignoles: à qui il eut la bataille: mais il ne peut obtenir la place pour luy. Si fut prins & mené en Eſpaigne, & là fut plus d'un an & demy, car il eſtoit tous les iours agraué du lignage de ceux de Pommiers. Meſſire Thomas (qui moult vaillant homme eſtoit) auoit eſcrit & mandé, par eſpecial, au Seigneur de Mucident, au Seigneur de Duras, au Seigneur de Roſem, & au ſeigneur de Langurant (qui eſtoient les quatre Barons les plus haux & les plus puiffans de toute Gaſcogne, de la partie des Anglois) que par honneur & pour l'heritage du Roy, leur Seigneur, garder & deffendre aucunement ils ne laiſſaſſent point, qu'ils ne veniſſent à Bordeaux ſur Gironde, à toute leur puiffance, car Cheualiers (qui en tous cas ſe vouloyent acquiter enuers le Roy, leur Seigneur, & ſes officiers) eſtoient venus à Bordeaux. Quand ils ſe furent mis enſemble, ils ſe trouuerent bien cinq cens Lances: & ſe tenoyent à Bordeaux, & en Bordelois, du temps que le Duc d'Aniou eſtoit au ſiege deuant Bergerat: & eurent aduis & conseil Meſſire Thomas de Felleton & ces quatre Barons, Gaſcōs, qu'ils cheuaucheroient ſur les François, & ſe mettroyent en lieu party, pour ſauoir ſe ſur leur auantage ils pourroyent riens conqueſter: & ſe departirent de Bordeaux: par route, plus de trois cens Lances: & ſe meirent ſur le chemin, & tindrent les champs, & prirent le chemin de la Riolle: & vindrent ſur vn certain pas, auquel auoit vne ville, qu'on appelle Yuret, & là ſe logerent. De ceſte embuſche ne ſauoyent riens les François, dont ils eurent pluſieurs dommages. Ainſi ſe tint le ſiege deuant Bergerat: & y eut fait pluſieurs écar-mouches, & appertifes d'armes, de ceux de dehors à ceux de dedans, mais bien petit y gaignerent les François, car meſſire Perducas d'Albreth (qui Capitaine en eſtoit) les empeſchoit tellement, que nul blaſme ne l'en doit reprendre.

Prife du ſeigneur de l'Eſparre ſur mer, par les Eſpaignols.

† Cheuauchée de Thomas de Felleton, contre les François du ſiege de Bergerat.

Or eurent conseil ceux de l'ost, pour leur beſongne approcher: & pour plus greuer leurs ennemis, que ils enuoyeroient querir à la Riolle vn grand engin, qu'on appelle Truie. Lequel engin eſtoit de telle ordonnance, que il gettoit pierres de faix: & ſe pouuoient bien cent Hommes-d'armes ordonner dedans, & en approchant, aſſaillir la ville. Si furent ordonnez, pour aller querir celui engin, meſſire Pierre de Bueil, meſſire Iehan de Vers, meſſire Baudouyn de Cremoux, meſſire Alain de Beaumont, le Sire de Montcalay, & le Sire de Gaures: & ſe departirent de l'ost enuiron trois cens Lances de bonnes gens d'eſtoffe: & paſſerent à gué la riuere de Dordonne, & cheua-

† C'est assavoir
de ceux, qui
aloient que-
rir la Troie:
ou bien fandroir
lire ainsi, &
riens n'en sa-
uoient les
François, en-
tendant que les
François ne
fussent rien de
cette embusche,
comme il a ra-
dit & dira.

cherent deuers la Riolle: & firent tant, qu'ils arriuerent entre Bergerat & la Riolle, pres vne place, nommée Yuret: ou estoient les Anglois, en embusche, plus de quatre cens combattans: & riens ne sauoient † des François. Nouuelles vindrent en l'ost, & au Con- nestable de France, que les Anglois cheuauchoi-ent: mais on ne leur sauoit point à dire quel chemin ils tenoyent. Tantost, & pour la doutance de ses gens, le Connestable de France mit sus vne autre armée de Gens-d'armes, pour contregarder leurs fourra- geurs, qui cheuauchoi-ent entre la riuiere de Dordonne & de Garonne: desquels il fit Capitaines messire Pierre de Mornay, Yuain de Galles, Thibaut du Pont, & Heliot de Calais. Si estoient bien en celle route, deux cens Lances de gens d'estoffe. Messire Pierre de Bueil & les autres, qui estoient allez querre celle Truie, exploiterent tant, qu'ils y paruindrent: & la firent sur grans foisons des chars charger: & se meirent au re- tour pour venir en l'ost, & par vn autre chemin qu'ils n'estoyent venus (car il leur con- uenoit tenir plus ample chemin pour leur charroy, & neantmoins passer à Yuret, ou as- sez pres: ou les Anglois estoient en embusche) & eurent si belle auenture, auant qu'ils vinssent iusques là, que à vne petite lieue ils trouuerent les François leurs compaignons, & quand ils se furent tous mis ensemble, ils se trouuerent bien six cens Lances. A- doncques ils cheminerent plus seurement, & à plus grand loisir. Lors nouuelles vin- drent à messire Thomas de Felleton & aux Barons de Gascogne, qui à Yuret se tenoy- ent, que les François cheuauchoi-ent ce chemin, & qu'ils amenoyent avecques eux vn trop grand engin de la Riolle, deuant Bergerat, à leur siege. De ces nouuelles furent ils tous reiois: & dirent que c'estoit ce qu'ils demandoyent. Adoncques ils s'arme- rent, & se monterent sur leurs cheuaux, & s'ordonnerent au mieux qu'ils peurent.

Rencontre de
François et An-
glois pres Yuret
en Gascogne.

† Le doute qu'il
n'y felle iour-
nees ou poi-
gnis peril-
leux.

Quand ils furent tous traits sur les champs, ils n'eurent gueres attendu, qu'ils virent les François: qui venoyent en bon arroy, & en grande route. Si tost comme ils se peu- rent congnoistre & apperceuoir (côme ceux qui se tenoyent ennemis les vns des autres, & qui se desiroient auancer pour combattre) en espetonnant leurs cheuaux, & en a- baissant leurs glayues, & en écriant leurs cris, entrerent les vns es autres. Le vous dy que là y eut, au premier faict, de belles ioustes & de grans appertises d'armes, & maint Cheualier & Escuyer renuersé ius, de son cheual à terre, en faict-d'armes. En telles † poignées perilleuses n'est auenture qui n'auienne. Là fut Heliot de Calais (qui moult expert Escuyer & bon Homme-d'armes estoit) renuersé ius de son cheual à terre, car il fut aconsuy, d'un grand coup de glaue, au hasterel, d'un large fer de Bordeaux, aussi trenchant & aussi affilé qu'un rasouer. Ce fer luy trenchale hasterel: & luy passa oul- tre: & luy coupa toutes les vaines. Duquel coup il fut porté à terre: & là tantost il mou- rut: dont ce fut grand dommage. Par celle aduenture il finit ainsi ses iours & son temps. Là auoit vn Cheualier de Berry, ou de Limosin (qui s'appelloit messire Guillaume de Lignac) apert Hôme-d'armes & vaillât: qui celuy iour y fit mainte belle prouesse. Moult fut celle rencontre forte, & bien combattue de costé & d'autre, en celle place qu'on dit Yuret, assez pres du village: & quand les Lances furent faillies, ils tirerent les espées, dont ils se rencontrerent moult durement, & se combattirent moult vaillamment. Là furent faictes maintes grandes & belles appertises, maintes prises, & maintes recouffes, & là fut mort sur la place, du costé des Anglois, vn Cheualier de Gascogne: qui s'ap- pelloit le Sire de † Garnos & de Calais: & du costé des François, Thibaut du Pont. Ce- ste bataille fut bien combattue & maintenue: & longuement dura: & y furent faits de beaux fait-d'armes, car c'estoyent tous gens de fait. Pourquoy la bataille dura plus lon- guement. Mais finalement les Anglois, ne les Gascons, ne peurent obtenir la place: & les conquirent les François, par beaux faits-d'armes: & là prit messire Guillaume de Li- gnac, & fiança, & fit prisonnier, de sa main, messire Thomas Felleton, Seneschal de Bor- deaux: & là furent pris, sur la place, le Sire de Mucident, le Sire de Duras, le Sire de Lan- gurant, & le Sire de Rosem: & en celle bataille s'en sauuerent petit, de la part des Gascôs & des Anglois, qui ne fussent tous morts ou pris. Et ceux qui se sauuerent, rencontreret sur le retour, vers Bordeaux, le Seneschal des Landes, messire Guillaume Helmen, le Maire de Bordeaux, & messire Iehan de Multon, à tout cent Lances: qui s'en venoyent tous à Yuret. Mais, quand ils ouirent ces nouuelles, & qu'ainsi auoient esté déconfits, ils retournerent au plustost, & le plus viste qu'ils peurent: vers Bordeaux.

† Verard, s'en
faisant sala-
dit Gernos.
Mais quant au
reste, ie liroye
volontiers ainsi
&, du costé
des François
Thibaut du
Pont, avec
Heliot de Ca-
lais. Gens de
nom, du party
des Anglois,
pris en la ren-
contre d'Yuret.

Comment Bergerat fut rendu au Duc d'Aniou, & comment les Sires de Duras & de Rosem
ayans promis d'estre François, se retournerent Anglois.

CHAP. III.

Après

A Pres ceste besongne ainsi faite, & que le champ fut tout deliuré, & que tous ceux, qui prisonniers estoient, furent mis en ordonnance, & en bonne & seure garde, ils se meirent au retour, pour venir deuant Bergerat, arriere au siege, qui y estoit. Si deuez vous bien sauoir que le Duc d'Aniou fut grandement réiouy de ces nouuelles, quand il sceut de verité comment ses gens auoient exploité, & que toute la fleur de Gascongne, de ses ennemis, Cheualiers & Escuyers, estoient pris, & aussi messire Thomas de Felle-ton: qui moult de cōtrariété luy auoit fait: & ainsi n'eust pas voulu tenir de ceste emprise, & auenture cinq cens mille francs. Tant exploiterent messire Pierre de Bueil, messire Guillaume de Lignac, Yuain de Galles, & les autres, qu'ils vindrent en l'ost, deuant Bergerat, dont partis ils estoient. Si furent grandement festoyez du Duc d'Aniou, du Con- nestable, des Barons, & des Cheualiers, & de leurs amis: & tindrent ceste aduenture à bonne, belle, & moult profitable pour eux. Au lendemain, la Truie, que chargée & ame- née ils auoient, fut leuée, au plus pres qu'ils peurent de Bergerat, ce qui grandement é- bahist ceux de la ville, & eurent entre eux aduis & conseil cōment ils se maintiendroient & en parlerent à leur Capitaine. Car ils venoyent bien que longuement ils ne se pou- uoient tenir, car ils n'attendoyent secours ne confort de nul costé: au cas que mē sire Thomas de Felleton, leur Seneschal, estoit pris, & la Cheualerie de Gascongne aussi, ausquels ils auoyent eu grande esperance. Messire Perducas leur dit que ils estoient fors assez, pour eux tenir, & bien pourueus de viures & d'artillerie, pourquoy ils ne fif- sent nul mauuais marché. Si demoura la chose en tel estat, iusques au lendemain: qu'on sonna, en l'ost les trompettes d'assaut: & se mit chacun à sa liurée. Le Connestable de France (qui estoit sur les champs en grand arroy) auant qu'on assaillist Bergerat, ne que nul des leurs fussent blecez, ne trauaillez, enuoya parlementer à ceux de la ville: & leur fit remonstrer comment ils tenoient tous leurs Capitaines (par lesquels aide & confort leur pouuoit estre venu) & que ia estoient ils en traitté de deuenir bons François, & eux & leur terre mettre en l'obeissance du Roy de France, car nul secours ne leur apparois- soit de nul costé, s'ils se faisoient assaillir par force, ou prendre par assaut, on mettroit tou- te la ville en feu & en flābe, sans nul prendre à mercy. Ces menaces ébahirent moult ceux de Bergerat. Si demanderent à auoir conseil: & on le leur donna. Adoncques se meirent les Bourgeois de la ville tous ensemble, sans appeller leur Capitaine: & estoient en volonté, & furent, d'eux rendre bons François: à fin que paisiblement & dou- cement on les voulist prendre, sans mettre nuls Gens-d'armes en leur ville: & ce leur accorda l'on legerement. Quand messire Perducas d'Albreth, leur Capitaine, en- tendit ces traitez, il monta à cheual: & fit passer ses gens: & passa les ponts: & sen vint bouter au fort de Moncin, & Bergerat se rendit François. Si en print le Connestable de France la possession: & y ordonna Capitaine & Gens-d'armes, pour la tenir & gar- der. Quand Bergerat se fut rendue François, le Duc d'Aniou eut conseil qu'il iroit plus auant, & viendrait mettre le siege deuant Castillon sur la Dordonne.

*Bergerat réduit
Françoise.*

Ces nouuelles s'épandirent parmi l'ost: & s'ordonna chacnn à ce faire: (c'est assauoir le Duc, le Connestable, & tous autres Gens-d'armes: excepté le Marechal de France: qui demoura derriere, pour attendre le Seigneur de Coucy, car il deuoit là estre au soir (ainsi qu'il fut) & alla, à tout grande route de ses gens, le Marechal à l'encontre de luy, & le recueillit moult amiablement: & demourerent celle nuit en la place: dont le Duc estoit party au matin. Si vint le Duc & son ost, ce iour en vn beau pré, sur la Dordon- ne, au chemin de Castillon. En la route de la charge du Seigneur de Coucy estoit messire Aimon de Pommiers, messire Tristan de Roye, le Sire de Faignelles, le Sire de Iumont, messire Iehan de Rosay, messire Robert de Clermont, & plusieurs autres Che- ualiers & Escuyers. Au lendemain ils se departirent de leurs logis: & cheuaucherent tant, en la compagnie & route d'iceluy Marechal de France, qu'ils vindrent en l'ost du Duc: ou ils furent receus à grand' ioye. En allant vers Castillon est vne ville, qu'on appelle Sainte-Foy. Auant que l'auantgarde vint iusques à Castillon, se tirerent celle part: & l'environnerent: & commencerent à l'assaillir fermement. En la ville de Sain- te-Foy n'auoit hommes, fors de petite deffense: qui ne se firent pas longuement assail- lir: mais se rendirent, & en eux rendant, elle fut toute pillée. Le siege fut mis deuant Castillon, & dessus la riuere de Dordonne: & là furent environ quinze iours. Si y eut plusieurs écarouches deuant les barrieres, car il y auoit aucuns Anglois & Gas- cons (qui là estoient retraits de la déconfiture d'Yuret) qui tenoyent la ville assez vail-

*Arrivée du Sei-
gneur de Coucy en
l'ost du Duc,
d'Aniou.*

*Delivrance des
quatre princi-
paux prison-
niers de la ren-
contre d'Yvetot
sur la foy de
toujours de-
meurer Fran-
çois.*

lamment. Encores estoient les autres Barons Gascons (qui à Yvetot auoyent esté prins) en l'ost du Duc, & en grand traité d'eux tourner François. Messire Thomas de Felletton n'en estoit pas requis (pourtant qu'il estoit Anglois) ains fut mis à finance par son maistre, messire Jehan de Lignac: auquel il paya trente mille francs: & puis fut deliuré, mais ce ne fut mie si tost. Tant furent menez, traitez, & parlementez, les quatre Barons Gascons, qu'ils se tournerent François: & eurent conuenant au Duc d'Aniou, par leur foy & sur leurs honneurs, qu'ils demouroient bons François: à tousiours-mais, eux & leurs terres: & par ce moyen le Duc d'Aniou les deliura tous quittes. Si se departirent du Duc, & sur bon conuenant, le Sire de Duras & le Sire de Rossem, en intention d'aller en leur pays: & le Sire de Mucident & le Sire de Langurant demourerent en l'ost avecques le Duc d'Aniou: qui les tenoit tous aises: & disnoient & souppoyent souuent avecques luy, en son logis. Ces Barons de Gascongne trouuerent le Duc d'Aniou moult amiable, quand si legerement il les laissa passer: dont apres il se repentit: & veez cy comment. Sur les champs s'aduiferent le Sire de Duras & le Sire de Rossem: & parlerent ensemble, en disant. Comment pourrions nous seruir le Duc d'Aniou & les François, quand nous auons tousiours esté loyaux Anglois? Il nous vaut trop mieux mentir nostre serment enuers le Duc d'Aniou, que deuers le Roy d'Angleterre, nostre naturel Seigneur: qui nous a tant de bien fait. Ce propos ils tindrent: & s'ordonnerent sur ce qu'ils iroyent à Bordeaux, & remonstrentoyent au Seneschal des Landes, messire Guillaume Helman, & luy diroyent que nullement leurs cœurs ne se pourroyent bonnement rapporter à ce, qu'ils deuenissent François. Doncques cheuaucherent ensemble ces deux Barons, & exploiterent tant, qu'ils vindrent à Bordeaux: ou ils furent receus à grande ioye, car on ne fauoit encores riens de leur conuenant. Le Seneschal des Landes & le Maire de Bordeaux leur demanderent des nouuelles, & comment ils auoyent finé: & ils respondirent, que par contrainte, & sur menaces de mort, le Duc d'Aniou les auoit fait deuenir François. Mais, Seigneurs, nous vous disons bien qu'au faire le serment tousiours en noz cœurs auions reserué noz fois deuers nostre naturel Seigneur, le Roy d'Angleterre: ne pour chose, que nous ayons dit, ne fait, nous ne demourons ia François. De ces parolles les Cheualiers d'Angleterre furent tous réiouys: & dirent qu'ils s'acquittoient loyaument enuers leur Seigneur. Au chef de cinq iours apres, le Duc d'Aniou estant deuant Castillon, vindrent nouuelles en l'ost, que le Sire de Duras & le Sire de Rossem estoient tournez Anglois.

*Les Sires de Du-
ras et de Rossem
retournent
Anglois.*

De ces nouuelles furent le Duc d'Aniou, le Connestable de France, & les autres Barons, moult émerueillez. Adoncques manda le Duc d'Aniou deuant luy le Sire de Mucident & le Sire de Langurant: & leur remonstra ce dequoy il estoit informé: & demanda qu'ils en disoyent. Ces Bretons (qui tous courroucez estoient) respondirent, Monseigneur, ils veulent mentir leurs fois, nous ne voulons pas mentir les nostres: & ce, que nous vous auons dit & iuré, nous le vous tiendrons loyaument: ne ia ne nous sera reproché le contraire, car par vaillance & beau fait-d'armes voz gens nous ont conquis, si demourerons en vostre obeyssance. Je vous en croy bien, dit le Duc d'Aniou: & ie iure à Dieu tout premierement, & à mon frere Monseigneur, que, nous partis d'icy, nous n'entendrons iamais à autre chose, si aurons mis le siege deuant la ville de Duras, & puis deuant celle de Rossem. Ainsi demoura la chose en tel estat: c'est assauoir le Duc d'Aniou courroucé, pour la defaute qu'il auoit trouuée en ces deux Barons de Gascongne, & le siege deuant Castillon. La ville de Castillon, sur la Dordonne, estoit ville & héritage au Captal de Buz: que le Roy de France auoit tenu en prison à Paris.

*Comment Castillon, Sauueterre, & plusieurs autres places de Gascongne, se rendirent
au Duc d'Aniou, pour le Roy de France.*

CHAPITRE

IIII.

LE siege estant deuant Castillon, aduint vne grande famine: & à peine, pour or, ne pour argent, ne pouuoit on aucunement recouurer de viures: & conuenoit les François sur le pays cheuaucher douze ou quinze lieues, pour aitailler l'ost: & encores alloient ils, & retournoient, en grans perils. Car il y auoit plusieurs Chasteaux & garnisons Anglesches, sur les frontieres: qui issoient hors, & faisoient embusches sur eux, & les attendoyent aux destroits & aux passages, &, quand ils se veoyent plus fors, que les François fourrageurs n'estoient, ils leur couroiet sus, & les mehaignoient, & occioiet &

leur

leur tolloient leur vitaille. Pourquoy ils ne pouuoient n'osoient cheuaucher, fors en grand' route. Tant fut le siege deuant Castillon, & tant fut contraint par assaut & par engins que ceux de dedans ne se pouuoient plus tenir: & se rendirent, sauues leurs vies & le leur: & s'en partirent tous les Gens-d'armes, qui dedans estoient, & qui partir s'en vouloient: & s'en vindrent à Sainct-Macaire: ou il y a forte ville: & bon Chastel. Quand Castillon fut rendu, le Duc d'Aniou en fit prendre la possession & saisine, & la feauté & hōmage de tous les gens: & y renouuella officiers: & y meit Capitaine, de par luy, vn Cheualier de Touraine: qui s'appelloit messire Jaques de Montmartin. Au departement de Castillon, ils getterēt leurs aduis quelle part ils tireroient: & fut aduisē qu'ils iroient deuant Saincte-Marine. Mais il y auoit sur le pays, auant qu'ils peussent venir iusques là, aucuns petits forts, qui n'estoient pas bons à laisser derriere, pour les fourrageurs. Si s'en vindrent, au departement de Castillon, mettre le siege deuant Sauueterre. Là vindrent autres nouuelles du Seigneur de Rosem & du seigneur de Duras, qu'il n'estoit point ainsi qu'on l'auoit rapporté, voirement estoient ils à Bordeaux: mais on ne fauoit sur quel tiltre. Ces nouuelles s'espendirent en l'ost, en plusieurs lieux, tant que le Sire de Mucident & le Seigneur de Langurant en furent informez: & en parlerent au Seigneur de Coucy & à messire Pierre de Bucil, qu'ils vouussent les Cheualiers aider à excuser: & que c'estoit grand simplesse de vouloir croire parolles, volans si legèrement. Ils respondirent qu'ils le feroient volontiers: & en parlerent au Duc: & le Duc dit qu'il verroit volontiers tout le contraire de ce qu'il auoit ouy dire. Si demoura la chose en celuy estat, & le siege deuant Sauueterre. La ville de Sauueterre ne les tint que trois iours: car le Cheualier qui Sire & Capitaine en estoit: se rendit au Duc, sauues son corps, ses hommes, & tout le sien: & par ce moyen ils passerent outre: & vindrēt deuāt S. Basile, vne bonne ville: qui tantost se rendit, & se mit en l'obeissance du Roy de France. Puis s'en vindrent deuant Monsegur, & tantost qu'ils y furent arriuez, ils l'assaillirēt: & point ne l'eurent de ce premier assaut. Si se logerēt & rafraichirēt vne nuit. Au lēdemain, derechef ils se meirēt en ordōnance pour assaillir: Quand ceux de la ville veirēt q̄ c'estoit à certes, ils s'ebahirēt, & se conseillerēt entre eux. Finalemēt le cōseil se porta qu'ils se rendroient, sauues leurs corps, vies, & biens: & ainsi ils furent receus. Puis cheuaucherent les François outre, deuant vne autre bonne ville fermée: qui sied entre Sainct-Macaire & la Riolle: & a nom Auberoche. Là furent ils quatre iours, ainçois qu'ils la peussent auoir: & se rendirent par traité. Puis vindrent encores les François deuant Sainct-Macaire.

Composition de ceux de Castillon.

Sauueterre rendue par composition au Duc d'Aniou.

Comment le Duc d'Aniou prit la ville & le Chastel de Sainct-Macaire par composition, & la ville de Duras par assaut & son chastel à merci.

CHAP. V.

Tous les iours multiplioit l'ost au Duc d'Aniou: & luy venoient gens de tous costez: car Cheualiers & Escuyers, qui se desiroiēt à auancer, le venoiēt voir & seruir. Si fut mis le siege deuāt S. Macaire, beau, fort, & bien ordōné: & vous dy q̄ ia dedans estoient retraits toutes manieres de gēs-d'armes, estoient partis des garnisons, qui rédues estoient. Si en estoit la ville plus forte, & mieux gardée: & y eut là plusieurs grās assaux, & mainte belle écar mouche deuāt la ville, aux barrières. Adonc fut ordonné du Duc d'Aniou & du Cōestable de France, le siege estant deuant S. Macaire, que les Capitaines & leurs routes cheuauchassent le pays, les vns çà & les autres là. Si se partirent Gens-d'armes de tous lez: c'est assauoir le Marechal de France, messire Perceual de Merneil, Normand, & Guillaume de Montcontour, chacun à grand' route. Si demourerent ces Gens-d'armes six iours sur les champs: & prirent plusieurs villes & petis forts: & mirēt tout le pais de là enuiron en leur subiection, & en l'obeissance du Roy de France: ne nul ne leur alloit au deuant: car le pays estoit tout vuyde & depourueu de Gens-d'armes, de la partie des Anglois: & s'en alloient les fuyans deuers Bordeaux. Quand ils eurent fait leur cheuauchée, ils s'en retournerent en l'ost. Ceux de Sainct-Macaire cognurent bien qu'ils ne se pouuoient tenir longuement qu'ils ne fussent pris: & on leur promettoit tous les iours, que, se par force ils estoient pris, sans mercy ils seroient tous mis à mort. Si se douterent de la fin, qu'elle ne leur fut trop cruelle: & firent, en secret, traicter deuers les François, que volontiers se rendroient, sauues leurs vies & le leur. Les Gens-d'armes, qui dedans Sainct-Macaire estoient, s'en apperceurēt. Si se douterent des hommes de la ville, qu'ils ne feissent aucun mauuais traité contre eux. Si se tirerent tantost au Chastel (qui est bel & fort & qui fait bien à tenir) & y bouterent tout le leur, & encores assez du pillage de la

*La ville de S.
Macaire en l'o-
beissance du
Roy de France.*

ville. Adonc se rendirent ceux de Saint-Macaire, & se mirent tous en l'obeyssance du Roy de France. Nouvelles estoient venues au Duc d'Aniou, des le siege estant deuant Montsegur, que la Duchesse sa femme estoit à Toulouze: qui estoit accouchée d'un fils. Si deuez sauoir que le Duc & tout son ost en estoient tous ioyeux: & les faicts d'armes emprins plus hardiment: Si tost que Saint-Macaire se fut rendu, on entra dedans la ville: car là auoit beau logis & grand. Si faiserent & rafreschirent tous les Gens-d'armes: & bien trouuerent de quoy: car la ville estoit bien pourueüe. Si fut le chastel enuironné: & mit on engins deuant: qui merueilleusement gettoient pierres de fer: qui ébahissoient grandement ceux de la garnison. Ce pendant qu'on estoit là à siege, vindrent les vrayes nouvelles du Seigneur de Duras & du Seigneur de Rosem, par deux Heraux, qui rappor-

*† C'est à dire,
que ses gens
feissent tant
qu'il eust le
chastel de S
Macaire &c.*

*Composition du
chastel de S.
Macaire.*

*Duras assailly
par le Duc de
Aniou.*

*† Je doute qu'il
n'y faille de
la Houffaye.*

terent qu'ils estoient tournez Anglois. Dont dit le Duc qu'on luy † deliurast Saint-Macaire, il iroit tout droit mettre le siege deuant Duras: & fit à ceste instance, fort & fierement assaillir ceux du Chastel: car il ne le vouloit point laisser derriere. Ceux qui en ce chastel estoient, voyoient qu'ils estoient assaillis de tous costez, & que nul confort ne leur apparoissoit & bien sçauoient que le Duc & le Connestable ne partiroyent iamais de là, si les auroient bellement ou laidement. Parquoy tout considéré, ils, se mirent en traité: & rendirent le Chastel, sauues leurs corps & leurs biens: & furent avecques ce conduits iusques à Bordeaux: & ainsi fut Saint-Macaire, ville & Chastel François. Si en prit le Duc d'Aniou la possession & saisine: & y establit Capitaine & Chastellain: & puis délogerent tous les Gens-d'armes, & prirent le chemin de Duras. Tant exploiterēt les osts du Duc d'Aniou, qu'ils vindrent deuant Duras: & quand ils se furent approchez il fut ordonné de tantost assaillir: dont se mirent Gens-d'armes en ordonnance d'assaut, & tous les Arbalestiers, paueschez, deuant: & approcherent ainsi la ville: & vous dy qu'il y auoit là aucuns varlets soubz les Seigneurs, qui festoient pourueus d'échelles, pour mieux auoir l'auantage de monter sur les murs: & lors fut l'assaut dur & horrible: & ceux qui montoient se combattoient, main à main, à ceux de dedans: & dura cel assaut, de plaine venue moult longuement. Si y eut là fait, sur les eschelles, plusieurs appertises d'armes: & se combattoient ceux de dedans à ceux de dehors, main à main: & dura l'assaut la plus grand' partie du iour. Quand ils se furent bien battus & trauaillez, par l'ordonnance des Marechaux on sonna les trompettes de la retraite. Si se retira chacun à son logis pour le soir: & arriuerent, en l'ost, messire Alain † de la Haye, & messire Alain de Saint-Pol, & vne grande route de Bretons: qui auoient cheuauché vers Libourne & assailli vne garnison d'Anglois: qui s'appelle Cadillac. Si l'auoient prise à force, & occis ceux de dedans. Quand ce vint au matin, le Duc d'Aniou commanda qu'on allast à l'assaut, & que chacun s'éprouuast sans faintise: & fit sauoir & crier, par un Heraut, que le premier qui entreroit dedans Duras, gaigneroit cinq cens francs.

La couuoitise de gagner fit aduancer plusieurs pources compaignons. Adonc furēt les échelles leuées en plusieurs lieux, autour des murs & là cōmença l'assaut fort & grād & bien continué: car les ieunes Cheualiers & Escnyers qui se desiroient à aduancer ne s'épargnoient point: mais s'abandonnoient, & assailloient de grand volonté. Le Sire de Langurant estoit monté sur vne eschelle, tout le premier, l'espée en la main: & mettoit grand' peine: à ce qu'il peust entrer tout le premier en la ville: nompas pour gagner les cinq cens francs: mais pour exaucer son nom. Car il estoit durement courroucé contre le Seigneur de Duras (pource qu'il festoit si legéremēt retourné Anglois) & vous dy que ce Sire de Langurāt y fit de sa main, merueilles d'armes: & tant que ses gens, & plusieurs autres estrangers, estoient ébahis de ce qu'il faisoit: & tant s'aduança, que de sa vie il se meit en grand' aduenture. Car ceux de dedans par force luy arrachoyent le bacinet de la teste, à tout le camal: & eust esté mort sans remede: mais un sié Escuyer (qui depres le suiuoit) le courrit de sa targe, & le Cheualier descēdit ius petit à petit: mais il receut, en descendant maints coups sur sa targe: Si fut moult prisé en cel assaut, de tous ceux qui le virēt. D'autre part messire Tristā de Roye & messire Parceual d'Ayuenal, sur vne échelle assailloiet moult vaillāment: & aussi messire Iehā de Iumont & messire Iehan de Rosay, chacū endroit soy, y faisoiet merueilles d'armes. D'autre part estoit à un autre creneau, le Sire de Seriel, monté sur vne échelle: & se cōbattoit, main à main, à ceux de dedas: & disoient les aucuns, qui le veoyent, que, se nul pouuoit auoir l'aduātage d'entrer premier dedans, il en estoit au chemin. Le Cheualier ne s'auenturoit pas pour le profit & aduancement de son corps: mais ainsi que les fortunes sont perilleuses à plusieurs gens) il fut de là

de là dedans bouté si roidement de coup de glaiue, qu'il fut renuerfé au fons du fossé: & luy rompit on le col, & ainsi fut mort le Cheualier. Et ainsi fut il d'un Escuyer de Bretagne: qui s'armoit de gueulles, à deux cheurons, eschequetez d'or, d'argent, & d'asur: duquel le Connestable fut moult courroucé: & adonc se rengregea l'assaut, & se renforça de toutes pars, plus grand que deuant: & là fut bon Cheualier le Sire de Mucident: & monstra bien (ainsi qu'il assailloit) qu'il estoit ia bon François: & fut la ville de Duras par force conquise: & y entrerent, tous les premiers, messire Tristan de Roye, & messire Jehan de Rosay. Quand les Gens-d'armes, qui dedans Duras estoient, virent que leur ville se commençoit à perdre, si se retirerent au chastel: & laisserent conuenir le demourant. Ainsi fut la ville de Duras prise, & tous ceux mors, qui dedans furent trouuez: & puis se retirerent les Gens-d'armes dedans leurs logis. Si se defarmerent & aiserent. Car ils trouuerent bien de quoy. Au lendemain le Connestable de France monta à cheual, & le Marechal de France avecques luy: & s'en allerent veoir le Chastel, pour aduiser de quel costé on le pourroit assaillir & prendre. Tout cela imaginé ils le trouuerent merueilleusement fort: & dirent que, sans long siege, il n'estoit pas aisé à prendre: & à leur retour ils cōptèrent tout ce au Duc d'Aniou. Il ne peut chaloir (dit le Duc d'Aniou) i'ay dit, & iuré, que d'icy ne partiray iamais, tāt que i'aye le Chastel à ma volōté. Adonc respondit le Connestable, Et vous n'en ferez ia dedit. Adonc fit on adrecer tous les engins, qui là estoient, deuant le chastel: & quand ceux du fort virent les atournemens & ordonnances de ceux de la ville & des François, & que l'assaut leur feroit felon & perilleux, ils aduiserent qu'ils se mettroient à traiter: & lors traitterent deuers le Connestable, qu'on les voulsist prendre à merci sauues leurs corps & biens: & ils rendroient le chastel. Le Duc d'Aniou eut conseil, par l'aduis du Connestable, qu'il ne vouloit plus traualier ne blecer ses gens. Si les vouloit bien prendre à mercy: ainsi qu'il fit. Au tiers iour ils se departirent: & furent conduits là ou ils vouloient aller: & le Connestable prit la possession du Chastel: mais il me semble que le Duc d'Aniou ordonna & commanda qu'il fust abattu.

La ville de Duras prise d'assault par les François,

Le chasteau de Duras rendu par composition aux François.

Comment le Duc d'Aniou se retira vers sa femme, à Toulouze, & le Connestable vers le Roy de France: & comment Yuain de Galles assiegea Mortaigne-sur-la-mer. CHAP. VI.

A Pres la conqueste de la ville & du Chastel de Duras, le Duc d'Aniou ordonna de mourer en la ville de † Landuras (car le seigneur estoit deuenue François, des la prise qui fut faite à Yuret) messire Jehan de Lumont, messire Tristan de Roye, & aussi messire Jehan de Rosay, à tout cent Lances de bonnes gens, pour tenir & garder la frontiere encontre les Bordelois: & eut volōté de retourner arriere vers Toulouze, pour veoir sa fēme: qui estoit releuee d'un beau fils, & vouloit à ses releuailles à Toulouze tenir & faire vne grand' feste. Si ordōna, par toutes les villes & chasteaux qu'il auoit conquis, Gēs-d'armes & garnison, pour résister puissamment contre les ennemis: & donna congé, & dit à Yuain de Galles, Vous prédrez de vostre charge Bretons, Poictuins, & Angeuins: puis vous en irez en Poictou, mettre le siege deuant Mortaigne-sur-mer (que le Sire de l'Estrade tient) & ne vous deportez, pour mandement qu'on vous face de par le Roy, tant que vous en ayez la faisine: car c'est vne garnison, qui moult nous a fait de contrarie. Monseigneur (respondit Yuain) à mon loyal pouuoir i'obeiray à vostre commandement. Là furent ordonnez de par le Duc d'Aniou par le Connestable, & par le Sire de Coucy, tous ceux, qui avecques Yuain deuoient aller en Poictou. Si se departirent du Duc bien cinq cens Lances de bons Gens-d'armes: & prirent le chemin de Xainctōge, pour venir vers Saint-Jehan-d'Angely: & le Duc d'Aniou le Connestable, le Sire de Coucy, le Marechal de France, messire Jehan & messire Pierre de Bueil, retournerent arriere à Toulouze: & trouuerent que la Duchesse estoit nouuellement releuée. Si y eut à ces releuailles grans festes & grans ioustes. Apres ce, le Connestable de France, & le Sire de Coucy retournerēt en France: & le Marechal de Sacerre s'en alla en Auvergne, en cōfortāt le Côte Dauphin d'Auvergne: & les barōs d'Auvergne qui guerroyoient aux Anglois, qui se tenoient en Limosin & en Rouergue, sur les frontieres d'Auvergne.

† Je doute qu'il faille icy Landuras pour Langu-rant, tousiours parauant.

Or parlerons comment Yuain de Galles mit le siege en celle saison, deuant Mortaigne sur mer: & comment il contraingnit ceux de la garnison. Yuain de Galles (qui voulut obeyr au commandement du Duc d'Aniou: car bien sauoit que ce, que le Duc faisoit, estoit de l'ordonnance du Roy Charles de France, son frere: car il payoit tous les

† Ainsi dit l'Excep. de regards'en rasisit sala: & ainsi voudroit Frois faire que Xaintonge fust vne partie de Poictou, si ceste place n'est autre que la principale de Saintonge. † Ainsi dit Sala, & ainsi se trouve encor au ch. 17. & 19 Mais ie me doute qu'il n'y faille le Charente ou Dordonne. Car Garonne est bien loing des marches dont il par le ici.

deniers, dont telles emprises se faisoient) s'en vint à Xainctes † en Poictou: & là se rafraichit en ce bon pays & gras, entour Xainctes en Poictou, sur ces belles riuieres & Praeries, qui là sont. Si estoient en sa compaignie le Sire de Pons, le Sire de Thouars, le Sire de Viuarois, & le Sire Jaquemes de Surgeres, & grand foison de Cheualiers & Escuyers de Poictou. D'autre part, des Bretons & des Normans estoient Capitaines messire Maurice de Trissiquedi, messire Alain de la Houffaye, messire Alain de Saint-Pol, messire Perceual d'Ayneual, Guillaume de Montcontour, le Sire de Mommor, & Morelet son frere. Si se departirent ces Gens-d'armes de leurs routes, quand ordonné fut: & s'en vindrent mettre le siege deuant Mortaigne: lequel Chastel, seant sur la riuiere de † Garonne, pres & dessous son emboucheure de la mer, est le plus bel & le plus fort, qui soit sur toutes les frontieres des marches de Poictou, de la Rochelle, & de Xaintonge. Quand Yuain de Galles fut venu, & ces Barons & Cheualiers avecques luy, deuant Mortaigne, ils bastirent leurs sieges bien & sagement: & se pourueurent, petit à petit, de tout ce qui leur estoit besoing: car bien sauoient que par assaux iamaïs le chastel ils ne cōquerroiet, & qu'ils ne l'auroient fors que par famine, & par long siege. Si ordonna Yuain quatre bastides à l'enuiron: parquoy nul ne les peust aitailler par mer, ne par terre, A la fois les ieunes Cheualiers & Escuyers, qui auancer se vouloient, & qui les armes desiroient, alloient souuent iusques aux barrieres du chastel: & là s'écarmouchoient à ceux de dedās, & ceux du fort à eux. Si y auoit plusieurs appertises d'armes. Dedās Mortaigne estoit vn Cheualier, nommé le Souldich (qui estoit de Gasconne) vaillant Cheualier, & bon homme-d'armes: par le conseil duquel ils ouuroient, & luy obeyssioient ainsi comme à leur Capitaine. De vins & de viure dedans le chastel auoient ils assez largement: mais de plusieurs autres menues choses, le siege durant, eurent grand necessité.

Comment le Roy Charles de France moyëna que les Escocois fissent guerre aux Anglois: & comment le Chastel de Bernic fut pris par les Escocois.

CHAP. VII.

† Il y auoit icy deuers le roy Robert son rayon, & le roy Dauid son oncle. Mais c'estoit sans raison, & auons ramédé ce passage selon la verité de l'histoire prise de Hector Boeth, Maioris, P. Ver. & autres bons auteurs: combien qu'ils puissent escrire diuersement de ceste prise & reprise de Bernic.

LE Roy Charles de Frâce (combien qu'il se tint à Paris ou en ses deduis, là ou mieux luy plaist en France, sans ce que de sa personne il s'armast) si faisoit il assez forte guerre à ses ennemis les Anglois: & auoit par tout ses alliances, tant en l'Empire, comme aux Royaumes & pays voisins, plus que nul de ses predécesseurs, quatre ou cinq Roys par-auant, n'eurent oncques: & tenoit grandement en amour tous ceux, dont il pensoit estre secouru & aidé: & pourtant qu'il sentoit le Roy Richard d'Angleterre ieune, & le pais en trouble, il auoit enuoyé en Escocce, † deuers le roy Robert de Stuart (qui auoit succédé au Roy Dauid, son oncle) pour tousiours entretenir bonne alliance & amour avecques les Escocois, & qu'en leur partie ils fissent bonne guerre & aspre aux Anglois, & les traueillassent tellement, qu'ils n'eussent puissance de passer la mer. Dequoy il estoit auenu que le roy Robert d'Escocce, en celle saison que le Roy Edouard d'Angleterre estoit mort, & le Roy Richard couronné, assembla son conseil à Haindebourg: & là furent la greigneur partie des Barons & des Cheualiers d'Escocce, dont il pésoit à estre serui & aydé: & leur remonstra comment les Anglois du temps passé leur auoient fait plusieurs ennuis, ars leurs pays: abatu leurs chasteaux, & occis & rançonné leurs hommes: dont le temps estoit venu, que de ce ils se pourroient bien venger: car il y auoit vn ieune Roy en Angleterre: & si estoit le Roy Edouard mort: qui les belles fortunes auoit eues. Parquoy il en fut respondu d'une commune volonté. Les Barons d'Escocce, & les ieunes Cheualiers qui là estoient, & qui se desiroient à aduancer, & contreuenger les ennuis & dommages, que les Anglois leur auoient faits du temps passé, respondirent qu'ils estoient tous appareillez & pourueus de cheuaucher en Angleterre, du iour au lendemain, quand on voudroit. Les responces pleurent grandement au Roy d'Escocce: & dit à tous grans mercis. Là furent ordonnez & choisis quatre Comtes, à estre Capitaines de ses Gens-d'armes c'estassauoir le Comte de Donglas, le Comte de Moray, le Comte de la Mare, & le Comte de Sutirlant, & le Connestable d'Escocce, messire Archinbaud, de Donglas, &, Mareschal de tout l'ost, messire Robert de Verfy. Si firent leur mandemēt, tantost & sans delay, à estre à certain iour à la † Morlane, là ou est, avecques le departemēt d'Escocce, l'entrée d'Angleterre. En ce departemēt faisant, & ces Gens-d'armes assemblant, se partit vn moult vaillant Escuyer d'Escocce: qu'on appeloit Alexandre de Ramesay, lequel s'aduisa d'emprendre & acheuer à son pouuoir, vne haute entreprise: & print quarante compaignons de sa route, tous bien montez: &

cheuau-

† Si i' auois icy remis la Merche ou la Marche, ie m'assureroie de tout ce passage, mais ie n'ay osé changer ce mot, le trouuant ainsi

cheuaucherent tant de nuit & par embusche, à la couuerte, que sur vn adiournemēt ils vindrent à Beruic: qui se tenoit Anglesche. De la ville de Beruic estoit Capitaine vn Escuyer au Comte de Northombellande, messire Henry de Perfy (qui s'appeloit Guillaume Biset) & du chastel de Beruic vn moult appert Cheualier: qui s'appeloit messire Robert Abeton. Quand les Escocois furēt venus iusques à Beruic, ils se tindrēt tous quois: & enuoyerent vne espie deuant, vers le chastel, pour sauoir en quel estat on y estoit. L'espie entra dedans, iusques aux fossez: là ou point d'eue n'auoit, ny ne peut auoir (car ils sont de sablon bouillant) & regarda deffous & dessus: & ne vit ame: & tout ce rapporta il ainsi à son maistre. Adonc sauança Alexandre de Ramefay: & fit amener ses cōpaignons tout quoyement, & sans sonner mot: & entrèrent ens es fossez: & estoient pourueus de bonnes Eschelles: qu'ils dresserent contre les murs. Alexandre fut tout le premier, qui y monta, l'espee en la main: & entra par les murs au chastel: & tous les siens le suivirent: & ny eut nul contredit. Quand ils furent tous dedans, ils se tirerent deuers la grosse tour: ou le Capitaine, Robert Abeton, dormoit: & auoient bonnes grosses haches: dont ils commencerent à l'huys fraper & derompre. Le Capitaine se ueilla soudainement: qui toute nuit auoit dormy, & fait tres-poureguet: tant qu'il le compara. Si ouyt rompre l'huys de sa chambre: & cuida de premier que ce fussent ceux de là dedans, qui le voussissent meurdrir (pourtant qu'il auoit la semaine passée estriué à eux) & ouurit vne fenestre sur les fossez: & faillit tout hors effrayé, sans ordonnance ne sans aduis: & tant qu'il se rompit le col: & là mourut. La guette du Chastel (qui estoit sur le iour vn petit endormi) ouit sa plainte, si se ueilla bien-tost, & apperceut bien que le chastel estoit echelé & emblé. Si commença à sonner de sa trompette, Trahy, trahy. Iehan Biset (qui estoit Capitaine de Beruich) entendit celle voix: si s'arma, & fit armer les plus aydables de la ville: & se tirerent tous deuant le Chastel: & oyoient bien le hutin, que les Escocois faisoient là dedans, mais entrer n'y pouuoient: car la porte estoit fermée, & le pont leué. Lors s'aduisa celuy Biset d'un grand aduis, & dit à ceux de la ville qui delez luy estoient. Or tost rompez les ponts auallez deuant nous: parquoy ceux, qui dedans sont, ne puissent yssir, ne faillir, sans nostre commandement & danger. On courut tantost aux haches & aux coignées: & fut ledit pont rabatu deuers la ville. Encores enuoya Iehan Biset vn certain homme à Annuich (qui est à douze petites lieues de là) deuers le Seigneur de Perfy, à ce que tantost & sans delay il veinst là, à toute sa puissance: & que le chastel de Beruic estoit pris des Escocois. Encores, dit il à Thomelin Friant (qu'il y enuoya) Dictes à monseigneur de Perfy l'estat, ou vous nous auez laissez: & comment les Escocois sont enclos au chastel: & n'en peuuent partir, s'ils ne saillent hors par dessus les murs, si se hastera plus tost de venir. Alexandre de Ramefay & ses gens (qui échelé auoient le chastel de Beruic, & qui trop bien cuydoient auoir exploité: & aussi auoient ils fait: car ils eussent esté Seigneurs de la ville: se Iehan Biset n'y eust pourueu de conseil) occirent de ceux de là dedans, desquels qu'ils voulurēt: & les prisonniers enfermerent en la tour: & puis s'ordonnerent: & dirent, Allon la ius en la ville: car elle est nostre: nous en prendrons tout l'auoir: & le ferons apporter ceans par les bons-hommes de la ville: & puis bouterent le feu dedans (car elle n'est pas à tenir pour nous) & dedans trois ou quatre iours viendra secours d'Escoce: parquoy nous sauuerons tout nostre pillage: & au departir, nous bouterons le feu au chastel: & ainsi payeront nostre hoste. A ce propos s'accorderēt tous les cōpaignons: car ils desiroient à gagner. Si estreignirent leurs armeures: & prit chacun son glaiue au poing (car ils en auoient là trouué dedans assez) & ouvrirent la porte: & puis auallerent le pont. Quand le pont s'abaissa, les pendans qui le portoient rompirent: car ils n'auoient point d'arrest ne de soustenuie: car les pillers, sur quoy ils deuoient cheoir, estoient ostez, & les planches defaictes, au lez deuers la ville. Quand Iehan Biset & ceux de la ville, qui en la ville estoient, en veirent la maniere, ils cōmencerēt tous d'une voix, à huer & dirēt. Tenez vous là, estes vo^r là? sans faillir vous n'en partirez point, sans nostre congé. Quand Alexandre vit le cōuenant, il aperceut bien que ceux de la ville auoient esté aduisez d'eux mettre ens, au party ou ils se trouuoient. Si refermerent la porte sur eux pour le traict: & s'enfermerent là dedans: & entendirent à garder le chastel: & meirent hors tous les morts es fossez: & les prisonniers enfermerent en vne tour. Bien se sentoient en forte place, pour eux tenir là, tant que secours leur seroit venu d'Escoce: car les Barons & Cheualiers faisoient leurs amas à la Morlane, & es enuirs: & ia estoit le Comte Donglas parti d'Alquest, & venu à Dombarre. Or parle-

par plusieurs
fois en sala
mesme. Quant
à Beruic, il y a
uoit tousiours
Vvaruic, con-
tre toute raison
comme nous a-
uons monstre
par l'Annot
onzieme du
premier volu-
me.

Le chasteau de
Beruic pris des
Escocois.

† Il y auoit icy
sa faincte, &
en Verard la
fraise, passée
à la legeremēt
par dessus à la
mode des abre-
geurs.

† C'est à dire,
les pilliers &
appuis qui
soustenoiēt
le pont quand
il estoit auu-
lé.

rons del'Eſcuyer à Iehan Biſet:& cōment il vint à Annuich, deuers le Seigneur de Perſy,& luy ſignifia ceſte aduenture.

Comment le Comte de Northombellande reprit le chaſtel de Beruic. CHAP. VIII.

TAnt exploita Thomelin Friât,qu'il vint à Annuich:& entra iufques là dedans,pour la congnoiſſance qu'il y eut (car encores eſtoit il ſi matin, que le ſire de Perſy eſtoit en ſon liēt)& tant fit qu'il parla à luy(car la beſongne le haſtoit)& luy dit,Sire,les Eſcoçois ont aujourd'huy pris & emblé le chaſtel de Beruic:& le capitaine de la ville de Beruic m'enuoye deuers vous, afin que vous en ſoyez aduiſé: car vous eſtes Gardien de ce païs. Quand le Comte de Northombellande(qui eſtoit Sire de Perſy) ouyt ces nouuelles,ſi ſe haſta, au plus toſt qu'il peut, pour conforter & conſeiller ceux de Beruic: & enuoya meſſagers & lettres, par toute la Comté de Northombellande,aux Cheualiers & Eſcuyers du pays,& à tous hommes dont il penſoit eſtre aidé:en leur mandant,& ſignifiant,que tantost, & ſans delay ils venſſent à Beruic: car il y alloit aſſieger les Eſcoçois: qui auoient pris le chaſtel. Ce mandement fut ſeu parmi la Comté:dont ſe partirent de leurs hoſtels toutes manieres de Gens d'armes, Cheualiers, Eſcuyers, Archers & Arballeftiers:& là vindrent le Sire de Neuf-uille,le Sire de Luſy,le Sire de Gaſtop,le ſire d'Eſtanfort,le Sire de Blelles,le Capitaine de Neufchaſtel, & vn moult vaillant Cheualier, & bon homme-d'armes (qui ſappeloit meſſire Thomas † Monſegraue) &, tout le premier, le Comte de Northombellande, avecques ſes gens, ſ'en vint à Beruic: & tous les iours y venoient gens de toutes pars.Si furent bien dix mille ou enuiron: qui le chaſtel par celle maniere aſſiegerent de ſi pres,qu'un oiſelet ne ſ'en fuſt ſeu partir ſans congé:& cōmencerēt les Anglois à faire mine,pour plus toſt venir à leur entente des Eſcoçois, & à reprēdre le chaſtel.Nouvelles vindrent à ces Barons & Cheualiers d'Eſcoce,que ſe Côte de Northōbellande & les Barōs & Cheualiers de celle cōtrée auoient aſſiegé leurs gens au Chaſtel de Beruic.Si ſ'aduiferēt l'un par l'autre qu'ils viendroient leuer le ſiege, & rafreſchir le Chaſtel: & tenoient celle empriſe d'Alexandre de Rameſay à haute & belle:& dit le Conneſtable d'Eſcoce,meſſire Archimbaut Donglas, Alexādre eſt mon couſin:& luy vient de haute gentilleſſe d'auoir empris & acheué ſi haute entrepriſe,que d'auoir pris le Chaſtel de Beruic:ſi le deuons tous à ce beſoing cōforter:& ſe nous pouuons leuer le ſiege, il nous tournera à grand' vaillance. Je vueil que nous allions celle part. Dont ordonna il leſquels ſeroient de ſa route, & leſquels demourroient. Si print cinq cēs lances à l'eſlite,& tous les meilleurs d'Eſcoce:& ſe partirent tous bien montez, & en bon conuenant: & lors cheuaucherent vers Beruic: Ces nouuelles vindrent aux Anglois & aux Barons de Northombellande: qui eſtoient à Waruich en groſſe étoffe, car ils eſtoient bien dix mille hōmes,parmi les Archers: leſquels les Eſcoçois venoient leuer,pour rafreſchir le chaſtel.Si eurent tantost conſeil cōment ils ſe maintiendroient & diſoient qu'ils prendroient place en les attendant,& ſe combattroient:car ainſi le deſiroient ils auoir. Si fit le Sire de Perſy toutes manieres de gens armer, & appareiller, & traire ſur les champs,pour faire leur monſtre:& ſe trouuerēt bien trois mille Hommes-d'armes,& ſept mille Archers.Quand le Comte de Northombellande vit qu'ils eſtoient tant de gens,ſi dit.Or nous tenons ſur noſtre place.Nous ſommes gens aſſez pour combattre toute la puiffance d'Eſcoce. Si ſe mirent en vn beau plain,au dehors de Waruic, en deux batailles,& en bonne ordonnance. Ils n'eurent pas là eſté vne heure, quand ils apperceurent aucuns Coueurs Eſcoçois: qui cheuauchoient deuant trop bien montez pour aduiſer les Anglois. Là eut aucuns Cheualiers & Eſcuyers d'Angleterre, qui moult volontiers ſe fuſſent aduancez de courir iufques à ceux qu'ilz veoient cheuaucher, qui ne leur euſt rompu leur propos.Mais le Sire de Perſy leur dit,Souffrez vous,& laiffez venir leur groſſe route: car, ſils ont volonté de nous combattre, ils nous approcheront de plus pres. Ainſi ſe tindrent tous quois les Anglois & les Eſcoçois de ſi pres vindrent ſur eux, que bien aduiſerent leurs deux batailles,& quelle quantité de gens ils pouuoient bien eſtre. Quand les Coueurs Eſcoçois eurent aduiſé le conuenant des Anglois,ſi retournerent à leurs maiſtres: & recorderent tout ce qu'ils auoient trouué & veu: & leur dirent, Seigneurs, Nous auons cogneu,veu, & cheuauché les Anglois, ſi auant,en approchant,que nous auons aduiſé leurs conuenans: & vous diſons qu'ils vous attendent en deux belles batailles, ordonnées ſur vn plain: & peueēt bien eſtre en chacune bataille cinq mille hommes. Si ayez ſur ce aduiſ. Nous les approchaſmes de ſi pres,

† *Maiores dit*
Musgrayf &
Boeth Mus-
greu.

Le Conneſtable
d'Eſcoce eſtant
allé pour ſecou-
rir les Eſcoçois,
du chaſtel de
Beruic, retour-
ne ſans riens
faire.

pres, que bien congurent que nous estions Coureurs Escocois, mais ils n'en firent semblant nul: n'oncques nul d'eux ne se dérouta, pour venir courre & cheuaucher sur nous. Quand messire Archimbaud Donglas & les Cheualiers d'Escocce, qui là estoient, ouirēt ces nouvelles, si furent tous pensifs: & dirent, Nous ne pouuons veoir que nostre profit soit de cheuaucher maintenant sur les Anglois plus auant: car ils sont dix contre vn de nous, & tous gés de fait. Si y pourriōs bien perdre plus que gagner: & folle emprise ne fut oncque bonne: telle que l'auoit faite Alexandre de Ramesay. Vn sien oncle, vaillant Cheualier (lequel s'appeloit messire Guillaume de Lindeſée) mettoit grād' peine que sō neveu fut cōforté: & disoit ainsi. Seigneurs sur la fiance de vous mon neveu a fait la cheuauchée, & pris le chafel de Beruic: Si vous tournera à grand blasme, fil est perdu: & vne autre fois ceux de nostre t̄ volonté ne s'aduentureront pas si volontiers. Là respōdirent les autres: & disoient qu'on ne le pouuoit amender: & que tant de bonnes gens, qui là estoient, ne se pouuoient pas mettre à l'adventure d'estre perdus, pour la prise d'un Escuyer: & fut accordé entr'eux, d'eux retraire plus auant en leur pays, & eux loger par les montaignes, sur la riuere de Tuide: & là se retirerent tout bellement, à loisir. Quand le Comte de Northombelande, le Comte de t̄ Notinghen & les Barons d'Angleterre aperceurēt que les Escocois ne se tiroient plus auant, ils enuoyerent leurs coureurs, pour sauoir qu'ils estoient deuenus. Si rapporterent qu'ils estoient retraits vers la Morlane, outre le chafel de Rosebourg. A ces nouvelles sur le soir se retirerent tout bellemēt les Anglois en leur logis: & firent bon guet, iusques au lendemain enuiron heure de prime, que toutes manieres de Gés-d'armes & d'Archers furent appareillees, pour aller assaillir le chafel de Beruic: & lors commença l'assaut (qui fut grand & fort) & dura tout le iour iusques à remontée. On ne vit oncques si peu de gens si bien tenir ne deffendre, que les Escocois faisoient: n'aussi Chafel assaillir si asprement. Car on auoit échelles en plusieurs lieux, leuées contre les murs: & là montoient Gens d'armes, les targes sur leurs testes: & venoient cōbattre main à main aux Escocois. Si estoient aucunes fois ruez ius, & réuersez es fossees: & ce qui plus trauailloit les Escocois, estoit les Archers d'Angleterre: qui tiroient si vniment, qu'à peine pouuoit, n'osoit nul apparoir aux deffenses. Tant fut cel assaut continué & pourmené, que les Anglois entrerent, de force & de fait, dedans le chafel. Si commencerent à prendre & occire tous ceux qu'ils y trouuerent: n'ocques de tous ceux, qui dedans estoient nul n'en échapa, qu'il ne fut mort: excepté Alexandre qui fut prisonnier au Seigneur de Perſy. Ainsi fut lors deliuré le chafel de Beruic. Si en fut Capitaine, de par le Comte de Northombelande, Jehan Biset, vn moult vaillant Escuyer: qui auoit aydē à le recouurer ainsi que vous auez ouy. Lequel le fit remparer de tous points, & refaire le pont, qu'ils auoient rompu.

Comment le Comte de Northombelande, & le Comte de Notighen, & les autres Anglois, entrerent à grand puissance au Royaume d'Escocce

CHAP. IX.

A Pres la reconqueste du Chafel de Beruic, le Comte de Northombelande & le Comte de Notighen (qui estoient les deux plus grāns de l'ost) aduiserent qu'en cas qu'ils auroient mis toutes leurs gens ensemble, ils cheuaucheroient vers leurs ennemis, & s'ils les trouuoient qu'ils les combattroient. Ainsi fut il dit, deuisé & ordonné, en leur ost: & se departirent tous à vn marin: & cheuaucherent le chemin de Rosebourg: tout contremont la riuere de Tuide. Quand ils eurent cheuauché ensemble enuiron trois lieues, ils eurent nouveau conseil: & aduiserent les deux Comtes, qui là estoient qu'ils enuoyeroient vne partie de leurs gens deuers Mauros qui est (vne bien grosse Abbaye de Moines noirs, & sied sur la riuere de Tuide, estant le departemēt des deux Royaumes) pour sauoir s'il y auoit là nuls Escocois ébuschez: & eux, & leur plus grosse route, cheuaucheroient vers la Morlane: & à faire ce chemin, il ne pouuoit estre qu'ils n'ouissent des nouvelles des Escocois, Si fut ordonné Capitaine de ces Gens-d'armes (qui deuoient estre trois cens Lāces, & autant d'Archers) vn vaillant Cheualier: qui s'appeloit messire Thomas Mōsegraue. Si se departirēt ces Gés-d'armes de l'ost: & prirent le chemin, les vns à dextre, & les autres à senestre: & cheuaucherent tant messire Thomas & son fils, qu'ils vindrent à Mauros: & là ils se logerent de haute heure, pour eux rafraichir & leurs cheuaux, & pour enquerir iustement ou les Escocois estoient: & enuoyerent deux Escuyers des leurs, bien mōtez, pour cheuaucher sur les païs, à sauoir du conuenant des Escocois, & ou c'estoit qu'ils se tenoient. Ces deux Escuyers, quand ils se furent partis de leurs

Coureurs Anglois surpris par une embuscade d'Escoçois.

maistres, si cheuaucherent tant, qu'ils arriuerēt sur vne embusche des Escoçois: desquels messire Guillaume de Lindelee estoit Chef: & se tenoit à l'aucture, pour ouir nouuelles de Beruic, & de son neveu Alexandre de Ramefay, & en quel party il pouuoit estre des Anglois: & moult le desiroit à sauoir, & pouuoit auoir avec luy environ quarante Lances. Si tost que ces Anglois furent entrez en leur embusche, ils furent happez: dont le Cheualier eut grand' ioye: & leur demanda de quelle part ils venoient. Mais enuis osoient ils parler: de paour de decouvrir le fait de leurs maistres. Mais il leur conuint parler: car le Cheualier leur promit qu'il leur osteroit les testes, s'ils ne disoient verité de tout ce que on leur demanderoit. Quand ce vint au fort, & ils veirent qu'autrement ils ne pouuoient fuir, ils parlerent: & recorderent comment le chastel de Beruic estoit reconquis, & tous ceux, qui dedans auoient esté trouuez, morts: excepté Alexandre de Ramefay. En apres compterent comment le Comte de Northombelande & le Comte de Northighen, cheuachoient amont la Tuide, pour trouuer les Escoçois: & comment messire Thomas Monsegrauce, & son fils, & messire Iehan Assueton, & messire Richard Beton, & bien trois cens Lances, & autant d'Archers, estoient logez & arrestez en l'Abbaye de Mauros: & puis recorderent comment des Cheualiers ils estoient enuoyez sur le pays, pour sauoir iustement ou les Escoçois se tenoient. Par ma foy (respondit messire Guillaume de Lindelee) vous nous auez trouuez: mais vous demourrez avec nous. Lors furent d'une part traits, & rechargés aux compaignons sur leur vie afin que bien ils les gardassent: & tantost fit ledit messire Guillaume de Lindelee partir un Homme-d'armes de sa route: & luy dit, Cheuachez deuers noz gens, & leur dites tout ce que vous auez ouy, & le cōuenant des Anglois: & ie me tiēdray cy iusques au soir pour sauoir s'autres nouuelles nous viendront. Celuy Homme-d'armes se partit: & cheuaucha tant qu'il vint en un gros village, outre la Morlane: qu'on dit Hondebray: & s'ied sur la Tuide entre les mōtaignes: & là a moult grand prerie, & fort bon pays, bien fertile & gras: & pource s'y tenoient les Escoçois. Sur le soir vint là un Escuyer: & trouua le Comte de Donglas, le Comte de Moray, le Comte de Sutirlant, messire Archimbaud de Dōglas, & les autres. Si tost qu'il fut venu, on feut bien qu'il apportoit nouuelles: & fut mené deuers les seigneurs: ausquels il recorda tout l'affaire: ainsi que vous auez ouy. Quand les Escoçois entendirent que le chastel de Beruic estoit repris des Anglois, si furent grandement courroucez: mais ce les reconfortoit, que messire Thomas Monsegrauce & les Cheualiers & Escuyers dessus la riuere de Tuide estoient logez à Mauros: si ordōnerent que sur ces nouuelles se departiroient de là, & iroient deloger les ennemis, & recouurer aucune chose de leur domage. Si s'armerent tous diligemment, & sellerent leurs cheuaux: & se departirent de nuit, de Hondebray: & cheuaucherēt deuers Mauros, à la dextre (car ils cognoissoient bien le pays) & furent là venus assez pres, auant minuit. Mais il cōmença à plouuoir une pluie si grosse, & monta un vent si fort, & qui tellement les frappa parmi les visages, qu'il n'y auoit si ioly, qui ne fut tāt abatu de pluye & de vêt qu'à peine pouuoient ils tenir leurs cheuaux: & les pages, de froid & malaise, ne pouuoient porter les Lâces: mais les laissoient cheoir: & se deroutoient l'un l'autre: & perdoient leur chemin. Adonc s'arresterēt les gardes, par le cōmandement du Cōnestable, tous quois à l'encōtre d'un grand bois: par lequel il cōuenoit passer. Car aucuns Cheualiers & Escuyers, biē vsitez d'armes (qui là estoient) disoient qu'ils cheuachoient follement, & que ce n'estoit mie estat de cheuaucher ainsi par tel temps, & à telle heure: & que plus y pouuoient perdre que gagner. Si se cacherent & mufferēt eux leur cheuaux, deffous chesnes & grans arbres, tant que le iour fut venu: & les autres qui tous engelez estoient, & tous mouillezz) faisoient grans feux, pour eux essuyer & échauffer: mais ainçois qu'ils peussent venir au feu, ils eurent trop de peine: car ils le firēt au fusil, & de ces bois vers. Si en firēt tāt, qu'ils en eurent assez en plusieurs lieux: & dura celle pluye & froidure iusques à soleil leuāt: & tousiours plouuina iusques à prime. Entre prime & tierce ce commença le iour à réchauffer, & le soleil à luyre & à monter, & les alouettes à chanter. Adonc se tirerent ensemble tous les Capitaines, pour conseiller quelles choses ils feroient: car ils auoient failli à leur entente, à venir de nuit à Mauros. Si fut conseillé qu'ils déieusnieroient là, sur les champs, de ce qu'ils auoient: & se raffreschiroient eux & leurs cheuaux: & enuoyeroient leurs gens fourrager sur le pays. Ainsi fut fait, cōme il fut ordonné: & se departirent la greigneur partie de leurs varlets fourrageurs, & se respandirēt sur le pais & les villages voisins. Si apporterēt les plusieurs foin & auoines, pour leurs cheuaux, & viures assez pour leurs maistres. D'autre part

Cheuauchee du Cōnestable de Escoce contre Thomas Monsegrauce Anglois.

les four-

les fourrageurs des Anglois (qui en l'Abbaye de Mauros estoient logez) pour trouuer viures, auoient celuy matin, cheuauché tât auant, q̄ les Anglois & Escocois fourrageurs s'entre-trouuerent : & n'eurent pas les varlets aux Anglois d'auantage : mais en y eut en celle rencontre beaucoup d'occis & de blecez, & leurs fourrages perdus, & tant que les nouuelles en vindrent à messire Thomas Monsegraue, & aux Cheualiers d'Angleterre, qui à Mauros estoient : dont ils congurent que les Escocois n'estoient pas loing de là. Si firent adonques sonner leurs trompettes : & firent seller leurs chéuaux : & l'armerent : & eurent conseil ensemble d'eux mettre tous sur les champs & se partirent de leurs logis en belle ordonnance & conroy : & ainsi furent aussi aduisez d'eux, & de leur cheuauchée, les Cheualiers d'Escocce, par leurs fourrageurs. Si se hastèrent (au plus tost qu'ils peurēt) de rafreschir leurs cheuaux, & eux armer, & puis mettre en ordonnance de bataille au long de ce bois, & tout à couuert. Si estoient bien sept cens Lances, & deux mille d'autres gēs (que nous appelons maintenāt Gros-varlets) à vouges, dagues, & bastōs d'armes. Si disoiēt ainsi messeigneurs Archimbaud de Donglas & le Côte de Donglas son cousin. Il ne peut nullement demourer que nous n'ayons besongne : car les Anglois cheuauchent, à ceste remontée. Si soyons sur nostre garde : & les combattons se nous les voyons à ieu parti. Adonc ordonnerent deux de leurs Hommes-d'armes à courir, pour decourir les Anglois, & sauoir leur conuenant, & se tindrent tous quois en leur embusche :

Comment messire Thomas Monsegraue & autres Anglois furent déconfits par les Escocois.

CHAPITRE XI.

Messire Thomas Monsegraue & les Cheualiers de Northombelande, de son costé (qui moult desiroient, à ieu parti, de trouuer les Escocois) se partirent de Mauros : & prirent le chemin de la Morlane : & laisserēt la riuiere de Tuide, à la fenestre main : & monterent à mont, vers vne montaigne : qu'on nomme saint-Gille. Là estoiet les deux Coureurs d'Escocce : qui moult bien aduiserent les Anglois, & qui tantost se partirent, & retournerent à leur moncel : & dirent tout le conuenant, & commēt ils cheuauchoiēt, & n'y auoient auisé que trois bannieres & dix pennons. De ces nouuelles furent les Escocois tous réiouis : & dirent de grand' volenté, Cheuauchon vers eux, au nom de Dieu & de S. George : car ils sont nostres. Adonc prirēt vn cry les Escocois : & me semble que tous deuoient crier Donglas, Saint-Gille. Ils n'eurent pas cheuauché vne demie lieue, quand ils veirent leurs ennemis : & les Anglois eux : dont cognurent l'vne partie & l'autre que combattre, leur conuenoit. Adonques fit le Comte de Donglas son fils Cheualier, nommé messire Iaques : & luy fit leuer banniere : & là fit ils deux Cheualiers des fils du Roy d'Escocce, messire Robert & messire Dauid : & tous deux leuerent banniere : & y eut fait sur la place enuiron trente Cheualiers de la partie des Escocois, & vn Cheualier de Suede : qui s'appeloit messire George de Besmede, & qui portoit escu d'argēt, à fer de moulin de gueules, à vne bordure endétée de gueules. D'autre part messire Thomas Monsegraue fit son fils, messire Thomas, Cheualier, & autres de son hostel. Aussi firent le Sire d'Estanfort, & le Sire de Gascop. Si ordonnerent leurs Archers : & les mirēt sur elle : & fut ce iour le cry des Anglois Nostre-dame, Arleston. Là cōmença la rencontre grāde & forte, & Archers à tirer & à émouuoir Gēs-d'armes. Mais toutesfois les Escocois estoient grand' foison : si ne pouuoient les Archers par tout entendre. Là eut fait entre ces Cheualiers & Escuyers, d'vne part & d'autre, mainte iouste, & mainte belle apertise d'armes, & plusieurs hōmes réuersez ius de leurs cheuaux, & fait mainte prise, & mainte recouffe, des premiers ven°. Messire Archimbaud de Dōglas (qui estoit bō Cheualier & fort craint de ses enemis) quād il deut approcher, mit piē à terre & mit au deuāt de son visage vne lōgue espée : qui auoit d'alumelle deux aunes, & à peine la pouuoit vn autre leuer de terre : mais elle ne luy coustoit riē à manier : & en dōnoit les coups si grās, q̄ tout ce qu'il acconsuiuoit, il mettoit par terre : & ny auoit si hardy, de la partie des Anglois, qui ne refusast ses coups. Là eut belle bataille & dure, & biē cōbattue, de ce qu'elle dura : mais ce ne fut pas lōguemēt : car les Escocois estoient trois cōtre vn. & tous gēs de fait. Le ne dy pas q̄ les Anglois ne se portassēt vaillāmēt : mais finalemēt ils furēt déconfits & furent pris messire Thomas Monsegraue, son fils, & plusieurs autres Cheualiers & Escuyers : & eurent les Escocois bien sept vingts bons prisonniers, & dura la chace iusques à la riuiere de Tuide : & là en eut de morts grand planté. Si se retirerent les Escocois, apres ceste déconfiture, sur leurs pays : & eurent conseil qu'ils l'en iroient tous vers

Rencontre des fourrageurs Anglois & Escocois.

Rencontre d'Escocois & Anglois.

Thomas Monsegraue & plusieurs autres Anglois faits prisonniers des Escocois.

Handebourg. Car ils sauoient, par leurs prisonniers, que le Comte de Northombelande & le Vicomte de Notighen estoient sur le pays, par-delà la Tuide, sur le chemin de Rosebourg: & estoient assez gens, pour combattre les Escoçois & toute leur puissance. Parquoy leur cheuauchée se pouuoit bien derompre, pour eux mettre à sauueté, & garder leurs prisonniers. De ceste chose faite, & du retraire sans seiour, furent ils tres-bien conseillez: car fils fussent celuy soir retournez à leurs logis, ils eussent esté en aduenture d'estre tous ruez ius: comme ie vous diray. Le Comte de Northombelande, & le Comte de Notighen, & les Barons d'Angleterre, quand ils departirent de Beruic, & de messire Thomas Monsegraue, & ils furent venus sur les champs à lencontre de Rosebourg, ils furent informez par leurs espies, que les Escoçois (qu'ils demandoient à trouuer & cōbattre, estoiet logez à Hôdebray: dont ils estoiet tous réiotis, & auoiet getté leur aduis que de nuit ils les viendroiēt écaroucher: & venoiēt là celle propre nuit, qu'ils s'en estoiet partis. Mais il pleut si fort, qu'ils ne peurent poursuir leur emprise: & se logerēt es bois iusqu'au lē demain: & quād ce vint au iour, de rechef ils enuoyerēt leurs espies, à sauoir ou les Escoçois se tenoiēt: & ceux, qui enuoyez y furēt, rapporterent que les Escoçois, s'en estoient partis, & qu'ils n'en auoiet nuls trouuez. Adoncques eurent ils cōseil qu'ils se tireroiēt vers Māic, pour là ouir des nouuelles de messire Thomas Monsegraue, & de ses cōpaignons. Quand ils se furēt disniez, ils cheuaucherēt tout contreuail la riuiera de Tuide, en venant vers Mauros: & auoient enuoyé coureurs par delà l'eau, pour sauoir se nulles nouuelles trouueroient. Apres là déconfiture du chāp-sainct-Gille (que ie vous ay dit) les Coureurs trouuerēt de leurs gens: qui s'en fuyoient, ainsi comme gens déconfits. Si recorderēt de la bataille ce qu'ils en sauoient. Adoncques retournerent ces Coureurs: & auoient avec eux les fuyans: & leur dirent la verité des Anglois & des Escoçois, & de la bataille. Bien sauoient que leurs gens estoiet déconfits: mais ils ne pouuoient sauoir lesquels morts ne pris. Quand les Seigneurs de Northombelande entendirent ces nouuelles, ils furent plus pensifs que deuāt, & à bonne cause: car ils estoiet courroucez pour deux affaires: l'vne pource que leurs gens auoient perdu. L'autre, que point n'auoient trouué les Escoçois: que tant desiroient à combattre. Si eurent là sur les champs grans conseils de poursuir: mais ils ne sauoient quel chemin les Escoçois tenoient: & si approchoit le vespre: si que, tout conseillé, ils se tirerēt à Mauros: & là se logerēt. Ils ne sceurent onques si tost venir à Mauros: que les nouuelles vindrēt veritables de la bataille, & que messire Thomas Monsegraue, & son fils, & bien six vingts Hommes d'armes, estoient pris: & les emmenoient les Escoçois: & s'en alloient vers Haindebourg. Ces Barons de Northombelande virent bien que ce dommage leur conuenoit porter, & que pour le present ne le pouuoient amender. Si passerent la nuit, au mieux qu'ils peurent: & lendemain se délogerent: & donna le Sire de Persy, Comte de Northombelande, congé à toutes manieres de gens, de se retraire chacun en son lieu: & luy mesme se retira en son pays: & ainsi se dérompit ceste cheuauchée: & les Escoçois aussi s'en retournerent à Haindebourg, les aucuns. Le Comte de Donglas, & son fils, demourerent sur le chemin d'Alquest: & fut grande nouuelleté, parmi Escocce, de la tres-belle iournée, que leurs gens auoient eue. Si iouirent Cheualiers & Escuyers paisiblement de leurs prisonniers: & les rançonnerent courtoisement: & en firent au mieux qu'ils peurent. Nous nous souffrerous à parler pour le present des Escoçois: & parlerons d'autres incidences, qui aduindrent en France.

Retraite d'Anglois & Escoçois en leurs pays.

† Ce fut le 6. iour selon noz Cron. & Annal. de France en l'ā 1377. à leur mode, et 1378. à la miēne. Vray est qu'il a ia parlé de ce trépas au chap. 328. du pr. volume: mais vous voyez qu'il y auoit oublié quelque chose: & puis l'ordre des temps le requiert encor ici. Quant à l'articl. du trépas de la Roine de Nauarre, il est amendé & éclairci par le sens de l'Auteur par la substance de sala.

Du trépas des Roynes de France & de Nauarre: & du renouvellement de discord entre leurs maris.

CHAP. XI.

EN ce temps trépassa † au mois de Féurier, la Roine de France: & par sa coulpe mesme: ce disoient les Medecins: car elle gisoit d'enfant, de Madame Katherine sa fille, qui puis fut Duchesse de Berry. La Roine (si comme ie vous dy) en ceste gesine n'estoit pas bien haïtée: & luy auoient les maistres deffendu les baings: car ils luy estoient contraires & perilleux. Tout ce nonobstant, elle se voulut baigner: & se baigna: & là luy cōmença le mal de la mort. Si demoura le Roy Charles de France veuve: n'oncques puis ne se maria. Apres le trépassement de la Roine de France, trépassa la Roine de Nauarre, seur germaine du Roy de France: & ceste Roine de Nauarre morte, murmurations s'éleuerent entre les sages & coustumiers de la Comté d'Eureux, qui sied en Normādie. Si disoient qu'elle estoit, par droicte hoirie, de la succession de leur mere, reuenue aux enfans

enfants du Roy de Nauarre: qui estoient separez de luy, deffous aage, & au gouuernement du Roy Charles leur oncle. Or le Roy Charles de Nauarre estoit soupçonné, du temps passé d'auoir fait, consenti, & eleué au Royaume de France tant de maux, que de sa personne il n'estoit pas digne, ne taillé, de tenir l'héritage au Royaume de France, en l'ombre de ses enfans. Si reuint d'Aquitaine, en celuy temps, en France le Connestable (qui f'estoit toute la saison tenu avecques le Duc d'Aniou) & amena en sa compaignie le Sire de Mucident de Gasconne, pour veoir le Roy, & s'acointer de luy. Ce qu'il fit. Si fut le Connestable receu du Roy à grand ioye, & le Sire de Mucident, pour l'amour de luy. Entre le Roy & le Connestable eut plusieurs parolles & secrets conseils (qui point si tost ne s'émeurent) sur l'estat de France & de Nauarre. Nous retournerons assez brièvement à ceste matiere: mais pour croniquer iustement toutes les nouuelles aduenues, qui en ce temps aduindrent au monde, ie vous parleray d'un grand commencement de pestilence: qui se bouta en l'Eglise: parquoy toute la Chrestienté pource fut en grand branle: & moult de maux en nasquirent & descendirent.

Du trépas du Pape Gregoire onzième: & comment, apres la mort soudaine de son prochain successeur, les Cardinaux eleurent, par contrainte Urbain VI. dont commença le scisme en l'Eglise de Romme.

CHAP. XII.

Vous auez ouy cy-dessus recorder commēt le Pape Gregoire onzième de ce nom, tint quelque temps le Sainct-siege de Romme en la cité d'Avignon. Quand il vit qu'il ne pouuoit trouuer nulle paix entre le Roy de France, & le Roy d'Angleterre (dōt il auoit grand déplaisance: car il y auoit moult trauaillé & fait trauailler les Cardinaux, fauisa, & eut deuotion, qu'il iroit reuisiter Rome, & le S. siege: que S. Pierre & S. Pol auoit edifié & augmenté: car il auoit promis à Dieu, que, si en son viuant il estoit la pourueu de si haut & digne degré, que de celuy de Papaliré, il ne tiendrait iamais son siege, qu'ou Sainct-Pierre l'auoit mis, & tousiours tenu. Ce Pape estoit de petite complexion & maladif: si souffroit plus de peine que nul autre: & luy estant en Avignon, il f'estoit si fort empesché des besongnes de France, & tant trauaillé du Roy & de ses freres, qu'à peine pouuoit il entēdre à luy. Si dit à soy mesme qu'il les éloignerait pour estre mieux à son repos. Si fit faire ses prouisiōs grandes & belles, sur la riuier de Gènes, & par tous les chemins: ainsi comme à si haute personne (comme il estoit) appartenoit. Et dit à ses freres Cardinaux, que tous s'aduissassent & preparassent: car il s'en vouloit là aller: & iroit. De celle motion furent tous les Cardinaux ébahis, & courroucez (car ils ressoignoiēt les Romains) & l'en eussent volontiers detourné, s'ils eussent peu: mais oncques ne peurent. Quand le Roy de France entendit ce, si en fut durement courroucé: car trop mieux luy estoit il là à main, qu'autre part. Si escriuit tantost à son frere le Duc d'Aniou (qui estoit à Toulouze) en luy signifiant ces lettres veues, qu'il allast bien tost en Avignon, & parlast au Pape, & luy brisast son voyage. † Le Duc d'Aniou fit ce que le Roy luy mandoit: & vint en Avignon ou les Cardinaux le receurent à grand ioye: & se logea au palais du Pape, pour mieux auoir loisir de parler à luy. Vous pouuez veoir, & sauoir, qu'il faquitta grandement de parler au Pape, & luy remonstra plusieurs parolles, pour luy briser son propos: mais onc le Pape ne s'y voulut cōsentir n'entendre aux besongnes de deça les monts. † Toutefois il laissa en Avignon quatre Cardinaux: & leur donna le Pape pleine puissance de faire ce qu'il pourroit faire, reserué aucuns cas Papaux: lesquels il ne peut donner à nul homme, n'oster de sa main. Quand le Duc vit qu'il n'en viendrait point à chef pour raison ne belle parole qu'il peust dire ne monstrier, si prit congé du Pape, & luy dit au partir: Pere-Sainct, vous vous en allez en un pays, & entre gens, ou vous estes petitement aymé: & laissez la fontaine de foy, & le Royaume, ou l'Eglise a plus de foy & d'excellēce qu'en tout le monde: & par vostre fait pourra l'Eglise cheoir en grād tribulation: car, se vous mourez par delà (ce qui est bien apparent, & comme voz Médecins le dient) les Rommains (qui sont merueilleux & trahistres) serōt Seigneurs & maistres de tous les Cardinaux: & feront Pape, de force, à leur volonté. Nonobstant toutes ces parolles, & plusieurs autres belles & sages raisons, oncques il ne voulut arrester, qu'il ne se mist en chemin: & vint à Marseille-ou les Galées de Gènes estoient toutes ordonnées, pour le venir querir) & le Duc d'Aniou † retourna arriere à Toulouze.

Le Pape Gregoire monta en mer, à Marseille, à belle & grande compaignie: & eut bon vent pour luy, & pour ses gens: & prit terre à Gènes: & là se rafraischirent les galées, sent volume.

† Il en a parlé au chap. 326. du pre. volu. Mais il le veut ici repeter plus amplement.

† Le Duc d'Aniou vint le pape en Avignon. ce qui peut estre au commencement de l'an 1377. remis ici par occasion † Ceste clause a son commencement de Sala.

† Apres lequel retour n'ont qu'il commença la chenuaichee du 1. chap. de ce pre-sent volume.

† Le liroye plus-
tost capitaines,
ou capitouls, ou
consuls.
† Trepas du pa-
pe Gregoire on-
zieme, le 28.
iour de Mars
1377. selon no-
tre Cro. & Ann.
de Fr. & 1378
à ma mode a-
vec Platine.

Contrainte ele-
ctio de pape, au
gré des Rom-
mains.

Soudaine mort
du prochain
successeur du
Pape Gregoire
onzieme.

Menaces des Ro-
mains aux Car-
dinaux pour a-
voir pape à leur
volonté.

† Autre con-
treinte election
d'Urbain 6.
du nom le 10.
iour d'Avril
1378. selon
l'Hist. de Na-
ples, qui pouoit
estre encores
1377. à la mo-
de du Palais
cōme venlet les

de belles pouruances: puis entrèrent ens: & singlerent tant, qu'ils arriuerent assez pres de Romme. Vous deuez sauoir que les Rommains furent moult ioyeux de sa venue: & monterent tous les Capitouls de Romme sur cheuaux couuers: & l'amenerent en grand triumphe à Romme. Si se logea au Palais Sainct-Pierre: & visitoit souuent vne Eglise, au clos de Romme, qu'il auoit grandement à gré, & y auoit fait faire moult grans ouurages: & l'appeloit on Nostre-Dame-la-Maiour: auquel clos & Eglise de Nostre-Dame, tost-apres ce qu'il y fut venu, il mourut: & fut enseuely là dedans: & là git. Si luy fit on son obsequie grandement: ainsi comme à Pape appartient, Tantost apres la mort du Pape Gregoire, les Cardinaux se tirerent au Conclau, au Palais-Sainct-Pierre. Si tost comme ils furent entrez, pour élire vn Pape à leur vsage (qui fust bon & profitable pour l'Eglise) les Rommains se commencerent à assembler moult efforcément: & vindrent au bourg Sainct-Pierre: & estoient bien là plus de trente mille, qu'vns, qu'autres, tous encouragez de mal faire: se la chose n'alloit à leur volonté. Si vindrent plusieurs fois deuant le Conclau: & disoient ainsi, Oyez, Seigneurs Cardinaux, deliurez vous de faire Pape, trop y mettez: si le faictes Rommain: nous n'en voulons point d'autre. Car se d'autre vous le faictes, le peuple Rommain, ne les Consuls, ne le tiendront point à Pape: & vous mettrez tous en aduenture d'estre morts. Les Cardinaux (qui estoient au danger des Rommains & qui ces parolles entendirent) n'estoient pas bien aises, n'asseurez de leurs vies: & les appaisoient, & abattoient leur ire, ainsi qu'ils pouoient: & tant ce monta ceste chose, & la felonnie des Rommains, que ceux, qui plus prochains, estoient du Conclau, pour donner crainte aux Cardinaux, & à celle fin qu'ils descendissent plus tost à leur volonté, rōpirent, par leur mauuaistié le Cōclau (ou les Cardinaux estoient) & lors cuidèrent bien les Cardinaux estre tous morts: & s'en fuirent, pour sauuer leurs vies, l'vn çà, l'autre là: Mais les Rommains ne se tindrent pas à tant, ains remirent les Cardinaux ensemble: vousfissent ou non. Les Cardinaux qui se veoient au danger des Rommains, & en grand peril, s'en deliurerent, pour appaiser le peuple: & ne le firent pas par deuotion: neantmoins ils le firent, par bonne election, d'vn moult Sainct homme, Cardinal, & de la nation Rommaine, & que Pape Urbain v. auoit fait Cardinal: & l'appeloit on le Cardinal de S. Pierre. Ceste election pleut grandement aux Rommains: & là eut le preud'homme tous les droits de Papalité: mais il ne vesquit que trois iours. Je vous diray pourquoy. Les Rommains (qui desiroient à auoir vn Pape Rommain) furent si réiouis de ce Pape, qu'ils prirent le preudhomme (qui bien auoit cent ans) & le mōterent sur vne blanche mulle: & le menerent & pourmenerent tant parmi Rōme, en exaltant leur mauuaistié, & en montrant qu'ils auoient vaincu les Cardinaux, quand ils auoient vn Pape Rommain, qu'il fut tant trauaillé de la peine & du trauail qu'il eut, que au tiers iour il salicta, & mourut. Si fut enseueli en l'église S. Pierre de Romme: & là gist. De la mort de ce Pape furent tons les Cardinaux moult courroucez. Car ils veoient bien que la chose alloit mal. Car ce Pape viuant, les Cardinaux auoient aduisé qu'ils se dissimuleroient entre les Rommains, deux ou trois ans: & mettroient le siege ailleurs, qu'à Romme c'estassauoir à Naples, ou à Gènes, hors du danger des Rommains: & ainsi, cōme ils l'auoient proposé, il en fut aduenue. Mais par sa mort fut tout rompu: & lors se mirent en Conclau les Cardinaux, en plus grād peril que deuant. Car les Rommains fasemblerent tous au bourg-Sainct-Pierre deuant le Conclau: & monstrerent, par semblant, qu'ils vouloient tout rōpre & occire: s'ils n'élisoient à leur volonté: & disoient aux Cardinaux, en écriant par dehors le Conclau. Aduisez vous, aduisez, Seigneurs Cardinaux: & si nous baillez vn Pape Rōmain, qui no^e demeure: ou autrement nous vous ferōs les testes plus rouges, que voz chapeaux ne sont. Telles parolles & menaces ébahissoient les Cardinaux: car ils aimoiēt plus cher à mourir Cōfesseurs que Martyrs. Adonc, pour eux oster de ce danger & peril, ils se delibererēt de faire Pape: mais ce ne fut pas de l'vn de leurs freres Cardinaux: † ainçois eleurent & nommerent l'Archeuesque de Bar, vn grand Clerc: qui moult auoit trauaillé pour l'Eglise. De ceste promotion de Papalité les Rōmains furent appeisiez. Le Cardinal de Genēue bouta hors sa teste par vne des fenestres du Conclau: & dit tout haut au peuple de Romme, Appaisez vous: car vous auez Pape, Rommain, Barthelemy des Aigles, Archeuesque de Bar. Le peuple respondit, tout d'vne voix, il nous suffit. A ce iour n'estoit pas celuy Archeuesque à Romme: & croy qu'il estoit à Naples. Si fut tantost enuoyé querir. De ces nouuelles fut il grandement réiouy: & vint à Romme: & se monstra aux Cardinaux. A sa venue on luy fit grand

grande feste & fut entre les Cardinaux pris & élué: & eut toutes les droitures de Papalite: & eut nom Urbain vj. de ce nom. Si en eurent les Rommains grande ioye, pour le bon Urbain v. qui moult les auoit aimez. Sa creation fut signifiée & publiée par toutes les Eglises de Chrestienté: & aussi aux Empereurs, aux Roys, Ducs & Comtes: & mandèrent les Cardinaux à leurs amis, que Pape auoyent, par bonne & digne election: dõt depuis aucuns s'en repentirent: qui parlé en auoyent si auant. * Si renõça ce Pape à toutes graces par auant faites. Si se departirent de leurs contrées & de leurs lieux: & s'en alerent à Romme, pour auoir graces: Nous nous souffrerõs vn petit à parler de ceste matiere, & retournerons à nostre principale Histoire des besongnes de France.

Des Ambassadeurs, que le Roy de Nauarre enuoya en France, pour cuider recouurer ses enfans, & comment deux de ses gens furent conueincus d'auoir voulu empoisonner le Roy de France.

CHAPITRE

XIII.

Vous auez bien ouy cy-dessus* recorder comment apres la mort de la Roynede * Annot. 4.
Nauarre (qui auoit esté sœur du Roy de France) aucuns personnages, pour amour de l'vn, & en haine de l'autre, disoient & proposoyent que l'heritage des enfans du Roy de Nauarre (qui leur venoit de par leur mere) leur estoit écheu: & que le Roy de France, leur oncle, par la succession de sa seur en deuoit auoir, pour, & au nom de ses enfans, la main garnie: & deuoit estre toute la terre, que le Roy de Nauarre tenoit en Normandie, rapportée en la main du Roy de France, tant que ses neueux seroyent en aage. De toutes ces choses se doutoit bien le Roy de Nauarre, car il sauoit moult des vsages & coustumes de France. Si aduifa de deux choses. L'vne, qu'il enuoyeroit l'Euesque de Pampelune, & messire Martin de Kare, en France, deuers le Roy, en le priant, & parlant doucement, que par amour il luy voufist enuoyer ses deux fils, Charles & Pierre: & fil venoit à plaissance au Roy que tous deux ne les voufist enuoyer, à tout le moins qu'il luy renuoyast Charles, car mariage se commençoit à traiter de luy & de la fille du Roy Henry de Castille. La seconde chose estoit (non obstant tout ce, qu'il enuoyeroit en France) secrettement aussi il enuoyeroit en Normandie, visiter & rafreschir ses Chasteaux: à fin que de fait les François n'y peussent mettre la main, car de fait fils n'estoient pourueus ils sy pourroient bouter: & fils en auoient pris la possession, il ne les en osteroit, pas, quād il voudroit. Si aduifa deux moult vaillans Hommes-d'armes, Nauarrois: esquels il auoit grande fiance. L'vn estoit nommé Pierre de Basille, & l'autre Ferrando. Les premiers messagers vindrent en France, l'Euesque de Pampelune, & messire Martin de Kare: lesquels parlerent au Roy à grand loisir, en eux moult humiliant, & recommandant le Roy de Nauarre, & en priant que ses deux fils luy voufist enuoyer. Le Roy respondit qu'il en auroit aduis. Depuis en fut respondu, ou nom du Roy, & present le Roy, que les deux enfans de Nauarre, ses neueux, le Roy aymoient bien delez luy: & qu'ils ne pouoyent mieus estre: & que mieus les deuoit le Roy de Nauarre aimer en France, delez le Roy, leur oncle, qu'autre part: & que nul il n'en enuoyeroit: mais les tiendrait delez luy: & leur feroit tenir leur estat bel & grand: comme à enfans de Roy, & ainsi qu'à ses neueux appartient: & autre responce ils n'en peurent auoir. Vous deuez sauoir que tandis que ces traitteurs & Ambassadeurs estoient en France, Pierre de Basille & Ferrando arriuerent à Cherbourg, à tout grandes pourueances: qu'ils mirent en plusieurs lieux ens, es villes & Chasteaux du Roy de Nauarre, en Normandie: & visiterent ces deux Gouverneurs, de par le Roy de Nauarre, toute la Côte d'Eureux: & renouellerent officiers: & y meirent gens à leur plaissance, entre eux. Si retournerent en Nauarre l'Euesque de Pampelune & messire Martin de Kare: & recorderent au Roy (qu'ils trouuerent à Tudelle) ce qu'ils auoient trouué en Frâce. Si ne fut pas le Roy de Nauarre trop réiouy de ces nouvelles, quand il ne pouoit auoir ses enfans: & en cueillit en moult grande haine le Roy de France: & la luy eust volontiers, & de faict, montrée, fil eust peu, mais sa puissance ne se pouoit pas estendre si auant, que de greuer le Royaume de France, fil n'auoit alliances ailleurs. Encores se souffrit mieus de toutes ces choses, tant qu'il eust mieus cause de parler, & qu'on luy fist plus grand grief, qu'on n'auoit encores fait. Le Roy de France & son Conseil furent bien informez que le Roy de Nauarre faisoit en Normandie rafreschir les Chasteaux & villes, qu'il disoit estre siennes. Si ne sauoit à quoy il vouloit penser. En ce temps se faisoit vne secrette armée des Anglois, sur mer (& estoient deux mille Hommes-d'armes, & n'auoient nuls de leurs cheuaux) de laquelle armée le Duc

de Lanclastre & le Comte de Cantebruge estoient Chefs. Sur tout ce, les Normans auoient rapporté seurement au Roy de France, que ceste armée se mettoit sus, à l'encontre des bendes de Normandie: mais on ne sauoit pas à dire quelle part ils vouloient tirer: & supposoyent les aucuns au Royaume de France, que le Roy de Nauarre le faisoit faire, pour rendre & liurer ses chasteaux au Royaume d'Angleterre. Si fust aussi dit au Roy de France, qu'il allast, ou fist aller hastiuement au deuant (parquoy il fust Sire de ces chasteaux) & que trop auoit attendu, car, se les Anglois sy boutoient, ils pourroient trop greuer le Royaume de France: & seroit l'une des plus belles entrées qu'ils pourroyent auoir, s'ils estoient Seigneurs, en Normandie, des Citez, villes, & chasteaux, que le Roy de Nauarre, y tenoit. † En ce temps furent pris en France deux Secretaires du Roy de Nauarre, vn Clerc, & vn Escuyer (le Clerc se nommoit Pierre du Tertre: & l'Escuyer, Iaques de Rue) & furent amenez à Paris, pour les examiner: & cognurent si auant des secrets du Royaume de Nauarre, en voulant le Roy de France endommager, ou empoisonner, qu'il leur conuint mourir: & furent executez & escartelez à Paris.

† Il en a desia
parlé au cha.
329 du 1. vol.
Et furent ces
deux executez
au mois de may
1378. selon
noz. Cr9. &
Ann. de Fr.
† S'il racõpte
cecy vn peu au
tremement au ch.
329. du 1. vol.
ne vous en pre
nez pas à moy.
Il peut auoir
esté mieux in-
formé, depuis
qu'il eut laissé
publier son pre
mier volume,
Et le pourroit
auoir reformé
en quelque Ex-
empl. qui nous
est caché. Au
demonstrant not
tez, que nous
auons icy re-
mis Bayeux,
pour Lisieux,
combien que sa
la die Eureux
de quoy vous
trouuerez rai-
son cy-apres,
sur le chapitre
suivant.

*Comment le Roy de France enuoya saisir les terres du Roy de Nauarre, tant en Norman-
die, qu'en Languedoc, & comment le Roy de Nauarre fallia des Anglois, & sous
quelles conuenances.*

CHAPITRE

XIIII.

Ces nouuelles & haines se multiplierent tellement sur le Roy de Nauarre, que le Roy de France iura, que iamais n'entendrait à autre chose, iusques à ce qu'il eut décombré Normandie, & qu'il eut attribué à luy, pour ses neveux, les villes & chasteaux, que le Roy de Nauarre y tenoit. De iour en iour venoient dures informations & nouuelles du Roy de Nauarre en l'hostel du Roy. Car on disoit communément, que le Duc de Lanclastre deuoit donner sa fille Katherine au Roy de Nauarre: & par ce moyen le Roy de Nauarre deuoit donner, au Duc de Lanclastre, toute la Comté d'Eureux. Ces parolles estoient trop bien creues en France: car le Roy de Nauarre estoit petitement appuyé. Si s'en vint en ce temps le Roy de France sejourner à Rouen: & fit vn grand mandement de Gens-d'armes: † desquels le Sire de Coucy & le Sire de la Riuiere estoient Chefs. Si se trouuerent tous ces Gens-d'armes deuant Bayeux, vne cité en Normandie, qui se tenoit Nauarroise: & auoient ces deux Barons, avecques eux, les deux fils du Roy de Nauarre, Charles & Pierre, pour monstrier à ceux du pays & de la Comté d'Eureux, que la guerre, qu'ils faisoient, estoit au nom des enfans: & que l'heritage estoit leur, à cause de leur mere: & que le Roy de Nauarre n'auoit nulle cause de la tenir. Mais la plus grande partie des Gens-d'armes estoient si conioints d'amour au Roy de Nauarre, que ils ne sauoient partir de son seruice: & aussi les Nauarrois, qui y estoient amassez, & que le Roy de Nauarre y auoit enuoyez, luy faisoient sa guerre plus belle. Le Roy de France enuoya Commissaires, de par luy, à Montpessier, pour saisir toute la terre & Seigneurie de Montpessier: que le Roy de Nauarre tenoit. Quand iceux Commissaires (c'est assauoir messire Guillaume des Dormans, & messire Jehan le Mercier) furent venus audit Montpessier, ils manderent des plus notables de la ville, & leur monstreient leurs commissions. Ceux de Montpessier obeyrent, car faire leur conuenoit. S'ils eussent desobey, c'eust esté mal pour eux, car le Duc d'Aniou & le Connestable de France, à tout grans Gens-d'armes, estoient sur le pays: qui ne demandoient pas mieux que la guerre à ceux de Montpessier. Si furent pris prisonniers, de par le Roy, deux Cheualiers de Normandie (qui lors estoient Gouverneurs, de par le Roy de Nauarre) & aussi messire Guy de Grauille, & messire Liger d'Argefi: lesquels demourerent depuis grand temps en prison. Ainsi fut la ville de Montpessier, & toute la Baronnie, Françoisé. Nous retournerons à l'armée de Normandie: & compterons comment le Sire de Coucy & le Sire de la Riuiere y exploiterent. Ils vindrent † deuant Bayeux: & y mirent le siege. Ceux des garnisons du Roy de Nauarre estoient tous clos contre les François: & n'estoit pas leur entente d'eux si tost rendre. Quand le Roy de Nauarre entendit qu'on auoit pris & saisi la ville de Montpessier, & toute la terre: & que grans Gens-d'armes estoient en la Côte d'Eureux (qui luy pilloyent & abbattoient ses villes & ses Chasteaux) si eut plusieurs imaginations & conseils avec ceux, ou il auoit plus grande fiance. Finalement fut regardé en son Conseil, qu'il ne pouuoit nullement estre conforté si ce n'estoit du costé des Anglois: & eut conseil qu'il enuoyeroit bien vn amy, & especial homme, avecques lettres de creance, pour sauoir si le ieune Roy d'Angleterre, & son Conseil, vouldroit point

† Il y auoit en-
cor icy Eureux
et en sala auf-
si, mais vous
verrez, tãtost
sur le chap. sui-
uant pourquoy
nous l'auons
changé.

point estre de son alliance: & il leur iureroit de ce iour en auât, estre bon & loyal entiers les Anglois: & leur mettroit en main toutes les fortresses, qu'il tenoit en Normandie: & pour faire ce message, & aller en Angleterre, appella vn sien Clerc (en qui il auoit grâde fiance) & luy dit, Maistre Paschal, vous irez en Angleterre: & exploiterez si bien, que vous m'en rapporterez bonnes nouuelles, car pour tousiours ie me vueil tenir & allier avecques les Anglois. Maistre Paschal fit ce, dont il estoit chargé: & appareilla ses besongnes: & monta en vn port: & singla tant, qu'il prit terre en Cornouaille: & puis cheuaucha tât par ses iournées, qu'il vint à Chuen, lez Lōdres: ou le Roy se tenoit. Si se tira deuers luy: & recommanda le Roy de Nauarre, son Seigneur, à luy. Le Roy luy fit bonne chere: & là estoit le Comte de Salbery, & messire Simon Burle: qui s'entremettoient du parler & du respondre, & disoient que le Roy viendrait à Londres, & là manderoit tout son Conseil au iour, qui nommé estoit. Là remonstra Maistre Paschal au Roy, & à son conseil, ce dont il estoit chargé: & parla si bien & si sagement, qu'il fut volōtiers ouy: & fut respondu par le Conseil, que les offres, que le Roy de Nauarre mettoit en termes, faisoient bien à recueillir: mais bien appartenoit, à faire si grandes alliances que le Roy de Nauarre demandoit, qu'il y venfist en propre personne, pour ouir plus-plainement ce, qu'il vouloit dire: & la chose en vaudroit grandement. Sur cel estat se departit le Conseil: & Maistre Paschal retourna en Nauarre: & recorda tout ce qu'il auoit trouué: & comment le ieune Roy d'Angleterre, & son Conseil, le vouloit veoir. Adonc respondit le Roy de Nauarre: & dit qu'il iroit. Si fit appareiller vn vaissel, qu'on appelle Lin (qui va par mer, de tous vens, & sans peril) & entra le Roy de Nauarre en ce vaissel, à priuée megnée, mais toutesfois il emmena messire Martin de Kafe, & Maistre Paschal, avecques luy. Vn petit auant son departement le Roy de France (qui auoit acueilly le Roy de Nauarre en grande haine, & qui sauoit couuertement, par gens de son hostel, tous les secrets qu'il auoit aux Anglois) auoit tant exploité deuers le Roy Henry de Castille, que il l'auoit deffié, & luy faisoit grande guerre. Si auoit à son departement le Roy de Nauarre laissé, en son pays, le Vicomte de Castillon, le Seigneur de Lestrac, Pierre de Viēne, & le Basche, & grans Gens-d'armes, tant de son pays, comme de la Comté de Foix, pour garder les fortresses, contre les Espaignols. Quand il fut monté en mer, il eut vêt à volōté: & prit terre à Cornouaille: & puis exploita tât, par ses iournées, qu'il vint à Vindecore: ou le Roy Richard & son conseil se tenoient, lesquels le receurent ioyeusement, car ils pensoient mieux valoir de sa terre de Normandie: especialement du Chastel de Cherbourg, dont les Anglois desiroient moult estre Seigneurs. Le Roy de Nauarre remonstra au Roy d'Angleterre, sagement & par beau langage, ses besongnes & ce, pour quoy il estoit venu, & tant que volontiers il fut là ouy du Roy & de son Conseil, & sur ce conseil & reconforté, tant que s'en contenta. Ie vous diray cōment traitez se porterent entre ces deux Roys. Le Roy de Nauarre deuoit demourer, à tousiours, bon & loyal Anglois, & ne pouuoit, ne deuoit, faire paix au Royaume de France, n'au Roy de Castille, sans le feu & consentement du Roy d'Angleterre & de ses gens: & deuoit mettre le Chastel de Cherbourg entre les mains du Roy d'Angleterre, qui le deuoit, à ses coustages, faire garder trois ans, mais tousiours en demoureroit au Roy de Nauarre la souveraineté & Seigneurie, & se le Roy d'Angleterre & ses gens par leur puissance pouuoient obtenir les villes & chasteaux, que le Roy de Nauarre auoit adonc en Normandie, encontre le Roy de France ou les François, elles demourroient empeschées & Anglesches, mais tousiours retournoit la souveraineté au Roy de Nauarre. Laquelle chose les Anglois prisoient moult, pour la cause de ce qu'ils pouuoient veoir vne belle entrée en Normādie: qui leur estoit trop seant. Si deuoit le Roy d'Angleterre enuoyer en celle mesme faison, mille Lances & deux mille Archers, par la riuere de Gironde, à Bordeaux, ou à Bayonne, & ces Gens-d'armes deuoient entrer en Nauarre, & faire guerre au Roy de Castille, & ne ce deuoient point partir du Roy de Nauarre, ne de son Royaume, tant qu'il eust point de guerre aux Espaignols, mais ces Gens-d'armes & Archers, eux entrez en Nauarre, le Roy de Nauarre les deuoit payer de to^o points, & estofer, ainsi qu'à eux appartenoit, & que le Roy d'Angleterre a vsage de payer ses gens: Plusieurs traittez, alliances, & ordonnances, furent là faites, escriptes, seellées, & iurées, à tenir du Roy d'Angleterre & du Roy de Nauarre, qui assez bien se tindrent. Si furent là nommez, du Conseil du Roy d'Angleterre, lesquels iroyent en Normandie, & lesquels iroiēt en Nauarre, & pourtant que le Duc de Lancastre & le Comte de Canteburge n'estoient

*Messagers du
Roy de Nauarre
au Roy Ri-
chard d'Ang.*

*Le Roy de Na-
uarre vers le
Roy Richard en
Angleterre.*

*Conuenances
de l'Anglois et
du Navarrois:
† Le sens estoit
icy tout imper-
fait, par faute
de plusieurs
mots, que nous
y auons adioustés
selon l'entree de
l'auteur, s'en
faisant Sala.*

point à ces traittez, ne le Duc de Bretagne, fut là dit en Parlement, qu'on leur enuoyeroit tous ces traittez seellés, à fin qu'ils se hastassent d'entrer en Normandie.

Comment le Sire de Couci & le Sire de la Riuere prirent plusieurs places de la Comté d'Eureux, sur le Roy de Nauarre, pour le Roy de France. CHAP. XV.

† Il l'a nommé
Ianequin de
Clere au
premier chap.
de ce present
volume.

* Anno. 5.

† Estât certain
que Lisieux,
dont il a parlé
au cha. 14. est
fort loing de la
mer et Eureux
encores plus
loing, le voisi-
nage de Bay-
eux & de Ca-
renten (qu'il
fait rendre in-
continēt apres
cette ci) m'a
fait laisser les
deux autres, et
Aurenches
mesmes laquel-
le se treuve si-
tuee assez pres
de la mer, m'a
donné à penser.

LE Roy Charles de France (qui fut sage & subtil, & bien le monstra, tant qu'il vesquit) estoit tout informé de l'armée d'Angleterre, mais il ne sauoit, fors que par soupçon, ou elle se voudroit traire, en Normandie ou en Bretagne, & pour ces doutes, il tenoit en Bretagne grans Gens-d'armes, desquels le Sire de Clifson, le Sire de Laual, le Vicomte de Rohan, le Sire de Beaumanoir, & le Sire de Rochefort, estoient Capitaines, & auoient assiégué Brest par bastides, & non autrement, parquoy on ne le peust aitailler. De Brest estoit Capitaine vn Escuyer Anglois, vaillant homme, qui s'appelloit † Iaqués le Clerc. Or (pource que le Roy de France sauoit bien que le Roy de Nauarre estoit allé en Angleterre, & esperoit bien qu'auant son retour il feroit conuenances & alliances à son aduersaire le Roy d'Angleterre, & se doutoit que ceste armée, qui se tenoit sur mer de force ne prenisse terre en Normandie, & de fait se boutasse es Chasteaux, qui se tenoient au Roy de Nauarre) il enuoya hastiuemēt deuers le Sire de Couci, & le Seigneur de la Riuere, & remonstrant ses besongnes, qu'ils se deliurassent de reconquerir ses chasteaux, par traitté, conuenances, ou accords, & par especial, les plus prochains des ben-des de la mer. Bien sauoient que Cherbourg n'estoit pas aisé à prendre legeremēt. Toutesfois par terre il ne se pouuoit raitailler. * Le Roy de France auoit encor enuoyé à Vallouques grâde foison de Gens-d'armes, des basses marches de Bretagne & de Normandie: desquels, pour les Bretons messire Oliuier du Guesclin estoit Capitaine, & des Normans le Sire d'Iuoy, & messire Perseual. Le Sire de Couci & le Sire de la Riuere auoient, à grande puissance, assiégué la cité de Bayeux: & tousiours leur venoit gens de tous costez, que le Roy de France leur enuoyoit. Bayeux est vne cité belle & forte, † pres de la mer, qui pour ce temps se tenoit au Roy de Nauarre. Les habitâs de Bayeux doncques (qui se veoient enclos & assiegez de leurs voisins: qui leur promettoient que, se de force ils se laissoient prendre, ils seroient sans remede tous perdus hommes & femmes, & la ville réplie d'autres gés) se doutoient grâdemēt. Car nul confort ne leur apparoissoit de nul costé: ains, au contraire, voyoient contre eux messire Charles de Nauarre (au quel l'heritaige de la Comté d'Eureux deuoit appartenir, & la succession, à cause de sa feuë mere) & oyoient lefdits habitans parler ces deux Seigneurs, le Seigneur de Coucy, & le Seigneur de la Riuere: qui bien estoient en langagez, & qui bien leur remonstroient les incidences, ou ils pouuoient encheoir: & aussi l'Euesque du lieu s'enclinoit assez de la partie du Roy de France. Si aduiserent, tout consideré, que mieux leur valoit rendre leur cité en amour (puis que requis de leur Seigneur en estoient) que demourer en peril. Si prirent ceux de Bayeux vne trêue à durer trois iours. En celle trêue, ceux de Bayeux pouuoient bien paisiblement venir en l'ost, & ceux de l'ost à Bayeux. En ces trois iours furent les traittez si bien ordonnez, & accordez, que le Sire de Coucy & le Sire de la Riuere entrerent en la cité: & en prirent la possession, de par le Roy de France, comme Commissaires autentiques. Là fut enuoyé le Procureur general, pour l'Enfant de Nauarre, qui present estoit à tous ces traittez. Si renouellerent ces deux Seigneurs toutes manieres d'Officiers: & quand ils s'en partirent, pour la doute des rebellions y laisserent de bons Gens-d'armes: & puis s'en partirent, & vindrent mettre le siege deuant Carenten, vne belle ville & forte, seant sur mer, & sur les marches de Caen. Ceux de Carenten n'auoient point de Capitaine de nom: ne point n'en auoient eu, depuis la mort messire Eustace d'Auberthicourt (qui là mourut, & qui leur Capitaine auoit esté bien quatre ans) & ne se veoient conforter ne conseillez de nulluy, fors que d'eux mesmes, & estoient sur eux l'Admiral de France, messire Iehan de Vienne, & l'Admiral d'Espagne avecques luy, garnis de grans Gens-d'armes, deuât Cherbourg: & ne sauoient nuls des traittez du Roy de Nauarre, ne quelle chose il auoit exploité en Angleterre. Ils estoient to^o les iours assaillis en deux manieres: l'vne par armes, & l'autre par paroles. Car le Sire de Coucy & le Sire de la Riuere taschoient grandement d'auoir ladite ville de Carenten: & à la fin si bien besongnerent, que par traité ils l'eurent, & la remirent & rendirent en l'obeyssance du Roy de France, résérue le droit de leurs ieunes heritiers, les enfans du Roy de Nauarre. A tous traittez ces Seigneurs de France s'accorderent, pour eux † deliurer

† C'est adire de
pescher.

deliurer d'estre en faifine & poffeffion des villes & chasteaux, qu'ils defiroient auoir: Si prirent Carenten: & le rafrefchirēt de nouuelles gens: & puis ſ'en partirēt: & vindrēt de uant le chafel de Moulineaux: & n'y furent que trois iours, que par traitté ils l'eurent, & puis vindrēt deuant Conches. Si ſe logerēt deuant ceſte belle riuiere d'Orne (qui couroit à Caen) & là ſe rafrefchirent, iufqu'à tant qu'ils ſeurent la volonté de ceux de Conches. Leſquels par traitté ſe rēdirent, car ce, q̄ le Sire de Coucy & le Sire de la Riuiere auoiet l'Enfant de Nauarre auecques eux, embeliſſoit grandement le fait. Mais, quand on ſe rendoit au Roy de France, ou à ſes commis, ils eſtoient au traitté par condition telle, qu'ils ſe departiroient, ſils vouloient: & alloient là ou il leur plaiſoit. Tous ceux, qui ſe partoiēt, ne ſe tiroient autre part qu'en † Eureux: dont Ferrād, vn Nauarrois, eſtoit Capitaine. Apres la conqueſte de Conches (qui ſe rendit par traitté: comme vous auez ouy) on ſ'en vint deuant Paſſy: & là eut aſſaut. Si en y eut de naurez d'vne part & d'autre: & en ce iour meſmes ſe rendit & demoura le chafel au Roy de France: & puis cheuaucherent outre. Finalement tout ce, que le Roy de Nauarre auoit tenu en Normandie (excepté Eureux & Cherbourg) fut rendu: & quand ils eurent tout reconquis, chasteaux & petites forterefſes, & que tout le pays fut en leur obeſſance, ils ſ'en vindrent mettre le ſiege deuant Eureux, & là fut ſeparé Cherbourg: & là ſont, & ont eſté par vſage les plus fors Nauarrois de Normandie: ne n'aymerent oncques ceux d'Eureux parfaitement autre Seigneur que le Roy de Nauarre. Si fut Eureux aſſiegé moult puiſſamment: & ſy tint le ſiege longuemēt. Car Ferrand en eſtoit Capitaine, qui pluſieurs grandes appertifſes d'armes y fit de ſoy meſme. En ce tēps eſtoit retourné le Roy de Nauarre en ſon pays: & cuidoit aucunement auoir eſté aydé des Anglois, quoy que les Anglois ne luy euſſent point porté de proufit: ainſi qu'il apparut. Car le Duc de Lancſtre & le Comte de Cantebruge, deuant tous ces traittez, auoient eu vent contrainte, pour venir, en Normandie, & auſſi vn ſi grand mandement (comme il auoit fait) de quarante mille Hommes-d'armes, & huit mil Archers, n'eſtoit pas ſi toſt arriué à Hantonne, ou tous monterent en leurs nefſ chargées. Car il fut auant la † Sainēt Iehan Baptiſte, qu'ils fuſſent enſemble: ne qu'ils ſe departiſſent d'Angleterre. Encores trouuerent ils à Pleumon de le Comte de Salbery & meſſire Iehan d'Arondel (qui ſ'en deuoient aller en Bretagne, pour rafrefchir ceux de Breſt & ceux de † Hamibour) qui n'auoient peu auoir vent, & ſe mirent en l'armée du Duc de Lancſtre, & de ſon frere le Comte de Cantebruge. Mais ils prirent terre en l'ifle Wiath: ou ils ſeiournerent vn grand temps, pour apprendre des nouuelles, & ou ils ſe trouueroyent, ou en Normadie, ou en Bretagne: & là ouirent nouuelles que l'armée de France eſtoit ſur mer. Si fut renuoyé meſſire Iehan d'Arondel, à tous deux cens Hommes-d'armes, & quatre cens Archers, à Hantonne, pour écheuer les perils, qui leur pouuoient venir trop grans par mer.

Des grans Gens-d'armes, que le Duc d'Aniou retenoit contre les Anglois, & du ſiege que les Eſpaignols tenoient deuant Bayonne.

CHAPITRE

XVI.

Pour la cauſe de ce, le Roy de France eſtoit veritablement bien informé de par les Normans, que les Anglois eſtoient trop puiſſamment ſur mer, & ne ſauoient ou ils vouloyent aller. Il auoit par tout ſon Royaume vn eſpecial mandemēt, que chacun fuſt appareillé, Cheualiers & Eſcuyers (ainſi comme à luy appartenoit) pour venir & aller ou il les manderait. Auſſi le Duc d'Aniou toute celle ſaiſon auoit retenu Gens-d'armes de tous coſtez en intention de mettre le ſiege deuant Bordeaux: & auoit ſon frere le Duc de Berry, & le Conneſtable de France, en ſa compagnie, & toute la fleur de la Cheualerie de Gaſcogne, d'Auuergne, de Poiētou, & de Limofin: & pour ceſte empriſe mener à bon chef, & auoir plus grande quantité de Gens-d'armes, par le conſentement du Roy de France ſon frere, il auoit en Languedoc bien amaffé † deux cens mille francs, & ne peut en celle ſaiſon parfaire ſon empriſe. Car le Roy de France remanda le Duc de Berry ſon frere, & le Conneſtable de France, & tous les Barons, dont il penſoit eſtre aydé & ſeruy, car bien eſtoit ſignifié que les Anglois eſtoient ſur mer, mais il ne ſauoit ou ils vouloient tirer. Mais, combien que ceſte empriſe de Languedoc ſe rompit, les portures gens, qui auoient eſté trauaillees de payer ſi grandes ſommes, ie vous dy bien qu'ils ne furent point rembourſez de leurs deniers. En ce temps tenoit le ſiege à bien vingt mille Eſpaignols & Caſtillans, le Roy de Caſtille, deuant la cité de Bayonne, & l'aſſiegea en † Yuer: & y fut toute la ſaiſon: & y eut faite mainte grande appertifſe d'armes, par

† Je ſuis conſent
qu'il y ait maint
tenāt Eureux:
combien que ſa
la dit par tout
Aurenches;

† Ceſta ſauoir
de 1378.
† Sala ne meſ
que Breſt, &
auſſi n'ay ie
point veu que
Hamibour,
ait eſté repris
ſur les François
depuis la priſe
que ils en ont
fait au ch. 32.
dont me ſemble
qu'il faudroit
pluſtoſt lire Au
roy ou Det
ual.

† Sala eſcrit
1200000.
trop exceſſue
ment, à mon
auis.

† Ceſt yuer peut
tenir de 1377.
et 1378. à ma
mode.

*Mortalité au
Camp des Es-
pagnols deuant
Bayonne, dont
fut leur siege
leué.*

*†sala dit icy
calongne.*

*†Ce passage est
amendé & e-
clairci par le s^s
de l'Auteur &
par la briefue
sustace desala.
†sala dit, &
reconforte-
rent grande-
ment le capi-
taine de leas
qu'on nom-
moit mor-
fouache.*

*Les Anglois
recens à Cher-
bourg, leur fai-
sans place les
Nauarrois.*

*†Il dit ceci par
ironie & sens
côtraire, enten-
dant que ces
marchands per-
dirent tout.*

*Saint-Malo
plusieurs fois
assailli par les
Anglois, le sie-
ge durant.*

mer & par terre, car Rodigo le Roux, Dom Ferrand de Castille, Ambrois Bouchenoire, & Pierre Basle estoient à l'ancre deuant Bayonne, à tout deux cens vaisseaux : & donnerent trop à faire à ceux de Bayonne. De laquelle ville estoit pour lors gardien, & Capitaine, vn moult vaillant Cheualier (qui estoit d'Angleterre) lequel s'appelloit messire Matthieu de Cournay. Le sens & prouesses de luy reconforterent grandement la ville : ainsi comme j'ay ouy dire, & veulent les aucuns dire (& le say par ceux, qui dedans furent enclos) que les Espagnols fussent venus à leur entente de Bayonne, mais vne si grande mortalité se bouta en l'ost, que de cinq en moururent les trois, & auoit le Roy Henry avec luy vn Nigromancien de Tolette, qui disoit que tous les airs estoient enuénimez & corrompus : & qu'à ce on ne pouuoit mettre remede, que tous ne fussent en peril de mort. Pour celle doute le Roy se délogea, & desit le siege : mais les Espagnols & les Bretons auoient, sur le pays, conquis grande foison de chasteaux & de petis fors. Si se bouterent dedans : & le Roy s'en vint rafreschir à la † Coulongne : & enuoya son Connestable, pour mettre le siege deuant Pampelune, à tout bien dix mille Espagnols. En laquelle cité le Vicomte de Castillon, & le Sire de Lescut, & le Basle estoient, à tout deux cés Lances : qui grandement songnoient de la cité : & le Roy de Nauarre (qui nouuellement estoit retourné d'Angleterre) se tenoit à Tudelle ; & attendoit grand confort de iour en iour : qui luy deuoit venir d'Angleterre : & voirement en estoit il ordonné . Car, de par le Roy & son Conseil, le Sire de Neuville : & messire Thomas de Termes estoient à Pleu monde, ou là enuiron, à tout mille Hommes-d'armes, & deux mille Archiers : & faisoient leurs pourueances pour venir au haure de Bordeaux : mais ils n'auoient point de passage à leur volonté. Quand à la grande † armée d'Angleterre que menoit le Duc de Lancastre, en fin elle prit terre à Saint-Malo-de-l'Isle : & ces nouvelles seurent tantost plusieurs Seigneurs Bretons de la partie du Roy de France. Si se departirent de leurs maisons le Vicomte de la Balliere, messire Henry de Malatrait, & le sire de Combor : & s'en vindrent mettre dedans Sainct-Malo, à tout deux cens Hommes-d'armes, † desquels Morfonace fut grandement réiouy, car autrement il eut eu trop fort temps.

*Des issues & cheuauchées, que les Anglois firent en celle saison sur diuers lieux, parmi le Royau-
me de France, & aussi de la piteuse mort d'Yvain de Galles.* CHAP. XVII.

Messire Jehan d'Arondel (qui se tenoit à Hantonne, à tout deux cens Hommes-d'armes, & quatre cens Archiers) entendit par des gens, qui furent pris sur mer en vne nef Normande, que l'armée du Duc de Lancastre auoit nettoyé tous les haures de Normandie, de François : tellement que nul n'en auoit sur mer. Si ordonna tantost ses vaisseaux, & quatre grosses nefes, chargées de pourueances : & puis entra en sa nauire : & puis s'en vint ferir au haure de Cherbourg : ou il fut receu à grande ioye : & demoura le chasteau de Cherbourg en la garde des Anglois, & s'en departirent les Nauarrois. Mais, pour ce, ne s'en departit pas Pierre de Basle (qui Capitaine en estoit) ains demoura avecques les Anglois. Si vous dy que Cherbourg n'est point à conquerre, sinon par famine. Car c'est l'un des plus fors chasteaux du monde. Si tenoient ceux de dedans plusieurs belles issues sur ceux de Valongne. Apres que Cherbourg fut ainsi garni d'Anglois, s'en partit messire Jehan d'Arondel. Car il n'y seiourna que quinze iours, depuis qu'il l'eut rai-taillé : & s'en reuint à Hantonne : dont il estoit Capitaine. Or parlerons du siege de Saint-Malo. Quand les Anglois vindrent & entrerent premierement au haure de Saint-Malo, ils y trouuerent grande foison de vaisseaux de la Rochelle, tous chargez de bons vins. Les marchans eurent tantost tout vendu : & furent les nefes arses. Or se fit le siege deuant Saint-Malo, car ils estoient assez gens pour le faire. Si commencerent à courir les Anglois sur le pays, & y firent moult de desrois : & ceux, qui estoient le plus sur les champs, estoient messire Robert de Courbes & messire Hue Brouée, son neveu, qui cognoissoit le pays. Ces deux le couroient tous les iours, & le Chanoine de Robefac en leur compaignie, vne fois perdoient, & puis gaignoient. Si gastoient & ardoient tout le pays enuiron Saint-Malo. Les Hommes du Duc de Lancastre & du Comte de Canteburge, son frere, estoient moult plantureux de tous viures, car il leur en venoit foison d'Angleterre. Si y eut deuant Saint-Malo plusieurs grans assaux, & merueilleux, & bien deffendus, car dedans y auoit tresbons Gens-d'armes, qui n'estoient pas aisez à cōquerre. Si firent les Seigneurs de l'ost ouurer & charpenter mâteaux d'assaut, & auoit en l'ost bien quatre cens canons, mis & assis tout autour de la ville, qui contrarioient ceux de dedans

dedans durement, Entre les assaux, il en y eut vn dur & pesant durement. Car il dura vn iour tout entier: & là y eut occis & blecés plusieurs Anglois, car ceux de dedans se defendirent si vaillammēt, q̄ de leurs gens n'y en eut pas vn mort. Là mourūt vn Cheualier d'Angleterre (qui s'appelloit messire Pierre l'Escume) pour lequel le Duc de Lancastre & le Comte, son frere, furent moult courroucez. Nous parlerons vn petit du siege de Mortaigne-sur-mer en Poictou, & d'Yuain de Galles. Yuain de Galles auoit durement abstreint ceux de Mortaigne en Poictou (dōt le Souldich de l'Estrade estoit Capitaine) & les auoit assiegez par quatre lieux. La premiere bastide seoit sur le bout d'vne roche, deuant le chastel de Garonne, en la mer: & là en ceste bastide Yuain estoit. La seconde bastide estoit entre l'eau & le chastel bas, & deuant vne poterne: dont nul ne pouuoit issir, ne partir, fil ne vouloit estre perdu. La tierce bastide estoit à l'autre lez du chastel. La quatriesme bastide estoit en l'eglise de Saint-Leger, à demie lieue pres du fort. Par ces bastides furent malemēt abstreins ceux de Mortaigne, par là estre longuement, car le siege dura plus † d'an & demy: qu'ils n'auoient de quoy viure, ne chausse ne souliez en pié: & si ne leur apparoissoit confort ne secours de nul costé, parquoy ils estoient tous ébahys. Ce siege estāt deuāt Mortaigne, issit hors du Royaume d'Angleterre: & de la marche de Galles, vn Escuyer Gallois, nommé Iaques Laube: qui peu fut Gentil-homme: & bien le monstra, car oncques Gentil-homme ne pensa fonder sur malle entente & volonté. Les aucuns disoient qu'à son departemēt il fut chargé, & informé, d'aucuns Cheualiers d'Angleterre, de faire la trahison & mauuaistié, qu'il fit. Car Yuain de Galles estoit grandement hay en Angleterre & en Gascongne, pour la cause du Captal de Buz: qu'il prit, & aida à prendre, & ruer ius, deuant Soubise en Poictou: de laquelle prise on ne le peut auoir, ne par échange du Comte de Saint Pol, ne pour autre, ne pour or, ne pour argent, qu'on en feust offrir: & le conuint mourir par melancolie, en la tour du Tēple à Paris: dont grandement déplaisoit à ses amis. Ce Iaques Laube en ce temps arriua en Bretagne: & fit tant par exploit, qu'il arriua en Poictou: & par tout passoit. Car il se disoit estre des gens à Yuain de Galles (pourtant qu'il parloit assez bon François) & disoit qu'il venoit de la terre de Galles, pour parler à Yuain: & de ce il estoit bien legierement creu. Si fut par les hommes du pays, de Poictou, acconuoyé iusques à Mortaigne ou le siege se tenoit. Adonc se tira sagement ce Iaques Laube deuers Yuain, quand il vit qu'il fut heure: & s'agenouilla deuant luy: & luy dit, en son lāgage, qu'il estoit issu hors de Galles, pour le veoir & seruir. Yuain (qui nul mal n'y pensoit) le receut legerement: & luy feut grand gré: & luy dit tantost, que son seruice il vouloit bien auoir, & puis luy demanda des nouuelles du pays. Il en dit assez, vrayes & non vrayes, & luy fit accroire que toute la terres de Galles le vouloit moult auoir, & desiroit à Seigneur. Ces parolles enamourerent moult Yuain de celuy Iaques (car chascun, par droit, reuient volontiers au sien) & en fit tantost son chambellan. Ce Iaques de plus en plus s'accointa si bien dudit Yuain de Galles, qu'Yuain n'auoit en nul si grande fiance, comme il auoit en luy. Tant s'enamoura Yuain d'iceluy Iaques & tant le creut, qu'il luy en mecheut: dont ce fut grād dommage. Car il estoit bon homme, & vaillant aux armes: & fut iadis fils d'un Prince: qui auoit esté en Galles: lequel le Roy Edouard d'Angleterre auoit fait mourir & decoler: & la cause pourquoy, ie l'ignore: & auoit le Roy d'Angleterre saisi toute la prouince de Galles: & cel enfant en sa ieunesse s'en vint en France: & remōstra ses besongnes au Roy Philippe de France: qui volontiers y entendit, & le retint delez luy, & fut, tant qu'il vesquit, des enfans de sa chambre, avecques ses neueux d'Alençon, & autres: & aussi le Roy Iehan l'entretint & ferma tousiours du temps du Roy Iehan: & fut à la bataille de Poictiers, mais il n'y fut pas pris, & mieux, ou autant, luy vauisist estre mort. Quand la paix fut faite entre le Roy de France & le Roy d'Angleterre, il s'en alla en Lombardie, & là continua les armes, & quand la guerre fut renouuellée, il retourna en France, & se porta si bien, qu'il estoit grandement loué, & moult aimé du Roy de France, & de tous les Seigneurs. Or parlerons de sa fin, dont ie parleray enuis, fors tant que pour sauoir, au temps aduenir, qu'il deuint. Yuain de Galles auoit vn vsage, luy estant au siege deuant Mortaigne, que volontiers du matin, quand il estoit leué, & il faisoit bel, il venoit deuāt le chastel seoir: & là se faisoit peigner & galonner le chef, par vne longue espace, en regardant le chastel & le pays d'environ: & n'estoit en nulle doute de nul costé, & par vsage nul n'alloit là songneusement avecques luy, que ce Iaques Laube, & moult souuent luy aduint, qu'il se paruestoit & habilloit là de tous points, & quand on vouloit parler à

Siege de Mortaigne par Yuain de Galles.

† *Entendez de uant & apres la mort d'Yuain de Galles, & encores ne s'ay ie si vous y trouuerez plus d'un an, à bien calculer.*

Yuain de Galles reçoit en son seruice Iaques Laube: qui le doit tuer.

petit discours de la vie d'Yuain de Galles.

Yuain de Galles tué par son chambellan, en horrible trahison.

luy, ou besongner, on le venoit là querir. Or aduint que le dernier iour, qu'il y vint ce fut assez matin: & faisoit bel & cler: & auoit toute la nuit fait si chaud, qu'il n'auoit peu dormir, & estoit tout deboutonné, en vne simple cotte ou iaquette, & sa chemise, & vn mantel dessus. Il s'en vint là: & faillit, & Iaques Laube en sa compaignie. Toutes gens en son logis dormoient, n'on n'y faisoit point de guet, car ils tenoyent ainsi comme pour conquis le chastel de Mortaigne. Quand Yuain fut là assis sur vne tronche de bois, il dit à Iaques Laube, Allez me querir mon peigne, ie me vueil icy vn petit rafreschir. Monseigneur, volontiers, ce respondit il. En allant querir ce peigne, & l'apportant, le diable entra au corps d'iceluy Iaques, car avecques ce peigne, il apporta vne petite courte darde Espaignole à vn large fer, pour accomplir sa volonté mauuaise, & luy lança celle darde au corps (qu'il auoit tout nu) & le perça tout outre, tant qu'il cheut tout mort. Quand il eut ce fait, il luy laissa la darde au corps: & se partit: & tira, tout le petit pas, à la couuerte, deuant le chastel: & fit tant, qu'il vint à la barriere. Si fut mis ens, & recueilly des gardes (car il s'en fit congnoissable) & fut amené deuant le Souldich de l'Estrade. Sire (dit il au Souldich) ie vous ay deliuré d'vn des plus grans ennemis, que vous eussiez. De qui? dit le Souldich. D'Yuain de Galles, respondit Iaques. Et comment? dit le Souldich. Par telle voye, respondit Iaques. Adoncques luy recita de point en point toute l'Histoire, ainsi que vous auez ouy. Quand le Souldich l'eut entendu, si croulla la teste, & le regarda moult fellement: & dit Tu las meurdry: & faches bien, tout considéré, que, se ie ne veoye nostre tresgrand profit en ce fait, ie te feroye trancher la teste, mais puis qu'il est fait, il ne se peut deffaire, mais c'est dommage du Gentil-homme, quand il est ainsi mort: & plus nous y aurons de blasme, que de louenge. Ainsi alla de la fin d'Yuain de Galles: qui fut occis par grande maladuenture & trahison: dont ceux de l'ost (quand ils le seurent) furent moult grandement courroucez: & aussi furent toutes manieres de gens: & par especial, le Roy Charles de France moult le plaignit, mais amender ne le peurent. Si fut Yuain de Galles enseuely en l'Eglise Saint-Leger: ou l'en auoit fait vne bastide, à demye lieuë pres du chastel de Mortaigne: & furent tous les Gentils-hommes de l'ost à son obseques: qui luy fut fait moult honnorablement. Mais, pour ce, ne se deffit point le siege de deuant Mortaigne, car il y auoit de bons Cheualiers & Escuyers Bretons, Poiëteuins, & François: qui iamais ne s'en fussent partis, se puissance n'y mettoit remede: & furent en plus grande volonté, que deuant, de conquerre le fort, pour eux contreuenger de la mort Yuain de Galles: & se tindrent là en ce party, qu'ils estoient ordonnez, sans faire nuls assaux, car bien sauoient qu'ils les auoient si absteints de viures, que nuls ne leur en pouuoit venir de nulle part. Nous nous souffrerons pour le present, du siege de Mortaigne, & retournerons au siege de Saint-Malo, & premierement nous parlerons du siege d'Eureux, & comment ceux qui l'auoyent assiégué, y perseuererent.

Comment ceux d'Eureux se rendirent François, & des deux osts, assemblés deuant Saint-Malo.

CHAPITRE XVII.

† La continuation à escrire Aureches, pour Eureux.

LE siege estant deuant † Eureux, le Sire de Coucy & le Sire de la Riuiere (qui affié-
Lgé l'auoyent, & qui sounerains en estoient) ouyrent souuent nouuelles du Roy de France, car il se tenoit à Rouen, le plus pres de ses gens qu'il pouuoit: & estoit son intention qu'ils se determinassent de prendre Eureux, ou de l'auoir par composition, le plus tost qu'ils pourroient, car il sentoient les Anglois efforcémēt en Bretagne. Si vouloit que toutes manieres de gēs se tirassent celle part, pour leuer le siege de S. Malo, & pour combattre les Anglois. Ces deux Seigneurs, à l'ordonnance du Roy, s'en acquitterent vaillamment & loyaument, car tous les iours il y auoit assaut, & avecques ce, grans moyens de traictez, que ces Seigneurs enuoyerent aux Bourgeois de la ville, en leur rememorant qu'ils se faisoient trop guerroyer sans raison, & amendrir leurs biens, & abbattre, au plat pays, leurs maisons. Car ils auoient leur droit Seigneur avec eux, messire Charles de Navarre, auquel, par la succession de Madame sa mere, la succession de la Comté d'Eureux luy estoit deuolue & recheue. Si ne tenissent pas l'erreur & opinion d'vn fol Nauarrois, Ferrando: qui là estoit pour eux tous perdre, car bien sceussent, avecques le bon droit qu'ils auoient en la querelle du debat, de celui pour qui ils faisoient la guerre, que iamais de là ne partiroient, si en auoyent leur volonté, & se de force ils estoient cōquis, ils seroient morts, sans mercy, & au mieux venir, la ville repeulée de nouuelles gēs. Tels offres tel les, parolles, & telles menaces estoient remōstrées à ceux d'Eureux, & pourtāt ne failloient ils

ils pas: qu'ils ne fussent tous les iours assaillis. Ceux d'Eureux se commencerent à douter (car nul confort ne leur apparoissoit de nul costé) en disans les vns aux autres. Nous voyons que le Roy de Frâce ne requiert pas auoir la terre d'Eureux pour luy, mais pour son neveu, Charles de Nauarre. Si entrèrent en traitté, deuers le Seigneur de Coucy. Quand Ferrando sentit ce, si se tint dedans le chastel sans partir: & ne voulut estre à nul de ces traictez. Finalement ils se rendirent saufs leurs corps & leurs biens (fust au cháp ou en la ville) & receurent Charles de Nauarre à Seigneur: & puis assiegerent Ferrando dedans le chastel: & quand il se vit assiegé, il cōmença à traicter, deuers les Seigneurs de France, que son le vouloit laisser partir, luy & les siens, il rendroit le chastel. On luy respondit, ouy. Assez tost apres, ceux du chastel chargerent tout: & se departirent d'Eureux, au conduit du Seigneur de Coucy, du Sire de la Riuiere, & de messire Jehan le Mercier: & s'en allerent à Cherbourg. Apres la conqueste d'Eureux, tous les Capitaines de l'ost François se tirerent à Rouen: là ou le Roy de France estoit: & sy tenoit, pour sauoir quelles choses ils feroient, car bien auoit entendu que le siege des Anglois estoit deuant Sainct-Malo en Bretagne, Si les receut le Roy de France moult lyement (especiallement le Sire de Coucy, & le Sire de la Riuiere) de ce qu'ils auoient bien exploité. Si demourerent ces Gens-d'armes en Normandie: & ne furent nuls des Capitaines enuoyez: mais retenus, & tousiours payez de leurs gages. Le Roy de France (qui se tenoit pour le temps à Rouen) auoit bien entendu comment les Anglois auoient puissammēt assiegé la ville de Saint-Malo, & que tous les iours ses gens, qui dedans se tenoient, estoient assaillis, & durement abstreints. Si ne voulut point perdre ses gens, ne la bonne ville de Sainct-Malo, car, felle estoit Anglesche, Bretagne si en seroit de ce costé trop affoiblie. Si auoit le Roy de France en icelle instance, pour eux conforter, & remedier contre la puissance des Anglois, fait vn tresgrand mandement: auquel n'auoit nul osé desobeir: & s'en allerent, à tout tresgrāde puissance de Gens-d'armes, ses deux freres, le Duc de Berry & le Duc de Bourgogne, le Comte d'Alençon, le Comte de la Marche, le Dauphin d'Auuergne, le Comte de Guines, messire Jehan de Boulongne, & aussi grand' foison de Barons & Cheualiers de toutes guyses: & manda le Roy à son Connestable, messire Bertrād du Guesclin, q̄ nullemēt il ne laissast, qu'il ne fust à celle assēblée. Le Cōnestable ne voulut pas desobeir, mais vint à tout Gēs-d'armes de Poictou, d'Aniou, & de Touraine. Aussi firēt les deux Mareschaux de Frâce, le Mareschal de Bainuille, & celuy de Sancerre & d'autre part y vindrēt messire Oliuier de Clifson, le Sire de Leon & tous les cheualiers & Barons de Bretagne: & furent bien dix mille hōmes-d'armes, & estoient sur les chāps plus † de cent mille cheuaux. Si se logerent tous les Gens-d'armes de France, au plus pres qu'ils peurent, par raison: mais il y auoit entre eux & les Anglois vn fleue de mer, & vne riuiere: & vous dy que quād la mer estoit retraite, aucūs ieunes Cheualiers (qui abādōner se vouloient en celle riuiere plate) faisoiet de grās appertifes d'armes. Onc si bonne ne si grande assemblée de Cheualerie ne fut faite en Bretagne: comme elle fut là. Car, si les François y estoient puissamment, aussi estoiet les Anglois & se cuidoient bien les vns & les autres combattre, car ils en faisoient tous les iours les apparences sur les champs, bannieres & pennons ventelans: & se mōstroient les Anglois souuent en bataille, pour veoir la puissance des François, & la foison des Seigneurs, des bannieres, & des pennons, qui là estoient à grande puissance. Grand plaisir estoit de les veoir, & s'ordonnoient par bataille, puis venoiet sur la riuiere, pour monstrier, par semblant, qu'ils vouloient cōbattre, & le disoient les Anglois, en disant ainsi, Voyōs noz ennemis, qui tantost à basse eae passeront la riuiere & nous venrōt cōbattre. Mais ils n'en auoient nulle volonté, car ils craingnoient les fortunes: & ne vouloyent leurs gouuerneurs qu'ils s'aduāturassent pour combattre par bataille. En ces monstres & assemblées de l'une & de l'autre partie, aduint vne fois que le Côte de Cantebruge dit, & iura, que, se pl^r veoit de telles semilles (puis qu'ō ne les venoit cōbattre): il les iroit cōbatre, qlque fin qu'il en deust prédre & auoir. Adōc l'aduātgarde, & grād' foisō de bōnes gēs, avec le Cōnestable de Frâce (qui sauoit des armes, & qui sētoit les Anglois chaux & bouillās) or donna vne fois toutes ses batailles sur le sablō, & au plus pres de la riuiere (cōe il peut) & tout à piē. Le Côte de Cātebruge (qui estoit d'autre part en veit la maniere. Si dit. Qui m'ayme si me suyue, car ie m'ē iray cōbattre. Adōc se frappa en l'eae (qui estoit au plat, mais le fleue retournoit) & se mit au droit fil de la riuiere, avec sa banniere, & adonc cōmencerent Anglois fort à tirer sur les François. Lors se retira le Cōnestable de Fran-

La ville d'Eureux rendue françoise, & le chasteau pen apres.

† Il a aucune-ment parlé de ce siege au ch. 329. du prem. volume.

† Je doute que ce nombre ne soit trop excessif, et de fait, s'il a se contenté de dix mille hommes d'armes, sans parler de cheuaux: toutefois il en dit encore autāt au ch. 21

ce:&fit retraire ses gēs sur les chāps, & cuida lors veritaiblement que les Anglois deussēt passer: & volontiers eust veu qu'ils eussēt passē: & qu'il les eust peu tenir de la l'eau. Le Duc de Lēclastre, à tout vne grosse bataille, estoit de son costé tout appareillé de suiure son frere, s'il eust veu qu'il en eust esté besoin, & dit à Girard de Brees, vn escuyer de Hainaut, qui estoit delez luy, Girard, regardez mon frere, commēt il sadventure. A ce qu'il monstre, il donne exemple aux François, qu'il combattroit volontiers: mais ils n'ont nulle volōté. Ainsi se porta ceste besongne sans faire nuls faits-d'armes qu'à racōpter facent, se tenans les François d'un lez, & les Anglois de l'autre. Le flot cōmença à mōter, si se retrahirēt les Anglois hors de la riuere: & vindrēt à leurs logis, & les François se retirèrent aussi au leur. De tels affaires, & de telles mōstres l'un contre l'autre, le siege estāt deuant S. Malo, y eut plusieurs armes faites. Les François garderēt bien leurs frontieres si que les Anglois n'osoiēt passer la riuere. Si aduint il plusieurs fois, qu'amōt, sur le pays aucuns Cheualiers ou Escuyers Bretons (qui cognoissoient la marche) cheuauchoiēt par cōpaignie: & passoiēt la riuere à gué: & rencontroient souuēt les fourrageurs Anglois, & là souuent en y auoit de cōbattus & ruez ius, vne heure perdoient & l'autre gaignoiēt: ainsi qu'en tels faits-d'armes les aduentures souuentefois aduiennēt. Le siege durant, les Seigneurs d'Angleterre, pour leur cas & besongne mieux diligēment approcher, aduiserent qu'ils feroiēt faire vne mine, pour entrer dedās S. Malo. Car autrement ils ne le pouuoient auoir, car la ville estoit biē pourueue de bōs Gens-d'armes: qui songneux en estoient, & avec ce, auoient grande foison de bōnes pourueances & d'artillerie: qui moult aidait à leur besongne: & presque tous les iours il conuenoit les Anglois armer, & se mettre ensemble, pour attendre la bataille, si les François tiroiēt auant. Pour laquelle cause ils n'auoient point de loisir pour le faire assaillir, fors que de leurs canōs: mais de ce ils auoient moult grande planté, & qui moult greuoient la ville. Si aduiserent lieu & place pour faire miner: & furent mineurs mis en euvre. Nous nous tairons vn petit du siege de Saint-Malo: & parlerons du siege de Mortaigne en Poictou, & commēt ceux, qui assiegē l'auoient perseuererent.

Comment les Anglois vindrent leuer le siege de Mortaigne.

CHAP. XIX.

Vous auez biē cy-dessus ouy recorder la mort d'Yuain de Galles, cōment il fut mort & occis, & cōment les Bretōs & Poictuins estoient deuant Mortaigne: desq̄ls messire Iaques de Mōteuire, messire Perceual d'Ayneual, Guillaume de Mōtcontour, & messire Iaques de Surgeres, estoient capitaines: & ne voulurent point pour ce laisser leur siege. Car ils furent moult courroucez de la mort Yuain de Galles, leur souuerain Capitaine: & auoiēt grād desir de venger sa mort, sur ceux de la forteresse. Aussi auez ouy cōmēt messire Thomas † Treuet, messire Guillaume Strōp, messire Thomas Bretō, messire Guillaume Cēdrine, & vne grande quātité de Gēs-d'armes & d'Archers, estoient ordōnez de venir en la marche de Bordeaux, tāt pour ceux de Mortaigne, que pour messire Matthieu de Gournay: qui se tenoit à Bayōne, & qui tous les iours auoit affaire à Bayōne, & en celle marche, cōtre les Gascons, & Barons, qui y tenoient forteresse. Ces quatre Cheualiers, dessus-nōmez, & leurs routes, auoiēt geu à Pleumōde, biē sept mois: & ne pouoiēt auoir vêt, qui leur durast, pour aller en Gascōgne, dōt ils estoient mout courroucez, mais amēder ne le pouuoient. Encor auez ouï cōmēt le Seigneur de Neuuille, Cheualier d'Angleterre estoit ordōné, à tout Gēs-d'armes & Archers, de venir cōforter le Roy de Nauarre cōtre les Espaignols, † pour estre Seneschal de Bordeaux. Si se trouuerēt to' ces Gēs d'armes à Pleumōde, & furent mout resiouis l'un de l'autre. Depuis la venue du Seigneur de Neuuille, ils ne seiournerēt poit q̄ ils eurent vêt à volōté. Lors entrerēt en leurs vaisseaux (qui chargez estoient) & recorderēt les voiles, & singlerēt deuers Gascōgne, & estoient d'vne flotte six vingts vaisseaux, & quarāte barges (ou pouuoient entrer enuiron mil Hōmes-d'armes, & d'eux mille Archers) & n'eurent nul empeschement sur mer, q̄ ce vêt ne leur durast tousiours. † Si entrerent au haure de Bordeaux la nuit Nōstre dame de Septēbre, l'ā de grace mil trois cens soixāte & dixhuit. Quand les Bretōs & Poictuins, qui se tenoient au siege deuant Mortaigne, les virēt passer d'vne flotte, en si grāde quātité de vaisseaux trōpans & faisans grande feste: si furent tous pēsifs, & ceux du fort tous réiouis, car bien pensoient qu'ils seroiēt hastiuement deliurez: ou il y auroit bataille: & que pas pour neāt faire ils ne venoient au pays, qu'il ny eust aucū exploit d'armes. Messire Iaques de † Mōt mort & les Capitaines de l'ost se mirent ensemble en cōseil: & parlemēterēt lōguement comment ils se maintiendroient: & se repentoyent des traictez qu'ils auoient laissé passer,

† il le nōme de Termes au ch. 16. & y a troussē ce passa ge beaucoup plus court, que il n'est icy. † s'il n'a point parlé de ce reste de clause, ne vous en prenez point à moy.

† Descende d'Anglois à Bordeaux, au mois de Septēbre 1378. selon Sala, & selon la deductio precedente & sub sequente, cōbien qu'il ny eust icy que 1377. en mox deux Exemp. † Il a n'aguere,

fer. Car vn petit deuant, le Souldic de l'Estrade auoit voulu faire appointement, & offert rendre la forteresse, moyennant qu'eux, & le leur, peussent estre aliez à Bordeaux sauuement. Mais les François n'y voulurent entendre. Si enuoyerent vn de leurs Heraults, leur dire que maintenant ils seroyent receus à traité. Le Souldic leur feit respondre par le Heraut, qu'ils n'auoient que faire de nul traité, & que leur secours estoit venu, tellement que franchement s'en partiroyent, ou tout à leur volonté ils demoureroient. Si demoura la chose en ce party, & le sire de Neufuille & les Anglois s'en vindrent à Bordeaux. Si furent de messire Guillaume Helinen, Seneschal des Landes, & de messire Jehan de Multon, Maire de la cité de Bordeaux, & del'Archeuesque du lieu, & des Bourgeois, & des Dames grandement receus. Si se logea le Sire de Neufuille en l'Abbaye de Saint Andry, & fut, & demoura, Seneschal de Bordeaux. Assez tost apres il fit vn mandement d'aucuns Cheualiers & Escuyers Gascons, qui pour les Anglois se tenoient: & assambla tant de nauires & de gens, qu'ils furent quatre mille. Si ordonnerent naues & vaisseaux sur la riuere de Garonne: & se departirent de Bordeaux, pour venir leuer le siege de Mortaigne. Ces nouuelles furent sceues en l'ost des François, & qu'Anglois & Gascons venoient efforcement, contrecual la riuere de Garonne, pour leuer le siege, & eux combattre. Si se mirent les Capitaines tous ensemble: & se conseillerent. Puis fut ainsi conseillé, qu'ils n'estoient pas assez puissants, pour attendre la venue. Si leur valloit mieus perdre leur saison: que d'eux mettre en plus grand peril de receuoir dommage, & sonnerent leurs trompettes de deslogement, sans plus riens faire: & se retirerent en Poictou. Mais tous ne se departirent pas: ains demoura vne route de Bretons & de Gallois, des gens Yuain de Galles, † qui se retirent dedans le fort de Saint-Leger: & dirent bien qu'il faisoit à tenir contre tout homme. Si tira l'on toute l'artillerie dedās. Les Cheualiers d'Angleterre & les Gascons (qui venoient, à plaines voiles, en barges, parmy la riuere de Garonne) s'arrestèrent à l'entrée, deuant Mortaigne & puis yssirēt hors de leurs vaisseaux, petit à petit, & tout ainsi comme ils yssoyent hors, ils s'ordonnoient, pour venir combattre le fort de Saint-Leger: ou ceux Bretons & Gallois estoient retraits. Là fut, de plaine venue, grand assaut & dur, & ce pendant qu'on assailloit, le Sire de Neufuille enuoya vn Heraut au chastel, parler au Souldic, & sçauoir comment il luy estoit. Le Heraut fit son message: & rapporta que tous estoient en bon point, mais ils estoient si nus, qu'ils n'auoient souliez en pié. L'assaut de deuant saint-Leger dura bien trois heures: que riens ne conquirent les assaillans: mais en y eut de nauez assez. Adonc se logerent les Seigneurs & toutes leurs gens: & fut leur entente que point de là ne partiroyent qu'ils n'eussent conquis la forteresse de saint-Leger, & estoient moult courroucez que le sire de Montmort, & les autres Seigneurs de nom, ne le tenoient, & q̄ dedans enclos ils n'estoient, mais les Seigneurs s'en estoient sagement partis, & y auoient laisse les Bretons.

Comment les Anglois recouurerent plusieurs fors chasteaux sur les François, au pays de Bordelois.

CHAP. XX.

QVand ce vint au lendemain, le Sire de Neufuille & les Cheualiers d'Angleterre ordonnerent qu'on iroit assaillir. Si sonnerent les trompettes d'assaut: & departirent leurs liurees: & puis approcherent le fort de S. Leger. Si cōmença l'assaut, grād & fort merueilleusement. Ce fort de saint-Leger sied sur vne roche, qu'on ne peut approcher & au plus foible costé il y a grans fossez: qui ne sont pas aisez à passer legerement. Si se traouillerent grandement les assaillans: & riens n'y faisoient, mais en y auoit de morts & de blecez largement. L'assaut cessa: & fut aduisé, pour le mieus, qu'on empliroit les fossez, & puis auroient meilleur aduantage d'assaillir. Si furent les fossez remplis à grande peine. Quand les Bretons, qui estoient dedans, veirent ce, ils se douterent, plus que deuant (ce fut raison) & tellement qu'ils entrerent en traité. Ces Seigneurs d'Angleterre, qui auoient bien l'entente, tant aux besongnes du Roy de Nauarre, comme à deliurer plusieurs forteresses, que les Bretons tenoient en Bordelois, s'accorderent legerement à tous traittez: & fut le fort de saint Leger rendu, moyennant que ceux, qui le tenoient, se departiroient sans peril, & sans nul dōmage, eux, & le leur: & seroient conduits là ou ils vouloient aller. Ainsi demoura Saint-Leger Anglesche: & vindrent les Seigneurs au chastel de Mortaigne. Si trouuerent le Souldich de l'Estrade au party, que le Heraut auoit dit. Si fut mis en arroy (ainsi comme à luy appartenoit & les fors rafreschis, & pourueus de nouuelles gens: & puis s'en retournerent, par la riuere de Garonne.

dit de Montaigne. Sala mes Mōmorēci.

Le sire de Neufuille seneschal de Bordeaux.

Le siege de Mortaigne sur mer leue.

† Nous auons parfait ceste clause suiuant l'article suiuant et ainsi le vint Sala.

Le fort de S. Leger rendu aux Anglois par composition.

ne, à Bordeaux, le chemin qu'ils estoient venus. Quand ces Cheualiers furēt retournez à Bordeaux, ce pēdant qu'ils se rafreschissoient, ils entendirēt qu'à six lieuës de là auoit vn Baron, qui tenoit vn fort: qu'on dit saint Maubert, en vn pays qu'on appelle Medoc, lequel Baron greuoit mallement le pays. Si furent chargées les pourueances, grandes & belles, sur la riuier de Garonne, & toute leur artillerie, & puis monterent à cheual environ trois cens Lances, & s'en vindrent par terre iusques à saint-Maubert. Là estoient des Gascons, avec le Seigneur de Neuville, messire Archimbaud de Craille, le Sire de Rouffy, le sire de Duras, & le sire de Tournon. Quand ces Barons, & leurs routes, furent venus à saint-Maubert, ils se logerent, & tantost allerent assaillir, & y eut, de ce premier, grand assaut & dur. Car les Bretons (qui saint-Maubert tenoient) estoient tous gens de fait: & y auoit vn Capitaine (qui s'appelloit Huguelin) auquel ils se ralioient, & par lequel conseil ils prenoient vigueur. Ces premiers assaux ne greuerent point les Bretons. Adonc se retrahirēt les Anglois en leur logis: & lendemain ils firēt dreçer leurs engins: qui gettoïēt pierres, pour effōdrer les toits de la tour, ou ils se tenoïēt. Le tiers iour, que ils furent là venus, ils ordonnerent vn assaut: & dirent que ces ribaudailles durer ne leur pouuoient longuement. Là eut grand assaut & dur, & maint homme mort, n'oncques gens ne se deffendirent si vaillamment, que ces Bretons faisoient. Toutesfoies ils regarderent finalement que nul confort ne leur apparoissoit de nul costé: & lors entrerent en traité. Car ils virent que l'on ne les laisseroit point en paix, iusques à ce qu'on les auoit conquis: combien que longuement on y deust demourer. Traitez se porterent entre les Seigneurs de l'ost & eux, qu'ils rendroient Saint-Maubert, & s'en partiroyēt, eux & leurs biens, sans dommage: & se tireroient en Poictou, ou là ou ils voudroient aller, & seroient conduits: & ainsi leur fut tenu, comme ils le traitterent: & se departirent les Bretons sans dommage: & rendirent Saint-Maubert. Quand le Sire de Neuville l'eut, il le fit remparer, & rafreschir de nouvelles pourueances, & d'artillerie: & y mit Gascons pour le garder, & vn Escuyer de Gascongne (lequel s'appelloit Pierre de Prefias: qui en fut Capitaine avec bons Gens-d'armes) & puis s'en retourna à Bordeaux. Si entendoïēt tous les iours ces Anglois de Bordeaux, que le siege estoit deuant Pampelune en Nauarre, & que l'Enfant de Castille l'auoit assiegé, mais ils n'oyoient nulles nouvelles certaines du Roy de Nauarre: & aussi le Roy de Nauarre n'oyoit nulles nouvelles d'eux: dōt il luy deplaisoit bien. Nous retournerons aux besongnes de Bretaigne & de Nomandie & parlerons du siege de Saint-Malo, & comment il perseuera.

Le fort de saint Maubert redu aux Anglois par cōposition.

Comment la mine, faite par les Anglois contre ceux de Saint Malo fut perdue & le siege leué.

CHAPITRE XXI.

DEuant la ville de Saint-Malo eut grand siege & puissant, & fait maint assaut. Car les Anglois, qui deuant se tenoient, auoïēt bien quatre cens canons, qui gettoient nuit & iour deuant, & dedans la forteresse. Le Capitaine (qui s'appelloit Morfonace, vaillant Homme-d'armes) pensoit bien du deffendre, avecques les bons conseils de messire Herué de Malatrait, du Seigneur de Combort, & du Vicomte de la Belliere, & tant que nul dommage ne leur estoit encores apparu. Sur le pays (si comme ie vous ay autresfois dit) estoit toute la fleur de France, tant de grans Seigneurs, que d'autres: là ou se trouuerent bien seize mil Hommes-d'armes, Cheualiers, & Escuyers: & estoient bien cent mille cheuaux & plus, & volontiers eussent combatu les Anglois, & aussi en auoïēt les Anglois grand desir (ainsi que vous le pouuez croire) mais qu'ils eussent eu le plus bel. Mais, ce qui leur brisoit leur propos, & brisa par trop de fois, c'estoit qu'il y auoit vne grosse riuier (quand la mer retournoit) entre les deux osts, par quoy ils ne pouuoïēt aduenir l'un à l'autre. Or tousiours se faisoit la mine, & bien s'en doutoient ceux de Saint-Malo. Si deuez sauoir que en telles assemblées, cōme là auoit, ne pouuoit pas estre que à la fois les fourrageurs ne se trouuassent sur les chāps, car il y auoit d'appers Cheualiers, & ieunes, de costé & d'autre, & aucunesfoies y en auoit de ruez ius, & y aduenoient plusieurs belles aduenues. Les mineurs du Duc de Lancastre besongnoient songneusement, iour & nuit, en leur mine, pour venir par dessous terre en la ville, & faire renuerser vn pan de mur, afin que tout legerement les Gens-d'armes & Archers peussēt entrer dedans. De cest affaire se doutoyent grādemēt Morfonace & les Cheualiers, qui dedās estoient, & cognoissoient assez que par ce point ils pouuoient estre perdus, & n'auoient garde de nul assaut, fors q̄ de cela (car leur ville estoit biē pourueue de viures & d'artillerie, pour eux tenir deux ans, s'ils en auoïēt besoing) & auoïēt entre eux grād soing cōmēt
ils

ils pourroient rompre celle mine. Tant y penserent & trauaillerent, qu'ils en vindrent à leur entente, & par grand' auenture: ainsi que les choses doyuent aduenir metueilleusement: Le Comte Richard d'Arondel deuoit vne nuit faire le guet, à tout vne quantité de ses gens. Ce Comte ne fut pas bien songneux de faire ce, ou il estoit commis: & tant que ceux de Saint Malo le seurent par leurs espies, ou autrement. Quand ils sentirent que fut l'heure, & que sur la fiance du guet tout l'ost estoit endormy, ils partirent tout secrettement de leur ville: & vindrent, sans faire bruit, à l'endroit ou les mineurs minoient: qui gueres n'auoient à ouurer, pour accomplir leur emprise. Morfonace & toute sa route: tous appareillez de faire ce pourquoy ils estoient là venus: tout à leur aise & sans def- *La mine du*
fence rompirent la mine: dequoy il y eut aucuns mineurs (qui dedans estoient) qui onc- *siege de saint*
ques ne s'en partirent: car la mine renuersa sur eux. Quand ils eurent ce fait, ils dirent *Malo ruinée*
qu'ils réueilleroient le guet, au costé deuers la ville: affin que ceux de l'ost sentissent, & *par le Capitai-*
cogneussent que vaillamment ils festoient portez. Si se vindrent bouter en l'un des co- *ne Morfonace:*
stiez de l'ost, en écriant leur cry, & en abatant tentes & loges, & en tuant & occiant gens, & tant que l'ost commença à seffrayer durement. Adonc se retirerent Morfonace & sa compagnie dedans Saint-Malo, sans point de dommage: & ceux de l'ost s'armerent, & tirerent deuant la route du Duc: qui fut grandement émerueillé de ceste aduenue: & demanda que ce auoit esté: & on luy recorda assez, que par la defaute du guet, on auoit perdu la mine & receu le dommage. Adonc fut mandé le Comte d'Arondel, deuant le Duc de Lanclastre & le Comte de Câtebruge. Si fut moult grandement accueilly de ceste aduenue: mais il s'excusa, au plus bel qu'il peut: & si en fut il tout hôteux: & eust mieux aimé auoir perdu cent mille francs. Ceste besongne aduenue, & la mine, qu'ils auoient faicte perdue, les Seig. de l'ost se tirerent ensemble en conseil, pour sauoir qu'ils feroient. Si regarderent l'un l'autre, & qu'ils auoient perdu leur saison (laquelle chose n'estoit pas à recouurer) & que de faire nouuelle mine, ils n'en viendroient iamais à chef: car la saison s'en alloit: & l'yuer s'approchoit. Si eurent conseil, tout considéré, pour le meilleur, que ils délogeroient, & s'en retourneroient en Angleterre. Adonc fut ordonné: par le Duc & les Mareschaux de les déloger, & rentrer en leur nauire: qui estoit à l'ancre, au haure de Saint-Malo. Tantost furent délogez, & mis en vaisseaux. Ils auoient vent à volonté: si entrèrent en leur nauire: & singlerent deuers Angleterre: puis arriuerent, & prirent terre à Hantonne: & là issirent de leurs vaisseaux: & trouuerent que messire Jehan d'Arondel, le Capitaine de Hantonne, estoit allé à Cherbourg pour rafreschir la garnison. Ainsy se dérompit en celle saison l'armée des Anglois, & se retira chascun en son lieu: & repasserent, vns & autres, la mer: & retournerent en leur pais. Si commencerent à murmurer les communautéz d'Angleterre sur les Nobles: en disant qu'ils auoient en celle saison petit exploité, quand Saint-Malo leur estoit échappé: & par especial le Comte d'Arondel en auoit petite grace. Nous nous souffrerons à parler de ceux d'Angleterre: & parlerons des François, & de Cherbourg.

Comment messire Oliuier du Guesclin fut pris de ceux de Cherbourg. CHAP. XXII.

Assez tost apres le departement de Saint-Malo, & que les François eurent rafreschi la ville & le Chastel, † le Connestable de France & les Bretons eurent conseil, qu'ils viendroient mettre le siege deuant Cherbourg, dont messire Jehan de Charleton estoit Capitaine: & auoit delez luy plusieurs Cheualiers Anglois, & Nauarois. Mais tout ce grand ost ne se tira point celle part: ains se departirent le Duc de Berry, le Duc de Bourgongne, le Duc de Bourbon, le Comte de la Marche, le Dauphin d'Auergne, & tous les Chefs & grans Seigneurs: & renuoyerent leurs gens en leur pays: & plusieurs vindrent veoir le Roy (qui se tenoit à Rouen) qui moult ioyeusement les receut: & les Bretons & les Normans, bien enuiron trois cens Lances, s'en vindrent à Valongnes, à trois lieues de Cherbourg: & là firent leurs bastides. Bien sauoient que messire Jehan d'Arondel auoit rafreschi la garnison, & supposoient bien qu'il y estoit encores. Entre Cherbourg & Valongnes, de ce costé sont les haux bois & forests d'une part & d'autre, iusques à la cité de Cōstances: & pouuoient ceux de Cherbourg issir & cheuaucher sur le pays, à l'auenture, toutes les fois qu'ils vouloient. Car ils auoient parmi le bois un chemin fort hayé de costé & d'autre: & quand ils estoient en leur chetiauchée, on ne les pouoit apporcher: & est Cherbourg l'un des forts Chasteaux du monde. Ceux, qui estoient en garnison à Valognes, estoient durement courroucez de ce qu'ils ne pouoient

*Retraite des
Anglois du sie-
ge de S. Malo
en leur pays.*

† Ce chap. est
un peu autre-
ment que ce
qu'il en a escrit
au chap. 329.
pour la raison
que j'ay mise
en marge sur
le 14. chap. du
présent vol.

porter dommage aux Anglois, par harier le païs. Si faduifa messire Oliuier du Guesclin, frere à messire Bertrand du Guesclin, que, si l'auoit en carimini cheuaucher parmi les bois, & aduifer Cherbourg de plus pres, pour sauoir se l'on pourroit mettre le siege deuant, & qu'à tout le moins, il peust prendre la ville (qui sied bien plus haut que le chastel) il auroit fait vn grand exploit: & tantost il l'auroit si fortifiée, que ceux du chastel ne pourroient entrer ne saillir hors, qu'ils ne receussent grād dommage. Messire Oliuier en ce propos perseuera: & prit enuiron quinze Lances, & guides (qui bien le sceurent mener parmi le bois) & se partirent, par vn matin, de Valongnes: & tant cheuaucherent qu'ils vindrent outre le bois, à l'encontre de Cherbourg. En ce propre iour estoit messire Iehan d'Arondel dans le bourg venu, pour soy ébatre: & là auoit amené avec luy vn Escuyer Nauarrois: qui s'appelloit Iehan Coq, pour luy mōstrer la ville: & là ouit, & nouvelles vindrent, que les François estoient là venus pour aduiser la place. Sire (dit Iehan Coq à messire Iehan d'Arondel) i'ay entendu que messire Oliuier du Guesclin, frere du Connestable, a passé le bois, & venu aduiser nostre forteresse. Pour Dieu qu'il soit pour luy. Je vous pense tellement conduire & mener, qu'il ne nous peut échapper, qu'il ne chée entre noz mains: & tout soit conquesté moitié par moitié. Par ma foy (dit messire Iehan) ie le vucil: Adonc s'armerent ils tout secrettement, & monterent à cheual: & furent enuiron cent lances, tous compaignons d'élite: & se partirent de Cherbourg: & entrèrent dedans le bois, que les François n'en sceurent oncques riens: & cheuaucherent. Quand messire Oliuier du Guesclin eut aduisé la place (qu'il veit durement forte, & en lieu impossible pour assieger) si se retira: & prit le chemin de Valongnes: ainsi comme il estoit venu. Il n'eut pas cheuauché deux lieues, quand Iehan Coq & messire Iehan d'Arondel, & leurs routes (qui auoient esté iustement menez) vindrent droit sur eux, en écriant, Nostre-Dame Arondel. Quand messire Oliuier ouyt ce cry, & les vit de rencōtre, il eust bien voulu estre à Valongnes. Si mōta tantost sur vn bon coursier, pour se cūder sauuer: car il ne veoit pas à ieu party, pour combattre. Si entrèrent ses gens au bois l'un ça l'autre là. Trop petit se tindrent ensemble. Iehan Coq (comme bon Homme d'armes, & vaillant poursuyuant) chaça de si pres messire Oliuier, que finalement le prit prisonnier: & en y eut des autres pris, enuiron dix ou douze. Le demourant se sauua: qui se bouterent es bois, & retournerent (quand ils peurent) à Valongnes: & recorderent à messire Guillaume des Bordes & à ses compaignons, qui ià estoient, cōment ils auoient perdu, & par embusche, & que messire Oliuier du Guesclin estoit demouré. De ce furēt les Cheualiers & Escuyers, qui à Valongnes se tenoient, grandement courroucez: mais amender ne le pouuoient. Si fut messire Oliuier du Guesclin de ceux de la garnison de Cherbourg amené au chastel: & fut là dit qu'il payeroit bien dix mille francs. De la prise du Cheualier furent grans nouvelles en Frāce & en Angleterre: & demoura la chose long tēps en tel estat. Messire Oliuier du Guesclin demoura prisonnier lōg tēps à Cherbourg, en la garde de Iehan Coq, Nauarrois, qui pris l'auoit (mais messire Iehan d'Arondel y eut profit) & puis fina messire Oliuier pour luy, & pour tous ceux, qui avecques luy furent pris: mais ce ne fut pas si tost. Quand la garnison de Cherbourg fut rāfreschie, messire Iehan d'Arondel se partit: & s'en retourna de-rechef à Hantonne: dont il estoit Capitaine. Si demourerent à Cherbourg, avecques messire Iehan de Charleton, Capitaine du lieu, aucuns Cheualiers Anglois: c'estassauoir messire Iehan Copelant, messire Iehan Briole, messire Thomas Pigourde, & plusieurs autres Cheualiers & Escuyers: qui grandemēt en penserent, & tant qu'ils n'y prirent point de dommage. Nous nous souffrerons à parler de Cherbourg, tant que lieu & temps viendra: & parlerons de messire Iehan de Neuville, Seneschal de Bordeaux, & de ses compaignons, messire Thomas Triuer & autres: & comment ils perseuererent:

*Prise d'Oliuier
du Guesclin.
frere du Conne-
stable de Fran-
ce pres Cher-
bourg.*

Comment la garnison Françoisse de Bersat fut déconsfite en vne rencontre, & leur forteresse rendue aux Anglois: & comment le Roy de Nauarre vint à Bordeaux, demander secours aux Anglois.

CHAP. XXIII.

BIen estoit informé le Sire de Neuville (qui se tenoit à Bordeaux) que l'enfant de Castille, à tout grans Gens-d'armes Espaignols, auoit assiegé la bonne cité de Pampelune, & le Vicomte de Chastillon, le Seigneur de l'Escut, Raimon de Ramesen, & plusieurs autres dedans, & si n'oyoit certaines nouvelles du Roy de Nauarre: n'ou il se tenoit. Dont il estoit émerueillé. Mais il supposoit que hastiuement il en orroit nou-
uelles.

uelles. Aussi ceux du pays de Bordeaux luy prioient, qu'il ne voufist point partir de la marche de Bordeaux, ne faire partir ses Gens-d'armes, tant que les Bretons teinssent riens sur le pays: & par especial, on luy disoit que ceux de † Bersat harioient trop le pays de Bordelois. Si demanda le Sire de Neuville quelle quantité de Bretons il pouuoit auoir en Bersat: & on luy dit qu'il y auoit bien cinq cens combattans. Adonc appela il le Seneschal des Landes, & messire Guillaume Stromp: & leur dit, Prenez deux ou trois cens Lances de noz gens, & autant d'Archers: & allez veoir ceux de Bersat: & faites tant que vous en deliurez le pays: & puis nous entédrons à plus grand' chose. Les deux Cheualiers ne voulurent point desobeyr: mais ils prirent deux cens Lances, & autant d'Archers: & passerent la Garonne: & puis cheuaucherent vers Bersat. Ce propre iour que les Anglois cheuaucheroient, aussi ceux de Bersat cheuaucheroient, enuiron six vingts Lances, tout contremont la riuere de Garonne, pour sauoir s'ils trouueroient point de nauire: & auoient à Capitaine vn de Perigourd: qui s'appeloit messire Bertrād Raimon, bon Homme-d'armes. A vne petite lieuë de Bersat, tout à vne rsncontre, les Anglois, & les François trouuerent l'vn l'autre. Quand messire Bertrand veit que combattre luy conuenoit, si ne fut pas effrayé: mais ordonna ses gens, & les mit en moult bon conuenant: & estoient presque tous Gascons. Si vont venir les Anglois sur eux, leurs lances baiffées, & esperonnans cheuaux des esperons, tant qu'ils pouuoient: & se bouterent parmi eux. Là en y eut de premiere venue, d'abbattus des vns & des autres, & faite mainte appertise d'armes. Finalement les François Gascons ne peurent souffrir ne porter les faix: car les Anglois estoient trop grand nombre, & tous gens d'élite. Si furent ceux de la garnison de Bersat tous morts, ou pris: & petit sen sauuerent: & y fut pris messire Bertrād Raimon prisonnier, & messire Guillaume Hemon: Puis cheuaucherent les Anglois deuant Bersat. Quand ceux de la garnison veirent que leurs gens estoient morts ou pris: si furēt tous ébahis: & rendirent la forteresse, sauues leurs vies & fut Bersat Anglesche: & puis retournerent à Bordeaux. Le propre temps, que les Anglois retournerent en Bersat, fut la nuit de la Toussaincts mil trois cens lxxviij. & à ce propre iour vint le Roy de Nauarre à Bordeaux: dont on ne se donnoit garde. Si le receurent les Anglois moult honorablement: & le logerent luy & ses gens, à son aise: & luy demanderent des nouvelles de son pays, & des Espaignols: car ils estoient chargez de l'enquerre. Il respondit plainement, que Iehan, l'Enfant de Castille, auoit assiegé Pampelune: à grand' puissance: & estoient moult contreints ceux, qui estoient dedans. Si leur requeroit & prioit, selon l'ordonnance & commandemēt qu'ils auoient du Roy d'Angleterre, & comme ils sauoient les grandes alliances, qu'ils auoient ensemble, qu'ils se voufissent tenir prests de conforter les gens & leuer le siege. Les Cheualiers d'Angleterre s'offrirent, & dirent qu'ils en estoient en bonne volonté, & que par leur negligence ne demoureroit pas le siege à leuer, mais en ordonnerent hastiement & dirent encores ainsi. Sire, vous retournerez en vostre pays: & ferez vn especial mandement de voz gen: car nous serons là sur vn iour: ou nous serons tous ensemble: & de tant serons nous plus forts: car voz gens cognoissent mieux le pays, que nous ne faisons. Le Roy de Nauarre respondit qu'ils parloient bien, & qu'ainsi seroit fait. Depuis ces parolles il ne fut avecques les Anglois que trois iours: & prit congé & se partit de la cité de Bordeaux: & se mieit au retour: & prit le chemin de la marine (car y auoit enuiron Bayonne, & la cité de Dax en Gascongne, plusieurs forteresses: que les Bretons tenoient) & tant fit le Roy de Nauarre, qu'il vint en la ville de Saint Iehan: & là se tint.

Du siege de Pampelune, tenu par l'Enfant de Castille: & comment messire Thomas Trinet, Anglois, y menant secours au Roy de Nauarre, prit plusieurs places en Gascongne, sur les François.

CHAPITRE XXIIII.

Pendant que le Roy de Nauarre fit son voyage à Bordeaux, & seiourna là, & que depuis il retourna en son pays, Iehan de Castille, fils du Roy d'Espaigne, & le Connestable du Royaume de Castille (qui Chef se faisoit de ceste guerre) estoit avecques luy (qui s'appeloit Dom Pierre de Morich) & tenoient le siege deuant la bonne cité de Pampelune, à grans gens-d'armes deffous eux. En leur compaignie estoient le Comte Damp Alphons, le Comte de Medine, le Comte de Manons, le Comte de Ribede, Pierre Ferrand de Falesque, & Pierre Gouffart de Modisque, & plusieurs autres Barons & Cheualiers de Castille, & leurs gens: & auoient ces Espaignols, en venāt deuant Pam-

Rencontre & de confiture de la garnison de Bersat par les Anglois.

Bersat rendu Anglois la nuit de la Toussaincts 1378: comme souf iours.

Le Roy de Nauarre demandant secours aux Anglois de Bordeaux.

peluné, pris & ars la ville de Loruich, & la cité de Vienne, delez le Groing: & n'y auoit Seigneur en Nauarre, qui f'osast monstrier contre eux: mais se tenoit chacun en son fort & tout ce sauoit bié le Roy de Nauarre, (car tousiours y auoit messagers allás & venás) mais on n'y pouuoit remédier, sans auoir la puissance des Anglois. Le Sire de Neuuille (qui se tenoit à Bordeaux, & lequel estoit là enuoyé de par le Roy d'Angleterre & son conseil: ainsi que vous sauez) pouuoit bien sauoir des nouuelles des grans alliances, que le Roy, son Sire, & le Roy de Nauarre auoient. Si falloit bien qu'il les accomplist à son pouuoir. Si pensa sur ce: & appela messire Thomas Triuet, vn moult vaillant Cheualier: & luy dit, Messire Thomas, vous sauez bien comment nous sommes enuoyez par deça, pour regarder aux frontieres du pays, & bouter hors noz ennemis, & pour conforter le Roy de Nauarre: lequel a ia cy esté: & nous a remonsté le grand besoing qu'il a. Vous fustes present: quand ie luy promis qu'il seroit seruy. Il conuient qu'il le soit, Autrement nous y aurions blasme. Si que, cher amy & compaignon, ie vous ordonne estre Chef de noz gens en ceste guerre: & vueil que vous y aillez, à tout cinq cens Lances, & mille Archers: & ie demourray en la marche de Bordeaux (pourtant que i'en suis Seneschal, & que i'en ay la garde de par le Roy d'Angleterre) & entendray aux besongnes, qui y demeurent: car encor n'est pas le pays bien asseuré de nos ennemis. Sire (respôdit messire Thomas) vous me faites plus d'honneur, que ie ne veux. I'obeyray tres-volôtiers à vous (car c'est raison) & m'aquitteray du voyage, à mon loyal pouuoir. Messire Thomas respôdit le Sire de Neuuille) de ce suis ie tout conforté. Depuis, ne demoura gueres de temps, que messire Thomas Triuet, apres toutes ces choses ordônées, se departit de la cité de Bordeaux, à toute sa charge de Gens-d'armes & d'Archers: & prit le chemin de Dax en Gascongne: & en sa compaignie estoient Guillaume Condone, messire Thomas Berton, messire Iehan Affulée, messire Héry Paule, messire Guillaume Croquet, messire Louis Malin, messire Thomas Fourque, & messire Robert Haston, tous Gascons. Lors, quand tous ces Gens-d'armes furent venus iusques à la cité de Dax, ils ouirét nouuelles que le Roy de Nauarre estoit à S. Iehan-du-pié-des-ports, & faisoit là son mandement de Gés-d'armes. Si en furét plusieurs réiouys. De la cité de Dax estoit capitaine vn Cheualier d'Angleterre, oncle de messire Thomas Triuet qui s'appeloit messire Matthieu de Gournay) leq̃l receut son neueu, & tous les autres moult liemét: & les aida tous à loger. L'intention de messire Thomas Triuet estoit telle, qu'il iroit tout droit son chemin, sans arrest: mais messire Matthieu de Gournay luy dit Beau neueu: puis que vous estes icy à puissance de Gens-d'armes, il faut deliurer le pays d'aucuns Bretons & François: qui tiennent bien douze fortereffes entre cy & Bayonne. Autrement (se vous les laissez derriere) ils nous feront en cest Yuer trop de dommages: & là ou vous le ferez, le pays vous en saura bon gré: & ie vous en prie. Par ma foy (respondit messire Thomas) ie le vueil, assez tost apres ces parolles, il fit ordonner toutes ses besongnes: & se meirent toutes manieres de Gens-d'armes & Archers sur les champs: & vindrent deuant vn fort (qu'ô appelle Montpin) que les Bretons tenoient: & en estoit Capitaine vn Escuyer de la Comté de Foix: qu'on appeloit Taillardon. Si tost que ces Gens-d'armes furent là venus, ils commencerent à assaillir fort & dur: & fut le fort pris, & tous ceux, qui dedás estoient, morts: excepté Taillardon: qui demoura prisonnier. Si fut le chastel rafreschi de nouuelles gens: & puis passerent outre: & vindrent deuant vn fort, qu'on appelle Carcilhat: & le tenoient Gascons. Quand ces Gens-d'armes furent venus iusques là, ils l'assaillirent tantost: & ne l'eurent pas de celuy assaut. Si se logerent. Quand ce vint au lendemain, ils retournerét tous à l'assaut. de si grand'volonté, que de force ils le prirent. Si furent morts tous ceux qui dedans estoient: sauf le Capitaine: qui estoit Breton-Bretónant: & s'appeloit Yuonnet Aprisidi: & fut baillé aux Anglois prisonnier: & fut le chastel tout ars. En apres ils passerent outre: & vindrent par-deuât vn autre fort qu'on appeloit Besenghen: & en estoit capitaine vn Escuyer Gascon, qui s'appeloit Roger de Morelac, Les Anglois furent deux iours deuant, auant qu'ils l'eussent: & quand ils l'eurent: ce fut par traité: & sen partirent tous ceux, qui dedans estoient, sans dommage: & se retira chacun en son lieu. De ce chastel vindrét ils deuant Tassegnon, vn chastel seant à trois lieues de Bayonne: & y meirent le siege. Si tost qu'ils y vindrent, & que les Bayonnois seurent que ce chastel estoit assiégué ils en furent tous réiouis: & vindrent là au siege bien cinq cens Hommes de la ville, à lances & à pauois: & y firent porter le plus grand engin de Bayonne.

Ceux de la garnison de Tassegnon auoient tant esté contraires aux Bayonnois, que pource

Le fort de Montpin, & plusieurs autres places Françaises, deuiennent Angloises par force & par composition.

pource les desiroient ils à destruire: & iamais ne les eussent eus: se le sens & aduis des Anglois n'eust esté. Encores, avecques toute leur force, ils furent là quinze iours, auant qu'ils le peussent auoir: & quand ils l'eurent, ce fut par traité: & s'en allerent ceux de dedans sans dommage, & sur le conduit de messire Thomas Triuet: qui les fit conduire & mener iusques à Bregent: qui se tenoit François. Si acheterent le Chastel ceux de Bayonne, trois mille francs: & puis l'abbattirent: & en firent mener la pierre à Bayonne: là ou les Anglois furent recueillis à grand' ioye: & eurent toutes choses à leur volonté, en les payant.

Comment messire Thomas Triuet, avec ses Anglois, arriva au secours du Roy de Nauarre, & comment le siege de Pampelune fut levé.

CHAP. XXV.

LE Roy de Nauarre (qui se tenoit à Saint-Iehan-du-pié-des-ports) estoit durement courroucé de ce que les Anglois seiournoient tant à venir. Car son pays estoit en tresgrand peril: & bien vous dy que Pampelune eust esté prise & conquise des Espaignols: se n'eust esté le sens & la bonne garde du Vicomte de Castillon (qui en estoit Capitaine, à tout deux cens Lances de Gascons) mais le sens de luy, & la bonne ordonnance, le garda de tous perils. De la ville de Tudelle en Nauarre estoit Capitaine messire Perducas d'Albreth. De la cité de Mirande estoit Capitaine le Comte Pullois: & avecques luy, messire Roger son frere. D'une autre ville forte de Nauarre (qu'on appelle Arques) estoit Capitaine vn Cheualier de Cathelogne: qui s'appelloit messire Raimond de Bageh. Sur la fiance de ces Capitaines se tenoit le Roy de Nauarre à Saint-Iehan-du-pié-des-ports: & les laissoit conuenir. Mais tout le plat-pays d'environ Pampelune estoit gasté: ne nul n'y tenoit les champs: fors Espaignols, qui cuidoient bien que, par long siege, la cité de Pampelune se deust rendre: mais ceux de dedans n'en auoient nulle volonté. Car le Vicomte de Castillon, le Sire de l'Escut, & Guillaume de Paux, s'en songnoient grandement, & tant que les Espaignols se commencerent à tenner. Car l'Yuer leur venoit: & estoit environ la Saint-Andry: & commençoient les viures à leur faillir: & se n'eust esté le Vicomte de Roquebertin (qui les rafreschit de Gens-d'armes, & de soixante sommiers, chargez de viures) ils se fussent retirés, de la Touffaincts. Le Roy de Nauarre enuoya vn sien Cheualier, qui s'appelloit messire Pierre le Bascle, deuers les Anglois: en leur priant qu'ils se voussissent deliurer, & que trop longuement mettoient à venir, selon ce que besoing luy touchoit, & ce qu'ils auoient promis. Le Cheualier exploita tant, qu'il vint en la marche de Bayonne: & trouua les Anglois deuant vn Chastel nommé Poulat. Si fit son message bien & à point, & tant que messire Thomas Triuet, dit que, le chastel (deuant lequel il estoit) conquis, il n'entendrait iamais à autre chose: si se roit allé en Nauarre: & que sur ceste parolle le Cheualier s'en pouoit bien retourner. Il s'en reuint: & depuis ne demoura le chastel que deux iours, qu'il ne se rendist par traité: & s'en partirent ceux qui dedans estoient: & fut rafreschi de nouvelles gens: & depuis le pays demoura assez en paix. Encores y auoit il aucuns petis forts: qui se tenoient es Monstiers & Eglises, & qui harioient le pays: mais n'auoient nulle puissance. Si ne vouloient pas les Anglois plus y seiourner: mais disoient qu'ils vouloient aller en Nauarre, & leuer le siege de Pampelune, & combattre les Espaignols. Messire Thomas Triuet, & messire Matthieu de Gournay, & toutes leurs gens, s'en retournerent à Dax: & là seiournerent quatre iours. Au cinquième iour ils s'en partirent: & prirent le chemin de Nauarre. Mais messire Matthieu de Gournay retourna en la cité de Bayonne, avecques ceux de sa deliurance, pour garder le pays, & cōquerre aucuns petis forts: qui se tenoient des Bretons. Tant exploiterent messire Thomas Triuet & sa route, qu'ils vindrent à Saint-Iehan-du-pié-des-ports: & là trouuerent le Roy de Nauarre: qui les receut à grād' ioye. Si se logerent les Cheualiers en la ville, & les Gens-d'armes sur le pays, au mieux qu'ils peurent. Ce Roy de Nauarre au-deuant auoit fait vn tresgrand mādement par son pais, que toutes manieres de gens venussent deuant luy, & s'assemblassent deuant la cité de Mirande. Nul n'osa résister au commandement du Roy: & se pourueurent & appretterent Cheualiers & Escuyers, & s'ordonnerent pour venir deuant Pampelune, combattre les Espaignols. Nouvelles vindrent en l'ost, que les Anglois, à tresgrand' puissance, estoient avecques le Roy de Nauarre, à Saint-Iehan-du-pié-des-ports: & qu'ils se trouuoient bien vingt mille Hommes-d'armes. Adonc se meirent les Capitaines tous ensemble, pour conseiller quelle chose ils feroient, & fils attendroient le Roy de Nauarre, ou

Touffours
1378.

*† Il y auoit icy
rendus: mais
Mal comme le
monstre la de-
duction.*

*Arrivée des
Anglois vers
le Roy de Na-
uarre.*

*Siege leuë de
deuant Pampelune.*

*† Il a paruât
dir le Comte
Pulloy, sim-
plement, cōme
il dira tantost
encores.*

si les se retireroient. Là eut conseil & longuement parlementé: & vouloient aucuns des Capitaines, que les Anglois & Nauarrois fussent attendus: & les autres disoient non, & qu'ils n'estoient pas assez forts, pour attendre telle puissance, & que par long siege ils estoient trop trauaillez. Ce parlement fut longuement tenu: & finalement vn certain arrest fut donné de déloger, & soy retirer tout bellemēt, en leur pays: & ce, qui pl^s les inclina à ce faire: car bien disoient plusieurs vaillans Cheualiers, vſitez d'armes, que point ne faisoient leur honneur: ce fut que le Roy Damp Henry de Castille, estant en son pais, qui puis quinze iours auoit remandé son fils: & ne vouloit pas que le siege se tint deuant Pampelune. Si se délogerent les Espaignols: & à leur délogement, ils bouterent le feu dedans leurs logis: & se retirerent deuers le Groing, & deuers Sainct-Dominge en Castille. Quand ceux de Pampelune (qui s'estoient moult absteins) veirent le délogement, si en furent tous resiouis: car ils n'auoient pas tousiours esté à leur aise. Nouuelles vindrent au Roy de Nauarre & aux Anglois (qui se tenoient à saint-Iehan-du-pié-des-ports) que les Espaignols estoient délogez, & retraits en leur pays. Si en furent par semblant, tous courroucez: car volontiers les eussent combattus. Nonobstant ce, ils délogerent de là ou ils estoient: & s'en vindrent deuers Pampelune. Si trouuerent le Vicomte de Castillon & le Seigneur de l'Escut, & les autres, qui les receurent liement. Quand ces Gens-d'armes, & leurs routes, se furent deux ou trois iours rafreschis en Pampelune, ils eurent conseil qu'ils se departiroient, & s'en iroient par garnisons, pour estre mieux au large: car les montaignes de Nauarre sont trop froides en Yuer, & trop y a de neiges. Si furent ordonnez les Anglois pour aller à Tudelle: & le Sire de l'Escut au Pont-de-la-Royne: & † le Comte de Pulloy & messire Roger son frere, s'en allerent à Corelle: & le Sire de Castillon à Mundon. Ainsi se departirent ces Gens-d'armes: & le Roy de Nauarre demoura en Pampelune, en son hostel. Ainsi se tenoient les Garnisons de Nauarre, tous en paix, sans rien faire: & ne monstrerent point qu'en l'Yuer ils vouſſent cheuaucher. Parquoy tous les Espaignols se departirent aussi: & s'en alla le Roy Damp Henry en Seuille, pour là seiourner: & y mena sa femme & ses enfans.

Comment les Anglois & Nauarrois coururent sur le Royaume d'Espaigne: & de ce qui leur y adueint.

CHAP. XXVI.

*Entreprise des
Anglois &
Nauarrois sur
le Val-de-Sorie*

Quand messire Thomas Triuet & ses compaignōs (qui se tenoiēt à Tudelle, & qui encores n'auoient rien fait, depuis qu'ils estoient venus en Nauarre) entendirent par leurs espies, que les Espaignols s'estoient retraits, si s'aduſerent qu'ils cheuaucheroient vers Espaigne, pour employer leurs gaiges: & meirent secrettement vne cheuauchée de Gens-d'armes: & le signifierent au Comte Pulloy, & à messire Roger son frere: lesquels y vindrent, à tout deux cens Lances, & trois cens pauois. Si s'assemblerent tous à Tudelle: & pouuoient bien estre enuiron sept cens Lances, & douze cens Archers, & autant d'autres Gens, Brigans. Si firent charger sur sommiers grand planté de viures: & puis se partirent: & vindrent loger, droitement la vigile de Noel, en vne belle prairie, & sur vne riuere, au pié de la montaigne de Montcain: laquelle depart les trois Royaumes (c'est assauoir Nauarre: Castille, & Arragon) & d'autre part de la montaigne est vn pays: qui s'appelle le Val-de-Sorie. Si fit ce iour si bel, & si chaud, que merueilles. Quand ils eurent dîné, tous les Capitaines se retirerent ensemble en conseil, pour sauoir comment ils se maintiendroient là le iour de Noel, ou s'ils feroient aucun exploit d'armes: car ils estoient à l'entrée de la terre de leurs ennemis. Conseil fut que de nuit ils cheuaucheroient: & viendroient à l'adiournement du iour de Noel, escheler la cité du Val-de-Sorie. Ce conseil fut tenu & arresté, & s'ordonnerent toutes manieres de gens sur ce: & ne deuoient à ce faire, estre que trois cens Lances: & le surplus, auécques les Gens-de-pié, demoureroit ou ils estoient logez, iusques au lendemain, qu'il leur seroit signifié comment ils auroient exploité. Le Comte Pulloy, à tout cent Lances, & messire Thomas Triuet, & sa route auoient guides (qui les deuoient mener) & si deuoient cheuaucher en quatre routes, & en trois aguets pour plus secrettement faire leur emprise, & mieux venir & plus aise à leur entente. Enuiron deux heures de nuit ils s'armerent tous, & furent à cheual: & n'auoient nulles trompettes: mais les Capitaines, & les guides sauoient bien les certains lieux, ou ils se deuoient trouuer, pour venir, tout d'un point, deuant le Val-de-Sorie: & auoient ia monté la montaigne, & cheuauché sur les plains, quand vn gresil, & vne neige, va commencer si fort à venir: & si roide, que ce fut grand merueille: & fut la

& fut la terre toute couuverte de neige: & de fait, cheuaucherent iusques au lendemain, auant qu'ils peussent trouuer l'un l'autre. Ceste maladventure des Anglois cheut bien à point pour ceux du Val-de-Sorie: qui ne se donoient garde de celle embusche. Car s'ils se fussent tous trouuez ensemble à l'heure qu'ils auoient ordonné, ils l'eussent eu par eschellement, & ia n'y eussent failli. Quand messire Thomas Triuet & ceux, qui ces Gens-d'armes menotent & conduisoient, veirent qu'ils auoient failli à leur entente, ils furent durement courroucez. Si se remeirent ensemble, au mieux qu'ils peurent: & puis eurent nouveau conseil: † & qu'ils boiroient vn coup sur les sommiers: & puis sauoieroient, comme deuant, le Val-de-Sorie. Ainsi fut il fait: & tantost apres déieuner (qui fut moult brief) messire Raimond de Balge, Nauarrois, fut élu, à quarante Lances, pour courir deuant la ville, pour attraire dehors les † Geniciens, qui la gardoient. Si cheuaucha le Cheualier deuant le Val, iusques aux barrieres, & là eut grans écarouches: car ces Geniciens (qui estoient bien deux cens) saillirent dehors: & comencerent à tirer & à lancer sur les Gens-d'armes: qui petit à petit se recullerent, pour les traire plus auant hors de la ville: & vous diray que ces Geniciens eussent vaillamment foulé ces Gens-d'armes, se l'embusche ne se fust traite auant: mais ceux de l'embusche vindrent, tous esperonnans, iusques à baïsser les lances: & fraperent en eux. Si en y eut de premiere venue, moult de abbatus & de morts: & furent reboutez, à leur grand dommage, dedans la ville. Si fermerent leurs Barrieres & leurs portes: & puis monterent es creneaux: car ils cuidoient bien auoir l'assaut: mais non eurent: car les Anglois & Nauarrois se retirerent tout de iour: & retournerent à leur logis: ou ils trouuerent leurs gens. Si se tindrent là celle nuit: & au lendemain (qui fut le iour S. Estienne) ils se tirerent deuers vne ville, qu'on dit Quasquan en Nauarre: & trouuerent le Roy, qui estoit là venu la vigile de Noel. Mais, en venant en la ville de Quasquan, les Anglois ardirent, le iour Sainct Estienne, aucuns villages, & par especial, vn gros village, qui s'appelle Nigrete: & le pillerent tout.

† Le sens estoit
ici corrompu
en ceste sorte,
& beurer vn
coup sur les
sommiers, &
puis enuoye
rent comme
deuant le Val
de Sorie.

† Je croy qu'il
veut dire Ge-
netaires.

*D'une course de messire Thomas Triuet sur la ville d'Alfaro en Espagne: & comment
estant la paix faicte entre le Roy d'Espagne & de Nauarre le Roy Henry mourut: &
Iehan, son fils, fut couronné.*

CHAP. XXVII.

Les nouvelles vindrent au Roy Damp Henry de Castille, qui se tenoit en Seuille, le cœur de son Royaume que les Anglois auoient cheuauché, & ars la ville du Val-de-Sorie, en faisant la guerre du Roy de Nauarre. Si en fut durement courroucé: & iura que ce seroit amendé: & escriuit tantost lettres deuers son fils Iehan de Castille: en luy mandant expressément qu'il fist vn mandement par tout son royaume, & assemblast les Nobles: car il seroit de brief en Castille, & se contreuengeroit du Roy de Nauarre, & des exces qu'on luy auoit faits. L'Enfant de Castille, ne voulut, n'osa, desobeyr au commandement de son pere: & fit ordonner le mandement, ainsi que commandé luy fut. En tant que ces Gens-d'armes s'assembloient, & que le Roy Henry estoit encores à venir, messire Thomas Triuet aduisa qu'il mettroit sus vne petite cheuauchée de Gens-d'armes, & iroit deuant vne belle ville en Espagne: qu'on nommoit Alfaro. Si se departit vn soir de Quasquan, & du Roy de Nauarre: & cheuaucha: & n'auoit en sa compaignie que cent Lances: mais c'estoient tous gens d'estoffe. Si cheuaucherent deuers Alfaro, sur l'adiournement: & vindrent à vne petite lieuë pres de la ville, & se bouterent là en embusche. Si furent enuoyez pour courir deuant la ville, messire Guillaume Cédric & Andrieu Andrac: & auoient en leur cōpaignie enuiron dix Lances: & vindrent iusques à vn ru (qui court deuant la ville) lequel on passe outre, à grād méchef. Toutesfois Andrieu Andrac, & Pierre Mascle Nauarrois, le passerent: & firent saillir leurs coursiers outre, & firent, & vindrēt iusques aux barrieres. Adonc comença l'effroy grand & fort, à l'heure en la ville, & sonnerent leurs trōpettes. Les Gens-d'armes, qui dedans estoient, s'assemblerent. Si ouurirent leurs portes & leurs barrieres, & se meirent tout au dehors: & commencerent à tirer, & à écaroucher. Des dix Lances n'en y auoit plus, qui eussent passé le ru, que les deux dessus-nommez: Si retournerent, quand ils virent le fort venir: & firent ressaillir leurs Coursiers outre. Ceux d'Alfaro virent que ces gens n'estoient qu'un petit, & riens ne sauoient de l'embusche. Si les suyirent chaudement, & de pres, & passerent le ru, vn petit plus amont: ou ils sauoient bien le passage. Ces dix Lances se firent chacer iusques à leur embusche. Adonc saillirēt auant messire Thomas Triuet & les autres, en écriant leur cry, & se bouterent ces gens dedans ceux, qui estoient issus hors, & em-

† Suivant ce
qu'il vient de
dire, nous pou-
uons ici comen-
cer l'an 1379.
à nostre mode.

*Vaillance des
femmes d'Al-
faro en Espa-
gne.*

portèrent à ce commencement, de leurs lances, grand' foison à terre. A vray dire les Espaignols ne peurent longuement durer contre ces Anglois: & retournerent qui mieux mieux: mais trop peu s'en sauuerent: qui ne fussent morts ou pris. L'effroy fut grand en la ville: & la cuidoiēt les Anglois trop biē auoir de plaine venue: pourtāt qu'ils veoiēt que les gens du lieu se décoīsoient. Ce qu'ils ne peurent faire. Car les femmes de la ville la sauuerent, & recouuerent par bon moyen, car, ce pendant que les Anglois passoient le ruisseau, elles s'en vindrēt clore & fermer les barrières, & la porte: & puis mōterent aux creneaux de la porte: & là monstrent grand' volonté d'elles deffendre. Quand messire Thomas Triuet en veit l'ordonance, si dit en courant, veez là bōnes femmes, retourōs arriere nous n'auōs rien fait. Adonc s'en retournrent & passerent le ru: & s'en allerēt vers Casquan: & emmenerent leurs prisonniers: & tāt firēt qu'ils y paruindrēt. De ceste cheuauchée acquit messire Thomas Triuet grand' grace du Roy de Nauarre. Enuirō quinze iours apres qu'il eut fait celle cheuauchée deuant Alfaro, les Espaignols vindrēt aux champs, à tout bien vingt mille hommes, à cheual & à pié, en grand' volōté de combattre les Anglois. Quād le Roy de Nauarre seut ces nouuelles, il fē vint à Tudelle, & messire Thomas Triuet, & les Anglois, en sa compagnie: & māda à tous ceux des garnisons du Royaume de Nauarre, qu'ils venfissent à son mandement. Si ne voulurent pas débeyr: & ne demādoient autre chose, que les Espaignols cheuauchassent. Aussi les Espaignols n'attendoient autre chose, que le Roy Henry fust venu. Lequel se departit de Seuille à grand gent: & cheuaucha parmy son Royaume: & fit tant, lqu'il vint à Sainct-Dominique: & là s'arresta, & ses gens: & se logerēt sur les champs. Quād Iehan, son fils, seut que le Roy, son pere, estoit venu à Sainct-Dominique, si se partit d'Alpharo: & là se tira à tout ses gens, & vous dy que c'estoit l'intention des Espaignols: de venir mettre le siege deuant Tudelle, & enclorre le Roy de Nauarre dedās, ou combattre. De tout ce estoit le Roy de Nauarre informé, & sauoit bien qu'il n'auoit pas puissance d'attendre la bataille, contre le Roy Henry: car il auoit plus de quarante mille hommes, à cheual & à pié.

*Le Roy Henry
de Castille sur
les champs con-
tre le Roy de
Nauarre.*

Entre le Roy Henry & le Roy de Nauarre auoit aucuns sages vaillans hōmes de l'un Royaume & de l'autre, Prelats & Barons, qui imaginoient le grand peril & dommage: qui entre eux naistre en pouuoit: se par bataille s'entr'occioient. Si commēcerent à traicter, sur vne partie & sur l'autre, à vn respit auoir pour mieux moderer leur besongne, & cōuint les entremetteurs auoir moult de peine & de trauail, d'aller & venir de l'un à l'autre, ainçois que la besongne se peust entamer. Car les Anglois (qui se trouuoient là bien deux mille (se tenoient fiers & orgueilleux, contre les Espaignols: & conseilloient au Roy de Nauarre la bataille. D'autre part les Espaignols (qui estoient grand' foison) prisoient petit les Anglois & Nauarrois, & pourtant estoient les traitez diuers à cōclure, & fort y trauailloient ceux, qui en auoient la cure & le soing: & vn respit fut pris entre ces deux Roys & leurs royaumes, à durer six semaines, sur intētion de traicter la paix, & estoit l'intention des traiteurs, qu'un mariage se feroit de l'Enfant de Castille, aîné fils du Roy Henry, à la fille du Roy de Nauarre: parquoy plus seure & ferme paix demourroit, & seroit entre eux, à tousiours. A ce entendoit le Roy de Nauarre volōtiers: car il veoit sa fille hautement mariée. Si fut encor regardé des Prelats & Barons de l'un Royaume & de l'autre, q Charles de Nauarre, aîné fils du Roy de Nauarre, auroit la fille du Roy Héry. Ce traité passa outre, moyēāt que le Roy Dāp Héry deuoit tāt faire enuers le Roy de Frāce (en la garde duql Charles de Nauarre estoit) qu'il deuoit retourner en Nauarre, ainsi qu'il fit: car, à sa priere, le Roy de France le luy enuoya. Si voulut, parmi le mariage faisant, le Roy de Nauarre prester dix ans, en cause de seureté, au Roy Henry, la ville & le chastel de l'Estoile, la cité & le chastel de Tudelle, & la ville & le chastel de la Garde: & deuoit le Roy Henry rendre aux Anglois messire Pierre de Courtenay (qui estoit prisonnier) & le Sire de l'Esparre, Gascō: ainsi qu'il fit. Toutes ces choses furēt seellées & cōfirmées, accordées & iurées à tenir fermes & estables à tousiours mais, entre l'un roy & l'autre, & leurs Royaumes: & quicōques les briserait ne rōproit, par aucune incidence, il se submettoit à la sentēce du Pape. Pédant que ces traitez ce faisoient & cōposoiēt le Roy de Nauarre, qui estoit enuers les Anglois tenu en la somme de vingt mille frācs pour soy acquiter enuers eux, enuoya en Arragon le Vicomte de Castillon, pour querir ces deniers, & les emprunter du Roy d'Arragō. Lequel Roy les luy presta volōtiers: mais ses bōnes villes en demourerēt pleges, telles que Pāpelune, Mirande, le Bourg-la-Royne, Corelle, & Sainct-Iehan-du-piē-des-ports. Ainsi furent les Anglois payez & deli-
urez:

*Traité de paix
entre les Roys
de Castille &
de Nauarre.*

urez, & se partirent tous contents du Roy de Nauarre, & retournerent à Bordeaux, & de là en Angleterre: & le mariage se fit de Charles de Nauarre & de la fille au Roy Héry: qui s'appeloit Iehanne, moult belle dame. En celle année trépassa le Roy de Castille: & fut couronné à Roy son aîné fils, Dāp Iehan. Si demoura Roy, par l'accord des Prelats & Barōs du royaume d'Espaigne de Castille, de Seuille, de Galice, & de Cordoue: & luy iurerēt tous foy & hōmage à tenir, à tousioursmais. Adont s'emeut la guerre entre le Roy de Portugal & le Roy Iehan de Castille: qui dura moult longuemēt: sicōme vous orrez recorder ci-apres en l'Histoire. Mais nous retournerons aux besongnes de France.

Comment le Sire de Mucident se retourna Anglois: & comment le Sire de Langurant fut nauré à mort: & comment aussi le Capitaine de la garnison de Boutenille fut déconfit, & le chastel rendu François.

CHAP. XXVIII.

VOus auez bien ouy recorder, cy-dessus, cōment le Sire de Mucident se tourna François: or seiourna il bien vn an, ou plus, à Paris, & tant qu'il luy ennuya: car il cuidoit biē trouver autre chose, qu'il ne fist enuers le Roy de Frāce: dōt il se melācolia: & se repētit grandement qu'il f'estoit tourné François: mais il disoit que c'auoit esté par cōtrainte, & non par autre voye. Si f'aduīsa qu'il s'embleroit de Paris (ou il auoit trop seiourné) & s'en iroit en son pays: puis se rendroit aux Anglois: car mieux en courage luy plaisoit le seruice du Roy d'Angleterre, que celui du Roy de France. Si fit ainsi cōme il l'ordōna: & donna à entendre à tousceux, dont il auoit la cognoissance) excepté à ceux de son conseil) qu'il estoit dehaitté. Si monta vn soir à cheual, tout decōgneu, luy troisiēme: & se partit de Paris. Si cheuaucha vers son pays: & ses gens petit à petit le suyuoient. Tant exploita par ses iournées, qu'il vint à Bordeaux. Si trouua messire Iehan de Neufuille, le Sēeschal de Bordeaux: à qui il recorda son aduenture. Si se tourna Anglois: & dit qu'il auoit plus cher mentir sa foy deuers le Roy de France, qu'enuers son naturel Seigneur, le Roy d'Angleterre. Ainsi demoura le sire de Mucident Anglois, tant qu'il vesquit. De quoy le Duc d'Aniou fut moult courroucé: & dit bien, & iura, que se iamais il le tenoit: il luy feroit voler la teste, ius des espaules. De ce estoit le Sire de Mucident tout informé, & aduīse, si s'en gardoit au mieux qu'il pouuoit. Encores se tenoit le sire de Langurāt François: lequel estoit vn moult apert Cheualier: & faisoit plusieurs contraires es terres appartenantes aux Seigneurs, qui estoient retournez Anglois, & qui luy marchisoient (tels que le Seigneur de Rosem: le Sire de Duras, & le Seigneur de Mucident (dont ces trois Barons estoient fort courroucez: & mettoient grand' entēte à ce qu'ils le peussent occire: car il leur estoit trop fort ennemi. Le Sire de Langurant, qui estoit vn Cheualier de grand' volōté (cheuauchoit vn iour: & auoit en sa compaignie bien quarante Lāces: & vint assez pres d'vne garnison Anglesche, qu'on dit Cadilhat: qui est de l'héritage au Captal de Buz, & à ses freres, Gascons. Si fit vne embusche de ses gens en vn bois: & dit Demourez cy. Ie vueil aller courir tout seul deuant ceste forteresse, pour sauoir se nul faudra contre nous. Ses gens demourerent. Si cheuaucha outre: & vint deuant les barrières de Cadilhat: & parla aux gardes: & demanda, Ou est Bernard Courant, vostre Capitaine? dites luy que le Sire de Langurant luy demande vne iouste. Il est bien si bon Hōme-d'armes, & si vaillāt, qu'il ne la refusera pas, pour l'amour de sa dame: &, s'il la refuse, ce luy tournera à grand blasme: & diray, par tout ou ie viēdray, qu'il m'aura refusé, par couardise, vne iouste de fer de lāce. A la barriere estoit lors vn des varlets Bernard Courant, qui luy dit, Sire de Langurant, i'ay bien ouy vostre parolle. Or vous souffrés vn petit: & i'iray parler à mon maistre. I'a ne luy fera reproché lacheté: mais que le vueillez attendre. Par ma foy (respondit le Sire de Lāgurant) ouy. Le varlet se partit: & vint en vne chābre: ou il trouua son maistre. Si luy recorda les parolles que vous auez ouies. Quand Bernard eut ce entendu, si luy engrossa le cueur au ventre, & en felonna grandement: & dit, ça mes armes, sellez moy mō coursier: & il ne s'en ira ia refusé. Tātōst fut fait: & s'arma: & mōta à cheual: & prit la targe & son glaue: & fit ouurir la porte & la barriere: & se mit aux champs. Quand le Sire de Langurant le vit venir il fut tout réiouy. Si abbaissa son glaue, & se mit en ordonnance de bō Cheualier: & aussi fit l'Escuyer. Si esperonnerent les cheuaux: & estoient tous deux bien montez, à volōté, Si s'acōsuiuerēt des lāces si roidement en leurs escus, qu'elles vllèrent en pieces. Au passer outre, Bernard Courant assena à mechef, de l'espaule, le Seigneur de Langurant: & le bouta hors de sa selle: & le getta à terre. Quand Bernard Courant le vit à terre, il fut tout réiouy: & tourna tout court son coursier sur luy: &, ainsi que le Sire de Langurant se releuoit, Ber-

Trepas de Henry Roy de Castille le iour de Pentecoste l'an 1379. selon le cha. 29.

Le sire de Mucident se derobe de Paris.

Vaine entrepri se du Seigneur de Langurant, cherchant son malheur.

Iouste du sire de Langurant avec Bernard Courant Capitaine de Cadilhat.

Bernard Courant donne le coup de mort au sire de Langurant.

Surprisee prise de Heliot de Plaisac, Capitaine de Bouteuille; pour les Anglois par embusche de quelques capitaines François.

Le chasteau de Bouteuille pris par les François.

nard (qui estoit fort & vaillant Escuyer) le prit à deux mains par le bacinet: & le tira si fort à luy, qu'il le luy arracha de la teste, & le getta dessous son cheual. Les gés du Seign. de Langurant (qui estoient embuschez) veoient bien tout. Si commécerent à marcher, pour venir celle part, & recourir leur Seign. & Bernard Courant (qui les regarda, & les vit venir) tira sa dague: & dit au Seigneur de Langurant, Rendez vous, Sire de Langurant, mon prisonnier, rescoux & non rescoux, ou autrement vous estes mort. Le Sire de Langurant (qui auoit fiance en ses gens) se tint tout quoy: & riens ne respondit. Quand Bernard Courant vit qu'il n'en auoit autre chose, si fut enflambé d'ire: & se doutant qu'il ne perdift le plus pour le moins, le frappa de sa dague au chef qu'il auoit nud) & là luy embara là dedans: & puis la retira, & frappa son cheual des esperôs: & se relança es barrières: & là descédit: & se mit en bon conroy, pour soy deffendre & garder, sil estoit mestier. Lors, quād les gens du Seigneur de Langurant furent venus iusques à luy, ils le trouuerent nauré à mort. Si furent tous courroucez: & l'ordonnerent & appareillerent, au mieux qu'ils peurent: & le rapporterent en son Chastel, mais il mourut le lendemain: & ainsi aduint en celuy temps en Gasconne, de ce Seigneur de Langurant. En ce temps aduint aussi vn faict d'armes en Rochelois, contre Heliot de Plaisac, vn moult gétill Escuyer, & vaillant Homme-d'armes, Capitaine de Bouteuille, vn fort Anglois: qui tenoit là en garnison enuiron six vings Lances de cōpaignons Anglois, & Gascons: qui moult pilloient le pays, & couroient presque tous les iours deuant la ville de la Rochelle, ou deuant la ville de saint-Iehan d'Angeli: & tenoient ces deux villes en telle doute, que nul n'osoit issir dehors, fors en larrecin: dont les Cheualiers & Escuyers du pays estoient moult courroucez. Si aduiferen, vn iour, qu'ils y pouruoyeroiēt de remede, à leur loyal pouuoir: ou ils feroient: de leurs ennemis morts, ou pris, sur les champs. Et ainsi se concueillirent & assemblerent, en la ville de la Rochelle, enuiron deux cens Lances de cōpaignons, bien estoiez. Car c'estoit la ville, ou ledit Heliot de Plaisac & les siens couroient le plus souuēt deuant: & là estoient de Poictou, & de Xaintonge, le Sire de Touars, le Sire de Puiffances, messire Iaques de Surgeres, messire Perceual de Coulōgne, messire Regnaut de Gomers, messire Hue de Viuone, & plusieurs autres Cheualiers & Escuyers, en moult grand volōté, de rencōtrer & combattre leurs ennemis: & seurēt ces Capitaines par leurs espies, que ledit Heliot de Plaisac cheuauchoit, & venoit deuant la Rochelle, cueillir proye. Si l'ordonnerent selon ce: & se partirent des le soir, tous bien armez, & mōtez à cheual: & se mirent aux chāps. A leur departemēt, ils ordōnerent quelc'demain on mit tout le bestial aux champs à l'aduenture. Ainsi fut fait, qu'ordōné fut. Quand ce vint au matin Heliot de Plaisac & sa route s'en vindrēt courir deuant la Rochelle: & ferirent iusques aux barrières: & ce pendant, ceux qui cōmis estoient à courir la proye, l'assemblerēt toute: & la firēt mener, par les hōmes du pays, deuant eux. Ils ne l'eurent pas menée vne lieuē, que veez cy venir les François (qui estoient plus de 200. Lāces) qui vindrēt sur l'aille (& ne s'e dōnoient garde les Anglois) & se bouterēt à roides Lāces sur leurs ennemis. De premiere venue il en y eut plusieurs ruez par terre. Là dit Heliot de Plaisac, à pié, à pié, tout homme: & nul ne fuyt, & laisse chacun aller son cheual. Se la iournée est nostre, nous aurons cheuaux assez: & s'elle est contre nous, nous nous passerons bien de cheuaux. Et là se mirent Anglois & Gascons, & ceux du costé de Heliot, tous à pié, & bonne ordōnance. Aussi firent les François: car ils douterent de perdre leurs cheuaux, des glaiues & Lances de leurs ennemis. Là eut forte rencōtre, & dure bataille, & qui longuemēt dura: car ils estoient tous main à main: & pouffoiēt de leurs glaiues si roidemēt, qu'ils sy mettoient iusques à la grosse alaine. Là furent faites plusieurs grans apertises d'armes, & mainte prise, & mainte rescouffe. Finalemēt les Poicteuins & Xaintongeois obtindrent la place: & furent leurs ennemis déconfits & tous morts, ou pris: & peu s'en sauuerent, & fut toute la proye rescouffe, & Heliot de Plaisac pris, & amené à la Rochelle. Tantost apres ceste aduenture, les Seigneurs François, dessus-nommez, s'en allerent deuant le chastel de Bouteuille: qui tost fut pris: car il estoit leger à prendre: pource que on n'y trouua nulli. Ainsi fut Bouteuille: François: dont tout le pais d'enuiron eut grād ioye: & demoura de Plaisac en prison, vn long temps.

Comment messire Thomas Triuet s'en retourna en Angleterre, avec ses compaignons: & cōment vn Heraut de sa compaignie cōpta au Duc de Lancastre, tout le discours de la mort du Roy Henry de Castille, & le couronnement de Iehan, son fils aîné.

CHAP.

XXIX.

En ce

EN ce temps retournerent en Angleterre messire Thomas Triuet messire Guillaume Helmen, & aucuns Cheualiers, & leurs routes: qui auoient esté en Espagne, & aidé à faire la guerre du Roy de Nauarre. Si se tirerent tantost deuers le Roy d'Angleterre: qui pour ce temps estoit à Carthasée, & ses deux oncles, le Duc de Lâclastre & le Comte de Cantebruge, delez luy: Si furent: lesdits Cheualiers ioyeusement receus du Roy & de ses Seigneurs: & furent enquis & examinez à dire nouuelles. Ils en dirent assez, toutes telles qu'ils sauoient, & comment les affaires festoient portez en Espagne & en Nauarre, & de la paix qui estoit entre le Roy de Nauarre & le Roy d'Espagne, & comment le Roy de Nauarre auoit marié Charles, son aîné fils, à la fille du Roy Damp Henry, & tout, de point en point, comment les traitez festoient portez. Le Duc de Lanclastre & le Comte de Cantebruge estoient durement pensifs sur ces parolles: car ils se disoient & tenoient hoirs de toute Espagne, de par leurs femmes. Si demanderent en quel temps le Roy Héry, Bastard, estoit mort, & si les Espaignols auoient couronné, à Roy son fils.

Messire Thomas & messire Guillaume Helmen respondirent, chascun d'eux pour soy: & leur dirēt. Mes chers Seigneurs, à la mort du roy Héry, Bastard, n'au couronemēt de son fils, ne fumes nous pas, car par tout ce tēps, nous nous estiōs retraits en Nauarre: mais veez cy vn Heraut, qui y fut: vous le pouuez sauoir par luy fil vo' plaist. Adōc fut le Heraut appelé, & demandé, du Duc de Lanclastre, comment les affaires festoient portées. Et il en respondit ainsi: & dit, Messeigneurs, à la requeste de votis i'en parleray. Tandis que Messeigneurs (qui cy sont) estoient à Pampelune, en attēdant l'acōplissēmēt des traitez, qui faits estoient par leur volōtē & congé ie demouray delez le Roy de Nauarre & fu moult hōnoré de luy, & de ses gēs. Si me parti de Pampelune en sa compaignie: & vint le Roy à Sainct-Dominicque. Contre sa venue issit hors le Roy Henry, à grans gēs: qui en bonne amour & en paix l'attendoit: & fut le Roy de Nauarre de luy moult hōnoré, & de ses gens: & luy dōna ce soir à soupper, moult honnestement.

Après souper, nouuelles vindrēt qu'un sanglier estoit es landes, couché pres de là. Si fut ordonné que lēdemain on l'iroit chasser. A celle chasse furēt ces deux Roys: & leurs veneurs: & fut le sanglier pris: & retournerent ce soir, en grand' amour, à Sainct-Dominicque. Le lendemain se partit le Roy Henry: & s'en alla à Pierre-ferrade, pour vne iournée qu'il auoit là † contre ses gens. Là luy prit vne maladie, dont il mourut: & seut sa mort le Roy de Nauarre sur les champs: car il le venoit veoir. Adonc retourna il tout courroucé: & ie pris congé de luy, & m'en allay en Castille, pour veoir & apprendre des nouuelles: & trépassa le Roy Henry, le iour de la Pētecoste. Assez tost apres, & le vingtcinquième iour de Iuillet, le iour Sainct-Iaques & Sainct-Cristofle, fut couronné à Roy Iehā de Castille, aîné fils du Roy Henry, en l'eglise cathedrale de la cité de Burgues. Auquel couronement furent tous les Barōs & les Prelats d'Espagne, de Galice, de Cordoue, & de Seuille: & tous luy iurerent, sur saintes Euangiles, à le tenir à Roy: & fit ce iour deux cens & dix Cheualiers: & donna de moult beaux dons. Au lendemain de son couronement, à grand' compaignie de Nobles, s'en vint en vne Abbaye de Dames, au dehors de Burgues: qu'on dit les Ourches. Là ouit la messe, & disna: & apres disner, y eut grans ioutes: & eut le pris leuicōte de Roqbertin, d'Arragō. Ce fait retourna le roy à Burgues: & durerent ces festes biē 15. iours. Adonc demanda le Duc de Lanclastre se le Roy de Portugal auoit point esté prié d'auoir là esté. Il respōdit, Ouy: mais il n'y voulut venir. Et fut informé qu'il auoit respondu au messager qui y estoit allé: qu'il n'iroit ia au couronement du fils d'un bastard. Par ma foy (dit le Duc de Lanclastre) de ces paroles dire il fut bien conseillé: & si luy en say bon gré: & les choses ne demourront pas longuement, en cest estat: & ne sera pas ainsi: car moy & mon frere luy demanderons l'héritage, dont il se dit Roy. A tant finerent ces paroles: & demanderent le vin & à boire. Nous nous souffrerons maintenant de ceste matiere: & parlerons des aduenues de France.

† Le doute que
il n'y faille en-
tre ses gens.

Le iour du cou-
ronnement du
Roy de Castille
en l'an 1379.
selon qu'il se
voit par la de-
duction prece-
dente.

Comment vn messager du Roy de France fut empesché de faire son voyage, par le Comte de Flandres, dont sourdit grande dissension entre le Roy & le Comte.

CHAP. XXX.

LE Roy Charles de Frāce, qui pour le tēps regnoit (si-cōme vo' pouuez sauoir par ses Lœuures) fut durement sage & subtil: & bien le monstra tant comme il vesquit. Car tout quoy estoit en sa chambre & en ses deduits: & si reconqueroit ce que ses predecesseurs auoient perdu sur les champs, la teste armée, & l'espée en la main: dont il en fait

grandement à recommander. Or pource que le Roy de France sauoir que le Roy Robert d'Escoce, & tout le Royaume d'Escoce entierement, auoit guerre, & mortelle haine aux Anglois (car oncques ces deux Royaumes ne peurent aimer l'un l'autre) pour nourrir plus grand' amour entre luy & les Escoçois, il aduifa qu'il enuoyeroit vn sien Cheualier, & vn Secretaire de son Conseil: deuers le Roy d'Escoce & les Escoçois, pour parlemeter, traiter, & aduiser le pays, & cognoistre & sauoir se par Escoce les gens pourroient faire bonne guerre. Car Yuain de Galles, en son viuant, l'auoit informé qu'Escoce estoit le pays du monde, par ou on pouuoit mieux nuire aux Anglois. Sur ce propos le Roy de France auoit eu plusieurs imaginatiōs: & tant qu'il ordōna vn sien Cheualier, & sage hōme (qui s'appeloit messire Pierre, seigneur de Bournezel) & luy dit: Vous ferez ce message en Escoce: & me saluerez le roy & les Barōs: & si leur direz que nous & nostre royaume sōmes tous prests & appareillez pour eux, & d'auoir traitté deuers le Roy & eux (ain si cōme à noz bōs amis (par lequel, en la saison qui vient, nous y puissions enuoyer gens, & par là auoir entrée: ainsi que noz predecesseurs au temps passé ont eu. Et, en y allant, seiournant, & retournant, tenez estat comme à messager & Commissaire du Roy appartient (car nous le voulons) & tout sera payé. Le Cheualier respondit: & dit, Sire, à vostre commandement. Depuis, ne seiourna gueres longuement. Quand toutes ces choses furent appareillées, il se departit du Roy, & de Paris: & exploita tāt par ses iournées, qu'il vint à l'Escluse en Flandres: & là s'arresta, en attēdant vent & passage: & y seiourna environ quinze iours (car il auoit vent contraire (& ce temps durant, il tenoit grand estat, & estoit de vaisselle d'or & d'argent courant parmy la salle aussi largement, que si ce fut vn petit Duc. Aussi laissoit il corner l'affiete de son dīner, & faisoit porter vne espée, toute engainée, & armoyée moult richement, d'or & d'argent: & bien estoit tout ce, que ses gens prenoient, payé. Du grand estat, que le Cheualier menoit, tant en son hostel que sur les rues, estoient plusieurs gēs de la ville émerueillez. Si fut aduisé & regardé du Baillif de l'Escluse (qui là estoit Officier de par le Côte de Flādres) & tāt que le Baillif ne s'en peut taire: dont il fit mal. Si le vint signifier au Comte: qui se tenoit pour le temps à Bruges: & estoit lors le Duc de Bretagne, son cousin, delez luy. Le Comte de Flādres, quād il eut vn peu pensé, avec ce que le Duc de Bretagne y mit peine) ordonna qu'il fust là amené. Le Baillif retourna à l'Escluse: & vint au Cheualier du Roy, moult mal courtoisement: car il l'arresta de main mise, de par le Comte, de quoy le Cheualier fut moult émeruillé, & qu'on luy demandoit: & dit adonc au Baillif, qu'il estoit messager au Roy de France, & Cōmissaire. Si reedit le Baillif, ie le croy biē: mais il vous faut venir parler au Comte: & m'est commandé que ie vous y meine. Oncques ne se peut le Cheualier excuser, qu'il ne fust mené luy & ses gens, à Bruges. Quand il fut venu en la chambre du Comte à Bruges, le Comte de Flandres & le Duc de Bretagne s'apuyoient tous deux à vne fenestre, sur les iardins. Adonc se mit le Cheualier à genoux, deuant le Comte: & luy dit Monseigneur, ie suis vostre prisonnier. De ceste parole fut le Comte durement courroucé: & dit, par despit & par grand' ire, Comment? ribaut, dis tu que tu es mon prisonnier: pour tant que ie t'ay mandé venir parler à moy? Les gens de Monseigneur peuuent bien venir deuant moy, & parler à moy: & tu ne t'es pas bien acquité, quand tu as tant seiourné à l'Escluse, & tu me sauois si pres de toy, sans venir parler à moy: mais tu ne daigneroye Monseigneur (respondit le Cheualier) sauue vostre grace. Adonc prit la parole le Duc de Bretagne: & dit, Entre vous bourdeurs & langagers du Palais de Paris, & de la chambre de Monseigneur, vous mettez le Royaume à vostre volonté, & ionissez du Roy à vostre entente, & en faictes bien & mal, ainsi que vous voulez: ne nul haut Prince du sang, apres que vous l'avez cueilly en haine, ne peut estre ouy: mais on pendra encores tāt de telles gens, que les gibets en seront tous remplis. Le Cheualier (qui là estoit à genoux) fut tout honteux: car telles parolles ouir luy furent moult dures: & bien veoit que taire luy estoit plus profitable que parler. Si ne respondit onques mot à ces parolles: & se departit de la presence du Comte & des Seigneurs, en prenant congé, quand il vit qu'heure en fut. Aussi aucunes gens de bien (qui estoient delez le Comte) luy firent voye: & le menerent boire. Depuis monta à cheual le Sire de Bournezel, & retourna à l'Escluse en son hostel, & vous diray qu'il luy en aduint. Quoy que toutes ses pourueances fussent appareillées & chargées, & qu'il eut bon vent pour singler vers Escoce, il ne fosa partir ne mettre es dangers de la mer: car il luy fut signifié, qu'il estoit espié des Anglois: qui seiournoient à l'Escluse: & que, fil se mettoit en son voyage, il seroit happé sur mer & mené

Le Roy de France depeche vn messager ou Ambassadeur, vers le Roy Robert d'Escoce.

Occasion d'arrestier l'Ambassadeur du Roy, en passant par Flandres.

Rudes parolles du Comte de Flandres à messire Pierre de Bournezel, messager du Roy, & autres semblables du Duc de Bretagne.

Occasion de faire retourner le Seigneur de Bournezel vers le Roy sans aller en Escoce.

mené en Angleterre. Pour celle doute ses voyages furent brisez: & se partit de l'Ecluse, & s'en retourna à Paris, deuers le Roy. Vous devez sauoir que le Sire de Bournezel ne recorda pas moins, au Roy de France, que ce, qui luy estoit aduenue en Flandres, mais luy racompta la chose, tout ainsi comme elle estoit allée: & luy estoit bien besoing qu'il monstrat diligence & excusance, car le Roy estoit moult émerueillé de son retour. A ce record, que messire Pierre fit, estoient plusieurs Cheualiers de la Chambre du Roy, & par especial, Messire Iehan de Guistelles, de Haynaut, cousin au Comte de Flandres, qui mettoit en t^g gourgo ux toutes les parolles du Cheualier, & tant que finalement il ne se peut taire, pour tant que ledit messire Pierre (ce luy sembloit) trop auant parloit de la partie du Comte de Flâdres. Si dit ainsi, Je ne puis tant ouir parler du Comte de Flandres, mon cher Seigneur, & se vous voulez dire, Cheualier, qu'il soit tel que vous direz, & qu'il ait de son fait empesché vostre voyage, ie vous en appelle de champ: & veez là mon gage. Le Sire de Bournezel ne fut pas ébahi de respondre: & dit ainsi. Messire Iehan, ie di que ie fu ainsi mené, & pris du Baillif de l'Ecluse, & amené deuant le Comte: & toutes les parolles, que i'ay dites, le Comte de Flandres & le Duc de Bretagne les ont dites: & se vous voulez parler du contraire, & qu'il ne soit ainsi, ie leueray vostre gage. Ouy, respondit le Sire de Guistelles. A ces parolles se melancolia le Roy: & dit, alon, allon, nous n'en voulons plus ouir. Si se partit de la place: & entra en sa chambre, avecques ses Chambelans tant seulement, moult réiouy de ce que messire Pierre auoit ainsi franchement parlé, & releué la parolle de messire Iehan de Guistelles, & dit ainsi, en riant, Leur a il bien tenu pié? ie n'en voudroye pas tenir vingt mille francs. Depuis aduint que messire Iehan de Guistelles (qui estoit Chambellan du Roy) fut si mal de Court, qu'on l'y veoit enuis: & bien s'en apperceut, & n'en peut souffrir les dangers. Si prit congé du Roy: & s'en partit, & vint en Brabant, delez le Duc Vincelant de Brabant qui le reteint. Quand au Roy de France, il se tint dur & courroucé sur le Comte de Flandres: pour ce qu'il sembloit à plusieurs du Royaume, qu'il auoit empesché le Seigneur de Bournezel à faire son voyage en Escoce, & qu'il tenoit delez luy le Duc de Bretagne, son cousin: qui estoit grandement en la malueillâce du Roy: & s'apperceurent bien ceux, qui delez le Roy estoient, que le Comte de Flandres n'estoit pas en sa grace. Bien tost apres ceste aduenue, le Roy de France escriuit vnes lettres mout dures au Côté de Flandres, son cousin, & parloyent ces lettres sur menaces, pourtât qu'il soustenoit avecques luy le Duc de Bretagne: lequel il tenoit à ennemy. Le Comte de Flandres, escriuit au Roy, & s'en excusa au mieux qu'il peut: & bien le sceut faire. Ceste excusation ne valut riens. Car le Roy de France luy renuoya plus dures lettres, en luy remonstrant que, fil n'elongnoit de sa compaignie le Duc de Bretagne, son aduerfaire, il luy seroit contraire. Quand le Comte de Flâdres veit que c'estoit à certes, & que le Roy de France le suiuiot de si pres, il eut aduis de soy-mesme (car il estoit fort ymaginatif) & pēsa qu'il remonstreroit ces menaces à ses bonnes villes, & par especial, à ceux de la bonne ville de Gand pour sauoir qu'ils en respondoient, & enuoya à Bruges, à Yppre, & à Gourtray: & se partit, le Duc de Bretagne en sa compaignie, & s'en vint à Gand, & se logea à la poterne. Si fut ioyeusement receu des Bourgeois, car à ce iour ils l'aimoient moult delez eux. Quand les Bourgeois desdictes villes de Flandres (qui enuoyez y furent, ainsi qu'ordonné estoit) furent là tous assemblez, le Côté les fit venir en vne place, & là leur fit remonstrer, par Iehan de la Faucille, son intention, & lire les lettres, que le Roy de France, depuis deux mois, luy auoit enuoyées. Quand ces lettres eurent esté leues, le Comte parla, & dit, Mes enfans & bonnes gens de Flandres, par la grace de Dieu i'ay esté vostre seigneur lōg temps, & vous ay menez & gouvernez moult en paix, à mō pouuoir: ne vous n'avez veu en moy nul contraire, que ie ne vous aye entretenus en bonne prosperité, ainsi qu'un Seigneur doit tenir ses gens. Mais il me vient à grande déplaisance (& aussi doit il faire à vous, qui estes mes bonnes gens) quand Monseigneur le Roy me hait, & me veut hayr, pourtant que ie soustien avecques moy, & en ma compaignie, le Duc de Bretagne mon cousin germain, qui pour ce temps n'est pas bien-aimé en France, ne bonnement il ne s'ose asseurer en ses gens de Bretagne, pour la cause de cinq ou de six Barons, qui le hayent, & veut le Roy que ie l'elongne & boute hors de mon hostel, & de ma terre: qui luy seroit chose bien estrange. Je ne dy pas se ie confortoye mon cousin, de villes & chasteaux, à l'encontre du Royaume de France, que le Roy n'eust bien cause de se plaindre de moy, mais ie ne le fay, ne nulle volōté n'en ay. Et pource ie vous ay cy

† Ce mot gout
gout peut ve
nir de guttur
signifie gout
et veut dire
l'Auteur, que
Iehan de Gu
istelles notoit et
remaschoit, en
groumelat, tou
tes les parolles
du cheualier de
Courneszel,

Lettres de me
naces enuoyées
au Côté de Flâ
dres par le Roy
Charles.

Harangue du
Comte de Flan
dres à ceux de
Gand et autres
Flamans.

*Response des
communautes de
Flandres à leur
Comte.*

assemblez: & vous remōstre les perils, qui en pourroiet naistre & venir, & se vous voulez qu'il demoure delez moy. Ils respondirent tous à vne voix, Monseigneur, ouy, & ne fauōs auourd'huy Seigneur (quel qu'il soit) fil vous vouloit faire guerre, que vous ne trouuissiez, dedans vostre Comté de Flandres, deux cens mille hommes tous armez. Ces paroles réiouirent grandement le Comte de Flandres, & dit, Mes beaux enfans, ie vous mercie. Sur ces parolles se finit le parlement: & se contenta le Comte grandement de ses gens: & leur donna congé de retourner en leurs maisons en paix: & le Comte, quand il vit que bō fut, il retourna à Bruges, le Duc de Bretagne en sa compaignie. Si demourerent les choses en cel estat. Le Comte fut grandemēt en la grace de ses gens: & le païs fut en paix & prosperité: qui depuis ne demoura gueres, par mal-vueillance merueilleuse, qu'il ne fust en grande tribulation: si cōme vous orrez recorder auāt en l'Histoire.

Comment le Duc de Bretagne se retira de Flandres, en Angleterre, & comment le ieune Comte de Saint-Pol, estant prisonnier de guerre en Angleterre, sy maria.

CHAPITRE

XXXII.

*Depart du Duc
de Bretagne
hors de Flan-
dres.*

*Le Duc de Bre-
tagne en An-
gleterre.*

*† Au ch. 320
du prem. Vol.*

LE Roy de France fut bien informé de toutes ces choses, & comment le Comte de Flandres auoit respondu. Si ne l'en aima pas mieux, & luy conuint ce passer & porter, & autre chose n'en peut auoir. Mais bien disoit il que le Comte de Flandres estoit le plus orgueilleux Prince, qu'on feust: & veoit on biē, à la maniere du Roy, que c'estoit le Seigneur, qui plus volontiers eust mis à raison aucun, quād il luy eust cōtredit, par quoy il en estoit plus courroucé. Le Comte de Flandres (quoy que le Roy de France luy eust escrit que c'estoit moult grandement à sa déplaisance, qu'il soustenoit le Duc de Bretagne) pourtant ne luy donna il point congé, mais le tint delez luy, tant que demorer il y voulut: & luy faisoit tenir son estat bel & bon. Mais: à la fin, le Duc eut conseil, & volonté, qu'il se retireroit en Angleterre. Si prit congé du Comte, son cousin: & s'en vint à Grauelines: & là le vint querir le Comte de Salbery, à cinq cens Lances, & mille Archers, pour la doute des garnisons Françoises: & le mena à Calais: dont messire Hue de Caurellée estoit Capitaine: qui le receut mout liemēt. Quād le Duc de Bretagne eut sejourné à Calais enuiron cinq iours, il eut vent à sa volōté, si monta en mer, & le Côte de Salbery en sa compaignie: & arriuerent à Douures: & de là vindrēt deuers le ieune Roy Richard, qui les receut à grande ioye: & aussi firent le Duc de Lancastre & les Comtes, de Canteburge & de Bouquingam, & les hauts Barons d'Angleterre. Vous auez bien ouy recorder comment messire Valeran de Luxembourg, le ieune Côte de S. Pol † fut pris des Anglois par bataille, entre la bastille d'Ardre & de Calais, & fut mené en Angleterre prisonnier, à la volonté du Roy. Car le Roy Edouard d'Angleterre, luy viuant, l'achapta du Seigneur de Gommegines: qui auoit esté son maistre. Car le Seigneur de Gommegines auoit mis sus la cheuauchée, en laquelle il fut pris d'un Escuyer, bon Homme-d'armes, de la Comté de Guerles. Si demoura grand temps le ieune Côte de Saint Pol prisonnier en Angleterre, sans en auoir deliurance. Bien est verité que le Roy d'Angleterre, le Captal de Buz viuant, l'offrit plusieurs fois au Roy de France, & à ses amis, pour ledit Captal: mais le Roy, ne le Conseil de France n'y vouloit nullement entendre ne donner le Captal pour échange: dont le Roy d'Angleterre auoit grande indignatiō. Si demoura la chose moult longuement en tel estat, & le ieune Comte de Saint-Pol prisonnier en Angleterre, au beau chastel de Windesore: & auoit si courtoise prison, qu'il pouuoit par tout aller iouer, s'ebatre, & voller des oiseaux, enuiron Westmōstier & Windesore. De ce estoit il creu sur sa foy. En ce temps se tenoit Madame la Princesse, mere du Roy Richard d'Angleterre à Windesore, & sa fille delez elle, Madame Mahaut la plus belle Dame de toute Angleterre. Le Comte de Saint-Pol & celle ieune Dame s'enamourerent loyaument l'un de l'autre: & estoient ensemble aucunes fois aux dances & carolles, & ébattemens, tant qu'on s'en apperceut, & s'en decouurit la Dame (qui aimoit le ieune Comte de Saint-Pol ardamment) à Madame sa mere. Si fut adonc traité vn mariage entre le Comte de Saint-Pol & Madame Mahaut de Holande, & fut mis le Comte à finance, à six vingts mille francs, desquels (quand il auroit espousé la Dame) on luy en rabbattroit soixante mille, & les autres soixante mille il payeroit, & pour trouuer la finance, quand les conuenances furent prises entre le Comte, & la Dame, le Roy d'Angleterre fit grace au Comte de Saint Pol, de repasser la mer, & de retourner, sur sa foy, dedans l'an. Si vint le Côte en France, veoir ses amis, le Roy, le Comte de Flandres,

*Mariage du
ieune Comte de
Saint Pol avec
Madame Ma-
haut de Holan-
de, seur du Roy
Richard par
leur mere.*

le Duc de Brabant, le Duc Aubert, & ses cousins de France. En celuy an fut informatiō trop dure faite sur ledit Comte de Saint Pol. Car on luy meit sus, qu'il deuoit rendre, & deliurer aux Anglois, le fort chastel de Bouhaing, & le fit le Roy saisir, de main mise, & garder, & monstra le Roy, que le Comte de Saint-Pol vouloit faire enuers luy aucuns mauuais traictez: n' oncques ne s'en peut excuser, & pour ce fait, furent en prison, au chastel de Mons en Haynaut, Monseigneur le Chanoine de Roberlat, le Sire de Vertaing, messire Iaquemes du Sart, & Girard d'Obies: & puis se diminuerent ces choses, & allerent toutes à neant. Car on ne peut riens prouuer sur eux: & furent deliurez: & le ieune Côte de Saint-Pol s'en retourna en Angleterre, pour soy acquitter enuers le Roy d'Angleterre: & espousa la femme: & fit tant, qu'il paya les soixante mille francs, en quoy il estoit obligé: & puis rapassa la mer, mais point n'entra en France, car le Roy l'auoit en haine. Si allerent demourer le Comte & la Comtesse au chastel de Han sur Heure: que le Sire de Moriane (qui auoit sa sœur espousée) leur presta: & là se tindrent, tant que le Roy Charles de France vesquit. Car oncques le Comte, le Roy de France viuant, ne peut retourner à son amour. Nous nous souffrerons à parler de ceste matiere & retournerons aux besongnes de France.

De la guerre du Duc d'Aniou en Bretagne, & de la prise de messire Guillaume des Bordes par la garnison de Cherbourg.

CHAPITRE XXXIII.

EN ce temps se tenoit toute Bretagne close, tant contre le Roy de France, que contre le Duc. Car les bonnes villes de Bretagne estoient assez d'accord avec leur Duc, & auoient, les plusieurs, grans merueilles qu'on demandoit à leur Seigneur: & aussi estoient de leur accord plusieurs Cheualiers & Escuyers de Bretagne, & aussi estoit par aliance, avecques eux, la Comtesse de Ponthièvre, mere aux enfans de Bretagne. Mais messire Bertrand du Guesclin, Connestable de France, le Sire de Clifson, le Sire de Laval, le Vicomte de Rohan, & le Sire de Rochefort, tenoient le pays en guerre, avecques la puissance, qui leur venoit de France. Car à Pontorson, & à Saint-Malo-de-l'Isle, & là enuiron, auoit grande foison de Gens-d'armes, de France, de Normandie, d'Auuergne, & de Bourgongne: lesquels y faisoient moult de desfrois. Le Duc de Bretagne (qui se tenoit en Angleterre) estoit bien informé de ces aduenues: & comment le Duc d'Aniou (qui se tenoit à Angers) luy faisoit destruire & guerroyer son pays, & commēt les bonnes-villes se tenoient closes contre les François au nom de luy, & d'aucuns Cheualiers & Escuyers de Bretagne: dont il leur sauoit grand gré. Mais, non-obstant toutes ces choses, si ne s'osoit il bonnement affier de retourner en Bretagne, sur la fiance de ces gens, & se doutoit tousiours de trahison: & aussi il ne trouuoit point en son Conseil, ne deuers le Roy d'Angleterre, ne le Duc de Lancastre, qu'il y deust encores retourner. D'autre part en Normandie, & à Valongnes se tenoit en garnison, messire Guillaume des Bordes (lequel en estoit Capitaine) & en sa compagnie le petit Seneschal d'Eu, messire Guillaume Marcel, messire Braque de Braquemont, le Sire de Torcy, messire Perceual d'Aineual, le Begue d'Yury, messire Lancelot de Lorris, & plusieurs autres Cheualiers & Escuyers: & subtilloient ces Gens-d'armes, nuit & iour, comment ils peussent porter dommage & nuisance à ceux de Cherbourg: dont messire Jehan de Harleton estoit Capitaine, ceux de la garnison de Cherbourg issoient souuent hors, quand bon leur sembloit. Car ils pouuoient, toutes les fois qu'ils vouloyent, cheuaucher à la couuer te, sans ce qu'on feust riens de leurs issues, pour les grans bois ou ils marchoyent. Car ils auoient fait vne voye & taille à leur volonté: tellement qu'ils pouuoient issir hors, & cheuaucher sur le pays en Normandie, sans danger des François. Or aduint, en celle saison, que les François cheuauchoyent, & aussi eux: & riens ne sauoient les vns des autres: & tant que d'auenture ils se trouuerent en vne place, que l'on dit Pastoy-es-bois. Lors que ils trouuerent (ainsi comme Cheualiers & Escuyers, qui se desiroient à combattre) ils meirent tous pié à terre, excepté messire Lancelot de Lorris: lequel demoura sur son courfier, le glaive au poing, la targe au col, & demanda vne iouste, pour l'amour de sa Dame. Là estoit, qui bien l'entendit. Car aussi bien y auoit il des Cheualiers & Escuyers amoureux en la compagnie des Anglois, comme il estoit: & me semble que messire Jehan de Copelant, vn moult roide Cheualier, se meit à luy. Adonc esperonnerent ils leurs chenaux: & se bouterent l'un sur l'autre de plain élais, & se donnerent, sur les targes, de grans horions. Là fut confuiuy messire Lancelot du Cheualier Anglois, en telle

Bretaigne diuisée en deux parties: l'une Bretagne, l'autre Cornouaille.

† Il y auoit icy Bourgogne, mais ie l'ay changé selon le ch. 22. du present vol. cōbien qu'il y pourroit auoir aussi Mōbourg, selon le dernier ch. du 1. vol. là ou il parle de ceste rencontre, assez ample-

ment. † Rencontre de François et Anglois pres Cherbourg, le iour s. Martin d'Enuier. 1379. selon le dernier ch. du prem. vol. † Ce mot vient d'élancer, dōt la signification est assés notoire.

*Il y a quelque fois Charles, et quelque autres fois Harleton, et fandroit que l'auteur fust luy mesme en vie, pour mon-
strer lequel il voudroit en tel les varietez, venues d'autres, que de luy à mon aduis.*

maniere, qu'il luy perça sa targe, & toutes ses armeures, & luy perça, tout outre, le corps & fut nauré à mort, dont ce fut dommage, car il estoit appert Cheualier, ieune ioly, & moult fort amoureux, & fut là, & ailleurs, depuis moult plaint. Adoncques se bouterēt François & Anglois les vns dedans les autres: & vindrent tous main à main. Là furent bons Cheualiers, de la part des François, messire Guillaume des Bordes, le petit Seneschal d'Eu, messire Guillaume Marcel, Braque de Braquemont, & tous les autres: & se combattirent moult vaillamment: & aussi firent les Anglois, messire Iehan † de Harleston, messire Philippart Picourde, messire Iehan Burle, messire Iehan de Copellant, & tous les autres: & finalement aduint, que par bien combattre, la journée leur demoura, & furent tous morts ou pris les Cheualiers & Escuyers François: & mesmement vn Escuyer de Haynaut (qu'on appelloit Guillaume de Beaulieu) & messire Guillaume des Bordes: y furent prins. Si furent ces prisonniers menez à Cherbourg: & là trouuerent messire Oliuier du Guesclin: qui estoit aussi prisonnier. Ainsi alla de ceste besongne, comme ie fu adoncques informé.

Comment Geoffroy Teste-noire, & Aimerigot Marcel, Capitaines du parti d'Angleterre, prirent quelques places, fortes en Auvergne, & en Limosin, sur les François.

CHAPITRE. XXXIIII.

Le chastel de Ventadour en Auvergne ven du & liuré à Geoffroy Teste-noire, partisan d'Angleterre, par vn varlet de leans.

D'Autre part, en Auvergne & en Limosin, aduenoient tous les iours fait-d'armes, & de merueilleuses entreprises, & par especial, du chastel du Comte de Ventadour en Auvergne (qui est l'un des plus forts chasteaux dudit pays d'Auvergne) lequel fut vendu & trahy à vn Breton, le plus cruel & austere de tous les autres: qu'on appelloit Geoffroy Teste-noire: & ie vous diray comment il l'eut. Le Comte de Ventadour & de Montpensier estoit vn ancien & moult simple preud'homme: qui plus ne s'armoit: mais setenoit tout quoy en son chastel. Celuy Comte auoit vn Escuyer & varlet (qui s'appelloit Ponce du Bois) lequel l'auoit seruy moult longuement: & trop petit auoit profité, en son seruice: & veoit bien que nul proffit d'or, ne d'argent, il n'y pouuoit auoir. Si aduifa par vn mauuais aduis, qu'il se payeroit: & fit vn secret traitté à Geoffroy Teste-noire (qui se tenoit en Limosin) & tant qu'il luy deuoit liurer le chastel de Vétadour: & aussi fit il, pour six mille francs. Mais bien meit en son marché, & en ses deuises, qu'à son maistre, le Comte de Ventadour, on ne feroit nul mal, & le mettroit on hors du chastel debonnairement: & luy rendroit on tout son arroy: & luy tiendrait on son conuenant. Ce qui fut fait. Car onc les Bretons, ne les Anglois, qui dedans entrerent, ne firent nul mal au Comte, ny à ses gens: & ne retindrent fors les pourueances, & l'artillerie: dont y auoit grâde foison. Si s'en vint le Côte de Vétadour, sa femme, & ses enfans, demourer à Montpésier, delez Aigueperse, en Auvergne: & ledit Geoffroy Teste-noire & ses gens tindrent moult Ventadour: par lequel ils endommagerent moult le pays: & si prirent plusieurs fors chasteaux en Auvergne, en Rouergue, en Limosin, en Quercy, en Gyuaudan, en Bigorre, & en Agenois, tout venant l'un de l'autre. Auecques ce Geoffroy Teste-noire estoient autres Capitaines: qui faisoient de moult grans appertises d'armes (comme Aimerigot Marcel, vn Escuyer de Limosin, tenant le party des Anglois) qui prirent le fort chastel de Cassuriel, seant en Auvergne, en l'Euesché de Clermont: & ledit Aimerigot & ses compagnons couroient le pays à leur volonté. Si estoient de sa route les Capitaines des autres chasteaux: comme le Bourg Calart, le Bourg Anglois, le Bourg de Champaigne, & Raymond de force, Gascon, & Pierre de Bearne, en Bearnois. Aimerigot Marcel cheuauchoit vne fois, luy treziesme de compagnons tant seulement à l'adventure, & print son chemin pour aller à Aloise, deuers Sainct-Flour: qui est vn bel chastel de l'Euesché de Clermôt. Bien sauoient que le chastel n'estoit point gardé, que du portier seulement. Ainsi qu'il cheuauchoit quoyement, à la couuerte, deuant Aloise, Aimerigot regarde que le portier seoit sur vne tronche de bois, au dehors du chastel.

Merueilleux moien de la conquête du chasteau d'Aloise, en Auvergne, par Aimerigot Marcel, partisan d'Angleterre.

Adonc luy dit vn Breton (qui moult bien sauoit iouer de l'arbaleste). Voulez vous que ie vous rende mort ce portier, & du premier coup. Ouy (ce dit Aimerigot) & ie t'en prie. Celuy Arbalestier tira vn carreau: & assena le portier droit en la teste: & le luy embara dedans. Le portier (qui estoit nauré à mort) quand il se sentit feru, entra en la porte: & la cuida fermer en entrant, mais il ne peut, car il cheut mort. Aimerigot & ses compagnons se hasterent d'aller à la porte, & entrerent au guichet. Si trouuerent mort le portier, & sa femme delez luy toute effrayée. A laquelle il ne firēt nul mal, mais luy deman-

derent

derent ou estoit le Chastellain. Elle leur respondit qu'il estoit à Clermont. Les compaignons asseurerent la vie à la femme, & qu'elle leur baillast les clefs du chastel & de la maiestresse tout. Ce qu'elle fit (car il n'y auoit point de deffense) & puis la meirent hors: & luy rendirent toutes bagues: voire ce que porter elle peut. Si s'en vint à Saint Flour, vne cité qui est à vne lieuë: & alors ceux de Saint-Flour furent moult ébahis, quand ils seurent qu'Aloise estoit Anglesche: & aussi furent ceux du pays d'enuiron. Assez tost apres reprit Aimerigot Marcel le fort chastel de Balon, & l'embla par échellement: & quand il fut dedans, le Capitaine dormoit en la grosse tour (qui n'estoit pas à prédre de force) & par celle tour se pouuoit tout le chasteau recouurer. Adōques s'aduifa Aimerigot d'un subtil tour: car, tenant le pere & la mere du Capitaine, il les fit venir deuant la tour: & fit semblant de les faire décoller: se leur fils ne rendoit la tour. Les bonnes gens doutoient la mort. Si disoient à leur fils (qui estoit en la tour) qu'il eust pitié d'eux: & ploroyēt tous deux moult tendrement. L'Escuyer pensa grandement: & n'eust iamais son pere, ne sa mere, laissé mourir. Si rendit tantost la tour, & puis on le meit hors du chastel tantost. Ainsi demoura Balon Anglois: qui moult greua le pays. Car toutes manieres de gens (qui mal vouloient faire) se retiroient celle part, ou en Cassuriel, à deux lieuës de Limoges, ou en Carlat, ou en Aloise, ou en Ventadour, ou en autres chasteaux, & quand ces garnisons s'assembloient, elles pouuoient bien venir & estre cinq ou six cens Lances: & couroyent tout le pays & la terre au Comte Dauphin d'Auuergne (qui leur estoit voisine) & nul n'alloit au deuant, tant qu'ils fussent ensemble. Bien est verité que le Sire du Chupier leur estoit un grand ennemy, & aussi estoit le Sire de Forterel, & le Bastard de Forterel son frere, & un Escuyer de Bourbōnois: qui s'appelloit Gordomes. Celuy Gordomes, par beau fait d'armes & de rencontre, prit un iour Aimerigot Marcel: & le rançonna à cinq mil francs: & tant en eut il. Ainsi se portoyēt les faits-d'armes en Auuergne & Limosin, & es marches & par-dela.

Le chastel de Balon pris par Aimerigot Marcel.

Du Scisme qui fut fait en l'Eglise, & la maniere comment, & des Bretons, qui guerroyerent ceux de Romme, & de la Royne de Naples, qui meit ses terres en la main du Pape Clement septiesme.

CHAP.

XXXV.

Le me suis longuemēt tenu à parler du fait de l'Eglise. Si y vueil retourner, car la matiere le requiert. Vous auez bien ouy cy-dessus dire & recorder cōment, par l'effort des Rommains, & pour le peuple de Romme appaiser (qui trop fort estoit émeu cōtre eux) les Cardinaux (qui pour ce temps regnoient) firent un Pape, & y nommerent l'Archeuesque de Bar, qui s'appelloit, au-deuant, Berthelemy des Aigles. Celuy receut la Papauté: & fut nommé Urbain, sixiesme, & ouurit graces: ainsi comme l'usage est. L'intentiō de plusieurs Cardinaux estoit, que, quand ils verroyent leur plus bel, ils retourneroyent à leur election ensemble. Pource que celuy Pape ne leur estoit pas profitable, n'aussi à l'Eglise, car il estoit trop fumeux, & melancolieux: si que, quand il se vit en prosperité, & en puissance de Papauté, & que plusieurs Roys Chrestiens, s'estans ioints à luy, luy escriuiōient, & se mettoyēt en son obeyssance & vouloir, il s'en outrecuyda, & s'en orgueillit & voulut vser de puissance, & de sa teste, & retrencher aux Cardinaux plusieurs choses de leurs droits, & oster leurs accoustumances. Dont il leur dépleut grandement: & en parlerent ensemble: & imaginerent qu'il ne leur feroit ia bien, & qu'il n'estoit pas digne de gouverner le monde. Si proposerent les plusieurs qu'ils en éliroyent un autre: qui seroit sage & prudent, & par lequel l'Eglise seroit moult bien gouvernée. A ceste ordonnance mettoyent grande peine tous les Cardinaux: & especialement celuy, qui depuis fut esleu Pape. Par tout un Esté furent ils en variation, car ceux, qui tendoyent à faire Pape, n'osoient decouurer ne monstrier leurs secrets generally, pour les Rommains & tant que, sur les vacations de la Court, plusieurs Cardinaux se partirent de Romme, & s'en allerent ébattre enuiron Romme, en plusieurs lieux: à leur plaissance. Urbain s'en alla en vne autre cité (qu'on appelle Tiouli) & là se tint un grand temps: En ces vacatiōs & en ce terme (qui longuemēt ne pouuoit demorer, car trop grande foison de Clercs de diuerses parties du monde estoient à Romme, attendans graces, & ia les plusieurs estoient promises & colloquées) les Cardinaux, qui estoient d'accord & d'une volonté ensemble, firent Pape, & échut le sort, & la voix, à messire Robert de Genēue, iadis fils au Comte de Genēue, & fut sa premiere promotion Euesque de Terouenne, & puis Euesque de Cambray: & en fin s'appelloit le Cardinal de Genēue. A ceste election faire,

† Ancha. 123

† Cest Esté fut de 1378. selon nostre Hist. de Naples, qui dit que Clement, septieme du nō fut creé au mois de septēbre au dit, an comme aussi font les Cron. de France le 20. dudit mois & an.

furent la greigneur partie des Cardinaux, & fut appellé Clement. En ce temps auoit en la marche de Romme vn moult vaillant Cheualier de Bretagne (qui s'appelloit Syluestre Bude) qui tenoit sous luy plus de deux mille Bretons, & s'estoient es années passées moult bien portez contre les Florentins (que Pape Gregoire auoit guerroyez & excômuniez, pour leur rebellion) & auoit ce Syluestre Bude tant fait, qu'ils estoient venus à mercy. Pape Clement & les Cardinaux, qui de son accord estoient, le manderent secrettement, & tous les Gens-d'armes. Si se vindrent bouter au Bourg-Sainct-Pierre, au fort chasteil Sainct-Ange, pour mieux contreindre les Rommains. Si n'osoit Urbain par tir de Tiouli, ne les Cardinaux, qui de son accord estoient (grandement n'en y auoit mie) pour la doutance de ces Bretons, car ils estoient grande foison, & tous gens de fait, qui ruoient ius tout ce, qu'ils trouuoient & rencontroyent. Quand les Rommains se virent en ce party & danger, si manderent autres soudoyers. Allemans & Lombars: qui écar mouchoient tous les iours contre les Bretons. Clement ouurit & fit graces à tous Clercs, qui auoir les voudroient: & signifia son nom par tout le monde.

† France adhe-
rente au Pape
Clement septié-
me, encor en l'á
1378. selon les
Croniq. de Fr.

Quand le Roy Charles de France, qui pour ce temps regnoit, en fut certifié, si luy vint à grande merueille: & manda ses freres, & tous les haux Barons, & tous les Prelats, & le Recteur, & tous les maistres Docteurs de l'vniuersité de Paris, pour sauoir à laquelle election de ces deux Papes, ou à la premiere, ou à la derniere, il se tiendrait. Ceste chose ne fut pas si tost determinée: car plusieurs Clercs varioyent. † Mais finalement tous les Prelats de France s'enclinerent à Clement: & aussi faisoient les freres du Roy, & la greigneur partie de l'uniuersité de Paris: & fut au Roy Charles de France à ces iours tellement monstré & informé, de tous les plus grans Clercs de son Royaume, qu'il obeyt au Pape Clement: & le tint à droit & à vray Pape: & fit vn commandement especial, par tout son Royaume, qu'on tenist Clement à Pape, & que chacun obeyst à luy, comme à Dieu en terre. Le Roy d'Espaigne tint ceste opinion. Aussi fit le Comte de Sauoye, le Duc de Milan, & la Royne de Naples. Ce, que le Roy de France creut en Clement, cou loura grandement son fait, car le Royaume de France est la fontaine de creance & d'excellence, pour les nobles eglises qui y sont, & les hautes prelatiôs. Encores viuoit Charles de Boême, Roy d'Allemaigne, & Empereur de Romme: qui se tenoit à Prague en Bohaigne: & estoit aduertý de toutes ces choses: qui luy venoient à grans merueilles: & combien que son Empire d'Allemaigne (excepté l'Euesché du Trekt) creussent de foy de courage, & d'intention, en Urbain, & ne voulussent ouir parler d'autre, l'Empereur se

† se doute qu'il
n'y ait icy fau-
te de quelques
parolles, quant
à l'Angleterre
et, le fait, Sa-
ludit tels mots.
Et celles
d'Angl. & de
Flandres au-
cunes en y a-
uoit qui se te-
noient neu-
tres.

faignit, & dissimula, tant qu'il vesquit: & en respondit, quand on en parloit en sa presen-
ce, si courtoisement, que tous les Prelats & Barons de son Royaume en estoient cotés.
Nonobstant tout ce, les Eglises de l'Empire obeissoient à Urbain: † mais tout le Royau-
me d'Escoce obeyt à Clement. Le Comte Louis de Flandres greua trop grandement
Clement es parties de Brabât, de Haynaut, & du Liege, car il vouloit tousiours demou-
rer Vrbainiste: & disoit qu'on faisoit à ce Pape tort. Or ce Comte estoit tant creu & re-
nommé adonc es parties ou il conuersoit, que pour ce, les eglises & Seigneurs terriens
se tenoyent à ceste opinion. Mais ceux de Haynaut, les eglises & leurs conioincts, & le
Seigneur avecques eux (qui s'appelloit Aubert) demourerent neutres: & n'obeyrent à
l'un, plus qu'à l'autre. Parquoy l'Euesque de Cambray, qui pour le temps regnoit (qui
s'appelloit Iehan) perdit en Haynaut les reuenues de sa temporalité. En ce temps fut
enuoyé es parties de France, de Haynaut, de Flandres, & de Brabant, de par le Pape Cle-
ment, le Cardinal de Poictiers, vn moult prud'homme, vaillant & sage Clerc, pour bien
enseigner & prescher le peuple. Car il y auoit esté en la premiere election. Si monstroir
bien comment par contrainte ils auoyent l'Archeuesque de Bar fait Pape. Le Roy de
France, & ses freres, & ses Prelats de Frâce, le recueillirét benignement, & entendirent
volontiers à ses besongnes & parolles: & leur sembla qu'elles estoient veritables, & y ad-
iousterent foy plus grande, & quand il eut esté en Frâce, il s'en alla en Haynaut: ou il fut
ioyeusement receu. Aussi fut il en Brabant, du Duc & de la Duchesse, mais autre chose
n'y conquesta. Il cuida à son retour venir au Liege, mais il en fut déconseillé, tellement
que point n'y alla. Si retourna à Tournay, & cuida aller en Flandres, pour parler au Côté,
mais point n'y alla, car il luy fut signifié du Comte, qu'il n'y auoit que faire, pour ce
qu'il tenoit Urbain à Pape, & tousiours le tiendrait, & en celuy estat mourroit & viuroit.
Si se partit le Cardinal, de Tournay, & s'en vint à Valenciennes, & de là à Cambray, &
là se tint long temps, en esperance d'auoir tousiours bonnes nouuelles. Ainsi estoient
les

les Royaumes Chrestiens en variation, & les eglises en different, pour le fait des Papes. Urbain auoit la greigneur partie, mais, à parler de plus proffitabile reuenue & pleine obeissance, Clement la tenoit. † Si enuoya Clement, par le consentement des Cardinaux en Auignon, pour appareiller le lieu & le Palais. Si estoit bien son entente que de par de la il se retireroit, au plus tost qu'il pourroit: & cependant vint seiourner Clement en la cité de Fondi, & là ouurit ses graces. Si se tirerēt toutes manieres de Clercs, qui ses graces vouloient auoir, celle part: & tenoit sur les chāps, & les villages, grāde foison de soudoyers: lesquels guerroyoient Rome, & le Bourg S. Pierre, & les trauailloiet, iour & nuit d'affaux & d'écarmouches: & aussi ceux, qui estoient au chastel de S. Ange, au dehors de Rome, faisoient moult de détourniers aux Romains. Mais ceux de Rome s'eforçoient de soudoyer Allemans à grande foison, avec la puissance de Rome, qu'ils assemblerent si qu'un iour ils conquirent le Bourg-Saint-Pierre. Adonc se bouterent Bretons (qui bouter se peut) au chastel-Saint-Ange: & là se recueillirent. Toutesfois par force d'armes, ils menerent tellement les Bretons, qu'ils rendirent le chastel, sauues leurs vies. Si s'en partirent les Bretons, & se retirerent tous vers Fondi, & là enuiron, sur le plat pays. Et les Romains abbatirent le chastel Saint-Ange: & ardirent tout le Bourg-Saint-Pierre. Quand messire Siluestre Bude (qui se tenoit sur le pays) entendit que ses gens auoient ainsi perdu le Bourg-Saint-Pierre, & le chastel de S. Ange, si fut durement courroucé: & aduisa comment sur ces Romains il se pourroit contreueger. Sur quoy luy fut dit par ses espies, que les Romains, & les plus notables de la cité, deuoyent estre assemblez au Capitole, en cōseil. Si tost qu'il fut informé de ces nouuelles, il meit sus vne cheuauchée de Gens-d'armes, qu'il retenoit delez luy, & cheuaucha ce iour, par voyes couuertes, tout secrettemēt, vers Rome, sur le soir: & entrerent dedans, par la porte de Naples. Quand ces Bretons furent entrez, ils prirent le chemin du Capitole: & là vindrent si à point, que tout le Conseil de Rome estoit issu hors de la chambre: & se tenoyent sur la place. Ces Bretons baissèrent leurs glaiues: & esperonnerent leurs cheuaux, & se bouterent en ces Romains: & là en occirent & abbatirent grande foison, & tous les plus notables de la ville, & si en y eut de morts en la place bien sept bānieres: & deux cens d'autres riches hommes, & grande foison de méhaignez & de naurez. Quand les Bretons eurent fait leur emprise, ils se retirerent sur le soir: & tantost fut tard. Si ne furent point poursuiuis, tant pour la nuit, que pource qu'ils furent si effrayez, dedans Rome, qu'ils ne sauoient à quoy entendre, fors à leurs amis, qui estoient morts, ou blecez. Si passerēt la nuit en grande angoisse de cœur, & enseuelirēt les morts: & meirēt à point les naurez. Quand ce vint au matin, à par eux ils s'aduiferent d'une grande cruauté. Car les pources Clercs, qui en Rome seiournoient, & qui en ce nulle coulpe n'auoient, ils assaillirent, & en occirent & méhaignerēt: plus de trois cens: & par especial, nuls Bretons, qui cheoiēt en leurs mains, n'estoient prins à mercy. Et ainsi estoient les choses, es parties de Rome, par l'estat des Papes, en grande tribulation: & le cōparoient tous les iours ceux, qui coulpe n'y auoient. Cependant que le Pape Clement & les Cardinaux se tenoient à Fondi, la Royne de Naples le vint voir de bon courage, car elle, & les siens, en obeissant, le voulut bien tenir à Pape. Ceste Royne auoit eu en propos, vn long temps, que le Royaume de Cecile (dont elle estoit Dame) & la Comté de Prouence (qui du Royaume dépendoit) elle remettoit en la main du Pape, pour en faire sa volonte, & le dōner, & en heriter vn haut Prince (quel qu'il fust) du Royaume de Frāce: qui puissance eust de l'obrenir contre ceux, qu'elle hayoit à mort: lesquels descendoient du Royaume de Hongrie. Quand la Royne de Naples fut venue à Fondi, elle s'humilia moult enuers le Pape: & se confessa à luy: & luy remonstra toutes ses besongnes: & se decouurit de ses secrets à luy & luy dit, † Pere-Saint, ie tien plusieurs grans heritages & nobles: tels comme le Royaume de Naples, le Royaume de Cecile, Pouille, Calabre, & la Comté de Prouence. Bien est verité que le Roy Louis de Cecile Duc de Pouille & de Calabre, mon pere, luy viuāt il recognoissoit toutes ses terres de l'Eglise, & me prit par la main au liēt de la mort: & me dit, Ma belle fille vous estes heritiere de moult riche & grand pays, & croy bien que plusieurs grans Seigneurs tendrōt à vous auoir à femme, pour les beaux heritages & terres que vous tiendrez. Or vueillez vser de mon conseil, & vous mariez à si haut Prince, qu'il soit puissant de vous tenir en paix, & voz heritages, & s'il aduient ainsi, & que Dieu le cōsente, que vous n'ayez nuls hoirs, si remettez tous voz heritages en la main du S. Pere, qui pour le temps sera, car le Roy Robert, mon pere, au liēt de la mort, le me chargea,

† Ce qui suit
maintenāt, est
asseurement de
1379. selō tous
bons Historio-
graphes &
Croniqueurs.

Les Bretons rē-
dent le Chastel
S. Ange aux
Romains.

Defaite des Ro-
mains, par Syl-
uestre Bude, en
la ville de Rom-
me mesme.

La Royne Jean-
ne de Naples
vers le Pape
Clement à Fondi.

† Le Pape Cle-
ment pouuoit
presque aussi
biē sauoir tout
cecy, que la Roy-
ne de Naples,
mais Froissart
luy fait faire ce
discours, pour
mieux inform-
mer le Lecteur
de la vie d'elle
sur quoy il est
en beaucoup de
choses different.

à nostre Dist. de Naples de Pantolfo Collenuccio, et aux autres Italiens, que neantmoins ie croiroye plus tost que luy en ceste matiere. Voyez le cinquiesme liure d'icelle Histoire De Naples. Il a dit pour espouser elle mesme, à la fin du cb. 229 du 1. volu. de fait, qu'il l'e poussa, puis mourut incontinct. Mais ie n'en trouue point ailleurs, ne qu'elle eust iamais aucuns enfans: sinon en ceux qui ont pris de Froissart, mot à mot.

† Sala, parlant en tierce personne, dit & les prind dedas le chastel de Louef par enchâtemēt, eux quatre son mary elle sa fille, & son mary.

parquoy ma belle fille, ie vous l'encharge, & m'en décharge. Et adonc, Pere Saint, ie luy promy ma foy, presens tous ceux qui en la chambre pouuoient estre, que ie luy accompliroye tout son dernier desir. Voir est, Pere-Saint, qu'après son trepas, par le consentement des Nobles de Cecille & de Naples, ie fu mariée à Andry de Hōgrie, frere au Roy Loys de Hōgrie: duquel ie n'ay eu nuls hoirs, car il mourut ieune hōme, à Aiz en Prouence. Depuis la mort, on me maria au Prince de Tarente, qui s'appelloit messire Charles & en eu vne fille. Le Roy de Hōgrie, pour la déplaisance qu'il eut du Roy Andry son frere, fit guerre à mon mary, messire Charles de Tarente: & luy vint tollir Pouille & Calabre: & le prit en bataille: & le mena en prison en Hongrie: & là mourut. Et puis, par l'accord des Nobles de Cecille, ie me remariay au Roy Iames de Maillorque: & manday en France messire Louis de Nauarre, † pour espouser ma fille: mais il mourut sur le chemin. Le Roy de Maillorque, mon mary, se departit de moy, en intention & volonté de reconquerre son heritage de Maillorque: que le Roy d'Arragon luy tenoit à force, car il l'auoit deshérité, & fait mourir son pere en prison. Bien disoye au Roy, mon mary, qu'estoye Dame ayât assez puissances & richesses, pour le tenir en tel estat cōme il voudroit. Mais tant me prescha & mōstra de belles raisons, en desirant à recoūrer son heritage, que ie m'assenty, ainsi qu'à demie volonté qu'il fit son plaisir: & à son partement ie luy enioingny, & enhortay especialement, qu'il allast deuers le Roy Charles de France, & luy monstraft ses besongnes, & s'ordonnast tout par luy: & de tout ce n'a il riens fait: dōt il luy est mal aduenue. Car il s'en alla rendre au Prince de Galles (qui luy promit de luy aider) & eut greigneur fiance au Prince de Galles, qu'au Roy de France à qui ie suis de lignage. Ce pēdant qu'il estoit sur son voyage, i'escrui au Roy de France, & luy enuoyay grans messages, en luy priant qu'il me vouist enuoyer vn noble homme de son sang, auquel ie peusse ma fille marier: parquoy noz heritages ne demourassent sans hoir. Le Roy de France entendit mes parolles (dont ie luy feu bon gré) & m'enuoya son cousin messire Robert d'Artois: lequel eut ma fille espousée. Pere, Saint, au voyage, que le Roy de Maillorque, mō mary: fit, il mourut. Je me suis remariée à messire Othe de Brunsvich, & pourtant que messire Charles de la Paix a veu que reuesti de mon heritage, en son viuāt messire Othe, il nous a fait guerre, † & nous a prins au chastel de l'Oeuf, lors que la mer estoit si haute, qu'elle nous pouuoit adōc couvrir, ce nous sēbloit. Si fusmes à celle heure si effrayez, que nous nous rendismes à messire Charles de la Paix, tous quatre, sauues, noz vies. Il nous a tenuz en prison mon mary & moy, & ma fille & son mary: & tant est aduenue que madiēte fille & son mary y sont mors: & depuis, par traitté, nous nous sommes deliurez, par tel si que Pouille & Calabre luy demcurent: & tend à venir à l'heritage de Naples, de Cecille, & de Prouence: & quiert alliances par tout: & efforcera le droit de l'Eglise, si tost que ie seray morte: & au moins, il en fera son plain pouuoir. Parquoy, Pere-Saint, ie me vueil acquiter enuers Dieu & vous: & acquitteray les ames de mes predecesseurs. Si vous rapporte, & mets en vostre main des maintenant, tous les heritages qui me sont deuz, de Cecille, Naples, Pouille, Calabre, & Prouence, & les vous donne, à en faire vostre volonté, pour les donner, & en heriter qui que vous voudrez, & que bō vous sēblera: qui obtenir les pourra cōtre nostre aduersaire, messire Charles de la Paix. Le Pape Clement receut ces parolles en tresgrand bien, & le don en tregrande reuerence: & luy dit, Ma fille de Naples, nous en ordonnerons tellement, que les heritages auront heritier de vostre sang, noble, puissant, & fort assez, pour resister contre tous ceux, qui luy voudroient nuire. De toutes ces parolles, ces dons, & ces delaissemens, on fit instrumēs publiques & auctentiques, pour demourer les choses au temps à venir en droit, & pour estre plus patentes à tous ceux, qui en orroient parler.

Comment le Pape Clement s'en alla en Auignon, & des dons, qu'il fit au Duc d'Anion, & comment messire Siluestre Bude & ses compaignons furent decolez. CHAP. XXXVI.

Q Vand la Roynne de Naples & messire Othe de Brunsvich eurent fait ce pourquoy ils estoient venus à Fondi deuers le Pape, & ils eurent la seiourné à leur volonté & plaisir, ils prirent congé du Pape & des Cardinaux: & s'en retournerent à Naples. Depuis ne demoura gueres que Pape Clement imagina en luy-mesme, que longuemēt & trop seiourner es parties de Romme ne luy estoit point proffitable, & que les Romains, & Urbain, trauailloyent grandemēt à auoir l'amour des Neapolitains & de messire Charles de la Paix. Si se douta q̄ les chemins ne fussent tātost si clos, par mer, & par terre,

terre, qu'il ne pèust retourner en Auignon: ou il desiroit aller. Et la plus principale & es-
 peciale chose, qui plus l'enclinoit à retourner en Auignon, c'estoit qu'il vouloit donner
 en don (ainsi que receu l'auoit) au Duc d'Aniou, les droitz, que la Roynie de Naples luy
 auoit donnez, des Royaumes & Seigneuries deuant dictes, dont en auoit instrumens pas-
 sez & seellez. Si ordonna ses besongnes bien sagement & secrettement, & monterent
 en mer luy & tous ses Cardinaux, & ses familles, en galées & en vaisseaux, qui estoient
 venus d'Arragon. Si eurent vent & ordonnance de mer à volonté: & arriuerent, sans pe-
 ril ne dommage, à Marseille: dont tout le pays fut grandement réioui: & de là vint le
 Pape en Auignon: & signifia sa venue au Roy de France & à ses freres: qui en furent tous
 réiouis. Adonc le vint veoir le Duc d'Aniou: qui se tenoit pour le temps à Toulouze. Si
 luy donna le Pape, à sa venue, tous les dons, dont la Roynie de Naples l'auoit reuestu. Le
 Duc d'Aniou (qui tousiours tédait à hautes Seigneuries, & grans honneurs) receut ces
 dons en grâde magnificéce: & les accepta pour luy & pour ses hoirs: & dit au Pape, que
 du plus tost qu'il pourroit, il iroit si fort es marches de par-de-là, qu'il seroit pour resister
 contre tous nuisans à la Roynie de Naples. Si fut le Duc d'Aniou avecques le Pape en-
 uiron quinze iours: & puis s'en retourna à Toulouze, delez la Duchesse, sa femme: & le
 Pape Clement laissa ses gens-d'armes à messire Bernard de la Sale, & à Florimont Guer-
 rier. En ce temps auoit en la marche de Toscane, en Italie, vn moult vaillant Cheualier
 d'Angleterre, hardy, & courageux (qui s'appelloit messire Iehan Haconde) qui plusieurs
 grans appertises d'armes & vaillâtises y fit, & auoit fait au deuant: & estoit issu du Royau-
 me de France, quand la paix fut faite & parlemétée des deux Roys à Bretigny, les Char-
 tres. C'estoit en ce tēps vn pauvre Cheualier. Si regarda que par retourner en son pays
 il ne pouoit riens profiter: & quand il conuint toutes manieres de Gens-d'armes vi-
 der le Royaume de France par l'ordonnance du traitté de la paix, il se fit Chef d'une rou-
 te de Compaignons (qu'on appelloit les Tard-venus) & s'en vindrent en Bourgongne
 & là s'assemblerent grande foison de telles routes d'Anglois, Gascons, Bretons, Allemas,
 & gens de compaignies, & de plusieurs nations: & fut Hacode l'un des Chefs especiaux
 avec Briquet & Carnelle, par qui la bataille de Brignais fut faicte: & aida à prendre le
 Pont-Saint-Esprit, avec Bernard de la Sale, & quand ils eurent assez guerroyé & haricé
 le pays, pour le Pape & les Cardinaux on traicta à eux, & vers le Marquis de Montferat:
 qui en ce temps auoit guerre aux Seigneurs de Millan. Ce Marquis les emmena outre
 les monts, apres qu'on leur eut deliuré soixante mille francs: dont Haconde en eut à sa
 part dix mil, pour luy & pour sa route. Quand ils eurent acheué la guerre du Marquis,
 les plusieurs retournerent en France. Car messire Bertrād du Guesclin, le Sire de la Mar-
 che, le Sire de Beauieu, & le Marechal de France, messire Arnoul d'Andreghen, les em-
 menerent en Espagne, contre le Roy Damp Pietre, pour le Roy Henry. Messire Iehan
 Haconde & sa route demourerēt en Italie: & l'embesongna Pape Urbain, tant qu'il ves-
 quit, es guerres de Milan. Aussi fit Pape Gregoire, regnant apres luy: & eut ledit messire
 Iehan Haconde, pour le Sire de Coucy, contre le Comte de Vertus & ses Barons, vne
 tresbelle iournée: & dient de verité les plusieurs, que le Sire de Coucy eust esté rué ius
 des Lombars & du Comte de Vertus, se n'eust esté Hacode: qui luy vint aider, à cinq cēs
 combattans: pour la cause que le Sire de Coucy auoit à femme la fille du Roy d'Angle-
 terre, & non pour autre chose. Ce messire Iehan Haconde estoit vn Cheualier moult
 aduré, hardy, & vité, & bien renommé es Marches d'Italie: & y fit plusieurs grans apper-
 tises d'armes. Si aduiferent les Rommains, & Urbain (qui se nommoit Pape) quand Cle-
 ment fut party de Romme, qu'ils le manderoyent, & le feroient maistre & gouverneur
 de toute leur guerre. Si le manderent: & luy offrirent grand profit: & le retindrēt, luy &
 toute sa route, à souldées & à gages, & il s'en acquita loyaument. Car luy, avec les Rom-
 mains, déconfit vn iour Siluestre Bude, & vne grande route de Bretons: qui furent en la
 place tous morts ou pris, & Siluestre Bude amené prisonnier à Romme: qui fut en grand
 danger d'estre decolé, & au vray dire, trop mieulx luy vauisist, pour l'honneur de luy & de
 ses amis, qu'il l'eust esté, au iour qu'il fut amené à Romme. Car depuis le fit Pape Cle-
 ment decoler en la cité de Mascon, & vn autre Escuyer Breton avecques luy, qui s'ap-
 pelloit Guillaume Boyleaue, & furent soupçonnez de trahison, pourtant qu'ils estoient
 issus de la prison des Romains, & ne pouoit on sauoir par quel traitté, & vindrēt en
 Auignō, ou ils furēt pris. De leur prise fut coupable le Cardinal d'Amiēs, car il les haioit
 des le temps qu'ils faisoient la guerre en Romanie pour le Pape, pource qu'ils auoyent,

*Le Pape Cle-
 ment, septième
 en Auignon, là
 ou il inuestit le
 Duc d'Anions
 de toutes les Sei-
 gneuries, que la
 Roynie de Na-
 ples luy auoit
 resignées.*

*Petit discours
 des faits de me-
 sire Iehan Ha-
 conde, Anglois
 deuant & a-
 pres qu'il fut
 en Italie.*

*† Il auoit icy
 Brumaux.
 Mais nous l'a-
 uons changé, se-
 lon le ch. 215.
 du 1. vol. &
 aussi le surnom
 du Capit. Ber-
 nard, qu'il sur-
 nommoit icy
 des forges.*

*† Je n'entē point
 ce mot, s'il ne le
 prend pour en-
 durci au tra-
 uail, et me dou-
 te qu'il n'y fail-
 le lire aduile.*

*Sylvestre Bude
& Guillaume
Boyle, une Capi-
taine Breton
decolez par le
cōmandement
du Pape Cle-
ment septième.*

sur les champs, rué ius les sommiers dudit Cardinal d'Amiens: esquels il auoit grande fināce de vaisselle d'or & d'argent. Si l'auoit Sylvestre Bude toute departie aux Compaignōs (qui ne pouuoient estre payez de leurs gages) dont ledit Cardinal tint le fait à grand déplaisir: & les accusa couuertemēt de trahison. Quand ils furent venus & arriuez en Auignon, il leur fut mis sus: & furent accusez, qu'ils auoient cauteleusement trahy le Pape. Si furent pris & enuoiez incōtinēt à Mascon: & là furent decolez tous deux. Ainsi se portoient les affaires, en celuy temps, au pays de par de là: & vous dy que messire Bertrand du Guesclin fut durement courroucé de la mort messire Sylvestre Bude, son cousin, contre le Pape & ses Cardinaux: & si eust vescu longuement, il leur eust mōstré, ou fait monstrier, que la mort dudit Sylvestre luy estoit déplaisante. Nous nous fouffrerōs presentement à parler de ces matieres: & entrerons à parler des guerres de Flandres: qui cōmencerent en celle saison, & furent dures & cruelles, & dont grāde foison de peuple fut mort & exilé, & le pays contourné en telle violence, qu'on disoit lors qu'en cent ans aduenir il ne seroit pas retourné, au point que les guerres l'auoient pris. Si remonstre-rons & recorderons par quelle incidence ces mauuaises guerres commencerent.

De l'estat de Flandres, au temps duquel il est ici parlé, de la principale cause & racine de la guerre du Comte de Flandres & des Flamans, & comment les blancs-chapperons furent mis par Iehan Lyon. CHAPITRE XXXVII.

Quand les haines & tribulations vindrent premierement en Flandres, le pays estoit si plein & si remply de biens, que merueilles seroit à racompter & considerer: & tenoient les gens des bonnes villes si grans estats, que merueilles, & deuez sauoir que toutes ces guerres & haines meurent par orgueil, & par enuie, que les bonnes villes de Flandres auoient l'une sur l'autre: ceux de Gand sur la ville de Bruges, & ceux de Bruges sur la ville de Gand: & les autres villes les vnes sur les autres, Mais tāt y auoit de ressort, que nulles guerres, entre elles principalement, ne se pouuoient mouuoir n'eleuer: se leur Seigneur, le Comte de Flandres, ne le consentoit, car il estoit tant craint & aimé: que nul ne l'osoit courroucer. Aussi le Comte (qui estoit sage & subtil) ressongnoit tellement la guerre & le mal talent entre ses gens & luy que nullement il ne sy vouloit bouter, car bien sentoit en ses imaginations, que, quand le different seroit entre luy & son pays, il en seroit plus foible, & moins douté de ses voisins. Encores ressongnoit la guerre pour vne autre cas: quoy qu'en la fin il luy en conuenist vser. C'estoit pour la grande destructiō de mises de corps, & de cheuances, car en son temps il auoit vescu & regné en grande prosperité, & en grande paix, & en autant de ses deduits, que nul Seigneur terrien peust auoir eu. Car ces guerres, qui luy suruindrent, commencerent par si petite incidence que à iustement considerer (se sens & aduis fussent alors audit Seigneur) il ne deust point auoir eu de guerre, & peuuent, & pourront dire ceux, qui ceste matiere liront, & lire feront, que ce fut œuvre de Diable. Car vous sauez, ou auez ouy dire aux Sages, que le Diable subtilie & attise, nuit & iour, à bouter guerre & haine, là ou il voit paix: & quiert au loing, de petit à petit, comment il puiſt venir à ses atteintes. Et ainsi fut & aduint en Flandres en ce temps: & si comme vous pourrez clerement veoir & congnoistre par les traictez de l'ordonnance de la matiere, qui sensuit. En ce temps, que le Comte Louis de Flandres estoit en sa greigneur prosperité, auoit vn Bourgeois à Gand (qui s'appelloit Iehan Lyon) sage homme, subtil, hardy, cruel, & entreprenant, & assez froid au besoing. Celuy Iehan Lyon fut fort en la grace du Comte, comme il apparut. Car le Cōte l'embesongna de faire occire vn homme à Gand: qui luy estoit contraire & déplaisant, & au commandement du Comte, couuertement, Iehan Lyon prit parolles & debat à luy, & l'occit. Le Bourgeois eut grande plainte de tous, & pour doleance de ce, Iehan Lyon s'en vint demourer à Douay, & là fut pres de trois ans, & tenoit bon estat & grand, & tout payoit le Comte. Pour celle occision Iehan Lyon en la ville de Gand perdit tout, vn iour, ce qu'il y auoit, & fut bāny de la ville de Gand, † quatre ans. Depuis le Comte de Flandres exploita tant, qu'il luy fit pays auoir à partie, & rauoir la ville de Gand, & toute la franchise. Ce qu'on n'auoit iamais veu, dont plusieurs de Gand & de Flandres furent moult ébahis, mais ainsi fut fait & aduint. Auecques tout ce, le Comte, pour le recouurer en cheuance, & tenir son estat, le fit Doyen des † Nauiers. C'est office luy pouuoit bien valloir, mille francs par an, & aller droicturierement auāt. Ainsi Iehan Lyon estoit si biē du Cōte, que nul ne l'estoit mieus de luy. En ce tēps auoit vn

*Qui fut vn Iēa
Lyon, duquel
vindrent les
guerres suiua-
ntes en Flandres
qui commence-
rent en l'an des-
susdit 1379. se-
lon toutes bon-
nes Hist. et Cr.
† Sala dit qua-
rante.*

*† La deduction
suiuante vous
monstrera que
c'estoient nau-
tonniers, &
telles gens de
viniere.*

vn autre lignage à Gand (qu'on appelloit les Mathieux) & estoient sept freres, les plus grans de tous les Nauieurs, Entre ces sept freres en y auoit vn qui s'appelloit Guisebert, Matthieu, riche homme, sage, subtil, & entreprenant grandement, trop plus que nul de ses freres. Ce Guisebert auoit grande enuie sur Iehan Lyon couuertement, de ce qu'il le veoit si bien du Comte de Flandres: & songnoit, nuit & iour, comment il le pourroit oster de sa grace. Plusieurs fois il eut en pensée de le faire occire par ses freres: mais il n'osoit, pour la dourance du Comte. Tant subtilia, visa, & imagina, qu'il trouua le chemin: & la cause pourquoy principalement ils s'entrehayoient, ie le vous diray, pour mieux venir à la fondation de ma matiere. Anciennement auoit en la ville du Dan vne guerre mortelle entre deux hommes. Nauieurs, & de leurs lignages: qui s'appelloient, l'un Sire Pierre Guillon, & l'autre Sire Iehan Barbé. Guisebert Matthieu & ses freres estoient du lignage de l'un, & Iehan Lion de l'autre. Ces haines couuertes estoient ainsi de l'og tēps nourries entre ces deux parties (combien qu'ils parlassent, beussent, & mangeassent aucunes fois ensemble) & trop plus grand conte en faisoit le lignage Matthieu, que Iehan Lyon ne faisoit. Iceuluy Guisebert Matthieu, sans coup frapper, aduisa vn subtil tour. Le Cōte de Flandres seiournoit vne fois à Gand: & alors s'en vint ce Guisebert Matthieu à vn des plus prochains Chambelāns du Comte: & facointa de luy: & luy dit, Se Monseigneur de Flandres vouloit, il auroit tous les ans vn grand profit sur les Nauieurs (dont il n'a maintenant riens) & lequel profit les Nauieurs estrāgers payeroient, voire, mais que Iehan Lyon (qui Doyē est des Nauieurs) s'en voulsist loyaument acquiter. Celuy Chābelan dit qu'il monstreroit ce au Comte: ainsi qu'il fit. Le Cōte (ainsi que plusieurs Seigneurs par nature sont enclins à leur profit, & ne regardent pas à la fin, ou les choses peuuent venir, fors à l'auoir: & par ainsi la cheuance les deçoit) respondit à son chambelā, faites moy venir Guisebert Mathieu, & nous orrōs quelle chose il veut dire. Si vint Guisebert: & parla au Comte, en luy remonstrant plusieurs raisons, raisonnables ce sembloit au Comte. Parquoy le Cōte respondit, C'est bon qu'ainsi soit fait. Si fut appelé en la chambre, en la presence de Guisebert, Iehan Lyon, qui riens ne sauoit de ceste matiere, quand le Cōte la luy enuoya: & puis luy dit, Iehan, se vous voulez, nous aurons grād profit en ceste chose. Iehan (qui estoit loyal en ceste chose) regardāt que ce n'estoit pas vne chose raisonnable, & neantmoins n'osant dire du contraire, respondit ainsi, Monseigneur, ce que vous demandez, & ce que Guisebert met en auant, ie ne le puis pas faire tout seul, car dur sera aux nautonniers. Iehan respondit le Comte se vous vous en voulez loyaumēt acquiter, il sera fait. Mōseigneur (respōdit Iehā) i'en feray mō plain pouoir. Ainsi se départit leur parlement. Guisebert Matthieu (qui tendoit à mettre mal Iehan Lyon du Comte de Flandres, & ne tendoit à autre chose qu'à luy tollir son office, & l'en mettre hors, & que le mal luy en suruint) s'en vint à ses freres, tous fix: & leur dit. Il est temps de moy secourir & aider à ceste heure, & que vous vueillez tous maintenir ceste matiere, & moy secourir: ainsi que bons amis & freres doyuent secourir & aider l'un à l'autre, car cest pour vous que ie me combats. Je decōfiray Iehā Lyon, sans coup ferir, & mettray en la malle-grace du Comte: tellement qu'onc n'en fut si bien, qu'il sera mal. Or (quoy que ie die, ne monstre, en ce parlement) quand il vous requerra de ce, si le debatez: & ie me feindray, & maintiendray que, se Iehan Lyon se vouloit loyaument acquiter, ceste ordōnāce se feroit. Je congnois biē Monseigneur de tant, que deuant qu'il n'en viengne à son entente, Iehan Lyon perdra toute sa grace: & luy otera son office: qui me sera donnée, & quand ie l'auray, vous accorderez à sa demande. Nous sommes puissans en ceste ville entre les Nauieurs, nul ne nous contredira de noz volonteiz: & puis apres ie meneray tellement Iehan Lyon, qu'il sera rué ius. Ainsi nous serons vengez, subtilement, sans coup ferir. Tous ses freres sy accorderent. Le parlement vint: & les Nauieurs y furēt, tous prests & appareillez: & là monstrerent Iehan Lyon & Guisebert Mathieu la volonté du Comte quant à ce nouuel statut, qu'il vouloit eleuer sur la nauiē du Lys & l'Escand. Laquelle chose sembla à tous trop dure, & trop nouuelle, & especialement les six freres Guisebert, tous d'une opinion, estoiet plus durs & plus contraires, que tous les autres: dont Iehan Lyon, qui le souuerain estoit d'iceux, & qui les vouloit, à son loyal pouoir, es franchises anciennes entretenir, estoit tout ioyeux, & cuidoit que ce fut pour luy, & c'estoit contre luy du tout. Iehan Lyon rapporta au Comte la responce des Nauieurs, & luy dit, Monseigneur c'est vne chose qui ne se peut faire, & dōt vn trop grād mal pourroit venir. Laissez les choses en leur estat anciē, & ne faites riēs de nouuel.

Menees de Guisebert Mathieu enuers le Comte de Flandres, contre Iehan Lyon.

Ceste responce ne pleut pas bien au Comte. Car il veoit que (si cela estoit eleué & mis sus, dôt il estoit informé) il y pouuoit to⁹ les ans auoir six ou sept mille florins de profit. Si se teut adoncques: mais pourtant n'en pensa il pas moins, & fit songneusement pourfuir par parolles & traitez, ces Nauieurs: lesquels Iehan Lyon trouuoit trop rebelles. Dautre part Guisebert Mathieu venoit au Côte, & à son conseil: & disoit que Iehan Lyon faquitoit mauuaise ment en ceste besongne: & que, sil auoit son office, il feroit tât à tous les Nauieurs, que le Comte de Flandres auroit hereditablement ce profit. Le Comte n'y veoit pas bien cler, car la cheuâce & la cōuoitise l'auengla. Si eut conseil de luy mesme: & osta Iehan Lyon de son office: & y mit Guisebert Mathieu. Quand Guisebert Mathieu veit qu'il fut Doyé des Nauieurs, il tourna tous ses freres à sa volôté: & fit venir le Comte à son entente, & à ce profit. Dôt il n'estoit pas mieux aimé de la greigneur partie des Nauieurs, mais il leur cōuint souffrir, car les sept freres estoient tous grâs & puiffans, avec l'aide du Côte de Flādres. Si leur cōuint taire & souffrir. Ainsi vint, par subtile voye, ce Guisebert Mathieu: & fut en la grace du Comte de Flandres: & donnoit ce Guisebert, aux Officiers & Chambelans du Comte, grans dōs & beaux ioyaux: parquoy il auoit l'amour d'eux: & aussi faisoit il de beaux & grans presens au Comte: dont il l'auengloit tout: & par ce moyen l'attiroit à son amour: & tous ces dons & presens faisoit ce Guisebert payer aux Nauieurs: dont les plusieurs ne se contentoyent pas trop, mais ils n'osoient mot sonner. Iehan Lyon (qui par ce moyen deuant dit, & au pourchas de Guisebert Mathieu, estoit hors de la grace du Comte de Flandres, & de son amour) se tenoit en sa maison: & viuoit du sien: & enduroit & souffroit, tout doucement & paisiblement, ce qu'on luy faisoit. Car ce Guisebert Mathieu qui Doyé estoit adōc des Nauieurs & qui se Iehan Lyon couuertement hayoit) luy ostoit & retrenchoit au tiers, & au quart les profits, qu'il deuoit auoir de sa nauie. Iehan Lyon souffroit tout: & ne sonnoit mot: & se dissimuloit sagemēt: & prenoit en gré tout ce qu'ō luy faisoit: & si disoit iceluy Iehan Lyon, Il est heure de se taire aucunes fois, & aussi de parler. Guisebert Mathieu auoit vn frere (qu'on appelloit Esteneuart) subtil homme: qui aduisoit bien les manieres de Iehan Lyon: & disoit à ses freres (& † sortissoit biē tout ce, qui leur en aduint.) Certes, Seigneurs, (dit-il) Iehan Lyon souffre maintenāt, & baissē la teste bien bas: mais il fait tout par sens: & si nous mettra plus bas, que nous ne sommes haut. Mais ie conseileroie vne chose: que, tandis que nous sommes en la grace de Monseigneur le Côte, que nous l'occions. Ie l'occiray bien aisement (se i'en suis chargé) & ainsi serons hors de peril, & le gerement viendrōs à bout de la mort de luy. Ses autres freres ne le vouloiēt nullement consentir: & si disoyent qu'il ne leur faisoit nul mal, & qu'on ne deuoit homme occire que par sentence de iuge. Si demoura la chose ainsi vn temps, & tant que le Diable (qui iamais ne dort) reueilla ceux de Bruges à faire fossez pour auoir l'aisement de la riuere du Lis: & auoiēt le Côte assez de leur accord: & y enuoyerēt grāde quātité de piōniers, & de Gens-d'armes, pour eux garder. Autrefois, es tēps passez, auoient ils voulu faire ce fait, mais ceux de Gand par puiffance leur auoient brisé leur propos. Ces nouuelles vindrent à Gand que ceux de Bruges faisoient efforcēment fossez, pour auoir le cours de la riuere du Lis, ce qui estoit trop grandement en leur preiudice. Si cōmencerent à murmurer moult de gens parmy la ville de Gand, & especialēmēt les Nauieurs (à qui la chose touchoit trop mallement) disans qu'on ne deuoit point à ceux de Bruges souffrir ainsi fossioyer à l'encontre de la riuere, pour auoir le cours de l'eau, & le fil: dont leur ville feroit destruite. Et disoiēt encor les aucuns tout quoyemēt. Or Dieu gard Iehan Lyon. S'il fut encor nostre Doyen, la besongne ne se portast pas ainsi. Ceux de Bruges ne fussent pas si hardis, de venir si-auant sur nous. Iehan Lyon estoit biē aduertie de toutes ces choses. Si se commença vn petit à recueillir, & dit en soy-mesme, j'ay dormy vn temps, mais il appert, à bien petite occasion, que ie me reueilleray, & mettray vn trouble, entre ceste ville & le Comte, qui coustera cent mille vies. Ceste nouuelle de ces fossioyeurs commença à augmenter & enflamber. Car il aduint qu'une femme (qui venoit de pelearinage de Nostre dame de Boulongne) toute lasse s'assit au marché, ou il y auoit le plus de Gens, & grandement fit l'ebahie. On luy demanda dôt elle venoit: & elle respondit de Boulongne. Si ay veu, & trouué sur mon chemin, le plus grand méchef, qu'oncques aduint à la ville de Gand. Car ils sont plus de cinq cens pionniers, qui nuit & iour œurent au deuant du Lis: & auront tantost, s'on ne leur detourne, le cours de la riuere. Les parolles de la femme furent bien ouyes & entendues en plusieurs lieux de la ville.

Adonc

Guisebert Mathieu fait Doyé des Nauieurs de Gand, en la place de Iehan Lyon, par le Côte de Flandres.

† C'est à dire predisoit par fort, ou par aduerture & deuinemēt.

Ceux de Bruges veulent détourner la riuere du Lis, et la faire passer par leur ville.

Adonc s'émurent ceux de Gand: & dirent que ce ne faisoit pas à soustenir (n'à consentir. Si se tirèrent les plusieurs deuers Iehan Lyon, & luy demanderent conseil de ceste chose: & comment on en pourroit vsfer. Quand Iehan Lyon se vit appelé de ceux desquels il desiroit à auoir la grace & l'amour, si fut grandement réiouy: mais nul semblant de ioye il ne fit. Car il n'estoit pas encore heure, tant que de la chose il fut mieux acertenné. Si se fit prier & requerir moult durement, ainçois qu'il parlast, ne declarast rien de sa pensée: & quand vint qu'il parla, il dit, Seigneurs, se voulez ceste chose aduenturer & mettre sus, il faut qu'en la ville de Gand vne ancienne coustume & vsage (qui iadis y fut, & d'ancienneté) & l'ancien vsage soit recouré & renouvelé. C'est que les Blancs Chaperons soient remis auant, & qu'ils ayent vn chef: auquel ils se puissent tous retraire & ralier. Ceste parolle fut moult volontiers ouye & entendue: & dirent tous, d'une voix. Nous le voulons, nous le voulons: or auant aux Blancs-Chaperons. Lors furent là faits des Blancs-Chaperons, & donnez & deliurez aux compaignons, qui auoient plus cher la guerre que la paix, & qui n'auoient que perdre: & fut Iehan Lyon élu à estre Chef de ces Blancs-Chaperons. Lequel office il receut assez volontiers, pour soy venger de ses ennemis, & pour embrouiller la ville de Gand, cōtre ceux de Bruges, & le Côte leur Seigneur, & fut ordonné pour aller contre les pionniers & fossoyeurs de Bruges, comme le souuerain Capitaine desdits Blancs-Chaperons: & en sa compaignie eut tels deux cens, avec leurs gens, qui aimoient plus cher auoir guerre, que paix n'amour. Quand Guisebert Matthieu & ses freres veirent la contenance de ces Blancs-Chaperons, si ne furent pas trop réiouis: & dit Esteneuart à ses freres: Le le vous disoye bien, que ce Iehan Lyon nous déconfiroit. Mieux vauisist que l'on m'eust creu, & laissé conuenir de l'occire, que cecy fust en l'estat ou il est, ne ou il viendra: & tout par ces Blancs-Chaperons, qu'il a remis sus. Nenny, nenny, dit Guisebert, mais que j'aye parlé à Monseigneur, on les mettra ius. Le vueil bien qu'ils facent leur entreprise contre ces pionniers de Bruges, pour le profit de nostre ville, car, à voir dire, nostre ville seroit autrement perdue. Iehan Lyon & sa route, (quand tous les Blancs Chaperons furent donnez & deliurez aux compaignons, qui trop plus cher auoient la guerre que la paix) se partirent de Gād, en volonté & propos d'occire tous ces pionniers, & ceux qui les gardoient. Ces nouvelles vindrent à ces fossoyeurs & à leurs gardes: & leur fut dit que les Gandois venoient là, moult efforcément. Si se douterent de tout perdre: & laisserent leur ouurage: & se retirerent à Bruges tous effrayez: n'onques puis ne s'enhardirent de fossoyer. Iehan Lyon & les Blancs Chaperons, quand ils virent qu'ils n'auoient nulluy trouué, se retirerent à Gand. Mais pourtant ne cesserent ils pas de leur office: mais allerent les Blancs-Chaperons regardans & aduisans tout parmy la ville: & les tenoit Iehan Lyon en cest estat, & disoit à aucuns secretement, Tenez vous tous aises, beueez, mangez: & ne vous effrayez de chose que vous despendez, tel payera, au temps aduenir vostre escot, qui ne vous donneroit maintenant vn denier.

Comment, par l'enhortement de Iehan Lyon, les Gandois enuoyerent aucuns des notables Bourgeois de la ville de Gand, deuers le Comte de Flandres, leur Seigneur, pour la conservation de leurs priuileges & franchises: & de la priere que le Comte fist aux Bourgeois, pour oster les Blancs-Chaperons.

CHAP. XXVIII.

LE terme des Blancs-Chaperons, pendant, & celle mesme semaine que Iehan Lyon & les Blancs-Chaperons furent à Donze: pour trouuer les pionniers & fossoyeurs de Bruges, vindrent nouvelles & requestes à la ville de Gand, par aucuns, qui des franchises de ladite ville de Gād se vouloient aider en disant à ceux, qui la Loy maintenoient pour la saison, Seigneurs à Erclo, delez nous (qui est en la franchise de la ville de Gand) en la prison du Comte y a vn nostre Bourgeois prisonnier: & auos sommé & requis le Baillif de Monseigneur le Comte de Flandres, pour le rauoir: mais il a respondü, & dit, qu'il ne le rendra point. Qui est droitement contre vos priuileges: & par ainsi se derompent, petit à petit, & affoiblissent vos franchises: qui au temps passé ont esté si hautes, & si nobles, & si prisées, & avecques ce, si bien tenues & gardées, que nul ne les osoit enfreindre: & le plus noble Cheualier de Flandres se tenoit lors bien prisé & réparé, quād il estoit Bourgeois de Gand. Ceux de la Loy respondirent, De la partie du Bourgeois, qu'on tient en prison, nous en escrirons volontiers deuers le Baillif de Gand: & luy manderons qu'il le nous renuoye, car voirement son office ne s'estend pas si auant, qu'il puisse tenir nostre Bourgeois en la prison du Comte. Si comme ils disoient, ils le firent: &

Ceux de Gand demandent conseil à Iehan Lyon contre les fossoyeurs de Bruges.

Iehan Lyon élu chef des Blancs chaperons de Gand.

Iehan Lyon & ses Blancs chaperons font retirer les fossoyeurs de Bruges.

Les Cron. de France mettent ce commencement de mutinerie au mois d'Octobre 1379. dessusdit.

*Autre nouuel
le occasion de
faire continuer
la mutinerie
des Blâcs chap
perons, à Gād.*

*Parolles de Iehan
Lyon tendantes à plus
grande muti-
nerie contre le
Comte de Flandres.*

*Autre harangue
de Iehan Lyon
au peuple de
Gand, tendante
à mesme fin.*

rescriuirent au Baillif, pour auoir leur Bourgeois: qui estoit prisonnier à Erclo. Le Baillif fut tantost conseillé de respondre: & dit, Ha que nous auons de parolles pour vn nauieur. Dites (ce dit le Baillif: qui s'appeloit Roger d'Auterne) à ceux de Gand, que si c'estoit vn plus riche hōme dix fois, il ne sera iamais hors de nostre prison: se Monseigneur le Comte de Flandres ne le commande. I'ay bien puissance d'arrester: mais ie n'ay pas puissance de deliurer. Les parolles & responces de Roger furent ainsi recordées à ceux de Gand: dont ils furent moult courroucez: & dirent qu'il auoit orgueilleusement respondu. Par telles responces & incidences, tant des pionniers fossoyeurs de Bruges (qui fossoyer vouloient sur l'héritage de ceux de Gand) que pour telles choses ou semblables, dont on vouloit, ou pouuoit de force, blecer les franchises de Gand, cōmencerent à courir parmy la ville de Gand, & sus le pays, celles maudites ribaudailles (qu'on nommoit les Blancs-Chaperons) pour estre plus crains & renommez. Car il affiert bien, en vn lignage, qu'il y ait des fols & des outrageux, pour soustenir les paisibles. Les nouuelles de ce Nauieur Bourgeois de Gand, qu'on tenoit en la prison du Comte à Erclo, & que le Baillif ne vouloit rendre, se respendirent parmy la ville de Gand: & en commencerent plusieurs gens à murmurer, & à dire que ce ne faisoit point à souffrir, & que, par estre mols, les franchises de Gand se pourroient perdre: qui estoient si nobles. Iehan Lyon qui ne tendoit qu'à vne chose (c'estoit de troubler tellement la ville de Gand envers leur Seigneurs, qu'on ne la peust, ne feust appaiser, sans trop grand dommage) n'estoit pas courroucé de telles paroles aduenues: mais vousist bien que tousiours, pour vne, il en venist trente: & boutoit parolles de costé: & les semoit couuertement aual la ville: & disoit, Oncques, puis qu'offices furent achaptées en vne ville, les iurisdiccions & priuileges ne furent plainement gardez. Si mettoit ces parolles auant, pour Guisebert Matthieu: & vouloit dire qu'il auoit achapté l'office des riuieres & du nauilage. Car il auoit bouté le nauilage en vne nouuelle debte: qui estoit grandement contre les franchises de Gand, & les priuileges anciens: car le Comte receuoit tous les ans trois ou quatre mille francs, outre l'usage & la coustume ancienne: dont les marchans & nauieurs anciens se plaignoient grandement: & ressongnoient ia de venir en la ville de Gand ceux de Valenciennes, & aussi ceux de Douay, de l'Isle de Bethune, & de Tournay: & estoit vne chose, parquoy la ville de Gand pourroit estre encore perdue: car petit à petit on leur tondroit leurs franchises, priuileges, & libertez anciennes: & si n'y auoit homme, qui en osast parler ne mot dire. Guisebert Mathieu & le Doyen des menus mestiers (qui estoit de son alliance) atioient tous les iours telles parolles à leurs oreilles: & cognoissoient qu'elles venoient de Iehan Lyon, mais ils n'y pouuoient, n'osoient, remedier: car Iehan Lyon auoit ia tout semé de Blancs-Chaperons aual la ville, & iceux donnez aux compaignons hardis & outrageux: tellement qu'on ne l'osoit assaillir, & aussi Iehan Lyon n'alloit pas seul: car, quand il issoit de sa maison, il auoit du moins deux ou trois cens Blancs-Chaperons autour de luy: & aussi il n'alloit point aual la ville, se trop grād besoing n'en estoit: & se faisoit trop grādement prier d'auoir son cōseil, sur les incidences qui aduenoiēt à Gād, & au dehors, cōtre les frāchises de la ville, & quād il estoit en cōseil ou qu'il remōstroit vne parole en general au peuple, il parloit en si belle rethoriq, & par si grādart, q̄ ceux qui l'oyoiēt estoient moult réiouis, de son lāgag: & disoient cōmunément, d'une voix, que tout ce qu'il disoit estoit vray. Biē disoit Iehan Lyon, par grād prudence, Ie ne dy pas que nous affoiblissions, ou amendrissions l'héritage de Monseigneur de Flandres: & se faire le voulions, si ne pourrions nous: car raison ne iustice ne le pourroient souffrir: & aussi ne suis pas d'aduis que nous querions ou cautellions quelque incidence: parquoy nous soyons mal de luy, n'en son indignation: car on doit tousiours estre bien de son Seigneur: & Monseigneur de Flandres est nostre bon Seigneur, & vn moult haut Prince craint & renommé: qui nous a tousiours tenus en grande paix & grande prosperité. Lesquelles choses nous deuons bien recognoistre: & en deuons plus souffrir (& tenus y sommes) que s'il nous eust trauaillez, courroucez, guerroyez, hariez, & mis en peine d'auoir le nostre. Vray est qu'à present il est fort conseillé, ou informé, contre nous & les franchises de la bonne ville de Gand: & que ceux de Bruges soiēt mieux en sa grace que nous, il apert par les fossoyeurs, luy estāt à Bruges, qui sont venus briser nostre héritage, & tollir nostre riuiere: dont la bonne ville de Gand pourroit estre perdue & destruite. Encor veut il aussi faire vn chastel à Dōze, à l'écōtre de nous, pour nous mettre en danger & en foiblesse: & si sauons que ceux de Bruges luy promettent,

& ont

& ont promis le temps passé, que, fils auoient l'aïsement de la riuere du Lis, ils luy donneroient par an dix ou douze mille francs. Le dy & conseille que la bonne ville de Gand enuoye par deuers luy sages hommes, bien aduisez & endoctrinez de parolles: qui bien luy remonstrent hardiment, & par aduis toutes ces choses, tant touchât le Bourgeois de Gand (qui est en prison à Erclo, & que son Baillif ne veut rendre) qu'autres choses aduenues (dont ladite ville de Gand ne se contente pas bien) & les incidences, que tous les iours aduenir peuuent. Et, ces choses ouyes luy dient qu'il ne pense pas, luy ne ses confors, que nous soyons si mors, que, se besoing est, nous ne puissions (se nous voulons) resister: & ses responces ouyes, la bonne ville de Gand aura aduis de punir le meffait sur ceux qui seront coupables enuers luy. Quand Iehan Lyon eut remonsté celle parolle en la place, qu'on dit le Marché des denrées, chacun dit, Il dit bien, il dit bien. Si se retirera lors chacun en sa maison. A ces parolles, que Iehan Lyon auoit remonstrees, Guisebert Matthieu n'auoit point esté (car il doutoit ia les Blancs-Chaperons) mais Esténeuart, son frere, y auoit esté: qui tousiours fortiffoit le temps aduenir: & dit, quand il fut retourné, Je vous le disoye bien, & l'ay tousiours dit. Par Dieu, Iehan Lyon nous destruira tous. Maudite soit l'heure, quand vous ne me laissastes conuenir: car, se ie l'eusse occis, i'en fusse trop légèrement venu au dessus. Or n'est il pas en nostre puissance que nous le puissions, n'osions, greuer, ne nuire, Il est plus fort en la ville, que n'est le Comte. Guisebert respondit: & dit, Taistoy, sotereau. Quand ie voudray bien à certes, avecques la puissance de Monseigneur, tous les Blancs-Chaperons seront ruez ius: & tels les portent à présent, qui au temps aduenir n'auront que faire de Chaperons. Or furent chargez & ordonnez, pour aller en Ambassade deuers le Comte, aucuns sages hommes de la ville de Gand: & me semble que Guisebert Matthieu, Doyen des Nauieurs, fut l'un de ceux, qui furent élus d'y aller: & ce bond luy bailla Iehan Lyon par cautelle: à fin que, fils rapportoient riens de contraire contre la ville, qu'il en fust en la male grace. Ils se partirent: & trouuerent le Comte à Male: & firent tant que finalement ils s'accorderent si bien, que le Comte leur accorda toutes leurs requestes, tant touchant leur prisonnier (que l'on tenoit à Erclo) & de vouloir tenir les franchises de Gand sans nulle briser, comme de deffendre à ceux de Bruges, que plus ne s'enhardissent de fossoyer sur l'heritage de Gand: & si promit là, & enconuenança pour mieux complaire à ceux de Gand, qu'il le commanderoit à ceux de Bruges, & que celle fosse, que faite ils auoient, ils remplissent: & se departirent sur celuy estat, amiablemēt du Comte. Puis s'en retournerent à Gand: & recorderent tout ce qu'ils auoient trouué avecques le Comte, leur Seigneur: & commēt il vouloit tenir les franchises, sans nulle enfreindre ne briser: mais il requeroit par douceur, que ces Blancs-Chaperons fussent mis ius. A ces parolles les gens du Comte ramenerent le prisonnier d'Erclō: & le rendirent par voye de reſtabliſſement (ainſi qu'ordonné eſtoit) à la ville de Gand: dont on eut grand'ioye. A ces respōces faire eſtoit Iehan Lyon, le Doyen des Chaperons, & dix ou douze des plus notables de leur route: & quand ils eurent ouy commēt le Comte requeroit que les Blancs-Chaperons fussent mis ius, si se teurent. Mais Iehan Lyon parla, & dit, Bonnes gens, qui cy estes, vous ſauez, & auez veu maintenant, & veez ces Blans-Chaperons. Ne vous gardent ils pas mieux, & ont gardé, voz franchises que ceux de vermeil, & de noir, ne les Chapperons d'autres couleurs? Bien en y a, qui ont craint: mais ſoyez tous ſeurs, & dites que ie l'ay dit, que si toſt que les Blancs-Chapperons ſeront mis ius, par l'ordonnance que Monſeigneur les veut abbattre, ie ne donneroye pas de toutes voz franchises trois deniers. Ceste parolle aueugla tellement le peuple, que tous partirent de là: mais la greigneur partie ſ'en allerent en leurs maiſons: & diſoient. Laifſſon le conuenir. Il dit voir. Encores n'auons nous veu en luy que tout bien, & le profit de noſtre ville.

Ambass. de Gand vers le Comte de Flandres qui leur ottroye toutes leurs requestes pourueu qu'ils ostēt les blancs chapperons.

Remonſtrāce de Iehan Lyō pour la conſequence de l'entretene-ment des blācs chapperons.

Sidemoura la chose en celuy estat: & Iehan Lyon en plus grand' crainte de ſavie, que deuant: & imagina tantost l'affaire, tout ainſi qu'il aduint. Car bien veoit que Guisebert Matthieu auoit en ce voyage braſſé aucune chose contre luy au Comte, & contre ſes compaignons: pourtant que le Comte auoit fait ſi amiables responſes.

Si contrepensa incontinent ledit Iehan Lyon ſur ces penſeurs: & ordonna ſecrettement à tous les Capitaines des Blancs-Chaperons, aux Centeniers, & Cinquanti- niers: & leur dit. Dites à voz gens, qu'ils ſoient tousiours, nuit & iour, pourueuz, & ſur leur gardé: &, ſi toſt qu'ils ſentiront, ou verront, nul émouuement, qu'ils ſe tirent tous deuers moy: & encores vaut il mieux que nous occions, que nous fuſſions occis: puis

que nous auons mis ces choses si auant. Tout ainsi comme il l'ordonna, ils le firent, & se tindrent sur leurs gardes.

Comment les Blancs-Chapperons de Gand occirent le Baillif, emmy le marché, & des biens & maisons aux Matthieux qui furent destruits & gastez, & du grand brouillis, qui fut lors à Gand.

CHAP.

XXXIX.

† Il y auoit icy Nabieus, et dedans le texte mesme. Mais le sens de l'auteur avec Sala me l'a fait changer.

Le baillif de Gand cōtre les blancs chapperons en armes, dedans la ville pour le Comte de Flandres.

Iehan Lyon & ses blancs chapperons contre le baillif de Gād.

Le Baillif de Gand tué par les blancs chapperons.

Les maisons des Matthieux pillées & ruinées par les blancs chapperons.

Depuis ne demoura gueres de temps que le Baillif de Gand, Roger d'Auterme, vint à Gand, à bien deux cens cheuaux: & l'ordonna pour faire ce que commandé luy estoit entre le Comte & Guisebert Matthieu, & ses freres. Le Baillif, à tout deux cens hōmes, qu'il auoit amenés, s'en vint fendant les rues, la bāniere du Comte en sa main, iusques deuant le Marché des denrées: & là s'arresta: & meit sa bāniere deuant luy. Tantost se tirerēt deuers luy Guisebert Matthieu, ses freres, & le Doyē des mēus mestiers. Il estoit ordonné que ces Gens-d'armes deuoient alier de fait en la maison de Iehan Lyon: & le deuoient prendre, & aussi le Doyen des Blancs-Chaperons, & six ou sept de leurs sortes, des plus coupables, & les deuoient amener au Chastel de Gand, & là tantost leur couper les testes. Iehan Lyon (qui n'en pensoit pas moins, & qui tout aduisé estoit de cest affaire, & qui auoit ses guetres & écoutes semez aual la ville) feut la venue du Baillif: & vit bien que c'estoit à certes. Aussi firent tous ceux, qui les Blancs-Chaperons portoient: & que la iournée estoit assise pour eux: & tous pourueus de leur fait & sur leur garde, se recueillirent & meirent ensemble, deuers l'hostel Iehan Lyon: qui les attendoit deuant sa maison: & là venoient, puis dix, puis vingt: & ainsi qu'ils venoient, ils se rengoient sur la rue. Quand ils furent assemblez, ils se trouuerent bien quatre cens. Iehan Lyon se partit, plus fier qu'un Lyon: & dit, Allon, allon sur les trahistres qui veulent la ville de Gand trahir. Je pensoye bien que toutes les douces parolles, que Guisebert Matthieu nous rapporta l'autre iour, ce n'estoit que deceuance & destruction pour nous: mais ie leur feray comparer. Adonc s'en vint, luy & sa route, le grand pas: & tousiours luy croissoient gens. Car de tels y auoit qui n'auoient pas encores leurs Blancs-Chapperons, qui se boutoient en leur compaignie, & crioient, Trahy, trahy, & vindrent autour, par vne estroite rue, au Marché des denrées: ou le Baillif de Gand (qui representoit la personne du Comte) estoit. Aussi tost que Guisebert Matthieu & ses freres virent entrer au marché Iehan Lyon & les Blancs-Chaperons, ils laisserent le Baillif: & s'en firent, à qui mieux mieux, l'un apres l'autre: & la ne tindrent arroy, n'ordonnance, fors ceux que le Baillif auoit amenez. Assez tost apres que Iehan Lyon fut venu sur la place, le Doyen des Blancs-Chaperons & vne grosse route d'eux se tirerent deuers le Baillif. & sans sonner mōt, il fut pris, & getté à terre: & là occis: & puis fut la bāniere du Comte ruée ius par terre, & toute depecée: n'oncques à homme, qui la fust, ils ne toucherent, fors seulement au Baillif: & puis se mirent delez Iehan Lyon tous ensemble. Quand les gens du Comte veirent le Baillif mort, & la bāniere du Comte déchirée, ils furent tous ébahis: & ainsi que gens déconfits, tantost s'enfuirent & monterent sur leurs cheuaux, & puis ils vuidèrent la ville. Vous deuez sauoir que les enfans Sire Guisebert Matthieu, & ses freres, qui se tenoient forfaits enuers Iehan Lyon, & ennemis à luy, & aux Blancs-Chaperons ne furent pas bien assurez en leurs maisons. Si se departirent (au plustost qu'ils peurent) les vns par deuant les autres par derriere: & vuidèrent la ville de Gand: & laisserent femmes, enfans, & héritages: & se tirerent (au plustost qu'ils peurent) deuers le Comte de Flandres: auquel ils recorderent ceste aduenue, & de son Baillif, qui mort estoit. De ces nouuelles fut le Comte moult durement courroucé, & à bonne cause (car on luy auoit fait grand despit) & dit adoncques, & iura, qu'il seroit grandement amendé, auant que iamais il retournaist à Gād, ne qu'ils eussent paix à luy, & que toutes les autres villes y prendroient exemple. Si demourerent les enfans Guisebert Matthieu delez luy: & Iehan Lyon & les Blancs-Chaperons perseuererent en leur outrage. Quand Roger d'Auterme fut là occis (ainsi que vous sauez) & tous les autres furent departis, & que nul ne se monstroient contre les Blancs-Chaperons, pour le contreuenger, Iehan Lyon (qui tēdoit à courir les Matthieux: car il les hayoit à mort) dit, Auant, aux traistres mauuais: qui vouloient aujourd'huy destruire les franchises de la ville de Gand. Et ainsi s'en allerent, tous courans par les rues, iusques à leurs maisons: mais nuls n'en trouuerēt, car ils estoient ia partis. Si furēt ils quiz & cherchez par les hostels, de rue en rue, & de chābre en chambre: & quand Iehan Lyon veit que nuls n'en trouuoient, si fut moult courroucé.

Adonc

Adonc abandonna il le leur à tous ceux de sa compaignie. Là furent toutes leurs maisons pillées & robbées (n'oncques puis ny demoura riens) & toutes abbatues & portées par terre: ainsi comme fils fussent traistres à tout le corps de la ville. Quand ils eurent tout ce fait, ils se retirerent en leurs maisons: n'oncques puis ils ne trouverent Escheuin, n'Officier de par le Comte, n'en la ville qui leur dist c'est mal fait: & aussi pour l'heure on n'eust osé. Car les Blancs-Chaperons estoient ià si multipliez en la ville, que nul ne les osoit courroucer: & alloient parmy les rues à grans routes: & nul ne se mettoit au deuât d'eux: & disoient en plusieurs lieux en la ville, & dehors aussi, qu'ils auoient alliances à aucuns Escheuins & riches hommes de lignage en Gand: & ce fait bien à croire. Car telles ribaudailles, qu'ils estoient n'eussent iamais osé auoir entrepris d'occire si haut homme, comme estoit Roger d'Auterme, Baillif de Gand, tenant la banniere du Comte en sa main, & en faisant son office, fils n'eussent eu des conducteurs, & appuyement en leur emprise. Mais depuis ils multiplierent tant & furent si forts en la ville, qu'ils n'auoient que faire de nulle aide, que de la leur: & ne les osoit on dedire, ne courroucer, de chose qu'ils voussissent faire, n'entreprendre. Roger d'Auterme fut pris des Freres-Mineurs & le leuerent de terre: puis l'emporterent en l'Eglise: & là ils l'enterrerent. Quand ceste chose fut aduenue, plusieurs bonnes gens de la ville de Gand, & les sages & les riches hommes, en furent moult courroucez: & commencerent à parler, & à murmurer & à dire ensemble, qu'on auoit fait vn grand outrage, quand on auoit ainsi occis le Baillif du Comte, en faisant son office: & que leur Sire de droit en seroit courroucé: & qu'on ne seroit iamais en paix: & que ces meschans gens auoiēt toute la ville mise en peril d'estre encores toute destruite: se Dieu proprement n'y pourueoit de remede. Nonobstāt toutes ces parolles, il n'estoit nul, qui en osast faire fait, pour leuer ne prendre amende, ne corriger ceux, qui celuy outrage auoient fait. Iehan de la Faucille (qui pour ce temps en la ville de Gand estoit vn moult renommé homme & sage) quand il vit que la chose estoit allée si auant, & qu'on auoit si outrageusement occis le Baillif de la ville pour le Comte, sentit bien que les choses iroiēt à mal: & afin qu'il n'en fust soupçonné du Comte, ne de la ville, il se partit de la ville de Gand (au plus quoyement qu'il peut) & s'en vint en vne moult belle maison, qu'il auoit au dehors de Gand: & là se tint: & fit dire qu'il estoit dehaité: ne nul ne parloit à luy: fors que ses gens. Mais tous les iours il oyoit nouvelles de Gand: car il auoit encor la plus grand' partie du sien, sa femme, ses enfans, & mis: & ainsi se dissimula il vn grand temps.

Des douze Bourgeois de Gand, qui furent transmis deuers le Comte de Flandres: & comment les Blancs Chaperons pillerent & ardirent le chastel d'Andreghe: que le Comte aimoit grandement.

CHAP. XL.

Les bonnes gens de Gand, les riches & notables hommes (qui auoient là dedans leurs femmes, enfans, & marchandises, & leurs héritages tant dedans que dehors, & qui aimoient à viure honnorablement & sans danger n'estoient pas bien aises de ce qu'ils veoient les choses en tel estat: & se sentoient trop grandement auoir forfait enuers leur Seigneur. Si regarderent, entre eux, qu'il y falloît pourueoir de remede, & amender ce forfait enuers leur Seigneur, ores ou autres fois, & eux mettre en la mercy du Comte: & valoit mieux tost que tard. Si y eut Conseil & Parlement ensemble, à sauoir comment ils en pourroient vsfer au prouffit & à l'honneur d'eux & de ladite ville de Gand. A ce Conseil & Parlement furent appelez Iehan Lyon & les Capitaines des Blancs-Chaperons: autrement on ne l'eust osé faire. Là eut plusieurs paroles retournées, & plusieurs propos aduisez. Finalement le Conseil se porta tout d'un accord, d'une voix, & d'une alliance, qu'on éliroit au Conseil douze hommes notables & sages: lesquels luy requerroient mercy & pardō de la mort de son Baillif: qu'ō auoit ainsi occis: & se par ce moyen on pouoit venir à paix, il seroit bon: mais que tous fussent compris en la paix, & que iamais n'en fust riens demandé. Ce Conseil fut tenu & accordé, & les Bourgeois esleus, qui en ce voyage deuoient aller. Or tousiours disoit Iehan Lyon, Il fait bon estre bien de son Seigneur: mais il vouloit tout le contraire: & pensoit, & disoit en luy-mesme, que la chose n'estoit pas encores là ou il la mettroit. Ce conseil s'espandit: & les douze Bourgeois se partirent: & cheuaucherent tant, qu'ils vindrent à Male, delez Bruges: & là ils trouverent le Comte: qui leur fut, à l'approcher, felon & cruel, & mallement courroucé sur ceux de Gand. Ces douze Bourgeois firent biē les piteux enuers le Comte: & luy

Ambassadeurs de Gand, pour obtenir pardon de leur Seigneur.

prierent à iointes mains, qu'il voulsist auoir pitié d'eux: & s'excusoient, de la mort de son Baillif, toute la Loy, & les hommes notables de la ville: & luy disoient, Cher Sire accordez vous: tellement que nous rapportions paix à la ville de Gand (qui tant vous aime) & nous vous promettons qu'au temps aduenir cest outrage vous sera si grandement amendé, sur ceux qui l'ont fait & émeu à faire, que vous vous en contenterez, & qu'à toutes bonnes-villes sera exemple. Tant prièrent & supplierent le Comte, & de si grande affection, ces douze Bourgeois de Gand, que le Comte se réfrena de son ire, avecques les bons moyens qu'ils eurent, & fut la chose en tel party, qu'elle fut accordée & ordonnée sur l'article de la paix: & pardonnoit le Comte son maltalent à ceux de Gand, parmy vne amende qui deuoit estre faite, quand autres nouuelles vindrēt: lesquelles ie vous recorderay. Iehan Lyon (qui estoit demouré à Gand) pensoit tout le contraire de ce qu'il auoit dit au Parlement, qu'on deuoit tousiours estre bien de son Seigneur. Il sauoit tout de certain, qu'il auoit ia tant courroucé le Comte, que iamais ne viendrait à paix: &, fil y venoit par voye de dissimulation, il sauoit bien qu'il mourroit. Si auoit pluscher tout honnir, puis que commencé il auoit, qu'estre en peril & en l'adventure de la mort, tous les iours. Ie vous diray qu'il fit. Ce pendant que le Conseil de la ville estoit deuers le Comte allé, pour paix auoir, il prit tous ceux dont il estoit souuerain, des Blancs-Chaperons, & de tous les mestiers de Gand, lesquels il auoit mieux de son accord: & vint à son atteinte par subtile voye: & dit, quand ils furent tous assemblez. Seigneurs, vous sauez comment nous auons courroucé Monseigneur de Flandres, & sur quel estat nous auons enuoyé deuers luy. Nous ne sauons qu'ils nous rapporteront, paix ou guerre, Car il n'est pas aisé à appaiser, & si a delez luy (qui bien l'émouuera à courroux) Guisebert Matthieu & ses freres. C'est cent, contre vn, que nous venissions à paix. Si seroit bon que nous regardissions nous mesmes (se nous auons guerre) de qui nous nous aidons: & comment aussi nous serons aimez. Entre vous, Doyens de tels mestiers & de tels. Or en faictes demain venir sur les champs: & vous verrez comment ils sont habillez. Car il fait bon aduiser, auant qu'on soit surpris. Tout ce ne nous coustera riens: & si en serons plus crains. Tous respondirent, Vous dites bien. Ce conseil fut tenu: & le lendemain ils vindrent tous par la porte de Bruges: & se tirerent sur les champs en vn beau plain, au dehors de Gand, qu'on dit Andreghe, Quand ils furent là venus, Iehan Lyon les regarda moult volentiers (car ils estoient bien dix mille, & tous bien-armez) & leur dit, Veez cy belle compaignie. Quand il eut esté là vne espace, & allé tout autour, il leur dit, Le loueroye que nous allissions deuers l'hostel de Monseigneur: puis que nous sommes si pres. On m'a dit qu'il le fait grandement garnir & pourueoir. Ce pourroit estre vn grand préiudice à la bonne ville de Gand. Si sy accorderent tous: & vindrent à Andreghe: qui adoncques estoit sans garde, & sans deffense. Si y entrerent: & le commencerent à chercher, dessus & dessous. Les Blancs-Chaperons & la ribaudaille qui dedans entrerēt l'eurent tantost despouillé, & pris & leué tout ce, qu'ils trouuerēt. Si y auoit il dedās de bōs ioyaux & riches: car le Côte en faisoit sa garderobe. Iehan Lyon fit semblant qu'il en fust moult courroucé: mais non estoit: ainsi qu'il apparut. Car, quand ils furent partis dudit chastel, & retraits sur les champs, ils regarderent derriere eux. Si virent qu'il ardoit tout, & que le feu y estoit bouté en plus de vingt lieux: & n'estoit pas en puissance de gens, qu'ils le peussent esteindre: & aussi ils n'en estoient pas en volonté, Adonc demanda Iehan Lyon (qui fit moult l'émerueillé). Et dont vient ce feu en l'hostel de Monseigneur. On luy respondit, d'adventure. Or (dit il) on ne le peut amēder. Encores vaut il mieux qu'adventure l'ait ars, que nous, & aussi, tout considéré ce estoit vn moult perilleux voisin. Monseigneur y peust auoir fait vne garnison: qui nous eust porté grand dommage. Les autres respondirent tous: vous dites vray.

*Dangerouse
cautelle de Iehan
Lyon.*

*Monstres des
Blancs chaperons & autres
mutins de
Gand.*

*Andreghe
chasteau du Côte
de Flandres
pillé & brulé
par les mutins
de Gand, pour
plus griue occasion
de guerre.*

Lors retournerent ils en la ville de Gand: & n'y eut plus riens fait pour la journée, Mais elle fut grāde assez, & male. Car elle cousta depuis deux cens mille vies: & fut vne des choses principalement, dont, le Comte de Flandres se courrouça le plus: & pour ce le fit Iehan Lyon, qu'il ne vouloit à nulle paix venir. Car biē sauoit, que (quelque traité, ne quelque paix qu'il y eust) il y mettroit la vie. Ce chastel d'Andreghe auoit bien cousté au Comte de Flandres, à faire ouurer & edifier, deux cens mil francs: & l'aimoit sur tous ses hostels. Les bonnes gens de Gand (qui desiroient auoir paix) furent de ceste aduenue durement courroucez: mais amēder ne le pouuoient: ne nul semblant n'en osoient faire. Car les Blancs-Chaperons disoient que le Chastel estoit ars par mechāce, & non

& non autrement. Ces nouvelles vindrent au Comte de Flandres, qui se tenoit à Male, & luy fut dit, Sire, vous ne sauez vostre belle maison d'Andreghe (qui tant vous a coursté à faire, & que tant vous aimiez) est arse. Arse dit le Comte: qui fut de ces nouvelles moult courroucé. Se m'aist Dieu, Sire, voire. Et comment? De feu de mechance: si comme on dit. Ha, ha, dit le Comte, c'est fait. Il n'y aura iamais paix en Flandres, tant comme Iehan Lyon viue. Il me l'a fait ardoit couuertement: mais il sera cher comparé. Adonc fit il venir les Bourgeois de Gand deuant luy: & leur dit. Mauuaises gens, vous me priez l'espée en la main: le vous auoye accordé toutes vos requestes, tout ainsi que vous vouliez: & vos gens m'ont ars l'hostel, que i'ay moye le mieux en ce monde. Ne leur sembloit il pas qu'ils m'eussent fait assez de dépits, quand ils auoient occis mon Bailif, faisant son office, & decire ma banniere, & foulée aux piez? Sachez, si ce ne fust pour mon honneur, & que ie vous ay donné faufconduit, ie vous feisse à tous trancher les testes. Partez de ma presence: & dictes bien à vos malles gens & outragés de Gand, que iamais ils n'auront paix, n'à nul traitté ie n'entendray, iusques à ce que i'en auray desquels que ie voudray: & tous les feray décoler: & nul n'en sera pris à mercy. Ces Bourgeois (qui moult estoient courroucez de ces nouvelles: comme ceux qui nulle coulpe n'y auoient) se commencerent tous à excuser. Mais excusation n'y auoit lieu: car le Comte estoit tant courroucé, que l'on ne le vouloit ouir. On les fit partir de sa presence: & monterent à cheual, pour retourner à Gand: & recorderent comment ils auoient bien exploité, & fussent venus à paix & appoinctement enuers le Comte se d'adventure le Chastel n'eust esté ars. Outre ce le Comte les menassoit grandement: & leur mandoit que iamais paix à luy ils n'auoient, tant qu'il eut des gens de la ville à sa volenté, tant qu'il luy suffist. Les bonnes gens de la ville veoient bien que les choses alloient mal, & que les Blancs-Chaperons auoient tout gasté: mais il n'y auoit si hardy, qui en osast parler. Le Comte de Flandres se parti de Male: & s'en vint, & tous les gens de son hostel à l'Isle: & là se logea: & manda là tous les Cheualiers de Flandres, & tous les Gentilshommes, qui tenoient de luy, pour auoir conseil comment il pourroit faire, ne se maintenir en ses besongnes, & se contreuenger de ceux de Gād: qui luy auoient fait tāt de dépits, Tous les Gentils-hommes de Flandres luy iurerent estre bons & loyaux: ainsi qu'on doit estre à son Seigneur, sans nul moyen. De ce fut le Comte grandement réioui. Si enuoya gens par tous ses chasteaux, à Terremonde, à Ripemont, à Ales, à Gaures, à Audenarde: & par tout fit de grans garnisons.

*Agres parol-
les du Comte de
Flandres aux
Ambass. de
Gand, apres les
nouuelles de
son chasteau
brulé.*

*Le Comte de
Flādras assem-
ble un conseil
contre ceux de
Gand.*

*De la mort Iehan Lyon: des Capitaines, que les Gandois eleurent: & des bonnes villes de
Flandres, qui salierent à ceux de Gand.*

CHAP. XLII.

OR fut tresgrandement réioui Iehan Lyon, quand il vit que le Comte de Flandres vouloit ouurer à certes, & qu'il s'enfelonoit contre ceux de Gād, tant qu'ils ne pouuoient venir à paix, & qu'il auoit, par subtils moyens, bouté la ville de Gand si auant en la guerre, qu'il conuenoit (vousissent ou non) qu'ils guerroyassent. Adoncques dit tout haut, Seigneurs, vous voyez, & entendez, comment nostre Sire, le Côte de Flandres, se pouruoye cōtre nous, & ne nous veut recueillir à paix. Si loue & cōseille, pour le mieux, que, deuant que nous soyons plus greuez n'opressez, nous sachons lesquels de Flādras demoureront delez nous. Je respon pour ceux de Grammont, qu'ils ne nous seront pas contraires: mais seront volontiers delez nous. Aussi serōt ceux de Courtray: car c'est en nostre Chastelenie: & si est Courtray nostre chābre. Mais veez là ceux de Bruges qui sōt grans & orgueilleux, & par eux toute ceste felonnie est émue. Si est bon que nous en allōs deuers eux, si fors, que par douceur, ou rigueur ils puissent estre de nostre accord. Chacun respondit, Il est bon. Adonc furent ordonnez, par proces de temps, tous ceux, qui iroient en ceste legation. Si s'ordonnerent: & pourueurent à leur cas, & tout pour se monstrier, ainsi que à eux appartenoit: & se partirent, de Gand, de neuf à dix mille hommes: & menerent grand charroy & pourueances: & allerent ce premier iour coucher à Dōze. Le lendemain ils approcherent de Burges, à vne petite lieuë pres. Adonc se régerent ils tous sur les champs: & se mirent en ordonnance de bataille, & leur conroy derriere. Là furēt ordōnez, de par Iehan Lyon, aucuns Doyens des mestiers: ausquels il dit, Allez vous en à Bruges: & sachez leur intention. Si vindrent à Bruges: ou ils trouuerent les portes fermées: & bien gardées: & leur remonstrent ce pourquoy ils estoient là venus. Les gardes respondirent que volontiers ils en iroient parler aux Bourgmaistres &

*Ceux de Gand
en armes vers
Bruges, pour a-
uoir les Bru-
geois de leur
parti contre le
Comte de Flā-
ndres.*

† C'est comme
vn Maire de
ville en nostre
Langage.

Escheuins, qui là les auoiēt establis: & aussi firēt ils. Les † Bourgmaistres & les Iurez respondirent, en disant, Dites leur que nous en aurons aduis & conseil. Ils retournerent, & firent ceste response: & quand Iehan Lyon eut ouy la response, si dit, Auant, auant, allon de faict à Bruges. Si nous attendons qu'ils soient cōseillez, nous n'y entrerons qu'à grād' peine. Si vaut mieux que nous les assaillons, auant qu'ils se conseillent: parquoy soudainement ils soyent surpris. Ce propos fut tenu: & vindrent les Gandois iusques aux barrières de Bruges, & aux fossez, Iehan Lyon tout deuant, monté sur vn cheual morel. Si mit tantost pié à terre: & prit vne hache en sa main. Quand ceux, qui gardoient le pas, & n'estoient pas si forts virent là les Gandois venus, deliberez d'assaillir, si furent tous effrayez: & s'en allerent les aucuns par les grans rues, iusques au Marché, en criant, Veez les cy, les Gandois, veez les cy. Or tost aux deffenses. Ils sont ia deuant nous, & deuant noz portes. Ceux de Bruges (qui s'assembloient, pour eux conseiller) furent tous ébahis: & n'eurent pas loisir de parler ensemble, ne d'ordonner nulles de leurs besongnes: & vouloient la greigneur partie de la cōmunauté, que tantost on allaist ouurir les portes. Il cōuint que ce cōseil fust tenu. Autremēt la chose fut mal allée, sur les riches hommes de la ville. Si s'en vindrent les Bourgmaistres, avec les Escheuins, & moult d'autres, à la porte, ou les Gandois estoient qui trop grand' apparence d'assaillir faisoient. Les Bourgmaistres & les Seigneurs de Bruges, qui l'auoient en gouuernement pour ce iour, vindrent ouurir

Ceux de Gand
amiablement
receuz, dedans
Bruges.

Alliances en-
tre ceux de
Gand & de
Bruges.

le guichet, pour parlementer à Iehan Lyon. On leur ouurit les baillies & la porte, par traicté qu'ils firent en parlementant, & furent bons amis. Si entrerent tous dedans, & delez le Bourgmaistre cheuauchoit Iehan Lyon (qui bien sembloit & se monstroient estre hardy & outrageux homme) & tous ses gens, armez au cler, le suiuyoient par derriere, & fut adonc tresbelle chose de les veoir entrer, par ordonnance, en Bruges, & s'en vindrent au Marché: & ainsi, comme ils venoient, ils s'ordonnoient, & rangeoient sur la place, & tenoit Iehan Lyon vn blanc baston en sa main. Entre ceux de Gand & de Bruges furent là faites alliances, iurées & conuenancées, qu'ils deuroient tousiours demourer l'un delez l'autre ainsi cōme bons amis & voisins: & les pourroient ceux de Gand semondre, & mener avec eux, par tout ou ils voudroient aller. Assez tost apres que les Gandois furent venus & rangez sur le Marché, Iehan Lyon & aucuns Capitaines de ses gens monterent haut en la halle: & là fit on vn ban, de par la bōne ville de Gand, & vn cōmandement, que chacun se retirast en son hostel doucement, & se desarmaist sans faire noise n'esmouuement, sur peine de la teste: & chascun fit selon ceste ordonnance. Si fut deffendu qu'homme ne logeast l'un sur l'autre, & ne fit noise au loger, parquoy tençō & estrif peussēt mouuoir ensemble, sur peine de la teste: & que l'on ne prit riens de l'oste, qu'on ne le payast tantost & sans delay: & sur la teste. Ce ban fait, on en fit vn autre, de par la ville de Bruges, de Bruges, que chascun & chascune receust doucement & agreablement, en ses hostels: les bonnes gens de Gand: & qu'on leur administraist des viures & pourueances, selon le pris cōmun de la ville: & que nulle chose ne fust rencherie: & que nul ne fist noise, debat, n'esmouuement quelconque: & toutes ces choses sur la teste. Adonc se retira chascun en sō hostel: & furent en cest estat ceux de Gād & de Bruges moult amiablemēt deux iours: & fallierent & obligerent, l'un à l'autre, moult grādemēt. Ces obligations furent faites & seellées, Au tiers iour ceux de Gād se partirēt & allerēt deuers la ville du Dan, ou l'on leur ouurit les portes tantost & sans delay: & y furent recueillis moult courtoisemēt: & là seiournerent deux iours. Ce iour subitement maladie prit Iehan Lyon (dōt il deuint tout enflé) & la propre nuit que la maladie le prit, il auoit soupé en grand reueil, avec les Damoiselles de la ville. Parquoy les aucuns veulēt dire & maintenir qu'il fut empoisonné.

Mort subite de
Iehan Lyon
Capitaine des
Gandois.

De cela ie ne say riens. Je n'en voudroye pas parler trop auant. Mais ie say bien qu'au len demain, que la maladie le prit de nuit, il fut mis en vne litiere, & apporté à Ardēbourg. Il ne peut aller plus auāt: & là mourut: dōt ceux de Gād furent moult courrouceez & trop grandemēt débaratez. De la mort Iehan Lyon furent tous réiouis ses ennemis, & ses amis courrouceez. Si fut apporté à Gād: & pour la mort de luy, retourna tout leur ost & leur route. Quand les nouuelles de sa mort furent venues à Gād, toutes gēs en furent durement courrouceez: car moult y estoit aimé: excepté de ceux de la partie du Comte. Si vindrent les Eglises à lencōtre du corps: & l'amenerent en la ville, en aussi grand' solēnité, comme si ce fust le Comte de Flandres: & fut enseuely, moult honnorablement, en l'Eglise de Saint-Nicolas: & là fit on ses obseques: & y gist. Pourtant se Iehan Lyon fut mort, ne se briserent pas lors les alliances & conuenances, que ceux de Gand auoient à ceux de Bruges

de Bruges. Car bonshostages tenoiēt en la ville: parquoy les obligations ne se pouuoient rompre. De la mort Iehan Lyon fut le Comte grandement réiouy: & aussi furent Guisebert Matthieu & ses freres, & le Doyen des menus mestiers de Gand, & tous ceux de la partie du Comte. Si fit le Côte, plus fort que deuant, bien pourueoit ses villes & tous ses chasteaux: & enuoya en la ville d'Ypre grand' foison de bons Cheualiers & Escuyers de la Chastelenie de l'Isle & de Douay: & dit qu'il auroit la raison de Gand. Et tātost apres la mort de Iehan Lyon, tous ceux de Gand aduiserent qu'ils ne pouuoient pas estre longuemēt sans Capitaines. Si en ordōnerent les Doyens des mestiers, & les Cinquanteniers des portes, quatre à leur aduis, les plus cruels hardis, & entreprenans de tous les autres: C'est à sauoir Iehan Pruniaux, Iehan Boule, Rasse de Harzele, & Pierre du Bois: & iurerent toutes autres manieres de gens à ces Capitaines, sans nulle exception, & sur la reste: & les Capitaines iurerēt à garder l'hōneur & les franchises de ville. Ces quatre capitaines émeurēt ceux de Gand à aller à Ypre, & au Frac de Bruges, pour auoir l'obeissance d'eux, ou tout occire. Si se partirēt de Gand les Capitaines, & leurs gēs qui estoient en grand arroy: & estoient bien douze mille, tous armez au cler. Si cheminerent tant, qu'ils vindrent à Courtray. Ceux de Courtray les laisserent entrer en leur ville, sans danger. (car c'est en la Chastelenie de Gand) & se tindrent là tous aises: & se rafreschirent: & y furent deux iours. Au tiers iour ils s'en partirent: & allerent vers Ypre: & menerent avec eux deux cēs hommes, armez au cler, parmy les Arbalestiers de Courtray, & prindrent le chemin de Touront. Quand ils furent à Touront, là s'arrestèrent: & eurent conseil les Capitaines de Gand, qu'ils enuoyeroient trois ou quatre mille de leurs gens deuant, & le Capitaine des Blancs-Chaperons, pour traiter à ceux d'Ypre: & la grosse bataille les suyuroit par derriere, pour eux cōforter: se mestier estoit. Ainsi, qu'il fut ordōné, il fut fait: & s'en vindrēt à Ypre. Quand le cōmū d'Ypre & celui des menus mestiers seurent la venue de ceux de Gand, si s'armerent, & ordonnerent tous sur le marché: & estoient bien cinq mille. Là n'auoient les riches hommes de la ville nulle puissance. Les Cheualiers, qui estoient en garnison de par le Comte en la ville d'Ypre, s'en vindrent moult ordonnément à la porte de Touront: ou les Gandois estoient arrestez deuant les baillies: & requeroiēt qu'on les laissast entrer. Ces Cheualiers & leurs gens estoient tous rangez deuant la porte: & monstroient bonne deffense: ne iamais les Gandois n'y fussent entrez, sans assaut & trop grand dommage. Mais les anciēs mestiers de la ville malgré les Cheualiers, vouloiēt que les Gandois y entraissent. Les gens se partirent du Marché: puis s'en vindrent deuant la porte, que les Cheualiers garđoient: & dirent, Ouurez à noz bons amis & voisins de Gand. Nous voulōns qu'ils entrēt en nostre ville. Les Cheualiers respondirent que non feroient: & qu'ils estoient là establis de par le Comte de Flandres, & auoient à garder la ville. Ce qu'ils feroient à leur pouuoir: & n'estoit pas à la puissance de ceux de Gād qu'ils y peussēt entrer: si ce n'estoit par trahison. Parolles multiplierēt tellemēt entre les Gētils-hōmes & les Doyēs des menus mestiers, qu'ō ecria à eux. A la mort, vous ne ferez pas Seigneurs de nostre ville. Là furent ils assaillis longuemēt, & roidement reculez cōtreual la rue: (car la force n'estoit pas à eux) & y eut cinq Cheualiers morts: desquels messire Robert & messire Thomas de la Hourdrie furent occis (dont ce fut grand dommage) & y fut en grād danger messire Henry d'Anthoing: & à peine le peurent aucuns riches hommes de la ville sauuer: mais toutesfois on le sauua: & en y eut de sautez grand' foison d'autres. Mais la porte fut ouuerte: & y entrerent les Gandois: & furent maistres & Seigneurs de la ville: sans ce que nul mal y feissent. Quand ils eurent esté deux iours leans, & ils eurent pris la seurté de ceux de la ville (qui leur iurerēt qu'en la forme & maniere, que ceux de Bruges, de Courtray, de Grātmont, & du Dan auoiēt fait, ils se tiendroient: & de ce liurerent ostages) ils s'en partirent moult courtoisement: & s'en retournerent à Gand.

*Quatre princes
aux Capitaines
de Gand
eleuz apres la
mort de Iehan
Lyon.*

*Les Gandois en
armes deuant
Ypre.*

*Castille entre
quelques Che-
ualiers du Côte
de Flandres &
la commune de
Ypre.*

*Les Gandois de
dans Ypre.*

*Comment les Gandois assiegerent de tous costez la ville d'Audenarde, & du grand assaut
qu'ils firent, à Terremonde ou le Comte leur Seigneur estoit.* CHAP. XLII.

LE Comte de Flandres (qui se tenoit à l'Isle) entendit que ceux d'Ypre estoient tournez: & tout ce auoient fait les menus mestiers. Si fut durement courroucé, tāt pour la mort de ses Cheualiers (qui dedans auoient esté occis) que pour autres causes. Toutefois il se reconforta: & dit. Si nous auons perdu Ypre ceste fois, nous la recouurerōs vne autresfois, à leur male méchance: car i'y feray encores tant trancher de testes, que les

*Pourueances et
garnisons en la
ville d'Auden-
arde pour le
Comte de Flandres.*

*Audenarde
assiégé par les
Gandois.*

*Le Comte de
Flandres dedans
Terremonde.*

autres s'en ébahiront. Le Comte entendit par especial, moult grandemēt à pourueoir la ville d'Audenarde: de pourueances & bons Gens-d'armes. Car il supposoit que les Gandois viendroient à leur effect, pour l'assiéger: & ce luy seroit vn tresgrand dōmage, s'ils estoient Seigneurs: car ils auroient la bonne riuere de l'Escaud, & le nauire, à leur aise & volonté. Si y enuoya grād' foison de Cheualiers & Escuyers de Flandres, de Hainaut, & d'Artois: qui tous se bouterēt & amasserent leans: & en furent maistres: voufissent les gēs de la ville, ou non. Les Capitaines de Gand (qui estoient retraits en leur ville) entendirent comment le Comte pourueoit grandemēt la ville d'Audenarde. Si eurent conseil qu'ils la viendroient assiéger: & n'en partiroyent, s'ils ne l'auoient conquise, & occis tous ceux qui dedās estoient, & abatu les portes & les murs. Si firent vn cōmandemēt à Gād, que chacun fust pourueu bien & suffisamment, (ainsi comme à luy appartenoit) pour aller par tout ou on les voudroit mener. A ce ban ne desobeit: & ordōnerent & chargerēt tentes, trefs, & pourueances: & partirent de Gand, & s'en vindrent loger deuant Audenarde, sur ces beaux pres, contreal l'Escaud. Trois iours apres vindrent ceux de Bruges (qui furent mandez & se logerent du costé deuers leur ville: & amenerent grand charroy, & grandes pourueances. Puis vindrent ceux d'Ypre aussi en grand arroy, ceux de Propingne, ceux de Messines, & aussi de Grantmont: & estoient en routes les Flamēs, deuant Audenarde, plus de cent mille: & auoient faits des ponts de nefes & de clayes sur l'Escaud: par ou ils alloient de l'un à l'autre. Le Comte de Flandres (qui se tenoit à l'Isle) eut en propos qu'il viendrait à Terremonde. Car il auoit mandé en Allemaigne, en Guerles, & en Brabant, grand' foison de Cheualiers: & par especial, le Duc de Mons son cousin: qui le vint seruir, à grand' foison de Cheualiers & Escuyers: & se bouterent à Terremonde: ou ils trouuerent le Comte de Flandres, qui ia estoit venu par ses frontieres de Haynaut & Brabant: & moult fut réiouy de leur venue. Ainsi se tint le siege, des Flamens deuant Audenarde moult longuemēt: & y eut, durant ledit siege, plusieurs grans assaux & écarouches, presque tous les iours, & d'autres beaux faits-d'armes aux barrieres, & gens morts & blecez: car les Flamens s'aduenturoient follement & outrageusement, iusques aux bailles, pour lancer & écaroucher. Si en y auoit souuent de morts & de blecez, par leur outrecuidance. En la ville d'Audenarde auoit bien huit cēs lances de Cheualiers & Escuyers, moult vaillans hommes. Là dedans estoient, pour celuy temps plusieurs Barons: tels que le Seig. de Guistelle, le Seig. de Villiers, le Seig. de Hullut, & le Seigneur des Cornais, Flamens: & de Hainuyers, le Seigneur d'Anghien, le Seigneur d'Antoing, le Seigneur de Bosnel, le Seigneur de Taux, le Seigneur de Gommegines, & ses trois freres (messire Iehan, messire Daniel, & messire Iosse) le Seigneur de Stainbourg, le Seigneur de Carue, messire Girard de Marqueillies, le Seigneur de Cohen, messire Rasse de Montigny, messire Henry de la Hamede, messire Iehan des Gres: & tant de Cheualiers, qu'ils estoient enuiron cent & cinq: & si faisoient bon guet & grand: & n'auoient nulle fiance en ceux de la ville: & auoient fait retirer les femmes, & les enfans de la ville, dedans les Monstiers: & là se tenoient: & les Seigneurs & Bourgeois se tenoient en leurs maisons: & pour le traict des canons, & du feu (que les Flamens gettoient & tiroient songneusement en la ville, pour tout ardoir) on auoit fait couvrir les maisons de terre: affin que le feu ne s'y peust prendre. Le siege estant deuant Audenarde, les Flamens & Capitaines, qui là estoient, entendirent que le Comte, leur Seigneur, estoit à Terremonde: & auoit le Duc de Mons, son cousin, & grand' foison de Cheualiers & Escuyers, delez luy. Si eurent conseil qu'ils enuoyeroient là six mil de leurs gens, pour veoir que c'estoit, & pour liurer vn assaut à Terremonde. Ainsi qu'ils le conseillèrent il fut fait: & se partirent vn iour de l'ost tous ceux, qui ordonnez furent pour y aller: & auoient pour Capitaine, Rasse de Harzelle. Tant exploiterent les Flamens, qu'ils vindrent à vn leudy au soir, en vn village: à vne petite lieuë de Terremonde, sur la riuere de Teure: & là se logerent. Ces Flamens auoient pourueu grand foison de nefes, & fait venir aual sur la riuere, pour entrer dedās, & assaillir par eaue & par terre. Vn petit apres minuit ils se leuerent, armerent, & appareillerent, pour combattre incontinent qu'ils seroient là venus: & vouloient surprendre les Cheualiers en leurs lits. Si se mirent à chemin: mais aucunes gens du pays (qui furent aduertis comment les Flamens s'en alloient de nuit à Terremonde) informerent les gardes de c'est affaire: en leur disant, Tenez vous seurs, & sur vostre garde: car plusieurs Gandois gisent ennuit moult pres d'icy, nous ne sauons qu'ils veulent faire.

Les gardes des portes recorderent tout ce au Cheualier du guet: qui s'appeloit messire Thierry de Bredoro: qui estoit de Holande. Lors qu'il en fut aduise, il fut sur la garde: & le fit signifier au chastel, & par tous les hostels de la ville, ou les Cheualiers se logeoient. Droitement sur le point du iour vindrēt les Flamens par terre, & par eau, sur leurs nefes: & auoient bien appareillē leur besongne, pour tantost assaillir. Quand ceux de la ville & du chastel sentirēt qu'ils approchoiēt, si cōmencerēt à sonner leurs trōpettes, & à reueller toutes gēs: & ia estoiet la greigneur partie des Cheualiers & Escuyers to^o armez. Le Côte de Flandres (qui dormoit au chastel) entendit nouuelles que les Flamens estoient venus, & que ia ils assailloient. Pourquoy tantost se leua, & arma, & issit hors du chastel sa banniere deuant luy. A ce iour y estoit messire Gossuin de Wrlē, grand-Baillif de Flā-dres, le Sire de Gau, messire Girard de Rasenghiē, messire Philippe de Mamines, & plusieurs autres: comme messire Philippe de Rungi, Bourgongnon. Si se tirerent tous ces Cheualiers deffous la bāniere du Côte: & allerent à l'assaut: qui estoit ia cōmencē, dur & horrible. Car ces Flamens auoiēt apportē, en leurs nefes, canōs & arbalestes: dōt ils tiroiēt les carreaux si grans & si tresforts, que, quand aucun en estoit feru, il n'y auoit point de remede qu'il ne fut mort. Mais à l'encontre des carreaux on estoit moult fort paueschē: & auoit le Comte grand' foison de bons arbalestiers: qui donnoient par leur trait, grād' affaire aux Flamens. D'autre part en son ordonnance & en sa deffense estoit le Duc de Mons, sa banniere deuant luy: & en sa compaignie estoient le Seigneur de Brederode, messire Ioffe, & messire Thierry de Lauare, messire Viuāt de Chuperois, & plusieurs autres: qui bien faisoient chacun son deuoir. Aussi de l'autre costē, à vne porte estoit messire Robert Dale, messire Iehan Villain, & le Sire de Vindescot, avec messire Robert Mareschal: & vous dy que cel assaut fut grand & fort: & assailloiet moult asprement par terre & par eau les Flamans, & en y eut grand' foison de blecez d'une part & d'autre, & plus de Flamans que de Gentils-hōmes: car ils s'abandonnoient trop follement. Si dura cel assaut sans point cesser, des le point du iour iusques à haute nōne: & là fut occis vn Cheualier, de la partie du Côte, qui s'appeloit messire Hugues de Rony, Bourgongnon: dont ce fut grand dommage & plainte: car par son hardement, & par soy trop abandonner, il fut occis. Là estoit Rasse de Harselle: qui aussi se portoit vaillamment & de sa parolle avec son faict, rafreschissoit moult grandement les Gandois. Quand ce vint apres none, l'assaut cessa: car Rasse vit bien qu'il se traualloit en vain: & que dedans Terremonde il y auoit de tresbonnes gens (parquoy elle n'estoit pas aisēe à prendre) & se commençoient les gens fort à lasser. Si fit sonner la retraite: & adonques se retirerent les Gandois tout bellement, selon la riuere: & ramenerent toute leur nauire: & s'en vindrent le Jendemain en l'ost, deuant Audenarde.

Le Comte de Flandres assail-li en Terremon-de par les Gandois.

Retraite des assaillans de Terremonde & leur siege de Audenarde.

Des assauts, qui se faisoient deuāt Audenarde: & de la paix qui fut faicte entre les Flamans & le Comte de Flandres, par le moyen du Duc de Bourgongne. CHAP. XLIII.

LE siegē se tint deuant Audenarde moult longuement: & les Flamens qui là estoient, estoient Seigneurs des champs & de la riuere: ne nulles pourueances n'entroiet en Audenarde: si ce n'estoit en grand peril, & du costē deuers Haynaut. Mais aucunes fois quelques aduitailleurs, s'aduenturans pour gagner, quand on dormoit en l'ost s'assembloient & se boutoient es bailles d'Audenarde: & puis on les mettoit en la ville. Entre les assaux, qui furent à Audenarde, il en y eut vn qui fut trop durement grand. Car il dura vn iour tout entier: & là dedans furent faits plusieurs Cheualiers nouveaux, de Haynaut, de Flandres, & d'Artois, qui estre le vouloient: & s'en vindrent ces nouveaux Cheualiers combattre aux Bailles contre les Gandois: & là eut bonne écarmouche, & grand appertise d'armes, & plusieurs Flamens morts & blecez. Mais ils en faisoient trop peu de cōte: & trop peu craingnoient la mort: car ils s'abandonnoient tant hardiment, que (quand ceux, qui alloient deuant, estoient morts, ou blecez) les autres, qui apres venoient, les tiroient hors: & puis se mettoiēt deuant: & monstroiet grand visage. Ainsi se cōtinua cel assaut: qui dura iusques au soir: tant que ceux d'Audenarde retournerent en leur ville: & fermerēt les portes & les barrieres. Si entēdirēt lors à enseuelir les morts, & appareiller moult soigneusement les naurez. Les Flamens qui tenoient le siegē deuant Audenarde, esperoient, par leur siegē, à conquerir la ville, & ceux qui dedans estoient, par famine ou par assaut: car bien sauoient qu'ils l'auoient si bien enuironnée, que par riuere, ne par terre, riens ne leur pouuoit venir: & le sciourner là ne leur greuoit riens:

Marguerite de Artois mere du Comte de Flandres, premier moyen de traiter paix en Flandres.

† Sala dit icy, & cōuindrēt ensēble sous bon & seur faufconduit au pont à Resne entre Tournay & Audenarde.

† Ces traittez se pouuoient mener sur la fin de Nouembre 1379. selon les cron. de France

car ils estoient en leur pays, & delez leurs maisons. Si auoient tout ce qui leur faisoit besoing pour viure, & autres choses largemēt & à meilleur marché qu'ils n'eussēt eu à Bruges ou à Gand. Le Comte de Flādrès qui sentoit en la ville grand foison de bonne Cheualerie se doutoit bien de ce point, & que par long siege ils seroient affamez dedans: & eust volōtiers veu qu'aucun traité, honorable pour luy, fust entamé. Car, au vray dire, la guerre à ses gens luy ennuyoit trop: n'oncques ne l'enchargea volōtiers: & aussi sa dame de mere, la Comtesse Marguerite d'Artois, en estoit moult courroucée, & l'en blamoit trop fort: & moult volōtiers y eust mis peine: ainsi qu'elle fit. Ceste Comtesse se tenoit en la cité d'Arras. Si escriuit deuers le Duc de Bourgōgne: auquel l'héritage de Flādrès, de par Marguerite sa femme, deuoit paruenir, apres la mort du Comte. Le Duc (qui bien estoit informé de ces besongnes: car tous les iours il en oyoit nouuelles) vint à Arras, & son cōseil avec luy, & messire Guy de la Trimouille, messire Jehan de Vienne, Admiral de France, messire Guy de Pontailliers, & plusieurs autres. La Comtesse d'Artois le vit moult volontiers: & luy remonstra moult sagement, comment ceste guerre, entre son fils & son pays, estoit mal appartenant, & luy déplaisoit grandement, & si deuoit déplaire à toutes bonnes gens, qui ont raison: & comment aussi ses vaillans hōmes, Barons, Cheualiers, & Escuyers (quoy qu'ils fussent honnorablement en la ville d'Audenarde) si y estoient ils en grand peril: & que, pour Dieu, on y voulist pourueoir de conseil & de remede. Le Duc de Bourgongne respondit qu'à ce faire estoit il tenu, & qu'il en feroit son plain pouuoir. Assez tost apres il se departit d'Arras, & s'en alla droit à Tournay: ou il fut receu à grande ioye. Car ceux de Tournay desiroient moult à auoir la paix, pour cause de la marchandise, qui leur estoit close sur la riuere de l'Escaud. Le Duc de Bourgongne enuoya l'Abbé de Sainct-Martin en l'ost, deuant Audenarde, pour sauoir comment les Capitaines de Gand voudroient entendre au traitté. Si rapporta l'Abbé au Duc de Bourgongne, que, pour l'honneur de luy, ils y entendroient volontiers: † & leur donna le Duc faufconduit iusques au pont du Rosne, & les Flamens à luy: & duroit le Parlemēt depuis le matin iusques au soir. Car le Duc vint au pont du Rosne: parlemēt aux Flamens: & apres le parlement, le Duc retourna à Tournay, & le Cōte en sa cōpaignie: qui le menoit & ramenoit. Ces Parlemens durerent quinze iours. Car à peine y pouuoit on trouuer moyen, pource que les Flamēs vouloiēt auoir Audenarde, à fin de la faire abbattre: & le Duc & son cōseil ne sy vouloient cōsentir. Les Flamēs se tenoient grās, fiers & orgueilleux, par semblāt: & ne faisoient nul conte de paix. Car ils maintenoient qu'Audenarde & ceux, qui dedans estoient, ne s'en pouuoient partir, fors que par leur dāger: & les tenoiēt pour cōquis. Le Duc de Bourgōgne (qui veoit ces Flamēs grās & orgueilleux, cōtre ses traitez) auoit grand' merueille à quoy ils tēdoiēt: & impetra vn iour faufcōduit pour son Mareschal, pour aller veoir les Cheualiers dedans Audenarde: & on le luy donna treflegerement. Le Mareschal de Bourgongne vint à Audenarde: & trouua les compaignons en bon cōuenant: mais d'aucunes choses auoiēt grand' defaute. Toutesfois ils dirent moult vaillamment, Dites, de par nous, à Mōseigneur de Bourgōgne, qu'il ne face pour nous nul mauuais traité: car, Dieu mercy, nous sommes en bon point: & n'auōs garde de noz ennemis. Ces respōses pleurēt grādemēt au Duc de Bourgongne qui se tenoit au pōt du Rosne. Mais pourtāt ne laissa il pas à poursuivre son traitté. Pour vray dire, ceux de Bruges & d'Ypre estoient ainsi cōe ennuyez, & aussi estoient ceux du Frāc, & veoiēt † l'Yuer, qui leur approchoit. Si remōstrerēt en Cōseil, que puisque le Duc de Bourgōgne, qui pour biē besōgner de cest affaire s'estoit tāt trauaillé qu'il estoit venu deuers eux leur offroit à tout faire pardonner, & le Comte amiablemēt retourner à Gand, & là demourer, & que de chose qui fust aduenue, il ne monstreroit iamais semblant (c'estoient bien choses à quoy on se deuoit incliner: & que voiremēt on deuoit recognoistre son Seigneur: n'on ne luy pouuoit tollir son heritage. Ces paroles amollirēt moult ceux de Gand, & s'accorderent: & donna vn iour le Duc de Bourgōgne à disner, moult grandemēt, à ceux de Gand & de Bruges, d'Ypre & de Courtray: & en celuy iour fut conclu que le siege deuoit estre leuē: & bonne paix deuoit estre en Flādrès, entre le Comte & ses gens: & pardonnoit le Comte tout, sans nulle reseruation, exception, ne dissimulation: & deuoit le Comte venir demourer à Gand: & dedans l'an, ceux de Gād luy deuoient faire refaire son chastel d'Andreghe: que les Gandois auoient ars, si comme renommée couroit. Et, pour toutes choses plus plainement confermer, Jehan Pruniaux deuoit venir à Tournay, avecques le Duc de Bourgongne: & y deuoient les let-

les lettres estre autentiquement faites, escrites, & seellées. Sur cel estat retourna le Duc de Bourgongne à Tournay : & Iehan Pruniaux & Iehan Boule demourerent en l'ost. Lendemain la paix fut criée entre toutes ces parties. Si se deffit le siege: & s'en alla chacun en sa maison & en son lieu, & le Côte de Flandres donna cōgé à tous ses soudoyers: & remercia les estrangers grandement, des beaux seruices qu'ils luy auoyent faits: & puis s'en vint à l'Isle, pour mieux confermer les alliances, que son beau fils de Bourgongne auoit faites. Mais aucuns des pays voisins & loingtains disoyent que c'estoit vne paix à deux visages: & qu'ils se rebelleroyent encores: & que le Comte ne sy estoit accordé, fors pour r'auoir la grande foison des nobles Cheualiers & Escuyers, qui gisoient en grand peril en Audenarde. Iehan Pruniaux, apres le departement du siege d'Audenarde, vint à Tournay: & luy fit le Duc de Bourgongne bonne chere: & là furent parfaites les obligations & ordonnances: & les seellerent le Duc de Bourgongne & le Comte de Flandres, & puis retourna Iehan Pruniaux à Gand: & mōstra ce qu'il auoit exploité. Si auoit le Duc de Bourgongne tant prié, & remōstré tant de douces parolles à ceux de Gand, † que la ville d'Audenarde demourroit entiere. Car, au traitté de la paix, & au leuer du siege, les Gandois (fils eussent peu) vouloient abbatre deux portes de la ville & les murs, à fin qu'elle leur fust à toute heure ouuerte, & appareillée pour eux retraire. Quand le Comte de Flandres eut esté vne espace de temps à l'Isle, & le Duc de Bourgongne s'en fut retourné en France, il s'en vint en la ville de Bruges: & là se tint & demoura longuement: & demonstra couuertement, sans autre semblant faire, ne monstrier vouloir autre punition, grand mal-talent à aucuns Bourgeois de Bruges: de ce que si tost l'auoient relenqui: & festoient mis au seruice de ceux de Gand. Les Bourgeois s'excuserēt: en disant (comme verité estoit) que ce n'auoit pas esté leur coulpe: mais la coulpe des menus mestiers de Bruges: qui se vouloient allier à ceux de Gand, quand Iehan Lyon vint deuant Bruges. Le Comte passa son mal-talent, au plus beau qu'il peut: mais pource n'en pensa il pas moins. Nous nous souffrerons à parler de luy, & de ceux de Flādres: & retournerons aux besongnes & affaires de Bretagne.

Paix entre le Comte de Flandres et les Gandois au pourchas du Duc de Bourgogne.

† Il y auoit icy & Daudenarde de quela paix demouroit entiere. Mais la raison suiuante assure ma correction, apres y auoir quelque tēps songé, s'en taisant sala.

Comment le Duc de Bretagne retourna d'Angleterre en Bretagne, à la priere de ses gens, & de la volonté des Anglois, pour le mariage de leur ieune Roy d'Angleterre, & comment aucuns Anglois qui estoyent enuoyez au Duc de Bretagne, furent tourmentez en la mer.

CHAPITRE XLIIII.

Ainsi, comme vous sauez, le Duc de Bretagne estoit en Angleterre, deuers le Roy Richard, & ses oncles (qui luy faisoient bonne chere) & son pays estoit en guerre, & moult en trouble. Car le Roy de France y auoit enuoyé son Connestable, avecques grand nombre de Gens-d'armes: qui se tenoyent à Pontorson, & vers le Mont-Sainct Michel: & guerroyoient le pays. Mais les citez & les bonnes-villes de Bretagne se tenoient toutes closes: & desiroient moult leur Seigneur, & qu'il retournast au pays, & l'auoient mandé, par lettres & par messages, mais il ne sy osoit encores asséurer, iusques à ce que les Prelats, & les Barons de Bretagne, & toutes les bonnes-villes, en murmuroient: & disoient, Nous mandons par lettres le Duc de Bretagne toutes les semaines, & point ne vient, mais s'excuse. Au nom de Dieu (dirent les aucuns) il y a bien cause, car nous le mandons trop simplement. Bien appartenist que nous y enuoissions vn Cheualier, ou deux de creance, esquels il se peust fier: & qui remonstassent pleinement l'estat du pays. Ce propos fut mis en auant, & tenu, & furent priez d'aller en Angleterre deux vaillās Cheualiers (messire Geoffroy † de Quaresmel, & messire Eustace de la Houffaye) à la priere & requeste des Barons, des Prelats, & des bonnes-villes de Bretagne. Ces deux Cheualiers s'appareillerent pour aller en Angleterre, & entrèrent en vn vaisseau, à Cano, & eurent argent & vent à gré. Si vindrent à Hantonne, & là prirent port, & issirent de leurs vaisseaux, & cheuaucherent tant, qu'ils vindrent à Londres, où ils trouuerent le Duc de Bretagne, & la Duchesse, & messire Robert Canolle, qui les receurent à grand chere, & à grand ioye. Les Cheualiers adonc recorderent au Duc, leur Seigneur tout l'estat & la disposition de son pays, & comment on le desiroit à r'auoir, & qu'il fust en son pays, & monstrent lettres de creance des Barons, des Prelats, & des bonnes-villes, de Bretagne. Le Duc creut moult bien les Cheualiers, & les lettres aussi, & en eut grande ioye, & dit qu'il en parleroit au Roy, & à ses oncles, ainsi qu'il fit. Quand le Roy d'Angleterre fut informé, & ses oncles aussi, de toutes ces choses, & comment tout le

† De Querri met Annales de Bretagne.

Messagers de la principale partie de Bretagne pour faire retourner leur Duc en sō pays.

pays de Bretagne, les Prelats, les Barons, & les bonnes-villes (excepté Clesquin, Clifson, Rohan, Laual, & Rochefort) mandoyent le Duc leur Seigneur, & luy supplioyent qu'il retournast en son pays, si luy dirent le Roy d'Angleterre & ses oncles. Vous vous en irez par-dela en vostre pays (puis qu'on vous mande) & vous maintiendrez avec voz gens, Barons, Cheualiers, & autres, & tantost nous vous enuoyerons Gens-d'armes, & confort assez pour garder voz frontieres contre voz ennemis: & nous laisserez vostre femme, la Duchesse, par deça, avec sa mere & ses freres, & vous irez par dela guerroyer. De ces nouuelles & parolles fut le Duc tout réiouy: & s'ordonna sur ce. Ne demoura, depuis, guères de temps, que le Duc de Bretagne ordonna ses besongnes à Hantonne: & prit congé du Roy, & de ses oncles, & de Madame la Princesse, & de sa femme, & ordonna, à son département, grande alliance au Roy d'Angleterre: & luy iura par sa foy (là ou il seroit hastiuement conforté des Anglois) qu'il demourroit tousiours delez eux: & feroit son loyal pouuoir de tourner son pays Anglois: & ainsi le trouueroiét ceux d'Angleterre ouuert & appareillé pour eux, en quelque maniere qu'ils y voudroient venir.

Sur ce point il se partit d'Angleterre, & messire Robert Canolle en sa cōpaignie, & les deux Cheualiers, qui estoient venus querir, & enuiron cent Hommes-d'armes & deux

†Retour du duc
de Bretagne en
son pays, en l'ā
1379. dessus dit
selon les Cron.
de Fra. s'en tai-
sant les Ann.
de Bret. qui en
cet endroit, &
en plusieurs au-
tres faillent à
leur deuoir, &
à leur nom.

†Trépas de
Charles de Boé-
me, Empereur
de Romme, la
veille de s. An-
dré 1379. selon
les Cron. de Fr.
et est tout le re-
ste de cet arti-
cle corrigé sui-
uant le sens de
l'Auteur.

†Ce passage est
encor amendé
selon le sens de
l'Auteur, cōfir-
mé par sala.

cens Archers. Si vindrent à Hantonne: & là attendirent vent: & vindrent au port de t Guerrande, ou ils prirent terre, & cheuaucherent vers Vènes. Ceux de la cité de Ven- nes receurent le Duc à grand ioye (& aussi fit tout le pays) quand ils seurent sa venue. Si se rafreschit le Duc à Vennes, cinq iours, ou enuiron: & puis s'en vint à Nantes. Là le vin- drent voir les Barons, les Prelats, les Cheualiers, les Dames, & les Damoiselles, & s'of- frirent & meirent tous en son obeissance: en se complaignant grandement des Fran- çois & du Connestable: qui estoiet, du costé deuers Rénes, sur son pays. Le Duc les ap- païsa, & dit, Mes amis, ie doý tantost auoir confort d'Angleterre. Car, sans l'aide des Anglois, ie ne me puis bonnement deffendre contre les François, car ils sont trop fors contre nous, au cas qu'en ce pays nous sommes differens ensemble. Mais quand ceux se rôt venus, que le Roy d'Angleterre me doit enuoyer, s'on nous a fait des tors, nous en fe- rons aussi. De ces parolles s'eiouirent grandement ceux, qui estoiet de la partie du Duc de Bretagne. † En ce temps, enuiron la Saint Andry, trépassa de ce siecle messire Char- les de Boême, Roy d'Allemagne, & Empereur de Romme, & ce Roy Charles en son vi- uant, auoit tant fait, par son or & par son argent, & par grans alliances, que les Eliseurs de l'Empire d'Allemagne auoient iuré, & seellé, à tenir Roy son fils pour Empereur, a- pres sa mort, & faire leur loyal pouuoir de tenir le siege deuât Aiz, & de demourer delez luy, cōtre tous ceux, qui le voudroiét aller debattre: Si que tantost apres la mort de Mô- seigneur Charles, son fils Vincelant, par-auant nommé Roy des Romains, s'escriuit Em- pereur de Romme, & Roy d'Allemagne & de Behaigne. En celle saison eut de grans Conseils en Angleterre, des oncles du Roy, des Prelats, & des Barons du pays, pour ma- rier le ieune Roy Richard d'Angleterre: & eussent volontiers veu les Anglois, qu'il se fust marié en Haynaut, pour l'amour de la bonne Dame, la Royne Philippe, leur Dame (qui leur auoit esté si bonne, si large, & si honorable) laquelle auoit esté de Haynaut, mais le Duc Aubert en ce temps n'auoit nulles filles, en point pour marier. Le Duc de Lanclastre eust volontiers veu que le Roy, son neueu, eust pris sa fille, qu'il eut de Mada- me Blanche de Lanclastre, sa premiere femme. Mais le pays ne le voulut point consen- tir, pour deux raisons. La premiere si estoit, que la Dame estoit sa cousine germaine: qui estoit trop grande proximité. L'autre, car on vouloit que le Roy se mariait outre la mer pour plus auoir d'alliances. Si fut mise auant la †sœur du Roy de Boême & d'Allemagne fille à l'Empereur de Romme trépassé. A c'est aduis se tindrent tous les Conseils d'An- gleterre. Si fut chargé de ceste chose, & pour aller en Allemagne, pour traiter ce ma- riage, vn moult sage & vaillât Cheualier du Roy, qui auoit esté son maistre, & fut tous- iours moult prochain du Prince de Galles, son pere, & estoit nommé ce Cheualier mes- sire Simon Burle, sage, & grand appointeur. Si luy fut ordonné tout ce qu'à luy apparte- noit, tant de mises, comme d'autres choses. Si se partit d'Angleterre en bon arroy, & ar- riuā à Calais: & de là vint à Grauelines, & fit tant par ses iournées, qu'il vint à Brucelles, & là trouua le Duc Vincelant de Brabant, le Duc Aubert, le Comte de Blois, le Comte de Saint-Pol, messire Guillaume de Maulny, & grand foison de Cheualiers de Hainaut de Brabant, & d'ailleurs. Car là auoit vne grosse feste de ioustes & de tournois, & pource y estoient tous ces Seigneurs assēblez. Le Duc de Brabant & la Duchesse, pour l'amour du Roy

du Roy d'Angleterre, receut le Cheualier moult liement, & quand ils seurent la cause pourquoy il alloit en Allemagne, si en furent tous réiouïs, & dirēt que c'estoit vne chose bien prise du Roy d'Angleterre & de leur nièce. Si chargerent à messire Simon Burle, sur son département, lettres especiales au Roy, d'Allemagne, en remonstrant qu'ils auoient grand affection à ce mariage. Si se partit le Cheualier de Brucelles, & print le chemin de Louvain, pour aller à Coulongne. Encores en celle saison furent ordonnez pour aller en Bretagne, du Conseil d'Angleterre, deux cens Hommes-d'armes, & quatre cens Archers, desquels deuoit estre souuerain conducteur & Capitaine messire Iehan d'Arondel. En celle armee furent élus & nommez messire Hue de Caurelée, messire Thomas Benestre, messire Thomas Triuet, messire Gautier Paule, messire Iehan le Boursier, le Sire de Ferrieres & le Sire de Basset. Ces Cheualiers s'ordonerēt & appareillerēt: & se tirerent tous à Hantonne, & firent charger leurs vaisseaux, de tout ce que besoing leur estoit. Quand ils eurent vent à gré pour partir, ils croiserent leurs nefes, & entrèrent en leurs vaisseaux, & partirent. Ce premier iour le vent leur fut assez bon. Sur le soir il se retourna, & leur fut tout contraire: & les bouta (vousissent ou non) es bondes de Cornouaille, & auoyent si fort vent & impetueux, qu'ils ne pouuoient ancrer, ny n'osoient. Au lendemain le vent contraire les bouta en la mer d'Irlande, & là, pour la grande tempeste & impetuosité de la mer, rompirent trois de leurs vaisseaux: esquels messire Iehan d'Arondel, messire Thomas Benestre, messire Hue de Caurelée, & bien cent Hommes-d'armes estoient. Des cent en y eut bien quatre vingts periz, & perit messire Iehan d'Arondel, le Capitaine de tous: dont ce fut grand dommage, car il estoit vaillant Cheualier, hardy, & courageux. Aussi perirēt messire Thomas Benestre, & messire Gautier Paule, (deux vaillans & bons Cheualiers) & plusieurs autres: dont ce fut dommage. Avec ce, fut messire Hue de Caurelée en si grand peril, qu'oc ne fut si pres de la mort, car tous ceux, qui en sa nef estoient (exceptez sept nautonniers & luy) furent tous noyez. Mais messire Hue & les autres (qui se sauuerent) & se prirent aux tables & aux masts: & le vent (qui estoit fort) les bouta sur le sablon, mais toutesfois ils beurent de leue assez, dont ils furent moult mesaisez, & malades. De ce peril & danger échapperent messire Thomas Triuet, messire Iehan le Boursier, le Sire de Ferrieres, le Sire de Basset, & plusieurs autres: lesquels toutesuoyes en furent fort trauaillez & tourmentez. Apres que ceste tempeste fut cessée, ils retournerent (quand ils peurent à Hantonne, & s'en vindrent deuers le Roy & ses oncles, & recorderent leur aduenture, & tenoient que messire Hue de Caurelée y fut mort. Mais non estoit, comme apres apparut, car il retourna à Londres. Ainsi se dérompit ceste armee: & ne peut le Duc de Bretagne estre conforté des Anglois. Qui luy vint à grand contraire, car toute celle saison, & l'Yuer, les François luy firent grand guerre, & prirent les Bretons (c'estassauoir messire Oliuier de Clifson & ses gens) la ville de Dinan en Bretagne, par nacelles & basteaux, & fut toute pillée & robée, & là tindrent, depuis, vn grand temps, contre le Duc & le pays. Or retournerons nous aux besongnes de Flandres.

Ambass. d'Angleterre vers le nouuel Empereur, pour marier le Roy Richard.

Tourmēte aux Anglois, allās au secours du Duc de Bret. enuiron la conception de l'an 1379. comme dessus suyuans les Croniques de France.

Ce retour fut enuiron Noel 1379 dessus dit selon les Cr. de Fran. & aussi parlera tantost d'Yuer.

Comment ceux de Gand enuoyerent Ambassadeurs à leur Comte, pour le faire venir en leur ville.

CHAP.

XLV.

Vous deuez sauoir que, quand la paix fut accordée entre le Comte de Flandres & ceux de Gand, par le moyen du Duc de Bourgogne: dont il acquit grande grace de tout le pays, l'intention & plaissance tresgrande de ceux de Gand estoit, que le Comte de Flandres veinst demourer à Gand, & tenir son hostel. Aussi le Comte en estoit biē conseillé du Preuost de Hardebecque: & de tous ses plus prochains, pour nourrir plus grād amour entre ceux de Gand & luy. Le Comte se tenoit à Bruges, & ne venoit point à Gand, dont ils estoient émerueillez, voire les bonnes gens, les riches & les sages, qui ne demandoient que paix, mais les pillars, & les Blancs Chapperons, & ceux, qui ne conuoytoient que hutins & l'aduantage, n'auoyent cure de sa venue. Car ils sauoyent bien que, si venoit, tout quoyement & sagement ils seroyent corrigez des maux, qu'ils auoient faits. Non-obstant qu'ils fussent en celle doute, ceux qui gouernoient la Loy le Conseil, & les bonnes gens, vouloient, sur toutes choses, qu'il y veinst, & qu'on l'allast querir, & leur sembloit qu'ils n'auoient mie stable ne ferme paix, se le Comte ne venoit à Gand. Si furent ordonnez xxiiij. hommes, pour aller à Bruges, le querir, & remonstrer la grande affection que ceux de Gand auoient à luy, & se partirent de Gand moult hon-

*Ambassadeurs
de Gand vers
leur Comte.*

*Response du
Comte de Flan-
dres aux Am-
bassadeurs de
Gand.*

norablement (ainsi qu'on doit aller vers son Seigneur) & leur fut dit. Ne retournez jamais en la ville de Gand, se vous ne ramenez le Comte, car vous trouuerez les portes closes. Sur cest estat se mirent à chemin ces Bourgeois de Gand, & cheuaucherent vers Bruges. Entre Donze & Bruges ils entendirent que le Comte s'en venoit, & de ce furēt moult réiouis. Ainsi comme ils eurent cheuauché enuiron vne lieue, ils trouuerent le Comte sur les champs. Quand ces Bourgeois l'apperceurent, ils se tirerent tous sur les champs, & fourirēt tous en deux parties, & passa le Comte, & tous ses Cheualiers, parmy eux. Ces Bourgeois, en passant, s'enclinerent moult bas, & firent au Comte, & à ses gens, à leur pouuoir, grand reuerence. Le Comte cheuaucha tout outre, sans les regarder, & mit vn petit la main à son chapeau, n'oncques sur tout le chemin il n'en fit semblant, & cheuaucherent ainsi, le Comte d'une part, & les Gandois d'autre, tant qu'ils vindrent à Donze: & là s'arrestèrent, (car le Comte y deuoit disner) & les Gandois y prirent hostels pour eux: & disnerent aussi. Quand ce vint apres disner, les Gandois se tirerent en bon arroy, deuers le Comte, & s'agenouillerent tous deuant luy (car le Comte seoit sur vn siege) & là luy presenterent fort, & moult humblement, l'affection & seruice de la ville de Gand, & luy remōstrerent comment par grande amour ceux de Gand (qui tāt le desiroient à auoir delez eux) les auoient là enuoyez: & au partir, Mōseigneur, il nous dirent que nous n'auons que faire de retourner à Gand, se nous ne vous menons avecques nous. Le Comte (qui trop bien entendit ces parolles) se teut, vne espace de temps, tout quoy: & quand il parla, il dit tout quoyement. Le croy bien qu'il soit ainsi que vous dittes, & que les plusieurs de ceux de Gand me desirant à rauoir. Mais ie m'ēmerueille de ce qu'il ne leur souuient pas, ny n'a voulu souuenir, du temps passé, à ce qu'ils m'ayēt montré comment ie leur ay esté propice, & debonnaire à toutes leurs requestes, & cōment i'ay souffert à bouter hors de mon pays mes Gentils-hommes (quand ils se plainignoient d'eux) pour quitter leur Loy & leur iustice. I'ay ouuert trop de fois mes prisons, pour leur rendre mes Bourgeois, & les leur, quand ils m'en requeroient. Ie les ay aimez, & honnorez, plus que nuls de mon pays, & ils m'ont fait tout le contraire, occis mon Baillif, & destruit les maisons de mes gens, banny & enchassé mes officiers, ars l'hostel du monde que i'ay moye le mieux, efforcés mes villes & mises à leur entente, & occis mes Cheualiers en la ville d'Ypre, & fait tant de malefices cōtre moy & ma Seigneurie, que ie suis tout ennuyé de le recorder, & voudroye qu'il ne m'en souuenist iamais, & si fera, vueille ou non. Ha Monseigneur (respondirent ceux de Gand) ne regardez iamais à cela. Vous nous auez tout pardonné. Il est bien vray (dit le Comte) & ne vueil pas par mes parolles, au temps aduenir, que vous en vaille moins, mais ie le vous monstre, pour les grans cruautéz & felonniez, que i'ay trouuées en ceux de Gand. Adonc s'appaisa le Comte, & se leua, & les fist leuer, & dit au Seigneur de Ruiseliers (qui estoit empres luy.) Faites apporter du vin. Si beurent ceux de Gand, & s'en partirent, & retirerent en leurs hostels, & furēt là toute nuit, car le Comte y demoura. Ainsi le lendemain tous ensemble, ils cheuaucherent vers Gand.

*Comment le Comte de Flandres entra en la ville de Gand, & de son secret departement,
& comment les murs d'Audenarde furent abbatus par les Blancs Chapperons &
leurs alliez & complices.*

CHAP. XLVI.

*Requête du cō-
te à ceux de
Gand, pour o-
ster les Blancs
chapperons.*

Quand ceux de Gand entendirent que le Comte venoit, si en furent moult réiouis, & vindrent à l'encontre de luy, à pié & à cheual. Si s'enclinoient tout bas à l'encontre de luy, & faisoient tout l'honneur & reuerence, qu'ils pouuoient. Il passoit outre, sans parler, & les enclinoit, moult petit, du chef. Ainsi s'en vint iusques à son hostel (qu'on dit à la Poterne) & là disna, & luy furent faits par la ville maints presens: & là le vindrent veoir les Iurez de la ville, qui s'humilierent grandemēt enuers luy, comme raison estoit. Là leur requist le Comte, & dit. En bonne paix ne doit auoir que paix, mais qu'il vouloit que les Blancs-Chapperons fussent abbatus, & que la mort de son Baillif fust amendée, car il en estoit requis de son lignage. Monseigneur (respondirent les Iurez) c'est biē nostre entente, & nous vous prions, de vostre grace & humilité, que vous vueillez demain venir en la place, & remontrer debonnairemēt vostre entente au peuple, & quād ils vous verront, ils seront tous réiouis, & feront tout ce que vous voudrez. Le Comte le leur accorda. Ce soir moult grande foison de gens seurent que le Comte seroit le lendemain à huit heures du matin dedans le Marché des denrées, & que il prescheroit. Les

bonnes

bonnes gens en furent tous réioüis, mais les fols & les outrageux n'en tindrent compte, & disoyent qu'ils estoient tous preschez, & que bien sauoient quelle chose ils auoyent à faire. Iehan Pruniaux, Rasse de Harzelle, Pierre du Bois, & Iehan Boule, Capitaines des Blancs-Chaperons, se doubterent que ce fust sur leur charge, & parlementerent ensemble, & manderent aucuns de leurs gens, tous les plus outrageux, & les pires de leur compaignie: & leur dirent, Entendez. Tenez vous ennuit, & demain tous pourueus, de voz armeures, ne pour chose, qu'on vous die, n'ostez point voz Chaperons, & foyez tous au Marché des denrées à huit heures, mais ne faites point d'emeute, son ne commence premierement sur vous, & le direz ainsi à voz gens, ou vous le leur ferez sauoir, par qui que ce soit. Ils respondirent, volontiers, & ainsi fut fait. Au matin, à huit heures, ils vindrent au Marché tous, ainsi qu'ordonné leur fut: & ne se mirent pas tous ensemble, & se tenoyent tous par monceaux, car là estoient en leur ost les Capitaines. Le Comte vint au Marché, tout à cheual, accompagné de ses Cheualiers & Escuyers, & des Iurez de la ville: & là estoit Iehan de la Faucille delez luy, & bien quarâte des plus riches & notables de la ville. Le Comte, en fendant le Marché, gettoit cōmunément ses yeux sur ces Blācs-Chaperons. Si fut tout melancolieux: & descendit de son cheual (& aussi firent tous les autres) & monta haut à vne fenestre, & là s'appuya, & auoit on estendu vn drap vermeil deuant luy. Là cōmença le Comte à parler moult sagement, & leur remonstra de point en point l'amour & affection qu'il auoit enuers eux, auant qu'ils l'eussent courroucé. Là leur remonstra il comment vn Prince & Sire doit estre aimé, craint, seruy & honoré de ses gens, & comment ils auoient fait tout le contraire, & aussi comment il les auoit tenus, gardez, & deffendus contre tout homme, comment il les auoit tenus en paix, en profit, & en toutes prosperitez, & ouuert les passages de mer (qui leur estoient tous clos) à son ioyeux aduenement, & leur remonstra plusieurs points raisonnables: que les sages entendoient & conceuoient, bien clerement, que de tout il disoit verité. Plusieurs l'escouterent moult volontiers, & les autres non, qui ne demandoient que guerre. Quand il eut là esté vne heure, il dit à la fin, apres qu'il leur eut toutes ses intentions remōstrées doucemēt, qu'il vouloit demourer leur bon Seigneur, en la forme & maniere qu'il auoit esté par-auant: & leur pardonnoit les iniures, haines, & maltalens qu'il auoit euz à eux, & aussi tous malefices faits, ne plus ne vouloit ouir nouuelles de ce, & les vouloit tenir en droit & en Seigneurie: ainsi que fait auoit. Mais il leur prioit, que riens ils ne fissent de nouuel, & que ces Blācs-Chaperons fussent mis ius. A toutes les parolles, qu'il disoit, on se taisoit, comme s'il n'y eust eu nulluy. Mais (quand il parla des Blancs-Chaperons) on commença à murmurer, & bien s'apperceut que c'estoit pour ceste cause. Adonc leur pria il, qu'ils se tirassent tout doucement, & en paix, en leurs maisons. Adonc se partit du Marché avec tous ses gens, & chacun alla en son hostel. Mais ie vous dy que les Blancs-Chaperons furent ceux, qui premierement vindrent au Marché, & dernièrement s'en partirent, & quand le Comte passa parmy, ils souzrirent, & moult follement le regarderent (ce luy sembla) & ne luy daignerent onc incliner, dont il fut moult melancolieux: & dit depuis à ses Cheualiers (quād il fut retrait en son hostel, à la poterne). Ie ne viendray iamais aisément à mon entente de ces Blancs-Chaperons, ce sont mauuaises gens & forsenez. Le cueur me dit, que la chose n'est pas encores là ou elle demourera. A ce, que ie puis apperceuoir, elle est bien taillée, que moult de maux en naissent encores. Pour tout perdre, ie ne les pourroye souffrir en leur orgueil & mauuaistié. Ainsi fut le Comte de Flandres celle semaine quatre iours ou cinq à Gand: & puis s'en partit, tellement que oncques puis, n'y retourna: & s'en vint à l'Isle, & là s'ordōna, pour soy yuer ner. A son departement de Gand à peine print il congé à nulluy, & s'en partit par maltalent, dont les plusieurs de la ville se contenterent mal, & disoient qu'il ne leur feroit iamais bien, ne iamais ne l'aimeroient ne luy eux: & qu'il s'en estoit party d'avecques eux ainsi qu'il auoit fait autresfois, & que Guisebert & ses freres le forconseilloient, veu que si soudainement, & sans amour, il s'estoit party de Gand. Iehan Pruniaux, Rasse de Harzelle, Pierre du Bois, Iehan Boule, & les autres Capitaines mauuais, estoient tous ioyeux de cela, & semoient parolles, & faisoient semer aual la ville, que mais que l'esté retournaist, le Comte & ses gens briseroyent la paix, & qu'on auoit bon mestier que chacun fust sur sa garde, & pourueu de blez & d'auoines, de chairs & de sel, & de toutes pourueances, car ils ne veoient en luy nul leur estat. Si se pourueurent ceux de Gand grandement, de toutes choses à eux necessaires: dont le Comte (qui en fut informé) en fut grā-

*Assemblée des
Blancs-chape-
rons, pour ouir
la Harāgue du
Comte, au Mar-
ché de Gand.*

*Murmure des
Blancs-Chape-
rons, requerans
publiquement
le Côte de Flā-
dres de lesoster.*

*Le Côte de Flā-
dres depart se-
crettement de
la ville de Gād.*

dement émerueillé, ne pourquoy ils se doutoyent. Au voir dire & considerer, on se peut de ces choses, que ie dy, & ay dittes cy deuât, émerueillir & comment ceux de Gand se dissimuloyent, & estoient dissimulez des le commencement. Les riches, les sages, & les notables hommes de la ville, ne se pouuoient pas excuser au commencement de ces haines, fils voufissent bien à certes, car, quand Iehan Lyon commença les Blancs-Chaperons à mettre sus, ils l'eussent bien debatue (fils eussent voulu) & enuoyé, contre les fossoyeurs de Bruges, autres gens, qui eussent aussi bien exploité que les Blancs-Chaperons.

† C'est adire estre en mauuaise opiniõ à ces Blancs-Chaperons, cõcõtraire à la liberté de la ville, et est ce passage éclairci selon le sens de l'Auteur, s'en taisant sala.

Mais ils les souffrirent (pour tant qu'ils ne vouloyent pas estre mal-renommez, ains se vouloyent bouter hors de la presse) & tout ils laissoient & consentoyent faire (donc puis apres chèrement le cõparerent tous les plus riches & les plus sages: car ils ne furent plus Seigneurs de par eux, n'ils n'osoient plus parler, ne faire chose, sinon ce que ces Blancs-Chaperons vouloient) & disoyent que pour Iehan Lyon, ne pour Guisebert Mathieu, ne pour les guerres, & enuies, ils ne se fussent iamais mipartis, ne séparez, car (quel que guerre ou éuie, qu'ils eussent les vns aux autres) si vouloiét ils estre tout vn au besoin pour garder & deffendre les franchises & bourgeoisies de Gand: ainsi que depuis ils le monstrerent. Car ils firent leur guerre (qui dura bien sept ans) si bien, qu'onques entre eux n'eut estrif dedás la ville: & fut ce, qui les soustint, & qui les garda, plus qu'autre chose, dedans & dehors. Car ils estoient si en vnité, que point de difference il n'y auoit, mais mettoient auant or, argent, ioyaux, & cheuances, & qui plus en auoit, il l'abandonnoit, ainsi comme vous orrez recorder en l'Histoire, cy-apres. Ne demoura gueres de temps apres que le Comte de Flandres fut party de Gand, & retourna à l'Isle, que messire Oliuier d'Auterme, cousin germain à Roger d'Auterme, que ceux de Gand auoient occis, enuoya † deffier la ville de Gand, pour la mort de son cousin, & aussi firét messire Philippe de Mamines, & plusieurs autres, & apres ces deffiances faites, ils trouuerent enuiron quarante nauires, & leurs Nauieurs, qui estoient aux Bourgeois de Gand, & alloient, par la riuere de l'Escaud, à Gand, pleines de blez. Si se vengerent, sur ces Nauieurs, de la mort de leur cousin, & les decouperent moult villainement, & leur creuerent les yeux & les renuoyerent à Gand, ainsi affolez & méhaignez. Lequel despit ceux de Gand tindrent à grand injure. Les Iurez, qui estoient en la Loy pour le téps, & ausquels ces plaintes vindrent, furent tous courroucez, & ne seurent bonnement que dire. Murmuration fut par la ville, & disoit la greigneur partie des gens de Gand, que le Comte de Flandres auoit ce fait, & à peine l'osoit hõme (tant fust homme-de-bien) excuser. Si tost que Iehan Pruniaux entendit ces nouuelles, qui estoit pour le temps Capitaine des Blanc-Chapperons, & le plus grand maistre, sans sonner mot, n'en parler aux Iurez de la ville (ie ne say fil en parla aux Capitaines, ses compaignõs: mais ie croy bien qu'ouy) prit la greigneur partie des Blancs-Chaperons, & beaucoup d'autres poursuuians, assez entantez de mal faire, & se partit de Gand, & s'en vint bouter à Audenarde. Quand il y entra premierement, il n'y auoit garde ne guet, car on ne se doutoit de nully, & † pourtant se faist de la porte & puis y entra, luy & ses gens: qui estoient plus de cinq mille. Quand ce vint au matin, il mit ouuriers en besongne, cõme charpentiers & maçons: qui estoient avec luy, & lesquels s'appareillerent tous à son commandement. Si ne cessa iusques à ce qu'il en eust fait abbattre deux portes, les tours, & les murs, & renuerser es fossez, du costé deuers Gand. Or regardez comment ceux se pouuoient excuser, qui consentirent ce forfait, car ils furent en Audenarde, abbattās portes & murs, plus d'un mois. S'ils eussent remandé leurs gens, si tost qu'ils en seurent les nouuelles, on les eust excusé, mais ils ne le firent pas, ainçois clignerent les yeux, & si le souffrirent, tant que les nouuelles en vindrent au Comte (qui se tenoit à l'Isle) & comment Iehan Pruniaux estoit larcineusement venu deuant Audenarde, & en auoit abbattu, & fait abbattre, deux des portes, les tours, & les murs. De ces nouuelles fut le Comte moult courroucé (& bien y eut cause) & dit, Haa, les maudites gens. Le Diable les tient, ie n'auray iamais paix, tant que ceux de Gand soyent en puissance. Adouc il enuoya, † deuers ceux de la Loy de Gand, aucuns de son Conseil, en leur remonstrant le grand outrage, qu'ils auoient fait, & que ce n'estoient pas gens, qu'on deust croire à nulle paix, quād la paix, que Monseigneur de Bourgogne leur auoit fait auoir, à grand peine, auoyent ia enfreinte & brisée. Le Maire & les Iurez de la ville de Gand s'excuserent, & respondirét, que sauue leur grace, ils ne penserent oncques à briser la paix, ne nulle volonté n'en eurent, & si Iehan Pruniaux auoit fait vn outrage de soy-mesme, la ville de Gand ne le vouloit pas adouuer,

† Deffi d'Oliuier d'Auterme cousin de feu Roger d'Auterme, à ceux de Gand et me semble par la deductio precedente, & en ce qu'il a dit nagueres, que le Côte de Flandres yuerna à l'Isle que nous pouuons icy seulement marquer 1380 pour le moins à nostre mode.

† Il auoit ici & s'en issit de la porte, mais le sēs de l'Auteur assure nostre correction.

† Ce passage est fourny & par fait selon la briue substance de sala.

ne souffrir estre soustenu, & s'en excusoient loyaument & plainement. Mais le Comte a consenty† que l'on nous fit vn grand excès, & sont issus de son hostel ceux, qui ont fait si grand outrage, & qui ont mis à mort, méhaigné, & affolez noz Bourgeois. Qui est vn grand inconuenient à tout le corps de la ville. Qu'en dictes vous, Seigneurs? Adonc replicherent les Commissaires du Côte. Vous vous estes contreueengez. Nenny (respondirent les Iurez.) Nous ne disons pas que ce, que Iehan Pruniaux a fait à Audenarde, soit en cōtreueenge. Car, par les traittez de la pays, nous pouuons prouuer & monstrier (se nous voulons, & de ce prendrons nous en tesmoignage Monseigneur de Bourgongne qu'Audenarde estoit à abbattre à nous, ou à mettre au point, ou elle est. Toutesfois, à la priere de Monseigneur de Bourgongne, nous la meisme en souffrance. Dont responderent les Commissaires du Comte. Ainsi appert, par voz parolles, que vous l'avez fait faire, & ne vous en pouuez excuser. Puis que vous sauiez que Iehan Pruniaux estoit allé en Audenarde (ou il alla à main armée, & par emblée sous vmbre de bonne paix) & qu'il abbattoit portes & murs, & les renuerçoit dedans les fossez, vous deussiez estre allez au deuant, & luy auoir deffendu qu'il n'eust point fait cest outrage, tant que vous eussiez remonsté voz plaintes au Côte, & de la naureure ou bleceure de voz Bourgeois de Gand il vous eust conueni adreuer deuers Monseigneur de Bourgongne (qui les traittez de la paix mena) & luy remonstrier vostre affaire. Ainsi eussiez vous amendé vostre querelle, mais vous ne l'avez pas fait. Si vous mande Monseigneur de Flandres (puis que vous luy avez fait ce déplaisir, & le priez l'espée au poing, & plaidez à luy, la main garnie) qu'un iour il en prendra si cruelle vengeance sur vous, que tout le monde en parlera. Adonc se departirent ils des Maire & Iurez de Gand, & issirent apres disner, & s'en retournerent, par Courtray, à l'Isle, & recorderent au Comte comment ils auoient besongné, & les excusations, que ceux de Gand mettoient en leurs besongnes.

† Les sept mots
suivans sont a
iustez selon le
sens del Auteur

Ce que le Côte
de Flandres
manda aux
Gandois apres
les murs d'Au-
denarde ab-
battus.

Comment les Gandois rendirent Audenarde, & des maisons aux Nobles de Flandres, qu'ils abbatirent, & comment la guerre commença entre iceux Nobles & les Gandois, moult cruelle & sans pitié.

CAPITRE. XLVII.

ON se peut bien émerueiller d'ouir parler du traité de ceste matiere, & des propos merueilleux, qu'on y trouue & voit, qui tous les lit, & bien les entend. Les aucuns donnent le droit de la guerre (qui fut en ce tēps si grande & cruelle en Flādres) à ceux de Gand, & dient qu'ils eurent iuste cause de guerroyer, mais il me semble, iusques icy, qu'ils n'en ont point eu, ne ie ne puis entendre, ne veoir, que le Côte n'aimast tousiours plus la paix, que la guerre, reseruee sa hauteur, & son honneur. Ne leur renuoya il pas les Bourgeois de Gand, qui estoit en prison à Erclou? Si fit, & ils luy occirent son Baillif. Encores de-rechef il leur pardonna cel outrage, pour les tenir en paix, & sur ce, ils émeurent, vn iour, tout le pays de Flandres sur luy, & occirent, en la ville d'Ypre, mesmement cinq de ses Cheualiers, & vindrent assaillir Audenarde, & l'assieger, & se mirent en peine de l'auoir & destruire, & encores en vindrēt ils à traité & à paix, & ne vouloyent amender la mort de Roger d'Auterme. Ce que son lignage auoit plusieurs fois remonsté. Parquoy (si ce lignage contreueengea la mort de son parent sur aucuns Nauieurs, par lesquels premierement toutes ces haines estoient venues & élevées) conuenoit il pourtant qu'Audenarde en fust abbattue? Il m'est aduis (& si est il à plusieurs) que Nenny. Encores auoit le Comte assez à soudre à ceux de Gand, ce disoient ils, & vouloyent que leur fust amendé ce, qu'on auoit fait aux Nauieurs, ainçois qu'ils rendissent Audenarde. Le Côte, qui se tenoit à l'Isle, & son Cōseil delez luy, estoit courroucé de ce que les Gādois tenoiēt Audenarde, & ne sauoit pas cōmēt la r'auoir, & se repētoit fort, quelle paix qu'il eust iurée, ne dōnée aux Gādois, qu'il ne l'auoit biē gardée. Si leur escriuoit souuēt, & mādait qu'ō la luy rēdist, ou on leur feroit guerre si cruelle, q̄ à tousiours ils sē fētiroiēt. Ceux de Gād nullemēt ne vouloiēt aduouer ce fait, car ils eussent la paix brisée. Finalemēt aucunes bōnes gens de Gand, riches hōmes (qui ne vouloiēt que bien & paix) allerent tellement au deuant de ces besongnes (comme Iehan de la Faucille, Guisebert de Guise, Sire Symon Bete, & plusieurs autres) que le douziēme iour ceux de Gand, qui estoient en la ville d'Audenarde, retournerent à Gand, & fut Audenarde rendue au gens du Comte, & pour appaiser le Comte, Iehan Pruniaux estoit banny de Gand & de Flādres, sans rapel, pource (cōme deuise estoit en son bāniflemēt) qu'il estoit à prédre Audenarde, sans le feu de ceux de Gād. Messire Philippe de Mamines, messire

† Audenarde
rendue au Côte
de Flandres, et
pour ce douziē
me iour, enten-
de x apres que

*ces bons person-
nages se mirer
en pratique de
la faire rendre.
car il a dit au
cha. precedent,
que les abbats-
teurs y furent
plus d'un mois.*

*Audenarde re-
parée par le Cō-
te de Flandres.*

*Ieā Pruniaux,
Capitaine Gan-
dois, fait déco-
ler par le Com-
te de Flandres.*

*Maisons de Gē-
tils-hommes.
d'autour de
Gand abbat-
tues par les
Blās chaperōs.*

*Hasle, bastard
de Flādres, Ca-
pitaine des No-
bles, contre les
Gandois.*

Oliuier d'Auterme, le Galois de Mannes, le Bastard de Widringues, & tous ceux, qui auoient entrepris & esté cause de decoupper les Nauieurs Bourgeois de Gand, furēt aussi bannis de tout le pays, & moyennant ces bannissements, s'appaisoyent l'une partie & l'autre. Si vuidrēt le pays de Flandres, & vint demourer ledit Pruniaux à Ath en Brabant. Messire Philippe de Mamines vint à Valenciennes, qui sied en la Comté de Haynaut, mais, quand ceux de Gand le seurent, ils exploiterent enuers le Preuost & Iurez de Valenciennes, dont estoit en ce temps Preuost Iehan Patris, qui bien & doucement en fit partir le Cheualier, & issit de la ville, de son bon gré, & s'en vint demourer à Warlain, delez Douay, & s'y tint, tāt qu'il eust d'autres nouuelles. Les autres Cheualiers & Escuiers vuidèrent Flandres, & allerent en Brabāt, iusques à ce qu'ils eussent aussi ouy autres nouuelles. Si tost que le Côte de Flandres fut retourné en sa possessiō d'Audenarde, il mādā ouuriers à force, & la fist reparer de portes, tours, & murs, plus forte que deuāt, & releuer tous les fossez. Tout ce sauiet bien les Gandois, & que le Comte y faisoit ouurer, mais nul sēblant n'en faisoiet, car ils ne vouloyent point estre repris d'enfreindre la paix. Si disoiet les fols & les outrageux. Laisson les ouurer, s'Audenarde estoit ores d'acier, si ne pourroit elle durer cōtre nous, quand nous voudrons. Or (quoy qu'il y eust adonc paix en Flādres) le Comte estoit tousiours en soupçon de ceux de Gand, car tous les iours on luy rapportoit dures nouuelles de ceux de Gād, & aussi du Côte à ceux de Gand. Iehan de la Faucille s'en vint demourer à Nazareth, vne trop belle maisō, & assez fort lieu (qu'il auoit à vne grād lieuē de Gand, & se dissimuloit, ainsi qu'il pouuoit, & ne vouloit point estre aux cōseils de ceux de Gand, à fin qu'il n'en fust noté du Côte. Aussi se mettoit il arriere du Comte (le mieux qu'il pouuoit) pour tenir ceux de Gand en amour, & ainsi nageoit il entre deux eaues, & se faisoit neutre, à son pouuoir. Ce pendāt que le Comte faisoit reparer la ville d'Audenarde, & en estoit tout au-dessus, il procuroit par lettres & messages, deuers son cousin le Duc de Brabant qu'il peust auoir Iehā Pruniaux (qui se tenoit à Ath) & tāt exploita, qu'ō le luy deliura, & fut amené à l'Isle, & le fit décoler, & puis mettre sur vne roue, cōme trahistre. Ainsi finit ledit Iehan Pruniaux. Encores en celle saison le Côte de Flandres s'en vint à Yppre, & fit faire grād foisō de iustice, & décoler quelques méchans gens (cōme foulons & tisserrans, qui auoient mis à mort ses Cheualiers, & ouuert les portes à ceux de Gand) à fin que les autres y prissēt exēple. De toutes ces choses estoient bien informez les Gandois. Si se douterent trop plus que deuāt, & par especial les Capitaines, qui auoient esté en ces cheuauchées, & deuant Audenarde, & disoient bien, entre eux. Certes, se le Comte peut, il nous destruira tous. Il nous aime bien. Il n'en veut que les vies. N'a il pas fait mourir Iehā Pruniaux? Certes, au vray dire, nous auons fait à Iehan Pruniaux grand tort, quand nous l'auons ainsi chacé & éloigné, de nous. Nous sōmes coupables de sa mort, à telle fin viendrōs nous tous, s'ō nous peut attraper. Soyō sur nostre garde. ce dit Pierre du Bois. Si i ē estoie creu il ne demoureroit en estat forte maison de Gentils-hōmes au pays de Gand. Car par les maisons des Gentils-hommes, qui sont là, nous pouuons encores estre tous destruits, se nous n'y prenons garde, & pouruoyōs de remede. Les autres respondirent, vous dictes vray. Or tost, auāt abbaton tout. Adonc s'ordonnerent les Capitaines, Pierre du Bois, Iehan Boule, Rasse, de Harzelle, Iehan de Launoy, & plusieurs autres, qui se partirent à vn iour de Gand, & ardirent & abbattirent toutes les maisons des Gentils-hommes, & tout ce qu'ils trouuerēt dedans, ils departirēt entre eux, à butin, & apres ce qu'ils eurent ainsi exploité, ils retournerent à Gand, & oncques ne trouuerent qui leur dit. Vous auez mal fait. Quand les Gētils-hommes, Cheualiers, & Escuyers, qui se tenoyent à l'Isle, delez le Comte, & ailleurs, entendirent ces nouuelles, si en furent durement courroucez, & à bonne cause, & dirent au Comte, qu'il conuenoit que ce deuit fust amendé, & l'orgueil de ceux de Gand abbatu. Adonc abandonna le Comte aux Cheualiers & Escuyers, à faire guerre aux Gandois, & eux contreuenger de leurs dōmages. Si fallierent & meirent ensemble plusieurs Cheualiers & Escuyers de Flandres, & prièrent leurs amis de Haynaut, pour eux aider à contreuenger, & firent leur Capitaine de Hasle de Flandres, ainsné fils Bastarst du Comte, vn moult vaillant Cheualier. Celuy Hasle de Flandres & ses compaignons se tenoyent vne fois à Audenarde, l'autre à Gaures, puis à Alos, & puis à Termonde, & écarouchoyent les Gandois grandement, & couroyent iusques aux barrières de la villē, & abbattirent presque tous les moulins, à vent, qui estoient enuiron la ville de Gād, & firēt en celle saison moult de depit à ceux de Gād, & estoit en leur cōpaignie vn-

gnie vn ieune Cheualier de Haynaut, de grand volonte, qui s'appelloit messire Jaques de Verchin, Seneschal de Haynaut. Plusieurs grans appertises il fit en celle saison, environ Gand, & fauanturoit (telle fois estoit) trop follement, & moult outrageusement, & venoit lancer & combattre iusques aux barrieres, & conquist, par deux ou trois fois de leurs bacinets, & de leurs Arbalestes. Celuy messire Jaques de Verchin aimoit moult les armées, & eust esté vaillant homme, s'il eust vescu longuement, mais il mourut ieune, & sur son liect, au chastel d'Ombre, delez Mortaigne, dont ce fut dommage.

Comment les Flamens furent guerroyez par les Nobles de Flandres. CHAP. XLVIII.

LEs Gandois (qui se venoient mocquer & gaber des Nobles & Gentils-hommes de Flandres, & d'ailleurs) en furent courrouceez apres, & furent en pensée d'enuoyer au Comte Aubert, Comte de Haynaut, qu'il voulsist rappeler & retenir ses Gentils-hommes, qui les guerroyent, mais, tout consideré, ils virent bien qu'ils perdroient leur peine. car le Comte Aubert n'en feroit riens. Aussi ne le vouloyent ils pas courroucer, ne sus luy mettre chose, dont ils le courroucassent, car ils ne pouuoient rien sans luy, & son pays, & au cas que Haynaut, Holande, & Zelande, leur seroyent clos & fermez, ils se tiendroient pour perdus. Si ne tindrent pas ce propos, mais eurent vn autre conseil, c'est qu'ils manderoyent aux Cheualiers & Escuyers de Haynaut, qui tenoient aucuns heritages, ou rentes & reuenues, à Gand, ou Chastelenie, qu'ils les veinssent seruir, ou ils perdroient leur rentes & reuenues, mais ils ne tindrent conte de leur mandement, & pour ce ils manderent au Seigneur d'Antoing, messire Heruë (qui estoit herité en la ville de Gand, & Chastellain d'icelle) qu'il les voulsist venir seruir, ou il perdroit les droits de sa Chastelenie, & pource qu'il n'en tint conte, ils luy abbattirent son hostel de Vienne, tout ius. Le seigneur d'Antoing leur manda que volontiers les seruiroit, à leurs despens & à leur destruction, & qu'ils n'eussent en luy nulle fiance, car il leur seroit contraire, & fort ennemy, n'il ne tenoit, ne vouloit riens tenir d'eux, fors de son seigneur le Comte de Flandres, auquel il deuoit seruice & obeissance. Le sire d'Antoing leur tint bien ce qu'il leur auoit promis, car il leur fit guerre mortelle, & leur porta mout de dōmage & de contraire, & fit garnir & pourueoir le chastel : de laquelle prouision & garnison ceux de Gand estoient moult fort courrouceez & trauaillez. D'autre part le sire d'Anghien (qui estoit encores bien ieune Escuyer, & de grande volonte, & s'appelloit Gautier) leur faisoit moult de cōtraires & de depits. Ainsi se cōtinua celle saison la guerre, & n'osoyent les Gandois issir hors, fors en grāde cōpaignie. Lesquels, quand ils trouuoient leurs ennemis, ils n'en auoient nulle mercy, pendant qu'ils estoient les plus fors, mais occioient tout. Ainsi s'enfelōna & multiplia celle guerre entr le Côte de Flādres & ceux de Gand, qui cousta depuis cēt mille vies deux fois, & à grande peine y peut on trouuer fin, ne paix. Car les Capitaines de Gād se trouuoient si meffaits enuers leur seigneur le Côte de Flādres, & le Duc de Bourgongne, qu'ils ne croyoient point que pour seellées, ne pour traictez, qu'ō leur iurast, ne feist, ils peussent iamaiz venir à paix, qu'il ne leur coustast les vies. Celle doute & crainte leur faisoit tenir celle opinion, & entretenir celle diuision & guerre, cōtre le Côte & les Gentils-hommes de Flādres, & si leur donoit celle paour courage de guerroyer hardimēt & outrageusemēt. Si leur mecheut toutesuoyes, par plusieurs fois, de leurs emprises, ainsi comme vous orrez recorder en l'Histoire. Le Côte de Flādres (qui se tenoit à l'Isle) oyoit tous les iours dures nouuelles de ceux de Gand, & comment ils abbattoient & ardoient les maisons de ses Gentils-hōmes : dont il estoit moult courroucé, & disoit qu'il en prendroit encores si grande vengeance, qu'il mettroit Gand en feu & en flābe, & les rebelles aussi. Si appella le Côte, (pour estre plus puissant contre les Gandois, tous les Barons de Flandres, & leur abādōna son pays, pour resister contre les Blancs-Chaperons, & leur bailla deux Gentils-hōmes, pour estre leurs Capitaines, c'est assauoir le Galois de Mamines, & Pierre d'Estreueles. Ces deux, avec route, porterent la banniere du Comte, & se tindrent, environ trois semaines, entre Audenarde & Courtray sur le Lis, & y firent moult de dōmages. Quand Rasse de Harfelle en feut les nouuelles, il vint hors de Gand, avec tous les Blancs-Chaperons, & vint à Donze, & cuidoit là trouuer les gens du Comte. Mais, quand ces Gens-d'armes furent que les Gandois venoient, ils se tirerent deuers Tournay, & s'armerēt en la ville, & là se tindrent vn grand temps, entour Orchies, le Dan, & Vorlan, & n'osoient les marchās aller de Tournay à Douay, pour iceux, & disoit on adōc, que les Gādois viendroient assie-

Mandement des Gandois aux Gentils-hōmes qui tenoient du biē en leur chastelenie, pour les venir seruir

† s'il entēd du chastel de Gand il faut presupposer qu'il y eust quelque ouverture dehors par laquelle peust entrer le seigneur d'Antoing, sans estre au danger des Gandois.

Le Comte de Flādres ordonne Capitaines cōtre les Gādois

*Pratique des
Gadois avec le
Roy de France.*

ger l'Isle, & le Comte de Flandres dedans, & fallioient de ceux de Bruges & d'Ypre, pour celle entreprife, & auffi ils auoient Grantmont & Courtray de leur accord, mais ceux d'Ypre & de Bruges varioient, & n'estoyent pas d'accord aux mestiers, & disoient que ce seroit grād folie de si loing mettre le siege, comme à l'Isle, & que le Comte, leur Seigneur, pourroit auoir grandes alliances au Roy de France (ainsi qu'autrefois il auoit eu) dont il pourroit estre aidé, & secouru, & conforté. Ces doutes retindrent les bonnes villes de Flandres, en celle saison, de faire guerre, & nul siege ne se mit, & (à celle fin que le Comte n'eust aucun pourchas, ou traicté, de son cousin & fils, le Duc de Bourgonne) ils auoyent enuoyé messagers, & lettres moult amiables, deuers le Roy de France, en luy priant, & suppliant, que pour Dieu, il ne se voufist pas conseiller contre eux, à leur dommage, car ils ne vouloyent qu'amour, paix, obeissance & seruice, avec ce que leur Seigneur, à grād tort & peché: les greuoit & trauailloit, & que ce, qu'ils faisoient, n'estoit que pour soustenir leurs franchises, lesquelles leur Seigneur leur vouloit tollir & abbatre, & qu'il leur estoit trop cruel. Le Roy moyennement s'enclinoit assez à eux, sans en faire compte ne semblant. Aussi faisoit le Duc d'Aniou son frere. Car le Comte de Flandres (cōbien qu'il fust leur cousin) si n'estoit il pas bien en leur grace, pour cause du Duc de Bretagne, qu'il auoit entretenuz delez luy, en son pays, outre leurs volonté, vn long tēps. Si ne faisoient pas conte de ses affaires. Aussi ne faisoit le Pape Clement, & disoit que Dieu luy enuoyoit ceste verge, pour ce qu'il luy auoit esté contraire, & ennemy.

Comment messire Bertrand du Guesclin, Connestable de France trépassa. CHAP. XLIX.

† Mort de messire Bertrand du Guesclin, Connestable de France, le 13. iour de Iuillet. 1380. selon les Cron. & Annales de Frāce. † Par ce que l'e-rard dit icy & y furent tous les freres & les notables hommes du royaume de France, ie n'y ay rien osé changer. Toutesfois ie pense qu'il y fale les freres du Roy. ou biē les Sieurs du Royaume de France, et pour tous, entendez beaucoup, ne prenant ce mot à la rigueur. † Cōe s'il vouloit dire qu'il ne les peut plainement regarder par le regret que il eut en les

EN celuy temps se tenoit le bon Connestable de France, messire Bertrand du Guesclin, en Auvergne, avec bons Gens-d'armes, & se tenoit à siege deuant Chastel-neuf de Randō, à trois lieues pres de la cité de Mende, & à quatre lieuës de la ville & cité du Puy-en Auvergne, & auoit enclos en ce Chastel-neuf plusieurs Anglois & Gascons, ennemis du Royaume de Frāce, qui estoient issus du pays de Limosin, ou auoit grād foison de forteresses. Si fit ledit Cōnestable, messire Bertrand, le siege durāt, faire plusieurs faux, durs & aspres, cōtre ledit chastel, & iura que de la en auant il ne partiroit de deuant, qu'il n'eust le chastel. Mais vne grād maladie le prit, dōt il acoucha au liēt, mais pourtāt ne se deffit pas pour ce le siege, ainçois furent ses gens plus aigres, que deuant. † De ceste maladie messire Bertrand mourut, dont ce fut dōmage pour ses amis, & pour le Royaume de France. Si fut porté en l'Eglise des Cordeliers du Puy en Auvergne, & là fut vne nuit, & le lendemain on l'embaïma, & fut apporté à S. Denis en Frāce, & là fut ensepulturé, assez pres de la tumbé du Roy Charles de France, qu'il auoit fait faire en son viuāt, & fit le corps dudit messire Bertrand, son Connestable, mettre & coucher à ses piez, & puis fit faire en l'Eglise S. Denis son obsequé, aussi hōnorablemēt, cōme s'il eust esté son propre fils, & y furent tous les Nobles, † les freres du Royaume de France. Ainsi vacqua par la mort messire Bertrand l'office de Cōnestable de Frāce. Si fut aduisé & ordōné de qui on le feroit. Si y estoient nōmez plusieurs grās Barōs du Royaume de Frāce, & par especial, le sire de Clifson & le sire de Coucy, & voulut le Roy de Frāce que le sire de Coucy fust regēt de toute Picardie, & adonc luy donna le Roy toute la terre de Mortaigne: qui est vn bel heritage seant entre Tournay & Valenciennes. Si en fut debouté messire Laquemes de Werchin, le ieune Sēeschal de Haynaut, qui la tenoit par la succeffiō de son pere, qui en fut sire vn grand tēps. Si vous dy que ce sire de Coucy estoit grādemēt en la grace du Roy de Frāce, & vouloit le Roy qu'il fust Cōnestable, mais le gentil Cheualier s'excusoit, par plusieurs raisons, & ne vouloit pas encores entreprēdre si grād faix cōme de la Cōnestablie, & disoit que messire Oliuier de Cliffo estoit plus suffisant pour l'estre, que nul, car il estoit vaillant preux, & hardy hōme, sage, aimé, & congnu des Bretons. Si demoura la chose en celuy estat, encores vne espace de tēps, & adonc les gēs de messire Bertrand du Guesclin retournerent en France, car le chastel se rendit à eux ce propre iour, que ledit messire Bertrand du Guesclin Cōnestable, mourut, & s'en allerēt ceux, qui sy tenoient, en Limosin, en la garnison de Vétadour. Quand le Roy de Frāce vit les gens de son Connestable, si se † retourna, pour la cause de ce que moult l'aimoit, & fit à chacun selō son estat grand dō. Nous delaisserons à parler d'eux, & recorderons cōment messire Thomas, Côte de Bouquingam, maisné fils du feu Roy Edouard d'Angleterte, mit sus, en celle saison, vne grande armée de Gens-darmes & d'Archers, & cōment il passa, avec son ost, parmy le Royaume de France, & vint en Bretagne.

Comment

Comment le Duc de Bretagne enuoya vers le Roy d'Angleterre, pour auoir secours, & comment le Comte de Bouquingam, maisné fils du feu Roy Edouard d'Angleterre fut ordonné pour ce voyage.

CHAP. L.

voyât & luy
faisant sou-
uenir du tré-
passé, qu'il a
uoir tant ai-
mé.

† Au cha. 44.

Vous avez bien ouy recorder, t^q quād le Duc de Bretagne issit d'Angleterre, le Roy Richard & ses oncles luy promirent qu'ils le conforteroient de Gens-d'armes & d'Archers, & comment ils luy teindrent aussi leur promesse, dont il ne leur prit pas bié. Car ils luy enuoyerent messire Iehan d'Arondel, à tout deux cens Hommes-d'armes, & ceux eurent vne telle fortune, qu'ils furent peris, & se sauuerent à grand mesaise messire Hue de Caurelée & messire Thomas Triuet, & y eut bien de peris quatre vingts Archers, & autant ou plus de Gens-d'armes. Si fut par celle fortune celle armée rompue, dont le Duc de Bretagne semerueilloit moult, & aussi faisoient ceux de son costé, de ce qu'ils n'oyoyent nouvelles d'eux, & ne pouuoit imaginer, ne considerer, à quoy il tenoit, & l'eust volontiers feu, à fin d'estre conforté. Car il estoit asprement guerroyé de messire Oliuier de Clifson, messire Guy de Laual, de messire † Oliuier du Guesclin, Cōte de Longueuille, du Seigneur de Rochefort, & des François, qui se tenoyent sur les frontieres de son pays, & eut conseil le Duc qu'il enuoyeroit suffisans hommes en Angleterre, pour sauoir à quoy il tenoit qu'ils ne venoyent, pour auoir confort hastiuemēt car ils en auoyent bié besoing. Si furent priez du Duc, & de ceux du pays, qui avecques luy se tenoyent, pour aller en message en Angleterre, le Sire de Beaumanoir & messire Eustace de la Houffaye: lesquels respondirent qu'ils iroyent volontiers. Si leur furent baillées lettres de par le Duc de Bretagne, & de par le pays, & se partirēt ces messagers, du pays de Bretagne, & mōterēt en mer, & eurent vent à volonté, & arriuerent à Hantonne. Si issirent du vaisfel, & monterent à cheual, & vindrent à Londres. Cē fut enuiron la Pentecouste, l'an de grace mil trois cens quatre vingts. De la venue du Seigneur de Beaumanoir & du Seigneur de la Houffaye furent tantost certifiés le Roy d'Angleterre & ses trois oncles, & la feste de la Penthecouste vint. Si vint le Roy tenir sa feste à Winderose: & là furent ses oncles, & grande foison de Barons & Cheualiers d'Angleterre, & là vindrent ces deux Cheualiers dessusdits (qui furent grandement receus du Roy & des Barons d'Angleterre) & baillerent leurs lettres au Roy, & à ses oncles. Si les leurent, & congñurent comment le Duc de Bretagne & son pays prioient affectueusement qu'ils fussent confortez. Adōc seurent les deux Cheualiers la mort messire Iehā d'Arondel, & des autres, qui estoient periz sur mer en allant en Bretagne, & s'excusa le Duc de Lanclastre, disant que ce n'estoit pas la coulpe du Roy, ne de son cōseil, mais par la fortune de la mer, cōtre laquelle nul ne peut venir, quād Dieu veut. Surquoy les Cheualiers tindrent le Roy pour excusé, & plaingnirent grandemēt la mort des Cheualiers & Escuyers, qui ainsi estoient periz sur mer. La feste de Penthecouste passée, vn parlement se tint à Westmonstier, & y furent mandez tous ceux du Conseil du Roy: qui tous y vindrent. Pendant que ces choses s'ordonnoyent, trépassa de ce siecle messire † Guichard d'Angle, Comte de Hostidonne, en la cité de Londres. Si fut enseuely en l'Eglise des Augustins dudit Londres, & luy fit le Roy son obsèque faire treshonorablement, & y eut grand nombre de Prelats & de Barons d'Angleterre, & chanta la messe l'Eueque de Londres. Tantost apres commencerent les Parlemens: esquels fut ordonné que messire Thomas maisné fils du feu Roy d'Angleterre, & plusieurs Barons, Cheualiers & Escuyers d'Angleterre, passeroient la mer, & s'en viendroyent prendre terre à Calais: & passeroient (se Dieu l'ordonnoit) parmy le Royaume de Frāce à trois mille Hōmes-d'armes, & autant d'Archers, & viendroit ledit messire Thomas, dernier fils du feu Roy d'Angleterre, en Bretagne, accompagné de Cōtes, Barons, & Cheualiers, ainsi cōme à fils du Roy appartient. Il entreprit vne grād chose, que de passer parmy le Royaume de France qui est si grand & si noble, & auquel a tant de bonne Cheualerie, & si vaillans & apperts Gens-d'armes. Quand ces choses furent deliberées & arrestées, & le voyage du tout conclu & accordé, le Roy d'Angleterre & ses oncles escriuirent lettres au Duc de Bretagne, & au pays, & leur manderent vne partie de leur volonté & leur entente, & du conseil parlemēté & arresté à Londres, & qu'à ce n'y auroit point de faute, que messire Thomas, maisné fils du feu Roy, Comte de Bouquingam, en ceste saison ne passast la mer pour aller à leur secours & aide. Le Roy d'Angleterre hōnora moult les Cheualiers, & leur donna de moult beaux dōs, & aussi firent ses oncles, & partirent & retournerent en

† Il faut presu-
poser qu'il eust
esté deliuré de
saprison du ch.
22 de ce presēt
volume.

L'an 1380 Am-
bassadeurs; ou
messagers du
Duc de Bretai-
gne en Angl.

† Il l'a par a-
uāt nomé Tho-
mas, au courō-
nement du Roy
Richard, chap.
326. du pre-
mier volume.

*Descente de
gens de guerre
Anglois, à Ca
lais sous la char
ge du Comte de
Bouquingnam.*

Bretaigne, & donnerent les lettres au Duc, qui les ouurit, & leut, & vit tout ce, qu'elles contenoient. Si les monstra au pays, & se cōtenterent de ces respōses. Le Roy d'Angleterre & ses oncles ne meirent pas en oubly ce voyage, qui estoit empris, mais firēt mander tous ceux, qui estoient élus pour aller avec le Côte de Bouquingnam, les Barōs d'une part, & les Cheualiers d'autre. Si furent payez & deliurez à Dauures, pour trois mois & cōmencerent leurs gages, si tost qu'ils furent arriuez à Calais, tant de Gens-d'armes, comme d'Archers, & leur deliuroit on passage sans fraiz. Si passerent petit à petit, & arriuerent à Calais, & meirent plus de quinze iours à passer, auant qu'ils fussent venus. Bien veoient ceux de Boulongne, que grans Gens-d'armes issoient d'Angleterre, & passoiēt la mer, & arriuoyent à Calais. Si le signifient par le pays, & par toutes les garnisons, à fin qu'ils ne fussent surpris. Lors, quand les nouuelles furent seuës en Boulenois, & en Terouennois, & en la Comté de Guines, Cheualiers & Escuyers du pays firent retraire leurs biens es places fortes, & y meirent tout ce qu'ils auoyent (fils ne le vouloyent perdre) & les Capitaines (tels que le Capitaine de Boulongne, d'Ardre, de la Mōtoire, d'Espitloque, de Tournehan, de Hornes, & de Liques, & des chasteaux sur frontieres) entendirent grandement à pourueoir leurs lieux. Car ils sauoient bien (puis que les Anglois passoiēt en telle flotte) qu'ils auroient l'assaut. Les nouuelles du passage furēt signifiées au Roy Charles de France, qui se tenoit à Paris. Si enuoya tantost deuers le Seigneur de Coucy (qui estoit à Saint-Quentin) à ce qu'il se pourueust de Gens-d'armes, & s'en alast en Picardie, & reconfortast les villes, les citez, & les chasteaux. Le Sire de Coucy obeyt au commandement du Roy (comme ce fut raison) & fit son mandement & sa sermonse à Peronne en Vermadois, pour recueillir & assembler les Cheualiers & Escuyers du pays d'Artois, de Vermandois, & de Picardie, & estoit pour ce tēps Capitaine d'Ardre le Sire de Saimpi, & de Boulongne messire Iehan de Bouuillers, & arriua à Calais le Côte de Bouquingnam, dernier fils du Roy Edouard d'Angleterre, avec son armée, trois iours deuant la Magdalene, au mois de Iuillet, l'an mil trois cens quatre vingts.

*La personne du
Comte de Bou
quingnam arriue
à Calais le iour
de la Magdalē
ne 1380. com
me dessus.*

Comment le Comte de Bouquingnam, maisné fils du Roy Edouard d'Angleterre, & les Anglois, se partirent de Calais, pour venir en France, & de leurs ordonnances.

CHAPITRE. LI.

QVand le Comte de Bouquingnam fut arriué à Calais, les compagnons en eurent grande ioye. Car bien sauoient que pas longuement ne seiourneroyent là, qu'ils n'allassent en leur voyage. Le Comte se rafreschit deux iours à Calais, & au tiers iour partirent, & se meirent sur les champs, & prirent le chemin de Marquignes. Or est il droit que ie vous nomme les bannieres & pannonneaux, qui là estoient. Premièrement le Comte Thomas de Bouquingnam, & le Comte de Stanfort (qui auoit sa nièce espoufée, fille au Seigneur de Coucy) *cheuauchoiēt à bannieres déployées: & le Comte de Dimestre, le Sire d'Espensier (qui estoit Conneftable de l'ost) le Sire de Fil-Wastier, Marechal, le Sire de Basse, le Sire de Bourfier, le Seigneur de Ferrieres, le Seigneur de Morlais, le Sire d'Orfi, messire Guillaume de Windesore, messire Hue de Caurelée, messire Hue de Hastings, & messire Hugues de la Sente, † alloient & cheuauchoyent, avecques leurs pannons, & messire Thomas de Percy, messire Thomas Triuet, messire Guillaume Cliton, messire Yuon de Fil-Warin, messire Hugues Toriel, le Seigneur de Wardin, messire Eustace & messire Iehan de Harbeston, messire Guillaume Fermiton, le Sire de Briaue, messire Guillaume Fabre, messire Iehan & messire Nicole d'Auberticourt, messire Iehan Mace, messire Thomas Camois, messire Raoul, fils du Seigneur de Neufuille, messire Henry, Bastard de Ferrieres, messire Hugues Broce, messire Geoffroy Orselle, messire Thomas Vest, le Seigneur de Sainte-More, Dauid Holegraue, Huguelin de Caurelée, bastard, Bernard de Coderieres, & plusieurs autres. Si cheuaucherent ces Gens-d'armes en bonne ordonnance, & en grand arroy, & n'allèrent, le iour qu'ils partirent de Calais, plus auant qu'à Marquignes, & là s'arrestèrent, pour entendre à leurs besongnes, & auoir conseil entre eux lequel chemin ils tiendroyent, pour accomplir leur voyage, car il y en auoit plusieurs en la route, qui iamais n'auoient esté en France, comme le fils du Roy, & plusieurs Barons & Cheualiers. Si estoit biē chose raisonnable que ceux, qui congnoissoient le pays & le Royaume de Frāce, & qui autresfois l'auoyēt passé & cheuauché, eussent tel aduis & gouuernement, qu'à leur honneur ils l'accōplissent. Vray est que, quand les Anglois du temps passé venoient en France, ils auoyent telle ordonnance

*Annot. 7.

† Sans ce qu'il
fera tātost Che
ualiers trois
des dessus nom
mez, & lēner
leurs bānieres,
nouuellement,
i'eusse volōtiers
fait icy le point
& mis ainsi.
Puis alloiēt,
&c. cōme à la
verité ceste con
iunction et n'e
stait point de
uant Messire
Thomas de
Perci.

Sermens et pro
messes des Capi
taines Anglois

ordonnance entre eux, que les Capitaines iuroient en la main du Roy d'Angleterre & au Roy d'An-
 de son Conseil, deux choses: qui sont telles: la premiere qu'à creature du monde: fors gleterre, quand
 entre eux, ils ne reueleroient leurs secrets, ne leur voyage, ne là ou ils tendoient à aller: ils venoient en
 La seconde chose, qu'ils iuroient & promettoient, estoit qu'ils ne pourroient, ny ne con-
 sentiroient, nul traité à leurs ennemis faire, n'accorder, sans le feu & volonté de luy, & France.
 de son Conseil. Quand ces Barons, Cheualiers, & Escuyers, & leurs gens se furent repo-
 sez à Marquignes trois iours, & que tous furent venus & issus de Calais, & que les Capi-
 taines eurent considéré & aduisé quel chemin & quelle voye ils tiendroient, ils se parti-
 rent & tirèrent par deuant Ardre: & là ils sarrestèrent, deuant la bastide d'Ardre, pour
 eux monstrier aux Gens-d'armes, qui estoient dedans: † & là fut fait Cheualier par le † Il y auoit icy
 Comte de Bouquingam le Comte de Dimestre, & aussi le Sire de Morlais: & meirent & là fut fait
 ces deux Seigneurs adoncques premierement hors leurs bānieres. Encores fit le Com- Cheualier le
 te de Bouquingam Cheualiers ceux, qui s'ensuiuent: premierement le fils du Seigneur Comte de
 de Fil-Wastier, messire Roger d'Estagne, messire Iehan d'Ypre, messire Iehan Colle, Bouq. &c.
 messire Iame de Titiel, messire Thomas de Rameston, messire Iehan de Neufuille; & mais la suite
 messire Thomas Roselée: & vint loger tout l'ost à Hosque & adoncques furent faits tous assure nostre
 ces Cheualiers nouveaux deuantdits, pour la cause de ceux de l'auantgarde: qui s'en al- correction.
 lerent ce iour par deuers vne forte maison, seant sur la riuere, qu'on dit Folant. Dedans Quant à ceste
 auoit vn Escuyer (à qui la maison estoit) qu'on appeloit Robert. Il estoit bon Homme- forte de cheua-
 d'armes: & si auoit garny & pourueu sa maison, de bons compaignons: qu'il auoit pris & lerie, & de le-
 recueillis là enuiron: & estoient bien quarante: & monstroient bon semblant d'eux uer banniere,
 deffendre. Ces Barons & Cheualiers, en leur nouuelle Cheualerie enuironerent la tour voyez le chap.
 de Folant: & la commencerent à assaillir de grand' volonté: & ceux de dedans commen- 241. du prem.
 cerent aussi à eux vaillamment deffendre. Là eut fait, par assaut maintes belles appertis- Vol. & le 54.
 ses d'armes: & tiroient ceux du fort moult asprement & viuement: dont ils haurent & du present.
 blecerēt aucuns des assaillans: qui s'abandonnoient trop auant. Car il y auoit dedans le
 fort, de bōs Arbalestiers: que le Capitaine de Sainct-Omer y auoit enuoyez, à la requē-
 ste de l'Escuyer: pource qu'il pensoit bien que les Anglois passeroient par-deuāt sa mai-
 son: & il la vouloit tenir & garder à son pouuoir: ainsi qu'il fit: car il sy porta vaillāment.
 Là dit vne haute parolle le Comte de † Donnesiere: qui estoit sur les fossez, sa banniere † Il faut icy
 deuant luy: qui moult encouragē ses gens, disant, Comment? Seigneurs, en nostre nou- Dimestre, au
 uelle Cheualerie nous tiendra meshuy ce coulombier? Bien nous deuroient tenir les parauant Dō-
 forts chasteaux & places, qui sont au Royaume de France: quand vne telle maison nous nestiere, pour
 tient. Auant, auant, monstren Cheualerie. Bien noterent ceux, qui l'ouirent dire, celle Dimestre.
 parolle: dont s'épargnerent moins que deuant: & entrèrent es fossez: puis vindrent ius-
 ques aux murs: & là tiroient Archers si menüement, qu'à peine s'osoit nul monstrier aux
 deffenses. Si en y eut plusieurs blecez, & naurez: & fut la basse-court prise & arse. Finale-
 ment ils furent tous pris: mais moult vaillamment se deffendirent: & n'y eut oncques La forteresse de
 homme nauré à mort. Ainsi fut la maison de Folant prise, & Robert de Folant dedans, Folant, pres
 & prisonnier au Comte de Donnesiere, & les autres à ses gens: & tout l'ost se logea sur la saint Omer,
 riuere de Hosque, en attendant messire Guillaume de Windesore: qui menoit l'arrie- assaillies pri
 regarde, & point n'estoit encores venu. Mais il y vint ce soir: & le lendemain se déloge- se par les An-
 rent tous ensemble: & cheuaucherent ce iour iusques à Espreleque: & là se logerent. Le glois.
 Capitaine de Sainct-Omer (qui sentoit les Anglois si pres de luy) renforça les guets de
 la ville: & fit la nuict veiller plus de deux mille hōmes: à fin que la ville de Sainct-Omer
 ne fust surprise des Anglois. Au lendemain (ainsi comme à l'heure de six heures) déloge-
 rent les Anglois: & cheuaucherent, en ordonnance de bataille, deuant Sainct-Omer.
 Quand ceux de la ville sentirent que les Anglois venoient, ils s'armerent tous (ainsi que
 commandé leur estoit) & fordōnerent au Marché: & puis allerent aux portes, aux tours,
 & aux creneaux, moult vaillamment, & en bonne deliberation. Car on leur disoit que
 les Anglois assaudroient la ville: mais ils n'en auoient nulle volonté: car la ville est moult
 forte, & plus y pouuoient perdre que gagner. Toutesfois le Comte de Bouquingam
 (qui iamais n'auoit esté au Royaume de France) voulut veoir Sainct-Omer: pource que
 elle luy sembloit moult belle de murs, de portes, de tours, & de beaux clochers. Si s'en Les Anglois
 vint arrester sur vne montaigne, à demie lieuë pres de la ville: & là fut l'ost rangé, & or- deuant S. Omer
 donné plus de trois heures: & là adoncques eut aucuns ieunes Cheualiers & Escuyers, sans l'assaillir.
 montez sur leurs courriers, qui esperonnerent iusques aux barrieres: & demanderēt iou-

stes de glaiues, aux Cheualiers & Escuyers, qui dedans la ville estoient: mais ils ne furēt point respondus: & s'en retournerēt arriere en l'ost. Ce iour que le Comte de Bouquingam vint deuant Sainct-Omer: il fit Cheualiers nouueaux: & premierement messire Raoul de Neufuille, messire Berthelemy Boursier, messire Thomas Camois, messire Foulqs Courbec, messire Thomas d'Anglure, messire Raoul de Pypres, Messire Louis de S. Aubin & messire Ieā Paule. Ces nouueaux Cheualiers en leur Cheualerie premiere, & montez sur leurs coursiers, esperonnerent: & vindrent iusques aux barrieres de la ville: & demanderent ioustes de glaiues aux Cheualiers & Escuyers, qui dedans la ville estoient: mais point n'eurent de response: & ainsi s'en retournerent arriere en leur ost. Quand le Comte de Bouquingam & ses gens veirent que les Seigneurs de France, qui dedans Sainct-Omer estoient, ne se mettoient point aux champs à l'encontre d'eux, ils passerent outre: & s'en vindrent le iour loger aux Esquilles, entre Sainct-Omer & Térouenne: & le lendemain ils se partirent: & cheuaucherent vers Térouenne. Quand ceux des garnisons de la Comté de Boulongne, d'Artois, & de Guines virent le conuenant des Anglois, & qu'ils alloient tousiours sans arrester, signifierent l'un à l'autre leurs volontez, & qu'il les feroit bon pourfuyuir, & qu'on y porroit bien gagner: Si se cueillirent tous: & s'assemblerent sous les pennons du Seigneur de Fransures, & du Sire de Saimpi: & se trouuerēt biē deux cens Lances. Si commencerent à costoyer & pourfuyuir les Anglois: mais les Anglois se tenoient tous ensemble: ne point ne se déroutoient: & ne f'osoit on bouter en eux: qui ne voulut tout perdre. Toutesfois ces Escuyers & Cheualiers François retrenchoient à la fois, & ruoient ius les fourrageurs Anglois, parquoy ils n'osoient aller fourrager: si n'estoient en grans routes. Si cheuaucherent les Anglois: & passerent Térouenne, sans riens faire. Car le Sire de Saimpi & le Sire de Fransures y estoient. Si vindrent les Anglois loger à † Bitōne: & là se reposerent vn iour. Je vous diray pourquoy. Vous sauez comment il est cy-dessus contenu que le Roy Richard d'Angleterre, par la promotion de ses oncles & de son Conseil, auoit enuoyé en Allemagne sō Cheualier, messire Simō Burle, deuers le Roy des Romais, pour auoir sa sœur en mariage. Le Cheualier auoit si bien exploité, que le Roy des Romains la luy auoit acordée, par le bon Conseil des haux Barons de sa Court: & enuoya le Roy des Rōmains en † sa terre, & puis en Angleterre, avecques messire Simon Burle, le Duc de Tasson, pour aduiser le Royaume d'Angleterre, à fin de sauoir comment il plairoit à sa sœur, & pour cōfermer les ordōnances. Car le Cardinal de Rauenne estoit en Angleterre (qui se tenoit Vrbainiste: & conuertissoit les Anglois à l'opinion d'Vrbain) & y atendoit la venue du Duc dessusnommé. Lequel, à la priere du Roy des Romains & du Duc de Brabant, luy & toute sa route, auoit sauſconduit pour passer parmy le Royaume de France, & aller à Calais. Si estoient venus par Tournay, par l'Isle, & par Bethune: & vindrent veoir le Comte de Bouquingam & ses Barons: lesquels recueillirent le Duc de Tasson, & ses gens moult honnorablement. Le lendemain ils prirent congé les vns des autres. Si passerent les Allemans outre: & vindrent à Aire, à Sainct-Omer, & puis à Calais. Le Comte de Bouquingam & son ost passerent par deuant Lyques: & vindrent ce iour loger à Bouhain, lez Buissieres. Si se tindrent là: & tousiours les pourfuyuoient le Sire de Saimpi & le Sire de Fransures, & leurs routes. Quand ce vint au matin, ils delogerent: & cheuaucherent deuers Bethune. En la ville de Bethune auoit grand garnison de Gens-d'armes, Cheualiers & Escuyers: que le Site de Coucy y auoit enuoyez, tels que le Seigneur de Hangeſt, messire Iehan & messire Trihā de Roye, messire Geoffroy de Charny, messire Guyde Harecourt, & moult d'autres. Si passa tout l'ost pres Bethune: & oncques n'y firent semblant d'affaillir: & vindrent à Doncheres. A heure de vespres vindrent le Sire de Saimpi & le Sire de Fransures, & se bouterent en Bethune: & le lendemain ils vindrent à Arras: & trouuerent le Seigneur de Coucy: qui les receut liement: & leur demanda des nouuelles: & quel chemin les Anglois tenoient. Ils respondirent qu'ils auoient geu à Doncheres: & cheuauchoyēt tressagement: car ils ne f'elongoient point. Donc (dit le Sire de Coucy) il est apparent qu'ils demandent bataille. Ce qu'ils auront (se le Roy, nostre Sire, nous veut croire) auant qu'ils ayent accomply leur voyage. Le Comte de Bouquingam passa au dehors d'Arras, en ordonnance de bataille: & passa outre sans riens faire: & vindrent loger à Anet: & le lendemain à Miraumont: & puis à Clery-sur-Somme. Quand le Sire de Coucy (qui se tenoit à Arras) entendit qu'ils tenoient ce chemin, si enuoya le Sire Hangeſt à Bray-sur-Somme, & en

† Ce mot est de
Verard, mieux
que Bethune:
comme la suite
le monstre.

† C'est assauoir
de Luxem-
bourg, à mon
aduis: & pour
Tasson, me
doute qu'il ne
faillie lire Sa-
xe, ou Saxon-
gne.

sa com-

sa compaignie trente Lances, Cheualiers & Escuyers: & à Peronne messire Jaquemes de Varchin, Senechal de Haynaut, le Seigneur de Hamireth, messire Iehan de Roye, & plusieurs autres: & il sen alla vers Sainct-Quentin: & enuoya le Seigneur de Clery, & plusieurs autres en Vermandois. Car il ne vouloit pas que par sa negligence il y eust point de dommage.

Comment le Sire de Brimeu & ses enfans furent pris des Anglois, & toute leur route: & comment la garnison de Peronne fut rechacée moult hastiuement dedans leur ville.

CHAP. LII.

LA nuit, que les Anglois se logerent à Clery-sur-Somme, s'aduiferent aucuns des Cheualiers de leur bande (comme messire Thomas Triuet, messire Guillaume Cliton, messire Yuon de Fil-Warin, par le mouuement du Seigneur de † Warchin: qui connoissoit tout le pays, & qui sentoit le Seigneur de Coucy, à grans Gens-d'armes, en la cité d'Arras) qu'ils cheuaucheroient au matin, avecques les fourrageurs de l'ost à sauoir s'ils trouueroient chose qui leur fust bonne: car ils desiroient à faire faicts-d'armes. Ainsy, comme ils aduiferent, il fut fait: & se partirent enuiron trente Lances: & suiuirent leurs cheuaucheurs & fourrageurs à l'aduenture. Ce propre iour partit d'Arras le Sire de Coucy, à grand' route, & prit le chemin de Sainct-Quentin. Quand ils furent sur les champs, le Sire de Brimeu & ses enfans, & enuiron trente Lances, issirent hors de la route du Seigneur de Coucy: ainsy que ceux, qui desiroient les armes. Si se trouuerent sur les champs Anglois & François: & virent bien qu'il leur conuenoit combattre. Si esperonnerent l'un contre l'autre, en écriant leur cri. De premiere venue il en y eut de ruez ius, de morts, & de fort blecez, d'une partie & d'autre: & y eut fait plusieurs belles appertises d'armes: & se meirent tantost à pié: & commencerent à pousser des lances: & moult bien se porterent d'un costé & d'autre: & furent en tel estat, enuiron une heure: qu'on ne sauoit à dire lesquels auoient du meilleur: mais finalement la place demoura aux Anglois: & prit messire Thomas Triuet le seigneur de Brimeu & ses deux fils, Iehan & Louis: & y eut enuiron seize Hommes-d'armes pris: & le demourant se sauua: & retournerent les Anglois, à tout leur gaing, à leur ost. Si seiournerent entour Peronne. Car ils auoient entendu, par leurs prisonniers, que le Seigneur de Coucy estoit à Peronne, à bien mille Lances: & ne sauoient s'il les voudroit combattre. Ce propre iour se bouterent hors de l'ost, avecques les fourrageurs, le Sire de † Warchin & Fierabras, le bastart, son frere, messire Yuon de Fil-Warin, & plusieurs autres vindrent courir iusques au Mont Sainct-Quentin: & là se tindrent en embusche. Car ils sauoient bien que le Senechal de Haynaut estoit à Peronne, à grans Gens-d'armes, & sentoient le ieune Senechal de Haynaut si outrecuydé, qu'il iroit hors: ainsy qu'il fit.

† Je pense que c'est celui qu'il a surnomé de Vuardin au chap. preced. et vous gardez de le prendre pour le senechal de Haynaut.

Defaite de quel que peu de François par auant d'Anglois, pres Arras.

† Il faut que ce soit celui, qu'il surnomme de Vvarchin, au commencement de ce chap.

† Verard dit icy Vartins que ie pense estre le frere bastart de celui qu'il a surnommé de Vvarchin, en ce present chap.

† Verard dit icy Verthain.

† Sur la fin du chap. preced. il en surnomme un de Hamireth: qui peut estre cestuy-cy.

† Verard dit icy Vertaing.

Ceux de l'auantgarde enuoyerent courir dix Hommes-d'armes deuant Peronne: entre lesquels furent Thierry de Soumain, le Bastart de † Vartin: Huguelin de Caurelee, & Hopoquin Hay, môtez sur leurs cheuaux d'estriers. Si vindrent iusques aux barrieres là ou estoient bien cinquante Lances, avecques le Senechal de Haynaut: qui firent ouir les barrieres: & cuidoient attraper ces Coureurs: & se mirent en chace apres: & eux de fuir vers leur embusche. Quand ceux de l'embusche virent que les François chassoient leurs gens, ils decoururent leur embusche: mais ce fut un peu trop tost: car, quand le Senechal de Haynaut & ses gens virent venir celle grosse route, & tous bien montez, ils iouerent de la retraite: & là seurent cheuaux qu'esperons valaient: & trouuerent bien à point les Seigneurs les barrieres ouuertes. Toutesfois ils furent de si pres suyuis, que messire Richard de Marquillies, messire Louis de † Vertaing (qui estoit là) Honard de la Honarderie, & Vital de Sainct Hilaire, & bien dix autres Hommes-d'armes, y demourerent prisonniers aux Anglois: & tous les autres se sauuerent. Quand les Anglois seurent que le Senechal de Haynaut, le sire de † Hauereth, le sire de Clery: & vingt autres, Cheualiers, festoient sauuez, si dirent, Dieu! quelle rencontre! se nous les eussions tenus ils nous eussent payé quarante mille francs. Si retournerent en l'ost: & n'y eut plus riens fait celle iournée. L'ost fut trois iours à Clery-sur-Somme, & là enuiron: & au quatrieme iour ils sen partirent & vindrent en l'Abbaye de Vaucelle, à trois lieues de Câbray: & lendemain vers sainct-Quentin. Ce propre iour cheuaucheroient les gens du Duc de Bourgongne (qui estoient enuiron trente Lances) & venoient d'Arras à sainct-Quentin. Messire Thomas Triuet, messire Yues de Fil-Warin, le sire de † Vertain, & plusieurs au-

Défaite d'aucunes gens du Duc de Bourgogne, par les Anglois.

tres, qui estoient à l'auantgarde avecques les fourrageurs, ainsi qu'ils venoient prendre logis, rencontrèrent les Bourguignons: & y eut bataille. Mais elle ne dura pas longtemps: car les Bourguignons furent tantost esendus, l'un çà, l'autre là: & se sauua qui peut. Toutesfois messire Iehan de Mornay demoura sur la place en bon conuenant, son pennon deuant luy: & se combattit moult vaillamment: mais finalement il fut pris, & dix Hommes-d'armes en sa compagnie. Puis vindrent les Anglois à Foursons, à deux lieues d'Amiens: ou l'auantgarde se logea.

Comment les Anglois ardirent & gasterent le pays de Champagne: & des rencontres, qu'ils trouverent en leurs chemins, & des prisonniers, qu'ils prirent. CHAP. LIII,

† Verard a maintenant Verthain: & faut nécessairement que ce soit celui, dont il est tant parlé au chap. prec.

Maunais traitement des Anglois sur le territoire de Reims.

† sala ne dit que quatre mille:

† Verard dit viel, & sala velle.

La ville de Vertus brulée par les Anglois.

Endemain au matin, quand le Comte de Bouquingam, & ses gens eurent ouy messire, ils se meirent au chemin, pour venir vers Saint-Quentin: en laquelle ville il y auoit grans Gens-d'armes: mais point n'issirent hors. Si y eut aucuns Coureurs, qui coururent iusques aux barrières: mais tantost ils se departirēt: car l'ost passa outre, sans arrester: & vint à Origny-Sainte-Benoiste, & es villages d'environ. En la ville d'Origny a vne moult belle Abbaye de Dames: dont pour ce temps estoit Abbessse la belle-ante au Seigneur de † Vertaing: qui estoit en l'auantgarde: dont, à la priere de luy, l'Abbaye, & toute la ville, fut respicee d'ardoir & piller: & se logea le Comte en l'Abbaye. Mais ce soir, & le lendemain, y eut à Ribemont (qui pres de là estoit) grandes écarouches: & en y eut de morts, & de blecez, d'une part & d'autre. Au matin se délogea l'ost d'Origny: & vint à Crecy: & puis passa à Vaux, dessous Laon: & vint loger à Sissonne: & lendemain passa la riuere d'Aisne, au Pont-à-Vaire: & vindrēt à Hermonuille & à Hormissy, à quatre lieues de Reims: & ne trouuerent riens sur les chemins. Car tout estoit retrait es bonnes-villes & es forts & auoit le Roy de France abandonné, aux Gens-d'armes de son pays, tout ce qu'ils trouuoient sur le plat pays. Si auoient les Anglois grand souffrete, & especialement de chairs. Si eurent aduis qu'ils enuoyeroient vn Heraut à Reims, pour traiter qu'ils leur voufissent enuoyer des viures vne quantité: comme bestes, pain, & vin. Ceux de Reims respondirent qu'ils n'en feroient riens: & qu'ils fissent ce que bon leur sembleroit. Les Anglois furent fort courroucez de ceste response: tellement que leurs Coureurs ardirent, en vne semaine: plus de soixante villages en la Marche de Reims. Encores feurent les Anglois, que ceux de la ville de Reims auoient mis en sauueté, dedans leurs fossez, grand' foison de bestes. Si vint l'auantgarde celle part: & firent leurs gens descendre & entrer es fossez, & chacer hors toutes ces bestes, sans ce que nul osast issir, n'aller au deuant, ou se monstrier aux deffenses: Car les Archers (qui là estoient logez sur les fossez) tiroient si dru, que nul n'osoit venir aux guerites: & eurent les Anglois plus de † vingt mille bestes. Encores maderēt ils à ceux de Reims: qu'ils ardroient tous leurs blez: fils ne les rachetoient de viures, de pain, & de vin: Ceux de Reims douterent ceste nouuelle. Si enuoyèrent fix charges de pain, & autant de vin: & parmy ce, les blez & les auoines furent sauuez & gardez d'ardoir. Si passerent les Anglois en ordonnance de bataille par deuant la cité de Reims: & vindrent à Beaumont: car ils auoient passé la riuere, au dessous de Reims. Au délogement de Beaumont-sur-Vielle, † cheuaucherent les Anglois amont, pour passer la riuere, de Marne: & vindrent à Conde-sur-Marne: & là trouuerent le pont defait: mais encores y estoient les attaches: & illec trouuerent planches & merriens: dont ils refirent le pont: & passerent: & vindrent ce iour loger es villages de dessus Marne: & lendemain deuers la ville de Vertus: & là eut vne grād' écarouche deuant le chastel, & grand' foison de blecez. Si logea le Comte de Bouquingam en la ville de Vertus: & la nuit, la ville de Vertus fut arse, fors l'Abbaye: pource que le Comte y estoit logé: autrement elle eust esté arse sans deport: car ceux de la ville s'estoient retraits au fort: qui ne se voulurent point rachapter. Lendemain l'ost se délogea: & vint passer par deuant le chastel de Moymer: qui est de l'heritage au Sire de Chastillon. Si vindrent les écaroucheurs aux barrières: puis passereut outre: & vindrent loger à Pelange, en approchant la cité de Troyes: & lendemain à Plancy-sur-Aube. Si cheuaucherēt le Sire de Chastel-neuf & Iehan de Chastel-neuf son frere: & Remod de S. Marfin, Gascos, & autres Anglois environ quarante Lances d'une part & d'autre: & riens ne trouuerēt: dont ils estoient moult ennuyez. Si virent sur les champs vne route de Gens-d'armes: qui cheuauchoit vers Troyes. C'estoit le sire de Hangeft, & ses gens. Si commencerent Anglois & Gascons à brocher cheuaux des esperons apres eux. Le sire de Hangeft les auoit

les auoit bien veuz: & se douta qu'il n'y eust plus grand route, qu'ils n'estoient: & dit à ses gens, Cheuauchon vers Plancy: & nous sauon: car ces Anglois nous ont decouverts: & leur grosse route est pres d'icy: metton nous à sauueté au chastel de Plancy. Si tirerent celle part & les Anglois apres. Là eut vn Homme-d'armes de Haynaut, de la route au Seigneur de Vertaing, appert Homme-d'armes (& s'appelloit Pierre Berton) bien monté. Si abaissa son glaiue: & s'en vint contre le Seigneur de Hangeft: qui fuyoit deuant. Si luy adreça son glaiue au dos, par derriere: & le cuida mettre hors de sa selle: mais oncques le Seigneur de Hangeft ne perdit selle, n'estriers (combien que l'Homme-d'armes luy teinst tousiours le fer au dos) & ainsi vindrent à Plancy: & droit à l'entrée du chastel, le Sire de Hangeft faillit ius de son cheual: & entra es fossiez. Ceux du chastel entendirent à le sauuer & recueillir: & vindrent à la barriere: & là eut grand'écarmouche: car ceux du chastel tiroient moult aigrement (pource qu'ils auoient de bons Arbalestiers) & là eut fait de moult belles appertises d'armes d'une partie & d'autre. A grand peine fut sauué le Seigneur de Hangeft: qui moult vaillamment se combattit en entrant au chastel: & tousiours venoient gens de l'auantgarde. Le Sire de Vertaing, messire Thomas Triuet, messire Hue de Caurelée, & les autres vindrent illec: & y eut grief conflict: Car il y en eut de morts & de pris, du costé des François, enuiron trente: & si fut la basse court du chastel arse: & le chastel assailli de toutes parts (lequel fut bien deffendu) & furent les moulins de Plancy aussi ars & abbattus: & se retira tout l'ost ensemble: & passa, au Pont-à-l'Ange, la riuere d'Aube: & cheuaucherent vers † Volant-sur-Seine. Ainsi fut ce iour le Sire de Hangeft en grand'aduenture. Le propre iour cheuaucherent les Seigneurs de l'auantgarde: messire Thomas Triuet, messire Hue de Caurelée, le Sire de Vertaing, le Bastard son frere, Pierre Berton, & plusieurs autres. Si rencontrerent messire Iehan de Roye, & enuiron vingt Lances des gens au Duc de Bourgongne: qui s'en alloient à Troyes. Les Anglois les apperceurent: & frapperent des esperons apres eux: & les François entendirent à eux sauuer: (car ils n'estoient pas assez de gens pour les attendre) & s'en sauua la greigneur partie: & messire Iehan de Roye & les autres se bouterent es barrieres de Troyes: car iusques là furent ils leuez. Au retour ils prirent quatre de ses gens (qui ne se peurent sauuer) entre lesquels il y auoit vn Escuyer du Duc de Bourgongne (qui s'appelloit Guyon) appert Homme-d'armes. Moult durement estoit son cheual échaufé. Si f'estoit arresté au champs: & auoit adossé vn noyer: & là se combattoit vaillamment & courageusement à deux Anglois: qui le tenoient moult de pres: & luy disoient en Anglois, Rendez vous: mais il ne sauoit qu'ils disoient. Le Bastard de Vertaing (qui retournoit de la chace) vint sur eux, & dit à l'Escuyer, Ren toy. Quand il l'entendit, il luy dit, Es tu Gentil-homme. Le Bastard respondit, ouy, ouy. Et ie me ren à toy, & luy bailla son gantelet, & son espée: dont les Anglois le vouloient tuer es mains dudit Bastard: & disoient qu'il n'estoit pas bien courtois, de leur auoir tollu leur prisonnier: mais le Bastard estoit le plus fort d'eux. Nonobstât ce, il en fut au soir questiō deuant les Mareschaux: mais, tout considéré, il demoura au Bastard: qui le rançonna ce soir: & le creut sur sa foy: & l'enuoya le lendemain à Troyes: & tout l'ost se logea à † Valant-sur-Seine, Puis le lendemain ils passerent à gué la riuere de Seine: & vindrent en vn village, à vne lieuë de Troye: qu'on apelle Bernare-sainct-Simple: & là eurent les seigneurs, & les Capitaines de grans Conseils ensemble.

*Ecarmouche
des Anglois de-
uant le chasteau
de Plancy en
Champaigne*

*† Verard dit
valant: & ain-
si le trouuerex
sur la fin de ce
chap.*

*Quelques gens
du Duc de Bour-
gogne pour sui-
uis iusques à
Troyes par les
Anglois*

*† Verard dit ici
baland. sala-
n'en parle au-
cunement.*

*Comment les Anglois vindrent deuant Troyes: de l'écarmouche, qui fut faicte pres les portes:
& de la prise d'une bastide, que le Duc de Bourgongne auoit fait faire au dehors: & comment le
Roy Charles pratiqua ceux de Nantes.*

CHAP.

LIIII.

EN la cité de Troyes estoit le Duc de Bourgongne: & auoit fait là son mandement especial. Car il auoit intention & volonté de combattre les Anglois entre la riuere de Seine & Yonne: & aussi les Barons, Cheualiers, & Escuyers du Royaume de France, ne desiroient autre chose: mais nullement Charles de France, pour la doute des fortunes, ne sy vouloit accorder: car tant ressongnoit les grans pertes & dommages, que les Nobles de son Royaume auoient eues au temps passé, par les victoires des Anglois, que nullement il ne vouloit qu'on les combattist: si ce n'estoit à son trop grand aduantage. Avecques le Duc de Bourgongne estoient à Troyes le Duc de Bourbon, le Duc de Bar, le Côte d'Eu, le sire de Coucy, messire Iehan de Vienne, Admiral sur la mer, le Seigneur de Vienne, & de sainte croix, messire Jaquemes de Vienne, messire Gautier de Vienne, le

Seigneur de la Trimouille, le Sire de Vergy, le Sire de Rengemont, le Seigneur de Hanbie, le Sénéchal de Haynaut, le seigneur de Saimpi, le Barô de Habres, le sire de Roye, le Vicomte d'Assi, messire Guillaume, Bastard de Langres, & plus de deux mille Cheualiers & Escuyers: & me fut dit que le Seigneur de la Trimouille estoit enuoyé, de par le Duc & les Seigneurs, au Roy, à Paris, pour impetrer qu'on les peust combattre, Si n'estoit encores pas retourné au iour, que les Anglois vindrent deuant Troyes.

Heraux du Comte de Bouquingnam vers le duc de Bourgongne a Troyes pour luy presenter bataille.

Les Seigneurs de France (qui bien sauoient que les Anglois ne passeroient iamais sans les venir veoir) auoient fait faire, au dehors de la porte de Troyes, ainsi comme au trait d'un arc, vne bastide de gros merrien en maniere d'une recueille: ou pouuoient bien mille Hommes-d'armes: & estoient les parties faites de bon bois, par bone ordonnance. Au conseil, au soir, en l'oit furent appelez tous les Capitaines pour sauoir comment lendemain ils se maintiendroient. Si fut ordonné que tous les Seigneurs & Cheualiers, à bannieres & à pennons, armez de leurs armes, cheuaucheroient deuant Troyes: & s'arresteroient sur les champs & enuoyeroient leurs Heraux à Troyes: & leur presenteroient la bataille. Si s'armerent le lendemain: & se mirent en trois Batailles: & vindrent en un beau plain, deuant Troyes: & là s'arrestèrent. Là furent appelez Chandos & Acquitaine, deux Heraux d'armes: & leur dit le Côté de Bouquingnam, Vo^z irez à Troyes: & parlerez aux Seigneurs: & leur direz que nous sommes issus d'Anglererre, pour faire faicts-d'armes: & là ou nous les cuidons trouuer, nous les demandons: & pource que nous sauons qu'une partie de la fleur de lis & de la Cheualerie de France repose là dedans, nous sommes venus ce chemin: & fils veulent riens dire, ils nous trouueront sur les champs, en la forme & maniere que vous nous laissez. & qu'on doit trouuer ses ennemis, Les Heraux respondirent, Monseigneur, nous ferons vostre commandement. Adonc se departirent, & cheuaucherent vers Troyes. Si leur fut ouuerte l'entrée de la bastide, & là s'arrestèrent, & ne peurent venir à la porte, car il en estoit, grand foison de Gendarmes & d'Arbalestiers, qui se mettoient par ordonnance en la bastide, & estoient les deux Heraux vestus & parez de cottes-d'armes du Comte de Bouquingnam, & demanderent les Seigneurs que c'estoit qu'ils vouloient. A quoy respondirent. Nous voulons (se nous pouuons) parler à monseigneur le Duc de Bourgongne. Cependant que les Heraux taschoient à faire le message enuers le Duc de Bourgongne entendirent leurs Seigneurs & maistres à ordonner leurs batailles & besongnes: & cuidoient pour certain auoir la bataille à eux: & sur cel estat ils s'ordonnerent. Là furent appelez tous ceux, qui nouveaux Cheualiers vouloient estre: & premierement messire Thomas Triuet apporta sa banniere, toute enuelpée, deuant le Comte de Bouquingnam: & luy dist, Monseigneur, s'il vous plaist, ie développeray auourd'huy ma banniere: car, Dieu mercy, j'ay assez de reuenue, pour maintenir estat comme à la banniere appartient. Il nous plaist

† Il y auoit icy la haulte banniere & luy rendit, &c. Mais nous l'auons racoustre selon le chap. 241. du pr. vo.

bien, dit le Comte: Adonc prit il † la banniere par la hante & la, luy rendit en sa main: en disant Messire Thomas, Dieu vous en laisse vostre preu faire cy, & autre part. Ledit messire Thomas prit sa banniere, & la dévelopa, puis la bailla à un sien Escuyer (ou il auoit la plus grande fiance) & vint à l'Auanguard, car il en estoit, par l'ordonnance du Capitaine & du Connestable, du Seigneur Latyui, & du mareschal de Fil-Watier. Adonc fit encores là le Comte de Bouquingnam Cheualiers nouveaux ceux, qui s'ensuyuent, c'est assauoir messire Pierre Berton, messire Jehan & messire Thomas Paule, messire Jehan Stingulée, messire Thomas Doringnes, messire Jehan Vassecoq, messire Thomas Barfie, messire Jehan Brauine, messire Henry Vernier, messire Jehan Coleuille, messire Guillaume Eurat, messire Nicole Stingulée, & messire Huguées de Lunit. Puis se tirerent en la premiere bataille, pour aduenir aux premiers faicts-d'armes. Adōques fut appelé un moult gentil Escuyer de la Comté de Sauoye (qui autresfois auoit esté requis de prendre l'ordre de Cheualerie, deuant Ardre & Saint Omer, & s'appelloit Raoul de Grimieres, fils au Comte de Grimieres) & luy dit le Comte de Bouquingnam. Nous auons auourd'huy (s'il plaist à Dieu) conuenant d'armes, si vueil que vous soyiez Cheualier. L'Escuyer s'excusa, & dit ainsi, Monseigneur. Dieu vous vueille rendre le bien & honneur, que vous me voulez. Mais ia ne seray Cheualier: se mon naturel Seigneur, le Comte de Sauoye, ne le me fait en bataille. On ne l'examina plus auant. C'estoit plaifance à regarder l'ordonnance des Anglois sur les champs: & les François s'ordonnoient en leurs bastides: car bien pensoient que du moins il y auroit ecarouches: & que tels Gens-d'armes, que les Anglois estoient, ne se partiroyent point, sans les venir voir. Si se mettoient

† Ne doute qu'il ne fust Gruyer en tous les deux lieux.

en bonne

ordonnance: & estoit le Duc de Bourgogne, au dehors, armé de toutes pieces, vne hache en sa main: & passoiēt tous Cheualiers & Escuyers, qui alloient vers la bastide, par deuant luy: & y auoit grand' presse: car on ne pouuoit passer auant: ne les heraux ne pouuoient outre passer, n'aller iusques au Duc, pour faire leur message, ainsi comme il leur estoit chargé. Auēc les parolles dessusdites du Comte de Bouquingam au deux heraux, Aquitaine & Chandos, y en auoit bien d'autres: car le soir, que les Seigneurs auoient esté au Conseil, il fut dit aux Heraux, Vous ferez ce message & direz au Duc de Bourgogne, que le Duc & le pays de Bretagne, conioints ensemble ont enuoyé au Roy d'Angleterre pour auoir confort & aide, à l'encontre d'aucuns Barons & Cheualiers de Bretagne, rebellans au Duc, & lesquels ne veulēt obeyr à leur Seigneur en la forme & maniere que la plus saine partie fait: mais font guerre au pays: & se sont éforcez: & se targēt du Roy de France. Or, pource que le Roy d'Angleterre veut aider au Duc, & au pays en especial, il a enuoyé, & enuoye, son bel oncle, le Comte de Bouquingam, & vne quantité de Gens-d'armes, pour aller en Bretagne conforter le Duc & le pais: & sont arriuez à Calais: & ont pris leur chemin à passer parmy le Royaume de France: & sont si auant, qu'ils sont deuant la cité de Troyes, ou ils sentent grand' foison de Seigneurs, & par especial le Duc de Bourgogne, fils au roy de France defunct, & frere du Roy viuant. Si requiert messire Thomas de Bouquingam, fils au feu Roy d'Angleterre, la bataille. Les heraux en demanderent lettres, & on leur respondit, Vous les aurez au matin. Si les demanderent au matin: mais on eut autre conseil, qu'on ne leur en donneroit nulles. Si leur fut dit, Allez: & dites ce, dont vous estes informez: vous estes croyables assez: & fils veulent ils vous croiront. Si ne peurent les Heraux auoir autre respōse: & si auoient ia les nou-
 ueaux Cheualiers d'Angleterre cōmencé l'écarmouche. Parquoy tout estoit ainsi trou-
 blé: & aucuns Cheualiers & Gēs-d'armes François disoiēt aux Heraux, Seigneurs vous
 allez en grand peril: car il y a mauuaise cōmune en ceste ville. Ceste doute les fit retour-
 ner sans riens faire. Or parlerons nous comment elle se porta. Tout premierement il y
 eut vn Escuyer Anglois, natif de l'Euesché de Lincole: lequel estoit moult apert Hom-
 me-d'armes: & là monstra son appertise. Le ne say fil auoit de vœu: mais il esperōna son
 courfier, le glaue au poing: & la targe au col: & vint, tout fendant le chemin, parmy la
 chauceē: & le fit saillir par-dessus les bailles des barrieres: & vint iusques à la porte, ou le
 Duc de Bourgogne & les Seigneurs de Frāce estoiet qui tindrent ceste apertise gran-
 de: l'Escuyer s'en cuida retourner: mais il ne peut: car son cheual fut frapé de glaue, & là
 abbattu: & l'Escuyer mort, dont le Duc de Bourgogne fut moult courroucé, qu'on ne
 l'auoit pris pour prisonnier. Tantost veez cy les grosses batailles du Comte de Bouquin-
 guā: lesquelles s'en vindrent toutes, tout à piē, deuers ces Gens-d'armes, qui estoient en
 la bastide: laquelle on auoit faite d'huis de fenestres & de tables: & n'estoit pas chose, au
 vray dire, qui cōtre tels Gensd'armes, cōme les Anglois estoiet, peust lōguement durer.
 Quand le Duc de Bourgogne les vit aualer si espeusement, & de si grand volōté, & que
 les Seigneurs, Barons & Cheualiers, qui estoiet en celle bastide, n'estoiet pas assez forts
 pour les attendre, si cōmanda tantost que chacun rentrast en la ville, exceptez les Arba-
 lestiers. Si rentrerent en la porte, petit à petit: & ce pendāt qu'ils entroient, les Gēneuois
 Arbalestiers tiroient & méhaignoient les Anglois: & là eut bōne écarmouche & dure: &
 fut tantost celle bastide cōquise: & point ne dura aux Anglois: & se bouterent toutes ma-
 nieres de gens à force en la porte: ainsi cōme ils entroient, ils s'ordonnoient sur les chau-
 cées. Là estoit le Duc de Lorraine en bonne ordonnance, & aussi le Sire de Coucy, le
 Duc de Bourbon, & tous les autres. Là eut, entre ladite porte & les bailles, mainte aper-
 tise d'armes, de morts de blecez: & de pris. Quand les Anglois virent que les François
 se retiroient, si se retirerent tout bellement aussi: & furent sur leur place, en ordonnance
 de bataille, plus de deux heures: & sur la remontée ils se retirerēt en leurs logis. Lende-
 main vindrent à Maillerois-le-Vicomte: pres de Sens en Bourgōgne: & là demoura l'ost
 deux iours, pour eux rafreschir, & pour recouurer viures sur le plat pais: dont ils n'auoiet
 pas assez: mais en auoient grand defaute. Vous entēdez bien comment les Anglois che-
 uauchoient le Royaume de France, & prenoient leur chemin pour venir en Bretagne:
 & disoient & maintenoient que le Duc de Bretagne & le pays les auoient mandez, &
 qu'ils n'auoient cause de faire guerre au nom du Roy d'Angleterre leur Seigneur: mais
 pour lors se nōmoient soudoyers au Duc & pais de Bretagne. Le Roy Charles de Fran-
 ce estoit, pour celuy tēps, comme tout informé de ces matieres: & (comme sage & ad-
 H

† Entendē de
 la part des Frā
 cois n'ayans i-
 ceux Heraux
 peu approcher
 le Duc de Bour-
 gogne.

Ecarmouche
 des: Anglois de
 uant la Ville de
 Troyes.

*Lettres du Roy
Charles à ceux
de Nantes:*

uisé: qu'il estoit) songeoit & aduisoit les perils & incidences, qui à cause de ce pouuoient naistre & venir. Si regarda que, si le pays de Bretagne, avecques les Anglois luy estoient cōtraire, pour ce la fortune des guerres luy en seroit plus dure, & par especial (quoy qu'il fut mal au Duc) si les bonnes-villes de Bretagne luy estoient ennemies, & qu'elles fussent ouuertes à ses ennemis. Car si cela ce fait, il luy tourneroit à tresgrand preiudice. Si enuoya secrettement lettres closes, douces, debonnaires, & moult gracieuses, deuers ceux de Nantes (qui est la clef & le chef de toutes les bōnes-villes de Bretagne) en leur remonstrant qu'ils s'aduissassent, & que les Anglois (qui cheuaucheroient par son Royaume) se ventoient, & affermoient, qu'ils les auoient mandez, & se tenoient leur soudoyers: & au cas qu'ils auroient ce fait, & voudroient perséuerer au meffait, ils estoient encheus & atteins en la malediction, encourue sur eux par la sentence de nostre Saint-Pere le Pape, & en la peine de deux cens mille florins: que l'on pouuoit loyaument prendre sur eux, & dont ils estoient obligez par bonnes lettres sellées; & par les traittez qui iadis en furent faits & passez, desquels ils auoient la copie (ce qu'ils ne pouuoient ignorer) & que tousiours il leur auoit esté doux, propice, & amy, & les auoit aidez & confortez à leurs besoins, & qu'ils ne fissent pas tant, qu'ils eussent tort. Car ils n'auoyent nul certain tiltre, d'eux trop auant plaindre de luy, pour eux bouter si auât en vne guerre, tel le que de receuoir ses ennemis, mais bien s'aduissassent & conseillassent loyaument, & que s'ils auoient esté mal enhortez & conseillez par foible conseil, ce leur pardonnoit il bonnemēt (au cas qu'ils ne se voufissent pas ouurir à ses ennemis les Anglois) & les vouloit tenir en toutes leurs franchises iurées, & les nouueller en tout biē, s'il estoit besoing. Quand ces parolles & offres, que le Roy de France offrit & presenta à ceux de Nantes, furent leuēs & bien entendues, si regarderent sus: & dirent bien les notables de la ville, que le Roy de France, auoit droit & cause de remōstrer ce qu'il disoit: & que voirement ils auoient iuré & promis: escrit & seellé, que iamais ne seroient ennemis du Royaume de France, n'aidans à ses ennemis. Si commēcerent à estre sur leur garde: & renuoyerēt secrettement deuers le Roy de France, qu'il ne se souciaist de riens: car ia les Anglois, à main armée, pour greuer & guerroyer le royaume de France, ils ne mettroient ne souffrieroient, en leur ville: mais vouloient (si besoing estoit estre aidez & confortez des gens du Roy: & à eux ils ouuriroient la ville: & autremēt non. Le Roy de France (qui oyoit tous ces traittez) s'en tenoit bien à leurs parolles: (car à Nantes ils ont tousiours esté bōs François) & de tout ce ne sauoit riens: encores le Duc de Bretagne, qui se tenoit à Ven- nes, Bien cuidoit, toutesuoyes, que ceux de Nantes deussent demourer delez luy, & ou- urir leur ville aux Anglois, quand ils viendroient. Or retournōs aux Anglois, qui estoient logez assez pres de Sens en Bourgongne: en laquelle cité se tenoit le Duc de Bar, le Sire de Coucy, le Sire de Saimpi, le Sire de Fransures, & leurs routes.

*Responce et seu-
rete de ceux de
Nantes au Roy
Charles*

*Comment les Anglois cheuaucherent tout le pays de Gastinois & de Beauffe: comment vn
Escuyer François requist vn Anglois de iouster: & comment ils sy porterent moult
vaillamment.*

CHAP.

LV.

*† Il y auoit icy
les Barons
des Bars.
Mais nous l'a-
uons remis se-
lon Verard, &
comme il sera
tousiours cy-
après.*

Q V and le Cōtē de Bouquingum & son ost se furent reposez à Maillerois-le-Vicom- te, ils eurent conseil d'eux tirer en Gastinois. Si passerent la riuere d'Yonne: & vin- drent leurs Coureurs iusques aux fauxbourgs de Sens: & lēdemain vindrent loger à S. Iehan-de-Nemours, & là enuiron, & puis à Beaune en Gastinois: & là demoura l'ost trois iours, pour le bon païs & gras (qu'ils trouuerent: & si eurent conseil ensemble, quel che- min ils tiendroient, ou la plaine Beauffe, ou s'ils suiuroient la riuere de Loire, Cōseillé fut qu'ils suiuroient la Beauffe, & cheuaucheroient vers Toury en Beauffe. Dedās le chastel de Toury estoit le sire de Saimpi, messire Oliuier de Manny, messire Guy le Baueux, & grād' foison de Gēs-d'armes: Outre à Gēuille en Beauffe estoient le sire de Vilames, † le Barrois des Barres, & plusieurs autres enuiron trois cens Lances: & par toutes les forte- resses & chasteaux de Beauffe estoient Gens-d'armes, mis pour garder le pays: cōtre les Anglois. Ceux de l'auātgarde des Anglois s'en vindrēt écaroucher à ceux de Toury: & en y eut de naurez des vns & des autres. Si estoient le Comte de Bouquingum & tout son ost logez à Toury en Beauffe, & là enuiron: & trouuerent viures à grand' plan- té. A l'écarouche de Toury en Beauffe eut vn Escuyer de Beauffe, Gentil-homme & de bonne volonté, qui s'aduança de son faict, sans mouuement d'autrui: & vint à la bar- riere, tout écarouchant: & dit aux Anglois, ya il nul Gentil-homme, qui pour l'amour de sa

de sa

de la Dame voulist faire aucuns faits d'armes. S'il en y a nuls, veez me cy tout prest, pour issir hors, armé de toutes pieces, & môté à cheual, pour iouster trois coups de glaive, fra-<sup>Noble entrepri-
se d'un escuyer
de Beauffe.</sup> per trois coups de hache, & trois coups de dague. Or verra l'ô fil y a nul d'être vous Anglois, qui soit amoureux. Et sapeloit cel Escuyer, François, Gauvain Micaille. Ceste parole & requeste fut tantost espâdue entre les Anglois. Adôc se tira auât vn Escuyer Anglois, appert & bié ioustât (qui sapeloit Ioachin Cathor) lequel dit, Ouy. Je le vueil deliurer: & le faites tantost tirer hors du chastel. Le Sire de Fil-Watier (qui estoit Marechal de l'ost) vint au barrières: & dit à messire Guy le Baueux (qui là estoit) Faites venir vostre Escuyer. Il a trouué, q le deliurera tref-volôtiers, & l'assurôs en toutes choses. Gauvain Micaille fut tout réiouy de ces paroles, & farma incôtinêt: & aiderêt les seigneurs à l'armer de toutes pieces, moult bien: & môtâ sur vn cheual, qu'ô luy deliura. Si issit hors du chastel, luy troisième, & portoiêt ses varlets trois laces, trois haches, & trois dagues: & fachez qu'il sur moult regardé des Anglois: car ils ne cuidoiêt pas que nul François corps à corps se deust cōbattre. Encores en celle emprise auoit trois coups d'espée, & de toutes les sortes d'armes, Gauvain en fit porter trois avec luy, pour doute du briser. Le Côte de Bouquingua fut informé de ceste entreprise: & dit qu'il les vouloit veoir: & môtâ à cheual, le Comte de Stâfort, & le Comte † de Dimesiere delez luy: & pour ceste cause cessa l'assaut à Toury: & se retirerent lors les Anglois, pour veoir la iouste. On fit venir auant l'Anglois, qui deuoit iouster, armé de toutes pieces: & monta sur vn bon cheual. Quand ils furent en la place, on leur bailla à chacun son glaive: & vindrent l'vn sur l'autre: mais ils faillirent, par l'estriement de leurs cheuaux. A la seconde iouste ils faconsuyirent: mais ce fut † en fuïant. Dont dit le Côte de Bouquingua, Hola, hola. Car il estoit tard. Puis dit au Cōestable, Faites les cesser: car ils en ont assez fait pour mesuy: Nous leur ferôs acōplir autre part leur emprise à pl^r grâd loisir, que nous n'auôs orés: & gardez bié qn'en l'Escuyer François n'ait nulle faute, qu'il ne soit bien gardé que les nostres: & dites, ou faites dire, à ceux du chastel, qu'ils n'ayent nul soucy de leur homme, & que nous le menerons avec nous, pour parfourrir son emprise, non pas comme prisônier: & luy deliuré (fil en peut échaper vif) nous le retournerons, sans nul peril. La parole du Comte fut accomplie: & fut dit à l'Escuyer François, par le Marechal, vous cheuaucherez avec nous sans peril, & quand il plaira à Monseigneur: on vous deliurera. Gauvain respondit, Dieu y ait part, & fut enuoyé vn Heraut au chastel, dire les parolles, que vous avez ouies. Lendemain ils cheuaucherent vers Genuille en beaufse, & auoient tousiours espoir d'estre combattus, car bien sauoient qu'ils estoïêt poursuyuis, & costoyez, de toutes pars, des François (qui estoient aussi grand nombre de gens, ou plus, qu'ils n'estoient) & estoit vray que les Seigneurs, Ducs Barons, Cheualiers, & Escuyers, en auoyent grand volonté, & desiroient mout à les combattre: & disoiêt entre eux que c'estoit grâd blâsme & vergongne † de non le faire, & de les souffrir ainsi penser. Mais, quand on en parloit au Roy il disoit. Laissez leur faire leur chemin, ils se degasterôt par eux mesmes. Et les Anglois s'en alloient tousiours leur chemin, en intention d'entrer en Bretagne: & comme vous avez ouy, dedans Genuille en Beauffe auoit plus de trois cens Lances: & passa tout l'ost par-deuant. Il y eut aux barrières, vn petit d'écarmouche: & puis passerêt outre: car ils perdoient leur peine. Au dehors de Genuille auoit vn beau moulin: qui fut abbattu. Le Comte de Bouquingua vint à Yteruille: & descendit en la maison des Téppliers: & l'auantgarde vint au Puïset: & furêt aduertis qu'il y auoit vne grosse tour: en laquelle il y auoit lx. compaignôs. Si la vindrent assaillir: car elle sied en plaine terre, à petit de deffense. Là eut grâd assaut: mais il ne dura pas longuement: car les Archers tiroiêt si viuement, qu'à peine fosoit nul mettre aux deffenses. Si fut la tour prise, & ceux de dedans morts & pris: & puis les Anglois bouterent le feu dedans: & passerent outre: car ils ne trouuoient nulles eauës: dont ils estoient à grand méchef. De là vindrêt à Ermoyon: ou ils se logerent & puis vindrent loger en la forest de Marcheunoy. Dedans la forest de Marcheunoy à vne Abbaye de Moines de l'Abbaye de Cisteaux: & proprement on l'appelle l'Abbaye de Cisteaux, & y a de grans beaux, & nobles edifices, & la fit edifier vn moult vaillant prudhomme (qui estoit Comte de Blois) & y laissa grâdes reuenues & belles, mais les guerres les ont moult diminuées & amédries: Là se y logea le Comte de Bouquingua, & y ouit la messe, le iour Nostre-Dame en † Septembre, & là fut ordonné que Gauvain micaille & Ioachain Kator parferoyent lédemain leur emprise. Celuy iour vidrêt les Anglois vers Marcheunoy, & pour lors en estoit Capitaine vn Cheualier

† Ce doit estre
celuy quil a sur
nommé de Di
mestre,
de Donne-
siere, au cha-
pitre. 51.

† Sala dit en
dardant: &
à la verité,
fuyant, ne
m'y semble au-
cunement bon.

† Ce passage est
fourni selon le
sens de l'An-
teur, y defail-
lant par auant
toute la fin de
cette clause.

La tour du Puï-
set en Beauffe
assaillie, prise,
& brulée, par
les Anglois.

† Tousiours.
1380.

Iouste de l'Efcuyer de Beaussce & de celui d'Angleterre.

du pays: qui s'appelloit messire Guillaume de Saint-Martin, sage homme: & vaillant aux armes. Quād les Anglois virent la maniere du chastel, ils se retirerēt à leurs logis. D'autre part le Sire de Fil-Watier vint deuant le chastel de Verbi, non pas pour assaillir, mais pour parler au Seigneur à la barriere, pource qu'il le cognoissoit biē: car ils festoiēt veus tous deux en Puce. Ledit Sire de Fil-Watier se fit cognoistre au Seigneur de Verbi: & luy pria qu'il luy enuoyast de son vin, par sa courtoisie, & toute sa terre seroit sauuee de non ardoir & estre courue. Le Sire de Verbi luy en enuoya bien & largement, & trente miches auecques: dont le sire de Fil-Watier luy fcut grand grē, & luy tint bien promesse. Aulēdemain du iour de Nostre-dame, on fit armer Gauvain Micaille & Ioachin Kantor, & monter sur leurs cheuaux, pour parfaire leur emprise. Si s'encōtrèrent des fers de Lances moult roidemēt: & iousta l'Efcuyer François, à la plaissance du Côte moult bien: mais l'Anglois frapa trop bas, tant qu'il bouta sa lance tout droit en la cuisse du Frāçois. Trop en fut le Comte de Bouquinguam courroucé, & aussi tous les Seigneurs: & dirent que c'estoit deshōnestement iouste. Depuis furent frapez les trois coups d'espée: & frapa chascun les siens. A donc dit le Comte qu'ils en auoiēt assez fait: & vouloit qu'ils n'en fissent plus: car il veoit l'Efcuyer trop fort saigner. A ceste ordōnance se tindrēt tous les Seigneurs. Si fut Gauvain Micaille defarmē, & mis à point: & luy enuoya le Comte de Bouquinguā, par vn Heraut, cēt frācs: & luy donnoit congé de foy retraire sauueement deuers ses gens: & luy mādōit qu'il festoit bien acquittē. Si s'en retourna ledit Gauvain Micaille deuers les Seigneurs de France: & les Anglois se partirent de Marcheunoy: & prirent le chemin de Vendosme: mais auant se logerent en la forest de Coulombiers:

Comment le Roy Charles, le quint, deueint malade: & de ce qu'il en chargea au lit de la mort.

CHAPITRE.

LVI.

Maladie du roy Charles.

VOus sauez cōment le Roy de France tenoit secrettement ses cōuenances deuers les bonnes villes de Bretagne: à fin qu'elles ne se voufissent pas ouurir, pour recueillir les Anglois: & là ou elles le feroient, elles se forferoient tresgrandement: & seroit ce fait impardonnable. Ceux de Nantes luy manderent secrettement qu'il n'en fust en nulle doute: car aussi ne feroient ils, quelque semblant ne traité, qu'ils en fissent enuers leur Seigneur: mais ils vouloient (se les Anglois approchoient) qu'on leur enuoyast Gens-d'armes, pour tenir la ville, & les bonnes gens, contre leurs ennemis: & de ce faire estoit le Roy de France en grand' volōté: & l'auoit chargé à son Conseil. De tous ces traitez estoit ainsi que tout maistre, & souuerain messire Iehan de Bueil, de par le Duc d'Aniou: qui se tenoit à Angers. Le Duc de Bourgōgne se tenoit en la cité du Mans, & là enuiron. Es fortereffes & es chasteaux se tenoient les Seigneurs: comme le Duc de Bourbon, le Comte de Bar, le Sire de Coucy, le Côte d'Eu, le Duc de Lorraine, & tant de gens, qu'ils estoient plus de six mil Hommes-d'armes: qui disoiēt entre eux, que (voufist le Roy, ou non) ils combattroient les Anglois, auant qu'ils eussent passé la riuere de Sartre: qui de part le Maine & Aniou. En celuy temps prit vne maladie au Roy de France: dont luy & tous ceux, qui l'aimoient, furent moult déconfortez: car on n'y veoit point de remede, qu'il ne luy conueinst dedans brief temps trépasser: & luy mesme en auoit bien la cognoissance: & aussi auoient ces Cirurgiens & Medecins: & vous diray pourquoy, & cōment. Verité fut, selon la fame qui courut, que le Roy de Nauarre, du tēps qu'il se tenoit en Normandie, le voulut faire empoisonner: & receut le Roy de Frāce venin: & fut si auant menē, que les cheueux de la teste luy cheurent tous, & les ongles des mains & des piez: & deuint aussi sec, qu'un bastō, & n'y trouuoit on point de remede. Sō oncle, l'Empereur de Rōme, ouit parler de sa maladie: leql luy enuoya tātost, & sans delay, vn maistre Medecin (qu'il auoit delez luy) le meilleur maistre, & le pl^r grād en sciēce, qui fut en ce tēps au mōde, ne que l'on seust ou cōgneust: & bien le veoit on par ses euures. Quand ce maistre Medecin fut venu en France, delez le Roy (qui lors estoit Duc de Normādie) & il eut la cognoissāce de la maladie, il dit qu'il estoit empoisonné: & cogñut le peril de sa mort. Si fit adonc, en celuy temps, à iceluy (qui apres fut Roy de France) la plus belle cure: dōt iamais on eut ouy parler: car il amortit en tout, ou en partie, le venin, qu'il auoit receu: & le remit en point, & en force d'homme. Ce venin luy issait, petit à petit: par vne fistule, qu'il auoit au bras: & au partement de ce Medecin (car on ne le peut retenir en France) il dōna vne recepte, pour en vser tant comme il viuroit: & bien dit au Roy de France)

France, & à ceux qui delez luy estoient. Si tost que ceste petite fistule laissera le coulet, & seichera, vous mourrez sans point de remede: mais vo⁹ aurez quinze iours, ou plus pour vous aduiser, & penser de l'ame. Bien auoit le Roy de France retenu toutes ces parolles & porta celle fistule xxij. † iours. Laquelle chose par maintes fois l'auoit ébahy moult: & les gens, ou auoit plus de fiance pour sa santé, c'estoit en bōs maistres Médecins: pour ce qu'ils le reconfortoient & réiouiſſoient moult souuent: & luy disoient qu'avecques les bōnes médecines, qu'ils auoient, ils le feroient tant viure en ioye & santé, qu'il y eut fiance. Avecques tout ce, le Roy estoit d'autres maladies moult durement greué, & par especial du mal des dés. De ce mal il auoit si grād grief, que merueilles estoit: & biē cōgnoissoit le roy, que par ses maladies il ne pouuoit lōguemēt viure: & la chose au mōde, sur la fin de son tēps & terme, qui plus le cōfortoit & réiouiſſoit, c'estoit que Dieu luy auoit doné trois beaux enfans: deux fils: & vne fille: Charles, Louis, & Katherine. Quand celle fistule cōmença à secher, & à nō couler, les doutes de la mort luy cōmencerēt à approcher. Si ordōna (cōme sage hōme, & vaillāt qu'il estoit) toutes ses besongnes & affaires: & mādā venir à luy ses trois freres, le Duc de Berry, le Duc de Bourgōgne, † & le Duc de Bourbon: & laissa son secōd frere, le Duc d'Aniou: & ne le manda point (pource qu'il le sētoit moult cōuoiteux) & dit le Roy aux trois dessusdits: Mes beaux freres par l'ordōnance de nature ie sen bien, & cognoi, que ie ne puis longuemēt viure. Si vous recōmande & encharge mō fils Charles: & en vſez, ainsi cōme bons oncles doiuent vſer de leur neueu: & vous en acquittez loyaumēt: & le couronnez Roy, au plustost, apres ma mort, que vous pourrez: & le conseillez en tous ses affaires loyaumēt. Toute ma fiance git en vous. L'enfant est ieune & de leger esprit: & aura bien mestier qu'il soit bien conduit & gouuerné de bonne doctrine: & luy enseignez, ou faites enseigner tous les poincts & estats royaux, q'il doit & deūra tenir: & le mariez en lieu si haut, q'le royaume en valle mieux. I'ay eu long tēps vn maistre Astronomen: qui disoit & affermoit qu'en sa ieunesse il auoit moult à faire: & échapperoit de grans perils & aduētures. Pour quoy sur ces termes i'ay eu plusieurs imaginations, & moult pensē comment ce pourroit estre: si ce ne vient & naist de la partie de Flādres. Car, Dieu mercy, les besongnes de nostre royaume sont en bō point. Le Duc de Bretagne est moult cauteleux & diuers: & a tousiours eu le courage plus Anglois, que Frāçois. Pource faut que teniez les nobles de Bretagne & les bōnes-villes en amour: par quoy luy romprez ses ententes. Le me loue des Bretōs: car tousiours ils m'ont seruy loyaument, & aidé à garder mon Royaume, contre mes ennemis. Or faites le Sire de Clifſon Cōnestable: car tout bien considéré, ie n'y voy nul plus propice, que luy. Enquerez vous aussi, pour le mariage de mon fils Charles en Allemagne: à fin que les alliances y soient plus fortes. Vous avez entendu cōment nostre aduerſaire ſy doit & veut marier, pour auoir plus d'alliances. Les * pources gēs de nostre Royaume sont fort greuez & tormentez par aides & subſides. Ostez les, le plustost que vous pourrez: car ce sont choses (non obstant que ie les aye soustenues) qui moult me griēuent & poisent en mon courage. Mais les grādes affaires, que nous auons eues en toutes les parties de nostre Royaume, m'y ont fait entendre. Plusieurs telles bonnes parolles & autres † leur dit le roy Charles: lesquelles ie n'ay pas pēsē toutes reciter. A ce, que le roy Charles de France remonstra, fut absent le Duc d'Aniou: car le Roy le doutoit moult: pource qu'il le ſentoit cōuoiteux. Mais, non obstant que le Roy de France l'absentast au lit de la mort, & l'élongnast des besongnes de France, ledit Duc d'Aniou ne ſ'en éloigna pas pourtant trop: car il auoit messagers, tousiours allans & venans songneusement, entre Angers & Paris: lesquels luy rapportoient la certaineté du Roy son frere: & auoit le Duc d'Aniou gens bien secrets du Roy: par lesquels de iour en iour il ſauoit tout son estat: & au dernier iour, que le Roy de France trépassa de ce ſiecle, il estoit à Paris, & assez pres de sa chambre: & y entendit pour luy: ainsi que vous orrez recorder. Mais nous pourſuiurons la matiere des Anglois, qui alloient en Bretagne.

Comment le Seigneur de Hangeſt cuida estre pris des Anglois: & Comment le Seigneur de Mauuoisin demoura leur prisonnier: & comment ils passerent la riuere de Sartre à grand malaise.

CHAP. LVII.

¶ Vand le Côte de Bouquingam, maîné fils du Roy Edouard d'Angleterre, & toute sa route ſe departirent de la forest de Marcheunoy, ils cheminerent vers Védofme, & la forest de Colōbiers. Si cheuaucherēt ensemble messire Thomas Triuet, & messire Guillaume Clitō, & enuirō quarāte Lāces: & rencōtrèrent d'auēture, sur le chemin,

H iij

† Le doute qu'il ne faille icy ans, pour iours, ou bien y adiouſter sans couler.

† La ſue Roynē estoit ſeur du duc de Bourbō & pourtant le met il entre les freres du Roy: & quant a ce qu'il dit le duc d'Aniou ſecond frere du Roy, entendez, qu'il estoit le ſecōd frere de tous les enfans du Roy Iehan, & premier d'apres le roy Charles.

* Annot. 8.

† Nous auons adiouſté les cinq mots ſuyuans pour parfaire le ſens de l'Auteur.

*Rencontre de
Thomas Tri-
net & du Sei-
gneur de Han-
gest.*

*Retraite du
seigneur de
Hangeſt à Ven-
doſme.*

*† Le fragment
du vieil exem-
plaire dit icy
Pont Volat.
Verard Pont
Valain: &
ſala Pont
Villain.*

*† Il y auoit icy
retour: & ſont
les clauses ſuy-
uantes éclair-
cies ſelō le ſens
de l'Auteur.*

*Peine des An-
glois à paſſer la
riuiere de Sar-
tre, pres Ven-
doſme.*

*Trépas du Roy
Charles le quit
au 16. iour de
ſeptēb. 1380.
ſelon les Cron.
& Annalles
de France.*

*Debat pour la
Regence &
gouuernement
du Royaume
de France.*

le Seigneur de Hangeſt: qui ſ'en venoit à Vendosme, & auoit en ſa route enuiron trente Lances. Les Anglois cogneurēt tātōſt que c'eſtoient François. Si coururent chaudemēt ſur eux. Les François (qui ne ſe vœioient pas à ieu party) n'eurent volōté nulle de les attēdre, n'à eux cōbattre: car ils eſtoient pres de Vendosme. Si ſ'en allerēt celle part, pour eux ſauuer: & les Anglois les ſuiuoiēt. Là furent ruez ius, de coups de lances, meſſire Robert de Hangeſt, couſin au deſſusdit Seigneur de Hangeſt, & Iehan de Môdecris, & cinq ou ſix autres: qui furent pris. Le Sire de Hageſt vint ſi à point à la bariere, qu'elle eſtoit ouuerte. Si entra dedās: & puis prit ſon glaue: & ſe mit vaillāment en deſſenſe: & ſes cōpaignōs, ainſi qu'ils venoient, ſe mettoient en deſſenſe. Si en demoura de priſōniers douze. Ce iour auſſi cheuauchoit Robert Canolle & ſa route. Si rencontra le Seigneur de Mauuoifin: lequel ſe deſſendit vaillamment: mais finalement meſſire Robert Canolle le prit de ſa main. Ce iour paſſa l'oſt par-deuant Vendosme: & vint à Auſie: & lendemain à Saint-Cales: & là ſe reſoſa deux iours: & puis vint à Pōt-Volain. † Ainſi cheuauchoiēt les Anglois: & ne trouuoient à qui parler: Si eſtoit tout le païs rēply de gēſ d'armes: & en y auoit grand nōbre en la cité du Mans. Si ſ'e vint adōc le Duc d'Aniou par Tours en Touraine, par Blois & par Orleans, à Paris: car il entendit que le Roy, ſon frere, aggrauoit moult: & qu'il n'y auoit point de † reſſources. Si vouloit eſtre à ſon trépas. Mais, non-obſtant qu'il n'y euſt point de reſſource à la maladie du Roy, neantmoins les Gens-d'armes ne ſe départoient point: qui pourſuyuoient & coſtoyoient les Anglois: & ordōnerent les Capitaines de Frāce qu'ils hariaſſent & troublaſſent les Anglois malemēt & tēdiſſēt à les encloſre, ſils pouuoient, au païs: parquoy il les affameroient, & apres les cōbatroient, à leur volōté: vouliſt le Roy de Frāce, ou nō. Si firēt les Seig. ſur le paſſage de la riuiere de Sartre, ou il cōuenoit que les Anglois paſſaſſent, aualer gros meſriēs, & aguifer, & fraper, à force, en la riuiere (parquoy ils ne peuſſent paſſer) & encor au deſcēdemēt de la riuiere, au prendre terre, ils firent faire grans foſſez & parfonds: parquoy on n'y peuſt arriuer: Le Comte de Bouquingam: & ſa route ſe partirent de Pont-Volain: & vindrent ſur la riuiere de Sartre, & là ſarreſterent: car ils n'y trouuerent point de paſſage: pource que la riuiere eſt groſſe, parſonde, & mal aiſée à paſſer: ſi ce n'eſt ſur certain pas. L'auantgarde cheuauchoit amōt & aual: & ne trouuoit point de paſſage: forts en ce lieu, ou le meſrien eſtoit mis & planté à force de gens. Adonc ſe deſcēdirent les Seigneurs: & imaginerēt le paſſage: & dirent. Par cy nous faut paſſer: ſe nous voulons aller outre. Or auāt, Il nous faut à force tirer ce meſrien hors. Là veiffiez Cheualiers, Barōs, & Eſcuyers, entrer en la riuiere, & eux mettre à l'aduenture d'aller aual: & eurent moult de peine, auant qu'ils les peuſſent auoir, Toutesſois finalement ils les eurent, & tirerent hors: & raualoient & ouuroient le riuage à moult grand peine. Or regardez ſi les François, qui les pourſuiuoiēt, euſſent ſeu ce fait, ſils ne leur euſſent pas porté grand dōmage: car les premiers ne peuſſent auoir aidé les derniers, pour les grans mareſts, qu'ils auoient à paſſer. Or firent tant les Anglois, qu'ils paſſerent outre: & vindrent à Nogen ſur Sartre,

De la mort du Roy Charles de France cinquiēme de ce nom.

CHAP.

LVI II.

LE † meſme iour, que les Anglois paſſerent la riuiere de Sartre, à ſi grand peine (cōme vous auez ouy) trépaſſa de ce ſiecle, en ſon hoſtel (qu'ō dit Saint-Pol à Paris) le Roy Charles de France: & ſi toſt que ſon frere le duc d'Aniou ſeut qu'il auoit les yeux clos, il prit & ſaiſit tous les ioyaux du Roy ſon frere (dōt il auoit grand nombre) & fit tout mettre en ſauf lieu pour luy: & eſperoit qu'ils viēdroient biē à point, pour faire la guerre en ſō voyage, ou il tēdoit à aller: car ia ſ'eſcriuoit il roy de Cecile, de Pouille, de Calabre, & de Hieruſalē. Le Roy de France fut apporté par la cité de Paris, à viſage découuert, ſes freres & ſes deux fils derriere luy, iuſques en l'Abaye ſainct-Denis: & là fut enſeuely moult honnorablement: ainſi cōme en ſon viuant il auoit ordonné: & git meſſire Bertrand du Gueſclin (qui fut ſon Cōneſtable) à ſes piez. Si vous dy (quoy que le Roy Charles en ſō viuant euſt ordōné, qui auroit le gouuernement du Royaume de France) ſi n'en fut riēs: car le Duc d'Aniou ſe mit tantōſt en poſſeſſion: & regna par-deſſus tous: reſerué ce, qu'il vouloit que Charles, ſon beau neueu, fut corōné à Roy: mais il vouloit auoir le gouuernemēt du royaume, auſſi auāt que les autres, ou pl^r (pour la cauſe qu'il eſtoit aiſné) & n'y auoit nul au royaume de Frāce, qui luy oſaſt cōtredire ſō propos. Or trépaſſa le Roy de Frāce enuiron la S. Michel: & tātōſt apres ſon trépas, les Pers & Barōs de Frāce aduiſerēt qu'apres la Touſſaincts on couronneroit le Roy à Reims. A ce propos ſe tindrent bien les trois

les trois oncles, Aniou, Berry, & Bourgongne, mais qu'ils eussent le gouuernement du Royaume, iusques à ce que l'enfant auroit son aage, c'est à dire xxj. an. Tout ce firent ils iurer aux haux Barons & Prelats du Royaume de Frâce. Adonc fut signifié le couronnement du ieune Roy, es pays loingtains, comme au Duc de Brabant, au Duc Aubert de Bauiere, au Comte de Sauoye, au Comte de Blois, au Duc de Guerles, au Duc de Luilliers, au Comte d'Armignac, & au Comte de Foix. Le Duc de Bar, le Duc de Lorraine, le Sire de Coucy, & le Comte Dauphin d'Auuergne estoient à la poursuite des Anglois. Si ne furent pas si tost mandez. Mais le Côte de Flandres en fut prié, & fut la iournée assignée à la Touffaints, qui deuoit estre le Diméche. De la mort du Roy de France furent ceux de Gád moult courrouceez. Car il leur auoit esté moult propice, leur guerre durant car il n'aimoit, qu'un bien petit, le Comte de Flandres. Or parlerons des Anglois, puis retournerons au couronnement du Roy.

Comment les Anglois arriuerent en Bretagne, comment le Duc s'excusa enuers eux de sa longue demourée, & comment ils entreprirent ensemble de mettre le siege deuant Nantes.

CHAP. LIX.

ENCORES ne sauoient riens les Anglois (qui auoient passé la riuere de † Sartre en grād peril) de la mort du Roy de France & estoient logez à Nogen sur Sartre, & puis se partirent, & vindrent à Porle, à deux lieues pres de Sablé, & estoit tout le pouuoir de France en la cité du Mans & là enuiron, mais ils ne faisoient que costoyer les Anglois, & disoyent les aucuns qu'on les combattroit. Quand les nouuelles vindrent aux vns, & aux autres, que le Roy de France estoit mort, adonc fut rompu le propos des François, car plusieurs des Barons se delogerent, & s'en retournerent en France, pour sauoir des nouuelles, & demourerent les Anglois trois iours. † ou ils estoient lors, & auquatriesme ils s'en partirent, & vindrent à Saint-Pierre-d'Arne, & de là vindrent à Argence, & passa l'ost au lendemain, la riuere de Mayenne, parmy vn marest, à si grande peine, qu'ils n'y pouuoient aller, que deux ou trois de front, au plus, en ce chemin, qui dura bié deux lieues. Or regardez quel danger, car si les François l'eussent feu & qu'ils eussent assailly l'auantgarde, l'arrieregarde, ne les eust, sceu bonnement conforter, & s'en doutoyent moult les Anglois, Toutesfois ils passerent, & s'en vindrent à Cossé, & furent là quatre iours, en esperant tous les iours à ouir nouuelles de Bretagne. Le Duc de Bretagne se tenoit à Hamibout, en la marche de Vennes, & oyoit souuent nouuelles des Anglois, & comment ils approchoient de Bretagne, & ne sauoit encores comment il en cheu- roit. Car, quand on luy recorda la mort du Roy de France, il l'eut tantost passée, sans en tenir compte (car il ne l'aimoit qu'un petit) & dit adonc à ceux, qui delez luy estoient. La rancune & haine, que l'auoye au Royaume de France, pour cause de ce Roy Charles qui est mort, est bié affoiblie de la moitié. Tel a hay le pere, qui aimera le fils, & tel a guerroyé au pere, qui aidera au fils. Or faut il que ie m'acquitte enuers les Anglois, car voirement ie les ay fait venir à ma requeste & ordonnance, & passer parmy le Royaume de Frâce, & me faut tenir, ce que ie leur ay promis. Or y a il vn dur point pour moy, & pour eux, car i'enten que noz bonnes-villes de Bretagne se clorront, ne point ne les laisseront dedans entrer. Adonc appella le Duc aucuns de son Conseil (comme le Seigneur de Montbourfier, messire Estienne Guyon, messire Guillaume de Tanneguy, messire Eustace de la Houffaye, messire Geoffroy de Caiemel, & l'Esleu de Lyon) & leur dit. Vous cheuaucherez deuers Monseigneur de Bouquingnam (qui approche le pays de Bretagne, & le trouuerez assez pres, comme ie croy) & me recommanderez à luy, & me saluerez tous les Barons, & leur direz, de par moy, que tantost ie seray à Rénes à l'encontre deux, & qu'ils tiennét ce chemin, & là aurons nous ensemble aduis, & ordonnance, comment nous nous maintiendrons, & leur dites que ie ne trouue pas mon pays au point ou il estoit, quand i'enuoyay en Angleterre, dont il me déplaiست grandement, & en especial de ceux de Nantes, qui sont plus rebelles que nuls des autres. Ces Cheualiers responderent que volontiers ils feroient le message. Si se departirent d'auecques le Duc, & cheuaucherent deuers Nantes, & estoient enuiron soixante Lances. Or les Anglois se partirent de Cossé, & entrerent en la forest de Grauelle, & passerent au trauers, & vindrent à Vitré en Bretagne, & là furent ils plus-assureez, qu'ils n'auoient esté par-auant (car ils sauoient bien qu'ils ne seroyent plus poursuis des François) & de là vindrent à Chasteaubriant, & là farrésterent, à cause des Cheualiers du Duc de Bretagne, qui vindrent à l'encontre d'eux en celieu. Le Comte de Bouquingnam & les Barons d'Angleterre re-

† Il y auoit icy loyre, mais là deduction precede & subsequite assure ma correction.

† Il y adionste ces cinq mots, pour plus grād éclaircissement comme aussi ie éclaircile les prochaines clauses selon le sens de l'Auteur.

Paroles du duc de Bretagne, sachant la mort du Roy Charles 5. & se repen- tait aucunement d'auoir fait venir les Anglois

Messagers du Duc de Bretagne vers le Comte de Bouquingnam.

*Excuses du
Duc de Bret.
vers les An-
glois par ses
messagers.*

*Arrivée du Co-
te de Bouquin-
guam à Rènes.
†le pensè que
c'est celui, que
il a nommé Lati-
nier au ch. 54*

*Ceux de Nâtes
demandent ai-
de au Duc
d'Aniou.*

*Delogement
des Anglois
hors de Rènes
et des environs*

cueillirēt les Cheualiers dessusnommez messagers du Duc de Bretagne, moult honno-
rablement, & là eurent grans conseils & grans parlemens, & meirent les Anglois, en ter-
mes, que moult s'émervelloient de ce, que le Duc de Bretagne, ne le pays, n'estoit au-
trement appareillé, & qu'ils ne se môstroient, pour les recueillir, car à leur requeste ils e-
stoient là venus, & auoient pris telle peine, comme de passer parmy le Royaume de Frâ-
ce. Le Sire de Monboursier parla pour tous, & en excusant le Duc, & dit, Messieurs
vous auez cause & raison de mouuoir ce que vous dites, & est le Duc en grand volonté
de tenir & accomplir les ordonnances & conuenances qu'il a à vous, & vous à luy, se-
lon son loyal pouuoir. Mais il ne peut pas faire à sa volonté, & par especial, de ceux de
Nantes (qui est la clef de Bretagne) qui sont à present tous rebelles, & s'ordonnent à re-
cueillir Gens-d'armes, de la partie des François: dont Monseigneur est tout émeruei-
lé (car ce sont ceux, qui premierement salierent avecques les autres bonnes-villes de
Bretagne) & croit Monseigneur que ceux de Nantes foyent en nouveau traitté avec-
ques le nouveau Roy de France, qu'on doit à ceste Toussaints couronner. Si vous prie
Monseigneur que l'ayez pour recommandé, & le tenir pour excusé. En outre il vous
mande, que vous preniez & teniez le chemin de Rènes, car tantost il y viēdra cōtre vous
& a tresgrand desir de vous veoir, & en ce n'aura nulle faute. Ces parolles contenterent
grandement le Comte de Bouquinguam & les Anglois, & dirent que le Duc ne pou-
uoit mieus dire. Si retournerent les messagers du Duc deuers Hamibout, & trouuerent
le Duc à Vennes, & les Anglois, se tindrent à Chasteaubriant quatre iours, & puis sen
partirent, & vindrent es faubourgs de Rènes, & estoient les portes de la cité closes, &
n'y laisserent oncques entrer nul Homme-d'armes. Mais le Comte de Bouquinguam y
fut logé, & le Sire † Latinier, messire Robert Canolle, & cinq ou six autres Barons, seule-
ment, du Conseil du Comte, & furent là plus de quinze iours, attendans le Duc de Bre-
tagne, qui point ne venoit, dont ils estoient émerueillez. Dedās la cité de Rènes estoiet
le Sire de Monterauiieu, le sire de Montfort en Bretagne, messire Geoffroy de Quare-
mel, messire Alain de la Houffaye, Capitaine de Rènes, & messire Eustace son frere, &
excusoient tous les iours le Duc de Bretagne. Je ne say si c'estoit à bonne cause ou non,
mais les Anglois commençoient à eux mal contenter, de ce que point ne venoit. Ceux
de Nantes se tenoient tous clos & fermez, & n'estoient pas bonnement bien assurez
des Anglois, qu'ils sentoient logez à Rènes. Si enuoyerent deuers le Duc d'Aniou (qui
auoit fait tous les traittez, & par lequel la greigneur partie du Royaume se demenoit
pour le temps) en luy remontrant qu'ils n'estoient pas assez fors d'eux-mesmes, pour te-
nir, ou deffendre (s'ils auoient siege ou assaut) sans estre pourueus de bons Gens-d'armes
si luy prierent qu'ils en fussent rafreschis. A ceste requeste obeirent tantost les quatre
Ducs, qui auoient en gouuernement le Royaume de France, Aniou, Berry, Bourgon-
gne, & Bourbon. Si enuoyerent la plus de six cens Lances de bons Gens-d'armes, &
tous gens d'estat, & de grande vaillance. Ainsi furent ceux de Nantes recomfortez & ra-
freschis, & ces Gens-d'armes entendirent à reparer, de toutes pars, la ville, & la mettre
en bon estat, pour attendre siege, ou assaut, sil leur venoit. Les Anglois (qui se tenoient
à Rènes & là enuiron) se commencerent à melancolier sur le Duc, qui point ne venoit,
& eurent conseil qu'ils enuoyeroient deuers luy. Si furent ordonnez, pour y aller mes-
sire Thomas de Percy, & messire Thomas Triuet, à tout cinq cens Lances, pour décou-
rir & dérompre toutes embusches, qui leur pourroient de nul costé soudre, ne venir.
Ces deux Barons se partirent de Rènes, & se meirent à chemin, en celle bataille de cinq
cens Lances, & autant d'Archers, & partirent à vn leudy, & l'ost le Samedy ensuiuant, &
vint le Comte de Bouquinguam loger à Saint Supplice en Bretagne, & là demoura trois
iours, & puis vint au quatriesme iour à Cambourt, & là demoura quatre iours. Le Duc
de Bretagne (qui s'estoit party de Hamibout, & venu à Vennes) sauoit tous les iours la
conuenance des Anglois, car ses gens (qui se tenoient en la cité de Vennes) le luy signi-
fioient. Si aduisa, tout cōsideré, qu'il vouloit parler à eux: car à son honneur, & selon les
alliances qu'ils auoient ensemble, il ne les pouuoit longuemēt demener, & entēdit que
messire Robert Canolle, messire Thomas de Percy, & messire Thomas Triuet, venoient
deuers luy. Si se mit au chemin, pour venir vers Rènes, & ce mesme iour, qu'il partit de
Vennes, il rencontra les Cheualiers d'Angleterre. Si se firent moult grande recognois-
sance sur les champs, & demāda du Comte de Bouquinguam le Duc de Bretagne nou-
uelles. Les Cheualiers respondirent qu'ils l'auoyent laissé à Rènes tout melancolieux,
de ce

de ce qu'il n'oyoit nulles nouuelles de luy. Le Duc s'excusa, & dit q par sa foy il ne l'auoit peu amēder. Adonc cheuaucherēt ils tous ensemble, & fussēt bien venus ce iour à Ven-
 nes, mais ils seurent que les Anglois estoient partis de Cambour, pour venir à la Haide
 & à la Maifiere, car ils tindrent ce chemin. Au lendemain vint le Comte de Bouquin-
 guam, & se monstrent grande amour ensemble, & s'excusa le Duc de Bretagne moult
 honnestement au Comte, & aux Anglois, de ce qu'il auoit tant demouré, & la cause e-
 stoit par ce, qu'il ne trouuoit pas son pays deliberé de tenir ce, qu'ils luy auoient promis
 au commencement de l'Esté. Adonc luy respondit le Comte, Beau frere de Bretagne
 pourtant ne demourra mie (si vous voulez) que ne corrigeōs les rebelles, car, avec l'aide
 & la puissance que vous auez, & que nous auons aussi, & qui tous les iours nous peut
 venir d'Angleterre, nous submettrons tellement voz subiets, qu'ils seront bien aises,
 quand ils pourront venir à mercy deuers vous. De telles parolles, & plusieurs autres, ils
 parlerent longuement ensemble, & puis chacun se retira en son hostel, & cheuaucherēt
 lendemain tous deux ensemble, & fut adonc ordonné que le conseil du Côte s'en iroit
 à Rénes, avecques le Duc, & ordonnerent & conclurent finalement toutes leurs beson-
 gnes. Si demoura ce soir le Duc de Bretagne & le Conseil du Comte à la Maifiere, &
 le Comte s'en retourna à la Haide (car ils estoient là logez enuiron la Maifiere) & len-
 demain le Duc retourna à Rénes, le Sire Latinier, messire Robert Canolle, messire Tho-
 mas de Percy, & messire Thomas Triuet, & le conseil du Comte en sa compagnie. Si
 furent trois iours à Rénes, conseillans leurs besongnes, & à leur dernier conseil fut ac-
 cordé, & iuré, sur les Saintes Euangiles, pour le Duc de Bretagne, qu'il viendrait à Nā-
 tes, mettre le siege, en la compagnie du Comte de Bouquinguam, quinze iours apres,
 ce, que les Anglois feroient là venus, & feroit le Duc de Bretagne venir, & amener par
 la riuere de Loire, barges à planté, pour contraindre, par la riuere, ceux de Nantes, &
 n'en partiroit, luy ne ses gens, iusques à ce qu'elle fust prise. Pour toutes ces choses en-
 terminer & affermer, on enuoya querir le Comte de Bouquinguam à la Haide, pour e-
 stre present à ces obligations & t confauls. Si se delogerent, & vindrent loger es faux-
 bourgs de Rénes, ainsi qu'autrefois ils auoient esté logez. Si entrerent les Cōntes & Ba-
 rons à Rénes, & leur donna le Comte à disner moult grandement. Le Duc de Bretagne
 enconuenāça, & iura sur sa foy, solēnellement, & sur les Saintes Euangiles, qu'il vien-
 drait, à tout son pouuoir, deuant Nantes, & sur ce point se departit, & retira vers Ha-
 mibout, & les Anglois demourerēt à Rénes, & y furēt, depuis biē, quinze iours, en ordō-
 nant leurs choses. De toutes ces choses estoient biē informés, ceux de Nantes & qu'ils
 deuoyent auoir le siege, & s'ordonnerent pour le receuoir, & vn des plus grans Capitai-
 nes, qui fust dedans Nantes, c'estoit messire Iehan le Barrois des Barres, vn vaillant &
 appert Cheualier, & avecques luy estoient le Capitaine de Clisson, Iehan de Chastel-
 morant, Morfonace, messire Iehan de Malatrait, le Sire de Tournemine, & plusieurs au-
 tres, toute fleur de Gens d'armes. Lesquels se pourueoyent moult sagement de ce qu'il
 leur failloit, tant à l'encontre de la riuere, que les portes, des murs, & des tours, qui re-
 gardoyent sur les champs, de celle part ou ils pensoient auoir le siege. Nous mettrons
 ces besongnes en respit, & parlerons de l'ordonnance du couronnement du ieune Roy
 Charles, qui fut en celle saison couronné à Reims.

*Amiable ren-
contre du Duc
de Bret. & du
Comte de Bou-
quinguam.*

*Entreprise
d'assiēger Nan-
tes par le Duc
de Bret. & le
Comte de Bou-
quinguam.*

*Il use souuēt
de ce mot, pour
conseils.*

DU COURONNEMENT du Roy Charles de France sixième de ce nom. CHAP. LX.

Ainsi que vous deuez sauoir, rien ne fut épargné de Noblesses, ny aussi de Seigneur-
 aries, à faire le couronnement du ieune Roy Charles de France, qui fut couronné à
 Roy, le iour d'un Dimenche, au douziesme an de son aage, mil trois cens quatre vingts.
 A la solennité de son couronnement eut grand nombre de grans Seigneurs & haux.
 Ses quatre oncles y furent, Aniou, Berry, Bourgongne, & Bourbō, aussi les grans on-
 cles, * Vincelin, Duc de Brabant, le Duc de Bar, le Duc de Lorraine, le Comte de Sa-
 uoye, le Comte de la Marche, le Comte d'Eu, & messire Guillaume de Namur, mais le
 Comte de Flandres & le Comte Iehan de Blois s'excuserent. Il y eut grād nombre d'au-
 tres seigneurs, que ie ne puis nommer, & entra le ieune Roy en la cité de Reims, le Sa-
 medy, à heure de vespres, moult bien accompagné de noblesse de haux seigneurs & de
 ménestriers, & par especial, il auoit plus de trente trompettes deuant luy, qui sonnoient
 si cler, que merueilles, & descendit le ieune Roy Charles de France, deuant l'Eglise de
 Nostre dame de Reims, ses oncles & freres en sa compagnie. Là estoient ses cousins,

** Anu. 9.*

† Nous trouuons bien que les trois precedens estoient ses coufins, par leurs meres, mais, quant à ce quart, ie n'en ay encores peu rien trouuer.

Oliuier de Clif-
son Connefta-
ble de France.

† Ce mot de-
ftrier signifie
cheual, et au-
si les Cron. de
Fr. difent que
ce difner fut
ferui à cheual.

Le Duc d'An-
iou principal
gouuerneur du
Royaume de
France, &
moynneur du
rappel du Com-
te de S. Pol.

tous ieunes enfans, celui de Nauarre, d'Albreth, de Bar, † & de Harcourt, & grand nom-
bre d'autres ieunes Escuyers enfans des haux Barons du Royaume de France : lefquels
le ieune Roy au lendemain (qui fut Dimenche, iour de son couronnement) il fit tous Che-
ualiers, & ce Samedi ouit le Roy fes vefpres en l'eglise de Nostre-Dame de Reims, &
veilla en l'Eglise (ainfi qu'vsage en est) la greigneur partie de la nuit, & tous les enfans,
qui Cheualiers vouloient estre, avecques luy. Quand ce vint le Dimenche, iour de la
Touffaints, l'eglise de Nostre-dame fut moult richement parée, tellemēt qu'on ne la sau-
roit mieux ordonner, & là fut à haute solennité, à la messe de l'Archeuefque de Reims,
benift & sacré. C'est de la Sainte Ampole, dont Monfeigneur Saint Remy consacra Clo-
uis, le premier Roy Chrestien des François, & fut ceste vnction enuoyée de Dieu & des
cieux, par vn Saint Ange, & tousiours depuis, les Roys de France en ont esté consacrez,
& point n'amendrit. Or regardez fi c'est digne chose, & noble. Auant la consecration,
le Roy fit là, deuant l'autel, tous les ieunes Cheualiers nouveaux, & apres on fit l'office
de la messe tresfolennellement & la chanta l'Archeuefque de Reims, & là fut le ieune
Roy en habit Royal, en vne chaire, éleuée, moult haut, & parée de draps d'or, & tous les
ieunes Cheualiers deffous, sur bas échaufaux, deffus couuerts de drap d'or, à ses piez, &
ainfi perseuera l'office tout le iour. Là estoit le nouveau Conneftable de France, Messie-
re Oliuier de Clifson, qui auoit esté fait & esleu Conneftable, puis peu de temps, & fai-
soit moult bien son office, & ce qu'il y appartenoit. Là estoient aussi les haux Barons de
France, vestus & parez si trefrichement, que merueilles seroit à racôpter, & feoit le Roy
en maiesté Royale, la couronne trefriche, & outre mesure precieufe, au chef. L'eglise de
Nostre-dame de Reims, fut à celle heure de la messe & de la solennité, plaine de No-
blesse, tellement qu'on n'y fauoit son pié tourner. Si entendit adonc, qu'au nouuel ad-
uenement du ieune Roy, & pour réiourir le peuple par le Royaume de Frâce, toutes im-
positions, aides, gabelles, fouage, subfides, & autres choses mal-prises (dont le Royau-
me estoit moult blecé) furent abbattues & ostées, & fut grandement à la contemplatiō
& plaifance du peuple. Apres la messe on vint au Palais, & pour ce que la sale estoit trop
petite, pour receuoir tel peuple, on auoit fait, en la court du Palais, vn haut & grād trait,
sur hautes estages, & là fut le difner fait & ordonné, & f'asseirent le ieune Roy & ses cinq
oncles, Brabant, Aniou, Berry, Bourgongne, & Bourbon, à sa table, bien loing de luy, &
l'Archeuefque de Reims, & autres Prelats, furent à sa dextre, & les seruoyent de haux
Barons, le Sire de Coucy, le sire de Clifson, messire Guy de la Trimouille, l'Admiral de
la mer, & ainfi des autres, sur haux † destriers, tous couuerts & parez de draps d'or. Ainfi
se continua en tous honneurs la iournée, & au lendemain, moult de haux Barons pri-
rent congé du Roy & de ses oncles, & s'en retournerent en leur pays. Si vint le Roy, ce-
luy iour, difner en l'Abbaye Saint-Tierry, à deux lieuës de Reims, car ceux de leās luy
doyuent ce past, & ceux de la cité de Reims le Sacre du Roy. Ainfi se departit celle no-
ble feste de la consecration du Roy Charles de France, & s'en vint le Roy à Paris, ou il
fut des Parisiens, à l'entrée, moult grandement festoyé. Apres toutes ces festes, solenni-
tez, & honneurs, y eut de grās conseils en France, sur le gouuernemēt & estat du Royau-
me, & fut ordonné que le Duc de Berry auroit le gouuernement de tout Languedoc, le
Duc de Bourgongne de toute Picardie & Normandie, & le Duc d'Aniou demourroit
delez le Roy, son Seigneur, & auroit principalement, & reaument, l'administration &
gouuernement du Royaume. Adonc fut le Comte de Saint-Pol rappelé, qui par-auant
auoit esté élongné de la grace du Roy Charles, dernier trépassé, & luy fit à Reims le Duc
Vincelin de Brabant sa besongne, & le Duc d'Aniou aussi (en laquelle grace & amour le
Comte de Saint-Pol estoit moult grandement) & se departit de Han sur Heure, feant
en l'Euesché du Liege (auquel il f'estoit tenu vn grand temps) & retourna en France &
ramena sa femme au chastel de Bouhaing, & se deporterent toutes les mains : mises de
ses terres, & retournerent toutes à son proffit. Nous nous souffrerons vn petit à parler
des besongnes deffusdites, & retournerons aux incidences de Bretagne, & au Comte
de Bouquingam.

Comment le Comte de Bouquingam assiegea Nantes, & des braues saillies de ceux de dedans.

CHAPITRE. LXI.

Vous sauez comment les conuenances & ordonnances furent prises, & iurées, entre
le Duc de Bretagne & le Comte de Bouquingam, de venir assieger Nantes. Quād
le

le Duc de Bretagne fut party de Rénes, le Seigneur de Monboursier, messire Estienne Guyon, le Seigneur de la Houffaye, & sa compaignie, se retirerent vers Vennes, & vers Hamibout, & le Comte de Bouquingam & les siens s'ordonnerent, pour venir deuers Nantes, & se departirent des fauxbourgs de Rénes & des villages de là enuiron (ou ils estoient logez) & s'en vindrent celuy iour loger à † Chastelbriant, & lendemain à Bain, & le tiers iour à Thieulle, & au quart logis, ils vindrent loger es fauxbourgs de Nantes, & fut le Comte de Bouquingam logé à la porté de Sauue-tout, & le Sire Latinier, † Connestable de l'ost, le Sire de Fil-Watier, le Sire de Basset, furēt logez à la porte Saint Nicolas, tout sur la riuere, & messire Guillaume de Windesore, & messire Hue de Cau- relée estoient logez entre leurs gens, moult honnorablement, car c'estoit au plus pres, par raison, comme ils pouuoient. Dedans la ville auoit grand nombre de Cheualiers & Escuyers de Bretagne, de Beauſſe, d'Aniou, & du Maine, qui entendoient à garder la ville tresbien, & en auoient du tout le faix, & aussi la charge, ne ceux de la ville ne s'en soucioient en rien. Et aduint que, la nuit Saint-Martin, messire Iehan le Barrois des Barres émeut aucuns de ses compaignons, qui là dedans estoient, & leur dit, beaux Seigneurs, nous sentons noz ennemis pres d'icy, & encores ne les auons nous point reueillez. Je conseille qu'en la bonne nuit nous les aillons veoir, & écaroucher. Par ma foy (respondirent ceux, à qui il en parla) vous parlez loyaument, & dites ce que nous deuons faire, & nous le voulons. Adonc se cueillirēt sur le soir, & s'armerēt bien six vingts hommes de fait. Si firent ouurir la porte † de S. Pierre (ou le Cōnestable, le Sire de Basset, le Sire de Fil-Watier, estoient logez) & mirēt bōnes gardes à la porte, pour la retraite. Si estoient Capitaines & meneurs de ces Gens-d'armes le Barrois des Barres, & Iehan de Chastelmorant, & le Capitaine de Clifſon, & si à point vindrent aux logis des dessusdits qu'ils seioient au souper, & auoient ces François, en leur cry, les Barres. Si entrerent aux logis des Anglois & commencerent à frapper, & à abbattre, & blecer gens. Tantost les Anglois furent saillis, & pourueus de leur fait, & se rengerent deuant leur logis. Quand les François en veirent la maniere, ils se retirerent, & tindrent tous ensemble, moult sagement. Si s'en retournerent deuers leur ville, & Anglois de toutes parts commencerent à venir à l'écarouche, & là en y eut de boutez, reboutez, & abbattuz par terre, d'une part & d'autre, & furent mis les François dedans leur barriere. Si en y eut de mors & de blecez, d'une part & d'autre, mais le Barrois des Barres & ses gens rentrerent en la ville, à petit de dommage, & si tint on ceste écarouche, dedans & dehors, à bonne & belle. Quand ce vint le iour Saint Martin au soir, le Barrois des Barres parla aux compaignons, & leur dit, Si seroit bon que demain, au point du iour, nous eussions fix ou sept gros bastiaux, & deux cens hōmes, & deux cens Arbalestiers, & par la riuere nous allissions visiter noz ennemis, car ils ne se donnent garde de ce costé. Tous furent de cest accord, & cueillirent, celle mesme nuit, le nombre de gens, que le Barrois auoit nommé, & eurent pourueu fix gros bastiaux, auant qu'il fust iour. Si entrerent dedans, & nagerent ou dessus, contreuail la riuere, & prirent terre au dessous, des logis. Messire Iehan de Harleston & ses gens si estoient logez assez pres de là en vn grand hostel. Là vindrent sur le point du iour les François, qui l'environnerent, & commencerent à l'assaillir. Messire Iehan de Harleston fut tantost appareillé & armé & aussi furent toutes ses gens, & mirent à deffense moult vaillamment, & Archers de tirer contre les Arbalestiers. Là eut écarouche forte & dure, & de naurez & de blecez, & vous dy bien que l'ost eust esté pris & conquis, mais messire Robert Canolle (qui estoit logé assez pres de là) sarma, & fit armer ses gens, & deueloper sa banniere, & se tira moult couramment celle part, & d'autre part messire Guillaume de Windesore (qui en fut aduerty & aduisé luy & ses gens y vindrent tous le cours, & tousiours venoient Anglois, & s'ouidoient de tous costez. Adonc se retirerēt les François sur le riuage, & vindrēt vers leurs bastiaux, quand ils virent que faire le conuenoit, ou recevoir grand domage. Là eut sur le riuage, au retour es bastiaux, grand écarouche, & moult vaillamment se partirent. Les Capitaines y firent grans appertises d'armes, & ne furent pas des derniers rentrez. Toutefois il y en eut, au rentrer des François, d'aucuns pris, mors, & noyez, & retournerent à Nantes. Encores tindrent ceste emprise tous ceux, qui en ouirent parler d'une partie & d'autre, à grand hardiesse & vaillance. Quand les Anglois apperceurent que ceux de Nantes les reueilloient si souuent, si eurent conseil entre eux, qu'ils seroient mieus sur leur garde, qu'ils n'auoient esté, & feroient bon guet. Dont il aduint qu'une nuit, apres,

† verard dit
chastel Bruy
ant.

† si a il baillé
cest office au si-
re d'Espen-
sier, au cha. 51
cōbien qu'il se-
ble s'en oublier
au ch. 54. et la
bailler à cestuy
v.

† il a dit na-
gures de S.
Nicolas:
saillie de ceux
de Nantes sur
les Anglois sous
la conduite des
Barrois des
Barres.

Autre saillie
de ceux de Na-
tes, par eau
sous la mesme
conduite.

Retraite de la
saillie.

*Encore autre
saillie du Bar-
rois des Barres.*

*Retraite du
Barrois.*

le septiesme iour que Monseigneur le Barrois auoit écarrouché sur la riuere, il issit de rechef, sur la nuit, à la porte ou le Comte de Bouquinguam estoit logé, & auoit le Barrois, en sa cōpaignie, enuiron deux cēs Hommes d'armes, & cēt Arbalestiers. Celle nuit faisoient le guet les Allemans, & estoient leurs Capitaines messire Algars & messire Thomas de Roddes. Si s'en vindrent frapper les gens du Barrois, & luy-mesme tout le premier, & Jehan de Chastelmorant, & le Capitaine de Clifson, sur ce guet, entre ces Allemans. Là eut grande écarmouche & dure, & d'abbatus à terre. Adonc se leuerent ceux qui là estoient couchez au logis-du Comte & s'armerent, & se tirerent tous celle part, ou l'écarmouche estoit. Quand le Barrois des Barres & ceux, qui avecques luy estoient, apperceurent que presse leur sourdoit trop grande, si se retirerent vers la porte, en combattant, en tirant, & écarrouchant. Si y en eut plusieurs blecez du traict, & naurez d'une part & d'autre, & par espécial, messire Thomas de Roddes, vn Cheualier d'Allemagne, fut frappé d'un trait, qui luy perça le bacinet tout outre parmy la teste, duquel coup il mourut trois iours apres, dont ce fut dommage, car il estoit moult appert Cheualier. Si rentrerent les François & les Bretons dedans Nantes, à peu de dommage, & eurent six prisonniers, & demoura la chose en celuy estat, & tous les Anglois sur leur garde, car toutes les nuits, ils n'attendoient autre chose, que d'estre réueillez.

De ce qui empescha le Duc de Bretagne de venir au siege de Nantes, & comment ceux de dedans continuoyent vaillamment leurs saillies.

CHAP. LXII.

*Le Duc de Bre-
tagne assez
mal obey de
ses gens.*

Ainsi se tenoient là, deuant Nantes, le Comte de Bouquinguam & ses gens, & attendoient tous les iours le Duc de Bretagne, qui point ne venoit, & de ce, que promis & iuré leur auoit, riens il ne tenoit, dont ils estoient tous émerueillez à quoy il pensoit, car de luy ils n'auoient nulles nouuelles. Bien enuoyerent par-deuers luy aucuns messagers & lettres, qui remonstroient qu'il faisoit mal, quand il ne tenoit les conuenances telles, qu'elles auoient esté promises & iurées à tenir par foy, & accomplir, en la cité de Rénes, mais de toutes les lettres, que le Comte de Bouquinguam y enuoya, oncques n'en eut response, & supposoient les Anglois, que les messagers estoient morts sur le chemin car nul n'en retournoit, & voirement ils estoient en trop grand peril, & toutes gens aussi, ils n'estoient du pays, & bien accompagnez, entre Nantes & Hamibout. Car les chemins estoient de si pres guettez de Gés-darmes du pays, que nul ne pouuoit passer, qu'il ne fust pris, & qu'on ne feust quelle chose il vouloit, & fil portoit nulles lettres des Anglois, ou du Duc aux Anglois, & fil luy en estoit aucune trouuee) il estoit mort. Avecques tout ce, les fourrageurs de l'ost n'osoient cheuaucher sur le pays, en allant enfourrages, fors en grans routes, car les Cheualiers & Escuyers du pays estoient assemblez ensemble, & ne vouloient nullement que leurs terres fussent foulées, ne courues, tellement que, quand ils trouuoient vingt ou trente varlets, ils leur ostoyent le leur, & leurs cheuaux, & les battoient & n'auoient, & n'en pouuoit on auoir autre chose, dont ceux de l'ost estoient moult courroucez, & ne sauoient sur qui en prendre l'amendement. Au vray dire, le Duc de Bretagne tiroit trop fort, qu'il peust auoir ses gens d'accord, à fin qu'il peust venir aider à mettre le siege à Nantes, par terre & par la riuere, comme l'ordonnance le portoit, & que par conuenant il auoit eu à Rénes, au Comte de Bouquinguam, Mais il n'en pouuoit venir à chef, & disoyent que Baron, Cheualier, n'Escuyer, iamais n'aideroyent à destruire leur terre, pour la guerre des Anglois, ne, tant que les Anglois fussent en Bretagne, qu'ils ne farmoient avec luy, & le Duc leur remonstroit pourquoy doncques ils auoient consenty & ordonné, du commencement, à mander les Anglois. Ils respondirent que scauoit plus esté pour donner crainte au Roy de France & à son Conseil (à ce qu'ils ne fussent menez fors es anciens vsages) que pour autre chose, & au cas que le Roy de France ne leur vueille que tout bié, ils ne luy veulent point de guerre. Autre chose, ne response, n'en pouuoit le Duc auoir. D'autre part le Sire de Clifson, Conestable de France, le Sire de Dinant, le Sire de Lual, le Vicomte de Rohan, le Sire de Rochefort, & tous les haux & puissans Barons du pays de Bretagne, auoient ensemble leurs villes & chasteaux clos, & bien gardez, & disoient au Duc, ou faisoient dire par leurs messagers, qu'il s'aduist, car il auoit esté simplement conseillé, d'auoir mandé les Anglois, & les auoir mis au pays, pour guerroyer & destruire la terre, & que nul confort il n'auoit d'eux, ainçois, s'il alloit deuant Nantes, pour l'assieger, ainsi qu'ils auoient entendu (ce qu'il ne deuoit faire) on luy destruiroit toute sa terre de tous costez,

coftez: & luy donneroient tant d'empeschemens, qu'il ne sauroit auquel entédre, mais (fil se vouloit recognoistre, & remettre en l'obeissance du Roy de France, tout ainsi que faire le deuoit, & que tenu y estoit) ils se faisoient fors, qu'ils luy feroient la paix enuers le ieune Roy de France, & luy remonstrentoient encores plusieurs parolles en disant ainsi que tels auoient eu le courage encontre le Roy Charles mort, qui viendroient & demoureroient grandement en l'amour du Roy son fils. De toutes telles choses, des plus haults Barons de Bretaigne, estoit † le Roy seruy. Si ne sauoit le Duc, au vray dire, auquel, pour le mieux, entendre. Car il ne trouuoit nul seur estat en ses gens, & luy cōuenoit dissimuler, & tousiours se tenoit le siege deuant Nantes. Le iour † Nostre-dame des adués au soir, eurent conseil les François qui se tenoyent à Nantes, qu'ils viendroient réueiller l'ost, car trop auoit reposé. Si issirent enuiron deux cens Lances (desquels messire Amaury de Clifson, cousin germain au Seigneur de Clifson, & le Sire d'Amboise estoient meneurs & gouuerneurs) & s'en vindrent frapper sur messire Guillaume de Windesore, & issirent par la porte de Richebourg, sur la riuiere, & faisoient ce soir le guet les gens messire Hue de Caurelée. A celle heure fut fait Cheualier le Sire d'Amboise, & le fit Cheualier messire Amaury de Clifson. Ces Gens-d'armes Bretons & François s'en vindrent de grande volonté au guet, & gaignerēt, de plaine venue, la barre du guet, dōt estoit chef vn, qui s'appelloit messire Guillaume de Guisenton. Là eut forte écar mouche & dure, & maint hōme renuersé. Messire Guillaume de Windesore & messire Hue de Caurelée (qui là estoiet, en leur retrait) entédirent le hurin. Si saillirent tātost, & s'armerent & appareillerent, & vindrent celle part, ou le plus fort hurin estoit. Là eut tiré, frappé, lancé, & écar mouché, & sy porterent les deux parties moult vaillamment, & rentrerent, en combattant & écar mouchant, les François & les Bretōs, en la poterne de † Cherbourg (par laquelle ils estoient issus) & sans domage. Car ils eurent vn Cheualier prisonnier, & dix Hommes d'armes, & n'y eut des leurs que trois pris. Le leudi, deuant la vigile de Noel, issirent de Nātes, sur le soir, par la porte de Sauuetout, messire le Barrois des Barrés & le Sire de Solete, & six vingts Hommes-d'armes, & s'en vindrent fraper au logis du Côte de Bouquinguā, & faisoit le guet, celuy soir, le Côte de Donnefiere. Là eut grande écar mouche & forte, & maint hōme renuersé & bouté ius par terre, de glaiues, mais les Anglois furent plus fors, que ceux de la ville ne furent. Si furēt reculez & boutez, es barrières, & en la porte, à force, & en y eut des leurs, que morts que pris, enuiron seize, & là fut tué à l'écar mouche vn Cheualier Anglois (qui s'appelloit messire Hugues Kitiel) & fut frapé parmy le Bacinet, de laquelle naureure il mourut. Adonc se retirerēt toutes gens à leurs logis, & n'y eut plus nulle chose faite celle nuit, mais tous les Capitaines, de Nātes furēt à cōseil ensemble, que la nuit de Noel, à toutes leurs puiffances, iustroient de la ville, & feroiēt vne grande écar mouche. & tindrēt tout cela entre eux en secret. Le Comte de Bouquinguam & les autres Anglois estoiet réueillez mout souuent des Bretons & François, qui dedans la ville de Nantes se tenoient, & d'autre part, sur les champs, les fourrageurs auoient moult de peines, en querant viures & fourrages pour les cheuaux, & n'osoient fourrager, ne cheuaucher, fors en grans routes, & estoient le Comte de Bouquinguam & son Conseil moult émerueillez du Duc de Bretaigne, qui point ne venoit, ne de luy n'auoient nulles nouuelles, & s'en cōtentoiet mal. Car de tout en tout ils trouuoient, & auoient trouué en luy foible cōuenant, & ne sauoient à qui eux en plaindre, ne qui droit leur en fit. Si eurent conseil enuiron Noel, qu'ils enuoyeroient de rechef messire † Robert Canole, messire Thomas de Percy, & messire Thomas Triuet, deuers luy, à Vennes, ou à Hamibout, & ceux luy remonstrentoiet, de par le Comte, qu'il faisoit trop mal de ce qu'autrement il ne sacquitoit enuers eux. Puis fut celuy appoinctemēt rompu & brisé, & dirent, quād ils eurent entre eux tout cōsidéré & imaginé, qu'ils ne pouuoient ce faire, n'affoiblir leur siege, & qu'on ne pouuoit aller deuers le Duc, fors que tous ensemble, car (sils y alloient cinq ou six cens Lances, & ils en trouuassent sur le pays mille ou quinze cens) ce leur seroit vn trop grād cōtraire, & pour roient bien estre ruez ius, en allāt deuers le Duc, & eux demourās au siege, & pour celle doute ne se departir riens de l'ost, mais se tindrēt encores tous ensemble. Quand ce vint à la vigile de Noel au soir, le Barrois des Barrés, messire Amaury de Clifson, le Sire d'Amboise, le Sire d'Estoller, le Castellain de Clifson, le han de chastel-Morant, & tous les Capitaines de Nantes, issirent hors, par la porte de Sainct-Pierre, en grande volonté de bien faire la besongne, & auoyent en leur route six cens Hommes-d'armes.

† Verard dit
le duc &
mieux, à mon
auis.

† Tousiours
1380. Saillie
de ceux de Nā-
tes, sous la con-
duite d'A-
maury de Clif-
son.

† Il a naguères
dit Riche-
bourg. Au-
re saillie du
Barrois des
Barres.

Retraite de la
saillie susdite.

† Ces noms sont
remis selon le
chapitre. 59.

Saillie de tous
les Capitaines
de Nantes sur
les Anglois.

Quand ils furent hors de la porte, en deux parties, l'une s'en vint parmy la rue, & l'autre parmy les champs, au logis du Seigneur Latinier & du Sire de Fil-Watier, & faisoit le guet messire Yon Fil-Warin: & messire Guillaume Rêton, & de premiere venue ils gagnèrent toutes les baillies du guet, & ruerent ius, & reculerent le guet, iusques au logis du Connestable, le Sire Latinier, & s'arrestèrent deuant l'hostel du Sire de Vertaing, & là fut la grande écar mouche, & le grâd assaut. Car les François auoyent getté leur aduis de le prendre, & fut sur le point d'estre pris, & le Sire de Vertaing dedâs. Là eurent ceux du guet moult à souffrir, ainçois que le secours vëstist. Messire Yon Fil-Warin, le Sire de Vertaing, & messire Nicole Traiton Cheualiers, y firent plusieurs grans appertises d'armes. A ces coups s'efforçoient ceux du Connestable & du Mareschal, & sonnoïent leurs trompettes. Si s'armerent par tout ensemble. Messire Guillaume de Windesore & messire Hue de Caurelée entendirent le son des trôpettes, & congurent tantost que l'Avantgarde auoit à faire. Si firent sonner trompettes, & allumer grand foison de falots, & déueloper leurs bannieres, & vindrent celle part, ou la grande écar mouche estoit, & en leur compaignie cent Hommes-d'armes & cët Archers, & d'autre part messire Thomas Triuet, messire Thomas de Percy, & le Sire de Basset, chacun sa banniere deuant luy, vindrent à l'écar mouche, & bien besoing en auoient ceux de l'Avantgarde, & qu'ils fussent hastiuement confortez, car ils furent sur le point de leur logis perdre. Mais, quand ces Barons & leurs routes furent venus, ils reculerent les François & les Bretons, & se mirêt tous ensemble moult sagement, & les François se tirerent vers la ville, lançans tirans, & écar mouchans. Là fut faite mainte grande appertise d'armes, & s'abandonnoient aucuns ieunes Cheualiers & Escuyers du costé des François, pour eux auancer & môstrer afin d'auoir renommée, tellement que messire Tristan de Iaille y fut pris par sa fole emprise, & le prit vn Escuyer de Haynaut, qu'on appelloit Thierry de Sommain.

*Retraite de la
saillie dessus
dite.*

*Il y auoit icy
que on se ar-
me & que on
ysse à l'ecar-
mouche.*

*Mais nous auôs
suini le sens de
l'Auteur. Car
par ces mots,
on ne peut
autre chose,
faire: faut en-
tendre, que
blecer, tuer,
& prendre.*

Ainsi se continua celle écar mouche, & rentrerent dedans Nantes tous ceux, ou partie, qui yssus en estoient, car il conuenoit qu'en tel fait-d'armes en eust de morts & de naurez, & de pris & blecez, car ce pendât qu'on s'anime, & qu'on est à l'écar mouche, on ne peut autre chose faire. Mais toutesfois ils retournerent dedans à peu de dommage, car ils eurent bien autant de prisonniers, que les Anglois auoient des leurs. Si se retirerent à leurs logis. Quand la porte fut fermée, ils entendirent à mettre à point les blecez. Aussi se retirerent ceux de l'ost, & s'en allerent chacun en son logis, mais pourtant ne rompirent ils point leur guet, ainçois firent plus fort guet, que deuant. Le iour de Noël il n'y eut riens fait, ne toutes les festes. Si n'entendirent les Anglois à autre chose, tous les soirs, fors que d'estre reueillez, & ce, qui plus leur touchoit & faisoit d'ennuy, estoit qu'ils n'auoient nulles nouuelles du Duc de Bretagne, & leur estoient viures & fourrages si destroits, qu'à grand peine en pouuoient ils trouuer, mais ceux de dedans en auoyent assez, qui leur venoient d'autre part, par la riuere de Loire, de ce bon pays de Poictou, Xaintonge, & la Rochelle.

*Comment les Anglois se partirent du siege de Nantes, & des belles excusations, que le
Duc de Bretagne bailla au comte de Bouquingnam.*

CHAP. LXIII.

*† Ace, qui se
peut voir de-
puis le ch. 61.
nous pouuôs ici
commencer l'an
1381. à nostre
mode et ainsi le
veut il tantost
à ces mots l'an
reuolu.
† Verard dit
volain.
Le Comte de
Bouquingnam
aiant leuë son
siege de Nantes
sire deuers la
ville de Venes.*

Quand le Comte de Bouquingnam & les Anglois eurent assez esté au siege, deuant Nantes, & enuiron † deux mois & quatre iours, & ils cognurêt qu'ils n'en auroient autre chose, & que le Duc de Bretagne ne tenoit nulles de ses conuenances (car il ne venoit, ne n'enuoyoit deuers eux) si eurent cõseil qu'ils se delogeroient de là (car riens n'y faisoient) & se tireroient deuers Vennes, & s'en yroient tous ensemble parler au Duc, & sauroient à celle fois toute son entente. Adonc fut seu & denôcé le deloger parmy l'ost. Si delogèrent le lendemain de l'an reuolu, & cheuaucherent en bataille & ordonnance tout ainsi qu'ils auoient fait parmy le Royaume de France, & vindrent au partement de Nantes, ce iour, loger à North, & furent là pour eux rafraeschir trois iours, pout le pont, qui estoit rōpu. Si eurent moult de mal à le refaire, pour passer outre leur charroy. Toutesfois le pont fut refait bon & fort, & passa l'ost la riuere de Tvolain (qui fut par vn Samedy) & vint loger à Loheac, & là demoura deux iours, & lendemain, quand ils se partirent dudit Loheac, ils s'en vindrent loger é Gros, & là demoura l'ost deux iours, & lendemain à la Trinité. Puis passerêt la riuere d'Aust, au pōt de Brehaing, & là demoura outre l'eau, sur les plaïs, tout l'ost. Ce iour, qu'ils delogerêt, & eurent passé la riuere, ceux de la cité

cité de Vennes estoiet tous informez, par ceux du pays, que le Côte de Bouquinguā & les Anglois venoient celle part, & estoit leur intētion de loger en la ville. Si ne fauoient comment ilscheueroient de les laisser entrer en la cité, ou non; & vindrent deuers le Duc qui estoit à Hamibout, mais ce iour, qu'ils venoient vers le Duc, ils le récontrerent sur les champs, à deux petites lieues de Vennes, qui venoit celle part. Le Duc vit ses bonnes gens de Vennes, qui venoient deuers luy. Si leur demanda des nouuelles, & ou ils alloient. Si luy respondirent, Monseigneur, des nouuelles, nous vous en dirons assez. Veez cyle Comte de Bouquinguam & les Anglois, qui viennent ceste part. & est leur intention (si comme nous sommes informez) de loger en vostre bonne ville de Vennes. Si regardez que vous en voulez faire, car sans vostre cōmandement, nous n'en ferons riens. Vray est qu'ils ont ia refait le pont de Brehaing, qu'on auoit rompu, sur la riuere d'Aust. Quand le Duc ouit ces nouuelles, il pensa vn petit, & puis respondit, Dieu y ait part. Ne vous effrayez ne souciez de riens les choses viendront bien. Ce sont gens, qui ne vous veulent point de mal. Je suis en aucunes choses tenu enuers eux, & ay traitez à eux, lesquels il faut que ie porte outre, & m'en acquite. Je m'en vois à Vennes, & demain ie croy bien qu'ils viendront. I'iray au deuant du Comte, mon frere, & luy feray l'honneur, plus grād que ie pourray, car en verité i'y suis tenu. Au surplus vous ferez ainsi que ie vous conseilleray, vous luy offrirez & presenterez les clefs de la ville, & luy direz que vous, & toute la ville, estes prests & appareillez de le receuoir, sauf que le ferez iurer, que quinze iours apres qu'il sera requis de partir, il se départira de la ville, & vous rendra les clefs de la ville. C'est tout le conseil, que ie vous donne. Les Bourgeois de Vennes, qui cheuauchoit delez le Duc, respondirent ainsi, Monseigneur, nous ferons à vostre ordonnance. Depuis cheuaucherent ils tous ensemble, iusques à Vennes, & là se logea le Duc celle nuit, & les Anglois s'en vindrēt loger à S. Iehan, vn village seant à deux lieues de Vennes. Ce soir receut lettres le Comte de Bouquinguam du Duc, qui luy escriuoit, comme à son cher frere, & luy mandoit qu'il estoit le bien-venu en la marche de Vennes. Au lendemain, quand le Comte eut ouy la messe, & beu vn coup, il monta à cheual & tous ses gens, & cheuaucherent moult ordonnément deuers la cité de Vennes, l'Auāgarde premierement, & le Comte de Bouquinguam apres, en sa bataille, & l'Arriregar de ensuyuant la bataille, du Comte. Ainsi les rencontra le Duc de Bretagne, qui issit de Vennes à l'encontre d'eux, bien vne grande lieue, & quand luy & le Comte s'entrerentrerent, ils se firent grand honneur. Apres celle reception (qui fut moult honorable, & en cheuauchant l'vn contre l'autre, le Comte à dextre, & le Duc à senestre) le Côte de Bouquinguam entra en parolles, & dit, Sainte Marie, beau frere de Bretagne, que nous vous auōs attēdu deuant Nantes! là estans au siege (ainsi que l'ordonnance le portoit eutre vous & moy) & si n'y estes point venu! Par ma foy (respondit le Duc) ie n'en ay au tre chose peu faire, Monseigneur, & vous dy que i'en estē durement courroucé, mais amender ne le pouuoie. Car mes gens de ce pays (pour chose que ie leur aye seu remonstrier, ne quelque alliances qu'à leur requestes ils ayent à vous) ils ne se sont onc voulu tirer auant, pour aller au siege avecques vous deuant Nantes, & se tiennent tous pourueus, sur les frontieres, le Sire de Clifson, le Sire de Dinant, le Sire d'Orual, le Vicomte de Rohan, & le Sire de Rochefort, pour garder les entrées & issues de Bretagne, & tous ceux, qui festoient adhez & conioints avec moy, tant de cheualiers & Prelats, comme des bonnes villes, sont maintenant tous rebelles, dont ie suis grandement courroucé, quand par leur coulpe vous me trouuez en faute. Si vous diray que vous ferez, Mōseigneur. Il est à present au fort de l'yuer, qu'il fait froid, & mauuais tenir ost. Vous viēdrez à Vēnes, & là vous tiēdrez, iusques en Auriel, ou May, pour vous rafreschir, & i'ordonneray aussi de voz gēs, & passerōt le tēps, au mieux qu'ils pourrōt, & de toutes ces choses nous reuencerons à l'estē. Le Côte respondit, Dieu y ait part. Car il vit bien qu'autre chose n'en pouuoit auoir. Si l'amena le Duc de Bretagne dedans Vennes, & à l'entrer dedans les gens de la ville furent appareillez, qui s'en vindrent en la presence du Comte, & luy dirent moult doucement. Monseigneur, pour la reuerence de vostre grāde Seigneurie, & pour l'honneur de vous, ne vous mettons nul contredit à entrer en la ville de Vēnes. Mais nous voulons, pour appaiser le peuple (autremēt vous ne seriez pas biē seur) q̄ vous nous iurez, sur saintes Euāgiles, que quinze iours apres ce que vous en ferez requis vous departirez de ceste ville, & en ferez departir les vōstres, & ne nō ferez, ne souffrirez faire dōmage ne moleste. Par ma foy (dit le côte de Bouquinguā) nō, & ie le vo iure & tiēdray.

*Le Duc de Bret.
au deuant du Côte
de Bouquinguam.*

*Amiable rencontre du Duc
de Bretagne et
du Comte de
Bouquinguā.*

*Excuses du
Duc de Bretagne
au Côte de
Bouquinguam
pour n'auoir esté
au siege de
Nantes.*

*Ce que iura le
Comte de Bouquinguam,
deuant qu'estre receu
dedans Vennes.*

† Les Ann. de
Bret. disent
Lefneuch.

La peine de plu-
sieurs de l'ar-
mee du Comte
de Bouquingua
combien qu'ils
fussent en ter-
res d'amis.

Quelques gr̃s
Bar̃s de Bret.
deuers le Roy
Charles sixies-
me, pour accor-
der le Duc de
Bretaigne avec
le Royaume de
France.

En apres ils firent iurer les autres Seigneurs, sur leur foy, & sur saintes Euangiles, de tenir le serment, que le Comte auoit fait, & ils sy accorderent legerement. Car faire leur conuenoit, fils ne vouloient dormir au champs. Ainsi fut le Comte de Bouquingua, logé en la cité de Vennes, & son corps en l'ostel du Duc, en vn plaisant & beau chastel (qui sied dedans la ville, & est nommé la Mote) & tous ceux de sa bataille furent logez en la ville & es fauxbourgs, & le Duc de Bretagne & ses gens vindrent en † l'Asnot, & là se tint le Duc, mais aucunes fois il venoit à Vennes, veoir le Comte, & auoient parlement ensemble, & puis s'en retournoit de là ou il estoit party. Le Sire Latinier, le Sire de Fil Watier, messire Thomas de Percy, messire Thomas Triuet, & l'Auâtgarde deuoit estre logée en la ville de Hamibout, mais onc on ne leur voulut ouurir les portes, & leur cōuint aller aux chāps, & aux fauxbourgs. Messire Robert Canole, le Sire de Fil Warin, & plusieurs autres, deuoient estre logez en la ville de Quinpercourtin, mais on ne leur voulut onc ouurir les portes, & leur conuint loger es fauxbourgs, & aux chāps. Si souffrirent & endurerēt, du tēps qu'ils furent là, moult de pourētés & malaises, car ce, qui ne valoit que trois deniers, on leur vendoit douze, & encores n'en pouuoient ils recouurer, si moururent leurs cheuaux, de froid & de pourēté, & ne sauoient ou aller en fourrages, & quād ils y alloient c'estoit en grand peril, car les terres voisines leur estoient toutes ennemies. Le Vicōte de Rohā auoit pour lors en la Marche de Vēnes deux fors chasteaux & grans, dōt l'un estoit appellé le Caire, & l'autre Linguighāt. En ces deux chasteaux auoit grande garnison, de par ledit Vicōte, qui portoiēt trop de cōtraires aux fourragers Anglois, & en ruerēt mains ius, & en occirēt plusieurs avec autres garnisons, qui estoient au Seigneur de Clifson, dedans des places assises en celle frōtiere, cōme le chastel-Ioffelin Montagu, & Mōcōtour. Si souffroit tout ce le Duc de Bretagne, & disoit qu'il ne le pouoit amēder, car voirement le Cōnestable de France, & le Sire de Clifson faisoient guerre pour le Roy de France, & se tenoient sur le pays, à grand nombre de Gens-d'armes, parquoy les Anglois ne s'osoient ouurir, ne partir l'un d'avec l'autre. Encores, tout regardé, & cōsidéré cōment ils estoient logez aux chāps, en nulle deffense, ce fut merueilles cōment ils ne receurent de plus grans dōmages. Car ceux de Vennes ne peussent auoir legerement cōforté ceux de Camperle, ceux de Hamibout, ne ceux de Quinpercourtin. Mais, au vray dire, le Duc alloit au-deuāt, & les gardoit & deffendoit à son pouuoir, qu'ils ne fussent destruits, & bien disoit à son Cōseil, que foiblement & pouremēt, selō ce qu'il leur auoit promis, il festoit acquitté enuers le Cōte & ses gēs. En celuy tēps estoient à Paris deuers le Roy de Frāce, de par le Duc enuoyez, quatre haux Barōs, qui luy pourchaoient sa paix. C'estassauoir le Vicomte de Rohan, messire Charles de Dinant, messire Guy, Sire de Laual, & messire Guy, Sire de Rochefort. Ces quatre Barons de Bretagne en Cōseil, tādīs que le Cōte de Bouquingua estoit au siege deuāt Nātes, luy auoyent remōstré par plusieurs fois, mout sagemēt en disāt telles parolles. Mōseigneur, vous mōstrez à tout le mōde, q̃ vous auez courage tout Anglois. Vous auez mis & amené en ce pays les Anglois, qui vo' tondroient vostre heritage, fils en estoient au dessus. Quel profit, ne plaisir, prenez vous, en eux tāt aimer? Regardez cōmēt en est le Roy de Nauarre qui tāt se fioit en eux, qu'il les meit dedās la ville & chastel de Cherbourg, & onc depuis il ne s'en voulurent partir, ne partirōt, mais le tiēdrōt cōme leur bon heritage. Aussi, se vous les auez mis, ou mettez, en voz villes fermées de Bretagne, ils ne s'en partirōt iamais, car tous les iours serōt rafreschis de leurs gens. Regardez cōment ils tiennēt Brest: & n'ōt nulle volonté de le vous rendre, cōbien qu'il soit de vostre droit dōmaine & heritage. Si vous suffise à tant. Monseigneur, que vous soyez aimé de voz gens de ce pays, qui iamais ne renonceront le Roy de Frāce, pour seruir & estre au Roy d'Angleterre. Se vostre femme est d'Angleterre, voulez vous pourtant, à cause de ce, laisser perdre vostre heritage (qui tāt vous a cousté de peine & trauail à auoir) & tousiours demourer en guerre. Vous ne pouuez qu'un homme, au cas que le pays se voudroit clorre cōtre vous. Laissez voz conseils, car le Roy de France (lequel vous n'aimiez pas) est trépassé, & y a à present vn ieune Roy, bel, & bon, & qui a bon esprit, & tel a hay le pere qui le seruira. Nous vous ferons vostre paix enuers luy, & mettrons à accord, & si demourrez Sire & Duc de Bretagne, & en grād' puiffāce, & les Anglois retournerōt en leur pays. Telles parolles & plusieurs autres, toutes coulourées, auoient ces Barōs dessus nōmez par plusieurs fois remōstrées au Duc, & tant qu'ils l'auoient ainsi qu'à demi cōquis à faire leur volōté, mais encor se faingnoit il, & diffimuloit contre le Roy de France & son Conseil, & contre les Anglois

Anglois, tant qu'il verroit à quelle fin il en pourroit venir, & de tous ses traittez secrets & couverts (que ces quatre Barons de Bretagne, qui estoient à Paris, faisoient deuers le Roy, & ses oncles) n'en sauoit riens le Comte de Bouquingam, ne ses Barons n'en feurent riens iusques en fin d'ordonnance, & ainçois qu'ils s'en apperceussent, ne qu'ils ississent hors de Bretagne, il y eut vn fait-d'armes, & vne iouste, deuant Vennes, present le Comte de Bouquingam & les Seigneurs, qui là estoient: de laquelle nous ferons mention: car ce n'est pas chose à oublier ny à taire.

De quelques ioustes & faits d'armes accomplis en la presence, du Comte de Bouquingam entre certains François & Anglois.

CHAP. LXIIII.

AV temps & terme que Gauvain Micaille & Iaquemes Kator firent faits-d'armes, deuant le Comte de Bouquingam & les Seigneurs, qui avecques luy estoient venus d'Angleterre, pour voir ces armes aucuns Cheualiers & Escuyers de France estoient venus à Marchaunoy, lez Blois, & tant, que messire Regnaud de Touars, Sire de † Poufanges, vn Baro de Poictou, en prit parolles au Seigneur de Vertaing, & dit que volontiers il feroit fait-d'armes de trois coups de l'ace, & de trois coups de hache, & le Sire de Vertaing ne luy voulut pas refuser, mais les luy voulut accorder, & les voulut tâtost faire & deliurer, à quelque domage ou profit que ce fust. Mais le Comte de Bouquingam ne le voulut pas, & commanda adonc au Cheualier, qu'il n'en fist riens. Ce nonobstant les parolles des entreprises d'armes demeurent au propos des deux cheualiers: & telles parolles, ou semblables, eut là à ce iour vn Escuyer de Sauoye (qui s'appelloit le Bastard Clarius) à Edouard de Beauchamp, fils de messire Roger: † & messire Tristan de la Iaille à messire Jehan d'Amberticourt, messire Jehan de Chastel Morant à Iannequin Cliton, & le Gallois d'Aunoy à messire Guillaume Clito, & messire Hoyau d'Araines à messire Guillaume Franc. Mais toutes passerent adonc les vnes come les autres. Quand le Comte de Bouquingam & les Anglois furent logez es fauxbourgs de Nantes (comme dessus est dit) les Cheualiers & Escuyers, du costé des François, estoient dedans Nantes. Si requierent le Sire de Vertaing & les autres de son costé, & firent requerre, à ceux qui les auoient appelez d'armes, que deuant Nantes ils les voufissent deliurer. Les Capitaines de Nantes n'eurent pas conseil de ce faire & accorder, & excuserent leurs gens & disoient qu'ils estoient dedans Nantes comme soudoyers, & commis & ordonnez pour garder la ville. Ces parolles se passerent, tant que le Comte de Bouquingam fut venu à Vennes, à Hamibout, à Caperle, & à Quimpercorentin, ainsi que vous sauez. Quand ils furent venus, & là arrestez, messire Regnaud de Touars, Monseigneur le Barrois des Barres, messire Hoyau d'Araines, & grâde foison de Cheualiers & Escuyers, s'en vindrēt à Chastel-Ioffelin, à sept lieues de Vennes, ou le Cōestable de Frâce se tenoit & le Cōte de la Marche, & grand nōbre d'autres Cheualiers de Frâce, qui volōtiers les veirent, & bien les recueillirēt. Adōc s'emeurent les paroles deuant le Cōestable & luy remonstrent cōment tels & tels auoient entrepris faire faits-d'armes aux Anglois. Le Cōestable ouit volōtiers ces parolles, & dit, Enuoyez deuers eux, & nous leur dōnerōs saufcōduit de faire faits-d'armes, s'ils veulēt venir. Si euoyerēt premieremēt le Gallois d'Aunoy & messire † Liōnet d'Araines, ou ils festoient ingerez de faire faits-d'armes, & d'assoier trois coups de glaiues à cheual. Quand messire Guillaume Cliton & messire Guillaume Franc entendirent qu'ils estoient semons & requis des François à faire faits-d'armes, si en furent tous réiouis, & prirent congé du Cōte de Bouquingam & des Barons d'Angleterre, pour y aller. Si y allerent, & aucuns Cheualiers en leur compaignie, & iousterent moult vaillamment les Anglois & les François, & firent faits-d'armes, ainsi que l'ordonnance le portoit. Là furent requis de messire Regnaud de Touars, & de messire Tristan de la Iaille, & de messire Jehan de Chastel-Morant, & du Bastard † de Clarius, chacū son Cheualier, ou son Escuyer, c'est à entendre le Sire de Vertaing, messire Jehan d'Amberticourt, Edouard de Beauchamp, & Iannequin Cliton. Les quatre Anglois (qui estoient en grand' volōté de cōbattre) vouloient, sur le saufcōduit du Connestable, aller au chastel-Ioffelin. Quand le Comte de Bouquingam fut à Vennes, & il entendit les requestes des François, il respondit, & dit ainsi aux heraux, tout haut. Vous direz au Cōestable, que le Comte de Bouquingam luy mande, qu'il est bien aussi puissant de donner, & de tenir son saufcōduit aux François, comme il est de le donner aux Anglois, & que ceux, qui demandent à faire faits-d'armes aux siens, viennent à Vennes, & il leur donnera, & à quels qu'ils voudront en leur compaignie, pour l'amour d'eux, venās & retour-

† Verard dit pouances & sala pouances.

† Le passage est remis selō, que veut l'Auteur mesme en ce present chap.

† Il a naguères nomē, Hoiau par deux fois.

† Il a naguères dit Clarius simplement comme, si c'est esté son propre nom, et encor le dira il cy-apres, & de Clarius.

nans à saufconduit. Quand le Connestable ouit ceste response, tantost il imagina que le Comte de Bouquingam auoit droit, & qu'il vouloit assister aux faits-d'armes, & les veoir, & que c'estoit bien raison, qu'autant il en eust à Vennes en sa presence, comme il en auoit eu au Chasteau-Iosselin en la sienne. Si respondit le Connestable, quand il parla, & dit, le Comte de Bouquingam parle comme vn vaillant homme, & fils de Roy, & & ie vueil qu'il en soit à sa parolle, & s'emeuēt tous ceux, qui aller y voudrōt auēcques les faisans-d'armes, & nous enuoyerons querir le saufconduit. Tantost s'emeurent Cheualiers & Escuyers, iusques au nombre de trente, Si vint vn Heraut à Vennes, pour querir le saufconduit, & on le leur donna & seella, de par le Comte de Bouquingam. Adonc se partirēt du Chasteau-Iosselin les trois, qui faire faits d'armes deuoient, & tous les autres en leur compaignie, & vindrent à Vennes, & se logerent dedans les fauxbourgs, & leur firent les Anglois bonne chere. Au lendemain ils s'ordonnerent pour combattre, ainsi que faire deuoient, & vindrēt en vne belle place toute ample & vnie, au dehors de la ville. Apres vindrent le Comte de Bouquingam, le Comte de Suffort, le Comte de Donnesiere, & les Barons, qui là estoient en sa compaignie, & ceux qui faire faits-d'armes deuoient, c'est assauoir le Sire de Vertain, contre Regnaud de Touars, Seigneur de Pouzauges, messire Iehan d'Ambreticourt, contre Tristan de la Iaille, & Edouard de Beauchamp courut contre le Bastard de Clarius. Là se meirent sur la place les François tous d'un costé, & les Anglois de l'autre, & ceux, qui deuoient iouster, estoient à pié, & armez de toutes piēces, de bacinets à visieres, & de glaiues, à bōs fers de Bordeaux, tous pourueus, & se firent les faits-d'armes, ainsi qu'il s'en suit. Premièrement le Sire de Pouzauges en Poictou, & le Sire de Vertain en Haynaut, deux Barons de haute emprise & de grand hardement, s'en vindrent l'un sur l'autre, & tous à pié, tenans leurs glaiues acce- rez en leurs mains : & passerent le bon pas : & point ne s'épargnerent : ains s'asirent les glaiues l'un sur l'autre, en poussant. Le Sire de Vertain fut feru, sans estre blecé, & frappa le Sire de Pouzauges par telle maniere, qu'il luy perça les mailles, & la poitrine d'acier, & tout ce qui estoit deffous, tellement que le sang faillit de la chair, & grand merueilles fut, qu'il ne le naura plus auant. Apres recouurerent ils les trois autres coups, & firēt toutes les armes, sans dōmages, & puis allerent reposer, & laisserent faire les autres, & les regarderēt. Apres vindrēt messire Iehā d'Ambreticourt (qui estoit de Haynaut) & messire Tristā de la Iaille, Poicteuin, & furēt leurs armes moult vaillāmēt faites sans point de dōmage, & quand ils eurent fait, ils passerent outre. Adōc vindrent les autres, c'est assauoir Edouard de Beauchāp & Clarius de Sauoye. Celuy Bastard estoit vn Escuyer dur & fort, & trop mieux formé de tous mēbres, que l'Anglois n'estoit. Si vindrent l'un sur l'autre, de grande volonté, & assirēt les glaiues l'un sur l'autre en la poitrine, en poussant tellement qu'Edouard fut bouté ius & renuersé : dont les Anglois furent moult courrouce- z. Quand il fut releué, il prit son glaiue, & s'en vint sur Clarius, & Clarius sur luy, mais encores le bouta de rechef le Sauoisien à terre, dont furent les Anglois moult courrouce- z, & dirent, Edouard est trop foible contre cest Escuyer. Les diables le font bien contre ce Sauoisien iouster, ne s'entremettre de guerre, ne de iouste, Adonc fut il pris d'entre eux, & fut dit qu'il n'ē feroit plus. Quand Clarius en vit la maniere (qui desiroit à par faire ses armes) il dit, Seigneurs, vous me faites tort. Puis que vous voulez qu'Edouard n'en face plus, si m'ē baillez vn autre, auquel ie puisse parfaire mes armes. Le Comte de Bouquingam voulut sauoir que Clarius disoit, & on le luy dit. Adonc il respondit que le François parloit bien & vaillamment. Lors faillit tantost auant vn Escuyer Anglois (qui depuis fut Cheualier, & s'appelloit Iannequin Fetaceilles) & vint deuant le Comte, & s'agenouilla, & luy pria qu'il parfist les armes, & le Comte le luy accorda. Ledit Iannequin se meit en arroy & s'arma en la place, de toutes pieces (ainsi cōe à luy appartenoit) & prit son glaiue, & le Bastard Clarius le sien, & vindrent, en poussant, l'un sur l'autre, & l'un contre l'autre, & se pousserent par telle façon, que les deux glaiues s'en volerent en tronçons, par dessus leurs testes. Apres ils retournerent le second coup, & ainsi en aduint, & firent cōme le premier, & aussi firent ils du tiers. Toutes leurs lances furent rompues, dōt les Seigneurs d'un party & d'autre, qui les regardoient, tindrēt ce fait à moult bel. Adonc ils prirent les espēes (qui estoient fortes) & en six coups ils en rompirēt quatre, & vouloient frapper des haches, mais le Côte les leur osta, & dit qu'il ne les vouloit pas voir en outrance, & qu'assez en auoiet fait, Si se tirerēt arriere, & lors vindrēt les autres, c'est assauoir Iehan de Chastel-Morant, François : & Iannequin Clitō Anglois. Si s'appareil-

† Verard dit
icy de Pouza-
ces, et peu a-
pres aussi.

Faits-d'armes
du Sire de Pou-
zauges cōtre le
Sire de Vertain

Faits-d'armes
du Sire de la
Iaille, cōtre ce-
luy d'Ambre-
ticourt.

Faits-d'armes
d'Edouard de
Beauchāp, con-
tre Clarius de
Sauoye.

Les Anglois
retirerent leur
chāpion.

Iannequin Fe-
taceilles nou-
veau chāpion
contre Clarius.

pareil-

parcillement pour faire faits-d'armes. Celuy Iannequin estoit Escuyer d'honneur au Comte de Bouquingam, & le plus prochain qu'il eust pour son corps: mais il estoit delié, & menu de corps & de membres: & déplaïsoit au Comte, dont il auoit à faire à vn si fort & renommé homme-d'armes, comme Iehan de chastel-Morant estoit. Ce nonobstant ils furent mis en l'essay: & vindrent l'vn sur l'autre moult asprement & roidement: mais l'Anglois n'eut point de duree contre les François: ains fut, en poussant getté à terre moult asprement: & le Comte dit, Ils ne sont pas pareils ensemble. Adonc vindrent à Iannequin † Cliton aucuns des gens du Comte: & luy dirent, Iannequin, vous n'estes pas homme pour porter outre, ces faïcts-d'armes: & Monseigneur le Côte de Bouquingam est courroucé de vostre emprise. Allez vous reposer. Adonc se retira l'Anglois d'vne part: &, quand Iehan de Chastel-Morant en vit la maniere, il dit Seigneurs, si vous semble que vostre Escuyer soit trop menu, si m'en baillez vn autre à vostre plaisir: & ie vous en prie: à fin que ie parface ce, que i'ay entrepris: car on me feroit tort & villennie: si ie me partoye d'icy sans faire faïcts-d'armes. Dont respondirent le Conneftable & le Marechal de l'ost, Vous dites bien: & vous l'aurez. Adonc tout à l'étour, aux Cheualiers & Escuyers, qui estoient là, fut dit qu'on deliurast le Seigneur de Chastel-Morant. A ces parolles respondit tâtost messire Guillaume de Fermiton. Dites luy qu'il ne peut partir d'icy, sans faire faits-d'armes: & s'en voise reposer vn petit en sa chaire, & tantost sera deliuré: car ie m'armeray contre luy. Ceste response pleut grandement à Iehan de Chastel-Morant: & s'en alla seoir, & vn petit reposer. Tantost fut prest le Cheualier Anglois: & vint en la place. Or furent l'vn deuant l'autre messire Guillaume de Fermiton & Iehan de Chastel-Morant, pour faire faïcts-d'armes. Chacun prit son glaïue: & vindrent de course à pié, l'vn contre l'autre, pour asseoir les glaïues entre les quatre membres: car autrement le faire estoit villain. Adonc vindrent de grandes volonteiz armez, au vray de toutes pieces, & la visiere du bacinet abbattue, attachée, & arrestée. Iehan de Chastel-Morant assena le Cheualier moult grandement par la poictrine: tellement que messire Guillaume de Fermiton fremit & flechit: & le fit, pource que le pié luy faillit vn petit. Il tenoit son glaïue deuât luy roidemēt, à deux mains: & le baissa (car amender ne le peut) & frapa messire Iehan de Chastel-Morant es cuisses: & luy perça tout outre, le fer du glaïue parmy la cuisse: tellement qu'il apparoïssoit, de l'autre costé bien vne poignée. Iehan de Chastel-Morant pour le coup chancela: mais point ne cheut. Adonc furent les Cheualiers & Escuyers Anglois d'vne part & d'autre durement courroucez: & fut dit que c'estoit villainement poussé. L'Anglois s'excusa: & dit que ce, luy déplaïsoit grandement & si eust cuidé, au commencement des armes, auoir ainsi ouuré, il n'y eust oncques commencé: & qu'il ne l'auoit peu amender: car il glissa d'vn pié, pour le grand pous, que Iehan de Chastel-Morant luy auoit donné. Si demoura la chose ainsi: & les François se departirent: & prirent congé du Comte, & des Seigneurs: & remmenerent, en vne litiere Iehan de Chastel-Morant, iusques au Chastel-Iosselin dont il estoit party: lequel fut de ce coup & naureure en grand peril de mort. Ainsi se departirēt ces faits-d'armes, & se retira chacun en son lieu: les Anglois à Vennes, & les François au Chastel-Iosselin.

Comment le Duc de Bretagne fit sa paix enuers le Roy de France: & comment les Anglois retournerent en leur pays: & du faïct-d'armes d'entre vn Escuyer François & vn Anglois.

CHAP. LXV.

Pres ces faïcts-d'armes (qui furent ce pendant que le Comte de Bouquingam sejournoit à Vennes) n'y eut riens fait, qui à recorder face: & se tenoient les Anglois (ainsi comme i'ay dit cy-dessus) en la ville de Vennes, à Hamibout, à Camperle, & à Quimpercorentin: & passerent lesdits Anglois, en celle cōtrée de Bretagne, l'Yuer, tout au mieux qu'ils peurent. Si y eurent plusieurs des Anglois moult de dommages, de dāgers, & de malaises de viures, pour eux & pour leurs cheuaux. Car fourriers ne trouuoient riens, sur le pays, que fourrager: & aussi en ce temps là les granges sont vuides, & les foins vsez. Auec ce, les François auoient à ce mis grand' peine, à fin que les ennemis n'en fussent aises: & furent les Anglois en ce danger moult longuement. Car les François estoient dedans les garnisons sur les frontieres, & moult puïssamment, parquoy les Anglois n'osoïēt cheuaucher. Il vint aux Anglois aucū viures, par mer, des Isles de Cornouaille, de † Gernze & de Wuroht: qui les recōforterēt moult. Autremēt eux, & tous leurs cheuaux, fussent tous morts de famine. Ce pēdant estoïēt à Paris, de par le Duc de

Fait-d'armes de Ieā de Chastel Morant contre Iannequin Cliton.

† sala dir Chucon. Iannequin Cliton se retire, & pen de fait.

Nouveau champion contre Iehan de chastel-Morant.

† Il y auoit icy Genesue & Vuise: que nous auons

*changées selon
les Cartes &
descriptions,
s'en taisant
sans.*

*Paix entre le
Roy Charles
sixiesme, & le
Duc de Bretai-
gne.*

*Depart du Cô-
te de Bouquin-
guā, & de ses
Anglois, hors
de Bretagne,
l'onzième iour
d'Avril 1381.*

Bretaigne, le Vicôte de Rohā, le Sire de Laual, messire Charles de Dināt, & messire Guy de Rochefort: qui luy pourchaçoïēt & procuroïēt sa paix deuers le Roy: & il les en laissoit conuenir. Car il veoit bien qu'il ne pouuoit tenir son contēnant aux Anglois, & ce qu'il leur auoit promis fil ne vouloit perdre son pays. C'estoit l'intention du Comte de Bouquingnam, & de ses gens: qu'ils passeroient l'Yuer en la marche de Vennes, au plus bel qu'ils pourroient: & à l'esté retourneroïēt en France, & y feroient guerre: & auoïēt mandé & escrit tout leur estat au Roy d'Angleterre, & au Duc de Lancastre. Si estoit l'intention du Roy, & du Conseil, que l'aduis & imagination du Comte estoit bonne: & luy auoïēt escrit qu'il le feist: & qu'à la saison vn passage des Anglois se feroit de-rechef en Normandie, & prendroit terre à Cherbourg: & se trouueroïēt ces deux osts en Normandie, pourquoy, quand ils seroient tous ensemble, ils pourroient faire vn tresgrand faict en France. Le Roy de France, ses oncles, & son Conseil, imaginerent bien tous ces poinets: & en estoient aucunement aduisez & informez: & disoient bien entre eux, en secret conseil, que se le Duc de Bretaigne & aucunes de ses villes estoient contraires au Royaume auecques la puissance d'Angleterre (laquelle est bendée contre nous) le Royaume de France, pour vne saison, auroit à porter trop dur faix. Parquoy ces quatre Barons de Bretaigne (qui representoient le Duc, & qui conceuoient bien tous ses affaires) auoient mis ces doutes auant: & especialement s'en estoient decouverts au Duc de Aniou (qui auoit le souuerain gouuernement, pour le temps, du Royaume de France) & le Duc d'Aniou (qui tendoit à faire vn grand voyage, & qu'il iroit dedans deux ans, ou plustost en Pouille & en Calabre) ne vouloit pas que le Royaume de France en fust élongné, & que son voyage en fust rompu ne retardé. Si s'enclinoit grandement à ce, que le Duc de Bretaigne veinist à paix: à fin qu'il demourast bon François & loyal, & homme de foy & hommage au Roy de France. † Dont fut parlementé & traité, par les quatre Barons dessus-nommez: & vint le Duc de Bretaigne à accord, qu'il pouoit sans forfait, adrecer & aider les Anglois, de nauires, pour retourner en Angleterre: & encores mit le Duc en ses ordonnances, que (si ceux de la garnison de Cherbourg, qui estoient venus en ce voyage seruir le Comte de Bouquingnam s'en vouloient retourner par terre à leur garnison) ils auroient bon saufconduit du Roy, & du Connestable de France, pour faire leur chemin parmy le Royaume de France (voire à cheuaucher sans armeures) & aucuns Cheualiers & Escuyers d'Angleterre: fils les vouloient mettre en leur compaignie. Puis estans les Anglois partis de Bretaigne, le Duc deuoit venir en Frâce, deuers le Roy & ses oncles, & recognoistre foy & hōmage dn Roy: ainsi qu'un Duc de Bretaigne doit faire à son naturel Seigneur le Roy de France. Toutes ces choses furent escriptes & seellées bien & suffisamment, & apportées deuers le Duc de Bretaigne: qui pour le temps se tenoit en Fufemont, en la marche de Vennes. Si s'accorda à ce que ses gens en auoient fait: mais ce fut à dur, car bien sauoit qu'il ne pouoit ce faire, sans auoir grand mal-talent aux Anglois. Quand la cognoissance vint au Comte de Bouquingnam, & aux Anglois, que le Duc de Bretaigne s'estoit accordé au Roy de France, si en furent moult courroucez: & mal se contenterent de luy: & dirent qu'il les auoit mandez & fait venir en Bretaigne, & oncques ne s'estoit acquitté enuers eux, ainsi qu'il deust: & pource ils disoient qu'en luy n'auoit point de loyauté. Assez tost après le Duc de Bretaigne vint à Vennes, deuers le Côte de Bouquingnam & ses Barons: & leur remonstra ouuertement comment ses gens auoient traité: avec lesquels il conuenoit qu'il se teinst: & si fit il: car autrement il eust perdu son pays. Adonc eut grandes parolles entre le Comte de Bouquingnam & les Barons d'Angleterre d'une part, & le Duc de Bretaigne d'autre: mais le Duc s'humilioit & excusoit, au mieux qu'il pouoit, car il cognoissoit bien qu'il auoit en aucune maniere tort. Toutesfois faire le conuenoit: afin que les Anglois partissent de Bretaigne. Adonc fit le Comte de Bouquingnam sauoir par la cité de Vennes, que si ses gens auoient riens accreu, qu'on se tirast auant, & en seroient payez: & rendit aux Bourgeois de Vennes les chefs de la ville: & les remercia du plaisir qu'ils luy auoient fait: & lors on deliura au Comte & à ses gens, pour leurs deniers, nauires à Vennes, à Hamibout, à Camperle, & par là ou ils estoient logez. Si se partit de Vennes le Comte de Bouquingnam le xj. iour d'Avril avec toutes ses bannieres déployées, en ordonnance de bataille: & s'en vint ainsi sur le haure, tout le iour: & là vint le Duc de Bretaigne, messire Alain de la Houffaye, le Sire de Monbroicier, messire Estienne Guyon, messire Guillaume de Triquidi, messire Geofroy de Quaresmel, & plusieurs autres de son Conseil: & enuoye-

enuoyèrent deuers le Comte (qui estoit en sa nef) & que le Duc vouloit parler à luy, mais le Comte n'y voulut pas venir: ains y enuoya le Seigneur Latinier & messire Thomas de Percy. Ces deux vindrent parler au Duc de Bretagne: & furent ensemble en parlement bien trois heures: & fut ordonné des Anglois, à leur departement, qu'ils feroient tant enuers le Comte, que à vn autre iour il auroit avecques le Duc vn autre parlement ensemble: & retournerent en celuy estat à leur nef. Puis remonstrent au Comte tout ce qu'ils auoient trouué avecques le Duc de Bretagne. Quand ce vint apres minuit, & le flot reuint, les mariniers eurent vent à leur volonté. Si demanderent au Comte quelle chose il vouloit faire. Le Comte qui ne vouloit plus auoir de parlement au Duc, dit. Tirez les ancrès amont, & aualez les chables: & nous en allon. Ce qui fut tantost fait. Adonc se departirent les Anglois du haure de Vennes: & singlerent deuers Anglèterre. Aussi firent tous ceux des autres haures: & tous se mirent ensemble sur la mer. Or parlerons nous d'aucuns Cheualiers & Escuyers, qui retournerent par terre à Cherbourg: & recorderons quelle chose il leur aduint sur le chemin. Le Connestable de France (qui pour lors se tenoit au Chasteau-Ioffelin, à sept lieuës pres de Vennes) auoit donné saufconduit d'aller leur chemin, à aucuns Cheualiers qui estoient Anglois & Nauarrois, de la garnison de Cherbourg: lesquels auoient en ce voyage seruy le Comte de Bouquingam. Entre lesquels messire Yon Fil Warin, messire Guillaume Cliton, & messire Iehan Burle estoient: & se partirent de Vennes: & prirent le chemin de Chastel-Ioffelin (car c'estoit leur voye) & vindrent là: & se logerent en la ville au dehors du chastel, & ne cuident, ne vouloient, fors que disner, & tantost partir. Quand ils furent descendus en leur hostellerie (ainsi que gens passans, qui se veulent deliurer) les compaignons du chastel, Cheualiers & Escuyers, les vindrent veoir, ainsi que Gens-d'armes s'entreuoient volôtiers: especialement François & Anglois. Entre les François auoit vn Escuyer, bon Homme-d'armes, & renommé: lequel estoit à monseigneur Iehan de Bourbon, Comte de la Marche, & le plus prochain qu'il eust, & de ses escuyers celuy qu'il aimoit le mieux: & s'appeloit ledit Escuyer Iehan Boucmele: & auoit autresfois esté en la garnison de Valôgnes, avecques messire Guillaume des Bordes & les François à l'encôrre de Cherbourg: & auoit eü, en celuy temps parolles plusieurs fois, de faire faits-d'armes, à vn Escuyer Anglois, qui estoit là, & s'appeloit Nicolas Clifford. Quand ces Cheualiers & Escuyers François furent venus au bourg-bas, à l'hostel ou les Anglois estoient, & qu'ils eurent parlé ensemble, & regardé l'un l'autre, Iehan Boucmele commença à parler: & dit à Nicolas Clifford, Nicolas, Nicolas, par plusieurs fois nous nous sommes souhaittez, & deuisez à faire faits-d'armes: & point ne nous sommes trouuez en place, ou nous les peussions faire. Or sommes nous cy maintenant deuant Monseigneur le Connestable & les Seigneurs, si les faisons maintenant: & ie vous en requier de trois coups de lance. Nicolas respondit: & dit, Iehan, vous sauez que nous sommes ainsi que sur nostre chemin, à saufconduit de Monseigneur le Connestable, & que ce, que vous me requerez, ne se peut faire maintenant: car ie ne suis pas chef de saufconduit: mais suis deslous ces Cheualiers qui icy sont: & se ie vouloye icy demourer, si ne demoureroient il pas: si ne leur venoit à point. Là respondit l'Escuyer François. Nicolas ne vous excusez point par ce moyen. Laissez vos gens partir s'ils veulent: car ie vous ay en conuenât, que les armes faites, ie vous feray mettre dedäs les portes de Cherbourg, sans dommage ne peril: & ainçois vous y conduiroye ie, que n'y fussiez seurement mené: & de ce ie me fay fort de Monseigneur le Connestable. Lors respondit Nicolas: & dit, Or prenez qu'ainsi fust, & que du mener ie vous creusse: vous veez que nous cheuauchons, parmy ce pais, tous depourueus d'armeures: & n'en auons nulles avecques nous: & se ie me vouloye armer, ie n'ay dequoy. Adonc respondit Iehan, Ne vous excusez point par ce party: car ie vous diray que ie vous feray. J'ay des armeures assez à mon commandemēt. Je vous en feray apporter en la place, ou nous se rons fait-d'armes, tous tels les vns comme les autres: & quand ils seront là mis & couchez, vous les regarderez, & aduiserez lequel que vous voudrez. Je vous en mets au choiz: vous en elirez & prendrez l'un: & de celuy vous armerez: & de l'autre ie m'armeray. Quand Nicolas Clifford se vit ainsi arguer, & poindre si auāt, si fut tout vergongneux & honteux, pour ceux d'environ, qui oyoient ces parolles: & luy sembloit que Iehan luy offroit tant de choses, qu'il ne les pouuoit pour son honneur refuser. Car encores luy disoit Iehan, Prenez tous les partis que vous voudrez: & ie m'y assentiray, auant que nous ne facions faits-d'armes. Adonc dit Nicolas, l'en auray aduis,

à nostre mode
 comme nous a-
 uons dit au com-
 mencement du
 chapitre. 63.

†sala dit Bou-
 chinel: mais
 il ne parle nul-
 lement de quel-
 le garnison il
 auoit autrefois
 esté comble que
 les deux Exép-
 meissent icy
 Boulongna.

† Il y auoit en-
cor icy Boulon-
gne: mais plu-
sieurs chap. du
1. volu. & du
present aussi af-
seurent nostre
correction.

& auant que ie m'e departe, ie vous en signifieray aucune chose: & (s'il est ainsi que ie ne le puisse faire bõnement maintenãt, & que Messieurs, qui cy sont, & deffous lesquels ie suis, ne le me veulent accorder) moy retourné à Cherbourg, tirez vous à Valongnes, & me signifiez vostre venue tantost: & incontinent ie m'en iray vers vous, & vous deliureray. Nenny, nenny (dit Iehan) ny quetelez nulle effoine. Je vous ay offert, & offre, tant & de si honorables choses, que nullement vous ne pouuez partir à vostre hõneur: si vous ne faites icy fait-d'armes, quand ie vous en requier. Encores Nicolas de ces paroles fut plus courroucé que deuant: car il luy sembloit (& vray estoit) que celuy parloit grandement contre son honneur: A ce coup se retirerent dedans le Chastel les Frãçois: & les Anglois se retirerent à leur hostel: & disnerent. Quand ces compaignons, Cheualiers & Escuyers furent retirez dedans leur chastel, vous pouuez biẽ croire & sauoir que ils ne se teurent pas des parolles d'armes, que Iehan Boucmel auoit dites à Nicolas Clifford: & tant que le Connestable en eut la cognoissance. Si pensa dessus vn petit: & lors luy prierent les Cheualiers & Escuyers du païs, qui là estoient, qu'il voulist prendre peine à ce que ce fait-d'armes se fist: & le Connestable, quand il les ouit, respondit, Volontiers. Quand ce vint apres le disner, les Cheualiers & Escuyers d'Angleterre, qui là estoient, & qui partir se vouloient, s'en vindrent au chastel deuers le Connestable, pour le veoir & parler à luy: car il leur deuoit bailler, du moins, sept Cheualiers: qui les deuoient mener & conduire, tout leur chemin parmy Bretagne & Normandie, iusques à Cherbourg. Quand ils furent venus au chastel, le Connestable les receut moult doucement: & puis leur dit. Je vous arreste tous: & vous deffen de non partir meshuy: & demain au matin, apres la messe, vous verrez fait-d'armes de vostre Escuyer & du nostre: & puis vous disnerez auecques moy. Le disner fait, vous partirez: & vous bailleray bonnes guides: qui vous guideront & meneront iusques à Cherbourg. Ils le luy accorderẽt: & beurent de son vin: & puis retournerent à leurs hostels. Or s'aduiserent les deux Escuyers, Iehan & Nicolas: car il conuenoit qu'au matin ils feissent fait-d'armes: & iamais n'en furẽt deportez. Quand ce vint au matin, tous deux furẽt à vne messe: & se cõfesserẽt: & puis tous deux monterent à cheual estans les Seigneurs de France d'une part; & les Anglois de l'autre: & s'en vindrent tous ensemble, en vne place vnüe, au dehors du chastel-Iosselin: & là s'arresterent. Iehan Boucmel auoit pourueu deux harnois-d'armes, bons & puissans (ainsi que l'affaire demandoit, & qu'à l'Escuyer Anglois promis l'auoit) & les fit là tous deux estendre & mettre: & dit à l'Escuyer Anglois, Prenez premier. Adonc respondit l'Anglois, Non feray, vous prendrez le premier. Là conuint que Iehan prit le premier: & arma de toutes pieces (parmy ce qu'on luy aida) ainsi qu'un Homme-d'armes se doit armer: & aussi fit Nicolas. Quand ils furent tous deux armez ils prirent les lances, à bons fers de Bourbeaux (qui estoient toutes d'une longueur) & se mit chacun ou il se deuoit mettre, pour venir de course, & faire faits-d'armes: & auoient aualé les clos & visieres de leurs bacinets: & puis s'en vindrent pas à pas l'un contre l'autre. Quand ils deurent approcher, ils baissèrent leurs glauiues & mirent au point pour adrester l'un contre l'autre. Tout du premier coup Nicolas Clifford acõsuiuit de son glauiue Iehan Boucmel, en la poitrine d'acier: amont, & le fer du glauiue coula outre, à l'autre lez, & ne se prit point à la plate d'acier, mais glissa amont, & coula tout outre le camail (qui estoit de bonnes mailles) & luy entra au col: & luy coupa la veine † organal: & luy passa tout outre de l'autre costé: & rompit la hante delez le fer, & le tronçon demoura dedãs le col de l'Escuyer: qui estoit de ce coup nauré à mort: comme vous pouuez bien croire, l'Escuyer Anglois passa outre: & s'en vint vers sa chaire: & là l'assit. Les Seigneurs (qui auoient veu ce coup fraper, & qui luy veoient porter le tronçon au col) vindrent celle part. On luy osta tantost le bacinet: puis le tronçon & le fer. Si tost qu'il l'eut hors du col, il tourna d'autre part, sans mot dire: & cheut là tout mort: n'õcques l'Escuyer Anglois (qui venoit là tout le cours, pour luy aider: car il auoit paroles pour étancher le sang) n'y peut venir à temps, qu'il ne le trouuast mort: Lors n'y eut il en Nicolas Clifford que courroucer: quand il vit que par sa malle aduenture il auoit occis vn vaillant & bõ Homme-d'armes. Qui vit là le Comte de la Marche (qui tant aimoit l'Escuyer mort, sur toutes riens) courroucer & demener, & regretter, il en deust auoir grand pitié. Le Connestable (qui là estoit present) le reconfortoit: & disoit, En ce fait ne doit on attendre autre chose. Il est mal aduenü à nostre Escuyer: mais l'Anglois ne le peut amender. Adonc dit il aux Cheualiers d'Angleterre, Allon, allon disner. Il est temps. Le Connestable:

ainsi

Fait-d'armes
entre Iehan
Boucmel, Fran-
çois, & Nico-
las Clifford An-
glois.

† Je croy qu'il
entẽd celle, que
no⁷ Anatomis-
tes nomment
la veine Iu-
gulaire.

ainsi que malgré eux, les mena au chasteau, pour disner avecques luy: car il n'y vouloient point aller pour la mort du Frâçois. Le Comte de la Marche pleuroit moult tendremēt & regardoit son Escuyer. Nicolas Clifford alloit à son hostel: & ne vouloit nullement aller disner au chasteau, tant pour le grand courroux qu'il auoit de cel Escuyer Frâçois que pour les parens & amis de luy. Mais le Conneftable l'enuoya querir: & luy conuint aller au chasteau. Quand il fut deuant luy, il luy dit, Certes, Nicolas, ie croy assez, & voy bien, que vous estes courroucé de la mort Iehā Boucmel: mais ie vous en excuse, vous ne l'avez peu amender. Et (ainsi Dieu m'en vueille bien ayder) si i'eusse esté au party ou vous estiez, vous n'avez fait chose, que ie n'eusse fait: car mieux vaut greuer son ennemy, qu'estre greué de luy. Telles sont les aduentures d'armes. Adonc fassit on à table. Si disnerēt les Seigneurs tout à loisir. Apres disner, & le vin pris, le Cōneftable appela Mōseigneur le Barrois des Barres: & luy dit, Barrois, ordonnez vous. Le vueil que vous conduisiez ces Anglois, iusques à Cherbourg: & faites par tout ouurir villes & chasteaux: & leur administrez ce qui leur sera necessaire: Le Barrois respondit: & dit, Monseigneur, volontiers. Adonc prirent les Anglois congé du Conneftable de France, & des Cheualiers, qui là estoient: & vindrent à leur logis: ou tout estoit trouffé & appareillé. Si monterent à cheual: & se partirent du chasteau Ioffelin: & cheuaucherent droit à Pont-orson, & au Montsainct-Michel: & estoient au conuoy & en la garde de ce gentil Cheualier le Barrois des Barres: qui oncques ne les laissa en Bretagne. n'y en Normandie, iusques à ce qu'ils s'en fussent retournez dedans Cherbourg, & ainsi (comme vous avez ouy) se departirēt l'armée du Comte de Bouquingam par mer & par terre. Or retournerōs nous aux besongnes de Flandres † en la saison: & dirons comment ceux de Gand se maintindrent: & aussi parlerons du Comte de Flandres, leur Seigneur, & commēt il perseuera sur eux, & leur fit guerre moult forte & dure.

Comment la guerre recōmença entre le Côte de Flandres & les Gādois: & cōment aucuns de Gād & d'Ypre furent decōfists par les embusches du Côte de Flandres. CHAP. LXVI.

Bien est verité que le Comte de Flandres à ce commencement ne craignoit, ne doutoit les Flamens, ne les Gādois, que bien petit: & les pensoit bien subiuguier, par sens & par armes, petit à petit: puis que Iehan-Lyon & Iehan Pruniaux estoient morts. Mais les Gandois auoient encores de grans Capitaines: esquels ils auoient grād' fiance, & par lesquels ils ouuroient du tout, & estoit Rasse de Harzelle Capitaine de la Chastelenie de ceux de Gād: & Iehan † de Launoy Capitaine de ceux de Courtray: & encores y estoient Capitaines Iehan Boule, Pietre du Bois, Arnoul le Clerc, & Pietre le nuitée. En celuy temps sēmeur vn contens & maltalēt entre les grans & le menu peuple de Bruges: car les menus mestiers vouloient faire à leur entente: & les gros ne le peurent souffrir. Si se rebellerent: & y en eut, de foulons & de tizerrans, morts vne quantité: & le demourant s'appaifa. Dont manderent ceux de Bruges le Comte, qui estoit à l'Isle, que pour Dieu il vint deuers eux: car ils le tenoient à Seigneur: & estoient maistres des petis. Le Comte de Flandres entendit volontiers ces nouuelles: & se partit de l'Isle, & messire Guillaume de Namur en sa compagnie, & grand nombre de Cheualiers & Escuyers de Flandres: & s'en vint à Bruges, on il fut receu à biē grād' ioye, par le bon cōseil qu'il y eut adonc: & furent pris à Bruges: à la venue du Comte tous les principaux, qui auoient les cueurs Gādois, ou qui estoient soupsonnez de l'auoir: & furent mis en la † pierre, en prison, plus de cinq cens, lesquels petit à petit on decoloit. Quand ceux du Franc entendirent que le Comte de Flandres estoit paisiblement à Bruges, si douterent: & se mirent tantost en la mercy du Comte: lesquels il prit, & en eut grand' ioye. Car son pouuoir croissoit tous les iours: & aussi ceux du Franc tousiours ont esté plus de la partie du Comte, que tout le demourant de Flandres. Le Comte se vit au dessus de ceux de Bruges & du Frâc, & qu'il auoit dessous luy cheualiers & Escuyers du pays de Haynaut & d'Artois. Si s'aduifa que petit à petit il recōquerroit son pays: & puniroit les rebelles, & premierement il ordonna, & dit, qu'il vouloit aller veoir ceux d'Ypre. Car il les hayoit trop grandement, de ce qu'ils ouurirent leurs portes si legerement, deuant ceux de Gand: & dit bien que ceux, qui le traitté auoient fait de mettre dedans ses ennemis & d'occire ses Cheualiers, le cōpareroient cruellement: mais qu'il peust autrement estre au dessus. Adonc fit il son mādement parmy le Franc & Bruges: car il vouloit aller deuant Ypre. Ces nouuelles vindrent à Ypre, & que le Comte leur ieigneur, s'ordonnoit pour les venir veoir & assaillir.

† Qui fut encore en l'ā 1380. à ce que l'on peut comprendre par la deduction suynāte, et principalement des ch. 68. & 69.

† Il y avoit icy de Darinoy: comme Verard met aussi de bannoy. Mais il dirat tousiours de Launoy cy-apres.

Le Comte de Flandres receu à Bruges.

† Le pensē qu'il veut entendre que la prison se nommoit ainsi.

Aide des Gandois à ceux de Ypre.

† Il a dit de Dannoy au commencement de ce chap.

Embusches du Comte de Flandres pour surprendre ceux de Gand. & de Ypre.

Déconfiture de une grande troupe de ceux de Gand & d'Ypre par les embusches du Comte de Flandres.

Si eurent conseil de signifier ces nouvelles à ceux de Gand, à fin qu'ils leur enuoyassent gens & confort: car ils n'estoient pas fors assez pour eux tenir, sans l'aide des Gandois: qui leur auoient iuré & promis secours, toutesfois qu'ils en auroient besoing. Si enuoyèrent couuertemēt lettres & messages à Gand, aux Capitaines: & leur signifierent l'estat du Comte, & comment il les menaçoit de les venir assaillir. Ceux de Gand regarderent qu'ils estoient tenus par foy & par serment, de les venir conforter: & aduiserēt premierement deux Capitaines, Iehan Boule & Arnoul le Clerc: & leur dirent. Vous prendrez trois mille des nostres, & irez hastiuement à Ypre, les reconforter, ainsi que noz bons amis. Tantost à ceste ordonnance se departirent de Gand tous ceux, qui ordonnez y furent. Les trois mille vindrent à Ypre: dont ceux de la ville eurent grand' ioye. Le Cōte de Flandres s'en issit de Bruges, à tout grand nombre de gens: & s'en vint à Tourond, & lendemain à Pourpringne: & là seiourna trois iours, tant que tous ses gens furent venus: qui estoient bien enuiron vingt mille hommes. Ceux de Gand (qui bien sauoient toutes ces conuenances, & comment le Comte vouloit aller puissamment deuant la ville d'Ypre) regarderent qu'ils assembleroient leur puissance, & s'en iroient par Courtray, vers Ypre: & venir feroient ceux d'Ypre: & combattroient le Comte & ses gens: & s'ils le pouuoient vne bonne fois ruer ius, iamais ne se reléueroit. Adoncques se departirent de Gand tous les Capitaines: c'est assauoir le Rasse de Harzelle, Pietre du Bois, Pietre le Nuittée, Iehan † de Launoy, & plusieurs autres, qui estoient Centeniers & Cinquantiens par paroisses: & se trouuerent aux champs plus de neuf mille: & cheminerent tant, qu'ils vindrent à Courtray: ou ils furent receus à grand' ioye: car Iehan de Launoy en estoit Capitaine. Le Comte de Flandres (qui se tenoit à Pourpringne, & là enuiron) entendit que ceux de Gand venoient vers Ypre, & que ia estoient à Courtray. Si eut sur ce aduis & tint toutes ces gens ensemble. Ceux de Gand (qui venus estoient à Courtray) s'en partirent: & vindrent à Rolers: & là s'arrestèrent: & enuoyerent dire à ceux d'Ypre, qu'ils estoient là venus, & que s'ils vouloient issir hors, à tout ceux qu'ils leur auoient enuoyez ils se trouueroient assez de gens pour combattre le Comte. De ces nouvelles furent ceux d'Ypre moult réiouis, & en grand volonté de faire ainsi qu'ils leur remonstroient: & se departirent au matin plus de huit mille, & les conduisirent Iehan Boule & Arnoul le Clerc. Le Comte de Flandres & son pouuoir, qui se tenoit en celle marche (ne say comment ce fut, ne par quelle incidence) feut que ceux d'Ypre estoient issus de la ville, pour eux venir mettre avecques ceux de Gand. Si ordonna sur vn passage (ou il estoit certain que ceux d'Ypre passeroient, & non pas ailleurs) deux grandes embusches, de son fils le Haze, Bastard de Flādres, & du Seigneur d'Anghié: & y eut des Cheualiers & Escuyers de Flandres & de Haynaut, avecques ceux de Bruges & ceux du Franc: & auoit en chacune embusche bien dix mille hommes. Quand ceux d'Ypre & les Gandois, qui premierement y auoient esté enuoyez avecques Iehan Boule, furent sur les champs, & ils eurent cheminé enuiron vne lieue, ils trouuerent deux chemins, dōt l'un alloit vers Rolers, & l'autre vers Tourond. Si s'arrestèrent, & demanderent, l'un à l'autre, Lequel chemin tiendrons nous. Dit Arnoul le Clerc, le cōseille que nous aillions veoir noz gens, qui sont à Rolers, Par ma foy (dit Iehan Boule) ie cuideroye que nous fussions mieux logez sur le Mont d'or, qu'autre part, car foyez certains que ie cognoy bien à tels Pietre du Bois & Rasse de Harzelle (puis qu'ils nous ont mandé qu'ils veulent combattre le Comte) qu'ils approcheront le plus pres qu'ils pourront, si cōseille que nous aillions ce chemin. Arnoul le Clerc le debattoit, & Ieā Boule si le vouloit, & les fit tous tourner ce chemin. Quand ils eurent cheminé enuiron deux lieues, & qu'ils estoient ainsi que tous las de cheminer à pié, ils s'embattirent au millieu de ces deux embusches: & quand ils furent là, ils crièrent tous nous sommes trahis. Oncques gens ne se mirent en si petite deffense, qu'ils firent lors: mais ils se mirent à sauueré, à leur pouuoir: & retournerent les aucuns à Ypre: & les autres prenoient les champs & s'en fuyoiēt à qui mieux mieux, sans arroy n'ordonnance. Les gens du Comte (qui en auoient enclos grand' foison) les occioient à volonté sans nulluy prendre à mercy, toutesfois Iehan Boule & Arnoul le Clerc se sauuerent. Les fuyans, qui alloient vers Courtray, trouuerēt leurs gens qui estoient partis de Rolers, & s'en venoient leur chemin vers Rosebeque. Quand Pietre du Bois & les autres veirent les fuyans, il leur demanda qu'il leur estoit aduenü. Ils luy respondirent qu'ils ne sauoient, & qu'ils n'auoient pas eu le loisir d'y viser, & qu'ils fuyoient comme gens trahis, & que tous les champs en estoient couuerts: Là eut Pietre du Bois

du Bois plusieurs imaginations d'eux tirer auoient (pour recouurer les fuyans, & cōbatre les ennemis, qui les chaçoïēt) ou de tirer vers Courtray. Tout considéré il fut cōseillé d'eux retraire pour celle fois: & que c'estoit le plus profitable. Si se tirerēt tous en vne bataille rengée, sans eux dérouter: & s'en retournerent ce mesme iour à Courtray: & là se retirerēt les fuyans: & se logerēt ceux de Gād dedās Courtray: & mirēt gardes aux portes: parquoy ils ne fussent surpris: Quand Iehan Boule & Arnoul le Clerc furent retournez, & eurent contez leurs gens, & aduisez, ils cognurēt que de la ville de Gand, de ceux qu'ils auoient enuoyez à Ypre, estoïēt bien morts douze cens: & si en y eut de ceux d'Ypre bien autāt ou plus: & se les embusches les eussent chacez en allāt vers Ypre & Courtray, petit en fust échappé, que tous n'eussēt esté atteins: mais ce, que point ne chasserēt, & n'entēdirēt qu'à tuer fors ceux qui cheurent en leur embusche, en sauua beaucoup. Si furent ceux d'Ypre moult ébahis, quand ils virent leurs gens retourner déconfits, le propre iour qu'ils estoient issus: & demanderent comment c'auoit esté: & disoit apres, l'un à l'autre, que Iehā Boule les auoit trahis, & menes mourir mauuaïsemēt. Vous auez ouy plusieurs fois recorder que c'est moult dure chose, que de r'appaiser cōmun, quand il est émeu. Je le dy pour ceux de la ville de Gand. Quand ils furent ce iour retirez à Courtray, les déconfits seurent que Iehan Boule estoit en la ville, si se mirent plus de mille ensemble & dirēt, Allon au faux & tresmauuaïse trahistre Iehan Boule: qui nous a trahis: car par luy, & non pas par autre, fusmes nous mis au chemin, dont nous entraïmes en l'ēbusche. Se nous eussions creu Arnoul le Clerc, nous n'eussions eu garde: car il nous vouloit mener droit sur noz gens: & Iehan Boule (qui nous auoit vëdus & trahis) nous a amenez là, ou nous auons esté trahis & déconfits. Or regardez comment ils l'accuserent de trahison. Je ne cuide point qu'il y eust cause: car, s'il eust esté ainsi qu'ils disoïēt, & qu'il les eust vëdus & trahis au Comte, il ne s'en fut iamais retourné vers eux: & fut demouré avec le Côte & ses gēs. Toutefois ce ne le peut excuser (puis qu'il estoit éclos) qu'il ne fut mort. Je vous diray comment. Les Gandois l'allerent prendre, & querir iusqu'à son hostel: & l'amenerent en la rue: & là fut il dépecé, piece à piece: & chacun en emporta vne piece. Ainsi finit Iehan Boule. Lédemain les Gadois se departirēt de Courtray: & s'en retournerent à Gād: & enuoyerent Iehan de Launoy au chastel de Gauures (qui est chastel du Comte, seant sur la riuere de l'Escaud) & le prit Iehan en garde: & sy mit en garnison.

Mort miserable de Iehā Boule l'un des Capitaines de Gād.

Comment ceux d'Ypre & de Courtray se tournerent deuers le Comte de Flandres: & comment la ville de Gand fut assiegee.

CHAPITRE

LXVII.

OR parlerons nous du Côte de Flandres, & de ses gēs. Quand ils eurent ainsi par leurs embusches ruez ius les Gadois, & occis enuiron trois mille, tāt de ceux de Gād que de ceux d'Ypre. Le Côte eut conseil qu'il se tireroit deuers la ville d'Ypre, & qu'il y mettroit le siege: & ainsi qu'il fut conseillé, il fut fait, & se tira le Comte celle part, à tout ses gens, avecques belle compaignie de Cheualiers & Escuyers de Flādres, de Haynaut, & d'Artois: qui estoient là venus pour le seruir. Quand ceux d'Ypre entēdirent que le Côte leur venoit là si efforcément, si furent tous effrayez: & eurent conseil les riches hōmes de la ville, & les plus notables: & dirent qu'ils ouuriroient leurs portes, & s'en iroient deuers le Comte, & se mettroient du tout en son ordonnance, en luy criant mercy: car biē sauoit il qu'ils estoient, & auoient esté, Gandois par force, & par le Commun (comme foulons, tixerrans, & tels meschans gens de la ville) & le sentoient bien si notable, & pitoyable, qu'ils les prendroit à mercy. Si comme ils ordonnerent, ils le firent: & s'en vindrent plus de trois cens d'une compaignie, au dehors de la ville d'Ypre: & auoient les clefs des portes avecques eux: & quand le Comte de Flandres fut venu, ils se getterent tous à genoux deuant luy, en luy criant mercy: & se mirent du tout eux personnellement, & toute leur ville, en sa volonté. Le Comte en eut pitié: & les fit leuer: & les prit à mercy. Si entra, avecques toute sa puissance, en la ville d'Ypre, & y seiourna enuiron trois semaines: & renuoya à ceux du Frac & ceux de Bruges. Au seiour, que le Comte feit à Ypre, il fit décoler plus de sept cens, de foulons & de tixerrans, & de telles manieres de gens, qui auoient mis premierement Iehan Lyon & les Gandois en la ville, & occis ses vaillans hommes, qu'il auoit establis, & là enuoyez, & pour laquelle chose il estoit moult iré, & aussi pour ses Cheualiers: & à fin qu'ils ne fussent plus rebelles enuers luy, il enuoya trois cens, des plus notables, tenir prison à Bruges, à belle compaignie de Gens-d'armes. Mais il prit le chemin de Courtray: & dit qu'il vouloit ceux de Cour-

Ceux d'Ypre se rendent à la mercy du Côte de Flandres.

tray mettre en son obeyffance. Quand ceux de Courtray entendirent que le Comte leur Seigneur venoit si efforcément, & que ceux d'Ypre s'estoient mis en son obeyffance, ils se doubterent grandement, car ils ne veoient point de confort apparent en ceux de Gand. Si faduiferent qu'ils se rendroient légèrement à leur Seigneur: & trop mieux valoit estre à leur Comte (puis qu'ils luy deuoiennent foy, hommage, & loyauté) que delez les Gandois. Adonc s'ordonnerent trois cens de la ville, des plus notables, & se mirent tous à pié sur les champs, contre la venue du Comte, les clefs de la ville avec eux. Quand le Côte deut passer, ils se getterent tous à genoux: & luy crièrent mercy. Le Côte en eut pitié: si les receut à mercy: & entra en la ville ioyeusement: & tous luy firent honneur & reuerence. Si prit des bonnes gens de Courtray enuiron deux cens, des plus notables: & les enuoya à l'Isle, & à Douay, en hostage: à fin que ceux de Courtray ne se rebellassent plus. Quand il eut esté à Courtray fix iours, il s'en alla de là à Bruges: & là se rafreschit quinze iours. Adonc fit par tout vn grand mādement pour venir assieger la ville de Gād (car tout le país de Flandres estoit pour lors à son commandement) & se partit le Comte de Bruges, moult efforcement: & s'en vint mettre le siege deuāt Gand: & se logea en vn lieu qu'on dit à la Briete. Là vint messire Robert de Namur seruir le Comte, à vne quātité de Gēs-d'armes: ainsi qu'il luy auoit escrit & mandé: mais messire Guillaume de Namur n'y estoit point adonc: car il estoit en Frāce, deuers le Roy & le Duc de Bourgōgne. Ce fut enuiron la S. Iehan Decolace, q̄ le siege fut mis à Gād: & estoit Marechal de tout l'ost de Flandres le Sire d'Anghien: qui s'apeloit Gautier, & pour celuy tēps estoit ieune, & hardy, & bon entrepreneur: & ne craignoit nulle peine, ou peril, qu'il luy peust aduenir. Nō obstant que le Comte de Flandres fust logé deuant Gand à grand puissance, si ne pouuoit il pourtant cōtraindre ceux de la ville, qu'ils n'eussent trois ou quatre portes ouuer-tes: parquoy tous les viures sans nul dāger leur venoient: & aussi ceux de Brabant, & par especial ceux de Brucelles leur estoient moult fauorables, & aussi les Liegeois, & leur manderent ceux du Liege, pour les reconforter en leur opinion, Bōnes gens de Gand, nous sauons bien que pour le present vous auez moult à faire, & que vous estes fort travaillez de vostre Seigneur le Comte des Gentils-Hōmes, & du demourant du país: dōt nous sommes moult courroucez: & sachez que, se nō^e estiōs de quatre ou de cinq lieues marchisans à vous, nous vous ferions tel cōfort, que l'on doit faire à ses bōs freres, amis, & voisins, mais vous nous estes trop loing: & si est le pays de Brabāt entre vous & nous: parquoy il faut que nous nous deportons. Or pourtant se vous estes maintenāt assiegez, ne vous dēcōfortez pas: car Dieu sait, & toutes bōnes-villes, que vous auez droit de ceste guerre: si en vaudront vos besongnes mieux. Ainsi mādōient les Liegeois à ceux de Gand, pour leur donner bon confort. Le Côte de Flandres auoit assiegé la ville de Gād du costé de Bruges & du costé deuers Courtray: car par-deuers Brucelles, ne les Quatre mestiers, ne pouuoit il venir ne mettre le siege, pour les grās riuieres, qui y sont: c'est assa uoir le Lis & l'Escaud. Si vous di que tout cōsidéré, Gād est vne des plus fortes villes du mōde: & y faudroit biē deux cens mille hōmes, qui biē la vōdroit assieger. & luy clorre tous les passages & riuieres: & encores faudroit il que les osts fussent fort pres: pour les riuieres: ou au bosoing ils ne pourroient cōforter l'vn l'autre: car il y a trop de peuple de- dans la ville de Gand, & moult de gens du fait. Ils se trouuerent en ce tēps, quand ils re- garderēt à leurs betongnes, quatre vingts mille hommes, tous aidables, portans armes, deffous soixāte ans, & au dessus de quinze ans. Quand le Comte eut esté au siege deuāt Gand enuiron vn mois, & que ses gens, & le Sire d'Anghien, & le Haze son fils, eurent fait maintes écarouches, & le ieune Sénéchal de Haynaut, à ceux de Gād (dont il gaigne- rent vn iour, ainsi que les aduentures aportent, & l'autre non) il fut cōseillé qu'il enuoye- roit ceux de Bruges, d'Ypre, & de Pourpringne, écaroucher à vn pas, qu'o dit au Lōg- pont: & son pouuoit ce pas gaigner, ce leur seroit trop grand profit: car ils entreroient es Quatre mestiers: & puis approcheroient de Gand, si pres qu'ils vouloient. Adouc fu- rent ceux ordōnez pour aller au Long-pont, & en fut Capitaine, meneur, & cōducteur, vn moult preudhomme & hardy Cheualier: qui s'apeloit messire Iosse de Valuin: & a- uecques luy y eut des Cheualiers & Escuyers: mais messire Iosse en estoit le souuerain Chef. Quand ceux de Bruges, d'Ypre & de Pourpringne, furent venus à ce qu'on dit au Long-pont, ils ne le trouuerent pas dégarny: mais pourueu de grād nombre de gens de Gand: & y estoient Pietre du Bois & Pietre le Nuitée, & Rasse de Harfelles, au front de- uant. Là cōmença l'écarouche moult grande & grosse. Si tost que les gens du Comte

furent

*Le Comte de
Flandres reçoit
ceux de Cour-
tray à mercy.*

*La ville de
Gand assiegée
par le Comte
de Flandres
enuiron le 29.
d' Aoust 1380.*

*Cōfort de ceux
du Liege aux
assiegez de
Gand.*

*Quatre vingts
mille hommes
de deffense de-
dans Gand.*

furent venus ils tirerent canons & arbalestes d'une part & d'autre: par le get desquels en furent plusieurs tuez & occis, & autres naurez: & trop bien fy porterent les Gadois: car ils reculerēt leurs ennemis: & cōquirent, par force, la banniere des orfeures de Bruges: & fut là gettée dedans l'eau, & touillée: & en y eut d'iceux orfeures, & aussi grand foison d'autres, de morts & de blecez: & par especial, messire Iosse de Valuin y fut occis (dont ce fut dommage) & retournerent ceux, qui là furent enuoyez, sans riens faire. Ainsi se porterent vaillamment les Gandois.

Comment le Comte de Flandres leua le siege de Gand: & comment il déconfit vne grande partie de l'armée des Gandois, par l'outrecuidance de Rasse de Harfelles leur Capitaine, pres Nieule.

CHAP.

LXVIII.

LE siege estant deuant Gand, par maniere que le Comte l'auoit assiegée, eut plusieurs Lécarmouches deuant la ville. Car le Sire d'Anghien, & le Sénéchal de Haynaut, & le Haze de Flandres, de ce, qu'ils trouuoient à la fois au découuert, ils ne prenoient nulles rançons: & aucunesfois ils estoient reboutez si durement, qu'ils n'auoient pas loisir de regarder derriere eux. Adonc se recueillirent en la ville de Gand six mille compaignons, moult aidables: & eurent Rasse de Harfelles, Arnoul le Clerc, & Iehan de Launoy, pour Capitaines: & se partirent de Gand, sans le danger de l'ost, & cheminerēt vers Alos: qui lors estoit vne bonne ville, & bien fermée: & y auoit mis le Comte en garnison, plusieurs Cheualiers: qui, incontinent qu'ils seurent leur venue, issirēt dehors, par la porte de Brucelles (car autrement ils eussent esté morts) & fut adonc par les Gandois toute arse: portes & tout: & y conquirent moult grand pillage. De là vindrent deuant Terremonde: qui est forte ville: mais par assaut ils la conquirent: & y fut occis messire Phillippe de Namur: & furent les Gadois Seigneurs de la ville, & non pas du chastel: car le Sire de Widescot le tint vaillamment, avecques ses compaignons contre eux. De là vindrent les Gandois deuant Grantmont (qui f'estoit nouuellement tourné deuers le Comte, par l'effort & traité du Seigneur d'Anghien) & ne say fil y eut trahison, n'autre chose: mais adonc les Gadois y entrerēt par force: & en y eut de ceux de dedans moult de morts: & quand les Gandois eurent fait ce voyage, ils s'en retournerent à Gand, avec grand butin. Quand le Comte de Flandres vit qu'il perdoit son temps à tenir siege deuant Gand, & à grans fraiz, & à grand' peine, pour luy & pour ses gens, & que ceux de Gād ne laissoient point à issir & ardoir le pays, & auoient conquis alors Terremonde & Grantmont, si eut conseil qu'il se partirot de là: car l'Yuer approchoit. Si se departit: & enuoya ses gens, en leurs maisons, rafreschir: & réuoya le Seigneur d'Anghien & le Seigneur de Môtigny en Audenarde, en garnison: & auoient sans les hōmes-d'armes, deux cens bons Archers d'Angleterre: dont on faisoit grand cōpte. Quād au Côte, il s'en vint adonc à Bruges: & firēt les Seigneurs, qui en Audenarde se tenoient, plusieurs écarouches & belles issues, sur les Gadois: & estoient presque tousiours sur les chāps: & ne pouoit nul aller à Gand, ne porter viures, n'autres marchādises, qu'ils ne fussent pris. Quād ce vint sur le mois † d'Auril, & l'Yuer fut passé, le Comte assembla tous ses gens: & māda ceux d'Ypre, de Courtray, de Pourpringne, du Dan de l'Escluse, & du Franc: & se departit de Bruges: puis s'en vint à Nieule: & là se tint vne espace de tēps: & fit de tous ses Gēs-d'armes, encores avec ceux de l'Isle, de Douay, & d'Audenarde, fouuerain Capitaine le Seigneur d'Anghien. Les gens du Comte qui estoient bien vingt mille) s'ordonnerent, pour venir deuant Gauures: ou Iehan de Launoy se tenoit: & quand il seut la venue du Comte & de ses Gens-d'armes, il le signifia à Gand, à Rasse de Harfelles: & luy manda qu'il fust tost conforté, & que les gens du Comte estoient sur les champs. Rasse de Harfelles assembla bien six mille hommes de ceux de Gand: & se mit aux champs, vers Gauures, & ne trouua point là Iehan de Launoy: mais le trouua à Donze: ou il pilloit le pays de l'autre part de la riuere. Adonc ils se remirent ensemble: & puis cheminerent ce iour & trouuerent ceux d'Audenarde & de Donze: qui s'en alloient deuers le Côte. Si les assaillirent: & en tuerent bien six cens: & n'estoit point le Sire d'Anghien en celle compaignie: mais estoit allé deuers le Comte: qui estoit sur les champs entre Donze & Bruges. Quand les nouvelles vindrēt au Comte, & au Seigneur d'Anghien, que ceux d'Audenarde, auoient receu tel dommage, si en fut moult courroucé: & fut adonc ordonné que le Sire d'Anghien se partirot, à tout quatre mille hommes: & puis s'en viendroit à Gauures: là ou on esperoit que Iehan de Launoy estoit (mais il f'estoit retiré à Gand, à tout

La ville d'Alos pillée & brulée par les Gandois.

Terremonde prise d'assaut par les Gadois. Grantmont prise & pillée des Gandois.

Le Comte de Flandres leue son siege de Gand.

† Qui sera donc de l'an 1381. à nostre mode.

Ceux d'Audenarde & de Donze déconfits par les Gadois.

*Rencontre &
bataille du Cō
te de Flandres
contre les Gan-
dois conduits
par Rasse de
Harfelles.*

son pillage & son butin, & ses prisonniers desquels il n'auoit pas grand' foison: & lende-
main se partirent ils: & Rasse de Harfelles, à tout dix mille hōmes, y estoit) & nonobstāt
que le Comte n'y estoit point encores venu, si les vouloit il enclorre. Ce mesme iour
que Rasse de Harfelles issit hors de Gād, issit aussi Pietre du Bois, à tout six mille hōmes,
& Arnoul le Clerc en sa compaignie: & vindrent ardoir les fauxbourgs de Courtray: &
puis s'en retournerent vers Donze: pour retourner à leurs gens: mais ce fut trop tard: car
quād Iehā de Launoy & Rasse de Harfelles furēt à Nieule, ils trouuerēt le Cōte & toute
sa puissance logez sur les chāps: qui n'attēdoiēt autre chose, fors qu'ils fussent venus: &
ainsi se trouuerēt ces deux osts du Cōte & des Gādois, sans ce qu'au matin feussent rien
l'un de l'autre. Quand Rasse de Harfelles & Iehan de Launoy virent que combattre les
cōuenoit, si ne s'effrayerēt point: mais se mirent & rangerent en trois batailles: & en cha-
cune bataille auoit deux mille hommes, tous hardis & aduenteux compaignons, des
plus habiles & courageux de Gād: & autant en auoiēt Pietre du Bois & Arnoul le Clerc:
qui estoient sur le pays, & rien ne sauiēt de ceste aduēture, ne que leurs gēs se deussent
cōbattre: & au departir de Gand, auoient pris ordonnance, & conuenu ensemble, que,
fils trouuoiet le Cōte & sa puiffāce, ils ne se cōbattroiet point l'un sans l'autre (car, pour
faire plus d'une bataille, ils n'estoiēt point fors assez: mais tous ensemble ils estoiēt assez
puiffans, pour combatre autant de gens, trois fois qu'ils estoiēt) & tout ce auoient ils iur-
ré & promis ensemble à Pietre du Bois: & , au vray dire, Rasse eust bien empesché non
combattre, d'une part & d'autre, s'il eust voulu: car s'il se fust voulu tenir en la ville, en at-
tendāt Pietre du Bois, le Comte ne les gens ne les eussent iamais requis là dedans. Mais,
si tost que ledit Rasse de Harfelles feut la venue du Comte, incontinent, par orgueil &
grandeur, il se mit sur les champs: & dit en soy-mesme qu'il combattroit ses ennemis, &
en auroit l'honneur, sans attendre Pietre du Bois, ne les autres: car il auoit si grand' fian-
ce en ses gens, & si bonne esperance en la fortune de ceux de Gand, qu'aduis luy estoit
qu'il ne pouuoit perdre: & bien monstra celuy iour la grand' volonté, qu'il auoit de cō-
battre: ainsi comme ie vous recorderay presentement. Moulut fut le Comte de Flandres
réiour, quand il vit que Rasse de Harfelles estoit issu de Nieule, & trait sur les champs,
pour combattre. Si fit ordonner ses gens, & mettre en bonne ordonnance & estoient
enuiron vingt mille hommes tous gens-de-fait: & y auoit enuiron quinze cens Lances,
Cheualiers & Escuyers de Flandres, de Haynaut, de Brabant, & d'Artois. Là estoit de
ceux de Haynaut le Sire d'Anghiē, Marechal de l'ost, & de sa route, le Sire de Mōtigni,
Mōseigneur le Bastard d'Anghien, Giles de Riscon, Hutin de Lay, le Sire de Lens, mes-
sire Iehan de Burlemmōt, & plusieurs autres: & de Flandres, le Sire de Guistelles, mes-
sire Guy de Guistelles, le Sire des Cornets, le Sire de Hulluc, le Sire de Halluin, messire
Daniel de Halluin, messire Thierry de Disquetane, messire Iehan d'Escouuebourc, le Si-
re de Gentus, messire Iehan Villain, messire Gerard de Mortigilier, & plusieurs autres:
& là furent faits aucuns Cheualiers nouueaux: & estoit par-auant le ieune Sēeschal de
Haynaut mort sur son liēt de la bosse, à Aubiez delez Mortaigne: car il y auoit esté. Si fit
le Comte cinq batailles: & en chacune mit quatre mille hōmes. Là estoiēt ils en grand'
volōté de courir sur leurs ennemis: & porta ce iour le Sire de Lieureghie la banniere du
Cōte. Toutes ordōnances de batailles faites, ils approcherēt les 5. batailles contre les 3.
& du cōmencement il n'y eut que trois de la partie du Cōte, qui approchassent: car les
deux estoient sur ælles, pour reconforter les batailles branlans. Là estoit le Comte pre-
sent: qui les prioit & admonnestoit de bien faire, & de prendre la vengeance de ces en-
ragez de Gand: qui leur auoient tant donné de peine: & disoit bien à ceux des bonnes-
villes. Soyez tous seurs, se vous fuyez que vous serez mieux morts, que ceux qui se-
ront deuāt: car sans mercy, ie vous feray à tous trencher les testes. Si mit le Comte ceux
de Bruges en la premiere bataille, ceux du Frāc en la seconde, ceux d'Ypre & de Cour-
tray en la tierce, ceux de Propingne, & de Bergues, de Cassel & de Bourg, en la quarte: &
il auoit retenu delez luy ceux de l'Isle, de Douay, & d'Audenarde: & s'assemblerent ces
Batailles: & vindrent l'une contre l'autre: & Rasse de Harfelles auoir la premiere bataille
(car c'estoit le plus hardy & entreprenāt des autres: & pource vouloit estre des premiers
à assaillir: à fin d'en auoir l'honneur: s'il en pouuoit auoir) & s'en vint assembler à ceux de
Bruges: que le Sire de Guistelles & ses freres menoient. Là eut de grans boutemens &
pouffemens des premiers venus. Aussi d'autre part les autres batailles s'assembloiet. Là
en y eut plusieurs renuersez, au cōmencement, d'une part & d'autre: & y faisoient les Gā
dois

dois plusieurs appertises d'armes: mais ceux du Comte estoient trop plus grand nombre de gens: car ils estoient quatre contre vn. Là eut bon assaut, & qui moult longuement dura, auant qu'on peust sauoir, ne veoir, qui auoit du meilleur: & se mirent toutes ces batailles ensemble. Là crioit on Flâdres, au Lyon, en recôfortant les gens du Comte: & les autres crioient à haute voix, Gand, Gand: & fut vne fois que les gens du Comte furent en aduerture de tout perdre: &, s'ils eussent perdu terre ils eussent esté morts & déconfits sans remede. Car Pietre du Bois & bié six mille hōes estoient sur les chāps: qui bié veoient cōbattre: mais ils ne pouuoient cōforter les leurs pour vn grand palus de marests & d'eues, qui estoient entre eux & les cōbattās mais, se le Côte eust pensé ce iour auoir perdu, ou si ses gens eussent fuy pour cause de déconfiture, il sauoit bien que Pietre du Bois fust sailli au deuant, & les eust eus à volonté: ne ia n'en fust aucun échappé, ne Comte n'autres, que tous n'eussent esté morts sur la place: dont eust esté moult grand dommage: car en Flandres n'eust point eu de recouurer. Rasse de Harfelles & Iehan de Launoy ne l'eurent pas dauantage, en assaillant les gens du Comte de Flâdres: car le Comte auoit grand foison de bonne Cheualerie, & les compaignons de Bruges, d'Ypre, de Courtray, d'Audenarde, du Dan, de l'Escluse du Franc, & de Bruges: & estoient les gens du Côte quatre contre vn, dont il aduint que quād les batailles du Comte furent toutes remises ensemble, il y eut grand nombre de gens: & ne les peurent souffrir les Gandois: mais s'ouurirent & reculerent vers la ville: & les Cheualiers & gens du Comte les commencerent à approcher & dérompre. Si tost qu'ils les eurent ouuerts, ils entrèrent dedans: & les cōbattoient & tuoient à mōceaux. Adonc se retirerent les Gandois vers le monstier de Nieule (qui estoit fort) & là se rassemblèrent: & y eut grand bataille & occision de Gādois, à rentrer dedans le monstier. Iehan de Launoy, comme tout ébahy & déconfit entra au mōstier, pour se sauuer: & se meit en la grosse tour du clocher, & ceux, qui peurent de ses gens avec luy: & Rasse de Harfelles demoura derriere luy, & recueilloit ses gens, & fit à l'huis grande appertise d'armes, mais finalement il fut efforcé, & frapé d'une longue pique, au trauers du corps, & là abatu, & tantost occis. Ainsi finit Rasse de Harfelles, qui auoit esté vn grand Capitaine à Gand contre le Comte, & que les Gandois aymoyent moult, pour son sens & pour sa prouesse: mais pour ces vaillances il en eut en fin ce loyer. Quād le Comte de Flandres fut venu en la place deuant le monstier, & il vit que les Gandois se recueilloient là dedans, & s'y estoient recueillis il commanda qu'on boutast le feu dedans le monstier. Son cōmandement fut fait, & le feu apporté en grand' foison d'estrain & de falourdes, qu'on y mist & apuya tout autour dudit mōstier: & puis fut bouté le feu dedans: Le feu monta tantost amont: & mesmemēt es couuertes du mōstier. Là moururent les Gandois, qui estoient au monstier, à grand martire: car ils estoient ars: &, s'ils estoient dehors, ils estoient occis & regettez au feu. Iehan de Launoy (qui estoit au clocher) se veoit au point de la mort, & qu'il seroit tost ars: car le clocher commēçoit à ardoir. Si crioit à ceux, qui estoient en bas, Rançon, rançon: & offrit sa corte qui estoit toute plaine de florins: mais on ne s'en faisoit que rire & gaber: & luy disoit on, Iehan, venez par ces fenestres parler à nous, & nous vous recueillerons. Faites le beau saut: ainsi qu'auiez ceste année cy fait saillir les nostres, il vous conuient faire ce saut. Iehan de Launoy qui se veoit en ce party, qui estoit sans remede, & que le feu l'accueilloit de si pres, qu'il conuenoit qu'il fust ars) entra en hideur: & aima plus cher estre occis, qu'ars: & il fut l'un & l'autre: car il saillit dehors par les fenestres, au milieu de ses ennemis: & là fut recueilly à glaiues & espées, & détrenché, & puis getté au feu, Ainsi finit Iehan de Launoy:

Déconfiture des Gādois & leur retraite au monstier de Nieule.

Mort de Rasse de Harfelles, capitaine Gādois.

Le monstier de Nieule brulé avec ceux des Gādois, qui s'y estoient retirez.

Miserable mort de Iehan de Launoy, capitaine Gandois.

Comment Pietre du Bois, Capitaine du reste de l'armee des Gandois se retira à Gand, & comment y ayant esté en grand danger de sa vie, assiegea la ville de Courtray.

CHAPITRE LXIX.

DE bien six mille hommes, que Rasse de Harfelles & Iehan de Launoy auoient de la ville de Gand, ou d'enuiron Gand, qui seruoient les Gandois pour leur argent, & qui là auoient esté amenez, il n'en réchappa point trois cens, que tous ne fussent morts sur les fossez, aux champs, ou en la ville, ou ars dedans le monstier. N'oncques Pietre du Bois (qui auoit vne grosse bataille sur les champs) ne leur peut aider: car entre la bataille & les gens de Rasse, qui se combattoient, & qui morts estoient, auoit vn grand flachis tout plein d'eauë & de grans marests: parquoy il ne pouuoit venir iusques à eux. Si se partit de sa place à tout ses gens, bien rangez & ordonnez en vne bataille: & dit,

*Retraite des
fuyas de Nieu-
le à Gand, &
murmure con-
tre Pietre du
Bois.*

Allon nous en, tout le pas, nostre chemin vers Gand. Rasse de Harzelles, Iehan de Launoy, & noz gens ont mal exploité. Ils sont déconfits. Je ne say qu'il nous aduendia. Se nous sommes poursuis & assaillis des gens du Comte, si nous tenons tous ensemble, & nous combattons vaillamment, ainsi que bonnes gens, qui se combattēt sur leur droit. Si respondirent ceux, qui l'ouirent, Nous le voulons. Lors se parrirent ils de là: & se mirent au chemin, pour venir vers Gād, en vne belle bataille serrée & rangée. Aucuns des fuyans, qui estoient échapez de la bataille de Nieule, s'en retournerent vers Gand, & rentrerent tous effrayez au-dedans, ainsi que gens déconfits: & recorderent la dure aduventure, & comment Rasse de Harzelles, Iehan de Launoy, & leurs gens, estoient déconfits & morts par bataille, à Nieule. Ceux de Gand, pour ces nouvelles furent durement effrayez, & courroucez pour la mort de Rasse: car moult l'aimoient, & grand' fiance en luy auoiēt: car ils l'auoiēt trouué bon Capitaine & loyal: & pource que Rasse estoit Gentil homme, & fils de Seigneur & de Dame, & qui les auoit bien seruis pour leur argent, tant l'auoient ils plus honoré & aimé. Si demanderent aux fuyans, Dites nous ou estoit Pietre du Bois, ce pendant que vous combattiez. Ceux, qui point ne l'auoient veu, & qui ne sauoient nulles nouvelles de luy, respondirent, Nous n'en sauons riens: ne point veu ne l'auons. Lors commencerent aucunes gens de Gand à murmurer sur Pietre du Bois: & dirent que mal s'estoit acquitté, qu'il n'auoit esté à la bataillē, luy, qui auoit cinq ou six mille hommes d'armes, tous armez: & eurent adonc les Gandois, qui en la ville estoient, & qui tout le gouuernement & la charge en auoient, en propos, que, si tost que ledit Pietre du Bois seroit retourné, ils le tueroient & puis s'accorderoient au Comte leur Seigneur, & appointeroient, & se mettroient du tout en sa mercy. Je croy que, s'ainsi l'eussent fait, ils eussent bien ouuré, & fussent legerement venus à paix: mais point ne le firent: dont ils le comparerent depuis: & aussi fit tout le pays de Flandres: & encores n'estoit point à ce iour la chose, ainsi qu'elle deuoit estre ne les grans maux de Flādres, ainsi comme il en fut depuis, & comme ie vous recorderay en l'histoire. Apres la déconfiture, ou furent pour ce iour morts & déconfits à Nieule Rasse de Harzelles & Iehan de Launoy, le Comte de Flandres entendit que Pietre do Bois & vne bataille de Gandois estoient sur les champs, & s'en alloient à Gand. Adōc s'arresta le Comte & demanda conseil à ses Cheualiers, s'on les iroit combattre: & on luy respondit que pour ce iour on en auoit assez fait: & que ses gens estoient lassez: parquoy leur conuenoit reposer: Mais ce seroit bon que de cinq ou six cens Hommes d'armes, bien montez, vous les fissiez poursuivre, pour sauoir leur conuenant: car ils pourroient bien ce soir gesir en tel lieu, que nous serions à leur délogement. Le Comte s'enclina à ce Conseil: & le fit ainsi. Tantost furent ordōnez ceux, qui deuoient estre en celle cōpaignie: & fut le Sire d'Anghien le meneur souuerain. Si mōterent à cheual, enuiron cinq cens lances, & se departirent de Nieule & du Comte: & si prindrent les champs: & cheuaucherent à la couuer-te, pour veoir les Gandois: & tant allerent, qu'ils les virent aualer vn tertre: & estoient tous ferrez, & en bon conuenant: & cheminoient en bon pas sans eux dérouter. Le Sire d'Anghien & sa route si les ponsuyuoient de loing, & sur le costé. Pietre du Bois & les Gandois les veoient bien: mais nul semblant d'eux dérouter ne faisoient: & dit Pietre du Bois à ses gens, Allon nostre chemin, & bon pas: & point ne nous déroutons. S'ils viennent à nous, nous les recueillerons: mais ie croy bien qu'ils n'en ont nulle volonté. Ainsi cheminerēt les vns & les autres, sans riens faire, iusques à Gand: que le Sire d'Anghien retourna deuers le Comte: & Pietre du Bois & ses gens rentrerent dedans Gand. Adōc fut Pietre du Bois accueilly de plat, & sur le point d'estre occis, pour la cause de ce qu'il n'auoit autrement conforté Rasse & ses gens. Pietre s'excusa: & de verité dit qu'il auoit biē mandé à Rasse, que nullemēt il ne se combattit sans luy (car le Côte estoit trop puissamment sur les champs) & Rasse fit tout au cōtraire. S'il en est mal aduenu, ie n'en puis mais: & sachez que ie suis aussi courroucé & déplaisāt de la mort de Rasse, & aussi dolēt que nul peut estre: car la ville de Gand y a perdu vn tresvaillāt bon hōme, & sage Capitaine. Si nous en cōuient trouuer vn autre (qui soit discret & sage: & de grand' crainte & grand renom) ou autrement du tout nous mettre en la volonté & obeissance du Comte: qui nous destruira du tout, & nous fera meschamment & villainement mourir de mauuaise mort. Regardez lequel vous voulez faire: ou perséuerer & continuer en ce, que vous avez commencé & entretenu longuement: ou se vous voulez vous mettre en la volonté & mercy de mondit Seigneur le Comte de Flandres, nostre Seigneur. A Pie-

*Retraite de Pie-
tre du Bois à
Gand, ou il cui-
da estre tué.*

tre du

tre du Bois ne fut alors point respondu, mais, quant à la bataille & venue des Gandois à Nieule, & aussi de la mort de Rasse, il fut excusé & decoulpé. Toutesfois, de ce qu'on ne luy respondit point, il se contenta mal, & sur aucuns grans Bourgeois, qui là presens estoient, les plus riches & les plus notables de la ville, tels comme Sire Guisebert Grute, & Sire Simon Brete. Vray est qu'il n'en fit adonc nul semblant, mais il le leur remōstra mout durement en l'annee, ainsi que vous orrez recorder cy-apres en l'Histoire. Quand le Sire d'Anghiē, & le Sire de Montigny, & le Haze de Flandres, & leurs routes, furent retournez à Nieule, deuers le Comte, & ils eurent recordé ce qu'ils auoyent veu, le Côte se partit de Nieule. & s'en retourna vers Bruges, & renuoya les gens de ses bonnes villes, & ceux du Franc, & le Seigneur d'Anghien, & les bannieres, en Audenarde. Quand ceux de Gand entendirent que le Côte estoit retrait à Bruges, & qu'il auoit dōné congé à toutes gens, si se remeirent sus, par l'émouement de Pietre du Bois, qui leur dit, Allon deuant, & ne nous refroidisson point de faire guerre, ains monstren que nous sommes gēs-de-fait & d'êtreprise. Adonc se partirēt ils de Gād, plus de quinze mille, & s'en vindrent mout efforcément deuant Courtray, & y meirent le siege, lors que la feste & la processio de Bruges estoit, en l'an mil trois cens quatre vingts & vn. Si furēt là dix iours, & ardirēt tous les fauxbourgs de Courtray & le pays d'enuirō. Quād le Côte en feut les nouuelles, il remanda tous ses Gentils-hommes. & ceux des garnisons, & des Communes d'Ypre, & du Franc, & se partit de Bruges, & se trouuerent sur les chāps plus de xxv. mille, qui se meirent au chemin, pour venir deuers Courtray, pour combattre les Gandois, & leuer le siege. Quand Pietre du Bois & les Gandois entendirent que le Comte venoit sur eux si efforcément, si ne trouuerent pas en leur conseil de là plus tenir le siege, & s'en partirent, & allerent loger à Donze & à Nieule, & dirent que là ils attendoient le Côte, & signifioyent leur estat à ceux de Gand, & remanderoient l'Arriereban, pour estre plus fors, & plus grand nombre de Gens-d'armes. Si se departirent encores de Gand bien quinze mille hommes, & s'en vindrent deuers leurs gens, deuant Nieule, & à Donze, & se logerent tous sur les champs, en attendant le Comte. Quand le Comte fut venu à Harlebeque, delez Courtray, il entendit que les Gandois festoient partis de là & retirez vers Gand, & logez à Donze & à Nieule. Si n'eut pas conseil adoncques le Comte de pourfuir, & donna congé à vne grande quantité de ses gens, à Courtray, & renuoya le Seigneur d'Anghien, & les Hainuyers, & son fils bastard, le Haze, en Audenarde, en garnison.

*Courtray assié-
gé des Gandois
en l'an 1381.*

*Le siege de Cour-
tray leué.*

*Comment Arnoul le Clerc, Capitaine de quelque troupe de Blancs Chaperons decon-
fit plusieurs Nobles du Comte de Flandres, & comment il fut aussi puis apres decon-
fit & tué.*

CHAP. LXX.

Quand les Gandois & Pietre du Bois virent que le Comte ne venoit pas vers eux, si se departirent de Donze & de Nieule, & prirent le long chemin, par deuers Audenarde, pour retourner par là à Gand. Si enuoyerent, ce iour qu'ils passoyent, vers Audenarde, vne quantité de leurs gēs (desquels Arnoul le Clerc estoit Capitaine) & s'en vindrent écaroucher iusques es baillies de la ville. & les Cheualiers & Escuyers, qui là dedans estoient, ne se peurent abstenir, qu'ils ne vinsēt écaroucher, & en y eut de morts & de blecez, d'une part & d'autre, à celle fois. Mais ceux de Gand ne se tindrent planté à l'écarouche ains s'en retournerent, avecques leurs gens, à Gand, & chacun en son hostel. Trois iours apres fut ordonné Arnoul le Clerc, pour venir à Gaures, à tout douze cens de Blancs Chaperons: & là luy fut le Chastel, & la chastellenie, baillé par maniere de garnison, pour faire frontiere à ceux d'Audenarde. Si y vint Arnoul le Clerc, à toute sa route, & se tint là: mais gueres n'y fut, quand il entendit qu'aucuns cheualiers & Escuyers, qui estoient en Audenarde: & estoient issus hors à l'adventure. Adonc se partit il de Gaures, avecques ses gens: & estoient bien en nōbre quinze cens. Si se mirēt en ébusche sur ceux qui au mati estoiet issus hors d'Audenarde: c'est assavoir le Sire des Cornais, le Sire de Rēselles, messire Iehan de Villaines, le Sire d'Anghien, le Gallois de Mamines, le Bastard des Cornais, & messire Blāchard de Calemie. Ainsi que ces cheualiers & Escuyers qui là estoient, & auoient pris leur retour, & reuenoient en Audenarde. Adonc l'embusche faillit au deuant: & là y en eut aucuns occis, naurez & ruez ius: car ils ne prenoient nuls à mercy: mais occioient tout. Là vindrent aux cheualiers & Escuyers leurs cheuaux mout bien à point: car ils brocherent de leurs esperons, & s'en

*Déconfiture de
quelques No-
bles de la garni-
son d'Audenar-
de par embus-
che de Arnoul
le Clerc.*

L'Abbaye de Chem assaillie et prise par Arnoul le Clerc, sur aucuns de ceux qui s'y estoient retirés apres la déconfiture susdite.

Camisade aux Blancs-Chaperons par la garnison d'Audenarde, en l'Abbaye de Chem.

Arnoul le Clerc, Capitaine des Blancs chaperons tué.

retournerent vers Audenarde, & ainsi, qu'ils venoient deuant les bailles, ils descendoient, & se mettoient en deffense, & attendoient leurs gens & leurs varlets, mais ils ne peurent oncques si nettement s'entrer dedans la ville, qu'il n'y en eust de morts plus de soixante, & quand ils eurent fait leur entreprise, Arnoul le Clerc retourna ce soir à vne Abbaye pres de là, qu'on nomme Chem. Si trouuerent les Gadois en la ville de Chem Pietre d'Estonnehous & le Gallois de Mamines, & enuiron cent Compaignons de leur route. Si assaillirent l'Abbaye, ou ils festoient retirez. A grande peine se sauua le Gallois de Mamines, & se partit par derriere, & entra en vn batel, & s'en vint de nuit à Audenarde, & compta au Seigneur d'Anghien, au Seigneur de Montigny, à messire Daniel de Haluyn, & aux autres Cheualiers, qui là estoient, comment celuy soir Arnoul le Clerc & les Blancs-Chaperons estoient entrez en l'Abbaye de Chem, & auoient occis leurs compaignons, & bien pensoit que Pietre d'Estonnehous estoit mort, & aussi estoit il. Car Arnoul le Clerc & ses gens le firent saillir par vne fenestre à bas, & puis le recueillirent à glaiues, & l'occirent, dont ce fut grād dōmage. Quand les Cheualiers, qui dedās Audenarde se tenoient, entendirent qu'Arnoul le Clerc & les Blancs-Chapperons enuiron douze cens, qu'il auoit alors de charge, estoient arrestez à Chem, & leurs compaignons morts & pris en l'Abbaye, si en furent moult courroucez, & aduilerent qu'ils enuoyeroient celle nuit leurs espies celle part, pour sauoir sau lieu lendemain ils seroient trouuez. Ainsi qu'ils ordonnerent ils le firent. Leurs espies rapporterent au matin que les Blancs-Chaperons s'ordonnoient pour demourer là à seiour, dont les Seigneurs furent réiouis. Adonc s'armerent le Sire d'Anghien, le Sire de Montigny, le Sire de Bresueil, messire Michel de la Hamarde, & plus de six cens Cheualiers & Escuyers de Haynaut, & bien autant de ceux de Flandres, & d'Audenarde aussi enuiron trois cens Lances, & plus de mille qu'Arbalestiers, que gros varlets, & vindrēt à Chem. Quand ils furent approcher de Chem, ils enuoyerent, deuant, messire Oliuier de Chem, & bien cent Lances, pour commēcer l'assaut, & tirer hors de l'Abbaye Arnoul le Clerc, & aussi pour attendre les gros varlets & Arbalestiers (qui venoyent tous de pié) & pour les mettre en ordonnance. Messire Daniel & messire Pietre de Disquemac, & le Haze de Flandres, s'en coururent deuant, esperonnant, & entrèrent en la place, deuant l'Abbaye de Chē, en écriant, Flandres, au Lyon, au Bastard. Ces Gandois ne se donnoient garde de l'embusche, car il estoit encores bien matin, & n'estoient pas encores appareillez, & auant qu'Arnoul le Clerc peust auoir mis toutes ses gens ensemble, le Sire d'Anghien, le Sire de Lens, le Sire de Brisueil, le Sire des Cornais, le Sire de Montigny, & leur bataille entrèrent par derriere en la ville, en écriant, d'Anghien, au Seigneur, & se bouterent de grande volonté es Gandois, & en ces Blancs-Chapperons, qui point ne durerent, mais fourirent, & ne tindrent point de conroy, ne d'ordonnance, car de douze cēs, en y eut bien là de morts, tant en l'Abbaye que sur les champs, onze cens, & y fut occis Arnoul le Clerc, de deux picques, en fuyāt, tout au trauers du corps, & là appuyé cōtre vne haye. Apres ceste déconfiture retournerent le Sire d'Anghien & les autres Cheualiers en Audenarde, & tindrēt ceste besongne à grāde prouesse, & quand le Côte de Flandres seut les nouvelles, il en fut grandement réiouy, & dit au Seigneur d'Anghien, que c'estoit vn bel enfant & bon, & qu'encores seroit vn vaillant homme. Vu vray dire du Seigneur d'Anghien, c'estoit tout l'honneur du Comte de Flandres, qui pour celuy temps se tenoit à Bruges, & ne l'appelloit pas son cousin, Mais son beau fils.

Comment durant, ceste guerre de Flandres, les riches hommes de Gand estoient tyrannisez par leurs gens de guerre, & comment Philippe d'Arteuelle fut fait Capitaine de Gand.

CHAPITRE

LXXI.

Quand les nouvelles furent venues à Gand, qu'Arnoul le Clerc estoit mort, & ses gēs déconfits, si se commencerent les plusieurs à ébayr, & dirent entre eux, Nos besongnes se portent mal. Petit à petit on nous occit noz Capitaines & noz gens. Nous auons mal exploité d'auoir emeu guerre contre nostre Seigneur le Comte, car il nous vsera petit à petit. Amal nous retourneront les haines de Guisebert Mathieu & de Iehan Lyon. Nous auons trop soustenu & éléué les opinions de Iehan Lyon & de Pietre du Bois. Ils nous ont bouté si auant en ceste guerre & haine enuers le Comte nostre Seigneur, que nous ne pourrions, ne saurions trouuer voye de mercy, ne de paix. Encores il nous vaudroit mieus que vingt ou trente le comparussent, que toute la ville. Ainsi disoient

disoient les plusieurs, en requoy, les vns aux autres, car generally n'estoit ce mie, pour la doute des mauuais, qui tous estoient d'une secte, & qui se leuoient à puissance de iour en iour, & par auant n'estoient que pauures compaignons, & sans nulle cheuance. Or & argent auoient ils assez, car quand il leur en faillloit, & ils se plaingnoient à leurs Capitaines, ils estoient ouïs, & tantost confortez, car on aduisoit aucuns riches hommes, & simples, en la ville, & leur disoit on, Allez, & dites à tels & à tels, qu'ils viennent parler à nous. On les alloit querir, & ils venoient, sans oser contredire. Là leur estoit dit, Il faut à la bonne ville de Gand finance, pour payer noz soudoyers, qui aydent à garder & defendre noz iurisdicions & franchises, & faut que les compaignons vivent. Et là mettoyent ils finance, toute telle qu'on leur demandoit, car s'ils eussent dit non, ils fussent tantost morts, & si leur ont mis sus, qu'ils estoient trahistres à la bonne ville de Gād, & que ils ne vouloient point l'honneur & le profit d'icelle. Ainsi estoient les garçons, & les mauuais, maistres de la ville, & furent tant que la guerre dura entre eux & leur Seigneur & au vray dire, se les riches & les nobles de la ville de Gand estoient battus de telles verges, on ne les en deuoit point plaindre, n'ils ne se pouuoient excuser, par leur regard mesme, qu'ils ne fussent cause de tous les forfaits. Raison pourquoy? Quand le Comte de Flandres leur enuoya son Baillif, pour contraindre & iusticier aucuns rebelles & mauuais, ne pouuoient ils tous demourer delez luy, & l'auoir conforté à faire iustice? ¶ veu mesmement que tels rebelles estoient encor en bien petit nombre? Mais ils auoient aussi cher (à ce qu'ils monstrerent) que la chose allast mal, comme biē, & qu'ils eussent guerre à leur Seigneur, comme paix: & bien pouuoient sentir & cognoistre que, s'ils faisoient guerre, meschans gens seroyent Seigneurs de leur ville, & seroyent leurs maistres, & ne les osteroyent pas, quand ils voudroient, ainsi comme il en aduint de Iehan de la Faucille, qui, par luy dissimuler & partir de la ville de Gand pour venir demourer en Haynaut s'en cuyda purger & oster, & que des guerres de Flandres, tant du Comte son Seigneur que de la ville de Gand (dont il estoit natif) il n'en fust en riens demandé, mais si fut tellement qu'il en mourut, dōc ce fut dommage. Car celui Iehā de la Faucille en son temps fut vn sage & tres notable homme. Mais on ne pouuoit lors clocher deuant les Seigneurs ne leurs Consaux, car ils veoient trop cler. Or auoit il bien seu les autres aider & conseiller, mais de luy-mesme il ne seut pas prendre le meilleur chemin. Je ne say de verité se des articles, dont il fut examiné de messire Symon Rain, au chastel de l'Isle, il fut coupable, mais les cheualiers, avec la peruerse fortune, qui se tourna tout à vn coup sur luy, le menerēt si auāt, qu'il mourut, & ainsi ont fait tous les Capitaines de Gand, qui ont tenu & soustenu rebellion contre leur Seigneur, & aussi ont moult d'autres gēs de Gand & mesmement sur espoir que coulpe n'y auoient. Quand Pietre du Bois vit que la ville de Gand affoiblissoit, tant de Capitaines, comme de leurs complices, & qu'ils se trouuoient ainsi que tous seuls, & que les riches se commençoient à tanner, voulans delaisser la guerre, si se douta trop fort, & imagina que, se par nul moyen du monde paix se faisoit entre le Comte & ceux de la ville (quelque traité, ne quelque liē de paix ne d'accord, qu'il y eust) il cōuenoit qu'il y mist la vie. Si luy alla souuenir de Iehā Lyon (qui fūt son maistre) & par quel art il auoit autresfois ouuré. Il veoit bien qu'il ne pouuoit ouurer tout seul, n'auoir tant de sens, d'entendement, ne de puissance, que de gouuerner la ville de Gand, & n'en vouloit pas auoir le principal fait, mais il vouloit bien de toutes foles entreprises couuertement auoir le soing. Si s'aduifa adoncques d'un homme (duquel en la ville de Gand on ne se donnoit point de garde) sage homme assez, mais son sens n'estoit point cognu, ne iamais on n'en auoit eu cognoissance, iusques à ce iour (car on n'en auoit que faire) & l'appelloit on Philippe d'Arteuelle, fils de Iaques d'Arteuelle, qui en son temps eut, sept ans, tout le gouuernement de la Comté de Flandres. Si auoit ce luy Pietre du Bois ouy recorder à Iehan Lyon, son maistre, & aux anciens de Gād, qu'ōcques le pays de Flandres ne fut si craint, aimé, ny hōnoré, qu'au temps que Iaques d'Arteuelle viuoit, (qui dura par sept ans) & encores disoyent les Gandois, tous les iours. Si Iaques d'Arteuelle viuoit, les choses seroyent en bō estat. Nous aurions paix à nostre volonté, & le Comte, nostre Seigneur, seroit tout ioyeux, quand il nous pourroit tout pardonner. Pietre du Bois s'aduifa, sur ces parolles, en soy-mesme, & regarda que Iaques d'Arteuelle, auoit vn fils, qui s'appelloit Philippe, assez conuenable & gracieux homme, que la Roïne d'Angleterre auoit anciennement, du temps qu'elle estoit à Gand, & que le siege fut deuant Tournay, leué sur fōs, & tenu, & pour l'amour, de ce, eut il nō Philip-

Entendez que l'on disoit telles paroles à ces garnemens, les enuoyant querir les riches.

¶ Il y auoit icy desquels en y eut bien petit, ils auoient &c. Mais nous auons éclaircy ce passage selon tout ce qu'il a dit par auant de cette émeute de Flandres.

¶ Il a commencé à en parler au ch. 30 du premier volume, & finit au 116.

¶ Il y auoit icy Courtray, mais la deduction suivante assure nostre correction, et est le commencement

*ment de ce sie-
ge au ch. 54 du
prem. volume.
Exhortatiō de
Pietre du Bois à
Philippe d'Ar-
teuelle, pour lui
faire entrepren-
dre le ſouuerain
gouuernement
de Gand.*

pe. Pietre du Bois ſ'en vint vn ſoir chez Philippe, qui demouroit avec ſa Damoiſelle de mere, & viuoient de leurs rentes tout bellement. Pietre du Bois ſ'arraſonna à luy de parolles, & puis luy ouurit la matiere, pourquoy il eſtoit là venu, & luy dit ainſi. Si vo^e voulez entendre à mes parolles, & croire mon conſeil, ie vous feray le plus grand de tout le pays de Flandres. Comment le feriez vous? dit Philippe. Ie vous le diray, Par telle maniere, dit Pietre du Bois. Vous aurez le gouuernement & l'adminiſtration de ceux de la ville de Gand, car nous ſommes maintenant en tresgrande neceſſité d'auoir vn ſouuerain Capitaine, de bon nom & de bonne renommée, & par ce moyen voſtre pere laques d'Arteuelle reſſuſcitera maintenant en ceſte ville, par le bon memoire de luy, & diſent toutes gens, que depuis, le pays de Flandres ne fut tant aimé, craint, ny honnoré, comme il fut de ſon viuant. Ie vous mettray legerement en ſon lieu, ſe vous voulez, & quād vous y ferez, vous vous gouuernerez par mon conſeil, iuſques à ce que vous ayez compris la maniere & le ſtile du fait. Ce que tantost aurez apprins. Tātost Philippe (qui auoit aage d'homme, & qui par nature deſiroit eſtre aduancé, honnoré, & auoir de la cheuance, plus qu'il n'auoit (reſpondit,) Pietre, vous m'offrez grande choſe, & ie vous croiray. Se ie ſuis en l'eſtat que vous dites, ie vous iure ſur ma foy, que ie ne feray ia riens outre voſtre conſeil. Reſpondit Pietre du Bois, Sauriez vous faire le cruel & le hautain? Car vn Sire entre Cōmū, & par eſpecial en ce que nous auōs à faire, ne vaut riēs, ſ'il n'eſt craint, redouté, & renommé, à la fois de cruauté. Ainſi veulent les Flamens eſtre menez n'on ne doit entre eux tenir conte de vies d'hommes, n'auoir pitié d'eux, non plus que d'arondeaux, ou d'alouettes, qu'on prend en la ſaiſon pour manger. Par ma foy (dit Philippe) ie ſauray bien tout ce faire. Cela va bien (dit Pietre) & vous ferez tel que ie penſe, & ſouuerain de tous les autres. A ces mots il prit congé de luy, & ſe partit de ſon hoſtel, & retourna au ſien. La nuit paſſa, & le iour reuint. Pietre du Bois ſ'en vint en vne place, ou il y auoit plus de quatre mille hommes de ceux de ſa ſecte, & des autres, qui là eſtoient aſſemblez, pour ouir des nouuelles, & pour ſauoir comment on ſ'ordonneroit, & qui l'ō feroit Capitaine de Gand, & là eſtoit le Sire de Harzelles, par lequel, en partie des beſongnes & affaires de Gand, on vſoit, mais d'aller dehors il ne ſe vouloit entremettre, ne traiter, & là nommoit on aucuns hommes de la ville, & Pietre du Bois eſcouteoit. Quād il en eut ouy nommer aucuns, il éleua ſa voix, & dit ainſi. Seigneurs, ie croy bien que ce, que vous dites, vous le dittes par tresgrande affection de la deliberatiō du courage, que vous auez à garder l'honneur & proffit de la ville de Gand, & que ceux que vous nommez, ſont bien idoines & meritans d'auoir vne partie du gouuernemēt de la bōne ville de Gand, mais i'en ſay bien vn (qui point n'y viſe, ne penſe) lequel (ſ'il ſ'en vouloit embesongner) ſeroit tel, qu'il n'y en auroit point de plus propice, ne de meilleur nom. Dōt fut Pietre du Bois requis, qu'il vouliſt celui nommer. Adonc le nomma, & dit, C'eſt Philippe d'Arteuelle, qui fut nommé ſur ſons, à Saint-Pierre de Gand, de la noble Roynne d'Angleterre, qu'on appella Philippe, & qui fut ſa marraine, en ce temps que ſon pere, Iaques d'Arteuelle, ſeoit deuant Tournay, avecques le Roy d'Angleterre, le Duc de Brabant, le Duc de Guerles, & le Comte de Haynaut, lequel Iaques d'Arteuelle, ſon pere, gouuerna la ville de Gand, & le pays de Elandres, ſi bien qu'onques-puis ne fut ſi bien gouuerné (à ce que i'en ay ouy, & oy encores recorder tous les iours des anciens, qui la cognoiſſance en eurent) ny ne fut onques ſi bien tenu, ne gardé au droit, qu'il fut de ſon temps, car Flandres auoit eſté toute perdue vn grand temps quand par ſon grand ſens, & par l'heur de luy, il le recouura. Or ſachez que nous deuons mieux aimer les brâches & membres, qui viennent de ſi vaillant homme comme il fut, que de nul autre. Si toſt que Pietre du Bois eut dit ceſte parolle, Philippe d'Arteuelle entra en toutes manieres de gens ſi en courage, qu'on dit, tout d'une voix. Qu'on le voiſe querir, nous ne voulons autre. Nenny (dit Pietre du Bois) nous ne l'enuoyerons point querir. Il vaut mieux qu'on voiſe vers luy. Encores ne ſauons nous comment il ſe voudra maintenir. Mais nous ne l'en deuons paſſer exonnier. A ces mots ſe mirent tous ceux, qui là eſtoient, à cheſmin, & avec eux, pluſieurs autres, qui les ſuyuoient, & vindrent deuers la maiſon de Philippe (qui de leur venue eſtoit tout aduiſé) le Sire de Harzelles, Pietre du Bois, Pietre le Nuitée, & enuiron dix ou douze des Doyens des meſtiers, & là luy reciterent & remonſtrèrent comment la bonne ville de Gand eſtoit en grand danger, ſ'elle n'auoit vn Capitaine & ſouuerain, auquel hors, & ens, on ſe peult allier, & que toutes manieres de gēs demourans à Gand, luy donnoient leur voix, & l'auoient, élu pour eſtre leur ſouuerain

Paroles de Pietre du Bois à la cōmune de Gād pour faire Philippe d'Arteuelle leur Capitaine ſouuerain.

† C'eſt adire. nous ne deuons point recouir les excuses, qu'il nous pourra aleguer pour n'accepter ceſte charge. Le ſouuerain gouuernement de Gand preſenté à Philippe d'Arteuelle.

Capit-

Capitaine. Car le bon memoire de son nom, & pour l'amour de son bon pere, leur feoit mieux en la bouche, que de nul autre. Parquoy ils le prioient affectueusement, de procurer le fait de la ville & de leurs besongnes, dedans & dehors, & ils luy iureroyent foy & loyauté entierement, comme à leur Seigneur, & qu'il feroit toutes gens, tant grans qu'ils fussent en la ville, venir à son obeissance. Philippe entendit bien toutes leurs requestes & parolles, & puis moult sagement il respondit, & dit ainsi, Seigneurs, vous me requerez de grande chose, & espere que vous ne peusez pas bien le fait, tel cōme il est, quand vous voulez que j'aye le bon gouvernement de la ville de Gand. Vous dites que l'amour, que voz predecesseurs eurent à mon pere, vous y attrait. Quand il eut fait tous les beaux seruices qu'il peut, ils l'occirent. Si i'en prenoye le gouvernement tel que vous dites, & i'en fusse en la fin occis, i'en auroye petit loyer & pauvre guerdon. Philippe (dit Pietre du Bois, qui hapa la parolle, & qui estoit le plus douté) ce, qui est passé, ne peut plus retourner. Vous ouurez par conseil, & ouurerez, & vous serez tousiours si bien conseillé, que toutes gens se loueront de vous. Alors respōdit Philippe. Je ne voudroye pas faire autrement. Adonc il fut là élu entre eux, & amené au marché, & là fut affermenté, & affermenta aussi les Maieurs & les écheuins, & tous les Doyens de Gand. Ainsi fut Philippe d'Arteuelle souverain Capitaine de Gand, & acquit au commencement grande grace, car il parloit à toutes gens, qui à besongner à luy auoient, doucement & sagement, & tant fit que tous l'aimoient, car vne partie des reuenues, que le Cōte de Flandres a en la ville de Gand, de son heritage, il les fit distribuer au Seigneur de Harselles, pour cause de gentillesse, & pour maintenir plus honnestement son estat, car tout ce qu'il auoit en Flandres, hors de la ville de Gand, il auoit tout perdu. Nous souffrerons vn petit à parler des matieres & besongnes de Flandres, & parlerons des besongnes d'Angleterre & de Portugal.

De la guerre d'entre les Roys de Castille & de Portugal.

CHAP. LXXII.

Vous auez bien ouy-cy dessus recorder comment le Roy Henry de Castille trépassa de ce siecle. Apres que son aîné fils, Damp Iehan, fut couronné à Roy, & sa femme couronnée à Roïne (laquelle † estoit fille du Roy Pietre d'Arragon) la guerre s'eueut entre le Roy Ferrand de Portugal, & ledit Roy de Castille sur certaines occasiōs qui estoient entre eux deux, & principalement pour le fait des Dames, filles du Roy Dom Pietre, Constance & Ysabel, mariées en Angleterre, la premiere au Duc de Lancastre, & la seconde au Comte de Cantebruge, & disoit ce Roy de Portugal qu'ō auoit à tort & sans cause desherité ses deux cousines de Castille, & que ce n'estoit point chose à soustenir, q̄ deux si nobles Dames, & hautes, fussent desheritées de leurs heritages & que les choses se pourroyent bien enuieillir & élongner, qu'on les mettoit en oubly, parquoy les Dames ne retourneroyent iamais à leur droit. Laquelle chose il ne vouloit point veoir ne consentir, qui estoit l'vn des plus prochains parens qu'elles eussent, tant pour l'amour de Dieu, que pour aider à garder raison & iustice à quoy tout bon Chretien deuoit entendre, & estre enclin. Il défia dōc le ieune Roy Damp Iehan de Castille que toute l'Espagne, Galice, Castille, & Seule, auoient couronné) & luy fit guerre le Roy de Portugal, sur le tiltre des articles dessusdits. Le Roy Dāp Iehan se deffendit vaillamment à l'encontre de luy, & enuoya sur les frontieres, en ses garnisons, grande foison de Gens-d'armes, pour resister contre ses ennemis, tant qu'au commencement il ne perdit riens. Car il auoit de la sage & bonne Cheualerie de France avecques luy (qui le confortoyent en sa guerre, & conseilloyent) c'est assauoir le Begue de Vilaines, & messire Pierre son fils, messire Iehā de Bergettes, messire Guillaume de Lignac, messire Gautier de Puissac, le Seigneur de la Taride, messire Iehan, & messire Tristan de Roie, & plusieurs autres, qui estoient là allez † & depuis que le Cōte de Bouquingam fut venu en Bretagne. Car le Roy de France (qui grans aliances & grandes confederations auoit au Roy de Castille, & ont eu longuement ensemble) les y auoit enuoyez. Parquoy le Roy de Portugal s'aduifa, qu'il enuoyeroit certains messagers en Angleterre, deuers le Roy & ses oncles, à fin qu'il fust aidé & conforté de ses gēs, parquoy il fut fort, & puissant de faire vne bonne guerre aux Espaignols. Si fit appeller vn sien Cheualier, sage homme, vaillant, & grand Seigneur (qui s'appelloit Iehan Ferrande) & luy dit toute son entente, par tels mots, Iehan, vous me porterez ces lettres de creance en Angleterre. Je ne puis y enuoyer plus especial messager que vous, ne qui mieux sache mes besongnes & affaires. Si me recommandez au Roy, avec ces lettres, & luy direz que ie

Philippe d'Arteuelle accepte le souverain gouvernement de Gand.

† Il a biē dit au ch. 27. qu'il fut parlé de marier ce Damp Iehan à la fille du Roy de Nauarre, mais il ne dit pas que le mariage fut accompli.

† Ceste guerre d'Espagne peut dōc estre cōmencée des l'an 1380. cōme l'ō peut comprendre depuis le ch. 50. Toutesfoi, à ce que l'ō verra tantost, possible qu'il se roit bon de lire ainsi, depuis que le Cōte de Bouquingam fut reueu de Bretagne, cōme aussi le veut sala.

soustien mes cousines, ses belles tantes, & leur droit des heritages d'Espaigne & de Castille, & que i'en ay ia guerre à celuy, qui s'est bouté & mis par la puissance de France, en leur heritage, & que ie ne suis pas fort, ne puissant de moy, pour resister à l'encôtre d'eux, ne conquerir tels heritages, comme Castille, Espaigne, Galice, & Seuille. Parquoy ie luy prie, qu'il me vueille enuoyer son bel oncle le Duc de Lanclastre, sa femme & sa fille, mes cousines, & vne quantité de Gens-d'armes, & Archers & nous ferons, eux venus par deça, bonne guerre, avec nostre puissance, tant que nous recouurerôs, au plaisir de Dieu nostre heritage. Monseigneur (dit le Cheualier) à vostre plaisir ie feray vostre message. Ne demoura gueres de temps, qu'il entra en vn bon vaissel & fort, pour faire le voyage,

†Cecy sera d'oc
maintenant de
1381. cômme l'o
peut apperce-
voir par le ch.
65. Retour du
Comte de Bou-
quingua à Lon-
dres, apres son
voyage de Bre.
avec vn Am-
bassadeur du
Roy de Portug.

& se partit du haure de la cité de Lissebonne, & tât chemina par mer, qu'il arriua à Pleu-
uemonde, & à celle propre heure, & en ce propre iour, & d'icelle marée, †y arriuerent
le Comte de Bouquinguam, & aucuns de ses vaisseaux, qui retournoient de Bretagne.
Si vous dy que les Anglois auoyent eu si grande fortune sur mer, qu'ils auoient perdu
trois de leurs vaisseaux, chargez de gens & de pourueances, & estoient espandus par
mauvais vents: & arriua, en grand peril, en trois haures en Angleterre. De la venue de
ce Cheualier de Portugal fut grandement réiouy le Comte de Bouquinguam, & luy fit
tresbonne chere, & luy demanda des nouuelles, & il luy en dit assez, tant d'Espaigne,
que de Portugal. Si cheuaucherent depuis ensemble, iusques à la bonne cité de Lon-
dres, ou le Roy d'Angleterre estoit. Quand le Comte de Bouquinguam fut venu à Lon-
dres, ceux de la cité luy firent bonne chere. Si s'en alla deuers le Roy (qui estoit à West
monstier, & ses deux oncles delez luy, le Duc de Lanclastre & le Comte de Cantebruge)
& auoit le Cheualier de Portugal en sa compagnie, pour lequel il parla le premier
au Roy, & à ses freres. Quand le Roy & les Seigneurs dessus-nommez en eurent la con-
gnoissance, si en eurent grand semblant de ioye, & l'honnorent grandement. Il presen-
ta ses lettres au Roy, & le Roy les leut, presens ses oncles. Or deuez vous sauoir que le
Roy ne faisoit riens, sans le conseil de ses oncles. Car, pour ce temps, il estoit encores
moult ieune. Si fut le Cheualier demandé & examiné (pourtant qu'il auoit apporté let-
tres de creance) sur quel estat il estoit issu hors de Portugal, & venu en Angleterre. Il
respondit bellement & sagement, selon la proposition, que vous auez ouye cy deuant.
Quand les Seigneurs l'eurent bien entendu, ils respondirent, en disant, Grand mercy,
à nostre beau cousin le Roy de Portugal, quand si auât il se met en noz besongnes, qu'il
en fait la guerre à nostre aduersaire. Ce qu'il requiert, est requeste raisonnable. Si sera
hastiuiement aidé, & aura le Roy aduis comment il en ordonnera. Adonc n'y eut plus
de parolles. Le Cheualier estrange, pour l'amour des nouuelles qu'il auoit apportées,

†En Avril.
1381.
†Il vse souuēt
de ce mot pour
conseils &
mesmes pour
Conseillers.

plaisantes au Duc de Lanclastre & au Comte de Cantebruge, fut festoyé, & disna de-
lez le Roy, puis demoura là enuiron quinze iours, iusques aux Octaues de la †Saint Geor-
ge, ou le Roy & ses oncles estoient, & là fut messire Robert de Namur (lequel estoit allé
veoir le Roy, & releuer ce qu'il tenoit de luy en Angleterre) & là furent les Parlemens
& †Consaulx d'Angleterre assignez à estre à Londres, c'est assauoir au Palais de West-
monstier. Si vous diray que ce fut tant pour les besongnes de Portugal (qui estoient
freschement venues) que pour autres des Escotois, car les tréues failloient entre eux &
les Anglois, le premier iour de Iuin. Si eurent là les Prelats & Barons d'Angleterre grâs
Consaulx ensemble, comment ils pourroyent de ces choses ordonner, & n'estoient point
en estat d'enuoyer le Duc de Lanclastre en Portugal, ains disoyent que c'estoit vn grâd
voyage pour luy, & que fil y alloit, on s'en pourroit bien repentir. Car ils entendoient
que les Escotois faisoient grans appareils, pour entrer en Angleterre. Si fut conseillé
determinement que le Duc de Lanclastre (qui congnoissoit la marche d'Escoce & les
Escotois) iroit en la marche & sur les frontieres d'Escoce, & sauroit comment les Esco-
tois se voudroyent maintenir (Car mieus sauoit besongner en traitté, que nuls des haux
Barons d'Angleterre, & feroient les Escotois plus pour luy, que pour nul autre) & le
Comte de Cantebruge, à tout cinq cens Lances, & autant d'Archers, feroit le voyage
de Portugal, & se le Duc de Lanclastre pouuoit tant exploiter enuers les Escotois, qu'à
l'honneur du Royaume d'Angleterre vnes tréues fussent prises à durer trois ans, il pour-
roit bien aller (se le Roy le trouuoit en son cōseil) sur le mois d'Aoust, ou de Septembre,
en Portugal, & renforcer l'armée de son frere. Encores y auoit il vn autre point, pour-
quoy le Duc de Lanclastre deuoit demourer en Angleterre, c'estoit pource que le Roy
d'Angleterre auoit enuoyé certains messagers, avecques le Duc de Tasson & l'Arche-
uesque

Conseil d'An-
gleterre sur
l'Ambassade
de Portugal.

uesque de Rauenne, deuers le Roy d'Allemaigne, pour auoir sa seur à femme, où pour sa voir comment il en feroit, car on en estoit en grans traittez, & auoit on esté plus d'un an. Si y estoient d'Angleterre l'Euesque de S. David, & messire Simon Burle, pour toutes ces choses conforter, au mieux qu'on pourroit. A ce Conseil s'accorda le Roy, & tous ses Seigneurs, & se partit le Parlement sur cel estat, & furent nommez & escripts les Barons & Cheualiers, qui en Portugal iroient, avec le Comte de Cantebruge.

Comment le Comte de Cantebruge partit d'Angleterre, pour aller en Portugal, & comment le Duc de Lanclastre s'en alla sur la marche d'Escoce: pour faire tréues avec les Escoçois.

CHAPITRE

LXXIII.

LE Duc de Lanclastre ordonna toutes ses besongnes, & departit du Roy, & de ses freres, & au congé prendre du Duc de Cantebruge son frere, il luy iura par sa foy, que loyaument, luy retourné d'Escoce, il ordonneroit tellement ses besongnes, qu'il le suyuroit hastiuement, voire si plus grand empeschement, qu'il ne veoit encores estre apparent en Angleterre, n'y aduenoit. Sur cest estat se departit le Duc de Lanclastre, & prit le chemin d'Escoce, & cheuauchoit tant-seulement luy & les gens de son hostel.

Encores en ce parlement, fait dernièrement à Londres, fut ordonné messire Héry de Percy, Côte de Northombelande, à estre gardien de toute la terre de Northombelande, & de l'Euesché de Duièmes, rétrât iusques en Galles, & à la riuere de Sauerne. Si se departit de Lódres, pour aller celle part, mais ce fut quinze iours apres que le Duc de Lanclastre fut departy. Aussi se departit du Roy, & du Côte de Bouquinguā, son frere le Côte de Cantebruge, pour aller au voyage, qu'il auoit entrepris. Si feit faire ses pourueances à vn port sur mer, en la Comté de † Larguefiere, & s'en vint là tout premieremēt & emmena avec luy sa femme, Madame Ysabel, & son fils Iehan, & estoit son intention telle qu'il les meneroit en Portugal. Laquelle intention il accōplit. Avec le Côte de Cantebruge estoient plusieurs seigneurs, c'est assauoir messire Mathieu de Gournay, Cōnestable de l'ost, messire le Chanoine de Roberfac, messire Iehan de Chasteau neuf, messire Guillaume de Beauchamp, Marechal de l'ost, le Souldic de l'Estrade, le Seigneur de la Barriere, le Seigneur de Challebor, messire Guillaume Helmō, messire Thomas Simō, Nielles de Widesor, messire Iehan de Chāderut, & plusieurs autres, & estoit là vne quāti

té de plusieurs Gens-d'armes, mōtāt à cinq cens, & autāt d'Archers. Si vindrent ces Seigneurs & leurs gēs à Pleumonde, & là se logerent es villages d'environ, pour attendre, vent, & chargerent leurs vaisseaux petit à petit, & ne deuoient passer nuls cheuaux (car le chemin est trop lōg, d'Angleterre iusques à Lissebonne en Portugal) & estoit le Cheualier Portugalois lors en leur compagnie, qui s'en alloit avec eux. Si seiournerent plus de trois semaines sur la mer, en faisant leurs pourueances, & en attendant vent, car ils l'auoient contraire. Ce pendant s'en alloit le Duc de Lanclastre vers Escoce, & fit tant par ses journées, qu'il vint en la ciré de † Beruic, qui est la dernière ville, delez le costé d'Angleterre. Quand il fut là venu, il s'arresta, & enuoya vn Héraut en Escoce deuers les Barons, & leur manda qu'il estoit là venu, pour tirer sur la Marche (ainsi qu'usage auoit eu au temps passé) & s'ils se vouloient tirer auant, qu'il luy fust signifié: autrement il sauoit bien qu'il en auoit à faire. Le Héraut du Duc se partit de Beruic, & cheuaucha vers Haindebourg, ou le Roy Robert d'Escoce, le Comté de Donglas, le Comte de la Mare, le Côte de Moray, & les Barons d'Escoce estoiet tous ensemble. Car ils auoiet ia entendu que le Duc de Lanclastre venoit celle part, pour traiter à eux, & pource s'estoiet ils mis en la souueraine ville d'Escoce, sur les frontieres d'Angleterre, tous ensemble, & ainsi les trouua le Héraut d'Angleterre tous ensemble. Lequel Héraut estoit enuoyé de par le Duc de Lanclastre, & fit son message bien à point, & fut bien & volontiers ouy, & eut belle response de par les Seigneurs d'Escoce, qui luy dirent ainsi, que volontiers orroyent le Duc parler. Sir rapporta le Héraut saufconduit pour le Duc & ses gens, à

durer tant comme ils seroyent * sur la Marche, & qu'ils parleroyent ensemble, & s'en retourna le Héraut, conforté & pourueu de ses assurances, & puis retourna à Beruich, & monstra tout ce que fait auoir. Sur ce le Duc de Lanclastre se departit de Beruich, mais à son departement il laissa toutes ses pourueances en la ville, & puis prit le chemin de Rosebourg, & là se logea. Lendemain il s'en vint loger en l'Abbaye de † Mamos, sur la riuere (c'est vne Abbaye, qui depart des deux Royaumes, Escoce & Angleterre) & là se tint le Duc & ses gens, tāt que les Escoçois furent venus à la Mombāne,

† Je crain fort que ce mot ne soit point en son vray naturel, mais ie ne vous puis assurer de mieux. Il nōme vne contrée karquesiere au ch. 77 qui peut encor estre cette cy.

† Il y auoit Vvaruich. Mais nostre correction est toute assuee comme nous auōs monstreen quelques autres liures.

* Ann. 10.

† Il a dit Mamos, & Morlane, pour Mōbanne, au ch. 9. † C'est aduertir en genre passif.

à trois petites lieues delà, & quand ils furent venus, le Duc fut t̄ signifié. Si cōmencerēt les traittez & Parlemēs entre les Escoçois, & les Anglois, & durerēt plus de quinze iours

Comment les menues gens d'Angleterre se rebellerent contre les Nobles. CHAP. LXXIIII.

DVrant ces traittez & Parlemens aduindrent en Angleterre tresgrans meschefs & rebellions, & émouuemens de menu peuple, par lequel fait Angleterre fut sur le point d'estre perdue sans recouurer, n'onc Royaume, ne pays, ne fut en si grād auenture, comme elle fut en celle saison, & pour la grande aise & graisse, en quoy le menu peuple d'Angleterre lors estoit, & eleuerent rebellions, ainsi que iadis émeurent en France les Iaques Bons-homs, qui y firent moult de maux, & par lesquelles incidences le noble Royaume de France a esté moult greué. Ce fut vne merueilleuse chose & de pource fondation, dont ceste pestillence commença en Angleterre, & pour dōner exemple à toutes manieres de bōnes gens, i'en parleray, selon ce qui en fut fait, & que de l'incidēce ie fu adōc informé. Vn vsage est en Angleterre, & aussi est il en plusieurs pays, que les Nobles ont grās frāchises sur leurs hōmes, & les tiēnent en seruage, c'est à dire qu'ils doiuent par droit & par coustume, labourer les terres des Gētils-hommes, cueillir les grains, les amener à l'hostel, les mettre en la granche, les battre & les vaner, & par seruage les foins fener, & les mettre en l'hostel, & toutes telles choses, & doyuent toutes ces choses faire, & aussi couper le bois, & le mener à l'hostel & doyuēt iceux hōmes tout ce faire par seruage, aux Seigneurs, & trop plus grāde foison a de telles gens en Angleterre, qu'en d'autres pays, & les Gentils-hommes & les Prelats en doyuēt estre seruis, & par especial en la Cōté de t̄ Kent, d'Excestre, de Souxcestre, & de Bethford, en y a plus, qu'en tout le demourant du monde. Ces méchans gens des contrées deuāt nommées se cōmencerent à eleuer, pour ce qu'ils disoient que l'on les tenoit à trop grande seruitude, & qu'au commencement du monde il n'auoit esté nuls serfs, & que nul ne le deuoit estre, fil ne faisoit trahison enuers son Seigneur, comme Lucifer fit enuers Dieu, mais ils n'auoient pas cel le bataille, car ils n'estoient Anges n'Esprits, mais hōmes, formez à la semblance de leurs Seigneurs, & on les tenoit comme bestes. Laquelle chose ils ne pouuoient plus souffrir, mais ils vouloient estre tout vn, & fils labouroient, ou faisoient aucūs labourages pour leurs Seigneurs, ils en vouloiēt auoir salaire. En ces machinations les auoit au tēps passé grandement mis vn fol Prestre de la Comté de Kent (qui s'appelloit Iehan Valée) & pour les folles parolles il auoit esté mis en prison deuers l'Archeuesque de Cantorbie, par trois fois. Car celuy Iehan Valée auoit d'vsage, les iours du Dimenche, apres la messe, quand les gens issoient du monstier, de s'en venir en la place, & là preschoit, & faisoit le peuple assembler à l'entour de luy, & leur disoit, Bonnes gens, les choses ne peuuent pas bien aller en Angleterre, & n'iront, iusques à tant que biens iront tout de commun, & qu'il ne sera ne villains, ne Gentils-hommes, & que nous serons tous vnīs, & que les Seigneurs ne seront plus grans maistres que nous. Comment l'ont ils seruy? ne pourquoy nous tiennent ils en seruage? nous sommes tous venus d'vn pere & d'vne mere, Adam & Eue. En quoy peuuent ils dire ne monstrier, qu'ils soient mieux Seigneurs que nous? fors par ce qu'ils nous font gagner & labourer ce qu'ils dépendent? Ils sont vestus de veloux & de t̄ camocas, fourrez de vairs & de gris, & nous sommes vestus de pauvres draps, ils ont les vins, les espices, & les bons pains, & nous auons le seigle, & le reget de la paille, & si ne beuons que de l'eau. Ils ont le seiour, & les beaux manoirs, & nous auons la peine & le traual, la pluye & le vent aux champs, & faut que nous viengne, & de nostre labour, ce dont ils tiennent leurs estats. Nous sommes appelez serfs, & si nous ne faisons à present leur seruice, nous sommes batus, & si n'auons souuerain, à qui nous nons puissions plaindre, ne qui en voulist ouir, ne faire droit. Allon au Roy (qui est ieune) & luy remonstion nostre seruitude, en luy remonstrant que nous voulons qu'il soit autrement, ou nous y pouruoyons de remede, & si nous y allons de fait ensemble, toutes manieres de gens, qui sont nommez serfs, & tenus en seruitude, pour estre franchis nous suyuront, & quand le Roy nous verra, on en aura quelque chose par beau, ou autrement de remede on y pouruoyra. Ainsi disoit Iehan Valée par semblables parolles, aux Dimenches, à l'issue des messes, au village, parquoy trop de menues gens l'aimoyent. Les aucuns (qui ne tendoyent à nul bien) disoyent. Il dit vray, & murmuroient, & recordoyent l'vn l'autre aux chāps, ou en allant leur chemin ensemble de village à autre, ou à leurs maisons, Telles choses dit Iehan Valée, & il dit vray. l'Archeuesq̄ de Can-

*Occasō de la se
dition du menu
peuple d'An-
gleterre, contre
les Nobles.*

*† Il y auoit Brē
de peste en vn
seul mot, pour
les deux Cōtés,
suinātes. Mais
sala disant.
kent, d'exsex
& de Souxes
& de Beth-
fōde, m'a fait
asseurer par P.
Verg. et par les
cartes & des-
criptions.
† s'il n'estoit ici
camelos, ou
cramois, ie
ne puis vous di-
re la significa-
tion de ce mot:
si ce n'estoit que
nous appellons
encore camail
qui est vn acou-
strement de re-
ste, semblable à
ceux que portēt
encore noz Do-
cteurs & pre-
stres sur l'epau-
le, & aucune-
fois alātour du
col, passans la
tēte par dedās.
Car en ce tēps
là on vsoit fort
de tels chappe-
rōs, comme lon
trouue par li-
ures & par
plusieurs an-
ciennes peintu-
res.*

Cantorbie (qui en estoit informé) si faisoit prédre Iehan Valée, & mettre en prison deux ou trois mois, pour le chastier, & mieux vauisist q̄ des la premiere fois il eust esté condamné à estre perpetuellement en prison, ou fait mourir, que luy auoir souffert ce qu'il faisoit. Mais l'Archeuesque le voulut deliurer, pource qu'il faisoit cōscience de le faire mourir. Et quand Iehan Valée estoit dehors de la prison de l'Archeuesque, il retournoit à son erreur, comme deuant. De sa parolle, & de ses faits & œuvres, furent aduisez & informez grand nombre de gens en la cité de Londres (qui auoyent enuie sur les riches & sur les Nobles) & commencerent à dire entre eux, que le Royaume d'Angleterre estoit trop mal gouuerné, & qu'il estoit d'or & d'argent dérobé par ceux, qui se nommoient Nobles. Si commencerent ces méchans gens, en Londres, à faire les mauuais, & à eux assembler & rebeller, & signifier à ceux des contrées dessusdites, qu'ils venissent hardiment à Londres, & amenaissent leur peuple, & ils trouueroient Londres ouuerte, & le Commun de leur accord, & feroient tant deuers le Roy, qu'il n'y auroit nul serf en Angleterre. Ces promesses émeurent ceux de la Côté de Kent, † ceux d'Excestre, de Souxcestre, & de Bethford, & des pays d'environ, & se mirent au chemin, & vindrent vers Londres ces méchantes gens, & estoient bien † soixante mille, & auoient vn souuerain Capitaine, qui s'appelloit Wautre Tillier, & avec luy estoient, & de sa compagnie, Iaques Strau, & Iehan Valée. Ces trois estoient tous les souuerains Capitaines, & d'entre eux tous le greigneur estoit Wautre Tillier, & celuy Wautre Tillier estoit vn couueur de maisons de tuille, moult mauuais garson, & grand ennemy des Nobles. Quand ces méchans gens se commencerent à éleuer, † sachez que tous ceux de Londres (exceptez ceux de leur secte) en furent tous effrayez, & eurent conseil le Maieur de Londres & les riches hommes de la ville, quand ils les sentirent ainsi venir de tous costez, qu'ils fermeroient leurs portes, & n'en laisseroyent nuls entrer en la ville, mais quand ils eurent l'affaire tout bié imaginé, ils aduiserent que non feroient, & qu'ils se mettoient en grand péril de tous leurs fauxbourgs ardoir. Si leur ouurirent la ville, * & ils entrerent dedans par troupes, en l'une cent ou deux cens, & en l'autre vingt ou trente, selon que les villes, dont ils venoient, estoient peuplées, & ainsi qu'ils venoient à Londres, ils se logeoient. Mais sachez, de verité, que bien les trois parts de ces gens ne sauoient qu'ils demandoient, ne qu'ils queroient, ains suiuyoient l'un l'autre, ainsi que bestes, & ainsi que les Pastoureaux firent iadis : qui disoyent qu'ils alloient conquerre la Saincte terre, & puis tout alla à neant. Ainsi venoient ces pauvres gens, & ces villains, à Londres, de cent lieues, de soixante, de quarante, de vingt, & de toutes les contrées d'environ Londres, mais la greigneur partie en vint des terres dessusdictes, & demandoient, en venant, le Roy. Les Gentils-hommes du pays, Cheualiers & Escuyers, se cōmencerent à redouter, quand ils sentirent le peuple rebeller, & fils furent en doute, ils auoient raison, car pour moins s'effroye on bien. Si se commencerent à mettre ensemble, au mieux & au plus bel qu'ils peurent. En ce iour, que ces méchans gens de la Comté de Kent venoient à Londres, retournoit de Cantorbie la mere du Roy d'Angleterre, la Princeesse de Galles, qui venoit de pèlerinage. Si fut en trop grande auenture d'estre perdue par eux, car ces méchans gens failloient sur son char, en venant, & luy faisoient moult de desfois, dont la bonne Dame fut en moult grand esmoy d'elle, & mesmes que par la voye ils ne luy feissent violence, ou à ses Damoiselles. Toutesfois Dieu l'en garda, & vint, en vn iour, de Cantorbie à Londres, n'oncques ne s'osa arrester sur le chemin. A ce iour estoit le Roy Richard, son fils, au chastel de Londres. Si y vint la Princeesse, & là trouua le Roy, & delez luy le Comte de Salbery, l'Archeuesque de Cantorbie, messire Robert de Namur, le Sire de Gommegines, & plusieurs autres, qui se tenoyent delez luy, pour la doutance de ces gens, qui se reueilloient ainsi, & ne sauoient qu'ils demandoient, & ceste rebellion estoit bien feue en l'hostel du Roy, auant qu'ils la montraissent, ne que celuy peuple issit hors de leurs lieux, & si n'y mettoit point le Roy de remede, ne de conseil, dont on se peut mout émerueiller. Or afin que tous Seigneurs & bones gens, qui ne veulent que bien, y prennent exemple, pour corriger les mauuais & rebelles, ie vous éclairciray ce faict tout amplement, & ainsi qu'il fut démené,

† Ces nōs estoient encor corrompus mais autrement que par auant.

† Salane dit que vj. m.

† Ceoy n'est que comme une entree & auoement de propos il deduiraplus amplement escha. suiuans.

* Ann. 11.

Des maux, que le peuple d'Angleterre faisoit sur les officiers du Royaume, & comment ils enuoyerent vn Cheualier parler au Roy.

CHAP. LXXV.

Lij

LE Leudy, premier iour de la semaine, à bonne estraine, deuant le iour du Sainct Sacrement, en l'an mil trois cens * quatre vingts & vn, se departirent ces gens, & issirent hors de leurs lieux, pour venir à Lōdres, pour parler au Roy, à fin d'estre tous frācs, car ils vouloient qu'il n'y eust nuls serfs en Angleterre, & s'en vindrent à Saint-Thomas de Cantorbie, & estoit là Iehan Valée (qui cuidoit y trouuer l'Archeuesque dudit lieu, mais il estoit à Londres avec le Roy) Wautre Tillier, & Iaques Strau. Quand ils entreurent en Cantorbie, toutes gens leur firent feste, (car toute la ville estoit de leur sorte) & là eurent conseil & parlement ensemble, qu'ils viendroient à Londres, deuers le Roy, & enuoyeroiēt de leurs gens & cōpaignōs, outre la riuere de Tamise† en Excestre, en Sufford, en la Côte de Bethford, & Stanford, parler au peuple, que tous venissent de l'autre costé à Londres, & ainsi l'ēclorroiēt, & ne leur pourroit le Roy estouper le pas, & estoit leur intention que le iour du Sacremēt, ou lendemain, ils se trouueroyēt tous ensemble. Ceux, qui estoient en Cantorbie, entrerent en l'eglise de S. Thomas, & y firent mout de desfrois, & pillerent & frustrerent la chābre de l'Archeuesque, & disoient, en pillant & portāt hors. Ce Chancelier d'Angleterre a eubō marché de ce meuble, il nous rendra cōpte maintenant des reuenues d'Angleterre, & des grans profits qu'il a leuez depuis le couronnemēt du Roy. Quand ils eurent ce Leudy frustré l'Abbaye de S. Vincent, ils se partirent au matin, & tout le peuple de Cantorbie avec eux, & prirent le chemin de Rocestre, & emmenoient tous les gēs des villages, à dextre & à senestre, & en chemināt & allāt, ils foudroyoient & abbattoient, ainsi que tēpestes, toutes maisons d'Auocats & de Procureurs de la Cour du Roy, & de l'Archeuesque, & n'en auoiēt nulle mercy. Quand ils furent venus à Rocestre, on leur fit grande chere, (car les gēs de la ville les attēdoiēt qui estoient de leur secte) & allerent au chastel. Puis prirent le Cheualier, qui gardien en estoit, & Capitaine de la ville (& se nommoit messire Iehan Mouton) & luy dirēt. Il faut que vous vous en veniez avec nous, & que vous soyez nostre souuerain meneur & Capitaine, pour faire ce que nous voudrons. Le Cheualier s'excusa mout hōnestement, & racompta plusieurs raisons excusantes, s'elles luy eussent peu valoir, mais nenny. Car on luy dit, Messire Iehan, se vous ne faictes ce que nous voulons, vous estes mort. Le Cheualier veoit ce peuple tout forcenē & appareillé de l'occire. Si douta la mort, & obeyt, à eux, & se mit, outre son grē, dedans leur route, car en telle maniere auoient fait ceux des autres contrées d'Angleterre* cōme ceux d'Excestre, de Suffort, de Cātebruge, de Bethford, de Stāford, & de l'Euesché de Waruich iusques à Genōme, & iusques à Lune & auoient mis en semblable obeyssance les Cheualiers & Gētils-hōmes, tels que le Seigneur de † Moylays, vn grād Barō, messire Estiēne de Halles, & messire Thomas de Guisinghen, & les faisoient venir avec eux. Or regardez la grande fortune. S'ils fussēt venus à leur entente, ils eussent destruit tous les Nobles d'Angleterre, & apres, en autres natiōs tous les menus peuples se fussent rebellez, & prenoient piē & exemple sur ceux de Gād & de Flandres, qui se rebelloient contre leur Seigneur. En celle mesme année les Parisiens le firent ainsi, & trouuerēt les maillets de † fer, dōt ils furēt plus de vingt mil, si cōme ie vous recorderay, quand ie seray venu iusques là, mais nous poursuuyrons à parler premieremēt de ceux d'Angleterre. Quād ce peuple, qui estoit logé à Rocestre, eut fait ce pourquoy ils estoient là venus, ils se departirēt, & passerēt la riuere & vindrēt à Bransforde, & tousiours tenoiēt leur opinion d'abbatre, à dextre & à senestre, deuant eux, les maisons & hostels des Auocats & des Procureurs, & couperent, en venant, à plusieurs hōmes la teste, & cheminerent tellement, qu'ils vindrent à quatre lieues de Londres, & se logerent sur vne montaigne, qu'ō appelle au pays * Blācquehede, c'est à dire en François la noire brineu, & disoiēt en venāt qu'ils estoient au Roy, & au noble Cōmun d'Angleterre. Quand ceux de Londres seurent qu'ils estoient si pres d'eux logez, ils fermerēt leurs portes du pōt de la Tamise, & y mirent gardes, & ceste ordōnance fit faire le Maire de Londres, Sire † Iehā Waulourde, & plusieurs riches Bourgeois de Lōdres, qui n'estoiēt pas de leur secte, mais il y en auoit dedās Lōdres plus de trēte mille. Adōc eut aduis celuy peuple (qui estoit logé sur la mōtaigne de Blācqhede) & enuoierent leur Cheualier parler au Roy, & que tout ce qu'ils faisoient, estoit pour luy, * car le Royaume d'Angleterre, par grans foisons d'années, auoit esté gouuerné au deshōneur du Royaume & dōmage cōmun du peuple menu, par ses oncles & par son Clergé, & principalemēt par l'Archeuesque de Cantorbie, son Chācelier, dōt ils vouloiēt auoir cōpte. Le Cheualier n'osa dire ne faire du cōtraire, qu'il ne venist sur la Tamise aupres de la Tour, & se fist nager

† il y auoit ici en execes en fouxces en la Côte de Stāfort & de Bethfort : que iay racountrees selon les cartes et descriptions cōme au cha. precedent, estāt Souxces estre qui pouoit estre en ce lieu Souxces, deçà la Tamise.

* Ann. 13.

† Possible que ces trois surnōs sont corrompus mais quād, i'en seroye assēuré, ie ne trouue par qui les redrecer

† Les Cron. & Ann. de Fr. disent de plōb.

* Ann. 14.

† Guillaume Vualuorth se lon Pol. Verg.

* Anno. 15.

ger outre l'eau. Pendant que le Roy & ceux, qui estoient au chasteil de Londres, desiroient à ouir des nouvelles, & estoient en grande doutance là dedans, veez ey venir le Cheualier au riuage, auquel on fist voye, & fut mené deuant le Roy, qui estoit en vne châtre, & la Princesse, sa mere, estoit delez luy, & ses deux freres, le Comte de Kent, & messire Jehan de Hollande, le Comte de Salbery, le Côte de Waruich, le Comte d'Arqueffuffort, l'Archeuesque de Catorbie, le grand Prieur des Tépriers d'Angleterre, messire Robert de Namur, le Seigneur de Vertain, le Seigneur de Gommegines, messire Henry de Sausselles, le Maire de Londres, & aucuns notables Bourgeois de Londres, qui tous se tenoient delez le Roy. Le Cheualier, messire Jehan Mouton (qui bien fut connu entre eux, car il estoit officier du Roy) se mit à genoux deuant luy, & luy dit, Mou trefredouté Seigneur, ne vueillez pas prendre à déplaisance le message, qu'il me conuient faire. Car, cher Sire, c'est par force, que ie suis venu si auant. Nenny, messire Jehan. Dites ce, dont vous estes chargé. Je vous tien pour excusé. Trefredouté Sire, le commun de vostre Royaume m'enuoye deuers vous, pour vous prier que vueillez venir parler à eux, sur la montaigne de Blanequehede. Car ils ne desirent nully auoir, que vous, & n'ayez point doute de vostre personne. Car ils ne vous feront ia mal, & vous tiennent & tiendront tousiours à Roy, mais ils vous monstrent (ce dient ils) plusieurs choses (qui vous seront moult necessaires à entendre) quand ils parleront à vous. Lesquelles choses ie ne suis chargé de vous dire. Mais, cher Sire, vueillez moy donner responce, telle que ie les appaise, & qu'ils sachent de verité que i'aye esté deuers vous. Car ils ont mes enfans en hostage, pour moy retourner vers eux, & les feroient tantost mourir, si ie ne retournoye à eux. Adonc respondit le Roy. Vous aurez responce tantost. Adonc se conseilla le Roy, & demanda quelle chose estoit bonne à faire. De ceste responce & requeste le Roy fut adonc conseillé, que le leudy matin ils veinssent aual sur la riuere de Tamise, & que sans faute il iroit parler à eux. Quand messire Jehan Mouton ouit ceste responce, il n'en demanda plus & prit congé du Roy & des Barons. Puis retourna en son vaisfel, & repassa la Tamise, & retourna vers la montaigne, ou il auoit laissé plus de soixante mille hommes, & leur donna responce que lendemain au matin ils enuoyassent leur conseil sur la Tamise, & que le Roy viendroit parler à eux. Ceste responce leur pleut grandement, & s'en contentèrent, & passerent la nuit, tout au mieux qu'ils peurent, & sachez que la quarte part d'eux ieusnerent, par deffaut de viures. Car ils n'en auoyent nuls, dont ils estoient tous courroucez, & aussi c'estoit raison. En ce temps estoit le Côte de Bouquinguam en Galles, (car il y tenoit de beaux heritages & grans, à cause de sa femme, qui fut fille au Comte de Northombelande & de Herford) mais la voix estoit toute comune parmy Londres, qu'il estoit avec ce peuple, & disoient les aucuns, pour certain, qu'ils l'auoient veu, pource qu'il y auoit vn Thomas (qui trop bien luy ressembloit qui estoit de la Côte de Cantebrugge. Quant aux Barons d'Angleterre (qui gisoient à Pleumonde, pour appareiller les vaisseaux, pour aller en Portugal) ils estoient tous informez de ceste rebellion, & du peuple qui se commençoit à eleuer. Si se doubterent que leur voyage n'en fust rompu, ou que le Commun d'Angleterre (come de Hâtonne, de Wilcestre, & d'Arondel) ne leur veinssent courir sus. Si desancrerent leurs nefes, & issirent hors du haure, à grande peine (car le vent leur estoit fort contraire) & se bouterent en la mer, ou ils ancrerent, attendant le vent. Le Duc de Lâclastre (qui estoit sur la Marche, entre la Mortuane, Rosebourg, & Maurez, & qui parlementoit aux Escocois) estoit aussi tout informé de ceste rebellio, & de sa personne en grand doute, car bien sauoit qu'il estoit petitement en la grace de la comune du Royaume d'Angleterre. Mais, nonobstant toutes ces choses, il demenoit moult sagement ses traittez enuers les Escocois, le Côte Dôglas, le Côte de Moray, le Côte de Sutirlant, le Côte de Mare & Thomas de Verly, & ces Escocois (qui pour le Roy & le pays faisoient & menoiert ces traittez) sauoient bien toute la rebellion d'Angleterre, & comment le peuple de toutes pars se commençoit à rebeller contre les Nobles. Si disoient qu'Angleterre estoit en grand branle & peril d'estre destruite, & vous dy qu'en leurs traittez ils se tenoient plus fors enuers le Duc de Lanclastre & son Conseil. Or parlerons nous du Commun d'Angleterre, & comment il persuera.

Comment le Commun d'Angleterre entra dedans Londres, & des grans maux & outrages, qu'il y fit & de la mort de l'Archeuesque de Catorbie, & de plusieurs autres. CHAP. LXXVI.

Quand ce vint le iour du Sainct Sacrement au matin, le Roy Richard ouit messe en la Tour de Londres, & tous les Seigneurs, & apres il entra en sa barge, accom-

† Entendez frere du Roy par sa mere.

Message des mutins d'Angleterre à leur Roy

Responce du Roi Richard au messenger des mutins.

† Il a dit Mōbanne & Mauros, pour Maurez sur la fin du ch. 73 & pense que c'est Abbaye que Maior nomme Melros.

paigné du Comte de Salbery, du Comte de Waruich, du Comte de Suffort, & d'aucuns Cheualiers, & nagerent à riue, pour venir contre la Tamise, sur le riuage, en allant vers le Rideride, vn manoir du Roy, auquel auoit plus de dix mille hommes, qui estoient descendus de la montaigne, pour veoir le Roy, & parler à luy. Quand ils virent la barge du Roy venir, ils commencerent tous à huer, & demener vn si grand cry, qu'il sembloit proprement que tous les diables d'enfer fussent descendus en leur compaignie & vous dy qu'ils auoient amené messire Iehan Mouton, leur Cheualier, avecques eux, à fin, que, se le Roy ne fust venu, & qu'ils l'eussent trouué en Bourde, ils l'eussent detrenché pièce à piece. Tout ce luy auoient ils promis. Quand le Roy & les Seigneurs virent celuy peuple qui ainsi se demenoit, il n'y eut si hardy, ny asseuré, qui n'eust paour, & n'eut pas le Roy conseil des Barons, qui là estoient, qu'il prit terre, mais commencerent à vaucrer la barge amont, & aual, sur la riuere. Que voulez vous (dit le Roy) ie suis cy venu, pour parler à vous. Ils luy dirent d'une voix, ceux qui l'entendirent. Nous voulons que tu viennes sur la terre, & nous te remonstrerons & dirons tout aisément ce qu'il nous faut. Adonc respondit le Comte de Salbery pour le Roy, & leur dit, Seigneurs, vous n'estes pas en arroy, ny ordonnance, que le Roy doye parler à vous. A ces mots il n'y eut plus riens dit, & fut le Roy cōseillé de s'en retourner, & s'en retourna au chasteil de Londres, dont il estoit parti. Quand ces gens virent qu'ils n'en auroient autre chose, si furent tous enflambez d'ire, & retournerent en la montaigne, ou le grand peuple estoit & recorderent comment on leur auoit respondu, & que le Roy s'en estoit retourné en la tour de Londres. Adonc crierent tous à vne voix. Allon tost à Londres. Lors se mirent ils au chemin, & faulerent sur Londres, en foudroyant & abbattât manoirs d'Abbayes, d'Auocats, & de gens de Court, & vindrent es faux bourgs de Londres (qui sont grâs & beaux) & y abbattirent plusieurs beaux hostels, & par especial, abbattirent les prisons du Roy (que lon dit les Marchaucies) & furēt tous les prisonniers deliurez, qui estoient dedās, & firēt en ces fauxbourgs mout de desfrois, & menassoient, à l'étrée du pōt, ceux de Londres (pource qu'ils auoient clos les portes du pont) & disoient qu'ils feroient ardoir tous les fauxbourgs, & conquerroient Londres par force, & le feroient bruller, & destruiroient tout. Quand à la Commune de Lōdres, moult y en y auoit qui estoient de leur accord, & se mirēt ensemble, & disoient. Pourquoi ne laisse l'on ces bones gens entrer en la ville? Ce sont noz gēs, & tout ce qu'ils font, c'est pour nous. Adōc cōuint que les portes fussent ouuertes. Si enrrent ces gens dedans tous effrayez, & se bouterent tantost parmy les maisons, bien pourueues de belles pourueances, & s'ils taschoient au boire & au manger, on ne leur nioit riens, mais estoit appareillé, & ne taschoit on qu'à leur faire bonne chere, & à mettre auant viures & boires, pour eux appaiser. Adonc s'en allerent les Capitaines, Iehan Valée, Jaques Strau, & Wautre Tillier, tout droit parmy Londres, en leur compaignie plus de vingt mille hommes, à l'Hostel de Sauoye (au chemin de Westmonstier, le Palais du Roy) vn tresbel hostel, seant sur la Tamise, & estant au Duc de Lanclastre. Tantost ils entrerent dedans, & tuerent les gardes, qui dedans estoient, & firent tout bruller. Quand ils eurent fait celuy outrage, ils ne se tindrent pas à tant, mais s'en allerent en la maison de l'Hospitalerie de Rodes (qu'on dit S. Iehan de Carmulle) & ardirent maison, hospital, & monstier. Avec tout ce, ils allerent de rue en rue, & tuerent tous les Flamens, qu'ils trouuerent en eglises, en monstiers, en maisons, & par tout, ne nully en ce cas n'estoit répit de mort, & efforcerent plusieurs maisons de Lōbars, & prirent des biens, qui dedans estoient, à leur volonté (car nul n'osoit aller au deuant) & tuerent en la ville vn riche homme, qu'on appelloit Richard Lyō, auquel du temps passé en Frâce, Wautre Tillier auoit esté varlet. Mais Richard Lyon auoit battu vne fois ce varlet, dōt luy en souuint, & luy mena ses gēs, & luy fit couper la teste deuant luy, puis mettre au bout d'une lance, & porter parmy les rues de Lōdres. Ainsi se demenoit ce méchant peuple, comme gens forsenez & enragez, & firent ce Ieudy moult de desfroy parmy la cité de Londres. Quand ce vint sur le soir, ils s'en vindrent tous loger & amesnager en la place, qu'on dit Sainte-Catherine, deuant la Tour & le chasteil de Londres, & disoient que iamais de là ne partiroyent, iusques à ce qu'ils auroient eu le Roy à leur volōté, & leur auroit accordé tout ce qu'ils vouloient, cōme de cōpter au Chancelier d'Angleterre, & sauoir que les grans auoirs, qu'il auoit leuez parmy le Royaume, estoient deuenus, & s'il n'en rendoit bon compte & suffisant, à leur plaissance, seroit mal pour luy. Sur cest estat qu'ils eurent tout le iour fait parmy Londres aux estrangers des

maux

Arrogantes & outrageuses paroles des mutins d'Angleterre, au Roy Richard

Les mutins satis des faux-bourgs de Londres.

Les portes de Londres ouuertes aux mutins & des excès, qu'ils y firent, le iour de la feste Dieu 1381. comme dessus.

maux, ils se logerent deuant la tour. Si pouuez bien croire & sauoir que c'estoit grand pitié pour le Roy, & pour ceux, qui dedans avecques luy estoient. Car aucunefois ces méchans gens huoient si haut, qu'il sembloit que tous les diables fussent en eux. Sur le soir auoient eu en conseil le Roy d'Angleterre, ses freres, & ses Barons, qui en la tour estoient, par l'aduis de messire Iehan † Valourde, Maieur de Londres, & d'aucuns Bourgeois notables & riches, que sur la nuit on viendroit, parmy les rues de Londres, courir tous armez sur ces méchans gens (qui estoient soixante mille hommes (ce pèdant qu'ils dormiroient. Car ils seroient tous yures & en tueroit on autant comme de mousches (car de vingt il n'y en auoit pas vn armé) & vous dy que les bonnes gens de Londres estoient bien aises de ce faire. Car ils auoient en leurs maisons secrettement † repeu leurs amis & leurs varlets: qui estoient armez, Aussi messire Robert Canolle estoit en son hostel & gardoit son tresor, à plus de six vingts Compaignons, tous apprestez: qui tantost fussent faillis auant. Aussi fut messire Perducas d'Albreth (qui pour ce temps estoit à Londres) & se fussent bien trouuez enuiron huit mille hommes tous armez. Mais il n'en fut riens fait: car on douta trop le demourant du Cōmun, estant en ladite ville de Londres: & disoient les sages au Roy, le Comte de Salbery & les autres, Sire, si vous le pouuez appaiser par belles parolles, c'est le meilleur & le plus profitable: & leur accordez tout ce, qu'ils demandent liement: car se nous commençons chose que nous ne peussions acheuer, il n'y auroit point iamais de recouurer, que nous & nos hoirs ne fussions deserts, & Angleterre toute deserte. Celuy conseil fut tenu, & contremandé le Maire, qu'il se tint tout quoy, & ne fit nul semblent d'émouuement. Il obeit comme raison estoit. En la ville de Londres avec le Maire à douze Escheuins: dont les neuf si estoient pour luy & pour le Roy (si comme ils le monstrent) & les trois de la secte de ce méchant peuple: si cōme il fut depuis seu & cognu: dont ils le comparerent depuis moult chèrement. Quand ce vint le Vendredy au matin ce peuple (qui estoit logé en la place deuant Sainte-Catherine, pres la Tour) se commencerent à appareiller, & à crier moult haut, & à dire que, se le Roy ne venoit parler à eux, ils assailliroient le chastel, & le prendroient de force, & occiroient tous ceux, qui dedans estoient. Or douta le Roy ces paroles & menasses: & eut cōseil qu'il istroit, pour parler à eux: & leur enuoya dire qu'ils se tirassent tous au dehors, en vne place qu'on dit la Milliande, au milieu d'une moult belle prée, ou les gens se vōt ébattre en Esté: & là leur accorderoit & octroyeroit le Roy tout ce: & fit on crier, de par le Roy, que ceux, qui voudroient parler à luy, allassent en la place dessus dite: car le Roy iroit sans faute. Adonc se commencerent à departir ces gens des Communes des villages, & eux traire & aller celle par: mais tous n'y allerent pas: & n'estoient pas tous d'une condition: car il y en auoit plusieurs, qui ne demandoient que la † richesse, & la destruction des Nobles, & de Londres, à estre toute courue & pillée: & c'estoit la principale matiere pourquoy ils auoient encommencé: & bien le monstrent. Car (si tost que la porte du chastel fut ouuerte, & que le Roy en fut issu, & ses deux freres, & le Comte de Salbery, le Comte de Waruich, le Comte d'Aquessuffort, messire Robert de Namur, le Sire de Vertaing, le Sire de Gōmegines, & plusieurs autres) Wautre Tillier, laques Strau, & Iehan Valée, & plus de quatre cens, entrerent dedans le chastel & l'efforcerent & saillirent de chambre en chambre, & trouuerent l'Archeuesque de Cantorbie (qu'on appelloit Symon) vaillant homme & preud'homme, Chancelier d'Angleterre: lequel auoit nagueres fait le diuin seruice & office, & célébré messe deuant le Roy. Il fut pris de ces gloutons, & décolé. Aussi fut le grand Prieur de Saint-Iehan, & vn Frere-mineur, maître en Médecine (lequel estoit au Duc de Lancastre, & fut occis en despit de son maître, & vn Sergent d'armes, appelé Iehan Laige: & leur quatre testes furent mises en longues lances: & les faisoient porter deuant eux, parmy les rues de Londres: & quand ils en eurent assez ioué, ils les mirent sur le pont de Londres: comme s'ils eussent esté trahistres au Roy & au Royaume. Encores entrerent les gloutons en la chambre de la Princesse: & dépecerent son liêt: dont elle fut si épouuantée, qu'elle s'en pasma: & fut de ses varlets & chambrières prise entre leurs bras, & apportée sur le riuage, & mise en vn bateau, & là courue & amenée en l'hostel qu'on dit la Garderobbe de la Roïne: & là se tint tout le iour & la nuit, ainsi qu'une femme demie morte, tant qu'elle fut confortée du Roy son fils: ainsi comme ie vous diray cy-apres.

† Il a mis
Vvalourde
au chapitre
precedent.

† Pent estre que
receuy seroit
aussi bon.

Ce que firent en
core les mutins
à Londres len-
demain de la
feste Dieu.

† Possible que
ruine y seroit
aussi bon.

Le Chancelier
d'Angleterre
Archeuesque
de Cantorbie,
pris & tué par
les mutins.

Comment les Nobles d'Angleterre furent en tresgrand peril d'estre destruits: & comment trois principaux Capitaines des rebelles furent punis, & leurs gens renuoyez en leurs maisons.

CHAP.

LXXVII.

Le Roy d'Angleterre accorde aux mutins toutes leurs demandes.

† Je pense que c'est ce qu'il a nommé Genomme, au chap. 75. & fait presupposer que le Roy pensast que tous ceux qu'il nomme icy, fussent ia en ceste assemblée, cōbien que non fussent, cōme lon voit tantost. † Il a souuent usé de ce verbe frustrer, de puis ceste mutinerie de serfs. Mais ie doute qu'il ne soit veu de la corruption de fureter, c'est adire, chercher de roing en roing, & par ar, ainsi le furet arche le mail.

Comme le Roy venoit en celle place, qu'on dit la Milliande au dehors de Londres, s'emblèrent de luy pour la doutance de la mort, & se bouterent hors ses deux freres de sa route, le Comte de Kent & messire Ichā de Hollāde. Aussi fit le Sire de Gōmegines (qui s'en alla avec eux) & ne s'oserent monstrier au peuple en celle place de Milliande. Quand le Roy s'en vint, & les Barons dessus nommez en sa compagnie, en la place de la Milliande, il trouua plus de soixante mille hōmes de diuers lieux des villages, & des contrées d'Angleterre: & se mit tout parmy eux: & leur dit tout doucemēt. Bonnes gēs, ie suis vostre Roy & vostre Sire, Que vous faut il? Que voulez vous dire? A donc respondirent ceux, qui l'entendirent: & dirent, Nous voulons que tu nous affranchisses à tous les iours du monde, nous noz hoirs & noz terres: & que nous ne soions appelez serfs ne tenus en seruage. A donc dit le Roy, Ie le vous accorde. Retirez vous en voz maisons, & en voz lieux, ainsi que vous estes cy venus par villages: & laissez de par vous, de chascun village, deux ou trois hommes: & ie leur feray tantost écrire lettres, & sceller de mon seel: qu'ils emporteront avecques eux quittement, ligement, & franchement, & tout ce que vous demandez: & à fin que vous en soyiez mieux confortez & assurez, le vous feray par Sēeschauflēes, Chastēlenies, & par Maireries deliurer mes bannieres. Ces parolles appaiserent grandement le menu peuple, les simples & les nouices, & les bonnes gens qui là estoient venus, & qui ne sauoient qu'ils demandoient: & disoient, C'est bien dit, Nous ne demandons pas mieux. Veez là le peuple apaisé: & se commencerent à retraire dedans la ville de Londres. Encores leur dit le Roy vne parolle, qui moult les contenta, Eutre vous, bonnes gens de Kent, vous aurez l'vne de mes bannieres: & vous aussi ceux d'Excestre, vne pareillement: & aussi ceux de Souxcestre vne: & ceux là de Bethford vne autre: ceux de Cantebruge vne, ceux de † Gernenne vne: ceux de Stāford vne: & ceux de Lune vne autre: & vous pardonne tout ce que vous avez fait, iusques à maintenant: mais que vous suyiez mes bannieres, & que vous retourniez en vos lieux, sur l'estat que j'ay dit. Ils respondirent tous ouy. Ainsi se departit celuy peuple: & retourna dedans Londres: & le Roy ordonna plus de trente cleres ce vendredy: qui escriuiōēt lettres à tout leur pouuoir: & les seelloient & deliuroient à ces gens: & puis se departirent, apres qu'ils eurent ces lettres: & s'en retournerent en leurs nations. Mais le grand yenin demouroit derriere: c'est assauoir Wautre Tillier, Iaques Strau, & Ichā Valée: & disoient que, nonobstāt que ce peuple fut apaisé, si ne se departiroiēt ils pas ainsi: & en auoient de leur accord plus de trente mille. Si demouroient: & ne pressoient point fort à auoir les lettres, ne seaux du Roy: mais mettoient toute leur entente à bouter en tel trouble la ville, que les riches hommes & Seigneurs fussent occis, & leurs maisons † frustrées & pillées: & biē s'en doutoiēt ceux de Lōdres: & à ceste cause se tenoiēt pourueus dedans leurs maisons tout quoyemēt, de leurs varlets & amis, chacun selō sa puissance. Quand celuy peuple fut ce vėdredy apaisé & retrait à Londres, & qu'on leur deliuroit lettres seellées à tous, & qu'ils se partoient si tost qu'ils les auoient, & s'en retournoiēt vers leurs villes, le Roy Richard s'en vint à la Riolle, en la Garderobbe: ou la Roïne, sa mere, estoit toute effrayée. Si la reconforta, ainsi, que bien le seut faire: & demoura avec elle celle nuit. Encores vous vueil racompter vne aduenture, qui aduint, par ces malostrus gens, deuant la cité de Norduich, & par vn Capitaine qu'ils auoient: qu'on appelloit Guillaume Listier: lequel estoit de Stanford. Le propre iour du Sacrement, que ces meschantes gens entrerent en Londres, & qu'ils ardirent l'Hostel de Sauoye, & le monastier & la maison de Sainct-Iehan de l'hospital du temple, & que la prison du Roy (que qu'on dit Mangarte) fut abbattue, & par eux rompue & brisée, & tous les prisonniers deliurez, & qu'ils firent tous ces desrois que vous avez ouy recorder, s'estoient d'autre part assemblez tous ceux, que ie diray: c'est assauoir ceux de Stanford, de Lune, de Cantebruge, de Bethford, & de † Germanie: & c'estant tout ce peuple eleué & assemblé, s'en yenoient vers Londres à leurs compaignons (car ainsi l'auoient ils ordonné) & estoit leur Capitaine vn, qui s'appelloit Listier. En leur chemin ils sarresterent deuant Norduich, & en venant ils faisoient aller avec eux toutes gens: ne nuls vaillans ne demouroient derriere. La cause, pourquoy ils sarresterent deuant Norduich, ie la vous diray,

Ily

Il y auoit vn Cheualier, Capitaine de la ville: qui s'appeloit messire Robert Salle. Point Gentilhomme n'estoit: mais il auoit la grace, le fait, & la renommée, d'estre sage & vaillant aux armes: & l'auoit fait, pour sa vaillance, le Roy Edouard Cheualier. Il estoit de membres le mieux tourné, & le plus fort homme de toute Angleterre. Listier & ses routes s'aduiferent qu'ils meneroient ce Cheualier avecques eux, & en feroient leur souverain Capitaine: à fin d'estre plus crains, & mieux aimez. Si luy enuoyerent dire qu'il veinist au champs, parler à eux: ou ils assauroient la cité, & l'ardroient, Le Cheualier considéra qu'il valoit mieux aller parler à eux, que non pas qu'ils fissent tel outrage. Si monta sur son cheual: & issit tout seul dehors la ville: & vint parler à eux. Quand ils le veirent ils luy firent tresgrand' chère, & l'honorèrent moult, en luy priant qu'il voulsist descendre de son cheual, & parler à eux. Il descendit: dont il fit folie. Quand il fut là descendu, ils l'environnerent: & puis commencerent à traiter bellement & doucement: & luy dirent, Robert, vous estes Cheualier, & vn homme de grand' creance, en ce pais, & de renommée moult vaillant homme: & (quoy que vous soyez tel) nous vous cognoissons bien. Vous n'estes pas Gentilhomme: mais fils d'un villain masson: si comme nous sommes. Venez vous en avecques nous, pour estre nostre maistre: & nous vous ferons si grand Seigneur, que le quart d'Angleterre sera en vostre obeyssance. Quand le Cheualier les ouit parler, ce luy vint à grand contraire (car iamais n'eust fait ce marché) & respondit, en eux regardant moult fellement, Arriere méchans gens, Faux & mauuais trahistres, que vous estes, voulez vous que ie delaisse mon naturel Seigneur, pour telle merdaille, que vous estes? & que ie me deshonnore? L'auroye plus cher que vous fussiez pendus: ainsi que serez: car vous n'en aurez autre fin. A ces mots cuida remonter sur son cheual: mais il faillit de l'estrief: & le cheual s'effraya. Adonc huerent sur luy: & crierent à mort. Quand il ouit ces mots, il laissa aller son cheual: & tira vne belle espée de Bordeaux, que il portoit: & commença à écaroucher, & faire si grand place entour luy, que c'estoit grand' beauté de le veoir: ne nul ne l'osoit approcher. Aucuns l'approchoient: mais de chacun coup, qu'il gettoit, il leur coupoit pié, teste, ou bras, ou iambes. Il n'y auoit si hardy, qui ne le craignist: & fit là celuy messire Robert tât d'armes, que merueille: mais ces méchans gens estoient plus de quarante mille. Si gettoient, lançoient, & tiroiét sur luy, qui estoit tout desarmé: & à vray dire, si eust esté de fer, ou d'acier, si eust il esté force qu'il y fust demouré: mais il en tua douze tous morts, sans ceux qu'il bleça & affola. Finalement il fut mis par terre: & luy decouperent les iambes & les bras: & puis le detrencherent piece à piece. Ainsi finit messire Robert Salle: dont ce fut dommage: & en furent depuis en Angleterre courroucez tous les Cheualiers & Escuyers: quand ils en firent les nouvelles. Le Samedy au matin se departit le Roy d'Angleterre de la Garde-robbe la Royne (qui sied en la Riolle) & s'en vint à Westmontier: & ouyt messe en l'Eglise, & tous les Seigneurs avec luy. En celle Eglise a vne image de Nostre-Dame, en vne petite chapelle: qui fait de grans miracles & de grans vertus, & à laquelle les Roys d'Angleterre ont tousiours eu grand' confiance de creance. Là fit le Roy ses oraisons deuant ceste image: & s'offrit à elle: & puis monta à cheual, & aussi tous les Barons, qui là estoient delez luy: & pouuoit estre environ heure de tierce. Le Roy & sa route cheuaucherent toute la chaussée, pour entrer dedans Londres: & quand il eut cheuauché vne espace, il trouua lieu sur fenestre, pour passer au-dehors de Londres. Ce propre iour au matin, festoient assemblez & cuillis tous les mauuais (desquels Wautre Tillier, Iaqués Strau, & Iehan Valée estoient Capitaines) & venus parlementer en vne place, que l'on dit Senuteville (ou le marché de cheuaux est le Védredy) & là estoient plus de vingt mille, tous d'une alliance: & encores en y auoit il beaucoup en la ville: qui se desiuoient par les tavernes, beuuoient à la galuache, & à la maluoisie, sur les Lombars: & rien n'en payoient: & estoit heureux, qui leur pouuoit faire bonne chiere. Or auoient ces gens, qui là estoient assemblez, les bannieres du Roy (qu'on leur auoit baillées le iour de deuant) & estoient sur vn propos ces gloutons de courir Londres, & la robber & piller ce mesme iour: & disoient les Capitaines. Nous n'auons riens fait. Ces franchises, que le Roy nous a données, nous portent trop peu de profit: mais foyons tous d'un accord, que nous courions ceste grosse ville, riche & puissante, de Londres, auant que ceux d'Excestre, de Suffort, de Cantebruge, de Bethfort, * de Waruich, de Redinghes, de Karquefiere, d'Acquessuffort, & les autres contrées estranges, d'Arondel, de Guillenorde, de Corontyé, de Lune, de Stanford, de Germenie, de Lincole, d'Yorch, & de Duremmes, icy Karquiere

*Ce que fait vne
autre assemblee
de mutins de-
nant Nordwich
le propre iour
du sacrement:*

*Robert Salle ca-
pitaine de Nor-
dwich tué par
les mutins.*

*Ce que firent en-
cores les autres
mutins à Lon-
dres le samedy
prochain d'a-
pres le sacre-
ment.*

*† Je ne say s'il
veut point dire
godale, qui est
vne espee de
ceruoise ou de
biere.*

** Annot. 16.
† Verard dit*

viennent. Car tous viendront: & si say bien que Vaquier & Listier si les ameneront: & se nous sommes au dessus de Londres, de l'or & de l'argent, que nous y trouuerons, & des richesses, qui y sont, nous aurons pris premier: ne ia ne nous en repentirons: car, se nous les Laissons, ceux, qui viennent, les nous toudront. A ce conseil estoient tous d'accord: quand voicy venir le Roy en celle part, acompaigné de soixante cheuaux: & ne pensoit point à eux: & cuidoit passer outre, & aller son chemin, & laisser Londres. Ainsi qu'il estoit deuant l'Abbaye de Saint-Berthelemy (qui là est) il regarda ce peuple. Le Roy sarresta & dit qu'il n'iroit plus auant iusques à ce qu'il feust qu'il leur falloist: & fils estoient troublez il les rappaiserait. Les Seigneurs, qui delez luy estoient, sarresterent: cōme raison estoit: puis qu'il sarresta. Quād Wautre Tillier vit le Roy, qui estoit arresté, il dit à ses gens, Veez là le Roy. Je veux parler à luy. Ne vous mouuez d'icy, se ie ne vous signe: & leur fit vn signe, disant: Quād vous verrez que ie feray tel signe, si venez auāt, & occiez tout fors le Roy. Mais au Roy ne faites nul mal. Il est ieune. Nous en ferōs nostre volonté: & le menerōs par tous ou nous vouldrōs en Angleterre: & serons Seigneurs de tout le Royaume, sans nulle doute. Là auoit vn pourpointier de Londres: qu'on apelloit Iehan Ticle: qui auoit apporté & fait apporter bien soixante pourpoints: dont aucuns de ces gloutons estoient reuestus. Si luy manda Iehan, Sire, qui me payera de mes pourpoints? il me faut bien trente mars. Appaise toy (respondit Tillier) Tu seras encores bié payé aujourd'huy. Tien t'en à moy. Tu as crédit assez. A ces mots il esperonna vn cheual, sur quoy il estoit monté: & se partit de ses compaignons: & vint droitement au Roy, & si pres de luy, que la teste de son cheual estoit sur la queue de celui du Roy, & de la premiere parolle qu'il dit, quand il parla au Roy, il dit ainsi, Roy, vois tu tous ces gens qui sont là? Ouy (dit le Roy) pourquoy le dis tu? Pource qu'ils sont tous à mon commandement: & m'ont iuré foy & loyauté, en tout ce que ie voudray. A la bonne heure (dit le Roy) Je veux bien qu'il soit ainsi. Adonc dit ledit Tillier (qui ne demandoit que riote) Et cuides tu, Roy, que ce peuple (qui là est, & autant à Londres, & tout à mon commandement) se doye partir pour toy ainsi, sans emporter tes lettres? Nenny. Nous les emporterons deuant Nous. Mais (dit le Roy) il est ainsi ordonné. Il les faut faire deliurer l'une apres l'autre. Compains, retirez vous tout bellement deuers voz gens: & puis les faittes retraire dedans Londres: & soyez paisibles: & pensez de vous: car c'est nostre entente que chacun de vous, par villages & Maireries, aura sa lettre: ainsi comme dit est. A ces mots Wautre Tillier getta ses yeux sur vn Escuyer du roy: qui estoit derriere le roy, & luy portoit son espée: & hayoit celui Tillier grādemēt l'Escuyer: car autrefois il auoit eu paroles à luy: & l'auoit l'Escuyer iniurié. Voire (dit le Tillier) es tu là? Baille moy ta dague. Nō feray (dit l'Escuyer) pourquoy la te bailleray ie? Le roy regarda sur sō varlet: & luy dit, Baille luy, dy, baille luy. Si luy bailla moult enuis: & quād Tillier la prit, il cōmēça à en iouer, & la tourner en sa main: & reprit la parole à l'Escuyer: & luy dit, Baille moy celle espee, Nō feray (dit l'Escuyer) c'est l'espée du Roy. Tu ne vaux pas q tu l'ayes: car tu n'es qu'un garson: & se nous estions toy & moy en telle place, tu ne dirois, ne n'eusses dit ces parolles, pour aussi gros d'or, qus ce monstier est grand. Par ma foy (dit Tillier) ie ne mangeray iamais iusques à tant que i'auray ta teste. A ces mots estoit venu le Maire de Londres luy douzième, montez à cheual, & tous armez deffous leurs cottes, & rompit la presse: & vit comment celui Tillier se demenoit. Si dit en son langage, Gars, comment estes vous si hardy, en la presence du Roy, de dire telles parolles? C'est trop pour toy. Adonc s'affelonna le Roy: & dit au Maire, Mettez là main en luy. Ce pendant que le Roy parloit, celui Tillier auoit parlé au Maire, & dit, Hee Dieu, qu'est ce que iet ay dit ne meffait? qu'est-ce à dire? Voire (dit le Maire: qui ia estoit aduoué du Roy) Garson puant, parles tu ainsi en la presence du Roy, mon naturel Seig? Iamais ie ne veux viure, si tu ne le cōpares. A ces mots il tira vn grand badelaire, qu'il portoit: & frappa ledit Tillier si grand coup, par la teste, qu'il l'abbattit aux piés de son cheual. Si tost comme il sarcheut, on l'enuirōna de toutes parts: parquoy il ne fust veu des assemblées, qui là estoiet, & qui se disoient ses gens. Adonc descendit vn Escuyer du Roy (qui s'appeloit Iehan Standuich) qui tira vne belle espée, qu'il portoit: & là bouta au ventre de ce Tillier: & ainsi fut mort: & adonc s'apparurēt ces méchans gens de l'assemblée: qui s'apperceurēt que leur Capitaine estoit occis. Si commencerent à murmurer ensemble: & dirent, Ils ont occis nostre Capitaine. Allon, allon, occion tout.

A ces mots ils se rengèrent sur la place, par maniere d'une bataille, chacun son arc deuant

Arrogantes paroles de Wautre Tillier, capitaine des mutins de Kent, au roy Richard d'Angleterre.

Wautre Tillier Capitaine des mutins de Kent occis par le Maire de Londres en la presence du roy & à son aduen.

† C'est à dire, outre & plus qu'il ne devoit pour sa seurreté.

uant luy. Là feit le Roy vn grand ioutrage: mais il fut cōuerty en bien. Car, tantost que Tillier fut à terre, il se departit de ses gens, tout seul: & leur dit, Demourez icy Nully ne me suyue. Lors vint il au deuant de ces folles gens (qui s'ordonnoient pour venir vëger leur Capitaine) & leur dit, Seigneurs que vous faut il? Vous n'avez autre Capitaine, que moy. Je suis vostre Roy. Tenez vous en paix. Dont il aduint que la plus grand' partie de ces gens (quand ils ouirent le Roy parler, & le veirent) furent tous honteux, & se commencerent à deffiner: & c'estoient les paisibles: mais les mauuais ne se departirent point: ainçois s'ordonnoyent, & monstroient qu'ils feroient quelque chose. Adonc retourna le Roy à ses gens & leur demanda qu'il estoit bon de faire. Il fut conseillé qu'ils se tire-roient sur les champs (car fuir, n'elongner, ne valloit riens) & dit le Maire, Il est bon que nous facions ainsi: car ie suppose que nous aurons tantost grand confort de ceux de Londres: c'est assavoir des bonnes gens de nostre lez: qui sont pourueus & armez, avec leurs amis, en leurs maisons. Lors, ce pendant que ces choses se demenoient ainsi, cou-roit vne voix & vn effray parmy Londres, en disant ainsi, On tue le Roy, on tue le Roy, & le Maire. Pour lequel effray toutes manieres de bonnes gens, du party du Roy, failli- rent hors de leurs hostels, armez & pourueus: & se tirerent tous deuers † Senuteville, & † il aparaît dit Senutevil- le. sur les champs, ou le Roy s'estoit tiré: & furent tantost sept ou huit mille hommes, ou en- uiron, tous armez. Là vindrēt tous les premiers messire Robert Canolle, & messire Per- ducas d'Albreth, bien accompagnez de bonnes gens, & plusieurs des Escheuins de Londres aussi, à plus de six cens Hommes-d'armes, & vn puissant homme de la ville (qui estoit des † draps du Roy) qu'on appelloit Nicolas Membre: & amena avecques luy vne † Le n'entē poïs ceste parentese, s'il ne veut di- re que cest hom- me fust habillé de la liuree du Roy. grand' route de Gens-d'armes: & tout ainsi comme ils venoient, ils se rangeoient, & se mettoient tous avec luy, à pié, d'une part & d'autre: & d'autre part estoient les meschās gens tous rangez: & monstroient qu'ils se vouloient combattre: & auoient les bannieres du Roy avecques eux. Là fit le Roy trois Cheualiers. L'un fut le Maieur de Londres, messire Iehan Waulourde: l'autre fut messire Iehan Standuich: & le tiers si fut messire Nicole Braule. Adonc parlementerent les Seigneurs, qui la estoient: & disoient, Que ferons nous? Nous voyons noz ennemis: qui nous eussent volontiers occis, s'ils eussent veu qu'ils eussent eu du meilleur. Messire Robert Canolle conseilloit, tout outre, qu'on les alast combattre, & tous occire: mais le Roy ne s'y assentoit nullement: & disoit qu'il ne vouloit pas qu'on fist ainsi: ains dit en ceste maniere, Je vueil qu'on voise requerre nos bannieres: & nous verrons, en les demandant, comment ils se mainriendront. Tou- tesfois, ou par beau, ou autrement, ie les vueil auoir. C'est bien dit, dit le Comte de Sal- bery. Adonc furent enuoyez ces nouveaux Cheualiers deuers eux. Ces Cheualiers leur firent signe, qu'ils ne tirassent point: car ils alloient deuers eux, pour parlementer. Quand ils furent venus si pres, que pour parler & estre ouis, ils dirent, Or escoutez. Le Roy vous mande que vous luy renuoyez ses bannieres: & nous esperons qu'il aura mercy de vous. Tantost ses bānieres furent baillées & apportées au Roy. Encores leur fut là comman- dé, & sur la teste, que, qui auroit lettres du Roy impetrées, il les remist auant. Les aucuns les rapporterent: & non pas tous. Le Roy les faisoit prendre & decirer en leurs presen- ces: Vous deuez & pouuez fauoir, qu'aussi tost que les bannieres du Roy furent rappor- tées, ces méchans gens ne tindrent nul arroy: mais rapporterent la greigneur partie de leurs arcs ius: & puis se derouterent, & retirerent dedans Londres. Trop estoit courrou- cé Robert Canolle de ce qu'on ne leur couroit sus, & qu'on n'occioit tout: mais le Roy ne s'y vouloit consentir: & disoit qu'il en prendroit bien vengeance: ainsi qu'il fit depuis. Ainsi se departirent & degasterent ces folles gens, l'un çà l'autre là: & le Roy, les Sei- gneurs, & leurs routes, rentrerent ordonnément en la ville de Londres, à grand ioye. Pour le premier chemin, que le Roy fit: il vint deuers sa Dame de mere, la Princesse: qui estoit en vn chastel de la Riolle (que l'on dit la Garderobbe la Royne) & là s'estoit tenue deux iours & deux nuits, moult ébahie: & auoit biē raison. Quand elle vit le Roy son fils, elle fut toute réiouye: & luy dit, Ha, ha, beau fils, cōmēt i'ay eu aujourd'huy grand' peine & angosse pour vous! Dont respondit le Roy: & dit, Certes, Madame, ie le say bien. Or vous réiouissez: & louez Dieu: car il est heure de le louer. I'ay aujourd'huy recouuré mon heritage, & le Royaume d'Angleterre: que i'auoye perdu. Ainsi se tint le Roy ce iour, delez sa mere: & les Seigneurs s'en allerent paisiblement chacun en son hostel. Là fut fait vn cry & vn ban, par le Roy, de rue en rue, que toutes gens, qui n'estoient de la nation de Londres, ou qui n'y auoient demouré vn an entier, s'en partissent: & (s'ils fa- † Cri public à Londres, pour faire vider

les mutins hors
de Londres de
par le Roy.

Iehan Valée &
Jaques Strau
Capitaines des
mutins de Kēt
decapitez, &
les autres mu-
tins des lointai-
nes regions reti-
rez.

† La Chaux et
sala les nom-
ment tousiours
ainsi, & croy
qu'aussi faisoit
Froissart luy
mesme: comme
ie le trouue sem-
blablement en
plusieurs vieux
liures d'enuirō
son temps. Mais
quelques plus
delicats l'ont
voulu adoucir.

† Ceste demie
clause, & la se-
cōde clause suy-
uante est éclair-
cie selon le sens
de l'Auteur.

† Il y auoit icy
nommee Au-
lez, mais estāt
certain que
Froissart entēd
de Beruic,
nous auons a-
mendé la fau-
te & éclairci
le passage.

y estoient veus ne trouuez le Dimenche, au soleil leuant) ils estoient tenus comme tra-
histres enuers le Roy: & perdroient les testes. Ce ban fait, & ouy, nul ne l'osa enfreindre:
& se partirent toutes manieres de gens: & s'en allerent, tous déroutez en leurs lieux.
Mais Iehan Valée & Jaques Strau furent rrouuez en vne mesure mussiez, en se cuidant
emblem. Ce qu'ils ne peurent: car de leurs gens mesmes ils furent accusez. De leur prise
fut le Roy & les Segneurs grandement réiouis: car on leur trencha les testes (& à Tillier
aussi) & furent mises sur le pont de Londres: & ostées celles des vaillans hommes, que le
Ieudy ils auoient décolez. Ces nouuelles s'espandirent tantost enuiron Londres, pour
ceux des estranges contrées, qui venoient là, & qui de ces méchans gens mandez es-
toient. Si se retirerent tantost en leurs lieux, sans oser venir plus auant.

*Des tréues d'entre les Anglois & les Escoçois: & comment le Duc de Lancastre se tint en
Escoce durant les rebellions d'Angleterre.*

C H A P. LXXVIII.

O R vous parlerons des tréues, q̄ le Duc de Lāclastre (qui estoit sur les marches d'Esco-
ce, en ces iours q̄ ces rebellions de peuple aduindrent en Angleterre) traittoit aux
† Escots, au Comte de Dōglas, & aux Barōs d'Escoce. Bien sauoiet les Escoçois le con-
uenant d'Angleterre: & aussi faisoit le Duc: mais nul semblant n'en faisoient aux Esco-
çois: ainçois se tenoit il aussi fort en ces traittez, comme si Angleterre fust toute en bon-
ne paix. Tant fut parlementé, & allé de l'un à l'autre, qu'vnes tréues furent prises, à durer
trois ans, entre les Escoçois & les Anglois, & les Royaumes de l'un & de l'autre. Quand
ces traittez furent accordez, les Seigneurs furent l'un deuant l'autre, en eux honorant:
& là dit le Comte de Donglas au Duc de Lancastre, Sire nous sauons bien l'éléuement
& rebellion du menu peuple d'Angleterre, & le peril du Royaume d'Angleterre par
celle incidence. Si vous tenons à moult vaillant & tressage, quand si franchement en
voz traittez vous vous estes tousiours tenu: car nul semblant n'en auez fait, ne monstre.
Si vous difons, & vous offrons, que, si vous auez à besongner de cinq ou six cens Lances
de nostre costé, vous les trouuezerez tantost toutes prestes en vostre seruice. Par ma foy
(respondit le Duc) Beaux Seigneurs, ie vous remercie: & n'y renonce pas. Ie ne cuide
point que Monseigneur n'ait si bon conseil, que les choses ne viennent à bien: & toute-
fois ie veux auoir de vous vn seul saufconduit, pour moy & les miens: pour m'en retour-
ner, ou me tenir en vostre pays (se besoing m'estoit (tant que les choses soyēt appaisees).
Le Comte de Donglas & le Comte de Moray (qui auoient la puissance du Roy) le luy
accorderent legerement. Adonc prirent congé: & se partirent l'un de l'autre. Les Esco-
çois retournerent à Hainbebourg: & le Duc & les siens s'en allerent vers Beruic: & cui-
doit le Duc proprement rentrer en la cité de Beruic (car au passé il y auoit ia laissé ses
pourueances) mais le Capitaine de la cité (qui s'appeloit messire Matthieu Rademen)
luy refusa & cloit la porte, à luy & à ses gens: † & luy dit qu'il luy estoit deffendu de fai-
re autrement. par le Comte ste Northombellāde: qui estoit principal & souuerain, pour
le temps, du Comté de la Marche, de la frontiere, & du pays de Northombellande.
Quand le Duc ouit ces nouuelles, si luy vindrent à contraire & déplaisance. Si luy res-
pondit, Comment, Matthieu Rademen, ya il en Northombelāde souuerain par dessus
moy? tel qu'il ait mis & estably que ie passe, & que ie vous laisse mes pourueances? dont
vient ceste nouuelle? Par ma foy? respondit le Cheualier) Monseigneur, ouy, & de par le
Roy, & ce, que ie vous en fais, c'est enuis: Mais faire le me conuient. Si vous prie, pour
Dieu, que me tenez pour excusé: car il m'est enioindt & commandé, sur mon honneur
& sur ma vie, que point n'y entriez, ne les vostres. Vous deuez sauoir que le Duc de Lā-
clastre fut moult émerueillé & courroucé de ces parolles: & non pas sur le Cheualier
singulierement: mais sur ceux dont l'ordonnance venoit: quand il auoit trauaillé pour
les besongnes d'Angleterre: & on le soupsonnoit tant, qu'on luy cloyoit & denioit la
premiere ville d'Angleterre † de nom, au lez de deuers Escoce: & imagina qu'on luy fai-
soit grand blasme: & ne découuroit mie là tout son courage, ne ce qu'il en pensoit: & ne
pressa plus auant le Cheualier. Car il veoit bien qu'il n'auoit nulle cause de ce faire: car
le Cheualier, sans expres commandement, ne se fust iamais auancé de faire, ne dire, ce
qu'il faisoit: Si issit de ce propos, & en prit vn autre: & luy demanda. Messire Matthieu,
des nouuelles d'Angleterre, en sauez vous nulles? Il respondit, Nenny: fors que le pays
est fort émeu: & a le Roy, nostre Sire, escrit aux bonnes villes, & aux Barons & Cheua-
liers de ce pays, qu'ils soient tous prests de venir vers luy, quand il les mandera: & aux
gardiens & Chastellains des citez, villes, & chasteaux de Northombellande, mandé
estroi-

estroitement, sur la teste, qu'ils ne laissent nully entrer en leurs lieux: & soient bien seurs de ce qu'ils ont en garde: mais du menu peuple qui se rebelle vers Lōdres, ie ne say nulles certaines nouuelles, que ie puisse recorder: fors seulement que les Officiers de † Suffort, de l'Euesché de Lincole, de la Comté de Cantebruge, de Stanford, de Bethfort, & de l'Euesché de Norduich, on escrit que les menus gens de deffous eux sont en grād defir que les choses voient mal, & qu'il y ait trouble en Angleterre. Et de nostre pays (dit le Duc de Lanclastre) d'Erby & de Lecestre, y a il quelque rebellion? Monseigneur (respondit il) ie n'ay point ouy dire qu'ils ayent passé, comme Lincole † & Saint-Iehan de Bumelle. Adonc se pensa le Duc: & prit congé du Cheualier, & retourna le chemin de Rosebourg: & là fut il recueilly du Chastelain: car luy mesme, au passer l'y auoit mis & establi. Or eut le Duc de Lanclastre cōseil & aduis (pource qu'il ne sauoit iustement cōmēt les choses se portoiēt en Angleterre, ne de qui il estoit aimé, ne haï) qu'il signifieroit son estat aux Barōs d'Escocce: & leur prieroit qu'ils le veinsēt querir, à vne quantité de gēs-d'armes, sur le fauscōduit, qu'ils luy auoient baillé. Tout ce cōseil & aduis il enuoya deuers le Côte de Dōglas: qui se tenoit à Dalquest. Quād le Côte vit les lettres du Duc il en eut grand ioyē: & festoya grādemēt le messager: & signifia à celle heure son affaire au Côte de la Moray, & au Côte de Mare, son frere: & leur māda que tātost & sans delay, sur trois iours, eux & leurs gens, montez & apprestez, fussent venus à † Morlame. Si tost que les Seigneurs en furent auertis, ils manderēt leurs gens & leurs amis, les plus prochains: & sē vindrēt à Morlame: & la trouuerent le Comte de Dōglas. Si cheuaucherēt tous ensemble: & estoiet bien cinq cens Lances: & vindrent en l'Abbaye de Mauros, à neuf petites lieuēs de Rosebourg: & rencontrerent sur le chemin, les Barōs d'Escocce † le Duc de Lanclastre. Si s'entraccollerent: & firent grand' chere: puis cheuaucherent ensemble, tout en parlant & deuisant: & exploiterent tant, qu'ils vindrent à Haindebourg: ou le † principal siege du Royaume estoit, & aussi par vsage le Roy d'Escocce sy tenoit (car il y auoit bō chasteil, & bōne grosse ville, & beau haure) mais pour ce iour le Roy n'y estoit point: ainçois se tenoit en la sauage Escocce: & là † couchoit. Si fut du Comte de Donglas & des Barōs d'Escocce, pour plus honorer le Duc de Lanclastre, le chasteil de Haindebourg, deliuré au Duc: dōt il leur feut grand' grace: & là se tint vn temps, & tant que nouuelles vindrēt autres d'Angleterre: mais ce ne fut pas si tost qu'on voulist. Or regardez des malles gēs, & cōment haineux & * losēgers sauacent de parler outrageusement & sans cause. Voix & fame si coururent vn tēps en Angleterre, durant les iours de ces rebellions, que le Duc de Lanclastre estoit trahistre au Roy son Seigneur, & qu'il festoit tourné Escocçois: mais il fut tantost trouué & feu le contraire. Toutefois ces méchans gens, pour mieux courir & troubler le Royaume, & émouuoir le peuple, auoient auancé & semé ces parolles: & ce recognurent ils à la mort, quand ils furent executez.

† C'est assauoir Wautre Tillier, Jaques Strau, Iehā Valée, Vaquier: & Listier: qui par toute Angleterre estoiet tenus les meilleurs & souuerains capitaines des rebelles, & auoiet entrepris qu'es cinq parties d'Angleterre ils seroient maistres & gouuerneurs: & par especial ils auoient en tresgrand' haine le Duc de Lanclastre: & bien le luy monstrent les trois premiers. Car si tost comme ils furent du commencement entrez à Londres, ils luy allerent ardoir sa maison, le bel hostel de Sauoye: qu'oncques n'y demoura † vtenfil: le ne merrain, que tout ne fust ars: & encores, avec tout ce méchef, auoient ils semé, & fait semer, par leurs mauuaises parolles, aual Angleterre, q'il estoit de la partie d'Escocce: dōt on luy tourna, en aucuns lieux d'Angleterre, ses armes, le deffous dessus: comme s'il fust trahistre: & depuis fut si cherement comparé, que ceux, qui ce firent en eurent les testes coupées. Or vous veulx recorder la vengeance, & comment le Roy d'Angleterre la prit de ces méchans gens, ce pendant que le Duc de Lanclastre estoit en Escocce.

Comment le Roy Richard d'Angleterre alla par les villes & villages de son Royaume, en faisant punition de ceux qu'il y trouuoit auoir esté des principaux rebelles & mutins: & comment le Duc de Lanclastre retourna d'Escocce en Angleterre.

CHAP. LXXIX.

Quand ces gens furent rappaisez, * apres que Tillier eut esté executé à mort, & Jaques Strau, Iehā Valée, Guillaume Listier de Stanford, Vaquier & plusieurs autres, à Londres, le Roy eut cōseil qu'il vlsiteroit son Royaume, & cheuaucheroit & iroit par to^s les villages, Bailliages, Mairies, Chastélenies, Seneschauflées, & mettes d'Angleterre, pour punir tous les mauuais, & reprendre toutes les lettres que de force il auoit ia en plusieurs lieux données & accordées: & remettrait le Royaume à son droit point.

M

† Il y auoit ioy de Saus quē ie n'ay point feint de changer selon la deduction precedente, ne trouuant rien de Saus en lien du monde.

† Le ne trouue point cette place ailleurs: & me doute qu'il faut lire ceux de Cantebruge.

† Le fragment du virel exēpl. dit icy Morlame: qui doit estre ce qu'il a nommé Mombanne au chap. 75.

† Ces quatre mors de failloient: & les y auons aionstēz selon le sens de l'Auteur.

† Il y auoit icy ou le Roy estoit. Mais il contredisoit au reste.

† L'ose presque assurer qu'il faut icy chaceoit.

* Annoi. 17.

† Ce passage est éclaircy selō la deduction des chap. precedēs.

† Il y auoit icy exil: pour lequel mot vous pourriez autrement lire cheuille, si l'autre mot ne vous plaist.

* Annot. 18.

*Punition des
principaux mu-
tins de Cōprin-
he en la Comté
de Kent & de
quelques au-
tres parties de
Angleterre.*

Si fit le Roy secret mandement de Gens-d'armes, pour estre tous ensemble à vn certain iour: lesquels y furent tous: & sy trouuerent bien cinq cens Lances, & autant d'archers. Quand ils furēt tous venus & assemblez, ainsi que deuisé estoit, le Roy se partit de Londres, avec tous ceux de son hostel seulement: & prit le chemin, pour venir en la Comté de Kent: de là ou premierement ces méchans gens festoiēt émeus & venus. Ces gēs-d'armes dessus-nōmez poursuuiōiēt le Roy, sur costiere: & ne cheuauchoiēt point avec luy. Le Roy entra en la Cōté de Kent: & vint en vn village, qu'on appelle Cōprinhe: & là fit appeler le Maieur & tous les hommes de la ville. Quand ils furent venus en vne belle place, le Roy leur fit dire, & remonstrecr aussi, par vn homme de son Conseil, comment ils auoient erré encontre luy, & festoient mis en peine de tourner toute Angleterre en tribulation & en perte: & pource qu'il fauoit bien quil failloit que ceste besongne eust esté faite & encōmencée, par aucuns, & non-pas par tous (dont mieux valoit que ceux, qui l'auoient faite, le cōparussent que tous) il requeroit qu'on luy monstrest les coupables, sur peine d'estre à tousioursmais en son indignation, & tenus & renōmez trahistres enuers luy. Quand ceux (qui là assemblez estoient, ouïrent ceste requeste, & veirēt que les non coupables se pouuoient bien purger & excuser de ce forfait, pour enseigner les coupables, si regarderent entre eux: & dirent, Sire veez cy celui, par qui ceste ville fut premierement troublée & emeue. Tantost il fut pris & pēdu, & en y eut à Cōprinhe de pēdus sept: & furent les lettres demandées, qu'on leur auoit dōnées & accordées, Elles furent là apportées & rendues aux gens du Roy: lesquelles en la presence de tout le peuple, furent decirées & gettées: & dirēt ainsi, Entre vous gēs, qui cy estes assemblez, nous vous cōmādons, de par le roy & sur la teste, que chacun s'en voise en son hostel paisiblement, & ne s'emeue, n'eleue iamais cōtre le Roy, ne ses ministres. Ce meffait cy, par la correction qu'on a prise, vous est pardonné. Adonc respondirent ils, tous d'vne voix, Dieu le vueille meriter au Roy, & à son bon cōseil. En telle maniere que le roy fit à Propinhe, à Saint-Thomas de Cantorbie, à Sanduic, à Germanie, à Cōculle, & ailleurs, fit il par toutes les parties d'Angleterre, ou ses gens estoient rebellez. Si en furent décolez, & pendus plus de quinze cens. Adonc eut le Roy d'Angleterre conseil de remander son oncle, le Duc de Lanclastre: qui estoit en Escoce: car les choses estoient apaisées. Si le mādā par vn siē Cheualier de son hostel, appelé messire Nicole Carnefelle. Le Cheualier exploita tant au cōmandement du Roy, qu'il s'en vint à Haindebourg en Escoce: & là trouua le Duc de Lanclastre, & ses gens: qui luy firent grand chere: & luy monstra ses lettres de creāce, de par le Roy. Le Duc obeit: & ce fut raison: & aussi il retournoit volōtiers en Angleterre, & en son heritage. Si prit son chemin pour venir à Rosebourg, & à son departement il prit congé des Barons d'Escoce: & les remercia de l'honneur, & cōfort qu'ils luy auoiēt fait, tel que de l'auoir soustenü en leur pays, le terme qu'il luy auoit pleu de demourer. Si le reconuoyerent le Comte Donglas, le Comte de Moray, & tous autres Cheualiers d'Escoce, iusques à l'Abbaye de † Maures: & point ne passerent la riuere de Tin, Le Duc de Lanclastre vint à Rosebourg, & de là à Neuf chastel sur Tin, & puis à Duremme & à Yorch: & par tout trouuoit il les villes & citez appareillées: & c'estoit raison. En celuy temps trépāssa ce vaillant Cheualier d'Angleterre, messire Guichard d'Angle, Comte de Hastidonne, & Maistre du Roy. Si fut moult reueremmēt enseuely en l'eglise des Freres-prescheurs de Londres: & là gist: & au iour de son obsequie fut le Roy, ses deux freres, & la Princesse leur mere, & grand' foison de Prelats, de Barōs & de Dames d'Angleterre: & luy firent moult grand honneur: & vrayement le gentil Cheualier valoit bien qu'on luy en fit: car en son temps il eut toutes les nobles vertus, qu'un Cheualier doit auoir. Il fut † lyé, loyal, amoureux, sage, secret, large, preux, hardy, entreprenant, & cheualeureux. Ainsi finit ce messire Guischar d'Angle.

*† Je pense que
c'est Memos,
du ch. 73. Mais
ie suis assēré
de Tin pour
Clin, & de
Duremme
& Yorch
pour Durem
& Norch.
† C'est à dire,
gay & ioyeux
venant de Læ-
tus mot Latin.*

Du mal-talent, que le Duc de Lanclastre conceut contre le Comte de Northombellande, pour le refus qu'on luy auoit fait de luy ouurir Beruic.

CHAP. LXXX.

Quand le Duc de Lanclastre fut retourné d'Escoce en Angleterre, & il eut remonstrecr au conseil comment il auoit exploité des trēues qui estoient prises & accordées entre eux & les Escocois, il n'oublia pas comment messire Matthieu Rademen, capitaine de Beruic (quoy qu'il en excusast le Cheualier) luy auoit clos les portes de Beruic au-deuant, au commandement & ordōnance du Comte de Northōbellande: & dit que ce fait il ne pouuoit oublier: & en parloit le Duc en entēte de sauoir si le Roy, sō neueu l'auouoit. Ce qu'il fit: car il l'auoua: mais il sembla au Duc que ce fut assez mollemēt.

Dont fappaifa le Duc: & attendit la feste Nostre-dame † de Myaouft: que le Roy d'Angleterre tint court solennelle à Westmôtier: là ou furent grād nōbre de nobles & haux Barons d'Angleterre, & tant que le Côte de Northombellandey fut, & le Côte de Northinhen, & grand nōbre des Barons du North: & fit ce iour le Roy Cheualiers le ieune Côte de Pēnebroth, messire Robert Maubé, messire Nicolas Tuiffort, & messire Adam Frāçois: & les fit le Roy à celle entête, qu'il vouloit la feste passée: aller vers † Rodinghes vers Aquesuffort, & vers Cōuētre, & † costoyer toute la frōtiere, & y punir les mauuais: ainsi qu'il fit (pource qu'ils festoient rebellez à l'encōtre de luy) en la maniere qu'il auoit fait en la Côté de Kent, d'Excestre, de Souxcestre, de Bethfort, & de Cantebruge. A ceste feste & solēnité (qui fut le iour Nostre-dame de Miaouft, à Westmonstier, apres disner eut grandes parolles, & grosses, du Duc de Lanclastre au Comte de Northōbelāde: & luy dit, Héry de Percy, ie ne cuidoye mie que vous fussiez si grād en Angleterre, que osassiez faire fermer ne clorre les citez, les villes, ne les chasteaux, à l'encōtre du Duc de Lanclastre, Le Comte s'humilia, en parlant: & dit, Monseigneur, ie ne denie pas ce que le Cheualier en fit. Car ie ne pourroye: car par le commandement, que l'auoye du Roy mon Seigneur, que veez là, il m'estoit trefestroitement enioinct & commandé, que, sur mon honneur & ma vie, ie ne laissasse, ne feisse laisser, nul homme, Seigneur, n'autre, entrer es citez, villes, & chasteaux de Northōbelāde: si n'estoit heritier des lieux, & le Roy (fil luy plaist) & messeigneurs de son Conseil m'en peuuent excuser. Car bien ils sauoient que vous estiez en Escoce: & vous deussent bien auoir reserué. Comment (dit le Duc) Comte de Northōbellande, dictes vous qu'il cōuient reseruatiō sur moy? qui suis oncle du Roy, & qui ay à garder mon héritage autāt bien, & mieux, que nuls des autres n'a, apres le Roy, en Angleterre? & qui pour les besongnes du pays estoye allé en ce voyage? Ceste responce ne vous peut excuser, que vous ne feissiez mal, & contre mon honneur grandemēt, en dōnant exēple & soupçon de moy, que ie vouloye faire, ou auoye fait aucune trahison en Escoce: quand à mon retour on me clouit les villes de Monseigneur: & celle principalement, ou mes pourueances estoient. Pourquoy ie dy que vous vous en acquitastes mal: & pour le blāsme, que vous m'en feistes, & pour moy purger en la presence de Monseigneur, que veez lé, i'en gette mon gage. Or le leuez, Adōc saillit le Roy auant: & dit, Bel oncle de Lāclastre, tout ce, qui en fut fait, ie l'auoue: & repreniez vostre gage & vostre parolle. l'excuse le Côte de Northōbellāde, & parle pour luy. Car estroitement, & sur sa vie, nous luy auions enioinct, & commandé, qu'il tint closes portes & marches des frontieres d'Escoce: & sachez que nostre Royaume a esté en si grand trouble & peril, que, quand vous estiez par-delā, il ne nous pouuoit pas de tout souuenir. Or fut ce la faute du clerc, qui escriuit les lettres, & la negligēce de nostre conseil: car, pour vray dire, vous deussiez bien estre reserué. Si vous prie, & veux que vous mettiez ces maux-talés ius: & ie m'en charge & en décharge le Comte de Northōbellande: Adonc fagenouillerēt, deuant le Duc, le Comte d'Arondel, le Comte de Sallebery, le Côte de Suffort, le Côte de Stanfort, & le Comte de Dulnestre & luy dirent, Monseigneur vous oyez cōment amiablemēt & loyaument le Roy en parle: & vous deuez bien descēdre à ce qu'il dit. Si dit le Duc de Lāclastre (qui estoit enflābé) ie m'ē tairay, Puis se teut: & pēsa vn petit: & fit les Barōs leuer, en les remerciāt: & dit, Beaux Seigneurs, il n'y a nul d'entre vous) se la cause pareille luy fust aduenue, ainsi cōme à moy) qui n'en fut courroucé: mais, puis que le Roy le veut, c'est raison que ie le vueille. Là fut faite la paix du Duc de Lanclastre & du Comte de Northombellande, par les moyens du Roy d'Angleterre & des Barons du pays, qui l'en prierēt. Au second iour alla en son voyage (ainsi que dessus est dit) (es contrées dessusdites: & cheuauchoit bien à cinq cens Lāces, & autant d'Archers: qui le suiuiōēt sur costiere: En ce voyage fit le Roy plusieurs iustices des mauuais: qui contre luy festoiēt rebellez, Nous nous souffrerōs à parler du Roy d'Angleterre: & parlerons du Côte de Cantebruge son oncle: & cōpterons cōment il vint en Portugal.

Comment le Comte de Cantebruge & ses gens arriuerent à Lissebonne en Portugal.

CHAPITRE LXXXI.

Vous auez bien ouy cy-dessus recorder comment le Comte de Cantebruge gisoit au haure de † Pleumonde, à tout cinq cens Hommes-d'armes & cinq cens Archers, & que là attendoient vent, pour aller vers le Royaume de Portugal. Tant furent là, que le vent leur vint, & puis defāncrerent, & se departirent tous d'vne flotte. & singleren-, tout

† Tousfour
1381.

† Je pense que
ces deux villes
soient Reding
et Oxonium,
vulgairement
Oxford, en la
carte, quant à
l'autre elle ap-
proche assez de
Conuentria.
† Il y auoit icy
& scithier:
toute la fron-
tiere, &c. &
en Verard ainsi
& seicher
toute la fron-
tiere. Dont
vous pouvez
voir que che-
cher y pour-
roit estre bon.

Le Roy d'An-
gleterre excuse
le Comte de
Northombelan-
de & le Duc
de Lanclastre.
† Il y auoit icy
Pleuue, que
nous auons re-
mis selō les ch-
pécédés et pen-
se que ce soit ce
que les cartes
escriuent Plin-
mouth en
Cornouaille,
& suivant ce
la ie liroie tan-
tost volontiers
la terre de
Cornouaille
pour Angle-
terre & Cor-
nouaille: com-
bien qu'An-
gleterre soit
vne espediale
partie du roy-
aume d'An-
gleterre, cōme
est auourd'uy
France au roy-
aume de Frāce.

au plus droit qu'ils peurent, vers Lissebonne) ou ils tendoient à aller, & costoyèrent ce premier iour Angleterre & Cornouaille, & le second iour aussi: & au tiers iour ils entre-
rent en la haute mer d'Espaigne. Ils eurent vne dure fortune & tempeste, & tellemēt, que
tous les vaisseaux furent en tresgrand danger, peril, & auenture de mort, & par especial,
ou les Gascōs estoient: c'est assavoir messire Iehā de Chastel-neuf, le Souldic de l'Estrade,
le Sire de la Barde, & environ 40. Hōmes-d'armes, Cheualiers & Escuyers, qui perdirēt
la veuē & la flotte des naues du Côte & des Anglois. Le Côte de Cantebruge, messire
Guillaume de Beauchāp, mareschal de l'ost, messire Matthieu de Gournay, Cōestable,
le chanoine de Roberfac, & les autres passerēt en tresgrād' auēture celle fortune: & sin-
glerēt tant, au vent & aux estoiles, qu'ils entrerēt & arriuerent au haure de la cité de Lis-
sebonne: & incontinent les nouuelles en vindrēt au Roy: qui estoit au Palais, & qui tous
les iours n'attendoit autre chose, que la venue des Anglois. Si enuoya tantost à l'encōtre
d'eux, de ses Cheualiers & de ses ministres: & furent le Côte de Cātebruge & les Cheua-
liers d'Angleterre, & les estrāgers, qui avec luy estoient, moult honnorablement & grā-
dement recueillis & cōuoyez des gens du Roy: & vint le Roy Damp Ferrand au dehors
de son chātel, à l'encontre du Côte: & les recueillit moult honnorablemēt les vns apres
les autres: & les enuoya en son chātel: & fit apporter le vin & les espices: & là estoit Iehā
de Cātebruge, fils du Côte: duquel le Roy de Portugal auoit grād' ioye: & disoit au Côte,
Veez cy mō fils: car il aura ma fille: ce que propremēt estoit: car ils estoient d'un aage.
Si en auoient les enfans grād' ioye: & s'ētretenoient par la main. Ce pēdant que le Roy de
Portugal & ses Cheualiers honoroient le Côte & les Cheualiers estrāgers, se logeoient &
ordōnoient en la ville les autres, qui estoient issus de leurs vaisseaux: & furent tous logez biē
& au large, & à leur aise. Car la cité de Lissebōne est grande, & bien garnie de tous biēs:
& aussi les gēs du Roy de Portugal auoient esté songneux de la biē pourueoir, pour la ve-
nue des Anglois. Si la trouuerent bien pourueue & garnie: & estoient les seigneurs tous
aises & en grād' liesse: mais moult leur souuenoit du Seigneur de Chastel-neuf, du Soul-
dic de l'Estrade, du Seigneur de la Barde, & de leurs gens, qu'ils tenoient perdus sur mer,
ou que fortune de mer les eust boutez si auāt qu'ētre les Mores, au Royaume de Grena-
de & de Belle-marine: parquoy, s'ainsi en estoit auenu, ils les tenoient là aussi bien perdus,
cōme au deuant: & ce leur déplaisoit moult grandemēt: & les regrettoient & plaignoient
duremēt. Au vray dire ils estoient bien à plaindre: car ces Barōs, Cheualiers, & Escuyers,
dessus-nōmez, furent en tant & si dure tempeste, qu'oncques sans mort ne furent en plus
grand dāger, ne peril: & furent & passerēt les destroits des Mores, & les bādes du Royau-
me de Tarmesuines & de Belle-marine: & furent par plusieurs fois en grand' auenture
d'estre pris & arrestez des Sarrazins: & eux-mesmes se cōtoient pour tous morts: & n'a-
uoient espoir de iamais venir à terre, n'à port de salut: & furent 40. iours en ce grād dan-
ger. A la fin ils eurent vn vēt qui les rebouta (vous fissent ou nō) en la mer d'Espaigne. Quād
ce vent leur fut failly: ils ancrerēt, & trouuerēt d'auenture deux grosses nefes: qui s'en ve-
noient (ainsi qu'elles disoient) à Lissebonne, chargées de marchandises, & venoient de
Flandres. Ces Seigneurs tournerent celle part: & bouterent leurs pennons hors: & vin-
drēt à ces nefes de Lissebōne (ou il n'y auoit que marchans dedaus) qui ne furent pas bien
asseurez, quand ils virent ce vaisseau armé, & les armes de Saint-George en plusieurs
lieux. Toutefuoyes, quand ils se recognurent en approchant, ils firent grand feste: mais
ces marchans mirent de-rechef ces Cheualiers en grand peril: & vous diray pourquoy.

† Ces Cheualiers demanderent des nouuelles: & les marchans respondirent que le Roy
de Portugal avecques les Anglois, estoit en Espaigne, & auoit assiegé le Roy de Ca-
stille. De ces nouuelles furent ils moult réiouis, & dirent qu'ils iroient celle part: car ils
estoient aussi sur la frontiere de Seuille. Adonc se departirent les vns des autres: & leur
laissèrent les marchans des vins & pourueances, pour eux rafreschir: & disoient les Gas-
cons à leurs mariniers, Menez nous à Seuille: car là sont noz gēs au siege. Les mariniers
respondirent au nom de Dieu. Si tournerent vers Seuille: & singlerent tant qu'il en ap-
procherent. Les Mariniers (qui furent sages, & qui ne vouloient pas perdre leurs mai-
stres) firent monter amont vn enfant: afin de sauoir fil verroit nulle apparence de siege,
par mer ne par terre, deuāt Seuille, L'ēfant eut bōne veue & iuste. Si respōdit que nō. A-
donc dirēt les mariniers aux Seigneurs, Entēdez, beaux Seigneurs, vous n'estes pas biē
informez: car pour certain, il n'y a siege nul, par mer ne par terre deuāt Seuille. Car, s'il y
estoit, aucune apparēce en seroit au haure. Si n'auōs que faire d'aller celle part: si ne
voulons

† Il a dit Tref
mesairecs, au
chap. 230. &
Tramesames
au chap. 245.
Verard dit icy
Tramesui-
nes.

† Ce passage est
éclairci selon le
sens de l'An-
teur.

voulons tout perdre: car, pour certain, le Roy de Castille se tient là: & est la cité de son Royaume, ou il se tient plus volontiers. A grand peine en peurent les mariniers estre creus. Toutesfois ils en furent creus, & singlerent toute la coste de Seuille: & entrèrent en la mer de Portugal: & vindrent fraper au haure de Lissebonne: & à ceste propre heure & iour, leur faisoit on, en l'église de sainte Katherine de Lissebonne, leur obseques: & estoient les Barons & Cheualiers vestus de noir: & les tenoient pour morts. Si deuez fauoir que la ioye y fut tresgrande, quand ils seurent qu'ils estoient arriuez, & venus à port de salut. Si se festoyerent moult grandement ensemble: & eurent ces Cheualiers Gascons tantost oublié les peines de la mer. Nous nous souffrerons vn petit à parler des besongnes de Portugal, pour la cause qu'il n'y eut nul fait d'armes & parlerons des besongnes de Flandres, & de ce qui adueint en celle mesme saison.

Comment le Comte de Flandres assiegea Gand de-rechef.

CHAP. LXXXII.

EN ce temps que celles aduenues & ordonnances (si-côme cy-dessus sont recordées) adueindrent en Angleterre, ne seiournoient point les guerres du Comte de Flandres contre les Gandois, & de ceux de Gand contre le Comte. Vous sauez cōment Philippe d'Arteuelle fut élu à Gand pour souuerain Capitaine, par l'opinion premieremēt de Pietre du Bois: qui luy conseilla que quand il seroit mis en l'office il fust cruel: & mauuais: afin qu'il se fust craindre. Philippe retint bien de son escole & doctrine: car il n'eut pas esté longuement en l'office de Gouverneur de Gand, quand il en fit tuer & decoler douze, deuant luy: & dirent aucuns que ceux auoient esté principalemēt à la mort de son pere. Si en prit la vengeance. Philippe d'Arteuelle commença à regner en grand' puissance, & à soy faire craindre, & aussi aimer de moult de gens: & especialement des compaignōs, qui suiuiōient les routes & les armes. A ceux là, pour estre en leur grace, & pour s'en faire aimer, n'y auoit riens refusé: ains tout leur estoit abandonné. Or me peut on de-

mander cōment ceux de Gand firent la guerre: & i'en respondray volōtiers, selō ce que i'en ay depuis ouy parler. † Ils estoient en vnitē, selon leur quantité: & supportoiēt les pōures: & ainsi, par celle vnitē qu'ils eurent, ils durerēt en grād' puissance. Aussi est Gād, à tout considerer l'vne des plus fortes villes du mōde: pourueu que Brabant, Zelande, & Hollāde ne les vueillēt point gueirroyer: mais, au cas que ces quatre pays luy fussent cōtraires & ennemis, avec Flādres, ils seroient enclos, perdus, afolez, & affamez. Or ne leur firēt oncques ces trois pays guerre: ny ne leur furēt ennemis: parquoy leur guerre en estoit plus belle, & duroit plus longuement. En ce temps, & en la nouuelleté de Philippe d'Arteuelle, fut le Doyen des Tixerās accusé de trahison. Si fut pris & mis en prison: & pour sauoir la verité de ce dōt il estoit accusé, on alla en sa maisō: ou on trouua la poudre de salpestre: dōt on ne s'estoit point aidé en toute l'année, à siege, n'autre chose: qu'on eust fait. Si fut celuy Doyē decolé, & trainé aual la ville par les espaules, cōme trahistre, pour donner exēple aux autres. Or s'aduifa le Comte de Flandres qu'il viēdroit mettre le siege deuant Gād. Si fit vn grand mādement de Cheualiers & d'Escuyers, & des gēs de ses bonnes villes, & enuoya à Malines: dont il eut aussi grans gens. Si māda ses cousins, messire Robert de Namur, estoit Comte d'Artois, & de Hainaut: car pour lors il & messire Guillaume: & luy vint grand' Cheualerie d'Artois: & estoit la Cōtēse d'Artois, sa mere, nouuellemēt trépassée. En ce mandemēt & asēblée ne s'oublia pas le Sire de Dāpierre: mais le vint seruir, à tout ce qu'il peut, par raison: & estoit biē accōpaigné de Cheualiers & d'Escuyers de la Comté de Hainaut. Si vint le Cōte mettre le siege deuant Gād, au lez deuers Bruges, & au lez deuers Hainaut. Si y eut fait le siege durāt, mainte écar mouche & issoient souuent aucuns legers compaignons de Gand à l'auenture: dont aucunes fois ils estoient reboutez à leur dommage, & aucunes fois aussi ils gaignoient: & celuy, qui plus de faits d'armes faisoit, & qui plus de renommée auoit au dehors estoit le ieune Sire d'Anghien: & en sa compaignie, & de sa route, se mettoient volontiers, par vsage, tous les ieunes Cheualiers, qui desiroient les armes. Si s'en vint iceluy Sire d'Anghien, à bien quatre mille hommes, tous bien montez, sans ceux de pié, mettre le siege deuant la ville de Grantmont: qui estoit Gandoise: & autrefois y auoit le Seigneur d'Anghien esté, & icelle trauaillé & harié: mais riens n'y auoit conquesté. Il y vint à celle fois puissamment, & par moult grand' ordonnance: & la fit par vn Dimenche assallir, en plus de quarante lieux: & luy-mesme à l'assaut ne se faignoit point: mais sy éprouua de grand' volonté: & bouta hors ce iour, à celuy assaut, la sienne banniere, tout premierement. Cest assaut fut tresgrand & fort, & bien continué, & la ville de tous costez assaillie, si tres-

* Annot. 19.

† La vieille leçon estoit telle, Ils estoient de nécessité se-lō leur quantité, & supportoiēt les pōures. Et ainsi par celle vnitē que ils eurent ils durement (ou durerent en verard) en grand' puissance.

La ville de Gād assiegee par le Comte de Flandres.

La ville de Grantmôt prise d'assaut par le Seig. d'Anghien pour le Comte de Flandres.

† Toujours 1381.

† A ce que vous verrez, tâtost, il y faut beaucoup plus grand nombre, mais ie ne say de qui le prendre. Quant à picques noires ie liroye vontiers picques lógues, comme il dira tantost.

Le Sire d'Anghien & plusieurs autres partisans du Comte de Flandres occis par une embusche des Gandois.

aigrement & viuement, qu'environ heure de nonne elle fut prise: & conquise: & entre-
rent dedans par les portes, qui furent ouuertes & abattues, le Sire d'Anghien & ses gés.
Quand ceux de Grantmôt virent que leur ville estoit perdue, & que point de recouurâ-
ce n'y auoit, si s'en fuirēt ceux qui peurēt, par les portes, ou il n'y auoit nuls de leurs enne-
mis: & qui peut, se sauua. Là eut tresgrand meurtre & occisiō d'hōmes, femmes, & enfans
(car nul n'y estoit pris à mercy) & y eut plus de cinq cens hommes de la ville morts, &
grand nombre de vieilles gens & de femmes, gifans en leurs liēts, ars. Dont ce fut grand
pitié. Car on bouta le feu en la ville, en plus de deux cēs lieux, parquoy toute la ville fut
arse, monstiers & tout: ne riens il n'y demoura entier. Ainsi fut Grantmont persecuté &
mis en feu & en flambe: & puis retourna le Sire d'Anghien en l'ost, deuant Gand, quand
il eut fait cest exploit: dont le Comte de Flandres luy feut tresgrand gré: & luy dit, Beau
fils, vous estes vaillāt homme: & serez, si il plaist à Dieu, bon Cheualier: car vous en auez
bon commencement. Apres la destruction de la ville de Grantmont (qui adueint par
vn Dimenche, au † mois de Iuin, qu'elle fut toute arse & toute perie) se tint le siege de-
uant Gand, & là estoit le Sire d'Anghien (qui s'appeloit Gautier) qui point ne reposoit,
ne seiournoit en son logis: mais queroit tous les iours les armes & aduentures, vne fois
bien acōpaigné d'une trasgrand foison de gens, & l'autre à si peu, qu'il n'osoit persēuerer
à ses entreprises: Mais presque tous les iours, ou par luy, ou par le Haze de Flandres, y ad-
uenoient auentures: & auint, vn leudy matin, que le Sire d'Anghien issit hors de son lo-
gis, le Seigneur de Mōtigny en sa compagnie, messire Michel de la Hameide, son cou-
sin, delez luy, le Bastard d'Anghien son frere, Iulien de Toisson, Hutin Donay, & plu-
sieurs autres de ses gens & de son hostel: qui s'en alloient à l'écarmouche deuant Gand:
ainsi qu'autrefois auoiēt fait. Si se bouterēt si auāt, que mal leur en prit: car ceux de Gād
auoient, au-deuant de leur ville, fait vne embusche de plus de † cent cōpaignons, & tous
picques noires: & veulent les aucuns dire, qu'il y auoit en celle embusche, le plus des gés
qui auoient esté chacez de Grantmont: qui ne tiroient à autre chose, sinon qu'ils peus-
sent enclore & attraper, à leur auantage, le Seigneur d'Anghien, pour venger le grand
dommage, qu'il leur auoit fait (car ils le sentoient liberal, ieune, & en volonte de fauen-
turer follement) & tant y penserent, qu'ils l'eurent. Dont ce fut dommage, & pour ceux
aussi, qui là demourerent avec luy. Le Sire d'Anghien & sa route ne se donnoient point
garde, quand ils se virent enclos des Gandois: qui vindrent fierement au-deuant de luy,
& crierent, Maintenant à la mort. Quand le Sire d'Anghien se vit en ce party, si deman-
da conseil à Monseigneur de Montigny: qui estoit aupres de luy. Adonc respondit mes-
sire Eustace, Sire, il est trop tard. Deffendon nous: & vendon nos vies ce que nous pour-
rons: Il n'y a autre chose. Icy ne faut plus de retardance. Adonc firent les Cheualiers le
signe de la croix deuant eux: & se recommanderent à Dieu & à Saint George: & se bou-
terent en leurs ennemis: car ils ne pouuoient fuir ne reculer: tant estoient auant en leur
embusche. Si firent d'armes ce qu'ils peurent, & se cōbatirent moult vaillamment: mais
ils ne peurent pas tout faire: car leurs ennemis estoient cent contre vn, avec leurs lon-
gues picques: dont ils ruoiēt les coups trop grans & perilleux: ainsi cōme il apparut. Là
fut le Sire d'Anghiē occis, & delez luy le Bastard d'Anghiē son frere, Gilles du Toisson
& ces vaillans & preudhoms Cheualiers de Hainaut: qui estoient leurs cōpaignons: cō-
me le Sire de Montigny & celuy de Saint-Cristofle. Encor y fut messire Michel de la
Hameide durement nauré: & eust esté mort, sans nulle douter si vn, nommé Hutin Do-
nay, par force d'armes, & par sens, ne l'eust sauué. Si eut moult de peine, pour le sauuer.
Toutesfois, ce pendant que ces Flamēs: entendoient à ces Cheualiers desarmer & à les
trouffer, pour les porter en la ville de Gand: car bien sauoient qu'ils auoient occis le sei-
gneur d'Anghiē: dont ils auoient grand ioye). Hutin Donay (qui ne veoit nulle recou-
rance) mit hors de la presse, & du peril, messire Michel de Hameide. Ainsi se porta la
journée, perilleuse pour le Sire d'Anghien. Si deuez croire & sauoir que le Comte de
Flandres en fut grandement courroucé: & bien le monstra. Car pour l'amour de luy, le
siege se deffit de deuant Gand: & ne le pouuoit le Côte oublier: mais le regrettoit nuit &
iour: & disoit, Haa, Gautier, Gautier, beau fils, cōmēt il vous est incōtinēt mal auenu en
vostre ieunesse! Si veuil bien que chacun sache, que iamaïs ceux de Gand n'auront paix
à moy, iusques à ce que si grandemēt ils l'ayent amédé, que bien deura suffire. La chose
demoura en celuy estat: & fut renuoyé querir à Gand le Seigneur d'Anghien que les
Gādois, pour réiouir la ville, y auoiēt porté. Lequel cors ils ne voulurēt oncques rēdre,
iusques

iufques à ce qu'ils en eurent mille francs, tous appareillez, lesquels on leur paya & deliura & les partirēt ensemble, à butin, & le Sire d'Anghien fut rapporté en l'oft, & puis fut renuoyé à Anghien, la ville dont il estoit Seigneur.

Comment le Comte de Flandres leua son siege de Gand, & comment deux riches Bourgeois de Gand, qui vouloient moyenner paix entre le Comte & leur ville, furent tueZ publiquement par Pietre du Bois & Philippe d'Arteuelle. CHAP. LXXXIII.

Pour l'amour du ieune Seigneur d'Anghien se deffit le siege de deuant Gand, & se departit le Comte, & s'en retourna à Bruges, & donna congé en celle saison, à toutes manieres de Gens-d'armes, & les enuoya es garnisons de Flandres, & es chasteaux & forteresses de Gaures, d'Audenarde, de Terremonde, & de Courtray, & par tout sur la frontiere de Gand, & manda le Comte aux Liegeois, que, pour ce qu'ils confortoyent les Gandois, de viures, & de pourueances, plus ne les assiegeroit, mais que plus ne voufissent en Gand enuoyer nuls viures. Ceux du Liege respondirent orgueilleusemēt aux messagers, qui y furent enuoyez, que de ce faire ils auroient aduis & conseil à ceux de Xainteron, de Hue, & de Dinand, & le Comte n'en peut autre chose auoir. Toutesfois il enuoya deuers ses cousins, le Duc de Brabant, & le Duc Aubert, & vers le Baillif de Haynaut, de Hollande, & de Zelande, grans messagers, de ses plus sages Cheualiers, & leur remonstrent, de par luy, que la ville de Gand se tenoit en son erreur & en sa mauuaistié, pour le grand confort que les gens d'icelle ville auoient de leur pays, de viures & de pourueances, qui leur venoient tous les iours, & qu'ils y voufissent pourueoir de remede. Ces deux Seigneurs (qui enuis eussent ouuré, n'exploité, à la déplaisance de leur cousin, le Comte) s'excuserent honnestement, & leur respondirent que, par-auant de ces nouuelles ils n'auoient riens feu, mais ils auroient tel regard en leur pays, qu'on y mettroit attrempanche. Ceste responce suffit assez au Comte de Flādres. Le Duc Aubert (qui pour ce temps se tenoit en Hollande) escriuit deuers son Baillif en Haynaut, messire Simon de Lalain, & luy enuoya la copie, des lettres, par escrit, & les parolles & requestes de son cousin, le Comte de Flandres, & avecques tout ce, il luy manda & commanda estroittement, qu'il fit au pays de Haynaut, qu'il n'en ouist plus nulles nouuelles à la déplaisance du Comte son cousin, car il s'en courrouceroit. Le Baillif obeyt (comme rai son fut) & fit son commandement, parmy la Comté de Haynaut, que nuls ne menassēt viures à ceux de Gand. Car fils estoient sur le chemin veus, feus, ne trouuez, ils n'auroiēt point d'aucun de luy. Vn tel cri & deffense fit on en Brabant, & nul n'osoit aller à Gand, fors que d'emblée, dont ceux de Gand se commencerent à ébahir, car pourueāces leur affoiblissoient durement, & eussent eu trop plus grande famine, mais les Hollandois les confortoyent, qui oncques ne s'en voulurent deporter, pour mandement, ne pour deffence aucune, que le Duc Aubert y peust mettre. En ce temps, par les pburghs, & moyens des Consaux de Haynaut, de Brabant, & du Liege, fut vn mandement & grand Parlement assis, & accordé à estre, à Harlebecque, delez Courtray, & se tint le Parlement, & y enuoyerent ceux de Gand douze des plus notables hommes de la ville, & monstrent tous generalement (exceptée la ribaudaille, qui ne demandoit que noise) qu'ils vouloient venir à paix, à quelque mechef que ce fust. A ce conseil & parlement furent tous les consaux des bonnes villes de Flandres, & mesmement le Comte, & aussi ceux de Brabant, de Haynaut, & du Liege, y furent. Là furent les choses si bien taillées & couchées, que sur certain article de paix, les Gandois s'en retournerēt en leur ville, & auint que ceux de Gand (qui paix desiroient auoir, voire les sages & paisibles) se tirerent deuers les hostels des deux plus paisibles & riches gens de Gand, qui audiēt parlement auoiēt esté (c'est assauoir Sire Gisebrest Gente, & Sire Simon Bete) & leur demāderent des nouuelles. Ils se decoururent trop tost à leurs amis. Car ils respondirent, Bonnes gens, nous auons si bonne paix (si Dieu plaist) que ceux, qui ne veulēt que bien, demourront en paix, & on corrigera aucuns des mauuais de la ville de Gand. Vous deuez sauoir qu'on dit communement. S'il est qui fait, il est qui dit. Pietre du Bois (qui ne se sentoit pas assuré de sa vie) auoit enuoyé ses espies, pour ouir, & rapporter des nouuelles, & ceux, qui y furent enuoyez, rapporterent ce, que l'on disoit parmy la ville, & que ces parolles venoient pour certain de Gisebrest Gente & Simon Bete. Quand Pietre entendit ce, il fut forcené, & happa tantost ceste chose pour luy, & dit. Se nul est corrigé de ceste guerre, ie ne seray pas le dernier. Mais il n'ira pas ainsi. Noz Seigneurs, qui ont esté

Deffense à ceux de Hainaut, & de Brabant, de porter viures à Gand.

Il y auoit icy Cherbourg, que nous auons corrigé selō sa la, et comme il dira cy apres.

Menees de Pietre du Bois & Philippe d'Arteuelle pour espier la paix du Côte de Flādres avec la vil le de Gand.

au Parlemēt, cuident ce qu'ils veulent. Mais ie ne vueil pas encores mourir. La guerre n'a pas encores tant duré, comme elle durera. Encores ne sont pas mes bons maistres (qui furent Iehan Lyon & Guillaume Craffort) bien vengez. Se la chose est troublée, encor la veux ie mieux troubler. Ce que fit ledit Pietre du Bois, ie le vous diray. Ce propre soir dont le lendemain le conseil des Seigneurs deuoit estre en la halle du Conseil, & le cōseil & rapport fait des deffusdits, qui auoyent esté au Parlement à Harlebecque, il s'en vint en l'hostel Philippe d'Arteuelle, & le trouua, qu'il musoit & pensoit, en soy appuyāt sur vne fenestre, en sa chambre. La premiere parolle, qu'il luy dit, il luy demanda, Philippe, sauez vous nulles nouuelles? Nenny (dit Philippe) fors ce que noz gens sont retournes du Parlement de Harlebecque, & demain nous deuōs ouir, en la halle, ce qu'ils ont trouué. C'est voir (dit Pietre du Bois) mais ie say ia ce qu'ils ont trouué, & comment le traitté se porta. Car ils s'en sont decouuers à aucuns de mes amis. Certes, Philippe, tous les traittez, que l'on fait, & qu'on peut faire, c'est tousiours sur noz testes. S'il y a nul le paix entre Monseigneur & la ville, sachez que vous & moy, & le Sire de Harfelles, & tous les Capitaines, dont nous nous aidons, & qui maintiennent la guerre, en mourrōt premierement, & les riches hommes s'en iront quittes, & nous veulent bouter en ce party, & eux deliurer, & ce fut l'opinion de Iehan Lyon, mon maistre. Toutesfois encores a nostre Seigneur le Comte ses marmosets delez luy, Guisebert Mathieu & ses freres, & le Preuost de Harlebecque (qui est du lignage) & le Doyen des menus mestiers, qui s'en fuit avec eux. Si nous faut bien aussi sur ce penser. Et quelle chose en est bonne à faire? respondit Philippe. Si dit Pietre. Ie le vous diray. Il nous faut signifier à tous noz Doyens & Capitaines, qu'ils soient demain tous appareillez & venus au marché des denrées, & qu'ils se tiennent delez nous, & nous entrerons en la halle vous & moy, & cent des nostres, pour ouir ces traittez. Au surplus laissez moy conuenir, mais aduouez mon fait, se vous voulez en vie & puissance demourer, car en telle chose, & entre Communs, qui ne se fait craindre, il n'y a riens. Philippe luy accorda volontiers. Pietre du Bois prit congé, & s'en alla, & enuoya ses gens, & ses varlets, par tous les Doyens & Capitaines deffous luy, & leur manda qu'au lendemain eux & leurs gens venfissent, tous pourueus, au marché des denrées, pour ouir des nouuelles. Ils obeyrent, car nul ne l'eust

*Assemblée de
ceux de Gand
en leur place
commune, pour
ouir le traitté
de paix d'en-
tre leur Comte
& eux.*

osé laisser, & aussi ils estoient tous prests & appareillez de mal faire. Quand ce vint au matin à neuf heures, le Maieur, les Escheuins, & les riches hōmes de la ville, vindrēt au marché, & entrèrent en la halle & là vindrent ceux, qui auoyent esté au Parlement à la Harlebecque. Puis vindrent Pietre du Bois & Philippe d'Arteuelle bien accompaignez de ceux de leur secte. Quand ils furent tous assemblez, & assis (qui seoir se voulut) on regarda que le Sire de Harfelles n'estoit point là. On le manda, mais il s'excusa, & dit qu'il n'y pouuoit estre, pour la cause de ce qu'il estoit déhaité. Auant (dit Pietre du Bois) veez me cy pour luy. Nous sommes gens assez. Oyons que ces Seigneurs ont rapporté du Parlement de Harlebecque. Adoncques se leuerent, comme les plus notables de la Compaignie Gisebrest Gente, & Simon Bete, & parla l'vn d'eux, & dit ainsi, Seigneurs de Gand, nous auons esté au Parlement de Harlebecque, & auons eu moult de peine & trauaux, & aussi ont eu les bonnes gens de Brabāt, & du Liege, & de Haynaut, pour nous accorder enuers Monseigneur le Comte. Finalement, à la priere de Monseigneur & Dame de Brabant (qui là enuoyerent leur Conseil, & Mōseigneur le Duc Aubert le sié) la bonne ville de Gand est venue à paix & accord deuers Monseigneur le Comte, par vn moyen, que deux cens hommes-d'armes (lesquels ils nous enuoyera dedans quinze iours par escrit) iroit en sa prison, dedans son chastel de l'Isle, & là se mettront en sa pure

*Deux riches
Bourgeois de
Gand, moyen-
neurs de la
paix, euez par
Pietre du Bois,
& Philippe
d'Arteuelle.*

re volenté, & est bien si franc & si noble, que d'eux il aura mercy & pitié. A ces parolles se tira auant Pietre du Bois, & dit, Gisebrest, comment estes vous si osé d'auoir accordé le traitté de mettre deux cens hommes en la ville de nostre ennemy? En tresgrand vitupere viendroit la ville de Gand, & mieux vaudroit qu'elle fust renuersée, ce que deffous, deffus qu'à ceux de Gād fust reproché, qu'ils eussēt guerroyé par telle maniere. Biē sauons entre nous, qui auons ouy ce, que vous ne ferez pas l'vn des deux, n'aussi ne sera pas Simon Bete. Vous auez pris & chosi pour vous, mais nous taillerons & prendrons pour nous. Auant, Philippe, à ces trahistres, qui veulent trahir & deshonnorer la ville de Gand. Tout en parlant ledit Pietre du Bois tira sa dague, & vint à Gisebrest, & la luy frapa au ventre, & le renuersa, & abbattit mort. Philippe d'Arteuelle tira pareillement la sienne, & en frapa Symon Bete, & l'occist. Puis commencerent à crier, Trahy, trahy*, & auoient

* Anno. 20.

auoyent leurs gens haut & bas delez eux, & plusieurs des plus riches hommes & des plus notables & mieux enlignagez de la ville, qui se dissimulerēt lors, pour eux sauuer, & aussi pour l'heure il n'y en eut que ces deux morts, & encores pour le peuple appaiser, & pour eux tourner en droit, ils enuoyerent leurs gens criant, & disant. Les faux & mauuais traistres, Gisebrest & sire Simon Betē, ont voulu trahir la bonne ville de Gand. Ainsi se passa ceste chose. Les morts furent morts, ne nul n'en eut, ne leua, amēde. Quand le Comte de Flandres (qui se tenoit à Bruges) seut les nouuelles, si fut durement courroucé, & dit adonc. A la priere de mes cousins de Brabant & de Hainaut, ie m'estoye legerent accordé à la paix avec ceux de Gand, & celle fois, & autres, ont ils ainsi ouuré. Mais ie veux bien qu'ils sachent que iamais n'auront paix à moy, & auray des leurs à ma volonté, tant qu'il me deura suffire. Ainsi furent morts en la ville de Gand, pour bien faire à l'intention de plusieurs gens, ces deux vaillans hommes, riches & sages, dont chacun des deux pour son patrimoine, tenoit bien deux mille francs de reueneue heritable, par an. Si furent plains en requoy, car nul n'en eust osé parler en public, fil n'eust voulu estre mis à mort. La chose demoura en cest estat, & la guerre plus forte que deuant, car ceux des garnisons d'entour de Gand estoient iour & nuit songneusement sur les chāps, ne nulles pourueāces ne pouuoiet venir en la ville de Gand, par ce que ceux de Brabant ne de Haynaut, ne s'osoyent aduenturer, car au mieux venir, quand les gens du Comte les trouuoient, il occioient leurs cheuaux mesmes, ou ils les mettoient en Terremonde, ou en Audenardē, prisonniers, & les † renuoyoyent, dont toutes manieres de gens, vitailliers, craingnoient ce peril.

† Je doute qu'il n'y faille rāçōner.

De l'emeute, qui fut à Paris, pour les aides qu'on vouloit mettre sus, comment le Sire de Coucy l'appaisa, & des preparatifs du Duc d'Aniou pour son voyage de Naples.

CHAPITRE.

LXXXIIII.

EN celle † saison aussi s'eleuerent & rebellerent ceux de Paris à l'encontre du Roy & de son Conseil, pource que le Roy & son conseil vouloient mettre sus generallyment parmy le Royaume de France, les aides, les fouages, les gabelles, & les assises, qui auoient couru, & estoient leuées, du temps du Roy Charles, pere du Roy, qui regnoit pour ce temps. Les Parisiens furent rebelles à tout ce, & disoient que le Roy de bonne memoire le leur auoit quitté, luy viuant; & le Roy, son fils, à son couronnement à Reims, l'auoit accordé & confirmé, & adonc le ieune Roy & son conseil vuida Paris, & vint demorer à Meaux en Brie. Si tost que le Roy fut party de Paris, les Communes s'armerent & emeurent, & occirent tous ceux qui auoient assis les gabelles & debitemens, & rompirent les prisons, & les maisons de la ville, & puis prirent & pillerent tout ce qu'ils trouuerent, & vindrent en la maison de l'Euesque de Paris, en la cité, & rompirent les prisons & deliurerent Hugues Aubriot (qui auoit esté Preuost de Paris vn grand temps, le Roy Charles viuant) lequel estoit par sentence cōdamné à la prison qu'on dit Oubliete, pour plusieurs mauuais faits, qu'il auoit faits, & consenty à faire (desquels plusieurs en y auoit qui demandoient le feu) & iceluy peuple de Paris le deliura. Ceste auenture luy auint par l'émouuement du Commun. Dequoy il se departit, au plustost qu'il peut, pour doute qu'il ne fust repris, & s'en alla en Bourgongne, dont il estoit, & conta à ses amis son auenture. Ceux de Paris, ce temps & terme qu'ils regnerent en leur rebelliō, firent moult de desrois, dont auint à aucuns bons hommes, qui n'estoient pas de leur accord, assez bien, car si tous en eussent esté, la chose fust trop mal allée. Pour lors se tenoit le Roy à Meaux, & ses oncles delez luy, Aniou, Berry & Bourgongne, qui estoient tous fort courroucez & emerueillez de ceste rebellion. Si eurent conseil qu'ils enuoyeroient le Seigneur de Coucy (qui sage Cheualier estoit) traitter deuers eux, & les appaiser, car il les sauroit mieux auoir, & mener, que nul autre. Adoncques s'en vint le Sire de Coucy (qui s'appelloit Enguerrant) à Paris, nompas à main armée, mais tout simplement, avecques les gens de son hostel. Puis se descendit à son hostel, & là manda ceux qui de ceste besongne se mesloyent, & qui y auoient esté le plus auant, & leur remonstra doucement, & sagemēt, qu'ils auoient trop mal erré, de ce qu'ils auoient occis les Officiers & ministres du Roy, & rôpu & brisé les prisons du Roy, & deliuré ses prisonniers, & que se le Roy & son Conseil le vouloient, il seroit trop grandement amendé. Ce qu'il ne vouloit pas faire (car sur toutes riens il aimoit Paris: pourtant qu'il y fut né, & aussi que c'est le chef de son Royaume) & si ne vouloit pas confondre ne destruire les bonnes gens de leans. Si

† Qui sera donc encor 1381. cōme par auant au ch. 75. et cōme aussi veut la Cro. du Tillet, combien que les grādes Cro. de Fr. diēt 1382. si elles n'y sont corrompues, ainsi qu'il me semble quelles sont à qui bien y prend garde.

Le Sire de Coucy enuoyé à Paris, par le Roy, pour y appaiser les mutins.

leur remonstroit comment il estoit là venu, comme par vn moyen, pour eux mettre à accord, & qu'il prieroit au Roy, & à ses oncles, que le forfait, qu'ils auoyent fait, ils leur voulsissent pardonner. Ils respondirent adonc qu'ils ne vouloient ne guerre, ne maltalement, au Roy leur Sire, mais vouloient que ces impositions, aides, subfides, & gabelles fussent nulles à Paris, & exemptez de telles choses, ils aideroyent le Roy en autre maniere. En quelle maniere? respondit le Sire de Coucy. En telle maniere qu'une quantité d'or & d'argent nous payerons toutes les semaines à vn certain homme, qui le receura, pour aider à payer, avecques les autres citez & villes du Royaume de France, les soudoyers & les Gens-d'armes de France. Et quelle somme voudriez vous payer toutes les semaines? Somme telle, que nous ferons d'accord, respondirent les Parisiens. Là mena si auant la chose, par beau langage, le Seigneur de Coucy, qu'ils se taillerent à leur volonté, à dix mille frâcs la semaine, à payer à vn homme, qu'ils ordonneroyent à receuoir. Sur ce luy estat se departit le Sire de Coucy d'eux, & retourna à Meaux en Brie, deuers le Roy & ses oncles, & regarda, & monstra ces traittez. Le Roy fut adoncques conseillé, pour le mieux, qu'il prendroit l'offre des Parisiens, & que ceste chose estoit entrée en commencement de ieu, & que petit à petit on entreroit en eux, & ainsi feroient les autres bones villes (puis que ceux de Paris auoient comencé) & quand on pourroit, on auroit mieux. Si retourna le Sire de Coucy à Paris, & apporta de par le Roy, la paix aux Parisiens, mais qu'ils teinssent les traittez, qu'ils auoient proposez. Ils les tindrent tresvolontiers, & ordonnerent vn Receueur, qui receuoit la somme de florins, toutes les semaines, mais l'argent ne deuoit point estre contourné ailleurs, ne bougé de Paris, fors pour en payer Gens-d'armes, s'on les mettoit en besongne, ne riens autremét ne deuoit venir, ne tourner au profit du Roy, ne de ses oncles. Ainsi demoura la chose vn bien peu de temps en tel estat, & les Parisiens en paix, mais le Roy ne venoit point à Paris, dont ceux de Paris estoient courroucez. Semblablement ceux de Rouen s'émeurent aussi, & se rebelèrent, par telle incidence, les menues gens de la ville, & occirent le Chastelain (qui estoit au Roy) & tous les imposeurs & gabelleurs, qui ses aides auoient prises & césées. Quand le Roy de France (qui se tenoit à Meaux) en fut informé, celuy vint à grande deplaisance, & à son conseil, & douterent que tout pareillement les autres villes & citez feissent ainsi. Si fut le Roy de France conseillé de venir à Rouen. Ce qu'il fit, & appaisa le Commun (qui estoit moult troublé) & leur pardonna la mort de son Chastelain, & tout ce, que fait auoient, & ils ordonnerent, de par eux, vn Receueur, auquel ils payeroient toutes les semaines vne somme de florins, & en ce faisant, ils demoureroient en paix. Or regardez le grand mal, qui se commençoit à éleuer en France, & tous prenoient pié & ordonnance sur les Gandois, & disoient les communautéz adonc, par tout le monde, qu'iceux Gandois estoient bonnes gens, & que vaillamment ils soustenoient leurs franchises, dont ils deuoient de toutes gens estre aimez, prizez, & honorés. Nous retournerons au Duc d'Aniou, qui auoit vne grande & haute imagination d'aller au Royaume de Naples, dont il secruoit Roy, & semblablement de Cecile, & Duc de Pouille, & de Calabre. Car le Pape Clemēt l'en auoit reuestu & adherité, par vertu des lettres, que la Roïne de Naples & de Cecille luy auoit donnée. Le Duc d'Aniou (qui estoit sage & imaginatif, de haut courage, & de grande entreprise) veoit bien qu'au temps auenir, selon l'estat qu'il auoit commencé à maintenir, & qu'enuis eust veu amoindrir, n'affoiblir seroit vn petit Sire en France, s'il n'entendoit à la conquête de si nobles & haux heritages, comme des deux Royaumes de Naples, & de Cecille, & des Duchez de Pouille, & de Calabre, & de la Comté de Prouence, qui luy viendroiēt grandement bien à point. Car en ces terres (dont il se tenoit Sire & Roy, par la vertu des dons, que faits luy en auoient esté) abondoient toutes richesses. Si mettoit toute sa cure & diligēce, nuit & iour comment il pourroit parfournir ce voyage, & bien sauoit qu'il ne le pouuoit faire, sans grand confort d'or & d'argent, & grosse route de Gens-d'armes, pour resister, de force, contre tous ceux, qui son voyage voudroient empescher. Si assembloit Monseigneur d'Aniou de tous lez, en instance de ce voyage, si grand auoir, que merueilles, & tenoit en amour ceux de Paris, en ce qu'il pouuoit. Car bien sauoit que dedans Paris auoit grande mise d'argent, & tant fit qu'il en eut sans nombre, & enuoia deuers le Comte de Sauoye (auquel il auoit grande fiance) qu'il ne luy voulsist pas faillir à ce besoing, & luy, venu en Sauoye, il luy feroit mettre, en payement appareillé, telle somme de florins, que pour payer mille Lances, ou plus pour vn an tout entier. Le Côte de Sauoye eut grāde

ioye

*Accord entre le
Roy Charles 6.
& les mutins
de Paris.*

*Semblable emeu
te de ceux de
Rouen ou le
Roy fut en per-
sonne.*

*Tout ceci ins-
ques à la cin-
quieme clause,
suivante, est é-
clairci selon
l'Auteur, ac-
cordat à l'hist.
de Naples.*

ioye de ces nouuelles, car moult aimoit les armes, & aussi l'auenturement de luy & de ses gens. Si respondit aux messagers, que volontiers seruiroit le Duc d'Aniou, parmy le moyen, qu'il mettoit. De ce fut le Duc d'Aniou moult réiouy, car il aimoit moult la compaignie du Comte de Sauoye. De rechef le Duc d'Aniou retint par tout Gens-d'armes, tant qu'il trouua bien neuf mille Hommes-d'armes, tous armez, en son obeissance. Si fit, pour son corps & ses gens, faire ordonner, & appareiller, à Paris, le plus bel & grâd appareil, qu'oncques on auoit veu faire à Seigneur, de tentes, de trefs, de paillions, & de toutes les ordonnances, qui à vn Roy appartiennent, quand il veut aller en vn lointain voyage. Nous cesserons vn petit à parler de luy, & retournerons au Comte de Cantebruge, & à ses gens, qui pour ce temps se tenoient en Portugal, delez le Roy.

Comment les Anglois cheuaucherent sur les Espaignols outre le cōmandement du Roy de Portugal, & comment le chastel de la Fighiere, en Espaigne fut pris. CHAP. LXXXV.

LE Comte de Cantebruge & ses gens se refreschirent vn grand temps à Lissebonne, delez le Roy de Portugal, & aduisoient les Anglois & les Gascons le pays, pource qu'ils n'y auoient iamais esté en seiour. Il me semble qu'un mariage fut alors accordé de la fille au Roy de Portugal (qui estoit pour lors en l'aage de dix ans) & du fils du Comte de Cantebruge, qui pouoit estre de celuy aage. Bel enfant estoit, & auoit nom Iehan & la Dame, fille du Roy, Biatrix. Aux nopces de ces deux enfans y eut grans festes, & grans ébatemens, & y furent les Barons du pays & les Prelats, & furent couchez (tous ieunes qu'ils estoient) tous deux en vn liât. Ces nopces faites, & les festes passées (qui durerent bien huit iours) le Conseil du Roy de Portugal ordonna que ces Gens-d'armes (qui se tenoient à Lissebonne) se departiroient, & iroyent autre part, tenir leur frontiere. Si fut le Comte de Cantebruge, & † partie de ses gens, ordonné & assigné d'aller en vne autre ville (laquelle estoit moult belle en Portugal) qu'on appelle Estremoure, & les autres Anglois & Gascons, tous en vn autre, du pays, qu'on appelle Besiouse, & Iehan de Cantebruge demoura delez le Roy & sa femme. Quand le Chanoine de Roberfac & les autres Cheualiers Anglois & Gascons se departirent du Roy, & prirent congé pour aller en leur garnison, le Roy leur dit, Mes enfans, ie vous commande que point ne cheuachez sur les ennemis, sans mon feu: car, se vous le faisiez, ie vous en sauroye mal gré. Ils respondirent. De par Dieu, & quand ils voudroient cheuaucher, ils le luy signifieroient, & en prendroient congé. Sur celuy estat ils se departirent, & puis cheuaucherent deuers Besiouse, qui sied amont au pays, à deux iournées de Lissebonne, & autant de Seuille, ou le Roy d'Espaigne se tenoit, qui ia estoit tout informé & aduisé de la venue des Anglois, & du Comte de Cantebruge, & auoit celuy estat signifié en France, aux Cheualiers dont il pensoit estre seruy, & quand ils le seurent, & que faits-d'armes apparroissoient en Espaigne, ils en furent tous réiouis, & s'appareillerent les plusieurs (qui desiroient à sauancer) & se meirent au chemin, pour aller en Espaigne. Le Chanoine de Roberfac (qui se tenoit en garnison à Besiouse, avecques ses compaignons, Anglois & Gascons) parla vne fois à eux, & leur dit, Chers Seigneurs, nous seiournons icy (ce me semble) mal-honorablement, quand nous n'auons point encores cheuauché sur noz ennemis, & moins de bien ils en tiennent de nous. Si vous voulez, & le conseillez, nous enuoyerons deuers le Roy, en le priant qu'il nous donne cōgé de cheuaucher. Ils respondirent tous. Nous le voulons bien. Adonc fut ordonné messire Iehan Canbouich à faire ce message, & il dit qu'il le feroit volontiers. Si vint vers le Roy à Lissebonne, & fit son message bien & à point, & ce dōt il estoit chargé. Le Roy respondit qu'il ne vouloit pas qu'ils cheuauchassent, n'oncques le Cheualier ne le peut tourner en autre voye, & retourna deuers les Seigneurs, & leur dit que le Roy ne vouloit pas qu'ils cheuauchassent. Adoncques furent ils plus courrouceez que deuant, & dirent entre eux que ce n'estoit pas leur estat n'ordonnance, ni à Gens-d'armes, d'eux tenir si longuement en vne garnison, sans faire aucun exploit d'armes, & conuenancerent l'un à l'autre de cheuaucher. Si se mirent vn iour aux champs bien quatre cens Hommes-d'armes, & autāt d'Archers, & auoient entrepris, en leur chemin, d'aller assieger vne grosse ville, qui est au Maistre de S. Iaques, mais ils trouuerent vn autre voye, pour venir deuant le chastel de la Fighiere, auquel auoit enuiron soixante Hōmes-d'armes, Espaignols, en garnison, dont Pietre Gouffes & son frere estoient Capitaines. Le Chanoine de Roberfac (qui se faisoit † fort de ceste cheuauchée, car aussi l'auoit-il emeue & mise sus) cheuaucha tout

Mariage du fils du Comte de Cantebruge avec Biatrix fille du Roy de Portugal.

† Ce passage est ramené selon Sala qui dit Besiouse, pour Besiouse cōme il est aussi quelques fois en Verard.

† Possible que chef y seroit meilleur.

Le chasteau de la Fighiere, en Espagne assaili par les Anglois & Gascons, & à eux rendu par composition de vies sauues.

deuant. Là estoient messire Oliuier de Beauchamp, messire Mathieu de Gournay, Miles de Windesore, le Sire de Talbot, messire Adam Simon, messire Iehan Fondrée (qui estoit frere Bastard, du Roy d'Angleterre) le Souldich de l'Estrade, le Sire de Chastcauneuf, le Sire de la Barde, Raimond de Mason, & plusieurs autres, & cheuaucherent tant ces Gens-d'armes, qu'ils vindrent deuant le chasteau de la Fighiere, & puis l'environnerent, & se mirent en ordonnance, pour l'assaillir, & firent toutes leurs ordonnances, tout ainsi qu'à faire assaut appartient. Quand ceux, qui dedans estoient, apperceurent qu'ils seroient assaillis, si s'ordonnerent de bonne façon, & se mirent en deffense, & environ heure de prime, l'assaut commença fort & fier, & entrèrent ces Anglois es fossez (ou il n'y auoit point d'eau) & venoient iusques au mur, targez & paueschez, pour le get des pierres d'amont, & là picquoient & houoyent, de pics & de hoyaux, à leur pouuoir, & on leur gettoit pierres & barres de fer d'amont, dont on bleça plusieurs. Là estoit le Chanoine de Roberfac, qui bien auoit courage de Cheualier, & ce iour y fit de belles appertises d'armes, & aussi fit Esperons vn sien varlet. Là estoient les Archers d'Angleterre arrestez environ les fossez, qui tiroient à ceux d'amont, si vniment, que à peine osoit nul apparoir aux deffenses, & en y eut, de ceux de dedans le fort, les deux parts de naurez & blecez, & y fut occis, de trait, le frere de Pietre Gouffes, Capitaine du chasteau, qui s'appelloit Berthelemy, appert Homme-d'armes durement, & par son appertise, & trop follement s'abandonner, il fut mort. Ainsi se continua ledit assaut depuis l'heure de prime, iusques à haute nonne, & vous dy que les Cheualiers & Escuyers Anglois & Gascons ne s'épargnerent point, mais assaillirent de grand courage & volonté, pour la cause de ce que, sans le commandement du Roy de Portugal, auoient fait ceste cheuauchée. Si se mettoient en peine de conquerre le chasteau, à fin que la renommée vint à Lissebonne, qu'ils eussent à ce commencement bien exploité. Là leur disoit le Chanoine de Roberfac, Ha, ha, Seigneurs, nous tiendra meshuy cestuy fort? à tant de si bons Gens-d'armes, que nous sommes? se nous mettons tant à conquerre toutes les villes & chasteaux d'Espagne & de Galice, nous n'en serons iamais Seigneurs. Adonc s'éuertuerēt les Cheualiers & Escuyers, & à ces parolles le Chanoine de Roberfac (nonobstant qu'il fust pauesché) receut vn grand horion, dont il fut grandement blecé & froissé. Là auoit il delez luy vn ieune Escuyer de Hainaut (qui s'appelloit Froissart Meulier) qui moult vaillamment à l'assaut se portoit, & aussi faisoient tous les autres. L'artillerie du chasteau, pierres, & barres de fer, commencerent moult fort à affoiblir à ceux de dedans, & eux à se lasser. Si regarderent que de xxv. Hommes-d'armes, qui estoient, il n'y en auoit pas trois, qui ne fussent naurez & blecez, & mis en peril de mort, & que longuement ne pouuoient ils tenir, que de force ils ne fussent pris, car ils veioient ià mort le frere de leur Capitaine, par lequel plus de recourances ne se pouuoient faire. Si aduiferent qu'ils prendroient vn peu de respit, & que ce pendant ils traitteroient de la paix. Si firent signe que ils vouloient parler aux Anglois. Adonc fit on cesser l'assaut, & mit on tous ceux, qui assailloient, hors des fossez. Qui leur fit bien besoing, car il y en auoit grāde foison de blecez & de lassez. Adoncques se tirerent auant messire Matthieu de Gournay, Connestable de l'ost, & messire Guillaume Windesore, Mareschal, & demanderent qu'ils vouloient dire. Le Capitaine Pietre Gouffes parla, & dit, Vous ne partirez point sans auoir la forteresse, vous blecez noz gens, & nous bleçons les vostres. Si ayons conseil l'un par l'autre. Le dy pour tous (qui en fuis Capitaine) que nous vous redrons le fort, sauues noz vies & noz biens, si nous prenez ainsi, car c'est droit paction d'armes, vous estes pour le present plus fors que nous ne sommes. Si le nous faut faire. Les Cheualiers Anglois respondirent qu'ils s'en conseileroient, ainsi qu'ils firent. Quand ils furent conseillez, ils firent respondre, & dire que ceux, qui estoient dedans, s'en iroient, s'ils vouloient, mais la garnison (qui estoit pour lors dedans le chasteau) ils la lairroyent, ne riēs, fors leurs vies ils n'emporteroient. Quand Pietre Gouffes veit qu'autre chose ils n'en auroit, il l'accorda, mais ce fut enuis. Ainsi fut le chasteau de la Fighiere rendu, & mis en la main des Anglois, & s'en partirent les Espagnols, sous le saufconduit des Anglois, & s'en allerent à Esteris, ou le Maistre de S. Iaques se tenoit ordinairement. Mais point ne le trouuerēt pour lors. Car il auoit entendu que les Anglois cheuaucheroient, & s'estoit mis sur les champs, & cheuauchoit à bien quatre cens Hommes-d'armes, Espagnols & Castillans, car il esperoit, s'il pouoit trouuer les Anglois sur son aduantage, qu'il les pourroit combattre à son honneur.

† C'est à dire les biēs & les sauues. Ceste de l'autre est éclairci, selon le sens de l'aut. par addition de ses mots ordinaire-ment et pour lors.

Cōment apres la cōqueste du chastel de la Fighiere, le Chanoine de Roberfac, retournant à sa garnison, fut en grand danger, & du secours de France au Roy de Castille. CHAP LXXXVI.

Q Vand ces Cheualiers d'Angleterre, & le Chanoine: & sa route, furent saisis du chastel de la Fighiere, ils en eurent grande ioye. Si le firent reparer & mettre à point, & y laisserent quarante compaignons, & le pourueurent d'artillerie & d'autres pourueances, & d'Archers, & d'autres, & y meirent vn bon Capitaine pour le garder, & puis se cōseillerent quelle chose ils feroient. Conseillé fut qu'ils se tireroient vers leur logis. Si se departirent les Anglois & les Gascons, & firent trois routes, & la derniere demoura sur les champs (qui estoit celle du Chanoine) & y estoient aucuns Anglois, Gascons, & Allemans (qui desiroient les armes) demourez avec luy, & estoient enuiron soixante Lances, & autant d'Archers, & cheuaucherent, en la route du Chanoine, vn iour tout entier en retournant vers ladite ville de Besiouse. Le second iour au matin, à heure de prime, que les embusches se découurent, ils cheuaucherent tous ensemble bien ordonnement & estoient entre vne grosse ville de Portugal (qu'on appelle Huence) & le chastel de Concrelet, droitement au dehors d'un bois, plus pres du chastel de Concrelet, que de Huence, ou estoit embusché le Maistre de S. Iaques, à bien quatre cens Hommes-d'armes. Si tost que les Anglois les apperceurent, ils se remirent tous ensemble, & ne monstrent point de semblant d'effroy, & cheuaucherent le bon pas. Ces Espaignols (quelque grand nōbre qu'ils fussent) ne monstrent nul semblant d'eux desembuscher, mais se tindrent tousiours en leurs embusches, & cuidoient, par imagination, que les Anglois eussent, pres de là, leur grosse bataille, & pource ne les osoient-il assaillir, car s'ils eussent bien feu leur conuenant, il y eust eu du hutin. Ainsi se departirēt l'un de l'autre, sans riens faire. Les Espaignols retournerent celuy soir à Esteris, & le Chanoine à Besiouse, lequel recorda à ses cōpaignōs, cōmēt ils auoient veu les Espaignols en ēbusche, entre Cōcrelet & Huence, & dit. Si nous eussions esté tous ensemble, nous les eussions combattus. Si se repentoient les Cheualiers fort grandement de ce qu'ils s'estoient laissez l'un l'autre. Ainsi se porta celle cheuauchée, que les Anglois & les Gascons firent, & quand les nouvelles en vindrent au Roy de Portugal, par semblant il en fut courroucé, pource qu'ils auoient cheuauché sans son cōmandement & ordōnance. Ainsi se tindrent les Anglois tout l'Yuer, & les Gascons, en leurs garnisons, sans cheuaucher, ne faire chose, qui face à recorder, dont il leur ennuyoit grandement, & ne tenoit pas à eux, qu'ils ne fissent armes. Ce pendant se pourueoit le Roy Damp Iehan de Castille, & auoit enuoyé deuers le Roy de France, & ses oncles, au secours, en leur signifiant comment le Comte de Cātebruge estoit arriué en Portugal, & estoit la voix, par tous les Royaumes de Castille & de Portugal, que le † Roy, le Duc de Lancastre, & son † frere, puissamment accōpaignés viendroient à leur aide, à l'Esté. Parquoy il requeroit au Roy, selon les alliances & confederations, qu'auoient ensemble France & Espagne, par grande cōiunction d'amour, qu'il fust sur le Printemps, & en Esté, conforté de bons Gens-d'armes, parquoy il peust de force résister à ses ennemis. Le Conseil du Roy fassentoit bien à tout ce, & veoit clement que le Roy d'Espagne requeroit raison. Si fut ordonné en France de dōner cōgé à toutes manieres de Gens-d'armes, Cheualiers, & Escuyers, qui auancer se vouloient & leur faisoit le Roy de Frāce le premier prest, pour passer outre. Si me semble que messire Oliuier du Guesclin, frere de messire Bertrand, Connestable de France qui fut, l'ordonna, pour aller à ce chemin, sur le † Printemps. Aussi firent Cheualiers & Escuyers de Bretaigne de France, de Beauffe, de Picardie, d'Aniou, de Berry, de Blois, & du Maine, & passaient par routes, pour mieux aller à leur aise, & auoient passage ouuert parmy le Royaume d'Arragon, & trouuoient leurs pourueances toutes prestes, leurs deniers payant. Mais sachez qu'ils ne payoient pas tout ce qu'ils prenoient, quand ils estoient au plat pays, dont les pources gens le comparoyent.

Comment l'Empereur Vencelant enuoya sa sœur Anne au Roy Richard d'Angleterre, qui la prit à femme.

CHAPITRE.

LXXXVII.

Vous sauez comment le Roy Richard d'Angleterre auoit, en vn an & plus, traitté deuers le Roy † Vencelāt de Behaigne (qui pour ce temps auoit pris le tiltre d'Empereur de Rome) pour auoir sa sœur Madame Anne, en mariage, & comment vn sien Cheualier, messire Symon Burle, en auoit moult trauaillé, & comment le Duc de

† c'est adire, ils se ioingnirēt encores mieux ensemble, et n'entendex, que de la troupe derniere dont le Chanoine estoit demeuré conducteur.

† Entendex d'Angleterre. † Entendex Bouquingua

† Qui fut de l'an 1382.

† Il y auoit icy Charles d'Allemagne que nous auons changé selon luy-mesme en

plusieurs lieux
d'ici devant, et
d'après comme
aussi venient
tous bons Lis-
teurs.

† Tout ce reste
de clause est
fourni et éclair-
ci, selon le sens
de l'Auteur.

* Anno. 21.

Toute ceste clau-
se est accomplie
suivant plu-
sieurs chap. du
premier volu.

Saufcôduit du
Roy de France
à Madame An-
ne de Luxem-
bourg pour pas-
ser en Angle.

* Annot. 22.

† Il y auoit icy
leur du Roy
Richard que
Louis sô ma-
rie &c. Mais ce
qu'en a dit no-
stre Auteur en
plusieurs lieux
avec tous bons
Histoires, assen-
re macorrection.

Taffon en Allemagne en auoit esté en Angleterre, pour confermer le mariage. Tant auoient esté ces choses demenées, que le Roy des Romains enuoya sa sœur en Angleterre, & le Duc de Taffon en sa compagnie, & grande foison de Cheualiers, & de Dames, & de Damoiselles, en estat & arroy, ainsi comme à telle Dame appartenoit, & vindrent en Brabant, & † en la ville de Brucelles recueillirent le Duc & la Duchesse la ieune Dame, & sa compagnie, moult grandement (car le Duc estoit son oncle, estant icelle fille de l'Empereur Charles, son frere) & se tint Madame Anne de Behaigne à Brucelles, delez son oncle & sa belle ante, plus d'un mois, sans en partir ne bouger, car elle n'osoit, & ie vous diray pourquoy. Elle fut aduertie, par son Conseil, qu'il y auoit enuiron douze vaisseaux armez, plains de Normans, sur la mer, * qui est entre Calais & Hollande, & y pilloient & déroboient tout ce qu'ils pouuoient trouuer, & ne leur chaloit sur qui, & alloit & couroit le bruit & renommée, sur ceste mer, de Flandres & de Zelande, qu'ils se tenoient là, en attendant la venue d'icelle ieune Dame, & que le Roy de France & son Conseil vouloient faire raur la Dame, pour briser ce mariage (car ils se doutoient grandement des alliances des Allemans & des Anglois) & disoit on encores (quand on parloit que ce n'estoit pas honorable chose de prendre ne de raur Dames, en guerre de Seigneurs) en coulourant & faisant la guerre du Roy de France plus belle, † Comment ! ne veistes vous pas que le Prince de Galles, pere du Roy d'Angleterre, fut d'auis de consentir tel fait sur Madame de Bourbon, mere à la Roine de France ? quand elle fut prise & emblée par les gens d'iceluy Prince, & durant toute celle guerre, enclose dedans le chastel de Belle-perche, & puis menée en Guienne, & rançonnée ? Pour pareille chose, si les François prenoient, pour eux contreuenger, la femme du Roy d'Angleterre, ils ne feroient à nully tort. Pour ces doutes & apparences, qu'on en veoit, se tint la Dame, & toute sa route, dedans Brucelles, un mois tout entier, & tant que le Duc de Brabant, son oncle, enuoya en Frâce, par l'auis de son Cōseil, le Seigneur de Rousselans & le Seigneur de Bousquehoir, pour remōstrer ces choses au Roy de France, & à ses oncles lesquels estoient aussi neueuz du Duc de Brabant, & enfans de sa sœur. Ces Cheualiers de Brabant exploiterent si bien, enuers le Roy de France & son Conseil, que grace fut faite & donné bon saufcôduit à la Dame, pour passer ou il luy plairoit, elle & les siens, parmy le Royaume de France, ou sur les frontieres, en allant iusques à Calais, & furent les Normans, qui se tenoient sur la mer, remādez. Tout ce reporterēt lesdits Cheualiers en Brabant, au Duc & à la Duchesse, & luy escriuoit le Roy, & ses oncles, qu'à leurs prieres & contemplations, & non d'autrny, ils faisoient celle grace à leur cousine de Behaigne. Ces nouuelles pleurent grandement au Duc de Brabant, à la Duchesse, & à tous ceux qui vouloient passer la mer. Si s'ordonnerent, & partirent de Brucelles, & prit la Dame cōgé de son oncle, de sa belle ante, & des Dames & Damoiselles du pays, qui accompagnée l'auoient, & si la fit le Duc conuoyer à bien cent Lances, & passerent parmy Gād, & y reposerent un iour, & firent les Gandois ce qu'ils peurent d'honneur à la Dame, & vint de là à Bruges, & la receut le Côte de Flādres moult honorablemēt, & se refreschirēt trois iours, & puis passerēt outre, & cheuaucherēt tant, qu'ils vindrēt à Grauelines, ou estoient les Comtes de Salbery & Dōnestre & cinq cens Lances & autant d'Archers, qui l'attendoient. Si l'amenerent à Calais, & adonc s'en retournerent les Brabançons, quand ils leurēt liurée aux Barōs d'Angleterre. Ceste ieune Dame ne seiourna gueres à Calais, quand elle eut vent à volonté. Si entrerent en mer, par un Mercredy au matin, apres ce que les vaisseaux furent équipez, & celuy iour ils arriuerent à Douures, & là se reposa & refreschit la Dame deux iours. Au tiers iour elle s'en partit, & vint à S. Thomas de Cātorbie, & là elle trouua le Côte de Bouquinguam, qui la receut moult grandemēt. Tāt exploita celle Dame, qu'elle vint à Londres, ou elle fut receue moult honorablemēt des Bourgeois, des Dames, & des Damoiselles du pays, & de la ville, qui là estoient toutes assemblees contre sa venue. Si l'espousa le Roy en la chappelle du Palais de Westmonstier, au vingtiesme iour de Noel & furent, le iour des espousailles, moult grādes festes, & tous iours fut en sa compagnie, depuis qu'elle partit d'Allemagne, ce gentil & noble Cheualier messire Robert de Namur, iusques à tant qu'elle fust espousée, dont le Roy d'Angleterre luy feut grand gré, & aussi fit le Roy d'Allemagne. Si mena le Roy d'Angleterre sa femme à Windesore, & là tint son hostel grand & beau. Si furent moult ioyeusement ensēble, & se tenoit Madame la Princeesse delez sa fille, la ieune Roine, & aussi pour celuy temps y estoit la Duchesse de Bretagne, † tāt du Roy Richard, que lors son mary.

le Duc de Bretagne, ne pouuoit rauoir, ne les Barons d'Angleterre, ne le Cōseil du Roy ne vouloient nullement consentir qu'on la renuoyast (pource qu'il festoit tourné François) & disoient communément en Angleterre les Barons & Cheualiers. Si le Duc de Bretagne l'acquitta faussement & mauuaisement enuers le Comte de Bouquingam & noz gens, au dernier voyage qu'ils firent en France, & il demande sa femme, nous ne la luy rendrons pas, mais enuoyon luy ses deux ennemis, Jean & Guy de Bretagne, qui furent enfans à Saint Charles de Blois, & qui ont plus grand droit en l'heritage, qu'il n'a. Car il en est Duc par nostre puissance, & mal recognoist le bié, qu'il a de nous. Si luy deuons pareillement remontrer sa villennie. Vray est que ces deux Seigneurs, Jean & Guy de Bretagne, enfans S. Charles de Blois (lesquels estoient prisonniers en Angleterre, & enclos en vn fort chastel, en la garde de messire Pierre d'Ambreticourt) furent requis, & appelez bellement & doucement, du Conseil du Roy d'Angleterre, & leur fut dit, que s'ils vouloiēt releuer d'Angleterre la Duché de Bretagne, & la recognoistre en foy & hōmage du Roy, en leur feroit recouurer leur heritage, & auroit Ieā † la vefue Madame Philippe de Lanclastre. Mais ils respondirent qu'ils n'en feroient riés, & que pour mourir en prison, ils demoureroient bons François. Si demoura la chose en cest estat, ne depuis qu'on seut fermement leur intention, ils n'en furent requis, ne priez, en nulle maniere du monde.

Comment le Roy de France ne peut point auoir d'argent du Receueur de Paris, & comment le Duc d'Aniou passa en Italie, & de sa noble Cheualerie. CHAP. LXXXVIII.

† Le nepuis trōuer qui estoit ceste vefue, & me doute qu'il ne fust le sire laifné, le raportar à ce Ieā, ou la ieune, entredat de ceste Dame Philippe.

Vous sauez comment ceux de Paris festoient composez & accordez enuers le Roy à payer vne somme de florins. Toutes les semaines les florins estoient payez à vn certain Receueur, commis & ordonné de par eux, mais le Roy n'en auoit nuls, ne riens, il ne parloit de Paris, & auint, ce pendant, que le Roy eut grand besoing d'argent, pour payer ses Gens-d'armes, qu'il enuoyoit en Castille, & tenu y estoit, par alliances iadis faites. Si manda à ce Receueur de Paris, qu'il fist finance de cent mille francs, car il vouloit aider & conforter, à son besoing, le Roy Damp Jean de Castille, & monstroït, tout clairement, ou il les vouloit mettre. Le Receueur respondit aux lettres du Roy, & aux mesfagers, moult gracieusement, & dit que voirement il auoit argent assez, mais il n'en pouoit riens deliurer, sans le congé & consentement de la ville de Paris. Ces parolles ne pleurent pas au Roy, & dit qu'il y pouruoyeroit de remede, quād il pourroit. Ce qu'il fit, & trouua sa finance ailleurs, par l'aide de ses bonnes-villes de Picardie. Ainsi auoit grande diffension entre le Roy & ceux de Paris, & ne venoit point à Paris, & se tenoit à Meaux, à Senlis, ou à Compiengne, ou là enuiron, dont ceux de Paris estoient tous courrouce, & le plus grand ressort de seureté qu'ils auoient, & le greigneur moyen, c'estoit au Duc d'Aniou, qui s'escriuoit Roy de Cecille & de Hierusalem, & iā en auoit chargé les armes. Ce Duc se tenoit communément à Paris, pour cause de ce qu'ils auoient grande finance, & † contredit à ce que le Roy en fust aidé, pour aider à faire son fait propre, & son armée, car il amassoit argēt de tous costez, & si grande sōme, qu'o disoit qu'il auoit en la Roquemore, delez Auignon, l'argent de deux millions de florins. Si traitta par deuers ceux de Paris, & fit tant par beau langage (ainsi que celui qui bié le sauoit faire, & qui moult bien estoit enlangagé & qui pour ce tēps de droit auoit le regard & l'administration principale du Royaume, car il estoit aîné de ses freres) qu'il eut la somme de florins assēblée, à vne seule deliurance cent mil francs, & le Roy n'e pouoit nul auoir, ne ses deux autres oncles, Berry & Bourgongne. Quand le Duc d'Aniou eut fait toutes les pourueances & ordonnances, à l'entrée † du Printēps il se mit au chemin, en si grand array, que merucilles, & passa par le Royaume, & vint en Auignon, ou il fut grādemēt festoyé du Pape & des Cardinaux, & là vindrent les Barons & les bonnes-villes de Prouēce, qui le receurent à Seigneur, & luy firent feauté, & hōmage, & se mirent en son obeissance, & là vint en Auignon, deuers luy, le gentil Comte de Sauoye, son cousin, accōpagné de Barōs & de Cheualiers, qui fut aussi de nostre S. pere le Pape grandement bien venu, & de tous les Cardinaux. Là en Auignon furent faites les finances, & les pourueances & deliurances d'or & d'argent, du Duc d'Aniou au Comte de Sauoye, & aux Sauoisiens, qui montoient grand nōbre. Apres toutes ces choses faites, le Duc d'Aniou & le Côte de Sauoye prirent congé du Pape, & se departirēt d'Auignō, & * prirēt le chemin de Sauoye & de Piémont, & là le Côte de Sauoye amena le Duc, & l'hōnora en ses bonnes villes tresgrādemēt & tousiours passoiēt Gēs d'armes deuant & apres & trouuoïēt la

† Ce passage estoit obscur, & l'auons éclairci selon le sens de l'Auteur.

† Voyage de Louis d'Anien premier de ce nom, au Royanme de Naples, en l'ā 1382. selon la deductiō precedēte, avec tous bons Auteurs.

* Anno. 23.

Lombardie toute ouuerte & appareillée. Si entra le Duc d'Aniou en Lombardie, & estoit partoutes les citez & bones villes, grandemēt receu, & par especial à Milan. Là fut honoré, outre mesure, de messire Galeas & de messire Barnabo, & eut de par eux si grās dons, au passer, de richesses & de ioyaux de prix, que merueilles seroit à compter, & tenoit le Duc d'Aniou, par tout tel estat, cōme Roy, & auoit ses ouuriers de mōnoye, qui forgeoient florins & blanche monnoye, dont ils faisoient leurs payemens, & faisoient ainsi par toute Lombardie, & en la Toscane. Quand ils vindrent en Toscane, & qu'ils approcherent de Romme, ils se tindrent plus ensemble, qu'ils n'auoient fait par auant. Car les Romains (qui sauoient bien la venue du Duc d'Aniou) festoient grandemēt fortifiez à l'encontre de luy, & auoient à Capitaine vn vaillāt Cheualier d'Angleterre (qui s'appelloit messire Iehan † Haçtoute) lequel auoit long temps demouré en Romanie, & cognoissoit toutes les frontieres, & tenoit grand nombre de Gens d'armes sur les chāps aux soudes & gages des Rōmains: c'estassauoir Anglois & Allemans, & plusieurs autres natiōs, pour Urbain, qui se tenoit à Pape & pour le tēps demouroit à Rōme: ne point ne seffrayoit de la venue du Duc d'Aniou, & quand on luy parloit que le Duc d'Aniou venoit celle part, & le Comte de Sauoye en sa compaignie, & le Côte de Genēue, & qu'il auoit bien neuf mille Lances de bons Gens-d'armes, & ne sauoit on encores de verité fils viendroient de fait à Romme, pour l'oster de son siege (car ils estoient tous Clementins) il respondit, en disant. CHRISTVS PROTEGAT NOS. C'estoit tout l'effroy, qu'il en faisoit, & ce qu'il en respondit à ceux, qui luy en parloient. Ainsi passerent ces Gens-d'armes, & le Duc d'Aniou (qui se disoit Roy de Naples, de Cecille, & de Hierusalem, & Duc de Pouille & de Calabre) & le Côte de Sauoye, & leurs routes, & costoyèrent l'Italie, la Toscane, la Marche d'Ancone, & la terre du Patrimoine, & point n'entrerent dedans Romme. Car le Duc d'Aniou ne vouloit point de guerre ne mal-talent à Rome, n'aux Romains: mais ne tendoit qu'à faire son voyage & emprise deuement, sur le point & l'estat qu'il estoit party de France, & par tout, ou il passoit & venoit, mōstroit estat & puissance comme Roy, & se louoyent de luy, & de son payemēt, tous Gens-d'armes, car bien sauoit qu'il auoit à faire. En celuy temps se tenoit en la cité de Naples son aduersaire, messire Charles † de la Paix, qui se disoit aussi, & escriuoit, Roy de Naples, de Cecille, & de Hierusalem, & Duc de Pouille, & de Calabre, & s'en tenoit Roy droiturier, puis que la Royne de Naples estoit morte, sans hoirs auoir par loyal mariage, & tenoit celuy Charles à vain, & pour nul, le dō, que la Royne en auoit fait au Pape, & le mōstroit par son opinion, en deux raisons. L'une estoit, qu'il disoit & soustenoit (outre ce que les Neapolitains le luy aidoint à soustenir, & aussi les Ceciliens) que la Royne de Naples ne pouuoit donner, ne résigner, l'heritage d'autrui, & fil estoit ainsi que la résignation fust bonne, & les dons viles de la Cour de Rome, & par droit des Papes, si disoit il qu'il le ne l'auoit pas fait deuement, car ils tenoient, à Pape, Urbain, & non Clement. Voila la question, qu'ils debattoient & proposoyent, & les deffenses, que messire Charles de la Paix y mettoit. Or ledit messire Charles de la Paix du commencement ouura sagemēt. Car il fit pourueoir le chastel de l'Oeuf, qui est l'un des plus forts chasteaux du monde, † car il sied par enchantemēt en la mer, & n'est possible de le prendre, ne conquerre, si ce n'est par nigromance, ou par l'art du Diable. Quand il l'eut fait pourueoir, pour y viure trois ou quatre ans, il prit vne quantité de Gens-d'armes, qui avec luy se bouterent, & là s'enclouirent, & laisserent conuenir le Duc d'Aniou, car il sauoit biē la cōdition de ceux de Naples, & que nullement ils ne le relenquiroient, & si Pouille, ou Calabre, se perdoit pour deux ou pour trois ans, aussi legeremēt il les recouurerait. Car il imaginoit que le Duc d'Aniou s'vseroit de finance, à entretenir si longuemēt sur les champs tel nōbre de Gens-d'armes, qu'il auoit amenez, & qu'il n'estoit pas en sa puissance de les y tenir tousiours. Pource que viures leur faudroient, ou finance, ou paiement, parquoy ils s'ennuyeroient dedās deux ans, ou trois, & quand ils seroient foulez, lassez, ou ennuyez, il les combattroit à son aduantage. Toutes ces imaginatiōs eut Charles de la Paix, dont aucunes on vit bien, en celuy terme qu'il mettoit, auenir. † Aussi, à la verité, il n'est nul Sire Chretien (exceptez le Roy de France & le Roy d'Angleterre) qui hors son pays peust tenir, trois, ou quatre ans, tel peuple de Gēs-d'armes sur les chāps, que le Duc d'Aniou y auoit & tenoit (car il mit outre les monts, trente mille combattans) qu'il ne fust tost miné de cheuance, & à entreprendre telles choses, au cōmencemēt faut biē gloser & imaginer.

Comment

† C'est celui,
qu'il a surnom-
mé Haçtoute
au chapitre. 3.
L'hist. de Nap.
dit Aguto.

† Il se doit sur-
nōmer de Du-
ras, selon l'hist.
de Naples &
ous autres Ita.

† Si le bon hō-
me Froissart
croioit ceci, il y
auoit de la sim-
plesse en son es-
prit.

† Ceste clause
est éclaircie sui-
uant le sens de
l'Auteur.

Comment le Comte de Sauoye, accompagnant le Duc d'Aniou au Royaume de Naples, fit couper la teste à vn, qui se ventoit de leur faire auoir le chasteau de l'Oeuf par enchantement.

CHAPITRE.

LXXXIX.

Quand le Duc d'Aniou & ses routes entrèrent en Pouille & en Calabre, le pays fut tantost tout à eux, & monstroient le peuple, qu'il ne demandoit autre chose, & ne desiroit autre Seigneur auoir, que le Duc d'Aniou, & vindrent, sur vn brief terme, tous Seigneurs, citez, & villes, en son obeissance. Or diét ceux, qui ont esté en celuy pays (lequel est l'une des plus grasses marches du monde) que pour la grande planté de biens, qui abondent au pays, les gens y sont tous oïseux, & n'y font point de labour. Quand ces Gens d'armes se trouuerent en ce pays si bon & si gras, & remply de tous biens, ils se tindrent tous aïses, & adonc s'en vint le Duc d'Aniou, le Comte de Sauoye, le Comte de Vendosme, & le Comte de Genéue, & la grande Cheualerie de France, de Bretagne, & de Sauoye, & passerent outre, & vindrent en la marche de Naples. Onc ceux de Naples, pour la doutance d'iceux Gens d'armes, ne daignerent clorre porte de leur ville, mais les tenoient toutes ouuertes. Bien pensoient que le Duc d'Aniou ne se mettroit iamais dedans outre leur plaïssance, car qui seroit dedans enclos (quelque peuple que ce fust) il seroit perdu, ne les maisons ne sont pas aisées à prendre, car il y a planches, qu'on oste quand on veut, & là dessous est la mer, ou nul n'oseroit s'en combattre. Adonc vn Enchanteur, Maître de nigromance (qui estoit en la marche de Naples, & y auoit conuersé long temps) vint au Duc d'Aniou, & luy dit, Monseigneur, se vous v'oulez, ie vous rendray le chasteau de l'Oeuf, & ceux qui sont dedans, à vostre volonté. Et comment (dit le Duc) pourroit c'estre? Monseigneur, ie le vous diray, dit l'Enchanteur. Je feray, par enchantement, l'air si espais dessus la mer, qu'il semblera à ceux de dedans, qu'il y ait vn grand pont, pour aller dix hommes de front, & quand ceux du chasteau, verroient ce pont, ils seront si ébahis, qu'ils se viendront rendre à vostre volonté, car ils se doubteront que, si on les assaut, qu'ils soient pris par force. Le Duc prit ceste parolle à grande merueille, & appella ses Cheualiers, le Comte de Vendosme, le Comte de Genéue, messire Jehan & messire Pierre de Bueil, messire Morice de Maumi, & les autres, & recorda ce que ce maistre Enchanteur disoit. Lesquels furent moult émerueillés, & se consentoient assez à ce qu'on le creust. Adonc demanda le Duc d'Aniou, & dit, Beau Maistre, & sur ce pont, que vous dites que vous ferez, se pourroient noz gens asseurer dessus, & aller iusques au chasteau, pour assaillir? Monseigneur (respondit l'Enchanteur) tout ce ne vous oseroie asseurer, car s'il y auoit aucun de ceux, qui sur le pont passassent, qui fist la croix, tout iroit à neant, & ceux, qui dessus seroient, trebucheroient en la mer. Adonc commença le Duc à rire, & lors respondirent aucuns ieunes Cheualiers, qui là estoient, & dirent, Ha, Monseigneur, pour Dieu laissez le faire. Nous ne ferons point le signe de la croix, & plus legerement nous ne pouuons auoir noz ennemis. Dit le Duc d'Aniou, ie m'en conseilleray. A ces parolles n'estoit point le Comte de Sauoye, mais il vint assez tost. Quand le Comte de Sauoye fut venu en la tente du Duc d'Aniou, le Maistre Enchanteur estoit party. Adonc luy recorda le Duc les parolles du Maistre, & quelle chose il luy offroit. Le Comte de Sauoye peula vn petit, & puis dit. Enuoyez le moy à mon logis, & puis ie l'examineray. C'est le Maistre Enchanteur, par lequel la Royne de Naples & messire Othe de Brunsvich furent iadis pris au chasteau de l'Oeuf, car il fit la mer si haute, qu'il sembloit qu'elle mōtast par-dessus le chasteau. Si en furent si ébahis ceux, qui au chasteau estoient, qu'il leur sembloit qu'ils deussent estre tous morts. On ne doit point auoir de fiance trop grande en telles gens. Or regardez des malandrins de ce pays la nature. Pour seulement cōplaire à vous, & auoir vostre bien faict, il veut trahir Charles de la Paix, à qui il liura vne fois la Royne de Naples & son mary. Or (dit le Duc d'Aniou apres) ie vous l'enuoyeray. Adonc entrèrent les Seigneurs en autres parolles, & conseillerent vn temps de leurs besongnes le Duc & le Comte de Sauoye, & puis s'en retourna le Comte en son logis, & quand ce vint le iour, apres que les Seigneurs furent leuez, le maistre Enchanteur vint deuers le Duc, & s'enclina. Aussi tost que le Duc le veit venir, il dit à vn sien varlet, Va, & le mene au Côte de Sauoye. Le varlet le prit par la main, & luy dit, Maistre, Monseigneur veut que viengnez parler au Comte de Sauoye. Il respondit, Dieu y ait part. Adonc s'en vint il en la tente du Comte, & puis le varlet dit, Monseigneur, veez cy le maistre, que Monseigneur vous enuoye. Quand le Comte le vit, il en eut grande ioye, & luy deman-

† l'aymeroye
mieux lire s'en-
battre, comme
vent sala, qui
pour toutes ces
clauses de Na-
ples dit tels
mots. Puis s'en
allèrent a Na-
ples, mais
ceux de Na-
ples ne dai-
gnerent clor-
re leurs por-
tes pource
que nul ne
se y osoit
bouter pour
cause que de
uant les mai-
sons sont plâ-
ches qu'il ne
conuiet que
leuer & la
mer est des-
sous ou nul
ne s'oseroit
embattre. Le
quel mot signi-
fie auenturer
en cest endroit.

da, Maistre, dictes vous, pour certain, que vous nous ferez auoir le chastel de l'Oeuf à si bon marché? Par ma foy (dit l'Enchanteur) Monseigneur ouy. Car par œuure pareille ie le si iadis auoir à celuy, qui est dedans (c'est assauoir Monseigneur Charles de la Paix) & la Royne de Naples, & sa fille, & son mary messire * Robert d'Artois, & messire Othe de Brunfuich, & ie suis maintenant l'homme au monde, que messire Charles repute le plus. Par ma foy, dit le Comte de Sauoye, vous dites bien, & ie vueil que messire Charles de la Paix sache qu'il a grand tort, fil vous craint, car ie l'en asseureray ne iamais vous ne ferez enchantement, pour deceuoir luy, ny autre. Je ne vueil pas qu'il nous soit reproché au temps aduenir, qu'en si haut fait-d'armes, ou nous sommes tant de vaillans hommes, Cheualiers & Escuyers, assemblez nous ayons ouuré par enchantement, ne que nous ayons par tel art noz ennemis. Adoncques il appella son varlet, & luy dit. Appelle vn Bourreau, & luy fay trencher la teste. Et, tantost que le Comte l'eut dit, il fut fait, & on luy trencha la teste au dehors du logis. Ainsi finit ce maistre Enchanteur, & fut payé de ses loyers. Nous souffrirons à parler du Duc d'Aniou, & de ses gens, & de leurs voyages, & retournerons aux besongnes de Portugal, & racompterons comment les Anglois & Gascons perseuererent.

Comment le Chanoine de Roberfac & ses gens, cheuauchans de rechef contre la volonté du Roy de Portugal, prirent quelques places sur les marches de Seuille. CHAPITRE XC.

† Qui fut de
1382. comme
dessus.

Q Vand ce vins à l'entrée du moins † d'Auril, les Cheualiers qui estoient en garnison en la ville de Besiouse, & qui auoient là seiourné tout le temps, & n'auoiēt point cheuauché, fors que quand ils auoient esté deuant la Fighiere, s'aduiferent, l'un parmy l'autre, qu'ils cheuaucheroient, & auoient entre eux grande merueille, à quoy le Roy de Portugal & le Côte de Cantebruge pensoient, quand ils auoient ià esté neuf mois ou pays de Portugal, & n'auoient cheuauché qu'une fois, & que ce leur portoît grād blasme. Si aduiferent qu'ils enuoyeroient deuers le Comte Aimond de Cantebruge, pour luy remonstrer ces besongnes, & me semble que le Souldich de l'Estrade y fut enuoyé, & vint à Estremoure, ou le Comte estoit logé. Si luy dit Sire, les compagnons m'enuoyent deuers vous, pour sauoir quelle chose vous voulez faire, car ils ont grande merueille, pour quoy on les a amenez en ce pays, quād tant y seiournēt, & que ce leur tourne à grāde de plaissance. Si me respondiez, que vous voulez qu'ils facent, car ils ont grand desir de cheuaucher. Or Souldich (dit le Comte) vous sauez que, quād ie party d'Angleterre, Monseigneur le Duc de Lancastre, mon frere, me promit, par sa foy, que, luy retourné d'Escocce, ou il alloit, il vien droit par deça, à vne quantité de Gens-d'armes, iusques au nombre de trois mille, & autāt d'Archers, & n'estoye deça enuoyé, sur l'estat que ie vein, fors que pour aduiser le pays, & dedans brief temps nous en orrons nouuelles, car aussi i'ay grande merueille d'y seiourner, tant. Si me saluez tous les compagnons, & leur direz ce que ie vous dy. Au fort, ie ne les puis, ny ne les vueil, pas tenir de cheuaucher, filz y ont bonne affectiō. Mais vous sauez que le Roy de Portugal paye les gages, si se doit on ordonner par luy. Par ma foy, Monseigneur (dit le Souldich) il paye mal, & aussi les compagnons s'en plaignent trop fort. Il nous doit encores tous noz gages de six mois. Il vous payera bien, dit le Comte, Tousiours vient argent à point. Sur cest estat se partit le Souldich, du Comte, & retourna deuers les cōpaignons, & leur recorda tout ce qu'auiez ouy. Seigneurs (dit le Chanoine) ià pour ce ne demoureray. Je voy bien qu'on dissimule de nostre cheuauchement. On ne veut point que nous cheuauchons, à celle fin que nous n'ayons point cause de demāder argēt. Mais ie suis d'opiniō que nous cheuauchons. Là ordonnerent & appointerēt entre eux qu'ils cheuaucheroiēt, & prirent terme le soir, dont ils deuoient cheuaucher le lendemain, & auoient leurs harnois tous prests. Si vint messire Iehan de Ferrande, vn des Cheualiers du Roy de Portugal (lequel estoit informé qu'ils vouloient cheuaucher) & apporta lettres au Chanoine de Roberfac, lequel les leut, & trouua cōment le Roy luy deffendoit que point ne cheuauchast, & que bien sauoit que par luy & par son émouement se faisoient les emprises & cheuauchées. De ces nouuelles fut le Chanoine courroucé, & dit au Cheualier, Iehan, ie voy bien que le Roy ne veut point que ie cheuauche. Or (prenez q̄ ie seiourne à l'hostel) pensez vous que les autres (qui sont meilleurs Cheualiers, & plus vaillās que ie ne suis) doiēt pour ce demourer, qu'ils ne facēt leur entreprise? Par ma foy nēny, & vous le verrez demain, car ils se sōt tous arrestez & ordōnez pour cheuaucher. Seigneur (dit Ferrande,) Cōmādez leur

leur, de par le Roy, que point ils ne cheuauchent. Par ma foy (dit le Chanoine) ie n'en feray riens: mais commandez leur, vous qui estes au Roy. Sur ce poinct demoura ainsi la chose, toute la nuit. Quand ce vint au matin, on sonna les trompettes. Adonc Cheualiers & Escuyers s'armerent: & toutes gens s'appareillerent, & monterent à cheual: & s'en vindrent deuant l'hostel du Chanoine: qui point ne s'armoit. Là s'arrestèrent tous Cheualiers Anglois, & Gascons. Il vint aux fenestres parler à eux: & leur dit que le Roy de Portugal ne vouloit point qu'il cheuauchast, ny autres avecques luy. Par ma foy (respondirent ils) nous cheuauchons, puis que nous sommes si auant, & aussi ferez vous: ne iamais ne sera reproché que nous cheuauchions, & que vous seiourniez à l'hostel. Là conuint le Chanoine de Roberfac armer, & mōter à cheual: & aussi fit le Cheualier Portugalois, messire Iehan Ferrande (dont il fut pres d'estre pendu, & en la malle grace du Roy) & tant luy prierent les compaignons qu'il s'arma. Adoncques issirent ils de la ville de Besiouse: & se meirent aux champs: & estoient bien enuiron quatre cens Lances & autant d'Archers: & prirent le chemin de Seuille, & deuers vn chastel & vne ville: que l'on dit le Ban. Tant cheuaucherent les Anglois & Gascons, qu'ils vindrent deuant le Ban. Si l'enuirōnerent par l'vne des parts, dont elle estoit la plus prenable, & aisée pour assaillir. Si descendirent tous à pié: & se meirent en arroy & ordonnance d'assaut: & entrèrent dedans les fossez (esquels n'auoit point d'eau & vindrent iusques aux murs: & commencerent à picquer, & à bouer, & fort assaillir. Pour ce iour n'auoit en la ville du Ban nulles Gens-d'armes: fors les hommes de la ville: qui estoient mal-armez: & toutefois ils estoient à leurs deffenses, & auoient lances & iauelines: dont ils lançoient, & tiroient, & se deffendoient à ce qu'ils pouuoient: mais à la longue ils ne peurent durer, qu'ils ne fussent pris. Si commencerent à traiter à ceux qui les assailloient. Finalement ils se rendirent sauues leurs vies & le leur, & dirent qu'ils se mettroient & demouroient en l'obeyssance du Roy Ferrand de Portugal. Ainsi furent ils receus: & entrèrent en la ville toutes gens, & s'y rafreschirent, & allerent & aduiserent, & regarderent, ce iour, comment ils se pourroient cheuir du chastel, & apperceurēt qu'il estoit bien prenable: & des le soir commencerent aucuns de l'ost à écarmoucher. Quand ce vint au matin, on commença à assaillir, par grand' ordonnance: & ceux, qui estoient dedans, à eux deffendre. Dedans le Chasteau auoit vn Gentil-homme du pays: qui en estoit Capitaine: & se nommoit Pierre Iagoufes. Mais il n'estoit pas trop bon homme-d'armes: & bien le monstra: car, si tost qu'il se vit assally, & tant de bons Gens-d'armes deuant luy, il s'effraya & entra en traitté & se rendit avecques le fort, sauue sa vie & ceux qui dedaus estoient. On le print, & rafreschit-on de bons Gens-d'armes, & Archers. Puis s'en partirent: & cheuaucherent deuers vn autre Chasteau, à sept lieues de là: qu'on dit la Courtisse. Quand ils furent venus là, si se meirent en ordonnance d'assailir: & assaillirent fort & roide. Ceux, qui dedans estoient, moult vaillamment se deffendirent, à ce qu'ils peurēt: & ne se daignerent rendre. A l'assaut (qui fut grand & fort) fut mort le Capitaine du Chasteau: qui s'appeloit Radulphe. Subtil & appert Homme-d'armes estoit: mais si fut il occis d'un trait de flèche: car il s'abandonnoit trop follement à la deffense. Depuis qu'il fut mort, les autres n'eurent point de durée. Si fut le chasteau pris, & le plus de ceux, qui dedans estoient morts. Ainsi eurent le chanoine & ses gens le chastel de la Courtisse. Si le refreschirent de nouvelles gens, & le remplirent bien & fort, & puis passerēt outre, en approchant la cité de Seuille la grand'.

Composition de la ville de Ban en Espagne au Chanoine de Roberfac.

Le chasteau de la Courtisse pris sur le roy d'Espagne par les Anglois du Chanoine de Roberfac.

Des grans pillages & proyes, que le Chanoine & ses compaignons firent sur le Roy de Castille & comēt, s'estas mutinez cōtre le Roy de Portugal, payement leur fut incōtinent deliuré. CHA. XCI.

TAnt exploiterent ces Gens-d'armes, Anglois & Gascons, qu'ils vindrent à l'afre, à dix lieues de Seuille, vne ville mal-fermée: mais il y a vn monstier assez fort: que ceux du pays & de la ville de l'afre auoient fortifié, & là s'estoient retraits sur la fiâce du lieu. De plaine venue la ville de l'afre si fut tantost prise & toute arse, & tost le monstier assally: & l'assaut ne dura pas vne heure, que tout ne fust pris: & là y eut grand pillage pour ceux qui premiers entrèrent: & y eut moult d'autres hommes morts. Apres cheuaucherent outre: car ils furent informez que dedans vn marest, qui là estoit auoit les plus belles proyes du mōde, & qu'en vne valée auoit plus de 20000. bestes, porcs, beufs, vaches, moutons & brebis. A ceste parolle eurent ces Seigneurs grand' ioye: & vindrēt celle part: & entrèrent en ce marest: & firent toutes les bestes vider par leurs gens de pié, & chacer deuant eux. Adonc eurent ils conseil de retourner à la ville Besiouse, en

La ville de l'afre, prise par le chanoine de Roberfac.

† 11

ques fois ville leurs logis: & y prirent tous leur retour & chemin: & vindrent là au soir, au lendemain
 Belouise & eux & leur proye: dont ils furent depuis largement pourueus & auitaillez: Ainsi se porta
 quelques au- celle cheuauchée: &, quand messire Iehan Ferrande fut retourné à Lissebonne deuers
 tresfois cōme le Roy, & il luy eut recordé comment il auoit exploité, & la cheuauchée que leurs gēs
 il est icy & auoient faite sur leurs ennemis, & la belle proye qu'ils auoient amenée, il cuida bien dire,
 faudroit (peut estre) lire par re, & que le Roy luy en feust trop grand gré: mais non fit: car il luy dit, Et comment,
 vn seul mot, garson ordoux, as tu esté si hardy, que sur la defense que ie leur auoye faicte, tu leur
 ville Besioufe. ayes consenty à cheuaucher, & ayes esté en leur compaignie? Par Monseigneur Sainct
 Iacob, ie te feray pendre. Adoncques se getta le Cheualier à genoux: & luy dit, Mon-
 seigneur, le Capitaine d'eux s'en acquitta bien & loyaument: mais, à force les au-
 tres le firent cheuaucher, & moy aussi, pour enseigner le pays: &, quand la cheua-
 chée est bien tournée, vous le nous deuez pardonner. Nonobstant toutes ces parol-
 les, le Roy commanda qu'on le mist en prison: & y fut mis: & y demoura, tant que le
 Comte de Cantebruge, le fit deliurer, quand il vint à Lissebonne, sur tel estat que vous
 orrez, Apres que les Anglois & Gascons furent de leur cheuauchée retournez à ville Be-
 sioufe, & sy furent tenus toute vne saison, ils aduiserent qu'ils enuoyeroient deuers le
 Roy de Portugal, pour estre payez de leurs gages. Si luy enuoyèrent tous generalemēt
 le Seigneur de Taillebor, vn Baron de la Marche de Galles. Quand le seigneur de Taille-
 bor fut venu à Lissebonne, & il eut parlé au Roy, & remonstré ce, pourquoy il estoit ve-
 nu, le Roy respondit seulemēt, que deux fois ils auoiēt cheuauché outre sa defense, par-
 quoy ils l'auoient courroucé, & retardé leur payement. Si n'en peut pour lors auoir au-
 tre chose, ne responce, le Sire de Taillebor: & s'en retourna à ses compaignons, leur re-
 corder la responce du Roy: dont ils furent courroucez: En celle mesme semaine se par-
 tit le Comte de Cantebruge d'Estremoure: & s'en vint en la ville de Besioufe, loger en
 vne Abbaye de Freres-mineurs, au dehors de la ville. Si en eurent les Cheualiers An-
 glois & Gascons grand'ioye. Entre ces Cheualiers y auoit de petis compaignons, qui
 ne pouuoient pas attendre le loingtain payement du Roy: & dirent l'un à l'autre. Nous
 sommes menez merueilleusement. Nous auons esté en ce pays ia pres d'un an: & si n'a-
 uons point eu d'argent. Il ne peut estre que nostre Capitaine n'en ait eu & receu: car ia-
 mais ne s'en fust souffert si longuement. Ces parolles & murmurations multiplierent
 entre eux: tellement qu'ils dirent qu'ils n'en vouloient plus souffrir, & ordonnerent vne
 iournée entre eux de parler ensemble, & d'estre en Parlement en vn bel monstier, qui
 sied au dehors de la ville de Besioufe: à l'opposite des Cordeliers: ou le Côte de Cante-
 bruge estoit logé. Si dit le Chanoine de Roberfac qu'il y feroit: &, à voir dire il en fut
 bien besoing: car, si n'y eust esté la chose fust allée mauuaisement. Quand ce vint enui-
 ron heure de tierce, que tous furēt là assemblez (excepté le Chanoine du Roberfac: qui
 encores n'y estoit point venu) messire Guillaume de Beauchamp, messire Matthieu de
 Gournay son oncle, le Sire de Taillebor, messire Guillaume Hermon, & les Gascons
 (c'est assauoir le Sire de la Barde, le Sire de Chasteau-neuf, le Souldich de l'Estrade. &
 plusieurs autres) commencerent à parler & à faire leurs plaintes l'un à l'autre: & là auoit
 vn Cheualier, frere bastart du Roy d'Angleterre, & appelé messire Iehan Soutier: qui
 faisoit plus entendre ses parolles que nul autre: & disoit, Le Comte de Catebruge nous
 a icy amenez. Tous les iours nous auenturons, & voulons auenturer, noz vies pour luy:
 & il retient noz gages. Ie conseille que nous soyons tous d'une alliance & d'un accord,
 & que nous eleuions de nous-mesmes le pennon Sainct-George, & soyōs amis à Dieu,
 & ennemis à tout le monde, Autrement se nous ne nous faisons craindre, nous n'aurōs
 riens. Par ma foy (respondit messire Guillaume Helmon) vous dites bien: & nous le fe-
 rons. Tous s'accorderent à celle voix: & regarderent de qui Ils feroient leur Capitaine
 Si aduiserent que pour leur cas ils ne pouuoient auoir meilleur Capitaine que Iehan Soutier.
 Si crée: car ils auroient de malfaire plus grand loisir, & plus de port que de nul des autres.
 Là bouterent ils le pennon Sainct-George, dehors: & crièrent tous, A Souscrée ce vail-
 lant Bastart. Amis à Dieu, & ennemis à tout le monde. Et estoient adonc en volonté, &
 tous éueillez de venir courir premierement Ville-Besioufe, & de faire guerre au Roy
 de Portugal. Bien auoient messire Matthieu de Gournay & messire Guillaume de Beau-
 champ debatue ces parolles, & de non courir la ville: mais ils n'en auoient peu estre ouis.
 A ce poinct qu'ils auoient leuē le pennon Sainct-George, & qu'ils deuoient partir du
 monstier, le Chanoine vint, & rompit la presse, & entra dedās, & s'arresta deuant l'autel,
 & dit

† Vous auiseres
 si c'est Challe
 bor du ch. 73.
 ou Talbot du
 cha. 85.

Commencemēt
 de murmure en
 tre les sou-
 doyers d'An-
 gleterre, contre
 le Roy de Por-
 tugal.

† Ce passage est
 parfait selon le
 sens de l'Au-
 teur.

† Ce doit estre
 Mess. Iehan
 Fondree, du
 chap. 85.

† Il a n'ague-
 res dit Her-
 mon.

† Vous verrez
 que c'est celui
 qu'il a n'ague-
 res surnommé
 Soutier.

& dit

& dit tout haut, Beaux Seigneurs, que voulez vous faire? Ayez ordonnance & attrem-
 pance en vous. Je vous voy durement émayez. Adonc vindrent en sa presence messire
 Jehan Soufcrée, messire Guillaume Helmon, & aucuns des autres & luy remonfirent
 ce qu'ils auoient fait, & aussi quelle chose ils vouloient faire. Adonc les refrena le Cha-
 noine par beau langage: & leur dit, Seigneurs, pensez & imaginez bien vostre fait. Ce,
 que vous entreprenez, est folie, & outrage. Nous ne pouuons mieus nous destruire, que
 de nous-mesmes. Si nous guerroyons ce pays, noz ennemis en orront les nouuelles, &
 sefforceront: quand ils verront que nous n'irons point au-deuant. Ainsi perdrons nous
 en deux manieres. Nous réiouirons & asseurerons noz ennemis de ce qu'ils font en doti-
 re: & fausserons nostre loyauté enuers le Comte de Cantebruge. Et que voulez vous
 (dit Soufcrée) Chanoine, que nous facions? Nous auons despendu plus auant que noz
 gages: & si n'auons eu ne prest ne payemēt nul, depuis que nous sommes venus en Por-
 tugal. Se vous auez esté payé, & nous ne le sommes point, vous auez beau souffrir.
 Par ma foy, Soufcrée (dit le Chanoine) ie n'ay eu paiement non plus que vous: ne sans
 vous ie ne receuray riens. Respondirent aucuns Cheualiers (qui là estoient) Nous vous
 en croyons bien. Mais il faut que les choses ayent leur cours. Monstrez nous comment
 nous puissions honnorablement issir de ceste matiere, & auoir hastiue deliuranca: & se
 nous ne sommes de brief bien payez, les choses iront mal. Adonc commença à parler le
 Chanoine de Roberfac: & dit, Beaux seigneurs, ie conseille que d'icy en auant, en l'estat
 que nous sommes, nous allions parler au Comte de Cantebruge: & luy remonstrerons
 ce, que nous luy deuons remonstrer. Et * le quel le luy remōstrera d'entre nous? dit quel-
 que autre. Moy, dit Soufcrée: mais auouez ma parolle. Tous furent contens de l'auouer.
 Adonc se departirent ils, en l'estat ou ils estoient, le pennon Sainct George deuant eux
 (qu'ils auoient ce iour leué) & s'en vindrent aux Cordeliers: ou le Comte estoit logé.
 Ainsi qu'il deuoit aller disner, tous ces compaignons (qui estoient plus de sept cens, vns
 & autres) entrerent en la court: & demanderent le Comte lequel issir hors de sa chābre:
 & vint en la salle, pour sortir, & parler à eux. Adonc sauancerent tous les Cheualiers,
 qui là estoient: & Soufcrée estoit deuant: qui remōstroit de bon visage la parolle: & dit,
 Monseigneur, vous nous auez assemblez en Angleterre. Si sommes icy venus à vostre
 priere (& encores d'autres assez, qui sont là dehors) & nous sommes mis hors de nostre
 nation d'Angleterre. Si estes nostre Chef: & de noz gages (dont nous n'auons eu nuls)
 nous ne nous deuons prendre fors qu'à vous. Car pour le Roy de Portugal nous ne fust-
 fions iamais venus en ce pays, n'en son seruice: si vous ne nous deussiez payer. Mais (si
 vous voulez dire q̄ la guerre n'est pas vostre, ains au Roy de Portugal) nous no' payerōs
 biē de noz gages: car nous courrōs ce pays, & puis en ait qui auoir en pourra. Soufcrée,
 dit le Côte, ie ne di pas q̄ vo' ne soyez payez, mais de courir ce pays, vo' me feriez auoir
 blasme, & au Roy d'Angleterre aussi: qui est par alliāce cōioint avec le roy de Portugal.
 Et que voulez vous (dit Soufcrée) que nous faciōs? Le vueil (dit le Côte) que vous pre-
 niez trois de noz Cheualiers, vn Anglois, vn Gascon, & vn Allemand: & que cest trois
 s'en voient à Lissebonne vers le Roy: & luy remonstrent ceste besongne, & le loingtain
 paiement, qu'il fait aux compaignons: & quand vous l'aurez sommé, lors vous aurez
 meilleure cause de faire vostre entente. Par ma foy (dit le Chanoine de Roberfac) Mō-
 seigneur de Cantebruge dit tresbien: & parle sagemunt, & vaillamment. A ce dernier
 propos s'accorderent: mais pour tant ils n'osterent pas le pennon Sainct George: & di-
 rent que, puis qu'ils l'auoient leué d'un accord en Portugal, point ne l'abbattroient, tant
 qu'ils y seroient. Adonc furent ordonnez ceux, qui iroient en ce voyage, deuers le Roy.
 Si furent nommez messire Guillaume Helmon, pour les Anglois, messire Thomas Si-
 mon, pour les Allemans, & le Sire de Chasteau neuf pour les Gascons. Les trois Che-
 ualiers deslus-nommez, exploiterent tant, qu'ils vindrent à Lissebonne: & y trouuerent
 le Roy: qui leur fit bonne chere: & leur demanda des nouuelles, & que leurs compai-
 gnons faisoient. Monseigneur (respondirent ils) ils sont tous en bon point: & cheua-
 cheroient volontiers: & employeroient la saison, autrement qu'ils ne font: car le long
 seiour ne leur est pas agreable. Or (dit le Roy) ils cheuaucherōt de brief, & moy en leur
 compaignie: & le leur direz de par moy. Mōseigneur (dit messire Guillaume) nous som-
 mes cy enuoyez de par eux: afin que vous disions, que, depuis qu'ils vindrent en ce país,
 ils n'ont eu prest, ne paiement, de par vous: dont ils vous mandent generalement par
 nous, qui sommes ci enuoyez, que ce n'est pas assez. Car, qui veut auoir l'amour & le ser-

*Parolles du chā-
noine de Rober-
fac, pourapai-
ser les compai-
gnons.*

** Annot. 25.*

*Remonstrance
des souldoyers
d'Angleterre.
au Côte de Can-
tebruge, pour
estre payez du
Roy de Portu-
gal.*

*Cōseil du Com-
te de Cantebrū-
ge d'enuoyer
vers le Roy de
Portugal, pour
auoir le paye-
mēt de ses gēs.*

*Messagers des
souldoyers d'An-
glet. au Roy de
Portugal.*

† C'est à dire,
en ont donc
la coulpe.

Promesse du
roy de Portugal
pour le prompt
payement des
souldoyers de
Angleterre.

† C'est assavoir,
la fille de
Portugal qui
estoit mariee
à son fils,
† Tousiours
1382.

Payement du
roy de Portugal
aux souldoyers
d'Angleterre.

† sala dit
gros varlets.

† C'est à dire,
à temps, à loi
fir & meure-
ment.

uice des Gens-d'armes, il les faut autrement payer, que vous n'avez fait iusques à ores: & s'en sont souciez vn grand temps, pour la cause de ce, qu'ils ne fauoient point à quoy il tenoit: & † en ont donné charge à noz Capitaines: dont la chose est presque mal allée, Mais ils s'en sont excusé: parmy ce, qu'on a bien feu, qu'ils n'en ont riens eu ne receu. Or sauez vous bien qu'ils disent vray. Si veulent estre payez de leurs gages tout entiere-ment, se vous en voulez auoir le seruice: & si vous ne les payez, ils vous certifient qu'ils se payeront du vostre. Si ayez conseil & responce sur ce, & que nous la puissions empor-ter: car ils n'attendēt autre chose, q̄ nostre retour. Le Roy pēsa vn petit: & puis dit, Mes- sire Guillaume, c'est raison qu'ils soient payez. Mais ils m'ont courroucé trop durement de ce que, contre ma deffense, ils ont cheuauché: & se n'eust esté ce mal-talēt, ils eussent ores esté satisfaits de tous poincts. Sire (dit le Cheualier) fils ont cheuauché, c'est à vo- stre honneur & profit. Ils ont pris villes, chasteaux, & couru la terre de voz ennemis, ius- ques à Seuille. Qui a esté honnorablement exploité. Si n'en doiuent pas perdre leur sai- son: & aussi ils ne la veulēt pas auoir perdue: car nous retournez, ils disent qu'ils se paye- ront: fils n'ont certaine & gracieuse responce de par vous, autre qu'ils n'ont eue iusques à ores. Or (dit le Roy) dites leur que dedans quinze iours, au plus tard, ie les feray payer, & leur deliurer tous leurs gages, iusques à vn petit denier pres: mais dites au Comte de Cantebruge, qu'il vienne parler à moy: Sire (dit messire Guillaume) ie le feray, & vous dites bien. A ces mots fut heure de disner. Si disnerent ensemble: & les festoya le Roy tous trois ensemble: & les fit seoir à sa table, Ainsi passa ce iour: & le lēdemain ils retour- nerent deuers leurs gens. Si tost qu'on feut leur retour, les Cheualiers se tirerent deuers eux, pour sauoir quelle chose ils auoient trouué: Si leur recorderent la responce & la pa- rolle du Roy: & tant que tous se contenterent. Or regardez (ce dit Soufcrée (se riote n'a aucunes fois bien son lieu. Encores auons nous auancé nostre payement pour estre vn petit rioteux. Bien ayt celuy, qu'on craint. Les Cheualiers, tous trois, allerent deuers le Comte de Cantebruge, & luy recorderent comment ils auoient exploité, & que le Roy mandoit le Comte de Cantebruge. Si se departit de la ville au matin: & cheuaucha tāt, qu'il vint à Lissebonne. Si fus receu de son fils, & de sa † fille, moult amiablement. Là eu- rent le Roy & luy ensemble parlement, & certain atrest & accord de cheuaucher. Si fit le Roy vn mandement par tout son Royaume, pour estre sur les champs, entre la ville Besiouse & Clemence, le septième iour de † Iuin. Ce mandement s'épandit parmy le Royaume de Portugal: & fordonnerent toutes manieres de gens à pié, pour estre à ce iour là, au plus estoiffement, que chacun endroit soy pourroit. A la venue du Comte de Cantebruge à Lissebonne fut deliure de prison messire Iehan Ferrande: sur lequel le Roy, pour les cheuauchées fuscites, auoit esté moult courroucé. Si prit congé le Com- te & s'en retourna deuers les compaignons, tout réiouy, & fordonnerent à estre tous prests sur celuy estat. Assez tost apres vint finance & payement aux compaignons, & aux Capitaines premierement: & tant firent, que tous se tindrent pour contens: mais tousiours se tint le pennon Sainct-George.

Comment les rois de Castille & de portugal assemblerent leur puissance: & comment la paix fut faicte entre eux, contre la volonté des Anglois. CHAP. XCII.

LE Roy Damp Iehan de Castille (qui toute la saison auoit fait son amas de Gens-d'ar- mes, qui luy estoient venus du Royaume de France: tellement qu'il auoit bien deux mille Lâces de Cheualiers & d'Escuyers, & quatre mille † varlets, sans ceux de son païs: dont il pouuoit bien auoir dix mille hommes à cheual & autant de pié) feut ces nouuel- les (car il estoit à Seuille) & comment le Roy de Portugal fordonnoit pour cheuaucher, Si ordonna, pour plus honnorablement vser de ceste guerre, d'autant qu'il se sentoît af- fez fort de gens & de puissance, qu'il manderoit au Roy de Portugal qu'il luy voufist li- urer pièce de terre en Portugal, pour combattre puissance contre puissance: & si ne le vouloit faire, il la luy liureroit en Espagne. Si fut chargé de porter ces nouvelles le He- raut du Roy: & cheuaucha tant, qu'il vint à Lissebonne: & trouua le roy: auquel il fit son message bien à point. Le Roy respondit, & dit au Heraut, qu'il auroit † temperemēt ad- uis & conseil laquelle option il prendroit: & ce, qu'il en feroit, manderoit au Roy d'Es- paigne. Quand le Heraut eut fait sa semonse, & eut eu sa responce, il se departit du Roy, en prenant congé: & s'en retourna à Seuille. Là trouua le Roy & ses Barons, & ceux de France, d'Arragon, & de Galice: qui là estoient venus. Si recorda tout ce qu'il auoit ouy, veu, & trouué: tant qu'il suffist à tous. Depuis il ne demoura gueres de temps, que le Roy

de Por-

de Portugal fut cōseillé, par l'aduis qu'il eut des Anglois, qu'il liureroit en son pays, terre & place pour combattre. Si furent ordonnez, pour aller aduiser ou ce feroit, de par le Roy, messire Thomas Simon, & le Souldich de l'Estrade: & aduiserent la place entre † Clues & val-de-lore, bon lieu, ample & plantureux pour bien combattre: & vous dy que ces deux Cheualiers, & leurs Archers, & leurs routes, furent écar mouchez, en allât aduiser celle place, des guetteurs du Roy de Castille: & y eut moult grand hutin, & de morts & de blecez d'une part & d'autre. Toutesfois ils retournerent deuers le Roy de Portugal & les Cheualiers: & recorderent ou, & comment, ils auoient aduisé la place: & la nommerent. Ce fust bien aux deffusdits, Adonc fut ordonné vn Cheualier Allemand (qui s'appelloit messire Iehan Coustedor) de faire ce message, avec vn Heraut, au Roy d'Espaigne. Si se partit le Cheualier: & cheuaucha tât, qu'il vint à Seuille: ou il trouua le Roy d'Espaigne: & luy fit son message: & luy compta tout ce, que son Roy luy mandoit: & comment de grand' volonté il accorderoit la bataille, & liureroit la place entre Clues & le val-de-lore: & là dedans cinq iours, luy retourné de Seuille, il trouueroit le Roy de Portugal logé, & toute sa gent: qui ne desiroient autre chose que la bataille. De ces nouuelles furent les Espaignols tous réiouis: & aussi furent les François: & prirent messire Tristan de Roie, messire Iehan de Vernettes, messire Pierre de Villames, & autres, le Cheualier de Portugal: entr'eux: & le festoyerent, vn iour tout entier, moult grâdemment à Seuille: & luy firent toute la bonne compagnie, qu'on pouuoit faire à Cheualier: & le conduirent iusques à l'affres: & puis retournerent arriere: & le Cheualier cheuaucha tant, qu'il vint deuers le Roy de Portugal & les Seigneurs: & recorda comment il auoit fait son message, & la responce, que on luy auoit donnée. Dequoy se contenta moult le Roy de Portugal & les Cheualiers. Depuis ne demoura gueres de temps, que le Roy de Portugal s'en vint loger en la place, ou les gens estoient entre † Clues & Val-de-lore, en vn beau plain, deffous les oliuiers: & là amena la plus grād' partie de ceux de son Royaume: dont il se pouuoit aider: & estoient enuiron quinze mille hōmes. Le quatrième iour apres vint le Comte de Cantebruge, & tous les Auglois, moult ordonnément: & estoient en nombre, enuiron six cens Hommes-d'armes: & autant d'Archers: & s'en vindrent loger en ce propre lieu: & prirent place pour eux: & se separerent des gens du Roy: & se tindrent tous ensemble. Quand le Roy d'Espaigne seut que le Roy de Portugal estoit venu sur les champs, ou la bataille deuoit estre, si fut par semblant moult ioyeux: & dit, Or auant noz ennemis nous attrédent. Il est temps & heure que nous cheuauchions. Nous leur mandasmes la bataille. Ils la nous ont accordée: & tiennent la journée selon le conuenant. Il ne peut qu'il n'y ait besongne. Tiron nous en celle part. Adonc fut il signifié à tous Gens-d'armes, & à leurs liurées, de tirer auât: car le Roy vouloit cheuaucher. Si se departirent de leurs loges tous les Cheualiers & Escuyers, & Gens-d'armes † François, & les Genetaires Espaignols: & tous suiuiot les bannieres du Roy † Damp Iehan de Castille: qui s'en vint loger franchement à deux petites lieues du Val-de-lore, & des plains de Clues: & auoit ledit Roy d'Espaigne, en sa compagnie, plus de trente mille hommes combattans, parmy les † Genetaires: & estoient en somme toute, soixante mille hommes. En celuy estat se tindrent ces deux osts l'un deuant l'autre: & n'y auoit, entre eux deux, que la montaigne du † Val-de-lore (qui est vne grosse ville appartenâte au Roy d'Espaigne) & là s'en alloiēt ses gens, quād ils se vouloiēt rafraeschir: & la cité de Clues sied d'autre part: qui est au Roy de Portugal. Entre ces deux osts & la montaigne du Val-de-lore auoit tous les iours faits d'armes: car les ieunes Bacheliers, qui se desiroient auācer, queroiēt là les armes, & là les faisoiēt & écar mouchoiēt l'un à l'autre: puis retournoient en leurs loges: & furēt en cest estat quinze iours ou plus: & ne fut la defaute au roy de Castille, que la bataille ne se faisoit: mais tenoit au Roy de Portugal, pourtant qu'il ne se veoit pas fort assez, pour combattre les Espaignols: & doutoit le peril: car il sentoit bien que, si estoit déconfit, son Royaume seroit perdu: & toute la saison il auoit attendu le Duc de Lanclastre: & le grand confort qu'il attendoit auoir d'Angleterre estoit de quatre mille Hommes-d'armes & autant d'Archers. Car le Comte de Cantebruge en auoit certifié le Roy de Portugal: & n'en pensoit point du contraire: car le Duc de Lanclastre, au commencement, quand il partit luy auoit dit & iuré par sa foy, que, luy retourné d'Escoce, il n'entendrait à autre chose, si viendrait en Portugal, fort assez pour combattre le Roy d'Espaigne. Bien est vray que le Duc de Lanclastre fit son plain pouuoir de remonstrier toutes ces besongnes au Roy, & à son Conseil: mais pour

† Sala dit E-
lues & le Val
de yosse &
Verard Clues
& valdorose
que ie pense e-
stre Elues &
Baia doz en la
carte d'Espai-
gne.

Le Roy de Por-
tugal accepte
la bataille &
liure la place
pour combattre
au Roy de Ca-
stille, puissance
contre puissance.
ce.

† Verard dit ici
Clus & val
de lore.

† Il y auoit icy
s'en taisant sa-
la, Geneuois
& tous suy-
uoient, &c.
† Il y auoit en-
cores icy geni-
teurs.

† Sala dit icy
Baudelore.

Ce qui empes-
che la bataille
d'entre les Ca-
stillans & Por-
tugalois.

† Paix entre
Castille & Por-
tugal. Surquoy
ie doute s'il faut
droit point icy
Calatraue, ou
Alcantara.

le trouble, qui estoit là celle année auenu, aussi pour aucunes incidées de Flandres (qui apparoiſſoient, & dont le Roy auoit beſoing de Conseil delez luy, & de ſes hommes) on ne conſentit point ce voyage, pour celle ſaiſon, en Portugal: & demourerent toutes Gens-d'armes en Angleterre, ſans partir. Quand le Roy de Portugal vit ce, & que point ne ſeroit autrement conforté des Anglois, ſi ordonna par vne autre voye: Car le maiſtre de † Caſtanne, & Damp Pietre de Modeſque, & l'Eueſque de Burgues, & l'Eueſque de Liſſebonne, traiterent de la paix entre Portugal & Eſpaigne: & tant fut parlementé & traité, que paix ſe fit: n'oncques les Anglois n'y furent appelez: dont le Comte de Cantebruge ſe melancolia: & euſt volontiers fait guerre au Roy de Portugal, & à ſes gés: ſil euſt penſé eſtre le plus fort ſur le pays: mais il ne l'eſtoit pas: & pource luy cōuint ſouffrir ceſte paix: vouliſt ou non. Mais les Anglois diſoient bien, que le Roy de Portugal ſeſtoit mal porté enuers eux, & que touſiours, du commencement iuſques à la fin, il ſeſtoit diſſimulé aux Eſpagnols, & qu'oncques il n'auoit eu volonté de les combattre: & le Roy de Portugal ſ'excusoit: & diſoit que la faute venoit des Anglois, & du Duc de Lancaſtre (qui deuoit venir & point n'eſtoit venu) & que pour celle fois il ne pouuoit faire autre choſe.

De la iouſte d'entre vn Cheualier François, partisan de Caſtille, & vn Anglois, partisan de Portugal: & comment le Comte de Cantebruge remmena ſes gens en Angleterre, & ſon fils meſme: dont depuis le Roy de Caſtille eſpouſa la femme, Infante de Portugal.

CHAPITRE

XCIII.

EN l'oſt du Roy de Caſtille: auoit vn ieune Cheualier de France, qui ſ'appeloit meſſire Tristan de Roye: lequel deſiroit grandement à ſauancer. Quand il vit que paix ſeroit entre le Roy d'Eſpaigne & le Roy de Portugal, & que nulle bataille n'y auroit, ſi fauiſa qu'il ne ſ'en iroit pas d'Eſpaigne, ſans faire quelque choſe. Il enuoya vn Heraut, de leur coſté, en l'oſt des Anglois: en requerant & priant (puis que les armes, par la paix de ces Roys, failloient) qu'on le vouliſt recueillir de trois coups de fer de lance, deuant la cité du Val-de-lore. Quand ces nouuelles vindrent en l'oſt des Anglois, ſi parlerēt l'un à l'autre: & dirent bien, qu'il ne deuoit pas eſtre refusé. Si ſauança de parler vn ieune Eſcuyer d'Angleterre (qui ſ'appeloit Milles de Windefore, & voulut, à ſon honneur, eſtre fait Cheualier en ce voyage) & dit au Heraut, Amy, retournez deuers voz maiſtres: & dites à meſſire Tristan de Roye, que Milles de Windefore luy mādē, que demain deuant la cité de Val-de-lore (ainſi qu'il le requiert) luy ſera deliuré. Le Heraut retourna: & recorda ces nouuelles à ſes maiſtres, & à meſſire Tristan: qui en fut moult réiouy. Quand ce vint au matin, Milles de Windefore, partir de l'oſt du Comte de Cantebruge: & ſ'en vint vers la cité de Val-de-lore (qui eſtoit bien pres de là: & n'y auoit que la montaigne à paſſer) bien accompagné de ceux de ſon coſté: c'eſtaſſauoir de meſſire Matthieu de Gournay, de meſſire Guillaume de Beauchamp, de meſſire Thomas Simon, de meſſire le Souldich, du Seigneur de Chasteau-neuf, du Seigneur de la Barde, & de pluſieurs autres: & eſtoient bien cent Cheualiers ſur la place, ou les armes deuoient eſtre faites: & y eſtoit ià venu meſſire Tristan de Roye, bien accompagné de François & de Bretons: Luy & Milles de Windefore ſauoient bien qu'ils deuoient faire. Si fut Milles fait Cheualier de meſſire le Souldich de l'Eſtrade, pour le meilleur Cheualier de la place, & qui mieux ſ'eſtoit trauaillé, & trouué en belles beſongnes ils eſtoient armez de toutes pièces: & auoient leurs lances toutes preſtes, & leurs cheuaux, & tout en plates ſelles. Adonc eſperonnerent l'un contre l'autre, & abaiſſerent les glaiues, & ſ'accōſuiurent, en venant l'un ſur l'autre, moult roidement, & rompirent, contre les poitrines, leurs lances par deux fois, mais dommage ne ſe porterent. Adonc recoururent ils la tierce lāce, & ſe conſuiurent, emmy les eſcus, ſi roidement que les fers (qui eſtoient de Bordeaux) entrerent dedans, & percerent la piece d'acier, les plates, & toutes les armeures, iuſques à la chair, mais point ne ſe blecerent, & rompirent les lances en gros tronçons, & en volerēt les eclas par-deſſus les heaumes. Ceſte iouſte fut moult priſée des Cheualiers d'une part & d'autre, & adonc prirent ils congé l'un de l'autre, mout honorablement, & ſ'en retournerent chacun deuers ſon party, & depuis il n'y eut riēs de faits-d'armes. Car paix eſtoit des deux Royaumes, & ſ'en allerēt chacun en leurs lieux, & les Eſpagnols & Portugalois auffi. Ainſi que vo^{us} oyez recorder ſe rōpit celle armée & aſſemblée, en celle ſaiſon, des Eſpagnols Anglois, & Portugalois. En celuy tēps eſtoiēt venues nouuelles, de l'oſt

Iouſtes de Triſtan de Roye & de Milles de Windefore.

de l'ost du Roy d'Espaigne, que le Roy de Grenade auoit guerre cōtre le Roy de Barbarie & le Roy de Traine famines: parquoy Gens-d'armes, qui celle part vouldroient aller, y feroient receus à soudes & à gages: & les y enuoya le Roy, sur saucōduit: & leur faisoit sauoir, par ses messages, que, quand ils feroient venus en Grenade, il leur feroit prest pour vn quartier d'an: dont aucuns Cheualiers de Frāce (qui se desiroient auācer: tels que messire Tristan de Roye, messire Geoffroy de Cargny, messire Pierre de Clermont, & plusieurs autres) prirent congé du Roy Damp Iehan de Castille: & s'en allerent celle part, pour trouuer les armes: & aussi y eut aucuns Anglois: mais il n'y en eut gueres: car le Cōte de Cantebruge les ramena en Angleterre, & son fils aussi: & monstra qu'il le cōtentoit mal du roy: qu'il remmenoit son fils arriere, lequel auoit espousé la fille du Roy de Portugal. Si disoit le Comte de Cantebruge que son fils ne pourroit porter ne souffrir l'air du pays, ne pour chose, que le Roy feust faire ne dire, le Comte ne le voulut point laisser derriere: & disoit que son fils estoit encores trop ieune pour demorer en Portugal: dōt il auint ce, que ie vous diray. Enuiron vn an apres ce que la paix fut faite entre Espaigne & Portugal, & que le Comte de Cantebruge & ses gens furent retournez en Angleterre, la femme de Damp Iehan de Castille alla de vie à trépassēmēt: laquelle estoit fille du Roy d'Arragō. Ainsi estoit le Roy d'Espaigne veuf. Si fut auisé & regardé des Prelats & bons Barons d'un costé & d'autre, des Royaumes de Portugal & d'Espaigne, qu'on ne pouuoit mieux, ne plus hautemēt, assigner Madame Biatrix de Portugal, qu'au Roy de Espaigne: & pour confermer les Royaumes en paix, à ce mariage s'accorda le Roy de Portugal: & demaria sa fille d'auec le fils au Cōte de Cantebruge, par la dispense du Pape: qui conferma ce mariage. Ainsi fut la Dame, fille au Roy de Portugal, Roine d'Espaigne, de Castille & de Galice, par l'ordonnance deffusdite: & en eut le Roy d'Espaigne, la premiere année de son mariage, vn beau fils: dont l'on eut grand' ioye. Depuis mourut le Roy Ferrand de Portugal: mais pource ne vouloit pas les Portugalois que le Royaume veinist au Roy d'Espaigne: * ainçois se bouta en l'heritage vn sien frere-Bastard: qui s'appeloit par-auant Maistre Denis, & Bastard de Portugal: & estoit iceluy Denis vaillant homme durement: & tousiours auoit il porté les armes: & estoit moult aimé des Portugalois, & tant, qu'ils le mōstrerent bien: car ils le couronnerēt à Roy: & le tindrent, pour la grand' vaillance, à Seigneur. Parquoy grans guerres s'eueuerēt depuis, en Espaigne & Portugal: si comme vous orrez recorder en l'Histoire. Quand le Comte de Cantebruge, & le Chanoine de Roberfac, & les Cheualiers d'Angleterre, qui en ce voyage de Portugal auoient esté, furent retournez en Angleterre, & venus deuers le Roy & le Duc de Lancastre, on leur fit bonne chere (& estoit raison) & puis on leur demāda des nouvelles. Ils en dirent assez, & toute l'ordonnance de leur guerre. Le Duc de Lancastre (auquel la besongne touchoit plus qu'à nul autre pour la cause du chalenge de Castille: car il sen disoit hoir, de par sa femme, Madame Constāce, fille iadis du Roy Damp Pietre) demanda à son frere, moult auant, des nouuelles: & cōment on s'estoit demené en Portugal. Le Comte luy recorda cōment ils auoient esté à ost, plus de quinze iours, l'un deuant l'autre: & (pource, beau frere, qu'o n'oyoit nulles nouvelles de vous) s'accorda legerement le Roy de Portugal à la paix: n'oncques ne peusmes veoir qu'il se voulist consentir à la bataille: dont ceux de nostre costé furent tous melencolieux (car ils se fūsēt volōtiers auenturez) & pour cause que ie n'y veoye point de seur estat, i'ay ramené mōs fils: n'obstant qu'il ait espousé sa fille. Si dit le Duc, Le croy que vous auez eu cause: fors, pourtant, qu'ils pourrōt rompre ce mariage: si leur vient à point de donner autre part leur plaissance. Par ma foy (dit le Comte) en aduienne ce, qu'auenir pourra: mais ie n'ay fait chose, dont ie me doye repentir. Ainsi finirent les parolles du Duc de Lancastre & du Comte de Cantebruge: & entrerent en autres matieres. Nous souffrerons à parler d'eux, & des guerres des Espaignols & Portugalois: & retournerons aux guerres de Gand, du Comte, & du pays de Flandres: qui furent grandes.

Des grans neceffitez de viures, que ceux de Gand auoient, & comment les Gandois en furent secourus par ceux du Liege.

CHAP.

XCIII.

Toute celle saison, depuis la destruction & arsure de la ville de Grantmont, & le departement du siege de Gand (qui se deffit pour le courroux, que le Comte de Flandres prit de la mort de son cousin, le ieune Seigneur d'Anghien: qui fut occis par l'ébueche de Gand: ainsi qu'il est recordé cy-dessus en l'histoire) ne guerroyerent les Flamans,

† Verard, s'en
taisant sala,
l'escriit ainsi
traîne fami-
nes que ie pen-
se estre ce, qu'il
a nommé Tar-
meluines au
chap. 81. & cē
qu'aucuns nom-
ment Treimef-
sen en Afri-
que.

Le Comte de
Catebruge rem-
meine ses gens,
& son fils est
Angleterre.

* Annot. 26.

Retour du Com-
te de Catebrui-
ge en Angle-
terre.

*La Côte d'A-
los brulée par
commandemēt
du Comte de
Flandres.
† Nous pouuōs
donc icy cōmen-
cer nostre an
1382. pour la
cōtinuation de
la guerre de
Flandres.*

*Sortie de dou-
ze mille Gan-
dois, pour aller
aux viures en
Brabant & au
Liege, par ex-
treme famine.*

*† Ces six mots
sans lesquels le
sens estoit im-
parfait sont
pris de sala.*

Cheualiers & Escuyers, ne les bonnes ville, les Gandois fors par garnisons: & estoit tout le pays pour le Comte, à l'encontre de ceux de Gand: excepté les Quatre-mestiers: dont aucunes douceurs venoient en la ville de Gand: & aussi faisoient de la Comté d'Alos. Mais le Comte de Flandres (qui sceut la nouuelle des laiēts & des fromages, qui alloiēt à Gand, de la Comté d'Alos, & des villages voisins: dont ils estoient refreschis) si y meit remede: car il manda à ceux de la garnison de Terremōde, que celuy plat-pays fust tout ars & exilé. Ce qui fut fait à son commandement: & conuint adonc les pources gens, qui viuoient de leurs bestes, tout perdre, & s'enfuit en Brabāt, & en Hainaut, & la greigneur partie médier. Encores demoura vn pays pour ceux de Gād: lequel les quatre-mestiers tenoient, qu'on n'y pouuoit auenir, & toute la douceur, qu'ils auoient, leur venoit de ce costé. Tout † l'Yuer ceux de Flandres, & le Côte auoient si abstreins ceux de Gand, que nuls biens ne leur venoiēt par terre ne par mer: car il auoit tant exploité enuers ses cousins, le Duc de Brabāt & le Duc Aubert, que leurs pays s'estoient clos à l'encōtre de ceux de Gand: ne riens ne leur venoit, fors en larrecin: & en grand peril pour ceux: qui s'auenturoient: & disoient les sages, que ce ne pouuoit longuemēt demourer, qu'ils ne fussent tous morts par famine. Car les greniers estoiet ia tous vuides: n'ō n'y trouuoit nuls blez: & ne pouuoit plus le peuple auoir de pain, pour son argent: & quād les fournisseurs auoiēt cuit, il le conuenoit garder à force de gens: autrement le menu peuple (qui mouroit de faim) eust efforcé leurs lieux: & grand' pitié estoit de veoir & ouir ces pources gens: & propremēt hommes, & femmes, & enfans bien notables cheoient en ce danger: & tous les iours en venoiēt les plaintes, les pleurs, & les cris, à Philippe d'Arteuelle: qui estoit leur souuerain Capitaine. Lequel en auoit grād' pitié & compassion: & y meit plusieurs bonnes ordōnances: dont il fut moult à louer. Car il fit ouurir les greniers des abbayes, & des riches hōmes: & departit le blé, pour vn certain pris d'argent, qu'il y fit mettre. Si reconforta & mena moult auāt la ville de Gād, & à la fois leur venoit d'emblée, de Hollande & de Zelande, des viures en des tonneaux, & des farines & du pain cuit, qui moult les confortoit: & eussent trop plus tost esté déconfits qu'ils ne furent: si cela n'eust esté, par le confort des pays dessusdits. Il estoit deffendu en Brabāt, de par le Duc, que, sur la teste, on ne leur menast riens: fils ne le venoient querir à leurs perils: & fils y venoiēt, on leur pouuoit bien vendre ou donner. Quand ils furent en la Quaresme, ils furent à trop grand destroit: car des viures de Quaresme n'auoient ils nuls. Si s'en partirent, en vne cōpaignie, bien douze mille de soudoyers, & de gens, qui n'auoient de quoy viure, & qui estoient tous tains & velus de famine: & s'en vindrēt deuers la ville de Brucelles: là ou on leur ferma les portes: car on se doutoit: & ne sauoit on à quoy ils pensoient. Quād ils se trouuerent en la marche de Brucelles, ils enuoyerent de leurs gēs, tous desarmez, deuant la porte de Brucelles, pour auoir viures: en disant, que, pour Dieu, on eust d'eux pitié, & qu'ils eussent viures pour leur argēt, car ils mouroiēt de faim: & ne vouloiēt que tout bien au pays. Les bōnes gēs de Brucelles en eurent pitié: & leur porterēt des viures assez, pour eux passer: & se refreschirēt là au pays, enuiron trois semaines (mais point n'ētroiēt es bōnes villes) & furēt iusques à Louvain: lesquels en eurent grād' pitié: & leur firēt moult de biēs: & estoit souuerain Capitaine & cōduiseur de ces Gandois François Atremē: qui les cōseilloit, & faisoit pour eux les traittez es bōnes villes: & sur ce voyage, ce pēdant que ceux de Gād seiournoiēt & refreschissoiēt en la marche de Louvain, † il sē alla, luy 12. en la cité du Liege: ou ils remonstrent leur cas aux maistres du Liege: & parlerēt si gracieusemēt, que ceux du Liege leur eurent en cōuenant (& aussi eut l'Euef- que, messire Arnoul d'Ercle) d'euoyer deuers le Côte de Flādres, & tāt faire enuers luy, qu'il les mettroit en paix: & leur dirēt, Si le pays du Liege vous eust esté aussi prochain, cōme sont Brabāt & Hainaut, vous eussiez esté autremēt de nous cōfortez à vostre bon droit, & pour garder vos frāchises: & nōobstāt tout ce, si vous aiderōs nous, & cōforterōs, en ce que nous pourrōs: & voulōs presentemēt que vous (qui estes marchās: & marchādises, par raison peuenēt & doiuēt aller par tous païs) leuiez iusques à la somme de 5. ou de 600. chars, chargez de blez & de farines: & ainsi le vo^e accordōs: mais que les bōnes gēs, dōt les pourueāces viēdrōt, soiēt satisfaits. On laissera biē noz marchādises passer parmy Brabāt. Le pays ne no^e veut nul mal: & aussi ne faisons nous à luy: & nōobstāt que Brucelles soit close, si sauōs nous biē q' c'est plus par crainte, q' de volōté. Car de vos ennuis les Brucellois ōt grād' cōpassiō: mais le duc de Brabāt & la duchesse, par la priere leur cousin le Côte de Flādres, s'ēclinēt plus à luy qu'à vous: & c'est raison: car tousiours font

font les Seigneurs l'un pour l'autre. De ces offres & amour, que les Liegeois offroient de bonne volonté aux Gandois, ils en furent tous réiouis: & les remerciaient grandement: & dirent bien que de telles gens, & de tels amis, auoit la ville de Gād bien à faire. François Atremen & les bourgeois de Gand qui estoient venus avec luy en la cité du Liege, quand ils eurent ce fait, pour quoy ils estoient là venus, prirent congé aux Maistres du Liege: lesquels ordonnerent avec eux certains hommes, pour aller sur le pays, recueillir chars & harnois: & en eurent, en deux iours, six cens tous chargez de blez & des farines: car telles pourueances leur estoient beaucoup plus necessaires, qu'autres. Si se meirerent toutes ces pourueances au chemin: & passerēt tous les chars entre Louvain & Bruxelles. Au retour que François Atremen fit à ses gens, qui estoient sur la frôtiere de Louvain, il leur recorda l'amour & la courtoisie que ceux du Liege leur auoient faicte, & offroient encores à faire: & leur dit qu'ils iroient à Bruxelles, parler à la Duchesse de Brabāt: & luy remōstreroient, en la priant de par la bonne ville de Gand, qu'elle voufist descendre à ce, que d'euoyer deuers le Côte de Flandres leur Seigneur: parquoy il peusēt venir à paix: & ils respōdirent, Dieu y ait part: & ainsi s'en vint à Bruxelles. En celuy tēps estoit le Duc de Brabāt, pour ses besongnes, à Luxēbourg: & ledit François, luy troisiēme seulement, entra à Bruxelles, par le cōgé de la Duchesse qui les vouloit voir, & vindrēt ces trois en son hostel à Colleberge. Là auoit la Duchesse vne partie de son cōseil delez elle, & se meirēt à genoux deuant la Dame: & parla François, pour tous: & dit, Treshonorée & chere Dame, par vostre grāde humilité vous plaise auoir pitié & cōpassion de ceux de Gand qui ne peuuent venir à mercy deuers le Côte: ne nul moyen ne s'en ensuit, & vous treshere Dame, si par bon moyen il vous plaisoit y entēdre, parquoy nostre Sire le Côte voufist descendre à raison, & auoir pitié de ses gens, vous feriez grand' aumosne: & noz bōs amis & voisins du Liege y entendrōt volōtiers, ou il vous plaira. Dont respondit la Duchesse moult humblemēt: & dit que de la dissension, qui estoit entre son frere le Comte & eux, elle en estoit courroucée: & que volontiers, des grand temps, y eust mis attrēpāce: felle eust peu, ne sceu. Mais vous l'avez par tāt de fois courroucé: & auez tant de merueilleuses opinions tenues contre luy, que ce le soustiēt en son courroux & haine. Non-obstant tout ce, pour Dieu & pour pitié, ie m'y employeray volōtiers & enuoyeray deuers luy, en luy priant qu'il vueille venir à Tournay: & là i'enuoyeray mon especial Conseil, & vous ferez tant aussi, que vous aurez le Conseil de Hainaut, avecques celui du Liege, que vous dites qui vous est appareillé. Ouy, Madame (respōdirēt ils) car ils le nous ont promis. Or bien (dit la Duchesse) & i'exploiteray tant, que vous vous en apperceurez. Ils respōdirent, Madame, Dieu le vous vueille meriter au corps & à l'ame. Apres ces mots ils prirent congé de la Dame & de son Conseil, & se partirent de Bruxelles, & s'en vindrent deuers leurs gens, & chariots, qui les sur attendoient, & firent tāt qu'ils vindrent à la bōne ville de Gand. Quand les nouuelles vindrēt en la ville de Gād que leurs gēs s'en retournoient, & amenoient plus de 600. chars, chargez de pourueances (dont ils auoient grand necessité, si en furēt moult réiouis: non-obstāt que ces pourueances (qui venoient du païs du Liege) ne sūffisoient pour soustenir la ville de Gand quinze iours: mais toutesfois aux decōfortez ce fut grand cōfort: & se departirent de Gād trop grand' foison de gens, en maniere & ordonnance de procession, contre ce charroy: & à cause d'humilité ils s'agenouilloient à l'encōtre: & ioignoiēt les mains vers les marchās & les chartiers: en disant, Ha, bōnes gēs, vous faites aumosne: qui recōfortez le menu peuple de Gand: lequel n'auoit de quoy viure: se ne fussiez venus. Graces & louenges à Dieu premieremēt, & à vous aussi: & ainsi furēt enuoyées, de plusieurs gēs de la ville, ces pourueances, iusques au Marché des denrées, & là déchargées. Si furēt ces blez & farines ordonnées, & mises par liures, pour deliurer aux plus souffreteux: & furent ordōnez autres cinq mille hommes de la ville de Gād, tous en armes, pour recōuoyer les chars iusques en Brabant, & hors du peril. De toutes ces besongnes & affaires fut le Côte de Flādres (qui se tenoit à Bruges) informé: & cōmēt ceux de Gād estoient si abstrains & demenez, qu'ils ne pouuoient pas longuemēt durer. Si pouuez croire & sauoir que de leur pourteté il n'estoit pas courroucé: n'aussi n'estoient ceux de son cōseil: qui la destrucō de la ville de Gād eusēt veue volōtiers: & être autres, s'e réiouissoient Gulsebert Mathieu & ses freres, & le doyé des menus mestiers de Gād, & le Preuost de Harlebecque. Toutes ces choses aduindrēt en la Quaresme, au mois de mars & d'Auril. † M. C C C. L X X X I. Si eut le Côte de Flādres cōseil & propos de venir plus puissammēt qu'ōques n'auoit fait mettre

Six cens chariots de viures des Liegeois aux Gandois.

Prieres des Gandois à la Duchesse de Brabant pour leur impetrier paiz enuers le Comte de Flandres.

† Il auoit espousé l'une de ses sœurs: & quant a ce qu'il le dit au parauant Cousin, c'est pour raison du Duc de Brabant comme tous gentils-hommes s'entr'appellent volontiers Cousins.

† Verard dit, Liures.

† Qui est 1382 à nostre mode comme i'ay n'a guerres dit.

le siege deuant Gand: & se disoit bien si fort, que pour entrer à puissance, dedās les quatre-mestiers, & tout ardoir & destruire: car trop auoient esté soustenus les Gandois de ce costé. Si signifia le Comte son intention & propos à toutes les bonnes-villes de Flandres, & qu'ils fussent tous prests: car le iour de la procession de Bruges passé, il se departiroit de Bruges, & viendrait mettre le siege deuant Gand, pour eux destruire: & escriuit deuers les Cheualiers & Escuyers, qui de luy tenoient en la Comté de Hainaut, que dedans ce iour, ou huit iours deuant, ils fussent deuers luy à Bruges.

La dure responce, que le Comte de Flandres fit à ceux qui s'en remettoient de faire paix entre luy & les Gandois: & comment, durant ce temps, les Maillottins s'éleuerent de-rechef à Paris.

CHAP.

XCV.

L'an 1382.

Assemblée de plusieurs gens de bien à Tournay, pour accorder les Gandois à leur Comte de Flandres.

† N'entendez pas de tous: mais d'aucuns des plus suspects au Cōte, comme vent sala en tels mots. Mais le Comte en pourroit bānir aucuns tels cōme il verroit, &c.

NOn-obstant toutes ces ordonnances, mandemens, & semonfes, que le Comte de Flandres faisoit & approprioit, si trauailla tant madame la Duchesse de Brabant, le Duc Aubert, & l'Euesque du Liege, qu'une assemblée de leurs conseils: sur traité de paix fut assignée & mise en la cité de Tournay. Le Comte de Flandres, à la requeste des Seigneurs & de Madame de Brabant (quoy qu'il pensast en faire au contraire) accorda ses raisons estre mises en droit: & furent assignez ces Parlemens à Pasques closes, en la cité de Tournay, l'an M. CCC. LXXXII. Si vindrēt de l'Euesché du Liege, & des bōnes-villes, iusques à douze hommes des plus notables, & messire Lambert de Perny, vn Cheualier moult sage. Aussi la Duchesse de Brabant y enuoya son conseil, & des plus notables gēs des bonnes-villes. Le Duc Aubert aussi y enuoya, de la Comté de Hainaut, son conseil: messire Simon de Lalain, son Baillif, & des autres. Et furent ces gens tous venus à Tournay, en la semaine de Pasques: & ceux de Gand y enuoyerēt douze hōmes de leurs gēs: desquels Philippe d'Arteuelle fut de tous le Chef: & estoiet ceux de Gād adonc si bien d'accord, que pour tenir ferme & estable tout ce, que ces douze rapporteroiet: excepté que nuls de Gand ne receussent mort. S'il plaisoit au Comte leur Seigneur, † ceux qui estoient demourās en la ville, fussent punis par ban, & bānis de Gand, & de la Comté de Flāndres, à tousioursmais, sans nul appel, n'esperāce de r'auoir la ville, ne le pays. Sur cest estat ils estoiet tous fondez: & vouloit bien Philippe d'Arteuelle, si auoit courroucé le Cōte quelque petit estat en l'office de capitaine de Gād, estre l'un de ceux qui perdroiet la ville & le pays, pour la grand' pitié qu'il auoit du menu peuple de Gād. Certainemēt, quand, il se partit de Gand pour venir à Tournay, hōmes, femmes, & enfans, se gettoiet deuant luy à genoux, en ioignant les mains, & priant qu'à quelque méchef, que ce fust, il rapportast la paix. Pour celle pitié il eut si grād' cōpassiō, qu'il vouloit faire ce que ie vous ay deuant dit. Quād ceux de Hainaut de Brabant, & du Liege (qui là estoiet enuoyez à Tournay, à cause d'estre bōs moyēs) eurent seiourné en la cité de Tournay trois iours, en attendant le Cōte (qui point ne venoit, n'approchoit de venir) si en furēt tous émerueillez: & eurent cōseil l'un par l'autre: & accorderēt qu'ils enuoyeroiet à Bruges deuers luy: ainsi cōme ils firent: & y enuoyerēt messire Lābert de Porne, & de Brabant le Seigneur de Cāpellāt, & de Hainaut, messire Guillaume de Hermē, & 6. Bourgeois des trois païs. Quand le Cōte de Flāndres vit ces Cheualiers, il les festoya par raison assez bien: & leur respōdit qu'il n'estoit point aise de venir à Tournay, quant à present. Mais pour la cause qu'ils estoient venus & auoiet pris trauail pour venir à Bruges, & pour l'hōneur de leurs seigneurs, & de Madame de Brabāt sa seur, & du Duc Aubert son cousin & de l'Euesque du Liege, il enuoyeroit à Tournay hastiuement par son conseil, sa responce finale, & ce qu'il auoit en propos de faire. Les trois Cheualiers & Bourgeois ne peurent auoir autre chose. Si retournerēt à Tournay: & recorderēt ce, qu'ils auoiet ouy du Cōte, & trouué. Six iours apres arriuerēt audit Tournay, de par le Cōte, le sire de Rasfelez, le sire de Gōtris, messire Jehan Villame, & le Preuost de Harlebecque: lesquels excuserēt le Cōte enuers les Cōsaux des trois païs, de ce qu'il ne venoit point, ny n'estoit point venu. Puis dirent & remonstrerent son intention, & que ceux de Gand ne pouuoient venir à paix enuers luy: si generalement tous les hōmes de Gand, depuis l'aage de quinze ans iusques à soixante, ne vuidoiet toute la ville de Gād: & tous en chef & en leurs chemises, les hars au col entre Bruges & Gand le Comte les attendroit, & feroit d'eux sa propre volonté du mourir, ou du pardonner. Quand ceste responce fut faicte, & la congnoissance en fut venue à ceux de Gand, par la relation faicte de ceux des Consaux des trois païs, ils furent

sous quelle condition le Comte de Flāndres vouloit recevoir les Gādois à paix avec luy.

* Annot. 27.

furent plus ébahis que iamais. Adonc leur dit le Baillif de Hainaut, * Beaux Seigneurs, vous estes en grand peril: comme chacun de vous en peut estre de soy-mesme aduertý: & comme aussi nous le vous pouuons certifier. Mais, quand vous ferez tous plainemēt mis en ce party, & en sa volonté, il ne fera pas mourir tous ceux, qu'il verra en sa presence: ains seulement aucuns, qui l'ont plus courroucé, que n'ont les autres: & y aura tant de si bons moyens, avec pitié qui s'y mettra, que ceux, qui se cuident en grand peril & danger de la mort, trouueront mercy en luy. Si prenez cest offre. auant que vous le refusiez: car, se vous le refusez, ie croy qu'à grand' peine le recouuererez. Si respondit Philippe d'Arteuelle, Nous ne sommes pas chargez de besongner si auant, que les bonnes gens de la ville nous souzmettons à ce party: ne ià ne le ferons. Mais, si les autres (qui sont dedās Gand) nous retournent deuers eux, & ayans remōstré le propos de Mōseigneur le Comte le veulent, ià pour nous ne demourra qu'il ne se face. Si vous remercions grandemēt de la bonne diligence, & du grand trauail qu'avez eu en ces pourchas. Adonc prirent ils cōgé aux bōnes gens & aux Bourgeois des bōnes villes des trois païs: & monstrent biē, par semblant qu'ils n'accorderoient pas ce dernier propos & traitté. Si vindrent Philippe d'Arteuelle & ses cōpaignons † à leurs maisons: & y payerēt tout: & s'en retournerēt, par Brabant en la ville de Gand. Ainsi se departit ce parlemēt, fait & assemblé, en instance de bien, à Tournay: & retourna chacun en son lieu. Encores ne demāda point le Cōte de Flandres quelle chose ceux de Gand auoient respondu: si petit les prisoit. Il ne vouloit nul traitté de paix: car bien fauoit qu'il les auoit si auāt menez, qu'ils n'en pouuoient pl^{us}, & qu'ils ne pouuoient pas lōguemēt demourer, qu'il n'eust la fin de la guerre hōnorablement pour luy: & pourtant esperoit qu'il mettroit Gand en tel party, que toutes les autres villes y prendroient exemple. En celuy temps se réueillerēt encores ceux de Paris: pource que le Roy de France n'y alla point. Si se douterent que de nuict par Gens d'armes, il ne fist efforcer Paris, & courir la cité, & faire mourir lesquels qu'il voudroit: & pour la doutance de ce peril & auenture, dont ils n'estoient pas bien assurez, ils faisoient toutes les nuicts, par rues & par carrefours, grans guets: & leuoient toutes les chaines: à fin qu'on ne peust cheuaucher, n'aller à pié, par entre eux: & si aucuns estoient trouuez apres le son de neuf heures (s'ils n'estoient de leur cognoissance, ou de leurs gens) ils estoient morts. Si estoient en la cité de Paris de riches & puissans hommes: armez de pié en cap, le nombre de trente mille hommes, aussi bien armez & appareillez de toutes pièces, comme nuls Cheualiers pourroient estre: & auoient leurs varlets armez de mesme, à l'auenant: & portoient maillets de fer & d'acier, moult perilleux, pour effondrer heaumes: & disoient dedans Paris, quand ils se nombroient qu'ils estoient bien gens, & assez puissans, pour combattre d'eux-mesmes, sans aide le plus grand Seigneur du monde. Si appeloit on ses gens, les routes à maillets de Paris.

† C'est à dire leurs hostelleries de Tournay.

Nouvelle assemblée des Maillots à Paris.

Comment † cinq mille Gandois se partirent de la ville de Gand, pour aller assaillir leur Comte & ceux de Bruges, apres la responce que Philippe d'Arteuelle leur rapporta de l'assemblée de Tournay.

CHAP. XCVI.

† Sala en cōpte six mille & la Chronique de Flandres enui rō quatre mille

Quand Philippe d'Arteuelle & ses gens rentrerent dedans Gand, moult grand' foison de menu peuple (qui ne desiroient que paix) furēt moult réiouis de leur venue: & cuidoient auoir & ouir bonnes nouuelles: & vindrent à l'encontre de luy: & ne se peurent abstenir qu'ils ne luy en demādassent, en disant, Ha cher seigneur, Philippe d'Arteuelle, réiouifiez nous, dites nous commēt vous avez tout exploité. A ces parolles & demandes ne respondit point Philippe: mais passoit outre, & baissoit la teste: & plus se taisoit, & plus le suiuiot & pressoient d'ouir nouuelles, & tant qu'une fois ou deux, en allant iusques à son hostel, il leur respondit, & dit, Retournez en voz maisons pour meshuy. Dieu vous aidera: & demain au matin, à neuf heures, venez au marché des denrées, & là orrez vous toutes les nouuelles. Autres responce ne peurēt ils auoir, & vous dy que toutes manieres de gens estoient grandement ebahis. Quand Philippe d'Arteuelle fut descendu en l'hostel, & ceux, qui à Tournay auoient esté avec luy, furent aussi retourner en leurs hostels, Pietre du Bois (qui desiroit à ouir nouuelles) s'en vint au soir en l'hostel dudit d'Arteuelle: & s'enclloit en vne chābre avec luy: & luy demanda des nouuelles, & comment ils auoient exploité. Philippe, qui riens ne luy voulut celer, luy dit, Par ma foy, Pietre, à ce, que monseigneur de Flandres a respondu par ceux de son conseil, qu'il a enuoyez à Tournay, il ne prédra en la ville de Gand ame du mode à mercy, non plus l'un

Conseil de Pietre du Bois & de Philippe d'Arteuelle à son retour de l'assemblée de Tournay.

† Le doute qu'il n'y ait icy fau-
te de quelques
parolles portās
pour le moins
la substance de
la tierce chose,
que Philippe
d'Arteuelle
conseillera par
sa harangue.

† C'est pour re-
venir à ce qu'il
a dit es chap.
257. & 302.
du premier vo-
lume que le duc
Aubert tenoit
Hainaut en
bail, c'est à dire
en estoit Gouver-
neur & Lieute-
nant, & en ce
cas faudroit
presupposer
que sa mere
(qui en estoit
vraye Comtesse
par succession
du feu pere d'el-
le) fust encores
en vie pour lors
ou bien qu'il le
gouvernast
pour son frere
Guillaume, ma-
lade, au chap.
153. suivant.
Voyez le chap.
117. du pre-
mier volume.

que l'autre. Par ma foy, respondit Pietre du Pois, il a droit: & est bien conseillé de tenir ce propos, & d'ainsi respondre: car tous y sont participās, autant l'un que l'autre. Or suis ie venu à mon entête, & à celle de mon maistre, Iehan Lyon: qui fut. Car la ville de Gād est si troublée, qu'on ne fait comment la détroubler. Or nous faut prendre le frein aux dents: & verra l'on si les sages & les hardis seront en Gand. Dedās brieufs iours, la ville de Gand sera la plus honorée ville des Chrestiens, ou la plus abbattue. A tout le moins, se nous mourons en ceste querelle, ne mourous nous pas seuls. Or pensez aujourd'huy, Philippe, comment vous leur pourrez faire demain relation de ce Parlement, qui a esté à Tournay, par telle maniere que toutes gens se contentent de vous. Car vous estes desia grandement en la grace du peuple, par deux voyes. L'une est pour cause du nom, que vo^{us} portez (car moult aimerēt iadis, en ceste ville, laquemart d'Arteuelle vostre pere) & l'autre est, que vous les appelez doucemēt & sagement: si cōme ils dient cōmune-
ment par ceste ville. Parquoy ils vous croiront, pour viure & pour mourir de tout ce que vous leur remonstrez: † & qu'en la fin du conseil, vous leur direz, Pour le meilleur i'en feroye ainsi. Pourtant vous faut il auoir auis bon & seur, de remōstrer parolles, ou vous ayez honneur. Pietre, dit Philippe d'Arteuelle, vous dites verité, & ie pense tellement parler & remonstrier les besongnes de Gand, qu'entre nous, qui sommes Gouverneurs, à present & Capitaines, viurons, ou mourrons, à honneur. Il n'y eut autre chose dite, ne faite, pour celle heure: mais prirēt cōgé l'un de l'autre. Pietre du Bois retourna en sa mai-
son: & Philippe d'Arteuelle demoura en la siēne. Vous devez sauoir & croire veritable-
ment, que, quand ce iour desiré fut venu, que Philippe d'Arteuelle deuoit generalemēt recorder toutes les uouuelles, telles que raportées auoiet estē du parlemēt de Tournay, toutes gens de la ville de Gand se tirerent au Marché des dērées: & fut par vn Mercre-
dy au matin, à neuf heures. Philippe d'Arteuelle, Pietre du Bois, Pietre du Murtre, Fran-
çois Artemen, & les autres Capitaines, vindrent. Si entrèrent en la halle: & mōterent à
mont. Adonc se monstra Philippe aux fenestres: qui commença à parler: & dit, Bonnes
gens, il est bin vray qu'à la priere de treshonorée & noble Dame, Madame de Brabant,
& de haut Cheualier & noble seigneur, mōseigneur le duc Aubert, † Baillif de Hainaut,
de Hollande, & de Zelande, & de Mōseigneur l'Euesque du Liege, vn parlement fut as-
signé & accordé à estre dedans Tournay, les iours passez: & y deuoit estre personnelle-
ment le Comte de Flādres: & l'auoit certifié aux dessusdits: lesquels se sont grandemēt
acquitez. Car ils ont là enuoyez les plus notables & les plus especiaux Cōsaus, Cheua-
liers, & Bourgeois des bonnes villes. Eux, & nous, de par la ville de Gand, fusmes là,
& auons esté tous les iours, attendans Monseigneur de Flandres: qui point n'y est ve-
nū, n'apparu: &, quand on veit que point n'y apparoissoit, ils enuoyerent trois Cheua-
liers de trois pays & six Bourgeois des bonnes villes. Si se trauaillerēt tant pour l'amour
de nous, qu'ils allerent à Bruges: & là trouuerent Monseigneur le Comte: qui leur fit bō-
ne chere (si cōme ils diēt) & les ouit volōtiers parler. Puis respondit à leur parolle: & dit
que, pour l'hōneur de leurs Seigneurs, & de sa belle seur, Madame de Brabāt, il enuoye-
roit de son cōseil à Tournay, dedās cinq ou six iours, si bien fondez de par luy, qu'ils re-
monsteroient plainement toute son intention: & s'arresteroit à ce qu'ils auoiet fait: &
autre chose n'en peurent auoir, ne response: & bien leur suffit: & retournerēt au iour que
Monseigneur leur assigna. Si vindrēt à Tournay, de par luy, le sire de Rasefiez, le Sire de
Gōtris, messire Iehan Villames, & le Preuost de Harlebecque. Ceux remōstrerēt moult
gracieusement la volonté du Comte, & le certain arrest de ceste guerre: comme se paix
peust estre entre Monseigneur & la ville de Gand, il veut determinēmēt, & dit, que tous
hommes de la ville de Gād (exceptez les Prelats de l'Eglise, & les Religieux) dessus l'a-
ge de quinze ans, & deffous l'aage de soixante ans, soient tous nus en leurs linges robes,
nus chefs, & nus piez: & les hars aux cols, vuident de la ville de Gand, & voient iusques
à deux lieues, & outre, dedans les plains de Burlesquās, & là trouuerōt le Côte de Flan-
dres, & ceux qu'il luy plaira là amener: &, quād il nous verra en ce party, tous les mains,
iointes, en criant mercy, il aura pitié & cōpassion de nous, sil luy plaist. Mais ie ne puis
veoir, n'entendre, par la relation de son conseil, qu'il ne conuienne mourir hôteusemēt,
par punition de iustice & de prison, la greigneur partie du peuple, qui là sera en ce iour.
Or regardez se vous voulez venir à paix par ce party. Quand Philippe eut parlé ce fut
grand pitié de veoir, hommes, & femmes, & enfans, plorer & tordre leurs bras, pour l'a-
mour de leurs peres, & de leurs freres, & de leurs maris & voisins. Apres celuy tourmēt
& noise,

& noise, incontinent, Philippe d'Arteuelle reprit la parolle, & dit. Or paix, paix, & on se teut, si tost qu'il commença à parler. Si dit, Bonnes gens de Gand, vous estes en ceste place la greigneur partie du peuple de la ville, icy assemblée, & auez ouy que j'ay dit. Si ne voy nulle pourueance, n'autre remede, que brief conseil. Car vous sauez commēt nous sommes menez & abstrains de viures, & y a trente mille testes en ceste ville, qui ne mangerent pain passé a quinze iours. Si nous faut faire de trois choses l'une. La premiere, que nous nous encloyons dedans ceste ville, & que nous fermions toutes noz portes, & puis nous confessions à noz loyaux pouvoirs, & nous boutions en eglises & monstiers, & là mourons confes & repentans, comme martyrs, desquels on ne veut auoir nulle pitié. En cest estat Dieu aura mercy de nous & de noz ames, & dira l'on par tout, ou les nouvelles en seront espondues, ouies, & sceues, que nous serons morts vaillamment, & ainsi comme loyaux Gens-d'armes. Ou nous metton tous en tel party, qu'hommes, femmes, & enfans, alliōs crier mercy, les hars au col, nuls piez, & nuls chefs, à Monseigneur le Comte de Flandres. Il n'a pas le cœur si dur, ne si obstiné, quand il nous verra en tel estat, qu'il ne se doye humilier & amollir, & que de son peuple il ne doye auoir mercy, & ie, tout le premier, pour l'oster de sa felonnie, preséteray ma teste, & veux monrir pour ceux de la ville de Gand. Ou nous elison en ceste ville cinq ou six mille hommes, des plus aidables, & des mieux armez, & allon hastiuement assaillir le Comte à Bruges, & le combatton. Si nous sommes morts, & occis en ce voyage, au moins ce sera honnorablement, & aura Dieu pitié de nous, & le monde aussi dira, que vaillamment, & loyaument aurons maintenu nostre querelle, & si en ceste bataille nous demourons victorieux, & que nostre Seigneur Dieu (qui anciennement mit sa puissance en la main de Iudas Machabée, Duc & maistre de l'armée de son peuple Iuif, tellement que les Syriens furent deconfits, & tous mis à mort) nous vueille faire ceste grace, nous serons, par tout, le plus honoré peuple, qui iamais ayt regné depuis les Romains. Or regardez laquelle de ces trois choses vous voulez tenir. Car l'une des trois faut il faire. Adonc respondirent ceux, qui les plus prochains luy estoient, & qui mieux sa parolle ouïe auoyent, Haa, cher Seigneur, nous auons en vous toute bonne fiance, & que vous nous conseilerez. Si nous conseillez lequel nous ferons. Par ma foy (dit Philippe) ie conseille que nous aillons tous, la main armée, deuers Monseigneur. Nous le trouuerons à Bruges, & quand il saura nostre venue, il ystra contre nous, & combattra. Car l'orgueil de ceux de Bruges, & de ceux qui sont avec luy, & lesquels nuit & iour l'informēt sur nous luy conseille de nous combattre. Si Dieu ordonne, par sa grace, que la place nous demeure, & que déconfissions noz ennemis, nous serons recouurez à tousioursmais, & les plus honnerez gens du monde, & si nous sommes deconfits, nous mourrons honnorablement, & aura Dieu pitié de nous, & parmy tout ce, le demourant de Gand se passera, & en aura mercy le Comte, nostre Sire. Aces parolles respondirent tous, d'une voix. Nous le voulons, & autrement ne finerōs. Lors respondit Philippe. Or beaux Seigneurs puis que vous estes en celle volōté, retournez en voz maisons, & appareillez voz armes. Car demain, de quelque heure de iour, ie veux que nous partons de Gand, & nous en irons vers Bruges, car le seiour icy ne nous est point profitable. Dedans cinq iours nous saurons se nous mourrōs, ou viurons à hōneur, & i'enuoyeray les Cōnestables des parroisses, de maison en maison, pour prendre & élire les plus aidables & mieux armez. Tantost apres, sur cest estat, se departirent toutes gens de la ville de Gand, qui en ce Parlement auoient esté, du Marché des denrées, & retournerent à leurs maisons, & s'appareillerent, chacun endroit soy, de ce qu'il appartenoit, & tindrent, ce Mecredy, leur ville si close, qu'oncques homme, ne femme, n'y entra, ne saillit, iusques au leudy, à heure de releuée, que ceux furent tous prests, qui partir deuoyent, & furent enuiron cinq mille hommes, & non plus. Si chargerent enuiron deux cens chars, de canons & d'artillerie, & sept chars seulement de pourueances, c'est assauoir, cinq de pain & deux de vin, & par tout n'y en auoit que deux tonneaux, ne rien ne demouroit en la ville. Or regardez comment ils estoient abstrains & menez. Au departement, & au prendre congé, c'estoit vne pitié de veoir ceux qui demouroient, & ceux, qui s'en alloient, & ceux, qui demouroient, leur disoient. Bonnes gens, vous voyez bien à vostre departement que vous laissez derriere, mais m'ayez nulle esperance de retourner, si ce n'est à vostre honneur, car vous ne trouuerez riens, & si tost que nous orrons nouvelles que vous serez morts & deconfits, nous bouterons le feu en la ville, & nous destruirons nous mes-

Conseil de Philippe d'Arteuelle à ceux de Gand, pour faire de trois choses l'une, en leur extreme necessité.

Annot. 28.

Nōbre & equipage des Gandois, allans presenter bataille à leur Comte, pres de Bruges.

mes, ainsi que gens qui sont desesperéz. Ceux qui s'en alloient, disoient, en les reconfortant. Tout ce, que vous dites, est bien dit. Priez Dieu pour nous, car nous auons espoir qu'il nous aidera, & vous aussi, auant nostre retour. Ainsi se departirent les cinq mille hommes de Gand, & leurs petites pourueances, & s'en vindrent le Ieudy loger & coucher à vne lieuë de Gand, & n'amendirent de riens leurs pourueances, mais se passerent à ce qu'ils trouuerent sur le pays. Le Vendredy, tout le iour, ils cheminerent, & encores ne toucherent de riens à leurs pourueances, & trouuerent les fourriers, sur le pays, aucunes choses, dont ils passerent le iour, & vindrent loger à vne grande lieuë pres de Bruges, & là s'arresterēt, & prirent place à leur aduis, pour attendre leurs ennemis, & auoiet au deuant d'eux, vn grand flachis, plain d'eau d'ormât. De celà se fortifierent ils à l'une des parties, & à l'autre partie, de leurs charrois, & ainsi passerent celle nuit.

† La Cronique
de Flandres dit
Sainte Croix
de May &
mieux, à mon
aduis.

L'ordonnance de la bataille des Gandois, qui déconfirent le Comte de Flandres, & ceux de Bruges, & la maniere comment ce leur auint.

CHAP. XC VII.

Hommes-d'ar.
mes du Comte
de Flandres en
voyez décon-
uir l'estat du
câp de Philip-
pe d'Arteuelle
& de ses Gan-
dois.

Quand vint le Samedy au matin, le temps fut bel & cler, & le iour † Sainte Clame, que ceux de Bruges faisoient leurs processions par coustume. Si vindrent nouvelles tantost, à Bruges, comment les Gandois estoient arriuez, & lors veiffiez grans murmures, dedans Bruges, des vns aux autres, tant que les nouvelles en vindrent au Comte, & à tous ceux de sa compaignie. Si luy vint à grande merueille, & dit, Veez la folle gent, & outrageuse, de Gand. La malle méchance les meine bien à leur destruction. Or est le temps venu d'auoir la fin de la guerre. Ce pendant venoient ses Cheualiers & ses gens par deuers luy, lesquels il receuoit gracieusement, & leur disoit. Nous irons combattre ces méchans gens. Encores sont ils vaillans (dit le Comte) car ils aiment mieux mourir par espee, que par famine. Adoncques fut conseillé qu'on enuoyeroit trois Hommes-d'armes sur les champs, pour auiser tout le conuenant de ceux de Gand, & comment ils estoient ordonnez. Si furent, par le Marechal de Flandres, ordonnez trois vaillans Hommes-d'armes, Escuyers, pour aller auiser les Gandois, Lambert de Lambres, Damas de Buify, & Iehan du Beart, & partirent tous trois de Bruges, & prirent les champs, & estoient montez sur fleur de coursiers, & cheuauchioient vers leurs ennemis. Ce pèdant que lesdits trois Escuyers faisoient ce voyage, toutes manieres de gens de Bruges s'apprestoient, de grande volonté, d'issir & de venir combattre les Gandois, desquels ie parleray vn petit, & de leur ordonnance. Ce Samedy, au matin, Philippe d'Arteuelle ordonna que toutes gens se missent enuers Dieu, & que messes fussent en plusieurs lieux chantées (car il y auoit là en leur compaignie des Freres Religieux) & aussi que chacun se cōfessast, & ordonnast à son pouuoir, & priaissent tous Dieu, ainsi que gens qui attendēt la misericorde de Dieu. Tout ce fut fait, & puis on celebra en l'ost, en sept lieux messe, & en chacune messe y eut sermon (lesquels sermons durerent plus d'une heure & de mie) & là leur fut remonstré, par ces Freres-Mineurs & Clers, comment ils se figuroient au peuple d'Israel, que le Roy Pharaon d'Egypte tint long temps en seruitude, & comment depuis par la grace de Dieu, ils furēt deliurez & menez en la terre de promission par Moysē & Aaron, & le Roy Pharaon & les Egyptiens morts. Ainsi bonnes gens (disoient ces Freres Prescheurs, en leurs sermons) estes vous tenus en seruitude, par vostre Seigneur le Côte de Flandres, & par voz voisins de Bruges, deuant lesquels vous estes venus, & en serez combattus, il n'est pas doute, car voz ennemis en sont en grandé volonté, qui petit craignent vostre puissance. Mais ne regardez pas à cela, car Dieu, qui tout peut, fait, & cognoit, aura mercy de vous, & ne pensez point à chose, que vous ayez, laissée derriere, car vous sauez bien qu'il n'y a nulle recourance, si vous estes déconfits, vendez vous bien, & vaillamment, & mourez (si mourir conuient) honnorablement, & ne vous ébahissez point, si grand peuple yst de Bruges contre vous, car la victoire n'est pas au grand peuple, mais ou Dieu la veut enuoyer, & par sa grace a l'on veu moult de fois (tant par lès Machabeens que par les Romains) que le peuple de bonne volonté, & qui se confioit en la grace de Dieu, déconfioit le grand peuple, & en ceste querelle vous aurez vn droit bō & iuste, & par trop de raisons. Si en deuez estre trop plus hardis & mieux confortez. De telles parolles, & d'autres plusieurs, furent ces Freres Prescheurs au matin aduertis, pour les dire aux Gandois, & les leur remonstrer, dont moult se contenterent, & s'acommunierent les trois parts de l'ost, & furent tous en grande deuotion & monstrent tous auoir grande cremeur à Dieu. Apres ces messes, se mirēt ensemble

† en

Sermōs de quel
que Religieux
aux Gandois,
pour les enhor-
ter à vaillam-
ment cōbattre.

† en vn mont, & là monta Philippe d'Arteuelle, pour soy monstrier à tous, & pour mieux estre entendu, & là parla de grand sentement, & leur remonstra, de point en point, le droit qu'ils pensoient auoir en ceste querelle, & comment, par trop de fois, la ville de Gand auoit requis & crié mercy enuers le Comte, leur Seigneur, & point n'y auoyent peu venir sans trop grande confusion & dommage de ceux de Gand. Or f'estoient ils si auant traits & venus, que reculer ils ne pouuoient, & aussi à retourner, tout considéré riens ils ne gaigneroient, car nulle chose derriere (fors que tristesse & pauvreté) laissée n'auoient. Si ne deuoit nul penser à Gand, à femmes, n'enfans, qu'il y eust, fors que tant faire que leur honneur fust là. Plusieurs autres belles parolles leur remonstra Philippe d'Arteuelle (car il estoit bien enlâgagé, & moult bien fauoit parler, & bien luy auenoit) & sur la fin de sa parolle, dit, Beaux Seigneurs, vous voyez toutes voz paurueances, si les vueillez loyaument departir l'un à l'autre, ainsi comme freres, sans faire nul outrage, car quand elles seront passées, il vous en faut conquerre de nouuelles, se voulez viure. A ces parolles f'ordonnerent ils moult humblement, & firent les chars décharger, & les sachées de pain furent données & departies par Connestablies, & les deux tonneaux de vin tournés sur les fons, & là se déieufnerent ils de pain & de vin, raisonnablement, & en eurent assez chacun, pour l'heure, & se trouuerent, apres le déieufner, forts & de bonne volonté, en point & bien habiles, & aisés de leurs membres, mieux que fils eussent plus mangé. Quand celuy † disner fut passé, ils se mirent en ordonnance, & se retirerent tous entre leurs ribaudeaux. Ces ribaudeaux sont brouettes hautes, bandées de fer en la pointe, qu'ils souloient par vsage mener & bouter auecques eux. Ils les arrouterent donc deuant leur bataille, & là dedans s'enclouierent. En cest estat les virent & trouuerent les trois Cheualiers du Comte, qui y furent enuoyez pour auiser leur conuenant, car ils les approcherent de si pres, qu'ils vindrent iusques à l'entrée de leurs ribaudeaux n'onceques les Gandois ne s'en meurent, ains monstrent, par semblant, qu'ils fussent tous réiouis de leur venue. Or retournerent ces Coureurs à Bruges deuers le Comte, & le trouuerent en son hostel, & grand nombre de Cheualiers, qui là estoient, en attendant leur retour, pour ouir nouuelles. Ils rompirent la presse, & vindrent iusques au Comte, & puis parlerent tout haut (car le Comte vouloit qu'ils fussent ouis des escoutans, qui estoient là) & remonstrerent comment ils auoient cheuauché si auant, que les Gandois eussent bien tiré à eux, s'ils eussent voulu (mais tout paisiblement ils les auoyent laissez) & comment ils auoient veu les bannieres, & f'estoient targez entre leurs ribaudeaux. Et quelle quantité de gens (dit le Comte) peuuent ils bien auoir, & estre, par auis? Ceux respondirent, au plus iustement qu'ils peurent, qu'ils estoient enuiron cinq ou six mille. Adoncques, dit le Comte. Or tost, faites appareiller toutes gens. Je les veux là aller combattre, ne iamais du iour ne partiront, sans estre combattus. A ces parolles sonnerent trompettes parmy Bruges, & f'armerent toutes Gens-d'armes, & f'assemblerent sur le marché, & ainsi comme ils venoient, ils se tiroient & mettoient tous sous leurs bannieres ainsi que par ordonnance & connestablie ils auoient en vsage de faire. Par-deuant l'hostel du Comte f'assemblerent plusieurs Barons, Cheualiers, & Gens-d'armes. Quand tout fut appareillé, & le Comte fut appresté si s'en vint au marché, & veit grand nombre de peuple ordonné & arrangé, dont il se réiouit. Adoncques commença il à tirer sur les champs, car à son commandement nul ne desobeit, mais se partirent tous de la place, & se mirent au chemin par ordonnance, & se tirerent sur les champs, & les Gens-d'armes apres issirent de la ville de Bruges. C'estoit grande plaifance de les veoir (car ils estoient bien quarante mille testes armées) & ainsi, tout ordonné à pié & à cheual, ils vindrent assez pres du lieu, ou les Gandois estoient, & là f'arrestèrent. A celle heure, quand le Comte de Flandres & ses gens vindrent, il estoit ià haute remontée, & le soleil s'en alloit tout ius, & aucuns disoient au Comte, Sire, vous veez voz ennemis. Ils ne sont, au regard de vous, qu'une poignée de gens, & ne peuuent fuir. Ne les combattez meshuy. Attendez iusques à demain, que le iour viendra sur nous. Si verrons quelle chose nous deuons faire, & ils seront plus affoiblis, car ils n'ont riens que manger. Le Comte f'accordoit assez à ce conseil, & eust bien voulu qu'on eust ainsi fait, mais ceux de Bruges estoient si chauds & hastifs d'eux combattre, qu'ils ne vouloient attendre, & disoyent que tantost les auroient déconfits, & puis retourneroyent en leur ville. Nonobstant l'ordonnance des Gens-d'armes (car le Comte en auoit là grand nombre, comme plus de huit cens Lances, Cheualiers, & Escuyers) ceux de Bruges commencerent à tirer & à getter

† C'est à dire tous en vn monceau, s'e leuant Arteuelle sur quel que lieu plus haut que les autres.

† Bien se peut dire auoir dit, né, qui n'a que pain, & vin, pour tous mets.

Retour des coureurs du Comte de Flandres à Bruges, luy apportans nouuelles du camp des Gandois.

Le Comte de Flandres sort de Bruges contre le camp d'Arteuelle & des Gandois.

† Ce mot est encores pour moceau, comme p'cei-deuant, apres les sermons des Religieux.

Déconfiture du Comte de Flandres & des Brugesois, par les Gandois.

canons. Adoncques ceux de Gand se mirent en vn † mont, & se recueillirent ensemble & firent, tout à vne fois, décliquer trois cens canons, & tournoyèrent autour du flaschis, & mirent à ceux de Bruges le soleil en l'œil, qui moult les greua. Puis entrèrent entre eux en criant, Gand. Si tost que ceux de Bruges ouïrent la voix de Gand & les canons décliquer, & qu'ils lesveirent venir de front pour eux assaillir asprement, ils s'ouvirèrent tous (comme lasches gens, & plains de mauuais courages) & laisserent les Gandois entrer en eux, & sans deffense, & getterent leurs bastons ius, & tournerent le dos. Les Gadois (qui estoient forts & ferrez, & qui bien congurent que leurs ennemis estoient déconfits) commencerent à abbattre deuant eux, à deux costez, & à tuer gens, & tousiours aller deuant eux, sans point dérouter, le bon pas, & à crier Gand, & dirent entre eux, Suyuon, suyuon chaudemēt nōz ennemis (ils sont decōfits) & entron en Bruges avec ceux. Dieu nous regarde ce soir en pitié. Ainsi firent ils tous, car ils poursuyuirent ceux de Bruges asprement, & là ou ils les abbattoient, ils les occioient, ou sur eux passoiēt (car point n'arrestoient, ne de leur chemin ils n'issoient) & ceux de Bruges, ainsi que gens morts & déconfits, fuyoiēt. Si vous dy qu'en celle place il y en eut moult de morts, de blecez, & d'abatus, car entre eux point de deffense n'auoyent, n'oncques si méchans gens ne furent, que ceux de Bruges estoient, & qui plus laschement & recreamment se maintinssent, selon le grand boban, qu'au venir sur les champs ils faisoient, & veulent aucuns dire, & supposer par imagination, qu'il y auoit trahison. Ce que n'y eut, mais pource deffense, & infortune, laquelle cheut sur eux.

Comment la ville de Bruges fut prise par les Gandois, & comment le Comte de Flandres, se sauua en l'hostel d'une pource femme, en la ville de Bruges. CHAP. XCVIII.

Quand le Comte de Flandres & les Gens-d'armes, qui estoient sur les champs, virent le pource arroy de ceux de la ville de Bruges, & cōment d'eux-mesmes ils s'estoiēt déconfits, ne point de recourance ils n'y veoient (car chacun, à qui mieux pouuoit, s'en fuyoit deuant les Gandois) si furent tous moult ebahis & espouventez deux-mesmes, & se commencerent aussi à eux déconforter, & sauuer, & fuir, l'vn çà & l'autre là. Il est biē vray que, s'ils eussent veu quelque bon conuenant & apparence de recouurer la perte de ceux de Bruges sur ceux de Gand, ils eussent bien fait aucuns faits-d'armes, & assailli les Gandois, parquoy ils se fussent peu recouurer. Mais ils n'y veoient remède. Car ils s'enfuyoient vers Bruges, à qui mieux mieux, ne le fils n'attendoit point le pere, ne le pere l'enfant. Adoncques se dérouterent aussi ces Gens-d'armes, & ne tindrent point d'arroy, & n'eurent les plusieurs talent de traire vers Bruges, car la foule & presse estoit si tresgrande sur les champs, & sur le chemin, en venant à Bruges, que c'estoit merueilles à veoir, & d'ouïr les nouuelles des naurez & blecez, au plaindre & crier, & les Gandois aux talons de ceux de Bruges, & crier Gand, Gand, & abbattre gens, & passer outre sans arrester. Le plus de ces Gens-d'armes ne se fussent iamais mis en ce peril. Mesmement le Comte fut conseillé de se retirer vers Bruges, & d'entrer des premiers en la porte, & de faire garder la porte, ou la clorre, parquoy les Gandois ne l'efforçassent, & fussent Seigneurs de Bruges. Le Comte de Flandres (qui ne veoit point de recourance en ses gēs sur les champs, ains que chacun fuyoit, & que ià estoit noire nuit) creut ce conseil, & prit le chemin, & fit sa banniere cheuaucher deuant luy, & tant cheuaucha, qu'il vint à Bruges, & entra en la porte tout des premiers, enuiron luy quarantiesme, & plus ne se trouuerent avecques luy. Adonc ordonna il gens pour garder la porte, & pour la clorre, se les Gandois venoient. Puis cheuaucha le Comte vers son hostel, & enuoya par toute la ville gens, & fit commandement que chacun, sur la teste à perdre, se tirast sur le marché. L'intention du Comte estoit telle, que de recouurer la ville par ce party, mais non fit, si comme ie vous recorderay cy-apres. Ce pendant que le Comte estoit en son hostel, & qu'il enuoyoit les Clercs des Doyens des mestiers de rue en rue, pour eux tirer sur le marché pour recouurer la ville, les Gadois (qui poursuyuoient leurs ennemis asprement) vindrent le bon pas, & entrèrent en la ville de Bruges, avec ceux de la ville, promptemēt & le premier chemin qu'ils firent, sans tourner çà ne là, ils s'en allerent tout droit dedās le marché, & là se rangerent & arresterent. Messire Robert Mareschaut, vn Cheualier du Comte, auoit esté enuoyé à la porte pour sauoir comment on s'y maintenoit. Ce pendant que ledit Comte faisoit son mandement pour cuider recouurer la ville, messire Robert trouua que la porte estoit volée hors des gonds, & que les Gandois en estoient maistres

Retraite du Comte de Flandres à Bruges.

Les Gandois en trent dedans Bruges avec les fuyans, et s'en font maistres.

maistres proprement, & trouua de ceux de Bruges, qui luy dirent, Robert, Robert, retournez, & vous sauuez, se vous pouuez, car la ville est conquise de ceux de Gand. Adonc s'en retourna le Cheualier, au plustost qu'il peut, deuers le Comte, qui se partoît de son hostel, tout à cheual, & grande foison de falots avecques luy, & s'en venoit sur le Marché. Adonc luy dit le Cheualier ces nouuelles. Nonobstant ce, le Comte (qui vouloit tout recouurer) s'en vint sur le Marché, & ainsi comme il y entroit à grande foison de falots, en écriant Flandres, au Lyon, au Comte, ceux, qui estoient à son frein & deuant luy, & regardoient que toute la place estoit chargée de Gandois, luy dirent, Monseigneur, retournez. Se vous allez plus auant, vous estes mort, ou pris de voz ennemis, au mieux venir, car ils sont rangez sur le Marché, & vous attendent. Et ceux là luy disoient verité. Et les Gandois disoient, quand ils virent venir la clarté des falots par vne ruelle. Voicy Monseigneur, veez cy le Comte, il vient entre noz mains. Et auoit dit Philippe d'Arteuelle, & fait dire de rue en rue, se le Comte vient, nous garderons bié que nul ne luy face mal, car nous le menerons vif, & en sa santé, à Gand, & là aurons nous paix à nostre volonté. Le Comte, qui venoit & cuidoit tout recouurer, entra assez pres de la place, ou les Gandois estoient, & voicy plusieurs de ses gens, qui luy dirent, Monseigneur, n'allez pas plus auant, car les Gandois sont Seigneurs du Marché & de la ville, & se vous entrez au Marché, vous irez en dâger d'estre pris. Car ià vont grande foison de Gandois de rue en rue, querant leurs ennemis, & ont mesmement de ceux de Bruges grande foison en leur compaignie, qui les meinét, d'hostel en hostel, querir ceux, qu'ils veulent auoir, ne par nulle des portes vous ne pouuez issir, ne partir, que vous ne soyez mort, ou pris (car les Gandois en sont Seigneurs) n'en vostre hostel, vous ne pouuez retourner, car ils y vont vne moult grande route de Gandois. Quand le Comte entendit ces nouuelles (qui luy furent tresdures, & bien y auoit raison) il commença grandemēt à s'ebahir, & imaginer le peril ou il se veoit. Si creut conseil de non aller plus auant, & de soy sauuer, fil pouuoit, & fut tantost de soy-mesme conseillé. Si fit esteindre tous les falots, qui là estoient, & dit à ceux, qui delez luy estoient. Le voy bien qu'il n'y a point de recourance. Le donne congé à tout homme qu'il se sauue (fil peut) ou se departe. Ainsi, comme il l'ordonna, il fut fait. Les falots furent destains, & gettez parmy les rues, & tantost se departirent ceux de la compaignie du Comte, qui là estoient. Le Côte se trouua en vne vieille ruelle, & là se fit desarmer par vn sien varlet, & getter ses armeures aual, & vestit la houpelâde de son varlet, puis luy dit. Va rē tō chemin. Sauue toy (se tu peux) & ayes bōne bouche, se tu échés es mains de mes ennemis, & si on te demâde nouuelles de moy, garde bien que tu n'en dies riens. Celuy respondit, Monseigneur, pour mourir nō feray-ie. Ainsi demoura le Comte de Flandres tout seul, & alors pouuoit bien dire qu'il se trouuoit en grand danger & auenture, car c'estoit fait de luy, si en celle heure, par aucune infortune, il fust écheu es mains des routiers, qui aual Bruges alloiēt, & cherchoiēt les maisons & les amis du Comte, & les amenoient (ceux qu'ils pouuoient trouuer) au Marché, & là tantost, deuant Philippe & les Capitaines, ils estoient occis, sans nul moie ne remede. Si fut Dieu proprement garde de luy, quand à ce peril il le deliura & sauua. Car oncques par-auant en si grād peril n'auoit esté, ny ne fut depuis, si comme ie vous recorderay presentement. Tant se dementa à celle heure, enuiron miuit, ou vn peu outre, le Comte de Flandres, par rues & par ruelles, qu'il luy conuint entrer dedans aucun hostel, ou autrement il eust esté trouué, & pris des routiers de Gand & de Bruges. Ainsi que parmy la ville alloient, il entra en l'hostel d'une poure femme, qui n'estoit pas hostel pour vn tel Seigneur, car il n'y auoit ne salles, ne chambres, ne palais, mais estoit vne poure maison, & salle & enfumée, aussi noire qu'atrament, & n'y auoit en celle maison fors le bouge deuant, & vne poure couette, ou couuerte de toille enfumée, pour étoufer le feu, & par dessus vn poure plancher, auquel on montoit par vne eschelle de sept eschellons, & en celuy plancher auoit vn poure liéteron, ou les enfans de la poure femme gisoient. Quand le Comte fut, tout tremblant & ebahy, entré en celle maison, il dit à la femme (qui estoit toute effrayée) Femme, sauue moy. Je suis ton Seigneur, le Comte de Frandres, mais maintenant il me conuient muffer, car mes ennemis me chacent, & du bien, que tu me feras, ie t'en rendray le guerdon. La poure femme le cognut assez. Car plusieurs fois elle auoit esté à l'aumosne à sa porte, & si l'auoit veu aller & venir, ainsi qu'un Seigneur va à ses deduits. Si fut tantost auisée de respondre (dont Dieu aida le Comte car elle n'eust peu si petit délayer, qu'on n'eust trouué le Comte deuant le feu,

*Le Côte de Flā-
dres donne con-
gé a ses gens
d'eux sauuer,
taschant luy-
mesme au sem-
blable.*

*Retraite du Côte
de Flandres
en la maison
d'une poure
femme de Bru-
ges, la ou mes-
me il fut cher-
ché, & non
trouué.*

parlant à elle) Sire montez en ce plancher, & vous boutez deffous vn liêt, ou mes enfâs dorment, ce qu'il fit, & ce pendant la femme famusa entour le feu, enuiron vn autre petit enfant, qui gisoit en vn repos. Le Comte de Flandres monta en ce plancher, le plus bellement qu'il peut, & se mit entre la paille & la couette de ce pource liêteron, & là se mussa, & fit le petit (car faire le luy conuenoit) & voicy les routiers de Gand, qui entrerent en la maison de celle pource femme, & auoient (ce disoient les aucuns de leur route) veu entrer vn homme dedans, & trouuerent celle femme seâte à son feu (qui tenoit son enfant) & tantost ils luy demanderent, Femme, ou est vn homme, qu'auons veu entrer ceans, & puis reclorre l'huis? Par ma foy (dit elle) ie ne vy de ceste nuit homme entrer ceans, mais i'en issi n'aguères, & gettay vn peu d'eau, & puis refermay mon huis, n'aussi ie ne sauroye ou le mussier, vous voyez tous les aisemens de ceans, vela mon liêt, & là sus gisent mes enfans. Adoncques prit l'un d'eux vne chandelle, & monta à mont sur l'eschelle, & bouta sa teste au plancher, & ne vit autre chose que ce pource liêteron, ou les enfans dormoient. Si regarda par tout, haut & bas, & puis dit à ses compaignons, Alon, alon. Nous perdrons le plus, pour le moins. La pource femme dit vray. Il n'y a ame, fors elle, & ses enfans? A ces parolles issirent ils hors de l'hostel à la pource femme, & s'en allerent autre part, & oncques puis nul n'y entra, qui y voufist mal faire. Or toutes ces parolles auoit bien ouies le Comte de Flandres, qui estoit couché & mussé en ce pource liêteron. Si pouuez imaginer qu'il fut adoncques en grand effroy de sa vie, & quelle chose il pouuoit là dire, penser n'imaginer. Au matin, il pouuoit bien dire. Le suis l'un des plus puiffans, pour Prince Chrestien, du monde, & en la nuit ensuiuant il se trouua en celle petiteffe. Ainsi pouuoit bien dire que les fortunes de ce monde ne sont pas estables. Encores ce fut grand heur à luy, de pouuoir issir sauue sa vie. Toutesfois ceste dure & perilleuse auenture luy deuoit bien estre vn grand mirouer toute sa vie. Nous laisserons le Comte de Flandres en ce party, & parlerons de ceux de Bruges, & comment les Gandois y perséuererent.

Comment ceux de Gand épargnerent les marchans estrangers dedans Bruges, & comment le Comte de Flandres partit de Bruges, & s'en vint à l'Isle, là ou aucuns de ses gens s'estoient desja retirez.

CHAP. XCIX.

† s'il ne prend
ce mot pour cō-
royeurs, ou cor-
donniers, ie ne
l'enten point.

Maintien de
ceux de Gand
aux nouuelles
de la victoire
de leurs gens.

FRANÇOIS Atremen estoit l'un des plus grâs Capitaines des routiers, & enuoya, de par Philippe d'Arteuelle & Pietre du Bois, pour chercher la ville de Bruges, & garderent toute la riuiera, le Marché, & le lendemain aussi, iusques à tant qu'ils se veirent Seigneurs de toute la ville. Bien estoit deffendu à ces routiers, qu'ils ne portassent nul dommage, ne contraire, aux Marchans estrangers & bonnes gens, qui pour lors estoient à Bruges, car ils n'auoient que faire de comparer leur guerre. Ce commandement fut assez bien gardé, n'oncques François ne sa route ne firent mal, ne dommage, à nul estranger. L'enquete estoit sceuë & gettée des Gandois sur les quatre mestiers de Bruges, † collectiers verriers, bouchers, & poissonniers, à tous les occire sans deport, quan qu'on en trouueroit, pour tant qu'ils auoient tousiours esté de la faueur du Comte de Flandres deuant Audenarde, & ailleurs. On alloit par les hostels querir ces bonnes gens, & là ou ils estoient trouuez, ils estoient occis sans nulle mercy. Celle nuit en eut d'occis plus de douze cens, qu'vns qu'autres, & y faits plusieurs autres meurtres, larcins, & aussi des malfaits, qui point ne vindrent à cognoissance, & y furent moult de maisons, de femmes, & de filles, robées, pillées, violées, & destruites, & des coffres rompus, & tant fait que les plus pources de Gand furent tous riches. Le Dimenche au matin vindrent les ioyeuses nouuelles en la ville de Gand, que leurs gens auoient déconfit le Comte & sa Cheualerie, & ceux de Bruges, & estoient, par conquest, Seigneurs & maistres de Bruges. Vous pouuez bien croire & fauoir qu'à ces nouuelles ce fut vn peuple réiouy, qui en grande tribulation auoit esté, & firent par les eglises plusieurs processions & actions de graces, en louât Dieu, qui les auoit regardez en pitié, & tellement reconfortez, qu'il auoit donné victoire à leurs gens. Tousiours de iour en iour leur venoit nouuelle, & estoient si trespercez de ioye, qu'ils ne fauoient auquel entendre, & ie le dy pour ce que, se le Sire de Harzelles (qui estoit demouré en la ville de Gand) eust pris ce Dimenche, ou Lundy ensuyuant, trois ou quatre mille hommes armez, & s'en fust allé en Audenarde, il eust eu la ville à plaissance & volonté, car ceux d'Audenarde furent si ébahis, quand ces nouuelles leur vindrent, qu'à peine que, pour la peur de ceux de Gand, ils ne vuidoient leur ville, & fuyoyent

fuyoiēt à sauueté en Hainaut, ou ailleurs, & en furent tous appareillez. Mais, quand ils virent que ceux de la ville de Gand ne venoient point, ne nulles nouvelles n'en auoyent, ils recueillirent courage & confort, & aussi les Cheualiers, qui là estoient (c'est assavoir messire Jehan Bernage, messire Thierry du Ban, & messire Fleuriant de Heurlée) garderent & conforterent ceux d'Audenarde, iusques à tant que messire Damos de Haluin y vint depuis, qui y fut enuoyé de par le Comte, ainsi que ie vous recorderay, quand ie seray venu iusques là. Oncques nulles gens ne firent de leurs ennemis ainsi que ceux de Gand firent adoncques à Bruges, ¶ ny ne se porterent plus gracieusemēt enuers vne ville conquise, que ceux de Gand firent enuers celle de Bruges, car oncques ils ne firent mal à menu mestier, fil n'estoit trop vilainement accusé. Quand Philippe d'Arteuelle, Pietre du Bois, & les bōnes gēs & Capitaines de Gand, se virēt au dessus de ladite ville de Bruges, & que tout estoit en leur commandement & obeissance, on fit vn ban, de par Philippe d'Arteuelle, Pietre du Bois, & les bonnes gens de Gand, que sur la tēste, toutes manieres de gens se tirassent à leurs hostels, & que nul d'eux ne pillast, n'efforçast maison, & ne préfist riens de l'autrui, & que nul n'eueust meslée ne debat, sans commandement de tous, sur la tēste. Adoncques fut demandé son sauoit que le Comte estoit deuenue. Les aucuns disoient qu'il estoit allé hors la ville, des le Samedy, & les autres disoient, qu'il estoit encores dedans Bruges mussé quelque part, ou on ne le pouuoit trouuer. Les Capitaines de Gand n'en firent compte, car ils estoient si réiouis de la victoire qu'ils auoient, & de ce qu'au dessus de leurs ennemis se veoient, qu'il ne leur chaloit riens de Comte, ne de Baron, ou Cheualier, qui fust en Flandres, & se tenoiēt si grās, que tous se mettroient en leur obeissance. Or regarderent Philippe d'Arteuelle & Pietre du Bois que quand ils se departirent de la ville de Gand, ils l'auoient laissée dégarnie & depourueue de tous biens, de vins, & de blez, & n'y auoit riens. Si enuoyerent tātost vne quantité de gens au Dan & à l'Escluse, pour estre Seigneurs des villes, & des pourueances qui dedans estoient, pour pourueoir la ville de Gand. Quand ceux, qui enuoyez y furent, vindrent au Dan, on leur ouurit les portes, & fut tantost la ville & les pourueances mises en leur commandement. Adoncques furent tirez hors, de ces beaux celiers, tous vins qui là estoient, de Poictou, de Gascongne, de la Rochelle, & des loingtaines marches, iusques à plus de six mille tonneaux, & iceux mis à la voiture, & enuoyez en la ville de Gand par chariots, & par riuere, qu'on dit la Lieue. Puis passerēt les Gadois outre, & s'en vindrēt à l'Escluse, la q̃le ville leur fut incōtinent ouuerte, & se mit en leur obeissance, & là trouuerent grāde foison de blez & de farines en tonneaux, en nefes, & en greniers de marchāes estrangers. Tout fut payé, mis à voiture, & mené à Gand, tant par charroy, que par eaue. Ainsi fut la ville de Gand refreschie & deliurée de misere, par la grace de Dieu. Autrement ne fut ce pas. Bien en doit aux Gandois souuenir, & que Dieu leur aida plainement, quand cinq mille hommes, tous affamez, decōfirent, deuāt leurs maisons, quarante mille hommes. Or se gardent d'eux enorgueillir, & les Capitaines aussi, mais non feront. Ils s'en orgueilleront tellemōt, que Dieu se courroucera, & leur remōstrera leur orgueil, auant que l'année soit finie, si comme vous orrez recorder en l'Histoire plus auant, pour donner exemple à toutes gens. Je fu adoncques informé, & le vueil bien croire, que le Dīmenche, quand il fut nuict, le Comte de Flandres issit hors de la ville de Bruges. La maniere, ie ne la say pas, n'aussi s'on luy fit voye aucune. Je croy bien qu'ouy. Mais il issit seul à pié, vestu d'une pource houpelande, moult simple. Quand il se trouua aux champs il fut tout réiouy, & pouuoit bien dire qu'il estoit issu de grand peril, & commença à cheminer à l'aventure, & s'en vint deffous vn buisson, pour sauoir quel chemin il tiendroīt (car pas ne cognoissoit les chemins, ne iamais à pié cheminé il n'auoit) & ainsi qu'il estoit deffous ce buisson là capy, il entendit & ouit parler vn homme, & d'auēture c'estoit vn sien Cheualier, qui auoit espousé vne femme sienne fille bastarde, & le nommoit on messire Robert Mareschaux. Le Cōte l'entendit au parler, & luy dit, en passant, Robert, es tu là? Le Cheualier (qui moult bien le cognut au parler) & luy dit, Mōseigneur, vous m'avez fait au-iourd'huy beaucoup de peine à chercher autour de Bruges. Comment estes vous issu? Allon, allon, (dit le Comte) Robert. Il n'est pas maintenant temps de recorder ses auentures icy. Fay tant que ie puisse auoir vn cheual (car ie suis lassé d'aller à pié) & pren le chemin de l'Isle, si tu le fais. Monseigneur (dit le Cheualier) ie le say biē. Adonc cheminerēt ils celle nuit, & le lendemain iusques à prime, auant qu'ils peussent recouurer de cheual, & la premiere mōture, que le Comte

† Ce passage est
amendé selon
Verard estans
corrompu en
l'autre Exem.

Munitions en-
uoyez à Gand
par Philippe
d'Arteuelle.

Le Comte de
Flandres hors de
Bruges pour re-
tourner secrète-
ment à l'Isle.

Il y auoit sa-
medi es deux
Exemp. Mais
Sala dit Lun-
di & au si le
vent la dedu-
ction de l'An-
neur.

eut, ce fut vne iument, qu'ils trouuerent chez vn pource homme, en vn village. Si monta le Comte dessus, sans celle & sans penneau, & vint le † Lundy par les champs, & le soir, se bouda en l'Isle, au chasteau, ou s'en estoient retournez la plus grande partie des Cheualiers, qui estoient échapez de la bataille de Bruges, & s'estoient sauuez au mieux qu'ils auoient peu, les aucuns à pié, & les autres à cheual, & tous ne tindrent pas ce chemin, mais s'en allerent les aucuns par mer en Hollande, & en Zelande, & sy tindrent tous, tant qu'ils eurent autres nouuelles. Messire Guy de Guistelles arriua à bon port, car il trouua en Zelande, en l'une de ses villes, le Comte Guy de Blois, qui luy fit bonne chere, & luy departit de ses biens, pour le remonter & remettre en estat, & le retint avecques luy, tant qu'il y voulut demourer. Ainsi estoient les debaratez reconfortez par les Seigneurs de là ou ils tiroient, qui en auoiēt pitié, & c'estoit raison, car Noblesse & gentillesse doiuent estre aidées & conseillées par les Gentils.

De ce que les Gandois firent à Bruges, apres leur conqueste, & comment toutes les villes de Flandres se rendirent à eux, fors Audenarde. CHAP. C.

Il y auoit icy
Gand es deux
Exem. Mais la
deduction suy-
uante aprouue
nostre correctio

Les nouuelles s'épandirent, par moult de lieux & de pays, de la déconfiture de ceux de Bruges, & du Comte leur Seigneur, & comment les Gandois les auoient déconfits. Si en estoient plusieurs manieres de gens réiouyes, & principalement Communautiez. Tous ceux des bonnes-villes de † Brabant, & de l'Euesché du Liege, en estoient si liez, qu'il sembloit proprement que la besongne fust leur. Aussi furent ceux de Rouen, & de Paris, si plainement en eussent osé parler. Quand Pape Clement en eut ouy nouuelles, il pensa vn petit, & puis dit que celle déconfiture auoit esté vne verge de Dieu pour donner exemple au Comte, & luy enuoyoit celle tribulatiō, pour la cause qu'il estoit rebellé à ses opinions. Aucuns autres grans Seigneurs disoient en Frâce, & ailleurs, que le Comte ne faisoit qu'un petit à plaindre, s'il auoit à porter & à souffrir, car il auoit esté si presomptueux, qu'il ne prisoit n'aimoit nul Seigneur voisin, qu'il eust, ne Roy de France, n'autre, s'il ne luy venoit bien à point, pourquoy ils le plainignoient moins de ses persecutions. Ainsi auint. On dit volontiers qu'à celuy, à qui il méchet, chacun luy mal offre. Par especial ceux de la ville de Louvain furent trop réiouys de la victoire des Gandois, & de l'ennuy du Comte, car ils estoient en différent & dur party enuers le Duc de Brabant leur Seigneur, qui les vouloit guerroyer, & abbatre leurs portes, & leur estoit auis qu'il s'en tiendrait mieux en paix. Et disoient ainsi en la ville de Louvain. Se Gand nous estoit aussi prochaine cōme Bruxelles, nous serions tous vn, eux & nous. De toutes leurs parolles & deuises estoient informez le Duc & la Duchesse de Brabant, mais il leur conuenoit cligner les yeux, & baïsser les testes, car pas n'estoit heure de parler. Ceux de Gand, eux estans à Bruges, y firent moult de nouuel, & auiserent qu'ils abbattroient, au lez deuers eux, deux portes, & les murs, & feroient remplir les fossés, à fin que ceux de Bruges ne fussent iamais rebelles enuers eux, & quand ils s'en partirent, ils emmenerent cinq cens hommes, Bourgeois de Bruges, des plus notables, avec eux, en la ville de Gand, à fin qu'ils fussent tenus en plus grande cremeur & subiection. Ce pendant que ces Capitaines se tenoient à Bruges, & qu'ils faisoient abbatre portes & murs, & remplir fossés, ils enuoyerent à Ypre, à Courtray, à Bergues, à Cassel, à Propinghe, à Bourbourg, & par toutes les villes & chasteaux de Flandres, sur la marine & franc de Bruges, que tous vinssent à obeissance à eux, & apportassent, ou enuoyassent, les clefs des villes & chasteaux, en remonstrant seruite & obeissance. Tous obeirēt, & nuls n'oserent alors cōtredire, & vindrēt tous à obeissance à Bruges, à Philippe d'Arteuelle & à Pietre du Bois. Ces deux se nōmoient & escriuoiēt souverains Capitaines de tous, & par especial Philippe d'Arteuelle estoit celuy, qui plus auant besongnoit & se chargeoit des besongnes de Flādres & tant comme il fut à Bruges, il tint estat de Prince, car tous les iours, par ses ménestriers, il faisoit sonner & corner deuant son hostel, à ses disnées & soupées, & se faisoit seruir en vaisselles, couuertes, d'argent, ainsi cōme s'il fust Comte de Flandres, & bien pouuoit tenir cest estat, car il auoit toute la vaisselle du Comte, d'or & d'argent, & tous les ioyaux, chambres, & sommiers, qui auoient esté trouuez en l'hostel du Comte à Bruges, ne riens on n'auoit sauué. Encores fut enuoyée vne route de Gandois à Marle, vn tresbel hostel (qui est au Côte) situé à demie lieuë de Bruges. Ceux, qui y allerēt y firent moult de dérois, car ils déropièrent tout l'hostel, & abbattirent, & déropièrent les fōs ou le Comte auoit esté baptisé, & mirent à voiture, en chariots, tout le bien, or & argent, &

Quelques por-
tes & murs de
Bruges abbatus
par les Gandois

Plusieurs villes
de Flandres se
mettent en l'o-
beissance des
Gandois.

Outrage des
Gandois à Mar-
le maison du Cō-
te de Flandres.

& ioyaux, & l'enuoyerent à Gand. † Tout le terme de quinze iours durant y auoit tous les iours plus de deux cens chars, allans & venans de la ville de Gand à Bruges, & aussi de Bruges à Gand, pour charier le grand conquest & pillage, que Philippe d'Arteuelle & les Gandois firent là, en celle prise de Bruges, & à peine le pourroit on priser, n'estimer, tant y eurent grand profit. Quand ceux de Gand eurent fait tout leur bon vouloir de la ville de Bruges, ils enuoyerent, de ladite ville de Bruges, cinq cès Bourgeois, des plus notables, à Gand pour là demourer en cause d'ostagerie, & François Atremen & Pietre du Mitre, & mille de leurs hommes, les enuoyerent, & demoura Pietre du Bois Capitaine de Bruges, tant que les portes, murs, & fossez, fussent mis à vni, & adôcques se départit Philippe d'Arteuelle, à quatre mille hommes, & prit le chemin d'Ypre, & fit tant qu'il y paruint. Toutes manieres de gens issirent au deuant de luy, & le recueillirent aussi honorablement, comme fil eust esté leur Seigneur naturel, qui vint premierement en sa terre, & tous se mirent en son obeissance, & renouella Maieurs & Escheuins, & là fit toute nouvelle Loy. Puis vindrēt ceux des Chastellenies d'outre Ypre, de Cassel, de Bergues, de Bourbourg, de Furnes, & de Propinghe, qui tous se mirent en son obeissance, & luy iurerent foy & loiauté tenir, ainsi comme à leur Seigneur, le Comte de Flandres. Quand il eut ainsi exploité, & qu'il eut de tous l'assurance, & il eut seiourné à Ypre huit iours, il s'en partit, & vint à Courtray, ou il fut aussi receu à grande ioye, & sy tint cinq iours, & enuoya ses lettres & messages à la ville d'Audenarde, en leur mandāt qu'ils vinsent deuers luy en obeissance. Car trop y auoient mis, quand ils voyoient que tout le pays tournoit avec ceux de Gand, & ils demouroient derriere, & bien leur dirent ces messagers, que, fils ne faisoient comme les autres, ils se pouuoient bien venter qu'incontinent ils auroient le siege, & que iamais de là ne se partiroit, iusques à ce qu'ils eussent la ville, & mettroient à l'espée tout ce, qu'ils trouueroient dedans. Quand ces nouuelles vindrent à Audenarde par Philippe d'Arteuelle, encores n'y estoit point venu messire † Damaulx de Haillain (qui en celle saison en fut Capitaine) & n'y estoient que les trois Cheualiers dessus-nommez, qui respondirent chaudemēt, qu'ils ne faisoient cōpte des menaces du fils d'un brasseux de miel, & que l'heritage de leur Seigneur, le Côte de Flandres, ils ne pouuoient, ne vouloient, point donner, n'amoindrir, mais le deffendroient & garderoient iusques à mourir. Ainsi retourna le messager à Courtray.

† Ceste clause est parfaite selon sala, et suiuit la deduction de l'Auteur.

Ypre & plusieurs autres villes de Flandres en l'obeissance des Gandois qui est vne repetitiō de ce qu'il a dit peu par auant.

† Il est par auant Damos, au ch. preced. & Heluyn. pour surnom.

Des bobans de Philippe d'Arteuelle, estant de retour à Gand, & comment le Comte de Flandres se maintenoit ce pendant à l'Isle.

CHAP. CI.

Quand Philippe d'Arteuelle eut ouy parler son messager (qui rapporta que ceux de la garnison d'Audenarde ne faisoient nul compte de luy, ne de ses menaces) il iura que (quoy qu'il deust couster au pays de Flandres) il n'entredroit iamais à autre chose, tant qu'il eust pris, & rué par terre, toute la ville d'Audenarde. Si grandement en fut courroucé, que de tout ce faire estoit bien en sa puissance, puis que le pays de Flandres estoit encliné à luy. Quand il eut seiourné six iours à Courtray, & il eut renouellé la Loy, & de tous pris la feauté & hommage (aussi bien comme fil fust Comte de Flandres) il s'en retourna à Gand. A l'encontre de luy issit on à proceffion, & à si grande ioye que iamais le Comte, leur Sire n'y fut receu si honorablement, comme il fut à son retour, & l'adoroient les gens, ainsi comme leur Dieu, pourtant qu'il auoit donné le conseil, dōt leur ville estoit recourée en estat & en puissance, car on ne sauroit dire le grād nōbre de biēs, qui leur vint, par terre & par mer, de Bruges, du Dā, & de l'Escluse & le pain (qui y auoit valu vn vieil gros, n'auoit pas trois semaines) n'y valoit que quatre mites. Le vin (qui valoit vingt quatre gros,) n'y valoit que deux gros. Toutes choses en Gād estoient à meilleur marché qu'à Tournay, ou Valenciennes. Philippe d'Arteuelle en chargea vn grand estat de beaux coursiers & destriers, qu'il auoit à seiour, ainsi comme vn grand Prince, & estoit aussi estoiffement dedans son hostel, que le Comte de Flandres estoit à l'Isle, & auoit parmy Flandres, ses Officiers, Baillifs, Chastelains, Reccueurs, & Sergens, qui toutes les semaines rapportoient la mise tresgrande, à Gand, deuers luy, dont il tenoit son estat, & se vestoit de sanguines robes, & d'escarlate, fourrées de menu-vers, ainsi comme le Duc de Brabant, ou le Côte, de Hainaut, Si auoit sa Chābre-aux deniers (ou on payoit) ainsi comme le Comte, & dōnoit aux Dames & Damoiselles de Gād disnées & soupées, ainsi cōe le Côte auoit fait, & n'epargnoit nō plus or, n'argēt pour sa plaifance, & l'ecriuoit & nommoit, en ses lettres, Philippe d'Arteuelle, † Regard de Flandres. † sala dit Re-

L'estat de Philippe d'Arteuelle à Gand.

gent, et mieux
à mon auis.

† Entendez, que
le Comte de Flandres
disoit ces
mots en soy mes-
me, iusques à.
Mais le Roy
Charles. De-
uant laquelle
clause nous a-
uons mis cour-
roucé pour
couronné,
et adionsté les
trois mots suy-
uans, pour par-
faire le sens de
l'Auteur.

† Il a dit Tier-
ri du Ban, &
messire Fleu-
rent de Heur-
lee, au cha. 99
ausquels nous
auons adionsté
messire Iean
Bernage,
pour ce qu'il
uent tãst que
ils soient trois,
comme ils sont
au cha. susdit.
† Ce doit estre
celuy, qu'il nō-
me Damaux
de Haillain, au
cha. precedent
et encores tã-
st le surnōme
ra de Haluin

Siege d'Aude-
narde, par Phi-
lippe d'Arte-
uelle.

Or eut le Comte de Flandres (qui se tenoit à l'Isle moult à pense & auiser, quand il veit son pays plus que iamais rebeller cōtre luy, & ne veoit point que de sa puissance singuliere il le peust recouurer, car toutes les villes estoient en vnitē, & d'vn tel accord qu'on ne les en pouuoit iamais oster, si ce n'estoit par trop grande puissance, n'on ne parloit par tout son pays de luy, en l'honorant & recognoissant Seigneur, nom plus que se iamais il n'eust esté. Or luy souuint il de l'aliance, qu'il fit au Duc de Bourgongne, lequel auoit sa fille à femme, Madame Marguerite, de laquelle il auoit deux beaux enfans, biē à point. Si disoit qu'il estoit bien heureux, dont le Roy Charles estoit mort, & qu'il y auoit vn ieune Roy en France, au gouuernement de son oncle, le Duc de Bourgongne, qui le menera & ployera tout à sa volonté. † Ainsi est il du ieune Roy de France, & sera courroucé contre mes rebelles comme l'espere, car il est de bonne volonté, & desire à s'armer. Si le tirera à ce faire le Duc de Bourgongne, quand il luy remonstrera leur orgueil, & comment il est tenu d'aider à ses hommes, quand leurs gens veulent s'aider de rebellions. Mais le Roy Charles (comme supposent les aucuns) n'en eust riens fait, & s'au cune chose en eust fait, il eust attribué la Comté de Flandres par quelque maniere, au Royaume de France, & au domaine, car le Comte de Flandres n'estoit pas si bien en sa grace, qu'il eust riens fait pour luy (fil n'eust bien sceu comment n'eust esté son oncle. Nous nous souffrerons à parler de ces deuises, tant que temps & lieu viendra, & dirons commēt le Comte de Flandres se maintenoit à l'Isle. Depuis la grande perte, qu'il auoit eue deuant, & dedans, & dehors Bruges, il entendit que messire † Thierry Daman, messire Fleurant de Heulle, & messire Iehan Bernage tenoient la ville d'Audenarde, & l'auoient tenue depuis la dure besongne de Flandres, auenue deuant Bruges, & bien sauoit que ces trois Cheualiers n'estoient pas fors assez, pour resister contre la puissance de Flandres, fils venoient là, pour y mettre le siege ainsi, qu'on esperoit qu'ils feroient hastiuement. Adoncques, pour refreschir la ville d'Audenarde, & la pourueoir de toutes choses, le Comte appella messire † Daniel de Haluin, & luy dit, Daniel, vous irez en la ville d'Audenarde. le vous en fay Capitaine & souuerain, & aurez de vostre route cent cinquante Lances de bons Gens-d'armes, & cent Arbalestiers, & deux cens gros-varlets, à lances & à paois, & aurez le soing de la garnison, car ie la vous charge feablement, & la faites bien hastiuement pourueoir de blez, d'auoines, de chairs salées, & de vins, par noz bons amis & voisins de la ville de Tournay. Ils ne nous faudront point à ce grand besoing. selou nostre espoir. Monseigneur (respondit le Cheualier) à vostre ordonnance sera tout ce fait, & ie pren le faix & la garde de la ville d'Audenarde, puis qu'il vous plaist le me commander. Là maux n'auientront par moy, ne par ma defaute. Daniel (dit le Comte) de ce suis ie tout reconforté. Adonc prit congé messire Daniel de Heluin du Comte, & s'en vint à Audenarde, & la refreschit de bons Gens-d'armes, de viures, & d'autres choses, qui à ladite ville estoient necessaires.

Cōment Philippe d'Arteuelle & ses Gandois meirent leur siege deuant Audenarde. CH. CII.

Q Vand Philippe d'Arteuelle (qui se tenoit dedans Gand) entendit les nouuelles que ceux d'Audenarde estoient ainsi refreschis de Gens-d'armes, il dit qu'il y pouruoie roit de remède, & que ce n'estoit pas chose à souffrir, car c'estoit trop grandement au préiudice & des-honneur du pays de Flandres, que celle ville se tenoit ainsi. Si dit qu'il y viendroit mettre le siege, & iamais n'en partiroit qu'il ne l'eust abbattue, & mis à mort tous ceux, qui dedans estoient, Cheualiers & autres. Adonc fit il vn mandement par tout le pays de Flandres, que tous fussent appareillez & venus, le neufième iour Iuin, de uant Audenarde. Nul n'osa desobeyr à son mandement, & tous ceux des bonnes de vil-les de Flandres, du Franc, & de Bruges, s'appareillerēt, & vindrēt mettre le siege deuant Audenarde, & festendirent par champs, par prez, & par marais, & tout là enuiron, & là estoit Philippe d'Arteuelle leur Capitaine souuerain, par qui ils s'ordonnoient, & lequel tenoit grand estat deuant Audenarde. Adonc fit il vne taille en Flādres, que chacun feu toutes les semaines payeroit quatre gros, le fort portant le foible. De ceste taille acquit & assembla Philippe d'Arteuelle grand argēt: car nuls n'estoient excusēz, qu'ils ne payassent, car il auoit ses Sergens tous propres parmy le pays de Flandres, qui faisoient payer pources & riches, vousiffēt ou nō. Et disoit on qu'il y auoit au siege d'Audenarde plus de cēt mil hōes, & firēt les Flamās, au dessus d'Audenarde, en l'Escaud, ficher & plāter grās & gros merrais, parquoy nulles nauires de Tournay ne pouuoient venir à Audenarde & auoient

† Il avoit icy
vin de Riz,
que vous retiē
drez s'il vous
semble bon.

Quand à
galrigaches,
c'est la premie-
re fois que i'en
aye deieusné,
et confesse ne
sanoir que c'est

† Notez pour
l'artillerie a feu

CHAP. CII.

*Nouvel ou-
rage des Gandois
à Marle maisõ
de leur Comte.*

† *sala semble*
escrire, Vvar-
acton.

*Perard dit
de helechier*

le † de Helehier, & autres villages d'enuiron, qui sont du Royaume de France, & puis retournerent, à tout grande proye, au siege d'Audenarde. Ces nouuelles vindrent au Duc de Bourgongne (qui se tenoit à Bapaumes en Artois) & comment les Gandois auoyent pillé, couru, & ars aucuns villages sur le Royaume de France. Si rescriuit tantost le Duc de Bourgongne le conuenant à son Seigneur le Roy de France (qui se tenoit à Compiègne) & aussi au Duc de Berry, son frere, au Duc de Bourbon, & au Conseil du Roy, à fin qu'ils y eussent auis. Et n'eust pas voulu le Duc de Bourgongne q̃ les Flamàs eussent autrement fait, car il pensoit bien qu'il falloit requérir le Roy de France, ou autrement son beau pere le Comte de Flandres iamais ne reuiendrait à l'heritage de Flandres, & aussi, tout consideré, ceste guerre le rengregeoit trop grandement, car il estoit, de par sa femme, apres la mort de son beau-pere le Comte, héritier de Flandres. En ce temps se tenoit le Comte de Flandres à Hedin. Si luy fut recordé commēt les routiers de Gand auoient esté à Marle, & auoient abbattu l'hostel en despit de luy, & là chambre ou il fut

*† Il y auoit icy
de ses armes,
Ce que nous a-
uons racoustre
selon le commē
cemēt de ce pre
sent chap.*

né, & rompu les fons, ou il fut baptizé, & le repos † de ses premieres années (qui estoit tout d'argent) & la cuue aussi, ou on l'auoit baigné, qui estoit toute decirée & emportée. Ce qui luy tourna à grande deplaisance. Si en eut le Comte, luy estant à Hedin, mainte imagination, car il veoit tout son pays perdu, & tourné contre luy (excepté Terremonde & Audenarde) & n'y veoit nulle recouurance de nul costé, fors de la puissance de France. Si auisa, tout consideré, qu'il s'en iroit parler à son fils le Duc de Bourgongne (lequel se tenoit à Bapaumes) & luy remonstreroit ses besongnes. Si se departit de Hedin, & s'en vint à Arras, & là se reposa deux iours. Le lendemain il vint à Bapaumes, & descendit à l'hostel du Comte, qui estoit sien. Car pour celuy temps il estoit Comte d'Artois, pource que sa Dame de mere estoit morte. Le Duc de Bourgongne, son fils, eut grande compassion de luy, & le reconforta moult doucement, quand il l'eut ouy complaindre, & luy dit, Monseigneur, par la foy, que ie doy à vous & au Roy, ie n'entendray iamais à autre chose, qu'au recouuremēt de vostre pays. Vous serez réioui, ou nous perdrons tout le demourant, car ce n'est pas chose deuë, que telle ribaudaille (comme ils sont ores en Flandres) soit laissée gouuerner vn pays, & toute Cheualerie & Gentillesse en pourroit estre destruite & honnie, & par consequent toute Chrestienté. Le Comte de Flandres se reconforta de ce que le Duc prenoit le conuenant de luy aider, & prit congé de luy, & s'en vint en la cité d'Arras. A ce iour il tenoit, de la Comté de Flandres, plus de deux cens hommes des bonnes-villes de Flandres, & estoient, au pain & à l'eau en diuerses prisons, & leur disoit on, tous les iours, qu'on leur trécherait les testes. Quand le Comte fut retourné à Arras, il les fit en l'honneur de Dieu & de Nostre-dame, tous deliurer, car bien veoit, à ce qu'auenoit en Flandres, qu'ils n'y auoient nulle coulpe, & les fit iurer à estre bons & loyaux enuers luy, & puis leur fit deliurer à chacun or & argent, pour aller à l'Isle, ou à Douay, ou ailleurs, ou mieux leur plaisoit. Adonc le Comte acquit grande grace, & puis se partit d'Arras, & s'en rerourna à Hedin.

*Le Comte de
Flandres vers
le Duc de Bour-
gongne, son gen-
dre, à Bapaum-
es.*

Comment le Duc de Bourgongne moyenna que le Roy Charles de France, son neveu, fist guerre aux Gandois & à leurs adherens, tant pour contreuengance, de ses villages brullés, que pour aider au recouurement de Flādres, pour le Côte, son hōme & vassal. CHAP. CIIII.

LE Duc de Bourgongne ne meit pas en oubly lesdictes conuenances, qu'il auoit Leues à son Seigneur de pere, le Comte de Flandres. Si se partit de Bapaumes, messire Guy de la Trimouille en sa compaignie, & messire Iehan de Vienne (qui estoit Admiral de France) qui mettoient grande peine à ce que le Comte fust conforté, & ces deux estoient des plus grans & haux de son Conseil. Tant cheuaucha le Duc de Bourgongne, & sa route avecques luy, qu'il vint à Senlis, ou le Roy estoit, avecques ses deux oncles de Berry, & de Bourbon. Si fut receu à ioye, & puis on luy demāda des nouuelles de Flandres, & du siege de Flandres deuant d'Audenarde. Le Duc de Bourgongne respondit, à ces premieres parolles, moult sagement au Roy, & à ses oncles, & quand il se vit à loisir, il tira à part son frere le Duc de Berry, & luy remonstra cōmēt ces Gandois orgueilleux, se mettoient en peine d'estre maistres, & de destruire toute Gētillesse, & iā auoient ars & pillé sur le Royaume de France, qui estoit vne chose moult préiudiciable à la confusion & vitupere dudit Royaume de France, & qu'ō ne le devoit point souffrir. Beau frere (dit le Duc de Berry) nous en parlerōs au Roy. Nous sommes, vous & moy les deux plus haux de son Cōseil. Le Roy informé, nul n'ira au-deuāt de nostre entête, mais à émou-

*Le Duc de Bour-
gongne vers le
Roy Charles son
neveu, à Senlis*

à émouuoir guerre entre le Royaume de France & Flandres (qui ont esté en bõne paix ensemble) il conuient qu'il y ait tiltre, & que les Barons de France y soient conioints: autrement nous en serions blasmez, & en porterions la coulpe: car le Roy est ieune: & fauēt bien toutes gens, qu'il fera en partie ce, que nous dirons, & luy voudrons conseiller. Se biē luy en prenoit, la chose passeroit en biē. Se mal luy en venoit, no⁹ en serios fort chargez, & trop plus blasmez que les autres: & à bonne cause: & diroit on par tout. Veez les oncles du Rõy, le Duc de Berry & de Bourgongne, comment ils l'ont conseillé mauuaise-
 ment, Ils ont bouté en guerre le Royaume de France: dont il n'auoit que faire. Adonc ie di, beau Sire, que nous mettions ensemble la greigneur partie des Prelats & des Nobles du Royaume de France, & leur remonstrions, le Roy present (à qui personnellemēt la chose touche) pour l'heritage de Flandres, toutes ces incidences. Nous verrons tantost la generale volonte du Royaume de France. Respōdit le Duc de Bourgōgne, vous parlez bien, beau frere: & ainsi sera fait, comme vous l'avez dit. A ces parolles vey le Roy, qui entra en la chambre, ou ses oncles estoient, vn Espreuier sur le poing: & se frapa en leurs parolles, en leur demādan moult liement: & dit, Dequoy parlez vous maintenant, mes beaux oncles en si grand conseil? Ie le sauroye volōtiers, si c'est chose, qu'on puisse sauoir. Ouy, Monseigneur, dit le Duc de Berry: qui fut auisē de parler: car à vous appartient de ce conseil grandement. Veez cy vostre oncle, mon frere de Bourgongne, qui ce complaint à moy de ceux de Flandres: car les villains de Flandres ont bouté hors de son heritage le Comte leur seigneur, & tous les Gentils-hommes: & encores sont ils assiegez, deuant la ville d'Audenarde, plus de centmille Flamans: qui ont là assiegē grād nombre de Gentils-hommes: & ont vn capitaine, lequel s'appelle Philippe d'Arteuelle, pur Anglois de courage: lequel a iurē que iamais de là ne partira, tant qu'il ait fait sa volonte de ceux de la ville: se vostre puissance ne l'en lēue. Ce qu'il a reserué. Et adonc, que en dites vous? voulez vous aider à vostre cousin de Flandres, & reconquerre son heritage, que villains par orgueil luy tollent, & efforcent par cruauté? Par ma foy (respondit le Roy) beaux oncles, i'en suis en tresgrand' volonte: & pour Dieu que nous y allions. Ie ne desire autre chose que moy armer: & encores ne m'armay-ie oncques. Si me faut il (se ie veux regner en puissance & honneur) apprendre les armes. Ces deux Ducs regarderent l'vn l'autre: & leur vint grandement à plaissance la parolle du Roy, qu'il auoit respondue: & dit encores le Duc de Berry. Monseigneur, vous avez bien parlé: & à ce faire vous estes tenu, par plusieurs raisons. On tient la Comté de Flandres du domaine de France: & vous avez iurē, & nous pour vous, à tenir en droit vos hommes & vos liges: & aussi le Comte de Flandres est vostre cousin: parquoy vous luy deuez amour. Or, puis que vous en estes en bonne volonte, ne vous en ostez iamais: & en parlez ainsi à tous ceux, qui vous en parleront: car nous assemblerons hastiuement les Prelats & les Barōs de vostre royaume: & leur remonstrerons, vous present, toutes ces choses. Si parlez ainsi haut & cler, que vous auez icy parlé à nous: & tous dirons, Nous auons vn Roy de haute entreprise, & de bonne volonte. Par ma foy, beaux oncles, ie voudroye que ce fust demain prest, pour aller celle part: car dorenavant ce sera le plus grand plaisir, que i'auray, d'aller en Flandres, pour abbattre l'orgueil des Flamās. De ceste parolle eurent les deux Ducs grand' ioye. Adōc vint le Duc de Bourbon: qui fut apelē des deux Ducs: & luy remonstrerent toute la parolle, que vous auez ouye, & la grand' volonte, que le Roy auoit d'aller en Flandres: dont le Duc de Bourbon eut grand' ioye. Si demourerent les choses en celuy estat: mais le Roy escriuit, & ses oncles aussi, à tous les Seigneurs du conseil du Royaume de France, & qu'ils veinssent à vn iour qui assignē estoit à Compiēgne, & que là auroit Parlement, pour les besongnes du Royaume de France. Tous y obeyrent: & fut raison: & sachez que le Roy estoit si réiouy de ces nouuelles, & si pensif en bien, qu'il ne sen pouuoit mettre hors: & disoit souuent que trop de Parlement tenoit on, pour faire bonne besongne. † Il me semble que, quand on veut faire & entre-

*Remonstrances
au Roy Charles
sixieme par ses
oncles de Berry
& de Bourgongne
pour le fait
de Flandres.*

*Le Roy Charles
sixieme entre-
prend courageu-
sement a ven-
ger le Comte de
Flandres en sa
grande ieunesse*

*† Entēdez, que
le Roy disoit tel
les parolles.*

*† Perard dit,
Ouy, ouy,
qui, &c.*

*Vision d'un
Cerf volant au
Roy Charles
sixieme, en son
dormant, qui
luy fut pour de
uise puis apres*

A Duenu estoit (point n'auoit long terme) au ieune Roy Charles de France, pendant qu'il seiournoit en la ville de Senlis, qu'en dormant, en son lit, vne auision luy vint: & luy estoit auis proprement, qu'il estoit en la cité d'Arras (ou oncques à ce iour n'auoit esté) & toute la fleur de la Cheualerie de son Royaume: & là venoit le Comte de Flandres à luy: qui luy asseoit sur son poing, vn Faucon pelerin, moult gent & moult bël: & luy disoit ainsi, Monseigneur, ie vous donne en bonne estreine ce Faucon, pour le meilleur que ie veisse oncques, le plus gentement chaçant, & le mieux abbattant oyseaux. De ce present auoit le Roy grand ioye: & disoit, Beau cousin grand mercy. Adonc luy estoit il aduis qu'il regardoit sur le Connestable de France (qui estoit delez luy) messire Oliuier de Clisson: & luy disoit, Messire Oliuier allon vous & moy aux champs, pour éprouuer ce gentil Faucon, que mon cousin de Flâdres m'a donné: & le Cōnestable luy respondit, Sire, allon: & adoncques montoient ils à cheual, eux deux tant-seulement: & venoient aux champs: & prenoient ce Faucon: & trouuoient foison de Herons, pour le faire voler, Adonc dit le Roy, Connestable, gettez le Faucon: & verrons comment il chacera. Le Connestable le gettoit & le Faucon montoit si haut qu'à peine le pouuoit il choisir en l'air: & prenoit son chemin sur Flandres. Adonc disoit le Roy au Connestable, Cheuauchon apres mon oiseau. Je ne le veux pas perdre: & le Connestable luy accordoit: & cheuauchoit (c'estoit auis au Roy) & alloient parmy vn grand marais: & trouuoient vn bois à cheuaucher: & disoit le Roy, A pié, à pié: nous ne saurons passer ce bois à cheual. Adonc descendirent ils, & se meirent à pié: & venoient varlets, qui prenoient les cheuaux: & le Roy & le Connestable entrerent en ce bois, à grand' peine: & tant allerent, qu'ils vindrent en vne trop grande lande: & là veoient le Faucon, qui chaçoit Herons, & abbattoit, & se combattoit à eux, & eux à luy. Et sembloit au Roy que son Faucon y faisoit d'apertises tant, & chaçoit oyseaux deuant luy tant, qu'ils en perdoient la veue. Adonc estoit le Roy trop courroucé, de ce qu'il ne pouuoit suiur son oiseau: & disoit au Connestable, Le perdray mon Faucon: dont j'auray grand regret. Je n'ay leurre, n'ordonnance, dont ie le puisse reclaimer. En ce soucy, que le Roy auoit, luy estoit aduis que vn trop beau Cerf (qui portoit deux aelles) apparoiſſoit à eux, en issant hors de ce fort bois: & venoit en celle lande: & s'enclinoit deuant le Roy: & le Roy disoit au Connestable (qui se regardoit à merueilles, & en auoit grand' ioye) Connestable, demourez cy: & ie monteray sur ce Cerf, qui se presente à moy: & ie suiuray mon oiseau. Le Connestable luy accordoit: & montoit de grand' volonté le ieune Roy sur le Cerf-volant: & s'en alloit à l'aduenture, apres son Faucon: & ce Cerf (comme bien endoctriné & auisé de faire le plaisir du Roy) le portoit par-dessus les grans bois & les arbres: & veoit que son Faucon abbattoit oyseaux à si grand' planté, qu'il estoit tout émerueillé comment il pouuoit ce faire: & sembloit au Roy, que, quād ce Faucon eut assez volé, abbatu des Herons tant que bien deuoit suffire, le Roy le reclama: & incontinent, comme bien duit, s'en vint asseoir sur le poing du Roy: & estoit auis au Roy, qu'il prenoit le Faucon par les longes, & le mettoit à son deuoir: & le Cerf reuoloit par-dessus les bois, & rapportoit le roy en la propre lāde, ou il l'auoit chargé: ou le Cōnestable l'attendoit: qui auoit grand' ioye de sa venue: &, si tost cōme il fut là venu & descendu, le Cerf s'en retourna au bois, & ne le vit plus: & là recordoit le Roy au Connestable (ce luy estoit auis) comment le Cerf l'auoit doucement porté n'ocques puis le Roy ne cheuaucha plus aise: & luy recordoit encores la bonté de son Faucon, qui tant auoit abbatu d'oiseaux: & le Connestable l'ouit moult volontiers. Adonc venoient les varlets, qui les pourſuiuoient & ramenoient leurs cheuaux: & montoient dessus: & trouuoient vn chemin bel & ample: qui les retournoit à Arras. Adonc s'éueilloit le Roy: & auoit grād' merueille de celle vision: & trop bien luy souuenoit de tout ce: & le recorda à aucuns de sa chambre, qui les plus prochains estoient: & tant luy plaisoit la figure de ce Cerf, que à peine en imagination n'en pouuoit partir: & fut l'vne des incidences premieres (quād il descendit en Flandres, pour combattre les Flamans) pourquoy plus il en chargea le Cerf volant, en sa deuise à porter,

Comment, durant le siege d'Audenarde, les rebelles de Flandres firent contenance de prier le Roy Charles, pour les remettre en paix avec leur Comte: & comment estans méprisés du Roy, tascherent d'attirer l'Anglois à leur alliance.

CHAP. CVI.

Philippe d'Arteuelle (quoy qu'il luy fust bien auenu en son commencement de la bataille de Bruges, & quelque grâce qu'il eust eue, & fortune, à la déconfiture qu'il fit sur le Comte & sur ceux de Bruges, si n'estoit il pas subtil de faire guerres, ne sieges. Car de ieunesse il n'y auoit point esté nourry, mais à pescher, de la verge, aux poissons, en la riuere de l'Escaud & du Lis) & bien le monstra, luy estant deuant Audenarde: car il ne sceut la ville auoir: & cuidoit bien par grandeur & presumption, qui estoit en luy, que ceux d'Audenarde se deussent de fait venir rendre à luy: mais ils n'en auoit nulle volonté: ainçois se portoient comme trefvaillans gens: & faisoient souuent des écarouches, aux barrières, à ces Flamans: & en occioient & bleçoient: & puis se retiroient en leur ville, sans dommage, & de ces issues & enuahies Lambert de Lambres & Tristan son frere, le Sire de Lunelhien, en auoient grans renommées. Les Flamans regarderent que les fossez d'Audenarde estoient larges, & remplis d'eau, & qu'ils ne les pouuoient approcher pour assaillir, fors à grand' peine. Si fut entre eux, conseillé qu'ils assembleroient sur les fossez, grande foison de fagots & d'estrain pour emplir les fossez, à fin de plus facilement venir iusques aux murs, & combattre à eux main à main. Ainsi, comme, il fut ordonné, il fut fait: mais les compaignons de la garnison n'en faisoient nul compte: & disoient que, si trahison ne tournoit entre eux & ceux de la ville, ils n'auoient garde de siège, qu'ils vissent: & pourtant messire Daniel de Harluyn (qui estoit) pour foster de toutes doutes, estoit si au-dessus de ceux de la ville, nuit & iour, qu'ils n'auoient puissance, ordonnance, ne regard nul sur eux: & n'osoit nul homme de la nation d'Audenarde, ne nuit ne iour, aller sur les murs de la ville, sans compaignie des estrangers: autrement, qui y estoit trouué estoit en point de perdre la teste. Ainsi se tint la le siege tout ce temps: & estoient les Flamans moult au large de viures, en leur ost: qui leur venoient par terre, par mer, & par riuieres: car ils estoient Seigneurs de tout le pays de Flandres: & auoient t'aupres d'eux les pays de Hollande, Zelande, Brabant: & aussi vne partie de Hainaut: qui tousiours d'emblée, pour cōuoitise de gaigner, leur menoient en leur ost assez viures. Ce Philippe d'Arteuelle auoit le courage plus Anglois que François: & eust volontiers voulu, qu'ils se fussent adhez & alliez avecques le Roy d'Angleterre & les Anglois, parquoy, se le Roy de France ou le Duc de Bourgogne venoient sur eux, à main armée, pour recouurer le pays, ils fussent aidez. Si auoit ià Philippe d'Arteuelle, en son ost bien deux cens Archers, Anglois: lesquels festoient emblez de leur garnison de Calais, & venus pour gaigner: lesquels estoient payez toutes les semaines, Philippe d'Arteuelle, pour coulourer son fait & pour sauoir qu'on disoit de luy en France, fauisa qu'il escriroit, & feroit escrire le pays de Flandres au Roy de France, en eux humiliant, & priant que le Roy voulsist prendre le soing d'eux remettre en parfaite paix & amour enuers leur Seigneur le Comte. De ceste imagination il fut creu, si tost comme il en parla. Il escriuit vnes lettres, moult douces & amiables, deuers le Roy de France, & à son Conseil: & les bailla à vn Messager: & luy dit qu'il allast deuers le Roy de France, & luy baillast ces lettres. Il respondit que volontiers: & tant cheuaucha par ses iournées, qu'il vint à Senlis: & là il trouua le Roy & ses oncles: auquel il bailla ses lettres. Le Roy les prit, & fit lire, presens ses oncles & son Conseil. Apres qu'on les eut leuës & entendues, on n'en fit que rire: & fut adonc ordonné de retenir le messager, & le mettre en prison (pourtant qu'il estoit venu en la presence du Roy, sans saufconduit) ou il demoura plus de trois semaines. Quand Philippe d'Arteuelle le sceut, il fut en grād indignation: & fit venir deuant luy tous les Capitaines de l'ost: & leur dit, Ot voyez vous quel honneur le Roy de France nous fait, quand si amiablement luy auons escrit, & sur ce il a retenu nostre messager. Certainement nous mettrons trop à nous allier aux Anglois. Si nous en pourra bien mal prendre: & ne pensez point le contraire. Car le Duc de Bourgogne est en France maintenant, & meine le Roy tout ainsi qu'il veut. Car c'est vn enfant. Pésez vous qu'il doye delaisser les besongnes, auenue, en cest estat? Certes nenny. Exemple par nostre messager: qu'il a retenu. Si auons bien cause d'enuoyer en Angleterre, tant pour le proffit commun de Flandres, que pour nous mettre à seur, & donner doute à noz ennemis. Je veux bien (dit Philippe) que nous y enuoyons dix ou douze de noz hommes, des plus notables, parquoy la congnoissance en vienne en

† Laissez ce sur-
nom, puisque
sa variété n'e-
pesche point l'a-
tente de la
vraye deduc-
tion.

† Ce passage est
amendé & es-
claircy selon le
sens de l'Au-
teur.

Lettres des Gân-
dois au Roy
Charles.

Le messager des
Gandois au
Roy prisonnier.

† C'est adire s'il
les ne nous
estoit au-
trement de
besoing.

† Artenelle en
rend que l'on dit
ces mots au Roy
d'Angleterre.

† Tousiours
1382. Ambassa-
de des Gandois
et de leurs cō-
plices vers le
Roy d'Angl.

Perducas d'Al-
breth fait Barō
de Chaumont en
Gascongne, par

France, & que le Roy & son Conseil cuident que nous vueillions nous allier au Roy de Angleterre, son aduerfaire. Mais ie ne veux pas que telles alliances soient si tost faites (celles ne nous † besongnoient autrement qu'elles ne font) mais veux que noz gens demandent au Roy d'Angleterre, & à son conseil, d'entrée (& de ce nous auons iuste cause de demander) la somme de deux cens mille vieux escus, que Iaques d'Arteuelle, mon pere, & le pays de Flandres presterēt iadis au Roy d'Angleterre, luy estât deuant Tournay, pour payer ses soudoyers: & qu'on die au Roy d'Angleterre, & à ses oncles, & à tous leurs Consaux, que la Comté de Flandres, generalement, & les bonnes villes, qui firent ce prest, sont de tout ce auoir requeste & demande, & † quand on nous aura rendu ce, en quoy le Roy d'Angleterre nous est tenu & obligé, luy & ses gens auront belle entrée de venir en Flandres. Encores vaut mieux (ce dit Philippe) que nous nous aidons du nostre, que les estrangers: & iamais ne les pourrons plus legerement rauoir, que maintenant: car le Roy ne le Royaume d'Angleterre ne s'elongneront pas d'auoir l'entrée, l'amour, & l'alliance d'un tel pays, comme à present est la Comté de Flandres: car encores n'ont les Anglois sur les bandes de mer, mouuant de Bordeaux iusques à l'Escluse (excepté Calais, Cherbourg, & Brest) par ou ils puissent passer, n'auoir entrée en France. Si leur viendra le pays de Flandres grandement à point: car Bretagne (excepté Brest) est toute close: & le Duc de Bretagne a iuré d'estre bon François: &, fil ne l'estoit, si le deuiendrait il pour l'amour de son cousin germain, le Comte de Flandres. Adonc respondirent tous ceux, qui l'entendirent, Philippe, vous auez tresbien dit & parlé: & nous voulons qu'il soit ainsi que vous l'auez ordonné: & qui ordōneroit le contraire, ne voudroit point le profit de Flandres. Philippe d'Arteuelle ne seiourna pas adonques longuement, mais ordonna sur ce conseil & propos: & en escriuit à Pietre du Bois & Pietre le Mitre (qui estoiet Capitaines de Bruges) & aussi à ceux d'Ypre & de Courtray. Il sembla bon à vn chacun ainsi le faire. Si furent élus & auisez des bonnee villes de Flandres, de chacune vn Bourgeois ou deux, & de la ville de Gand, six: & tout premier y fut élu François Atremen, Rasse de la Verdelle, Lois de Vaux, Sire Iehan Stotelare, Martin Bendel-vatre, Iacob Bernere, & vn Clerc, qui estoit élu pour estre Euesque de Gand, par Maistre Urbain: car Iehan d'Albrest, qui auoit esté Doyen de l'Eglise de Nostre-dame de Tournay) auoit aduisé en son temps, qu'on feroit vn Euesque en la ville de Gand: qui possederait les profits: que l'Euesque de Tournay y deuoit auoir. Quand les douze Bourgeois furent appareillez & auisez de ce qu'ils deuoient faire & dire, si prirent congé de leurs gens, & se departirent du siège d'Audenarde enuiron l'entrée du mois de Iuillet: & tāt exploiterēt qu'ils vindrēt à Calais. Le Capitaine, messire Ieā d'Albrenes, les recueillit liemēt, quād il feut qu'ils vouloiet aller en Angleterre: & les pourueut de nefes & de passagers: & ne seiournerēt là que trois iours: & mōterēt sur mer: & arriuerent tantost à Douures: & tāt cheuaucherent parmy Angleterre, qu'ils vindrēt à Londres. En ce tēps, que les Gādois vindrent à Londres, estoit le Roy d'Angleterre & son Conseil, messire Iehan de Montagu, messire Iehan Burle, & messire Guillaume de Beauchamp à Westmonstier, pour adheriter messire Perducas d'Albreth de toute la Baronnie de Chaumont en Gascongne: laquelle estoit en la main du Roy, pour en faire sa volonté: & ie vous diray par quelle maniere. Le Roy Edouard du temps passé l'auoit donnée à messire Iehan Chandos: lequel la tint tant qu'il vesquit. Apres sa mort, il la donna à messire Thomas de Felleton. Or estoit messire Thomas nouuellement mort: & par ce la terre estoit retournée au Roy d'Angleterre: laquelle ne pouuoit pas estre longuement sans Gouverneur, qui demourast sur le lieu: car elle ioint à la terre de monseigneur d'Albreth: & pour ce temps il estoit bon François. Si fut auisé & regardé, du Conseil du Roy d'Angleterre, que messire Perducas d'Albreth (qui auoit seruy les Roys d'Angleterre, Edouard, Richard, & le Prince, & le pays de Bordelois, bien & loyaument, plus de trente ans) estoit bien digne d'auoir celle terre, & qu'il la garderoit bien contre tout homme. Messire Perducas: d'Albreth, quand il receut la terre de Chaumont en Gascongne, dit ainsi au Roy (qui l'en pourueoit & heritoit, presens les Nobles de son pays) Sire, ie pren & reçoay cest heritage, pour moy & mes hoirs, en condition telle, que contre tout homme ie vous seruiray, & feray seruice de mon hoir ensuiuant, excepté cōtre l'hostel d'Albreth: mais contre celuy, dont ie suis issu, ie ne feray iamais guerre, tant qu'on me vueille laisser mon heritage en paix. Le Roy & son conseil respondirent, Dieu y ait part: & qu'ainsi on le luy deliuroit. Or vous diray qu'il aduint de celuy messire Perducas de Albreth

Albreth. Quand il fut en Gascongne: & qu'il eut pris la possession de la terre, & que le le roy Richard, Sénéchal de Bordelois l'en eut mis en faisine, le Sire d'Albreth en eut grand' ioye. Car sur l'arrivée des Ambassadeurs de Flandres en Anglet. bié sauoit que son cousin ne feroit point la guerre: & demoureroiēt les terres de Chaumont & d'Albreth en toute amour: & tenoit en amour le Sire d'Albreth grandemēt son beau cousin: car il entendoit à ce, qu'après son decès il le voufist mettre en possession & faisine, de ses chasteaux: qui sont en la Baronnie de Chaumont. Mais Perducas n'en auoit nulle volonté, & auint qu'il s'accoucha au liēt de la mort. Quand il vit que mourir luy conuenoit, il appela tous les hōmes de sa terre: & fit venir vn sien ieune Escuyer, bon homme-d'armes (lequel s'appeloit †Perduch) & luy dit, le te trāsporte en la presence de mes hōmes, toute la terre de Chaumont. Si soyes bon Anglois, & loyal au Roy d'Angle- †sala dit Ver duret de La breth son ne ueu. terre. Mais ie vueil qu'encōtre l'hostel d'Albreth (dont nous issons) tu ne faces point de guerre: fils ne te font outrage. L'Escuyer respondit liement, Sire, volontiers. Et ainsi fut Perduch d'Albreth Sire de Chaumont en Gascongne: & mourut messire Perducas. De luy ne sçay plus-avant.

Comment les Ambassadeurs des Gandois, & des autres rebelles de Flandres, faillirent à auoir l'alliance d'Angleterre assez à temps.

CHAPITRE CVII.

Q Vand ces Gandois furent venus à Londres, leur venue fut tantost sceue & signifiée au Roy, & à son conseil: & enuoya deuers eux, pour saoir quelle chose ils vouloient dire: & vindrent, tous en vne compaignie, au Palais à Westmonstier: & là trouuerent premierement le Duc de Lanclastre, le Comte de Bouquingam, le Comte de Salbery, & la greigneur partie du Conseil: & n'estoit pas le Roy present à celle premiere venue. Ces gens de Flandres & de Gand enclinerent aux Seigneurs d'Angleterre: & puis cōmença le Clerc, Eleu de Gand, à parler pour tous: & dit ainsi, Messeigneurs nous Harangue de l'Eleu euesque de Gand au Cō seil d'Anglet. sommes cy venus & enuoyez de par la ville de Gād, & de tout le païs de Flandres, pour auoir cōseil, confort, & aide, du Roy d'Angleterre, sur certains articles & bōnes raisons, qu'il y a, d'alliances anciennes entre Angleterre & Flandres. Si les voulons renoueler. car il en est besoing au pays de Flandres, à present: lequel est sans Seigneur: si n'ont les bonnes villes & le pays, qu'vn † Regard: c'est assauoir vn homme, qu'on appelle Philippe d'Arteuelle: lequel se recommande principalement au Roy, & à vous tous, qui estes de son Conseil: & vous prie que vous recueillez ce don en bien: car quand le Roy voudra arriuer en Flādres, il trouuera le pays ouuert & appareillé pour se reposer, refreschir & demorer tant qu'il luy plaira, & ses gens avecques luy: & aura du pays de Flandres, cent mille hommes tous armez. Mais, outre tout, le païs fait requeste de deux cens mil- 101. le vieux escus: que iadis Iaques d'Arteuelle & les bonnes-villes de Flandres presterent au Roy Edouard de bonne memoire, au siege de Tournay & au siege de Calais: lesquels ils veulent rauoir: & est l'intention des bonnes villes de Flandres, auant que les alliances passent outre, que la somme, que dite est, soit mise auant: & par ainsi le Roy d'Angleterre & tous les siens pourront bien dire, qu'ils seront amis aux Flamans, & qu'ils auront entrée, à leur volonté, en la Comté de Flandres, & ailleurs. Quand les Seigneurs eurent ouy ceste parolle & requeste, ils commencerent à regarder l'vn l'autre, & les aucuns à souffrire. Adonc parla le Duc de Lanclastre: & dit, Beaux Seigneurs de Flandres, vostre parolle demande bien à auoir conseil. Allez vous retraire à Londres: & le Roy se conseillera sur vos requestes, & vous en respondra tellement, que vous en deurez tenir pour contens. Ces Gandois respondirent, Dieu y ait part. Adonc issirent hors du Conseil & de la chambre: & les Seigneurs du Conseil demourerent: qui commencerent à rire entre eux, & à dire, Auez vous veu ces Flamans, & ouy les requestes qu'ils ont faictes? Ils demandēt à estre confortez, & dient qu'ils en ont bié besoing: & outre ce, ils demandēt En quoy faillirent les Gandois par leurs Ambassadeurs aux Anglois, à auoir nostre argēt. Ce n'est pas requeste raisonnable, que nous payons & aidons. Si tenoient les Flamans à orgueilleux & presōptueux: quand ils demandoient à rauoir deux cens mille escus vieux, de si ancienne dette, que de quarante ans. Oncques chose ne fut si bien à point pour le Roy de France, qui vouloit venir sur Flandres: car se les Flamans n'eussent point demandé la somme des escus dessusdite, & n'eussent requis le Roy d'Angleterre que de confort & aide, le Roy fust allé en Flādres, ou y eust enuoyé si puissamment, que pour attendre la bataille, avec l'aide des Flamans (qui pour lors estoient en-

semble) contre la puissance du plus grand seigneur du monde: mais il en alla tout autrement: si-comme vous orrez recorder apres en l'Histoire.

Comment le messager, que les Gandois auoient enuoyé au Roy Charles, fut deliuré de prison: & comment quelques prisonniers de Tournay & de Courtray furent échangez les uns pour les autres.

CHAP.

CVIII.

† Ceste clause
est parfaite selon
sala & suit
le sens de l'Au
teur.

Le trafic deffen
du entre ceux
de Flandres et
de Tournay.

Continuation du
sige d'Auden
arde par bat
terie d'engins,
sans assaillir de
pres.

Nouvelles vindrent en France, au Conseil du Roy, que Philippe d'Arteuelle (qui auoit le courage Anglois) & le pays de Flandres auoient enuoyé en Angleterre de leurs hommes, pour faire alliances aux Anglois: & couroit voix & commune renommée, que le Roy d'Angleterre à puissance viendrait, en celle saison, arriuer en Flandres: & se tiendrait dedans Gand. Ces nouvelles & choses estoient assez à croire, & que les Flamans se fortifioient en aucune maniere. Adoncques fut auisé que le messager Philippe d'Arteuelle (qu'on tenoit en prison) seroit deliuré, & qu'au vray dire on n'auoit cause de le retenir. Si fut deliuré, & renuoyé deuant Audenarde, ou l'ost estoit. En ce tēps auoient ceux de Bruges pris des Bourgeois de Tournay & retenus & mis en prison: & par ce motifioient les Flamans qu'autāt aimoient ils la guerre aux François, que la paix. Quand ceux de Tournay virēt cecy, ils firēt tāt qu'ils attraperēt, deuers eux, des bourgeois de Courtray & les menerēt prisonniers à Tournay. Ainsi se nourrissoient haines entre les Tournaisiens & les Flamans. Toutefois les Seig. de Tournay (qui ne vouloient de leur fait auoir titre de guerroyer les Flamans, qui estoient leurs voisins, sans auoir commandement du Roy de France: dont ils n'auoient encores nul) auiserent qu'ils enuoiroient deux de leurs Bourgeois † deuers Philippe d'Arteuelle, pour moyēner, enuers luy & les Gandois, de rauoir leurs gens prisonniers, & de rendre aussi, par échange, ceux qu'ils tenoient. Si furent élus, pour y aller, Jehan Bon-enfant & Jehan Picard: & vindrent au siege deuant Audenarde: & parlerent à Philippe d'Arteuelle: lequel, pour l'honneur de la cité de Tournay (non point pour le Roy de France: si-comme il leur dit) les recueillit amiablement: car le Roy ne l'auoit pas defferuy, n'acquis enuers le pais de Flādes, quand vn messager, pour bien enuoyé deuers luy, on auoit detenu & mis en prison. Sire (respondirent les deux Bourgeois) vous raez eu vostre messager. C'est vray (ce dit Philippe) plus par crainte qu'autrement. Or me dites (dit Philippe) pour quelle besongne vous estes icy venus. Sire (respondirent les Bourgeois) c'est pour rauoir noz bonnes gens de Tournay: qu'on tient en prison à Bruges. Ha (respondit Philippe) son les tient, aussi tenez vous de ceux de Courtray par-deuers vous: vous ne deuez pas perdre à vostre venue: rendez nous les nostres: & vous raez les vostres. Respōdirent ceux de Tournay, vous parlez tresbien: & nous le ferons volontiers. Là fut accordé de faire celuy échange, & escriuit ledit Philippe d'Arteuelle à Pietre du Bois & à Pietre le Mitre (qui se tenoient à Bruges) que lon deliurast les Bourgeois de Tournay qu'on tenoit en prison, & pour eux on deliureroit ceux de Courtray: car il s'en tenoit bien à ce que la cité de Tournay en auoit ordonné & escrit. Si vous di que, quand ce vint au congé prendre, Philippe d'Arteuelle leur dit ainsi, Entendez, Seigneurs, ie ne vous veux point trahir: vous estes de la ville de Tournay: laquelle est toute lige au Roy de France: auquel nous ne voulons auoir nul traité, iusques à tant que Terremonde & Audenarde nous soient ouuertes: & ne venez plus, ne retournez par-deuers nous: car ceux, qui y viendront, y demourront: & contregardez voz gens, & voz marchans, d'aller ne venir en Flandres: car bien sauons (quoy que nous attendons) que le Roy de France, vostre Sire, nous fera guerre. Ces Bourgeois de Tournay entendirent bien ces parolles: & se departirent du siege d'Audenarde: & retournerent à Tournay, pour recorder tout ce, que vous auez ouy. Adonc fut faite vne deffenſe, que nul n'allast ne marchandast, à ceux de Flandres, sur peine d'estre en l'indignation du Roy. Toutesfois les Bourgeois de Tournay (qui estoient en prison à Bruges) retournerent: & ceux de Courtray furent renuoyez à Courtray. Ainsi n'osoient marchander aux Flamans: mais, quand ils vouloient auoir des marchandises de Flandres, ils alloient à ceux de Valenciennes: car ceux de Hainaut, de Hollande, de Zelande, de Brabant, & du Liege, pouuoient seurement aller, demourer & marchander, par tout le pays de Flandres. Ainsi se tint le siege, deuant Audenarde, grand & bel: & toute celle saison Philippe d'Arteuelle & ceux de Gand estoient logez sur le mont d'Audenarde du costé de Hainaut: & la feoient les engins & les grosses Bombardes & Canons, qui faisoient telle noise, qu'au décliquer on l'oyoit de six lieues loing: & pres, deffous, estoient logez,

logez, outre l'Escaud, ceux de Bruges, en remontant sur le champ, outre la porte de Bruges. Apres estoient logez ceux d'Ypre, de Propinghe, de Cassel, & du Franc de Bruges, tant qu'ils comprenoient le tour de la ville, en retournant iusques à l'autre part de l'Escaud. Ainsi estoit toute la ville d'Audenarde toute enuironnée: & cuidoient bien les Flamans par ce siege affamer ceux de dedans: mais aucunesfois les compagnons issoient & faisoient des saillies aucunesfois perdoient: aucunesfois gaignoient: ainsi comme à telles besongnes les choses auiennent. Mais, toutesfois, d'affaux n'y auoit il nuls faits: car Philippe ne vouloit point follement auéturer ses gens: & disoit que, sans assaillir, ils auroient la ville, par raison: & qu'elle ne pouuoit pas tenir longuement: quand ils n'estoient, ny ne pouuoient estre cōfortez de nully. A peine eust volé vn oiseau dedans Audenarde, que ceux de l'ost ne l'eussent veu: tant auoient bien enuironné la ville, de tous costez.

De quelques Commissaires du Roy Charles, pour faire certain traité avec les Flamans: & comment en demandant saufconduit, leurs messagers furent retenus prisonniers en Flandres.

CHAPITRE CIX.

Nous retournerons au Roy de France. Les oncles & Consaulx de France auiserent pour le mieux, qu'ils enuoyeroient à Tournay aucuns Cheualiers & Prelats du royaume, pour traiter aux Flamans, & sauoir plus plainement leur entente. Si furent élus & ordōnez pour venir à Tournay, messire Milles des Dormans, Euesque de Beauuais, l'Euesque d'Auxerre, l'Euesque de Laon, messire Guy de Honcourt, & messire Tristan du Bois: & vindrent à Tournay, comme Commissaires de par le Roy de France: & là estoient *Commissaires du Roy à Tournay.* Jehan Bon-enfant & Jehan Picard: qui estoient nouuellement retournez de deuant Audenarde. Lesquels remonstrent à ces Prelats, Commissaires, Cheualiers, & autres Seigneurs du Roy, comment Philippe d'Arteuelle au congé prendre, leur auoit dit que les Flamans n'entendroient iamais à nul traité, iusques à tant qu'Audenarde & Terremonde leur fussent ouuertes. Biē (respōdirent les Commissaires) Philippe d'Arteuelle, à tout son grand orgueil & bobant, dont il est plein, n'est pas Maistre par-dessus toutes les bonnes villes de Flandres. Si écriuons à Gand, à Bruges, & à Ypre: & enuoyerōs de par nous, à chacune ville, vnes lettres & vn message. Par aucune voye faut il entrer ens es choses: puis qu'on les veut commencer. Adonc escriuient ces Commissaires trois lettres, aux trois villes principales de Flandres, & y mettoient dedans chacune, Philippe d'Arteuelle, en ligne, & au premier chef: & contenoient ces lettres ce qu'il s'ensuit. A Philippe d'Arteuelle & à ses compagnons, & aux bonnes gens des trois villes de Flandres, & au *Teneur des lettres enuoyées à ceux de Gand, de Bruges, & d'Ypre par les commissaires du Roy.* Franc de Bruges. Plaise vous sauoir que le Roy de France nous a enuoyez en ces parties, en espee de bien, pour paix & accord faire (comme souuerain Seigneur) entre noble prince Monseigneur de Flandres, son cousin, & le commun pays de Flandres. Car commune renommée court, que vous querez à faire alliance au Roy d'Angleterre & aux Anglois. Laquelle chose est contre raison, & au preiudice du Royaume de France, & de la couronne: & ne le pourroit le Roy aucunement souffrir. Pourquoy nous vous prions, de par le Roy, que vous nous vueillez saufconduit bailler: à fin d'enuoyer allans & venans, pour ceste paix faire & mener à conclusion bonne, tellement que le Roy vous en sache gré: & nous rescriuez responce de vostre intention. Nostre Seigneur vous vueille garder. Escrit à Tournay, le seizième iour du mois d'Octobre. Quand ces trois lettres, contenans toute vne mesme chose, furent escrites & seellées, on les bailla à trois hommes: & leur fut dit, Vous irez à Gand, & vous à Bruges, & vous à Ypre: & nous rapporterez responce. Ils respondirent, Tresuolontiers responce nous vous rapporterons: se la pouuons auoir. A ces mots se departirent: & alla chacun son chemin. Quand l'un desdits Messagers arriua à Gand, Philippe d'Arteuelle y estoit d'auenture celuy iour: car autrement ceux de Gand n'eussent point ouuert la lettre, sans luy, Il l'ouurit, & la leut: & quand il l'eut leue, il n'en fit que rire: & se departit assez tost de Gand, & s'en retourna deuant Audenarde, & emporta la lettre avec luy: mais le messager demoura en prison à Gand. Quand il fut venu deuant Audenarde, il apela le Seigneur de Harfelle & aucuns *L'un des messagers des commissaires du Roy prisonnier à Gand, & les deux autres à Bruges & à Ypre.* de ses compaignons, & leur leut la lettre des Commissaires: & dit, Il me semble que ces gens de France se truffent de moy & du pays de Flandres. L'auoye dit aux Bourgeois de Tournay, quand ils furent deuant hier icy, que ie ne vouloye point ouyr nulls nouuelles de France, n'entendre à nul traité, qu'on me peust faire, si Audenarde & Terremonde ne nous estoient rendues. A ces mots vindrent nouuelles de Bruges & d'Ypre, des Ca-

* Toujours
1382.

pitaines, comment aussi on leur auoit escrit, & que briuement les messagers, qui lesdites lettres auoient apportées, estoient retenus es villes, & mis en prison. C'est bien fait, dit Philippe. Adonc l'arresta il vn petit sur ces lettres: & dit qu'il escriroit aux Commissaires de Frâce. Si escriuit vnes lettres: & auoit en la suscription. A tresnobles & discrets Seigneurs, les Commissaires de France.

Responſe de Philippe d'Arteuelle aux Commissaires de France: & comment il la leur enuoya par vn sien prisonnier d'Audenarde. CPAP. CX.

Treschers & puissans Seigneurs, à voz tresnobles discretions. Plaise vous sauoir que nous auons receu trefamiablement les lettres: à nous enuoyées de trefexcellent Seigneur, Charles Roy de France: faisant mention cōment vous, tresnobles Seigneurs, estes venus pardeça pour traiter la paix & accord, de par luy, entre nous & treshaut Prince, Monseigneur de Flandres, & son pays deuantdit, & par le Roy dessusdit & son Conseil ayans puissance de ce conclurre & accomplir: ainsi que ceux de Tournay, noz chers & bons amis, nous tesmoignent par leurs lettres patentes, par nous veuës. * Et, pource que le Roy escrit qu'à luy moult déplaist que les discords ont si longuement esté, & encores sont, nous auōs grand' merueille † comment ce peut estre de nulle valeur: &, s'ainsi est, au temps passé, quand la ville de Gand eut assiegé celle d'Audenarde, & que nous, du commun Conseil des trois bonnes villes de Flandres, luy escriuismes (comme à nostre souverain Seigneur) qu'il voulist faire la paix & accord, qu'adōc ne luy en pleut autrement faire, qu'il nous semble que volontiers il en feroit maintenant. Et aussi en telle maniere auons receuës vnes lettres patentes, † contenant que deux fois nous auez escrit que vous estes venus deux fois chargez du Roy deuantdit, si-comme dessus est déclaré: mais il nous semble selon la responce que nous auons sur ce enuoyée, que nous auōs montré volonté d'entendre au traité, tel, que fermement nul traité n'est à querre entre nous & le pays de Flandres: si ce n'est que les villes & forteresses, qui sont fermées contre les villes & pays de Flandres, & nommément & expressement contre la bonne ville de Gand, dont nous sommes regard, soient décloſes & ouuertes à la volonté de nostre regard, & de ladite ville de Gand: & si ce n'est premierement fait, nous ne pourrions traiter à la maniere que vous le requerez. Car il nous semble que le Roy, au nō de vous est pour assembler, en l'aide de son cousin nostre Seigneur, grand' puissance: car nous sauons, & voyons, que fauseté y a, cōme autresfois y a eu. Ainsi, nostre intention est d'estre feurs, & sur nostre sauuegarde & deffense: &, si l'viēt (ainsi comme nous sommes attendans) il trouuera l'ost appareillé pour nous deffendre cōtre noz ennemis: car nous esperons, avec l'aide de Dieu, auoir la victoire: comme autresfois nous auons eue. Outre, en vous donnant à entendre que renommée est, & que vous auez entēdu que nous, ou aucuns de Flandres, traitent alliances enuers le Roy d'Angleterre, & que nous serōs secourus, vray est que nous sommes subiets à la couronne de France, & que le Roy est nostre Seigneur souverain, & à qui nous sommes tenus de nous acquitter. * Ce que fait auons: en tant qu'au † temps passé luy auons enuoyé noz lettres (ainsi comme à nostre souverain Seigneur) le priant qu'il voulist faire la paix. Surquoy il ne respondit pas: mais nostre messager fut mené & detenu prisonnier. Ce que grand blasme nous sembloit à vn tel Seigneur: & encores luy est plus grand blasme, de ce qu'on luy escriuit comme à souverain Seigneur, & il ne daigna nous enuoyer responce, quand à luy escriuismes comme à nostre souverain Seigneur. Et: pourtāt que ce adonc ne luy pleut à faire, nous pensâmes à querir le profit du païs de Flandres, à qui que ce fust, pour faire ce que fait auons: neantmoins qu'aucune chose n'en est encores conclue, Pource le Roy peut bien venir à temps, par la maniere que toutes forteresses soiēt ouuertes. Et, pource que nous deffendismes à ceux de Tournay, quād dernieremēt furēt à nostre ost, que nuls ne vinſſent plus en telle maniere, chargez de lettres, ou de bouche, sans auoir fait cōduit: & que outre sont venus porter lettres à Bruges & à Gand, si auons les Messagers fait prendre & detenir, & leur apprendrons de porter lettres: tellement que les autres y prendrons exemple: * car nous sentons que trahison querez, espécialement pour moy, Philippe d'Arteuelle (dont Dieu me vueille garder & deffendre) & aussi à faire fmettre discord, ou paix y a. Parquoy nous vous faisons sauoir, que de ce ne vous trauallez plus: si ce n'est que les villes deuant dites soient ouuertes. Ce qu'elles seront briuement, à l'aide de Dieu: lequel vous ait en sa garde. Escrit deuant Audenarde, le 20, iour du mois d'Octobre

* Annot. 29.

† C'est à dire, cōment cela peut estre veritable, & s'il est veritable, ces iours passés, quand la ville de Gād, &c.

† Il faudroit presuposer que les commissaires du Roy eussent enuoyé au tres lettres, que celles du chap. precedent, & Arteuelle aussi autre responce. Surquoy m'e merueille que Frissart accusé à ne rien oublier, n'en ait fait mention en son lieu, & me doute que ainsi a-il, mais qu'on luy en ait fait tort.

† C'est à dire, ces iours passés, comme il a n'agueres usé du semblable.

* Annot. 30.

† C'est assauoir, entre les villes de Flandres, pour lors allies avec celle de Gand.

Octobre

Octobre, l'an m. c. c. c. lxxxii. Philippe d'Arteuelle, Regard de Flandres. Quand Philippe d'Arteuelle eut ainsi escrit, present son Conseil, si leur sembla que riens n'y auoit à amender: & seellerent la lettre: & puis regarderent à qui ils la bailleroient. Si demanda Philippe, Auōs nous nuls prisonniers, † qui soient d'Audenarde? Ouy (dit on) nous auōs vn varlet (qui fut hier pris à l'écarmouche) qui est d'Artois. Faites le venir. Si vint auant. Adonc l'appela Philippe: & luy dit, Tu es mon prisonnier: & te puis cy faire mourir si ie veux: & en as esté en grand' auenture. Or, puis que tu es cy, tu feras deliuré: moyennant que tu m'auras en cōuenant, sur ta foy, que ces lettres tu porteras à Tournay, & les bail-
leras au Conseil du Roy: que tu trouueras là. Quand le varlet eut ouy parler de sa deli-
urance, il ne fut oncques si ioyeux: car il cuidoit biē mourir. Sire ie vous iure par ma foy
que ie les porteray ou vous voudrez: & fust en Enfer. Philippe commença à rire: & dit,
Tu as tresbiē parlé. Adonc luy fit il bailler deux escus, & le cōuoyer tout hors de l'ost, &
mettre au chemin de Tournay. Quand il fut arriué à Tournay, on luy enseigna l'hostel
à l'euesque de Laon. Si se tira celle part: & vint deuant l'Euesque: & se mit à genoux: & fit
son message bien & à point. On luy demanda des nouuelles d'Audenarde & de l'ost. Il
dit ce qu'il en sauoit. On luy donna à disner, & ce pendant qu'il disnoit, il fut bien exa-
miné des gēs de l'Euesque, & puis se partit l'Euesque de Laon, & ne voulut point ouurir
les lettres sans ses compaignons, & quand les trois Euesques furent tous ensemble, &
les Cheualiers, on ouurit les lettres, & furent leuēs à grand loisir, & bien examinées &
considerées. Adonc parlerent ils ensemble, & dirent, Ce Philippe d'Arteuelle (à ce qu'il
monstre) est plein de grand orgueil & presumption: & petitemēt aime la maiesté Roya-
le de France. Lors conseillèrent ils ensemble, & eux conseillez, ils dirent. Les Preuosts,
& les Iurez, & les Consaux de Tournay, sauent bien que nous auons enuoyé à Philippe
d'Arteuelle, & aux villes de Flandres. C'est bon qu'ils oyent la responce, telle que Phi-
lippe nous a faite. On enuoya querir le Preuost, & ouurit on la salle, & fut sonnée la clo-
cle, & tous ceux du cōseil vindrent. Quand ils furēt venus, on leut & releut par deux ou
par trois fois, tout generalemēt ces lettres. Les sages s'ēmerueillerēt des presumptueu-
ses parolles, qui dedans estoient. Adonc fut conseillé que la copie des lettres demoure-
roit à Tournay. A tant se departit ce Conseil: & s'en retourna chacun à son hostel.

L'Euesque de
Laon, l'un des
commissaires
du Roy, reçois
les lettres
d'Arteuelle.

*Des gracieuses lettres, que Philippe d'Arteuelle escriuit feintement à ceux de Tournay & cōment
les Commissaires de France retournerent deuers le Roy.*

CHAP. CXI.

Philippe d'Arteuelle (qui se tenoit en l'ost deuāt Audenarde: ainsi cōme vous sauez)
ne se repentoit point de ce que durement & poingnamment il auoit escrit aux Cō-
missaires du Roy de France: mais il se repentoit de ce qu'amiablement, ou plus encor-
as, il n'auoit escrit aux Preuosts, & Iurez de Tournay, en feignant & monstrant hon-
neur † (quoy que petit y eust) par voye de dissimulation. Car il n'y vouloit pas nourrir
toute la haine ne malle amour, qu'il pourroit bien. Si escriuit Philippe d'Arteuelle en la
forme & maniere qui s'ensuit: & fut la subscription telle, A honnorables & sages, noz
bons amis, les Preuosts & Iurez de la bonne ville & cité de Tournay. Treschers & bons
amis, plaist vous sauoir que nous auōs receu vos lettres, faisant mention de deux de vos
Bourgeois, & mauuais porteurs de lettres, à Gād & à Bruges, des Commissaires du Roy
de France, pris & retenus par nous, pour les r'auoir hors de prison à la priere de vous:
parquoy la bonne amour & affection (qui y est, si Dieu plaist) perseuerast entre vous &
le commun pays de Flādres, & fust icelle de tant plus perseuerée. Laquelle amour, tres-
chers amis, nous semble bien petite: car à nostre cōgnoissance est venu que le Roy de
France, les Ducs de Bourgogne, & de Bretagne, s'assemblent pour venir en l'aide de
Monseigneur le Comte, sur le pays de Flandres, & pour r'auoir ledit pays, & nous com-
battre: non-obstant les lettres, qu'ils nous ont enuoyées, pour traiter paix & accord, &
qu'à nous ne semble pas chose, ne voye faisable, à eux appartenante: dont nous sommes
sur nostre garde & deffense, & serons dorefnauant de iour & de nuit. En tant que des
prisonniers, voz Bourgeois, pensez que nous les retiendrons deuers nous, tant que nous
sachons de vray l'assemblément des Seigneurs. & qu'il nous plaira les deliurer: car, quād
voz Bourgeois furent dernièrement en Flandres (comme vous sauez) pour trouuer la
paix, là fut ordōné & cōmandé, qu'on n'en auroit iamais nulle personne, ne par lettres,
n'autrement: c'est assauoir sans saufconduit. Ce que les Seigneurs Cōmissaires, là estans,
ont fait, pour faire discord & † contempt audit pays. Si vous prions, chers amis, que ne
† C'est à dire,
cōbien qu'e
soy-mesme
leur portast
petit d'hon-
neur.
Lettres de Phi-
lippe d'Arte-
uelle aux Tournaisiens.
† Je doute qu'il
n'y faille con-

tent pour con-
tention & di-
scord, comme
il a dit au cha-
pitre precedent

vucillez plus enuoyer nulle personne en Flandres, de voz Bourgeois, ne d'autres, ne de par lesdits Seigneurs, mais si aucune chose vous plaist, touchant vous, ou à voz Bourgeois, en ce que nous pourrons faire, nous receurons voz besongnes en telle maniere, comme nous voudrions que les nostres fussent receues par vous, à qui auons aucunement en ce cas plus grande fiance: si comme l'on doit auoir en ses bons voisins. Et est l'intention generale du pays de Flandres, que tous marchans, & leurs marchādises, passent & voient sauement de l'un pays à l'autre, sans à eux, n'aux marchādises, riens forfaire. Et Dieu vous gard. Escrit en nostre ost, deuāt Audenarde, le vingtdeuxiesme iour du mois d'Octobre, M. C C C L X X X I I. Philippe d'Arteuelle, Regard de Flādres. Au chef de trois iours, apres ce que la premiere lettre fut enuoyée aux Commissaires du Roy, ainsi que les Seigneurs estoient en la halle, assemblez au Conseil, vindrent ces deuxiemes lettres: & furent aportées par vn varlet de Douay: lequel dit que ceux, qui estoient au siege deuant Audenarde, les leur enuoyoient. Si furent receuës, & portées en la halle & les Cōmissaires appelez: & là furent leuës à grand loisir & conseillées. Finalement les Cōmissaires dirent à ceux de Tournay, qui demandoient conseil de ces besongnes, Seigneurs, nous vous disons, pour le mieux que vous n'ayez nulle accointance ne chalandise, à ceux de Flādres: car on ne vous en sauroit nul gré en France. N'ouurez, ne receuez nulles lettres, qu'on vous enuoye de celle part: car, si on fait au Cōseil du Roy que vous le faites, vous en receurez blasme & dommage. Si ne demourront pas longuement les choses en tel estat comme elles sont. Et ceux de Tournay respondirent qu'ils persevereroient en leur conseil: & que, s'à Dieu plaisoit, ils ne feroiēt ià chose, dont ils fussent repris. Depuis ne demoura que trois iours, que les Commissaires du Roy se partirēt de Tournay, & retournerent deuers le Roy: lequel ils trouuerent à Peronne, & ses trois oncles delez luy, les Ducs de Berry, de Bourgongne, & de Bourbon.

Les lettres de
Arteuelle leues
à Tournay, en
presence des
Commissaires
de la paix.

Retour des Com-
missaires de
France vers le
Roy.

Comment, apres le rapport des Commissaires de la paix, & à la suscitation du Comte de Flandres, present, le Roy Charles fit assembler ses gens-de-guerre en Artois, contre les Flamans, & comment Arteuelle fit garder les passages de Flandres. CHAP. CXII.

Le iour deuant estoit là venu le Comte de Flandres pour remonstrer ses besongnes au Roy & à son conseil, & pour releuer la Comté d'Artois, en quoy il estoit tenu: car encores ne l'auoit il point releuée, depuis la mort de sa mere: qui estoit trépassée celle année. Quand les Commissaires du Roy furent venus, le Conseil se mit ensemble, present le ieune Roy: & là furēt leuës les deux lettres dessusdites: que Philippe d'Arteuelle & ceux de Flandres auoient enuoyées à Tournay. On les conuertit à grand mal, & fut dit qu'en la nouuelleté du Roy de France si grans orgueils, qui estoient en Flādres n'estoient point à souffrir. De ce ne fut pas le Comte de Flandres courroucé: & auoit raison. Si fit là le Comte au Roy, present le Conseil, ses complaints bien & à point: lesquelles furent bien ouyes & entendues. Le Roy fut conseillé de respondre: & dit ainsi, Comte, vous retournerez en Artois: & briuelement nous serons à Arras: & là ferez vostre deuoir, presens les Pers de France: car mieux ne pouons nous monstrier que la que relle soit nostre, que d'approcher noz ennemis. Le Comte se contenta de ceste response: & se partit de Perōne trois iours apres: & retourna en Artois. Puis vint à Hedin. Mais le Roy de France (comme celuy, qui vouloit aller en Flandres, pour abbattre l'orgueil des Flamans: ainsi comme autresfois ces predecesseurs auoient fait) mit Clercs en ceure: & enuoya lettres de tous costez par ses Messagers: qui s'estēdirent par toutes les parties de son royaume: en mandant par eux, que tantost & sans delay, chacun vint deuant Arras, pourueus le mieux qu'ils pourroient: car au plaisir de Dieu, il vouloit aller combattre les Flamans, en Flandres. Nul Seigneur de son pays n'osa desobeyr: mais firent mandement à leurs gens: & se departirent & appareillerent des lointaines terres: cōme d'Auuergne, de Rouergue, de Thoulousin, de Gascongne, de Limosin, de Poictou, de Xainctonge, de Bretagne: & d'autre part, de Bourbonnois, de Forests, de Bourgongne: du Dauphiné, de Sauoye, de Barrois, & de Lorraine, & de toutes les circuitez & cōtrées de France, & des tenances, & tous aualoient vers Arras en Artois. Là se faisoit l'assemblée des Gens-d'armes, si grande & si belle que merueilles seroit à considerer. Le Comte de Flandres (qui se tenoit à Hedin, & qui tous les iours auoit nouvelles du Roy de France & du Duc de Bourgongne, & du grand mandement, qui se faisoit en France) part out Artois fit vne deffense au plat pays, sur peine de perdre la teste, corps, & auoir, que

Assemblée des
Gens-d'armes
du Roy en la Cō-
té d'Artois.

que nul ne retirast, ny ne mist hors de son hostel, en forteresse, n'é bone-ville, chose que il eust: car il vouloit que les Gens-d'armes fussent aisez & seruis de ce, qui estoit au plat-pays. Adonc s'en vint le Roy en Artois: ou il s'arresta: & les Gens d'armes de tous lez venoient, & approchoient tant, & si bien étoffez, que c'estoit belle chose que de les veoir: & se logèrent, ainsi comme ils venoient, sur le plat-pays: & trouubiét les granges toutes pleines, & bié pourueüs. Adonc vint le Comte de Flandres à Arras: & contenta grandement le Roy & les seigneurs, qui là estoient venus: & fit là hommage au Roy, presens les pers, qui là estoient de la Comté d'Artois: & le Roy le receut à homme. Puis luy dit, Beau cousin, fil plaist à Dieu & à Sainct-Denis nous vous remettrons paisible en l'heritage de Flandres: & abbattrons tellement l'orgueil de Philippe d'Arteuelle, & des Flamans, que iamais n'aurons puissance d'eux rebeller. Monseigneur (dit le Comte) i'y ay bien fiance: & vous y acquerrez tant d'honneur & de grace, qu'à tous les iours du monde vous en serez prisé: car certainement grand est l'orgueil de Flandres. Philippe d'Arteuelle, luy estant au siege deuant Audenarde, estoit tout informé comment le Roy de France vouloit à puissance venir sur luy: mais par semblant il n'en faisoit compte: & disoit à ses gens, Par ou cuide eeluy Royteau entrer en Flandres? Il est encores trop ieune d'un an, de nous cuider ébahir par ses assemblées. Je feray tellement garder les passages & entrées, qu'il ne sera point en leur puissance qu'ils se voyét en ceste année en Flâdres, deça la riuere du Lis. Adonc manda il à Gand le Seigneur de Harfelles: à fin qu'il veint deuant Audenarde. Ce qu'il fit: & quaud il fut venu, il luy dit, Sire de Harfelles, vous saluez bien & entendez tous les iours, comment le Roy de France s'appareille pour nous destruire. Il faut que nous ayôs conseil sur ce. Vous demourrez icy: & ie m'en iray à Bruges pour prédre encores mieux des nouuelles: & encourageray les gens des bones-villes: & establiray, sur la riuere du Lis, tât de gens aux passages, que les François ne pourrôt passer outre. Adonc s'y accorda le Sire de Harfelles. Lors se partit Philippe d'Arteuelle du siege: & fâchemina vers Bruges: & cheuauchoit cōme Sire: & faisoit porter son pennō deuant luy, tout déuolopé, armoyé de ses armes: & portoit l'écu noir, à trois chapeaux d'argent. Quand il fut venu à Bruges, il y trouua Pietre du Bois & Pietre le Mitre: qui estoient gardiés & Capitaines de Bruges. Si parla à eux: & leur remōstra cōmēt le Roy de Frâce, à toute sa puisâce, vouloit venir en Flâdres: & qu'il cōuenoit aller audeuāt, pour y remédier & garder les passages: & dit, Je veux Pietre du Bois, q' vo' allez au pas de Cōmines, pour garder la riuere: & vous, Pietre le Mitre, vous irez au Pont-Warleston: & là garderez le passage: & faites rompre tous les pôts de dessus la riuere, iusques à la Gerge, & aux Haselles, & Meureuille, & au-dessus, iusques à Courtray. Par ainsi ne pourrôt les François passer: & i'iray à Ypre, pour parler à eux, pour les rasteschir, conforter, & remontrer comment nous sommes conioints ensemble par vnité, & que nul ne se fouruoye, n'isse de ce, que nous auôs iuré à tenir. Il n'est pas en la puissance du Roy de Frâce, ne de ces François, qu'ils peussent passer la riuere du Lis, & entrer en Flâdres (mais que les pas soient gardez) s'ils ne vont au long de la riuere: pour chercher passage. Adonc respōdirent les deux Pietres, Philippe, vous dites bié: & nous ferôs ce que vous dites. Et de nos gēs, qui sont en Angleterre, en auez vous ouy aucunes nouuelles? Par ma foy respondit Philippe) nēny: dont ie m'emerueille. Les parlemens sont maintenant à Lōdres: & en deuriôs de brief ouir nouuelles. Le Roy de Frâce ne se peut iamais tant haster, que nous ne soyons confortez des Anglois, auant qu'il nous porte contraire: l'espere que le Roy d'Angleterre fait son mandement: & viendront Anglois en vne nuit, que nous n'y prendrons point garde. Ainsi se deuïsoient ces cōpaignons ensemble, avec toute Flandres: qui leur estoit obeyssant: exceptées Terremondé & Audenarde.

Arrivée du Roy Charles, sixieme, en la ville d'Arras: où le Comte de Flandres luy fait hommage pour Artois.

Orgueilleuses & outrageuses paroles de Philippe d'Arteuelle contre le Roy Charles.

Ordre d'Arteuelle, pour garder la riuere du Lis.

Arteuelle cōmme sans son hoste.

Comment plusieurs Cheualiers du party du Comte de Flandres, ayans passé le Pont-Amenin, furent déconsfits & tueZ au rapasser par les Flamans, leur estant le pont-rompu, & comment Arteuelle, en sçachant les nouuelles à Ypre, en donna courage au peuple.

CHAPITRE

CXIII.

CE pendant que ces ordonnances se faisoient, & que le Roy de France seiournoit à Arras, & que Gens-d'armes s'amassoient en Artois & Tourhesis, & en la Chastellenie del'Isle, & là enuiron, s'auisèrent aucuns Cheualiers & Escuyers (qui seiournoient à l'Isle, & là enuiron) par l'emprise & enhortement du † Halze de Flandres, qu'ils feroient aucun faict-d'armes: par lequel ils seroient renommez. Si s'amasserent vn iour six vingts

† Il l'a nommé le Hase, en plusieurs lieux par auant.

† Verard dit
Vuillon, com-
me aussi Frois-
sart cy apres.

Le Hase de Flā-
dres & quel-
ques autres se
sauuent par le
pont rompu.

† Je pense que
c'est celui qu'il
a nagueres sur-
nommé de Iu-
mont.

Preschement
d'Artenelle à
ceux d'Ypre.

Hômes-d'armes, Cheualiers & Escuyers: & vindrent passer la riuere du Lis au Pont-Amenin, à deux lieues de l'Isle (lequel n'estoit point encores deffait) & cheuaucherent en la ville de Harle: & l'étonnerent grandement: & tirerent & decouperent en la ville, & aux enuiron, grand' foison de gens: & les chacerent presque tous hors de leur ville. Le haro cōmença à monter: & les villes voisines cōmencerent à sonner leurs cloches, & à marcher vers Harle, & vers le Pont-Amenin: car le haro venoit de là. Quand le Halze, messire Iehan de Iumont, le Chastelain de † Voyllon, messire Henry Duffle, & les Cheualiers & Escuyers, eurent bien émeu le pays, & leur fut auis qu'il estoit tēps de retourner, ils se mirent au retour, pour passer la riuere au pont: ainsi qu'ils auoient passé: mais ils le trouuerent fort pourueu de Flamans: qui le défaisoient, tant qu'ils pouuoient: & quand ils l'auoient rompu par vn lieu, ils le couuroient de fient: à fin qu'on ne cognust point le méhaing. Et veez cy Cheualiers & Escuyers, montez sur fleurs de coursiers & de cheuaux, qui trouuerēt hors la ville plus de deux mille hômes des payfans: qui là se tenoiēt recueillis, & lesquels se mettoient là en bataille, pour venir contre eux. Adonc ces Gentils-hommes se mirent tous ensemble: & baissērēt les lances, & les espées de Bordeaux, roides: & esperonnerent leurs cheuaux de grand randon: & mirent, deuant les mieux montez. Puis commencerent à huer. Ces Flamans s'ouirerent, & ne les oserent attēdre: & les autres dient qu'ils le firent par malice: car ils sauoient bien que le pont ne les pourroit porter: & disoient les Flamans entr'eux, Faison leur voye, vous verrez tantost beau ieu. Le Halze de Flandres, les Cheualiers, & Escuyers, qui se vouloient sauuer (car le sejour leur estoit cōtraire) fraperēt tous à cheual sur ce pōt: lequel n'estoit pas pour porter vn si grand faix. Toutefois le Halze de Flādres & aucuns autres eūrēt le cœur & l'auētūre de passer outre: & passerent enuiron trente: & ainsi que les autres vouloient passer, le pont rompit sous eux. Là eut de leurs cheuaux trébuches, qui ne se pouuoient r'auoir: & y moururent, & leurs maistres. Ceux, qui estoient derriere, virent ce méchef. Si furent moult ébahis: & ne seurent ou fuir, pour eux sauuer. Si se mirent les aucuns dedans la riuere: & cuidoiēt nager: mais ils ne pouuoient: car elle est parfonde, & de hautes riuues: ou cheuaux ne se peuuent sauuer, ne recourre. Là eut grand méchef: car les Flamāns venoient: qui les chaçoient, & occioient à leur volonté, sans mercy: & si les faisoient sail-
lir en l'eau: & se noyoient. Là fut messire † Iehan d'Immone en grand' auenture d'estre perdu: car le pont rompit sous luy: mais par grand' apertise de corps, il se sauua. Toutefois il fut nauré, de trait moult durement au chef, & au corps: dont il fut depuis plus de dix semaines, qu'il ne se pouuoit aider. A ceste dure rencōtre furent morts le Chastelain de Willō, de Bouchars, & de Saint-Hylaire, & plusieurs autres morts & noyez, & messire Henry Duffle: & y en eut, que morts que noyez, plus de soixante: & furent bien heureux ceux, qui sauuer se peurent, & grand nombre de blecez & naurez s'en allerēt de ceste emprise. Les nouuelles en vindrent aux Seigneurs de France (qui estoient à Arras) & comment leurs gens auoient perdu, & cōment follement le Halze de Flandres auoit cheuauché. Si furent des aucuns plaints, & des autres non: & disoient ceux qui plus estoient vsitez aux armes, ils ont fait vne folie de passer vne riuere sans gué, & aller courir vne grosse ville, & entrer au pays, puis retourner ou ils auoient passé & non gardé le pas, iusques à leur retour. Ce n'est pas emprise faite de sages Gens-d'armes, qui veulent venir à bon chef de leur besongne: &, pource que comme outreuidez ils ont cheuauché, mal leur en est pris. Ceste chose se passa, & fut mise en oubly: & Philippe d'Arteuel le se partit de Bruges, & vint à Ypre (ou il fut recueilly à grād' ioye) & Pietre du Bois s'en vint à Commines (ou tout le plat-pays estoit assemblé) & là entendirēt aux besongnes: & fit tous les ais du pont décheuiller, pour estre tantost deffait, si besoing en estoit. Mais encores ne voulut il pas tout le pont condāner de tous points: pour l'auantage de ceux du plat-pays recueillir: qui y passoiēt tous les iours, avecques leurs bestes, à grand' foison: & les mettoient outre le Lis à sauueté. Si en estoit le pays si chargé, que c'estoit grād merueille. Ce propre iour, que Philippe d'Arteuelle vint à Ypre, vindrent les nouuelles comment au Pont-Amenin les François auoient perdu, & le Halze auoit esté presque attrapé. De ces nouuelles fut Philippe tout resiouy, & dit en riāt, pour encourager ceux qui delez luy estoient, Par la grace de Dieu, & le bon droit que nous auons, tous viendront à ceste fin: ne iamais ce Roy, ieunement conseillē, fil passe la riuere du Lis, ne retournera en France. Philippe d'Arteuelle fut cinq iours à Ypre: & prescha en plain Marché, pour encourager son peuple, & tenir en leur foy: & leur remonstra comment
le Roy

le Roy de France, sans nul tiltre de raison, venoit sur eux, pour les destruire. Bonnes gens (ce dit Philippe) ne vous eбайssiez point, fils viennent sur nous, car ià n'aurōt puissance de passer la riuere du Lis. Je fay tous les passages bien garder, & ay ordonné à Commynes Pietre du Bois, à tout grand nombre de gens (il est loyal homme, & qui aime l'honneur de Flandres) & Pietre le Mitre est à Verneston, car tous les autres passages, outre la riuere du Lis, sont rompus, & n'y a passage, ne gué, par ou ils puissent passer, fors à ces deux villes, & si ay ouy des nouuelles de noz gens, que nous auons enuoyés en Angleterre, Nous aurons de brief vn grand confort des Anglois: car nous auons bonnes alliances à eux. Si vivez loyaument en espoir (car l'hōneur nous demourra) & tenez ce, que vous nous auez promis & iuré, à moy & à la bonne-ville de Gand, qui tant a eu de peine, pour garder & soustenir les droits & franchises des bonnes-villes de Flandres, & tous ceux, qui veulent demourer delez moy, ainsi comme ils ont iuré, léuent liement la main vers le ciel, en signifiant loyauté. A ces mots ceux, qui estoient au Marché, qui ouy l'auoient, leuerent la main vers le ciel, en signifiant loyauté. Adonc descendit Philippe du chaffaut ou il auoit presché, & s'en alla à son hostel, & se tint là tout le iour. Au lendemain il monta à cheual, à toute sa route, & s'en vint vers Audenarde, ou le siege estoit, qui point ne se défaisoit, pour nouuelles qu'ils ouissent, mais il passa par Courtray, & se reposa là deux iours.

Des conseils & ordonnances de l'armee de France, pour passer en Flandres, apres les ponts rompus & gardez.

CHAP. CXIIII.

Nous souffrerons vn petit à parler de Philippe d'Arteuelle, & parlerōs du ieune Roy Charles de France, qui seiournoit à Arras, & auoit tresgrande volonté (& bien le monstroient) d'entrer en Flandres, pour abbattre l'orgueil des Flamans, & tous les iours luy venoient Gens-d'armes de tous costez. Quand le Roy eut seiourné huit iours à Arras, il s'en vint à Lens en Artois, & là fut deux iours. Au tiers iour de Nouembre il s'en partit, & vint à Seclin, & là s'arresta, & furent les Seigneurs, le Connestable de France, & les Mareschaux de France, de Bourgongne, & de Flandres, au Conseil, pour sauoir comment on s'ordonneroit, car on disoit communément en l'ost, que c'estoit chose impossible d'entrer en Flandres, au cas que les passages de la riuere fussent gardez si fort. Encores tous les iours de rechef il plouuoit tant, qu'il faisoit si froid, qu'on ne pouuoit aller auant, & disoient aucuns sages du Royaume de France, que c'estoit grand outrage, par tel temps, d'auoir entrepris ce voyage, & d'auoir amené le Roy si auant, en tel pays, ce qu'on d'eust bien auoir attendu, iusques à l'Esté, pour guerroyer en Flandres, car ià-mais n'y auoit esté de sa vie. Celle riuere du Lis est si male à passer, qu'on n'y peut trouuer passage, fors que par certains pas, & encores sur toute icelle il n'y a nul gué, & si est tout son courant sur marescages, ou l'on ne pourroit cheuaucher. Adonc demanda le Connestable, D'ou vient elle? vient elle d'amont? On luy respondit qu'elle venoit de deuers Aire & Saint Omer. Puis qu'elle a commencement (dit le Connestable) nous la passerons bien. Ordonnon noz gens, & leur faisons prendre le chemin de Saint Omer, & là nous passerons la riuere à nostre aise, & entrerons en Flandres, & outre, au long du pays (ou qu'ils soient, deuant Ypre ou ailleurs) ils sont bien si orgueilleux, & outrecuidez, & plains de méchant vouloir, qu'ils viendront contre nous, pour nous venir assaillir. A ce propos du Connestable s'accorderent tous les Mareschaux, & demourerent en tel point & estat celle nuit, iusques au lendemain, que le Sire d'Albreth, le Sire de Coucy, Messire Ainemon de Pommiers, messire Iehan de Vienne, Admiral de France, messire Guillaume de Poictiers, Bastard de Langres, le Begue de Villaines, messire Raoul de Coucy, le Comte de Conuersant, le Vicôte d'Acy, messire Raol de Raineual, le Sire de S. Iust, messire Artus de Hedin, messire Antoine d'Archies, le Seigneur de Saimpi, messire Guillaume des Bourdes, le Sire de Longueuille, le Sire de Sully, messire Tristan de l'Estouet, messire Oliuier du Clesquin, messire Morice du Treguidy, messire Guy le Baueux, messire Lucas de l'Estrughen, messire Nicole Pamel, les deux Mareschaux de France (messire Louis de Sanxerre, & messire Louis de Blanuille) le Mareschal de Bourgongne, le Mareschal de Flandres, messire Anguerant de Heluin, vindrent en la chambre du Connestable de France, pour auoir certain arrest & auis comment on s'ordonneroit, si on passeroit parmy l'Isle, pour aller à Commynes, & à Warneston (ou les passages estoient gardez) ou si on iroit amont, vers la gorge de Venoye, & à Saint-Venant, &

*Assemblée en
Conseil des
Principaux de
l'armee des
Francois, pour
sauoir par ou
l'on entreroit
en Flandres.*

passer la riuere du Lis. Là eut entre ces Seigneurs plusieurs parolles tournées, & disoient ceux, qui congnoissoient le pays. Certes, pour le temps de maintenant, il ne fait nul aller en ce pays, n'en la terre & Chastelenie de Cassel, de Surnes ne de Verthes. Et lequel chemin tiendrons nous doncques? dit le Conestable. Lors dit le Sire de Coucy vne moult haute parolle. Je conseilleye que nous allissions à Tournay, & là passer l'Escaud & cheminer deuant Audenarde. Le chemin y est bien aisé, & là combattrons noz ennemis. Nous n'aurons nul empeschement, l'Escaud passé, iusques à Tournay. Si viendrons deuant Audenarde, & ferons droit à Philippe d'Arteuelle, & ferons tous les iours refreschis de toutes pourueances, qui nous viendront du costé de Hainaut, & qui nous fuyuront de Tournay, par la riuere. Ceste parolle, dite du Sire de Coucy, fut bien volontiers ouye & entendue, & des aucuns longuement soustenue, mais le Conestable & les Mareschaux s'enclinoient trop plus d'aller deuant de Lis, querir & faire brief passage à son loyal pouuoir, que d'aller à dextre n'à senestre, querir plus lointain chemin, & y mettoient raisons raisonnables, car ils disoient. Si nous querons autres chemins que le droit, nous ne montrons pas que nous soyons bons Gens-d'armes, à tout le moins si nous n'en faisons nostre deuoir, & d'aller taster, si comme à ce pas de Commines (qui est gardé) pour sauoir se dessous, ou dessus, nous pouuons passer la riuere. Encores outre, se nous élongnons noz ennemis, nous les réiouirons, & refreschirons, de nouveau & auront nouueaux Confaux, & diront que nous les fuyons. Et si y a encores vn point, qui grandement fait à douter. Nous ne sauons sur quel estat ceux, qui sont allez en Angleterre, sont, car si par aucune incidéce confort leur venoit de ce costé, il nous donneroit grand empeschement. Si vaut trop mieux que nous nous deliurôs, au plus brief que nous pourrôs en Flâdres, q̄ d'estre longuemēt à determiner, & entreprenôs de fait, & de bon courage, le chemin de Cōmines. Dieu nous aidera. Nous auôs par tāt de fois passé & repassé grosses riuieres, plus fortes q̄ ceste riuere du Lis n'est. Si ne no' deura pas tenir longuement. Comment que ce soit, quand nous ferons sur les riues, adoncques aurôs nous auis, & ceux, qui serôt en nostre cōpaignie en l'Auātgarde (qui ont veu puis vingt ans, ou trente, plusieurs autres passages, plus perilleux que cestuy n'est) nous passeront la riuere, & quand nous ferons outre noz ennemis seront plus ébahis cent fois, que se nous allions à nostre aise, querir à dextre & à senestre, hors de nostre droit chemin, le passage, & nous pourront nommer & compter Seigneurs de Flandres. Tous s'accorderent à ce dernier propos, n'oncques depuis ne fut brisé, ne nuls autres remis sus, & pour ce que ces vaillans Seigneurs se trouuerēt la tous ensemble, si dirent ainsi. Il est besoing que nous auisons & regardons aux ordonnances des batailles, & lesquels iront à l'Auātgarde avecques le Conestable, & lesquels ordonneront des chemins, pour passer & cheuaucher tout à l'onny, & lesquels seront gens-de-pié, & lesquels seront ordonnez pour courir, & decouurir les ennemis, & lesquels seront en la bataille du Roy, & comment & de quoy ils seruiront, & lequel portera l'Oriflambe de France, & lesquels l'aideront à garder, & quelles gens seront sur ælle, & quels seront en l'Arriergarde. De toutes ces choses eurent ils auis & ordonnances. Quand toutes ces choses furent auisées & ordonnées bien à point & qu'on ne sauoit plus riens y auiser qui necessaire y fust, le Conseil s'ouurit, & s'en alla chacun en son logis, & furent les Seigneurs & les Barôs, qui point n'auoient esté presens à ces choses, auisés & signifiez quelle chose ils deuoyent faire, & d'illecques en auant comment ils se maintiendroient. Si fut ce iour ordonné que le Roy au lédemain se delogeroit de Seclin, & passeroit tout parmy la ville de l'Isle, sans arrester, & viendrait loger à Margnette, l'abbaye, & l'Auantgarde iroit outre, à Commines & Warneston, & exploiteroient ce iour tout au mieux qu'ils pourroient. Si fut ordonné, arrêté, & déterminé par les vaillans hōmes-dessus-nōmez, & par l'office des maistres des Arbalestiers cōioints avec le Cōnestable & les Mareschaux, & to' d'un accord que messire Iouffe de Haluin & le Sire de Rambures seroient chargez & ordonnez de mener & conduire les gens-de-pié, lesquels iroient deuant, pour appareiller le chemin, couper les hayes, bois, & buissons, abbatre forests, remplir valées, & faire ce qu'il appartient & est necessaire, & furent d'ouuriers dixsept cens soixante. Apres en l'Auantgarde furent les Mareschaux de Flandres, de France, & de Bourgongne, & eurent en leur gouuernement dixsept cens Hommes-d'armes, & sept cens Arbalestiers, sans quatre mille hommes-de-pié (que le Comte leur auoit deliurez) à pauais & autres armeures. Item fut ordonné que le Comte de Flâdres & sa bataille (ou il peut auoit, en Gens-d'armes,

*Resolution de
trouuer passage
par la riuere
du Lis, pour
l'armee de Fr.*

*Ordonnances
des Batailles de
France, pour
passer la riuere
du Lis.*

mes. Cheualiers, & Escuyers, & gens de pié, enuiron seize mille) chemineroyent sur les
 alles de l'Auantgarde, pour reconforter, fil en estoit besoing. Item fut ordonné, entre
 l'Auantgarde & la bataille du Comte de Flandres, la bataille du Roy de France, & là
 deuoient estre ses trois oncles (Berry, Bourgongne, & Bourbon) le Comte de la Mar-
 che, messire Iaques de Bourbon, ses freres, le Comte de Clermont, le Dauphin d'Auer-
 gne, le Comte de Dampmartin, le Comte de Sanxerre, messire Iehan de Boulongne,
 & iusques au nombre de six mille Hommes-d'armes, & deux mille Arbalestiers Gène-
 uois, & autres. Item furent ordonnez, pour l'Arrieregarde, deux mille Hommes-d'ar-
 mes, & deux cens Archers, & en deuoyent estre Chefs & gouuerneurs messire Iehan
 d'Artois, Comte d'Eu, messire Guy, Comte de Blois, messire Waleran, Comte de Saint
 Pol, messire Guillaume, Comte de Harcourt, le Sire de Chastillon, & le Sire de Sere.
 Item deuoit porter l'Oriflambe messire Pierre de Villiers, & deuoit estre acompaigné
 de quatre Cheualiers, lesquels estoient ainsi nommez, messire Robert le Baueux, messire
 Morice de Sancourt, messire Guy de Triseguidy, & Brandan de la Heuse, & pour gar-
 der les bannieres, le Borgne de Ruet, & le Borgne de Montdoulcet. Or est à fauoir que
 ces Seigneurs, qui ordonnoient telles besongnes, entendoient, & arrestoient, que ia-
 mais en France ne retourneroyent, iusques à ce qu'ils eussent combattu Philippe d'Ar-
 teuelle & sa puissance, & pour ce ordonnerent ils par telle maniere, ainsi que tous prests
 de combattre au lendemain. Item furent ordonnez, le Sire d'Allebreth, le Sire de Cou-
 cy, & messire Hugues de Hanlon, pour mettre en arroy, en pas, & en ordonnance, les
 batailles. Item furent ordonnez Mareschaux, pour loger le Roy & sa bataille, messire
 Guillaume de Bannes, & le Sire de Champreny. Item fut ordonné qu'au iour, qu'on se
 combattroit, le Roy seroit à cheual, & nul autre, forsluy, & furent nommez huit vaillās
 hommes à cheual, à estre de costé luy, tels que le Seigneur de Raineual, le Begue de Vi-
 laines, messire † Amemes de Pommiers, messire Anguerrant de Heluin, le Vicomte d'A-
 cy, messire Guy le Baueux, messire Nicolas Pennel, messire Guillaume des Bourdes, dōt
 le Sire de Raineual & messire Anguerrant de Heluin furent au front, deuant luy, * & le
 Begue de Villaines, & le Vicomte d'Acy (qui se nomme par son nom cy-dessus, en plu-
 sieurs lieux, le Vicomte d'Aunoy) ses deux Cheualiers, delez luy, & au derriere furent
 ordonnées messire Amemes de Pommiers, messire Nicole Pennel, messire Guy le Ba-
 ueux, & messire Guillaume des Bourdes. Item furent ordonnez, pour cheuaucher de-
 uant, & auiser le conuenant des ennemis au iour de la bataille, messire Oliuier de Clif-
 fon, Connestable de France, & messire Guillaume de Poictiers, Bastard de Langres.
 Quand toutes les choses dessusdites furent deuisées & ordonnées bien & à point, &
 qu'on n'y sceut nulle chose auiser qui y fust necessaire, le Conseil se departit, & s'en al-
 la à son logis, & furent les Seigneurs & Barons, qui point n'auoient esté presens à ces
 choses, auisez & † signifiez quelle chose ils deuoient faire, & comment d'illecques en a-
 uant ils se maintiendroient. Si fut celuy iour ordonné que le Roy au lendemain se délo-
 geroit de Seclin, & passeroit tout parmy la ville de l'Isle, sans foy arrester, & viendrait
 loger à † Marquettes, l'Abbaye, & l'Auantgarde iroit outre, vers Commines, & Warne-
 ston, & exploiteroient au mieux qu'ils pourroient.

† Le pense que
 c'est celuy, qu'il
 a par auant nō
 mé Ayneinō
 de Pōmiers
 & Nicolas
 Pannel, pour
 le surnom de
 Pennel.
 * Annot. 31.

† Il a nagueres
 usé de ce mot
 en mesme signi-
 fication, pour
 auertis.
 † Il a par auant
 dit Margnet-
 te, & est ceste
 clause repetee.

*Comment quelque peu de François ne pouuans passer au pont de Commines, trouuerent autre
 moyen, par petites barques & nacelles, au descen des Flamans.*

CHAP. CXV.

Tout ainsi, comme il fut ordonné, il fut fait, & se délogerent au lendemain ceux de
 l'Auantgarde, & passerent outre, par ordonnance, vers Commines, & trouuoient les
 chemins tous faits, car le Sire des † Fransures & messire Iosse de Heluyn en auoient pris
 grand soing, & fut le Lundy. Quand le Connestable, les Mareschaux de France, & ceux
 de l'Auantgarde furent venus au pont de Commines, là leur cōuint arrester, car ils trou-
 uerent le pont défait, qu'il n'estoit en puissance d'homme de le faire, au cas qu'on le
 deffendrait, & qu'on mettroit empeschement à le vouloir refaire. Car les Flamans es-
 toient bien puissans, outre la riuierē, pour deffendre & garder le pas, & contre tout
 homme tenir, qui écaroucher & assaillir les voudroit par-deuant, car ils estoient plus
 de neuf mille, & là estoit Pietre du Bois, leur Capitaine, & les autres, qui bien monstroy-
 ent volonté de leur deffendre. Et estoit ledit Pietre du Bois, au bout du pōt, sur la chauf-
 fée, & tenoit vne hache en sa main, & là estoient les Flamans tous rangez d'une part &
 d'autre. Le Connestable de France, & les Seigneurs, qui là estoient, regardoyent la ma-

† Il a nagueres
 dit de Rami-
 bures et Iouf-
 se de Haluyn

*Le Connestable
Cliffon se repēt
du conseil, que
luy mesme au-
noit donē, pour
passer la riuie-
re du Lis.*

*† Choisissez de
tous ces surnōs
Quand à moy,
i'ayme mieux,
de Haluyn.*

*Bon auis de
quelques Che-
ualiers pour
passer la riuie-
re du Lis, com-
bien qu'il fust
hazardueux.*

*Le Sire de S. Py
et autres pas-
sant la riuie-
re du Lis en barq.*

niere du pays, & imagination bien que cestoit chose impossible de passer par là, si le pōt n'estoit refait. Adonc firent ils cheuaucher de leurs varlets, pour auiser la riuieire dessus & dessous, pres d'une lieue. Ils retournerent à leurs Seigneurs, qui les attendoyēt au pas, & leur dirent qu'ils n'auoient trouuē nul lieu, ou cheuaux peussent prendre terre. Adonc fut le Connestable moult courroucé, & dit. Nous auons esté mal conseillez, de prendre ce chemin. Mieux nous eust valu estre allez par Saint Omer que seiourner en ce danger ou auoir passé l'Escaud à Tournay (ainsi que le Sire de Coucy disoit) & aller tout droit deuant Audenarde, combattre noz ennemis, puis que combattre les deuons, & voulōs. Ils sont bien si orgueilleux, qu'ils nous eussent attendus à leur siege. Adonc dit messire Loys de Sanxerre. Le conseille que nous logeons cy pour ce iour, & faisons loger noz gens, au mieux que nous pourrons, fils viennent, & enuoyons à l'Isle, par la riuieire, querir des nefes & des clayes, si ferons demain vn pont sur ces beaux prez, & passerons outre puis que nous ne pouuons autrement faire. Dont dit messire Iosse† Ialuin, Sire, nous auons esté bien auisez qu'il y a vn grand empeschement entre cy & l'Isle. Si est la riuieire de Menyn sur celle riuieire, par ou il conuient passer la nauire, si elle vient iusques cy, & les Flamans, qui là sont, ont défait tout leur pont, & tellement croisé de grand mesrien, attaché parmy les gistes du pont, qu'impossible seroit d'y passer nef, ne nacelle. Je ne say dont (dit le Connestable) que nous puissions faire. Bon seroit que nous prenissions le chemin d'Aire, & de là passer le Lis, puis que ne pouuons auoir passage icy. Ce pendant que le Connestable & les Mareschaux de France & de Bourgongne estoient au pas de Commynes en celle abusion, & ne sauoient lequel faire, pour le meilleur, subtilloient autres Cheualiers & Escuyers, par beaux faits d'armes & autre emprise, pour fauenturer vaillamment à passer celle riuieire (comment qu'il fust) & aller combattre les Flamans sur leur fort, pour conquerir leur ville, & le passage, si comme ie vous recorderay presentement. Ainsi comme l'Auantgarde venoit de l'Isle à Commynes, le Sire de Saint-Py & aucuns autres Cheualiers de Haynaut, de Flādres, d'Artois, & aussi de France, sans le Connestable & les Mareschaux, auoient eu par auant conseil, & auoient dit. Nous aurons d'eux ou trois barques, & les ferons lancer en la riuieire du Lis, au dessous de Commynes, à la couuerte, & aurons, d'une part & d'autre, attaches, pour y mettre cordages, car la riuieire n'est pas fort large. Nous ferons tantost vne grande quantité de gēs mis outre, & puis par derriere nous viendrons assaillir noz ennemis, & conquerons sur eux le pas, & ne ferons, fors que vaillans Gens-d'armes. Apres ce conseil, qui auoit esté tenu, auoit tāt fait le Sire de Saint-Py, qu'il faisoit charroyer vn barc, & des cordes, avecques leurs ordōnances, de la ville de l'Isle, avecques luy. D'autre part, messire Herbaux de Belleperche, & messire Iehan de Roye (qui là estoient en ce voyage, compaignons ensemble) faisoient venir vne barque. Aussi messire Henry de Manny, messire Iehan de Malatrait, & messire Iehan Chauderon, Bretons (qui auoient esté à ces deuises) en charroyoient aussi vn, & suiuoient la route des autres. Le Sire de Saint-Py fut le premier, qui vint là, à tout son barc & l'ordonnance des cordes & des attaches. Si se déchargerent, & attacherent, du costē deuers eux, vn grand & gros planchon, & y lierent la corde, & puis passerent trois varlets outre, & mirent le barquet & la corde outre, & y attacherent encores de rechef vn grand & gros planchon, outre, & y attacherent l'autre bout de la corde, & puis celā fait, retournerent les varlets les barques à leurs maistres. Or auint il que le Connestable de France & les deux Mareschaux, qui se tenoient au-dehors du pont à Commynes, furent informez de ceste besongne, ainsi comme ils musoient comment ils pourroient trouver passage. Si auoit dit le Connestable à messire Loys de Sanxerre, Mareschal allez veoir que c'est qu'ils font, ne si il est possible de passer la riuieire par la maniere que vous auez ouy deuiser, & si vous voyez qu'il soit possible de le faire, si en mettez aucuns autres. Adoncques ces Cheualiers, qui là estoient, s'ordonnoient pour passer, & quand les barques furent toutes prestes, vint là le Mareschal de France, à grande route de Cheualiers & d'Escuyers en sa compaignie. On luy fit voye, comme raison estoit. Il s'arresta sur le riuage, & regarda volōtiers le conuenant de ces barques, Adoncques dit le Sire de Saint-Py, Sire vous plaist il que nous passons icy. Il me plaist bien, dit le Mareschal, vous vous mettez en grande auenture, car, si les ennemis, qui sont à Commynes, sauoient voz conuenans ils vous porteroient trop grand dommage. Si re (dit le Sire de Saint-Py) qui ne s'auenture, n'a riens. Au nō de Dieu, & de Saint George, nous passerons, & nous ferons, auant qu'il soit demain au soir, apparoir à noz ennemis, &

mis, & frapperons sur eux. Adonc mit le Sire de Saint Py son pennon ou barquet, & entra tout le premier dedans, & y entra, avecques luy, tout ce que le barquet en peut porter, iusques à neuf, & tantost furent lancez par la corde, qu'ils tenoient, outre la riuere. Puis issirent tous hors, & entrèrent à la couuerte (à fin qu'ils ne fussent apperceus) en vn petit aunoy, & là se capirent, & ceux, qui estoient au riuage, par vne corde, qu'ils tenoient retiroient les barques à eux. Secondement le Comte de Conuersant, Sire d'Anghien, entra dedans, & sa banniere avecques luy, & aussi le Sire de Vertain, son frere, & sept autres. Ces neuf passerent, & nomplus. A la tierce fois en passerent encores. Et vecy les deux autres barques, qui estoient venus au nom de messire Herbaut de Belleperche & de messire Iehan de Roie, & aussi des Bretons, qui furent tantost, par la maniere dessusdite, lancées en la riuere, & ordonnées comme l'autre. Si passerent ces Cheualiers, & nuls ne passoient, fors que droitz Gens-d'armes, & passoient de si grande volonté, que c'estoit merueille de les veoir. Si y eut aucunes fois, à qui premier passeroit, telle presse, que, si le Marechal de France n'y eust esté (lequel y mettoit ordonnance & attrempance) il y en eust eu de perils, car ils eussent plus chargez les barques, qu'elles n'en eussent peu soustenir. Nouuelles vindrent au Connestable, & aux Seigneurs de France, qui à Commynes estoient sur le pas, à l'entrée du pont, comment leurs gens passoient. Adonc dit le Connestable au Seneschal de Rieux, Allez veoir (ie vous prie) ce passage, & que ce peut estre, & se noz gens passent, ainsi comme on dit. Le Sire de Rieux ne fut oncques si ioyeux, quand il eut telle commission, & frappa son cheual des esperons, & s'en vint celle part, à toute sa route, ou il y auoit bien quarante Hommes-d'armes. Quand il fut venu au passage, ou les compaignons estoient (dont en y auoit ià de passez plus de cent cinquante) si mit tantost pié à terre, & dit qu'il passeroit. Le Marechal de France ne l'eust iamais desauoué. Nouuelles vindrent au Connestable de France que le Sire de Rieux, son cousin, estoit passé. Si commença le Connestable vn petit à musier, & dit, *subtilité du Connestable* Faites Arbalestiers tirer auant, & écaroucher ces Flamans, qui sont outre ce pôt, pour *Clisson, pour amuser les Flamans du pas de Commynes, pendant qu'aucuns de ses gens passent par ailleurs.* eux embesongner, à fin qu'ils entendent à nous, & non à noz gens, car, s'ils s'en donnoient garde, ils leur courroyent sus, & leur romproient le passage, & occiroient ceux, qui sont passez de là, dont i'auroye plus cher estre mort, qu'il en aint ainsi. Adoncques vindrēt Arbalestiers & gens-de-pié, & en y auoit aucuns autres, qui gettoient Bombardes portatiues, & qui gettoient gros carreaux, empennez de fer, & les faisoient voler outre le pont, iusques à la ville de Commynes. Là se commença l'écarouche forte & roide, & monstroient ceux de l'Auantgarde qu'ils passeroient, s'ils pouuoient. Les Flamans, qui estoient paueschez au lez deuers eux, monstroient aussi visage, & faisoient deffense moult grande, & ainsi se continua celle iournée (qui fut par vn Lundy) en gettant, tirant & écarouchant, & fut tantost tard (car les iours estoient moult cours) & tousiours par ces barques passoient Gens-d'armes à grande puissance, & se mettoient à fait, quand ils estoient outre en vn aunoy, & là se capissoient à la couuerte, & attendoient l'un l'autre. Or regardez, tout considéré, en quel peril ils se mettoient, & en quelle auenture, car, si ceux, qui estoient dedans Commynes, s'en fussent apperceus, ils en eussent eu à leur volonté, la greigneur partie, & eussent conquis barques & cordes, & tout mis à leur auantage. Mais Dieu y fut pour eux, qui vouloit consentir que l'orgueil de ces Flamans fust abbattu.

Comment ce peu de François, qui estoit passé outre la riuere du Lis, se mit en bataille deuant les Flamans.

C H A P.

C X V I.

IE tien, & aussi doyuent tenir toutes gens d'entendement, celle emprise des barques, & le passage des Gens-d'armes, à haute vaillance, & honorable entreprise. Car les Cheualiers & Escuyers de l'Auantgarde sur le tard sembloient, pour passer outre, avecques leurs compaignons, & passerent le Sire de Laual, le Vicomte de Rohan, le Sire de la Belliere, le Sire de Chambort, messire Oliuier du Guesclin, le Barrois des Barres, le Sire de Collet, messire Regnaud de Thouars, le Sire de Poufauges, messire Guillaume de Lignac, messire Gautier de Passat, le Sire de Thouars, messire Loys de Cōsaule: & messire Tristan de la Iaille, le Vicomte de Meaux, le Sire de Mailly, & tant Bretons, que Poiteuins, Berruyers, François, Bourguignons, Flamans: Artoisins, Troyens, & Hainuyers ils se trouuerent bien, outre la riuere, ce Lundy, sur le tard, enuiron quatre cens Hommes-d'armes, toute fleur de gentillesse, n'oncques varlet n'y passa. Quand messire Loys

*Le Mareſchal
de Sanxerre, et
autres, paſſe le
Lis, & ſe ioint
aux premiers
paſſez.*

de Sanxerre vit que tant de gens de bien eſtoient paſſez (comme ſeize bannieres, & trente pennons) il dit qu'il luy tourneroit à grand blaſme, ſil ne paſſoit auſſi. Si ſe mit en vn barquet, ſes Cheualiers & Eſcuyers avecques luy, & adôc paſſerēt le Sire de Hangeſt, meſſire Perceaux de Raincual, & pluſieurs autres. Quand ils ſe virent tous enſemble, ils dirent. Il eſt temps que nous allons vers Commines, veoir noz ennemis, & veoir ſe nous pourrions loger en la ville. Adonc ſerrerent ils leurs armeures, & mirent leurs bacinets ſur leurs teſtes, & les bouclerent, ainſi comme il appartenoit, & ſe mirent ſur les mareſts, ioignant la riuere, au pas, en ordonnance, bannieres & pennons ventillans deuant eux : ainſi que pour tantost tirer auant, & combattre : & eſtoit le Sire de Saint Py au premier chef, & l'un des principaux gouuerneurs & conduiſans, pourtant qu'il cognoiſſoit le pays, mieux que nul des autres. Ainſi comme ils venoient tout le pas, & auſſi ſerrez que nuls Gens-d'armes peuuent eſtre, & par bonne ordonnance, contreal, ces prez en approchant la ville, Pietre du Bois & les Flamans (qui eſtoient tous rangez amont la chauffée) getterent leurs yeux aual les prez, & virent ces Gens-d'armes appro-

*Pietre du Bois,
Capit. du pas
de Commines,
etonné de veoir
les François
paſſez.*

cher. Alors furent moult émerueillez, & demanda Pietre du Bois. Par quel Diable de lieu ſont venus ces Gens-d'armes? ne par ou ont ils paſſé la riuere du Lis? Si luy reſpon-

*Les paſſez
marchent, &
approchent de
Commines.*

dirent ceux, qui delez luy eſtoient, il faut qu'ils ſoient paſſez par barques, huy tout le iour, & ſi n'en auons riens ſceu, car il n'y a pont, ne paſſage, appareillé ſur le Lis, d'icy à Courtray. Que ferons nous? dirent aucuns à Pietre du Bois, irons nous les combattre? Nenny (dit Pietre) laiſſon les venir, demouron en noſtre force, & en noſtre place. Ils ſôt bas, & nous ſommes haut, ſi auons grand auantage ſur eux, & ſi nous deſcendons ſur eux pour combattre, nous forſerons trop grandement. Attendon que la nuit ſoit venue toute obſcure, & puis aurons conſeil comment nous cheuirons. Ils ne ſont pas tant de gens qu'ils nous doient gueres durer à la bataille, & nous ſauons tous les refuges, & ils n'en ſauent nuls. Le conſeil de Pietre du Bois fut creu, car oncques ces Flamans ne bougerēt de leur pas, & ſe tindrent tous quois au pié du pont, & tout contreal la chauffée, rangez & ordonnez en bataille, & ne ſonnoient mot, & monſtroient, par ſemblant, qu'ils n'en faiſoient compte, & ceux, qui eſtoient paſſez, venoyent tout le pas parmy les mareſts, coſtoyant la riuere, en approchant Commines. Le Conneſtable de France (qui eſtoit d'autre part de l'eau) getta ſes yeux, & vit ſes Gens-d'armes, bannieres & pennons ventillans, en vne belle petite bataille, & vit comment ils approchoient de Commines.

*Regrets du Co-
neſtable Cliffo:
ayāt pour de la
déconſtitution de
ceux, qui auoy
ent paſſé le Lis.*

Adonc luy commença le ſang tout à fremir, de grande hideur qu'il eut, car il ſentoit grande foiſon de Flamans par-delà l'eau, tous arrangez. Si dit par grande ire, Ha, Saint Yues, ha, Saint George, ha, Noſtre dame, que ie voy-ie là? Le voy en partie toute la fleur de noſtre armée, qui ſe ſont mis en dur party. Certes ie voudroye eſtre mort, quand ie voy qu'ils ont fait vn tel outrage. Ha, meſſire Loys de Sanxerre, ie vous cuidoye plus attrempé, & mieux endoctriné, que vous n'eſtes. Comment auez vous oſé mettre tant de ſi nobles Cheualiers, & Eſcuyers, & vaillans hommes de guerre, comme ils ſont là, en telle douleur, contre dix ou douze mille hommes (qui ſont fiers & orgueilleux, & tous auizez, & qui nulluy ne prendroient à mercy) & nous ne les pouons, ſils ont beſoing, conforter? Ha Rohā, ha Laual, ha Rieux, ha Beaumanoir, ha Longueuille, ha Rochefort, ha Manny, ha Maleſtroit, ha Conuerſant, ha tels, & tels, ie vous plain, quand ſans mon conſeil vous eſtes mis en tel party. Pourquoi ſuis-ie Conneſtable de France? car ſe vous perdez i'en ſeray du tout encoulpé, & dira l'on que ie vous ay enuoyez en ceſte folie. Le Conneſtable de France, auant ce qu'il euſt veu que tant de ſi vaillans gens fuſſent paſſez, auoit deſſendu, au lez deuers luy, que nuls ne paſſaſſent. Mais, quand

*Le Conneſtable
permet à cha-
cun de paſſer,
pour eſtre au ſe-
cours des pre-
miers paſſez.*

il vit le cōuenant de ceux qui eſtoient outre, il dit tout haut, l'abandonne le paſſage à tout hōme, qui paſſer voudra, & pourra. A ces mots ſ'auācerent Cheualiers & Eſcuyers, pour trouuer voye & engin de paſſer outre le pont, mais il fut tantost nuit. Si leur conuint par pure neceſſité laiſſer œuvre, apres auoir cōmencé d'ouurer au pont, & de getter huis & planches ſur les giſtes, & les aucuns y mettoyēt leurs targes & leurs pauais, pour paſſer outre, tellement que les Flamans, qui eſtoient dedans Commines, ſ'en tenoient bien chargez, & eſlongnez: tellement qu'ils ne ſauoient auquel entendre. Car ils veoient au-deſſous du pont, es mareſts, grand nombre de bons Gens-d'armes (qui ſe tenoient tous quois, leurs lances toutes droites deuant eux) & ſi en venoient d'autres, & veoyent d'autre part que ceux, qui eſtoient outre le pont en l'auantgarde, écar mouchoient à eux, & ſe mettoient en peine pour le pont refaire. En ce party, que ie vous dy, furent les François,

gois qui passez estoient outre aux barques, ce soir, & se tindrent tous quois aux marests en la bourbe & ordure, iusques aux cheuilles des piez. Or regardez & cōfidez la peine qu'ils eurent, & la grande vaillance d'eux, quand en ces lōgnes nuits d'Yuer, au mois de Decembre, ou enuiron, demourerent toute nuit en leurs armeures, & en estant, sur les piez, & les bacinets en leurs testes, & encores furent ils là sans boire & sans manger. Certes, ie dy qu'il leur doit tourner à grande vaillance, car au vray dire, ils ne se veioient qu'une poignée de gens, au regard des Flamans, qui dedans Commines estoient, & au pas. Si ne les osoyent aller enuahir, n'affaillir, & disoient, & auoient dit entre eux, & sur ce ils festoient arrestez par ordonnance. Tenon nous cy tous ensemble, & attendon tant qu'il soit iour, & que nous voyons deuant nous ces Flamans, qui sont en leur fort, à leur auantage, pour nous assaillir: car voiremēt ils viendront sur nous, ne nullemēt ils ne le laisseront, & quand ils viendront, nous crierons noz cris, tous d'une voix, chacū son cry, ou le cry de son Seigneur, à qui il est, ià soit ce que tous les Seigneurs ne soiēt pas icy. Par celle voix & cris nous les ébahirons, & puis frapperons en eux de grande volonté. Il est bien en Dieu, & en nous, de les déconfire, car ils sont mal-armez, & nous auōs noz glaives, à fers longs, & acerez d'acier de Bordeaux, & noz espées aussi. Les haubergeons qu'ils portent, ne les pourrōt garantir ne deffendre, que nous ne passons tout outre. Sur cestuy estat se tindrent ainsi, sur ce confort, ceux, qui estoient passez outre, & se tenoient tous quois, sans dire mot. Et le Connestable de Frāce (qui estoit de l'autre part de l'eau au lez deuers l'Isle) auoit au cœur grāde angoisse d'eux, & souhaitoit luy, & toute sa puissance, en la ville de Commines, avec eux. Là luy disoient les Mareschaux de Bourgogne & de Flandres, & les Cheualiers qui delez luy estoient, pour le reconforter, Monseigneur, ne vous ébahissez point. Ce sont, à droite election, tous vaillans gens, sages, & auisez, & ne feront riens, fors que par bon sens & par bonne ordonnance. Ils ne se combattront meshuy, & vous auez abandonné les passages. Demain, si tost que nous pourrōs veoir l'aube du iour, nous nous mettrons en peine de passer le pont. Nous auōs huy pourueu d'ais & de bois, plus qu'il ne nous en faut. Si ferons tātost outre, & les recōforterōs, s'ils en ont besoing, & ces mechās gēs n'aurōt poīt de durée cōtre no^s. Ainsi estoit reconforté le Connestable de France des vaillās hōmes, qui estoient en sa cōpaignie.

En quel estat furent les premiers passez des François
rou

Comment les François, qui auoient passé la riuere du Lis, déconfirent Pietre du Bois, & ses Flamans, & en occirent grande foison, & comment le reste de l'Avantgarde refit & passa le pont de Commines.

CHAP. CXVII.

Pietre du Bois (qui sentoit ces Gens-d'armes es marests, ioingnant Commines) n'estoit point asseuré, pour ce qu'il ne sauoit quelle la fin en seroit. Toutesfois il sentoit delez luy, & en sa compaignie, bien fix ou sept mille hommes. Si leur auoit dit ainsi, & remonstré là nuict. Ces Gens-d'armes (qui sont passez, pour nous combattre) ne sont pas de fer ne d'acier. Ils ont huy tout le iour trauaillé, & toute la nuict † estampi en ces marests, & ne peut estre que sur le iour sommeil ne les preingne & abbatte. En cest estat nous viendrons tout quoyement sur eux, & les assaudrōs. Nous sommes assez gens pour les enclorre, & quand nous les aurons déconfits, sachez que nul ne fosera iamais embattre. Or vous tenez tous quois, & si ne faites point de noise. Je vous diray biē quād il sera heure de faire grande emprise. Au propos de Pietre ils festoiēt tous tenus & arrestez. D'autre part ces Barons, Cheualiers, & Escuyers, qui se tenoiēt es marests assez pres de leurs ennemis, n'estoiēt pas à leurs aises, pource qu'ils festoiēt mis en la boue & ordure, iusques aux cheuilles des piez les aucuns, & les autres iusques à my-iambe. Mais le grād desir & plaissance, qu'ils auoient de cōquerre le passage à honneur (car grans faits-d'armes y pouuoit on voir) leur faisoit oublier leur trauail & peine. Si ce fust aussi biē esté au temps d'Esté, comme d'Yuer, le septieme iour de † Nouēbre, ilseussent tout tenu à plaisir, mais la terre estoit froide & orde, boueuse, & mauuaise, & la nuit longue, & plou-
uoit à la fois sur leurs testes, mais l'eau couroit tout aual, car ils auoyent leurs bacinets mis, & estoient en estat, & ainsi que tous prests à combattre, n'ils n'attendoient autre chose, fors qu'on les vinst assaillir. Les grans soins, qu'ils auoient à celà, les reconfortoient assez, & leur faisoient entr'oublier leurs peines. Là estoit le Sire de Saint-Py, qui trop loyaument s'acquitta d'estre guette & escoute † des Flamans, car il estoit au premier chef, & alloit songneusement, tout en capissant, veoir & imaginer leur conuenant & puis s'en retournoit à ses compaignons, & leur disoit tout bas. Or sus, noz ennemis se

† C'est adire de meuré debout & en leur estat.

† Tousiours
1382.

† C'est adire de ce que feroient les Flamans.

tiennent tous quois par auenture qu'ils viendront sur le iour, chacun soit tout pourueu & auisé de ce qu'il doit faire. Et puis de rechef il s'en retournoit encores, pour apprendre de leur conuenant, & puis retournoit pour dire tout ce qu'il auoit veu & veoit. En telle peine, allant & venant, il fut iusques à l'heure, que les Flamans auoient entre eux dit & ordonné de venir, & estoit droit sur l'aube du iour, & venoient tous serrez, & en vn tas, tout le petit pas, sans sonner mot. Adonc le Sire de Saint-Py (qui estoit en aguet) quand il en vit, l'ordonnance bien apperceut que c'estoit à certes. Si vint à ses compaignons, & leur dit. Or auât Seigneurs, il n'y a que de bien faire, veez les cy. Ils viennent, vous les aurez tantost. † Les Barons viennent le petit pas. Ils nous cudent attraper & surprendre. Or vous monstrez comme droitz Gens-d'armes, car nous auons la bataille. Aces mots, que le Sire de Saint-Py disoit, veez cy Cheualiers & Escuyers de grand courage abbaïsser leurs glaïues à long fers de Bordeaux, & les empoigner de grande volenté, & eux mettre en si tresbonne ordonnance, qu'on ne pourroit de Gés-d'armes mieus demander, ne deuïser. † Quand ces Seigneurs & ces compaignons, qui la riuïere auoïent passée celuy iour, se trouuerent en ces marests (si comme ie vous ay dit) & virent que les Flamans attendoient. la nuit deuant que les combattre, ils auoyent ordonné qu'au vray dire ils ne se trouuoient pas assez de François, pour oser eux mesmes assaillir & cōbattre les Flamans. Si dirent entre eux. Quand ils viendront sur nous (ils ne peuvent sauoir quel nōbre de gens nous sommes) chacun escrie (quand viendra à assaillir) l'enſeigne de son Seigneur, deſſous qui il est, ià soit que le Seigneur ne soit pas icy, & le cry, q nous ferons, & la voix, que nous entre eux espandrons, les ébahira tellement, qu'ils s'en deurent déconfire. Auec ce nous les recueillerons aux lances & aux espées. Dont il auint ainsi. Car quand les Flamans approcherēt pour les cōbattre, les Cheualiers & Escuyers commencerent à crier haut, & de plusieurs cris & voix, tellement que le Cōnestable de France & ceux de l'Auantgarde (qui encores estoient à passer) les entendirent bien & dire. Noz gens sont en armes. Dieu leur vueille aider, car nous ne leur pouons aider presentement. Or veez cy Pietre du Bois, tout deuant, & ses Flamans venir, lesquels furent recueillis de ces longs glaïues, aux fers trenchans de Bordeaux, & les mailles de leurs cottes ne leur durerent nomplus, que toille doublée en trois doubles, mais les passoyāt outre, & les enfiloyent parmy ventres & poïstrines, & parmy les testes. Et, quand ces Flamans sentoient ces fers de Bordeaux, dont ils se veoyent empaler, ils reculoient, & les François pas à pas passoyent auant, & conqueroyent terre sur eux, car il n'y auoit nul si hardy, qui ne craignist les coups. Là fut Pietre du Bois, comme des premiers, nauré, & empalé, d'un fer de glaïue, tout outre l'espaule, & blecé au chef, & eust esté mort sans remède, si ce n'eussent esté ses gens, qu'il auoit ordonnez pour son corps iusques à trente, fors gros-varlets, qui le prirent entre leurs bras, & emporterēt, au plus-toſt qu'ils pourēt, hors de la presse. La bourbe, depuis la chauffée iusques à Cōmines, estoit tāt grande que toutes ces gēs y entroyēt iusques à my-iābe. Ces Gēs-d'armes, qui estoïent vsagez es fait d'armes, vous cōmencerent à abbattre ces Flamans & à réuerſer sans deport, & occire. Là crioit on S. Py, Laual, Sanxerre, Anghien, & autres cris, qu'ils crierent, dont il y auoit là Gens-d'armes. Les Flamans se cōmencerent à ébahir & à déconfire, quand ils virent que ces Gens-d'armes les assailloient, & reculoient si vaillāment, & les pouſſoyent de leurs glaïues & bons fers de Bordeaux, tant qu'ils les perçoyent tout outre. Si cōmencerent à reculer, & à cheoir l'un sur l'autre, & les Gens-d'armes François passoyent outre ou parmy eux, ou par autour, & se boutoyent tousiours es plus drus. Ils ne les épargnoïent point à occire, n'à abbattre, nomplus que chiens, & c'estoit à bonne cause, car se les Flamans en fussent venus au-deſſus, ils eussent fait pareillement. Quand ces Flamans se virent ainsi reculer, & assaillir vaillāment, & que les Gens-d'armes auoïent cōquis la chauffée & le pont, si eurent auisement, & conseil entr'eux, qu'ils bouteroient le feu en leur vil le, pour deux raisons. L'une si estoit pour faire reculer les François, & l'autre pour recueillir leurs gens. Si firent ainsi qu'ils ordonnerent, & bouterent tantost le feu en plusieurs maisons, qui furent en l'hetre emprises. Mais tout ce, dont ils cuidoyent ébahir leurs ennemis, ne leur valut riens, car les François, aussi vaillamment que par-deuant, les pourſuyuoient, combattant & occiant à grand tas, en la terre, & aux maisons, ou ils se retiroyēt. Adonc se meirent les Flamans aux champs, & fauïserent d'eux recueillir (si comme ils firent) & mettre ensēble. Puis enuoyerent de leurs gēs, pour émouuoir le pays, à Vertin à Propinghe, à Vergues, à Rolers, à Meſſieres, à Varneſtō, & à toutes les autres villes d'en-

† Le doute qu'il n'y faille les bannieres. ou qu'il les nōme Barōs, par moquerie. † Ce passage est éclairci selon le sens de l'Auteur.

Pietre du Bois assaut les François du petit nombre, qui auoit passé le Lis

Pietre du Bois blecé, et emporté hors du combat par ses gēs

De faire des Flamans du pas de Commines qui meirent le feu en la ville.

uiron, pour cueiller leurs gens, & venir au pas de Commynes. Ceux qui fuyoient & estoient aux villages d'environ Commynes, sonnoient les cloches à branle, & monstroient bien que le pas auoit à faire. Si fallachissoient aucuns & les autres entendoient à fauuer le leur & le porter à Ypre & à Courtray. Là se tiroient femmes & enfans, & laissoient leurs hostels & maisons; tous pleins de meubles, de bestes, & de grains: & les autres s'en venoient à effort, tout le cours, à Commynes, pour aider à recouurer le pas, ou leurs gens se combattoient. Ce pendant que ces ordonnances se porterent ainsi, & que ces vaillans gens, qui par barquets la riuere du Lis auoient passée, combattoient si vaillamment, la grosse route de l'Auantgarde du Conestable de France entendoit à passer outre le pont. Si y auoit grande presse, car le Conestable auoit abandonné le passage, à qui passer pourroit. Le vous dy que, pour passer deuant (car nul n'empeschoit le passage) passerent le pont à Commynes celuy iour les Seigneurs à grand peril, car ils mettoient & couchoient targes & pauais sur les gistes du pont, & alloient outre, & ceux, qui estoient passez, fauiserent de redrecer le pont, car ils trouuerent tous les aiz deuers eux. Si les remeirent, & rangerent sur les gistes du pont, ou sur les estages. Toute celle nuit on auoit fait charroyer deux charrois de clayes, qui grâdemēt aiderent à la besongne. Tout fut ouuré & charpenté brièvement, tellement que le pont fut refait, bon & fort, & passerent outre à ce matin. Le Mardy tous ceux de l'Auantgarde s'embattirent au pas, & ainsi qu'ils venoient, ils se logeoient en la ville. Le Comte de Flandres auoit entendu que ceux de l'Auantgarde se combattoient au pas à Commynes. Si enuoya celle part six mille hommes-de pié, pour aider à leurs gens, mais, quand ils arriuerent, tout estoit acheué & le pōt refait. Si les enuoya le Conestable au pont à Varneston, pour le pont refaire, & pour passer ce Mardy, avec le charroy, tout aisément. Nouuelles vindrent, le Mardy au matin, au Roy de France (qui estoit en l'Abbaye de Marquette) & à ses oncles, que le pas de Commynes estoit conquis, & l'Auantgarde outre. De ces nouuelles furent le Roy & ses oncles moult réiouis. Adonc fut ordonné, & dit, que le Roy passeroit. Si ouit messe, & les Seigneurs aussi, puis beurent vn coup, & monterent à cheual, & prirent le chemin de Commynes. Ceux de l'Auantgarde, qui estoient à Commynes, deliurerent la ville, des Flamāns, & en y eut d'occis, sur les rues & aux champs, environ quatre mille, sans ceux qui furent morts en la chace, & dedans les moulins à vent, & les monstiers, ou ils se recueilloient. Car si tost que les Bretons furent outre, ils monterent à cheual, & se meirēt en chace, pour trouuer les Flamans, & pour courir tout le pays, qui estoit lors gras & riche. Le Sire de Rieux, le Sire de Laual, le Sire de Malestroit, le Vicomte de la belliere le Sire de Chobort, & leurs gens, tant cheuaucherent, qu'ils s'en vindrent à Verain, qui est vne grosse ville, qui fut prise & arse, & ceux, qui dedans estoient, mis à mort. Là eurent les Bretons grand pillage & proffit, & aussi eurent les autres, qui s'espendirent sur le pays, car ils trouuoient les hostels tous pleins de draps, de pēnes, de draps d'or, & d'argent, ne nuls, pour la fiance qu'ils auoient es forts pas de la riuere du Lis, n'auoient point vuidé le leur, ne mené es bonnes-villes. Les premiers Bretons, Normans, & Bourguignons, qui premierement entrerent en Flandres le pas de Commynes conquis, ne faisoient compte de draps entiers, de pennes, & d'autres ioyaux, fors que de l'or & de l'argent. qu'ils y trouuoient, mais ceux, qui vindrent, depuis, ramonnoient tout le pays, & riens ne laisserent, car tout leur venoit bien à point.

Passage du reste de l'Auantgarde de France sur le pont de Commynes.

La ville de Verain prise et arse des François.

Du conseil que Philippe d'Arteuelle prit, pour cuidoier resister à la puissance du Roy de France, & comment il eut nouuelles de ses Ambassadeurs d'Angleterre.

CHAPITRE CXVII.

Vous sauez comment nouuelles sont tantost sceues. Ce mardy au matin vindrent nouuelles, deuant Audenarde, à Philippe d'Arteuelle, comment les François auoient passé la riuere du Lis par barquets le Lundy, & iusques à Commynes, & comment ils auoient conquis les Flamans, qui là estoient, tant à Commynes, que sur le pays, & y auoient perdu six mille hommes, ou environ, & tenoit l'on que Pietre du Bois, y estoit mort. De ces nouuelles fut Philippe d'Arteuelle moult ébahy, & commença à s'émuer, & demanda au Seigneur de Harfelles (qui là estoit) quelle chose il feroit. Le Seigneur de Harfelles luy dit. Vous irez à Gand, & assēblerez des gēs, ce que pourrez auoir parmy la ville, puis les mettez dehors, & retournez icy, & à toute vostre puissance retournerez vers Courtray, & quand le Roy de France entrēdra q̄ vo' viēdrez estoifēmēt cōtre

luy, il fauifera de venir trop auât sur le pays. Auecques ce, nous deurions ouir tout tem-
peremêt, & de brief, nouuelles de noz gés, qui font en Angleterre, & pourroit estre que
le Roy d'Angleterre, ou ses oncles, passeront à tout grâde puiffance, ou passent, lesquels
nous viendront grandement à point. Le m'émereuille (dit Philippe d'Arteuelle) com-
ment ils seiournent tant (quand les Anglois fauent bien, qu'ils aurôt entrée par ce pays
cy, & ils ne viennent point) & à quoy ils pensent, & noz gens aussi. Non-obstant tout ce
ne demourera il pas que ie ne voise à Gand, querir l'Arriereban, & si viendray combat-
tre le Roy de France: & les François, comment qu'il m'en preigne. Je suis informé, de
Pietre que le Roy de France a bien vingt mille Hommes d'armes, qui sont soixante mil
le testes armées. Le luy en mettray autant deuant luy ensemble, en bataille. Se Dieu dô-
ne par sa grace, que ie le puisse déconfire, auecques le bon droit que nous auons, ie seray
le plus honoré Sire du monde, & se ie suis déconfit aussi, plus grande fortune auient à
plus grand Seigneur, que ie ne suis. Ainsi que Philippe d'Arteuelle & le Sire de Harfel-
les deuisoient, veez cy autres gens, qui venoient & auoyent esté en la bataille de Com-
mines, lesquels pourfuyirent les parolles premieres. Adonc demanda Philippe. Et
Pietre du Bois est il mort, ne pris? Ceux respondirent, Nenny, mais qu'il auoit esté bien
fort nauré à la bataille, & f'estoit retrait vers Bruges. A ces parolles monta Philippe à
cheual, & fit monter trente hommes de ses gens, & prit le chemin de Gand, & encores
issit il dehors du chemin, pour veoir aucuns morts, de la garnison d'Audenarde, qui es-
toient issus celle nuit, pour écaroucher l'ost. Si en y eut de rateins, iusques à douze,
que ceux de l'ost occirent. Ainsi qu'il s'arresta là en les regardant, il getta ses yeux, & vit
vn Heraut, qui venoit le chemin de Gand, lequel estoit au Roy d'Angleterre, & l'appel-
loit on le Roy d'Irlande, & Chandos par son nom. De la venue du Heraut fut Philippe
tout réiouy (pource qu'il venoit d'Angleterre) & luy demanda, en disant, Sauvez vous
nulles nouuelles? Sire (dit le Heraut) ils retournent cinq de voz gens de Gand, & vn Che-
ualier d'Angleterre (qui s'appelloit messire Guillaume de Freneton) lesquels, par l'ac-
cord du Roy & de ses oncles, & de tous leurs Cōsaux, & generalemêt du pays d'Angle-
terre, apportent vne lettres (selon ce que ie suis informé, & que le Cheualier & eux me
dirent à Douures) & ces lettres viennent à vous (qui estes Regent de Flandres & de tout
le pays) & quand vous aurez sceu ce que les lettres contiennent, & les grans alliances
qui y sont, & que le Cheualier & voz gens seront retournez d'Angleterre, ferez grande-
ment conforté du Roy & des Anglois. Adonc (dit Philippe) † Vous ne me contentez
trop d'vn tel deuis. Ce sera trop tard. Allez, allez à nostre logis. Adonc le fit mener au lo-
gis, deuers le Sire de Harfelle, pour ouir recorder des nouuelles, & il prit le chemin de
Gand, si fort pensif, qu'on ne pouuoit de luy riens extraire, n'auoir nulle bonne parole.

*Chandos, He-
raut d'Angle-
terre, apporte
nouuelles des
Ambassadeurs
Flamàs à Phi-
lippe d'Arte-
uelle.*

*† Retenez la
vieille leçon, si
elle vous sem-
ble bōne ainsi.
Vous me cō-
tentez trop
de deuisei ce
sera trop
tard. Quant à
moy, ie ne l'en-
ten pas et l'ay
ramendée selon
sala qui dit.
Dōt dit Phi-
lippe d'Arte-
uelle que ce
seroit bien
tard & len-
uoya loger
en leur ost &
puis se mit
au chemin,
&c.*

*Comment le Roy passa la riuere du Lis, sur le pont de Commines, & comment la ville
d'Ypre se meit en son obeissance.*

CHAP. CXIX.

Nous parlerons du Roy de France, & recorderons comment il perseuera. Quand les
nouuelles luy furent apportées que le pas de Commines estoit deliuré des Flamàs
& le pōt refait, il se partit de l'Abbaye de Marquette, ou il estoit, & cheuaucha vers Cō-
mines, à grande route, & toutes gens en ordonnâce, ainsi comme il deuoit aller. Si vint
le Roy, & ses oncles, ce Mardy à Commines, & se logea en la ville, dont ceux de la ba-
taille & de l'Auantgarde f'estoient délogez, & estoient allez sur le mōt d'Ypre, & là fe-
stoyēt logez. Le Mecredy au matin le Roy se vint loger sur le mōt d'Ypre, & là s'arresta,
& tous ses gens passoient, & le charroy, tant à Commines, comme à Warneston, car il y
auoit grand peuple, & grans faiz de cheuaux. Ce Mecredy passa l'arrieregarde du Roy
le pont à Cōmines, ou y auoit deux mille Hōmes-d'armes, & deux mille Arbalestiers,
desquels le Comte d'Eu, le Côte de Blois, le Comte de S. Pol, le Comte de Harcourt, le
Sire de Chastillon, & le Sire de Fere, estoiet gouuerneurs & meneurs, & se logerent ces
Flamans & leurs gens, ce Mecredy, à Commines. Quand ce vint de nuit, que les Sei-
gneurs cuydoient reposer, estans trauaillez, on cria à l'arme, & cuiderent, pour certain,
les Seigneurs, & leurs gens, auoir la bataille, & que les Flamans des Chastellenies d'Y-
pre, de Cassel, & de Bergues, se fussent recueillis, & les veinssent combattre. Adonc s'ar-
merent les Seigneurs, & meirent leurs bacinets. Puis meirent leurs bannieres & pennōs
hors de leurs hostels & allumerent fallots, & se tirerent tous sur les chauffées chacū Sei-
gneur deffous sa banniere ou son pennon, & ainsi comme ils venoient, ils s'ordonnoiet,

& mettoient leurs gens deffous leurs bannieres, ainsi qu'ils deuoient estre & aller, & ainsi furent là en celle peine, & en l'ordure iusques à my-iambe, presque toute la nuit. Or regardez si ces Seigneurs l'auoient d'auantage, comme le Comte de Blois, & les autres, qui n'auoient pas appris de souffrir telle froidure, ne malaise, à telles nuits, comme au mois deuant Noel, qui sont si longues, mais souffrir pour leur honneur le conuenoit, car ils cuidoyent estre combattus, mais du tout ne fut riens, car ce haro f'estoit monté par varlets, qui f'estoient entrepris ensemble. Toutesfois les Seigneurs en eurent celle peine, & la porterent le mieux qu'ils peurent. Quand ce vint le leudy au matin, l'Arri-regarde se délogea de Comines, & cheuaucheret ordonémēt, en bō arroy, deuers leurs gens, lesquels estoient tous logez & arrestez sur le mont d'Ypre, l'Auantgarde, la bataille du Roy, & tous. Là eurent les Seigneurs conseil quelle chose ils feroient, fils iroyent deuant Ypre, ou deuant Courtray, ou deuant Bruges. Ce pendant qu'ils se tenoient là, les fourrageurs François couroient le pays, ou ils trouuoient tant de biens, de bestes, & d'autres pourueâces pour viure, que merueilles est à cōsiderer, ne depuis qu'ils furent outre le pas de Comines, ils n'eurent faute de nuls viures. Ceux de la ville d'Ypre (qui sentoient le Roy delez eux, & toute sa puiffance, & le pas cōquis) n'estoyēt pas biē assurez & regarderent comment ils se maintiendroient. Si se meirent ensemble ceux du Conseil de la ville. Les hommes notables & riches, & qui tousiours auoient esté de la plus saine partie (fils l'eussent osé monstrier) vouloiēt qu'on enuoyast deuers le Roy, luy crier mercy, & qu'on luy enuoyast les clefs de la ville. Le Capitaine (qui estoit de Gand, & estably de par Philippe d'Arteuelle) ne vouloit nullement qu'on se rendist, & disoit, Nostre ville est forte assez, & si sommes bien pourueus. Nous attendrons le siege assez (s'asieger on nous veut) & ce pendant Philippe d'Arteuelle, nostre Regent, fera son amas, & viendra combattre le Roy à grande puiffance de gens (ne croiez point le contraire) & leuera le siege. Les autres si respōdirēt, que point n'estoiet assurez de ceste auenture, & qu'il n'estoit pas en la puiffance de Philippe, ne de tout le pays, de déconfire le Roy de France, fil n'auoit les Anglois auecques luy, dont il n'estoit nulle apparence, & que briēuement, pour le meilleur, on se rendist au Roy de France, & non à autre. Tant se monterent parolles, que riote s'ēmeut, & furent les Seigneurs maistres, & le Capitaine occis, qui s'appelloit Pietre Vauelaire. Quand ceux d'Ypre eurent ce fait, ils prirent deux Freres-Precheurs, & les enuoyerent deuers le Roy & ses oncles, sur le mont d'Ypre. & leur remonstrent qu'il pleust au Roy entendre à traité amiable, à ceux d'Ypre, Le Roy fut conseillé qu'il viendrait iusques à douze des gens d'Ypre, & vn Abbé, qui se boutoit en ces traitez, estant d'Ypre, saufs allans & venans, pour sauoir quelle chose ils vouloient dire. Les Freres-Precheurs adonc retournèrent à Ypre, & les douze Bourgeois (qui furent élus par le Conseil de toute la ville) & l'Abbé en leur compaignie, s'ē vindrent sur le mont d'Ypre, & puis s'agenouillerent deuant le Roy, & presenterent la ville au Roy, pour estre en son obeissance à tousiours, sans nul moyen ne reseruatiō. & le Roy de France, parmy le bon conseil qu'il eut, comme celui, qui pretendoit à acquerir tout le pays par douceur, ne voulut là point monstrier son maltalent, ne commencer par cruauté, mais les receut doucement, parmy vn moyen qu'il eut là, que ceux d'Ypre payeroient au Roy quarante mille francs, pour aider à payer les menus fraiz, qui auoient esté faits pour venir iusques là. A ce traité ne furent oncques ceux d'Ypre rebelles: mais en furent tous ioyeux, quand ils y peurent paruenir, & l'accorderent liēmēt. Ainsi furent pris ceux d'Ypre à mercy, & priērēt au Roy, & à ses oncles, qu'il leur pleust eux venir refreschir en la ville, & que les bonnes gens en auroient grande ioye. On leur accorda voirement que le Roy iroit, & prendroit son chemin par là, pour entrer en Flādres, duquel costé qu'il luy plairoit. Sur cest estat retournerent ceux d'Ypre en leur ville, tous réiouis, quand ils sceurent qu'ils estoient receus, à paix & à mercy, du Roy, de France. Si furent tantost par taille les quarante mille francs cueillis, & payez au Roy, ou à ses Commis, auant qu'il entraist dedans Ypre.

Comment le Roy eut nouvelles de quelque émeute des Parisiens, & comment plusieurs places de Flandres se rendirent à luy.

CHAP. CXX.

ENCORE se tenoit le Roy de France sur le mont d'Ypre, quand nouvelles vindrent que les Parisiens festoyent rebelles, & auoient eu conseil entre eux (si comme on disoit alors) pour abbattre le Chastel de Beauté, qui sied au bois de Vincennes, & aussi le Chastel du Loure, & toutes les fortes maisons d'enuirō Paris, à fin qu'ils n'en peussent

*Ceux d'Ypre
tuent leur capitaine.*

*Le Roy de France
ce reçoit ceux
d'Ypre à merci
moienāt quarante
mille francs*

sent iamais estre greuez. Vn de leur route cuida trop bien dire, mais il parla trop mal (si comme il apparut depuis) en disant. Beaux Seigneurs, abstenez vous de ce faire, iusques à ce que nous verrons comment les affaires du Roy nostre Sire, se porteront en Flandres. Si ceux de Gand viennent à leur entente (ainsi qu'on espere bien qu'ils y viendront adonc sera il heure de ce faire. Ne commençon pas chose, dont nous nous puissions repentir. Ce fut Nicolas le Flamand, qui dit ceste chose icy, & par celle parolle la chose cessa à faire des Parisiens, & cet outrage. Mais ils se tenoient, dedans, Paris, pourueus de toutes choses, & aussi d'armes bones & riches (comme s'ils fussent grans Seigneurs) & se trouuoient armez de pié en cap (comme droitz Gens-d'armes) plus de trente mille, & plus de trente mille maillets, & faisoient ouurer, iour & nuit, les heaumes. & achaptoient les harnois de toutes pièces, ce qu'on les vouloit vendre. Or regardez la grande diablerie que c'eust esté, se le Roy de France eust esté déconfit en Flandres, & la noble Cheualerie, qui estoit avecques luy en ce voyage. On peut bien croire & imaginer que toute Gentillesse & Noblesse eust esté morte & perdue en France, & autant bien es autres lieux, ne la laquerie ne fut oncques si grande, ne si horrible, qu'elle eust esté. Pareillement à Reims, à Chaalons en Châpaigne, & sur la riuiere de Marne, les villains se rebelloient, & menaçoient les Gentils-hommes, Dames, & enfans, qui estoient demourrez derriere. Aussi bien à Orleans, à Blois, à Rouen en Normandie, & en Beauuoisin, leur estoit le Diable entré en la teste, pour occire, si Dieu n'y eust pourueu de remede, ainsi, comme vous orrez recorder en l'Histoire. Quand ceux de la Chastellenie de Cassel, de Berghes, de Bourbourg, de Grauelines, de Furnes, de Dunequerque, de Propigne, de Tourront, de Vaillant, & de Messine, eurent entendu que ceux de la ville d'Ypre festoyent tournez François, & auoient rendu leur ville, & mise en l'obeissance du Roy de France (qui gracieusement les auoit pris à mercy) si furent tous effrayez & deconfortez, & ainsi, qu'ad ils eurent bié imaginé leurs besongnes, toutes ces villes, Chastellenies, Bailliages, & Mairies, prirent leurs Capitaines (lesquels Philippe d'Arteuelle auoit mis & semez au pays) & les lierent bien & fort (à fin qu'ils ne leur échappassent) & les amenerent, pour complaire au Roy, & l'appaiser enuers eux, sur le mont d'Ypre, & luy dirent, criant mercy à genoux, Noble Roy, nous mettons noz corps, biens, & villes, en vostre obeissance, & y voulons demourer, & pour vous remōstrer plus-à-plain & recognoistre que vous estes nostre droicturier Seigneur, veez cy les Capitaines, lesquels Philippe d'Arteuelle nous a baillez, depuis que par force, & non autrement, il nous fit obeir à luy. Si en

*Les Capitaines de plusieurs vil-
les de Flādres mis entre les
mains du Roy, par les habitās
mesmes, & apres decapitez* pouuez faire vostre plaisir, car ils nous ont menez & gouuernez à leur entente. Si fut le Roy cōseillé, par les Seigneurs dessusdits, de prédre toutes ces gens à mercy, parmy vn moyen qu'il eut, c'est assauoir que les Chastellenies, terres, & villes, dessus-nōmées payeroient au Roy, pour ses menus fraiz, soixante mille frācs, & encores estoiet reseruez tous les viures, bestiaux, & autres choses, que l'on trouuoit sur les champs, mais on les assueuroit de non estre ars, ne pris. Tout ce leur suffit grandement, & remercierent le Roy & son Conseil, & furent moult ioyeux, quand ils virent, qu'ils furent ainsi échappez, mais tous les Capitaines de Philippe d'Arteuelle (qui furent là menez) furent decolez sur le pont d'Ypre. De toutes ces choses, traitez, & appointemens, on n'en parloit en riens au Comte de Flandres, n'il n'estoit point appelé au Conseil du Roy, ne nul homme de sa court. S'il luy en ennuyoit, ie n'en puis mais : car tout le voyage il n'en eut autre chose, ne † ses gens n'eussent osé sortir de sa route, ne de sa bataille sur ælle (ou ils estoient mis par l'ordonnance des Maistres des Arbalestiers) pourtant qu'ils estoient Flamans, car il estoit ordonné & commandé, de par le Roy, que sur la vie, en l'ost nul ne parlaist Flamand, ne portast baston à virolle.

† Ceste clause est parfaite selon Sala, par addition des cinq mots suivants,

Comment le Roy de France logea dedans Ypre, comment Pietre du Bois empescha que ceux de Bruges ne se rendissent à luy, & comment Arteuelle assembla sa puissance, pour combattre les François.

CHAP. CXXI.

Pendant que le Roy de France, & tout l'ost, Auantgarde & Arrieregarde, estoient à leur plaisir sur le mont d'Ypre, on y tint plusieurs marchez, & y fut vendue grande planté de butin, à ceux de l'Isle, de Douay, de Tournay, & à tous ceux, qui achapter les vouloiēt. Ils donnoient vn drap de Vreuin, de Messines, de Propinghe, & de Commines, pour vn franc. On estoit là reuestu à trop bō marché. Et les aucuns, Bretōs & autres pillars (qui vouloient plus gagner, que perdre) s'accompaignoient ensemble : & chargeoient, sur chars & sur cheuaux, leurs draps bien emballez, nappes, toiles, coutils, or, & argent,

argent, en plats & en vaisselle (s'ils le trouuoient) & puis l'enuoyoient au faulieu, outre le Lis, ou, par leurs varlets, en France. Adonc vint le Roy à Ypre, & tous les Seigneurs: & se logerent en la ville tous ceux, qui loger sy pouuoient, Si se refreschirent quatre ou cinq iours. Ceux de Bruges estoient bien informez du conuenant du Roy, comment il estoit à Ypre, & comment tout le pays iusques à Grauelines, se rendoit, & estoit ia rendu à luy. Si ne sauoient que faire d'enuoyer traitter deuers le Roy, ou de le laisser. Toutesfois pour ce terme ils le laisserent. La chose principale, qui plus les engarda d'eux rendre, ce fut qu'il y auoit Grand' foison de Gens d'armes de leur ville avecques Philippe d'Arteuelle (car il en auoit bien eu sept mille, pour le siege d'Audenarde) & aussi en la ville de Gand estoient en ostages des plus notables de Bruges: à celle fin que Pietre du Bois en fust mieux maistre. Outre, Pietre du Bois & Pietre le Mitre estoient là: qui les reconfortoiēt, & leur remōstroïēt en disant, Beaux Seigneurs, ne vous ébahissez point, se le Roy de France est venu iusques à Ypre. Vous sauez comment anciennement toute la puissance, qui fut enuoyée du beau roy Philippe iusques à Courtray, † ne peut soutenir l'effort de noz peres & de noz anteceffeurs: ains furent la ses gens tous morts & déconfits: pareillement aussi sçachez & soyez bien assurez qu'ils seront tous morts & déconfits: car Philippe d'Arteuelle, à tout grād' puissance, ne laissera pas ainsi demeurer la chose, qu'il ne voise combattre le Roy, & toute sa puissance: & il peut trop bien estre, par le bon droit que nous auons, & par la fortune qui est bonne pour ceux de Gand, que Philippe d'Arteuelle decōfira le Roy: ne ia pié n'en échappera, ne repassera la riuie- re: & sera tout sus heure ce pays reacquis: & ainsi vous demourrez, comme bonnes & loyalles gens, en vostre franchise, & en la grace de Philippe, & de nous autres gens de Gand. Ces parolles, & autres semblables, que Pietre du Bois & Pietre le Mitre remon- stroient tous les iours à ceux de Bruges, les refrenerent grandement à non traitter paix deuers le Roy de France. Ce pendant que ces choses se demenoient ainsi, arriue- rent à Calais les Bourgeois de Gand, & messire Guiliaume de † Fremiton, Anglois: les- quels estoient de par le Roy d'Angleterre enuoyez deça la mer, pour aller au pays de Flandres, & sceller les alliances & conuenances, que le Roy d'Angleterre & les Anglois vouloient auoir aux Flamans. Si leur vindrent nouuelles de messire Jehan † Deluerues, Capitaine de Calais: qui leur dit, Tant que pour le present, vous ne pouuez passer. Car le Roy de France est à Ypre: & tout le pays, depuis cy iusques là, est tourné deuers luy. Nous aurons de brief autres nouuelles: car on dit que Philippe d'Arteuelle met ensem- ble son pouuoir, pour aller combattre le Roy, & là verra l'on qui aura du meilleur. Si les Flamans sont déconfits, vous n'avez que faire en Flandres: & se le Roy de France perd, tout est nostre. C'est verité, respondit le Cheualier Anglois. Ainsi demourerent les Bourgeois de Gand, & messire Guillaume Fremiton. Or parlerons nous de Philippe de Arteuelle, & comment il perseuera. Il auoit grand' volonté de cōbattre le Roy de France: & bien le monstra: car il s'en vint à Gand: & ordonna que tout homme, portant ar- mes dont il se pouuoit aider, la ville gardée, le suyist. Tous luy obeyrent: car il leur dō- noit à entendre que par la grace de Dieu ils déconfiroient les François: & seroient Sei- gneurs de Gād. & souuerains de toutes autres natiōs. Philippe d'Arteuelle emmena en- uiron dix mil hōmes d'armes, pour l'arrierebā: & s'en vint deuāt Courtray: † & ia auoit il enuoyé à Bruges, au Dan, à Ardambourc & à l'Escluse, & tout sur la marine, & es Qua- tre mestiers, en la Chastellenie de Grantmont, Terremonde, & Allos: & leua bien de ces gens environ trente mille: & se logea vne nuit deuant Audenarde, luy & tout son ost: & le lendemain il s'en partit, & vint deuers Courtray: & auoit en sa compaignie en- uiron cinquante mille hommes. Nouuelles vindrent au Roy, & aux Seigneurs de France, que Philippe d'Arteuelle approchoit durement: & disoit on qu'il amenoit en sa cō- paignie bien soixante mille hommes. Adōcques se partit l'Auantgarde d'Ypre, le Con- nestable: & les Mareschaux de France: & vindrent loger à vne lieuë & demie d'Ypre, en- tre Rōlets & Rosebecque: & puis au lendemain le Roy & tous les Seigneurs vindrēt là loger, & la bataille & arrieregarde & tout. Si vous dy bien que les Seigneurs ce pendāt qu'ils furent sur les champs, y eürēt moult de peine. Car il estoit en cœur d'Yuer, à l'en- trée de † Decembre: & plouuoit tous les iours: & dormoient les Seigneurs toutes les nuits sur les chemins. Car tous les iours, & toutes les heures, ils attendoient la bataille: & disoit on en l'ost communément. Ils viendront demain: & le sauoit on par les fourra- geurs, qui couroient aux fourrages sur les champs, & qui rapportoient nouuelles. Si

† Ceste clause est fournie selō tous bons Au- teurs, qui ont escrit de ceste bataille aue- nue en l'an 1302.

† Il a parauāt dit Freneton.

† Il l'a surnom- mé d'Albre- nes, au chap. 106.

† La vieille le- çon estoit telle, & ia auoit-il enuoyé à Bru- ges Audin & Ardābourc à L'Escluse.

† Tousiours 1382.

estoit le Roy logé au milieu de ses gens: & de ce, que Philippe d'Arteuelle demouroit tant, & ses gens estoient les Seigneurs de France courroucez: car pour le dur temps, que il faisoit, ils voussissent estre deliurez. Vous deuez sauoir qu'avecques le Roy estoit toute la fleur de vaillance & de Cheualerie. Si estoient Philippe d'Arteuelle & les Flamans moult outrecuidez: quand ils s'enhardissoient du combattre: car, s'ils se fussent tenus en leur siege deuant Audenarde, & aucuement fortifiez (avecques tout ce qu'il faisoit pluuioux & brouillaz) iamais on ne les fust là allé querir: &, si on les y eust quis, on ne les y eust peu auoir pour combattre, fors à trop grande peine, méchef & peril. Mais Philippe se glorifioit tant en la belle fortune & victoire, qu'il eut deuant Bruges, que il luy sembloit bien, que nul ne luy pourroit forfaire: & esperoit bien à estre Sire de tout le monde. Autre imagination n'auoit il: ne riens il ne doutoit le Roy de France, ne sa puissance: car, s'il l'eust douté, il n'eust pas faict ce, qu'il fit: si comme vous orrez recorder ensuyuant.

Comment Philippe d'Arteuelle, ayant donné à souper à tous les Capitaines, les instruisit de ce qu'ils auroient à faire le lendemain en la bataille de Rosebecque: & de la merueille, qui auint en son camp durant ceste nuit.

CHAP. CXXII.

Harague d'Arteuelle à ses capitaines le soir de deuant la bataille de Rosebecque.

† l'ay adionsté ces six mots suuans pour parfaire le sens à l'intente de l'Auteur.

LE mercredi au soir, dont la bataille fut le lendemain, s'en vint Philippe d'Arteuelle, & toute sa puissance, loger en vne belle place, assez forte, entre vn fossé & vn bosquet, & de si forte haye, qu'on ne pouuoit venir à eux bonnement: & fut entre le mont, & la ville de Rosebecque: ou le Roy estoit logé. Et celuy soir Philippe d'Arteuelle donna à souper en son logis, à tous les Capitaines, grandement & largement: car il auoit bien de quoy: & aussi toutes les pourueances le suyoient. Quand ce vint apres souper, il les meit en parolles & leur dit, Beaux Seigneurs, vous estes en ce party & ordonnance d'armes. Mes compaignons, j'espere bien que demain nous aurons besongne: car le Roy de France (qui a grand desir de nous trouuer, & combattre) est logé à Rosebecque. Si vous prie que vous tenez tous vostre loyauté: & ne vous ébahissez de chose, que vous veez, n'oyez. Car c'est sur nostre bon droit que nous combattrôs, pour garder les iuridictions de Flandres, & nous tenir en droit. Admonestez voz gens de bien faire: & les ordonnez si sagement & tellement, que par nostre bon arroy & ordonnance nous ayôs la victoire de la journée. Demain, à la grace de Dieu, nous ne trouuerons Seigneur, qui nous cōbatte, ne qui fose mettre contre nous aux champs, † si ce n'est pour y demorer: & nous sera l'honneur plus grand, que si nous eussions le confort des Anglois: car, s'ils estoient en nostre compaignie, ils auroient la renommée, & non pas nous. Avecques le Roy de France est toute la fleur de son Royaume: car il n'a nulluy laissé derriere. Or dites à noz gens qu'on tue tout, sans nulluy prendre à mercy, par-ainsi nous demourrons en paix: car ie vueil & commande, sur la teste, que nul ne prenne prisonnier: si ce n'est le Roy de France: car au regard du Roy, ie le veux supporter: pource que ce n'est qu'un enfant. On luy doit pardonner. Il ne sçait qu'il fait. Il va ainsi qu'on le meine, Nous le menerons à Gand apprendre à parler Flamant. Mais Ducs, Comtes, & autres Gens-d'armes, occiez tout. Les Commissaires de France ne nous en sauront ia mal gré: car ils voudroient (de ce suis ie tout asseuré) que iamais nul ne retournaist en France: & aussi ne fera il. Les compaignons, qui estoient là à celle admonition, apres souper, avecques Philippe d'Arteuelle, en son logis, de plusieurs villes de Flandres, & du Franc de Bruges, s'accorderent tous à ceste opinion, & la tindrent à bonne: & puis respondirent tous d'une voix, en disant à Philippe, Vous dites bien: & ainsi sera fait. Lors prirent ils congé de Philippe & retourna chacun en son logis entre leurs gens pour les instruire de tout ce, que vous auez ouy. Ainsi se passa la nuit en l'ost de Philippe d'Arteuelle. Mais enuiron minuit (si comme ie fu informé) il aduint en leur ost vne merueilleuse chose: ne ie n'ay point ouy recorder la pareille, en nulle maniere. * Quand ces Capitaines Flamans se furent retirez à part, & que chacun se tenoit en son logis pour reposer, étant bien auant en la nuit, il sembla à ceux du guet qu'ils ouirēt vn grand bruit, vers le Môt-d'or. Si furēt enuoyez aucuns d'eux, pour decouurir que ce pourroit estre, & si c'estoiet point les François qui les voulussēt assaillir de nuit. Mais ils rapporterēt qu'ils auoiet esté iusq's au lieu, d'ou le bruit venoit, & qu'ils n'y auoiet riens trouué. Toutesfois on oyoit encores ce bruit: & sembloit biē à aucuns que leurs ennemis estoient au Mont, à vne lieue pres d'eux: & le mesme fut aui à vne Damoiselle de Gand, q̄ Philippe d'Arteuelle auoit amenée

* Annot. 32. De quelque bruit merueilleux que les Flamans pensèrent ouyr de nuit, du costé des François.

amenée en ce voyage, † pour sa Dame par amours. Ce pendant que Philippe dormoit sur vne coute-pointe, delez le feu de charbōs, en vn pauillon, ceste femme, enuiron heure de minuiet, issit hors de son pauillon, pour venir veoir le ciel & le tēps, & quelle heure il estoit: car elle ne pouuoit dormir. Si regarda deuers Rosebecque: & vit en plusieurs lieux du ciel, fumées & estincelles de feux voler: & c'estoient des feux, que les François faisoient, deffous hayes, & buissons, Celle femme escoute, & entend: & luy fut auis que elle ouit grand bruit, entre leur ost & celui des François, & crier Mont-joye, & plusieurs autres cris: & si luy sembloit que c'estoit sur le Mont-d'or, entre eux & Rosebecque. De celle chose elle fut toute effrayée: & se retira dedans le pauillon de Philippe: puis l'éueillilla soudainement: & luy dit, Sire, leuez vous tost, & vous armez, & vous appareilluz: car j'ay ouy trop grand' noise sur le Mont d'or: & croy que ce sont les François, qui vous viennent assaillir. Philippe à ces parolles se leua moult tost: & affubla vne † gonne: & prit vne hache: puis issit hors de son pauillon, pour venir veoir ce, que la Damoiselle disoit. En telle maniere, comme elle l'auoit ouy. Philippe l'ouit, & si luy sembla qu'il y eust vn grand tourment. Si se retira tantost dedans son pauillon: & fit sonner sa trompette: pour réueiller son ost. Si tost que le son de la trompette s'espandit es logis, on le cōgnt. Si farmerent tous ceux du guet (qui estoient au-deuant de l'ost) & enuoyerent de leurs compaignons deuers Philippe, * pour sauoir quelle chose il luy falloit: quand il farmeroit. Estans illec venus, Philippe les voulut enuoyer du costé d'ou venoit le bruit, pour en decouurir le certain: mais ils respondirent qu'on y auoit desia enuoyé, & que ceux qui enuoyez y furent, rapporterent que riens ne trouuoient. Si fut Philippe moult ébahi, & eux grandement blasmez, de ce qu'ils auoient ouy noise & bruit deuers leurs ennemis, & festoient tenus tous quois. Ha (ce dirent iceux à Philippe) voirement nous auōs bien ouy noise sur le Mont-d'or, & auons enuoyé sauoir que ce pouuoit estre: mais ceux qui y estoient allez, ont rapporté que ce n'est riens, & que nulle chose ils n'ont trouuée, ne sceuē. Et, pource que nous n'auons veu de certain nulle apparence d'émouuement, nous ne voulions pas réueiller l'ost: à fin que nous n'en fussions blasmez. Ces parolles de par ceux du guet, furent dites à Philippe. Il s'appaissa sur ce: mais en courage il s'emueilla trop grandement que ce pouuoit estre: & dirent aucuns que c'estoient les diables d'enfer, qui couroient & tournoyoient le lieu, ou la bataille deuoit estre, pour la grand' proye qu'ils attendoient. Oncques, depuis ce réueillement de l'ost, Philippe d'Arteuelle ne les Flamans ne furent assurez: & se doutoient tousiours, de paour qu'ils ne fussent trahis & surpris. Si farmerent bien de tout ce qu'ils auoient par grand loisir: & firent grans feux en leurs logis: & se déicuserent tout à leur aise: car ils auoient viandes assez. Enuiron vne heure deuant le iour, Philippe dit, Il seroit bon que nous tirassions sur les champs, & que nous ordonnassions noz gens: parquoy sur le iour (si les François nous viennent assaillir) nous ne soyōs point dégarnis, ne depourueus: mais pourueus d'ordonnance, & auisez q nous deuous faire. Tous s'accorderēt à sa parolle: & issirēt de leurs logis: & s'en vindrēt en vne bruyere au dehors du bosquet: & auoient au-deuāt d'eux vne fosse, large assez, nouuellemēt releuée: & par derriere eux, grād' foison de ronces, de genestres, & de menus bois: & là en ce fort lieu s'ordonnerent tout à leur aise: & se meirent tous en vne grosse bataille, drue & espesse: & se trouuoient, par rapports des Connestables enuiron cinquante mille, tous gens d'élite, les plus forts, appers, & outrageux & à qui guerres ne chaloit de leur vie: & auoient enuiron soixante Archers, Anglois: qui s'estoient emblez de leurs gens de Calais, pour venir prendre plus grand profit de Philippe: & auoient laissé leurs harnois, en leurs logis, meslez. Tout fut ordonné: & prit chacun ses armeures, harnois, sommiers, chariots, femmes, & varlets. Mais Philippe d'Arteuelle auoit son page, monté sur vn coursier moult beau, deuers luy: qui valoient encōres pour vn Seigneur, cinq cens Florins: & le faisoit venir avecques luy: non pas pour fuir, ou pour sembler des autres: mais pour monstrier son estat & grandeur, & pour monter dessus, si chace se faisoit sur les François, & pour commander & dire à ses gens, Tuez tout. En celle entente le faisoit Philippe d'Arteuelle demourer delez luy. Ledit Philippe d'Arteuelle auoit, de la ville de Gand, en sa compaignie enuiron neuf mille hommes tous armez: lesquels il tenoit de coste luy. Car il y auoit greigneur fiance, qu'il n'auoit es autres: & se tenoient ceux de Gand, Philippe, & leurs bannerets, tout deuant, & ceux de la Chastellenie d'Alos & de Grantmont apres. Ceux de la Chastellenie de Courtray, & puis ceux de Bruges, du Dan, & de l'Escluse, & ceux du Franc estoient armez, la

† Ces cinq mots
sont suiuant
Sala.

† Le ne vous
puis propremēt
descrire quel
habillement c'e
stoit. Mais pour
cela vous ne
l'irez point
d'entendre le
sens de l'Au-
teur.

* Annot. 33.

Le fort où les
Flamans se mi-
rent au matin
du iour de la
bataille de Ro-
sebecque & de
l'ordonnance
qu'ils y tindrēt

† *Verard dit* greigneur partie, de maillets, de chapeaux de fer, de hocquetons, & de gands de fer † de
de baline, & balaine: & portoit chacun vn plançon à picquot de fer à virolle: & auoient les villes dif-
me doute qu'il ferentes armes, pour cognoistre vne compaignie d'avecques l'autre. L'une auoit liurée
n'y faille de de cotte iaune & de bleu: les autres vne bande noire, sur vne cotte rouge: les autres che-
Bouloigne, uronnée de blanc, sur vne cotte bleuë: les autres plantez de vert & de bleu: les autres
ou de mali- vne faisse, eslanguettée de blanc & de noir: les autres escarteleees de blanc & de rouge:
nes ou de quel les autres tous bleuz, & vn cartier de rouge: les autres coupé de rouge dessus, & de blac
que autre lieu dessous: & auoient chacun, bannieres de leurs maistres-mestiers: & grans couteaux à
comme il dit leurs costez, parmy leurs ceinctures: & se tenoient tous quois en celuy estat, en atten-
Bordeaux en dant le iour qui vint tautost. Or vous diray ie l'ordonnance des François, autant bien
plusieurs lieux. comme i'en ay recordé des Flamans.

*Comment le Roy Charles donna à souper à ses oncles, & à quelques autres de ses princi-
paux Barons, le soir deuant la bataille de Rosebecque: & comment le Connestable Clifson
fit tant qu'il s'excusa de ne demourer pres la personne du Roy pendant la bataille.*

CHAPITRE CXXIII.

Bien fauoit le Roy de France, & les Seigneurs qui delez luy estoient, que les Flamans
Approchoient, & que ce ne pouuoit passer, que bataille n'y eust: car nul ne traitoit de
paix: & aussi toutes les parties auoient deuotion à la bataille. Si fut noncé & crié, le Mer-
credy au matin en la ville d'Ypre, que toutes manieres de Gens-d'armes se tirassent sur
les champs delez le Roy: & se missent en ordonnance, ainsi qu'ils fauoient & deuoient
faire. Tous obeirent à ce ban (qui estoit de par le Roy, de par le Cōnestable, & de par les
Mareschaux) comme raison estoit: & ne demoura nul Hōme-d'armes, ne gros varlet,
en Ypre, que tous ne veinissent sur les champs, exceptez les varlets entierement
qui estoient commis pour garder les cheuaux, & qui les auoient amenez en Ypre, quād
leurs maistres furent descendus. Mais, toutesfois ceux de l'auantgarde en auoient grād'
foison avec eux, † pour les auenturer, & pour découuoir les batailles. A ceux faisoient
ils mieux besoing, qu'aux autres. Ainsi se tindrēt les François ce mercredy sur les chāps,
assez pres de Rosebecque: & entendoient les Seigneurs à leurs besongnes & ordonnā-
ces. Quand ce vint le soir, le Roy donna à souper à ses trois oncles, au Connestable de
France, au Sire de Coucy, & à aucuns autres grans Seigneurs estrangers de Brabant, de
Hainaut, de Hollande, de Zelande, d'Allemagne, de Lorraine, & de Sauoye (qui là l'e-
stoient venus seruir) en les remerciant bien grandement (aussi firent les oncles) du bon
seruice, qu'ils luy faisoient, & monstroient à faire: & fit ce soir le guet, pour la bataille du
Roy, le Comte de Flandres: & auoit en sa route bien six cens Lances, & douze cens hō-
mes d'autres gens. Ce Mercredy au soir, apres le souper, que le Roy auoit donné à ces
Seigneurs, & quand ils furent retraits, le Connestable de France demourra derriere,
pour parler au Roy, & à ses oncles, de leurs besongnes. Ordonné il estoit, du Conseil du
Roy, ce que ie vous diray, c'est que le Cōnestable, messire Oliuier de Clifson, se demet-
troit pour le lendemain (car on esperoit qu'on auroit la bataille) de l'office de Conne-
stable, & le seroit, seulement pour le iour, en son lieu, le Sire de Coucy: & ledit messire
Oliuier demoureroit delez le ieune Roy. Si auint que, quand le Cōnestable prit congé
du Roy, le Roy luy dit moult doucemēt & amiablement (si comme il estoit biē apais de
dire, Cōnestable nous voulōs que vous n'ō rédez vostre Office, pour le iour de demain:
car nous y auons vn autre ordonné, & voulons que vous demourez delez nous. De ces
parolles (qui furent toutes nouuelles au gentil Connestable) fut il moult émerueillé. Si
respondit: & dit, Trescher Seigneur, ie say bien que ie ne puis auoir plus haut honneur,
que d'aider à garder vostre personne: mais cher Sire, il viendroīt à grand contraire & de
plaisance à mes compaignons, & à ceux de l'Avantgarde, s'ils ne m'auoient en leur cō-
paignie: & plus nous y pourrions perdre, que gagner. Ie ne dy pas que ie soye si vaillant
que pour moy se deust écheuer la besongne: mais ie dy, cher Sire, saul la correction de
vostre Conseil tresnoble, que, depuis quinze iours en cà, ie n'ay à autre chose entendu,
fors à poursuiuir, à l'honneur de vous & de voz gens, mon Office: & ay enseigné les vns
& les autres, comment ils se doiuent maintenir: & se demain nous combattions à la gar-
de de Dieu, & ils ne me veissent point, & que ie leur faillisse d'ordonnance & de cōseil
(moy, qui suis vsager de tels faits, & en telles choses) ils en seroient tous moult ébahis,
& en receuroye blasme: & pourroient dire les aucuns que ie me seroye dissimulé, & que
couuertement i'auroye tout ce fait & auisé, pour fuir les premiers horions. Si vous prie
trescher

* pour leurs
auâcours
y seroit aussi
bon peut estre.

Il faut dōc pre
supposer que ce
qu'il a di. sur
la fin du chap.
120. eust esté re
uocqué.

Rémonstrances
du Connestable
au roy pour luy
laisser faire son
office au iour de
la bataille &
ne le retenir
pres de soy, com
me il vouloit.

trescher Sire, que vous ne vueillez point briser ce, qui est fait & arresté pour le meilleur. Je vous dy que vous y aurez proffit. Le Roy ne feut que respondre, ne dire, sur ceste parolle : & aussi ne firent ceux, qui delez luy estoient, & qui entendu l'auoiét: fors tant que le Roy dit moult sagement, Conneftable, ie ne dy pas que on ait aucunement en vous cognu qu'en tous cas vous ne vous foyez grandement acquitté: & ferez encores, selon nostre entente. Mais feu Monseigneur, mon pere, vous aimoit sur tous autres, & se fioit en vous: & pour l'amour & grand' confiance qu'il y auoit: ie vous voudroye bien auoir delez moy à ce besoing, & en ma compaignie. Trescher Sire (dit le Conneftable) vous estes si bien accompaigné, & de si vaillans gens, & tout a esté fait par si grand' deliberation de Conseil, qu'on n'y pourroit plus riens amender: & ce vous doit bien, & à vostre Conseil, suffire. Si vous prie que pour Dieu, trescher Sire, vous me laissez conuenir en mó office: & vous aurez demain, en vostre tresfioyeux auenemét, si belle iournée & aucture, que vos amis en seront réiouis, & vos ennemis courroucez. A ces parolles ne respondit riens le roy: fors qu'il dit, Conneftable, ie le veux: & faites au nom de Dieu, & de Saint Denis, vostre affaire & office. Le ne vous en veux plus parler: car vous y voyez plus cler, que ie ne fay, ne que tous ceux, qui ont mis auant ces parolles. Soyez demain à ma messe. Sire (dit le Conneftable) volontiers. A tant prit il congé du Roy (qui le luy donna) & s'en retourna à son logis, avecques ses gens & compaignons.

Le Conneftable obtiét sa requeste, pour exercer son estat au iour de la bataille de Rosebecque.

Comment Philippe d'Arteuelle & ses Flamans partirent de leur fort du matin, pour se camper au Mont-d'or, pres d'Ypre: & comment le Conneftable, l'Admiral de France, & le Bastard de Langres, allerent decourrir leur maintien.

CHAP. CXXIIII.

Quand ce vint le Ieudy au matin, toutes Gens-d'armes s'ordonnerent & appareillerent tant en l'auantgarde cōme en l'arriergarde, & aussi en la bataille du Roy: & farmerent de toutes pieces, hors mis les bacinets: ainsi que pour entrer en bataille. Car bien sauoient les Seigneurs que point le iour ne passeroit, sans ce qu'ils fussent combattus, pour les apparences que les fourrageurs le Mercredy, auoient dit & rapporté des Flamans: lesquels ils auoient veus, comme ils approchoient, & demandoient la bataille. Le Roy de France ouit ce matin messe: & aussi firent les grans Seigneurs: qui tous se meirent en priere & deuotion enuers Dieu, qu'il les voulist getter du iour à honneur. Celle matinée vne tresgrand' bruine se leua, fort épesse, & si tres-continuelle, qu'à peine veoit on vn arpent de terre loing deuant soy, dont les Seigneurs estoient courroucez: mais amender ne le pouuoient. Apres la messe du Roy (ou le Conneftable & plusieurs autres grans Seigneurs furent, pour parler ensemble, & auoir aduis quelle chose on feroit) ordonné fut que messire Oliuier de Clifson, Conneftable de France, Matthieu de Vienne, Admiral de France, & messire Guillaume de Poictiers, Bastard de Langres, ces trois vaillans Cheualiers & vſitez d'armes, iroient pour decourrir & aduiser de pres les Flamans, & en rapporteroient au Roy & à ses oncles, la verité. Ce pendant le Seigneur d'Albreth & messire Hugues de Chastillon entendoient à ordonner les batailles. Adōc se departirent du Roy les trois dessusnommez, montez sur fleur de courſiers: & cheuauchèrent à l'endroit ou ils pensoient les trouuer, & vers celle part, ou ils festoient logez la nuit. Vous deuez sauoir que le Ieudy au matin, quand ceste forte bruine fut leuée, les Flamans qui festoient retraits deuant le point du iour en ce fort lieu, si comme cy-dessus est dit) apres qu'ils se furent là tenus iusques enuiron huit heures, & ils virent que ils n'oyoient nulles nouuelles des François, & si se trouuoiet vne grosse bataille ensemble, orgueil & outrecuidance les éueilla: & commencerent les Capitaines à parler l'un à l'autre, & plusieurs autres d'entr'eux aussi, en disant, Quelle chose faisons nous icy, estans sur noz piez, & nous refroidissons? Que n'allōs nous auant de grand courage (puis que nous en auons la volonté) requierir nos ennemis, & les combattre? nous seiournons icy pour neant. Iamais les François icy querir ne nous viendront. Allon: à tout le moins iusques sur le Mont-d'or: & prendrons l'auantage de la montaigne. Ces parolles multiplierent tant, que tous s'accorderent à passer outre, & venir sur le Mont-d'or: qui entre eux & les François estoit. Adōc pour écheuer la fosse, qui estoit par-deuant eux, ils tournerent autour du bosquet, & prirent l'auantage des champs. Alors qu'ils se tiroient ainsi sur les champs, & au retourner de ce bosquet, les trois Cheualiers dessusnommez vindrent si à point, que tout à grand loisir ils les aduiferent & cheuauchèrent les plains, en costoyant leur bataille: qui se remit tout à poinct, & tout ensemble, à moins d'un traict ſte.

Les Flamans, abandonnans leur fort du matin, campēt au Mont-d'or: là ou le Conneftable & ses compaignons les vont recognoistre.

d'arc pres d'eux. Quand ils eurent passé du costé de fenestre, & ils furent outre, ils prirent le dextre. Ainsi virent & auiserent ils le loing & le pres. Bien les virent les Flamans: mais ils n'en firent compte, n'oncques nuls n'en déroutèrent. Aussi les trois Cheualiers estoient si bien montez, & vsizez de faire ce mestier, qu'ils n'en auoient garde. Là dit Philippe d'Arteuelle aux Capitaines de son costé, tout quoyement, Metton nous meshuy en ordonnance & arroy pour combattre. Car noz ennemis sont pres d'icy. l'enay bien veu les apparences. Ces trois Cheuaucheurs, qui passent & rapassent, nous ont aulsez, & auisent. Lors s'arrestèrent tous les Flamans (ainsi qu'ils deuoient venir) sur le Môt d'or: & se meirent tous en vne bataille, forte & espeffe: & dit Philippe tout haut, Seigneurs, quand ce viendra à l'assemblée, souuienne vous de noz ennemis, comment ils furent tous déconfits & ouuers à la bataille de Bruges, par nous tenir drus & forts ensemble. Gardó qu'on ne nous puisse ouurir. Faison nous forts assez: & chacun porte son baston deuant luy, tout droit: & vous entrelacez de voz bras, parquoy nul ne puisse entrer dedans nous: & allez tousiours le bon pas, & par loisir, deuant vous, sans tourner à dextre n'à fenestre: & faites tant que tous ensemble, d'un fait & d'un chemin, à l'assemblée vous gettez voz Bombardes & voz Canons, & tirez de voz arbalestes: & ainsi s'en ébahiront noz ennemis. Quand Philippe d'Arteuelle eut ainsi ses gens ordonnez, & mis en arroy & ordonnance de bataille, & monstre comment ils se maintiendroient, il se meit sur vne aile de ses gens, esquels il auoit la greingneur fiance: & pres de luy estoit son page (qui estoit sur vn courfier) auquel il dit, Va, & m'atté à ce buisson hors du traict: & quand tu verras la decófiture & la chace sur les François, si m'ameine mon cheual, & crie mon cry (on te fera voye) & vien à moy: car ie veux estre au premier chef de la chace. Le page à ces parolles se departit de Philippe, & fit ce que son maistre luy auoit dit. Encores meit sur luy, de costé l'aile, quaráte Archers d'Angleterre: qu'il tenoit à ses gages. Or regardez se Philippe d'Arteuelle ordonnoit bien ses besongnes. Il m'est auis (& aussi est il à plusieurs) qu'il se cognoissoit es armes moult bien: fors en tant qu'il se forfit d'une seule chose: que ie vout diray. Ce fut quand il se partit du fort: & de la place ou au matin il festoit traict. Car iamais on ne le fust là allé combattre: pourtant qu'on ne l'eust point eu sans trop grand dommage. Mais ils vouloient monstrier qu'ils estoient gens de fait, & de grand volenté: & que petit craignoient leurs ennemis.

De la bataille de Rosebecque, entre les François & les Flamans: & comment Philippe d'Arteuelle, Chef des Flamans y fut tué & tous ses gens déconfits. CHAP. CXXV.

OR reuindrent ces trois Cheualiers dessus-nommez deuers le Roy de France, & deuers ses batailles, qui estoient mises en pas, arroy, & ordonnance: ainsi comme elles deuoient aller: car il y auoit plusieurs sages hommes, & bien vsizez d'armes, dedans l'auantgarde, en la bataille du Roy, & en l'arrieregarde, qui sauoient tout ce qu'ils deuoient faire: car là estoit la fleur de la bonne Cheualerie du monde. On leur fit voye: & le Sire de Clifson, parla premier en enclinant le Roy, de dessus son cheual, & ostant vn chapeau de bieure, qu'il portoit: & dit, Sire, réiouissez vous ces gens sont nostres, noz gros varlets les combattroient bien. Connestable (dit le Roy) Dieu vous en aide.

Or allon donc auant, au nom de Dieu & de S. Denis. Là estoient les Cheualiers, dessus-nommez pour le corps du Roy garder, mis en bonne ordonnance. Là fit le Roy plusieurs Cheualiers nouveaux: & aussi firent tous les autres Seigneurs en leur bataille. Là y eut mis hors & leué plusieurs bannieres. La fut ordonné que, quand ce viendrait à l'assembler, qu'on mettroit la bataille du Roy, & l'Oriflambe de France, au premier frót, & l'auantgarde passeroit outre sur aile, & l'arrieregarde (aussi tost les vns que les autres) & encloirroient, en estraignant, ces Flamans (lesquels venoient aussi ioints & serrez, comme

Parolles du Connestable de Clifson au Roy Charles, sixième, sur l'instat de la bataille de Rosebecque.

† C'est adire auertie: comme quelques autres fois cy-deuant.

nulle chose pourroit estre par ordonnance) & ils auroient grand auantage sur eux. Dóit l'arrieregarde fut † signifiée. Le Comte d'Eu, le Comte de Blois, le Comte de Saint-Pol, le Comte de Harcourt, le Sire de Chastillon, & le Sire de Fere, en estoiet Chefs: & là leua le iour, deuant le Comte de Blois, le ieune Sire de Haurel banniere: & fit le Comte Cheualier messire Thomas d'Istre, & messire Iaques de Hameth, Bastard. Il y eut fait ce iour, par le record & rapport des Heraux, quatre cens soixantesept Cheualiers. Adóc se departirent, d'avecques le Roy, les trois Cheualiers (quand ils eurent fait leur rapport le Sire de Clifson, messire Iehan de Vienne, & messire Guillaume de Lâgres: & s'en vindrent en l'auantgarde. Car ils en estoient. Assez tost apres fut déuelopée l'Oriflambe: laquelle

laquelle messire Pierre de Villiers portoit: & veulent aucuns dire (si comme on trouue escrit) qu'on ne la vit oncques déployer sur Chrestiens, fors que là: & fut grād' question, sur ce voyage, son la déueloperoit ou non. Toutesfois, plusieurs raisons considérées, finalement il fut déterminé pour la déployer, pour cause que les Flamans tenoiēt opinion contraire à celle du Pape Clement, & se nommoient en creance Vrbaniſtes: dont les François dirent qu'ils estoient incredulés, & hors de foy. Ce fut la principale cause, pourquoy elle fut apportée, & déuelopée en Flādes. Cest Oriflambe est vne digne banniere & enseigne: & fut enuoyée du ciel par grand mystere: & est en maniere d'un Goufanō: & est grand confort, le iour, à ceux qui la voyent: Encores monstra elle là de ses vertus. Car toute la matinée auoit fait si grand' bruine & si espesse, qu'à grand peine pouuoient veoir l'un l'autre: mais, si tost que le Cheualier, qui la portoit, la dévelopa, & qu'il leua sa lance contremont, celle bruine à vne fois cheut, & se dérompit: & fut le ciel aussi cler & net, qu'on l'auoit point veu de toute l'année. Dont les Seigneurs de Frāce furent moult réiouis, quand ils virent ce beau iour venir, & le soleil luire, & qu'ils peurent veoir au loing, à l'entour d'eux, deuant & derriere: & se tindrent à moult reconfortez. Là estoit fort grand' beauté de veoir ces bannieres, ces bacinets & belles armoiries: & se taisoient tous quois: ne nul ne sonnoit mot: mais regardoient ceux, qui deuant estoient la grosse bataille des Flamans toute ensemble: qui s'approchoient durement: & venoient le pas, tous ferrez, leurs plançons tous droicts, leuez contremont: & sembloit des lances, que ce fust un bois: tāt y en auoit moult grand' foison. Je fu adōcques informé du Seigneur d'Estonnenort, & me dit, qu'il vit (& aussi firent plusieurs autres) quand l'Oriflambe fut déuelopée & la bruine cheute, un blanc Coulomb voler, & fit plusieurs vols par-dessus la bataille du Roy: & quand il eut assez volé, & que l'on se deuit combattre & assembler aux ennemis, il fallā asseoir sur l'une des bannieres du Roy: dont l'on tint ce à grand' signification de bien. Or approcherent les Flamans: & commencerent à traire, & getter canons, barreaux, & carreaux, empennez d'arain. Ainsi se commença la bataille de Philippe, & de ses gens contre les François de la Bataille du Roy, à la premiere rencontre: qui leur fut moult dure. Car ces Flamans (qui descendoient orgueilleusement, & de grand' volonté) venoient roidement & durement: & en venant, boutoient de l'espaule & de la poitrine, ainsi comme un sanglier tout forsené: & estoient si fort entrelacez ensemble qu'on ne les pouuoit ouurir, ne dérompre. Là furent du costé des François. & par le trait des Bombardes & canons, premierement morts le Sire d'Albaruin, Banneret, Morelet de Haruin, & Jaques Doré: & adonc fut la Bataille du Roy reculée. Mais l'Avantgarde & Arrieregarde passerent outre: & encloyrent les Flamans: & les mirent à l'estroit. Je vous diray comment. Sur ces deux ailes Gens-d'armes les commencerent à pousser de leurs roides lances, à bons fers & durs de Bordeaux qui leur percoiēt les cottes de mailles tout outre, & les prenoient en chair: & tous ceux qui en estoient atteints, tousiours se refrenoient, pour écheuer les horions, car iamais (si échapez en fussent) ne se fussent mis deuant eux, pour combattre. Là se mirent ces Flamans en tel destroit, qu'ils ne se pouuoient ayder, ne rauoir leurs bras, ne leurs plançons, pour fraper, n'eux deffendre. Là perdoient plusieurs force & allaine: & cheoient l'un sur l'autre: & s'estaignoiēt & mouroient sans coup ferir: là fut Philippe d'Arteuelle enclos, & nauré de glaines, & abbattu, & des gens de Gand, qui le gardoient, à grand' foison delez luy. Quand le Page de Philippe d'Arteuelle vit la mal-aventure venir sur les leurs, il estoit bien monté sur un courfier. Si s'en partit: & laissa son maistre (car il ne luy pouuoit aider) & retourna vers Courtray, pour aller à Gand. Ainsi fut faite & assemblée ceste bataille: & lors, quand des deux costez les Flamans furent estrains & enclos, ils ne passerent point plus-avant: car ils ne se pouuoient aider. Adonc se remit la Bataille du Roy en vigueur: qui auoit du commencement un petit branlé. Là entendoient Gens-d'armes à abbattre Flamans, à grand pouoir: & auoient les aucuns haches bien acérées, dont ils rompoiēt bacinets, & decerue-loient testes: les autres plombées: dont ils donnoient si tresgrans horions, qu'ils abbatoient tout à terre. A peine estoient Flamans abbattus, quand pillars venoient, qui se mettoient entre les Gens-d'armes, & portoient grans couteaux, dont ils les acheuoient d'occire, ne nulle pitié ils n'en auoient, nomplus que, si se fussent chiens. Là estoit le cliquetis sur les bacinets, si grand & si haut, de haches, de maillets, & de plombées, qu'on n'y oyoit goutte, pour la noise. J'ay ouy dire que, si to' les faiseurs de Heaumes de Paris & de Brucelles eussēt esté ensēble leur mestier faisāt, ils n'eussēt pas mené ne fait grei-

L'Oriflambe de France déuelopée contre les Flamans, comme contre infidèles, & tenant le party d'Urbain contre le pape Clement.

Apparoiſſance d'un Coulomb blanc sur la bataille du Roy pour signe de sa victoire de Roſebecque.

Occiſion de Philippe d'Arteuelle.

*Flamans en
route & en
fuite.*

*L'an & iour
de la bataille
de Rosebecque.*

gneur noise, que les combattans & les frapans sur les bacinets faisoient, la main à l'œuvre de grand' volonté, & plus l'un que l'autre. Si en y eut aucuns, qui s'avancerēt & bouterent en la presse trop avant: car ils y furent enclos & estains: & par especial messire Loys de Goufals, vn Cheualier de Berry, & messire Fleton de Reniel. Encores y en eut des autres: dont ce fut dommage, mais si grosse bataille, comme ceste, ou tant auoit de peuple, ne se peut assouir au mieux venir pour les victoires, qu'elle ne coute grâdemēt. Car ieunes Cheualiers & Escuyers, qui desirent les armes, s'avancent volontiers, pour honneur & grace acquerir. Or la presse estoit si grande, & l'affaire si perilleux pour ceux qui estoient enclos, que, qui n'auoient bon aide, ne se pouuoient releuer. Par ce moyen y eut des François morts & estains: mais ce ne fut pas grand nombre: & quand il venoit à point, ils aidoyent l'un à l'autre. Là fut vn mont & vn tas de Flamans, occis, moult lōg & moult haut: & de si grand' bataille, & grand foison de gens morts, comme il y eut là, on ne vit oncques si peu de sang issir. Quand ceux de derriere virent que ceux de deuāt fondoient & cheoient l'un sur l'autre, & qu'ils estoient tout déconfits, si s'ebahirent: & commencerent à getter leurs plançons ius & leurs armeures. & à eux déconfire & tourner en fuite vers Courtray, & ailleurs: & n'auoient cure, fors que pour eux mettre à sauueté: & Bretons & François les chaçoient en fossez par aunois & bruyeres, icy dix, là vingt: puis combattoient de rechef, & les occioient. Si en y eut grand' foison d'occis en la chace, entre la bataille & Courtray: ou ils se retiroient, pour aller à Gād. Ceste bataille fut sur le Mont-d'or, entre Courtray & Rosebecque, en l'an de grace, 1382. le leudy deuant le Samedy de l'Aduent, en Novembre, le vingtsseptiesme iour: & pour lors estoit le Roy Charles de France au quatorzieme an de son aage.

Du nombre des morts en la bataille & chace de Rosebecque: de Philippe d'Arteuelle pendu apres sa mort: du siege d'Andenarde leué: de la retraite de Pietre du Bois à Gand: & comment le Roy logea en la ville de Courtray,

CHAP. CXVII.

*Nombre des
morts à la ba-
taille de Rose-
becque.*

Ainsi furent en celuy temps sur le Mont-d'or les Flamans déconfits, leur orgueil abattu, & Philippe d'Arteuelle mort, & de la ville, & des tenans de Gand, morts avec luy, iusques à neuf mille hommes (ainsi que rapportèrent les Heraux) sur la place, sans la chace, iusqu'à 25000. hommes & plus: & ne dura point la bataille, iusques à la déconfiture, demie heure. Or celle déconfiture fut treshonorable pour toute Chrestienté, & pour toute Noblesse & Gentillesse: car, si les villains fussent là venus à leur entête, oncques si grans cruautéz, n'horribletez, n'auindrent au monde, qu'il en fust auenu par les Communautéz: qui se fussent par tout rebellées, & destruit Gentillesse. Or sauissent bien ceux de Paris. Que diront ils? quand ils sauront les nouuelles, que les Flamans sont déconfits à Rosebecque, & Philippe d'Arteuelle, leur Capitaine, mort? Ils n'en seront pas bien ioyeux: aussi ne seront plusieurs autres bōnes-villes. Quand ceste bataille fut de tous points acheuée, on laissa conuenir les fuyans & chaçans: & sonna on les trōpettes de retraite: & se retira chacun à son logis: ainsi comme il deuoit estre. Mais l'auātgarde se logea outre la bataille du Roy, ou les Flamans auoiēt esté logez le Mercredi: & se tindrent tous aises, de ce qu'ils auoient en l'ost du Roy: car ils auoient assez: & estoient rai-taillez de pourueances, qui venoient d'Ypre: & firent, la nuit ensuyuāt, trop beaux feux en plusieurs lieux, aual l'ost, des plançons aux Flamans, qu'ils trouuerēt: car, qui en vouloit, il en auoit tantost cucilli, son col chargé. Quand le Roy de Frâce fut retrait en son logis, & on eut tēdu son pauillō (qui estoit de vermeil cēdal, moult noble & moult riche) & il fut defarmé, ses oncles, & plusieurs Barons de France, le vindrēt veoir, & accōpaigner: cōme raison estoit. Adōc luy alla il souuenir de Philippe d'Arteuelle: & dit à ceux, qui delez luy estoiet. Se Philippe d'Arteuelle est vif, ou mort, ie le verroye volōtiers. On luy respōdit qu'ō mettroit peine du veoir. Il fut crié & nōcé en l'ost, que, quicōque trouueroit Philippe d'Arteuelle, on luy dōneroit cēt frans. Adōc vissiez varlets auācer entre les morts: qui iā estoiet tous déuestus, ou pres. Ce Philippe, pour conuoitise de gaigner, fut tāt cherché, qu'il fut trouué, & reconnu d'un varlet: qui l'auoit autresfois seruy lōgue mēt, & qui biē le cognoissoit. Si fut aporté, & trainé deuāt le pauillō du Roy. Le Roy le regarda vne espace de tēps: & aussi firēt les Seigneurs: & fut là tourné & retourné, pour sauoir fil estoit mort de playes: mais on trouua qu'il n'auoit playe nulle, dōt il fust mort, si on l'eust pris: & fut esteint en la presse: & cheut en vne fosse, & grād' foison de Gādois sur luy

*Philippe d'Ar-
teuelle apporté
mort au Roy
Charles qui le
vouloit veoir.*

sur luy: qui moururent en sa compaignie. Quand on l'eut regardé vne espace, on l'osta de là: & fut pëdu à vn arbre. Et telle fut la fin de Philippe d'Arteuelle. Messire Daniel de Heluin (qui se tenoit dedans Audenarde en garnison, & sy estoit tenu tout le temps, avec les Cheualiers & Escuyers mout hōnorablement) le Mercredy, dont la bataille fut le leudy, luy, qui sauoit bien le Roy de France en Flandres, & qu'il auroit là bataille aux Flamans, fit sur le tard allumer, au chastel d'Audenarde, quatre falots, & lancer haut cōtremont au-dehors, en signifiāce à ceux, qui là estoiet, que le siege seroit leué, Enuiron † minuiet, le leudy, vindrēt nouuelles, en l'ost d'Audenarde, au Sire de Harfelles, & aux autres, que leurs gens estoient déconfits, & Philippe d'Arteuelle mort & occis. Si tost que ces nouuelles, furent sceuës, ils délogerent tous communement: & prirent le chemin de Gand: & laisserent la plus grand' partie de leurs pourueances: & s'en allerent chacun à qui mieux mieux, deuers Gand: & encores n'en sauoient riens ceux d'Audenarde: & n'en seurent rien iusques au lendemain. Quand ils en furent informez, ils issirēt hors, & apporterent & amenerent grand pillage de coutils, de charroy, & de pourueances, en Audenarde aussi, enuiron là mucez. Ce leudy au soir vindrent les nouuelles vers Bruges de la déconfiture de la bataille, & comment ils auoient tout perdu. Si furēt ceux de Bruges plus ébahis, que iamais ne furent gens: & commencerent à dire, Veez cy nostre destruction, qui est venue. Si les Bretons viennent iusques icy, & ils entrent en nostre ville, nous serons tous pilléz & morts: n'ils n'auront de nous nulle mercy. Lors commencerent Bourgeois & Bourgeoises à prendre leurs meilleurs ioyaux, & aualer en nef, pour mettre à sauueté, & aller par mer en Hollande & Zelande, ou leur auenture les menoit, pour eux sauuer. En ce party ils furent quatre iours: n'on ne trouua point en tous les hostels de Bruges, vne cueiller d'argēt. Tout estoit mis à voiture, pour la doute des Bretōs. Quand Pietre du Bois (qui là gisoit déhaïté, des bleceures qu'il auoit eues au pas à Cōmines) entendit la déconfiture de ses gens, & que Philippe d'Arteuelle estoit mort, & comment ils s'ébahissoient à Bruges, si ne fut pas bien aſſeuré de luy-mesme: & getta son auis qu'il s'en partiroit de Bruges, & retourneroit à Gand (car bien pensoit que ceux de Gand seroient aussi bien effrayez grandemēt) & fit ordonner vne listiere pour luy. Car il ne pouuoit cheuaucher. Vous deuez sauoir, que, quand les nouuelles vindrent à Gād de la déconfiture & de la grand' perte de leurs gens, & de la mort de Philippe d'Arteuelle, ils furent si déconfits, que, se les François, le iour de la bataille, le lendemain, ou le Samedi tout le iour encores, que Pietre du Bois retourna à Gand, fussent venus deuāt, on les eust laissez entrer sans contredit en la ville: & en eussent fait à leur volonté. Mais les François ne se donnoient garde de ce poinct: & cuidoiēt bien estre Seigneurs (puis que Philippe estoit mort) & que les Gādois se deussent rēdre & venir à mercy au Roy: mais non firent encores: car ils firent depuis, eux tous seuls, plus forte guerre, qu'ils n'auoient fait deuant, & plus de maux: si-cōme vous orrez recorder auant en l'Histoire. Quand ce vint le vendredy, le Roy se partit & délogea de Rosebecque, pour la punaisie des morts: & fut conseillé venir vers Courtray, pour là se refreschir. Le Halze, & aucuns Cheualiers & Escuyers de Flandres (lesquels cognoissoient le pays d'enuiron) mōterent à cheual: & au fraper des esperons, entrerent en la ville de Courtray: car il n'y auoit deffense, ne nul contredit. Les Bourgeoises & femmes, pources & riches, & plusieurs hommes aussi, entroient es celiers, pour fuir la mort, & es églises: & estoit grand pitié de les veoir. Si eurent ceux, qui premierement entrerent à Courtray, grand profit de pillage: & depuis y vindrent François, & Bretous, & autres: & se logeoient ainsi comme ils venoient: & y entra le Roy de France, le premier iour de Decembre. Là eut de-rechef grand' persecution faite, aual la ville, de Flamans, qui sy estoient retraits: car on ne prenoit homme à mercy, pource que les François les hayoient moult durement: & aussi ceux de la ville eux, pour vne bataille, qui fut iadis deuant Courtray: ou le Comte Robert d'Artois, & toute la fleur de France, fut iadis morte. Il vint à la congnoissance du Roy, qu'il y auoit en l'Eglise Nostre-dame de Courtray vne chappelle: en laquelle auoit cinq cens esperons dorez: & ces esperons auoient esté iadis des Seigneurs de France qui auoient esté occis en ladiete bataille de Courtray, en l'an mil trois cens & deux: & faisoient ceux de Courtray, tous les ans, pour le triomphe, grande solennité. Parquoy le Roy dict qu'ils le compareroient (ainsi qu'ils firent) & qu'il feroit mettre la ville, à son partement, en feu & en flambe: & si leur souuiendroit, au temps aduenir, comment le Roy de France y auoit esté. Aſſez tost apres que le Roy de France & les Seigneurs furēt

*Arteuelle pen
du, de ſua mort.*

*† Ainſi ſault il
commencer ceſte
clauſe du ſiege
d'Audenarde
leue, ſelon ſala
ou autrement
(ſ'elle commen
ce par le leu
cy, comme elle
 faiſoit) la pre
cedente ſera
fauſſe en ſon
principal poict
& contrariete
à la vraye de
duction ſuyua
nte.*

*Retraite de Pie
tre du Bois de
Bruges à Gand.*

*Le Roy Charles
de France à
Courtray.*

venus à Courtray, vindrent là iusques à cinquante lances de la garnison d'Audenarde. Messire Daniel de Heluin & les autres vindrent veoir le Roy (qui leur fit bonne chere: & aussi firent les Seigneurs) &, quand ils eurent là esté vn iour, ils retournerent à Audenarde, deuers leurs compaignons.

Comment ceux de Bruges se rendirent & mirent en l'obeyssance du Roy de France, & en sa mercy: comment le Comte de Blois garda que le pays de Hainaut ne fust couru & pillé: & comment ceux de Gand furent reconfortez de Pietre du Bois. CHAP. CXXVII.

Les Bretons & ceux de l'auantgarde monstroient bien par leur ordonnance, qu'ils auoient grand desir d'aller deuers Bruges, & de partir aux biens de Bruges: car ils estoient logez entre Courtray & Bruges. Le Comte de Flandres (qui aimoit la ville de Bruges, & qui trop enuis en eust voulu la destruction) se doutoit bien d'eux: & estoit tout informé du conuenant de ceux de Bruges, & comment ils estoient ébahis. Si en eut pitié: & en parla à son fils, le Duc de Bourgogne: en luy remontrant que, si ceux de la ville de Bruges venoient à mercy deuers le Roy, on ne les voulsist pas refuser: car, là ou Bruges seroit consentie à courir de ces Bretons & autres gens, elle seroit à tousioursmais perdue sans recouurer. Le Duc luy acorda. Or auint que le Roy seiournant à Courtray, ceux de Bruges (qui viuoient en grans crainctes, & ne sauoient lequel faire de vider leur ville ou attendre l'auenture) fauiferent qu'ils enuoyeroient deux freres-mineurs à Courtray, deuers le Roy, pour impetrer vn saufconduit, tant que douze, des plus notables de leurs Bourgeois, eussent parlé à luy, & remontré leur besongne. Les Freres-mineurs vindrēt à Courtray: & parlerent au Roy, à son Conseil, & au Comte de Flandres: qui moderroit les choses, à ce qu'il pouuoit. Le Roy accorda aux douze Bourgeois le saufconduit, allāt & venant: & que volontiers il les orroit. Les Freres-mineurs s'en retournerent à Bruges: & adonc en partirent les douze Bourgeois, sous le saufconduit qu'ils leur apportèrent: & vindrent à Courtray, deuers le Roy: ou ils le trouuerent, & ses oncles delez luy. Si se mirent à genoux deuant luy, en luy priant qu'ils les voulsist tenir pour siens, & que tous estoient ses hommes, & la ville à sa volonté, mais que pour Dieu il en eust pitié: parquoy elle ne fust pas destruiete, ne perdue: car, s'elle estoit destruiete, trop de bonnes gens y perdroyent. Et en ce qu'ils auoient esté contraires à leur Seigneur, ç'auoit esté par la puissance de Philippe d'Arteuelle & des Gandois: car loyaument ils festoient enuers le Comte, leur Seigneur acquité en la ville de Bruges. Le Roy entendit à leurs parolles, par le moyen du Côte de Flandres (qui là estoit present) qui en pria, & se mit à genoux deuant le Roy. Là fut dit & remontré aux bonnes gens de Bruges, qu'il conuenoit appaiser les Bretons, & les Gens-d'armes: qui se tenoient sur les champs, entre Courtray & Bruges: & qu'il leur cōuenoit auoir de l'argent. Lors furent traitez entamez pour auoir de

Composition de l'argent: & demāda l'on deux cens mille francs. Toutesfois ils furent diminuez iusques à six vingts mille francs, à payer les soixante mille tantost, & le demeurant dedans la Chandeleur: & par-ainsi les tenoit le Roy de France en ferme estat & seure paix: mais

ils se rendoient, purement & ligement, à tousioursmais liges au Roy de France, & du domaine: & vouloient estre de foy & hommage, & d'obeyssance. Ainsi demoura la bonne ville de Bruges en paix: & fut deportee de non estre courue: dont les Bretons furent moult courroucez (car ils cuidoient bien auoir leur part) & disoient aucuns entre eux (quand ils sceurent qu'ils estoient venus à paix, & que ceste guerre de Flandres ne leur valoit riens, & trop peu de profit y auoient eu) qu'ils ne tendroient à nul bien: & dirent, Nous retournerons en nostre pays: mais ce sera parmy la Comté de Hainaut. Aussi n'est pas le Duc Aubert (qui en a le gouuernement) venu aider à son cousin, le Comte de Flandres: mais s'en est bien feu dissimuler. C'est bon que nous l'ailons visiter: car il y a bon pays & gras en Hainaut: Nous ne trouuerons, nul qui nous empesche le chemin: & là recouurerons nous noz dōmages, & noz soudées mal payées. Il fut telle fois qu'ils se trouuerent bien douze cens Lances, tous d'un accord, Bretons & Bourgongnons, Sauois, & autres gens. Or regardez se le doux pays de Hainaut ne fut pas en grand peril. La cognoissance en vint au gentil Comte de Blois (qui estoit là vn des grans Sires, entre les autres Chefs de l'Arrieregarde & du Conseil du Roy) & comment les Bretons, Bourgongnons, & autres gens (qui ne desiroient que pillage) menaçoient le bon pays de Hainaut: auquel a grand port, & bel & bon heritage, Tantost, pour y remedier, il alla au deuāt: & dit que ce n'estoit pas vne chose à cōsentir, que le bon pays de Hainaut fust couru. Si prit ses cousins delez luy, le Comte de la Marche, le Côte de Saint

Ce peut estre ce qu'il a quelque fois nommé Touront.

La Comté de Hainaut menacée par les gens de guerre du Roy.

de Saint-Pol, le Sire de Coucy, le Seigneur d'Anghien, & plusieurs autres, tous tenables de la Comté de Hainaut (qui là estoient & le Roy seruy auoient) & leur remonstra que nullement ils ne deuoient consentir que le bon pays de Hainaut (dont ils issioient, & descendoient, & auquel leurs heritages ils auoient) fust couru, molesté ne greué, par nulle voye quelconque. Car, en tant que de la guerre de Flandres & du Comte, le pays de Hainaut n'y auoit nulle coulpe: mais auoit seruy le Roy en ce voyage, par ses Barons & Cheualiers, moult loyaument: & par-auant que le Roy venfist en Flandres, auoient seruy le Comte de Flandres les Cheualiers & Escuyers de Hainaut: & festoient enclos en Audenarde & Terremonde, & aduenturez & mis leurs corps & cheuances. Tant fit le Comte de Blois, & alla del'un à l'autre, qu'il acquist tant d'amis, que toutes ces choses furent rompues: & demoura Hainaut en paix. Encores fit vne autre chose le gentil sire. Il y auoit pour ce temps là en Flandres vn Cheualier (qui s'apeloit le seigneur † d'Esquimine) qui pour l'amour d'un fié parét (qui s'apeloit Daniel Buse: leq̃l par sa coulpe auoit esté occis en la ville de Valenciennes) disoit qu'il en guerroyeroit & harieroit la ville (ainsi qu'il fit) & vouloit encores plus la gourmâder: & auoit tât acquis d'amis pour mal faire, qu'on disoit qu'il auoit bien de son accord cinq cens Lances, pour amener en Hainaut, pour guerroyer & harier la ville de Valenciennes: & disoit qu'il auoit bonne querelle de ce faire. Mais, quand le Comte de Blois en fut informé, il alla puissamment au-deuant: & deffendit au Cheualier, qu'il ne fust pas si hardy d'entrer, ne mener Gés-d'armes, au pays de son cousin le Duc Aubert: car il luy seroit trop cher vendu. Et tant exploita le gentil Comte de Blois, qu'il fit le Cheualier tout priué: & se mit en la pure volonté du Comte de Blois, & du Seigneur de Coucy: & par ainsi en vint la ville en paix. Ces seruices fit le Comte de Blois, en celle armée, à ceux de Hainaut, & à ceux du Valenciennois: dont il acquit grand' grace, & l'amour tout plainement de Valenciennes. Encores se tenoient tous les Seigneurs & les Gens-d'armes à Courtray, ou là enuiron: car on ne sauoit que le Roy vouloit faire: ou s'il vouloit aller deuant Gand, ou non. Si cuiderēt les François du commencement, quand ceux de Bruges vindrent à mercy deuers le Roy que les Gandois y deussent venir: pourtāt qu'ils auoient perdu leur Capitaine, & auoient, receu grand dōmage de leurs gens à la bataille de Rosebecque. Vray est qu'ils en furēt en grand' volōté: & furent trois iours, qu'ils ne sauoient le quel faire: ou partir de leur ville ou tout laisser, ou d'enuoyer les clefs deuant le Roy, ou d'eux rendre & mettre du tout à sa mercy: & estoient si ébahis, qu'il n'y auoit conseil, arroy, ne contenance entre eux: ne le Sire de Harfelles (qui estoit là) ne les sauoit cōment cōforter. Quand Pietre du Bois entra en la ville, il trouua les portes ouuertes, & sans garde: dōt il fut moult émerueillé: & demanda que c'estoit à dire, qu'on ne gardoit autremēt la ville. On luy respondit (ceux qui le vindrēt veoir, & qui furēt réiouis de sa venue) & luy dirēt, Ha, sire, que ferōs nous? vous sauez que nous auons perdu nostre bon Capitaine, & bien, par compte fait, de la ville de Gand, sans compter les estrāgers, neuf mille hommes. Ce domage nous touche si pres, que nous n'auons point de recourāce, Ha folles gens (dit Pietre) vous estes ébahis: mais encores la guerre n'a mie pris fin: n'oncques la ville de Gand ne fut si renōmée, qu'elle sera. Se Philippe est mort, ç'a esté par son outrage. Faites clorre voz portes: & entendez à voz deffenses. Vous n'avez garde que le Roy de France vienne icy par ce temps d'Yuer: & ce pendant que ce temps nouueau reuiendra, nous releuerons noz gens en Hollande, en Zelande, en Guerles en Brabant, & ailleurs. Nous en aurons assez pour noz deniers. François Attremen (qui est en Angleterre) retournera: & luy & moy serons voz Capitaines: n'oncques la guerre ne fut si forte, ne si bonne, que nous la ferons. Nous valons mieus seuls, qu'avec le demourant de Flandres: ne, tant que nous auons eu le pais avec nous, nous n'auōs sceu guerroyer. Or entendon maintenant, ainsi que pour nous, à la guerre: & nous ferons de plus bons exploits, que nous n'auōs faits. Ainsi, & par ces parolles, reconforta Pietre du Bois les ébahis, à son retour à Gand: qui se fussent réduits au Roy de France simplemēt (il n'en est nulle doute) se Pietre du Bois n'eust esté. Or regardez comment il y a de conseil & confort en vn hōme. Quand ceux de Gand virēt que cinq ou six iours se passoiēt, & que nul ne venoit courir deuant leur ville, ne nul siege ne leur apparoit, si furent grandement reconfortez, & plus orgueilleux que deuant.

*Le pays de Hainaut en paix par le moyen du Comte de Blois.
† sala dit de disquenhme*

Ceux de Gand fort étonnes apres leur deconfiture de Rosebecque.

Confort de Pietre du Bois aux Gandois.

Comment les traittez d'alliances furent rompus entre les Anglois & les Flamans: & comment le Roy se partit de Flandres.

CHAP.

CXXVIII.

S iij

Vous fauez comment à Calais, messire Guillaume Fremiton seiournoit qui là estoit enuoyé de par le Roy d'Angleterre & le Conseil du pais: & apportoit lettres, appareillées, pour sceller, aux bonnes villes de Flandres: qui parloient de grans alliances entre les Anglois & Flamans: & là seiournoiēt avec luy François Atremen & six Bourgeois de Gand. Quand nouuelles leur vindrent de la déconfiture de Rosebecque, si furent tous ébahis: & veit bien le Cheualier Anglois, qu'il n'auoit que faire plus auant d'entrer en Flandres: car celuy traitté estoit rompu. Si prit les lettres sans sceller: & retourna en Angleterre, au plus-tost qu'il peut: & recorda la besongne en Angleterre, ainsi qu'elle estoit allée. Les Gentils-hommes du pays n'en tindrent compte: & auoient dit, & disoiēt encores, & soustenoient tousiours, que, si le commun de Flandres gaignoit la iournée contre le Royaume de France, & que les Nobles fussent morts, l'orgueil seroit si grand en toutes communautéz, que tous Gentils-hommes s'en repétiroient: & ia auoit on veu l'apparence an Angleterre: dont de la perte des Flamans ils ne firent nul compte. Quand ceux de Flandres (qui à Londres auoient esté enuoyez de par le pais, avec François Atremen & ses compagnons, qui seiournoient à Calais) entendirent les nouuelles, elles leur furent moult dures: & se partirent quand ils peurent: & monterent en mer à Calais: & vindrent atriuer à Meldebourq en Zelande. Ceux, qui estoient de Gand, retournerēt à Gand: & ceux des autres villes à leurs villes, & François Atremen & ses compagnons

† Ceste repetition me fait dire qu'il faudroit lire Bruges, ou quelque autre ville de Flandres, pour Gand, au commencement de ceste clause.

Resolution du parlement du roy hors de Flandres.

(qui seiournoient à Calais † retournerent à Gand: comme ils peurent: mais ce ne fut point tant comme le Roy de France fut en Flandres: & retournerent (si-comme il me fut dit) par Zelande. Ce pendant que le Roy de France seiourna à Courtray, là eut plusieurs confaux, pour sauoir comment on perseuereroit: & si on viendroit mettre le siege deuant Gand. Le Roy en estoit en tresgrand volôté, & aussi estoiet les Bretons & Bourgongnons. Mais les Seigneurs regardoient qu'il estoit le mois de Decembre, & le fin cœur d'yuer, & plouuoit tousiours continuellement (pourquoy il ne faisoit nul oster, iusques à l'Esté) & y estoient leurs Cheualiers moult affoiblis & foulez par les froidures & les riuieres, grandes & largez, estoient à l'entour de Gand (parquoy on perdoit le tēps & la peine, qui le siège y mettroit) & si estoient les Seigneurs foulez & trauaillez de tāt gesir, par si froid temps, & pluueux, aux champs: si que, tout cōseillé, fut auisé que le roy se retireroit à Tournay: & là se refreschiroit: & y feroit son Noel: & les loingtains & des lointaines marches (comme d'Auuergne, du Dauphiné, de Sauoye, & de Bourgongne) s'en retourneroient tout bellement en leurs pays. Mais encores vouloit le Roy & son Conseil que les Bretōs, Normans, & François, demourassent delez luy, & ses oncles, & le Conestable. Car il pensoit tous les embesongner d'un voyage, sur les Parisiens, qui auoient fait faire & forger des maillets: & compteroit on à eux: si qu'ils se reigleroient par autre ordonnance, qu'ils n'auoient fait depuis le couronnement du Roy, iusques à ores. Quand le Roy de France deut partir de Courtray, il ne meit pas en oubly (aussi ne firent les Seigneurs de France) les esperōs dorez, qu'ils auoiēt trouuez dedans vne eglise à Courtray: lesquels auoient esté aux Nobles du Royaume de France, qui iadis, avec le Comte Robert d'Artois, furent morts à la bataille de Courtray. Si ordonna le Roy qu'à son partement la ville de Courtray fust toute arse & destruite. Quand la cognoissance en vint au Comte de Flandres, il y cuida remedier: & s'en vint deuant le Roy: & se meit à genoux, en luy priant qu'il ne voulist faire mal à Courtray. Le Roy respondit totalement qu'il n'en feroit riens. Le Comte depuis n'osa renoueler le mot: mais se departit du Roy, & s'en alla en son logis, auant que le feu y fust bouté. Le Duc de Bourgogne fit oster vn horologe (qui sonnoit les heures) l'un des plus beaux, qu'on seust trouuer deçà ne delà la mer: & celuy horologe fit tout mettre, par membres & pieces, sur chars, & la cloche aussi. Lequel horologe fut amené & charroyé en la ville de Digeō en Bourgongne: & fut là remis & assis: & y sonne les heures vingt quatre, entre iour & nuit. Au departement du Roy, de la ville de Courtray, elle fut durement traittée: car on l'ardit & destruisit sans deport: & emmenerent par maniere de seruage, plusieurs Cheualiers, Escuyers, & gens d'armes, & de beaux enfans, fils & filles, à rācon. Si cheuaucha le Roy, & vint à Tournay: ou on luy fit grande reuerēce (comme raison estoit) & se logea en l'Abbaye de Saint-Martin: & furent les gens de la ville tous vestus de blanc, à trois beaux bastons vers, d'un lez: & fut la cité partie pour loger les Seigneurs. Le Roy fut à Saint-Martin: & tenoient ses gens vn quart de la ville. Le Duc de Berry fut logé en l'hostel de l'Euesque. Le Duc de Bourbon à la Couronne, Le Duc de Bourgongne à la Teste-d'or.

Vn horologe de Courtray amené à Digeō par le commandement du Duc de Bourgongne. La ville de Courtray brulée par le commandement du roy Charles sixieme.

Le Con-

Le Connestable au chef Saint Iaques, & fut crié de par le Roy, & sur peine de la hart, que nuls ne forfissent riens aux bonnes gens de Tournay, & que l'on ne prenst riens sans payer, & que nul n'entraist en la Comté de Haynaut, pour mal faire. Toutes ces choses furent bien tenues, & là se refreschirent les Seigneurs & leurs gens, & les loingtains se departirent, & s'en retournerent par l'Isle, par Douay, & par Valenciennes, en leurs maisons. Le Comte de Blois print congé du Roy, & à ses oncles, & à son compaignon le Comte d'Eu, & s'en retourna sur son heritage, en Hainaut, & se logea en Valenciennes, vn iour & vne nuit, ou on le receut grandement. Car il auoit conquis entierement l'amour des bonnes gens de la ville, tant pour l'amour du seruice qu'il auoit fait au pays (quand Bretons, Bourgongnons, & Sauoyfiens, le vouloient courir, & il alla au-deuant, & rompit leur intention) qu'aussi pour messire Thierry † de Disquemine, qui les auoit tenus long temps, & tenoit en doute, & il festoit mis du tout en l'ordonnance de luy & du Seigneur de Coucy, & sur ce point eurent ils paix. Si se departit le Comte de Blois, de Valenciennes, & s'en vint à Lendechiers, & là se tint vn temps, & se refreschit delez Madame Marie, sa femme, & Loys, son fils, & l'Esté ensuyuant il s'en vint à Blois mais la Comtesse & son fils demourerent en Haynaut, & se tindrent le plus du temps à Beaumont

† Il a par an
dit Esquemi
ne.

De quelque vaine entreprise de paix entre le Roy Charles & les Gandois, & comment le Roy, estant de retour à Paris, fit oster les chaines des rues, & chastia griéuement les Parisiens, pour cause de leurs émentes des Maillets.

CHAP. CXXIX.

Paraillement le Comte de la Marche & messire Iaques de Bourbon, son frere, se departirēt de Tournay, pour estre mieux à leur aise, & s'en allerent rafreschir à l'Escluse en Hainaut, sur leurs heritages. Messire Guy de Laual, Breton, s'en vint à Chéure en Hainaut, ou il a part & heritage, & en sont Seigneurs luy & messire Robert de Namur. Le Sire de Coucy s'en vint à Mortaigne sur l'Escaud, & là se refreschit, & ses gens, mais le plus du temps il se tenoit delez le Roy, à Tournay. Le Côte de Saint-Pol eut vne commission de corriger les Vrbainistes, dont la ville estoit moult renommée. Si en fut trouué plusieurs, & là ou ils estoient trouuez (fust en l'eglise Nostre-d'ame ou ailleurs) ils estoient pris & mis en prison, & rançonnez moult auant du leur, & amassa bien ledit Côte en briefs iours, au moyen de celle commission, sept mille francs, car nul ne partoit d'auecques luy, qui ne payast, ou donnast bonne seureté de payer. Encores estant le Roy à Tournay, eurent ceux de Gand vn saufconduit, allant & retournant en leur ville, & esperoit on qu'ils viendroient à mercy. Mais es Parlemens, qui là furent ordonnez, on les trouua aussi durs & orgueilleis, comme fils eussent tout conquesté, & gagné la iournée de Rosebecque, Bien disoient que volontiers ils se mettroient en l'obeissance du Roy de France, à fin qu'ils fussent tenus du domaine de France, pour auoir ressorts à Paris, mais iamaïs ils ne vouloient auoir, pour leur Seigneur, le Comte Loys, pour ce que iamaïs ne le pourroyent aimer, pour les grans dommages, qu'ils auoient receus par luy. Quelque traité qu'il y eust entre le Roy de France & son Conseil, & eux, ne quelconques Prelats ne sages gens qui s'en entremissent, on ne peut oncques trouuer autre response, & disoient bien aux Prelats, que fils auoient vescu en danger, ou en peine, trois ou quatre ans, † pour la ville retourner ce dessus deffous, on n'en auroit autre chose. Si leur fut dit qu'ils s'en pouuoient donc bien departir, quand ils voudroient. Adonc se partirent de Tournay, & retournerent à Gand, & demoura la chose en celuy estat, fors qu'ils auroient guerre. Le Roy de France & les Seigneurs prenoient grande peine à ce que toute la Comté de Flandres fust Clementine, & obeist à Pape Clement, mais les bonnes villes & les eglises estoient si fort annexées & liées en Vrbain, auecques l'opinion de leur Seigneur le Comte (qui s'y tenoit) qu'on ne les en pouuoit oster, & respondirent adonc, par le conseil du Comte, qu'ils en auroient auis, & en respondroyent determinément dedans Pasques, & demoura la chose en l'estat. Le Roy de France tint sa feste de Noel à Tournay, & quand il en partit, il ordonna le † grand Seigneur de Guistelles, à estre Capitaine de Bruges, & le Seigneur de Saint-Py à estre Capitaine d'Ypre, & le grand Seigneur de Guistelles à estre grand Regard de Flandres, & messire Iehan de Iumont à estre Capitaine de Courtray, & y enuoya deux cens Lances de Bretons, & autres Gés-d'armes en garnison à Audebourg, & à Audenarde enuoya messire Guillaume de Laumeghien, & environ cent Lances en garnison. Si furent pourueues ces

Vrbainistes cor
rigez, à Tour
nay.

Offre de ceux
de Gand, nō ac
ceptee du Roy.

† C'est adire
quād on de
uroit tour
ner dessus

deffous. Ce

† Ce, qu'il dira
tout incōtinēt,
monstre qu'il

faut icy vn au
tre Capitaine,

ou bien tantost
vn autre Re
gard, ou Regēt

de Flandres,

Mais ie ne trou
ue personne qui

m'en face la
raison, sinō que

sala fait Gui
stelles regent,

sans nommer
autres Capitai
nes, Vous au
serez, s'il faut

point Guy de

Guistelles en

vn lieu, et Gi
rard de Gui
stelles en l'an

tre, desque
deux il parle

au chap. 147.

garnisons de Flandres de Gens-d'armes, & de pourueances, pour guerroyer l'Yuer, des garnisons, & non autrement, iusques à l'Esté. Adonc, ces choses ordonnées, se partit le Roy, de Tournay, & vint à Arras, & ses oncles, & le Comte de Flandres en sa compaignie. Le Roy, seiournant à Arras, la cité fut en grande auenture, & la ville aussi, d'estre courue & pillée par les Bretons (à qui on deuoit grande finâce, & qui auoient eu moult de trauail en celuy voyage) qui se mal cõtentoient du Roy, & à grãde peine les peut on refrener. Le Conneftable & les Mareschaux de France les appaisèrent, en leur promettant qu'ils feroient nettement payez de leurs gages à Paris, & de ce demourerent pleges, enuers eux, le Conneftable de France, & les Mareschaux, messire Loys de Sanxerre, & le Sire de Blainuille. Adonc se departit le Roy, & prit le chemin de Peronne. Le Comte de Flandres prit congé du Roy, & s'en retourna à l'Isle, & là se tint. † Tant exploita le Roy de France, qu'il passa Peronne, Noyon, & Cõpiegne, & vint à Senlis, & là s'arresta, & se logerēt toutes manieres de Gens-d'armes es villages, entre Sélis & Meaux en Brie, & sur la riuere de Marne, & entour Sainct Denis, & estoit tout le pays remply de Gens-d'armes. Adonc se departit le Roy, de Senlis, & s'en vint deuers Paris, & enuoya aucuns de ses Officiers, pour appareiller l'hostel du Louure, auquel il vouloit descendre. Aussi firent ses trois oncles, & enuoyerent de leurs gens pour appareiller leurs hostels, & les autres haux Seign. ensuyuant, & ce faisoient ils tout à cautelle, car le Roy ne les Seigneurs n'estoient pas conseillez d'entrer si soudainement dedás Paris, car ils se doutoiēt de ceux de Paris. Mais, pour veoir quelle contenance ils feroient, & quelle ordonnance ils auoient faite à la venue du Roy, ils faisoient celuy effay deuant, & disoiēt les varlets du Roy & des Seigneurs, si on leur demandoit nouuelles du Roy, & fil venoit, Ouy voirement. Il sera tantost icy. Adonc auiserent les Parisiens qu'ils s'armeroient & montreroient, au Roy, à l'entrée de Paris, quelle puissance ils auoient dedans Paris, & quelle quantité de gens armez il y auoit, de pié en cap, & se le Roy vouloit, il en pourroit estre seruy. Mieux leur vauisist festre tenus quois en leurs maisons. Car celle monstre leur fut depuis conuertie en grande seruitude, si comme vous orrez recorder. Ils disoyent qu'ils faisoient tout ce pour bien, mais on l'entendit à mal. Le Roy auoit logé à Louures en Parisis, & vint loger au Bourget. Adonc courut voix dedans Paris, Le Roy sera icy tantost. Lors s'armerent plus de vingt mille Parisiens, & se meirent hors sur les champs, & fordonnerent en vne moult belle bataille, entre Saint Ladre & Paris, du costé deuers Mont-martre, & auoient leurs Arbalestiers, leurs pauaiz, & leurs maillets, tous appareillez, & estoient ordonnez, ainsi que pour tantost combattre, & entrer en bataille. Le Roy estoit encores au Bourget, & aussi estoient tous les Seigneurs, quand on leur rapporta ces nouuelles, & leur fut cõpté tout l'estat de Paris. Si dirēt les Seigneurs Veez la orgueilleuse ribaudaille, & pleins de grand bobant. Aquoy monstrent ils maintenant leurs estats? S'ils fussent venus seruir le Roy, au point ou ils sont, quand il alla en Flandres, ils eussent bien fait, mais ils n'en auoient pas la teste enflée, fors que de dire, & de prier à Dieu, que iamais pié d'entre nous n'en retournaft. A ces parolles estoient aucuns, qui bouterent fort auant, pour greuer les Parisiens, & si disoient. Se le Roy est bien cõseillé, il ne se mettra point entre tel peuple, qui viēt contre luy à main armée, & il deust venir humblement & à procession, & sonner les cloches de Paris, en louant Dieu de la belle victoire, qu'il luy a enuoyée en Flandres. Là furent les Seigneurs tous ébahis comment ils se maintiendroient. Finalement fut conseillé que le Conneftable de France, le Sire d'Albreth, le Sire de Coucy, messire Guy de la Trimouille, & messire Iehan de Vienne, s'en viendroient parler à eux & leur demanderoient pour quelle cause ils estoient, à si grande compaignie, issus hors de Paris, à main & teste armée, contre le Roy, & que tel affaire ne fut oncquesmais veu en France, & sur ce qu'ils respondoient, les Seigneurs estoient conseillez de respondre, & parler : car ils estoient bien assez sages & assez auisez, pour bien ordonner d'une telle besongne, & plus grande dix fois. Dont se departirent du Roy, sans nulle armeure, & pour leur besongne, coulourer, & aussi mettre au plus seur, ils menerent avecques eux trois ou quatre Heraux, lesquels ils firent cheuaucher deuant, & leur dirent. Allez iusques à ces gens, & leur demandez sans conduit pour nous, allans & venans, tant que nous ayons parlé à eux, & remonstre la parolle du Roy. Les Heraux se partirent, & frapperent cheuaux des esperons, & tantost furent venus iusques aux Parisiens. Quand les Parisiens les veirent venir, ils ne pensoient pas qu'ils vinssent pour parler à eux, mais tenoient qu'ils allassēt à Paris, ainsi que compai-

† Retour du Roi Charles, sixième, en France, auquel temps nous pouuons commencer l'année 1383, à ma mode.

Le Roy enuoye preparer son logis du Louure.

Dangerouses môstres des Parisiens au retour du Roy, apres sa victoire de Rosebecque.

Heraux du Roi vers les monstres de Paris, pour auoir sans conduit d'aller parler à eux de la part du Roy.

compaignons vont deuant. Les Heraux, qui auoient leurs cottes d'armes vestues, leur demanderēt tout haut, Ou sont les maistres? ou sont les maistres? Lesquels de vous sont les Capitaines? car sur cest estat sommes nous cy enuoyez des Seigneurs. Adonc s'aperceurent bien, par ces parolles, aucuns de Paris, qu'ils auoiēt mal-ouuré. Si baissèrent les testes, & dirent. Il n'y a cy nuls Maistres, nous sommes tous vn, & au commandemēt du Roy nostre Sire, & de noz Seigneurs. Dites ce, que dire voulez, de par Dieu. Messeigneurs (dirent les Heraux) noz Seigneurs, qui nous ont icy enuoyez (& les nommerent) ne fauent à quoy vous pensez. Si vous prient & requierent que paisiblement, & sans peril, ils puissent venir parler à vous, & retourner deuers le Roy, & faire leur response, telle que vous leur direz. Car autrement ils n'y osent venir. Par ma foy (respondirent ceux, à qui les parolles furent addrecées) il ne cōuient pas dire cela à nous, fors qu'il leur procede de leur noblesse. Nous cuidons que vous nous gabez. Respondirent les Heraux. Mais nous parlons tres-acertes. Or allez donc (dirēt les Parisiens) & leur dites qu'ils viennent seurement. Car ils n'auront nul mal par nous, & sommes tous appareillez pour faire leur commandement. Adonc retournerent les Heraux aux Seigneurs dessus-nommez, & leur dirent ce, que vous auez ouy. Lors cheuaucherent auant les quatre Barons, les Heraux en leur compaignie, & vindrent iusques aux Parisiens, qu'ils trouuerent en arroy & conuenant d'une belle bataille, moult bien ordonnée, & là auoit plus de vingt mille maillets. Ainsy que les Seigneurs passoient, ils regardoient, & en prisoient en eux assez bien la maniere, & les Parisiens en passant les enclinoient. Quand ces Seigneurs furent ainsy qu'au milieu d'eux, ils farresterent. Adonc parla le Connestable, tout haut, & demanda, en disant. Et vous, gens de Paris, qui vous meut maintenant à estre vuidez hors de Paris en telle ordonnance? Il semble (qui vous voit rēgez & ordonnez) que vous vueillez combattre le Roy, vostre Seigneur, & vous estes ses subiets. Monseigneur (respondirent ceux qui l'entendirent) sauf vostre grace, nous n'en auōs nulle volonté, n'ocques n'eufmes, mais nous sommes issus ainsy (puis qu'il vous plaist à le sauoir) pour monstrier à nostre Sire le Roy la puissance des Parisiens, car il est bien ieune, & ne la veit oncques, ne fil ne la voit, il ne la peut sauoir, ne comment il en seroit seruy, fil en auoit à besongner. Or Seigneurs (dit le Connestable) vous parlez bien, mais nous vous disons, de par le Roy, que pour ceste fois il n'en veut point veoir, & ce, que vous en auez fait, luy suffit. Si retournez en Paris paisiblement, & chacun en son logis, & mettez voz armes ius, si voulez que le Roy y descende. Monseigneur (respondirent ceux de Paris) volontiers. Nous ferons vostre commandement. Adonc retournerent les Parisiens dedans Paris, & s'en alla chacun en sa maison, pour soy des-armer. Et les quatre Seigneurs dessus-nommez retournerent deuers le Roy, & luy recorderent toutes les parolles, que vous auez ouis, & à son Conseil aussi. Lors il fut ordonné que le Roy, ses oncles, & les Seigneurs principalement, entreroient en Paris, & aucuns Gens-d'armes, mais les plus grosses routes se tiendroient au dehors de Paris, tout à l'enuiron, pour donner cremeur aux Parisiens. Si furent le Seigneur de Coucy & le Marechal de Sanxerre ordonnez à ce, que quand le Roy seroit entré dedans Paris, on osteroit les fueilles des quatre portes principales de Paris, au lez deuers Saint-Denys & Saint Mor, hors des gonts, & seroyent les portes, tant de nuit comme de iour, ouuertes, pour entrer & issir toutes manieres de Gens-d'armes à leur aise, & à leur volonté, & pour maistrer ceux de Paris, si besoing leur estoit, & encores feroient les dessusdits oster toutes les chaines des rues de Paris, pour cheuaucher par tout, plus aisement, & sans danger. Si comme il fut ordonné, il fut fait. Adonc entra le Roy dedans Paris, & s'en alla loger au Loure, & ses oncles de lez luy, & les autres Seigneurs à leurs hostels, ainsy qu'ils les auoient. Si furent les fueilles des portes, mises hors des gonts, & là couchées de trauers, deffous la tour des portes, & les chaifnes de toutes les rues ostées, & apportées au Palais. Adonc furent les Parisiens en grande doute, & cuiderent bien estre courus, & n'osoit nul d'entr'eux issir, n'ouurir huis, ne fenestre qu'il eust, & furent en cest estat trois iours, en grande crainte & peril de recevoir plus de dommage, qu'ils ne firent. Si leur cousta il, aux plusieurs, grāde fināce. Car on les mandoit en la chambre du Conseil, vn au coup, lesquels qu'on vouloit, & là ils estoient rançonnez, les vns de six mille, les autres de trois, & les autres d'un, & ainsy tellement qu'on leua bien, au proffit du Roy, de la ville de Paris, & aussi au proffit de ses oncles & leurs ministres, la somme de quatre cens mille francs, & ne demādoit l'on aux moyens, n'aux petis, aucune chose, fors aux grans Maistres ou il y auoit assez à prendre.

Le Connestable et quelques autres Seigneurs, vont parler aux monstres de Paris.

Retraite des monstres de Paris, sans estre venues du roy, qui leur fit commander d'aller poser leurs armes.

Entrée du roy Charles, sixième à Paris, apres son retour de Rosebecque.

Punition pecuniaire d'aucuns de Paris, pour les émeutes des Maillets.

Encores furent ils tous heureux, quand ils peurent échaper pour payer finance, & leur fit on apporter toutes leurs armeures, chacun par soy, & mettre en sacs, & porter au chasteau de Beauté, qu'on appelle le Chasteau de Vincennes, & là enclorre les armeures en la grosse tour, & tous les Maillets aussi. Ainsi furent menez les Parisiens en ce temps, pour donner exemple à toutes autres bonnes-villes du Royaume de France, & furent mis sus subfides, gabelles, aides, fouages, douzième, trezième, & toutes manieres de telles choses, & le plat pays, avec ce, tout risslé.

Comment plusieurs notables hommes furent decapitez avecques Maistre Iehan des Marests, à Paris, & quelques autres en plusieurs villes & citez de France.

CHAPITRE.

CXXX.

*Maistre Iehan,
des Marests, et
autres Bour-
geois de Paris,
decapitez aux
Halles.*

*Executio d'au-
tres Bourgeois
en quelques au-
tres villes de
France.*

Encores, avecques ce, le Roy & son Conseil en firent prendre, & mettre en prison, desquels qu'ils voulurét. Si en y eut beaucoup de noyez, & pour appaiser le demourant, & oster les ébahis de leur effray, on fit crier, de par le Roy, aux carrefours, que nul, sur peine de la hard, ne fist mal aux Parisiens, & ne prenist ne pillast riens es hostels, ne parmy la ville. Ce ban & cry appaisa grandemét ceux de la ville. Toutesfois on mit hors du chastel, vn iour, plusieurs hommes de Paris, iugez à mort pour leurs forfaits & émouvement de Commun, dont on fut moult émerueillé de Maistre Iehan des Marests, qui estoit tenu & renommé à sage & notable homme, & veulent bien dire les aucuns, qu'on luy fit tort, car on l'auoit tousiours veu homme de grande prudence & de bon conseil, & auoit tousiours esté l'un des greigneurs auçentiques en Parlement, sur tous autres, & auoit si bien seruy au Roy Philippe, au Roy Iehan, & au Roy Charles, qu'on ne fut seu, ne trouué en nul forfait, fors adonc. Toutesfois il fut iugé à estre décolé, & enuirō douze en sa compaignie, & ce pendant qu'on le menoit à sa decolation sur vne charrette, & seant sur vne planche sur tous les autres, il demandoit. Ou sont ceux, qui m'ont iugé que ils viennent auant, & monstrent la cause & raison, & pourquoy ils m'ont iugé à mort. Et là preschoit au peuple, en allant à sa fin, & à ceux qui deuoient mourir en sa compaignie, dont toutes gens auoient grande pitié, mais ils n'en oloyent parler. Il fut amené au marché des halles, & là deuant luy, tout premier, furent décolez ceux, qui estoient en sa compaignie, & en y eut vn (qu'on nommoit Nicolas le Flamant, vn drapier) pour lequel on offroit, pour luy sauuer la vie, quarante mille francs, mais il mourut. Et, quand on vint pour décoler Maistre Iehan des Marests: on luy dit ainsi, Maistre Iehan, criez mercy au Roy, à fin qu'il vous pardonne voz forfaits. Adonc se tourna il, & dit. I'ay seruy au Roy Philippe, son grand ayeul, au Roy Iehan, & au Roy Charles, son pere, bien & loyaument, n'oncques cestrois Roys ne me seurent que demander, & aussi ne feroit cestuy, s'il auoit aage, & congnoissance d'homme, & croy bien que de moy iuger il n'en soit en rié coupable. Si n'ay q faire de luy crier mercy, mais à Dieu vueil crier mercy, & non à autre, & luy prie qu'il me pardonne tous mes forfaits. Adonc prit il congé du peuple (dont la greigneur partie pleuroit pour luy) & en cest estat mourut Maistre Iehan des Marests. Pareillement en la cité de Rouen, pour maistriser la ville, en y eut aucuns executez, & plusieurs rançonnez, & aussi à Reims, à Chaalons, & à Troyes, à Sens, & à Orleans, & furent les villes tauxées à grans sommes de florins, pourtant qu'elles auoient au commencement au Roy desobey, & en fut leué parmy le Royaume de France si grans sommes de florins, que ce seroit merueilles à dire, & tout alloit au profit du Duc de Berry & du Duc de Bourgongne (car le ieune Roy estoit en leur gouuernement) &, au vray dire, le Connestable de France & les Mareschaux en eurent grande partie, pour payer les Gens-d'armes, qui auoient seruy en ce voyage de Flandres. Si furent les Seigneurs (tels que le Côte de Blois, le Comte de la Marche, le Comte d'Eu, le Côte de S. Pol, le Comte de Harcourt, le Côte Daulphin d'Auergne, le Sire de Coucy, & les grans Barons de France) assignez sur leurs terres, & pays, à prendre ce que le Roy leur deuoit, pour les seruices, qu'ils luy auoiēt faits en Flâdres, & pour les acquiter enuers leurs gés. De telles assignations, ie ne say pas comment les Seigneurs en furent payez. Car tâtoft, & fraischement, nouuelles tailles reuindrent en leurs terres, de par le Roy, & sur leurs gens, & aussi communément auant toute œuure, on vouloit la taille du Roy estre payee & executée, & les Seigneurs mis arriere.

Comment

Comment les Gandois renouellerent leur guerre, & comment le Comte de Flandres se fit hair des Anglois.

CHAP. CXXXI.

Vous sauez, que quand le Roy de France partit de Courtray, la ville de Gand demoura en guerre, comme par auant. Si estoient Capitaines de Gand, pour celle faison, Pietre du Bois, & Pietre le Mitre, & François Attremen, & se renouelloient les Capitaines, de nouvelles gens & soudoyers, qui leur vindrent de plusieurs pais & ne furent de riens ébahis de guerroyer : mais furent aussi fraiz & nouveaux, que iamais & entendirent ces Capitaines qu'il y auoit Bretons & Bourgongnons en la ville d'Ardebourg. Si auiserent qu'ils tireroient celle part, & les iroyent veoir, & se partit de Gand François Attremen, à tout trois mille hommes, & s'en vindrent à Ardebourg, ou il y eut grande écar mouche, & de fait les Gandois gaignerent la ville, mais il leur cousta moult de leurs gens. Toutesfois là y eut bien deux cens soudoyers morts, & fut la ville courue & pillée, & la greigneur partie arse. Puis retournerent à Gād avecques leur butin & conquest, & y furent receus à grāde ioye. Tātost apres coururēt en la cité d'Abes & de Terremonde, iusques à Audenarde, & pillerent tout le pays. Le Comte de Flandres, qui se tenoit à l'Isle, entendit comment les Gandois sauaŋcoient de cheuaucher & de courir sur le pays, pour destruire ce qu'ils pourroient. Si en fut durement courroucé, & ne cuidoit pas qu'ils eussent le sens, ne la puissance de ce faire, puis que Philippe d'Arteuelle estoit mort. Mais on luy dit, Sire, vous sauez, & auez tousiours ouy dire, que Gandois sont moult subtils. Ils le vous ont bien monstré, & monstrent, & de rechef ont † depuis esté en Angleterre, si en y a de reuenus, & par especial François Attremē, qui estoit compaignon, en toutes choses, à Philippe d'Arteuelle, & tant qu'il viue, vous ne ferez sans guerre. Encores sauons de verité, qu'il a fait, pour la ville de Gand, grāns alliances au Roy d'Angleterre. Car il est (quelque part qu'il soit) † couuertement Anglois, & en a tous les iours vn franc de gage, & couuertement vn pur Anglois, Iehan Sablemon (qui demoure à Bruges, & a demouré, deŋsous vous, plus de vingt & quatre ans) le paye de mois en mois. Or, que ce soit vray de la poursuite des Anglois, Race de Voirie, Lois de Voz, & Iehan Sercolac (lesquels sont de Gand) & ce Clerc, qui procure à estre Euesque de Gand, sont encores demourez derriere en Angleterre, pour parfour nir les alliances, & vous en orrez plus vrayes nouvelles, que nous ne disons, dedans le mois de May. Le Comte de Flandres glosa bien toutes ces parolles, & les tint bien à veritables, & aussi estoient elles. Adonques commença il a imaginer sur ce Iehan Sablemon, & sur les Anglois qui demouroient à Bruges, & les fit semondre, par ses Sergens, d'estre à certain iour, qu'ils leur assignerent, pour comparoir deuant le Comte, au Chastel de l'Isle. Les Sergens du Comte vindrent, & admonesterent Iehan Sablemon, & plusieurs autres Anglois, riches hōmes (qui de ce ne se donnoient garde) qu'ils fussent à la quinziesme iournée deuant le Comte de Flandres, au Chastel de l'Isle. Quand ces Anglois ouirent les nouvelles, ils furent tous ébahis, & parlerent ensemble, & se con seillerent, car ils ne sauoient que penser, n'imaginer, pourquoy le Comte les mādait. Tout considéré, ils se douterent grandement, car ils sentoient le Comte en sa felonnie moult hastif. Si dirent par entre eux. Qui ne garde le corps, ne garde riens. Le doute que le Comte est informé sur nous durement, car avecques François Attremen (qui a eu pension du Roy d'Angleterre) y a eu deux Bourgeois de ceste ville en Angleterre, lesquels par-aventure ont sur nous informé le Comte, pour nous mettre en mal-grace, car ils sont maintenant de sa partie. Sur ce propos s'arrestèrent ces Anglois, & n'osèrent les aucuns attendre le iugement du Comte, n'aller à l'Isle à leur iour. Si s'en partirent de Bruges, & vindrent à l'Escluse, & firent tant, qu'ils trouuerent vne nef appareillée, & l'achapterent à leurs deniers. Si partirent, & vindrent arriuer au cayz de Lōdres. Quand le Comte de Flandres fut informé de cest affaire, & veit que les Anglois ne venoyent point à leur iournée, si en fut durement courroucé, & veit bien, selon l'apparent, qu'on l'auoit informé de verité. Si enuoya tantost ses Sergens à Bruges, & fit saisir tout ce qu'o peut trouuer du bien des Anglois qui fuis s'en estoient, & vendre tous leurs heritages, & furent bannis de Flandres, à cent ans & vn iour, Iehan Sablemon de Londres, & ses compaignons, & ceux, qui furent pris, furent mis en la pierre, en prison, dont il y en eut aucuns qui moururent, & aucuns qui se recouurerent de tout ce, qu'ils auoient perdu. On dit vn cōmun Prouerbe (qui vray est) qu'onques enuie ne mourut. Le le raméteuray

Ardebourg, prise, pillée, & brulée par les Gandois.

† Il faut donc presupposer qu'ils y fussent retournez depuis le chap. 128.

† Ces deux mots sont de sala, sans lesquels le sens estoit imparfait.

Quelques Anglois, demourans à Bruges, adiournez par deuant le Comte de Flādres.

Les Anglois de Bruges, adiournez deuant le Cōre de Flādres, se retirerent à Londres & sont leurs biens saisis pour le Comte.

*Anglois maris
de la victoire
des François à
Rosebecque.
† C'est adire en-
orgueillis.*

*Anglois cour-
roucez contre
le Côte de Flā-
dres, pour le
mal traitemēt,
de leurs Mar-
chās de Bruges.*

pourtant qu'Anglois sont trop enuieux sur le bié d'autrui, & ont esté tousiours. Sachez, que le Roy d'Angleterre, & ses oncles, & les Nobles d'Angleterre, estoient durement courroucez du bien & de l'honneur, qui estoit auenu au Roy de France, & aux Nobles, à la bataille de Rosebecque, & disoient en Angleterre les Cheualiers, quand ils en parloient ensemble, Aa, Sainte-Marie, que les François sont maintenant † deffumez, pour vn mont de villains qu'ils ont rué ius. Pleust à Dieu que Philippe d'Arteucille eust eu des nostres deux mille Lances, & six mille Archers. Il n'eust i' à réchapé vn pié de ces François, que tous ne fussent morts ou pris. Et, par Dieu, ceste gloire ne leur demourera pas longuement. Or auons nous bel auantage d'entrer en Flandres, car le pays a esté conquis du Roy de France, & nous le conquerrons pour le Roy d'Angleterre. Encorés mōstre bien à present le Comte de Flandres, qu'il est grandement subiect au Roy de France, & qu'il luy veut complaire de tous points, quand noz Marchans Anglois, demourās à Bruges, & qui y ont demouré passé a trente ans, tels qu'ils sont, il a bannis & chacez de Bruges, & de Flandres. On a veu le temps, qu'on ne l'eust point fait pour nulauoir, mais maintenant il n'en oseroit autre chose faire, pour la doutance des François. Ainsi, & plusieurs autres parolles, langageoient les Anglois parmy Angleterre, & disoient communement que les choses ne demoureroient pas en ce point. On peut bien & doit on supposer, que c'estoit par enuie.

Des Bulles, que le Pape Urbain enuoya en Angleterre, pour destruire les Clementins, & comment l'Euesque de Norduich fut chef de ceste entreprise.

CHAP.

CXXXII.

*† Ce passage est
fourni selon le
sēs de l'Auteur*

*Absolution de
peins & de
coulpe, et dixiē-
me ottroyé aux
Anglois par
Urbain, pour
estre em-
ployé contre les
Clementins.*

*† Nous auons
remis ce nom*

EN ce temps s'e vint celuy, qui s'escriuoit Pape Urbain sixiesme, de Romme, par mer à Gènes, ou il fut grandement receu, & reueremment, des Généuois, & tint là son siège. Vous sauez comment toute Angleterre estoit obeissante à luy, tant de l'Eglise, qu'aussi de tout le peuple, & plus qu'oncquesmais. Pour la cause que le Roy de France estoit Clementin, & toute France, celuy Urbain (auquel les Anglois & plusieurs natiōs croyoient) fauisa, luy estant à Gènes, pour nuire au Roy de France, que quand il pourroit, il enuoyeroit en Angleterre au secours. Je vous diray par quelle maniere. Il enuoyeroit ses Bulles aux Archeuesques & Euesques du pays, lesquelles feroient mentiō qu'il absouloit & absoudroit, de peine & de coulpe, tous ceux qui aideroient à destruire les Clementins. Car il auoit entendu que Clement, son aduersaire, l'auoit pareillemēt fait en France, & encores faisoit tous les iours, & appelloient les François les Urbanistes, tant qu'en foy, chiens, † & aussi les Urbanistes les Clementins, qu'Urbain vouloit condamner selon sa puissance en celuy estat, & bien sauoit qu'il ne les pouuoit plus greuer, que par les Anglois. Mais il conuenoit, si luy vouloit faire mettre son fait sus, auoir vne grā de finance premierement, car bien sauoit que les Nobles d'Angleterre pour toutes les absolutions ne cheuaucheroient point, se l'argent n'alloit deuant, car les Gens-d'armes ne viuēt pas de pardons, n'ils n'en font point trop grand compte, fors au destroit de la mort. Si regarda qu'avecques ses Bulles il enuoyeroit en Angleterre, deuers les Prelats, pour faire prescher, & ordonneroit vn plain dixiēme, sur les eglises, aux gens nobles, pour estre franchement payez, & sans danger, de leurs gages, sans greuer le tresor du Roy, ne la Communauté du pays, à laquelle chose il pensoit que les Cheualiers & Barōs d'Angleterre entendroyent volontiers. Si fit incontinent escrire & grossoyer Bulles à puissance, tant au Roy comme à ses oncles, & aux Prelats d'Angleterre, de ses pardons & absolutions de peine & de coulpe, & avecques tous ces biens, dont il s'elargissoit, il ottroyoit au Roy, & à ses oncles, vn plain dixiesme, par toute Angleterre, à prendre & à leuer, à fin que messire Henry le Despensier, Euesque de Norduich, fust Chef de ces besongnes & Gens-d'armes, & pourtant que les biens viendroient de l'Eglise, il vouloit qu'il y eust vn Chef de l'Eglise, pour les gouverner, si y adiousteroient les Communautés & les eglises d'Angleterre, plus grande foy. Avecques tout ce (pource qu'il sentoit le Royaume d'Espagne contraire à ses opinions, & allié aucunement avecques le Roy de France) il fauisa qu'à celuy or & argēt, qu'il feroit leuer & cueillir par le Royaume d'Angleterre, le Duc de Lancastre (qui se tenoit Roy de Castille, à cause de sa femme) pour faire pareillement vne autre armée en Castille, y partiroit. Et se le Duc de Lancastre, avecques sa puissance de Gens-d'armes, entreprenoit ce voyage, il accordoit au Roy de Portugal (lequel auoit guerre nouvelle au Roy Iehan de Castille, car le Roy † Ferrand estoit mort) vn plain dixiēme, par tout le Royaume de Portugal. Ainsi ordonnoit

Urbain

Vrbain ses besongnes, & enuoya plus de trente Bulles en Angleterre, lesquelles en celle saison on receut volontiers & à grande ioye. Adonc les Prelats, en leurs Prelations & Seigneuries, commencerent à prescher ce voyage, par maniere de Croisée, dont le peuple d'Angleterre (qui creut legerement) y eut trop grande foy, & ne cuidoit nul, ne nulle, issir de l'an à honneur, ne iamais entrer en Paradis, s'il n'y donnoit & mettoit du sien, en pures aumosnes. A Londres, & au diocese, il y eut vn plain tonneau, de Gascongne, d'or & d'argent, & qui plus y donnoit, selon la Bulle du Pape, plus il gaignoit de pardons, & tous ceux, qui mouroyent en celle saison, & qui le leur donnoient entierement à iceux pardons, estoient absous de peine & de coulpe, & par la teneur de la Bulle tous heureux estoient ceux, qui mourir pouuoient en celle saison, pour auoir si noble absolution. On cueillit tout l'Yuer & en la Quaresme, parmy Angleterre, tant par aumosne, que par les dixiemes des Eglises, car tout estoit cueilly, & d'eux mesme ils se taillioient si volontiers, qu'on amassa la somme de vingt & cinq cens mille francs.

Comment l'Euesque de Norduich, Chef des Anglois pour l'entreprise d'Vrbain contre les Clementins, descendit à Calais, avec son armee, d'Vrbainistes.

CHA. CXXXIII.

Vingt cinq cens mille francs amassez en Angler. contre les Clementins.

Quand le Roy d'Angleterre, ses oncles, & leurs Consaux, furent informez de la mise, si en furent moult ioyeux, & disoient qu'ils auoient argent assez, pour faire guerre aux deux Royaumes, c'est à entendre France & Espagne. Pour aller en Espagne, au nom du Pape & des Prelats d'Angleterre, avec le Duc de Lancastre fut ordonné l'Euesque de Londres (qui s'appelloit Thomas, frere au Comte Dunefiere) & deuoient auoir deux mille Lances, & quatre mille Archers, ausquels ils deuoyent la moitié de l'argent departir, mais ils ne deuoient pas si tost issir hors d'Angleterre, que l'Euesque de Norduich & sa route ne fussent reuenus, pourtant que celle armee deuoit arriuer à Calais, & entrer en Frâce. Si ne sauoit on comment ils se porteroient, ne si le Roy de France à puissance viendrait contre eux pour cōbattre. Encores y auoit vn autre point, contraire au Duc de Lancastre (qui grand ioye auoit de ce voyage) que toute la Cōmunauté generalemēt d'Angleterre s'enclinoit plus à estre avec l'Euesque de Norduich, que d'aller avec le Duc de Lancastre, car long temps auoit que le Duc n'estoit point en la grace du peuple, & si leur estoit le Royaume de France plus prochain, que celui d'Espagne, & encores disoient les aucuns en derriere, que le Duc de Lancastre, pour la cōuoitise de l'or & de l'argent qu'il sentoit au pays (qui venoit de l'Eglise, & des aumosnes des bonnes gens) pour en auoir sa part s'y enclinoit, plus que par deuotion qu'il y eust, mais celui Euesque de Norduich representoit le Pape, & estoit par luy institué à ce faire parquoy la greigneur partie d'Angleterre y adioustoit grande foy, & le Roy aussi. Si furent ordonnez aux gages de l'Eglise, & de cest Euesque Henry le Despensier, plusieurs bōs Cheualiers & Escuyers d'Angleterre & de Gascongne, tels que le Seigneur de Beaumont, Anglois, messire Hue de Caurellée, messire Thomas Triuet, messire Guillaume Helmen, messire Iehan de Ferrieres, messire Hue le Despensier, † neveu à l'Euesque, fils de son frere, messire Guillaume de Fremiton, messire Matthieu Rademon, Capitaine de Waruich, le Sire de Chasteauneuf, Gascon, & messire Iehan son frere, Raymōd Marfen, Guillaume de Paux, Gariot, Vighier, & Iehan de Cachitan, & plusieurs autres, & furent, tous comptez, enuiron cinq cens Lances, & quinze cens d'autres gens, mais grāde foison de Prestres y auoit, pour la cause de ce, que la chose touchoit à l'Eglise, & venoit de leur Pape. Les Gens-d'armes & leurs routes firent leurs pourueances bien à point, & leur deliura le Roy leur passage à Douure & à Sanduich. Là firent ils, enuiron Pasques, toutes leurs pourueances, & se tiroient là, petit à petit, ceux, qui passer vouloient, & faisoient ce voyage par maniere de Croisée. Auant que l'Euesque & les Capitaines, qui avec luy estoient, especialement messire Hue de Caurellée, messire Thomas Triuet, & messire Guillaume Helmen, issirent hors d'Angleterre, ils furent mandez au Cōseil du Roy & là iurerent solennellement, le Roy present, de mettre à chef leur loyal voyage, & que là ne se combattroient cōtre homme, ne pays, qui teinssent pour le Pape Vrbain, mais à ceux, qui de l'opinion de Clement estoient. Ainsi le iurerent ils volontiers, & là dit le Roy, par l'accord de son Conseil, Euesque, & vous, Thomas & Guillaume: vous venus à Calais, vous y seiournerez (pour ce que c'est frontiere) vn mois, ou enuiron, & dedās ce terme ie vo' enuoieray vn bō Marechal, & vaillāt hōe, messire Guillaume de Beauchāp, car ie l'ay enuoyé querir. Il est en la marche d'Escocce, ou il a là † iournée & frōtiere pour

† Il y auoit coulin, en tous les deux Exemp. Mais le ch. 35. assure nostre correction.

Ce que iura l'Euesque de Norduich & ses gens, denāt que partir d'Angleterre.

† C'est adire assignation pour parler sur la frontiere.

Descente de l'Euesque de Norduich, et de ses Urbanistes, à Calais, le 23. d'Avril 1383.

nous, contre les Escoçois, car les tréues de nous & des Escoçois doyuent faillir à ceste Sainct-Iehan. Luy retourné, vous l'aurez, sans nulle faute, en vostre compaignie. Si l'attendez. Car il vous sera à tous necessaire, de sens & de bon conseil. L'Euesque de Norduich & les Cheualiers, dessus-nommez, luy eurent en conuenant qu'ainsi le feroient ils, & sur cest estat se departirent ils du Roy, & se meirét sur leur voyage: & puis monterent en mer, à Douures, & vindrent arriuer à Calais le vingt & troisieme iour du mois d'Auril, l'an m. ccc lxxxiii. Pour celuy temps estoit Capitaine à Calais messire Iehan Deluernes, qui receut l'Euesque & les compaignons à grande ioye, & faillirent hors de leurs vaisseaux petit à petit, avecques leurs cheuaux & harnois, & se logeoient ceux, qui loger se peurent, à Calais, & enuiron, en bastides, qu'ils auoyent faites, & faisoient tous les iours, & furent là iusques au quatrieme iour de May, en attendant leur Marechal, Messire Guillaume de Beauchamp, qui point ne venoit. Quand l'Euesque de Norduich (qui estoit ieune & volontarieux, & qui se desiroit à armer, car encores ne s'estoit il point armé, fors en la Lombardie, avecques son frere) se vit à Calais, & Capitaine de tant de Gens-d'armes, si dit vne fois à ses compaignons. Et à quelle fin, Beaux Seigneurs, seiournons nous icy tant? messire Guillaume de Beauchamp ne viendra point. Il ne souuient ores au Roy, n'à ses oncles, de nous. Faisons aucuns exploits d'armes, puis que nous sommes ordonnez à ce faire. Employon l'argent de l'Eglise loyaument, puis que nous en viuons. Reconqueron en de nouuel sur les ennemis. C'est bien dit (respondirent ceux, qui les parolles auoyent ouies) Faisons assauoir à noz gens, que nous voulons cheuaucher dedans trois iours, & regardon qu'elle part nous tirerôs. Nous ne pouuons partir, n'issir des portes de Calais nullement, que nous n'entrons en terre d'ennemis, car c'est France de tous costez, aussi biē vers Flandres, comme vers Boulongne & S. Omer, car Flandres est terre de conquest, & l'a conquise, par sa puissance, le Roy de France. Aussi nous ne pouuôs faire meilleur exploit, tout cōsidéré, ne plus honorable, que de la conquerir. Car le Côte de Flandres a fait vn grād despit à noz gens, qui sans nul tiltre de raison, les a bannis & chacez hors de Bruges & du pays de Flandres. N'a pas deux ans qu'il eust ce fait moult enuis, mais à present luy cōuenoit obeyr aux ordonnances & plaisirs du Roy de France & des François, dont se i'en estoye creu (dit l'Euesque de Norduich) la premiere cheuauchée, que nous ferions, ce seroit en Flandres. Vous en serez bien creu (dirent messire Thomas Triuet & messire Guillaume Helmen) Ordonnon sur ce, & cheuauchon celle part dedans trois iours, car ce sera sur terre d'ennemis. A ce conseil se tindrent tous, & le firent fauoir les vns aux autres.

Comment l'Euesque de Norduich, Chef des Urbanistes d'Angleterre, entra sur les pays de Flandres, contre l'opinion de Hue de Caurellée, comment le Comte de Flādres luy enuoya des Ambassadeurs, & de la dure responce, qu'il leur fit. CHAP. CXXXIIII.

Il y auoit Gui ghes, mais nous l'auons changé selon le chap. suiuant.

Opinion de Hue de Caurellée, pour ne point enuahir le pays de Flādres, qui estoit Urbaniste

A Toutes ces parolles, dites & deuillées, n'estoit messire Hue de Caurellée, mais estoit allé veoir vn cousin (qui estoit Capitaine de † Guines, & s'appelloit messire Iehan Droicton) & demoura à Guines tout ce iour qu'il y alla, en l'intention de lendemain reuenir, si-cōme il fit. Quand il fut retourné, l'Euesque le mādā dedās le chasteau (auquel il estoit logé) & les autres aussi, pourtant que messire Hue estoit le plus vstré d'armes de tous les autres, & qui le plus auoit veu, & les Cheualiers auoiet dit à l'Euesque, qu'ils vouloient auoir l'auis de messire Hue, auant qu'ils fissent riens. Si luy dit l'Euesque, deuant eux, les parolles dessusdites, & luy commanda qu'il en dist son auis. Messire Hue respondit, & dit à l'Euesque, Sire, vous sauez sur quel estat nous sommes issus d'Angleterre. Nostre fait ne touche en riens au fait de la guerre des Roys, fors sur les Clementins, car nous sommes soudoyers au Pape Urbain, qui nous a absous de peine & de coulpe, si nous pouuons destruire les Clementins. Si nous allons en Flandres (non-obstant que le pays soit au Roy de France, & au Duc de Bourgogne) nous forferons, car i'enten que le Comte de Flandres & tous les Flamans sont aussi bons Urbanistes, que nous sommes. De rechef, nous n'auôs pas gēs assez, pour entrer en Flādres. Car ils sōt tous appareillez, & reueillez de la guerre, car ils n'ōt eu autre soing, puis quatre ans, & sōt grād peuple, & si y a durement fort pays à entrer & cheuaucher. Si ne no^r ont les Flamās riē forfait. Mais si nous voulôs cheuaucher, cheuauchō en Frāce. Là sōt noz ennemis par deux manieres. Le Roy, nostre Sire, a guerre à eux ouuerte, & si sont les Frāçois to^r Clemētins, & cōtraires à nostre creāce, & au Pape. Outre, no^r deuôs attēdre nostre Marechal messire Guillau-

Guillaume de Beauchamp, qui doit hastiuement venir, à tout grand gent; & ce fut la dernière parolle du Roy, qui dit qu'il le nous enuoyeroit. Si loue & conseille de mon amis (puis que cheuaucher voulons) que nous cheuauchons vers Aire, ou Montreul. Nul ne nous viendra encores au-deuant, & tousiours nous viendront gens, qui istront de Flandres, qui ont le leur tout perdu, qui viendront avecques nous, pour gagner. Ils ont encores au cœur la felonnie & maltalent sur les François, qui leur ont tué & occis, en leurs guerres, leurs peres, leurs fils, & leurs amis. À peine peut auoir messire Hue dit sa parolle, quand l'Euesque le print (chaud & bouillant qu'il estoit) & luy dit, Ouy, ouy, Messire Hue, vous auez tant appris au Royaume de France à cheuaucher, que vous ne sauez cheuaucher ailleurs. Ou pouuons nous mieux cheuaucher ailleurs, pour mieux faire nostre profit, que d'entrer en celle frontiere de mer de Bourbourg, de Dunesche, de Mesport, & en la Chastellenie de Berghes, de Cassel, d'Ypre, & de Propinche? En ce pays là, que ie vous nomme (si comme ie suis informé des Bourgeois de Gand, qui sont icy de nostre compagnie) ils ne firent oncques guerre, qui les greuaist, & nous irons là refreschir, & attendre messire Guillaume de Beauchamp, sil veut venir. Encores ne nous est il riens apparu de sa venue. Quand messire Hue de Caurelle se vit ainsi rebouté de l'Euesque (qui estoit de grand lignage, & qui estoit leur Capitaine) non-obstant qu'il fust vaillant Cheualier, si se teut, & aussi il ne fut point aidé à soustenir, ne sa patolle, par messire Triuet, ne par messire Guillaume Helmen, & se partit de la place, en disant. Par Dieu, Sire, se vous cheuauchez, messire Hue de Caurelle cheuauchera avecques vous, ne vous ne ferez ià voye, ne chemin, ou il ne fose bien voir. Je croy bien (dit l'Euesque) que vous auez grād desir de cheuaucher. Or vous appareillez, car nous cheuaucherons le matin. A ce propos se sont ils du tout tenus, & l'ordonnerent pour cheuaucher à lendemain, & cheuaucherent, & fut leur cheuauchée signifiée parmy la ville de Calais par tous les logis. Quand ce vint au matin, les trompettes sonnerent. Tous se departirent, & prirent les champs, & le chemin de Grauelines, & estoient, par compte fait, environ trois mille testes armées. Tant cheminerent, qu'ils vindrent sur le port de Grauelines, ou pour l'heure la mer estoit passée. Si passerent outre le port, & assaillirent & pillerent le monstier (que ceux de la ville auoyent fortifié) & la ville (qui estoit fermée de paliz) laquelle ne pouuoit pas longuement tenir, car il n'y auoit que ceux de la ville, qui n'estoient que bōnes gens de mer (car, sil y eust eu des Gentils-hommes, ils se fussent bien plus longuement tenus, qu'ils ne firent & aussi le pays de ce n'auoit point esté signifié, ne de celle guerre, & ne se doutoyent point des Anglois. † Si conquirent d'assaut les Anglois la ville de Grauelines, & entrèrent dedans, & tirerent vers le monstier, ou ces bonnes gens s'estoient retraits, & auoyent mis leurs biens, sur la fiance du fort lieu, leurs femmes & enfans, & auoyent autour de ce fort lieu, ou ces gens s'estoient retraits, fait grans fossez. Si ne les eurent pas les Anglois à leur aise, & mais seiournerent auant, en la ville, deux iours, qu'ils peussent auoir le monstier. Finalement ils le conquirent, & occirent ceux qui le gardoyent, & du demourant ils firent leur volonté. Ainsi furent ils Seigneurs & maistres de Grauelines, & se logerent ensemble en la ville, & y trouuerent des pourueances assez. Lors se commença tout le pays à effrayer, quand ils entendirent que les Anglois estoient à Grauelines, & se bouterent les plusieurs du plat pays es forteresses, & enuoyerent femmes & enfans à Berghes, à Bourbourg, & à Saint-Omer.

*Resolution de
L'Euesque de
Nordwich pour
cheuaucher en
Flandres.
† le liroye vo-
lontiers de
Dunquer-
que & de
Neufport.*

*Port ville, &
monstier de Gra-
uelines pillés
par les An-
glois.*

*† il fait ceste ré-
petition, pour
donner à enten-
dre que (quel-
que chose qu'il
ayt dit, par la
clause preceden-
te) la ville fut
prise deuant le
monstier.*

*Conseil du Com-
te de Flandres,
pour robuer aux
Francoises.*

Le Comte de Flandres (qui se tenoit à l'Isle lez Flandres) entendit ces nouvelles, & que les Anglois luy faisoient guerre, & auoyent pris Grauelines. Si commença soy doubter d'eux, & du Franc de Bruges, & appella son Conseil, qui estoit delez luy, & leur dit, Je m'emerueille des Anglois, qui me courent sus, & prennent mon pays, & ne m'en mandent aucune chose, & sans moy deffier ils sont entrez en ma terre. Sire (respondirent les aucuns) voirement ce sont choses bien à émerueiller, mais on peut supposer qu'ils tiennent à present la Comté de Flandres, pour France, pour ce que le Roy a cheuauché si auant, que le pays s'est rendu à luy. Et quelle chose est bonne (dit le Comte) que nous facions? Il seroit bon (respondirent ceux de son Conseil) que messire Jehan Villain & messire Jehan du Moulin, qui cy sont, & lesquels sont à la pension du Roy d'Angleterre, allassent de par vous en Angleterre, parler au Roy, & luy remōstrer biē sagemēt ceste besongne, & luy demādaissent, de par vous, à quelle fin il vous fait guerre. Je croy quand

il orra voz Cheualiers & messagers parler qu'il se courroucera sur ceux qui vous font guerre, & les retraira, à leur blâme, hors de vostre pays. Voire (dit le Comte) & ce pendant que noz Cheualiers iront en Angleterre, ceux, qui sont à Grauelines (qui n'ira pour euz au deuant) pourront porter trop grand dommage à ceux du Franc. Dôt fut respondu au Comte, & dit. Si est il besoing qu'on voise parler à eux, tant pour auoir saufconduit pour aller à Calais & en Angleterre, que pour sauoir quelle chose ils vous demandent, & messire Iehan Villain & messire Iehan du Moulin sont bien si auisez, que en parlant ils mettront le pays en paix & à seur. Le le vueil, dit le Comte. Adonc furēt les deux Cheualiers informez de par le Comte & son Conseil, pour parler tant à l'Euesque de Norduich, que pour le voyage, dont ils estoient chargez d'aller en Angleterre, & quelle chose ils parleroient au Roy d'Angleterre & à ses oncles. Ce pendant que ces Cheualiers s'ordonnoient, pour venir à Grauelines, parler à l'Euesque de Norduich, l'assembloit tout le pays d'environ Bourbourg, Berghes, Cassel, Propinghes, Furnes, le Neufport, & autres villes, & s'en venoient deuers Dunquerque, & là se tenoient en la ville, & disoient que brièvement ils descendroient, & garderoient leur frontiere, & combat-

Messire Iehan Sporequin Capitaine de quelques Communautes de Flandres contre les Urbanistes de l'Euesque de Norduich. Il l'enten cecy du Halze de Flandres, & que luy & Sporequin emouuoient le pays à se deffendre. Ambassadeurs du Comte de Flandres vers l'Euesque de Norduich, à Grauelines.

troyent les Anglois, & auoient ces gens de Flādres, à Capitaine, vn Cheualier, qui sapelloit messire Iehan Sporequin, Gouverneur & Regard de toute la terre Madame de Bar, laquelle est en la frontiere & marche, dont ie parle, & sied toute iusques aux portes d'Ypre. Or messire Iehan Sporequin ne sauoit riens que le Comte de Flandres voulist enuoyer en Angleterre. Car le Halze de Flandres l'estoit venu veoir, à trente Lances, & luy auoit dit que voirement le Comte estoit à l'Isle, mais il n'en sauoit autre chose, & t deuoit là marier sa sœur au Seigneur Delbaurin, dont ces deux Cheualiers prenoiet grāde peine à émouuoir le pays, & de mettre ensēble les vaillans hōmes, & se trouuoiet biē, d'hōmes, en nombre de douze mille, à picques, à plāçons, à cottes de fer, à hocquetōs, à chapeaux de fer, & à bacinets, & estoiet quasi tous cōpaignōs de la terre Madame de Bar, entre Graueniles & Dunquerque, si-cōme ie fu informé. A trois lieues pres, sur le chemin, sied la place de Mardique, vn grād village sur la mer, tout declos, & iusques là venoiet courir les Anglois, & y auoit aucunesfois des écarouches. Or vindrēt à Grauelines messire Iehan Villain & messire Iehan du Moulin, de par le Côte, & vindrēt sur bō saufcōduit, qu'ils auoient attēdu à Bourbourg, iusques à ce que l'vn de leurs Heraux leur eust apporté. Quand ils furent arriuez à Grauelines, on les logea, & assez tost apres qu'ils furent descendus, ils se tirerēt par deuers l'Euesque de Norduich, qui leur fit semblant d'assez bonne chere. Il auoit celuy iour donné à disner à tous les Barons de l'ost, car bien sauoit que les Cheualiers du Comte deuoient venir. Si vouloit qu'ils les trouuassent tous ensemble. Lors commencerent à parler les deux Cheualiers dessus-nomez, & dirent à l'Euesque, Sire, nous sommes icy enuoyez de par Mōseigneur de Flandres. Quel Seigneur? dit l'Euesque. Adonc respondirent les deux Cheualiers. Le Côte, Sire, autre Seigneur en Flandres n'y a, que luy. Par mon Dieu (dit l'Euesque) nous en tenons à Seigneur le Roy de France, ou le Duc de Bourgongne, noz ennemis, car par puissance ils ont en ceste saison cōquis le pays. Sauf vostre grace (respondirent les Cheualiers) la t terre fut à Tournay ligement rendue & mise en la main & gouuernement de Monseigneur le Comte de Flandres, lequel nous a enuoyez deuers vous, en priant que nous (qui sommes de foy & de pension au Roy d'Angleterre, vostre Seigneur) ayōs vn saufcōduit, pour aller en Angleterre, parler au Roy, & sauoir pourquoy sans desier, il fait guerre à Monseigneur le Comte de Flandres, & à son pays. Respondit l'Euesque. Nous aurōs conseil de vous en respōdre, & aurez response le matin. Pour l'heure autre chose n'en peurēt auoir, & assez leur suffit. Si se retirerēt à leurs maisons, & laisserent les Anglois cōseiller, qui eurent celuy iour conseil ensemble, tel que vous diray. Tout consideré & regardé leur fait & ce qu'ils auoiet entrepris, ils dirēt qu'aux d'eux Cheualiers n'accorderoient nul saufcōduit pour aller en Angleterre, car le chemin y est trop long, & pēdāt qu'ils iroiet & retourneroiet, le pays seroit asseuré, & se pourroit grādemēt fortifier, & le Côte (qui estoit subtil) signifier son estat au Roy de Frāce, ou au Duc de Bourgōgne, parquoy dedans brief iours viendroiet tant de gens contre eux, qu'ils ne seroiet pas assez fors pour resister à eux, ne cōbattre. Ce cōseil arresterent ils, & dirent, Quelle chose respondrons nous le matin aux Cheualiers de Flandres. Adonc messire Hue de Caurelec fut chargé de parler, & donner conseil, & dit ainsi à l'Euesque, Sire, vous estes

Il l'Ambassadeur le pouuoit ainsi dire, pour faire sa cause bonne. Mais l'Auteur n'e a rien dit, & le faudroit pre-supposer.

nostre

nostre Chef, vous leur direz q̄ vous estes en la terre de la Duchesse de Bar, qui est Clemē-
tine, & pour Urbain, & non pour autre, vous faites guerre, & si les gens de ceste terre,
auecques les Eglises & Abbayes, veulent estre bons Vrbainistes, & cheminer auecques
vous ou vous les menerez parmy les pays, vous ferez passer voz gens paisiblement, en
payant tout ce qu'ils prendront, mais pour tant que de leur donner saufconduit pour al-
ler en Angleterre, vous n'en ferez riens, car nostre guerre ne regarde en riens la guerre,
du Roy de France, ne du Roy d'Angleterre, mais sommes soudoyers au Pape Urbain. Il
m'est auis que ceste responce doit suffire. Tous ceūx, qui là estoient, l'accorderent, espe-
cialement l'Euesque, qui n'auoit cure (quelque chose que l'on fist, ne dist) fors que l'on
combattist & guerroyast le pays. Ainsi demoura la besongne celle nuit, & quand ce
vint au lendemain apres la messe, les deux Cheualiers du Comte (qui desiroient à faire
leur voyage, & auoir leur responce) s'en vindrent à l'hostel de l'Euesque, & attendirent
tant qu'il issist hors, pour ouir messe, puis se meirent deuant luy. Il leur fit bonne chere
par semblant, & deuila vn petit auecques eux d'autres besongnes, pour delayer, tant que
ses Cheualiers fussent venus, & quand ils furent tous ensemble, l'Euesque parla, & dit,
ainsi, Beaux Seigneurs, vous attendez responce, & vous l'aurez. Sur la requeste, que vous
auez faite de par le Comte de Flandres, ie vous dy que vous pouuez bien retraire, & re-
tourner, quand vous voudrez, deuers le Côte, ou aller à Calais à vostre peril, ou en An-
gleterre, autant bien. Mais ie ne vous dōne nul saufconduit, car ie ne suis pas Roy d'An-
gleterre, ne chargé si auant pour ce faire. Je suis soudoyer au Pape Urbain, & tous ceūx
qui sont en ma compaignie, sont à luy, & à ses gages, & ont pris ses deniers, pour le ser-
uir. Or nous trouuons nous à present en la terre de la Duchesse de Bar, qui est Clemē-
tine. Si les gens de ce pays veulent tenir celle opiniō, nous leur ferōs guerre, & fils veu-
lent venir auecques nous, ils partiront es absolutions, car Urbain (qui est nostre Pape, &
pour qui nous voyageons) absout tous ceux de peine & de coulpe, qui aideront à de-
struire les Clementins. Quand les deux Cheualiers entendirent ceste parolle, ils parle-
rent, & dit messire Iehan Villain, Sire, en tant que touche le Pape, ie croy que vous n'a-
uez point ouy du contraire, que Monseigneur de Flandres ne soit bon Vrbainiste. Si e-
stes mal adrecez, se vous luy faites guerre, n'a son pays, & croy que le Roy d'Angleter-
re ne vous a pas chargé si auāt, que de luy faire guerre. Car, si guerre il luy vouloit faire,
il est bien si noble & auisé, qu'il l'eust fait auant defier. De ceste parolle s'affelonna l'E-
uesque, & dit. Or allez, Dites à vostre Comte, qu'il n'en aura autre chose, & fil vous veut
enuoyer en Angleterre, ou autres gens, pour mieux sauoir l'intention du Roy, si y voi-
sent, car ceux, qui euoyez y serōt, ferōt ailleurs leur chemin, car par cy, ne par Calais, ne
passeront ils point. Quand les Cheualiers veirent qu'ils n'en auroient autre chose, ils se
departirent, & prirent congé, & retournerent disner à leur logis, puis monterent à che-
ual, & vindrent celuy iour loger à Saint-Omer.

*Responce de l'E-
uesque de Nor-
duich aux Am-
bassadeurs du
Côte de Flan-
dres, en leur re-
fusant saufcon-
duit d'aller en
Angleterre.*

*Comment l'Euesque de Norduich cheuaucha vers Dunquerque & comment, ayant dé-
confit douze mille Flamans, prit & saisit la ville.*

CHAP. CXXXV.

LE propre iour que les Cheualiers de Flandres partirent, vindrent nouuelles à l'E-
uesque, & aux Anglois, qu'il y auoit à Dunquerque, & là enuiron, plus de douze mil
hōmes, tous armez, & auoient le † Bastard de Flandres en leur compaignie, qui les cō-
duisoit, & encores y auoit il aucuns Cheualiers & Escuyers, qui les conseilloyent, & tāt
qu'au Mardy ils auoient écarouché & rebouté leurs gens, & en auoient bien cent oc-
cis. Dont dit l'Euesque. Or regardez du Comte de Flandres. Il semble qu'il n'y touche,
& c'est luy qui fait tout. Il veut prier l'espée en la main. Je veux que nous cheuauchons
demain, & allons vers Dunquerque, veoir quelles gens il y a. Tous s'accorderent à ce
propos, & en furent signifiez parmy Grauelines. Celuy iour vindrent deux Cheualiers
(l'un de Calais, l'autre de Guines) qui auoient enuiron 30. Lances, & 60. Archers. Les
Cheualiers se nommoient messire Nicole Cliton & messire Iehan † Draeton, Capitai-
ne de Guines. Quand ce vint au matin, tous s'ordonnerent, & meirent en arroy pour
cheuaucher, & se tirerēt sur les chāps, & estoient plus de six cens Lāces, & quinze cens
Archers. Si cheuaucherent vers Mardich & vers Dunquerque, & faisoit l'Euesque de
Nordwich deuant luy porter les armes de l'Eglise, la banniere de Saint Pierre, de Gueul-
les à deux clefs d'argent en † fanton (comme Gonfalonniers du Pape Urbain) & en son

*† sala dit le
Haze, &
mieux à mon
auis, selon le
cha. precedent,
encores qu'il y
ait le Halze.
† Il l'a surnom
mé Droicton
au chap. 134
† Il dit quel-
quesfois sau-
toir & sau-
tour, qui est
de l'une por-
tant*

pennon estoient ses armes, qui sont écartelées d'argent & d'azur, à vne freture d'or sur l'azur: & vn baston de gueulles parmy l'argent, & pour briser ses armes (car il estoit des Despériers, le maisné) il portoit vne bordeure de gueulles. Là estoit messire Hue le Despenfier, à pennon (qui estoit son neveu) & là estoit, à banniere & à pennon, le Sire de Beaumôt, messire Hue de Caurellée, messire Thomas Triuet, & messire Guillaume Helmen, & à pēnon, sans bāniere, messire Guillaume Draçtō, messire Ieā son frere, messire Matthieu d'Atremon, messire Iehan de Ferrieres, messire Guillaume de Frenenton, & messire Iehan de Neuf-chastel, Gascon: & lors cheuaucherent ces Gēs-d'armes deuers Mardich: & la se refreschirent, & beurent vn coup: & puis passerent outre, & prirent le chemin de Dunquerque. Les Flamans de tout le pays (qui estoient tous assemblez là) furent auertis que les Anglois venoient, tous appareillez en ordōnance, pour eux combattre. Ils auiserent entre eux qu'ils se tireroient sur les champs, & se mettroient en ordōnance, pour eux combattre & deffendre, si estoit besoing, car d'eux tenir en la ville, & estre là enclos, il ne leur estoit point profitable. Si comme ils ordonnerent, il fut tout fait. Tous s'armerent dedans Dunequerque, & se tirerent sur les champs. Puis se meirent en bon arroy sur vne mōtaine, au dehors de la ville, & se trouuerent bien douze mille, ou plus. Et voicy venir les Anglois, & en approchant de Dunquerque, ils regarderent sus la montaigne, du costé dextre, au lez deuers Bourbourg, en approchant à la marine, & virent les Flamans en vne belle grosse bataille, bien ordonnée. Adōc s'arrestèrent ils, & aualerent plus-auant, car auis leur fut, à l'appareil que les Flamans faisoiet, qu'ils les vouloient cōbattre. Lors se tirerent les Seig. en sēble, pour auoir cōseil de ceste besongne, & là eut plusieurs parolles retournées, car aucūs vouloiēt, par especial l'Euesque de Norduich, que tātost on les allast combattre; & les autres (cōme le Sire de Beaumont, & messire Hue de Caurellée) disoient du contraire, & assignoient raison, en disant. Vous sauez que ces Flamans, qui là sont, ne nous ont en riens forfait, & qu'encores au vray dire, n'auons enuoyé au Comte de Flandres nulles défiances, & sommes en son pays. Si ne guerroyons pas courtoisement, fors à la t̄bourbe (qui peut en auoir, si en ait) sans nul tiltre de guerre raisonnable, & tout celuy pays, auquel nous sommes, est Vrbaniſte, & tient l'opinion, que nous tenons. Or regardez donc à quelle iuste cause, nous leur irons maintenant courir sus. Adonc respondit l'Euesque. Et que sauons nous s'ils sont Vrbaniſtes, ou non? Au nom de Dieu (dit messire Hue de Caurellée) ce seroit bon que no^e enuoyōs deuers eux vn de nos Heraux, pour sauoir q̄lle chose ils demādēt, d'ain si estre là rangez & ordōnez en bataille contre nous, & qu'il leur soit demandé auquel Pape ils se tiennent, & s'ils respondent estre bons Vrbaniſtes, vous leur requerrez, par vertu de la bulle du Pape, que nous auōns, qu'ils s'en viennent avec nous deuant Saint Omer, Aire, ou Arras, ou là ou nous les voudrōns mener, & quand ils se verront ainsi requis, par celle requeste saurons nous leur intention, & aurons sur ce auis & cōseil. Celuy propos fut tenu & vn Heraut appelé (qui se nommoit Montfort, & estoit Heraut au Duc de Bretagne) & luy fut dit, de par les Seigneurs, qu'il cheuauchast vers les Flamans, & l'informerent de tout ce qu'il deuoit dire & faire, & comment il se pourroit maintenir. A leurs parolles ils obeit (comme raison estoit) & alla parler à eux. A donc se partit le Heraut d'avec les Seigneurs, vestu d'vne cotte d'armes (ainsi qu'à luy appartenoit) & n'y pensoit nul mal, & s'en alloit vers ces Flamans (qui se tenoient tous ensemble en vne belle bataille) & estoit tousiours pourueu & auisé de bien faire son message, & se vouloit adreſcer vers aucuns Cheualiers, mais il ne peut. Car, aussi, tost qu'il approcha, les Flamās (sans luy demāder quelle chose il queroit, ou il alloit, n'à qui il estoit) l'éclouirēt, & l'occirēt, cōme gens de petite cognoissance, n'oc les Gētils-hōmes, qui là estoiet ne le peurent sauuer. Quād les Anglois en virent le conuenant (qui auoient l'œil à luy) si en furent tous forsenez. Aussi furent les Bourgeois de Gand, qui estoient là, & desiroyent à émouuoir la besongne, parquoy vn nouuel brouillement se remist en Flandres. Adonc dirent les Anglois. Ceste ribaudaille ont tué nostre Heraut, mais il leur sera chet vėdu, ou nous demourrōs tous sur la place. Adonc firent ils passer outre leurs Archers, pour approcher les Flamans. Là fut fait vn Bourgeois de Bruges, ou de Gād, Cheualier & tantost cōmença la bataille, dure & merueilleuse, Car au vray dire, les Flamās se meirent grandement en deffense, mais les Archers commencerent à tirer, & à les renuerſer & greuer mallement, & les Gēs-d'armes entrèrent en eux, à lances affilées, qui de la premiere venue en abbattirēt grāde foisō. Finalemēt les Anglois pour ce iour obtindrēt la place,

sur l'autre en
 croix de saint
 André. Notés
 aussi que nous
 auons remis
 Gonfalon-
 niers pour fa-
 cōniers apres
 y auoir pensé.

Douze mille
 Flamans en ar-
 mes pres Dun-
 querque, con-
 tre les Anglois
 de l'Euesque
 de Norduich.

Il ne doute qu'il
 n'y faille à la
 tourbe, ou
 quelque autre
 mot.

Vn Heraut des
 Anglois tué
 par les Flamās
 pres Dunquer-
 que.

place: & furent les Flamans déconfits: & se cuiderent recueillir, pour entrer en Dunquerque: mais les Anglois, en les reculant & chaçant, les menerēt si dur & si roide, qu'ils entrèrent avecques eux en la ville: & là y eut sur les rues, & sur la marine, grād' foison de morts: & aussi ils se trouuerent moult bien: car ils occirent plus de quatre cens Anglois: & furent depuis trouuez çà & la par dizaines, par douzaines, par trentaines & par quarantaines. Ainsi comme ils en chaçoient, les Flamans se reculoient: & à ieu party ils se combattoient, & occioient les Cheualiers & Escuyers de Flandres, qui là estoient. Il ne sen sauua gueres, que tous ne fussent morts ou pris. Ainsi alla il de ceste besongne de rencontre, qui fut celuy iour à Dunquerque: auquel il y eut bien pour le moins neuf mille Flamans morts. Le propre iour de la bataille estoiet retournez en la ville de l'Isle, & vers le Comte de Flandres, messire Iehan Villain & aussi messire Iehan du Moulin: & auoient fait leur relation au Comte, telle qu'ils l'auoient ouye & eue des Anglois. Si en estoit le Comte tout pensif, pour sçauoir comment il sen cheuiroit. Encores le fust il plus, & bien y auoit cause, quand les nouuelles luy vindrent que ses gens estoient morts & déconfits à Dunquerque. Si le porta assez patiemment: & se conforta, ainsi que faire luy conuenoit: & dit, quand les nouuelles luy en vindrent, Si nous auons perdu ceste fois, nous gagnerōs vne autre, fil plaist à Dieu. Tantost, & sans delay, toutes ces nouuelles il enuoya & escriuit couuertement deuers le Duc de Bourgongne (qui estoit avec le Roy de Frāce) à fin qu'il eust sur ce auis. Car bien imaginoit (puis que les Anglois auoient celle entrée en Flandres, & rué ainsi ius ses gens) qu'ils ne se passeroient pas si aisément: mais feroient encores sur le pays plusieurs choses. Quand le Duc de Bourgongne en fut informé, il enuoya, par tout, Cheualiers & Escuyers en garnison, sur les frontieres de Flandres: à Aire, à Saint-Omer, à Saint-Venant, à Bailheul, à Berghes, à Cassel, & par toutes les Chastellenies, pour garder les entrées d'Artois. Or dirons nous des Anglois, & comment ils perseuererent.

Deconfiture de douze mille Flamans pres Dunquerque par les Anglois de l'Euesque de Nordwich.

Le Comte de Flandres fait sçauoir la deconfiture de Dunquerque au duc de Bourgongne, son gendre.

Comment les Anglois de l'Euesque de Nordwich, ayans conquis toute la coste marine de Gravelines à l'Escluse, meirent le siege deuant la ville d'Ypre. CHAP. CXXXVI.

A Pres la déconfiture de Dunquerque, & la ville prise, ils entrèrent tous en grand orgueil: & leur sembla bien que tout Flātres fust leur: & au vray dire, fils fussent adōc venus deuant Bruges, plusieurs gens dient (qui sauent bien le cōuenant de ceux de Bruges) que la ville se fust rendue Anglesche. Or ouurerent les Anglois autrement. Car ils eurent conseil d'aller deuant Bourbourg, & de prendre la ville, & puis venir vers Aire & Cassel, & de cōquerir tout le pays, & de riens ne laisser derriere, qui leur fust contraire ou ennemy, & puis s'en venir deuant Ypre. Ils auoient intention que la ville d'Ypre se rendroit tantost, quand elle verroit le pays rendu. Lors se departirent les Anglois de Dunquerque, apres qu'ils en eurent fait leur volonté: & vindrent deuers Bourbourg. Quand ceux de Bourbourg les sentirent approcher, ils furent si effrayez, que tantost ils se rendirent, sauues leurs vies & leurs biens. Ainsi furent ils pris: & entrèrent les Anglois à grand ioye dedans la ville: car ils dirent qu'ils y feroiet vne belle garnison, pour guerroyer ceux de Saint-Omer, & des frontieres prochaines. Apres ce fait, ils prirent le chastel de Driceham: & furent trois iours deuant, auant qu'ils le peussent auoir: puis l'eurent par force: & y fut tué plus de deux cens hōmes: qui là se tenoiet en garnison. S'ils reparerēt les Anglois: & dirēt qu'ils le tiendroiet à leur loyal pouuoir: & puis le rafreschirent de nouuelles gēs d'armes. Apres cheuaucherēt outre: & vindrēt à Cassel: & prirēt la ville: ou ils eurent grand pillage: & adoncques la repourueurent de leurs gens. Puis s'en partirent: & disoient qu'ils vouloient aller veoir la ville d'Aire: mais bien sauoient les aucuns (qui la cognoissoient) qu'elle n'estoit pas aisée à prendre, n'à assaillir, & que trop leur cousteroit. Toutesfois l'Euesque de Nordwich dit qu'il la vouloit voir de pres. Ce iour estoit Capitaine de la ville d'Aire vn gentil Cheualier Picard: qui s'apeloit messire Robert de Bethune, & Vicomte de Meaux: & avec luy estoient de sa charge messire Iehan de Roye, le Sire de Clary, messire Iehan de Bethune son frere, le Sire de Montigny, messire Perducas de Pont-saint, messire Iehan de Chaugny, & messire Florent son fils, & plusieurs antres: tellement qu'ils estoient enuiron six vingts lances de bons Gēs d'armes, Cheualiers & Escuyers. Quand l'Euesque de Nordwich, & messire Hue de Caurellée, messire Henry de Beaumōt, messire Thomas Triuet, messire Guillaume Helmen, messire Matthieu Rademen, & les autres, deuoiet approcher Aire, eux venus assez pres,

Bourbourg rendue aux Anglois par composition de vie & bagues sauues.

Cassel prise par les Anglois.

*La ville de S.
Venant prise
par les An-
glois.*

*Le monstier de
S. Venant pris
de force par les
Anglois.*

*† sala dit
mepple.*

*Siege d'Ypre
par l'Euesque
de Norduich
& ses An-
glois.*

sur vn lieu & vn pas, qu'on appelle le pas au Neuf-fosse, ils se meirent tous en ordonnance de bataille: & passerent outre tous ferrez, bannieres & pennons ventillans: car ils ne fauoient que le Vicomte de Meaux & ses compagnons auoient en pensée. Le Vicomte, les Cheualiers & Escuyers, qui pour ce iour estoient la en garnison, festoient tous rangez & mis en bonne ordonnance sur la chaussée, deuant les barrieres de la ville d'Aire: & pouuoient veoir clerement passer les Anglois, sur la costiere d'eux, à prendre le chemin de Saint-Venant: mais ils n'estoient pas gens assez, pour leur clorre le chemin: ainsi se tindrent tous quois sur le pas, à leur garde & deffense: & les Anglois passerent outre, & vindrent celuy soir coucher à deux lieues pres de la ville de Saint-Venant: dont estoit Capitaine vn Cheualier de Picardie (qui s'appeloit messire Guillaume de Melle) le quel auoit fortifié le monstier de la ville, pour retraire luy & ses compagnons, si besoing estoit, & ainsi qu'il fut. Car la ville n'estoit fermée que de petis palis & de fosses. Si ne dura point longuement à l'encontre des Anglois, qu'ils n'entraissent dedans. Adonc se recueillirent les François, aucuns au chasteau, & aucuns en l'Eglise: qui estoit assez forte. Ceux du chasteau ne furent point assaillis (car il est merueilleusement fort, n'on n'en peut approcher, pour les larges & parfonds fosses, qui sont à l'entour (mais le Monstier fut assailly, incontinent que les Anglois se trouuerent en la ville: pource qu'ils entendirent que les Gens-d'armes festoient là retraits. Messire Guillaume de Melle fut bon Cheualier & vaillant, & vaillamment se porta en deffendant l'église de Saint-Venant. Anglois & Archers estoient enuiron, & tout à l'entour: qui tiroient sagettes contremont si vniment, & si roide, qu'à peine de ceux de dedans osoit aucun venir à sa deffense. Toutesfois ceux, qui se tenoient amont en leurs gardes, estoient pourueus de pierres, de pieces de bois, & d'artillerie par raison. Si getterent par effort, & tirerent sur ceux qui estoient au bas: tellement qu'ils en blecerent plusieurs. Mais finalement l'assaut fut continué si fort, & si asprement par les Anglois, que le monstier fut pris de force, & messire Guillaume de Melle dedans: qui moult vaillamment se combattit & deffendit. Aussi firent tous les autres: & s'ils eussent eu esperance d'estre confortez de nul costé, ils se fussent encores mieux tenus & plus longuement: mais nul confort ne leur apparoit: & pourtant furent ils plus aisez à prendre. Si demoura messire Guillaume de Melle prisonnier deuers les Anglois: & puis se mit à finance: & retourna en France, du gré de son maistre, par obligation, ainsi que tous Gentils-hommes, François & Anglois, ont fait tousiours l'un à l'autre. Mais ainsi n'ont pas fait les Allemans. Car, quand vn Allemand tient vn prisonnier: il le met en seps, & en fers, & dures prisons, sans en auoir pitié, & pour auoir plus grand' finance d'argent. Quand l'Euesque de Norduich & les Anglois partirent de Saint-Venant, ils s'en vindrent loger es bois de † Niepce (lesquels n'estoient gueres loing delà) & enuiron Bailleneuf en Flandres. Si entrerent en la Chastellenie de Propinghe & Messines: & prirent toutes les villes fermées: & là trouuerent grand' finance, & moult de pillage: & toutes les villes fermées ils tenoient pour eux, & mettoient en leur obeissance: & retiroient leur butin à Berghes & à Bourbourg. Quand ils eurent de tout le pays fait à leur volonté, ne nul n'alloit au-deuât, & qu'ils furent tous seigneurs de la marine, de Grauelines iusques à l'Escluse, de Dunquerque, de Neuf-port, de Furnes, & de Blancqueberque, ils s'en vindrent mettre le siege deuant Ypre. Là s'arrestèrent l'Euesque de Norduich & les Anglois, messire Hue de Caurellée, & les autres: & puis enuoyerent deuers ceux de Gand: & me semble que François Attremen y alla: qui auoit esté à la bataille, & à tous les conquests: & si auoit mené les Anglois de ville en ville, & de bourg en bourg.

Comment les Gandois vindrēt au siege d'Ypre avec les Anglois: & comment le Seigneur de Saint-Leger, allant renforcer la garnison de Courtray pour le Roy de France, fut déconfit par quelques Anglois, pres Commynes.

CHAP.

CXXXVII.

*Arrinee des
Gandois au sie-
ge d'Ypre.*

Quand Pietre du Bois, Pietre le Mitre, & les Capitaines de Gand entendirent que les Anglois les demandoient, & qu'ils estoient assemblez deuant la ville d'Ypre, si en furent grandement réiouis: & s'ordonnerent au plustost qu'ils peurent, pour aller celle part: & partirent de la ville de Gand vn Samedi au matin, apres les octaues Saint-Pierre & S. Pol: enuiron vingt mille, à grand charroy, & en bonne ordonnance: & s'en vindrēt tout parmy le pays, au dehors de Courtray, deuant la ville d'Ypre. De leur venue furent les Anglois moult réiouis: & leur firent grand' chere, en leur disant que

que tantost ils auroient conquis Ypre, & puis iroient prendre Bruges, le Dan & l'Escluse: & ne faisoient nulle doute q̄ dedans la Septēbre, Flādres seroit toute conquise à eux. Ainsi se glorifioient ils en leurs fortunes. Si estoit, pour le temps Capitaine de la ville d'Ypre vn moult sage & vaillant Cheualier (qui s'appeloit † messire Pierre de la Sieple) qui là dedans s'estoit mis & bouté. Par luy & par son sens s'ordōnoient toutes les besongnes. Les Gens-d'armes (qui là dedans estoient boutez, de par le Duc de Bourgongne & le Côte de Flādres, avec le dessusdit Cheualier) estoient messire Iehan de Bougraigne, Chastelain d'Ypre, messire Baudouin Delbedene son fils, le Seig. Disseghien, le Seig. de Stades, messire Iehan Blanchart, messire Iehā de Merselede, messire Hamel, messire Nicolas Belle, le Seigneur de Harlequebecque, le Seig. de Roleghen, messire Iehā Ahoutre Iehan de la Sieple, Escuyer, neuveu au capitaine, François Belle, messire George Belle, & plusieurs autres apperts Gens-d'armes: lesquels auoient grand soing, peine, & travail, pour les Anglois (qui songneusement & subtillement les assailloient) & peine & cremeur pour ceux de la ville, qu'il n'y eust aucuns mauuais traitez enuers ceux de Gād: parquoy ils cheussent en danger, par trahison de ceux de la ville d'Ypre. En ce temps se tenoit en la ville de Courtray, & en estoit Capitaine, vn vaillant Cheualier de Hainaut (qui s'appeloit messire Iehan de Iumont) & sy estoit mis à la priere & requeste du Duc de Bourgongne & du Comte de Flandres: & quand il y entra, nuls Cheualiers de Flandres n'en osoient entreprendre la charge, ne le fait tant estoit perilleuse à garder. Car, quand le Roy de France s'en partit, elle fut toute desemparée & exilée: parquoy moult petit de gens y demouroient & sejournoient: car tout estoit ars & abbattu: & à peine fauoit on y loger les cheuaux. Celle haute entreprise de la garder prit messire Iehan de Iumont: & la rempara tantost: & fit tant, Dieu mercy, que par sa grace il n'y eut nul dommage, fors que tout honneur. Le Duc de Bourgongne qui (entendoit songneusement aux besongnes de Flandres: car elles luy estoient prochaines: pource que de bien pres luy touchoient) enuoya de France environ soixante Lances de Bretons deuers Courtray, pour renforcer & refreschir messire Iehan de Iumont en la ville de Courtray: & vindrent ces Gensd'armes, au commandement du Duc, iusques à l'isle. De là ils se departirent, vn Vendredy au matin, & prirent le chemin de la ville de Commines, & firent tant qu'ils y paruindrent, & estoient le sire de saint Leger, & Yuonnet de Cante-mat, Capitaine de ses Gens-d'armes en la ville de Commines, estoient venus au point du iour, bien deux cens Lances d'Anglois pour cueillir la proye du plat-pays, & l'amener deuant Ypre. Ces Bretons ne se donnerent garde: & écheurent en leurs mains. Là eut si dure rencontre & si forte au pié du pont de Commines, que merueilles: & vaillamment sy porterent les Bretons: & s'ils eussent esté secourus d'autant de Gens-d'armes comme ils estoient, ils s'en fussent bien échapez sans dommage. Si leur conuint il fuyr & mettre en chace: car ils estoient trop peu contre tant de gens. Si en peut auoir la greigneur partie de morts & pris sur les champs, en retournant vers l'Isle: & fut le Sire de Saint-Leger nauré durement, & laissé pour mort sur la place. Heureux furent ceux de celle rencontre, qui échaperent & dura la chace des Anglois aux Bretons, iusques à demie lieuë pres de la ville de l'Isle: en laquelle ville le Seigneur de Saint Leger, à grād' peine, tout nauré, fut apporté, & mourut depuis au chef de cinq iours: & aussi firēt cinq de ses Escuyers: & ainsi alla de ceste auenture.

Le chap. 129.
dit, le Seign.
de Saint Pi.

Deconfiture du
renfort de la
garnison de
Courtray par
les Anglois.

Comment l'Euesque du Liege n'ayant peu moyenner paix avec celui de Nordwich pour le Comte de Flandres, s'en retourna sans riens faire. CHAP. CXXXVIII.

Tousiours se tenoit le siege deuant Ypre, grand & fort: & faisoient les Anglois & les Flamans plusieurs assaux: & trembloient moult ceux de la ville Le Comte de Flandres (qui se tenoit à l'Isle) n'estoit pas bien asseuré qu'Ypre ne fust prise. Car Anglois sōt subtils: & leur pouuoit venir d'Angleterre grand confort sans nul empeschement, † depuis Calais iusques à leur siege, par les garnisons, qu'ils auoient assises en venant leur chemin. Aussi eussent ils eu grand secours d'Angleterre: s'ils voussissent, ou daignassent (mais ils ne tenoient compte à ce commencement, qu'un petit, du Comte, ne de la puissance de France) & se tenoient plusieurs haux Barons d'Angleterre sur les marches de Douures, d'Exeffort, de Sanduich, & de la Comté de † Lieuit, tous appareillez pour arriuer & passer à Calais, & venir aider à leurs gens: mais qu'ils en fussent requis: & estoient bien mille Lances, & deux mille Archers, sur les frontieres que j'ay dites. Desquels gēs-d'armes messire Guillaume de Beauchamp & messire Guillaume de Windesore, Ma-

† Ce lieu est acheué selon le sens de l'Auteur, par addition des six mots suiuans.

† Je doute qu'il n'y faille de Kent, combien que la Carte de Angleterre nō me vne place Levvis en ces marches là.

reſchaux d'Angleterre, eſtoient eleuz ſouuerains, de par le Roy & tout ſon Conſeil: & pour ceſte cauſe perdit le Duc de Lanclaſtre à faire, en celle faiſon, ſon voyage en Portugal. Car toute Angleterre eſtoit trop plus encline (ſi-comme ie vous ay dit cy-deſſus en l'Histoire) à l'armée de l'Eueſque de Norduich, qu'à celle du Duc de Lanclaſtre. Le Comte de Flandres ſauoit bien toutes ces beſongnes & incidences, & comme elles ſe portoient, tant en Angleterre, comme deuant Ypre. Si ſauifa qu'il y pouruoyeroit de remede à ſon loyal pouuoir: & bien ſuppoſoit que le Duc de Bourgongne émouuoit le Roy de France & les Barons du royaume, pour venir bouter les Anglois hors de la Côte de Flâdres, & du pays qu'ils auoient celle année cōquis. Mais (pource qu'il ſauoit q̄ leſcōmandemens de France ſont ſi loingtains, & que les Seigneurs, qui deuoient ſeruir le Roy eſtoient de ſi loingtains marches, que moult de choſes auoient auenir, ainçois qu'ils fuſſent tous venus) il auifa qu'il enuoyeroit deuers l'Eueſque du Liege, meſſire Arnoul de Sorge (qui eſtoit bon Vrbaniſte) à fin qu'il veinſt deuant Ypre, traiter aux Anglois qu'ils ſe voufiſſent déloger de là, & tirer autre part: car il auoit grād merueille de ce qu'ils luy demandoient riens: veu qu'il eſtoit bon Vrbaniſte, & la Comté de Flandres, auſſi ainſi que tout le monde le ſauoit. Tant exploita le Comte de Flandres, par moyens & par ſubtils traitez, que l'Eueſque du Liege vint en Hainaut, & paſſa à Valenciennes, & alla à Douay, & puis à l'Isle: & parla au Comte: lequel l'informa de tout ce, qu'il vouloit qu'il diſt. Adōc vint l'Eueſque du Liege deuant Ypre: ou l'Eueſque de Norduich, & les Anglois, & ceux de Gand ſeioient: qui le recueillirent liement: & l'ouyrent volontiers parler. Ie fu adonc informé que le Comte de Flandres, par la parolle de l'Eueſque du Liege offroit à l'Eueſque de Norduich, & aux Anglois, qu'ils ſe voufiſſent deporter de tenir le ſiege & aller autre part faire guerre raifonnable, ſur les frontieres des Clementins: & il le feroit ſeruir de cinq cens Lances, trois mois entiers, à ſes deſpens. L'Eueſque de Norduich & les Anglois reſpondirēt, qu'ils ſen conſeilleroient volontiers. Ce qu'ils firent: & parlerent enſemble. Là eut pluſieurs parolles retournées: car ceux de Gand diſoient que nullement on n'eut point de fiance aux parolles & promeſſes du Comte: car il les tromperoit, ſil pouuoit. Si que, tout conſideré, on reſpōdit à l'Eueſque, qu'il ſe pouuoit bien retraire, quand il luy plairoit: & que de ſes requeſtes on n'en feroit nulles: & quē du ſiege, ou ils eſtoient, iamais ne partiroient, qu'ils n'euffent la ville d'Ypre à leur cōmandement. Quand l'Eueſque vit qu'il n'exploiteroit autrement, il prit congé: & ſen retourna à l'Isle: & là fit la reſponce au Comte: & quand le Comte vit qu'il n'en auroit autre choſe, ſi fut plus penſif que deuāt: & apperceut bien clerement, que, ſi la uiſſance du Roy de France ne leuoit le ſiege, il perdrait la bonne ville d'Ypre. Si reſcriuit tantost toutes ces reſponces & parolles, par lettres: & les enuoya par vn ſien Cheualier, à ſon fils, & à ſa fille de Bourgongne (qui ſe tenoit à compiegne) & l'Eueſque du Liege ſe departit du Comte & ſen alla par Douay & Valenciennes, en ſon pays.

L'eueſque du Liege vers ce-luy de Norduich pour le Comte de Flandres.

Retour de l'Eueſque du Liege vers le cōte de Flandres, ſans auoir rien peu moyenner pour luy.

Du grand mandemēt, que le Roy de France fit, en intention de leuer le ſiege d'Ypre: & de la déconſtitution d'aucunes gens du Comte de Flandres par les Anglois, à la demolition du monſtier d'Emenin,

CHAP.

CXXXIX.

LE Duc de Bourgongne ſe tint pour tout informé, que les choſes ſe porteroient mal: ſe le Roy de France & ſa uiſſance n'y pourueoient de remede. Si fit tant qu'un grād Parlemēt fut assigné, à eſtre à Cōpiegne, de tous les haux Barons & Princes du Royaume de France. A ce Parlement vindrent tous ceux, qui mandez y furent: & perſonnellement le Duc de Bretagne. Là fut parlementé que le Roy de France, par l'accord de ſes oncles, le Duc de Berry, le Duc de Bourbon, & le Duc de Bourgongne, iroit en Flâdres, auſſi uiſſamment, ou plus, que quand ils furent à Roſebecque: & léueroient le ſiege d'Ypre: & combattroient les Anglois & Flamans ſils attendoient. Toutes ces choſes conſermées & accordees le Roy de France fit vn mandement par tout ſon Royaume, que chacun, pourueu ainſi qu'à luy appartenoit, † le quinzième iour d'Aouſt fuſt à Arras, & là enuiron: & eſcriuit le Roy aux lointains: comme au Comte d'Armignac, de Sauoye, & au Duc Federic de Bauiere. Ce Duc eſtoit de la haute Allemagne: & fils de l'un des freres † du Duc: & grandement il ſe deſiroit à armer pour les François, & de venir veoir l'eſtat de Frâce: car il aimoit tout honneur: & on luy auoit dit, & auſſi il ſen tenoit pour tout informé, que tous les honneurs du monde eſtoient en France: & pour ce que le Duc Federic eſtoit de moult loingtain pays, il fut mandé tout le premier. Il fit ſes

† Touſiours 1383.

† Entēdez que il eſtoit neveu du duc de Bauiere, & que tous ceux de tel les maiſons en Allemagne prennent le ſil-tre de leur maiſon, faiſans preceder leur nom.

ses ordonnances sur ce: & dit qu'il viendroït par Hainaut, veoir son oncle & ses cousins, le Comte de Blois, & autres. Ce pendant que ce grand & especial mandement du Roy de France se faisoit, & que les Seigneurs par tout s'appareilloient, se tenoit le siege deuant Ypre, grand & fort: & y eut plusieurs assaux & écarouches, & de blecez d'une part & d'autre. Mais le Capitaine d'Ypre, messire Pierre de la Sieple, y pourueut tellement, que nul dommage n'y auint. Le siege estant deuant Ypre, auint que le Comte de Flandres (qui se tenoit à l'Isle) fut informé que le monstier de la ville d'Emenin estoit fort & emparé, & que, si les Anglois y venoient, de-leger ils le prendroient (car il n'estoit point gardé) & feroit grand dommage au pays. Si eut conseil le Comte, qu'il l'enuoyeroit desemparer. Lors appela messire Iehan du Moulin: & luy dit, Messire Iehan, prenez des hommes de ceste ville, & des Arbalestiers: & allez à Emenin, & desemparez le monstier (qu'Anglois n'y viennent) & le prenez, & le fortifiez. Car, s'ils le prenoient, ils greueroient le pays de cy enuiron. Messire Iehan du Moulin respondit que volontiers. Sur ce il ordonna de ces besongnes: & monta le lendemain au matin à cheual, & avecques luy vn ieune Cheualier, fils bastart au Comte de Flandres (qui s'appeloit messire Iehan Sans-terre) & pouuoient estre enuiron soixante Lances, & soixante Archers. Quand ils se departirent de la ville de l'Isle, ils cheminerent vers Emenin: & firēt tant, qu'ils y parvindrent: & nulluy ne trouuerent en la ville: fors aucuns compaignons: qui gardoient de leur volonté le monstier. Tantoist se meirent les deux Cheualiers en œuure: & commencerent à défaire: & desemparèrent le monstier. Ce propre iour cheuauchoiēt enuiron deux cens Lances d'Anglois & Gascons: qui seurent par les fourragers, qu'ils rencontrerent, qu'il y auoit Gens-d'armes & Arbalestiers en la ville d'Emenin: qui desemparoiēt l'eglise. Lors cheuaucherent celle part, à force d'esperons: & tant cheuaucherent, qu'ils y parvindrent: & eux, venus en place & deuant le monstier, meirent tantoist pié à terre: & empoignerens leurs Lances: & commencerent à écrier leurs cris. Quand messire Iehan du Moulin & le bastart de Flandres veirēt ce conuenant: & que combattre leur conuenoit, si se meirēt en ordonnance: & se régerent moult gentemēt sur la place: & firent tirer leurs Arbalestiers. Du traict y eut aucuns des Anglois naurez & blecez: mais tantoist les Anglois entrerent en eux. Là eut, pour vn petit de gens, vn bon estour, & de renuersez par terre, de morts, & de naurez. Mais finalement les Anglois estoient si grand' foison, que les Flamāns ne peurent obtenir la place: & furent décořs, & les deux Cheualiers pris: messire Iehan Sans-terre, & messire Iehan du Moulin: lesquels se porterent, en eux deffendant, moult vaillammēt. Encores en y eut, des autres, grand nombre de pris: mais bien peu s'en retourna à l'Isle, que tous ne fussent morts ou prins. Et ainsi alla de ceste auenture à Emenin: dont le Comte de Flandres fut moult courroucé: mais pour celle heure amender ne le pouuoit. Si amenerent deuant Ypre leurs prisonniers les Anglois & Gascons: & en firent moult grand compte. Depuis n'y seiournerent pas longuement, qu'ils furent mis à finance.

Messire Iehan du Moulin chef des démolisseurs du monstier d'Emenin.

Deffaite de quelques Flamāns par les Anglois à Emenin.

D'un dur assaut, que les Anglois & Gandois liurerent à la ville d'Ypre: & comment, estant le Roy de France en Artois avecques sa puissance, leuerent incontinent leur siege.

CHAPITRE

CXL.

Bien auient les faits-d'armes, qu'une fois on perd, l'autre fois on gaigne. Les auentures y sont moult merueilleuses: comme sauent ceux qui les poursuyuent. Or tousiours se tenoit le siege deuant Ypre, grand & fort: & estoit bien l'intention de l'Euesque de Nordwich, des Anglois, & de Pietre du Bois, qu'ils conquerroient Ypre par assaut, ou autrement: & de faict ils ne s'en feingnoient pas: car ils faisoient assaillir, & écaroucher, fort & songneusement. Entre plusieurs assaux, qui y furent faits, il y en eut vn tresmerueilleux, grand, & fort, & redouté. Car il dura vn iour tout entier, presque à la nuit: & là furent faites, de ceux de dedans & de ceux de dehors, plusieurs grans appertises d'armes: & meirent les Anglois & les Flamāns grand' peine de conquerir la ville: & là fut fait celuy iour quatre Cheualiers de ceux de dedans (messire Iehan de la Sieple, cousin du Capitaine, messire François Belle, messire George Belle, & messire Iehan Belle fut le quart: qui furent bons Cheualiers, en leur premiere Cheualerie) & là fut occis, d'un traict de canon, vn moult appert Escuyer Anglois: qui s'apeloit Loys Lin. Celuy assaut fut moult dur, & moult grand: & en y eut grand' foison de blecez, d'une part & d'autre, de ceux qui sabandonnoient trop follement: & vous dy que les Archers d'Angleterre

*Retraite de l'as-
saut d'Ypre,
ayant duré de-
puis un matin
jusqu'au soir.*

*Le Roy de Frā-
ce à Arras
pour aller leuer
le siege d'Ypre.*

*L'Euesque de
Nordwich leue
son siege de de-
uant Ypre, sa-
chant la venue
du Roy Charles
en Artois.*

(qui estoient sur l'un des fossez de la ville) tiroient sagettes dedans, si fort vniment, & si dru, qu'à peine osoit nul apparoir aux creneaux de la ville, & aux deffenses: & si recueillirent ceux d'Ypre, ce iour, bien la valeur de deux tonneaux, plains d'artillerie: especialement de sagettes, qui furent tirées en la ville, tellement que nul n'osoit aller par les rues, qui marchisoient aux murs, ou l'assaut estoit, pour le traict: fil n'estoit moult fort armé, & pauesché. Ainsi dura celuy assaut iusques à la nuit, que les Anglois & les Flamans (qui tout le iour auoient assailly, en deux batailles) retournerent en leurs logis, tous lassez & trauaillez: & aussi estoient ceux de la ville d'Ypre. Quand les Anglois & les Flamans, qui deuant Ypre furent, veirent que point ne conqueroient la ville d'Ypre, & que moult y perdoient de leur artillerie, si auiserent qu'ils feroient sagoter grand' foison de fagots, & amener deuant les fossez: & les feroiēt getter dedans, avecques estrain & terre, pour remplir, & feroient tant que main à main ils iroient combattre ceux de la ville, & miner les murs: & les abbattre: & par ainsi ils la conqueroient. Adonc furent mis ouuriers en œuure: & enuoyerent ceux de l'ost, tout enuiron Ypre, couper & abbattre bois, & charroyer de faict, & puis mettre & asseoir sur les terres des fossez. A là enuoyer ce ne fut pas si tost fait: n'ils ne peurent pas accomplir leur ouurage: car le Roy de France (qui auoit grand desir de leuer le siege) & combattre les Anglois: comment que ce fust (auança ses besongnes: & se partit de Compiegne: & fit tant qu'il vint à Arras. Là estoit passé le Connestable de France, & grand nombre de Barons: qui estoient ordonnez pour l'auantgarde, & logez en Artois: & le Duc de Bretaigne venoit à tout deux mille Lances: lequel auoit grand' affection de conforter le Comte de Flandres son cousin, à ce besoing: & moult y estoit tenu: car il l'auoit trouué trefappareillé, du temps passé, à ses affaires & bon & loyal. Tous Seigneurs approchoient, loingtains & prochains: & vint le Comte de Sauoye, & le Comte de Genéue, à bien sept cens Lances de purs Sauoisiens. Le Duc Federic de Bauiere s'auala aual, à force de Gens-d'armes: & vint en Hainaut: & se tint au Quesnoy: & se reposa & refreschit delez son oncle le Duc Aubert, & sa tante la Duchesse Marguerite, & ses cousins. Le Duc de Lorraine, & le Duc de Bar, à tout grand' route, s'en vindrēt en Artois. Messire Guillaume de Namur (qui point n'auoit esté es guerres dessus nommées: car le Comte l'en auoit excusé) vint seruir le Roy & le Duc de Bourgongne, à deux cens Lances de tresbons gens-d'armes: & passerent parmy Hainaut: & s'en vindrēt loger à Tournes. Seigneurs venoient de tous lez, si efforcément & de si grand' volonté, pour seruir le Roy de France, que merueilles est à considerer. Le Comte Guy de Blois auoit, en ces mandemens & assemblées faisant, geu déhaitté à Landrechies. Si ne sauoient ses gens (& aussi ne faisoit il) fil pourroit souffrir la peine de cheuaucher en celle armée deuers le Roy. Il fut apporté en vne littiere à Beaumont en Hainaut: & là fut il mieux à son aise: car l'air luy fut plus agreable, que celuy de Landrechies. Nonobstant qu'il fust moult déhaitté & moult foible, si se faisoient ses pourueances grâdes & grosses: & aussi ses gēs de la Comté de Blois, le Sire de Mōtigny, le Sire de Vresin, messire Villhennes de Sainct-Martin, messire Waleran de Doustienne, Capitaine de Remorentin, & les Cheualiers & Escuyers, aualerent aual, pour venir au seruice du ieune Roy de France. Nouuelles vindrent au siege deuant Ypre, à l'Euesque de Nordwich, à messire Hue de Caurellée, & aux Anglois que le Roy de France s'en venoit à effort sur eux: & auoit en sa compaignie plus de vingt mille Hommes d'armes, Cheualiers & Escuyers, & plus de soixante mille d'autres gēs. Ces parolles en leur ost multiplierent tant, qu'elles furent toutes veritables: car du premier on ne les vouloit croire: mais il leur fut dit, pour certain, qu'il estoit ainsi: & qu'ils seroient combattus, eux estans à leur siege: & si venoit le Duc de Bretaigne contre eux: duquel ils auoient grand' merueille. Adonc eurent ils conseil ensemble, pour sauoir qu'ils feroient, ne comment ils se maintiendroient. Tout consideré, ils ne se veoient pas assez forts ne puissans, pour attendre toute la puissance du Roy: & dirent ainsi qu'il estoit bon que Pietre du Bois, Pietre le Mitre, & les Gandois, s'en retournassent vers leur ville de Gand, & les Anglois s'en retournassent vers Berghes & Bourbourg: & se mettroient en leurs garnisons: & se puissance leur venoit d'Angleterre, & que le Roy Richard passast la mer, ou ses oncles, ils y auroient auis. Le conseil fut tenu & delogerent. Ceux de Gand se retirerent vers Gand, & tant firent qu'ils y paruinrēt: & les Anglois se retirerent vers Berghes & Bourbourg, & se bouterent dedans les forts, qu'ils auoient conquis: & en ce propre iour que les Anglois retournerēt, y descendit messire Thomas de Percy, fils au Comte de Northombel-

thombellande: qui venoit de Pruse, & auoit entendu sur son chemin, assez pres dudit Pruse, que le Roy de France, & le Roy d'Angleterre se deuoient combattre en la marche de Flandres, ou d'Artois, par bataille, puissance contre puissance: dont le Cheualier estoit si réiouy, & auoit si grand desir d'estre à celle iournée, qu'au chemin, ou il eust mis quarante iours à cheminer par raison, il n'y meit que quatorze iours: & laissa toutes ses gens & son bagage derriere: & tant exploita, par cheuaux souuent changez, que luy & son bagage, depuis qu'il seut les nouuelles, se trouua en la ville de Gand, † en moins de vingt iours. On luy doit tourner à bonne volonté & vaillance.

† Verard dit page.

† Iy ay adionsté ces cinq mots suiuans, ne me semblât la clause parfaite sans cela.

Comment le Duc Federic de Bauiere arriua en l'ost du Roy de France: & comment le Comte Guy de Blois, à tout ses Gens-d'armes, vint à Arras: non-obstant qu'il fust bien malade.

CHAP. CXLI.

NOuuelles vindrēt au Roy de France (qui se tenoit en la cité d'Arras) & à ses oncles, & aux Seigneurs, qui là estoient, que les Anglois estoient partis & issus du siege, & les Gandois aussi, & chacun retrait sur son lieu. Adonc eut le Roy cōseil de haster ses besongnes, & d'eux poursuyuir: & ne vouloit pas qu'ils luy échapassent: & ainsi se partit de Arras: & vint au Mont-Saint-Eloy, vne moult belle Abbaye: & là se tint quatre iours attendant que le Duc de Berry fust venu: & tousiours venoient & approchoient gens de tous costez: & fut seu par le Connestable & les Mareschaux, & par messire Guischart, Comte Dauphin, Maistre des Arbalestiers, que le Roy auoit plus de cēt mille hommes. Adonc se departit le Roy du Mont-Saint-Eloy: & prit le chemin de S-Omer: & vint à Aire (dont le Vicôte de Meaux estoit Capitaine) & là seiourna deux iours: & tousiours approchoient Gens-d'armes. Là estoient le Connestable & ceux de l'Auâtgarde deuât: & logerēt en la ville de Mont-cassel: & le Roy s'en vint à Saint-Omer, & là s'arresta, en attendant ses gens, qui venoient de toutes parts. Si vous dy que, quand le Duc Federic de Bauiere descēdit en l'ost, les grans Barons de France, pour luy faire honneur, allerēt au-deuant: pource que de si loingtaines marches il estoit venu veoir & seruir le Roy: & aussi le Roy luy fit grand' chere: & luy feut grand gré de sa venue: & le fit loger, tout le voyage, au plus pres de luy, comme il peut par raison. En l'ost auoit bien trois cens mille cheuaux: dont on se peut grandemēt émerueiller ou pourueances se pouuoient trouver, pour suffire à vn tel ost: & aucunefois y en auoit faute, & aucunefois à grād' abondāce. Le Comte Guy de Blois, qui se tenoit à Beaumont en Hainaut (nonobstant qu'il ne fust pas trop en bon poinct, pour la longue maladie qu'il auoit eue en l'esté) imagina en luy-mesme que ce ne luy seroit pas honorable chose de seiourner, & tant de si haux Princes & nobles Seigneurs se trouuoient sur les champs: & aussi on le demādoit: car il estoit l'un des grans Chefs de l'Arriergarde. Si valoit trop mieux qu'il se mist à chemin & en voye, à la volonté de Dieu, qu'on supposast qu'il demourast derriere par feintise. Le gētil sire se mit en chemin: & si ne pouuoit par nulle maniere endurer le cheuaucher: mais il se meit en litiere: & partit de sō hostel: & prit cōgé de Madame sa femme, & de Loys son filz. Plusieurs gens de son Conseil mesme luy tournoient ce voyage à grād' outrage (pource qu'il faisoit trop chaud & estoit le tēps moult enfermē) & les autres qui en ouirent parler, le tournoient à grand' vaillance. Avec luy se partirent de Hainaut le Sire de Sanzest, le Sire de Hāzelles, messire Girard de Warrieres, messire Thomas de Distre, le Sire de Doustrenēt, messire Ichā de la Chisnelle (qui fut fait Cheualier en ce voyage) & plusieurs autres, Si passa parmy Câbray: & vint à Arras: & tant plus cheminoit, & mieux de sa santé il estoit. Si seurent ses gens de Blois qu'il venoit: & s'en vindrent contre luy. Quand il fut venu à Arras, si se meirent tous ensemble: & se trouuerent bien quatre cēs Lances: qui tousiours le suiuiēt, avec leurs pourueances: qui venoient de Hainaut, belles & grandes: car de ce il estoit bien étoffé. Or parlerons du Roy de France.

Recueil du Duc Federic de Bauiere par le Roy Charles.

Le Comte Guy avec ses gens de Blois à Arras.

Comment l'Auantgarde des François prit Cassel & Trughen: & comment les Anglois abandonnerent Berghes, & se retirerent à Bourbourg, là ou le Roy les assiegea,

CHAP.

CXLII.

TAnt exploita le Roy de France, qu'il vint à Saint-Omer: & là s'arresta & refreschit: & l'auantgarde, le Connestable, & les Mareschaux, allerent vers le Mont-de-Cassel: que les Anglois tenoient. Si assaillirēt la ville: & fut prise d'assaut, & tous ceux, qui dedās

ladite ville estoient, morts: & ceux, qui échaperent, se retirerent deuers la ville de Berghes: en laquelle messire Hue de Caurellée estoit, & avec luy bien trois mille Anglois: & l'Euesque de Nordwich n'y estoit pas: ainçois s'en estoit retiré vers Grauelines, pour estre plus tost à Calais: se besoing estoit. Tout le pays d'enuirō Cassel fut ars & pillé par les Anglois: & s'en alla le Roy de France à Saint-Omer, loger en vne Abbaye outre, au chemin de Berghes (que l'on dit Ranomberghes) & là s'arresta: & fut vn Vendredy. Le Samedy au matin cheuaucherent ceux de l'Auantgarde, le Conneftable de France & les Mareschaux, le Sire de Coucy, & grand nombre de bons Gens-d'armes: & s'en vindrent deuant le chastel de Trughen: ou il y auoit enuiron trois cens Hommes-d'armes: qui le tenoient, & qui toute la saison vne garnison faite en auoient. On fit assaut, au chastel, grand & fort: & s'éprouuerent bien grandemēt les François: & faire leur cōuenoit: si conquerre les vouloiēt: car les Anglois, qui dedans estoient, si tresbien se deffendoient, que merueilles seroit à pēser. Toutesfois par bien assaillir, & par beaux faits-d'armes, le chasteau fut conquis, & tous ceux qui dedans estoient, morts: car le Conneftable n'en prenoit, ne vouloit nuls prendre à mercy: & là fut trouué, en la basse-court, le plus beau blanc cheual, & de plus gente taille, qu'on eust point veu de toute l'année. Si fut présenté au Cōneftable: le quel tātost l'enuoya au Roy de Frāce. Le Roy veit le cheual moult volontiers: & luy pleut tellement, qu'il le cheuaucha le Dimēche tout le iour. Adōc vint le Côte de Blois, & sa route, en l'ost. Si fut le Côte par ordonnance en l'Arrieregarde: si comme il auoit esté en l'année par-deuant, à Rosebecque, avec le Comte d'Eu, le Côte de Harcourt, le Sire de Chastillon, & le Sire de Fere en sa cōpaignie: & tousiours approchoient Gens-d'armes de tous costez: & faisoit vne tresbelle saison & seiche: autremēt, sur celle marine, gens & cheuaux eussent eu trop fort temps: n'on n'eust peu aller auant. En la ville de Berghes (qui n'estoit fermée que de paliz, & de simples fossez) s'estoient retraits tous les Anglois: excepté l'Euesque: le quel s'en estoit allé, à Grauelines: ainsi que tout ébahy: & se repentoit grandement en courage, de ce qu'ils auoient en celle saison entrepris le voyage (car il veoit bien qu'ils issoient de ces conquests à grand blasme) & plus, quand il auoit mis ses parolles outre, qui estoient espandues parmy le royaume de France: car il festoit vanté, luy estant au siege deuant Ypre, que là il attédroit le Roy de France & sa puissance: & si le combattroit. Or veoit il cōment il auoit conuenu soudainemēt partir du siege, & fuir: car sa puissance ne pouuoit pas resister cōtre celle du Roy de France. Si qu'on tournoit tout son fait en grand blasme. Aussi faisoient les Anglois, qui dedaus Calais estoient: & disoient qu'ils auoient bien mal employé l'argent du Pape. Au vray dire, le Duc de Lāclastre (qui se tenoit en Angleterre, & qui auoit par le fait de l'Euesque perdu son voyage pour celle faisō (ne voulist mie que la chose allast autrement. Aussi ne fissent tous les Barons d'Angleterre. Car (quand messire Guillaume de Windesore leur mādā, eux estās deuāt Ypre, que, s'ils vouloiēt gens de cōfort, ils en auroient assez) lors l'Euesque respōdit (aussi firent messire Thomas Triuet & messire Guillaume Helmen) qu'ils auoient gens assez, & que plus ils n'en vouloient pour cōbattre le Roy de France & sa puissance. Mais messire Hue de Caurellée (qui plus auoit veu de besongnes, que les autres) auoit tousiours parlé autremēt: & auoit dit, à la requeste des Barons d'Angleterre, le siege estāt deuāt Ypre, quād les nouvelles leur vindrēt, Seigneurs, vous vous voulez cōfier grandemēt en vostre puissance. Pourquoi refusons nous le cōfort de noz gēs: quād ils s'offrēt à nous, & le pays le veut? Vn iour pourra venir que nous en repētirons. Mais de ces parolles il n'y pouuoit estre ouy: & disoient qu'ils auoient gens assez. Si demoura la chose en cest estat: tellement qu'ils perdirent plus, qu'ils n'y gagnērēt. Quād messire Hue de Caurellée fut retrait à Berghes: il se logea: & fit loger tous ses gens par hostels, & par maisons: & se trouuerent les Anglois plus de quatre mille parmy les Archers. Si dit messire Hue, Je vueil que nous tenōs ceste ville, elle est forte assez: & nous sommes gens assez pour la tenir. l'espere que, dedans cinq ou six iours, nous aurōs cōfort d'Angleterre: car on fait ores tout nostre cōuenāt, & de noz ennemis, en Angleterre. Tous respondirent, Dieu y ait part. Adoncques s'ordōnerent-ils moult sagement: & se partirent par pennons & par compaignies, pour aller aux murs & deffenses, & pour garder les portes & le pas: & se trouuerent gens assez. Encores meirent-ils, & firēt retraire, toutes les dames, & les femmes de la ville, en vne eglise, & là se tenir, sans elles mouuoir ne partir, & tous les enfans & menues gēs. Le Roy de Frāce (qui estoit en l'abbaye de Renōberghes) entendit que les Anglois s'estoient retraits en la ville de Berghes:

& adonc

*Le chasteau de
Thrughe pris
d'assaut par
les François.*

*L'Euesque de
Nordwich se re-
pent de sa vai-
ne entreprise
s'estant retiré
à Grauelines,
& ayant aban-
donné son ar-
mee.*

*Hue de Caure-
llée delibere de
tenir Berghes.*

& adonc se meit le conseil ensemble: & fut ordonné qu'on iroit celle part, & que l'auantgarde des Cōnestable & Mareschaux cheuaucheroient tous les premiers, & iroient logger tout outre la ville, & prendroient vne des ælles de la ville: & puis le Roy de France, le Duc de Berry, de Bourgongne, & de Bourbon, & leurs grosses routes, les suiuroient. En-apres le Comte de Blois, le Comte d'Eu, & l'arrieregarde, iroient sur vne autre ælle de la ville: & ainsi enclorroient ils les Anglois. Ce propos fut tenu: & se partit le Roy de Renomberghes: & tous ses gens s'ordonnerent sur les champs: & estoit grand' beauté à veoir reluire contre le soleil ces bannieres, pennons, & bacinets, & si grand nombre de Gens-d'armes, que veüe d'œil ne les pouuoit comprendre: & sembloit vn droit bois des lances qu'on portoit droites. Ainsi cheuaucherent ils en quatre batailles, pour venir dedans Berghes & là enclorre les Anglois: & droit enuiron heure de tierce, entra vn Heraut Anglois dedans la ville: qui auoit passé tout parmy l'armée de Frâce: par la grace que les Seigneurs de France luy auoient faite: & vint deuant messire Hue de Caurellée (qui estoit en son hostel) lequel luy demanda, si haut que tous l'ouirent, Heraut, dont viens tu? Monseigneur (dit le Heraut) ie vien de l'ost de France: auquel i'ay veu les plus beaux Gēs-d'armes, & la plus grand' foison, qu'il n'est auourd'huy Roy, qui tāt en peust mettre ensemble. Et ces beaux gēs-d'armes, que tu dis (dit messire Hue) quel nōbre sont ils bien? Par ma foy (dit le heraut) Mōseigneur ils sont bien vint & six mille hōmes d'armes, les plus belles gens, & les mieux armez, qu'on sauroit veoir. Ha, ha (dit messire Hue de Caurellée: lequel fut moult courroucé de celle parolle) Que tu es biē taillé, pour biē farfer vne belle bourde. Or sçay-ie bien que tu as mēty: car i'ay veu plusieurs fois les assemblées des François: mais ils ne se trouuerent oncques vingt & six mille: non pas seulement six mille Hommes-d'armes. A ces parolles la guette de la ville de Berghes (qui estoit en sa garde) sonna sa trompette: car l'auantgarde vouloit passer deuant les murs de la ville. Lors dit messire Hue de Caurellée aux Cheualiers & Escuyers, qui là estoient. Or allon, allō veoir ces vingt & six mille Hommes-d'armes passer: veez là, nostre guette les corne. Adonc s'en vindrent ils sur les murs de la ville: & là ils sapuyèrent, pour regarder l'auantgarde, qui passoit: en laquelle pouuoit auoir enuiron quinze cens Lances: le Cōnestable, les Mareschaux, le Maistre des Arbalestiers, & le Sire de Coucy: & tantost le Duc de Bretagne, le Comte de Flandres, & le Comte de Saint-Pol: & pouuoient bien estre enuiron quinze cens Lances. Lors dit messire Hue de Caurellée (qui cuida auoir tout veu) Or regardez se ie disoye bien, veez les vingt & six mille hommes-d'armes. S'ils sont trois mille hommes-d'armes, ils sont dix mille. Allon nous en disner. Car encores n'ay-ie veu gens, pour qui nous doyons laisser la ville. Ce heraut nous ebahiroit bien: se nous le voulions croire. Le Heraut fut moult honteux: mais il dit bien, Sire, vous n'avez veu que l'auantgarde. Encores est le Roy & ses oncles derriere, avec toute leur puissance: & de-rechef encores y est l'arrieregarde: en laquelle a plus de deux mille Lances: & tout ce verrez vous dedans quatre heures: si tant icy demourez, messire Hue n'en fit compte: mais vint à son hostel: & dit qu'il auoit tout veu: & fassit à table: & ainsi cōme ils se disnoient, la guette commença à sonner, à corner, & à mener grand' freinte. Adōc se leua de table messire Hue de Caurellée: & dit qu'il vouloit aller veoir que c'estoit: & alla sur les murs. A ce coup passe, & deuoient passer, le Roy de France & ses oncles, le Duc Federic, le Duc de Lorraine, le Côte de Sauoye, le Dauphin d'Auuergne, le Comte de la Marche, & leurs routes. En celle grosse bataille auoit bien seize mille Lances. Adonc se tint pour deceu messire Hue de Caurellée: & dit, Le Heraut a droit. I'ay eu tort de le blasmer. Allon, allon, mōton à cheual. Sauuon noz corps & le nostre. Il ne fait pas bon icy demourer. Je ne me cognoy plus à l'estat de Frâce. Je n'en vei oncques tant, de quatre fois ensemble, comme i'en voy là, & ay veu parmy l'auantgarde: & encores conuient il qu'ils ayent Arrieregarde. Lors se partit messire Hue de Caurellée des murs: & s'en retourna à l'hostel. Tous leurs cheuaux estoient seillez & trouffez: & mōterent dessus, sans faire noise: & firent ouuir les portes, du costé par lequel on va à Bourbourg: & puis s'en partirent. Si emmenerent tout leur pillage. Mais, si les François s'en fussent donné garde, ils eussent bien esté au-deuant. Ils n'en seurent oncques riens, de grand temps: & tellement qu'ils estoient iā presque tous retraits à Bourbourg. Messire Hue de Caurellée, tout melancolieux, s'arresta sur les champs, en sur-attendant ses gēs & sa route: & là dit à messire Thomas Triuet & aux autres, qui l'attendoient, Seigneurs, par ma foy nous auōs fait en ceste saison vne treshôteuse cheuauchée. Oncques si pource, ne malheureuse,

L'armee du Roy vers Berghes.

Ainsi le disent Ferard & Sala: mais ie ne les voy point specifiees.

Hue de Caurelee voit passer l'auantgarde Françoise deuant sa forte resse de Berghes

Hue de Caurelee ayant veu passer la bataille du Roy Charles, abandonne Berghes et se retire vers Calais,

n'en issit hors d'Angleterre. Vous auez ouuré de vostre volóté, & creu cest Euesque de Nordwich: qui cuidoit voler, auant qu'il eust aelles. Or veez vous l'honorable fin, en laquelle vous pouuez paruenir. Sur tout ce voyage ie n'ay oncques peu estre creu de chose que ie vo^s disse. Veez là Bourbourg. Si vous voulez, retirez vous y: car ie m'e voy vers Grauelines, & à Calais: pource que ie voy bien que nous ne sommes pas gens pour combattre le Roy de France. Ces Cheualiers Anglois (qui cognurent assez qu'ils auoient eu tort en aucunes choses) respondirent, Dieu y ait part: & nous nous retirons dedans Bourbourg: & attendrons l'auéture, telle que Dieu la nous voudra enuoyer. Ainsi se departit messire Hue de Caurelée de leur cōpaignie: & les autres se mirent dedans Bourbourg.

*Thomas Trinet
& autres Anglois
se riterent
dedans Bour-
bourg.*

*La ville de Ber-
ghes brulee par
les François.*

Le Roy de France fut assez tost signifié que les Anglois estoient issus de Berghes, & s'estoient retraits vers Bourbourg, & auoient laissé Berghes toute vuide. Adonc luy furent les portes de la ville ouuertes: & y entra le roy, & tous ceux qui entrer y vouloient. Les premiers, qui y entrerent, trouuerent encores assez à prendre & à piller (car les Anglois n'en auoient pas peu tout porter) & si furent les Dames de la ville sauuées, & enuoyées à Saint-Omer: mais les hommes furent presque tous mis à mort. Si fut la ville de Berghes toute mise en feu & en flambe: & passa le Roy outre, pour le grād feu qui y estoit: & vint loger en vn village: & fut vn védredy Les Seigneurs se logerēt espartemēt aux chāps, au mieux qu'ils peurent. De ce estoient ils moult heureux qu'il faisoit bel & sec: n'il ne pouuoit faire plus belle saison, ne plus gracieuse: car, si eust fait froid ne pluuioux, ils n'eussent peu aller auant, ny en fourrage: & se pouuoit on emerueiller ou l'on prédroit fourrage, pour tāt de cheuaux, (car il y en auoit plus de trois cēs mille) & aussi les biens & les vitailles, qu'il cōuenoit auoir pour aitailler vn tel ost: mais le Samedi, qu'on vint deuant Bourbourg, vindrent pourueāces: & bien le sauoiet les Seigneurs de France: & eurent cōseil, de ceux de là dedās enclore, & d'affaillir la ville, & de la prédre: & en auoiet par especial, les Bretons grand conuoitise, pour le grand pillage, qu'ils pensoient trouuer dedans. Quand ce vint le Samedi au matin, il fit moult bel & moult cler. L'ost s'arma & ordonna, pour venir deuant Bourbourg. L'auantgarde, le Duc de Bretagne, le Côte de Flādres, le Côte de S. Pol, le Cōnestable de France, & biē trois mille Lances, passerēt au-dehors des murs de la ville: & s'arresterēt tout outre, à l'opposite de l'ost du Roy de France: qui auoit les plus beaux Gens-d'armes, qu'on peust veoir n'imaginer: & là plus grand foison. Ainsi s'en vint on en vn plain champ, grand & large, deuant Bourbourg: & s'ordonnerent là tous les Seigneurs: & fut leur intention, vn grād temps, de l'affaillir: & estoient sur les champs bannieres & pēons vétillans: & chacun Sire entre ses gens, & sous sa banniere. La se monstroiet entre les seigneurs de France hōneurs & richesses, ne riens n'y auoit épargné de grans estats: & là fut le Sire de Coucy, & ses estats, volótiers veu & recōmandé: car il auoit courriers parez & armez, & gousures des anciēnes armes de Coucy, & aussi de celles qu'il portoit pour lors: & là estoit le Sire de Coucy mōté sur vn courfier, biē à main: qu'il cheuauchoit de l'vn à l'autre: & moult biē luy auenoit de faire ce qu'il faisoit: & tous ceux, qui le veoiēt le prisoiet & honoroient, pour la facondé de luy. Ainsi tous les autres seigneurs se maintenoient: & remonstroiet là leur estat: & y eut fait ce iour plus de quatre cens Cheualiers: & fut par les heraux nobré le nombre des Cheualiers, que le Roy auoit deuant Bourbourg: qui estoit de sept à neuf mille Cheualiers: & estoient en nombre vingt & quatre mille Hommes-d'armes, & Escuyers. Les Anglois (qui estoient à leurs deffenses en la ville de Bourbourg, & qui veoiēt la puissance du Roy de France si grande deuant eux) esperoiet biē auoir l'assaut: & de ce estoient ils tous confortez: mais de ce qu'ils se trouuoient enclos en vne ville qui estoit fermée de paliz, ils n'estoient pas bien assurez: & toutesfois, comme gens pleins de confort, ils s'estoient tous partis par Connestablies, & arrāgez tout autour de la ville. Le Sire de Beaumont en Angleterre (qui est vn Comte: qui s'appelloit Henry) estoit à cent Hommes-d'armes, & trois cens Archers: qui prenoient garde: & puis messire Guillaume de Helmon, & autant de gens, en vne autre garde. Messire Jehan de Chastel-neuf, & les Gascons, vne autre garde, iusques au tour, au lez deuers le Connestable. Le Sire de Ferrieres, Anglois vne autre garde, à quarante Hommes-d'armes, & autant d'Archers: & tant, que tous les murs de la ville estoient bien pourueus de Gens-d'armes & d'Archers. Messire Matthieu de Rademon, messire Guillaume de Ferreton, & messire Nicole Tracton, & deux cens Hommes, & deux cens Archers, gardoient la place, deuant le monstier: & auoient ordonné gens, pour entendre au feu, &

*Siege du Roy de
France deuant
Bourbourg.*

feu, & l'esteindre à leur pouuoir, sans partir de leurs gardes: & bien doutoient le feu les Anglois: pource que les maisons de Bourbourg sont, & estoient adonc, couuertes d'estrain. En celuy estat se tenoient les Anglois. Or veulx-ie recorder d'une haute & grand' entreprise, que François Attremen fit ce propre Vendredy au soir, que le Roy de France passa outre Berghes, & que la ville fut prise.

Comment François Attremen, l'un des Capitaines de Gand, surprit la ville d'Audenarde par une nuit.

CHAP.

CXLIII.

François Attremen, Pietre du Bois, & Pietre le Mitre, & les Capitaines de Gand, qui estoient retournez, du siege de deuant Ypre, en la ville de Gand, songeoient nuit & iour comment ils pourroient porter dommage & contraire à leurs ennemis. Si entendit François Attremen que le Capitaine d'Audenarde, messire Gilbert de Lieneghen, n'estoit dedans Audenarde, ne les Gens-d'armes: mais estoient en la cheuauchée, que le Roy faisoit deuant Berghes & Bourbourg: car le Comte de Flandres l'auoit là mādē: & entendit ledit François que la ville d'Audenarde estoit bien à simple garde, & que les fossez deuers les prairies, pour aller à Hem, estoient tous mis au sec, & qu'on les auoit vuidez d'eau, pour auoir les poissons: tellement qu'on pouuoit bien aller iusques aux murs de la ville, tout à pié, & par eschelles entrer en la ville. Ce auoient rapporté en la ville de Gand les espies de François Attremen: qui auoient à grand loisir, de iour & de nuit, espie Audenarde: car les gardes ne faisoient nul compte de ceux de Gand: & les auoient ainsi que tous mis en oubly & nonchalloyr. Lors, quand François Attremen fut iustement informé de toutes ces choses, par le iuste rapport de ses espies, il vint à Pietre du Bois: & luy dit, Pietre, ainsi gist la ville d'Audenarde en tel party. Ie me veulx mettre à l'auenture, pour la prendre & escheller. Il n'y fit oncques si bon, qu'il y fait à present: car le Capitaine ne les Gens-d'armes n'y sont point: ains sont avec le Roy, en celle frontiere de Saint-Omer: & ne sont en doute de nully. Pietre du Bois sy accorda legerement: & luy dit, François, si vous pouuez venir à vostre entente oncques homme ne besongna mieulx: & sera vn faict, dont vous serez fort loué. Ie ne scay (dit François) Le courage m'en sied trop bien. Le cueur me dit que nous aurons en ceste nuit Audenarde. Adonc prit François Attremen iusques à quatre cens Compaignons (ceux, esquels il auoit la plus grand' fiance) & se partit de Gand sur la nuit: & se mit au chemin pour venir vers Audenarde. C'estoit au mois de Septembre, que les nuits sont longues assez: & faisoit si bel & si cler, que c'estoit vn grand deduit. Environ minuit ils vindrent dedans les prairies d'Audenarde: & auoient eschelles, toutes prestes, avecques eux. Ainsi qu'ils passoient parmy les marests: il y auoit vne femme, qui cueilloit de l'herbe pour ses vaches: & estoit là mussée. Si entendit l'efroy: & les ouit parler: & bien cōgnut que c'estoient Gandois, qui venoient vers Audenarde pour embler la ville: & leur veit apporter eschelles. Celle femme fut toute ébahie: & puis se reconforta: & dit en soy-mesme qu'elle viendroit en Audenarde, tout dire & monstrier aux gardes. Si mit tout ius: & prit son tour par vne adrece, qu'elle sauoit. Tant fit quelle vint sur les fossez, auant que les Gandois y peussent venir: & commença à parler, & soy complaindre: & tant fit qu'un bon-homme (qui faisoit le guet pour la nuit, & alloit de porte en porte pour réueillir les compaignons) l'ouit: & luy demanda, Qui es tu? Ie suis vne pource femme: & vous dy qu'il y a assez pres d'icy vne quantité de Gandois, car ie les ay veus, & portent avecques eux force eschelles, pour venir embler Audenarde, fils peuent: & ie m'en reuois: car, fils mē trouuoient ou rencontroient, ie seroye morte. Adonc se partit la pource femme: & l'homme demoura tout ébahi: & pensa qu'il se tiendroit tout quoy, pour veoir que c'estoit, & si celle femme disoit vray. Les Gandois (qui quoyement & couuertement faisoient leur faict, & leur emprise) n'auoient son, ne trompette, fors seulement le son de leur langage. Adonc enuoya François Attremen quatre compaignons deuant: & leur dit, Allez tout secrettement, sans sonner mot, ne touffir: & regardez, haut & bas, si vous orrez n'apperceurez riens. Ils le firent tout ainsi: & François & les autres demourerent dedans les marests: & se tindrent tous quois, assez pres de ceste pource femme: qui bien les veoit, & entendoit: & point ne la veoit ne oyoyent. Ces quatre varlets des Gandois s'en vindrent iusques aux fossez: & regarderēt les murs: & ne veirent n'ouyrent riens. Or regardez la male-auenture: car, si ceux de dedans eussent eu seulement vne chādelle alumée, que les Gandois eussent veue, ils n'eus-

François Attremen va de nuit vers Audenarde.

† Toujours 1383.

Vne femme cueillant des herbes decouure les Gandois.

La femme aux herbes aduertit le guet d'Audenarde de la venue des Gandois.

*La femme aux
herbes decon-
ure encor vne
fois les Gandois,
& en aduer-
tist derechef le
guet d'Auden-
arde.*

*Audenarde sur
prise de nuit
par les Gandois,
ne faisant les
gardes compte
de l'advertisse-
ment de la pau-
vre femme.*

sent osé tirer avant vers ceux de dedās: car ils eussent cuidé qu'il y eust eu guet. Les varlets retournerent, & vindrent à François: & luy dirent qu'ils n'auoient riens veu, n'ouy. Ne croy bien (dit François) que le guet de nuit auoit fait son tour: puis s'en alloit coucher. Allon (dit il) par ce haut chemin, vers la porte: & retourne tout bas, selon les fossez. Et encores ouit la bonne femme toutes ces parolles. Que fit elle? Tantost se mit au chemin (ainsi qu'elle auoit fait par-auant) & vint encores à l'homme du guet, qui là escoutoit sur les murs: & luy dit, ainsi comme deuant, tout ce qu'elle auoit veu & ouy: & que pour Dieu il fust sur sa garde, & qu'il s'en allast vers la porte de Gand, veoir comment les Compaignons qui la gardoient se maintenoient: car brièvement il y auroit des Gandois assez pres de là. Le m'en reuois (dit la bonne femme) car ie n'ose plus cy demourer. Le vous auise de ce, que i'ay veu & ouy. Ayez auis sur ce: car ie ne retourneray pl^{us} à vous pour ceste nuit. Et à tant se departit la bonne femme: qui plus n'en dit. Et l'homme demoura tout seul: qui ne meit pas en nonchaloir ces parolles: mais s'en vint à la porte de Gand: ou les gardes veilloient: & les trouua iouans au dez: & leur dit, Seigneurs, auez vous bié fermé vos portes & voz barrieres, vne femme est venue à moy: & m'a ainsi dit. Ils respondirent ouy. En male nuit soit la femme entrée: quand elle vous traueille à ceste heure, ce sont ses vaches & veaux, qui sont deliez: si cuide maintenant que ce soient Gandois, qui voient par les champs. Ils n'en ont nulle volonté. Ce pendant que ces parolles: estoient dites du Conestable du guet aux gardes de la porte, François Attremé & ses compaignons faisoient leur fait: & estoient auez dedans les fossez: ou il n'y auoit point d'eau (car on les auoit peschez en celle semaine) & auoient rompu & coupé vn petit de paliz, qui estoit au deuant du mur: & là drecherent leurs eschelles: & entrerent dedans la ville, puis allerent tout droit sur le marché sans sonner mot, iusques à tāt qu'ils y furent tous: & là trouuerent vn Cheualier (qui s'apeloit messire Iehan Florens de Hulle) lequel estoit Lieutenant du Capitaine de ladite ville: qui faisoit le guet, & enuiron trente Hommes-d'armes de la ville, delez luy. Si tost que les Gandois entrerent en la place, ils crierent Gand, Gand: & frapperent sur le guet: & là fut mort ledit messire Florens, & tous ceux, qui delez luy estoient. Ainsi fut ladite ville d'Audenarde prise. Vous deuez sauoir que ceux & celles, qui dormoient en leurs liets dedans Audenarde, furent moult ébahis, quand ils ouïrent crier ce cry, & qu'ils veirēt leur ville prise & emblée: & si n'y pouuoient remedier: car on rompoit leurs maisons par force, & les occioit on là, ne nul ne mettoit deffense en soy, ny ne pouuoit mettre: car ils estoient soudainement prins sur vn pié. Parquoy il n'y auoit point de recourance. Si se sauuoit, qui sauuer se pouuoit: & se partoiet les hommes tous nus: & vuidoient de leurs maisons: & laissoiet tout: & failloient dehors par dessus les murs, & par les estāgs & fossez de la ville: ne les riches hommes n'emportoient riens du leur: mais encores estoient tous heureux ceux, qui sauuer se pouuoiet: & en y eut celle nuit grād' foison de morts, d'occis, & de noyez en l'estang. Ainsi alla de ceste auenture. Quand ce vint au matin, que les Gandois se veirent Seigneurs de la ville, ils meirent tout hors, femmes & enfans: & les meirēt tous nus en leurs chemises, ou au plus pource & petit habit, qu'elles eussent. Ainsi s'en vindrēt elles à Tournay, & ceux, qui estoient échapez, à Mons, à Arrhaconder, à Valenciennes, ou à Tournay, au mieux qu'ils peurent. Ces nouuelles s'épandirent en moult de lieux, comme Audenarde estoit prise. Si en furent iceux de Gand tresgrandement réiouis: & dirent les Gandois que François Attremen auoit fait vne haute & grande entreprise, & qu'on luy deuoit bien compter & tourner à grand' vaillance. Si demoura François Attremen Capitaine d'Audenarde & y conquist moult grand auoir, & de belles pourueances grand' foison: qui bien vindrent à poinct à ceux de Gand: comme bleds, auoines, & vins: & fut tout acquis à eux, & tout l'auoir qui y estoit de France, de Flandres, & de Tournay. Mais tout ce, qui estoit de Hainaut, fut sauué: n'oncques ils n'en leuerent riens, ne prindrent, que tout ils ne payassent,

Comment Aymerigot Marcel, Capitaine d'Anglois es marches d'Auuergne, prit d'emblee le Chasteau de Marquel: & comment la Comtesse Dauphiné le racheta de cinq mille francs.

CHAP.

CXLIIII.

EN celle mesme semaine auint aussi presque vne telle auenture en Auuergne: ou les Anglois tenoient plusieurs Chasteaux, marchisans à la terre du Comte Dauphin, & à l'Euesque de Sainct-Flour, & de Clermont. Or, pource que les Compaignons quiles

qui les forteresses tenoiēt, fauoient bien que le pays d'Auuergne estoit vuide de Gens-d'armes(car les Barons & Cheualiers estoient tous,ou au moins la plus grande partie, avecques le Roy au voyage de Flandres)se mettoient, ils en peine de prendre,emblem & escheller forteresses. Si auint qu'Aymerigot Marcel, Capitaine d'Aloise, vn moult fort chastel, à vne lieuë de Saint Flour,prit de ces compaignons,& partit de son fort à vn aiournement,luy trentième seulement,& s'en vint cheuaucher,à la couuerte,deuers la terre du Comte Dauphin,& auoit ledit Aymerigot getté sa visée à prendre & escheller le chastel de Marquel(dont le Comte Dauphin porte les armes)& s'en vint par bois & par diuers pays. Ledit Aymerigot & ses gens logerent de bonne heure en vn petit bosquet,assez pres du chastel de Marquel,& là se tindrent iusques au soleil couchant, que le bestail & ceux du chastel rentrent dedans,& ce pendāt que le Capitaine(qu'ō appelloit Girardon Buissel)seoit à souper,ces Anglois (qui estoient tous pourueus de leur fait)dreuerent leurs eschelles,& entrerent dedans le chastel,tout à leur aise. Ceux du chastel mesmement allerent parmy la court.Si commencerent à crier(quand ils virent ces gens entrer dedans le chastel,par dessus les murs) & à dire, Trahy, trahy. Et, quand Girardon en ouit la voix, il n'eut plus d'esperance pour luy sauuer, que par vne faulx voye,qu'il fauoit, laquelle entroit par sa chambre en vne grosse tour, qui estoit garde de tout le chasteau. Tantost il se tira celle part, & prit les clefs,& les porta avecques luy,& s'enferma dedans,ce pendant qu'Aymerigot & les siens entendoient à autre chose.Quand ils virent que le Chastelain leur estoit échapé,& retrait en la grosse tour(qui n'estoit pas à prendre par eux)si dirent qu'ils n'auoyent riens fait,& se repentoient grandement,dont ils festoient là enclos, car ils ne pouuoient issir hors par la porte.Adonc s'auisa Aymerigot,& vint à la tour,parler au Chastelain,& luy dit,Girardon,baille nous les clefs de la porte du chastel,& ie te promets que nous saurons hors sans faire nul dommage au chastel.Voire(dit Girardon) vous emmeneriez tout mon bestail,ou ie pren toute ma fiance.Donne moy la main(dit ledit Aymerigot)& ie te iure, par ma foy,que tu n'y auras iā nul dommage.Adonc le fol & mal conseilé, par vne petite fenestre qui estoit en la tour, luy bailla la main, pour faire iurer sa foy. Si tost qu'Aymerigot tint la main du Chastelain,il la tira à luy,puis l'estreignit moult fort,& demanda sa dague,& dit, & iura,qu'il luy attacherait la main à la porte, fil ne luy deliuroit toutes les clefs de là dedans.Quand Girardō se veit ainsi attrapé,il fut moult ébahy, & à bonne cause,car Aymerigot ne l'eust point lasché, qu'il n'eust eu sa main, pour mettre à la porte,fil ne luy eust liuré toutes les clefs de là dedans. Si deliura de l'autre main lesclefs,car elles estoient delez luy. Or regardez(dit Aymerigot à ses compaignons, quand il tint les clefs) si i'ay bien seu deceuoir ce fol. l'en prédroye bien assez de si faits. Adonc ouurirēt la tour,& en furēt maistres,& meirēt le Chastelain hors,sans autre dommage,& tous ceux du chastel. Nouuelles vindrent à la Comtesse Dauphine (laquelle se tenoit en vne bonne ville & fort chastel, à vne petite lieuë de là, qu'on appelloit Zaides) comment le chastel de Marquel estoit conquis par les Anglois.Si en fut ladite Dame moult fort ébahie(pourtāt que son Sire le Dauphin n'estoit point au pays & enuoya incontinent aux Cheualiers & Escuyers du pays, qu'ils luy veinssent aider à conquerir son chastel. Cheualiers & Escuyers, quand ils sceurent ces nouuelles, s'en vindrent tantost deuers la Dame,& fut mis deuant le chastel le siège, mais les Anglois si n'en faisoient compte,& le tindrent quinze iours.Eux estans là dedans, la Dame fit traicter à eux.Si s'en partirent,mais ledit Aymerigot, quand ce vint à rendre le chastel eut cinq mille francs, tous appareillez, & puis il s'en retourna à sa garnison. D'autre part ceux de Caluifel(dont Perot le Brenois estoit Capitaine)faisoient moult de maux là, environ Auuergne & Limosin,& tenoient en celuy temps les Anglois en celle frontiere,es limites d'Auuergne,de Quercy,& de Limosin,plus de soixante fors chasteaux,& si pouuoient aller & venir,de fort, en fort iusqu'à Bordeaux,& la plus grāde garnison, qui se tenoit,& qui plus estoit au pays nuisible,c'estoit Vétadour, vn des fors chasteaux du mode,& en estoit souuerain Capitaine vn Bretō,qui s'appelloit Geoffroy Teste-noire. Ce Geoffroy estoit trop mauuais & cruel homme, & si n'auoit pitié de nulluy, car aussi tost mettoit il à mort vn Cheualier ou vn Escuyer, quand il l'auoit prins, comme vn villain,& ne faisoit cōpte de nulluy, & se faisoit tant craindre à ses gens, que nul ne l'osoit courroucer.Il tenoit bien en son chastel quatre cens compaignons à ses gages,& tresbien les payoit de mois en mois,& tenoit le pays d'environ luy en t̄ paix & en sub-

*surprise du
chastel de Mar
quel en Auuer
gne par Ayme
rigot Marcel,*

*Grande simpli
cité du chaste
lain de Mar
quel.*

*Le chasteau de
Marquel rendu
à la Comtesse
Dauphine,
moyennāt cinq
mille francs,ou
six mille selon
sala.*

*Il se doute qu'il
n'y faille pei
ne.*

iection, ne nul n'osoit cheuaucher en sa terre, tant estoit craint & douté. Et dedans Môt-Ventadour il auoit les plus belles pourueances du monde, & les plus grosses, que Sire du monde ne pourroit auoir, halles de draps de Brucelles & de Normandie, de pelletterie, de mercerie, & d'autres choses, qui leur faisoit besoing, & les védoit à ses gens, en rab battant sur leurs gages, & auoit toutes ses pourueâces de fer, d'acier, de cire, d'épiceries & de toutes autres choses necessaires, aussi plâtreuses, comme s'il fust à Paris, & faisoit aussi bien aucunesfois guerre, aux Anglois, cōme aux Frâçois, à fin qu'il fust plus redouté, & estoit le chasteau de Ventadour pourueu tousiours pour attendre le siege sept ans tous plains. Nous retournerons aux besongnes de Flandres.

Comment le Roy de France fit assaillir Bourbourg, & comment, luy estant par apres rendue par composition, & tous Anglois retirez de Flandres, donna congé à son armée.

CHAPITRE.

CXLV.

LE Samedy (comme cy-dessus est dit) que le Roy de France vint deuant Bourbourg, Lon ne veit oncques plus belles Gens-d'armes, ne si grande foison, comme le Roy de France auoit là, & estoient les Seigneurs & leurs gens tous ordonnez & appareillez pour assaillir, & en estoient toutes gens en grande volonté, & disoyent ceux, qui Bourbourg auoyent auisé, qu'elle ne leur tiendroît que bien peu (mais il cousteroit grandement de leurs gens) & s'émervelloient les plusieurs, pourquoy on n'alloit tantost assaillir. Or disoient les aucuns que le Duc de Bretagne & le Côte de Flandres (qui estoient d'autre part de la ville) traitoient aux Anglois, de rendre sans assaillir. Bretons, Bourgongnons, Normans, Allemans, & autres gens, qui sentoient là dedans grand pillage & grand profit pour eux, si de force on la prenoit) estoient trop durement courrouceez

† A ce qu'il di- de ce qu'on ne se deliuroit pour assaillir, & écarrouchoyent & tiroient les aucuns ra tantost, pa- aux † varlets & aux barrières, & tout sans commandement n'ordonnance du Conne- liz y seroit mei- stable, ne de ses Mareschaux, comme aussi on ne deffendit pas à assaillir. Les choses mul leur, à mō auis tiplierent & s'affellonnirent tellement, que les François tirerent le feu en la ville, par vi- combien que l'o- retons & par canons, tellement que les maisons furent enflambées aual Bourbourg, en puisse entendre plus de quarante lieux, qu'on les veoit flamber, fumer, & ardoir de toutes parts de l'ost, qu'il y eust là dont commença la huée & l'assaut, & là estoient deuant, au premier front, messire Guil- de ces gens-de- laume de Namur, & ses gens, qui assaillirent aigrement & vaillamment. Là eut fait plu- guerre, qu'il nō- sieurs grans appertises, & entroyent les assaillans, de grand' volonté, en la bourbe des me quelquefois- foffez, iusques aux genoux, & outre, & s'en alloient combattre, traire, & lancer, iusques gros varlets. aux paliz, aux Anglois. Lesquels aussi se deffendoyent si vaillamment, que nulles gens ne sauroient mieux, & besoing leur en estoit aussi, car on leur dōnoit tāt d'affaire, qu'on ne sauoit pas dedans auquel costé entendre. Ils estoient assaillis de toutes parts, & tousiours ardoient les maisons de la ville, du feu qu'on auoit tiré, qui ébahissoit plus les Anglois, qu'autre chose. Mais pource ne se departoyent ils pas de leurs gardes & deffenses, ou ils estoient ordonnez, mais entendoient à eux deffendre, & messire Matthieu Rademon, & messire Nicolas Traicton, & ceux qui estoient establis en la ville, si entendoient à aller au-deuant du feu, mais il faisoit si sec & si bel, que de bien peu de chose les maisons s'enflamboient, & est tout certain, que si l'assaut eust commencé plus-tost le Samedy, & que la nuit ne fust si tost venue, on eust conquis & pris la ville par assaut, mais il conuint cesser, pour la nuit qui vint sur eux, & vous dy que des gens messire Guillaume de Namur en y eut de morts & blecez trente six, & de ceux de l'ost en y eut morts & blecez (ainsi que rapportèrent les Heraux) plus de cinq cens. Adonc cessa l'assaut, pour la nuit qui vint, & se retirerent les François en leurs logis, & entendirent à mettre à point les naurez & blecez, & d'enseuelir les morts, & disoient, en l'ost, que lendemain au matin on assaudroit, tant que la ville seroit prise, & que nullement elle ne pouuoit durer contre eux. Les Anglois, ce Samedy toute la nuit, entendirent à reparer leurs paliz (qui estoient desemparez) & à remettre à point tout ce qui faisoit besoing, & à esteindre le

Prix d'un blanc ordonné pour chacun fagot, qu'on apporteroit à combler les fosses de Bourbourg.

feu de la ville, & se trouuoient bien, tout considéré, en dur party, car ils se veoyent enclos de toutes parts, & ne sauoient comment fuir. Quand ce vint le Dimenche au matin, apres que le Roy eut ouy sa messe, on fit crier vn cry en l'ost, que quiconque apporteroit vn fagot deuant la tente du Roy, il auroit vn blanc de France, & autant qu'on apporteroit de fagots de bois, on auroit de blancs, & estoient ordonnez les fagots pour ruer dedans les fosses, & passer sus, & aller deliurement iusques aux paliz, pour assaillir le Lundy au matin. Adonc toutes manieres de menues gens & de varlets entendirent à fagoter,

fagoter, & apporter fagots deuant la tente du Roy, & en fit on là vne tresgrande montioye. Si se passa tout le Dimenche sans assaillir, & veulent dire les aucuns, que le Dimenche (selon les apparences, qu'on y veit depuis) le Duc de Bretaigne (qui estoit de l'autre part de la ville) eut traitté aux Anglois, car ils veoient bien le dur party, ou ils estoient. Si leur conseilloit à rendre la ville, saufs leurs corps & le leur, & de tout ce faire ils estoient en grande volonté. Si en prièrēt le Duc de Bretaigne, & que pour Dieu, & pour l'honneur de Gentillesse, il y voufist entendre, & à ceste cause le Duc enuoya, le Dimenche, deuers le Roy, ses oncles, & leur Conseil, le Connestable de France & le Comte de Saint Pol. Lesquels regarderent entre eux les traittez, que le Duc auoit entamez aux Anglois, & commēt il louoit & cōseilloit qu'on prist les forteresses, en la maniere qu'ils les vouloient rendre, car pour les assaillir, il leur pouuoit trop grandement couster de leurs gens, & tousiours ne pouuoient cōquerir que Bourbourg, avec vn petit de pources gens, qui estoient là, dedans, qui se deffendroyent iusques à la mort. Le Roy de France & ses oncles (au cas que le Duc de Bretaigne & le Connestable de France s'en mesloiet) si respondirent que ce fust au nom de Dieu, & que volontiers on entendroit aux traittez. Si se passa ainsi tout le iour du Dimenche, sans riens faire, & me fut dit que sur le soir, sur bonnes alliances, Iehan de Chasteau-neuf, Gascon, & Remōnet de Saint Marc s'en vindrent au logis de messire Guy de la Trimaille, pour iouer & ébattre, & y furent toute la nuit, & le Lundy au matin ils s'en retournerent dedans Bourbourg, mais au partir de là, messire Guy leur auoit dit, Toy, Iehan, & toy Remonnet, vous ferez dedans ce soir mes prisonniers. Ils respondirent qu'ils aimoyent plus cher à y estre, qu'à vn poure Cheualier. Ce dimenche estoiet venues les nouuelles en l'ost, qu'Audenarde estoit prise & emblee, dont messire † de Lunaghien (pourtant qu'il estoit là) en fut moult courroucé, & que par luy la ville auoit esté perdue, mais ce l'excusoit que le Comte de Flandres, son Sire, l'auoit mandé. Ce Dimenche fit le guet, assez pres du logis du Roy, le Comte de Blois, & cuidoit on le Lundy au matin assaillir. Quand ce vint le Lundy au matin, on fit crier de par le Roy, parmy l'ost, que nul n'assaillist. Quand ce cry fut espandu parmy l'ost, tous cefferent. Adonc imaginerent aucuns Seigneurs que les Anglois partiroyent par aucun traitté, puis qu'on auoit deffendu de non assaillir. Quand ce vint apres disner, ceux issirent de la ville, qui traitter deuoient, messire Guillaume Helmon, messire Thomas Triuet, messire Nicolas Traicton, & messire Matthieu Rademon, & tant qu'ils furent quatorze Cheualiers & Escuyers, & les amenerent en la tente du Roy le Duc de Bretaigne, le Connestable de France, & le Comte de Saint-Pol. Le Roy les veit moult volontiers, car encores auoit il veu peu d'Anglois, fors messire Pierre de Courtenay, qui auoit esté à Paris, pour faire faits d'armes à messire Guy de la Trimaille, mais le Roy & son Conseil les accorderent, & ne se combattirent point l'un à l'autre. Or, pouttant que ces Anglois ont eu au temps passé grande renommée d'estre preux & vaillans aux armes, le ieune Roy de France les veoit volontiers, & plus en valurent trop grandement leurs traittez. Là traitterent ce Lundy en la tente du Roy, & là estoient, avecques le Roy, le Duc de Berry, le Duc de Bourgongne, le Duc de Bourbon, le Duc de Bretaigne, le Comte de Flandres, & le Connestable de France, tant seulement, & vous dy qu'à ces traittez le Duc de Bretaigne besongna pour eux grandement, & se porterent les traittez par telle maniere, qu'ils se departiroient de Bourbourg, & laisseroyēt la ville de Grauelines, & emporteroient du leur tout ce qu'emporter pourroient. De ce traitté furent plusieurs Bretons, François, Normans, & Bourgongnois, courrouce, qui cuidoyent partir à leurs biens, mais non firent. Car le Roy & son Conseil le vouloient ainsi. Apres ces traittez, ils prindrent cōgé au Roy & à ses oncles, au Duc de Bretaigne, au Comte de Flandres, & au Connestable, & puis les prit le Comte de Saint-Pol, & les mena souper en sa maison, & leur fit toute la bonne compaignie, qu'il peut par raison faire, & apres souper il les renuoya, & fit reconuoyer iusques dedans les portes de Bourbourg, dont ils luy firent grand gré. Le Mardy, tout le iour, ils ordonnerent leurs besongnes, & entendirēt à faire ferrer leurs cheuaux, & à emplir leurs malles de tous biēs dont ils auoient grande foison. Le Mardy, au matin ils troufferent, & chargerent, & se meirent au chemin, & passerent, sous le saufconduit du Roy, tout parmy l'ost. Trop estoient les Bretons courrouce, dont ils se departoyent si fourrez & garnis, & vous dy qu'à aucuns, qui demourerent derriere, on faisoit des tors assez. Ainsi se departirent les Anglois ce iour, & vindrent à Grauelines, & là s'arrestèrent. Le Ieudy, au matin, ils s'en

† Il a dit Gilbert de Lie-neghen au chapitre. 143.

Compositiō des Anglois de Bourbourg avec le Roy Charles.

Les Anglois partent de Bourbourg.

Grauelines bruslées par les Anglois de Bourbourg.

Le Roy de France à Bourbourg ou se firent quelques miracles si Dieu voulut

Retraite de l'armée du Roy, chacun ayant congé.

departirent, & à leur département ils bouterent le feu dedans, & l'ardirent toute, & puis vindrent à Calais, à tout leurs grans pillages, & là refreschirent, & attendirent le vent, pour auoir passage à retourner en Angleterre. Le Ieudy, au matin, entra le Roy de France dedans Bourbourg, & aussi firent tous les Seigneurs & leurs gens. Si commécerét les Bretons à piller la ville, & riens n'y laisserent, n'en vne Eglise de Saint-Iehan, en laquelle eglise vn pillard, entre les autres, monta sur vn autel, & vouloit à force oster vne pierre, qui estoit en la couronne d'un image, faite à la semblance de Nostre-dame, mais l'image se tourna (ce fut chose toute vraye) & le pillard renuerfa deuant l'autel, & mourut de male mort. Celuy miracle virent moult de gens. De rechef vn autre vint, qui voulut faire à cest image la chose pareille, mais toutes les clofes sonnerent à vne fois, sans ce que nul y meist la main, n'on ne les y pouuoit mettre, car les cordes estoient retirées, & attachées, à mont. Pour ces miracles fut l'eglise fort visitée de tout le peuple, & donna le Roy à l'image Nostre dame vn grand don, & aussi firent tous les Seigneurs, & celuy iour, y furent bien donnez trois mille francs. Le Mardy on commença à déloger, & partir, & donnerent le Roy & le Conestable à toutes manieres de Gens-d'armes congé. Si remercia le Roy les loingtains, & par especial le Duc de Bauiere (pourtât qu'il l'estoit venu seruir de loingtain, pais) & aussi fit le Côte de Sauoye. Si se retira chascun Sire en son lieu, & s'en retourna le Roy de France. Mais le Duc de Bourgogne demoura encores vn petit delez le Comte son Seigneur, pour mettre les besongnes en bonne ordre, & se tenoit à Saint-Omer, Le Sire de Coucy & plusieurs autres Cheualiers & Escuyers de Ponthieu, de Visme, & de Picardie, entrerent en Grauelines, quand les Anglois l'eurent laissée, & la reparerent & fortifierent tresgrandement, & en firent frontiere contre la garnison de Calais. Si se repeupla petit à petit le pays de Furnes, de Dunquerque, de Disquennie, & de Neufport. Lesquels auoient tout perdu en celle saison, mais ils se remeirent à conquerir de nouuel.

Comment les Anglois de l'Euesque de Nordwich furent mal receus à leur retour en Angleterre, comment certains grans personnages furent deputez pour faire paix, ou tréues, entre les Roys de France & d'Angleterre, & comment le Duc de Brabant mourut.

CHAPITRE

CXLVI.

Emprisonnement de Thomas Triuet & de Guillaume Helmon, qui furent tantost apres deliurez.

Vous pouuez & deuez sauoir que le Duc de Lancastre ne fut pas courroucé de ceste armée de l'Euesque de Nordwich, qui mal s'estoit portée, & qui estoit ainsi dérompue. Car par eux auoit il perdu son fait, & son voyage en Espagne, & en Portugal. Quand ces Cheualiers d'Angleterre furent retournez au pays, ils furent assaillis du Commun, & leur fut dit que mal ils s'estoient portez en leur voyage, quand selon le beau commencement qu'ils auoient en Flandres, ils n'auoient tout conquis le pays, & par ces malueillances messire Thomas Triuet & messire Guillaume Helmon en estoient plus blâmez que les autres. Mais messire Hue de Caurellée n'en estoit en riens, ne du Conseil du Roy, ne du commun, demandé, car on sauoit bien, que si on l'eust creu du commencement, ils eussent mieux exploité à leur honneur. Si leur mettoit on à sus, qu'ils auoyent vendu Bourbourg & Grauelines au Roy de France, dont toute Angleterre en fut émeu sur eux, & en furent en grand peril d'estre morts. Si fut commandé de par le Roy, aux deux Cheualiers dessus nommez, d'aller tenir prison au chastel de Londres, & ils y allerent, & en ce temps qu'ils tindrent prison, Angleterre se rappaisa, & quand ils furent deliurez, ils s'obligerent à demourer en la volonté du Roy, & de son Conseil. Adonc furent mis traittez auant, pour prendre vne tréue entre les Anglois & les François, & estoient ceux de Gand en la tréue, dont grandement déplaisoit au Comte de Flandres, mais amender ne le pouuoit. Au département de Bourbourg demoura le Duc de Bretagne delez le Comte de Flandres, son cousin, en la ville de Saint-Omer, & eust volontiers veu que bonne paix, ou longnes tréues, fussent adrecées entre le Roy de France, son droiturier & naturel Seigneur, & le Roy d'Angleterre, & pour entamer ceste maniere, il en auoit parlé à aucuns Cheualiers d'Angleterre, le Lundy qu'ils vindrent en la tente du Roy de France deuant Bourbourg. Lesquels Cheualiers Anglois, à la priere du Duc, s'en estoient chargez, & auoient respondu que, eux venus en Angleterre, ils en parleroyent au Roy & à ses oncles, & à son Conseil. Or, pour mieux remonstrer que la besongne luy estoit plaisante, il enuoya en Angleterre deux de ses Cheualiers, sur bonnes assurances, le Seigneur de la Houffoye & le Seigneur de Mailly, lesquels exploiterent

Entremise du Duc de Bretagne pour faire paix, ou tréue, entre France et Angleterre.

rent si bien, que le Duc de Lancastre & le Comte de Bouquingham son frere, l'Euesque de Suffort, messire Jehan de Hollande, frere du Roy, & messire Thomas de Percy, & autres du Conseil du Roy & du pays d'Angleterre, vindrent à Calais, ayans toute puissance, de par le Roy d'Angleterre & le pays, de faire paix, ou ordonner tréues, à leur volonté, d'autre part vindrent à Boulongne le Duc de Berry, le Duc de Bourgogne, l'Euesque de Laon, & le Chancelier de France, ayans aussi plaine puissance de par le Roy de France & son Conseil, de pouuoir faire paix aux Anglois, ou bien de donner tréues à leur volôté. Quand toutes ces parties furent assemblez ensemble à Calais & à Boulongne, ils surattendirent encores vn petit à parlementer, pour le Conseil d'Espagne, qui point n'estoit venu, car les François ne vouloient faire nul traitté, que les Espaignols n'y fussent compris. Finalement vindrent, de par le Roy d'Espagne, & le pays, vn Euesque, vn Diacre, & deux Cheualiers. Or fut auisé de toutes parties, & pour le plus seur (pourtant qu'ils ne fosoient asseurer bonnement l'vn avecques l'autre, comme les Seigneurs de France pour venir à Calais, ne les Seigneurs d'Angleterre pour aller à Boulongne) que le parlement & les traittez seroyent assis & mis à mi-chemin de ces deux villes, au dessus de Buisssem, en vn village: avec vne eglise, qu'on appelle Bolinges. Là vindrent toutes les parties, & furent les Seigneurs & leur Conseil par plusieurs iournées parler ensemble, & là estoient le Duc de Bretagne & le Comte de Flandres, & fut là sur les champs tendue la grande tente de Bruges, & donna le Comte de Flandres, à disner, en tente, au Duc de Lancastre, au Comte de Bouquingham, & aux autres Seigneurs d'Angleterre, & furent les estats tenus moult grans de l'vne partie & de l'autre, mais, tout considéré & parlementé, on n'y peut oncques trouuer nulle paix, car les François vouloient rauoir † Guienne, Calais, & toutes les forteresses, que les Anglois tenoient à celuy iour decà la mer, iusques à la riuiere de Garonne, tant en Normandie & en Bretagne, qu'en Poictou, en Xainctonge, & en la Rochelle. Laquelle chose, ne traité, n'eussent iamais les Anglois fait, & par especial rendu Guyenne, Calais, Chierbourg, ne Brest, en Bretagne. Si furent ils sur ces traittez plus de trois semaines, & presque tous les iours ils parlementerent, ou leur Conseil, ensemble. En celuy temps trépassa de ce siecle, en la Duché de Luxembourg, & en la ville de Luxembourg, le gentil & ioly Duc Wincelins de Boesme, Duc de Luxembourg & de Brabant, qui en son tēps noble, frisque, sage, amoureux, & armeret auoit esté, & quaud il iussit de ce siecle, on disoit adonc que le plus haut Prince, & le mieux enlignagé de plus noble sang, & qui plus auoit de prochains, estoit mort. Dieu en ayt l'ame. Il gist en l'Abbaye de Waucler, delez Luxembourg. Si demoura Madame la Duchesse, Jehanne de Brabant, veufue, n'onc depuis ne se remaria, ny n'en eut volenté. De la mort du noble Duc furent tous courrouceux ceux, qui l'aimoyent.

Comment, durant le traitement de paix ou de treues, les Gandois outragerent ceux de Tournay, & comment treues furent accordées entre les Roys de France & d'Angleterre & leurs aliez.

CHAP. CXLVII.

Nous retournerons aux traittez & parlemēt qui estoit mis & assis, entre les Seigneurs de France & ceux d'Angleterre, entre Calais & Boulongne, à mi-chemin, au village dessus-nommé. Lequel parlement ne peut oncques venir à nul effect de paix, ne de profit, pour vne partie, ne pour l'autre, & veulent les aucuns dire que le Comte de Flandres y auoit grand coulpe, car nullement il ne vouloit consentir que ceux de la ville de Gand fussent appelez dedans nuls traittez, & ce par le pourchas & information de ceux de Bruges, dont les Anglois estoient courrouceux, & s'en portoyent plus mal les traittez, car ils auoient alliances & conuenances grandes les vns avecques les autres, & ne pouuoient faire paix, ne donner tréues ne respits, les Anglois ne les François, que les Gandois ne fussent enclos dedans. Ainsi l'auoient ils iuré tous ensemble en la ville de Calais, & ceste conuenance & alliance brisa, & par plusieurs fois rompit, les traittez. Finalement on ne peut trouuer entre ces parties nulle bonne paix (ce sembloit il à l'vn & à l'autre) dont fut regardé & parlementé à prendre vnes tréues, & sur tel estat & traité les parlemens procedent, & eust volontiers veu le Côte de Flandres, que ceux de Gand fussent demourez en la guerre, & mis hors de traittez, mais nullement les Anglois, ne si vouloient assentir, & conuint, à la tréue donner & accorder, que Gand demourast & fust enclos & annexé dedans, & demourroyent chacun en son estat, sans muer ne rendre forteresse nulle l'vn à l'autre, & estoient Audenarde & Grauelines Gandoises. Or

Assignatio de lieu pour les deputez de France & d'Angl. sur le traitement de paix, ou de tréue. † Guines y seroit mieux, à mon auis, selon Sala.

Trépas du Duc Wincelins de Boesme.

† Le mettroye
volontiers icy le
seigneur d'Es-
tournay, selon
le ch. 151. en-
suivant, & en
ses propres
villes pour en
sa propre vil-
le. ouy, Mais
y faisant men-
tion de Tour-
nay & de
Tournaisis,
le confesse n'e-
stre bien resolu
de l'un, ne de
l'autre passage

Tréues entre
France &
Angler. &
leurs alliez.

(quoy qu'on parlemétast ainsi sur la frontiere de Calais & de Boulôgne) vindrêt ardoir les Gandois, qui estoient de la garnison d'Audenarde, les fauxbourgs de Tournay, & s'en retournerent sauvement, à tout leur pillage, dedans Audenarde, & si vindrent, par les festes de Noel, les Gandois recueillir & leuer les rentes du † Seigneur de Tournay, en sa propre ville, dont il fut moult melancolieux, & dit & iura(si Dieu luy pleust aider) que traité, n'accord, qui peut estre, n'auoir esté fait, entre le pays de Flandres & les Gandois, il ne tiendrait aucunement, mais leur feroit tousiours la plus forte guerre qu'il pourroit, car ils luy tolloyent, & auoient tollu, son heritage, n'il ne fauoit de quoy viure, si ses amis de Brabant & Haynaut ne luy aidoyent, tant l'auoient les Gandois debouté de son heritage. Par les traittez & parlemens, qui furent en celle saison à Bolinge, entre les Seigneurs & Princes dessus-nommez de France & d'Angleterre, fut conclu, à grand méchef, qu'une tréue seroyent entre le Roy de France & celui d'Angleterre & tous leurs adherens & alliez, c'est à entendre, de la partie du Roy de France, toute Espagne, Galice, & Castille, par mer & par terre, & aussi le Royaume d'Ecosse, & deuoient les François signifier, au plus-tost qu'ils pourroyent, celle tréue au Roy d'Ecosse, & aux Barons & pays d'Ecosse, & deuoient les Ambassadeurs, qui ce message de par le Roy de France feroient en Ecosse, auoir saufconduit, allant & venant, parmy le Royaume d'Angleterre. Aussi de la partie des Anglois estoient compris en la tréue tous leurs adherans & alliez, en quelque lieu qu'ils fussent, & estoient ceux de Gand en toutes leurs tréues expressément nommez, & enclos dedans (dont grandement déplaisoit au Comte de Flandres) & duroient ces tréues seulement iusques à la Saint-Michel, que l'on compteroit l'an de grace mil trois cens quatrevingts & quatre, & deuoient les parties retourner, ou commis pour eux, qui auroient plaine puissance d'appaiser les Royaumes & pays dessus-nommez. De toutes ces choses furent prises & leuées lettres autentiques, & instrumens publicques, à tenir & accomplir loyaument, & iurerent les Seigneurs les choses dessusdites à non enfreindre.

Comment le Comte Louis de Flandres mourut, & de l'ordre, qui fut tenu à son obsequie.

CHAPITRE CXLVIII.

Trépas du Co-
te Louis de
Flandres, le
23 de Ianuier
1384. à ma-
mode
L'obsequie du
Comte Louis
de Flandres.

Ainsi se departit le parlement, & retournerent les Seigneurs de France en France, & ceux d'Angleterre à Calais. Le Duc de Bretagne s'en retourna en son pays, & le Comte de Flandres à Saint-Omer, & là se tint, ou il luy prit, assez tost apres, vne maladie, dont il mourut, & fut ordonné qu'il seroit enterré en l'Eglise Nostre-dame de l'Isle & trépassa de ce siecle le Comte de Flandres, l'an de grace mil trois cens quatrevingts & trois, le vingtième iour du mois de Ianuier, & fut apporté à Los, vne Abbaye delez l'Isle. Aussi y fut apportée la Comtesse sa femme, qui trépassée estoit (cinq ans auoit) en la Comté de Rethel, & furent enseuelis ensemble, en l'Eglise de Saint Pierre de l'Isle. Or vous en veulx ie recorder l'ordonnance, & comment elle fut. Cy ensuyuent les ordonnances du Comte de Flandres & de la Comtesse, sa femme, dont les corps furent apportés à Los, vne Abbaye, qui est delez l'Isle. Quand ils deurent entrer en l'Isle, grand nombre de Seigneurs de France, de Flandres, de Haynaut, & de Brabant, y furent à la vespre de l'obsequie, à venir de la porte des malades, & apporter les corps parmy la ville, iusques à l'Eglise de Saint Pierre, & y furent armez pour la guerre, & les Escuyers qui les menoyent, premierement messire Iehan de Heluyn, le plus prochain du corps, mené d'Anguerrand de Volemie & de Roger de Lespierre, le Seigneur de Marque, mené de Iehan de Lespierre, & du Seigneur Saufée de Fretin, & le Seigneur de Mauiez, mené de Godeffroy de Noille, & de Henry de la Vacquerie. Item sensuyuent ceux, qui furent ordonnez pour le conuoy, c'est assauoir messire Pierre de Bailleuf, prochain du corps, mené de Guyot de Lompre & de Iehan Louis, Seigneur de Lamberticourt, messire Sohier de Gand, deuant messire Pierre de Bailleul, mené de Huyart de Quinghen & de Michel de la Quarrie, & messire Iehan du Moulin, deuant messire Sohier de Gand mené de Iehan de Quinghen & de Haubequin le Marechal. Apres sensuyuent les bannieres de la biere, & premierement messire François de Hasurquerque, messire Goussain le Sauuage deuant messire Lancelot la Personne deuant messire Goussain, messire Iehan de la Helle deuant messire Lancelot la Personne. Item sensuyuent ceux, qui porterent les bannieres de la biere & du conuoy. Messire Matthieu de Hunieres, & deuant luy, messire Iehan de Helles, Seigneur des Aueaux, & messire Cierchelart de la Barre

Barre deuant ledit Seigneur des Aueaux, & messire Iehan de Paris deuant Cierchelart. Item cy-apres s'ensuyuent les noms des Barons, qui aiderent à porter le corps du Prince, depuis la porte des malades mouuant, en venant parmy la ville de l'Isle, iusques à l'Eglise Saint-Pierre. Premièrement messire Iehan de Vienne, Admiral de France, à dextre, & le Seigneur de Guistelle à fenestre, messire Valeran de Rauenal aussi à dextre, & le Chastelain de Disqueniue au fenestre, le Seigneur d'Estonnay à dextre, & messire Ansel de Salins à fenestre. Item cy-apres s'ensuyuent les Barons qui aiderēt à porter le corps de la Cōtesse de Flandres, mouuant de la porte Saint-Ladre, en venant iusques à l'Eglise de Saint Pierre, & premièrement le Seigneur de Sully au costé dextre, & le Seigneur de Chastillon au costé fenestre, messire Guy de Pontaille, Marechal de Bourgogne au costé dextre apres, & messire Guy de Guistelles au costé fenestre, & puis messire Henry de Coing, au dextre, & le Chastelain de Furnes au fenestre. Itē s'ensuiuet les ordōnāces du iour de l'obsequē (lequel on fit en l'Eglise Saint Pierre de l'Isle) ceux qui y furēt, & les nōs des Escuyers, qui tindrent les escus, toute la messe durant, iusques à l'offertoire. Le Duc de Bourgogne tout seul, & le premier escu fit porter deuant luy, & fut soustenu ledit escu du Seigneur de Rauenal, Cheualier, du Seigneur de la Gouneuse, de Labequin, de la Goustre, & de Iehan de Point-aliers, frere au Marechal de Bourgogne. Apres, le secōd escu, deuant Mōseigneur Iean d'Artois, Cōte d'Eu, & messire Philippe de Bar. L'escu fut tenu de Valeran de la Sale, & de Lesclaus d'Anequin. Apres, le Comte de la Marche & messire Philippe d'Artois. L'escu fut tenu de Gillon de Labert, & de Robin de Florigny. Apres messire Robert de Namur, & delez luy messire Guillaume de Namur, son neveu. L'escu fut tenu de Chaux Bernard, & de Girard de Sternaille. Item pour les escus du conuoy. Le Seigneur d'Anghien, qui auoit delez luy messire Iehan de Namur. L'escu fut tenu d'Aillart de Ponthees & de Henry de Moucy. Apres messire Esne de Chastillō, & le Seigneur de Fere. L'escu fut tenu de Iehan de Heluin, & Edouard de Castrō. Apres, le Seigneur d'Ancoing, & le Seigneur de Guistelles. L'escu fut tenu de Tristā, de Landres, & Iehā du Beart. Apres le Seigneur de Moriēnes, & le Seigneur de Sully. L'escu fut tenu de Fresingue, & de Damas de Bucy. Item ceux, qui offrirēt les destriers, de la guerre. Premier, Mōseigneur de Chastillō, & messire Simon de Lalain, Baillif de Hainaut, & estoient les Seigneurs à pié, & le cheual armé & couuert. Pour le secōd, messire Vallerā de Rauenal, & le Chastelain de Disquemade. Pour le tiers, messire Hue de Meleun, & le Seigneur d'Aucy. Pour le quart le Seigneur de Burnel, & le Seigneur de Brumeu. Item s'ensuiuent ceux, qui offrirēt les destriers du conuoy. Et premier, messire Héry d'Ancoing, & messire Girard de Guistelles. Pour le secōd, le Seigneur de Montigny, & le Seigneur de Rasāghiē. Pour le tiers, le Seigneur de la Haurade, & le Chastelain de Furnes. Pour le quart le Seigneur de Sagumelles, & messire Roland de la Clicque. Item s'ensuiuent ceux, qui offrirēt les glaiues, de la guerre, & premièrement Mōseigneur l'Admiral de France, le Seigneur de Rary le secōd, le Marechal de Bourgogne le tiers, le Seigneur de S. Py le quart. Item s'ensuiuet les noms de ceux, qui offrirēt les espées du conuoy, premier messire Guillaume de Ponthieu, le secōd messire Guillaume de la Trimaille, le tiers le Chastelain d'Ypre, le quart messire Guy de Hancourt. Item ceux, qui offrirēt les Heaumes de la guerre, & pour le premier, le Seig. de Mailly, pour le secōd, messire Guillaume de Hornes, & messire Ansel de Salins, pour le tiers, messire Iehā Doppem, & le Chastelain de Saint-Omer, & pour le quart, messire Guy de Guistelles, & le Galois d'Aunoy. Item pour les Heaumes du conuoy. Premièrement messire Iosse de Haillain, & messire Oliuier de Guffy. Pour le second, le Seigneur d'Ysebobecque, & le Seigneur de Lalain. Pour le quart, messire Tristan du Bois, & messire Iehan de Iumont. Item s'ensuiuent ceux, qui offrirēt les bannieres de la guerre, & pour la premiere, le Seigneur de Listrenaille, pour la seconde, messire Leoncel d'Airannies, pour la tierce messire Gilles de la Gouneuse, & pour la quarte, messire Iehan de Luisolom. Item s'ensuiuent ceux, qui offrirēt les bannieres du conuoy, & pour la premiere, messire Orençois de Rely† pour la tierce, messire Iehan de Disqueniue, & pour la quarte, messire Vilaines de la Clicque. Item s'ensuiuent les nōs des Seigneurs, qui apres, l'obsequē fait, meirēt le corps du Comte de Flandres en terre, messire Iehan de Vienne, Admiral de France, le Seigneur de Guistelle, messire Valeran de Rauenal, le Chastelain de † Disquemude, le Seigneur de Ray, & messire Ansel de Salins, Item s'ensuiuent les noms de ceux, qui enterrent le corps de la Comtesse, qui fut femme au Comte, messire Guy de la Trimaille, le Seigneur de made.

† La seconde ne se trouue point.

† Il a nagueres dit Disquemade.

† Nagueves
d'Antoing,
ond'Aucoing

Chastillon, le Sénéchal de Bourgogne, Monseigneur Girard de Guistelles, messire Henry † d'Antoing, & le Chastelain de Furnes. Et est à sauoir que tous ceux, qui furent à l'office à entrer en l'Eglise de Saint Pierre de l'Isle, quand les corps y furent apportez à la vesprée, demourerent à l'office au lendemain à la messe, tant de Cheualiers armez, comme de ceux qui portèrent bannieres, & aussi les Escuyers, qui amenerent les cheuaux. Item y eut, à porter les corps du Comte & de la Comtesse de Flandres sa femme, parmy la ville de l'Isle, venant iusques à l'Eglise de Saint Pierre, quatre cés hommes, ou enuiron, tous noirs vestus, & portèrent chacun vne torche, pour conuoyer les corps iusques à l'eglise Saint Pierre. Et ces quatre cens hommes dessusdits tindrent les torches au lendemain, en l'eglise, durant la messe, & tous ceux, qui les tenoient, estoient Escheuins des bones-villes, ou Officiers de son hostel, & dit la messe l'Archeuesque de Reims & estoit acompaigné de l'Euesque de Paris, & de l'Euesque de Tournay, de l'Euesque, de Cambray, & de l'Euesque d'Arras, & y furent avec eux cinq Abbez. Item est à sauoir qu'il y eut en l'eglise, à l'obsequie, sept cens chandelles, ou enuiron, & chacune chádelle pesant vne liure, & sur le trauail auoit cinq bannieres. Celle du milieu estoit de Flâdres, la dextre, d'Artois, la fenestre, au dessous, de la Comté de Boulongne, la quatriesme, de la Comté de Neuers, & la cinquième, de la Comté de Rethel, & estoit le trauail armoié d'un costé, de l'escuillon de Flandres, & au costé fenestre de la Dame d'escuillons de Flandres, & de Brabant, & aual le môstier y auoit nombre de douze cés chandelles, & vingt six, ou enuiron pareilles à celles du trauail. Et n'y auoit Dame ne Damoiselles, de par Môseigneur de Bourgogne, ne de par Madame sa fême, fors la Gouvernессe de l'Isle, fême au Gouverneur, & y fit on tresbel disner, & y furét deliurez de to^r cousts & frais, tât de bouche côme aux hostels, tous Cheualiers & Escuyers, pour la nuit, & le iour de l'obsequie, & leur fut deliuré & baillé tout le drap noir, dont ils furent vestus. Apres toutes ces choses faites, chacun retourna en son lieu, & laissa le Duc de Bourgogne, dedás les garnisons de Flandres, & par toutes les villes, Cheualiers & Escuyers (non-obstant que les tréues fussent iurées & accordées, & sceillées, entre France & Angleterre, & tout les pays cōioints & adhers avec eux) & se tenoit chacun sur sa garde. Puis retourna le Duc de Bourgogne en France, & Madame sa femme demoura vn grand temps en Artois.

Comment les Comtes de Northombelande & de Nortingham, & les Anglois meirent sus vne cheuauchée pour entrer en Escoce, & des Ambassadeurs de Frâce qui furent enuoyez en Escoce, pour notifier les tréues, qui estoient entre France & Angleterre.

CHAPITRE CXLVIII.

Armée d'Angleterre en Escoce. 1384.

Vous auez bien ouy cy-dessus recorder commēt les Seigneurs de France, qui au parlement auoient esté en celle ville, qu'on nôme Bolinge (qui sied entre Calais & Boulongne) se chargerent, à leur departemēt, qu'ils signiferoiēt les tréues, qui prises estoient de tous costez entre eux & les Anglois, aux Escocois, & au Roy d'Escoce, parquoy erreur, ne mal-talent, ne se meist de pays en autre. Toutesfois, au vray dire, le Conseil de France ne fit pas de cecy bonne diligence, comme il deust, car tantoist ils y deuoient enuoyer, mais non firent. Ne sçay à quoy ce demoura, fors en celuy espoir, que le Duc de Bourgogne, puis les parlemens faits, fut grandement chargé & embesongné pour la mort de son grand Seigneur, le Comte de Flandres, & pour l'ordonnance & obsequie, aussi, que l'on fit en la ville de l'Isle, si comme cy-dessus auez ouy recorder. Si ne cuydoient pas que les Anglois deussent faire ce, qu'ils firēt. Car, tantoist apres la Pasque, le Côte de Northombelande, le Comte de Nortingham, & les Barons de Northombelande, meirent vne cheuauchée & armée sus (en laquelle pouuoit bien auoir deux mille Lances, & six mille Archers) & passerent Beruich & Rosebourg, & entrerent en Escoce. Puis commencerent à ardoir la terre de la Comté de Donglas, & celle au Seigneur de Lindefee, & ne laisserent riens à ardoir, iusques à Haindebourg. Les Barons & Cheualiers d'Escoce n'estoyent de riens signifiez de ceste aduenue, & prirent la chose en grand despit, & dirent qu'ils l'amenderoyent à leur pouuoir : car outre, ils disoient que les Anglois deuoyent auoir à eux tréues, si comme on leur auoit rapporté, mais riens n'en sauoyent car encores, au vray dire, ils n'en estoient point signifiez. Bien sauoyent que de leur costé ils n'auoiēt eu nul traitté aux Anglois. Si estoit la guerre ouuerte, mais toutesfois ils l'auoient premier cōparée, dont moult leur déplaisoit. Vous sauez que nouuelles sepan dent tantoist en plusieurs lieux. Si fut seu en Flandres, & par especial à l'Ecluse, par marchans

chans qui issirent hors d'Escoce, comment les Anglois estoient entrez en Escoce, & comment aussi le Roy Robert d'Escoce, & les Seigneurs faisoient leurs mandemens & semonfes tresgrandes, pour venir combattre les Anglois, & aussi fut il feu en France, que les Anglois estoient aux champs (si-cōme on disoit l'un à l'autre) & ne pouuoit guerres demourer, qu'il n'y eust bataille. Les Duc de Berry, de Bourgongne, & le Conseil du Roy de Frâce, quand ils entendirent ces nouvelles, dirent que c'estoit follement exploité, de ce qu'on n'auoit encores signifié, ou enuoyé signifier, les tréues en Escoce, tout ainsi qu'on auoit promis à faire. Adonc fut ordonné, de par le Roy, ses oncles, & son Cōseil d'aller, en Escoce, messire Hemard de Masse, fort sage Cheualier & autentique, & messire Pierre Framel, & un Sergēt-d'armes du Roy, lequel estoit de la natiō d'Escoce, & sapeloit l'anequin Chāpenois, qui fut ordonné y aller, pourtāt qu'il sauoit parler le lāgage, & cognoissoit le pays. Ce pendant que les Ambassadeurs de France s'ordonnoient, & que pour aller en Angleterre s'appareilloient, & que les Anglois en Escoce couroient, dont les nouvelles en plusieurs lieux s'épandirent, il y auoit Gēs-d'armes à l'Ecluse, du Royau me de France, qui là dormoyent & seiournoient, n'en quel lieu tourner ils ne sauoient car les tréues entre Flandres & Angleterre se tenoient. Si entendirent que les Escoçois & les Anglois guerroyoient, & disoit on à l'Ecluse, pour certain, † que hastiuement auroient bataille ensemble. Lesquelles nouvelles ouïrent volontiers ces Gens-d'armes de France, tels que messire Geoffroy de Charny, messire Iehan de Plaissy, messire Hue de Boulō, messire Sainge de Villiers, messire Garnier de Libourne, messire Garnier de Gussangin, messire Odin de Morin, messire Robert de Cāpignen, laques de Mōtfort, Ieā ed Heluin, Ieā de Mellez, Michel de la Barre, & Guillaume Gobart, & pouuoient biē estre enuiron trente Hommes-d'armes, Cheualiers & Escuyers. Si eurent alliance ensemble pour l'auancement de leurs corps (pour ce qu'ils ne sauoient ou trouuer les armes, fors en Escoce) qu'ils loueroient vne nef, & puis iroyent en Escoce, prendre l'auenture ensemble, avec les Escoçois, & ainsi qu'ils l'auiserent, ils le firent, & se departirēt de l'Ecluse, & monterent en vne bonne nef tous leurs harnois-d'armes, & puis entrerēt dedans, quand ils eurent le vent à gré. Ils laisserent leurs cheuaux, pour le dāger de la mer & pour le voyage qui estoit trop loing, & bien sauoient les mariniers, qui les menoyent qu'ils ne pouuoient prendre terre en Haindebourg, à Dombare, ne dedans les haures prochains, car autant bien estoit la nauire d'Angleterre par mer, comme par terre, & estoient les Anglois maistres & Seigneurs de ces premiers ports d'Escoce, pour les pourueances qui les suiuyent par mer. En celuy temps vindrent les dessusdits Ambassadeurs de France en Angleterre, & furent deuers le Roy & ses oncles, qui leur firēt tresbonne chere, & puis se dissimulerent à ce premier iour un petit, pour la cause de leurs gens, qui faisoient guerre aux Escoçois, & quand ils entendirent que leurs gens auoyēt fait leur fait, & qu'ils retournoient en Angleterre, ils firēt partir les messagers du Royau me de France (messire Hemard de Masse, & les autres) & leur baillerent les † seaux d'armes du Roy d'Angleterre, pour eux mener seurement, parmy Angleterre, en Escoce, & faire ouurir villes & chasteaux encontre leur venue. Si se meirent au chemin les dessusdits, pour aller en Escoce. Tant exploiterent par mer les Cheualiers de France, eux partis de l'Ecluse, en costoyant le pays de Hollande & Angleterre, en élongnant les perils de la rencontre des Anglois sur mer, qu'ils arriuerent en Escoce, sur un petit port qu'on dit † Montres. Quand les Escoçois, qui demouroient en la ville, entendirent que c'estoient François, qui estoient venus pour trouuer les armes, si leur firent bonne chere, & les adreçerent de tout ce, qui leur faisoit besoing, à leur loyal pouuoir. Quand ces Cheualiers & Escuyers se furent refreschis par deux iours en la ville, & ils eurent appris des nouvelles, ils se departirent, & monterent sur hacquenées, & vindrent à Dondieu, & firent tant (comment que ce fust) qu'ils vindrent à Saint-Iehan Ston, vne bonne ville en Escoce, ou la riuere de Teon court, & là a bon haure de mer, pour aller par tout le monde. Eux venus en la ville Saint-Iehan, ils entendirent que les Anglois s'estoient retraits, & que le Roy & tous les Seigneurs d'Escoce estoient en Haindebourg, à parler ensemble. Adonc ordōnerent ils que messire Garnier de Gussangin & Michel de la Barre iroyent deuers le Roy d'Escoce, à Haindebourg, pour parler ensemble, & avec les Barons & Cheualiers du pays, pour sauoir quelle chose ils pourroyent faire, & leur remonstrentoyent, à tout le moins, la bonne volōté, qui les auoit meus de partir de Flandres, pour venir en Escoce, & messire Geoffroy de Charny & les autres demoure-

Ambassadeurs de France, députez, pour aller en Escoce pour signifier les tréues

† Ce passage est ramené selon le sens de l'Auteur, étant par auāt corrompu en ceste sorte, que hastiuement alloiēt ensemble tels que messire Geoffroy.

Les Ambassadeurs de France vers le Roy, d'Angleterre, pour passer outre en Escoce. † Je doute qu'il n'y fust Sergēs d'armes, ou Heraux d'armes.

† La Carte met un Montros. que ie pēseroye estre ce port.

Arrivée de quelques Cheualiers & Escuyers de France en Escoce, pour y suyre les armes.

† l'ose presque
asseurer que ce
mot est corrom-
pu, mais ie ne
trouue par qui
le restituer.
Quād à Luy-
de, peu apres,
i'y liroye volon-
tiers Linde-
sée, que Boeth,
dit Lindesay.

royent là, tant qu'ils auroient la relation. Si comme il leur fut ordonné, il fut fait, & partirent de Saint Iehan, & firent tant, qu'ils vindrent à Haindebourg, ou le Roy estoit & le Comte de Donglas (lequel s'appelloit Iames, car le Comte son pere, messire Guillaume, estoit nouuellement mort) & là estoient le Comte de Moray, le Comte † d'Arquenoy, le Sire de Versi, le Sire de Luyde, le Seigneur de Sutirlant, & le Comte d'Orquenay (qui estoient six freres, lesquels estoient tous Cheualiers) & firent ces Seigneurs d'Escoce aux Cheualiers de France, & à Michel, tresbonne chere. Messire Garnier remonstra au Roy, & aux Barons d'Escoce, l'intention de ses compaignons, & pourquoy ils estoient venus en Haindebourg. Les Ambassadeurs de France (messire Hemart de Masse, messire Pierre Framel, & Ianequin Châpenois) auoient apporté les tréues dessus dites, deuisées entre le Roy de France & le Roy d'Angl. mais les Escoçois y estoient rebelles, & en dissimuloient, en disant que trop tard on les auoit signifiées, & que nulles ils n'en tiendroient, car les Anglois leur auoient en celle saison apporté & fait trop grande guerre. Le Roy Robert leur brisoit leur propos, en ce qu'il pouuoit, & disoit que voirement (puis qu'ils en estoient signifiez) ils ne pouuoient dissimuler, que les tréues n'y fussent. Ainsi estoient en different le Roy & les Cheualiers de son pays, l'un contre l'autre, & auint que le Comte de Donglas & le Comte de Moray, les enfans de Linde-sée, & aucuns Cheualiers & Escuyers d'Escoce (qui desiroient les armes) eurent vn secret parlement ensemble, en l'Eglise de Haindebourg, ou l'on prie Saint-Gille, & furēt là appelez les Cheualiers de France (messire Garnier & Michel de la Barre) & là leur fut dit qu'ils fissent traitté avec leurs compaignons, & ils orroyent bones nouuelles, & tout ce ils tinssent en secret. Sur celuy estat s'en retournerent ils à Saint-Iehan Ston, & recorderent à leurs compaignons tout ce, qu'ils auoient veu & trouué.

Comment les Barons & Cheualiers d'Escoce, & aucuns de Erance, meirent sus vne cheuauchée, pour entrer au Royaume d'Angleterre, sans le seu du Roy d'Escoce, & comment il s'en enuoya excuser par vn Heraut.

CHAP. CXLIX.

Armee d'Es-
coco en Angle-
terre, pour con-
treuengeance de
la course des
Anglois, durāt
les tréues.

DE ces nouuelles furent messire Geoffroy de Charny & les autres Cheualiers & Escuyers tous réiouis, & se departirent de là, & exploiterent tant par leurs iournées, qu'ils vindrēt en la ville de Haindebourg, & ne firēt nul sēblant de chose qu'ils deussēt faire. Ils n'eurent pas là seiourné douze iours, que le Côte de Donglas tout secrettemēt les manda qu'ils vinsent deuers luy, à son chasteil, & leur enuoya cheuaux. Ils vindrent à luy, à son chasteau d'Alquest. Au lendemain qu'ils furent venus, il les mena avec luy sur vn certain lieu, ou marche, ou les Barons & Cheualiers d'Escoce faisoient leur mandement, & se trouuerēt en trois iours plus de quinze mille hōmes à cheual, tous armez, selō l'usage de leur pays. Adōc, quād ils se trouuerēt tous ensēble, ils voulurēt faire leur cheuauchée, & dirent qu'ils se cōtreuēgeroient des Anglois, & des dōmages qu'ils leur auoyent faits. Si se meirent au chemin, & passerent les bois & forests de leur pays, & entrerēt en Northombelande, en la terre du Seigneur de Perfy, & là cōmencerent à piller & à ardoir, & cheuaucherent moult auant & puis s'en retournerent parmy la terre du Comte de Nortinghen, & du Seigneur de Montbray, en laquelle ils firent moult de desfrois, & passerent, à leur retour, deuant Rosebourg, & point n'y arresterent, car ils auoyent grād pillage avecques eux, tant d'hommes que de bestail, & retournerent en leur pays sans danger, car les Anglois s'estoient ià retraits, qui ne se fussent pas si tost assemblez pour cōbattre les Escoçois, & leur cōuint porter & souffrir celle buffe, car ils en auoient dōné vn ausdits Escoçois. De ceste cheuauchée se pouuoit bien excuser le Roy d'Escoce, car de l'assēblee, ne du partement, il ne sauoit riens, & puis que le pays estoit d'accord, il ne conuenoit ià qu'il le feust, & s'il l'eust feu (au cas qu'il n'y eust eu entre les Escoçois & Anglois autre conuenance, qu'il n'y auoit) si n'en eussent ils autre chose fait pour luy. Or quoy que les Barōs & Cheualiers d'Escoce & les Barōs & Cheualiers de Frāce cheuauchassent, & eussent chēuauché en Angleterre, non-obstant se tenoient en Haindebourg, delez le Roy Robert, messire Hemart de Masse & messire Pierre Framel, & si laissoient les Escoçois conuenir, & à fin qu'on ne peust pas dire, ne les Anglois ne peussent soustenir, que ce fust la coulpe de ceux de son pays, ne qui estoient delez luy, qu'ils voussissent rōpre les traittez, qui auoient esté faits & accordez à † Bolinghē, delez la ville de Wissen par les Nobles & Cōseil de Frāce, d'Angleterre, & de Castille, le Roy d'Escoce & les Ambassadeurs de Frāce enuoyerēt vn Heraut, des leurs, en Anglet. chargé & informé de ce qu'il

† Il a dit Bo-
linges, &
Buiſſe, pour
Vviſſem, au
chap. 146.

qu'il deuoit dire. Quand le Heraut fut venu en Angl. deuant le Roy & ses oncles il trouua tout le pays émeu, & vouloiēt cheuaucher, & derechef mettre leur armée sus, pour retourner en Escoce. Le Duc de Lancastre & le Comte de Catebruge tiroient trop grâdemement à aller, dedans l'an, en Portugal & en Castille, ou l'un d'eux, à tout grande puissance de Gens-d'armes & d'Archers (car ils se tenoient heritiers, de par leurs femmes & enfans, de toute Castille) & renoueller, entre le Roy de Portugal & le Roy de Castille, la guerre. Car le Roy, Damp Ferrand, estoit mort, & si auoient les Portugalois couronné, à Roy, Damp† Iehan son frere, vn bastard, vaillant hōme, qui ne desiroit que la guerre aux Espaignols, mais qu'il eust alliances aux Anglois, & leur confort, & de tout ce ils estoient certifiez, & dissimuloient, à ce qu'ils pouuoient, & faisoient dissimuler leurs amis à fin que nulle assemblée de guerre ne se fist en Escoce. Car (comme dit est) le Roy d'Escoce auoit tousiours denié la guerre aux Cheualiers & Escuyers de France & d'Escoce, qui la desiroient, & auoit fait la cheuauchée en Angleterre sans son seu. Quand le Heraut d'Escoce fut venu deuers le Roy d'Angleterre, & ses oncles, bien instruit de ce qu'il deuoit dire, il se mit à genoux, & pria & requist que, comme Heraut au Roy d'Escoce, il peust estre ouy, & faire son message. Le Roy & les Seigneurs luy accorderent (comme raison estoit) & là leur monstra il sur quel estat il estoit enuoyé du Roy singulierement, & des Ambassadeurs de France, & les excusa, en disant que le Roy d'Escoce auoit benigne-ment receu les messages du Roy de France, & entédu à ses traitez, pour tenir les tréues, & y auoit fait entédre & incliner, à ce qu'il auoit peu, par ses hommes, mais les marchisans d'Escoce à la terre au Seigneur de Percy, & à la Côté de Nortingham (tels que le Comte de Donglas, le Comte de la Mare, son oncle, messire Archanbaud, messire Rame, messire Pierre, messire Guillaume, & messire Thomas de Donglas, & tous les freres de Lindefee, & ceux de Ramesay, & messire Guillaume Affueton avec) ne voulurent onc demourer dedans le parlement, pour accepter les tréues, & disoient qu'on leur auoit fait & porté grand dommage en leurs terres, lesquelles choses leur estoient moult déplaissantes, & à tous leurs amis, & s'en cōtreuengeroient, quand ils pourroient. Et, quand les Seigneurs que ie vous ay nommez, firēt leur assemblée pour aller en Angleterre (si comme ils ont fait) oncques ils n'en parlerent au Roy, n'à ceux de sa chambre. Car bien sauoient qu'on ne l'eust pas consenty, non-obstant qu'ils dient, en Escoce, que la premiere incidēce de ceste guerre meut par vous. Car bien sauiez, mes Seigneurs (ce dient les nostres) que la tréue estoit prise & accordée delà la mer, & en deuions tantost, vous retournez de Calais, estre signifiez, & outre, ils dient que les Ambassadeurs de France (qui par cy passèrent) furent détournés à venir deuers nous en Escoce (si comme ils deussēt) & que trop longuement les tenistes en seiour & soulas, parquoy le méchief est venu & racouru, entre Escoce & Angleterre, des parties, qui se sōt regardées & auisées, & sous ombre de dissimulation la plus grande part de ces choses se sont faites & accōplies. Mais mon trefredouté & souuerain Seigneur, le Roy d'Escoce, ceux de sa chābre, & les Ambassadeurs du Roy de France, qui seiournent à present delez luy, s'excusent, & veulent excuser, que de la derniere armée, que les Barons & Cheualiers d'Escoce, ont fait en Angleterre, ils ne sauoient riens, ne n'ont seu, mais en ont ignoré & ignorent. Et, pour adrecer toutes choses, & reformer en bon estat, ie suis chargé de vous dire, que vous vueillez entendre aux traittez, qui furent faits de là la mer, par la haute & noble discretion du Conseil du Roy de France & du vostre, & confermer les tréues, à durer les termes que durer doiuent à mon trefredouté & souuerain, Seigneur, le Roy d'Escoce, & luy & son noble Cōseil les confermeront, & iureront à tenir & entretenir, & les fera mon trefredouté & souuerain Seigneur, pour la reuerence du Roy & de son Conseil, tenir à ses hōmes, & de ce il vous plaise à moy donner & faire la responce. Le Roy d'Angleterre & ses oncles bien entendirent le Heraut parler, & l'ouirent moult volōtiers. Si dit le Duc de Lancastre que voirement on luy donneroit responce. Adonc le firent ils demourer à Londres (ou il les auoit trouuez) pour attendre & auoir responce du Roy d'Angleterre.

Comment les tréues, qui furent prises entre les François & Anglois & leurs alliez, furent publiées en Escoce & Angleterre, & comment les Cheualiers de France, en retournant d'Escoce, furent en grand danger par vent contraire.

CHAP. CL.

AV chef de deux iours il fut publié, & respondu par le Conseil, & messire Simō Bule, Chambellan du Roy, en fit la responce, & furent les choses touchées & mises en

† il l'a nommé
Maistre Denis
au ch. 93.
et de fait sala,
au commence-
ment du tiers,
Volume, dit
tels mots nom-
me Iean.
Mais a cause
de ce qu'il es-
toit maistre
des hospita-
liers de Por-
tugal on le
nommoit
Maistre De-
nis. Remonstra
ces du Heraut
d'Escoce, pour
excuser son Roy
enuers le Con-
seil d'Angle-
terre, sur la
cheuauchée de
contreuengeāce

*Publication de
la trêve entre
Angleterre &
Eſcoce.*

bon party. Car, au vray dire, tout confideré, les Seigneurs, d'Angleterre, qui au parlement de Bolinghen auoient eſté, n'auoyent pas trop honnorablement fait, quand ils auoient conſenty & enuoyé leurs gens courir en Eſcoce, & ardoir le pays, quand ils ſauoient que trêues y auoit, ou deuoit auoir, & la plus belle excuſation, qu'ils pouuoient prendre, eſtoit, qu'ils ne le deuoient pas ſignifier aux Eſcoçois, mais en deuoient eſtre ſignifiez par les François. Si fut dit au Heraut qu'au nom de Dieu il fut là bien venu, & que c'eſtoit l'intention du Roy d'Angleterre, de ſes oncles, & de leur Conſeil, que ce, qu'ils auoient iuré, promis, & ſeellé à tenir, ils ne le vouloient pas enfreindre, mais le vouloyent confermer & maintenir, & qui plus auoit mis, plus auoit perdu. De toutes ces choſes demanda le Heraut lettres, à fin qu'il en fuſt mieux creu. On luy bailla de beaux dōs aſſez, avec tant, qu'il ſe contenta grandement, & remercia le Roy, & les Seigneurs. Puis ſ'en partit de Londres, & tant exploita par ſes iournées, qu'il retourna en Eſcoce, ou les meſſagers de France l'attendoient, pour ſauoir la reſponſe: car ils deſiroient à ſauoir comment les Anglois ſe voudroient maintenir. Quand il fut ſeu entre eux les

reſponſes du Roy & de ſes oncles, par les lettres ſeellées qu'ils virent apparens, ils ſe cōtenterēt grādemēt, & en furēt tous réiouis, & ainſi demoura la trêue, pour celle année, entre Angleterre & Eſcoce, & fut publiée & annōcée, par tous les deux Royaumes, par voye & cauſe de plus grande ſeureté, & retournerent les Ambaſſadeurs de Frāce en leur pays, parmy Angleterre, tout ſauuement, ſans peril, & recorderent au Roy de Frāce & à ſes oncles, à leur retour, cōment ils auoient exploité, & les empeſchemēs qu'ils auoient eus & compterent tout le cas, ainſi que vous auez ouy. Quād meſſire Geoffroy de Charny & les Cheualiers & Eſcuyers du Royaume de France, qui eſtoient de ſa cōpaignie, virent que les Royaumes d'Eſcoce & d'Angleterre ſ'eſtoient atreuez enſemble, ſi prirent cōgé aux Barōs d'Eſcoce, & par eſpecial aux Cōtes de Donglas & de Moray (qui leur auoient fait tresbōne cōpaignie) & me ſēble que les Barōs d'Eſcoce leur dirent, & aucuns autres Cheualiers (ainſi qu'on bourde & lāgage d'armes enſemble) Seigneurs, vous auez veu la maniere & cōdition de noſtre pays, mais vous n'aez pas veu toute la puiffance. Sachez qu'Eſcoce eſt la terre du monde que les Anglois doutēt le plus, car nous pouuōs (ſi cōme vous auez veu) entrer en Angleterre à noſtre aiſe, & cheuaucher moult auant, ſans danger de mer, & ſi nous eſtions aſſez forts de gens, nous leur porterions plus de dōmages, que nous ne faiſons. Si vueillez, quand vous ſerez en France, tout ce dire & remonſtrer aux cōpaignons, Cheualiers, & Eſcuyers, qui ſe deſirēt à auancer, à fin d'eux émouuoir à venir deçà querir les armes, & nous vous certiſiōs, que ſi nous auions iuſques à mille Lāces, Cheualiers & Eſcuyers, de France, avec les bonnes gens que nous trouueriōs par deçà, nous ferions vn ſi grand eſchez en Angleterre, qu'il y perroit, à quarāte ans auenir. Si vous en vueillez ſouuenir, quand vous ſerez par delà. Les cōpaignons reſpondirent qu'auiſi feroient ils, & que ce n'eſtoit pas choſe qu'ō deuſt mettre en oubly. Sur ce

Depart de Geoffroy de Charny et de ſes Compaignons François, hors d'Eſcoce, et le danger, ou ils furēt en Zelande.

ſe departirent, ils & meirent en mer, & prirent vne nef, qui les deuoit amener à l'Eclufe, mais ils eurent vent cōtraire, quād ils furēt en la mer, & leur cōuint prédre haure en terre en Zelāde, à vne ville, qu'ō dit la Virille. Quād ils furent là venus & arriuez, ils cuiderent eſtre ſauuement arriuez, mais nō furēt, car les Normās auoient nouuellemēt couru par cel le bāde là, & porté (ſi cōme on diſoit) aux Zelādois grand dōmage. Si en furēt en trop grand peril les Cheualiers & Eſcuyers de France, car ce pendant qu'on diſoit telles parolles en la ville, leur nef fut toute enquiſe, leurs coffres rompus, & leurs armeures priſes, & eux tous en grand peril d'eſtre mis à mort. Celuy iour auoit en ladite ville vn Eſcuyer du Comte de Blois (qu'on appelloit Iacob) gracieux homme, qui leur aida à conforter en toutes choſes, ainſi comme il apparut. Car il parla pour eux aux Maiſtres de la ville, & fit tāt, par ſens & lāgage, que parties de leurs choſes leur furēt reſtituées, & pour les oſter du peril ou il les veoit (car bien cognoiſſoit que ces gens eſtoient grandement émeus ſur eux, & ſ'ordonnoient, & eſtoient en volenté pour eux attendre ſur la mer, & aſſez forts ſe fuſſent trouuez pour combattre, car ils l'auoient iā ſignifié aux villes voiſines) l'Eſcuyer du Comte de Blois leur fit telle courtoisie, & leur dit tout bellement, & par amour, vne partie du peril ou ils eſtoient, & cōment le pays eſtoit émeu ſur eux, mais pour l'honneur de ſon Seigneur, & du Royaume de Frāce, ordonner en vouloit. Ils reſpōdirent, volontiers. Que fit ledit Iacob? Il ſ'en vint à vn marinier, & loua vne nef, pour aller ou il luy plairoit, avecques ſa compaignie, & dit qu'il auoit intentiō d'aller à Dour drec. Lors le marinier ſe conuenancea à luy, & entra avec tous les autres dedās la nef,

Geoffroy de Charny & ſes compaignons mis hors de danger, par vn Eſcuyer du Comte de Blois.

& prirent, du premier, le chemin de Dourdrec. Quand Iacob vit qu'il estoit heure de partir & tourner la voile, & prendre vn autre chemin, si dit aux mariniers, Or entendez à moy. l'ay loué à mes deniers ceste nef, pour faire sur ce voyage ma volonté, & aller ou ie voudray. Tournez vostre singe deuers Strueghene: car ie veux aller celle part. Les mariniers de ce faire furent tous rebelles: & dirent qu'ils deuoient aller à Dourdrec. Escoutez (dit Iacob) faites ce que ie veux: si vous ne voulez mourir. Sur ces parolles n'osèrent plus les mariniers estriuer: car la force n'estoit pas leur: Si tournerét leur voile tout à vne fois, & leur gouuernail: & singlerent, de bon vent, deuers la ville d'Estrimohée: & yindrét là sans peril: car elle estoit au Comte de Blois, Si se refreschirét: & puis s'en partirent, quand bon leur sembla: & s'en retournerent en leur pais, par Brabant, & par Hainaut: car Iacob leur fit se seruire: qui estoit Escuyer au Comte Guy de Blois. Quand messire Geoffroy de Charny, & messire Jehan de Blaisy, & les Cheualiers & Escuyers, qui en celle saison en Escoce auoient esté, furent retournez en France, si furent interrogés, pour sauoir des nouuelles du Royaume d'Escoce: Ils en racompterent tout ce que ils en auoient veu, & ouy dire aux Barons & Cheualiers d'Escoce. Messire Jehan de Vienne (qui estoit Admiral de France) en parla à messire Geoffroy de Charny: lequel luy en dit tout ce que vous avez ouy. Adonc s'arresta l'Admiral, & aussi firent plusieurs Barons de France: qui ouyrent racompter comment par Escoce pouuoient les François auoir vne belle entrée dedans Angleterre: car par nature les Escocois ne peuuent aymer les Anglois: aussi parla messire Emar de Masse: qui poursuyuit ces parolles: car il en estoit chargé de par le Roy d'Escoce & son Conseil: à fin qu'il en parlât au Roy de France, & à ses oncles. Si eurent les François vne imagination sus, & que, les tréues faillies, ils enuoyeroient en Escoce, si puissamment, qu'ils gasteroient Angleterre: & fut ce propos conclu à tenir entre le Duc de Berry & le Duc de Bourgogne (qui pour lors auoient le gouuernement du Royaume à leur plaisir) & au Connestable de France: mais on tint tout secret.

† Il a dit de
Plaisy au cha.
148.

Comment le Seigneur † Destournay fit son assemblée pour reprendre Audenarde: & comment par son sens il la conquist.

CHAP. CLI.

† Sala dis icy
par tout de
Scournay.

Voyez la pre-
miere Annot.
du cha. 147.

Vous avez bien ouy cy-dessus recorder comment François Attremen, cependant qu'on traitoit de tréues, apres le voyage de Flandres, deuant Berghes & Bourbourg, prit & embla la ville d'Audenarde: dont ceux de Tournay & des villes voisines furent moult ébahis. La garnison d'Audenarde, auant que les tréues courussent, auoit couru tout le pays & fait moult de dommage par tout le pais de Tournes: & par especial toute la terre au seigneur Destournay estoit en leur obeissance: & auoient à la feste de Noel, recueilly les rentes, & les chapons en ses villes: dont moult fort luy déplaisoit, & à ses gens, & amis: & disoit bié que (quelque tréue, ne respit, qu'il y eust entre le Roy de France, & le Roy d'Angleterre, & les Flamans) il n'en tiendrait nulle: mais leur porteroit tousiours contraire & dommage: car ils luy en auoient fait & porté, & encores faisoient & portoient: tellement que c'estoit vn poure homme. Or auint que ledit Seigneur Destournay ietta son auis à reprendre Audenarde: & en vint à fin de son entente, moyennant l'aide d'aucuns Cheualiers & Escuyers de Frâce, de Flādres, & de Hainaut: qui luy aiderét à faire son fait. Et, quand il éuoya deuers eux, & les mādā, les plusieurs ne fauoient quelle chose il vouloit faire: & auint ceste chose le dixseptiesme iour du mois de † May: & feut le Seigneur Destournay, par ses certaines espies, que François Attremen estoit à Gand, & point ne se tenoit dedans Audenarde: car il se fioit en la tréue, que les François & eux auoient ensemble: dont il fit folie: car il ne fut plus songneux de garder Audenarde: si comme ie vous diray. Le sire Destournay fit vne embusche, belle & grāde, de quatre cens compaignons, Cheualiers & Escuyers, & bons Gens-d'armes (que tous auoit priez) & s'en vint mettre au bois de Lart, deuers la porte de Grantmont, assez pres de la porte d'Audenarde: & là estoient, & furent, messire Jehan du Moulin, messire Iaques de la Trimaille, messire Gilbert, messire Jehan Cacquelan, messire Roland d'Espierre, messire Blanchart de Calonne, & le Seigneur d'Estripouille: qui y fut fait Cheualier. Or vous vueil recorder la maniere de la deuise, & comment ceux d'Audenarde furent deceuz. On prit deux chars chargez de pourueances, à tout quatre charretons, vestus de grises cottes, & armez dessous: qui estoient hardis varlets, & entreprenans. Ces charretons, & leurs chars, s'en vindrent charroyant, tout deuant Audenarde: & signifierét aux

† Tousiours
1384.

Stratageme ou
rusé de guerre
pour la reprise
d'Audenarde.

*Audenarde re
prise d'emblee
sur les Gandois*

gardes, qu'ils amenoient pourueances de Hainaut, pour aitailler la ville. Les gardes n'y pensoient que tout bien. Si vont ouurir la porte coulisse: & les laissent entrer sur le pont. Adonc songerēt les charretons: & osterent les marteaux qui tenoient le trait des cheuaux: & les getterent dedans les fossez. Lors dirent les gardes aux charretons, Pourquoy ne tirez vous auant? Et adonc prirent les gardes les cheuaux des chars, & les charcerent auant. Adonc passerent les cheuaux outre: & laisserent les chars tous quois. Car ils estoient detellez. Lors apperceurent les gardes qu'ils estoient deceuz & trahis: & commencerent à frapper sur les charretons: qui se deffendirent: car ils estoient bien armez sous leurs cottes, gens de fait, & d'entreprise. Si occirent deux des gardes: & puis furent tantost secourus: car le Sire Destournay & sa route les poursuiuoient fort: & vindrent iusques à la ville. Les gardes s'en fuirent dedans la ville, crians Trahy, trahy. Mais auant que la ville fust secourue, ne réueillée, les Gens-d'armes entrèrent dedans, en occiant tour ceux, qu'ils rencontroient, qui à deffense se mettoient: & crioient, en venant sur la place, ville gaignée. Ainsi fut Audenarde reprise: & y eut des Gandois, que morts, que noyez, bien trois cens: & y fut trouué grand auoir (lequel estoit audit François Attremmen) & me fut dit qu'il y auoit bien quinze mille francs. Les nouvelles furent seües en plusieurs lieux comment la ville d'Audenarde, durant les tréues, auoit esté reprise des François: & en furent ceux de Gand, par especial, courroucez durement comme ce fut raison: car il leur touchoit moult de pres. Si en parlerent ensemble: & dirent qu'ils enuoyeroient deuers le Duc de Bourgogne: en luy remonstrant comment en bon respit, & sur estat, Audenarde auoit esté prise: & comment il la leur fist auoir: ou autrement la tréue estoit enfreinte. Ils y enuoyerent. Mais le Duc s'excusa: & dit qu'il ne s'en mesloit point: & que (si Dieu luy pleust aider) il ne sauoit riens de l'entreprise au Seigneur Destournay: & dit qu'il luy rescriroit volontiers (ainsi qu'il fit) en luy mandant qu'il voulsist leur rendre Audenarde: car ce n'estoit pas chose honorable, n'acceptable, de prendre, durant tréues ne respit, ville, chasteau, ne forteresse. Le Sire Destournay dit, & respondit aux lettres du Duc de Bourgogne, & aux messagers, que tousiours la garnison d'Audenarde luy auoit fait guerre, en tréue & hors tréue, & tollu son heritage: & qu'à eux il n'auoit donné n'accordé nulle tréue: & qu'il auoit pris Audenarde en bonne guerre: si la tiendrait (iusques à ce iour, que Flandres & Gand seroit tout vn) comme son propre heritage. Car point n'en auoit ailleurs: qui ne fust tout perdu par la guerre. Les choses en celuy estat demourerēt n'on n'en peut auoir autre chose. De la mauuaise garde, François Attremmen en fut moult grandement blasmé, & par especial du Seigneur de Harfelles: & tellement que François s'en courrouça au Cheualier, & en prit parolles dures & haineuses: & dit qu'en tous cas il s'estoit mieux acquitté, enuers ceux de Gand, qu'il n'estoit: & multiplierent tant les parolles, qu'ils se démentirent. Asez tost apres le Sire de Harfelles fut occis: & veulent aucuns dire que François Attremmen & Pietre du Bois le firent par enuie. En celuy temps auoient requis les Gandois, au Roy d'Angleterre, à auoir vn Gouverneur, vaillant homme: qui fust du sang du Roy. Si que le Roy & son cōseil enuoyerent à Gand vn de leurs Cheualiers, vaillāt homme, & assez sage pour auoir le Gouvernement de la ville: lequel auoit nom messire Iehan le Bourfier. Celuy eut le Gouvernement de Gand, plus d'un an & demy.

*Le sire de Har-
felles occis à la
poursuite de
François Attre-
men.
En Anglois
Gouverneur de
Gand.*

Comment le Duc d'Aniou mourut en vn chasteau lez Naples: & comment sa vesue fut conseillée d'aller deuers le Pape pour la possession de Prouence. CHAP. CLII.

*En chap. 88.
& 89.*

Vous auez biē ouy † cy dessus recorder cōment le Duc d'Aniou (qui s'escriuoit Roy de Sicile, & de Hierusalem) alla en Pouille & Calabre, & conquist tout le pays iusques à Naples: mais les Neapolitains ne se voulurēt onc tourner de sa partie: ainçois tenoient & soustenoient, & auoiēt tousiours tenu & soustenu, messire Charles de la Paix. Le Duc d'Aniou demoura en ce voyage trois ans tous entiers. Si pouuez biē croire que ce fut grand' despenſe, & qu'il n'est finance nulle (tant soit grande) que Gēs-d'armes n'exilent, & mettēt à fin. Car, qui veut auoir leur seruice, il faut qu'ils soiēt payez: ou autrement ils ne font chose qui vaille. Certes il cousta tāt au Duc d'Aniou, qu'on ne le pourroit pas nombrer n'estimer: & ceux, qui plus luy effondroient son tresor & sa finance, ce fut le Comte de Sauoye, & les Sauoisiens. Toutesfois le Comte de Sauoye & moult de sa Cheualerie moururēt en ce voyage (dont ce fut dommage) & affoiblit le Duc d'Aniou grandement de gens, & de finance: & enuoya pour ces deux choses, au secours en

France

Frâce, à ses deux freres les Ducs de Berry & de Bourgogne. qui ne luy voulurēt pas fail-
 lir à son besoin: & dirēt qu'ils le recōforteroient de Gēs-d'armes & de cheuance. Si a-
 uiserēt ces deux Ducs lesquels estoiet gens pour aller en ce voyage. Tout regardé, auisē
 & imaginē, on n'y pouuoit meilleurs ne plus profitables, ēuoyer, pour auoir cognoissan-
 ce de toutes Gēs-d'armes, q̄ le gentil Seigneur de Coucy, & avec luy le Seigneur d'An-
 ghien, le Côte de Conuersant: laquelle Comté sied en Pouille. Ces deux Seigneurs en
 furent priez & requis du Roy de France, & de ses oncles. A ceste requeste l'accorderent
 moult volontiers (car elle leur estoit moult honorable) & ordonnerent leurs beson-
 gnes: & se meirent au chemin, au plus-toſt qu'ils peurent, avecques belle charge de
 Gens-d'armes. Mais, quand ils furent venus en Auignon, & ce pendant qu'ils enten-
 doient à leurs besongnes pour passer outre, & faisoient passer leurs gens, nouuelles cer-
 taines vindrent, † que le Duc d'Aniou estoit mort en vn chasteau, delez Naples. Le Sire
 de Coucy, quand il ouit les nouuelles, n'alla point plus-auant (car bien veoit que son
 voyage estoit rompu) mais le Sire de Conuersant passa outre: car il auoit grandement
 à faire en son pays, en Pouille, & en Conuersant. Ces nouuelles furent tantost seues en
 Frâce, du Roy & de ses oncles. Si porterēt & passerēt la mort du Roy de Sicile au mieux
 qu'ils peurēt. Quand Madame d'Aniou (qui se tenoit à Angers) entendit les nouuelles
 de son Seigneur (qui estoit mort) vous deuez & pouuez bien croire & sauoir qu'elle fut
 déconfortée. Si tost que le Comte Guy de Blois (qui estoit son cousin germain, & le-
 quel se tenoit pour celuy temps à Blois) seut les nouuelles, il se departit de Blois, à tout
 son train: & vint vers sa cousine, à Angers: & se tint delez elle vn grand temps, en la con-
 fortant & conseillant à son loyal pouuoir. Depuis s'en vint en France la Roynes (qui s'es-
 criuoit Roynes de Naples, de Sicile, de Pouille, de Calabre, & de Hierusalem) deuers le
 Roy, le Duc de Berry, & le Duc de Bourgogne, pour auoir conseil & confort d'eux: &
 amena ses deux enfans avec elle: Loys & Charles. La Dame fut conseillée des Nobles
 de France, & de son sang, qu'elle se tirast en Auignon deuers le Pape, & qu'elle prist la
 possession de la Comté de Prouēce: qui est terre appartenāte au Roy de Sicile. La Roynes
 creut ce conseil: & fordonna pour aller en Auignon: & mena son aîné fils Loys: le-
 quel par tout on appeloit Roy, par la succession du Roy son pere. Mais ces choses ne se
 peurent pas si tost accomplir, comme ie les deuise.

† Mort du duc
 d'Aniou, à la
 conquēte du
 royaume de Na-
 ples le 21. iour
 de sept. 1384.
 selon le 5. liure
 de nostre Hist.
 de Naples, &
 selon les Ann.
 d'Aniou 9.
 septēb. 1385.

*Des preparatifs de France, pour renouueller guerre aux Anglois: & cōment la Duchesse de Bra-
 bant fit le mariage des enfans de Bourgogne à ceux de Hainaut.* CHAP. CLIII.

Tout l'Yuer fordonnerent les François, pour enuoyer en Escocce: & furent les trēues
 de France & d'Angleterre ralongées, & de tous les conioints & adhers à leurs guer-
 res, de la Saint-Michel iusques au premier iour de May. Si firent faire grans pouruean-
 ces, par terre & par mer: & estoient les affectiōs & intentions au Cōseil de France, qu'à
 l'Esté, qui retournoit on feroit forte guerre de tous costez: & s'ēiroit en Escocce l'Admi-
 ral de France, avecques deux mille Lances, Cheualiers & Escuyers: & d'autre part en
 Languedoc en Auergne, & en Limosin, s'eroient enuoyez le Duc de Bourbon & le Cō-
 te de la Marchē, à tout mille combattans, pour conquerir aucuns chasteaux, que les An-
 glois & pillars tenoient: qui moult trauailloient le pays. Si faisoit on faire & ordonner
 en Picardie, & en Hainaut, grand nombre de haches, pour le voyage d'Escocce: & en Ar-
 tois, à l'Isle, à Douay: & à Tournay, grand' plantē de biscuit, & toutes autres pourueāces
 appareiller, selon la marine, en partant de Harfleur, & suyuant toutes les frontieres de
 mer, iusques à l'Escluse: car c'estoit le principal Haure, ou l'on tendoit à monter. La Du-
 chesse de Brabant (qui estoit vefue de son mary, le Duc Wincellin de Boeme: qui estoit
 mort, & par le trēpas duquel elle auoit perdu bonne compaignie & solacieuse: comme
 aussi elle en auoit eu grand' douleur en son cueur) se tenoit à Brucelles entre ses gens. Si
 luy déplaisoit bien grandement le trouble: qu'elle veoit en Flandres: & volōtiers y eust
 mis conseil, paix, & attrempance: s'elle eust peu. Car elle veoit & entendoit, tous les
 iours, que les Gandois se fortifioient des Anglois: lesquels leur promettoient grand cō-
 fort. Encores veoit que son neueu & sa nièce de Bourgogne (qui deuoient estre par
 droit ses heritiers, & qui estoient des plus grans du monde, tant de beaux heritages
 tenans, & attendans) estoient en grand troublement, pour le faict de ceux de Gand.
 Outre veoit elle que le Duc Aubert, † Bailly de Hainaut, & la Duchesse, sa femme, a-
 uoient de beaux enfans: dont il y en auoit iusques à deux fils & filles, qui n'estoient pas

Appareil des
 François pour
 aller en Escocce.

† Tel tiltre luy
 a-il baillé au
 chapitre 96. du
 présent Volume
 pour la raison
 que nous y auōs
 annotee.

mariez:& entendoit que le Duc de Lanclastre tendoit,& mettoit grand' peine,à ce que Phelippe,sa fille (qu'il auoit eue de Blâche,sa premiere femme) fust mariée à l'aisné fils du Duc Aubert:qui par droit deuoit estre heritier de la Comté de Hainaut, de Hollande,& de Zelande.Si doutoit ladite Dame, si ces alliances de Hainaut & d'Angleterre se faisoient,que les François en eussent indignation,& que le bon & ioly pais de Hainaut, couuertement, ou en veuë de tous, des passans de France, allans & venans en Flandres, n'en fust greué. Auec tout ce, les Hollandois & les Zelâdois (qui marchisent sur la mer) reconfortoient les Gandois en plusieurs manieres: dont le Duc de Bourgongne & son Conseil estoient informez.Si n'en aimoiët pas mieux le Duc Aubert:non-obstât qu'en ces choses il n'eust nulle coulpe: car, quant aux Hollandois & Zelandois, si comme la guerre de Flandres ne leur touchoit en riens,ils ne pouuoient,ne deuoient,deffendre à courir marchandise.La bonne dame dessusdite,considerant toutes ces choses,& les perils qui deuoient en naistre & venir, auisa qu'elle mettroit ces deux Ducs ensemble (le Duc de Bourgongne,& le Duc Aubert)& qu'elle seroit moyenne de tous les traitez: & aussi prieroit au Duc de Bourgongne,pour ceux de Gand venir à mercy.Adonc la bonne Dame sur cest auis & imagination ne se voulut pas endormir.Si meit clerks & messagers en œuure:& fit tant,par ces traitez,enuers le Duc de Bourgogne,& le Duc Aubert, qu'un Parlement fut assigné en la ville de Cambray: & l'accorderent les deux Ducs & leur Conseil: & ne sauoient encores nuls des Ducs (fors la bonne Dame) sur quel estat le Parlement seroit. A ce ¶ Parlement (pourtant qu'ils l'auoiët seellé) en la cité de Cambray, au mois de Ianuier vers l'apparition des trois Roys, vindrent le Duc de Bourgongne, le Duc Aubert, & leur Conseil: & là vint,& fut, la Duchesse de Brabant: qui ouurit tous les traitez:& remonstra premierement au Duc de Bourgongne: comment il estoit en ce monde vn grand Seigneur, & auoit de beaux enfans. Si seroit bié heureux qu'ils fussent assignez & mis en lieu,dôt ils vauissent mieux:& pour le present elle ne pouuoit voir, n'assigner lieu,ou ils fussent mieux qu'es pais de Hainaut,de Hollande,& de Zelande,pour confermer tout le pais ensemble,& pour donner grand' doute & cremeur à ses ennemis.Car,beau neveu(dit elle au Duc de Bourgongne)j'ay feu de verité que le Duc de Lanclastre est trespuissant en Angleterre: & procure fort que sa fille soit assignée à mon neveu Guillaume de Hainaut: & i'auroye plus cher vn profit pour vous, & pour voz enfans,que pour les Anglois.Ma belle ante(respondit le Duc de Bourgogne)grâd mercy: & ie vous croiray, & laisseray conuenir de ma fille Marguerite au Damoisel de Hainaut. Adonc la bonne ante alla de l'un à l'autre: & commença à parlementer de ce mariage. Le Duc Aubert (auquel ces parolles estoient assez nouuelles) en respondit moult courtoisement: & dit qu'il n'auoit point là de conseil, tel qu'il vouloit auoir. Et quel conseil(dit la Duchesse)vous faut il auoir,pour bien faire, & mettre & tenir vostre pays en paix? Ma femme(respondit le Duc)Sans ma femme ie ne feroye riens.Car elle a autant en mes enfans comme moy: & aussi,belle ante, il appartient que les Nobles du pays en soient informez.La Duchesse respōdit,que Dieu y eust part:& sauisa q̄ tout bellement elle les feroit departir de là ensemble: & leur prieroit que dedans la Quaresme elle les peust remettre en celle cité tous ensemble, & leurs femmes, Madame de Bourgongne & Madame de Hainaut, & leur Conseil. Et fit tout ce la Dame si secrettement, que peu de gens le peurent sauoir,ne pourquoy le Parlement auoit là esté.Sur cest estat les deux Ducs se departirent de Cambray: & s'en alla le Duc de Bourgongne en la cité d'Arras (ou madame sa femme estoit) & le Duc Aubert s'en retourna en Hollande ou Madame sa femme,la Duchesse, estoit:& retourna en son pays la Duchesse de Brabant: qui songneusement & couuertement escriuoit,& enuoyoit de l'un à l'autre:& moult eut de peine,pour remettre ces Seigneurs & Dames en la cité de Cambray ensemble: car moult desiroit que le mariage se fist,pour confermer en bonne amour,ynité,Flandres, Brabant,& aussi Hainaut ensemble.

Tant exploita la Duchesse de Brabant, que ces parties & leur Conseil, & elle mesme & son Cōseil vindrēt & furēt à Cābray:& là y eut moult fait d'hōneurs:car chacun d'eux s'efforcèrent de faire honneur l'un à l'autre.Là estoit la Duchesse Marguerite de Bourgongne,& la Duchesse Marguerite de Hainaut: qui se tenoit moult fort en ces traitez: & disoit,que,si on vouloit que son fils eust à femme Marguerite de Bourgongne,sa fille auroit aussi Iehan de Bourgongne(parquoy il y auroit plus grande conionction de tout amour)& bien enuis marioit& alloit,tout en vn hostel,le Duc de Bourgongne deux de

ses en-

† *Assemblée et
Parlement du
duc de Bourgon
gne & du Com
te de Hainaut
par le moyē de
la duchesse de
Brabant au cō
mencement de
l'an 1385. à
ma mode.*

*Autre assem
blee des seign.
dessusdits &
de leurs fēmes
en la ville de
Cambray.*

ses enfans à vne fois. Ce luy sembloit assez au Damoisel de Hainaut de sa fille: & si excusoit Iehan son filz (qui encores estoit trop ieune) & auoit le Duc de Bourgongne en imagination qu'il le marieroit à Catherine de France, sœur de son neveu le Roy de France, Si furent ces traitez & Parlemens presque sur le poinct de faillir. Car la Duchesse de Bauiere disoit que ià le mariage ne se feroit de ses enfans: fil ne se faisoit des deux: & tousiours elle tint ce propos: n'oncques on ne l'e peut oster. La Duchesse de Brabant auoit grand' peine d'aller à l'un, puis à l'autre, & de remettre les traitez en estat & ensemble: & tant exploita ladite Dame, en remonstrant raisons raisonnables & verité, & par especial au Duc & à la Duchesse de Bourgongne, que les besongnes s'auâcerent & confermerent: & furent les mariages & conuenances du filz & de la fille du Duc de Bourgongne, aux filz & fille du Duc Aubert de Bauiere. Et, quant à ce qu'on auoit retardé & empesché, bien cinq iours, les mariages à approcher, c'estoit pour vn different, que le Conseil du Duc de Bourgongne y trouuoit, & mettoit: car il veoit, & entendoit, que le Duc Aubert n'estoit qu'attendant de Hainaut. Car pour lors viuoit encore le Comte Guillaume de Hainaut son frere (lequel gisoit bien malade au Quesnoy) & pouuoit bien iceluy Comte suruiure son frere le Duc Aubert: &, fil le suruiuoit, il estoit tout cler que ses autres freres auroient le bail & gouuernement de Hainaut, & en seroient expulsez les enfans du Duc Aubert. Pour celle doute & differēt s'en delaya ce mariage vn terme: qui dura bien cinq iours: tant que tout fut bien éclaircy, & prouué que le Duc Aubert n'auoit nuls freres, & que la Comté de Hainaut ne luy pouuoit élongner, que l'heritage ne luy veinst, & à ses enfans. Quand ces choses furent seuës & trouuées vrayes, on ne delaya guères depuis: mais furent les mariages iurez & enconuenancez de Guillaume de Hainaut, à auoir à femme Marguerite de Bourgongne, & Iehan de Bourgogne à auoir à femme Marguerite de Hainaut: & deuoient retourner à Cambray toutes ces parties, pour faire la solennité des espousailles, aux Oâtaues de Pasques: qui fut l'an de grace mil trois cens quatre vingt & cinq.

Conclusion du mariage des enfans de Bourgongne à ceux de Hainaut.

† C'est assauoir, autres, que ce Guillaume.

Comment le Roy & les Seigneurs de France & de Hainaut firent faire leurs pourueances à Cambray: du message que le Duc de Lâclastre enuoya deuers le Comte de Hainaut: & des noces des enfans de Hainaut & de Bourgongne.

CHAP. CLIIII.

EN cest estat se departirent de Cambray toutes les parties: & s'en retourna le Duc de Bourgongne en France, deuers le Roy: & sa femme, la Duchesse, s'en retourna à Arras: & le Duc Aubert & la Duchesse, sa femme, s'en retournerent en la ville du Quesnoy en Hainaut: & Madame de Brabant en son pays. Adoncques furent ouuriers, charpentiers, & massons, mis en œuvre, pour appareiller & mettre à poinct les hostels, en la cité de Cambray: & y fut enuoyé gens pour faire les pourueances, si grandes & grosses, que merueilles est à considerer: & furent publiées & criées à estre à Cambray, en la semaine apres les Oâtaues de Pasques. Quand le Roy de France en fut informé, il dit que il vouloit estre aux noces de ses cousins & de ses cousines. Si enuoya tantost ses maistres d'hostel faire les pourueances à Cambray, grandes & grosses: comme à luy appartenoit. Or auoit on retenu le Palais de l'Euesque, pour le Duc de Bourgongne: & ià y faisoit on ses pourueances: mais il conuint le deliurer pour le Roy. Si furēt au Palais de Cambray charpētiers & massons bien embesongnez, & hastez d'ouurer & le mettre en estat royal: ainsi qu'encores y appert: car, par-auant icelle feste, il n'estoit pas ainsi en souuenâce de hommes, & en memoire: ne, depuis deux cens ans en ça, si grand' feste n'eust esté, comme elle s'appareilloit: car les Seigneurs, pour eux mettre en poinct, & faire gorgias, & exaucer leur estat, n'épargnoient nomplus or, n'argent, que fil cheust des nues: & tous efforçoient l'un pour l'autre. Les nouvelles vindrent en Angleterre des mariages, & comment le Duc de Bourgongne & le Duc Aubert marioient leurs enfans ensemble. Le Duc de Lanclastre (qui tousiours auoit eu esperance que Guillaume de Hainaut prédroit à femme sa fille: à tout le moins on luy auoit fait & donné à entendre) fut tout pensif & melancolieux de ces besongnes & nouvelles: & tout imaginé, pour mieux en sauoir la verité, il enuoya ses messagers, & Escuyers de son hostel, à Gand: & les informa, & instruisit pour parler au Duc Aubert. Quand ceux du Duc de Lâclastre furent venus à Gand, ils trouuerent messire Iehan le Bourfier, & les Escheuins de Gand, Pietre du Bois, & François Attremen: qui leut firent bonne chere: & se refreschirent là deux ou trois iours: & puis s'en partirent, & vindrent à Mons en

Preparatifs pour le Roy à Cambray.

† *Je doute s'il y fault point de l'estappe.*

Responce du duc Aubert aux messagers du duc de Lanclastre, sur le mariage de ses enfans.
† *L'an 1385.*

Le Roy de France à Cambray pour assister au mariage de ses cousins & cousines.
† *Je doute qu'il n'y faille d'oreinauant, et me tien tout assuré qu'il y a faute de plusieurs mots, iusques à Ainsi se faisoient. Car sala dit ainsi, Les mariages furent faits & fut donné à Ieā de Bourgongne cent mil le francs par son pere & la Comté de Neuers. Et le Duc Aubert donna à son fils Guillau me cent mil le francs & la Comté de Ostrenant. Et le Mardy, &c.*

Hainaut: & de là allerent au Quesnoy: & se tirerent deuers le Duc (car il sy tenoit pour le temps) & la Duchesse sa femme, & ses enfans pour l'honneur du Duc de Lanclastre, recueillirent assez liement les Anglois: & leur fit le Duc bonne chere. Aussi fit le Seigneur de Gouuignen. Le Maistre de † l'eschappe des laines de toute Angleterre parla le premier, apres qu'il eust monstré ses lettres de creance: & recommanda moult grandement le Duc de Lanclastre au Duc Aubert, son cousin: & puis parla de plusieurs choses, dont il estoit chargé: & entre les autres choses, il demanda au Duc Aubert (si comme ie fu adonques informé) si c'estoit son entente de perséuerer auant en ce mariage aux enfans du Duc de Bourgongne. De ceste parolle mua le Duc Aubert vn petit couleur: & dit, Ouy, Sire, par ma foy. Pourquoi le demandez vous? Monseigneur (dit il) i'en parle, pource que Monseigneur le Duc de Lanclastre a tousiours esperé, iusques icy, que Madamoiselle Philippe, sa fille, auroit Guillaume, Monseigneur, vostre filz. Lors (dit le Duc Aubert) Compaignons, dites à mon cousin, que, quand il a marié, ou mariera ses enfans, que point ie ne m'en émayeray. Aussi n'a il que faire de foy soucier de mes enfans: ne quand ie les veux marier, ou non: ne comment, n'à qui. Ce fut la responce, que les Anglois eurent adonques du Duc Aubert. Le Maistre de l'eschappe & ses compaignons prindrent congé du Duc, apres disner: & s'en vindrent coucher à Valenciennes: & au lendemain ils s'en retournerent à Gand. D'eux ie ne say plus-auant. Je croy que ils s'en retournerent en Angleterre. Or auint † la Pasque (qu'on compta mil trois cens quatre vingts & cinq) & le terme, que le Roy de France, le Duc de Bourgongne, le Duc de Bourbon, le Duc Aubert, la Duchesse sa femme, la Duchesse de Brabant, la Duchesse de Bourgongne, messire Guillaume, & messire Iehan de Namur, vindrent à Cambray. Le Roy se tira au Palais: car c'estoit son hostel. Chacun Sire & chacune dame se retirerent en leurs hostels. Vous pouuez & deuez bien croire & sauoir, que ou le Roy de France estoit, & ou tant auoit de Nobles gens, Princes & Nobles Dames, il y auoit grand' foison de Noble & haute Cheualerie. Le Roy vint, & entra le Ieudy à heure de disner, dedans Cambray: & ià estoient tous les Seigneurs & les Dames venus. Aussi tost allerent au-deuant de luy, au-dehors de la cité: & fut là amené & conuoyé, à grand' foison de trompettes & de menestriers, iusques au Palais. Ce Lundy furent, en la presence du Roy & des haux Barons, renouuellées les conuenances des mariages, & deuoit Guillaume † Dorefet auoir la Comté d'Ostrenant: & fut Madame Marguerite, sa femme, douée de toute la terre & Chastellenie d'Acque en Brabant: & donnoit le Duc de Bourgongne à sa fille cent mille francs. Ainsi se faisoient les portions. Le Mardy, à heure de haute messe, ils furent espousez en l'Eglise catedral de Notre-Dame de Cambray: à grand' solennité: & les espousa l'Euesque de Cambray: qui auoit nom Iehan, & estoit natif de Brucelles. Là eut fait au Palais à disner, moult grand' noblesse: & fit le Roy de France les deux mariez, & les deux mariées, asseoir à sa table: & tous les autres grans Seigneurs seruoient sur les haux destriers: & asseoit à table le Conestable de France, & l'Admiral de France: & messire Guy de la Trimouille & messire Guillaume de Namur seruoient, & plusieurs autres haux Barons de France. Oncques dedans Cambray n'eut, depuis cinq cens ans, si haute solennité, ne si renommée, comment il y eut à ce iour, dont ie parle. Apres ce noble & grand disner fait, grand nombre de Seigneurs & de Cheualiers furent armez & apareillez pour la iouste: & iousterent sur le Marché: & y auoit quarante Cheualiers dedas: & iousta le ieune Roy Charles de France à vn Cheualier de Hainaut: qui sapeloit messire Nicole d'Espinoit. Si furent ces ioustes tresbelles, bien ioustées & continuées: & en eut le pris vn ieune Cheualier de Hainaut: qui sappeloit messire Iehan de Destrenne, delez Beaumont en Hainaut: & iousta le Cheualier au gré des Seigneurs & des Dames: & si eut, pour le pris vn fermail à pierres precieuses (que Madame de Bourgongne prit en sa poitrine) & luy presenterent l'Admiral de France & messire Guy de la Trimouille. Si se continua toute celle semaine en grand' consolation: & se continuerent les festes: & le Vendredy, apres disner, on prit congé du Roy: & le Roy des Seigneurs & des Dames: & se departirent de Cābray. Aussi firent tous les Ducs & les Duchesses. Si mena Madame de Bourgongne, vers Arras, Marguerite de Hainaut, sa fille: & Madame de Hainaut emmena, au Quesnoy, Madame Marguerite de Bourgongne. Ainsi perséuererent les besongnes.

Comment le Duc de Berry fiança sa fille au fils du Comte de Blois: & comment le Duc de Bourbon & le Comte de la Marche firent leur mandement pour entrer en Limosin.

CHAPITRE CLV.

EN celle saison fut aussi fait & traité le mariage de Loys de Blois, fils au Comte Guy de Blois, & de Madame Marie de Berry, fille du Duc Iehan de Berry: & si menerent le Comte de Blois, & la Côtresse, sa femme, Loys leur fils, moult bié accompagné de Seigneurs, de Dames, & de Damoiselles: & vindrent à Bourges en Berry: ou le Duc & la Duchesse estoient: qui là les attendoient, & qui trespuissamment les recueillirent & festoyerent, & toute leur compaignie. Si furent là confermées les conuenances des fiançailles: & les fiança l'Archeuesque de Bourges: & là eut grand' foison de seigneurs. Si n'espouserent pas lors (car le fils & la fille estoient pour lors moult ieunes) mais les cōuenances du perséuerer, quāt au mariage furent passées, presens plusieurs haux Barōs & Cheualiers: & y eut à icelles fiançailles grans festes de disnées, de soupées, de dances, & de carolles: & puis s'en retournerent le Comte & la Comtesse de Blois, & leur fils aussi, en la Côté de Blois, & là se tindrēt: & la fille demoura delez sa Dame de mere, en Berry, en vn tresbeau chasteau, delez Bourges: que l'on dit Mehun sur Yeu. En celuy tēps se departit le Duc de Berry, pour aller en Auvergne & Lāguedoc, & iusques en Auignō, voir le Pape Clemēt: & auoit esté ordonné par-avant, que le Duc de Bourbon & le Comte de la Marche, à tous deux mille Hommes-d'armes, s'en iroient en Limosin, & deliureroient le pays des Anglois, & des larrons, qui pilloient le pays. Car en Poictou auoient encores aucuns forts, & en Xainctonge: qui y faisoient moult de dommage: dont les plaintes en estoient venues au Duc de Berry: lequel y vouloit remedier, Si auoit prié au Duc de Bourbon son cousin, par especial quāt à la garnison de Bertueil, luy venu en Limosin & Xainctonge, que nullemēt il ne deportast, qu'elle ne fust cōquise (car c'estoit le fort, qui plus donnoit à faire, & à souffrir au pays) & le Duc de Bourbon luy auoit en conuenant. Si auoit fait son mādement à Moulins en Bourbōnois, pour y estre le premier iour de Iuin: & là se tirerent sur le pays en allant vers Limoges, toutes manieres de Gens-d'armes: & auoit, pour le temps, le Duc de Bourbon vn Escuyer, Gentil-homme, & gracieux (qui sappeloit Iehan Bonne-lance) Maistre & Capitaine de ses Gens-d'armes, toute la fleur de Cheualerie, & d'Escuyerie: & certes l'Escuyer valoit bien, qu'il eust telle charge. Si faisoit le Comte de la marche (qui deuoit estre en ceste cheuauchée & compaignie du Duc de Bourbon) encores son mandement en la cité de Tours,

Fiançailles de Loys de Blois et de Marie de Berry.

Du voyage de messire Iehan de Vienne, Admiral de France, en Escocce, contre les Anglois, apres les treues faillies:

CHAP. CLVI.

EN celle saison s'en vindrent à l'Escluse, en Flandres, tous Gens-d'armes: qui estoient Escrits & ordōnez pour passer en Escocce, en la compaignie de messire Iehan de Vienne, Admiral de France: & en deuoit mener mille Lāces, Cheualiers & Escuyers: & croy bien que tous y furent: car ils y alloient de si grand' volonté, que tel, qui n'en estoit point prié ne mandé, pour son auancement se mettoit en la route de l'Admial, & au voyage. Si estoit le nauiere tout appareillé à l'Escluse: & les pourueances toutes faites, belles & grandes: & emportoient: & faisoient emporter, les Seigneurs la garnison pour armer douze cens Hommes-d'armes, de pié en cap: & auoit on pris ces harnois d'armes au chasteau de Beauté, delez Paris: & auoient esté les armeures des Parisiēs, qu'on leur auoit fait porter audit chasteau. En la cōpaignie de l'Admiral auoit grand' foison de bons gens-d'armes, toute fleur de Cheualerie & d'Escuyerie: & estoit l'intention du † Connestable de France, & de ceux qui en ce voyage alloient (pource que ceux de l'année deuant, qui y auoient esté, messire Geoffroy de Charny, & les autres, auoient dit au Roy, & à son Cōseil, qu'en Escocce on estoit petitement armé de harnois) qu'à ceste cause les harnois, qu'ils portoient avec eux, ils deliureroient aux Cheualiers & Escuyers du Royaume de Escocce, pour mieux faire la besongne. Or vous nommeray-je vne partie des Seigneurs de France, qui en celle saison allerent en Escocce. Premièrement messire Iehan de Vienne, Admiral de France, le Comte de Grand-pié, le Seigneur de Verdenay, de Sainte Croix, le Seigneur de Mont-bury, messire Geoffroy de Charny, messire Guillaume de Vienne, messire Iaques de Vienne, seigneur d'Espaigny, messire Girard de Bourbōne, le Seigneur de Hetz, messire Florimont de Quissy, le Seigneur de Marnel, messire Valeran

† Possible que Admiral y seroit meilleur.

Les noms des Seigneurs qui allerent en Escocce avec l'Admiral de France.

*Trêues faillies
entre France
& Angleterre.*

de Rayneual, le seigneur de Beaufang, le seigneur de Waimbrain, le seigneur de Rinolle, Baron d'Yury, le Seigneur de Coucy, messire Perceual d'Ameual, le Seigneur de Ferrieres, le Seigneur de Fontaines, messire Braquet de Braquemont, le Seigneur de Grâdcourt, le Seigneur de Landon, Breton, messire Guy la Personne, messire Guillaume de Courroux, messire Iehan de Hâgiers, messire Bery de Vinselin, cousin du Haut-Maistre de Pruse, & plusieurs autres bons Cheualiers, que ie ne puis pas tous nommer: tellement qu'ils se trouuerēt mille Lances, tant Cheualiers qu'Escuyers, sans les Arbalestiers & les gros varlets: & eurent bon vent, & beau voyage de mer. Car le temps estoit moult beau (si-cōme au mois de May) & estoient les trêues faillies entre France & Angleterre, & les Gandois & Flamans, & de toutes les parties: car de toutes parts (si-cōme ils mōstroiet) ils desiroiet la guerre: & tresliēmēt Cheualiers & Escuyers, qui s'en alloient en Escoce, demandoient la guerre: & disoient qu'auec l'aide & confort des Escots, ils auroient vne bonne saison, & feroient vn grand exploit d'armes sur leurs ennemis, en Angleterre: & sachez que les Anglois, qui estoient informez de ce voyage, se doutoient grandement.

Des maux que faisoient les routiers de Gand, nommez les Pourcelets: & comment François Attremen déconfit quelque troupe de François pres Ardembourg. CHAP. CLVII.

*Des Pourcelets
de la Respaille.*

*† Pource que ie
n'ai trouué par
qui m'asseurer
de ce passage,
vous l'aurez
encores icy tel
qu'il estoit.*

*Et estoient
Capitaines
de Bruges le
sire de Guistelles & de
Courtray, &
messire Iehan de Iumôt & messire Guillaume de Namur: car
pour celuy
temps estoit
seigneur du
Dan messire
Guillaume
de Guistelles
& de courtray, messire
Iehan de Iumont & d'Ypre, &c. Toutesfois les cha.
129. 137-163
& 165. Font
beaucoup pour
may.*

Messire Iehan le Bourfier (qui auoit le gouuernement, de par le Roy Richard d'Angleterre, de la ville de Gād) & les Capitaines de la Cōmunauté de Gand, Pietre du Bois, François Attremen, & Pietre le Mitre, se tenoient tous pourueus, auisez, & informez, qu'ils auroiet la guerre. Si s'ordonnerent selon ce: & auoiet durant les trêues, grandement ruitaillé & refreschy leur ville de Gand, de pourueâces, & de toutes choses nécessaires, appartenâs à guerre, & aussi le chasteau de Gauure, & tout ce qui se tenoit pour eux. En ce temps là auoit vne maniere de gens routiers dedans le bois de la Respaille: & auoient, dedans ce bois de la Respaille, fortifié vne maison: tellement qu'on ne la pouuoit prendre, n'auoir: & estoient gens chacez d'Alos & de Grantmont, & des autres terres de Flandres, qui auoient tout perdu le leur, & ne sauoient de quoy viure, fils ne pilloient & robboient par tout, ou ils pouuoient prendre: & ne parloit on alors fors de ces Pourcelets de la Respaille: & sied ce bois entre Regnaïs & Grantmont, Anghien & Lyssines. Si faisoiet moult de maux en la Chastellenie d'Ath, & en la terre de Floberge & de Lyssines, & en la terre d'Anghien: & estoiet auouez ces pilleurs, de ceux de Gand. Car, sous ombre d'eux, ils faisoient moult de meurtres, de larrecins, de pillages, & de robberies: & venoient en Hainaut, querir & prendre les hommes en leurs liets: & les menoiēt en leur fort de la Respaille: & les rançonnoient: & auoient guerre à tout homme, qu'ils trouuoient. Le Chastelain d'Ath (qui estoit pour le temps Sire de Baudrius, & de la Motte) fit par plusieurs fois des aguets sur eux: mais il ne les pouuoit auoir, n'attraper: car ils fauoient trop de refuites: & les craignoit on tant en la frontiere de Hainaut & de Brabât, que nul n'osoit aller ce chemin, ne dedans le pays. Le Duc de Bourgongne, d'autre part, auoit regarny & pourueu, parmy Flandres, pour la guerre qu'il attēdoit, ses villes & chasteaux: † & estoit Capitaine de Bruges le Sire de Guistelles, & de Courtray messire Iehā de Iumôt (car messire Guillaume de Namur pour celuy temps estoit Seigneur de l'Escluse) & du Dā messire Roger de Guistelles, & d'Ypre messire Pierre de la Sieple: & aussi par toutes les villes & frontieres de Flandres y auoit Gens-d'armes, de par le Duc de Bourgongne. En la ville d'Ardembourg pareillement se tenoiet en garnison messire Guy de Pontallier, Marechal de Bourgogne, messire Riffart de Flandres, messire Iehan de Iumont, messire Henry du Coing, le Sire de Montigny en Ostrenant, le Sire de Lōgueual, messire Iehan Bernecte, messire Pierre Baillouel, Belle-Fourriere, Phelippot Gany, Raoulin de la Folie, & plusieurs autres: & estoient ces Gens-d'armes deux cens cōbatants. Si fauiserent l'un par l'autre: & se meirēt en volôté de cheminer, & de cheuaucher dedās les Quatre-mestiers, & destruire ce pays là: car moult de viures en venoiet à ceux de Gand. Si se departirēt, vn iour, tous armez, & apprestez pour faire l'éprise: & cheuaucherent celle part, pour biē besongner. Ce propre iour, que les François cheuaucherēt, environ deux mille hōmes de Gand estoient hors, tous apperts Cōpaignons: desquels François Attremen estoit conduiseur: & se trouuerent ces gens, d'auenture, entre les Gens-d'armes de Frâce, en vn village. Quād ils seurent les vns les autres, il cōuint qu'il y eust bataille. Là meirēt les Frāçois piē à terre vaillāment: & empoignerent les lāces: & approcherent leurs ennemis: & les Gandois aussi eux: qui estoient grand' foison. Là

com-

commencerent ils à tirer & lancer l'un contre l'autre: & estoient sur vn pas, ou les Gandois ne pouuoient passer à leur auantage. Là eut dure bataille, & fait moult grandes appertises d'armes, & rué ius des vns & des autres: & là fut messire Riffart, de Flâdres tref-bon Cheualier: qui y fit de grans prouesses, & de belles appertises: & se cōbattoient trefvaillamment Cheualiers & Escuyers à ces Gandois: & faire le conuenoit: car là n'auoit nulle rançon. Finalement les Gandois estoient si grand nombre, qu'ils obtindrēt la place: & conuint les François monter à cheual: car autrement ils eussent esté tous perdus: car les Gandois les surmontoient: & y furent morts messire Iehan de Verleste, messire Pierre de Bailleul, & Belle-Fourriere, Philippe de Gācy, Raoulin de la Folie, & plusieurs autres: dont ce fut dommage: & conuint aux autres fuir, & rentrer en Ardembourg: autrement ils eussent esté morts & perdus, sans recouurer. Depuis cest' auēture fut enuoyé le Vicomte de Meaux en garnison en Ardembourg, avec toute sa charge de Gens-d'armes. Si aida à remparer & fortifier la ville d'Ardembourg: & sy tindrent avec luy plusieurs Cheualiers & Escuyers: qui estoient cent Lances de bonnes gens: & pour celuy temps estoit messire † Iehā de Lumont grād Baillif de Flâdres, & auoit esté biē deux ans deuāt. Leq̃l estoit mout craint & douté par tout le pays de Flâdres pour les grās prouesses & appertises qu'il faisoit: & quand il pouuoit attraper les Gandois, il n'en prenoit nul à rançon, qu'il ne les meist à mort, ou fist creuer les yeux, & couper les poings, les oreilles, ou les piez: & puis les laissoit aller en cest estat, pour dōner exēple aux autres Gādois: & estoit si renōmé, par toute Flâdres, de iustice, sans auoir pitié de corriger moult cruellement les Gandois, qu'on ne parloit d'autre en Flandres, que de luy.

De la poursuite de Madame d'Aniou, pour la possession de Prouence: & comment messire Galeas, Comte de Vertus, fit emprisonner, son oncle Bernabo Vicomte. CHAP. CLVIII.

Ainsi par toutes terres estoit en celuy temps le monde en trouble, tant entre le Roy de France & le Roy d'Angleterre, qu'ētre le Roy Iehan de Castille & celuy de Portugal: car là estoit la guerre renouvelée. D'autre part estoit Madame d'Aniou (qui seicriuoit Roïne de Naples & de Hierusalē) venue en Auignon, delez le Pape: & y tenoit son hostel, & son fils, le Roy Loīs, avec elle: qui s'appeloit Roy de Cecile (que son pere auoit conquis) & auoit la Roïne intention de faire guerre en Prouence: se les Prouēceaux ne la recognoissoient à Dame, & ne venoient en son obeysance: & iā estoit messire Bernard de la Salle entré en Prouence, & y faisoit guerre pour elle: & se tenoit, pour le tēps, le Sire de Coucy en Auignō: car biē quinze semaines il fut au lit, d'yne course de cheual: dont il eut la iambe malement malailée. Quand il fut guarý, il visitoit souuent la Roïne: & la reconfortoit (car bien faire le sauoit) & attendoit la Roïne le Duc de Berry: qui s'estoit mis au chemin de venir en Auignon, parler au Pape, & pour aider à sa belle-seur, la Roïne. Car le Roy de France & ses oncles enuoyoient, en Prouēce, messire Loys de Sanxerre, mareschal de France, à tout cinq cens Hommes-d'armes, pour guerroyer les Prouēceaux: fils ne venoient à obeysance. Les aucuns si y estoiet venus: & nōpas tous. Mais toutesfois la cité de Marseille, & la greigneur partie, se rendoit à la Roïne: mais la cité d'Ais en Prouence, de Tarracon, & aucuns Cheualiers du pays, ne se vouloiet rendre: car ils disoient qu'elle n'auoit nul droit de demander la Comté de Prouēce, iusques à ce qu'elle seroit paisiblement receuē à Dame, & son fils receu à Roy, en Pouille & Calabre, à Naples, & en Cecille: & quand elle en mōstreroit possession paisible, toute Prouēce obeyroit à elle: comme ce seroit raison. En ces marches de par-delà faisoit guerre, pour elle, contre messire Charles de la Paix, le Comte de Conuersant, & messire Iehan de Luxembourg, son fils: & delez la Roïne, en Auignon, pour son Conseil se tenoit messire Iehan de Bucil. En celle saison auint vne autre incidence merueilleuse en Lombardie: de laquelle on parla moult par le monde: & fut du Comté de Vertus (qui s'appelloit messire † Galeas) & de son oncle, le plus grand de tous en Lombardie. Messire Galeas & messire Bernabo auoient esté freres, & regné assez paisiblement, & gouverné facilement toute Lombardie. L'un de ces Seigneurs y tenoit neuf citez, & l'autre dix: & la cité de Millan alloit vn an au gouvernement de l'un, & puis retournoit, à l'autre an, au gouvernement de l'autre. Quād messire Galeas, pere au Comte de Vertus fut mort, si s'elōgnerent les amours de l'oncle au neueu: & se douta messire Galeas, son pere mort, de son oncle messire Bernabo: qu'il ne le voufist soumettre, & luy tollir ses Seigneuries: ainsi comme Galeas, son pere, & ce Bernabo, son oncle, auoient au temps passé tollu la

† Iugez si c'est vn autre que le Capitaine de Courtray & que celuy qu'il a n'agueres mis dedans Ardembourg avec autres. Sala n'en ayant aucune-ment partē es deux lieux precedens, dit icy. En ce temps estoit messire Iehā de Lumōt à Courtray & estoit Bailly de Flâdres. Voyez le chap. 161.

Madame d'Aniou en Auignō vers le Pape:

† Il auoit nom Iehan Galeas, & son pere Galeas simplement, selon P. Iouio es vies des viscomtes, suiuant lequel nous auons amendé le commencement de la clause sui-uante & la fin de l'autre d'apres.

Seigneurie, à leur frere messire Matthée, & l'auoiēt fait mourir. Celuy Côte de Vertus s'en douta trop grādemēt: & bien mōstra qu'il n'en estoit pas asseuré. Toutesfois du fait, & de la prise qu'il fit, il en ouura moult subtilement. Je vous diray commēt. Messire Bernabo auoit vn vsage q̄ toute la terre de Lōbardie, dont il estoit Seigneur, il rançonnoit trop durement: & tailloit les hōmes deffous luy deux ou trois fois l'an, de la moitié, ou du tiers, de leur cheuāce: & si n'en osoit nul parler mal, pour crainte de luy. Messire Galeas, le Côte de Vertus, pour grace acquerir & louēge, en toute sa terre ne prenoit nulle aide, ne nulle taille: & viuoit de ses rentes singulierement: & tint ceste ordonnance, depuis la mort de son pere, bien cinq ans: & auoit celle grace de toutes gēs en Lōbardie, que chacun l'aimoit & en disoit bien, & demouroient moult volōtiers deffous luy: & toutes gēs disoiēt mal, & se plaignoiēt couuertemēt, de messire Bernabo: car il ne leur laissoit riēs. Auint que le Comte de Vertus (qui tendoit à faire son fait, & qui se doutoit trop grādemēt de son oncle, & iā en auoit veu aucunes apparences: si cōme on disoit) fit vn mandement, secrètement, de tous ceux, ou il se confioit le plus: & dit à aucuns son entēte, & nōpas à tous: de paour qu'il ne fust feu ou reuelé. Si fut vne iournée, que messire Bernabo: son oncle, deuoit cheuaucher en ses deduits, de chastel en autre. Sur celuy estat & ordonnāce il meit trois embusches sus: & cōuenoit que messire Bernabo passast, du moins, parmy l'vne des embusches. Il estoit ordonné de le prédre, & non pas tuer: fil ne se deffendoit, & mettoit trop grādemēt en deffense. Ainsi que messire Bernabo cheuauchoit de ville en autre, & que nullemēt n'y pēsoit, & trop asseuré cuidoit estre, ne de son neveu nullemēt ne se doutoit, il vint choir en vne de ses embusches: laquelle s'ouurit tātost sur luy, en brochant des esperons, & les lances baissées. Là eut vn Cheualier Allemand (qui estoit à messire Bernabo) qui luy dit, Sire, sauuez vous. Je voy sur vous venir gēs de tresmauuais conuenant: & sont de par vostre neveu messire Galeas. Ledit messire Bernabo respondit qu'il ne se sauoit ou sauuer, si on auoit aucune male volonté sur luy: & qu'il ne sauoit riens auoir forfait à son neveu: parquoy il luy conueinst fuir. Et tousiours ceux de l'embusche approchoient: & venoient, au plus droit qu'ils pouuoient, fendant parmy, sus messire Bernabo. Là eut vn Cheualier d'Allemaigne, homme d'honneur: & estoit Cheualier de corps à messire Bernabo. Quand il veit approcher ceux, qui venoient sur son maistre & Seigneur, il portoit l'espée à messire Bernabo: deuant luy: & tantost il la meit hors du fourreau, & la meit en la main dudit messire Bernabo (tout ce luy virent faire ceux, qui venoient pour le prédre) & puis tira le Cheualier son espée, comme vaillant homme, pour soy mettre en deffense. Ce ne luy valut riens: car tantost il fut enuironné, & messire Bernabo ausi: & là fut le Cheualier occis (pourtāt qu'il auoit fait semblant & cōmencement de soy deffendre) dont messire Galeas fut depuis, pour la mort du Cheualier, trop durement courroucé. Là fut pris messire Bernabo: n'oncques n'y eut deffense en luy, n'en ses gens: & furēt menez en vn chasteau, ou son neveu estoit: qui eut grand' ioye de sa venue. Celuy iour sa femme prise, & ses enfans, qui à marier estoient: & les tint le Sire de Millā en prison: qui prit tātost toutes les Seigneuries, villes, chasteaux, & citez, que messire Bernabo tenoit en Lombardie, par la maniere que ie vous dy: car son oncle mourut. Je ne say pas de quelle mort. Je croy bien qu'il fut saigné au col: ainsi comme ils ont vsage de faire les saignées en Lombardie, quand ils veulent à vn homme auancer sa fin. Ces nouuelles se pandirent tantost par tout. Aucuns en furent liez, & aucuns courroucez. Car messire Bernabo auoit fait, en son tēps, tant de cruels & de si horribles faits, & de piteuses iustices sans raison, que trop petit de gens, qui en ouirent parler, le plaignoient: mais disoient que c'estoit bien employé. Ainsi finit messire Bernabo: qui auoit en son temps regné en Lōmbardie moult puiffamment.

Agnet de Iehan Galeas Vicomte pour prendre son oncle Bernabo.

Prise de Bernabo, Vicôte, par l'embusche de Iehan Galeas son neveu.

Comment Guillaume de Lignac, Seneschal de Xaintonge pour le Roy de France, prit le chasteau de l'Aigle, sur les Anglois: & comment l'armée du Duc de Bourbon prit Montlieu, & le pont de Taillebourg, en asiegeant la place.

CHAP. CLIX.

Nous retournerons à l'armée, que le Duc de Bourbon & le Côte de la Marche, firent en Poictou, & en Limosin. Il se départit de Moulins en Bourbōnois: & cheuaucha, à belle route de Cheualerie & d'Escuyerie, pour parfourir son voyage: & auoit Iehan de Harcourt, son neveu, en sa compaignie. Le Duc de Bourbon auoit fait son especial & souverain mandemēt de ceux de Berry, d'Auuergne, de Poictou, de Rouergue de Xaintonge, & de Limosin, pour estre à Niort, à douze lieuës de Poictiers. Ce pendant que ces

que ces Gens-d'armes fassembloient: & que le mandement se faisoit se tenoit messire Guillaume de Lignac, vn moult vaillant Cheualier, Sénéchal de Xainctonge, de par le Roy de France, & Gouverneur de † Millan, dedans les marches de par-delà: & s'en vint en Angoulmois, à toute sa route de Gens-d'armes: en laquelle auoit bien deux cens combattans: & s'arresta deuant le chastel de l'Aigle: que les Anglois tenoient: & tout l'Yuer, & l'Esté passé, auoient moult endommagé le pays. Quand messire Guillaume fut là venu, il meit tantost pié à terre: & si firent aussi ses gens: & approcherent le chasteau: & assaillirēt de grand' volōté. Là eut dur assaut, fort, & continué: car ceux, qui dedās estoient, se deffendoient pour leurs vies. Là fut messire Guillaume bon Cheualier: & y fit moult d'armes. Aussi il estoit Capitaine de tous. Il leur monstroit bonne volōté, & cōment ils deuoient assaillir: car point ne s'épargnoit. Tant fut l'assaut fort, & bien cōtinué, que le chasteau fut pris de force: & entrèrent les François dedans, par eschelles: & furent morts & pris ceux, qui dedans estoient. Ce premier cōquest en celle saison fit messire Guillaume de Lignac, en attédant le Duc de Bourbon & sa route. Quād le Duc de Bourbon fut venu à Nyort, il trouua là grand' foison de Gens-d'armes, qui l'attédoient, & qui sa venue desiroient: & là estoit son cousin le Côte de la Marche, à grand' route de Gens-d'armes, le Vicôte de Tonnerre, messire Hēry de Thouars, Sénéchal de Limosin, le Sire de Pōs. le Sire de Partenay, le Sire de Tours, le Sire de Pouzauges, & plusieurs autres Barons de Poictou & de Xainctōge: & là vīt, deuers le Duc messire Guillaume de Lignac: qui auoit pris & tourné François le chasteau de l'Aigle: dont le Duc luy en feut bon gré. Quand tous ces Gens-d'armes furent mis ensemble, ils se trouuerent bien sept cens Lāces, sans les Généuois & les gros varlets: & estoient bien en nombre deux mille combattans. Adonc getterent ils leur auis quelle part ils tireroient premierement, ou deuant Bertueil, ou deuant Taillebourg, ou Montlieu. Tout considéré, & pour le meilleur ils dirent qu'ils iroient deuant Mōtliu: pourtant que c'est vn chasteau sur les lādes de Bordeaux. A tout le moins, s'ils l'auoient, les autres en seroient plus foibles: & ne pourroit nul issir de Bordeaux, qu'ils ne le seussent. Si cheminerent celle part: & passerent Angoulmois: & vindrēt deuant Mōtliu: & là meirent le siege: & estoit conduiseur des gēs d'armes du Duc de Bourbon, & de tout l'ost messire Iaquemes Pouffart, & Jehan Bonne lance. Ces Gēs d'armes n'arrestērēt guēres deuant Montlieu, quand ils s'ordōnerent à l'assaillir, & à apprestier leurs atournemens d'assaut, & leurs eschelles. Si commencērent à enuironner ce chasteau, & à l'assaillir de grand courage: & ceux de dedans à deffendre: de bonne volōté. Là eut (ie vous dy) assaut dur & fier, bien continué, & fait de grans appertises d'armes, car les François montoient diligēment: & se combattoient main à main, sur les murs de leurs dagues: & firent tant les François, que par bon assaut le chasteau fut pris & cōquis, & ceux, qui dedans estoient, morts: car petit en y eut de sauez. Quand les Seigneurs de France eurent la possession de Mōtliu, ils le réparērēt de nouvelles gens & pourueāces: & puis s'en vindrēt le chemin de Taillebourg, sur la Charēte: de laquelle fortresse Dinādon de la Perate, vn Gascon, estoit Capitaine, appert Hōme-d'armes: & ne fit pas grand compte des François. Quand ils vindrent deuant Taillebourg, le Duc de Bourbon & sa route prindrent deux petis forts d'Anglois (lesquels toute la saison auoient moult hārié les frōtieres de Poictou & de Limosin) la Trōcette & Archarc: & furēt morts tous ceux qui dedans estoient: & les chasteaux rēdus à ceux du pays denuiron: qui les abattirēt tous deux. Or fut le siege mis deuant le chasteau de Taillebourg: & fut assis par 4. bastides. Parmy Taillebourg à vn pont, qui sied sur la Charante: & l'auoient les Anglois & les Gascōs, qui le tenoient, fortifié: & toute la saison nuls nauires, en la Rochelle ou en Xainctōge, n'auoient peu passer: sinō à grād dāger, & par truage. Lors sauiserēt les Seig. qu'ils prendroient le pont, pour auoir moins à faire: & se logeroient plus seuremēt en leurs bastides. Adonc ordōnerēt par quelle maniere. Si firēt venir, de la Rochelle nefes, toutes armées & appareillées contremont la Charēte: & dedans meirent grand' foison d'Arbalestiers & de Généuois: & enuoyerent ces gens écaroucher à ceux du pont. Là eut dur assaut: car les Anglois & les Gascons auoient moult bien fortifié le pont. Si se deffendoient aigrement & vaillamment: & aussi ils estoient assaillis de grand' volōté, par terre & par riuere: & fut là fait Cheualier, à celuy assaut, l'aisné fils au Côte de Harcourt, Jehā: & bouta bāniere hors: & le fit Cheualier son oncle, le Duc de Bourbon. Cest assaut du pont de Taillebourg fut moult beau, & moult fort, & biē cōtinué: & y eut faite mainte appertise d'armes: & tiroient ces Généuois & Arbalestiers, qui estoient es nefes, à ceux du pōt si roi-

† Il falloit que ce fust quelque place forte, ain si nommée es marches de Xainctongeois.

Le chasteau de l'Aigle pris d'assaut par les François.

Montlieu pris d'assaut par l'armée du Duc de Bourbon.

Taillebourg assiégué par le Duc de Bourbon.

Le pôt de Taillebourg pris des François.

de, si dur, & si vnimēt, qu'à peine s'osoit nul mōstrer à deffense, A quoy vous feroi-ic lōg compte? Par bel assaut le pont de la riuere fut conquis: & tous ceux, qui dedans furent trouuez, furent occis, & noyez: & nul n'en échapa. Ainsi eurent les François le pont de Taillebourg. Si en fut plus beau leur siege: car il sied à trois lieuës de Saint-Iehan d'Angely, & à deux lieuës de Xainctes, au meilleur pays du mōde. De la prise du pôt de Taillebourg furēt ceux de dedās, Dinandon, & les autres, tous ébahis & courroucez: & bien y auoit cause. Car ils auoient perdu le passage de la riuere. Non-obstant ils ne se vouloient pas rēdre: car ils se sentoient en forte place: & si attēdoient confort de Bordeaux. Car on disoit adonc en celle saison, sur la frontiere de Bordelois (& l'asseuroient les Gascons & les fortereffes Anglesches) que le Duc de Lanclastre, ou le Comte de Bouquinguan, à tout deux mille Hommes-d'armes & quatre mille Archers, viendroient à Bordeaux, pour combattre les François, & pour leuer tous les sieges: & en tout ce auoient grand' esperance: mais les choses se taillerent autrement: si comme ie vous diray. Car voiremēt, auant que l'armée de l'Admiral de France s'appareillast pour aller en Escoce, il estoit ordonné en Angleterre, que le Duc de Lâclastre & messire Iehan de Hollande, frere du Roy, & messire Thomas de Perfy, messire Thomas Triuet, le Sire de Silvatier, messire Guillaume de Windesore, messire Iehan Silbarin, & autres Barōs & Cheualiers, à tout mille Lances, & trois mille Archers, s'en viendroiet prēdre terre à Bordeaux: & là se tiendroient tout vn Esté: & refreschiroiet Mortaigne, Bouteuille, & tous les forts, qui se tenoiet pour eux en Gascōgne & en Languedoc: & cōbattroient les François, fils les trouuoiet au pays: & apres qu'ils se seroiet là tenus vne saison, ils s'en iroient en Castille, par Bayonne & par Nauarre: Car ils estoient en traitté deuers le Roy de Nauarre. Tout ainsi l'auoient en leur imagination & propos les Anglois getté: mais tout tourna à neāt: car, quand ils seurent, de verité, que l'Admiral de France, à tout mille Lances de Cheualiers & Escuyers, gens d'elite, viendroiet en Escoce, leur propos & conseil se muerent: & ne s'oserēt bouter hors de leurs pays, ne nulles Gēs-d'armes oster, n'eux affoiblir: car ils doutoient grandement le fait des Escōçois & des François ensemble. Encor es couroit vne voix en Angleterre, qu'ē celle saison ils seroiet assaillis des Frāçois, en trois parties. L'une par Bretagne (& que le Duc de Bretagne estoit bon Frāçois) & l'autre par Normandie (& que le Conneftable de France faisoit les pourueāces à Harfleur, à Dieppe, & tout sur la marine, iusques à Saint-Valery & au Crotay: & la tierce par Escoce: &, pour doute de ce, ils ne laisserēt oncques en ce parti vider cheualiers, n'Escuyers hors d'Angleterre: mais entēdirent à pourueoir & garnir leurs haures, & leurs ports, de nef: & fut pour celle saison le Comte Richard d'Arondel Admiral de la mer d'Angleterre: & tenoit sur la mer enuiron soixāte ou quatre vingts vaisseaux gros, tous pourueus & armez de Gens-d'armes & d'Archers: & auoient nef coursieres: qui couroiet sur les bādes des Isles de Normandie, pour sauoir des nouuelles. Nous nous souffrerons vn petit à parler du Duc de Bourbon, & du siege de Taillebourg (auquel il fut plus de neuf semaines) & recorderons comment l'Admiral de France & l'armée de mer Françoisē prindrent terre en Escoce, & quel semblant de Belle recueillie on leur fit au pays.

Comment messire Iehan de Vienne, Admiral de France arriua en Escoce, avec son armée: & du mauuais traitement, qu'ils y trouuerent. CHAP. CLX.

L'Admiral de France & ses compaignons arriuent a Haindebourg, ville capitale du Royaume d'Escoce.

L'Armée de Frāce, q s'ē alloit en Escoce, auoit vēt à volōté: car c'estoit au mois de May que les eauës sont en leur douceur, & l'air doux & quoy. Si costoyèrent premieremēt Flandres, & puis Hollande, & Zelande, & Frise: & tant exploiterent, qu'ils approcherent Escoce: tellement qu'ils la veirent: mais, auant qu'ils y peussent paruenir, mal auint, par fortune, à vn bon ieune Cheualier de France, appert Homme-d'armes: lequel s'appeloit messire Aubert d'Angers. Le Cheualier estoit ieune, & de grand' volōté: &, pour monstrier appertise de corps, tout armé il se meit à monter amont, & grauir contre le chable de la nef, ou il estoit: &, en cela faisant, les piez luy faillirent. Si fut renuersē en la mer: n'ouques on ne luy peut aider: car tātost il fut affondré, pour les armeures dont il estoit armé, chargé, & vestu: & aussi la nef fut tātost élongnée. De la male auēture du Cheualier furent tous les Barons & Cheualiers courroucez: mais passer leur cōuint: car amender ne le pouuoient. Depuis singlerent ils tant, qu'ils arriuerent & prirent terre à Haindebourg, la souueraine ville d'Escoce, & ou le Roy se tient le plus, quand il est au pays. Le Comte de Donglas & le Comte de Moray (qui les attendoient tous auisēz

auisez de leur venue) se tenoyent en la ville de Haindebourg. Si tost qu'ils seurent que l'armée de France estoit venue, ils vindrent contre eux sur le haure, & les recueillirent moult doucement, en leur disant que bien fussent venus & arriuez au pays, & bié recognurent les Barons d'Escoce, tout premierement, messire Geoffroy de Charny, car il auoit esté la saison passée en Escoce, bié deux mois, en leur compaignie. Messire Geofroy les accointa (car moult bié le sauoit faire) enuers l'Admiral & les Barons du Royaume de Frâce. Pour le temps le Roy d'Escoce n'estoit point venu en Haindebourg, mais se tenoit en la sauuage Escoce. Ses fils moult doucement recueillirent les Seigneurs, en leur disant que le Roy viendrait tantost. De ces parolles ils se contenterent & se logerent les Seigneurs & leurs gens dedàs Haindebourg, au mieux qu'ils peurent, & qui ne pouuoit loger en la ville, se logeoit aux villages d'enuirõ: car Haindebourg (nõ-obstât, que le Roy d'Escoce y tienne son siege, & que c'est Paris en Escoce (n'est pas telle ville, comme feroit Tournay, ou Valenciennes. Car il n'y a pas, en toute la ville quatre mille maisons. Si conuint aux Seigneurs prendre leurs logis enuiron, aux villages, † & à Don† Ces noms sont
† selon les Cartes
et descriptions.

fremelin, Kelson, Dombare, & Alquest, & en autres villages. Ces nouuelles s'épandirent parmy Escoce, que grande foison de Gens d'armes du pays de France estoient venus en leur pays. Si commencerét les aucuns à murmurer, & dire. Qui diable les a amenez? ne qui les a mandez? Ne ferôs nous pas bié nostre guerre, sans eux, aux Anglois? Nous ne ferons ià bonne besongne, tant qu'ils seront avecques nous, Qu'on leur die qu'ils s'en reuoisent, & que nous sommes assez gens en Escoce, pour maintenir nostre guerre, & que point ne voulons leur compaignie. Ils ne nous entendent point, ne nous eux, & ne sauons parler ensemble. Ils auront tantost mangé & rissé tout ce que nous auons en ce pays. Ils nous feront plus de contraire, de despits, & de dommages (si nous les laissôs conuenir) que les Anglois ne feroient, s'ils se combattoient à nous, & si les Anglois ardent noz maisons, qu'en peut il chaloir? Nous les aurons refaites à bon marché, Nous ne mettrons, à les refaire, que trois iours, mais que nous ayons quatre ou cinq echaces, & de la ramée pour les couvrir. Ainsi disoient les Escoçois en Escoce, à la venue des François, & n'en faisoient nul compte, mais les hayoyent en courage, & les diffamoïent en langage, tant qu'ils pouuoient, comme rudes gens, & sans honneur, qu'ils sont. Si vous dy, à tout considerer, que ce fut de tant de nobles gens de France, qu'il y eut en cel le saison en Escoce, venue vne armée sans raison, & mieux y vaudroient vingt ou trente Cheualiers de France, que si grande route, comme cinq cens, ou mille. Raison pourquoy? En Escoce ils ne veirent oncques nul homme de bien, & sont ainsi comme gens sauages, qui ne se sauēt auoir, & de nully, accointer, & si sont trop grâdemēt éuieux des biens d'autrui, & si doutent de leurs biens perdre, car ils ont pauure pays, & quand les Anglois y vont ou cheuauchent (ainsi comme ils ont fait autresfois, plusieurs fois) il conuiét que leurs pourueances (s'ils veulent viure) les suyuent tousiours au dos, car on ne trouue riens sur le pays, qu'à grande peine, & n'y trouue l'on point de fer pour ferrer les cheuaux, ne cuir pour faire harnois, selles ne brides, car les choses leur viennent, par mer, de Flandres, toutes faites, & quand elles leur deffaillent, en leur pays n'en trouuēt point. Quand ces Barons & Cheualiers de Frâce (qui auoïent appris à trouuer les Beaux hostels, salles parées, & chasteaux, & les bons mols liets pour reposer) se veirent & trouuerent en celle poureté, si commencerent à rire, & disoient, deuant l'Admiral. Qu'elle, Pourreté du
pays d'Escoce.

plaisance nous a icy amenez? Nous ne seusmes oncques que c'est que poureté & dureté, iusques à maintenant. Nous trouuons bien les promesse, que noz Seigneurs de peres & meres nous ont promis au temps passé, en disant, Va, tu auras encores en ton temps (se tu vis longuement) de durs liets, & de pures logis. De tout ce sommes nous bien apparens. Et pour ce disoient les Compaignons l'un à l'autre. Deliuron nous de faire nostre voyage. Cheuauchon vers Angleterre. Le long seiour en ce pays d'Escoce ne nous est point bon, profitable n'honorable. Tout ce remonstrent les Cheualiers à messire Jehan de Vienne, Admiral, lequel les rappaisoit en ce qu'il pouuoit & leur disoit, Beaux Seigneurs, il nous faut souffrir, attendre, & parler bellement, puis que nous sommes en ce danger. Il y a vn moult grand ru à passer, & si ne pouuons retourner par Angleterre. Confort del'Ad
miral de Fran
ce à ses gens.

Prenez en gré ce, que vous trouuez. Vous ne pouuez pas tousiours estre à Paris, n'à Dyion, à Beaune, n'à Chaalons. Il faut (qui veut viure en ce monde, & auoir honneur) souffrir du bien & du mal. Ainsi rappaisoit messire Jehan de Vienne, & par d'autres parolles trouuâs Escoce
trop rude pour
eux.

que ie ne puis pas toutes recorder, ses gés en Escoce, & l'accoïtoit, tât qu'il pouuoit, des

*La peine & le
coust des Fran-
çois, pour auoir
des cheuaux en
E scoce.*

Barons & Cheualiers d'E scoce, mais il en estoit visité aussi petit comme de riens, car (si-
comme ie vous ay dit cy-dessus) il y a petit d'honneur, & sont gens mal accointables, &
la greigneur visitation & compaignie, que les Seigneurs de France auoient, c'estoit du
Comte de Douglas & du Comte de Moray. Ces deux Seigneurs leur faisoient plus de
foulas, que tout le demourant d'E scoce. Encores y eut pis, & vne trop grand durté pour
les François, car quand ils furent venus en E scoce, & qu'ils se vouloient monter, ils trou-
uerent les cheuaux si chers, que ce, qui ne deust valoir que dix florins, il en valoit soixan-
te ou cent, & encores à grâde peine en pouuoit on recouurer, & encores, quand on es-
toit monté, on ne pouuoit recouurer de harnois, s'ils ne l'auoient fait venir de Flandres
auecques eux. En ce danger se trouuerent les François, & outre, quand leurs varlets sen-
alloient en fourrage, on leur laissoit bien charger leurs cheuaux, de tout ce, qu'ils vou-
loient prendre & trouffer, mais au retourner, on les attendoit sur vn pas, ou ils estoient
villainement détrouffez & abbattus, & aucunes fois occis, & tant que nul varlet n'osoit
aller fourrager, pour la crainte d'estre mort. Car en vn mois les François perdirēt plus de
cent varlets. Car quand ils alloient en fourrage, trois ou quatre ensemble, nul n'en re-
tournoit, & ainsi estoient ils menez. Auecques ce, le Roy d'E scoce se faisoit prier de ve-
nir auant, & aussi faisoient les Cheualiers & Escuyers d'E scoce, pour la cause de ce que
ils disoient, qu'ils ne vouloient point en celle saison faire guerre aux Anglois, à fin que
les François achaptassent bien cher leur venue, car, auant que le Roy voulist faillir de la
sauuage E scoce, & venir en Haindebourg, il conuint qu'il eust vne grâde somme de de-
niers, pour luy & pour ses gens, & promit & seella messire Iehan de Vienne (qui estoit le
souverain chef de tous) que point il ne vuideroit le pays, iusques à ce que le Roy & ses
gens fussent satisfaits, autrement ils n'eussent eu nulle aide des E scoçois. Il luy conue-
noit faire ce marché, ou vn pire, & encores, quand il eut le meilleur accord, & la meil-
leure amour qu'il peut avec eux, si ne firent ils guerres de proffit pour eux, si cōme ie vous
recorderay en l'Histoire. Mais ie vueil vn petit retourner à parler des auentures de Flan-
dres, & du mariage du ieune Roy de France, lequel se maria en celle saison.

*Les E scoçois re-
çoient argent
des François de-
uant que vou-
loir faire guerre*

*Comment la ville d' Ardembourg cuida estre prise d' emblée par François Attremen
& ses Gandois.*

CHAP. CLXI.

*† C'est pour re-
uenir à ce qu'il
semble auoir
dit, par deux
fois, au chapit.
157. et n'empes-
che point qu'il
ne fust aussi Ca-
pitaine de Cour-
tray, comme il
a dit parauant
Car il est à pre-
supposer qu'il
y eust laissé vn
bō Lieutenant.*

Depuis la deconfiture, qui fut faite des gens que messire Riffart de Flandres mena
dedans le pays des Quatre mestiers, outre Gand, vint en Ardembourg, & y fut en-
uoyé, en garnison, messire Robert de Bethune, Vicomte de Meaux, & trouua là messire
† Iumont & ses compaignons, & aussi y amena enuiron quarante Lances de Cheua-
liers, qui estoient toutes gens, qui desiroient à eux auenturer. Quand le Vicomte fut là,
venu, il entendit à fortifier & reparer la ville, de tous points. François Attremé & ceux
de Gand subtilloient & pensoient, nuit & iour, comment ils pourroyent nuire à leurs
ennemis, & leur porter dommage, & pourtant besongnoit il bien à ceux, qui leur estoient
prochains (comme ceux d'Audenarde, Terremonde, d'Ardembourg, de Bruges, du Dan,
& de l'Ecluse) de se tenir tousiours sur leurs gardes, & estre songneux de leurs villes, car
pour embler, escheller, & faire subtiles choses & entreprises, pour vray dire ces cōpai-
gnons estoient moult habilles, & subtils à ce faire. Si auint qu'enuiron l'issue de May, François
Attremen, & sept mille hōmes tous armez, se partit de Gand, sur intention d'ebler
& escheller Ardembourg, & pour auoir les Cheualiers & Escuyers, qui estoient dedans
en garnison, & par especial le Capitaine, messire Iehan de Iumont, lequel il desiroit plus
à auoir & tenir, que nul des autres. Car il leur auoit porté & fait tant de dommages, &
contraires, d'occire & de prendre leurs gens, & de creuer les yeux, ou de couper piez,
poings, ou oreilles, qu'ils ne pouuoient aimer. Sur celle entente s'en vindrent, par vn
Mecredy, enuiron le point du iour, à Ardembourg, & auoient, avec eux, leurs eschelles
toutes appareillées. Si dormoient en leurs lits, tout paisiblement, sur la fiance de leur
guet, le Vicomte de Meaux, messire Iehan de Iumont, & messire Riffart de Flandres, le
Sire de Daymart, messire Tiercelet de Môtigny, messire Perducas du Pont Saint-Marc,
le Sire de Lōgueual, & messire Iehan son fils messire Hue Desnel, le Sire de Lalain, mes-
sire Regnaud de Lommie, & plusieurs autres. Or regardez la grande auenture. Car ià es-
toit le guet de la nuit presque tout retrait, & la guette montoit en sa garde, & veez cy
venir François Attremen & les Gandois, qui auoyent eschelles à leurs cols, & entrèrent
es fossez, & passerent outre, iusques aux murs, & dreckerent eschelles contremont, &

com-

commencerent à ramper & monter. A celle heure d'aventure estoient par la ville le Sire de Saint-Aubin, & vn Escuyer de Picardie (qui se nommoit Enguerrand Zendequin) & deux ou trois Picars, † picques noires, avecques eux, & alloient tout ioingnant, selō les murs, & croy que celle nuit ils auoient esté du guet, mais point n'estoient encores retraits. Car au vray dire, fils n'eussent esté là. Ardembourg estoit prise sans nulle faute, & tous les Cheualiers en leurs lits. Quand messire Gouffiaux† de Saint Martin & Enguerrand Zendequin virent comment les Gandois montoyent par eschelles aux creneaux, & ià y en auoit vn qui vouloit mettre la iambe outre, pour entrer en la ville, si furēt tous ébahis, mais non pas tant, qu'ils ne preussent confort en eux, car ils virent bien, que fils s'en fuyoient, la ville estoit prise sans remede, & perdue, car ils venoient si à point, qu'entre le guet faillant, & celuy qui retournoit en la guette pour monter en la garde, ils entroient. Auant, auant (dit messire Enguerrand aux picques noires) Veez cy les Gandois, deffendon-nous, & nostre ville, ou elle est prise. Lors s'en vindrēt (comme ie croy) à l'endroit ou les eschelles estoient drecées, & par ou les Gandois vouloient monter dedans. La picque noire prit sa picque, & frappa celuy qui sauançoit de passer, tellement qu'il le renuersa dedans les fossez. A ce coup monta la Guette, qui les apperceut, & veit comment ils estoient dedans les fossez, & aux enuirs, vne grosse bataille. Si sonna, en sa trompette, Trahy, trahy. La ville s'émeut, & les Cheualiers, qui estoient en leurs lits & hostels, entendirent l'effroy & le haro, & aussi le conuenant des Gandois, qui ainsi vouloient embler leur ville. Si furent tous émerueillez, & faillirent sus, & fermerent, au plustost qu'ils peurent. Non-obstant toutes ces choses, si mettoient grande peine d'entrer en la ville les Gandois, & ces trois là se tindrent vaillamment plus de demie heure contre tous, & y firent de grand' appertises d'armes, qui leur doit bien estre tourné à louenge. Adonc les Seigneurs vindrent à bonne estoffe, & en grand arroy, le Vicomte de Meaux, sa bannière deuant, messire Jehan de Lumont, son pennon deuant, messire Riffart de Flandres, & tous les autres, & trouuerent le Cheualier, l'Escuyer, † & la picque noire, qui se combattoient, & deffendoyent l'entrée vaillamment. Là crièrent leurs cris à la rescousse, & quand François Attremen & les Gandois apperceurent l'affaire, & qu'ils auoient failly à leur entente, ils se retirerent tout bellement, & reculerent leurs gens, & se departirent de deuant Ardembourg, & s'en retournerent dedās les Quatre mestiers, & furent ceux de la garnison d'Ardembourg plus songneux de garder leur ville, & d'ordonner leurs guets, qu'ils n'auoient esté par auant, & honorerēt grandement, par entre eux, les trois dessusdits, car fils n'eussent esté là, Ardembourg estoit perdue, & les auoient toutes les gorges coupées.

Comment Louis de France, frere du Roy Charles sixième, fut marié à Marguerite de Hongrie par Procureur, & comment Madame de Brabant fit venir la fille du Duc Estienne de Bauiere, pour la marier au Roy Charles.

CHAP. CLXII.

Vous auez bien ouy cy dessus recorder comment le Duc d'Aniou (qui se disoit Roy de Naples, de Cecille, & de Hierusalem) fit le terme de trois ans, guerre en Pouille, & Calabre, & à Naples, à messire Charles de la Paix, & comment celle guerre faisant il mourut. Aussi fit messire Charles de la Paix, & les aucuns veulent dire qu'il fut occis au Royaume de Hongrie, par le consentement de la Roïne, car apres la mort du Roy de Hongrie (pourtant qu'il auoit esté fils de son frere) il vouloit maintenir que le Royaume luy deuoit retourner, car de son oncle, le Roy de Hongrie, n'estoit demouré que filles. Si se douta la Royaume qu'il voulsist ses filles desheriter, & pour celle cause fit occire Charles de la Paix. De laquelle mort il fut grande merueille par tout, & en fut renforcée la guerre de la Roïne de Naples, & de son fils Loys, le ieune Roy qui se tenoit en Auignon, & faisoit guerre en Prouence. Le Roy de Hongrie viuant, les haux Barons & Prelats de Hongrie auoient déclaré, par leur cōseil, que l'aînée de leurs filles, Madame Marguerite (qui estoit belle Damoiselle, & héritiere de grand Royaume) on la donneroit à Loys de France, Comte de Valois, frere du Roy de France, pour la cause de ce qu'il leur sembloit, qu'il demoureroit avecques eux en Hongrie, & auroiēt le Roy Loys recouré. Quand le Roy de Hongrie fut mort, on enuoya de grans messagers en France, deuers le Roy & ses oncles, en monstrant que la Roïne de Hongrie, pour sa fille aînée, vouloit auoir le Côte de Valois. Ceste requeste sembla au Roy, à ses oncles, & aux Barons de France, moult haute & noble, exceptée vne chose, que le Comte de Valois

† Je doute qu'il n'y sale Picque noires (c'est adire piquiers) duquel mot v'se Oliuier de la Marche, en ses Memoires. † Aduisez s'il y faut point le sire de S. Aubin comme il a nagueres dit.

† Il en a mis trois

Ambassadeurs de Hongrie en France, pour le mariage du Comte de Valois avec l'aînée fille de Hongrie.

L'aînée fille de Hongrie espousée au Comte de Valois par procureur.

Pratique de Madame de Brabant, pour le mariage du Roy Charles, sixiesme avec Madame Ysabel de Bauere,

Madame Ysabel de Bauere, à Bruxelles, par son oncle Federic.

élongnoit trop sa nation, & le noble Royaume de France. Mais adonc, tout considéré on ne pouuoit veoir que ce ne fust treshaute chose, & grand profit pour le Comte de Valois, d'estre Roy de Hongrie, qui est l'un des grans Royaumes Chrestiens du monde. Si furent les Hongres (qui là estoient enuoyez de par le Roy de Hongrie) grandement recueillis, & leur fut donné de beaux dons & grans presens, & avecques eux en Hongrie s'en allerent ambassadeurs de France, c'est assavoir l'Euesque de Mailerets, & avecques luy messire Jehan la Personne, lequel par procuration generale, quand ils furent venus en Hongrie, espousa au nom du Comte de Valois, la Dame, & puis s'en retourna en France l'Euesque, & aussi fit messire Jean, qui auoit espousé la Dame, & couché sur un liét delez elle, tout courtoisement, & de ce monstrerent ils lettres patentes, & instrumens publiques, tellement que bien s'en contentoient au Royaume de France, & l'écriuit, un long temps, le Comte de Valois Roy de Hongrie. Encores auez ouy cy dessus recorder comment le Duc de Bourgogne & le Duc Aubert de Bauere, Sire de Hainaut, de Hollande, de Zelande, & de Frise par bail, auoient en la cité de Cambray marié leurs enfans, chacun fils & fille, auquel mariage le ieune Roy de France fut, & vint de grande abondance. Or veulent les aucuns dire (si comme ie fu adonc informé) qu'en celle semaine, que le Roy de France & ses oncles, le Duc de Bourgogne, & le Duc de Bourbon estoient là, & le Duc Aubert, & les Dames, Madame de Brabant, Madame de Bourgogne, & Madame de Hainaut, par le promouement de Madame la Duchesse de Brabant on traitta là un mariage secrettement, du ieune Roy Charles de France, & de Madame Ysabel, fille du Duc Estienne de Bauere. Car le roy Charles de France, de bonne memoire, au liét de la mort auoit ordonné, que Charles, son fils, fust assigné & marié (si on pouuoit veoir lieu pour luy) en Allemagne, parquoy les Allemans eussent plus grans alliances aux François, car il veoit que le Roy d'Angleterre estoit marié à la sœur du Roy d'Allemagne, dont il valoit mieux. La Duchesse de Brabant (qui bien estoit Dame imaginant toutes choses) remonstra aux oncles du Roy & à son Conseil, en la cité de Cambray, comment celle ieune Dame estoit fille d'un grand Seigneur en Allemagne, & le plus grand des Bauieres, & que grans alliances s'en feroient aux Allemans. & pouuoit le Duc Estienne rompre trop de propos de haults Seigneurs en l'Empire, car il estoit aussi grand, ou plus, que le Roy d'Allemagne. Si fut la condition, qui plus enclinoit le Conseil de France à perseuerer en celle besongne, & toutesfois il fut moult secrettement de mené, & en sauoient trop petit de gens parler, iusques à tant qu'il fut fait. La raison pour quoy vous l'orrez. Il est d'usage en France, (quelque Dame, ou fille de hault Seigneur que ce soit) qu'il conuient qu'elle soit regardée, & auisée toute nue, par les Dames, pour, sauoir s'elle est propre & formée pour porter enfans. Outre, pource que celle Dame estoit de loingtain pays, & que de Bauere en France elle auroit esté amenée on ne sauoit si elle seroit à la plaissance du Roy, car autrement tout estoit rompu. Pour ces raisons furent les choses tenues secrettes, & fut la Dame, enuiron la Pentecouste, amenée en Brabant delez la Duchesse, qui la receut liement, & qui l'ordonna à l'usage de France, & estoit en sa compaignie le Duc Federic de Bauere, son oncle, par lequel le mariage, au vray dire, estoit premierement promeu, par la maniere & raison, que ie vous diray. Quand le Duc Federic de Bauere vint premierement en France, & il fut deuant Bourg au seruite du Roy de France, vray est qu'il fut festoyé es conuois des oncles du Roy, & des Royaux, moult grandement, pour la cause qu'il estoit venu seruir le Roy, de loingtain pays, de Bauere, & de plus de deux cens lieues loing. Si tindrent dudit Duc le seruite à grand, & fut tousiours logé pres du Roy, en signe d'amour, & accompagné des oncles du Roy. Quand il se departit de Bauieres, il cuidoit certainement que le Roy de France & le Roy d'Angleterre deussent auoir, en la Marche de France ou de Flandres, bataille adrecée ensemble (si comme voix & renommée couroit par tout adonc en Allemagne) & pour ce luy en sauoient le Roy de France & ses oncles plus grand gré, & estoit auenu que luy estant en celuy voyage de Berghes & de Bourbourg, les oncles du Roy (ainsi que les Seigneurs deussent ensemble) luy auoient moult amiablement demandé s'il auoit nulles filles à marier, & qu'il falloit vne femme au Roy de France, & qu'ils aimeroient plus cher le marier à Bauere, qu'ailleurs. Car les Bauieres anciennement tousiours ont esté du Conseil de France. A ces parolles auoit respondu le Duc Federic, & dit que Nenny, mais son frere aîné, le Duc Estienne de Bauere, en auoit vne belle. Et de quel aage? auoient demandé les oncles du Roy. Entre douze ou qua-

quatorze ans, respondit le Duc Federic. Adonc dirent les oncles du Roy. C'est tout ce qu'il nous faut, vous retourné en Bauiere, parlez à vostre frere, & amenez vostre niece en pelerinage, à Saint Iehan d'Amiens, & le Roy sera à costé d'elle. S'illa veoit belle, i'espere qu'il la desirera, car il veoit volontiers toutes choses belles, & les aime, & s'elle luy haïte pour l'auoir, elle sera Royne de France. Ainsi allerent les premieres conuenances, ne plus n'en y eut dit, ne fait, & ne sauoit riens le Roy de France qu'on eust parlé de ce mariage. Quand le Duc Federic fut retourné en Bauiere, il remonstra toutes ces paroles à son frere, le Duc Estienne, qui pensa moult longuement sus, & luy respondit, Beau frere, ie croy bien qu'il soit ainsi que vous me dites, & que ma fille seroit bien heureuse si elle pouuoit échoir & venir à si haut honneur, comme d'estre Royne de France, mais c'est moult loing d'icy, & si y a trop grand regard à faire vne Royne, & femme de Roy. Je seroye trop courroucé, si on auoit mené ma fille en France, & puis qu'elle me fust renouoyée. I'ay plus cher que ie la marie à mon aise, pres de moy. Ce fut la response, que le Duc Estienne auoit donné à son frere, de quoy le Duc Federic s'en contenta assez, & en auoit escrit, presque sur celle forme, aux oncles du Roy, à son oncle Aubert, & à Madame de Brabant (auxquels il en auoit parlé à son retour) & cuidoit bien qu'on eust mis à nonchaloir toutes ces choses, & aussi on parloit ailleurs du mariage du Roy: & se fust assez tost le Roy accordé à la fille du Duc de Lorraine, car elle estoit moult belle Damoiselle, & de son aage, ou assez pres, & de grande & noble generation, & de ceux de Blois. Aussi fut parlé de la fille du Duc de Lancastre (qui depuis fut Royne de Portugal) mais on n'y pouuoit trouuer nul bon moyen, pour leur guerre. Si conuint la chose de mourir. Or remeit sus la Duchesse de Brabant (quand elle fut à Cambray, aux mariages, dessusdits de Bourgongne & de Hainaut, & que le Roy de France & ses oncles y furent le Duc de Bourgongne, & le Duc de Bourbon) le mariage de Bauiere, & dit bié que c'estoit le plus profitable & honorable, pour la cause des alliances qui en pouuoient descendre & venir des Allemans, qui fust à present pour le Roy. Voire, Dame (respondirēt les oncles du Roy) nous n'en oyons nulles nouuelles. Or vous taisez (dit la Duchesse) ie vous feray tirer auant, & en aurez nouuelles en cest esté, sans nulle faute. Les promesses de la Duchesse furent auerées, car elle fit tant, que le Duc Federic son oncle, accorda à son frere, le Duc Estienne, de l'amener (si comme vous auez ouy cy-dessus) & disoient, sur le chemin, qu'ils alloient en pelerinage, à Saint Iehan d'Amiens. Toutes gens le supposoient, car Allemans vont volontiers en pelerinage, & leur tient d'usage. Quand le Duc Federic & sa niece, Damoiselle Ysabel de Bauiere, eurent esté trois iours à Bruxelles, ils prirent congé. Mais c'estoit bien l'intention de la Duchesse, qu'elle seroit aussi tost à Amiens comme eux, ou plustost. Or vindrent en Haynaut, droitement au Quesnoy? ou ils trouuerent le Duc & la Duchesse, & Guillaume, Comte d'Ostrenant, & sa femme, desquels ils furent receus grandement & ioyeusement (car le Duc Aubert en estoit oncle) & moult fort s'émueruilloient comment ils pouuoient estre là venus ainsi, & luy demanderent la maniere. Certes (dit le Duc Federic de Bauiere) i'en ay eu moult grande peine, & toutesfois i'ay tellement mené mon frere, que ie l'ay amenée, comme vous veez. Mais au congé prendre, il m'appella, & dit. Or Federic, beau frere, vous emmenez Ysabel ma fille, & sans nul seur estat, car si le Roy de France ne la veut, elle sera vergondée à tousiours. Si vous auisez bié, car, si vous la me ramenez, vous n'aurez iamais pire ennemy que moy. Or regardez doncques, bel oncle, en quel danger ie me suis mis. Or, beau neveu, ne vous ébahissez point, car (fil plaist à Dieu) elle sera Royne de France & ainsi serez quitte, & aurez l'amour de vostre frere. Ainsi se tindrent au Quesnoy, par l'espace de trois semaines, & la Duchesse (qui moult estoit sage) endoctrinoit la ieune Damoiselle de Bauiere, en maniere & en contenance, & ne la laissa pas en l'habit qu'elle portoit (car elle estoit trop simple, selon l'estat de France) mais la fit parer & vestir, ainsi comme propre fille. Quand tout fut ordonné, la Duchesse & sa fille, la Duchesse de Bourgongne, en grand arroy tant exploiterēt, & la Damoiselle, qu'ils vindrent à Amiens & ià estoit venue la Duchesse de Brabant. aussi estoient le Roy, le Duc & la Duchesse de Bourgongne, & le Conseil. Le Sire de la Riuiere & messire Guy de la Trimouille, Barons & Cheualiers, issirent hors de la cité d'Amiens, contre la venue de Haynaut, Or furent ces Seigneurs & Dames dedans Amiens, ou ils se conuoyerent, & firent moult d'honneurs, & se visiterent l'un l'autre, par grande amour & dilection. Mais à grāde peine pouuoit le Roy dormir, pour desir de veoir celle, qui depuis fut son espouse, & demandoit

† Pour vous
laisser à iuger,
si nous auos bié
remis ce passa-
ge la vieille le-
çon estoit telle
& le Roy se-
ra coste luy
s'il veut i'ef-
père, &c.

† Il entend que
Federic, s'en re-
tournât en Ba-
uiere, auoit cō-
munié les pa-
rolles des oncles
du Roy, au Duc
Aubert, &
à Madame de
Brabant rou-
chant le maria-
ge susdit.

Dame Ysabel
de Bauiere en
Hainaut.

Ysabel de Baui-
re en pelerinage
à Amiens.

au Seigneur de la Riviere, quand il la verroit. De ces parolles auoient les Dames bon ieu, tellement que le Vendredy, quand la Damoiselle fut parée & ordonnée, les trois Duchesses la menerent deuers le Roy. Si s'agenoilla deuant luy, tout bas, mais le Roy la leua sus par la main, & la regarda par moult grād maniere. En ce regard, plaifance & amour luy entra au cœur. Adonc dit le Connestable de France au Seigneur de Coucy. Par ma foy, ceste Dame nous demourra. Le Roy n'e peut oster ses yeux. Quand on eut esté vne espace de temps illecques, les Dames prirent congé du Roy, & en ramenerent la Damoiselle, & encores ne sauoit on point l'intention du Roy, quand le Duc de Bourgongne enchargea au Seigneur de la Riviere, qu'il en enquist le Roy, quand il feroit à son retrait, lequel le fit tresdiligēmēt, en disant, Sire, que vous semble il de celle ieune Dame? nous demoura elle? Par ma foy (dit le Roy ouy, car elle nous plaist. Or dites au bel oncle de Bourgongne, qu'il nous en deliure. Quand le Sire de la Riviere l'ouit ainfi parler, tantost le nonça au Duc de Bourgongne, qui tantost l'alla noncer aux Dames, lesquelles en eurent moult grande ioye, & crierent Noel. Or furent ces Seigneurs & Dames en grande ioye, & estoit l'intention des oncles du Roy, de faire la feste des nocces à Arras. Mais il ne pleut pas au Roy d'aller ailleurs, ainçois pria au Duc son oncle, qu'il s'en depeschast, car il ne vouloit point dissimuler, ainçois vouloit que ce fust fait en la bonne ville d'Amiens. Monseigneur (dit le Duc) en la bonne heure, ainfi soit fait. Or vint le Duc de Bourgongne deuers Madame de Haynaut, le Connestable, le Sire de la Trimoille, & plusieurs autres, en sa compaignie, & là trouua la Dame, qui auoit sa nièce assise delez elle. Si leur racompta les nouuelles, & comment le Roy, son neueu, auoit brié son propos (car la chose luy touchoit de trop pres) & qu'il luy auoit recognu qu'il ne pouuoit dormir, ne reposer, pour cause d'elle, qu'il vouloit prendre pour sa femme, & que le lendemain nous guerissons ses maladies. La Duchesse se prit à rire, & puis se departirent l'un de l'autre, en grande ioye & soulas.

Comment François Attrèmen, avec ses Gandois, prit le Dan, & comment ceux de Bruges tascherent à le recouurer.

CHAP. CLXIII.

CE propre Samedy, au soir, festoit party des Quatre mestiers François Attrèmen, là Cou il festoit retrait, à tout sept mille hommes, apres qu'il eut failly à prendre Ardembourg, & auoit promis à ceux de Gand, à son departement, que iamais ne retourneroit dedans Gand, iusques à ce qu'il eust pris quelque bonne ville, car les Gandois mettoyēt grande peine que les François eussent à besongner, à fin que nuls d'eux ne passassent plus pour aller en Escoce, ou l'Admiral estoit nouuellement passé, pour guerroyer les Anglois, car commune renommée couroit, que le Connestable, & plusieurs Gens-d'armes, & Arbalestiers de Gènes, deuoient entrer en mer, pour recōforter leurs gens, qui estoient en Escoce, pour guerroyer Angleterre. François Attrèmen (qui estoit appert Homme-d'armes) islit, ce Samedy, d'un pays, qu'on dit les Quatre-mestiers, & toute la nuit vint costoyer Bruges, & bien la cuida prédre, mais il ne peut. Quand il vit qu'il auoit failly, il s'en vint vers le Dan, & là rencontra ses espies (qu'il auoit par tout là enuiron enuoyées) qui luy dirent, Sire, il fait bon à Dan, car messire Roger de Guistelles n'y est point, & n'y a que Dames. Et vray estoit, car il estoit allé à Bruges, & cuidoit que ceux de la ville du Dan fussent assez fors pour eux deffendre, dont il fut deceu. Quand François Attrèmen entendit, par ses espies, que messire Roger de Guistelles n'estoit pas au Dan, il partit ses gens en deux, & prit la moindre part, & leur dit, Allez vous en ceste part, deuant celle porte, & ne faites point de fainte. Quand vous orrez corner, si vous tirez deuers les bailles, & coupez & destruisiez tout, & d'autre part nous abbatrōs la porte, car iamais nous n'y entrerions par eschelles. La ville est nostre. Je n'en fay nulle doute. Il fut tout ainfi fait, comme il ordonna, & s'en vint avecques la moindre part, & laif-

La ville du Dan surprise par François Attrèmen, le 17. iour de Iuillet, l'ans 1385.

sa la greigneur derriere, & s'en vindrent les premiers, avec eschelles, parmy les fossez. Oncques n'y eut contredit, & passerent la fange, & appuyerent leurs eschelles aux murs & entrerent en la ville, puis vindrent sans danger, sonnant leurs cors, à la porte, & ainfi en furent Seigneurs, car encores estoient les bons hommes en leurs lits. Ce fut le dix-septiesme iour de Iuillet, qu'ainfi fut prise la ville du Dan, car ils vindrent à la porte, & rompirent les barres de la porte, à bonnes congnees, & ceux de dehors rompirent les bailles. Ainfi entrerent toutes manieres de gens. Toutefuoyes la ville se commença à émouuoir, mais ce fut trop tard, car ils furent pris dedans leurs hostels, & tous ceux, que ils trouuoient armez, ils occioyent sans mercy. Ainfi fut prise la bonne ville du Dan, ou il fut

il fut pris grand auoir dedans, & par especial les celiers pleins de maluoisie & de garnaches, & me fut dit qu'ils y trouuerent moult grand auoir, que ceux de Bruges y auoient porté, pour la rebellion du menu peuple, dont ils se doutoient. François Attremé, quand il se veit Seigneur du Dan, fut grandement réiouy. & dit. Or ay ie bien tenu, à ceux de Gand, mon cōuenant. Elle nous viendra bien à point, pour maistrer Bruges & l'Escluse, & Ardembourg. Il fit tantost vn ban, qu'aux gentilles Dames, qui estoient là trouuées dedans le Dan, nul ne touchast ne fist mal. Si y en auoit il iusques au nombre de sept, toutes femmes de Cheualiers, qui estoient venues veoir Madame de Guistelles, qui estoit grosse, & preste d'accoucher. Apres qu'il eut pillé la ville, & fait mourir ceux qui ne vouloient estre de son party, il se prit tantost à la reparer. Quand ceux de Bruges ouirēt ces nouuelles, ils furent moult courroucez, & non pas sans cause, & farmerent tous ensemble: & à banniere déployée, s'en vindrent deuant le Dan, & commencerent à écaroucher & assaillir, mais ce fut neant, car plus y perdirent, qu'ils n'y gainerent. Si s'en retournerent à Bruges, sans riens faire. Quand ces nouuelles vindrent à Gād, vous pouuez croire, & sauoir, qu'ils en furent grandement réiouis, & tindrent celle emprise a belle & bonne, & François Attremen à vaillant homme.

Comment le Roy Charles esponsa Madame Ysabel de Bauiere, & comment il asiegea le Dan.

CHAPITRE

CLXIIII.

Nous retournerons aux espousailles du Roy Charles de France, & dirons commēt Nil perseuera. Quand ce vint que la Duchesse Marguerite de Haynaut (qui auoit en sa garde la ieune Dame, qui deuoit estre Roine de France) vit le iour des noces, elle l'ordonna & appareilla honnestement (ainsi que biē faire le sauoit) & là vint la Duchesse de Brabant, & celle de Bourgongne, bien & grandement accompagnées de Dames & de Damoiselles, & ces trois Dames amenerēt Dame Ysabel de Bauieres, en chars couuerts, si richement qu'il ne fait point à demander, & la courōne au chef (qui valoit tout l'auoir d'un pays) laquelle le Roy par auāt luy auoit enuoyée, & les espousa l'Euesque dudit lieu presens les Seigneurs & Dames dessus-nommez. Apres la messe & les solennitez, qui y appartiennent, allerēt le Roy & les Seigneurs, Dames & Damoiselles, au disner, qui fut moult riche & grandement appareillé, & le seruoient ce iour, Cōtes & Barons, en grād arroy, & apres disner. allerent iouer en grand deduit, tout le iour, & ainsi se continua celle iournée en grans ébats, iusques au soir, que le Roy fallā coucher avecques la nouuelle mariée, & continuerent les noces iusques au Mardy ensuyuant, tant que les nouuelles vindrēt au Roy, & à ceux de son Conseil, cōment François Attremen auoit pris la ville du Dā. Mais vn Heraut vint là, de par le Duc de Bourbō, lequel apportoit lettres au Roy & à son Conseil, comment Taillebourg, pont & chasteil, estoit rendu François, & que le Duc de Bourbon & ses routes s'en alloient mettre le siege deuant Bértueil, & auoit là en Poictou, Xainctonge, & Limosin, reconquis six forteresses. Ces nouuelles réiouirent vn peu la Court, & meirent en nonchaloir la prise du Dan, sinon qu'il fut cōclu que le Roy n'entendrait à autre chose, iusques à tant qu'il auroit esté en Flādres, & recōquis le Dan & si iroit si auant dedās les Quatre-mestiers (dont ce venin estoit issu) qu'il n'y laisseroit maison, que tout ne fust mis à destruction. Adonc furēt enuoyez messagers par tout le Royaume, en mandant & cōmandant que tout Hōme d'armes fust, dedans le premier iour d'Aoust, es marches de Picardie, pour aller au Dan. Ces choses s'espandirēt parmy le Royaume de France, & s'ordonnerent & appareillerent Cheualiers & Escuyers, pour estre deuers le Roy, ainsi que commandé leur estoit. Ce iour mesme prit congé le Duc Federic de Bauiere le Duc Aubert, & toute la Baronnie, du Roy, & retourna chacun en son hostel, & laisserent Dame Ysabel de Bauiere, qui estoit Roine de Frāce, cōme vous auez ouy. Le Roy de France (qui auoit fait son mandement par tout le Royaume, & dit que iamais à Paris ne retourneroit, tant qu'il eust esté deuant le Dan) le vingtcinquiemesme iour de Iuliet se partit d'Amiens, avecques le Conestable & plusieurs Seigneurs de son hostel, & vint à Arras, ou il ne coucha qu'une nuit, & lēdemain vint à Lan en Artois, & tousiours venoient Gens d'armes de tous costez & tant cheuaucha, qu'il vint à Ypre: tellement que le premier iour d'Aoust il fut deuant le Dan, & se logea si pres de la ville, q̄ le trait passoit par sus sa teste. Trois iours apres vint Guillaume de Haynaut qui fut le bien venu du Roy, & de Monseigneur de Bourgongne. Là fut mis le siege deuant le Dan, grand & beau, & fut là enclos François Attremen, qui vaillammēt sy por-

Noces du Roy Charles, sixiemes, et de Madame Ysabel de Bauiere le 18. iour de Iuliet. 1385. comme l'on peut veoir par la deductio de ce present chapitre.

Nouvelles au Roy, touchant, le recouremēt du chasteau de Taillebourg.

La ville du Dā asiegee par le Roy de France Charles sixiemes.

ta, car tous les iours il y auoit assaut, ou écar mouche, fil n'y auoit tréues. Si fut le Sire de Clary (qui estoit maistre des canons du Seigneur de Coucy) frappé de ceux de dedans d'un carreau, dont il mourut, & fut grand domage, car il estoit preux Cheualier. Au siege du Dan vindrēt ceux des bones-villes de Flādrès, d'Ypre, de Bruges, & de tout le Frāc, & estoiet à ce siege plus de cent mille homes, & estoit le Roy logé entre le Dan & Gand & estoiet Capitaines de ces Flamās le Sire de S. Py & le Sire de Guistelles, à tout vingt cinq Lances, & se logerēt parmy eux, pour doute de dissension. A vn assaut, qui fut fait deuāt le Dan, ou tous les Seigneurs furent, fut fait Cheualier Guillaume de Hainaut, de la main du Roy de France. Il bouta celuy iour hors sa banniere, & fut tresbō Cheualier pour la iournée. Mais à celuy assaut ne conquirent riens les François, ainçois y perdirēt plus, qu'ils n'y gaignerent, car François Attremen auoit avec luy Archers d'Angleterre qui moult greuoient les assaillans, & aussi y auoit il grande foison d'artillerie, car la ville auant qu'elle fust prise, en estoit bien fournie, & aussi François Attremen en auoit fait apporter de Gand, à grande planté, quand il feut qu'il auroit le siege.

Comment plusieurs Bourgeois de l'Escluse furent decapitez, pour vne trahison contre les François, & comment le Duc de Bourgogne l'acquiesça de messire Guillaume de Namur, par échange de la terre de Bethune.

CHAP. CLXV.

† Peut estre que
il faudroit en-
coulpez.

C E pendant qu'on tenoit le siege deuant le Dan, ceux de l'Escluse (voire aucuns des plus notables de la ville, qui pour le temps l'auoyent à gouuerner) furent † enuolpez d'une trahison moult grande, laquelle ils vouloient faire cōtre le Roy de Frāce, car vouloient liurer la ville à ses ennemis, & deuoient meürdrir le Capitaine, & ses gens, en leurs lits, & deuoient bouter le feu en la nauire du Roy de France, qui là gisoit à l'ancre, laquelle estoit moult grāde & grosse, & bien garnie de bonnes pourueances. Deuant la prise du Dan, le Roy de Frāce auoit en propos d'aller en Escocce, apres son Admiral. Encores deuoient ces mauuaises gens de l'Escluse rōpre les bournes de la mer, pour noyer tous ceux, ou la plus grāde partie de l'ost, & de tout ce auoiēt ils marchandé à ceux de Gād, & deuoiet toutes ces trahisōs faire en vne nuit, & l'eussēt fait, mais vn preudhōme de la ville entēdit, en vn hostel de la ville, la trahison qu'ils pourpēsoiet. Si vint tātost au Capitaine, & luy cōpta la chose cōment elle alloit, & luy nōma grād' partie de ceux de la coniuration. Mais, quand le Cheualier l'entendit, il fut moult émerueillé, & prit ceux de sa charge (ou bien auoit soixante Lāces) & s'en alla de maison en maison de ceux, qui la trahison auoient pourpensée, puis les prit, & fit mettre en diuerſes prisons, & en bone garde. Puis monta à cheual, & tant fit qu'il vint deuant le Dan, en la tente du Roy, ou le Duc de Bourgōgne pour celle heure estoit. Si leur dit & recorda cōment la chose alloit & cōment la ville auoit esté en auenture d'estre prise, & tantost l'ost du Roy eust esté en eue, iusques à la poētrine, dont le Roy & les Seigneurs se donnerent grande merueille & fut lors cōmandé au Capitaine, qu'il retournaſt à l'Escluse, & qu'il ne les gardaſt plus, ainçois les fist mourir sans respit, à fin que tous les autres y prissēt exēple. Si retourna le dit Capitaine, qui tātost les fit décoller, & ainsi alla de ceste besongne. En celle mesme semaine getta son auis le Duc de Bourgogne à entamer traittez par deuers messire Guillaume de Numur, son cousin, pour auoir la ville de l'Escluse par échange d'autres terres pour l'aiouster à la Comté de Flandres, lesquelles terres luy estoiet aussi profitables en rentes & en reuenues. Or ce fut par l'aduis de messire Guy de la Trimouille, qui, en l'esté deuāt, auoit seiourné en l'Escluse, à tout grād nōbre de gens. Quand messire Guillaume de Namur ouit premier parler de cest échange, il luy vint merueilleusement à grād déplaifāce, car la ville de l'Escluse, avec les depēdāces écheuēs de la mer, est vn bel & grād héritage, & profitable, & si luy estoit écheu de ses ancestres, dōt il aimoit mieux la chose. Nonobſtāt ce, depuis que le Duc de Bourgōgne l'auoit enchargé, il cōuenoit qu'il le fist. Car c'estoit l'intériō du Duc, apres qu'il en feroit Seigneur, d'y faire vn tresbel & fort chastel (si cōme il y a à Calais, & ailleurs) pour maistrier les allās & venās par la mer, entrās au haure de l'Escluse, & le feroit garder par Gens-d'armes & gens de trait tellement que nul n'iroit par la mer en ses marches, q̄ il ne fust en leur dāger, & feroit si haut, qu'ils pourroient de là veoir vingt lieuēs en la mer. Briēuemēt, tāt fut prié messire Guillaume du Duc & de son Cōseil, qu'il se cōtenta de l'échāge de ladite Escluse à toute la terre de Bethune, qui est l'un des beaux & grās heritages de tout le pays, & si luy fut dōnée pour luy & ses hoirs, & tātost apres le Duc de Bourgōgne meit ouuriers, pour faire le chateau

Quelques tray
stres de l'Esclu
se decapitez.

Echange de
l'Escluse à la
terre de Bethu-
ne.

de

de l'Ecluse. Nous parlerons du siege du Dan, & compterons comment il perséuera.

Comment François Attremen & ses gens abandonnerent le Dan, & comment la ville fut prise & destruite par les François, & le pays des Quatre mestiers aussi.

CHAPITRE

CLXVI.

Pres de tous les iours y auoit assaux (aumoins de iour à autre) & aussi auoit il plusieurs écarouches aux portes & aux barrières, & dont plusieurs estoient naurez & morts tous les iours, & ne pouuoit on pas bien auenir aux murs de la ville, pour les fossez, qui estoient pleins de fange & ordure, & si eust fait temps pluuiieux, ceux de l'ost eussent eu bien affaire, & leur eust conuenu déloger, voufissent ou non, mais par l'espace du mois, que le siege dura, il ne pleut onc, & si y auoit des viures largement, mais toutesfois, pour la puantise des bestes, que l'on tuoit en l'ost, & des cheuaux morts, l'air en estoit tout corrompu, dont moult de Cheualiers & Escuyers en estoient malades & melancolieux & s'en alloient les plusieurs refreschir à Bruges, & ailleurs, pour euter ce mauuais air, & mesmement s'en vint loger le Roy à Marles, combien que ses tentes fussent encores tendues sur les champs. L'intention de François Attremen estoit de tenir si longuement la ville, que secours d'Angleterre luy fust venu, pour leuer le siege, & certain est que ledit François & ceux de Gand auoyent enuoyé querir secours en Angleterre, & fussent venus, de fait, les oncles du Roy d'Angleterre, & garnis suffisamment de Gens-d'armes & de trait (si cōme ils tenoient) se ne fust l'Admiral de Frâce, qui pour celle saison estoit en Escoce, à tout grand nombre de Gens-d'armes. Et disoit on que le Connestable de France y deuoit venir apres, plus efforcement, parquoy les Flamans ne furent point secourus, dōt il conuint à ceux du Dan faire vn mauuais marché. Le vingt-septième jour du mois d'Aoust fut la ville du Dan reprise. Quand François Attremen apperceut qu'il n'auoit point de secours, apres ce que le Roy de Frâce l'eut tenu vn mois assiegé: & que son artillerie failloit, se commença à decōforter, & dit à ceux de son Conseil. Je vueil qu'entre nous de Gand nous en allons nostre chemin, & le dictes l'un à l'autre secrettement, car si ceux de ceste ville sauoient nostre departement, pour sauuer eux avecques leurs fēmes & enfans, ils feroient par auenture vn mauuais marché pour nous & nous rendroient, parmy ce, qu'ils demoureroient en paix, & nous serions tous morts, mais ie les en garderay bien, car nous nous tiendrons tous ensemble, & irons à l'entour de la ville pour visiter le guet, & si mettrōs hommes & femmes au monstier, & leur donnerōs à entendre que nous les y mettōs, pourtant que nous deuons au lendemain auoir vn grand assaut. Si ne voulons point qu'ils ayent de dommage, & au guet de la nuit, dirons que nous allons dehors, pour réueiller ceux de l'ost, & quād nous serons aux chāps, nous nous en yrons, à pointe d'esperon, à Gand. Ceux de son Conseil luy respondirēt que bien auoit parlé, & ainsi s'ordonnerent, chacun selon ce, que proposé estoit, & firent des le soir trouffer toutes leurs bonnes besongnes, & mirent femmes & enfans, & toutes autres menues gens, au monstier, & mesmement ils y firent entrer les Dames & femmes des Cheualiers, qui là dedās estoient prisonniers, disant. Nous deuōs auoir demain vn tresgrād assaut, si ne voulons point que vous vous ébahissez. Et ainsi, qu'ils le disoiēt, ils le tindrēt. En la premiere heure de la nuit allerēt les Gādois visiter le guet, & n'y auoit sur les murs nuls Gādois, fors ceux de la ville. Si leur dit Frāçois Attremē, Faites à minuit bon guet, & ne vous partez point des creneaux, pour chose que vous veez, n'oyez, car le matin nous aurons l'assaut, mais ie vueil ceste nuit réueiller l'ost. Il fut bien creu de sa parolle, car chacun cuidoit qu'il dist vray. Quād Frāçois Attremē eut ainsi ordonné ses besongnes, il fit ouurir la porte, & issit dehors, & ceux de Gād, qui estoient en sa cōpaignie. Ils ne furent pas à demie lieuē de la ville, qu'il ne fust iour. Si apperceurēt bien ceux de la ville, que Frāçois & les siens s'en alloient. Adonc se tindrent ceux de la ville pour deceus, & cōmencerent à traitter les Capitaines deuers les gēs du Roy, & disoiēt qu'ils auoient, le soir deuāt, occis Frāçois Attremen. Quand plusieurs gēs de la ville du Dā entendirēt que Frāçois attremē & les Gādois s'en alloiēt sans retourner, & q la porte estoit ouuerte, si se mirēt aussi à chemin, à qui mieux mieux. Quād on feut ces nouuelles en l'ost, Bretōs & Bourgongnons (qui desiroient à gagner) mōterēt sur leurs cheuaux, & les meirent en la chace, & les poursuyuirēt iusques à deux lieuēs de Gād. Si y en eut d'occis plusieurs, & pris plus de cinq cēs, mais en ceux là y auoit peu de Gandois, ainçois estoient de ceux du Dan, qui s'en fuyoient. Ce pendant qu'on les poursuyuoit, de

†Toujours
1385.

†Ce passage est
amendé selō le
cha. 163. &
par la deductio
du present.
†Il entend par
ceux du Dan
tenoient pour
veritable ce,
que ces Gādois
leur disoient.
François Attre
men abandon
ne secrettemēt
le Dan.

Reprise du D^a par les François toutes parts on assailloit la ville, ou point de deffense n'auoit. Si entrerēt les François de toutes pars dedans, par eschelles : qui passerent les fossés à grand' peine. Quand ils furent dedans, ils cuidoiēt auoir merueilles, & tout gagné, mais ils ne trouuerēt riens, fors que pources gens, fēmes & enfans, & grand foison de bons vins, dōt par despit & enuie ils bouterent le feu en la ville, & fut presque toute arse, dont le Roy & le Duc de Bourgogne furent moult courroucez, mais amender ne le pouuoient. Toutesfois furent ces nobles Dames sauuées, à grande peine, sans nul mal de leurs corps auoir. Apres la prise du Dan, que les François reprirent cōme cy-dessus est dit, cōseillé fut qu'on delogeroit & iroit le Roy loger à deux petites lieuës de Gand, à vne ville qu'on appelle Arteuelle, & ce pendant que le Roy se tiendrait là, les Gens-d'armes cheuaucheroient efforcēmēt dedans le pays des Quatre-mestiers, & tout iceluy pays destruiroyent, pour cause que, le temps passé, toutes douceurs en estoient venues, à ceux de Gand, & auoient ceux de celuy pays plus conforté les Gandois, que nuls des autres pays. Adonc se departit le Roy de France, & son ost, du Dan, & s'en vint loger à Arteuelle, & ce pendant entrèrent les Gens-d'armes en celuy pays, & l'ardirent, & abbattirēt tout entieremēt, & ardirēt tours, mōstiers, & forts, qui pour le pays s'estoiēt tenus, & n'y laissoiēt point de maisōs entieres & estoient femmes & enfans tous chacez es bois, ou occis. Quand les François eurent fait ceste destruction, il fut ordonné qu'on iroit deuant le chasteau de Gauure, mettre le siège, & puis apres deuant Gand, mais de tout ce ne fut riens.

La pays des Quatre-mestiers destruit par les gens du Roy Charles.

Comment le Roy de France se partit de Flandres, & donna congé à ses gens, & comment estans venus à Paris pour traicter aux Ambassadeurs de Hongrie, nouuelles vindrent apres, que le Marquis de Blanquefort auoit pris à femme, par force l'heritiere de Hongrie.

CHAP. CLXVII.

† Ce lieu est amendé selon le chapitre. 162.

† Depart du Roy Charles hors de Flandres tousiours 1385.

Nouvelles vindrent au Roy, luy estant à Arteuelle, de Hongrie, de par la Roïne d'illec, par l'Euesque de Vassereul, Ambassadeur de ladite Roïne, & plusieurs Cheualiers & Escuyers en sa cōpaignie, & apporterent lettres de creance, disant qu'ils venoient querir leur Seigneur, Loys de Frâce, Comte de Valois (qui pour lors s'ecriuoit † Roy de Hongrie) & le vouloient mener en Hongrie, deuers sa femme, laquelle messire Iehan la Personne, vn Cheualier François, auoit espousée par procuration pour ledit Loys Côte de Valois. Ces nouuelles pleurent grandement au Roy, & à son Cōseil, & regarda que pour ordōner à l'estat & arroy du ieune Loys, Côte de Valois, on retourneroit en France, & qu'on en auoit assez fait pour celle saison. Lors se partit le Roy de France d'Arteuelle, † le douzième iour de Septembre, & donna cōgé à toutes manieres de Gens-d'armes, & retourna chacun en sa maison. De ce partement furent les Gandois tous réiouis. Or s'en vint le Roy à Cray, ou la Roïne estoit (car, quād il partit d'Amiens, pour aller en Flādres, on l'enuoya là, pour tenir son estat) & fut ne say quāts iours avec elle, & puis se partirent de là, & vindrēt le Roy & la Roïne, c'estassauoir le Roy à Paris, & la Roïne au bois de Vincennes, & là se tint vne piēce, & estoit bien tout embesongné d'entendre à l'arroy & ordōnance du ieune Côte de Valois, car on vouloit que trefestoffēmēt il s'en allast en Hongrie, dont on le tenoit pour Roy, mais les choses transmuèrent autrement, dedās brief tēps, au Royaume de Hongrie, comme vous orrez cy-apres. Bien est verité que la Roïne de Hongrie, mere à la ieune Dame de Hongrie (que le ieune Comte de Valois auoit espousée par procureur, comme vous auez ouy recorder) grandement auoit son intention & plaissance à Loys de France, Comte de Valois, à le faire Roy de Hongrie, & tenoit sa fille hautement estre assignée, & ne desiroit autre veoir, n'auoir, (fors le ieune Comte de Valois) à Roy de Hongrie, & à fils, & pour ce y auoit elle enuoyé l'Euesque de Vassereul, avecques plusieurs Cheualiers & Escuyers de sa Court & de son pays. Si aduint, ce pendant que ces Ambassadeurs vindrent en France, que le Roy d'Allemagne (qui Roy des Romains s'ecriuoit) auoit vn frere, moins né de luy, qui s'appelloit Henry de Blāquefort. Le Roy des Romains estoit tout informé de l'estat des traittez de Hongrie, & du ieune Comte de Valois, & que ià l'estoient allez querir les Ambassadeurs dessus-nommez. Ce Roy des Romains, Allemand (qui mieueux aimoit le profit de son frere, que de son cousin) getta son auis sur ce, & l'auoit ià auisé pieça, & de long tēps, & toute son intentiō & affectiō estoit de mener ceste chose à fin, cautemēt & secrettement, & bien le monstra, car si la Roïne de Hongrie en eust esté aucunemēt auisée, elle y eust trop bien pourueu, mais nō estoit, comme il apparut. Le Cōseil d'Alle-

magne

maigne feut que la Roïne de Hongrie, & sa fille estoient allées iouer en vn chasteau par ébatement, qui assez pres estoient des marchés d'Allemaigne. Ces choses seues, le Marquis de Blanquefort met sus vne grande cheuauchée de Gens-d'armes (qui bien estoient dix mille) & s'en vindrent mettre le siège deuant le chasteau, & là enclore ces Dames dedans. Quand la Roïne se veit ainsi enclose, si fut toute ébahie, & tantost enuoya deuers le Marquis, sauoir pourquoy il la tenoit ainsi assiegée, ne qu'il luy demandoit. Le Marquis luy respondit que ce n'estoit autre chose, fors pource qu'elle vouloit marier sa fille à homme estrange, au frere du Roy de France (dont elle ne pouuoit auoir iamais nul confort) disant que mieux valoit, & estoit plus profitable pour elle, & pour le Royaume de Hongrie, que luy (qui estoit son voisin) l'eust à femme, qu'autre, qui de loingtaine terre estoit, comme Loys de Valoys. La Roïne luy respondit que de luy n'auoit oncques ouy nouvelles, & pource l'auoit elle accordée au frere du Roy de France, & que le Roy de Hongrie, son mary, luy viuant, le luy auoit ordonné. A laquelle le Marquis respondit que de tout ce il ne faisoit compte, & qu'il auoit l'accord & la voix de la greigneur partie de Hongrie, & que par beau, ou autrement, il l'auoit, & que de ce estoit il bien en sa puissance. La Dame fut moult ébahie de ces parolles. Non-obstant se tint elle ce qu'elle peut, & manda secours à ses gens, mais oncques n'y apparut nul, ny ne se meit sur les chaps contre le Marquis, & bien mostrent les Hongres qu'ils auoient aussi cher, & plus la marchandise des Allemans, que des François. Quand la Dame aperceut qu'elle ne seroit autrement secourue, ne de ses gens confortée, si se laissa conseiller car le Marquis la menaçoit (si par force il la prenoit) qu'il la feroit mener en vne tour, & là la tiendrait au pain & à l'eau, & vesquist tant qu'elle pourroit. De ces nouvelles estoit la Roïne toute effrayée, car elle se sentoit en trop foible lieu, & si estoit là venue sans pourueances de gens, ne de viures. Si traitta par deuers le Marquis, & luy bailla sa fille en ceste maniere, & tantost l'espousa, & coucha avecques elle tantost apres. Ainsi vint Messire Henry de Boême, Marquis de Blanquefort, à l'heritage de Hongrie, dont il fut Roy, plus par force que par amour, quant au consentement de la vieille Roïne, mais faire luy conuint, ou faire pire marché. Ces nouvelles furent tantost seues, & par especial à l'Euesque & aux Cheualiers de Hongrie, qui ià estoient à leur retour de France, & ià estoit le Comte de Valoys prest, & venu à Troye, & auoit pris congé au Roy, & à ses oncles. Quand ces nouvelles vindrent au deuant de luy, moult luy déplut, mais autre chose faire n'en peut. Si se departirent les Hongres tous courroucez, & bien y auoit cause. Le ieune Comte retourna à Paris, deuers son frere & ses oncles, qui de ce mariage ne firent pas grand compte, disant que le Comte de Valois estoit tout heureux, dont on luy auoit tollu sa femme, car Hongrie est vn trop loingtain pays, & mal à main pour les François, ne ia n'en eussent esté aydez, ne confortez, & ces choses furent mises à non chaloir, & pensa l'on à vn autre mariage. Ce fut à la fille au Duc de Millan (qui deuoit estre heritiere de toute Lombardie) laquelle terre est plus grasse, que toute, Hongrie, & mieux à main pour les François. Nous laisserons à parler de ces mariages, & du Duc de Bourbon parlerons, qui ayant pris Taillebourg, estoit en Poictou, au siege deuant Bertueil, & puis retournerons à l'Admiral de France, qui estoit en Escoce, & nous conterons comment il sy porta.

La Roïne de Hongrie & sa fille assiegées par le Marquis de Blanquefort en aguer.

Mariage forcé du Marquis de Blanquefort, avec l'heritiere de Hongrie.

Comment le Duc de Bourbon prit Bertueil en Poictou, & comment il retourna vers le Roy à Paris.

CHAP.

CLXVIII.

EN celle saison que le Roy fut en Flandres, tant deuant le Dan, comme ailleurs, le Duc de Bourbon, à belle charge de Gens-d'armes, fit sa cheuauchée en Lymosin & en Poictou, & prit plusieurs chasteaux & fortresses Anglesches (tels comme Archeac, Garnate, Montlieu, à huit lieues de Bordeaux, & Taillebourg sur Charante) & puis s'en vint mettre le siege deuant Bertueil, vn moult fort chasteau en Poictou, sur les marches de Lymosin & de Xaintonge. Dudit Bertueil estoient Capitaines Andrieu Pinas, Anglois, & Bertrand de Montrinet, Gascon, & auoient avecques eux grande foison de bons compaignons. Si y eut en ce siege plusieurs assaux & écarouches faites, & plusieurs appertises d'armes, & presque tous les iours aux barrières auoit, de ceux de dehors à ceux de dedans, écarouches & faits-d'armes, ou il y auoit souuent de morts & de blecez, & toutefois disoit bien le Duc de Bourbon, que point ne partiroid de là, qu'il n'eust le chasteau à sa volonté, car ainsi l'auoit il promis au Duc de Berry, la dernière fois qu'il

auoit parlé à luy. Or auint que, le siege durant, Bertrand de Montrinet (qui estoit vn des Capitaines) deuisoit à faire vne fosse par dedàs, pour eux mieux fortifier, & ainsi comme il la monstroït à ses gens, veez cy venir le traict d'vne dôdaine, que ceux de l'ost laissent aller, duquel par grande mal-aventure Bertrand fut confuyuy, & là occis, soudainement, lequel Bertrand estoit échapé de seize sieges, moult perilleux. De la mort de Bertrand furent les compaignons moult effrayez & courroucez (mais amender ne le pouuoient) & demoura Andrieu seul Capitaine. Dedans quinze iours fut entamé traité entre ceux de l'ost & ceux de la garnison de Bertueil, c'est assauoir qu'ils rendroïent le chastel, & toutes les pourueances qui dedans estoient, par ainsi qu'ils seroïent menez seulement iusques à Bouteuille, dont Durandon de la Perade estoit Capitaine. Ainsi eurent les François le chastel de Bertueil, lequel tantost apres ils reparerent, & refreschirent de nouvelles pourueances, d'artillerie, & de Gens-d'armes. Puis s'en vindrent refreschir à vne bonne ville, pres d'illec (qui est appelée Cares) & depuis s'en partirent d'illec, & vindrent à Lymoges, & là se tint le Duc de Bourbon huit iours tous plains, & eut cōseil de s'en retourner en Frâce, ainsi comme il le fit, & trouua le Roy à Paris, avec son neveu le Comte Valois, qui le receurent à grande ioye. Or reuiendrons aux choses & besongnes d'Escoce, & à l'Admiral de France, qui toutes auindrent en celle saison.

*Bertueil rendu
aux François par
composition.*

Comment l'armée d'Escoce & les gens de l'Admiral de France entrerent en Northombellande, & comment leur venant la puissance d'Angleterre alencontre, se retirerent dedans les frontieres d'Escoce.

CHAP. CLXIX.

Vous auez bien ouy cy-dessus recorder comment l'Admiral de France, avec tref grande charge de Gens-d'armes, arriua au haure de Haindebourg en Escoce, & comment ses gens trouuerēt autre pays qu'ils n'entendoient des Barons d'Escoce. Le Cōseil du Roy & les Barons d'Escoce, l'année passée, auoient informé les Cheualiers, qui y auoïent esté (messire Geoffroy de Charny & messire Aimard de Marse) que, si le Sénéchal de France, ou le Connestable, ou l'Admiral, passoient par mer en Escoce avec mille bonnes Lances & cinq cens Arbalestiers, avec du harnois pour armer mille hommes d'Escoce, & les Capitaines & ordonnances qui à ce appartiennent, avec l'aide & le demourant du Royaume d'Escoce ils combattroient bien les Anglois, & feroient vn si grand trou en Angleterre, que jamais ne seroit recouré. Sur cest estat auoient les François & l'Admiral passé la mer, & estoient venus en Escoce. Si ne trouuerēt pas vrayes assez ces promesses. Tout premier, ils trouuerēt dures gēs, & maux amis, & poure pays, & ne seurent les Cheualiers & Escuyers de France, qui là estoient, ou enuoyer leurs varlets sur le pays, pour fourrager, car ils n'osoient, fors en grans routes, pour les malandras du pays, qui les attendoient aux pas, & les ruoient ius, & occioïent. Or vint le Roy Robert d'Escoce, avec vns rouges yeux rebrassez. Il sembloit de sendal, & bien leur mōstroït qu'il n'estoit pas aux armes fort vaillant homme, & qu'il auoit plus cher le seiourner, que le cheuaucher, mais il auoit iusques à neuf fils, & ceux aimoyēt les armes. Quand le Roy d'Escoce, fut venu à Haindebourg, les Barons de France se tirerent deuers luy, & s'acquitterent enuers luy, ainsi cōme il luy appartenoit, & que bien le sauoïent faire, & estoïent avec eux à ces accointances, le Comte de Donglas, le Comte de Moray, le Côte de la Mare, le Côte de Sutirland, & plusieurs autres. Là requit l'Admiral, & pria au Roy que sur l'estat pourquoy ils estoient là venus au pays, il leur accōplist, & il dit qu'il auoit intētiō, & vouloit cheuaucher en Angleterre. Les Barons, Cheualiers, & Escuyers d'Escoce, qui se desiroïent à auancer, en furent tous réiouïs, & respondirent que, si à Dieu plaisoit, ils feroïent vn tel voyage, qu'ils y auroient honneur & proffit. Le Roy d'Escoce fit son mādēmēt, grand & fort, & vindrēt à Haindebourg, & enuirō le iour, qui assigné y fut, s'y trouua trēte mille hōmes, tous à cheual, & ainsi qu'ils venoïent, ils se logeoïent, à l'usage de leur pays, & n'auoient pas toutes leurs aises. Messire Iehan de Viēne (qui grād desir auoit de cheuaucher, & d'ēployer ses gens en Angleterre, pour faire aucū bon exploit d'armes) quand il vit ces Escocois venus, il dit qu'il estoit tēps de cheuaucher, & que trop auoïent là seiourné. Si fut le partement signifié à toutes gens. Adoncques se meirent au chemin, deuers Rosebourg. A celle cheuauchée n'estoit point le Roy (mais estoit demouré à Haindebourg) & estoient tous ses enfans en l'armée, & sachez que les mille pieces de harnois pour armer de pié en cap, furēt deliurez aux Cheualiers d'Escoce, & de Noruege, qui mal estoïent armez, (lesquels harnois l'Admiral auoit fait là venir de Paris) dōt les compai-

*Arrivée du Roy
Robert d'Escoce
à Haindebourg,
ou l'Admiral
de France &
ses compai-
gnons luy font
la reuerence.*

compaignons, qui en furent reueſtus, eurent grand' ioye: & cheuaucherent ces Gens-d'armes vers Northombelande: & tant exploiterent, qu'ils vindrēt à l'Abbaye de Mauros. Si ſe logerent les Seigneurs, & toutes manieres de gens, entour la riuere de Tuide. Au lendemain ils ſ'en vindrent à la Morlane, & puis deuant Roſebourg. Du chaſtel de Roſebourg eſtoit Gardien, de par Monſeig. de Mōtagu (auquel il appartenoit, & toute la terre d'environ) vn Cheualier: le quel ſ'apeloit meſſire Edouard Cliffort. L'Admiral de Frāce & tous ceux de ſa route, & les Eſcoçois ſ'arreſterent deuant: & bien l'auiferent. Si regarderent, tout conſideré, qu'à l'afſaillir ils ne pouuoient rien profiter: car le chaſtel eſt beau, grand, fort: & eſtoit bien pourueu d'armes & d'artillerie. Si paſſerent outre: & vindrent tout contreal celle riuere de Tuide, en approchant Beruich, & la mer: & tant cheuaucherent, qu'ils vindrent deuant deux tours carrées, fortes aſſez: eſquelles auoit deux Cheualiers, le pere & le ſils: qui ſ'appeloient tous deux meſſire Iehan Strande. A ces tours auoit bon heritage & bonne herbe, & vne platte maiſon: qui tantost fut arſe, & les tours afſaillies. Là eut fait de grās appertifes d'armes: & pluſieurs Eſcoçois blecez de traiçt, & de get de pierres. Finalement les tours furent priſes, & les Cheualiers qui dedans eſtoient, par bel aſſaut: qui vaillamment ſe deffendoient, tant qu'ils peurent durer. Apres le conqueſt de ces deux tours, & que les Eſcoçois & les François en furent Seigneurs, on ſ'en vint deuant vn fort chaſtel, autre part: qu'on appelle au pays Werly: & eſt l'heritage de meſſire Iehan de Montagu. Si en eſtoit Gardien & capitaine de par luy, meſſire Iehan de Luſſebourne: le quel auoit là dedās ſa femme & ſes enfans, & tout ſon cariage: & bien ſauoir, par-auant, que les Eſcoçois & les François venoient. Si auoit, à tout ſon pouuoir, bien & grandement pourueu le chaſtel, de Gens-d'armes & d'artillerie, pour attendre l'aſſaut. Deuant le chaſtel de Werly ſ'ameſnagerēt & arreſterent tout l'oſt. Car il ſied ſur vne belle riuere: qui retourne, par dedans la mer, au Tuide, deſſous. A ce chaſtel de Werly il y eut vn iour grand aſſaut: & moult bien ſe portoient les François, & trop mieux que les Eſcoçois: car ils entrerent dedans les foſſez: & les paſſoient, à grand' peine tout outre: & là eut fait, de ceux d'amont à ceux d'aua, moult d'appertifes d'armes: car les François montoient amont ſur les eſchelles: & ſ'en venoient combattre main à main, & dague à dague, à ceux du forr: Là fut meſſire Iehan de Luſſebourne moult bon Cheualier, & vaillant aux armes: & ſe combattoit aux Cheualiers François, qui montoient es eſchelles: & là, à celuy aſſaut, fut occis vn Cheualier, Allemand (qui ſ'appeloit meſſire Alberis Gaſtelain) dont ce fut dōmage: & moult en y eut, en ce iour, de naurez & blecez. Mais il y auoit ſi grād peuple, & fut l'aſſaut ſi cōtinué, q̄ le châteaū fut pris, & le cheualier, & ſa femme, & ſes enfans, qui eſtoient dedans: & eurent les François (qui premier y entrerent) plus de quarante priſonniers: & puis fut le chaſtel ars & deſemparé: car ils veoiēt qu'il ne faiſoit pas à tenir: & garder ne le pouuoient ſi auant, en Angleterre, comme il eſtoit. Apres le cōqueſt de ce chaſtel, & la priſe de meſſire Iehan de Luſſebourne, l'Admiral & les Barons de Frāce & d'Eſcoce cheuaucherent vers Amith, en la terre du Seigneur de Perſy: & ſe logerent tout environ: & ardirent & exilerent aucuns villages: & furēt iuſques à Borel, vn beau chaſtel & fort: qui ſied ſur la marine, eſtant au Comte de Northombelande, mais point n'y afſaillirent (car bien ſauoiēt qu'ils y perdroyent leur peine) & cheuaucherent toute celle frontiere, iuſques à my chemin de Beruich & de Neuf-chaſtel ſur Tin: & là entendirent que le Duc de Lancaſtre, le Comte de Northombelande, le Comte de Nortinghen, le ſire de Neufuille, & les Barons de la marche & de la frontiere de Northombelande, de l'Archeueſché d'Yorch, & de l'Eueſché de Durem, venoient à grand effort. Quand les nouuelles en furent venues iuſques à l'Admiral de France, il en fut tout réiouy: & auſſi eſtoient tous les Barons & Cheualiers de France, qui en ſa compaignie eſtoient: car ils deſiroient à auoir bataille: mais les Eſcoçois n'en faiſoient nul compte. Là fut conſeillé qu'ils ſ'en retourneroiēt vers Beruich (pour la cauſe de leurs pourueances qui les ſuyuoient, & pour auoir leur pays au dos) & là, ſur leur marche attendroient leurs ennemis. Meſſire Iehan de Vienne (qui point ne vouloit iſſir hors de conſeil) les creut. Adoncques ne cheuaucherent ils plus auant en Northombelande: & ſ'en vindrent vers Beruich: de laquelle citē meſſire Thomas Rademen eſtoit Capitaine: & auoit là dedans avecques luy, grand' foison de bons Gens-d'armes: Les François & Eſcoçois furent deuant: mais point n'y afſaillirent: & paſſerent outre: & prindrent le chemin de Roſebourg, pour retourner en leur pays. Les nouuelles eſtoient venues, par toute Angleterre, que les François & les Eſcoçois

L'armee d'Eſcoce & de Frāce en Northombelande.

Premiere conqueſte des François & Eſcoçois en Northombelande.

Priſe du chaſteau de Werly en Northombelande par les François & Eſcoçois.

Courſe des François & Eſcoçois iuſques à Neuf-chaſtel ſur Tin.

Retraite des François & Eſcoçois hors de Northombelande, à la venue des Anglois.

Estoient par tout en Northombellande, & destruisoient & ardoient tout le pays: & fa-
chez que, par-auant ces nouuelles, le Royaume d'Angleterre estoit tout pourueu & au-
sé de la venue de l'Admiral, & des François, en Escocce. Si estoient tous les Seigneurs sur
leur garde: & auoit le Roy fait son mandement par tout Angleterre: & estoient tous sur
les champs: & prenoient ainsi qu'ils venoient, leur chemin vers Escocce: & fort mena-
çoient les Escocçois, & auoient fait les Anglois, tout celuy esté, les plus belles pouruean-
ces, qu'onquesmais ils fissent, pour aller en Escocce, tant par mer comme par terre: car ils
auoient sur la mer iusques à six vingts vaisseaux: chargez de pourueances, qui les suy-
uoient, frontoyant Angleterre, pour venir au haure: & venoit le Roy accompagné de
ses oncles (le Comte de Cantebruge & le Comte de Bouquingam) & de ses freres,
messire Thomas & messire Iehan de Hollande. Là estoient le Comte de Salbery, le
Comte d'Arondel, le ieune Comte de Pennebroth, le ieune Sire d'Espensier, le Comte
d'Estanfort, le Comte de Nuzien, & tant de Barons & de Cheualiers, que ils estoient
bien quatre mille Lances, sans ceux que le Duc de Lanclastre, le Comte de Northom-
bellande, le Comte de Nortingham, le Sire de Lusy, le Sire de Neufuille, & les Barons
des frontieres d'Angleterre, auoient ià (qui poursuyuoient les Escocçois & les François)
ou bien auoit deux mille Lances, & quinze mille Archers: & le Roy & les Seigneurs,
qui venoient en sa route, bien cinquante mille Archers, sans les varlets. Tant exploi-
terent le Roy d'Angleterre & ses osts, en venant apres le Duc de Lanclastre & les autres
qui estoient premiers, qu'ils vindrent en la marche d'Yorch: car sur le chemin nouuelles
luy estoient venues, & à ses gens, que leurs gens deuoient combattre aux Escocçois, en la
marche de Northombellande: & pource se hastoient ils le plus: & s'en vint le Roy lo-
ger à Saint-Iehan de Brinelle, outre la cité d'Yorch, en la Comté de Durem: & là vin-
drent nouuelles, que les Escocçois estoient retournez en leur pays. Si se logerent toutes
manieres de Gens d'armes en la marche de Northombellande. Or vous veu-x ie recor-
der d'une auenture, qui auint en l'ost d'Angleterre: parquoy ce voyage fust rompu, &
les Seigneurs à la guerre mortelle l'un contre l'autre.

*De la merueilleuse aduenture, qui aduint en l'ost du Roy d'Angleterre: comment mes-
sire Iehan de Hollande occit Messire Richard de Stanfort: & comment le Comte
de Stanfort, son pere, vint en l'ost du Roy d'Angleterre, pour demander iustice.*

CHAPITRE CLXX.

EN la marche de Saint-Iehan de Brinelle: au diocese d'Yorch, estoit le Roy d'An-
gleterre logé, & grand foison de Comtes, de Barons, & de Cheualiers de son Royau-
me: car chacun se logeoit au plus pres de luy qu'il pouuoit par raison, & par especial ses
deux oncles. Messire Thomas de Hollande, Comte de Liem, & messire Iehan de Hol-
lande, ses freres, estoient là, avecques belle compaignie de Gens d'armes. En la route
du Roy auoit un Cheualier de Boême: qui estoit venu veoir la Royne d'Angleterre: &
pour l'amour de la Royne, le Roy & les Barons si luy faisoient feste. Ce Cheualier a-
uoit nom messire Meles, Frisque & ioly Cheualier estoit, à l'usage d'Allemaigne. Or a-
uint que sur une remontée, & sur les champs, au dehors d'un village, assez pres de Saint
Iehan de Brinelle, deux Escuyers (qui estoient à messire Iehan de Hollande, frere du Roy)
se prirent de parolles, & pour le logis, à messire Meles, le poursuyuant, pour luy faire un
grand déplaisir. Sur ces parolles que le Cheualier auoit aux Escuyers, s'embattirēt deux
des Archers à messire Iehan de Stanfort tellement que de parolles ils commencerent
à aider le Cheualier, pour la cause de ce qu'il estoit estranger: & blasmerēt les Escuyers,
en reprenant leurs parolles, & disant. Vous avez fait grand tort à ce Cheualier, de vous
prendre à luy: car vous sauez qu'il est à Madame la Royne, & de son pays, si fait mieux à
supporter qu'un autre. Voire (dit un de ses Escuyers à l'Archer, qui auoit dit ceste parol-
le) & toy, Herlos enuieux, en veux tu parler? à toy qu'en monte: si ie luy blasme ses fo-
lies? A moy qu'en monte? (dit l'Archer) Il en môte assez: car il est compaignon de mon
maistre. Si ne feray ià en lieu ou il recoiue blasme ne villennie. Si ie cuidoye, Herlos
(dit l'Escuyer) que tu le voussies aider, ne porter encontre moy, ie te bouteroye ceste
espée au corps. Et fit semblant de le fraper. L'Archer recula: qui tenoit son arc tout ap-
pareillé, & encoché d'une bonne fagette: qui luy tira tout parmy le corps & le cuer: &
l'abbattit tout mort. L'autre Escuyer, quand il veit son compaignon en ce party, si s'en
fuit. Messire Meles s'en estoit ià retourné en son logis. Les Archers s'en vindrent à leur
maistre:

*Querelle dont
vint la mort
de Richard de
Stanfort.*

*Un Archer de
Richard de Sta
fort tue un Es-
cuyer de Iehan
de Hollande,
pour la querelle
d'un cheualier
de Boême.*

maistre: & luy compterent l'aventure. Messire Richard en fit bien compte: & dit qu'ils auoient mal exploité. Par ma foy (dit l'Archer) il conuenoit que ce m'auinst: si ie ne vouloye estre mort. Encores ay-ie plus cher que ie l'aye mis à mort qu'il m'eust occis. Or va (dit messire Richard) ne te mets point en voye, qu'on te puisse trouuer: car ie feray traicter de ta paix enuers messire Iehan de Hollande, par Monseigneur mon pere, ou par autrui. L'Archer respondit, Sire, volontiers. Nouuelles vindrent à messire Iehan de Hollande, qu'un des Archers à messire Richard de Stanford auoit tué son Escuyer, celui au monde qu'il aimoit le plus: & la cause pourquoy on luy dit, & que ce auoit esté par la coulpe messire Meles, ce Cheualier estrange. Quand messire Iehan de Hollande fut informé de ceste aventure, si cuida bien forfener: & dit, Iamais ie ne beuueray ne mangeray, iusques à ce que ce soit amendé. Tantost monta à cheual, & fit monter de ses hommes: & se partit de son logis, que ià estoit bien tard: & se tira sur les champs: & fit enquerir ou messire Meles estoit logé. On luy dit qu'on pensoit qu'il estoit logé à l'Arrieregarde, avecques le Comte d'Eurenieres & le Comte de Stanford, & leurs gens. Messire Iehan de Hollande prit ce chemin: & commença à cheuaucher à l'aventure, pour trouuer messire Meles. Ainsi comme luy & ses gens cheuauchent entre hayes & buissons, sur le destroit d'un pas ou l'on ne se pouuoit détourner, qu'on ne trouuaist l'un l'autre, messire Richard de Stanford & luy s'entrecoutrèrent: & luy demanda pource qu'il estoit nuict en passant, Qui est là? & tirerent l'un dedans l'autre. Adonc respondit, Je suis Stanford, & ie suis Hollande. Donc (dit messire Iehan de Hollande) Stanford: aussi te demandoie-je. Tes gens ont tué mon Escuyer: que j'ay tant aimé. Et à ce mot il tire vne espée de Bordeaux toute nue, & frapa messire Richard de Stanford, & la luy bouta au corps: tellement qu'il en cheut mort: dût ce fut grâd' pitié. Si passa outre: & ne sauoit encores pas qu'il l'eust assené: mais bien sauoit qu'il y en auoit un mort. Là furent les gens de messire Richard de Stanford moult courroucez (comme ce fut raison) quand ils virent leur maistre mort. Si commencerent à crier, Hollande, vous auez tué le fils du Comte de Stanford. Pesantes en seront les nouuelles au pere: quand il les saura. Aucunes gens de messire Iehan de Hollande entendirent ce mot. Si le dirent à leur maistre, Sire, vous auez occis messire Richard de Stanford. A bonne heure (dit messire Iehan) j'ay plus cher que ie l'aye mis à mort, qu'un autre moindre de luy. De tant ay-ie mieux vengé un mien Escuyer. Adonc s'en vint messire Iehan de Hollande en la ville de Saint Iehan de Brinelle: & en prit la franchise: & point ne se partit de là: car la ville est franche: & bien sauoit qu'il y auroit, pour l'amour de ce Cheualier, un moult grâd trouble en l'ost: & ne sauoit que son frere le Roy d'Angleterre en diroit. Donc, pour écheuer tous perils, il s'enferma en ladite ville. Les nouuelles en vindrent au Comte de Stanford, & comment son fils estoit mort par grand mal-aventure. Adonc demanda le Comte qui l'auoit tué. On luy dit (ceux qui au faict auoient esté) le frere du Roy, messire Iehan de Hollande. Et luy fut racomptée la cause pourquoy, & comment. Or deuez vous penser & saoir que celui qui aimoit son fils, & aussi qu'il n'auoit que luy, & qu'il estoit beau Cheualier, ieune, & entreprenant, fut courroucé outre mesure: & manda tous ses amis, pour auoir conseil comment il pourroit vser, & contreuenger. Toutesfois les plus sages & les plus auisez de son Conseil si le refroidirent: & luy dirent qu'au lendemain on remostreroit au Roy d'Angleterre ce faict: & seroit requis qu'il en fust loy & iustice. Ainsi se passa la nuict: & fut messire Richard de Stanford enseuely au matin, en vne eglise de village, qui là est: & y furent tous ceux de son lignage, Barons, Cheualiers, & Escuyers, qui en celle armée estoient. Apres l'obsequie fait, le Comte de Stanford, & bien soixante de ceux de son lignage, & aussi du lignage de son fils, monterent sur leurs cheuaux, & s'en vindrēt deuers le Roy: qui ià estoit tout informé de ceste mal-aventure. Si trouuerent le Roy & ses oncles, & grand' foison de Cheualerie delez luy. Quand le Comte de Stanford fut venu deuant le Roy, il se meit à genoux: & puis parla tout en plourant: & dit en grand' angosse de cuer, Tu es Roy de toute Angleterre: & as iuré solennellement à tenir le Royaume d'Angleterre en droit, & à faire iustice. Tu fais bien comment ton frere, sans nul tiltre de raison, a occis mon fils & heritier. Si te requier que tu me faces droit & iustice: autrement tu n'auras pire ennemy que moy: & venx bié que tu saches que la mort de mon fils me touche de si pres, que (si ie ne cuidoye rompre & briser le voyage ou nous sommes, & faire receuoir, par le trouble que ie mettroye en l'ost, de grans dommages & pertes) par honneur il seroit amendé, & contreuengé si hautement, qu'à cent ans à venir on en seur.

*Meurdre de
messire Iehan de
Hollande en la
personne de Ri-
chard de Stan-
fort, pour con-
treuengence
de son Escuyer.*

*Requête du Co-
te de Stanford
au Roy d'An-
gleterre pour
auoir iustice de
la mort de son
fils.*

*† Ce passage est
racoustré &
éclairci selon le
sens de l'An-
teur.*

parleroit en Angleterre. Mais à present ie m'en cesseray, tât que nous ferons sur le voyage d'Escoce: car ie ne veux pas réiouir noz ennemis, de l'ennuy du Comte de Stanfort. Le Roy respondit, Soyés certain que ie te tiendray iustice & raison, si-auant, que les Barons ne loferoyent ou voudroient iuger: ne ià, pour frere que i'aye, ie n'en feindray. Adonc respondirent ceux du lignage du Comte de Stanfort, Sire, vous auez bien parlé: & grand mercy. Ainsi furent les parens de messire Richard de Stanfort rappaisez: & se parfit le voyage, allant en Escoce (si-comme ie vous recorderay) n'onques sur le chemin le Comte de Stanfort ne monstra semblant de la mort de son fils: dont tous les Barons le tindrent à moult sage.

Comment le Roy d'Angleterre fit destruire l'eglise de Mauros en Escoce: & comment les Barons de France & d'Escoce entrerent sur les marches de Galles. CHAP. CLXXI.

L'Abaye de Mauros brulee par les Angl. sur les marches d'Escoce.

OR fauancerent les gens du Roy d'Angleterre: qui estoient sept mille hommes-d'armes, & soixante mille Archers. Car riens n'estoit demouré derriere: car on disoit parmy Angleterre, que messire Iehan de Vienne les combattroit: & aussi en auoit il grand' volonté: & le disoit aux Barons d'Escoce, par telle maniere, Seigneurs, faites vostre mandement, le plus grand que vous pourrez: car, se les Anglois viennent iusques en Escoce, ie les combattray. Et les Escocois respondirent, Dieu y ait part. Mais depuis eurent autre auis. Tant exploiterent les osts d'Angleterre, qu'ils passerent Durem & Neuf chafel, & la riuere du Tin, & toute la terre de Northombellande, & vint le Roy en la cité de Beruich de laquelle messire Matthieu Rademen estoit Capitaine: qui le receut liement: car la cité est à luy. Guères ne seiourna le Roy à Beruich: car il passa outre, & tout l'ost: & passerent la riuere de Tuide: qui vient de Rosebourg & d'amont, des montaignes de Northombellande: & vindrent loger en l'Abbaye de Mauros: laquelle, pour toutes les guerres qui auoient esté par-auant entre Escoce & Angleterre, n'auoit eu nul dommage: mais elle fut adonc toute arse & exilée: & estoit l'intention des Anglois, que, deuant que iamais ils s'en retournassent en Angleterre, ils destruiroient toute Escoce: pour la cause qu'ils s'estoient fortifiez, en celle saison, des François. Quand l'Admiral de France feut les nouvelles que le Roy d'Angleterre & les Anglois auoient passé la riuere du Tin, & aussi celle de la Tuide, & qu'ils estoient, en la Morlane, entrez en Escoce, si dit aux Barons d'Escoce. Pourquoy seiournons nous icy? que ne nous mettons nous en lieu, pour veoir & auiser nos ennemis, & les combattre? On nous auoit informez, auant que nous vinssions en ce pays, que, si vous auiez mille Lances, ou enuiron de bons gés-d'armes de France, vous seriez assez forts pour combattre les Anglois. Je me fay fort que vous en auez biē, mille & plus, & cinq cēs Arbalestiers: & vous dy q̄ les Cheualiers & Escuyers, qui sont en ma compaignie, sont droitement Gens-d'armes, & fleur de Cheualerie: & point ne fuiront: mais attendrōt l'auenture, telle que Dieu la nous voudra enuoyer. A ces parolles respondirent les Barons d'Escoce qui bien cognoissance auoient des Anglois, & de leur force & puissance, & qui nulle volonté n'auoient de combattre) Par ma foy, Monseigneur, nous croyons bien que vous, & les vostres, estes toutes gens de faiēt & de vaillance: mais nous entendons que toute Angleterre s'est vuidée, pour venir en ce pays d'Escoce: n'onques ne se trouuerent les Anglois tant de gens ensemble, comme ils sont à-present: & nous vous mettrons bien en tel lieu, que vous les pourrez veoir & auiser: & se vous conseillez qu'ils soiēt combattus, ils n'en feront ià par nous refusez: car vraiment toutes les parolles, que vous auez dites & mises en auant, auons nous dites. De par Dieu (dit l'Admiral) Je le veux. Depuis, ne demoura pas lōgement que le Comte de Donglas & les autres Barons d'Escoce menerent l'Admiral de France sur vne haute montaigne: & deffous auoit vn pas, par ou il conuenoit aux Anglois passer leur cariage, & tout leur ost. De celle montaigne (ou l'Admiral estoit, & grande foison de Cheualerie de France en sa compaignie) veirent tout clerement les Anglois & leur puissance. Si auiserent au plus iustement qu'ils peurent: & les nombre-
rent à six mille Hommes-d'armes, & bien d'Archers, & gros-varlets, soixante mille: Si dirēt en eux-mesmes, tout cōsideré, qu'ils n'estoient pas assez gés pour eux cōbattre: car les Escocois ne se trouuerēt pas plus de mille Lāces, & enuiron trēte mille hommes d'au-
tres gens, & bien mal armez. Si dit l'Admiral au Comte de Donglas, & au Comte de Moray, Vous auez assez raison de non vouloir combattre les Anglois. Mais auisez que vous voulez faire. Ils sont bien assez forts, pour cheuaucher tout vostre pays, & le destruire:

L'Admiral de France estant sur vn hault mont, voit passer la puissance d'Angleterre.

struire: & puis que cōbattre ne les pouuons, ie vous prie que vous me menez par vostre pays, par chemins non hantez en Angleterre: & leur faison guerre par autre part, ainsi comme ils la nous font icy: fil est ainsi qu'il se puisse faire. Ouy, Sire, respōdirent les Barons d'Escoce. Messire Iehan de Viēne & les Barons d'Escoce eurent là conseil ensemble qu'ils laisseroient leur pays, & laisseroient les Anglois y entrer: & cheuaucheroient outre: & iroient en Galles, deuant la cité de Carlion: & là trouueroiēt assez de bon pays: ou ils se contreuengeroient. Ce conseil & auis, par l'accord de tous, fut arresté entre eux. Si se retirerent tous leurs Gens-d'armes à l'opposite des Anglois: & prindrent les forests & les montaignes: & ainsi comme ils cheuauchoiēt parmy Escoce, eux-mesmes destruisoient leur pays, & ardoient villes, villages, & manoirs: & faisoient hommes, femmes, & enfans leurs pourueances, & leur retrait, es forests d'Escoce: car bien sauoient que les Anglois ne les iroient iamais là querir. Si † passerent tout à trauers leur pays: & s'en alla le Roy (pourtant qu'il n'estoit pas en bon poinct pour cheuaucher) en la sauua-
 ge Escoce: & là se tint, toute leur guerre durant: & en laissa ses gens conuenir. Si pas-
 serent les François & les Escoçois les montaignes, qui sont à l'encōtre du pays de Nor-
 thombellande & d'Escoce: & entrèrent en la terre de Galles: & commencerent à ar-
 dre le pays & les villages, & à faire moult de desrois en la terre de Montbray (qui est
 au Comte de Nortingham) & en la Comté de Stanfort, & en la terre du Baron de Gri-
 fop, & du Seigneur de Monsegraue: & prindrent leur chemin pour venir deuant la ci-
 té de Carlion.

† Entēdez que
 l'armee d'Esco
 ce passa ce bout
 de pays d'Esco-
 ce. qui confine à
 ce pays, ou ils
 alloient en An-
 gleterre.

*Comment le Roy d'Angleterre destruisit la ville de Haindebourg, & la meilleure partie de
 Escoce: & comment les François & Escoçois faisoient le semblable es marches de Galles
 & de Northombellande.*

CHAP. CLXXII.

CE pendant que l'Admiral de France & ceux qui en sa compagnie estoient (le Cōté
 de Grand-Pré, le Seig. de S. Croix, messire Geoffroy de Charny, messire Guillaume
 de Breune, messire Iaques de Boenne, le Seigneur de Peigni, le Seig. des Hées, le Sire de
 Marnel, messire Valeran de Raineual, le Baron d'Iury, le Baron de Fōtaines, le Seigneur
 de Croy, messire Braque de Braquemont, le Sire de Lendury, & bien mille Lances de
 Barons & Cheualiers de France) & les Seigneurs d'Escoce & leurs gens cheuauchoi-
 ent en Northombellande, entre ces montaignes, sur les frontieres de Galles, ardent & exi-
 lant villes, manoirs & pays, estoient le Roy d'Angleterre & ses oncles, & les Barons &
 Cheualiers d'Angleterre & leurs routes, entrez en Escoce: & ardoient & exiloient tout
 d'autre part: & s'en vindrent le Roy & les Anglois loger à Haindebourg, la souueraine
 ville d'Escoce: & là fut le Roy cinq iours. A son departement elle fut toute arse: & riens
 n'y demoura. Mais le chastel n'auoit garde: car il estoit bien fort: & si estoit bien gardé.
 En ce seiour, que le Roy Richard fit à Haindebourg, les Anglois coururent tout le pays
 d'enuiron: & y firent moult de desrois: mais nulluy ne trouuerent: car ils s'estoient tous
 retraits es forts & es grans bois: & là ils auoient chacé tout leur bestail. En l'ost du Roy
 d'Angleterre auoit plus de cent mille hommes, & bien autant de cheuaux. Si leur con-
 uenoit grans pourueances: car nulles n'en trouuoient en Escoce: mais d'Angleterre leur
 en venoit à grand foison, par mer & par terre. Si se departirent le Roy, & les Seigneurs,
 de la ville de Haindebourg: & cheuaucherent vers Donfremelin, vne ville assez bonne:
 en laquelle auoit vne tresbelle & grosse abbaye de Moines noirs: & là sont enséuelis les
 Roys d'Escoce, par vsage. Le Roy d'Angleterre logea en l'Abbaye. Car ses gens prin-
 drent l'Abbaye: & riens ne leur demoura à leur departement: car tout fut brulé, vil-
 le & Abbaye. Puis cheminerent vers Streling: & passerent au-dessus de la riuiere de
 Taon: qui court à Sainct-Iehan Ston. Au chasteau de Streling eut grand assaut: mais
 ils ne le conquirent pas: ainçois y eut de leurs gens morts & blecez assez. Si s'en depar-
 tirent: & ardirent la ville, & toute la terre au Seigneur de Verfy: & cheminerent outre.
 L'intention du Duc de Lanclastre, de ses freres, & aussi de plusieurs Barons & Cheua-
 liers d'Angleterre, estoit telle, qu'ils passeroient † tout parmy Escoce, & poursuiuroient
 les François & Escoçois (car bien estoient informez qu'ils auoient pris le chemin de
 Galles, pour aller vers la cité de Carlion) & les meneroient si-auant, qu'ils les enclor-
 roient entre Escoce & Angleterre: & par ainsi les auroient ils à leur auantage: ne iamais
 n'en retourneroient, que tous ne fussent morts ou pris. Car bien estoit en leur puissance
 mais que les pourueances fussent venues. Ce conseil tenoiēt entre eux secret: & l'auoiēt

Haindebourg
 ville capitale
 d'Escoce brulee
 des Anglois.

La ville &
 abbaye de Dō-
 fremelin bru-
 lees par les
 Anglois.
 † C'est à dire
 tout ce qui se-
 toit du roya-
 me d'Escoce, en
 retournant par
 le chemin qu'a-
 uoient n'ague-
 re tenu les Esco-
 çois & Fran-
 çois en allant
 vers Galles.

arresté. Si couroient leurs gens à leur volonté parmy Escocce: & nul n'alloit au-deuant: car le pais estoit tout vuide de Gens-d'armes (qui estoient allez avec l'Admiral de France) & ardirent les Anglois la ville de S. Iehan en Escocce: ou la riuere de Taon court: & y avn bon haure: par ou on pourroit aller par tout le monde. En-apres ardirent la ville de Donde: & n'épargnoient les Anglois Abbayes ne monstiers: ains tout mettoient en feu & en flambe: & coururent les coureurs Anglois, & l'Auantgarde, iusques à Bredane: qui est vne cité, qui sied sur mer, & est à l'entree de la sauuage Escocce. Mais nul mal ny firent. Si en furent ceux de la contrée assez effrayez: & cuidoient bien auoir l'assaut, & que le Roy d'Angleterre y deust venir. Tout en telle maniere que les Anglois se demenoient en Escocce, aussi se demenoient les François & Escocois en Angleterre, & en la marche de Northombellande & de Galles: & ardirent & exilerent vn grand pais, au departement de Northombellande: & entrèrent en Galles (que l'on dit † Luesclant) & passerent parmy la terre de Graistop, & du Baron de Clifford: & ardirent en celle marche, en cheminant, plusieurs gros villages: esquels nuls gens-de-guerre n'auoient iamais esté: car le pays estoit vuide de Gens-d'armes: pource que tous estoient allez en la cheuauchée du Roy. Si n'alloit nul au-deuant: & firent tant qu'ils vindrent deuant la cité de Carliou en Galles: laquelle estoit bien fermée de portes, de murs, de tours, & de bons fossez: car iadis le Roy Artus y seiournoit plus volôtiers qu'ailleurs, pour l'amour des beaux bois qui s'ot à l'enuiron, & pource que les grâs merueilles d'armes y auenoient. En la cité de Carliou estoient en garnison messire Loys de Clifford, frere à messire Guillaume de Neufuille, messire Thomas Monsegrau & son fils, Dauid Houlegrau, messire Dangorice, & plusieurs autres: qui estoient des marches & frontieres de Galles: car la cité de Carliou est la clef de tout le pays: & bien leur fut besoing qu'il y eust Gens-d'armes pour la garder. Car, quand l'Admiral de France & ses gens furent venus, il la fit assaillir par grand'ordonnance: & y eut assaut dur & fier: & aussi auoit dedans gens de grand' deffense: & là furent faites, deuant Carliou, grans appertises d'armes.

Contreueugance des François & Escocois en Galles & Northombellande. † sala dit Vuesclant, que ie pense estre Vuestmerland.

Carliou assaillie des Escocois & François.

Comment le Comte d'Aquesuffort fit rompre au Roy d'Angleterre la poursuite des François & des Escocois au pays de Galles: & comment les Anglois s'en retournerent en Angleterre, par ou ils estoient allez en Escocce: & les François & Escocois en Escocce, par le mesme chemin, qu'ils auoient pris pour entrer dernièrement en Angleterre.

CHAP. CLXXIII.

Bien supposoient les oncles du Roy d'Angleterre, & les Seigneurs, que l'Admiral de France & les Escocois tenoient ce chemin qu'ils auoient pris, & qu'ils feroient, en la marche de Galles & de Northombellande, du pis qu'ils pourroient. Si deuisoient par entre eux les Anglois, Nous ne pouuons faire meilleur exploit (mais que noz pourueances soient toutes venues) que d'aller ce chemin que noz ennemis sont allez, & tant les chercher, que nous les trouuons pour les combattre. Ils ne no⁹ peuuent par nul chemin fuir, n'élégner q nous ne les ayons à nostre aise & volôté. En ce propos estoient le Duc de Lancastre & ses freres, & plusieurs haux Barons d'Angleterre, & la greigneur partie des Communautez de l'ost: & ià estoient toutes leurs pourueances venues, tant par mer que par terre: & le Roy l'auoit mesmemet, presens ses oncles, accordé & arrêté: & tous estoient en celle volonté. En vne nuit le Comte d'Aquesuffort (qui estoit pour celuy temps le cueur & tout le Conseil du Roy: & le Roy n'auoit homme, en qui il eust parfaite fiance, fors qu'en luy) détourna & déconseilla tout. Je ne say pas sur quelle intention: mais il informa le Roy (si comme on seut depuis) & luy dit, Ha, ha, Monseigneur, que pensez vous? qui voulez faire ce chemin, que voz oncles vous cōseillent à faire. Sachez, si vous le faites, n'y allez aucunement, iamais vous ne retournerez: car le Duc de Lancastre ne desire autre chose, sinon que soyez mort: à fin d'estre Roy. Comment vous peut, ou ose il, conseiller d'aller sur l'Yuer en vn tel pays? Je ne vous conseille de passer les montaignes de Northombellande: car il y a tels tréte passages & destroits, que, si nous estions enelos dedans, iamais nous n'en serions dehors, sans le danger des Escocois. Nullemet ne vous boutez en ce danger & peril, pour chose qu'on vous die, & se le Duc de Lancastre y veut aller, si y voise, luy & sa charge: car ia par mon conseil vous n'y entrerez. Vous en auez ià fait assez pour vne fois. Oncques vostre pere si auant ne fut en Escocce (ne le Roy Edouard vostre ayeul) comme vous auez esté ceste fois. Si vous dy qu'il vous doit bien suffire. Gardez vostre corps. Vous estes ieune & auenant: & tel vous monstre beau semblant

Parolles du Comte d'Aquesuffort pour demouuer le Roy d'Angleterre de poursuivre les François & Escocois en Galles.

semblant, qui vous aime vn petit. Le Roy d'Angleterre entendit aux parolles de ce Côte dessus nommé: tellement que depuis ne luy peurent issir hors de la teste: si comme ie vous diray cy-apres ensuyuant. Quand ce vint au matin, les Seigneurs d'Angleterre & leurs gens s'ordonnerent au partir d'Escoce, pour aller deuât Carlion, ou ailleurs cōbatre les François & les Escoçois: ainsi que le soir deuant l'auoient proposé, par conseil arresté. Si vint le Duc de Lanclastre vers son neveu le Roy: † qui ne sauoit riens de tout ce trouble. Quand le Roy le veit (qui estoit en sa melancolie, & ireux par l'informatiō dessus dite) si luy dit tout acertes, Oncle oncle de Lanclastre, encores ne viēdrez vous point à vostre entente. Pensez vous que pour voz proles nous nous vueillons perdre follement? & plus ie ne croiray vous, ne voz cōsaux: car i'y voy plus de dōmage, que de profit, pour l'hōneur & auācement de nous & de noz gens. Or, si vous voulez faire le voyage que vous nous mettez auant: si le faictes: car point ne le ferons: ains retournerons en Angleterre: & tous ceux, qui nous aiment, si nous suiuent. Adonc dit le Duc de Lanclastre, Et ie vous suiuray: car vous n'auēz hōme en vostre cōpaignie, qui tāt vous aime, cōme ie fay, & mes freres aussi: & si nul vouloit dire ou mettre oultre (excepté vostre cors) que ie voufisse autre chose, que bien, à vous, n'à voz gens, i'en bailleray mon gage. Nul ne leua ceste parolle: & le Roy se teut: & parla, à ceux qui le seruoient, d'autres parolles: en luy ordonnāt, pour retourner en Angleterre, le chemin qu'il estoit venu: & le Duc de Lanclastre se departit du Roy, pour l'heure, tout melancolieux: & retourna avec ses gēs: & fit nouvelles ordonnāces: car au matin ils cuidoiēt poursuiuir les Frāçois & les Escoçois, iusqu'en la marche de Galles: mais nō firēt, ainçois se meirēt au retour vers Angleterre, Or regardez commēt le Côte d'Aquesuffort (qui estoit pour le tēps tout le cueur du Roy) rōpit ce voyage. Si disoiēt bien les aucuns Seigneurs que le Roy estoit mal cōseillé (veu qu'il auoit toutes ses pourueances avec luy) qu'il ne poursuiuoit les Escoçois, iusques en Galles: car tousiours, en faisant ce chemin, ils approchoient Angleterre. Les autres (qui craignoient la peine) disoient que tout considéré, il falloir, pour si grand ost comme le leur, trop de viures: & faisoit trop dur sur les champs, & sur le temps d'Yuer, à passer les montaignes de Northombellande, entre eux & Galles: & que plus on pouuoit perdre, que gagner, à faire le voyage. Ainsi se portoient en celle saison les besongnes: & se derompit l'armee d'Angleterre: & s'en retourna le Roy, & les Barons, en Angleterre, par le chemin qu'ils estoient venus: mais ils auoient ia destruit la greigneur partie du Royaume d'Escoce. Les nouvelles vindrent à l'Admiral de Frāce, aux François, & aussi aux Barons d'Escoce, que les Anglois s'en retournoient en leur pays. Si eurent conseil, par entre eux, cōment ils se maintiendroient. Conseillé fut & arresté, qu'ils s'en retourneroiēt: car les viures leur faillioient: & se trouuoient en poure pays: pource qu'ils auoient toute destruite, la marche de Carlion, & la terre du Baron de Clifford, & du Seigneur de Montbray, & l'Euesché de Carlion (mais la cité ne pouuoient ils auoir) & disoient les François, par entre eux, qu'ils auoient ars en l'Euesche de Durem, & en celuy de Carlion, qui valoit mieux, que toutes les villes du Royaume d'Escoce. Si retournerent les Escoçois en leur païs, & les François aussi, par le chemin qu'ils estoient allez: & quand ils furent retournez en la douce Escoce, ils trouuerent tout le pays destruit: mais les gens du pays n'en faisoient cōpte: & disoient que sur six ou huit estançons ils auroiēt tantost fait nouvelles maisons: & trouueroiēt assez bestes pour viure: car les Escoçois les auoient sauuées & chacées aux forests. Mais sachez que tout ce, que les François prenoient, il leur conuenoit achapter, & payer bien cher: & furent telle fois en grand' auenture les François & les Escoçois, d'eux mesler, par riote & debat à auoir viures, l'vn à l'autre: & disoient les Escoçois, que les François leur auoient plus porté de dommages, que les Anglois: & quand on leur demandoit en quoy, ils respondoient, Pource qu'en cheuauchant par nostre pays, ils ont foulé & abbattu les bleds, les orges, & les auoines: & qu'ils ne daignent cheuaucher les chemins. Desquels dommages ils vouloient auoir recompense, auant qu'ils departissent d'Escoce: & qu'ils ne trouueroient vaissel, ne marinier, qui sans leur congé les osast passer la mer: & plusieurs Cheualiers & Escuyers se plaignoient des bois, qu'on leur auoit coupez & desertez: & tout ce auoient faict les François, pour eux loger.

† Entēde^r que Lanclastre ne sauoit pas que Aquesuffort eust trouble le dessein arresté.

Retraite des Anglois en leur pays sans aller chercher l'armee des Escoçois & des François.

Retraite des François & Escoçois en Escoce.

Mescontentement entre Frāçois & Escoçois

De mauuais traitement & de la grande rigueur des Escoçois enuers l'Admiral de France & ses gens: & comment ils retournerent en France

CHAP. CLXXIIII.

A a

Vand l'Admiral & les Barons, & les Cheualiers & Escuyers de France, qui estoient
 en sa compaignie, furent retournez en la marche de Haindebourg, ils eurent moult
 de disettes & souffrettes: & ne trouuoient à peine riens, pour leurs deniers, à viure. De vins
 n'auoient ils, qu'à grand' peine, & de la petite ceruoise, & du pain d'orge, ou d'auoine: &
 estoient les cheuaux morts de faim, & enfondrez de pourteté: & quand ils les vouloient
 vendre, ils ne trouuoient à qui, ne qui leur en donast maille ne denier, ne de leurs harnois
 aussi, & remonstrerent ces Seig. à leur Capitaine, cōmēt ils estoient menez: & il le sauoit biē
 aussi, de luy-mesme. Ils luy dirēt qu'ils ne pourroient pas longuemēt viure en celle peine
 (car le royaume d'Escoce n'estoit pas vn païs, pour yuerner, n'ostoyer) & q̄ l'esté retour-
 né, s'ils demouroient, ils seroient tātost morts de pourteté, & s'ils s'epadoient sur le pays pour
 querir leur mieux, ils se doutoient q̄ les Escoçois (qui les auoient battus & villenez en four
 rageant) ne les meurdrirent en leurs lits, quād ils seroient à part mis. L'Admiral cōfide-
 ra bien toutes ces choses: & veoit assez clerement qu'ils auoient droit de remonstrer ce
 que dit est: nonobstant qu'il eust propos & imagination de là yuerner, & de mader tout
 l'estat au Roy de Frāce, & au Duc de Bourgogne. Si disoit l'Admiral, que, pour le refres-
 chir en l'Esté qui venoit, on luy enuoyeroit or & argent & pourueances: & feroit bonne
 guerre aux Anglois: mais bien veoit & cōsideroit la mauuaistiē des Escoçois, & le peril
 ou les gens estoient (qui demouroient là) & luy mesme aussi. Si donna congé à tous ceux,
 qui partir vouloient, qu'ils partissent: mais au departement fut le méchef: car les Barons
 ne pouuoient trouuer passages pour eux. ne pour leurs gens: & vouloient bien les Esco-
 çois que aucuns pources Cheualiers & Escuyers de France (qui n'auoient nulle charge)
 pour plus affoiblir & maistrer le demourant, s'en allassent. Si leur fut dit, Voz gens se
 partiront biē, quand ils voudront, mais point de ce pays ne partirez n'istrez, tant que
 serons tous satis-faits des deniers, que nous auons toute la saison despendus, pour vostre
 armée. Les nouvelles furent moult dures à messire Iehan de Vienne, & aux autres Ba-
 rons de France: & le remonstrerent au Comte de Douglas & au Comte de Moray (qui
 par semblant estoient courroucez de la durté, qu'ils trouuoient aux Escoçois) & qu'ils ne
 faisoient pas, en Escoce, ainsi comme bons Gens-d'armes & amis font au Royaume de
 France (quand ainsi les vouloient mener) & qu'ils se mettoient bien en party, que ia-
 mais Cheualier d'Escoce n'auroit que faire de venir en Frāce. Ces deux Comtes dessus-
 nōmez (qui assez propices estoient aux Barons de France) le remonstrerent à leurs gēs.
 Les aucuns disoient qu'ils se dissimuloient avec eux, & qu'aussi bien y auoient ils perdu
 comme les autres: & respondirent à l'Admiral & aux Barons de Frāce, qu'ils n'y pouuoient
 riens: & conuenoit (s'ils vouloient issir d'Escoce) que les dōmages fussent reparez. Quād
 l'Admiral veit qu'il n'e auroit autre chose, si ne voulut pas perdre le plus pour le moins:
 car il se trouuoit hors de to^r cōforts, & enclos de la mer: & voit les Escoçois de sauage
 opiniō. Si se descēdit à toutes leurs entêtes: & fit faire vn cry, parmy le royaume d'Esco-
 ce, que toute personne à qui ses gens auroient fait aucun dōmage (mais qu'il en apparust
 iustemēt) qu'on se tirast deuers l'Admiral de Frāce, & que tout seroit satisfait, payé, & re-
 stitué. Ces parolles amollirēt ceux du pays: & en fit l'Admiral sa debte enuers to^r: & dit
 bien que iamais d'Escoce ne partiroit, n'istroit, iusques à ce que tous les plaignās fussent
 pleinemēt payez & satisfaits. Adōc eurent plusieurs Cheualiers & Escuyers de Frāce pas-
 sage: & retournerēt en Flandres, ou là ou ils pouuoient arriuer tous affamez, sans mōtu-
 re, & sans armeures: & Escoce maudissoient, & l'heure qu'ils y auoient entré & disoient
 qu'onques si dur voyage ne fut: & qu'ils voudroient que le Roy de France s'accordast
 aux Anglois, vn an ou deux, & puis allast en Escoce, pour tout destruire: car onc si mau-
 uaises gens ne virent: ny ne trouuerēt si haux & si traistres, ne de si petite cognoissance.
 L'Admiral de France, par les premiers tournās par-deçà la mer, escriuit tout son estat
 au Roy de France, & au Duc de Bourgogne: & comment les Escoçois le menoient &
 l'auoient mené: & si on le vouloit rauoir, qu'on luy enuoyast toute la somme qu'il auoit
 promise payer aux Escoçois: & dont il festoit endēpté aux Cheualiers & Escuyers d'Es-
 coce. Car les Escoçois disoient qu'e celle saison ils auoient guerroyé pour le roy de Frāce,
 & non pas pour eux: & que les dōmages, que les Frāçois leur auoient faits, leur seroient sa-
 tisfaits, auant qu'ils peussent retourner: car ainsi l'auoient ils iuré & promis aux Barons
 d'Escoce. Le Roy de France, le Duc de Bourgogne, & leurs cōsaux estoient tenus de ra-
 chapter l'Admiral: car ils l'auoient là euoyé. Si firēt tātost fināce & deniers: & en furēt les
 payemēs faits en la ville de Bruges, & toute la demande des Escoçois payée & satisfaite:

Rigueur des Es-
coçois aux Frā-
çois de l'Ad-
miral.

L'Admiral de
France accorde
aux Escoçois
tout ce qu'ils
veulent pour
sortir d'Escoce.

telle-

tellement que tous se contenterent: & se departit d'Escoce l'Admiral, quand il eut bien payé amiablement (car autrement ne le feut il faire) & prit cōgé du Roy (qui estoit en la sauage Escoce) & puis aux Comtes de Dōglas & de Moray: qui le cōuoyèrent iusques à la mer: Si monta à Haindebourg, & eut vent à volōté, & arriua à l'Escluse en Flandres. Les Cheualiers & Escuyers, qui en sa compagnie estoient allez, aucuns ne tindrent pas son chemin: mais vouloient veoir le pays, outre Escoce: & s'en allerent en diuers pays: mais la plus grand' partie retourna en France: & estoient si poures, qu'ils ne sauoient de quoy leur remonter: & se monterent les aucuns (especialement les Bourgongnons, les Champenois, les Barrois, & les Lorrains) de cheuaux de harnois, quand ils en trouuoient sur les champs. Quand l'Admiral fut retourné en Frâce, deuers le ieune Roy Charles & le Duc de Bourgogne, on luy fit bonne chere: qui estoit raison. On luy demanda des nouuelles: & de la condition du Roy & des Barons d'Escoce: & il leur dit bien qu'Escois se retournoient par nature avec la condition des Anglois (car il sont enuieux sur les estrangers) & leur dit que, si Dieu luy aidast, il aimeroit mieux estre Comte de Sauoye, ou d'Artois, ou d'un tel pais, que Roy d'Escoce: & que toute la puissance du Roy d'Escoce il auoit veüe en vn iour ensemble (si comme les Escois le disoient) mais, de Cheualiers & d'Escuyers, ils ne se trouuerent oncques que cinq cens Lâces: & environ trente mille hommes pouuoient ils bien estre d'autres gēs: qui contre les Archers d'Angleterre, ou cōtre mille Gēs-d'armes n'auoient nulle duree. Adōc fut à l'Admiral demadé, si l'auoit veu les Anglois en leur puissance. Il respondit ouy: car (ce dit-il) quand ie vey la maniere des Escois, qui fuyoient les Anglois, ie leur priay qu'ils me menassent en lieu, ou ie les peusse veoir & auiser: & aussi firent ils: car ie fu mis en vn destroit, par lequel ils passerent tous: & pouuoient bien estre soixāte mille Hommes-d'armes, & disoient les Escois que c'estoit toute la puissance d'Angleterre, & que nul n'estoit demouré. Adonc penserent vn peu: & puis dirent, C'est grand' chose que de soixante mille Archers & de six ou sept mille Hommes-d'armes. Et tant peurent ils bien estre (ce dit le Conestable de France) mais ie les aimeroie mieux combattre tous en leurs marches de par-delà, que la moitié moins es marches de par-deça: & ce me disoit tousiours mon maistre, qui me nourrit en ma ieunesse. Par ma foy, Cōestable (dit messire Iehan de Vienne) si vous y eussiez esté, à tout vne bonne charge de Gens-d'armes & de Généuois (si comme ie le suppose, & que conseillé fut, quand i'entrepri le voyage) nous les eussions cōbattus au Royaume d'Escoce, ou affamez de leurs pourueances. Ainsi se deuisoient le Conestable & l'Admiral ensemble: & mettoient le Duc de Bourgogne en grand' volonté de faire vn voyag, grand & étofé, en Angleterre. Nous cesserons vn petit à parler d'eux: & retournerons aux besongnes de Flandres,

*Depart de
l'Admiral de
France hors de
Escoce.*

*Retour de l'Ad
miral vers le
Roy Charles, et
le rapport
qu'il luy fit de
Escoce & des
Escois.*

*De l'estat de Flandres en celuy temps: & comment deux bons Bourgeois de Gand s'entre-
meirent secretement de la paix avecques le Duc de Bourgogne, s'y accordant mesmes
François Attremen.*

CHAP. CLXXV.

Bien est verité que le Duc de Bourgogne auoit imaginatiō de faire, à la saison qui re-
tourneroit (qu'on diroit l'an 386. vn voyage grād & étofé: & y émouuoit le Roy de
France, à ce qu'il pouuoit, D'autre part aussi le Cōestable de France (qui estoit vn Che-
ualier de haute entreprise, & bien creu au Royaume de France, & qui des sa ieunesse a-
uoit esté nourry au Royaume d'Angleterre) le conseilloit tout entierement: & aussi fai-
soit messire Guy de la Trimouille: & l'Admiral de Frâce: Pour ce temps, le Duc de Berry
estoit en Poictou, & sus Limosin (qui ne sauoit riens de ses consaux & entreprises) & le
Duc de Bourgogne, qui estoit en France le plus grād delez le Roy, auoit plusieurs ima-
ginations: car bien sauoit que, tant que la guerre se tint en Flandres, le voyage de mer
ne se pouuoit pas bien faire. Si estoit assez plus doux & plus enclin aux prieres & trait-
tez de ceux de Gand: car ils auoient alliances au Roy d'Angleterre: & là auoient avec
eux vn Cheualier, nommé messire Iehan le Bourfier: que le Roy Richard leur auoit en-
uoyé, pour les conseiller & gouverner. Toutesfois desiroient ils de venir à paix: car ils e-
stoient si menez de la guerre, que les plus riches & notables de la ville n'estoient pas mai-
stres ne Seigneurs du leur: mais en estoient maistres quelques marchans soudoyers: par
lesquels il cōuenoit qu'ils fussent menez & gouvernez: & bien sauoient les sages qu'en fin
de tēps ils ne pouuoient pas durer: qu'ils ne fussent en trop grand peril d'estre tous per-

us. Encores f'émervelloient les aucuns (quand ils estoient tous ensemble, & ils en parloient) cōme en vnitē ils se pouuoient si longuemēt estre entretenus: mais aucuns sauoient biē (quād ils parloient ensēble) q' l'vnité qui y estoit, leur venoit pl^r par force & cremeur, que par amour. Car Pietre du Bois tousiours vouloit persēuerer en sa mauuaitié: & nul n'osoit parler, deuāt luy, de la paix & du traitté. Car, si tost qu'il sauoit que quelq' preudhomme en parloit (tant sage qu'il fust) il estoit tantost, occis, ou meurdry, sans remede.

*La guerre du
Comte de Flandres
et du Duc de Bourgogne
contre les Gandois
dura pres de sept ans.*

Ceste guerre, que ceux de Gand auoient maintenue contre leur Seigneur le Côte Loys de Flandres & le Duc de Bourgogne, auoit duré pres de sept ans: & tant de malefices en estoient venus & descēdus, que ce seroit merueilles à recorder propremēt. Les Turcs, les Payens, & les Sarrazins s'en douloient. Car les marchandises par mer en estoient toutes refroidies & perdues. Toutes les bandes de la mer, depuis soleil leuant insques au soleil couchant, & toutes les parties de Septentrion, s'en sentoient: car vray est que de 17. Royaumes les auoirs & les marchandises ariuoient à l'Escluse, & tous ont la deliurance au Dan, ou à Bruges. Or regardez donc, & confidez, puis que les loingtains s'en douloient, si les pays prochains ne s'en deuoient pas bien sentir? Et si n'y pouuoit nul trouuer moyen de paix: & y fut auisé premierement par la grace de Dieu, par diuine inspiration, & par les prieres d'aucunes gens de Dieu: qui à leur requeste ouurit ses oreilles, & eut pitié du poure peuple de Flandres. Or cōment la paix vint par eux enuers le Duc de Bourgogne, ie le vous recorderay de poinct en poinct: si comme au cōmencement des haines,

*† Il n'ay point
memoire qu'il
ait parlé de ces
deux premiers,
et doute qu'ils
ne soient superflus.*

pourquoy les guerres furēt, ie vous ay dit & déclairé toutes les haines de † Iehan de Bar, de Iehan Pied, de Gisebert Matthieu, de Iehan Lyon, & de leurs cōplices: & ie vous prie que vous y vueillez entendre: En la ville de Gand, pour le temps dont ie vous parle, messire Iehan le Bourfier regnoit pour le Roy d'Angleterre, & Pietre du Bois: qui luy aidait à soustenir son fait, & l'opinion des mauuais. Il y auoit aucuns preudhoms: ausquels les dissensions & haines déplaisoient trop grandemēt, & leur touchoient de moult pres au cuer: & ne fosoient decourrir, sinon l'un à l'autre, tout quoyemēt, Car, si Pietre du Bois eust seu que nul eust fait semblant de paix auoir, ne vouloir, il estoit mort sans mercy: cōme luy & Philippe d'Arteuelle firēt mourir Sire Symō Bete & Sire Gisebrest

*† Il l'a surnommé
Gente. au
chap. 183.*

† Bruce: & encores depuis, pour ceux de Gand tenir en cremeur, en auoient maint fait mourir. En celle saison, apres que François Attremē eust esté mis hors de la ville du Dan par le Roy de France, & que le Roy, ayāt tout ars & destruit les Quatre-mestiers, fut retourné en France (si cōme cy-dessus est dit) ceux de Gand se commencerēt à douter: & supposoient les notables gens de la ville, que l'Esté le Roy de France à puissanceretourneroit deuant la ville de Gand. Pietre du Bois & ceux de sa secte: nullemēt n'en faisoient compte: & disoient qu'ils verroient volontiers le Roy deuant leur ville: car ils auoient si grandes alliances au Roy d'Angleterre, qu'ils en seroient bien cōfortez. En ce tēps, que ie dy, auoit deux vaillās hōmes en la ville de Gand, de belle vie & de bōne conuersation, de nation & de lignage moyen, ne des plus grans, ne des plus petits: ausquels par especial déplaisoit trop grandement le differēt qu'ils veoient & la guerre, que la ville auoit eüers leur naturel Seig. le Duc de Bourgogne: & ne l'osoient mōstrer, pour les exēples de Pietre du Bois. L'un d'eux estoit Nauieur, & l'autre Boucher, le plus grand de la boucherie: & l'apeloit on Sire Iaques d'Ardembourg. Par ces deux hommes fut la chose premierement atteinte. Auecques ce, vn bon Cheualier de Flandres (qui s'appeloit messire Iehan d'Elle (sage homme & traittable, y prit grand' peine. Mais sans le moyen des dessusdits il n'y fust iamais entré, ne venu. Aussi ne fussent tous les Cheualiers de Flandres. C'est chose possible à croire. Ce messire Iehan d'Elle estoit bien aimé de plusieurs gens de la ville de Gand: & y alloit & venoit à la fois, quand il luy plaisoit: ne nul soupçon ils n'en auoient: n'aussi à nulluy, au cōmencement, de guerre ne de paix il ne parloit, ne n'eust osé parler: si le mouuement premierement ne fust issu des dessusdits. Sire

*Roger de Cremin
& Iaques d'Ardembourg,
Bourgeois de
Gand, parlent
secrettement de
traitter paix
avec le Duc de
Bourgogne.*

Roger de Cremin & Sire Iaques d'Ardembourg: & la maniere, comment ce fut, ie la vous diray. Ces deux dessusnommez prenoient grand' déplaisance au trouble, que ils veoient au païs de Flādrès, & tant qu'ils en parlerēt ensemble: & dit Sire Roger à Iaques. Qui pourroit mettre remede entre la ville de Gand (dont nous sommes natifs: & qui gist en dur party) & entre Monseigneur de Bourgogne, nostre naturel Seigneur, ce seroit grand' aumosne: & en auroient ceux, qui ce feroient, graces à Dieu, & louenge au monde: car le differēt & le trouble (qui n'y est pas trop bien seant) seroit osté par ce moyē. Vous dites vray Roger (respōdit Iaques) mais c'est vne chose forte & dure à faire.

Car

Car Pietre du Bois est moult perilleux. Si n'ose nul mettre peine d'auoir la paix, pour paour de luy: car, si le fauoit, ceux qui s'en feroient meslez feroient morts sans doutāce Adōc (dit Roger) demourera la chose en cest estat? Si faut il qu'une fois elle preigne fin. Or me remonstrez (dit Iaques) vne voye: & ie l'orray volontiers: Roger respondit, Vous estes Boucher de la boucherie, & l'un des plus notables & crains, qui y soit. Si leur pourrez tout secrettemēt parler, & remōstrer vostre courage, & à voz pl^r grās amis: & quād vous verrez qu'ils y entēdront, petit à petit vous vous mettrez ens: & moy d'autre part (qui suis Naueur, & bien aimé de toutes manieres de gens, & say leurs courages, & que la guerre leur déplaist grandement: car ils y ont grand dommage) ie remonstre-ray le semblable à aucuns, qui retireront les autres par bonne voye, ou ils les mettront: & quand nous aurons ces deux mestiers d'accord (qui sont grans & puissāns) les autres mestiers, & les bonnes gens qui desirent la paix, sy enclinerōt. Or bien (respōdit Iaques) l'en parleray volontiers aux miens: & en parlez aux vostres. Ainsi fut fait, comme ils l'auoient proposē: & en parlerent si sagement & secrettement chacun aux siens, que, par la grace du Sainct Esperit, Iaques d'Ardebourg trouua tous ceux de sa boucherie assez enclins à sa volōté: & Roger, d'autre part, par son beau langage trouua les naueurs (qui desiroient auoir leur nauiage: dont il n'estoit nulles nouuelles) tous appareillez à ce faire. Or se meirent ces deux preudhoms ensemble, en decouurant leurs besongnes, & monstrant l'un à l'autre comment ils auoient trouuē leurs gens appareillez à paix, ou ils desiroient venir. Si dirent, Il nous faut, pour moyen, vn sage hōme: par lequel ferons remonstrier à Monseigneur de Flandres nostre cas. Messire Iehan d'Elle, Cheualier, leur cheut en main: & tantost allerēt auiser qu'ils iroiēt à luy: car il estoit de la ville: Ce qu'ils firent: & se decouurirent feablement à luy de leur secret, en disant, Messire Iehan, nous auons tant fait & labourē enuers ceux de noz mestiers, qu'ils sont tous enclins à la paix, mais que Monseigneur de Bourgongne voulist tout pardonner, & nous tenir ens, & en noz franchises anciennes: dont nous sommes chartrez & bullez. A ces parolles messire Iehā d'Elle dit. l'en traitteray deuers luy volōtiers: & vous dites bien. Lors se departit le Cheualier de la ville: & vint deuers le Duc de Bourgōgne (qui se tenoit en France delez le Roy) & luy remōstra tout bellemēt & sagemēt les parolles dessusdites: & fit tant par beau langage, que le Duc s'enclina volōtiers à escouter ce qu'il luy dit. Car pour le faict, qui dessus est dit, de mener le Roy en Angleterre, & pour intention de faire là vn grand voyage & exploit d'armes, il desiroit auoir paix à ceux de Gād: & son cōseil, messire Guy de la Trimouille, & messire Iehan de Viēne, le luy cōseilloient, aussi faisoit le Cōnestable de Frāce, & le Sire de Coucy. Si respōdit au Cheualier, Je feray tout ce, que vous ordōnerez: & retournerez deuers ceux, qui vous ont icy enuoyē. Adōc luy demāda le Duc si Frāçois Attremē auoit estē à ces traittez. Il respōdit, Mōseigneur, nēny. Il est Gardiē du chasteau de Gaure. Je ne say si ceux, qui m'ont cy enuoyē, vouloiēt qu'il en feust riē. Dites leur (ce dit le Duc) qu'ils luy en parlēt hardimēt: car il ne me portera nul cōtraire. Je sen, & enten, qu'il desire grādement venir à paix à moy. Tout ce, que le Duc dit, le Cheualier fit: & retourna à Gād: & rapporta ces bōnes nouuelles: tellemēt qu'ils s'en cōtenterent: & puis alla au chasteau de Gaure, parler à Frāçois Attremen: & de toutes ces besongnes se decouurit secrettemēt à luy. Frāçois respondit (apres ce qu'il eut pensē vn petit) & dit liement, Là ou Monseigneur de Bourgongne voudra tout pardonner & la ville de Gand tenir en ses franchises, ie n'y feray iā rebelle, mais diligent grandement de venir à paix. Le Cheualier se departit de Gaure, & dudit Frāçois Attremen: & puis retourna en France, deuers le Duc de Bourgongne: & luy remonstra tout son traitté. Le Duc l'ouit volontiers: & escriuit lettres ouuertes, & lettres closes (qui furent seellées de son seal) moult douces & amiables, à ceux de Gand: & les apporta le Cheualier & retourna en Flandres & vint à Gand, mais il n'y porta pas icelles lettres avec luy. Toutesfois il promit, & se fit fort, à Sire Roger, & à Sire Iaques, d'ē fournir: car par eux estoit la chose toute demenēe. Or regardez le grād peril, auq^l le cheualier & eux se mettoiet: car, si messire Iehan le Bourfier ou Pietre du Bois l'eussent feu, il n'estoit riē de leurs vies.

Comment les deux Bourgeois dessusdits prirent iournee d'eux assembler avec leurs amis, pour accomplir leurs entreprises: & comment tous ceux de la ville de Gand s'accorderent à faire paix, non-obstant la resistance, qu'y cuida faire le Gouverneur pour le Roy d'Angleterre, & Pietre du Bois.

OR dirent Sire Roger & Sire Iaques d'Ardembourg (par lesquels la chose estoit toute demenée) Messire Iehan d'Elle, vous viédrez Ieudy en ceste ville, sur le point de neuf heures: & apporterez avec vous les lettres de mōseigneur de Bourgogne. Si les mōstrerons (si nous pouuons venir à nostre entente) à la cōmunauté de Gand, & les leur ferons lire: parquoy ils y adiosteront plus grād' foy: car à l'heure, que nous vous disons, nous serōs tous seigneurs de la ville, ou tous morts. Messire Iehā d'Elle respōdit qu'il seroit fait, ainsi qu'ils l'auoiēt dit. A tāt finit leur cōseil, & se departit l'vn de l'autre: & messire Iehā d'Elle vuida la ville, pour auiser ce qu'il deuoit faire. Les deux dessusnommez, entrerēt en grād' soin, pour tirer leur besongne à bon chef: & se soignoient d'aller & de parler, à leurs, plus feables amis, les doyés des mestiers: & tāt firēt, qu'ils en eurent grād' quātité de leur accord, & auoient de leur ordōnance, que ce Ieudy, sur le point de huit heures, ils se departiroient de leurs hostels, la banniere de Flandres en leur cōpaignie: & auroient vn cry, en criant Flādres au lyon. Le Seigneur du pays donne paix à la bōne ville de Gād, & pardonne & quitte tous les malfaiçteurs, Onc ne peurent les dessusdits, demener ceste chose si sagement, ne secrettement, que Pietre du Bois ne le feust. Si tost qu'il en fut informé, il sē vint deuers messire Iehā le Bourfier, le souuerain capitaine pour lors, de par le Roy d'Angleterre: & luy dit, Sire, Roger de Cremin & Iaques d'Ardembourg, doiūēt demain, sur le point de huit heures, venir sur le marché la bāniere de Flādres en leurs mains: & doiūēt là, parmy la ville, crier Flādres au lyō. Le Seigneur du païs donne paix, & quitte & pardonne à la bonne ville de Gand tous malefices. Ainsi, que ferons nous? Le Roy d'Angleterre ne sera plus obey en la ville: si nous n'allons au-deuant, & les boutons hors de nos iurisdicions. Et quelle chose (dit le Bourfier) est bōne à faire? Adonc respondit Pietre, Il faut demain au matin que nous assemblons en l'hostel de la ville, & faites armer tous voz gens, & nous en venōs fendāt parmy la ville, les bannieres du Roy d'Angleterre en nostre cōpaignie: & crierōs aussi Flādres au lyon. Le Roy d'Angleterre est au pays, & Seigneur de la ville de Gand: &, quand nous serōs venus au marché, ceux, qui sont de nostre accord, se tireront avec nous, & là occirons tous les rebelles & les traistres. Le le veux (dit le Sire Bourfier) vous auez bien auisé ainsi sera faiçt. Or regardez si Dieu fut biē pour ces deux preudhōmes, Sire Roger & Sire Iaques: car toute ceste ordonnāce ils deuoient faire: † dont ils furēt informez. Quand ils le seurēt, ils ne furēt pas ébahis: mais le soir ils allerēt & enuoyerent deuers les doyens & leurs amis, en disant, Nous deuons aller au marché des huit heures: mais il nous faut y estre à sept. Et tout ce firent ils, pour rompre le coup de Pietre du Bois: qui estoit au guet, luy quarantième. Tous si accorderēt. Quand ce vint le ieudy au matin, messire Iehan le Bourfier & sa route s'en vindrēt à l'hostel, qu'on dit la Valle: & pouuoiet estre enuiron soixante. Là vint Pietre du Bois: qui estoit luy quarantième. Tous s'armerent, & se mirent en bonne ordonnance. Roger & Iaques d'Ardembourg s'assemblerēt en vn certain lieu, ou ils deuoient estre: & vint la greigneur partie de ceux, qui estoiet doyens de Gand. Adonc prirent ils les bannieres du Côte: & se meirent au chemin parmy la ville, en criant leur cry deuant-dit: & ceux, qui ouyrēt ce cry, & qui voyoient les doyens de leur mestiers & les bannieres du Comte, se bouterent en leurs routes, & les suiuiōient le plustost qu'ils pouuoiet. Si s'en vindrēt, sur le point de sept heures, au marché des denrées: & là s'arrestērēt: & mirent les bannieres du Comte deuant eux: & tousiours venoient gens: qui s'ordonnoient avec eux. Les nouuelles vindrent à messire Iehan le Bourfier & à Pietre du Bois (qui estoiet en la Valle, & faisoiet leur assemblée) cōmēt Roger & Iaques d'Ardembourg auoient fait & pris le marché des denrées. Adonc se departirent ils: & se mirent au chemin, les bannieres d'Angleterre en leur main: &, ainsi comme ils venoient, ils crioient leur cry, contenu cy-dessus, qu'ils auoient ardonné. Ainsi vindrēt ils iusques au Marché des denrées: & là s'arrestèrent-ils, & rengerent deuant les autres: & attendoient gens: mais bien peu de ceux, qui venoient se mettoient de leurs routes: ainçois se tiroient deuers les bannieres du Comte: tant que Roger & Iaques d'Ardembourg en eurent de cent les quatre vingts: & fut tout le marché couuert de Gens-d'armes: qui tous se tenoient quois, en regardant l'vn l'autre. Quand Pietre du Bois veit que tous les Doyens des mestiers & tous leurs gens se tiroient deuers Roger & Iaques d'Ardembourg, si fut tout ébahy, & se douta de sa vie grandement: car il veoit que ceux, qui le souloient suiuir, le fuyoiēt. Si se bouta tout quoyement hors de la presse, sans mot dire: & s'en alla mucer, pour la doute de la mort. Quand sire Roger & Iaques d'Ardembourg virent le

conue-

Pietre du Bois pour neāt auer ty de la menee de Roger de Cremin, & de Iaques d'Ardembourg.

Entendez que les deux bourgeois furēt informez, de l'ordonnance de Pietre du Bois & du Bourfier.

Les bannieres du Côte de Flādres leues par les deux Bourgeois de Gand & leurs complices.

Pietre du Bois abandonnant Iehan le Bourfier, s'en va chercher.

conuenant, & que presque tout le peuple de Gand s'estoit trait deffous leurs bannieres, si en furent tous réiois & confortez, & à bonne cause, car ils congnoient bien que les choses estoient en bon estat, & que le peuple de Gād se vouloit tenir à paix enuers leur Seigneur. Adonc se departirent, yne grande route de leurs gens en leur compagnie, & portoient les bannieres de Flandres deuant eux, & la grosse route se demouroit derriere. Puis vindrent deuant messire Iehan le Boursier & les Anglois, qui ne furent pas trop asseurez de leurs vies, quand ils les virent venir. Roger s'arresta au chemin, deuant ledit messire Iehan le Boursier, & luy demanda. Quelle chose auez vous faite de Pietre du Bois? & quelle est vostre entente? Nous estes vous amis ou ennemis? nous le voulons sauoir. Le Cheualier respōdit qu'il cuidoit Pietre du Bois delez luy. Quand il veit qu'il estoit party, Ie ne say (dit il) que Pietra du Bois est deuenue (ie le cuydoie encores en ma cōpaigrie) mais ie veux demourer au Roy d'Angleterre: qui est mō droicturier & souuerain Seigneur, & qui ma icy enuoyé à la priere d'entre vous, si vo' en vueille souuenir. C'est verité, respondirent les dessusdits, car, si la bonne ville de Gand ne vous eust mandez, vous fussiez morts, mais pour l'honneur du Roy d'Angleterre (qui cy vous enuoya à nostre requeste vous n'aurez garde, ne tous les vostres, mais vous sauurons & garderons de tous dommages, & vous conduirons, & ferons cōduire, iusques à la ville de Calais. Si vous partez d'icy, & voz gens, tout paisiblement, & vous retirez en voz hostelz sans vous émouuoir point, pour chose que vous voyez, car nous voulōs estre, & demourer, delez nostre naturel Seigneur, monseigneur le Duc de Bourgongne, & ne voulons plus guerroyer. Le Cheualier (qui fut tout ioyeux de ceste responce) respondit, Beaux Seigneurs & bons amis, puis qu'il ne peut estre autrement. Dieu y ait part, & vous mercie de ce, que vous m'offrez & presentez.

*Remonstrance
au Gouverneur
de Gand pour
le Roy d'Ang.
de ses retirer
tout quoyemēt
n'estant le plus
fort,*

Comment messire Iehan d'Elle apporta lettres patentes du Duc de Bourgogne aux deux Bourgeois de Gand, au Marché des dērées, sur le fait de pardō & de paix avec leur Seigneur le Duc de Bourgongne, pour la ville de Gand & ses cōplices, & cōment ceste paix fut confirmée à Tournay: par autres lettres patentes, bien authentiques de chacun costé. CHAP. CLXXVII.

A Donc se departirent de la place tout paisiblement messire Iehan le Boursier & les Anglois de sa route, & les Gandois, qui estoient en sa compagnie, se commencerent à mucer, & se retirerent tout bellemēt entre les autres, pour estre saueez sous leurs bannieres. Assez tost apres entra en la ville de Gand messire Iehan d'Elle, & s'en vint au Marché des denrées, pourueu & conforté des belles lettres, seellées, ordonnées, & accoustrées de beaux langages & beaux traittez, qui estoient là enuoyez, par maniere de moyen, de par le Duc de Bourgongne, en la ville de Gand, & là furent leuēs, ouuertes, & monstrees à toutes gens. Lesquelles choses pleurent moult au peuple. Adōc fut François Attremen mandé au chastel de Gaure, lequel vint tantost, & s'accorda à tous ces traittez, & dit que c'estoit bien fait. Sur celuy estat fut renuoyé messire Iehan d'Elle deuers le Duc de Bourgongne (qui se tenoit à Arras, avec la Duchesse) & luy recorda toutel'ordonnance de ceux de Gand, & comment ils auoient exploité, & comment Pietre du Bois n'y auoit eu nulle voix, n'audience, mais auoit esté sur le point d'estre occis, si l'eust esté trouué. Quand à François Attremen, qu'il s'acquittoit vaillāment, & loyaumēt de la paix. Toutes ces choses pleurent moult au Duc de Bourgongne, & seella vne trēues & vn respit, à durer iusques au premier iour de Ianuier, & ce pendant vn Parlement & vne iournée de la paix deuoit estre assignée en la ville, de Tournay & tout ce rapporta, il escrit & seellé, en la ville de Gād, dont toutes gens eurent grande ioye, car à ce qu'ils monstroient, ils desiroient moult la paix. Encores se tenoit messire Iehan le Boursier, & aussi les Anglois, & Pietre du Bois en la ville de Gand, mais on ne faisoit riens pour eux & si estoit tenu Pietre du Bois en paix, parmy ce qu'il auoit iuré, qu'il ne tireroit, ne procureroit iamais, nulle guerre, ne rancune, des bonnes gens de Gand enuers le Duc de Bourgongne, leur Seigneur, & de ces doutes & perils l'auoit osté François Attremē, qui auoit parlé pour luy, & remonstré à ceux de Gand plusieurs belles parolles pour luy, & par celà demoura Pietre du Bois en paix enuers ceux de Gand, car bien sauoient que Pietre auoit tenu leurs opinions, & estoit bon Capitaine, & loyal. Les trēues durās (qui furent prises, iurées, & seellées, entre le Duc de Bourgongne & la ville de Gand) furent ordonnez tous ceux qui iroient à Tournay de par la bonne ville de Gand: & par especial François Attremen fut élu au premier Chef, pour ce qu'il estoit gracieux homme & traictable, & bien cogneu des Seigneurs. Aussi y furent principalement avec luy

*François Attre
men consent
aux traittez
du Duc de
Bourgongne.
Trēues entre le
Duc de Bourgō
gne, Comte de
Flandres, et les
Gandois, pour
paracheuer
leur traitté de
paix.*

†Tousiours

1385. *Assemblée des traicteurs de la paix de Gand & de Tournay.*

Roger de Cremin & Jaques d'Ardembourg, & vindrent aux oëtaues de la Saint-Andrieu, à Tournay avec cinquante cheuaux, & se logerent tous ensemble en l'hostel du Saulmon, en la rue Saint Brice. Le cinquième iour de † Decembre vindrent le Duc de Bourgongne, Madame sa femme, & Madame de Neuers leur fille, & entrèrent en Tournay, par la porte de l'Isle, & issirent à l'encontre d'eux, sur les champs, les Gandois, tous bien môtez, & sans descendre, à nuls chefs s'enclinerent deuant le Duc & les Dames. Le Duc de Bourgogne passa legeremēt outre. Car il se hastoit, pour aller au deuant de la Duchesse de Brabant, qui venoit, & entra celuy iour en la cité de Tournay, par la porte de Malines, & fut logée en l'hostel de l'Euesque. Or commencerent les traitez & le parlement (lesquels estoient ià tous accordez entre le Duc & la ville de Gand) & y alla messire Jehā d'Elle, qui tous les traitez auoit faits, & portez l'un à l'autre, & mout en eut de peine. En fin, à la priere de Madame de Bourgongne & de Madame de Neuers, le Duc de Bourgongne pardōna tout, & fut la paix faite, criée, accordée, escrete, & seellée, entre toutes les parties, par la maniere que cy-apres s'ensuit.

Charte de la paix de Flandres, entre le Duc Philippe de Bourgongne, Comte de Flandres par sa femme, & les Gandois & leurs complices CHAP. CLXXVIII.

†Ce passage est fourni selon sa la, y ayant par auant simplement Palatin

Philippe, fils de France, Duc de Bourgongne, Comte de Flandres, d'Artois, † & de Bourgongne Palatin, Sire de Salins, Comte de Rethel, & Seigneur de Malines, & Marguerite, Duchesse & Comtesse desdits pays & lieux. A tous ceux, qui ces presentes lettres verront, & orrōt, salut. **SAVOIR FAISONS**, comme noz bien-aimez & sugets les Escheuins, Doyens, Consaux, & communautē de nostre bonne-ville de Gand, ayēt humblement suppliē à nostre Sire le Roy, & à nous, que d'eux voulsissions auoir pitié, mercy, & misericorde, & que nostre dit Seigneur & nous leur voulsissions pardonner toutes les offenses & méfaits, par eux & leurs complices permis & perpetrez contre nostredit Seigneur & nous, & que nous, ayans pitié & compassion de nosdits sugets, par autres lettres d'iceluy Seigneur & les nostres, & pour les causes contenues en icelles, ayons remis & pardonné à nosdits sugets de Gand, & leurs cōplices, lesdites offenses & méfaits. Et aussi leur ayons confermē leurs priuileges, frāchises, coustumes, & vsages, au cas que ils viendront plainement à l'obeissance de nostredit Seigneur, & à la nostre. Laquelle grace & pardon lesdits de Gand & leurs complices ont receuē treshumblement de nostredit Seigneur & de nous, & par leurs lettres & messagiers, qu'ils ont enuoyez deuers nostredit Seigneur & nous en grand nōbre, estant à Tournay, ont renōcé à tous debats & guerres, & sont retournez de bō cuer à la vraye obeissance de nostredit Seigneur & de nous. En promettant que dorefnauant ils seront bons amis, & loyaux & vrais sugets, à nostredit Seigneur le Roy cōme à leur Seigneur souuerain, & à nous, comme à leur Seigneur naturel, à cause de Marguerite nostre compaignie, cōme leur Dame naturelle & héritiere. Pourquoy nostredit Seigneur & nosdits sugets de Gand & leurs cōplices auons receus à nostre grace, misericorde & obeissance, & dōné lettres de grace, pardon & remission purement & absolument, avec la restitution de leurs priuileges, coustumes & vsages, si comme ces choses, & autres, plus à plain peuuēt apparoir par le cōtenu desdites lettres: Apres lesquelles graces & remissions, nosdits sugets de nostre dite bonne-ville de Gand nous ont fait plusieurs supplications, lesquelles nous auōs receuēs, & fait veoir & visiter diligēment, par les gens de nostre Conseil, par grāde & meure deliberation: Lesquelles veuēs pour le commun biē de tout le pays, & pour écheuer toutes dissensions, qui dorefnauant se pourroient ensuyure, de nostre grace, pour auoir & cōtempilation de noz bons sugets, **A V O N S O R D O N N E**, sur lesdites supplications, par la maniere qui s'ensuit. **P R E M I E R E M E N T**, sur ce qu'ils ont suppliē que voulsissions confermer les priuileges de † Tournay, d'Audenarde, de Grant mont, Meule, Terremonde, Ruplemont, Abst, Atharcle, Breueliez, Donze, & des chastellenies & plat pays d'icelles villes. **N O U S** auōs ordōné que les habitās d'icelles villes viēdrōt par deuers nōs, & nous apporterōt leurs priuileges, lesquels nous ferons veoir par les gens de nostre Conseil, & iceux veus, nous en ferons tant, que nosdits sugets de Gand, & ceux des bōnes villes en deuront par raison estre contens. Et, si aucuns desdits priuileges estoiet perdus par cas de fortune, ou autrement, nous en ferōs faire bonne information, & icelle venue, nous y pouruoyrons cōme dit est. **I T E M**, sur ce qu'ils nous ont suppliē du fait de la marchandise, **N O U S** auons consenty qu'elle ait cours par nostre pays de Flandres, en payant les deniers

†sala, disant mieux à mon aui, quant à la premiere, met Courtray, Audenarde, Grant mont, Meule, Terremonde, Repplemont, Alloz, Haast, Arclo, Breuilles, Donze &c.

deniers accoustumez. I T E M, sur ce qu'ils supplient, que faucuns des habitans de nostredite bonne ville de Gand, ou de leurs complices, estoient arrestez au temps aduenir en aucuns pays, & hors de nostre dit pays de Flandres, pour occasiō des debats & diffensions dessusdits, que d'icelles fissions tenir paisibles chacun d'eux, N o v s. leur auons otroyé, que si aucuns d'entreux estoient arrestez, comme dit est, nous les ayderons, conforterons, & deffendrons de tout nostre pouuoir, contre ceux qui par voye de fait les voudroient greuer ou empescher, comme bons Seigneurs doyuent faire à leurs loyaux sugets. I T E M, sur ce qu'ils nous ont supplié que tous les prisonniers qui ont tenu leur party, qui sont detenus par nous ou noz sugets, fissions deliurer, N o v s auons ordonné, & ordonnons, que lesdits prisonniers (fils se sont mis à rançon) soient deliurez, en payant leur rançon, & despens raisonnables, parmy ce que, si aucuns desdits prisonniers, ou de leurs parés, ou amis charnels, tiennēt cōtre nō aucunes fortereſſes, les mettēt auāt tout ceuvre en nostre main, & serōt pareillemēt deliurez noz prisonniers, detenus par nosdits sugets de Gand, ou leurs cōplices. I T E M, en ampliant nostre dite grace, A v o n s ordonné, & ordonnons, que tous ceux, qui pour occasion des debats & diffensiōs, qui ont dernierement esté en nostredit pays de Flandres, auroient esté banniz de nosdites bonnes villes de Bruges, d'Ypre, du pays du Franc, & d'autres villes & lieux desquels ils ont esté banniz, & aussi tous ceux qui ont esté bannis par la iustice & Loy de nostredite ville de Gand, ou mis ou iugez hors Loy, & qui se sont absentez, S e r o n t restituez, & pourrōt retourner & demourer en ladite ville, pourueu que ceux, qui ont tenu la partie d'iceux de Gand, seront restituez es villes & lieux du pays, cōme dit est. Et feront en la ville de Gand le serment, † cy deſſous eſcrit, es mains de noz officiers, quand ils deuront entrer es villes, esquelles ils doyuent estre restituez, Et en outre, ils iureront qu'ils garderont la paix & ſeureté desdites villes, n'aux habitans d'icelles ne porterōt, par aucune voye, directe ou publique, mal ne dommage. Et pareillement le iurerōt ceux, qui entreront en nostredite ville de Gand. I T E M que tous ceux, qui entreront en nostre ville de Gand, & leurs complices, avec tous ceux de la ville, obeiront à la grace de nostredit Seigneur & de nous, & viendront presentement à nostre obeissance. Et quant aux absens, dedans le temps, qui sera cy-apres ordonné, seront restituez à leurs fiefs, maisons, rentes & héritages, en quelque lieu qu'ils soient (non-obstant quelzconques forſaictures ou malefices, pour occasion des diffensions dessusdites) ainſi qu'ils les tenoient auant icelles diffensions. I T E M que si aucuns desdits habitans de ladite ville de Gand, ou leurs complices, sont hors de la ville dessusdite, es pays de Brabant, Haynaut, Hollāde, Zelande, Câbrefis, & de l'Eueſché du Liege, ils viendrōt en l'obeissance de nostredit Seigneur, & de nous, & feront les ſermēs, qui ſ'y apres seront declarez, à nous, ou à ceux que nous com mettrons, dedans deux mois apres la publication de la paix dessusdite, & iouirons des pardōs & graces dessusdites. Et ceux qui ſōt es pays d'Angleterre, de Friſe, d'Allemagne & autres, deçā la grande mer, viendront en nostre obeissance, dedās quatre mois, apres la publication dessusdite, & ceux qui sont outre la grande mer, à Rōme, ou à S. Iaques, viendrōt à celle obeissance dedās vn an, apres ladite publication, ſans fraude, & iurerōt, comme cy-deſſus est dit, & iouyrōt des graces & pardōs dessusdits, & aussi ceux, qui auront esté bannis, iugez hors Loy, ou absens de nostre dite ville pour occasion des diffensiōs dessusdites, seront restituez en leurs fiefs, maiſōs, rêtes, & heritages toutesfois qu'il leur plaira. I T E M que des biens meubles, qui ont esté pris d'une part & d'autre, ne ſera faite aucune restitution, mais en demourerōt quittes tous ceux, qui les ont pris, & aussi pour l'obligation, faite pour occasion de ces biēs meubles, si aucunes faites en eſtoiet pour décharger leurs conſciences, & ils en vouloiēt aucunes rendre. I T E M que les poſſeſſeurs ou detenteurs des maisons dessusdites (ausquelles seront restituez tant ceux de l'une partie comme de l'autre) ne pourront d'icelles maisons riens oſter, tenāt à plōb, à cloux, ou à cheuilles, & seront † rendues les poſſeſſions d'icelles maisons, cens rentes, & reuenues des héritages, demourant ſans restitution ce qui en est deu, & ainſi doreſnauāt les fruits rentes, & reuenues des héritages, seront leuez paisiblement pour ceux, à qui ils doyuent appartenir. I T E M iaſoit ce que noz sugets de Gand, & pluſieurs de leurs cōplices, ayent fait hommage des fiefs, qu'ils tiennēt, à autres Seigneurs, qu'à ceux à qui il appartient, & par ce leurſdits fiefs peuuent estre forſaits. Ce non-obstant nous voulōs, de nostre grace qu'iceux fiefs leur demeurerēt en faiſant les hōmages à nous, de ce qui auoit esté de nous ſans moyen, & à noz vaffaux de ce, qui auoit esté tenu d'eux. Et aussi nous

† Vous le trou-
uerez cy apres
en l'Article
de renonciatiō,
d'alliances.

† Ce paſſage eſt
amendé ſelon
ſala.

† *sala dit de-*
cognoissan-
ces, et mieux
à mon ams.

otroyons, de grace especial, les deshéritemens & † recognoissances faites, par Loy entre parties presentes. I T E M que nosdits fugets de Gand, Escheuins, Doyens, Cōsaux, & toutes les cōmunautéz de Gand, & leurs complices, par nostre ordonnance, & de leur bonne volonté, ont renoncé, & renōcent, à toutes leurs alliances, sermés, & obligatiōs, faits, & hōmages, qu'eux & aucuns d'eux, auroiēt faits au Roy d'Angleterre, ou à les cōmis & deputez, ou à leurs officiers, & à tous autres, qui ne seroient bien vueillans de nostredit Seigneur & de nous. Et nous ont fait serment d'estre dorefnauant bons, vrais, & loyaux fugets & obeissans, de nostredit Seigneur (comme leur souuerain) & de ses successeurs Roys de France, & de nous, comme de leurs droicturiers Seigneur & Dame, & de noz successeurs Cōtes de Flandres, & de nous faire tels seruices, & à noz successeurs comme bons & loyaux fugets doyuent faire à leurs bons Seigneur & Dame, de garder leur corps, hōneurs, & heritages, & droits, & empescher tous ceux, qui pourchacer voudroient le cōtraire, & le faire sauoir a nous & à noz officiers, saufs leurs priuileges & franchises. I T E M, à fin que noz fugets de nostredite bonne-ville de Gād demeurent à tousiours en bonne paix & en la vraye obeissance de nostredit Seigneur le Roy, de nous, & de noz hoirs, Comtes de Flandres, pour écheuer tous debats & dissensions qui pourroyent suruenir, N o v s voulons & ordonnons que tous les articles & points dessusdits soient tenus & gardez sans les enfreindre. Et deffendons à noz fugets, sur quant qu'ils peuuent meffaire enuers nous, que pour occasion des debats & dissensions dessusdites, ils ne méfacent ou facent méfaire, par voye directe ou publique, de fait ne parolle, aux dessusdits de Gand, n'à leurs cōplices, & ne leur en dient aucunes opprobres, reproches n'iniures. I T E M, si aucun faisoit le contraire de ce que dessus est dit, & que pour nous il iniuriaist ne portast dōmages à aucuns des dessusdits de Gād, ou à leurs cōplices, * ou eux à aucuns de ceux qui ont tenu nostre party, pour occasion des anciens debatz ou dissensions dessusdites, de telle offēse que par la cognoissance des officiers du Seigneur, & des Loix à qui il appartiendra, le fait soit criminel, le malfaiçteur, ses aidans & complices, & ceux qui les recēleront, sans fraude soient punis, en corps & en biens (cōme estans conueincus de paix enfreinte) tant par la iustice de noz Officiers, ou d'autres Seigneurs, cōme par les Loix du pays, si comme à chacun appartiendra, & soit faite satisfaction raisonnable à la partie blecée, des biēs du malfaiçteur, & le surplus appliqué à nous, ou aux Seigneurs, à qui il appartiendra, saufs les priuileges des villes. I T E M, si aucuns des bourgeois de nostredite ville de Gand estoient faits hors Loy, ou bannis, pour fraction de ladite paix, supposé que, par les priuileges d'icelle ville par auant ces presentes, ne deussent perdre leurs biens, neantmoins, pour mieux tenir ceste presente paix ils les perdront, & sur iceux biens sera faite à la partie satisfaction, qui aura esté blecée, comme dit est, & le résidu viendra aux droits hoirs d'iceux, cōme fils fussēt trepassez, saufs en tous autres cas les priuileges de nostre ville de Gand. Et si tels malfaiçteurs ne peuēt estre pris, ils soient bāniz, & faitz hors Loy, & priuez de leurs biens, & en soit ordōné comme dit est. I T E M, si aucun par parolles, ou autrement que dessus est dit, à la cognoissance des Officiers & Loix des lieux vient contre nostre ordonnance. N o v s voulons & ordonnons qu'il soit puny d'amende arbitraire (telle & si grande, qu'il soit exemplaire à tous autres) par les Officiers & Loy des lieux, ainsi qu'à chacū par droit peut appartenir, saufs les priuileges & franchise des lieux. I T E M que, si aucune personne d'eglise venoit contre la paix dessusdite, elle soit baillée à son ordinaire, & qu'il en prenne vengeance, comme de paix enfreinte, selon ce que le cas le requiert. I T E M que cestedite paix, d'entre nous & noz bons fugets de nostredite ville de Gand & leurs complices, sera criée & publiée solennellement en icelle ville, & en noz autres villes de nostredit pays de Flandres. I T E M que si aucunes doutes ou obscuritez venoient au temps aduenir sur les articles & points dessusdits, circonstances & dépendances d'iceux, N o v s les declarerons, & ferons declarer & interpreter par nostre Conseil raisonnablement, & tellement que tous ceux, à qu'il appartiendra, en deuront estre contens * E T N o v s Doyens & Communautéz de la ville de Gand, pour nous & noz complices quelzconques auons receu, & receurons semblablement les graces, pardons, & clemences dessusdites, à nous faites par le Roy Charles nostre souuerain Seigneur, & par lesdits Duc & Duchesse, Comte & Comtesse de Flandres, noz droicturiers & naturels Seigneur, & Dame. Et desdites graces & pardons nous remercions de bon cœur, tant que plus ne pouuons, le Roy nostre souuerain Seigneur, & à ses successeurs Roys de Frāce, & à noz droicturiers & naturels Seigneur,

&c

* *Annot. 35.*

* *Annot. 36.*

& Dame dessusdits, & à leurs successeurs Comtes de Flandres, nous ferons les sermens que bons & loyaux fugets doyent faire à leurs droits Seigneurs, & si garderons leurs corps & honneurs, E N T E S M O I N G desquelles choses, nous Duc & Duchesse dessusditz auons fait mettre noz seaux à ces lettres. E T N O V S Escheuins, Doyens, & Communautéz dessusdits de la ville de Gād, y auons aussi mis le grand seel de la ville. E T E N O V T R E, nous, Duc & Duchesse dessusdits, auons prié, prions, & requérons, à nostre treschere & aimée ante, la Duchesse de Luxembourg & de Brabant, & à nostre trescher & tres-aimé frere, le Duc Aubert de Bauiere, E T A V S S I nous Escheuins, Doyens, Consaux, & Communautéz, de la ville de Gand, supplions nous à tres-haute & puissante Princesse Madame la Duchesse de Luxembourg & de Brabāt, & à tres-haut & puissant Prince le Duc Aubert de Bauiere, dessus nommé. E T E N O V T R E, nous Duc & Duchesse de Bourgongne. E T N O V S Escheuins, Doyens, Conseil, & Communautéz de Gand, priōs aux Barons & Nobles du pays de Flandres, cy apres nommez aux bonnes-villes de Bruges d'Ypre, au terrouer du Franc, & aux bonnes villes de Malines, & d'Anuers, que pour le bien de paix, & pour plus grande seureté & tesmoignage de verité de toutes les choses dessusdites, & de chacune d'icelles, veulēt mettre leurs seaux, & les seaux desdites villes à ces presentes. E T N O V S, Iehan, par la grace de Dieu Duchesse de Luxembourg de Brabāt, & de Lābourg. E T N O V S, Duc Aubert de Bauiere, Bail, gouuerneur, & héritier des pays de Hainaut, de Hollande, de Zelāde, & de la Seigneurie de Frise, N O V S Guillaume, fils aîné du Comte de Namur, Seigneur de l'Escluse, H V E, Seigneur d'Autoing & Chastelain de Gand, I E H A N, Seigneur de Guistelle, & de Harucs, H E N R Y de Bruges, Sire de Disquemue & du Haure, I E H A N, Sire de Gonuseberge & de la Ientoise, A R N O V L de Iouste, Sire d'Estournay, P H I L I P P E, Seigneur d'Axalle, L O Y S de la Haste, Bastard de Flandres, G I R A R D de Rasenhen, Sire de Bascrode, G A V T I E R, Sire de Halun, P H I L I P P E de Hamur, Sire d'Esque, I E H A N Villain, Seigneur de S. Iehan d'Outre, Chastelain d'Ypre, & L O Y S, Sire de Lambres, Cheualier. E T N O V S Bourghemestre, avec les Escheuins des villes de Bruges & d'Ypre, Nous P H I L I P P E de Redehen, † Mont-ferrant des Escheuins, Mont-franc de Mont-amar, Cheualier, Escheuin du terrouer du Franc, pour & au nom d'iceluy terrouer (lequel n'a point de seel commun) & N O V S Conseil des villes de Malines & d'Anuers, auōs, à ladite priere & requeste, pour bien de paix, & en plus grāde seureté & tesmoignage de verité de toutes les choses dessusdites, & de chacune d'icelles, fait mettre & mis noz seaux, & des villes dessusdites, à ces presentes lettres, faites & données à Tournay, le dixhuitieme iour du mois de Decembre, L'an de grace mil trois cens quatre vingts & cinq.

Comment apres la paix de Gand, Pietre du Bois se retira en Angleterre, avec messire Iehan le Bourcier, par auant Gouuerneur de Gand pour le Roy d'Angleterre CHAP. CLXXIX.

A Pres* toutes ces ordōnances faites, & que ceste lettre & chartre de la paix fut grossoyée & seellée, elle fut publiée par-deuant les parties, & en eut le Duc de Bourgongne vne, & pareillement la ville de Gand vne autre. François Attremen & le Commun de la ville de Gand, qui là estoient, prirent humblement congé au Duc de Bourgongne, & à la Duchesse, & aussi à Madame de Brabant, en la remerciāt beaucoup de fois, & s'offrirēt pour tousiours-mais à son seruice. La bonne Dame les remercia, & leur pria, mout doucement, qu'ils voulussent tenir fermement la paix, & amener toutes manieres de gens, à ce que iamais ne fussent rebelles enuers leurs Seigneur & Dame, & leur remonstra comment à grande peine estoient ils peu venir à paix. Ils l'en remercierent de bōne volonté. Adonc se departirent toutes les parties, & s'en retournerent chacū en son lieu. Le Duc de Bourgongne & la Duchesse retournerent en la ville de l'Isle, & là se tindrēt vn temps, & ceux de Gand retournerent en leur ville. Quand Pietre du Bois veit que c'estoit tout à certes, & que confirmée & faite estoit la paix par les moyens dessusdits, & que toutes les gens de Gand en auoient grande ioye, & ne s'attendoient plus, que iamais guerre, rebellion, ne nul talent de mal, s'y boutast, ne mist, il en fut tout ebahi, & eut plusieurs imaginations, à sauoir fil demouroit à Gand avec les autres (car tout estoit pardonné, & par la teneur & seel du Duc de Bourgongne, on n'en deuoit iamais monstrier semblant, ne faire fait) ou fil s'en iroit en Angleterre, avec messire Iehan le Bourcier & les Anglois, qui s'appareilloient pour y aller. Tout consideré, il ne pouuoit veoir en luy-mesme qu'il fōst affier à celle paix, ne demourer dedans Gand. Bien est verité que

† Il faut prest
poser qu'il ne
s'en estoit pas
encores du tout
deuestu pour la
terre de Bethu-
ne, nonobstant
ce qu'il a dit
au cha. 165.

† Je ne doute
point que ce
mot ne soit cor-
rompu, & que
il n'y ait faute
apres Esche-
uins, du nom
de la ville de
ces Escheuins,
Mais ie n'ay
par qui le ra-
mender. Car

Sala ne me dit
que tels mots,
Nous Philip-
pe de Zede-
ghien mour-
trane des Es-
cheuins Phi-
lippe de mōt
cumat Che-
ualier. &c.

* Annot. 37
Depart del'as-
semblée de
Tournay.

François Attremen luy dit (quand il vouloit partir & issir de Gand) Pietre, tout est pardonné. Vous sauez, par les traittez faits & scelez de Monseigneur de Bourgongne, que de chose, qui auenuc soit, jamais on ne peut ne doit on monstrier nul semblant. Pietre respondit, François, en lettres escrites ne gisent pas tous les vrais pardons. On pardonne bien de bouche, & en donne on lettre, mais tousiours demeurent les haines es courages. Je suis en la ville de Gand vn homme de petite venue, & de bas lignage, & ay souffert à mon loyal pouuoir, pour soustenir en droit les libertez & franchises. Pensez vous que dedans deux ans, ou trois, il en doie souuenir au peuple? Il y a de grans lignages en la ville de Gand. Gisebrest Matthieu & ses freres retournerôt, qui furent ennemis à mon maistre Iehan Lyon. Iamais volontiers ne me verront, ne les parens de Sire Gisebrest Gente ne de Sire Simon Bete, qui par moy furent occis. Iamais sur tel estat ie ne m'y offeroye assureur. Et voulez vous demourer avec ces faux traistres, qui ont leur foy mentie enuers le Roy d'Angleterre? Le vous iure loyaumêt qu'encores vous mesme en mourrez. Je ne say (dit François) Je me confie tant en la paix, & es promesses de Monseigneur de Bourgongne & de Madame, que vrayement ie demoureray. Pietre du Bois fit vne priere & requeste aux Escheuins & Doyens du Conseil, & aux maistres de la ville de Gand, en leur remonstrant, Beaux Seigneurs, à mon loyal pouuoir i'ay seruy la bonne ville de Gand, & moult de fois me suis auenturé pour vous, & pour les beaux seruices que ie vous ay faits, en nom de guerdô ie ne vo' demâde autre chose, sinô que vous me vueillez conduire, ou faire conduire seurement en la compagnie de messire Iehan le Bourfier (que vous mandastes en Angleterre) & ne vous demande autre chose. Tous respondirent qu'ils le feroient volontiers, & vous dy que Sire Roger de Cremin & Iagues d'Ardembourg (par lesquels celle paix auoit esté traittée & demenée, si comme cy dessus est dit) estoient plus ioyeux de son departement, que courroucez, & aussi estoient aucuns notables de Gand, qui ne vouloient que paix & amour à toutes gens. Lors s'ordonna Pietre du Bois, & sen partit de Gand, en la compagnie de messire Iehan le Bourfier & des Anglois, & emmena tout le sien, & vous dy qu'il alla bien pourueu d'or & d'argêt & de beaux ioyaux. Si les conuoya messire Iehan d'Elle, sous le faufconduit du Duc de Bourgongne, iusques en la ville de Calais, & puis retourna avec les Gandois. Messire Iehan le Bourfier & Pietre du bois sen allerent en Angleterre, au plustost qu'ils peurent, & se presenterent au Roy & à ses oncles, & leur racompterent l'ordonnance & l'aiffaire de ceux de Gand, & comment ils estoient venus à paix. Le Roy fit bonne chere à Pietre du Bois, & aussi fit le Duc de Lancastre & ses freres, & luy seurent grand gré de ce qu'il festoit tiré deuers eux, & auoit abandonné ceux de Gand, pour venir à eux. Si le reuint le Roy, & luy donna tantost cent marcs de reuenue par an, assignez sur l'estaple des laines, à prendre à Londres. Ainsi demoura Pietre du Bois en Angleterre, & la bonneville de Gand en paix, & fut Sire Roger de Cremin Doyen des Nauieurs de Gand (qui estoit vn moult bel office, & de grand proffit, quand la nauire court en marchandise) & Sire Iagues d'Ardembourg fut Doyen des mestiers, qui est aussi vn grand office en la ville de Gand.

Requeste de Pietre du Bois à ceux de Gand.

Depart de Pietre du Bois hors de Gand avec messire Iehan le Bourfier, Anglois.

Le bon reuenue, que le Roy d'Angleterre, donna à Pietre du Bois.

FIN DV SECOND VOLUME DE MESSIRE
IEHAN FROISSART.

ANNOTATION PREMIERE.

& comment] *Tout ce passage estoit corrompu en ceste sorte. Et comment il ordōna en Artois es chasteaux dont il tenoit la possession capitaines & gens d'armes pour les tenir, & par especial en la ville d'Ypre ou il establit à demourer le Vicomte de Meaux & le Sire de Saint Py. Mais nous l'avons corrigé sur le 328. Chap. du prem. Vol. avec la substance de Sala, & selon les Cron. & Ann. de France comme aussi nous avons remis Ardre, pour Aire, peu-apres.*

ANNOTATION II.

& qu'il avoit mis) *Il y avoit icy & mis les bastides deuant Brest. Mais le Ch. 328. du prem. Vol. et le 15. du present second, assure ma correction. Car aussi l'on ne trouvera point que celle place de Brest fust nostre. Pourquoi donc eussent les Anglois dressé des bastides deuant?*

ANNOTATION III.

Si renonça) *A ce que ie puis veoir au cha. 35. il seroit bon de lire en cet endroit. Si renouella ce Pape toutes graces paravant faites, si que plusieurs se departirent, &c. Toutefois, pource que ie ne me cognoy gueres bien en tels mysteres Papaux, j'en laisse la correction à qui mieux s'y entendra que moy.*

ANNOTATION IIII.

comment apres) *Le premier passage, traitant de ce renouvellement de discord entre les Roys de France et de Navarre estoit corrompu, au cha. 11. du present Vol. en ceste sorte. Et ceste Roync de Navarre morte murmuratiōs se esleuerēt entre les sages & coustumiers en la Comté de Vire qui sied en Normādie laquelle estoit par droite hoirie de la succession de leur mere revenue aux enfans du roy de Navarre qui estoient de par luy dessous aage, &c. Quant à cestuy cy, il l'estoit encores en telle maniere, comment le Roy de Navarre, qui avoit eu à femme la seur du Roy de France par amour l'un de l'autre disoient & proposoiet, &c. Mais nous les avons tous deux racoustrez selon le sens de l'Auteur, aidé par Sala, cōbien qu'il s'en taise à ce dernier, disant simplement que le Roy de Navarre chuoia vers le Roy de France, pour tascher à r'avoir ses enfans, &c.*

ANNOTATION V.

Car le Roy) *Ce passage est fourni selon que j'ay peu deviner de la briève substance de Sala, & par le cha. 329. du prem. Vol. y ayant par avant icy Oliuier de Clifson, pour du Guesclin. Ce que le commencement du present cha. demontre semblablement. Mais, afin que vous soyez comment il a valu deviner, telle en estoit la corruptiō. Toutesfois par terre ils ne se pouvoient raitailler des gens d'armes des basses marches de Bretagne & de Normandie, desquels pour les Bretons messire Oliuier de Clifson estoit Capitaine, &c.*

ANNOTATION VI.

& la fut) *Je ne say qu'il veut dire s'il ne faut lire en ceste sorte, qui est loing separé de Cherbourg, ou bien & lors fut separé Cherbourg, c'est adire, demeura lors tout seul pour le Navarrois, estant separé d'Eureux par plusieurs garnisons de François, qui estoient es places d'entre d'eux, ou bien encor autrement (s'il faut prendre Aurenches pour Eureux, comme ce n'est pas sans propos, veu qu'elle est assez prochaine de la mer, & que le Roy vouloit estre saisi de toutes telles villes, de peur que les Anglois n'y prissent terre) faudroit lire qui là est separé de Cherbourg, par le pays de Constantin, & là font, &c.*

ANNOTATION VII.

cheuauchioient) *Il mettoit encores le Comte de Dimestre avec ces bannieres, mais il eust cōredit à ce qui vien dra peu-apres, quand le Comte de Bouquingua le fait Cheualier. Vray est qu'il en met encor plusieurs entre les pennons comme Hue de Caurelee, & Thomas de Percy, & tels autres, qui me semblent estre Cheualiers, & avoir leue bannieres au prem. vol. tellement qu'il y peut avoir de la corruption, trop difficile à corriger, pour son peu de consequence. Sa- la se taisoit de telles petites particularitez.*

ANNOTATION VIII.

Les pources gens) *Ceste clause & les trois, ou quatre autres suyuanes, sont amendées selon la Chaux, disant tels mots. Et qu'ils ostassent les aides qui couroient en France, car c'estoit vne chose dont il se tenoit fort chargé à sa conscience. Autrement il n'estoit possible d'en tirer bon sens, comme elles estoient, en ceste sorte. Les pources gens de nostre Royaume sont fort greuez & tourmentez par luy & les gens. Ostez les le plus tost que vous pourrez, car se sont choses nonobstant que ie les aye soustenues, qui moult me grieveēt & poissent en mon courage. Mais les grandes alliances que nous avons eues à toutes les bonnes vil- les à cause de ce m'y ont fait entendre Là ou Verard met icy vne telle virgule, apres à cause de ce.*

ANNOTATION IX.

Vincelin) *Sala dit Vincelant, qui vraiment estoit grand oncle du Roy Charles, sixiesme, estant frere de Madame Bonne de Luxembourg, mere du feu Roy Charles. Mais, quant au Duc de Bar, il avoit espousé vne des sœurs dudit feu Roy, & par elle estoit oncle de cestuy cy, Au regard des autres, qui suyuent, ils n'estoient point ses oncles, sinon le Comte de Savoie, qui avoit espousé l'une des sœurs de sa fene mere.*

ANNOTATION X.

sur la marche) *Il y avoit icy sur le marché, mais il y avoit aussi au commencement de cet article. Mais les cartes & descriptions assurent nostre correction, combien qu'il pourroit sembler à aucuns qu'il voulust dire sur le marché La fin du Cha. 75. dit aussi la Marche.*

ANNOTATION XI.

& ils entrerent dedans) *Nous avons ramendé ce passage, comme nous a semblé vouloir & entendre l'Auteur Toutesfois assez si la vieille leçon vous plaira bien ainsi qu'elle estoit, & ils entrerent dedans par les portes par l'une cent ou deux cens, vingt ou trente, ainsi que les villes estoient peuplées, ou bien selon Verard en ceste sorte, & ils entrerent dedans par les portes, par l'une cent ou deux cens, vingt ou trente, ainsi que les villes estoient peuplées. Sala n'en particularise rien.*

ANNOTATIONS.

ANNOTATION XII.

quatre vingts & vn) Il y auoit en ce lieu quatre vingts & sept, bien au long. Mais la deduction mesme de nostre Auteur, avec P. Verg. & Lilie, assure ma correction, & pouuoit estre venue la faute, de ce que l'on n'eust point trouué de g. apres vn, comme iadis on le souloit presque tousiours escrire en ceste sorte vng.

ANNOTATION XIII.

comme ceux d'Excestre) Il y auoit icy & dexces, de fons sixfexes, de kaent, ou de keut en Verard) & de Stafort, de Bethfort, de l'Euesque de VVaruich iusques à Genome & iusques à Lune, & mis les Cheualiers & gentils hommes en telle obeissance & tels & c. Ce que i'ay ramendé selon les Cartes & descriptions ne trouuant rien qui me contente, pour Genomme, ne pour Lune, s'il ne faut lire Notingame & Lincole.

ANNOTATION XIII.

Blancquede) Pol. Verg. dit Blaktheth. Mais ie n'enten point son interpretation françoise de noire brineu, et me doute qu'elle ne soit corrompue: n'ayant par qui vous la ramender pour ceste heure.

ANNOTATION XV.

Car le Royaume) La deduction precedente & subsequente monstre que ce passage estoit corrompu en ceste sorte, Car le Royaume d'Ang. par grans foisons d'armes auoit esté gouuerne à l'honneur du royaume & du profit común du peuple menu & c. Ce que ie pense estre auenu par le peu de consideratiō de quelqu'un, qui lisait d'armes, pour d'années, pensa que le reste suyuroit bien, s'il changeoit deshonneur en honneur, & dommage en profit.

ANNOTATION XVI.

de Vuaruich) Il y auoit, deuant ces deux mots, en ceste sorte, & autres cōtrées estranges, Darōdel, de Vuaruich, & c. Mais nous auons esté cela, pource qu'il le doubloit à une ligne pres. Quād au reste de ces noms propres de villes & pays, ie confesse ne les cognoistre tous. Neātmoins i'ose presque assener d'auoir bien remis Excestre, Suffort, Lincole, Yorch, & Duremmes (que Pol. Verg. & les cartes nomment Dunelmum) pour Xepcees, Souxeses, Hucolle, Yroth, & Durames, ou en Verard Xepcees, Souxeses, Bucalle, Yroth & durames.

ANNOTATION XVII.

losangers) Combien que ce mot vienne de los, qui signifie louange, & que losanger soit proprement un flateur & bauard, qui loue faussement autrui, en papelardant, neantmoins, par sens contraire, il est icy pris pour detracteur & méditant, comme il auient aussi souuentefois qu'en flatant et louant l'un, il detracte & medit de l'autre.

ANNOTATION XVIII.

apres que Tillier) Combien que nous ayons raconté ce passage selon que nous auons peu comprendre le sens de l'Auteur par les Cha. precedens, & suyuant Sala, qui dit tels mots. Entre ces choses & que les cinq Capitaines principaux de ces communes eurent esté de par le Roy executez & eussent à leur mort confessé cōmēt par haine ils auoient le Duc de Lancastre encolpe de traison. Le roy assembla iusques à cinq cens lances & autant d'Archers & veut aller visiter son Royaume, & c. Neantmoins, pource que l'Exem. de Verard, semble auoir quelque autre entête, que n'auoit pas celui sur lequel nous auōs corrigé, ie suis content de vous bailler leurs deux leçons, afin qu'en iugiez comme il vous plaira. Celui de Verard adonc ainsi. Quand ces gens furent rappaisez & que vaquier eust esté executé à mort & Saus Albon Listier, Stanfort, & Tillier, le hā Balle & plusieurs autres à Lōdres, le roy eut conseil, & c. Au regard du nostre il mettoit en ceste sorte. Quād ces gens furent rappaisez & que vaquier eust esté excuté à mort & Saus, Albon, Listier, Stanfort & Tillier, lehan Balle & plusieurs autres à Londres, le roy, & c. Surquoy vous vueil aduertir, que trouuant nostre correction bonne, encor faut il présupposer que ce Listier & Vaquier eussent esté pris par quelques officiers du Roy, quand leurs assemblées se furent departies, & qu'ils eussent esté enuoyez à Londres, & illec iusticiez.

ANNOTATION XIX.

& pour s'en faire) Retenez la vieille leçon, si elle vous semble bonne en ceste sorte, & pour faire leurs mains ny auoit riens refusé: tout estoit habandonné.

ANNOTATION XX.

& auoient leurs gens) Auiséz si la vieille leçon vous plaira bien ainsi, Ils auoient leurs gens haut & bas delez eux comme riches hommes & bien enlignages des plus riches de la ville qui se dissimulerent hors de la ville pour eux sauuer. Et aussi pour l'heure il n'y en eut que deux morts, mais pour le peuple, & c. ou bien s'il la faut point ainsi changer, Ils auoient leurs gens haut & bas delez eux, tellement que plusieurs, cōme riches hōmes & bien enlignagez, & des plus riches de la ville, dissimulerēt, & se retirèrent hors de la ville, pour eux sauuer, & c. Toutesfois ie pense auoir aussi bien suyui le sens de l'Auteur, & de faict, Verard escrit qu'ils se tenoient pour qui se tenoient.

ANNOTATION XXI.

qui est entre Calais) Vous pourrez retenir la vieille leçon, si elle vous plaist en ceste sorte, qui estoient en Calais & Hollande & pilloient & desroboient sur la mer tout ce qu'ils pouuoient trouuer & ne leur challoit sur qui, & alloient & couroient sur les bandes renommée de ceste mer de Flandres & de Zelande qui se teuoient la en attendant, & c. Neantmoins i'ose assener d'auoir suyui le sens de l'Auteur, & de faict, Verard escrit qu'ils se tenoient pour qui se tenoient.

ANNOTATION XXII.

au vingtiesme iour) Ainsi dit Verard & Sala pareillement, de sorte que ie pense qu'ils entendent du 20. iour d'a près Noel, en l'an 1382. à ma mode, combien que P. Ver. et Lilie ne mettent ce mariage que iusques en l'an 1384.

ANNOTATION XXIII.

& prirent le chemin) Encores que ie pense auoir bien remis ce passage, neantmoins, pource qu'il est amphibologie es deux Exemple suis content de vous apporter icy leur leçon, pour en prendre tel sens, qu'il vous plaira, ils disent dōc & prindrent le chemin du Dauphiné de Vienné, & la amena le Duc le Comte de Sauoye & les honnoira en ses bonnes villes tresgrandement, & c.

ANNOTATION XXIII.

Robert d'Artois) l'Hist. de Naples parle bien de ce Robert d'Artois, le faisant espoux de Marie, seur de la Royne Iehanne de Naples. Mais, quant à ces enchanteriers, nulles nouuelles, & aussi me semblent elles sentir leur Roman de Morgue

Morgue la fee ou d'Yrgande la decognee, tellement que le m'ebahy comme Froissart s'en est laissé abuser ou comment il en a voulu abuser la posterité.

ANNOTATION XXV.

Et lequel le luy) Encores que i'ose asseuer d'auoir remis ce passage, & ses suyans, selon le sens de l'Auteur, neât moins, pour ce que l'ancienne leçon pourroit sembler bonne à aucuns, ie suis content qu'ils la voyent telle, qu'elle est, en ceste sorte. Et lequel luy remonstrera d'être nous: Moy dit Soufcrée, mais aduonez ma parolle. Tous furent contents de l'aduouer. Adonc se partirent ils en l'estat ou ils estoient le pennon S. George deuant eux & qu'ils auoient ce iour leué & s'en vindrent aux Cordeliers ou le Côte estoit logé, & y deuoient aller dîner tous ses cōpaignōs qui estoient plus de sept cens. Eux & autres entrerēt en la court & de manderent le Côte, lequel issit hors de sa chābre & vint en la salle parler à eux. Adōc s'auācerēt tous les cheualiers qui là estoient. Et Soufcrée estoit deuant qui remonstroit de bō visage la parolle & dit. Monseigneur vous nous auez mandez si sommes venus en vostre presence, & encores d'autres assez qui sont la dehors & mis hors de nostre natiō d'Angleterre, & estre nostre chef, & de noz gages dōt nous n'en auons eu nuls. Nous ne nous deuons prendre fors que à vous. Car pour le roy, &c.

ANNOTATION XXVI.

ainçois se bouta) Ainsi le dit Verard, mais Sala met en ceste sorte, ains le dōnerent à vn sien frere bastard nōmé Iehan, mais on le nommoit maistre Denis pour cause d'un hospital dont il auoit le gouuernement. Quand au reste de la clause, noz Ex. la mettoient ainsi, Et estoit celui Denis vaillāt hōme aux armes du rement & tousiours auoit il porté les armes des Portugalois, & tant qu'ils le monstrent, &c. Mais nous l'auons remis selon le sens de l'Auteur, combiē que Sala die en ceste maniere. Ce bastard icy auoit tousiours portées les armes de Portugal & estoit vaillant hōme d'armes saige & prudēt & pour lequel couronnement vindrent grans guerres depuis si comme dit sera apres.

ANNOTATION XXVII.

Beaux Seigneurs) L'obscurité de ce passage estoit telle, Beaux Seigneurs, vous estes en grand peril, & chacun de luy mesme en soit aduertī, & aussi nous le vous ferons certifier. Et aussi quād vous serez tous mis en ce party & en sa volonté il ne fera pas mourir tous ceux qu'il verra en leur presence, mais aucuns, &c. Puis en fin de la clause y auoit viendront à mercy. Ce que nous auons éclairci selon le sens de l'Auteur, & aucunement par Verard, qui met tels mots. Et quand vous serez tous plainemēt mis en ce party & en sa volonté, il ne fera pas mourir tous ceux qu'il verra en presence.

ANNOTATION XXVIII.

& si en ceste bataille) Estant certain que la Natiuité de nostre Seigneur Iesuchrist fut long temps apres le regne de Nabugodonosor, & que ce Nabugodonosor estoit luy-mesme Roy des Assyriens, & celui sous qui fut la transmigration du peuple d'Israel en Babilone, vile capitale de son Royaume, nostre Exem. estoit icy corrompu en ceste sorte. Et si en ceste bataille mourons nostre seigneur Iesuchrist aura pitié de nous qui anciennement mist sa puissance en la main de Nabugodonosor Duc & maistre de sa Cheualerie, parquoy les Assyriens furent deconfits & tous mis à mort. Nous ferons par tout, &c. Ce que nous auons amendé selon la Sainte Bible, et ainsi que le semble vouloir l'Auteur par apres, des sermons es Religieux, qui estoient en l'Armée d'Arteuelle. Avec ce que l'Exempl. de Verard nous y a aucunement aidé, combiē qu'il soit luy-mesme corrompu en pareille maniere, Et si en ceste bataille Dieu a pitié de nous qui anciennement mist sa puissance en la main de Nabugodonosor Duc & maistre de sa cheualerie, parquoy les Assyriens furent deconfits nous ferons le plus honoré peuple, &c.

ANNOTATION XXIX.

Et pour ce) Tout ce passage estoit corrompu & obscurci, par transposition de lignes, & de mots, & changemens, d'iceux, avec faute de punctuation, en ceste maniere, Et pource que le roy escrit que a luy moult deplait que les discords ont si longuement esté & encores sont, dont nous auons grand merueille, comment ce peut estre au temps passé quant la ville de Gand fut assise celle d'Audenarde estoit de nulle valeur. Et ainsi est quand nous du commun conseil des trois bonnes villes de Flandres à luy escriuismes cōme à nostre souuerain seigneur qu'il voulsit faire la paix & accord, qui adonc ne luy en pleut autant à faire ainsi que nous semble que volontiers il le feroit maintenant. Ce que nous auons redrecé, & éclaircy, suyuant le sens de l'Auteur, comme nous auons fait aussi de tout le reste de ceste lettre.

ANNOTATION XXX.

Car nous sentons) Combien que nous pensions auoir amendé ce passage selon le vray sens de l'Auteur, neantmoins, pour ce qu'il se peut entendre encor en vne autre sorte, nous vous le mettrons tel qu'il estoit, pour l'éclaircir puis apres selon l'autre entente, car nous sentons que trahison acquerez especialemēt pour moy Philippe d'Arteuelle, dont Dieu me vueille garder & deffendre, & aussi faire mettre ou discord ou paix. Pourquoy nous vous faisons sauoir que de ce ne vous trauallez, Ce qui se peut ainsi entendre. Car nous sentons que trahison querez especialement pour moy, Philippe d'Arteuelle, dont Dieu me vueille garder & deffendre. Parquoy, pour fin mettre à discord, & ouurir paix, nous vous faisons sauoir, &c.

ANNOTATION XXXI.

& le Begue) Pource que ie ne m'asseure pas d'auoir bien restitué ce passage, & qu'il se pourroit encores lire ainsi, & le Begue de Villaines, & le Vicomte d'Aci, qui se nommera par son nom, ci-dessous, en plusieurs lieux le Vicomte d'Aunoy, ses deux Cheualiers, &c. Je suis content de vous mettre icy la vieille leçon, pour en deuiner ce, qu'il vous plaira. Elle est donc telle, le Begue de Villaines, & le Vicomte d'Aci qui se nomme la personne ci-dessus en plusieurs lieux le Vicomte d'Aunoy ses deux Cheualiers delez luy.

ANNOTATION XXXII.

Quand ces Capiraines) Pource que la deduction suyuant, par laquelle nous auons ramendé ce commencement, est semblablement corrompue, nous auons remis la vieille leçon, pour y mieux asseoir vostre iugemēt. Quand ces Flamans furent appelez & que chacun se tenoit en son logis, & toutesfoīs ils sentoient bien leurs ennemis au mont près d'une lieue d'eux, il me fut aduis que Philippe d'Arteuelle auoit enuoyé vne Da-

ANNOTATIONS.

moiselle de Gand laquelle en ce voyage estoit venue avec eux, &c.

ANNOTATION XXXIII.

Pour sauoir) *Voicy le passage, sur lequel nous auons principalement racoustre ce, dont il est question en l'Ann. precedent, combien qu'il fust aussi corrompu en ceste sorte, pour sauoir quelle chose il luy failloit quand il l'armoit & ne trouuoient ceux qui enuoyez y furent. Et rapporterent qu'ils auoient esté moult esbahis & blasmez de ce qu'ils auoient ouy noise & bruit, &c. Sala, pour toute ceste merueille, ne dit que tels mots. Puis se retirèrent tous ces Capitaines entre leurs gens & les admonesterent du bien faire & de vaincre & occire les François sans mercy. Or aduint entour minuit que la dame par amours de Philippe d'Arreuelle issit à l'air pour regarder le temps & luy sembla que sur le mont d'Or qui estoit la pres entre l'ost du Roy & le leur, elle oyt vne tresgrand faine & crier mont loye & cuyda que ce fussent les François qui veinssent pour le prendre, si s'en court esuciller Philippe. Philippe se leua & Escoute celle mesme faine, & fist sonner sa trompette pour l'ost esuciller & armer. Ceux du guet vindrent à luy & luy dirent, qu'ils auoient bien ouye celle faine & auoient enuoyé sur le mont d'or & ceux n'y auoient rien trouué. A la verité aussi n'y auoit riens, mais est à supposer que c'estoient diables d'enfer qui s'estoient là assemblez pour la grand proye qu'ils attendoient auoir le lendemain, &c.*

ANNOTATION XXXIII I.

Item s'ensuyuent) *Pource que ie ne m'assure pas d'auoir bien remis ces trois clauses, ie vous prie d'asseoir vostre iugement sur la vieille leçon, qui est telle. Item s'ensuyuent ceux qui furent ordonnez pour le conuoy, messire Pierre de Bailleuf prochain du corps deuant, messire Iehan du Moulin, mené de Iehan de Quinghen & de Haubequin le Marechal, messire Sohier de Gand deuant, messire Pierre de Bailleuf mené de Guyot de Lompre & de Iehan Loys Seigneur de Labertencourt, mené de Huyart de Quinghé & de Michel de la Quarre. Apres s'ensuyuent les bannieres de la Biere. Et premierement Messire François de Hasurquerque, messire Goussain le sauage deuant messire Lancelot, la Personne deuant messire Goussain, messire Iehan de la Helle deuant messire Lancelot, la Personne deuant messire Goussain. Item s'ensuyuent ceux qui porterent les bannieres de la Biere & du conuoy. Messire Matthieu de Hui nieres deuant & messire Iehan Helles, le Seigneur des Aueaux aussi deuant messire Mathieu, messire Cierchelart de la Barre deuant ledit Seigneur des Aueaux & messire Iehâ de Paris deuant Cierchelart.*

ANNOTATION XXXV.

Ou eux à aucuns) *Ce passage m'a donné de peine, & neantmoins ie n'ay par qui m'assurer de l'auoir bien remis si l'on ne prend bien garde au sens & à la deduction de l'Auteur, Pourtant voyez vous mesmes si vous entendez l'ancienne leçon, ou si vous la pourrez mieux amender. Elle est telle, ou aucuns qui ont tenu nostre parti pour occasion d'aucuns débats ou dissensions dessusdits de telle offence que par telle cognoissance des officiers du Seigneur & des loix à qui il appartiendra le fait soit criminel, le malfaiteur, ses aydants & complices & ceux qui les receleront sans fraude soient puniz en corps & en biens come de paix enfrainte, tant par la iustice de noz officiers ou d'autres Seigneurs comis par les loix du pays, si come à luy appartiendra, &c. Quant à sala, il est semblablement corrompu de ceste sorte, ou aucuns de ceux ont tenue nostre partie pour aucuns débats ou dissensions dessusdits que celle deffence que par telle cognoissance des officiers du Seigneur & des loix à qui il appartiendra le faisoit criminel, le malfaiteur, ses aydants & complices & ceux qui le recepuront sans fraude soient punis en corps & en biens come de paix enfrainte tant par la iustice de noz officiers ou d'autres Seigneurs, comme par les loix du pays si comme à chacun appartiendra, &c.*

ANNOTATION XXXVI.

Et nous) *Cet article est bien plus ample dedans Sala, par tels mots. Et nous Doyens & comunautez de la ville de Gand pour nous & noz complices quelconques auons receus & receuons humblement les graces clemences, & pardons dessusdits à nous faits par le Roy Charles nostre souuerain Seig. & par lesdits Duc & Duchesse Côte & Comtesse de Flandres noz droicturiers & naturels Seigneurs & Dames desdites graces & pardons remerciés de noz bons cueurs tant que plus pouuons le Roy nostre souuerain seigneur & nosdit seigneur & dame. Et promettés loyaument pour nous & pour noz complices fermement sans enfreindre tous les articles & points dessusdits & sur les peines dessusdites tenir & entretenir & fermement accomplir sans enfreindre tous articles dessusdits, Lesquels & chacun d'eux nous aduouons pour agreables. Et aussi que aucuns ou aucun qui voudroit venir al'encointre nous promettons à aider & à pourchacer de tout nostre pouuoir qu'ils soient punis par la forme & maniere qu'il appartiendra & mis en la vraye obeissance du Roy & de nosdit seigneur & dame comme dessus est dit. Et renouans à toutes les alliances & sermens faits & hommages que nous ou aucuns de nous auons fait au roy d'Angleterre ou à ses commis & deputez gens & officiers & tous autres qui ne seroient bien de nostre dit souuerain seigneur ou de nosdits naturels seigneurs & dame. Item nous auons iuré & iurons en noz loyautez que dorenavant nous sommes & serons perpetuellement bons vrayes & loyaux subiets au Roy nostre dit Seigneur & à ses successeurs roys de France noz droicturiers & naturels seigneur & dame dessusdit & à leurs successeurs Comte & Comtesse de Flâdres. Et que à noz seigneur & dame dessusdit & à leurs successeurs Comtes & Comtesses de Flandres nous ferons les sermens que bons & loyaux subiets doiuent faire à leur droit seigneur. Et garderons leurs corps & honneurs.*

ANNOTATION XXXVII.

Apres toutes) *Il n'est aucunement parlé de ce cha. en sala, ains fait fin à ce Volume second, apres tels mots l'an de grace mil trois cens quatre vingts & cinq, escriuant ainsi.*

Cy fine maistre Iehan Froissart son second liure.

FIN DES ANNOTATIONS

DU SECOND VOLUME.

HISTOIRE ET CHRONIQUE MEMORABLE DE MES- SIRE IEHAN FROISSART.

REVEV ET CORRIGE SVS DIVERS
EXEMPLAIRES, ET SVIVANT LES BONS AV-
teurs, par Denis Sauvage de Fontenailles en Brie, Histo-
riographe du Treschrestien Roy Henry
deuxiesme de ce nom.

TIERS VOLUME.



A PARIS.

A L'OLIVIER DE PIERRE L'HVILLIER,
RVE SAINT IACQUES.

M. D. LXXIIII.

TABLE DES CHAPITRES DV TIER S

VOLUME DE MESSIRE IEHAN FROISSART.

- C**omment & pourquoy messire Iehan Froissart se retira vers le côte de Foix. chap. i. page. 1
 Brève repetition de ce qui est contenu en quelques chap. du second Volume, pour mieux continuer la guerre d'entre le Roy Iehan de Castille, & le Bastard Denis de Portugal, frere du feu Roy Ferrand. II. 2
- Comment le Comte de Foix, à la priere de la Princesse de Galles, fit grace de soixante mille francs: au Comte d'Armignac, sur une rançon de deux cens cinquante mille: & comment le chasteau de Lourde, Anglois, maistrisoit son voisinage. III. 5
- Comment messire Iehan Froissart en faisant son voiage vers Bearn, s'accôpaigna d'un cheualier du Côte de Foix, qui luy racompta cōment ceux du chasteau de Lourde prirent Ortingas, & le Pallier au renouvellement des guerres de Guienne, apres le traité de Bretigni rompu. IIII. 7
- Comment Froiss. & le Cheualier de Foix arriuerent à Casseres, là ou le Cheualier luy cōpte la prise d'icelle ville par les Armignacs, & aussi la reprise par le Côte de Foix, & apres en poursuivant leur chemin, quelques autres faits d'armes d'entre les Armignacs & Foixiens. V. 10
- Continuation du voiage de Froissart avec le cheualier de Foix, qui luy cōpte quelques petites particularitez du siege de Brest & de Dernal en Bretagne, & comment le Duc d'Anjou recouura Mauuoisin & Trigalet sur les Anglois. VI. 13
- Poursuite du chemin de Froiss. sur lequel, en faisant la iournee de Tournay à Tarbes, le Cheualier de Foix luy recite cōment ceux de Lourde eurent une dure rencontre avec les François des garnisons voisines, & quelques autres particularitez touchant le siege de Lourde, & quāt à la mort du Capitaine, ne le voulant rendre au Comte de Foix son parent. VI. 17
- Iournee de Tarbe à Morlens, sur lequel chemin le Cheualier de Foix racompte à Froissart le discord du Duc de Berri & du Comte de Foix, & la cause de la guerre d'entre luy & le Comte d'Armignac. VII. 22
- Comment messire Iehan Froiss. arriua à Ortais, en la maison du Comte de Foix, là ou un ancien Escuyers luy racompte la cruelle & piteuse mort du propre fils du comte, & cōment une estrāge resuerie saisissoit de nuit messire Pierre de Bearn, frere Bastard du Comte Foix. VIII. 26
- De la grande solennité, que le Côte de Foix faisoit à la feste S. Nicolas, & au iour de Noel, durant lesquelles Froissart s'accointa du Bastoi de Maulion, qui luy racompta, entre autres choses, comment plusieurs Capitaines de cōpaignies furent déconfits deuant la ville de Sanxerre: comment il surprit la ville de Thurie en Albigeois: & comment un, nōme Limosin, se vengea d'un outrage, que luy auoit fait Loys Raimbaut. IX. 32
- Briève repetition du second ch. de ce present Volume, & continuatiō de la guerre, qui fut entre les Rois Iehan de Castille & Denis de Portugal. X. 40
- Cōment ceux de S. Yrain se rebellerent contre aucuns Gēs-d'armes du parti de leur Roy, & cōment ayāt leuē son siege de Lisseb. se retira vers ceste ville de S. Yrain: qui se recōcilia avec luy. XI. 43
- Comment les Espaignols commencerent à porter enuie aux François & Bearnois qui estoient venus au secours de leur Roy: & comment cinq cens Anglois arriuerent aussi à l'aide du roy de Portugal. XII. 45
- Comment le Roy de Portugal fit son mandement pour tenir les chymps vers S. Yrain, & cōment le Roy de Castille sortit à l'encontre. XIII. 47
- Comment les Portugalois se fortifierent pres l'Eglise de Iuberoth, par le conseil des Anglois: & comment le Roy Iehan de Castille resolut de les aller combattre, par l'avis des François & Bearnois: dont continua l'enuie & la haine des Espaignols contre iceux. XIII. 50
- De la bataille de Iuberoth, en laquelle les François & Bearnois du parti de castille furent tous déconfits & tuez par les Portugalois, en faute d'estre assez tost seconrus des Espaignols, leurs ennux, qui puis apres encoururent aussi presque en mesme auenture. XV. 53
- Comment le Roy de Castille, apres sa cēconfiture de Iuberoth, se retira dedans Saint-Yrain, & le roy dede Portugal à Lissebonne, & comment trēues furent prises entre eux. XVI. 56
- Comment le Côte de Foix fut soudainemēt auerti de ce qui estoit auenu à Iuberoth, & ce par secrette maniere, au propos de laquelle Froiss. fait un cōpte, qui luy fut recité touchant un Esprit famillier, nōmé Orthon, seruant le Seigneur de Corasse en semblable maniere. XVII. 58
- Comment le siege fut mis deuant Brest en Bretagne, & cōment S. Forget & quelques autres fortteresses Angl. d'enuiron le pays de Toulouze furent recourees, & faites Franç. XVIII. 61
- Comment le chastel de Conualle fut assiegé & prins d'assaut par les François, & quelques autres for-

tres fortereſſes retournées Françoises.

XIX. 66

Petite digreſſion ſur le naturel des Gaſcons, du temps de Froiſſart, & des Anglois auſſi. XX. 68

De l'arrivée du Roy Leon d'Armenie en France: ſur laquelle arrivée Froiſſart prend occaſion de parler de l'eſtat des Génevois de ſon temps, & de la mort du Roy Pierre de Cypre. XXI. 69

De pluſieurs nouvelles des Turcs & des Tartres, racomptées en France, par le Roy Leon d'Armenie. XXII. 71

Continuation des nouvelles de Leuāt, racōptées aux Barōs Frāçois par le Roy d'Armenie. XXIII. 73

Comment, pendant toutes les guerres deſſuſdites, la diſſenſion & guerre continuoit auſſi entre les deux, qui ſe diſoient Papes: c'eſtaſſanoir Vrbain ſixieſme, & clement ſeptieſme de ce nom, & du bon Apologue de frere Iehan de Rochetaillade ſur la Papauté. XXIII. 76

Pour quelle raiſon ceux de Liſſebonne & autres Portugalois firent le Baſtard Denis Roy de Portugal, pluſtoſt que de recevoir le Roy Iehan de Caſtille: qui avoit eſpouſé Bietrix, fille du feu Roy Ferrand de Portugal. XXV. 78

comment Froiſſart alla juſques à Meldebourg en Zelande, pour s'enquerir des affaires de Portugal, à un Chevalier du païs, qui ſ'en alloit en Puce. XXVI. 80

Comment ceux de Portugal enuoierent meſſagers en Angl. pour noncer les nouvelles de leur païs au Roy & aux grans Seigneurs Anglois, apres la bataille de Iuberoth. XXVII. 81

Des affaires de Caſtille & de Portu. racōptées au Duc de Lancl. par Laurencien Fongaffe, l'un des Ambaſſ. de Port. ſelon qu'elles auindrent depuis le depart du côté de Câtebruge. XXVIII. 84

Cōment les Ambaſſadeurs de Portugal furent renuoiēz avec bonne depeſche: & cōment le Duc de Lanclaſtre ſ'embarqua, pour aller au recouurement de caſtille. XXIX. 99

Cōment pluſieurs cheualiers & eſcuiers de France allerent au ſervice du Roy de Caſtille. XXX. 101

Cōment le Duc de Lanclaſtre, en nauigant vers Eſpaigne, aſſaillit & fit lever le ſiege, que les Frāçois tenoient deuant Breſt. XXXI. 102

comment le Duc de Lanclaſtre arriva à la coulongne en Galice, & comment les François, qui eſtoient allez au ſervice de caſtille, ſe meirent dedans la ville & fortereſſe, alencontre de luy, & pen apres déconfirent quelque troupe de ſes fourrageurs. XXXII. 104

comment le Duc de Lanclaſtre & tout ſon oſt, quād ils eurent ſeourné un mois à la coulongne, cheuaucherēt deuers la ville S. Iaques en Galice: & cōment il y entra par cōpoſition. XXXIII. 106

Cōment les Frāçois, eſtans partis de la coulongne, & retournez vers le Roy de Caſtille, firent grandement leur profit ſur ſon païs, pour en fruſtrer les ennemis. XXXIII. 108

Des grans appareils & pourueances, qui generalemēt furent faites de par le Roy, par tout le Roiaume de France, en intention d'aller en Angleterre: avec un incident de la mort de François Attremen, iadis l'un des capitaines des Gandois. XXXV. 110

De l'inutile deſpenſe de l'armée marine des François, & du bon ordre des Anglois, pour leur reſiſter. XXXVI. 113

comment le Roy de Portugal eſcriuit amiablement au Duc de Lancl. quand il ſent qu'il fut arrivé à S. Iaques en Galice: comment le Roy de caſtille demanda ſecours en France, & cōment la ville de Rouelles en Galice fut priſe par les Anglois. XXXVII. 115

Cōment le Mareſchal du Duc de Lancl. prit par cōpoſition Villeclope en Galice: & des Ambaſſ. que le Duc enuoia au Roy de Portugal tendans à fin de ſ'entreueoir & parler enſemble. XXXVIII. 118

comment, à la poursuite du Duc de Lancl. le Roy de Port. & luy ſ'entreueirent, parlerent enſemble, & accorderent le mariage d'iceluy Roy avec Philippe-fille du Duc de Lancl. XXXIX. 122

comment le Mareſchal de l'armée du Duc de Lancl. gagna pluſieurs villes de Galice pour ſon Seigneur, & comment le Roy Iehan de Caſtille ſe maintenoit ce pendant. XL. 125

comment le Roy de France ſ'en alla à l'Isle, en Flandres, en intention de paſſer en Angl. & comment meſſire Simon Burle fut d'avis de trāſporter la chaſſe de S. Thomas en la fortereſſe de Douures, de peur des François. XLI. 131

Cōment le Roy de France ſ'en alla vers ſes vaiſſeaux de mer à l'Eſclufe en Flandres, pour ſon embarquement, & cōment le Roy d'Armenie paſſa en Angleterre, pour y moiennier appointement entre les deux Rois & de la reſponſe qu'il eut. XLII. 134

comment Monſeig. de Berri ſe partit de Paris, pour venir à l'Eſclufe, & cōment le cōneſtable de France, atant eu vent contraire ſur la mer en venant de Bret. arriva vers le Roy. XLIII. 137

D'une emeute de ceux de Bruges contre les François, apaiſée par le Seigneur de Guiſtelles, & cōmēt le voiage d'Angleterre fut delaiſſé, pour la cauſe des vents, & de l'Yuer, par le conſeil du Duc de Berri, dont fut faite grande feſte en Angleterre. XLIII. au meſme

comment deux champions iouſtierent à Paris à outrance. XLV. 139.

T A B L E

- Comment le roy Pietre d'Arragon mourut, & comment le nouueau Roy Iehan son fils, retint prisonnier l'Archeuesque de Bordeaux, negociateur du Duc de Lanclastre, pour le recouuement de certains deniers, qu'il pretendoit luy estre deus au Royaume d'Arragon.* XLVI. 142
- Comment le Duc de Lanclastre fit faire guerre sur les frontieres d'Arragon, tant qu'on luy eust rendu son Archeuesque de Bordeaux, & comment la Dame de Castel-bon, estant soupconnee d'auoir mis les Anglois en vn sien chasteau, s'en excusa vers le ieune Roy d'Arragon, par l'entremise du Comte de Foix.* XLVII. 143
- Comment ceux des routes, qui auoient pris le chasteau de Dulcen sur les frontieres d'Arragon, furent subtilement deconfits & ruez ius par Raimo de Bachez, cousin du Roy d'Arragon.* XLVIII. 145
- D'un fait-d'armes, acöpli deuät le Senechal de Bordeaux, entre vn François & vn Angl.* XLIX. 146
- De la longue prison de Iehan de Blois, fils de feu Charles de Blois, en Angleterre, & cöment messire Oliuier de Clifson l'en deliura, & luy donna sa fille en mariage, au grand mecontentement du Duc de Bretagne.* I. au mesme
- De l'appareil de France, pour secourir le Roy Iehan de Castille, & comment le Duc de Bourbon fut eleu pour y aller, & estre chef de l'armee Françoise.* LI. 150
- Comment l'armee marine d'Angleterre desit celle de messire Iehan de Buch, Admiral de Flandres, pour le Duc de Bourgongne, & comment les Anglois apres auoir fait plusieurs maux es enuirs de l'Escluse, s'en retournerent a Londres.* LII. 151
- Comment le Roy de Portugal enuoia ses Ambassadeurs en Galice, vers le Duc de Lanclastre, pour accomplir le mariage de luy & de Madame Philippe, & comment le Barrois des Barres, fut enuoye au chasteau de Noye en Galice, par le Roy de Castille.* LIII. 154
- Du renfort, que le Duc de Lanclastre enuoya au siege de Ribadane, & comment estant la ville prise d'assaut, celle de Maures se rendit incontinent.* LIIII. 156
- Cöment Madame Philippe de Lanclastre fut espousee au Roy de Port. par procureur, & comment, luy estant mencee, l'espousa personnellement, en grandes festes & magnificences.* LV. 158
- Comment le Duc de Lanclastre & ses gens cheuaucherent vers la cite de Besances: & comment ceux de Besances enuoyerent vers le Roy de Castille, pour auoir secours, par composition faite avec le Duc de Lanclastre.* LVI. 159
- Comment la Duchesse de Lanclastre, avec sa fille Catherine, s'en alla veoir le Roy & la Roine de Portugal, & comment ceux de Besances, n'ayant secours, ne responce du Roy de Castille, se rendirent au Duc de Lanclastre, selon leur composition.* LVII. 161
- Comment le Comte de Foix permit aux Capitaines Francois de passer leurs gens par ses terres, moiennant qu'ils paioient ce qu'ils prendroient, & non autrement: & comment ils arriuerent a S. Iehan-de-pie-de-pors, a l'entree de Nanarre.* LVIII. 162
- Comment messire Iehan de Hollande & messire Regnaud de Roie freret vn fait-d'armes l'un contre l'autre, en la ville de Besances, deuänt le Roy & Roine de Portugal, & deuänt le Duc & Duchesse de Lanclastre.* LIX. 166
- Comment le Roy de Portugal entreprit d'entrer en Castille pendant que le Duc de Lanclastre acheue roit de conquerir les places de Gallice: & comment ils se denoient reioindre ensöble.* LX. 168
- Comment messire Guill. de Lignac & messire Gautier de Passac trauerferet le Royaume de Nanarre, avec leurs gens, & comment ils arriuerent a Burgues, vers le Roy de Castille.* LXI. 169
- Comment, apres plusieurs conseils & auis, donnez au Roy de Castille sur le moyen de faire sa guerre fut arreste, selö l'opinio de messire Guill. de Lignac & Gautier de Passac, qu'o attendroit le duc de Bourbo, deuänt que cöbattre, & ce pendant on guerroyeroit par garnisons.* LXII. 170
- De l'appareil du Connestable de Clifson, pour descendre en Angleterre a main armee: & des troubles & murmures, qui furent contre le Roy Richard & son Conseil.* LXIII. 174
- Comment pendant que le Connestable de France & plusieurs autres s'appareilloient pour aller en Angl. conquerir villes & chasteaux, le Duc de Bret. machina de röpre ce voiage.* LXIIII. 176
- Comment le Duc de Bretagne manda tous Barons & cheualiers de son pais, pour estre au conseil a Vennes, & comment il retint prisonnier, en son chasteau de l'Ermine, le Connestable de Clifson & le Sire de Beaumanoir, au grand danger de leurs vies.* LXV. 179
- Comment le Sire de Lual fit tant enuers le Duc de Bretagne, que le Connestable seroit deliure, moiennant grosse somme de deniers, & en luy mettät quelqs siens places entre mains.* LXVI. 181
- Comment le Sire de Beaumanoir fut deliure par le Duc de Bretagne, pour aller querir la finance de la rancon du Connestable, luy faisant deliurer les places accordees, & cöment la prise du Connestable fut seue en son armee marine & a la court de France.* LXVII. 183
- Comment lettres furent escriptes a la volonte du Duc de Bretagne, touchant la cession des places du Connestable, comment les armees marines de l'Entriguyer & de Harfieu furent rompues,*

- Et comment, estant le connestable deliuré, s'en vint plaindre au roy de France, luy remettant l'Office de la connestablie de France entre mains. LXVIII. 184
- comment le Duc de Gueldres enuoya desir le roy de France, en faueur du roy d'Angleterre. LXIX. 186
- comment deux capitaines Bretos, ayans vaillamment deffendu la ville d'Aurene en Galice, cōire le Duc de Lanclastre, en sortirent par composition, pourchacee mesmes par les Anglis. LXX. 187
- comment le roy de Portugal, ne pouuant forcer les chasteaux de Saint-Yrain, fit bruller la ville: Et comment il s'en alla vers Ferol en Galice. LXXI. 191
- Comment le roy de Portugal, n'ayant peu prendre la ville de Ferol par assaut, l'eut par embusche, Et la mit en l'obeissance du duc de Lanclastre. LXXII. 192
- comment l'armee du duc de Lanclastre vint deuant Noye en Galice: Et cōment les Anglois furent receus aux barrieres de la ville, par le Barrois des Barres Et ses compaignons. LXXIII. 194
- Comment le roy de France enuoya quelques notables personnages vers le Duc de Bretagne, pour luy demander raison du tort fait en la personne du connestable de Clisson. LXXIII. 195
- De qui Froissart sent ce qu'il a escrit de la prise du connestable de Clisson, Et que Bertrād du Guesclin deuoit estre surnommé du Glay-Aquin. LXXV. 196
- Cōment les Ambassadeurs du roy de France vindrent par deuers le duc de Bretagne, pour la prise du Connestable: Et de la responce qu'il leur fit, apres qu'ils eurent fait leur relation. LXXVI. 199
- comment les ducs d'Orch Et de cloestre, oncles du roy d'Angleterre, Et quelques autres Barons estoient tous d'une alliance contre le roy Et son conseil: de la murmuracion du peuple, contre le Duc d'Irlande: Et comment par le conseil du Duc de Cloestre, Et à la faueur des autres allies, les Londriens Et leurs complices obtindrent du roy que iour fust assigné à ceux, qui auoient manié ses finances, d'en rendre compte. LXXVII. 201
- Comment estant le terme de l'assignation des comptes venu, les deputez condamnerent mesire Simon Burle à tenir prison en la tour de Londres: Et comment mesire Thomas Triuet mourut ce pendant: Et comment mesire Guillaume Helmen fut excusé d'auoir pris argent, pour Bourbourg Et Grauelines. LXXVIII. 205
- Comment, estant le Roy d'Angleterre party de Londres Et des enuiron, mesire Simon Burle fut décolé: du courroux, qu'en prirent les roy Et roine d'Angleterre: Et du renouvellement de quelques officiers Et conseillers du roy. LXXIX. 207
- Comment se tenant le conseil à Londres sur la reformation des gouuerneurs du roy Et du royaume d'Angleterre, le roy Richard, par le conseil du duc d'Irlande, fut d'accord de courir sus Et porter guerre à ses oncles Et à ses villes Et citez. LXXX. 209
- comment le roy d'Angleterre fit son mandement es parties de Bristo, pour aller à Londres: Et comment mesire Robert Triuilien, y estant enuoyé pour espier, fut pris à Westmonstier, Et décolé, par le commandement des oncles du roy. LXXXI. 211
- Comment apres les nouuelles du décolement de mesire Robert Triuilien, l'Archeuesque d'Orch Et mesire Nicolas Brambre confirmerent le roy Richard à mener guerre contre ses oncles: Et comment le Duc d'Irlande, son Lieutenant général, conduisit armee iusques à la ville d'Acquesuffort. LXXXII. 212
- comment le Duc d'Irlande enuoya trois Cheualiers à Londres, pour sauoir des nouuelles: Et comment les oncles du Roy, Et les Londriens se meirent sur les champs, pour combattre le Duc d'Irlande Et son alliance. LXXXIII. 214
- Comment les oncles du Roy firent tant, qu'ils gainerēt la iournee contre le duc d'Irlande: Et comment le duc d'Irlande s'enfuit, Et plusieurs autres de sa compaignie. LXXXIII. 216
- Comment le duc d'Irlande Et quelques siens compaignons se retirerent en Hollande, Et en l'Euesché d'Vtrecht: Et comment l'Archeuesque de Cantorbie, enuoyé vers le roy de par ses deux oncles, fit tant qu'il l'amena honnorablement à Londres. LXXXV. 217
- Comment de par le roy Et ses oncles, Et pas les Seigneurs du conseil d'Angl. furent mandez ducs, Comtes, Prelats, Barons, Chenaliers, Et Escuyers d'Angl. pour estre au conseil general, qui deuoit estre à Westmonstier, Et illec releuer leurs hommages, au Palais du roy. LXXXVI. 219
- Comment le roy de Portugal Et le duc de Lanclastre assemblerent leurs puisances ensemble: Et comment, ne pouuans passer la riuiere de Derne, un Escuyer de Galice prisonnier de guerre, leur enseigna le gué. LXXXVII. 220
- Comment Gautier de Passac Et Guillaume de Lignac, chefs des François en Castille, conseillerent au roy d'attendre le duc de Bourbon, sans s'auenturer à la bataille: Et comment aucuns Anglois allerent écaroucher aux François de Ville-Arpent: Et comment le Duc de Lanclastre commença à se décourager, pour les mesaises de luy Et de ses gens. LXXXVIII. 223

T A B L E

- Comment le Duc de Lanclastre donna congé à ses gens, & comment trois cheualiers d'Angleterre, ayans impetré saufconduit par vn Heraut, allerent vers le Roy de Castille, pour moyenner retraite, ou leur retour, aux Gens-d'armes susdits. LXXXIX. 225
- Comment les Ambassadeurs des Anglois du duc de Lanclastre impetrerent vn saufconduit du roy de Castille, pour penser leurs malades en ses pays, & passer seurement ceux, qui s'en retourneroient hors d'Espagne: & comment plusieurs Cheualiers & Escuyers d'Angleterre moururent en Castille & es pays des Espagnes, estant le duc de Lanclastre mesme tombé en grande maladie, à Saint-Iaques en Galice XC. 227
- comment messire Iehan de Hollande, Cōnest. du duc de Lancl. prit congé de luy, s'en retournant à tout sa femme, par castille & par Nauarre, à Bayōne & à Bord. & cōment messire Iean d'Aubert. alla à Paris, pour vouloir accomplir vn fait-d'armes, contre Bouciquant. XCI. 230
- Comment le duc de Bourbon, estant parti d'Auignon, avec son ost, s'en alla trouuer le Roy de Castille à Burgues: comment le Duc de Lanclastre, en estant auerti, se pourueut du roy de Portugal: & comment le duc de Bourbon, apres plusieurs conioiſsemens, eut congé du Roy de castille, & s'en retourna droit en France. XCII. 232
- Comment le comte de Foix receut honnorablement le duc de Bourbon: & des beaux dons, qu'il luy fit: & comment les gens messire Guillaume de Lignac & messire Gautier de Passac saccagerent la ville de Saint-Phagbon, en partāt d'Espagne dont le roi d'Espagne mōstra courroux à ces deux capitaines, qui estoient encor pres de luy. XCIII. 236
- Comment le Duc de Lanclastre, estant parti de Saint-Iaques, & de Connimbres en Portugal, arriua par mer à Bayonne. XCIIII. 236
- Comment le comte d'Armignac meit grand' peine de traitter aux compaignons, pour leur faire rendre leurs forts, en leur deliurant argent: & comment le Comte de Foix l'en empescha secrettement. XCV. 237
- Digression, ou discours, aucunement hors du propos principal, sur vne querelle d'entre la maison de Brabant & celle de Gueldres, avec la vie d'un Comte Regnaud de Gueldres & de ses successeurs, pour mieux venir au temps de celui, qui desfia le roy Charles, sixiesme, en faueur du roy Richard d'Angleterre, & aux causes de ce defi. XCVI. 239
- Retour au discours de la querelle d'entre la maison de Brabant & celle de Gueld. aucunement entrelaisé au chapitre precedent, pour mieux continuer la race du premier duc de Gueld. iusques à ce Guillaume de Iulliers, duc de Gueldres, qui desfia le roy Charles sixiesme. XCVII. 244
- continuation du discours de la querelle de Brab. & de Gueld. & cōment, estant mort le duc Vincelant de Brabant, le ieune Guillaume de Iulliers, duc de Gueldres par sa femme, tascha par tous moyens de recouurer les chasteaux, dont il estoit question, s'alliant mesme avec le roy d'Angl. contre le roy de France: qui deuoit soutenir le parti de la vesue de Brabant. XCVIII. 248
- Comment la Duchesse de Brabant enuoya Ambass. deuers Charles 6. roy de France, contre le duc de Guerles, sur le temps qu'il auoit desfié le roy, & de la bonne responce qu'elle eut. XCIX. 250
- De quelque grand bruit de sainteté d'un Cardinal de Luxembourg, estant ia mort: & de la merueilleuse fin du roy Charles de Nauarre. C. 252
- Comment le duc de Berry fit assieger la forteresse de Ventadour. CI. 253
- comment le Duc de Bourgongne enuoia quatre cens Lances à la duchesse de Brabant: & comment ils surprirent & brullerent la ville de Seaulle en Guerles. CII. 254
- Comment Geronnet de Mandurant, l'un des capitaines de Perrot le bearnois, ayant esté prisonnier de Iehan bonnelance à Montferrant en Auuergne, trouua façon apres sa rançon païee, de mettre le bearnois dedans icelle ville de Montferrant. CIII. 256
- comment Perrot le bearnois & ses compaignons eurent conseil de non tenir la ville de Montferrant, & comment ils saillirent sur ceux de Clermont, qui les estoient allez visiter iusques aux barrieres de la ville prise, là ou ils les déconfirent incontinent. CIIII. 263
- comment Perrot le bearnois & les compaignons, ayans pillé Montferrant, l'abandonnerent, & se retirerent en leurs forts: & de la responce, qu'il fit au comte Dauphin d'Auuergne, se plaignant de ce qu'il auoit emblé ceste ville là, pendant les traittez. CV. 264
- Des mariages de Louis de Blois avec Marie de Berry, & de Iehan de Berry avec Marie de France, & comment elle mourut assez tost apres, & Madame Iehanne d'Armignac, Duchesse de Berry, semblablement. CVI. 265
- Comment, estant le conseil de France en deliberation d'aller contre le duc de Gueldres, qui auoit outrageusement desfié le roy, le duc de Berry enuoya le comte d'Estampes vers le duc de Bretaigne, pour tascher premierement à le regaigner au parti de France, apres s'en estre presque ouuertement

acertement estrangé par la prise du Connestable de Clisson.

CVII. 266

Comment, apres le departement, que le duc de Lanclastre fit de Galice en Portugal, les Espaignols & les François reconquirent, en peu de temps, le pays de Galice: comment les Anglois, qui auoient esté à la guerre de Galice, avec le duc de Lanclastre, diffamoient le pays d'Espaigne en leur pays: & comment le duc d'Irlande (qui s'estoit retiré d'Angleterre) fut enuoyé querir par le roy de France & son conseil.

CVIII. 268

Comment le conseil de France ne pouuoit accorder qu'on menast le roy en Allemagne, pour les incidens du royaume: comment le duc de Bretagne faisoit ses garnisons en son pais, & alliances aux Anglois, & au roy de Nauarre: & de l'armee, qui fut faite par les Anglois.

CIX. 269

Comment les Brabançons meirent le siege deuant la ville de Grane: comment le Connestable de France prit S. Malo & S. Mathieu-de-sine-poterne, y mettant gens en garnison.

CX. 273

Comment le duc de Lanclastre eut en pensee de marier sa maisnee fille au duc de Touraine, frere du roy Charles 6. & comment, en estant parlé au duc de Berri, pour son fils, en escriuit pour soy-mesme au duc de Lanclastre, qui pourtant se renforça de courage.

CXI. 274

Comment le Sire de couci & autres Barons de France furent enuoyez deuers le duc de Bretagne: & comment deuant leur arriuee vers luy, reestablit, aux gens du Connestable, les places, qu'il auoit de luy.

CXII. 326

Comment ce pendant que le duc de Lanclastre entretenoit Helon de Lignac Ambassadeur du duc de Berri, sur le traité du mariage pour parlé, vindrent aussi quelques secrets Ambassadeurs du roy de castille pour rompre ce mariage, & auoir la fille de Lanclastre, pour son fils, & comment Helon de Lignac fut renuoyé le iour mesme de leur arriuee, avec certaines tréues sur les marches d'Aquitaine.

CXIII. 280

Comment les ducs de Berri & de Bourgogne partirent pour aller à Blois: & des parlemens & traitez, qui furent faits au duc de Bretagne, qui là vint, tellement qu'ils l'emmenèrent à Paris, ainsi commis outre & contre sa volonté propre.

CXIII. 283

Comment Louis d'Aniou, fils du feu duc d'Aniou (qui fut oncle du roy Charles 6.) entra dedans Paris, comme roy de Secile: comment le duc de Bretagne y arriua peu-apres, & comment Thomas de Hapurgan, Anglois, & Jehan des Barres, François, firent fait-d'armes à Montereau-faut-yonne, deuant le roy.

CXV. 184

Comment Perrot le Bearnois se mit aux champs, avec plusieurs de ses compaignons, au mandement du Comte d'Arondel: qui alla prendre terre à Marant, pres la Rochelle avec son armee marine

CXVI. 286

Comment les Rochellois allerent écaroucher aux Anglois, pres Marant, comment les Anglois, apres auoir pillé le pays d'environ, se retirerent en leurs vaisseaux sur la mer, avec leur pillage, & comment Perrot le Bearnois se retira semblablement en son fort, avec grand butin.

CXVII. 288

Comment les Brabançons trauaillerent fort ceux de Grane par leur siege: & comment les Gueldrois brullerent & ruinerent vn pont, que les Brabançons auoient fait sur Meuse, pour entrer du costé de Gueldres, & contraindre la ville de Grane plus estroitement.

CXVIII. 291

Comment les Brabançons, estans passez parmi la ville de Ronestain & entrez en Guerles, furent déconfits par le duc de Guerles, dont se leua le siege de Grane.

CXIX. 292

Comment le duc de Guerles, apres ce qu'il eut déconfit les Brabançons, se retrait à Nimaye, & comment, aux nouvelles de ceste déconfiture, le roy & son conseil enuoyerent messagers au roy d'Allemagne en Ambassade, pour guerroyer plus seurement en Guerles.

CXX. 294

Comment le roy de France & son conseil donnerent congé au duc de Bret. de retourner en son pais comment le pais de Brabant enuoya excuser de ne pouoir bailler passage au roy & à son ost: & comment les Ambass. de France exploiterent enuers le roy d'Allemagne.

CXXI. 296

Comment le comte de Blois enuoya deux cens Lances au roy, pour aller en Guerles: de la bonne response, que les Ambassadeurs rapporterent du roy d'Allemagne, comment le roy continua son voyage, tirant vers la forest d'Ardenne, & comment Helion de Lignac fit son rapport au duc de Berri, touchant le mariage de la fille de Lanclastre.

CXXII. 298

Comment les principaux Barons d'Escoce s'assemblerent en armes, pour faire guerre aux Anglois: & comment ils prirent vn espion, par lequel ils seurerent que les Anglois sauoient leur entreprise.

CXXIII. 301

Comment les Escocois se meirent en deux compaignies, desquelles Archambaud de Douglas mena l'une vers Carlion en Galles, & le Comte de Douglas l'autre, vers Neuf-chastel-sur-Thin: es barrieres de laquelle ville il conquist vn pennon de mesire Henry de Persy, Gouverneur de Northombellande.

CXXIII. 303

Comment, s'estant le comte de Douglas campé deuant vne place, nommee Otebourg, mesire Henry de Persy, voulant reconquerir son pennon, luy alla liurer bataille.

CXXV. 305

T A B L E

- Comment le comte Iames de Donglas, remettant en-auant ses gens qui reculoient, fut nauré à mort: & comment Raoul de Persi, estant griëusement blecé, se rendit à messire Iehan Maki-rel, Escocois: qui le mit entre mains du comte de Moray. CXXXVI. 307
- Comment le cote de Donglas, tout nauré à mort qu'il estoit, fit releuer sa banniere, dont le porteur estoit mort, & comment ayant deffendu de ne publier son piteux estat, ses gës, le poulsans au cöbat, desirerent leurs ennemis, avec prise de messire Hëri de Persi, & de plusieurs autres. CXXXVII. 308
- Comment l'Euesque de Durem, voulant secourir les Anglois, & aller à la recouffe de messire Hëri de Persi, fut mal serui de ses gens, & cötraint s'en retourner: & comment il fit prisonnier Iagues de Lindesee, Escocois, qui auoit pris Matthieu Rademen, Anglois. CXXXVIII. 310
- Comment l'Euesque de Durem, estant retourné vers le camp des Escocois du comte de Donglas au lendemain de la bataille. s. retira sans les oser assaillir, & comment aussi ils se retirerent tous en leur pais d'Escoce. CXXXIX. 312
- Comment le Roy de France entra en la Duché de Luxembourg, poursuivant son voyage de Gueldres, & comment le duc de Iulliers, pere du duc de Gueldres, s'estant venu excuser & décharger de la faute de son fils, fut recen en grace du roy, duquel il releua la terre de Viersen en Berri, luy en faisant hommage. CXXX. 315
- Comment le roy Charles, sixiesme, se logea amiablement sur la terre du Duc de Iulliers, & comment vn Escuyer d'Auergne fut tué d'un coup de coigne, par vn buscherö Gueldrois, qu'il pensoit emmener prisonnier. CXXXI. 317
- Comment le duc de Iulliers & l'Archeuesque de coulougne se partirent du roy de France, & s'en allerent à Nimaie, deuers le duc de Gueldres, & comment par l'admonnestement & entremise d'iceux, il fut reconcilié & mis à paix vers le Roy & la Duchesse de Brabant. CXXXII. 318
- Comment le comte d'Arondel & les cheualiers d'Angleterre, qui se tenoient sur mer, par force de vent vindrent à la Palice, pres de la Rochelle, cöment messire Louis de Sancerre, en estant auerti par les Rochellois, les poursuivit pour-neant par mer: & comment le duc de Lanclastre conclut le mariage de sa fille avec l'Infant de castille. CXXXIII. 320
- Comment, estant encores le roy Charles sur les frontieres de Iulliers, quelques pillars Allemans se getterent, par vne nuict, sur vne partie de son camp, y prenant plusieurs prisonniers: comment le roy, entrant au 21. de son aage, eut luy mesme le gouuernement de son royaume: & comment sachant la conclusion du mariage de castille & de Lanclastre, enuoia vers le roy d'Espaigne, pour luy remonstrer de ne faire nulles alliances à son preiudice. CXXXIII. 321
- Comment le duc Iehan de Berri, oncle du roy, aiant failli au mariage de la fille de Lanclastre enuoya vers le comte de Foix, pour auoir la fille du comte de Boulougne, qu'il nourrissoit & gardoit. CXXXV. 322
- Comment Geofroy Teste-noire, aiant esté blecé par la teste en vne écar mouche, fit quelque excès, qui le mena mourir, & du testament, qu'il fit par-auant, aiant substitué deux autres capitaines en sa place, CXXXVI. 324
- Comment le duc de Guerles fut fait prisonnier en allant en Pruce: & comment, aiant esté deliuré par les Cheualiers de Pruce, neantmoins alla puis-apres retrouver son maistre, pour garder sa foy. CXXXVII. 326
- Comment messire Iehan de Vienne, aiant fait son ambassade au roy de castille, en eut responce & de pesche, comment ce roy & le Duc de Lanclastre procederent en leurs alliances de mariage: & comment le comte d'Arondel, avec son armee de mer, se retira en Angleterre, apres auoir fait quelque course sur la coste de Normandie. CXXXVIII. 327
- Comment messire Louis de Sancerre alla veoir le comte de Foix à Ortais: & comment deuant le duc de Lanclastre à Bordeaux, se firent faits-d'armes, de cinq François & de cinq Anglois. CXXXIX. 329
- Comment la duchesse de Lanclastre mena sa fille en castille pour la marier au fils du roy: & comment aiant trouué les os de son pere, les fit porter en la cité de Seville, & inhumier avec royal obseques. CXL. 330
- Comment le duc de Berri pratiqua si bien vers le comte de Foix, qu'il luy enuoya sa cousine de Boulougne: laquelle il espousa incontinent. CXLI. 331
- Comment certains traitteurs & sages hommes pour parlerët, & prirent vnes tréues, à durer trois ans, entre les François & les Anglois, & tous leurs alliez, tant d'une partie comme d'autre, & par mer & par terre. CXLII. 332



CY COMMENCE LE

TIERS VOLUME DES CRONIC-

QUES MESSIRE IEHAN FROISSART: AV

*premier Chapitre duquel il dit comment & pourquoy il se retira
vers le Comte de Foix.*

CHAPITRE PREMIER.



E me suis * longuement tenu à parler des besongnes des * *Annot. 1.*
loingtains marches, mais les prochaines, quant à present,
m'ont esté si fresches, si nouvelles, & si enclines à ma plai-
sance, que pour ce les † ay mises arriere. Mais pourtāt ne se-
iournoyēt pas les vaillans hōmes (qui se desiroyent à avan-
cer) au Royaume de Castille & de Portugal, & aussi bien en
Gascongne, en Rouergue, en Quercy, en Limosin, & en
Bigorre, mais visoyent & subtilloyent tous les iours, les
vns sur les autres, comme ils se peussent trouver en party de
faits-d'armes, pour prendre & embler villes, chasteaux
& forteresses. Et pour ce ie Sire Iehan Froissart (qui me

*† C'est assavoir
celles des
loingtains
marches,*

*† La requeste
de qui mesure
Iehan Froissart
a composé le pre-
sent Volume, et
voyez, en l'An-
not. a. premiere
comme les nōs
d'aucunes des
seigneuries suy-
nantes sont dis-
ferens.*

suis entremis de dicter & croniquer ceste Histoie, à la re-
queste, cōtemplation, & plaisance, de haut Prince & renommé, messire Guy de Chastil-
lon, Comte de Blois, Seigneur d'Auesnes, de Beauuois, d'Estonnechonne, & de la Geu-
de, mon bon & souuerain maistre Seigneur) cōsideray en moy-mesme. que pas n'estoit
taillé, en long temps, que grans faits-d'armes auinssent es marches de Picardie & du
pays de Flandres (puis que paix y auoit) & grandement m'ennuyoit estre oiseux, car
bien say qu'au temps auenir (quand ie seray mort & pourry) ceste noble & haute Histoie
re sera en grand cours, & y prendront tous Nobles & vaillans gens plaisance, & aug-
mentation de bien. Encores consideray-ie que i'auoye, Dieu mercy, sens & memoire,
& bonne souuenance de toutes les choses passées, & engin cler & agu, pour conceuoir
tous les faits, dont ie pourroye estre informé, touchans à ma principale matiere, & aa-
ge, corps, & membres, pour souffrir peine. Si m'auisay que ie ne vouloye pas seiour-
ner de non poursuir ma matiere, & pour sauoir la verité des loingtains besongnes,
sans que i'y enuoyasse autre personne, en lieu de moy, pry voye raisonnable, & † achoi-
son d'aller deuers haut Prince & redouté, Maistre Gaston Comte de Foix & de Bearn,
& bien sauoye, que se ie pouuoye auoir la grace de venir en son hostel, & là estre à loisir
ie ne pourroye mieux au monde écheoir, pour estre informé iustement de toutes nou-
uelles) car là sont, & se trouuent moult volontiers, tous Cheualiers & Escuyers estran-
gers, pour la haute noblesse de luy) & de tout, ainsi comme ie l'imaginay, il m'é auint. Si
remonstray ce, & le voyage que ie vouloye faire, à mon trefredouté Seigneur le Comte
de Blois, lequel me bailla ses lettres de familiarité, adrécans au Comte de Foix, & tant
cheuachay, enquerant de tous costez nouvelles, que par la grace de Dieu, sans peril &
sans dommage, ie vin en son hostel, à Ortais, au pays de Bearn, le iour Sainte Catheri-
ne, † l'an de grace mil trois cens quatre vingts & huit. Lequel Comte de Foix (si tost
comme il me veit) me fit bonne chere, & me dit en riant, en bon François, que bien il
me cognoissoit & si ne m'auoit oncquesmais veu, mais plusieurs fois auoit ouy parler de
moy. Si me retint en son hostel, & tout (aise avec le bon moyen des lettres, que ie luy a-
uoye portées) tant comme il me pleut à y estre, & fu là informé de la greigneur partie
des besongnes, qui estoient auenues au Royaume de Castille, de Portugal, de Nauarre,
d'Arragon, & au Royaume d'Angleterre, au pays de Bourbonnois, & en toute la Gas-

*† C'est adire oc-
casion.*

*† En quel iour
& an arriva
Froissart vers
le Côte de Foix.
mais notes que
il dedura cy a-
pres son voyage
par le menu.*

congne, & luy mesme (quand ie luy en demandoye aucune chose) me la disoit moult volontiers, & me disoit bien que l'Histoire, que ie poursuyuoie, seroit au tēps auenir plus recomādée, que nulle autre. Raisō pourquoy? (disoit il) Beau maistre, puis cinquāte ans sont auenus plus de faits-d'armes, & de merueilles au mōde, qu'il n'en estoit auenu trois cens ans auoit en deuant. Ainsi fu-ic en l'hostel au Comte de Foix recueilly, & nourry à ma plaissance. C'estoit que ie desiroie enquerre de toutes nouuelles, touchans à ma matiere, & i'auoye à ma volonté Barons, Cheualiers, & Escuyers, qui m'en informoient, & le gentil Côte de Foix aussi. Si vous éclairciray, par beau langage, tout ce dont ie fusadonc informé, pour accroistre ma matiere, & pour donner exemple aux bons qui se desifient auancer, car si i'ay prolongé cy deuant grās faits d'armes, prises & assaux de villes, & de chasteaux, & des batailles & dures rencontres, encores en trouuerez vous grande foison, desquelles & desquels par la grace de Dieu, ie feray bonne & iuste narration.

Briēue repetition de ce qui est contenu en quelques chapitres du second Volume, pour mieux continuer la guerre d'entre le Roy Iehan de Castille, & le Bastard Denis de Portugal, frere du feu Roy Ferrand.

CHAP. II.

†C'est au cha.
93 du 2. Vol.

Vous sauez comment messire Amon, fils du feu Roy d'Angleterre, Comte de Canteburge (comme il est cy dessus contenu † en vne Histoire) se partit du Royaume de Portugal, & monta en mer à Lissebonne, avecques ses gens, quoy qu'il eust enconuenancé Iehan son fils (qu'il auoit de Madame Ysabel d'Espaigne, fille au Roy Dampierre, qui fut) à la ieune fille du Roy Ferrād de Portugal, laquelle s'appelloit Madamoiselle Biatrix. Le Comte estoit mal content du Roy Ferrand: pourtant que luy & sa puissance estoient, & auoient logé plus de quinze iours, aux champs, deuant le Roy Iehan de Castille, & si ne l'auoit voulu combattre, mais auoit fait accord au Roy de Castille, outre sa volonté, dont grandement luy déplaisoit, & bien luy auoit dit ledit Côte (quand le traité se commença à entamer) Sire Roy, gardez bien que vous faites, car nous ne sommes pas venus en ce pays, pour boire ne mager, pour voler ne pour chacer, mais y sommes venus pour guerroyer le fils de ce Bastard, qui s'escriuoit Roy de Castille & Côte de Tristemare, & pour conquerre nostre droit héritage, que ce fils Iehan de Tristemare, tient & possede. Car vous sauez que par mariage mon frere & moy auōs les droites héritieres du Royaume de Castille, filles au Roy Dāpietre, qui fut vostre cousin germain, & sur tel estat, que pour aider à le reconquerir, ainsi que tout bon Seigneur doit estre enclin au droit, & non au tort, vous nous escriuistes & mandastes en Angleterre par vostre Cheualier que veez là, que vousissions prendre, & estre prests de mener en ce pays, la somme de deux mille Lances, & la quantité de deux ou trois mille Archers, avec l'aide que vous nous feriez, & auiez biē esperance que nous recouureriōs nostre héritage. Or suis ie icy venu, non pas à tant de gens que vous nous escriuistes, mais ce que i'en ay, ils sont de grande volonté, & bonne: & oseront bien attendre, avecques les vostres, l'auenture, & la iournée de la bataille, contre ceux, que le Comte de Tristemare a pour le present, & mal ferons contens de vous, & de vostre affaire, se nous n'auons la bataille. Telles paroles, & autres, auoit monstre le Comte de Canteburge, auant son departemēt, au Roy de Portugal, lequel Roy les auoit biē ouies & entendues: mais, nonobstant ce, oncques ne fosa combattre dedans les plaines de Saluence, quand ils furent l'un deuant l'autre, aux Espaignols, ne point ne le trouuoit au Conseil de ceux de son pays, qui luy disoiēt, Sire, la puissance du Roy de Castille est maintenant trop grande, & se par fortune ou mesauenture vous perdez la iournée, vous perdrez vostre Royaume, sans point recouurer. Si vous vaut trop mieux souffrir, que faire chose ou vous ayez dommage ne peril. Quand le Comte de Canteburge veit qu'il n'en auroit autre chose, luy retourné à Lissebonne, il fit appareiller sa nauire, & prit cōgé du Roy de Portugal, & entra en mer avec ses gens, & ne voulut pas laisser Iehan, son fils, en Portugal, delez le Roy, ne delez la Damoiselle, qui deuoit estre sa fēme, car l'enfant estoit encores ieune assez, & s'en retourna le Comte en Angleterre, avec ses gēs, ne nul n'en demoura derriere. Ainsi se porta, pour la saison, l'armée de Portugal. Or aint que, quand le Côte de Canteburge fut retourné en Angleterre, sur l'estat que vous auez ouy, & qu'il eut remonstre à son frere le Duc de Lāclastre l'ordonnance de ce Roy Ferrād de Portugal, & de ses gēs, si fut grādemēt penfif. Car il vçoit q les besōgnes & les cōquests de Castille leur éloignoient, & si auoit son

neueu

neueule Roy Richard d'Angleterre conseil delez luy, qui ne luy estoit pas trop propice & par especial c'estoit le Comte d'Aquesuffort, tout le cœur du Roy. Ce Comte mettoit tout le trouble, qu'il pouuoit, entre le Roy & ses oncles, & luy disoit, Sire, se vous voulez faire la main de voz deux oncles, Mōseigneur de Lanclastre & Mōseigneur de Câtebruge, il coustera bien tout l'argēt d'Angleterre en leur guerre d'Espaigne, & si ne cōquerrōt iā riens. Il vous vaut trop mieux que vous tenez delez vous ce qui est vostre (voz gens & vostre argent) que qu'ils soiēt espars au pays ou vous ne pouuez auoir nul profit, & que vo^r gardez & deffēdez vostre héritage (lequel on vous guerroye par tous les costez, par France & par Escoce) que nōpas employer vostre tēps ailleurs. Le ieune Roy fēclinoit assez fort aux parolles de ce Comte, car il l'aimoit de tout son cœur, pour tant qu'ils auoient esté nourris ensemble. Le Côte d'Aquesuffort auoit alliance à aucūs cheualiers d'Angleterre, car il ne faisoit ses besongnes, que par le conseil de messire Symon Burle, messire Robert Trimilien, messire Nicole Brambe, messire Iehan de Beauchamp, messire Iehan de Salbery, & messire Michel de la Poulle. Encores y estoiet nōmez messire Thomas Triuet & messire Guillaume Helmē. Dont depuis par ces parties & differences, qui estoiet entre le Roy & ses oncles, & les nobles & communes du pays plusieurs maux auindrent en Angleterre, si comme ie vous recorderay cy-auāt en l'Histoire. Ne demoura gueres de tēps, depuis que le Côte de Câtebruge fut issu du Royaume de Portugal, que le Roy Ferrant cheut en langueur & en maladie (qui luy dura plus d'un an) & † mourut, & n'auoit plus d'enfans, que la Roïne d'Espaigne. Adonc fut informé le Roy Damp Iehan de Castille, que le Royaume de Portugal luy estoit échu, & qu'il en estoit droit hoir, par la succession du Roy mort. Si en eut plusieurs cōfaux, & disoit, quand on luy en parloit, Portugalois sont dures gens, point ne les auray. si ce n'est par conq̄este. Quand les Portugalois ouirent qu'ils estoient sans Seigneur, si eurent cōseil ensemble, qu'ils enuoyeroient deuers vn frere Bastard, que le Roy Ferrand euoit, vn vaillant hōme, sage, & hardy durement (lequel s'appelloit Denis) mais il estoit Religieux & aussi ordonné Maistre des Hospitaliers de tout le Royaume de Portugal, & disoyent qu'ils auoiet trop plus cher qu'ils fussent au gouuernement de ce vaillant hōme Maistre Denis, q̄ du Roy de Castille, & que tant qu'à Dieu, il n'estoit nul bastard, puis qu'il auoit bon courage de bien faire. Quand ce Maistre Denis entendit la commune volonté des quatre citez de Portugal, & qu'ils auoient en la cité de Lissebonne, & en ces quatre bonnes villes, grande affection à luy, pour le couronner à Roy, si en fut grandement réiour, & escriuit secrettement deuers ses † amis, & vint à Lissebōne, qui est la clef & la principale ville du Royaume de Portugal. Les gens de la ville le recueillirent à grande ioye, & luy demanderēt (s'ils le courronnoient à Roy) s'il leur seroit bon & loyal, & s'il tiēdroit le pays en ses franchises. Il respondit, Ouy, & qu'oncils n'eurent si bon Roy. Adonc escriuirent ceux de Lissebonne à ceux de Connimbres, au Port de Portugal, & à ceux d'Ourc, ce sont les clefs dudit Royaume, que pour le meilleur & cōmun profit, ils vouloient couronner à Roy Maistre Denis, qui estoit sage, vaillant, & de bon gouuernemēt & auoit esté frere au Roy Ferrād) & que le pays & le Royaume de Portugal ne pouuoit estre longuement sans chef, tant pour les Espaignols, que pour les mescreans de Grenade & de Bougie, ausquels ils marchisoient. Ces quatre bonnes villes, & les Seigneurs terriens, de Portugal, exceptez aucuns haux Barons & Cheualiers, s'enclinoient à luy & à ceste election, mais les Seigneurs disoyent qu'il n'appartenoit pas à vn Bastard, s'il n'estoit trop bien disposé à estre Roy couronné, & les bonnes villes disoyent & respondoient que si faisoit, & qu'il estoit de necessité, puis qu'ils n'en auoient point d'autre, & qu'il estoit vaillāt hōme, de sens & d'armes, & faisoiet exēple par le Roy Héry, qui auoit esté Roy couronné de toute Castille par l'election du pays, & pour le cōmun profit, & encores outre, le Roy Dāpietre viuant. L'election, voulussēt ou nō les Nobles du Royaume de Portugal, demoura à ce Maistre Denis, & fut couronné solennellemēt, en l'eglise cathedrale de Connimbres, en Roy, par l'accord & puissance de toute la Cōmunauté du pays, & il iura à tenir & garder iustice à son peuple, en droit, & recognurēt toutes les franchises, faites anciennement, & que le peuple auoit, bonnes à demourer & aller avecques eux, dont ils eurent grāde ioye. Quād les nouvelles en furēt venues en Castille, deuers le Roy Dāp Iehan, il en fut moult courroucé, pour deux raisons, L'une que sa fēme estoit héritiere, & l'autre, pource que le peuple l'auoit de fait couronné en Roy de Portugal, & par electiō. Si prit tiltre de guerre, de demāder à ceux de Lissebōne la sōme

† Ceste mort du Roy Ferrand de Portugal peut auenir sur la fin de l'ā 1382 ou sur le cōmencemēt de 1383 à ma mode, cōme l'on en peut imaginer quelque chose depuis le cha. 41. du 2. Volume. iusques au 94. & encores aux 132. & 149. † Il y auoit oncles, que nous auons corrigé sc̄lō Perard.

Election et couronnement du Bastard Denis à Roy de Portugal.

*Ambassadeurs
du Roy de Ca-
stille en Portu-
gal, demandās
le Royaume
pour leur Roy,
à cause de sa
femme Beatrix
fille & heritie
re du feu Roy
Ferrand.*

*† Castille n'y
sembleroit meil-
leur.*

*Désir du Roy Ie-
han de Castille
au Roy Denis
de Portugal.*

*Lisbonne assie-
gee par le Roy
de Castille.
Mais ie ne puis
vous assurer
en quel an, si ce
n'estoit en l'an
1383 continuāt
mesmes sur le
1384 comme
l'on en peut ti-
rer quelque con-
iecture par la
deduction du
present cha. et
du 10. de ce vo-
lume 3. & du
28. aussi.*

de deux cens florins, que le Roy Ferrand luy auoit promis, quand il prit sa fille à espou-
se. Si enuoya le Comte de Tierme & de Rebede, & l'Euesque de Burges, & grās gēs en
Ambassade en Portugal, deuers ceux de Lissebonne. Quād les gens du Roy d'Espaigne
furent venus à S. Yrain, la derniere ville de Castille, au costé deuers Lissebōne, ils en-
uoierent vn Heraut deuers le Roy & ceux de Lissebōne, pour auoir vn faufcōduit, que
seuremēt ils peussēt aller & retourner, & faire leur voyage, & tout ce leur fut accordé le-
gèrement, & vindrent à Lissebōne: & firent mettre le Cōseil de la ville ensemble, & de-
monstrerent ce, pourquoy ils estoient venus, & en fin de leur demōstrance, ils dirēt ain-
si. Entre vous, Lissebōnois, entendez iustemēt, vous ne vous deuez pas émerueiller, si le
Roy nostre Sire se courrouce de la sōme qu'il vous demāde, & en quoy vous estes obli-
gez, quād vo^s auez la noble courōne de Portugal baillee à vn Clerc, hōme Religieux, &
Bastard. Ce ne fait pas à souffrir, n'à soustenir, car par electiō droituriere, il n'y a nul plus
prochain hoir de luy, & encores vous estes allez hors du conseil des Nobles de vostre
Royaume. Parquoy il vous māde que vous vous estes grandemēt forfaits, & si vous n'y
pouroyez hastiuemēt, il vous māde qu'il vous fera guerre. A ces parolles respōdit Dāp
Ferrād Galloppes de Villefois, vn Bourgeois notable & autentique en Lissebōne, & dit
Seigneurs, vous nous reprochez grādemēt nostre election, mais la vostre est bien aussi
reprochable, car vous couronnastes en Espaigne, à Roy, vn Bastard, fils de Iuifue, & ce
fait on par tout clèrement, & tant qu'à l'electiō droituriere, vostre Roy au Royaume de
† Portugal n'a point de droit, mais y ont droit les filles Dāp Pietre (qui sōt en Angleter-
re mariées (Cōstance & Ysabel, & leurs enfans, & le Duc de Lāclastre & le Cōte de Cā-
tebruge, leurs maris, pour elles. Si vous en pouuez partir, quād vo^s voudrez, & dire à ce
luy, ou à ceux qui icy vous enuoyent, que nostre election est bōne, & nous demourera,
n'autre Roy nous n'aurōs, tāt cōme il vaudra, & de la sōme des deniers, q̄ vous nous de-
mādez, nous disōs q̄ nous n'y sōmes en riē tenus, mais prenez ceux, qui s'y obligerēt, &
qui eurēt le profit. A ces respōses ne fut pas present le Roy de Portugal, quoy qu'il seust
biē quelle chose ses gēs deuoiet dire. Quād les Ambassadeurs du Roy de Castille entē-
dirent & apperceurēt qu'ils n'auoient autre chose des Portugalais, si prirent cōgé (ain-
si qu'il appartenoit) & se partirent, & retournerent en Seuille, ou ils auoient laissē le Roy
& son Cōseil, à qui & ausquels ils recorderēt toutes les respōses, ainsi cōme vous les auez
ouys. Or eurēt cōseil le Roy d'Espaigne & ses gens quelle chose il appartenoit à faire de
ceste besōgne. Cōseillé fut q̄ le Roy de Portugal & tous ses aidās fussēt défiēz, & que le
Roy d'Espaigne auoit bōne querelle de mouuoir guerre, pour plusieurs raisōs. Lors fut
défiē le Roy Denis de Portugal & tous ses aidās, & fit le Roy d'Espaigne vn grand māde
mēt & dit qu'il vouloit mettre le siēge deuāt Lissebōne, & ne s'e partiroit, iusqu'à ce qu'il
l'auoit, car ils auoient respondu orgueilleusement. Si leur seroit cher vēdu, s'il les pou-
uoit mettre à sa mercy. Adōc s'en vint le Roy de Castille, à tout sa puissance, à S. Yrain,
ou son mādement estoit. En ce tēps fut chacé, & mis hors de sa court, vn Cheualier de
Castille, qu'ō apelloit messire Nauaret, & se le Roy l'eust tins en son courroux, il luy eust
fait trēcher la teste. Le cheualier fut informé de cest affaire (car il eut bōs amis en voye)
si vuida le Royaume de Castille, & vint à Lissebōne deuers le Roy de Portugal, qui eut
de sa venue grande ioye, & le retint des fiēs, & le fit Capitaine de ses Cheualiers, & por-
ta, depuis grād dōmage aux Espaignols. Le Roy de Castille, avec toute sa puissāce, se par-
tit de S. Yrain, & vint deuant la citē de Lissebonne. Si y meit le siege, & là dedās enclōit
le Roy & ceux de la ville, & dura le siege plus d'un an, & estoit Conestable de tout son
ost le Cōte de Longueuille, & Mareschal de l'ost, messire Regnaud Limosin. Celuy mes-
sire Regnaud estoit vn Cheualier Limosin, qu'au temps passé messire Bertrand du Guef-
clin auoit mené en Espaigne, es premieres guerres, lequel sy estoit si bien fait & eprou-
ué, que le Roy l'auoit marié, & donné bel héritage & bon, & belle Dame, bōne & riche
à femme, dont il auoit deux fils, Regnaud & Henry, & moult estoit prisē au Royaume de
Castille par ses prouesses. Avec le Roy de Castille & son pays estoient au siēge Daghe-
nes, Mandat, messire Digho Persement, Damp Pietre Roserment, & Damp Marich de
Versaux, Portugalais (qui s'estoyent tournez Espaignols) le Grand-maistre de Calatra-
ue & son frere, vn ieune Cheualier, qu'on apelloit Damp Dighemeres, Pierre Gouf-
sart de Seuille, Iehan Radigo de Hoyex, & le Grand-maistre de Sainct-Iaques, & auoit
bien au siēge le Roy de Castille, deuant Lissebonne, trente mil hommes. Si y eut fait
plusieurs assaux & écarmouches, & moult d'appertises d'armes, d'une part & d'autre.

Bien

Bien fauoient les Espaignols que le Roy de Portugal ne seroit point aidé des Nobles du pays, car les communautéz l'auoient fait outre leurs volonteiz. Pourquoy la chose estoit en grand different, & auoit bien intention le Roy d'Espaigne qu'il cōquerroit Lissebonne & tout le pays, auât son retour, car nul secours ne luy pouuoit venir de nul costé: sinon par Angleterre. C'estoit ce, dont il faisoit la plus grande doute, & quand il auoit tout imaginé, il sentoit les Anglois bien loing de là: & si auoit bien ouy dire que le Roy d'Angleterre & ses oncles n'estoient pas bien d'accord, pourquoy il se tenoit plus seurement au siège, & estoit leur siege si plantureux de tous biens, qu'il n'y auoit ville ne marché: en toute Castille, ou on eust plus plantureusement ce qu'on auoit affaire. Le Roy de Portugal se tenoit tout bellement en la cité de Lissebonne, avec ses gens, & se tenoit tout aise, car on ne leur pouuoit tollir la mer. Si eut conseil qu'il enuoyeroit en Angleterre, deuers le Roy & le Duc de Lancastre, grans messages & feables, & feroit tant, qu'il renouelleroit les alliances, qui auoient esté faites entre le Roy d'Angleterre & le Roy Ferrand son frere, & chargeroit encores ses Ambassadeurs de remonstrer au Duc de Lancastre, que par mariage il auroit volontiers Philippe sa fille, & la feroit Roynne de Portugal, & luy iureroit, & scelleroit à tousioursmais, bōnes alliances, & feroit tāt que, si luy vouloit venir par-delà, à tout deux ou trois mille combattāns, & autant d'Archers, il recouurerait le Royaume de Castille, son héritage, & pour aller en Angleterre furent chargez deux Cheualiers de son hostel (messire Iehan Radegoe & messire Iehan Testedor) & vn Clerc de droit, Archediacre de Lissebōne, qu'on appelloit March de la Fugiere. Si ordonnerent leurs besongnes, & vn vaisfel appareillerent, & se pourueurēt de tout ce, qui leur faisoit mestier. Ils eurent bon vent. Si se partirent du haure de Lissebōne, & singlerent vers les frontieres d'Angleterre. D'autre part le Roy de Castille (qui se tenoit au siege deuāt Lissebōne) eut conseil qu'il escriuist en Frāce & en Gascongne, & mādast Cheualiers & Escuyers, car bien supposoiēt les Espaignols que le Roy de Portugal auoit mandé, ou manderoit, grand secours en Angleterre, pour leuer le siège. Si ne vouloient pas estre si surpris, que leur puissance ne fust grande assez, pour résister aux Anglois & Portugalois. Si comme le Roy de Castille fut conseillé, il fit, & enuoya lettres & messages en France, à plusieurs Cheualiers & Escuyers, qui desiroient les armes, & par especial au pays de Bearn, & en la Côté de Foix, car là auoit grāde foison de bōs Cheualiers, qui desiroient les armes, & qui ne sauoient ou eux employer, car pour le tēps (quoy que le Côte de Foix les eust tous nourris en armes) si auoient ils bōnes tréues le Côte d'Armignac & luy. Ces mādēmēs de ces deux Roys d'Espaigne & de Portugal ne furēt pas si tost prests, n'appareillez, n'aprochez, mais pour ce ne cessoiēt pas les armes à faire ailleurs, cōme en Auvergne, en Toulousin, en Rouergue, & en la terre de Bigorre. Si mettrons en souffrance les besongnes de Portugal, vn petit, & parlerons d'autres.

Comment le Comte de Foix, à la priere de la Princesse de Galles, fit grace de soixante mille francs au Comte d'Armignac, sur vne rançon de deux cens cinquante mille, & comment le chasteau de Lourde, Anglois, maistrisoit son voisinage CHAP. III.

ENTRE la Comté de Foix & le pays de Bearn gist la Côté de Bigorre, laquelle Comté est du Royaume de France, & marchist au pays de Toulousain d'une part, & à la Comté de Cōminges & de Bearn d'autre part. En la Comté de Bigorre gist le fort chasteau de Lourde, qui tousiours s'est tenu Anglois, depuis que le pays de Bigorre fut rendu au Roy d'Angleterre, & au Prince, pour la redemption du Roy Iehan de France, par le traitté de la paix, qui fut traitté à Bretigny deuāt Chartres, & cōfermée depuis à Calais, si cōme il est cōtenu cy-dessus en vne autre Histoire. Quād le Prince de Galles fut issu hors d'Angleterre, & que le Roy son pere luy eut donné, à tenir en fief & en héritage de luy, toute la terre & Duché d'Aquitaine (ou il y a deux Archeueschez & vingtdeux Eueschez) & fut venu à Bordeaux sur Girōde, & il eut pris toute la possesiō & toutes les terres, & eut sciourné enuiron vn an au pays, luy & la princesse sa fēme furēt priez du Côte Iehā d'Armignac, qu'ils voussistēt venir en la Côté de Bigorre, en la belle & bōne cité de Tarbe, pour veoir & visiter celuy pays, qu'ils n'auoient encores veu. Si rendoit ledit Comte d'Armignac à ce que, si le Prince & la Princesse estoient en Bigorre, le Côte de Foix les viendroit veoir, auquel il deuoit, pour sa rançon, deux cens & cinquante mille francs, Si leur feroit prier, pour luy, que ledit Comte de Foix voussist quitter ladite som-

† L'Histoire de ce cha. est icy amenée comme vne chose parauant oubliée ou delaissee, & qui neantmoins peut seruir d'introduction à ce qu'il dira-cy apres.

† Au cha. II. 2 du prem. Vol.

me, ou en partie, ou en faire grace. Tant fit ledit Comte d'Armignac, que le Prince & la Princeſſe, à leur eſtat (qui pour ce temps eſtoit grand & étofé) vindrent en Bigorre, & ſe logerent en la cité de Tarbe. Tarbe eſt vne belle ville, ſeât en plain pays & en beaux vignobles, & y a ville, cité, & chaſtel, & tous fermez de portes, de murs, & de tours, & ſeparez l'un de l'autre, car là vient, d'entre les montaignes de Bearn & de Catelongne, la belle riuere de Liſſe, qui court parmy Tarbe, & qui le ſepare, & eſt la riuere auſſi clere cōme belle eau de fontaine. A cinq lieuës de là ſied la ville de Morlans (laquelle eſt au Côte de Foix) & à l'entrée du pays de Bearn, & deſſous la montaigne, à ſix lieuës de Tarbe, la ville de Pau, qui eſt auſſi audit Côte. Pour ce temps, que le Prince & la Princeſſe eſtoient à Tarbe, eſtoit le Comte de Foix en la ville de Pau, car il y faiſoit faire & edifier vn moult bel chaſtel, tenant en la ville, au dehors, ſur la riuere de Gaue. Si toſt comme il ſeut la venue du Prince & de la Princeſſe (qui eſtoient à Tarbe) il ſ'ordonna, & les vint veoir en grand eſtat, à plus de ſix cens cheuaux, & auoit ſoixante Cheualiers en ſa compaignie. De la venue du Comte de Foix furent le Prince & la Princeſſe fort réiouis, & luy firent tresbonne chere, & bien le valoit, & l'honoroit la Princeſſe treſliement, & grandement, & là eſtoient le Comte d'Armignac, & le Sire d'Albreth, & fut le Prince prié qu'il vouſiſt prier au Côte de Foix, qu'il quittast au Côte d'Armignac tout, ou en partie, la ſomme des florins qu'il luy deuoit. Le Prince (qui fut ſage, & vaillât hōme) reſpondit, tout conſideré, que nō feroit, car pourquoy? Côte d'Armignac, vous fuſtes pris par armes, & par belle journée de bataille, & meit noſtre couſin le Comte de Foix ſon corps & ſes gens en auenture cōtre vous, & ſe la fortune fut bonne pour luy, & contraire à vous, il n'e doit pas pis valoir. Par fait ſeblable Mōſeigneur mō pere ne moy ne ſau riōs gré, qui nous prieroit de remettre arriere ce que nous tenōs par belle auēture, & la bōne fortune que nous euſmes à Poictiers, dont nous regraciōs noſtre Seigneur. Quād le Côte d'Armignac ouit ce, il fut tout ébahy, car il auoit failly à ſes entêtes. Nonobſtāt ne ceſſa il pas, mais en pria la Princeſſe, laquelle de bon cœur requit & pria au Côte de Foix, qu'il luy vouſiſt dōner vn dō. Madame (dit le Côte) ie ſuis vn petit hōme, & vn petit Bachelier, ſi ne puis faire nuls grās dōs, mais le dō, q̄ vo^o me demādez (ſil ne vaut pl^o de ſoixante mille frās) ie le vous dōne. La Princeſſe tiroit à ce qu'outremēt le dō, qu'elle demādoit, le Côte de Loix luy dōnaſt, & le Côte (qui ſage & ſubtil eſtoit, & qui en ſes beſongnes aſſez cler veoit, & eſpoir de la quittance du Côte d'Armignac ſe doutoit) ſon propos tenoit, & diſoit, Madame, à vn poure Cheualier, q̄ ie ſuis (qui edifie villes & chaſteaux) le dō, que ie vous accorde, doit bien ſuffire. Onc la Princeſſe n'e peut autre choſe attraire, & quand elle vit ce, elle dit, Comte de Foix, ie vous demāde, & prie, que vous faciez grace au Côte d'Armignac. Madame, dit le Côte, à voſtre priere ie doy bien deſcendre. Je vous ay dit que le dō, que vous me demanderez, ſil n'eſt plus grand de ſoixante mille francs, ie le vous accorde, & le Comte d'Armignac doit deux cens cinquāte mille francs, & à la voſtre priere & requeſte, ie vous en donne les ſoixante mille. Ainſi demou ra la choſe en celuy eſtat, & gaigna le Côte d'Armignac, à la priere de la Princeſſe d'Aquitaine, ſoixāte mille francs. Si retourna peu apres le Comte de Foix en ſon pays. Le Si re Ieā Froiſſart fay narratiō de ces beſongnes, pour la cauſe de ce que, quand ie fu en la Comté de Foix & de Bearn, ie paſſay parmy la Comté de Bigorre. Si enquy & demanday de toutes nouuelles paſſées, deſquelles ie n'eſtoye point informé, & me fut dit que, le Prince de Galles & d'Aquitaine ſeournāt à Tarbe, il luy prit volōté & plaifance d'aller veoir le chaſtel, dit de Lourde, qui ſied à trois lieuës pres de là, entre la montaigne.

Quand il fut venu iuſques à Lourde, & il eut bien auifé & imaginé la ville, & le chaſtel, & le pays, ſi le recommanda moult grandement, tant pour la force du lieu, que pour ce que Lourde ſied ſur la frōtiere de pluſieurs pays, car ceux de Lourde peuēt courir moult auāt au Royaume d'Arragon, & iuſques en Catelongne & Barcelōne. Si appel la tantoſt le Prince vn Cheualier de ſon hoſtel, auquel il auoit grande ſinace, & qui l'auoit loyaument ſeruy, & eſtoit nommé meſſire Pierre Ernaut, du pays de Bearn, appert Homme-d'armes, & couſin au Comte de Foix. Meſſire Pierre, dit le Prince à ma venue en ce pays ie vous inſtitue & fay Chaſtelain & Capitaine de Lourde, & Regard du pays de Bigorre. Or gardez tellemēt le chaſtel q̄ vous en puiſſiez rēdre bō cōpte à Monſeigneur mō pere, & à moy. Monſeigneur, dit le cheualier, volōtiers. Là luy en fit foy & hōmage: & le Prince l'en mit en poſſeſſiō. Or ſauiez q̄, quād la guerre ſe renouuella entre le Roy de France & le Roy d'Angleterre, comme il eſt cy † deſſus contenu, le Comte

Guy de

*Sage reſponce
du Prince de
Galles à l'im-
portunité du
Comte d'Ar-
mignac.*

*Relaſche de ſoi-
xante mille
francs au Com-
te d'Armignac
par le Comte
de Foix.*

*Meſſire Pierre
Ernaut, couſin
du Comte de
Foix, ordonné
Capitaine de
Lourde par le
Prince de Gal-
les.*

*† Au cha. 152
du prem. Vol.*

Guy de Saint-Pol & messire Hue de Chastillon, Maistre des Arbalestiers de France pour le temps assiegerent & prirent la ville d'Abbeuille, & tout le pais de Ponthieu. Environ ce temps deux grans Barons de Bigorre (lesquels estoient nommez, l'un messire Marnaut Barbesan, & l'autre le Sire d'Anchin) se tournerent François: & saisirent aussi la ville, cité, & chastel de Tarbe: car ils estoient feablement gardez pour le Roy d'Angleterre. Or demoura le chastel de Lourde à messire Pierre Arnaut de Bearn: lequel ne l'eust rendu pour nul auoir: mais fit guerre grande & forte à l'encontre du Royaume de France: & manda au pays de Bearn, & en la haute Gascongne, grand' foison de compagnons auentureux, pour luy aider à faire la guerre: & se bouterent là dedās moult d'appertes gens aux armes: & estoient six capitaines avecques luy, & chacun auoit cinquante Lances, ou plus sous luy: & tout premieremēt son frere, Jehan de Bearn, un moult appert Escuyer, Pierre d'Anchin de Bigorre, frere germain au Seigneur d'Anchin (cestuy ne se voulut oncques tourner François) Nandon de Sainte-Colombe, Arnauton de Montagu de Sainte-Basile, & le Bourg de Carnela. Ces Capitaines si furent en Bigorre, en Toulousin, en Carcassonnois, & en Albigeois, par plusieurs courses & enuahies. Car, si tost comme ils estoient hors de Lourde, ils se trouuoient en la terre de leurs ennemis: & se croissoient en courant & en cheuauchant le pays, & se mettoient telle fois à l'auēture, pour gagner trēte lieues loing de leur fort. En allāt ils ne prenoient riens: mais au retour riens ne leur échapoit: & amenoient (telle fois estoit) si grand' foison de bestail & tant de prisonniers, qu'ils ne les sauoient ou loger: & rançonnoient tout le pays, exceptée la terre au Côte de Foix: mais en celle là ils n'osoient pas prendre vne poule sans payer, ne sur homme, qui fust au Comte de Foix, ne qui eust son sauecōduit: car, s'ils l'eussent courroucé, ils n'eussent point duré. Ces compagnons de Lourde auoient trop beau courir ou il leur plaisoit: & ie cheuauchay assez pres de là. Ainsi, comme ie vous ay dit, sied la cité de Tarbe: qu'ils tenoient t en grande doute: & tindrent tant qu'ils se fussent ^{† C'est assauoir} compactis à eux. En reuenant de Tarbe à leur fort, sied un grand village & vne bonne ^{au temps du re} Abbaye (ou ils firent moult de maux) qu'on appelloit Guyors: mais ils se meirent en pa- ^{nouuement de} ctis à eux. D'autre part, sur la riuere de Lisse sied vne bonne grosse ville fermée: qu'on ^{guerre susdict.} appelle Bagneres. Ceux d'icelle ville auoient trop fort temps: car ils estoient guerroyez & hariez de ceux de Maluoisin: qui sied sur vne montaigne, & dessous court la riuere de Lisse: qui vient ferir à vne bonne ville fermée: qu'on appelle Tournay. Les gens de Tournay auoient tout le trespas de ceux de Lourde, & de ceux de Maluoisin. A celle bonne ville de Tournay ne faisoient ils nul mal, ne nul dommage, aucunement: pour- tant qu'ils auoient là leur retour & leur passage: & au si les gens de la ville auoient bon marché de leur pillage: & si sauoient moult bien dissimuler avecques eux. Faire leur conuenoit: s'ils vouloient viure: car ils n'estoient aydez, ne confortez de nulluy. Le capitaine de Maluoisin estoit Gascon: & auoit nom Remonnet de l'Espée, appert Homme-d'armes: & vous dy que ceux de Lourde & de Maluoisin rançonnoient aussi bien les marchans du Royaume d'Arragon & de Cateiongne, comme ils faisoient les François: ^{† S'compactir} s'ils n'estoient à t pactis à eux. ^{se mettre en} ^{pactis, & e-} ^{stre à pactis,} ^{signifie auoir} ^{paches & cō} ^{position, selō} ^{nostre Auteur.}

Comment messire Jehan Froissart, en faisant son voyage vers Bearn, s'accompagna d'un Cheualier du Comte de Foix: qui luy racompta comment ceux du chasteau de Lourde prirent Ortigas & le Pallier, au renouvellement des guerres de Guienne, apres le traité de Bretigny rompu.

CHAP. IIII.

EN ce temps que i'entrepry à faire mon chemin, & d'aller veoir le Comte de Foix (pourtant que ie ressonnoye la diuersité du pays, ou ie n'auoye oncques entré) quand ie party de Carcassonne, ie laissay le chemin de Toulouze à la bonne main, & vins à Monteroral, puis à Fonges, puis à Belle, puis à la premiere ville de la Comté de Foix, & de là à Maifieres, & puis au chastel de Sauredun: & puis vein à la belle & bone cité de Paumiers (laquelle est au Côte de Foix) & là m'arrestay-ie, pour attēdre cōpaignie qui allast au pays de Bearn: ou le dessusdit Comte se tenoit. Quand i'eu seiourné en la cité de Paumiers trois iours (laquelle cité est moult deduisante: car elle sied en beau vignoble, & bon & grand: & est enuironnée d'une belle riuere, clere & large assez: qu'on appelle la Liege) en ce iour me vint d'auenture un Cheualier du Comte de Foix (qui reuenoit d'Avignon) lequel on appelloit messire Espaing du Lyon, vaillant homme & sage, & beau Cheualier: & pouoit lors estre en l'aage de cinquante ans. Le me my en fa

*Froissart s'ac-
compaigne de
messire Es-
paing du Lyon,
Cheualier du
Comte de Foix.*

*Subtilité de
ceux de Lourde
à prendre Or-
tingas.*

*Surprise de la
ville d'Ortin-
gas sur les
François.*

compaignie: & il auoit grand desir de sauoir des besongnes de Frâce: & fufmes six iours sur le chemin, ainçois que nous veinssions à Ortais. En cheuauchât, ledit Cheualier (puis qu'il auoit dit au matin ses oraisons) se deuisoit le plus du iour à moy, en demâdât notuel les. Aussi, quand ie luy en demandoye, il m'en respōdoit. Au departir de la cité de Pau-miers, nous passâmes le Mont de Cesse (qui est moult mal-aisé à monter) & passâmes delez la ville & le chastel d'Ortingas (qui est tenu du Roy de France &) point n'y entra-mes: mais veinssmes dîner à vn chastel (qui est au Comte de Foix, à demie lieuë par-de-la (qu'on appelle Carlat: & sied haut sur vne montaigne. Apres dîner, le Cheualier me dit, Cheuauchon ensemble tout souef. Nous n'auons que deux lieuës de ce pays (elles valent bien trois de France) iusques à nostre giste, le respondi, le le vueil. Or, dit le Cheualier, nous auons huy passé le chastel d'Ortingas: qui a porté grand dōmage en ce país. Pierre d'Anchin le teint: car il l'embla: & fit dōmage au Royaume de France de soixante mille francs. Et comment les eust il? dy-ie au Cheualier. Le le vous diray (dit-il) Le iour de Nostredame de la Myaoust à vne foire en celle ville: ou tout le pays se resconse: & y a moult de marchandises pour vn iour. Pierre d'Anchin & sa charge de compaignons (qui se tenoient à Lourde) auoiet getté leur auis, de long temps, à prendre ceste ville & le chastel: & n'y fauoient commēt aduenir. Toutesfois ils auoient deux de leurs varlets, simples hommes par semblance enuoyez, des le mois de May, pour trouuer seruices & maistres en la ville: & les trouuerēt tous deux: & furent retenus, & estoient ces deux varlets de trop beau seruice pleins enuers leurs maistres: & alloient dedans & dehors besongner & marchander: n'on n'auoit nul souspeçon d'eux. Auint que ce iour de la Myaoust il y auoit grand foison de marchans estrangers, de Foix: de Bearn, & de France, en celle ville: & vous sauez que Marchās (quād ils se trouuēt ensēble, & ils ne se sōt veus de grād téps) boyuēt, par vīage, largemēt & longuement, pour entre eux faire bonne cōpaignie, dont il auint qu'es hostels des maistres, ou ces varlets demouroient, il y en auoit grād foison, & là beuuoient, & se tenoiet tous aises, & le Seigneur de l'hostel avec eux. Sur le point de minuiēt, Pierre d'Anchin & sa route vindrent à Ortingas: & demourent derriere vn bois, eux & leurs cheuaux, ou nous auons passé: & enuoyèrent six varlets, & deux eschelles, en la ville: & passerent outre, ces varlets les fossez, ou on leur auoit enseigné au moins parfond: & vindrent au mur de là, drezer les eschelles, & estoient les deux varlets deffusdits, qui leur aidoint, ce pendant que leurs maistres seioient à table: & les aiderent tous à passer: & se meirent en telle auenture, que l'vn des varlets à l'hostelier amena ces six varlets à la porte: & là auoit deux hommes, qui gardoient les clefs. Ce varlet dit à ces six compaignons, Tenez vous cy tous quois, & ne vous auancez, iusques à tant que ie siffleray. Je feray ouurir, à ces gardes, l'huis de leur garde. Ils ont les clefs de la porte. Je le say bien. Si tost que ie leur auray fait ouurir l'huis de leur garde, ie siffleray si faillez auant, & les occiez. Je cognoy bien les clefs: car i'ay aidé plus de sept fois à garder la porte, avec mon maistre. Tout ainsi, comme il le diuisa: ils le firent: & se muerent & cacherent: & cil s'en vint à l'huis de la garde: & ouit, & trouua que ceux veilloient & beuuoient. Il les appela par leurs noms (car bien les cognoissoit) & dit, Ouurez l'huis. L'apporte du meilleur vin que vous beustes oncques: que mon maistre vous euoye, à fin que vous faciez meilleur guet. Ceux, qui cognoissoiet assez le varlet & qui cuidoiet qu'il dist verité, ouurirent l'huis de la garde: & il siffila: & les compaignons faillirent tantost auant, & se bouterent en l'huis: n'oncques les autres n'eurent loisir de le reclorre. Là furent ils attrapez, & occis, si quoyement, que nul n'en seut riens. Lors prirent ils les clefs: & vindrent à la porte, & l'ouurirent: & auallerent le pont si doucement, qu'oncques personne n'en seut riens. Adoncques sonnerent vn cor, vn coup taut seulement: & ceux qui estoient en l'embuscement, l'entendirent tantost. Si monterent tantost sur leurs cheuaux: & vindrent frapant des esperons: & se meirent sur le pont: & entrerent en ladite ville: & prirent tous les hommes de ladicte ville, en seant à table, ou en leurs lits. Ainsi fut Ortingas prise de Pierre d'Anchin de Bigorre, & de ses compaignons qui estoient issus de Lourde. Adonc demanday-ie au Cheualier, Et comment eurent ils le chastel? Je le vous diray (dit messire Espaing du Lyon) A celle heure que la ville d'Ortingas fut prise, estoit, à sa male auenture, le Chastelain en la ville: & soupoit avecques Marchans de Carcassonne: si qu'il fut là pris: & lendemain au matin Pierre d'Anchin, le fit amener deuant le chastel, ou sa femme & ses enfans estoient: & là l'espouuenta de luy faire couper la teste: & fit traitter deuers la femme du Chastelain, que, son luy vouloit rendre

rendre le chastel, on luy rendroit son mary quitte & deliure: & les laisseroit paisiblement partir, & tout le leur sans nul dommage. La Chastelaine (qui se veoit en mauuais estat & dur party pour l'amour de ce, & qui ne pouuoit pas faire vne guerre par elle) pour rauoir son mary, & pour écheuer plus grád dommage, rendit le chastel: & le chastelain, sa femme & ses enfans, & tout ce qui leur appartenoit, se partirent: & s'en allerent à Paumiers. Ainsi eut Pierre d'Anchin la ville & le chastel d'Ortingas: & vous dy qu'à l'heure, qu'il y entra, luy & ses compaignons y gaignerent trente mille francs, tant en marchandises (qu'ils y trouuerent) comme en bons prisonniers de France: mais tous ceux, qui estoient de la Comté de Foix ou de Bearn, ils deliurerent eux & le leur, & sans dommage: & tint depuis Pierre d'Anchin Ortingas bien cinq ans: & couroient luy & ses gens bien souuent, iusques aux portes de Carcassonne (ou il y a d'illec seize grandes lieues) & endomagerent moult le pays, tant par les rançons des villes (qui se rançonnoient) comme par pillages, qu'ils faisoient sur les champs, & sur le pays. Entendis que Pierre d'Anchin se tenoit en la garnison d'Ortingas, s'auacèrent vne nuit aucuns de ses compaignons (qui desiroient à gaigner) & s'en vindrent en vn chastel (qui est à vne bone lieue de là) qu'on dit le Paillier: dont messire Raymond du Paillier, vn Cheualier François, est Seigneur. Si firent si tresbien leur emprise (combien qu'autresfois sy estoient efforcez: mais ne l'auoient peu prendre) qu'à celle fois ils l'eschelerent, & le prirent: & aussi firent ils le Cheualier & la dame, en leur lit: & tindrét depuis le chastel & laisserét la dame & les enfans. Mais ils garderent bien enuiron quatre mois, le Cheualier dedans son chastel, tant qu'il eust païé mille francs pour sa rançon. En la fin, quand ils eurent le pays assez trauaillé & guerroyé, ils vendirent ces deux chasteaux, Ortingas & le Paillier, à ceux du pays: & en eurent huit mille frâcs: & puis s'en allerét à Lourde, leur principale maison. En tels faits-d'armes & auentures se mettoient les compaignons tous les iours. Encores aint, en ce temps, qu'un tresapert Homme-d'armes (qui se tenoit au chastel de Lourde) vn Gascon, (qu'on appelloit le Mangeant de Sainte-Basile) se departit de Lourde, luy trentième: & s'en vint cheuaucher, à l'auéture, en Toulouzain & en Albigeois: & voulut & cuida prendre le chastel de Penne, en Albigeois: mais il ne peut: & quád il vit qu'il auoit failli à son entente, il vint deuant la porte, & fit vne grande écar mouche: & là eut plusieurs appertises d'armes. A celle heure propre cheuauchoit le chastelain de Toulouze, messire Hugue de Froide-ville, à soixante Lances: & cheut d'auenture à Penne, entendis que l'écar mouche se tenoit. Tantoist il mit pié à terre, & ses gens aussi: & vint es barrières, ou on se combattoit. Adonc se fust le Mangeant de là party, fil eust peu: mais il ne pouuoit. Là se combattoit vaillammét, main à main au Cheualier: & fit plusieurs appertises d'armes: & n'aura, en deux ou en trois lieux, le Cheualier: mais finalement il fut pris: car la force n'estoit pas siéne, & ses gens aussi morts, ou pris: & peu s'en sauuerent. Si fut amené le Mangeant à Toulouze: & le vouloiet lors la commune de la ville occire, entre les mains du Sénéchal: & à grand' peine le peut il sauuer, & mettre au chastel: tant il estoit fort hay à Toulouze. Si bien luy cheut & aduint que le Duc de Berry vint à Toulouze. Il eut tant d'amis sur le chemin, que le Duc le fit deliurer, parmy mille francs, que le Sénéchal en eut, pour sa rançon. Quand le Mangeant se vit deliuré, & il fut retourné à Lourde, pour ce ne cessa il pas à faire ses emprises: & se partit vne fois de Lourde, luy cinquième, sans armeures, en habit d'Abbé: & menoit trois Moines: & luy & les siens auoiet couronnes rases: & ne cuidast iamais nul, qui les veist, qu'ils ne fussent droits Moines: car trop bien en auoiet ils habit, & la contenance. En tel estat il vint à Montpessier: & descendirent en l'hostel de l'Ange: & dit que c'estoit vn Abbé de la haute Gascongne, qui s'en alloit à Paris pour besongner. Il s'accointa d'un riche hōme de Montpessier, qu'on nommoit Sire Barenger, lequel auoit aussi à faire à Paris, pour ses besongnes. Celuy Abbé dit qu'il l'y meneroit à ses despens: lequel fut tout ioyeux, quád il ouit dire qu'il auroit tous ses despens quittes: & se meit au chemin avec le Mangeant, luy seulement & vn varlet. Ils n'eurent pas élongné Montpessier trois lieues, quand le Mangeant le prit, & l'emmena par voyes torfes & obliques, & par chemin perdu: & fit tant qu'il le tint en sa garnison de Lourde: & puis le rançonna, & en eut cinq mille francs. Sainte Marie (dy-ie) Sire, ce-luy Mangeant estoit il appert Homme? Ouy voir (dit-il) & par armes mourut il, & sur vne place ou nous passerons dedans trois iours, au pays qu'on dit Larre en Bigorre, dessous vne ville, qu'on dit l'Archinach. Et ie le vous ramenteuray (dy-ie au Cheualier) quand nous serons venus iusques là.

Prise du chasteau du Paillier par ceux de Lourde.

Prise d'un capitaine nommé le Mangeant de S. Basile par le Chastelain de Toulouze.

Ruze du Mangeant de S. Basile apres sa deslurace de Toulouze.

Comment Froissart & le Cheualier de Foix arriuerent à Casseres: là ou le Cheualier luy compte la prise d'icelle ville par les Armignacs, & aussi la reprise par le Comte de Foix, & apres, en poursuivant leur chemin, quelques autres faits-d'armes d'entre les Armignacs & les Foixiens.

CHAPITRE V.

†Ceux de La
breth, que
nous disons
Albreth.

A Insi cheuauchasmes nous iusques à Monstequien, vne bonne ville fermée, qui est au Comte de Foix, que les Armignageois & les † Labrissiens prirent & emblerent vne fois: mais ils ne la tindrent que trois iours. Au matin nous nous partismes de Monstequien: & cheuauchasmes vers Palaminich, vne bonne ville fermée, seant sur la Garonne: qui est au Comte de Foix. Quand nous fumes venus bien pres de la, nous cuidasmes passer au pont de Garonne, pour entrer en la ville: mais nous ne peusmes: car le iour de deuant il auoit si fort pleu es montaignes de Catelongne & d'Arragon, qu'une autre riuere (qui vient de celuy pais, & qu'on appelle le Saluz) estoit tant creuë (avec ce qu'elle court roidement) qu'elle auoit rompu, & mené aual la Garonne, vne arche du pont: qui est tout de bois. Parquoy il nous conuint retourner à Mōstequien, & disner, & estre là tout le iour. Le lendemain le Cheualier eut conseil qu'il passeroit au-deuant de la ville de Casseres, à bateaux, la riuere. Si cheuauchasmes celle part: & veinismes sur le riuage: & feismes tāt, que nous & noz cheuaux fumes outre: & vous dy que nous passasmes la riuere de Garonne à grand peine, & à grand peril. Car le bateau n'estoit pas trop grād, ou nous passasmes: & n'y pouuoit entrer que deux cheuaux à vne fois, & ceux qui les tenoient, & les hōmes qui le bateau gouuernoient. Quand nous fumes outre, nous cheufmes à Casseres: & demourasmes là tout le iour. Entandis que les varlets appareilloient le souper, messire Espaing du Lyon me dit, Messire Iehan allon veoir la ville. Sire, dy-ie, allon. Nous passasmes au long de la ville: & veinismes à vne porte, qui sied deuers Palaminich: & passasmes outre: & veinismes sur les fossez. Le Cheualier me monstra le pan d'un mur: & me dit, Veez vous ce mur illec? Ouy, Sire (dy-ie) pourquoy le dictes vous? Je le di pourtant (dit le Cheualier) que vous veez bien qu'il est plus neuf que l'autre.

C'est verité, respōdy ie. Or (dit-il) ie vous diray par quelle maniere ce fut, & quelle chose. Il y a enuiron dix ans que ce auint. Autresfois auez vous bien ouy parler que la guerre du Comte d'Armignac & du Comte de Foix courut par le pays de Bearn: que le Cō

† C'est à dire, querelle ce pays de Bearn.

te de Foix tient, le Comte d'Armignac † le guerroye: combien que maintenant il se repose: mais c'est pour les treues qu'ils ont ensemble. Si vous dy que les Armignageois & les Labrissiens n'y ont riēs gaigné: mais perdu trop de fois: car pour vne nuict de S. Nicolas en Yuer, L'an mil trois cens soixante & deux, le Comte de Foix prit vne fois, assez pres du Mont-de-marsen, le Comte d'Armignac, & aussi le Seig. d'Albret, son neveu, & tous les Nobles, qui avec luy ce iour estoiet: & les emmena en Ortai † & encor en la

† Je doute que ces deux membres de reste de clause ne soient corrompus. Mais ie ne treuve nul moyen de les amēder, passant sala legeremēt par dessus.

Comté de Foix en la tour du chafel d'Ortai, & en receut pour dix fois cēt mille frācs, seulement de ceste prise là. Or auint depuis, que le pere au Comte d'Armignac (qui à present est) qu'on apeloit messire Iehan d'Armignac, mit sus vne cheuauchée de ses gēs: & s'en vint vne fois prendre & escheler la ville de Casseres: & y furent bien deux cens Hommes d'armes: & monstroient qu'ils la vouloient tenir de puissance. Les nouvelles vindrent au Comte de Foix (qui se tenoit à Pau) comment les Armignageois & les Labrissiens auoient pris sa ville de Casseres. Luy (qui estoit sage Cheualier & vaillant, & conforté en toutes ces besongnes) appela tātost deux freres bastards, qu'il auoit à Cheualiers (messire Arnaut Guillaume, & messire Pierre de Bearn) & leur dit, Cheuauchez tātost à Casseres. Je vous enuoyeray gens de tous lez: & dedans trois iours ie seray là avecques vous. Si gardez bien que nul ne se parte de la ville, qui ne soit combattu (car vous ferez fors assez) & vous, venus par-deuant Casseres, à force de gens du pays faites là apporter & charroyer grand planté de busches, & les mettre contre les portes, & ficher & planter au-dehors, & puis charpenter bōnes grosses barres: car ie vueil que tous ceux qui sont dedans, soient tellement encloz, que iamais par les portes n'en faillent. Je leur feray prendre autre chemin. Les deux Cheualiers firent son cōmandement: & s'en vindrent à Palaminich: & toutes Gens d'armes de Bearn les suiurent, & allerent avecques eux. Ils s'en vindrent au-deuant de ceste ville de Casseres: & sy logerent. Ceux, qui dedans estoient, n'en firent compte: mais ils ne se donnerēt garde qu'ils furent tellement enclos, que par les portes ils ne pouuoient issir, ne faillir. Au troiesme iour le Comte de Foix vint, accompagné de bien cinq cens Hommes d'armes: &, si tost comme il fut

venu,

venu, il fit faire barrières tout autour de ceste ville, & aussi barrières au-tour de son ost: parquoy de nuit on ne leur peust porter nul dōmage. En celuy estat, sans les assaillir, les tint tāt longuemēt que viures leur faillirēt: Car, cōbiē qu'ils eussent vins à grād' plātē, si n'auoiēt ils là dedans que manger, ne par la riuere ne s'en pouuoient ils fuir: car elle estoit lors trop parfonde. Si penserent en eux-mesmes, que mieux leur valoit estre ses prisonniers, que là mourir honteusemēt par famine. Le Côte de Foix entēdit à ces traittez par my ce qu'il leur fit dire, q'ia par porte qui fust en la ville ils ne saudroient: mais leur feroit on faire vn pertuis au mur, & vn à vn, en leurs purs habits ils istroient: & cōuint qu'ils prissent ce party, ou autrement ils ne pouuoient finer: & se le Côte de Foix ne s'en fust atant appaisē, ils fussent là dedās tous morts. On leur fit faire vn pertuis au mur (qui ne fut pas trop grand) par lequel ils issoient vn & vn: & là estoit le Côte de Foix armē, & toutes ses gēs sur le chemin, & en ordōnance de bataille: & ainsi qu'ils issoient, ils trouuoient qui les recueilloit, & amenoit deuers le Côte, leq̄l les departit là & les ēuoya en plusieurs lieux, chasteaux, & sēeschauſſēs: & prit son cousin messire Jehan d'Armignac, messire Bernard d'Albreth, messire Manaut de Barbasan, messire Raimond de Benach, messire Benedich de la Cornēille, & enuiron vingt des plus notables avec eux: & les mena avec luy en Ortais: & en eut, auāt qu'ils luy échapassent, cent mille francs deux fois. Par telle maniere que ie vous dy beau maistre, fut ce mur, que vous veez, dépecē pour ceux d'Armignac & d'Albreth: & depuis fut il refait & réparē. Apres qu'il eut acheuē son compte, nous nous en retournasmes au logis: & † trouuasmes le souper tout prest: & le lēdemain nous montasmes à cheual: & cheuauchasmes tout contremōt la Garonne: & passasmes parmy Palaminich: & puis entraſmes en la terre du Comte de Comminges & d'Armignac, au costē deuers nous: & d'autre part la Garonne sied: qui est la terre au Comte de Foix: En cheuauchant nostre chemin, me monstra le Cheualier vne ville assez forte, & bonne par semblant (qu'on appelle Marterras-le-Touffac) laquelle est au Comte de Comminges: & d'autre part la riuere, sur la montaigne me monstra deux chasteaux: qui sont au Comte de Foix: dont on appelle l'un Montaural, & l'autre Monclare. En cheuauchāt entre ces villes & chasteaux, selon la riuere de Garonne, en vne moult belle prairie, me dit le Cheualier, Messire Jehan, i'ay vū cy plusieurs fois de belles écarouches & dures rencontres des Foixais & Armignacs: car il n'y auoit ville ne chastel, qui ne fust pourueū & garnie de Gens-d'armes: & là couroient & chaçoient les vns sur les autres: & là deſſous vous en veez les mafures. Si firent les Armignacs, à l'encontre de ces deux chasteaux, vne bastide, & la gardoient les hommes-d'armes: & faisoient moult de maux par deçà la riuere, en la terre du Comte de Foix. Mais ie vous diray commēt il leur en prit. Le Comte de Foix y enuoya vne nuit son frere, messire Pierre de Bearn, à tout deux cēs Lances: & si menoient, en leur compaignie, biē quatre cens villains, tous chargez de fagots contre ceste bastide, & encores grand' foison de bois, qu'ils couperēt en ces hayes & en ces buyſſons, & puis bouterent le feu dedans, si brullerent la bastide, & tous ceux qui dedās estoient, sans nul prēdre à mercy. Oncques depuis nul ne sy osoit remettre. En telles paroles & deuises nous cheuauchasmes le iour contremont la riuere de Garōne: & vei, d'une part & d'autre de la riuere, plusieurs beaux chasteaux & fortereſſes. Tous ceux, qui estoient par-delà, à la main fenestre, estoient au Comte de Foix: & ceux, qui estoient par-deçà, deuers nous estoient au Comte d'Armignac: & passasmes à Montpeſac, vn bel chastel & fort, seant haut sur vne roche: & deſſous est le chemin & la ville. Au dehors de la ville, le traict d'une arbaleſte, à vn pas qu'on dit la Garde: qui a vne tour sur le chemin, entre la roche & la riuere: & deſſo^u celle tour, sur le passage, a vne porte de fer, coulisse: & pourroient bien six personnes garder ce passage contre tout le monde: car il n'y peut que deux personnes de front, cheuaucher, pour l'occupation de la roche & de la riuere. Adonc dy-ie au Cheualier, Sire, veez cy vn fort passage, & vne forte contrée de pays. C'est voir (respondit le cheualier) & combien que l'entrēe soit forte, toutesfois le Comte de Foix & ses gens la conquirent vne fois: & passerent luy & ses gens tout par cy: & furent à Palaminich, & à Monstequien, & iusques à la cité de Paumiers. Si estoit le passage bien fort: mais Archers d'Angleterre, qu'il auoit en sa compaignie, luy aiderent à faire son fait, & le grand desir qu'il auoit aussi de passer tout outre, pour venir à la marche de Paumiers. Or cheuauchez delez moy (dit le Cheualier) & ie vous diray quelle chose il fit. Adonc cheuauchay delez messire Espaing du Lyon: & il me commēça à faire son compte. Le Comte d'Armignac, & le Sire d'Albreth (dit le Cheualier) à tout biē

Estrāge composition de la reprise de Casseres, par le Comte de Foix.

† *Tout ce commencement de clause, iusqu'à ce lieu defailloit en nos Exemplaires.*

Description du pas de la Garde de pres Montpeſac, que le Côte de Foix passa pour secourir ceux de Paumiers contre les Armignacs.

cinq cens Hommes, s'en vindrent en la Comté de Foix, & en la marche de Paumiers: & fut à l'entrée d'Aoust: qu'on doit les biens recueillir aux champs, & que les raisins meurissent: & en celle saison il en y auoit grand'abondance au pays dessusdit: & messire Jehan d'Armignac & ses gens logerent adonc deuant la ville & chastel de Sauuredun, à vne petite lieuë de la cité de Paumiers: & là liurerent ils assaut: & manderent à ceux de Paumiers, fils ne rachaptoient leurs blez & leurs vins, qu'ils ardroient & destruiroient tout. Ceux de Panmiers se douterent (car le Comte leur Seigneur leur estoit trop loing: car il estoit en Bearn) & eurent conseil d'eux rachapter: & se rachapterent à cinq mille frâcs: mais ils prirent quinze iours de terme: lesquels on leur donna. Le Comte de Foix fut informé de tout cet affaire. Si se hastia au plustost qu'il peut: & mada gens de tous costez: & s'en vint, † par cette porte du pas, bouter en la cité de Paumiers: & gens luy venoient de tous lez: & auoit adonc douze cens lances: & fust venu, sans faute, combattre messire Jehan d'Armignac & ses gens, fils l'eussent attendu: mais ils se retrahirent: & rentrerent en la Comté de Comminges: & n'emporterent point ledit argent de ceux de Paumiers: car ils n'eurent pas loisir de l'attendre. Mais pour ce ne le quitta pas le Comte de Foix: mais dit qu'il l'auroit, & qu'il l'auoit gagné: car il estoit venu tenir sa journée, & bouter hors du pays ses ennemis. Si l'eut: & en paya ses Gens-d'armes: & là se tint, tant que les bonnes gens eurent cueilly & vendangé, & leurs biës mis à sauueté. Par ma foy (di-ie au Cheualier) ie vous ay ouy volontiers. En ce menant, nous passasmes delez vn chastel, qu'on appelle la Bretite, & puis vn autre chastel, qu'on dit Bacelles: & tout en la Comté de Comminges. En cheuauchant, ie regarday, & vey, par-delà la riuere, vn tresbel chastel & grand, & bonne ville par apparence. Ie demanday au Cheualier comment ce chastel estoit nommé. Il me dit qu'on l'appelloit Montesplain: & est à vn (qui est cousin du Comte de Foix, & porte les vaches par armoirie) qu'on dit messire Roger d'Espaigne, C'est vn grād Barō, & vn grād terrië en ce pays icy, & en Toulouzain, & est pour le present, Sénéchal de Carcassonne. Lors demaday-ie à messire Espaing du Lyon, Et celuy messire Roger d'Espaigne, qu'estoit il à messire Charles d'Espaigne, qui fut Cōestable de France? Donc me respondit le Cheualier, & me dit, Ce n'est point de ses Espaignols là. Car messire Loys d'Espaigne & ce messire Charles, dequoy vous parlez, vindrent du Royaume d'Espaigne anciennement: & estoient d'extraction d'Espaignë, & de Frâce de par leur mere: & furent cousins germains du Roy Alphons d'Espaigne: & serui, des maieunesse, messire Loys d'Espaigne, es guerres de Bretagne: car il fut tousiours de la partie à Saint Charles de Blois, contre le Comte de Monfort. A tant laissasmes nous à parler de ceste matiere: & veinsmes ce iour à Saint-Gouffens, vne bōne ville qui est au Comte de Foix, & lendemain veinsmes disner à Monereil vne bonne ville, & forte la quelle est au Roy de Frâce: & la tient messire Roger d'Espaigne. Apres disner nous mōtasmes à cheual: & prismes le chemin de Lourde & de Mauuoisin: & cheuauchasmes parmy vnes landes, qui durent bien quinze lieuës, & appelle on ces landes † Lanne-de-vous: & y a moult de perilleux passages, pour gens qui seroient auisez de malfaire. Emmy Lanne-de-vous sied le chastel de la Mesere (qui est au Comte de Foix) à vne grosse lieuë en sus de la ville de Tournay, dessous Mauuoisin: lequel Chastel le Cheualier me mōstra, & me dit ainsi, Veez là Mauuoisin. Auez vous point mis en vostre Histoire (dōt vous m'auez parlé) comment le Duc d'Aniou, du temps qu'il fut en ce pays & qu'il alla deuant Lourde, y mit le siege, & le conquist, & le Chastel de Gringalet, sur la riuere, que vous voyez cy-deuant nous: qui est au Seigneur de la Barte? Ie pensay vn petit: & puis dy, Ie croy que ie n'en ay riens, & que n'en fu oncques informé. Si vous prie que vous m'en recorder la matiere: & i'y entēdray volontiers: & dictes moy auant que ie ne l'oublie, que la riuere de Garonne est deuenue: car ie ne la voy plus. Vous dictes voir (dit le Cheualier) (Elle se part d'être ces deux mōtaignes: & naist & vient d'une fontaine, à trois lieuës d'icy (ainsi qu'on voudroit aller en Catelōgne) dessous vn chastel, qu'on dit de S. Beart, le dernier chastel du Royaume de France, des frontieres de par-deça, sur les bādes du Royaume d'Arragō: & en est Site & chastelain pour le presēt, & de toute la terre de là enuiron, vn Escuyer qu'on appelle Arnauton: & est nommé Bourg d'Espaigne, & cousin germain à messire Roger d'Espaigne. Si vous le voyez, vous dirés bien cest homme a bien façon & ordonnance d'estre droit Homme-d'armes. Si a ce Bourg d'Espaigne plus porté de dommage & de contraire à ceux de Lourde, que tous les Cheualiers ne les Escuyers de ce pays n'ont: & vous dy que le Comte de Foix l'ayme bien: car c'est son

† Les cinq mots
 suiuans sont ad-
 ioustez, selō sa-
 la-comme aussi
 le Cheualier le
 promet dire cy
 dessus, combien
 que ie n'en trou-
 ue autre chose.

† sala dit la
 Landebone.

son cōpaignon en armes. Je vous laisseray à parler de luy (car à ce Noel vous le pourrez veoir en l'hostel du Comte de Foix) & vous parleray du Duc d'Aniou, comment il vint en ce pays, & quelle chose il y fit.

Continuation du voyage de Froissart avec le Cheualier de Foix: qui luy compte quelques petites particularitez du siege de Brest & de Dernal en Bretagne, & cōment le Duc d'Aniou recourra Mauuoisin & Trigalet sur les Anglois.

CHAP. VI.

A Doncques cheuauchasmes tout bellement: & il commença à parler: & me dit ainsi, Au commencement des guerres & que l'on conquist & gagna, sur les Anglois, ce qu'ils tenoient en Aquitaine, & que messire Oliuier de † Clifson fut deuenue bon François, il mena le Duc d'Aniou (comme vous sauez) en Bretagne, sur la terre que messire Robert Canolle tenoit, & au siege de Dernal: & ie croy bien que tout ce vous auez en vostre Histoire, & le traité, que messire Hue Brice, son cousin, fit au Duc d'Aniou de rendre le chastel, & cōment il liura hostages, se plus fort que le Duc d'Aniou, qui là estoit à siege, ne venoit pour leuer le siege, & comment, quand messire Robert Canolle se fut bouté au chastel de Dernal, il ne voulut tenir nuls traittez. C'est verité, Sire: & tout ce say-ie bien. Et y auez vous de l'écarmouche, qui fut deuant le chastel, ou messire Oliuier de Clifson fut nauré? Le ne say (dy-ie) Il ne me souuient pas de tout. Mais dites moy de l'écarmouche & du siege, comment il en alla. Par-auenture le sauez vous par autre maniere, que ie ne say, vous retournerez bié à vostre propos de ceux de Lourde & de Mauuoisin. C'est verité (dit le Cheualier) l'en parle, pourtant que messire Garfis du chastel, vn moult vaillât Cheualier de ce pays cy, lequel estoit bon François, estoit allé querre le Duc d'Aniou, pour l'amener deuant Mauuoisin: & le Duc auoit fait son mādement, pour tenir la iournée deuant Dernal: & fit messire Garfis pour sa vaillāce, Marechal de son ost. Verité est (comme ie luy ouy dire depuis) que, quād il veit que messire Robert Canolle eut brisé & rompu ces traittez, & que le chastel de Dernal ne redroit point, il vint deuers le Duc: & luy demanda, Monseigneur, que feroins nous de ces ostages? Ce n'est pas leur faute, ne leur coulpe, que le chastel n'est rédu: & ce seroit grand peché, si vous les faisiez mourir: car ils sont Gentilshōmes: & n'ont point deseruy mort. Donc (respōdit le Duc) est il bō qu'ils soient deliurez? Ouy par ma foy: dit le Cheualier: qui en auoit grādement pitié. Allez (dit le Duc) faites en vostre volōté. A ces mots messire Garfis du Chastel (cōme il me dit) pour deliurer ses ostages s'en alloit. Si rencōtra en son chemin messire Oliuier de Clifson: qui luy demanda ou il alloit, & dont il venoit. Il luy dit, Le vien de deuers Mōseig. d'Aniou: & vois deliurer ces hostages. Deliurer! (dit messire Oliuier) Attēdez vn petit & retournez vn petit avec moy deuers le Duc: Il s'en vint deuers le Duc, qui estoit tout pēsif à son logis. Messire Oliuier le salua: & luy dit, Mōseig. q̄lle est vostre intētion? Ne mourrōt point ces ostages? Par ma foy si ferōt, en despit de messire Robert Canolle & de messire † Vire, qui ont menty leur foy: & ie vueil bien que vous sachez, que, s'ils ne meurēt, dedans vn an ie ne mettray bacinet en teste, pour vostre guerre. Ils auroiēt trop bō marché: s'ils estoient quittes ainsi. Ce siege vous a cousté 60. mille frācs: & puis vous voulez faire grace à vos ennemis: qui ne vous tiennent nulle loyauté. A ces mots se renfelōna le Duc d'Aniou: & dit, Messire Oliuier, faites en ce que bon vous semble. Je veux qu'ils meurent (dit messire Oliuier) Car il y a causes: puis qu'on ne nous tient nos conuenances. Lors se partit il de deuant le Duc: & vint en la place, deuant le chastel: n'ōcques messire Garfis n'osa parler, ne prier de paix pour eux: car il eust perdu sa peine: puis que messire Oliuier de Clifson l'auoit entrepris. Il fit appeler Racelin, qui estoit le Trenchesteste, & fit décoler deux Cheualiers & deux Escuyers: dont on eut moult grand' pitié: & en plorerent plus de deux cens en l'ost: & tantōst messire Robert Canolle fit ouurir vne poterne hors du chastel, & sur les fossez il fit, en despit des François, décoler tous les prisonniers, qu'il tenoit (n'ōc il n'en respita hōme) & puis fit ouurir la porte du chastel, & aualer le pōt, & issir les gēs qui leās estoierēt, & aller aux barrieres, & assaillir outre les barrieres, & venir cōbatre & écarmoucher aux François: & vo'dy (cōme messire Garfis me dit) qu'il y eut écarmouche tresforte: & du premier traict y fut nauré messire Oliuier de Clifson, dōt il s'en retourna en son logis, & là furent tresbōs Hōmes d'armes deux Escuyers du païs de Bearn, Bertrād de Baruge, & Ernautō du Pin: & là firēt des appertises d'armes assez: & tous deux y furēt naurez. Lēdemain on se délogea: & vint le Duc avec les gens d'armes qu'il auoit tenus deuant Dernal, à Toulouse, & de là, en ce païs: & tout en intētiō

† Il y auoit Clefquin, que nous auons corrigé selon Sala, & suivant plusieurs chap. du pre. volume de nostre Auteur: au 317. desquels il surnomme Broce, ce luy qu'il surnommait tantost Brice.

† Ce doit estre celui qu'il a surnommé Brice au commencement de ce chap.

† Siege du Duc
d'Aniou deuant
Mauuoisin, qui
peut estre en l'ã
1374. selon le
chap. 318 du
prem. volume.

† Pen deuant
Garfis.
† Gringaler,
sur la fin du
chap. precedent

de destruire Lourde: car ceux de Toulouze s'en pleignoiēt trop grandement. Cōme ie vous racōpte il auint: & fut tout premieremēt le siege mis, du Duc d'Aniou & de ses gēs, deuant le chastel de † Mauuoisin, que nous voyōs icy deuant nous, & auoit le Duc en sa cōpaignie, bien huit mille cōbatans, sans les Gēneuois & les cōmunes des bonnes villes des Sēneschaucées de ce pays. Du chastel de Mauuoisin estoit Capitaine, pour lors, vn Escuyer Gascon, qu'on appelloit Raymōnet de l'Espée, moult appert Homme-d'armes. Tous les iours y auoit aux barrieres du chastel écarouches, & faicts-d'armes, & appetifes, & beau lanceis de lances, courses & enuahies de compaignons, qui se desiroient à auancer: & estoient le Duc & ses gens en ces beaux prez, entre la ville de Tournay & le chastel, & sur la belle riuere de Lisse. Le siege estāt deuant le chastel de Mauuoisin, messire † Garfis du chastel, qui estoit Mareschal de l'ost, s'en vint, à tout cinq cēs combatans, & deux cens Archers & Arbalestiers, & bien deux mille autres hommes des communes, mettre le siege deuant le chastel de † Trigale (que nous auons cy laissē derriere nous) lequel chastel vn Escuyer Gascon gardoit pour le sire de la Barde: car il estoit son cousin: & l'appelloit on le Bastot de Maulion (& y auoit enuiron quarante compaignons dedans: qui estoient tous maistres & Seigneurs de Lane-de-bourc) ne nul ne pouuoit aller ne cheuaucher parmy ce pays, s'il n'estoit pelerin: allant à S. Iaques, qu'il ne fust pris, mort, ou rançonné, avec vne autre forte place, vers le Mesen: de laquelle tous pillars & robeurs, assemblez de tous pays, auoient fait vne garnison: laquelle place on nomme le Nemilleux: & est vne forte place, qui est tousiours en debat entre le Comte de Foix & le Comte d'Armignac: & pource n'en faisoient cōpte les Seigneurs, quād le Duc d'Aniou vint en ce pays. Quād messire Garfis fut venu deuant le fort de Trigale, il le fit enuironer d'une part, car au costē deuers la riuere on ne le peut approcher, & là eut grand assaut, dur & fort, & maint homme blecē dedās & dehors, du traict: & y fut messire Garfis cinq iours: & tous les iours y auoit assaut & écarouche, tant que ceux de dedans y alouerēt l'artillerie qu'ils auoient: tellement qu'ils n'auoient plus riens que traire: & bien s'en apperceurent les François. Adonc par droite gētillesse fit messire Garfis venir parler à luy, sur faufconduit, le Capitaine: & quād il le vit, il luy dit, Bastot, ie say bien en quel party vous estes: vous n'avez point d'artillerie, ne chose de quoy vous defendre à assaux, fors que de lances. Si sachez que, se vous estes pris à force, ie ne vous pourray sauuer, ne voz cōpaignons, que vous ne soyez morts des Communauté du pays. Laquelle chose ie ne vouldroye pas volontiers: car encores estes vous mon cousin. Si vous conseille que vous rēdez le fort, entādis qu'on vous en prie: vo' n'en pouuez auoir blasme du laisser, & d'aller autre part querre vostre mieux, vous avez assez ceste forteresse tenue. Monseigneur (respōdit l'Escuyer) i'oseroye bien, ailleurs que cy, hors du parti d'armes faire ce que me cōseilleriez, car vrayement suis ie vostre cousin, mais ie ne puis pas rendre le fort tout seul: car autelle part y ont ceux, qui sont dedans, comme moy: quoy qu'ils me tiennent à souuerain & à capitaine. Je me retrairay là dedās: & leur remōstreray ce que vous me dites. S'ils sont d'accord de le rēdre ie ne le debattray ia: & s'ils sont d'accord du tenir (quelque fin que i'en doye prédre) i'en attendray l'auēture avec eux. C'est biē dit (dit messire Garfis) vous vous en pouuez biē partir, quand vous voudrez: puis que ie say vostre intētion. A tant s'en retourna le Bastot de Maulion au chastel de Trigale: & quand il fut là venu, il fit venir tous les cōpaignons emmy la court: & là leur remōstra les parolles, telles que messire Garfis luy auoit dites: & sur ce il leur demanda conseil, quelle chose il en estoit bonne à faire, Ils se cōseillerēt lōguemēt: Les aucuns vouloiēt attendre l'auēture, & disoiēt qu'ils estoient forts assez: & les autres se vouloiēt partir: & disoiēt qu'il estoit heure: car ils n'auoient plus d'artillerie: & sentoient le Duc d'Aniou cruel, & les cōmunes de Toulouse, de Carcassōne, & des villes de l'euiron, courroucez sur eux, pour les grans dōmages qu'ils leur auoient fait & porté: Tout considerē ils s'accorderent qu'ils rendroient le fort: mais qu'ils fussent conduits sauement, eux & les leurs, iusques au chastel-Culier: que leurs cōpaignōs tenoient en la frōtiere Toulousiēne. Sur celuy estat retourna en l'ost le Bastot, parler à messire Garfis: lequel leur accorda ce qu'ils demandoient: car il veoit biē, & cōsideroit, que le chastel n'estoit pas, par assaut, leger à cōquerre, & que trop leur pourroit couster de gens. Adonc s'ordonnerent ils pour partir: & trousserēt tout ce que trousser peurent. Du pillage auoient-ils assez. Ils emporterent le meilleur & le plus bel, & le demourant laisserēt. Si les fit messire Garfis du chastel mener & cōduire sans peril, iusques au Chastel-Culier. Ainsi eurent les François en ce temps ledit Chastel de Trigale.

Ceux de Trigale
leur rendent leur
fort à Garfis du
chastel, Mareschal
de l'ost du
Duc d'Aniou.

galet, Si le donna messire Garfis aux communes du pays, qui en sa compaignie estoient: lesquelles en ordonnerent tantost à leur plaissance: & fut qu'ils l'abbattirent & destruisirent en la maniere que vous auez veu: car il fut tellement abbattu, que depuis nul ne mit entête au refaire. Delà messire Garfis s'en voulut venir au chastel † Natilleux (qui sied sur ces landes, pres du chastel de † Lamen) pour le deliurer des cōpaignons, qui le tenoiēt mais sur le chemin on luy vint dire, Mōseigneur, vo^o n'avez que faire plus auāt: car vous ne trouuerez nulluy au chastel Nātilleux: ceux, qui le tenoiēt s'en sont partis, & fuys, les vns çà, & les autres là. No^o ne sauōs quelle part. Dōc s'arresta messire Garfis sur les chās: & fauisa quelle chose en estoit bonne à faire, Là estoit le Sénéchal de Nobesen: qui dit, Sire, ce chastel est en ma Sénéchaucée: & doit estre tenu du Côte de Foix. Si vous prie, baillez le moy: & ie le feray bien garder à mes cousts & despēs: ne iamais hōme, qui mal vueille au pays, n'y entrera. Sire (dirēt ceux de Toulouse, qui là estoient) il parle bien. Le Sénéchal est vaillāt homme & preudhōme. Il vaut mieux qu'il l'ait, qu'un autre. Et ie le vueil dit messire Garfis. Ainsi fut le chastel de Nātilleux deliuré au Sēaschal de Nobesen, qui tātost cheuaucha celle part: & se bouta dedās: & le trouua tout vuide, & sans garde: & fit reparer ce que déropu estoit: & y mit, pour capitaine vn Escuyer du pays (qu'on appeloit Fortifié de S. Pol) & puis s'en retourna au siege de Mauuoisin: ou le Duc estoit: & iā estoit reuenue messire Garfis du chastel, & toutes ses gēs: & auoit recordé au Duc d'Aniou sa cheualerie, & cōmēt il auoit exploité. Enuirō six semaines se tīt le chastel de Mauuoisin: & presque tous les iours, aux barrières, il y auoit faits-d'armes & écarouches de ceux de dedās à ceux de dehors: & vous di que ceux de Mauuoisin se fussent assez tenus (car le chastel n'est pas prenable, si ce n'est par long siege) mais il leur auint qu'ō leur tollit l'eauē, d'une part, du puis qu'ils auoient (qui sied au dehors du chastel) & les cisternes (qu'ils auoient là dedās) secherēt, car onc goutte d'eauē, durant six semaines, ne cheut du ciel (tāt fit chaud & sec) & ceux de l'ost auoient bien leurs aises de la belle riuere: qui leur couroit clere, nette, & roide: dōt ils estoient seruis eux & leurs cheuaux. Quād les cōpaignōs de la garnison de Mauuoisin se virēt en ce party, si se cōmēcerēt à ébahir, car ils ne pouuoient lōguemēt durer, de vins auoient ils assez: mais la douce eauē leur failloit. Si eurent cōseil qu'ils traitteroiēt deuers le Duc, ainsi qu'ils firēt, & impetra ledit Raymōnet de l'Espée vn saufconduit pour venir en l'ost, parler au Duc, Ledit Capitaine l'eut assez légerement & vint parler au Duc d'Aniou: & dit, Mōseigneur, se vous nous voulez faire bōne cōpaignie, à mes cōpaignōs & à moy, ie vo^o rédray le chastel de Mauuoisin. Quelle cōpaignie (respōdit le Duc) voulez vous que ie vo^o face? Partez vous en: & allez vostre chemin, chacun en son pays, sans vous bouter en fort, qui nous soit cōtraire: car, se vous y boutez, & ie vous y tiēne, ie vous liureray à † Iocelin: qui vous fera les barbes sans raser. Mōseigneur, dit Raymōnet, fil est ainsi que nous partōs, il nous en faut porter ce qui est nostre: car no^o l'auōs gagné par armes, & en grād' auēture. Le Duc pēsa vn petit: & puis dit, Le vueil biē que vous emportez ce, qu'ēporter pourrez deuāt vous, en malles, & en sommiers, & nō autremēt: & se vous tenez nuls prisonniers, ils nous serōt rendus. Le le vueil, dit Raymōnet. Ainsi se porta leur traité, que recorder m'oyez: & se departirēt tous ceux, qui dedās estoient, & redirēt le chastel au Duc d'Aniou: & emporterēt ce que ils en peurent porter deuāt eux: & s'en alla chacun en son lieu, ou autre part, querre leur auēture. Mais Raymonnet de l'Espée se tourna François: & seruit le Duc d'Aniou depuis moult lōg tēps: & passa outre en Italie, avec luy: & mourut en vne écarmouche, deuant la cité de Naples: quand le Duc d'Aniou & le Duc de Sauoye y firent leur voyage. Ainsi que ie vous dy, beau maistre, se porta, & eut en ce temps le Duc d'Aniou le chastel de Mauuoisin: dōt il eut grand' ioye: & le fit garder par vn Cheualier de Bigorre, qu'on appeloit messire Ciquart de Luperiere: & depuis le dōna il au Côte de Foix: lequel le tiēt encores, & tiendra tant cōme il viura: & le fait bien garder par vn Cheualier de Bigorre: lequel est de son lignage: & l'appelle l'on messire Raymōd de Lane. Quād le Duc d'Aniou eut la faisine de Mauuoisin, & deliuré son pays, & toute Lane-du-Bourc, des Anglois & des pillars, il s'en vint mettre le siege deuant la ville & le chastel de Lourde, Adonc se douta grādement le Côte de Foix du Duc d'Aniou, de ce qu'il le venoit vcoir de si pres: & ne sauoit à quoy il tēdoit: Si fit le Côte de Foix son mandement de Cheualiers & Escuyers, & puis les enuoya par toutes ses garnisons: & mit son frere messire Arnaut Guillaume en la ville de Morlēs, à tout 200. Lāces, & son aūttr frere messire Pierre de Bearn, à tout 200. Lāces, en la ville de Pau: messire Pierre de Caben en la cité de l'Estrade, à

† Iugez si ces
deux places sōt
Nemilleux
& Mefen pen-
par-uant.

† Par-uant
Racelin.

Le chasteau de
Mauuoisin ren-
du au Duc
d'Aniou par
composition.

tout 200. Lances messire Mouuât de Nouuailles en la ville de Hertillet, à tout cent Lances: messire Cruat Geberel en la ville de Montgerbiel à tout cent Lances: messire Fouquaut d'Ortery en la ville de Sauueterre, à tout cent Lances: & moy, Espaing du Lyon. fu enuoyé au Môt-de-Marsen, à tout 200. Lances: & n'y eut chastel en tout Bearn qui ne fust bien pourueu de bons Gens-d'armes, & il se tint à Ortais en son chastel, & delez ses florins. Sire(dy-ie au Cheualier) en a il grand' foison? Par ma foy (dit-il) aujourd'huy le Comte de Foix en a bien par trente fois cent mille: & n'est an, qu'il n'en donne soixâte millé: car nul plus large grand-Seigneur, pour dōner dons, ne vit aujourd'huy. Lors luy demāday-ie, Sire, à quels gés donne il ces dons? Il me respōdit, Aux estrāgers, aux Cheualiers, & Escuyers (qui vont & cheuauchent par son pays) à Heraux, à Menestriers, & à toutes gens qui parlent à luy: ne nul ne se part de luy sans ses dons: car, qui les refuseroit, il se courrouceroit. Ha, ha, Sainte Marie(dy-ie) Sire, à quelle fin garde il tant d'argēt? & dont luy en vient tant? sont ses reuenus si grans, cōme pour tout ce fournir? Le le sauoye volōtiers, s'il vous plaist. Ouy (dit le Cheualier) vous le saurez: mais vous m'auiez demandé deux choses. Si vous voulez que ie les vous cōpte, ie vous déliureray premieremēt de la premiere. Vous m'auiez demandé, tout premieremēt, à quelle fin il garde tāt d'argent.

À quelle fin le Comte de Foix amassoit argēt selon l'auis du Cheualier, qui en deuisoit à Froissart.

Je vous dy que le Comte de Foix se doute tousiours, pour la guerre qu'il a au Côte d'Armignac, & pour les œuures de ses voisins, le Roy de France & le Roy d'Angleterre: lesquels il ne courrouceroit pas volōtiers: & trop bien de leur guerre il s'est feu dissimuler, iusques à l'heure presente: car oncques ne sarma de l'une partie ne de l'autre: & si est biē de l'une partie & de l'autre: & vous dy (& aussi vous le direz, quand l'accointāce & la cognoissance de luy aurez, & que vous l'aurez oui parler, & seu l'estat & ordōnance de son hostel) qu'il est aujourd'huy le plus sage Prince, qui viue: & qui nul haut Seigneur: cōme le Roy de France ou le Roy d'Angleterre, courrouceroit volontiers le moins, & le plus enuis. De ses autres voisins, du Roy d'Arragō, & du Roy de Nauarre, ne fait il cōpte: car il fineroit plus de Gens-d'armes (tāt a-il acquis d'amis par ses dons, & tāt en peut il auoir par ses deniers) que ces Roys ne fineroient à vne fois, ou à deux. Le luy ay ouy dire, que, quand le Roy de Chipre fut en son pays de Bearn, & il luy monstra le voyage du Saint Sepulcre, il l'en-amoura à faire vn si grand conquest par-de-là, que, se le Roy de France ou le Roy d'Angleterre y fūsēt allez, apres eux c'eust esté le Seigneur, qui eust mené la plusgrand' route, & qui y eust fait le greigneur fait: & encores n'y renonce il pas: & c'est, en partie, ce, pourquoy il assemble & garde tant d'argent: & le Prince de Galles, du tēps qu'il regna au païs d'Aquitaine, & qu'il se tenoit à Bordeaux sur Gironde, l'en mit en la voye. Car, pour le pays de Bearn, le Prince le menaçoit: & disoit qu'il vouloit qu'il teinst de luy: & le Comte de Foix disoit que nō feroit, & que le pays de Bearn est si fraîche terre, qu'il n'en doit hommage à nul Seigneur du mōde: & le Prince, qui pour ce tēps estoit grād & craint, disoit qu'il le mettroit à mercy: car le Comte d'Armignac, & le Sire d'Albreth (qui hayoient le Côte de Foix, pour les victoires qu'il a euës sur eux) luy boutoiēt en l'oreille: mais le voyage que le Prince fit en Espagne, le rompit: & aussi messire Iehan Chādos (qui estoit tout le cœur & le cōseil du Prince) brisoit le propos du Prince, à non guerroyer. Le Comte de Foix aimoit messire Iehan Chādos: & luy ledit Comte par ses vaillantises. Mais le Comte (qui se doutoit, & sentoit le Prince grand, & cheualeureux) cōmença à assembler grand trefor, pour soy ayder à deffendre, se l'on luy couroit sus. Si fit tailles en son pays, & sur les villes: & encores y durēt, & durerōt tant cōme il viura: & préd sur chacun feu, par an, deux frācs, le fort portāt le foible: & là a il trouué & trouue, grād trefor, & grād auoir, par an: & tāt volōtiers le payēt ses gés, que c'est merueille: car, parmy ce, il n'est Anglois, ne Frāçois, ne pillard, qui leur face tort, n'iniure, d'un seul denier: & est toute sa terre ainsi sauuée, & y est iustice, aussi, bien gardée: car, en iusticiant, c'est le plus cruel, & le plus droiturier Seig. qui viue. A ces parolles vinsmes nous en la ville de Tournay, ou nostre giste s'ordōnoit. Si cessa le Cheualier l'affaire, & aussi ie ne luy enqui plus auāt: car bien sauoye ou il l'auoit l'aissé, & q̄ biē y pouuoye recouurer: car nous deuions encores cheuaucher ensemble: & fusmes ce iour logez à l'hostel de l'Estaille, & là tenus tous aises. Quand ce vint sur le souper, le Chastelain de Mauuoisin (qu'on appelle messire Raymond de Lane) nous vint veoir, & soupper avec nous: & fit apporter, en sa compaignie quatre flascons de bon vin, aussi bon que l'auoye point beu sur le chemin. Si parlerent ces deux cheualiers longuement ensemble, & tout tard messire Raymond partit, & retourna arriere au chastel de Mauuoisin.

Poursuite

Poursuite du chemin de Froissart: sur lequel en faisant la iournée de Tournay à Tarbe, le Cheualier de Foix luy recite comment ceux de Lourde eurent vne dure rencontre avec les François des garnisons voisines, & quelques autres particularitez touchant le siege de Lourde, & quant à la mort du Capitaine, ne le voulant rendre au Comte de Foix son parent.

CHAPITRE VI.

QVand ce vint au matin, nous montasmes à cheual: & partismes de Tournay: & passasmes, à gué, la riuere de Lesse: & cheuauchasmes vers la cité de Tarbe: & entra-
mes en Bigorre: & laissasmes le chemin de Lourde & de Bagneres, & le chastel de Môt-
gaillard, à fenestre: & nons adreçasmes vers vn village, qu'on dit au pays Teracimitat: &
costoyasmes, & veinsmes en vn bois, en la terre du Seigneur de Barbasan, & assez pres
d'un chastel, qu'on dit Marteras, à l'entrée du pays au Larre: & tant que le Cheualier me
dit, Messire Ieā, veez cy le pas au Larre. Dôt auisay-ie, & regarday le pays: & me sembla
moult estrange: & me teinsse pour perdu, ou en trefgrād' auēture, se ne fust la cōpaignie
du Cheualier: & me vindrent au-dauant les parolles qu'il m'auoit dites, deux ou trois
iours deuāt, du pas au Larre, & du Mengeant de Lourde. Si luy ramēteu: & luy dy, Mon-
seigneur, vous me dites deuant hyer, que quād nous viendriōs au pas du Larre, vous me
compteriez la maniere du Mengeant de Lourde, & comment il mourut. Il est vray (dit
le Cheualier) Or cheuauchez delez moy: & ie le vous cōpteray. Adonc ie m'auançay: &
me my delez luy, pour ouyr sa parolle: & commēça à parler, & dit, Du temps que Pierre
d'Anchin tenoit le chastel & la garnison d'Ortingas (cōme ie vous ay compté par-auāt)
cheuauchoiēt ceux de Lourde, & aucunes fois à l'auēture, moult en fus de leur forteref-
se: & vous dy qu'ils ne l'auoient pas d'auantage. Car veez cy le chastel de Barbasan & le
chastel de Marteras: ou tousiours a eu grās gēs-d'armes en garnison sans ceux de Bagne-
res, de Tournay, de Môtgaillard, de Salenges, de Benach, de Gorre, & de Tarbe, toutes
villes & garnisons Frāçoises: & quand ces garnisons sentoiet que ceux de Lourde che-
uauchoiēt deuers Toulouze ou vers Carcassonne, ils se recueilloiet & mettoiet en em-
busche sur eux, pour les ruer ius, & tollir les pillages qu'ils menoiēt vne fois en y auoit de
ruez ius d'une part & d'autre: & l'autre fois passoiēt ceux de Lourde, sans estre récōtrez.
Or aint vne fois, qu'Ernauton de Sainte Colōbe, le Mēgeant† de Sainte Corneille,
& bien six vingts Lāces de bōs Gēs-d'armes, partirēt de Lourde autour des mōtaignes,
entre ces deux riuieres, Lisse & Lesse, iusques à Toulouse. A leur retour ils eūrēt es prai-
ries grād' foisō de bestail, vaches, beufs, porcs, moutōs, & brebis & prirent moult de bōs
hōmes au plat-païs: & tout ce ramenoiet deuāt eux. Or fut signifié au Capitaine de Tar-
be, vn Escuyer Gascon (qu'on appeloit Ernauton Biffete) appert Homme-d'armes, com-
ment ceux de Lourde se contenoient & cheuauchoiēt le pays, Si le mādā au Seigneur
de Benach, & à † Engueros, l'aisné fils à messire Raymōd, & aussi au Seigneur de Barba-
san: & dit qu'il vouloit cheuaucher sur eux. Ces Cheualiers & Escuyers du pays de Bi-
gorre sy accorderent: & se recueillirēt tous ensemble: & firēt leur armée à Tournay, par
ou ils passoiēt cōmunément: & là fut aussi le Bourg d'Espaigne (qui y vint de sa garnison
de S. Beart) & estoient enuiron deux cens Lancas: & auoiēt leurs espies sur le pays, pour
sauoir quel conuiue, ceux de Lourde à leur retour faisoiet, D'autre part ceux de Lourde
auoiēt leurs espies, pour sauoir se nulles Gēs-d'armes se mettoiet cōtre eux sur les chāps:
& tant firent par leurs espies, qu'ils seūrēt toute la cōuiue les vns des autres. Quād ceux
de Lourde entendirent que les garnisons Frāçoises cheuauchoiēt & les attendoient
à Tournay, si furent en doute & se conseillerent, sur les champs, cōment ils se maintien-
droient, & comment ils meneroient leur proye à sauueté: & dirent, Nous nous partirōs
en deux parts, l'une partie emmenera deuāt elle la proye, tout chaçāt (& là serōt noz var-
lets & noz pillars: & prendront le chemin à la couuerte, de Lane-de-bourg: & viendrōt
passer le chemin au pont à Tournay, & la riuere de Lesse, entre Tournay & mauuoisin)
& les autres cheuaucheront en bataille, par les coupeaux des mōtaignes: & feront mon-
stre, pour reuenir au pas de Larre, dessous Marteras, pour recheoir entre Barbasan &
Mont-gaillard. Mais que nous puissions passer la riuere sauusement à tout nostre proye
& qu'à Montgaillard nous soyons tous ensemble, nous n'auōs garde: car nous serons tāt-
tost à Lourde. Ainsi comme ils l'ordōnerent, ils le firent: & prirent le Bastard de Cornil-
lac, Guillōnet de Harnes, Perot Boursier, Ieā Calemin de Baselle, & le Rouge Escuyer,
& 40. Lāces, & tous leurs varlets, pillars & autres: & leur dirent, Vous emmenerez nostre

† Ce doit estre
celuy qu'il a
surnomé de S.
Basille, au cha-
4. comme aussi
il le surnomme
ra encore ainsi
quelquefois en
ce cha. present
† selon un pas-
sage du chap.
precedent, on
pourroit ici lire
Engueros de
Lane fils à
messire Rai-
mond, &c.

proye & noz prisonniers par le chemin de Lane-de-bourg, & descédrez entre Tournay & Mauuoisin, & là passerez au pôt, la riuere: & prenez toute la couuerte, entre le Cimitat & Montgaillard: & nous ferons l'autre chemin de Marteras & de Barbasan: & tout nous trouuerons ensemble à Montgaillard. Si-côme il fut ordonné, il fut fait: & se departirēt là sur les chāps: & demourerēt en la route, & en la plus grande, Ernautō de Resten Ernauton de S. Colōbe, le Mengeant de S. Cornille, & bien quatre vingts cōpaignons, tous Hommes-d'armes (il n'y auoit pas dix varlets) & retraignirent leurs plattes: & meirent leurs bacinets: & prirent leurs lances: & cheuaucherent tous serrez, ainsi que pour tantost combattre: n'autre chose ils n'attendoient: car ils sentoient leurs ennemis sur les chāps. Or, tout en telle maniere cōme ceux de Lourde auoient eu conseil de retourner, eurent aussi aduis d'eux trouuer & rencōtrer les François: & dirent là messire Monāt de Barbasan & Ernauton † Bisecte, Nous sauōs biē que ceux de Lourde sont sur les chāps, & ramenant grand' proye & grand foison de prisonniers. Nous serōs trop courroucez, si nous échappent. Si nous faut mettre en deux embusches: car nous sommes gēs assez pour ce faire. Dont fut ordonné qu'Ernauton, le Bourg d'Espaigne, & messire Raymō de Benach, & † Angerot Lane, à tout cent Lances, garderoient le pas à Tournay (car il cōuenoit que leur bestail: & leurs prisonniers, du moins passassent la riuere de Lessē) & le Sire de Barbasan & Ernauton Bisecte, à tout autres cent Lāces, cheuaucheroiēt à l'auenture, pour sauoir se nuls en verroient & trouueroient. Ainsi se departirēt les vns des autres: & s'en vindrent le Sire de Benach & le Bourg d'Espaigne: & se meirēt en embusche entre Mauuoisin & Tournay, au pont: & les autres prirent les champs, droitement sur le pas, ou nous cheuauchons maintenant (qu'on dit au Larre) & là se trouuerent d'un party & d'autre: & tantost comme ils se virent, ils descendirent de dessus leurs cheuaux, & les laisserent aller paistre: & appointerent leurs lances: & s'en vindrent les vns contre les autres (car combattre les conuenoit) en écriant leurs cris, Sainct-George, Lourde Nostre Dame Bigorre. Là vindrēt ils l'un sur l'autre: & commencerent à bouter, fort & roide, les lances & poignis: & sapuyoient, en poussant de leurs poitrines: & point ne s'épargnoiēt: & iā furent vne espace, en poussant & en boutant l'un sur l'autre, qu'il sembloit (comme i'ay ouy recorder à ceux, qui y furent) qu'un, ou nul, à ce cōmencement n'estoit porté par terre. Quand ils eurent assez bouté & poussé de leurs lances, ils les ruerent ius, & estoient iā tous échaufez: & prirent leurs haches: & se commencerent de haches à combattre, & à donner grans & horribles horions, & chacun le sien. En celuy estat & en ce party d'armes furent ils plus de trois heures: & se battirent, & naurent si tresbien, que merueilles: & (quand il y en auoit aucuns, qui estoient outrez, ou si tresmalmenez, que ils ne se pouuoient plus soustenir, & foulez iusques à la grosse alaine) tout bellement ils s'en departoient: & s'en alloient seoir sur vn grand fossé, plein d'eau (lequel estoit pres d'eux) ou emmy le pré: & ostoiēt leurs bacinets: & sy refreschissoient: & quand ils estoient bien refreschis, ils remettoient leurs bacinets: & s'en venoient combattre: ne ie ne cuide pas qu'oncques si bonne besongne fust, ne si dure rancontre, ne bataille si bien combattue (depuis la † bataille des trēte contre trente, qui fut en Bretagne) comme ceste de Marteras fut en Bigorre: & là estoient main à main, les vns aux autres: & là fut sur le poinct d'estre déconfit Ernauton de Saincte-Colombe (qui estoit assez bel Escuyer, grand & fort, & tresbon Homme-d'armes) d'un Escuyer de ce pays: qu'on apeloit Guillonnet de Salenges: & l'auoit celuy mené iusques à la grosse alaine, quand il aduint ce que ie vous diray. Ernauton de Saincte-Colombe auoit vn varlet, qui regardoit la bataille, & point ne se combattoit: n'aussi on ne luy demandoit riens. Quand il veit son maistre ainsi mené, presque à outrance, si fut moult courroucé: & vint à son maistre: & prit la hache entre ses mains, dont il se combattoit: & luy dit, Ernauton, allez vous seoir & vous reposez, vous ne vous sauez combattre. Quand il eut la hache, il vint à l'Escuyer & luy donna tel coup sur le bacinet, qu'il l'estourdit tout, & le fit chanceler, & presque cheoir à terre. Quand Guillonnet se sentit feru, si luy vint à grand' déplaisance: & voulut venir sur le varlet: & le cuida ferir de sa hache, sur la teste. Mais le varlet se mufia sous le coup: & embracea l'Escuyer (qui estoit trauaillé de longuement combattre) & le tourna, & abbattit sous luy, à la luyte: & luy dit, Je vous occiray: se vous ne vous rendez à mon maistre. Qui est ton maistre? dit il. Ernauton de Saincte-Colombe: à qui vous auez tant longuement combattu. L'Escuyer veit qu'il n'auoit pas l'auantage, & qu'il estoit dessous iceluy varlet: qui tenoit vne dague, pour le ferir, si ne se rendoit.

Si se

† il a n'ague-
re dit Bistete.

† Ce peut estre
celuy qu'il a pa-
rauant nommé
Engucros,
l'aîné fils à
messire Rai-
mond. Mais
en telles varie-
tez de nōs d'hō-
mes & de pla-
ces choisissez
ceux qui mieu-
x vous plairont,
& ne pensez
qu'elles vienēt
de nostre negli-
gence. Le prin-
cipale est, que
nous tascherōs
à faire tāt, que
telles varietez
ne puissent ap-
porter amphi-
logie ou corru-
ptiō du sens de
l'auteur.

† Si i'auois me-
moire d'en a-
uoir leu quel-
que chose ie
vous en cōte-
roie le passage.

Grand seruice
d'un varlet à
son maistre à la
rencontre de
Marteras entre
ceux de Lourde
& les François
des garnisons
voisines.

Si se rendit, à venir dedans quinze iours tenir son corps prisonnier à Lourde, fust rescoux ou nō rescoux. Ce seruice fit le varlet à sō maistre, & vous dy, messire Iehā, que là eut fait trop grāde appertise d'armes, & de cōpaignōs iurez & fiancez prisonniers, les vns à venir à Tarbe, & les autres aller à Lourde: & se cōbattirēt ce iour, main à main, sans s'espargner. Ernauton Bisecte, & le Mangeant de Sainte Basile, lesquels y firent maintes appertises d'armes, & n'y auoit homme, qui ne fust assez embesongné de luy combattre, & tant se combattirent, qu'ils furent si outrez, qu'ils ne se pouuoient plus aider, & la furent morts, sur la place, deux des Capitaines: le Mangeant de Lourde, & d'autre part, Ernauton Bisecte. Adonc cessa la bataille, par l'accord de l'une partie & de l'autre, car ils estoient si foulez, qu'ils ne pouuoient plus tenir leurs haches, & se desarmoyent les aucuns, pour eux refreschir: & laissoient là leurs armeures. Si emporterent ceux de Lourde le Mangeant, occis: & les François, à Tarbe, Ernauton Bisecte: & pour ce qu'il fust me moire de la bataille, on fit là vne croix de pierre, ou ces deux Escuyers se combattirent & mourirēt. Veez là là. Je la vous mōstre. A ces mots cheufmes nous droit sur la croix & y dismes, pour les ames des trépassēz, chacun vn Pater noster, & vn Aue Maria. Par ma foy (di-ie au Cheualier) ie vous ay volontiers ouy parler, & vrayement ce fut vne dure & aspre besongne, à si petit de gens. Mais quelle chose auint il à ceux, qui conduisoient la proye? Je le diray, dit il. Au port de Tournay, dessous Mauuoisin, ils vénoient passer (comme ie vous ay dit, & l'auoient ordonné) & là trouuerēt ils l'embusche du Bourg d'Espaigne (qui estoit forte assez pour eux combattre) qui leur saillit tout au-deuant. Ceux de Lourde ne peurent reculer, & pour ce les conuint auēturer. Je vous dy de vray que là eut il aussi dure besongne, & fort combattue, qui dura aussi longuement, ou plus que celle de Marteras, & vous dy qu'Ernauton d'Espaigne fit là merueilles d'armes, qui tenoit vne hache, & n'en fraploit homme, qu'il ne portast par terre, car il estoit bien taillé de celà faire, & grand & gros, & fort & membrue de membres, sans estre trop chargé de chair, & prit là, de sa main, les deux Capitaines, le Bourg de Cornillac & Perot Patalain de Bearn, & là fut mort vn Escuyer de Nauarre (qu'on appelloit Ferrando de Mirande) qui estoit moult appert Homme-d'armes. Mais les aucuns dient, qui furent à la besongne, que le Bourg d'Espaigne l'occit: & les autres dient qu'il fut esteint en ses armeures. Finalement la proye fut rescouffe, & tous ceux, qui la conduisoient, mors ou pris. Ils ne s'en sauuerent pas trois: si ce ne furent varlets, qui se démarcherent, & passerent la riuere de Lesse à nou. Ainsi alla de ceste auenture, & ne perdirent oncques tant ceux de Lourde, comme ils firent adonc. Si furent rançonnez courtoisemēt, & aussi ils changeoient les vns pour les autres, car ceux, qui se combattirent droit cy, sur le pas du Larre, en fiancerent plusieurs, pourquoy il conuenoit qu'ils fussent courtois & amiables à leurs compaignōs. Sainte Marie (dy-ie au Cheualier) le Bourg d'Espaigne est il si fort homme, comme vous me comptez? Par ma foy (dit il) ouy, car en toute Gascongne on ne trouueroit point son pareil, de force de membres, & pource le tiēt le Comte de Foix à son compaignon, & n'a pas trois ans que ie luy vei faire vn bel ébatement: lequel ie vous compteray. Il auint qu'au iour d'un Noël le Comte de Foix tenoit sa grande feste & plantureuse de Cheualiers & Escuyers, si comme il a d'usage, & en ce iour il faisoit moult froid. Le Comte auoit dîné en sa salle, & avec luy grande foison de Seigneurs. Apres dîner, il partit de la salle, & s'en vint sur vne galerie, ou il y a à mōter, par vne large allée, xxiiij. degrez. En ceste galerie a vne cheminée, ou l'on fait par usage feu, quād le Comte y seiourne, & non autrement, & y fait on petit feu, car il ne voit pas volontiers grand feu. Si est il bien en lieu d'auoir plātē de busche, car se sont tous bois en Bearn, & y a bien de quoy chauffer, quād il veut, mais le petit feu luy est de coustume. Auint adōc qu'il geloit moult fort, & l'air estoit moult froid. Quand il fut venu en la galerie, il regarda le feu, & luy sembla bien petit, & dit aux Cheualiers, qui là estoient, Veez cy petit feu selō le froid. Ernautō d'Espaigne descēdit tantost sur les degrez, car par les fenestres de la galerie, qui regardoit dessus la court, il veit là vne grande quātité d'asnes, chargez de busche, qui venoient du bois, pour le seruice de son hostel. Il vint en la court, & print le plus grand de ses asnes, tout de busches chargé, sur son col, moult legerement, & le porta amont les degrez, & ouurit la presse des Cheualiers & Escuyers, qui deuant la cheminée estoient, & renuersa les busches & l'asne les piez dessus en la cheminée, sur les chenets, dont le Comte de Foix eut grande ioye, & tous ceux qui là estoient & s'emerueilloient de la force de l'Escuyer, & comme tout seul il auoit si grād faix char-

Le Mangeant de Lourde & Ernauton Bisecte s'etrennēt à la rencontre de Marteras.

Il a par auāt dit le Bastard de Carnillac & Perot Bourfier.

Plaisant cōpte du Bourg d'Espaigne, qui porta vn asne tout chargé de bois, dedans le feu de la galerie du Comte de Foix

Siege de Lourde par le Duc d'Aniou, qui fut par auant la rencôte susdite, en l'an 1374. selon le 318. chapitre du premier Volume.

Siege de Lourde leue, sans auoir peu obrenir le chasteau.

gé, & monté tant de degrez. Ceste appertise faite ouy-ie racompter, & moult me tournerent à grande plaissance & recreation les comptes, que messire Espaing du Lyon me comptoit, & m'en sembloit le chemin trop plus brief. En comptant celles auentures, passâmes nous le pas du Larre, & le chastel de Marteras, ou la bataille fut, & veinâmes moult pres du chastel de Barbasan, qui est bel & fort, à vne lieuë de Tarbe. Nous le vîmes deuant nous, & vn trop beau chemin, & plain à cheuaucher, en costoyant la riuere de Lesse, qui vient d'amont des môtaignes. Adôcques cheuauchâmes nous tout souef, & à loisir, pour refreschir noz cheuaux, & me monstra, par delà la riuere, le chastel & la ville de Montgaillard, & le chemin qui s'en va ferir droit sur Lourde. Lors me veint en memoire de demander au Cheualier comment le Duc d'Aniou, quand il fut au pays, & que le chastel de Mauuoisin se fut rendu à luy, s'estoit porté, & comment il estoit venu deuant Lourde, & quelle chose il y auoit fait. Trop volontiers il le me compta, & me dit ainsi. Quâd le Duc d'Aniou se partit, à tout son ost, de deuât Mauuoisin, il passa outre la riuere de Lesse, au pont de Tournay, & s'en vint loger à Bagnieres, ou à vne bonne riuere, qui s'en va ferir à Tarbe (car ceste de Tournay n'y vient pas, mais s'en va ferir en la Garonne, deffous Montmilion) & s'en vint mettre le siege deuant Lourde. Messire Pierre Arnaut de Bearn & Iehan son frere, Pierre d'Anchin, Ernauton de Restin, Ernauton de Sainte-Colombe, & le Mangeant (qui adonc viuoit) Ferrando de Mirande, avec Oliuier Barbe, le Bourg de Cornillac, le Bourg Camus, & les autres compaignons qui dedans estoient, furent bien informez de sa venue. Si s'estoient grandement fortifiez & pourueus à l'encontre de luy, & tindrent la ville de Lourde, contre tous assaux, qu'on y fit & liura quinze iours durant, & y eut là plusieurs grans appertises d'armes faites, par grans mangonneaux, & autres ornemens d'assaux, que le Duc d'Aniou fit faire & charpenter: & tant, que la ville fut prise & conquise. Mais les compaignons de Lourde n'y perdirent riens, ny homme ne femme de la ville. Car ils auoient tout retrait au chastel, & bien sauoyent qu'en la fin ils ne pourroyêt tenir la ville, laquelle estoit prenable, car elle n'estoit fermée, que de paliz. Quand la ville de Lourde fut conquise, les François en eurent grande ioye, & se logerent dedans, enuironnant le chastel, qui n'est pas prenable, fors que par vn long siege. Là fut le Duc plus de six semaines, & plus y perdit, qu'il n'y gaigna, car ceux de dehors ne pouuoient greuer ceux de dedans, car le chastel sied sur vne roide roche, faite par vne telle façon, qu'on n'y peut aller, n'approcher par eschelles, n'autrement, fors que par vne entrée. Et là aux barrieres y auoit souuêt de bel les écarouches, & de grans appertises d'armes faites: & y furent naurez & blecez plusieurs Escuyers de France, qui s'approchoient de trop pres. Quand le Duc d'Aniou veit qu'il ne viendrait point à son entente de prendre le chastel de Lourde, si fit traiter deuers le Capitaine, & luy fit promettre grand argent: mais qu'il voulsist rēdre la garnison. Le Cheualier (qui estoit plain de grande vaillance) s'excusa: & dit que la garnison n'estoit pas sienne, & que l'heritage du Roy d'Angleterre il ne pouuoit vendre, dōner, n'aliener, qu'il ne fust traistre (laquelle chose il ne vouloit pas estre: mais loyal enuers son naturel Seigneur) & que, quand on luy bailla le fort, ce fut par condition qu'il iura solennellement par sa foy, en la main du Prince de Galles, que le chastel de Lourde il garderoit & tiendrait contre tout homme (se du Roy d'Angleterre n'estoit là enuoyé) iusques à la mort. On ne peut oncques auoir autre responce, pour don, ne pour promesse, qu'on feust, ne peust faire, & quand le Duc d'Aniou & son Conseil veirent qu'ils n'en auroient autre chose, & qu'ils perdoyent leur peine, si se delogerent de Lourde. Mais, à leur delogement, la ville de deffous le chastel fut tellement arse, qu'il n'y demoura riens à ardoir. Adonc se retrahit le Duc d'Aniou, & tout son ost, en costoyant Bearn, vers le mont, dit le Marsen, & auoit bien entendu que le Comte de Foix auoit pourueu toutes ses garnisons, de Gés-d'armes, & de ce ne luy fauoit il mal gré, mais de ce que ces gés de Bearn tenoyêt contre luy Lourde, & n'é pouuoit auoir raison. Le Côte de Foix (si comme ie vous ay cy dessus dit) se douta en celle faison du Duc d'Aniou grandement, & combien que le Duc ne luy fist point de mal, toutesfois voulsissent le Comte d'Armignac & le Sire d'Albreth qu'il luy eust fait guerre, mais le Duc n'en auoit nulle volonté, & enuoya à luy à Ortais, entâdis qu'il se logeoit entre le mont de Marsen & la boce d'Albreth, messire Pierre de Buil, lequel quâd il fut venu à Ortais, le Comte de Foix receut treshonorablement, & le logea au chastel d'Ortais, & luy fit toute la meilleure chere, qu'il peut, & luy donna mulets & courriers, & à ses gens autres beaux dōs, & enuoya par luy

luy, au Duc d'Aniou, quatre courriers, & deux allans d'Espaigne, si tresbeaux & bons, qu'il n'est nuls meilleurs, & y eut adonc secrets traittez entre le Comte de Foix & messire Pierre de Bueil: desquels traittez nous ne seufmes rien de grande piéce: mais depuis par les euidentes choses qui en vindrent, nous en supposâmes aucune chose: & la maniere, ie la vous diray, & entendis viendrons nous à Tarbe. Moul't tost apres que le Duc d'Aniou eut fait son voyage, & qu'il fut retrait à Toulouse, auint que le Comte de Foix mada par ses lettres, & par certains messagers, à Lourde, à son cousin messire Pierre Arnaut de Bearn, qu'il vint parler à luy à Ortais. Quand le Cheualier veit les lettres du Cōte de Foix, & veit le meslage (qui estoit notable) il eut plusieurs imaginations: & ne fauoit lequel faire d'y venir, ou de laisser. Tout consideré il dit qu'il y viendrait (car il n'osoit nullement courroucer le Comte de Foix) & quand il deut partir, il vint à Iehan de Bearn son frere, & luy dit, presens les cōpaignons de la garnison, Monseigneur le Comte de Foix me mande, ie ne say pas pourquoy: mais, puis qu'il veut que i'aille parler à luy i'iray. Or me doutay-ie grandemēt que ie ne soye requis de rendre la forteresse de Lourde, car le Duc d'Aniou en celle saison costoye son pays de Bearn, & point n'y est entré: & si tend le Comte de Foix, & a tendu longuemēt, à auoir le chastel de Mauuoisin, pour estre Sire de Lane-de-Bourg, & des frontieres de Comminges & de Bigorre. Si ne say pas s'ils ont traitté entre luy & le Duc d'Aniou, mais ie vous dy que, tant que ie viue, le chastel de Lourde ie ne rēdray: fors à Mōseigneur naturel le Roy d'Angleterre. Si vueil Iehan, beau frere, au cas que ie vous estably, que vous me iurez, sur vostre foy, & par vostre gentillesse, que le chastel, en la forme & maniere que ie le tien, vous le tiendrez, ne pour mort, ne pour vie, iamais n'en defaudrez. Iehan de Bearn le iura ainsi. Adonc se departit de Lourde le Cheualier messire Pierre Arnaut, & vint à Ortais, & se descēdit, à l'hostel de la Lune. Quād il sentit que poinct & tēps fut, il vint au chastel d'Ortais, deuant le Côte, qui le receut ioyeusement, & le fit seoir à sa table, & luy monstra tous les beaux semblans d'amour qu'il peut, & apres disner, il luy dit, Pierre, i'ay à parler à vous de plusieurs choses, si ne vueil pas que vous partez sans mon congé. Le Cheualier respondit, Monseigneur, volontiers. Je ne partiray point, si l'aurez premier ordonné. Auint que, le tiers iour apres ce qu'il fut venu, le Comte de Foix prit la parolle à luy, present le Vicōte de Gouffierant, son frere, & le Seigneur d'Anchin en Bigorre, & autres Seigneurs, Cheualiers, & Escuyers, & luy dit en haut, tant que tous l'ouirent. Je vous ay mandé Pierre: & vous estes venu. Sachez que Monseigneur d'Aniou me veut grand mal, pour la garnison de Lourde que vous tenez, & biē pres en a esté ma terre toute courue: si ce n'eussent esté aucuns bons amis, que i'ay eus en sa cheuauchée, & est sa parolle, & l'opinion de plusieurs de sa compaignie, qui me hayent, disans que ie vous soustien, pourtant que vous estes de Bearn, & ie n'ay que faire d'auoir la malveuillance de si haut Prince, comme est Monseigneur le Duc d'Aniou. Si vous fay cōmmandement, en tant que vous vous pouuez meffaire enuers moy, & par la foy & hommage que vous me deuez, que le chastel de Lourde vous me rendez. Quand le Cheualier ouit ceste parolle, il fut tout ēbahy; & pensa vn petit, pour sauoir quelle chose il respondroit, car il veoit bien que le Comte de Foix parloit à certes. Toutesfois tout pensé & consideré, il dit, Monseigneur, vrayemēt ie vous doy foy & hommage (car ie suis vn poure Cheualier de vostre sang, & de vostre terre) mais le chastel de Lourde ne vous rēdray-ie ià, vous m'avez mādē, si pouuez faire de moy ce qu'il vous plaira. Je le tien du Roy d'Angleterre, qui m'y a mis & estably, & à personne, qui soit, ie ne le rendray, fors à luy. Quand le Comte de Foix ouit ceste res-

*Outrage du
Comte de Foix
en la personne
de Pierre Arnaut de Bearn,
qui ne luy vou-
loit mettre le
chastel de Lour
de entre mains
† Ce passage,
corrompu en
l'autre Exem.
est remis selon
Verard.*

ponse, si luy mua le sang, de felonnie & de courroux, & dit, en tirāt hors vne dague, Ho, ho, traistre, as tu dit que non? par ceste teste tu ne l'as dit pour riens. Et adonc ferit il de sa dague sur le Cheualier, par telle façon qu'il le naura moul't vilainemēt en cinq lieux, n'il n'y auoit là Baron, ne Cheualier, qui oīst aller au-deuant. Le Cheualier disoit bien, Ha, ha, Monseigneur, vous ne faites pas gentillesse, vous m'avez mandé: & m'occiez. Toutesfois il eut ces cinq coups d'vne d'ague. Si commanda le Comte qu'il fust mis en la fosse: & y fut mis & y mourut, car il fut pouremēt curé de ses playes. Haa, Sainte Marie, dy-ie au Cheualier, & ne fut ce pas grande cruauté? Quoy, que ce fust, dit le Cheualier, ainsi en auint, † & se garde bien de le courroucer qui voudra, car en son courroux n'a nul pardon. Il y tint son cousin germain, le Vicomte de Chasteau-bō, qui est son héritier, huit mois en sa tour d'Ortais, en prison, puis le rançonna de quarante mille frācs.

Comment, Sire (dy-ie au Cheualier) le Comte de Foix n'a il nuls enfans? En nom Dieu

(dit il) non, de femme espousée: mais il a bié deux ieunes Cheualiers, Bastards, que vous verrez (qu'il aime autant comme soy-mesme) messire Ienuain & messire Gratien. Et ne fut il oncques marié? Si fut (dit il) & l'est encores. Mais Madame de Foix ne se tient point avecques luy. Et ou se tient elle? dy-ie. Elle se tient en Nauarre, dit il, car le Roy de Nauarre est son cousin: & fut fille iadis au Roy Loys de Nauarre. Et le Côte de Foix n'en eut il oncques nuls enfans? Si eut (dit il) vn beau fils: qui estoit tout le cuer du pere & du pays, car par luy pouuoit la terre de Bearn (qui est en debat) demourer en paix, car il auoit à femme la sœur du Comte d'Armignac. Et, Sire (dy-ie) que deuint cest enfant? le peut on sauoir? Ouy (dit il) mais ce ne sera pas maintenant, car la matiere est trop longue: & nous sommes en la ville: si comme vous voyez. A ces mots ie laissay le Cheualier en paix: & assez tost apres nous vinsmes à Tarbe, ou nous fusmes tous aises, à l'hostel de l'Estoille, & y seiournasmes tout ce iour. Car c'est vne ville trop bié aisée, pour seiourner cheuaux, de bons foin, & de bonnes auoines, & de belle riuere.

Journee de Tarbe à Morlens: sur lequel chemin le Cheualier de Foix racompte à Froisfart le discord & accord du Duc de Berry & du Comte de Foix, & la cause de la guerre d'entre luy & le Comte d'Armignac.

CHAP. VII.

LEndemain, apres messe, nous montasmes à cheual, & partismes de Tarbe, & vinsmes vers Iorre, vne ville, qui s'est tousiours trop vaillamment tenue cōtre ceux de Lourde. Si passasmes au-dehors: & entraismes au pays de Bearn. Là s'arresta le Cheualier sur les champs: & dit. Veez cy Bearn, & estoit sur vn chemin croisé, & ne fauoit lequel faire, ou aller à Morlans, ou à Pau. Toutesfois nous prismes le chemin de Morlens. En cheuauchant les Landes de Bearn, qui sont assez plaines, ie luy demanday, pour luy remettre en parolles, La ville de Pau sied elle pres d'icy? Ouy (dit il) ie vous en monstreray le clocher, mais il y a bien plus loing qu'il ne semble, car il y a tresmauuais pays à cheuaucher, pour les glaires, qui ne fait tresbié le chemin, & folle seroit de s'y embattre, & dessous sied la ville & le chastel de Lourde. Et qui en est Capitaine pour le present-dy-ie. Il respondit. Il en est Capitaine, & s'escriit Sénéchal de Bigorre, de par le Roy d'Angleterre, Iehan de Bearn, frere qui fut à messire Pierre de Bearn. Voire, dy-ie, & ce Iehan vient il point vcoir le Comte de Foix? Il me respondit. Oncques, puis la mort de son frere, il n'y vint: mais les autres compaignons y viennent bien: Pierre d'Anchin, Ernauton de Restin, Ernauton de Sainte Colombe, & les autres, quand il chet à point. Et le Comte de Foix a il point amendé la mort du Cheualier? & en a il point esté depuis par semblant courroucé? Ouy, moult fort, dit le Cheualier, mais des amendes, n'a il nulles faites: se ce n'est par penances secretttes, par messes, & par oraisons. Il a bien avecques luy le fils de celuy, qu'on appelle Iehan de Bearn, vn ieune gracieux Escuyer, & l'aime le Comte grandement. Sainte-Marie, dy-ie au Cheualier, le Duc d'Aniou, qui tendoit à auoir la garnison de Lourde, se deust bien contenter du Comte de Foix, quand il occit vn Cheualier, & son cousin, pour son desir accomplir. Par ma foy (dit il) aussi fit il, Car, assez tost apres l'auenement du Roy de France, son neueu, à la couronne, il enuoya en ce pays messire Roger d'Espaigne, & vn President de la chambre de Parlement de Paris, & belles lettres grossoyes & seellées, qui faisoient mention comment il luy donnoit la Comté de Bigorre, tout son viuant, mais il conuenoit, & aussi appartenoit, qu'il deuinst homme & la tinst, de la couronne de France. Le Comte de Foix remercia grandement le Roy, de la grande amour qu'il luy monstroït, & du don sans requeste, qu'il luy enuoyoit, mais oncques, pour chose que ledit messire Roger d'Espaigne feust faire dire ne monstrier, le Comte de Foix ne voulut retenir le don: mais il retint le chastel de Mauuoisin, pourtant que c'est franche terre, & que le chastel ne la Chastellenie, ne sont tenus de nulluy, fors de Dieu: & aussi anciennement ç'auoit esté son héritage. Le Roy de France, pour luy complaire, par le moyen du Duc d'Aniou le luy donna, mais le Comte de Foix iura, & promit, qu'il le tiendroït, par celle condition, que iamais n'y mettroit homme, qui mal voulist au Royaume de France, & au vray dire, il le faisoit bien garder: & se doutoyent ceux de Mauuoisin autant des Anglois, que faisoient les autres garnisons Françoises de Gascongne, excepté que les Anglois n'osoient courir en la Comte de Foix. De ces parolles, que messire Espaign du Lyon me cōptoit, j'estoye tout réiouy, car elles me venoiēt grandemēt à plaïssance: & toutes trop bié les retenoye, & si tost que nous estions descendus ensemble es hostels, ie les escriuoye (fust de soir ou de matin)

† Il y auoit Bernois, pour Bernois, mais sans cause

pour

pour en auoir mieux la memoire, au temps aduenir, car il n'est si iuste retentue, que celle d'Escripture. Ainsi nous cheuauchasmes ce matin iusques à Morlens, mais, auant que nous y vinssions, ie le my encores en parolles, & dy, Mōseigneur, ie vous ay oublé à demander, entandis que vous m'auiez compté des auentures de Foix & d'Armignac, comment le Côte de Foix fest seu, ne peu, diffimuler contre le Duc de Berry (qui eut à femme la fille & la sœur du Comte d'Armignac) se le Duc de Berry luy en a point fait de guerre: & comment il s'en est porté. Comment? respōdit le Cheualier. Je le vous diray. Au temps passé le Duc de Berry luy a voulu tout le mal du monde: mais maintenāt, par my vn moyen (dont vous orrez bien parler, quand vous serez à Ortais) ils sont bien d'accord. Et, Mōseigneur (dy-ie) y auoit il cause, que le Duc l'eust en haine? Maist Dieu (dit le Cheualier) nenny: & ie vous en compteray la cause. Quand Charles, le Roy de France, pere à ce Roy Charles, fut trépassé de ce siècle, le Royaume de France fut deuisé en deux parties, quant au Gouuernement. Car Monseigneur d'Aniou, qui tendoit à aller outre en Italie: ainsi comme il fit, s'en deporta, & y mit ses freres, le Duc de Berry, & le Duc de Bourgongne. Le Duc de Berry eut le Gouuernement de la Languedoch, & le Duc de Bourgongne de la Languedouy, & toute la Picardie. Quand ceux de la Languedoch entendirent que monseigneur de Berry les gouuernoit, si furent tous ébahis: especiallement ceux de Toulouze & de la Senechaucée, car ils sentoyent le Duc large, & prendroit or & argent à tous lez: & traueilleroit trop fort le peuple, & encores y auoit il Bretons en Toulouzain, en Carcassonnois, & en Rouergue (que le Duc d'Aniou y auoit laissez) qui pilloient tout le pays: & couroit renommée, que le Duc de Berry les y soustenoit, pour maistrer les bonnes-villes, & n'estoit pas le Duc en Languedoch, pour le temps que ie vous parle: mais estoit en la guerre de Flandres avecques le Roy. Ceux de Toulouze (qui sont grans & puissans, & qui sentoyent le Roy, leur Sire, ieune, & embesongné grandement pour les besongnes de son oncle le Duc de Bourgongne, es parties de Flandres, & se veoyent pilliez & traueillez de Bretons & de pillars, tant qu'ils ne sauoient qu'ils peussent, ou deussent faire) enuoyerent & traiterēt deuers le Comte de Foix en luy priāt, parmy vne somme d'argēt, que tous les mois ils luy deliureroyēt, qu'il voulsist entreprendre le Gouuernement & la garde de leur cité de Toulouze & du pays Toulouzain, & aussi des autres villes: se prié & requis en estoit. Si le prioient ainsi, pour tant qu'ils le sentoyēt iuste homme, droiturier, & fort iusticier, & moult redouté de ses ennemis, & biē fortuné en ses besongnes, & aussi ceux de Toulouze l'ont tousiours grādement aimé, car il leur a esté moult propicé, & bon voisin. Si prit la charge de ce Gouuernement: & iura à tenir & garder le pays en son droit, contre tout homme, qui mal y voudroit faire, mais il réserva tant seulement la magesté Royale du Roy de France, & lors mit il foison de Gens-d'armes sur les chemins des larrons & pillars: & en fit vn iour que pendre que noyer, à Robesten en Toulouzain, plus de quatre cens, pourquoy il acquit tellement la grace & l'honneur de ceux de Toulouze, de Carcassonne, de Besiers, & de Montpeslier, & des autres bonnes villes de là enuiron, que renommée courut en France, que ceux de Languedoc festoient tournez, & auoient pris à Seigneur le Comte de Foix. Le Duc de Berry (qui en estoit souuerain) prit en grāde déplaisance ces nouuelles, & en accueillit le Comte de Foix en grande haine: pour tant qu'il sembesongnoit si auant des besongnes de France, & vouloit tenir ceux de Toulouze en leur rebellion. Si enuoya Gens-d'armes au pays: mais ils furent durement reculez & repoussez des gēs du Comte de Foix, & tant, qu'ils les conuint retraire, voulsissent ou non, ou ils eussent plus perdu, que gagné. De celle chose s'enfelonna le Duc de Berry sur le Côte de Foix & disoit que le Comte de Foix estoit le plus orgueilleux & le plus presomptueux du monde: & n'en pouuoit ledit Duc ouyr parler en bien, deuant luy, mais point ne luy faisoit de guerre, car le Comte de Foix auoit tousiours ses villes & ses chasteaux si biē garnis, & si bien pourueüs, que nul n'osoit entrer en sa terre. Aussi, quand le Duc de Berry vint en Languedoch, il se deporta de son affaire: & n'en voulut plus en riens exercer, par dessus le Duc de Berry: mais depuis, iusques à ores, la contention y a esté moult grande. Or vous vueil ie recorder, vn petit, par quel moyen la paix y a esté mise & nourrie. Il peut auoir enuiron dix ans qu'Alienor de Comminges, Comtesse à present de Boulongne, & cousine moult prochaine du Comte de Foix, & droite héritiere de la Comté de Comminges, combien que le Comte d'Armignac en fust possesseur, vint à Ortais deuers le Comte de Foix: & faisoit amener, en sa compaignie, vne ieune fille de trois

† C'est assavoir, fille du Comte trepassé & sœur du vivant. Toutes-foi ie ne vous puis pas assurer qu'il n'y ayt trop de l'un ou de l'autre

† C'est assavoir pour entretenir sa largesse, ou biē faudroit lire auare, pour large.

Le Comte de Foix accepte le Gouuernement du pays Toulouzain, luy estāt offert par ceux de Toulouze, dōt vint malveillance entre le Duc de Berry & luy.

ans. Le Comte (qui est son cousin) luy fit bonne chere : & luy demanda de son affaire, comment il luy en estoit. Monseigneur (dit elle) ie m'en vois en Arragon, deuers mon oncle & ma belle ante, le Comte & la Comtesse de Durgueil : & là me vueil ie tenir, car ie pren grande déplaissance à estre avecques mon mary, messire Iehan de Boulongne, fils au Comte Iehan de Boulongne, car ie cuidoye qu'il deust recouurer mon héritage de Comminges, deuers le Comte d'Armignac (qui le tient, & si fait il ma sœur en prison) mais il n'en fera riens, car c'est vn trop mol Cheualier, qui ne veut autre chose que ses aises de boire, de manger, & d'allouer le sien solement : & si tost comme il sera Comte, il vendra du meilleur & du plus bel, pour faire ses volonte : & pourtant ne puis-je demourer avecques luy. Si ay pris ma fille, que ie vous en charge & deliure, & vous fay tuteur & curateur d'elle, pour la nourrir & garder. Car bien fay que, pour amour de lignage, à ce besoing vous ne me fandez pas, car i'en ay aujourd'hui fiance certaine, pour Iehanne ma fille garder. Je l'ay à grande peine mise & extraitte hors des mains & du pays du pere mon mary : mais (pource que ie sen ceux d'Armignac, mes auersaires & les vostres, entalentez de l'embler & raurir : pourtant qu'elle est héritiere de Comminges) ie l'ay amenée deuers vous, si ne me fandez pas à ce besoing : & ie vous en prie : & bié croy que son pere, mon mary, quand il saura que ie la vous ay laissée, en fera tout réiouy, car ià pieça m'auoit il dit que ceste fille le mettoit en grande doute. Quand le Côte de Foix eut ainsi ouy parler Madame Alienor sa cousine, si fut moult réiouy : & imagina, tout en soy-mesme (car il est vn Seigneur moult imaginatif) qu'encores celle fille luy viendroit grandement à point. Car il pourroit auoir ferme paix enuers ses ennemis : ou il la pourroit marier en tel lieu, & si hautement, que ses ennemis le douteroyent. Si respondit, & dit, Madame & cousine, ie feray volontiers ce, dont me priez, car i'en suis tenu par lignage : & pour ce vostre fille ma cousine ie garderay, & penseray bié d'elle, tout en telle maniere, comme si ce fust ma propre fille. Grand mercy, Monseigneur, dit la Dame. Ainsi demoura, comme ie vous compte, la ieune fille de Boulongne en l'hostel du Comte de Foix, à Ortai : n'oncques ne sen partit depuis, & la Dame de mere s'en alla au Royaume d'Arragon. Elle est bien venue veoir deux ou trois fois : mais point ne l'a demandée à rauoir, car le Comte de Foix s'en acquitte en telle maniere, comme s'elle fust sa fille. Mais au propos du moyen que ie vous dy, par lequel i' imagine, fil fut oncques mal-voulu du Duc de Berry, qu'il en soit bien maintenant, c'est que le Duc de Berry pour le present a grand desir luy marier, & me semble, à ce que i'ay ouy dire en Auignon, & au Pape, qui m'en a parlé, & qui est cousin germain du pere, le Duc de Berry l'en fera prier, car il la veut auoir à femme & à espouse. Sainte Marie, dy-je au Cheualier, que voz parolles me sont agreables, & qu'elles m'ont fait grand bien, tādīs que vous les m'avez dites & comptées : & vous ne les perdrez pas, car toutes seront mises en memoire, en Histoire, & en Cronique, & tout ce que ie fay & pourfuy : se Dieu me doient qu'à santé ie puisse retourner en la ville de Valenciennes, dont ie suis natif. Mais ie suis trop courroucé d'une chose. De laquelle ? dit le Cheualier. Je la vous diray par ma foy. C'est que de si haut & vaillāt Prince, comme le Côte de Foix est, il ne demoure héritier de femme espouse. Maist Dieu non, dit le Cheualier, car, fil en eust vn viuant, comme il eut vne fois, ce seroit le plus ioyeux Seigneur du monde : & aussi seroyēt tous ceux de sa terre. Et, dy-je, demourera doncques sa terre sans hoir ? Nenny, dit il, le Vicomte de Chasteaubon, son cousin germain, est son héritier. Et aux armes, il est homme vaillant ? Maist Dieu, dit il, nenny : & pourtant ne le peut le Comte de Foix aimer, & fera ses deux fils bastards, qui sont beaux Cheualiers, & ieunes, ses héritiers, & a intētion de les marier en haut lignage, car il a or & argent à foison, si leur trouuera femmes, parquoy ils seront aidez & cōfortez. Sire, dy-je, ie le vueil bien, mais ce n'est pas chose deuē, ne raisonnable, de bastards faire hoirs de terre. Pourquoi ? dit il. Si est, en defaut de bons hoirs. Ne veez vous pas bien comme les Espaignols couronnerent à Roy vn bastard, le Roy Henry ? & ceux de Portugal ont courōné aussi vn bastard. On l'a bien veu auenir au mōde, en plusieurs Royumes & pays, que bastards ont par force possédé. Ne fut pas Guillaume le Conquerueur bastard, fils d'un Duc de Normandie ? Il conquist toute Angleterre, & la fille du Roy, qui pour le temps estoit, & demoura Roy, & depuis sont tous les Roys d'Angleterre descendus de luy. Or, dy-je, Sire, tout se peut bien faire. Il n'est chose qui n'auienne, mais ceux d'Armignac sont trop forts, & ainsi seroit donc tousiours celuy pays en guerre. Mais dites moy, cher Sire, me voudriez vous point dire pourquoy la guerre est meue premiere-

ment

Cause de reconciliation entre le Duc de Berry & le Comte de Foix.

mét entre ceux de Foix & d'Armignac, & leq̃l a plus iuste cause? Par ma foy (dit le Cheualier) ouy. Toutesfois c'est vne guerre merueilleuse, car chacun y a cause: si comme il dit. Vous deuez sauoir qu'anciennemēt (& à present il y peut auoir enuiron cens ans) il y eut vn Seigneur en Bearn (qui s'appelloit Gaston) moult vaillant homme aux armes: & fut enséuely en l'Eglise des Freres-Mineurs, moult solēnellemēt, à Ortais: & là le trouuez: & verrez comme il fut grand de corps, & puissant de membres. Car en son viuāt, en beau leton il se fit former & tailler. Celuy Gaston, Seigneur de Bearn, auoit deux filles: dōt l'aînée il donna, par mariage, au Comte d'Armignac (qui pour le temps estoit) & la mainfnee au Comte de Foix, qui neveu estoit au Roy d'Arragō: & encores en porte le Comte de Foix les armes, car il descend d'Arragon, & sont pailles d'or, & gueulles. Je croy que vous le sauez biē. Si auint que ce Seigneur de Bearn eut vne dure guerre, & forte, au Roy d'Espaigne, qui pour ce temps estoit: lequel vint, parmy le pays de Bisquaye, à grande gent, entrer au pays de Bearn. Messire Gastō de Bearn, qui fut informé de sa venue, assembla ses gens de tous les costez, là ou il les pouuoit auoir, & escriuit à ses deux fils, le Comte d'Armignac & le Côte de Foix, qu'ils vinssent, à toute leur puissance, seruir & aider à deffendre sa terre, & son héritage. Ces lettres veuēs, le Comte de Foix, au plus tost qu'il peut, assembla ses gens: & pria tous ses amis, & fit tant qu'il eut cinq cens Cheualiers & Escuyers, tous à heaumes, & deux mille varlets, à lances, & à dardes & pavois, tous de pié, & vint au pays de Bearn, ainsi accōpagné, pour seruir son Seigneur de pere, lequel en eut grāde ioye, & passerent toutes ses gens, au pont à Ortais, la riuere Bane: & se logerēt entre Sauueterre & l'Hospital, & le Roy d'Espaigne, qui auoit biē vingt mille hōmes, estoit logé assez prez de là. Messire Gaston de Bearn & le Côte de Foix attendoient le Côte d'Armignac: & cuidoient qu'il d'eust venir, & l'attendirēt trois iours. Au quatrième iour, le Côte d'Armignac enuoya ses lettres, par vn Heraut, à messire Gastō de Bearn: & luy mādōit qu'il n'y pouuoit venir, & qu'il ne le cōuenoit pas encores armer pour le pays de Bearn, & qu'il n'y auoit riens. Quād messire Gastō ouyt ces nouvelles d'excusace, & il veit qu'il ne seroit point aidé ne cōforté du Côte d'Armignac, si fut tout ébahy: & demanda conseil au Comte de Foix, & aux Barons de Bearn, cōment il se maintiendroient. Monseigneur (dit le Comte de Foix) puis que nous sōmes cy assemblez nous irons combattre voz ennemis. Ce conseil fut tenu. Tantoist s'armerent & ordōnerent leurs gens: lesquels estoient enuiron douze cens hōmes à heaumes, & six mille hōmes-de-pié. Le Côte de Foix prit la premiere bataille, & s'en vint courir sur le Roy d'Espaigne, & ses gens, en leurs logis: & là eut grāde bataille & felonnie, & morts plus de dix mille Espaignols: & prit le Comte de Foix le fils & le frere du Roy d'Espaigne, & les enuoya deuers son Seigneur, messire Gaston de Bearn, qui estoit en l'Arrieregarde, & furent là les Espaignols si décōfits, que le Comte de Foix les chaça iusques aux portes de S. Andrieu en † Bistine, & se bouta le Roy d'Espaigne en l'Abbaye, & vestit l'habit d'un moine, autremēt il eust esté pris, & se sauuerēt par leurs vaisseaux ceux, qui sauuer se peurent. Adonc le Côte de Foix retourna deuers Monseigneur Gaston de Bearn, qui luy fit grande chere & bōne, & ce fut bien raison, car il luy auoit sauué son honneur, & gardé le pays de Bearn, qui eust esté perdu. Pour celle bataille & celle décōfiture, q̃ le Côte de Foix fit en ce tēps sur les Espaignols, & pour la prise qu'il eut du fils & du frere du Roy d'Espaigne, le Roy vint à paix enuers le Sire de Bearn, ainsi cōe il la voulut auoir, & quād messire Gastō de Bearn fut retourné à Ortais, presens tous les Barōs de Foix & de Bearn qui là estoient, il prit son fils, le Côte de Foix, & dit ainsi, Beau fils, vous estes mon fils bon certain, & loyal: & auez gardé à tousiours mais mō hōneur, & l'hōneur du pays. Le Côte d'Armignac, qui à l'aînée fille des miennes, s'est excusé à mon grand besoing, & n'est pas venu deffendre, ne garder mon héritage: ou il auoit part. Pourquoi ie dy que telle part, qu'il y attendoit de la partie ma fille sa femme, il a forfaite & perdue, & vous herite de toute la terre de Bearn, apres mon deces, vous & voz hoirs, à tousiours mais, & prie, vueil, & commande, à tous mes habitans & sugets, qu'ils seellent & accordēt avec moy ceste herédité, beau fils de Foix, que ie vous donne. Tous respondirent, Monseigneur, nous le ferōs volōtiers. Ainsi ont esté, & par telle vertu que ie vous cōpte, anciēnement les Comtes de Foix, qui ont esté Côtes & Seigneurs du pays de Bearn, & en portent le cry, les armes, le nom, & le profit. Mais pource n'ē ont pas ceux d'Armignac les droits, qu'ils diēt auoir, clamez quittes, & veez là la q̃relle & la cause pourquoy la guerre est entre Armignac, Foix & Bearn. Par ma foy, Sire (dy-ie lors au Cheualier) vo' le m'auez biē

Cause de la querelle d'Armignac & de Foix.

† Je doute qu'il n'y falle Bisquaye.

declairé:& oncquesmais ie n'en auoye ouy parler,& puis que ie le say, ie le mettray en memoire perpetuelle:se Dieu donne que ie retourne en nostre pays. Mais encores d'une chose(se ie vous osoye requerre)ie vous demanderoye volontiers:c'est par quel incident le fils au Comte de Foix mourut. Lors pensa le Cheualier, & puis dit. La maniere est trop piteuse, si ne vous en vueil point parler,& quand vous viédrez à Ortais,vous trouuerez bien(se le demandez)qui le vous dira.Ie m'en souffry à tant : & puis cheuau-chasmes: & vinsmes à la ville de Morlens.

Comment meſſire Iehan Froissart arrina à Ortais, en la maison du Comte de Foix, là ou vn ancien Eſcuyer luy racompte la cruelle & piteuse mort du propre fils du Comte, & comment vne estrange refuerie faisoit de nuit meſſire Pierre de Bearn, frere-bastard du Comte de Foix.

CHAP. VIII.

AVlendemain nous partismes:&vinsmes à disner à Montgerbel:&puis montasmes:& beusmes vn coup à Ercie:& puis vinsmes à Ortais, † sur le point du soleil escon-fant, Le Cheualier descendit en son hostel:& ie descendy à l'hostel de la Lune, chez vn Eſcuyer du Comte:qui s'appelloit Ernauton du Pin: lequel me receut moult ioyeuſement,pour la cause de ce que i'estoye François. Meſſire Espaing du Lyon (en laquelle compaignie i'estoye venu) monta au chastel:& parla au Comte, de ses besongnes & le trouua en ses galleries. Car à celle heure, vn petit deuât, il auoit disné,car l'vſage du Côte de Foix est tel,ou estoit lors:& l'auoit tousiours tenu d'enfance, qu'il se decouchoit à haute nonne,& soupoit à minuit. Le Cheualier luy dit que i'estoye venu. Ie fu tantost enuoyé querre en mon hostel,car c'estoit,ou est,le Seigneur du monde,qui plus volontiers veoit estrangers,pour ouyr nouuelles. Quand il me veit,il me fit bonne chere,& me retint de son hostel:ou ie fu plus de douze semaines,&mes cheuaux bien peus,& de toutes autres choses gouuerner. L'acointâce de luy à moy pour ce temps fut telle,que i'auoye avec moy apporté vn liure:lequel i'auoye fait,à la requeste& contemplation de Vincelans de Boême,Duc de Luxembourg & de Brabant:& sont contenus audit liure (qui s'appelle le Meliader) toutes les chansons,balades,rondeaux,& virelets,que le gentil Duc fit en son temps:† desquelles choses, parmy l'imagination que i'auoye à dicter, en ordonnay le liure:que le Comte de Foix veit moult volontiers:& toutes les nuirs, apres souper,ie luy en liſoye:mais en liſant,nul ne luy osoit parler,ne mot dire,car il vouloit que ie fusse bien entendu,& aussi il prenoit grand soulas au bien entendre,& quand il cheoit aucune chose ou il mettoit argument,trop volôtiers en parloit à moy, non pas en son Gascon:mais en bõ François & beau.De l'estat de luy,& de son hostel,ie vous recorderay aucune chose,car i'y seiournay bien tât,que i'en peu assez apprédre & sauoir. Le Côte Gaston de Foix,dõt ie parle, en ce temps,que ie fu deuers luy, auoit enuiron cinquante & neuf ans d'aage,& vous dy que i'ay en mō temps veu moult de Cheualiers Roys, Princes, & autres:mais ie n'en vey oncques nul,qui fust de si beaux membres,de si belle forme,ne de si belle taille,viaire,bel,sanguin & riant les yeux vers & amoureux là ou il luy plaſoit son regard getter.De toutes choses il estoit si tresparfait,qu'on ne le pouuoit trop louer. Il aimoit ce,qu'il deuoit aimer,& hayoit ce,qu'il deuoit hayr. Sage Cheualier estoit, & de haute entreprise,& plein de bon cōseil. Il n'eut oncques nul mécreant avecques luy. Il fut preudhomme en regner. Il disoit planté d'oraisons. Tous les iours vn nocturne du Pfautier,heures de Nostre-Dame,du Saint-Esprit, de la Croix,& vigiles des morts. Tous les iours faisoit donner cinq florins,en petite mōnoye,pour l'amour de Dieu,& l'aumosne de sa porte à toutes gens. Il fut large & courtois en dons,& trop bien sauoit prendre ou il appartenoit,& remettre ou il affieroit. Il aimoit les chiés, sur toutes bestes,& aux chāps,Esté & Yuer,aux chaces volontiers se deduisoit. Onc fol outrage,ne folle largeſſe n'aima:& vouloit sauoir,tous les mois,que le sien deuenoit. Il prenoit en son pays,pour sa recepte recevoir,& † ses gés seruir & administrer, hommes notables,c'estassauoir douze,& de deux mois en deux mois estoit des deux seruy enſadite recepte,& au chef des deux mois,ils se changeoient à deux des autres,en l'office. Il faisoit du plus especial hōme, auquel il se confioit le plus,son Contrerolleur:& à celuy tous les autres comptoient & rendoyent leurs comptes : & celuy Cōtrerolleur comptoit au Côte de Foix,par roolles& par liures eſcrits,& ses cōptes laissoit par deuers ledit Comte. Il auoit certains coffres en sa chābre,ou aucunefois il faisoit prēdre de l'argent, pour donner aux Cheualiers, Seigneurs, ou Eſcuyers, quand ils venoient par deuers luy

† Qui fut le
iour Sainte Ca
terine. 1388.
comme il a dit
aupremier cha
pitre du presēt
Volume.

Eroissart rete
nu de l'hostel,
du Comte de
Foix.

† Auſſez ſi
vous pourrez
mieux amen
der la vieille le
çon qui estoit
telle, lesquel
les choses
parmy l'ima
ginatiō que
i'auoy en dic
tet & ordō
ner. Le liure
le Comte de
Foix. &c.
L'estat & ma
niere de viure
du Comte Ga
ſton de Foix.

† Ie l'iroie vo
lontiers icy, &
ses gens ou,
son argent,
ſerrer & ad
ministrer.

luy (car onc nul ne se partit de luy sans aucun don) & tousiours multiplioit son tresor, pour les auentures & les fortunes attédre, qu'il doutoit. Il estoit cognoissable & accointable à toutes gens, & doucement & amoureusement parloit à eux. Il estoit brief en ses conseils, & en ses respōses. Il auoit quatre Clercs, Secretaires, pour escrire & rescrire lettres, & bien conuenoit que ces quatre Clercs luy fussent prests, quand il issait de son retrait, ny ne les nommoit, ne Iehan, ne Gautier, ne Guillaume, & quād on luy bailloit lettres, & il les auoit leuēs, il les appelloit Mal-me-fert, ou pour escrire, ou pour aucune chose, qu'il leur commandoit. En tel estat, que ie vous dy, le Comte de Foix viuoit, & quād de sa chambre à minuiēt venoit pour souper en sa salle, deuant luy auoit douze torches allumées, que douze varlets portoient: & icelles douze torches tenues estoient deuant sa table: qui dōnoient grāde clarté en la salle. Laquelle salle estoit pleine de Cheualiers & Escuyers, & tousiours estoient à foison tables drēcees, pour souper, qui souper vouloit. Nul ne parloit à luy à sa table: fil ne l'appelloit. Il mangeoit, par coustume, foison volaille, & en especial les aēles & les cuisses tant seulement, & lendemain petit māgeoit & beuuoit. Il prenoit grand ēbatement en sons de menestriers, car bien s'y cognoissoit. Il faisoit volontiers ses Clercs chanter chansons, rondeaux, & virelets. Il seoit à table environ deux heures, & aussi il veoit volontiers estranges entremets, & iceux veus, tantost les enuoyoit par les tables des Cheualiers & des Escuyers. Briēuement, tout consideré, & auisē, auāt q̄ ie vinsse à sa Court l'auoye esté en moult de Courts de Roys, de Ducs, de Princes, de Comtes, & de hautes Dames, mais ie ne fu onc en nulle, qui mieux me pleust ne qui fussent sur le fait-d'armes réiouis, plus que celuy Comte de Foix estoit. On veoit en la salle, en la chambre, & en la court, Cheualiers, & Escuyers d'honneur, aller & marcher, & les oyoit on parler d'armes & d'amours. Tout honneur estoit là dedans trouué. Toute nouuelle, de quelque pays ne de quelque Royaume que ce fust, là dedās on y apprenoit, car de tous pays, pour la vaillance du Seigneur, elles y venoient. Là fu-ie informé de la greigneur partie des faits-d'armes, qui estoient auenus en Espagne, en Portugal en Arragon, en Nauarre, en Angleterre, en Escoce, & es frōtieres & limitatiōs de la Languedoch. Car ie vey venir deuers le Comte, durant le temps que i'y sejournoye, Cheualiers & Escuyers de toutes nations. Si m'en informoye, ou par eux, ou par le Comte, qui volontiers m'en parloit. Je tendoye trop fort à demander (pourtant que ie veoye l'hostel du Côte de Foix si large & si plātueux) que Gaston, le fils du Comte, estoit deuenue par quel accident il estoit mort, car messire Espaing du Lyon ne le m'auoit voulu dire, & tant enqui, qu'un Escuyer ancien, & moult notable homme, le me dit. Si commença son compte ainsi, disant. Vray est que le Comte de Foix & Madame de Foix, sa femme, ne sont pas bien d'accord, n'y n'ōt esté trop long tēps, & la dissension, qui est entre eux, se meut du Roy de Nauarre, qui fut frere à celle Dame, car le Roy de Nauarre plegea le Seigneur d'Albreth, que le Comte de Foix tenoit en prison, pour la sōme de cinquante mille francs. Le Côte de Foix (qui sentoit le Roy de Nauarre cauteleux & malicieux) ne les luy vouloit pas croire, dont la Cōtesse de Foix auoit grand dépit & grande indignation enuers son mary, & luy disoit Monseigneur, vous portez peu d'honneur, à Monseigneur, mō frere, quand vous ne luy voulez croire cinquāte mille francs. Si vous n'auiez iamais plus des Armignacs, ne des Labriffiēs, q̄ vous en auez eu, si vous deuroit il suffire, & vous sauez q̄ vous me devez assigner mō douaire de cinquante mille frācs & iceux mettre en la main de Mōseigneur. Si ne pouuez estre mal payé. Dame (dit il) vous dites vray: mais, si ie cuidoye que le Roy de Nauarre deust là cōtourner ce payemēt, ia mais le Sire d'Albreth ne me partiroit d'Ortais, si seroie payé, iusques au dernier denier. Mais puis que vous m'en priez, ie le feray, non pas pour l'amour de vous, mais pour l'amour de mō fils. Sur ceste parolle, & sur l'obligatiō du Roy de Nauarre (qui en fit sa debte enuers le Côte de Foix) & le Sire d'Albreth fut quitte & deliure, & François se retourna, & se vint marier en Frāce, à la sœur du Duc de Bourbō, & paya au Roy de Nauarre, à son aise la sōme de cinquāte mille frācs, à quoy il estoit obligé, mais point le Roy ne les enuoyoit au Comte de Foix. Lors dit le Comte à sa femme, Dame, il vous faut aller en Nauarre, deuers vostre frere le Roy: & luy direz que ie me tien mal-cōtent de luy, quād il ne m'enuoye ce, qu'il a receu du mien: La Dame respondit qu'elle iroit tref volōtiers: & s'en partit du Comte, avecques son arroy: & s'en vint à Pampelune, vers son frere, qui la receut ioyeusement. La Dame fit son message, biē & à point. Quand le Roy l'eut entēdu, il respondit, Ma belle sœur, l'argent est vostre (car le Comte de Foix vous en donne

Le piteux compte de la mort de Gaston, fils du Comte de Foix.

Le Roy de Nauarre cause de dissension entre le Côte de Foix & sa femme.

douaire) ne iamais du Royaume de Nauarre ne partira: puis que i'en suis au dessus. Ha, Monseigneur (dit la Dame) vous mettez trop grande haine, par celle voye, entre Monseigneur & vous: & se vous tenez vostre propos, ie n'oseray retourner en la Comté de Foix, car Monseigneur m'occiroit, & diroit q'ie l'auroye deceu. Le ne say dit le Roy (qui ne vouloit pas mettre l'argēt hors de ses mains) que vous ferez, se vous demourez, ou se vous retournerez: mais ie suis chef de cest argent, & à moy en appartient la garde pour vous: & iamais ne partira de Nauarre. La Comtesse de Foix n'en peut auoir autre chose. Si se tint en Nauarre, & n'osoit retourner. Le Comte de Foix (qui veoit la malice du Roy de Nauarre) cōmença sa femme fort enhayr, & à estre tresmal contēt d'elle, nōobstant qu'elle n'y eust coulpe) & pource qu'elle, ayāt fait son message, ne s'en estoit retournée, mais la Dame n'osoit, qui sentoit son mary cruel, là ou il prenoit la chose en déplaisance. Ceste chose demoura ainsi. Gaston, le fils de Monseigneur, creut, & deuint tresbel enfant, & fut marié à la fille du Comte d'Armignac, vne ieune Dame, sœur au Côte qui est maintenāt, & à messire Bertrand d'Armignac, & par la coniōction de ce mariage deuoit estre bonne paix entre Foix & Armignac. L'enfant pouuoit auoir quinze ou seize ans: mais trop bel Escuyer estoit, & si pourtrayoit grandement, de tous membres, au pere. Si luy prit volonté & plaissance d'aller au Royaume de Nauarre, veoir sa mere & son oncle. Ce fut biē à la malle heure pour luy, & pour ce pays. Quād il fut venu à Nauarre, on luy fit tresbonne chere, & se tint avec sa mere vn peu d'espace. Puis prit cōgé, mais, pour parolle qu'il fist, ne dist, il ne peut sa mere rēmener en Foix, avec luy. Car la Dame luy auoit demandé se le Côte de Foix son pere, l'auoit enchargé de la ramener. Il disoit biē qu'au partir il n'en auoit esté nouuelles: & pource la Dame ne s'y osoit assurer. Pour tāt demoura, & l'enfant de Foix s'en vint à Pāpelune, pour prendre cōgé du Roy de Nauarre, son oncle. Le Roy luy fit tresbonne chere, & le tint avec luy plus de dix iours, & luy donna de beaux dons, & à ses gens aussi. Le dernier don que le Roy de Nauarre luy donna, ce fut la mort de l'enfant: & vous diray cōment, & pourquoy. Quand ce vint sur le point que l'enfant deut partir, le Roy le tira à part en sa chābre: & luy dōna vne boursfette, pleine de poudre, telle qu'il n'estoit creature viuāte, qui se de la poudre attouchoit ou māgeoit, tantost ne luy cōuint mourir, sans nul remede. Gaston (dit le Roy) beau neueu, vous ferez ce que ie vo^r diray. Vous voyez cōme le Côte de Foix a, en son tort, en grād' haine vostre mere, ma sœur: dōt il me desplaist fort, & aussi doit il faire à vous. Toutesfois, pour les choses reformer, & q'vostre mere soit biē de vostre pere, quand il viendra à point vous prendrez vn petit de ceste poudre, & en mettrez sur la viāde de vostre pere (& gardez bien que nul ne vous voye) &, si tost cōme il en aura māgé, il n'entendra iamais à autre chose, fors à rauoir sa fēme, vostre mere, avec luy, & s'entr'aimerōt à tousiours: mais si fort, que iamais ne voudront departir l'vn d'avec l'autre, & tout ce deuez vous desirer grandemēt qu'il auienne, & gardez bien que de ce, que ie vous dy, vous ne vous decouurez à nulluy, car vous perdriez vostre fait. L'ēfāt qui tenoit à verité tout ce que le Roy de Nauarre, son oncle, luy disoit, respondit, & dit, Volontiers. Sur ce point il se partit de Pāpelune, de son oncle, & s'en retourna à Ortais. Le Côte de Foix, son pere, luy fit bonne chere, & luy demanda des nouuelles de Nauarre, & quels dons, ne quels ioyaux on luy auoit donné. Et il dit. De beaux, & tous les monstra, exceptée la boursfette ou estoit la poudre. Or estoit il d'ordonance, en l'hostel de Foix, que moult souuēt Gaston & Yuain, son frere bastard, gisoient ensemble en vne chambre: & s'entreaïmoient, ainsi qu'enfans, freres, font, & se vestoient de cottes & d'habits ensemble, car ils estoient presque d'vn grand, & d'vn aage. Auint qu'vne fois (ainsi qu'enfans font) leurs robes se meslerent, & alla la cotte de Gastō sur le liēt, & Yuain (qui estoit assez malicieux) sentit la poudre en sa bourse, & demanda à Gaston, son frere, Quelle chose est cecy? que vous portez tous les iours à vostre poictrine? De ceste parolle n'eut Gaston point de ioye, & dit. Rendez moy ma cotte, Yuain, vous n'en auez que faire. Yuain luy getta sa cotte. Gaston la vestit, & fut plus pensif, tout ce iour, que iamais. Si auint dedans trois iours apres (comme Dieu voulut sauuer & garder le Comte de Foix) que Gaston se courrouça, à son frere, pour le ieu de la paume, & luy donna vne iouée. L'enfant s'en courrouça, & s'enfelonna, & entra tout plorāt, en la chambre son pere, & le trouua à celle heure, qu'il auoit ouy sa messe. Quand le Côte le veit plorer, si dit à Yuain, Que vous faut il? En nom dieu (dit il) Monseigneur, Gaston m'a battu, mais il y a autant, ou plus, à battre en luy: qu'en moy. Pourquoy? dit le Comte: qui tantost entra en soupeçon. Par ma foy (dit il)

Gaston, fils du Comte de Foix vers sa mere, en Nauarre.

Exécrable me- chāceté du Roy de Nauarre.

Retour de Gaston de Foix, vers le Comte de Foix, son pere.

Mon-

Monseigneur depuis qu'il est retourné de Nauarre, il porte à sa poictrine vne bourssette, toute pleine de poudre: mais ie ne say à quoy elle sert, ne qu'il en veut faire, fors qu'il ma dit, vne fois ou deux, que Madame, sa mere, sera bien tost en vostre grace, plus grandement qu'oncques ne fut. Ho (dit le Comte de Foix) tay toy: & garde toy bié que tu ne te decouures, à homme du monde, de ce que tu m'as dit. Monseigneur (dit l'enfant) volontiers. Le Comte de Foix entra lors en imagination: & se couurit iusques à l'heure du disner: & se leua, & assit (comme il faisoit les autres iours) à table, en la salle. Gaston, son fils, auoit d'usage qu'il le seruoit de tous les mets, & faisoit essay de toutes les viâdes. Si tost qu'il eut assis deuant le Comte son premier mets: & fait ce qu'il deuoit faire, le Comte gette ses yeux, qui estoit tout informé de son fait, & voit les pédans de la bourssette au gipô de son fils. Le sang luy mua; & dit, Gaston, vien auât. Le vueil parler à toy en l'oreille. L'enfant s'auança sur la table. Lors le Côté ouurit son sein, & déuelopa son gipon, & prit son coutel: & coupa sa bourssette. L'enfant, qui fut tout surpris & ébahy, ne s'ôna mot, mais deuint tout blanc de peur: & cōmença moult fort à trébler, car il se sentoît forfait. Le Comte de Foix ouurit la bourse, & prit la poudre, & en mit sur vn taillouer de pain: & appella vn chien, & luy en donna à manger. Si tost que le chié eut mangé le premier morceau, il tourna les yeux en la teste, & mourut. Quand le Comte de Foix en veit la maniere, si fut bien courroucé: & il en eut bien cause, & se leua de table: & prit son coutel, & le voulut lancer apres son fils, mais les Cheualiers & Escuyers saillirent au deuant & dirent, Monseigneur, pour Dieu mercy, Ne vous hastez pas, mais vous informez de la besongne, auant que vous faciez mal à vostre fils. Et le premier mot, que le Comte dit, ce fut, en son Gascō, Ho Gastō, traistre, pour toy, & pour accroistre l'heritage qui te doit retourner, j'ay eu guerre & haine au Roy de France, au Roy d'Angleterre, au Roy d'Espaigne, au Roy de Nauarre, & au Roy d'Arragon, & contre eux m'e suis ie bien tenu & porté: & tu me veux maintenant meurtrir! Il te vient de mauuaise nature. Saches que tu en mourras à ce coup. Lors faillit outre la table, le coutel en la main, & le voulut là occire, mais les Cheualiers & Escuyers se mirent là à genoux, en plorant deuant luy, & luy dirent, Ha, ha, Monseigneur, pour Dieu mercy. N'occiez pas Gaston, vous n'aurez plus d'efant. Faites le garder, & vous informez de la matiere, car par auéture ne sauoit il que il portoit, & n'a nulle coulpe à ce méfait. Or tost (dit le Comte) mettez le moy en la tour & me soit tellement gardé, qu'on m'en rende compte. Lors fut mis l'Enfant en la tour de leans. Le Comte fit adonc prendre grande foison de ceux, qui seruoient son fils, & tous ne les eut pas, car plusieurs s'en partirent, & encores en est l'Euesque de l'Escalle, d'encoste Pau, hors du pays, qui en fut soupçoné, & aussi sont plusieurs autres, mais il en fit mourir, iusques à quinze, treshorriblement, & la raison, qu'il y mettoit, estoit telle: qu'il ne se pouoit pas autrement faire, qu'ils ne seussent des secrets de l'Enfant, & luy deussent auoir signifié, & dit, Monseigneur, Gastō porte vne bourse à sa poictrine, telle & telle. Mais riens n'en firent, & pource moururent ils horriblement, dōt ce fut pitié d'aucuns Escuyers, car il n'y auoit en toute Gascongne si iolis, ne si beaux, ne si bien appointez, cōme ils estoient, car tousiours le Comte de Foix a esté seruy de bone mesgnie. Trop toucha ceste chose au Comte de Foix pres du cuer, & bien le monstra, car il fit assembler vn iour, à Ortais, tous les Nobles & tous les prelatz de Foix & de Bearn, & tous les hōmes notables de ce pays, & quand ils furent venus il leur remonstra pourquoy il les auoit mandez, & cōment il auoit trouué son fils en telle defaute & si grand méfait, que c'estoit l'intention de luy qu'il mourust, & qu'il auoit defferuy mort. Tout le monde respondit, à ceste parolle, d'une voix, & dit, Monseigneur, sauue soit vostre grace. Nous ne voulons pas que Gaston meure, c'est vostre héritier, & plus n'en auez. Quand le Comte ouit son peuple, qui prioit pour son fils, si se refraignit vn petit, & se pourpença qu'il le chastieroit par raison, en prison, & l'y tiendrait deux ou trois mois, & puis l'euoyeroit en quelque voyage, deux ou trois ans, pour demourer, tāt qu'il auroit oublié son mal-talēt, & que l'Enfant seroit en meilleure & plus viue cognoissance. Si dōna à son peuple congé, mais ceux de la Comté de Foix ne se vouloient partir d'Ortais, si le Comte ne les asseuroit q'Gastō ne mourroit point, tāt aimoient l'enfant. Il le leur encōuenança, mais bien dit qu'il le tiendrait par aucun tēps en prison, pour le chastier. Sur ceste promesse se partirent toutes manieres de gens, & demoura Gaston prisonnier à Ortais. Ces nouuelles s'epandirent en plusieurs lieux, & pour ce temps estoit Pape, Gregoire onzième, en Auignon. Si enuoya tantost le Cardinal d'Amiens en legation, pour venir en Bearn, & pour

Tuain, frere bastard de Gastō de Foix, fait entrer leur pere en soupçon contre Gaston,

Poison du Roy de Nauarre de couuerte en la bourse de l'innocent Enfant Gaston.

L'Enfant Gaston prisonnier en la tour d'Ortais.

Assemblée des Estatz des pays du Comte de Foix, pour le iugement de son fils.

L'Enfant Gaston repit de mort, demeure prisonnier.

L'Enfant Gaston s'abstient de boire & m'ger en prison.

La cruelle fin de l'enfant Gaston de Foix, fils du Comte.

L'estrange reuerie de Pierre, de Bearn, frere bastart du Cōte de Foix.

amoyenner ces besongnes, mais il n'estoit venu que iusqu'à Bessiers, quand les nouuelles luy vindrent, qu'il n'auoit que faire d'aller en Bearn, car Gaston, le fils au Comte de Foix estoit mort. Si vous diray comment il mourut: puis que si auant ie vous en ay parlé. Le Comte de Foix le faisoit tenir en vne chambre, en la tour d'Ortais (ou petit auoit de lumiere) & fut là dix iours. Petit y beut & mangea, car il ne voulut, combien qu'on luy apportoit assez tous les iours à boire & à manger, mais qu'ad il auoit la viande, il la détournoit d'une part, & n'en tenoit compte, & veulent aucuns dire, qu'on trouua les viandes toutes entieres, qu'on luy auoit apportées, ne riens ne les auoit amoindries au iour de sa mort, & fut merueilles comment il peut tant viure, par plusieurs raisons. Le Comte le faisoit là tenir, sans nulle garde, qui fust en la chambre avecques luy, ne qui le conseillast ne confortast: & fut l'enfant tousiours en ses draps, ainsi comme il y entra, & ce le melancholia & argua grandement, car il n'auoit pas cela appris. Si maudissoit l'heure, qu'il fut oncques né, n'engendré, pour estre venu en telle fin. Le iour de son trespas, ceux qui le seruoient de manger, luy apportèrent de la viande, & luy dirent, Gaston, veez cy de la viande pour vous. Gaston n'en fit compte, & dit, Mettez là là. Celuy, qui seruoit de ce que ie vous dy, regarde, & voit en la prison toutes les viandes, que les iours passez il auoit apportées. Adonc referma il la chambre, & vint au Comte de Foix, & luy dit, Monseigneur pour Dieu mercy. Prenez garde dessus vostre fils, car il s'affame là en la prison, ou il gist, & croy qu'il ne mangea, oncques puis qu'il y entra, car i'ay veu tout tât, que ie luy ay porté, tourné d'un costé. De ceste parolle le Comte s'enfelonna, & sans mot dire il se departit de sa chambre, & s'en vint vers la prison, ou son fils estoit, & tenoit, à la malle heure, vn petit coutelet, dont il appareilloit ses ongles, & nettoyoit. Il fit ouurer l'huis de la prison, & vint à son fils, & tenoit l'alumelle de son coutel par la pointe, & si près de la pointe, qu'il n'en auoit pas, hors de ses doigts, l'espeffeur d'un gros tournois. Par mal-talent, en boutant ce tant de pointe en la gorge de son fils, il l'assena en ne say quelle veine & luy dit, Ha, traistre, pourquoy ne manges tu? Et tantost s'en partit le Comte, sans plus riens dire, ne faire, & rentra en sa ch'ambre. L'Enfant fut sang-mué, & effrayé de la venue de son pere, avec ce qu'il estoit foible de ieusner, & qu'il veit ou sentir la pointe du coutel, qui l'atoucha à la gorge, car (tant petit que ce fust) ce fut en vne veine. Si se tourna d'autre part, & là mourut, & à peine estoit rentré le Comte en sa chambre, quand nouuelles luy vindrent de celuy, qui administroit l'Enfant, qui luy dit. Monseigneur, Gaston est mort. Mort! dit le Comte. Mais Dieu voir, Monseigneur. Le Cōte ne le voulut croire: & y enuoya vn sien Cheualier, qui là estoit de costé luy. Le Cheualier y alla, & rapporta que vrayement il estoit mort. Adonc fut le Comte de Foix courroucé grandement: & regreta son fils moult fort, en disant, Ha, ha, Gaston, comme poure auenture il y a cy pour toy & pour moy? En maleheure allas en Nauarre, veoir ta mere. Iamais si parfaite ioye n'auray, comme i'auoye par auât. Lors fit il venir son barbier, & se fit raire tout ius: & se vestit de noir, & tous ceux de son hostel, & fut le corps de l'efant porté en pleurs & & en cris, aux Freres-mineurs, à Ortai, & là fut ensepulturé. Ainsi que ie vous cōpte de la mort Gaston de Foix, son pere si l'occit, mais le Roy de Nauarre luy dōna le coup de la mort. A ouyr compter le cōpte, à l'Escuyer de Bearn, de la mort du fils du Cōte de Foix pris i'en mon cueur grande pitié, & le plaigny moult grandement, pour l'amour du gentil Cōte son pere, que ie trouuoie, & veoye, Seigneur de haute recommandatiō, si noble & si large du sien dōner, & si courtois, & pour l'amour aussi du pays, qui demouroit en grand content, par defaute d'héritier. Le pris atant cōgé de l'Escuyer, & le remerciay de ce qu'à plaifance il auoit fait son cōpte. Depuis le vey ie en l'hostel de Foix, plusieurs fois, & eufmes moult de parlemens ensemble, & vne fois luy demanday de messire Pierre de Bearn, frere bastart du Comte (pourtant qu'il me sembloit vn Cheualier de grād valeur) si estoit riche homme, ne point marié. Il me dit, Marié est il vrayement, mais sa femme & ses enfans ne demeurent point avecques luy. Et pourquoy? dy-ie. Le le vous diray, dit l'Escuyer. Messire Pierre de Bearn a d'vsage, que de nuit en dormant il se reueil le & s'arme, & trait son espée, & se cōbat, & ne fait à qui, qui n'est trop songneux de luy, mais ses chambelans & ses varlets, qui dorment en sa chambre, & qui le veillent, quand ils l'oyent ou voyent, ils luy vont au-deuant, & luy dient comment il se maintient, & il leur dit qu'il n'en fait riens, & qu'ils mentent. Aucunes fois on ne luy laissoit nulles, armeures, n'espée en sa ch'ambre, mais qu'ad il se reueilloit & il n'en trouuoit nulles, il menoit vn tel tēpestis, & vn tel brouillis, qu'il sembloit que tous les diables d'enfer fussent là dedans

là dedans avecques luy: & pour le mieux, on les luy a laissées: & parmy ce, il oublie à soy armer & desarmer: & puis il s'en reua coucher. Et ie demanday, Tient il grand' terre de par sa femme? En nom Dieu (dit l'Escuyer) ouy: mais la dame de par qui l'heritage vient, possède & iouit des proffits: & n'en a ledit messire Pierre de Bearn, que la quarte partie. Et ou se tient la Dame? Elle se tient (dit-il) en Castille, avec le Roy, son cousin: & fut son pere Comte de Bisquaye: & estoit cousin germain du Roy Dam Pietre: lequel le fit mourir: & vouloit aussi auoir, par-deuers luy, ceste Dame, pour l'emprisonner: & saisir toute sa terre: & tant comme il vesquit, la Dame n'y eut riens: & fut dit à la Dame (qui s'appelle Comtesse de Bisquaye) quand son pere fut mort, Dame, sauuez vous: car le Roy Dam Pietre (fil vous tient) vous fera mourir, ou mettre en prison: tant est fort courroucé sur vous: pourtant que vous deuez auoir dit & tesmoigné, qu'il fit mourir en son liét la Royne sa femme, la sœur au Duc de Bourbon & à la Royne de France. Vous en estes mieux creüe que nul autre: car vous estiez de sa chambre. Pour celle doute la Comtesse Florence de Bisquaye se partit de son pays, à petite compaignie, ainsi qu'vsage est, que chacun fuit la mort volontiers, & se meit au pays de † Bascles: & passa parmy: & fit tant qu'elle vint ceans, deuers Monseigneur: & luy compta son auenture. Le Comte (qui est à toutes Dames & Damoiselles doux & amoureux) en eut pitié: & la retint: & la meit avecques la Dame de la Karasse, vne haute Baronnesse en ce pays: & la pourueut de ce qu'il luy appartenoit. Messire Pierre de Bearn, son frere, estoit lors ieune Cheualier: & n'auoit pas l'vsage, qu'il a maintenant: & estoit grandement en la grace du Comte: qui fit le mariage de celle Dame & de luy: & recouura sa terre, si tost qu'il l'eut espousée: & a la Dame, dudit messire Pierre, fils & fille: mais ils sont en Castille avecques la Dame: car ils sont encores ieunes, & ne les voulut pas la Dame laisser avecques le pere: * pour la cause de ce qu'elle a grand droict, à tenir & posseder, de la greigneur partie de sa terre. Sainte Marie (dy-ie à l'Escuyer) & dont peut ores venir telle fantasie à messire Pierre, que ie vous ay ouy recorder, qu'il n'ose dormir seul en vne chambre? & quand il est endormy, il se réueille tout par luy, & fait telles écarouches? Ce sont bien choses à émerveiller. Par ma foy (dit l'Escuyer) on luy a bien demandé: mais il ne fait à dire dont il luy vient: & la premiere nuit & fois, qu'on s'en apperceut: ce fut la nuit ensuiuant d'un iour, auquel il auoit és bois de Bisquaye, chacé vn Ours, merueilleusement grand. Celuy Ours auoit occis quatre de ses chiens, & aussi nauré plusieurs: tant que tous les autres le redoutoient. Adonc prit messire Pierre vne espée de Bordeaux, qu'il portoit: & s'en vint irémēt, pour la cause de ses chiens qu'il veoit morts, assaillir ledit Ours: & là se combattit à luy moult longuement: & en fut en grand peril de son corps: & recut grand' peine, ainçois qu'il le feust decōfire. Finalement il le mit à mort: & puis s'en retourna en son chasteil de Languedudon en Bisquaye: & fit apporter l'Ours avecques luy. Tous & toutes s'emerveillerent de la grandeur de la beste, & du hardement du Cheualier, & comment il l'auoit osé assaillir, & de la déconfiture. Quand la Comtesse de Bisquaye sa femme, le veit, elle se pasma: & monstra qu'elle en eust grand douleur. Si fut prise de ses gens, & portée en sa chambre & fut ce iour, & la nuit ensuyuant, & tout lendemain, moult déconfortée: & ne vouloit dire qu'elle auoit. Au tiers iour elle dit à son mary, Mōseigneur, ie n'ay iamais santé, iusques à ce que j'aye esté en pelerinage à Saint-laques. Donnez moy congé d'y aller, & que ie porte Pierre mon fils & Adrienne ma fille. Ie le vous requier. Messire Pierre luy accorda trop legerement: & emporta, & fit emporter, deuant elle tout son tresor, or, & argent, & ioyaux: car bien sauoit que plus ne retourneroit: mais on ne s'en prenoit pas garde. Ainsi fit la Dame son voyage & pelerinage: & prit achoison d'aller veoir le Roy de Castille, son cousin, & la Royne. On luy fit bonne chere. Encores est elle là: & ne veut point retourner, ne réuoyer ses enfans. Si vous dy que la propre nuit, dont le iour messire Pierre auoit chacé & tué l'Ours, entendis qu'il se dormoit en son lit, ceste fantasie luy prit: & veut on dire que la Dame le sauoit bien, si tost comme elle veit l'Ours: & que son pere l'auoit chacé vne fois: & en chaçant, vne voix luy dit (& si ne vit riens) Tu me chaces: & si ne te vueil nul dommage: mais tu en mourras de malle mort. Dont la Dame eut remembrance de ce: quand elle vit l'Ours: par ce qu'elle en auoit ouy dire à son pere: & luy souuint vrayement comment le Roy Dam Pietre l'auoit fait decoler, & sans nulle cause: & pour celle cause elle se pasma deuant son mary: & tient, & maintient, qu'encores luy mécherra il du corps, auant qu'il meure: & que ce n'est riens de ce, qu'il fait maintenant, enuers ce qu'il auendra. Or vous ay-ie compté de messire

† *Verard dit*
Basques.

* *Annotée*
deuxieme.

Occasion de la
refuerie de Pier
re de Bearn, la
chace & l'occi
sion d'un ours.

† C'est en l'es-
criture des Poe-
tes & fabula-
teurs, qui neât-
moins cachoiēt
quelques veri-
tez sous leurs
fables et fictiōs
Mais le bonhō-
me Froissart ne
me semble pas
trop bien accō-
moder icy sa fa-
ble d'Ateon,
sinon que, luy
en estant pre-
stee vne, il en
rend vne autre

Pierre de Bearn (dit l'Escuyer) selon ce que vous m'avez demandé: & ceste chose est veritable: car tout ainsi en est, & tout ainsi auint. Et que vous en semble? Et ie, qui tout pensif estoie, pour la grand' merueille, respondy: & dy, Ie le vueil, & croy bien estre. Nous trouuons † en l'escripture, que anciennement les Dieux, & les Deesses, à leur plaïssance muoient les hommes en bestes, & en oyseaux: & aussi bien faisoient les femmes. Aussi, peut estre que celuy Ours auoit esté vn Cheualier chaçant es forests de Bisquaye. Si courrouça ou Dieu, ou Deesse, en son temps pourquoy il fut mué en forme d'Ours, & faisoit là sa penitence, si comme Ateon fut mué en Cerf. Ateon (respondit l'Escuyer) doux maistre, or m'en comptez: & ie vous en orray volontiers. Selon les aucunes escriptures, nous trouuons escrit qu'Ateon fut vn appert, faictis, & ioly Cheualier: & aimoit le deduit des chiens, sur toute rien: dont auint vne fois qu'en chaçant es bois il eleua vn Cerf, merueilleusement grand & bel: & le chaça tout le iour: & le perdirent toutes ses gens, & ses leuriers aussi, luy, qui estoit fort ententif & desirant de poursuyuir sa proye, fuyuit la trace du Cerf: tant qu'il vint en vne prée, ou bois, enclose & enuironnée de haux arbres: & là en celle prée auoit vne tresbelle fontaine. En celle fōraine, pour soy refreschir, se baignoit, d'eau, la Deesse de chasteté: & autour d'elle estoient ses pucelles. Le Cheualier s'embatit sur elles: n'oncques ne s'en donna garde. Si alla si auant, qu'il ne peut reculer. Elles, qui furent honteuses & estranges de sa venue, coururent errammēt leur Dame: qui fut vergongneuse de ce qu'elle estoit nue. Mais, par-dessus toutes ses pucelles, elle apperceut & veit le Cheualier, Si dit, Ateon, qui icy t'enuoya, ne t'aima guerres. Ie ne vueil pas, quād tu feras ailleurs qu'icy, que tu te vantes que tu m'aye veu nue, ne mes pucelles: & pour l'outrage que tu as fait, il t'en faut auoir penitence. Ie vueil que tu soyes tel, & en la forme que le Cerf, que tu as huy chacé, est. Tantost Ateon fut mué en Cerf: qui de sa nature aime les eäuës. Ainsi donc peut il auenir de l'Ours (dont vous m'avez fait vostre compte) & que la Dame y esperoit autre chose, ou fauoit, qu'elle ne dit pour l'heure. Si la doit on tenir pour excusée. L'Escuyer si respōdit, Il peut biē estre. Ainsi finismes nous nostre compte.

De la grand' solennité, que le Comte de Foix faisoit à la feste Sainct Nicolas, & au iour de Noel: durant lesquelles Froissart s'accointa du Bastot de Maulion: qui luy racompta, entre autres choses, comment plusieurs Capitaines de compagnies furent deconfits deuant la ville de Sancerre: comment il surprit la ville de Thurie en Albigeois, & comment vn, nommé Limosin, se vengea d'un outrage, que luy auoit faict Loys Raimbaut.

C H A P I T R E I X.

ENtre les solennitez, que le Comte de Foix fait des haux iours solennels de l'an, il fait trop solennellement grand compte & grād' feste (ou qu'il soit: ce me dit vn Escuyer de son hostel, le tiers iour que fu venu à Ortais) de la nuit Sainct-Nicolas en Yuer: & en fait faire solennité par toute sa terre, aussi haute & aussi grande, ou plus, que le iour de Pasques: & i'en vey bien l'apparent: car ie fu là à tel iour, Tout le clergé de la ville d'Ortais & toutes gens, hommes, femmes, & enfans, en procession allerent querre le Comte au chastel: lequel, tout à pié, avecques le Clergé & les processions, partit du Chastel, & vindrent à l'eglise de Saint-Nicolas: & là chantoient vn pseume du psautier de David, *Benedictus dominus deus meus: qui docet manus meas ad praelium, & digitos meos ad Bellum:* & quand ce pseume estoit dit, ils le recōmençoient: comme on feroit le iour de Noël, ou de Pasques, en la chappelle du Pape, ou du Roy de France. Car en ce temps il auoit grand' foison de Chantres. Si chanta la messe, pour le iour, l'Euesque de Paumiers: & là ouy sonner & iouer des orgues, aussi melodieusement comme ie sy oncques, en quelque lieu que ie fusse. A briuelement parler de verité, & par raison, le Comte de Foix, qui regnoit pour ce temps que ie dy, estoit tout parfait: & luy de sa personne si sage & si perceuant, que nul haut Prince de son temps ne se pouuoit comparer à luy de sens, d'honneur, & de largesse. Aux festes de Noel (qu'il tenoit moult solennelles) là veist on venir, en son hostel foison de Cheualiers & d'Escuyers de Gascongne: & à tous il faisoit bonne chere. Là vey le Bourg d'Espaigne: duquel, & de sa force, messire Espaing du Lyon m'auoit parlé (si l'en vey beaucoup plus volontiers) & luy fit le Comte de Foix bon semblant. Là vey-ie Cheualiers d'Arragō & Anglois (lesquels estoient de l'hostel du Duc de Lanclastre: qui pour ce temps se tenoit à Bordeaux) ausquels le Comte de Foix fit bonne chere: & leur donna de beaux dons. Ie m'accointay des Cheualiers: & par eux fu-ie
lors

lors informé de plusieurs besongnes: qui estoient aduenues en Castille, en Nauarre, & en Portugal, & desquelles ie parleray clérement, quand temps & lieu en sera. Là vey-ie vn Escuyer Gascon (qui s'appelloit le Bastot de Maulion: & pouuoit auoir pour lors environ cinquante ans) appert Homme-d'armes, par semblant, & hardy: & descendit, en grand arroy, en l'hostel ou i'estoye logé à Ortais, à la Lune, chez Ernauton du Pin: & faisoit mener sommiers, autant comme vn grand Baron: & estoit seruy, luy & ses gens, en vaisselle d'or & d'argent. Quand ie l'ouy nommer, & que le Comte de Foix & chacun le faisoit si honnorer, si demanday à messire Espaing du Lyon, N'est-ce pas l'Escuyer, qui se partit du chasteil de Trigalet, quand le Duc d'Aniou fut deuât Mauuoisin? Ouy (dit-il) C'est vn bon Homme-d'armes pour le présent, & vn bon Capitaine. Sur ceste parolle ie m'accointay de luy, (car il estoit en mon hostellerie) & m'en aida à accointer vn sien cousin, Gascon (duquel i'estoye trop bien accointé: & estoit Capitaine de Carlat en Auvergne: & s'appelloit Arnauton) & aussi fit le Bourg de Copaire: & ainsi qu'on parle & deuise d'armes, vne nuit apres souper, seant au feu, & attendant la minuit, que le Comte de Foix deuoit aller dormir, son cousin le meit en voye de parler, & recorder de sa vie, & des armes où en son temps il auoit esté, tant de pertes comme de profits: & bien luy en souuenoit. Si me demanda messire Iehan, auez vous point en vostre Histoire, ce dôt ie vous parleray? Le luy respondy, Je ne say: mais faictes vostre compte: & ie vous orray volontiers parler d'armes. Car il ne me peut pas de tout souuenir: & aussi ie ne puis pas auoir esté de tout informé. C'est voir, dit l'Escuyer. A ces mots il commença son compte: & dit ainsi, La premiere fois, que ie fu armé, ce fut sous le Captal de Buz, à la bataille de Poitiers: & de bonne estreine, i'en en ce iour trois prisonniers (vn Cheualier, & deux Escuyers) qui me rendirét, l'un parmy l'autre, quatre mille frâcs. L'autre année apres ie fu en Puce, avecques le Comte de Foix, & le Captal son cousin (sous la charge duquel i'estoye) & à nostre retour, à Meaux en Brie, nous trouuâmes la Duchesse de Normandie pour le temps, & la Duchesse d'Orleans, & grand foison de Dames & de Damoiselles, que les lacquets auoient encloses au Marché de Meaux: & les eussent efforcées & violées (se Dieu ne nous eust là enuoyé) & bien estoit en leur puissance: car il estoient plus de dix mille: & les Dames estoient toutes seules. Si y eut morts de lacquets plus de six mille sur la place: n'oncques puis ne se rebellerent. Pour ce temps estoient tréues entre le Roy de France & d'Angleterre: mais le Roy de Nauarre faisoit guerre, pour sa querelle, au Regent & au Roy de France. Le Comte de Foix retourna en son pays: mais mō maître le Captal demoura, & moy avecques, en la cōpaignie du Roy de Nauarre, pour ses deniers & gages: & lors fusmes nous, avecques les aidans que nous auions, au Royaume de Frâce, & par especial en Picardie: ou nous feismes vne forte guerre: & prîmes moult de villes & de chasteaux en l'Euesché de Beauuois & en l'Euesché d'Amiès, & estiōs lors tous Seigneurs des chāps & des riuieres: & y conquistmes tresgrand finance. Quand les tréues furēt faillies de Frâce, & d'Angleterre, le Roy de Nauarre cessa sa guerre (car on fit paix entre le Regent & luy) & lors passa la mer, en tresgrand arroy, le Roy d'Angleterre: & vint mettre le siege deuant la ville de Reims: & là mada il le Captal, mon maître: qui lors se tenoit à Clermōt en Beauuoisin: & là faisoit guerre pour luy, à tout le pays. Nous vîmes deuers le Roy d'Anglet. & ses enfans. Lors me dit l'Escuyer, Je croy bien que vous ayez toutes ces choses: & commēt le Roy d'Angleterre se desempara par famine: & cōme il vint deuant Chartres: & cōment la paix fut faite des deux Rois. C'est verité, respondy-ie. Je l'ay, & les traittez comment ils furent faits. Lors reprit le Bastot de Maulion sa parolle: & dit, Quād la paix fut faite entre les deux Roys, il conuint à toutes manieres de Gens-d'armes & de Compaignies, parmy le traitté de la paix, vuidier & laisser les fortresses & chasteaux: qu'ils tenoient. Adonc s'acueillirent toutes manieres de gens & pōures compaignons, qui auoient appris les armes: & se mirent ensemble, & eurent plusieurs Capitaines conseil ensemble, quelle part ils se tireroiēt: & dirent ainsi, que, se les Roys auoient fait paix ensemble, si les conuenoit il viure. Si s'en vindrent en Bourgongne: & là auoit capitaines de toutes nations, Allemans, Escocois, & gens de tous païs assemblez: & i'y estoye pour vn Capitaine: & nous trouuâmes en Bourgōgne. & dessus la riuere de Loire, plus de douze mille Cōpaignons, qu'vns qu'autres, & vous dy qu'en celle assemblée auoit bien trois ou quatre mille de droictes gens-d'armes, aussi appers & aussi subtils de guerre, comme nulles gens pourroient estre, pour bien auiser vne bataille, & prendre son auantage, & pour escheller & assaillir villes & chasteaux,

*Accointance
de Froissart au
Bastot de Mau-
lion.*

*Le Bastot de
Maulion cōpte
de ses auentures
à Froissart.
Il y auoit
400000.*

*mais la somme
m'a semblé ex-
cessive par plus
que trop.*

*Il y auoit ici
esposa sa
femme, mais
il est certain*

*par le chap. 20
du pre. volu.*

*qu'il espousa
des l'an 1327.*

*par le chap.
273 qu'elle ne*

*mourut iusqu'à
l'an 1369.*

*ceste cheua-
chee du Roy de*

*Angleterre se
faisoit en l'an*

*1360. au chap.
208. tellement*

*que j'ay bien osé
chager ces mots*

*par le ch. 210.
du pre. vol. com*

*bien que par le
211. on puisse*

*aussi lire se po-
sa ou reposa,*

*au Bourg-la-
Royne, assez*

*pertinemment
à mon aduis.*

† Cecy est au
chapitre 215.
du premier vo.
mais il n'y par
le point du Con
nestable de Frā
ce, si Iaquies de
Bourbon Comte
de la Marche,
ne l'estoit, mais
il n'y en est sui
te nulle men
tion.

aussi duits & aussi nourris, comme gens pouuoient estre: & bien nous le monstrasmes à la bataille de Brignais: ou † nous ruasmes ius le Cōestable de France, le Comte de Forests, & bien deux mille Lāces, Cheualiers & Escuyers. Ceste bataille fit trop grād profit aux compaignons: car ils estoient pources. Si furēt là tous riches de bons prisonniers, & de villes, & de forts: qu'ils prirent en l'Archeuesché de Lyon, & sur la riuere du Rofne. Si departirent leur guerre: quand ils eurent le Pont-sainct-esprit: car ils guerroyerēt le Pape & les Cardinaux: & n'en pouuoient estre quittes: ne n'eussent esté, iusques à ce que les Compaignons eussent tout honny. Mais ils trouuerent moyen: car ils manderēt en Lōbardie le Marquis de Montferrat, vn moult vaillant Cheualier: lequel auoit guerre au Seigneur de Millan. Quand il fut venu en Auignon, le Pape & les Cardinaux parlerent à luy: & il traitta aux Capitaines Anglois, Gascons, & Allemans, parmy soixante mille francs: que le Pape & les Cardinaux payerēt à plusieurs Capitaines de ces routes: tels que messire Iehan Hastourde, vn moult vaillant Cheualier Anglois, messire Robert Briquet, Carsuelle, Naudon, le Bagerant, le Bourg Camus, & plusieurs autres: & s'en allerent en Lōbardie: & rendirent le pont-sainct-esprit: & emmenerent de toutes les routes, bien les six pars. Mais nous demourasmes derriere, messire Seguin de Batefol, messire Iehan Iouel, messire Iaquemes Planchin, messire Iehan Aymery, le Bourg de Pierre-gourd, Espiote, Loys Raimbaut, Limosin, Iaquies Tritel, moy, & plusieurs autres: & tenions Ance, Sainct Clemēt, la Barrelle, la Terrare, Brignais, le Pont-sainct-Denis, l'Hospital d'Ortifart, & plus de soixante fors en Masconnois, en Forest, en Velay, en la Basse-Bourgongne, & sur la riuere de Loire: & rançoniōs tout le pays: & ne pouuoit on estre quitte à nous, ne pour bien payer n'autrement: & prīmes de nuit la Charité, & la teinsmes biē vn an & demy: & estoit tout nostre, depuis la Charité, iusques au Puy en Auvergne (car messire Seguin de Batefol auoit laissé Ance: & tenoit Briode en Auvergne, ou il eut de grand profit, tant là, qu'au pays, plus de cent mille francs) &, deffous Loire, iusques à Orleās, & aussi toute la riuere d'Allier: ne l'Arche prestre (qui estoit Capitaine de Neuers, & qui estoit lors bon François) n'y pouuoit remédier: fors tant qu'il cognoissoit les Compaignons: parquoy, à sa priere, on faisoit bien aucune chose pour luy: & fit ledit Arche prestre adonc vn trop grand bien en Niernois: car il fit fermer la cité de Neuers qu'autrement elle eust esté perdue, & courue par plusieurs fois: car nous tenions bien en la marche, que villes que chasteaux, pl⁹ de vingt & six: n'il n'estoit Cheualier, n'Escuyer, ne riche hōme (sil n'estoit à pactis à nous) qui oFAST issir hors de sa maison: & ceste guerre là faisions nous au vēu & tiltre du Roy de Nauarre. Or vint † là bataille de Cocherel: dōt le Captal pour le Roy de Nauarre fut Chef: & s'en allerent deuers luy pour faire meilleure guerre, plusieurs Cheualiers & Escuyers de nostre costé: & le vindrēt seruir, à deux cens Lances, messire Iaquemes Planchin & messire Iehan Iouël. Je tenoye pour lors vn chastel (qu'on appelloit le Bec-d'Allier) assez pres de la Charité, en allant en Bourbonnois: & auoye quarante Lances deffous moy, & fy pour ce temps au pays, & en la marche de Moulins, moult grandement mon profit, & enuiron Sainct-Poursain, & Sainct-Pierre-le-monstier. Quand les nouuelles me furent venues que le Captal, mon maistre, estoit en Constantin, & assembloit gens à pouuoir, pour le grand desir, que l'auoye de le veoir, ie me party de mon fort, à douze Lances: & me my à la route de messire Iehan Iouël & de messire Iaquemes Planchin: &, sans dommage ne rencontre, veinīmes deuers le Captal. Je croy bien que vous auez en vostre Histoire toute la besongne, ainsi comme elle se porta. C'est verité, respondy-je. Là fut pris le Captal, & mort messire Iehan Iouël, & messire Iaquemes Planchin. Il est verité (respondit le Bastot de Maulion) & ie fu là pris aussi: mais trop bien m'en écheut. Ce fut d'un mien cousin, & cousin à mō cousin (qui cy est) le Bourg de Copane: & l'appelloit on Bernard de Terride. Il est mort depuis en Portugal: en la besōgne de Iuberot. Bernard (qui lors estoit de la charge messire Aymemon de Pommiers) me rançonna sur les champs, à mille francs: & me donna saufconduit à retourner à mon fort, à Bec-d'Allier. Si tost que ie fu venu à mon fort, ie pry vn de mes varlets: & comptay mille frācs & luy en chargeay qu'il les portast à Paris, & me rapportast quittances & lettres de payement: comme il fit. En celle propre saison cheuauchoit † messire Iehan Aymery, vn Cheualier Anglois, le plus grand Capitaine que nous eussions: & s'en venoit costoyant la riuere de Loire, pour venir à la Charité. Si fut rencontré par l'embusche du Seigneur de Rougemont, & du Seigneur de Vendennay, & des gens de l'Arche prestre. Ils furent plus fort de luy. Si le prirent & ruerent ius:

† Qui fut en l'a
1364. au chap.
222. du prem.
volume.

† Maintenant
cecy n'est point
ailleurs en no
stre Auteur.

& fut rançonné à trente mille francs: qu'il paya tout content. De la prise & de son dommage il eut grand ennuy & déplaisance: & iura que iamais ne rentreroit en son fort, si les rauoit conquis. Si recueillit grand' foison de Compaignons: & vint à la Charité sur Loire: & pria aux Capitaines, à Lamit, à Carsuelle, au Bourg de Pierre-gourd, & à moy (qui estoie allé ébattre) que nous vousfissions cheuaucher avec luy. Nous luy demandâmes quelle part. Par ma foy (dit-il) nous passerons la riuere de Loire, au Port-S. Tibaut: & irons écheller la ville & le chastel de Sanxerre. T'ay voué & iuré que iamais ie n'entreray en fort que i'aye, si auray veu les enfans de Sanxerre: & se nous pouuiois auoir la garnison de Sanxerre, & les enfans de dedans, Iehan, Loys, & Robert, nous serions recourez, & si serions tous Seigneurs du pays: & aussi en serons nous trop légèrement à nostre entente: car on ne se donne garde de nous: & le seiourner icy ne nous vaut riens. C'est verité, respondîmes nous. Tous luy promîmes d'aller avecques luy: & nous ordonnâmes incontinent. Or auint (dit le Bastot de Maulion) que nostre affaire fut seüe en la ville de Sanxerre: car pour ce temps il y auoit vn Capitaine, vaillant Escuyer né de Bourgongne, des basses marches, qui s'appeloit Guichart Albigon, lequel s'accointa moult fort de garder la ville & le chastel de Sâxerre, & les enfans, & Seigneurs: car tous trois estoient lors Cheualiers. Celuy Guichard auoit vn Moine, à frere, de l'Abbaye de Sainct-Tibaut: qui sied assez pres de Sanxerre. Si fut enuoyé celuy Moine à la Charité sur Loire, de par son frere pour apporter vne rançon d'un pactis, qu'aucunes villes deuoient dessus le pays. On ne se donna pas garde de luy. Il feut (ne say comment) nostre entente & conuie, & tous les noms des Capitaines des forts d'environ la Charité, & leurs charges: & aussi à quelle heure, & ou, & comment, ils deuoient passer la riuere au Port S. Tibaut. Sur ce point il s'en retourna: & informa son frere, & les enfans de Sanxerre. Le Côte & ses freres se pourueurent à l'encontre, au plustost qu'ils peurent, & manderent l'affaire aux Cheualiers & Escuyers de Berry, de Bourbônois, & aux Capitaines des garnisons de là autour: & tant qu'ils furent bien quatre cens Lances de bonnes gës: & poserēt vne belle embusche de deux cens Lances au dehors de Sanxerre, en vn bois. Nous nous partîmes, au soleil esconsant, de la Charité: & cheuauchâmes, tout ordonnement, le bon pas: & veinîmes à Peully, & là deffous, au port, auions fait venir grand' foison de bateaux, pour nous passer, nous & noz cheuaux: & passâmes tout outre Loire, comme nous l'auions ordonné: & fusmes tout outre enuiron minuiet: & passoient noz cheuaux tout bellement: & pource qu'il aiournoit, nous ordonnâmes cent Lances des nostres, à demourer derriere, pour garder les cheuaux & les nauires, & le demourant de nous allâmes le bon pas: & passâmes tout outre l'embusche, qu'oncques ne s'ouuurent sur nous. Quand nous fusmes outre, enuiron le quart d'une lieue, ils saillirēt hors: & vindrent sur ceux, qui estoient au riuage: & se bouterent en eux, & les déconfirent de faict: & tous furent morts ou pris, & les cheuaux conquis, & la riuere arrestée: & sur noz cheuaux monterent: & ferirent à pointe d'esperon, & furent aussi tost en la ville comme nous. On crioit par tout, Nostre-Dame Sanxerre: car le Comte estoit là, avecques ses gens: & messire Loys & messire Robert auoient fait l'embusche. Là fusmes nous enclos de grand' maniere: & ne sauions auquel entendre: & là eut grand poulis de lances. Car ceux, qui estoient à cheual, aussi tost qu'ils furent à nous, ils mirent pié à terre, & nous assaillirent fierement: & ce, qui trop nous greua, ce fut que nous ne nous pouuiois élargir: car nous estions enclos, en vn chemin (lequel chemin aux deux costez estoit enclos de hautes hayes & de vignes) & encores entr'eux: qui cognoissoient le pays & le chemin, vne quantité d'eux, & de leurs varlets estoient montez amont les vignes: qui nous gettoient pierres & cailloux: tellement qu'ils nous froissoient tous: & nous ne pouuions reculer: & si auions grand' peine à monter contre la ville: qui sied en vne montaigne. Là fusmes nous moult travaillez: & là fut nauré au corps, durement, messire Iehan Aimery, nostre souuerain Capitaine, & qui là nous auoit amenez, par la main Guichard Albigo, & le prit: & mit grād' peine à le sauuer: & le bouta en la ville, en vne maison: & le fit getter sur vn lit: & dit à l'hoste del'hostel. Gardez moy bien ce prisonnier: & faictes diligence qu'il soit estanché de ses playes: car il est bien taillé, si me demeure en vie, qu'il me paye vingt mille francs. A ces parolles Guichard laissa son prisonnier: & retourna en la bataille: & y fut tresbon Homme-d'armes, avecques les autres: & là estoiet en leur compaignie: & des enfans de Sâxerre, & venus pour l'amour des armes, & aider à deffendre & garder le pais, messire Guichard Dauphin, le Sire de Marnay, messire Girard & messi-

Entreprise des Compaignons de la Charité, contre ceux de Sâxerre, déconuerte par un Moine.

† C'est adire le passage de la riuere arresté.

Décôfiture & prise des capitaines & compagnons de la Charité pres Sanxerre.

La Charité rendue François.

† Ce passage est fourni & amendé selon le chap. 230. du prem. volume.

† C'est adire de mourir, venant du verbe Latin remanere qu'aucuns autres anciens Auteurs François tournent par remanoir.

† Il a parauant quelquefois dit Nantilleux.

Ruze du Bastot de Maulio, pour la surpris de Thurie en Albigeois.

re Guillaume de Bourbon, le Sire de Coufant. le Sire de la Pierre, le Sire de la Palice le Sire de Neutey, le Sire de la Croise, le Sire de la Siecte, & plusieurs autres : & vous dy que ce fut vne bataille tresdure, & tresfelonneuse : & nous teinsmes & deffendismes tant que nous peusmes, & tant que d'un costé & d'autre, en y eut plusieurs occis & naurez. A ce, qu'ils monstroient, ils nous auoient plus chers à prendre vifs, que morts. Là fusmes nous tous pris, Carsuelle. Lamit, Naudon le Bourg de Pierregourd, Espiote, le Bourg de l'Esparre, Angerrot Lamontgis, Philippes de Roe, Pierre de Corthon, le Pesat de Paumiers, le Bourg d'Armefen, & tous noz Capitaines de là enuiron. Si fusmes menez au Chastel de Sanxerre, & là tenus à grand' ioye: n' oncques au Royaume de France les compagnons, tenans routes, ne perdirent si grossièrement, comme ils firent là. Toutesfois Guichard Albigo perdit son prisonnier, par sa negligéce. Il le laissa tant seigner, qu'il en mourut. Ainsi finit Iehan Aymery. Par celle prise & par celle décôfiture (qui fut faite deffous Sanxerre) fut rendue aux François la Charité sur Loire, & toutes les garnisons de là entour, parmy ce que nous fusmes tous quittes de noz prisons: & eusmes sauf conduit de partir & passer hors du Royaume, & aler hors, quelque part qu'il nous plaisoit: & nous auint si bien à poinct en celle saison, que messire Bertrand du Guesclin, le sire de Beauieu, messire Arnoul d'Andrehan, & le Comte de la Marche, entreprirent le voyage d'Espagne, † pour ayder à faire Roy d'Espagne le bastard Henry, contre son frere Damp Pietre. Mais auant, ie fu en Bretaigne, en la besongne d'Auroy: & me my deffous messire Hue de Caurellée: & me recouray: car la iournée fut pour nous: & eu de bons prisonniers, qui me rédirét deux mille francs. Si m'en allay, à dix Lâces, auecques messire Hue de Caurellée, en Espagne: & boutasmes hors le Roy Damp Pietre: & puis: quand les alliances furent du Roy Damp Pietre & du Prince de Galles, & qu'il voulut † remaindre en Castille, i'y fu, & tousiours en la compagnie de messire Hue de Caurellée & retournay en Aquitaine auecques luy. Or se renouuella la guerre du Roy de France & du Prince. Si eusmes, & auons eu, mout affaire: car on nous fit trop forte guerre. Si y sont morts grand' foison de capitaines Anglois & Gascons (mais encores, Dieu mercy, ie suis demouré enuie) & premierement messire Robert Briquet y mourut en Orleanois, entre la terre au Duc d'Orleans & le pays de Blois, en vne place qu'on dit Oliuet: & là le rua ius, luy & toute sa route, vn Escuyer de Hainaut, vaillant Homme-d'armes, & vaillant Capitaine: qui s'appeloit Alars de Doustiennes: & se surnommoit de Barbâson: car il en estoit du lignage. Celuy Alars estoit, pour le tēps, Gouverneur de Blois, & gardiē, de tout le païs de par les Seig. Loys, Ieā, & Guy. Si luy cheut en main de récôtrer, à Oliuet, messire Robert Briquet, & messire Robert Cheny. Il les rua ius: & furēt morts sur la place: & aussi furent toutes leurs gens: n' oncques n'y eut homme pris à rançon. Depuis auint qu'en la bataille de Nyort, en Xainctonge, Carsuelle fut occis de messire Bertrand du Guesclin (qui les rua ius) & bien sept cens Anglois furent morts en celle besongne: & à Sainte Seuer furent occis aussi, des Capitaines Anglois, Richard Elles, & Richard Heline. I'en say petit (excepté moy) qui n'ayent esté occis. Si ay ie tenu frontiere, & fait guerre pour le Roy d'Angleterre: car mon heritage sied en Bordelois. I'ay esté aucunes fois rué ius, tant que ie n'auoye sur quoy mōter. A l'autre fois riche assez: ainsi que les bonnes fortunes venoient. Si fusmes vn temps compagnons moy & Raymonnet de l'Espée: & teinsmes en Toulouzain, sur les frontieres de Bigorre, le chastel de Mauuoisin, auecques le chastel de Trigalet, & le chastel † Vantilleux: qui nous porterent grād profit pour lors, Puis nous en vint oster le Duc d'Aniou, par sa puisſâce: mais Raymonnet de l'Espée se tourna François: & ie demeuray bon Anglois: & seray tant comme ie viuray. Vray est que, quand i'eu perdu le chastel de Trigalet, & ie fu conduit au Chastel-Cuillet, & le Duc d'Aniou se fut retrait en France, ie m'auisay que ie feroye quelque chose, ou i'auroye profit ou dōmage, ou ie demoureroye en la peine. Si enuoyay espier & auiser la ville & le chastel de Thurie en Albigeois: lequel chastel depuis m'a valu, que par pactis, que par bonnes fortunes (que i'ay eues) cent mille francs. Si vous diray comment ie le pry & conqui. Au dehors du chastel, & de la ville, a vne tresbelle fontaine: & par vsage tous les matins les femmes de la ville venoient, à tout cruches & autres vaisseaux: & là les emplissoient, & emportoient sur leurs testes. Ie me my en peine pour l'auoir, & pry cinquante compagnons de la garnison du chastel de Cuillet: & cheuachasmes tout vn iour, par bois & par bruyeres: & la nuit ensuiuant, enuiron minuit, ie my vne embusche pres de Thurie: & moy, sixiesme tant seulemēt, en habits de femmes,

& des

& des cruches en noz mains, veinſmes en vne prairie, aſſez pres de la ville: & nous muſſames en vne bauge de foin: car il eſtoit enuiron la S. Iehan en eſté, qu'on auoit fenné & fauché les prez. Quand l'heure fut venue que la porte fut ouuerte, & que les femmes commençoient à venir à la fontaine, chacun de nous prit ſa cruche: & les emplîmes: & puis no^s miſmes au retour deuers la ville, nos viſages enuelopez de couurechefs, iamais on ne nous euſt cōgnus. Les femmes, que nous rencontrions, nous diſoient, Ha, Sainte Marie, que vous eſtes matin leuées. Nous reſpondions en leur langage, à voix feinte, C'eſt voir. Et paſſions outre: & veinſmes ainſi, tous ſix, à la porte. Quand nous y fuſmes venus: nous n'y trouuaſmes autre garde: qu'un ſauetier: qui mettoit à point ſes formes & ſes riuets. L'un de nous ſonna un cornet, pour attirer noz compaignōs, qui eſtoient en l'embuſche. Le ſauetier ne ſe donna garde qu'il ouyt le cornet ſonner: & demāda à noz femmes, Haro, qui eſt cela, qui a ſonné ce cor. L'un reſpondit, c'eſt un preſtre, qui ſ'en va aux chanips. Je ne ſay ſil eſt Curé ou Chapelain de la ville. C'eſt vray (dit-il) c'eſt meſſire François, noſtre Preſtre. Trop volontiers va au matin aux champs, pour querir les Liegiers. Tantost, noz cōpaignons venus nous entraſmes en la ville: ou nous ne trouuaſmes oncques homme, qui miſt la main à eſpée, n'à deffenſe. Ainſi pry-ie la ville, & le chaſtel de Thurie: qui m'a fait plus de profit & de reuenue par an, & tous les iours quand il venoit à point, que le chaſtel & toutes les appendances d'iccluy ne valent. Or ne ſay à preſent que j'en doy faire: car ie ſuis en traité deuers le Comte d'Armignac, & le Dauphin d'Auuergne: qui ont puissance expreſſe, de par le Roy de France, d'achapter les villes & les fors aux compaignōs, quelque part qu'ils les trouuent, en Auuergne, en Rouergue, en Limoſin, en Quercy, en Pierregourd, en Albigeois, en Agen, & à tous ceux qui ſont, ou qui ont fait, guerre au titre du Roy d'Angleterre: & pluſieurs, qui ſont ia partis, ont rédu leurs fors. Or ne ſay-ie, ſi ie rendray le mien. A ce mot reſpōdit le Bourg de Copane: & dit, Couſin, vous dites voir. Auſſi de Carlat, que ie tien en Auuergne, ſuis-ie venu apprendre des nouuelles à Ortaiſ, en l'hoſtel du Côte de Foix. Car meſſire Loys de Sancerre, Mareſchal de Frāce, doit cy eſtre bien toſt. Il eſt tout quoy à Tarbe: ainſi que j'ay ouy dire à ceux, qui l'ont veu. Aces mots demanderent ils le vin: & on l'apporta: & beuſmes: & puis dit le Baſtot de Maulion à moy, Meſſire Iean, que dites vous? Eſtes vous biē informé de ma vie? J'ay eu encores aſſez plus d'auentures, que ie ne vous ay dit: deſquelles ie ne puis mie, ne ne vueil de toutes parler. Par ma foy, Sire (di-ie) ouy. Encores le remy-ie en parole & luy demanday de Loys Raimbaut, appert Eſcuyer, & grand Capitaine de Gens-d'armes (pourtant que ie l'auoye veu vne fois en Auignon, en bon arroy) qu'il eſtoit deuenue. Je le vous diray, dit le Baſtot de Maulion. Du tēps paſſé, quand meſſire Seguin de Batefol eut tenu Briode en Velay à dix lieuës du Puy en Auuergne, & il y eut guerroyé le pays, & aſſez cōquis, il ſ'en retourna en Gaſcōgne: & dōna à Loys Raimbaut, & à un ſien compaignon (qui ſ'appeloit Limoſin) Briode, & Anſe ſur la Soſne. Le pays pour le temps eſtoit ſi deſolé & greué, & réply de compaignōs, à tous lez, qu'à peine nul n'oſoit iſſir de ſa maiſon. Or vous dy qu'entre Briode en Auuergne, & Anſe, a plus de vingt ſix lieuës, tout pays de montaignes: mais, quand il venoit à plaifance à Loys Raimbaut pour cheuaucher de Briode à Anſe, il n'en faiſoit compte: car ils tenoient pluſieurs fors en la Comté de Forest, & ailleurs: ou il ſe refreſchiſſoit. Car les gentils hōmes pour ce temps d'Auuergne, de Forest, de Velay, & des frōtieres, eſtoient ſi traitaillez & menez de la guerre, & par eſtre pris & rançonnez, que chacun redoutoit les armes: car il n'y auoit nuls grans chefs des ſeigneurs de France, qui meiſſent au pays Gens-d'armes: car le Roy de Frāce eſtoit ieune: & auoit à entēdre en trop de lieux en ſon royaume: car de toutes parts cōpaignies & routes cheuauchoiēt, & ſe tenoiēt: n'on n'en pouuoit eſtre quitte: & les Seigneurs de France eſtoient en Angleterre oſtagers: & tandis on leur pilloit & déroboit leurs hommes, & leurs pays: & ſi n'y pouuoient remedier. Car leurs gēs n'auoient nuls courages de bien faire, ne d'eux défendre. Auint que Loys Raimbaut & Limoſin (qui eſtoient cōpaignons d'armes enſemble) cheurent en hayne. Je vous diray pourquoy. Loys Raimbaut auoit, vne tresbelle fēme à amie: & l'aimoit de tout ſō cuer moult parfaitement: & quand il cheuachoit de Briode à Anſe, il la recōmandoit au Limoſin: & Limoſin (qui eſtoit ſon cōpaignon d'armes: auquel du tout il ſe cōſioit) ſit de la bonne damoiſelle ſi bonne garde qu'il en eut toutes ſes volōtez: & tant que Loys Raimbaut en fut informé, plus qu'il n'en peut endurer. De ceſte choſe il cueillit ſon cōpaignō en ſi grand' haine, que, pour luy faire plus grand blaſme, il le ſit prēdre par ſes varlets, &

*Vne femme
cauſe de haine
entre Raim-
baut & Limo-
ſin, compaignōs
d'armes.*

le fit mener & courir, tout nud en ses brayes, parmy la ville, & puis battre de courgées, & sonner les trompettes deuant luy à chascun carrefour, & crier son fait, & puis le bannir de la ville, comme vn traistre: & en tel estat, en vne simple cotte, il fut bouté hors. Et ce dépit fit Loys Raimbaut à Limosin: lequel dépit il ne tint pas à petit, mais à grand: & dit qu'il sen vengeroit, quand il pourroit: si cōme il fit depuis. Limosin, du temps qu'il auoit esté en bon arroy en Briode, en allât de Briode à Anse, & en cheuauchât ainsi le pays de Velay, auoit tousiours deporté la terre au Seig. de la Voulte, demourant sur la riuere du Rosne: car il l'auoit serui des sa premiere ieunesse. Si sauisa qu'il retourneroit à ce besoin deuers luy: & luy crieroit merci: & luy prieroit qu'il voulsist faire sa paix en Frâce, & il seroit à tousiours mais bon & loyal François. Si sen alla à la Voulte (car bien y sauoit le chemin) & se bōta en vn hostel: car il estoit tout de pié. Quand il seut qu'heure fut, il alla au chasteil, deuers le Seigneur. Si ne le vouloit on laisser entrer dedans la porte. Toutes-fois par parolles couuertes il parla tāt, que le portier le mit dedās la porte: mais il luy de fendit qu'il n'allast plus-auāt, sans cōmandemēt. Il obeyt volōtiers. Le Sire de la Voulte vint, à heure de releuée, en la court ébatre: & vint à la porte. Tantost se getta Limosin à genoux: & dit, Monseigneur, ne me cognoissez vous pas? Par ma foy (dit le Seigneur nēny: car pas n'auisoit que ce fust Limosin: mais, vn peu apres qu'il l'eust auisé, il luy dit, Tu me ressembles trop bien Limosin: qui fut mon varlet vne fois. Par ma foy (dit-il) Mōseigneur, Limosin suis-iē, & vostre varlet aussi. Adonc luy alla crier mercy de tout le temps passé: & luy cōpta, de point en point, toute sa besongne: & commēt Loys Raimbaut l'auoit demené en la fin. Le Sire de la Voulte luy dit ainsi, Limosin (mais qu'il soit ainsi que tu dis, & tu vueilles estre bon & loyal François) ie te feray ta paix. Par ma foy (dit-il) mōseigneur ie nē fy oncques tant de contraire au Royaume de Frâce, que i'y feray de profit. Or ie le verray, dit le seigneur de la Voulte. Depuis le tint celuy seigneur de la Voulte en son hostel, & sans point partir, tāt qu'il eut à Limosin acquesté sa paix par tout. Quand Limosin peut par honneur cheuaucher, le Sire de la Voulte le mōta & arma: & le mena au Puy, deuers le Sénéchal de Velay: & l'aecointa de luy. Là fut il enquis & examiné de l'estat de Briode & de Loys Raimbaut: & quand il cheuauchoit, quel chemin il tenoit: & il leur dit, Quand Loys cheuauchē, il ne meīne, auecques luy, point plus de trente, ou quarāte Lances. Les chemins qu'il tient, ie les say tous par cueur (car en sa compaignie & sans luy, ie les ay cheuachez trop de fois) &, se vous voulez mettre sus vne cheuauchée de Gēs d'armes, i'offre ma teste à couper, si vous ne le tenez dedans quinze iours. Les Seigneurs se tindrēt à son propos: & mit on espies en œuure. Lors Raimbaut fut espīé, & auisé qu'il estoit venu de Briode à Anse, delez Lyon sur le Rosne. Quand Limosin le seut de verité, il dit au Seigneur de la Voulte, Sire, faites vostre mandement. Loys Raimbaut est à Anse, & rappassera tantost: & ie vous meneray au destroit, ou il faut qu'il passe. Adonc le Sire de la Voulte fit son mandement, & le fit Chef de ceste cheuauchée: & manda le Baillif de Velay, le Seigneur de Mōtclau, messire Guerrat de Salliere, & son fils, messire Plouferat de Vernet, le Sire de Villenefue, & toutes les Gens d'armes de l'euiron: & furēt bien trois cens Lances, & tous s'assemblerēt à Nonnay: &, par le cōseil de Limosin, on fit deux embusches. Le vicōte de Pollignac & le Seigneur de Chalencon en eurent vne à gouuerner. Le Sire de la Voulte, le Sire de Mōtclau, messire Loys de Tournon, & le sire de Sallieres, eurent l'autre: & auoient iustement party leurs gens: & estoīēt le Vicomte de Polignac & les siens assez pres de Sainct-Rambert en Forest, sur vn pas, ou il conuenoit que Loys Raimbaut & les siens passassent la riuere de Loire au pont: ou qu'ils passassent plus auant † à gué au dessus du Puy. Quand Loys Raimbaut eut fait ce pourquoy il estoit venu à Anse, il se partit à tout quarante Lances: & ne cuidoit auoir nulle rencontre: & ne se doutoit en riens de Limosin. C'estoit la moindre pensée, que il eust. Si vous dy que, par vsage, le chemin, qu'il faisoit au passer, il ne le faisoit pas au retour. Au passer il auoit fait le chemin de Sainct-Rambert. Au retour il fit l'autre: & prit les montaignes dessus Lyon & dessus Viēne, & au-dessous le Bourg d'Argental: & sen alloit tout droit deuers le Monastier, à trois petites lieuēs du Puy: & auoit passé entre le chasteil de Menestrol & Montfaulcon: & sen venoit, tourniant le pays, vers vn village qu'on dit la Batterie, entre Nonnay & Sainct-Iulian. Au bois là endroit a vn destroit, ou il faut que l'on passe: comment que ce soit on ne le peut écheuer (qui veut faire vn chemin) fon ne va parmy Nonnay.

Là estoit l'ēbusche du Sire de la Voulte: ou bien auoit 200. lances. Loys Raimbaut ne se
donne

*Le Capitaine
Limosin se re-
tourne Fran-
çois.*

*Embusche du
Capitaine Li-
mosin, pour sur
prendre Loys
Raimbaut.*

*† Il y auoit au
gué dessus
du Pin: que
nous auons cor-
rigé selon le su-
uant.*

donna de garde, quād il fut emmy eux. Le Sire de la Voulte & ses gens (qui estoient tous pourueus de leur fait) abaissèrent leurs Lances: & s'en vindrent escriant la Voulte, ferir sur ces compaignons: qui cheuauchioient espars sans arroy. Là en y eut de premiere venue, la greigneur partie, de coups de Lances, ruez par terre: & fut Loys Raimbaut porté de son cheual à terre, par vn Escuyer d'Auuergne (qui s'appeloit Amblardon) & puis vindrent sur luy: & fut pris, & le demourant morts ou pris. Oncques riens n'en échappa: & trouuerent, en bougettes, la somme de trois mille francs: qu'il auoit receus à Anse, pour le pactis des villages de l'environ: dont les compaignons eurent grand' ioye: car chacun en eut sa part. *Prise de Loys Raimbaut par son compaignon Limosin.* Quand Limosin veit ainsi ledit Raimbaut attrapé, il se monstra en sa presence: & dit, par reproche, Loys, Loys, icy faudra compaignie. Souuienne vous du blafme & de la vergogne, que vous me fistes recevoir à Briode, pour vostre amie. Je ne cuidasse pas que pour vne femme, vous me deussiez auoir fait recevoir ce, que ie receu: & se la cause pareille fust venue à moy, ie ne m'en fusse ià courroucé: car deux cōpaignons d'armes (tels que nous estiois lors) se pouuoient biē, au besoing, passer d'une femme. De ceste parolle cōmencerent les Seigneurs à rire: mais Loys Raimbaut n'en auoit nul talēt. Par celle prise de Loys Raimbaut rendirent ceux, qui estoient en Briode, la ville, au Sénéchal d'Auuergne (car, puis qu'ils auoient perdu leur Capitaine & toute la fleur de leurs gens, il n'y auoit point de tenue) & aussi firent ceux d'Anse, & autres forts, qui se tenoient en Velay, & en Forest, de leur partie, & furent moult ioyeux ceux, qui estoient enclos, de sauuer leur vie, Lors fut amené Loys Raimbaut à Nonnay: & là fut emprisonné: & puis on le fit sauoir au Roy de France: lequel eut grand' ioye de sa prise. Assez tost apres on en ordōna: & me semble (à ce que i'en ay ouy raconter) qu'il eut la teste coupée à Villeneuve, delez Auignon: & ainsi auint que Loys Raimbaut mourut. Dieu ait l'ame de luy. Or, beau-Sire (dit le Bastot de Maulion) vous ay-je bien tenu en parolles, pour passer la nuit? Et toutesfois elles sont vraies. Par ma foy (respondy-je) ouy: & grād mercy: car à ouyr vos comptes ay-je eu part, autant bien que les autres: & elles ne sont pas perdues. Car, si Dieu me laisse retourner en mon pays & en ma nation, de ce que ie vous ay ouy dire & compter, & de tout ce que i'auray veu en mon voyage, & trouué qui appartienne à ce que i'en face memoire en la noble & haute Histoire, de laquelle le gentil Comte de Blois m'a embesongné, croyez que ie le croniseray, & escriray, par la grace de Dieu: à fin qu'il en soit memoire à tousiours. A ces mots prit les parolles le Bourg de Copane (qui s'appeloit Ernauton) & commença à parler: & eust volontiers (à ce que ie me peu apperceuoir) recordé la vie & l'affaire de luy & du Bourg Anglois, son frere: & comment ils festoient portez en armes en Auuergne, & ailleurs: mais il n'eut pas loisir de faire son compte: car la guette du chastel sonna, pour assembler toutes gens d'auant la ville d'Ortais, qui estoient tenus d'aller au souper du Comte de Foix. Lors furent ces deux Escuyers appareillez: & firent alumer torches: & nous partismes tous ensemble de l'hostel: & nous mismes au chemin pour aller au chastel, & aussi firent tous Cheualiers & Escuyers, qui estoient logez en la ville. De l'estat, de l'affaire, & ordonnance du Comte de Foix, ne peut on trop parler en tout bien, ne trop recomander: car, pour le temps que ie fu à Ortai, ie le trouuay tel, & outre: dōt ie ne puis mie de tout parler: mais ie say bien que, par le temps que i'y fu, i'y vey moult de choses, qui me tournoient à grand plaifance: & là vey seoir à table, le iour de Noël, quatre Euesques de son pays: les deux Clemētins, & les deux Vrbaniſtes: l'Euesque de Paumiers & l'Euesque de l'Escalle Clementins. Ceux furent au-dessus: & puis, apres eux, l'Euesque d'Aire & l'Euesque de Rou. *Ce que veit Froissart au dîner du Comte de Foix, le iour de Noël.* sur les frontieres de Bordelois & de Bayonne. Ceux estoient Vrbaniſtes, En-apres seoit le Comte de Foix, & puis le Vicomte de Roquebertin de Gascogne, le vicomte de Bruniquel, le Vicomte de Gousserāt, & vn Cheualier Anglois: que le Duc de Lâclastre (qui pour lors se tenoit à Narbonne) auoit là enuoyé: & nommoit on le Cheualier messire Guillaume Villeby. A l'autre table seioient cinq Abbez tant seulement, & deux Cheualiers d'Arragon: qui s'appeloient messire Raymond de Montfloreſtin, & messire Martin de Ruane. A l'autre table seioient Cheualiers & Escuyers de Gascogne & de Bigorre: & premierement le Seigneur d'Anchin, & puis messire Gaillard de la Motte, messire Raymond de Chastelneuf, le Sire de Chaumōt, Gascō, le Sire de Copane, le sire de la Lane, le Sire de Mōtferrant, messire Guillaume Bernard, messire Pierre de Courtō, le Sire de Valéchin, & messire Aingalle, nōmé le Bascle: & aux autres tables Cheualiers de Bearn grād' foison: & estoient souuerains maistres de la Salle messire Espaing du Lyon, messire

Siquart du Bois-Verdun, messire Nouuans de Nouuailles, & messire Pierre de Vaux en Bearn: & seruoient ses deux freres Bastards, messire Ernaut Guillaume & messire Pierre de Bearn: & ces deux fils seruoient deuant luy: messire Yuain de l'Eschelle, à asseoir tant seulement, & messire Gracien, de la coupe au vin. Si vous dy que grand' foison de Menestriers, tant de ceux qui estoient au Comte: que d'autres estrangers, auoit en la salle: qui tous firent par grand loisir leur deuoir, & leur menestrandie: & ce iour le Comte de Foix donna, tant aux Menestriers comme aux Heraux, la somme de cinq cens francs: & reuestit les Menestriers du Duc de Touraine (qui là estoient) de draps d'or, fourrez de fin menu ver (lesquels draps furent prisez à deux cens francs) & dura le disner iusques à quatre heures apres nonne. Or pource parle-ie volontiers de l'estat du gentil Comte de Foix, que ie fu douze semaines de son hostel, & tresbien administré de toutes choses: & durant le temps que ie fu à Ortais, ie pouuoie apprendre & ouïr nouuelles de tous païs: si ie vouloye. Aussi le gentil Cheualier messire Espaing du Lyô (en laquelle compaignie i'estoye entré au pays, & auquel ie m'estoye decouvert de mes besongnes) m'accointa de Cheualiers & Escuyers: qui me sauoient recorder iustement ce, que ie demandoye & requeroie à sauoir. Si appry, & fu informé là, des besongnes de Portugal & de Castille, & comment on sy estoit porté le temps passé, & des guerres, des batailles, & des rencôtres, que ces deux Roys, & leurs adherans & aidans, auoient l'un contre l'autre: & de quelques choses & besongnes ie vous feray iuste rapport.

Briue repetition du second chapitre de ce present Volume, & continuation de la guerre, qui fut entre les Roys Iehan de Castille & denis de Portugal. CHAP. X.

† il le nōmoit
ici Iehan, &
quelques autres
fois cy apres, en
sorte que le ch.
39. disant que
la religion dont
il estoit maistre
auoit nom De-
uis, me fait sou-
psonner, de
Maistre de
Deuis, pour
Maistre De-
nis.
† il le surnōme
Radegoe, au
chap. susdit.
† C'est assauoir,
de l'an 1383.
Car il dit cy a-
pres, en ce pre-
sent cha. que ce
fut en l'esté du
siege d'Ypre,
qui fut en ce
mesme an com-
me l'on peut
voir depuis le
cha. 133. du se-
cond volume.

Vous sauez (comme cy-dessus est contenu) comment le Roy Damp Iehan de Castille auoit assiegé la cité de Lissebōne, & le Roy † Denis de Portugal: que de fait ceux des bōnes-villes auoient couronné pour sa vaillāce: car vrayemēt estoit il Bastard. Aussi auez vous ouy racōpter cōment celuy Roy auoit enuoyé en Angl. vers le Duc de Lāclastre & le Côte de Cātebruge (qui auoient par mariage ses cousines) pour auoir secours, ses especiaux messagers, deux Cheualiers) messire Iehan † Radingos, & messire Ieā Teste d'or) & avec eux vn clerc Licēcié en droit: qui estoit Archediacre de Lissebōne. Tāt exploiterēt ces messagers, par mer, & par bon vêt qu'ils eurent, qu'ils arriuerēt au haure de Hātōne: & là ils issirent de leurs vaisseaux: & se refrēchirēt en la ville, vn iour: & prirēt là des cheuaux, car ils n'en auoient nuls fait passer, & puis cheuaucherent tout le grād chemin, pour venir à Londres: & tant firēt qu'ils y vindrent. Ce fut au mois † d'Aoust: que le roy d'Angleterre estoit en la marche de Galles, en chace & en deduit: & ses trois oncles (le Duc de Lanclastre, le Côte de Cantebruge messire Aymon, & messire Thomas, Côte de Bouquingum) estoient aussi chacun en leurs deduits, en leurs pays. Tant eurent plus affaire les messagers du Roy de Portugal: & tout premieremēt, ils se tirerent deuers le Duc de Lanclastre: qui se tenoit à Herford: qui est à vingt mils de Lōdres. Le Duc les receut ioyeusement: & ouurit les lettres, qu'ils luy baillerent, & les leut trois fois, pour mieux entendre: & puis dit, Vous soyez les tresbien venus en ce pays: mais vous venez aussi mal à point, pour auoir hastiue deliurāce, que vous pouuiez venir en tout l'an. Car le Roy & mes freres sont espars, l'un çà, & l'autre là. Ainsi vous ne pouuez auoir response: fors que par especial Conseil: qui sera à Londres, à la Saint Michel, de tout le païs: & puis seretournera à Westmonstier. Et, pource qu'especiallement & principalement ceste matiere, pour laquelle vous venez, touche tresgrandement à mon frere, i'en escri-ray deuers luy, & feray tant que moy & luy serons tantost à Lōdres, ou pres de là. Si aurons ensemble conseil, & auis, comment pour le mieux nous pourrōs ordonner: & vous en retournerez à Londres: & quand mon frere sera approché, vous aurez nouuelles de nous. Les Ambassadeurs Portugalois furent contens assez de ces responses: & se departirent du Duc de Lanclastre, & s'en retournerēt à Londres: & là se logerent, & reposerēt à leur aise. Le Duc de Lanclastre ne mit pas en oubly ce, qu'il leur auoit dit: mais escriuit incontinent deuers son frere, le Comte de Cantebruge, lettres especiales, sur l'estat que vous auez ouy. Quand le Côte eut les lettres de son frere le Duc, si les leut à grād loisir. Depuis ne demoura gueres de temps, qu'il s'en vint à Herford, delez le Ware, ou le Duc se tenoit: & là furēt trois iours ensemble: & conseillerēt ceste besongne, au mieux qu'ils peurent: & fordonnerent pour venir vers Londres, si-comme le Duc de Lanclastre l'auoit promis aux Portugalois: & vindrent en la cité de Londres: & descendirent en leurs hostels. Or eurent ces deux Seigneurs & les Portugalois derechef grans parlemens ensemble

semble. Car le Côte de Cantebrugge (qui auoit esté en Portugal) festoit trop mal conté-
té, & contentoit, du Roy Ferrand de Portugal mort: car trop laschement il auoit guer-
royé: & outre la volonté des Anglois, il festoit accordé aux Espaignols. Si faisoit doute
ledit Comte, qu'au parlement de Sainct-Michel, le Conseil du Roy d'Angleterre & la
Communauté du pays ne se voufissent pas legeremét assentir à faire vn voyage en Por-
tugal: car on y auoit esté, & enuoyé: & auoit grandement cousté au Royaume d'Angle-
terre (comme cent mille francs ou plus) & si n'y auoit on riens fait. Les Ambassadeurs de
Portugal conceuoient bien les parolles du Comte: & disoient adonc, Mōseigneur, il fut
vn temps. Or est maintenāt autremét. Nostre Roy (à qui Dieu pardoint à l'ame) redou-
toit tant les fortunes, que merucilles: mais nostre roy de present a autre emprise & ima-
gination: car, si se trouuoit sur les champs, à moins de gens trois fois que ses ennemis
ne fussent, si les combattroit il, à quelque fin qu'il en deust auenir: & de ce vous assurez
nous loyaument. Auecques tout ce, Messeigneurs qui cy estes presens, vostre querelle
est toute clere à guerroyer & à cōquerir le Royaume de Castille, & le gaigner: car l'heri-
tage en appartient à vous, à voz femmes, & à voz enfans. Or, pour le conquerir & con-
quester, vous ne pouuez auoir entrée en Castille, de nul costé qui tant vous vaille, com-
me celle de Portugal: puis que vous auez tout le pais d'accord. Si rendez peine que l'un
de vous y vienne si puissammét, qu'avec ceux, que vous trouuerez au pays, vous puissiez
tenir les champs. Le Duc de Lancastre respondit, Il ne tient pas en nous: mais au Roy,
& au pays d'Angleterre: mais nous en ferons nostre puissance, de ce deuez vous estre
tous certains. En celuy estat finirent ils leur parlement: & demourerent les Portugalois
à Londres, attendans la Sainct-Michel: & le Duc de Lancastre & le Comte de Cante-
brugge retournerēt en leurs maisons, sur le pais d'Angleterre, en la marche de North. Or
vint la S. Michel, & le pays de Westmonstier: & approcha le Roy la contrée à Londres:
& s'en vint à Windesore, & de là à Cartofée: & puis à Tones: & tousiours (ou qu'il alloit)
le suiuoit la Royne sa femme, & aussi tout son cuer, le Comte d'Acquessuffort: car par
celuy estoit tout fait: & sans luy n'estoit riens fait. En ce temps, que ie parle estoient les
guerres en Flandres, entre le Duc de Bourgogne & les Gandois: & estoient nouuelle-
ment retournez en Angleterre l'Euesque de Nordwich, messire Hue de Caurellée, mes-
sire Guillaume Helmé, messire Thomas Triuet, & les autres qui auoient en celuy esté te-
nu le siege, avec les Gandois, deuant Ypre: & puis vint le Roy de France: qui les enloyt
† en Boulongnois: cōme il est contenu cy-deuant en nostre Histoire. Mais il y eut tréues
entre les Flamans, les François, les Anglois, & les Escocois, durant iusques à la † Sainct-
Michel de l'an 1384. & neantmoins les Anglois se veoient moult embesongnez: & ne
s'auoient auquel entendre: car aussi, outre ce que demandoient les Portugalois, le Con-
seil de Gand estoit à Londres: & requeroit auoir vn Gouverneur, pour aider à soustenir
& à garder leur ville, tel comme vn des oncles du Roy, ou le Comte de Salbery. Aux
Parlemens, qui furent en celle saison, à Londres, eut plusieurs Consaux & parolles get-
rées, & reiterées, tant pour les Flamans, que pour le pays de Portugal, & aussi pour les
Escocois, qui leur faisoient guerre, n'estans les tréues encores publiées entre eux. Le Duc
de Lancastre espécialement tiroit à ce, qu'il peust auoir vne bonne charge de Gens
d'armes & d'Archers, pour mener en Portugal: & demonstroit aux Prelats, aux Barons,
& au Conseil des Communautés des villes d'Angleterre, comment on estoit tenu par
foy, serment & alliance iurée, à luy aider, & à son frere, à rauoir son heritage: & ce leur
auoit on promis, quand leur neveu le Roy, fut couronné: & apparoient ces choses par
lettres scellées. Encores se complaignoit le Duc, du tort & grief, qu'on luy faisoit, & à
son frere, quand tant on y auoit mis au faire, & que voirement quant au Comte de Can-
tebrugge, selon ce qu'on luy auoit promis quand il alla en Portugal, on luy auoit petite-
ment tenu ses conuenances: car on luy deuoit enuoyer deux mille Lances, & autant
d'Archers: & riens n'en auoient fait: pourquoy la querelle de leur propre droit & heri-
tage auoit esté bien mise arriere. Les parolles demonstrantes du Duc de Lancastre e-
stoient bien ouyes & entendues: & c'estoit bien raison. Si disoient les plus notables du
Conseil qu'il auoit droit: mais les besongnes de leur Royaume (qui plus pres leur tou-
choient) deuoient aller deuant. Aucuns vouloient que sa volonté fust accomplie: & les
autres remonstroient, & disoient, qu'on feroit vn grand outrage, s'on denuoit le royau-
me d'Angleterre de deux mille hōmes, & de quatre mille Archers, pour enuoyer si loin,
comme au Royaume de Portugal: car les fortunes de mer sont perilleuses & peruerfes,

*Remonstrance
des Ambassa-
deurs du Roy
Deuis de Por-
tugal au Duc
de Lancastre
& au Comte
de Cantebrugge.
pour les indui-
re à faire guer-
re en Castille.*

† Mais plustost
dedans Bour-
bourg comme
il appert par le
chap. 142. du
2. Volume.

† ce lien est cor-
rigé selō le ch.
147. du 2. vo.
Et le reste selō
la deductiō des
autres suiuaus
cha. dudit vo.
Et mesmes de
cestuicy. Sur
quoy notés que
cette guerre des
Escocis, durāt
les treues, non
encore publices
fut apres Pas-
ques de 1384.
par les chap.
148. & 149.
du 2. volume.

*Qui seroit de
1385.*

*† C'est au chap.
160. du 2. vo.*

*† Coniecturez
par la preceden
te deduction du
present cha. en
quel temps ce
siege peut estre,
car ie n'en trou
ue autrement
rien specifie.*

*Secours de quel
que François
& Bearnois au
Roy Jean de
Castille.*

*† Il a desia vsc
quelquefois de
ces mots, pour
arriere-chambre
& cabinet.*

& l'air de Portugal chaud & merueilleux:& se le pais d'Angleterre estoit affoibly de tât de gens, ce seroit vn dommage sans recouurer. Nonobstant ces poincts & arguments, ne toutes les doutes qui auenir y pouuoient, il fut adonc ordonné qu'à l'Esté † le Duc de Lanclastre passeroit la mer, & auroit en sa compaignie sept cens Lances, & quatre mille Archers: & seroient payez tous ceux, qui en ce voyage iroient, pour vn quartier d'an: mais on reserua, que, s'autres accidens, touchans au Royaume d'Angleterre: mouuâs du Royaume de France ou du Royaume d'Escoce, leur venoient entre-deux, le voyage de Portugal deuoit estre retardé, Le Duc de Lâclastre s'accorda à ce: car autre chose il n'en pouuoit auoir. Or sauez (comme il est contenu cy-dessus † en l'Histoire) que, quand le Duc de Lanclastre eut toutes ses gens appareillez, & toutes ses nefes prestes à Hantonne pour faire son voyage de Portugal, & que les Ambassadeurs furent retournez à Lissebône, & eurent apporté certaine verité de toutes besongnes, & comme le Duc de Lanclastre deuoit venir, & quelle charge de gens luy estoit baillée (dont les Portugalois eurent grand' ioye) vn grand empeschement vint en Angleterre: parquoy il conuiét son voyage retarder par aucun temps, Car l'Admiral de France, messire Iehan de Vienne, à tout mille lances de bôs Gēs-d'armes, mōta en mer à l'Escluse, & alla en Escoce: & fit guerre en Angleterre: dont le Royaume, & tout le pais, vindrēt au deuant: & tout ce est cōtenu iustement cy-dessus en l'histoire, Si n'ay que faire d'en parler deux fois: mais vueil parler du siege de Lissebône, & du Roy d'Espaigne, pour venir cheoir à ma matiere, & de tout faire narration, selon ce que ie fu adoncques informé. Le Roy Damp Iehan de Castille † estant au siege deuant Lissebonne, nouuelles vindrent en son ost, par marchans de son pays, qui venoient de Flandres & de Bruges, comment le Duc de Lanclastre s'appareilloit & ordonnoit à tout grans Gens-d'armes & Archers, à venir à Lissebonne, & leuer le siege. Ces nouuelles furēt creuës: car bien sauoient les Espaignols, que le Duc de Lâclastre mettroit toute la peine & toute la diligence, qu'il pourroit, à guerroyer le Royaume de Castille: car il y clamoit part. Nonobstāt ces nouuelles, si tenoit le Roy tousiours son siege: & auoit enuoyé ses lettres & ses messages: pour auoir secours en France: & par especial il enuoya aussi ses messagers au pays de Bearn, & tant que de la terre au Comte de Foix, & du pays de Bearn issirent en vne route, en moins de quatre iours, plus de trois cēs Lances, & l'élite des meilleurs Gens-d'armes, qui fussent en Bearn: & ià estoiet passez à Ortais, du Royaume de France, pour aller en Castille seruir le Roy, messire Iehan du Ru, Bourgōgnon, & messire Geoffroy Richon, Breton, & messire Geoffroy de Partenay: & auoiet chacun sa route propre. Or s'appareilloient ceux de Bearn, tels que ie vous nōmeray: vn grand Baron & compaignō au Comte de Foix, le Seigneur de Lingnach, messire Pierre Lier, messire Iehan le Lepres, le Seigneur des Bordes, messire Bertrand de Baruge, le seigneur de Mariage, messire Raymonnet Dausac, messire Iehan de Salegre, messire Mouuant de Sarmen, messire Pierre de la Robiere, messire Estiēne de Valentin, messire Raymōd de Rarasse, messire Pierre de Hanefane, messire Ogerot de Domesson, & plusieurs autres: & messire Espaignolet d'Espaigne, ainé fils de messire Roger d'Espaigne, cousin de lignage & d'armes au Côte de Foix, se meit en la route des Bearnois. Ces Barōs & Cheualiers de Bearn firent leur assemblée de Gēs-d'armes à Ortais & là enuirō: & me fut dit, de ceux qui les virent partir d'Ortais, que c'estoient les plus belles gens, & les mieux armez & ordōnez, qu'on eust de lōg tēps veu issir du pays de Bearn. Quand le Côte de Foix veit que ce fut à certes qu'ils partiroyēt & sē iroyēt en Espaigne (cōbien qu'au cōmencemēt il festoit assez assenty & accordé qu'ils receussent les souldées du Roy de Castille) si fut il tout pēsif, & courroucé de leur departemēt: car il luy sembloit & veoit (& verité estoit) que son pays en affoiblissoit. Si enuoya deuers les Barons & Capitaines cy-dessus nommez: & leur fit dire par les Barōs & Cheualiers de son hostel, messire Espaing du Lyon & messire de Cabestā, qu'ils vinssent tous ensemble au chastel à Ortais, & qu'il vouloit d'vn disner payer la biē allée. Ces Cheualiers obeyrent: & fut raison. Si vindrēt à Ortais veoir le Côte qui les recueillit grādemēt: & apres la messe, il les fit tous entrer en sa chābre † de retrait: & puis cōmēça par cōseil à parler à eux: & dit, Beaux seigneurs, est dōc vostre entente que vous partirez de mō pays, & me laisserez en main la guerre du Côte d'Armignac, & vous irez faire la guerre pour le Roy d'Espaigne? Ceste departie me touche trop pres. Monseigneur (respondirēt ceux qui là estoiet) ouy: faire le nous faut: car sur tel estat sommes nous ordōnez, & auons receu les gages du Roy de Castille: mais ceste guerre d'Espaigne & de Portugal sera tost acheuée: si retournerons

(fil plaist

(fil plaist à Dieu) en bonne santé, Tost acheuée, dit le Comte de Foix, & non si tost, car ores à prime prend elle son commencement, car il y a vn nouuel Roy en Portugal. Si ont mandé secours en Angleterre: & est taillée ceste cheuauchée & armée, ou vous allez de durer vn grand temps, & vous tenir sur les champs, car point ne ferez combattus iusques à ce que le Duc de Lancastre & ses gens soyent venus: & par ainsi vous seront chers vendus les gages, que vous auez pris. Monseigneur (respondirent ils) puis que nous auons exploité si auant, nous parferons le voyage. Dieu y ayt part, dit le Comte. Or allô trestous disner, car il en est heure. Lors s'euint le Comte, avecques ses Barons & Cheualiers: & se meit en la salle: ou les tables estoient mises. Si disnerent grandement, & à loisir: & furent seruis de tout ce, que pour ce iour appartenoit. Apres disner le Comte de Foix mena ses Cheualiers en ses galleries: & si comme il auoit d'usage de sollacier apres disner, il entra à eux en parolle, & dit, Beaux Seigneurs, ie vous voy enuis departir de mon pays. Non pas que ie soye courroucé de vostre auancement & honneur (car en tous estats ie l'augmenteroye & exauceroye volontiers) mais i'ay grande pitié de vous car vous estes toute la fleur de Cheualerie de mon pays de Bearn, & si vous en allez en estrange pays. Je vous conseille, & autresfois le vous ay dit, que vous vous deportiez de ce voyage, & laissez le Roy d'Espaigne & le Roy de Portugal faire leur guerre ensemble car elle ne vous compette en riens. Monseigneur (dirét ils) sauue vostre grace. Nous ne pouuons pas ainsi faire: & mieux sauez, que vous ne dites. S'il vous plaist à entêdre, nous auons receu les gages & les dons du Roy de Castille, si les nous faut deffeuir. Or (dit le Comte) vous parlez bien: mais ie vous diray qu'il vous auendra de ce voyage. Ou vous retournerez si pources & si nus, que les poux vous estrangleront, & les croisserez entre voz ongles (& adonc leur monstra comment: & meit ses deux paumes ensemble) ou vous serez tous morts, ou tous pris. Les Cheualiers commencerent à rire, & dirent Mōseigneur, il nous faut attendre ceste auenture. Adonc entra le Comte en autre parolle, & laissa ceste en paix: & leur remonstra, en parlât, la maniere & la nature des Espaignols & comment ils sont ords & pouilleux, & enuieux sur le bien d'autrui: & que sur ce ils eussent bon auis & bon conseil. Quand il eut parlé de plusieurs choses, il demanda le vin & les espices, & puis beurent tous ceux, qui là estoient. Lors prit il congé d'eux, & bailla à chacun la main, & les commanda à Dieu, & rentra en sa chambre, & les Cheualiers monterent au pié du chastel: & ià estoient leurs gens & leurs harnois partis, & venus en Sauueterre, & là vindrent loger ce soir, & le lendemain se departirent & entrèrent en la terre des Bascles: & prirent le chemin de Pampelune, & par tout passoiet seuremēt car ils payoient tout ce qu'ils prenoient.

*Ce que predict
le Côte de Foix
aux Gens-d'ar
mes de Bearn,
quand ils vou
lurent partir
pour aller
en Castille.*

Comment ceux de Saint-Yrain se rebellerent contre aucuns Gens-d'armes du party de leur Roy, & comment ayant leuē son siege de Lissebonne, se retira vers ceste ville de Saint Yrain: qui se reconcilia avec luy.

CHAP. XI.

EN cetemps, que le Roy de Castille seioit deuant Lissebonne, & auoit ià sis enuiron vn an, se rebellerent ceux de la ville de Saint-Yrain cōtre le Roy de Castille, & cloierent leurs portes, & dirent que ià nuls François, n'Espaignols, n'entreroient en leur ville, pour les dommages qu'on leur auoit faits, car on leur auoit fait trop d'oppressions: & veulent dire les aucuns que ce fut par la coulpe des gens de Geoffroy Richon & de messire Geoffroy de Partenay, qui menoient routes de Bretons, qui prenoient & exiloient tout quan qu'ils trouuoient, & riens ne sauoyent que c'estoit de paix. Si se faisièrent de la ville & des deux chasteaux les citoyens, & dirent qu'ils les tiendroyent contre tout homme, qui mal leur feroit, ou voudroit faire. A ce iour qu'ils se rebellerent, ils occirent plus de soixante Bretons, pillars & eussent occis Geoffroy de Partenay, mais il se sauua par-dessus les murs de la ville, qui respondirent à son hostel. Adōc se recueillirent François & Bretons, qui estoient là arroutez, & luitterēt, vn iour tout entier, à ceux de Saint Yrain, & y firent grand assaut, mais ils y perdirent plus qu'ils n'y gaignerent, & si n'y firent riens. Les nouvelles vindrent en l'ost du Roy de Castille que ceux de Saint-Yrain, estoient tournez Portugalois, & prests de rendre la ville & les chasteaux au Roy de Portugal, & qu'ils s'en estoient saisis. Quand le Roy ouyt ces nouvelles, si fut moult pensif, & appella son Marechal, messire Regnaud Limosin, & luy dit, Prenez cent ou deux cēs Lâces en vostre cōpaignie, & allez veoir à S. Yrain que c'est, & pourquoy les hōes de la ville se sōt rebellez, & par quelle achoisō ils ont fait ce qu'ils ont fait. Messire

*Raisnable ex-
cuse de ceux de
Saint Yrain à
Regnaud Li-
mosin, Maref-
chal de Castil-
le, sur leur pre-
tendue rebelion*

Regnaud respondit, volontiers. Il se meit en chemin, & prit en sa charge iusques à deux cens Lances: & cheuaucha vers Saint-Yrain, & fit tant qu'il y vint, & enuoya, deuant, vn Heraut, pour leur noncer sa venue. Lequel parla aux barrieres à ceux de la ville, & fit son message, & luy fut respondu en disant. Nous cognoissons bien messire Regnaud Limosin pour vn gentil homme & vaillant Cheualier, & sauons bien qu'il est Marechal du Roy, & peut bien venir iusques icy, si luy plaist, & tout desarmé entrera il en la ville, & autrement non. Ce fut tout ce que le Heraut rapporta à messire Regnaud. Et messire Regnaud dit. Je ne vien pas icy pour leur porter contraire ne dommage: mais pour fauoir leur entente. Il m'est autant à y entrer armé, comme tout desarmé: tant que i'aye, parlé à eux, & sache leur vouloir. Si se departit lors du lieu ou il estoit: & cheuaucha, luy fixiémé tant seulement, sans armes: & laissa ses gens derriere: & vint mettre pié à terre, deuant la barriere. Quand on le veit en celuy estat, ceux, qui estoient à la barriere, luy ouurirent la porte, & le meirent en la ville, & luy firent bonne chere. Lors s'assemblerent tous les hommes de la ville en vne place en quarrefour: & là commença à parler à eux, & dit. Entendez, vous, qui en ceste ville demourez. Je suis icy enuoyé, & m'est commandé que ie vous demande à quelle intentiō vous vous estes rebellez, & auez clos voz portes, & occis les gens du Roy: qui le venoient seruir. Sachez que le Roy est durement courroucé sur vous, car il est informé que vous auez pris en faisine les deux chasteaux de ceste ville (qui sont de son héritage) & y voulez mettre ses auerfaires de Portugal. Sauue soit vostre grace, messire Regnaud. Nous ne les y voulons point mettre, n'aussi les rendre en autres mains ne seigneurie, qu'à celle du Roy de Castille (de qui nous les tenōs) mais qu'il nous gouuerne en paix & en iustice, & ce, que nous en faisons & auons fait, a esté par la coulpe des robeurs & pillars Bretons, qu'on auoit logez en ceste ville, & par leur outrage, car se nous fussions Sarrazins, ou pires gens, si ne nous pouuoient ils pis faire, comme d'efforcer noz femmes & noz filles, rompre noz coffres, effōdrer noz toneaux de vin, & nous battre & nous méhaigner, quand nous en parlions. Si ne vous deuez pas émerueiller (quād nous veōs tels outrages faire sur nous, & sur le nostre, de ceux qui nous deussent garder) se nous nous en courrouçons, car on se courrouce bien pour moins. Si pourrez dire tout ce (si luy plaist) au Roy, mais nous sommes d'un accord, que pour homme qui vienne, nous ne cognoistrōns ne recueildrōns François ne Bretons, fors le corps du Roy proprement, & ceux qu'il luy plaira, sans nous trauailler ne faire nulle violence. Quand messire Regnaud eut ouy parler de tels langages, si s'appaisa, & luy sembla assez qu'ils n'auoient pas eu tort, s'ils auoient bouté hors de leur ville leurs ennemis. Si leur dit. Or bonnes gens ie vous ay bien ouys & entendus, vous demourrez en vostre paix, & ie m'en retourneray en l'ost du Roy, & luy remonstreray toutes les parolles, que vous m'avez dites, & en bonne foy ie feray pour vous ce, qui me sera possible. Ceux respondirent, Monseigneur grand mercy. Nous nous confions bien en vous, que se le Roy est induément informé sur nous, vous nous ferez vn bon moyen. A ces mots prit congé messire Regnaud, & monta à cheual, & retourna à ses gens, qui l'attendoient sur les champs, & puis cheuaucha tant, qu'il vint en l'ost de Lissebonne, & descendit en son logis, & puis alla deuers le Roy, & luy recorda tout ce qu'il auoit veu & trouué en ceux de Saint-Yrain. Quand le Roy en feut la verité, il dit. Par ma foy ils ont fait que sages, fils ne sont mie assurez de ces pillars. Or auint, que quād messire Geoffroy Richon & messire Geoffroy de Partenay, & leurs routes, virent qu'ils n'auroyent autre chose de ceux de Saint-Yrain, & que le Roy de Castille les diffimuloit, si en furent moult courroucez, & dirent entre eux. Nous deuons bien auoir laissé le Royaume de France, & estre venus en ce pays seruir le Roy d'Espaigne, quand nous sommes ainsi raualliez de villains, & ne nous en veut on faire droit, il doit bien tost venir grande foison de Cheualiers de Gasconne. Nous nous souffrerons tant qu'ils soient venus: & puis nous nous accorderons ensemble, & nous aideront à contreuenger de noz cōpaignōs, qu'on a occis & mal menez. Nouuelles vindrent en l'ost du Roy, & à son Conseil, que les Bretons menaçoient moult fort ceux de Saint Yrain, & se vantoient que les Gascons venus, il leur feroit cher comparé ce qu'ils leur auoyent fait, & fut le Roy conseillé qu'il se departiroit du siège de Lissebonne, & s'en viendrait refreschir à Saint Yrain, & remettoit les choses en bon point & en bon estat, & là attendroit la venue des Gascons, ou bien auoit quatre cens Lances de bons Gens-d'armes, dont il auoit grand ioye. Car il ne vouloit pas qu'ils trouuassent le pays en trouble, & aussi grande foison de ses gens se desiroient

*Le Roy de Ca-
stille à la pa-
rolle de son Ma-
reschal, se con-
sente de ceux
de S. Yrain.*

desiroient à refreschir, car ils auoient esté là moult longuement, sans riens faire. Apres fut ordonné, de par le Roy, de déloger toutes ses gens du siege, & tirer vers Saint-Yrain. Si se délogerent les Espaignols, & tous ceux qui là estoient: & s'en vindrent en la marche de Saint-Yrain. Quand ceux de Saint Yrain seurent que le Roy de Castille deuoit venir deuers leur ville, si s'ordonnerent douze hommes des plus notables des leurs & monterent à cheual: & vindrent sur les champs: & cheuaucherent tant, qu'ils vindrēt là ou estoit le Roy, pour sauoir sa volonté. Lequel estoit descendu en vn grand ombre deffous Oliuiers, pour se refreschir (car il faisoit moult grande chaleur) & estoit à deux lieuës pres de Saint Yrain. Là estoit messire Regnaud Limosin Marechal de l'ost (qui estoit pourueu de leur venue, & estoit present delez le Roy) & eux, venus deuant luy, se meirent à genoux: & luy dirent ainsi, Tresfredouté Sire, & noble Roy de Castille, nous sommes cy enuoyez de par la pource Communauté de vostre pource ville & Chastellenie de Saint Yrain: ausquels on a donné à entendre que vous estes courroucé grandement sur eux: & ainsi est, ou soit tresfredouté Sire, la coulpe ne vient pas de par eux, mais par les iniures & oppressions, que les Bretons leur ont faites, lesquels estoient en leur ville, & la vostre premierement. Or tous leurs malfaits ne peuuent pas estre tous venus à se fus, cognoissance: & si n'en encoulpōs pas les maistres, Cheualiers, Escuyers, & Capitaines fors ceux, qui les ont faits. Si ont tant fait les pillars Bretons, que merueilles seroit à penser & recorder, & nous ont tenu long temps en sigection grande, en la ville & Chastellenie de Saint-Yrain, dont plusieurs plaintes en venoiet à nous: & en despit de ce, iceux pillars rompoient noz coffres à force de haches, & prenoient le nostre, & violoyēt noz femmes & noz filles, presens nous: & quand nous en parlions, nous estions bartus, ou méhaignez, ou morts. En telle poureté nous auons esté deux mois, ou plus. Pourquoy, tresfredouté Seigneur, & noble Roy, nous vous supplions, se nous vous auons courroucé pour celle cause, ou autrement, qu'il vous plaise à faire faire iustice & loyalle information sur nous, & de nous mener par voye de droit: comme vous nous promistes & iurastes à tenir entierement & franchement, quand vous entraistes premierement Roy en la ville de Saint-Yrain, & que la Seigneurie & possession vous en fut baillée, & vous ferez aumosne. Car, puis que vous y venez, nous adioustons en vous, & en vostre Conseil tant de noblesse & de franchise, que la ville sera, & la trouuerez toute ouuerte à vostre venue, & à vostre pource peuple, qui crie mercy des iniures & oppressions qu'on leur a faites (se vostre magesté Royale & vostre noble Conseil le dit) vueillez donner grace & remission. Le Roy se teut vn petit, & messire Regnaud Limosin parla: & dit, en luy agenouillant deuant le Roy. Trescher, Sire, vous auez ouy vostre peuple de Saint-Yrain complaindre, & demonstrier ce qu'on leur a fait, si en vueillez respondre. Regnaud (dit le Roy) nous sauons bien qu'ils ont iuste cause. Allez, si leur dites qu'ils se lèuent, & s'en voient deuant à Saint-Yrain, appareiller pour nous ce qu'il appartient (car nous y serons ennuit au giste) & au surplus ils seront bien gardez en leur droit. Messire Regnaud Limosin se leua lors: & se retourna vers ceux de Saint-Yrain, & leur dit. Leuez vous. Le Roy, nostre Sire, a bien entendu & conceu ce qu'auetz dit, vous ne voulez que droit & iustice, & il la vous fera. Or allez appareiller deuement la ville à Saint-Yrain pour sa venue: & faites tant qu'il vous en fache gré, car les choses viendront à bien, parmy les bōs moyens que vous aurez en vostre aide. Monseigneur (dirent ils) grand mercy. Lors prirent ils congé du Roy: & s'en retournerent à Saint-Yrain: & recorderent tout ce qu'ils auoient ouy du Roy, & la responce que messire Regnaud Limosin leur auoit faite de par le Roy de Castille, leur Seigneur. Si en furent grandement tous réiouis. Adonc fut la ville appareillée bien richement contre la venue du Roy, & les rues ionchées de fresches herbes. Si y entra le Roy à l'heure de vespres, & se logea au chastel, qu'on dit au Lyon: & ses gens se logerent en la ville (ceux qui loger y peurent) & la greigneur partie aux champs & es villes d'enuiron. Si y fut le Roy biē vn mois, & demoura la chose ainsi, que qui plus y auoit mis, plus y auoit perdu.

Le Roy Jehā de Castille leu son siege de Lissebon ne, se retirant vers S. Yrain.

Remonstrances de ceux de S. Yrain à leur Roy, sur la rebellion, que l'on leur auoit mi-

Le Roy de Castille à saint Yrain.

Comment les Espaignols commencerent à porter enuie aux François & Bearnois, qui estoient venus au secours de leur Roy, & comment cinq cens Anglois arriuerent aussi à l'aide du Roy de Portugal.

CHAP. XII.

ENTANDIS que le Roy se tenoit & seiournoit à Saint-Yrain, vindrent les Gascons de Bearn, à belle compaignie de Gens-d'armes, Messire Regnaud Limosin cheuaucha à

l'encontre d'eux: & les recueillit doucement, & ainsi que bien faire le fauoit: & mena les compaignons deuers le Roy: qui eut tresgrande ioye de leur venue: & cōmanda à messire Regnaud qu'ils fussent bien logez, & à leur aise, car ainsi le vouloit. Il le fit, tellement qu'ils s'en contenterent. Ainsi se porterent les besongnes: & se tint le Roy à Saint-Yrain & toutes ses gens là enuiron: & auoit bien lors le Roy de Castille sur les champs quatre mille Hommes-d'armes, & trente mille hommes d'autres gens. Si appella vne fois les Barons de France, pour auoir conseil à eux, comment il se pourroit maintenir en ceste guerre, car il auoit esté à grans fraiz deuant Lissebonne longuement, & si n'auoit riens fait, & croyez bien, si les Gascons ne fussent là venus, qui encouragerent le Roy, il se fust party de Saint-Yrain, & retrait vers Burges, ou en Galice, car ses gens s'ennuyoient d'estre tant sur les champs. Quand ces Cheualiers de France & de Bearn furēt la venus deuant le Roy, il parla: & dit. Beaux Seigneurs, vous estes tous gens de fait, & appris de guerre. Si vueil auoir conseil, & collation avecques vous, comme ie me pourray maintenir contre les Lissebonnois & Portugalois. Ils m'ont tenu aux champs ià bien vn an, & si n'ay riens exploité sur eux. Le les cuydoie attraire hors de Lissebonne, & en place pour eux combattre: mais ils n'en ont eu nulle volonté. Si veulent mes gens, & me conseillent, que ie donne à toutes manieres de gens congé, & que chacun s'en retourne en son hostel, si vous prie que vous m'en dites vostre auis. Les Cheualiers de France & de Bearn (qui nouuellement estoient venus en l'ost, & qui desiroient les armes, & n'auoiēt encores riens fait, mais vouloient desseruir les gages, qu'ils auoient eus & receus) respondirent, Sire, vous estes vn puissant homme, de terre; & petit vous couste la peine & le trauail de vostre peuple, & par especial, quand ils sont sur le leur. Nous ne disons pas, fils estoient en estrange pays, hors de toutes pourueances, qu'ils ne vous deussent donner ce conseil, mais ils sont icy aussi aises (comme nous pouuōs veoir & cognoistre) que fils estoient en leurs hostels. Ce vous disons (non pas par maniere d'arrest de conseil, car vous estes sage assez, par vostre haute prouidence, pour le meilleur élire) que vous tenez encores les champs, car bien les pouuez tenir iusques à la Saint-Michel: & par auenture s'assembleront voz ennemis, & se tireront sur les champs, quand le moins vous en donnerez garde. Sans faute ainsi seront ils combattus. Nous auons moult grand desir que nous puissions conquerir, car moult nous a cousté de peine & de trauail, de nous & de noz chastreaux, auant que nous soyons venus en ce pays. Si ne ferons ià de l'opinion de voz gens, que nous ne les voyons. Par ma foy (dit le Roy) vous parlez bien & loyaument, & de ceste guerre, & d'autres, i'vferay par vostre conseil dorenavant. Car Monseigneur mon pere, & moy, nous n'y trouuâmes oncques que grande loyauté, & Dieu ayt l'ame de messire Bertrand du Guesclin, car ce fut vn bon & loyal Cheualier, par lequel nous eusmes, en son temps, plusieurs belles & grandes recourances. Les parolles & les Confaux, & toutes les responses, que le Roy Damp Iehan de Castille eut ce iour avecques les Cheualiers de France & de Bearn, furent seues entre les Comtes & les Barons d'Espagne, Si en furent moult courroucez, pour deux raisons. L'une fut, pourtant que le Roy, à son semblant, auoit greigneur fiance aux estrangers, qu'à ceux qui estoient ses hommes liges, & qui l'auoient couronné. L'autre fut, que les Cheualiers de France donnoient conseil au Roy d'eux là tenir: & ils se sentoient tous lassez de guerroyer. Si en parlerent entre eux en plusieurs manieres (non en public, mais en priué) & disoient. Le Roy ne fait guerroyer, sinon par les François: & aussi ne fit oncques son pere. Là commencerent à auoir enuie sur les François: & bien s'en apperceurent les François varlets, & les fourrageurs des Cheualiers François & Gascons, car on auoit ceux de France & du langage logez ensemble, mais, quand les Espagnols estoient en fourrage plus forts que les François, ils leur ostoyent & tolloient leurs pourueances, & estoient battus & méhaignez, tant que les plaintes en vindrent au Roy, & adoncques le Roy en blasma grandement son Mareschal, messire Regnaud Limosin: en disant pourquoy il n'y auoit pourueu. Le Mareschal s'excusa: & dit que (se Dieu luy peust aider) il n'en fauoit riens, & qu'il y pouruoyeroit de remede. Si establit tantost Gens-d'armes sur les champs, qui gardoient les pas, parquoy les fourrageurs François cheuauchioient seurement. Avecques tout ce, il fit faire vn ban & vn commandement, que toutes manieres de gens, qui auoiēt viures & pourueances, les apportassent, ou amenassent en l'ost deuant Saint Yrain, ausquelles choses on mit prix raisonnable. Si en eurent les estrangers largement, car il conuenoit, par l'ordonnance du Roy, qu'ils en fussent seruis, auāt

tous

*Conseil des
François &
Bernois au Roy
de Castille pour
luy faire enco-
res tenir les
champs, & ne
rompre point
son camp.*

*† Je pense qu'il
y fault che-
uaux.*

*Causes de mé-
contentement
et d'enuie des
Espagnols con-
tre les Fran-
çois & Bear-
nois.*

tous autres: dont les Espaignols en eurent moult grand despit. Or auint, en la propre semaine que le Roy de Castille se délogoit du siège de Lissebonne, que trois grosses nefz, chargées de Gens-d'armes Anglois Archers, arriuerent à Lissebonne: & y pouuoient estre enuiron cinq cens, qu'vns qu'autres: & vous dy que les trois parts estoient compaignons auétoureux, hors de tous gages, de Calais, de Cherbourg, de Brest en Bretagne, & de Mortaigne en Poictou: lesquels auoient ouy parler de la guerre de Castille, & du Roy de Portugal. Si estoient venus à Bordeaux, & là assemblez: & disoient, & auoient dit. Alon à l'aventure en Portugal. Là trouuerons nous: qui nous receura, & embesongnera. Messire Iehan Harpedane (qui pour le temps estoit Mareschal de Bordeaux) leur auoit grandement conseillé, car point ne vouloit qu'ils s'armassent au pais de Bordelois, pour demourer, car ils y pouuoient faire plus de mal, que de bien: pource qu'ils estoient compaignons auentureux: qui n'auoient que perdre. De tous ceux, qui pour ce temps arriuerent à Lissebonne, ie n'ouy nommer nuls Cheualiers: mais que trois Escuyers Anglois qui estoient leurs Capitaines, & l'un appelloit on Northbery, l'autre Morbery, & le tiers Huguelin de Harcerelle: & n'y auoit nuls de ces trois qui n'eust d'age plus de cinquante ans: lesquels estoient bons Hommes d'armes, & tous vsagez du fait de guerre. De la venue de ces Anglois furent les Lissebonnois tous réiouis: & aussi fut le Roy de Portugal: qui les voulut veoir. Si vindrent au palais deuers le Roy: qui eut grande ioye, & leur demanda si le Duc de Lancestre les enuoyoit. Par ma foy, Sire (respondit Northbery) long temps a qu'il ne fait riens de nous, ne nous de luy. Nous sommes gens de plusieurs sortes, qui demandons les armes & les auentures. Il en y a de tels, qui vous sont venus seruir de la ville de Calais. Par ma foy (dit le Roy) vous & eux soyez les bien venus, vostre venue me fait grand bien, & grande ioye: & sachez que ie vous embesongneray tantost. Nous auons vn temps esté icy enclos, tant que nous en sommes tous ennuyez, mais nous prendrons la largesse des champs, aussi bien que noz ennemis ont fait. Si responderent ces Capitaines Anglois. Nous ne désirons autre chose, & nous vous priôs que nous puissions bien brief veoir voz ennemis.

Comment le Roy de Portugal fit son mandement pour tenir les champs vers Saint Train,

& comment le Roy de Castille sortit à l'encontre.

CHAP. XIII.

LE Roy de Portugal fit disner de ces nouueaux venus en son Palais de Lissebonne, & commanda que tous fussent logez en la cité bien à leur aise, & tous payez de leurs gages pour trois mois. Si meit le Roy Clercs en œuvre: & fit faire lettres, & enuoyer par tout son Royaume: en mandant & commandant, sur quan qu'on se pouuoit méfaire, que toutes gens portans armes, se tirassent vers Lissebonne. Tous ceux, à qui les lettres vindrent, n'obeirent mie: mais demourerent trop de gens en leurs hostels, car les trois parts du Royaume se dissimuloient à l'encontre de ceux de Lissebonne (pourtant qu'ils auoient couronné ce Roy: qui estoit Bastard) & en disoient les grosses parolles en derriere: & pour le grand trouble & different, que le Roy de Castille & son Conseil y trouuoient, & veoient au pays de Portugal, s'auançoient ainsi, en intention de le conquieser & disoient qu'il n'y conuenoit qu'une iournée de bataille, & se ceux de Lissebonne pouuoient estre ruez ius, le demourant du pays en seroit tout réiouy: & getteroient hors ce maistre Denis, ou ils l'occiroient, & q'c estoit terre de cōquest pour luy, car sa femme en estoit droite héritiere. Assez volontiers & legeremēt se fust deporté de la guerre le Roy Iehan de Castille: mais ses gēs ne le vouloient pas: ains l'enhardissoient, & disoient qu'il auoit iuste cause & querelle à la guerre. Quand le Roy de Portugal veit qu'à son mandement & cōmandemēt trop de son peuple (dont il pensoit à estre seruy) desobeissoient si fut moult pensif & melancolieux. Si appella les plus feables de Lissebonne, & les Cheualiers de son hostel, qui auoient mis peine à son couronnement, & qui auoyent seruy le Roy Ferrand: comme messire Iehan Radigos, & messire Iehā Teste-d'or, le Seigneur de la Figiere, & messire Gomme de Tabeston, Ambroise Condric, & Pierre Condric son frere, & messire Monges de Nauarret, vn Cheualier de Castille: qui estoit tourné Portugalois, car le Roy Damp Iehan l'auoit enchacé hors de son Royaume. Si l'auoit le Roy de Portugal retenu, & fait Capitaine de tous ses Cheualiers. Ace Conseil demonstra le Roy plusieurs choses: & dit, Beaux Seigneurs, qui cy estes, ie say bien que vous estes mes amis, car vous m'avez fait Roy. Or veez vous que plusieurs gēs de mon Royaume à mon besoing s'excusent, & ne les puis auoir pour mettre sur les champs. Si vous dy, en verité, que, si ie les veoye d'aussi bonne volonté comme ie suis pour aller combat-

Arrivée de cinq cens Anglois de Lissebonne, vers le Roy de Portugal.

Le Roy Denis de Portugal encores peu obey de la pluspart de son Royaume

*Salutaire cōseil
de Gomme de
Tabestō au Roy
de Portugal.*

tre mes ennemis, i'en auroye grande ioye : mais nenny, car ie voy qu'ils se refraignent & dissimulent . Si me faut bien auoir conseil sur ce , comme ie me pourray ordonner, & me respondrez vostre auis, & ie vous en prie. Adonc parla messire Gomme de Tabeston, vn Cheualier Portugalois, & dit ainsi. Sire, ie vous dy & conseille, pour vostre honneur, qu'au plustost que vous pourrez vous vous tirez sur les champs, avecques ce que vous aurez de gens, & vous auenturez, & nous aussi : & nous vous aiderons iusques à la mort (car nous vous auons à Seigneur & Roy de ceste ville) & s'il y a en Portugal aucuns rebelles ou arrogās à vous, ie dy, aussi dient plusieurs autres de ceste ville, que c'est pour la cause de ce qu'on ne vous a encores point veu cheuaucher, ne monstrier visage à voz ennemis, vous auez iusques à cy la grace & la renommée d'estre vaillant homme aux armes, & au besoing vostre vaillance vous faut, C'est ce qui a fait enorgueillir voz ennemis, & refroidir voz sugetz, car s'ils veoient en vous fait de vaillance & de prouesse, ils obeyroient, & vous douteroient, & aussi feroient voz ennemis. Par mō chef, dit le Roy vous parlez bien, & il est ainsi, & ie vous dy, messire Gomme, que tantoit on face appareiller noz hommes, & ordonner chacun selon luy, car nous cheuaucherons tantoit, & ferons visage à noz ennemis, ou nous gaignerons tout à ceste fois, ou nous le perdrons. Monseigneur (respondit le Cheualier) il sera fait, car, se vous auez la iournée pour vous & Dieu vous enuoye bonne fortune, vous demourerez Roy de Portugal pour touiours : & si en ferez prisé & honoré es estranges terres, ou la cognoissance en viendra : & au parfait de l'heritage vous ne pouuez venir, si ce n'est par bataille, & exemple vous en fay par le Roy Damp Henry, vostre cousin, le pere de Iehan, qui est Roy à present de toute Castille, d'Espaigne, de Tolette, de Galice, de Cordoue & de Seuille. Il vint à tous ses heritages par bataille, ne iamais il n'y fust venu autrement, car vous sauez comment la puissance du Prince de Galles & d'Aquitaine remit le Roy Damp Pietre, vostre cousin, en la possession des terres encloses dedans les Espaignes, & depuis par vne iournée de bataille, qu'il eut deuant † Montiel contre luy, il perdit tout, & fut iceluy Roy Henry en possession, comme deuant. A laquelle iournée il fauentura foy & les siens. Tout ainsi vous faut il auenturer, si vous voulez viure à honneur. Par mon chef (dit le Roy) vous dites voir, & iamais ne vueil auoir autre cōseil, que cestuy, car il nous est profitable. En celuy estat se departit le Parlement, & fut ordonné que dedās trois iours on se mettroit sur les champs, & prendroit on terre & place, pour attendre les ennemis, & tint on trois iours les portes de Lissebonne si closes, qu'oncques homme, ne femme, n'en faillit ; car le Roy ne les Lissebonnois, ne vouloient pas que les ennemis seussent leur intention, ne leur conuenant. Quand les Anglois, qui là estoient, entendirent qu'on cheuaucheroit, & qu'on iroit deuers Saint-Yrain, ou le Roy de Castille & ses gens estoient, si en furent moult réiouis. Adonc toutes gens firent appareiller leurs armeures, & les Archers leurs arcs & leurs sagettes, & tous les autres selon ce que besoing leur estoit, & se partirent à vn Ieudy, apres boire, de la cité de Lissebonne, & se meirent sur les champs, & se logerent, ce iour, sur vne petite riuere, à deux lieuës de Lissebonne, le Roy & tout son ost, ayans les visages vers Saint-Yrain, & disoient tous, de grande volonté, que iamais en Lissebonne ne retourneroient, si auroient veu leurs ennemis : & que mieux valoit qu'ils requissent à leurs ennemis bataille, que leurs ennemis vinssent sur eux. Car on auoit veu plusieurs signifiances des requerans & des non requerans, & que contre cinq les quatre auoient obtenu la place, & que presque pour toutes les victoires des Anglois, qu'ils auoient eues en France sur les François, ils auoient requis, & qu'ō est par nature plus fort & mieux couragé en assaillant, qu'on n'est en deffendant. De ceste opinion estoient ils tous, ou en partie, & en deuisoient là aucuns des Bourgeois de Lissebonne, & disoient ainsi. Nous estions, en ce temps que les Gandois vindrent deuant Bruges requerre & combattre le Comte de Flandres & sa puissance, en ladite ville, & sauons bien que Philippe d'Arteuelle, Pietre du Bois, Iehan Cliquetiel, François, Attremé, & Pierre le Neutre (qui estoient lors les Capitaines des Gandois) ne menerent, ny ne meirent hors de Gand, que sept mille hommes, en requerant la bataille à leurs ennemis : & en déconfirēt onze mille. C'est chose toute veritable, n'oncques n'y eut trahison, fors, à bonne fortune & auenture, qui fut pour les Gandois au iour de la bataille, qui fut vn Samedy deuant Bruges, à vne grosse lieuë pres, si comme nous leur ouismes dire le lendemain, quand ils eurent conquis la ville de Bruges. Si se confortoiēt autant du perdre que du gaigner & ainsi deuons nous auoir cueur : si nous voulons faire bon exploit d'armes. Ainsi se deuisoient

† Ce mot est remis selō ce, que nous auons quōté en quelque lieu de la marge du 265. ch. du prem. Vol.

*Le Roy Denis
de Portugal
hors de Lissebonne, cherchant
les Espaignols
ses ennemis.*

uisoient les Lissebonnois ce leudy, l'un à l'autre: dont le Roy, quand il fut informé de leurs parolles & de leur grand confort, il en eut grande ioye. Quand ce vint le Vendredy au matin, on sonna les trompettes en l'ost du Roy de Portugal. Tous s'appareillerent & ordonnerent: & prirent le chemin à dextre, en suyuant la riuere & le plain pays, pour le charroy, qui les suiuit, & les pourueances: & cheminerent quatre lieues. Nouuelles vindrent au Roy de Castille ce Vendredy la, ou il se tenoit à Sainct Yrain, que les Portugalois & le Roy † Denis (que ceux de Lissebonne auoient couronné) estoient hors de Lissebone, & cheuauchent vers luy. Ces nouuelles s'épandirēt tātost parmy leur ost: dont eurent Espaignols, François & Gascons, grande ioye: & dirent entre eux. Veez là ces Lissebonnois vaillans gens: quād ils nous viennent cōbattre. Or tost metton nous sur les champs, & les encloons, se nous pouuons: à fin qu'ils ne retournent, car se nous pouuons, jamais pié n'en retournera à Lissebonne. Adoncques fut ordonné & publié parmy l'ost, à trompettes, que le Samedy au matin on fust tout prest à pié & à cheual, & que le Roy partiroit & iroit combattre ses ennemis. Tous s'ordonnerent, & monstre-
rent qu'ils auoyent grande ioye de ceste iournée, & de ceste auenture. Quand ce vint le Samedy au matin, on sonna trompettes à grande foison, parmy l'ost, & ouyt le Roy messe au chastel, & puis beut vn coup, & aussi firent tous les gens, & monterent tous à cheual, & se tirerent sur les champs en bonne & belle bataille, & en bonne ordonnance. Messire Regnaud Limosin, Marechal de l'ost, estoit tout deuant. Si furēt enuoyés leurs Coueurs à cheuaucher & auiser le conuenant de leurs ennemis, & quelle part on les trouueroit, & quelle quantité, par auis, ils pouuoient estre, & y furent enuoyez, par les François, deux Escuyers: l'un Bourgongnon, & l'autre Gascon. Le Bourgongnon estoit nommé Guillaume de Montigny (& estoit avecques messire Iehan de Ric) & le Gascon de Bearn, Bertrand de Barge (& furent tous deux ce iour Cheualiers) & avecques eux vn Chastelain de Castille, & bō Homme-d'armes: qui s'appelloit Pierre Ferrād de Medine, & estoit monté sur vn genet leger, & bien courant à merueilles. Entendis que ces trois Cheualiers cheuauchoyent les champs, auant & arriere, pour auiser le contiennement des Portugalois, le grand ost (ou il, y auoit largemēt deux mille Lāces, Cheualiers & Escuyers Gascons, Bourgōgnons, François, Picards, & Bretōs, aussi biē arroyez, & appareillez, & armez de toutes piēces, que nulles Gēs-d'armes pourroient estre, & biē vingt mille Espaignols, & tous à cheual) cheuauchent tout le pas. Si n'auoient pas cheuauché le trait d'un arc, quand ils s'arrestèrent. D'autre part le Roy de Portugal auoit enuoyé trois Coueurs & Cheuaucheurs, pour auiser iustement & clerement l'ordonnance & contiennement des Espaignols: dont les deux estoient Anglois, Escuyers, & apperts Hommes-d'armes. L'un estoit nommé Iaquin d'Artebery, & l'autre Philippe Barqueston, & avecques eux vn Portugalois, nommé Ferrand de la Gresse. Tous estoient bien montez, & cheuaucherēt ces trois si auant, qu'ils auiserēt, d'un tertre ou ils estoient montez, & embuschez entre arbres, ou on ne les pouoit veoir pour les fueilles, tout le conuenāt des Espaignols. Or retournerent deuers le Roy de Portugal & son Cōseil ces trois Cheuaucheurs dessus-nomez: & là trouuerent tout l'ost dessus les champs. Si firent record & relation de leur cheuauchée, en disant. Sire, nous auons esté si auant, que nous auons veu le contiennement de voz ennemis: & sachez qu'ils sont grans gens, & y a bien trente mille cheuaux. Si ayez sur ce auis. Adonc demāda le Roy, Cheuauchent ils tous en flotte? Nenny, Sire, ils sont en deux batailles. Adonc retourna le Roy de Portugal deuers ses gens, & dit tout haut. Auisez cy trestous, car icy ne faut point de coura-dise, & nous nous combattons tantost, car noz ennemis cheuauchent, & ont grāde volonté de nous trouuer. Si nous trouuerōt, car nous ne pouuōs fuyr, ne retourner. Nous sommes issus hors de Lissebonne grande foison de gens. Or pensez de bien faire, & de vous vendre, vous m'avez fait Roy. Auourd'huy ie verray si la couronne de Portugal me demourera paisible, & soyez tous seurs que iā ne fuiray, mais attendray l'auenture avec vous. Et ils respondirent, Dieu y ayt part: & nous demourerons aussi tous avecques vous. Adonc furent appelez Northbery, Harteselle, & aucuns autres, des plus vsagez d'armes, & qui le plus auoient veu. Si leur fut demandé quel conseil ils donnoient pour attendre l'auenture de la bataille. Car il estoit vray que combattre les conuenoit, car leurs ennemis les approchoient fort: qui estoient grande foison, & bien quatre contre vn. Donc respondirent les Anglois, & dirent. Puis que nous aurōs la bataille, & qu'ils sont plus de gēs que nous ne sommes, c'est vne chose mal partie. Si ne les pouuōs con-

† Il y auoit icy Iehan. Sur quoy vous sote-
 uiendra de ce que i'ay anno-
 té au commen-
 cement du 10.
 chap. du presēt
 volume.

Le Roy Iehan
 de Castille sort
 de Sainct Train
 pour aller ren-
 contrer ses en-
 nemis.

querre, fors que pour prendre auantage des hayes & des buissons. Si nous faites aller cel le part, ou nous nous fortifierôs par telle maniere, que vous verrez que nous ne serôs pas si legers à entamer & à entrer en nous, comme si nous fussions emmy ces plains. Lors dit le Roy. Vous parlez sagement, & il sera ainsi fait, comme vous dites.

Comment les Portugalois se fortifierent pres l'eglise de Iuberoth, par le conseil des Anglois, & comment le Roy Iehan de Castille résolut de les aller combattre, par l'avis des François & Bearnois, dont continua l'enuie & la haine des Espaignols contre iceux.

CHAP. XIII.

Description de la ville, ou village, de Iuberoth.

Fortification du camp des Portugalois, pres l'eglise de Iuberoth.

Harangue du Roy de Portugal à ses gens, peu deuant la bataille de Iuberoth.

Promesse des Portugalois à leur Roy, estâs tous en deliberation de bien combattre.

AV conseil des Anglois se sont arrestez le Roy de Portugal & les Lissebonnois, & ont getté leurs auis ou ils se tireroient. Vous deuez sauoir qu'assez pres de là, ou ils estoient, sied la ville de Iuberoth, vn grand village, auquel les Lissebonnois auoyent enuoyé leurs pourueances, leurs sommiers, & aussi leur charroy, car ils auoyent intention que ce soir ils y viendroyent loger (eussent bataille ou non) si du iour ils pouuoient isfir à honneur. Au dehors de la ville, ainsi comme au quart d'une lieuë ou enuiron, à vne grande Abbaye de Moines: ou ceux de Iuberoth, & autres villes, vont à la messe, & sied ceste eglise vn petit hors du chemin, en vne motte, enuironnée de grâs arbres, de hayes, & de buissons: & y a fort lieu, parmy ce qu'on y aida. Adoncques fut dit, en la presence du Roy & de son Conseil, & des Anglois, qui là estoient presens appelez (car, combien qu'ils ne fussent qu'un petit, si vouloit le Roy grandement ouurer par leur conseil) Sire, nous ne sauons pres d'icy lieu plus propice, qu'est Iuberoth, lez le monstier, entre ces arbres. Il sied en forte place assez, avecques ce qu'on y pourra bien faire & aider. Ceux, qui congnoissoient le pays, dirent. C'est verité. Lors dit le Roy. Tiron nous celle part, & nous ordonnon là par telle maniere & par tel conseil, que bons Gens-d'armes doiuent faire: parquoy noz ennemis, quand ils viendrôt sur nous pour combattre, ne nous trouuent pas dégarnis, ne depourueus de conseil, ne d'auis. Tantost fut fait. On se tira le petit pas, deuers Iuberoth, & vindrent en la place de l'eglise. Adoncques virent le lieu les Anglois, & messire Monges de Nauarret, & aucuns vaillans hommes de Portugal & de Lissebone, qui estoient là allez, pour mieux auiser tout à l'environ. Si dirent les Anglois. Veez cy lieu assez fort, parmy ce qu'on y aidera, & pourrions bien seurement & hardiement attendre icy l'auenture. Lors firent ils, au costé deuers les champs, abbatre les arbres, & coucher de trauers, à fin que de plain on ne peust sur eux cheuaucher, & laisserent vn chemin, qui n'estoit pas d'entree trop large, & meirët ce qu'ils auoient, tant d'Archers que d'Arbalestiers, sur les deux aëles de ce chemin: & les Gens d'armes, tout de pié, au beau plain, & le monstier de leur costé: auquel le Roy de Portugal se tenoit: & auoient desia mis leur estendard, & les bannieres du Roy. Quand ils se virent ainsi ordonnez, ils eurent grande ioye: & si l'plaisoit à Dieu, ils estoient bien, & en place pour eux tenir longuement, & faire bonne iournée. Si leur dit le Roy, Beaux Seigneurs soyez huy tous preudhommes, & ne pensez point au fuir, car la fuite ne vaudroit riens, vous estes trop loing de Lissebonne, & avecques tout ce, en chace & en fuite n'a nul recouurer, car trois en abbattroient & occiroient douze en fuyant. Si môstrez huy que vous estes gens d'arest & de prouesse, & védez voz corps aux espées & aux armeures: & imaginez en vous que se la iournée est à nous, ainsi comme si sera, si Dieu plaist, nous serons moult honnorrez: & parlera l'on de nous en plusieurs pays, ou les nouvelles irôt, car tousiours on exauce les victorieux, & abaïsse l'on les déconfits, & pensez à ce que vous m'avez fait Roy, si en deuez estre plus hardis & plus courageux, & soyez tous certains, que tant que ceste hache me durera en la main, ie me combattray: & s'elle me faut ou brise, i'en recouureray vne autre: & monstreray que ie vueil garder & deffendre la couronne de Portugal pour moy, & pour le droit que i'y ay par la succession de Monseigneur mon frere, laquelle ie dy, & pren sur l'ame de moy, qu'on me trauaille à tort, & que la querelle est mienne. A ces parolles respondirent tous ceux de son pays, qui ouy l'auoient, & dirent, Sire Roy, de vostre grace & mercy vous nous admônestez sagement, & doucemēt que nous soyons tous preudhommes, & que tous vous aidons à garder & deffendre, ce que nous vous auons donné, & qui est vostre. Si sachez que tous demourerons avec vous, ne de la place, ou nous sommes arrestez, ne partirons, se nous ne sommes tous morts.

Faites vn cry à vostre peuple, qui cy est: car tous ne vous ont pas ouy parler que nul sur sa vie, ne soit si hardy de fuir: & si y a homme de petit courage, qui n'ose attendre

dre l'aventure de la bataille, si se tire auant: & luy donnez congé de partir d'avecques les autres (car vn mauuais cueur décourage deux douzaines de bons Gens-d'armes) ou qu'on leur face trencher les testes en vostre presence: & donneront exemple aux autres. Le Roy respondit. Je le vueil. Adonc furent deux Cheualiers ordonnez, de par le Roy de Portugal, pour enchercher tous les hommes qui là estoient, & aussi d'eux admonester, & enquerir se nuls s'ébahissoient, en attendant la bataille. Les messagers rapporterent au Roy, quand ils retournerent, que tout par tout, ou ils auoient esté visiter par Conestablies, ils n'y auoient trouué homme, par apparence qu'on y veist, qui ne fussent tous gens pour attendre la bataille. Tant vaut mieux, dit le Roy. Adoncques fit le Roy demander parmy l'ost, que quiconque vouloit deuenir Cheualier, se tiraist auant, & il luy donneroit l'ordre de Cheualerie, au nom de Dieu & de Saint George, & me semble (selon ce que ie fu informé) qu'il y eust là fait soixante Cheualiers nouveaux desquels le Roy eut grande ioye, & les mit au premier front de la bataille, & leur dit, au departir de luy. Beaux Seigneurs, l'ordre de Cheualerie est si noble & si haute, q' nul cueur fauroit péser, & ne doit Cheualier estre à ordure, n'a villeté, n'a couardie, mais doit estre fier & hardy comme vn lyon, quand il a le bacinet en la teste, & il voit ses ennemis, & pource que ie vueil que vous monstrez huy prouesse là ou il appartiendra à monstrier, ie vous enuoye & ordonne au premier chef de la bataille, & faites tant que nous y ayôs hōneur, & vous aussi, car autrement voz esperons ne seroiēt pas biē assis. Chacun nouveau Cheualier respondit à son tour, & disoiēt en passant outre, Sire, nous ferons bien (si Dieu plaist) tant, que nous en aurons la grace & l'amour de vous. Ainsi s'ordonnerent les Portugalois que ie vous dy, & se fortifierent pres de l'eglise de Iuberoth en Portugal, & n'y eut ce iour nuls Anglois, qui voussissent estre Cheualiers. Si en furent bien les aucuns requis & admonestez du Roy: mais ils s'excusent pour ce iour. Or retournerons nous deuers le Roy Damp-Iehan de Castille, & vers les Cheualiers & Escuyers & Gés-d'armes de France & de Gascongne, qui là estoient, & vous parlerons de la contenance des Espaignols, & comment ils s'ordonnerēt. Les Cheualiers de leur costé (lesquels ils auoient enuoyez, pour auiser leurs ennemis) rapporterent telles nouuelles, en disant ainsi, Sire Roy, & vous Barons & Cheualiers, qui estes presens, nous auons cheuauché si auāt, que proprement nous auons veu noz ennemis, & selon ce que nous pouuons auiser & considerer, ils ne sont pas dix mille hommes en toute somme: & se sont tirez vers le monstier de Iuberoth, & droit là se sont arrestez, & mis en ordonnance de bataille: & là les trouuera l'on, qui auoir les voudra. Adonc appella le Roy de Castille son Conseil, & par especial les Barons & Cheualiers de France: & leur demāda quelle chose en estoit bonne à faire. Il fut respondu en l'heure, Sire, il est bon qu'ils soient combattus. Nous n'y veons autre chose, car, selon ce qu'ont rapporté noz Cheuaucheurs, ils sont effrayez, & en grād doute, pource qu'ils se sentēt loing de toutes forteresses, ou ils se puissent retraire. Lissebonne leur est loing, à six lieuës. Il n'y peuuent courir à leur aise, qu'ils ne soient rateins sur les chemins, s'ils ne prenoient le soir, à l'auantage de la nuit. Si conseillons, Sire Roy, puis que nous sauons ou ils sont, que nous ordonnons noz batailles, & les allons combattre, entandis que voz gens sont entalentez de bien faire. Lors demanda à ceux de son pays leur opiniō (c'est assauoir à Messire Dangōmes Mendāt, messire Digho Persement, Pierre Gouffart de Montdasque, à Pierre Ferrand de Valesque, & au Grand maistre de Calatraue) lesquels responderent à la parolle du Roy, & à sa demāde, & dirēt Monseigneur, nous auons bien entendu ces Cheualiers de France, & oyons, & voyons qu'ils vous conseillent à aller chaudement contre voz ennemis. Nous voulōs bien que ils sachent, & vous aussi, que deuant que nous soyons iusques là, il sera nuit, car vous veez le soleil, qui tourne: & n'auons pas encores ordonné noz batailles. Si est bon que nous attendons le matin, & les approchons de si pres, que nous sachons par noz espies & par noz Cheuaucheurs, que nous espartirons sur les champs en plusieurs lieux, leur conuenant, afin que, si il auient ainsi que sur le point de minuiēt ils se délogent, & veulent retraire, nous deslogions aussi: & ne nous peuuent fuyr, n'échaper. Ils sont en plain pays. Il n'y a place, ne lieu fort, excepté le lieu de Lissebonne, que nous ne les puisions auoir à nostre aise: & ce conseil nous vous donnons. Adoncques le Roy se tint vn petit quoy: & baissa sa veuē en terre, & apres regarda sur les estrangers, & lors parla messire Regnaud Limosin (lequel estoit, si comme vous sauez, Marechal de l'ost) & dit, pour cōplaire aux François, en langage Espaignol, afin qu'il fust mieux ouy de tous (car

*Cheualiers
faits par le Roy
de Portugal,
deuant la ba-
taille de Iube-
roth.*

*Conseil des
François au
Roy d'Espa-
gne, pour aller
combattre ses
ennemis en
leur fort.*

*Avis des Es-
paignols, pour
différer le com-
bat iusques au
lendemain.*

*Regnaud Li-
mosin, Maref-
chal de l'ost du
roy d'Espaigne
rabbar l'aduis
des Espaignols
et exalte celui
des François.*

bien il le sauoit parler, tant auoit il longuement esté nourry entre eux) & tourna sa parolle sur les Espaignols: qui delez le Roy estoient, & qui ce conseil donné auoient. Vous Seigneurs (si les nomma par noms & par surnoms, car bien les congnoissoit) comment pouuez vous estre plus sages de batailler, ne mieux vsagez d'armes, que ces vaillans Seigneurs & Cheualiers, qui sont presens? Cōment pouuez vous deuiser par sur eux, n'ordonner chose qui soit de nulle valeur: car ils ne firent oncques en leur vie autre chose, qu'eux trauailler de Royaume en Royaume: pour trouuer & auoir faits d'armes, Comment pouuez vous, ou osez, riens deuiser sur leurs parolles, ne dedire leur auis? qui est si haut & si noble, que pour garder l'honneur du Roy & de son Royaume: auquel vous auez plus grande part qu'ils n'ont (car vous y auez voz héritages, & voz corps: & ils n'y ont seulement que leurs corps singuliers) & lesquels tout premierement se veulent auenturer & ià ont requis au Roy, & prié, qu'ils ayent la premiere bataille, & le Roy les en a repudiez. Or regardez donc la grande volonté d'eux: quand tous premiers pour vous ils se veulent, & offrent, auenturer. Il pourroit sembler à aucuns que vous auriez enuie sur eux, & que vous ne voudriez pas que profit & honneur leur vinst, ou le Roy eust victoire sur ses ennemis, qui l'ont guerroyé par plusieurs fois: tant qu'ils fussent avec vous & bons Gens-d'armes, qui tendent à perfection d'honneur, ne doiuent pas cela regarder ne couuoiter: mais estre tous d'un accord & d'une volōté. En outre, encores par vous & par vostre cōseil est le Roy, qui cy est, sur les chāps, & s'est tenu longuemēt, à grans coustanges, & à tresgrans frais de luy & de ses gēs, au siège de Lissebōne, n'onc il ne peut auoir l'auenture de guerroyer, ou faire bataille, iusques à ce que Denis (qui s'écrit Roy de Portugal, & qui n'a nul droit à la courōne, car il est bastard, non dispensé) se soit trait sur les champs. Or y est il maintenant, à tout ce qu'il a d'amis, mais planté ne sont ils pas, & fil auient qu'ils se retirent cauteleusement, & que nous les perdiōs, & que point ne soiēt cōbattus, vous vous mettez en auenture que le peuple de ce pays vous coure sus, & vous occie, ou que le Roy ne vous tienne pour trahistres, & vous face decapiter, & confisquer voz terres. Si ne voy nul bon moyen pour vous, fors que le taire, & laisser cōuenir ceux, qui ont veu plus que vous de telles besongnes, que vous ne vistes oncques, ny ne verrez iamais. A ces parolles leua le Roy d'Espaigne sa face, & fut par sēblāt réiouy des parolles, que messire Regnaud eut dites: & les Espaignols furent tous ébahis, & cuiderent, pour l'heure, auoir plus mépris, qu'ils ne firent, & combien que le Cheualier les reprist & leur allast au contraire, si auoient ils bien parlé, & loyaument cōseillé le Roy, si qu'on ne pouuoit mieux: mais vaillance & franchise le fit parler, en cōplaisant aux François & aux estrangers: dont il y auoit grande foison, qui desiroient la bataille. Tous se teurent: & le Roy parla: & dit. Je vueil que au nom de Dieu, & de Monseigneur Saint-Iaques, soient combattus noz ennemis: & ceux, qui veulent estre Cheualiers, se tirent auant, & viennent, car ie leur donneray l'ordre de Cheualerie, en l'honneur de Dieu & de Saint George. Là se tirerent auant moult grande foison d'Escuyers de France & de Bearn: & là furent faits Cheualiers, de la main du Roy, messire Roger d'Espaigne, Aymō fils de messire Roger, & de la Comté de Foix, messire Bertrand de Barroge, messire Pierre de Salbiere, messire Pierre de Valentin, messire Guillaume de Quer, messire Angiers de Sollenaire, messire Pierre de Vaude, messire Guillaume de Mondigy, & tant d'uns & d'autres, qu'il en y eut bien cent & quarante: lesquels prirent de grande volonté l'ordre de Cheualerie: & mirent hors premierement aucuns Barons de Bearn leurs bannieres, avec plusieurs de Castille, & aussi messire Iehā de Rire. Là peussiez veoir, entre ces nouveaux Cheualiers, toute iolueté & appertise: & se maintenoiet si bellemēt & si courtoisement, que grande plaissance estoit d'eux regarder, & estoient (cōme ie vous dy) vne belle & grosse bataille. Si s'en vindrent deuant le Roy le Sire de † Lōgiach, & les autres, de quelque nation qu'ils fussent (puis qu'ils n'estoient point des Espaignols, & qu'ils n'estoient point du pays, on les nommoit tous, & tenoient qu'ils estoient estrangers) & dirent au Roy, & requierent eux tous ensemble, & mesmement les plus nobles, armez de toutes pieces, hors mis le bacinet, Sire Roy, nous sommes de grand volōté, & de loingtain pays, venus vous seruir. Si nous faites telle grace, que nous ayons la premiere bataille. Je la vous accorde (dit le Roy) au nom de Dieu & de Saint Iaques & de Monseigneur Saint George: qui soient en vostre armée. Lors dirent les Espaignols, tout bas, l'un à l'autre, Regardez, pour Dieu, regardez cōment nostre Roy se confie du tout en ces François. Il n'a nulle parfaite fiāce à autrui. Ils aurōt, & ont la premiere bataille. Il ne no^e present

*Resolution du
Roy d'Espai-
gne, pour aller
incontinēt as-
saillir les Portu-
galois en leur
fort de Iube-
roth.*

*† il l'a surnom-
mé de Lin-
gnach au ch.
10. du premier
volume.
La premiere
bataille otroyée
aux estrangers
du party d'Es-
paigne, par le
Roy, dont les
Espaignols fu-
rent méchan-
tēt ennemis,
à la ruine des
uns et des au-
tres.*

sent pas tant, qu'ils nous appellēt avec eux. Ils font leur fait & leur arroy tout à part eux & nous ferōs le nostre tout à part nous, & par Dieu, nous les laisserōs cōbattre, & conuenir de leur emprise. Ne se font ils pas ià vantez, qu'ils sont assez gens pour déconfire les Portugalois? Or soit ainfi. Nous le voulons bien. Mais ce seroit bon que nous demādissons au Roy, s'il veut demeurer avec nous, ou aller avec les François. Là furent en murmure ensemble longuement, pour sauoir s'ils luy demanderoient, ou s'ils se traiteroient, car ils redoutoyent grandemēt les parolles de messire Regnaud Limosin. Toutefois, tout considéré, ne veoient ils point de mal à luy demander. Si s'auancerent fix des plus notables, & des plus prochains de son corps: & en luy enclinant, luy demandārent ainfi. Tresnoble Roy, nous voyons bien, & entendons par apparens signes, que nous aurons au-iourdhuy la bataille à voz ennemis. Dieu doint que ce soit à l'honneur & victoire de vous: comme nous le desirons grandement. Or voulons sauoir ou vostre plaisir gist le plus, ou à estre avec les François, ou avec nous. Nēny, dit le Roy. Beaux Seigneurs, se ie m'accorde à la bataille auoir (avecques ces Cheualiers & Escuyers de France, qui me sont venus seruir, & qui sont vaillans gens, & pourueus de conseil, & de grand confort) pour ce ie ne renonce pas à vous: mais vueil demourer avec vous, si m'aidez à garder. De ceste responce eurent les Espaignols grande ioye, & se contentèrent grandement, & dirent. Monseigneur, ce ferons mon: ne ià ne vous faudrōs iusques à la mort. Car nous le vous auons iuré & promis par la foy de noz corps, au iour de vostre couronnement, car nous aimāmes tant le bon Roy vostre pere, que nous ne vous pourrions faillir par voye nulle quelcōque. C'est bien nostre intentiō, dit le Roy. Ainfi demoura le Roy d'Espaigne, avec ses gens, ou bien auoit vingt mille cheuaux, tous couuerts de fer. Messire Regnaud Limosin estoit en la premiere bataille, & c'estoit son droit qu'il y fust, puis qu'il estoit Mareschal.

De la bataille de Iuberoth: en laquelle les François & Béarnois du party de Castille furent tous deconfits & tueꝝ par les Portugalois, en faute d'estre assez tost secourus des Espaignols, leurs ennieux, qui puis apres encoururent aussi presque en mesme auenture. CHAP. XV.

LE Samedy faisoit beau iour & cler, & estoit ià le soleil tourné sur le point de vespre, quand la premiere bataille vint deuant Iuberoth, à l'encontre du lieu, ou le Roy de Portugal & ses gens estoient ordonnez en arroy. Des Cheualiers François auoit bien largement deux mille Lances, aussi friskes & habilles gens, qu'on pourroit demander. Aussi tost comme ils virent leurs ennemis, si se ioignirent ensemble, comme gens de fait & de bonne ordonnance, & qui bien sauoient quelle chose ils deuoyent faire, & approcherent de si pres, comme iusques au trait d'un arc. Là eut, de premiere venue, dure rencontre, car ceux, qui desiroient à assaillir, & acquerir grace, & prix d'armes, se boulerent de grande volonté en la place, que les Anglois, par leur sens & par leur art, auoiēt fortirée. En entrant dedans, pourtant que l'entrée n'estoit pas bien large, eut grād' presse & grand méchef pour les assaillans, car ce, qu'il y auoit d'Archers d'Angleterre, tiroient si roidement & si tost, que leurs cheuaux en estoient tous coufus des saiettes, & méhaignez, & cheoyent l'un sur l'autre. Là venoient Gens-d'armes Anglois (si peu qu'il en y auoit) & avecques eux Portugalois & Lissebonnois, en escriant leur cry, Nostre-Dame de Portugal, qui tenoyent en leurs poings lances affilées de fers de Bordeaux, trenchans & persans tout outre: qui abbattoient, & pouloyent, & nauoyent Cheualiers & Escuyers. Là fut le Sire de † Lanach de Bearn abbatu, & sa banniere conquise, & fiancé prisonnier, & de ses gēs grande foison morts, & pris. D'autre part messire Iehan de Re, messire Geoffroy Richon, messire Geoffroy de Partenay, & tous leurs gens, estoient entrez en ce fort, à telle peine, q̄ leurs cheuaux (qui estoient naurez du trait des Archers) cheoient deffous eux. Là estoient Gens-d'armes de leur costé en grand dāger, car ils ne pouuoient aider l'un à l'autre, & si ne se pouuoient élargir pour eux deffendre, & combattre à leur volōté, & vous dy que Portugalois (qui virent le méchef auenir sur les premiers requerans) y furent aussi frais, & aussi legers à combattre, que nulles gens pouroyent estre. Là estoit le Roy de Portugal, ses bannieres deuant luy, monté sur un tres-grand courfier, tout paré des armes de Portugal, & auoit grande ioye du méchef & de la desconfiture, qu'il veoit auenir sur ses ennemis, & à la fois, pour réiouir & reconforter ses gens, se rioit tout haut, & disoit. Auant, bonnes gens, deffendez vous, & combattez de grande volonté, car se plus n'en y a que ceux cy, nous n'auons garde, & se ie me con-

Le Roy d'Espaigne demenre avec ses gēs en sa seconde bataille.

Les François assaillent les Portugalois de dans leur fort.

† Choisissez lequel vous semblera le meilleur de Linnach au ch. 10. & Lomgiach au cha. prem. Itē aussi de Iehan du Ru, au chap. 10. de Ric, au cha. 13. & tātost icy Ichā de Re, ou de Ré.

gnu oncques en ordonnance de bataille, ceux-cy seront nostres. Ainsi reconfortoit ce Roy de Portugal ses gens, qui se combattoient vaillamment, & auoyent en leur fort ià enclos les premiers venans & assaillans: desquels ils mettoient grande foison à mort. Bien est verité que la premiere bataille, dont ie fay mention (que ces Cheualiers de France & de Bearn conduisoient) cuidoient estre autrement, & plus prestement, confortez des Espaignols, qu'ils ne furent, car se le Roy de Castille & sa grande route (ou bien auoit vingt mille hommes) fussent venus, par vne autre part: assaillir les Portugalois, on dit bien que la journée estoit pour eux, mais ils n'en firent rien, pour quoy ils eurent blâme & dommage. Aussi, au vray dire, la bataille s'assembla trop tost: mais ils le faisoient, pour tant qu'ils en vouloient auoir l'honneur, & pour les parolles tenir en vray & en grace: lesquelles auoient esté dictes deuant le Roy. D'autre part les Espaignols (si comme ie fu informé) se faignoient de non venir si tost, car ils n'auoyent pas bien en grace les François, & auoient ià dit auant, Laissez les conuenir & lasser. Ils trouueront bien à qui parler. Ces François sont trop grans vanteurs & hautains: n'aussi nostre Roy n'a fiance parfaicte, fors en eux: & puis qu'il veut & consent qu'ils ayent l'honneur de la journée pour eux, nous leur laisserons bien auoir, ou nous l'aurons tout entierement à nostre entente. Par ce party se tenoient les Espaignols en vne grosse bataille (ou bien auoit vingt mille hommes) tous quois sur les champs: & ne vouloient aller auant: dôt bien ennuyoit au Roy: mais amender ne le pouuoit. Car les Espaignols disoient (pour tant que nul ne retournoit de la bataille) Monseigneur, c'est fait. Ces Cheualiers de France ont déconfit voz ennemis. La journée & honneur de la victoire sera pour eux. Dieu le doint, dit le Roy. Or cheuauchon vn petit auant. Lors cheuaucherent ils le long d'un trait d'arbaleste, & puis s'arrestèrent. Au vray dire, c'estoit grande beauté de veoir leur contienement: tant estoient bien montez & bien armez de toutes pièces. Entendis les François se combattoient, & ceux qui estoient descendus de leurs cheuaux, & qui tant de loisir auoyent de descendre, & sachez que plusieurs Cheualiers & Escuyers y firent de grans appertises d'armes, de l'une part & l'autre, & quand leurs lances leur failloyent, ils se prenoient aux haches, & en donnoient, dessus les bacinets, de moult horribles horions: dont ils se méhaignoient & occioient l'un l'autre. Qui est en tel party d'armes, comme les François & Portugalois estoient à Iuberoth, il faut qu'il attende l'auenture, fil ne veut fuyr, & en fuyant, auiet qu'il y a plus de peril, qu'au plus fort de la bataille, car en fuyant, on fiert, on chace, on tue: & en bataille, quand on voit qu'on a du pis, on se red. Sy y est-on bien gardé, pour estre prisonnier. On ne peut pas dire, ne recorder, q̄ les Cheualiers & Escuyers de France, de Bretaigne, de Bourgogne, & de Bearn, qui là estoient ne se combattissent tresvaillamment: mais ils eurent de premiere venue trop dure rencontre: & tout ce donerent les Anglois, par leur cōseil de fortifier la place. Là furent, à celle premiere bataille, les Portugalois plus fors que leurs ennemis. Si les mirent à mercy: & furent tous morts ou pris, & petit s'en sauuerent, mais toutesfois, à ce commencement ils eurent bien mille Cheualiers & Escuyers prisonniers: dont ils eurent grād' ioye, & ne cuidoient pour ce iour auoir plus de bataille, & faisoient tresbonne chere à leurs prisonniers, & disoit chacun à son prisonnier. Ne vous ébahissez de riens, vous estes conquis vaillamment, & par beau fait d'armes. Si vous ferez tresbonne cōpaignie, cōe nous voudrions que vous nous fissiez, se nous estions au party d'armes, ou vous estes. Mais il faut que vous en veniez reposer & refreschir en la bōne cité de Lissebōne. Nous vous y tiendrons tous aises. Et ceux, à qui ces parolles s'adreçoient, respondoient, & disoient, Grand mercy. Là se rançonnoient & mettoient à fināce: les aucuns sur la place, & les autres vouloient attendre l'auenture. Car bien imaginoyent que la chose ne demoureroit pas ainsi, & que le Roy d'Espaigne, à tout sa grosse bataille, les viendrait brièvement deliurer. Nouuelles vindrent sur les champs au Roy de Castille, & à ses gens, qui approchoient de Iuberoth, par les fuyans (car malle est la bataille, dont nul n'en échape) en criant moult haut, & moult effrayement. Sire Roy, auancez vous. Tous ceux de l'Avant garde sont morts ou pris. Il n'y a nul recours de leur deliurance, s'elle ne vient de vostre puissance. Quand le Roy de Castille ouit ces nouvelles, si fut moult courroucé, & à bon ne cause, car trop luy touchoit. Si commanda à cheuaucher, & dit, Cheuachez, bannieres, au nom de Dieu & de Saint-George. Allon à la rescousse, puis que noz gens en ont besoing. Alors commencerent les Espaignols à cheuaucher, meilleur pas qu'ils n'auoient fait, sans eux dérouter mais, tous serrez. Si estoit ià basse vespre, & pres que

*Retardement
des Espaignols
pour ne secour-
rir les Fran-
cois et Bearnois*

*Les Francois
& tous autres
estrangers du
party d'Espai-
gne, morts ou
pris à la batail-
le de Iuberoth.*

*Le Roy d'Es-
paigne fait ha-
sier ses gens au
secours des e-
strangers de
son party.*

solcil

soleil resconfant. Les aucuns disoient qu'on attédist le matin: & qu'il seroit tãtost nuict: & qu'on ne pourroit adreer à faire nul bon exploiet d'armes. Le Roy vouloit qu'on alast auant: & y mettoit raison, en disant. Comment lairrons nous noz ennemis (qui sont lassez) refreschir & reposer? Qui donne ce conseil, il n'ayme pas mon honneur. Doncques cheuaucherent ils encores, en menant grand bruit, & en sonnant grand' foison de trompettes & de tabours, & en faisant moult grãd noise, pour ébahir leurs ennemis. Or vous diray ie que le Roy de Portugal & ses gens auoient fait. Si tost comme ils eurent déconfit ceux de l'Auantgarde, & pris leurs prisonniers (comme cy-dessus auez ouy) pourtant que du cōmencement ils ne vcoient nully venir, si ne se voulurent ils pas du tout confier en leur premiere victoire: mais auoient six Hommes-d'armes des mieux montez des leurs, qu'ils enuoyerent sauoir des nouuelles, & fils seroiēt plus combattus. Ceux, qui cheuaucherent, virent & ouyrent la grosse bataille du Roy de Castille: qui venoit à tout bien vingt mille hommes de cheual: qui fort approchoient de Iuberoth. Adonc retournerent ils à faire leur responce, à force de cheual, deuant leurs gens: & dirent tout haut, Seigneurs, auisez vous. Nous n'auons riens fait ores à prime, veez le Roy de Castille, & la grosse bataille: qui vient, ou sont plus de vingt mille cheuaux, tous couuers: & nul n'est demouré derriere. Quand ils ouyrent ces nouuelles, si eurent vn bref conseil: car il leur estoit de necessité. Si ordōnerent tantost vn trop piteux fait. Car il fut commandé & dit, sur peine d'estre là mort sans merci, que, quiconque auoit prisonnier, tantost il l'occist, & que puissant, ne vaillant, noble, ne gentil, ne riche, ne fust excepté, ne dissimulé. Là furent Barons, Cheualiers, & Escuyers, qui là estoient pris, en dur party (car priere n'y valoit riens, qu'ils ne fussent morts) lesquels estoient espars en plusieurs lieux çà & là, & tous desarmez: & cuidoient estre saueuz: mais non furent: dont, au vray dire, ce fut grãd' pitié: car chacun occioit le sien: & qui ne le vouloit occire, on l'occioit entre ses mains: & disoient Portugalois, & Anglois (qui ce conseil donnerent) Il vaut mieux occire, que d'estre occis: car, se nous ne les occions, ils se deliureront, tandis que nous entendrons à nous combattre & deffendre: & puis nous occiront: car nul ne doit auoir fiance en son ennemy. Ainsi furent là morts & occis, & par tel méchef, le Sire de Longnac, Messire Pierre de Ber, le Sire de Lestre, le Sire de Bearn, le Sire des Bordes, messire Bertrand de Berges, le Sire de Moriane, messire Raimond Donzach, messire Iehan Afolege, messire Manaut de Saremen, messire Pierre de Salibieres: messire Estienne de Valentin, messire Raimond de Courasse, messire Pierre de Hausane, & bien trois cēs Escuyers du pays de Bearn: & des Frãçois, messire Ieã de Rue, messire Geoffroy Richō, messire Geoffroy de Partenay, & plusieurs autres. Or regardez la grãd' malle auenture: car ils occirēt ce famedy au soir de bōs prisonniers: desq̃ls ils eussent eu 400000. frācs, parmy l'autre. Quand Lissebonnois, Anglois, & Portugalois, eurent deliuré la place, & mis à mort tous leurs prisonniers (onc homme n'y fut sauué fil n'auoit parauāt esté mené au village de Iuberoth: ou tous leurs sommiers & charrois estoiet) ils se remirēt tous ensemble de grand' volonté, & mesmes sur le pas, qu'ils auoient fait par deuant, quand l'Auantgarde les vint assaillir. A celle heure commēçoit le soleil à resconfer: & lors vint le Roy de Castille en trespuissant arroy, & bannieres déployées, & montez toutes gens sur cheuaux couuers, en escriāt Castille: & entrerent en ce pas, qui fortifié estoit. Là furent ils receux aux Lances & aux haches: & greua, de premiere venue, le traict grandement leurs cheuaux: & en y eut, par ce party, plusieurs morts & affolez. Encores ne sauoit pas le Roy de Castille, ne ses gens, le grand mechef, qui estoit auenu à l'Auantgarde, ne que les François fussent morts: mais cuidoient qu'ils fussent prisonniers, si les vouloient recouurer: comme vous auez ouy. Là eut dure bataille & fiere, & maint homme renuersé par terre. Si ne l'eurent pas d'auantage les Portugalois: mais leur conuint vaillamment & moult hardimēt combattre (autrement ils eussent esté déconfits & perdus) & ce, qui les sauuoit & garantissoit le plus, c'estoit qu'on ne les pouuoit approcher, fors par vn pas. Là descēdit le Roy de Portugal à pié, & prit sa hache: & s'en vint sur le pas: & y fit merucilles d'armes: & en abbattit trois ou quatre des plus notables, & tant que tous le redoutoient, & ne l'osoient approcher. Je vous diray vne partie de la condition des Espaignols. Vray est que de premiere venue, à cheual, ils sont de grãd' volonté, de grãd bobant, & de grand courage, & hautain, à leur auantage: & se combattent assez bien à cheual, mais, si trestost qu'ils ont getté deux ou trois dards, & donné vn coup d'espée, & voyent que leurs ennemis ne se déconfissent, ils se doutent, & retournent les freins de

Les prisonniers de France & de Bearn tuez par les Portugalois, leurs maistres, aux nouuelles du secours que la bataille d'Espaigne leur apportoit trop tard.

La bataille des Espaignols assaut les Portugalois en leur fort de Iuberoth.

*Faire & dé-
confiture de la
bataille des Es-
paignols,*

leurs cheuaux: & se sauue, qui sauuer ce peut. Or là endroit iouerēt ils de ce mestier: car ils trouuerent leurs ennemis durs & forts, & aussi frais à la bataille, comme point ils auoient esté deuant: dont ils furent émerueillez, & encores plus de ce, que nulles nouuelles n'ouyrent de ceux de l'Auantgarde, ne qu'ils estoient deuenus. Là furent Espaignols en dure vesprée, & la fortune de la bataille malle & perilleuse pour eux: car tous ceux, qui entrerent au fort des Lissebonnois par vaillance, ou pour faire fait-d'armes, furent tous morts: n'on ne prenoit nul hōme à rançon (tant fust haut ou noble) & ainsi l'auoiēt les Lissebonnois ordonné: car ils ne se vouloient point charger de nul prisonnier. Si furent là morts & occis, sur la place des gens de Castille: & tous haux Barons, tous ceux qui s'ensuyuent: c'est assauoir messire Dangommes Neudrich, messire Digho Parsemēt, messire Damp-Pierre de Rosermon, messire Marc de Versaux, le grand maistre de Calatraue, & vn sien frere (qui fut ce iour là fait Cheualier, & s'appeloit messire Digomore) messire Pierre Gouffart de Mondesque, Damp-Pierre Gouffart de Sonuille, Damp-Iehan Radigo de la Rousselle, & bien soixante Barons & Cheualiers d'Espaigne: n'oncques à la † bataille de Nadres (ou le Prince de Galles déconfit le Roy Damp-Henry) il n'y eut mort tant de nobles gens de Castille, comme il y eut à la besongne de Iuberōth: qui fut L'an de grâce Mil trois cens quatre vingts & cinq, par vn Samedy, iour de Nostre-Dame de My-Aoust.

† Auch. 241.
du prem. Vol.

*L'an & iour
de la bataille
de Iuberōth: qui
fut entre les
Rois de Portu-
gal & de Ca-
stille.*

Comment le Roy de Castille, apres sa deconfiture de Iuberōth, se retira dedans Saint-Yrain, & le Roy de Portugal à Lissebonne: & comment treues furent prises entre eux.

CHAPITRE

XVI.

*Le Roy de Ca-
stille se retire
dedans saint-
Yrain, à point
d'esperons.*

Quand le Roy Héry entendit & veit que les gens se déconfissoient ainsi, & que l'Auantgarde estoit toute nettement déconfite sans recouurer, & que messire Regnaud Limosin estoit mort (qui estoit son Marechal) & toute sa noble Cheualerie, tant de son Royaume comme du Royaume de France (qui l'estoient venus seruir de moult grand' volenté (se fut durement courroucé: & ne seut quel conseil prendre: car il veoit ses gēs fuyr de toutes pars, & eux décofire: & oyoit qu'on luy disoit, Mōseigneur, partez. Il est temps. La chose gist en trop dur party. Vous ne pouuez tout seul décofire voz ennemis, ne recouurer voz dommages. Voz gens fuyent de tous costez. Chacun entend à foy sauuer. Or vous sauuez aussi: si vous faites que sage. Si la fortune est huy cōtre vous vne autre fois vous l'aurez meilleure. Le Roy de Castille creut cōseil. Il changea cheual: & mōta sur vn courfier, frais & nouueau: qu'on luy eut appareillé: sur lequel nul n'auoit monté ce iour: & estoit moult bon à la course, & leger. Si ferit le Roy des esperons: & tourna le dos aux ennemis: & retourna vers Saint-Yrain: ou retournoient les fuyans, & ceux qui se vouloient sauuer. Il auint q̄ ce iour le Roy de Castille auoit vn Cheualier de son hostel, lequel portoit le bacinet du Roy: auquel auoit vn cercle d'or: qui biē pouuoit valoir 20000. francs. Si le deuoit porter ce iour, & s'en armer: & aussi l'auoit il ordonné au matin, quand il se partit de Saint-Yrain: mais non fit. Car, quand on deut assembler, il y eut si grand' presse entour le Roy, qu'il n'y pouuoit auenir: & aussi il ne l'oyoit point appeler. Si cessa d'approcher. Assez tost apres il entendit que les leurs se déconfissoient, & que les Portugalois obtenoient le champ, & puis tantost il veit fuir de tous costez. Il se douta de perdre vn si riche ioyel, que le bacinet du roy: qui estoit estimé à tant de florins. Si le mit tantost en sa teste, qu'il ne luy fust pris, ou happé en rencontre des ennemis. Si se meit à la fuite: mais il ne prit pas le chemin de Saint-Yrain: mais il prit vn autre chemin, à aller vers Ville-Arpen. Ainsi fuyoient, l'vn çà, l'autre là, comme gēs déconfits & ébahis: mais la greigneur partie s'en allerent à Saint-Yrain: ou le Roy vint le soir, tout ébahy & tout éperdu. A la décofiture des Espaignols (qui là fut à Iuberōth: ou les Portugalois & les Lissebonnois obtindrent & gaignerent la place) il y eut grande occision: & encores eust esté plus grande: s'ils les eussent chacez, & allé apres. Mais les Anglois dirent (quand ils virēt les Espaignols tourner le dos) tout haut au Roy de Portugal, & à ses gens, Sire Roy, demandez noz cheuaux: & nous mettons en la chace: & tous ceux, qui s'ensuyent, seront morts. Non feray, dit le Roy. Il doit suffire de ce que nous en auons fait. Noz gens sont lassez, & trauaillez: & est toute nuit. Si ne sauons ou nous irons: &, combien qu'ils fuyent, il y a encores entr'eux grand peuple: & par auenture le font ils pour nous traire hors de nostre place, & nous auoir à leur aise. Nous garderons meshuy les morts, & demain aurōs autre conseil. Par ma foy (dit Hartecelle,

vn An-

*Le Roy de Por-
tugal ne veut
chacer ses enne-
mis, craignant
la nuit & au-
tres inconue-
niens.*

vn Anglois) les morts sont legers à garder: ceux ne nous ferōt iamais mal: n'en eux n'aurons nous iamais point de profit: car nous auons occis noz bons prisonniers: & nous sommes estrangers, & venus de loing pour vous seruir: si gaignerions volontiers aucune chose (quand il est heure) sur les veaux, qui volent sans aelles, & qui font voler leurs bānieres. Beau frere (dit le Roy) qui tout conuoite, tout perd. Il vaut trop mieux que nous soyons asseurez (puis que l'honneur & la victoire est nostre, & que Dieu la nous a enuoyée) que ce que nous nous mettions en peril: puis qu'il n'en est point de necessité. Nous auons assez, Dieu mercy, pour vous faire tous riches. Ces parolles ne furent plus dites: mais demourerent en tel estat les besongnes. Ainsi auint, que ie vous ay dit & recordé, de la besōgne de Iuberoth: que le Roy de Portugal gagna: la place & la journée: & y eut là enuiron cinq cens Cheualiers, & bien autant, ou plus, d'Escuyers (dont ce fut grand' pitié & dommage, & enuiron six ou sept mille d'autres gens, Dieu en ait les pures ames. Toute celle nuit, iusques au Dimenche à heure de prime, se tindrent le Roy de Portugal & ses gens en leurs places: n'onques nul ne sen bougerent, ne desarmerent: mais mangerent tous droits, ou assis, chacun vn petit: & beurent chacun vn petit coup de vin: qu'on leur apporta du village de Iuberoth. Quand ce vint au matin, apres soleil leuant, le Roy de Portugal fit monter à cheual douze Cheualiers, pour chercher & courir les champs, & pour sauoir & veoir si nulle assemblée se faisoit. Quand ceux eurent cheuaucher çà & là, ils retournerēt: & rapporterent qu'ils n'auoient trouué, ne veu, que gens morts. De ceux (dit le Roy de Portugal) n'auons nulle doute. Adonc fut il ordonné & publié de partir de là, & de venir au village de Iuberoth: & fut dit que là ils se tiendroient la nuit, & tout le demourant du iour, iusques au Lundy matin. Sur celuy estat ils se departirent: & laisserent l'Eglise de Iuberoth: & se retrahirēt tous au village: & là se logerent ce Dimenche tout le iour, & la nuit ensuyuant. Le Lundy, au matin, ils eurēt conseil, qu'ils sen retourneroient deuers Lissebonne. Si sonnerent parmy l'ost leurs trōpettes, pour déloger. Puis s'ordonnerent, ainsi comme à eux appartenoit: & se mirent au chemin, deuers Lissebonne: & le Mardy le Roy entra en la ville, à tout grand peuple, à grand' gloire, & à grand triomphe: & fut mené à grand' compagnie de menestriers, & à procession de toutes gens d'Eglise de Lissebone, qui estoient venus à l'encontre de luy, iusques au Palais: & en cheuauchant parmy les rues, toutes gens, & mesmement aussi les enfans, faisoient au Roy feste, honneur, & reuerence: & crioient, à haute voix, Viue le noble Roy de Portugal: auquel Dieu a fait tant de grâce, qu'il luy a dōné tant de victoire sur le puissant Roy de Castille, & obtenu la place, & déconfit ses ennemis. Par celle belle journée, que le Roy de Portugal eut sur le Roy Iehan de Castille en ce temps que ie vous recorde, il écheut tellement en la grace & amour de tout le Royaume de Portugal, que tous ceux, qui par auant la bataille dissimuloient à l'encontre de luy, vindrent à Lissebonne, luy faire serment & hommage: & dirent qu'il estoit digne de viure, & que Dieu l'aimoit, quād il auoit décōfit plus puissant Roy qu'il n'estoit, & que bien estoit digne de porter couronne. Ainsi demoura le Roy en grace de ses gens, & par especial de toute la Communauté du Royaume. Or parlerons vn petit du Roy de Castille, qui retourna apres ce qu'il fut déconfit, à Saint-Yrain, en regrettant & plorant ses gens, & maudissoit la dure fortune, qu'il auoit eue: quād tant de Nobles Cheualiers de son pays & de son Royaume, & du Royaume de France, estoient demourez sur les chāps. A celle heure, qu'il entra en la ville de Saint-Yrain, ne sauoit il pas le grand dommage, qu'il auoit eu: mais il le feut le Dimenche: car il enuoya ses Heraux, chercher les morts: & cuidoit bien que la greigneur partie des Barons & des Cheualiers, que les Heraux trouuerent sur la place morts, fussent prisonniers aux Portugalois: mais non estoiet: ainsi comme il apparut. Lors fut il moult courroucé, & tant qu'on ne le pouuoit rappaiser, ne reconforter, quand les Heraux retournerent, & apporterēt nouuelles, & la certaineté des personnages, qui là furent occis. Si dit, & iura, que iamais il n'auoit ioye, de tant de Noble Cheualerie, qui estoit morte par sa coulpe. Au chef de trois iours, q le Roy se tenoit à Saint-Yrain, vint en la ville, par deuers luy, son Cheualier qui s'appeloit messire Martin Harene) & rapporta le bacinet du Roy: qui estoit prisé à vingt mille francs, pour les riches pierres, qui estoient dessus: & ià auoit on parlé, en l'hostel du Roy, moult largemēt de luy: & auoient dit aucuns que franduleusement & cauteleusement il s'estoit party du Roy, & que plus ne retourneroit. Quand le Cheualier fut venu, il alla deuers le Roy: & se getta à genoux deuant luy: & s'excusa par maniere bonne: tant que le Roy & son con-

*Retour du Roy
de Portugal à
Lissebonne en
tout triomphe
& magnifi-
cence.*

*Retour du Roy
d'Espagne à
Burgues &
tréues entre luy
& les Portu-
galois.*

seil le tindrent bien pour excusé. Ainsi demoura la chose en tel estat: & retourna le Roy de Castille, au 25^e. iour qu'il fut venu à Saint-Yrain, à Burgues en Espagne: & donna à toutes manieres de Gens-d'armes congé. Adonc y eut moyens & traittez entre le Roy d'Espagne & le Roy de Portugal: & furent prises tréues entre eux, de la Saint-Michel iusques au premier iour de May, à durer entre ces deux Roys & les alliances de leurs Royaumes, tant par mer comme par terre. Si furent les corps des Barons & des Cheualiers, qui à Iuberoth auoient esté occis, ensepulturez en l'eglise de Iuberoth: & es eglises de là enuiron, & les os de plusieurs rapportez par leurs varlets en leurs pays.

Comment le Comte de Foix fut fort soudainement auerty de ce qui estoit auenu à Iuberoth, & ce par secrette maniere: au propos de laquelle Froissart fait vn compte, qui luy fut recité touchant vn Esprit familier, nommé Orthon, seruant le Seigneur de Corasse en semblable matiere.

CHAP. XVII.

*Trois iours a-
pres la bataille
de Iuberoth, le
Comte de Foix
racompte à son
frere Bastard ce
qu'auenu y e-
stois.*

Grand merueille est à penser & considerer d'une chose, que ie vous diray: & qui me fut dite en l'hostel du Comte de Foix à Ortai, & mesmement de celuy, qui m'informa de la besongne de Iuberoth, & de tout ce qui auenu estoit sur le voyage. Si vous diray de quoy ce fut: car, depuis que l'Escuyer le m'eut compté, i'y ay pensé tant de fois, & y penseray tant comme ie viuray. Vray est (si comme le me compta ledit Escuyer) que le lendemain de la besongne, qui fut auenu à Iuberoth (comme dessus ie vous ay compté) le Comte de Foix le feut: dont i'euy grand merueille comme ce pouuoit estre. Le Dimanche tout le iour, & le iour du Lundy, & du Mardy ensuyuant, luy estant à Ortai en son chastel, faisoit si simple & si matte chere, qu'on ne pouuoit tirer parole de luy & ne voulut oncques ces trois iours issir de sa chambre, ne parler à cheualier, n'Escuyer (tant prochain luy fust) si ne le mandoit & encores aint il, qu'il demanda tels, à qui il ne parla onc mot tous les trois iours. Quand ce vint le Mardy au soir, il appela son frere Arnaut Guillaume: & luy dit, tout bas, Noz gens ont eu affaire: dont ie suis courroucé: car il leur est pris, du voyage, ainsi que ie leur dy au departement. Arnaut Guillaume (qui est vn tressage homme, & auisé Cheualier, & qui bien cognoissoit la maniere & condition de son frere) se teut vn petit: & le Comte (qui desiroit à éclaircir son courage: car trop longuement auoit porté son ennuy) reprit encores sa parole: & parla, plus haut qu'il n'auoit fait la premiere fois: & dit, Par Dieu, messire Arnaut, il est ainsi que ie vous dy: & bien tost nous en orrons nouuelles: mais oncques le pays de Bearn ne perdit tant, depuis cent ans, en vn iour, comme il a perdu à ceste fois en Portugal. Plusieurs Cheualiers & Escuyers, qui estoient là presens, & qui ouïrent & entendirent le Comte, n'osèrent parler, & glosèrent ses paroles: & dedans dix iours apres, on feut la verité, par ceux qui à la besongne auoient esté, & qui luy racôpterent premierement, & en ensuyuant à tous ceux qui ouïr le vouloient, toutes les choses, en la forme & maniere comme elles estoient auenues à Iuberoth. Là renouella le ducil du Comte & de ceux du pays: lesquels y auoient perdu leurs freres, leurs parens, leurs enfans & leurs amis. Sainte Marie (dy-ie à l'Escuyer, qui me comptoit son compte) & comment le peut le Comte de Foix si tost sauoir, ne presumer, cōme du iour au lendemain? Par ma foy (dit-il) il le feut bien: comme il apparut. Dont est il deuin (dy-ie) ou il a messagers, qui cheuauchent avec le vent: ou il faut qu'il ait aucun art. L'Escuyer commença à rire: & dit, Voirement faut il qu'il le sache par aucune voye de Nygromâce. Point ne sauons, au vray dire, en ce pays, comment il en vse: fors par imagination. Lors (dy-ie à l'Escuyer) Or l'imagination, que vous pensez, vueillez la moy dire & déclarer: & ie vous en sauray bō gré: & si c'est chose qui appartienne à celer, ie la céleray bien: ne iamais, tant que ie soye en ce mōde, n'en ce pays, ie n'en ouuriray ma bouche. Ie vous en prie, dit l'Escuyer: car ie ne voudroye pas qu'on feust, que ie l'eusse dit. Si en parlent bien les aucuns en couuert: quand ils sont avecques leurs amis. Adonc me tira en vn anglet de la chape du chastel d'Ortai: & puis commença à faire son compte: & dit, Il y a bien enuiron vingt ans, qu'il regnoit en ce pays vn Baron, qui s'appelloit en son nom, Raymon, Seigneur de Corasse. Corasse (que vous l'entendez) est vne ville, à sept lieues de ceste ville d'Ortai. Le Seigneur de Corasse, pour le temps que ie vous parle, auoit vn plaide en Auignon, deuant le Pape, pour les dismes de l'eglise, en sa ville, à l'encontre d'un clerc de Catelōgne: lequel clerc estoit en clergé fondé tresgrandement: & clamoit auoir grand droit en ces dismes de Corasse: qui bien valoient, de reuenue, cent florins par an: & le droit, qu'il y auoit, il monstra & prouua:

*Compte de l'es-
prit familier,
nommé Orthō,
qui seruoit le
Seigneur de Co-
rassé en mtières
de nouuelles.*

prouua: car par sentence diffinitive, Pape Urbain. cinquième, en Cōsistoire général, condamna le Cheualier & iugea pour le Clerc. De la dernière sentence du Pape leua lettre: & en prit possession: & cheuaucha tant par ses iournées, qu'il arriua en Bearn: & monstra ses bulles & ses lettres: & se fit mettre, par la vertu des bulles du Pape, en possession de ce diſmage. Le Seigneur de Corasse eut grand imagination sur le Clerc, & sur ses beſongnes: & vint au deuât: & dit au Clerc, maistre Pierre, ou maistre Martin (ainſi qu'il auoit nom) penſez vous que par vos lettres, ie doye perdre mon heritage? Ie ne vous ſay pas tant hardy, que vous en prenez, ne que vous en leuez ià choſe, qui ſoit mienne: car, ſe vous le faiſtes, vous y mettrez la vie. Mais allez ailleurs impetrer benefices: car, de mon héritage n'aurez vo^r neant: & vne fois pour toutes, ie le vo^r deſen. Le Clerc ſe douta du Cheualier (car il eſtoit cruel) & n'oſa perſeuerer: Si ſauifa qu'il ſ'en retourneroit en Aui- gnō: cōme il fit. Mais, quād il deut partir, il vint en la preſence du Cheualier & Seigneur de Corasse: & luy dit, Par voſtre force, & nō droit, vous m'oſtez les droicts de mon Eglise: dont en conſcience vous vous méfaites trefgrandement. Ie ne ſuis pas ſi fort en ce pays, comme vous eſtes: mais ſachez qu'au pluſtoſt, que ie pourray, ie vous enuoyeray tel champion, que vous douterez plus que moy. Le ſire de Corasse (qui ne ſit compte de ſes menaces) luy dit, Va à Dieu, va. Fay ce que tu pourras. Ie te doute plus mort que viſ: la pour ces parolles ie ne perdray mon heritage. Ainſi ſe partit le Clerc, de Mōſeigneur de Corasse: & ſ'en retourna (ie ne ſay quelle part) en Catelongne, ou en Auignon: & ne meit pas en oubly ce, qu'il auoit dit au departir du Seigneur de Corasse. Car, quand le Cheualier y penſoit le moins, enuiron trois mois apres, en ſon chaſtel de Corasse (là ou il dormoit en ſon liēt, delez ſa femme) vindrent meſſagers inuiſibles: qui commencerent à tempeſter tout ce qu'ils trouuerent parmy ce chaſtel, & ſembloit qu'ils deuffent tout abbattre: & frapportoient les coups ſi grans, à l'huis de la chambre du Seigneur, que la Dame, qui y giſoit, eſtoit toute effrayée. Le Cheualier oyoit bien tout ce: mais il ne vouloit ſonner mot: car il ne vouloit pas monſtrer courage d'homme ébaly: & auſſi il eſtoit hardy aſſez, pour attendre toutes auētures. Ces tempeſtes & effrais faits en pluſieurs lieux parmy le chaſtel, durerent vne longue piece: & puis ſe ceſſerent. Quand ce vint au lendemain toutes les meſgnées de l'hoſtel ſ'aſſemblerēt: & vindrent au Seigneur à l'heure qu'il fut leué: & luy demanderēt, Monſeigneur, n'auez vous point ouy ce que nous auons à nuict ouy. Le Sire de Corasse ſe faignit: & dit que non. Quelle choſe auez vous ouye? Adonc luy recorderent comment on auoit tempeſté aual ſon chaſtel, & retourné & caſſé toute la vaiſſelle de la cuiſine. Il commença à rire, & dire qu'ils auoient ſongé: & que ce n'auoit eſté que vent. Au nom Dieu (dit la Dame) ie l'ay bien ouy. Quād ce vint l'autre nuict apres enſuiuant, encores reuindrent ces tempeſtes: & menerēt plus grand bruit que deuant: & frapoient les coups ſi grans aux huis, & aux fenēſtres de la chambre du Cheualier, qu'il ſembloit que tout deufft rompre. Le Cheualier ſaillit ſus emmy ſon liēt: & ne ſe peut, ny ne voulut abſtenir, qu'il ne demandast, Qui eſt ce, qui heurte ainſi à ma chambre, à ceſte heure? Tantoſt luy fut reſpondu, Ce ſuis- ie. Le Cheualier luy dit. Qui cy t'enuoye? Il m'y enuoye le Clerc de Catelongne: à qui tu fais grand tort: car tu luy toulſ les droits de ſon bénéfice. Si ne te laiſſeray en paix, tant que tu luy auras fait bon compte, & qu'il ſoit content. Dit le Cheualier, Comment t'appelle on? qui es ſi bon meſſager? On m'appelle Orthon. Orthon (dit le Cheualier) le ſeruice d'un Clerc ne vaut riens. Il te dōnera & fera trop de peine, ſe tu le veux croire. Ie te prie laiſſe l'en paix: & me ſer: & ie te ſauray moult bon gré. Orthon fut tantoſt conſeillé de reſpondre (car il ſamoura du Cheualier) & dit. Le voulez vous? Ouy, dit le Cheualier: mais que tu ne faces mal à perſonne de ceans. Nenny, dit Orthon. Ie n'ay puiffance nulle de faire autre mal, que de toy réueiller, & détourber de dormir toy, ou autrui. Fay ce que ie te dy, dit le Cheualier, Nous ſerons bien d'accord) & laiſſe ce Clerc méchant: car il n'y a riens de bien en luy: fors que peine pour toy, & ſi me ſer. Et puis que tu le veux (dit Orthon) & ie le vueil. Là ſ'enamoura tellement celuy Orthon du Seigneur de Corasse, qu'il le venoit voir bien ſouuent de nuict: & quand il le trouuoit dormant, il luy hochoit ſon oreiller, ou il frapoit grās coups à l'huis, & aux fenēſtres de ſa chambre: & le Cheualier, quand il eſtoit éveillé luy diſoit, Orthon, laiſſe moy dormir. Non feray (diſoit Orthon) ſi t'auray dit des nouuelles. Là auoit la femme du Cheualier ſi grand paour, que tous les cheueux luy heriſſoient: & ſe muſſoit en ſa couuerture. Là luy demādoit le Cheualier, Et quelles nouuelles m'apportes tu? Diſoit Orthon, Ie vien d'Angle-

Querelle du Seigneur de Corasse avec un Curé, pour des diſmes.

Le Curé fait tempeſter de nuict quelques eſprits en la maiſon du Seigneur de Corasse.

Parolles du Seigneur de Corasse & de l'Esprit familier du Curé.

L'Esprit Orthon abandonne ſon Curé, pour ſeruir le Seigneur de Corasse.

Le Seigneur de Corasse découvre le secret de son Orthon au Comte de Foix.

Le Comte de Foix induit le Sire de Corasse à voir son messager Orthon.

Orthon promet au Seigneur de Corasse venue de soy.

Reproche du Seigneur de Corasse à Orthon, pour ne luy avoir tenu promesse, à son amis.

terre, ou de Hôgrie, ou d'un autre lieu: & disoit, Je m'en party hier: & telles choses & telles y sont auenues. Si fauoit ainsi le Sire de Corasse, par Orthon, tout ce qu'il auenoit par le mode: & maintint bien celle erreur cinq ans: & ne s'en pouuoit taire: mais s'en decouurit au Comte de Foix: voire par vne maniere que ie vous diray. Le premier an le Sire de Corasse vint deuers le Comte de Foix à Ortais, ou ailleurs. Le Sire de Corasse luy disoit, Monseigneur telle chose est auenue en Angleterre, ou en Escocce, ou en Allemagne, ou en autre pays: & le Comte de Foix (qui depuis trouuoit tout ce veritable) auoit grand' merueille dont telles choses luy venoit à sauoir: & tant le pressa & examina vne fois, que le Sire de Corasse luy dit comment: & par qui, telles nouuelles luy venoient, & par quelle maniere il luy estoit venu. Quand le Comte de Foix en feut la verité, il en eut grand' ioye: & luy dit, Sire de Corasse tenez le en amour. Je voudroye bien auoir vn tel messager: Il ne vous couste riens: & si sauez veritablement tout ce, qui auient par le mode. Le Cheualier respondit, Monseigneur, si feray-ie. Ainsi estoit le Seigneur de Corasse seruy d'Orthon, par long temps. Je ne say pas si celuy Orthon auoit plus d'un maistre, mais toutes les semaines, deux ou trois fois, il venoit visiter le Seigneur de Corasse: & luy disoit des nouuelles, qui estoient auenues au pays, ou il auoit cōuerfē: & le Seigneur de Corasse en escriuoit au Comte de Foix: lequel en auoit grand' ioye: car c'estoit le Sire en ce monde, qui plus volontiers oyoit nouuelles d'estrange pays. Vne fois estoit le Sire de Corasse avecques le Comte de Foix: & iangloient entre eux deux ensemble, de cecy: en maniere que le Comte de Foix luy demanda, Sire de Corasse, auez vous point veu encores vostre messager? Par ma foy nenny: ne point ne l'en presse. C'est merueille (dit le Comte) & si me fust aussi biē appareillé comme à vous, ie luy eusse prié qu'il se fust demonstré à moy: & vous prie que vous en mettez en peine: si me saurez à dire de quelle forme il est, & mesmement aussi de quelle façon il est. Vous m'avez dit, qu'il parle aussi bien le Gascon, comme moy, ou vous. Par ma foy (dit le Sire de Corasse) c'est verité. Il parle aussi bien & aussi bel, comme vous ou moy: & par ma foy, ie me mettray en peine de le veoir, puis que vous le me conseillez. Auint que le Sire de Corasse (comme les autres nuiets auoit esté) estoit en son liēt, decoste sa femme: laquelle estoit iā accoustumée d'ouyr Orthon, & n'en auoit iā plus de paour. Lors vint Orthon: & tire l'oreiller du Seigneur de Corasse: qui fort dormoit. Le Sire de Corasse s'éueillā: & demāda, Qui est ce là? Respondit Orthon, Ce suis-ie. Il luy demanda. Et dont viens tu? Le vien de Prague en Boēme. Combien (dit-il) y a il bien? Soixante iournées, dit Orthon. Et en es tu si tost reuenue? Maist Dieu ouy. Je vois aussi tost que le vent, ou plustost. Et es tu à aelles? Nenny, dit il, Comment doncques peux tu voler si tost? Respondit Orthon, Vous n'avez que faire de le sauoir. Non, dit il, Je te verroye trop plus volontiers, pour sauoir de quelle forme tu es, & de quelle façon. Respondit Orthon, Vous n'avez que faire de le sauoir. Suffise vous quand vous m'oyez, & que ie vous rapporte certaines nouuelles. Par Dieu (dit le Sire de Corasse) ie t'aimeroye mieux, si ie t'auoye veu. Respondit Orthon. Et, puis que vous auez desir de moy veoir, la premiere chose, que vous verrez & rencontrerez demain au matin, quand vous saurez de vostre liēt, ce feray-ie. Il suffit, dit le Seigneur de Corasse. Or va, ie te donne cōgé pour ceste nuiēt. Quand ce vint au lēdemain le Sire de Corasse se leua. La dame auoit telle paour, qu'elle fit la malade: & dit que poīt ne se leueroit pour ce iour: & le Sire vouloit qu'elle se leuast. Sire (dit elle) ie verroye Orthon: & ie ne le vueil point veoir (si Dieu plaist) ne rencontrer. Lors dit le Sire de Corasse, Je le vueil bien veoir. Il faut tout bellement de son liēt, & fassit sur le chalit: & cuidoit bien veoir en propre forme Orthon: mais il ne veit riens chose, parquoy il peust dire veez cy Orthon. Ce iour passa, & la nuiēt vint. Quand le Sire de Corasse fut en son liēt couché, Orthon vint: & commença à parler comme il auoit accoustumé, Va (dit le Sire de Corasse à Orthon) tu n'es qu'un menteur, Tu te deuois si bien monstrier à moy: & tu n'en as riēs fait. Non? dit il, Si ay. Non as. Et ne veistes vous pas (dit Orthon) quād vous faillistes de vostre liēt, aucune chose? Et le Sire de Corasse pensa vn petit: & puis fauifa, Ouy (dit-il) en feant sur mon liēt & pensant à toy, ie vey deux festus sur le paument: qui tournoyent & iouoient ensemble. C'estoy-ie, dit Orthon. En celle forme là ie m'estoye mis. Dit le Sire de Corasse. Il ne me suffit pas. Je te prie que tu te mettes en autre forme, telle que ie te puisse veoir & cognoistre. Orthon respondit, Vous ferez tāt que vous me perdrez, & que ie m'en iray de vous: car vous me requerez trop auant. Dit le Sire de Corasse, Tu ne t'en iras pas d'avecques moy. Si ie t'auoye vne fois veu, ie ne te voudroye

voudroye plus veoir. Or, dit Orton, vous me verrez demain: & prenez vous garde de la premiere chose que vous verrez, quand vous ferez issu hors de vostre chambre. Il suffit, dit le Sire de Corasse. Or t'en va. Le te donne congé: car ie vueil dormir. Orthon s'en partit. Quand ce vint le lendemain à heure de tierce, le Sire de Corasse fut leué & appresté: & issit hors de sa chambre, & vint en vne place, qui regarde emmy la court du Chastel.

Orthon promet de ce faire voir derechef au Seigneur de Corasse.

Il getta ses yeux: & la premiere chose, qu'il veit, ce fut vne truye, la plus grande qu'onques il auoit veüe: mais celle estoit tant maigre, que par semblant on n'y veoit que les os & la peau, & auoit les oreilles grandes, longues, & pendantes, toutes tachées: & auoit vn musel long & agu, & affame. Le Sire de Corasse s'émervilla trop de celle truye. Si ne la veit point volontiers: & commanda à ses gens. Or tost, mettez les chiens dehors. Ie vueil que ceste truye soit morte & deuorée. Les varlets saillirent sus: & deffermerent le lieu, ou les chiens estoient: & leur firent assaillir la truye. Laquelle getta vn grand cry: & regarda contremont, sur le Seigneur de Corasse (qui s'appuyoit deuant sa chambre à vne estaye) & onques puis on ne la vit: car elle s'éuanouyt: n'onques on ne feut qu'elle deuint. Le Sire de Corasse rentra en sa chambre tout pensif: & luy souuint d'Orthon. Ie croy que i'ay veu Orthon, mon Messager. Ie me repen grandement de ce que i'ay huy fait appeller & huer mes chiens sur luy. Aventure sera, se ie le voy iamais: car il m'a dit plusieurs fois, qu'aussi tost que ie le courrouceroye, que ie le perdroye. Il dit verité. Onques depuis ne reuint en l'hostel de Corasse: & le Cheualier mourut dedans l'an ensuiuant. Or vous ay-ie recordé de la vie d'Orthon, & comment il seruit vn temps, de nouvelles, le Seigneur de Corasse. Il est verité dy-ie à l'Escuyer: & à ce propos, pourquoy vous le commençastes, le Comte de Foix est-il serui d'un tel messager? En bonne verité c'est l'imagination de plusieurs hommes, en Bearn, qu'ouy: car on ne fait riens au pays, n'ailleurs (quand il veut, & il y met parfaitement sa cure) que tâtost il ne le sache, & qu'ad on s'en donne le moins de garde. Ainsi fut il des nouvelles, qu'il dit des bös Cheualiers & Escuyers de ce pays: qui estoient demourez en Portugal. La grace & la renommée, qu'il a de ce, luy fait grand profit: car on ne perdrait point ceans la valeur d'une cueiller d'or, ou d'argët, ne riens, qu'il ne le feust tantost. A tant pry-ie cōgé à l'Escuyer: & trouuay autre compaignie: avecques laquelle ie m'embaty, & deportay. Mais toutesfois, ie my bien en memoire tout le compte, qu'il m'eut dit: ainsi comme il appert. Ie me souffreray vn petit à parler des besongnes de Portugal & d'Espaigne, & vous parleray des besongnes de Bretaigne, de Languedoch, & de France.

Orthon se fait veoir en forme de Truye, que le Seigneur de Corasse sans consideration fait assaillir par ses chiens: dont il perd le seruice de son messager.

Comment le siege fut mis deuant Brest en Bretaigne: & comment Sainct-Forget & quelques autres fortresses Angloises d'enniron le pays de Toulouze furent reconueues, & faites Françoises

CHAP. XVIII.

EN ce temps, que ces auentures se porterent telles en Castille, & es loingtaines marches, fut ordonné de par messire Oliuier de Clifson, Connestable de France, à mettre vne bastide deuant le fort & garnison du chastel de Brest en Bretaigne: que les Anglois tenoient & auoient tenu long temps: n'ils ne s'en vouloient partir, ne pour le Roy de France, ne pour le Duc de Bretaigne, à qui il appartient, si en auoient plusieurs fois escrit, deuers le Duc de Bretaigne le Duc de Berry & de Bourgongne, & le Conseil du Roy: car lors (si comme vous sauez) le ieune Roy de France estoit au gouuernement de ses oncles. Si auoient prié au Duc de Bretaigne, qu'il voulist mettre peine & diligence de conquerir son heritage, le chastel de Brest: qui grandement estoit au préiudice de luy, quand Anglois le tenoient. Le Duc, tant pour la priere des dessus-nomez, comme pour ce qu'au vray dire il veist volōtiers qu'il fust Sire de Brest, auoit vne fois mis le siege deuant: mais riens n'y auoit fait: & s'en estoit party: & disoit qu'on n'y pouuoit riens faire: dont aucuns Cheualiers & Escuyers de Bretaigne murmuroient en derriere: & disoient qu'il se faignoit & dissimuloit, & que ceux qui le tenoient estoient ses grās amis, & ne vouloit pas, pour toute paix, qu'il fust en ses mains, n'en la faine du Roy de France: car, se les François le tenoient, il n'en seroit point Sire, mais plus foible, & les Anglois aussi: & tādīs que les Anglois le tenoient, les François ne l'osoient courroucer. Dequoy, par ces choses considerées, il estoit auis au Cōnestable de France, que le chastel de Brest & la ville (qui là estoient à ferme terre, & qui estoient ennemis du Royaume de France) au cas que le Duc de Bretaigne les mettoit en nonchaloir, ne gisoient pas honnorablement pour luy, ne pour les Cheualiers de Bretaigne. Si ordōna à mettre le siege deuāt: & enuoya grād

† Les Ann. & les grandes Croniques de France mentionnent ce siege de Brest en l'an 1386.

*Brest assiégé des
Francois.*

*† Ces noms &
officiers sont re-
drecés selon le
cha. 19. y estés
bien distingués
comme aussi la
deduction du
présent chap.
m'y a bien ser-
ui: encorés qu'il
y eust quelques
corruptions.*

*Notable ruse
de guerre.*

*Gautier de Pas-
sach, Lieutenant
general pour le
Roy, sur le pays
Toulouzaïn,
pour faire guer-
re à ceux du
parti d'Angle-
terre.*

*Le chasteau de
Saint-Forget
assiégé & as-
sailly par Gau-
tier de Passach.*

foison de Cheualiers & d'Escuyers de Bretagne: desquels il fit souuerains maistres & capitaines le Seigneur de Malestroit, le Vicomte de la Barriere, Morfane, & le Seigneur de Rochedurant. Ces quatre vaillans hommes s'en vindrent mettre le siege au plus pres de Brest qu'ils peurent: & firent faire & charpenter vne tresbelle bastide, & enuironner de palis & de pierres: & cloyrent à ceux de Brest toutes leurs aisances & issues, fors celle de la mer. Ceste n'estoit en leur puissance de clorre. Si vous dy. que deuant Brest auoit souuent, aux barrieres, écarouches & faits-d'armes: car les cōpaignons, qui desiroient les armes, tout ébattant s'en venoient iusques es barrieres, traire lancer, & réueiller ceux de Brest: qui aussi les recueilloient & receuoient aux armes moult vaillamment, & quand ils s'estoient combattus vne longue pièce, & (telle fois estoit) blecé l'un & l'autre, il se retrayoient. Mais peu de iours estoit, qu'il n'y eust quelque chose, & quelque auenture de faits-d'armes entre eux. En ce temps se tenoit en la marche Toulouzaine vn vaillant Cheualier de France: lequel s'appeloit messire Gautier de Passach, grand & bon Capitaine de Gens-d'armes, de la nation de Berry, & des frontieres de Limosin: & auoient, deuant sa venue, † messire Hugue de Froideuille, Sénéchal de Toulouze, & messire Roger d'Espaigne. Sénéchal de Carcassonne, escrit en France: deuers le Conseil du Roy, l'estat du pays de Toulouze & de Robestan, & que plusieurs compaignons auentureux (lesquels estoient tous issus de Lourde & de chastel-Cueillet) faisoient guerre d'Anglois, & tenoient les forts, qui cy-apres s'ensuyuent: Saint-Forget, la Bassere, le Mesnil, Pourpuron, Conuallle, Rochefort-le Dos-Julian, Nauarret, & plusieurs autres: dont ils auoient si enuironné la bonne cité de Toulouze, que les bonnes gens ne pouuoient aller hors labourer leurs vignes & terres, n'élongner Toulouze, pour aller à leurs marchandises, fors à grand peril: fils n'estoient atreuez ou apactis à eux: & de tous ces chasteaux estoit souuerain Capitaine vn appert hōme de Basque: qui s'apeloit Espaignolet: qui fit grans merueilles d'armes: car il prit & échela le chastel d'Ermaille, entandis que le Seigneur, messire Raymond, estoit allé à Toulouze: & le tint plus d'un an. En ce terme, qu'il le tint il fit vne mine, qui venoit & alloit aux champs, & entroit en la salle: &, quand elle fut faite, il la referma par-dessus, & y meit des carreaux, & ne sembloit pas qu'il y eust allée dedans terre. Entandis qu'on faisoit celle mine, traittoit le Seigneur d'Ermaille à Espaignolet, comment il peust pour argent, rauoir son chastel. Quand Espaignolet eut fait sa mine, il l'accorda au Cheualier: & luy rendit son chastel, pour deux mille francs: & s'en partit, & tous ses gens. Messire Raymond rentra en son chastel, & le fit reparer, & rabil-ler ce que rompu y estoit. Ne demoura pas quinze iours, qu'Espaignolet avec ses gens. s'en vint de nuit bouter au conduit, dont l'allée respōdoit au chastel: & s'en vint, & tous ceux qui le suiuoient, entrer par-dedans la mine, à heure de minuit: & fut le chastel pris, & le Cheualier, qui estoit dedans son liēt, & le rançonna encorés de deux mille francs, & puis le laissa aller. Mais il tint le chastel, & en fit vne bonne garnison, qui moult fort trauailloit le pays, avecques les autres, qui estoient de son alliance & compaignie. Pour telles manieres de gens pillars & robeurs, qui faisoient en la marche de Toulouze, de Rouergue, & là enuiron, guerre d'Anglois, fut enuoyé messire Gautier de Passach, à vne quantité de Gens-d'armes, à Toulouze, pour deliurer le pays des ennemis, & s'en vint à Toulouze, & fit là son mandement des Cheualiers & Escuyers de l'environ: & escriuit deuers messire Roger d'Espaigne, Sénéchal de Carcassonne: lequel le vint seruir: car messire Gautier auoit commission generale sur tous les officiers de Languedoch. Tous ceux, qui estoient mandez, venoient à tout ce qu'ils auoient de gens. Si vint le dessusdit messire Roger, à 60. Lances & cent pauois, & le Sénéchal de Rouergue, & messire Hue de Froideuille, à autant ou plus. Si se trouuerent bien ces Gens-d'armes, quand ils furent tous ensemble, enuiron quatre cens Lances, & bien mille portans pauois, que gros varlets, & encorés y estoient le fils au Comte d'Esterach, à belle compaignie, le Sire de Barbasan, messire Benedic de Faignolle, & Guillaume Canderon, Breton, & sa route.

Si se departirent vn iour de Toulouze: & s'en vindrent deuant Saint-Forget: & là farresterent, & le tenoit vn homme de Bearn, grand pillart: qui s'appeloit le Bourg de Taillefac. Quand ces Seigneurs & leurs routes furent venues deuant Saint-Forget, ils se logerent, & tantost allerent à l'assaut: & commencerent Généuois à traire de grand' façon, & si fort, qu'à peine fosoit nul des deffendans, pour le traict, demonstrier aux murs de la ville & du fort: mais les François ne l'eurent pas ce premier iour par assaut qu'ils fissent. Quand ce vint au soir, ils s'allerent loger: & passerent la nuit tous aisés: car ils

car ils auoient bien dequoy. Le lendemain au matin on sarma parmy l'ost (car les troupes sonnerent à l'affaut) & puis se meirent les seigneurs en ordonnance, pour assaillir, & s'en vindrent tout le pas, iusques au pié des fosses. Qui veist adonc Gens-d'armes entrer dedans, & porter leurs targes sur leurs testes, & rafter les fons de leurs lances, & aller tout outre iusques au pié du mur, il y eust pris grand plaissence. Quand les premiers furent passez, & ils eurent monstré le chemin, les autres ne tarderent pas: mais les suivirent de grand' volonté (car blâme leur eust esté: fils se fussent tenus derriere, & leurs compagnons fussent deuant) & portoient ceux, qui secondement alloient, pics & hoyaux en leurs mains, pour percer & houer le mur: & en ce faisant, tenoient leurs targes sur leurs testes, pour receuoir le get des pierres, qui venoient à la fois d'amont: mais planté n'estoit ce mie: car les Généuois (qui sur les fosses se tenoient, & qui tiroiēt moult fort) occupoient ceux, qui venoient iusques aux creneaux pour deffendre, tant qu'ils n'osoient bouter hors leurs testes: car les Arbalestiers Généuois sont si iustes de leur traict, que point ils ne failloient, là ou ils visoient. Si en y eut de frapés de ceux de dedans, plusieurs, de ces longs viretons, parmy leurs testes. Parquoy les compagnons, qui aux deffenses estoient, redoutoient grandement le traict. Tant dura celuy assaut au chastel de Saint-Forget, & si bien fut assailliy, & de si grand' volonté, que ceux qui estoient au pié du mur pour houer & pour miner, en abbattirent vn grand pan. Adonc furent ceux de dedans ébahis: & se voulurent rendre leurs vies sauues, mais on n'en eut cure: car ils cheurent en si bonnes mains, qu'ils furent tous occis: car messire † Gaucher le commanda ainsi à estre fait. Depuis ceste parolle nul ne fut mis à mercy: mais furent tous morts & occis, qu'onques pié n'en échapa. Ainsi eurent, de premiere venue, les Barons & les Cheualiers de France, qui là estoient venus, le chastel de S. Forget. Si le rendit messire Gaucher au Seigneur, à qui il estoit, lequel l'auoit perdu en l'année, par sa folle garde: ainsi que plusieurs chasteaux ont esté, au temps passé, en France. Apres la prise du chastel de Saint-Forget, & que messire Gaucher l'eut rendu au Cheualier, à qui il estoit deuant, il le fit reparer, là ou besoing en estoit: car les François l'auoient grandement destruit à l'assaillir, & au prendre. Puis s'en vindrent les François deuant le chastel de la Bassée: duquel Ernauton de Batefol estoit capitaine: & l'auoit fortifié grâdemment, pour la cause des François, qui le deuoient venir veoir: ainsi comme ils firent. Quand ils furent venus, on y meit le siege enuiron, & auiserent les Seigneurs comment on le pourroit assaillir au plus grand auantage, pour moins trauailler leurs gens: & quand ils eurent tout ce bien auisé, & veu bien le lieu, si l'ordonnerent vn iour: & s'en vindrent celle part qu'ils tenoient la plus foible. Là estoient Arbalestiers Généuois, ordonnez pour traire, & les assaillans arrangez par derriere: lesquels s'acquitoient loyaument de faire leur mestier: car ils tiroient si roidement à ceux de dedans, qu'à peine s'osoit nul demonstrer. Ernauton de Batefol estoit à la porte, ou on fai soit grand assaut: & là faisoit merueilles d'armes, & tant que les Cheualiers dirent entre eux, Veez là vn Escuyer de grand' volonté, & auquel les armes sont bien seâtes: car il s'en fait bien aider: & seroit bon de moyēner enuers luy, qu'il rendist le fort, & s'en allast ailleurs pourchacer: & luy soit dit qui, se messire Gaucher de Passach le conquiert en assaillant, nul ne le pourra deliurer de ses mains: car il a iuré que tous ceux, qu'on prendra à force, seront tous morts ou pendus. Adoncques fut chargé, par le Sénéchal de Toulouze, vn Escuyer de Gasconne (qui s'appeloit Guillaume Aliedel, & bien congnoissoit ledit Ernauton: car plusieurs fois ils s'estoient armez & portez compagnons ensemble) qu'il voulist à luy parler. Il le fit tres-volontiers: car enuis eust veu que l'Escuyer eust eu, ne receu nul dommage, tant que de mort, sauue son honneur, ou il eust pouuoir de remedier. Celuy Guillaume Aliedel vint tout deuant à l'affaut: & fit signe à Ernauton, qu'il vouloit parler à luy, pour son grâd profit. Ernauton respōdit que bien luy plaisoit. Lors cessa l'affaut de celle part: mais tousiours assailloit on de l'autre part. Si dit Guillaume à Ernauton, Il vous va trop grandement bien. Les Seigneurs m'enuoyēt deuers vous: & ont pitié de vous: car, se vous estes pris par force, c'est l'ordonnance de nostre souuerain Capitaine, messire Gaucher de Passach, que vous soyez morts sans nul remede: comme ont esté ceux de Saint-Forget. Si vous vaut trop mieux rendre le fort (& ie le vous conseille) que d'attendre telle auenture: car bien sachez veritablement que point ne partirons d'icy, si l'aurons. Lors dit Ernauton, Guillaume ie say bien (combien qu'à present vous soyez armé contre moy) que vous ne me conseilleriez chose, qui fust à mon deshonneur: mais sachez que, se ie vous ren le fort, tous ceux, qui sont

† Par-
auant
Gautier.

Prise du cha-
teau de saint
Forget par les
Francois.

Siege du cha-
teau de la Bassée,
par les
Francois.

Les François
font parlemen-
ter au capitai-
ne de la Bassée,
pendant un as-
saut.

† Qui estoit Seneschal de Toulouze.

Compositio accordée au Capitaine de la Bassée.

Le chaste de la Bassée redonné aux François par composition.

avecques moy, s'en partiront sains & sauues: & aurons tout le nostre, que porter en pourrons mis hors les pourueances: & nous fera l'on conduire sauvement, iusques au chaste de Lourde. Ce dit Guillaume, le ne suis pas si auant chargé: mais ie parleray volontiers pour vous à Messeigneurs. A ces mots retourna il deuers le Senechal de Toulouze: & luy recorda toutes les parolles que vous auez ouyes. Lors dit messire Hugue de Froideville, † Allon parler à messire Gaucher, car ie ne say qu'il en voudra faire: combien que i'aye mené le traité si auant: mais ie croy que nous luy ferons faire. Adonc s'en vindrent ils deuers messire Gaucher (qui faisoit assaillir à vne part moult estroitement) & luy dit ainsi le Senechal, Messire Gaucher, i'ay fait traité deuers le Capitaine de ce chaste. Il est en bonne volonté de nous rendre la garnison, ainsi comme elle est: mais il veut que luy & tous ceux, qui là dedans sont, se partent quittement & sauvement, & estre conduits iusques à Lourde. Avecques tout ce, ils en veulent porter tout ce, que porter ils pourront deuant eux. Or regardez que vous en voudrez faire. Nous perdriens ià plus, se l'un de noz Cheualiers ou Escuyers d'honneur estoit mort d'un traict, ou d'un get de pierre, ou par autre accident perilleux, & plus vous ennuyeroit que vous n'auriez de profit à eux mettre à mort, quand pris les auriez: combien qu'encores ne soit ce pas: car, ainçois que nous ayons conquis la Bassée, il nous coustera de noz gens. Il est verité, dit le Senechal de Carcassonne: qui estoit delez luy. On ne peut estre en tels assaux, qu'il n'en y ait de morts ou de naurez. A ces mots & à ces parolles respondit messire Gaucher de Passach: & dit, le le vueil bien. Faites cesser l'assaut. Nous auons encores à aller ailleurs. Petit à petit nous faut conquerir les chasteaux: que les pillars tiennent. Se maintenant ils se partent à bon marché, vne autre fois retourneront ils, par autre party, en noz mains. Si seront payez lors vne fois pour toutes. Les malles ceuures amènent leurs ouuriers à malle fin. En mon temps i'ay fait prendre de pillars, & de tels robeurs, cinq cés, & noyer aussi: & encores viendront ils à celle fin. Adonc s'en retournerent ceux, qui s'embesongnoient de traiter, vers la barriere: ou les attendoit Ernauton de Batefol. Si dit Guillaume, quand il veit Ernauton, Par ma foy, Ernauton, vous deuez, & tous voz cōpaignons, rendre grans grâces à Dieu, & à messire Hugue de Froideville: car il a fait voz traitez, tout ainsi comme vous les demandiez. Vous partirez sauvement vous & les vostres, & ce, que vous pourrez emporter, emporterez: & serez conduits iusques à Lourde. Il me suffit (dit Ernauton) puis qu'il ne peut autremēt estre. Sachez, Guillaume, q'ie pars enuis de mon fort: car il m'a faict moult de biens, depuis la prise, ou ie fu pris, au pont de Tournay, dessus Mauuoisin, du Bourg d'Espaigne: lequel eut de moy, par rançon, deux mille francs, Au vray dire ie les ay bien cy-dedans recouurez, & outre. I'ay tant esté en ceste frōtiere, que moult l'aimoye: & quand ie vouloye cheuaucher, trop souuēt ie trouoye bōne auenture, qui me sailloit en la main, d'un marchand de Robestan, ou de Toulouze, ou de Rodais, le ne cheuauchoye point à faute, que ie ne prisse quelque chose. Guillaume (respondit Ernauton) ie vous en croy bien: mais, si vous voulez tourner François, ie vous feray tout pardonner, & donner mille francs en vostre bourse: & vous plègeray, de tout mon vaillāt, que vous demourrez bon François, puis que vous y serez iuré. Grand mercy, Guillaume, dit Ernauton: mais ce parti ne vueil-je pas: car ie demoureray encores Anglois. le ne sauroye (se Dieu m'aist) estre iamais bon François. Or retourneriez vers voz gens, & leur dites que tout ce iour nous ordonnerons noz besongnes, & de main au matin nous vous rendrons le fort, & nous partirons, & ordonnez qui nous conduira. A tant cessa l'assaut du chaste de la Bassée, & se tirerent les François de leurs logis: & passerent la nuit, paix & aises: car ils auoient bien de quoy. Quand ce vint au matin, à heure de tierce, que tous furent appareillez en l'ost, & qu'on eut regardé qui conduiroit à Lourde les cōpaignōs, qui deuoient redre le chaste de la Bassée, messire Gaucher enuoya messire Hue de Froideville, Senechal de Toulouze, pour aller au chaste & pour en prendre la saisine & possession. Quand il fut venu iusques à la Bassée, il trouua que le Capitaine Ernauton de Batefol & les siens estoient tous prests de partir, & auoient trouffé tout ce, que porter en vouloient. Si leur ordonna un Cheualier de Lourde (lequel on appelloit messire Mouuant de Salenges) qui les emprist à conduire & mener sauvement, & croy bien qu'il s'en acquitta. Ainsi eurent le chaste de la Bassée. Si fut baillé à un Escuyer du pays, pour le garder, & toute la terre aussi: lequel s'appelloit Bertrand de Montesquien. Puis passerent outre les Seigneurs & leurs gens: & s'en vindrent deuant le chaste de Pulpiron: que grans pillars tenoient, & duquel Angerot & le petit

le petit Meschin estoient capitaines souverains, & auoient fait maint dommage au pays. Pourquoi messire Gaucher de Passach auoit iuré l'ame de son pere, que nuls ne seroient pris à mercy, n'à rançon: mais seroient tous pendus, ne ià n'auroient autre fin: si les pouuoit tenir. Tant exploiterent ces seig. & leurs gens, qu'ils vindrent deuant Pulpiron: & y meirent le siege. C'est vn chasteil, qui sied sur vne motte de roche, tout à l'enuiro: & est moult ioly, & de belle veüe. Là deuant eux, au siege, iura messire Gaucher que iamaïs ne s'en partiroid. Si l'auroit, & ceux de dedans: † s'ils ne s'en voloient. Là eut plusieurs assaux: mais petit y gaignerent les François: car le chasteil est de bone garde. Je ne say (dit messire Gaucher) comment les choses se porteront. Le Roy de France est assez riche, pour tenir droit cy vn siege: mais, se i'y deuoye demourer vn an, si ne m'en partiray ie tant que l'auroy. On se tenoit bien à ce qu'il auoit dit & iuré: & s'ordonnoient ceux, qui estoient au siege selon ce. Or vous diray qu'il en aint. Quand les Capitaines virent que c'estoit à certes, & que les Seigneurs de France, qui là estoient, ne se departiroient point, sans auoir le fort (quoy qu'il coustast) si se doubterent moult fort: & auiserent que (voufissent, ou non, les François) ils s'en partiroid: & pouuoient bien sauuer mēt partir, quand ils vouloient: car au chasteil auoit vne miniere, ou allée deffous terre (qui alloit plus de demie lieuë) dont on ne se donnoit garde. Quand Angerot, le Capitaine du chasteil, veit l'ordonnance du siege des François (qui point ne se departiroient, sans ce qu'ils eussent eux & le chasteil, par affamer, ou autrement) si se douta: & dit à ses compaignons, Seigneurs, ie voy bien que messire de Passach si nous a grandement en haine: & me doute que par vn siege il nous affame cy-dedans: & pour ce faire ne luy faut qu'ordonner vne bastide, & laisser seulement cent lances dedans, que nul de nous ne s'en oseroit iamaïs partir. Je vous diray que nous ferons. Nous prendrons tout le nostre: & de nuict nous nous partirons, en ce cōduit dedans terre: qui est bel & grand: & nous menera sans nulle faute, en vn bois, à vne lieuë d'icy. Si serons hors de tous perils, auant qu'on sache que nous soyons deuenus: car il n'y a homme en l'ost, qui en sache riens. Tous s'accorderent à ce conseil: & de nuict, quand ils eurent tout trouffé ce que porter vouloient, prindrent falots & torches, & entrerent en l'allée deffous terre (qui estoit belle & nette) & se mirent au chemin, & s'en vindrent saillir hors, en vn bois, à vne demie lieuë dudit chasteil. Là auoit bien qui les sauoit cōduire iusques à autres fortresses, en allant en Limosin, ou en Rouergue: & les aucuns, quand ils se sentirent hors du chasteil & du peril, se departirent, & prirent autre chemin, & dirent que iamaïs ils ne vouloient guerroyer. Angerot s'en vint, luy cinquième, à vne ville & chasteil de Pierregourd, qu'on dit Montroyal. Le Sire du chasteil les receut doucement. Car luy, & toute sa terre estoit Anglois, n'oncques ne se voulut tourner François, quand les autres se tournoient. Toutesfois il en y eut plusieurs de son opinion. Ainsi se sauuerent & échaperent les compaignons de la garnison de Pulpiron: n'oncques vn seul varlet ne laisserent derriere: & furent tous aupres de là ou ils vouloient aller, auant qu'on feust en l'ost qu'ils estoient denenus. Au tiers iour apres ceste yssue, les Seigneurs ordonnerent vn assaut: & auoient fait charpenter vn engin: qui auoit quatre estages: & en chascun estage pouuoit vingt Arbalestiers. Quand tout fut appareillé, on amena & bouta celuy engin (qu'ils appeloient vn Passauant) au plus foible lieu du chasteil, à leur auis. Si entrerent les Gèneuoys dedans, & quand l'engin fut là ou ils le vouloient mettre, Arbalestiers commencerent à traire sur le chasteil, & nul n'apparoissoit. Tantoist ils apperceurent que le chasteil estoit vuide: car nul ne venoit aux defenses. Adonc ils cessèrent leur traict: car ils ne le vouloient mie perdre, ne leur sagettes. Si descendirent ius de leur engin, & vindrent aux Seigneurs, qui là estoient (lesquels s'emerueillerent de ce qu'ils virent) & leur dirent, Sachez certainement qu'il n'y a nul homme en ce chasteil. Comment le pouuez vous sauoir? dit messire Gaucher. Nous le sauons, pourtant que pour traict, que nous ayons fait, nul ne s'est demonstré. Adoncques furent ordonnées eschelles, & mises & appuyées contre le mur. Si monterent compaignons & gros varlets, qui estoient taillez de ce faire: lesquels monterent tout paisiblement (car nul n'estoit au chasteil) & passerent les murs, & sauallerent au chasteil, & le trouverent tout vuide. Si vindrent à la porte: & trouuerent vn grād moncel de clefs, & firent tant, qu'ils trouuerent celle de la porte. Si la deffermerent, & ouurirent les barrieres l'une apres l'autre. De tout ce eurent les seigneurs grans merueilles, & especiallement messire Gaucher de Passach, & cuidoit que par enchantement ils s'en fussent allez & partis du chasteil, & demanda aux Cheualiers, qui là estoient, comment ce peut estre.

*Le chasteau de Pulpiron assié-
gé par les François.*

*† Il y auoit s'ils
ne s'en vou-
loient partir:
que nous auons
corrigé selon ve
rard.*

*La garnison de
Pulpiron abādō
ne sa place par
vn saut cōduit
sousterrain.*

*Pulpiron assail-
li n'y ayant per-
sonne dedans,*

*Pulpiron sans
defense, eschel-
lé & pris par
les François.*

A la parolle messire Gaucher respondit le Sénéchal de Toulouze: & dit, Sire, ils ne peuvent estre allez tout certainement, si ce n'est par dessous terre: & croy bien qu'il y ait aucune allée dessous terre: par laquelle ils s'en sont allez & vuidez. Dont fut regardé, par tout le chastel, ou ceste cauerne & allée pouuoit estre. On la trouua es celiers, & l'huis de l'allée tout ouuert. Les Seigneurs la voulurent veoir: & la veirent: dont messire Gaucher eut grand' merueille: & demanda au Sénéchal de Toulouze, messire Hugue, ne sauez vous point celle mine & conduit? Par ma foy (respondit messire Hugue) i'auoye bié ouy dire que telle chose y auoit ceans: mais point n'y pensoye: ny ne me donnoye de garde que ceux, qui s'en sont allez, deussent partir par la caue. En nom de Dieu (dit messire Gaucher) si on fait: ainsi comme il appert. Et les chasteaux de ce pais sont ils de telle ordonnance? Sire (dit messire Hugue) de tels chasteaux a plusieurs en ce pays: especialement tous les chasteaux, qui furent à Regnaud de Montauban, sont de celle condition. Car, quand luy & ses freres guerroyoient au Roy Charlemagne de France, ils les firent ordonner de telle façon, par le conseil de Maugis, leur cousin: car, quand le Roy les assiegeoit par puissance, & ils veoient qu'ils ne luy pouuoient resister, ils se mettoient en ces moyens: & s'en alloient sans prendre congé. Par ma foy (dit messire Gaucher) i'en recommande bien l'ordonnance. Je ne say si ie seray iamais guerroyé de Roy, de Duc, ne de voisin que i'aye: mais, moy retourné en mon pays, i'en fairay faire vne en mô chastel de Passach. Adonc finit à tant leur parlement: & prirent la saisine du chastel: & puis ordonnerent dedans Gens-d'armes en garnison, pour le garder: & passerent outre: en intention de venir deuant la ville & le chastel de Conualle: dont Espaignolet de Pape-reau, Basque, estoit Capitaine, & avecques luy grand' foison, de pillars & de robeurs.

Les chasteaux de Regnaud de Montauban accompagnez de leur conduit souterrein.

† Il l'a parauant nommé Ermaille, que Sala dit ici Crimaille.

Comment le chastel de Conualle fut assiegé & pris d'assaut par les François, & quelques autres fortresses retournees Françoises.

C H A P. X I X.

TAnt exploiterent les Seigneurs & leurs routes, qu'ils vindrent deuant la garnison de Conualle en Robestan: & là s'arrestèrent: & mirent le siege tout à l'environ. Là voulut sauoir messire Gaucher: & demanda au Sénéchal de Toulouze, Ce Conualle anciennement a il esté des chasteaux messire Regnaud de Montauban? Il respōdit ouy. Il y a donc, dedās vne souterraine, comme aux autres? En nom de Dieu (dit messire Hugue) c'est verité: & voirement il y a souterraine: & par cela prit, la seconde fois Espaignolet le chastel, & le Seigneur de dedans. Faites venir (dit messire Guischart: qui là estoit) le Cheualier, à qui il est, C'est bon (dit messire Gaucher de Passach) si nous informerons de la voye par luy. Dont fut appelé messire Raimond de Conualle: & luy fut demandé de la maniere & ordonnance du chastel, si luy auoit vne voye dedans terre: si-cōme il y a à la Bassée. Il respondit qu'ouy: car par celle voye fu ie pris: & l'auoye (long tēps auoit) condamnée à estre perdue: mais les larrons qui tindrent mon chastel, la refirent: & vindrēt par celle voye. Et sauez vous ou elle vuide? n'ou elle aborde? dit messire Gaucher. Ouy, Monseigneur, dit il. Elle vuide en vn bois: qui n'est pas loing d'icy. Bien de par Dieu, dit messire Gaucher. Si se teut à tant. Quand vint au chef de quatre iours, il se fit mener celle part: & auoit en sa compaignie bien deux cens varlets du pays, bien-armez: & s'en vint, & messire Raymond de Conualle en sa compaignie, iusques au bois, ou la mine vuidoit. Quand messire Gaucher vit l'entrée, si la fit découurir, & oster la terre, & les herbes, & les rōces, qui estoient à l'enuirō. Quand elle fut bié nettoyée, il fit allumer grand' foison de falots: & dit à ceux, qui ordonnez estoient pour entrer là dedans en celle souterraine, Or suyuez ce chemin. Il vous menera en la salle du chastel de Conualle: & là trouuerez vn huis: lequel vous romprez à force: vous estes assez gens pour ce faire, & pour combattre ceux de dedans. Ils respondirent, Monseigneur volontiers. Si entrerent dedans: & cheminerent tant qu'ils vindrent aux degrez prochains de la porte, par ou on entroit dedans la salle du chastel. Lors commencerent ils à fraper, & à ferir contre l'huis, de grandes haches bien trenchans, & de gros marteaux, pour rompre & briser la porte: & estoit ainsi que suriour faillant. Les compaignons du chastel faisoient bon guet. Si entendirent que par la mine on vouloit entrer au chastel. Si allerent tost celle part. Espaignolet (qui se deuoit coucher) y vint: & dōna conseil de getter bancs, & pierres, & autres choses au pertuis de la mine, pour occuper tellement l'entrée, qu'on ne la peust décombrer. Tantost fut fait: & autre deffense n'y cōuenoit. Non obstant, ceux, qui au cōduit de la mine estoient, charpenterent & fraperent tāt de leurs haches,

Conualle autre fois l'un des chasteaux de Regnaud de Montauban, ayant sa souterraine.

Le chasteau de Conualle pour neant assailli par la souterraine.

haches, que la porte fut en plus de cent pièces: mais pource n'eurent ils pas l'entrée à deliure: mais eurent plus affaire que deuant. Quand ils virent que c'estoit impossible d'entrer par là, si se mirent au retour, pour reuenir en l'ost. Si estoit enuiron minuit: & recorderent aux Seigneurs ce, qu'ils auoient trouué, & comment ceux de Conualle s'estoient apperceus de leur affaire, & auoient tellement occupé l'entrée & la voye de la sousterraine, que par là impossible estoit d'entrer au chastel. Adonc celui auis cessa: & fut mandé l'engin, ou les Arbalestiers se tenoient pour traire, quand on vouloit assaillir: qui estoit encores à la Bassée. Il fut tout mis par pièces, & charroyé deuant Conualle, & puis remis & redrecé sur les roues, ainsi comme il deuoit estre: & avecques ce, on appareilla encores grand' planté d'habillemens à assaillir: & quand tout fut prest pour assaillir, messire Gaucher de Passach (qui desiroit à conquerir ledit chastel, & la ville de Conualle) fit sonner les trompettes en l'ost, & armer toutes manieres de gens, & traire chacun en son ordonnance, ainsi comme il deuoit estre & aller. Là estoit le Sénéchal de Toulouze, avecques ceux de sa Seneschaucée, d'un costé. Là estoit messire Roger d'Espagne, Sénéchal de Carcassonne, d'autre part, avecques ceux de sa Seneschauée. Là estoit le Seigneur de Barbazan, † messire Benedic de Faingolle, le Sire de Benoch, le fils au Cōte d'Estarac, messire Raymōd de l'Isle, & les Cheualiers & Escuyers du pays: & eut chacun sa compaignie en bonne ordonnance. Lors commencerent ils à assaillir ceux de dedans, & ceux de dedans à eux deffendre: car ils vcoient bien que faire le leur conuenoit: pource qu'ils se sentoient en dur party. Bien congnoissoient que messire Gaucher n'en prendroit nuls à mercy. Si se vouloient vendre, tant qu'ils pourroient durer. Là estoient Arbalestiers Géneuois: qui tiroient de grand' volonté, & frapoient de ces vires par les testes, si au iuste, qu'il n'y auoit si ioli, qui ne les redoutast: car, qui en estoit atteint il auoit fait sa iournée. Là estoit messire Gaucher de Passach deuant: qui y faisoit merueilles d'armes: & disoit aux compaignons, Et comment Seigneurs, nous tiendront meshuy ceste merdaille? Si ce fussent bons Gēs-d'armes, ie ne m'en émerueillasse pas: car en eux a plus de fait, qu'il ne doit auoir en tels garçons, comment, comme il y a là dedans. C'est mon intention que ie vueil disner au fort. Or y apperra, si vous accomplirez mon desir. A ces mots s'auançoient compaignons (qui desiroient auoir sa grâce) d'assaillir de grand' volonté. On prit eschelles à foison, à l'endroit ou le grand engin estoit (auquel les Géneuois estoient) & furent drecées contre le mur. Lors monterent toutes manieres de gens: & Arbalestiers tiroient si roidement, que les deffendans ne fosoient monstrier. Là entrèrent par bel assaut les François, en la ville de Conualle, les espées en leurs mains, en chaçant leurs ennemis: desquels y en eut de morts, & d'occis, ie ne say combien: & tout le demourant fut pris. On entra par les portes en la ville. Là fut demandé à messire Gaucher qu'on feroit de ceux, qui estoient pris, Par saint George, ie vueil qu'ils soient pendus. Tantost son commandement fut fait: & Espaignolet tout deuant. Si disnerent les Seigneurs au chastel, & le demourant des Gens-d'armes en la ville: & se tindrēt là tout le iour: & rendit messire Gaucher, au Seigneur de Conualle, sa ville & chastel: & puis ordonna d'aller autre part. Apres la prise de la ville de Conualle (comme vous auez ouy) se departirent les Seigneurs & leurs routes: & se mirent au chemin, deuers vn fort, qu'on dit Mastulle: lequel auoit porté moult grand dommage & détournier au pays, avecques les autres. Si tost comme ils furent là venus, on assaillit ceux de dedans: & ils se deffendoient: mais grand' pièce ne fut ce pas: car par assaut ils furent pris, & le fort aussi, & tous ceux, qui dedans estoient morts ou perdus. Quand ceux de Roix & de Rochefort & des autres forts, que les ennemis tenoient, entendirent que messire Gaucher de Passach ouuroit au pays, & prenoit les forts, & si n'estoit nul pris à mercy, qu'il ne fust mort ou pendu, si se doubterent moult de venir à celle fin, & se partirent de nuit ne say ou, par conduit dessous terre, ou autrement: car encores sous ces deux chasteaux, Roix & Rochefort, sont mines, & sont des chasteaux, qui souloient estre anciennement à Regnaud de Montauban: & les trouuerent les François tous vuidez, quand ils y vindrent. Si en prirent la saisine: & les repeuplerent de nouuelles gens, & de pourueances, & tournerēt leur chemin deuers Toulouze, pour venir en Bigorre: car il y auoit sur la frontiere de Tarbe deux chasteaux (desquels l'un estoit nommé le Dos-Julian, & l'autre † Nauaret) que pillars tenoient, qui grandemēt trauailloient le pays, & la bonne ville de Tarbe, & la terre au Seigneur d'Anchin. Quand messire Gaucher de Passach & les Seigneurs de France & de Languedoch se furent reposez & refreschis en la bonne cité de Toulouze,

† Ces noms sont remis selon le cha. precedent.

La ville de Conualle prise d'assaut par les François.

Le fort de Mastulle pris d'assaut par les François.

† sala dir, Nazareth.

ils s'en partirent: & prirent le chemin de Bigorre: & exploiterēt tant, qu'ils vindrent deuant le fort, qu'on dit le Dos-Iulian, & là s'arrestērēt & dirent qu'ils n'yroient plus-auāt, si en auroient deliuré le pays. En la compagnie de messire Gaucher de Passach vint le Sénéchal de Nobefan: lequel est, & respond, au Comte de Foix. Mais messire Gaucher luy manda qu'il vinst là, avecques luy, pour aider à faire vider les ennemis du pays: car aussi bien couroient ils en la Sénéchaucée de Nobefan (quand il leur venoit à point) comme ils faisoient ailleurs, & ce fut la raison, pourquoy le Sénéchal de Nobefan vint adonc seruir messire Gaucher, & encores fut signifié au Comte de Foix, qui le consentit: autrement il ne l'eust osé faire. On fut deuant le Dos-Iulian quinze iours auant qu'on le peust auoir. Car il y auoit fort chastel assez, & Capitaine de grād' emprise, vn Escuyer Gascon, qui s'appelloit Bruyer de Brunemote, appert Homme-d'armes: & estoit issu de

† Encores que
ie ne m'assure
pas d'auoir biē
deuiné ce nom:
neantmoins il y
est meilleur que
Lourde n'estoit
pas.

Le Dos-Iulian
abbattu & rasé
par les François.

Le fort de Nanaret
abbattu & rasé
par les François.

Le Seigneur de
Passach donne
congé à son armée:
& se retire en Xainctonge.

† la Bassée, quand on vint prendre le chastel. Toutesfois on ne l'eut pas par assaut: mais par traité. Si s'en partirent ceux, qui le tenoient, sauues leurs vies & le leur, & encores furent ils conduits sauuement iusques à Lourde: & les conduit vn Escuyer: qui s'appelloit Bertrand de Mondighen. Quand les Seigneurs de France eurent le Dos-Iulian, ils se conseillèrent quelle chose ils en feroient, s'ils le tiendroient ou s'ils l'abbattroient. Il fut cōseillé, pour le mieux, qu'il fust abbattu, pour la cause de ceux de Lourde: qui leur sont trompeurs, Si pourroit auenir, que, quand les Seigneurs seroient partis, ils le viendroiet prendre, & embler derechef. Lors fut il commandé à l'abbattre & à le raser & le fut tellement, qu'écors sont les pierres en vn mōt: & n'espere l'on pas qu'on le reface iamais. Ainsi alla du Dos-Iulian. Apres s'en vindrent ils deuant Nanaret, vn fort aussi, que compagnons auentureux (qui estoient issus hors de Lourde) tenoient, plus d'vn'an auoit. Quand ils entendirent que ceux du Dos-Iulian estoient partis, ils se departirent aussi: & impetrerent sauconduit: & s'en vindrent bouter en Lourde. Là estoit leur retour & leur garant: car bien sauoient qu'on ne les iroit par là querre: qui ne voudroit perdre sa peine: car le chastel de Lourde est impossible à prendre. Or prirent ces Seigneurs leur retour, quand ils eurent fait abbattre & raser le Dos-Iulian, vers Nanaret, Si le trouuerent tout vuide. Adonc fut ordonné qu'il seroit abbattu. Aussi le fut il: dont ceux de Tarbe ne furent pas courroucez: car ceux qui l'auoient tenu, leur auoient porté trop de dommage & de contraire. Apres ce, s'en vindrent deuant le chastel d'Auch en Bigorre: qui sied entre les montaignes & frontieres de Bearn. Là fut on quinze iours ou enuiron: durant lesquels on liura maint assaut: & conquesta on la basse court, & tous leurs cheuaux: mais vne grosse tour, seant sur vne roche assez haute, ne peut on conquerre: car elle n'est pas à prendre. Quand les Seigneurs virent qu'ils perdoient leur peine, & que Guillaume Morenton (qui tenoit le fort) ne le vouloit rendre ne vendre, n'entendre à nul traitté, ils se partirent, & s'en retournerent à Tarbe: & là donna congé messire Gaucher de Passach, à toutes Gens-d'armes, d'eux retraire, & d'aller chacun en son lieu: & furēt payez de leurs gages, ou bien assiegez à leur plaissance, ceux, qui l'auoient seruy en ceste armée: & luy-mesme se partit aussi: & s'en vint refreschir à Carcassonne: & là enuiron. Entandis qu'il seiournoit là, luy vindrent nouuelles de France, & commandement, de par le Roy, qu'il se retrahist vers la garnison de Bouteuille en Xainctonge, sur les frontieres de Bordelois & de Poictou: laquelle garnison, vn nommé de Sainte-foy, Gascon, tenoit: & auoit on entendu, en France, que messire Jehan Hapedane, sénéchal de Bordeaux, faisoit son assemblée de Gens-d'armes à Libourne sur Dordonne, pour venir leuer les bastides, que les Poicteuins & les Xainctongeois auoient mis deuant, Au commandement du Roy, son souuerain Seigneur, obeit messire Gaucher (ce fut raisō) & prit sa charge de soixāte Lances & de cent Arbalestiers Généuois: & se partit incontinent de la bonne-ville de Carcassonne: & passa tout parmy Rouergue & Agen, en costoyāt Perigourd, & s'en vint à Bouteuille: & là trouua les Sénéchaux: celuy de la Rochelle, celuy de Poictou, celuy de Perigourd, celuy d'Agen, & grand' foison de bons Gens-d'armes.

Petite digression sur le naturel des Gascons, du temps de Froissart, & des Anglois aussi:

CHAPITRE XXII.

ON se pourroit bien émerueiller en pays lointain & estrange, du noble Royaume de France, comment il est situé & habité de citez, de villes & de chasteaux, en si grād' foison que sans nombre: car bien autant es loingtaines marches en y a grand' planté, & de forts, comme il y a au droit cueur de Frâce. Vous en trouuez en allant de la cité de Toulouze

Toulouze à la cité de Bordeaux, que ie vous nommeray, seans sur la riuere de Garonne (qu'on appelle Girôde à Bordeaux) premierement Langurant, Rions, Caldihaç, Bangou, Sainct-Macaire, Chastel en Dorthe, Candroch, Gironde, la Rulle-Millant, Saincte Basile, Marmande, Cammont, Tennus, Lemnas, Dagenes, Montour, Agillon, Thouars, le Port-Saincte-Marie, Clermôt, Agen, Ambillars, Chastel-Sarrazin, le Hedo, Verdun, & Belle-Mote: & puis en prenant le chemin de la riuere de Dordonne (qui vient ferir en la Garonne) ces Chasteaux, assis d'une part & d'autre, Brouich, Fronfach, Liborne, S. Milon, Chastillon, la Mote, Sainct-Pensant, Montremel, Saincte-Foy, Bergerach, Morquinormons, & Chastel-Teue: & vous dy que ces Chasteaux, sur ces riuieres, les vns estoient Anglois, & les autres François: & ont tousiours tenu celle façon de guerre: & ne vouloient pas qu'ils fussent autrement: n'oncques les Gascons trente ans d'un tenant, ne furent fermement à un Seigneur. Vray est que les Gascôs mirent le roy Edouard d'Angleterre, & le Prince de Galles son fils en la puissance de Gascongne, & puis l'en osteret, comme il est contenu cleremêt en ceste Histoire: & par le sens & aduis du Roy Charles de France, le fils au Roy Iehan, il acquit & trait à foy, par douceur & par ses grans dons, l'amour des plus grans Barons de Gascongne (c'est assauoir le Comte d'Armignac, & le Sire d'Albreth) & le prince de Galles les perdit pour son orgueil. Car ie, qui ay dicté ceste Histoire, du temps que ie fu à Botdeaux, & que le Prince alla en Espaigne: ie vei que l'orgueil estoit si grand des Anglois, qu'ils n'attrayoient nulles nations amiablement, fors que la leur: & ne pouuoient les Gentils-hommes de Gascongne, ne d'Acquitaine (qui le leur auoient perdu, par leurs guerres) venir à nul office en leur pays, & disoiēt les Anglois, qu'ils n'en estoient taillez, ne dignes: dont il leur ennuyoit, & quand ils peurent ils le môstrerent: car, pour la durté que le Comte d'Armignac, & le Sire d'Albreth trouuoient au Prince, se tournerēt ils François: & aussi firēt plusieurs Cheualiers & Escuyers de Gascongne. Le Roy Philippe de France, & le bon Iehan, son fils, les auoient perdus par hautaineté: & aussi fit le Prince: & le roy Charles, de bone memoire, les recôquit par douceur, par largesse, & par humilité. Ainsi veulent estre Gascons menez. Encores fit le Roy Charles (affin que l'amour s'entretint plus longuement entre eux Seigneurs un mariage de la seur de sa femme, Madame Ysabel de Bourbô, au Seigneur d'Albreth. lequel en a eu de beaux enfans: & c'est la cause, pour laquelle l'amour se tiendra plus longuement. Vray est que i'ouy vne fois dire au Seigneur d'Albreth à Paris, ou i'estoye avecques entre eux Seigneurs, vne parolle, que ie notay bien: mais ie croy qu'il la dit par ébatement (toutesfois me sembla que par grand sens & auis) à un Cheualier de Bretaigne, qui l'auoit feruy: car le Cheualier luy auoit demandé des besongnes de son pays, & comment il se sauoit contenir à estre François: & il respondit ainsi, Dieu mercy, ie me porte assez bien: mais i'auoye plus d'argent (& aussi auoient mes gens) quand ie faisoie guerre pour le Roy d'Angleterre, que ie n'ay maintenant: car, quand nous cheuauchiôs à l'auenture, nous trouuions aucuns marchans riches, de Toulouze, de Condon, de la Riolle, ou de Bergerath. Tous les iours nous ne faillions point, que nous n'eussions quel que bonne prise: dont nous estions friskes & iolis: & maintenant tout nous est mort. Et le Cheualier commença à rire: & dit, voirement est ce la vie des Gascons. Ils veulent volontiers dommage sur autrui. Pourquoi ie dy moy, qui entendy ceste parolle, que le Seigneur d'Albreth se repentoit assez de ce qu'il estoit deuenu François, ainsi que le Sire de Mucident, Gascon: qui fut pris à la bataille † d'Annet: & iura, en la main du Duc d'Aniou, qu'il viendrait à Paris, & qu'il se tourneroit bon François, & demourroit à tousiours mais. Si vint à Paris, & luy fit le Roy Charles tresbone chère: mais il ne luy seut tant faire, que ledict Seigneur de Mucident † ne s'emblast du Roy, & retourna, sans congé prendre, en son pays, & deuint Anglois, & rompit toutes les conuenances, qu'il auoit au Duc d'Aniou, † Aussi fit le seigneur de Rosan, le Sire de Duras, & le Sire de Langurât. Telle est la nation des Gascôs. Ils ne sont point estables: mais encores aimoient ils plus les Auglois, que les François: car leur guerre est plus belle sur les François, qu'elle n'est sur les Anglois. C'est l'un des plus principaux incidens, qui plus les y incline.

*Inconstance des
Gascons du tēs
de Froissart.*

*L'orgueil des
Anglois du tēs
de Froissart.*

† Il a dit yuree
au cha. 2. du 2.
volume.

† Au cha. 28.
du 2. volume.

8 Mais ce fut
deuant Muci-
dent. cha. 3. du
2. vol. Quant

au Langurant,
il n'eut pas le
loisir, car il fut
tué deuant, ch.
28. du 2. vol.

*De l'arriuee du Roy Leon d'Armenie en France: sur laquelle arriuee Froissart prend occasion
de parler de l'estat des Géneuois de son temps, & de la mort du Roy Pierre de Cypre.*

† Les grandes
Cron. de France,
celles du Tillet,
de M. Ga-
z. 20 dient que ce
fut en l'an
1385.

† Quelque nom
qu'eust ce cha-
teau, & quel-
que part qu'il
fust situé, ie ne
doute point que
ceux qui sau-
ront la situati-
on de toutes les
deux Arme-
nies, ne trou-
uent estrange ce
que nostre Au-
teur dira tan-
tost. Mais ce
n'est point à
moy de le dedi-
re: & me suffit
qu'il accorde à
soymesme.

† Il ne faut icy
Port d'O-
stie, ie doute
qu'il n'y falle
vn autre nom
d'Isle.

† Cette occision
du Roy Pierre
de Cypre fut en
l'an 1372. se-
lon Volaterran.
Agostino Lu-
stiniano, & M.
Gnazzo.

† Les Auteurs
nagueres alle-
guez, racom-
tent ces choses
un peu autre-
ment, s'accor-
dant toutesfois
au principal.

EN ce temps vindrent autres nouuelles de France. Car le Roy Leon d'Armenie † y vint: non pas en trop grand arroy: mais ainsi comme vn Roy chacé & bouté hors du Royaume: dont il se nommoit Roy: lequel estoit conquis & gaigné excepté vn fort chasteau, seant en mer: & qu'on dit † Courth: & le tiennent les Généuois, pourtant que le chasteau leur est vne clef, & vne issue, & entrée par mer, en allât en Alexandrie, & en la terre du Soudan. Car par tout Généuois vont & viennent marchander, parmy les turcz qu'ils payent, iusques à la grande Inde, la terre au Prestre-Iean: & par tous ils sont bien-venus, pour l'or & l'argent qu'ils portent, ou pour les marchandises qu'ils changent, en Alexandrie, au Caire, à Damas, & ailleurs: comme ils besongnent aux Sarrazins: car ainsi faut il que le monde se gouerne: car ce, qui point n'est en vn pays, est en l'autre: & pourtant sont cognues toutes choses: & ceux qui vont le plus loing, & qui le plus s'auenturent, sont Généuois: & vous dy qu'ils sont, par-dessus les Veniciens, Seigneurs des ports de mer: & les craignent plus & doutent les Sarrazins, que nulles autres gens, par mer, & sont vaillans hommes & de grand faict: & oseroit bien enuahir & assaillir vne gallée de Généuois, armée, quatre gallées de Sarrazins. Si eussent les Turcs & les Tartres grand dommage porté par plusieurs fois à la Chrestienté, se ne fussent Généuois: mais pourtant qu'ils ont la renommée d'estre Seigneurs des mers, qui marchissent aux mécreans, ils ont tousiours cinquante, que gallées, que grosses nefes, courans par mer: qui gardent les Isles: & premierement l'Isle de Cypre, l'Isle de Rhodes, l'Isle † d'Ostie, & toutes les bords de mer, & de Grece, iusques à la Turquie: & tiennent la ville & le chasteau de Pere (qui sied en mer, deuant la cité de Constantinople) & la font garder à leurs frais & despens: & la refreschissent, trois ou quatre fois l'an, de ce qui leur est nécessaire. Les Tartres & les Turcs, ont aucunefois essayé comment ils les peussent auoir: mais ils n'en peurent venir à chef: ainçois, quand ils y sont venus, ils y ont plus mis que pris: car Pere sied sur vne roche: & n'y a qu'une seule entrée: & les Généuois l'ont fortifiée grandement. Encores tiennent les Généuois la ville & chasteau de Iason: qui est noble, & de grand profit pour eux, & pour les pays Chrestiens, marchissans: car sachez que, se Pere, † Iason, Sticie, & Rhodes, n'estoient avecques l'aide des Généuois, les Mécreans viendroient courir iusques à Naples, voire iusques à Caiette, au port de Cornet, ou à Rome: mais ces garnisons (qui sont tousiours bien pourueues de bons Gens-d'armes de Généuois, & de nauires, & de gallées armées) leur saillent au deuant. Pour laquelle doute ils ne s'osent auenturer, fors que sur les trois frontieres de Constantinople, en allant vers la Hongrie: &, se le noble Roy de Cypre, Pierre de Lusignan (qui fut si vaillant homme, & de si haute emprise, & qui conquist la grand' cité d'Alexandrie & de Satalie) eust longuement vescu, il eust tant donné à faire aux Soudans & aux Turcs, que, depuis le temps Godefroy de Bouillon, ils n'eurent autant affaire, comme ils eussent eu: & bien le sauoient les Turcs & les Tartres, & les Mécreans (qui cognossoient les prouesses & les hautes emprises de luy) & pource, pour le destruire ils marchaderent, à son frere Iacquet, de l'occire & meutrir: † & fit occire le gentil Roy son frere, gisant en son liect. Ce fut bien enuyeuse chose, & mauuais scens, d'occire & meutrir si vaillant homme, cōme le Roy de Cypre: qui ne tendoit, n'imaginoit nuict ne iour, autre chose, fors qu'il peust acquerir la S. terre, & la mettre hors des mains des Mécreans. Or messire Phelippe de Mesieres, cheualier, Châcelier de Pierre de Lusignan, Roy de Cypre (duquel l'Histoire fait cy mention) fit escrire dudiect Roy de Cypre, sur la tombe (qui est au chapitre des Celestins de Paris. PIERRE de Lusignan, quinziesme Roy Latin de Hierusalem, apres Godefroy de Bouillon, & Roy de Cypre, par sa grand' prouesse & haute emprise prit, par bataille, & à ses frais, les citez d'Alexandrie en Egypte, Triple en Surie, Layas en Armenie, Satalie en Turquie, & plusieurs autres citez & chasteaux, sur les ennemis de la foy de Iesus Christ, *Anima eius requiescat in pace.* † Quand les Généuois (qui moult l'aimoient: & estoit raison: car il faisoit moult à l'aimer) seurent les nouuelles de sa mort, ils armerent sept galleres: & les enuoierent en Cypre, & prirent de faict la cité de Famagoste, & Iacquet dedans: & coururent la meilleure partie du Royaume: &, s'ils n'en cuidassent pis valoir, ils l'eussent destruit: mais, pourtant que les villes y sont fortes, & sont frōtieres aux Turcs ils les laisserent es mains des hommes des lieux: exceptée la cité de Famagoste, mais celle tiennent ils pour eux: & la gardent, & quand ils l'eurent conquise premierement, ils en osterent si grand auoir que merueilles: & emmenerēt avec eux, à Gènes, ce Iacquet (qui auoit meurdry sō frere) pour sauoir que les Généuois en voudroient faire. Vray est que le Roy de Cypre auoit vn beau

vn beau fils: qu'ils marierent, & couronnerent Roy, & mirent celuy Iaquet en prison estreictement: & n'eurent point conseil de le faire mourir. Mais tousiours tindrent ils Famagoste. Je ne say s'ils la tiennent encores. Si mourut sus son liêt le ieune Roy de Cypre: dont les Géneuois furent moult courrouceez (mais amender ils ne le peurent) & demoura la terre sans hoir. Je ne say qui la gouuerne maintenant. Mais, en l'an que ie fu en l'hostel du Comte de Foix, il me fut dit, d'un Cheualier de Bearn, le seigneur de Valenchin, que les Géneuois y auoient grand' part: & tenoient Famagoste, & auoient ceux du pays couronné à Roy ce Iaquet, par faute d'hoir. Je ne say pas quelle diablerie, ne comment, il estoit issu & deliuré hors de prison, & des mains des Géneuois.

De plusieurs nouvelles des Turcs & des Tartres: raccontées en France par le Roy Leon d'Armenie.

CHAP. XXII.

Quand le Roy Leon d'Armenie vint premierement au Royaume de France, deuers le Roy & les Seigneurs, on luy fit bonne chere: & ce fut bien raison: car il estoit venu de loingtain pays: & feut on par luy, & par ses gens, des certaines nouvelles du Royaume de Grece, & de l'Empire de Constantinople. Car bien sachez qu'il en fut examiné, & de la puissance des Turcs & des Tartres, & lesquels l'auoient mis & bouté hors de son Royaume. A ces enquestes & demandes il respondit que le grand Tacon de Tartre luy auoit tousiours fait guerre, & avecques ce, luy auoit tollu son Royaume. Et ce Tacon de Tartarie est il puissant? Ouy voir, dit il: car par sa puissance a il soumis (avecques la puissance du Soudan) l'Empereur de Constantinople. Adonc demanderent les Seigneurs, Constantinople a il la loy des Tartres? Nenny (dit-il) mais ce Tacon & le Soudan ont guerroyé longuement l'Empereur de Constantinople: & a conuenu à la fin (autrement l'Empereur ne pouuoit auoir paix) que l'Empereur de Constantinople (qui fut fils à madame Marie de Bourbon, & fils de l'Empereur Hugue de Lusignan) ait donné, par mariage, sa fille au fils du Tacon: mais l'Empereur demeure en sa loy, & tous les siens aussi, par la conionction de ce mariage. Adonc fut demandé quelle chose le Comte Couiet de Sauoye (qui fut si vaillant Homme, & auoit si grand' puissance de Cheualiers & d'Escuyers, & de Gens-d'armes) y auoit fait. On respondit que, quand le Côte de Sauoye fut en l'Empire de Hongrie, il fit guerre aux Turcs & aux Tartres, si auant qu'il peut. Planté ne fut ce pas: & toutesfois par vaillâce il conquist sur les Tartres, & sur la terre du Soudan, la bone ville & grosse de Calipole & Lobeme: & si laissa gens pour la garder & deffendre: & se tint la ville tousiours, apres que le Comte de Sauoye fut retourné en son pays, tant que le bon Roy de Cypre vesquit. Mais, si tost que le Soudan & le Tacon de Tartarie seurent qu'il estoit mort, ils ne douterent en riens l'Empereur de Constantinople: & mirent bien sus 100000. cheuaux, & vindrent courir deuant Constantinople, & de là ils allerēt mettre le siege deuant Calipole: & le cōquirent de force, & occirēt tous les Chrestiens, qui dedans estoient: & puis ont ils fait à l'Empereur de Constantinople si grand' guerre, que toute sa puissance n'a peu resister contr'eux: & luy eussent tollu son Empire: si ne fust par le moyen de sa fille, que le fils du grand Tacon conuoita à auoir à femme. Si est dure chose, pour le temps qui est à venir: car les officiers de Tacon sont ià en Constantinople, & ne vivent les Grecs qui là demeurent, fors que par eux, & par treu: & se le Roy & les Princes de la marche de Ponent n'y remedient, les choses iront si mal, que les Turcs & les Tartres conquerront toute Grece, & la conuertiront à leur foy & loy, & ià s'en vantent: & ne se font que mocquer & rire des Papes (qui sont l'un à Romme & l'autre en Auignon) & dient que les deux Dieux des Chrestiens se guerroyent: parquoy leur loy est plus foible & legere à destruire & à condamner: & y mettent la raison telle, que ceux, qui la deuoient exaucer, l'amendissent & destruisent. Adonc fut là demandé au Roy d'Armenie se le Soudan de Babylone & le grand Tacon estoient les plus grans des Royaumes mescreans, dont on eust la cognoissance en Grece, ne par-deça les mers, & les monts. Il respondit, Nenny: car tousiours ont esté les Turcs les plus nobles, les plus grans, les plus sages, & les plus redoutez de guerre, tāt qu'ils ont eu bon chef: & ils l'ont eu bien cent ans. Et, combien que ledit Tacon de Tartarie tienne en subiection l'Empereur de Constantinople, le Sire de Turquie tient aussi ce Tacon à grand destroit: & s'appelle ce Sire l'Amorabaquin: & au vray dire, il est moult vaillant homme aux armes, & moult preud'homme en sa loy. De l'Amorabaquin ne me doy-je, ne ne puis, en riens plaindre: car oncques il ne me fit mal.

† Eux-mesmes estant mort le petit Roy Pier-
rin, fils de feu
Pierre l'y reme-

nerēt, par faute
d'autre succes-
seur. en l'an

1383. selon les
Ann. de Gènes
d'Agost. Iustini-
ano, nague-
res allegué.

† Plusieurs au-
tres le nom-
ment Can, ou
Cham.

† Il luy laisse di-
re tout ce qu'il
veut: puis que
il ne se contre-
dit point. Tou-
tesfois ie croy
qu'il ne faut
que Roy. Car
il ne s'en trou-
ue nul Empe-
reur de ceste
maison.

† Il y faut le
comte Verd,
selon Champier
& Paradin en
leurs croniques
& Histoires
de sauoye.

† Il y faudroit
Galipoli, &
Limeno selon
Paradin.

† Frere An-
thoine Geofroy
en son Traicté
des conquestes

*des Turcs, dit
qu'ils l'appel-
loient Morat-
beg, & Mo-
ratben, & Mo-
ratbegy
(qui est à dire
Morat Sei-
gneur) & que
Froissart cui-
dant dire com-
me eux le nom-
ma l'Amora-
baquin. P. Io-
nio en son trai-
té des Turcs &
autres disent,
Amurat, pre-
mier de ce nom.*

Il a tousiours tenu la guerre sur l'Empereur de Hongrie. Et celuy Amorabaquin (dont vous nous parlez) est il de puissance si grand, si craint, & si renommé? Ouy (dit le Roy de Armenie) plus que ie ne dy: car, se l'Empereur de Constantinople & l'Empereur de Hongrie le craignent, autant bien le doutent le Soudan de Babylone & le Tacon de Tartarie: & eust ce Tacon (comme l'on suppose, & comme i'ay ouy dire aux Tartres) trop plus sousmis l'Empire & l'Empereur de Constantinople: si ce ne fust qu'il doute celuy Amorabaquin. Car il cognoist bien la nature de l'Amorabaquin, que, si tost qu'il fait vn plus grand que luy, il n'aura iamais ioye, tant qu'il l'ait sousmis & subiugué: & pource ne veut pas faire ce Tacon, sur Constantinople, ce que bien faire pourroit, s'il vouloit. Et celuy Amorabaquin a il grans gens avecques luy? Ouy, Il ne fut, passé à trente ans, qu'il n'eust bien cent mille chevaux en sa compaignie: & tousiours est il logé aux champs: ne ià ne se mettra en bonne ville: & pour son corps il a dix mil Turcs, qui le seruēt & gardēt: & ou qu'il voise, il meine son pere avec luy. Et quel aage peut il auoir, celuy Amorabaquin? Il a d'aage bien soixante ans: & son pere, quatre vingts & dix: & ayme l'Amorabaquin grandement la langue Françoisse, & ceux qui en viennent: & dit qu'il verroit volōtiers, sur tous les Seigneurs du monde, le Roy de France, & aussi son estat, & son ordonnance: & quand on luy en parle on luy fait grand bien: & en recommande grandement les Seigneurs. Et celuy Amorabaquin pourquoy tient il en paix ce Tacon? quand il est si grand conquereur? Pourtant (dit-il) que le Tacon le craint, & ne luy oseroit faire guerre: & a certaines villes & certains ports en Tartarie, qui rendent à l'Amorabaquin grand treu tous les ans: & aussi ils sont d'une loy: & ne veulent point destruire leur loy: & la chose, dōt il s'est plusieurs fois émerueillé, c'est, que les Chrestiens guerroyoient & destruisoient l'un l'autre, & pourtant s'est il mis plusieurs fois en grand volōté de venir en Chrestieté, & cōquerir tout deuant luy, & mieux me vauisist assez, qu'il m'eust accueilly, & conquis de guerre (aussi fit il à tout mon pays) que le Tacon de Tartarie. On demanda au Roy d'Armenie pourquoy il luy vauisist mieux: & il respōdit ainsi, L'Amorabaquin est vn Sire de noble condition: & fil estoit plus ieune de trente ans qu'il n'est, il seroit taillé de faire moult grans conquests, là ou il se voudroit employer: car, quand il a conquis vn pays, ou vne ville ou vne seigneurie, il ne demāde que truage. Il laisse ceux en leur créance: n'oncques ne bouta (ne ià ne fera) homme hors de son heritage. Il n'en demande auoir que la souueraine domination. Pour quoy ie dy que, fil eust conquis le Royaume d'Armenie, comme les Tartres ont fait, il m'eust tenu en paix, & mon Royaume en nostre foy, parmy la recongnissance que ie luy eusse faite de le tenir à souuerain Seigneur: si comme aucuns hauts Barons, qui marchissent à luy: comme Grecs & Traciés: qui l'ont pris à leur souuerain Seigneur, pour eux oster hors de la doute du Souuerain Soudan, & du Tacon de Tartarie. Et qui sont ces seigneurs? fut il demādē au Roy d'Armenie. Je le vous diray, dit il. Premièrement le Sire de Satalie y est, & puis le Sire de la Palice, & tiercement le Sire de Haute-Loge. Ces trois Seigneurs & leurs terres: parmy le treu qu'ils luy rendent tous les ans, demeurēt en paix: & n'est Turc, ne Tartre, qui mal leur face. Adonc fut demandé au Roy d'Armenie si son Royaume estoit si nettement perdu, qu'on n'y peust auoir nulle recourance. Ouy voir, dit il: mais il ne fait pas à recouurer: se puissance de Chrestiens ne vient pardelà, qui soient plus fors que les Turcs ne les Tartres, & plus viendront auant & plus conquerront sur Grece: si comme ie vous ay dit. Car, exceptée la ville, qu'on appelle Courch (qui est la premiere ville de mon Royaume, qui se tient Chrestienne) tout le demourant du pays est aux mécreans: & là ou les eglises souloient estre, ils ont mis leurs idolles & leurs Mahommets. Et ceste ville de Courch en Armenie est elle forte? Maist Dieu ouy, dit le Roy d'Armenie. Elle ne fait pas à prendre: si ce n'est par long siege, ou qu'elle soit trahie: car elle sied pres de la mer, en sec lieu, & entre deux roches: lesquelles on ne peut approcher: car, si les Tartres ou les Turs la tenoient, & vne autre bonne ville, qui est assez pres de là (qui s'appelle Aldephe) (toute Grece, sans nul moyen seroit perdue: & Hongrie si auroit fort temps. Doncques fut demandé au Roy d'Armenie se Hongrie marchissoit pres des Tartres & des Turcs. Il respondit, & dit ouy, & plus pres des Turcs & de la terre à l'Amorabaquin, que de nul autre. Donc fut dit, C'est grand merueille que l'Amorabaquin la laisse tant en paix: quand elle est si pres marchissant, & il est si vaillant homme, & si grand conquereur. En nom Dieu (dit le Roy d'Armenie) il ne s'en est pas feint du temps passé: & a mis toute la peine, & l'entente qu'il a peu, comment il peut porter grand dommage au Royaume de

*† Je vous eusse
volontiers dit
ou sont ces Sei-
gneuries: mais
se n'en ay enco-
res rien peu
trouuer: &
doute qu'il n'y
ait de la corrup-
tion en tels
mots.*

me de Hongrie: car, se n'eust esté vn incident tres-fortuneux, qui luy auint, il fust ores moult auant au Royaume de Hongrie. Et quel incident fut ce? demanda on au Roy d'Armenie. Ie le vous diray, dit-il.

Continuation des nouvelles de Leuant, racomptées aux Barons François par le Roy d'Armenie.

CHAP.

XXIII.

¶ Vand l'Amorabaquin vit que tous Seigneurs, qui marchissoient à luy, le doutoient & craignoient, tant par ses conquêtes, comme par ses prouesses, & qu'à son costé toutes les bondes de la mer obeïssioient, iusques au Royaume de Hongrie, & que le vaillant Roy † Federich de Hongrie estoit mort, & que le Royaume estoit descendu à femme, il fauïsa qu'il le conquerroit: & fit son mandement tresgrand & trespécial en Turquie: & vindrent tous ceux qui estoient mandez. Si s'en vint loger l'Amorabaquin es plaines de Satalie, entre la Palice & Haute-loge, pour donner plus grand' crainte à ses ennemis: & estoit son intention qu'il entreroit au royaume de Hongrie: & pourtant que Hongrie est vn Royaume & pays enclos & enuironné de hautes roches & montaignes (dont il vaut mieux: car il en est plus fort) il enuoya, deuant, ses Ambassadeurs & Heraux, à tout vn mullet chargé de grain, qu'on appelle millet: & leur dit au partir, Allez vous en en Hongrie, deuers le Comte de † Lazaran (lequel tient terres entre les montaignes de Melcabée & de Robée: par ou nous voulons que nostre Empire passe (& luy dites que nous voulons, & luy mandons, que, fil veut demourer, & estre en toute sa terre en paix, qu'il vienne à obeyssance deuers nous (ainsi qu'il voit que le Sire de la Palice, le Sire de Satalie, & le Sire de Haute Loge ont fait) & nous appareille passage: & fil est contredisant ne rebelle à nous, dites luy de par nous, & luy mōstrez de fait & par exemple, que ie mettray autant de testes, pour le destruire, en son pais, comme il y a en ce sac de grains de millet. Les Ambassadeurs de l'Amorabaquin se partirent sur ce point, & tous informez & auïsez de ce qu'ils deuoient faire & dire: & cheuaucherēt tant par leurs iournées, qu'ils vindrent en Hongrie, en la terte du Comte de Lazaran, descendans des Montaignes: & le trouuerent en l'vn de ses chasteaux: lequel chastel on appelle Archeforme. Le Comte, comme sage & bien auïsé, receut les Ambassadeurs de l'Amorabaquin moult doucement: & leur fit bonne chere. Mais il eut grand' merueille, quand il veyt entrer en sa cour ce mullet, chargé d'vn sac: & si ne sauoit de quoy. Si cuida du commencement que ce fust de presens d'or, ou de pierres precieuses, que l'Amorabaquin luy enuoyast, pour l'attirer & conuertir à luy donner entrée & passage parmy sa terre: & disoit à luy-mesme que ce ne feroit il nullement, ne iamais ne se laisseroit corrompre, pour argent qu'on luy feust presenter. Or vindrent les messagers de l'Amorabaquin deuant le Comte de Lazaran: & dirent ainsi, Sire de Lazaran, entendez nous. Nous sommes icy enuoyez par haut & redouté Seigneur & Roy, nostre Souuerain Seigneur l'Amorabaquin, Seigneur de Turquie & de toutes les appendances: & vous disons, de par luy, qu'il vous mande que vous veniez à obeïssance à luy, sur la forme & maniere que veez & sauez que vos voisins font, & ont fait (c'est assauoir le Sire de la Palice, le Sire de Haute-loge, & le Sire de Satalie) hommage enuers luy. Si ouurez vostre pays à l'encontre de sa venue: si vous voulez demourer en paix: & en ce faisant, vous serez grandement en sa grâce, & en son amour: & se vous estes rebelle & desobeyssant de non le vouloir faire, nous sommes chargez de vous dire que nostre Sire l'Amorabaquin mettra en vostre terre plus de testes d'Hommes-d'armes, qu'il n'y a de grains de millet en ce sac. A ceste parolle firent ils ouurir le sac: & luy monstrerent quelle chose il y auoit dedans. Quand le Comte de Lazaran eut entendu parler les Ambassadeurs de l'Amorabaquin, si fut tantost conseillé de respondre attrempement: & ne se decourrit pas de son penser, ne de son courage, à vne fois: mais dit, Reclouez le sac. Ie voy bien quelle chose il y a dedans: & ay bien ouy & entendu quelle chose l'Amorabaquin me mande: & dedans trois iours ie vous respondray: car la requeste de l'Amorabaquin demande bien autant de conseil. Ils respondirent vous parlez bien. Sur ce point & sur la fiance d'auoir response, ils seiournerent trois iours. Or vous diray que le Comte de Lazaran fit sur les trois iours qu'il deuoit respondre. Il se pourueut, & fit son chastel pourueoir, de plus de deux mille chefs de poulaille, chapons, & gelines: & les fit tous assembler, que de trois iours oncques ne mangerent. Quand le tiers iour fut venu, pour respondre aux Ambassadeurs de l'Amorabaquin, si les fit appeler le Comte: & les fit venir

† Ie confesse ne veoir point bien clair en tous ces comptes cy de Leuant, pour la varieté des noms des hommes & des regions & places: que ie pense estre pres que du tout corrompus.

† Selon P. Iouin & Fr. Anthoine Geufroy, son propre nom estoit Lazare, Despot ou Seigneur de Seruie Misia inferior aux Latins.

Presumptueuse menace de l'Amorabaquin, par ses Ambassadeurs au Comte de Lazaran.

*Bonne monstre
d'assurance du
Comte de La-
zaran, contre
la menace de
l'Amoraba-
quin.*

*Preparatifs du
Comte de La-
zaran, pour at-
tendre la ve-
nue de l'Amo-
rabaquin.*

decoſte luy: & leur dit, là ou il eſtoit en vnes galleries regardant ſur la court. Appuyez vous cy decoſte moy: & ie vous monſtreray quelque choſe de nouuel: & tantost auez reſponſe: & eux, qui ne penſoient pas à ce qu'il vouloit faire, ſ'appuyèrent delez luy. Les portes eſtoient cloſes, & la place de la court eſtoit grande & large: & ſes gens eſtoient appareillez de faire ce qu'il auoit ordonné. Ils ouurirent tantost vne chambre, ou deux: ou toute celle poulaille eſtoit enfermée: qui auoient deux iours ieuné. Tâtoſt celle ſachée de grain fut deſſachée, & eſpandue deuant eux. Ils entendirent par telle façon enuiron ce millet, qu'en moins de demie heure ils eurent tout recueilly & mangé: & encores en euſſent plus largement mâté. Car ils auoient grand faim. Adonc parla le Comte de Lazaran aux meſſagers de l'Amorabaquin: & ſe retourna ſur eux: & dit, Beaux Seigneurs, auez vous veu comment le millet, que vous m'auiez apporté de par voſtre maiſtre en moy menaçant, eſt deuoré & mis au neant par celle poulaille? & encores en mangeroient ils bien plus largemēt, ſils en auoient. Ouy, dirēt les meſſagers, pourquoy le dites vous? Ie le dy (dit le Comte) par ce que voſtre reſponce giſt en ce que ie vous diray, & par exemple de ce que vous auez veu. L'Amorabaquin me mande que, ſe ie n'obey à luy, il mettra dedans ma terre Gens-d'armes ſans nombre. Si luy dites, de par moy, que ie les attendray: mais il n'y en ſaura iâ tant venir, qu'ils ne ſoient tous deuorez: cōme le millet a eſté deuoré par ceſte poulaille. Quand les Ambaſſadeurs de l'Amorabaquin ouyrent ceſte reſponſe du Comte de Lazaran, ils furent tous penſifs: & prirent tous congé, & firent tant par leurs iournées, qu'ils vindrent là ou l'Amorabaquin eſtoit: & luy racomptèrent tout ce que le Comte leur auoit dit & mōſtré, & comment par ſemblant ne faiſoit cōpte de ſes menaces. De ceſte reſpōſe fut l'Amorabaquin moult couroucé: & dit que la choſe ne demoureroit pas ainſi, & que (vouſiſt ou non le Comte de Lazarā) il entreroit en ſon pays, & en Hōgrie, & mettroit toute la terre du Comte à deſtruction: pource que ſi treſpresomptueuſe & orgueilleuſe reſponce il luy auoit faite. Or faut il que vous die quelle choſe le Comte de Lazaran fit: luy, qui ſe ſentoit tout deſſié de l'Amorabaquin, & bien ſauoit que haſtiuement il auroit autres nouuelles de luy. Il ſe pourueut grandement ſur ce: & eſcriuit & mādā tantost à tous Cheualiers & Eſcuyers, & à toutes gens qui eſtoient de deſſeſſe, & experts, de garder l'entrée & le pays, par ou l'Amorabaquin deuoit entrer en Hōgrie, & leur manda moult eſtroitemēt, que, ſes lettres veuēs, ou ſes meſſages ouïs, que deuers eux il enuoyoit, tantost ils ſe tiraſſent & veinſſent vers luy. Car il n'auoit nul iour: & eſtoit l'Amorabaquin & toute ſa puiſſance es plains de Haute-loge: & qu'il conuenoit aider & deſſendre Sainte Chreſtienté. Tous ceux, que le Comte manda, obeyrēt volontiers: & vindrent deuers le Comte, qui ſe pourueoit fort. Si firent pluſieurs (qui pas ne furent mandez, & qui les nouuelles ouïrent) pour exaucer noſtre foy, & deſtruire les mécreans. Encores fit le Comte de Lazaran autre choſe. Car il fit couper les foreſts & haux bois, & coucher tout à trauers (pourquoy les Turcs ne peuſſent trouuer de nouuel chemin, ne faire) & ſ'en vint ſur vn certain pas: là ou il penſoit & bien ſauoit quē l'Amorabaquin paſſeroit & ameneroit ſes gens, pour entrer en Hongrie. Lequel Comte mena & conduiſit avec luy bien dix mille hommes Hōgres, & dix mille Arbaleſtiers: & les meit ſur les deux allées des chemins, & des pas, & y auoit deux mille payſans, tous tenans haches & groſſes congnées, pour couper les bois & clorre les chemins, quand temps ſeroit. Quand tout ce fut fait, il dit à ceux, qui avec luy eſtoient, Sans faute, Seigneurs, l'Amorabaquin viendra: puis qu'il le m'a mandé. Or ſoyez tous preud'hommes: & aidez à garder ce paſſage: car ſi les Turcs le conquierent, toute Hongrie eſt en peril, & en auenture d'eſtre perdue. Nous ſommes en fort lieu. Vn de nous en vaut quatre: & encores nous vaut mieux mourir à honneur, en gardant noſtre héritage & la foy de Ieſus Chriſt, que viure à honte & en grand ſeruage deſſous ſes chiens mécreans: combien certes que l'Amorabaquin ſoit moult vaillant homme, & preud'homme en ſa loy. Sire (reſpondirent ils) nous attendrons l'auenture avecques vous. Viennent les Turcs, ſils veulent. Nous ſommes preſts de les recevoir. Or de toutes ces ordonnances, ne de ces paſſages garder, ne ſauoient riens les Turcs: car le Comte de Lazaran, pour la doutance des eſpies, & que ſon contiennement & habillement ne fuſt réuelé & ſeu deuers l'Amorabaquin, auoit mis certaines gens ſur les paſſages (eſquels il ſe conſioit autant comme en luy-meſme) qui gardoient, de iour & de nuit, que nul n'alloit, ne venoit, deuers les Turcs. L'Amorabaquin ne meit pas en oubly ſon empriſe: mais dit qu'il enuoyeroit veoir & viſiter la terre au Comte de Lazaran, à ſon grand dōmage.

Car il

Car il ne vouloit pas qu'il fust trouué ne tenu pour menteur, de ce qu'il auoit promis. Il prit enuiron soixante mille hommes des siens (car il en auoit deux cens mille sur les champs) & leur bailla quatre Capitaines de sa loy & de son hostel: le Duc Mansion de Mecque, la Garde de Damiette, Alphalory de Samarie, & le Prince de Corde (qui s'apeloit Brachin) & leur dit ainsi au departir, Allez vous en, à tout voz gens que ie vous ay deliurez (c'est assez pour ouurir le passage de Hongrie) & entrez en la terre du Comte de Lazaran, & la destruisiez toute: & si tost que ie sauray que vous y serez, ie vous iray veoir, à tout le demourant de mon peuple: car ie vueil toute Hongrie mettre en ma sujection, & puis le Royaume d'Allemagne. Il m'est destiné (ce diét les fors de mon pays, & les deuins d'Egypte) que ie doy estre Roy & Seigneur de tout le mōde: & le lieu, que ie verroye & là ou iroye plus volontiers, c'est Romme: † car elle est d'ancienneté de nostre heritage: & noz predecesseurs l'ont conquise & gouvernée par plusieurs fois: & là vucil ie porter couronne: & y meneray le Galifre de Baudas, & le Tacon de Tartarie, & le Soudan de Babylone: qui m'y couronneront. Ceux qui estoient à genoux deuant l'Amorabaquin, respondirent qu'ils accōpliroient son desir: & à tant departirent de luy, à tout soixante mille Turcs: entre lesquels en y auoit 20. mille des plus aidables, & des plus preux & mieuz armez de toute Turquie: & ceux menoient l'Auantgarde. Tant exploiterent qu'ils vindrent entre les montaignes de Lazaran. Si ne trouuerent à l'entree du pays nul empeschement, & se bouterent ceux de l'auantgarde dedans. Si les conduisoit le Duc de Mecque & le Duc de Damiette: & passa ceste Auantgarde toute l'embusche du Comte de Lazaran. Quand le Comte & les Hongres virent qu'ils eurent leur charge, ils firent incontinent ouuriers mettre en œuvre, & abbatre bois & gros sapins, mettre & getter au trauers les pays: & empescherēt tellement les destroits, que tout fut enclos: n'il n'estoit pas en puissance d'homme, de pouuoir aller auant.

L'Amorabaquin enuoye soixante mille hommes contre le Comte de Lazaran.

† L'Amorabaquin pouuoit dire à ses gens ce qu'il vouloit fust vray ou non.

Là eut enclos bien trente mille Turcs: qui furent assaillis des Hongres, & tellement meinez des deux costez du bois, que tous y demourerent: sans qu'un tout seul y fust sauué: & y furēt occis les deux Ducs. Bien en y auoit aucuns, qui se cuidoiēt sauuer pour entrer es bois: mais non firent: car ils furent chacez & versez par terre tous morts, n'onques un tout seul ne s'en sauua. Or retournerent ceux de l'Arrieregarde: qui ne peurent passer, pour le grand empeschement du bois, qu'on leur auoit coupé au-deuant. Si retournerent deners l'Amorabaquin: & luy compterent le grand méchef, qui estoit auenu sur ses gens. De ces nouuelles l'Amorabaquin fut si pensif que merueilles. Si appela son Conseil, pour sauoir qu'il estoit bon de faire: car il auoit perdu la fleur de sa Cheualerie. Quand le Roy d'Armenie eut dit & compté ceste déconfiture & tout son estat au Roy de France, & à ses oncles (qui là estoient, & aucuns haux Barons de France, & son Conseil: qui eurent grand' pitié de luy: pourtant qu'il estoit là venu de si loingtain pays, comme de Grece, querir cōseil & confort: & pource aussi qu'il estoit Roy, & l'auoit on bouté hors de son Royaume, & n'auoit à present de quoy viure, ne tenir son estat: & ce monstroit il biē par ses cōplaintes) si dit le Roy de France (cōbien ieune qu'il fust pource tēps) Nous voulōs q̄ le Roy d'Armenie (qui nous est venu voir en esperance d'auoir du bien) soit tellement aidé & conforté du nostre, qu'il ait son estat grād & ordonné: ainsi comme il appartient à luy: qui est Roy, comme nous sommes. Et quand nous pourrons, nous le conforterons de Gens-d'armes, & de voyage: & luy aiderons à recouurer son heritage: & nous en auons bonne volonté: car nous sommes tenus d'exaucer la foy Chrestienne. La parolle du Roy de France fut bien ouye & entendue (ce fut raison) & ne la contredit nul: mais furent ses oncles & le Conseil du Roy desirans de l'accomplir: & outre fut regardé que le Roy d'Armenie, pour tenir un estat moyen, seroit assigné d'une rente & reuenue par an sur la chambre des comptes, & bien payé de mois en mois, & de terme en terme. Si fut assigné ledit Roy d'Armenie de six mille francs par an: & eut cinq mille de present, pour luy pourueoir de chambre & vaisselle, & d'autres menues choses necessaires: & l'hostel de Saint-Audoin, delez Saint-Denis, pour là demourer luy & ses gens, & y tenir son estat. Telle recourance eut le Roy d'Armenie du Roy de France, de premiere venue, & tousiours en accroissant: n'on ne luy amendrissoit point: mais tousiours luy accroissoit on: & estoit à la fois avecques le Roy, & par especial aux festes solennelles.

Grande défaite de Turcs par le Comte de Lazaran, & les Hongres.

Moyen estat assigné en France au Roy d'Armenie.

Comment, pendant toutes les guerres dessusdites, la dissension & guerre continuoit aussi entre les deux, qui se disoient Papes: c'est assavoir Urbain sixiesme, & Clement septiesme de ce nom: & d'un bon Apologue de frere Iehan de Rochetaillade sur la Papauté.

C H A P I T R E X X I I I I.

† Il faut que ce soit celui, que les Histoires de Naples nomment Orban de Brunsvich: comment est aussi au chan. 35. du 2. vol. & Barthelemy des Aigles pour Bertrand des Aigles.

EN ce temps vint messire † Othes de Bresnil en Auignon, veoir le Pape Clement, & pour auoir finance & argent: car il auoit fait guerre pour luy, & pour l'Eglise, aux Romains, & à Bertrand des Aigles: qui s'escriuoit & nommoit Pape Urbain sixiesme: si comme vous sauez, & si comme il est contenu en nostre Histoire. Si remōstra ledit messire Othes plusieurs choses au Pape & aux Cardinaux: desquelles il fut biē creu & ouy: mais de finance ne peut il auoir: car la chambre estoit si vuide d'or & d'argent, que les Cardinaux ne pouuoient auoir les gages, qu'on leur deuoit de leurs chapeaux. Si conuint que messire Othes de Bresnil partist mal content d'entr'eux. On luy deliura mille frācs en Auignon: dont il ne fit cōpte. Par ce point fut la guerre du Pape Clement plus laide: car onques puis messire Othes ne s'en voulut point embesongner. Aussi Marguerite de Duras (qui se tenoit à Gaiette, & qui estoit auerfaire à la Roynne de Naples, la femme qui fut au Roy Loys, Duc d'Aniou) le manda, pour luy aider à faire sa guerre contre les Neapolitains. Si s'en excusa & dissimula vn temps ledit messire Othes: qui ne sauoit lequel faire. Aucuns de son Conseil luy boutoient en l'oreille, qu'il se tint avec Marguerite de Duras (qui estoit heritiere de Naples & de Cecile) & luy aidast à deffendre & à garder son heritage: & la prist à femme (car elle le vouloit bien auoir à mary: pourtant qu'il estoit de noble sang & de haute extraction) & se fist Sire & Roy du pays, dont elle se clamoit Dame: & les autres luy conseilloyent que non, & qu'il en pourroit venir à vn mauuais chef: car les enfans du Roy Loys (qui auoit esté couronné en la cité de Bar) estoient ieunes: & auoient grande foison de bons amis & de prochains, & par especial le Roy de France leur cousin germain (qui les vouloit aider) & leur Dame de mere, Iehanne, duchesse d'Aniou & du Maine: laquelle estoit de grand pourchas. Toutes ces doutes luy remonstroient aucuns de son conseil au deuant, pourquoy messire Othes se n'estraignit & dissimula long temps: & n'obtenoit l'vne partie ne l'autre. En ce temps auoient enclos, en la cité de Peruse, celui, qui s'escriuoit Pape Urbain, les soudoyers du Pape Clement (qui se tenoit en Auignon) le Sire de Montroye, vn moult vaillant Cheualier de la Comté de Genēue & de Sauoye, & messire Talebart, vn Cheualier de Rhodes, & messire Bernard de la Salle: & fut là moult estraint ledit Pape, & sur le poinct d'estre prins: & ne tint qu'à vingt mille francs: comme ie fu adonc informé: car vn Capitaine Allemand, tenant grans routes (qui s'appelloit le Comte Conrard) l'eust deliuré es mains du Pape Clement: fils les eust eus. Dont messire Bernard de la Salle en fut enuoyé en Auignon: & demonstra tout ce au Pape, & aux Cardinaux: mais on n'y peut entendre, tant qu'à deliurer la finance: car la Court estoit si poure, que point d'argent n'y auoit: & retourna messire Bernard mal-content au siege de Peruse. Si dissimulerent & refreignirent les choses, & les Perusiens aussi, & celui Comte Conrard, & issit Urbain de ce peril: & s'en vint à Romme: & là se tint.

Discours sur la dissension des deux antipapes susdits.

Bien say qu'au temps auenir on s'emerueillera de telles choses, & comme l'Eglise peut cheoir en tels troubles, ne si longuement demourer: mais ce fut vne playe enuoyée de Dieu, pour auiser & faire cōsiderer au Clergé le grand estat & superfluité, qu'ils tenoient & faisoient: mais les plusieurs n'en tenoient cōpte: car ils estoient si aueuglez d'orgueil & d'outrecuidance, que chacun vouloit ressembler l'vn à l'autre: & pource les choses alloient mauuaisement: & si nostre foy n'eust esté confermée en la main & en la grace du Saint-Esprit, qui enlumine les cueurs deuoyez & les tient fermes en vnitē, elle eust croslé ou branlé. Car les grans Seigneurs terriens, de qui le bien vient du commencement à l'Eglise, ne faisoient que rire & iouer: au temps que j'escriuy & cronisay ces croniques, L'an mil trois cens quatre vingts & dix: dont moult de peuple commun s'emerueilloit comment si grans Seigneurs, & tels comme le Roy de France & le Roy d'Allemagne, & les Rois & Princes de chrestienté, n'y pouruoyent de remede, ne de cōseil. Or y a vn poinct raisonnable pour appaiser le peuple & excuser les haux Princes, Roys, Ducs, Côtes, & tous seigneurs terriens. Exēple. Neant plus que le moyeu d'vn œuf peut estre sans glaïre, ne la glaïre sans le moyeu: non plus ne peut le Clergé & les Seigneurs l'vn sans l'autre: car les Seigneurs sont gouuernez par le Clergé: n'ils ne sauroient viure & se-

En quel temps Froissart escriuoit la presente: c'est à sauoir l'an 1390.

(& feroient comme bestes) se le Clergé n'estoit: & le Clergé conseille & enhorté les seigneurs à faire ee, qu'ils font. Si vous dy, à certes, que i'ay esté en mon temps, moult par le monde, tant pour ma plaissance accomplir, & veoir les nouuelles de ce monde, comme pour m'enquerir des auétures & des armes, lesquelles sont escrites en ce liure: & ay peu veoir & retenir de moult d'escrits. Mais voirement, le terme que i'ay couru par le monde, ie n'ay veu nul haut Seigneur qui n'eust son marmouset, ou de clergé ou de garçons montez par leurs iangles, & par leurs bourdes, en honneur: excepté le Comte de Foix: mais iceluy n'en eut onc nuls: car il estoit sage naturellement: & valoit son sens plus que nul antre don, qu'on luy peust dōner. Je ne dy mie que les Seigneurs, qui vsent par leurs marmousets, si soient fols: mais ils sont plus que fols: car ils sont tant aucuglez que merueilles: & si ont deux yeux. Quand la cognoissance vint premierement au Roy Charles, de bonne memoire Roy de France, du different de ces Papes, il se cessa: & s'en meit sur son Clergé. Ceux du Clergé de France en determinerēt: & prirēt le Pape Clement, pour la plus saine partie. A l'opinion du Roy de France s'accorderent & tindrent le Roy de Castille & le Roy d'Escoce: pour cause de ce q̄ pour le tēps que le scisme vint en l'eglise, Frâce, Castille, & Escoce, estoient cōioints ensemble par alliâces: car le Roy d'Angleterre leur estoit auersaire. Le Roy d'Angl. & le Roy de Portugal furent contraires à l'opinion des Royaumes dessusdits: qui pareillement estoiet cōioints ensemble. vouloient tenir l'opinion contraire de leurs ennemis. Le Côte de Flādres en determina tantost: sicomme il est contenu cy-dessus en ceste Histoire: car son courage ne s'enclina oncques à Clement, qu'il fust droit Pape: pour la cause que Clement fut à la premiere election à Romme, pour l'Archeuesque de Bar. Celuy Clement, estant Cardinal de Genève, escriuit au Comte de Flandres qu'ils auoient vn Pape, élu par bonne & deuē election: qu'on nommoit Urbain. Si que tant qu'il vesquit, il tint celle opinion: & autant le Roy d'Allemagne, & tout l'Empire, & aussi Hongrie. Dont, en escriuant de ces estats & differens, que de mon temps veoye au monde & en l'eglise (qui ainsi branloit) & es Seigneurs terriens (qui se souffroient & dissimuloient) il m'alla souuenir, & reuint en remembrance comment de mon ieune temps, le Pape Innocent regnant en Auignon, l'on tenoit en prison vn Frere-mineur, moult Clerc: lequel s'appeloit Frere-Iehan de Rochetaillade. Celuy Clerc (comme il disoit, & comme i'ay ouy parler en plusieurs lieux en priué, non en public) auoit mis hors & mettoit plusieurs autoritez & grans notables, & par especial des incidens fortuneux qui auindrent de son temps, & sont encor' auenues depuis au royaume de Frâce. De la prise du Roy Iehā il parla moult bien: & monstra par aucunes choses raisonnables, que l'Eglise auroit encores moult à souffrir, pour les grās superfluitez qu'il venoit entre ceux, qui le baston du gouuernemēt auoient: & pour le temps de lors, que vey tenir en prison celuy, on me disoit vne fois au Palais du Pape, en Auignon, vn exemple, qu'il auoit fait au Cardinal d'Ostie (qu'on disoit d'Arras) & au Cardinal d'Auxerre: qui l'estoient allez veoir & arguer de ces paroles: Dont, entre les deffenses qu'il mettoit en ces parolles: il leur fit vne exemple en telle maniere, comme vous orrez cy-ensuyuant. Or dit Frere-Iehan de Rochetaillade, Il fut vne fois vn oiseau, qui nasquit & apparut au monde sans plumes: & quand les autres oyseaux seurent qu'il fut né, ils l'allerent veoir: pourtant qu'il estoit fort bel & fort plaissant en regard. Si imaginerent sur luy, & se conseillerēt quelle chose ils feroient: car sans plumes il ne pourroit voler: & sans voler il ne pourroit viure, dōt dirēt ils qu'ils vouloiēt qu'il vesquist: car il estoit moult bel. Adonc n'eut là oiseau, qui ne luy donnaist de ses plumes: & plus estoit gentil, & plus luy en donnerent: & tant que celuy bel oisel fut tout empanné: & commença à voler: & encorés, à le veoir voler, prenoient tous les oiseaux, qui de leurs plumes luy auoient donné, grand' plaissance. Celuy oiseau, quand il se vit si au-dessus de plumage, & que tous oiseaux l'honnoient, il commença à s'orgueillir: & ne fit compte de ceux, qui fait l'auoient: mais les becquoit & picquoit, & poingnoit, & contrarioit. Lors les oiseaux se mirent ensemble: & parlerent de celui oisel, qu'ils auoiēt empenné & creu: & demanderent l'vn à l'autre quelle chose en estoit bonne de faire: car ils luy auoient tant du leur donné, qu'ils l'auoient tellement engrandi & enorgueilly, qu'il ne faisoit compte d'eux. Adonc respondit le Paon, Il est trop grandement embelly de mes plumes. Je les reprendray. En nom Dieu (dit le Faucon) aussi feray-ie les miennes. Et de tous les autres oiseaux, ainsi ensuyuans, chacun dit qu'il reprendroit ce que donné luy auoit: & luy commencerent à retollir & oster son plumage.

*Apologue de
la Corneille du
Poete Horace,
appliqué à la
Papauté, par
Frere-Iehan de
Rochetaillade.*

† N'entendez pas immédiatement: car il y en eut grand quantité entre deux.

Quand il vit ce, il s'humilia grandement: & reconnut adonc le bien & l'honneur qu'il auoit, & que le beau plumage ne luy venoit point de luy: car il estoit au mode venu nu, & pour de plumage: & bien luy pouuoient oster ces plumes ceux, qui données les luy auoient, quand ils voudroient. Adonc leur cria il mercy: & leur dit qu'il s'amenderoit, & que plus par orgueil ne par bobant il ne les perdrait. Encores de-rechef les gentils oyseaux, qui emplumé l'auoient, en eurent pitié, quand ils le virent humilie: & luy rendirent les plumes, qu'ostées luy auoient: & luy dirent au rendre, Nous te voulons volontiers veoir entre nous voller, tant que par humilité tu vueilles ouurer: car moult bien y affiert. Mais saches, si tu t'orgueillis plus, nous t'osterons tout ton plumage: & te mettrons au point, ou no⁹ te trouuâmes. Ainsi beaux Seigneurs (disoit Frere Ieā aux Cardinaux, qui estoient en presence) vous en auiedra: car l'Empereur de Romme & d'Allemagne, & les Roys Chrestiens, & les haux Princes terriens, vous ont donné les biens, les possessions, & les richesses pour seruir Dieu, & vous les despêsez & alienez en orgueil, en bobant, & en superfluitez. Que ne lisez vous la vie de Saint Siluestre, Pape de Romme, † apres Saint-Pierre, premier Pape? & imaginez & confidez en vous iustement comment l'Empereur Cōstantin luy donna premierement les dismes de l'Eglise, & sur quelle condition. Saint Siluestre ne cheuauchoit point à deux cens, n'à trois cens cheuaux, parmy le monde: mais se tenoit simplement & closement à Rōme & viuoit sobrement avecques ceux de l'Eglise, quand l'Ange, par la grace de Dieu, luy annonça comment l'Empereur Constantin (qui estoit mécréant & incrédule) l'enuoyeroit querir: car il luy estoit aussi réuelé, par l'Ange de Dieu, que Siluestre luy deuoit la voye de môstrer de sa garison: car il estoit si malade de mesellerie, qu'il cheoit trestout par pièces. Quand il fut deuant luy, il luy môstra la voye de Baptême: & le baptisa: & il fut guery: dont l'Empereur Constantin, pour celle grace & vertu que Dieu luy fit, creut en Dieu: & fit croire son Empire: & donna à Siluestre, & à l'Eglise toutes les dismes (car, au parauant, iceluy Empereur de Romme les tenoit) & luy donna encores plusieurs beaux dons, & grandes Seigneuries, en augmentant nostre foy & l'Eglise. Mais ce fut son intention, quant à ces biens & ces Seigneuries, qu'on les gouuernerait humblement, & iustement, & non pas en orgueil, pompe, ne bobant: mais on en fait à present tout le contraire: pourquoy Dieu est courroucé: & se courroucera vne fois grandement sur ceux, qui au temps auenir viendront: si que les Nobles, qui se sont élargis de dōner les terres, les rentes, & les Seigneuries que ceux de l'Eglise tiennent, se refroidiront de donner, & par-aventure retourneront ce qu'ils ont dōné: & si ne demourera pas longuement. Ainsi Frere Iehan de Rochetaillade (que les Cardinaux faisoient tenir en prison en Auignon) demōstroït ces parolles à ceux, qui entendre y vouloient: & tant que moult souuent les Cardinaux estoient ébahis, & volontiers l'eussent à mort condamné: se nulle iuste cause peussent auoir trouuée en luy: mais nulle n'en y veioient, ne trouuoient. Si le laisserent viure, tant comme il peut durer: & ne l'osoient mettre hors de prison: car il proposoit ses choses si parfond, & alloit querir tant de hautes escriptures, que par-aventure il eust fait le monde errer. Neantmoins a lon veu auenir (comme les aucuns dient, qui ont mieux pris garde à ses parolles que ie n'ay) moult de choses, qu'il mit auant, & escriuit en la prison: & tout vouloit prouuer par l'Apocalypse, Les prouues veritables, dont il s'armoit, le sauuerent de non estre ars, plusieurs fois: & aussi il y auoit aucuns Cardinaux, qui en auoient pitié: & ne le greuoient pas tant qu'ils pouuoient. Nous nous souffrerons à parler de toutes telles narrations: & retournerons à nostre principale matiere & histoire d'Espagne, de Portugal, de France, & d'Angleterre: & recorderons des auenues, qui y vindrent en celle saison: lesquelles ne sont pas à oublier.

Pour quelle raison ceux de Lissebonne & autres Portugalais firent le Bastard Denis Roy de Portugal, plustost que de receuoir le Roy Iehan de Castille: qui auoit espousé Bietrix, fille du feu roy Ferrand de Portugal.

CHAP.

XXV.

† Il y auoit encor icy Iehan: & pourtant souuient vous de ce que j'ay annoté sur les chap 10. & 13.

Vous auez cy-dessus ouy recorder comment le Roy † Denis, fils au Roy Damp-Pierre de Portugal (qui fut moult vaillant homme) & frere-bastard au Roy Damp-Ferrand, estoit entré en la possession & heritage du Royaume de Portugal, par le fait & enhardissement seulement de quatre citez & villes de Portugal: car on n'en doit pas encoulper les nobles & les Cheualiers du Royaume de Portugal: car du commencement ils s'en acquitterent loyaument enuers le Roy Iehan de Castille & sa femme Madame Bietrix

Bietrix, † comme ie vous l'ay déterminé & éclaircy brièvement. Or, quoy que plusieurs teinssent l'opinion de celle Dame, si la nommoient les autres bastarde: car elle fut fille d'une Dame de Portugal: laquelle auoit encores son mary viuant, vn Cheualier du pais de Portugal, qu'on appelloit messire Iehan-Laurens de Coigne: & luy auoit fait tollir le Roy de Portugal sa femme. Bié est verité que Madame Alienor † de Coigne il auoit espousée, & le Cheualier bouté hors du pais de Portugal: lequel s'en estoit allé demourer avecques le Roy de Castille, n'il n'osoit aller demourer en Portugal (combien que de haut parage il fust) pour la doutance du Roy: qui tenoit sa femme. Ce sont bien choses à émerueiller: car le Roy Ferrand de Portugal si tenoit sa fille à légitime: & l'auoit fait dispenser au Pape Urbain de Romme, sixième: & quand la paix fut faite des deux Roys de Castille & de Portugal, & qu'un Cheualier de Portugal (qui s'appelloit messire Iehan Ferrand Audere: lequel estoit tout le cueur & le conseil du Roy de Portugal) traitta la paix, il fit le mariage de la fille au Roy Ferrand de Portugal au Roy Iehan de Castille (qui lors estoit vefue de la fille de Damp-Pietre, Roy d'Arragon) combien que le Roy de Castille & son Conseil auoient bien, au mariage faire, mist toutes ces doutes de la fille non estre heritiere de Portugal. Mais, pour asseurer le Roy de Castille, le Roy Ferrand auoit fait iurer à plusieurs haux Barons & Nobles de Portugal, qu'apres son decès ils la tiendroient à Dame, & retourneroit le Royaume de Portugal au Roy de Castille: & auoit fait le Roy de Portugal obliger les bonnes-villes, ènuers le Roy de Castille, à le tenir à Roy, à la peine & somme de deux cens mille francs. Et combien que le dessus-dit Cheualier Iehan-Ferrand Audere se fust embesogné en espee de bien pour mettre paix & concorde entre Castille & Portugal, & pour le desir & plaissance de son seigneur accomplir, si en fut il mort & occis de ceux de Lissebonne, & de la Communauté: qui eleurent Maistre Denis à Roy, & qui le voulurent auoir à force: Car ils disoient que, pour retourner & renuerfer Portugal ce que dessus dessus, ils ne seroient ia en la suiection de ceux de Castille, ne des Castillans: tant les hayoient: n'oncques ne les peurent aimer: ne Castillans eux. Si disoient les Lissebonnois (qui furent principal émueuement de ceste guerre) que la couronne de Portugal ne pouuoit venir à femme, & que la Roynne de Castille n'en estoit pas heritiere: car elle estoit bastarde, & plus que bastarde, car le Roy Ferrand viuant, & mort, viuoit Iehan-Laurés de Coigne, mary de sa Dame de mere. Et pource eleurent Maistre Denis: & le couronnerent quatre citez: c'est assauoir Lissebonne, † Vic, Eure, & le Port de Portugal: qui vouloient auoir vn Roy & vn Seigneur avecques eux, & qui veoient la grand' volôté, que les Communautés auoient à ce maistre Denis. Et vne des incidences, qui plus émeut les communautéz premierement de non estre en la garde & suiection du Roy de Castille, ie la vous diray. Les Espaignols (que ie nomme Castillans) quand le mariage fut fait de Castille & de Portugal, & que le Roy Ferrand eut encommencé le Royaume de Portugal à venir apres son decès au Roy Iehan de Castille: là ou les Espaignols trouuoient les Portugalois, ils se mocquoient d'eux: & disoient aux gens de Portugal, Veuillez ou non, vous retournerez en nostre dânger. Nous vous tiendrons en suiection & seruage & vous enseignerons, si comme esclaves & Iuifs: & ferons de vous nostre volonté. Les Portugalois disoient & respondoient que ia n'auient droit, ne que ia ne seroient en suiection de nul homme du mode, fors que d'eux. Pour celle cause, & pour les parolles reprochables des Espaignols, ils prirent Maistre Denis: fils-Bastard du Roy Pierre de Portugal. Tant que le Roy Ferrand vesquit, il ne fit compte de ce Bastard: & n'eust iamais cuidé, ne supposé, que les Communautés de son royaume, luy mort, l'eussent élu, & pris à Roy, & laissé sa fille. Mais si firêt: & bien auoit dit au Roy son Cheualier, Ferrand Audere, que les communautéz auoient moult fort leur grace sur luy, & qu'il seroit bon qu'il fust mort. Mais le Roy Ferrand auoit respondu que les Communautés n'auoient nulle puissance sur les Nobles de son pays: & que le Roy son fils, Damp-Iehan de Castille, estoit trop puissant Roy pour eux contraindre & chastier, se rebellion auoit en Portugal apres sa mort: & que nulle cause il n'auoit de le faire mourir n'emprisonner: car son frere estoit homme de religion: & auoir bien grand' cheuance sans penser à la couronne de Portugal: & pource estoit il demeuré en vie. A parler par raison de tous les articles & poincts dessusdits (qui sont veritables: car ie, Aeteur, en ay esté suffisamment informé par les Nobles du royaume de Portugal) ce sont bien choses à émerueiller de prendre à faire vn bastard Roy: mais ils n'y trouuoient nul plus prochain, & disoient les Portugalois, & encores dient, que la

*Au chap. 2. du
present Vol.*

*† Qui estoit des-
ia mariée à ce
Cheualier Ie-
han-Laurens
de Coigne.*

*Que la Roynne
Bietrix estoit
Bastarde, &
plus que Ba-
starde.*

*† Il a dit Co-
uimbres &
Ourc, pour ces
deux, au chap.
2. du pres. Vol.*

*Principal: cau-
se de ce que ces
Portugalois ne
voulurent tom-
ber en la main
du Roy de Ca-
stille, non ob-
stant le droit de
sa femme.*

royne de Castille, Madame Bietrix, fille à Madame Alienor de Coigne, est bastarde, par les conditions dessusdites: ne ià ne seroit Royne de Portugal, ny hoir, qui descendist de luy: & ceste opinion meit bien auant le Comte de Foix à ses gens, quand il les eut mandez à Ortais, & il leur dōna à disner, & ils prirent congé de luy: car de toutes ces besongnes de Portugal & de Castille il estoit aussi suffisamment informé: & leur auoit dit, seigneurs vous n'avez que faire de vous embesongner pour la guerre de Castille & de Portugal: ne la Royne de Castille (qui fut fille au Roy Ferrand de Portugal) n'a nul droit à la couronne de Portugal: & est vne guerre commencée moult estourdie & enuenimée, si vous en pourroit bien mal auenir, & à ceux, qui s'en embesongnent. Ses gens auoient respōdu que puis qu'ils auoient pris & receu l'argent d'un tel Seigneur, comme le Roy Iehan de Castille, ils l'iroient seruir. Et à tant les laissa ester: mais tous, ou en partie, y demourerent: comme vous avez cy-dessus ouy.

Comment Froissart alla iusques à Meldebourg en Zelande, pour s'enquerir des affaires de Portugal, à un Cheualier du pays: qui s'en alloit en Puce.

CHAP. XXVI.

*Diligence de
Froissart, pour
satisfaire au
devoir d'Histo-
riographe.*

OR retournerons aux besongnes de Portugal. Car elles ne sont pas à laisser, pour les grans faits-d'armes & entreprises qui en sont issues, & pour historier & croniser toutes choses auenues: afin qu'au temps auenir on les treuve escrites & enregistrées. Car, felles estoient anichilées, cē seroit dommage: & par les Clercs, qui anciennement ont escrit & registré les Histoires & les liures, sont les Histoires & les choses seules: car il n'est si grand, ne si belle memoire, comme l'escriture est. Et veritablement ie vous dy, & vueil bien que ceux qui viendront apres moy sachent, que pour sauoir la verité de ceste Histoire, & enquerre de tout iustement en mon tēps, i'en ay eu beaucoup de peine, & cerché moult de royaumes & de pays, pour le sauoir, & en mon tēps moult cogneu de uailans hommes, & les vey en ma presence, tant de France que d'Angleterre, d'Escoce, de Castille, & de Portugal, & des autres terres, Duchez, & Comtez, qui se sont coniointes, elles & leurs gens, en ces guerres: ausquels i'en parlay, & par lesquels ie m'en instruisi, & informay: & volontiers, n'aucunement, ie n'eusse point passé vne enqueste, faite de quelque pays que ce fust: sans ce que i'eusse, depuis l'enqueste faite, bien feu qu'elle eust esté veritable. Or, pour le temps que ie fu en Bearn deuers le gentil Comte Gaston de Foix, ie fu informé de plusieurs & diuerses besongnes: lesquelles estoient auenues entre Castille & Portugal. Mais quand ie fu retourné en ma nation, en la Comté de Hainaut, & en la ville de Valenciennes, & ie m'y fu refreschi vn terme, & ma plaissance me prit de poursuiuir l'Histoire que i'auoye cōmencée, ie m'auisay par imagination, que iustement ne le pouoye pas faire, par auoir singulierement ouy ceux, qui tiennent & soustiennēt l'opinion du Roy de Castille: & me conuenoit donc, se iustement ie vouloye ouurer, ouyr autant bien parler les Portugalais, cōme i'auoye fait les Gascons & les Espaignols en l'hostel de Foix, & sur le chemin, allant & retournant. Si ne ressoingny pas la peine de mon corps: mais m'en vein à Bruges en Flandres, pour trouuer les Portugalais & les Lissebonnois: car tousiours en y a planté. Or regardez comment ie fu, se c'est de bonne auenture. Il me fut dit, & ie le trouuay bien au vray, que, se i'eusse visé sept ans, ie ne pouoye mieux venir à poinct à Bruges, que ie fy pour lors: car on me dit, se ie vouloye aller à Meldebourg en Zelāde, que là trouueroye vn Cheualier de Portugal, vaillāt homme & sage, & du Conseil du Roy de Portugal: † qui se nommoit Iehan Ferrand Porteler, & nouuellement estoit là arriué, & par vaillance il vouloit aller, & tout par mer, en Puce, celuy me diroit & parleroit, iustement & plainement, des besongnes & auentures de Portugal: car il auoit esté en toutes & par toutes. Ces nouvelles me réiouyrent: & me party de Bruges, avecques vn Portugalais en ma compaignie (qui cognoissoit tresbien le Cheualier) & m'en vein à l'Escluse: & là montay en mer: & fy tant, par la grace de Dieu, que i'arriuy à Meldebourg: Si m'acointa iceluy Portugalais, qui estoit avecques moy, du Cheualier ci-dessus nommé: lequel ie trouuay gracieux, sage, hōnorable, courtois, amiable, & accointable: & fu avecques luy six iours, ou enuiron, & tant comme il me pleut à estre. Ce Cheualier m'informa & compta de toutes les besongnes auenues entre le Royaume de Castille & le Royaume de Portugal, depuis la mort du Roy Ferrand, iusques au iour que ledit Cheualier estoit issu hors du Royaume: & si iustement & attrempement le me comptoit, & tant volontiers, que ie prenoye grand plaissance à l'ouyr & à l'escire: & quand ie fu informé de tout tant que ie vouloye sauoir, & le vent fut

† Pource qu'il
dira tantost
qu'il l'a nommé.
i'ay pris ce
nom à la fin du
present chap.
& l'ay icy ap-
pliqué.

fut venu, ie pry congé de luy: & il me conuoya iusques dedans le vaissel: & aussi firent plusieurs riches marchans de son pays (qui l'estoient venus veoir de Bruges) & les bonnes gens de Meldebourg, & sa compaignie avecques luy: & en sa compaignie estoit le fils au Comte de Nauarre de Portugal, & plusieurs autres Cheualiers & Escuyers dudit Royaume: mais on luy faisoit honneur dessus tous: & certainemēt, à ce que ie peu veoir & imaginer de son estat, de son corps, & de son affaire, il le valoit: car il auoit moult belle forme & taille d'estre vaillant homme & noble. Or retournay-ie depuis à † Romme, & en mon pays. Si ouuray & besongnay sur les parolles & relations, faites du gentil Cheualier, messire Iehan Ferrand Porteler: & croniquay tout ce qu'es Royaumes de Portugal & de Castille est auenu, iusques à l'an de grace nostre Seigneur Mil trois cens quatre vingts & dix.

Comment ceux de Portugal enuoyerent messagers en Angleterre, pour noncer les nouvelles de leur pays au Roy & aux grans Seigneurs Anglois, apres la bataille de Iuberoth.

CHAP.

XXVII.

† l'ose presque
asseurer qu'il
faut icy l'Es-
cluse, Bruges
ou Valencien-
nes, Toutesfois
ie vous en lais-
seray iuger.

OR dit le compte qu'apres ce que le Roy Denis de Portugal eut déconfit en bataille le Roy Iehan de Castille, au champ de Iuberoth, assez pres de l'Abbaye, qu'on dit au pays la Cabasse (ou tant de Nobles Cheualiers & Escuyers du Royaume de France & de Gascongne, & aussi du Royaume de Castille, furent morts) & que le Roy Denis de Portugal pour celle belle & victorieuse iournée fut moult douté, élevé, & honoré des Portugalois, & qu'il fut receu en la cité de Lissebonne, à son retour de la bataille, à grand gloire de tout le peuple & à grand triomphe, la couronne de laurier au chef: ainsi comme anciennement souloient les Roys faire, quand ils victorioient, ou déconfisoient vn Roy en bataille) & on eut en la cité de Lissebonne ioué & tenu grand feste, auant le departement des Barous & Cheualiers, qui là estoient, & des Consaux des bonnes-villes & citez dudit Royaume, vn Parlement fut fait & aiousté, pour auoir certaines consultations & auis des besongnes du Royaume, & comment à leur honneur ils se pourroient cheuir, & perséuerer, & tenir leur opiniō ferme & estable. Car (si-cōme aucuns sages du pays disoiēt) ores à prime venoit le fort à garder entre eux, & auoir cōseil comment ils se pourroient tellement fortifier, contre le Roy de Castille & sa puissance, qu'ils demourassent honnorablement en leur victoire, & que tousiours ils se peussent multiplier & exaucer. En ce Parlement (qui fut à Lissebone, en l'eglise cathedrale, qu'on dit Saint Dominique) eut plusieurs parolles proposées, recitées, & mises auant: lesquelles ne sont pas toutes à reciter, n'à recorder: mais l'arrest du parlement fut tel qu'on enuoyeroit en Angleterre, deuers le Duc de Lanclastre (qui se reclamoit héritier de Castille, de par Madame Constance, sa femme: laquelle auoit esté fille aînée au Roy Dam-Pietre) & luy escriroit on ainsi, Que, se iamais il vouloit clamer droit au Royaume de Castille, ne ses besongnes remettre sus (qui auoient esté vn long temps en balance, & en auenture d'estre perdues) qu'il vinst en Portugal, à tout vne compaignie de Gens-d'armes & d'Archers: car il en estoit heure. Lors fut là dit & parlementé par beau langage du Camte de Nauarre, Connestable de Portugal, en cette maniere, Puis que nous sommes d'accord d'enuoyer en Angleterre vers le Duc de Lanclastre (dont nous pensons à estre aidez & confortez) & que ce nous est la voye la plus profitable, pour donner doute & crainte à noz ennemis, si regardons & auisons en nostre Royaume hōmes sages & notables, qui puissent faire ce message, & tellement informer le Duc de Lanclastre & son Conseil, qu'il vienne en ce pays de grand volonté, & fort assez pour resister à noz ennemis, avecques l'aide qu'il aura de nous: car nous deuons bien croire & supposer que le Roy de Castille se portera fort du Roy de France & des François: car ils ne sauent ou s'employer. Ils ont tréues aux Anglois, iusques à la † Saint-Iehan Baptiste: & les Anglois à eux: & encores ont les François bonne paix & ferme aux Flamans: qui moult les ont embesongnez & occupez par plusieurs années. Là fut la parolle du Comte de Nauarre acceptée: & fut dit qu'il parloit bien & à poinct, & qu'on feroit ainsi. Lors fut déterminé, par deliberation du Conseil & arrest, que le grand maistre de Saint-Iaques du Royaume de Portugal, & Laurécien Fongasse, vn moult sage & discret Escuyer (qui bien & bel sauoit parler François) iroient à ce message en Angleterre: car alors, du Cōseil du Roy de Portugal, on n'y pouuoit enuoyer gens qui mieus sceussent faire la besongne. Si furent lettres escrites, & ditées bien & sagemēt en bon François, & en Latin aussi:

Parlement as-
semblé à Lisse-
bonne, apres la
bataille de Iu-
beroth, & am-
bassadeurs en-
uoyez en An-
leterre.

† Puisque la ba-
taille de Iube-
roth fut au iour
de nostre Dame
en Aoust.

1385. comme
veut le 15. ch.
de ce présent
vol. cette sainte
Iehan denoit
venir en l'an
1386. par la de-
duction de ce
présent chapit.
Toutesfois ie
n'ay point me-
moire que Frois-
sart ait encores
rien spécifié de
ces tréues.

lesquelles se deuoient adreccer au Roy d'Angleterre, au Duc de Lancastre, & à ses freres les Comtes de Cantebruge & de Bouquinguam. Quand ces lettres furent escrites, & grossoyées en Latin & en François, elles furent leuës deuant le Roy & son Conseil. Lesquelles furent moult agreables: & lors furent elles seellées, & puis liurées aux dessusdits Grand-maistre de Saint-Iaques & Laurencien Fongasse: qui se chargerent, entre eux deux, de les porter en Angleterre, au plaisir de Dieu: mais qu'ils peussent passer sauement les dangers & les perils de la mer, & les fortunes & les rencontres des ennemis, & des robeurs en mer: car autant a bien de robeurs en mer, & plus, qu'en terre. Si eurent vne nef (qu'on appelle Lin) qui va de tous vents, plus seurement que nulle autre. Si prirent vn iour congé du Roy, & de l'Archeuesque de Cōimbres, & du grand conseil de Portugal: & puis vindrent au port: & entrerent audit vaissel: & singlerent &† escliperent en mer, vers le Royaume d'Angleterre: & furent trois iours en mer, loing de toutes terres: & ne veoient que ciel & eaue: & au quart iour ils virent Cornouaille. Tant exploiterent par leurs iournées les dessusdits, par l'ayde de Dieu & du bon vent (que leurs mariniers sauoient prendre à poinct, en costoyât Cornouaille & les bondes d'Angleterre) qu'ils arriuerent sauemēt, & sans peril au haure de Hantonne: & là ancrerēt. Si issirent hors de leur vaissel: & s'en allerent refreschir en la ville. Là furent enquis & examinez Bailly de Hantonne, & des gardes de la mer & du haure, de quel pays ils venoient, & quelle part ils alloient. Ils respondirent à toutes ces demandes: & dirent que ils estoient du Royaume de Portugal, & là enuoyez de par le Roy & son Conseil. A ces parolles furent ils là les bien venus. Quand les dessusdits messagers furent reposez & refreschis à Hantonne, & ils se furent pourueus de cheuaux: pour eux & pour leurs gens, & leurs conduiseurs aussi qui les menoient à Londres: car ils ne congnoissoient point le pays, ne les chemins, ils se departirent de Hantonne: & exploiterent tant, qu'ils vindrēt à Londres. Si descendirent à l'hostel de Faucon, chez Thomelin de Wincestre: & renuoyerent, par les gardes qui amenez les auoient, leurs cheuaux arriere. Si bien leur cheut, que le Roy d'Angleterre & tous ses oncles estoient à Londres, ou à Westmonstier: dont ils furent moult réiouis. Si vindrent à Londres, ainsi qu'à heure de tierce: & y disnerent: & apres disner, ils s'ordonnerent, & prirent les lettres, qui s'adréçoient au Duc de Lancastre & à la Duchesse: & s'en allerent deuers eux. Quand le Duc & la Duchesse seurent qu'ils estoient venus, si en furent moult réiouis: car ils desiroient à ouyr nouuelles de Portugal. On leur en auoit bien dites aucunes, mais ils n'y aioustoient point de foy: pourtant que le Roy, ne nuls de son pays, ne leur en auoit point fait sauoir par lettres. Si entrerent le Grand-maistre de Saint-Iaques & Laurencien Fongasse en la chambre du Duc de Lancastre: là ou estoit la duchesse. Or, pource que Laurencien sauoit biē parler François, il parla tout premierement: & quand il eut fait la reuerence, au Duc & à la Duchesse, il bailla au Duc les lettres, qui venoient de Portugal. Le Duc les prit: & bailla à la Duchesse celles, qui appartenoient à elle. Si les leurent chacun: & puis les recloyrent. Si dit le Duc aux messagers. Vous soyez en ce pays les bien venus. Nous irons demain deuers le Roy: & nous vous ferons toutes aides: car c'est raison. Adonc tira la Duchesse Laurencien à part: & luy demanda des nouuelles de Castille & de Portugal, & comment on s'y demenoit. Selon ce, que la Dame parla, Laurencien respondit bien & à point. Adonc fit venir le Duc vin & espic. Si beurent, & prirent congé: & retournerent chacun en leur hostel. Le lendemain, à heure de prime, tous deux allerent deuers le Duc: & le trouuerent qu'il auoit ouy messe. Si entrerent en vne barge: & allerent, par la Tamise, à Westmonstier: ou le Roy estoit & la greigneur partie du Conseil d'Angleterre. Le Duc de Lancastre les fit entrer en la chambre du Conseil: & dit au Roy, Monseigneur, veez cy le Grand-maistre de Saint-Iaques de Portugal, qui vous apporte lettres: si les voyez. Volontiers, dit le Roy. Adonc s'agenouillerēt deuant le Roy les deux messagers dessusnōmez: & Laurécien Fōgasse luy bailla les lettres: & le Roy les prit: & fit leuer ceux, qui estoient à genoux: & ouurit les lettres: & les leut. Aussi baillerent ils lettre au Côte de Cantebruge, & au Côte de Bouquingua. Chacun si leut les siennes. Le Roy respondit aux messagers moult doucement, & leur dit, Vous soyez les bien venus en ce pais. Vostre venue nous fait grand ioye: & vous ne partirez pas si trestost, ne sans response, qui vous plaira: & toutes voz besongnes recommandez à beaux oncles. Ils en songneront: & en auront memoire. Ils respondirent en eux agenouillant, & remerciāt le Roy, Trescher Sire, volontiers. Adonc se departirent de la chambre du Parlement & du Con-

† C'est la premiere fois que i'aye veu ce verbe: & ne say s'il y faudroit point escamperent.

Ambassadeurs de Portugal en Angleterre.

Les Ambassadeurs de Portugal decouurent premierement leur charge au Duc de Lancastre.

Les Ambassadeurs de Portugal decouurent leur charge au Roy d'Angleterre.

du Conseil, & s'en allerent ébattre parmy le Palais, en attendant le Duc de Lanclastre: qui demoura iusques à haute nonne. Le Parlement fait. le Duc de Lanclastre emmena ses deux freres auecques luy, dîner en son hostel: & y allerent, en leurs vaisseaux, par la Tamise. Le Comte de Cantebruge cognoissoit assez le Grād-maistre de Sainct-Iaques & Laurencien Fongasse: car il les auoit veus au temps passé en Portugal. Pour quoy apres dîner il les mit en parolles de plusieurs choses, presens ses deux freres: & leur demanda du mariage de Castille & de celle, qui deuoit estre sa fille, Madame Bietrix, comment il en estoit. A toutes ses parolles respondirent les Ambassadeurs sagement, & vrayement, tant que lesdits Seigneurs s'en contenterent grandement: Vray est qu'auât que le Grand-maistre de Sainct-Iaques de Portugal & Laurencien Fongasse fussent venus n'arriuez en Angleterre (si-comme vous le pouuez ouyr) le Duc de Lanclastre & le Comte de Cantebruge, son frere, pour le fait du Royaume de Castille (dont ils se tenoient héritiers par la condition & droit de leurs femmes) auoient eu entre eux deux plusieurs confaux, & parlemens ensemble, de leurs besongnes. Car le Comte de Cantebruge (cōme il est cy-dessus † contenu en ceste Histoire) s'estoit petitemēt contenté du Roy Ferrand de Portugal, & des Portugalois: car ils auoient logé quinze iours aux champs, deuant les Castillans: & point ne les auoit le Roy Ferrand, ne son Conseil, voulu combattre. Si leur auoit bien dit & monstré le Comte leur defaute: & leur auoit dit, l'ay en ma compagnie, de purs Anglois enuiron cent lances, & mille Archers. Sachez, Sire Roy, & vous, Barons de Portugal, que nous sommes tous conioincts ensemble, & de bonne volonté, pour combattre noz ennemis & attendre l'aenture, telle que Dieu la nous vouldra enuoyer. Mais le Roy Ferrand respondit que luy ne ses gens n'auoient point conseil de combattre. Pour quoy, quand le Comte de Cantebruge veit ce, il se partit: & emmena Iehan, son fils, hors du Royaume de Portugal: & quand il fut retourné en Angleterre, celuy Roy de Portugal s'accorda au Roy Iehan de Castille: & maria sa fille à luy, par paix faisant: & ce traitté fit messire Iehan Ferrand Audere, vn Cheualier de Portugal: car le Roy Ferrand n'auoit Conseil ne fiance fors en luy. Si demanda bien le Roy, à sa fille, lequel elle auoit plus cher pour son mary. Elle respondit qu'elle aimoit mieux Iehan d'Angleterre, que Iehan de Castille. Le Pere luy auoit demandé pour quoy elle auoit ce dit. Pourtant que Iehan estoit bel enfant, & de son aage: afin qu'elle n'eust le Roy de Castille: & bien l'auoit dit au Roy Ferrand son pere: mais le Roy, pour paix auoir aux Espaignols (pourtant qu'ils marchissent là) l'auoit mariée: & à ce mariage faire, & au démarier le fils de Cantebruge, auoit mis grand' peine vn Cheualier de Portugal (duquel le Comte se tenoit mal content) qui s'appeloit messire Iehan Ferrand Audere. Encores auoit dit le Comte au Duc de Lanclastre son frere, que le Roy Ferrand mort, il se doutoit que les communautéz du païs de Portugal ne se rebellassent, contre celle Dame Bietrix. Car le plus du pays (combien que le Roy eust espousé sa mere, Madame Alienor de Coigne) ne la tenoiēt pas à legitime, mais à bastarde: & en murmuroient ià les Portugalois, luy estant au pays: † & pour celle cause fut il plus prest de remmener son fils. Or le Duc de Lanclastre, auquel les choses touchoient trop plus grandement de l'heritage de Castille (car il auoit à femme l'ainée heritiere de Castille) que elles ne faisoient au Comte de Cantebruge (car ià auoit il vne belle fille, de sa femme Madame Cōstance) se vouloit bien iustement informer de ces besongnes: & ne les vouloit pas mettre en nonchaloir: mais éleuer & exaucer du plus qu'il pouuoit. Car il veoit cleremēt sur son affaire, qu'il ne pouuoit auoir, pour le iour de lors, plus belle entrée au Royaume de Castille, que par le Royaume de Portugal: & veoit qu'il en estoit prié & requis grandement, & espécialement du Roy de Portugal, & des Barons & communautéz dudit Royaume: tellement que ce Roy de Portugal (qu'on tenoit à sage homme, & qui ià auoit déconfit par bataille le Roy de Castille, à tout grand' puissance: dont il estoit moult honoré) enclinoit trop grandement le Duc à aller en Portugal: & aussi le Roy d'Angleterre & son Conseil le luy auoit accordé. Mais, pour luy iustement informer de toutes ces besongnes, de l'estat & condition du pays, du droit que la Dame Bietrix clamoit à la couronne de Portugal, & du droit aussi du Roy † Denis de Portugal (lequel les communautéz auoient couronné à Roy) vne fois, entre les autres, qu'il auoit donné à dîner au Grand-maistre de Sainct-Iaques & à Laurencien Fongasse, en sa chambre, tout coyement: apres dîner il fit tout hōme partir: & appela les dessusdits moult amoureuxmēt: & les meit en parolles des besongnes de Portugal: &, pourtāt que Laurécien

† Aux chap.
2. & 10. du
present Vol. &
n'est tout ce qui
s'ensuit, ius-
ques au congé
des Ambassa-
deurs de Portu-
gal, qu'une re-
petition des cho-
ses qu'il a dites
en ce Vol. quāt
aux affaires de
Portugal, pour
y aiouster, &
en parler selon
le rapport de Je-
han Ferrand
Porteler: cōme
il a promis au
chap. preceder.

† Il y auoit
pour celle
cause estoit
il prest de ra-
mener sa fil-
le: car le Duc
&c. Mais la
deduction prece-
dente & subse-
quente assure
ma correction.

† Il y auoit en-
cor icy Iehan:
comme nous a-
uons adnoré es
chap 10. 13.
& 25.

Fongasse fauoit parler trop beau François, & bien feant, le Duc adreça sa parolle à luy: & luy dit, Laurencien, ie vous prie que me comptez tout, de poinct en poinct, la condition & la maniere de vostre terre de Portugal, & quelles choses y sont auenues, depuis que mon frere s'en partit: car le Roy de Portugal m'a escrit, qu'il n'y a homme en Portugal, qui si iustement m'en peust informer, comme vous: & ie vous dy que vous me ferez grand' plaifance. Monseigneur (respondit l'Escuyer) vostre plaisir feray ie. Lors comença à parler: & dit en telle maniere.

Des affaires de Castille & de Portugal, racomptées au Duc de Lancastre par Laurencien Fongasse, l'un des Ambassadeurs de Portugal, selon qu'elles auindrent depuis le depart du Comte de Cantebruge.

CHAP. XXVIII.

AVenu est en Portugal depuis le departement de vostre frere le Comte de Cantebruge, que le Royaume a esté en grand trouble & dissension, & en grand' auenture d'estre tout perdu: mais, Dieu mercy, les besongnes y sont maintenant en bon poinct, & en ferme conuenant. Si ne se doit on pas émerueiller s'empeschement y eut: car, se Dieu n'y eust ouuré par sa grace, les choses se fussent mal portées: & tout par le peché & coulpe du Roy Ferrand, dernièrement mort, selon la voix & la renommée de la plus saine partie du pays: † car le Roy Ferrand en sa vie aima ardamment, de forte amour, vne dame, femme d'un sien Cheualier: lequel on clamoit messire Iehan-Laurés de Coigne. Celle Dame pour sa beauté, le Roy voulut auoir de force: & la dame s'en défit, tât comme elle peut: mais à la fin il l'eut, & luy dit, Dame, ie vous feray Royne de Portugal: & se ie vous aime, ce n'est pour vous amendir, mais pour vous exaucer, & vous espouferay. Haa, Monseigneur (dit la Dame, à genoux & en plorant) sauue soit vostre grâce. Ie ne puis auoir nul honneur à estre Royne de Portugal: car vous sauez, & aussi fait tout le monde, que j'ay Seigneur & mary: & l'a ià esté cinq ans. Alienor (dit le Roy, ne vous excusez point: car ie n'auray iamais autre femme à espouse, tât que ie vous auray eüe: mais ie vous feray quitte de vostre mary, auant que ie vous espouse. La Dame ne peut autre chose auoir: & compta tout le faict à son mary. Quand le Cheualier entendit ce, si fut tout pensif & melancolieux: & regarda que bon en estoit à faire: & dit en soymesme que ià ne quitteroit sa femme. Toutesfois il douta le Roy: & se partit du Royaume de Portugal: & s'en alla en Castille, deuers le Roy Henry, qui le receut, & le retint de son hostel, tant comme il vesquit: & aussi fit le Roy Iehan, qui est à present. Le Roy de Portugal, pour accomplir sa folle plaifance, enuoya querre la Dame, & le Cheualier: mais on ne trouua pas le Cheualier: car il s'en estoit party. Adonc manda le Roy l'Euesque de Conimbrès (lequel estoit Chancelier, pour lors, de tout le Royaume de Portugal, & de son Conseil) & luy dit son entente, & qu'il vouloit Alienor de Coigne espouser. L'Euesque douta le Roy: car il le sentoit de grand' hautaineté & de grand' condition. Si n'osa respondre du contraire: & aussi messire Iehan Ferrand Audere (qui estoit tout le conseil & le cueur du Roy) pour seruir le Roy à gré luy dit, Euesque vous le pouuez bien faire: Monseigneur satisfera vne fois de tout. L'Euesque les espousa: & furent ensemble: & fut ceste Dame couronnée, & solénizée à Royne par toutes les citez de Portugal, aussi grandement & en aussi grand' réuerence, qu'oncques Royne de Portugal eust esté: & engendra le Roy en celle Dame vne fille: laquelle est pour le present Royne de Castille. Vray est que le Roy Ferrand, viuant, manda un iour à Lissebonne tous Prelats, Nobles, & le Conseil des citez, des ports, & des villes de Portugal, & du Royaume (ce qui fut faict, auant que Monseigneur vostre frere de Cantebruge vinst, à tout son armée, en Portugal) & fit à tous auouer & recognoistre sa fille Madame Bietrix (qui lors auoit enuiron cinq ans) & iurer qu'apres son decès on la tiendrait à Dame & heritiere de Portugal. Tous le iurerent, voussissent ou non: mais bien sauoit la greigneur partie de ceux, qui là estoient, que ceste fille estoit bastarde, & née en adultere: car encores viuoit le mary de la Dame Alienor, appelé messire Iehan-Laurens de Coigne: & se tenoit en Castille avecques le Roy: & vesquit là, viuant le Roy Ferrand, & outre. Ie croy bien Monseigneur (dit l'Escuyer, qui parloit) que, si sa fille eust esté un fils, que toute la Communauté de Portugal luy fust plus encline, & plustost qu'ils ne sont, ne ià ne seront: comme ils dient: car ils auroient plus cher à mourir, que d'estre en subiection du Royaume de Castille: n'oncques ceux du Royaume de Portugal, ne ceux de Castille, ne se peurent parfaitement aimer l'un l'autre: mais se sont par maintes fois hariez & guerroyez: si-comme les Escoçois harient

† Ceste Histoire des amours & du mariage forcé de Ferrand de Portugal est pour mieux venir à la deduction des choses suivantes, quant à Castille & Portugal & pour les arranger en un seul fil continu.

harent & guerroyent, à leur pouuoir, ce pays d'Angleterre. Adonc demanda le Duc de Lancastre à l'Escuyer (lequel il oyoit moult volontiers parler, & faire son compte) Laurencien: ou estoit, pour le temps que vous me parlez, le Roy † Iehan, qui est à present? lequel estoit frere de ce Roy Ferrand? Par ma foy, Monseigneur (respondit l'Escuyer) il estoit en Portugal, en vne maison de Seigneurs, qui portent vne ordre de Cheualerie d'outre mer: mais ils sont vestus de blancs habits, à vne vermeille croix, & en estoit souverain, & sont bien deux cens tous Gentils hommes, de cest ordre, & l'appeloit on messire Denis: & luy auoit le roy fait dōner ceste souueraineté: & ne faisoit nul cōpte des besongnes de son frere: & autant biē le Roy Iehan (qui à present est) ne faisoit nul compte des besongnes de Portugal: ne s'en entremettoit en riēs: ny ne pensoit à la courōne, n'au Royaume. Car pour certain, se le Roy Ferrād de Portugal eust ou nulle imagination de ce qui est à present, il auoit aimé & aimoit si biē Madame Alienor & Madame Biatrix sa fille, qu'il eust en chartre fait mourir son frere: qui s'appeloit messire Denis: mais, pourtant qu'il veoit que celuy setenoit en sa maison quoyement, avec ses Freres de l'Ordre, il ne pēsoit en riens sur luy: & le laissoit viure en paix: & quāt à la diffension, qui est à present entre les Castillans & les Portugalais, certainemēt, Monseigneur, à parler par raison, les Espaignols en sont cause & coulpe, Et pourquoy? dit le Duc. Je le vous diray, respondit l'Escuyer. Quand les Castillans veirent que le Roy Ferrand eut mariē sa fille à leur Seigneur le Roy de Castille, il leur sembla qu'il auoit achaptē la paix d'eux & qu'il les doutoit: Si s'enorgueillirent grandement, & en cōmencerent à tenir leurs rancunes: & leurs gros mots: lesquels les Portugalais oyent trop enuis: car ils disoient ainsi en leur langage, O, entre vous Portugalais, gens rudes, cōme bestes, le temps est venu que nous aurons bon marché de vous. Ce, que vous auez, est, & sera, nostre. Nous vous mettrons par tasseaux & par troupeaux: si-comme nous faisons les Iuifs, qui demeurent par treu deffous nous, vous serez noz sugets. A ce ne pouuez vous cōtre dire: puis que nostre Seigneur, le Roy de Castille, sera vostre Roy. De telles parolles & d'autres, aussi folles & venimeuses, estoient seruis & appareillez souuēt les Portugalais des Espaignols, quand ils les trouuoient, & propremēt le Roy Ferrand viuant: dōt les Portugalais accueilloient les Castillans en telle haine, que, quand le Roy Ferrand eut mariē sa fille à leur Seigneur le Roy de Castille, & fut cheu en maladie & en langueur, qui luy dura plus d'un an entier, les gens des citez & bōnes villes de Portugal murmuroient ensemble: & disoient, Il vaut mieux mourir, que d'estre au danger n'en la suggestion des Castillans. Et, lors que le Roy Ferrand fut mort, & qu'il fut ensepulturē en l'Eglise de S. François, par les Freres Religieux, en la cité de Lissebonne, les citez & bonnes-villes & Chasteaux de Portugal se cloyrent: & fut mandē à Lissebonne le Roy, qui est à present, des Lissebonnois lesquels fauoient bien l'intention & courage des trois autres citez: de ceux de † Cōnimbres, de ceux du Port, & de ceux de la ville & cité d'Eures & dirēt, Maistre Denis, nous vous voulons faire Roy de ce pays, non-obstant que soyez Bastard: mais nous disons que Madame Biatrix vostre nièce, la Roïne de Castille, est plus née en Bastardie que vous n'estes, car encores vit le premier mary de Madame Alienor, nommé messire Iehan-Laurēs de Coigne. Or, puis que la chose est auenue ainsi que la courōne de Portugal est écheuē en deux membres, nous prendrons le plus profitable pour nous: & aussi la plus saine partie s'encline que nous vous facions Roy, & que iā à femme la couronne de Portugal n'ira, ne iā en la suggestion du Roy de Castille, ne des Castillans, nous ne ferons. Si auons plus cher que vous prenez tout le nostre, pour nous aider à garder, & tenir en droit noz franchises, que ce que ceux de Castille en soient maistres ne Seigneurs. Si receuez ce don, & la couronne de Portugal: car nous voulons qu'il soit ainsi. Maistre Denis (qui est à present Roy) ne prit pas, ne receut du premier coup, n'à la seconde requeste des Communautē de Lissebonne, ce don: mais respondit, Bonnēs gens, ie fay bien que de bōne volōté, & par grande affection que vous auez à moy, vous m'offrez la couronne & Seigneurie de Portugal (qui est grande chose) & si dites, & aussi fay-ie, que i'y ay aussi grād droit, ou plus, que ma nièce, la Roïne de Castille, la fille Alienor de Coigne: car vray est qu'elle est Bastarde: & encores vit le vray mary de sa mere: lequel est en Castille. Mais il y a vn poinct. vous ne pouuez pas, tous seuls & singuliers, mettre ce fait sus, ne ceste besongne. Il faut que les Nobles de ce Royaume, tous ou partie, sy accordent. Ha (respondirent ceux de Lissebonne) nous en auons assez: car iā sauons nous le courage de plusieurs, qui se sont decouuers à nous, & aussi ceux de trois citez de ce royaume,

† Je laisse icy tout le passage de Iehan & Denis, pour mieux entendre ce que nous en auons desia notē.

Principale occasion d'inimitié entre les Castillans & Portugalais, apres le mariage du Roy Iehan de Castille avec Biatrix de Portugal.

Mort du Roy Ferrād de Portugal.

† Il a dit Vic, pour ceste-cy, au chap. 25.

† Ce passage est
amendé selon
le sens de l'Au-
teur.

Obseques du roy
Ferrand de
Portugal.

qui y sont les principaux, avec nous: Eure, Connimbres, & le port de Portugal. Adonc respondit le Roy (qui est à present) & dit, Or soit ainsi. Je vueil ce que vous voulez: vous sauez que Madame Alienor (qui se dit Dame de ce pays) est encores en ceste ville & avec elle son conseiller messire Iehan-Ferrand Audere, qui veut garder la couronne & heritage de Portugal à la royne de Castille: & sera pour elle en tous estats: † car il la demaria du fils du Côte de Canteburge, pour faire la paix de Castille & de Portugal: & a mandé, ou mandera par-aventure, le Roy de Castille, qu'il vienne hastiuemét, fort assez pour combattre & submettre tous ses rebelles: & ià en a fait Ferrand Audere tout, ou en partie (côme vous sauez) & sera encores plainement, au iour de l'obseques de monseigneur mon frere le Roy: lequel sera prochainemét fait en ceste ville: ou tous les nobles, ou partie, fils ne s'excusent, scrôt, de ceux de ce pais. Si se faut pourueoir & auiser sur ce Dont respondirent ceux, qui en la presence de ce maistre Denis estoient, Vous ne dites pas grand' merueille: car nous sauons moult bien qu'il est ainsi. Si y pouruoyrons à ce iour tellement, selon ce que nous orrons Iehan Ferrand Audere parler, que vous en apperceurez. Et en ce poinct finit leur parlement. Ne demoura gueres longuement qu'on fit l'obit du Roy Ferrand de Portugal à Lissebone, en l'Eglise de S. François (là ou il gist) & furent là grand' foison de Nobles du Royaume de Portugal: car ils en estoient priez de par la Royne, & Iehan-Ferrand Audere: qui gouernoit la Royne. Là fut le Roy (qui est à present) & grand' foison des Communautéz du pays avec eux, & par especial des trois citez dessus-nommées: Cōnimbres, Eure, & le Port de Portugal: car elles se concordoient & assentoient avec ceux de la ville de Lissebone. L'obit du Roy Ferrand fait, ledit Iehan-Ferrand Audere fit prier, de par la Royne, aux nobles de Portugal (qui là estoient presens (que point ne se voufissent partir de Lissebonne ce iour, n'y aussi lendemain, & qu'il vouloit auoir avec eux parlement, & aussi aux bones-villes, pour sauoir cōment il se cheuiroit de mander en Castille le Roy Iehan & sa femme Madame Bietrix, leur Dame: car elle estoit heritiere, de son droit, du Royaume de Portugal. Tous les nobles, ou partie, qui oyrent ces nouuelles, n'en firent compte: mais douterēt moult fort les cōmunes du pays: qui là estoient assemblées: car ils auoient ià ouy les plusieurs murmurer qu'ils vouloiēt courōner à Roy messire Denis: & aussi bien en auoit ouy parler Iehan-Ferrand Audere. Pourtāt prioit il les nobles du pays qu'ils demourassent avec luy, pour aider à mettre sus, & soustenir, son opinion. Mais tous luy faillirent: & si trestost cōme l'on eut fait l'obit du Roy en ladite eglise des Freres de S. François, & que la Roine Alienor fut retournée au Palais, & que l'on dit, Aux caualhous, aux caualhous (qui vaut autant à dire, en langue de Frāce, Aux cheuaux, aux cheuaux) tous, ou la grāde partie, monterent à cheual: & se departirent de Lissebonne. Bien peūt estre qu'aucuns demourerent: qui estoient de la partie du Roy, qui est à present: mais ceux se tirerent en leurs hostels: & se tindrent là tous quois: & dissimulerent: car bien imaginoient qu'il en auendroit ce, qu'il en auint. Je vous diray quoy. L'obit du Roy Ferrand fait, les Cōmunes de Lissebonne & de Connimbres, du Port, & d'Eure (qui là estoient) ne retournerēt pas tātost en leurs maisons: mais s'en allerent en l'Eglise cathedrale de Lissebone (qu'on dit de S. Dominique) & là s'assemblerent, & messire Denis avec eux. Là firent ils parlemens ensemble: qui ne durerent pas trop longuement. Car le Roy (qui est à present) leur dit, Bonnes gens, vous me voulez prendre à Roy: & ie dy que c'est mon droit: & se vous voulez persēuerer en vostre propos, il est heure que vous ouurez, & que vous monstrez fait & puissance. Car vous sauez cōment Iehan-Ferrand Audere procure, deuers les Nobles de ce pais, que le Roy de Castille soit mandé: & dit & maintient que la courōne de Portugal luy appartient, de par sa femme ma nièce: & ie dy que, si vous m'aidez à mettre sus ce que i'y ay, i'y ay aussi grād droit, ou plus qu'elle n'a: vous sauez biē toute la maniere. Je suis hōme, & fu frere au Roy Ferrand, & fils au bon Roy Pietre de Portugal: qui vaillamment vous gouuerna. Vray est que ma nièce de Castille fut fille au roy Ferrand: mais ce n'est pas par loyal mariage. Dont dirent ceux de Lissebonne. Il est verité ce que vous dites. Nous ne voulons autre Roy que vous, & vous ferons Roy: qui que le vueille veoir. Or nous iurez icy que vous nous ferez bon & propice, & tiendrez iustice: ne point ne flatterez neant plus le fort que le foible: & garderez & soustendrez de bon cueur, & deffendrez: parmy l'aide que nous vous ferons, les droitures de Portugal. Respondit le Roy, qui est à present, Bonnes gens, ainsi le vous iure: & principalemēt ie vous requier que vous alliez à la Monnoye, & moy avecques vous: là ou Iehan-Ferrand Audere

deres se tient avec Alienor de Coigne: car ie vueil qu'il meure: car il l'a defferruy à l'écon-
tre de moy & de vous: quand il soustient autre querelle, que vous ne voulez. Ils respōdi-
rent, tout d'une voix, Nous le voulons: & vrayemēt vous est-il desobeyssant & rebelle.
Si faut il qu'il meure, & tous ceux, qui contraires vous seront: pourquoy le demourāt du
pays y prendront exemple. Tantoist les Lissebonnois furent conseillez: & se departirent
du monstier de Saint-Dominique: & estoient bien quinze cens, tous d'une congrega-
tion: & le Roy qui est à present, estoit avec eux: & s'en vindrent tout parmy la ville, par-
deuers la Monnoye (ou la Roïne se tenoit, & ledit Iehan-Ferrand Audere) & encores
toutes manieres de gens en leurs routes. Quand ils furent venus, ils se bouterent à l'ho-
stel, qu'on dit la Monnoye: & rompirent les portes: & enterrent dedans par force: & vin-
drent en la chambre de la Dame: laquelle fut moult effrayée, quād elle veit tant de peu-
ple venir sur elle. Si se getta à genoux deuant messire Denis: & luy pria à mains iointes,
qu'on eust pitié d'elle: car elle ne cuidoit auoir riens forfait: & qu'à la couronne n'à l'he-
ritage de Portugal, elle ne demandoit riens: & bien sauoiet toutes gens (s'il leur en vou-
loit souuenir) la verité: mais ie vous prie Maistre Denis, & aussi fay-ie à tout le peuple,
qu'à ce besoing il vous en souuienne, & qu'outre ma volōté le Roy Ferrād me meit en
seigneurie & courōne de Portugal, & me meit & espousa, & fit Roïne de ce pays. Dame
(respōdit Maistre Denis) ne vo' doutez en riens: car ia de vostre corps vous n'aurez mal:
& si ne sommes point icy venus pour vous porter dommage du corps, ne cōtraire: mais
y sommes venus pour ce traïstre qui est là, Iehan-Ferrand Audere. Si faut qu'il meure
tout de cōmencement: & puis l'en venge le Roy de Castille: s'il peut: car il a esté trop lō-
guement en ce pays son Procureur. A ce mot sauācerent ceux qui ordōnez estoiet pour
ce faire. Si prirent le Cheualier: & tantoist le meirēt à mort. Il n'y eut plus riens fait pour
l'heure, n'hōme assailly, ne mort, ne plus on n'en vouloit auoir: mais retourna chacun en
son hostel: & le Roy alla au sien. Apres la mort de Iehan-Ferrād Audere, Madame Ali-
enor (qui Roïne auoit esté de Portugal) eut cōseil & volōté de partir de Lissebōne, & de
soy tirer en Castille, & aller deuers le Roy & sa fille: car elle auoit esté tant effrayée de la
mort de sō Cheualier, qu'elle auoit esté sur le point d'estre morte. Si ne vouloit plus de-
mourer en Portugal: car elle n'y pouuoit auoir paix, n'hōneur. Si en fit pour elle, & en sō
nom, requerir Maistre Denis: lequel s'y accorda legēremēt: & dit qu'il luy plaisoit bien
qu'elle partist, & que bien y auoit cause. Si se departit la Dame, avec tout son arroy, de
Lissebōne & de Portugal: & chemina tāt par ses iournées, qu'elle vīt en la cité de Seuille
ou le Roy de Castille se tenoit pour le temps, & la Roïne aussi. Quād Madame Alienor
fut venue la elle trouua pres que to' les nobles de Castille assemblez: car il y auoit grād
parlemēt sur le fait de Portugal: car le Roy Iehā de Castille se vouloit cōseiller cōmēt il
se cheuiroit: & disoit que le royaume de Portugal luy estoit venu & échēu par la successiō
du Roy Ferrand, pere de sa femme: & que, quād il la prit à femme & espouse, il le luy ac-
corda, & tout le païs aussi. Madame Alienor fut receuē du roy & de sa fille, à grād ioye,
& moult hōnorablement recueillie: & ce fut raison. Adonc fut elle examinée & enquisse
des besongnes de Portugal, & commēt elles se portoiēt. Elle respondit le vray de tout
ce qu'elle auoit veu, & qu'elle en sauoit, & que bien estoit apparēt, au pays de Portugal,
que les Communantez couronneroiēt (si on ne leur alloit au-deuant) Maistre Denis: &
que iā pour celle cause auoient ils occis son Cheualier Iehan-Ferrand Audere: pourtāt
qu'il soustenoit, & auoit tousiours soustenu, la querelle du Roy de Castille. De tout ce,
que la Dame dit, elle fut biē creuē: car on en veoit biē l'appareil: & aussi plusieurs Che-
ualiers & haux Barōs (qui auoiet plus leur affectiō au Roy de Castille, pour la cause de la
fille au Roy Ferrand, & pour aussi tenir les sermens solennels, qu'ils auoient faits au Roy
de Castille, à la requeste du Roy de Portugal, quād il donna par mariage sa fille au Roy
de Castille) s'en vouloiēt acquitter: & se departoiēt du Royaume de Portugal: & s'en ve-
noient au Royaume de Castille. Là laissoiet leurs terres & leurs heritages, sur l'auenture
& espoir du recouurer: & tout premieremēt le Côte Alphons Serolle, le Grand-prieur
de S. Iehan de Portugal, messire Diligarée son frere, Ange Siluaste de Geneul, & Iehan
Aussalle, & bien autres vingt-cinq: desquels le Royaume de Portugal à ce cōmencement
fut grandement affoibly, & le Roy de Castille réiouy, & renforcé. Si fit vn commande-
ment le Roy de Castille, parmy son Royaume, tresgrand & tresespecial, que tous No-
bles, & gens portans armes, entre quinze & soixante ans, veinssent au champ de Seuille:
car il vouloit de faict & de puissance entrer au royaume de Portugal (cōme sur son pro-

*Iehan Ferrand
Audere, parti
san du Roy de
Castille en Por-
tugal, tué par
ceux de Maistre
Denis, frere ba-
stard dufen Roi*

*La venue du
seu Roi de Por-
tugal en Castil-
le, vers son gen-
dre & sa fille.*

pre héritage)& le conquerra. A son commandement obeirent(ce fut raison)tous ceux qui de luy tenoient,& s'en vindrent au champ de Seuille,& là s'assemblerent, & furent bien soixante mille hommes,qu'vns qu'autres. Quand messire Laurens de Coigne,(qui marié auoit esté,& encore estoit,à Madame Alienor,que le Roy de Portugal auoit prinse à femme,& fut Roïne de Portugal) entendit que sa femme estoit venue hors de Portugal,& arriüée en Castille,si se tira deuers aucuns du Conseil du Roy de Castille,(dont il estoit moult bien)& leur demanda,& dit,en soy cōseillant à eux, Messeigneurs & mes grans amis,comment me pourray-ie cheuir d'Alienor ma femme: qui est issue de Portugal,& venue en ce pays? ie say bien que le Roy Ferrand la prit de force, & outre sa volonté. Or est auenu que le Roy Ferrand est mort(si-comme vous sauez)& par raison ie doy auoir ma femme,& la reconquerir,se vous le me conseillez. Ceux,à qui il parloit respondirent,& luy dirent,Iehan,ià nul semblant vous ne ferez du demander, ne du rauoir,ne du reprendre,car vous vous forferiez trop grandemēt, & abbaisserez la Dame de son hōneur,& aussi la Roïne de Castille.& la feriez plus que bastarde,vous veez quant au Royaume de Portugal,que ià le Roy de Castille le veut demander & conquerre,comme son propre heritage,retournant à luy: & clame ce droit de par sa femme,vous éclaircirez ce,qui est trouble,& dont on ne se donne de garde,vous vous mettriez à mort,& iugeriez de vous mesme:si vous faisiez la Roïne de Castille bastarde,car on soustient en ce pays là cause,& la querelle,qu'elle est de iuste mariage,& dispensé du Pape.Et quelle chose est bonne(dit le Cheualier que i'en face? Nous vous dirons pour le meilleur(respondirent ceux) qu'au plustost,que vous,pourrez,vous partiez,hors de Castille,& vo' retiriez sur vostre heritage,en Portugal,& laissez Madame Alienor avecques sa fille.Nous n'y voyons autre saluation pour vous.Par ma foy(dit le Cheualier)ie vous croiray,car vous me conseillez loyaument,à mon auis. Depuis ne seiourna guerres en Castille messire Iehan-Laurens de Coigne,que trois iours & ordonna toutes ses besongnes secretemēt,& se departit de Castille,& cheuaucha,au plustost qu'il peut,& s'en vint à Lissebone:& là trouua messire Denis:& luy dit qu'il le venoit seruir,& se mettoit en son obeissance,car il le tenoit bien à Roy.Messire Denis en eut grāde ioye,& luy dit qu'il fust le bien venu.Si luy rendit tout son héritage,& le fit Capitaine de Lissebonne. Ainsi,Monseigneur,que ie vous compte,auint ceste Histoire.Moult prenoit le Duc de Lancastre grand plaisir à ouyr parler Laurencien Fongasse(car il parloit bien.& atrempeement.& bon François)& pourtant que la matiere,dont il parloit,luy touchoit,car il vouloit venir au fonds de tous ses desirs,si luy dit moult doucement,Laurencien parlez tousiours hardiment.Le ne vey,n'ouy,homme estranger(passé a deux ans)parler aussi volontiers,comme ie fay vous,car vous y allez tout à la verité.Or sus auant,car les lettres,que le Roy de Portugal m'a enuoies par vous,font mention que de tout ce,qui est auenu entre Portugal & Castille,vous m'informerez iustement. Monseigneur(dit l'Escuyer)peu de choses sont auenues,quant est du fait d'armes entre Castille & Portugal,& n'y a lieu,ou ie n'aye esté,& dont ie ne sache bien parler: & puis qu'il vous plaist que ie poursuyue ma parolle auant ie parleray. Le Roy Iehan de Castille assembla ses gens,au plustost qu'il peut,& s'en vint,à grande puissance,deuers Lissebonne,auant que le Roy de Portugal fust courōné pour donner paour & crainte aux Portugalois,& pour monstrier qu'il auoit droit à l'heritage.Si s'en vint tout premierement deuant Saint-Yrain,qui est l'entrée de Portugal,& là s'arresta deux iours.La ville & ceux qui dedans estoient,qui la gouuernoient,eurent paour de sa venue,pour la grande foison de Gens-d'armes qu'il menoit.Si se rendirent à luy.& luy ouurirent la ville. Apres ce qu'il en eut pris la possession,& il eut laissé dedans Gens-d'armes pour la garder,& aussi pour la douter des rebellions,il se departit,à tout son ost,& chemina tant,qu'il vint deuant la ville de Tuye,qui est moult forte.II l'environna,& fit assaillir. Ceux de Tuye estoient assez de la partie de la Roïne de Castille:& du Roy aussi,car Madame Alienor,sa mere,estoit la assignée de son douaire.Si se rendirent au Roy Iehan de Castille moult legerement.& se meirent en son obeissance.Quand le Roy en eut la possession,il y establit Gensd'armes & gardes de par luy,& passa la riuere & vint deuant la ville de Valence en Portugal,& là s'arresta,& meit siege,& dit & manda à ceux de dedās qu'ils s'humiliaissent enuers luy & le receussent à Seigneur.Ceux de Valence respondirēt qu'il passast outre,& allast deuant Lissebone,& si tost cōme ils pourroiet sauoir qu'il auroit mis, fust par amour ou par force,ou par puissance,les Lissebonnois à obeissance, luy enuoyerēt les clefs de la ville.

Ceste

Le Roy de Castille en Portugal, à main armée, pour la succession du Royaume.

Ceste response pleut assez bien au Roy de Castille: & se partit de Valence. Aussi firent semblablement ceux d'une cité, qu'on nomme Serp (qui est moult belle & moult forte) ou le Roy de Castille vouloit venir: mais, quand il entendit qu'ils se composoient ainsi que les autres, il fut content: & n'y alla point: mais prit le chemin de Lissebonne: car il luy sembla (& voir estoit) que, s'il pouvoit mettre ceux de Lissebonne en son obeissance, il auroit aisément le demourant du pays, or (quelque part que le Roy d'Espagne alloit) il menoit sa femme avecques luy, pour mieux monstrier aux Portugalois, que le droit estoit sien, & qu'à bone & iuste cause il conqueroit l'heritage de sa femme. Tant exploita le Roy Iehan de Castille, à tout son ost, qu'il vint deuant la cité de Lissebonne en Portugal: & l'assiegea grandement: & mostroit bien par son siege, que point ne s'en partiroit: si l'auroit tournée à sa volonté: & menaçoit aussi grandement messire Denis (qui dedans estoit enclos) & disoit bien qu'il le prendroit, & puis le feroit mourir de malle mort, & tous les rebelles aussi. Moult estoit l'ost du Roy d'Espagne grand & estédu: car moult y auoit de peuple: & auoient les Espaignols & les François (qui là estoient en l'aide du Roy d'Espagne) la cité enclose & enuironnée, par telle maniere, que nul n'en pouvoit issir, n'entrer, qu'il ne fust pris, & tantost mort: & auenoit à la fois, que, se par écar mouche, ou autrement, les Espaignols prenoient vn Portugalois, ils luy tolloient les yeux, ou luy coupoient vn pié, vn bras ou vn autre membre: & le renuoyoient ainsi méhaigné, en la cite de Lissebonne: & disoient, à celui qu'ils renuoyoient, Va: & dy que ce que nous t'auons fait, est en despit des Lissebonnois & de leur messire Denis, qu'ils veulent couronner à Roy: & bien sachent que nous ferons cy tant au siege, que de force nous les aurons, ou par famine, ou autrement: & tous les ferons mourir de malle mort: & mettrons la cité en feu & en flambe: ne ià pitié ne mercy n'en aurons. Mais, quand les Lissebonnois prenoient aucuns des leurs, ils n'en faisoient pas ainsi: car le Roy de Portugal (qui estoit à Lissebonne) les faisoit tenir tous aises: & puis les réuoyoit, sans violence de corps, ne de membres: d'ot disoient en l'ost les aucuns, qu'il luy venoit de grād' gétillisse: car il rédoit biē pour mal. Si vous dy que le siege estāt deuant Lissebonne, qui dura plus d'un an, toutes les semaines il y auoit deux ou trois écar mouches, de faits d'armes, de morts, de blecez & de naurez, d'une part & d'autre: & aussi biē tenoient ils siege par mer, que par terre: & estoit l'ost aisé de tous viures grandement: car il leur en venoit de tous costez, du Royaume de Castille. Si auint à vne écar mouche, & à vne course que les Espaignols firent iusques aux portes de Lissebonne, que messire Iehan-Laurés, qui estoit Capitaine de Lissebonne, saillir hors aux barrieres, son pennon des armes de Coigne en Portugal deuant luy, & avec luy grād' foison d'apperts cōpaignons: & là eut ce iour aux barrieres fait plusieurs grans appertises d'armes, & traict & lācé mainte darde. Par ma foy (dit le Duc de Lancastre à Laurécien) de toutes les armes, que les Castillans & ceux de vostre pais font & sauēt faire, c'est getter la darde: qui me plaist le mieux, & le voy le plus volōtiers: car trop bien en sauēt iouer: & qui en est atteint, ie vous dy biē qu'il faut que trop fort il soit armé s'il n'est percé tout outre. Par ma foy, respondit l'Escuyer, Mōseigneur, vous dites voir. Encores vey-ie en ces armes & assaux, qui là furent, autant de beaux coups ruez, & aussi bien assignez, que ie vey oncques en toute ma vie: & par especial il en y eut vn, qui moult nous cousta & qui nous tourna à moult grand' déplaisance, car messire Iehan-Laurens en fut feru d'une darde, par telle maniere que le fer luy perça ses plattes, & sa cotte de maille, & vn iaques, empli de soye retorse: & luy passa tout parmi le corps, tant qu'il luy cōuint cheoir & bouter outre. Adōc cessa l'écar mouche, pour la cause du Cheualier, qui mourut. Ainsi fut madame Alienor vefue en vn an de ses maris. Sachez, Mōseigneur, que messire Iehan-Laurés de Coigne eut grand' plainte: car il estoit moult vaillant homme aux armes, & plein de bon conseil. Après la mort duquel fut élu capitaine de Lissebonne vn sien cousin, & moult vaillant homme: qui s'appelle la Pouasse de Coigne. Celuy fit, sur les Espaignols, trois ou quatre issues: qui leur porta grād' damage, & ainsi continua le siege de Lissebonne: & vous dy que plusieurs fois on fut moult ébahy dedans la ville: car confort ne leur aparoiſſoit de nul costé. Quand on veit que nul ne venoit d'Angleterre (ou toute leur esperance estoit) si fut le Roy, qui est à-present, conseillé d'entrer en vn nauires, & de venir en ce pays: car messire Iehan † Vadigotz de Passe, & messire Iehan Teste-dor, & l'Archediacre de Lissebonne (lesquels on auoit enuoyez deuers le Roy d'Angleterre, & deuers vous & vostre frere de Cantebrugge, pour auoir confort & aide) auoient apporté nouuelles en Portugal, que vous le cōforteriez.

Lissebonne assiegee par le Roy Iehan de Castille.

Mort de Iehan Laurens de Coigne, premier & dernier mary de la vefue de Portugal.

† Ce doit estre celui qu'il a surnommé Radegoc, au ch. 2. du present Volume.

Secours du Comte d'Angouſe aux aſſiegez de Liſſebonne.

Le ſiege de Liſſebonne leué par peſtilence.

En nom Dieu (reſpondit le Duc de Lanclaſtre) vous dites voir:& auſſi ie fu ſur le point, & tout appareillé: mais en ce temps la guerre de Flandres & de Gand courroit. Si vindrent les Gandois pour auoir ſecours: & eurent tous ceux, ou en partie, que ie deuoye mener en Portugal: & les mena l'Eueſque de Norduich, meſſire Henry de Percy, par-delà la mer:& retarda le voyage de Portugal. En nom Dieu, Mōſeigneur (dit l'Eſcuyer) nous penſions bien, par-deuers nous, qu'aucun empeschement auoit en Angleterre moult grand, pour quoy vous ne pouuiez venir. Toutesſois nous fiſmes au mieux & au plus bel que nous peūſmes:& nous teinſmes & portafmes vaillamment encontre le Roy de Caſtille & ſa puiſſance: qui lors n'eſtoit pas petite: car ils eſtoiēt plus de ſoixante mille hommes, que par mer que par terre: & tous nous menaçoient d'ardoir & exiller, ſans mercy, en noſtre ville & cité de Liſſebonne. Or aint que, le ſiege deuant Liſſebonne eſtant, ſi comme ie vous compte, vn Comte de noſtre pays de Portugal (lequel ſ'appelle le Comte d'Angouſe) nous fit vn tresbel & grand ſecours:& pour luy il acquit haut honneur: car il arma vingts gallées au Port de Portugal, pleines de bons Gens-d'armes & de bonnes pourueances: & puis ſ'en vint, ridant & ſinglant parmy la mer: & paſſa par Valence, & par grâce que Dieu luy fit, parmy l'armée du Roy de Caſtille (qui giſoit à l'ancre deuant Liſſebonne: ou auoit plus de cent gros vaiſſeaux) & fit ſon fait ſi gracieuſement, & prit le vent ſi à poinct, que (vouſſiſſent ou non les ennemis) il entra ſauuement & ſans peril, & toutes ſes gallées, au haure de Liſſebonne:& encores conquist il quatre vaiſſeaux ſur eux: & les amena, en ſa compagnie, au haure. De la venue du Comte d'Angouſe furent ceux de Liſſebonne grandement réiouis: car ils en furent moult reconfortez. Par ma foy (dit le Duc de Lanclaſtre) le Comte d'Augouſe vous fit pour ce temps vn beau ſervice. Or me comptez, beau Laurencien, comment le ſiege fut leué, ne par quelle maniere: car ie vous en oy moult volontiers parler. Monſeigneur (dit l'Eſcuyer) volontiers. Si comme ie vous ay dit, & compté, le ſiege fut deuant Liſſebonne plus d'un an entier:& auoit le Roy de Caſtille iuré, & voué, que du ſiége ne ſe partiroit, ſ'il n'auoit la cité ſouſmiſe à ſon obeyſſance: ſi puiſſance de plus grand Roy, qu'il n'eſtoit, ne le leuoit de force. Au vray dire (qui tout veut conſiderer) le Roy de Caſtille tint bien ſon vœu, & ſon ſerment: car voiremēt puiſſance de plus grand qu'il n'eſtoit, & plus fort, l'en leua, & le fit partir. Je vous diray comment. Vne peſtilence & mortalité tresgrande & tresſpouuentable ſe bouta en ſon oſt: par telle maniere que tous mouroient ſi ſoudainemēt, comme en parlant l'un à l'autre:& en y mourut de boce, & de mal du corps, plus de vingt mille perſonnes: & proprement le Roy ſ'eſſraya de luy-meſme: pour laquelle frayeur on luy conſeilla qu'il ſe leuaſt du ſiege, & ſe retraiſt à Saint-Yrain, ou en autre part, & donnaſt congé à toutes ſes gens, tant que ceſte peſtilence ſeroit appaiſſée: & enuis le fit: pourtant qu'il auoit iuré le ſiege ſi ſolennellement: mais faire luy conuint: car pour le mieux ſes gens luy conſeillerent: qui ſe vouloient auſſi departir du ſiege. Monſeigneur nous diſons en Portugal, & auōs dit moult de fois, & eſt l'opinion de tous, que Dieu pour nous aider, nous & noſtre Roy, enuoya en l'oſt ceſte peſtilence: car dedans la cité (ou nous eſtions tous enfermez) il n'y mourut oncques homme, ne femme: n'on ne ſentit oncques mal: dont ce fut grand' grâce, que Dieu nous fit. Quand le Roy de Caſtille ſe délogea du ſiege de Liſſebonne, le Roy de Portugal, qui eſt à preſent, fit armer tous ceux qui en la cité de Liſſebonne eſtoient, & monter à cheual, & venir ferir les derniers des Caſtillans, qui ſe dérangoient, & leur portafmes grand dommage: car ils ne ſe délogerent pas en bon arroy: parquoy ils perdirent moult de leurs gens, & de leurs pourueances. Mais le Roy de Portugal, qui eſt à preſent, fit faire vn edict & vn ban, ſur la teſte couper, que nul ne fuſt ſi oſé de prendre choſe qui fuſt aux champs, ne l'apporter en la cité de Liſſebonne: mais vouloit que tout fuſt ars, & non pas la cité empunaſſie. Tout fut conuertty, pourueances & autres choſes, en feu & en flambe: mais ie croy que ceux, qui auoient trouué or & argent monnoye & vaiſſelle, ne l'ardirent pas: mais le ſauuerent du mieux qu'ils peurent. Adonc ſ'en vint le Roy de Caſtille à Saint-Yrain, à l'entrée de ſon pays. Là ſe tint vn temps:& enuoya au ſecours en France, ſi tresſeſpécialement qu'il peut oncques, & par eſpecial en Gaſcongne & en Bearn, & en la terre du Côte de Foix: & enuoya trois ſommiers, chargez de nobles de Caſtille & d'autres florins, pour faire preſt aux Cheualiers & Eſcuyers: car bien ſauoit que par autre voye il ne les mettroit point hors de leurs hoſtels, ne de leur pays. Quand les Barons & les Cheualiers du Royaume de Portugal, qui pour la partie du Roy qui eſt à preſent ſe tenoient, veirent que le

que le Roy de Castille auoit leué & vuidé son siege, & laissé la cité de Lissebonne (ou plus d'un an il auoit esté) si se rencouragerent grandement: & aussi firent les Communautés du pays, & par especial ceux du Port, ceux d'Eure, & ceux de Connimbres. Si eurent conseil ensemble, & bien brief, qu'ils couronneroient à Roy messire Denis (auquel par election ils auoient donné leur amour & plaïssance) & disoient ainsi, & estoit la voix commune du pais, que Dieu vouloit qu'il fust Roy couronné: car ià auoit monsté ses vertus sur les Espaignols. Apres fut signifié, par tout le Royaume de Portugal, qu'on vint à un certain iour, qui ordonné estoit, en la cité de Connimbres, & que là seroit ledit messire Denis couronné & solennisé. Tous ceux, qui estoient de sa partie, y vindrent: & y eut, selon la puissance du pays, assez grand peuple: & fut le Roy Denis de Portugal couronné & solennisé (ainsi comme à luy appartenoit) des Euesques & des Prelats de son pais, le iour de la Trinité, en l'an mil trois cens quatre vingts & quatre, en l'Eglise Cathedrale de Connimbres (qu'on dit Sainte Marie) & fit le Roy ce iour Cheualiers, tant de ceux de son pays comme estrangers, iusques à soixante: Si fut la feste grande: que les Portugalois tindrent en la cité de Connimbres deux ou trois iours: & là fit le Roy renouveler tous hommages aux Comtes, Barons, Cheualiers, & Escuyers, & à ceux, qui s'iefes tenoient de luy: & là iura il le Royaume tenir en droit & en iustice, & garder toutes iuridictions: & ils luy iurerent que pour Roy à tousiours mais, & les hoirs qui de luy viendroient (fussent masles ou femelles) ils tiendroient, ne pour mourir ne le relenquiroient. Ainsi alla, du couronnement du Roy Denis de Portugal, que ie vous compte. Quand le Roy de Castille eut nouvelles que les Portugalois, & par especial les Communautés du pays: auoient couronné à Roy messire Denis, & luy auoient iuré foy & hommage, si fut plus pensif que deuant: car il ne cuidoit pas qu'elles deussent ainsi aller, & que les Portugalois se deussent auancer, si tost, de le couronner à Roy: pour la cause qu'il auoit avecques luy si grand' foison des Nobles de Portugal. Si dit. Je voy bien qu'il conuiendra de fait, & de force, conquerir ce, qui est mien: si ie le vueil rauoir, Iamais n'aura paiz entre Castille & Portugal, iusques à ce que les Portugalois ayent amédé ce, qu'ils ont fait. Apres ce que le Roy de Portugal fut couronné, il s'en vint à la cité de Lissebonne: & là se tint: & entendit grandement à mettre à point les besongnes de son Royaume, pour acquerir la grâce & l'amour de son peuple: & departit ses Cheualiers & Gens-d'armes: & les enuoya en garnison, parmy ses villes & ses chasteaux, sur les frontieres du Royaume d'Espaigne: car le Roy se tenoit à Seuille. Si fut enuoyé, du Roy de Portugal, en garnison à Treutouse, messire Iehan-Ferrand Porteler, un moult appert homme, & vaillant Cheualier, & de moult haute entreprise, & avecques luy messire Martin-Vas de Coigne, & son frere messire Guillaume-Vas de Coigne, deux moult appers Cheualiers: & auoient deffous eux deux cens Lances de bons Gens-d'armes, tous bien montez. D'autre part fut enuoyé au chastel de Lene, vers Iuberoth, messire Iehan Radigos Perriere, à tout cinquante Lances. En la cité de Valence en Portugal fut enuoyé, de par le Roy, messire Iehan-James de Saules, à l'encontre de la forte ville de Tuye: qui sied pres de là: laquelle s'estoit Tournée & rendue au Roy de Castille, quand il vint deuant Lissebonne, & en Tuye auoit, de François & de Castellans, grand' garnison de Gens-d'armes. En la cité de Serp fut enuoyé messire Mondech Radigo, un moult appert Cheualier, à tout cinquante Lances. Au Port, n'à Eure, n'à Connimbres, ne meit on nulles Gens-d'armes: car le Roy sentit les hommes des villes deffusdites bons & loyaux enuers luy, & forts assez: Ainsi que ie vous dy, Monseigneur en l'an, que le Roy Denis fut couronné furent pourueus les garnisons de bons Gens-d'armes, Si vous dy que souuent y auoit des rencôtres, des écarrouches, & des assaux, les uns sur les autres. Une fois gaignoient noz gens: l'autre fois perdoient: ainsi que l'auenture d'armes auient: mais par especial il y eut une rencontre de ceux de la garnison de Treutouse sur les Castellans, moult forte & moult belle, Ha, Laurencien (dit le Duc de Lancastre) ne vous en passez point briefement, que ie ne voye & sache comment il en auint, & par quelle maniere ils se trouuerent sur les châps: car i'oy d'armes parler volontiers. Monseigneur (respondit l'Escuyer) c'est bien raison que ie le vous die, & l'ordonnance du fait, si comme il en alla: car à cel le rencôtre ie fu present: & portay ce iour la banniere de messire Iehan Ferrand Porteler: par qui la besongne commença: car il estoit pour lors Capitaine de Treutouse, Vous deuez sauoir, Monseigneur, que le Roy de Castille, sur les frontieres & bords de Portugal auoit pourueu de Gens-d'armes ses garnisons lesquelles à la fois, pour nous cōtrarier

† Couronnement du Roy Denis de Portugal en la cité de Connimbres le iour de la Trinité, 1384. Mais, si la deduction de ce present chapit. ne s'accorde du tout à ce qu'il a dit au cha. 2. du present vol. & aux autres suiuaus depuis l'onzième iusques à la fin du seizième, considerez que c'est aussi une autre personne qui parle & prenez ce chapitre pour le plus veritable, à mon aduis. Au demourant il y auoit encore Iehan pour Denis, selon que nous auons annoté au cha. 28.

D'une rencontre pres la ville de Treutouse, ou quelque pais de Portugalois déconfirent une assez grande troupe de Castellans.

& porter dommage, se rangeoient ensemble, & se mettoient sur les champs: & vne fois perdoient, & l'autre fois gaignoient: ainsi que les choses se portent en armes. Or auint vne fois que iusques à sept Capitaines d'Espaignols, tous haux Cheualiers de parage, & tous bons hommes-d'armes, s'assemblerent ensemble: & se trouuerent bien trois cens Lances, tous bien montez en grand' volonté de nous porter dommage: & bien le monstrent: car ils entrèrent en Portugal, & leuerent grand' proye, & grand' foison de prisonniers: & vous dy que, s'ils voulsissent, ils fussent bien rentrez en Castille: sans auoir nulle rencontre. mais ils furent grans & orgueilleux: & dirent qu'ils viendroient veoir la garnison de Treutouse. Tous ceux du plat-païs fuyoient au-deuant d'eux: & tant que les nouvelles en vindrent à Treutouse. Quand messire Iehan-Ferrand Porteler entendit que les Castillans cheuaucheroient, si demanda ses armes: & fit sonner ses trompettes, & réueillir Cheualiers & Escuyers parmy la ville. Tous s'armerent à grand' haste: & si monterent sur leurs cheuaux: & issirent hors de Treutouse: & se trouuerent sur les châps bien deux cens. Si se meirent en bonne ordonnance: & monstrent bien qu'ils auoient grand' affection de trouuer leurs ennemis: & demanderent aux fuyans (lesquels affuyoient à sauueté à Treutouse) ou leurs ennemis estoient, & ou ils les trouueroiét. Ils respondirent qu'ils n'estoient point loing, & qu'ils ne cheuaucheroient que le pas: car ils ne pouuoient tost aller, pour la grand' proye qu'ils menoient, De ces nouvelles fut messire Iehan-Ferrand Porteler tout réiouy: & dit à ses compaignons (c'est assauoir à messire Martin-Vas de Coigne, & à messire Guillaume-Vas de Coigne, son frere) Messieurs auançon nous, ie vous en prie & requier. Je ne vueil iamais rentrer en ville, n'en chasteau qui soit en Portugal, si auray deuant veu noz ennemis, & combattu à eux: & me mettray en peine & trauail de recouurer la proye, & les prisonniers qu'ils emmenent. Et puis me dit ainsi, Laurencien, déuelopez tantost ma banniere: car il en est heurre, nous trouuerons tantost noz ennemis. Adonc fy-ie incontinent ce qu'il me commanda: & cheuauchasmes le bon pas, & tant que nous vismes deuant nous les poudrieres de noz ennemis. Adonc prîmes nous l'auantage du soleil: & cheuauchasmes: & vinsmes à eux. Quand les Castillans nous apperceurent, ils se tindrent tous quois: & se meirent ensemble: & s'ordonnerent: & meirent leur proye, & leurs prisonniers, tous d'un costé. Nous les approchasmes de si pres, que bien pouuions parler à eux, & eux à nous. Si veîmes trois bannieres & quatre pennons: & bien estoient par auis, en flotte, trois cens, sans les bannieres, tous bien montez. Je vous les nommeray. † & tout premierement messire Iehan Radighos de Castenans, Cheualier & Baron en Castille, messire Siluegresie d'Albenes, messire Adioutalle de Tolette, messire Ioutallé de Casselle, messire Iehan Radighos de Deure, & Diofenses d'Angouse. Quand nous fusmes l'un deuant l'autre, nous meîmes pié à terre: & aussi firent eux: & furent les cheuaux baillez aux pages & aux varlets: & auant que nous nous assemblissions de dardes, de lances, ne d'armes à eux, n'eux à nous, nous eûmes grand parlement: voire les Capitaines de l'une partie & de l'autre: car moy, qui fu présent ouy toutes les parolles: pourtant que mon maistre, messire Iehan-Ferrand Porteler (de qui ie portoye la banniere) estoit au-deuât d'eux: & à luy estoient adrecées les parolles & parlemens. Tout premier il leur demâda qui les faisoit cheuaucher en Portugal, ne leuer proye. Maistre Adioutalle de Tollette respondit: & dit qu'ils pouuoient cheuaucher ainsi comme ils vouloient, pour punir les desobeissans: car il leur estoit cōmandé de leur Seigneur le Roy de Castille, auquel l'heritage de Portugal appartenoit, & pourtant qu'ils y auoient trouué des rebelles & desobeissans: ils auoient couru au pays, & leué proye, & emmenoient prisonniers. Vous ne les menerez pas trop loing (respondit messire Iehan-Ferrand Porteler) ne la proye aussi: car nous les vous récourrons: ne nul droit vous n'avez en ce pays, de venir courir. Ne sauez vous pas que nous auons Roy? lequel veut tenir en droit son Royaume, & garder iustice, & punir les larrons & pillars? Si vous disons de par luy, que tout ce, que vous avez pris & leué au Royaume de Portugal, vous remettrez arriere: ou autrement, sur nostre droit & iuste querelle, nous nous combattons à vous. Dont respondit Adioutaille de Tollette, Les prisonniers, que nous auons ne rendrons nous pas: mais nous nous conseillerons de la proye. Lors se font les sept Capitaines de Castille tirez ensemble en conseil: & monstrent que pour celle fois (quoy qu'ils eussent cheuauché deuant Treutouse) ils se fussent bien passez de la bataille, car ils dirent, eux conseillez, que le bestial, qu'ils menoient, & tout le sommage (exceptez les hommes, que

† Il entend les Capitaines d'un nom desquels il y a faute icy.

pour

pour prisonniers ils tenoient) ils laisseroient arriere: & ne faisoient compte de les mener: car ce les chargeoit trop. Nenny (respondirent les Portugalois) nous ne nous en passerons pas ainsi: mais nous voulons que tout vous laissez: ou vous aurez la bataille. Là fut la bataille entre eux dure & forte, sans eux épargner: car ils estoient legers, & fortes gens: & le champ, ou ils se tenoient & combattoient, estoit bel & plain. Là lançoient & gettoient l'un à l'autre des coups de dardes, si forts & si grans, que, qui en estoit assené, il estoit trop à certes bien armé, si n'estoit mort, ou n'auré trop durement. Là eut fait (ie vous dy) plusieurs grans appertises d'armes, & abbattis par belles lances: & là estoit messire Jehan-Ferrand Porteler: qui d'une hache se combattoit moult vaillamment: & aussi firent ses deux compaignons, Martin-Vas de Coigne, & Guillaume-Vas de Coigne. D'autre part les Espaignols se combattoient moult vaillamment: & dura le grand estour & le poulsis plus de trois heures, sans branler d'une part ne d'autre: & estoit à émerveiller comment ils pouvoient souffrir la peine de tant estre en leurs armeures: mais le grand desir, que chacun auoit de partir de la place à son honneur, les faisoit tels estre: & si vous dy aussi que les Portugalois & Espaignols sont dures gens aux armes: & par especial, quand ils voyent qu'il est de necessité. Ils furent en tel estat, lançant & gettant dardes, & poulsans l'un sur l'autre, moult longuement, qu'on ne sauoit à dire (ne n'eust seu, qui les veist en tel estat combattre) lesquels auroient le meilleur, ne lesquels obtiendroient la place pour icelle journée: tant se combattoient bien & également: n'oncques, Dieu mercy, banniere, ne pennons de nostre costé, ne cheut ny ne versa: mais les leurs se commencerent à dérompre & ebranler: dont s'en recouragerent les nostres: & furent plus fraiz que deuant: & écrierent haut, tous d'une voix, Saint-George, Portugal, & entrèrent les nostres es Castellans fort & ferme: & les commencerent à dérompre, & à abbattre, l'un çà l'autre là. Là furent abbattus vaillamment, & mortellement l'un sur l'autre, & ferus de haches & de plommées, & grans guisarmes, & du tout tourna la déconfiture sur eux. Quand leurs pages & leurs varlets, qui gardoient leurs chevaux, apperceurent la déconfiture de leurs maistres, si tournerent en fuite, pour eux sauver: & sachez que des sept Capitaines, qui là furent, il ne s'en partit qu'un tout seul: encores fut ce par son bon page, qui le vint querir en la bataille au-dehors, ou il le veist: & le fit monter. Il luy fit pour ce iour un beau service: & ce fut à loutalle de Cassel. Tous les autres six furent morts: n'oncques il n'y eut pris homme à rançon. Ainsi obtindrent la place, & déconfirent, de rencontre, les Castellans messire Jehan-Ferrand Porteler & ses gens († qui estoient largement, & trois cōtre deux) assez pres de la ville de Treutouse, par un iour de Mercredy, au mois d'Octobre, l'an de grâce Nostre Seigneur mil trois cens quatre vingts & quatre. Après ceste déconfiture faite, & le chāp tout deliuré, noz gens monterent à cheual: & donnerent congé aux hommes, qui là estoient: que les Castellans auoient pris, si comme ie vous ay dit: & encores leur rendirent ils du pillage, qu'ils emmenoient, tant qu'ils en voulurent prendre: mais le bestial, ou plus auoit de 800. bestes, ils le firent mener deuant en la ville & garnison de Treutouse, pour eux pour uoir & aitailler, de ce fut raison. Quand nous entraſmes en Treutouse nous y fūmes receus à grād' ioye: & ne sauoient les gens qu'ils peussent faire de nous: pourtant que nous auions deliuré la cōtrée, de noz ennemis, & récouſ ce, que perdu estoit, & le nous tournerent à grand' vaillance: & aussi firent tous ceux des bonnes-villes de Portugal, qui en ouyrent parler. Encores en celuy an present, ont eu noz gēs bien aussi belle journée & auenture, au chāp de Seuille, mais ie vous recorderay, auant, la plus belle & la plus heureuse journée, que le Roy de Portugal ayt point eue depuis deux cens ans en çà: que nostre Roy, le Roy † Denis de Portugal, mon trefredouté Seigneur (qui cy m'enuoye) & le Grand-maistre de Saint-Iaques (qui cy est) a eu depuis quatre mois sur les ennemis: lesquels estoient bien quatre contre un, & toutes bonnes Gens-d'armes, & de haute emprise: parquoy la nostre journée en est plus recommandée. Mais ie croy bien, Mōseigneur, que vous en auez assez ouy parler: si vaut autant que ie m'en taïse. Non ferez, dit le Duc: vous ne vous en taïtez pas, vous le me compterez: car ie vous oy volontiers parler. Il est bien verité que j'ay un varlet à Heraut ceans (qui s'appelle d'Erby) qui y fut, ce dit il: & me compta que noz gens de ce pays y firent merueilles, & plus, au vray dire (ce me semble) qu'ils ne feussent ou peussent, faire: car il n'en y pouoit auoir foison, pource que mon frere de Cantebruge (quand il se partit de Portugal) en meit tous hors les Anglois, qu'il y auoit menez, & les Gascons aussi: & de ces Heraux, moult en y a, qui

*Déconfiture de
Castillans, par
Portugalois,
pres Treutouse.*

*† Entendez des
Castillans.
An ce iour
de la rencontre
de Treutouse.*

*† Encor y a-
voit il icy Je-
han: comme
nous auons na-
gueres annoté
sur ce present
chap. 28.*

font si grans bourdeurs & menteurs, qu'ils exaucent en leurs parolles ceux qu'ils veulent. Mais pource ne sont pas morts, ne periz, les biens des bons, car il n'est congny & ramenu par eux, si est il bien seant qu'on l'oye & ramente, quand il chet à point. Par ma foy (respondit Laurencien Fongasse) de tous les estrangers, qui furent en la bataille de Iuberoth avec le Roy de Portugal, il n'en y eut pas deux cens hommes, Anglois, Gascôs, & Allemans, & les greigneurs Capitaines des estrangers, qui y furent, ce furent deux Gascons, & vn Allemand de la Duché de Guerles. Les Gascons nommoit on messire Guillaume de Mont-Ferrand, & Bernardon: & l'Allemand, Albert. Des Anglois y eut aucuns Archers: mais ie n'ouy oncques nômer hôme de nom: fors deux Escuyers, Northerby & Hartecelle. Si furent ils appelez au Conseil du Roy & des Seigneurs, quand on deut assembler. Or auant (dit le Duc) beau Laurencien, or me comptez de ceste iournée, comment elle se porta, & comment elle fut cōbattue, & ie vous en prie. L'Escuyer

† Ce passage est amendé, selon ce qu'il a dit cy devant.

† Notez, qu'il y auoit encore: Iehan, pour le regard de ce que nous auons annoté sur le commencement du chap. 10.

respondit, Monseigneur, volontiers, car pour le vous dire, si comme elle va, m'a l'en icy enuoyé. Lors commença Laurencien Fongasse à renoueller son compte, & à parler de la besongne & esconuenue de Iuberoth, & dit ainsi. Vous auez bié ouy dire par moy, & par autrui, si luy a pleu, † que deuant la couronnation du Roy de Portugal (qui fut couronné à Connimbres, si comme ie vous ay dit) le Roy de Castille (qui leué estoit du siege de Lissebonne, pour la pestilence de la mortalité, qui fut entre ses gens) se retira à Saint-Yrain. Moul't fort luy pesa (ce dit on) quand il seut & fut informé du couronnement de mon tresredouté Seigneur le Roy † Denis. Car il clamoit & clame droit à l'heritage & couronnement de Portugal (si comme vous sauez) de par la Royne de Castille sa femme, qui fut fille au Roy Ferrand: & nous disons que non, & les points & les articles ie vous ay monstrez & declarez. Si ne m'en faut plus parler, car vous les auez bien entendus. Mais vueil retourner à la matiere. Le Roy de Castille fut conseillé, comme il apparut, d'enuoyer querir Gens-d'armes & soudoyers par tout ou il les pouuoit auoir, & par especial au Royaume de France, car François luy ont tousiours aidé à soustenir sa querelle, & le Roy son pere à faire sa guerre. Si luy fut dit, Monseigneur, il ne vous faut auoir qu'une iournée contre ceux de Portugal, & se par puissance vous les pouuez tenir aux champs & combattre, à vostre entente viendrez. car ils sont en grand different & discord au Royaume de Portugal ensemble, si comme vous sauez & veez, car ià maintenant auez, avecques vous, des plus haux & des plus notables du pays, qui se sont mis en vostre obeissance: & c'est vne chose, qui moul't grandement embellit & éioui't vostre guerre. Si vous auancez de combattre, à toute puissance de bonnes gens, ce Bastard de Portugal, que les Communautés ont couronné à Roy, auât qu'il se fortifie des Anglois. Vous le ruerez ius, & quand vous aurez iournée pour vous, tout le pays sera vostre, car il n'est pas grand à conquerre. Si que, Monseigneur, le Roy Iehan s'auança, & enuoya ses lettres & ses messagers en France, en Poictou, en Bretagne, en Normandie, en Bourbonnois, en Picardie, & en Bourgongne, & aussi en plusieurs lieux, ou il pensoit à auoir gens, dont il fut seruy, & lesquels en aucune maniere estoient tenus à luy: & par especial moul't grans Gens-d'armes, Cheualiers & Escuyers, luy vindrent du pays de Bearn. De ceste contrée il en y eut plus que d'autre nation, & tant qu'ils se trouuerent vn iour, à S. Yrain, entre six & sept cens Lances, & trente mille Espaignols, & tous à cheual: lesquels auoient grand desir de nous porter dommage. Ces nouuelles vindrent en Portugal, deuers le Roy & les Seigneurs, & les citez & les bonnes-villes, qui de l'alliance du Roy estoient, & fut nombrée la puissance, que le Roy de Castille menoit ensemble, & fut le Roy informé, que tout estoit fait, pour venir mettre le siege deuant Lissebonne. Dont, pour auoir conseil cōment on se cheuiroit, le Roy & les Seigneurs, qui avec luy estoient se meirent ensemble, & là fut dit & demonstré au Roy, de par tous les nobles de son pays que de toutes les ordonnances qu'on pouuoit comprendre, c'estoit qu'on allast au deuant des ennemis, & qu'on ne se laissast pas enclorre en cité, n'en bonne ville qui fust en Portugal, car, si on s'y encloyoit, on seroit tout embesongné de garder le clos: & endementiers, eux ainsi encloz, pourroyent les Castillans aller & cheuaucher à leur aise, & conquerre villes & chasteaux par force; & par amour, & destruire tout le plat-pays, & nous affamer, & tenir ou encloz nous auroient. Et se nous allons au deuant d'eux, & prenons place, c'est le meilleur & le plus profitable, car bien sauons, Sire Roy, que vous ne pouuez paisiblement iouir de la couronne, dont nous vous auons couronné, fors que par bataille, & que du moins vous ayez vne fois, ou deux, rué ius vostre auersaire le Roy de Ca-

De la bataille de Iuberoth, racontée au Duc de Lancastre, par Laurencien Fongasse, l'un des Ambassadeurs de Portugal en Angl.

de Castille, & sa puissance. Se nous le déconfisons, nous sommes Seigneurs. Se nous sommes déconfits, le Royaume est à l'auenture. Mais trop mieux nous vaut requerre, qu'estre requis, & plus honorable nous sera. Car on a veu trop de fois que les requerâs ont eu l'auantage sur les deffendans. Si vous conseillons que vous faciez vostre commandement à ceux dont vous pensez d'estre aidé & seruy. Le Roy de Portugal respondit ainsi. Vous parlez bien, & ie feray ainsi comme vous l'ordonnez. Dont fit le Roy lettres escrire, & meit Cleres en œuvre à grande planté, & manda, à tous, qu'ils fussent au Port de Portugal, ou là pres dedans le iour qu'il assigna. Sachez que tous ceux, qui furent mādéz, n'escripts ne vindrent pas, car tout le Royaume, pour ce temps, n'estoit pas de sa partie, ainçois dissimuloient, tant qu'ils vouloient veoir comment les ordonnances se porteroient, & les aucuns estoient allez en Castile, deuers le Roy, pource qu'ils disoient que il auoit plus grand droit à la couronne de Portugal, que nostre Roy n'auoit. Nonobstāt tout ce, le Roy de Portugal vint à Connimbres, & là fit son assemblée de toutes Gens-d'armes qu'il peut auoir. Au vray dire, il eut de Portugal, à election, tous les meilleurs Gens-d'armes, & les plus autorisez Comtes, Barons, Cheualiers, & Escuyers, & bien eut pareillement vingt cinq cens Lances, Cheualiers & Escuyers, & douze mille hommes de pié. Quand ils furent tous assemblez, on ordonna Connestable & Marechal. Le Connestable fut le Comte de Nauarre. Le Marechal, messire Alne Perriere, tous deux sages hommes pour gouuerner Gens-d'armes, & mener vn ost à son deuoir. Si se departirent de Connimbres, & de l'environ (ou ils estoient logez) & prirent le chemin à la Cabasse (c'est à Iuberoth) & cheminerent tout droit & doucemēt, à l'aïse de leurs corps & de leurs cheuaux, pour les grans pourueances qui les suyuoient, & auoient Cheuaucheurs deuāt, qui auisoient le contiennement du Roy de Castille, & comment il se vouloit maintenir. Encores n'estoit pas venu, en la compagnie, messire Iehan Ferrand Porteler, mais se tenoit en garnison au chastel d'Orech, à cinq lieuës de Iuberoth, & croy qu'il ne sauoit point qu'on se deust combattre. Ie suppose assez que le Roy de Castille fut informé du Roy de Portugal, qui s'en venoit à puissance sur luy, & quand il feut que nous estions aux champs, il en eut moult grande ioye, & aussi eurent tous ses gens semblablement, si comme ils le monstrerent. Car ils luy conseillerent à cheuaucher contre nous, & nous venir cōbattre, & par especial les Gascons de Bearn, qui là estoïent, nous desiroient trop fort à combattre: & demanderent à auoir la premiere bataille, & ils l'eurent, & bien nous auoit dit messire Guillaume de Mont-ferrand, Gascon (qui estoit là, à tout quarante Lances) Soiez tous asseurez d'auoir au-iourd'huy la bataille: puis que vous auez les Bearnois à l'encontre de vous, car ils ne desirent autre chose. Le Roy donc de Castille, à toute sa bataille, vint au lendemain gesir au chastel de Lerre, à deux lieuës de la Cabasse, de Iuberoth: & le lendemain nous veismes à la Cabasse, & là nous logeasmes & le Roy de Castille se logea ce soir à vne petite lieuë de Iuberoth, apres que nous fumes là logez, car bien sauoit, par ses cheuaucheurs, quel chemin nous prédriens, & que nous nous logerions à Iuberoth. Monseigneur ie vous dy que les Portugalois ont tousiours eu grandement, en toute grace de Dieu, leur confiance, & en bonne fortune pour eux, en celle place de Iuberoth, & pource sy arresterēt ils à celle fois. Or me dites la raison, ce dit le Duc. Volontiers, Monseigneur, dit Laurencien Fongasse. Anciennement le grand Charlemagne (qui fut Roy de France & d'Allemaigne: & Empereur de Rome & lequel fut en son temps si grand conqueror) déconfit à Iuberoth sept Rois mécreas, & y eut bien morts cent mille mécreans: & ce trouue l'on, & fait on, par les anciennes Histoires & Croniques. Par celle bataille il conquist Connimbres, & tout le pays de Portugal, & le meit en la foy Chrestienne, & pour la cause de la grande victoire & belle, qu'il eut sur les ennemis de Dieu, il fit là faire & edifier vne Abbaye: qui est de noirs Moynes & les renta bien en Portugal & en Castille, tant qu'ils se contenterent. Encores plus: Monseigneur, il peut bien auoir deux cens ans, que là eut vne moult grande bataille: & en celle place eut vne tresbelle iournée vn Seigneur pour ce temps, qui estoit frere du Roy de Castille, n'oncques deuant ce, n'y auoit eu Roy en Portugal: mais l'appeloit on le Comte de Portugal. Auint qu'iceux deux freres, le Roy de Castille & le Côte de Portugal, eurent guerre mortelle ensemble: pour departement de terres, & tant qu'on n'y trouuoit nulle paix, fors que la bataille, & la chose touchoit tant à ce Comte & aux Portugalois, qu'ils auoient plus cher à estre morts, qu'eux encheoir au parti, n'en la suiectiō, ou le Roy de Castille les vouloit mettre & tenir. Si fauenturerent les Portugalois, &

Incident d'une victoire de Charlemagne en Portugal, contre les infidelles, à Iuberoth.

Autre incident de victoire auue aux Portugalois à Iuberoth contre un roy de Castille.

vindrent tenir iournée, à l'encontre du Roy de Castille & ses gens, à Iuberoth. Là fut le Roy de Castille si puissant, qu'ils estoient dix contre vn, ny ne prisoient en rien les Portugalois, dont sur les champs de Iuberoth, à la Cabasse, fut la bataille des Castellans & Portugalois, par telle maniere qu'elle fut moult cruelle, & finalement ce Comte de Portugal & ses gens obtindrent, & subiuguerent, & furent Castellans déconfits: & fut prins le Roy de Castille. Par laquelle prise le Comte de Portugal vint à paix, telle comme il voulut, & furent adonc diuisez, & departis, & abornez les deux Royaumes, de Portugal & de Castille. Et pource que les Portugalois, qui en telle bataille furent, virent que Dieu y auoit fait sa grace, & qu'un petit nombre de gens, qu'ils estoient, decōfit la puissance du Roy de Castille, ils voulurent augmenter leur terre & leur pays, & en firent vn Royaume: & courōnerēt les Prelats de Portugal & les Seigneurs leur premier Roy, en la cité de Connimbres, & le firent cheuaucher parmy tout son Royaume, la couronne de laurier en son chef, en signifiant honneur & victoire, ainsi comme anciennement souloient faire les Roys, & depuis est tousiours le Royaume demouré à Roy: & sachez, Monseigneur, qu'ainçois qu'ils se veissent en la suggestion des Castellans, ils prendroient vn moult loingtain du sang du Roy de Portugal: qui seroit mort sans auoir hoir masse de luy. Or, quand le Roy de Portugal fut venu sur la place, on luy demonstra bien toutes ces choses: & auint, entendis que le Connestable & le Marechal ordonnoient les batailles, que messire Iehan Ferrand Porteler vint en l'ost: lequel au matin festoit parti de la garnison d'Orech: & amena avecques luy quarante Lances: dōt on en eut grāde ioye de sa venue, car il fut mis au train du Roy. Quand noz batailles furent toutes ordonnées, & mises en bon arroy & bonne ordonnance, & qu'on n'attendoit autre chose que les ennemis, & que iā estoient noz cheuaucheurs enuoyez par-deuers eux, pour enquerir de leur contiennement, le Roy se meit entre ses gens, & fit faire silence & paix. Lors, dit il, Seigneurs, vous m'avez couronné à Roy. Or me monstrez loyauté, car puis que ie suis si auant, & mesmement sur la place de Iuberoth, iamais ie ne m'en retourneray arriere en Portugal, si auray combattu mes ennemis. Tous respondirent, Sire Roy, nous demourrons avecques vous tous, & soyez certain que nous ne fuirons nullement. Or s'approcherent les batailles. Car les Castellans auoient desir de nous trouuer, & nous combattre, si comme ils en monstrerent le semblant. Nous enuoyasmes noz Coureurs deuant, pour les auiser, & quelles gens ils estoient en nombre, pour nous conseiller sur ce. Noz Coureurs demourerent plus de trois heures entieres sans retourner, n'ouir nulles nouuelles d'eux, & fut telle fois, que nous les cuidasmes auoir perdus. Toutesfois ils retournerent, & nous apporterent iustement leur contiennement, & la quantité de leurs batailles, & dirent qu'en l'Auantgarde auoit bien largement sept mille Lances, armez de pié en cap, la plus belle chose qu'on peust veoir. En la grosse bataille du Roy auoit bien trente mille cheuaux, & tous hōmes armez. Quand noz gens & les Seigneurs feurent le nombre de ceux, & comment ils venoient, & que l'Auantgarde estoit pres, deux lieues outre la bataille du Roy (car les Gascons & les estrangers n'estoient pas bié d'accord avec les Castellans) si eurent noz gens conseil de nous tous tenir ensemble, & sur nostre fort, & de faire deux ælles de batailles, & les Gens-d'armes (ou bié auoit deux mille & cinq cens Lances) au fond de ces deux ælles. Là puissiez vous veoir, Monseigneur, bonne ordonnance de bataille, & gens grandement reconfortez, & fut dit & cōmandé, de par le Roy, & sur la teste, que nul ne prist ce iour riens à rançon, se la iournée estoit pour nous: ou tous mourir, ou tous viure. Et fut cela fait & ordonné pour le meilleur, car (si comme les Seigneurs disoient) se nous nous entremettons ou embesognons à prendre prisonniers, nous nous deceurons, & ne pourrons entendre à chose, que nous ayons affaire. Si vaut mieux que nous entendions au bien combattre, qu'à la conuoitise d'auoir prisonniers, & nous vendons, ainsi que bōnes gens doiuent faire, qui sont sur leur héritage. Ceste parolle fut acceptée & tenue. Lors vindrent noz ennemis, aussi ferrez que nulle chose pouuoit estre, par-deuant nous, & mirent tous pié à terre, & chacerent leurs cheuaux, & lacerent leurs plates, & leurs bacinets moult: faittissement: & abbaissèrent leurs visieres: & appointerent leurs lances, & nous approcherēt de grande volonté, & vrayement là auoit fleur de Cheualerie & d'Escuyerie: & bien le monstrent. Entre nous & eux auoit vn fossē, & nompas si grand, qu'un Cheualier ne peust bien passer, & saillir outre. Ce nous fit vn petit d'auantage, car, au passer, noz gens (qui estoient en deux ælles, & qui lançoient de dardes affilées, dont ils en méhaignerēt plusieurs) leur

Le premier Roy de Portugal par la victoire susdite.

† C'est assauoir de ceste victoire de Iuberoth cause de faire couronner le premier Roy en Portugal.

*Le point de la
bataille de Iu-
beroth.*

leur donnoient grand empeschement: & là eut d'eux, au passer ce tantet de fossé, de mout trauaillez & foulez. Quand ils furent outre, ils assemblerent à nous, car ils cuiderēt que le Roy de Castille & la grosse bataille les suyussent de pres: mais non firent, car ils furēt auāt, tous morts & décofits, que le Roy de Castille ne les gens vinsent. Si vous diray par quel incident. Ils furent encloz & enserrez entre nous & ceux, que nous appellons les Cōmunautēz de nostre pays, & par telle maniere qu'ō frapoit ou fraperoit sur eux de haches sās eux épargner: & noz Gēs-d'armes (qui estoiet fraiz & nouueaux) leur vindrēt au deuant, en poufant de Lances, & en'eux reculant, & renuersant au fossé, qu'ils auoyent passé. Si vous dy, Monseigneur, qu'en moins de demie heure ce fut tout fait & accompli, & tous morts, sur les champs, de droites Gens-d'armes plus de quatre mille: ne nul n'y estoit pris à rançon, & quand aucun Cheualier ou Escuyer des nostres en vouloit vn prendre, on luy occioit entre ses mains. Ainsi cheurent en pestilence & en déconfiture noz ennemis: & fut toute nettement ruée ius, sans recourance, l'Auantgarde. Lors vint la bataille du Roy de Castille, & le Roy aussi: ou bien auoit trente mille hommes, tous bien montez, mais quand ils approcherent, il estoit ià nuit, & ne sauiēt pas le grand méchef, qui leur estoit auenu de leurs gens. Si vindrent faire leur monstre sur leurs cheuaux, par deuant nous: & firent plus de cinq cens, par appertises-d'armes, faillir leurs cheuaux, tout outre le fossé: mais sachez, Monseigneur, que de tous ceux, qui y passerent, oncques pié ne repassa: & furent occis partie des plus Nobles, & de ceux qui auoyent & desiroient le plus les armes, avecques grande planté de Barons & Cheualiers de Portugal: qui s'estoient contre nous tournez avecques le Roy de Castille.

*Deconfiture es
faite des Castil-
lans, par les
Portugalois, à
Iuberoth.*

Quand noz gens veirent & congurent que noz ennemis se déconfisoient ainsi, ils passerent outre le fossé, & le pont d'eue que là auoit, car en plus de quarante lieux elle estoit esclusee, des morts qui y estoient versez & couchez. Si manderent leurs cheuaux, & mōterent sus: & se meirent en chace, mais longuement ne fut ce pas, car il estoit nuit. Si ne vouloient pas noz gens s'abandonner follement, n'aller trop auant, pour la doute des embusches: & si n'estoient pas si bien montez, comme les Castillans estoient, car fils l'eussent esté, pour verité ils eussent receu plus de dommage assez, qu'ils ne firent, & eust esté le Roy de Castille, sans faute, mort ou pris, mais la nuit (qui nous suruint toute obscure) & ce que nous estions foiblement montez, le sauua. Or vueil ie nommer premierement la greigneur partie des Nobles, tant Espaignols & Portugalois, que François Gascons, qui là moururent sur les champs, qu'on dit à Cabasse de Iuberoth. & premierement le Comte Damp Iehan-Alphons Serole de Portugal, le Grand Prieur de Sainct-Iehan de Portugal, Damp Dilgaures son frere, Ange-Saluace de Gēneue, Dāp Iehan Ausalle, messire Dangoues, Mendrich, Drigho Persement, Pierre Resieruent, Lugares de Versant, le Grand-Maistre de Calatraue, & son frere (qui s'appelloit Damp Dighodigares) Pierre Gouffart de Seuille, Iehan Radigho de Hoiriers, & le Grand-maistre de Sainct-Iaques. Des François, messire Iehan de Ris, messire Geoffroy Richon, messire Geoffroy de Partenay, messire Espaignolet d'Espaigne, messire Regnaud du Solier, dit Limosin, Marechal de l'ost du Roy de Castille: & des Gascons de Bearn, le Sire de Bearn, le Seigneur de Mortan, le Seigneur de Bringoles, messire Raymond d'Eurach, messire Bertrand de Varuge, messire Iehan Afolme, messire Raymond de Valentin, messire Adam de Mourasse, messire Menuent de Sarement, messire Pierre de Sarembiere, & plusieurs autres, plus de douze cens Cheualiers & Escuyers, tous Gentils-hommes. Or vueil ie nommer ceux de nostre costé, † & premierement le Comte de Nauarre, Connestable de Portugal, Galopes Porteler, Pierre Porteler, & Agalip-Ferrand Porteler, son frere, qui là estoient au frein du Roy, le Ponnasse de Coigne, Egeas Toille de Podich d'Assue, & Vasse-Martin de Melx; & son fils Vasse-martin: mais il mourut là ce iour: & fut feru d'un get d'une d'arde, tout parmy le corps. Item Gouffelenas de Merlo, Alue Porie, Marechal de l'ost, & bon Cheualier, Radighos Perriere, Iehan-Iames de Salues, Iehan Radigho, cousin du Roy, Daminoudeſque, Radigho Radiges de Valeronceaux, & Mendignes de Valconfiaux. Lors commença le Duc de Lancastre à rire, & Laurencien Fongasse demanda, Monseigneur, pourquoy riez vous? Pourquoy? dit le Duc. Il y a bien cause. Je n'ouy oncques mais nommer tant de si fors noms, ne si estranges: comme ie vous ay ouy nommer. Par ma foy, respondit il, tous ces noms, sont en nostre pays, & encores plus estranges. Je vous en croy, dit le Duc. Or me dites, Laurencien, que deuint le Roy de Castille, apres ceste déconfiture? fit il nulle

*Les morts du
parti de Castil-
le à Iuberoth.*

*† N'entendez
pas qu'il les
mette au rang
des morts, mais
plustost des vi-
ctorieux.*

*Laurencien Fô-
gasse fait men-
tion de sa char-
ge, en faisant
ses comptes, au
duc de Lancla-
stre.
†Encores y a-
uoit il Ichâ, et
pour ce prenez
garde à ce qu'il
dira au ch. 39.
quât à ce qu'il
estoit maistre
de la religiô de
Denis en Portu-
gale et que là
peut estre venu
maistre Denis,
par corruption
de langage.*

recourra ce? s'enferma il en nuelles de ses villes? ne le Roy de Portugal ne le suiuit il point au lendemain? Monseigneur, nenny. Nous demourâmes celle nuit en la place, ou la bataille auoit esté, & au lendemain iusques à nonne, ou enuiron. Puis nous retournaâmes, au chastel, qu'on dit Alerie, à deux petites lieues de Iuberoth: & de là nous retournaâmes à Connimbres: & le Roy de Castille s'en vint à Saint-Yrain: & monta là en vne barge, & en fit nager quatorze: & entra en vn gros vaisfel, & s'en alla par mer à Seuille, ou la Roynne estoit: & s'en allerent ses gens, l'un ça, l'autre là, ainsi comme gens déconfits, & ou il ne pouuoit auoir nul recouurer, car ils auoient trop perdu, ne ce dommage point ils ne recouureront de grand temps, si ce n'est par la puissance du Roy de Frâce. Et, pour ce que le Roy de Portugal & son Conseil seurent bien qu'il se pourchace de ce costé, & qu'ils ont grans alliances ensemble, sommes nous enuoyez en ce pays par-deuers le Roy d'Angleterre & vous. Dont respondit le Duc: & dit à Laurencien, Vous ne partirez pas, sans reporter bonnes nouuelles en Portugal. Mais ie vous prie qu'une autre rencontre, que voz gens ont eue au champ de Seuille (si comme ie le vous ouy compter) vous me vueillez dire, car i'oy volontiers parler d'armes: quoy que ie ne soye pas bon Cheualier. Monseigneur (dit l'Escuyer) volontiers. Apres celle belle iournée & honorable, que le Roy † Denis de Portugal eut à la Cabasse de Iuberoth, & qu'il fut retourné à grâde triôphe en la cité de Lissebonne, & qu'on n'oyoit nuelles nouvelles que Chastillans ne François rassemblâssent en Castille, mais se tenoient es garnisons, si se partit le Roy de Castille de Seuille, & sa femme: & s'en alla à Burgues, & auint que les nostres & les leurs guerroient par garnisons: dont vne fois cheuauchoit le Conestable de Portugal, le Côte de Nauarre: & s'en vint entrer en Castille, & au champ de Seuille: & n'auoit en sa compaignie enuiron que quarante Lances, & s'en vint courir deuant vne ville, qu'on dit Valveyde: pource qu'il y auoit des Castillans, bien deux cens combattans, & tous Gens-d'armes. Le Comte de Nauarre s'en vint frontant deuant la barriere de la ville, & faisant sa mostre, & monstroient bien qu'il demandoit la bataille à ceux de dedâs, lesquels se tenoyent tous quois, & ne faisoient nul compte, par semblant, d'issir mais ils s'armoyent & appareilloient. Quand noz gens eurent esté deuant la ville de Valveyde vne espace, & tât que bon leur fut, ils s'en partirent, tout cheuauchant le pas, & se meirent au retour. Ils n'eurent pas allé vne lieue du pays, quand veirét venir sur eux, tous les grâs galops, ceux de la garnison de Valveyde, & les conduisoit vn moult appert Homme-d'armes (qui s'appelloit Dyogenes de Padille, Grand-maistre de Saint-Iaques en Gallce) & vindrent ferir sur noz gens. Lesquels lors, quand ils sentirent l'effray, mirent tantost pié à terre, & baillerent les chenaux à leurs pages & à leurs varlets, & prirent les lances, & se recueillirent tous ensemble. Les Espaignols (qui estoient grande masse) entendirét aux varlets & aux cheuaux prêdre, & les eurent tous par deuers eux, & fut telle fois qu'ils disoient, Al lon nous en. Emmenô leurs cheuaux. Nons ne les pouuôs mieux greuer, ne dōner plus de peine, que d'eux faire retourner à pié. Adôc dit le Grâd maistre de S. Iaques, Nenny. Nous ne ferons pas ainsi, car se nous auons les cheuaux, nous aurons les maistres aussi, car nous les cōbattons, & nous mettôs tous à pié. Ils ne peuuent durer à nous. Or auint, entandis que les Castillans se retirerét de non assaillir, & qu'ils se conseillérét noz gens, voyans qu'il y auoit vn petit rieu d'eau derriere eux, le passerent tout bellement, & s'en fortifierent, & ne monstrentent nul semblant que riens leur fust de leurs cheuaux. Quand les Castillâs veirét noz gens par entre le rieu, si se repétirét trop fort, qu'ils ne les auoient assaillis & combattus. Non-obstant, leur intétion estoit bien telle, qu'ils y recouvreroient & que legerement les déconfiroient. Si vindrent sur eux, & cōmécèrent à lancer & getter dardes, & tant, que les Castillans eurent employé toute leur artillerie, & ne sauoient mais de quoy lancer ne getter, & furent en tel estat des nonne iusques au vespre. Quand noz gens veirent que toute leur artillerie estoit par-deuers eux, & que les Castillans ne sauoient plus de quoy deffendre ne combattre, le Comte de Nauarre fit passer sa banniere outre le rieu, & toutes ses gens aussi, & puis, au poulfis des lances, ils se bouterét entre les Castillans: lesquels ils ouurirent tantost, car ils estoient lassés & traüailliez & échaufez en leurs armeures, si ne se peurent au besoing aider. Là furét ils déconfits, & tous ruez ius, & mort le Grand-maistre, & plus de soixante des autres, & le demourant tournerent en fuite. Là recouurerent ils leurs cheuaux, & des autres assez, que les Castillans auoient là menez. Que vous en semble il? Monseigneur, dit Laurencien, N'eurent pas noz gens ce iour vne belle auenture? Par ma foy (respondit le Duc de Lanclastre) ouy.

Rencontre d'Espaignols et Portugalois pres Seuille.

Pour telles rencontres & pour tels faits-d'armes, que noz gens ont eu sur noz ennemis, depuis l'elecion du Roy † Denis, sont les portugalois (ce dit Laurencien Fongasse au Duc de Lanclastre) entrez en grande gloire, & dient communement, parmy Portugal, que Dieu est pour eux, avecques le bon droit qu'ils ont, & voirement, Monseigneur ils ne se foruoient pas à dire que Dieu est pour eux, car en toutes les choses, qu'ils ont traitées par armes depuis la mort du Roy Ferrand (soit grande, ou petite) ils ont eu victoire, & iournée pour eux: & le Comte de Foix (qui est auourd'huy, entre les Princes terriens, vn des grans, & de prudence plain) si comme nous auons bien feu, & par ceux de son pays, dit bien & maintiét que la fortune est pour le Roy de Portugal, & se les Cheualiers de Bearn & de son pays l'eussent creu, quand ils se departirent & prirent congé de luy † ils ne fussent ià partis, ny armez alencontre du Roy de Portugal. Monseigneur, sachez que le Roy de Portugal est vn sage homme, preud'homme, qui craint & doute Dieu, & aime l'Eglise, & l'exauce en ce qu'il peut: & est moult souuent en son oratoire à genoux, & en oraisons: & en oyant le seruice de Dieu, il a d'ordonnance, que pour quel que besongne que ce soit, nul ne parle à luy, tant qu'il soit hors de son oratoire, & est vn grand Clerc: & s'entéd (quelque petit que ce soit) en l'Astronomie: & par especial il veut que iustice soit tenue par tout son Royaume, & les pources gens en droit. Si que, Monseigneur, à vostre requeste ie vous ay dit des parolles de nostre pays ce que i'en say, & aussi du Roy nostre Sire, & de son Conseil: comme au partir ie fu chargé de vous en dire. Si m'en ferez response sur ce: si vous plaist. Laurenciē (dit le Duc) autresfois le vous ay dit, & encores ie le vo^o renouuelle, que vostre venue & les nouuelles de Portugal me font grād biē. Si ne vous partirez pas de moy, que vous ne soyiez adrecez, de tous points de ce que vous requerez, & pour quoy vous estes venus en ce pays. Respōdit l'Escuyer, Monseigneur, grand mercy. Adonc fit le Duc de Lanclastre la chambre ouurir. Si apporterent Escuyers & gens d'office vin & espices: & beurent: & puis prirent congé les Portugalois, & retournerent en leur hostel coucher, à l'hostel du Faucon à Londres. Là estoient ils logez, chez Thomelin † de Colebrumecq.

† Il y auoit encores Iehan, et pourtant auisez à ce que i'ai nagueres annoncé pour tel cas.

† Ce lieu est fourni selon le rare.

Laurencien Fongasse, aiant acheuē ses comptes, demande response & despêche de sa charge.

† Il a dit de l'incestre, au chapitre 27.

Comment les Ambassadeurs de Portugal furent renuoyez avecques bonne despêche, & comment le Duc de Lanclastre s'embarqua, pour aller au recouurement de Castille.

CHAPITRE. XXIX.

NE demoura gueres de temps, que le Duc de Lanclastre & le Comte de Cantebruge son frere, eurent parlement & collation ensemble, de ces besongnes de Castille & de Portugal: de quoy le Comte de Cantebruge fut assez content, car il auoit esté audit pays, & demoura plus d'un an. Si ouit volontiers toutes les conditions du Roy de Portugal, & de la Roïne de Castille, recorder. Et dit bien le Comte à son frere. Des le Roy Ferrand viuant, le Chanoine de Roberfac & Maistre Guillaume de Windesore, & aucuns des Cheualiers que i'auoye là menez, me dirent bien tout ce qui en est, & qu'ils en auoient bien ouy parler & murmurer aucuns du pays, & pource me prit vouloir de ramener mon fils, & n'auoye pas trop grāde affection au mariage. En nom Dieu (dit le Duc) l'Escuyer de Portugal (qui est icy venu) le m'a éclaircy moult bellemēt, & nous ne pouuōs pour le present auoir voye, n'entrée, profitable pour nous, au Royaume de Castille, fors que par le Royaume de Portugal, car le Royaume d'Arragon nous est trop loing, & aussi le Roy d'Arragō & ses enfans ont tousiours esté plus fauorables aux François, qu'à nous. Ce n'est pas bon (puis que le Roy de Portugal & les Portugalois nous offrent confort) que nous le refusons. † Sur tel estat que ie vous dy, & tout par especial pour le fait de Portugal, eut vn iour, au Palais de Westmontier, vn Parlement, & là fut accordé que le Duc de Lanclastre auroit, à coustages du Royaume d'Angleterre, entre mille & douze cens Lances, toutes gens d'elecion, & deux mille Archers, & mille gros varlets, & seroyent payez, auant leur departement, pour demy an. De ce se contenterent bien tous les oncles du Roy, & par especial le Duc de Lanclastre, auquel principalement la besongne touchoit, & qui deuoit estre Chef de ceste armée. Or, pour expedier les Ambassadeurs de Portugal, qui vouloient retourner en Portugal, & emporter nouuelles, le Roy d'Angleterre escriuit au Roy de Portugal lettres moult douces, cōtenās grād' amour & grād' alliāce, qu'il vouloit en Angl. tenir aux Portugalois, & fit le Roy d'Angleterre donner de beaux dons au Grand-maistre de Saint-Iaques de Portugal, & à Laurencien Fongasse & tousiours estoient avecques le Duc de Lanclastre, & avec le Comte de Cante-

† Ici commence Froissart à bien rentrer en sa vraie deduction selon l'ordre des temps.

Depeſche & retour des Ambaſſadeurs de Portugal, hors d'Angleterre en leur pays. Il a uſé de ce verbe eſclipe- rent au ch. 27 qui pourroit bien venir lieu ſemblablement icy, ne m'y ſembant equiperent aucune- ment bon.

Vaiſſeaux de Portugal, en- uoyez au Duc de Lancaſtre, pour ſon voya- ge en Eſpaigne

bruge: & prirent les deſſusdits Ambaſſadeurs vn iour **o**ngé du Roy, & du Conſeil, & diſnerent ce iour avec le Duc de Lancaſtre & le Comte de Cantebruge: & au lende- main ils furent deliurez. Il me ſemble que le Duc de Lancaſtre mandoit, par ſes lettres au Roy de Portugal, & par la bouche & parolle des Ambaſſadeurs, qu'on luy vouliſt de Portugal enuoyer ſept gallées, & dixhuit ou vingt gros vaiſſeaux. Ceux ſ'en chargerét diſans qu'ils feroient bien la beſongne & le meſſage, & leur fut dit, quant à la nauire, qu'on leur fiſt prendre port & terre à Briſto, ſur les frontieres de Galles: & que là mon- teroient en mer le Duc de Lāclaſtre & toutes ſes gens. Sur tel eſtat ils prirēt cōgé: & ſe departirent du Duc: & ſ'en vindrēt à Hantōne: & trouuerēt leur nef: qui là les attēdoit. Si entrerent dedans: & ſ'equiperent en mer, car ils eurent vent à leur volonté, & entre- rent en la haute mer d'Eſpaigne, & furēt ſur cinq iours, au haure de Portugal, & pour ce iour le Roy eſtoit au Port de Portugal: qui eut grande ioye de leur venue. Or recorderēt au Roy le Grād-maiſtre de Saint-laques & Laurécien Fongaffe tout ce qu'ils auoiēt veu & trouué en Angleterre, tant de par le Roy, comme de par ſes oncles: & monſtrèrent les lettres qui certifioyent tout. Ne demeura guere de temps depuis, que le Roy de Portu- gal (qui grandement deſiroit à auoir l'aide & le confort du Roy d'Angleterre, pour dō- ner doute & cremeur aux Caſtillans) meit ſon Cōſeil enſemble: & là fut déterminé que Maiſtre Alphonſe Vietat, ſouuerain patron & maiſtre de toutes les nauires & gallées de Portugal, feroit armer & apareiller ſept gallées, & dixhuit groſſes neſs, & les ameneroit en Angleterre, pour venir querir le Duc de Lāclaſtre. Si fut appellé Alphonſe, & luy fut dit qu'il ſe deliuraſt d'ordonner les gallées & les neſs, & ſe partiſt de Portugal, & viſt en Angleterre. Alphons Vietat ne ſeiourna gueres depuis, & fit tout ce que commādē luy fut: & ſe partiſt, vn iour du Port de Portugal, & ſe meit en mer avec l'armée. Ils eurent vēt à volonté, & furent en ſix iours à Briſto, & là entrerent. Pour ces iours eſtoient tous les Seigneurs d'Angleterre, ou en partie, en la marche de Galles, car le Roy ſy tenoit. Des nouuelles fut le Duc de Lāclaſtre tout réiouy, & auança ſes beſongnes, & iā eſtoiēt quis les Cheualiers & Eſcuyers, qui deuoient aller en Portugal avec luy, & ſe tenoient tous ſur le pays, & auſſi faiſoient les Archers. Au haure & au Port de Briſto auoit deux cens vaiſſeaux, tous appareillez pour le Duc & pour ſes gēs, parmy l'armée de Portugal, & e- ſtoit l'intention du Duc qu'il emmeneroit avec luy ſa femme, & ſes enfans: & feroit de beaux mariages en Caſtille & en Portugal, auant ſon retour, car il ne vouloit pas ſi toſt retourner, & bien y auoit cauſe, car il veoit les beſongnes d'Angleterre dures, & le Roy ſon neueu, ieune: qui auoit delez luy perilleux cōſeil, pourquoy il ſ'en departoit plus vo- lontiers. Auant ſon departement, en la preſence de ſes freres, il ordonna ſon fils, Mon- ſeigneur Henry, Comte d'Erby, Lieutenant de tout ce, qu'il auoit en Angleterre, & meit delez luy ſage & bō Conſeil. Le fils eſtoit pour lors beau Cheualier & ieune, & auoit e- ſté fils de Madame Blanche, la tresbonne Duchefſe de Lancaſtre. Avec * ſa mere, Ma- dame la Royne, Philippe d'Angleterre, ie ne vey oncques deux meilleures Dames, ne de plus noble cōditiō, ny ne verray iamais, & veſquiſſe ie mille ans. Ce qui eſt impoſſible. Quand le Duc Iehan de Lancaſtre eut ordonné toutes ſes beſongnes en Angl. & il eut pris cōgé au Roy & à ſes freres, il ſ'en vint à Briſto, & fut là quinze iours entour la nauie, & * ſe targea & appareilla, & furent mis & aualez dedans les nauēs, & dedans les paſſa- gers * & ballangers, cheuaux plus de deux mille, leſquels auoient là pourueāces de foin d'auoine, liētiere, & eaue douce, bien & largement. Si entra le Duc de Lancaſtre en vne gallée armée, moult belle & grande, & auoit delez luy ſa groſſe nef, pour ſon corps, & pour la Duchefſe Cōſtance ſa fēme, qui de grand courage ſ'en alloit en ce voyage. Car elle eſperoit bien à retourner en ſon heritage de Caſtille, & eſtre Royne auāt ſon retour & auoit la Duchefſe ſa fille (qui ſ'appelloit Catherine) & de ſon † premier mariage deux autres filles, Yſabel & Philippe, laſſelle † Yſabel eſtoit mariée à meſſire Iehan de Hollāde * qui eſtoit Cōneſtable de tout l'oſt. & Mareſchal meſſire Thomas Moriaux (lequel auoit auſſi par mariage † vne de ſes filles à fēme, mais elle eſtoit Baſtarde, & fut mere à la Dame Morielle, Damoiſelle Marie de S. Hylaire de Haumā) & eſtoit Admiral de la mer, & de toute la nauie du Duc de Lancaſtre, Thomas de Perſy. Là eſtoiēt meſſire Yon, fils Wa- rin, le Sire de Luſy, meſſire Henry de Beaumont, le Sire de Pommiers, meſſire Iehan de Buurelle, le Sire de Talbot, le Sire de Baſſet, meſſire Guillaume Windeſore, meſſire Tho- mas Traicon, meſſire Hugues le Deſpenſier, le Sire de Villeby, le Sire de Braſtō, meſſire Guil. de Fermitō, meſſire Iehan d'Auberticourt, meſſire Hugues de Haſtinges, meſſire Thomas

*Anno. 3.

*Annot. 4.

*Anno. 5.

Embarquemēt du Duc de Lan- claſtre, pour deſ- cendre en Eſ- paigne.

†Entēdez pre- mier maria- ge du Duc de Lancaſtre.

†Luy auoit Phi- lippe, que i'ay changé ſelon les chap. 33 & 39

*Annot. 6.

†Entendez vne des filles du Duc de Lancaſtre.

Thomas Vaucestre, messire Mauburin de Linieres, messire Loys de Rocestre, messire Jehan Soustrée, messire Philippe Ticiel, messire Jehan Boubouffre, messire Robert Clicô, messire Nicole Crenô, Huggegin de Caurelée, David Houlegaix, Thomas Aliery, Ho bequin de Beaucestre, & plusieurs autres, tous à pennons, sans les bannieres: & estoient bien mille Lances largement, Cheualiers & Escuyers, & bons Gens-d'armes, & deux mille Archers, & mille gros varlets. Si eurent doux temps & bon (ainsi comme il est au mois de May: qui est volontiers serain & ioly, & qui vient à point) & s'en vindrent costoyant les isles de Wisque & de Grenesie, & tant qu'on les veoit tout à plain de Normandie, car ils estoient plus de deux cens voiles, toutes d'une venue: & estoit tresgrande beauté de veoir celles gallées courir par mer, & aprocher les terres, estans icelles gallées armées de Gens-d'armes & d'Archers, qui queroyent leurs auentures, car on leur auoit dit que l'armée de Normandie estoit sur mer. Voirement y estoit elle auant qu'ils se môstrassent sur les bondes de Quarenten: mais ils seurent par leurs balengiers, que l'armée d'Angleterre venoit. Si se retirerent au haure de Harfleur.

† Nous pouuons icy marquer 1386. assurement.

Comment plusieurs Cheualiers & Escuyers de France allerent au seruice du Roy de Castille.

C H A P I T R E . XXX.

IL n'auient riens, qui ne soit feu: & especialement de faits-d'armes, car les Seigneurs Cheualiers & Escuyers, en parlent volontiers l'un à l'autre. Quand la déconfiture du Roy de Castille eut esté à Iuberoth (ou il prit si grande perte: si comme cy dessus auez ouy recorder) les nouuelles en vindrent en France: & ce fut raison, car ceux, qui perdu y auoient leurs amis, les plainoyent. Or n'apparoissoient nulle part les armes, fors en Castille, car on auoit bien ouy recorder comment le Duc de Lancastre demandoit par chalage, côme son bon droit, l'heritage de Castille, & qu'il mettroit sus, par mer, en Angleterre, une grãde armée de Gens-d'armes, & estoit l'intention de ceux, qui en parloient, que ceste armée se tireroit en Castille, ou en Portugal: & que sans faute il ne pouoit demourer qu'il n'y eust une armée. Dôt, pour leur honneur & auancement, Cheualiers & Escuyers des basses marches se cueillirēt parlerēt, & enuoierēt les vns aux autres, pour sauoir par quel chemin ils se tireroiēt en Castille. Les plusieurs cōseilloiet qu'ils se meissent à voye par terre, pour écheuer les perils de mer, & les fortunes: & aussi les rencōtres qu'ils pouoient auoir de la nauie d'Angl. & les autres conseilloiet que non, & que par terre le chemin est trop loingtaï, & aussi le Roy de Nauarre n'estoit pas bié cler aux François, & aussi ne les aimoit, qu'un petit, car il disoit (& voir estoit) qu'il luy auoit osté tout son heritage en Normãdie: mais ie ne say pas si la querelle estoit iuste. Si se douterēt les cōpaignons grãdemēt des perils de terre, tant pour le Roy de Nauarre, que pour autres car à prendre leur tour, & chemin parmy le Royaume d'Arragõ, ils n'en viendroiēt iamais à sus. Si qu'ils s'arrestèrent & conclurent qu'ils viēdroiēt en la ville de la Rochelle (ainsi qu'ils firent) & là se mettoient en mer. Si arriuerent dixhuit vaisseaux, & les firent charger de tout ce, qui à leurs corps appartenoit, & planté de cheuaux ne menerent ils pas. Quand ils furent tous prests, & ils veirent qu'ils auoient vent à volonté, si entrèrent dedans leurs vaisseaux, & se desancrerent du haure: & se bouterent en mer. Si singlerēt deuers la mer de Bayonne. Par là, ou assez pres, les cōuenoit il passer. Là estoient le Sire de Cousy, messire Jehan de Handoye, le Vicôte de la Verliere, messire Pierre de Vellamines, messire Guy le Baueux, messire Jehan de Chastelmorant, le Sire de Saint-Leger, messire Jaques de Fougères, le Sire de Bellannes, messire Tristan de Langurant, Mōseigneur le Barrois des Barres, & assez d'autres: tant qu'ils estoient bien trois cens Cheualiers & Escuyers, tous gens d'election, & qui demãdoient les armes. Si singlerēt par mer, & eurent vêt & tēps à souhait, & arriuerēt, sans peril & sans dommage, au port de Saint-Andrieu en Bisquaye, en l'an de grace mil trois cēs quatrevingts & six, le quatriesme iour du mois de May. Quand ces Cheualiers & Escuyers de France furent arriuez à Saint Andrieu (si comme ie vous compte) ils se refreschirent & reposerent deux iours. Entandis furent tirez leurs cheuaux hors des nefes (ce qu'ils en auoient) & tout leur harnois aussi. Si meirrent tout à charge & à voiture: & demanderent du Roy de Castille, & ou on le troueroit. On leur dit qu'il se tenoit en la cité de Burgues en Espagne, & q'il auoit il un grãd Parlement, pour les besongnes de son pays. Ces Cheualiers & Escuyers prirēt le chemin de Burgues: & se departirēt de S. Andrieu, & cheuaucherēt tāt qu'ils vindrēt à Burgues, & se tirerēt deuers le Roy: le q'il fut moult lié de leur venue, & leur demãda des nou

† Le doute qu'il n'y felle iournee.

Embarquement de quelques François, pour aller au seruice du Roy de Castille.

L'an 1386. au 4. de May, arriuee des François susdite en Bisquaye.

Arriuee des François à Burgues vers le Roy de Castille.

uelles de France, & quel chemin ils auoient tenu. Ils respondirent qu'ils estoient venu par mer, monter à la Rochelle, & qu'on disoit en France, que le Duc de Lanclastre mettoit sus vne grande armée de Gens-d'armes & d'Archers, pour mener en celle saison en Castille, ou en Portugal (là ou ils se tireroient premierement, on ne le pouuoit sauoir) & que le Roy de Portugal luy auoit enuoyé, en Angleterre, grande foison de gallées & de vaisseaux. De ces nouvelles si fut le Roy d'Espagne tout pensif, plus que deuant (quoy qu'il n'en attendoit autre chose) & ne se decourrit pas, à ce commencement, de tout son courage: mais bien sauoit, par les apparences qu'il vçoit, qu'en celle saison il auroit forte guerre. Toutesfois le Roy de Castille fit tresbonne chere aux Cheualiers de France: & les remercia grandement de leur venue, & prit la parolle à Messire Robert de Bracquemont, & à messire Iehan, son frere. Robert (dit le Roy) & vous, Iehan, quand vous partistes de moy, l'année passée, ie vous dy & chargeay que vous apportassiez, quand vous retourneriez en ce pays, des pelotes de Paris, pour nous ébattre moy & vous à la paume, mais il vauisist mieux que ie vous eusse chargé à rapporter de bons bacinets & de bones armeures, car la saison appert, que nous aurons bien ou les employer. Sire respondit le Sire de Bracquemont) nous auons & de l'un & de l'autre, car tousiours ne pouons pas iouer, ne tousiours armer. Verité est que le Roy de Castille fit tresbonne chere aux compagnons, & les fit tenir tous aises, † & par tout deliurer. Or eurent ils affection & deuotion d'aller en pelerinage, au Baron Saint-Iaques: puis qu'ils estoient venus au pays, car les aucuns le deuoyent de veu. Si se meirēt au chemin tous ensemble, l'un pour l'autre, & par compaignie: & firent charger & trousser tous leurs harnois (si comme fils deussent aller en vne iournée de bataille) & bien leur fut besoing, qu'ainsi le fissent, & furent de ce faire grandement bien conseillez, & bien leur en écheut, car ils eussent eu moult à besongner: si comme ie vous recorderay en present. Or retournerōs à l'armée du Duc de Lanclastre: qui estoit partie & issue hors des isles d'Angleterre, & costoyoit Normandie.

† C'est adire liurer tout ce qui leur estoit necessaire. Pelerinage des Francois susdits à Saint Iaques en Galice.

Comment le Duc de Lanclastre en nauigant vers Espagne assailit & fit leuer le siege, que les François tenoient deuant Brest.

CHAP. XXXI.

† Il en a parlé en chap. 18. du present vol.

Arrivée du Duc de Lanclastre à Brest, en faisant son voyage d'Espagne.

Tout en celle maniere, par cōparaison, que Faucons pelerins, qui ont long temps seiourné à Perche, ont grande faim & desir de voler, toute en telle maniere ces Cheualiers & Escuyers d'Angleterre desiroient à trouuer faits-d'armes, pour eux auancer & essayer, & disoient ainsi l'un à l'autre, Pourquoi n'allons nous voir les bōdes & les ports de Normandie? là sont Cheualiers & Escuyers, qui nous recueilleroient, & qui nous cōbattroient? Et tant que les nouvelles en vindrent au Duc. Or sauoit bien le Duc, auāt qu'il issist d'Angl. que messire Iehan de Malestroit, & le Sire de Cambor, & Morfonace & grāde foison de Cheualiers & Escuyers de Bretagne, † auoiēt mis le siege, par bastide deuant le chastel de Brest, à l'ordonnance & cōmandement du Connestable de France si que quād le Duc ouit dire le grād desir que ses gēs auoiēt de trouuer les armes, il fit dire à l'Admiral, messire Thomas de Perfy, & au Connestable de l'ost messire Iehan de Holande, qu'ils adreçassēt leur nauire, & fissēt adreçer deuers Bretagne, car il vouloit aller veoir le chastel de Brest, & visiter les compagnons, ceux de dedās & de dehors. De ces nouvelles eurent les Anglois grande ioye. Adonc Damp Alphons Vietal, le souuerain patron de la nauire de Portugal (lequel cognoissoit bien le chemin, & les entrées de la mer de Bretagne: qui sont moult perilleuses) se meit tout deuāt: & monstra voye. Pour ces iours le temps estoit si beau & si ioly, & les eaues si quoyes & si attrempées, que c'estoit grād' plaissance à aller par mer, & sur l'eau, & singlerēt ces nefes d'Angleterre & ces gallées de Portugal à val le vent (qui à point ventoit) deuers l'emboucheure de Brest, & attendirent les mariniers la marée si à point (car bien s'y cognoissoient) qu'avecques les flots ils entrèrent au haure de Brest. Grande plaissance fut d'ouir ces clerons des barges, & les trompettes, eux demener, & ceux du chastel aussi. Messire Iehan de Malestroit, le Vicomte de Combor, & Morfonaca, seoyent à celle heure au disner, quand nouvelles leur vindrent que les Anglois & l'armée d'Angleterre estoit venue. Si saillirent tantost sus: & coururent aux armes, car bien sauoient (puis que le Duc de Lanclastre auoit là pris terre) qu'ils seroyēt combattus: & que les Anglois estoient là arriuez, pour leuer leur bastide. Tous furent armez & appareillez, & en bonne volonté d'eux deffendre, son les assailloit, & se trouuoient enuiron trois cens Hōmes-d'armes, Cheualiers & Escuyers.

Moult

Moult furent les Anglois réiouys, quand ils furent au haure de Brest, & qu'ils eurent entendu que les Bretons tenoient leur bastide, & ne l'auoient point laissée, & disoient qu'ils les iroient veoir & combattre: car ils auoient grand' faim de faire armes. Or prirent le Duc de Lanclastre & ses gens terre assez pres du chastel de Brest, & du haure, & laisserent tous leurs cheuaux, & leurs pourueances, en leurs nefes. Mais les Dames & les Damoiselles issirent, pour leur refreschir. Ce premier iour ils n'entendirent point à l'assaut, fors que d'eux mettre à poinct, & loger à terre, pour trois ou quatre iours: & tendirent aucuns des Seigneurs têtes & pauillons sur les châps, cōtreual le haure, assez pres de la mer & du chastel de Brest: & là se tindrent tout le iour, & la nuit aussi. Quand ce vint au lendemain, le Conestable & le Marechal de l'ost firent sonner les trompettes, en signe qu'on s'armaist & meist en ordonnance, pour aller assaillir. Dont s'armerent toutes gens: & se tirerent par bon arroy & bonne ordonnance, deuers le chastel & la bastide: qui estoit faite, ouurée, & charpentée de grand' maniere: & fust ce pour demourer là neuf ou dix ans: car il auoit, au tour de la bastide, fossez, portes, tours, & bons murs: & tout de gros bois. Or vindrent Cheualiers & Escuyers d'Angleterre (qui armes faire vouloient) iusques aux barrieres de la bastide: & commencerent à écaroucher de grand' façon, & de bonne volonté pour conquerir les barrieres: & ceux, qui dedans estoient, Cheualiers & Escuyers Bretons (dont il y auoit grand' foison, & de bons) à eux deffendre: & pour auoir les armes plus à main, ils firent oster les baillies des deffenses: dont ils firent tresgrand' follie: mais ils se confioient en leur cheualerie: & vrayement il y en auoit assez. Là peussiez veoir grand' foison de beaux faits-d'armes, & de dures rencontres, & de forts poulsiz de lances: & en auoient le meilleur ceux, qui pouuoient bien porter longuement l'alaine. Toutesfois Anglois estoient grand' foison. Si donnoient moult affaire aux Bretons: & par bien combattre ils gaignerent les barrieres, & y eut dedans le clos † de la bastide qu'ils assailloient, plus de cent Hommes-d'armes Anglois: & furent Bretons sur le point de tout perdre. Quand messire Iehan de Malestroit & le Vicôte de Combor en veirent la maniere, si esclierent leur cry, & dirent: Et cōment, Seigneurs, perdrons nous ainsi? Auant, auant. Or au bien pouffer, icy ne conuient nulle feinte: mais mort ou honneur. Adonc se remirent ensemble de grand courage ces Bretons: & ficherent leurs lances & glaiues en terre: & s'appuyèrent fortement sur leurs pas: & bouterent de bras & de poitrines courageusement sur ceux, qui les auoient remcuez, & boutez des barrieres dedans la bastide. Là estoient faits-d'armes beaux à veoir: & là conuint, de force & de fait, les Anglois reculer: car ils furent si bien pouffez, & si du remēt, qu'ils ne pouuoient gaigner terre: & furent remis tous hors des barrieres & biē battus: n'oncques depuis ils ne peurent gaigner, pour celle iournée. D'autre part, sur vn autre lez de la bastide, il y auoit vne tour de pierre, seant sur terre, au descendant d'vne roche: que les Bretons tenoient: & l'auoient prise à l'auantage de leur bastide: & la gardoiēt. Là eut grand assaut & dur, d'Anglois & d'Archers. Entādis que les Gensd'armes se cōbattoiēt aux barrieres, passerēt les Anglois vn petit fossé, qu'il y auoit: & vindrēt au pié de la tour, portans pics & hoyaux en leurs mains: & commencerent à picquer & à houer, & à oster pierres, & à affoiblir grandement la tour. Ceux, qui estoient sus, se deffendoient moult vaillamment & hardiment, de ce qu'ils auoient: & Archers trayoient si vniment, qu'à peine s'osoient ils monstrier pour le trait, fils n'estoient trop fort pauefchez. Là foyrent, & houerent, & picquerent Anglois tant, que la tour (qui pendoit deuers eux (par faute de pié (car ils auoient tollu & osté le fondement) fouurit à moitié. Ceux, qui dedans estoient, & qui ouurir & déioindre la veoient & sentoient, se tirerent tous à vn fais, sur la plus saine partie, & tāt que la tour sen alla à la moitié à terre: & l'autre demoura & les compaignons dedans. Lors y eut grand' huerie des Anglois: quand ils les veirent ainsi à découuert. A ces coups il estoit sur le plus tard du iour. Si sonnerēt les trompettes de retraite: car pour ce iour ils disoient qu'ils en auoient fait assez. Si se retirerent: & au departement de la tour, les Anglois disoient aux Bretons, Seigneurs, Seigneurs, demourez là ceste nuit: & faites bon guet. Car demain nous vous viendrōs veoir: vous verrez bien de quelle part nous faudrons. Il n'y a riens, audeuant de vous, qui vous face ombre. L'intention des Anglois estoit telle, qu'au lendemain ils retourneroient à l'assaut à la bastide: & la conquerroient par force, & les compaignons de dedans: car bien estoit en leur puissance. Si passerent la nuit tout ainsi: car ils auoient bien de quoy assez. On dit souuent (& bien bon est) Bon l'auroit le pensant: si ce n'estoit le

Assaut de l'armée du Duc de Lanclastre à ceux des bastides de Brest.

† Il y auoit de la ville, mais la deductio suivante assure ma correction, combien qu'il y eust encores la ville au premier lieu ou il y aura la bastide.

Vne tour de la bastide du siege de Brest sapee & ouuerte par les Anglois.

*Le siege de Brest
se léne de nuit.*

contrepensant. Le le dy, pourtant que, fil y auoit en l'ost des Anglois des gens subtils à la guerre, les Bretons, qui se tenoient en la bastide, estoient aussi pourueus assez de veoir & cognoistre quelle chose leur pouuoit valoir, ou porter dommage. Ils cognurent clémentement qu'il les conuenoit partir de là, & tirer (quelque part que ce fust) à sauueté: fils ne vouloient estre morts ou pris. Si eurent conseil de partir, & de trousser tout ce qu'ils pourroient, & de laisser la bastide. Si comme ils ordonnerent, pour le mieux ils le firent: & trousserent tout: & monterent sur leurs cheuaux: & laisserent la Bastide: & se mirent aux champs: & prirent le chemin de Hamibout: ou il n'y a que quatre lieues de là. Ils ouurerent bien sagement de ce faire, & de monter sur leurs cheuaux, & partir: car ils n'auoient garde que les Anglois les poursuyussent: pourtant qu'ils n'auoient encores tiré nuls de leurs cheuaux hors de leurs neufs, ne hors de leur passagers. Messire Iehan de Malestroit & les Cheualiers & Escuyers, qui avecques luy estoient, vindrent celle nuit à Hamibout. Si se bouterent dedans: & la trouuerent toute ouuerte, & appareillée. Là n'auoient ils garde des Anglois. Quand ce vint au matin, on sonna trompettes, pour armer l'ost, & traire à l'assaut: & vouloiēt trop bien faire la besongne. Mais nouvelles vindrent que les Bretons estoient partis, & auoient delaissée la Bastide. Dont se repentirēt les Anglois grandemēt, de ce qu'ils n'auoient mis vne embusche sus: parquoy ils n'eussent pas ainsi perdu leur proye. Si enuoyerent les Seigneurs desemparrer la bastide: & dedans bouterent le feu les varlets, qui estoient taillez de cela faire. Ainsi fut le uée, par le Duc de Lanclastre, la bastide de Brest: & ce iour allerent voir le Duc & messire Iehan de Hollande, & des Seigneurs aucuns, & non pas tous, le chastel de Brest: & y menerent les Dames: & y beurent & mangerent: & puis s'en retournerent à leurs logis. Au lendemain, le tiers iour, on refreschit, les neufs, d'eaux douces: & au quart iour ils se retirerent dedans: & se desarmerent, puis se departirent.

Comment le Duc de Lanclastre arriva à Coulongne en Galice: & comment les François, qui estoient allez au service de Castille, se mirent dedans la ville & forteresse, alencontre de luy, & peu-apres déconfirent quelque troupe de ses fourrageurs. CHAP. XXXII.

*Arrivée du
Duc de Lanclastre
deuant le
haure de la
Coulongne en
Galice.*

LE quart iour qu'ils auoient esté logez sur les champs, au dehors de Brest, ils auoient leu conseil ensemble, le Duc les Seigneurs, & les mariniers de Portugal (qui y furent appelez) pour sauoir quelle part ils se tireroient, n'ou terre ne port ils prendroient & se ils iroyent à Lissebonne ou s'ils iroyent au Port de Portugal ou s'ils prendroyent terre en Bisquaye, ou à la Coulongne: & furent sur tel estat le Duc & les Seigneurs longuement en conseil ensemble: & en fut à Alphons Vietal, maistre des nauires de Portugal, demandé. Il respondit: & dit, Messeigneurs, pour ce fu-ie enuoyé querre, & transmis en Angleterre par deuers vous, de par le Roy de Portugal, Monseigneur: & sachez que, quelque part que vous arriuez en son pays, vous serez les bien venus: & en aura grand'ioye: car il desire grandement vostre venue, & vous veoir. On fut sur tel estat vn temps, & bien vne heure, qu'on iroit prendre terre au Port de Portugal à trente lieues de Lissebonne: & puis fut tout retourné: car on dit que le plus hōnorable estoit sans cōparaison, de prendre terre sur marche d'ennemis, que terre sur les amis: & que les ennemis, quand ils sauront que nous serons arriuez sur eux, en auront plus grand'frayeur: Dont fut arresté de prendre terre à Coulongne en Galice. Celle part tournerent les mariniers: lesquels auoiēt vêt & temps à souhait: & ne furēt depuis qu'ils se partirēt de Brest, que cinq iours sur la mer, qu'ils vindrent deuant le haure de la Coulongne: & là ancrerent, attendant l'eau: car il y auoit basse eauē. Si ne pouuoient approcher terre si pres. Or vous diray des Cheualiers de France, de Monseigneur le Barrois des Barres, & de messire Robert & messire Iehan de Braquemont, de messire Iehan de Chastel-Morât, de messire Pierre de Bellammes, de messire Tristan, & des autres qui estoient venus en pèlerinage en la ville de Compostelle, au Baron Sainct-Iaques, en grand' deuotion. Quand ils eurent fait leur pèlerinage & chacun son offrande, & ils furent à l'hostel, nouvelles leur vindrent, par ceux qui se tenoient sur les frontieres & bondes de la mer, que les Anglois monstroient qu'ils vouloient venir arriuier & prendre terre à la Coulongne. Auant que somniers: ne mulets, ne cheuaux, qui leurs harnois portoient, fussent détroussiez, n'establez, ils ordonnerent à partir tantost, & venir deuers la Coulongne: & eux-mesmes se mirent au chemin, pour conforter, la ville, & le Chastel: & dirent bien ceux, qui le chastel & la ville de la Coulongne cognoissoient, Auancez nous: car, se les Anglois par mesaventure, ou par force d'armes, prenoient la ville & le Chastel de la Coulon-

Coulōgne, ils feroient tous Seigneurs du pays. Les Cheualiers emprunrerēt cheuaux: & firent tant par leur bon exploit, qu'ils vindrent celle nuit à la Coulongne (ou il y a quatorze grans lieues, & diuers pays) & se bouterent si à poinct en la ville & au chastel, que lors les Anglois venoient, & arriuoient deuant le haure. De ceste venue des François on fut moult réiouy en la ville & au chastel: & toute celle nuit vindrent les somniers, qui apportoint & amenoient leurs harnois. Quand ce vint au matin, ce fut grād beauté de veoir entrer au haure de la Coulōgne, ces gallées & ces nefes, armées & chargées de gens, & de pourueances, & d'ouir ces trompettes & clerons, qui sonnoient à tous lez: & les trompettes du chastel & de la ville resonnoient à l'autre lez: & se combattoient les vnes contre les autres. Tantost cogneurent les Anglois qu'il y auoit Gens-d'armes & bonne garnison, & que François estoient saisis de la ville & du chastel. Adōc issirent les Seigneurs tout bellement, & aussi toutes manieres de gens, hors des vaisseaux & des gallées: & se trayrent sur les champs: ne point n'approcherent de la ville. Aussi n'en auoient ils que faire: car elle estoit trop forte, & trop bien fermée: & si estoient bien pourueus de bons Gens-d'armes: & ils en veoient bien les apparences. Au dehors de la ville de la Coulongne auoit aucuns hostels & maisons de pescheurs & de gens de mer. Là se trayrent les Seigneurs: & se logerent: mais il conuint faire beaucoup d'autres logis: car il en y auoit trop petit. Pour tout le premier iour, qu'ils arriuerent au port de la Coulōgne, le second, le tiers, & le quart, furent ceux tous embefongnez, qui à ce faire ordonnez estoient, de décharger les gallées & les vaisseaux: tant y auoit de pourueances & de choses, amenées & vuidées hors des nefes. Si furent mis les cheuaux tout bellement hors des vaisseaux & des gallees: qui auoient esté en naues plus de quinze iours. Si estoient tous foulez & oppressez: quoy qu'ils eussent esté bien gouuernez de foin & d'auoines, & à boire d'eauē douce: mais autant bien les griēue la fleur de la mer: cōme elle fait ses gens. Si furent menez, & pourmenez, & refreschis de nouvelles pourueances, & de fresches eauēs. Quand tout fut mis hors des gallées & des vaisseaux, on demāda au Duc q̄lle chose il vouloit qu'on ordōnast de la nauie. Il respōdit, Le vueil que tous les mariniers soient payez de leurs peines: & puis face chacun son profit: car ie leur en donne bien congé: & vueil bien que chacun sache, que iamais la mer en Angleterre ne passera, tant que i'auray ma pleine suffisance du Royaume de Castille: ou ie mourray en la peine. Le commandement du Duc fut lors accompli. On paya les mariniers, si bien qu'ils se contenterent. Puis se departirent quand il leur pleut: & issirēt du port de la Coulongne: & s'en allerent les aucuns en Portugal, & les autres à Lissebonne, ou à Bayonne, ou à Albay en Bretagne, ou en Angleterre. Sachez que nul ne demoura derriere. Le Duc de Lanclastre & les Anglois se logerent à la Coulongne: non pas au fort: mais au dehors, en petites maisons, qu'ils trouuerēt: & aussi ils en firent de nouvelles, de bois & de fueilles: ainsi que Gens-d'armes se logent. Enuiron vn mois, & plus, fut le Duc de Lanclastre à la Coulongne: sans point partir, si n'alloit voler ou chacer: car luy & aucuns Seigneurs d'Angleterre auoient fait venir chiens & oiseaux pour leurs deduits, & esprouiers pour les Dames. Encores auoient ils amené en leurs nefes moulins pour moudre, & pour faire farines, & fours pour cuire. De telles choses ne vont ils point volontiers depourueus: puis qu'ils cheminent en pays de guerre. Leurs fourrageurs alloient tous les iours en fourrage, là ou ils en pensoient trouuer: mais plātē à fourrager ne trouuoient pas: car ils estoient logez en pource pays, & desert. Si les conuenoit aller trop loing, pour fourrager. Or s'auiserent les Compaignōs, qui en garnison estoient en la Coulongne, le Barrois des Barres (qui volontiers & bien sauoit cheuaucher, & reculer ses ennemis, quand il en estoit besoing) & Jehan de Chastel-Morant, & messire Robert & messire Jehan de Braquemont, Tristan de la Laille, & les autres (quand ils seurent que les fourrageurs cheuauchōient ainsi follement) & dirent que quelque iour ils feroient au-deuant, & leur feroient payer, vne fois pour toutes, les prises & les leuées, qu'ils auoient faites au pays. Si s'armerent vne fois: & monterent à cheual: & partirent enuiron deux cens: & prirent guides (qui de nuit les menoient autour des bois & des montaignes) & s'adrecerent au poinct du iour, sur vn bois & vne montaigne, qu'on dit au pays l'Espinete: & là se tindrent sur le pas, que bien sauoient: car dit leur auoit esté que les Anglois fourrageurs cheuauchōient: & voir estoit: & estoient bien trois cens. Quand ces fourrageurs eurent cherché tout le pays (& auoient demouré deux iours, pour mieux exploiter, & pour auoir plus grand fourrage) ils re-

*Les François
du pelerinage
de saint-la-
ques entrent
dedans la Cou-
longne.*

*Le Duc de Lan-
clastre prend
terre & se loge
pres de la Cou-
longne.*

*Le Duc de Lan-
clastre donne
cōgé à ses vais-
seaux en delibe-
ration de se fai-
re roy de Castil-
le, ou mourir en
la peine.*

*Déconfiture
des fourrageurs
du Duc de Lan-
clastre, par la
garnison Fran-
çoise de la Cou-
longne.*

tournerent arriere : & pour venir à la Coulongne, ils ne pouuoient passer par autre part, que par la montaigne de l'Espinete. Quand ils furent là embatus, messire le Barrois des Barres & les Cheualiers & Escuyers François, qui en embusche sur le pas les attendoient, leur saillirent au-deuant, en criant Les Barres, Au Barrois. Là furent ces fourrageurs tous ébahis: car la greigneur partie ne portoient nulles armeures. Il y auoit enuiron six vingts Archers: qui se meirent bellement en deffense & ordonnance: & commencerent à tirer, & naurerent par leur traict, des hommes & des Cheualiers: & quand leur traict fut passé, ils getterent leurs arcs ius, & se meirent là les aucuns, à deffense de ce qu'ils auoient, & les autres se mussioient & embloient, pour eux sauuer. Que vous feroie ie long compte? Des trois cens Anglois fourrageurs, qui là estoient, il en y eut bien morts deux cens, & le demourant se sauuerent, au mieux qu'ils peurent, par buissons, & par bois: ou ils se bouterent, & ou gens de cheual ne pouuoient entrer, Or reuindrent les fuyans deuant la Coulongne: qui recorderent ces nouuelles, & comment le Barrois des Barres, & sa route les auoient ruez ius. Lors s'émerueillierent ceux de l'ost: & fit armer messire Thomas Moriaux, Marechal, plus de cinq cens: & monterent à cheual: & luy-mesme monta: & prit le pënon de Saint-George: & se mit au chemin, & à trop grand desir de trouuer les François, & cheuaucherent tant, qu'ils vindrent à l'Espinete, & sur le pas, ou ils trouuerent leurs gens morts. Dont, quand ils furent là venus, ils ne trouuerent riens, que leurs gens tous morts: car les François estoient là retraits, & rentrez au chemin par lequel ils n'estoient venus iamais: & qui ne les y eust menez, ils n'eussent seu trouuer les esclos. Si en retournerent sans riens faire: & ainsi comme ils estoient à vne demie lieuë de leur ost, ils regarderent: & veirent sur costé les François qui rentroient au chastel de la Coulongne. Si furent moult courroucez: mais amëder ne le peurët, & furent ce iour moult blasmez aucuns de l'ost: & mesmement le Marechal de ce qu'il enuoyoit, ou auoit enuoyé fourrageurs, ne cōsenty aller à leurs gens simplement, & sans Gens-d'armes: quand il sentoient leurs ennemis pres de l'ost logez, & forts assez pour ruer ius cinq cens ou six cens fourrageurs: & proprement le Conestable & le Duc de Lanclastre l'en blasmerent, tant qu'il en fut tout honteux, mais il s'excusa: & dit que, sans celle fois, ils y auoient esté dix fois: & point n'y auoient les fourrageurs pris de dommage. Messire Thomas (dit le Duc) soyez vne autre fois plus auisé: car il auient en vne heure, ou en vn iour, que point n'auient en cent.

Comment le Duc de Lanclastre & tout son ost, quand ils eurent seiourné vn mois à la Coulongne, s'en partirent & cheuaucherent deuers la ville Saint-Iaques en Galice: & comment il y entra par composition.

CHAP. XXXIII.

*Le Duc de Lan-
clastre déloge
de deuant la
Coulongne, &
tire vers Saint
Iaques en Ga-
lice.*

Quand le Duc de Lanclastre eut seiourné à la Coulongne enuiron vn mois (si comme ie vous compte) & qu'hommes & cheuaux furent tous bien refreschis on eul cōseil qu'on delogeroit de là, & s'en iroit on deuers la ville de S. Iaques en Galice (ou il y auoit meilleur pays, & plus gras, & plus plain pour cheuaucher) si comme il fut fait. On delogea de la Coulongne, & puis se mit on au chemin, quand on eut tout trouffé: & cheuachoient en trois batailles: le Marechal premier, à tout trois cens Lances & six cens Archers: & puis le Duc, à tout quatre cens Lances, & toutes les Dames en sa compaignie: & en l'Arrieregarde estoit le Conestable, messire Jehan de Hollande: & auoit, largement & bien, quatre cens Lances, & sept cens Archers: & n'alloient que le pas: & meirent trois iours à venir de la Coulongne à la ville de Saint-Iaques. Vous deuez sauoir que le pays de Galice, pour la venue du Duc de Lanclastre, estoit moult effrayé: car ils ressongnoient grandement sa puissance. Le Marechal de l'ost (qui estoit en l'Auantgarde) s'en vint iusques en la ville: qu'on appelle Compostelle au pays: ou le corps Saint Iaques (qu'on requiert de si loing) gist, & est. Quand il fut venu iusques là, il la trouua fermée. Ce fut raison. Mais il n'y auoit en garnison fors les hommes de la ville: car nuls Cheualiers de France ne la vouloient prendre à leurs perils, pour la tenir ne garder honorablement iusques à outrance: car elle n'est pas trop forte à parler contre telles gens, que le Duc de Lanclastre auoit mis au pays de Galice. Le Marechal enuoya deuant vn Heraut, pour sauoir que ceux de Seinct-Iaques diroient. Le Heraut vint aux barrieres: & trouua le Capitaine de la garde de la ville, qui s'appelloit Alphons de Sene. Il luy dit, Capitaine, cy, vn petit en fus, est le Marechal de l'ost de Lanclastre, qui m'enuoye icy, & parleroit volontiers à vous. Dit le Capitaine, Il me plaist bien. Faites le venir auant.

Nous

Nous parlerons à luy. Le Heraut tourna: & dit au Marechal ces nouuelles. Le Marechal se partit, à tout vingt Lances tant seulement, de sa route: & s'en vint deuant la ville de Compostelle, & trouua aux barrieres le Capitaine, & aucuns hommes de la ville: qui là sarrestoient. Le Marechal meit pié à terre, luy troisieme tant seulement (si furent le Sire de Basset, & messire Guillaume de Fremiton) & dit. Capitaine & vos gens, Monseigneur de Lanclastre & Madame de Lanclastre, vostre Dame (qui fut fille du Roy Dam Pietre vostre Seigneur) m'enuoyent icy parler à vous, pour sauoir que vous voudrez dire & faire. Si bellement les recueillirez (ainsi que bonnes gens doiuent recueillir leur Seigneur & Dame) ou se vous vous ferez assaillir, & prendre de force. Sachez que, si vous estes pris de force, vous ferez là dedans tous mis à l'espée: parquoy les autres sy exempleront. Respondit le Capitaine, Nous ne voulons vser fors que par raison, & nous voulons volontiers & loyaument acquitter enuers ceux, à qui nous sommes. Bien sauons que Madame de Lanclastre, Madame Constance, fut fille au Roy Dam Pietre de Castille, & que, se le Roy Dam Pietre fust demouré au pays paisiblement, elle estoit droite heritiere de Castille. Or sont depuis les choses muées autrement: car tout le Royaume de Castille demoura paisiblement & quittement au Roy Henry son frere, par la bataille qui fut à Montiel: & iurasmes tous en ce pays à tenir le Roy Henry à Roy: & il y fut tenu tant comme il vesquit: & aussi iurasmes nous à tenir à Roy le Roy Iehan son fils: qui est à-present. Si nous direz quelle chose ceux de la Coulongne ont dit, ne fait, enuers vous: car il ne peut pas estre que, ce mois qu'avez là sejourné, & logé deuant la ville, vous n'ayez eu aucuns traittez à eux. Respondit messire Thomas Moriaux, Vous dites voir, Nous les y auons voirement eus. Autrement nous ne nous en fussions pas passez ainsi: quoy que la ville de Coulongne soit plus forte que deux telles que ceste ville cy. Je vous diray quelle chose ils ont fait enuers nous. Les hommes de la ville tous quoyement se sont composez à nous: & ont dit aussi qu'ils feront volontiers tout ce que vous ferez: mais, se vous vous faites assaillir, ne destruire, ils ne le feront pas. Si le pays de Galice se rend à Monseigneur & à Madame, ils se rendront aussi: & de ce auons nous bons pleiges par-deuers nous: qui bien nous suffisent. C'est bien dit, respondit le Capitaine. Nous voulons bien aussi tenir ce traité. Il y a encores au Royaume grād foison de citez & bonnes-villes. Si cheuauchez outre: & nous laissez en paix: & nous ferons si-comme ils feront: & de ce vous baillerons pleiges, & bons hostages. Nenny, respondit le Marechal. Ces traittez, que vous mettez auant, ne suffiroient pas à Monseigneur le Duc, n'à Madame aussi: car ils veulent venir loger en ceste ville, & tenir leur estat: si-comme Seigneurs & Dames se doiuent tenir sur leur héritage. Si nous respondes brièvement lequel vous voudrez faire, ou se vous vous ferez assaillir & prendre de force, & tous destruire. Monseigneur (dit le Capitaine) donnez nous vn petit de loisir de parler ensemble: & nous vous en respondrons tantost. Je le vueil, dit le Marechal. A ces mots se trait le Capitaine à part: & entra en la ville, & vint en la place accoustumée, ou toutes gens se retrayoiert pour estre ensemble: & là fit il venir toutes les gens de la ville. Quand ils furēt tous venus, il leur demōstra moult fagement: & leur dit & compta, de point en point, toutes les parolles, que vous avez ouyes: & me semble que finalement ils furent d'accord de receuoir le Duc de Lanclastre paisiblement, comme leur Seigneur & Dame: & les tiendroient en la ville, tant cōme il leur plairoit à estre: se la puissance du Roy Iehan de Castille ne les en ostoit & leuoit. Mais, s'il auenoit ainsi, que, quand ils auroient esté là & sejourné vn an ou deux, ou à leur plaissance, & tant & si petit comme il leur plairoit à estre, ils se departissent du país & retrayssent en Angleterre, ou à Bordeaux, ou à Bayonne, ou autre part, là ou il leur plairoit à estre le mieux, se le Duc ne les laissoit si bien & si fort pourueus de bons Gens-d'armes, que pour eux tenir & garder contre leurs ennemis, que, pour celle cause que point ne seroient pourueus ne garnis, ils rendroient la ville, & la mettroient es mains du Roy Iehan de Castille, ou de ses Marechaux: & vouloient estre quittes de leur foy. Ces traittez accepta liement messire Thomas Moriaux: & dit qu'ils parloient bien & à point, & que le Duc & la Duchesse ne demandoient mieux. Lors se retourna le Marechal deuers ses gens: & puis s'en alla deuers le Duc & la Duchesse, qui l'attendoient sur les champs. Si leur recorda tous ces traittez: ausquels ils ne contredirent point: mais les tindrent à bons & à bien faits. Si cheuaucherent liement, si comme cy-dessus est dit & compté, & en ordonnance de bataille, & en arroy, iusques à la ville de Saint-Iaques.

*Parlement du
Marechal de
l'ost du Duc de
Lanclastre a-
uec le Capitai-
ne de Saint-
Iaques.*

*La ville de S.
Iaques en Ga-
lice, autrement
nommée Com-
postelle, rendue
au Duc de Lan-
clastre, par com-
position.*

*Entrée des Duc
& Duchesse de
Lacastre en la
ville de Saint
laques.*

Environ deux petites lieues Françoises de la ville de Saint-Iaques en Galice vindrent au dehors, en procession, tout le Clergé de la ville, en portant dignes reliques, croix, & gonfanons, hommes, femmes, & enfans, contre la venue du Duc & de la Duchesse, & apportoit les hommes de la ville les clefs des portes avecques eux: lesquelles ils présenterent de bonne volonté, par semblant (ie ne say s'ils estoient feints ou vrais) au Duc & à la Duchesse tous à genoux, & les recueillirent à Seigneur & Dame. Ainsi entrèrent par ces iours en la ville de Saint-Iaques, & le premier voyage qu'ils firent, ils allerent tout droit à l'Eglise de Saint-Iaques, le Duc & la Duchesse, & tous leurs enfans: & se mirent en oraisons, & à genoux, deuant le benoist corps Saint & Baron Saint-Iaques: & y firent grans offrandes, & grans dons, & me fut dit que le Duc & la Duchesse, & leurs deux filles à marier, Philippe & Catherine, se logerent en l'Abbaye & maison de leans: & y firent leur tinel. Les autres Seigneurs, messire Jehan de Hollande & messire Thomas Moriaux, & leurs femmes, se logerent en la ville, & autres Barons & Cheualiers, qui loger s'y peurent: & Gens-d'armes sur les champs, à l'entour de la ville de Saint-Iaques: & qui ne pouuoit trouuer maison, il faisoit loges de feuilles de bois, qu'ils coupoient (car il en y auoit assez au pays) & se tenoient tous aises de ce qu'ils auoient. Chairs & forts vins trouuoient ils assez: dont ces Archers beuuoiēt tāt, qu'ils se couchoient, le plus du temps, tous yures: & moult souuent par le boire (car c'estoit en moissons) ils auoient la fièvre, ou au matin si mal en leurs testes, qu'ils ne se pouuoient ayder tout le iour.

Comment les François estans partis de la Coulougne, & retournē vers le Roy de Castille, firent grandement leur profit sur son pays, pour en frustrer les ennemis.

CHAPITRE

XXXIII.

*Depart des
François hors
de la Coulou-
gne, se retirans
à Leon vers le
roy de Castille.*

Quand le Barrois & Jehan de Chastel-morant & les Cheualiers Escuyers, qui au Chastel de la Coulougne s'estoient tenus & là gardez, entendirent que le Duc & la Duchesse estoient paisiblement entrez en la ville de Saint-Iaques, & qu'on les y auoit receus, si parlerent ensemble: & se conseillèrent quelle chose ils feroient: & dirēt, Il ne nous vaut riens icy demourer, ne tenir. Nous n'y aurons iamais nulle bonne auenture. Retrayon nous à Burgues, deuers le Roy. Si saurons quelle chose il vouldra faire. Il ne peut estre qu'il ne voise au-deuant de ces Anglois: car, s'il les laisse conuenir, n'ainfi loger au pays, petit à petit ils le conquerront, & seront Seigneurs de Castille: & nous est plus honorable assez de là aller, qu'icy demourer. Ce Conseil fut tenu. Ils s'ordonnerent pour partir: & troufferent tout: & issirent hors du chastel, & de la Coulougne: & les recommanderent à ceux, qu'ils y auoient trouuez, quand ils y entrèrent: & prirent guides, qui cognoissoient le pays. Bien le conuenoit. Autrement ils eussent esté rencontréz. Si firent tant, & cheuaucherent si bien parmy le pays de Bisquaye, en costoyant la Galice, qu'ils vindrent à Leon en Espagne. Pour ces iours y estoit le Roy & la Roïne, & tous ses gens. Quand ces Cheualiers de France furent venus deuers le Roy, il les veit volontiers: & ce fut raison. Si les receut doucement: & leur demanda des nouuelles: quoy qu'il en sauoit assez. Ils en dirent ce qu'ils en sauoient: & commēt à poinct ils vindrent à la Coulougne, tout ainsi que les Anglois entroient au haure: qui encores trouuerent sept gallées & vaisseaux de Bisquaye, chargez de vins: lesquels ces Anglois eurent à leur profit & les marchās eurent tātost tout vëdu. Dit le Roy, Ainsi va de guerre. Ils n'estoiēt pas sages, quand ils sentoient l'armée d'Angl. sur mer, qu'ils n'alloient quelque part ailleurs. En nom Dieu, Sire (respondirent les Cheualiers) ils s'estoient iā traits à sauueté. Car les vins & les marchandises, qu'ils menoient, ils disoient qu'ils auoient chargées pour mener en Flandres: & auoient bien ouy dire, par mariniers de Saint-Andrieu, que, les Anglois estoient sur mer & sur les bondes de Bisquaye, & que voir estoit que le Roy de Portugal leur auoit enuoyé gallées & gros vaisseaux: & cuiderent qu'ils deussent prendre le chemin du Port de Portugal ou de Lissebonne: mais ils ont fait tout le contraire: si comme il appert: car par la Coulougne sont entrez en Galice.

*Qui suy-
ent les osts
& les ar-
mées.*

Dont dit le Roy, Entre vous Cheualiers de France, qui cognoissez les armes, & qui sauez que c'est que de Cheualiers† & ostoyers, plus que ne font les gens de ce pays (car plus les auez hantez & vsez) que pouuez vous supposer n'imaginer des Anglois? ne comment se porteront ils ceste saison? Par ma foy (respondirent aucuns, & chacun par luy) Sire, malement le pouuons sauoir: car les Anglois sont couuerts: & ne peut on sauoir quelle

quelle chose ils ferōt, n'ou ils se traïront, fors que par supposition. Nous supposons ainsi, que le Duc de Lanclastre se tiendra tout cest Yuer, qui approche en la ville de Saint Iaques, & ses gens là enuiron: & courront le pays de Galice: & conquerrōt petits forts: & rançonneront aux viures & aux pourueances: & entandis que le temps passera, & que l'Esté retournera, s'entameront traittez entre le Duc de Lanclastre & le Roy de Portugal, & se concorderont ensemble: se iamais alliance se doit faire, ne doit auoir: car nous entendons vn poinct: qui est pourquoy nous croyons le mieux qu'alliances se feront, qu'autre chose: car le Duc de Lanclastre a mis hors d'Angleterre toutes ses filles, mariées & à marier. Il en a deux: dont l'vne aura (si comme nous supposons) vostre auerfaire de Portugal. Et quelle chose est bonne (dit le Roy) que ie face? Nous le vous dirons, Sire, respōdirent les Cheualiers. Faites, sur les frontieres de la Galice, garder voz villes & voz chasteaux, les plus forts: & les plus petits forts faire abbattre. On nous donne à entēdre que voz gens, parmy ce Royaume, fortifient monstiers & clochers: & retrayent là du plat-pays leurs biens. Sachez que c'est toute perte & confusion, pour vostre Royaume. Car, quand les Anglois cheuaucheront, ces petits forts, ne ces Eglises, ne monstiers, ne leur dureront riens: mais seront refreschis & nourris des viures qu'ils trouueront dedās: & en parferont leur guerre: & conquerront le demourant. Si vous disons que tous tels petits forts faites abbattre en ce temps, entandis que loisir vous en auez: & abandonnez tout ce qui sera trouué dedans (s'il n'est mis deuāt es fortes villes, citez, & chasteaux, dedans le iour de la Toussaincts, ou au plus tard dedans le iour de la Saint André) aux vostres Gens-d'armes. Encores vaut il mieux qu'ils en vivent, & qu'ils en ayent la gaigne & le profit, que vostre ennemy. Si mandez encores par especial, & par certains sages hommes de vostre Conseil, tout vostre estat, & l'affaire de vostre pays, au Roy de France, & à ses oncles, Monseigneur de Berry & Monseigneur de Bourgogne: & soient informez iustement, qu'à l'Esté, qui reuient, ou auant, si tost comme le nouveau temps sera venu, & qu'on pourra cheuaucher, il vous appert la plus forte guerre, qu'onques fut en Espagne, ne par le Prince de Galles, ne par autrui. Et escriuez lettres piteuses & douces, en suppliant au Roy, & à ses oncles, qu'à ce grand besoing vous soyez recomforté de tant de bons Gens-d'armes, que vous puissiez résister contre voz ennemis, & garder vostre Royaume: vous auez grandes confederations ensemble le Roy de France & vous, & aussi les a eues vostre predecesseur de pere: tellemēt qu'à ce besoing le roy de France & le noble Royaume de France (qui plus peut: que ne fait toute Angleterre & Portugal, tout mis & conioint ensemble) ne vous faillira. Et soyez certain, Sire Roy, que, quand le Roy de France & ses Consaux seront informez iustement & vniment de toutes voz besongnes, ils y entēdront tellement, que vous vous en apperceurez, & que point de dommage en ceste guerre vous ne prendrez, & sachez que Cheualiers & Escuyers du Royaume de France (qui se desirent à auancer) à petit de parolle & de mandement se traïront de ceste part, pour trouuer les armes, car maintenant ils ne se sauent ou employer. Nous vous le disons: pource que François & Flamans ont paix ensemble (qui grand temps n'y fut) & sont trēues des Anglois & des François de ceux de par delà la riuere de Loire, iusques à la Saint-Iehan Baptiste, qui vient. Si verrez venir & affuyr Gens-d'armes, Cheualiers & Escuyers de France, à grand effort, tant pour trouuer les armes, & eux auancer, que pour veoir ce pays, & les Anglois: qu'ils ne veirent (tels y aura) onques mais. Mais, Sire, nous voulons, & le vous conseillons pour vostre profit, que tous petits forts, eglises, & monstiers, sur le plat-pays soient abandonnez & desemparez: si vous voulez auoir ioye du demourant. Respondir le Roy de Castille, vous me conseillez loyaument: & ie le feray de cy en auant, & ordonne, sans auoir conseil dessus que tout soit abbattu & desemparé ce, qui ne se peut tenir: & vous abandonne, comme le vostre, à prédre tout ce, qui en tels forts se trouuera. Les cōpaignons dirent, Sire, c'est bien dit: & nous y entendrons volontiers, & aiderons à garder & sauuer le demourant. Ceste parolle, que le Roy de Castille dit & fit à ses gens, & par especial aux Cheualiers & Escuyers de France, porta aux Compaignons deux cens mille francs de profit: & especiallement à ceux, qui estoient allez premierement en Castille, quand le Duc de Lanclastre arriua à la Coulōgne, & il s'en alla à la ville de Saint-Iaques en Galice. Lors furent parmy le Royaume de Castille (si comme ie vous recorde) tous abādonnez petits fors, Eglises, & monstiers: qui nulle puissance n'auoient d'eux tenir. Lors furent attrapez ces paysans sur le plat-pays: qui auoient fortifié Eglises & monstiers: & là dedans retrayt

*Conseil du Bar-
rois des Barres
& des autres
Francois au
Roy de Castille:*

*† Il en a fait
autant dire à
Laurentien
Fogasse au ch.
27. Mais ie
n'en trouue
rien en autres
Auteurs: ains
tout le cōtraire
depuis les trē-
ues, qui denoient
faillir à la S.
Michel de l'an
1384. au chap.
147 du 2. Vol.
et mesmes tout
ce, qu'il a de-
puis deduit,
touchant Frā-
ce & Angle-
terre, & repu-
gne.*

*Pillerie des
François &
Castillans mes-
mes sur leur
plat-pays.*

leurs biens meubles, vins, blez, auoines, chairs, & autres choses, & les y vouloient & cuidoient bien tenir & garder: mais il leur en auint du cōtraire, car Cheualiers & Escuyers y enuoyoient leurs gens, qui tout prenoient: & les pourueances, qu'ils y trouuoient, faisoient apporter, ou amener à leurs logis: mais l'or, & l'argent qu'ils trouuoient, & dont ils rançonnoient les villains du pays, ou ils leur faisoient rachapter leurs biens, tout ce ne venoit à nulle cognoissance, fors à eux: mais le boutoient en leurs bourses: & tant firēt aucūs pauvres copaignons, qui estoier plus subtils & plus auētueux les vns que les autres (car tousiours en y a de mieux pourueus) & qui estoient issus hors de leurs hostels & maisons bassement & pauurement montez, qu'ils auoient courriers, ou genets de seiour, cinq ou six, & grosses ceintures d'argēt, & mille ou deux mille frācs en leurs bourses: & ils alloient (espoir) tous à pié en leurs pais, ou sur vn pauvre rouffin. Ainsi gaignerent les Compaignons, qui se trouuerent à la premiere venue en Castille: & tout paya le plat-pays: car il fut tout risslé, couru, & mangé, de leurs gens mesmes: car ils ne vouloient pas que leurs ennemis, en eussent ioye, n'aïse. Quand nouuelles furent venues en France, aux autres compaignons, que pauvres Cheualiers & Escuyers estoient enrichis en Castille, si furent plus émeus & plus aigres à partir de leurs maisons, & aller en Espaigne: puis qu'on pilloit aussi bien sur terre d'amis, comme d'ennemis.

Des grans appareils & pourueances, qui generallyment furent faites de par le Roy, par tout le Royaume de France, en intention d'aller en Angleterre: avec vn incident de la mort de François Attremen, iadis l'un des Capitaines des Gandois. CHAP. XXXV.

Bien estoient le Roy de France & ses oncles, & leurs Consaulx, informez du voyage que le Duc de Lancastre deuoit faire, auant qu'il se departist oncques, n'issist hors du Royaume d'Angleterre (car renommée court, va, & vole par tout tantost) & bien sauoient que le Royaume de Castille auroit à faire: & pource, & pour y remédier, auoit le Duc de Bourgogne si legéremēt fait paix aux Gandois, pour aider & adrecer aux besongnes & necessitez du Roy de Castille: enuers qui le Roy de France & le Royaume estoient grandement tenus, par plusieurs raisons: car par le roy de Castille & par ses gés, & par ses nauires & armées de mer, estoier les besongnes du Royaume de France assez en bon point. Avec tout ce, le ieune Roy Charles de France, auoit trop grande affectiō d'aller à main armée, & à puissance de Gés-d'armes & de vaisseaux, au Royaume d'Angleterre: & en auoit de son accord tous Cheualiers & Escuyers du royaume de France, & par especial son oncle le Duc de Bourgogne, le Connestable de France, le Comte de S. Pol (ià eust il pour femme la sœur du Roy Richard d'Angleterre) & le Seigneur de Coucy: & disoient ces Seigneurs, & aussi la greigneur partie de la Cheualerie de France, Pourquoy n'allon nous vne fois en Angleterre, veoir le pays & les gens, & apprendre le chemin? si-cōme les Anglois en leur tēps l'ont appris en France? Dont il auint

† Ceste clause est remise selon le sens de l'Auteur.

† qu'en celle année mille trois cēs quatre vingts & six, tant pour rôpre & briier l'armée de Lancastre, & pour la retraire hors de Galice & de Castille, que pour dōner cremeur aux Anglois, & veoir & sauoir comment ils se maintiendroient: tresgrans, & tresbeaux appareils se firent en France, & que generallyment furent tailles assises & leuées sur toutes gens, tant es citez & bonnes-villes, qu'au plat-pais: tellement que puis cent ans semblable subside ne fut mis ne leué en France, ne veus aussi de plus beaux & plus grans appareils par mer: & tout l'Esté iusques au mois de Septembre, on ne fit que moudre farines, & cuire biscuit à Tournay, à l'Isle, à Douay, à Arras, à Amiens, à Bethune, à Saint-Omer, & à toutes les villes voisines de l'Escluse. Car telle estoit l'intention du Roy de France, & de son Conseil, qu'à l'Escluse on mōteroit en mer, & par là on iroit entrer en Angleterre, & tout le pays destruire. Bien riches gens parmy le Royaume de France, pour l'aide de ce voyage, & pour auoir des vaisseaux assez, estoient taillez, ou tauxez, au tiers & au quart de leurs cheuance: & plusieurs manieres de gens payoient, plus qu'ils n'auoient vaillant, pour accōplir le payement des Gens-d'armes. Mouuant d'Espaigne, du port de Seuille iusques en Pruce, ne demoura gros vaissel sur mer, ou les François peussent mettre leur main & arrest, que tout ne fust retenu, pour le Roy & pour ses gés: fil estoit de leur priué, ou de leur obeyssance: les pourueances de toutes parts arriuoier & venoient en Flandres, grandes & grosses, de vins, de chairs salées, de foin en tonneaux, d'auoines, de sel, d'oignōs, de verius, de biscuit, de farines de graisses, de moyaux d'œufs battus en tōneaux, & de toutes choses, dont on se pouuoit auiser ne pourpésér: si qu'au

si qu'au temps auenir, qui ne le veist, iamaïs ne le voudroit ou pourroit croire. Si furent Seigneurs priez, escripts, & mandez iusques en Sauoye, iusques en Allemagne, & sur le souleil couchant, iusques en la terre du Comte d'Armignac: & furét priez les Seigneurs de loing à estre en ce voyage avec le Roy: c'estassauoir le Comte de Sauoye (qui fut retenu à cinq cens Lances) & d'autre part le Comte d'Armignac, & le Dauphin d'Auvergne: & (quoy que ces Seigneurs fussent loingtains, & ne sauoient, & sauoir ne pouuoient, à quelle fin ceste armée se faisoit) si firét ils faire les pourueâces si grandes, si grosses, & si coustables, que merueilles est au penser: n'ou les biens estoient pris, qui arriuoiert en Flandres par terre & par mer, à Bruges, au Dan, & à l'Escluse. Et furent des la Sainct-Iehan enuoyez querre en Hollâde & en Zelâde, à Meldebourg, à Zerechiel, à Dourdrec, à Sconnehône, à Legde, à Herben, à Ledelf, à Lebrielle, & en toutes les villes sur mer, ou sur riuieres rentrans en mer, tous les gros vaisseaux dont on se pouuoit aider, & tout leué & amené à l'Escluse. Mais les Hollandois & Zelandois disoient (quand on les auoit leuez & retenus) Si vous voulez que nous soyons à vous, & auoir nostre seruice, si nous payez tout sec: autrement nous n'irons nulle part. Là estoient ils payez (dont ils furent fages) auant qu'ils partissent ne voufissent partir de leurs haures, ne de leurs maisons. Oncq' puis que Dieu crea le monde on ne veit tant de nefes, ne de gros vaisseaux ensemble: cômme il y eut en celuy an en la mer au haure de l'Escluse & Blanquerge. Car au mois de Septembre, en l'an dessusdit, ils furent nombrez à 1287. vaisseaux. Ce sembloit des mastis à l'Escluse, à qui regardoit en la mer, vn grand Bois. La nauire du Connestable de France, messire Oliuier de Clifson, s'ordonnoit & appareilloit à l'Entreguier en Bretagne. Avec tout ce, le Connestable de France faisoit faire, ouurer, & charpenter, en Bretagne, l'encloisture d'une ville, toute de bon bois & gros merrien, pour asseoir en Angleterre, là ou il leur plairoit, quand ils auroiét pris terre, pour les Seigneurs loger & retraire, pour écheuer les perils des réueillemés, & pour dormir plus aise, & mieux à seur: & quand on se délogeroit d'une place & on iroit en autre, celle ville estoit tellemét ouurée, ordonnée, & charpétée, qu'on la pouuoit deffaire, par trauées, ainsi qu'une courône & r'asseoir membre à membre: & y auoit grand foison de charpétiers & d'ouuriers, qui l'auoient composée & ouurée, & sauoient comment elle deuoit aller: & de ce estoient ils retenus, & auoient grans gages. En celle armée, qui deuoit aller en Angleterre, ie n'ouy point nommer le Duc de Bretagne, ne qu'il fist nulles apparences & prouisions en Flandres: ne le Duc de Touraine, le ieune frere du Roy: ne le Comte de Blois. Mais tous n'y pouuoient pas aller. Il conuenoit qu'il en demourast en France, pour aider à garder le Royaume. Qui eust esté en ce temps à Bruges, au Dã, & à l'Escluse, & eust veu comment on estoit songneux d'emplir nefes & vaisseaux, de mettre foin, par torches en tonneaux, de mettre biscuit en sacs, de mettre aux, oignons, pois, fèves, & olietes, orges, auoines, sègles, blez, châdelles de cire, houeaux souliers, chausses à houer, bacinets, esperons, couteaux, haches, coignées, pics, haueaux, cloux de bois, boestes pleines d'oignemés, estoupes, bandeaux, coutes-pointes pour dormir, cloux pour ferrer cheuaux, bouteilles à verius, & bouteilles à vin aigre, pots, godets, escuelles de bois & d'estaing, châdeliers, bacins, orcieux, porcs gras, hastiers, oustils de cuisine, oustils de bouteillerie, oustils pour autres offices, & toutes choses dont on ne se pouuoit passer, & qui seroient necessaires à seruir corps d'hôme, à aualler en nefes par tonneaux, ou autrement, † il eust eu grand merueille: & sachez que la diligéce de veoir, & la plaissance de considerer, y estoit si grande, que, qui eust eu les fièvres, ou le mal des dents, il eust perdu la maladie, pour aller de l'un à l'autre, & contoyent les Compaignons de France, qui foyoyent parler l'un à l'autre, Angleterre pour perdue & exilée sans recouurer, tous les hommes morts, & femmes & enfans amenez en France, & tenus en seruitude. De ce grand appareil, & d'auoit la guerre & l'armée de France en Angleterre, furent bien certifiez & informez le Roy d'Angleterre & ses Consaux: & fut pour certain dit, & affermé, que les François viédroient, & l'auoiét iuré. On ne se doit pas émerueiller se si grãd appareil fut ressongné, & se les Anglois du cômencement en furent ébahis: car encores leur faisoit on la chose plus grãde, & plus perilleuse, qu'elle n'estoit: & ne sauoit nul au vray dire, en Anglet. encores, par imagination, se c'estoit pour venir en Angleterre, ou pour assieger Calais par mer & par terre: car bié sauoient les Anglois que la ville du môde, qu'ils desiroiét plus à rauoir, c'estoit la ville de Calais. Dequoy, pour celle doute, on enuoya grãs pourueâces à Calais, de blez & d'autres grains, de chairs salées, de poissôs salez, de vins,

*Nombre des
vaisseaux de
l'armée de Frã
ce au mois de
septembre
1386.*

*† Ce lieu est
fourny selon
le sens de l'Au
teur.*

*Prouision des
Anglois à
Calais & sur
mer.*

*raïne peur de
ceux de Gand
sur laquelle
Froissart prend
occasion de par
ler de la mort
de François
Attremen,
l'un de leurs
Capitaines.*

& de ceruoises, & y furēt enuoyez souuerains Capitaines messire Thomas de Hollāde, le Comte de Kent, messire Hue de Caurelée, messire Guillaume Helmen, messire Dangouffes, messire Gautier de Wrnes, messire Gautier Paule, messire Guillaume Toncet, messire Loys de Mōtalbin, messire Colas d'Auberticourt, & cinq cens Hommes-d'armes, & cinq cens Archers: & fut ordonné aussi à estre sur mer, à tout quarāte gros vaisseaux, armez & pourueus de Gens d'armes & d'Archers, le Comte Richard d'Arondel, & en sa compaignie messire Henry, dit le Despensier: & estoient trois cens Hommes-d'armes, & six cens Archers, tous bien armez. D'autre part on disoit en plusieurs lieux en France, en Hainaut, & en Picardie, que ceste armée, qui se faisoit en Flādres, n'estoit point pour aller en Angleterre, ne deuant Calais: mais retourneroit toute, quand on auroit tout fait, deuant Gand: & fut telle fois (si-comme ie seu adonc) que ceux de Gand s'en douterent moult fort: mais ils auoient tort, fils se doutoient: car le Duc de Bourgogne, leur Sire, ne leur vouloit que tout bien, & bōne paix: quoy que François Attremen fut occis & mort, assez tost apres la paix faite à Tournay: ou il rendit grand' peine. Mais, de sa mort, ce ne fut pas la coulpe du Duc de Bourgogne: n'il n'auoit nulle haine sur luy: quoy que François, la guerre durant entre le Duc & ceux de Gand, eust fait, pour ceux de sa partie, grand' foison d'apertises d'armes: si-comme elles sont iustement contenues & escriptes cy-dessus en l'Histoire: & se François Attremen vint à poure fin, ce fut sa coulpe. S'il eust creu Pietre du Bois, il ne fust venu en tel encombricr: car Pietre du Bois l'en auertit tresbien, quand la paix fut faite de Monseigneur de Bourgogne & ceux de Gād, & qu'il fut retourné de Tournay à Gand. Ainsi que Pietre du Bois s'ordonnoit d'aller en Angleterre (cōme il fit, avec messire Iehan le Bourfier) il luy demanda, & dit, François, que dites vous? ne viendrez vous en Angleterre avec nous? Il est heure venue. Il respondit, En Angleterre n'iray-ie point. Je demoureray en Gand. Et comment (dit Pietre) cuidez vous demourer paisiblement? car il y a de grandes haines sur vous, & sur moy. Je n'y demoureroye pour nul auoir: on ne se doit de rien confier en cōmun. N'avez vous pas ouy dire comment ceux de Gand occirent & meurdrirent iadis ce vaillant & sage homme laquemart d'Arteuelle? qui leur auoit fait tant de biens & dōné de bons Consaux, & esté en tontes leurs necessitez si propice: & pour les parolles d'un tellier le preudhomme fut occis: n'oncques les suffisans hommes de la ville n'allerent au deuant: mais s'en dissimulerent: & furent, par semblant, tous liez de sa mort: & sachez, François, qu'ainsi en auindra il de vous, & de moy: si i'y demeure: mais ie n'y demoureray pas. A Dieu vous dy. Non fera (dit François) Monseigneur de Bourgogne a tout pardōné: & m'a retenu (si ie vueil aller demourer avec luy) à Escuyer d'Escuyerie, à quatre cheuaux: & me monstre, & aussi font messire Guy de la Trimaille & tous les Cheualiers de l'hostel, grand semblant d'amour. En nom Dieu (dit Pietre) ie ne vous parle pas de Monseigneur de Bourgogne, ne de ses Cheualiers (ils tiendront bien la paix) mais ie vous parle de ceux de Gand. Il en y a aucuns, à qui vous n'avez pas bien fait tousiours à poinct. Ne vous souuient il du Seigneur de Harfelles, que vous fistes tuer? Et encores tels? Sachez que les haines passées vous retournerōt, de leurs hoirs, deuant, si demourez longuement en ceste ville. Auant que i'y demourasse (croyez mon conseil) ie m'en iroye demourer avec Monseigneur de Bourgogne. I'en auray auis (respondit François à Pietre) mais en Angleterre ne vueil-ie point aller demourer. Ainsi demoura François Attremen: & Pietre du Bois s'en alla avec messire Iehan le Bourfier: si-comme vous avez ouy recorder. Or vous diray-ie qu'il en auint. Assez tost apres que la paix fut crieée & publiée par toutes les parties de Flandres, on deffendit, par toutes les bonnes villes de Monseigneur de Bourgogne, de non porter armeures, n'espées, ne faire porter apres soy. Or François Attremen auoit esté en la ville de Gād, la guerre durant, l'un des grans qui y fust, & pour lequel on faisoit le plus: & quād il alloit par les rues, fil auoit peu de trente varlets, il en auoit quarante. Ceux estoient tous réiouis, à qui il vouloit commander quelque chose: & auoit appris à tenir tel estat: non pas qu'il voulsist perséuerer: mais il vouloit, par honneur, trois ou quatre varlets tenir apres luy: qui le suiussent, par tout ou qu'il allast, armez, & portans espées, ou bastons deffensables. Quand les bans furent faits à Gand de par le Duc de Bourgogne, il ne cuidast pas que pour luy, ne sur ses varlets, on deust faire deffense: tant cuidoit il bien auoir de grace & de port en la ville: mais non eut: car, sept ou 8. iours apres ce qu'ordonnance fut mise & deffense sur les armeures, on vint à luy: voire le Baillif du Seigneur personnellemēt: & luy dit,

François,

François, vous mettez les Officiers de Monseigneur de Bourgogne en doute & en soupçon. Pourquoy allez vous maintenant armé par la ville de Gand, & vos varlets aussi: & portez, & faites porter espées à t deffendre, aussi bien que si ce fust au temps de t Offendrez
guerre? Il nous en déplaist: & vous faisons commandement & deffense, de par Mōseigneur de Bourgogne & Madame, que vous mettez tout ius. François (qui nul mal n'y seroit aussi bon
pensoit, & ce qu'il faisoit ce n'estoit que pour estat) respōdit: & dit, Baillif, i'obeyray volontiers: car c'est raison: car ie ne hay, Dieu mercy, nulluy: ny ne voudroye que nul eust mal pour moy: mais ie cuidoye bien tant auoir d'auātage en la ville de Gand, que pouuoir faire porter apres moy mes espées & armeures. Nēny (dit le Baillif) ceux de la ville (à qui vous auez tant fait de seruices) en parlent, & s'en émerueillent: & me demandēt pourquoy ie le souffre: & semble que vous voulez renouueller guerre: ce qu'ils ne veulent pas. Si vous prie, Frāçois, que vous faciez tant, que ie n'en oye nulles nouuelles, ne parolles: car, ou ne voudriez obeir, ie vous tiendroye pour ennemy à Monseigneur & à Madame de Bourgogne. Le Baillif de Gand s'en passa outre à tant: & François s'en retourna à l'hostel: & fit à ses varlets mettre ius ses armeures: & entra en t vne marmouserie telle, que le plus du temps il alloit tout seul parmi la ville de Gand, ou à la fois il menoit vn seul varlet, ou vn seul enfant, en sa cōpaignie. Or auint vne feste, qui se tenoit au dehors de Gād, en l'Abbaye de S. Pierre. Il y alla, ainsi que tout seul, luy & vn varlet seulement, sans armeures & espées. Il fut pour luy, & espié, d'vn Bastard, fils au Seigneur de Harfelles (qui auoit esté tué) lequel vouloit cōtreuenger la mort de son pere: de laquelle mort François Attremē (si comme renommée couroit) estoit grandement coupable. Le Bastard estoit pourueu de son faict: & poursuivit François de loing, & tant que hors la ville de Gād, & loing de gens, il l'attaingnit, & écria par derriere, en disant, François, à la mort: vous fistes mourir mon pere: & vous mourrez aussi. Ainsi que François se retourna, ce bastard (qui estoit vn fort varlet) luy assigna, parmy la teste, vn coup d'vne espee. Le coup fut grand & pesant. Si le pourfendit tout iusques aux dents: & l'abbattit là mort à terre. Si s'en alla le Bastard tout paisiblement: ne nul ne le suiuoit. Il n'en fit plus. François Attremen mourir deuoit: car il ne voulut croire Pietre du Bois. Si luy en mécheut. Quand les nouuelles en furent venues en Angleterre, & Pietre du Bois le seut, il ne le plaignit qu'vn petit: & dit, Bien ie l'en auoye auisé, & chanté toutes ses vigiles, auant que ie m'en departisse de Gand. Si luy en est mal pris. Or querez qui l'amende. Ce ne seront pas ceux, qui, la guerre durant, l'hōnoreient & l'enclinoient. Pour telles doutes ay-ie crēu messire Jehan le Bourfier, & suis venu en Angleterre.

t C'est adire
melancolie,
ou frenaisie,
& egarement
de bon discours: comme
il auient à ceux,
qui s'en vont
parlant &
marmonnant
à part eux.
Occison &
meurdre en la
personne de
François Attremen.

De l'inutile despenſe de l'armée marine des François: & du bon ordre des Anglois, pour leur réſiſter.

CHAP.

XXXVI.

OR retournerons encores aux prouiſions qui se faisoient, & qui furent en ce temps si grandes & si grosses au Dan & à l'Escluse, qu'on ne trouuoit point en memoire d'homme, ne par escripture, la pareille. Ainsi donc, on n'épargnoit nul plus or n'argent, ne que sil pluſt des nues, ou qu'on le puisast en la mer. Les haux Barōs de France auoient à l'Escluse enuoyé leurs gens, pour appareiller leurs ordōnances, & charger leurs vaisseaux, & pourueoir de tout ce qui leur estoit beſoing: car il n'y en auoit nul vrayement, qui ne deust passer: & le Roy (tant ieune qu'il fust) en auoit plus grand'volonté que nul des autres: & bien le monſtra tousiours, iusques à la fin. Tous s'efforçoient les grans Seigneurs, les vns pour les autres, à faire grādes prouiſiōs, & à iolier & à garnir leurs nefſ & leurs vaisseaux, & les enseigner & armoier de leurs armes: & vous dy que peintres y eurent trop bien leur temps. Ils gaignoient ce que demander ils vouloit: & encores n'en pouuoit on recouurer. On faisoit bannieres, pennons, t estranneres de cendaux, si belles que merueilles seroit à pēser. On peingnoit les mats des nefſ, du fond iusques en cōble: & couuroit on les plusieurs, pour mieux richesse & puissance monſtrer, de fueilles de fin or: & dessus on y faisoit les armes des Seigneurs, ausquels les nefſ se rendoient: & par especial il me fut dit que messire Guy de la Trimouille fit trēſrichement garnir sa nauire, ou son corps deuoit estre: & couſterent les nouuelletez, & les peintures qu'il y fit, plus de deux mille francs. On ne pouuoit chose auiser, ne deuifer, pour luy iolier, que les Seigneurs ne fissent faire en leurs nauires: & tout payoient pauvres gens parmy le Royaume de France: car les tailles y estoient si grandes, pour assouir ce voyage, que les plus riches s'en douloit, & les pauvres s'en fuyoient. Tout ce qu'on faisoit en Frāce,

t Je n'ay point
encores veu ce
mot ailleurs:
& ne ſay s'il y
faudroit point
estendars:

*Crainte des
Anglois, pour
cause de l'ar-
mée marine de
France.*

en Flandres, à Bruges, au Dan, & à l'Escluse, pour ce voyage estoit seu en Angleterre, avec renommée plus grande assez, que l'apparêt ne fut. Dont le peuple en trop de lieux estoit moult ébahy: & furent généralement processions ordonnées es bonnes-villes & citez, des Prelats & des Eglises, trois fois la semaine. Lesquelles processions estoient faites en grandes deuotions de cueurs, & prieres & oraisons à Dieu qu'il les voulist oster & deliurer de ce peril: & y en eut cent mille parmy Angleterre, qui ne desiroient autre chose que les François vinssent & arriuaissent en Angleterre, & disoient les legers compaignons, qui se confortoient d'eux-mesmes, & qui vouloient reconforter les ébahis, Laissez venir ces François. Par Dieu il n'en retournera iamais couillon en France. Et ceux, qui deuoiét, & qui cure n'auoient de payer, ou ne pouuoient, en estoient si réiouïs que merueilles: & disoient à leurs debtors, Taisez vous, on forge en France les florins, de quoy vous serez payez: & sur celle intention ils viuoient, & despendoient largement: & ne leur refusoit on point de creance: car, quand à l'accroire on ne leur faisoit bonne chere, ils disoient, Que nous demandez vous? encore vaut il trop mieux que nous despendons les biens de ce pays, que les François les treuuet & ayent. Par ainsi despendoit on à outrance, en Angleterre, mille liures à l'estrelin. En ce temps se tenoit le Roy d'Angleterre en la marche de Galles, & le Comte d'Aquessuffort avec luy: par lequel estoit tout fait en Angleterre, & sans luy n'estoit riens fait. Du conseil du Roy estoient les plus especiaux messire Symon Burle, messire Nicolas Branle, messire Robert Tani-lien, messire Robert de Beauchamp, messire Iehan Salben, & messire Michieux de la Poulle: & encores y estoient nommez l'Archeuesque de Norduich, & messire Guillaume de Neufuille, frere au Seigneur de Neufuille. Tous ceux faisoient du Roy ce qu'ils vouloient, & emmenoient ainsi comme il leur plaisoit: ne les oncles du Roy, le Comte de Cantebruge & le Comte de Bouquinguam, n'y auoient cuit ne moulu, fils ne vouloient, ou fil ne venoit bien au gré des dessusnommez: & tout ce trouble & ce different estoit bien seu en France: pourquoy le voyage s'en auançoit: & vouloit on le Duc de Lancastre retirer hors du Royaume de Castille: mais on n'auoit garde que pour ce il deust briser son voyage. Quand les Seigneurs d'Angleterre, les Prelats, les citez, les bonnes-villes & les communautéz du pays furent iustement & veritablement enhortez & informez comment le Royaume de France estoit tout prest de venir en Angleterre, & tout destruire, si se tirerent ensemble au Conseil: & dirent & regarderent, l'un parmy l'autre qu'il y couenoit pourueoir: & fut le Roy enuoyé querre, & escrit par ses oncles, & par tout le pays, qu'il vinst à Londres, & que le pays se contentoit mal de luy, & de son Conseil. Le Roy & ses Cōsaux n'oserent refuser: & se departirēt de la marche de Galles (ou moult longuement ils s'estoient tenus, & la Roïne aussi) & s'en vint le Roy à Windesore: & là se teint ie ne say combien de iours: & puis s'en partit, & laissa sa femme: & s'en vint à Westmonstier, au Palais: & là se tint. Là le vindrent voir ceux, qui à besongner auoient à luy: & là fut le Conseil ordonné, & auisé comment on iroiet au-deuant de ceste grande horribleté, qui apparoissoit en Angleterre. Là dit le Comte de Salebery (qui est vn moult vaillant homme, & de grand' prudence) present le Roy & ses oncles & tous les Prelats & Barons d'Angleterre, qui là estoient assemblez, Sire Roy, & vous bonnes gens, vous ne vous deuez pas émerueiller se nostre auersaire de France nous veut courir & venir sus: car, depuis la mort du noble & puissant Roy, nostre Seigneur (qui fut le Roy Edouard de bone memoire) ce Royaume icy a esté en tresgrand' aduéture d'estre tout perdu & exilé de luy-mesme, par le faict des villains: & encores fait on bien en France, que nous ne sommes pas tout vn, mais en peril & en different: & pource nous appert ce trouble, qui n'est pas petit. Car, celuy est fol, qui ne craint son ennemy. Or, tant que le Royaume d'Angleterre a esté en vnité, le Roy avecques son peuple, & le peuple avec le Roy, nous auons regné en victoire & en puissance: ne nous n'auons nulluy trouué, ne veu, qui nous ait fait trop grand tort. Si faut, & si nous est besoing (car nous en voyons l'apparent: n'oncques si grand n'apparut sus en Angleterre) que nous nous reformons en amour & en vnité (se nous voulons venir en honneur) & que nous regardons & ordonnons, aux ports & haures d'Angleterre, que ils soient si pourueus & si gardez, que, par la deffense de nous, le pays ne recoiue point de blâme ne de dommage. Ce Royaume cy a esté vn long temps en fleur: & vous saluez qu'une chose, qui est en fleur, a greigneur mestier qu'elle soit bien gardée, que quand elle est cōtournée en fruiet. Nous deuons veoir & cōsiderer que ce pays est en fleur. Car,

*Parlement &
conseil d'An-
gleterre sur ce
qu'ils auroient
à faire contre
l'armée de
France.*

depuis

depuis foixante ans, Cheualiers & Escuyers, qui en sont issus, ont eu plus d'honneur en tous faits-d'armes, que nuls autres, de quelconque nation qu'ils fussent. Or metton & rendon peine, que, tant que nous viurons, cest honneur soit gardé. Ce sera bon, respondirent les Seigneurs, qui là estoient. Moult volontiers fut ouy en Parlement le Cōte de Salebery, & furent ses parolles acceptées, comme pour vſage & vaillant homme. De tout ce qui fut dit par luy, & deuſé entr'eux, ne me vueil-je pas longuement enſoigner (car ie ne pense pas tout à ſauoir) mais ie ſay bien que la ville de Calais gardée (ainſi comme il eſt cy-deſſus eſcrit) on ordonna à garder tous les ports d'Angleterre: là ou on ſuppoſoit que les François pourroyent arriuer, & prendre terre. Le Comte de Salebery (pourtant que ſa terre & ſon pays marchiſſoit à l'isle de Wiſque, & qu'il eſt à l'encontre de Normandie, & du pays de Caux) fut là ordonné à eſtre avecques les hommes & les Archers du pays & de la contrée. Le Comte Deuſiere fut ordonné à eſtre à Hantonne, à deux cens hommes-d'armes & ſix cens Archers, pour garder le haure. Le Cōte de Northombellande fut ordonné à eſtre au Port de Rye, à deux cens Hommes-d'armes, & ſix cens Archers. Le Comte Aymon de Cantebrugge fut ordonné à eſtre à Douures, à cinq cens Hommes-d'armes, & à douze cens Archers. Son frere, le Comte de Bouquingnam fut ordonné à eſtre à Zanduic, à ſix cens Hommes-d'armes, & à douze cens Archers. Le Comte d'Eſtanfort & le Comte de Pennebroth furent ordonnez à eſtre au port d'Ornelle, à tout cinq cens Hommes-d'armes, & douze cens Archers. Meſſire Henry de Perſy & meſſire Faux de Perſy furent ordonnez à eſtre à Gernemude, à tout trois cens Hommes-d'armes, & à ſix cens Archers, & fut meſſire Symon Burle Capitaine de Douures, du chaſtel tant ſeulement. Tous les ports & tous les haures, en mouuant de la riuere de Hombre, & deſcendant iuſques à Cornouaille, furent tous pourueus & reſreſchis de Gens-d'armes & d'Archers: & eſtoient ordonnez des guettes ſur les montaignes, tout coſtoyant la mer, ſur les frontieres de Flandres & de France, pour garder. Je vous diray comment, n'en quelle maniere. On auoit tonneaux de Gaſcogne vuidez de vin, & emplis de ſablon, & mis par coulones l'un ſur l'autre: & encores deſus ces tonneaux eſtoient planches: ſur leſquelles de nuit & de iour y auoit hommes, regardans en la mer: & ces gardes eſtoient chargées, ſils veioient venir la nauire de France & approcher Angleterre, à faire feux, & allumer torches là ſus: & grans feux ſur les montaignes, pour émouuoir le pays, & pour venir celle part toutes gens, là ou le feu apperoit, & eſtoit ordonné qu'on lairroit paſſiblement le Roy de France prédre terre, & entrer ſur le pays, & y eſtre trois ou quatre iours, & tout premierement, auant qu'on les allaſt combattre, on iroit conquerre la nauire, & toutes les neſs ſur mer, & d'eſtruire & prendre toutes leurs pourueances, & puis viendroiēt ſur les François (nō pas pour combattre ſi toſt: mais pour les harier) ne leurs gens ne pourroyent, n'oſeroient, aller fourrager n'ils ne trouueroient quoy, n'ou fourrager, car le plat pays ſeroit tout perdu d'auantage, & Angleterre eſt vn pays mauuais à fourrager. Si les affameroit on, & mettroit on à fin d'eux-mesmes. Telle eſtoit leur opiniō, & le cōſeil d'Angleterre, & fut le pont de † Cloceſtre condamné à deſfaire (ſi-comme il fut) là ou vne groſſe riuere court: qui vient d'a

*Les ports
d'Angl. pour
ueus de nou-
ueaux Gens
d'armes.*

*† Il y auoit icy
Cloceſtre.
Mais ayant cō-
ſeré ceſte deſcri-
ption avec la
Charte, ie n'ay
point ſeint de
la reſtiſſer ſelon
icelle.*

Comment le Roy de Portugal eſcriuit amiablement au Duc de Lanclaſtre, quand il ſeut qu'il fut arriué à Sainct-Iagues en Galice, & comment le Roy de Caſtille demanda ſecours en France, & comment la ville de Rouelles en Galice fut priſe par les Anglois.

CHAPITRE. XXXVII.

Vous ſauez (ſi-comme il eſt cy-deſſus contenu en ceſte Hiſtoire) comment le Duc de Lāclaſtre, à belle charge de Gens-d'armes & d'Archers, eſtoit arriué à Coulon-

*Messagers du
Roy de Portu-
gal vers le Duc
de Lancastre à
Saint Iaques
en Galice.*

*Messagers du
Roy de Castille
pour auoir se-
cours en France.*

*Cheuauchée du
Mareschal de
l'armée du Duc
de Lancastre
sur ceux de Ro-
uelles en Galice*

gne en Galice, & par composition la ville, & non le chastel, s'estoit rendu à luy, & auoient dit ainsi, qu'ils feroient tout ce que les villes de Galice feroient, & sur tel estat on ne les auoit point combattus, n'aïssailis, depuis qu'ils eurent dit la parolle, & estoient le Duc de Lancastre & ses enfans venus depuis en la ville de Saint-Iaques (laquelle on appelle Compostelle) & là se tenoient, & auoient intention de tenir, tant qu'ils eussent d'autres nouvelles du Roy de Portugal: lequel feut de verité que le Duc estoit en la ville de Saint-Iaques, & sa femme, & ses filles. Si en eut grande ioye, & pensa bien qu'entre eux deux ils feroient encores bonne guerre au Royaume de Castille. Si fit lettres escrire, moult douces & moult amiables, & grans salus: & enuoya tantost, par ses certains messagers, les lettres & ses amitez, deuers le Duc & la Duchesse, lesquels receurent les lettres à grand gré, car ils sauoient bien qu'ils auroient grandemēt à faire du Roy de Portugal, ne sans luy, ne son confort, ils ne pouuoient bien besongner, n'exploiter, en Portugal, n'en Castille. Si donnerent beaux dons le Duc & la Duchesse aux messagers, & refcriurent grans salus & grans amitez, au Roy de Portugal, & monstroient le Duc, par ses lettres, que le Roy de Portugal il verroit, & parleroit à luy, moult volontiers. Entendis que ces amours, ces lettres, ces salus, & ces amitez couroient entre le Roy de Portugal & le Duc de Lancastre, se passoit le temps, & se pourueoit & fortifioit le Roy Iehan de Castille, en ce qu'il pouoit, & mandoit souuent son estat & conuenant en France, par lettres & par messagers creables, en priant qu'on luy voulsist aider, & enuoyer grans gés-d'armes, pour aider à deffendre & garder son Royaume de Castille: & mandoit aussi, & escriuoit, que sur le temps, qui retournoit, il esperoit auoir tresforte guerre, car le Roy de Portugal & les Anglois se conioindroyent ensemble. Si feroient fors assez pour couvrir tout le Royaume de Castille, qui ne leur iroit au deuant. Le Roy de France & son Cōseil rescriuoient au Roy de Castille, qu'il ne se souciaist en riens, & ne se doutast, car dedans le mois de Ianuier on donneroit à l'Angleterre, & aux Anglois, tant d'affaire, que ils ne fauroient auquel entendre: & quand toute Angleterre seroit perdue & destruite, on se retourneroit à l'Esté, par mer en Galice, & en Portugal, & se les Anglois & Portugalois tenoient les champs, on les feroit retraire de grāde maniere: & dedans vn an toutes ces guerres seroient affinies. Le Roy de Castille s'appaisoit parmy tant, car il n'en pouoit autre chose faire: ne nul de France ne luy venoit: fors ceux, qui premier estoient passez, car tous Cheualiers & Escuyers (de tant loingtaines marches qu'ils fussent du Royaume de France) s'en alloyēt vers Paris & Picardie, & puis vers l'Isle. & vers Douay & Tournay, & estoit tout le pays, quatorze lieues de long, tout remply de Gens-d'armes & de leurs gens, & estoit le peuple si grand, qu'il fut dit à ceux, qui s'embesongnoient de la nauie, & qui en auoient le regard & la charge, que (quoy qu'on eust grand nombre de nauires, de gallées, & de vaisseaux) si ne pourroient ils pas passer du premier passage, à quarante mille hommes pres. Dont fut ordonné & auisé comment on feroit, & qu'on ne recueilliroit nul homme pour passer, s'il n'estoit droit Homme-d'armes, & ne pourroit auoir vn Cheualier qu'un varlet, & vn grand Baron deux Escuyers, & ne passeroit on nuls cheuaux, fors que pour les corps des Seigneurs, & à tout ce faire & ordonner, auoit on mis à l'Escluse grand regard & fort, ne nul n'estoit escrit, ne recueilly, s'il n'estoit droit Homme-d'armes. Mais il y auoit tant de ribaudaille sur le pays, en Flandres, en Tournais, en la Chastellenie de l'Isle, de Douay, & en Artois, qu'ils mangeoyent & riffloyent tout: & là se tenoient aux fraiz & coustages des pources hommes, & estoient de ces pillars & garçons mangez leurs biens, n'ils n'en osoient parler, & faisoient ces gens pis que les Anglois, s'ils eussent esté logez au pays. & estoit grāde doute que, le Roy & les Seigneurs passez outre en Angleterre, & tels gés demourez derriere, ils ne se meissent ensemble, & destruisent tout, ainsi certainement qu'ils eussent fait, se la chose fust mal allée. Entendis que le Duc de Lancastre, la Duchesse, & leurs enfans, & plusieurs Seigneurs se logeoient en la ville de Saint-Iaques, & se tenoient sur le pays Cheualiers & Escuyers & compaignons, & viuoyent à l'auantage, là ou ils en pouuoient prendre n'auoir, auint que messire Thomas Moriaux, Mareschal de l'ost, en sa compaignie messire Maulburin de Linieres, messire Iehan d'Auberticourt, Thierry & Guillaume de Soumain, & environ deux cens Lances, & cinq cens Archers, cheuauchoyent en Galice: & s'en vindrent à vne ville fermée, à sept lieues de Saint-Iaques (laquelle on appelle au pays Rouelles) & auoyent entendu que les villains, qui là dedans demouroient, ne se vouloyent tourner: mais estoient tous rebelles: & auoient rué ius de leurs fourrageurs: qui

qui estoient repassez deuant leurs barrieres, en retournant de fourrage, car ils auoyent tellement rompu & brisé leurs chemins, qu'on ne pouuoit cheuaucher, fors que deuant leurs barrieres, & quand ils veoyent leur plus bel, ils issoyent hors, & ruoyent ius (comme larrons, qu'ils estoient) tous passans: fussent fourrageurs ou autres, dont les plaintes en estoient venues au Marechal: lequel y vouloit pourueoir, car c'estoit de son office. Si vint cheuauchant deuant celle ville de Rouelles, & meit pié à terre. Aussi firent tous ceux de sa route, deuant les barrieres de la ville. La guette de la ville auoit bien corné leur venue: dont les gens estoient tous bien auisez: & auoient clos leurs barrieres & leurs portes: & n'estoit nul demouré dehors (car il n'y faisoit pas sain demourer pour eux) mais estoient tous montez sur leurs murs. Le Marechal, quand il en veit la contenance cognut qu'ils se feroient assaillir. Il se tint tout quoy: & dit à messire Jehan d'Auberticourt, & à Thierry de Soumain, Montez sur voz cheuaux: & allez entour de ceste ville. Si regardez & auisez ou nous la pourrons plus aisement assaillir, sans noz gens blecer. Ils respondirent, Volontiers. Ceux monterent sus leurs cheuaux: & cheuaucherent autour de la ville. Elle n'estoit pas de grand circuit. Si eurent plus tost tournoyé: & auiserent bien tous les lieux: & retournerent deuers le Marechal & les compagnons: qui les attendoient. Si dirent, Sire, en toute ceste ville n'a que deux portes, vous estes sur l'une, & l'autre sied à l'opposite, au lez de là. Ce sont les deux lieux, qui nous semblent les moins greuable pour noz gens, à l'assaillir. Car tout entour de ceste ville les fossez sont parfons, & malaisez à aualer, & encores pires à monter, pour les ronces & les espines, qui les enuironnent. Je vous croy bien, dit le Marechal. Je demourray cy, à tout vne quantité de nostre gent, & vous, Maulburin, vous irez de l'autre part, commencer l'assaut. Je ne say comment il nous en viendra, mais ie voy ces villains trop volôtiers: qui s'appuiēt sur ces creneaux, & qui regardent quelle chose nous faisons. Voyez les. Ils sont plus barbatifs que singes, qui mangent poires, & enfans les leur veulent tollir. Des parolles que dit lors le Marechal, commencerent les compagnons à rire, & regarderent tous contremont, pour veoir les villains (car encores n'y auoient ils point pensé) & puis s'en retournerent avecques Maulburin ceux de son pennon (ou bien auoit cent Lâces, & environ trois cens Archers) & allerent tant, tout le pas, qu'ils vindrent à la porte, ou ils tendoyent à estre: & là s'arrestèrent. Assez tost apres commença l'assaut de deux parties, grand & fort, & sans eux épargner. Les hommes de Rouelles estoient sur les portes: & lançoient dardes à ceux de dehors, si tresfort, qu'Archers, n'Arbalestiers, n'y firent euvre: & en naurerent plusieurs de leurs traits, mais pourtant qu'il n'y auoit nulluy aux barrieres, qui les deffendist (car tous estoient encloz en ladite ville: & se deffendoyent de geēt & de traict) couperent & desemparerent les compagnons les bailles des barrieres & vindrent iusques à la porte. Là heurterent & lancerent, & faisoient la porte toute trébler. Que firent ceux de Rouelles? Quand ils veirent le méchef qui leur apparoissoit, & que leur porte vouloit perir à terre, ils descendirent de leurs deffenses, & vindrent en la rue: & apporterent grande foison de bois & de merrien, & en appuyerēt la porte: & puis commencerent femmes, & toutes manieres de gens, à apporter pierre & terre, & à emplir tonneaux (lesquels on auoit appuyez contre les portes) & quād les premiers estoient remplis, les autres estoient apportez & mis sur les emplis, & puis songnoyent du remplir hastiement, & les autres estoient sus amont, en la porte, aux deffenses: qui gettoient gros barreaux de fer, par telle façon, que nul ne s'osoit bouter ne mussier dessous, pour les horions, si ne vouloit estre mort. Ainsi tindrent les villains de Rouelles leur ville, iusques à la nuit, contre les Anglois, que riens n'y perdirent, & conuint les Anglois retourner arriere, vne grand' lieuē du pays, pour venir en vn village, ou nul ne demouroit & là se logerent iusques au lendemain. Celle nuit se conseillerēt les hommes de Rouelles ensemble, pour sauoir comment ils se maintiendroyent enuers ces Anglois, & enuoyerent leurs espies sur les champs, pour veoir s'ils estoient retournez arriere à Saint Iaques, ou s'ils estoient logez à ville-basse de la Senace, & pensoyent bien qu'au lendemain ils retourneroyent à l'assaut. Donc dirent ils entre eux, Folle maintenue vaut pis que folie commencée. Nous ne pouons iamais auoir blasme de nous rendre au Duc de Lâclastre, ou à son Marechal, car nous nous sommes vn iour tout entier bien tenus de nous mesmes, sans auoir conseil, ne confort de nul Gentil-homme, & à la longue nous ne pourrions durer contre eux, puis qu'ils nous ont accueillis. & qu'ils sauent cy la voye. Si nous vaut mieux rendre, que nous faire plus assaillir, car se nous estions pris par

La ville de Rouelles en Galice assaillie par les Anglois.

Retraite des Anglois suruenant la nuit.

Retour des Anglois à Rouelles

force, nous perdriens nostre corps, & le nostre. Tous furent de ceste opinion, que les Anglois retournoyent au matin, ils traitteroyent à eux, & se rendroyent leur vie sauue, leurs corps & leurs biens. Voirement retournerent les Anglois au matin, assez tost apres le soleil leuant, entre prime & tierce, fraiz & nouueaux pour assaillir. Quand ceux de la ville sentirent qu'ils venoient, ils meirent hors quatre de leurs hommes, chargez pour faire les traittez. Ainsi que le Marechal cheuauchoit deffous son pennon, il regarda: & veit sur les champs quatre hommes. Si dit, Je croy que veez là des hommes de Rouelles, qui viennent parler à nous faites les auant traire. On le fit. Quand ils furēt venus deuant le Marechal, ils se meirent à genoux, & luy dirent, Monseigneur, les hommes de Rouelles nous enuoyēt parler à vous. Nous voudriez vous ouir? Ouy, dit le Marechal. Que voulez vous dire? Nous disons, Monseigneur, que nous sommes tous appareillez de vous mettre dedans Rouelles: se vous nous voulez prendre & recueillir à sauuemēt, nous & le nostre, & recognoistrons, Monseigneur de Lanclastre à Seigneur, & Madame de Lanclastre à Dame, en la forme & en la maniere, que ceux que la Coulongne & ceux de S. Iaqs ont fait. Ouy, dit le Marechal. Je vous tiēdray to^r paisibles, de voz corps & de voz biens, mais ie ne vous assure pas de voz pourueāces: car il faut noz gēs viure. Respōdirent les hommes, C'est bon droit. Il en y a assez en ce pays. Or vous tenez ainsi, icy, vn petit. Nous retournerons à la ville, & ferons response telle, que vous auez dite & faite, & vous nous tiendrez vostre conuenant. Nous y auons fiance. Ouy (respondit le Marechal) par ma foy: & retournez tantost. Sur tel estat, que vous oyez recorder, retournerent ces quatre hommes, & vindrent à leurs gens: & dirent qu'ils auoient parlé à messire Thomas, le Marechal de l'ost: lequel parmy le traitté, qu'eux leur auoient fait dire & faire, il auoit la ville assuree de toutes choses, hors mis de viures. Ils respondirent, Dieu y ayt part. C'est trop bien fait. Donc deliurerent ils la porte (qui fort estoit encomblée de bancs, & de tonneaux pleins de sablons, de pierres & de terre) l'ouurirent toute ouuerte: & vindrent à la barriere: & tenoient les clefs en leurs mains. Là vint le Marechal (qui descendit à piē) & tous se meirent à genoux deuant luy, & luy presenterēt les clefs, en disāt, Sire, vous estes cy enuoyē (bien le sauō.) de par Mōseigneur de Lāclastre & Madame. Si vous rendons & baillons les clefs de la ville, & vous en mettons en possession, par la maniere & condition, que noz hommes ont rapportē. Ainsi les pren-ie, respondit messire Thomas. Donc entrerent dedans la ville, sans contredit: & se logerent toutes gens, les vns çā, les autres là, au mieux qu'ils pouuoient, & se tint là le Marechal tout le iour: & auant son departement, il dit à messire Maulburin. Je vous deliure ceste ville, pour vous & pour voz gens. Vous y aurez vne belle garnison. Par Saint-George, Sire (dit il) vous dites vray, & ie la pren, car la garnison me plaist moult bien. Ainsi demoura messire Maulburin de Linieres en garnison, en la ville de Rouelles en Galice, & auoit deffous luy soixante Lances, & cent Archers, & messire Thomas Moriaux retourna deuers le Duc & la Duchesse, à Saint Iaques.

Rouelles en Galice rendue aux Anglois, par composition.

Comment le Marechal du Duc de Lanclastre assaillit, & prit par composition Villeclope, en Galice: & des Ambassadeurs, que le Duc enuoya au Roy de Portugal, tendans à fin de s'entreueoir & parler ensemble.

CHAP. XXXVII.

† La quarte est enuouie & ne say par qui vo^r en faire raison, s'e taisant sala

Assez tost apres ce qu'il fut retournē de Rouelles, il remeit sus enuiron trois cens Lances, & six cens Archers: & se departit, ainsi que ie vous dy, accompagné de son logis: & cheuaucha en Galice, vne grāde iournée, en sus de Saint-Iaques, & s'en vint deuant vne ville, qu'on appelle Villeclope, qui n'estoit aussi gardée, que de villains, qui dedans demouroient. Quand le Marechal du Duc fut là venu, il regarda, & fit regarder par ses compaignons, se la ville estoit prenable par assaut. Ils dirent entr'eux (quand ils eurent bien auisē) qu'ouy. Dont se meirent ils tous à piē, & firent par leurs varlets mener leurs cheuaux arriere, & s'ordonnerent en quatre parties, & donnerent leurs liurees: ainsi que Gens-d'armes, qui se cognoissent en tel mestier, sauēt faire. Là prit messire Thomas Moriaux la premiere pour luy. La seconde il bailla à messire Yon Fil Warin. La tierce à messire Iehan d'Auberticourt, † & auoient chacun de ces quatre deffous luy, tant que pour tel assaut suffisoit, quatre vingts Hommes d'armes, & sept vingts Archers. Lors approcherent de la ville, & se meirent es fossez: & aualerent tout bellement (car il n'y auoit point d'eue) & puis commencerent à monter & à ramper contremont, bien targez & paueschez, & les Archers estoient demourez sur le dos des fossez, qui tiroient de grand

grand pouuoir, & si fort, qu'à peine oïoit nul apparoir. Nonobstant le trait, & tout ce, si se deffendiret ces villains asprement, & de grande maniere, car il en y auoit grande foison. Aussi les vns lançoient & gettoient dardes, empennées & enferrées de longs fers, si roide, que, qui en estoit atteint au plain, il conuenoit qu'il fust trop fort armé, si n'estoit mort ou blecé mallement. Toutesfois Cheualiers & Escuyers, qui desiroient sauancer vindrent iusques au pié des murs : & commencerent à houer & à picquer de pics & de hoyaux, qu'ils auoient apportez, & (quoy qu'on gettast & renuersast sur eux pierres & cailloux sur leurs testes, & sur leurs bacinets) si assailloyent ils tousiours : & y faisoient plusieurs grans appertises d'armes : & là furent bons, & biens assaillans, deux Escuyers de Haynaut, qui là estoient (Tierry & Guillaume de Soumain) & y firent plusieurs belles appertises d'armes : & firent vn grand pertuis au mur, avecques leurs aidans, & se combattoyent, main à main, à ceux de dedans : & gaignerent ces deux freres iusques à sept dardes, qu'on lançoit par le pertuis sur eux : & leur osterét hors des poings & des mains, & estoient ces deux Escuyers deffous le pennon Monseigneur Yon Fil Warin. D'autre part messire Jehan d'Auberticourt ne se faingnoit pas : mais monstroït chere & ordonnance de vaillant Cheualier : & se tenoit au pié du mur, son pennon d'ermine, à deux hamedes de gueulles, fiché en terre delez luy : & tenoit vn pic de fer, dont il ouuroit à son pouuoir, pour dérompre & abbattre le mur. On se doit & peut émerueiller comme les villains de Villeclope ne s'ébahissoient, quand ainsi de toutes parts assaillir se veirent. Finalement ils n'eussent point eu de durée (car là auoit trop de vaillans hommes, qui tous mettoiēt main à euure) mais ils fauiserēt (quand ils veirent le fort, & que l'assaut ne cessoit point) qu'ils se rendroyent. Là vint le Baillif de la ville (qui les auoit tenus en tel estat, & fait combattre, car la ville estoit gardée de par le Roy) & dit au Mareschal (car il demanda bien lequel c'estoit) Monseigneur, faites cesser voz gens, car les hommes de ceste ville veulent traiter à vous. Le Mareschal, dit volontiers. Il fit tantost cheuaucher vn Heraut autour de la ville, sur les fossez, lequel disoit, à tout homme, Cessez, cessez, tāt que vous orrez la trompette du Mareschal sonner à l'assaut, car on est au traitté à ceux de la ville. Et à la parolle du Heraut se cesserent les assaillans, & se reposerent. Bien en auoient mestier les aucuns, car ils estoient soulez & lassez de fort assaillir. On entra en traitté à ceux de la ville. Car ils dirent qu'ils se rendroyent volōtiers, sauues leurs corps & leurs biens, ainsi que ceux des autres villes de Galice auoient fait. Voire? dit le Mareschal, vous n'en aurez pas si bō marché, que les autres ont eu, car vous nous auez trop donné de peine, & blecé noz gens, & si veez clerement que vous ne vous pouuez plus tenir. Si faut que vous achaptez la paix & l'amour de nous, ou nous retournerons à l'assaut, & vous gaignerōs par force. Et de quelle chose (dit le Baillif) voulez vous que nous soyons rançonnez? En nom Dieu (dit le Mareschal) de dix mille francs. Vous demandez trop dit le Baillif. Je vous en feray auoir deux mille, car la ville est pource, & a esté souuent taillée. Nenny, respondit le Mareschal. Je vous donne loisir de vous conseiller & parler ensemble, mais pour trois, ou quatre mille, ne passerez vous point, car tout est nostre, & iā suis ie blasmé des Compaignons, de ce que i'enten à nul traitté enuers vous. Deliurez vous ou de faire, ou de laisser. Adonc s'en partit le Baillif de là, & vint en la place, & appella tous les hommes de la ville, & leur dit. Quelle chose voulez vous faire? Si nous nous faisons plus assaillir, les Anglois nous cōquerrōt de force, & serōs tous morts, & le nostre pris. Nous n'y aurons riens. On nous demande dix mille francs. I'en ay offert deux mille. Je say bien que c'est trop petit. Ils ne le feroient iamais, il nous faut encores haulser la finance de deux ou de trois mille. Dont dirent ceux de la ville (qui doutoyent tout perdre, corps & auoir) Baillif, ne laissez mie à marchander à eux, car entre nous, auant que nous soyons plus assaillis nous en payerons quatre mille. C'est bien dit respondit le Baillif. Je traiteray encores à eux. A ces mots il s'en vint, là ou le Mareschal l'attendoit, & entra en traitté, & me semble que la paix fut faite, & la ville rendue, par my six mille francs. Adonc furent les portes ouuertes, & entrerent toutes manieres de gens dedans, & se logerent là ou ils peurent, & sy refreschirent deux iours, & donna la ville en garnison le Mareschal à Yon Fil Warin, qui sy logea, à tout deux cens Lances & quatre cens Archers, & la tint plus de huit mois, mais l'argent de la redemption vint au profit du Duc de Lancastre. Le Mareschal en eut mille francs. Apres ce que la ville de Villeclope se fut rendue à messire Thomas Moriaux, Mareschal de l'ost, par l'ordonnance & maniere que vous auez ouye, il s'en retourna à S. Iaques, & là se tint. C'estoit

Ceux de Villeclope en Galice entrēt en traitté avec les Anglois.

Villeclope rendue aux Anglois par composition.

Conseil du Duc de Lancastre, pour parlementer avec le Roy de Portugal.

† il y auoit icy freres bastards, que nous redrecé selon le chap. 91 du second vol. là ou il le surnomme Soultier, & Soultree, le faisant frere, bastard du Roy Richard encorés qu'il ne le fust que de ses freres de mere. Ambassadeurs du Duc de Lancastre vers le Roy de Portugal, pour auoir parlement ensemble.

son principal logis, car le Duc le vouloit veoir, & auoir delez luy. A la fois il cheuauchoit sur les frontieres de Castille & d'Espagne, pour donner cremeur aux François: mais pour ce temps les Anglois tenoient les champs en Galice, ne nul ne se mettoit contre eux, car le Roy de Castille estoit conseillé de non cheuaucher à ost: mais à guerroyer par garnisons, & aussi d'attendre le secours, qui deuoit venir de France. Or fut le Duc de Lancastre conseillé, en disant ainsi. Ce seroit bon que vous & le Roy de Portugal parlissiez ensemble de voz besongnes. Il vous escrit, & vous luy escriuez. Ce n'est pas assez, car sachez que les François sont subtils, & voyent trop cler en leurs besongnes, & trop plus que nuls autres gens. Si couuertement il faisoient traittez au Roy de Portugal (que les bonnes villes ont couronné) & le Roy de Castille (lequel a encores delez luy, & en son Conseil, grande foison de Barons & Cheualiers de Portugal: si comme nous sommes informez) & luy fissent vne paix (fust par mariage ou autrement) tant que de luy vous n'eussiez point de cōfort, que pèseriez vous à deuenir? Vous seriez plus à malaise, qu'ocquesmais, en ce pays, ne de tous nous ne donnerions quatre chiurons, car vous sauez que les Castillans sont les plus fauses gens du monde, & les plus couuers. Pensez vous que le Roy de Portugal ne se feust pas bien disposer, n'examiner à la fois ses besongnes? Se le Roy de Castille le vouloit tenir en paiz, parmy tant que toute sa vie il fust Roy de Portugal, & apres luy le Roy de Castille, nous faisons doute (quoy qu'il vous ayt mandé) qu'il ne vous tournast le dos. Ainsi seriez vous dedans rué à terre. Auecques ce que vous sauez bien l'estat & l'ordonnance d'Angleterre: qui pour le present a assez à faire de se garder & tenir contre ses ennemis, tant des François, comme des Escoçois. Faites biē guerre de ce que vous auez de gens, & la plus belle que vous pouuez, & n'esperez à plus auoir nul confort, ne refreschissement de Gens-d'armes, ne d'Archers d'Angleterre, car plus n'en aurez. Vous auez esté plus de deux ans à impetrer ce que vous en auez. Le Roy vostre neveu ne voit pas les choses, qui vous élongnent, & est ieune, & croit ieune conseil: parquoy le Royaume d'Angleterre en gist & est en peril & en auēture. Si vous aprochez le plustost que vous pourrez, du Roy de Portugal: & parlez à luy: & vostre parolle vous portera plus de profit & d'auancement, que toutes les lettres, que vous pourriez escrire dedans quatre mois. Le Duc de Lancastre nota ces parolles, & congnt bien qu'on luy disoit verité, & qu'ō le conseilloit loyaumēt. Si respondit le Duc, Que voulez vo^{us} que ie face? Si respondirent ceux de son Conseil, Nous voulons que vous enuoyez, deuers le Roy de Portugal, cinq ou six de voz Cheualiers, & du moins il y ayt vn Baron, & ceux remonstrent au Roy viuement: & luy diront que vous auez tresgrād desir de le veoir. Ceux, que vous y enuoyerez, seront sages & auisez d'eux mesmes. Mais faites que vous le veez, & parlez à luy hastiuement. Ie le vueil, dit le Duc. Adonc furent ordonnez pour aller en Portugal, de par le Duc, le Sire de Pouuins, vn grand Baron d'Angleterre, messire Iehan Abruuelle, messire Iehan d'Auberticourt, & messire Iehan Soultret, † frere Bastard à messire Iehan de Hollande, le Conestable de l'ost. Ceux Seigneurs s'ordonnerent à partir de Saint-Iaques, à tout cent Lances, & deux cens Archers. Ainsi qu'ils auoient pris leur ordonnance vn iour, & estoient leurs lettres toutes escrites, il vint vn Cheualier & vn Escuyer de Portugal, à douze Lances. Le Cheualier estoit nommé Valse Martin de Coigne, & l'Escuyer Ferrand Martin de Merlo: & estoient tous de l'hostel du Roy, & des plus prochains de son corps. On les logea à leur aise en la ville de Saint-Iaques. Si furent menez deuers le Duc & la Duchesse: & presenterent leurs lettres. Le Duc les leut, celles qui appartenoyent à luy: & la Duchesse, & les siennes. Par les dessusdits enuoyoit le Roy de Portugal au Duc & à la Duchesse, & à leur filles, de beaux mulets blancs, & bien emblez (dont on eut grande ioye) & auecques ce grans salus & grās approchemens d'amour. Pour ce ne fut pas le voyage des Anglois, d'aller en Portugal, brisé: mais il en fut retardé quatre iours. Au cinquiesme iour ils se departirent, tous ensemble, de Saint-Iaques, & enuoyoit le Duc de Lancastre au Roy de Portugal, en signe d'amour, deux Faucons pelerins (si bons, qu'on ne sauoit point les pareils) & six leuiers d'Angleterre, aussi tresbons, pour toutes bestes. Or cheuaucherent les Portugalois & les Anglois ensemble toute la lande de Galice: & n'auoient garde des Castillans, car ils estoient trop loing. Sur le chemin s'acquiterent de parolles messire Iehan d'Auberticourt & Martin Ferrand de Merlo, car l'Escuyer auoit esté, du temps passé, en armes, auecques messire Eustace d'Auberticourt (lequel fut oncle à ce messire Iehan) & demouroit encores auecques ledit messire Eustace, quand il mourut à Quarenten: & en parloyent &

loyent & iangloyent, en se vantant ensemble, entre le port de Connimbres: ou le Roy estoit. Ainsi qu'ils cheuauchoyent derriere, ils rencontrerēt vn Heraut, & son varlet, qui venoit de Connimbres: & s'en alloit à Saint-Iaques. deuers le Duc & les Seigneurs, & estoit ledit Heraut au Roy de Portugal, & quand le Roy fut couronné à Connimbres, il fit venir ce Heraut: & luy donna en nom Connimbres. Le Heraut auoit ià parlé aux Seigneurs, & dit des nouuelles. Quand Martin Ferrand de Merlo (qui cheuauchoit tout le pas avec messire Iehan d'Auberticourt) le veit, il dit tantost. Veez cy le Heraut du Roy de Portugal: qui ne fut long temps a en ce pays. Le luy vueil demander des nouuelles. Tantost ils furent l'un deuant l'autre, & dit l'Escuyer, Ou auez vous esté? il y a plus d'un an que ne fustes en ce pays. En nom Dieu (dit-il) i'ay esté en Angleterre, & veu le Roy & les Seigneurs d'Angleterre (qui m'ont fait tout riche) & de là suis-je tourné par mer en Bretaigne, & fu aux noces du Duc de Bretaigne, & à la grande feste qu'il fit, n'a pas encores deux mois, en la bonne cité de Nantes, quand il espousa Madame Iehanne de Nauarre: & de là tout par mer retournay en Gerlande. Je suis reuenu au Port. Entandis que le Heraut parloit, l'Escuyer auoit l'œil trop fort sur vn émail, que le Heraut portoit à sa poitrine: ou les armes du Roy de Portugal & de plusieurs Seigneurs estoient. Si coucha son doy sur l'armerie d'un Cheualier de Portugal, en disant, Haa, veez cy les armes, dont le gentil Cheualier messire Iehan Portek s'arme, par ma foy ie les voy moult volôtiers, car elles sont à vn gētil Cheualier de Portugal: qui me fit vne fois grād profit & bien m'en doit souuenir. Et adōc il trait quatre florins de sa bourse: & les dōna au Heraut. Adonc ledit Heraut le remercia grandement. Messire Iehan d'Auberticourt regarda les armes, que le Cheualier portoit. Si les retint: & me dit, depuis, que le chāp estoit d'argent, à vne endenture de gueulles, à deux chandieres de sables. Quand le Heraut eut pris congé, & il se fut party, l'Escuyer fit son compte du Cheualier: & dit ainsi, messire Iehan, l'avez vous point veu ce gentil Cheualier: qui porte ces noires chandieres: dont ie me loue si grandement? Je ne say, dit messire Iehan. Mais, à tout le moins, recordez moy la courtoisie, qu'il vous a faite, car volontiers en orray parler. Aussi en cheuauchant ne sauons nous de quoy parler, ne iangler. Je le vueil, dit Martin-Ferrand de Merlo, car le Cheualier vaut bien qu'on parle de luy. Adonc commença il son compte. Il auint, vn petit deuant la bataille de Iuberoth, que le Roy de Portugal (quand il se departit de Connimbres, pour venir là) m'enuoya cheuauchant sur le pays, pour aller querre aucuns Cheualiers du pays, pour estre avec luy à celle iournée. Je cheuauchoye moy & vn page, tant seulement. Sur mon chemin ils me vindrent d'encōtre enuiron vingtcinq Lances de Gascons. Si ne me dōnay garde, iusques à tant que ie fu emmy eux. Je fu pris: & me demanderent où ie m'en alloie. Le leur dy que ie m'en alloie au chastel du Ront. Ils me demanderent quoy faire. Je leur respondy. Querir messire Iehan-Ferrand Portek, car le Roy luy mande, qu'il le vienne seruir à Iuberoth. Donc respondirent ils. Et Iehan Ferrand, le Capitaine † de Ront, n'est il point delez vostre Roy de Portugal? Non (dy-je) mais il y seroit hastiuemēt, s'il le sauoit. En nō Dieu (dirēt ils) il le saura, car nous cheuaucherons celle part. Sur ces parolles ils tournerent leur frein, & prirent le chemin de Ront. Quand ils furent en la veuē de Ront, la guette corna, & mōstra qu'il veoit Gēs d'armes. Iehan-Ferrand Portek demanda de quelle part venoyēt ces Gēs d'armes. On luy dit qu'ils venoient deuers le Port. Haa (dit-il) ce sont Castillans, qui cheuauchent à l'auenture, & s'en vōt vers S. Yrain. Je les vueil aller veoir. Si me diront des nouuelles, & ou le Roy se tient. Il fit seller son cheual, & mettre hors son pennon, & monta, luy vingtiesme tant seulement: & se departit de † Court: & cheuaucha les grans galops, pour venir à ces Castillans: qui festoient ià traits en embusche: & auoient enuoyé courir vn de leurs gens, sur vn genet. Quand Iehan Ferrand vint sur les champs, il veit courir ce geneteur. Si dit à vn Escuyer. Or fay courir ton genet, & fay tant que tu parles à ce geneteur: qui ainsi se fait monstrier sur les champs. Celuy respondit. Volontiers, Monseigneur. Il ferit son genet des esperons: & s'en vint deuers le geneteur: & le suyuit de si pres, que sur l'atteindre, car celuy faingnit: qui se vouloit faire chacer, iusques à l'embusche. Quand ils deurent approcher l'embusche, tous saillirent à vne fois, & coururēt vers luy. Celuy, qui estoit bien monté, leur tourna le dos. En chaçant, les chaceurs crioient Castille. Iehan Ferrand Portek (qui estoit sur les champs, deffous son pēnon) veit son Escuyer retourner en grād' haste, Si dit ainsi, Ceux, qui chacent, ne sont pas de noz gēs, mais sont Castillās, Apres. Criō Portugal, car ie les vueil cōbattre. Aces mots il prit

De quelque rencontre de Iehan-Ferrand Portek Portugalois, avec certains Espaignols, peu deuant la bataille de Iuberoth. Laquelle rencontre est icy recitée par occasion. † Il l'a fait Capitaine de Treutouse & d'Orech au cha. 28. du present vol, † Il a dit Ront toujours paraissant, que ie pense estre Orech du chap. 28.

son glaiue:& s'en vint,ferant,de l'esperon,iusques à eux. Le premier,qu'il consuyuit,il meit à terre,& le second aussi,De vingt cinq Lances des Castillans,qui là estoient,il en y eut tantost les dix à terre:& les autres furent chacez.Si en y eut encores de ratsins,de morts & de naurez:& tout ce veoye trefvolontiers,car ie veoye ma deliurance. En peu d'heure ie me trouuay tout seul:ne nul ne me compaignoit.Adonc vein vers le Cheualier:& le saluay:& quand il me vit,il me congnt(car il m'auoit veu autresfois)& me de manda dont ie venoye:& que ie faisoie là.le luy comptay mon auenture,& comment les Chastillans m'auoyent pris.Et du Roy(dit il)sauiez vous rié?Par ma foy,Sire(dy-ie) il doit demain auoir iournée de bataille contre le Roy de Castille,car ie le suis venu dire aux Cheualiers & Escuyers de ce pays:qui rien n'en sauoyent.Demain! dit Iehan Ferrand.Par ma foy,Sire, voire:& si vous ne m'en croyez,demandez l'à ces Castill'is,que vous auez pris. Adonc s'en vint Iehan Ferrand Portek sur les Castillans qui là estoient,& lesquels ses gens auoient ià pris: & leur demanda des nouuelles.Ils luy respondirent que demain se deuoyent le Roy de Castille & le Roy de Portugal cōbattre:& qu'ils s'apprestoyent grandement.Pour les nouuelles le Cheualier fut moult réiouy,& tant, qu'il dit aux Castillans,tout haut.Pour la cause des bonnes nouuelles, que vous m'avez apportées,ie vous quitte tous.Allez vous en vostre chemin, mais quittez celuy Escuyer. Ainsi là me fit il quitter de ceux, qui pris m'auoiēt,& il leur dōna cōgé,& no⁹ retourna mes ce iour à † Rouch.Il s'appareilla,& se departit à heure de minuit,& moy en sa compaignie.De là,iusques à la Cabasse Iuberoth,ou la bataille fut,pouuoit auoir enuiron six lieues.Mais,pour écheuer les espaignols,& les routes,nous elōgnasmes nostre chemin & fut nouuelles,au lendemain,des assemblées,auant que nous veissions les batailles,& quand nous les deusmes approcher, ils estoient tous rangez sur les champs,le Roy de Castille d'une part,& le Roy de Portugal de l'autre part,& ne seut de premier recognoistre noz gens Iehan Ferrand Portek,ne lesquels estoient Castillans,ne lesquels estoient Portugalois,fors à ce seulemēt,qu'il dit,Le croy que la greigneur partie,ou il y a plus de peuple,sont Castillans.Adonc cheuaucha celle part,tout bellemēt:& tant que veismes, plus pres des Castillans,qui estoient en la bataille,† Si commencerent à dérouter,& à venir sur nous,& croy bien que ce furent Gascons.Iehan-Ferrand dit lors ainsi.Allon, allon,auançon nous,viez cy noz ennemis,qui viennent sur nous. Lors ferirent des esperons leurs cheuaux,en criant Castille,Castille,& nous suyirēt,& noz gens,qui nous rauiserent,vindrent au secours, n'oncques les batailles ne s'en dérangerent pource,& vint Iehan-Ferrand delez le Roy,lequel fut moult réiouy de sa venue,& fut ce iour à son frein,& l'un des bons de tous les nostres.Pourtant vous dy-ie qu'il me fit grāde courtoisie:car il me deliura de prison,& de mes ennemis,qui m'emmenoyent, ne point ie n'eusse esté à la belle iournée de Iuberoth,s'il n'eust esté. Ne me fit il donc vn beau seruice? Par ma foy(respondit messire Iehan d'Auberticourt)si fit,& aussi par vous(si comme ie l'enten)seut il la besongne.C'est verité,dit l'Escuyer. Lors cheuaucherent ils vn petit plus fort,qu'ils n'eussent fait,& tant,qu'ils raconsuyrirent les autres:& vindrent ce iour(ce m'est auis)à Connimbres,

† Je ne vous
pays faire rai-
son de ceste va-
riété.

† Ces deux clan-
ses sont demes-
lees & rangees
selon le sens de
l'Auteur.

*Comment,à la poursuite du Duc de Lanclastre,le Roy de Portugal & luy s'entreueirent,
parlerent ensemble,& accorderent le mariage d'iceluy Roy avec Philippe,fille du Duc
de Lanclastre.*

CHAP. XXXIX.

*Arrivée des
Ambassad. du
Duc de Lancla-
stre vers le Roy
de Portugal.*

DE la venue des Cheualiers d'Angleterre fut le Roy de Portugal réiouy,& commāda qu'ils fussent bien logez à leur aise.Quand ils furent appareillez,Martin de Caigne & Ferrand Martin de Merlo,qui cognoissoient l'usage du Roy,les menerent veoir le Roy,lesquels il receut doucemēt & liement.Là s'acquiterent ils de parolles,ainsi que bien le sauoyent faire,& puis presenterent les faucons,& les leuriers.Desquels presens le Roy eut grande ioye,car il aimoit chiens & oiseaux. Si remercierent grandement le Roy,de par le Duc de Lanclastre & la Duchesse(ainsi qu'ordonné leur estoit,& dit qu'ils deuoyent faire & dire) des beaux mulers, que le Roy leur auoit enuoyez. Le Roy respondit à ce,& dit que c'estoit petite chose,& qu'une autresfois il enuoyeroit plus grans dons,mais c'estoit accointance d'amour.Ainsi Seigneurs,qui se desirerent à veoir,doiuent faire l'un à l'autre,pour nourrir plus grād' amour.Adōc on apporta vin & espices,& beurent les Cheualiers d'Angleterre,& puis prirent congé du Roy,pour celle heure,& retournerent à leurs logis,& y soupperent la nuit. Au lendemain ils disnerent au Palais:
& furent

& furent les deux aussi (le Sire de Pouuins, & messire Jehan † Bancelle) à sa table: & messire Jehan d'Auberticourt, & messire Jehan Santrée, à une autre table, avecques les Barons du pays qui là estoient: & là estoit Laurencien Fongasse, Escuyer d'honneur du Roy: qui bien congnoissoit les compagnons, & les Cheualiers & Escuyers Anglois, car il les auoit veus en Angleterre. Si leur faisoit toute la meilleur chere qu'il pouuoit, & bien le sauoit faire. Le disner, que le Roy de Portugal donna ce iour aux Cheualiers d'Angleterre, fut bel & bon: & furent bien seruis. Quand ce vint apres le disner, & on fut trait en la chambre de Parlement, les Cheualiers d'Angleterre commencerent à parler au Roy, & à deux Comtes de Portugal qui là estoient, le Comte d'Angouffe, & le Côte de † Nauaire) & dirent, Sire Roy, avecques toutes recommandations, que Monseigneur le Duc de Lancastre vous enuoye, il nous en chargea, au partir, que nous vous diffions qu'il vous verroit volontiers. Dont respondit le Roy, Et moy luy, & prie à vous, & à voz gens, que hastiuement nous nous puissions veoir, pour estre & parler ensemble. Ce seroit bon, respondirent les Comtes de Portugal, car iusques à tant que vous soyiez ensemble: vous ne vous entraimerez parfaitement: & lors aurez vous auis & parlemēt ensemble, comment vous vous pourrez maintenir en ceste guerre, contre le Roy de Castille. Il est verité respondirent les Cheualiers d'Angleterre. Or le faites dont bref, dit le Roy, car si le Duc a desir de me veoir, aussi ay ie de luy. Puis rentrerent en autres parolles, car de premier, le Conseil du Roy de Portugal fut chargé que certaine iournée fust assignée entr'eux deux, ou ils se verroyent: & que les Cheualiers d'Angleterre, qui là estoient, en fussent certifiez. Il fut fait. On fut d'accord que le Roy de Portugal viendroit en une cité de son pays, qui est nommée le Port, & le Duc de Lancastre cheuaucheroit toute la frontiere de Galice, & là sur le departement de Galice & de Portugal ils se trouueroient, & parleroyent ensemble. Sur tel estat se departirent les Cheualiers Anglois du Roy. Quand ils eurent esté en Connimbres trois iours, ils se meirent au retour deuers Galice, & cheuaucherent toute la frontiere, ainsi comme ils estoient venus, & retournerent à Saint-Iaques. Si compterent au Duc & à la Duchesse cōme ils auoient exploité. De ces nouuelles fut le Duc de Lancastre tout réiouy, & bien y auoit cause, car ses besongnes se cōmençoient à approcher. Quand ce vint le terme, que le Duc de Lancastre deuoit partir de S. Iaques, il laissa son Mareschal & ses gēs à Saint Iaques, exceptez trois cens Lances, & six cens Archers, qu'il emmena, & messire Jehan de Hollande (qui auoit son aînée fille) avec luy & grande foison de Cheualiers, & cheuaucherent le Duc & ses gens les frontieres de Galice: & approcherent Portugal. Le Roy de Portugal (qui se tenoit au Port) sauoit bien aussi quād le Duc deuoit venir. Si se departit du Port, à bien fix cens Lāces, & s'en vint toute la frontiere de Portugal, & gesir à une ville, qu'on appelle au pays, Moufon, la dernière ville de Portugal à ce lez là, & le Duc de Lancastre s'en vint à une autre ville, la première de Galice, deuers Portugal, laquelle ville on appelle Magasse. Entre Moufon & Magasse a une riuere, & uns beaux prés, & grans plains, & un pont, qu'on dit le Pont de More. Un leudy au matin s'entrerencontrerent à ce pōt, entre les deux Royaumes, le Roy de Portugal & le Duc de Lancastre, & toutes leurs gens, & là furent les accointances grandes & belles, & auoit on tendu feullies & logis sur les chāps, de la partie du Roy de Portugal, & là alla disner le Duc de Lancastre avec luy, lequel disner fut tresbiē ordōné, & là seoyēt l'Euesque de Cōnimbres, l'Euesque du Port, & l'Archeuesque de Barges en Portugal, à la table du Roy. Puis seoit le Duc de Lancastre, & un petit dessous messire Jehā de Hollāde, & messire Héry de Beaumōt en Angl. & là eut foison de menestriers, & furent en ce deduit, iusques à la nuit. Si fut ce iour le Roy de Portugal vestu de blanche ecarlate, à une vermeille croix de Saint George, car c'est la devise de la maison, † qu'on dit Deuis en Portugal, dōt il estoit Cheualier, car quand les gēs de son pays l'eleurent à Roy, il dit que tousiours en porteroit la devise, en l'honneur de Dieu & de S. George, & toutes ses gēs estoient vestus de blanc & de rouge. Quād ce vint sur le tard, on prit cōgé de retourner le lendemain. Le Roy s'en alla à Moufon, & le Duc à Magasse. De l'un à l'autre il n'y a que la riuere, & la pree, à passer. Quand ce vint le Vendredy, & qu'ils eurent ouy messe, tous mōterent à cheual, & s'en allerēt au Pōt de More, au propre lieu ou ils auoient esté le leudy, & là s'entrerencontrerent, & vous dy qu'ō auoit fait le plus bel logis, & le plus grand: de iamais, & auoient le Duc & le Roy leurs chābres tendues de draps, de courtines, & de tapis, aussi bien que se le Roy fust à Liffebōne, & le Duc à Londres. Si eurent entr'eux, auant disner, parlement, sur l'estat de leurs be-

† Il le surnōme
Abruuelle,
au ch. precedēt
de Soustrer,
pour Santrée.

† Ce doit estre
celuy qui la
tousiours sur-
nommé de
Nauarre par
auant.

Vene accordée
entre le Roy de
Portugal, & le
Duc de Lancastre.

Le Roy de Portugal
& le Duc
de Lancastre en
semble au Pont
de More, sur les
marches de Ga-
lice & de Por-
tugal.

† Souuienne
vous de ce que
nous auons an-
noté cy deuant
en plusieurs
lieux, quand il
nommoit le Roy
de Portugal
Jehan.

Accord de mariage entre le Roy de Portugal & Dame Philippe de Lancastre.

songnes, & à sauoir cōment ils se pourroyēt cheuir de leur guerre, & en quel tēps ils cheuaucheroient. Si fut regardé que l'Yuer le Roy de Portugal se tiēdroit en son pays, & le Duc à S. Iaques, & l'airroyēt leurs Marechaux cōuenir: & tātost, en Mars, le Roy, le Duc & leurs gens, se mettroient ensemble: & iroiēt cōbattre le Roy de Castille: quelque part qu'il fust, ne quelque puissance qu'il eust, car Anglois & Portugalois se trouuoient bien trente mille ensemble. Quand ceste chose fut arrestée & du tout accordée, le Cōseil du Roy de Portugal entama le traitté du mariage, pour auoir à leur Roy fēme, car biē estoit heure, & vouloit son pays qu'il fust marié en lieu, dont ils eussent honneur & profit, cōfort & alliances, pour le temps auenir, & ils ne sauoient (si cōme ils disoyent) à presēt, lieu, qui leur fust, au Roy & à toute la cōmunauté, plus propice, n'en leur grace, qu'ē l'hostel du Duc de Lancastre prēdre fēme. Le Duc (qui veoit la bōne affectiō du Roy de Portugal & de ses gens, & aussi qu'il se veoit en leur dāger, pourtāt qu'il estoit issu hors d'Angleterre, & venu sur les frontieres de Portugal, pour reŕrir son hēritage, le Royaume de Castille) respōdit à ces parolles doucemēt, & en riāt, & adreça sa parolle au Roy, qui estoit là presēt, & dit, Sire Roy, i'ay en la ville de Saint-Iaques deux filles. Je vous donne & accorde des maintenant l'vne des deux, laquelle il vous plaira mieux à prendre. Si y enuoyez vostre conseil: & ie la vous enuoyeray. Grād mercy, dit le Roy, vous m'offrez plus, que ie ne demāde, Ma cousine de Castille Catherine ie vous lairray: mais Philippe, vostre fille de premier mariage, ie māderay, & espouseray: & Roïne de Portugal ie la feray. A ces parolles se dērōpit leur cōseil. Si fut heure de disner. On s'assit à table, le Roy & les Seigneurs, ainsi qu'ils auoiēt fait le Ieudy. Si furent seruis puiffammēt & notablemēt, selon l'vsage du pays. Apres ce disner retourna le Duc de Lancastre à Margasse: & le Roy de Portugal s'en alla à Mouson. Le Samedy, apres messe, mōterent de rechef le Roy & le Duc: & s'en reuindrent au Pont de More (ou ils auoiēt esté les autres iours en grand arroy, & en grād estar) & donna ce iour à disner le Duc de Lancastre au Roy de Portugal & à ses gens: & estoient chābres & salles parées de l'armoyrie de haute lisse du Duc, & de brodure, aussi richement & aussi largement, que s'il fust à Londres, à Harfort, ou à Licesstre, en l'vne de ces maisons. en Angleterre: & prīserēt grandement les Portugalois celiuy affaire. A ce disner y eut trois Euesques & vn Archeuesque, à la haute table (l'Euesque de Lissebonne, l'Euesque du Port, l'Euesque de Cōnimbres, & l'Archeuesque de Barges en Portugal) & le Roy de Portugal au milieu de la table, & le Duc de Lancastre vn petit deffous luy: & deffous le Duc, le Comte de Nauarre, & le Comte d'Angouffe, Portugalois. A l'autre table seoit tout le premier † le Maistre de Deuis, & puis le Grand-maistre de Saint-Iaques en Portugal, & le Grand de Sainēt-Iehan, & puis Domp Galoppes Percek, Iehan-Ferrand son fils, le Ponnasse de Coigne, Vasse-martin de Coigne, le Podich de Senede, Vasse-martin de Merlo (c'estoit la seconde table, & tous Barons) l'Abbē de la Cabasse de Iuberoth, & l'Abbē de S. Marie d'Eure, & puis messire Alue Perriere, Marechal de Portugal, Iehā Radighos Pierriere, Iean Iames de Salue, Iāe Radighos de Sar, & plusieurs autres Cheualiers & Escuyers de Portugal, car oncques Anglois ne seist ce iour à table, ou le grād disner fut: mais seruoyent tous Cheualiers & Escuyers d'Angleterre, & y eut là grande foison de mēestriers: qui firēt bien leur mestier. Si leur donna le Duc cent Nobles, & aux Heraux cent. Apres ce disner, & toutes ces choses accōplies, les Seigneurs prīrent cōgé amiablement & finalemēt, iusques à vne autre fois. Le Roy se partit: & le Duc d'autre part, & retourna le Roy de Portugal deuers le Port, & le Duc à Margasse, & prit le chemin de Galice. Si le conuoya, à cent Lances de Portugal, le Comte de Nouarre, & le mena tant, qu'il fut hors de tous perils, & puis prit congē le Comte, & retourna arriere en Portugal, & le Duc s'en vint à S. Iaques en Galice. Moult desirōit la Duchesse de Lancastre la reuenue du Duc, son mary & Seigneur, pour sauoir toutes nouuelles, & cōment les acointances s'estoient portées. Si fut le Duc le biē venu à son retour, & ce fut raison. La Dame luy demanda du Roy de Portugal, quelle chose il luy en sembloit. Par ma foy (dit le Duc) il est gracieux homme, & a bien corps & maniere & ordonnance de vaillant homme, & est mō espoir qu'il regnera en puissance, car il est aimé de ses gens, & dient qu'ils n'eurent (passē a cent ans) qui si bien leur cheust en cueur, n'ē grace, & n'a encores d'aage, que vingt six ans. Il est fort Cheualier & dur, selō la nature des Portugalois, & est bien taillé de corps & de membres, pour porter & souffrir peine. Et du mariages (dit la Dame) cōmēt va? Dit le Duc, Je luy ay accordē l'vne de mes filles. Laŕlle dit la Dame? Je le mey au choïs, ou de Catherine, ou de Philippe. Il m'ē

seut

† Il y auoit sept Archeuesques.

† Il y auoit simplement maistre Denis. mais ie l'ay remis selon ce que il a nagueres parlé de ceste religion.

Congē & departement du Roy de Portugal & du Duc de Lancastre, apres leur venue & parlement.

feut bon gré. Toutesfois il fêst arresté sur Philippe. Il a raison, dit la Dame, car ma fille Catherine est encores trop ieune pour luy. Ainsi le Duc & la Duchesse passerent le iour & le temps: & faire le conuenoit, car l'Yuer approchoit. Toutesfois en ce pays de Galice, n'en Portugal, on ne fait que c'est d'Yuer, Tousiours y fait chaud, & meurissent les grains nouueaux tellement, que plusieurs fruiçts y sont en Mars: & féues poix, & cerises, & les nouuelles herbes, toutes grandes en Feurier. On y vendange deuant la S. Iehan en plusieurs lieux: & l'Aoust y est tout passé à la Saint-Iehan.

Comment le Marechal de l'armée du Duc de Lanclastre gaigna plusieurs villes de Galice pour son Seigneur: & comment le Roy Iehan de Castille semaintenoit ce pendant.

C H A P I T R E. XL.

Combien que le Duc de Lanclastre seiournast en la ville de Saint-Iaques en Galice & la Duchesse & leurs enfans, si ne seiournoyent pas leurs gens: mais cheuauchoyent souuēt, & menu sur le plat pays de Galice, en cōquerāt villes & chasteaux: desquels ils furent Seigneurs en celle saison, & comment ce fut fait, ie vous en recorderay la verité: & le nom de toutes les villes, qu'ils prirent, car i'en suis informé iustement, par les Cheualiers & Escuyers d'Angleterre & de Portugal, qui furent à toutes les conquestes & par especial du gentil Cheualier de Portugal, dont i'ay traitté cy-dessus: lequel doucement & amiablement, à Meldebouch en Zelande, sur son voyage de Pruce, ou il alloit en celle saison, m'en informa. Ie vous ay nommé le Cheualier, & encores le vous nommeray. On le nommoit messire Iehan-Ferrand Portek. Or dit le compte ainsi, que messire Thomas Moriaux, Marechal de l'ost du Duc, quand le Duc de Lanclastre fut retourné de la frontiere de Portugal & du Pont de More, & remis en la ville de Saint-Iaques, dit qu'il ne vouloit pas seiourner, puis qu'il estoit en pays de conquest: mais cheuaucheroit, & feroit exploir d'armes, & emploieroit les compaignons: lesquels auoyēt aussi grād desir de cheuaucher. Si fit son mandement: & dit qu'il vouloit entrer en Galice, plus auant encores qu'il n'auoit esté, & n'y laisseroit ville ne chastel, qu'il ne meit en l'obeissance du Duc, & se partit, vn iour, de la ville de Saint-Iaques, bien à six cens Lances, & douze cens Archers: & prit le chemin d'une bonne ville en Galice (qu'on appelle Ponce-Viede) qui leur estoit rebelle: & fit tant qu'il y vint, & toutes ses routes. Ceux de Ponce-Viede estoient bien signifiez de la venue des Anglois, car tout le plat pays fuyoit deuant eux es bonnes villes. Ceux estoient en conseil pour sauoir comment ils se maintiendroyent, fils se deffendroyent tant comme ils pourroient durer, ou fils se redroyent: & n'estoient pas bien d'accord ensemble. Le menu peuple vouloit qu'on se redist. Le Baillif (qui là auoit esté commis & enuoyé, de par le Roy de Castille & son Conseil) & les riches hommes vouloyēt qu'on se tint, & qu'à si tost se rendre, ils n'y pouuoient auoir profit n'honneur. Encores estoiet ils en la place, en parlemēt ensemble, quād la guette) qui estoit en la garde) sonna, & dōna à entendre que les Anglois approchoiet fort. Lors le dērōpit leur parlemēt, & coururēt tous aux deffēses. Là veissiez ces gens de Pōce-Viede songneux de courir sur les murs, & d'y porter bâcs & pierres, dardes & gatelos: & monstroient bien qu'ils se deffendroyēt de grande volonté, & que pas si legement ne se rendroyent. Quand le Marechal du Duc & ses gens furēt venus deuāt Ponce-Viede, si meirent piē à terre: & baillerent leurs cheuaux à leurs varlets: & puis ordonnerent leurs liurées, pour assaillir: & se rengerent Archers autour de la ville, les arcs tendus & appareillez pour traire, & Gens d'armes, bien empaueschez & armez de toutes pièces, entrerēt es fossez. Lors sonna la trōpette du Marechal. Donc cōmencerent ils à entrer en euure, & ceux, qui estoient es fossez, à râper contremōt, portans pics en leurs mains, ou bastons de fer, dont ils s'armoiet, pour picquer encōtre les murs. Là estoiet les hōmes de la ville amōt: qui leur gettoient, à leur pouuoir, sur leurs testes, pierres & cailloux: & les greuoyent grādemēt: & eussent encores plus fait: se n'eussēt esté les Archers qui estoient sur les fossez: qui trayoient si vniment, que nul ne fosoit monstrier aux murs & en naurerent & blecerēt plusieurs de ceux de dedās, & par especial le Baillif de la ville fut feru d'une saiette, qui luy perça son bacinet, & la teste aussi, tāt qu'il luy cōuint partir de la deffense, & porter à l'hostel. Les mauuaies gens de la ville n'en furent pas courroucez: pourtant qu'il ne vouloit pas qu'on rendist la ville. Pource ne fut pas la ville redue, il fut nauré: mais furent plus aigres, & plus songneux du deffendre, qu'ils n'auoiet esté au deuant. Ainsi dura l'assaut iusques à la nuit: qu'on sonna la retraite. Si en y eut de

Le Marechal de Lanclastre deuant Ponce-Viede en Galice.

Je n'ay point encores veu ce mot, & pense qu'il y faut iauelots. Assaut des Anglois à Ponce-Viede en Galice

† Il a dit Rou
elles, & Ville
clope, aux ch.
37. & 38.

blecez d'une par & d'autre. Les Anglois partirēt de l'affaut, & s'en retournerēt à leurs lo-
gis: & avoiet bien intention qu'au lendemain ils retourneroyent à l'affaut: & ne la lair-
roiet point, si seroit prise ou rendue. Celle nuit se conseillērēt ceux de Pōce-Viede en-
semble, & dirēt, Nous sōmes folles gēs, qui nous faisons blecer & naurer ainsi, pour neāt.
Que ne faisons nous ainsi que † Rondelles & Villoses ont fait? & ceux de la Coulongne
aussi, excepté le chastel? Ils se sont rendus au Duc de Lancastre: & à Madame Cōstance
(qui fut fille au Roy Damp Pietre) par condition telle, que se les bonnes-villes d'Espai-
gne se rendent, ils se rendront aussi. Dont ils ont fait le mieux, car ils demeurent en paix.
En nō Dieu (dirent les autres) nous voulions ainsi faire: mais le Baillif lenous décoſeilla.
Or en a il eu son payement, car grande aventure sera, si il ne meurt, de la naureure qu'il a
en la teste. Or allon parler à luy (dirent aucuns) & luy demandon quelle chose seroit bō-
ne à faire maintenant, car pour certain nous aurōs demain retour des Anglois, ne point
ne nous lairrōt en paix: ou ils nous aurōnt par force, ou par amour. A ce conseil se sont
tenus ceux de Pōce-Viede: & s'en vindrent iusques à douze hommes, des plus notables
de la ville, en la maison du Baillif: & me semble qu'on le nommoit Dyontable de Lyon.
Ils le trouuerent couché sur vne couche, emmy sa maison, & l'auoit on tantost appa-
reillé de la naureure, qu'il auoit eue. Pourtant que la chose estoit nouuelle, il ne luy fai-
soit pas grand mal: & fit bonne chere à ceux, qu'il cognoissoit, & qu'il veoit venir, & leur
demāda de l'affaut, cōme il auoit esté persēuere. Ils dirēt, Assez bien Dieu mercy. Excep-
té de vous, nous n'y auons point pris de dōmage. Mais au matin vient le fort, car nous
sōmes tous confortez que nous aurōs l'affaut, & nous ne sōmes pas gēs de deffense, fors
simples gens, qui ne sauons que ce monte. Si venons à vous à conseil, pour sauoir quelle
chose nous ferōns. Ces Anglois nous menacent durement fort, car se nous sommes pris
par force, ils nous mettront tous, sans mercy, à l'espée: & prendrōt le nostre d'avantage.
En nom Dieu (dit Dyontable de Lyō) vous ne pouuez iamais auoir blasme de vous ren-
dre, mais traitez enuers eux sagement, & faites, si vous pouuez, qu'ils ne soyent pas Sei-
gneurs, de main mise, de ceste ville. Dites leur vous vous mettez volontiers en l'obeis-
sance du Duc de Lancastre, & de Madame aussi, cōme ceux de la ville de la Coulongne ont
fait. Car onc Anglois n'entra en la ville. Ils leur ont biē au-dehors enuoyé des pourueā-
ces pour leurs deniers prendre, & estre payez. Ainsi ferez vous, si vous m'en croyez, &
si faire le pouuez. Je croy qu'ils prendrōnt volōtiers l'obeissance, car il y a encore beau-
coup de villes à conquerir en Galice. Si s'en passeront legerement. Vous dites bien, res-
pondirent ils. Nous le ferons ainsi: puis que vous le nous conseillez. A ce conseil se sont
tenus ceux, qui là estoient venus: & passerent la nuit, au mieux qu'ils peurent. Quand
ce vint au matin (ainsi comme à soleil leuant) ils ordonnerent hommes (qu'ils meirent
hors de leur ville) qui estoient informez & chargez de faire les trēues au Marechal.
Ces hommes estoient sept: & s'en vindrent deuers le Marechal: qui iā s'ordonnoit pour
retourner à l'affaut. Si se meirent à genoux deuant luy: & le saluerent & dirent, Monſci-
gneur, nous sommēs enuoyez cy, de par ceux de la ville de Ponce-Viede, qui diēt ainsi,
& nous pour eux, que volontiers ils se mettront en l'obeissance du Duc de Lancastre, &
de Madame, en la forme & maniere que ceux de la ville de la Coulongne ont fait. Des
biens & des pourueances de la ville aurez vous assez, pour voz deniers courtoisement
prēdre, & payer ce que les choses vaudront à la iournée, & est l'intention de ceux, qui
icy nous enuoyent, que vous ne les efforcerez plus auāt, ne vous n'homme de par vous,
n'y entrera à main armée, mais se vous, & aucūs des vostres, y voulez venir tout simple-
ment, vous serez le bien venu. Le Marechal auoit vn Anglois, qui bien sauoit entēdre le
Galicien. Si luy disoit, en Anglois, toutes les parolles, comme ceux les disoyent. Le Ma-
reschal tantost respondit. Vistēmēt retournez à la ville, & faites venir aux barrieres ceux
qui cy vous ont enuoyé parler à moy. Je leur donne asseurāce ce iour, & demain (se nous
ne sommes d'accord) iusques au soleil leuant. Ils respondirent. Volontiers, Sire. Lors
se departirent, & retournerent deuers la ville de Ponce-Viede, & trouuerent aux bar-
rieres la greigneur partie de ceux de la ville, ausquels ils firent tantost responce, & rela-
tion de leur ambassaderie, en disant, que tantost le Marechal viendra aux barrieres, par-
ler à vous. Se vous n'estes gens assez, si assemblez ceux, que vous voudrez auoir. Lors as-
semblerent ils tous les hommes notables de la ville ensemble. Lors veirent venir messire
Thomas Moriaux, Marechal, & sa route, à tout quarante cheuaux, & tantost qu'il fut
venu, il descendit deuant la barriere, & tous ses gens aussi, & puis parla, & dit ainsi. En-
tre vous

Ceux de Ponce
Viede parlemē
tent au Mare-
chal de l'armée
des Anglois,

trè vous hommes de Ponce-Viede, vous nous auez enuoyé sept de voz gens: & croy bien, de ma partie, que vous y aioustez foy. Ils ont dit ainfi, que volontiers vous recognoistrez, à Seigneur & à Dame, Monseigneur de Lanclastre, & Madame, en la forme & maniere que ceux de la Coulongne ont fait: mais vous ne voulez auoir autres Gouverneurs que vous-mesmes. Or me dites (ie vous en prie) quelle Seigneurie y auroit Monseigneur: fil n'auoit là dedans gens de par luy. Quand vous voudriez, vous seriez à luy: & quand vous voudriez, non. Sachez que c'est l'intention de moy, & de mes hommes, que ie vous ordonneray vn bon Capitaine, loyal & preud'homme: qui vous gouvernera, gardera, & fera iustice à tous: & seront mis hors tous les officiers du Roy de Castille: &, s'ainfi ne voulez, respondes moy: car nous sommes ainfi conseillez. Adonc demanderent ils vn petit de conseil: & se conseillerent: & puis parlerent: & dirent, Mōseigneur, nous nous confions grandement en vous: mais nous doutons les pillars: car nous auons esté tant battus, au temps passé, de telles gens (quand messire Bertrand du Guesclin, & les Bretons vindrent premierement en ce pays) qu'ils ne nous laisserent riens: & pource les reffongnons nous. Nenny (respondit messire Thomas) ià pillard n'entrera en vostre ville: ne vous n'y perdrez riens par nous. Tous ne demandons que l'obeyssance. A ces parolles furent ils d'accord. Adonc entra le Mareschal & ses gens en la ville, tout doucement: & l'ost se tint es loges & es tentes, dehors. On leur enuoya vingt & quatre sommades de bon vin, & autant de pain, & de la poullaille grand' foison, pour les Seigneurs: & le Mareschal demoura ce iour en la ville: & y meit officiers de par le Duc de Lanclastre: & y ordonna vn Galicien, homme-de-bien, Capitaine: lequel auoit esté tousiours en Angleterre auecques Madame Constance: & duquel ceux de Ponce-Viede se contéterent grandemēt: & demoura là le Mareschal toute la nuit: & le lendemain il retourna en l'ost. Or eurent ils Conseil qu'ils se retireroient deuant vne autre ville (qui leur estoit rebelle aussi, à six lieues de là, au pays de Galice) laquelle on appelloit Dighos. Si farrouterent: & se meirent au chemin: & firent tant, que ce iour ils enuoyerent deuant (quand ils furent à deux lieues près) qu'ils se voufissent rendre, ainfi que ceux de Rondelles, de Villoses, & de Ponce-Viede s'estoient rendus: ou ils auroient au matin l'affaut. Ceux de Dighos ne firent compte de ces menaces: & dirent qu'autres fois les auoit on assaillis: mais on n'y auoit riens conqesté. Quand la response fut faite au Mareschal, si dit: Et par Saint-George ils seront assaillis de grād' façon, les villains. Sont ils si orgueilleux, qu'ils ont ainfi respondu? Ils passerent la nuit: & se tindrent tous aises, de ce qu'ils auoient. Au lendemain soleil leuant, ils se delogerent: & se meirent au chemin. Là estoit tierce: quand ils vindrent deuant la ville de Dighos. Ils meirent pié à terre: & s'ordonnerent pour assaillir la ville: & ceux de dedans aussi pour la deffendre. La ville de Dighos n'est pas grande: mais elle est forte assez: & croy bien que, s'il y eust eu en garnison de bons Gens-d'armes, Cheualiers, & Escuyers, qui par auis l'eussent seu garder & deffendre, les Anglois ne l'eussent point eue si legèrement, comme ils eurent: car, si tost que ceux de Dighos se virent assaillir, & ils sentirent les sagettes de ces Archers d'Angleterre, & veirent que plusieurs des leurs estoient naurez & blecez (car ils estoient mal armez) si s'ebahirent d'eux-mesmes: & dirent, Pourquoi nous faisons nous occire & blecer pour le Roy de Castille? Autant nous vaut à Seigneur le Duc de Lanclastre (quand il a femme la fille, qui fut du Roy Dampietre) que le fils au Roy Henry. Bien sauons, & bien le veons, que, se nous sommes pris par force, nous serons tous morts, & le nostre sera tout perdu: & si ne veons confort de nul costé. Il y a enuiron vn mois que nous enuoyasmes deuers le Roy de Castille, à Burgues en Espagne: & fut remonstree à son Conseil le peril ou nous estions: & bien sauons nous que nous aurions les Anglois: si comme nous auons ores. Le Roy en parla à ses Cheualiers de France, qui sont en Espagne delez luy: mais il n'eut point en Conseil que nul vinst par-deçà en garnison, n'autant bien en tout le pays de Galice. A cele Roy d'Espagne mōstre qu'il a aussi cher qu'ils soient perdus que gaignez. On respondit à noz gens, qui là estoient enuoyez, Allez, & retournez: & faites du mieux que vous pourrez. C'est bien donné à entendre que nous ne nous facions pas occire, ne prendre à force. A ces mots vindrent les hommes de la ville à la porte: & monterent haut en vne fenestre: & firent signe qu'ils vouloient parlerement & traiter. Ils furent ouys: & le Mareschal vint là: & demanda qu'ils vouloient, Ils respondirent, Mareschal, faites cesser voz gens. Nous nous rendrons à vous, au nom de Monseigneur le Duc de

Ceux de Ponce-Viede se rendent à l'obeyssance du Duc de Lanclastre.

Ceux de la ville de Dighos sommez de se rendre au Duc de Lanclastre.

Lanclastre & de Madame Constance, en la forme & maniere que les autres villes de Galice ont fait, & feront: & se pourueances voulez auoir de nostre ville, vous en aurez courtoisement, pour vous refreschir: mais à main armée nul n'y entrera. C'est le traité, que nous voulons dire & faire. Le Marechal fut conseillé de respondre, & dit, Je vous accorde bien à tenir ce que vous demandez: mais ie vous ordonneray vn bon Capitaine: qui vous gardera, & conseillera ce qu'il est besoing. Ils respondirent, Encores le voulös nous bien. Ainsi furent ils d'accord: & cessa l'assaut: & le retirerent toutes gës arriere: mais le Marechal & messire Yon FilWarin, le Sire de Talbot, messire Iehan Abuurelle, le Sire de Pommis, messire Iehan d'Auberticourt, & aucuns Cheualiers entrerent en la ville, pour eux refreschir: & fy tindrent tout le iour: & ceux, qui estoient dehors, eurent pain & vin, & autres pourueances assez, de la ville. Apres la prise de la ville de Dighos en Galice, & que les Seigneurs furent refreschis tout à leur aise (car ils trouuerent bien de quoy: car elle sied en gras pays) & qu'ils eurent ordonné vn certain Capitaine, vn Escuyer d'Angleterre (qui s'appeloit Thomas Albergy, sage homme & vaillant) ils laisserent douze Archers avecques luy, & s'en partirent: & s'arrouterent & prirent le chemin, en entrant au pays de Galice, & costoyant l'Espagne & les montaignes de Castille, pour venir à vne grande ville qu'on dit au pays Bayonne en la marolle. Quand ils deurent approcher, & ainsi comme à deux lieues pres, ils se logerent: & se tindrent là celle nuit, iusques au lendemain, qu'ils se delogerent, & s'en vindrent par bonne ordonnance, & en bel arroy, iusques assez pres de la ville de Bayonne en la marolle: & se meirent en deux batailles: & puis enuoyerent vn Heraut deuant, pour veoir & sauoir que ceux de Bayonne diroient, ne feroient, & s'ils viendroient en obeyssance, sans assaillir. Le Heraut n'auoit pas planté à aller. Si vint iusques aux barrieres: & là trouua il grand' planté de villains moult mal armez: & commença à parler à eux, & à faire son message: car bien sauoit leur langage. Le Heraut estoit de Portugal) & estoit nommé Connimbres & estoit au Roy. Entre vous hommes de ceste ville (dit il) quelle chose auez vous en pensée de faire? vous ferez vous assaillir? ou si vous vous rendrez doucement, & viendrez à obeyssance, à vostre Seigneur & à vostre Dame, Monseigneur & Madame de Lanclastre? Monseigneur le Marechal & ses compaignons m'ont cy enuoyé, pour sauoir que vous en voudrez faire. Et tantost les hommes de la ville se merent ensemble à conseil: & comencerent à murmurer, & à parler, & à demâder l'un à l'autre, Auant, que ferons nous? nous rendrons nous simplement? ou deffendrons nous? Là parla vn ancien homme (lequel auoit plus veu que tous les autres: si sauoit des choses assez, par experience) & dit, Beaux seigneurs, il conuient icy brief conseil. Encores nous font Anglois grand' courtoisie: quand ils mettent la chose en souffrance, tant que nous soyons conseillez. Vous veez que confort ne nous appert de nul costé: & que le Roy de Castille fait bien en quel estat nous sommes, & l'a seu, depuis que le Duc & la Duchesse arriuerent à la Coulongne: & il n'y a riens pourueu, ne n'est apparent de pourueoir. Si nous nous faisons assaillir, il est verité que ceste ville est de grand tour: & de petite defense, & que nous ne pouuons pas par tout entendre. Les Anglois sont subtils en guerre: & mettront peine à nous gaigner, pour la cause du pillage: car ils sont conuoiteux. Aussi sont toutes Gens-d'armes. Or ceste ville est crüe à estre assez plus riche, qu'elle n'est. Si que ie vous conseille, pour le mieux, que nous nous mettons doucement en l'obeyssance de Mōseigneur de Lanclastre & de Madame: & ne soyons pas si rudes, ne si rebelles, que nous nous facions perdre d'auantage: puis que par moyen nous pouuons venir à paix. C'est le conseil que ie vous donne. Adonc respondirent les autres, nous le voulons: & vous croyons: car vous estes en Bayonne vn homme de parage, & pour qui on doit moult faire: & nous vous prions que vous faciez la responce au Heraut. Volontiers, dit il: mais il faut qu'il ayt de nostre argent. Si nous fera courtoisie: & nous portera bonne bonté enuers ces Seigneurs, qui cy l'ont enuoyé. Adonc vint le preud'homme deuers le Heraut: & luy dit, Vous retournerez deuers vos maistres, qui cy vous ont enuoyé: & leur direz, de par nous, que nous voulons venir doucement & amiablement en l'obeyssance de Monseigneur le Duc de Lanclastre & de Madame aussi, en la forme & maniere que les autres villes de Galice, ont fait, ou feront. Or allez (dit il au Heraut) & faites bien la besongne: & nous vous donnerons vingt Moresque. Quand le Heraut ouyt parler le preud'homme, & promettre vingt florins, il fut réiouy: & dit, Ca les florins. Et tantost luy furent baillez: & puis retourna, tout ioyeux, deuers les Seigneurs.

LeMa-

*Dighos rendu
au Duc de Lan-
clastre par cō-
position.*

*Ceux de Bayō-
ne en Marolle
sommez de ce
rendre au Duc
de Lanclastre.*

*Résolution de
ceux de Bayon-
ne en Marolle
à se rendre au
Duc de Lan-
clastre sans ce
faire assaillir.*

Le Marechal & les autres Seigneurs luy demanderent, Quelles nouvelles? que dient ces villains? se ferôt ils assaillir? Par ma foy, Mōseig. (respōdit le Heraur) nenny. Ils n'en ont nulle volonté : mais m'ont dit que vous venez, & ils vous receurent doucement: & se veulent mettre du tout en l'obeyssance de Monseigneur de Lanclastre & de Madame aussi: ainsi comme les autres villes de Galice ont fait, Or allon donc, dit le Marechal. Il nous vaut mieux doncques auoir ce traitté que l'assaut. Au moins ne seront pas noz gens blecez. Adōc s'en vindrent le Marechal & toute sa route, tout le pas, iusques à la ville: & descendirent là à pié: puis vint le Marechal, à la barriere, & à la porte: sur laquelle auoit grād foison de gens : mais toutes leurs armeures ne valoient pas dix frācs: & se tenoient là, pour veoir les Anglois: & il dit au Marechal, Monseigneur, parlez à ce preudhomme, qui s'encline contre vous: car il a la puissance de la ville en sa main. A ces mots se tira le Marechal auant: & demanda tout haut, Or sus, que voulez vous dire? vous rendrez vous à Monseigneur de Lanclastre & à Madame, comme à vostre Seigneur & Dame? Ouy, Monseigneur, dit le preud'homme. Nous nous rendrons à vous, au nom de luy: & mettrons ceste ville en l'obeyssance, sur la forme & maniere que les autres villes de Galice ont fait, & feront: &, si à vous, & à voz gens, il plaist d'entrer dedans, vous serez les bien venus, voire dea, parmy voz deniers payans des pourueances, si vous en prenez. Respondit le Marechal, Il suffit. Nous ne voulons que l'obeyssance & l'amour du pays: mais vous iurez que, si le Roy de Castille venoit, ou enuoyoit icy, vous nous tiendrez contre luy, & ses alliez & commis. Tantost respondirent ils, Nous le iurons volontiers, & si venoit à puissance, ou enuoyoit, que nous nous clorrons cōtre luy: & en serez signifiez: &, si vous estes plus forts de luy, nous demourerons à vous: car vous ne trouuerez iā en nous point de fraude. C'est assez, dit le Marechal. Je ne vueil mieux. Auant qu'il soit vn an la determination en sera faite, Car l'heritage de Castille & la courōne d'Espaigne, de Cordoue, de Galice, & de Seuille, demourera au plus fort: & apperra en ce pays, dedans l'entrée ou la fin du mois d'Aoust, des armes beaucoup, & vne aussi grosse iournée de bataille en Castille, qu'il y en eut point depuis cent ans, Bien, Monseigneur, dit le preud'homme. Il en auienne ce qu'il en pourra auenir: & le droit voise au droit. Nous en ce pays de Galice en oserons bien attendre l'auenture. A ces mots fut le Sainct apporté, & iurerent ceux, qui la ville auoiēt à gouverner pour les iours, à estre bien loyaux & feables (si comme subiets doyuent estre à leur Seigneur & Dame) à Monseigneur de Lanclastre, & à Madame: & les tiendroient & recognoistroient à Seigneur & à Dame, cōme les autres villes de Galice. Et le Marechal, au nom du Duc de Lanclastre, les receut ainsi: & leur iura les tenir & garder en paix & en iustice. Quand toutes ces choses furēt faites, iurées, & promises à tenir, on ouurit les portes & barrieres. Si entrèrent toutes manieres de gens dedās, & s'épandirent parmy la ville, & se logerent, & y furēt quatre iours, pour eux refreschir & leurs cheuaux, & pour attēdre le beau temps. Car en ces quatre iours, qu'ils furent là, tousiours plouuoit: parquoy ils ne se vouloient point partir: car les riuieres estoient si grādes & si grosses, que merueilles: & si sont en Espaigne & en Galice riuieres trop perilleuses: qui viennent par pluuaige, & tant abondammēt, qu'elles sont tantost creuēs, & malaisées, & perilleuses à passer. Pourtant voulurent ils atendre le beau temps: & aussi en ces iours ils fauiserent là ou ils se trairoiēt, ou deuant Bisances, ou deuant Ribadane, vne autre ville forte: ou estoiet les plus orgueilleuses gens, & les plus traystres hommes de tout le pays de Galice. Au cinquième iour se departirent, & délogerent les Anglois de la ville de Bayonne en la Marolle, & se meirent sur les champs: & trouuerent les terres rassies: & le beau temps venu, & les riuieres retraites: dont ils furent tous réiouys. Lors cheuaucherent (car tous estoient à cheual) vers Ribadane: & menoient grand sommage, & grandes pourueances: & cheuauchiōēt tout en paix. Car nul ne leur empeschoit leur chemin, & tenoient les champs: & se nommoient Seigneurs de Galice. Tant cheuaucherent & exploiterēt, qu'ils vindrent assez pres de la ville, ou ils tendoient à venir. Si logerent deffous les oliuiers, en vne tresbonne plaine: & estoit à demie lieuē de la ville: & eurent conseil qu'ils enuoyeroient leur Heraut, pour parler & pour traiter à ceux de Ribadane, auant qu'ils fissent nul semblant d'assaillir. Bien auoient ouy dire le Marechal & les Seigneurs, que ceux de Ribadane estoient aussi faulses gens, & d'aussi merueilleuse condition, qu'il en y eust nuls emtny le pays & Royaume de Castille (qui est grand assez) & ne font à peine compte (ne ne firent oncques) du Roy, ne de nuls Seigneurs, fors que d'eux-mesmes:

Bayōne en Marolle rendue au Duc de Lanclastre, par telle composition que les autres de Galice.

Ceux de Ribadane ne veulent parler au Heraut des Anglois les allant sommer de ce rendre.

car leur ville est forte. Si chargerent leur Heraut d'aller parler à eux, & sauoir l'intention d'eux. Le Heraut partit: & cheuaucha iusques à Ribadane: & vint aux barrieres: & ne trouua nulluy: mais les barrieres closes, & bien fermées, & la porte aussi. Il commença à crier & huer: mais nul ne respondit. Il veoit bien gens aller & venir sur les garites: mais nul, pour chose qu'il fist ne dist, ne pour signe, ne s'auança oncques, pour parler à luy vn seul mot. Si y fut il en criant & faisant signe, bien vne heure. Si dit en soy, quand il veit qu'il n'e auroit autre chose, le croy que ces gens de Ribadane ont parlé à ceux de Bayōne, & sont courroucez de ce qu'ils ne donnerent vingt Moresques à si peu de peine. Ils veulent que ie les compareicy. Sainte-Marie (dit-il) encorés qu'ils me donnassent, ia tard autant, ils auroient plus cher que ie fusse pendu. A ces mots, quand il veit qu'il n'en auroit autre chose, il monta sur son cheual: & vint là ou il auoit laissé le Marechal & leurs routes. Quand il fut venu, ils luy demanderent. Or auant, quelles nouuelles? ces villains de Ribadane se feront ils assaillir, ou s'ils se rendront ainsi comme les autres? Par ma foy (dit le Heraut) ie n'en say riens. Ils sont si orgueilleux, que, pour chose que i'aye appelé ne hué, ils ne m'ont encorés riens respondu. Donc dit messire Iehan Abuurelle, As tu veu nulluy? par-aventure s'en sont ils fuys, & ont laissé la ville pour la doutance de nous. Fuys! dit le Heraut. Monseigneur, sauue vostre grace. Ils ne daigneroient: car, auant que vous les ayez, ils vous donneront plus de peine, que tous les autres de Galice. Sachez qu'il y a dedans gens assez: car ie les vey, quād ie les appelle en haut: en disant, Escoutez, escoutez. Je suis vn Heraut, que les Seigneurs enuoyent icy, pour parler & traiter à vous. Ils se taisoient tous quois: & me regardoient: & puis se rioient. Haa, les-faux villans, dit le Marechal. Ils seront bien chastiez. Aussi seront ils, par Sainct George: car iamais de la marche ie ne partiray, si les auray mis en l'obeyssance: si Mōseigneur de Lanclastre ne me remande. Or nous ordōnon, mange on & beuon vn coup: & puis nous irons à l'assaut: car ie vueil veoir Ribadane de plus pres, & quelle fortresse il y a, quand les villains sont si orgueilleux, qu'ils ne font compte de nous. Ainsi fut fait ce que le Marechal ordonna. Quand ils eurent mangé & beu vn coup (il faisoit aussi souef comme en May) ils monterent tous à cheual: & se meirent au chemin, en sonnant leurs trompettes: qui faisoient grand' noise. Ils n'auoient gueres à aller, qu'ils furent tantost deuant la ville de Ribadane: & coururent du commencement aucuns Cheualiers & Escuyers, en faisans leurs monstres, iusques aux barrieres: & ne trouuerent nulluy: mais il y auoit en la porte grand' foison d'Arbalestiers: qui commencèrent à traire, & tant qu'il y eut des cheuaux atteins & blecez: dont vindrent Archers: qui se rangerēt deuant les barrieres, & sur les fossez: & commencerent à traire encontre ces Arbalestiers: & là eut grand assaut, & fort, du traict, encontre ces Arbalestiers: qui longuement dura. Voir est que la ville de Ribadane est forte assez, & que de l'vn lez elle n'est pas à conquerre: car elle sied sur toute roche: ou nul ne pourroit monter. De l'autre part, ou l'assaut estoit, elle sied au plains: mais il y a grās fossez: esquels il n'y a point d'eau: mais ils sont moult malaisez à monter. Toutesfois les Cheualiers & Escuyers s'éprouuerent à y aualler, & puis à ramper: & portoient targes sur leurs testes, pour briser le trai & le get des pierres, qui venoient d'amont: & Archers estoient rangez au long des fossez: qui trayoient à pouuoir, si vniment, qu'à peine s'osoient nuls des deffendans monstrier. Là eut ce iour à Ribadane grand assaut, & plusieurs de ceux de dedans & de dehors blecez. Quand ce vint au soir, qu'il fut temps de retraire, on sonna la retraite. Si cessa l'assaut: & se retrayrent les Anglois à leurs logis, dont ils festoient partis: & se tindrent tous aises de ce qu'ils auoient (c'estoit assez) & remeirent à poinct les blecez: & fut ce iour Thierry de Soumain, à la Barriere, traict d'vn vireton, tout parmy le bras, par telle maniere qu'il conuint le vireton chacer outre: & fut, depuis, plus d'vn mois, qu'il ne se pouuoit aider de son bras, & le portoit en écharpe dedans vne touaille. Endementiers que le Marechal de l'ost au Duc de Lanclastre cheuauchoit ainsi le pays de Galice que vous pouuez ouyr compter, & qu'il faisoit le pays tourner en l'obeyssance du Duc & de la Duchesse, se tenoient le Duc & la Duchesse & leurs enfans en la ville de Compostelle, qu'on dit de Sainct-Iaques en Galice: & oyoient souuent nouuelles du Roy de Portugal & le Roy d'eux: car ils enuoyent toutes les semaines, & escriuoient l'vn à l'autre de leur estat, & de leurs besongnes. D'autre part aussi le Roy Iehan de Castille se tenoit pour ces iours au Valdolif: & estoient ces Cheualiers de France delez luy: ausquels il parloit moult souuent de ses besongnes: & s'en conseilloit: car tout ce que les autres faisoient,

Ribadane assaillie par les Anglois.

De l'estat du roy de Castille, pendant que le Duc de Lanclastre sejournoit à Sainct-Iaques, & que son Marechal conqueroit villes en Galice.

faisoient, & comment ils se maintiendroient, il le sauoit bien. Tous les iours on oyoit nouuelles: & lors disoit, Beaux Seigneurs, ie m'émervueille de ce qu'il ne me vient plus grand confort de France, pour remédier à mes besongnes: car mon pays se pert & perdra: qui n'ira au-deuant. Les Anglois tiennent les champs: & si say de verité que le Duc de Lanclastre & le Roy de Portugal ont esté ensemble: & doit mon auersaire de Portugal auoir à femme, par mariage, l'une des filles du Duc de Lanclastre (car il luy a promis) & si trestost qu'il l'aura espousée, vous verrez ces deux puissances conioindre ensemble, & entrer en mon pays. Si me donneront trop affaire. Si respōdirent les Cheualiers de France, pour le Roy appaiser & conforter, Ne vous souciez de rien. Si les Anglois gaignent à vn lez, ils perdront à l'autre. Nous sauons de verité que le Roy de France a plus de cent mille hommes tous armez, & est ores entré en Angleterre: & destruit & conquiert tout le pays: & quand cela sera accomply, & il aura contourné tellement toute Angleterre en suggestion, que iamais ne se reléuera, le Roy de France & sa puissance entreront en leur nauire (qui est si grande & si grosse) & viendront arriuer à la Coulongne, sur le temps d'esté: & reconquerront plus en vn mois, que vous n'avez perdu en vn an: & fera enclos le Duc de Lanclastre en telle maniere, que vous l'en verrez fuir en Portugal. Ainsi aurez vous vengeance de voz ennemis: & soyez certain que, si les besongnes de France ne fussent pour le present si grandes, & le voyage d'Angleterre aussi, vous eussiez ores trois ou quatre mille Lances des François: car le Roy & ses oncles, & leurs Consaux ont tresgrande affection à vous aider, & à mettre vostre guerre à chef (comment qu'il en prenne) & ne vous chaille. Si les Anglois tiennent maintenant les champs, & s'ils empruntent & occupent vn petit de pays de vous, sachez qu'autant qu'il soit la Sainct-Iehan-Baptiste, ils le remettront arriere. De telles parolles & de semblables deuisoient lors au Valdolif les Cheualiers de France au Roy de Castille, & à son Conseil. Le Roy les prenoit toutes en grand bien: & y aioustoit grand verité: & se recōfortoit sus, & aussi les Cheualiers de France ne luy recordoient fors pour verité: car ils tenoient le Roy de France & sa puissance passée outre en Angleterre: cōme renommée couroit par tout en Espagne, Galice, & en Portugal. Et sçachez qu'on ne disoit pas le quart au Duc de Lanclastre, de ce que ses gens en oyoient dire & compter des pelerins & marchans, qui venoient de Flandres. Dequoy le Roy de Portugal (quoy que souuent escriuist salus au Duc de Lanclastre (dissimuloit de soy trop hastier d'enuoyer querre Philippe de Lanclastre: qu'il deuoit prendre à femme: car ses gés luy disoient pour certain, que nouuelles venoient de France, & de Flandres, qu'Angleterre estoit en trop grand' auenture d'estre toute exilée: &, fainfi estoit, le confort du Duc de Lanclastre, ne le mariage de sa fille, ne luy vaudroit neant. Pourquoy couuertement & moyennémēt il se demouroit de ses besongnes, & vouloit voir la fin quelle elle seroit: mais par lettres, & par messages, il tenoit tousiours en amour le Duc & la Duchesse de Lanclastre. Nous nous souffrerons vn petit à parler des besongnes de Castille & de Portugal: & parlerons vn petit de celles de France:

Comment le Roy de France s'en alla à l'Isle, en Flandres, en intention de passer en Angleterre: & comment messire Symon Burle fut d'avis de transporter la chaise de Sainct-Thomas en la forteresse de Douures, de peur des François. CHAP. XLII.

EN ce temps les apparences de planté de nauires, de gallées, de vaisseaux, & de balengers, pour passer en Angleterre le Roy de France & ses gens estoient si grandes, que le plus vieil homme, qui lors viuoit, n'auoit point veu, n'ouy parler de la chose pareille: & les Seigneurs & leurs gens s'armoiet, & appareilloiet de tous lez: & s'eiouissoiet Cheualiers & Escuyers, quand ils partoiet de leurs maisons, pour aller avecques le Roy de France en Angleterre: & disoient. Or irons nous sur les maudits Anglois: qui ont fait tant de maux & de persecutions en France. A ce coup en aurōs nous vengeance de noz peres, de noz freres, & de noz amis: qu'ils nous ont mis à mort, & déconfits. Et sachez qu'on meit plus de douze semaines à faire les pourueances des Seigneurs (si grandes & si grosses, que ce seroit merueilles à penser) & à charger vaisseaux: & disoit on, en Flandres, Le Roy viendra demain. Et d'autre part venoient gens de Gascongne, d'Armignac, de Comminges, de Toulousain, de Bigorre, d'Auuergne, de Berry, de Limosin, de Poictou, d'Aniou, du Maine, de Bretagne, de Touraine, de Blois, d'Orleans de Gascongne, de Beauffe, de Normandie, de Picardie, & de toutes les mettes de France: & tout

*Touſiours de
l'an 1386.*

*Le Roy prend
congé de Pa-
ris, pour ſon
pretendu voya-
ge d'Angle-
terre.*

*Arrivée du
Roy à l'Isle en
Flandres.*

ne voit, & ſe logeoit en Flandres, ou en Artois. Quand ce vint à la My-aouſt, & que le voyage deuoit approcher, & q̃ ceux des loingtains marches ſ'en alloiēt, encores, pour eux plus les haſter, & pour donner exemple à tous, que le Roy entreprenoit ce voyage de grand' volenté. Le Roy de France prit congé à la Roynne ſa femme à la Roynne Blanche, à la Duchefſe d'Orleans, & aux Dames de France: & ouyt meſſe ſolennelle en l'Egliſe Noſtre-Dame de Paris: & prit congé de tous: & eſtoit ſon intention, que luy iſſu de Paris, il n'y rentreroit iamais, ſi auroit eſté en Angleterre. Toutes les citez & les bonnes-villes de France le croyoient bien. Le Roy ſ'en vint à Senlis: & là ſe tint & la Roynne de France auſſi. Encores eſtoit le Duc de Berry en Berry: mais on faiſoit ſes pourueances en Flandres, & à l'Eſclufe: ſi-comme on faiſoit les autres. Le Duc de Bourgongne eſtoit en ſon pays. Si prit congé de la Duchefſe, & de ſes enfans: & ſauifa qu'il prendroit congé, ſur ſon voyage, de ſa belle ante, Madame la Duchefſe de Brabant. Si ſe partit de Bourgongne, & cheuaucha tant en grand arroy & en grand eſtat l'Admiral de France en ſa compaignie, & meſſire Guy de la Trimouille, qu'il vint à Brucelles: & là trouua la Duchefſe & les Dames: qui le recueillirent, & ſa compaignie, moult grandement: & fut deux iours delez elles. Puis prit congé: & de là il vint à Mons en Hainaut. Si y trouuerent ſa fille, Madame d'Oſtrenant, & le Duc Aubert, & ſon fils, meſſire Guillaume de Hainaut, Comte d'Oſtrenant: qui recueillirent le Duc de Bourgongne: & ſes gens, liement & grandement, & l'amenerent à Valenciennes: & fut le Duc de Bourgongne logé en la ſalle du Comte, & le Duc Aubert à l'hoſtel de Vicongnete, & Madame d'Oſtrenant. De là vint le Duc de Bourgongne à Douay, & puis, à Arras: & là trouua la Duchefſe ſa femme: qui l'attendoit. Adonques vint le Roy de France à Compiègne, à Noyon, & puis à Peronne, à Bapaumes, & puis à Arras: & touſiours aualoient gés de tous coſtez, ſi grandement, que tout le pays en eſtoit mangé & perdu: n'au plat pays rien ne demouroit, qui ne fuſt tout à l'abandon, ſans payer maille ne denier. Les pauvres laboureurs, qui auoient remply & recueilly leurs grains, n'en auoient que la paille: &, ſils en parloient ils eſtoient battus ou tuez. Les viuiers eſtoient peſchez, les maiſons abbattues, pour faire du feu: ne les Anglois, ſils fuſſent arriuez en France, ne peuſſent point faire plus grand exil, que les routes de France y faiſoient: & diſoient, Nous n'auons point d'argent maintenant: mais nous en aurons au retour, ſi vons payerons tout ſec. Là les maudiſſoyent les pures gens: qui veoient prendre le leur des garçons, & n'eſoient dire mot: mais les maudiſſoient entre leurs dents, diſant, Or allez en Angleterre, que iamais n'en puiſſe il reuenir piéce. Or vint le Roy de France à l'Isle en Flandres, & ſes deux oncles avecques luy, le Duc de Bourgongne, & le Duc de Bourbon: car encores eſtoit le Duc de Berry derriere en ſon pays: & ordonnoit ſes beſongnes. Avecques le Roy eſtoient à l'Isle le Duc de Bar, le Duc de Lorraine, le Comte d'Armignac, le Comte de Sauoye, le Comte Dauphin d'Auuergne, le Comte de Genéue, le Comte de Saint-Pol, le Comte d'Eu, le Comte de Longueuillē, le Sire de Coucy, & meſſire Guillaume de Namur, & pluſieurs grans Seigneurs de France, ſi trefgrand' foiſon, que ie ne les auroye iamais tous nommez: & diſoit on qu'ils deuoient tous paſſer en Angleterre enuiron vingt mille, tant Cheualiers qu'Eſcuyers (au voir dire c'eſtoit belle compaignie) & enuiron vingt mille Arbaleſtiers parmy les Généuois, & bien vingt mille gros varlets. Encores eſtoit meſſire Oliuier de Clifton en Bretagne: & ordonnoit ſes beſongnes, & ſa nauire, à l'Entriguier en Bretagne: & deuoit venir, en ſa compaignie, la ville charpentée de bois: laquelle on deuoit aſſeoir, ſi toſt qu'on auroit pris terre en Angl. ſelon ce que cy-deſſus eſt cōtenu. Avec le Cōneſtable de France deuoient venir tous les meilleurs Cheualiers & Eſcuyers de Bretagne: le Vicōte de Rohā le Sire de Rays, le Sire de Beaumanoir, le Sire de Laual, le Sire de Rochefort, le Sire de Maleſtroit, le Vicōte de Cōbor, meſſire Ieā de Maleſtroit, le Sire de Dināt, le Sire d'Anenis, & biē cinqcēs Lāces de Bretōs, toutes gés d'elite: car telle eſtoit l'intētiō du Cōneſtable & auoit touſiours eſté, que iā hōe n'ētreroit en Angleterre: ſil n'eſtoit Hōme-d'armes, & de faiēt. Et auoit dit l'Admiral, Gardez vous bien que vous ne chargez la nauire de nuls varlets ne garçons: car ils nous porteroient plus de dommage, que de proffit: & ne pouuoient deux ou trois Cheualiers (ſils n'eſtoient trop grans maîtres, & qu'ils priſſent neſs & vaiſſeaux à leurs deniers) mener, ne paſſer, qu'un cheual outre, & un varlet. Au voir dire les choſes eſtoient moult bien limitées & ordonnées: & c'eſt la ſuppoſition de pluſieurs (ſils peuſſent eſtre arriuez tous enſemble en Angleterre, & auoir

noir pris terre là ou ils tendoient à venir & prendre terre: qui estoit à Oruelle pres Norduich) qu'ils eussent moult ébahy le pays: & aussi firent ils sans nulle doute. Car les grâs Seigneurs en eurent peur: comme les Prelats, les Abbez, & les bonnes-villes: mais les Communautéz & les pauvres compaignons, qui se vouloient aventurer. n'en faisoient compte. Aussi ne faisoient pauvres Cheualiers, n'Escuyers: qui moult desiroient les armaz, & à gagner, ou tout perdre: & disoient l'un à l'autre. Dieu comme il nous appert vne belle saison: puis que le Roy de Frâce veut venir par-deçà. C'est vn vaillant Roy, & de grand' entreprise. Il n'y eut (passé à trois cens ans) Roy en France de si grand courage, ne qui le voulsist. Il fera ses gens bons hommes-d'armes. Benoist soit il: quand il nous veut venir veoir. A ce coup serons nous ou tous morts, ou tous riches. Nous n'en pouvons faire autre chose. Se les appareils estoient beaux & grans en Flandres & à l'Escluse pour aller en Angleterre, aussi estoit l'ordonnance grande & belle en Angleterre: & ie vous en ay cy-dessus (ie croy) aucune chose dite. Si m'en passeray à tât. Or, si le coustage & les tailles estoient grandes en France, aussi estoient elles grandes en Angleterre, & tât que toutes gens s'en douloient: mais, pource que la commune veoit qu'il besongnoit, ils s'en portoient plus bellement: & disoient bien, C'est trop sans raison de nous plaindre qu'on nous taille maintenant, pour mettre le nostre aux Cheualiers & Escuyers de ce pays: car pourquoy? il faut qu'ils deffendent noz héritages & les leurs. Nous sommes leurs varlets, nous leur labourons leurs terres, & les biens de quoy ils vivent. Nous les nourrissons: & sommes les bestes, de quoy ils prennent les laines. A tout considerer, si Angleterre se perdoit, ils perdroyent trop plus que nous. Nonobstant toutes autres parolles, si payoient ceux, qui taillez estoient. Nul n'en estoit deporté. Si fut en Angleterre élevée en ce temps vne taille, pour mettre deffenses au pays, de deux millions de florins: dont l'Archevesque d'Yorch, frere germain au Seigneur de Neufuille, & le Cōte d'Acquessuffort, messire Nicole Braubre, messire Michel de la Polle, messire Symon Burle, messire Pierre Gouloufre, messire Robert Trimilien, messire Jehan de Beauchâp, messire Jehan de Salbery, & aucuns autres du priué & estroit Conseil du Roy, & en estoient Receueurs, Payeurs, & Deliureurs: ne par les oncles du Roy pour lors on ne faisoit riens: & aussi il n'y acomptoient point planté, ne pas ne vouloient mettre le pays en trouble: mais entendoient fort à garder l'honneur d'Angleterre, les ports & les passages, & à establir par tout gens: car pour certain ils cuidoient bien auoir, en celuy an, le Roy de France & sa puissance, en Angleterre. Les dessusdits Cheualiers, que ie vous ay nommez Receueurs de par le Roy de toutes ses tailles, en faisoient à leur entente: & le souverain, pour qui on faisoit le plus, & qui y auoit le greigneur profit, c'estoit le Comte d'Acquessuffort. Par luy estoit tout fait: & sans luy n'estoit riens fait. De quoy, quand ces choses furent passées, le peuple se troubla, pour sauoir que si grand argent estoit deuenu, n'ou il estoit allé, ne contourné: & en voulurent aucunes bonnes citez & villes d'Angleterre auoir compte avec ce que les oncles du Roy y rendirent peine: si comme ie vous recorderay ensuiuant: quand il en sera temps & heure de parler: car ie n'en vueil riens oublier en l'Histoire. Messire Symon Burle estoit Capitaine du Chastel de Douures. Si oyoit souuent nouvelles de France, par ceux de Calais, & par les pescheurs d'Angleterre, qui s'auenturoient en mer: ainsi qu'ils font par vsage: car, pour auoir bon poisson, ils vont souuent pescher deffous Boulōgne, & deuant la porte de Wifant. Si rapportoient nouvelles à messire Simon, qui leur en demâdoit. Car autres pescheurs de France, quand ils s'entrerencontroient, leur en disoient assez, & plus qu'ils n'en sauoient: car pescheurs sur mer (quelque guerre qu'il soit entre France & Angleterre) iamais ne se firent mal: ainçois sont amis, & aident l'un à l'autre au besoing: & vèdient & achaptēt sur mer, l'un à l'autre, leurs poissons, quand les vns en ont plus largement que les autres: car, s'ils se guerroyoient, on n'auroit point de marée, ne nul n'oseroit aller pescher: s'il n'estoit conduit & gardé de Gens-d'armes. Messire Symon Burle entēdit, par les pescheurs de Douures, que point n'y auroit de defaut que le Roy de France ne passast en Angleterre, & viendroyent les François prendre terre & port à Douures, l'une des parties, & l'autre à Sanduich: & deuoient passer gens sans nombre. Messire Symon croyoit bien toutes ses parolles, & les tenoit pour veritables, & aussi faisoit on par tout en Angleterre. Si vint vn iour à Cātorbie, & alla à l'Abbaye, qui est moult grāde & moult belle, & d'autre part assez pres sied l'Abbaye de S. Vincēt: laquelle est aussi moult riche & moult puissāte. On luy demāda des nouvelles, & il en dit ce qu'il en sauoit: & par ses parolles il monstra biē

Taille de deux millions d'or en Angleterre pour la deffense du pays contre l'armée de France.

*Remonstrances
de Symon Bur-
le, pour mettre
la chasſe ſaint
Thomas à ſau-
uer.*

que la chasſe de Sainct-Thomas (qui tāt eſt digne & riche) n'eſtoit pas ſeuſemēt à Cantorbic (car la ville n'eſt pas forte) Et, ſi les François viennent (ce dit meſſire Simon Burle) ainſi qu'ils feront tantot, pour la cōuoitiſe de gaigner, pillars & larrons efforceront ceſte ville, & vous roberōt & pilleront voſtre Eglife, & par eſpecial ils voudrōt ſauoir que la chasſe Sainct-Thomas ſera deuenue. Si l'emporteront, ſils la treuuent: & la perdrez. Pourquoi ie vous conſeille que vous la faciez apporter, ou charier, au chaſtel de Douures. Elle ſera là bien à ſeur: & fuſt Angleterre toute perdue. L'Abbē de S. Thomas de Cantorbic & tout le Conuent de la maiſon prirēt ceſte parolle, & le conſeil que le Cheualier dit pour bien, à ſi grād deſpit, qu'ils reſpondirent, en diſant, Cōment! meſſire Symon, voulez vous dēpoſer l'Eglife de ceans de la Seigneurie? ſi vous auez peur, ſi vous faites aſſeurer: car, ſi vous vous allez enclorre en voſtre chaſtel de Douures, les François ne feront ſi hardis, ne ſi puiſſans, qu'ils viennent iuſques icy. Ce fut la reſponſe, qu'on luy fit. Lors meſſire Symon Burle multiplia tant les parolles, & la requēſte qu'il auoit faite, que la cōmunauté d'Angleterre ſ'en contenterent mal ſus luy: & le tenoient pour mauuais pour le pays: & bien luy monſtrèrent depuis: ſi-comme ie vous recorderay auant en l'Hiſtoire. Meſſire Symon Burle ſ'en paſſa tant: & ſ'en retourna à Douures.

Comment le Roy de France ſ'en alla vers ſes vaiſſeaux de mer à l'Eſclufe en Flandres, pour ſon embarquement: & comment le Roy d'Armenie paſſa en Angleterre, pour moyenner appointement entre les deux Roys: & de la reſponſe qu'il eut.

CHAP. XLII.

† Il y auoit icy l'Isle: mais le chap. precedent & la deductio ſuyuante nous aſſeure de l'Eſclufe.

OR vint le Roy François à l'Eſclufe, pour mōſtrer plus à certes que la beſongne luy touchoit & plaſoit, & pour plus approcher ſon paſſage: & auſſi que le lointain logis luy déplaiſoit, Si ſ'approchoit: & diſoit on en Flandres, & en Artois: Le Roy entrera Samedi en mer, ou Ieudy, ou mercredi. Tous les iours de la ſemaine on diſoit, Il partira demain, ou apres demain. Si auoiēt le Duc de Touraine, ſon frere, & l'Eueſque de Beauuais, Chancelier de France, & pluſieurs grans Seigneurs de Frāce, & de Parlement, pris congé de luy à l'Isle en Flandres: & luy à eux: & eſtoiēt retournez vers Paris: & me ſemble (& ainſi me fut il dit) qu'on auoit baillé le gouuernement au Duc de Touraine, iuſques au retour du Roy, avec l'aide de pluſieurs Seigneurs de France: qui n'eſtoient pas ordonnez d'aller en Angleterre: comme le Comte de Blois, & autres. Et encores eſtoit le Duc de Berry derriere: & venoit tout bellemēt: car d'aller en Angleterre il n'auoit pas grand' affection. De ce qu'il ſeiournoit tant, & que point ne venoit, le Roy de France, le Duc de Bourgongne, & les autres Seigneurs eſtoiēt tous courroucez: & vouſſient bien qu'il fuſt venu: & touſiours ſe faiſoiēt & chargeoient pourueāces, à grans couſtāges pour les Seigneurs: car on leur vėdoit ce, 4. frācs, qui n'en valoient qu'un: & toutesſois ceux, qui là eſtoiēt, & qui paſſer eſperoiēt, ne reſſongnoiēt or n'argent à deſpēdre: pour faire leurs pourueances, & pour eſtre bien étofez de toutes choſes, & l'un pour l'autre, par maniere de grādeur & d'ēuie: & ſachez que, ſi les grans Seigneurs eſtoiēt bien payez de leurs gages, les petits cōpaignons le cōparoient: car on leur deuoit iā plus d'un mois. Si ne vouloit on payer: & diſoit le Treſorier des guerres, & auſſi faiſoient les Clercs de la chābre-aux-deniers. Attēdez iuſques à l'autre ſemaine: vo' ſerez deliurez de tous poincts. Ainſi eſtoiēt ils deliurez de ſemaine en ſemaine: & quād on leur fit vn payement, il ne fut que de huit iours: & on leur deuoit plus de huit ſemaines. Si que les aucuns, qui imaginerent l'ordonnance & la ſubſtance du faiēt, & cōment on les payoit mal, & enuis, ſe melācolierent: & dirent que le voyage ne tourneroit iā à bon corroy: ſi que, quand ils eurent vn petit d'argent: ils ſ'en retournerent en leur pays. Ceux furent ſages: car les petits cōpaignons, Cheualiers & Eſcuyers (qui n'eſtoiēt retenus des grans Seigneurs) deſpendoiēt tout: car toutes choſes eſtoient ſi chēres en Flandres, qu'ils eſtoiēt tous ſouciez d'auoir du pain & du vin: & ſils vouloient vendre leurs † gages, ou leurs armeures, ils n'en trouuoient ne maille ne denier: & à les achapter, il les auoient trouuées moult chēres: & tāt y auoit de peuple à Bruges au Dan, & à Ardēbourg, & par eſpécial à l'Eſclufe, quand le Roy y fut venu, qu'on ne ſauoit ou loger. Le Sire de Sainct-Paul, & le Sire de Coucy, le Dauphin d'Auuergne, le Sire d'Antoing, & pluſieurs autres Seigneurs de France, pour eſtre plus à leur largeſſe, ſe logerent à Bruges: & alloient à la fois à l'Eſclufe deuers le Roy, pour ſauoir quand on partiroit. On leur diſoit, Dedans trois ou quatre iours, ou quand Monſieur de Berry ſeroit venu, ou quand nous aurons vent pour nous. Touſiours y auoit quelque choſe à dire: & touſiours alloit le tēps auant: & les iours accourciſſoient

† C'eſt à dire ce qu'ils pouuoient mettre en gage.

soient, & deuenoient laids & froids, & les nuiets alongeoient: dont moult de Seigneurs mal se contentoient de ce qu'on mettoit si longuement à passer: & les pourueances amendrissent. En attendant le Duc de Berry, & le Connestable de France (qui encores estoit derriere) le Roy Leon d'Armenie (qui se tenoit en Frâce, & auquel le Roy de Frâce auoit assigné, pour maintenir son estat, six mille frâcs par an, eut plaifance & deuotiō, en instance de bien, d'issir hors de France, & d'aller en Angleterre, pour parler au Roy d'Angleterre & à son Conseil, en cause de moyēneté, & pour veoir s'il pourroit trouuer par ce, tréues nulles, ou on se peust conioindre n'aherdre à paix, & se departit de son hostel de Sainct-Audoin, delez Sainct-Denis, avec sa mesgnée tāt seulemēt: & ne menoit pas grand arroy: ny ne vouloit mener: & cheuaucha tant qu'il vint à Boulongne. Quād il fut là venu, il prit vn vaisfel: & entra dedans: & eut vent à volonté, & singla tant, qu'il vint au port de Douures. Là trouua le Côte de Câtebruge & le Côte de Bouquinguam, & plus de cent Hommes-d'armes, & deux mille Archers: qui se tenoient là, pour garder le passage: car la renommée couroit que les François arriueroyent là, ou à Sanduich, & à Sanduich estoient le Comte d'Arondel, & le Comte de Northombellande: & à Darēmer estoient le Comte de Suffort, le Comte de Pennebroth, le Comte de Notinghen, & messire Regnaud de Gobethon: & auoient ces Seigneurs bien trois mil le varlets, & le Roy se tenoit à Londres, & vne partie de son Conseil delez luy, & oyoit tous les iours nouuelles des ports & des haures d'Angleterre. Quād le Roy d'Armenie fut arriuē à Douures, on luy fit bonne chere (pourtant qu'il estoit estrāger) & fut menē, des Cheualiers, deuers les deux oncles du Roy: qui le receurent doucement, ainsi que bien le sauoient faire: & quand il fut heure, ils luy demanderēt dont il venoit, n'ou il alloit, ne quelle chose il demandoit, ne queroit. A toutes ces demandes il respōdit: & dit qu'en espèce de bien il venoit là pour veoir le Roy d'Angleterre & son Conseil, & pour traitrer paix & accord entre les Roys de France & d'Angleterre: si on l'y pouuoit trouuer. Car la guerre (ce dit le Roy) n'est pas bien seant: & par la guerre de France & d'Angleterre (laquelle a duré tant d'ans, & tant de iours) sont les Sarrazins & les Turcs enorgueillis. Car il n'est qui les ensoigne & guerroye: & par telle cause i'en ay perdu ma terre & mon Royaume: & ne suis pas taillé du recouurer: si paix ferme n'est entre les Chrestiens. Si remōstreroye volōtiers ceste matiere (qui tāt touche la Chrestieté) au roy d'Angleterre: si cōme ie l'ay remonstrée au Roy de Frâce. Et lors fut demādē, des oncles du Roy, au Roy d'Armenie, si le Roy de Frâce l'enuoyoit là. Il respondit que nul ne l'y enuoyoit: mais y estoit venu de luy mesme, en iustāce de bien, & pour veoir si le Roy d'Angleterre & son conseil vouldroiet point entēdre à nul traitté de paix. Et lors luy fut il demādē ou le Roy de France estoit. Il respōdit, Ie croy qu'il soit à l'Escluse: car ie ne le vey, depuis que ie pry cōgé de luy à Sélis. Lors fut il demādē, Et cōment donc pouuez vous faire traitté n'ētamer? quād vous n'estes autremēt chargé de luy? Si vous traittiez maintenant deuers le Roy nostre neveu, & son conseil, & le Roy de Frâce à toute sa puissance, qu'il tiēt à l'Escluse & enuiron, passast outre, & entraist en Angleterre, vous receuriez blafme, & en seriez, de vostre personne, en grand' auēture de ce pays. Adōc respōdit le Roy d'Armenie: & dit, Ie suis fort assez du Roy: car i'ay enuoyé deuers luy, & fait prier, que, tant que ie soye retourné de ce pays, il ne se meue point de l'Escluse: & ie le tien pour si auisé, & si noble, qu'à ma priere il descēdra, & point en mer ne se mettra, tāt que ie seray retourné deuers luy. Si vous prie en instāce de biē, par pitié & par amour, que vous me faciez adrecer, tāt que ie voye le Roy d'Angleterre, & parle à luy (car ie le desire tresgrādemēt à veoir) ou, si vous estes chargez de par luy (qui estes ses oncles, les plus puissans d'Angleterre) à faire respōse à toutes demādes, que vous la me vueillez faire. Adōc respōdit messire Thomas le Côte de Bouquingūā: & dit, Sire Roy d'Armenie, nous sōmes cy ordōnez & establis à garder le passage & la frōtiere, de par le Roy d'Angleterre & son conseil, & non plus auant nous charger n'ensongner des besongnes du Royaume: si il ne nous est estroitement cōmandé du Roy. Or, puis que par bien, & sous espèce de bien & humilité, vous estes venu en ce païs, vous soyez le bien venu: & sachez que nulle respōse finale, sur quoy vo' puissiez arrester n'affirmer, vous n'aurez de no°. Outre nous ne sommes pas au conseil du Roy maintenant: mais nous vous y ferons mener sans peril & dōmage. Respondit le Roy d'Armenie, Grand mercy. Ie ne demāde mieux, n'autre chose, que ie le puisse veoir & parler à luy. Quand le Roy d'Armenie se fut refreschy à Douures vn iour, & qu'il eut par grād loisir parlé aux deux Comtes, les oncles du Roy dessus

Arriuē du roy d'Armenie au port de Douures en Angleterre.

† Ie doute si c'est point ce qu'il a nommē Ornelle, au chap. 36. combien qu'il a icy changé l'ordre qui est là, en aucunes choses.

Remonstrances du roy d'Armenie aux oncles du Roy d'Angleterre pour les faire entēdre à paix avec le Roy de France.

Le Roy d'Armenie à Londres.

Remonstrances du Roy d'Armenie au Roy d'Angleterre & à son Conseil sur l'effect de paix ou de tréues, entre François & Anglois. Première réponse du Conseil du Roy d'Angleterre au Roy d'Armenie.

Finale réponse du Roy d'Angleterre au Roy d'Armenie, par l'Archeuesque de Cantorbie. † Il entend de l'armée de France: comme s'il eust voulu dire que le Roy d'Armenie fust du parti François.

nómez, il s'en partit en bon conduit: que les Seigneurs luy deliurerét pour la doute des rencôtres. Tant exploita & fit qu'il vint à Londres. Si fut ledit Roy à l'entrer en Lódres, moult regardé des Londriens: & toutesfois les bônes gens luy firét grand' feste & hôneur. Si se logea: & puis, quand temps fut & heure, il alla deuers le Roy, là ou il se tenoit en la Riolle, en vn hostel, qu'on dit la Garderobe à la Roïne: & là se tenoit tout priuément: mais son Conseil se tenoit à Lódres, chacun en son hostel: car ie vous dy que les Londriens si estoient moult ébahis: & entédoient fort à fortifier leur ville. Quád la venue du Roy d'Armenie fut seuë & publiée, le Conseil du Roy se tira par-deuers le Roy, pour sauoir & ouyr des nouuelles, ne quelle chose le Roy d'Armenie estoit venu faire, ne querre en tel téps, quand on estoit en si grand trouble en Angleterre. Quand le Roy d'Armenie fut venu en la presence du roy, il le salua & le Roy luy. Apres le Roy d'Armenie parla: & entama son proces sur l'estat qu'il estoit issu de France pour principalemēt veoir le Roy d'Angleterre, qu'ôcques n'auoit veu: dôt il estoit tout réiouy, quád il estoit en sa presence: car il esperoit que tout bié en viédroit: & monstra par ses parolles, que pour obuier à l'écontre de grád' pestiléece, qui apparoissoit à estre & à venir en Angleterre, il estoit là venu: non que le Roy de Frâce, ne son cōseil, luy enuoyast, fors de soy mesme: & mettroit volontiers paix & accord, ou tréues entre les deux Royaumes. Plusieurs parolles, douces & courtoises, & bié traittées, mōstra le Roy d'Armenie au Roy d'Angleterre, & à son Cōseil. Adôc luy respōdit on briéuemēt: & luy fut dit ainsi, Sire Roy, vous soyez le bié venu en ce pays: car le Roy nostre Sire & no^s vous y voyôs volôtiers. Nous vous disons que le Roy n'a pas icy tout son Cōseil. Il l'aura bié tost: car il le mandera: & puis on vous fera response. Le Roy d'Armenie se contenta de ce: & prit cōgé: & retourna en son hostel, ou il estoit logé. Dedans quatre iours apres fut le Roy cōseillé: & croy bien qu'il auoit enuoyé deuers ses oncles: mais ils ne furét pas presens à la respōse faire. Le Roy d'Angleterre alla au Palais à Westmōstier: & là fut le Conseil, qu'il auoit pour lors: & fut le roy d'Armenie signifié de là aller: si cōme il fit. Quád il fut venu en la presence du Roy & des Seigneurs, on fit le Roy d'Angleterre seoir à son vsage, & puis le Roy d'Armenie apres, & puis les Prelats, & ceux du Cōseil. Là luy fit on recorder ses requestes, ou prieres, qu'il faisoit au roy d'Angleterre & à son Conseil. Tantoist il les répliqua tout doucemēt & sagemēt: en remonstrant cōme toute Chrestienté estoit trop affoiblie, par la destruction de la guerre de France & d'Angleterre: & que tous Cheualiers & Escuyers de ces deux Royaumes n'entédoient à autre chose, fors que tousiours à estre ou pour l'un, ou pour l'autre: parquoy l'Empire de Constātinoble s'en perdoit, & perdrait (ou les Gentils-hômes de France & d'Angleterre, auant la guerre, se souloient tirer, pour trouuer les armes) & ià en auoit il perdu son Royaume. Pourquoi il prioit pour Dieu, & pour pitié, qu'ô vousist entédre à quelque bō traité, sur forme de paix, qui se peust faire & entamer entre le Roy de Frâce & d'Angleterre. A ces parolles respōdit l'Archeuesque de Cātorbie (car il en estoit chargé du Roy & du Conseil, des auāt qu'ô entraist en la chābre) & dit Sire Roy d'Armenie, ce n'est pas la maniere, n'ôcques ne fut de si grád' matiere cōme elle est du Roy d'Angleterre & de son auerfaire de Frâce, qu'ô vinst le Roy d'Angleterre prier à main armée en son pays. Si vo^s disons que vous ferez, fil vous plaist. Vous vous retirerez deuers voz † gens: & les ferez tous retirer: & quand chacun sera en son hostel, & que de verité nous le pourrons sauoir, retirez vous deuers nous, & adonc volôtiers entédrons à vostre traitté. Ce fut la response, que le Roy d'Armenie eut: mais il disna ce iour avec le Roy d'Angleterre: & luy fut fait le greigneur hôneur, qu'on peut: & luy fit le Roy presenter de beaux dons d'or, & d'argent: mais il n'en voulut nuls prendre ne retenir (quoy qu'il en eust bien mestiers) fors vn seul anel: qui bien valoit cent frācs. Apres ce disner fait (qui fut bel & bon) il prit cōgé (car il auoit sa response) & retourna en son hostel: & au lendemain il se mit au chemin: & fut en deux iours à Douures: & prit congé aux Seigneurs, qui estoient là: & entra en mer, en vne nef passagere: vint & arriua à Calais: & de là il s'en vint à l'Escluse. Si parla au Roy de Frâce, & à ses oncles: & leur remonstra comment il auoit esté en Angleterre, & quelle respōse on luy auoit faite. Le Roy & les Seigneurs n'en firent cōpte: & le renuoyerent en France: car telle estoit leur intétion qu'ils iroient en Angleterre, si tost comme ils pourroient auoir bon vent, & que le Connestable seroit venu, & le Duc de Berry. Mais le vent leur estoit moult contraire: car de ce vent ils n'eussent iamais pris terre en Angleterre, sur les frontieres ou ils vouloient arriuer: & estoit le vent bon, pour aller en Escoce.

Comment Monseigneur de Berry se partit de Paris, pour venir à l'Escluse: & comment le Connestable de France, ayant eu vent contraire sur la mer en venant de Bretagne, finalement arriva vers le Roy.

CHAP.

XLIII.

OR vint le Duc de Berry à Paris: & ouyt messe en l'Eglise Nostre-dame, & là prit cōgé & dōna à entēdre que iamaiz ne retourneroit, si auroit esté en Angleterre: mais il pēsoit tout le cōtraire: n'il n'y auoit nul talēt: car la saison estoit ia trop auant aualée à l'Yuer. To^s les iours, qu'il fut sur son chemin, il auoit lettres du Roy & du Duc de Bourgogne: qui le hastoiēt, & disoiēt, en ces lettres, & le messager aussi, qu'on n'attēdoit autre que luy. Le Duc de Berry cheuauchoit tousiours auant: mais c'estoit à petites journées. Or se departit le Connestable de France de l'Entriguier, vne cité seant sur mer en Bretagne, à tout grand' charge de Gens-d'armes, & de belles pourueances: & estoient en somme 72. vaisseaux, tous chargez. En la compagnie du Connestable estoient les nefz: qui menoient la ville, ouurée & charpentée de bois, pour asseoir & mettre sur terre, quand on seroit arriué, & pris terre en Angleterre. Le Connestable & ses gens eurent assez bon vent du commencement: mais quand ils approcherent Angleterre, il leur fut trop grand & trop dur: & plus cheminoient auant, & plus s'efforçoit: & auint qu'à l'entrée de Magace, sur l'emboucheure de la Tamise, le vent leur fut si grand, que (vousissent ou non les mariniers) leur nefz furent toutes esparfées, & n'en y auoit pas vingt voiles ensemble: & en bouta le vent en la Tamise aucunes: qui furent prises des Anglois, & par especial il en y eut vne, ou deux ou trois parties de celle ville, & les maistres qui charpentée l'auoient, furent amenez par la Tamise à Londres: & en eut le Roy grand' ioye: & aussi eurent les Londriens. Encores des nefz du Connestable en y eut sept, qui s'en allerent aual le vent (vousissent ou non) chargées de pourueances: qui furent prises en Zelande: mais le Connestable & les Seigneurs à grand' peine, & à grand peril vindrent à l'Escluse. De la venue du Connestable & des Barons fut grandement réiouy le Roy de France: & luy dit le Roy (si tost qu'il le vint veoir) Connestable, que dites vous? quand partirons nous? Certes i'ay tresgrand desir de veoir Angleterre. Je vous prie que vous avancez vostre besongne: & nous mettons en mer hastiuement. Veez cy mon oncle de Berry: qui fera deuers nous dedans deux iours. Il est à l'Isle. Sire (dit le Connestable) nous ne nous pouuons partir, si aurons vent pour nous. Il a tant venté ce vent de Suft (qui nous est tout contraire) que les mariniers dient qu'ils ne le virēt oncques tant vent, en vn tenant, qu'il a faict depuis deux mois. Connestable (dit le Roy) par ma foy i'ay esté en mon vaisfel: & me plaisent grandement bien les affaires de la mer: & croy que seray bon marinier: car la mer ne m'a point fait de mal. En nom Dieu (dit le Connestable) elle en a faict à moy: car nous auons esté en grand peril, en venant de Bretagne çà. Là voulut le Roy sauoir comment, ne par quelle maniere: & il luy recorda: & dit, Par fortune, Sire, & par grans vents, qui suruindrent sur les bandes d'Angleterre: & auons perdu de noz gens & de noz vaisseaux: dont il me déplait trop grandement: si amender le pouuoye: mais ie n'en auray autre chose pour le present.

Tourmente sur mer aux vaisseaux du Connestable de Cliffen.

Arrivée du Connestable, à l'Escluse, vers le roy.

D'une emente de ceux de Bruges contre les François, appaisée par le Seigneur de Guiselles: & comment le voyage d'Angleterre fut delaisé, pour la cause des vents, & de l'Yuer, par le Conseil du Duc de Berry: dont fut faicte grande feste en Angleterre.

CHAP.

XLIIII.

AINSI le Roy de France & le Connestable se deuisoient de parolles: & tousiours alloit le temps auant, & approchoit l'Yuer: & gisoient là les Seigneurs à grand froid & peril: car sachez que Flamans ne les veoient pas volontiers en Flandres, especialement le menu mestier: & disoiēt en requoy plusieurs, l'un à l'autre, Et que diable ne se deliure ce Roy de passer outre en Angleterre? pourquoy se tient il tant en ce pays, Ne sommes nous pas pources assez: si encores François ne nous apourissent? & disoiēt l'un à l'autre, Vous ne les verrez passer en Angleterre de ceste année. Il leur est auis qu'ils cōquerront tantost Angleterre: mais non feront. Elle n'est pas si legere à conquerre. Anglois sont d'autre condition, que François ne sont. Que feront ils en Angleterre? Quand les Anglois ont esté en France, & ont cheuauché par tout, ils se boutoient & enfermoient en forts chasteaux & bonnes villes: & fuyoit on deuant eux, ainsi cōme l'alouette fuit deuant l'espreuier. Et ainsi, par especial en la ville de Bruges, ou le grand retour de France

Murmure des Flamans, contre le roy & son armée.

*Mutinerie de
ceux de Bruges*

*Remonstrances
du Seigneur de
Guistelles à
ceux de Bruges
appaissant leur
mutinerie.*

*Arrivée du
Duc de Berry à
l'Escluse vers
le Roy.*

*Toujours
1386.*

*Remonstrance
du Duc de Ber-
ry, pour rom-
pre le voyage
d'Angleterre.*

estoit, murmuroient ils: & queroient le festu ou l'estrain, pour auoir la riotte & le debat: & auint que la riotte en fut si pres, que sur le point: & cōmença pour garçons François qui auoient battus & naurez les Flamans: & tant que les hommes de mestier s'armoient & s'en venoient au grand marché, pour faire l'assemblée entr'eux. Il ne fust échapé Baron, Cheualier, n'Escucuyer de France, que tous n'eussent esté morts sans merây: car encores auoient les plusieurs de ces méchans gens la haine, pour la bataille de Rosebecque, ou leurs peres, leurs freres, & leurs amis, auoient esté occis. Mais Dieu proprement y enuoya, pour les Frâçois, le Seigneur de Guistelles: qui pour ces iours se tenoit à Bruges. Quand il entendit que le Commun s'armoit, & que gens couroient en leurs hostels pour eux armer, il sentit tantost que c'estoit pour tout perdre, & sans remede. Si monta à cheual luy cinquième, ou fixiesme, tant seulemēt: & se meit es rues: & ainsi qu'il les rencontroit tous armez, & qu'ils se tiroient vers le marché, il leur disoit, Bonnes gens, ou allez vous? vous voulez vous perdre. N'avez vous pas assez guerroyé? & n'estes vous pas encores tous les iours empeschez de gagner vostre pain? Retournez en voz maisons. Ce n'est riens. Vous pourriez mettre la ville & vous en tel parti, que Bruges seroit toute destruite. Ne sauez vous pas que le Roy de France & toute sa puissance est en ce pays? Ainsy les appaisa ce iour le Seigneur de Guistelles: & les fit retourner par ces douces parolles, en leurs maisons. Ce que point n'eussent fait brièvement: si l'eust esté à Bruges. Et les Barons & les Cheualiers de France auoient si grand' doute, que ià s'enfermoient ils en leurs maisons, & es hostels ou ils estoient logez: & vouloient là attendre l'aventure. Or auint que le Duc de Berry vint à l'Escluse, deuers le Roy: & luy dit, Ha, ha, bel oncle, ie vous ay tant desiré: & vous avez tant mis à venir. Pourquoy avez vous tant attendu? nous deussions ores estre en Angleterre, & auoir combattu noz ennemis: Le Duc commēça à rire: & s'excusa: & ne dit pas si trestost ce qu'il auoit sur son cueur: mais voulut auant aller veoir les pourueances à la nauire: qui estoit si belle sur la mer, que c'estoit grand' plaissance de veoir les pourueances. Si fut bien sept iours à l'Escluse, que tous les iours on disoit, Nous nous partirons demain au matin. Veritablement le vent estoit si contraire, pour singler sus en Angleterre, que plus ne pouuoit. Si estoit le tēps tout bas, apres la S. Andricu. Or regardez fil faisoit bon en ce tēps là sur mer, pour tant de nobles gens cōme il y auoit à l'Escluse, & là enuiron: qui n'attendoient fors qu'on passast: car toutes les pourueances estoient faites & chargées es vaisseaux: & ià plusieurs ieunes Seigneurs du sang Royal (qui se desiroient à auācer) auoient croisé leurs nefes & boutées auāt en la mer, en signifiāt & disant, Le seray des premiers qui arriueray en Angleterre: si nul y va. De cests estoient messire Robert & messire Philippe d'Artois, messire Henry de Bar, messire Pierre de Nauarre, messire Pierre d'Albreth, messire Bernard d'Armignac, & grād' foison d'autres. Iceux ieunes Seigneurs dessus-nōmez, ne vouloient pas demourer derriere, quād ils estoient deuāt. Or se meit le Cōseil du roy ensemble, pour regarder comment on perséuereroit. Mais le Duc de Berry déroipit tout: & monstra tant de raisons raisonnables, que ceux, qui la greigneur volōté auoient de passer, furent tous decouragez, & disoit bien que c'estoit folie, & grand outrage, de conseiller le Roy de France qui estoit encores vn enfant, d'ētrer en mer partel temps, & d'aller cōbattre gens en vn pays, ou nul ne sauoit le chemin, & vn poure pays, & tresmauuais pour guerroyer. Or prenons (dit le Duc de Berry) que nous soyons là tous arriuez, & ayons pris terre. Si ne nous cōbattront point les Anglois, fils ne veulēt: & n'oserōt laisser les pourueāces derriere: car qui les laisseroit tout seroit perdu, Mais, qui voudroit faire vn tel voyage, & en tel pays (il n'y a pas si long chemin de Frāce en Angleterre) on ne le deuroit pas faire au cueur d'Yuer: mais en cueur d'esté. Si mandez tous les mariniers qui cy sont, & les mettez ensemble: & ils vous dirōt que ma parolle est bōne, & que, pour puisāce qu'on ayt au tēps de maintenāt (prenō que no^s singlōs par mer (quoy que nous ayōs biē mille & 500. vaisseaux, ils n'en trouuerōt iā ensēble 300. voiles d'vne veue. Or regardez dōc le peril: & le dōmage, ou l'on no^s veut bouter. Je ne dy pas pourtāt que i'en vueille estre deporté: mais ie le dy pour cause de cōseil, & pource que grand' partie du Royaume de France s'ēcline à moy, ie vueil bien, beau frere de Bourgōgne, que vous & moy y allōs: mais ie ne vueil pas, ne iā ne cōseilleray, que le Roy y viēne: car, si aucun mal luy en prenoit, on diroit que nous luy aurions fait faire. En nom Dieu (respondit le roy de Frāce: qui estoit à ces parolles ouyr) Se nul y va, j'iray. Adonc cōmencerent les Seigneurs à rire, & à dire. Le Roy est de grand' volōté. Là fut pris conseil qu'on mettroit ce voyage en souf-

en souffrance iusques en Auril ou en May:& les pourueances qui se pouuoient garder, biscuit, chairs salées, & vins, on les garderoit, & feroit on certaine ordonnance, que les Seigneurs & leurs gens retourneroyent au Mars. Tout ce fut tantost feu. Ainsi se dérompit le voyage de mer en celle saison: qui cousta au Royaume de France cent mille francs trente fois, * & fut ordonné par le Conseil, que le Roy s'en retourneroit en France, & les Seigneurs chacun en son pays:& demoureroient les choses en estat iusques au Printemps (comme au mois de Mars & d'Auril) auquel temps on pourroit faire le voyage plus propicement: & que chacun fust prest au mandement du Roy. Qui veist lors les Seigneurs courroucez, & especialemēt ceux des loingtaines parties & marches qui auoient trauaillé:& despendu leur argent en esperance d'auoir vne bonne saison, il peust auoir grande merueille:& de ceux là y en auoit de tels que le Comte de Sauoye, le Comte d'Armignac, le Comte Dauphin d'Auuergne, & cent grans Barons: qui se departoyent moult enuis, sans auoir veu Angleterre. Aussi faisoit le Roy de France, mais il ne le pouuoit amender. Lors se departirent toutes manieres de gens:& se meirent au chemin, les vns liez, & les autres courroucez. Les officiers demourerent derriere, pour faire le profit de leurs maistres, & pour reuendre leurs pourueances, mais on ne sauoit à qui, car ce, qui auoit largement cousté cent francs, on l'auoit pour dix & pour moins. Le Comte Dauphin d'Auuergne me dit que par sa foy il auoit là des pourueances pour dix mille francs pour luy: mais il n'en eut pas mille de retour. Encores laisserent ses gens tout perdre. Aussi firent les autres, ne riens ne leur vint à perfection. Quand les nouvelles en furent seues en Angleterre, les aucuns en furent grandement réiouis (qui doutoyent la venue des François) & les autres courroucez: qui y cuidoyent auoir grand profit. Or se fit vne feste à Londres, grande & grosse: & s'y recueillirent toutes manieres de Seigneurs, qui auoient gardé les ports, haures, & passages sur la mer, & tint le Roy sa feste treffolennelle à West-monstier, le iour de Noel (qu'on dit en France le iour de la Kalende) & furent là trois Ducs faits: & premierement le Comte de Canteburge. Nous l'appellerons d'oresnauant Duc d'Yorch: & le Comte de Bouquingam, son frere, Duc de Clocestre: & le tiers, le Comte d'Aquessuffort, Duc d'Irlande. Si continua ceste feste en grand bien & en grand reueil: & estoient les gens parmy Angleterre (ce leur estoit auis) échapez de grand peril: & disoyent les plusieurs que iamais n'auroyent peur des François, & que toutes les assemblées, qui auoient esté à l'Escluse & en Flandres, n'auoient esté faites fors que pour épouenter Angleterre, & pour remander le Duc de Lanclastre, qui se tenoit en la marche de Galice, & qui conquerroit tout le pays.

Le pretendu voyage d'Angleterre rompu par les François

** Annot. 7.*

Grande feste à Londres, pour la retraite des François, sans auoir passé en Angleterre.

Comment deux Champions iousterent à Paris à outrance.

CHAP. XLV.

EN ce temps estoient grās nouvelles en Frāce, & ailleurs es basses marches du Royau me, d'un gage de bataille, qui se deuoit faire à Paris, iusques à outrance. Ainsi auoit il esté sentencié & arresté en la chambre de Parlement à Paris: & auoit le plaid duré plus d'un an entre les deux parties: c'est à entédre d'un Escuyer (qui s'appelloit Iaques le Gris) & de Jehan de Caronge, lesquels estoient tous deux de la terre & de l'hostel du Comte Pierre d'Alençon, & bien aimez du Seigneur, & par especial ce Iaques le Gris estoit tresparfaitement bien de luy, & l'aimoit le Comte sur tous autres, & se confioit en luy. Or, pource que la matiere du champ mortel s'en ensuyuit (laquelle fait moult à merueiller) & que moult de peuple, au Royaume de France & ailleurs, furent informez de la merueille, & vindrent de plusieurs pays à la iournée du champ à Paris, ie vous en declaire-ray la matiere, si comme ie fu adonc informé. Auenu estoit, que volonté & imaginatiō auoit esté prise à messire Jehan de Caronge, pour son auancement, d'aller outre mer, car à voyage faire auoit tousiours esté enclin. Si se departit de son Seigneur le Côte d'Alençon, en volôté de son voyage faire, & prit cōgé à sa fēme (qui pour le temps estoit belle Dame, & ieune) & la laissa en vn sien chastel, sur les marches du Perche, qu'on dit Argenteil, & entra en son voyage, & chemina à son pouuoir. La Dame (si comme ie vous ay ià dit) demoura entre ses gens au chastel, & se porta tousiours moult sagement. Auint (Veez cy la question du fait) que le Diable, par tentation peruerse & diuerse, entra au corps de Iaques le Gris (lequel se tenoit delez le Comte d'Alençon, son Seigneur car il estoit son souuerain conseil) & l'auisa d'un tresgrand mal à faire, si comme depuis il le compara. Mais le mal, qu'il auoit fait, ne peut oncques estre prouué sur luy, n'oncques ne le voulut recongnoistre. Ce Iaques le Gris getta sa pensée sur la femme messire

Cause du combat d'entre Iaques le Gris & Jehan de Caronge.

Trahison de Iaques le Gris, forçant la femme de son compaignon.

Iehan de Caronge: & sauoit bien qu'elle se tenoit au chastel d'Argenteil, entre ses gens, bien accompagnée. Si se departit vn iour, monté sur fleur de courfier, d'Alençon, & vint tant, au ferir des esperons, qu'il arriua au chastel: & là descendit. Les gens de la Dame & du Seigneur luy firent tresbonne chere: pourtant que leur Seigneur & luy estoient tous à vn Seigneur, & compaignons ensemble: & mesmement que la Dame n'y pensoit à nul mal. Si le recueillit moult doucement: & le mena en sa chambre: & luy monstra grâde foison de ses besongnes. Iaques (qui tendoit en sa malice volonté accomplir) requit à la Dame, qu'elle le menast veoir le doniõ, car en partie (si comme il disoit) il estoit là venu pour le veoir. La Dame sy accorda légèrement: & y allerent eux deux tant seulement: n'oncques varlet ne chambriere n'y entra auecques eux, car la Dame luy faisoit tresbonne chere: comme celle, qui se confioit du tout de son honneur à luy. Si tost que ils furent entrez au donion, Iaques le Gris cloit l'huis apres eux, ne la Dame ne s'en donna oncques de garde, qui passoit deuant, & cuidoit que le vent l'eust clos, & Iaques le luy fit entendant. Quand ils furent là ensemble entre eux deux, Iaques l'embrassa, & se decouurit vistement de sa mauuaistié. La Dame fut toute ébahie, & fust volontiers retournée à l'huis, si elle eust peu, mais elle ne peut. Car Iaques (qui estoit fort homme, & dur) si l'embrassa, & la meit à terre sur les carreaux, & en fit sa volonté. Tantost qu'il en eut fait ce qu'il luy pleut, il ouurit l'huis du donion & s'appareilla pour partir. La Dame toute courroucée & ébahie de l'auenture qui auenue luy estoit, demoura toute seule au donion. Mais au departement du Cheualier, la Dame luy dit, tout en plourant, en telle maniere, Iaquet, Iaquet, voⁿ n'avez pas bié fait de m'auoir vergôdée, mais le blasme n'en demourra ià sur moy, fors que sus vous, si Dieu dõne que Mõseigneur mon mary retourne. Iaquet monta sur son courfier, & issit hors du chastel, & retourna arriere vers son Seigneur, le Comte d'Alençon, & fut à son leuer, sur le point de neuf heures, & au matin, à quatre heures, on l'auoit veu en l'hostel du Comte. Or vous diray pourquoy ie mets ces parolles en terme & en auant. C'est pour la grande plaidoyrie, qui apres s'ensuyuit, & pourtant que la chose fut, au pouuoir des Commissaires de Parlement, examinée & inquisitée. La Dame de Caronge, à ce iour que ceste doulente auenture luy fut auenue, demoura à son chastel, & se porta & se couurit aux mieux qu'elle peut, n'oncques pour l'heure ne s'en decouurit à varlet, n'à chambriere qu'elle eust (car elle veoit bien & confideroit qu'à en parler eust elle peu auoir plus de blasme, que d'honneur) mais elle meit bien en memoire, & en retenance, l'heure & le iour, que celuy Iaquet le Gris estoit venu au chastel. Or auint que le Sire de Carõge, son mary, retourna du voyage, ou il estoit allé. La Dame, sa femme, à la reuenue luy fit tresbonne chere. Aussi firent tous ses gens. Ce iour passa. La nuit vint. Le Sire de Caronge se coucha. La Dame ne se vouloit coucher, dont le Seigneur auoit grande merueille, & l'amonnestoit moult de coucher. La Dame se seignoit, & alloit & venoit parmy la chambre, pensant. En la fin, quand tous leurs gens furent couchez, elle vint deuant son mary, & se meit à genoux, & luy compta moult piteusement l'auenture, qui auenue luy estoit. Le Cheualier ne pouoit croire que il fust ainsi. Toutesfois tant luy dit la Dame, qu'il l'ottroya & accorda, & luy dit, Bien. Certes, Dame, mais que la chose soit ainsi que vous le me comptez, ie la vous pardonne mais l'Escuyer en mourra, par le conseil que j'auray de mes amis & des vostres, & si ie trouue en faute ce que vous me dites, i'amaïs en ma compaignie vous ne ferez. La Dame de plus en plus luy certifioit & affermoit que c'estoit pure verité. Ceste nuit passa. Le lendemain le Cheualier fit escrire beaucoup de lettres, & enuoya deuers les amis de sa femme, aux plus especiaux, & à ceux de son costé, & fit tant que dedans briebs iours ils furent venus au chastel d'Argenteil, & les meit tous en vne châtre, & puis il leur entama la matiere de ce, pour quoy il les auoit mandez, & leur fit par sa femme compter, de point en point, toute la matiere du fait, dont ils furent tous émerueillez. Il leur manda conseil, & il fut conseillé qu'il se traist deuers son Seigneur, le Comte d'Alençon, & luy comptast tout le fait. Il le fit. Le Comte (qui moult aimoit ce Iaques le Gris) ne le vouloit croire, & donna journée aux parties à estre deuant luy, & voulut que la Dame, qui en coulpait ce Iaques, fust presente, pour remonstrer encores plus viuement la verité. Elle y fut, & grâde foison de ceux de son lignage, en la presence du Côte d'Alençon. Si fut la plaidoirie grande & longue, & ce Iaques le Gris encoulpé & accusé de son fait par le Cheualier, voire à la relation de sa femme, qui compta aussi toute l'auenture, ainsi que auenue estoit, Iaques le Gris s'excusoit trop fort, & disoit que riens si n'en estoit, & que

La Dame d'Argenteil declaire à son mari le faux tour de Iaques le Gris.

Iaques le Gris accusé du fait dessus dit deuant le Comte d'Alençon par le seigneur de Caronge, à la parole de sa femme.

& que la Dame luy impoſoit indeuément : & ſémecueilloit (ſi comme il monſtroit en ſes parolles) de quoy la Dame le hayoit. Ce Iaques le Gris prouuoit bien, par ceux de l'hoſtel du Comte d'Alençon, qu'en ce iour, que cela eſtoit auenu, à quatre heures on l'auoit veu au chaſtel, & le Seigneur diſoit qu'à neuf heures il l'auoit delez luy en ſa chambre, & que c'eſtoit choſe impoſſible d'auoir cheuauché, en allant & venant & accompliſſant le fait, qu'on luy mettoit ſus, en quatre heures & demie vingt & trois lieues, & diſoit le Seigneur à la Dame qu'il vouloit aider ſon Eſcuyer, & qu'elle l'auoit ſongé : & leur commanda, de ſa puiffance, que la choſe fuſt aneantie : ne que iamais queſtion n'en fuſt, n'y ne ſ'en m'eufſt. Le Cheualier (qui grand courage auoit, & qui ſa femme croyoit) ne voulut pas tenir celle opiniō : mais ſ'en vint à Paris : & remōſtra ſa cauſe en Parlemēt, & fit appeller en Parlemēt ce Iaques le Gris : lequel reſpondit à ſon appel : & dit & promit, & liura pleiges, qu'il en feroit & tiendroient ce que le Parlement en ordonneroit. La plaidoyrie du Cheualier & de luy dura plus d'un an & demy : & ne les pouuoit on accorder, car le Cheualier ſe tenoit ſeur & bien informé de ſa femme : & puis que la cauſe auoit tant eſté ſeuë & publiée, il diſoit qu'il l'en pourſuyuroit iuſques à la mort. De quoy le Comte d'Alençon auoit en trefgrande haine le poure Cheualier : & l'eufſt par trop de fois fait occire, ſi ce n'eufſt eſté qu'ils feſtoient mis en Parlement. Tant fut propoſé & parlemēté, que le Parlemēt determina (pourtāt que la Dame ne pouuoit riens prouuer ſur Iaques le Gris) que chāp de bataille, iuſques à outrāce, ſ'en feroit : & furēt les parties (le Cheualier, l'Eſcuyer, & la Dame, femme au Cheualier) au iour de l'arreſt & du chāp iugé, à Paris, & deuoit eſtre, par l'ordonnance du Parlemēt, le champ mortel au premier Lundy d'apres, † l'an mil trois cens quatre vingts & ſept. En celuy temps eſtoiet le Roy de France & les Barons à l'Eſclufe, ſur l'entente de paſſer en Angleterre. Quand les nouuelles en furent venues iuſques au Roy (qui ſe tenoit à l'Eſclufe) & iā eſtoit ordonné du Parlemēt que celle choſe deuoit eſtre à Paris, ſi dit qu'il vouloit veoir le champ du Cheualier & de l'Eſcuyer. Le Duc de Berry, le Duc de Bourgongne, le Duc de Bourbon, le Conneſtable de France (qui auſſi grand deſir auoient de le veoir) dirent au Roy que c'eſtoit bien raiſon qu'il y fuſt. Si manda le Roy à Paris que la iournee fuſt ralongée de ce champ mortel, car il y vouloit eſtre. On obeyt à ſon mandement (ce fut raiſon) & retournerent le Roy & les Seigneurs en France, & tint le Roy de France, en ces iours, ſes feſtes de Kalendes en la cité d'Arras, & le Duc de Bourgongne en l'Iſle : & endementiers paſſerent toutes manieres de Gens-d'armes : & retournerent en France, & chacun ſur ſon lieu, ſi comme il eſtoit ordonné par les Mareſchaux. Mais les grans Seigneurs ſe tiroiet deuers Paris, pour veoir le champ. Or furent reuenus le Roy de France & ſes oncles, & le Conneſtable, à Paris. † Si furent les lices faites du champ, en la place Sainte Catherine, derriere le Temple : & là y eut tant de peuple que merueilles ſeroit à penſer, & auoit ſur l'un des lez des lices, faits de grans échauffaux, pour mieux veoir les Seigneurs en bataille les deux champions. Leſquels vindrent au champ, & furent armez de toutes piéces, ainſi comme à eux appartenoit, & là furent aſſis, chacun en ſa chaire, & gouuernoit le Comte de Saint-Pol meſſire Jehan de Caronge, & les gens du Comte d'Alençon Iaques le Gris. Quand le Cheualier deut entrer au champ, il vint à ſa femme (qui là eſtoit en un char, couuert de noir) & luy dit ainſi, Dame, par voſtre information, & ſur voſtre querelle, ie vois auenturer ma vie, & combattre Iaques le Gris. Vous ſauez ſi ma cauſe eſt iuſte & loyale. Monſeigneur (dit la Dame) il eſt ainſi, & vous combattez tout ſeuement, car la cauſe eſt bōne. A ces mots le Cheualier baiſa la Dame, & la prit par la main & puis ſe ſeigna, & entra au champ. La Dame demoura dedans le char, couuert de noir, en grans oraifons enuers Dieu & la Vierge Marie, en priant treshumblement qu'à ce iour, par leur grace & interceſſion, elle peufſt auoir victoire, ſelon le droit qu'elle auoit, & vous dy qu'elle eſtoit en grāde triſteſſe : & n'eſtoit pas aſſeurée de ſa vie, car ſi la choſe tournoit à déconſiture ſur ſon mary, il eſtoit ſentencié que ſans remede on l'eufſt arſe, & ſon mary pendu. Ie ne ſay, car oncques ie n'en parlay à elle, ny à luy, ſi elle ſ'eſtoit point pluſieurs fois repentie de ce, qu'elle auoit miſe la choſe ſi trefauant, que ſon mary & elle mis en ce grand danger & peril. Finalement il en conuenoit attendre l'auenture. Or commencerent, & furent mis les deux champions l'un deuant l'autre, ainſi comme il appartenoit à faire : & puis monterent ſur leurs cheuaux, & ſe maintindrent du premier moult farreement, car bien cognoiſſoyēt les armes. Là auoit grāde foiſon de Seigneurs de France, leſquels eſtoient venus pour les veoir combattre. Si iouſterent les champiōs.

La querelle du Seigneur de Caronge & de Iaques le Gris ſe debat au Parlemēt de Paris, et leur eſt chāp de bataille adiugé.

† Il y a ſaute icy de quelque nom de feſte, ou de iour remarquable. Mais ie ne le puis deniner.

† Le champ de bataille en la place, ou la cloſture de Sainte Catherine du val des Eſcoliers y aſſiſtance le Roy. Surquoy nous pouuons marquer noſtre an 1387 ſelon qu'il a nagueres dit.

† C'eſt à dire en bien bon arroy.

*Le seigneur de
Caronge victo-
rieux.*

de premiere venue, mais riens ne forfirent. Apres les ioustes, ils se meirent à pié, & en ordonnance pour parfaire leurs armes: & se combattirent moult vaillamment: & fut du premier, messire Iehan de Caronge nauré en la cuisse: dont tous ceux, qui l'aimoyent, en furent en grand effroy: & depuis se combattit si vaillamment, qu'il enuoya son auersaire à terre: & luy bouta l'espee dedans le ceps: dont il l'occit au champ: & puis demanda fil auoit bien fait son deuoir. On luy respōdit, ouy. Si fut Iagues le Cris deliuré au bourreau de Paris: qui le traina à Mont-faulcon, & là fut pendu. Adonc messire Iehan de Caronge vint deuant le Roy: & se meit à genoux. Le Roy le fit leuer, & luy fit deliurer mille francs, ce propre iour, & le retint de sa chambre, parmy deux cens liures de pension par an, qu'il luy dōna toute sa vie. Messire Iehan de Caronge remercia le Roy, & les Seigneurs, & vint à sa femme, & la baïsa: & puis ils allerent à l'Eglise Nostre-Dame, faire leur offrande: & puis retournerent à leur hostel. Depuis ne seiourna gueres messire Iehan de Carōge en Frāce: mais s'en partit, & se meit au chemin, avec messire Bouciquaut, & avec messire Iehan des Bordes, & messire Louis Grat. Ces quatre entrepirēt, de grande volōté, d'aller veoir le S. Sepulchre, & l'Amorabaquin: dont il estoit en ces iours moult grandes nouuelles en France. En leur compaignie fut aussi Robinet de Boulongne, vn Escuyer d'honneur du Roy de France: lequel en son temps auoit fait plusieurs voyages parmy le monde.

*Comment le Roy Pietre d'Arragon mourut, & comment le nouveau Roy Iehan, son fils
retint prisonnier l'Archeuesque de Bordeaux, negociateur du Duc de Lanclastre,
pour le recouurement de certains deniers, qu'il pretendoit luy estre deus au Royau-
me d'Arragon.*

CHAP. XLVI.

† De 1387.
à ma mode.

*Trépas du Roy
d'Arragon.*

EN ce temps, † enuiron la Chandeleur, l'accoucha au liēt malade le Roy Pietre d'Arragon. Quand il veit que mourir luy conuenoit, si fit venir deuant luy ses deux fils Iehan l'aîné, & Martin, le Duc de Blasmont en Arragon, & leur dit, Beaux enfans, ie vous laisse assez en bon point, & les besongnes du Royaume toutes cleres. Tenez vous en paix, & en amour ensemble, & vous portez foy & hōneur. Si en vaudrez mieux. Du fait de l'Eglise, pour le plus seur, & pour ma conscience appaïser, j'ay tousiours tenu la neutralité. Encores vueil ie que vous la tenez, iusques à tant que la determination vous apperra plus clerement. Ces deux fils respondirent moult doucement, Monseigneur, nous le ferons tresvolontiers: & si voulons obeyr à ce que vous ordonnerez. C'est bien raison. En tel estat trépassa le Roy Pietre d'Arragon: qui fut vn tresvaillant homme en son temps, & qui grandement augmenta la couronne d'Arragon, & conquist tout le Royaume de Maiorque, & l'attribua à luy. Si fut ensēuely en la bonne cité de Barcelonne: & là gist. Quand la mort de luy fut seuë en Auignon deuers le Pape Clement & les Cardinaux, si escriuirent tantost deuers le Roy de France & ses oncles, & deuers le Duc de Bar & la Duchesse (qui tenoyent leur opinion, & qui estoient pere & mere de la ieune Royne, qui seroit d'Arragō, Madame Yolent) & à la Dame aussi, qu'ils fissent tant, que la ieune Royne d'Arragon, & le Royaume d'Arragon, se determinast à leur opinion. Le Duc de Bar & la Duchesse en escriuirent à leur fille, Madame Yolent: & le Roy de France, le Duc de Berry, & le Duc de Bourgongne aussi: qui enuoyerent en Arragon vn Cardinal, en legation, pour prescher le ieune Roy (qui seroit) & son frere, & le peuple. Le Cardinal, fit tant, avec l'aide de Madame Yolent de Bar (qui s'enclinoit trop fort, pour la cause de ce que pere & mere l'en prioient, & le Roy de France, & les Ducs de Berry & de Bourgongne, ses cousins) qu'il descendit à leur opinion (car par-auant il vouloit tenir l'opinion de son pere, quant à la neutralité) & se determina tout le Royaume d'Arragon au Pape Clement. Durant ces iours, que le Roy Pietre d'Arragon trépassa, estoit à Barcelonne l'Archeuesque de Bordeaux, que le Duc de Lanclastre y auoit enuoyé. Ie vous diray pour quelle raison. Le Prince de Galles (pourtant qu'il fut Duc & Sire d'Aquitaine, & que tous ses voisins le doutoyent, le Roy de Frāce, le Roy d'Arragon, le Roy d'Espaigne, & le Roy de Nauarre, & mesmement les Roys Sarrazins, qui oyoyent parler de sa grande fortune & bonne cheualerie) eut vne certaine alliance & confederation au Roy Pietre d'Arragon, & le Roy à luy, que le Prince luy iura & seëlla, & fit seëller le Roy d'Angleterre son pere, que pour tousiours & iamais, luy, ne le Royaume d'Angleterre, ne les successeurs d'Angleterre, & pareillement d'Aquitaine, qui viendroyent, ne feroient point de guerre, ne consentiroient à faire au Royaume d'Arragon, parmy
tant,

rant, que le Roy d'Arragon iura & seella, pour luy & pour ses hoirs, que tous les ans il seruiroit le Prince d'Aquitaine de la somme de cinq cens Lances, contre qui il eust affaire: & en payeroit les deniers, si cinq cens Lances ne luy vouloit enuoyer. Or estoit il auenu qu'il y auoit bien dix ans d'arrerages, que le Roy d'Arragon n'en auoit riens payé, ne fait nul seruice au Roy d'Angleterre, n'à ses commis: & quand le Duc de Lanclastre ifit hors d'Angleterre, il eut & apporta avecques luy lettres patentes, seellées du grand seel d'Angleterre, present tout le conseil, que le Roy d'Angleterre l'establiroit es marches de Bordeaux, de Bayonne, & d'Aquitaine, comme son Lieutenant: & luy donnoit plaine puissance Royale de demander tous droits deuz, & actiōs deuës, tant sur le Royau me d'Arragon, comme ailleurs: & vouloit que le Duc en eust les leuées & les profits, sans riens retourner: & les quittoit plainement: & tenoit à ferme tout ce qu'il en feroit. Dont quand le Duc de Lanclastre fut arresté en la ville de Saint-Iaques en Galice (si comme il est icy contenu par dessus) il pensa sur les besongnes d'Arragon, & regarda que le Roy d'Arragon, par la vertu de la commission qu'il auoit, estoit grandement tenu à luy, en grande somme d'argent, pour les arrerages. Lesquelles choses luy venoient grandemēt à point, pour maintenir sa guerre de Castille, avecques les autres aides: si que, luy seiour nant à Saint-Iaques, il enuoya de son Conseil à Bordeaux, deuers l'Archeuesque, & de uers messire Iehan Harpedane (qui lors estoit Sénéchal de Bordeaux & de Bordelois) & mandoit par ses lettres, que l'un des deux, ou tous les deux ensemble, allast en Arra gon, deuers le Roy, & luy remonstraist viuement comment il estoit grandement, & de long temps, tenu enuers le Roy d'Angleterre, Duc d'Aquitaine. l'Archeuesque & le Se neschal regarderent les lettres du Duc: dont ils eurent conseil ensemble, & fut auisé en tre'eux, qu'il valoit mieux que le Sénéchal demourast à Bordeaux, que nompas qu'il al last en Ambassade au Royaume d'Arragon. Si que l'Archeuesque de Bordeaux en prit la charge, & fit tant, qu'il vint en Arragon, & si mal à point, que le Roy d'Arragon es toit malade: tellement qu'il en mourut. Quand il fut mort, l'Archeuesque suyuit les enfans, & le Conseil d'Arragon: qui vindrent à l'enterrement du Roy Pietre d'Arra gon, en la cité de Barcelonne. Or tant parla il (ce sembla au Conseil du Roy) qu'il fut mis en prison fermée, courtoise, mais il ne pouuoit pas partir, quand il vouloit, & en la cité de Barcelonne.

*Cause d'enuier
l'Archeuesque
de Bordeaux en
Arragon par
le Duc de Lan-
clastre.*

*L'Archeuesque
de Bordeaux re
tenu prisonnier
à Barcelonne,
par trop grand
auantage de
parler.*

*Comment le Duc de Lanclastre fit faire guerre sur les frontieres d'Arragon, tant qu'on
luy eust rendu son Archeuesque de Bordeaux, & comment la Dame de Chastel-bon
estant soupçonnée d'auoir mis les Anglois en un sien chasteau, s'en excusa vers le ieune
Roy d'Arragon, par l'entremise du Comte de Foix.*

CHAP. XLVII.

Quand les nouvelles en vindrent à Bordeaux deuers le Sénéchal, si dit, Je n'en pen soye pas moins, car l'Archeuesque a trop chaude teste. Encores ie croy qu'il vauisist trop mieux que i'y fusse allé, car l'eusse parlé plus à point. Il y a bien maniere, par tout le monde, de demander le sien. Le Sénéchal manda ces nouvelles deuers le Duc de Lanclastre: qui se tenoit en Galice. Le Duc en fut moult grandement courroucé: & se contenta mal du Roy d'Arragon & de son Conseil, quand on auoit l'Archeuesque de Bordeaux, un si grand Prelat, retenu & mis en prison, en exploitant ses besongnes. Adōc escriuit le Duc aux compaignons de Lourde, qu'ils voussissent guerroyer ceux de Barce lonne: ou l'Archeuesque de Bordeaux estoit en prison. Iehan de Bearn, Capitaine (qui se nommoit le Sénéchal de Bigorre) Pierre d'Anchin, Ernauton de Resten, Ernauton de Sainte-Colombe, & tous les compaignons de la garnison de Lourde, furent grande ment réiouis, quand ils ouirent ces nouvelles: & commencerent à courir au Royaume d'Arragon, & iusques aux portes de Barcelonne, & tant que nuls marchans n'osoyent aller hors. Avec tous ces méchefs, le ieune Roy Iehan d'Arragon se vouloit faire cou ronner à Roy: mais les bonnes villes ne le vouloyent consentir, si il ne iuroit solennelle ment, que iamaïs taille souldie, n'imposition nulle, il ne mettroit n'eleueroit au pays: & plusieurs autres choses vouloyent ils qu'il iurast, escriuist, & seellaist: si il vouloit estre cou ronné Roy. Lesquelles choses, ce luy sembloit, & à son Conseil, luy estoient moult pré iudiciables, & les menaçoit qu'il leur feroit guerre, & especialement à ceux de Barce lonne, & disoit le Roy qu'ils estoient trop riches, & trop orgueilleux. En ce temps auoit en Languedoc, sur les frontieres d'Auuergne, & de Rouergue vers Pesenas, & vers la ci té d'Vzes, vne maniere de Gens-d'armes: qui s'appelloient les Routes, & se multiplioyēt

*Course de la
garnison de
Lourde sur le
Royaume d'Ar
ragon pour le
Duc de Lan-
clastre.*

*Certains pillars
se nommés les
routes, prennent
le chasteau de
Dulcem sur les
frontieres d'Ar
ragon.*

*† sala dit Du
ren.*

*Prise du cha-
stel viel de Rol
bays, pres de
Barcelonne, par
la garnison de
Lourde, sur la
Dame de Ca-
stel bon.*

*deliurance de
l' Archeuesque
de Bordeaux.*

*† Par auant
Vicomtesse.
Excuse de la
Vicomtesse de
Chastel bon vers
le ieune Roy
d'Arragon, sur
la prise de son
chastel de Rol-
bays.*

tous les iours pour mal faire: & en estoient Capitaines quatre Hommes-d'armes: qui demandoient guerre à tout homme, qui fust monté à cheual. Ils n'auoient cure à qui. Si estoient nommez Pierre de Mont-faucon, Geoffroy Chastelier, Hainge de Sorge, & le Goulent. Et tenoient ceux bien quatre cens combattans dessous eux: & mangeoient tout le pays ou ils conuersoyent. Quand ils furent informez que l'Archeuesque de Bordeaux estoit en prison en Arragon, & que le Duc de Lanclastre se contenoit fort sur les Arragonois, & outre, que le Roy d'Arragon se cōtentoit mal des bones villes de son Royaume, si en furent tous réiouis. Car telles gens, comme ils estoient, sont plus réiouis du mal, que du bien. Si eurent conseil entre eux, qu'ils approcheroient d'Arragon, & prendroient quelque fort sur les frontieres: & quand il l'auroient pris, le Roy d'Arragon ou les bonnes-villes traitteroient deuers eux. Si se departirent: & vindrent cheuauchant & costoyant le pays: & auoient getté leur visée à prendre le chastel de Dulcem: qui sied en l'Archeuesché de Narbonne, entre le Royaume d'Arragon & le Royaume de France, droitement sur le departement des terres. Si vindrent tout à point, & de nuit, qu'ils y trouuerent petite garde. Lors firent tant qu'ils l'eurent, & en furent Seigneurs: dont tout le pays fut grandement effroyé, & par especial ceux de Parpignan, car le chastel sied à quatre lieuës pres de là. Aussi ceux de Lourde prirent, en celle propre semaine, vn chastel en Arragon à quatre lieuës pres de Barcelonne: lequel on appelle Chastel-vieil-de Rolbays: & est le chastel à la Vicomtesse de Chastel-bon, cousine germaine au Comte de Foix. La Dame fut toute ébahie: quand le chastel fut pris. Si manda à son cousin, le Comte de Foix, pour Dieu qu'on le luy voulsist rendre, car ceux, qui pris l'auoyent, estoient de son pays de Bearn. Le Comte de Foix mada à sa cousine, qu'elle ne s'effroyast en riens, car il auoit esté pris pour guerroyer ceux de Barcelonne (qui tenoient en prison, à petite cause, l'Archeuesque de Bordeaux) & que bien le r'auroit, sans son dommage. La Dame s'appaisa sur ce: & se dissimula: & s'en alla demourer en vn autre chastel, pres de Roquebertin. Ceux du Chastel-vieil de Rolbays & de Dulcem, & aussi ceux de Lourde, guerroyoient moult grandement les frontieres d'Arragon. Le Roy, au vray dire, s'en dissimuloit, pour donner chastement aux villes: & tant que les bonnes-villes, se contenterent mal du Roy, car ceux de Barcelonne, de Parpignan, & de plusieurs autres villes, qui ne pouuoient aller à leurs marchadises, qu'ils ne fussent pris & rançonez. Si faulserent ceux de Barcelonne, qu'ils deliureroient l'Archeuesque de Bordeaux: mais, de sa deliurance, ils en parleroyent auant au Roy: comme c'estoit raison. Si traitterent tous quoyement, par voye & moyen, deuers le frere du Roy, messire Martin, le Duc de Blamont (le quel estoit grandement en la grace de toutes gēs) qu'il voulsist tāt faire deuers son frere le Roy qu'ils eussent paix à ceux de Lourde, & à ceux de Rolbays. Celuy leur encōuença, pour eux tenir en amour: & fit tant deuers son frere, que l'Archeuesque de Bordeaux fut deliuré de prison, & renuoyé en Bordelois. Assez tost apres fit tant le Comte de Foix que la Vicomtesse recouura son chastel: & s'en partirent ceux, qui le tenoient. Ce seruice fit le Comte de Foix, en celuy an, au Duc de Lanclastre. Quand le Roy d'Arragon veit que la Comtesse de Chastel-bon estoit si tost retournée à son chastel, si la manda. Elle vint. Le Roy luy meit sus, qu'elle auoit mis les Anglois en son chastel, pour luy guerroyer, & son Royaume, & que trop s'estoit forfait. La Dame s'excusa de verité: & dit, Monseigneur, si Dieu m'aist & les siens, par la foy que ie doy à vous, à l'heure, & au iour qu'on me dit les nouuelles que mon chastel estoit pris de ceux de Lourde, ie n'auoye oncques eu traitté ne parlement aux Anglois: & en escriuy deuers mon cousin, Monseigneur le Comte de Foix, en priant, pour Dieu, qu'il me fust rauoir mon chastel, & que ceux qui pris l'auoient, si estoient de Bearn, & issus de Lourde. Le Comte me remanda que ie ne doutasse en riens, & que ceux, qui le tenoient, l'auoient emprunté, pour guerroyer ceux de Barcelonne. Dont dit le Roy. Or me faites tantost prouuer ces parolles par vostre coufin de Foix: & ie vous tourneray le chastel. La Dame dit, Volontiers. Elle enuoya toutes ces parolles deuers le Comte de Foix (qui pour ce iour se tenoit à Ortais en Bearn) en luy priant qu'il la voulsist appaiser vers le Roy d'Arragon. Le Comte le fit: & enuoya lettres, par vn sien messager, Cheualier: messire Cicart de Saurelin: en remonstrant qu'il prioit au Roy d'Arragon, qu'il voulsist tenir en paix sa cousine, & la laissast viure dessous luy, & de son héritage: ou autrement il luy en déplairoit. Le Roy d'Arragon tint les excusations à bonnes: & fit grande chere au Cheualier du Comte de Foix, & luy dit, La Comtesse a bien fait, puis que son cousin de Foix la veut excuser.

Comment ceux des routes, qui auoient pris le chasteau de Dulcem sur les frontieres d'Arragon, furent subitement déconfits & ruez ius par Raymon de Bachez, cousin du Roy d'Arragon.

CHAP. XLVIII.

Ainsi se porterent ces besongnes: & demoura la Vicomtesse de Chastel-bon en paix, mais pource n'y demourerēt pas les marchās, pour ceux de Lourde, de la cité de Barcelonne, & des frontieres: ainçois estoient souuent pris & pilliez, s'ils n'estoient abonnez enuers eux, & auoient ceux de Lourde leurs abonnemens en plusieurs lieux en Catelonne, & au Royaume d'Arragon: & ainsi vouloyēt faire ceux de la garnison de Dulcem: & eussent fait pis: qui ne fust allé au-deuant, car ils couroyent assez plus aigremēt au Royaume d'Arragon, que ceux de Lourde ne faisoient (pourtant qu'ils estoient pures) & n'auoient cure sur qui: ains autant bien sur les gens d'office du Roy & de la Roine, comme sur les marches du pays: & tant, que le Conseil du Roy se meit ensemble, pource que les bonnes-villes en murmuroient: & disoyent que le Roy (qui les deust destruire) les soustenoit. Quand le ieune Roy d'Arragon entendit que ses gens murmuroient, & parloyent sur luy, autrement qu'à point, pour ceux de Dulcē, si luy tourna à grād' déplaissance: pourtant que le Royaume & l'héritage du Roy, son pere (qui auoit esté si aimé de son peuple) luy estoit nouuellement écheu. Si en parla à vn sien cousin, & grand Baron en Arragon: messire Raymon de Bachez, & luy dit, messire Raymon, cheuauchez iusques à Dulcem: & sachez que ces gens, qui là sont, me demandent, & à mon pays: & traitez doucement deuers eux: & faites si vous pouuez, qu'ils se departent incontinent, ou doucemēt, ou autremēt. Le Cheualier respōdit volōtiers. Il enuoya tātost vn Heraut deuāt, parler aux compaignons de Dulcem: & leur mandoit qu'il vouloit traicter à eux. Quand Mōtfaucō, † le Goulus, & les Capitaines entendirent que messire Raymon de Baghez vouloit traicter à eux, si penserent qu'ils auroient de l'argent: & dirent au Heraut, Compaignon, dites de par nous à vostre maistre, messire Raymon, qu'il peut bien venir à nous tant seulement, car nous ne luy voulons que tout bien. Le Heraut retourna: & fit responce à messire Raymon: lequel sur ces parolles se departit de Parpignan, & s'en vint vers eux: & l'acquita de parolles à eux: & leur demanda pourquoy ils se tenoient là ainsi sur les frontieres d'Arragō. Ils respōdirent. Nous attēdons que l'armée du Roy de France vienne. qui doit aller en Castille, si nous mettrons en leur cōpaignie. Haa, Seigneurs (dit messire Raymon) si vous attēdez cela, vous demourrez trop. Le Roy d'Arragō ne vous veut pas tant tenir à ses fraiz, ne le pays aussi. Dont respondirent. S'il ne nous veut tant tenir, nous ne le pouuons pas amender, ou que ce soit, il nous faut viure. S'il veut rachapter à nous le pays, nous nous partirōs volontiers: & autrement non. Et que voudriez vous (dit messire Raymon) & vous partirez? Ils respondirent, Soixante mille francs. Nous sommes quatre. Ce seront à chacun quinze mille. En nō Dieu (dit messire Raymon) c'est argētr assez, & i'en parleray au Roy. Encores vaudroit il mieux, pour le cōmun profit du pays, qu'ō les payast, qu'on eust plus grād dōmage. Ce disoit Sire Raymon, pour les appaiser, mais il pésoit tout le cōtraire. Il prit congé à eux: & leur donna à entendre qu'ils auroient bien autant, ou plus, qu'ils ne demandoient: & puis s'en retourna il à Parpignā: ou le Roy estoit: à qui il recorda ce que les pillars vouloient auoir. Adōc dit le Roy, il faut qu'on en deliure le pays, & qu'ō les paye, ainsi qu'ō paye les larrōs & pillars. Si ie les puis tenir, ie les feray tous pendre, ils ne doiuent auoir payement autre. Mais c'est du plus fort comment on les pourra auoir tous ensemble, hors de leur garnison. Respondit messire Raymon, bien les y aurons. Laissez les conuenir. Or faites (dit le Roy) ie ne m'en mesleray plus: fors tant que ie vueil que le pays en soit deliuré. Messire Raymon alla mettre vne compaignie de Gens-d'armes (ou bien auoit cinq cens Lāces) secrettement: & en fit vn Escuyer Gascon Capitaine, vaillant homme, & bō Hōme-d'armes: lequel on appelloit Naudon Seighin. Si les meit en embusche, ainsi qu'à vne petite lieuē de Dulcem: & leur dit. Quand ceux de la garnison saudront, faites qu'ils soiēt tous morts, ou pris, nous en voulons deliurer le pays. Ils respōdirent volontiers, Sire. Messire Raymon manda à ces cōpaignons qu'ils se missent tous à cheual: & venissent courir vne matinée deuant Parpignan, pour ébahir les villains de la ville, autrement on ne pouuoit traicter à eux, qu'ils dōnassent rien. Si furēt tous réiouis de ces nouuelles: & cuidās qu'ō leur dist verité, s'armerent, le iour que l'ēbusche estoit ordonnée, & mōterēt tous à cheual, & partirent de leur garnison: & s'en vindrent cheuauchant vers Parpignan, & en fai-

La Dame de Chastel bon tenue pour bien excusée au moie du Cōre de Foix

† Il a par auāc dit le Goulēt,

Parlement de Raymon de Bachez, Arragōnois, aux pillars de Dulcem

Les pillars de Dulcē finement attraitz & déconfits aux champs par quelques Arragonnois de la menée de Raymon de Bachez

fant leur monstre, vindrent iusques aux barrieres:& quand ils eurent tout ce fait, ils se meirent au retour:& s'en cuiderent r'allier tout paisiblement, mais ainsi que sur la moitié du chemin, ils furent rencontrez de Naudon Seighin & de sa route:ou bien auoit cinq cens Lances, qui tantost se ferirent en eux. Si veirent bien qu'ils estoient deceus & attrapez, si se meirent & se combattirent assez bien, ce que durer peurent, mais ce ne fut pas longuement, car entre eux y auoit grande foison de pillars, & de gens mal armez: qui furent tantost déconfits. La furēt morts Geofroy Chastelier, Hange de Sorge, Guyot Morefque, Iehan le Gueulāt, & grande planté d'autres:& fut pris Pierre de Monfaucō, Amblardan de S. Iust, & bien quarante, & amenez à Parpignan, & entretant qu'on les amenoit parmy les rues, ces gens de Parpignan issoient hors de leurs maisons:& les huyoiēt ainsi qu'on fait le loup. Si furent mis les vns aux seps, les autres en prison, & les autres en vne fosse. En ce temps estoit le Duc de Berry venu nouuellement à Carcassonne, & sur les frontieres d'Arragō, car il venoit d'Auignō, de veoir le Pape Clement. Si ouit recorder cōment ceux de Dulcem estoient pris, & morts aucuns. Tantost il escriuit deuers le Roy d'Arragon, & deuers sa cousine, Yolant deBar, en priant qu'on luy voufist réuoyer Pierre de Monfaucō, & ses cōpaignons: qui tantost les deliurerent, & furent renuoyez au Duc de Berry. Ceste grace leur fit il, autrement ils eussent esté morts sans nulle mercy.

D'un fait d'armes, accompli deuant le Senechal de Bordeaux, entre vn François & vn Anglois.

CHAP. XLIX.

EN ce temps y eut à Bordeaux sur Girōde vne appertise d'armes, deuāt les Seigneurs, le Senechal messire Iehan Harpedane, & les autres, de deux Cheualiers: c'estassauoir du Sire de Rochefoucaut, François (qui auoit esté fils de la sœur du Captal de Buz) & de messire Guillaume de Montferrāt, Anglois, à courir à tout trois lāces à cheual, & en ferir trois coups, trois d'espée, & trois coups de dague, & trois coups de hache. Si furent les armes faites deuant les Seigneurs & les Dames du pays, qui lors estoient à Bordeaux:& y enuoya le Comte de Foix les Cheualiers de son hostel, pour seruir & conseil ler le Seigneur de Rochefoucaut (qui fils estoit de sa cousine germaine) & luy enuoya bons cheuaux, & armeures, dagues, haches, & espées, & fers de glaiues, tresbons: quoy que le Sire de Rochefoucaut en fust bien pourueu. Si farmerent vn iour les deux Cheualiers, bien accompagnez chacun de grande Cheualerie de son costé: & auoit le Sire de Rochefoucaut bien deux cens Cheualiers & Escuyers, & tous de son lignage:& messire Guillaume de Montferrant bien autre tant, ou plus & là estoient avec luy le Sire de Rohan, le Sire del'Esparre, le Sire de Duras, le Sire de Mucident, le Sire de Lenduras, le Sire de Curton, le Sire de Languran, le Sire de la Barde, le Sire de Tarde, le Sire de Mōt croyat en Pierregourd, & tout par l'ignage:& pour ce que l'appertise d'armes estoit de deux vaillans Cheualiers emprise, les venoit on veoir de plus loingtain pays. Quand ils furent mōtez sur leurs cheuaux, & ils eurent leurs targes, & lacez leurs heaumes, on leur bailla leurs glaiues. Adonc esperonnerent leurs cheuaux de grand randon: & s'en vindrent l'un sur l'autre de plain † eslais:& se frapperent es heaumes, de telle façon, que les guiges en saillirent:& porterent tous ius à terre, aux fers des lāces, leurs heaumes, & passerēt outre à testes nues, exceptez des coeffes. Par ma foy (dirēt les Seigneurs & les Dames, chacun en droit foy) ils se font bien de premiere venue attains. Adonc entendirēt à leur remettre à point:& relacerent leurs heaumes. Si coururent encores moult vaillamment la seconde lance:& aussi firent ils la tierce. Brieuemēt, toutes leurs armes furēt faites bien & à point, au plaisir des Seigneurs: tant qu'il fut dit que chacun s'estoit bien porté:& donna ce iour à souper aux Seigneurs:& aux Dames, en la cité de Bordeaux, le Senechal, messire Iehan Harpedane, & au lēdemain tous se departirēt:& allerent sur leurs heritages. Le Sire de Rochefoucaut s'ordonna pour aller en Chastille (car le Roy Iehan de Castille l'auoit mandé:& le voyage de Castille s'approchoit grandement) & messire Guillaume de Montferrand, quand il fut reuenu, s'ordonna aussi de passer outre, & d'entrer en mer, pour aller en Portugal, car le Roy l'auoit aussi mandé.

† Ce mot peut venir d'elancer. Mais, quāt à guiges, ie ne say d'ou il viēt ne qu'il signifie proprement.

De la longue prison de Iehan de Blois, fils de feu Charles de Blois, en Angleterre, & comment messire Oliuier de Clisson l'en deliura, & luy donna sa fille en mariage, au grand mécontentement du Duc de Bretaigne.

CHAP. L.

EN si grande & si noble Histoire comme ceste est (dont ie Sire Iehan Froissart ay esté
 Augmenteur & reciteur, depuis le commencement iusques à maintenant, par la gra-
 ce & vertu, que Dieu m'a donnée de si longuement viure, que i'ay en mon temps veu
 toutes les choses d'abondance & de bonne volonté) n'est pas raison que i'oublie rié, qui
 à ramenteuoir face, & pour ce que par les guerres de Bretaigne les deux fils de messire
 Charles de Blois (qui vn long temps se nommoit Duc de Bretaigne: & il l'estoit aussi,
 par le mariage qu'il fit à Madame Iehanne de Bretaigne: laquelle venoit du droit estre
 de Bretaigne, & des Ducs: si comme il est veritablement contenu & remonstré cy-des-
 sus † en ceste Histoire) furent mis en ostage en Angleterre pour leur pere, que sont ils de-
 uenus? Car ie ne les ay pas mis encores hors de prison & danger du Roy d'Angleterre:
 ou leur pere, messire Charles de Blois, les auoit mis. Vous sauez, & il est icy † dessus escrit
 & traité, comme le Roy Edouard d'Angleterre, pour embellir sa guerre de France, se
 conioingnit & allia deuers le Comte de Montfort: & tousiours l'a il aidé, conforté, &
 conseillé, à son loyal pouuoir: & tant fait que le Comte de Montfort est venu à ses entê-
 tes, & qu'il est Duc de Bretaigne. Car autrement messire Charles de Blois, luy viuant, a
 eu tousiours de sa partie en Bretaigne, contre le Comte de Montfort, de sept les cinq.
 Vous sauez comment, sur l'an m. cccc. xlviii. à vne grosse bataille qui fut en Bretai-
 gne, deuant la † Roche-darien, les gens de la partie de la Comtesse de Montfort, messire
 † Iehan de Harcelle, & plusieurs autres, déconfirent messire Charles de Blois: qui fut là
 pris, & emmené en Angleterre: ou on luy fit tresbonne chere. Car la noble Royne d'An-
 gleterre, la bonne Royne Philippe (qui fut en mon ieune temps Madame & ma maistres-
 se) estoit de droite generation cousine germaine à messire Charles de Blois: & luy fit la
 Dame, & monstra la grace & amour qu'elle peut à sa deliurance, car le Conseil du Roy
 Edouard d'Angleterre ne vouloit que messire Charles de Blois fust deliuré, & disoient
 le Duc Héry de Lâclastre & les autres Barons d'Angleterre. S'il est dehors de prison, il y
 a en luy trop de belles & grâdes recourâces, car le Roy Philippe (qui se dit Roy de Frâ-
 ce) est son oncle: & tant que nous le tiendrons en prison, nostre guerre de Bretaigne est
 bonne. Non-obstant toutes les parolles & remonstrances, que les Seigneurs d'Angl. mon-
 stroient au Roy, le Roy Edouard, par le bon moyen de la noble & bone Royne, sa fême
 le meit à finance: & deut payer deux cens mille nobles: & ce pendant le Roy d'Angleter-
 re eut ses deux fils, pour auoir respôdât de la sôme des deniers: qui estoit grâde à payer,
 mais non seroit maintenant pour vn Duc de Bretaigne. Car les Seigneurs se formēt sur
 autre condition & maniere, qu'ils ne faisoient pors lors: & trouuēt pour le present plus
 grande cheuance, que ne faisoient leurs predecesseurs du tēps passé, car ils taillent leur peu-
 ple à voloté: & du tēps passé ils n'osoient fors de leurs rentes & reuenues: mais mainte-
 nant la Duché de Bretaigne, sur vn an, ou sur deux ou plus, payeroit bié, pour aider à son
 Seigneur, deux cens mille nobles. Ainsi donc Charles de Blois meit & bailla ses deux
 fils (qui pour lors estoient ieunes) en pleiges, pour la somme des deniers, au Roy Edouard
 d'Angl. Depuis, messire Charles de Blois, en poursuyuant la guerre de Bretaigne, eut tāt
 affaire à payer soudoyers & à tenir son estat, & aussi tousiours en esperance de veoir fin
 de guerre, qu'il ne peut rauoir ses deux fils, & en poursuyuāt sa querelle, & en deffendāt
 son héritage, le trefvaillant & tressainct hōme mourut en vne bataille, en Bretaigne (qui
 fut † deuant Aulroy) par l'aide & confort des Anglois, & non pas autres gens. Quand le
 vaillant homme fut mort, pour cela ne finit pas la guerre. Mais le Roy Charles de Fran-
 ce (qui en son viuant douta trop grandement les fortunes) quand il veit que le Côte de
 Montfort & les Anglois ne cessoient point de conquerir tousiours auāt, se meit en dou-
 te, si le Côte de Montfort venist à ses ententes de Bretaigne, qu'il ne la voulust tenir sans
 foy & hommage. Car il l'auoit iā releuée du Roy d'Angleterre: qui luy aidoit, & auoit
 tousiours aidé, à faire sa guerre. Si fit traiter deuers le Comte de Montfort & son Con-
 seil: si cōme il est † cy-dessus contenu en ceste Histoire: dōt n'en vueil plus parler, mais le
 Côte de Montfort demoura Duc de Bretaigne: parmy tant que l'hommage & la foy en
 retourneroit au souuerain & droiturier Seigneur, le Roy de France: & deuoit le Duc, par
 les articles du contract, aider à deliurer ses deux cousins, les enfans de Charles de Blois
 qui estoient prisonniers en Angleterre, deuers le Roy. De laquelle chose il ne fit riens, car
 tousiours doutoit il, que fils retournoient, ils ne luy donnassent affaire, & que Bret. qui
 pl^e estoit enclinée à eux, qu'à luy) ne les prist à Seigneurs. Pour ceste cause se negligeoit
 il au deliurer: & tant demourerent en prison en Anglet. les deux fils à Charles de Blois

† Au chap. 65.
 du premier vo.
 † depuis le 69.
 cha. du prem.
 volume.

† Il y auoit icy
 la ree doriēt:
 que nous auons
 remis selon les
 cha. 142. &
 143. du prem.
 vol. ou il est par
 lé de ceste ba-
 taille.

† Il le nomme
 Thomas de
 Harteuelle,
 & Iehan de
 Arteuelle,
 au chap. 142.
 du prem. vol.

† Au ch. 227
 du prem. vol.

† Au ch. 229,
 du prem. vol.

† Depuis le ch.
51. du 2. vol.
† Il a dit qu'il
partit le 11.
d'Avril 1381.
au chapitre 65
du 2. volume.

(vne fois en la garde messire Roger de Beauchâp, vn tres gẽtil & vaillât Cheualier, & de Madame Seville sa fẽme: & l'autre fois en la garde messire Thomas d'Auberticourt) que Guy de Bret. le plus ieune, mourut, Ainsi demoura Iehan de Bretagne en prison tout seul, car il auoit perdu son frere. Si se deuoit moult émerueiller. Aussi faisoit il souuent (mais amẽder ne le pouuoit) &, quand il luy souuenoit de son ieune tẽps (luy, qui estoit de la plus noble generation du monde) comment il l'auoit perdu, & encores perdoit, il plouroit mout tẽdremẽt: & eust plus cher estre mort, que vif, car 35. ans, ou enuiron fut il au dâger de ses ennemis, en Angl. & ne luy apparoiſſoit deliurance de nul costé. Car ses amis & ses prochains l'elõgnoiẽt: & la sõme, pour laquelle on le tenoit, estoit si grãde qu'elle ne faisoit pas à payer (si Dieu propremẽt ne luy eust aidé) n'onc le Duc d'Aniou, en toute sa puissances & prosperité (qui auoit sa seur germaine espousée: dõt il auoit deux beaux fils: Louis & Charles) n'en fit sa diligẽce. Or vous vueil recorder la deliurãce d'iceluy Iehan de Bretagne. Vous sauez, & il est † cy-dessus contenu en ceste Histoire, cõment le Côte de Bouquinguã fit vn voyage parmy le Royaume de Frãce: & vint en Bretagne (car le Duc l'auoit mandé: pourtant que son pays ne vouloit estre en obeissance deuers luy) & y fut ledit Côte & ses gens vn Yuer, & le temps ensuyuât, en grãd pouteté, deuant Nantes, & deuant Vennes, iusques † au mois de May, qu'il retourna en Angl. Le Côte Thomas de Bouquinguã estant deuant Vennes, & ses gens logez au dehors, au mieux qu'ils pouuoient, vous sauez qu'il y eut fait armes, deuât Vennes, des Cheualiers & Escuyers de France, aux Cheualiers & Escuyers d'Angl. & vint là messire Oliuier de Clifſon, Conneſtable de France, veoir les armes: & parla aux Cheualiers d'Angleterre, & eux à luy. Bien le cognoiſſoient tous, car d'enfance il auoit esté nourry en Angl. entre eux. Il leur fit à aucuns bonne cõpaignie, en plusieurs manieres: ainsi que nobles Gens d'armes font l'vn à l'autre, & que Frãçois & Anglois se sont tousiours fait, & bien y auoit cause adonc qu'il le fist. Car il tendoit à vne chose, qui grandement luy touchoit, mais il ne s'en decouuroit à homme du monde: fors à vn seul Escuyer, qui estoit hõme d'honneur de son hostel: & auoit l'Escuyer tousiours seruy messire Charles de Blois; car file Conneſtable se fust decouuert à hõme du monde, il eust perdu son fait, & l'esperance ou il tendoit à venir: & il y vint par la grace de Dieu, & par bõ moyẽ. Le Conneſtable de Frãce ne pouuoit nullemẽt aimer le Duc de Bretagne, ne le Duc luy, grand tẽps auât, quelle semblât qu'ils se monſtraſſent. Or de ce qu'il veoit Iehan de Bretagne en prison en Angleterre, il en auoit grande pitié, & le Duc de Bretagne venu à l'heritage & à possession du pays, en la greigneur amour qu'ils euſſent onc enſẽble, il luy auoit dit & mõſtré, Monſeigneur, que ne mettez vous peine que vostre cousin de Bretagne soit hors de la prison du Roy d'Angleterre? vous y estes tenu par foy & par ſermẽt: & quand le pays de Bretagne fut en traitté deuers vous, les Prelats & les Nobles, & les bõnes-villes, la cité de Nâtes, & l'Archeueſque de Reims, & que messire Iehan de Craõ, messire Bouciquaut, pour le tẽps Mareſchal de France, traitterent deuers vous la paix deuât Câpercourtin vous iuraſtes que vous feriez plaine puissances de deliurer voz cousins, Iehan, & Guy, & vous n'en faites rien: dont ſachez que le pays de Bretagne vous en aime moins. Le Duc à ses demãdes se diſſimuloit, & diſoit. Taisez vous, messire Oliuier. Ou prédroy-ie trois, ne quatre cens, mille frãcs, qu'on leur demande? Mõseigneur (respondit le Conneſtable) si le pays de Bretagne veoit que vous euſſiez bõne volóté pour cela faire, ils plaindroyent peu vne taille à payer, ou vn ſouage, pour deliurer les priſõniers, qui mourrõt en prison: si Dieu ne les aide. Messire Oliuier (respondit le Duc) mon pays de Bretagne n'ẽsera ià greué, ne taillé. Mes cousins ont de grãs Princes en leur lignage, le Roy de Frãce & le Duc d'Aniou: qui les deuoiẽt aider, Car ils ont ſouſtenu tousiours, à l'ẽcõtrec de moy la guerre, & quand ie iuray voirement à eux aider à leur deliurance, mõ intention estoit telle, que le Roy de France ou leurs prochains payeroyẽt leurs deniers, & l'aideroyẽt de ma parolle. Oncques le Conneſtable de France n'auoit peu traiter au Duc autre chose. Or estoit auenu (si-comme ie vous ay commencé à dire) que le Conneſtable veoit bien tout clerement, que le Comte de Bouquinguam & les Barons & Cheualiers d'Angleterre, qui avecques luy auoient esté en ce voyage de France, & venus en Bretagne, se contentoyent mal grandement du Duc de Bretagne: pourtant que presentement il n'auoit fait ouurir ses villes & ses chasteaux (si-comme il leur auoit promis au partir hors d'Angleterre) à l'encõtrec d'eux, & auoiẽt esté plusieurs Anglois, en demẽtiers qu'ils se tenoyent

noyent deuant Vennes, & es fauxbourgs de Hamibour, en si grande poureté, qu'ils n'auoient que mager, & que leurs cheuaux estoient tous morts: & alloient les Anglois, pour ce temps que ce fut, cueillir les chardons aux chaps: & les broyoyent en vn mortier: & la farine ils détrepoient en vn mortier: & en faisoient forme de paste: & les cuisoient. Dont en celle grande poureté, ils auoient dit. Ce Duc de Bretagne ne s'acquitte pas loyaumement enuers nous: qui l'auons mis en possession & Seigneurie de Bretagne, & qui nous en croiroit, nous luy osterions, aussi bien que donné luy auons: & mettrions hors Jehan de Bretagne, son auersaire: lequel le pays aime mieux, qu'ils ne font luy. Nous ne nous pourrions mieux venger de luy, ne plus tost faire perdre toute Bretagne. Bien sauoit le Connestable que telles parolles & murmurations estoient communement entre les Anglois, sur le Duc de Bretagne: dont il n'estoit pas courroucé, car, pour vn mal qu'on disoit de luy il vouloit autant qu'il en dist douze, mais nul sembla n'en faisoit, sinon à l'Escuyer de Bretagne: qu'on appelloit (ce m'est auis) Jehan Rollant. Or auint que messire Jehan de Harleton, Capitaine de Cherbourg, fut au Chastel-Ioffelin du Connestable: lequel à luy & à sa compaignie fit telle grace, que de les faire conduire, sans peril: & donna le Connestable à dîner, audit chastel de Ioffelin, à messire Jehan de Harleton, & aux Anglois, & leur fit la meilleure compaignie, qu'il peut, pour mieux auoir leur grace, & là sauça l'Escuyer du Connestable à parler à messire Jehan de Harleton, present le Connestable, & dit, Messire Jehan, vous me feriez vn grand plaisir (s'il vous venoit bien à point) & qui riens ne vous cousteroit. Respondit messire Jehan, pour l'amour du Connestable, ie vueil bien qu'il me couste, & que voulez vous que ie vous face? Sire (dit il) que sur vostre assurance ie puisse aller en Angleterre, veoir mon maistre, Jehan de Bretagne: que ie verroye trefvolontiers: & le greigneur desir, que i'aye en ce monde, c'est de le veoir. Par ma foy (respondit messire Jehan de Harleton) ià par moy ne demourra, que vous ne le voyez, & moy retourné à Cherbourg, j'iray tantost en Angleterre. Si venez avec moy: & ie vous conduiray, & feray conduire, car vostre requeste n'est pas refusable. Grand mercy, Monseigneur (ce dit l'Escuyer) & retien la grace à belle, l'Escuyer se departit du chastel-Ioffelin, avec messire Jehan de Harleton, & vint à Cherbourg. Quand messire Jehan eut ordonné ses besongnes il se departit de Cherbourg: & monta en vn vaisseau en mer, Jehan Rollant en sa compaignie, & vint droit à Londres: & fit Jehan Rollant mener au chastel, ou Jehan de Bretagne estoit. Jehan de Bretagne ne le cognoissoit, quand il le veit, mais il se fit cognoistre & parlerent ensemble, & eut traité entre Jehan de Bretagne & le Connestable, que, si Jehan de Bretagne vouloit entendre à sa deliurace, le Connestable y entendroit grandement. Jehan de Bretagne, qui demandoit à se veoir deliuré, demanda comment. Sire (dit il) ie le vous diray. Monseigneur le Connestable a vne belle fille à marier. Là ou vous voudrez iurer, & promettre, que vous, retourné en Bretagne, la prendriez à femme, il vous feroit deliurer d'Angl. car il a trouué le moyen commet. Jehan de Bretagne respondit, ouy vrayement. Vous, retourné par-delà, dites au Connestable qu'il n'est chose que ie ne doye faire pour ma deliurance, & que sa fille ie prendray, & espouseray trefvolontiers. Jehan de Bretagne & l'Escuyer eurent plusieurs parolles ensemble: & puis se departit d'Angleterre l'Escuyer: & luy fit auoir passage à sa volonté en Bretagne: & recorda au Connestable tout ce qu'il auoit trouué & fait. Le Connestable (qui desiroit l'auancement de sa fille, à estre mariée si haut, comme à Jehan de Bretagne) ne fut pas negligent de besongner & exploiter: &quist vn moy en Angleterre, pour adrecer ses besongnes, car sans le moyen auoir qu'il prit, il n'y fust iamais venu. Ce fut le Côte d'Acquessuffort: lequel estoit tout priué du Roy d'Angleterre. Mais les besongnes ne se firent pas si trestost. Car, tant que le Duc de Lancastre fut en Angleterre, auant qu'il se departist pour aller en Galice, il ne se decouurit au Roy du traité de Jehan de Bretagne, ne de chose qu'il vouloit faire en celle matiere, car quand le Comte de Bouquingham fut retourné arriere en Angleterre, il troubla tellement le Duc de Bretagne enuers le Roy & ses freres, que renommée couroit en Angleterre, que le Duc de Bretagne s'estoit fausement acquité enuers leurs gens, Pourquoy on luy vouloit tout le mal du monde: & fut Jehan de Bretagne amené en la presence du Roy & de ses oncles, & du Conseil: & luy fut dit, Jehan si vous vouliez releuer la Duché de Bretagne, & tenir du Roy d'Angleterre, vous seriez deliuré hors de prison, & mis en la possession & seigneurie de Bretagne: & seriez marié moult hautement en ce pays: si comme il eust esté, car le Duc de Lancastre luy vouloit donner sa fille Philippe: qui fut depuis Roine de Portugal. Jehan de Bretagne respondit

† Au cha. 64.
dessus dit: com-
bien qu'il n'y
nomme point ce
Harleton,
mais 4. autres
de la garnison
de Cherbourg.

Secrette prati-
que du Conne-
stable de Cliffo
pour la deliura-
ce de Jehan de
Bretagne.

† Tout ce qu'il
a dit cy-dessus,
en ce present
ch. n'a esté que
pour mieux ve
nir à ce vray
point de la deli
urance de Iehan
de Bretagne,
qui peut estre
du tout conclue
en l'an 1386.
† Delivrance de
Iehan de Bret.
qui peut estre
sur le commen
cemēt de 1387
selon la dedu
ction de nostre
Auteur, avec
les Annales de
Bretaigne.

que là ne feroit ce traité, ny ne seroit ennemy, ne contraire, à la couronne de France. Il prendroit bien la fille au Duc de Lancastre: mais qu'on voulsist le delivrer d'Angleterre. Or fut il remis en prison. † Quand le Comte d'Aquesuffort (que nous appellons Duc d'Irlande) véit que le Duc de Lancastre estoit issu d'Angleterre, & allé ou voyage de Castille, & que le traité estoit passé (car il auoit mené sa fille avec luy) si faüsa qu'il traiteroit enuers le Roy d'Angleterre (dont il estoit si bien cōme il vouloit) que le Roy d'Angleterre luy donneroit, en cause de rémunération, Iehan de Bretagne, pour les beaux seruices qu'il luy auoit faits, & pouuoit encores faire. Car, au cas que Iehan de Bretagne seroit sien, il traiteroit au Connestable de France: qui luy deliureroit, à deux payemens, six vingts mille francs, soixante mille à chacun payement: & auroit les soixante mille deliurez, si trestost que Iehan de Bretagne seroit mis en la ville de Boulongne sur mer: & les autres soixante mille en France, en la cité de Paris: auquel lieu il les vouloit auoir. Le Duc d'Irlande couuoita les florins: & fit tant deuers le Roy d'Angleterre, que le Roy luy donna, quittement & absolument, Iehan de Bretagne: dont ils furent moult émerueillez en Angleterre. Mais, qui en vouloit parler, si en parlast. On n'en eust autre chose. Le † Duc d'Irlande le fit mener à Boulongne: & là trouua il son arroy tout prest: que le Connestable luy auoit fait appareiller. Si s'en vint en France, & premierement à Paris: & là trouua le Roy, & les Seigneurs de son lignage (qui luy firent tresbonne chere) & le Connestable aussi, qui l'attendoit. Lequel l'emmena en Bretagne, & Iehan de Bretagne espousa sa fille: ainsi que conuenancé luy auoit. Quand le Duc de Bretagne seut que Iehan de Bretagne estoit retourné en France, & deliuré de tous points d'Angleterre, par l'aide & pourchas du Connestable de France, messire Oliuier de Clifson si eut encores en double haine ledit Cōnestable, & dit, Voire! Me cuide messire Oliuier de Clifson mettre hors de mon héritage? Il en monstre bien les signifiāces. Il a mis hors de pri son Iehan de Bretagne: & luy a donné sa fille par mariage. Telles choses me sont moult fort déplaissantes, mais, par Dieu, ie luy remontreray, vn iour qui viendra, qu'il n'a pas bien fait, quand il s'en donnera le moins de garde. Il dit verité. Il luy remōstra viuemēt, dedans le bout de l'an, & moult durement, si-comme vous orrez recorder cy-auant en l'Histoire: Mais nous parlerons ainçois vn petit des besongnes de Castille & de Portugal, & d'une armée sur mer, que les Anglois firent: dont ils vindrent à l'Escluse.

De l'appareil de France, pour secourir le Roy Iehan de Castille, & comment le Duc de Bourbon fut élu pour y aller, & estre chef de l'armée Françoisē. CHAP. LI.

Bien auez ouy recorder comment l'armée de mer du Roy de France se dérompit en celle saison: nompas par la volonté du Roy Charles de France, car tousiours monstra il bon courage, & grande volonté de passer en Angleterre: & quand il veit que tout se dérompit, il en fut plus courroucé que nul des autres. On en donnoit toutes les coupes au Duc de Berry: mais espoir y veoit il plus cler, que nul des autres: & ce qu'il décon seilla de non aller en Angleterre, ce fut pour l'honneur & profit du Royaume de Frāce. Car, quand on entreprend aucune chose à faire, on doit regarder à quelle fin on peut venir: & le Duc de Berry auoit biē tant demouré en Angleterre, en ostage pour le Roy son père, & conuersé entre les Anglois, & veu le pays, qu'il sauoit biē, par raison, quelle chose en estoit, & la cause, qui estoit la plus excusable de non y aller, il estoit trop tard, & sur l'Yuer: & pourtant fut dit qu'à l'Esté le Cōnestable de France y meneroit vne charge de Gens-d'armes, de six mille Hommes d'armes, & autant d'Arbalestiers: & fut dit & regardé, par son Conseil mesmē, que ce seroit assez gens pour cōbattre les Anglois. Aussi par raison le Connestable les deuoit congnoistre, car il auoit esté entre eux nourry des son enfance. Quand ces Seigneurs furent retournez en France, on regarda qu'il conuenoit enuoyer en Castille, pour secourir le Roy Iehan de Castille, contre le Roy de Portugal & le Duc de Lancastre, car apparēt estoit que là se trayoyent les armes, car les Anglois y tenoyent les champs. Or ne pouuoit on là enuoyer gens, fors à grans coustages, car le chemin y est moult lōg: & si n'y auoit point d'argent au trésor du Roy: ne les Tresoriers n'auoient denier. Car les grans † argens, qui auoiēt esté cueillis sur les peuple, parmy ledit Royaume, estoient despendus & affinis. Si conuenoit en recouurer de l'autre. Pourquoy vne taille fut auisée à faire parmy le Royaume de France, à payer tantost: & disoit on que c'estoit pour recōforter le Roy d'Espaigne, & mettre hors les Anglois de sō pais. Ceste taille fut publiée par tout: & venoient les Commissaires du Roy es bonnes villes, qui

† Argens en
plurier ainsi
que l'on dit de
niets.

qui apportoiēt les tauxatious: & disoient aux Seigneurs, qui les villes gouuernoient, Ceste cité, ou ceste ville est tauxée à tant. Il faut qu'on paye: & tâtost. Haa (respondoient les Gouuerneurs) on les cueillira, & mettra on l'argent ensemble: & puis sera enuoyé à Paris. Nenny (respondoient les Commissaires) nous ne voulons pas tant attendre. Nous ferons autrement. Là commandoient ils de par le Roy, & sur quant qu'ils pouuoient méfaire, aux dix ou aux douze, que tâtost allassent en prison, s'ils ne trouuoient la finance. Les suffisans hommes reffongnoient beaucoup la prison, & la contrainte du Roy. Si faisoient tant qu'il estoit prest, & emporté tout promptement: & ils le reprenoiēt sur les pauvres gens, & venoient tant de tailles l'une sur l'autre, que la premiere n'estoit pas payée, quand l'autre retournoit. Ainsi estoit en ce temps le noble Royaume gouuerné, & les pources gens menez: dont plusieurs en vuidoiet leurs villes, leurs héritages, & leurs maisons (car on leur vendoit tout) & s'en venoient demeurer en Hainaut, & en l'Euesché du Liege: ou nulle taille ne couroit. Or furent auisez qui feroient les Capitaines des Gens-d'armes, qui iroient en Castille. Premièrement, pour leur auancer, on élut & noma le gentil Duc de Bourbon. Si seroit souuerain Capitaine de tous: mais, auant qu'il se departist du Royaume de France, on regarda qu'on bailleroit aux Gens-d'armes deux autres Capitaines: lesquels les ordoneroient de leurs besongnes: & laisseroiēt Gens-d'armes, qui oncques ne furent en Castille, auiser le pays, & eux loger: & pour l'Arrieregarde, le Duc de Bourbon deuoit auoir deux mille Eances, Cheualiers & Escuyers, si vaillans hommes qu'à éléction. Les deux vaillans Cheualiers, qui furent ordonnez à l'auantgarde, & pour faire le premier voyage, & estre Capitaines des autres, ce furent messire Guillaume de Lignac & Monseigneur Gautier de Passac. Ces deux Barons, quand ils seurent que souuerains & meneurs les conuenoit estre de tels Gens-d'armes, & pour aller en Castille, s'appareillerent & ordonnerent: ainsi comme il appartenoit. Adonc furent mandez Cheualiers & Escuyers, parmy le Royaume de France, pour aller en Castille, & estoient les passages ouuerts, tât parmi Nauarre, cōme par Arragon. Si se departirēt Cheualiers & Escuyers de Bretagne, de Poictou, d'Aniou, du Maine, de Touraine, de Blois, d'Orleans, de Beauſſe, de Normandie, de Picardie, de France, de Bourgōgne, de Berry, & d'Auuergne: & de toutes les mettes de Frāce se meirēt gens à voye & à chemin, pour aller en Castille: & de tous tant q̄ des premiers, estoiet meneurs & cōduiseurs messire † Gilles de Lignac & messire Gautier de Passac: lesquels pour exaucer & garder leur honneur, se meirent en bon arroy, eux & leurs routes, & en tresbonne ordōnance.

Le Duc de Bourbon chef du secours de France au Royaume de Castille.

Guillaume de Lignac & Gautier de Passac chefs de l'auantgarde du Duc de Bourbon.

† Il a n'aguere dit Guillaume.

Comment l'armée marine d'Angleterre défit celle de messire Jehan de Bucq, Admiral de Flādres, pour le Duc de Bourgogne: & comment les Anglois apres auoir fait plusieurs maux es environs de l'Escluse, s'en retournerent à Londres.

CHAP. LII.

ENDementiers que ces Gens-d'armes, Cheualiers & Escuyers du Royaume de France, s'appareilloient & ordonnoient pour aller en Castille, & qui premier auoit fait, premier partoit, & ceux des loingtaines marches deuant (car moult en y auoit, qui desiroient les armes) estoient Anglois sur mer, entre Angleterre & Flandres, en l'armée du Roy d'Angleterre: de laquelle le Comte d'Arondel (qui s'appeloit Richard) estoit Admiral & souuerain: & en sa compagnie estoient le Comte de Siere, le Comte de Northingen, & l'Euesque de Norduich: & estoient cinq cens Hommes-d'armes, & mille Archers: & ancrerent en celle saison vn grand temps, sur la mer, en attendant les auentures: & se refreschissoient sur les costes d'Angleterre & sur les Isles de Cornouaille, de Bretagne, & de Normādie: & estoient trop courrouce de ce que la flotte de Flandres leur estoit échapée (laquelle estoit allée en la Rochelle) & encores plus de ce que, quād le Conestable de France partit de l'Entriguier, & il vint à l'Escluse, & passa deuant Calais, ils ne le rencontrerent. Car volontiers se fussent combattus à luy: non-obstant que le Conestable auoit bien autant de vaisseaux armez, qu'ils auoient: & passerent tout par-deuant eux: mais ce fut par le bon vent, & la marée, que les Frāçois eurent de nuit. Or gisoient ces nefes Anglesches à l'ancre, par-deuant Margace, à l'emboucheure de la Tamise, au descendant de Zanduich: & attendoient l'auenture, & par especial la flotte des nefes qui en celle saison estoiet allées à la Rochelle: & bien sauoiet que tâtost retourneroient: ainsi comme elles firent. Quand les marchans de Flandres & de la Rochelle, de Hainaut, & de plusieurs autres lieux (qui pour la doutāce des Anglois s'estoient tous conioints & accōpaignez ensemble au departemēt de Flandres, pour aller & retourner

L'armée marine d'Angleterre attend le retour de la flotte de Flandres, reuenant de la Rochelle.

plus seurement) eurent fait tous leurs exploits en la Rochelle & au pays de Xainctonge, & chargé leurs nefes de grand' foison de vins de Poictou & de Xainctonge, & ils virent qu'ils eurent bon vent, ils se desancrerent du haure de la Rochelle: & se meirent au chemin par mer, pour retourner en Flandres, & à l'Escluse, dont ils estoient partis: & singlerent tant, qu'ils passerent les Ras-Sainct-Matthieu en Bretagne, sans peril & sans dommage: & costoyerent la Basse-Bretagne, & puis Normandie, & d'autre part Angleterre, droitement sur l'emboucq de la Tamise: ou ces nefes Angloises estoient. Les nefes de Flandres apperceurent comment elles gisoient là: & dirent ceux, qui estoient en hautes nefes, Seigneurs, auisez vous. Nous serons rencontrez de l'armée d'Angleterre. Ils nous ont apperceus. Ils prendront l'auantage du vent, & la marée, si aurons bataille auât qu'il soit nuit. Ces nouuelles ne pleurent pas bien à aucuns: & par especial aux marchans de Flandres, de Hainaut, & d'autres pays, qui auoient là leurs marchadises: & voufissent bien encores estre à mouuoir, s'il peust estre. Toutefois, puis que combattre les conuenoit, & qu'autrement ils ne se pouuoient passer, ils s'ordonnerent: & estoient, qu'Arbalestiers qu'autres gens, tous armez & deffensables, plus de sept cens: & auoient là vn vaillant & noble Cheualier de Flandres à Capitaine: lequel estoit Admiral de la mer, de par le Duc de Bourgongne: & l'appeloit on messire Iehan Bucq, preux, sage, & entreprenant, & hardy aux armes, & qui moult auoit porté de dommage, sur mer, aux Anglois. Ce messire Iehan Bucq les meit tous en ordonnance: & arma les nefes bien & sagement (ainsi que bien le seut faire) & leur dit, Beaux Seigneurs, ne vous espouuantez de rien. Nous sommes gens assez pour combattre l'armée d'Angleterre: & si auons vent pour nous: &, tousiours combattant, approcherons nous à l'Escluse. Nous costoyons Flandres. Nous les attraperons bien. Les aucuns se confortoient sur ces parolles, & les autres non: & se mirent en deffense & en ordonnance: & s'appareillerent Arbalestiers pour traire & getter canons. Or approcherent les nauires: & auoient les Anglois aucunes galées: lesquelles ils auoient armées d'Archers. Ces galées, tout premierement s'en vindrent, fendant la mer, à force d'auirons, & furent les premiers assaillans: & commencerent Archers à traire de grand randon: & perdirent moult de leur trait. Car Flamans, qui estoient en leurs vaisseaux, se tapissoient entre les bords par dedans: & pour le trait point ne se monstroient: & tousiours alloient ils auant, aual le vent. Aucuns Arbalestiers (qui estoient hors du trait des Archers, & à leur auantage) débendoient arcs: & leur enuoyoient carreaux: dont ils en blecerent plusieurs: & ainsi ensongnerent ceux de ces galées. Aux vaisseaux s'approcha la grosse nauire d'Angleterre, le Comte d'Arondel & sa charge, & l'Euesque de Nordwich & sa charge: & tous les autres se bouterent entre les nefes de Flandres & de la Rochelle. Là n'eurent ils pas toute l'auantage: car Flamans & Arbalestiers se meirent en deffense vaillamment, & de grand' volonté: car le Patron, messire Iehan Bucq, les y admonnestoit: & estoit luy & sa charge en vn gros vaisseau armé, fort, & dur assez pour attendre tout autre: & là dedans auoit trois canons: qui gettoient carreaux si gros & si grans, que, là ou ils cheoient, ils portoient grand dommage: & tousiours, en combattant & tirant, & en trayant, approchoient ceux de Flandres: & y auoit aucunes nefes de marchans, qui prirent les costez, de Flandres, & la basse eue: & là se sauuerent: car les gros vaisseaux, pour peu de parfond, & pour les terres, ne les pouuoient approcher. Là eut, sur mer, ie vous dy dure bataille, & des nefes cassées & effondrées d'une part & d'autre: car ils gettoient d'amont barreaux de fer aguisez: &, là ou ils cheoient, ils couloient tout iusques au parfond: & vous dy que ce fut vne tresdure bataille, & bien combattue: car elle dura trois heures ou quatre. Quand le iour faillit, ils se retirerent & ancrerent: & il le conuenoit: & ils se reposerent: & meirent à poinct les blecez: &, quand la mer & le flot retourna, se desancrerent: & meirent les voiles amont: & puis retournerent: & se combattirent asprement & hardimēt: & là estoit Pietre du Bois, de Gand, à tout vne charge d'Archers & gens-de-mer: qui donnoit aux Flamans moult à faire: car il auoit esté marinier. Si se sauoit bien aider sur mer: & estoit courroucé de ce que les Flamans & ces marchans leur duroient tant: & tousiours Anglois conqueroient sur la nauire de Flandres: & vindrent entre Blancqueberge & l'Escluse, & à l'encôte de Gagant: & là fut la décofiture: car ils ne furent secourus de nulluy: n'il n'y auoit à ce iour à l'Escluse nulles Gens-d'armes, ny es nefes ny en la ville. Bien est verité qu'un Homme-d'armes, Escuyer de l'Escluse (qui s'appeloit Arnoul le Maire) quand il ouyt dire qu'il y auoit bataille sur mer, de l'armée d'Angleterre à celle de Flandres, entra en vne sienne barque,

*Messire Iehan
Bucq, Admiral
du Duc de
Bourgogne, &
capitaine de la
flote de Flan-
dres.*

*Rencontre des
Anglois &
des Flamans,
en armées de
mer.*

*Décofiture des
Flamans sur
mer par les
Anglois, pres
Gagant, estant
là pris leur ca-
pitaine Iehan
Bucq,*

barque, qu'il auoit, & belle: & prit aucuns sergens de l'Escluse, & vingt Arbalestiers: & vogua à force, iusques à la bataille: mais ce fut sur le point de la déconfiture: car ià estoient Anglois faisis de la greigneur partie des vaisseaux: & auoient pris messire Iehan Bucq, le Patron de la nauire, & tous ceux de dedans: & quād Arnoul le Maire en veit la maniere, & que la chose alloit mal pour leurs gens, si fit traire trois fois ces Arbalestiers: & puis se meit au retour: & fut chacé iusques au haure de l'Escluse: mais les nefes, qui le chaçoient, estoient si grosses, qu'elles ne pouuoient approcher de si pres, pour la terre, que la barge fit. Par telle façon & maniere se sauua il, & sa route. Moulte furent les gens de la ville de l'Escluse ébahis, quand les nouvelles furēt là venues † que l'armée d'Angleterre auoit † *Ce passage est fourni selon le sens de l'Auteur.* déconfit la leur, qui venoit de la Rochelle: & cuidoient bien auoir l'affaut: & ne sauoient *Le danger auquel fut la ville de l'Escluse.* lequel faire, n'auquel entendre, ou guerpier leur ville, ou tout laisser, ou entrer es vaisseaux (qui là dormoient à l'ancre) & garder le pas: & sachez que, si les Anglois eussent bien seules conuenant de l'Escluse, ils eussent esté Seigneurs de la ville & du chastel: ou *Le danger auquel fut la ville de l'Escluse.* s'ils eussent creu Pietre du Bois: car il conseilloit trop fort (quand ils furent au-dessus de la bataille, & ils eurent saisi toute la nauie) qu'on venist à l'Escluse, & que de faict on la gaigneroit. Mais les Anglois ne l'auoient point en courage, n'en conseil: ainçois disoient. Nous ferions trefgrande folie de nous bouter en la ville de l'Escluse: & puis ceux de Bruges, du Dan, & d'Ardebourg, viendroient, & nous clorroient: & ainsi reperdriōs nous tout ce, que nous auōs gaigné. Il vaut trop mieux que nous le gardōs, & que nous guerroyons sagement, que follement. Ainsi ne se bouterent point les Anglois outre la riuie de la mer, vers l'Escluse: mais ils se meirent à Ardoir la nauie, qui estoit au haure de l'Escluse, & qui là gisoit à l'ancre. Car, des vaisseaux qu'ils auoient pris, ils prirent des plus legers, & des plus sechez: & les oignirēt bien, dehors & dedans, d'huile & de greffe: & bouterent le feu dedans: & les laisserent aller aual le vent, & avecques la marée, qui venoit à l'Escluse. Ces vaisseaux ardoient bien cler: & le faisoient les Anglois à celle entente, qu'ils se prissent aux grās & gros vaisseaux, qui là estoient d'Espaigne, & d'autres pays. Ils n'auoient cure de quel. Mais ce feu ne porta onques dōmage à vaissel, qui y fust. Apres ce que les Anglois eurent déconfit messire Iehan Bucq (qui venoit de la Rochelle) ils eurent grand profit: & par especial ils eurent bien neuf mille tonneaux de vin: dont la vinée toutel'année en fut plus chere en Flandres, en Hainaut, & en Brabant, & à meilleur marché en Angleterre: comme ce fut raison. Ainsi se porterēt les auétures. Nul n'adommage que les autres n'y ayent profit. Si ne se departirent pas, pour ce, les Anglois, de deuant l'Escluse: mais furent là à l'ancre: & coururent de leurs barges, & de leurs galées: & prirent terre à Tremue, à l'opposite de l'Escluse (il n'y a q̄ la riuie entre deux) & l'ardirent, & le mōstier aussi, & des autres villes plus auāt, en allant sur la marine & sur les digues (lesquelles on appelle Tournehonque & Murdequer) & prirent des gens, & des prisonniers, sur le pays: & furent là, gisans à l'ancre, plus de dix iours: & firent des embusches, entre le Dan & l'Escluse au lez deuers eux, au chemin de Coclear: & y fut pris Iehā *Les Anglois prennent terre à Tremue, vis à vis de l'Escluse et fōt plusieurs maux.* de Launay, vn Homme-d'armes de Tournay: qui estoit là venu avecques le Seigneur d'Estrinay & messire Blanquart de Coulongne: qui y vindrent frappans de l'esperon, de Tournay, à tout quarante Lances, quand les nouvelles furent espendues sur le pays, que les Anglois estoient à l'Escluse. Et auint aussi, que messire Robert Marchand, vn Cheualier de Flandres (lequel auoit vne des filles bastardes du Comte de Flādres) estoit pour ce iour à Bruges, quand les nouvelles coururēt des Anglois: si qu'il s'en departit, & s'en vint à l'Escluse: & se bouta au chastel: lequel il trouua en petite garde & deffense. Mais, si les Anglois n'eussent pris terre, & qu'ils se fussent adonnez d'estre entrez en l'Escluse, aussi bieu qu'ils firent d'aller à la Tremue, d'autre part de l'eau, ils eussent pris le chastel & tout: car les gens, qui le deuoient garder, & ceux de l'Escluse, estoient si tresfort ébahis, qu'il n'y auoit ordōnance, n'arroy, ny homme, qui entendist aux deffenses. Si donna cueur à ceux de la ville: & leur dit, Entre vous, gens de l'Escluse, comment vous maintenez vous? A ce, que vous monstrez, vous estes tous déconfits, & sans coup ferir. Gens de valeur & de deffense ne doyuent pas ainsi faire. Ils doyuent monstrier visage, tant qu'ils peuuent durer, A tout le moins, s'ils sont morts ou pris, en ont ils la grâce de Dieu, & la louenge du monde. Ainsi disoit messire Robert, quand il vint à l'Escluse. Endementiers que les Anglois se tenoient à l'Escluse, estoit le pays iusques à Bruges, moulte effroyé. Car ils issioient hors tous les iours: & venoient courir & fourrager bien auant, & tous de pié (car ils n'auoient nuls cheuaux) & quand ils auoient fait leur emprise, ils s'en retour-

*Ceux de l'Escluse reconfor-
tez du secours
en parolle de
messire Robert
Marchand, che-
ualier de Flan-
dres.*

*Cocese, brulée
par les An-
glois.*

*Retraite des
Anglois en
leur pays.*

*† Il l'a tant
nommé de fois
Maistre De-
nis: que ie vous
en remets à ce
que i'en ay an-
noté par plu-
sieurs fois.*

noient: & toutes les nuits ils dormoient: & puis lendemain s'en ralloient à l'aventure: & nuls ne leur alloient au-deuant: & autretant bien comme ils falloient auenturer sur les parties du soleil couchant, se mettoient ils hors à terre, sur les parties du soleil leuant: & vindrent ardoir la ville de Cocese, sur les douues de la mer, & vn autre gros village, au chemin d'Ardembourg & de la mer, qu'on dit Hosebourg: & faisoient tantost ce qu'ils vouloient: & eussent encores plus fait s'ils voussissent, & s'ils feussent le conuenant & l'ordonnance du pays. Quand ils eurent seiourné tant que bon leur sembla, & que nul ne vint au-deuant d'eux pour rescourre chose qu'ils eussent prise ne leuée au pays n'en la mer, & ils eurent bon vent, ils leuerent leurs voiles, & s'en retournerent en Angleterre, à tout deux cens mille francs de proffit pour eux: & singlerent tant, qu'ils vindrent à l'entrée de la Tamise: & là passerent tout contremont, iusques à Londres: ou ils furent receus à tresgrand'ioye: car les bons vins de poictou & de Xainctôge (qu'on cuidoit boire en celle faiso en Fland. en Hainaut, en Brabât au Liege, & en plusieurs lieux en Picardie) ils les auoient en leur cōpaignie. Si furēt vendus & departis à Lōdres, & en plusieurs lieux en Angleterre: & firent ces vins là raualer à quatre deniers esterlins au Galon: & furent les Londriens & plusieurs Anglois, qui hantoient les frontieres de Flandres, de Hollande, & de Zelande, trop grandement sur la mer, en allant à Dourdrec, à Zerechiel, à Meldebourg, & à la Brielle en Hollande: & vous dy qu'aucuns marchans de Zerechiel en Zelande auoient de vins en flote, qui venoient de la Rochelle: lesquels leur furent tous rendus & deliurez, & leur dommage restitué: & bien y auoit cause que les Anglois leur fussent courtois. Car oncques ceux de Zerechiel ne se voulurent accorder aux François, pour aller en Angleterre: & leur dirent bien que ià nefs, ne barges, n'y prendroient: parquoy ils cheurent grandement en l'amour & grace des Anglois. Si fut messire Iehan Bucq mis en prison courtoise à Londres. Il pouuoit aller & venir parmy la ville: mais, des soleil couchant, il conuenoit qu'il fust à l'hostel: n'oncques depuis ne le voulurent mettre à finance. Si en eust le Duc de Bourgongne volontiers par échange rendu le frere du Roy † Iehan de Portugal, vn bastart: que ceux de Breueliet prirent sur mer, en venāt à Meldebourg: mais ils le prirent sur leur puissance: car sur les mettes de Zelande ils ne l'eussent point pris. Or me semble que messire Iehan Bucq fut emprisonné courtoisement à Londres en Angleterre, enuiron trois ans: & puis mourut.

Comment le Roy de Portugal enuoya ses Ambassadeurs en Galice, vers le Duc de Lanclastre, pour accomplir le Mariage de luy & de Madame Philippe: & comment le Barrois des Barres fut enuoyé au Chasteau de Noye en Galice, par le Roy de Castille.

CHAP. LIII.

OR est heure que nous retournons aux besongnes de Castille & de Portugal, & que nous parlons du Duc de Lanclastre (qui se tenoit en Galice) & des besongnes, qui y auindrent en celle saison (qui ne furent pas petites) & que nous recordons aussi quel confort le Roy de France fit & enuoya en Castille: car, sans ce, les besongnes du Roy Iehan de Castille se fussent petitement portées. Je vueil bien qu'on sache qu'il eust perdu, en celle année que le Duc arriua à la Coulongne, tout son pays entierement: si n'eust esté le confort du noble Roy de France. Vous sauez que nouuelles sont tantost loing espandues. Le Roy de Portugal seut aussi tost les nouuelles du Roy de France, & de l'armée, qui se deuoit faire par mer en Angleterre (car pour ces iours il seiournoit au port de Portugal: qui est vne bonne cité & forte, & là ou est haure, vn des beaux & des bien frequenté de tout son Royaume) que fit le Duc de Lanclastre, ou plustost, par les marchans, qui retournoient en son pays. Si en fut tout réiouy: car on luy donnoit à entendre qu'Angleterre estoit toute perdue: dont, au voir dire, il s'estoit dissimulé vn petit, deuers le Duc de Lanclastre, de non si tost prendre fille à mariage: & auoit tousiours tenu & seruy le Duc & la Duchesse, de salus & de parolles. Quand il fut iustement informé du departement du Roy de France & du faict de l'Escluse, si appela son Conseil: & leur dit, Beaux Seigneurs, vous sauez comment le Duc de Lanclastre est en Galice, & la Duchesse, nostre cousine, avec luy: & si sauez comment il fut cy en grand amour, & eufmes conseil & parlement ensemble, & fut la fin telle de moy & de luy, & le traité de nous & de nostre Conseil, que ie doy prendre à femme Philippe sa fille. Je vueil perseuerer en tel estat, & la vueil mander honnorablement (car c'est raison) & ainsi comme il appartient à vn tel Seigneur comme le Duc de Lanclastre est, & aussi à moy: qui suis Roy de Por

de Portugal: car i'en vueil la Dame faire Roïne. Sire (respondirent ceux, à qui il en parloit) vous auez raison: car ainsi l'auiez vous iuré & promis. Or auant (dit le Roy) qui enuoyérons nous deuers le Duc, pour amener la Dame? Lors fut nommé l'Archeuesque de Braschez & messire Iehan Radighen de Sar: & les manda on (car, pour l'heure qu'ils furent élus, ils n'estoient pas delez le Roy) & leur fut dit ce qu'ils auroient à faire. Ils entreprirent à faire le voyage liement. Si furent ordonnez deux cens Lances, pour aller & pour retourner avec eux. Or parlerons du siege, que messire Thomas Moriaux, Marechal de l'ost, tenoit deuant Ribadane: & compterons comment il en auint. Je croy que ceux de Ribadane cuiderent bien estre confortez du roy Iehan de Castille & des Cheualiers de France: lesquels au Val-dolif se tenoient. Autrement ils ne se fussent point tât tenus. Mais ie ne say comment villains (qui n'auoient conseil, que d'eux) se peurent tant tenir, contre fleur de Gens-d'armes & Archers, pour assaillir vne ville: & comment ils ne s'ebahissoient point: car tous les iours ils auoient sans faute l'assaut: & fut dit à messire Thomss Moriaux, en maniere de conseil, des plus vaillans Cheualiers de sa route, Sire, laissez ceste ville icy (que le mauuais feu l'arde) & allon plus-auant au pays, deuant Mamez, ou Noye, ou Befances. Tousiours retournerons nous moult bien icy. Par ma foy (respondit messire Thomas) ià ne nous auendra que vilains nous déconfissent (& deussent nous estre deux mois) si le Duc ne me remande. Ainsi estoit entré le Marechal en opinion de tenir le siege deuant Ribadane. Le Roy Iehan de Castille (qui se tenoit au Val-dolif, & qui auoit mandé especialement secours en France) sauoit bien & oyoit dire tous les iours, comment ceux de Ribadane se tenoient vaillamment, & ne se vouloient rendre. En nom Dieu (dit le Barrois des Barres) ie suis durement courroucé, que ie n'y ay enuoyé & mis des François, qui eussent moult reconforté les gens de la ville: & encores me desplaist grandement que ie ne suis au siege (à tout le moins eusse-je l'honneur, que les villains qnt) & si on m'eust dit veritablement, C'est vne telle ville, & de telle force, & de telle garde, sans faute ie l'eusse fait refreschir & pourueoir: & m'y fusse bourté à l'auenture. Aussi bien m'eust Dieu donné grâce de la garder & deffendre, que les villains l'ont. Ainsi se deuisoient, en la presence du Roy, à la fois, Cheualiers de France, qui desiroient les armes: & fut là dit au Roy, Ce seroit bon que vous enuoyassiez iusques à cent Lances en la ville & au chastel de Noye, & au chastel de Calonge. Ils auroient les deux lez de la terre de Galice: qui tient Noye & la Coulongne. Et qui y pourrions nous enuoyer? Là se presenterent plusieurs Cheualiers: messire Tristan de Roie, messire Regnaud messire Aubert de Braquemont, messire Tristan de la Galle, messire Iehan de Chastel-morât: & messire le Barrois des Barres & le Roy les ouyt parler, & eux presenter. Si leur en sauoit bon gré. Beaux Seigneurs (dit le Roy) grand mercy de vostre bonne volonté, vous n'y pouuez pas tous aller. Il faut qu'il en demeure delez moy, pour les auentures qui peuuent auenir: mais, pour le present, ie prie le Barrois des Barres qu'il en prenne la charge, sil luy plaist. Le Barrois fut moult réioui de ce mouuement (car trop auoit seiourné) & dit, Sire Roy, grand mercy: & ie le garderay à mon pouuoir: & le vous rēdray sain & sauf, ou à vostre commis: & moy dedans venu, ie ne m'en partiray: si ne me mandez. De par Dieu, dit le Roy. Je croy que nous aurons tantost des nouuelles de France. Encores ne sauoient riens les Cheualiers du departement de l'Escuse: mais le Roy le sauoit bien: car le Duc de Bourbon luy auoit escrit tout le fait, & comment les besongnes se portoient en France, & commēt il deuoit venir en Castille à tout trois mille Lances: mais deuant deuoit ouurir le passage à trois mille Lances messire Guillaume de Lignac. & messire Gautier de Passac. Si demanderent au Roy les Cheualiers, qui desiroient à ouyr nouuelles. Haa, Sire, dites nous des nouuelles de France: que nous desirons moult saoir. Dit le Roy, volontiers. Lors dit le Roy de Castille aux Cheualiers, qui là estoient, le Duc de Bourbon est élu principalement à venir en ce pays, de par le Roy de France & son Conseil, & ses deux oncles: & doit amener avecques luy † six mille Lances, que Cheualiers qu'Escuyers, & sont eleuz de premier passage, deux bons & vaillans Cheualiers à Capitaines, messire Guillaume de Lignac & messire Gautier de Passac: & ceux viendront premierement à tout trois ou quatre mille Lances: & commencent ià à venir & à passer: car le voyage de mer est rompu & mis en souffrance, iusques à ce que le Conestable de France, & le Comte de Saint-Pol, & le Sire de Coucy, à tout quatre mille Lances, doyuent aller en ce May en Angleterre. Et vous, qu'en dites vous? dit le Roy. Que nous en difons? Sire (respondirent les Cheualiers, qui en furent tous réiouys) nous

Ambassadeurs de Portugal au Duc de Lancastre, étant en Galice, pour l'accomplissement du mariage de sa fille Philippe avec le Roy.

Le Marechal de Lancastre pour neant conseillé de leuer son siege de Ribadane.

Le Barrois des Barres ordonné par le Roy de Castille pour aller tenir garnison au Chastel de Noye en Galice.

† il n'en a n'gneres dit que trois mille: que il ne faudroit aussi compter que pour l'arrièregarde du Duc de Bourbon.

estre pays, sur l'Esté qui nous vient, se traiterôt les armes (si-côme il nous appert) & fils sont mandez six mille, il en viendra neuf mille. Nous combattrons les Anglois sans faure. Ils tiennent maintenant les champs: mais nous les leur clorrons, auant qu'il soit la Sainct-Iehan-Baptiste. Et par moy (dit chacun en son tour) en ces trois Capitaines, que vous nous auez nommez, a de gentils Cheualiers, & par especial au gentil Duc de Bourbon: & les autres sont bien à certes Cheualiers pour estre gouuerneurs de gens-d'armes. Lors veissiez espandu parmy le Val-de-l'olif, & parmy Castille, le grand confort qui leur venoit de France, dedans le premier iour de May, & qu'il estoit ainsi ordonné. Si en furent tous réiouys Cheualiers & Escuyers: & ce fut raison.

Du renfort, que le Duc de Lanclastre enuoya au siege de Ribadane: & comment estant la ville prise d'assaut, celle de Maures se rendit incontinent. CHAP. LIIII.

Le Marechal de Lanclastre se doutant du Barrois des Barres, enuoye vers son Seigneur, pour auoir renfort.

Renfort de gens au siege de Ribadane par le Connestable & Admiral de Lanclastre.

OR se departit le Barrois des Barres, à tout cinquante Lances seulement: & laissa le Roy au Val-dolif: & s'en vint cheuauchant vers la ville & chastel de Noye. Nouvelles vindrēt en l'ost du Marechal du Duc de Lanclastre (ie ne say qui les apporta) q̄ les François cheuauchoiēt: & estoient bien cinq cens Lances: & venoient pour leuer le siege de Ribadane. Lors, quand messire Thomas entendit ces nouvelles, si les creut assez legèrement: car ceux, qui les comptoient, le luy affermoient pour verité: & qu'ils les auoiēt veus cheuaucher outre la riuiera de Derne, & loger à Villarpent. Or se meit le Marechal en doute: & croyoit bien toutes ces parolles. Si eut conseil qu'il signiferoit son estat au Duc de Lanclastre, son seigneur. Aussi fit il: & y enuoya messire Iehan d'Auberticourt, & le Heraut, qui sauoit tous les chemins en Galice: & fut tousiours depuis tresfort sur sa garde: & se doutoit d'estre surpris de nuict. Si fit on grand guet en l'ost: & veilloit bien tousiours la moitié de l'ost, entretant que les autres dormoient. Or vindrent messire Iehan d'Auberticourt & le Heraut à la ville de Sainct-Iaques: ou le Duc de Lanclastre & la Duchesse se tenoient. Quand le Duc seut qu'ils estoient venus, si dit. Il y a des nouvelles. Tantost il les fit venir deuant luy: & demanda quelles nouvelles. Monseigneur, bonnes (dit messire Iehan) mais le Marechal m'enuoye deuers vous, pour sauoir que vous voulez qu'il face. Car on luy a rapporté pour certain, que les François se sont mis ensemble en Castille, & cheuauchent fort, & veulent passer la riuiera, pour venir combattre noz gens, deuant Ribadane: veez là les nouvelles que ie vous apporte. En nom Dieu (dit-il) ce sont nouvelles assez: & nous y pouruoyrons tantost. Il regarda sur messire Iehan de Hollande, son Cōnestable, & sur son Admiral, messire Thomas de Perfy: & leur dit, Prenez trois cens Lances de noz gens, & cinq cens Archers: & vous en allez deuant Ribadane, veoir les compaignons, Ils se doutent des François, qu'ils les viennent assaillir. Ceux respondirent, Moul't volontiers. Lors s'ordonnerent les deux Cheualiers dessus-nommez: & prirent trois cens Lances, & cinq cens Archers: & se departirent du Duc: & firent tant qu'ils vindrent pres de la ville de Ribadane, ou leurs compaignons estoient logez: qui furent grandement réiouys de leur venue. Lors dit messire Iehan de Hollande au Marechal, Que dient ceux de Ribadane? ne se veulēt ils point rendre? Par ma foy, Sire, nenny, respondit messire Thomas. Ce sont moul't orgueilleuses gens. Ils voyent que le pays se rend tout autour d'eux: & se tiēent tousiours en leur opinion: & ce ne sont que villains. Il n'y a dedans vn seul Gentilhomme. Or vous taisez. dit messire Iehan de Hollande: car dedans quatre iours nous les mettrons en tel poinct, qu'ils se rendront volontiers: qui les voudra prendre à mercy: mais or nous dites, à l'Admiral & à moy, cheuauchent les François? Respondit messire Thomas, Ainsy fu-ie vn iour informé que voirement cheuauchent ils, plus de cinq cens en vne flote: & bien est en leur puissance (car ils ne font que venir gens de France) & depuis ay-ie seue que ce fut le Barrois des Barres: qui s'en vint bouter à tout cinquante Lances, en la ville & au chastel de Noye: car nulles autres apparences nous n'en auons veu. A tant laisserent ils parolles: & se logerent les nouveaux venus ensemble, au mieux qu'ils peurent: & faisoient venir & amener grandes pourueances apres eux: dont ils furent seruis. Environ quatre iours apres ce que messire Iehan de Hollande & messire Thomas de Perfy furent venus en l'ost du Marechal, eurent Cheualiers & Escuyers, & toutes gens ordonné vn grand appareillement d'assaut: & eurent fait faire, ouurer, & charpenter, vn grand engin de bois, sur rouës: qu'on pouuoit bien mener, & bouter à force de gens, là ou on vouloit: & dedans pouuoit bien aisément cent Cheualiers & cent Archers: mais

pour

pour l'assaut Archers y entrerent: & auoit on remply aux fossez, à l'endroit ou l'engin deuoit estre mené. Lors cōmença l'assaut: & approcherent les engins à force de boutermens sur rouës: & là estoient Archers bien pourueus de sagettes: qui trayoiēt à ceux de dedans, de grād' façon: & ceux de dedās gettoiēt à eux dardes, de telle maniere que c'estoit grād' merueille: & dessus auoit mâteaux, couuers de fors cuirs de beuf & de vache, pour le get des pierres, & pour le trait des dardes: & dessus ces mâteaux à la couuerture se tenoient Gens-d'armes, qui approchoiēt le mur, lesquels estoient bien paueschez, & picquoiēt de pics & de hoyaux au mur: & tant firēt, qu'ils empirerēt grandemēt le mur: car les deffendās n'y pouuoient entendre, pour les Archers, qui viuemēt tiroient, & qui fort les ensoingnoient. Là fit on renuerser vn pan du mur, & cheoir es fossez. Quand les Galiciens, qui dedans estoient, veirent le grand méchef, si furent tous ébahis: & crierēt tout haut. Nous nous rendōs, nous nous rendōs. Mais nul ne leur respondit: & auoiēt les Anglois bon ris de ce qu'ils veoiēt, & disoiēt, Ces villains nous ont battus, & fait moult de peine: & encores se moquent ils de nous: quand ils veulent que nous les recueillōs à mercy: & si est la ville nostre. Nēny (respōdirent aucuns des Anglois) nous ne sauōs parler Espagnol. Parlez bon François ou Anglois, si vous voulez que nous vous entendōs. Et tousiours alloient ils, & passoiēt ils auant, & chaçoient ces villains, qui fuyoiēt deuant eux: & les occioient à monceaux: & y eut ce iour morts, que d'vns & que d'autres, parmy les Iuifs (dont il y auoit assez) plus de quinze cens. Ainsi fut la ville de Ribadane gaignée à force, & y eurent ceux, qui premier y entrerent, grād' pillage: & par especial ils trouuerent plus d'or & d'argēt es maisons des Iuifs, qu'autre part. Apres la prise de Ribadane (qui fut par bel assaut) & que les Anglois l'eurent toute pillée, & qu'ils en furent Seigneurs, on demanda au Marechal quelle chose on en vouloit faire: & si on bouteroit le feu dedans. Nenny, respondit le Marechal. Nous la tiendrons, & garderons, & la fermerons, & ferons fermer, aussi bien que nulle autre ville de Galice. Ainsi fut la ville de Ribadane deportée de nō estre arse, & fut regardé ou l'on se traitoit. Si fut regardé qu'o se traitoit deuant Maures, vne bonne-ville aussi, en Galice, & puis furent ceux ordonez, qui demourroient en Ribadane, pour la garder & reparer, & y fut laissé messire Pierre de Clicqueton vn moult vaillant Cheualiers, & appert homme à tout vingt Lances & soixante Archers. Si firent les Archers grand' foison de pourueances de la ville de Ribadane, à leur departement. Car ils y en trouuerent assez, & especialement de porcs, & de bons vins, qui estoient si forts & si ardans, que ces Anglois n'en pouuoient boire, & quand ils en beuuoient assez largement, ils ne se pouuoient aider de deux iours après. Or se délogerent ils de Ribadane: & cheminerent vers la ville de Maures en Galice: & faisoient mener par membres le grand engin (qu'ils auoient fait charpenter) après eux: car ils veoiēt bien que c'estoit vn grād' espouuentail de gens, & de villes. Quand ceux de Maures entendirent que les Anglois venoiēt vers eux, pour auoir leur ville en obeyssance, & que Ribadane auoit esté prise à force, & les gens morts dedans, & faisoient les Anglois amener apres eux vn diable d'engin, si grand & si merueilleux qu'on ne le pouoit destruire, si se doubterent grandement de l'ost, & de ce grand engin. Si se trairent en conseil pour sauoir comment ils se maintiendroient, ou ils se deffendroient. Eux conseillez, ils ne pouuoient veoir que le rendre ne leur vauisist mieus assez, que le deffendre: car, s'ils estoient pris par force, ils perdroiēt corps & auoir: &, au doffendre ils ne leur apparoissoit confort de nul costé. Regardez (disoiēt les sages) comment il est pris de leur deffense à ceux de Ribadane, qui estoient bien aussi forts, ou plus, que nous ne sommes. Ils ont eu le siege pres d'vn mois, & ne les a nul cōfortez, ne secour. Le Roy de Castille (à ce que nous entendōs) cōpte pour ceste saison, tout le païs de Galice à perdu iusques à la riuere de T Dorne, ne vous n'y verrez ià de ceste année entrer François. Par ainsi rendon nous debonnairement, sans domage & sans riorté, en la forme & maniere que les autres villes de Castille ont fait. C'est bon, dirent ils. Tous furent de ceste opinion. Et cōment ferōs nous? dirēt aucuns. En nom Dieu (dirēt les plus sages) nous irōs sur le chemin, à l'encontre d'eux: & si porterons les clefs de la ville avec nous, & les leur présenterons: car Anglois sont courtoises gens. Ils ne nous feront nul mal: mais ils nous recueilleront doucement: & nous en sauront trop grand gré. A ce propos se sont tous tenus. Adoncques issirent hors cinquante hommes de la ville dessus-nommée, tous des plus notables de la ville. Si tost qu'ils feurēt que les Anglois aprochoiēt de la ville, ils se mei-rēt sur le chemin, entre la ville & les Anglois: & apportoiēt les clefs de la ville avec eux:

Assaut de Ribadane.

Ribadane prise de force.

Chemin des Anglois, de Ribadane à la ville de Maures.

Il a nagueres dit Dorne.

Ceux de Maures en Galice se mettent en l'obéissance du Duc de Lancastre sans se faire assiéger,

& là, ainsi comme au quart d'une lieue, ils attendirent les Anglois: qui approchoient. Nouvelles vindrent aux Anglois: que ceux de la ville de Maures estoient issus hors, non mie pour combattre: mais pour eux rendre: & portoient les clefs des portes avec eux. Adoncques s'avancerent les Seigneurs: & cheuaucherent tout deuant, pour veoir & sauoir que ce vouloit estre: & firent toutes gens, Archers & autres, demourer en bataille derriere: & puis vindrēt les Galiciens de Maures: qui les attendoient. Il fut là, qui leur dit, Veez là les trois principaux Seigneurs d'Angleterre, enuoyez de par le Duc de Lancastre, pour cōquerir le pais. Parlez à eux. Adonc ils se meirēt tous à genoux: & dirēt ainsi, Seigneurs, nous sommes des pources gens de Maure: qui voulons venir en l'obeyssance du Duc de Lancastre & de Madame la Duchesse. Si vous priōs que vous nous vueillez recueillir à mercy: car ce, que nous auons est vostre. Les trois Seigneurs d'Angleterre respondirent tantost, par l'auis l'un de l'autre, Bonnes-gens, nous irons avec vous en la ville, & une partie de nostre ost, & non pas tout: & là vous nous ferez serment: si comme bonnes gens & sugets doiuent faire à leur Seigneur & Dame. Ils respondirent, Ce ferōs nous moult volontiers. Or allez donc deuant: & faites ouurir les portes: car vous estes pris & recueillis à mercy. Adonc se meirent ceux au chemin: & vindrēt à leur ville: & firent ouurir portes & barrières, au-deuant du Cōestable & des Seigneurs: qui pouuoient bien estre enuiron quatre cens Lances: & non plus. Le demourant se logea aux champs: mais ceux, qui dehors estoient demourez, eurent largement des biens de la ville: & les Seigneurs se logerent dedans la ville: & firent faire serment aux bonnes gens de la ville de Maures: ainsi comme il est cy-dessus contenu en l'Histoire.

Comment Madame Philippe de Lancastre fut espousée au Roy de Portugal, par Procureur: & comment, luy estant menée, l'espousa personnellement, en grandes festes & magnificences.

CHAP. LV.

Le Cōestable de Lancastre, & ses compagnons retournant vers le Duc, pour le mariage de sa fille Philippe.

Le lendemain que la ville de Maures en Galice fut réduite, & que les Cheualiers s'ordonnoient & apprestoient pour aller deuant la cité de Besances, leur vindrent lettres & nouvelles du Duc de Lancastre: & leur mandoit que, ces lettres veues, en quelque estat qu'ils fussent, ils se departissent, & retournassent deuers luy: car il attēdoit dedans briebs iours l'Archeuesque de Braghez, & messire Jehā Radighes de Sar, les Ambassadeurs du Roy de Portugal: lesquels venoient à celle fois pour espouser sa fille, & la mener au Port, là ou le Roy l'attēdoit. Quand messire Jehan de Hollande, le Marechal, & l'Admiral, entendirent ces nouvelles, si retournerent leur chemin: & dirent que voirement appartēnoit il bien qu'au receuoir les Ambassadeurs du Roy de Portugal, le Duc, leur seigneur, eust ses gens, & son Conseil, delez luy. Si se meirent au retour: & laisserent garnisons es villes qu'ils auoient conquises: & dirent qu'ils n'en feroient plus, iusques au May, & s'en retournerēt en la ville de S. Iaques: ainsi que le Duc les auoit mādēz. Dedans trois iours, apres qu'ils furent venus, vindrēt l'Archeuesque de Braghez & messire Jehan-Radighes de Sar: & descendirent à plus de deux cens cheuaux, en la ville de S. Iaques. Tous furent logez: car on auoit ordōné, pour eux, logis. Quand ils furent appareillez, l'Archeuesque & les Cheualiers, & encores des autres Seigneurs de leur compagnie, se trayrēt deuers le Duc & la Duchesse, en bon arroy: ou ils furent recueillis à grand' ioye. Adonc remonstrerent ils ce, pourquoy ils estoient venus: & le Duc y entēdit volontiers: car de l'auancemēt de sa fille deuoit il estre tout réiouy, & aussi de l'alliāce qu'il auoit au Roy de Portugal: qui bien luy venoit à point, au cas qu'il vouloit entrer & cōquester Castille. L'Archeuesque mōstra au Duc, à la Duchesse, & au Cōseil, cōment par procuratiō, il pouoit & deuoit personnellemēt espouser au nō du Roy † Jehan de Portugal, Madame Philippe de Lancastre, fille au Duc: & tant que le Duc & la Duchesse, & leur conseil, s'en contenterent: & y aiousterent foy: dont en ces iours, que les Ambassadeurs de Portugal seiournerēt à S. Iaques, messire Jehan-Radighes de Sar, par vertu de procuration espousa Madame Philippe de Lancastre, au nom & pour le Roy de Portugal (car en ce l'auoit institué & ordōnné) & les espousa l'Archeuesque de Braghez: & furent sur un liēt courtoisement: ainsi cōme espoux & espousée deuoient estre. Ce fut fait. Au lendemain la dame, & tout son arroy, fust preste pour partir. Si partit quand elle eut pris cōgé à son pere & à sa mere, & à ses sœurs: & mōterent sur hacquenées Dāmoiselles avec elle, & sa sœur bastarde, la femme du Marechal en sa compagnie. Si furent ordōnez d'aller avec eux messire Jehan de Hollāde & messire Thomas de Persy, messire Jehā d'Auberthicourt, & cent Lances,

† Souuenance vous de ce que nous auons dit de Maistre Denis.

Mariage de Madame Philippe de Lancastre au Roy de Portugal par procureur.

Lances d'Anglois, & 200. Archers. Si se meirent au chemin ces Seigneurs & ces dames: & cheuaucherent vers la ville & cité du port. Côté la venue de la ieune Royné de Portugal issirent hors de la cité du Port, pour luy faire honneur & reuerence, les prélats, qui à ce iour y estoient: l'Euesque de Lissebonne & l'Euesque d'Eure, l'Euesque de Connimbres & l'Euesque du Port: & des Barons, le Comte d'Angouise, le Comte de Nouaire, & le Comte de l'Escalle, Galop-Ferrant Portek, Pumasfe, Martin de Merlo, & plus de 40. Cheualiers, & grād' foison d'autre peuple, dames & Damoiselles, à tout le clergé de l'Eglise, reuestu en habit de procession: & fut ainsi Madame Philippe de Lâclastre amenée au Port de Portugal, & au Palais du Roy: & là fut descêdue: & la prit le Roy par la main: & la baïsa, & toutes les Dames & Damoiselles, qui estoient venues en sa compagnie: & l'emmena iusques à l'entrée de sa chambre: & prirent congé les Seigneurs aux Dames & Damoiselles: & furent les Seigneurs d'Angleterre, qui estoient là venus, logez à leur aise, & leurs gens aussi, en la bône cité du Port (car elle est grande, & bône assez) & celle nuit on fit les vigiles de la feste, iusques au lédemain, des dâces, de caroles, & d'ébatemens: & passerent ainsi la nuit. Quād ce vint le Mardy, le Roy de Portugal, les Prelats, & les Seigneurs de son pays, furent tous appareillez au Matin, à heure de tierce. Si monterent à cheual, au pié du palais du roy: & puis s'en vindrēt à l'Eglise Cathedrale, qu'on dit Sainte Marie: & là attendirent la royné: qui là, accomgaignée de dames & de damoiselles, assez tost vint: & combien que messire Iehan Radighez de Sar l'eust espousée au nom du Roy de Portugal, le Roy solennellement deuant tous ceux qui la vouloient veoir, de rechef l'espousa là: & puis retournerent au palais: & là furent faites les festes, grandes & solennelles, & y eut ioustes, apres disner, deuāt la Royné, grandes & fortes: & eut le prix au soir, de ceux de dehors, messire Iehan de Hollande, & de ceux de dedans, vn Cheualier du Roy: qui sapeloit messire Iehan Teste-d'or: Si fut la iournée & la nuitée toute perueuee en grandes ioyes, & en grans ébatemens: & coucha celle nuit le Roy avec sa femme: & luy portoient renommée ceux du pays (qui le cognoissoient) qu'encores estoit il chaste: & n'auoit oncques eu compagnie charnellement à femme. Lendemain renouela la feste: & iousterēt encores les Cheualiers: & eut le prix des ioustes, de dedans, Vasse-Martin de Merlo, & de dehors, messire Iehan d'Auberthicourt: & toute la nuit ensuiuant on ne fit que dancier, chanter, & ébattre: & tous les iours y auoit ioustes de Cheualiers & d'Escuyers. En telles ioustes & ébatemens, que vous pouuez ouyr, fut recueillie, festoyée, & espousée, la Royné de Portugal en son auénemēt en la cité du Port: & durent les festes plus de dix iours: & y dōna le Roy aux estrangers grans dons & presens: & tant que tous s'en contenterent. Or prirent congé les Cheualiers d'Angleterre, du Roy, & de la Royné: & se meirent au retour: & exploiterēt tant, qu'ils vindrent en la cité de S. Iaques, deuers le Duc & la Duchesse: qui leur demanderēt nouvelles: & ils leur recorderent ce qu'ils en auoient veu & ouy, & que le Roy de Portugal les saluoit, & la Royné se recommandoit à eux: & dirent encores messire Iehan de Hollande & messire Thomas de Persy, Monseigneur la derniere parolle, que le Roy nous dit, fut telle, que vous vous trayez sur les champs, quand il vous plaira: car il sy traitra aussi à toute sa puissance: & entrera en Castille. Ce sont bonnes nouuells, dit le Duc. Enuiron quinze iours apres ce que le Connestable & l'Admiral furent retournez du Port & des noces du Roy de Portugal, s'ordonnerent le Duc de Lanclastre & ses gens, pour cheuaucher, & pour aller conquerir villes & chasteaux en Galice. Encores n'estoit pas le Duc Seigneur de toutes les villes. Si fut ordonné du Conseil du Duc, & il appartenoit qu'il fust ainsi, que quand le Duc de Lâclastre partiroit de la ville de Saint-Iaques, la Duchesse & sa fille Catherine en partiroient aussi: & iroient au Port, veoir le Roy de Portugal, & la ieune Royné. Si furent ainsi ordonnées les besongnes: & fut la ville de Saint-Iaques baillée à garder à vn Cheualier d'Angleterre, pour en estre Capitaine: lequel on appeloit Sire Loys Cleffort: & auoit deffous luy trente Lances, & cent Archers.

Arrivée de la royné de Portugal vers son mary.

Le Roy de Portugal espouse personnellemēt Madame Philippe de Lanclastre.

Comment le Duc de Lanclastre & ses gens cheuaucherent vers la cité de Besances: & comment ceux de Besances enuoyerent vers le Roy de Castille, pour auoir secours, par composition faite avec le Duc de Lanclastre.

CHAP. LVI.

OR se departirent le Duc de Lanclastre & toutes ses gens. Riens ne demoura en la garnison: fors ceux, qui estoient ordonnez à demourer. Si cheuaucherent le Duc & la Duchesse deuers la cité de Besances. C'est à l'vn des corps de Galice,

† Le doute s'il y faudroit point de bords, ou coins.

la dernière bõne-ville, au lez deuers le Royaume de Portugal, au droit chemin du Port & de Connimbres: & pource que Madame de Lanclastre & sa fille deuoient aller veoir le Roy de Portugal, si tindrent elles le chemin. Ceux de Besances entendirent que le Duc venoit sur eux, & tout son ost. Si se trayrent à conseil, pour sauoir quelle chose ils pourroient faire. En leur conseil eut plusieurs parolles retournées. Finalement ils ordõnerent, & pour le mieux, qu'ils enuoyeroient deuers le Duc & la Duchesse (qui venoiet) six de leurs hommes, des plus notables de la ville de Besances à fin d'estre en souffrance de non estre assaillis, huit iours tant seulement: & ils enuoyeroient deuers le Roy de Castille: & luy remonstreroient que, s'il ne venoit si fort que pour combattre le Duc, ils se rendroient au Duc quittement, sans nul moyen. Lors partirent de Besances six hommes (qui furent élus) & cheuaucherent le droit chemin, que les Anglois venoient. Si encõtrèrent premierement l'Auantgarde: que le Marechal menoit. Ils furent pris & arrestez des premiers cheuaucheurs. Lors dirēt qu'ils estoiet de Besances, & que sur bon appoinement, chargez de la ville, ils alloient parler au Duc. Doncques dit le Marechal à messire Iehan Soustrée (qui cheuauchoit delez luy) Menez ces hommes deuers Monseigneur. Ils ont bien mestier d'estre conduits: car noz Archers les pourroient bien occire. Le Cheualier respondit, Volontiers. A ces parolles dit le Marechal, Allez, allez, ce Cheualier vous mènera. Lors se departirent: & cheuaucherent tous ensemble: & trouuerent le Duc & la Duchesse, & leur fille, & messire Iehan de Hollade, messire Thomas de Persy, & plusieurs autres: qui estoient descendus dessous moult beaux oliuiers: & regarderēt fort sur messire Iehan Soustrée, quand ils le virent venir. Si luy demanda messire Iehan de Hollande, en disant, Beau frere Soustrée, ces prisonniers sont ils à toy? Sire (respondit Soustrée) ils ne sont pas prisonniers. Ce sont hõmes de Besances: que le Marechal m'a baillé à conduire, pour venir parler à Mõseigneur: car, selon ce qu'il m'est aduis, ils veulent traitter. Le Duc de Lanclastre ouyt toutes ces parolles: & aussi faisoit la Duchesse. Adonc leur dit Soustrée, Auãcez vous bõnes-gens: car veez là vostre Seigneur & vostre Dame. Lors s'auancerent ces six hõmes: & se meirent à genoux: & parla ainsi, & dit l'un, Mon trescher Seigneur & redouté, & ma tresfredoutée Dame, la communauté de la ville de Besances nous enuoyent icy. Ils ont entendu que vous venez sur eux, ou enuoyez à main armée, pour auoir la Seigneurie. Si vous prient, de grâce espediale, que vous vous vueillez souffrir, & cesser neuf iours, tant seulement, de non faire assaillir: & ils enuoyront deuers le Roy de Castille (qui se tiēt au Val-dolif) & luy remõstreront le grãd peril & dāger ou ils sont, & si dedās les neuf iours ils ne sont secourus de gēs, forts assez pour vous cõbattre, ils se mettrõt du tout en vostre obeyssance: & si vo'n auez assez viures & pourueãces, ceux de la ville vo'en offrēt pour vos deniers, à prẽdre à vostre volõté, pour vous & pour voz gens. A ces parolles ne respondit point le Duc: mais laissa parler la Duchesse: car elle estoit du païs. Si regarda vers le Duc: & dit, Mõseigneur, qu'en dites vous? Et vous, Dame, qu'ẽ dites vous aussi? Vous estes hẽritiere, & l'heritage me viēt de vous. Si en deuez respondre. Et elle dit, Monseigneur, il est bon qu'ils soient receus, parmy le traitte qu'ils mettent auant: car ie croy bien que le Roy de Castille n'a nulle volõtẽ, si prestement, de vous combattre. Ie ne say, dit le Duc. Dieu doint qu'il viẽne à la bataille tantost: si serõs plustost deliurez: car ie voudroye que ce fust dedans 6. iours. Or, puis que vous le voulez, ie le vueil aussi. Adonc retourna la Dame deuers les hommes: & leur dit, Allez, vous auez exploitẽ, & fait: mais deliurez, au Marechal, de voz hõmes de la ville, des plus notables, iusques à douze: qui soiēt pleiges pour tenir le traittẽ. Bien, Madame, respondirent ceux. Adoncques se leuerent ils: & messire Iehan Soustrée fut élu & chargé de faire toute ceste rẽponse au Marechal: lequel Marechal s'en contenta bien: quãd ils furent retournez deuers luy: & ceux s'en allerent à Besances: & compterent commẽt ils auoient exploitẽ. Adonc furent pris en la ville 12. hommes des plus notables, & enuoyez deuers le Marechal. Si demoura la ville de Basances en paix: parmy la cõdition que ie vous baille: & tantost (quand ils eurent parlẽ ensemble, & ils furent cõseillez, à sauoir commẽt ils feroient) ces propres six hommes, & non autres, furent enuoyez deuers le Roy de Castille: lesquels auoient fait le traittẽ au Duc de Lanclastre. Si cheuaucherent tant, qu'ils vindrent au Val-dolif: ou le Roy se tenoit, & vne partie de son Conseil. Quand ils furent là venus, & le Roy feut leur venue, il les voulut veoir, pour parler à eux, & pour demander des nouuelles: & encore ne sauoit il riens de la composition, qu'ils auoient faite au Duc de Lanclastre, ne que les Anglois estoient deuant Besances.

Deputez de Besances vers le Duc de Lanclastre pour auoir composition.

Permission à ceux de Besances d'enuoyer vers le roy de Castille, pour auoir secours, & sous quelle condition.

Comment la Duchesse de Lanclastre, avec sa fille Catherine, s'en alla veoir les Roy & Royne de Portugal: & comment ceux de Besances, n'ayant secours, ne response du Roy de Castille, se rendirent au Duc de Lanclastre, selon leur composition. CHAP. LVII.

Et tandis que ces six hommes allerent au Val-dolif, pour parler au Roy (si-comme vous sauez) ordonna le Duc la Duchesse, sa femme, & sa fille, Madame Catherine, pour aller au Port, veoir le Roy de Portugal, & la ieune Royne sa fille: & luy dit ainsi le Duc au partir, Constance, vous me saluerez le Roy mon fils, & ma fille, & les Barons de Portugal: & leur direz des nouvelles, telles que vous sauez, comment ceux de Besances sont en traitté deuers moy: & ne say pas encores comment ils sont fondez, ne si vostre auersaire, Iehan de Tristemare, leur a fait faire ce traitté, ne si nous viendra combattre: car bien say que grand confort leur doit venir de France, & que ceux, qui se desirēt à auancer, & qui demandent les armes, viendront en Castille, au plustost qu'ils pourrōt. Si me faudra tous les iours estre sur ma garde, pour attendre la bataille: & ce direz vous à mon fils, & aussi aux Barons de Portugal: & si aucune chose me vient, ou que ie voye que ie doye auoir affaire, ie le signifieray sur l'heure au Roy de Portugal. Si luy direz, de par moy, qu'il soit si pourueu, cōme pour aider à garder nostre droit, & le siē: ainsi cōme nous auons par noz alliances iuré & promis tous ensemble: & outre, vous retournerez deuers moy: mais vous laissez, celle saison, nostre fille Catherine delez la royne sa sœur, au Port de Portugal. Elle ne peut estre mieux n'en meilleure garde. Monseigneur (respondit la Dame) tout ce feray- ie volontiers. Lors prit congé la Duchesse & sa fille, & les Dames & Damoiselles, qui en leur compaignie estoient: & monterent: & partirent. Si furent accompagnées de l'Admiral messire Thomas de Persy, messire Yon Fil- Warin, du Seigneur de Talbot, de messire Iehan d'Auberticourt, & de messire Mauburin de Linierre, & de cent Lances, & deux cens Archers: & cheuaucherent vers le Port: & tant exploiterent, qu'ils y paruiurent. Quand le Roy de Portugal entendit que la Duchesse de Lanclastre & sa fille venoient, si en fut grandement réiouy: & enuoya à l'encontre d'elles, des plus notables de sa Court, le Comte d'Angouse, & le Comte de Nouaire, messire Iehan-Radighes de Sar, messire Iehan-Ferrand Portek, messire Vasse-Martin de Merlo, messire Egheas Colle, & bien vingt Cheualiers: lesquels cheuaucherent deux grans lieues contre les Dames: qui les recueillirent liement & hōnorablement: & la Duchesse (qui bien le sauoit faire) s'acointa aussi moult doucemēt des Barrōs & des Cheualiers: & estans sur les champs l'un apres l'autre, elle les enclina, & receut de parolle, & de maniere, & par bon arroy. Ainsi vindrēt ils iusques en la cité du Port. Là fut la Duchesse & sa fille, & toutes Damoiselles, ordonnées de loger au Palais. Là vint le Roy premiere-mēt cōtre les Dames & Damoiselles: & les baïsa toutes, l'une apres l'autre: & puis vint la Royne, accompagnée de Dames & Damoiselles: laquelle receut sa Dame la Duchesse, & sa sœur, moult honnorablement: car bien le sauoit faire. Moult fut toute l'hostelée réiouye de la venue des Dames. De toutes leurs accointances ne me vueille pas trop ensongner de parler: car ie n'y fu pas. Je ne le say, fors que par le gentil Cheualier messire Iehan-Ferrād: qui y fut, & qui m'en informa. La remōstra & deuīsa la Duchesse au Roy de Portugal (quand heure fut) toutes les parolles: dont le Duc son mary l'auoit auīcée, & chargée de dire & compter. Le Roy respondit moult doucement, & sagement: & luy dit, Dame, & cousine, ie suis tout prest, si le Roy de Castille se met auant sur les champs: & auray, sur trois iours, trois mille Lances (car ils logent tous aux champs, sur les frontieres de Castille) & si auray bien encores vingt mille combattans des cōmmunes de mon Royaume: qui ne sont pas à refuser: car ils me valurent grandement à vn iour qui fut, à la bataille de Iuberoth. Sire (dit la dame) vous parlez bien: & grand mercy. Si riens suruiēt à Monseigneur, tantost il vous le signifiera. Ainsi se tindrēt ensemble en telles parolles, & en autres le Roy de Portugal & la Duchesse. Or retournerons vn petit à ceux de Besances: & compterons comment ils exploiterent. Quand ces six hommes de Besances furent deuant le Roy de Castille, ils se meirent à genoux: & dirent, Tresredouté Sire, il vous plaise à entendre à nous. Nous sommes icy enuoyez de par vostre ville de Besances: laquelle s'est mise, & de force, en composition deuers le Duc de Lanclastre & la Duchesse: & ont souffrance, de non estre assaillis, neuf iours: & là, si vous y venez, fort assez, ou enuoyez, tellement que pour resister contre la puissance du Duc, la ville vous demourra: &, sinon, ils se sont obligez, & en ont liuré ostages, qu'ils se rendront. Si que,

Arrivée de la Duchesse de Lanclastre, & de sa fille Catherine vers le roy de Portugal.

Deputez de Besances vers le Roy de Castille pour auoir secours.

tresredouté Roy, il vous plaise à respondre quelle chose vous en ferez. Le Roy respondit: & dit, Nous nous conseillerons: & puis vous aurez responce. Adoncques se departit le Roy de leur presence: & rentra en sa chambre. Je ne say fil se conseilla, ou non, ne comment la besongne se porta: mais ces six hommes de Besances furent là huit iours qu'onques ne leur fut respondu, ne depuis ils ne veirent point le Roy. Or vint le iour que la ville se deuoit rendre: & point n'estoient encores retournez leurs gens. Le Duc de Lanclastre enuoya son Mareschal au dixième iour, parler à ceux de Besances, & dire qu'ils se rendissent: ou qu'il feroit couper les testes à leurs ostages. Le Mareschal vint à Besances, iusques aux barrieres: & fit là venir parler les hommes de la ville à luy. Ils y vindrent. Quand ils y furent venus, il leur dit, Entendez, entre vous bonnes gens de Besances, Monseigneur m'enuoye deuers vous: & vous fait demander pourquoy vous n'apportez les clefs de ceste ville à son logis? & que vous ne vous mettez en son obeyssance, ainsi que faire deuez? Les neuf iours sont des hier: & bien le sauez. Si vous ne le faites, il fera trencher les testes à voz hostages: & puis vous viendra assaillir, & prendre à force, & ferez tous morts sans mercy: ainsi que furent ceux de Ribadane. Quand les hommes de Besances entendirent ces nouvelles, si se douterent: & douterent aussi à perdre leurs amis, qui estoient en ostage deuers le Duc: & dirent, En bonne verité, Monseigneur le Mareschal, Monseigneur de Lanclastre à cause de dire ce, que vous dites: mais nous n'oyons nulles nouvelles de noz gens (que nous auons pour celle cause enuoyez deuers le Roy, au Val-dolif) ne qu'ils sont deuenus: Seigneurs (dit le Mareschal) espoir sont ils retenus, pour les nouvelles qu'ils ont là portées: qui ne sont pas, ne n'ont esté, trop plaisantes au Roy de Castille: & Monseigneur ne veut plus attendre. Pourtant auisez vous: car moy ayant fait vostre responce, il est ordonné que vous aurez l'assaut. Dont ils reprirent la parolle: & dirent, Sire, or nous laissez assembler toute la ville: & nous parlerons ensemble. Je le vueil, dit il. Lors rentrerent ils en Besances: & firent sonner, de rue en rue, les trôpettes, pour assembler toutes manieres de gens, & venir en la place: & quand ils furent tous assemblez, ils parlerent: & remonstrent les plus notables, à la Communauté, toutes les parolles que cy vous oyez. Si furent d'accord qu'ils rendroient la ville, & rachapteroient leurs ostages: qui en prison estoient: car ils ne les vouloient pas perdre. Si retournerent au Mareschal: & dirent ces nouvelles, Mareschal, en toutes voz demandes n'y a que raison. Nous sommes appareillez de receuoir Monseigneur & Madame, & les mettre en possession de ceste ville: & veez cy les clefs. Nous nous en irons avecques vous deuers eux en leurs logis: mais qu'il vous plaise, & que vous nous y vueillez conduire. Respondit le Mareschal, Ouy volontiers. Adonc issirent hors de Besances bien soixante: & emporterent avecques eux les clefs des portes: & le Mareschal les mena tout droit au Duc: & fit, pour eux, l'entrée & la parolle. Le Duc les recueillit: & leur rendit leur hostages: & entra ce iour en la cité de Besances: & s'y logea: & aussi s'y logerent ses gens, qui loger s'y peurent. Au chef de quatre iours, apres ce que Besances se fut rendue au Duc de Lanclastre, retournerent les six hommes: lesquels auoient esté enuoyez au Val-dolif, deuers le Roy de Castille. Si furent enquis, & demandé de ceux de la ville, pourquoy ils auoient tant demouré. Ils respondirent qu'ils ne l'auoient peu amender. Bien auoient parlà au Roy: & respondit le Roy (quand il les eut ouys & entendus) qu'il se conseileroit sus auoir responce. Sur ce Conseil se iournasmes nous là huit iours: & encores sommes nous retournez sans auoir responce. On ne leur demanda plus auant: mais ils dirent bien qu'on disoit au Val-dolif, que le Roy de Castille attendoit grans gens, qui venoient de France: & ià en y auoit foison de venus: qui estoient logez sur le pays: & se logeoient à la mesure qu'ils venoient. Mais encores estoient les Capitaines, messire Guillaume de Lignac & messire Gautier de Passach, derriere: & les grosses routes estoient ià sur le chemin, & la greigneur partie des Cheualiers & Escuyers, qui en Espagne deuoient aller avecques les dessusdits Capitaines: mais ceux, qui estoient retenus de la route du Duc de Bourbon, estoient encores en leurs hostels.

La ville de Besances rendue, selon la composition, au Duc de Lanclastre, n'ayant eu responce ne secours dedans le terme prefix.

Comment le Comte de Foix permit aux Capitaines François de passer leurs gens par ses terres, moyennant qu'ils pryeroient ce qu'ils prendroient, & non autrement: & comment ils arriuerent à Sainct-Iehan-de-pié-de-pors, à l'entrée de Navarre.

Or passerent messire Gautier de Lignac & messire Guillaume de Passac tout outre le Royaume de France: & s'assemblerent toutes gens en Carcassonne, en Narbonnois, & en Toulousain: & ainsi qu'ils venoient, ils se logeoient en ce bon pays: & prenoient à leur aise le plus gras: & beaucoup y auoit de gens, qui ne payoient chose, qu'ils prissent. Les nouvelles vindrent au Comte de Foix (qui se tenoit à Ortaïs) que Gens-d'armes de France approchoient pays: & vouloient passer parmy, & aller en Espagne. Mais tant y a, Monseigneur, ils ne payét point chose qu'ils prennent: & fuit tout le menu peuple. Car tout ou ils vont, deuât eux: si-côme fils fussent Anglois: mais encore se tiennent les Capitaines à Carcassonne, & leurs gens là enuiron: qui viennent de tous costez: & passent la riuere de Garône à Toulouze: & puis ils entrerôt en Bigorre: & de là ils serôt tâtost en vostre pays: & fils y font ce qu'ils ont fait au chemin qu'ils sont venus, ils vous porteront, & à vostre pays de Bearn, moult grâd dommage. Regardez que vous en voulez dire & faire. Respondit le Comte de Foix (qui tantost fut conseillé de soy-mesme) & dit, Je vueil que toutes mes villes & mes chasteaux, autant bien en Foix comme en Bearn, soient pourueus & garnis de Gens-d'armes, & tout le plat-pays auisé de chacun estre en sa garde: ainsi que pour tantost entrer en bataille, Je ne vueil pas comparer la guerre de Castille. Mes terres sont franchises. Si François veulent passer parmy, vraiment ils payeront tout ce, qu'ils y prendront: ou les passages leur seront clos: & si vous en charge, messire Arnaut Guillaume, & vous messire Pierre de Bearn. Ces deux Cheualiers estoient freres Bastards, & vaillâs hommes: & bien se sauoient ils maintenir aux armes. Monseigneur (respondirent ceux) & nous nous en chargeons. Dont furent parmy toutes les terres du Comte de Foix faites ordonnances, que chacun fust garny de toutes armeures, ainsi comme à luy appartenoit, & qu'autres fois l'auoiet esté, ou mieux: & que du iour au lendemain veinssent là ou ils seroient mandez. Lors vindrent en Foix, en Bearn, & en la Sénéchaucée de Toulouze, toutes gens, prests & appareillez: ainsi que pour tantost entrer en bataille. Si furent enuoyez en la cité de Palmes, bien appointez de cent Lances & de bonnes Gens-d'armes, messire Espaing du Lyon & Sauredun, & messire Cicart de Saint-Ligier à Mozeres: & se tint messire Pierre de Bearn, à cent Lances, à Belle-put, à l'entrée de la Comté de Foix: messire Pierre de Calestan à Saint-Thibaut sur la Garonne: messire Pierre Menaux de Naailles, à cinquante Lances, à Polaminich: messire Pierre de la Toce au chastel de Lamesun: le Bastard d'Espreing à Morlés, messire Arnaut Guillaume, à tout cent Lances, à Pau, messire Guy de la Mote au Mont de Merfan: messire Raymon du Castel-neuf à Sauueterre: messire Yuain de Foix, fils bastard du Comte, à Môtésquin: messire Verdol de Nenosan, & messire Iehan de Sainte Marcelle, à Oron: messire Hector de la Garde: à Môtgerbiel: Iehan de Chastel-neuf à Ertiel. Et manda à messire Iehan l'Aîné (lequel auoit le Chastel de Beauuoisin en garde) qu'il fust songneux de toute la frontiere: & enuoya à saint-Gaudent vn sien cousin, messire Arnaulton d'Espagne. Briéuement, il ne demoura ville, ne chastel en Foix: n'en Bearn: qui ne fust refreschy & pourueu de Gens-d'armes: Il disoit que c'estoit assez pour attendre le double d'autres Gens-d'armes: & se trouuoit bié garny de vingt mil Hommes d'armes, tous d'elite. Les nouvelles vindrēt à messire Guillaume de Lignac (qui se tenoit à Toulouze) & à messire Gautier de Passac (qui se tenoit à Carcassonne) cômēt le Comte de Foix se pourueoit de Gens d'armes, & mettoit garnison par toutes ses forteresses: & couroit renommée, qu'il ne lairroit nulluy passer parmi sa terre. Si en furent ces deux Cheualiers (pourtant qu'ils estoient capitaines de tous les autres) tous ébahis: & se meirent iournée de parler ensemble: & cheuaucherēt chacun, pour trouuer l'vn l'autre, ainsi qu'au milieu du chemin: & vindrent au chastel d'Aury: & parlerent ensemble du Comte de Foix, comment ils s'en cheuiroient. Ce dit messire Guillaume à messire Gautier, Au veoir dire, c'est merueille que le Roy de France & son Conseil n'en ont escrit à luy, pour ouurit sa terre paisiblement. Messire Gautier (dit messire Guillaume) il vous faudra aller parler à luy doucement, & dire que nous sommes cy enuoyez de par le Roy de France, pour passer nous & noz gens paisiblement, & payer ce que nous prendrons. Sachez que le Comte de Foix est bien si grâd, que, s'il veut: nous n'aurôs point de passage: & nous faudra passer parmy Arragon, qui nous est trop loing, & nous tourneroit à contraire. Au veoir dire, ie ne say de qui il se doute, ne pourquoy il garnit maintenant ses fors, ses villes, & ses chasteaux, ne s'il a nulles alliances au Duc de Lanclastre. Je vous prie allez iusques là, en sauoir la verité. Tousiours passeront noz gens iusques en Bigorre.

Ordre du Comte de Foix, pour tenir ses terres en leur & frâc, estât sur le voyage des Frâçois en Castille.

Le le vueil, dit messire Gautier. Lors prirent ces deux Capitaines congé: quand ils eurent dîné ensemble. Messire Guillaume de Lignac retourna à Toulouze, & messire Gautier s'en vint, à tout quarante cheuaux tant seulement, passer la Garonne, à Saint-Thibaut: & trouua là messire Menaut de Nouailles: qui luy fit grâd chere. Messire Gautier luy demanda du Comte, ou il le trouueroit. Il luy dit qu'il estoit à Ortais. Ces deux Cheualiers furent vne longue espace de temps ensemble, & parlerent de plusieurs choses: & puis partit messire Gautier de Passac, & s'en vint à Saint-Gaudens. Là luy fit on bonne chere. Au lendemain il vint à Saint-Iehan-de-Riuere: & cheuaucha toute la Lande-de-Boucq: & costoya Mauuoisin: & vint gesir à Tournay, vne ville fermée, du Royaume: & le lendemain s'en vint dîner à Tarbe: & là se tint tout le iour: & là trouua le Seigneur d'Anchin & messire Menaut de Barbasan, deux grans Barons de Bearn: lesquels parlerent à luy, & luy à eux, de plusieurs choses: & pourtant que le Sire de Barbasan est Armignageois, il ne pouuoit nul bien dire du Comte de Foix. Au lendemain messire Gautier de Passac se departit de Tarbe: & s'en vint dîner à Morlans en Bearn: & là trouua messire Regnaut Guillaume, le frere-Bastard du Comte: qui le receut liement: & dit on à messire Gautier, Vous trouuerez Monseigneur de Foix à Ortais: & sachez qu'il sera tout réioui de vostre venue. Dieu y ait part (dit messire Gautier) pour parler à luy le vien-ie veoir. Ils dînerent ensemble: & apres dîner, messire Gautier vint gesir à Mont-gebriel: & lendemain, à tierce, il vint à Ortais: & ne peut parler au Comte, iusques au lendemain, apres nonne: que le Comte de Foix issit de sa chambre. Quand le Comte de Foix seut que messire Gautier de Passac estoit venu pour parler à luy, si se hastia encores vn petit plus, pour issir hors de sa chambre, Messire Gautier (si tost comme il le veit issir hors de sa chambre) s'en vint contre luy: & s'enclina: & le salua. Le Comte (qui fait autant d'honneur, comme Cheualier pour sauoir) luy rendit tantost son salut: & le prit par la main: & dit, messire Gautier, vous soyez le Bien venu. Quelle besongne vous amene au pays de Bearn? Monseigneur (dit le Cheualier) on nous a donné à entendre, à messire Guillaume de Lignac & à moy (qui sommes commis & establis, de par le Roy de France, à mener outre & conduire en Castille ces Gens-d'armes, dont vous auez bien ouy parler) que vous voulez empescher nostre chemin, & clorre vostre pays de Bearn à l'encontre de nous & de noz compaignons. A ces parolles respondit le Comte de Foix: & dit, messire Gautier, sauue vostre grâce: car ie ne vueil clorre ne garder mon pays à l'encontre de vous, ne de nul homme, qui paisiblement & en paix le vueille passer, & ce, qu'il y trouuera prendre & payer au gré du menu peuple: lequel i'ay iuré à garder, & tenir en droit & en iustice: ainsi que bons Seigneurs terriens doiuent tenir le peuple: car pour ce ont ils & tiennēt les Seigneuries. Mais il me fut dit, qu'il vient aual vne maniere de Bretons, Barrois, Lorrains, & Bourgongnons, qui ne sauent que c'est de payer: & contre telles gens ie me vueil bien clorre: car ie ne vueil pas que mon pays soit foulé, ne greué: mais ie le vueil tenir en droit & en franchise. Monseigneur (respondit messire Gautier) c'est l'intention de mô cōpaignon & de moy (si nul passe parmy vostre terre, & il ne paye ce, qu'il prédra, paisiblement, au gré des pources gēs) qu'il soit pris, arresté, & corrigé selon l'vsage de vostre pays, & tantost restitué tout le dommage, qu'il aura fait: ou nous, pour luy, en satisferons: mais que le corps nous soit deliuré: &, si n'est Gentil-homme, deuant voz gens nous en ferons iustice & punition de corps, telle que tous les autres y prendront exemple: &, si est Gentil-homme, nous luy ferons rendre & restituer tous dommages, ou nous pour luy: & ce ban & ce cry ferons, & ferons faire à la trompette, par tous les logis: & de rechef on le leur ramenteura, quand ils rentreront en vostre terre: parquoy ils ne se puissent pas excuser, qu'ils n'en soient sages. Or me dites si vous suffist ainsi, Doncques respondit le Comte: & dit, Ouy, messire Gautier. Or suis-je content que ainsi soit fait: & que vous soyez le bien venu en ce pays. Je vous y voy volontiers. Or allons dîner (il en est heure) & puis aurons autres parlemens ensemble. Messire Gautier (dit le Côte de Foix) maudite soit la guerre de Portugal & de Castille. Je m'en doy trop plaindre: car oncques ie ne perdy tant pour vne fois, que ie perdy en vne saison en la guerre de Portugal & de Castille: car toutes mes bōnes Gens-d'armes du pais de Bearn sur ceste saison y furent morts: & si leur auoye bien dit, au partir & au congé prendre, qu'ils guerroyassent sagement: car Portugalois sont gens dures d'encontre, & de fait, quand ils se voyent au dessus de leurs ennemis: car ils n'en ont nulle mercy. Je le vous dy pourtant, messire Gautier, que, quand vous viendrez en Castille, entre vous & messire

Guillaume

*Gautier de
Passac, l'un
des Chefs de
l'armée de Fra
nce, allāt en Ca
stille, vers le
Comte de Foix,
pour auoir pas
sage.*

*Accord de
passage aux
François par
le Côte de Foix
en payant ce
qu'ils prédront*

Bon aduertissement du Comte de Foix à Gautier de Passac, pour le moyen de bien se conduire en Castille.

Guillaume de Lignac (qui estes cōduiseurs & Capitaines de ces Gens-d'armes, qui sont passez, & qui passeront) vous serez requis (espoir) du Roy de Castille de donner conseil. Si vous auisez que vous ne vous hastez trop, n'auancez de combattre, sans vostre grand auantage, le Duc de Lanclastre, le Roy de Portugal, Anglois & Portugalois: car ils sont familleux: & desirent les Anglois à auoir bataille, pour deux raisons. Ils n'eurent grand temps nul profit: mais sont pources: & n'ont mie gagné (trop long téps a) mais tousiours perdu. Si desirent à eux auérurer, pour auoir nouuel profit: & telles gens, qui sont auentureux, & qui desirent à l'autrui, se cōbattent hardiment: & ont volontiers fortune pour eux. L'autre raison est telle, que le Duc de Lanclastre fait tout clerement qu'il ne peut venir parfaitement, ne paisiblement, à l'heritage de Castille (qu'il demande à auoir de par sa femme, qui s'en dit heritiere) fors par bataille: & fait bien, & voit, que, si luy auoit vne journée pour luy, & que le Roy de Castille fust déconfit, tout le pays se rendroit à luy, & trembleroit cōtre luy: & en ceste instance est il venu en Galice: & a donné vne de ses filles, par mariage, au Roy de Portugal: qui luy doit aider à soustenir sa querelle. Et ie vous en auise: pour tant que, si la chose alloit mal, vous en auriez plus de charge, vous & messire Guillaume de Lignac, que nul des autres. Monseigneur (respondit messire Gautier) grād mercy: qui m'en auisez. Ie me doy bien employer pour vous: car auioird'huy vous estes entre les Princes Chrestiens, le plus sage, & le plus heureux de ses besongnes. Mais mon compaignon & moy auons encores souuerain dessus nous, Monseigneur le Duc de Bourbon: & iusques à tant qu'il sera venu, & entré en Castille, nous ne nous hasterons, n'auancerons de combattre les ennemis, pour personne qui en parle. A tant rentrerent ils en autres parolles, iusques à tant que le Comte de Foix demanda le vin. On l'apporta. Si beut messire Gautier de Passac, & tous ceux, qui là estoient: & puis prit congé. Si rentra le Comte en sa chambre: & messire Gautier retourna en son hostel: & l'accompaignerent les Cheualiers de l'hostel du Comte, iusques à son logis. Puis messire Gautier retourna: & soupa avecques luy. Lendemain, apres disner, prit messire Gautier de Passac congé du Comte de Foix: & le Comte luy donna au partir, avecques tout ce qu'on luy presenta de par le Comte, vn tresbel courfier, & vne tresbelle mulle. Messire Gautier de Passac en remercia le Comte. Tout son arroy estoit prest. Si monta: & monterent les gens: & issirent hors d'Ortais: & vindrent gesir ce iour à Erciel: & lendemain au soir ils furent à Tarbe: car ils cheuaucherent ce iour grande journée, pour auācer leur besongne. Quand messire Gautier fut venu à Tarbe, il s'arresta là: & fauisa qu'il manderait à messire Guillaume de Lignac tout son estat, & comment il auoit exploité deuers le Côte de Foix: & luy manda qu'il fist traire auant toutes ses routes: car ils trouueroient le pays de Bearn, & les bonnes-villes toutes ouuertes, en payant ce qu'ils prendroient: & auarement non. Le messager, qui apporta lettres de par messire Gautier de Passac, exploita tant, qu'il vint à Toulouze: & fit son message. Quand messire Guillaume de Lignac eut leu le contenu des lettres, si fit sauoir à tous Capitaines des routes qu'on se meist au chemin: mais ce, qu'on prendroit en la terre du Côte de Foix, tout fust payé: autrement on se prendroit aux Capitaines: qui amenderoient le forfait. Si fut sonnée la trompette de logis en logis: à fin que tous en fussent auisez. Or se delogerent toutes gens, de la marche de Toulouze & de Carcassonne, de Lymons & de Narbonne: & se meirent au chemin, pour entrer en Bigorre. Si se departit messire Guillaume de Lignac de Toulouze & prit le chemin de Bigorre: & exploita tant qu'il vint à Tarbe: & là trouua messire Gautier son compaignon. Si s'entrefirent bonne chere: & ce fut raison. Or tousiours passoiēt Gens-d'armes & routes: & s'assembloient tous en Bigorre, pour cheuaucher ensemble parmy Bearn & le pays du Côte de Foix, & pour passer, à Ortai, la riuere de Gaure: qui court à Bayonne. Si tost qu'on ist du pays de Bearn, on entre au pays de Basque: auquel pays le Roy d'Angleterre tenoit grand terre, en l'Archeuesché de Bordeaux, & en l'Archeuesché de Bayonne: si que les Basques (qui se tenoient lors pour le Roy d'Angleterre, & ou bien sont quatre vingts villes à clochers) quand ils entendirent que les passages seroient parmy leur pays, se douterent grandement des François, & d'estre tous courus, ars & exilez: car il n'y auoit, sur tout le pays, nulles Gens-d'armes de leur costé: qui peussent deffendre leur frontiere. Si se cōseillerēt ensemble les plus sages, & ceux qui le plus auoiēt à perdre, qu'ils enuoyeroiēt à traiter deuers les Capitaines souuerains, & racheteroient leur pays. Lors enuoyerent à Ortai quatre hōmes: lesquels estoient chargez, du demourant du pays, à faire la paix. Ces quatre hommes de Basque compterent à Ar-

† Ie doute qu'il n'y falle conseiller par vous. Or Ie doy bien exploiter par vous.

Depart de Gautier de Passac, d'avec le Comte de Foix.

Passage des François iusques à Ortai en Bearn.

*Composition de
ceux de Basque
aux Capitai-
nes François,
pour sauuer
leur pays d'e-
stre ruiné.*

nauton du Pin, vn Escuyer du Comte de Foix, gracieux & sage homme, ce, pourquoy ils estoient venus: & que, quand messire Guillaume & messire Gautier viendroient là (lesquels y deuoient estre dedans deux iours) ils voulsist estre avec eux, pour aider à traiter. Il dit qu'il le feroit moult volontiers. La nuit, que les compagnons vindrent à Ortais, se logerent chez Arnaulton du Pin. Si aida à faire à ceux de Basque leurs traittez: & payerent tout content deux mille francs: & leur pays si fut deporté de non estre exilé, ne couru. Encores fit le Comte de Foix donner aux Capitaines à dîner, & à messire Guillaume de Lignac vn tresbeau courfier. Lendemain ils passerent à Sauueterre: & entrèrent au pays de Basque: qui s'estoient rachaptez. On prit des viures là ou on en peut trouuer: & passerent les François parmy, sans faire autre dommage: & s'en vindrent à Sainct-Iehan-de-pié-des-ports, à l'entrée de Nauarre.

*Comment messire Iehan de Hollande & messire Regnaud de Roie firent vn fait-d'armes
l'un contre l'autre, en la ville de Besances, deuant les Roy & Roine de Portugal, & deuant
les Duc & Duchesse de Lanclastre.*

C H A P .

L I X .

*Lettres de Re-
gnaud de Roie
à messire Ie-
han de Hol-
lande pour fai-
re fait-d'ar-
mes ensemble.*

Vous auez bien ouy cy-dessus recorder comment la ville de Besances se meit en composition deuers le Duc de Lanclastre, & comment elle se rendit à luy (car le Roy de Castille ne la secourut, ny ne conforta en riens (& cōment la Duchesse de Lanclastre & sa ville vindrēt en la cité du Port en Portugal, veoir le Roy & la Roine: & ausi comment le Roy & les Seigneurs les receurent grandement & liement: & ce fut raison. Or auint entendis que le Duc de Lanclastre seiournoit en la ville de Besances, que nouuelles vindrent du Val-d'olif: & les apporta vn Heraut de France: lequel demanda, quand il fut venu à Besances, l'hostel à messire Iehan de Hollande: & on le luy enseigna. Quand il fut là venu, il trouua messire Iehan. Si s'agenouilla deuant luy: & luy bailla les lettres: & luy dir, Sire, ie suis vn Heraut d'armes q̄ messire Regnaud de Roie enuoye cy-pardeuers vous: & vous salue. Si vous plaist à lire ces lettres. Messire Ieā respōdit: & dit, Volōtiers. Adōc il ouurit les lettres, & les leut: & cōtenoiēt q̄ messire Regnaud luy prioit au nom d'amours & de sa dame, qu'il luy voulsist deliurer trois coups de lāce, trois coups d'espée, trois coups de dague, & trois coups de hache: & s'il luy plaisoit aller au Val-d'olif, il luy auoit pourueu vn saufconduit de loixante cheuaux: & s'il aimoit plus cher à Besances, il luy prioit qu'en allant & retournant, luy trentiesme de compagnons, il luy impetrast vn saufconduit au Duc de Lanclastre. Quand messire Iehan de Hollande eut leu les lettres, il commença à rire: & regarda sur le Heraut: & dit, Compagnon, tu foyes le bien venu. Tu m'as apporté nouuelles qui Bien me plaisent: & ie les accepte. Tu demourras en mon hostel avecques mes gens: & ie te feray responce dedās demain, de sauoir ou les armes se feront, ou en Galice, ou en Castille. Et celuy respondit, Sire, Dieu y ait part. Le heraut demoura en l'hostel de messire Iehan de Hollande (ou on le tint tout aise) & messire Iehan s'en vint deuers le Duc. Si le trouua luy & le Marechal, parlans ensemble: & puis leur dit nouuelles, & leur monstra les lettres. Comment (dit le Duc) & les auez vous acceptées? Par ma foy, Monseigneur, ouy. Et quoy donc? Ie ne desire autre chose que les armes: & le Cheualier m'en prie. Mais regardez ou vous voulez qu'elles se facent en ceste ville. Faites luy escrire vn saufconduit, tel que vous voudrez, Ie le scelleray. En nom Dieu (dit messire Iehan) volōtiers: & c'est bien dit. Le saufconduit fut escrit & seellé, pour trente Cheualiers & Escuyers, & leurs gens, sauf aller & venir: & le deliura messire Iehan de Hollande au Heraut: & luy donna vn bon manteau, fourré de menu ver, & douze nobles. Le Heraut prit congé: & retourna au Val-d'olif, deuers les maistres: & leur cōpta cōment il auoit exploité, & mōstra de quoy. D'autre part les nouuelles en vindrent au Port, deuers le Roy de Portugal & les dames, & comment armes se deuoient faire à Besances. En nom Dieu (dit le Roy, j'y feray, & toutes les Dames, & ma femme autant bien. Grand mercy (dit la Duchesse) quand ie feray accompagnée du Roy & de la Roine, à mon retour. Ne demoura gueres, depuis, lōg tēps, que les choses s'approcherent: & se partit le Roy de Portugal & la Roine, la Duchesse & sa fille, & toutes les Dames: & cheuaucherent en grand arroy deuers Besances. Quand le Duc de Lanclastre seut que le Roy venoit, si monta à cheual: & monterent grand' foison de Seigneurs: & issirent hors de Besances: & allerent contre le Roy & les Dames. Si s'entre-rencontrerent le Roy & le Duc, & se firent grand' chere. Lors entrèrent le Roy & le Duc

*Saufconduit
du Duc de Lan-
clastre à Re-
gnaud de Roie
pour venir à
Besances en
fait-d'armes,
contre Iehan
de Hollande.*

*Le Roy de Por-
tugal à Besan-
ces, pour veoir
le fait-d'armes*

Duc ensemble en la ville: & firent tous leurs hostels ordonner: ainsi comme il appartenoit, & à l'aïsement du pays. Ce ne fut pas si largement comme à Paris. Enuiron trois iours apres que le Roy de Portugal fut venu à Besances, vint messire Regnaud de Roye, bien accompagné de Cheualiers & d'Escuyers de son costé: & estoïent plus de six vingts cheuaux. Si furent tous bien logez, à leur aïse: car le Duc en auoit fait ordonner par ses fourriers. Lendemain, quād ils furēt venus: messire Iehan de Hollāde & messire Regnaud de Roye s'armerent: & monterent à cheual: & vindrent en vne belle place sablonneuse, par dedans le clos de Besances, où les armes se deuoient faire, & estoient là échaufaux ordonnez pour les Dames: & illec monterent le Roy: le Duc, & les autres Seigneurs d'Angleterre: dont il y auoit à planté: car tous y estoïent venus, pour veoir les armes des Cheualiers. Là vindrent les deux Cheualiers (qui les armes deuoïent faire) si bien ordonnez & arreez, que rien n'y failloit: & leur portoit on leurs lances, leurs haches, & leurs espées: & estoit chacun monté sur fleur de courfier: & vindrent l'un deuant l'autre, le traict d'un Arbalestier: & se copioient sur leurs cheuaux: & se demenoient friskement & ioliment: car bien sauoient qu'ils estoient regardez. Toutes choses en eux estoient ordonnées à leur volonté, & desir de faire les armes, excepté l'outrance: & toutesfois nul ne pouuoit sauoir à quelle fin ils viendroient, ne comment leurs corps par armes s'adreceiroient: car bien sauoient que iouster les conuenoit (puis que iusques là estoient venus) de pointes de glaiues: & apres les armes faites des lances, feroient, d'espées, grans horions sur leurs testes: dont le taillant estoit si fort, que plus ne pouuoit. En apres feroient encor' armes de haches, & de dagues, si fortes & si biē trépées, qu'on ne pouuoit mieux. Or regardez le peril, ou telles gens se mettoient, pour leur hōneur exaucer: car en toutes choses n'a qu'une seule mesaventure, & un coup à méchef. Or se ioingnirent ils en leurs targes & sauiserent parmy les visieres de leurs heaumes: & prirent leurs lances: & ferirent leurs cheuaux des esperons: & les laisserent courre à volonté. Toutesfois, pour trouuer l'un l'autre, ils s'adrecerent bien: car ils s'entrerencontrerent de plaine visée, aussi bien, comme s'ils eussent ligne à la cordelle: & s'attaingnirent en la visiere de leurs heaumes, par telle façon que messire Regnaud rompit sa lance en quatre tronçons: & volèrent si haut, qu'on ne les eut pas gettez ou ils allerent: & tindrent tous & toutes, le coup à bel. Messire Iehan de Hollande confuiuit messire Regnaud en la visiere: mais le coup n'eut point de force. Je vous diray pourquoy. Messire Regnaud auoit lacé son heaume à son auantage: & ne tenoit fort qu'à vne petite lanierie. Si rompit la lanierie cōtre la lance: & le heaume vola hors de sa teste: & demoura messire Regnaud tout nu: & passerent tous deux outre: & porta messire Iehan de Hollande sa lance franchement. Tous, & toutes, dirent, Veez la belle iouste. Or retournerent ces Cheualiers chacun en son lieu. Messire Regnaud fut r'enheaumé, & remis en lance: & messire Iehan de Hollande prit la sienne: car rien n'estoit empirée. Quand ils furent tous deux assemblez, ils s'en vindrēt l'un contre l'autre, ferant de l'esperon: & s'entrerencontrerent de grād rādon, & pas ne faillirent: car ils auoient cheuaux à volonté, & bien aussi les sauoïēt mener & conduire. Si se confuiurent de plaines lances es visieres: tellement qu'on vit saillir le feu des heaumes, principalement de celui de messire Iehan de Hollande, & receut un trefdur horion: car la lance ne ploya point de ce coup. Aussi ne fit la lance à messire Iehan. Messire Regnaud fut confuiuy, de la lance, en la visiere du heaume, mais la lance à messire Iehan passa outre sans attacher, & porta le heaume tout ius, sur la croupe du cheual, & demoura messire Regnaud nue teste. Haa (dirent les Anglois aux François) il y préd auantage. Pourquoy n'est son heaume aussi bien bouclé & lacé, comme celui de messire Iehan de Hollande est? Nous disons que c'est baraterie qu'on luy fait. Qu'on luy die qu'il se mette en l'estat de son compaignon. Taisez vous (dit le Duc de Lancastre) laissez les conuenir. En armes chacun prend son aduantage, au mieux qu'il sçait prendre, n'auoir. S'il semble à messire Iehan que ce soit mal ordonné, si se mette en ce parti, & lace son heaume en ce point: mais, tant qu'à moy (dit le Duc) si i'estoye es armes pareilles, ou les Cheualiers sont, ie feroye mō heaume tenir le plus fort que ie pourroye: & de ceux, qui seroïent en ce party, vous en trouueriez quatre vingts de mon opinion. Adōc s'appaiſerent les Anglois, & ne releuerēt point le mot: & Dames & Damoiselles, qui les vcoïēt en iugeoient: & disoient. Ces Cheualiers ioustent bien. Et aussi priſoit grandement leur iouste le Roy de Portugal: & en parloit à messire Iehan-Ferrant: & luy disoit, En nostre pays ne iousteroient iamais ainsi, si bien & si bel. Que vous en semble il, messire Iehan?

Arriue.
messire Regnaud de Roye
à Besances,
pour son fait-
d'armes.

Je doute qu'il
n'y falle com-
posoit.

Ioustes de te-
han de Hollan-
de et Regnaud
de Roye.

† Je n'ay point
memoire qu'il
en ait parlé avec
leurs.

Par ma foy, Monseigneur, ils ioustent bien: & autrefois ay-ie veu iouster le François deuant le Roy vostre frere, quād nous fumes † à Elirez, à l'encontre du Roy de Castille: & fit adonc les armes pareilles, qu'il fait, à messire Guillaume de Windesore: & iousta aussi bien: mais ie n'ouy point adonc dire, qu'il n'eust son heaume mieux attaché, & plus fort, qu'il n'a ores. A ces mots laissa le Roy à parler à son cheualier: & retourna son regard sur les Cheualiers: qui deuoient faire la tierce iouste de leurs lāces. Or s'e vindrēt tiercemēt, l'un sur l'autre, messire Ieā & messire Regnaud: & sauiserēt pour eux atteindre sans épargner: & bien pouuoient tout ce faire (car leurs cheuaux estoient si bien à main, qu'à plain souhait) & s'en vindrent à l'esperon l'un sur l'autre, & se consuiurent de rechef es heaumes si iustement, & par tel randon, que les yeux, pour les durs horions, leur estinceloient en la teste, de ce coup: & rōpirēt le plāton: & fut messire Regnaud encore dēheaumé (iamais ne s'en peut passer sans ce,) & passerent outre tous deux, sans cheoir: & se tindrent franchement. Tous & toutes dirent qu'ils auoient bien iousté, & blasmoient tous les Anglois, trop grandement, messire Regnaud de Roye: mais le Duc de Lancastre ne le blasmoit pas: & disoit, Je tien l'homme à sage, quand il doit faire en armes aucune chose, & il monstre son auantage. Sachez (disoit il encores à messire Thomas de Persy & à messire Thomas Morel) que messire Regnaud de Roye n'est pas maintenant à apprendre de la iouste. Il en fait plus que messire Iehan: quoy qu'il se soit bien porté. Apres les armes faites des Lances, ils prirent les haches, & en firent les armes: & s'en donnerent chacun trois coups sur leurs heaumes, & aussi des espées, & puis des dagues. Quand ce fut fait, il n'y eut nully blecé. Les François emmenerent messire Regnaud à son hostel, & les Anglois messire Iehan de Hollande au sien. Ce iour donna le Duc de Lancastre à dīner aux François, en son hostel, & les tint tous aises, & feit la Duchesse en salle, à table, delez le Duc, & messire Regnaud de Roye deffous elle. Apres le dīner on entra en la chambre de parement: & là prit la Duchesse messire Regnaud par la main: & le fit entrer dedans, pres qu'aussi tost comme elle: & apres les autres Cheualiers y entrerent, & parlerent & deuiserent d'armes, & de plusieurs autres choses, vn long temps, & presque iusques à donner le vin. Adoncques se trayt la Duchesse plus pres des Cheualiers de France, qu'elle n'estoit: & commença à parler: & dit, Je m'ēmerueille comment, entre vous Cheualiers de France, vous pouuez tenir, ne soustenir, l'opinion d'un Bastard: car vous sauez (aussi fait tout le monde) que Henry (qui iadis se disoit Roy de Castille) fut Bastard. Et à quelle fin, ne iuste cause, soustenez vous doncques sa cause, & aidez, à vostre pouuoir, à deshēriter le droit hoir de Castille: car ce say-ie, que moy & ma sœur fumes filles de loyal mariage au Roy Pietre. Dieu (qui est droiturier) fait si nous auons iuste cause de Castille. Et adonc la Dame ne se peut pas abstenir qu'elle ne plorast, quand elle parla de son pere. Car trop fort l'aimoit. Messire Regnaud de Roye s'inclina enuers la Dame: & reprit la parolle: & dit, Madame, nous sauons bien qu'il est ainsi que vous dites. Mais nostre Roy le Roy de France, tient opinion contraire à ce que vous tenez: & nous sommes ses sugets: si nous faut guerroyer pour luy, & aller ou il nous enuoye: & nous n'y pouuons contredire. A ces parolles prirent messire Iehan de Hollande & messire Iehan de Persy la Dame: & l'emmenèrent en sa chambre: & le vin on apporta. Si beut le Duc, les Seigneurs, & les Cheualiers de France: qui prirent congé: & se departirent, & vindrēt à leur hostel, & trouuerēt prest pour mōter: si mōterēt, & se departirent de Befances: & cheuaucherent ce iour, iusqu'à Noye: qui se tenoit pour eux: & là se reposerent: & se meirent au chemin: & s'en allerent deuers le Val-d'olif.

Comment le Roy de Portugal entreprit d'entrer en Castille, pendant que le Duc de Lancastre acheneroit de conquerir les places de Galice: & comment ils se deuoient reioindre ensemble.

CHAP. LX.

A Pres ces armes faites (si comme ie vous ay recordé) eurent le Roy de Portugal & le Duc de Lancastre parlement ensemble: & m'est auis qu'ils ordonnerent là entre eux de cheuaucher dedans briefs iours: & pource que le Roy de Portugal auoit assemblé tout son pouuoir, & mis sur les champs, il fut auisé que luy & ses gens courroyent vne frontiere de païs, & entreroient en Castille: & le Duc de Lancastre & sa route tiendroient la bande de Galice, & conquerroient villes & chasteaux, qui encores se tenoient, & qui à conquerir estoient: & si le Roy Iehan de Castille se trayoit si fort sur les champs, que pour demander la bataille, ils se remettroient ensemble. Car il fut auisé & regardé que

que leurs deux osts, conioints & mis ensemble, ne se pourroient pourueoir n'élargir, & (espoir) y pourroient nourrir, grand foison de maux, tant pour le logis, que pour les fourrages, car Anglois sont hastifs, & orgueilleux sur les champs: & Portugalois sont chauds & bouillans, & tantost entrepris de parolles: n'ils ne sont pas trop souffrans. Mais, pour attendre vne grande iournée & vne bataille, ils seroient bien ensemble, & là se concorderoient ils bien: & aussi feroient Gascons. Ce conseil fut arresté: & dit le Roy de Portugal au Duc de Lanclastre, Sire, quand ie sauray que vous cheuaucherez, aussi tost ie cheuaucheray, car mes gens si sont tous prests: n'ils ne demandent autre chose que la bataille. Respondit le Duc de Lanclastre. Ie ne seiourneray point longuement. On m'a dit qu'il y a encores en Galice aucunes villes rebelles: qui point ne veulent venir en l'obeissance de nous. Ie les iray visiter & conquerir: & puis cheuaucheray celle part, ou plustost on trouuera ses ennemis. Sur cest estat prit congé le Roy de Portugal au Duc de Lanclastre, & à la Duchesse: & aussi fit la Royne Philippe sa femme, & autant bien la ieune fille, Medame Catherine, fille au Duc & à la Duchesse, car il fut ordonné, que la guerre durant, & toute la saison, la ieune fille se tiendrait avecques la Royne sa sœur, au Port de Portugal (elle ne pouoit estre en meilleure garde) & la Duchesse s'en retourneroit en la ville Saint Iaques en Galice. Ainsi se porterent les ordonnances: & s'en alla chacun ou il deuoit aller: le Roy de Portugal au Port, & la Duchesse en la ville de Saint-Iaques, bien accompagnée de Cheualiers & d'Escuyers: & le Duc demoura à Besances, & toutes ses gens avecques luy, ou là enuiron: & ordonnerent leurs besongnes, pour cheuaucher hastiuement, car ils auoient grand desir de partir: pourtant qu'on estoit au ioly mois † d'Auril: que les herbes estoient ià toutes meures en Galice, & en Castille, & le blé en grain, & les fleurs en fruit, car le pays y est si chaud qu'à l'entrée du mois de Iuin l'Aoust y est passé. Si se vouloient deliurer d'exploiter, & de querre les armes, entandis qu'il faisoit si beau temps, & si souef, car c'estoit grand plaisir que d'estre aux champs. Or parlerons vn petit de l'ordonnance des François, & du Roy de Castille, autant bien que nous auons parlé des Anglois.

Depart du Roy de Portugal, d'avec le Duc de Lanclastre, hors de Besances en Castille.

Tousiours.
2387.

Comment messire Guillaume de Lignac & messire Gautier, de Passac, trauerserent le Royaume de Nauarre, avecques leurs gens, & comment ils arriuerent à Burgues, vers le Roy de Castille.

C H A P I T R E L X I .

Vous sauez comment messire Guillaume de Lignac & messire Gautier de Passac firent tant, par sagement traiter, que le Comte de Foix laissa paisiblement passer eux & leurs routes parmy son pays de Bearn, pour aller en Castille. Encores donna ledit Comte, en droit don, de sa bonne volonté (car il n'y estoit point tenu, s'il ne vouloit) aux Cheualiers & aux Escuyers, qui passoient par Ortais, & qui l'alloyent veoir en son hostel, & compter des nouuelles, grans dons & beaux. A l'un cent, à l'autre deux cens, à l'autre trente, à l'autre quarante, à l'autre cinquante florins, selon ce qu'ils estoient: & cousta bien au Comte de Foix le premier passage, selon ce que depuis le Tresorier me dit à Ortais, la somme de mille francs, sans les cheuaux & hacquenées qu'il donna. Or prenez le Seigneur, qui ce face: ne qui le voulist faire. Au vray dire (tant en vueil ie bien encores dire) c'est dommage, quand vn tel homme enuieillit, & meurt. Il n'a nuls marmousets, qui luy dient, ostez, donnez là, prenez cy, & prenez là. Nenny, nenny, oncques n'en eut nuls: ne ia n'aura. Il fait tout de sa teste. Car il est naturellement sage, & fait bien donner là ou il appartient, & prendre aussi ou il appartient. Vray est que, de ces dons & largeffe faire, il travaille ses gens, car sa reueneue n'est pas si grande, qu'il peust donner les dons qu'il donne (bien tous les ans soixante mille francs) & tenir son estat (à qui nul autre n'est pas pareil) & d'assembler, pour la doute des auentures: le grand tresor, qu'il assemble, & a assemblé puis trente ans: ou en trouueroit, en la tour à Ortais, trente fois cent mille francs. Mais ses gens ne prient à Dieu autre chose, qu'il puisse longuement viure: n'ils ne plaignent chose, qu'ils mettent en luy: & leur ay ouy dire & racompter qu'au iour, qu'il mourra, il y a en Foix & en Bearn dix mille personnes, qui vouldroyent mourir aussi. Or regardez. Ils ne dient mie cela sans grande amour, qu'ils ont à leur Seigneur: & vrayement (s'ils l'aiment) ils ont droit & raison, car il les tient en droit & en iustice: & sont toutes ses terres aussi franches & liberales, & en aussi grande paix le peuple y vit, & est: comme s'ils fussent en Paradis terrestre. Qu'on ne die mie que ie le blandisse trop pour faueur, ou pour amour que i'aye à luy, ou pour les dōs, qu'il m'a donnez, car ie

Liberalitez, & magnificences du Comte de Foix aux Cheualiers & Escuyers François, passans par sa ville d'Ortais.

*Les Capitaines
de France à Pā
pelune, pour al
ler en Castille.*

mettoye en voir, & preuue, toutes les parolles, que ie dy & ay dites du gentil Comte de Foix, & encores plus, par mille Cheualiers & Escuyers: fil en estoit besoing. Or retour- non à messire Guillaume de Lignac & à messire Gautier de Passac: qui estoient Capitai- nes & souuerains conduiseurs & meneurs de routes Gens-d'armes. Quand ils eurent passé le pays de Basque, & le pays de Roncevaux (ou ils meirent trois iours au passer, car il y auoit tant de neiges & de froidures sur les montaignes, quoy que ce fust au mois d'Auril, qu'ils eurent moult de peine, eux & leurs cheuaux, à passer outre) lors s'en vin- drent vers Pampelune: & trouuerent le Royaume de Nauarre ouuert & appareillé. Car le Roy de Nauarre ne vouloit pas faire de plaisir au Roy de Castille, pource que son fils, messire Charles de Nauarre, auoit à femme, pour ce temps, la sœur du Roy Iehan de Ca- stille: & quand la paix fut faite du Roy Henry, pere au Roy Iehan de Castille, ils iurerent grandes alliances ensemble: lesquelles se renoient, & estoient bien taillées de tenir: ne le Roy de Nauarre ne peust resister, au fort, contre le Roy de Castille: fil n'a grans allian- ces, ou confort, du Roy d'Arragon, ou du Roy d'Angleterre. Les Capitaines de France s'en vindrent à Pampelune: ou le Roy de Nauarre estoit: lequel les receut assez liement, & les fit venir disner en son Palais, & aucuns Cheualiers de France, qui estoient avec- ques eux: & les tint tous aises. Apres disner, il les emmena en sa chambre de parlement: & là les mit en parolles de plusieurs choses (car ce fut vn sage homme, & subtil, & bien enlangagé) & sur la fin de son parlement, il leur remonstra bien cōment le Roy de Fran- ce & son Conseil festoient grandement iniuriez contre luy, & qu'à tort & sans cause on luy auoit osté sa terre & son heritage de Normandie: qui luy venoit de par ses predeces- seurs Roys de France & de Nauarre. Ce qu'il ne pouuoit oublier, car on luy auoit osté en Normandie & en Languedoc, parmy la Baronnie de Montpensier, enuiron la som- me de soixante mille francs de reuenu par an: & si ne s'en sauoit à qui traire (fors à Dieu) ou il en peust auoir droit. Nompas Seigneurs (dit le Roy) que ce ie vous die pour la cau- se de ce que vous m'en faciez adrèce, ne raison. Nenny, car ie say bien que vous n'y a- uiez nulle puissance, ne pour vous on ne feroit riens, car vous n'estes pas du Conseil du Roy: mais estes Cheualiers errans, & soudoyers: qui allez, au commandement du Roy & de son Conseil, ou on vous enuoye. Cela est verité. Mais ie le vous dy, pourtant que ie ne say à qui m'en cōplaindre, fors à tous ceux du Royaume de France, qui par cy passent. Dont respondit messire Gautier de Passac: & dit, Sire, vostre parolle est veritable, de ce que vous dites que pour nous n'en feroit on riens, ne du prendre ne du donner, car voi- rement ne sommes nous pas du Conseil du Roy. On s'en garde bien. Nous allons ou on nous enuoye: & Mōseigneur de Bourbon (qui est nostre souuerain, & oncle du Roy) si comme vous sauez doit faire ce chemin. En allant, ou en retournant, si luy pourrez re- monstrez voz besongnes, car il est souuerain Seigneur: & par luy pourrez auoir toutes bonnes adrèces: & Dieu vous puisse rendre le bien & l'honneur, que vous nous auez fait car nous vous en remercierōs au Roy de France, & à son Cōseil, nous retourner en Frā- ce, & à Monseigneur de Bourbō: qui est nostre maistre & Capitaine, & que nous verrōs auāt que le Roy, ne que le Conseil de France. A ces mots fut le vin apporté. On beut, & mangea: & lors les Cheualiers prirent cōgé au Roy: & il le leur dōna doucemēt, & puis leur fit presenter à chacun, à leur hostel, vn moult bel destrier: dōt ils eurent grand' ioye. Ainsi passerent ces Gens-d'armes parmy le Royaume de Nauarre: & vindrēt au Groing. Si demanderent ou ils trouueroyent le Roy. On leur dit qu'il festoit tenu vn grand tēps au Val-dolif: mais on pensoit qu'il estoit en sa bonne ville de Burgues en Espagne, car là se faisoient ses pourueances grandes & grosses. Adōc prirent ils le chemin à Burgues: & laisserent le chemin de Galice. Il n'y faisoit pas sain, car les Anglois estoient trop auāt sur le pays. Nouuelles vindrent au Roy de Castille que grand secours luy venoit de Frā- ce, & plus de deux mille Lances. Si en fut tout réiouy: & se partit du Val-dolif: & s'en vint à Burgues, & cheuauchoit à plus de dix mille cheuaux. Or vindrent ces Gens-d'ar- mes à Burgues, & là enuiron: & se logerent sur le pays: & tousiours venoient gens.

*Les François de
messire Guillau
me de Lignac
& Gautier de
Passac arrivent
sur les terres de
Castille.*

*Comment apres plusieurs conseils & auis, donnez au Roy de Castille sur le moien de faire
sa guerre, fut arresté, selon l'opinion de messire Guillaume de Lignac & Gautier de
Passac, qu'on attendroit le Duc de Bourbon, deuant que combattre, & ce pendant on
guerroieroit par garnisons.*

CHAP.

LXII.

Messire

Messire Guillaume de Lignac & messire Gautier de Passac s'en vindrent deuers le Roy en son palais, & il les receut liement & doucement: & les complaignit de la peine, & du trauail, qu'ils auoient eu si grand pour l'amour de luy, & pour luy venir seruir. Ces Cheualiers, enclinant le Roy de Castille, respondirent & dirent, Sire, mais que nous puissions faire seruice qui vous vaille, nostre peine & trauail sera bien-tost oubliée. mais il nous faudra auoir cōseil, l'un parmy l'autre, cōmēt nous nous tiēdrōs, ou si nous cheuaucherons sur noz ennemis, ou si nous guerroyerons par garnisons, tant que Mon seigneur de Bourbon soit venu. Si mandez messire Oliuier du Clesquin (nous sauons bien qu'il est en ce pays) messire Pierre de Villaines, le Barrois des Barres, Chastelmorant, & tous les compaignons de là: qui ont hanté plus celle contrée, que nous n'auons, car ils sont venus deuant nous. Si nous conseillerons, & parlerons ensemble, & ferons (si Dieu plaist) tant parmy le bon auis de l'un & de l'autre, que vous & vostre Royaume y aurez profit & honneur. Et lors dit le Roy. Vous parlez loyaument & sagement: & ie le vueil. Adoncques furent mis Clercs en euvre, & lettres escrites à puissance, & messagers enuoyez en plusieurs lieux, ou les Cheualiers se tenoient espendus sur le pays, lesquels on vouloit auoir. Quand ils seurent que messire Guillaume de Lignac & messire Gautier de Passac estoient à Burgues delez le Roy, si en furent tous réiouis: & considererent bien le temps: & qu'on les mandoit pour auoir conseil, & auis entre eux, comment on se maintiendrait. Si se departirent des villes & des chasteaux, ou ils se tenoient en garnison (quand ils les eurent recommandées à leurs gens) & prirent de toutes parts le chemin de Burgues en Espaigne: & tant firent qu'ils y vindrent: & là eut à Burgues, & là enuiron, grande Cheualerie de France. Or entrerent le Roy de Castille & ces Barons & Cheualiers de France en parlement, pour auoir certain arrest & auis comment ils se maintiendroient: car bien sauoient que leurs ennemis cheuauchoyent & tenoyent les champs. Si y vouloient pourueoir & remedier, selon leur puissance, à l'honneur du Roy & d'eux, & au profit du Royaume de Castille. Là furent plusieurs parolles retournées, & furent nombrez les Gens d'armes, que le Roy de Castille pouuoit auoir. On disoit bien que de son Royaume on mettroit bien ensemble trente mille cheuaux, & les hommes dessus, armez à l'usage de Castille, lançans & gettans dars & archegayes, & de pié, bien trente mille, ou plus gettant pierres à fondes. Les Cheualiers de France considererent bien tout cela entre eux: & dirent bien que c'estoit moult grand peuple: mais que ils vaussent rien. Mais on y auoit veu & trouué tant de lascheté, qu'on auoit petite fiance en eux, tant en la bataille de † Nardres, ou le Prince de Galles fut, & eut la victoire, comme à la bataille de Iuberoth (ou les Portugalois & les Gaseons furent) & tousiours estoient les Espaignols déconfits. Dont fut reprise la parolle du Comte de Lyme, en soustenant les Castillans, & eux excusant: & dit ainsi. Tant qu'à la bataille de Nardres, ie vous en respondray. Il est bien verité que messire Bertrand du Clesquin & grand foison de noble Cheualerie du Royaume de France furent là: & se combattirent moult vaillamment, car tous y furent morts ou pris. Mais vous sauez bien, & auez ouy dire, que toute la fleur de la Cheualerie du monde estoit là avecques le Prince de Galles, de sens, de vaillance, & de prouesse, laquelle chose n'est pas à present avecques le Duc de Lancastre. Le Prince, à la bataille de Nardres, auoit bien largement dix mille Lances, & six mille Archers, de telles gens, qu'il en y auoit trois mille, dont chacun valoit vn Roland & vn Oliuier, mais le Duc de Lancastre à present n'a, sans plus, que douze ou quinze cens Lances, & quatre mille Archers: & nous aurons bien six mille Lances: & si n'auons pas à faire, n'à combattre, contre Roland, n'Oliuier. Messire Jehan Chandos, messire Thomas de Felleton, messire Oliuier de Clifson, messire Hue de Caurellée, messire Richard de Pontchardon, messire Garfis du Chastel, le Sire de Raix, le Sire de Rieux, messire Louis de Harcourt, messire Guischar d'Angle, & tels cinq cēs Cheualiers vous nommeroye (qui tous y furent, & qui sont morts, ou tournez de nostre costé) n'y sont pas. Si ne nous est la chose point perilleuse, comme elle a esté du temps passé, & qui m'en croira, nous les combattrons: & passerons la riuere † d'Erne, si nous tournera à grande vaillance. La parolle, que le Comte de Lyme dit, & le conseil, qu'il donna, fut bien ouy & entendu: & en y auoit grande foison, qui tenoient ceste opinion. Doncques parla messire Oliuier du Clesquin, & dit, Comte de Lyme, nous sauons bien que ce, que vous dites, est par grand sens, & par grāde vaillāce, qui est en vous. Or prenō que nous allons combattre le Duc de Lancastre. Si nous n'auions à autrui à faire, nous en cheuiriōs biē.

Arrivée des Capitaines François à Burgues, deuers le Roy de Castille.

Conseil, tenu par le Roy de Castille, avec les François, sur le moien de faire sa guerre

Il y auoit marres, icy, et par tout, ce ch. que nous auons corrigé, selō les chap. 241. & 242. du prem. volume.

† Ce peut estre celle, qu'il a nōmée de Derne & de Dorne au chap. 54. de ce present vol.

Mais vous laissez le plus grand derriere, c'est le Roy de Portugal & sa puissance, ou bien (ainsi que nous sommes informez) sont vingt cinq cens Lances, & trête mille d'autres gens, & sur la fiance du Roy de Portugal, le Duc de Lancastre si est entré en Galice: & ont (si comme nous sauons de verité: & il conuient qu'il soit ainsi) grans alliances ensemble: car le Roy de Portugal à la fille du Duc, par mariage. Or regardez vn petit que vous voulez dire sur cela. En nom Dieu (dit le Comte de Lym) nous combattrons, entre nous François, le Duc de Lancastre (car nous sommes gens assez, en quatre mille Lances, pour les combattre) & le Roy de Castille & les Castillans (qui auront bien, si comme ils dirent vingt mille cheuaux, & trente mille de pié) combattront bien & hardiment le Roy de Portugal. l'oseroye bien attendre l'aventure avecques eux. Quand les Cheualiers de France se veirent ainsi reboutez du Comte de Lym, si dirét par Dieu vous auez droit, & nous auons tort, car nous deurions dire & mettre auant ce que vous dites, & il sera ainsi (puis que le voulez) ne nul ne contredira vostre parole. Seigneurs, (dit le Roy) ie vous prie que vous me conseillez loyaument, & non par hastiueté, ne par orgueil: mais par auis & par humilité, & que le meilleur en soit fait. Je n'accepte pas ceste iournée icy ny ne la tien pour arrestée. Je vueil que nous soyons encores demain ensemble en ceste propre chambre & par especial vous, messire Guillaume de Lignac, & vous messire Gautier de Passac: qui estes enuoyez en ce pays de par le Roy de France, & le Duc de Bourbon, comme souuerain Capitaine de tous. Je vous prie que vous ayez colation ensemble: & regardez lequel est le plus proffitable & honorable pour moy, & pour mon Royaume. Car par vous sera tout fait de combattre noz ennemis, ou du laisser. Ils s'enclinerent deuers le Roy, & respondirent, Sire, volontiers. Ainsi se departit le Parlement, pour la iournée, & se retrait chacun en son hostel. Les Cheualiers de France

*Conseil du Roy
de Castille leué
sans résolution*

eurent ce iour, apres disner, & le soir ensuyuant, plusieurs parolles ensemble, & disoient les aucuns, Nous ne nous pouuons combattre honnorablement, iusques à ce que Monseigneur de Bourbon sera venu. Quelle chose sauons nous qu'il voudra faire? ou combattre ou non? Or soit que nous combattons, & que nous ayons la iournée, pour nous. Monseigneur de Bourbon en sera grandement indigné contre nous, & par especial sur les Capitaines de France, & si la fortune estoit contre nous, nous perdriens noz corps, & le Royaume de Castille, car, si nous estions ruez ius, il n'y auroit point de recouurer aux Castillans, que tout le Royaume ne se perdist pour le Roy d'à present: & serions encoulpez plus que les autres, car on diroit que nous aurions fait faire la bataille, & que nous n'aurions seu donner nul bon conseil. Encores outre, Nous ne sauons si tout le pays est à vn: ne fils ont mandé tout couuertement le Duc de Lancastre, & sa femme, qui se tient héritiere de Castille, car elle fut fille au Roy Dam Pietre. Tous ceux du monde le sauent bien. Or, s'ils veoient le Duc & les Anglois sur les champs, qui demandent la couronne de Castille, & dient qu'ils ont iuste cause, car le Roy Iehan fut fils du Ba-

*† Il n'en a rien
specifié en ceste
bataille là qui
est au ch. 241.
du prem. Vols.*

stard, ils se pourroient tourner en la fin, † comme ils firent à la grosse bataille de Nardres: & nous demourrions sur les champs morts. Ainsi il y a doubles perils, tant pour le Roy, que pour nous. Ce sont folles gens & outrageuses, qui luy conseillent la bataille. Pourquoi n'en ont parlé ceux, qui y sont tenus de parler? Messire Guillaume de Lignac & messire Gautier de Passac? Pource (respondirent les autres) qu'ils veulent sauoir l'opinion de tous, car il ne peut estre qu'on ne leur ayt bien dit, au partir du Conseil du Roy & de Monseigneur de Bourbon, quelle chose ils doyuent faire: & par raison. Nous le saurons demain. Si furent en plusieurs estrifs plusieurs Cheualiers de France ce iour, & ce soir, & d'autre part estoient les Espaignols: & ne conseilloyent pas ceux, qui aymoient le Roy, à combattre, pour plusieurs raisons, car fil combattoit, & la iournée estoit contre luy, sans recouurer il perdrait son Royaume. Et le Roy aussi tenoit bien ce propos, & fort ressongnoit les fortunes, & ne sauoit pas, ne sauoit ne pouuoit, tous les courages de ses hommes, ne lesquels l'aimoyent, ne lesquels non. Si demoura la chose ainsi, iusques au lendemain: que tous retournerent au Palais du Roy: & entrerent en parlement. En ce Parlement eut plusieurs parolles dites & retournées, car chacū à son pouuoir voulnt le Roy Iehā loyaument cōseiller, & bien veoiēt & cōsideroiēt les plusieurs, qu'il ne s'enclinoit pas trop grandemēt à la bataille. car il luy souuenoit souuēt de la dure iournée, que il auoit eue à luberoth, ou le Roy de Portugal le déconfit, & ou il prit si grand dommage. que fil auoit l'aventure pareille, il perdrait son Royaume, Quand on fut allé tout autour, & qu'on eut à chacun demandé ce que bon luy sembloit, on dit à messire Guillaume

*Autre cōseil de
résolution pour
le roy de Castille*

de Li-

de Lignac, & à messire Gautier de Passac, qu'ils en dissent leur entente: car par eux se deuoit tout ordonner: car ils estoient leurs souverains capitaines, & là enuoyez de par le Roy de France & son Conseil. Ces deux Cheualiers regarderent l'un l'autre: & dit messire Guillaume à messire Gautier, Parlez. Et il respondit, Messire Guillaume, non feray: mais parlez vous: car vous estes plus vif d'armes que ie ne suis. Donc il conuint messire Guillaume parler: car il estoit auisé comment il deuoit parler: & dit, Sire Roy, vous deuez (ce m'est auis) grandemēt remercier la noble Cheualerie de France: qui vous est venue veoir, & seruir à ce besoing, de si loing, Et, en outre, ils ne monstrent pas qu'ils ayent affectiō, ne volōté, d'eux enclorre, ne fermer, en cité, n'en ville, n'en chasteau, n'en garnison que vous ayez: mais ont grād desir d'eux traire sur les champs, & de trouuer & combattre voz ennemis. Laquelle chose (sauue soit leur grace, & la bōne volōté, qu'ils monstrent) ne se peut faire à-present, pour plusieurs raisons: & la principale raison si est, que nous attendous Monseigneur de Bourbon (qui est souverain dessus nous) lequel viendra tantost: & nous recōfortera encores grandemēt de gens. Aussi il y a grand' foison de Gens-d'armes, Cheualiers & Escuyers, en noz routes, qui oncques ne furent en ce pays, ne qui point ne l'ont appris. Si appartient bien qu'ils le voyent, & apprennent deux ou trois mois: car on ne veit oncques, de chose si hastiuemēt faite, bien venir, que de vouloir tantost combattre ses ennemis. Nous guerroyerōs sagement, par garnisons, deux ou trois mois: ou toute telle faison qu'il sera de besoing: & laisserons les Anglois & les Portugalois cheuaucher parmy Galice, & ailleurs, fils peuuent. S'ils conquierent aucunes villes, c'est peu de chose que de ce. Nous les r'aurons moult tost reconquises: mais qu'ils soient partis hors du pays. Ils ne les ferōt qu'éprunter. Encores y a vn poinct. En armes gisent moult d'auētures. En cheuauchant, & eux trauaillant parmy le pays de Galice (lequel est chaud, & de fort air) ils pourrōt prédre tels trauaux, & telles maladies, qu'ils se repentirōt moult fort d'auoir esté si-auāt: car ils ne trouueront pas l'air attrépé, ainsi comme il est en France: ne les vins de telle boisson, ne douceur: ne les fontaines attrépées, ainsi qu'elles sont en Frāce: mais les riuieres troubles & froides, pour les neiges qui fondent es mōtaignes: dont eux & leurs cheuaux, apres la grande chaleur du soleil, qu'ils auront eu tout le iour, se morfondront: ne iā ne s'en sauront garder. Ils ne sont pas tant de fer ne d'acier, qu'à la longue ils puissent en ce chaud pays de Castille durer. Ce sont gens, comme nous sommes: & nous ne les pouons mieux déconfire ne degaster, que non combattre: mais les laisser aller par tout ou ils voudront. Ils ne trouueront riēs au plat-pays, ou ils se puissent prendre, ne nulle douceur pour eux refreschir: car on m'a donné à entendre que le plat-pays est tout perdu & gasté de noz gens mēsmes: dont ie prise moult bien tel auis & telle ordonnance: car si c'estoit à moy à faire, ie le feroie faire. Or fil est nul de vous, qui sache mieux dire, si le die. Nous l'orrons, & y entendrons volontiers: & si vous en prions messire Gautier & moy. Tous respondirent, & dirent, ainsi que d'une voix. Ce conseil soit tenu. Nous n'y voyons riens meilleur, ne plus profitable pour le Roy de Castille & pour son Royaume. A ce conseil se sont tenus du tout, qu'auāt qu'on se meist sur les champs, ne qu'on fist nul semblant de combattre, on attendroit la venue du Duc de Bourbon, & les pourueances: & seroient les Gens-d'armes mis en garnisons sur les frontieres: & laisseroit on conuenir les Anglois & les Portugalois, & aller & venir parmy le pays de Castille, là ou ils pourroient aller. Ils n'emporteroient pas le pays, quand ils s'en iroient, avecques eux. Ainsi se défnit le Parlement: & issirent tous de la chambre. Ce iour donna à disner aux Barons & Cheualiers de France, en son Palais à Burgues, le Roy de Castille, grandement & largement, selon l'vsage d'Espaigne. Au lendemain, dedans l'heure de nonne, furent ordonnez & departis les Gens d'armes: & sauoient chacun, par la relation de leurs Capitaines, quelle chose ils deuoient faire. Si fut lors enuoyé messire Oliuier de Clefquin, Comte de Lōgueuille, à tout mille Lances, à vne ville, forte assez, sur la frontiere de Galice (laquelle s'appelle Ville-saincte) & messire Regnaud & messire Tristan de Roye en vne autre garnison, à dix lieues de là, sur la frontiere aussi de Galice (qu'on dit Ville-d'agillare-de-champ) à tout 300. Lances: messire Pierre de Bellefme, à tout deux cens Lāces, à Ville-en-Pouelles: le † Vicomte de Lyme en la ville de la Marolle: messire Jehan des Barrus, à tout trois cens Lances, en la ville de chastel de Noye, en la terre de Galice: messire Iehan de Chastelmorant & messire Tristan de la Iaille, & plusieurs autres compaignōs, en la cité de Palence: le Vicomte de la Besliere en la ville de † Ridesde, & messire Iehā & messire Robert de Braqueme.

Auis de messire Guillaume de Lignac, accordé par chacun.

Departement des Gens-d'armes de France par garnisons es places de Castille.

† Il l'a parauant fait Côte tout entier.

† Gerard a Ridesde.

Ainsi furent tous departis ces Gens-d'armes: & Connestable d'eux fut fait & ordonné messire Oliuier du Clésquin (lequel auoit la greigneur charge) & messire Guillaume de Lignac & messire Gautier de Passac demourerent à Burgues, delez le Roy, & par tout ou il alloit. Ainsi se portoient en celle saison les ordonnances en Castille, en attendant le Duc de Bourbon: lequel estoit encores en France, & ordonnoit de ses besongnes. Mais nous mettrons en repos vn petit ceste armée de Castille, & celles du Duc de Lancastre & du Royaume de Portugal (& quand temps & lieu en sera, nous y retournerons bien) & parlerons des auentures, qui auindrent en celle saison au Royaume de France, & aussi en Angleterre: dont il en y eut de folles & de perilleuses, pour l'un Royaume & pour l'autre, & de déplaissantes pour le Roy d'Angleterre, & pour son Conseil.

De l'appareil du Connestable de Clisson, pour descendre en Angleterre à main armée: & des troubles & murmures, qui furent contre le Roy Richard & son Conseil.

CHAPITRE

LXIII.

Vous auez bien cy-dessus ouy recorder comment l'armée de mer, & la grand' assemblée qui fut à l'Escluse, de Gens-d'armes, d'Arbalestiers, de gros varlets, & grand' foison de nauires, & tout ordonné & assemblé pour aller en Angleterre, se dérompit: & pour monstrier courage & volonté d'aller vne autrefois en Angleterre, parquoy on ne dist pas que les François fussent récreans de faire ce voyage, il fut ordonné que tantost & sans delay, à l'entrée de May, que la mer est paisible & quoye, & qu'il feroit bon guerroyer, le Connestable de France seroit chargé d'aller en Angleterre, à quatre mille Hommes-d'armes & deux mille Arbalestiers: & se deuoient toutes ces Gens-d'armes du Connestable assembler en vne cité de Bretagne, seante sur mer sur les frontieres de Cornouaille, qu'on nomme l'Entriguier: & là se faisoient les pourueances grandes & grosses: & deuoient toutes Gens-d'armes passer cheuaux pour plus aisément courir en Angl. car sans aide de cheuaux, on ne peut, sur terre, faire guerre qui vaille. Si vo'dy que au haure de l'Entriguier en Bretagne auoit tresbel apareil de nauires, de barges, de ballegniers, & de galées: & les pourueoit on de vins, de chairs salées, biscuit, & de toutes choses, si largement que pour viure quatre ou cinq mois, sans riens payer ne prendre sur le pays: car bien sauoient le Connestable & ses gens que les Anglois, quand ils sentiroient venir n'approcher tant de bonnes Gens-d'armes en leur pays, destruiroient tout: parquoy nul n'eust aisément des biens du plat-pays: & pource faisoit le Connestable ses pourueances si fortes. D'autre part, pour aller en Angleterre aussi, s'ordonnoit & appareilloit vne tresbelle & grande nauie, au haure de Harfieu: car le Sire de Coucy, le Sire de Saint-Pol, & l'Admiral de France, deuoient là monter à tout deux mille Lances, pour aller en Angleterre: & tout estoit ce fait à l'entente (si comme renommée couroit) de retraire le Duc & la Duchesse de Lancastre hors de Castille. Le Duc de Bourbon se tenoit encores à Paris: car bien sauoit que le Duc de Lancastre retourneroit en Angleterre: & qu'il n'auoit que faire en Castille, ne de traualier sō corps si auât. Si deuoient aller, en l'armée du Cōnestable, Bretons, Angeuins, Poicteuins, Manceaux, & Xainctongeais, & Cheualiers & Escuyers des basses-marches: & avecques le Comte de Saint-Pol & le Sire de Coucy, deuoient estre François, Normas, & Picars: & le Duc, de Bourbon auoit deux mille Lances de Berriens, Auuergnats, Limosins, & Bourgonngons des basses-marches. Ainsi estoient en ce temps les choses parties en France: & sauoit chacun quelle chose il deuoit faire, & ou aller, fust en Angleterre, ou en Castille. Bien est verité que le Royaume d'Angleterre fut en celle saison en grand peril, & en pestilence plus grand assez, que, quand les villains d'Excestre, & de la Comté de Kent, & d'Arondel, se rebellerent contre le Roy & les Nobles, & qu'ils vindrent à Londres. Si vous diray la raison pourquoy. Les Nobles d'Angleterre & les Gentils-hommes furent adoncques tous d'un accord & d'une alliance avecques le Roy, contre les villains: & maintenant ils se differoient les vns des autres trop grandement: le Roy d'Angleterre cōtre ses oncles, le Duc d'Yorth & le Duc de Glocestre: & les oncles aussi cōtre le Roy. Et toute ceste haine venoit & naissoit du Duc d'Irlande: qui estoit tout le conseil du Roy. Les Communautéz d'Angleterre, en plusieurs citez & villes, sauoient bien la difference qui entre eux estoit. Les sages le notoient à grand mal: qui en pouuoit naistre & venir. Les fols n'en faisoient cōpte: & disoit que c'estoient tout par enuie, que les oncles du Roy auoient sur leur neveu le Roy: & pource que la Courōne d'Angleterre leur élongnoit.

Armée marine du Connestable de Clisson, pour descendre en Angleterre

Autre armée de François, pour descendre encor en Angleterre.

Dissension entre les oncles du Roy d'Angleterre & les gens de son Conseil.

gnoit. Et les autres disoient, Le Roy est ieune: & ieunes gens il croit. Mieux luy vaudroit, & plus profitable luy seroit, de croire ses oncles (qui ne luy veulent que tout bien & honneur, & le profit du Royaume d'Angleterre) que celle poupee, le Duc d'Irlande: qui ne veit onc: rié n'apprit, ny ne fut en bataille. Ainsi se differoient les uns des autres en Angleterre: & y apparoissoient grandes tribulations: ce que bien estoit feu & cognu en France, & pource l'appareilloient les dessusdits d'y aller à toute leur puissance, & y faire vn tres-grād détournier. D'autre part les prelatz d'Angl. estoient en haine l'un cōtre l'autre: l'Archeuesque de Cantorbrie & l'Archeuesque d'Iorch: le q̄l estoit de ceux de Neufuille. Si estoient ils prochains voisins: mais ils s'entrehayoiēt mortellemēt: pourtāt que le Seig. de Neufuille auoit le regard & gouuernement de Northombellande à l'encontre des Escotois, dessus le Comte de Northombellande & ses enfans, messire Henry & messire Raoul de Perfy: & en telle Seigneurie & domination l'auoit mis son frere l'Archeuesque d'Iorch: qui estoit l'un des grans du Conseil du Roy, avecques le Duc d'Irlande. Vous deuez sauoir qu'aussi tost que les Anglois seurent que la venue des François & le voyage de mer de l'Escluse fut rompu & brisé, il y eut en Angleterre plusieurs murmurations en plusieurs lieux: & disoient aucuns (qui pensoient le mal auant que le bien) Que sont deuenues les grans entreprises, & les vaillans homes d'Angleterre, qui estoient le Roy Edouard viuant, & son fils le Prince? Nous souldions aller en France, & rebouter nos ennemis, de telle façon que nul ne fesoit mettre en bataille contre nous: &, si luy bouloit, il estoit déconfit. Quelle chose fut ce du noble Roy Edouard de bone memoire, quand il arriua en Normandie. & en Constantin, & qu'il passa parmy le Royaume de France? Apres les belles batailles & les beaux cōquests, qu'il eut sur le chemin, il déconfit à Crecy le Roy Philippe, & toute la puissance de France: & prit, auant qu'il retourna de ce voyage, la ville de Calais. Ou sont les Cheualiers & les enfans en Angleterre maintenant, qui facent la chose pareille? Aussi le Prince de Galles, fils de ce noble Roy, ne prit il pas le Roy de France, & déconfit sa puissance à Poictiers, à peu de gens qu'il auoit cōtre le Roy lehan. En ces iours s'estoit on douté en Angleterre: & parloit on de nous par tout le monde, & de la bonne Cheualerie qui y estoit: & maintenant on s'en doit bien taire, car ils ne sauent guerroyer, fors que les bourses aux bonnes gens. A ce sont ils tous appareillez. Il n'y a en France qu'un enfant à Roy: & si nous dōne tant à faire, qu'onc ses predecesseurs n'en firent tant: & encor a il mōstré grād courage de venir en ce pays. Il n'a pas tenu à luy, fors à ses gens. On a veu, le tēps, que, si telles apparées de nefz & de vaisseaux fussent venues à l'Escluse, le bō Roy & ses fils les fūssēt venus cōbattre à l'Escluse: & maintenāt les Nobles du pays sont tous réiouys, quād ils n'ont que faire, & qu'on les laisse en paix: mais pour ce ne nous laissent ils pas en paix, n'en repos, d'auoir de l'argent. On a veu le temps que les conquests se faisoient de ceux de ce pays en France: & si ne payoit on ne maille, ne denier: mais abondoient les biens de France en ce pays, tant que tous en estoient riches. Ou vont les finances, si grandes & si grosses, qu'on lēue par tailles en ce pays, avecques les rentes accoustumées du Roy? Il faut qu'elles se perdent, ou soient emblées. On deuroit sauoir comment le Royaume d'Angleterre est gouuerné, ne le Roy mené: n'il ne se peut longuement tenir, qu'il ne soit feu car ce pays n'est pas si riche, ne si plain de puissance, qu'il peust porter le frais, que le Royaume de France fait, & feroit: ou tout le bien de ce monde redonde. Encore outre, il appert bien que nous sommes en ce pays, affoiblis de sens & de grāces. Nous souldions sauoir toutes les armes, & les Consaux qui en France se faisoient, trois ou quatre mois auant la main (dont nous y pouruoyons & auisons) mais maintenant nous n'en sauons rien: ains sauent les François tous nos secrets & nostre cōseil: & si ne sauons qui encouler, Si sera il feu vn iour (car il y a traystres couuerts en la compagnie) & mieux vaudroit qu'on le feust, auāt tost, q̄ tard: car on le pourroit bié sauoir si tard, qu'on n'y pourroit remedier. Ainsi par diuers langages se diuersoient les gens en Angleterre, & aussi bien Cheualiers & Escuyers, que Communautez: tant que le Royaume en gisoit en dur party, & en grand peril. Or, apres l'assemblée, que le Roy d'Angleterre, ses oncles & son Conseil, auoient fait grande & à grans coustages en plusieurs manieres, pour aller & remedier à l'encontre du Roy de France & des François, qui deuoient par l'Escluse entrer en Angleterre (car Cheualiers & Escuyers, qui auoient esté mandez, vouloient estre payez de leurs gages) si fut ordonné vn Parlement general en la cité de Londres, des Nobles & des Prelatz, & des Communautez d'Angleterre: & principalemēt la cho-

† Ceste demie
clause estoit a-
pres Cantor-
bie, comme
par parenthese
mais la dedu-
ction suyuante
nous l'a fait re-
mettre en ce
lien.

Murmures des
Anglois, en
regrettāt le feu
Roy Edouard,
& le Prince de
Galles, son fils.

Assemblée ou se estoit taillée & assise pour faire vne grosse taille en Angleterre, & d'y prendre: & le parlement gene ral à Londres, cause de plus grand murmure & discord en Angleterre.

† Comme s'ils vouloient dire ainsi, Pourquoy debour serons nous d'auantage, pour nous en sentir foulés? veu mesme ment que ce coust n'a de rien profité?

Les deux oncles du roy d'Angleterre font val loir le murmure du commun.

Retraite du roy en la marche de Galles, sans prendre congé de ses oncles.

† Ce reste de clause est four ni selon Perard.

fort porteroit le foible. Le parlement s'aiousta: & vindrent à Westmonstier tous ceux qui venir y deuoient, & encores plus: car moult en y vindrent (qui point n'y estoient mādéz) pour ouyr des nouuelles. Là fut le Roy, & ses deux oncles, messire Aymōd & Thomas. Là furent tous les Nobles: & fut parlemēté, & dit, qu'on ne sauoit au tresor du Roy point de finance, fors que pour son estat maintenir bien sobrement: & qu'il conuenoit (ce disoient ceux de son Cōseil) qu'on fist vne générale taille parmy le Royaume d'Angleterre: si on vouloit que le grand frais & le grand coustage, qui auoit esté fait généralement pour la doutance du Roy de France & des François, fust payé. A ce s'accordoient ceux de l'Euesché de Nordwich, & de l'Archeuesché de Cantorbic, de la Comté d'Excestre, de la Comté de Hantōne, de l'Euesché de Waruich, & de la terre au Côte de Salbery: pourtant qu'ils sentoient mieux que ç'auoit esté, que les autres loingtains, & qu'ils auoient eu plus grand peur, que ceux de North & ceux de la marche de Galles de Bristo, ne de Cornouaille. Si estoient les loingtains tous rebelles: & disoient, nous n'auons nuls veu de noz ennemis venir en celuy pays. † A quelle fin mettrons nous outre, & serons greuez? & si n'auons riens fait? Ouy, ouy (faisoient les aucuns) que l'on parle à l'Archeuesque d'Yorch (le Conseil du Roy) & au Duc d'Irlande: qui a eu soixante mille francs du Connestable de France, pour la redemption de Iehan de Bretagne. Celuy argent doit estre contourné au profit du Commun d'Angleterre. Que l'on parle à messire Symon Burle, à messire Guillaume Helmen, à messire Thomas Brande, à messire Robert Trinilien, à messire Iehan de Beauchamp: qui ont gouverné le Roy & le Royaume. Si ceux rendoient comptes des leuées qu'ils ont faites en Angleterre, ou si on le leur faisoit rēdre, le menu peuple demourroit en paix: & si seroient les frais payez, qu'on doit: & si auroit on or & argent assez de demourant. Quand ces parolles furent ouuertes & mises auant, les oncles du Roy en furent grandement réiouis. Car c'estoit pour eux principalement qu'on parloit: car tous ceux que j'ay nommez, leur estoient trop durs: & ne pouuoient riens auoir en la Court du Roy pour eux. Si aiderēt à remettre sus ces parolles, & pour entrer en la grâce du peuple, à dire. Ces bōnes gens qui ainsi parlent, sont bien conseillez, s'ils veulent auoir cōpte, & s'ils se deffendent de non payer: car voirement en la bourse du Roy, ou de ceux qui l'ont gouverné, a grand' finance. Petit à petit ces parolles se multiplierent: & le peuple, qui se deffendoit de non estre taillé, ne le Royaume aussi, s'enhardissoit grandement de parler: quand ils veirent que les oncles du Roy estoient de leur accord, & leur aidoiēt à soustenir, & l'Archeuesque de Cantorbic, le Comte de Salbery, le Comte de Northombellande, & plusieurs haux Barons d'Angleterre. Dont fut dissimulée ceste taille: & fut dit qu'on n'en feroit rien pour celle saison, iusques à la Sainct-Michel: qu'on retourneroit. Cheualiers & Escuyers (qui cuidoient auoir or & argent) n'en eurent point: dont ils se contenterent tresmal sur le Roy & son Conseil. On les appaisa de ce qu'on peut. Le Conseil se departit, l'un s'en alla là, & l'autre çà. Le Roy ne prit point congé à ses oncles: ne ses oncles à luy. Le Roy fut conseillé qu'il s'en allast en la marche de Galles, & là se teinst vn temps, tant qu'autres nouuelles vinsent. Il respondit, le le vueil. Si se departit de Londres, sans prendre congé à nully: & mena en sa compaignie tout son Conseil des dessus-nommez: excepté l'Archeuesque d'Yorch: † qui s'en alla arriere en son pays: dont trop bien luy écheut: car fil eust esté avecques les autres, ie croy qu'on eust fait pareillement de luy, comme l'on fit de tout le Conseil du Roy: si comme ie vous recorderay en l'Histoire. Mais aussi bien faut il parler de France, comme d'Angleterre: quand la matiere le requiert.

Comment, pendant que le Connestable de France & plusieurs autres s'appareilloient pour aller en Angleterre conquerir villes & chasteaux, le Duc de Bretagne machina de rompre ce voyage.

CHAP. LXIIII.

L'an 1387. comme deuant.

Quand la douce saison d'Esté fut venue, & ce ioly mois de May (quel'on compta par ce temps en l'an de grace Nostre-Seigneur mil trois cens quatre vingts & sept) endementiers que le Duc de Lanclastre estoit en Galice, & qu'il faisoit ses conquestes, & que luy & le Roy de Portugal à tout grand' puissance cheuauchoit en Castille, & que nul ne leur alloit au-deuant, s'ordonnoient en France (si comme ie vous ay cy-dessus dit) le Connestable de France d'un costé, & le Comte de Sainct-Pol, le Sire de Coucy, & messire Iehan de Vienne, d'autre (l'un à l'Entriguier en Bretagne, & les autres à

Herfleu

Herfieu en Normandie) pour aller en celle saison en Angleterre, & là mener iusques à six mille Hommes-d'armes, & deux mille Arbalestiers, & six mille gros varlets. Si estoit ordonné que nul ne deuoit passer la mer, n'entrer en ce voyage: fil n'estoit armé de toutes armes, pourueu de viures & de pourueances pour trois mois, & toute fleur de gens-d'armes, & pourueu de foin & d'auoine pour les cheuaux: & auoiet ces Seigneurs, qui Capitaines en estoient, & souuerains de faire ce voyage, vn certain iour concordé ensemble, quand ils se departiroient: & deuoient prendre terre en deux ports en Angleterre, à Douures & à Ornelle: & approchoit grandement le iour, qu'ils deuoient estre à leurs naues: & si comme il auoit esté fait & ordonné en la saison passée à l'Escluse que les seruiteurs des Seigneurs faisoient leurs pourueées de charger toute chose qui leur appartenoit & pouuoit estre necessaire, ainsi faisoient ils pareillement à Herfieu en Normandie & à l'Entriguier en Bretagne: & estoient ià payez, pour quinze iours, les Gens-d'armes, que le Sire de Saint-Pol & l'Admiral deuoient mener outre mer: mais ils estoient encores en leurs hostels: fors les lointains des haures: qui venoient tout bellement, & approchoient Normadie. Ces passages pour certain estoient si affermez, que nul ne cuidoit qu'ils deussent rompre. Aussi ne rompirent ils pas par les Capitaines: qui estoient élus & ordonnez: mais se rompirent par vne autre maniere merueilleuse, qui aint en Bretagne: de laquelle le Roy de France & son Conseil furent durement courrouceez, pour celle saison: mais amender ne le peurent: & le leur conuint porter & diffimuler bellement & sagement: car il n'estoit pas heure de l'amender. Aussi quelques autres nouuelles des parties d'Allemagne vindrent au Roy de France & à son Conseil, tout en vne mesme saison: desquelles ie vous feray mention, quand le temps & lieu sera: mais nous parlerons de celles de Bretagne, auant que de celles d'Allemagne: car ce furent les premieres, & les plus mal-prises: quoy que les autres coustassent plus. Si ie disoye, Ainsi, & ainsi aint en ce temps, sans ouurir ne déclarer la matiere (qui fut grande grosse, horrible, & bien taillée d'aller mallemét) ce seroit † Cronique, non pas Histoire. Si m'en passeroi-ye bien, si ie vouloye. Or ne m'en vueil-ye pas passer, que ie ne déclaire tout le faict: au cas que Dieu par sa grace m'en a donné le sens, le temps, & la memoire, & le loisir de croniquer & historier au long de la matiere. Vous sauez (selon qu'il est contenu en plusieurs lieux cy-dessus, en ceste Histoire) comment messire Iehan de Montfort (qui estoit nômé Duc de Bretagne: & voiremét l'estoit il par conquest, & non pas par droite ligne) auoit tousiours à son loyal pouuoir, soustenu la querelle, la guerre, & l'opinion du Roy d'Angleterre & de ses enfans, à l'encontre du Roy de France & des François: & bien y eut cause, au voir dire, qu'il fust de leur partie: car ils luy auoient fait sa guerre: ne sans leur aide n'eust rien fait n'exploité, ne deuant Aulroy, n'ailleurs.

† Il entend que le croniqueur touche sommairement les choses passées par chacun an, & que l'historien les deduise pas le menu.

Item sauez vous encores qu'il est escrit & contenu, icy dessus, en ceste Histoire, comment le Duc de Bretagne ne peut faire sa volonté des Nobles de son pays, de la greigneur partie, ne des bonnés-villes: & especialement de messire Bertrand du Clésquin (tant comme il vesquit) de messire Oliuier de Clifson, Connestable de France, du Seigneur de Laual, du Seigneur de Beaumanoir, du Seigneur de Rais, du Seigneur de Dignant, du Vicomte de Rohan, & du Seigneur de Rochefort: & là, ou ces Barons se veulent encliner, toute Bretagne s'encline. Bien veulent estre avecques leur Seigneur & Duc contre tout homme, exceptée la couronne de France: & sachez veritablemét que ie ne puis veoir, n'imaginer par nulle voye, que les Bretôs n'ayent gardé principalement l'honneur de France: & on le peut veoir clerement, qui lit, icy dessus, ceste Histoire.

Froissart proteste encore ici de la verité de son Histoire.

Mais quel'on ne die pas que i'aye esté corrompu par la faueur, que i'aye eue au Comte Guy de Blois (qui la me fit faire, & qui bien m'en a payé, tant que ie m'en contente) pour ce qu'il fut neveu du vray Duc de Bretagne, & si prochain, que fils au Comte Loys de Blois, frere germain à Saint-Charles de Blois: qui, tant qu'il vesquit, fut Duc de Bretagne. Nenny vrayement: car ie n'en vueil parler, fors à la verité, & aller parmy le trenchant, sans coulourer l'vn ne l'autre: & aussi le gentil Prince & Comte, qui l'Histoire me fit mettre sus, ne voulist point que ie la fisse autrement que vraye. A retourner au propos, vous sauez que, † quand le Duc Iehan de Bretagne veit qu'il ne pouuoit faire sa volonté de ses gens, il se douta d'eux grandement, & que de faict ils ne le présissent & menassent en la prison du Roy de France. Si se departit de Bretagne: & emmena en Angleterre tout son hostel, & sa femme, Madame Iehanne de Hollande, fille qui fut iadis à ce bon Cheualier messire Thomas de Hollande, aussi qui estoit seruiteur du Roy

† Il en a parlé aux cha. 322. 324. 326. & 329. des prem. volu. & aux 30. 31. & 44. du 2. vol. Mais nompas en toutes particularez.

† Il y avoit le
Comte de
Blois, à tort et
sans cause.

† Aux chap.
50. & 51. du
2. Vol. & ins-
gues au chap.
61. & apres.

† Je doute qu'il
n'y falle laisser
ou quelque au-
tre mot.

† Au chap. 50.
du pres. Vol. ou
il nomme Tho-
mas d'Auber-
thcourt, pour
celuy, qu'il no-
me icy Iehan.

Richard d'Angleterre: & là se tint vne espace de temps: & puis vint en Flandres, delez
† le Comte Loys (qui estoit son cousin germain) lequel se tint delez luy, plus d'un an &
demy: & en la fin son pays le remanda: & par bon accord il y alla. Encores, luy reuenu à
celle fois au pays de Bretagne, les aucunes villes luy estoient closes, & rebelles: espe-
cialement la cité de Nantes: mais tous les Barons, les Cheualiers, & les Prelats estoient
de son accord: exceptez les Barons cy-dessus nommez. Or, pour auoir la Seigneurie &
obeyssance d'eux, & par le moyen aussi de plusieurs de ces citez & bonnes-villes (qui sy
assentirent, pour donner cremeur au Roy de France & à son Conseil: car on les vouloit
presser en subides & en aides, si-comme on fait en France & en Picardie: & nullement
il ne l'eust souffert, ne son pays aussi) il manda † au Roy d'Angleterre, & à son Conseil,
confort & aide de Gens-d'armes & d'Archers, & leur signifia & certifia ainsi, que là ou
le Roy d'Angleterre, ou l'un de ses oncles, voudroit venir en Bretagne, à tout vne puis-
sance de Gens-d'armes & d'Archers, il trouueroit le pays tout ouuert, & tout appareillé
pour eux receuoir & recueillir. Le Roy d'Angleterre & tout son Conseil furent tous ré-
iouys de ces nouvelles: & leur semblerent moult bones: & ne pouuoient mieux exploi-
ter, que de là enuoyer (puis que Bretagne leur seroit appareillée) ne leur guerre estre
plus belle. Si enuoyerent le Comte de Bouquingam, à tout quatre mille Hommes-
d'armes, & huit mille Archers: lesquels arriuerent à Calais: & passerent parmy le Royau-
me de France: & ne trouuerent à qui parler (si-comme il est cy-deuant contenu) & si ne
demandoient ils que la bataille. Si vindrent en Bretagne: & cuiderent trouuer le pays
ouuert & appareillé, pour eux receuoir & aiser & refreschir (car, au voir dire, ils auoient
fait vn long voyage) mais ils trouuerent tout le contraire: car le Duc de Bretagne fut si
mené de ses gés, & si sagemēt traitté, qu'il l'apaisa au ieune roy Charles, de Fr. Car au roy
Charles son pere, ne l'eust on point appaisé: trop le hayoit) & le Duc de Bourgogne (qui
pour ce tēps auoit vne partie du gouuernemēt du royaume de Frāce) luy aida grādemēt
à faire sa paix: car il en estoit traitté & prie de sa fēme Madame de Bourgogne, qui y meit
grand' peine, pour la cause de ce que le Duc de Bretagne luy estoit de lignage si pro-
chain. Si conuint qu'il deffailist aux Anglois de tous ses conuenans: car il ne leur en
peut nuls tenir, n'accomplir: ny ne seroit iamais que Bretons quittement se rendissent
au Roy d'Angleterre, pour guerroyer le Royaume de France. Oncques n'eurent ceste
opinion: ne iā n'auront Si conuint les Anglois l'Yuer eux loger en la marche de Vennes,
& receuoir & prendre tant de pouretez, qu'oncques tant n'en eurent pour vne fois: &
par especial, les cheuaux mouroient tous de faim & de poureté: & se departirēt de Bre-
tagne sur le temps d'Esté, si maux contens du Duc de Bretagne, que plus ne pouuoient:
& especialement le Comte de Bouquingam & les Barons d'Angleterre, qui estoient
en sa compaignie: & eux retournez en Angleterre, ils en firent grans plaintes au Roy, &
au Duc de Lancastre, & à son Conseil: & fut deuisé & ordōné qu'on deliureroit Iehan
de Bretagne: & l'ameneroient Anglois à puissance en Bretagne, pour guerroyer le Duc
de Bretagne: & disoient Anglois, Messire Iehan de Montfort sait bien que nous l'auons
mis en la Seigneurie & possession de la Duché de Bretagne (car sans nous il n'y fust ia-
mais venu) & il nous a ioué de ce tour, qu'il nous a fait trauailler noz corps, & † liurer
noz gens, & faire despendre l'argent du Roy. C'est bien dit, dirent ils. Il faut que nous
luy montrons qu'il a meffait. Au fort, nous ne nous en pouuons mieux venger, que de-
liurer son auersaire partie, & le mener en Bretagne: car tout le pays luy deliurera, villes,
citez, chasteaux, & fortresses: & boutera l'autre hors: qui nous a ainsi trompez. Si furent
tous d'un general accord: & Iehan de Bretagne fut amené en la presence du roy, & des
Seigneurs: & luy fut dit qu'on le feroit Duc de Bretagne, & luy seroit recouré tout
l'heritage de Bretagne, & auroit à femme Madame Phelippe de Lancastre: mais que la
Duché de Bretagne voulist tenir en foy & hommage, & la releuer du Roy d'Angleter-
re. Laquelle chose il ne voulut faire. La Dame, la fille du Duc, eust il bié pris par Hara-
ge: mais qu'il eust iuré contre la couronne de France, il ne l'eust iamais fait, pour de-
mourer en prison autant qu'il y auoit esté, ou toute sa vie. Quand on veit ce, si se refroi-
dit on de luy faire grace: & fut renuoyé en la garde de messire Iehan d'Auberthcourt:
si-comme il est contenu cy-dessus en ceste Histoire, †. Or deuez vous sauoir que l'ay
fait de toutes ces choses narration, pour les incidences qui s'en poursuiurent, &
qu'on veit apparoir, de par le Duc de Bretagne, au pays de Bretagne: car le Duc sa-
uoit bien, & s'en apperceuoit assez, qu'il estoit grandement hors de la grace des Nobles
Seigneurs

Seigneurs d'Angleterre, & de la Communauté aussi: & venoiēt selon son imagination, le méchef & les haines, pour le voyage, que le Comte de Bouquingam & les Anglois auoient fait en France: dont ils estoient descendus en Bretagne: & quand ils furent là, ils trouuerent tout le cōtraire: au Duc, de ce qu'il leur auoit promis par-auant. Si ne luy escriuoit plus ledit Roy, ne ses oncles, amiablement, ne clerement: ainsi comme ils auoient fait par plusieurs fois, & par especial auant que le voyage du Comte de Bouquingam se fist en France. Encores fut il en doute, plus grande que deuant, quand il veit retourner en Bretagne, & deliuré de tous proces d'Angleterre, Iehan de Bretagne: & pensoit, & disoit en soy-mesme, que les Anglois l'auoient fait, pour le contrarier. Si fauista le Duc d'un merueilleux aui: & getta son imagination surce, qu'à toutes ses choses il pouruoyeroit de remede, & radreceroit les choses en bon poinct: & feroit tant couuertement, que les Anglois luy en sauroient gré. Car il sauoit bien que l'homme du monde, que les Anglois hayoient & doutoient le plus, c'estoit messire Oliuier de Clifson, Connestable de France: car, au vray dire, messire Oliuier de Clifson ne faisoit ne nuit ne iour, que soutilier comment il peust sortir cōtraire & dommage aux Anglois: & l'armée del'Escluse, voirement l'auoit il gettee, auisee, & commencée: & si estoit conducteur de ceste, qui se faisoit à Herfieu, & par l'Entriguier. Si dit le Duc en soy-mesme, que, pour complaire aux Anglois, & retourner en leur grace, & leur monstrier qu'au fort il ne faisoit pas trop grand compte de l'amour, ne de la grace des François, il romproit & briseroit leur voyage. Non pas qu'il deust à ses gens deffendre, ne commander: sur la peine de perdre leurs heritages que nul n'allast en Angleterre, cela ne feroit il point: car il monstrierait trop clerement que la guerre seroit sienne, & les affaires siens. Nenny. Il vouloit ouurer & faire ces besongnes plus couuertement: & disoit il, en son imagination, que plus honnorablement & à son honneur ne pouoit ce estre: mais il vouloit, & conuenoit, qu'il fust fait ores, ou iamais. Si prendroit le Connestable de France: & l'occiroit, ou feroit noyer: & les Anglois luy en sauroient bon gré (car ils le hayoient) & n'auroit à faire qu'à son lignage: lequel n'estoit pas puissant pour luy faire guerre: car le Connestable n'auoit que deux filles: dont Iehan de Bretagne auoit l'une, & le fils du Vicōte de Rohan l'autre: & contre eux se cheuiroit-il bien, & contre tout son lignage. Il n'y auroit mort qu'un Baron (mais qu'il fust mort) & nul n'en leueroit guerre.

*Machination
du Duc de Bre-
tagne contre le
Connestable de
Clifson, pour
cuidier se remet-
tre en grace des
Anglois, &
principalement
pour se venger.*

*Comment le Duc de Bretagne manda tous Barons & Cheualiers de son pays pour estre au
Conseil à Vennes: & comment il retint prisonnier, en son Chastel de l'Ermine, le
Connestable de Clifson, & le Sire de Beaumanoir, au grand danger de leurs
vies.*

C H H P. LXV.

EN ceste imagination, que ie vous dy, se fonda & arresta le Duc de Bretagne du tout: & pour venir à son entente, il s'en vint à Vennes, & y fit assembler un grand Parlement de Barons & Cheualiers de Bretagne: & les pria moult doucement, par ses lettres, que tous y veinssent: & par especial il pria moult affectueusement le Connestable de France qu'il vint, & qu'il n'y voulsist point faillir: car il l'y verroit plus volontiers, que nuls des autres. Le Connestable ne seut oncques ne voulut, s'en excuser: car, pource que le Duc de Bretagne estoit son Seigneur naturel, il vouloit bien estre en sa grace. Si vint à Vennes: & aussi firent grand' foison de Barons de Bretagne. Le Parlement si fut si grād & long, & de plusieurs choses, qui touchoient au Duc & au pays, sans riens au monde parler du voyage, qui se deuoit faire en Angleterre: & ne vouloit pas le Duc monstrier qu'il en feust rien: mais s'en couurit & dissimula. Le Parlement fait dedans la cité de Vennes, & au chastel qu'on dit à la Mote, le Duc donna à disner tresgrandement aux Barons de Bretagne: & les tint en foulas & en parolles amoureuses, iusques à la nuit: qu'ils s'en retournerent en leurs hostels au bourg, hors de la cité. Le Connestable de France, pour complaire aux Cheualiers & aux Escuyers de Bretagne, & pource aussi qu'il y estoit tenu, ce luy sembloit, fit prier au lendemain en son nom, de donner à tous les Cheualiers, qui là estoient, à disner. Aucuns y vindrent: & aucuns s'en retournerent à leurs hostels, pour prendre congé à leurs femmes, ou à leurs peres: car c'estoit l'intention du Connestable, que luy party de là, il s'en iroit tout droit à sa nauire, qui l'attendoit à l'Entriguier: & tout ce sauoit bien le Duc de Bretagne, mais nul mot n'en auoit sonné: pourtant qu'il ne vouloit point monstrier qu'il en feust riens. Or fut ce disner finy: auquel fut la greigneur partie des Barons de Bretagne. Droit sur la fin vint le Duc: & s'embattit

*Le Connestable
au Parlement
de Vennes, at-
tiltré pour sa
prise, par le duc
de Bretagne.*

*Il y auoit l'en-
partir, en sens
contraire de
l'Auteur.*

sur eux moult amoureusement, par semblant: mais il fauoit bien quelle chose il auoit dedans le cuer: & pensoit: & nul ne le pouuoit sauoir: fors ceux, à qui il s'en estoit secrettement decouvert. Quand il fut entré en l'hostel du Connestable, & qu'on dit, veez cy Monseigneur le Duc, tous se leuerent (ce fut raison) & le recueillirent doucement: ainsi que on doit recueillir son Seigneur. Il s'accompagna & humilia grandement enuers eux & assit entre eux & but & mangea ainsi que par amour & par grand compaignie: & leur monstra plus grand semblant d'amour qu'il n'auoit oncques fait: & leur dit, Beaux Seigneurs, mes amis & mes compaignons Dieu vous conduye à l'aller, & à ioye retourner: & vous doint ioye de faire telle chose en armes, qu'elle vous plaise & qu'elle vous vaille. Ils respondirent tous, Monseigneur Dieu le vous puisse rendre, & grandement se contenterét de luy, de ce qu'humblemēt il les estoit venu veoir, & prendre cōgé à eux. Vous deuez sauoir qu'assez pres de Vennes le Duc de Bretaigne pour ces iours faisoit faire vn chastel, tresbel & tresfort (lequel chastel on appelle l'Ermine) & estoit presque tout fait. Luy (qui vouloit attraper le Connestable la dedans dit ainsi au Connestable au Seigneur de Beaumanoir, & à aucuns Seigneurs & Barons, qui là estoient, Beaux Seigneurs, ie vous prie, à vostre departement, que vous vueillez venir veoir mon chastel de l'Ermine: si verrez comment ie l'ay fait ouurer, & fay encores. Tous luy accorderent: car, par semblant il estoit là venu entre eux si amoureusement, qu'ils n'y pensoient que tout bien: ne iamais ne luy eussent refusé. Si monterent tous à cheual, ou la plus grande partie: & s'en allerent avecques le Duc, au chastel de l'Ermine. Quand le Duc, le Connestable, le Sire de Laual, & le Sire de Beaumanoir, & aucuns autres Cheualiers, furent venus au chastel, ils descendirent de leurs cheuaux: & entrerent dedans. Le Duc par la main les mena de chambre en chambre, & d'edifice en edifice, & deuant le celier: & les fit boire. Quand ils eurent fait le tour, le Duc s'en vint sur la maistresse tour: & s'arresta à l'entree de l'huis: & dit au Connestable, Messire Oliuier, il n'y a homme deça la mer, qui mieux se cognoisse en outrage de massonnerie, que vous faites. Ie vous prie, beau Sire, que montez là sus: si me saurez à dire comment il est edifié. S'il est bien, il demourra ainsi. S'il est mal, ie le feray amender. Le Connestable (qui nul mal n'y pensoit) dit, Monseigneur, volontiers j'iray. Or allez deuant, Monseigneur, dit il au Duc. Non feray, dit le Duc, Allez tout seul. Ie parleray icy vn petit, entādīs que vous irez, au Seigneur de Laual. Le Connestable (qui se vouloit deliurer) entra dedans: & monta les degrez. Quand il fut monté amont, & il eut passé le premier estage, il y auoit gens en embusche en vne chambre: qui ouvrirent l'huis. Les autres vindrent fermer l'huis de deffous: & les autres s'auancerent (qui estoient tous armez, & qui sauoient bien quelle chose ils deuoient faire) & vindrent sur le Connestable. Encores en y auoit il en haut en vne chambre, sur le pauement. Là fut le Connestable de France enclos, & pris d'eux, & tiré en vne chambre, & enfermé en trois paires de fers: & luy dirent ceux, qui le prirent & l'enfermerent, Monseigneur, pardōnez nous ce, que nous faisons: car il nous le faut faire. Ainsi nous est il enioint & commandé de Monseigneur de Bretaigne: Se le Connestable fut ébahy à celle heure, ce ne fut pas merueille. Bien se deuoit émerveiller le Connestable de ce, qui luy estoit auenu. Car depuis que les haines monterent entre le Duc de Bretaigne & luy, pour lettres que le Duc luy rescruist, pour priere qu'il luy fist ne fust faire, pour sauſconduit d'aller ne de retourner qu'il luy vouſist oncques enuoyer, le Connestable de France n'estoit voulu venir en la presence du Duc: n'il ne s'y estoit osé fier, n'asseurer (or y est il maintenant venu: dont il se veoit en dur party) car il sentoit le Duc merueilleux, & haineux sur luy: & bien luy monstra. Quand le Sire de Laual (qui estoit bas à l'entree de l'huis de la tour) ouyt & veit l'huis de la tour clos à l'encontre d'eux, tout le sang luy cōmença à fremir: & entra en grand souſpeçon de son beau frere: & regarda sur le Duc: qui deuint plus verd, qu'une feuille. Adonc cognut il bien, & sentit, que la chose alloit mallement. Si dit, Ha, Monseigneur, pour Dieu mercy. Que voulez vous faire? N'ayez nulle malle volonté sur beau frere le Connestable. Sire de Laual, montez à cheual: & vous partez d'icy, vous vous en pouuez bien aller: si vous voulez. Ie, say bien que j'ay à faire. Monseigneur (respondit le Sire de Laual) iamais ie ne partiray sans mon beau frere le Connestable. A ces mots entra, & vint en la presence du Duc, le Sire de Beaumanoir (que le Duc hayoit grandement) & demandoit aussi le Connestable. Le Duc vint contre luy, en tirant sa dague: & dit, Beaumanoir, veux tu estre au point de ton maistre? Monseigneur (dit le Sire de Beaumanoir) ie croy que mon maistre soit

*Le Duc de Bre-
taigne meine
Clisson, & au-
tres veoir son
Chasteau de
l'Ermine.*

*Le Connestable
de Clisson rete-
nu prisonnier
par le Duc de
Bretaigne, en
son chasteau de
l'Ermine.*

estre soit bien. Et toutesfois (dit le Duc) ie te demande se tu veux estre ainsi. Ouy, Monseigneur, dit il. Adonc trayt le Duc sa dague: & la prit par la poite: & dit, Or ça, ça, Beaumanoir (puis que tu veux estre ainsi) il te faut creuer vn œil. Le Sire de Beaumanoir veit bien que la chose alloit mal: car le Duc estoit plus verd, qu'une fucille.

Si se meit à vn genoil deuant luy: & luy dit, Monseigneur, ie tien tant de bien & de noblesse en vous, que, fil plaist à Dieu, vous ne nous ferez que droit: car nous sommes en vostre mercy: & par bonne compaignie, & à vostre requeste & priere, sommes nous icy venus. Si ne vous deshônorez pas, pour accomplir aucune folle volonté: se vous l'avez sur vous: car il en seroit trop grand' nouuelle. Or va, va, dit le Duc. Tu n'auras ne pis ne mieux, que luy. Adoncques fut il mené en vne chambre, de ceux qui estoient ordonnez pour ce faire: & l'enferrent de trois paires de fers. S'il fut ébahy, il y eut bien cause: car il sentoit que le Duc ne l'aimoit qu'un petit: ne le Connestable aussi. Si n'en pouuoit il auoir autre chose. Les nouuelles s'épandirent au chastel, & en la ville, que le Connestable de France & le Sire de Beaumanoir estoient retenus, & le Sire de Laual: mais il s'en pouuoit partir, quand il vouloit: car le Duc ne luy demandoit riens. Dont furēt les gens ébahis & émerueillez. Il y eut bien cause. Car tous disoient que le Duc les feroit mourir: car il auoit trop mortelle haine sur eux. Là estoit blasmé le Duc grandemēt des Cheualiers & Escuyers, ausquels les nouuelles en vindrent: & disoient, Oncques si grand' diffame ne fut en Prince, comme elle est maintenant au Duc de Bretagne. Il a prié le Connestable d'aller disner avecques luy: & il y est allé. Sur ce il l'est venu veoir à son hostel, & a beu de son vin, & l'a prié d'aller veoir ses tourages: & puis l'a retenu: on n'ouit oncques parler de la cause pareille. Et qu'en pense le Duc à faire? Il est entierement infame: & ne fut iamais homme plus deshonoré: n'on n'aura iamais fiance en nul haut Prince: puis que le Duc a ainsi receu, & par voyes obliques & fallaces, amené ces peud'hommes & vaillans hommes veoir son chastel & puis les a ainsi deceus. Que dira le Roy de France, quand il saura les nouuelles? veez là son voyage rompu & brisé. Oncques si grand mauuaistié ne fut pourpensee. Ores monstrera il ce, qu'il auoit au cuer, & en propos. Est il nul, qui veist oncques auenir en Bretagne, n'ailleurs: la cause pareille? Si vn petit Cheualier auoit ce fait, il seroit deshonoré. En qui doit on, ne peut on auoir fiance, fors en son Seigneur? & le Seigneur doit adrecer ses gens, & les tenir en droit & en iustice. Qui prendra correction de ce fait? ne qui est taillé du prendre, fors le Roy de France? Or monstre le Duc de Bretagne tout apertement qu'il est Anglois, & qu'il veut soustenir & porter l'opinion du Roy d'Angleterre: quand il brise ainsi le fait & voyage de l'armée de mer. Que deuroient faire maintenant Cheualiers & Escuyers de Bretagne, ausquels les nouuelles viendront? Ils se deuroient hastiement partir de leurs hostels, & venir mettre le siege deuant l'Ermine, & enclorre le Duc là dedans, & tant faire qu'il fust pris, mort ou vif, & le mener (ainsi comme vn faux Prince & déloyal) deuers le Roy de France, & le luy rendre. Ainsi disoient Cheualiers & Escuyers, qui en la marche de Vennes estoient, & qui avec les Seigneurs à ce Parlement estoient, & auoient esté: & faisoient grand' doute que le Duc ne le fist mourir. Et les autres disoient, Le Sire de Laual est demouré avec luy. Il ne le souffriroit nullement. Il est bien si sage & si prudent, que (vueille, ou non) il adrecera le Duc en ses besongnes. Et voirement l'adrecera il à son pouuoir: car si ce n'eust il esté, il n'est nulle doute que le Connestable n'eust esté mort en la nuit: & eust il eu mille vies.

Le Sire de Beaumanoir retenu prisonnier: comme le Connestable de Clifson, par le Duc de Bretagne.

† Il y auoit voyages: & peu-apres sont remis quelques mots à l'entente de l'Auteur.

Comment le Sire de Laual fit tant enuers le Duc de Bretagne, que le Connestable seroit deliuré, moyennant grosse somme de deniers, & en luy mettant quelques siennes places entre mains.

CHAP. LXVI.

† Je croy qu'il veut dire par ce mot, que le Connestable se bouloit & enflait de depieté & de courroux: ou bien faudroit lire se doutoit.

ON doit bien croire & penser que messire Oliuier de Clifson n'estoit pas à son aise: quand il se veit ainsi pris & attrapé, & enfermé de trois paires de fers, & gardé de bien trente hommes: qui ne sauoient de quoy le reconforter: car ils ne pouuoient sauoir la volonté du Seigneur. En soy-mesme il se comptoit tout mort: ne nulle esperance de venir iusques au lendemain il n'auoit: car il se t'buffoit moult fort: & à bonne cause: car par trois fois il fut defferré, & mis sur les carreaux: vne fois vouloit le Duc qu'on luy trenchast la teste: & l'autre fois vouloit qu'on le noyast: & de l'une de ces morts brièvement il fust finy: si ce n'eust esté le Sire de Laual. Mais quād il ouyt le cōmandement du

Duc, il se getta deuant luy, en plorant moult tendrement, & ioignant les mains: & luy dit, Ha, Mōseigneur, pour Dieu mercy. Auisez vous, N'vsez point par telle cruauté, sur beau-frere le Cōnestable. Il ne peut auoir defferuy mort. Par vostre grace veuillez moy dire qui vous ment à present d'estre si courageusement courroucé enuers luy: & ie vous iure que le méfait, qu'il vous a fait, ie luy feray du corps & des biens si grandement amender, ou moy pour luy, ou nous deux tous ensemble, que vous en oserez dire, ne iuger. Monseigneur, souuienne vous, pour Dieu, comment de ieunesse vous fustes compaignons ensemble, & nourris tous deux en vn hostel, avec le Duc de Lanclastre: qui fut si loyal & si gentil Prince, qu'onques † si loyal, ne si gentil, ne nasquit, que le Duc de Lanclastre ne le fust autant ou plus. Monseigneur, pour Dieu mercy. Souuienne vous comment de ce temps, auant qu'il eust sa paix avecques le Roy de France, il vous seruit tousiours loyaument. Il vous aida à recouurer vostre heritage: vous auez tousiours trouué en luy bon confort & bon conseil. Se vous estes en present meü & informé sur luy autrement que par raison, il n'a pas defferuy mort. Sire de Laual (respondit le Duc) laissez moy faire ma volonté. Car Clifson m'a tant de fois courroucé, que maintenant il est heure que ie luy monstre: & partez vous d'icy. Ie ne vous demande riens. Laissez moy faire ma cruauté: car ie vueil qu'il meure. Haa, Monseigneur, pour Dieu mercy, disoit le Sire de Laual. Refrenez vous, & amoderez vn petit vostre courage, & regardez à raison. S'il estoit ainsi que vous le fissiez mourir, onques Prince ne fut si deshonoré, que vous seriez: n'il n'y auroit en Bretagne Cheualier n'Escuyer, cité, ne chastel, ne bonne-ville, ny homme nul, qui ne vous hayst à mort, & ne meist peine de vous des-hériter: ne le Roy d'Angleterre, ne son Conseil, ne vous en sauroit nul gré: vous voulez vous perdre pour la vie d'un homme? pour Dieu prenez autre imagination: car ceste ne vaut riens: mais est deshonorabile en tous cas trop grandement de faire mourir vn si grand Baron, & si gentil Cheualier, que le Sire de Clifson: car, si vous le faisiez ainsi mourir, ce seroit trahison, & reproche, cy, & deuant Dieu, & par tout le monde generalement. Vous l'avez prié à dîner: & il y est venu. Apres amiablement vous l'estes venu querir en la ville, pour veoir voz ouurages. Il y est venu. Il a obey à vous en tous cas, & beu de vostre vin. Et est-ce la grand'amour que vous luy monstriez: quand vous le voulez traiter à mort? Oncques si grand blasme n'auint à Seigneur, qu'il vous auendroit: si vous le faisiez faire. Tout le monde le vous reprocheroit, & hayroit, & gueroyeroit. Mais ie vous diray que vous ferez: puis que vous le hayez tant. C'est que vous le rançonnez d'une grand somme de florins. Tout cela pouuez vous bien faire: & fil tient ville ne chastel qui soit vostre, si luy demandez: & vous l'aurez: car de tout ce, qu'il vous aura en conuenant, i'en seray pleige avecques luy. Quand le Duc de Bretagne ouyt parler le Seigneur de Laual (qui le suiuint de si pres, que toute la nuit il ne le laissa vn seul pié ester, qu'il ne fust tousiours pres de luy (si pensa vn petit: & refrena son maltalent: &, quand il parla, il dit, Sire de Laual, vous luy estes vn grand moyen: & vueil bien que vous sachez que le Sire de Clifson est l'homme au monde que ie hay le plus: &, si vous ne fussiez, iamais de ceste nuit ne fust issu. Voz parolles le sauueront: mais allez parler: & luy demandez fil veut payer cent mille francs, tous appareillez. Ie n'en prendray vous, n'autre, à pleige, fors que les deniers: & encores, fil me veut rendre trois chasteaux & vne ville, tels que ie vous nommeray (Chastel-Broth, Chastel-Ioffelin, le Blanc, & la ville de Iugon) & m'en face mettre en possession, ou ceux que i'y commettray, ie le vous rendray. Monseigneur (dit le Sire de Laual) grand mercy, quand à ma priere vous descendez: & soyez seur que tout ce, que vous demandez, ie le vous feray accomplir sans doute, & les chasteaux & la ville rendre, & les cent mille francs payer, auant qu'il se departe. Adonc le Sire de Laual fut grandement réiouy: quand il veit que beau-frere de Clifson estoit hors de peril, & de la mort: & se fit ouurir la tour. On l'ouurit au commandement du Duc, & non autrement. Lors monta le Sire de Laual amont les degrez: & vint sur vn estage de la tour: ou il trouua le Conneftable moult ébahy: car il n'attendoit que la mort: & estoit enfermé de trois paires de fers. Quand le Sire de Clifson veit le Sire de Laual, si luy reuint le cuer: & pensa qu'aucun traitté y auoit auant. Dit le Sire de Laual à ceux qui là estoient enuoyez de par le Duc, Defferrez beau-frere de Clifson: & puis ie parleray à luy. Et dit au Seigneur de Clifson, Vous ferez, beau-frere, ce que ie vous diray. Ouy, beau-frere, respondit le Conneftable. A ces mots il fut defferré. Lors le tira à part

† Il y auoit icy quelques mots superflus: que le sens ne pouuoit bien porter.

Remonstrance & offres du Seigneur de Laual au Duc de Bretagne, cause de la sauueté du Conneftable de Clifson.

Le Conneftable de Clifson mis à rançon par le Duc de Bretagne, au moyen du Seigneur de Laual.

Le Sire de Laual porte nouvelles au Conneftable de Clifson du traitté de sa deliurâce qu'il accorde aisement.

à part le Sire de Laual: & dit, Beau-frere, à grand' peine & à grand tourment ay-ie peu tant faire, que la vie vous soit sauuee. l'ay fait vostre fin. Il vous faut payer, auât que vous issiez hors de ceans, en deniers tous cōptans, cent mille francs: & encores outre, il vous faut rendre au Duc trois chasteaux, & vostre ville de Iugon: ou autrement vous n'aurez point de deliurance. Dont dit le Cōnestable, Je vueil tenir ce marché. Vous avez droit, beau-frere, dit le Sire de Laual. Puis dit le Connestable, Qui pourra foigner d'aller à Clifson, & ailleurs, querre la finance, là ou ie l'enuoyeray querre? Beau-frere de Laual, il vous y faudra aller. Respondit le Sire de Laual, Je n'y entreray ià: ne iamais de ce chastel ne partiray, si en saudrez aussi: car ie sen le Duc trop cruel. Il se repentiroit en l'absence de moy, par aucune folle imagination, ou information qu'il autoit sur vous: & ce seroit tout rompu. Et qui y pourra aller? dit adonc le Sire de Clifson. Il ira dit le Sire de Laual le Sire de Beaumanoir: qui est en prison, comme vous estes. Celuy fera toutes les pourueances. C'est bon, ce respondit le Connestable. Descendez aual: & ordonnez, ainsi que vous sauez que bon est.

Comment le Sire de Beaumanoir fut deliuré par le Duc de Bretagne, pour aller querir la finance de la rançon du Connestable, luy faisant deliurer les places accordees: & comment la prinse du Connestable fut seuë en son armee marine & à la court de France. CHAP. LXVII.

A Ce coup descendit le Sire de Laual, & s'en vint en la chambre du Duc: qui s'appareilloit pour aller coucher: car toute la nuit il n'auoit point dormy. Le Sire de Laual s'enclina: & luy dit, Monseigneur, c'est fait: vous aurez vostre demâde: mais il faut que vous nous faciez deliurer le Seigneur de Beaumanoir, & que beau-frere de Clifson & luy parlent ensemble, car il ira faire les finances: & mettre voz gens en possession des chasteaux, que vous demandez. Bien, dit le Duc. Qu'on le deliure dōcques hors des fers & les faites mettre en vne chambre: & soyez moyen de leur traitté (car ie n'ē vueil nuls veoir) & ià, † quand i'auray dormy, retournez vers moy, & nous parlerons encores ensemble, Bien. Monseigneur, dit le Sire de Laual. Adonc issit il dehors de la chambre du Duc: & s'en alla, en la cōpaignie des deux Cheualiers qui vindrent, là ou le Sire de Beaumanoir estoit en ferré: & auoit esté moul ébahy, & en grande doutance de la mort: & cuida bien (ce dit il depuis) quand on ouurit la chambre, qu'on le veinst querir pour le faire mourir: & quād il veit le Seigneur de Laual, le cuer luy reuint, & encores plus, quand il luy Lit, Sire de Beaumanoir vostre deliurance est faite. Réiouyſsez vous. A ces mots fut il défermé, & amené en la salle. Adoncques alla on querir le Connestable de France: & fut amené aual, & mis entre eux trois en vne chambre: & lors apporta on vin & viandes assez: sachez que tous ceux de l'hostel furent grandement réiouys, quand ils seurent comment les besongnes alloient, & estoient tournées sur le mieux. Car enuis auoient ils ven ce que fait on auoit au Cōnestable, & au Seigneur de Beaumanoir: mais amēder ne l'auoient peu: car obeyr leur conuenoit à leur Seigneur, fust à tort ou à droit: Et sachez que, depuis que la porte du chastel fut fermée, & les ponts leuis leuez, qu'oncques hōme, ne femme, n'entra au haut chastel, n'issit aussi: car les clefs estoient en la chambre du duc: & furēt là, tāt qu'il eut dormi: & ià estoit, quād il se leua, tierce. Dōt Escuyers & varlets (qui estoient hors, & attendoient leurs maistres) estoiet tous ébahis: † & ne sauoient que penser. Les nouvelles en estoiet ià venues iusques à l'Entriguiet: & disoit on, Vous ne sauez quoy? Le Duc de Bretagne a mené, en son chastel de l'Ermine, le Cōnestable de France, le Seigueur de Laual, & le Seigneur de Beaumanoir: & supposons bien qu'il les fera mourir: fils ne sont morts. Donc veissiez Cheualiers & Escuyers (qui là se tenoient) émerueillez & ébahis: & disoient les compaignons. Or est nostre saison perdue, & le voyage de mer rompu. Haa, Connestable, que vous est il auenu? Poure conseil vous a deceu. Le Parlement, qui a esté à Vennes, ne fut fait, n'assemblée, fors que pour vous attraper. Vous souliez auoir telle opiniō, que, si le Duc vous eust mādē, & vous eust assure de cinq cens assureces, si ne fussiez vous point allē à son cōmandement tant le doutiez vous fort) & maintenāt vous y estes allē simplemēt. Il vous en est bien mécheu. Là pleingnoient, parmy la Duché de Bretagne, le Connestable toutes manieres de gens: & n'en sauoient que dire, ne que faire. Cheualiers & Escuyers disoient (quand les nouvelles leur venoient) Et pourquoy seiournons nous icy? Que n'allons nous deuant l'Ermine, enclorre le Duc là dedans: &, s'il a fait mourir le Connestable, le contraindre: &, s'il le tient en prison, tant faire que nous le r'ayons? car oncques si grand mechef n'a-

† Il y auoit quand ie me iray dormir, mais nous l'auons remis selon le precedent & subsequent.

Le Sire de Beaumanoir défermé & chargé, par le Connestable, d'aller fournir les paches de leur deliurāce,

† Ce passage est racoustre selon Verard, y ayāt par auāt ainsi: & pensoient & disoient ce qu'on a faict de l'autre.

vint en Bretagne, comme il est auenu pour le present, par la prise du Connestable. Ainsi disoient les vns & les autres: mais nul ne se mouuoit encor: & attendoient autres nouvelles: & tousiours couroient, voloient, & s'espadoient nouvelles parmy Bretagne, & ailleurs aussi: & vindrēt à Paris sur moins de deux iours: dōt le Roy & ses oncles, le Duc de Berry & le Duc de Bourgogne, furēt grandemēt émerueillez. Pour ces iours estoit ià le Duc de Bourbon party: & s'en alloit vers Auignō, pour aller en Castille: mais qu'il eust veu le Pape Clement. Si luy en vindrent les nouvelles sur le chemin: & estoit (ie croy) à Lion sur le Rosne, & avec luy le Comte de Sauoye. Le Comte de Sainct-Pol, le Sire de Coucy, & l'Admiral de France, se tenoient à Harfieu: & estoient tous prests d'entrer en mer & faire leur voyage, quand les nouvelles leur vindrēt comment le Duc de Bretagne auoit pris & attrapé en son chastel de l'Ermine, le Connestable de France: & le Seigneur de Laual, & le Sire de Beaumanoir: & disoient ainsi, ceux qui les nouvelles portoient, Renommee generale court & vole, par le pays de Bretagne, que le Duc a fait mourir le Connestable de France & le Sire de Beaumanoir: car il les hayoit à mort. Quand les Seigneurs dessus nōmez entendirent ces nouvelles, elles leur furent trop dures & trop felles: & ne s'en pouuoient trop émerueillir: & dirent tantost, Nostre voyage est rompu. Donnō à toutes manieres de Gens-d'armes congé: & nous en allō à Paris, deuers le Roy: si saurons quelle chose il conuiendra dire, ne faire. A ces parolles respondit l'Admiral: & dit, C'est bon que nous allōs à Paris: mais nous ne donnerons pas, pour ce, congé à noz gens. A l'auēture les voudra on employer ailleurs, ou en Castille (car Monseigneur de Bourbon y va) ou en Bretagne, dessus ce Duc. Pensez vous que le Roy de France doye laisser la chose ainsi? Par Dieu nenny. Il ne peut pas échaper qu'il n'y ayt deux cens mille florins de dommage, sans le blasme, qu'on a fait à son Connestable: encores s'il échape. Veit on ou ouyt on oncques mais parler de la chose pareille, de rompre & briser ainsi le voyage du Roy: qui veut porter dommage & contraire à ses ennemis? Or seiournon cy (dit le Marechal) encores deux, ou trois iours. Par-auenture aurons nous autres nouvelles: qui nous viendront de France ou de Bretagne.

Comment lettres furent escrites à la volonté du Duc de Bretagne, touchant la cession des places du Connestable: cōment les armes marines de l'Entriguier & de Harfieu furent rompues: & comment, estant le Connestable deliuré s'en vint plaindre au Roy de France, luy remettant l'office de la Connestablie entre mains.

CHAP. LXV.

Le sire de Beaumanoir hors de l'Ermine, pour fournir la rancon du Connestable.

CY parlerons vn petit du Duc de Bretagne. Quand il eut vn petit reposé sur son liēt, Cil se leua & appareilla: & quand il fut appareillé, il manda en sa chambre le seigneur de Laual: lequel vint tantost en sa chambre. Là eurent ils ensemble encores grans parlemens & longs. Finalemēt lettres furēt escrites tantost, à la volonté du Duc, que le Connestable de France clamoit quittes, pour tousiours & iamais, les chasteaux dessus-nommez: & les rendoit purement & liēmēt au Duc de Bretagne, & à ses hoirs: & ordonnoit, & vouloit, & disoit, q̄ ses lettres fussent escrites & seellees du tout à l'intention du Duc, & sans rapel. Le Sire de Beaumanoir fut ordonné, de par le Connestable, pour aller aux chasteaux, & pour faire partir & issir ceux, qui les tenoient & auoient tenu tousiours au nom du Connestable, & pour mettre en possession les gens du Duc. Avec tout ce, les chasteaux deliurez, il luy conuenoit payer cent mille francs, & tant faire au Duc. Adonc furent les portes ouuertes du chastel: & se departit & issit le Seigneur de Beaumanoir dehors chargé & ordonné, de par le Connestable, d'accomplir toutes ces ordonnances & prié qu'il s'en deliurast, du plus tost qu'il pourroit: & avecques luy issirent les gens du Duc. Ainsi par eux feut on à Vennes, & sur le pays (qui se commençoit ià tout à émouuoir) que le Connestable, n'auoit garde de mort, & qu'il estoit mis en finance. Toutes gens, qui l'aimoient, & Cheualiers, en furent moult réiouïs: & se tarderent de non venir auant. Car vrayement ils disoient bien, que, si ces secondes nouvelles ne fussent venues aux Cheualiers & Escuyers de Bretagne, ils fussent venus mettre le siege deuant le chastel de l'Ermine, & là eussent ils enclos le Duc. Ils ne firent oncques chose d'aussi bonne volonté, comme ils l'eussent fait. Vous sauez que nouvelles sont tantost volées, & par tout elles vont avecques le vent. Les trois Barons, qui estoient à Harfieu, oyrent certainement dire que le Connestable n'auoit garde de mort: mais il auoit esté en grand peril & auenture: & l'eust esté pour certain, se son beau-frere, le Sire de Laual, ne luy eust si

eust si grâdemēt aidé:& toutesfois on ne l'eust iamais eu,qu'il ne cōuint que le Duc eust trois de ses chasteaux & vne ville,& avec tout ce, la somme & fināce de cēt mille francs. Dont parlerēt ils ensemble:& dirēt, La chose va biē: puis que point de mort n'y a. Touf-iours recouurera biē le Cōnestable fināce & heritage. Le roy en a assez pour luy: sil en a besoing. C'est fait. Nous pouuons bien partir d'ici (nostre voyage est rōpu) & dōner à noz gens congé, & aller à Paris deuers le Roy, pour apprendre des nouuelles: car iā entendons nous que tous ceux, qui estoiet ordōnez pour passer & entrer en mer, en la cité & au haure de l'Entriguier, sont cōtremandez. Ce n'est pas signe qu'ō doye en ceste saison aller nulle part:& biē y a cause: car le Cōnestable se pourchacera du despit & dommage, qu'on luy a fait. Adonc donnerent ces trois Seigneurs congé à toutes manieres de Genis-d'armes & d'Arbalestiers, qui à Harfieu gisoient, & à la voye aussi: & eux-mesmes se partirent, & se meirent à chemin, pour venir à Paris: ou le Roy estoit. Messire de Beaumanoir exploite tellemēt, que, sur quatre iours, il eut mis en possession & saisine les gens au Duc de Bretagne, des chasteaux dessusnommez, & de la ville de Lugon: iāt que le Duc de Bretagne s'en contenta bien. Apres il fit tant, que la finance de cent mille frācs, pour le rachapt du Cōnestable, fut toute preste & payée, & mise là ou le Duc vouloit. Quand tout fut accomply, le Sire de Lual dit au Duc, Mōseigneur vous auez par-deuers vous ce que vous demādez cent mille francs, la ville de Lugon, † Chastel-bourc, le Blanc, & Chastel-Ioffelin. Or me deliurez beau frere le Conneftable, Volontiers, dit le Duc. S'en aille. Le luy donne congé. Adonc fut deliuré le Conneftable de France: & se parti rēt, luy & le Seigneur de Lual de l'Ermine. Quād ils furēt hors du chastel, & ils eurent la clef des chāps, le Cōnestable ne fit pas moult grand seiour en Bret. mais monta tantost sur vn bon courfier, & son page sur vn autre: & tant fit, qu'il fut en deux iours à Paris: & descendit premierement en son hostel: & puis alla au Louure, deuers le Roy & ses oncles, le Duc de Berry & le Duc de Bourgongne. Ses gens & son arroy, le suiuiōient tout bellement par derriere. Le Roy & ses oncles estoient iā informez de sa deliurance, mais ils ne sauoient pas qu'il fust si pres. On ouurit les portes de la chambre du Roy, à l'encōtre de luy: car le Roy le vouloit. Si vint en la presence du Roy: & se getta à genoux deuant luy: & dit, Tresfredit Sire, vostre pere (à qui Dieu pardoint ses defautes) me fit & crea Conneftable de France: laquelle office, à mon loyal pouuoir i'ay exercée & vlée: n'ōcques nul n'y veit defaute: &, sil estoit aucun (excepté vostre corps, & Messieurs vos oncles (qui vousist dire, ne mettre outre, que ie m'y fusse mal acquitté, & qu'enuers vous, ne la noble couronne de France, i'eusse fait autrement qu'à point, ie vouldroye bailler mon gage, & mettre outre. Nul ne respondit à ceste parolle: ne le Roy, n'autres. Dont dit le Conneftable, Trescher Sire & noble Roy, il est auenu en Bretagne que, en vostre office faisant, le Duc de Bretagne m'a pris & tenu en son chastel de l'Ermine, & voulu mettre à mort sans raison, fors que de son grand courage & outrage tresgrand, & volōté: & l'eust fait, de fait: se Dieu & beau-frere de Lual ne m'eussent aidé, Pourquoi, & par laquelle prise, il a cōueni, (se ie me vouloye deliurer de ses mains) que ie luy aye baillé & deliuré vne miēne ville en Bretagne, & trois fors chasteaux, & avec tout ce, en deniers appareillez, la somme de cēt mille francs. Pourquoi, trescher Sire & noble roy, le blasme & le dommage que le Duc de Bretagne m'a fait, regarde grandemēt à vostre magesté Royale: car le voyage de mer (ou moy & mes cōpaignons esperions aller) en est rōpu & brisé. Si vous ren l'office de Conneftable: & y pouruoyez de tel qu'il vous plaira, car ie ne m'en vueil plus charger, ne nul hōneur ie n'auroye de le faire. Cōnestable (dit le Roy) nous sauons bien qu'on vous a fait blasme & dommage, & que c'est grandemēt en nostre préiudice, & de nostre Royaume. Si manderōs incontīnēt noz pers de France, & regarderōs quelle chose en sera bōne à faire: & ne vous souciez: car vous en aurez droit & raison: comment qu'il se doye prēdre, n'auenir. Adonc prit le Conneftable par la main: & le fit leuer: & dit, Cōnestable, nous ne voulons pas que vous partiez de vostre office ainsi: mais voulons que vous en vsiez, tant que nous aurons eu autre conseil. Le Conneftable de rechef se meit à genoux: & dit, Trescher Sire, la chose me touche de si trespres, & tant fort pense au blasme ou dommage que le duc de Bretagne m'a fait, que bonnement pour le present ie n'en pourroye vsier: & l'office est grand: & conuient respondre & parler à toutes gens, qui poursuiuent. Pourquoi ie n'auroye pas maniere, n'arroy de respondre ne de parler ainsi comme il appartient, Si vous plaist à la prendre, & pouruoir autre, pour vn temps. Touf-iours suis ie en vostre commandement appereillé.

† Par-auant
Chastel-
Broth.

Deliurance du
Conneftable de
Clisso, apres ses
places saisies,
& argent re-
ceu.

Plainte du
Conneftable
au roy de Frā-
ce, sur sa prise,
faite par le duc
de Bretagne.

Response du
Roy au Con-
neftable.

*Le Connestable
repris, par les
oncles du Roy,
de s'estre fié au
Duc de Bretai-
gne.*

Or bien (dit le Duc de Bourgongne) Mōseigneur il offre assez: vous en aurez auis. C'est voir, dit le Roy. Lors fit il leuer le Connestable: lequel se trait tout doucement, deuers le Duc de Berry & le Duc de Bourgongne, pour les auiser de remonstrer ses besongnes au Roy, & pour eux informer iustement de la matiere. Car il en appartenoit à eux grandement, au cas qu'ils auoient le gouuernement du Royaume de France. Mais en parlant à eux, & en remonstrant ses besongnes, & comment le Duc l'auoit demené, il s'apperceut bien que la chose ne leur touchoit pas de si pres, que le Roy luy auoit respondu: car en la fin ils le blasmerent grandement de ce qu'il estoit allé à vennes. Il respondit qu'il ne s'en pouuoit excuser. Si fussiez bien (dit le Duc de Bourgongne) puis que vostre nauie estoit preste, & que Cheualiers & Escuyers vous attendoient à l'Entriguier. Encores outre, quand vous eustes esté dedans Vennes, & disné avecques luy, & que vous fusses retourné à vostre hostel au bourg, & que bien vous en estoit pris, vous n'auiez que faire de plus seiourner, ne d'aller veoir son chastel de l'Ermine. Mōseigneur (dit le Connestable) il me monstroït tant de beaux semblans, que ie ne luy osoye refuser. Connestable (dit le Duc de Bourgongne) en beaux semblans sont les deceptions. Ie vous cuidoye plus subtil, que vous n'estes. Or allez, allez. Les besongnes viendront à bien: on y regardera par loisir. Adonc laissa le Duc le Connestable: & reprit la parolle à son frere de Berry. Bien apperceut le Connestable que ces Seigneurs luy estoient plus durs & plus rudes, que le Roy n'estoit, & qu'il n'auoit pas bien fait à leur gré. Si se departit tout bellement & tout quoyement du Loure: & s'en vint à son hostel. Là le vindrent veoir aucuns Seigneurs de Parlement & du Conseil du Roy: & le reconforterent: & luy dirent que les choses viendroient à bien: & là vindrent deuers luy, pour luy conseiller, le Comte de Saint-Pol, le Sire de Coucy, & l'Admiral de France: & luy dirent bien, Connestable, ne faites point de doute. Car vous aurez vostre raison grandement du Duc de Bretagne: car il a fait, contre la couronne de France, vn tresgrand déplaisir: & en pourroit estre honny, & bouré hors de sa terre. Allez vous ébattre à Mōtlehery (vous ferez sur le vostre) & nous laissez conuenir: car les Pers de France en ordonneront: ne la chose ne peut demourer ainsi. Le Connestable creut les Seigneurs: & se departit de Paris: & s'en vint à Montlehery demourer, & estre: & vacqua l'office de Connestable vn temps: & fut celle fois qu'on disoit que messire Guy de la Trimouille seroit Connestable de France. Mais non fut. Il ne l'eust iamais prise (tant il estoit bien auisé) dessus messire Olinier de Clifson.

*L'office du Cō-
nestable vac-
quant pour vn
temps en Fran-
ce.*

Comment le Duc de Gueldres enuoya défier le Roy de France, en faueur du Roy d'Angleterre.

CHAPITRE LXIX.

EN ces iours, en la propre semaine que les nouuelles de la prise du Connestable vindrent en la cité de Paris, vindrēt aussi autres nouuelles des parties d'Allemaigne: lesquelles furent grandement déplaissantes au Roy, à ses oncles & à leurs Consaux. Si vous diray de quoy, & comment. Le Duc de Guerles, fils au Duc de Iulliers, s'estoit allié avec le Roy d'Angleterre, pour faire guerre au Roy de France: & auoit pris de proffit, & de pension d'argent, quatre mille francs par an: lesquels profits & pension ce Duc de Iulliers son pere, auoit eu du temps passé, sur les coffres du Roy d'Angleterre: mais il y auoit renoncé: & son fils (qui estoit ieune) les auoit pris, à la requeste du Roy d'Angleterre & de son Conseil, parmy tant, qu'il deuoit défier le Roy de France, & luy faire guerre à son loyal pouuoir. Celuy, à estre de la partie des Anglois, s'estoit encliné le plus, pour ce qu'il tenoit en guerre Madame de Brabant, & la Duché de Brabant: & sentoït, de tous poincts, que ce païs estoit fauorable au Roy de France: car il deuoit retourner au temps auenir, au Duc de Bourgongne, ou à ses enfans. Si vouloit monstrier le Duc de Guerles que la chose luy touchoit: & qu'il porteroit contraire & dommage au Roy de France, & à son Royaume, & à tous ses conioints & allicz. Si enuoya en ces iours, que les nouuelles estoient fresches du Connestable de France, défier le Roy de France par vnes lettres, seellées de son seal, moult dures & moult felles, & qui ne furent pas acceptées en plaissance, du Roy, ne de ses oncles: si comme ie vous diray ça-en-auant en l'Histoire, quand il appartiendra à parler, & que ie vous éclairciray la guerre de Bretagne & de Guerles. Si n'en monstra le Roy de France nul semblant: mais fit bone chere à l'Escuyer de Guerles, qui la défiâce auoit apportée. Si cuida il bié mourir, telle fois fut: car il vint par la cité de Tournay: & ne vouloit aller plus auât: & auoit monsté la défiâce au Preuost & seigneurs de la ville: & s'en vouloit passer, parmy tât qu'il disoit qu'il suffisoit, quand il fesoit

*Défi du Duc
de Gueldres,
enuoyé au Roy
de France.*

il feftoit adrecé à vne fi noble cité, comme eft la ville de Tournay. Mais il ne fuffifoit pas aux Seigneurs: quoy que Tournay foit au Roy de France. Si prirent & arrefterent l'Efcuyer, & le meirent en prifon fermée: & puis enuoyerent par-deuers le Duc de Bourgogne, à fauoir qu'il en vouloit faire, & que telles chofes eftoient venues auât. Le Duc efcriuit, au Preuoft de Tournay, qu'il luy amenast l'homme, qui les défiances auoit apportées. Si luy amenerent: & cuida bien eftre mort l'Efcuyer, quand il vint à Paris, mais non fut, car le Roy, fes oncles, & les Seigneurs, ne luy firent que toute courtoisie, & luy donna le Roy de France vn gobelet d'argent, pefant quatre marcs, & cinquante francs dedans: & le tindrent tout aife. Les Seigneurs luy donnerent vn bon faufconduit, pour retourner en fon pays. Si que pour ces nouuelles la Court de France eftoit toute troublée, & le Conseil du Roy tout troublé, quand le Conneftable de France vint faire fa plainte du Duc de Bretaigne, car ils veoyent que peines & fraiz leur venoient & foudroyent de tous costez. Si conuenoit bien qu'ils enffent sens, pour eux cheuir & diffimuler. Mais toutesfois le Conseil du Roy (quoy qu'il fust du Duc de Guerles) ne fe vouloit point passer que le Conneftable de France (qui fi longuemēt auoit feruy le Roy de France, en Flandres, & ailleurs) ne fust adrecé des durtez, que le Duc de Bretaigne luy auoit faites, rançonnant fon corps, & prenant fes villes & fes chasteaux, fans nul tiltre de raison: & par especial, le Sire de Coucy & l'Admiral de France y rendoyent grande peine. Or retournerons nous au Duc de Lanclastre, & au Roy de Portugal (qui eftoient en Galice, & faisoient guerre forte & belle) & compterons comment ils perfeuererent.

Comment deux Capitaines Bretons, ayans vaillamment deffendu la ville d'Aurene en Galice, contre le Duc de Lanclastre, en sortirent par composition, pourchacée mefmes par les Anglois.

CHAPITRE LXX.

Vous fauez comment, † quand les armes furent faites à Besances de messire Iehan de Hollande & de messire Regnaud de Roie, que là furent le Roy de Portugal & sa femme. A leur departemēt le Roy de Portugal cōmença à dire au Duc, que luy retourné en la cité du Port, il ne seiourneroit pas six iours, qu'il cheuaucheroit, car les gens estoient tous prests. Le Duc de Lanclastre enuoya Constance, sa femme en la ville de S. Iaques, pour seiourner, en la garde du Seigneur de Silbatier, vn grand Baron d'Angleterre, à tout cent Lances & deux cens Archers: & luy dit, au partir de Besances, Dame, vous vous tiendrez là en la cité de Compostelle: & nous irons le Roy de Portugal, mon fils, & noz gens en Castille, requerre noz ennemis: & les combattrons, ou nous, les trouuerons ceste saison. Icy verrons nous se iamais aurons riēs au Royaume de Castille. La Dame respon dit, Dieu y ayt part. Ainsi furent les departies pour le present. Messire Thomas de Perfy & messire Yon Fil Warin conuoierent la Duchesse, à tout deux cens Lances, hors des perils, & puis retournerent deuers le Duc, qui ià estoit party de Besances: & cheuanchoit vers vne ville & cité de Galice, qu'on nomme † Aurene: laquelle luy estoit rebelle, & ne luy vouloit obeyr, car elle estoit forte, & y auoit en garnison Bretons: qui l'auoient prise à garder sur leur peril: & pour ce qu'ils sentoient bien que le Duc & les Anglois viendroient celle part, ils s'estoient encores grandement fortifiez. Le Mareschal de l'ost auoit bien ouy parler de ceux d'Aurene en Galice: qui ne vouloyent obeyr & que tous les iours se fortifioient. Si conseillerent luy & le Conneftable, messire Iehan de Hollande, le Duc, à là venir. Donc s'adrecerent toutes manieres de gens de celle part: & firent tant, qu'ils vindrent assez pres: & se logerent à l'environ. La premiere nuit qu'ils furent venus il faisoit si bel & si chaud, que merueilles, car c'estoit environ l'Ascension. Si firent les Seigneurs tendre tentes & trefs en ces beaux plains, deffous des Oliuiers, qui là estoient: & se tindrent là toute la nuit, & lendemain tout le iour sans faillir, car ils cuidoyent bien que ceux de la ville se deussent rendre legèrement, sans eux faire assaillir. Volontiers se fussent rendus les bons hommes de la nation de la ville, mais ils n'estoient pas Seigneurs de leur ville, ainçois l'estoient Bretons, compaignons auentureux. Si estoient Capitaines deux Bretons Bretonnans: dont l'un estoit nommé le Bastot d'Aulroy, & l'autre le Bastard de Pennefort. Bien estoient bonnes Gens-d'armes: & bien y parut: quand ainsi vaillamment, hors de tous confors, emprirent à garder la ville d'Aurene, contre l'ost du Duc de Lanclastre. Au tiers iour que les Anglois furent là logez, & qu'ils eurent auisé la ville, comment à leur auantage ils l'assaudroient, le Conneftable, le Mareschal, l'Admiral de la mer, ces trois Capitaines, firent sonner trompettes,

† il en a parlé aux 59. & 60. chap. du present volume.

† s'ala die Daurent.

Aurene en Galice assiégué par le Duc de Lanclastre, environ l'Ascension de l'an 1387. comme deuant.

Assaut des Anglois à Aurene en Galice.

pour assaillir au son des trompettes: & s'armerent toutes gens: & issirent hors de leurs logis: & se traitrent sur les champs: & là furent ils bellemēt departis en quatre parties, pour assaillir en quatre lieux: & puis s'en vindrent tout le pas, & moult gentement ordonnez en trompétant deuant eux, iusques à la ville: & s'arrestèrent sur les fossez. Il n'y auoit point d'eue: mais il y auoit bons paliz de bois, au deuant des murs: & y auoit de bonnes espines & de ronces: ou Gens-d'armes ne se pouuoient iamais embattre. Si commēça l'assaut en quatre lieux: & se commencerent à aualler Gens-d'armes & gros varlets es fossez: & apportoyent haches en leurs poings: dont ils abbattoyent: & tailloient ronces & espines deuant eux à grand pouuoir. Là estoient Galiciens: qui les seruoient, en ces fossez, de dardes qu'ils lançoient: & si ceux, qui abbattoyent ronces & espines, n'eussent esté paueschez, il en y eust eu grande foison de morts, & de blecez, mais les Gens-d'armes, qui es fossez entroyent, auoient gros-varlets, qui les paueschoient, & aussi eux. D'autre part sur les fossez se tenoient Archers: qui tiroient à grand pouuoir contre ceux de dedans, si roide & si fort, qu'à peine s'osoit nul monstrier. Là vint le Duc de Lanclastre, monté sur vn moult grand palefroy (que le Roy de Portugal luy auoit donné) pour veoir l'assaut, & lesquels faisoient le mieux. Si y fut bien enuiron trois heures, en eux regardant, qu'il ne se pouuoit partir: tant de plaissance y prenoit il. De ce premier assaut, & ce premier iour, furent tous les fossez deliurez, & les ronces & les espines toutes coupées & abbatues: & pouuoit on bien aller iusques aux paliz. Adoncques fut sonnée la retraite: & dit le Duc (qui là estoit, & qui les regardoit) au Marechal, messire Thomas, voz gens & les nostres en ont assez fait pour ce iour, il les faut faire retraire, car ils sont bien lassez & foulez. Monseigneur (respondit le Marechal) ie le vueil. Lors fut la retraite sonnée: & laisserent l'assaut tous ceux, qui là estoient: & retournerent aux logis les blecez & les naurez: & passerent le soir & la nuitée. Des vins auoient ils assez à foison mais ils estoient si chaux & si fors, qu'à peine les pouuoient ils boire, & ceux, qui ne s'en sauoient garder, & qui grande foison d'eue au boire n'y metoyent, s'en trouuoient tellement appareillez, qu'ils ne se pouuoient aider au matin. Quand ce vint au lendemain on eut cōseil qu'ō n'assaudroit point pour la chaleur du iour ce iour tout entier (car encores estoient leurs gens tous lassez, & troublez des forts vins, qu'ils auoient le soir beus) mais au lendemain, vne heure auant soleil leuant, à la frescheur on assaudroit, & tout iusques à la tierce. Si fut signifié parmy l'ost que chacun se teinst tout aise, & ne s'armassent nuls, iusques au son de la trompette du Marechal. Ainsi fut fait. Ce iour eut nouuelles le Duc de Lanclastre du Roy de Portugal: lequel s'estoit trait sur les champs, & party du Port: & s'en alloit vers Saint-Yrain, car par là vouloit il entrer en Castille, & retourneroyent leurs deux osts, l'un & l'autre, sur la riuere de Derne, deuant la ville de † Parpignan, ou deuan Ville-Arpen. Ainsi l'auoient les Portugalois auisé: voire si le Roy de Castille & les François (qui venus estoient, & qui encores venoient tous les iours) ne leur failloient au-deuant: mais, au cas qu'ils se metroyent ensemble, & qu'ils feroient nul apparent & semblance d'assembler, pour deffendre les champs & pour donner bataille, il conuiendrait qu'ils y fussent plus-tost. De ces nouuelles fut le Duc tout réiouy: & fit donner au varlet Portugalois, qui les certaines nouuelles en apportoit, dix nobles. Quand ce vint au point du iour, que le iour fut bel & cler, la trompette du Marechal sonna par deuant les logis, pour reueiller toutes manieres de gens. Adonc s'appareillerent Cheualiers & Escuyers: & se meirent en bon arroy, chacu deffous son pennon: & meirēt plus d'une heure, auant qu'ils fussent tous appareillez. Le Duc de Lanclastre estoit en son paillon: & ne se leua point si tost, car il n'en auoit que faire. Le Marechal se trait sur les champs, ainsi qu'il sauoit bien faire son office: & deffous son pennon se traitrent tous ceux qui ordonnez estoient pour assaillir. La nouuelle vint, dedans la villet d'Auranches, que les Anglois s'appareilloient, & liureroyent l'assaut, car les Bretons (qui auoient fait le gnet) en auoient bien la cognoissance, par les trompettes du Marechal. Si se réueillerent toutes gens en la ville, hommes & femmes: & firent dire les Bretons, aux deffenses, aux Galiciens. Soyez tous bonnes gens: & ne vous ebahissez d'assaut, que vous voyez.

Retour de l'Assaut d'Aurene.

† Il ne luy ay point encor veu nōmer ceste place en ces marches là, cōbien qu'il ayt parlé de la riuere de Derne & de Ville Arpen au chap. 54.

† Il la nomme ainsi par tout ce reste de chap. Payant par auant tousiours nōmée Aurene.

Nous n'auons garde, nous sommes en forte place: & si auons dardes & lances en ferrées assez pour eux rebouter, & pierres & cailloux assez pour getter à eux, & pour porter eux grād dōmage. Quand nous voudrōs, au fort, ils nous recueilleront à mercy, pis ne nous peuuent ils faire. Par Dieu (disoient les Capitaines, qui là estoient) nous auōs esté aucunes fois en place, plus-foible assez que ceste n'est, qu'ōcques n'y eusmes dōmage. Les Galiciens

liciens (voufissent ou non) par l'enhortement de ces Bretons s'encourageoyent. Ce que point n'eussent fait, s'ils ne fussent: mais l'eussent tantost rendue sans assaut, car, au voir dire & parler, en Castille & en Galice les Communautéz ne valent rien à la bataille. Ils sont mal-armez & de pource courage. Les Nobles (ceux, qui s'appellent Gentils-hommes) sont assez bons: mais qu'ils soient aux cheuaux des esperons, en fuyant tousiours deuant eux. Or vindrent les Anglois tous appareillez & ordonnez pour assaillir, enuiron heure de soleil leuant: & s'en allerent es fosséz (qui estoient profonds assez) & vindrent iusques aux paliz, sans nul empeschement: & portoyent haches à grans fers, long & larges, en leurs poings: dont ils commencerent à abbattre paliz, & à les mettre ius à leurs piez: & pource ne furent ils pas au mur, car ils auoient à passer vn fossé, bien aussi large comme celuy que passé auoient: & là auoit en aucuns lieux de la bourbe, mais ils ne resoingnoient pas leur peine: ainçois se boutoyét dedans le fossé, & vindrent iusques aux murs. Quand ceux, qui estoient amont, les veirent approcher de si pres, pour ce ne s'ebahirent ils pas: mais se deffendirent tresvaillamment, & lançoient les Galiciens dardes dont le coup estoit mauuais & moult perilleux, car, qui en estoit atteint à plain, il conuenoit qu'il fust pauesché & fort armé, s'il n'estoit durement blecé. Là fauiserent Anglois de drecer eschelles: & furent apportées en plusieurs lieux, & drecées amont les murs, car on les auoit faites & charpentées le iour deuant, qu'ils n'auoient pas assaillie. Là veifriez Cheualiers & Escuyers auancer, pour monter amont, les targes sur leurs testes & l'espee en la main, & venir combattre main à main à ces Bretons, qui, au voir dire, vaillamment se deffendoient, car ie tien à vaillance, que tant assaillir se faisoient, & bien sauoient qu'ils ne seroient confortez de nulluy, car l'ordonnance des François & du Roy de Castille estoit telle, qu'on laisseroit les Anglois conuenir en Galice, & ailleurs aussi (passer vouloient) sans eux combattre: & ces Bretons se tenoient ainsi. Haa (disoient les aucuns) se toutes les villes de Castille nous donnoient autant affaire comme fait ceste, nous n'aurions iamais fait. Et disoient les autres. Il y a dedés grand pillage, qu'ils ont assemblé & attrait du pays enuiron: & pource monstrent ils si grand deffense, qu'ils veulent qu'on traite à eux de rendre la ville, & que tout leur demeure, sans riens remettre arriere. Et demandoient les aucuns. Qui sont les Capitaines? Ils sont deux Bastards Bretons, Hommes-d'armes, & qui sauent que c'est d'assaut & de siège, car ils y ont esté plusieurs fois. C'est le Bastard de Pennefort & le Bastard d'Aulroy. Qui que ce soient, ils sont vaillans gens, car ils ne voyent apparence de secours de nul costé: & si tiennent ainsi. Ceux qui montoient sur ces eschelles par appertises d'armes, estoient à la fois reboutez & renuersez tous ius: & alors y auoit grâde huerie de ces Espaignols. Quand le Duc de Lancastre fut leué, & il eut ouy sa messe, il dit qu'il vouloit venir veoir l'assaut. Si monta sur vn coursier: & n'estoit point armé: & faisoit porter deuant luy son pennon, plainement de France & d'Angleterre: & venteloit au vent par vne maniere estrange, car les corions en descendoient presque à terre. Quand le Duc fut venu, si efforça l'assaut, car compaignons s'auançoient: à fin qu'ils eussent plus grande louange. Aussi ceux, qui se deffendoyent, quand ils veirét le pennon du Duc vêteler, ils cōgnurent bien qu'il estoit là, si s'efforcèrent tant plus de faire armes. Ainsi en tel estat furent ils assaillans & deffendans, iusques à heure de tierce: & n'estoit pas apparent qu'on deust la ville d'Auranches gaigner si legerement, ne de tel assaut. Adonc demanda le Duc. Qui sont les Capitaines de la dedans? On les luy nomma. Dont dit le Duc, dites au Marechal qu'il traite à eux, ou face traicter, pour sauoir s'ils voudroient rendre la ville, & la mettre en nostre obeissance. Je croy qu'on ne leur a pas encores demandé. Allez (dit il à vn sien Cheualier) messire Guillaume, faites le Marechal venir parler à moy. Le Cheualier se departit du Duc, & cheuaucha auant, & vint deuers le Marechal, & dit à messire Thomas, Monseigneur vous m'ade: venez parler à luy. Lors se departit le Marechal, & vint deuers le Duc. Quand il fut venu le Duc luy dit, Marechal, sauez vous point se ces Bretons, qui tiennent celle ville contre nous, se voudroyent point mettre en nostre obeissance? Nous trauiillons noz gens, & les faisons blecer, & gastons nostre artillerie: & si ne sauons quand nous en aurons mestier. Je vous prie allez deuers eux: & faites leur dire que vous voulez traicter à eux. Messire Thomas respondit: & dit, Monseigneur, volontiers. Puis que vous les voulez prendre à mercy, c'est droit qu'ils soient ouis. Lors se partit le Marechal du Duc: & s'en vint iusques à l'assaut: & dit à vn Heraut. Va tout deuant: & fay tant, que tu parles à eux (noz gens te feront voye) & leur dy que ie vueil traicter à eux. Le Heraut

Le n'eten point ce passage, s'il ne veut dire ainsi mais que ils soiēt à faire cheuaux des esperons en poursuuant ceux qui fuyent deuant eux.

Second assaut des Anglois à Aurene.

† Le doute qu'il n'y faille corions.

Le Duc de Lancastre fait traicter avec les deux Bretons Capitaines d'Auranches.

respondit, Sirè, volontiers. Lors se bouta es fossez avec vne cotte d'armes vestue, qui auoit esté au Duc de Lanclastre. Ouurez vous, il faut aller parler à ces Bretons, car le Marechal m'y enuoye. A celle parolle luy firèt voye ceux, qui là estoïët. Le Bastard d'Aulroy le veit venir: & auoit bieu veu, d'amont des fossez, le conuenant du Marechal, comment il auoit parlé à luy, si s'en vint aux carneaux: & se monstra: & demâda, Heraut, que voulez vous? Je suis l'un des Capitaines de ceste ville. Je croy qu'ô vous enuoye parler à moy. C'est voir, dit le Heraut qu'ô clamoit Persy. Môseigneur le Marechal vous mède, que vous venez aux barrieres parler à luy, car il veut auoir traitté & parlement à vous. Le le vueil, respondit le Bastard: mais qu'il face voz gens retraire, & cesser l'assaut, car autrement n'iray ie point. Je croy bien dit le Heraut. Et sur ce retourna au Marechal: & luy dit ce que vous avez ouy. Le Marechal appella son trompette: & dit. Sonne pour retraire. Il sonna. Lors se cefferent les assaux de toutes parts. Adonc, quand les assaux furent cessez, si s'en vindrent les Capitaines de la ville à la porte: & passerent outre, & vindrent aux barrieres. Là estoient le Connestable, messire Iehan de Hollande, & messire Thomas Moriaux, & grande foison d'Anglois. Cômment (dit le Marechal) beaux Seigneurs, vous ferez vous prendre à force, & tous perdre & occire, & les pources gens de là dedâs? & nous sauons bien que la Communauté de la ville se rendroit volontiers à Monseigneur & à Madame: & fussent pieça rendus: se vous ne fussiez. Sachez qu'il vous en pourra bien mal prendre, car (quoy qu'il nous en auienne) nous ne nous partirons d'icy, si serons audeffus de la ville: soit bellement, ou autrement. Parlez ensemble: & vous auisez: & me respondes, car ie say bié de quoy ie suis chargé. Sire (dit le Bastard d'Aulroy) nous sommes tous conseillez, & tous auisez. Au cas que nous & le nostre mettriez en bon conduit & seur, pour aller à Ville-Arpêt, ou là ou il nous plaira à traire, vous n'ô ferez cōduire sauemēt sans peril nous vous rédrôla ville: & aussi que tous hôes, fêmes, & enfâs, qui sont dedâs, & qui demourer y voudrôt, y demurēt, sans peril ne sans dômage parmy l'obeissâce qu'ils ferôt au Duc de Lanclastre: si-côe les autres villes de Galice ont fait, & n'ô autrement. Nous sauôs bié que vous estes Marechal de l'ost, & que le traitté appartient à vous, & ce, que vous en ferez, le Duc l'acordera. C'est verité, dit messire Thomas. Or soit ainsi q̄ vous emportiez ce que vous dites, ie ne vueil pas que vous pillez la ville, & puis si nous faciez entendre que vous l'avez conquis sur le pays, car vous vous mettriez en riote & en peril contre noz gens. Nenny (dit le Bastard d'Aulroy) nous n'en emportons fors ce, qui est nostre: mais, se les compagnons de nostre deliurance ont chose aucune prise ou achaptée, & ils ont mal payee, nous ne voulons pas entrer en riote, car ie croy bien que de boire & de manger, depuis que nous vinsmes icy en garnison, noz gēs n'on rié payé. Nenny, nenny, dit le Marechal. Tout ce vous est excepté, les viures sont d'auantage, aussi seront ils nostres, mais nous parlons des meubles. Dit le Bastard d'Aulroy. Nous ne nous ferons ià si preud'hommes, que nous n'en ayons. Adonc dit messire Iehan de Hollande, Laissez les passer, ce qui est, est leur, on ne leur voise ià si pres, que pour regarder en leurs males. Or soit ainsi, dit le Marechal. Là fut mis ce iour tout entier en souffrance: & au lendemain ils se deuoyent partir. Si s'en retournerēt les Anglois à leurs logis: & se defarmerent & aiserent de ce qu'ils auoyent: & les Bretons entendirēt ce iour à trouffer & emballer grand pillage, qu'ils auoient pris & leuē sur le pays de Castille mesmement, car tout auoit esté abandonné du Roy: dont ceux, qui vindrent premierement en Castille, y firent grandemēt leur profit, & encores, en trouffant & en emballant en la ville d'Auranches, bouterent ils plusieurs bonnes choses des meubles des pources gens de la ville, prennies, draps, & autres ioyaux, s'ils les trouuoient. Et (quand on en parloit, & qu'on leur disoit, Haa, Monseigneur, cecy est nostre, vous ne l'apportastes pas ceans) ils respondoyent, Taïsez vous, mechantes gens. Nous auons commission du Roy de Castille de nous faire payer par tout, de noz gages, vous ne nous voulez payer: & si vous auons payez bien & loyaument. Si faut que nous nous payons de nouveaux gages, car cecy est nostre. Quād ce vint au matin le Marechal môta à cheual, & enuiron foixante Lances en sa compagnie: & s'en vint à Auranches, iusques à la barriere. Il s'arresta là vn petit. Les Capitaines des Bretons vindrent. Le Marechal leur dit, Estes vous tous prests? Ouy, dirent ils. Baillez nous vn conduit, qui nous meine. Ou voulez vous aller? dit le Marechal. A Ville-Arpen, dirent les Bretons. Bien, dit le Marechal. Veez cy qui vous conduira. Adonc appella il vn Cheualier d'Angleterre (qui s'appelloit messire Estienne Estebery) & luy dit, Prenez dix Lances de noz gens: & conduisez ces Bretons: & re-

*Aurche rendue
au Duc de Lan-
castre par com-
position.*

tournez icy demain. Bien, dit le Cheualier. Il fit ce que le Marechal ordonna, & prit ces Bretons & conduit, & les mena. Lesquels se departirent moult hourdez & moult trouffez. Quand ils furent tous vuidez, le Marechal & ses gens entrerent dedans la ville. Les gens de la ville l'enclinerent tout bas: & cuydoient (moult en y auoit) que ce fust le Duc de Lanclastre: & pource luy faisoient ils si grande reuerence. Le Marechal demanda à aucuns. Et ces Bretons (qui se departent si hourdez & si trouffez) emportent ils riens du vostre? Du nostre! Monseigneur, par dieu ouy, beaucoup. Et que ne le me disiez vous (dit le Marechal) & ie le vous eusse fait rauoir? Monseigneur nous n'osions. Ils nous menaçoient d'occire: se nous faisions plaintes. Ils sont maudites gens. Il n'en y a nul, qui ne soit larron. Et pourquoy ne nous le feroient ils, quand ils le font l'un à l'autre? Le Marechal se prit à rire, & puis se teut: & demanda des plus notables hommes de la ville. Ils vindrēt. Quād ils furēt venuz, il leur fit faire sermēt que la ville d'Aurāches (qui rendue estoit au Duc de Lanclastre) ils tiendroient du Duc à tousiours & à iamais, en la forme & maniere cōme les autres villes de Galice se sont rédues. Ils le iurerent. Adonc ordōna & renouuella le Marechal officiers: & print de ceux de la ville les foix & les sermens, & quand il eut tout fait & pris de ceux de la ville les foix & sermēs & luy & sa route eurent beu vn coup, il s'en retourna deuers le Duc: & estoient au long des beaux vers Oliuiers pour auoir l'ombre, car il faisoit si chaud, qu'hommes ne cheuaux n'osoient attendre le soleil: ne depuis heure de tierce n'osoyent cheuaucher, n'aller en fourrage, pour la chaleur du soleil. La greigneur imagination, que le Duc de Lanclastre eust, c'estoit qu'on luy apportast nouuelles, en disant, Sire le Roy de Castille cheuauche, & vient contre vous pour vous combattre, car il luy sembloit qu'il ne pouuoit parfaitement venir au chalange de Castille, n'à la Seigneurie, fors que par bataille. Si en faisoit il demander songneusemēt: mais on luy disoit, Monseigneur, nous entendons par pelerins, qui viennent à Saint-Iaques, que nostre auerfaire de Castille ne met nully ensemble, pour traire sur les champs, mais se tient en garnison, & ses gens aussi: & encores n'est pas le Duc de Bourbon venu (qui doit venir) n'il n'est encores nouvelle de sa venue. Or eut le Duc conseil, quand il se fut tenu cinq iours en la marche d'Auranches, qu'il iroit deuant Noye: & là essayeroyēt ils se iamais par assaut ils pourroyent passer par le pont, ne la riuere Derne. Iā estoit retourné le Cheualier Anglois, qui auoit conduit les Bretons en la ville de Ville-Arpent. Adonc on luy demanda quelles gens estoient là en garnison. Il respondit qu'il auoit entendu que messire Oliuier du Clesquin y estoit, à bien mille Lances de Bretōs & de Frāçois. Ce seroit bon (dirent lors au Duc le Conneftable & le Marechal messire Thomas de Perfy) Monseigneur, que nous les allissions veoir & écaroucher. Espoir faudront ils dehors, pour demander armes, car ils ont grād desir aucuns, de les trouuer. Ie le vueil bien, dit le Duc. Delogeon nous: & allon ailleurs, car icy n'auons nous nul profit. Lors fut ordonné du deloger au matin, & d'aller vers Noye, & puis vers Ville-Arpēt. Or parlerons nous vn petit du Roy de Portugal, & du chemin qu'il fit en entrant en Castille, & en retournant deuers le Duc de Lanclastre.

Comment le Roy de Portugal, ne pouuant forcer les chasteaux de Saint Yrain, fit bruller la ville: & comment il s'en alla vers Ferol en Galice. CHAP. LXXI.

LE Roy de Portugal se departit du Port: & laissa la Royne sa femme, & sa sœur, la ieune fille au Duc de Lanclastre: & pour elles garder, & la cité aussi, il ordonna le Comte de Nouaire à y demourer, à tout cent Lances de Portugalois, & de Gascons: qui l'estoyent venus seruir. Puis se meit aux champs: & se logerēt, au premier iour, à trois lieues du Port: & au lēdemain ils se delogerēt, & cheuaucherent en trois arrois & en trois batailles: & ne pouuoient aller que le pas, pour les gens de pié, que le Roy menoit (ou bien auoit douze mille hommes) & pour le sommage & le chariage: & apres venoit la grosse bataille du Roy, ou bien auoit mille Lances. Là estoient Damp Galois, Ferrand Portek, Galop-Ferrand Portek, & Pounafe de Congne: & portoit la bāniere du Roy Vasse-Martin de Congne, Iehan Radighes, Pierre-Iehan de Gemez de Salnez, Iehan Radighez de Sar, & le † Maistre Denis (qui s'appelloit Ferrand Radighes) tous grans Barons & Cheualiers: & l'Arrieregarde faisoient le Conneftable de Portugal, le Comte d'Angouse, le Comte d'Escalle, le petit Danede, Mondest Radighe, Rodighes de Valconsiaux, Ange-Saluase de Geneue, Iehan-Ausale de Popelan, & tous Barons & Cheualiers & estoient en celle route cinq cens Lances, Ainsi cheminerēt ces Portugalois: & prirent le chemin

Le Marechal du Duc de Lanclastre dedans Aurene, receuant le serment des habitans.

† Il denoit auoir succedé au Roy, en ceste Maistrise se et eusse volōtier: mais icy de Nis ou de Denys, mais le chap. 29 du present volu. nommant aussi ceste Religion, denis m'en a gardé.

de Saint-Yrain:& alloient à petites journées, car ils se logeoient des tierce: ne depuis ils ne cheuaucheroient point tout le iour:& vindrent à la Cabasse de Iuberoth,& là furēt ils deux iours:& de là allerent en deux iours à Auranche en Portugal:& là furēt ils deux iours. Ils vindrent à Saint-Yrain:& là se logerent. La ville estoit toute desamparée, des la bataille de Iuberoth. Si la trouuerent toute vuide, car les gens, qui y estoient venus, felloient retraits en Castille,& boutez es citez & es fors lieux, pour la doute des Portugalois, mais les chasteaux se tenoient:& y auoit Bretons & Poicteuins dedans: qu'on y auoit establis pour les garder. Le Roy de Portugal eut cōseil que les chasteaux de Saint Yrain (qui estoient, l'un à un costé de la ville, & l'autre à l'autre costé) ils feroient assaillir, car par honneur ils ne pouuoient passer par là, sans faire armes, car les Castillans auoient ià conquis sur eux la ville & les chasteaux, si vouloient essayer s'ils les rauoyēt. Or auoyent ils amené avec eux engins du Port. car ils sauoient bien qu'ils feroient des assaux en leur chemin. Or se logerent le Roy de Portugal & ses gens en la marche de Saint-Yrain. C'est l'entrée de Castille, tout au bout de la riuiere de Pese: qui va à Seville la grande. Par celle riuiere pouuoient bien venir en l'ost, parmy mer (fust de Lissebonne, ou du Port) grans biens:† ainsi qu'ils firent, car ils estoient gens plus de trente mille, d'uns & d'autres. Le Connestable assit, luy & sa route, & la moitié de la communauté de Portugal, le chastel deuers soleil leuant, qu'on disoit à la Perrade. De l'autre costé du soleil couchant assiegerent le Mareschal & sa route:& l'appelloit on au pays † Callidon. Du chastel de la Perrade estoit Capitaine un Cheualier de Bretagne, qui s'appelloit messire Morice Fonchans, appert Homme-d'armes:& du chastel Callidon messire Jaques de Môtmerle, un Cheualier de Poictou:& auoit chacun avec eux cinquante Lances de bons compaignons. Si furent bien quinze iours, & plus, que rien n'y firent:& estoient drece engins au deuant: qui gettoient bien, dix ou douze fois le iour, contre les murs, grosses pierres, mais petit les empiroyent: exceptées les couuertes des tours: qui furent rompues & desamparées, mais les compaignons de dedans n'en faisoient compte, car les estages, qui estoient pres des couuertes, estoient de fortes pierres, qui ne pouuoient effondrer, pour un coup de pierre d'engin, ne des espringalles. Quand on veit qu'on ne les auroit point, & qu'on se commença à ennuyer, on eut conseil qu'on delogeroit, & qu'on entreroit en Galice, & qu'on approcheroit l'ost du Duc de Lancastre: parquoy (si gens venoient) on seroit plus fort:& aussi le Roy & le Duc auroient conseil, comment ils se maintiendroient, & quelle part ils iroyent. Si se delogerent un iour:& trousserent tout, & le meirent à voiture:& se departirent de Saint-Yrain: mais à leur departement la ville fut si nettement arse, qu'il n'y demoura oncques pour establer ne loger un cheual. Quand ceux des chasteaux veirent qu'on les laissoit, si en furent tous réiouis:& commencerent à sonner leurs trompettes, & à faire grand ebattement:& se coniourent de telle harmonie, tant que tous les derniers furent passez:& quand il ne les veirent plus, ils cesserent:& l'ost s'en alla ce iour loger à Pont-Ferrand en Galice:& au lendemain au Val Sainte Catherine:& au tiers iour ils vindrent deuant Ferol en Galice, une ville assez forte (qui se tient pour le Roy de Castille)& là s'arrestèrent.

† Ceste clause est parfaite selon Verard.

† Verard Callidon, & tantost Tailladon comme fait au si Sala, ne le nōmant qu'une seule fois.

Le Roy de Portugal, laissant les chasteaux de S. Yrain, en paix, marche vers Ferol.

Comment le Roy de Portugal, n'ayant peu prendre la ville de Ferol par assaut, l'eut par embusche, & la mit en l'obeissance du Duc de Lancastre.

CHAP. LXXII.

Quand le Roy de Portugal & ses gens furent venus deuant Ferol, ils trouuerēt assez bon pays. Si l'environnerent:& dirent le Connestable & le Mareschal, qu'ils feroiēt assaillir, & qu'elle estoit prenable. Ils furent là deux iours, qu'oncques n'y liurerēt assaut car ils cuidoient que sans assaillir, ils se deussent rendre: mais non firent, car il y auoit Bretons & Bourgonnons: qui disoient qu'ils tiendroient bien. Or furent au tiers iour les engins drece:& fit le Mareschal sonner les trompettes, pour assaillir. Donc s'ordonnerent toutes gens, & s'armerent, & approcherent la ville. Les compaignons, qui dedans Ferol estoient (quand ils ouirent les trompettes de l'ost) eurent bien cognoissance qu'ils auroient l'assaut, & s'appareillerent:& firent appareiller tous ceux de la ville, deffensables, & femmes aussi: qui apportoyent pierres & cailloux, pour getter contreuail, car sachez, qu'en Galice & en Castille les femmes y sont de grande deffense & de grand courage, aussi grand ou en partie, comme sont les hommes. Là s'en vindrent, tout bellement le pas, les Portugalois, iusques aux fossez: qui estoient creux & parfonds, mais il n'y auoit point d'eau. Si entrerent dedans baudement, & puis cōmencerent à monrer & à ramper, contre

contremont, sans eux épargner, mais ceux, qui montoyent, auoient fort à faire, s'ils n'estoient bien paueschez, car ceux, qui se tenoyent amont, leur gettoient pierres & cail-
loux: dont ils en blecerent aucuns: & les firent reculer: voulsissent ou non. Là auoit bon
ebattement de ceux de dedans: qui gettoient dardes à ceux de dehors. Aussi lan-
çoient ils à ceux de dedans. Ainsi dura l'affaut iusques à heure de tierce, que le iour
s'échaufa moult fort, & le soleil estoit mout ardât: & point n'auoiet de vêt, ne d'air, ceux
qui estoient es fossez: & sembloit proprement qu'ils ardisent: & pour la grande chaleur
qu'il faisoit & qui estoit apparent au faire, l'affaut cessa, mais tandis gettoient les engins
dedans la ville à l'auenture, Adôc se retirèrent Portugalois: & se refreschirent: & meirēt
à point les blecez. Là fut conseillé le Mareschal de Portugal, qu'on n'assaudroit plus que
par engins, car à l'assaillir il y auoit trop de peine & de coullages de leurs gens, mais on
iroit bien ecarmoucher aux barrieres, pour les compaignons ebatte & apprendre les
armes. Si fut fait, comme il fut ordonné: & y auoit presque tous les iours ecarmouches:
& vous dy que ceux de dedans à la fois, les soudoyers & les compaignons qui y estoient
s'enclooyent lors à la porte, entre les barrieres & la porte, pour ecarmoucher mieulx à
leur aise. Dont il auint que le Mareschal de Portugal messire Alne Perriere (qui moult
estoit vité d'armes) subtila sur cet affaire de l'écarmouche: & en parla à messire Iehan-
Ferrand: & luy dit, Je voy que ces soudoyers s'encloent à la fois entre la barriere, tout
en ecarmouchant. Se nous faisons vne chose, que ie vous diray: que nous prenissions
cinq ou six cens des nostres, bien montez, & veinssions ecarmoucher, avec vn petit de
gens au commencement, à eux: & quand ils seroyens dedans leurs barrieres, nous re-
culissions petit à petit, ie croy que pour la conuoise de gagner ils ouuriroient leurs bar-
rieres: & lors nous faudrions à la barriere, & les embesongnerions: & puis l'embusche
(dont ils ne sauroyent rien) viendrait à course de cheual sur eux. Quand ils verroyēt ve-
nir sur eux efforcement l'ēbusche, ils lairoient ester leurs barrieres, & feroient ouurir
leurs portes: & adôc (voulsissent ou non) nous les efforcerions: si qu'avec eux nous entre-
rions en la ville: & si les Galiciens n'ouuroient la porte, à tout le moins ceux, qui seroyēt
dehors, seroient nostres. Il est verité, respondit messire Iehan Ferrand. Or prenez l'vn: &
ie prendray l'autre, dit le Mareschal. Vous ferez l'embusche vous & messire Martin de
Merlo, & Ponase de Congne: & i'iray à l'écarmouche, car c'est de mon office. Ce cōseil
fut tenu: & furent ordonnez cinq cens hommes, bien armez & bien montez, pour aller
en l'embusche: & trois iours tous entiers on n'ecarmoucha point: dont les soudoyers de
dedans estoient tous emerveillez: & disoyent aux Galiciens de la ville. Or régardiez mé-
chans gens, vous vous fussiez tantost rendus, quand les Portugalois vindrēt icy, se nous
ne fussions. Nous vous gardons grandement l'honneur de vostre ville, car le Roy de
Portugal & tout son ost se departirōt d'icy sans riēs faire. Au quatrième iour, que les Por-
tugalois eurēt seiourné, l'écarmouche, par l'ordonnance que ie vous dy, fut faite: & s'en
vint le Mareschal de l'ost, à tout vn petit de gens, ecarmoucher: & la grande embusche
demoura derriere. Les Bretons, qui desiroyēt à gagner quelque bō prisonnier (car ià en
auoient ils iusques à six) quād ils veirent venir les Portugalois aux barrieres, firēt ouurir
les portes, & les laisserēt sans fermer, pour trouuer plus appareillé (car point ils ne se cō-
fierent trop auant aux Galiciens) & aussi le guichet tout ouuert: & vindrent aux barrie-
res: & cōmencerent à traire & à lancer, & faire le droit d'armes, & ce qu'écarmouche de
mande. Le Mareschal (quand il seut que ce fut heure) & ses cōpaignons changerent pas
& mōstrerent qu'ils estoiet trop trauaillez: & sur le point d'estre decōfīts: & reculerēt pe-
tit à petit. Quand les compaigōs, qui dedans estoient, en veirent la maniere, si les cuide-
rent bien tous prendre & attraper: & ouurirent leurs barrieres tout à vne fois: & faillirēt
dehors: & se bouterent en ces Portugalois: & en prirent & retindrent iusques à vingt &
cinq: si qu'en tirant & en chaçant, pour les mettre à sauueté, ils sen soingnerent tellemēt
qu'ils n'eurent loisir de re fermer leurs barrieres: & ainsi le Mareschal, qui attendoit le se-
cours derriere, † les enseignoit, ce qu'il pouuoit: & lors va venir messire Iehā Ferād Por-
tek, messire Martin de Merlo, & le Ponase de Congne, à bien cinq cens cheuaux: & ve-
noient plus que les galops: & se bouterent tous à vne fois sur la barriere: & en furent Sei-
gneurs. Quand les soudoyers Bretons & François veirent ce, si se voulurent reculer de-
dans la porte: mais ils ne peurent, car aussi tost y entrerent les Portugalois, comme eux.
Ainsi fut la ville prise & gagnée: & en y eut de morts, mais planté ne fut ce pas.

Les soudoyers, qui là estoient en garnison, furent pris: exceptez dix ou douze: qui se

*La ville de Fe-
rol en Galice,
pour neant as-
saillie par le roy
de Portugal.*

† C'est adire fai-
soit signe à
ceux du se-
cours.

*Surprise de Fe-
rol en Galice,
par les Portu-
galois, au profit
du Duc de Lan-
castre.*

sauuerent par vne autre porte, qu'ils firent ouurir, & prirent les champs : & s'en allerent par deuers Ville-Arpen en Castille, ou messire Oliuier du Glesquin & plus de mille lances de François se tenoient. Quand ils furent là venus, ils leur recorderent comment la ville de Ferol estoit perdue. Ainsi, que ie vous recorde, auint de la ville de Ferol en Galice. Les Portugalois la gaignerent : & la meirent en l'obeissance du Duc de Lanclastre, pour qui ils faisoient la guerre. Le Roy de Portugal fut grandemēt réiouy de ce que ses gens auoient si bien exploité : & en enuoya tātost les nouuelles au Duc de Lanclastre en disant qu'il luy accroissoit grandement son heritage, car il luy auoit ià pris vne ville : & se mettoit en peine (aussi faisoient ses gens) de conquerir des autres.

Comment l'armée du Duc de Lanclastre vint deuant Noye en Galice, & comment les Anglois furent receus aux barrieres de la ville, par le Barrois des Barres & ses compagnons.

C H A P . L X X I I I .

† Il y a mainte nant dourane en Verard pour celle, qu'ils ont nommée Auran- ne & Auranches.

LE Duc de Lanclastre fut réiouy de ces nouuelles : & estoit ià party † d'Aurane : & s'en venoit deuant Noye : ou le Barrois des Barres, messire Iehan de Chastel-Morant, messire Tristan de la Gaille, messire Regnaud de Roye, messire Guillaume de Montigny, & plusieurs Cheualiers & Escuyers, estoient. Tant exploita l'ost au Duc de Lanclastre, qu'ils veirent le chastel de Noye. Adonc dit le Mareschal. Veez la Noye en Galice. Si comme la Coulongne est l'une des clefs de la Galice, au lez deuers la mer, est le chastel de Noye, au lez deuers Castille, vne clef, & n'est pas Sire de Castille qui n'est Sire de la Coulongne & de Noye. Nous irons iusques là, veoir les compagnons. On m'a dit que le Barrois des Barres, vn des plus apperts Cheualiers du Royaume de France, s'y tient. Nous y ferons, à l'entrée du Pont, quelque écar mouche. Nous le voulons, dirent les compagnons, qui cheuaucheroient delez luy : messire Lamburin de Linieres, & messire Iehā d'Auberthicourt. Lors cheuaucha l'Auantgarde, ou bien auoit cinq cēs Lāces, & tous bonnes-gens. Car le Duc y auoit enuoyé vne partie de ses gens (pour tāt qu'il approchoit le chastel) pour faire plus grande mōstre à ceux du chastel : & aussi il sauoit biē que ses Mareschaux les iroient veoir, & faire armes : s'ils trouuoient à qui. Quand la guette du chastel veit approcher l'Auantgarde & les Anglois, si commença à corner, & à luy demener par telle façon, que c'estoit grāde plaissance de la veoir & ouir. Le Barrois & les cōpaignons entendirent tantost que les Anglois venoient. Si s'armerent, & se meirent tous en bonne ordōnance, & estoient bien cent Hommes-d'armes : & s'en vindrēt tout outre iusques aux barrieres : & là s'arrestèrent en tresbon cōuenant : & y auoit douze penons, mais messire Iehan des Barres estoit le plus renommé (& aussi auoit il le plus de charge des armes) & Iehan de Chastel-morant apres. Quand messire Thomas Moriaux Mareschal de l'ost, veit qu'ils estoient assez pres de la ville & des barrieres, il s'arresta sur les champs. Aussi firent toutes manieres de gens : & meirent piē à terre, & baillerent leurs cheuaux aux pages & aux varlets : & puis s'en vindrent tous ioints & ferrez iusques bien pres des barrieres, chacun Cheualiers & Escuyers tous leurs lances en leurs mains : & n'alloyent que le pas : & de six pas en six pas ils s'arrestoyent, pour eux mieux ordonner tous, sans eux ouurir. Au voir dire, c'estoit belle chose du veoir. Quand ils furent là ou ils vouloyent venir, ils s'arrestèrent : & puis s'en vindrent, tous de front, faire faict d'armes aux barrieres. Ils furent recueillis de moult grande façon, & par bonne ordonnance, & croy bien que, s'ils fussent tous au plain sur les champs, il y eust eu telles armes faites, qu'il n'y eut point là, car là ils ne pouuoient auenir les vns es autres, pour les barrieres, qui estoient closes & fermées. Là estoit arresté le Mareschal, de sa lance, sus messire Iehan de Chastel-morant, & il sur le Mareschal : & se trauailloyent pour porter dōmage l'un à l'autre : mais ils ne pouuoient, ils estoient trop fort armez. Messire Thomas de Persy estant sur messire le Barrois, & Mauburin de Linieres sur messire Guillaume de Montigny, & messire Regnaud de Roye sur messire Iehan d'Auberthicourt, le Sire de Talbot sur messire Tristan de la Gaille, & ainsi chacun auoit son pareil, si auant qu'ils lançoient & ecar mouchoient de leurs lances : & quand ils estoient lassez, & trauaillez, ou trop échaufez, ils changeoyent pas : & autres Cheualiers, tant d'un costé que d'autre, reuenoient fraiz & nouueaux : & ecar mouchoient. Là furent ils en tel ebatemēt, iusques à la tierce, toute haute. Biē estoit douze heures, quand l'écar mouche se cessa, & puis encores reuindrent Archers aux barrieres, mais les Cheualiers, pour la doutāce du trait, se departirent : & ordonnerent leurs Arbalestiers, & les Espaignols : qui lancerent dardes, à

L'auantgarde du Duc de Lanclastre recene au combat, es barrieres de Noye en Galice par le Barrois des Barres & ses gens.

des, à l'encontre du traict: & dura ceste écar mouche, tirant & lançant l'un contre l'autre iusques à nonne: & puis y reuindrent gros varlets, pour écar moucher iusques au vespre. & sur le soir, iusques au soleil couchant: & y retournerent les Cheualiers, fraiz & nouveaux: & tindrent l'écar mouche. Ainsi fut le iour tout employé, iusques à la nuit: que les Anglois se retrairent en leurs logis, & les compagnons de Noye dedans leur fort, & firent bon guet. Enuiron demie lieue du chastel de Noye, tout contreal la riuere, se logerent les Anglois. Laquelle eue leur fit grand bien, & à leurs cheuaux aussi, car ils en auoient eu grande defaute, en venant iusques là. Si se vouloient refreschir cinq ou six iours: & puis iroyent deuant Ville-Arpent, veoir le Connestable de Castille, & les François, qui là estoient: & aussi ils auoient ouy nouvelles du Roy de Portugal: qui se logeoit es plains de † Forel, & tout son ost aussi: & vouloit venir deuers la ville de Padron en Galice: qui estoit aussi au chemin du Duc & des Anglois: & me semble que le Roy de Portugal & le Duc se deuoyent là trouuer, & estre ensemble, & auoir collation de leur cheuauchée, pour sauoir comment ils perseuereroient, car ils auoient ià esté plus d'un mois sur le pays: & auoient mis en leur obeissance tout le Royaume de Galice (petit s'en falloir) & si n'auoient nulles nouvelles du Roy de Castille, ne des François: dont ils auoient grande merueille, car on leur auoit dit que le Roy de Castille auoit fait son mandement à Burgues (ou il se tenoit) de toutes les parties de Castille, de Seville, de † Cordoue, de Tollette, d'Espagne, de Leō, d'Estures, du Val-dolif, & de Sorie: & auoit bien soixante mille hommes, & six mille Lances de purs François: & y deuoit estre le Duc de Bourbon, car il estoit party de France: & s'en venoit celle part. Poutant se vouloyent retrouver, eux & leurs osts ensemble, les Anglois & Portugalois, pour estre plus forts l'un pour l'autre, & pluſtoſt appareillez: se leurs ennemis venoient, car ils tenoient toutes ces nouvelles, qu'on leur disoit des François & des Espaignols, à bonnes & vrais & auoient par semblant grande ioye: & veissent volontiers qu'on se deliurast d'eux combattre, car ils ne pouuoient pour lors venir à perfection de leurs besongnes, fors que par bataille. Messire Guillaume de Lignac, & messire Gautier de Passac se tenoient pres du Roy de Castille: là ou qu'il fust, ou allast, car toutes les semaines ils auoient deux ou trois fois nouvelles de France, & commēt on s'y maintenoit, & aussi du Duc, qui deuoit venir, & estoit ià party, mais il auoit pris le chemin d'Auignon, car il vouloit veoir le Pape Clement, & les Cardinaux. Si l'attendoient les dessusdits, & ne se fussent iamais combattus sans luy: ne pas il n'appartenoit. Entre les nouvelles, qu'ils auoient eues de France, c'estoit du Duc de Bretagne: qui auoit ainsi pris & attrapé, au chastel de l'Ermine, le Connestable de France, & rançonné de cent mille francs, & de trois de ses chasteaux, & d'une ville: & rompit le voyage de mer, de non aller en Angleterre. Ce les faisoit plus emerueiller qu'autre chose: & ne pouuoient entendre à quel propos le Duc de Bretagne l'auoit fait: & aussi ne faisoit aucune personne, mais on suppoſoit que ce conseil luy estoit venu d'Angleterre.

† Verard dit
Ferol.

† Estās ces pays
assez, cognus et
renomez, nous
en auons remis
aucuns en leur
vrais noms,
par auant cor-
rompus en deux
Exemp. s'en
taisant sala.

Comment le Roy de France enuoya quelques notables personages vers le Duc de Bretagne, pour luy demander raison du tort fait en la personne du Connestable de Clisson.

CHAPITRE LXXIIII.

Ainsi † que ie vous ay dit cy-dessus fut le Royaume de France en é moy (& par espécial les oncles du Roy, & les grans Seigneurs, qui l'auoyent à conseiller) par les défiances, qui vindrent du Duc de Guerles, car elles furent felles & mal-courtoises, & hors de la règle des autres défiances: si comme vous direz que ie vous dy voir, quand ie les vous eclairciray. Aussi fit on du Duc de Bretagne: qui auoit brisé si grand faict, que le voyage de mer, & pris & detenu celui, qui en deuoit estre Chef (c'est assauoir le Connestable de France) & rançonné, comme dit est, de cent mille francs: & luy auoit osté trois chasteaux, & vne ville. Laquelle chose estoit grandement au preiudice du Roy, car on n'y pouuoit veoir nul tiltre de raison. Le Roy se deportoit de toutes ces raisons, car il estoit ieune, parquoy ne s'en emerueilloit pas si grandement, cōme s'il eust esté en aage parfaite. Si disoient les aucuns anciens (qui ramenteuoient le temps passé) que pour tel fait, ou pour semblable, a eu le Royaume de France beaucoup d'affaires, car le Roy de Nauarre fit occire messire Charles d'Espagne, Connestable de France pour le temps, pour laquelle occisiō le Roy Iehan ne peut onc depuis aimer le Roy de Nauarre, & luy tollir, à son pouuoir, toute la terre de Normandie. Pensez vous (disoient les autres)

† Au cha. 69.
du pres. Volu.

Quatre pre-
d'hommes de
Frâce delegués
vers le Duc de
Bretaigne pour
l'affaire du Co-
nestable de
Cliffon.

que, si le Roy Charles, pere du Roy, viuoit (qui tant aimoit le Connestable) qu'il ne luy deult pas aider? Par Dieu si feroit. Il feroit guerre au Duc de Bretaigne: & luy osteroit sa terre: quelque chose qu'il luy deust couster. Ainsi, & en plusieurs manieres, en parloit on au Royaume de France, car toutes gens disoient qu'il auoit mal fait. Or fut regardé & auisé des oncles du Roy, & du Conseil, pour adoucir les choses, & le peuple (qui trop mal se contentoit du Duc de Bretaigne) & pour les besongnes mettre & reformer en droit, qu'un Prelat & trois Barons, sages & vaillans hommes, seroient enuoyez deuers le Duc de Bretaigne, pour parler à luy, & pour ouir ses raisons, & pour le faire venir à Paris, ou ailleurs, là ou le Roy voudroit, pour s'excuser de ce qu'il auoit fait. Si furēt nommez premierement l'Euesque de Beauuais, messire Mille des Dormans, vn sage & vaillant preud'homme, & beau langager. Auec luy messire Iehan de Beane, messire Iehan de Bueil, & le Seigneur de la Riuere: lesquels furent chargez quelle chose ils deuoyent dire & faire: & par especial, pour mieux se souuenir de la matiere, & de toutes les besongnes, l'Euesque de Beauuais s'en vint à Montlehery: ou le Connestable se tenoit, car la ville & le chastel sont à luy, & toutes les appartenances. Car le Roy Charles les luy donna, & à ses hoirs. L'Euesque de Beauuais là estant, vne griëue maladie: le prit: dont il salita: & fut quinze iours aux fieures, & en maladie: & puis mourut. Si eut le preud'homme, grande complainte. Au lieu de l'Euesque de Beauuais y fut enuoyé l'Euesque de Langres: qui se meit à chemin avec les dessusdits, pour aller en Bretaigne.

De qui Froissart sent ce qu'il a escrit de la prise du Connestable de Cliffon, & que Bertrand du Glesquin deuoit estre surnommé du Glay-Aquin. CHAP. LXXV.

† Ce passage est
fourny selon le
sens de l'Au-
teur, estant par
auant impar-
fait en ceste sor-
te, Au terme
de trêtessept
ans quand
vn hōme est
en sa force &
en son venir
& il est bien
de toutes par-
ties, car de
ma ieunesse
ie fuz &c.

ON me pourroit demander (qui voudroit) dont telles choses me viennent à sauoir, pour parler si proprement & si viuement. Je respondroye à ceux, qui m'en demanderoient, que grande cure & grande diligence i'ay mis en mon temps, pour le sauoir, & ay cherché maint Royaume & maint país, pour faire iuste enqueste de toutes les choses, qui cy dessus sont contenues en ceste Histoire, & qui aussi en apres en descendront. Car Dieu me donna la grace & le loisir d'en veoir en mon temps la greigneur partie, & d'auoir la cognoissance des haux Princes & Seigneurs, tant en France comme en Angl. Car sachez que, l'an de grace mil trois cens quatre vingts & dix, i'y auoye labouré trente & sept ans: & à ce iour i'auoye d'aage cinquāte & sept ans. † Si peut vn homme beaucoup veoir & apprendre durant le terme de trentesept ans, quād il est en sa force, & qu'il est bien de toutes parties. Or fu-ie, des ma ieunesse, cinq ans de l'hostel du Roy d'Angle terre, & de la Roync: & si fu biē venu en l'hostel de Iehan Roy de Frâce, & du Roy Charles son fils. Si peu bien, sur tel terme, apprendre & conceuoir moult de choses: & pour certain, c'estoit la greigneur imagination & plaissance, que i'auoye, que tousiours enquerir auant, & du retenir, & tantost escrire, comme i'en auoye fait les enquestes. Mais comment ie fu adonc informé, & par qui, de la prise du Connestable, & de ce qui en descendit, ie le vous diray. Je cheuauchoye, au temps que ces choses furent auenues, ou vn an apres, de la cité d'Angers à Tours en Touraine: & auoye geu à Beaufort en Vallée. Au lendemain, au dehors, ie trouuay vn Cheualier de Bretaigne: le quel s'appelloit messire Guillaume d'Ancenis: & s'en alloit veoir Madame de Maillé en Touraine, sa cousine, & ses enfans, car elle estoit nouuellemēt vefue. Je m'accointay du Cheualier, car ie le trouoye courtois, & doux en ses parolles. Je luy demanday des nouuelles, & par especial de la prise du Connestable, dont ie tēdoye fort à sauoir la verité. Il la me dit, car il disoit qu'il auoit esté au Parlement à Vennes, avec le Seigneur d'Ancenis, vn sien cousin, & vn grand Baron de Bretaigne: & tout ainsi que messire Espan du Lyon me dit & informa des choses qui estoient auenues en Foix, en Bearn, & en Gascongne, & aussi messire Iehan Ferrand Portek des auenues de Portugal & de Castille, ainsi me compta plusieurs choses le gentil Cheualier: & plus m'en eust compté: si i'eusse longuement cheuauché en sa compaignie. Entre Mōtlihargne & Preuilly a quatre grās lieues, & nous cheuauchiōs tout bellement à l'aïse des cheuaux: & là, sur ce chemin, il me compta moult de choses: lesquelles ie mei bien en remembrance: & par especial des auentures de Bretaigne. Ainsi que nous cheuauchions, & que nous estiōs pres de Preuilly, nous entraſmes en vn pré. Là l'arresta: & dit, Haa, Dieu ait l'ame du bon Connestable de France. Il fit vne fois icy vne belle iournée, & profitable pour ce país, deſſous la bāniere messire Iehan de Bueil. Car il n'estoit pas Connestable † mais estoit nouuellement venu & issi hors d'Espaigne.

† Le fait d'ar-
mes suyuant

Et, com-

Et, comment ce auint, ie luy demanday. Ie le vous diray (dit il) mais que ie soye montré à cheual. Nous montasmes luy & moy. Lors commençasmes à cheuaucher tout bellement: & en cheuauchât se prit à dire & recorder telles parolles. Au temps que ie vous parle (dit le Cheualier) estoit ce pays cy, si rempli d'Anglois, & de larrons Gascons, Bretons, Allemaïs, & gens auenturiers de toutes nations, que tout le pays, deçà & delà Loire en estoit rempli. Car la guerre de France & d'Angl. estoit renouuellée: Si entroyent toutes manieres de pillars en ce pays: & sy amassoyent & fortifioyent, par maniere de conquest: & le chastel de Beaufort en valée (que vous auez veu) en estoit tenu, & le pays d'environ: & viuoit on, par tout, deffous eux. Pour venir à mon propos, Anglois & Gascons tenoyent Preuilly: & l'auoient malement fortifié: & nul ne les en boutoit, ne chaçoit hors: & tenoient ce chemin, sur la riuere de Loire, autres petits forts à la ronde, & quand ils vouloyent cheuaucher, ils se trouuoient entre mille & huit cens combattans. Le Connestable messire Bertrand, & messire Iehan de Bueil, & le Sire de Mailly, & aucuns Cheualiers de ce pays, eurent imagination qu'ils se mettroient à l'auenture, pour deliurer le pays: & cueillirent environ cinq cens Lances: & seurent que les Anglois vouloyent cheuaucher & aller vers Saumur: & estoient tous les Capitaines des fors d'icy environ mis ensemble: & auoyent fait leurs amas à Preuilly: qui sied deuant nous. Noz gens cheuaucherent: & passerent celle eue: & se meirent en embusche en vn bois, qui sied cy-deffous la bonne main. Au matin, ainsi qu'à soleil leuant, les ennemis se departirent de Preuilly: & estoient neuf cens combattans. Quand noz gens les veirent venir (qui estoient en embusche) ils seurent bien que combattre leur conuenoit. Là eurent ils parlement, pour sauoir quel cry ils crieroyent. On vouloit prendre le cry messire Bertrand: mais il ne voulut: & encores plus, il dit qu'il ne bouteroit ià hors ce iour banniere ne pennon: mais se vouloit combattre deffous la banniere de messire Iehan de Bueil. Noz ennemis vindrent en ce pré, tou ie descendis ores. Ils ne furent oncques si tost entrez, que nous issimes hors du bois, & de nostre embusche, & entraimes au pré. Quand ils nous veirent, ils furent tous d'une sorte: & meirent pié à terre: & s'ordonnerent en bon arroy, & nous aussi d'autre part, Nous entraimes l'un dedans l'autre. Là eut grand poulsis & boutis de lances, & plusieurs renuersez des nostres & des leurs: & dura la bataille vn grand temps, sans branler, ne d'une part ne d'autre. Au voir dire, nous estions toutes Gens d'armes d'election, & des ennemis en y auoit grande planté de mal armez, & de pillars. Toutesfois ils nous donnerent moult à faire. Mais messire Morice Clesciquedy, messire Geoffroy Richon, & messire Geoffroy Caremel, & Morsonasse suyuoient messire Bertrand à l'esperon. Ceux nous refreschirent de soixante Lances de bonnes Gens d'armes, qu'ils nous amenerent: & se bouterent en eux tous à cheual: & les espendirent tellemēt qu'onc puis ne se peurēt remettre ensemble. Quand les Capitaines de ces pillars veirent que la chose alloit mal pour eux, si monterent sur leurs cheuaux les aucuns, & non pas tous, car ils demourerent au pré tous morts, iusques à sept, & bien trois cens des leurs, & dura la chace iusques à Saint-Mor-sur-Loire: & là se bouterent en vn batel messire Robert Cem, Robert Herue, Richard Gille, & Iaquenin Clerc. Ces quatre se sauuerent: & si trauserent Loire, & se bouterent en quatre forts, que leurs gens tenoyent par delà Loire, mais point n'y seiournerent, car ils s'en allerent en Auvergne & en Limosin, & cuidoyent tousiours auoir le Connestable à leurs talons. Par ceste deconfiture beau-maistre, fut deliuré tout le pays d'icy environ n'oncques puis n'y eut pillart, n'Anglois, qui sy amassassent. Si que ie dy, que le Connestable Bertrand fut vn vaillant homme, & profitable en son temps, pour l'honneur du Royaume de France, & il y fit plusieurs belles recourances. Par ma foy, Sire (dy-ie) vous dites voir, ce fut vn moult vaillant homme, & aussi est messire Oliuier du Glesquin. A ce que ie nommeray Glesquin, le Cheualier commença à rire, & ie luy demanday, Sire, pourquoy riez vous ainsi? Ie le vous diray, dit il. Pourtant que vous auez nommé Glesquin, car ce n'est pas le droit surnom de luy, ny ne fut oncques, comment que tous ceux, qui en parlent, le nōment ainsi & nous aussi bien, qui sommes de Bretagne, & messire Bertrand, luy vivant, y eust volōtiers adrecé & remedié, fil eust peu, mais il ne peut oncques, car le mot est tel, qu'il chet en la bouche & en la parolle de ceux, qui le nomment, mieux que l'autre. Adonc luy demanday-ie. Or me dites, Sire, par vostre courtoisie, fil y a grande difference del'un à l'autre. Si m'aist Dieu, nény. Il n'y a autre differēce del'un à l'autre, fors qu'ō deuroit dire messire Bertrand du Glay-Aquin. Si vous diray dont ce surnō luy vint, selon ce que j'ay

peut donc auenir en l'ā 1370 cōme l'on pourra bien en apercevoir quelque chose depuis le 281 ch. du premier volume.

† C'est adire, ou ie suis nague res descendu

Deconfitures de quelques pillars de compaignies par Bertrand du Glesquin, icy racōptée par occasion hors l'ordre & temps de la vraye deductiō de nostre Auteur.

† Quant à la de
nomination du
Glai Aquin,
il en peut estre
quelque chose,
mais quant au
reste de ce com-
pte, il pourra
sembler auan-
tageux, à beau-
coup de person-
nages.

† De quelle race
estoit Bertrand
quel'on deuroit
droitement sur
nommer du
Glai Aquin,
pour du Gles-
quin, ou du
Guesclin.

ouy recorder aux anciens: & aussi c'est vne chose toute veritable, car on le treuve escrit aux anciennes Croniques de Bretagne. Ceste parolle me fit grād plaisir, que le Cheualier me dit: & luy dy adonc, Sire, vous me ferez grād plaisir au recorder: & si le receuray de vous: ne iemais ie ne l'oubliray, car messire Bertrand du Glesquin fut bien si vaillant hōme, qu'on le doit augmenter en ce qu'on peut. Il est verité (dit le Cheualier) & ie le vous diray. Lors cōmença messire Guillaume d'Ancenis à faire son compte. Au temps que le grand Charles de France regnoit (qui fut si grand cōquerant, & qui tant augmēta S. Chrestienté, & la noble couronne de France) il fut Empereur de Romme, & Roy de France, & d'Allemaigne: & gist à Ais-la Chapelle. Ce Roy Charles (si cōme on lit & treuve es Croniques anciēnes, car vous sauez que toute la cognoissance de ce mōde retourne par l'escriture: ne sur autres choses de verité nous ne sōmes fondez, forsque sur les escritures approuuées) fut en Espaigne par plusieurs fois: & y demoura vne fois, entre les autres saisons, † neuf ans, sans partir ne retourner en France, mais tousiours conquerant auant. En ce temps auoit vn Roy mécreant, qui s'appelloit Aquin: lequel estoit Roy de Boughie & de Barbarie, à l'opposite d'Espaigne & des circōstances. Car Espaigne, mouuāt de S. Iehan des pors, est durement grande, car tout le Royaume d'Arragō, de Nauarre, de Bisquaye, de Portugal, de Connimbres, de Lissebōne, de Seville, de Cordoue, de Tollette, & de Leon, sont enclos dedās Espaigne: & iadis cōquit le grand Roy Charlemaigne toutes ces terres. En ce lōg seiour, qu'il fit, ce Roy Aquin (qui Roy estoit de Boughie & de Barbarie) assembla ses gens: & s'en vint par mer en Bretagne: & arriua au port de Vennes: & auoit amené sa fēme & ses enfans: & s'amassa là au pays: & ses gens s'y amasserent, en conquerant tousiours auant. Bien estoit le Roy Charles informé de ce Roy Aquin: qui se tenoit en Bretagne, mais il ne vouloit pas pour ceste cause briser & rompre son voyage & son emprise: & disoit, Laissez l'amasser en Bretagne. Ce nous fera petit de chose à deliurer le pays, de luy & de ses gens: mais que nous ayons acquité les terres de deçà, & mis à la foy Chrestienne. Ce Roy Aquin, sur la mer assez pres de Vennes, fit faire vne tour bien belle: qu'on appelloit le Glai: & s'y tenoit ce Roy Aquin trop volontiers. Auint que, quād le Roy Charles eut accōpli ce voyage, & acquitté Galice & Espaigne, & toutes les terres encloses dedans Espaigne, & morts les Roys Sarrazins, & bouté hors les mécreans, & toute la terre tournée à la foy Chrestienne, il s'en retourna en Bret. & meit sus, & deliura vn iour vne grosse bataille, contre le Roy Aquin: & y furēt morts & déconfits tous les Sarrazins (ou en partie) qui là estoient: & conuint ce Roy Aquin fuir: & auoit sa nauire toute preste, au pié de la tour du Glai. Il entra dedās, & sa fēme, & ses enfans: mais ils furēt si hastez des François (qui les chaçoiet) que le Roy Aquin & sa femme n'eurent loisir de prédre vn petit fils, qui dormoit en celle tour: & auoit enuiron vn an. Si equiperent en mer: & se sauuerent ce Roy, sa femme, & ses enfans. † Si fut trouué en la tour du Glai cest enfāt: & fut apporté au Roy Charlemaigne: qui en eut grā de ioye: & voulut qu'il fust baptisé. Si le fut: & le tindrent sur les fons Roland & Oliuier: & eut nom celuy enfant Oliuier: luy donna l'Empereur bons heritages, pour les garder & toute la terre que son pere auoit conquise en Bretagne, & fut cest enfant, quād il vint an aage d'hōme, bon Cheualier & vaillant: & l'appelloient les gens Oliuier du Glai-Aquin: pource qu'il auoit esté trouué en la tour du Glai, & qu'il estoit fils du Roy Aquin. Or vous ay-ie dit la premiere fondation & venue de messire Bertrand du Glesquin, que nous deussions dire Glai Aquin: & vous dy que messire Bertrand disoit (quād il eut bouté hors le Roy Dampietre du Royaume de Castille, & couronné le Roy Henry) qu'il s'en vouloit aller au Royaume de Boughie. Il n'auoit q la mer à trauerfer, & disoit qu'il vouloit requerir son heritage: & l'eut sans faute fait. Car le Roy Héry luy eust presté gens assez, & nauires pour aller en Boughie grandemēt: mais vn empeschemēt luy vint: qui luy rompit & brisa tout. Ce fut quād le Prince de Galles guerroya le Roy Henry, & qu'il ramena le Roy Dāpietre, & le remeit par puissance en Castille. Adonc fut pris, à la grande bataille de Nardres, messire Bertrand, de messire Iehan Chandos: qui le rançōna à cent mille francs: & aussi vne autre fois il l'auoit, de la prise d'Aulroy, rançōnné de cent mille francs. Si se dérompirent les propos de messire Bertrand, car la guerre de Frāce & d'Angleterre renouuela. Si fut exonnié qu'il ne peut ailleurs entēdre, mais pource ne demoura il mie, qu'il ne soit issu du droit estoc du Roy Aquin: qui fut Roy de Boughie & de Barbarie. Or vous ay-ie compté la trasse de messire Bertrand du Glesquin. C'est verité, Sire. Je vous en say bon gré: & iamais ne l'oubliray. A tant vinsmes à la ville de Preuilly.

Comment

Comment les Ambassadeurs du Roy de France vindrent par-deuers le Duc de Bretagne, pour la prise du Connestable: & de la response qu'il leur fit, apres qu'ils eurent fait leur relation

CHAP.

LXV.

SE i'eusse esté autant à loisir avecques messire Guillaume d'Ancenis, que ie fu avecques messire Espain du Lion (quād ie cheuauchay depuis la cité de Paumiers iusques à Ortais en Bearn, ou que ie fu avec messire Iehan Ferrand Portek, Cheualier de Portugal, il m'eust dit & compté plusieurs choses: mais nenny, ie n'y fu point longuement: car tantost apres disner, que nous eusmes cheuauché deux lieües, nous vinsmes sur vn chemin: là ou il y auoit deux voyes: dont l'une alloit à Tours en Touraine (là ou ie tendoye à aller) & l'autre à Maille, là ou il vouloit aller. A ce chemin se défit nostre compaignie. Il me donna congé: & ie le pry. Mais, entre Preuilly & nostre departemēt, il m'auoit dit plusieurs choses, & par especial de celles de Bretagne: & cōment l'Euesque de Langres (qui y fut enuoyé, au lieu de l'Euesque de Beauuais: qui mort estoit) & messire Iehan de Bueil exploiterēt deuers le Duc de Bretagne: & la response qu'il leur fit, quand il les eut ouy parler. Sur laquelle informatiō du Cheualier ie me suis fondé & arresté: & ay escrit ce, qui s'ensuit. Vous deuez sauoir que les dessusnōmez se partirent de Paris, & du Conseil du Roy, bien-auisez comment, ne quelle chose ils deuoient dire & faire: & cheminerent tant par leurs iournées, qu'ils vindrent à Nantes: & demanderent là ou le Duc se tenoit. On leur dit. En la marche de Vennes: & que par vsage sy tenoit il plus volontiers, qu'ailleurs. Adonc se meirent ils à chemin, tant qu'ils y vindrent (car il n'y a de Nātes que vingts lieües) & descendirent en la cité: car le Duc se tenoit au chastel, qu'on dit en la Mote. Ils s'ordonnerent & appareillerent, ainsi comme à eux appartenoit: & vindrent deuers le Duc: lequel par semblant les recueillit assez doucement. L'Euesque de Langres (pource qu'il estoit Prelat) commença à parler, & faire son proces bellement & sagement, aupres de ses deux compaignons messire Iehan de Vienne & messire Iehan de Bueil: & dit, Sire Duc nous sommes cy enuoyez de par le Roy nostre Sire, & par noz Seigneurs ses oncles, Monseigneur de Berry & Monseigneur de Bourgogne, pour vous dire & monstrier qu'il leur tourne à grand' merueille, pourquoy le voyage de mer (qui se deuoit faire en Angleterre) vous auez détourné & le Connestable de France rançonné de si grand' chose, qu'il s'en deult grandement: & outre vous voulez auoir trois de ses chasteaux en Bretagne: qui pourroiet grandemēt nuire le demourant du pays (fils leur estoient contraires) avec l'aide de la ville de Iugon (laquelle est de l'heritage du Connestable) que vous auez voulu auoir. Si sommes chargez de vous dire) & nous le vous disons, pour Messeigneurs & cōpaignons, qui cy sont) de par le Roy nostre sire, & noz Seigneurs, Messeigneurs ses oncles, que vous retournez arriere à messire Oliuier de Clifson, Connestable de France, son heritage (que vous tenez) & l'en mettez en possession paisible: ainsi que droit est, & comme il estoit au-deuant, quand ils vous furent baillez & deliurez par contrainte, & non par nulle action de droit, que vous y eussiez: & aussi la mise de l'argent, toute entiere, restituez la pleinement, là ou il luy plaira à l'auoir. De ce, que vous auez fait, c'est la parolle du Roy & de son Conseil, que vous venez vous excuser à Paris, ou là ou il plaira au Roy & à son Conseil. Nous le tenons si doux & si patient (avecques ce que vous estes de son sang) qu'il orra volontiers vostre excusance: &, l'elle n'est pas bien raisonnable, si la meneront & adrecerōt, à leur pouuoir, nosdits Seigneurs Monseigneur de Berry & Mōseigneur de Bourgogne: & feront tant, par prieres & autrement, que vous demourrez amy & cousin au Roy, & à eux: ainsi que par raison vous deuez estre. Donc se tourna l'Euesque sur messire Iehan de Vienne: & luy demanda. Est ce vostre parolle? Il respondit: & luy dit, Sire, ouy. Aussi fit messire Iehan de Bueil. A ces parolles dire & monstrier, en la chambre du Duc n'y auoit qu'eux quatre. Quand le Duc de Bretagne eut ouy parler l'Euesque de Langres, il pensa vn petit: & bien y eut cause qu'il fust pensif (car les parolles, dites & monstrees, faisoient bien à gloser) &, quand il parla, il dit, Sire, j'ay bien entendu ce que vous auez dit: & c'est raison que i'y aye bien entendu: car vous estes icy enuoyé de par Monseigneur le Roy, & Messeigneurs ses oncles. Si vous doy & vueil, au nom d'eux, faire tout honneur & toute reuerence: car i'y suis tenu. Or vostre parolle & requeste demande bien à ouir conseil: & me conteilleray, ou de moy, ou des miens: tellement qu'à la response vous vous contenterez de moy: car ie ne le voudroye autrement faire, ny ne pourroye. Vous dites bien (respondirent les

Harangue de l'Euesque de Langres, Ambassadeur du Roy de France au Duc de Bretagne, sur l'affaire du Connestable de Clifson.

Response du Duc de Bretagne à l'Euesque de Langres & à ses compaignons Ambassadeurs du Roy.

† Ceste clause
est de Venard.

† Je doute qu'il
n'y faille pa-
rement.

Responce finale
du Duc de Bre-
tagne aux
Ambassadeurs
de France.

Retour des am-
bassadeurs du
Roy, venans de
Bretaigne.

Seigneurs)& il nous suffit. Donc se departirent les seigneurs de luy:& s'en retournerent à leurs hostels. † Quand ce vint au soir, ils furent priez, de par le Duc de disner le lendemain avecques luy. Ils l'accorderent. Quand ce vint au lendemain ils monterent au chasteil: & trouuerent là le Duc & ses Cheualiers: qui les receillirent grandement, & bien. Assez tost apres ce qu'ils furent venus, on l'aua pour seoir à table. On assit l'Euesque de Langres tout au-dessus, pour cause de Prelation:& en-apres le Duc, & puis l'Admiral de France, & puis messire Jehan de Buil. Le disner fut moult grand & bel, & bien seruy. Le disner fait, on entra en la chambre de † Parlement:& là commencerent à iangler, & à parler de plusieurs choses, & à ouyr menestriers. Bien cuidoient ces Seigneurs de France auoir responce: mais non eurent. On apporta vin & espices:& apres ce, ils prirent congé du Duc:& retournerēt à leurs hostels:& se tindrent ce soir tous aises. Quand vint au matin, il leur fut signifié, de par le Duc, qu'ils veinssent au chasteil, parler à luy. Ils y allerent. Là entrerent ils en vne chambre, ou le Duc estoit: qui les recueillit assez doucement: & puis parla (car à luy appartenoit à parler) & dit ainsi, Beaux Seigneurs, ie say bien que vous attendez responce. Car sur les parolles, que vous m'auiez dites & monstrees, vous estes chargez de reporter à Mōseigneur, & à Messeigneurs, responce. Ie vous dy que ie n'ay fait chose de messire Oliuier de Clifson, dont ie me repēte: fors tant qu'il a bon marché, qu'il s'en est party en vie. Et ce, que ie luy sauuy la vie, fut pour l'amour de son office, non pour sa personne: car il m'a fait tant de contraires, & tant de grans déplaisirs, que ie le doy bien haïr iusques à la mort. Et (sauue soit la grâce de Monseigneur & de Messeigneurs, ses oncles, & de leur conseil) ie n'ay, pour la prise de messire Oliuier de Clifson, rompu ne brisé le voyage de mer. De ce me vueil- ie biē excuser, que nul mal ie n'y pensoye, au iour que ie le pry: car par tout doit on prendre ses ennemis, ou on les treuue. Et, si il estoit mort, si voudroye- ie le royaume de France régler & ordonner aussi bien, ou mieulx, que par son Conseil. Tant que des chasteaux que ie tien, & qu'il m'a deliurez, j'en suis en possession: & y demourray: se puissance de Roy ne m'en oste. Tant qu'à la mise de l'argent, ie respondray que j'ay tant eu à faire, du temps passé, en ce pays, & ailleurs, par les haines qui me sont venues de par Oliuier de Clifson, que ie l'ay payee & deliuree à ceux, enuers qui j'estoye obligé par cause de depte. Telle fut la responce, que le Duc de Bretaigne fit aux Commissaires du Roy & de son conseil. Depuis y eut autres parolles tournées pour amener le Duc à raison: mais toutes les responses de luy tournoient tousiours à celle conclusion. Quand ils veirent qu'ils n'en auoient autre chose, ils prirent congé, pour departement. Il leur donna. Lors se meirent ils au retour: & firent tant par leurs iournees, qu'ils vindrent à Paris:& puis allerent à l'hostel de Beauté, delez Vincennes: car le Roy: sy tenoit, & la Roynie. Là vindrent Messeigneurs de Berry & de Bourgongne: qui grand desir auoient d'ouyr la responce du Duc de Bretaigne.

La responce auez vous assez ouye: & n'en ay que faire d'en plus parler. Mais, toutes-fois, ceux, qui furēt enuoyez en Bretaigne, n'exploiterēt en rien: dont le Roy & son cōseil s'en contenterent mal sur le Duc de Bretaigne: & disoient bien que le Duc estoit vn orgueilleux homme & presomptueux: & que la chose ne demourroit pas ainsi (car elle estoit trop préiudiciable pour la couronne de France) & estoit bien l'intention du roy, & de son conseil, qu'il feroit guerre au Duc de Bretaigne. Le Duc n'en attendoit autre chose: car bien veoit & sauoit qu'il auoit grandemēt courroucé le Roy & tout son conseil. Mais il hayoit tant le Conestable, que la grand' haine, qu'il auoit à luy, luy brisoit & tolloit la cognoissance de raison: & se repentait trop fort de ce que, quand il en fut au dessus, il ne l'auoit mis à mort. Ainsi se porterēt ces choses vn lōg temps: & demouroit le Duc de Bretaigne à Vennes: & cheuauchoit petit parmy son pays: car il se doutoit trop fort des embusches: mais il tenoit en amour les citez & les bonnes-villes de Bretaigne & auoit secrets traittez aux Anglois: & faisoit ses chasteaux & ses villes garder, aussi pres que fil eust guerre ouuerte: & auoir plusieurs imaginations sur ce qu'il auoit fait. Vne heure disoit il qu'il ne voulsist pas qu'il n'eust pris le Conestable. A tout le moins dōnoit il exemple à tous ceux, qui en sauoiet parler, que Clifson l'auoit courroucé, & que sans cause il ne l'eust iamais fait, & aussi donnoit cremeur à son pays (car c'est petite Seigneurie de Seigneur, qui n'est craint & douté de ses gens) & tousiours, au fort, auroit il bien paix, quand il voudroit. Nous nous souffrerons vn petit à parler du Duc de Bretaigne: & retournerons à parler des besongnes du Royaume d'Angleterre: qui y furent en ce temps moult merueilleuses & horribles.

Comment le Duc d'Yorch & de Glocestre, oncles du Roy d'Angleterre, & quelques autres Barons estoient tous d'une alliance contre le Roy & son Conseil: de la murmuracion du peuple, contre le Duc d'Irlande: & comment par le Conseil du Duc de Glocestre, & à la faueur des autres allies, les Londriens: & leurs complices obtindrent du Roy que iour fust assigné à ceux, qui auoient manié ses finances, d'en rendre compte.

CHAPITRE

LXXVII.

Vous sauez (si comme il est † cy-dessus contenu en l'Histoire) que les oncles du Roy † *An chap. 63.* d'Angleterre, le Duc d'Yorch & le Duc de Glocestre, le Comte de Salbery, le Comte d'Arondel, le Comte de Northombellande, le Comte de Northinghen, & l'Archeuesque de Cantorbie, estoient tous d'une alliance à l'encontre du Roy & de son Conseil: car sur eux ils se contentoient trop mal: & disoient, Ce Duc d'Irlande fait en Angleterre du Roy ce qu'il veut: & n'est le Roy Conseillé, fors de méchans gens, & de basse venue, au regard des Princes: & tant qu'il ait le Conseil qu'il tient delez luy, les choses ne peuuent bien aller: car vn Royaume ne peut estre bien gouverné, n'vn Roy bien conseillé, de méchans gens. On voit que, quand vn pource homme monte en estat, & son Seigneur l'auoue, il se corrompt, & destruit le peuple, & aussi son pays: † & est ainsi d'un pource homme à faire (qui ne fait que c'est d'honneur & qui desire à tout engloutir, & tout auoir) cōme d'un Loutre: qui entre dedans vn estang, & deuore tout le poisson, qu'il y trouue. A quoy est-ce bon, q̄ ce Duc d'Irlāde est si biē du Roy) nous cognoissons si bien sa venue) & que le Royaume d'Angl. soit du tout gouverné par luy: & qu'on laisse les oncles du Roy, & ceux de son sang? Ce ne fait pas à souffrir ne soustenir. Nous sa-uons bien qui fut le Comte d'Acquessuffort: qui oncques n'eut grace ne recourance en ce pays, d'honneur, de sens, de conseil, ne de gentillesse: & messire Iehan Chandos (dit lors vn Cheualier) le luy monstra vne fois moult bien, à l'hostel du Prince de Galles, en l'hostel de Saint-Andry à Bordeaux. Et que luy monstra il? respondit vn autre, qui vouloit sauoir le fond. Le le vous diray, dit le Cheualier: car i'y estoie present. On ser-uoit du vin, en vne chambre: ou le Prince estoit: & auecques luy grand foison de Sei-gneurs d'Angleterre. Quand le Prince eut beu (pourtant que messire Iehan Chandos estoit Cōestable d'Acquitaine) tantost apres le Prince on luy porta la coupe. Il la prit: & beut: & ne fit nul semblant de dire au Comte d'Acquessuffort, le pere de cestuy, de boire, ne d'aller deuant. Apres ce que messire Iehan Chādos eut beu, vn de ses Escuyers apporta le vin au Comte d'Acquessuffort: & le Comte (qui s'estoit indigné grandemēt, de ce que Chandos auoit beu deuant luy) ne vouloit boire: mais dit à l'Escuyer, qui te-noit la coupe, par maniere de moquerie. Va: si dy à ton maistre, Chandos, qu'il boiue. Iray-ie? Il a beu. Beueuez: puis qu'on le vous offre: car, se vous ne beueuez, par Saint Geor-ge ie le vous getteray au visage. Le Comte, quand il ouyt ceste parolle, il douta que l'Es-cuyer ne fust la testee: car il estoit bien courageux de celà faire. Si prit la coupe: & la meit en sa bouche: & beut, à tout le moins il en fit semblant. Messire Iehan Chandos (qui n'en estoit pas loing) auoit bien veu toute l'ordonnance: car il voyoit & oyoit trop cler: & aussi à son retour, & là mesmes, entretant que le Prince † parloit à vn autre, son Escuyer luy compta le faict. Messire Iehan Chandos se souffrit, tant que le Prince se fut retrait. Adonc s'en vint il deuers le Comte d'Acquessuffort: & dit ainsi, Messire Obery, vous estes vous indigné, si i'ay beu deuant vous, qui suis Conestable de ce pays? Je puis bien boire & passer deuant vous: puis que mon trefredouté Seigneur, le Roy d'Angleterre, & Messieurs les Princes le veulent. Il est verité que vous fustes à la bataille à Poi-ctiers: mais tous ceux, qui sont ici, ne sauēt pas biē la matiere: cōme ie fay. Si le diray: & ils le retiendront. Quand Monseigneur le Prince eut fait son voyage en Languedoc, en Carcassonne, & à Narbone, & il s'en fut retourné à Bordeaux (qui fut en ceste ville) lors qu'il vous vint à gré, vous vous partistes, & retournastes en Anglet. deuers le Roy. Mais que vous dit le Roy? Je n'y fu pas: & si le fay bien. Il vous demanda si vous auiez ià fait vostre voyage: & apres, que vous auiez fait de son fils. Vous respondistes, Sire, ie l'ay lais-sé en bonne santé, à Bordeaux. Donc dit le Roy. Et comment estes vous si osé, que vous estes retourné, sans luy? Je vous auoye enioint & commandé, & à tous ceux qui en sa compaignie estoient allez, que nul ne retournast sans luy, sur tant qu'il se pouuoit for-faire: & vous estes retourné. Or vous commande (dit le Roy) estroitement, que dedans quatre iours vous ayez vuidé mon Royaume, & que vous retourniez deuers luy: & si

† *Le liroye plus tost en ceste sorte, & est ainsi à dire d'un pource homme (qui*

Ce compte de Iehan Chandos & du Comte d'Acquessuffort, pere du Duc d'Irlande, est icy fait par occasiō fort oportune.

† *Il y auoit icy en tous les deux Exem-ples: parloit à son Cheualier il luy compta le faict. Dont vous auiserez si vous pour-rez tirer meil-leur sens.*

vous y estes trouué au cinquième iour, ie vous touldray la vie, & vostre heritage. Vous doutastes la parolle du Roy (ce fut raison) & vous partistes d'Angleterre, & eustes l'aventure & la fortune assez bonne: car vrayement vous fustes en la compagnie de Monseigneur le Prince, quatre iours auant que la bataille se fist: & eustes, le iour de la bataille de Poictiers, quarante Lances de charge: & i'en eu soixante. Or regardez donc si ie puis boire, ne doy, deuant vous: † qui suis Connestable d'Aquitaine. Le Comte d'Acquessuffort fut honteux: & voulist bien estre ailleurs que là: mais ces parolles luy conuint souffrir & ouyr. Ce messire Iehan Chandos luy dit, presens tous ceux, qui le voulurent entendre & ouyr. A ce propos (dit le Cheualier, qui parloit à l'autre) on se peut émerveiller maintenant comment le Duc d'Irlande (qui fut fils à ce Comte d'Acquessuffort) ne l'auise, & qu'il ne se mire en telles remembrances, qu'on luy peut recorder de son pere, & qui entreprend le gouuernement de tout le Royaume d'Angleterre, par-dessus les oncles du Roy. Et pourquoy ne feroit ce (respondirent les autres) quand le Rey le veut? Ainsi murmuroient au Royaume d'Angleterre, en plusieurs lieux, sur le Duc d'Irlande: & ce, qui plus entama & affoiblit l'honneur & le sens de luy, sur ce qu'il auoit à femme la fille au Seigneur de Coucy * (laquelle estoit fille de Madame Ysabel, fille des defuncts Roy & Royne d'Angleterre) qui estoit belle Dame & bonne, & de plus noble, & haute attraction, qu'il ne fut: & toutesfois il aima vne des Damoiselles de la Royne, regnante pour lors en Angleterre, vne Allemande: & fit tant enuers Urbain, fixième, qu'il se demaria de la fille au Seigneur de Coucy, sans nul tiltre de raison, fors par presumption & nonchalence: & espousa celle Damoiselle de la Royne d'Angleterre: & tout consentit le Roy Richard: car il estoit si aueuglé de ce Duc d'Irlande, que, fil eust dit, Sire, cecy est blanc, & il fust noir, le Roy n'en eust dit du contraire. La mere de cedit Duc d'Irlande fut moult grandement courroucée de son fils: & prit la fille au Seigneur de Coucy: & la meit avecques elle, & en sa compagnie. Ce Duc fit mal: & aussi il luy en prit mal: & fut vne des principales choses, dequoy on le haït le plus du commencement en Angleterre. Il conuient (comme vous sauez) que les choses ayent aucun commencement de mal, quand elles se tournent en mal. Ce Duc d'Irlande se confioit tellement en la grace & en l'amour du Roy, qu'il ne cuidoit pas que nul luy peust nuire. Or estoit vne commune renommée parmy Angleterre, qu'on feroit vne taille, & que chacun feu payeroit vn noble: & si payeroit on, le fort portant le foible, tant pour tant. Les oncles du Roy sauoient bien que ce seroit trop fort à faire: & auoient fait semer parolles parmy Angleterre, es citez & es bonnes villes, que le peuple seroit trop greué, & qu'il deuoit auoir grans finances au tresor du Roy, & qu'on demandast à auoir compte à ceux, qui gouerner l'auoient: comme à l'Archeuesque d'Yorch, au Duc d'Irlande, à messire Symon Burle, à messire Michel de la Poulle, à messire Nicole Brambre, à messire Robert Triuillen, à messire Pierre Goulouffre, à messire Iehan Salbery, à messire Iehan Beauchamp, & au Maistre † des estables des lammes: & que si ceux là vouloient faire droit & raison, & compter, on trouueroit or & argent assez, & plus qu'il n'en faudroit à present, pour les besongnes d'Angleterre. * Vous sauez que c'est vn commun vſage, que nul ne paye volontiers, ne tire argent hors de bourse, tant comme il le peut amender. Celle renommée s'espandit tellement parmy Angleterre, & especiallement à Londres (qui est la souveraine clef de tout le royaume d'Angleterre) que tout le païs se rebella, à ce qu'on vouloit sauoir comment le gouuernement dudit Royaume alloit, & que trop grand temps estoit qu'on n'auoit point rendu compte: & se trahirent premierement tous les Londriens deuers messire Thomas de † Widesarq, Duc de Clocestre: quoy qu'il fust maisné de messire Aymond son frere, Duc d'Yorch. Si le tenoient à vaillant homme, sage, discret, & arresté en toutes ses besongne. Quand ils furent venus deuant luy, ils luy dirent, Monseigneur, la bonne cité de Londres se recommande à vous: & vous prient toutes gens, en general, que vous vueillez emprendre le gouuernement du Royaume, & sauoir par ceux, qui ont gouuerné le Roy, comment il a esté gouuerné iusques à maintenant: car le menu peuple se plaint trop fort: pource qu'on demande tailles sur tailles, aides sur aides: & si a esté le Royaume plus taillé, & plus greué de telles choses, non-acoustumées, depuis le couronnement du Roy: qu'il n'auoit esté cinquante ans deuant: & si ne fait on que tout est deuenu, ne que tout deuient. Si vous plaist à y regarder, & y pourueoir: ou les choses iroient mal: car le menu peuple se deult trop fort. Donc respôdit le Duc de Clocestre, Beaux Seigneurs, ie vous oy bien parler: mais moy tout seul ne le puis faire.

† Il a nagueres
vſé de ceste ma-
niere de parler
des propres
mots: deuant
lesquels il faut
sous entendre
ceste premiere
personne moy.

* Annotat. 8.

† Le doute qu'il
n'y faille des
estappes des
laines. Au-
trement ie ne
l'enten pas.

† P. Verg. dit
Vvodestok:
que l'on nom-
moit le Com-
te de Bou-
quingam,
deuant qu'il
fust Duc de
Clocestre: com-
me son frere
Aimon estoit
aussi appelé
Comte de
Cantebru-
ge.

puis faire. Si voy-ie bien que vous auez cause, & aussi ont toutes gens, de vous plaindre: & (quoy que ie soy fils du Roy d'Angleterre, & oncle du Roy) si i'en parloye, si n'en feroit on rien pour moy. Car mon neveu, le Roy, à-present a Conseil delez luy, qu'il croit plus que soy-mesme: & ce Conseil le meine ainsi qu'il veut. Et, se vous vouliez venir à ce ou vous tendez à venir, il vous conuiendrait auoir d'accord toutes les bonnes-villes & citez d'Angleterre, & aussi aucuns Prelats & notables du Royaume, & venir en la presence du Roy (Nous serions là volontiers mon frere & moy) & dire au Roy, Trescher Sire, vous auez esté ieune couronné: &, avecques tout ce, iniquement conseillé, iusques à maintenant: & n'aez pas bien entendu aux besongnes de vostre Royaume, par le porteur & ieune Conseil, que vous auez eu delez vous: & pour celle cause les choses se sont tresmal portees: comme vous auez veu & seu que, si Dieu proprement n'y eust ouuré, le Royaume d'Angleterre eust esté perdu, destruit, & exilé de luy-mesme sans recouurer. Pourquoy, tresredouté Seigneur, en la presence de voz oncles, nous vous supplions (ainsi que sugets doiuent prier à leur Seigneur) que vous obuiez à ces besongnes: parquoy le noble Royaume d'Angleterre, & la noble couronne (qui vous vient de si noble Roy, & du plus vaillant, qui fut oncques depuis qu'Angleterre fut situee & habituee) soit soutenue en prosperité, & en honneur, & le menu peuple (qui se plaint) tenu & gardé en droit (lesquelles choses vous auez iurees, & iurastes au iour de vostre couronnement) & vueillez mettre les trois Estats ensemble, Prelats, Barons, & sages hommes des citez & des bonnes villes: & ces trois Estats regarderont iustement à vostre bon gouuernement du temps passé. S'il a esté ordonné & demené ainsi qu'il appartient à si haute personne comme vous estes, ceux, qui l'ont gouuerné, y auront profit & honneur: & demourront, tant qu'ils voudront bien faire, & qu'il vous plaira, en leur office. Et, si ceux, qui seront ordonnez pour entendre aux comptes & aux besongnes de vostre Royaume, y voyent le contraire, ils y pouruoyent, & en feront ceux partir courtoisemēt sans blasme, pour l'honneur de vostre personne: & ordonneront & mettront autres hommes notables, par l'avis & regard premierement de vous, & de noz Seigneurs voz oncles, & des Prelats & Barons de vostre Royaume. Quand vous aurez fait vostre supplication & remonstrance au Roy (ce dit le Duc de Clocestre aux Londriens, qui estoient en sa presence) il vous respondra quelque chose. S'il dit, Nous en aurons conseil, si prenez ce conseil brief, & pesez la chose auant, pour luy donner cremeur, & à ses marmousets aussi. Dites luy hardyement que le pays ne le peut plus souffrir: & est merueilles comment on en a encores tant souffert. Nous serons delez luy mon frere & moy, & l'Archeuesque de Cantorbie, & le Comte de Salbery, le Comte d'Arondel, & le Comte de Northombellande: car sans nous n'en parlez point. Nous sommes les plus grans du Royaume d'Angleterre. Si vous aiderons à soutenir vostre parolle: & dirons au Roy, en nous dissimulant, que vous suppliez & requerez raison. Quand il nous orra parler, il ne nous dedira point, s'il n'a tort: & sur ce il en sera ordonné. Voila le conseil & le remede, que ie vous donne. Donc respōdirent les Londriens au Duc de Clocestre: & luy dirent Monseigneur, vous nous conseillez loyaument & bien: mais ce seroit fors que le Roy, & tant de Seigneurs que vous nous nommez, vous & vostre frere: nous teinssions ensemble. Non est, dit le Duc: veez cy le iour Sainct-George: qui sera dedans dix iours. Le Roy sera à Windesore: & vous sauez (ou qu'il voise) que le Duc d'Irlande & messire Symon Burle y sont: & encores en y aura des autres. Mon frere & moy, & le Comte de Salbery, y serons. Soyez là: & vous pouruoyez selon ce. Monseigneur (respondirent ils) volontiers. Ainsi se departirent les Londriens, tous contents du Duc de Clocestre.

Or vint le iour † Sainct-George: que le Roy d'Angleterre festoye grandement: & aussi ont fait ses predecesseurs. Si fut à Windesore, & la Royne aussi: & là eut grand' feste. Au lendemain du iour Sainct George vindrent les Londriens, à bien soixante cheuaux, & ceux d'Iorch, bien à autant, & grand' foison des villes notables d'Angleterre: & se logerent tous à Windesore. Le Roy se vouloit partir, & aller au port, à trois lieues de là: & encores, quand il seut que ces gens des Communautéz d'Angleterre vouloient parler à luy, il sefforçoit encores plus d'y aller: car trop fort il ressongnoit conseil: ne iamais il n'en vouloit nul ouyr. Mais ses oncles, & le Comte de Salbery, luy dirent, Monseigneur vous ne pouuez partir: car ses gens de plusieurs villes d'Angleterre sont cy venus. Il appartient que vous les oyez, & que vous sachez qu'ils demandent: & puis vous leur respondrez, ou aurez conseil du respondre. Mais enuis y demoura. Or vindrent ces gens

Conseil du Duc de Clocestre à ceux de Londres, pour obtenir compte des gouverneurs des finances du Roy d'Angleterre.

† 1387. comme devant, le Roy Richard à Windesore, pour la feste de Sainct-George.

† Si ce mot est
corrompu, ie ne
trouue par qui
le ramender.

Importunité
des Communes
de Londres &
d'autres villes
d'Angleterre,
pour auoir brief
reue du Roy
sur la reforma
tion de ses fi
nanciers.

Le Duc de Clo
cestre & ses al
liez, favorisent
l'importunité
des Londriens.

Les deputez
pour auoir les
comptes des fi
nances d'An
gleterre.

en sa presence, en la salle basse, hors du neuf ouvrage: ou l'hostel fut ia anciennement premier. Là estoit le Roy & ses deux oncles, l'Archeuesque de Cantorbie, l'Euesque de Wicestre, & l'Euesque de † Chancelier, le Comte de Salbery, le Comte de Northombellande, & plusieurs autres. Là firent ces bonnes-villes requestes & prieres au Roy: & parla, l'un pour tout, vn Bourgeois de Londres: qui s'appelloit sire Simeon de Subery, sage homme, & bien enlangagé. Si se fonda, & forma en sa parolle, qu'il remonstra bien sagement & viuement, tout sur le conseil & information que le Duc de Clocestre leur auoit dit & donné. Vous auez ouy la substance cy-dessus. Si n'ay que faire d'en parler plus-avant. Quand le Roy l'ouit, si respondit: & dit, Entre vous gens de nostre Royaume, voz requestes sont grandes & longues: si ne les peut on pas si tost expédier: ne nous ne serons en grand temps ensemble, ne nostre conseil aussi: lequel n'est pas tout icy. Il sen faut assez. Si vous disons & respondons, que vous vous en retourniez, chacun de vous en son lieu, & vous y tenez tous aises: & point ne reuenez (si vous n'estes mandez) iusques à la Saint Michel: que le parlement sera à Westmonstier: & là venez, & apportez voz requestes: & nous les remonstrerons à nostre conseil. Ce que bon sera, nous l'acceptetons: & ce, qui à refuser sera, nous le condamnerons. Mais ne pensez point que nous nous doions régler par nostre peuple. Tout ce ne sera ià fait: car en nostre gouuernement, n'en ceux qui nous gouuernent, nous ne voyons que droit & iustice. Alors respondirent iceux, plus de sept tous d'une voix, Tresredouté Seigneur, sauue soit vostre grace: mais est iustice en vostre Royaume trop foible: & vous ne sauez pas tout, ny ne pouuez sauoir: car point n'en enquez, ny ne demandez: & ceux, qui vous conseillent, cessent de le vous dire, pour le grand profit qu'ils en ont. Ce n'est pas iustice, Sire Roy, de couper testes, ne poings, ne piez, ne de prendre ces punitions: mais c'est iustice de tenir & garder son peuple en droit, & de luy donner voye & ordonnance qu'il puisse viure en paix: parquoy il n'ait nulle cause de luy émouuoir. Et nous vous disons que vous nous assignez trop long iour, que de nous assigner à retourner à la Saint-Michel pour vous presenter noz requestes. Iamais on ne le peut auoir plus aise, que maintenant. Si disons d'un general cōseil, & accord que nous voulōs auoir compte & biē brièvement, sur ceux, qui ont gouuerné vostre Royaume, depuis vostre couronnement: & voulons sauoir que le vostre est deuenu, & les grandes leuees qui ont esté faites parmy le Royaume d'Angleterre depuis neuf ans, n'ou elles sont contournées. Si ceux, qui en ont esté gardes ou Tresoriers, en rendent compte, ou pres, nous en serons tous ioyeux: & les vous lairrons, & en vostre gouuernement: & de ceux, qui n'en monstrent bien leur acquit, on en ordonnera par les deputez de vostre royaume, qui à ce seront establis, noz Seigneurs voz oncles, & autres. A ces mots regarda le Roy d'Angleterre sur ses oncles: & se teut, pour veoir & sauoir que ses oncles diroient. Lors parla le Duc de Clocestre, messire Thomas: & dit, En la requeste & priere de ces bonnes-gens, & de la Communauté de vostre Royaume, ie n'y voy que droit & raison: & vous beau frere d'Iorch. Il respondit: & dit, Si m'aist Dieu, il est vray, Et aussi firent tous les Barons & Prelats, qui là estoient: ausquels il en demanda à ouyr leur entête: & chacun à son tour. Et bien appartier (dit encores le Duc de Clocestre) que vous sachez que le vostre est deuenu. Le Roy veoit bien que tous estoient contre luy, & que ses marmousets n'osoient parler: car il en y auoit de trop grans sur eux. Or bien (dit le Roy) & ie le vueil: & qu'on se deliure: car veez cy le temps d'Esté, que les chaces viennent: ou il nous faut entendre. Et comment (dit le Roy à ceux de Londres, & aux autres) Voulez vous que ces besongnes se facent de brief? Nous vous en prions, tresredouté Sire, respondirent ils. Nous voulons, & priōs à noz Seigneurs voz oncles principalement, qu'ils y soient. Ils respondirent, Nous y serons volontiers pour toutes parties, & tant pour Monseigneur, que pour le Royanme, ou nous auons part. En-apres dirent les Londriens, Nous voulons, & priōs à reuerend pere l'Archeuesq de Cātorbie, l'Euesque de Lin, & l'Euesq de Wicestre, qu'ils y soient. Nous y serōs volōtiers, respōdirēt ils. En-apres nous priōs à noz Seigneurs (qui cy sont presens) Monseigneur de Salbery, & Monseigneur de Northombellande, messire Regnaud de Goubehan, messire Guy de Briane, messire Iehan de Felleton, & messire Matthieu de Gournay, qu'ils y soient: & nous y ordonnerons, des citez & des bonnes-villes d'Angleterre, de chacune deux ou quatre hommes notables: & lesquels y entendront pour tout le demourant de la Communauté d'Angleterre. Toutes ces parolles furent acceptees, & assignees à estre aux oētaues de la Saint-George à Westmonstier: & que

tous

tous les Officiers du Roy, & les Tresoriers, fussent là, pour rēdre compte deuant ces Seigneurs nommez. Le Roy tint tout à bon, & à ferme: & y fut contraint doucement, non par force: mais par priere de ses oncles & des Seigneurs, & des gens des bonnes-villes d'Angleterre. Car bien appartenoit qu'il seust comment les besongnes de son pays se portoient, & estoient portees au temps passé. Tout ce accorda legerement. Ainsi amiablement se departit l'assemblée de Saint-George de Windesore: & s'en retournerent les Seigneurs à Londres: & furent mandez tous Officiers & Tresoriers, parmy le Royaume d'Angleterre, qu'ils veinssent pourueus de leurs comptes, sur la peine d'estre deshonorez du corps, & de l'auoir perdre.

tour & lieu de l'assignation des financiers d'Angleterre pour y rendre leurs comptes.

Comment, estant le terme de l'assignation des comptes venu, les deputez condamnerent messire Symon Burle à tenir prison en la tour de Londres: comment messire Thomas Triuet mourut ce pendant: & comment messire Guillaume Helmen fut excusé d'auoir pris argent, pour Bourbourg & Grauelines.

CHAP. CXXVIII.

OR vint le iour de compter à Westmonstier, en la presence des oncles du Roy, & des deputez Prelats, Comtes, Barons, & Bourgeois des bonnes villes. Ce compte dura plus d'un mois. Si en y eut de si tieux, qu'il ne rendoient pas bon compte, n'honorable. Ils estoient punis du corps, ou de la cheuance, & (tels y auoit) de tout. Messire Symon Burle fut trouué en arrerages: pourtant que, des la ieunesse du Roy, il l'auoit aidé à gouverner, à deux cens & cinquante mille francs. Bien luy fut demandé ou tout ce luy estoit contourné. Il s'excusoit sur l'Euesque d'Yorch, & messire Guillaume de Neufuille: & disoit qu'il n'auoit ouuré fors par eux & par leur conseil, & par les Chambelans du Roy, messire Kobert Triuilien, messire Robert de Beauchamp, messire Jehā Salbery, messire Nicolle Bransle, messire Pierre Goufre, & autres: & ceux, quand ils estoient mandez deuant le Conseil, s'excusoient, & gettoient tout sur luy. Si luy dit le Duc d'Irlāde, l'ay entēdu que vous serez arresté, & mis en prison, & retenu, tant que vous aurez rendu la somme qu'on demande. Ne debattez rien: allez ou on vous enuoye, ie feray bien vostre paix: & l'eussent tous iuré. Le doy receuoir, du Connestable de France, 40. mille francs, pour la rançon de Iehan de Bretagne, fils S. Charles de Blois: si comme vous sauez qu'il me les doit. Je les presenteray pour le Conseil du present: & en la fin: le Roy est souuerain: il vous pardonnera & quittera tout: car le profit luy doit retourner, & non à autrui. Respondit messire Symon Burle, Si ie ne cuidoye que vous me deussiez grandement aider enuers le Roy, & aussi à porter outre mon fait, ie me departiroye hors d'Angleterre: & m'en iroye en Allemagne, delez le Roy de Boēme. Je seroye là bien venu: & laisseroye les choses courir vn temps, tant qu'elles seroient rappaisees. Dit le Duc d'Irlāde, Je ne vous faudroye pour rien, là sommes tous compaignōs, & tout d'un fait ensemble. Vous prédrez terme de payer: ie say bien que vous payerez bien (quand vous voudrez) en deniers appareillez, plus de cent-mille francs. Vous n'avez garde de mort: vous ne serez iā mené si-avant: & si tourneront les choses autrement (deuant qu'il soit la S. Michel) que noz Seigneurs ne cuident: mais que i'aye le Roy à ma volonté: & ouy, ie l'y auray: car tout ce, qu'il fait à present, on luy fait faire par force. Il nous faut appaiser ces maudits Londriēs: & abbattre tout ce scandale, qui maintenant se leue contre nous, & contre les nostres. Sur les parolles du Duc d'Irlāde se fia vn petit trop messire Symon Burle: & vint deuant les Seigneurs d'Angleterre, Ducs, Comtes, Barons, & conseil des bonnes-villes, quand il y fut appelé. Là luy fut remonstré, & dit, Messire Symon, vous auez esté tousiours vn Cheualier moult notable au Royaume d'Angleterre: & grandement vous aima Monseigneur le Prince: & auez eu en partie, le Duc d'Irlāde & vous, le gouvernement du Roy. Nous auons regardé sur voz besongnes: & les auons examinées & visitées. Elles ne sont (ce vous disons nous) ne bonnes, ne belles, dont il nous déplaist grandement, pour l'amour de vous. Si est arresté, de par le general conseil que vous allez tenir prison en la grosse tour de Londres: & là serez tant & si longuement, que vous aurez à ceste chambre, & à nostre ordonnance, rendu & restitué l'argent du Roy & du Royaume: que vous auez eu & leué, & duquel vous vous estes aidé (ainsi comme il appert par les parolles du Tresorier) de la somme de deux cens & cinquante mille francs. Or regardez que vous voulez dire. Messire Simon Burle fut tout décoforté de respondre: & dit, Messeigneurs, ie feray volontiers, & faire le me conuient, vostre commandement: & iray là ou vous m'enuoyerez: mais ie vous prie que ie puisse auoir vn Clerc delez moy:

† Pour tels.

Conseil du Duc d'Irlāde à messire Symon Burle, trouué en mauvais cōpte de se rendre prisonnier, sous promesse de l'en faire sortir incontinent.

Symon Burle, iugé à tenir prison, s'y va rendre.

† *Arch.* 146.

*Auentureuse
mort de messire
Thomas Triuet,
pendant qu'il
estoit assigné
au Conseil des
comptes.*

*Excuses de mes-
sire Guillaume
Helmen, quant
à ce qu'il auoit
pris argēt, pour
rendre Bour-
bourg & Gra-
uelines, apres
la cheuauchée
de l'euesque de
Nordwich.*

auquel ie feray escrire les grans frais & despens, que i'ay faits du temps passé en procurant en Allemagne, & en Boëme, le mariage du Roy nostre Sire: & se trop ay eu, & que ie puisse auoir la grace du Roy nostre Sire & la vostre, ce seront termes à payer, Nous le voulons respōdirent les Seigneurs. Ainsi fut messire Simon Burle en prison, en la grosse tour de Londres. Or retourna le Comte sus messire Guillaume Helmen, & sus messire Thomas Triuet. Car ils estoient petitement en la grace d'aucuns Barons d'Angleterre, & aussi de toute la Communauté du pays, pour le voyage qu'ils auoient fait en Flandres: & estoit dit qu'onques Anglois ne firent en nul pays si honteux voyage. De ce festoient excusez l'euesque de Nordwich & le Capitaine de Calais: qui fut pour vn temps messire Hue de Caurelle. Or ce, qui empeschoit trop grandement les dessusdits, estoit qu'ils auoient pris or & argent, pour rendre Bourbourg & Grauelines: & vouloient les aucuns gens en Angleterre ce fait approprier à trahison (comme il est contenu † cy-dessus en l'Histoire de la cheuauchée de Berghes & de Bourbourg) & en gisoient les Cheualiers en obligation deuers le Roy, ses oncles, & le Conseil. Or se renouellerent adonques toutes telles choses. Quand ces Seigneurs furent ensemble, si fut dit qu'on les mendoit par-deuant le Conseil. Ils furent mandez. Messire Guillaume Helmen y vint: mais messire Thomas Triuet fut excusé grandement. Je vous diray comment, & pourquoy. En la propre semaine, que les nouuelles du Conseil vindrent en son hostel au Nort, ou il demouroit, il estoit mōté sur vn ieune courfier, qu'il auoit, pour l'essayer aux champs. Si le poingnoit de l'esperon, vn petit trop auant. Ce courfier l'emporta (vousist ou non) parmy hayes & parmy buissons: & à la fin il le rua ius, en saillant vn fossé: & rompit à messire Thomas Triuet le col: & là mourut. Ce fut dommage: & eut grand' plainte parmy tout le Royaume d'Angleterre, des bonnes-gens. Pource ne demoura pas qu'il ne conueinst que ses hoirs payassent vne somme de florins, deuers le Conseil: qui se nommoit du Roy: mais la souueraineté de telles choses mouuoit & venoit par les incitations des oncles du Roy, & par le general Conseil du pays: si comme il apparut depuis au Royaume d'Angleterre. Car vray est que le Duc de Cloestre (quoy que ce fust le plus ieune d'aage des fils du bon Roy Edouard) si estoit il le plus ancien es besongnes qui touchoient au pays, & là ou la plus saine partie des Nobles, des Prelats, & des Communautez, se rapportoient, & retrayoient. Quand la composition de messire Thomas Triuet, mort par la maniere que ie vous ay dit, fut faite, la penitence de messire Guillaume Helmen fut grandement allegee: car on traitta grandement deuers le conseil: & messire Guillaume eut bon moyen, par la vaillance de son corps, & par les beaux seruices qu'il auoit fait plusieurs fois aux Anglois, tant en Bordelois cōme en Guiēne, ou en Picardie: ou tousiours il auoit esté trouuē bon & vaillant Cheualier: si que rien ne le reprochoit, au iustement cōsiderer tous ses faits, que ce, qu'il auoit pris argent, des garnisons de Bourbourg & de Grauelines rendre. Mais il s'excusoit tout doucement, & par belles raisons raisonnables: & disoit, Messeigneurs, quand on est en tel party d'armes, que nous estions pour ces iours en la garnison de Bourbourg, il me semble selō que i'ay ouy recorder aucunes fois à messire Iehan Chandos, & à messire Gautier de Manny (qui eurent sens & vaillance assez) qu'on doit des deux voyes, ou de trois, prendre la plus profitable pour foy, en endommageant ses ennemis. Messire Thomas Triuet & moy voyons bien que nous estions encloz de tous costez: & si ne nous apparoissoit confort de nul costé: & aux assaux nous ne pouuions bonnement durer. Car ils estoient tant de bonnes & belles Gens-d'armes, qu'onques n'en vy tant, n'aussi ne fit Cheualier, n'Escuyer, qui soit en Angleterre. Car (si comme ie le senty iustement par vn nostre Heraut: qui fut en leur ost, & qui imagina toute leur puissance) ils estoient largement seize mille Hommes-d'armes, Cheualiers & Escuyers, & bien enuiron quarante mille d'autres gēs: & nous n'estions pas trois cens Lances, & autant d'Archers: & si estoit nostre garnison de si grand circuit, que nous ne pouuions bonnement à tout entendre: & bien tost le vismes par vn assaut, qui nous fut liuré: car, entretant que nous entendions aux deffenses à l'vne part, on nous trayt le feu d'vn autre. Parquoy nous fusmes tous ébahis: & bien l'apperceurent noz ennemis: &, au voir dire, le Roy de France & son Conseil ouurerent de tres-grand gentillesse: quant au party, ou nous estions, ils nous donnerent tréues: car, fils eussent continué l'assaut, & au leudemain ensuyuant ils fussent reuenus par la façon & maniere qu'ils auoient ordonné, ils nous eussent eus à volonté. Or traitterent ils doucement par-deuers nous, par le moyen du Duc de Bretagne: qui y rendit

rendit moult grand' peine. Nous deussions auoir donné argent: & on nous en donna.

Nous endommageasmes moult noz ennemis: & il estoit en eux de nous endommager. Nous conquismes grandement sur eux: quand nous eusmes de leur argent, & que nous partismes sains & sauues, & emportasmes tout le nostre, que nous auions acquis en celle saison par armes, en la frontiere de Flandres. En-oultre) dit messire Guillaume Helmen) pour moy nettoier & purger de tout blasme (s'il estoit en Angleterre, ne dehors d'Angleterre, nuls Cheualiers, n'Escuyers, exceptez les corps de Messeigneurs, Monseigneur de Lanclastre, Monseigneur d'Yorch, & Monseigneur de Clocestre, qui voussissent dire, ne mettre auant, que i'eusse fait déloyauté enuers le Roy, mon naturel Seigneur, ne qui accuser me voussissent de trahison) ie suis tout prest de leuer le gage, & mettre mon corps en abandon, & au party d'armes de prouuer le contraire: ainsi que le juge, à ce député & ordonné, l'ordonnera. Ces parolles & autres, & la vaillâce du Cheualier, l'excuserét, & declinerét du grād peril de mort ou il fut, & là ou il auoit esté du cōmencement: & le retournerent en son estat: & fut depuis en Angleterre vn Cheualier moult *Guillaume Helmen absous.* preux, & auancé, & du Conseil du Roy. Mais en ces iours ne fut pas deliuré messire Symon Burle, de la tour de Londres: ou il tenoit prison: car il estoit grandement hay des oncles du Roy, & de toute la Communauté d'Angleterre. Si fit le Roy toute sa puissance du deliurer entretāt qu'il seiournoit à Chienes, & là enuiron, ou il luy plaisoit mieux. Mais le Conseil (qui greuer le vouloit) se dissimuloit: & disoient, & respondoient, qu'ils ne le pouuoient deliurer: car ses besongnes n'estoient pas clères. Adoncques se departit le Roy, & le Duc d'Irlande en sa compaignie: & prirent le chemin de Galles, deuers Bristo: & (quelque part que le Roy d'Angleterre allast) la Royne, sa femme, & toutes les Dames & Damoiselles le suyuoient.

Comment estant le Roy d'Angleterre parry de Londres & des enuiron, messire Symon Burle fut décolé: du courroux, qu'en prirent le Roy & Royne d'Angleterre: & du renouvellement de quelques officiers & Conseillers du Roy.

CHAP. LXXIX.

Pourtant se le Roy d'Angleterre se partit de la marche de Londres, ne s'en departirent pas les oncles du Roy, ne leur Censeil: mais se tindrent là à Lōdres, & enuiron. Vous auez trop de fois ouy dire & reciter vn notable, que, quand on a maladie au chef, tous les autres membres s'en sentent: & conuient que la maladie se purge, par ou que ce soit. Le le dy, pourtant que ce Duc d'Irlande estoit en telle prosperité, qu'il tournoit le Roy, ou il vouloit: & le faisoit encliner, quand il luy plaisoit. Si estoit messire Symon Burle vn des principaux Conseillers qu'il eust: & entr'eux deux ils auoient gouuerné, vn long temps, le Roy & le Royaume: & estoient suspicionnez d'auoir la mise si grande que sans nombre: & couroit renommée, en plusieurs lieux en Angleterre, que ce Duc d'Irlande & messire Symon Burle faisoient leurs amas, & auoient iā fait de long temps en Allemagne: & estoit venu en la cognoissance des oncles du Roy, & du Conseil des citez & des bonnes-villes d'Angleterre (qui pour leur partie se tenoient) qu'au chastel de Douures on auoit aualé coffres & huches, de nuict, en mer. On disoit que ç'auoit esté finance, assemblee par les dessusnommez, & boutee hors du pays frauduleuement & larcineusement, & enuoyee en autres contrées, dout le Royaume d'Angleterre estoit grandement affoibly en cheuance: & s'en douloient moult de gens: & disoient qu'or & argēt y estoit si cher à auoir & à conquerir, que marchandise en estoit toute morte & perdue: & qu'on ne pouuoit concevoir, n'imaginer, que ce fust par autre voye, que par ceste. Tant se multiplierent ces parolles, que messire Symon Burle fut grandement greué: & fut ordonné des oncles du Roy, & du Conseil des citez & des bonnes-villes d'Angleterre (qui avecques eux estoient cōioints) qu'il auoit desferuy punition de mort. Sur les articles de la fin, ce le condamna trop grandement (voire en la volonté du Cōmun peuple, & de l'Archeuesque de Cantorbie (qu'il donna vn iour Conseil, que la chaste de S. *Vne des principales causes de la mort de Symon Burle.* Thomas de Cantorbie fust ostée, & portée à sauueté au chastel de Douures, quand ils attendoient le passage du Roy de France & des François. Si disoient cōmunément tous & toutes (quand on le veit au dangier de prison) qu'il la vouloit embler, & mettre hors d'Angleterre. Tant fut le Cheualier aggraué, qu'onques excusance, qu'il seust ne peust dire ne monstrier, ne luy seruit de rien: mais fut vn iour mis hors de la tour de *Symon Burle décolé à Londres.* Lōdaes & décolé en la place, deuant le chastel, en forme de traistre. Dieu luy pardoint ses meffaits. Car (quoy que i'escriue de sa mort hôteuse (i'en fu biē courroucé (mais faites le

me conuient, pour verifler l'Histoire) &, tant que de moy, ie le plaingny grandement: car, de ma ieunesse ie l'auoye trouué doux Cheualier, & de grand sens à mon semblant. Or par telle infortune mourut messire Symon Burle, Cheualier. Son neveu & son hoir, messire Richard Burle, estoit avecques le Duc de Lancastre en ces iours, que ce méchef auint sur le Cheualier en Angleterre, en Galice, & l'un des plus renommez de tout son ost, apres le Cōestable: car il estoit souuerain Mareschal de tout son ost, à la fois: & l'en songnoit messire Thomas Moriaux de son office: car messire Richard Burle estoit du Conseil du Duc, l'un des plus prochains qu'il eust. Si deuez bien croire & sentir, que, quand il feut ces nouuelles de la mort de son oncle, il en fut moult courroucé: & aussi ce gentil Cheualier messire Richard Burle, mourut en ce voyage sur son liēt, de maladie, & plusieurs autres: si comme ie vous compteray auant en l'Histoire: quand temps & lieu viendront du parler. Quand le Roy Richard d'Angleterre (qui se tenoit en la marche de Galles) feut la mort de messire Symon Burle, son Cheualier, & l'un de ses

*Courroux des
Roy & Royne
d'Angleterre
sur la mort de
Symon Burle.*

maistres (qui tousiours l'auoit nourry & introduit) si fut durement courroucé: & dit, & iura, que la chose ne demourroit pas ainsi, & qu'à grand tort & peché, & sans nul tiltre de raison, on l'auoit mis à mort. La Royne d'Angleterre en fut durement dolente: & en plora bien & assez: pourtant que le Cheualier l'auoit amenée d'Allemagne en Angleterre. Or se doubterent grandement ceux, qui estoient du conseil du Roy: tels que le Duc d'Irlāde messire Nicolas Brambre messire Robert Triuilen, messire Iehan Beauchamp, messire Iehan Salbery, & messire Michel de la Poulle. Si fut demis de son officel l'Archeuesque d'Yorch (qui s'appelloit messire Guillaume de Neufuille, frere germain au Seigneur de Neufuille, de Northombellande) le quel auoit esté long temps grand Trésorier de tout le Royaume d'Angleterre: & luy fut dit & deffendu, de par le Duc de Glocestre, qu'il ne s'embesongnast plus (si cher comme il aimoit sa vie) des besongnes du Royaume d'Angleterre: mais s'en allast demourer à Yorch, ou là enuiron, ou le mieux luy, plairoit sur son benefice: car trop s'en estoit embesongné. Et luy fut encores dit & remonstré, que, pour l'honneur de son lignage, & de luy (qui estoit Prestre) on l'excuſoit de plusieurs choses, qui estoient grandement preiudiciables à son hōneur: & à ce, qu'on luy disoit & faisoit, tout le conseil d'Anglet. s'y enclinoit. Et luy fut encores dit & monstré, que la greigneur partie du Conseil des bonnes-villes, citez, & ports d'Angleterre, vouſſent bien qu'il fust dégradé, & mort semblablement: comme messire Symon Burle auoit esté. Si se departit de la cité de Londres: & s'en alla au Nort, demourer sur son benefice: qui peut bien valoir par an quarante mille francs. De ceste auenue il & tout son lignage furent grandement courroucez: & penserent bien que messire Henry de Northombellande leur auoit tout cecy brassé, & attisé: quoy qu'il fust de son lignage, & voisin. Or fut en son lieu mis & estably vn moult vaillant homme, sage Clerc, & qui grandement estoit en la grace des oncles du Roy, l'Archeuesque de Cantorbie: le quel est de ceux de Montagu, & de Salebery: & en estoit le Comte de Salebery oncle. Si furent mis au Conseil du Roy, par l'accord des citez, bonnes-villes, & ports d'Angleterre, le Comte de Salebery, le Comte Richard d'Arondel, le Comte de Northombellande, le Comte de † Donneſiere, & le Comte de Nortingham, & aussi l'Euesque de Norduich (qui s'appelloit messire Henry le Despensier) & tousiours demouroit le Chancelier en son office, l'Euesque de Wincestre, & delez les oncles du Roy. Tout le plus renommé du Conseil, apres le Duc de Glocestre, c'estoit messire Thomas de Montagu, l'Archeuesque de Cantorbie: & bien le deuoit estre: car il estoit vaillant & sage durement: & mettoit grand' peine à ce, que le Royaume d'Angleterre fust reformé en son droit, & que le Roy Richard, leur Seigneur, eust osté, hors d'avecques luy, tous ses marmouſets: & souuent en parloit au Duc d'Yorch: & le Duc luy disoit, Archeuesque, les choses se tourneront temperement, autrement que le Roy, mon beau neveu, & le Duc d'Irlande ne cuident. Mais il faut faire tout par poinct & par raison, & tant attendre, que les choses viennent à leur tour: & de foy trop fort haſter n'a point de bon moyen. Si vueil bien que vous sachez, que, se nous ne nous fuſſions apperceus de leur affaire, ils euſſent tellement mené le Roy, Monseigneur, & ce pays, que sur le poinct du perdre: & bien ont ſeu en France, le Roy & son Conseil, tout nostre conuenant, & en quel estat nous geſions: & pource ſauançoient ils, ſans doute, de venir fort puiffamment par deſça, pour nous deſtruire.

*† Eſtabliſſemēt
de nouveaux
cōſeillers, pour
les affaires du
Roy & Royau-
me d'Angle-
terre Sur quoy
notez que Sala-
meticy Don-
neſtre que ie
penſe eſtre Dul-
neſtre.*

Comment

Comment se tenant le Conseil à Londres sur la reformation des Gouverneurs du Roy & du Royaume d'Angleterre, le Roy Richard par le Conseil du Duc d'Irlande, fut d'accord de courir sus & porter guerre à ses oncles & à ses villes & citez. CHAP. LXXX.

Tout en telle maniere cōe les oncles du Roy, & le nouuel Conseil d'Angleterre (qui se tenoit à Londres, & le plus à Westmonstier) deuisoient du Roy & de son affaire, & des besongnes d'Angleterre, pour les reformer, à leur semblât & entête, en bon estat: ainsi visoient aussi, & subtilloient nuit & iour, le Duc d'Irlande & son Conseil, commēt ils peussent demourer en leur estat, & condamner les oncles du Roy: si comme il apparut par la voye que ie vous diray. Quand le Roy Richard d'Angleterre fut venu à Bristo (qui est beau & fort) & la Roïne avecques luy, ils se tindrent au chastel de Bristo: & cuidoient ceux des lointaines marches, en sus de Galles, que le Roy se teinst là pour la cause & faueur du Duc d'Irlande (qui auoit mis auant qu'il s'en iroit en Irlande) & luy aidast à faire ses finances, & à multiplier sa compaignie: car il luy estoit accordé du † general Conseil d'Angleterre. Quand il se departit du Roy, & de ses oncles, il luy fut accordé, au cas qu'il iroit en ce voyage, qu'il auroit, au coustage d'Angleterre, cinq cens Hommes-d'armes, & quinze cens Archers: & estoit ordonné qu'il y demourroit trois ans, & & tousiours seroit bien payé. Le Duc n'auoit nulle volonté de faire ce voyage: car il sentoient le Roy ieune, & pour le present il en estoit si bien au-dessus, qu'il vouloit: & se doutoit, que, s'il s'élōgnoit de sa presence, l'amour & la grace, que le Roy auoit sur luy, ne fust élongnee. Aussi, avec tout ce, il estoit si fort amoureux d'une Damoiselle de la Roïne (qui s'appelloit † Lancegraue) que nullement il ne la pouuoit laisser: & estoit vne Damoiselle, assez belle & plaisante: que la Roïne d'Angleterre auoit amenée en sa compaignie, & mise hors de Boème: dont elle estoit partie. Or l'aimoit le Duc d'Irlande, de si ardent amour, que volontiers il eust veu qu'il se peust estre demarié de la duchesse sa femme, la fille au Seigneur de Coucy: & y rendoit toute la peine, qu'il pouuoit, à Romme, à celui, qui s'appelloit le Pape Urbain sixième, & que les Anglois & les Allemans tenoient pour leur Pape. Toutes bonnes gens en Angleterre estoient tous émerueillez: & le condamnoient moult fort: pourtant que la bonne Dame estoit fille de la fille du bon Roy Edouard & de la bonne Roïne Philippe d'Angleterre: & fut sa mere Madame Ysabel: & deux de ses oncles pour le temps se tenoient en Angleterre, le Duc d'Yorch & le Duc de Glocestre: qui tenoient ce fait à grand dépit. Mais, non-obstant leur haine, le Duc d'Irlande n'en faisoit compte. Car il estoit si épris & aucuglé de l'amour d'icelle femme, qu'il se vonloit demarier: & luy promettoit qu'il la prendroit à femme: & en feroit le Pape de Romme dispenser, au cas qu'il eust l'acord du Roy & de la Roïne: & que le Pape ne luy oseroit refuser: car la Dame sa femme estoit Françoisse, & de leur creance contraire: & si auoit tousiours le Sire de Coucy (qui pere est, & estoit de la Dame) fait guerre en Rommanie, & ailleurs, pour Clement, encontre Urbain: pourquoy Urbain ne l'en aimoit point mieus: & s'enclineroit legerement à eux demarier. Tout ne mettoit il auant & promettoit à Lancegraue de Boème: & ne vouloit ouir nulles nouvelles de sa femme de loyal mariage. Mais ce Duc d'Irlande auoit vne Dame de mere (qui s'appelloit la Comtesse de Douaire, Comtesse d'Acquestuffort) laquelle n'estoit pas de l'accord de son fils: mais luy blasmoit amèrement ses folies: & luy disoit que Dieu s'en courrouceroit, & l'en payeroit vn iour, tellement que tard seroit de s'en repentir: & tenoit sa fille, la Duchesse, delez elle: & étoffoit son estat si auant, comme elle pouuoit, & d'elle & de ses gens: dont tous ceux, qui aimoient la Dame, luy en deuoient sauoir bon gré. Si comme ie vous remonstre & ay remontré des besongnes d'Angleterre, qui auindrent en celle saison, & pour venir au parfait, ie vous en parleray encores plus-auant: si comme i'en suis informé. Vous sauez comment le Duc d'Irlande se tenoit delez le Roy d'Angleterre en la marche de Galles: & n'entendoit à autre chose, nuit ne iour, fors que de venir à ses ententes en plusieurs manieres, & seruir le Roy de belles paroles, & la Roïne aussi, pour eux complaire: & attrayoit toutes manieres de Cheualiers & d'Escuyers, & de gens, qui le Roy & la Roïne venoient veoir à Bristo, & es chaces qu'il faisoit sur le pays, à la cordelle & opinion: & bien luy souffroit & consentoit le Roy à faire à sa volonté. En ces iours que le Roy d'Angleterre fut à Bristo, & sur la riuie-re de Saberne, & en la marche de Galles, eut le Duc d'Irlande moult de soing & de pei-

† Il faut entendre d'un autre conseil, que celui de la reformation, & que l'adultere mariage du Duc d'Irlande se fit aussi deuant ceste reformation pour accorder au cha. 77.

† Verard dit la Lancegraue, & sa la Lancegro-ne, sans article ce pouuoit estre le nom de la dignité de Lath-graue: dont y en a plusieurs en Allemaigne: & est ce mot escrit & prononcé par aucuns en ceste sorte Lant-graue & Lath-graue, pour Comte et Comtesse de pays.

Menee du Duc d'Irlande contre les oncles du Roy d'Angleterre & contre les Londriens.

*Le Roy Richard
auoue les me-
rites du Duc de
Irlande contre
ses oncles et les
Londriens en-
uers les Gallois.*

*Promesse des
Gallois d'aller
par tout au cō-
mandement du
Roy.*

*Le duc d'Irlan-
de ordonné sou-
uerain lieute-
nant du Roy
contre ses oncles
& leurs allies.*

ne de cheuaucher & d'aller de l'un à l'autre, & par especial en la terre de Galles: & remonstroit & disoit à tous ceux, qui entendre le vouloient (fussent gentils-hommes ou autres) que les oncles du Roy, pour venir à la souueraineté d'Angleterre, auoient osté, & mis hors du Conseil, les vaillans hommes du Conseil du Roy: tels que l'Archeuesque d'Yorch, l'Euesque de Durem, l'Euesque de Londres, messire Michel de la Poulle, messire Nicolas Brambre, messire Iehan Salbery, messire Robert Triuillien, messire Iehan Beauchamp, & luy mesme: & auoient fait mourir & décoller, sans nul tiltre de raison, vn sage & vaillant Cheualier, messire Symon de Burle, & que, s'ils se multiplioient en l'estat ou ils regnoient, ils destrueroient toute Anglet. Tant fit & tant procura celuy Duc d'Irlande, & tant prescha au peuple, & aux Cheualiers & Escuyers de la terre de Galles, & des contrees voisines, que la greigneur partie le creurent: & vindrent vn iour à Bristo, deuers le Roy: & luy demanderent, en general, si c'estoit la parolle du Roy, que le Duc mettoit auant. Le Roy leur respondit qu'ouy: & leur prioit & enioingnoit, en tant qu'ils le pouuoient aimer, qu'ils le vouussent croire: car il auoit tout ce qu'il feroit: & disoit que vrayement ses oncles estoient durs & hautains, & se doutoit grandement d'eux, qu'ils ne le vouussent surmonter, & tollir son Royaume. Ceux de la terre de Galles (qui tousiours auoient aimé le Prince de Galles, le pere du Roy, & qui en sus estoient de toutes veritez & nouuelles, qui estoient auenues en la marche de Londres) tenoient fortement que le Roy, leur Sire, & le Duc d'Irlande eussent iuste cause: & demanderent vne fois au Roy, quelle chose il en vouloit faire. Le Roy respondit qu'il verroit volontiers que les Londriens (qui tresgrans coupes auoient à ces affaires) fussent corrigez, & mis à raison, & ses oncles aussi. Ceux de Galles respondirent qu'ils estoient tenus d'obeyr au Roy, & à son commandement: & que souuerainement ils luy deuoient foy & obeyssance, & non à autre: car il estoit leur Roy & souuerain Seigneur. Si iroient par tout, là ou le Roy les vouldroit enuoyer. Le Roy de ceste responce leur feut tresgrād gré: & aussi fit le Duc d'Irlande. Quand le Duc d'Irlande veit que le Roy vouloit mōstrer que la besongne estoit sienne, & qu'il auoit bonne volonté de destruire ses auersaires, & les mettre à raison, si en eut grand' ioye: & dit à ceux de son Conseil, qu'ils ne pouuoient faire meilleur exploit, que de retourner à Londres, & mōstrer leur puissance, & tant faire, par belles parolles, ou autrement, que les Londriens fussent d'accord, & obeyssans à ce, que le Roy, que fesoit toute perte pour vn Royaume, quand il y auoit tant de chefs & gouuerneurs, & qu'il n'en pouuoit nul bien venir. Le Roy luy respōdit qu'il disoit verité, & que s'il l'auoit souffert, il ne le souffriroit plus: mais y mettroit tel remede, que tous autres pays y prendroient exemple. Or regardez & imaginez en vous-mesmes, si i'ay eu bien cause de dire & traiter que le Royaume d'Angleterre en celle saison fut en grand peril, & telle auenture, que d'estre tout perdu sans recouurer. Certes ouy, par les raisons que vous auez ouyes: car le Roy estoit émeu contre ses oncles, & cōtre les plus haux de toute Angleterre: & eux encontre le Roy, & foison de Nobles, qui estoient de sa partie: & les citez & bonnes-villes l'une contre l'autre: & les Prelats en grand' indignation l'un contre l'autre: & n'estoit nul, qui remediery peust: fors Dieu seulement. Ce Duc d'Irlande, quand il veit qu'il auoit l'accord agreable du Roy, & de la greigneur partie de ceux des contrees de Bristo & de Galles, si l'auança de dire au Roy, Monseigneur, se vous me voulez instituer & faire estre vostre lieutenant, ie m'enray douze ou quinze mille hommes avecques moy, en la marche de Londres, ou d'Acquessuffort, vostre cité & la mienne: & monstreyrai puissance contre les Londriens & vos oncles (qui tant vous ont en indignation: & vous ont osté & fait mourir aucuns de vostre conseil) & les mettray par belles parolles, ou par force, à raison. Le Roy respondit: & dit qu'il en estoit bien content: en disant, Je le vueil: & vous ordonne & institue le souuerain de mon Royaume, pour prendre gens par tout ou vous les pourrez auoir: & les menez là ou vous verrez lieu conuenable & propice, pour augmenter nostre Seigneurie & Royaume: & afin qu'on voye clerement que tout le Royaume m'appartient, ie vueil que portez nostre banniere, guidon, estandard, & autres manieres d'instrumens, appartenans à guerre: que nous-mesmes, estans en bataille, portons, ou faisons porter: & me semble que le peuple, voyant l'estandard de leur souuerain Seigneur, prendont courage & hardement de soutenir ma querelle: & vueil que punissiez les rebelles, qui ne vous voudront obeyr: tellement que les autres y prennent exemple. Je considere que ceux, qui verront noz bannieres déployees au vent, se rengeront & mettront deffous: & auront peur & crainte de deso-

de desobeir à ma Seigneurie, entreprise, & commandement. Ceste parolle réiouit grandement le Duc d'Irlande.

Comment le Roy d'Angleterre fit son mandement es parties de Bristo, pour aller à Londres: & comment messire Robert Triuillien, y estant enuoyé pour espier, fut pris à Westmonstier, & decolé, par le commandement des oncles du Roy.

CHAPITRE LXXXI.

OR fit le Roy son mandement parmy la terre de Galles, & sur les frontieres & les landes de Bristo, & sur la riuere de Sauerne: & furent plusieurs Barons, Cheualiers, & Escuyers, du Roy mandez. Les vns s'excusoient, prenans excusations légitimes: & les autres, pour obeyr au Roy, venoient deuers luy legerement, se mettans à obeissance: non obstant qu'ils doutoyent que mal auendroit de ladite entreprise. Tandis que ce mandement & ces assemblées se faisoient, le Roy d'Angleterre & le Duc d'Irlande eurent entre eux deux vn conseil secret: & leur vint en imagination d'enuoyer de leurs gens en la marche de Londres, pour sauoir comment on s'y maintenoit, & se les oncles du Roy s'y tenoient, & quelle chose on y faisoit & disoit. Tout considéré, on ne sauoit qui y enuoyer, pour bien faire la besongne, & en sauoir la verité. Adonc s'auança vn Cheualier, cousin au Duc d'Irlande (qui estoit de son Conseil, & du Conseil de la chambre du Roy & s'appelloit messire Robert Triuillien) & dit au Duc. Je vous voy en danger de trouuer feal, qui voise à la marche de Londres. Je suis content de me mettre à l'auenture, pour l'amour de vous. De laquelle responce le Duc d'Irlande fut tresioyeux: & l'en remercia: & aussi fit le Roy pareillemét. Lors se departit ledit Triuillien de Bristo, en maniere d'un pource Marchand, monté sur vne petite hacquenée: & cheuaucha tant par ses iournées, qu'il vint à Londres: & se logea en vn hostel, ou on n'eut de luy aucune congnoissance, car on n'eust iamais cuidé qu'un des Conseillers, & Chambellans du Roy, eust esté en si petit estat. Luy estant à Londres aprit & cognut des nouvelles du Duc de Clocestre, & de son Conseil, & des Londriens (voire ce qu'on en pouuoit scauoir, & non autre) & entendit qu'à Westmonstier deuoit auoir vn secret Parlement des oncles du Roy & du nouuel conseil d'Angleterre. Si s'auisa qu'il iroit celle part, & se tiendroit en la ville de Westmonstier: & là apprendroit, tout secrettement & quoyement, quelle chose à ce Parlement seroit faite. Ce qu'il fit: & s'en vint loger à Westmonstier, le iour propre que le Parlement estoit au Palais du Roy: & se bouta en vn hostel, deuant la porte du Palais du Roy (ou l'on vendoit de la ceruoise) & monta en vne loge: & s'appuya à vne fenestre qui regardoit en la court dudit Palais: & là se tint moult longuement: & veoit ceux, qui alloient & venoient au Conseil & Parlement: desquels il cognoissoit la plus grande partie, mais il estoit incognu: à cause de l'habit different, qu'il portoit. Tant se tint là, qu'une fois entre les autres, vn Escuyer du Duc de Clocestre l'apperceut, & eut de luy congnoissance, car il auoit esté plusieurs fois en sa compaignie. Quand messire Robert le veit, il le recongnut incontinent: & se retira dedans la fenestre. L'Escuyer entra en grand soupçon: & dit en soy-mesme. Il me semble que i'ay veu Triuillien. Lors, pour sauoir la verité, entra en la maison, & parla à la Dame, en luy disant, Dame, dites moy, par vostre foy qui c'est, qui boit là sus. Est il seul, ou accompagné? Par ma foy, Sire (respondit la Dame) ie ne le vous sauroye nommer, mais il a esté vn grand temps ceans. A ces mots monta l'Escuyer amont, pour luy encores mieux auiser. Il le salua: & veit tantost que son entendement estoit vraye, mais il se faingnit: & tourna sa parolle, & dit, Dieu gard le preud'homme. Ne vous deplaise, beau-maistre. Je cuidoye trouuer vu mien fermier d'Excestre, car trop bien vous luy ressemblez. Nenny (respondit messire Robert) ie suis vn homme de la Comté de Kent: qui tien terres de messire Iehan de Hollande: & les gens de l'Archeuesque de Cantorbie me vont trop pres. Si en feroye volôtiers plainte au Conseil. Respondit l'Escuyer, Se vous venez là dedans au Palais, ie vous feray auoir voye deuant les maistres & Seigneurs de Parlement. Grand mercy (respondit messire Robert) ie ne renonce pas à vostre aide. A ces mots prit congé l'Escuyer: & fit venir vne quarte de ceruoise: & la paya: & dit. A Dieu vous dy: & se partit de l'hostel, & entra en la porte du Palais, & ne cessa, tant qu'il vint en la chambre du Conseil: & appella l'Huissier, pour luy ouurir l'huis de la chambre. Adonc l'Huissier le congnut: & luy demanda qu'il vouloit, pour la cause que les Seigneurs estoient au Conseil. Il luy respondit: & dit. Je vueil parler à Monseigneur de Clocestre, mon maistre, car c'est pour besongne qui luy touche

Robert Triuillien s'offre pour espier au Duc d'Irlande.

Robert Triuillien decouuert par un Escuyer du Duc de Clocestre.

Il y auoit de excesses, et peu-apres, de Brut pour de Kent.

Robert Triuillien fait prisonnier, et examiné par le Duc de Glocestre, en la presence du Conseil.

grandement, & à tout le Cōseil aussi. Dont l'Huissier luy dit, tātost, Entrez: & vint deuant son Seigneur: & dit Monseigneur, ie vous apporte grandes nouuelles. Respondit le Duc de Clocestre, Quelles? monseigneur (dit l'Escuyer) ie parleray tout haut, car elles touchent à vous, & à tous Messseigneurs, qui cy sont. I'ay veu messire Robert Triuillien: & est en habit d'un villain, icy deuant la porte du Palais, bouté en vne tauerne de ceruoise. Triuillien! dit le Duc. Par ma foy, Monseigneur, voire, vous l'aurez au dīner, se vous voulez. Ie le vueil bien, dit le Duc. Il nous dira des nouuelles d'Irlande, du Duc son maistre. Or tost va le querir, & soyes si fort, que point tu ne failles. L'Escuyer, quand il eut le commandement du Duc, issit de la chambre: & se pourueut de quatre Sergens, & leur dit, Suyuez moy de loing: & si tost comme ie vous feray signe sur un homme que ie vois querir, mettez la main à luy: & gardez bien qu'il ne vous echappe. Ils respondirent volontiers. A ces mots s'en vint l'Escuyer: & entra en la maison, ou Triuillien se tenoit: & monta les degrez amont en la chambre, ou il l'auoit laissé: & dit, si tost comme il fut en la presence de luy, Triuillien, vous n'estes pour nul bien venu en ceste contrée: si comme ie le suppose. Monseigneur de Clocestre vous mande, que vous venez parler à luy. Le Cheualier fit le rat borgne: & se fust volontiers excusé, si l'eust peu: & dit. Ie ne suis pas Triuillien: mais ie suis un fermier à messire Iehan de Hollande. Nenny, dit l'Escuyer. Vostre corps est Triuillien: mais l'habit ne l'est pas. Et lors fit signe aux Sergens (qui estoient deuant l'huis de l'hostel) qu'il fust pris. Ils entrerent en la maison: & monterent les degrez: & vindrent en la chambre, ou Triuillien se tenoit: & tantost meirent la main à luy: & le menerent (vousist ou non) au Palais. Vous pouuez bien croire qu'il y eut grande presse à le veoir: car il estoit bien congnu en Londres: & en plusieurs lieux d'Angleterre. De sa prise & de sa venue fut le Duc de Clocestre grandement réiouy: & le voulut veoir. Quand il fut en sa presence, si luy demanda, Triuillien, quelle chose estes vous venu querre en ce pays? que fait Monseigneur? ou se tient il? Triuillien (qui veit bien qu'il estoit de tous points recognu, & que nulle excusation ne luy valoit) respōdit: & dit, Par ma foy, Monseigneur, le Roy m'a cy enuoyé, pour apprendre des nouuelles: & se tient à Bristo, & sur la riuier de Sauerne: & chace là, & s'ēbat. Comment! dit le Duc. Vous n'estes pas venu en estat de preud'homme, mais d'une espie. Se vous vousissiez auoir feu des nouuelles, vous deussiez estre venu en estat de Cheualier, & de preud'homme. Monseigneur (dit Triuillien) si i'ay mepris, si le me pardonnez, car tout ce, que i'ay fait, on le m'a fait faire. Et ou est vostre maistre le Duc d'Irlande? Dit Triuillien, Monseigneur, il est deuers le Roy nostre Sire. Adonc dit le Duc de Clocestre. Nous sommes informez qu'il fait un grand amas de Gens-d'armes, & le Roy pour luy. Quelle part les veut il mener? Monseigneur (respondit Triuillien) c'est tout pour aller en Irlande. En Irlāde! dit le Duc Maist Dieu, Monseigneur, voire, dit Triuillien. Donc pensa un petit le Duc de Clocestre puis parla: & dit, Triuillien, Triuillien, voz besongnes ne sont ne bōnes, ne belles, & auez fait grande follie d'estre venu en ce pays, car on ne vous y aime pas: si comme on le vous monstrera. Vous, & les autres de vostre alliance, auez fait beaucoup de deplaisir à mon frere & à moy: & auez troublé, à vostre pouuoir, & mal conseillé Monseigneur, & aucuns des Nobles de ce pays. Auecques ce, auez émeu des bonnes-villes à l'encontre de nous. Si est venu le iour que vous en aurez le payement. Car, qui biē fait, sa raison il treuve. Pensez à voz besongnes, car iamais ie ne beuray, ny ne mangeray, tant que vous soyez en vie. Ceste parolle ēbahit grandement Triuillien (car nul n'oyt pas volontiers parler de sa fin) par celle maniere, que le Duc de Clocestre la luy bailloit. Si se voulut excuser par beau langage, en s'humiliant enuers luy, au mois mal qu'il peut, mais il ne feut faire chose, par laquelle il peust appaiser le Duc, car il estoit informé de luy, & des autres de la secte du Duc d'Irlande, si bien, que son excusation ne luy valoit rien. Que vous élongneroye ie la matiere? Messire Triuillié fut deliuré au bourrel, & mené dehors Westmonstier, à la iustice Royale: & là fut décolé, & puis fut pendu au gibet, par les esclles. Ainsi finit messire Robert Triuillien.

Robert Triuillié décolé à Westmonstier.

Comment apres les nouuelles du decolement de messire Robert Triuillien, l'Archeuesque d'Yorch & messire Nicolas Brambre confirmerent le Roy Richard à mener guerre contre ses oncles: & comment le Duc d'Irlande, son Lieutenant general, conduisit armée iusques à la ville d'Acquessuffort.

C H A P . L X X X I I .

Or vin-

OR vindrent les nouvelles hastiement au Roy Richard d'Angleterre, & au Duc d'Irlande (qui se tenoyent à Bristo) que messire Robert Triuillien estoit mort honteusement. Si prit le Roy ceste chose en grand dépit: & dit, & iura, que la chose ne demourroit pas ainsi, & que ses oncles faisoient mal: quand sans nul tiltre de raison, ils luy ostoyent ses hommes & ses Cheualiers qui loyaument l'auoient seruy, & son pere le Prince aussi: & monstroient qu'ils le vouloient mettre hors de la couronne d'Angleterre: & que la chose luy touchoit trop de pres. A ces iours estoit l'Archeuesque d'Yorch, qui estoit souverain du Conseil, & auoit esté vn grand temps. Si dit Monseigneur, vous demandez conseil, & ie le voz donneray. Vos oncles, & tous ceux de leur accord, errent trop grandement contre vous: & semble, à ce qu'ils monstrent, que vous ne soyez conseillé que de traistres: & ne peut nul estre ouy par dessus eux. C'est vn moult grand peril pour tout le Royaume, car se les Communautéz s'émouuoient & reueilloient, il ne peut estre que grand méchef n'auinst en Angleterre, au cas que les Seigneurs ne soient amis, & tous vn. Si vous conseille que vous y remediez, & de puissance, vous demourrez pour le present en marche & contrée assez foisonnable de peuple. Faites vn mandement sur tous ceux, qui sont taillez de vous seruir. Gentils-hommes & autres: & quand ils seront tous mis ensemble, enuoyez les en la marche de Londres: & en faites conducteur & souverain le Duc d'Irlande (qui volontiers en prendra la charge) & n'ayt autres bannieres, ne pennons, que voz plaines armes, pour mieux monstrier que la besongne soit vostre. Tout le pays, en allant iusques là, se tournera dessous voz bannieres, & par auenture les Londriens: qui ne vous hayent pas, car vous ne leur auez rien meffait. Tout ce, qu'il y peut auoir à present de trauaise, voz oncles l'y ont mise & boutée. Veez là messire Nicolas Brâmbre (qui a esté Maire de Londres a grand tēps, & que vous fistes Cheualier, pour le beau seruice qu'il vous fit vn iour, qui ià fut) qui cognoist, & doit cognoistre par raison, assez des euures des Londriens, car il est de la nation: & ne peut estre qu'il n'y ait encores de bons amis. Si luy requerez qu'il vous conseille, pour le mieux, de ceste besongne. Car vous pourrez perdre par merueilleuse information, & par tumulte de peuple, vostre Seigneurie. Lors tourna le Roy la parolle sur messire Nicolas Brambre: & le requit de parler. A la requeste du Roy parla messire Nicolas Brâmbre: & dit, Sire, Roy, & vous, tous mes Seigneurs: ie parleray volontiers (puis que i'en suis requis) selon l'auis que i'ay. Je vous dy, tout premierement, que ie ne puis croire, ny ne croiray, que la greigneur partie des Londriens en amour, & en faueur, ne s'enclinent deuers le Roy, Monseigneur, que vecy, car parfaitement ils aimerent Monseigneur le Prince, son pere de bonne memoire: & bien luy monstrent ils, quand les villains se rebellerent & eleuerent. Car à parler par raison, se les Londriens eussent voulu estre de leur accord, ils eussent destruit le Roy, & le Royaume. Outre, les oncles du Roy ont trop bel à la cause. Car ils se iouent là emmy eux: & informent le peuple de ce qu'ils veulent: ne nul ne leur va au deuant, au contraire de leur parolle. Ià ont ils osté les officiers du Roy, & moy & les autres, & remis ceux de leur accord. Ils ont enuoyé le Roy icy à l'vn des bouts de son Royaume. On ne peut sur ce imaginer, n'exposer, nul bien: ne nous ne pouons sauoir parfaitemēt à quoy ils tendent. Si ceste chose dure longuement, à ce qu'ils monstrent, ils bouteront le Roy hors de son Royaume, car ils y vōt de puissance: & le Roy n'y va que par douceur. Ià ont ils fait mourir ce vaillant Cheualier & preud'homme, sans nul tiltre de raison, messire Symon Burle (qui tant de beaux seruices a fait au Royaume d'Angleterre, par delà la mer, & par deçà) & ont trouué grandes faussetez sur luy, & qu'il vouloit liurer le chastel de Doures aux François: & ont dit & informé le peuple qu'il les auoit fait venir en Flandres & à l'Escluse: & oncques n'en fut rien. Aussi, au despit du Roy, ils ont occis honteusement messire Robert Triuillien, son Cheualier: & aussi feront ils tous les autres: fils en peuuent venir à chef. Par ainsi ie dy, & mets outre, qu'il vaut mieux que le Roy y voise de rigueur & de puissance, que de douceur. On fait bien, par tout le Royaume d'Angleterre, qu'il est Roy, & que ià, à Westmonstier, le bon Roy & vaillant Edouard, le fit eleuer, & iurer à tous Seigneurs, Prelats, citez, & bonnes villes d'Angleterre, qu'apres son decès on le tiendrait à Roy, & ce serment firent les trois oncles. Or semble il à plusieurs (s'ils osoient parler) qu'on ne le tient pas en estat, n'en forme de Roy, car il ne peut faire du sien sa volonté. On l'a mis à pensio, & la Royne aussi. Ce sont trop dures choses pour le Roy, & pour vne si grande Dame aussi. On leur monstre qu'ils n'aient pas sens d'eux gouverner & conseiller, & que leur conseil soit traistre & mauuais. Je dy que telles cho-

Courroux du Roy Richard en tendant la mort de Triuillien.

Conseil de l'Archeuesque d'Yorch, pour guerroyer sur la marche de Londres.

1^{re} liroye volō tiers rancune

† Inflammatio, y seroit peut estre bien.

† C'est assauoir au Roy Richard luy-mesme.

Messire Nicolas Brambre conseille aussi au Roy Richard, de faire guerre à ses oncles.

*Conclusion du
Parlement du
Roy d'Angle-
terre à Bristo.
Le Duc d'Irlande
de en Acques-
suffort.*

*Conseil des on-
cles du Roy Ri-
chard avecques
leurs alliez sur
la venue du
Duc d'Irlande*

ses ne sont pas à souffrir: & plus eher i'aimeroye à mourir, que de longuement viure en tel estat ne danger, ne de veoir le Roy estre demené, ainsi que ses oncles le demeinēt. Le Roy s'arresta sur ceste parolle: & dit. Il ne nous plaist pas: & ie vous dy que vous, qui m'auez à conseigner, y remediez, au plus honnorablement que vous pourrez, à l'honneur & profit de nous & de nostre Royaume. Là fut à ce parlement conclu, & ordonné à Bristo, que le Duc d'Irlande, tout souuerain de la Cheualerie du Roy, se retireroit, à tout ce qu'il pourroit auoir de Gens-d'armes & d'Archers, en la marche de Lōdres, & voudroit venir sauoir le parfait courage des Londriens: & s'il pouuoit auoir parlement n'audience à eux, ils les tourneroit tous à sa cordelle, parmy les grans promesses qu'il leur promettrait de par le Roy. Ne demoura gueres de temps, que le Duc d'Irlande, à bien quinze mille hommes, se departit de Bristo, & s'en alla vers la cité d'Acquesuffort. Quand il fut venu iusques là, luy & ses gens se logerent en la ville: & là enuiron: & portoyent bannieres & pennons des armoiries d'Angleterree, toutes plaines, car le Roy vouloit qu'ainsi se fist, pour mieux monstrier que la besongne estoit sienne. Les nouuelles vindrent aux oncles du Roy, au Duc d'Yorch & au Duc de Clocestre, que le Duc d'Irlande approchoit Londres, & estoit ià à Acquesuffort, à tout bien quinze mille hommes: & portoient les propres bannieres du Roy. Ils penserent sur ces besongnes: & eurent conseil comment ils se cheuiroient: & manderent vn iour à Westmonstier tous les souuerains de Londres, ceux ou ils auoient la greigneur fiance & alliance: & leur remonstrent cōment le Duc d'Irlande & ceux de sa bande venoyent, à main armée, sur eux. Les Londriens, comme gens confortez & tous appareillez d'obeir au commandement des oncles du Roy (car à ce estoient ils tous enclinez & arrestez) respondirent. Ce soit au nom de Dieu. Si le Duc d'Irlande demande la bataille à nous, legeremēt l'aura. Nous ne clorons ià porte, que nous ayons, pour quinze mille Hommes-d'armes, ne vingt mille, fils y sont. De ceste responce furent les Ducs tous reiouis: & meirent tantost, & incontinent grande foison de Cheualiers en besongne, & de messagers, pour assembler Cheualiers & Escuyers de tous costez, & gens & Archers des bonnes-villes. Aux lettres des Ducs ceux, qui priez & mandez en estoient, obeirent, car ainsi promis & iuré l'auoient. Si se pourueurent en l'Euesché de Nordwich, en la contrée de l'Archeuesché de Cantorbie, en la Comté d'Arondel, en la Comté de Salbery, en la Comté de Hantonne, & tout au pays d'enuiron Londres: vindrent plusieurs Cheualiers & Escuyers à Londres: & là se logerent: & encores ne sauoient ils ou on les vouloit enuoyer, ne mener.

*Comment le Duc d'Irlande enuoya trois Cheualiers à Londres, pour sauoir des nouuelles:
& comment les oncles du Roy, & les Londriens se meirent sur les champs, pour combat-
tre le Duc d'Irlande & son alliance.* CHAPITRE LXXXIII.

*Trois Cheua-
liers du Duc
d'Irlande se-
crettement en-
trez, au cha-
teau de Lōdres*

OR vous parleray vn petit du Duc d'Irlande, & de son conseil: qui se tenoit à Acquesuffort: & y auoit bien quinze mille hommes, mais il en y auoit, qui plus y estoient venus par contrainte, que de bon courage. Or fauisa le Duc, que pour sauoir vne partie de la volonté de ceux de Londres, il enuoyeroit messire Nicolas Brambre, & messire Pierre Goulouffre, & messire Michel de la Poulle, au chastel de Londres: & sy boute-royent par la Tamise, & mettroient les bannieres du Roy sur la tour, pour veoir quel semblant les Londriens en feroient. Ces Cheualiers dessusnommez, à la requeste & ordonnance du Duc d'Irlande se departirent, à trente cheuaux tant-seulement, de la cité d'Acquesuffort, à la couuerte, deuers Windesore: & là logerent vne nuit. Au lendemain ils passerent la Tamise, au pont Escaues: & s'en vindrent disner à Chesnes, en l'hostel du Roy: & se tindrent là, iusques sur le vespre & sur le tard. Ils se departirent: & s'en vindrent à vn hostel du Roy, à trois lieues de là, en approchant à Londres, qu'on dit Quinetonne & là laisserent tous leurs cheuaux: & entrerent en bateaux: & vindrent tout contre-val la Tamise, avecques les flots: & passerent le pont. On ne s'en donna de garde, car on ne sauoit riens de leur venue. Si s'en vindrent au chastel de Londres: & y trouuerēt le Chastelain, que le Roy y auoit mis & establi: & par celuy seurent les Cheualiers grande partie des nouuelles de Londres, & des Ducs: & leur dit moult bien, qu'en tresgrand peril ils estoient venus là loger. Pourquoi? dirent ils. Nous sommes Cheualiers du Roy. Si pouuons bien loger en ses maisons. Nenny, ce dit le Chastelain. Ceste ville, & tout le Conseil, veut bien estre en l'obeissance du Roy: mais qu'il se vueille régler & ordonner par le conseil des Ducs ses oncles, & autrement non. Et ce, que ie vous dy, ie le vous remonstre

monstre pour bien, car ie suis tenu de vous conseiller & adrecer, selon mon petit sens & pouuoir, mais ie fay doute, que se demain le iour vient (ainsi cōme il fera, se Dieu plaist) & nouvelles soient esbandues à Londres qu'il y ayt ceans gens de par le Roy, vous verrez, & par terre & par eaue, assieger les Londriens ce chastel: & point ne s'en departiront si auront esté dedans, & auront veu quelles gens sy logent. Se vous y estes trouuez, ils vous presenteront aux oncles du Roy. Or pouuez vous imaginer & sentir quelle fin vous ferez. Ie tien les oncles du Roy si courroucez contre le Conseil du Roy, & sur le Duc d'Irlande, que se vous estes tenus, vous n'en partirez point en vie: & glosez bien toutes ces parolles, car elles sont vrayes. Or furent ces trois Cheualiers (qui cuydoient faire merueilles) plus ébahis que deuant: & eurent entre eux-trois conseil, que celle nuit, iusques au lendemain, ils se tiendroient là: mais ce seroit si secrettement, que nul ne sauroit leur venue: & le Chastelain leur afferma ainsi, à son loyal pouuoir: & prit par deuers soy en garde toutes les clefs des issues & entrées dededans. Quand le iour fut venu, ces Cheualiers eurent plusieurs imaginations & conseils entre eux, pour sauoir comment ils se maintiendroient. Tout considéré, & eux bien conseillez, ils n'osèrent attendre l'auenture, qu'ils fussent seus là dedans, car ils se douterent trop fort d'y estre enclos & assiegez. Quand ce vint sur la nuit, & que la marée venoit, ils entrerent en vne grosse barge, & se meirent en la Tamise: & partirent du chastel de Londres, sans rien faire: & vindrent loger à Quinetonne, & dormir. Au point du iour, ils monterent à cheual: & s'en vindrent, par Tartarée, disner à Windesore: & la furent toute la nuit. Au lendemain, ils s'en vindrent à Acquessuffort: & trouuerent le Duc d'Irlande & ses gens: à qui ils recorderent toutes ces nouvelles, que vous auez ouies: & comment ils n'auoient osé arrester audit chastel de Londres: nonobstant qu'on les y eust receus. Le Duc fut moult pensif sur ces nouvelles: ny ne feut que dire, ne que faire, car ià cognoissoit il bien ce sentemēt, & que tous ces gens, qu'il y auoit là assemblez & amassez, n'estoient pas tous d'un courage: & ne sauoit lequel faire, ou de retourner deuers le Roy, ou de demourer. Il s'en conseilla à ces Cheualiers. Le dernier Conseil s'arresta sur ce, que puis que le Roy d'Angleterre l'auoit institué & ordonné Conestable de tous ses gens, pour corriger & punir tous rebelles, il tiendrait les champs, car s'il faisoit autrement, il receuroit trop grand blâme, & se mettroit en l'indignation du Roy, & remonstreroit que sa querelle ne seroit pas iuste ne bonne: & que trop mieux luy valoit à mourir à honneur, & attendre l'auenture, que monstrier faute de courage. Si luy fut dit qu'il signifiast son estat deuers le Roy, à Bristo: & que Dieu mercy, tenoit il encores les champs: ne nul ne venoit à l'encontre de luy. Tout ce fit le Duc d'Irlande, luy estant en Acquessuffort: & pria, en ses lettres, au Roy, que tousiours il luy enuoyast gens: ainsi que le Roy fit. Nouvelles vindrent aux oncles du Roy (qui se tenoient à Londres) que le Duc d'Irlande, à tout grans gens, estoit en la marche d'Acquessuffort. Ils eurent conseil ensemble comment ils se maintiendroyent. Pour ce iour y estoient tous les Seigneurs de Parlement, l'Archeuesque de Cantorbie, le Comte d'Arondel, le Comte de Salbery, le Comte de Northombellande, & moult d'autres Bretons & Cheualiers d'Angleterre, qui se tenoient de leur costé, & toute la Conestablie de Londres. Là fut conseillé & ordonné (car le Duc de Glocestre le vouloit ainsi) que tantost & sans delay on se meist sur les champs, & que le Maire de Londres fist armer, par Conestablies, toutes gens de Lōdres, dont ils pourroiet estre aidez, car il disoit, & mettoit outre, qu'il iroit combattre le Duc d'Irlande: quelque part qu'il se trouueroit. Le Maire de Londres (qui estoit pour lors homme-d'armes) prit tant seulement gens d'election, entre vingt ans & quarante ans: & les Seigneurs, dessus-nommez, auoient bien mille Hommes-d'armes. Toutes ces gens se departirent de Londres: & vindrent loger à Branforde, enuiron les villages, & au lendemain à Colebruc: & tousiours leur croissoient gens: & prirent le chemin de Redingues, pour aller au dessus de la Tamise, & passer plus aisément, car les ponts de Windesore & d'Escaues estoient rōpus par l'ordonnance du Duc d'Irlāde: & aussi ils alloyēt le meilleur chemin, & le plus plain pays. Tant exploiterent, qu'ils approcherent Acquessuffort. Les nouvelles vindrent au Duc d'Irlande, & à ses gens, comment les oncles du Roy, & l'Archeuesque de Cantorbie, le Comte d'Arondel, & les autres Seigneurs, & les Londriens, à tout grāde puissance, venoient. Adonc se commença le Duc d'Irlande à douter: & demanda conseil. On luy dit que luy & ses gens prissent les champs, & se missent en ordonnance de bataille, & missent les bannieres du Roy. S'il plaist à Dieu, la journée seroit leur, car ils

*Depart de trois
Cheualiers du
Duc d'Irlande
hors du cha-
steau de Lōdres
sans y auoir osé
leuer les ban-
nieres du Roy
Angleterre.*

*Sortie de ceux
de Lōdres, sous
la conduite du
Duc d'Essex
pour aller com-
battre le Duc
d'Irlande.*

auoient bonne cause. Tout ainsi, comme il fut ordonné: il fut fait. On sonna les trompettes, toutes gens s'armerent: & issirent hors d'Acquessuffort ceux, qui logez y estoient: & se meirent sur les champs toutes manieres de gens, & en ordonnance de bataille: & developperent les bannieres du Roy: & faisoit ce iour moult bel & cler, & moult ioly temps & plaissant.

Comment les oncles du Roy firent tant, qu'ils gaignerent la iournée contre le Duc d'Irlande: & comment le Duc d'Irlande s'enfuit, & plusieurs autres de sa compagnie.

C H A P.

LXXXIII.

Nouvelles vindrent au Duc de Clocestre (qui estoit logé à trois lieues pres d'Acquessuffort: & estoit tout au long, sur vne petite riuere, qui vient d'amont, & chet en la Tamise, dessous Acquessuffort: & estoient en vne moult belle prée) que le Duc d'Irlande f'estoit trait sur les champs, & mis en ordonnance de bataille. De ce eut le Duc de Clocestre grande ioye: & dit qu'il le combattroit: mais qu'on peust passer la Tamise. Adonc sonnerent, parmy son ost, les trompettes du délogement: & s'ordonnerent en telle maniere, comme pour tantost combattre. Ils estoient à deux lieues, embuschez pres de leurs ennemis, mais qu'ils peussent à l'adrece passer la riuere de la Tamise. Or, pour taster le fond & le gué, le Duc de Clocestre enuoya de ses gens: lesquels trouuerent la riuere en tel point, que puis trente ans on ne l'auoit point veüe si basse: & passerent outre moult legerement les Coureurs du Duc: & allerent auiser le conuenant de leurs ennemis. Puis retournerent: & vindrēt deuers le Duc de Clocestre: & luy dirent, Mōseigneur Dieu & la riuere sont auionrd'huy pour vous, car elle est si basse, au plus parfond, que noz cheuaux n'en ont pas eu iusques au ventre, & vous disons, Monseigneur, que nous auons veu le conuenant du Duc d'Irlande: & sont tous rangez & ordonnez sur les chāps en bonne maniere & ordonnance: & ne vous sauons à dire si le Roy y est: mais ses bānieres y sont: n'autres bannieres nous n'auons veües, que les bannieres du Roy, armoyées de France & d'Ang. Donc respondit le Duc, Dieu y ait part. A ceste armoirie auōs nous part, mon frere & moy. Or cheuauchon au nom de Dieu, & de Monseigneur S. George. Car ie les vueil aller veoir de plus pres. Adōc cheuaucherent leurs gens, de grande volonté: pourtant qu'ils entendirent qu'ils passeroient la riuere à gué, moult aisément: & furent tantost ceux de cheual sur la riuere: & passerent les premiers le passage: & fut tantost tout leur ost outre. Nouvelles vindrent au Duc d'Irlande que les oncles du Roy, & tous leurs gens, estoient passez: & que briefuement ils auroient la bataille. Lors se cōmença à ébahir le Duc d'Irlande moult grandement: & bien sauoit, que s'il estoit pris n'attrapé, le Duc de Clocestre le feroit mourir honteusement, & n'en prendroit or ny argent de rançon. Si dit à messire † Boulouffre & à messire Michel de la Poulle, Certes le courage me sied trop mal pour ceste iournée: ne ie n'ose par bataille attendre les oncles du Roy, car s'ils me tiennent, ils me feront mourir honteusement. Comment, Diables, ont ils passé la riuere de la Tamise? C'est vne bien poure signifiāce pour nous. Et quelle chose en voulez vous faire: respondirent ces deux Cheualiers. Ie me vueil sauuer, & vous aussi (ce dit le Duc) & le demourant se sauue, s'il peut. Or nous trayō donc sur ælle (respondirent ces deux Cheualiers) & ainsi nous aurons deux cordes à nostre arc. Nous verrons comment noz gens assembleront. S'ils se portent bien, nous demourrons, pour l'honneur du Roy, qui cy nous enuoye: & s'ils sont déconfits, nous tournerons sur les champs, & aurons l'auantage de courir, & de traire là ou nous pourrons. Ce conseil fut tenu. Le Duc d'Irlande se refreschit de coursier, bon & appert. Aussi firent les Cheualiers: & depuis cheuaucherent, en tournoyant la bataille, & en montrant bon visage, & en disant. Tenez les batailles en bon conuenant. Nous aurōs huy vne belle iournée, s'il plaist à Dieu, & à Sainct-George, car le droit est nostre: & c'est le faict du Roy, si en vaut mieulx la querelle. Ainsi, en eux dissimulant & boutant hors de la presse, ils s'en vindrent sur vn coing de la bataille, & firent vn ælle. Adoncques veez cy venir le Duc d'Yorch le Duc de Clocestre, & les Seigneurs: & venoyent à bannieres deployées, & en sonnant grande foison de trompettes. Si tost que les gens du Roy les veirent venir en ce conuenant, ils furent tous ébahis: & ne tindrent nul arroy: mais leur tournerent le dos, car voix generale couroit que le Duc d'Irlande, leur Capitaine, s'enfuyoit, & ceux de son Conseil. Et ainsi donc fuirent ils, les vns çà, les autres là, sans monstrier nulle deffense, & le Duc d'Irlāde & les deux Cheualiers deffusdits prirēt les champs, à force de cheuaux & n'eu-

L'ost du Duc de Clocestre passe la Tamise à gué, pour aller rencontrer le Duc d'Irlande, † Par auant Goulouffre.

Resolution du Duc d'Irlande à s'enfuir et abandonner ses gens sans combattre en personne.

& n'eurent nul talent de retraire vers Acqueffuffort: mais l'élongnerent ce qu'ils peurēt. Quand le Duc de Clocestre veit le conuenant de ces gens, assemblez contre luy, si luy remordit conscience: & ne voulut pas faire du pis, qu'il eust bien fait, car biē sauoit que tous ou en partie, y estoient venus par contrainte, & par l'incitation du Duc d'Irlande. Si dit aux siens, la journée est nostre, mais ie vous deffen, sur la teste, que vous n'occiez homme, si ne se met en deffese: & si vous trouuez Cheualiers ny Escuyers, si les prenez, & les amenez. Le cōmandement du Duc de Clocestre fut fait. Petit de morts y en eut: si ne fut en la foule de la presse: ainsi qu'ils cheuauchoiēt l'un sur l'autre. En celle chance fut pris messire Iehan (qu'on disoit le Petit Beauchamp) & messire Iehan de Salbery & presentez au Duc de Clocestre: qui en eut grande ioye. Si prirent ces Seigneurs le chemin d'Acqueffuffort, & trouuerent les portes ouuertes: & sans contredit entrerent dedans: & se logerent ceux, qui loger sy peurent: mais fort ostroitemēt. Le Duc de Clocestre enqueroit si le Duc d'Irlande estoit pris: mais on luy dit que nenny, & qu'il s'estoit sauué. Le Duc de Clocestre fut deux iours à Acqueffuffort: & donna à toutes manieres de Gens-d'armes congé de retourner en leurs hostels: & les remercia du seruice, qu'ils luy auoit fait, à son frere & à luy. Si dit au Maire de Londres, & à tous les Connestables de Londres qui là estoient, qu'ils s'en retournassent, & emmenassent leurs gens. Ce que ils firent volontiers. Ainsi se departit toute l'armée & cheuauchée.

Decōfiture des gens du Duc d'Irlāde & fuite d'iceux sans coup ferir & de luy mesme aussi.

Humanité du Duc de Clocestre enuers les deconfis.

Le Duc de Clocestre en Acqueffuffort, donnant cōgé à ses gens de guerre.

Comment le Duc d'Irlande & quelques siens compaignons se retirerent en Hollande, & en l'Euesché d'Vtrecht: & comment l'Archeuesque de Cantorbrie, ennoyé vers le Roy de par ses deux oncles, fit tant qu'il l'amena honnorablement à Londres

CHAPITRE LXXXV.

OR vous compteray du Duc d'Irlande, de messire Pierre Boulouffre, & de messire Michel de la Poulle, & qu'ils deuindrent. Ce iour, que ie vous ay compté, ils se sauuerent: & aussi firent tous les autres: & bien en auoient mestier, car fils eussent esté tenus ny trouuez, sans mercy ils estoient morts. Point ne me fut dit, ne compté, qu'ils allassent deuers le Roy: & s'ils y allerent, ils ny seiournerent gueres longuement: mais se departirent d'Angleterre, au plustost qu'ils peurent: & me fut dit, & racompté, qu'ils cheuaucherent parmy Galles, & passerent à Karlion, & entrerent au Royaume d'Escoce, & vindrent à Haindebourg, & là entrerent ils en vn vaisfel, & se meirent en mer, & eurent vent à volōté, & costoyerēt Frise, & l'Isle de Tesele, & le pays de Hollāde: & s'en vindrēt arriuer au haure de la bonne-ville de Dourdrec. Quand ils sy trouuerēt, ils furent tous réiois: & me fut dit que de longue main ce Duc d'Irlande auoit fait grād attrait d'or & d'argent, & de finances, à Bruges, par Lōbars, pour tousiours estre au dessus de ses besongnes, car (qu'il eust le Roy d'Angleterre de son accord) si doutoit il les oncles du Roy grandement, & le demourant du pays. Pourquoy, luy estant en ses grandes fortunes, il se pourueut, & fit son attrait & amas, grand & fier, en Flandres, & ailleurs, là ou il pensoit bien l'argent à retrouver, si luy besongnoit: & me fut dit que les soixante mille francs, qu'il auoit receus pour la redemption des enfans de Bretagne, & especialement pour Iehan de Bretagne (car Guy estoit mort) il les trouua tous appareillez deçà la mer: & encores on luy en deuoit payer en trois ans soixante mille. Si ne se deuoit pas cbahir qu'il n'eust finance assez, vn grand temps. Quand le Duc Aubert de Bauiere (qui tenoit Hainaut, Hollande, & Zelande en bail, par le Comte Guillaumie son frere, car encores viuoit il) entendit que ce Duc d'Irlande, s'estoit venu loger & ramasser, cōme vn homme fuyant & chacé hors d'Angleterre, en la ville de Dourdrec, si pensa vn petit comment, & imagina qu'il ne seiournoit là gueres longuement. Car il n'estoit conuenablement party, n'issu hors d'Angleterre, car il estoit mal de ses † cousins germains: ausquels il deuoit toute amour: & la leur vouloit tenir & deuoir. En outre il s'estoit mal acquité & porté enuers sa cousine de Coucy: qui estoit fille de sa cousine germaine, Madame Ysabel d'Angleterre. Pourquoy il manda à ce Duc d'Irlande, que pour la cause qu'il auoit courroucé ses beaux-cousins d'Angleterre, & brisé son mariage, & vouloit auoir espousé autre femme, qu'il se departit de son pays, & si s'en allast ailleurs loger, car il ne vouloit soustenir en ville, qui fust siēne, le Duc d'Irlāde. Quand il ouit ces nouuelles, si se douta que de fait il ne fust pris, & liuré es mains de ses ennemis: & s'humilia grādemēt enuers ceux qui là estoient enuoyez: & dit qu'il obeiroyt volontiers au commandement de Monseigneur le Duc Aubert. Si fit par tout cōpter & payer: & meit tout son arroy sur la riuiere

Retraite du Duc d'Irlande à Dourdrec en Hollande.

† Les Ducs d'Yorch & de Clocestre, et ce-luy de Hainaut estoient fils de deux sœurs.

Quant à la clause suyuante nous l'auons éclaircie selon le chapitre. 80.

Le Duc d'Irlande à Beret en l'Euesché d'Vtrecht.

Le Petit Beauchamp & Jehan de Salbery decolés, à la Pourfuite des deux oncles du Roy. Richard.

† Il semble que le Bon homme Froissart ait icy oublié ce qu'il a dit au ch. 87 du 2. Volume attribuant ceste occision, en la personne de vn autre Tillier à Jehan Puaulourde, pour lors Maire de Londres, suuy de Jehan Stanwich, & de Nicole Branle, qui doit estre ce Nicolas Bräbre, ici decapité

de la Mornegue (qui vient d'amont) & entra en vn vaisfel, luy & ses gens: & exploiterēt tant par eau & par terre, qu'ils vindrent à Beret: laquelle ville, sans moyen, est toute lige à l'Euesque d'Vtrecht: & là fut il receu bien & volontiers: & s'y tint, tant qu'autres nouvelles luy vindrent. Nous nous souffrerons à parler de luy, tant que temps en sera: & parlerons d'Angleterre. Apres le departement de ceste cheuauchée, que les oncles du Roy firent vers Acquesuffort contre le Duc d'Irlande, & que toutes manieres de Gens d'armes furent retraits en leurs manoirs, se tindrent le Duc d'Yorch & le Duc de Clocestre, & l'Archeuesque de Cantorbie, en la cité d'Acquesuffort, ie ne say quants iours: & là furent decolés les deux Cheualiers: qu'on disoit le Petit Beauchâp, & messire Jehan de Salbery. Ceste iustice faite, les oncles du Roy retournerent à Londres: & s'y tindrent vn temps, pour sauoir, & ouir, s'ils orroient nulles nouvelles du Roy: & nulles nouvelles n'en oyoient: fors tant, que le Roy se tenoit à Bristo. Or fut conseillé à Westmonstier, par l'incitation & promouement de l'Archeuesque de Cantorbie, que ce seroit bon qu'on allast honnorablement deuers le Roy à Bristo: & luy fust remonsté amiablement comme il auoit esté vn temps contre la plus saine partie de son pays, & qui plus aimoiēt son honneur à garder, & que trop auoit creu au conseil des marmousets: parquoy son Royaume auoit esté en grand branfle. Endementiers qu'on estoit en ce Parlement, fut amené à Londres messire Nicolas Brambre: qui auoit esté pris & rencontré en Galles: là ou il estoit allé à sauueté. De sa prise & venue furent les oncles du Roy tous ioyeux & réiouis: & dirent qu'on ne le garderoit point trop longuemēt: mais mourroit de mort semblable, que les autres estoient morts. Il ne se peut oncques excuser, qu'il ne luy conuenist mourir: & fut decolé au dehors de Londres, à la iustice du Roy. Si fut plaint d'aucunes bonnes-gens de Londres, car il auoit esté Maire de Londres au temps passé, & l'auoit, son office durant, gouvernée bien & à point: & sauua vn iour l'honneur du Roy, en vne place ou il fut, † quand de sa main il occist Listier: parquoy tous les autres mutins auoient esté déconfits: & pour ce beau seruice qu'il fit, le Roy le fit Cheualier. Or fut decolé, par la maniere que ie vous ay dit, & par trop croire le Duc d'Irlande. Apres la mort de messire Nicolas Brambre, veirent les oncles du Roy, que tous ceux, qu'ils hayoient & vouloient oster hors du Conseil du Roy, estoient morts, ou éloignez: tellement que plus n'y auoit de ralliance: & conuenoit que le Roy & le Royaume fust remis & reformé en bon estat. Car (quoy qu'ils eussēt fait mourir les dessusdits, & chacez) si ne vouloient ils pas oster au Roy sa Seigneurie: mais ils le vouloient régler sur bonne forme & estat, à l'honneur de luy & de son Royaume. Si dirent à l'Archeuesque de Cantorbie ainsi. Vous vous en irez, en vostre estat, deuers Bristo. Là trouuerez vous le Roy: & vous luy remonstrez les besongnes & ordonnances de son Royaume, en quel point elles gisent & sont: & nous recommanderez à luy: & luy direz biē, de par nous, qu'il ne croye nulle information contraire, car trop les a creues, contre l'honneur & profit de luy & de son Royaume. Si luy direz que nous luy prions, & aussi font les bonnes-gens de Lōdres, qu'il vienne par-deça: & il sera le bien-venu, & receu à grande ioye: & luy mettrons tel conseil delez luy, qu'il luy plaira. Toutesfois, Archeuesque, nous vous en chargeons que point vous ne venez sans luy, car tous ceux, qui l'aiment, s'en contenteroyent mal. Si luy dites bien qu'il ne se courrouce point, pour aucuns traistres (qui trop auoient esté en sa compaignie) son les a occis & éloignez de luy, car par eux son Royaume estoit en grande auenture d'estre perdu. L'Archeuesque respondit qu'il feroit bien la besongne. Dōc ordonna il son arroy: & se meit au chemin, comme vn grand Prelat: & tant fit qu'il vint à Bristo: & se logea en la ville. Pour ces iours le Roy estoit moult priuement, car tous estoient ceux, ou il souloit conseiller, morts, & éloignez de luy, ainsi que vous auez ouy cy-dessus recorder au proces. Si fut l'Archeuesque vn iour tout entier, & deux nuicts, en la ville, auant que le Roy voufist parler à luy: tant estoit il melancolieux sur ses oncles qui elongné luy auoyent le Duc d'Irlande (l'homme au monde qu'il aimoit le mieux) & qui luy auoient fait mourir ses Chambelans & Cheualiers. Finalement il fut tant mené, & si bien introduit, qu'il consentit que l'Archeuesque veinist en sa compaignie & presence. Quand il y fut venu, il l'humilia grandement deuers le Roy: & luy remonstra bien toutes les parolles, dont ses deux oncles l'auoient chargé: & les luy dōna bien à entendre, en luy remōstrant, que s'il ne venoit à Lōdres, & au Palais de Westmonstier (au cas que ses oncles le vouloient, & l'en prioient, & les Londriens aussi, & la plus saine partie de son royaume) il les courrouceroit: & sans le cōfort, aide, & cōseil de ses oncles, &

cles, & des Barons & Cheualiers, Prelas, cites, & bonnes villes d'Angleterre, il ne pou-
 uoit rien faire, ne venir à nulle de ses ententes: & luy remonstra bien vniment. Car de
 ce estoit il chargé du dire: & qu'il ne pouuoit de plus réiouir ses ennemis: que d'auoir
 guerre à ses amis, & tenir son pays en guerre & en méchef. Le ieune Roy d'Angle-
 terre aux parolles & monitions de l'Archeuesque de Cantorbie s'enelinoit assez, mais
 le grand inconuenient, qu'on luy auoit fait (si-côme il disoit) de décoler ses Cheualiers
 & son conseil (ou il n'auoit veu que tout bien) luy reuenoient deuant son courage trop
 fort. Si eut (ce vous dy) plusieurs imaginations: & toutesfois la dernière fut qu'il se re-
 frena vn petit, avecques le bon moyen que la Roïne, Madame de Boême, y meit & ren-
 dit, & aucuns sages Cheualiers de sa chambre: qui luy estoient demourez: comme mes-
 sire Richard Stenor, & autres. Si dit à l'Archeuesque qu'il s'en viendroit volontiers à
 Londres, avecques luy. De ceste réponse fut l'Archeuesque moult réiouy: & luy fut
 fait haut honneur: quand si bien auoit exploité la besongne. Depuis, pas-long temps
 ne demoura le Roy d'Angleterre, qu'il ne se departist de la ville de Bristo: & laissa là la
 Roïne: & se meit au chemin, avecques son arroy: & vint vers Londres, l'Archeuesque
 de Cantorbie en sa compaignie: & exploiterent tant par leurs iournées, qu'ils vindrent
 à Windesore. Là s'arresta le Roy: & s'y refreschit trois iours entiers. Nouuelles estoient
 venues à Londres, que le Roy venoit, & l'amenoit (tant auoit bien exploité) l'Archeues-
 que de Cantorbie. Toutes gens en furent réiouis: & fut ordonné d'aller à l'encontre de
 luy honorablement, & grandement. Le iour qu'il se departit de Windesore, pour
 venir à Westmonstier, le chemin estoit: de Londres iusques à Branforde, tout couuert
 de gens, tant à pié qu'à cheual: qui alloient deuers le Roy. Et ses deux oncles, le Duc
 d'Yorch, & le Duc de Glocestre, lehan le fils au Duc d'Yorch, le Comte d'Arondel, le
 Comte de Salebery, & le Comte de Northombellande, & plusieurs autres Barons &
 Cheualiers, & Prelats, partirent de Londres en grand arroy: & se meirent sur les châps:
 & rencontrerent le Roy, & l'Archeuesque de Cantorbie, à deux lieues de Branforde.
 Si le recueillirent moult doucement: ainsi qu'on doit faire son Seigneur. Le Roy (qui
 auoit encores aucunes choses sur le cuer) en passant petit s'arresta: & ne fit contenance
 sur eux: & passa outre: & le plus sur le chemin, à qui il parla, ce fut à l'Euesque de Lon-
 dres. Tant exploiterent, qu'ils vindrent à Westmonstier. Si descendit le Roy au Palais:
 qui estoit arroyé & ordonné pour luy. Là beurent, & prirent espices, le Roy, ses oncles
 les Prelats, les Barons, & les Cheualiers: ainsi que l'ordonnance le portoit. Puis prirent
 congé les aucuns. Ceux, qui deuoient retourner à Londres, y reuindrent. Les oncles
 du Roy, & l'Archeuesque de Cantorbie, avecques tout le Conseil, demourerent là avec
 le Roy, les vns au Palais, & les autres en la ville, & à l'Abbaye de Westmonstier, pour te-
 nir compaignie au Roy, & pour estre mieux ensemble, pour parler de leurs besongnes,
 car là auoient ils regardé quelles choses ils feroient.

*Remonstrances
de l'Archeues-
que de Cantor-
bie au Roy Ri-
chard, pour l'at-
tirer à Londres
avec ses oncles.*

*Le Roy Richard
gagné par les
remonstrances,
de l'Archeues-
que de Cantor-
bie, part de Bri-
sto, pour aller à
Londres, vers
ses oncles.*

*Le Roy Richard
receu par ses on-
cles, qui luy at-
tèrent au deuant
iusques à West-
monstier.*

*Comment, de par le Roy & ses oncles, & par les Seigneurs du Conseil d'Angleterre, fu-
rent mandez Ducs, Comtes, Prelats, Barons, Cheualiers, & Escuyers d'Angleter-
re, pour estre au Conseil general, qui denoit estre à Westmonstier, & illec releuer
leurs hommages, au Palais du Roy.*

CHAPITRE LXXXV.

VN grand parlement general fut ordonné à estre à Westmonstier: & y furent man-
 dez tous Prelats, Comtes Barons, Cheualiers, & le Conseil des citez & bonnes vil-
 les d'Angleterre, & tous ceux qui tenoient du Roy en fief: & vous diray pourquoy, l'Ar-
 cheuesque de Cantorbie auoit ainsi dit & remonstre, en Conseil, aux oncles du Roy, &
 à ceux qui deputez & ordonnez estoient pour le Conseil, que quād on courōna le Roy
 Richard d'Angleterre leur Seigneur, & on luy fit serment, & que ceux releuerent de luy
 qui à releuer auoient, & qu'il receut les fois & hōmages de ses gēs, pour ces iours il estoit
 deffous son aage, † car vn Roy par droit auant qu'il doye venir, ne tenir possession, ne
 gouverner Royaume doit auoir vingt & vn an: & doit estre en tel aage au gouvernemēt
 de ses oncles (s'il en a ou au plus prochain, ou de ses hommes. Pourquoi l'Archeuesque
 de Cantorbie auoit dit ainsi. Qu'ores estoit le Roy d'aage & de sens, & estoit venu
 le terme accompli, qu'il auoit vingt & vn an d'aage. Pourtant il conseilloit, pour le plus
 seur, que tous renouuellassēt leur relief & sermēt de luy, & que tous ceux de son Royau-
 me, qui de luy tenoient, recognussēt leur Seigneur. Le cōseil & auis de l'Archeuesq̄ auoit
 esté accepté des oncles du Roy, & de ceux de son Cōseil du Palais & sur tel estat estoient

*† Notez, pour
l'aage, que doit
auoir un Roy,
deuant que gou-
verner seul.*

*Hommage des
Ducs d'Yorch,
et de Cloestre
au Roy Richard
leur neveu, re-
ceuant aussi les
hommages de
tous ses autres
sujets, en estat
Royal, apres le
vingt & unie
me an de son
aage.*

mandez tous les Barons, Prelats, & Cheualiers, & ceux des citez & bonnes villes, à estre à Londres, à vn iour de Parlement, qui assigné y fut. Tous y vindrent: & nul n'y desobeit & y eut moult de peuple. Le vous dy à Londres, & au Palais à Westmôstier: & fut le Roy Richard en la chapelle du Palais (qui est moult belle, & moult riche & noble) royaumét en estat Royal, la courône au chef: & fit ce iour le diuin office l'Archeuesque de Catorbie: qui la messe chantoit. Si fut moult volontiers ouy, car bien seut faire la predication. Apres la messe, en cause d'hommage les oncles du Roy baisèrent le Roy: & luy firent & iurerent foy & hommage, à tenir à perpetuité. Apres, les Comtes & Barons iurerent, & aussi les Prelats, & ceux qui tenus estoient de releuer: & baisoiét, par foy & hōmage leurs mains iointes (ainsi comme il appartient) le Roy en la bouche. Là voit on vn grād baïser & lesquels le Roy baïsoit de bonne volonté, & lesquels non. Car (quoy qu'il fit) tous n'estoient pas en son amour: mais faire le luy conuenoit, car il ne vouloit pas issir du conseil de ses oncles. Mais bien sachez, que (s'il peut autant dessus eux, que pas ne pouuoit) il n'en eust rien fait: mais eust pris cruelle vengeance de la mort de messire Simon Burle, & de ses autres Cheualiers: qu'on luy auoit ostez & faits mourir, & sans desserte. Là fut ordonné, du Conseil du Roy, que l'Archeuesque d'Yorch seroit mandé: & se viendroit purger des choses, qu'il auoit faites, car il auoit tousiours esté de la partie au Duc d'Irlande, à l'encontre des oncles du Roy. Quand les nouuelles furent venues à l'Archeuesque d'Yorch, il se douta, car pas bien ne se sentoît en la grace, n'amour, des oncles du Roy: & s'enuoya excuser par vn sien neveu, fils au Seigneur de Neufuille. Lequel s'en vint à Londres, & se trait, tout premierement, deuers le Roy & luy remonstra l'excusance de son oncle l'Archeuesque: & luy fit hommage (ainsi comme il appartenoit) au nom de l'Archeuesque. Le Roy tint tout à bon (car il aimoit l'Archeuesque, plus que celuy de Cantorbie) & luy-mesme l'excusa, & porta outre au Conseil. Car autrement il eust mauuaiseement finé, mais pour l'amour du Roy on se dissimula: & fut bien excusé: & demoura en son Archeuesché. Mais vn grand temps il ne s'osa tenir en la cité d'Yorch: ainçois se tenoit au Neuf-chastel, sur la riuere de Tin, pres des chasteaux de son frere de Neufuille, & de ses cousins. Ainsi demourerent les besongnes d'Angleterre en leur estat: mais depuis vn long temps, le Roy ne fut pas maistre, ne souuerain dessus son Conseil: ains l'estoyent ses oncles, & les Barons & les Prelats dessus-nommez. Nous nous souffrerôs, pour l'heure presente, vn petit à parler des besongnes & affaires du Roy & du Royaume d'Angleterre: & parlerons de celles du Roy de Castille & du Roy de Portugal, & de leurs guerres.

*Hommage de
l'Archeuesque,
d'Yorch, par
Procureur.*

Comment le Roy de Portugal & le Duc de Lanclastre assemblerent leurs puïssances ensemble, comment ne pouuans passer la riuere de Derne, vn Escuyer de Galice prisonnier de guerre, leur enseigna le gué.

CHAP. LXXXVII.

C'est raison, puis que la matiere le requiert) que ie retourne à la cheuauchée & armée du Duc de Lanclastre, & comment elle se porta & perseuera en celle saison en Galice. Je la reprendray, ou ie la laissay, car j'ay grand desir de la continuer & mettre à chef & compter comment elle se fit. Quand le Duc de Lanclastre & ses gens eurent cōquis la ville & le chastel d'Aurāch en Galice, & mis en leur obeïssance, ils se refreschirēt quatre iours, car ils y trouuerent bien de quoy. Puis le cinquième iour s'en partirent: & dirēt qu'ils vouloient venir deuant le chastel de Noye: si cōme ils firent: & se logerent quatre iours en vne grāde prairie, au lōg d'une riuere: mais la prairie estoit iā toute seche, pour la grande chaleur du soleil: & l'eau estoit toute corrompue, qui estoit là pres, & tāt que les cheuaux n'en vouloient boire: & ceux, qui en beuuoient, mouroient. Doncques fut ordonné de déloger, & de retourner à Auranch, car c'est impossible, ce dirent les Mareschaux, messire Richard Burle & messire Thomas Moriaux, de prendre ce fort chastel de Noye: si ce n'est par trop grand siege, & par grans sens & auis, & par force d'argent & grande foison d'attournemens d'assaux. Aussi nouuelles vindrent là au Duc de Lanclastre, que le Roy de Portugal approchoit, à tout son ost: ou bien auoit trois mille Lāces & bien dix mille hommes tous aidables: si ces deux osts mis ensemble, ils estoient bien taillez de faire vn grand fait, car le Duc de Lanclastre auoit bien enuiron quinze cens Lances, Cheualiers & Escuyers, & six mille Archers. Ces nouuelles réiouirent grandement le Duc de Lanclastre: & se délogerent, vn iour, de deuant Noye, ou ils n'auoient rien fait, & s'en vindrent: à Auranch en Galice. Là furent mādées la Duchesse de Lanclastre

clastre & les Dames, car le Duc disoit que là attendroit le Roy de Portugal. Ce qui fit. Vous devez sauoir que; quand Iehan, Roy de Portugal, & ses Mareschaux eurent pris la faisine & la possession de la ville de Ferol, ils cheuaucherent en approchant Auranch, pour venir deuers le Duc de Lanclastre: & trouuerent sur leur chemin, ou bié pres de la, Ville de Padró: qui leur fut rebelle: mais tãtost qu'ils furent là venus, ceux qui la tenoiét se meirent en leur obeissance: & seiournerent là le Roy & ses gens, qu'e la ville & qu'en la marche, plus de quinze iours, & mägerét grandemét les biens & viures du pays: com- bié que de Portugal il leur en venoit assez. Or estoiet ainsi ces deux Seigneurs: & leurs deux osts, en Galice, & appourissoiet le pays de viures: & tousiours s'échafoiet tellemét les iours, que depuis tierce nul n'osoit cheuaucher, pour la grande chaleur du soleil, si ne vouloit estre tout ars. Or le Duc & la Duchesse se tenoiét à Aurách, & leurs gës sur les chãps: qui estoiet en moult grãd poureté & mesaise de viures, pour eux & pour leurs che- uaux: ne l'herbe, ne nulle douceur de refreschissement, ne pouuoit issir hors de terre: tãt estoiet les terres dures & seches, & arses du soleil. Encores ce, qui en issoit, ne fructifioit de rien (car la grande chaleur du tẽps auoit tout brouy) &, se les Anglois vouloiét auoir viures pour eux & pour leurs cheuaux, il leur cõuenoit leurs varlets, ou leurs fourrageurs enuoyer douze, ou seize, ou vingt lieues loing. Or regardez la grãde peine. Si trouuoiet les Cheualiers & Escuyers d'Angleterre les vins ardans & fors: qui leur rompoient les testes, & sèches les entrailles, & leur ardoient les foyes & les põmons. Si n'y sauoient remedier, car ils trouuoient peu de bonnes eaues fresches, pour tremper leur vin, n'eux rafreschir. Ils estoient nourris tout au contraire de leur nature, car Anglois, en leur pays sont nourris moult doucement: & ils estoient là nourris d'ardeur & de chaleur, dedans & dehors. Si eurent moult de poureté, tous les plus-grãs Seigneurs, qui y fussent, & de de- fautes de leurs aises, hors de ce qu'ils auoient appris, & tant, qu'à la fin des choses ils mõ- strerent (si comme ie vous recorderay) comment il leur en prit. Quand les Cheualiers & Escuyers d'Ang. veirent le danger & méchef qui leur approchoit, & le danger des vi- ures, & la grande chaleur du soleil (qui tousiours multiplioit) si commencerét à murmu- rer, & à dire en l'ost, en plusieurs lieux. Nostre cheuauchée se taille & ordonne trop bien de venir à poure fin, car nous seiournons trop en vn lieu. C'est verité, disoiét les autres. Il y a deux choses contraires trop grandement pour nous. Nous menõs femmes en no- stre compaignie, & auons mené: qui ne demandent que le seiour: & pour vn iour qu'el- les cheminent, elles en veulent reposer quinze. Cecy nous gaste fort, & gastera, car, si tost que nous fûmes arriuez à la Coulongne (se nous eussions auant cheuauché par le pays, tousiours deuant nous) nous eussions bien exploité, & mis le pays, en nostre obeis- sance: ne nul ne nous fust allé au deuant, mais les longs iours, que nous auons faits, ont rēforcé noz ennemis, car ils sont fortifiez, & pourueus de Gës-d'armes du Royaume de Frãce: dont leurs villes, citez, & chasteaux, sont & serõt gardées, & les passages des riuie- res clos & deffendus. Ils nous decõfront, & sans donner bataille. Il ne cõuient ià qu'ils nous combattent, car ce Royaume d'Espaigne n'est pas douce terre, n'amiable à cheua- cher, n'à trauailler: si comme le Royaume de France est: lequel est remply de gros villa- ges, de beau pays, de douces riuieres, de bõs estangs, de belles prairies de courtois vins, & substanciaux, pour Gës-d'armes nourrir & rafreschir, & de soleil & d'air à point attré- pé: & nous tous auons cy le contraire. Quelle chose auoit à faire Monseigneur de Lan- clastre (respondirent les autres) puis qu'il vouloit faire vn grand conquest, d'amener femme, ne fille, en ce pays? Ce fut vn grand empeschement, & trop sans raison. Car ià fait on par toute Espaigne, & ailleurs aussi, que luy & son frere sont les heritiers de ce pays, ou au moins, les filles du Roy Dampietre, leurs femmes. Tant que du conquest, ne de faire rendre ne tourner ville ne cité, n'aussi chastel, les Dames y font trop petit. Ainsi que ie le vous compte, de diuers langages se deuisoient en plusieurs lieux parmy l'ost du Duc de Lanclastre, Cheualiers & Escuyers, les vns aux autres. Or vindrent nouuelles au Duc, que le Roy de Portugal venoit, & approchoit: & de ce fut le Duc tout réiouy: &, quand le Roy vint enuiron deux lieues pres le Duc & les Cheualiers monterent à che- ual, & allerét à l'encontre de luy. Si eut à leur bien venue grãs semblans & approchemēs & se cõioingnirét le Roy le Duc, l'vn à l'autre, moult amiablemét, & les cheualiers An- glois & Portugalois, qui là estoiet: & sachez q̃ tout l'ost du Roy de Portugal n'y estoit pas mais estoit demouré derriere, en la garde de six grãs Barõs Portug. le premier Ponnasse de Cõgne, Vasse Martin de Merlo, le Posdich Dosnedegouffe, Saluase de Merlo, mēss-

*Siège de Noye
leue, & retour
du Duc de Lan-
clastre à Auranch
en Galice.
Ville de Padró,
rendue au Roy
de Portugal.*

*Grande disette
de viures en
l'ost de Lancla-
stre, à cause de
l'excessiue cha-
leur.*

*Murmure des
Anglois du
Duc de Lancla-
stre, ne pouuans
supporter les
mesuses d'Es-
paigne.*

*Assemblée du
Roy de Portu-
gal & du Duc
de Lanclastre,
avec leurs puis-
sances, pres A-
uranch en Ga-
lice.*

† *ala diricy
de Derue.*

*Le Roy de Por-
tugal et le Duc
de Lancastre
partent de la
ville d'Aurach
pour entrer sur
le Roy d'Es-
paigne.*

*Prinse d'un Es-
cuyer de Galice
par les Auant
coureurs de
Lancastre pres
la riuere de
Derne.*

*Le prisonnier
Espagnol fait
passer les Por-
tugalois &
Anglois par le
gué de Derne.*

re Aulne Perriere, Marechal, & Iehan Radighez de Sar, & plusieurs autres estoient avecques le Roy: & auoit le Roy environ trois cens Lances en sa compaignie. Si vindrēt à Auranch: & fut le Roy de Portugal logé selon son estat, & selon leur aisement: & tout estoit plain de cheuaux. Si furent là le Roy & le Duc, & les Seigneurs, cinq iours: & ensemble prirent conseil. Le dernier conseil fut, qu'ils cheuaucheroient ensemble, & entreroient au pays de Cáp: & iroient vers Ville-Arpent: ou messire Oliuier du Glesquin, Connestable d'Espaigne, se tenoit, en la greigneur garnison, que les François eussent. Mais ils ne sauoient cōment ils pourroient passer la riuere † de Derne: qui est felle & orgueilleuse par heures, & plus en Esté, qu'en Yuer, quand les glaces & les neiges fondent sur les montaignes, pour la chaleur du soleil: & en Yuer est toute engelée: & adonc sont aussi les autres riuieres petites. Nonobstant ce tout considéré & auisé, ils cōclurent de cheuaucher vers ce pays de Camp, & qu'en quelque part trouueroient ils passage: & ain si fut il signifié parmy l'ost: dont toutes gens furent réiouis. Car ils auoient esté moult oppressez, & en grand danger, à Auranch, & là environ: & ià en y auoit il de mal-haitez. Or se partirent le Roy de Portugal & le Duc de Lancastre d'Auranch: & cheuaucherēt ensemble: mais leurs osts estoient separez les vns des autres: pourtant qu'ils n'entendoyent point l'un l'autre, & ne se cognoissoient: & aussi ils le firēt en partie pour échouer les debats & les riotes, qui se fussēt peu mouuoir par-entre-eux. Car Portugalois sōt chaux bouillans, & non souffrans: & aussi sont les Anglois dépiteux, & orgueilleux. Si donnerent les Cōnestables aux Marechaux des deux osts, & les Marechaux aux Fourrageurs marches & pays, pour aller fourrager, & non pas les vns avec les autres: mais en separation de contrées. Or cheuaucherent ces osts (ou il y auoit bien gens pour combattre la puissance du Roy Iehan de Castille, & tous ses aidans, pour vne iournée) & tant exploiterent, qu'ils vindrent sur la riuere de Derne: qui ne fait pas à passer légèrement (car elle est parfonde, & de hautes riues, & de grande foison de roches, rompues des le commencement du monde) si ce n'est à certains ponts: mais ils estoient défaits, ou si bien gardez qu'impossible estoit de passer. Si estoient ces osts en grande imagination, & suspection, comment ils passeroient. Or auint que messire Iehan de Hollande (qui Connestable estoit des Anglois) & les Marechaux de l'ost (messire Richard Burle, & messire Thomas Moriaux) ou leurs fourrageurs) qui cheuauchoyent deuant) trouuerent vn Escuyer de Galice (qui s'appelloit Dommage Baghor) lequel trauersoit le pays: & auoit passé la riuere: & bien sauoit que tous les ponts du pays estoient défaits: mais il congnoissoit moult bien tous les auantages des passages: & sauoit vn pas, ou on pouuoit aisement passer l'eau: à pié & à cheual: & cheuachoit à l'adrece, à l'auantage de ce passage. Il fut pris & amené deuers les Seigneurs (dont ils eurent grande ioye) & fut fort examiné de parolles: parmy ce que le Connestable luy dit qu'il luy quitteroit sa rançon, & luy feroit tref-grand profit, s'il luy vouloit, & à ses gens, monstrier le passage, car bien auoit il ouy dire que sur celle riuere il y auoit vn bon gué, & certain passage. L'Escuyer ne fut pas biē cōseillé, & ce n'uoit le don du Connestable, & à estre deliuré de leurs mains. Si dit, Ouy. Je vous monstreray bon gué, voye & passage: ou toutes voz gens passeront bien sans danger. De ce eurent le Connestable & les Marechaux moult grande ioye: & cheuaucherent ensemble: & enuoyerent dire au Duc de Lancastre les nouuelles de l'auenture, que ils auoient trouuée. Donc suyrirent les osts l'Auanguard, & le train du Connestable & des Marechaux: & firent tant, qu'ils approcherent le gué. Tant exploita l'Auanguard, qu'elle vint sur la riuere. L'Escuyer Espagnol entra tout premierement dedans: & leur monstra le chemin. Quand ils veirent que le passage estoit bon & courtois, si furent tous réiouis: & passerent tantost outre, chacun, qui mieux passer pouuoit, si passoit. Quand l'Auanguard fut outre la riuere, si se logerent, en attendant tous les autres & pour enseigner le passage. Si tint messire Iehan de Hollande le conuenant à l'Espagnol: & luy donna congé. Lequel se departit d'eux: & cheuaucha deuers Medine-de-Cáp (ou le Roy de Castille se tenoit) vne belle cité & forte, au pays de Camp. Le Duc de Lancastre & le Roy de Portugal (qui cheuauchoyent ensemble) vindrent à ce passage: qu'on dit Place-Ferrade: pourtant que le grauiier y est bon & ferme, & sans peril. Si passerēt là les osts du Roy & du Duc: & le lendemain l'Arrieregarde: & tous se logerent au pays de Cáp. Nouuelles vindrent à ceux de Ruelles, de Cateserie, de Medine, de Ville-Arpent, de Saint-Phaghon, & des citez, villes, chasteaux, & fortereffes du pays de Cáp & d'Espaigne, que les Anglois & Portugalois estoiet outre la riuere de Derne, & auoiet trouué le Passage.

Si en

Si en furent toutes gens émerueillez: & disoient toutes gens, Il y a eu trahison: car iamaï sans l'enseignement de ceux du païs, ils n'eussent trouué celieu, ou ils sont passez. Il n'est riens, qui ne soit feu, ou par varlets, ou autrement. Les seigneurs de la partie du Roy de Castille seurent que Dommage Baghor, Galicien, leur auoit monstré & enseigné le passage. Il fut tantost pris: & reconnut la verité, ainsi comme il auoit fait. Il fut iugé à mourir: & fut amené à Ville-Arpent: & là eut il la teste trenchée.

*La guide du
gué de Derne
décapité, par
commande-
ment du Roy
de Castille.*

*Comment Gautier de Passac & Guillaume de Lignac, Chefs des François en Castille, conseil-
lerent au Roy d'attendre le Duc de Bourbon, sans s'auenturer à la bataille: & comment
aucuns Anglois allerent écaroucher aux François de Ville-Arpent: & comment
le Duc de Lanclastre commença à se décourager, pour les mesaises de luy & de ses gens.*

CHAPITRE LXXXVIII.

Quand le Roy de Castille feut l'affaire comment à si grand' puissance leurs ennemis, le Roy de Portugal & le Duc de Lanclastre, estoient sur les champs, & approchoient fort, si se commença à ébahir: & appela messire Gautier de Passac & messire Guillaume de Lignac: & leur dit, Je suis trop fort émeruillé du Duc de Bourbon, qu'il ne vient. Noz ennemis approchent, & tiendront les champs (qui ne leur ira au-deuant) & gasteront tout mon païs: & ià se contentent mal les gens de mon Royaume, de ce que nous ne les combattons. Si me donnez conseil, beaux-Seigneurs, quelle chose en est il bonne à faire. Ces deux Cheualiers (qui sauoient plus d'armes assez que le Roy ne faisoit: car plus en auoient vſé: & pource principalement auoient ils esté enuoyez par-delà, de France) respondirent: & dirent, Sire Roy, Monseigneur de Bourbon viendra, & en ce n'y aura nulle defaute: & quand il sera venu, nous aurons conseil quelle chose nous sera bonne à faire: mais iusques à sa venue nous ne nous mettrons en apparent, pour combattre noz ennemis. Laissez les aller & venir, & cheuaucher là ou ils voudront.

*Bon conseil des
deux Capitai-
nes des Fran-
çois au Roy de
Castille: qui
par ce moyen
eut victoire de
ses ennemis,
sans coup se-
tir.*

Ils tiennent les champs: & nous tenons les villes: qui sont bien garnies & pourueës de toutes pourueances, & de bonnes Gens-d'armes. Ils tiennent le soleil & la grande chaleur du temps & de l'air: & nous tiendrons les ombres, & les refreschissements de l'air. Ils trouuent, & trouueront, le païs tout gasté & pillé: & tant plus iront plus auant, & moins de pourueances ne de viures y trouueront: & pour celle auenture qui pouuoit auenir & écheoir, au commencement de la saison furent condamnés à estre abbattus tous petits forts, eglises, & manoirs, que voz gens fortifioient, & ou ils se vouloient retraire & mettre tout le leur. Sire Roy (dirent ces Cheualiers) ce fut tresfagement conseillé & ouuré de tout abbattre: car maintenant voz ennemis eussent plus bel loger, & eux tenir au pays de Camp, qu'ils n'auroient: car ils n'y trouueront riens (s'ils ne l'y apportent) fors le chaud & le soleil sur leurs testes: qui les ardra & occira: & de ce soyez tout asseuré. Toutes voz villes, citez, & chasteaux, sont bien garnies & pourueues de bons Gens-d'armes, d'artillerie, & de viures. Nous croyons bien qu'ils feront aucuns assaux & aucunes enuahies: car c'est vie & nourrisson de Gens-d'armes. En telles choses conuiét il qu'ils se nourrissent, & passent le temps. Pource cheuauchent ils parmy le môde, pour eux auenturer. Si ne vous ébahissez aucunement de rien: car en ceste besongne n'aurez vous nul grand dommage. Le Roy de Castille sur les parolles courtoises & amiables de ces deux Cheualiers dessus-nommez, se reconfortoit moult grandement: & se contentoit d'eux: car il veoit bien qu'ils luy remonstroient & comptoient toute la verité, & la raison. Or parlerons nous maintenant du Duc de Lanclastre & du Roy de Portugal: qui tenoient les champs au pays de Camp: mais ils vouſſent bien tenir les villes, pour eux aiser & refreschir: car les fourrageurs (quelque part qu'ils alloiét) ne trouuoient que fourrager, & aussi pour les rencontres & embusches, ils n'osoient cheuaucher, fors en grans routes: & estoient en telle necessité, que (quand ils cheuauchoiét en celuy pays de Camp, & ils veoyent de loing, ou d'une haute montaigne, vn grand village) ils en estoient tous réiouïs: & disoient, Allon, allon tost: nous trouuerons en ce village assez à fourrager, tant que nous serons tous riches, & bien pourueus. Lors cheuauchoiient ils à grand' haste au village: & quand ils y estoient arriuez, ils n'y trouuoient que les parois & les masures: n'il n'y auoit ne chien, ne coq, ne gelinne, ny hôme, ne femme: tant estoit gasté des François mesmes. Ainsi perdoient ils leur saison & temps: & s'en retournoiét à leur maîtres, sans riens faire. Si estoient les cheuaux maigres & affoiblis, par les pources nourrissons qu'ils auoient. Encorès bien leur cheoit, quand ils trouuoient de l'herbe à

*Necessité du
camp des An-
glois en Espa-
gne.*

*Quelque trou-
pe d'Anglois
va r  cueiller la
garnison de Vil-
le-Arpent.*

*Ecarmouche
entre Fran-
  ois et Anglois
deuant Ville-
Arpent, en Es-
pagne.*

pasturer. Si ne pouuoient aller auant: car ils estoient si mates & si foibles, qu'ils mouroient sur le chemin, de chaud & de pourtet  : mesmement aucuns des Seigneurs, & des greigneurs maistres, y furent plusieurs morts & d  confits de fi  ures, & par les grans chaleurs (qu'ils y conceuoient tous les iours: & n'auoient de quoy eux refreschir) & aussi par les froidures soudaines: qui en dormant leur venoient de nuit. Ainsi estoient ils menez que ie vous dy: & especialement en l'ost du Duc de Lancastre. Car Anglois sont de plus foible complexion que les Portugalois ne sont: car ceux de Portugal portoient encores bien celle peine: car ils sont durs, & sont faits & accoustumez    l'air de Castille. Ainsi comme vous auez ouy recorder se maintenoient les Anglois: & estoient en dur party: & y en mourut largement de ceste pestilence: & mesmement de ceux, qui n'auoient pas bien leurs fournitures, & qui furent mal-pensez. Messire Richard de Burle, & messire Thomas Moriaux, messire Thomas de Persy, le Sire Siluatier, messire Mauburin de Linieres, messire Jehan d'Auberthicourt, Thierry & Guillaume de Soumain, & bien avecques eux: deux cens armeures de fer, tous Cheualiers & Escuyers, qui auancer se vouloient, & qui desiroient les armes, monterent vne fois sur leurs cheuaux, sur les meilleurs & plus alpres qu'ils eussent, & les mieux gouuernez & arrunez, sur l'entente & emprise de venir deuant Ville-Arpent, pour r  cueiller les compaignons Fran  ois, qui dedans se tenoient. Car bien auoient ouy dire qu'il y auoit, avecques messire Oliuier du Glesquin, Connestable de Castille, en garnison, grand foison d'apperts Cheualiers & Escuyers. Si se departirent vn iour de leur ost, apres le boire du matin: & cheuaucherent comme fourrageurs, deuers Ville-Arpent: & vindrent iusques    vn ruissel, qui court deuant la ville: & le passerent outre, en esperonnant leurs cheuaux. Le harou & le bruit monta en la ville, & la voix & ren  m  e par les places & hostels, que les Anglois estoient venus iusques aux barrieres. Adoncques veissiez Cheualiers & Escuyers armer appertement & venir deuant l'ostel du Connestable, & les varlets seller cheuaux, & les amener    leurs maistres. Se le Connestable, messire Oliuier du Guesclin, eust voulu retenir les compaignons, & garder d'issir sur les Anglois, si ne l'eust il peu: tant estoient en grand volont   d'issir. Or issirent ils, bien montez sur fleur de cheuaux, tous agrenez & reposez: & issirent, tout premierement, messire Jehan des Barres, le Vicomte de la Berliere, messire Robert & messire Jehan de Braquemont, messire Pierre de Villaines, messire Tristan de la Gaille, & plusieurs autres en grand desir de rencontrer & combattre ces Anglois. Quand les Anglois eurent fait leur empreinte & course deuant la ville, si rappasserent tout bellement le ruissel, que pass   auoient: & se retrairent tout bellement, sur vne grande sablonniere qui l   estoit: & l     longnerent le ruissel, ainsi que le trait   de trois arches d'arc. Adonc vindrent ces Cheualiers de France, en   criant leurs cris: & tenoit chacun sa lance en sa main. Quand les Anglois les veirent approcher, si retournerent tous ensemble sur eux: & abbaissirent leurs glaives: & ferirent leurs cheuaux des esperons. L   eut (ie vous dy) bien forte iouste & roide, & plusieurs abbattus sur le sablon, de l'une part & d'autre: & ne se fust point la chose ainsi departie, pour vne iouste, qu'il n'y eust eu autre   carmouche, apres les lances faillies: mais la poudre du deli   sablon, qui l   estoit, commen  a    leuer    l'empreinte des cheuaux, &    estre si tresgrande & si tresmalais  e, que point ils ne veioient l'un l'autre: & ne se recognoissoient: & estoient leurs cheuaux tous chargez de poudre, & aussi eux-mesmes, tellement qu'ils ne pouuoient reprendre leur alaine, que leurs bouches ne fussent toutes plaines de poudre. Par telle affaire & occasion cessirent leurs armes    faire: & se remeirent les Anglois ensemble: qui se radrecenterent    leurs cris: & les Fran  ois d'autre part aussi: qui s'en retournerent vers Ville-Arpent: & n'y eut nul, d'un cost   ne d'autre, n'aur  e point n'y eut de d  mage, ne de morts. Du plus que ces Cheualiers & Escuyers d'Angleterre coururent en celle empreinte pour ce iour, ils passerent seulement Ville-Arpent vne lieue: & puis s'en retournerent en leurs logis: & se defarmerent: car maladie les prit, chaleurs, fi  ures, & froidures: qui les menerent iusques    la mort. Le Duc de Lancastre ne fauoit que dire, ne que faire: & luy ennuyoit trop grandement par heures: car il voyoit que ces gens, & tous les meilleurs, se fouloient, & laissoient eux lasser, & s'accouchoient au li  t: & luy-mesme estoit si las & si pesant, qu'il s'accouchast au li  t tout quoy, moult volontiers: s'il ne cuidast trop d  courager ses gens. Si parla vne fois au Roy de Portugal: & luy demanda conseil, & luy pria qu'il voulsist, selon son auis, conseiller lequel estoit le meilleur    faire: car il se doutoit que grand mortalit   ne se boutast entre les gens. Le Roy de Portugal resp  dit, & dit,

& dit, Il n'appert point, pour ceste saison, que François & Espaignols nous combattent. *Conseil entre le* Ils nous lairront (à ce qu'ils monstrent) laisser, & dégaster nous & noz pourueances. *Roy de Portu-* Et que conseillez vous donc à faire? dit le Duc de Lanclastre. *gal & le Duc* Je vous diray, dit le Roy de Portugal. *de Lanclastre,* Que pour la saison, qui est si chaleureuse du soleil, vous vous retrahissiez, vous *voyant ses gēs* & voz gens, tout bellement en Galice: & leur donnissiez congé d'eux refreschir, là ou il *mourir de me-* leur plairoit le mieux: & qu'ils retournassent sur les champs, au Mars, ou à l'Auril: & que *saisies, sans ef-* füssiez tant, que nouveau confort & frais vous souldist d'Angleterre, par l'un de voz fre- *poir de vider* res, & aussi bonnes pourueances & grosses, pour passer la saison. On n'a pas appris si tost *sa guerre par* vne terre, n'un air, ou on ne fut oncques. Voz gens, qui demourront, se tiendront en Ga- *combat.* llice: & se departiront sur les villes & chasteaux, qui sont en vostre obeyssance: & là passeront le temps, au mieux qu'ils pourront. Voire (dit le Duc) mais ce, que ie vous diray, pourroit bien auenir: que, quand noz ennemis viendront, & que nous serons departis les vns des autres, & vous ferez en Portugal, vous & voz gens, & moy & les miens à Saint-Iaques, ou à la Coulongne, le Roy d'Espagne cheuauchera à toute sa puissance. Car i'ay ouy dire qu'il a bien quatre mille Lances de François & de Bretōs: & si en trouuera bien autant, ou plus, de son pays: & encores viét le Duc de Bourbon, oncle du Roy de France, derriere: qui en amene bien deux mille, & qui voudra faire armee, du plus-tost qu'il sera venu. Or regardez & confidez, se grans gens se boutent en Galice, qui leur ira au-deuāt. Ainçois que vous ayez tous voz gens rassemblez, que vous auez pour le present en vostre cōpaignie, & moy les miens, ils nous auront porté trop grand dommage, & contraire. Adoncques respondit le Roy de Portugal: & dit, Or tenon doncques les champs, au nom de Dieu. Mēs gens sont forts & frais: & ont tous bonne volonté d'atendre l'aenture, & moy aussi pareillement. A tant finirent leur parlement le Roy de Portugal & le Duc de Lanclastre: & demourerent sur tel estat, qu'ils attendroient la venue du Duc de Bourbon, & toute son armée, pour sauoir s'il les viendroit point combattre, avec les Espaignols en sa compaignie: car les Anglois & les Portugalois ne demandoient que la bataille contre eux auoir: & tousiours alloit la saison aual: & le soleil montoit: & les iours échaufioient moult merueilleusement: car c'estoit † enuiron la † *Tousiours* S. Iehan Baptiste, que le soleil est en sa force & vertu, & par especial en ce pays d'Espagne 1387. & de Grenade, & des Royaumes loingtains des marches de Septentrion: & n'estoit depuis l'entree d'Auril, nulle douceur descendue du ciel, ne pluye, ne rosee: mais estoient les herbes toutes arses. Ces Anglois mangeoient des raisins à foison, quand ils en pouuoient auoir: & puis beuuoient de ces forts vins de Lissebonne & de Portugal, pour eux refreschir: & plus en beuuoient, plus s'échaufioient: car il leur ardoit le foye & le pommōn, & toutes les entrailles de dedans: car ils estoient tout au contraire de leur nature. Anglois sont nourris de douces viandes, & de ceruoises bonnes & grosses, qui tiennent les corps moites: & ils auoient les vins durs & chaux: & en beuuoient largement, pour oublier leurs douleurs. Les nuitcs y sont chaudes: pour la grand' chaleur qu'il y fait tout le iour: mais, sur l'aube du iour, l'air se refroidit durement: & ce les deceuoit: car de nuit ils ne pouuoient souffrir couuerture sur eux: & s'endormoient tous nus en celle ardeur & chaleur de vin. Or venoit le froid du matin: qui les happoit, & leur trenchoit tout le corps: dont ils entroient en fièvres, & en maladies, & au cours de ventre: & mouroient sans aucun remede: & aussi bien mouroiēt les Barons & Cheualiers, que les menus gens faisoient, c'estoit tout vn.

Comment le Duc de Lanclastre donna congé à ses gens: & comment trois Cheualiers d'Angleterre ayant impetré saufconduit par un Herault, allerent deuers le Roy de Castille, pour moyenner retraite, ou leur retour aux Gens-d'armes susdits. CHAP. LXXXIX.

Regardez comment les fortunes se tournent, & mouuent d'un neant. Vous deuez tous bien croire & sauoir, que le Duc de Lanclastre, qui au Royaume de Castille estoit, n'eust iamais perdu par bataille, ne déconfiture, les bonnes-gens qu'il perdit en celle saison, au voyage dont ie vous fais mention: & il mesme fut presque mort, par telle pestilence: sicomme ie vous diray. Messire Iehan de Hollande (qui Conneftable de l'ost estoit pour le temps, & à qui toutes les parolles, le regret, & le retour venoient, & qui veoit ses compaignons & ses amis entachez de ceste maladie, dont nul n'en réchapoit) oyait les plaintes des vns & des autres, gētils & villains, tous les iours, grandes & grosses: qui disoient ainsi, Haa, Monseigneur de Lanclastre nous a amenez mourir en Espagne.

*Complainte des
gens du Duc de
Lancastre, pour
leurs mesaises
& maladies
en Espagne.*

*Remonstrances
de Jean de Hol-
lande au Duc
de Sancele, pour
faire donner con-
gé à ses gens.*

*Congé du Duc
de Lancastre à
ses gens, par la
poursuite de
messire Jehan
de Hollande,
son Connesta-
ble.*

*† Possible que
arriere y seroit
aussi bon.*

*Heraut des
Anglois vers
le Roy de Ca-
stille.*

Maudit soit le voyage. Il ne veut pas (à ce qu'il monstre) que iamaïs Anglois issé hors du Royaume d'Angleterre, pour le seruir. Il veut étriuer contre l'aguillon. Il veut que ses gens gardent le pays, qu'il a conquis: &, qu'ad ils seront tous morts, qui le gardera? Il ne monstre pas qu'il sache guerroyer. Quand il a veu que nul ne nous venoit au-deuant pour batailler, que ne fust il retrait si à poinct (fust en Portugal, ou ailleurs) qu'il n'eust pas pris le dommage, qu'il prendra? car tous mourrons de ceste poure maladie, & sans coup ferir: Messire Jehan de Hollande (qui ce voyoit & oyoit) entendoit en quel party on touchoit: & pour l'amour & honneur de son Seigneur le Duc de Lancastre (la fille duquel il auoit en mariage) en auoit moult grande pitié. Or tant se multiplierent les parolles, qu'il se prit à parler au Duc de Lancastre, & à luy remonstrer viuement, trop mieux que nul autre. Si vint à luy: & luy dit gracieusement, Monseigneur il vous conuiét auoir nouuel conseil, & brief, Voz gens sont en trop dur party de mort, & de maladie. Si besoing vous sourdoit aucunement, vous ne vous en pourriez bonnement aider: car ils sont lasiez, & mal-gouuernez, & tous leurs cheuaux morts: & sont gentils & villains si decouragez pour ceste saison, que ie vous dy que nul bõ seruice vous n'y deuez attédre. Adonc respondit le Duc. Et quelle chose en est bonne à faire? Le vueil croire conseil: car c'est raison. Monseigneur (dit le Connestable) le meilleur est que vous donnez congé à toutes manieres de gens, pour eux retraire, là ou le mieux il leur plaira: & vous-mesme vous retrayez: soit en Portugal, ou en Galice: car vous n'estes pas en poinct de cheuaucher. C'est voir (dit le Duc) & ie le vueil. Dites leur, & de par nous, que ie leur donne à tous bon congé d'eux retraire, là ou le mieux il leur plaira (soit en Castille, soit en France) sans faire nul villain traitté enuers noz ennemis: car ie voy bien que pour ceste saison nostre guerre est passée. Si comptez & payez doucemēt à eux tous, & si-auant comme le nostre se peut estendre, & auoir pour payer leurs menus frais: & leur faites faire par nostre Chancelier deliurance & congé. Respondit le Connestable, volontiers. Messire Jehan de Hollande fit signifier à la Trompette, par tous les logis des Seigneurs, que telle estoit l'intention de Monseigneur de Lancastre, qu'il donnoit à toutes gens congé de se retraire, là ou le mieux il leur plairoit: & vouloit que les Capitaines veinssent parler & compter au Connestable: & ils seroient tous satisfaits, tant que bien leur deuroit suffire. Ces nouvelles réiouyrent plusieurs: qui desiroient à partir, pour retourner à santé, & à mutation de nouuel air. Adoncques eurent les Barons & Cheualiers d'Angleterre ordonnance: comment ils cheuiroient de retourner en Angleterre. Par mer, ce leur estoit impossible: car ils n'auoient pas nauire preste: & estoient trop loing du port. Autrement, ils estoient si chargez & empeschez, eux & leurs gens, de maladie de cours de ventre, ou de fièvres, qu'ils estoient morts à moitié: & ne pourroient souffrir nullemēt porter les peines de la mer, Tout cōsidéré, le plus propice, qui leur restoit, c'est qu'ils se meissent au retour parmy le Royaume de France. Or disoient les aucuns, Et comment se pourra ce faire? car nous sommes ennemis à tous les Royaumes, que nous auons à passer: & premierement à Espagne (car nous y auons fait mortelle guerre & ouuerte) au Roy de Nauarre aussi (car il est conioint, en icelle guerre, avecques le Roy de Castille) & au Roy d'Arragon: car il fust allié avecques le Roy de France: & ia nous a il fait vn grand despit à noz gens: car, nous venus en ce voyage (si comme le Sénéchal de Bordeaux nous a mandé) ils ont retenu, & mis en prison à Barcelonne, l'Archeuesque de Bordeaux: qui estoit allé parler au Roy, & au pays, pour les arrerages que le Royaume d'Arragon doit à nostre Seigneur le Roy d'Angleterre. Parmy France, à enuoyer deuers le Roy, ce nous est trop dur & trop long: &, quand le message seroit là venu, espoir le Roy (qui est ieune) ou son Conseil, n'en voudroient rien faire: car le Connestable de France, messire Oliuier de Clifson, pour le present nous hait mortellement: & veut dire que le Duc de Bretagne, son grand auerfaire, se veut tourner Anglois.

Adoncques respondirent les autres (qui estoient de haute imagination, & de parfond sens) Or (soient toutes doubtés mises † auant) Nous disons ainsi, pour le meilleur, que c'est bon que nous essayons le Roy de Castille: qui légèrement nous accordera à passer parmy son Royaume paisiblement, & nous impetrera saufconduit deuers les Roys de France, d'Arragon, & de Nauarre. Le Conseil fut accepté, tenu & ouy: & prirent vn Heraut (qu'on appelloit Erby) & luy baillerent lettres: qui s'adreçoient au Roy de Castille. Le Heraut se departit de ces Seigneurs: & se meit au chemin, & cheuaucha tant, qu'il vint à Medine-de-Camp: là ou se Roy se tenoit pour ces iours. Il vint deuant le Roy & sage-
fenouilla,

nouilla: & luy bailla les lettres. Il les ouurit & les leut: car elles estoient Françoises. Quand il eut veu & conceu la substance, il se tourna d'autre costé: & commença à soufrire: & dit à vn sien Cheualier, Maistre d'hostel, pensez ce Heraut, il aura responce ennuidt, pour retourner le matin. Il fut fait, Le Roy entra en sa chambre: & fit appeler messire Guillaume de Lignac & messire Gautier de Passac. Il leur monstra & leut les lettres: & puis demanda. Quelle chose en est bone à faire? Or vous diray vn petit de la substance. Messire Jehan de Hollande, Connestable de l'ost, escriuoit au Roy de Castille: & luy prioit, par ce Heraut, qu'il luy voufist enuoyer lettres de saufconduit, allant & retournant, pour deux ou trois Cheualiers Anglois, pour auoir parlement & traitté ensemble. Les deux Cheualiers dessus-nommez respōdirent, Monseigneur, il est bon que vous leur donnez & accordez: & ainsi saurez vous quelles choses ils demandent. Or ce me semble bon, dit le Roy. Tantost fit escrire vn saufcōduit: qui contenoit qu'ils pouuoient venir, & retourner arriere, iusques à six Cheualiers (s'il venoit à point au Connestable) & leurs gens. Quand le saufconduit fut escrit, il fut seellé du grād seel, & du signet du Roy: & fut baillé au Heraut, & vingt francs avec. Il prit tout: & sen retourna à Auranch: là ou le Duc de Lanclastre & le Connestable estoient. Le Heraut dessus-nōmé, bailla au Connestable le saufconduit, Adonc furent ceux éleus, qui iroient: & tout premierement messire Mauburin de Linieres, messire Thomas Morel, & messire Jehan d'Auberthicourt. Ces trois Cheualiers furent chargez de faire le message, & d'aller en Ambassaderie deuers le Roy de Castille: & se departirent du plustost qu'ils peurēt. Car il besongnoit à aucuns pource qu'ils auoient en leur ost, & en leurs logis, departis çà & là, grand' faute de medecines, & de medecins pour eux visiter, & des besongnes qui appartiennent à medecine, & de nouueaux viures à eux refreschir. Ces Ambassadeurs Anglois passerēt à Ville-Arpent: & leur fit le Connestable de Castille, messire Oliuier du Glesquin, tresbonne compaignie: & leur donna vn soir à souper: & le lendemain vn Cheualier des siens, de ceux de Tintemach, Breton, les cōduisit, pour aller deuers le Roy plus seuremēt, pour les rencontres des Bretons: car par tout en y auoit beaucoup. Tant exploiterent qu'il vindrent à la cité de Medine-de-Camp: & là trouuerēt le Roy: qui auoit grād desir de sauoir quelle chose ils vouloient. Quand ils furent descendus en vn hostel (qui estoit ordonné pour eux) & ils se furēt refreschis & appareillez, ils allerēt deuers le Roy (qui leur fit bon semblant) & y furent menez par les Cheualiers de son hostel: & leur montrerent lettres, de par le Connestable, & non de par autre: car le Duc de Lanclastre s'en faingnoit: ne point à celle fois ne vouloit escrire au Roy de Castille, pour celle cause. Quand les dessusdits Cheualiers dirent & proposerent au Roy, là n'estoient point les Cheualiers de France: quoy qu'ils fussent de son estroit cōseil, & priué, & que sans eux, ne leur accord, il ne passast rien, des choses appartenans à sa guerre. Ils parlerent & dirent en ceste maniere, Sire Roy, nous sommes cy venus de par le Comte de Hostidonne, Connestable à-present des gens de Monseigneur de Lanclastre, mis hors d'Angleterre. Auenu est pour le present, que merueilleuses mortalitez & maladies se sont boutees entre noz gens. Si vous prie le Cōnestable, que vueillez à ceux, qui santé desirent à auoir, ouurir, & faire ouurir, voz citez & bonnes-villes, pour les laisser dedans venir aiser, & refreschir, & recouurer santé: se recouurer la peuuent. Aussi à aucuns (qui ont plaissance de retourner en Angleterre par terre, & conuient qu'ils passent par les dangers de vous, du Roy de Nauarre, & du Roy de France) il vous plaise tant faire, que paisiblement, par tous leurs fraiz, ils puissent passer, & retourner en leurs lieux. C'est la requeste & priere, qu'à present nous vous faisons. Alors respondit le Roy de Castille moult doucement: & dit, Nous aurons Conseil & auis quelle chose nous est bonne à faire: & puis en aurez par nous responce. A quoy lescdits Cheualiers respondirent, Il suffit.

*Saufconduit
otroyé au He-
raut des An-
glois, pour aller
six Cheualiers
d'être eux vers
le Roy de Ca-
stille.*

*Ambassadeurs
des Anglois du
Duc de Lancla-
stre vers le Roy
de Castille.*

*† l'y liroye vo-
lontiers pays.*

Comment les Ambassadeurs des Anglois du Duc de Lanclastre impetrerent vn saufconduit du Roy de Castille, pour penser leurs malades en ses pays: & passer seurement ceux, qui sen retourneroient hors d'Espagne: & comment plusieurs Cheualiers & Escuyers d'Angleterre moururent en Castille & es pays des Espagnes, estant le Duc de Lanclastre mesme tombé en grande maladie, à Sainct-Iaques en Galice.

Lors se departirent les Cheualiers d'Angleterre: & prirent congé du Roy: & retournerent en leurs logis: & sy tindrent tout le iour, & lendemain, iusques à tierce: qu'ils

retournerent deuers le Roy. Or vous diray la responce du Conseil, que le Roy de Castille eut. Premièrement, ces requestes & nouuelles luy firent grand bien, & tresparfaite ioye: car il se veoit à chef de guerre, pour vn grand temps: quand les ennemis le prioient de vider & partir de son pays: & bien sauoit en soy-mesme lequel il feroit: & fust il conseillé du contraire: mais il vouloit tant honnorer les deux Cheualiers François (qu'on luy auoit là enuoyez à Capitaines) messire Gautier de Passac & messire Guillaume de Lignac, qu'il en parleroit à eux: & furent enuoyez querre: & quand ils furent là venus deuers le Roy, il leur remonstra moult sagement la matiere des Cheualiers d'Angleterre, & la priere & requeste, que le Connestable luy faisoit: & sur ce il demandoit à auoir conseil, & qu'on le conseillast loyaument: & tourna la parolle sus messire Gautier de Passac. Enuis parloit deuant le conseil du Roy: mais parler luy conuinft: car le Roy le vouloit: & les en requit: & lors, par le commandement du Roy, ils dirent ainsi, Sire, vous venez à la fin, que nous vous auons tousiours dite: c'est que voz ennemis se lasseroient & degasteroient. Ils sont déconfits, & sans coup ferir. Ou cas doncques que par gentillesse les malades demandent à auoir confort & refreschissement en vostre pays, vous le leur accorderez, par maniere telle, que, s'ils retournent à santé, ils ne retourneront point deuers le Duc de Lancastre, ne deuers le Roy de Portugal: mais iront tout droit leur chemin: & de ce terme en six ans, ils ne farmeront contre vous, ne contre le Royaume de Castille. Nous esperons que vous finerez bien assez du Roy de France, & du Roy de Nauarre, d'auoir sauconduit pour eux, à passer paisiblement parmy leurs Royaumes. De ceste responce fut le Roy d'Espagne tout réiouy: car on le conseilloit à son bon plaisir: n'il n'auoit cure (quelque marché qu'il fist nullemēt) mais qu'il fust quitte des Anglois. Si dit à messire Gautier de Passac (qui la parolle auoit monsté) Vous me conseillez loyaument. Si vous en say bon gré: & ie feray apres vostre parolle. Adonc furent les trois Cheualiers d'Angleterre mandez. Quand ils furent venus, on les fit passer outre, en la chambre de Parlement du Roy: & là estoit le Roy, & tout son conseil: & là parla le Chancelier d'Espagne, l'Euesque de Desqueurges: qui bien estoit enlaugagé: & dit, Cheualiers d'Angleterre, de par le Duc de Lancastre, qui cy estes enuoyez de par son Cōnestable, entendez. C'est la parolle du Roy, que, pour pitié & pour gentillesse, il veut faire à ses ennemis toute la grace qu'il pourra: & vous, retournez deuers vostre Connestable, vous luy direz, de par le Roy de Castille, qu'il face assauoir, à la trompette par tout son ost, que ce Royaume est ouuert & appareillé, pour receuoir & recueillir sains & malades, Cheualiers & Escuyers, & leurs gens mesmes: voire parmy tant qu'aux portes des citez & des bonnes-villes, là ou ils venront, ou voudront entrer & demourer, ils mettront eus toutes leurs armeures & armes: & là trouueront hommes ordonnez, qui les meneront à leurs hostels: & là seront tous leurs noms escripts, & rapportez par-deuers le Capitaine: à celle fin que ceux, qui es citez & bonnes villes entreront, ne puissent plus retourner en Galice, n'en Portugal, pour quelconque besongne que ce soit: mais partiront, du plustost qu'ils pourront. Apres ce que le Roy de Castille, nostre Sire, vous aura impetré bon sauconduit & seur, pour passer paisiblement parmy les Royaumes de Nauarre & de France, & pour aller iusques en la ville de Calais, ou quelque autre part, ou haure, ou port, qu'il leur plaira prendre, ne choisir, sur les bandes ou alliances (soit de Bretagne, Xaintonge, la Rochelle, Normandie, ou Picardie) c'est la parolle du Roy, que tous ceux là, qui se mettront en ce voyage Cheualiers & Escuyers, de quelque nation qu'ils soient, ne farmeront, pour le terme de six ans auenir, pour nulle cause, contre le Royaume de Castille: & ce iureront solennellement, en prenant les sauconduits qu'on leur baillera: & de toutes ces parolles, dites & deuisees, vous en remporterez lettres ouuertes, deuers vostre Connestable, & les compagnons, qui cy vous enuoyent. Les Cheualiers dessus-nommez remercierent le Roy & son Conseil, de la responce qu'on leur auoit faite: & dirent, Il y a aucuns points, ou articles, en vostre parolle. Nous ne sauons si elles seront acceptees. Si elles ne le sont, on renuoyera vostre Heraut: ou, qu'il ne vien ne par-deuers vous, nous les tenons pour acceptees. Bien nous suffit, respondirēt ceux du cōseil du Roy. Adonc se retrayt le Roy de Castille en sa chābre: mais messire Gautier de Passac & messire Guillaume de Lignac demourerent avecques les Cheualiers: & les menerent en vne belle chambre: qu'on auoit ordonnee pour eux à disner. Là disnerent ensemble. Apres disner, ils prirent vin & espices en la chambre du Roy: & prirent congé. Leurs lettres furent toutes appareillees. Si monterent à cheual, si tost qu'ils furent

retournez

*Conseil des
deux Capitai-
nes François,
au Roy de Ca-
stille, sur la re-
queste des Am-
bassadeurs An-
glois.*

*† Je doute qu'il
n'y falle d'E-
stures.*

*† Verard des
Cheualiers
qui estes au
Duc de Lan-
castre, & es-
tes cy en-
uoyez, &c.
vn petit mieux
à mon auis.*

*Conditions du
sauconduit ot-
troyé aux An-
glois par le Roy
de Castille.*

*Bonne compai-
gnie des deux
Capitaines François
aux Am-
bassad. An-
glois.*

retournez en leur hostel: & furent deliurez de tous points de par les fourriers du Roy: & se departirent de Medine: & vindrent gesir à Villeclope, & lendemain ils passerent à Ville-Arpent: & disnerent: & puis partirēt: & vindrent gesir à Noye en Galice: & lendemain ils vindrent à Auranch: & là trouuerent le Connestable. Auenue estoit, ce tēps pendant qu'ils auoient esté en ce voyage, qu'un des grans Barons, qui fust en la compagnie du Duc de Lanclastre, mourut: & moult vaillant homme fut. C'estoit le Sire de Siluatiere: lequel auoit grand' plainte: mais contre la mort nul ne peut estriuier. Si luy furent faites les obseques moult hōnorablement: & y furent le Roy de Portugal & le Duc de Lanclastre. Quand les trois Cheualiers furent reuenus en l'hostel, deuant le Duc de Lanclastre, si recorderent tout ce qu'ils auoient trouué: & monstrerent les lettres: qui affermerent toutes leurs parolles. Adonc les aucuns dirent qu'elles estoient dures: & les autres respondirent que non estoient: mais moult courtoises, à considerer parfaitement l'estat, & le danger ou ils estoiet. Ces nouuelles se respendirent parmy l'ost, que le Duc donnoit, de bonne volonté, congé à tous ceux, qui partir vouloient. Ceux, qui se sentoient entachez de maladie, & affoiblis de corps, & qui desiroient à renouveler d'air, se departirent, si tost qu'ils peurent: & prirent congé au Duc & au Connestable: & au departement on comptoit à eux: & estoient payez en bons deniers contens, aussi courtoisement qu'il estoit possible, ou si courtoisement on leur respondit de leurs deniers à aucuns, qu'ils estoient contens: & s'en contentoient: & se departoient par compagnies: & s'en alloient les aucuns à Ville-Arpent, les autres à Ruelles, les autres à Villeclope, les autres à Noye, les autres à Medine-de-Cāp: les autres à Calle-foris, les autres à S. Phagon: & par tout estoient les bien-venus, & mis à l'hostel, & escripts par les Capitaines des villes, sur la forme que ie vous ay dite. La greigneur partie des Nobles se trayt à Ville-Arpent, pour la cause qu'elle estoit toute garnie & remplye de soudoyers estrangers: Bretons, François, Normans, & Poicteuins: desquels messire Oliuier du Glesquin, Connestable de Castille, estoit tout souuerain. Encores se confioiet plus les Anglois, en ceux que ie vous nōme, qu'ils ne faisoient es Espaignols: & pour cause. En la forme & maniere se derompit (comme ie vous ay dit) celle armée en celle saison, du Duc de Lanclastre en Castille: & queroit chacun son mieux. Vous pouuez, & deuez bien croire, qu'il en ennuyoit beaucoup au Duc de Lanclastre: & bien y auoit cause. Car il voyoit les hautes emprises & imaginations durement reboutees, & en dur party: & toutesfois (cōme sage & vaillant Prince, qu'il est, ou qu'il estoit) il se confortoit assez bellement: car bien veoit qu'il n'en pouuoit auoir autre chose. Quand le Roy de Portugal veit que les choses se portoient ainsi, & que leur armée estoit rōpue, il donna à toutes manieres de gens congé: qui venus l'estoient seruir: & en retint enuiron trois cens Lances: & se departit d'Auranch, avec le Duc de Lanclastre: qui s'en retourna, & sa femme aussi, en la ville de S. Iaques qu'on dit en Compostelle. Quand le Roy & le Duc furent là venus, le Roy y sefejourna quatre iours, & au cinquième il s'en partit à toutes ses gens, qui accompaignē l'auoient: & s'en retourna deuers son pays, & vers sa femme: qui estoit au Port, vne bone cité en Portugal. Or deuez vous sauoir, & ie le vous diray, quelle chose il auīt à plusieurs Cheualiers & Escuyers, qui estoient departis de la route du Duc, & retraits en Castille, & espartis en plusieurs citez & bonnes ville. Ceux, qui estoient entachez de ceste maladie (quoy qu'ils trainassent, & quissent nouuel air, & nouuelles medecines) ne peurent fuir, n'échaper, qu'ils ne mourussent, en sejournant en la ville de Ville-Arpent. Endemētiers que le Roy Iehan de Castille auoit enuoyé querir en Nauarre & en France) les fausconduits pour passer paisiblement les Anglois parmy ces terres & Seigneuries, si comme il leur auoit promis (ce qui ne fut pas si tost fait, ne ceux, qui enuoyez y estoient retournez) moururent plusieurs Barons, Cheualiers, & Escuyers d'Angleterre, sur leurs lits: dont ce fut dommage & affoiblissement pour leur pays. En Ville-Arpent moururēt trois haux Barons du Royaume d'Angleterre, riches hommes, & qui estoiet bien renommēz: & tout-premieremēt, celui, qui y auoit esté cōme souuerain Mareschal de l'ost du Duc, messire Richard Burle, le Sire de Pommiges, & messire Henry de Persy, cousin germain au Côte de Northōbellāde. En la ville de Noye mourut messire Mauburin de Linieres, Poicteuin, vn moult vaillant & appert Cheualier, & en la ville de Ruelles, vn grand Baron de Galles, qui s'appeloit le Sire de Talbot: & moururent, que ça que là, de la mortalité, douze Barons d'Angleterre, & bien quatre vings Cheualiers, & deux cens Escuyers, tous Gentils-hommes. Or regardez la grand' déconfiture sur eux, & sans

Trespas du Sire de Siluatiere Anglois.

Retour des ambassadeurs Anglois vers le duc de Lanclastre.

Depart des Anglois du duc de Lanclastre ayant faulx conduit du roy de Castille.

Cogé du Roy de Portugal a ses gens, & retraite de sa personne en son royaume laissant le duc de Lanclastre en Compostelle.

Mort de trois grans Barons d'Angleterre en Ville-Arpent d'Espaigne.

Le Duc de Lanclastre en grand danger de mort, en la ville de saint-Iaques en Galice.

coup ferir, ne bataille auoir. D'autre peuple, Archers, & telles gens, plus de cinq cens y moururent: & ouy pour certain recorder à vn Cheualier d'Angleterre (à qui ie parlay, sur son retour, qu'il fit parmy France, & qui s'appelloit messire Thomas Quinebery) que de quinze cens Hommes-d'armes, & bien enuiron quatre mille Archers, que le Duc de Lanclastre auoit mis hors d'Angleterre, il n'en retourna iamais, de tout, la moitié. Le Duc de Lanclastre cheut en langueur, & en maladie tresgrande & tresperilleuse, en la ville de Saint-Iaques: & fut plusieurs fois que renommee couroit en Castille, & en France, qu'il estoit mort: & certes il en fut en grande auenture. Thierry de Soumain (qui estoit vn Escuyer d'honneur, & de vaillance, pour le corps du Duc, & né de la Comté de Hainaut) fut aussi atteint de celle maladie: & mourut à Besances. Il eut moult grand' plainte: & fut tousiours son frere Guillaume de Soumain delez luy, iusques à la mort: lequel fut aussi en grand' auenture de sa vie. Et sachez bien qu'il n'y auoit si preux, si riche, ne si ioli, qui ne fust en grand effroy de luy mesme, & qui attendist autre chose, tous les iours, que la mort. Mais de ceste maladie nul n'estoit entaché, fors les gens au Duc de Lanclastre: n'entre les François il n'en estoit nulle nouuelle: dont plusieurs murmurations furent entre eux, & aussi entre les Espaignols: disant, Le Roy de Castille a fait grace à ces Anglois, de venir reposer & eux coucher en son pays, & en ses bonnes-villes: mais ils nous pourront trop grandement toucher & couster: car ils bouteront vne mortalité en ce pays. Les autres respondirent, Ils sont Chrestiens, comme nous sommes. On doit auoir compassion les vns des autres. Bien est il verité qu'en telle saison vn Cheualier de France en Castille mourut: lequel eut grand' plainte: car il estoit gracieux, courtois, & preux aux armes, & frere germain à messire Iehan, & à messire Regnaud, & à messire Lancelot de Voye: & estoit appellé messire Iehan de Voye: mais il mourut. Je vous diray comment. Il se tenoit en vne ville de Castille (qu'on appelloit Segbonne) en garnison. Si le prit vne apostume au corps. Il, qui estoit roide & ieune, & de grand' volonté, n'en fit compte: & monta vn iour sur vn courfier: & vint aux champs: & fit courir le courfier: & adonc celle boce, qu'il auoit, luy effondra au corps. Quand il fut retourné à l'hostel, il s'accoucha au liét malade, tant qu'il le monstra bien: car il mourut au quatrieme iour apres. Messire Iehan eut grans plaints de tous ses amis, ce fut raison: car il estoit, & auoit tousiours esté, courtois, & preux Cheualier en armes.

Comment messire Iehan de Hollande, Connestable du Duc de Lanclastre, prit congé de luy, s'en retournant à tout sa femme, par Castille & par Nauarre, à Bayonne & à Bordeaux: & comment messire Iehan d'Auberticourt alla à Paris, pour vouloir accomplir vn fait d'armes, contre Bouciquant.

CHAP. XCI.

† Il y auoit icy nous verrons trop mieux, &c.

Vous deuez croire & sauoir que telle pestilence, comme elle estoit entre les Anglois chacun la fuyoit (qui pouuoit) & rendoit peine de l'écheuer. Encores se tenoit messire Iehan de Hollande, le Connestable, delez le Duc, son grand maistre & Seigneur: & Cheualiers & Escuyers, qui bien veoient que la saison de la guerre estoit passée, & qui vouloient élongner & fuyr le peril de la mort, disoient au Connestable, Sire, or nous metton au retour, & nous en allon vers Bayonne & vers Bordeaux, pour renouueler air & pour élongner ceste peste: car Monseigneur de Lanclastre le veut & le desire. Quand il nous vouldra auoir, il nous saura bien mader & escrire. † Nous le seruirōs trop mieux, se nous sommes rafreschis en nostre pays, que ce nous demourons icy en peine & en langueur. Tant en parlerent à messire Iehan de Hollande, qu'une fois il remonstra les murmuratiōs, que ces Anglois faisoient, au Duc de Lanclastre. Dont respondit le Duc: & dit, messire Iehan, ie vueil que vous vous mettez au retour, & que vous emmenez tous noz gens, & nous recōmandez à Monseigneur, & me saluez mes freres en Angleterre, tels: & luy nomma lesquels il vouloit qu'on luy saluast. Volōtiers respondit le Connestable. Mais, Monseigneur, ie vous diray. Quoy que les malades tiennent grand' courtoisie † du Conseil de Castille (car il leur accorde paisiblement, & sans moyen, à entrer dedans les citez & bonnes-villes de Castille, pour y demourer à leur aise, tant comme ils soient gueris & rafreschis) si est-ce que depuis ils ne peüent retourner par-deuers vous en Castille, n'en Portugal: & si nous allons outre, ou eux aussi, nostre chemin est iusques à Calais, parmy le Royaume de France: & est la parolle du Conseil, & des François, qui sont delez le Roy de Castille, que nous ne nous pouuōs armer contre le royaume de

† Ceste clause est amendee & éclaircie selon le sens de l'auteur.

me de † France, iusques à six ans auenir: si le Roy nostre Sire, n'y est en propre personne. Dont respondit le Duc: & dit, Messire Iehan, vous deuez bien sauoir que les François prendront, sur nous & sur noz gens (en cas qu'ils nous voyent en danger) le plus d'auantage qu'ils pourront. Je vous diray que vous ferez: vous passerez courtoisement parmy le Royaume de Castille: & quand vous viendrez à l'entree de Nauarre, si enuoyez deuers le Roy. Il est nostre cousin: & auons eu au temps passé grans alliances ensemble: lesquelles ne sont pas encores rompues: car, depuis que noz gens s'armerēt pour sa guerre encontre nostre auersaire de Castille, nous auons tousiours amiablement escrit l'un à l'autre, comme cousins & amis: ne nulle guerre, ne détournier, par terre ne par mer, ne luy auons faite: mais si ont bien fait les François. Pour quoy il vous l'airra, vous & toute vostre route, passer legerement parmy sa terre. Quand vous serez à Saint-Iehan-du-pié-des-ports, si prenez le chemin de Bisquaye, pour aller à Bayonne. C'est tout sur le nostre heritage: & de là pouuez vous aller à Bordeaux, sans le dāger des François, & vous refreschir à vostre aise: & puis, quand vous aurez vent à volonté, montez en mer, & trauezsez le parfond: & prenez terre à Cornouaille, ou à Hantonne, selon que le vent vous enseignera. A ceste parolle respondit messire Iehan de Hollande: & dit qu'il le feroit, ne point de ce conseil il n'istroit: & s'ordonna, & se disposa sur cest estat. Depuis n'y eut guerres de seiour: mais se departirent le Conestable, & tous les Gens-d'armes, & autres estans en sa compaignie: & ne demourerent delez le Duc de Lancastre & la Duchesse, fors les gens de son hostel tant seulemēt: & emmena messire Iehan de Hollande sa femme avec luy: & s'en vint en la cité de Camores (qui est moult belle & grande) & là trouua le Roy de Castille, messire Gautier de Passac, & messire Guillaume de Lignac: qui luy firent bonne chere: ainsi comme Seigneurs font l'un à l'autre, quand ils se trouuent. Et, au voir dire, le Roy de Castille veoit plus volontiers le departement des Anglois, que l'approchement: car il luy sembloit que sa guerre si estoit finie, & que iamais en la cause du Duc de Lancastre tant de bonnes Gens-d'armes & d'Archers ne faudroient hors d'Angleterre, pour faire guerre en Castille: & aussi il sentoit bien le pays d'Angleterre (comme cy dessus vous ay compté) en grand' difference. Quand les nouuelles s'épandirent en plusieurs lieux, villes, & citez (ou les maladiex Anglois s'estoient retraits pour auoir santé) que messire Iehan de Hollande se mettoit au chemin, pour retourner en Angleterre, si en furent tous réiouis ceux, qui auoient affection de retourner en leurs pays. Si se tindrent tant plus pres d'eux appareiller & mettre en sa route: & sy meirent le Sire de Chameaux, messire Thomas de Perfy, le Sire de Leluyton, le Sire de Braseton, & plusieurs autres: tant qu'ils se trouuerēt plus de mille cheuaux: & estoit auis aux maladiex, qu'ils estoient gueris de moitié, quand ils se remettoient au retour: tant leur auoit esté le voyage ennuyeux sur la fin, & pesant. Quand messire Iehan de Hollande prit congé au Roy de Castille, le Roy luy donna liement, & aux Barons & Cheualiers de sa route: & leur fit, pour son honneur deliurer & presenter de beaux mulets, & des mules d'Espagne: & leur fit payer tous leurs menus fraiz, qu'ils auoient à faire. Adonc se meirent ils à chemin: & s'en vindrēt vers Saint-Phaghon: & là se refreschirēt ils trois iours: & par tout estoient ils bien venus: car ils auoient des Cheualiers du Roy: qui les conduisoient, & qui payoient par tout, ou ils venoient ce qu'ils prenoient. Tant exploiterent, qu'ils passerent Espagne: & vindrent en la cité de Nauarret (ou la bataille fut iadis) & à † Pamiers: & vindrent au Groing: & là s'arrestèrent: car encores ne sauoient ils de certain, si le Roy de Nauarre les lairroir passer. Si enuoyerent deuers luy deux de leurs Cheualiers: messire Pierre Bisset, & messire Guillaume de Norduich. Ces deux Cheualiers trouuerent le Roy à Cudelle en Nauarre. Si parlerent à luy: & exploiterent si bien, qu'il leur accorda à passer parmy Nauarre, en payant ce qu'ils prendroiet: & se departirent du Groing. Si tost cōme leurs Cheualiers furent par-deuers eux retournez, se meirent à chemin: & exploiterēt tant qu'ils vindrēt à Pāpelune: & passerent les montaignes de Roncevaux: & laisserent le chemin de Bearn: & entrèrent en Bisquaye, pour venir à Bayonne: & tant firent qu'ils y paruindrent: & là se tindrēt vn long temps messire Iehan de Hollande & la Comtesse sa femme: & les aucuns de ces Anglois s'en vindrent à Bordeaux. Ainsi se departit ceste cheuauchee dessus-nommee. Auenu estoit en Castille, endementiers que le plus fort des armes couroit, & que Cheualiers & Escuyers cheuauchioient, & que les Anglois tenoient les chāps, que messire Bouciquaut, l'aîné des deux freres, tenāt aussi les chāps, auoit enuoyé, par vn Heraut, requerre armes à faire, de trois

† Iehan mis
icy de Castil-
le, suuant le
chap. précéd.
Mais, n'y estant
faite nulle-
mention de la
condition d'a-
pres, ie doute si
cet article fut
point aionsté à
celuy de Castil-
le par-apres,
& qu'il de
faillies Exem.

Depart de mes-
sire Iehan de
Hollande d'a-
uec le Due de
Lancastre.

Messire Iehan
de Hollande
prend congé du
Roy de Castil-
le: qui luy fait
plusieurs gra-
cieusetez.

† Gerard dis
paniers &
à la pauie-
res.

Passage de
messire Iehan
de Hollande
& de sa route,
par le royau-
me de Nauar-
re, sous l'accord
du Roy, iusques
à Bayonne &
Bordeaux.

courfes de glaiues, aux cheuaux, à meffire Iehan d'Auberthicourt. Le Cheualier luy auoit accordé: & auffi de trois coups de dague, & de trois coups de hache, & tousiours aux cheuaux. Le Cheualier luy auoit accordé liement: & l'auoit depuis demandé en plusieurs lieux: mais meffire Bouciquaut ne f'estoit point trait auant. Le ne fay pas pourquoy. Le ne dy pas, ny ne vueil dire, que meffire Bouciquaut ne soit Cheualier bon assez, pour faire tel party d'armes, ou plus-grandes, qu'elles n'estoient. Quand meffire Iehan d'Auberthicourt fut venu à Bayonne, en la compaignie de meffire Iehan de Hollande (si-comme vous auez ouy) il eut plusieurs imaginations sur ces besongnes: & luy sembloit qu'honorablement il ne se pouuoit partir des frontieres de par-delà (au cas qu'il estoit requis & appelé de faire armes, & qu'il les auoit acceptees) sans les acheuer: & pourroient les François dire, s'il s'en retournoit en Angleterre, qu'il s'en seroit allé maldeuement. Si se conseilla à ses compaignons, & par especial à meffire Iehan de Hollande, quelle chose en estoit bonne à faire. Conseillé fut qu'il prendroit le chemin de France (il auoit bon fauf conduit pour passer parmy le Royaume de France: que le Duc de Bourbon luy auoit impetré, & fait auoir) & s'en vint à Paris, & demanda là meffire Bouciquaut. Espoir en orroit il nouuelles sur son chemin, ou à Paris: & parmy ce tantost il seroit excusé. Ce Conseil prit & creut le Cheualier: & se meit à chemin: & entra au pays de Bearn, par le pays de † Basques: & vint à Ortaiz: & là trouua le Comte de Foix: qui luy fit bonne chere, & le tint delez luy: & au departir il luy donna deux cens florins, & vn moult bel rouffin. Si se departit meffire Iehan d'Auberthicourt du Comte de Foix: & cheuaucha tout le pays de Bearn: & entra au pais de Bigorre, & puis en Toulousain, & puis en Carcassonois. En sa cōpaignie estoit Guillaume de Soumain: & autres Escuyers de Hainaut: qui retournoient en leurs pays. Tant exploiterent, qu'ils vindrent à Paris: & estoit le Roy en Normandie pour le temps: & meffire Bouciquaut (si-comme il luy fut dit) estoit en Arragon. Meffire Iehan d'Auberthicourt, pour s'acquitter, se presenta à aucuns haux Barons de France, qui estoient à Paris: & quand il y eut seiourné enuiron huit iours, & il se fut refreschi, il se departit, & meit au chemin: & fit tât par ses iournées, qu'il vint à Calais: & ceux de Hainaut retournerent en Hainaut. Ainsi par plusieurs membres se departit & derompit ceste armee d'Espagne & de Portugal.

† Verard dit
Basque.

Iehan d'Au-
berticourt à
Paris, en inten-
tion de faire
armes avec
Bouciquaut.

Comment le Duc de Bourbon, estant party d'Auignon, avec son ost, s'en alla trouuer le Roy de Castille à Burgues: comment le Duc de Lancastre, en estant auerty, se pourueut du Roy de Portugal: & comment le Duc de Bourbon, apres plusieurs conuoiſſemens, eut congé du Roy de Castille: & s'en retourna droit en France.

CHAP. XCII.

† C'est adire
que les en-
nemis euf-
sent esté si
forts, que,
d'aprocher
plus pres du
Roy de Ca-
stille, & qu'il
eust eu be-
soin de
prompt se-
cours, il se
fust, &c.

ON doit supposer que le Duc Louis de Bourbon (duquel ie vous ay cy-dessus parlé & traité, & lequel estoit, au commencement de ceste emprise & armée de Castille institué & nommé à estre Chef) estoit tout informé des besongnes dessusdites, comment elles se portoient & deuisoient: car, s'il eust senty ne cognu † qu'elles se deussent approcher, il se fust assez pl^h hasté, qu'il ne fit: car il meit mout lōguemēt à venir, ainçois qu'il entraſt en Espagne: & prit le lointain chemin. Car il vint par la ville d'Auignō pour veoir celuy, qui s'escriuoit Pape Clemēt: & fut delez luy vn tēps: & quand il s'en partit & vint droit à Montpessier: & là seiourna il cinq iours, & aussi à Beziers, & à Carcassonne: & vint à Narbonne, & puis à Perpignan: & là entra au royaume d'Arragon: car il vouloit veoir le ieune Roy d'Arragon, & sa cousine la Roynne, Madame Yoland de Bar. Tant exploita le Duc de Bourbon, par ses iournées, qu'il vint à Barcelonne: & là trouua le Roy & ladite Roynne, & grand foison de Comtes & de Barons du pays: qui tous estoient ensemble, pour le recueillir & festoyer: si-comme ils firent. Quand il eut là esté vne espace enuiron six iours, il passa outre, parmy le Royaume d'Arragon: & vint à Valence la Grand: & luy vindrēt nouuelles que toute l'armee des Anglois estoit retraits & passée, & que meffire Iehan de Hollande estoit à Nauarre (lequel en remenoit la greigneur partie de leurs gens) & qu'entre les Anglois auoit eue trop grande déconfiture de mortuaire, & que son cousin le Duc de Lancastre estoit moult malade en la ville de Compostelle: & ià couroit en plusieurs lieux renommee, qu'il estoit mort. Non-obstant toutes ces nouuelles (quoy qu'il n'eust eu que faire en Espagne s'il vouſſit) il passa outre: & s'en vint & signifia sa venue au Roy de Castille, qui en fut grand emēt réiouy, & dit que, pour luy recueillir, il venoit à Burgues en Espagne, vne moult belle & puissante cité: si-cōme il fit. Luy venu à Burgues, il y fit appareiller tresgrandemēt, pour le Duc receuoir: & là

& là estoient delez luy les aucuns de France: qui desiroient à veoir le Duc de Bourbon. Si passa le Duc Vallée & Sarragosse, & tous les ports: & en Espagne: & vint à Burgues. Si fut du Roy & des Prelats, Barons & Seigneurs du pays, bien grandement recueilly: & estoient là messire Oliuier du Glesquin, Connestable de Castille, messire Guillaume de Lignac, messire Gautier de Passac, messire Iehan des Barres, messire Iehan & messire Regnaud de Roye & plusieurs Cheualiers de France: qui tous auoient laissé leurs garnisons, pour venir veoir le Duc de Bourbon. Car des Anglois, ne Portugalois, ils n'auoient que faire le douter: car tout estoit retrait: & laissoient ià en Galice les Seigneurs Anglois les villes, citez, & forteresses, qu'ils auoient conquises. Car bien sauoient que contre la puissance de France, ils ne les pourroient tenir: au cas que leurs gens estoient tous departis, & issus hors de Galice, & retraits vn çà, l'autre là: ainsi comme vous auez ouy recorder vn petit auant, cy-dessus, en ceste presente hystoire. Nouuelles vindrent en Galice que le Duc de Bourbon estoit venu en Espagne: & auoit amené grand' foison de Cheualiers de France: & faisoit on, en parlant, la chose plus grande qu'elle n'estoit, & plus grosse, la moitié, qu'elle ne fut. Si se commença le pays grandement à douter que le Duc de Bourbon ne voufist entrer à force dedans, & tout reconquerre. Mais, pource qu'ils sentoient le Duc de Lanclastre encores delez eux, & les reconfortoit, ils estoient en souffrance: Les nouuelles vindrent au Duc de Lanclastre, que son cousin le Duc de Bourbon estoit venu en Espagne, & se tenoit à Burgues delez le Roy. Si le signifia incontinent au Roy de Portugal, en luy priant qu'il teinst ses gens ensemble: car il ne sauoient que les François pensoient: qui veoient à present le pays nu, & depourueu d'Anglois. Le Roy de Portugal obeyt pour les grandes alliances qu'ils auoient ensemble: & se departit de Lissebonne: & s'en vint à Connimbres: & se tint là: & fit son mandement parmy son Royaume, que chacun fust pourueu & appareillé, ainsi comme à luy appartenoit: & s'en vint iusques à la cité du Port, pour approcher Galice, & son beau pere le Duc de Lanclastre: qui n'estoit point encores en poinct de cheuaucher, pour la grand' maladie qu'il auoit eue: mais il commençoit à guerir. Or vous parleray du Duc de Bourbon: qui se tenoit delez le Roy de Castille: qui l'honoroit ce qu'il pouoit & aussi faisoient les Prelats & les haux Barons de Castille. Vous deuez sauoir que, le Duc de Bourbon venu, il y eut plusieurs Confaux entre eux, pour sauoir quelle chose ils feroient, ne fils cheuaucheroient en Galice, ou fils se mettroit au retour. Le Roy d'Espagne, de son especial Conseil, & les hommes de son pays, veoient assez cler en ces besongnes, tant que pour leur profit. Car ils disoient ainsi, quand ils estoient ensemble, De la compagnie des François nostre terre est toute gastee, mangee, & foullee par les François: quoy qu'elle en ayt esté gardee. Si y auons nous trop pris de dommage: Pourquoi bon seroit qu'on remerciaist le Duc de Bourbon (qui est presentement venu) de la peine & grand trauail, qu'il a eus: & puis qu'on luy dist par amours, qu'il voufist faire retraire ses gens: car ils n'auoient plus que faire de demourer sur le pays, pour chose, ne guerre, qui apparust: & que Galice, au reconquerir, quand ils voudroient, leur estoit petite chose. Encores disoient ainsi ceux du Conseil du Roy, Si nous receuons ces gens icy, ils voudront estre payez de leurs gages: &, fils ne le font, ils pilleront & roberont tout vostre Royaume, & l'enforceront, & ià se plaignent moult de gens en plusieurs lieux, sur le pays: & me semble qu'il seroit bon pour toute paix, qu'on leur donnast vn congé honneste. Ce conseil fut tenu: & sy assentit de tous poincts le Roy: car il veoit bien que c'estoit le profit de ses gens, & de son Royaume: qui ne pouoit auoir perte ne dommage, que ce ne fust à son dommage & preiudice. Ainsi donc en la presence de luy, vn iour l'Archeuesque de Burgues monstra la parolle au Duc de Bourbon: & là estoit grand foison de Cheualiers de France. Le Duc de Bourbon & plusieurs Cheualiers (qui sans comparaison, aimoient mieux à retourner qu'à demourer: car le pays n'est pas complexionné à celuy de France) s'en contenterent grandement: & s'ordonnerent sur cest estat. Or, combien que le Duc de Bourbon fust dernièrement venu, neantmoins il se departit (quand il eut pris congé du Roy) tout premierement: & dit qu'il vouloit retourner parmy le Royaume de Nauarre. Si ordonnerent ses gens leurs besongnes sur cest estat. On luy fit beaux dons, & moult grans presens, auant son departement: & encores en eust il beaucoup plus eu, fil eust voulu. Mais il en reffusa assez: si ce ne furent mulers, cheuaux & chiens, nommez Allás d'Espagne. Il fut publié & crié que toutes gens se pouuoient bien partir, & issir hors d'Espagne, & retourner en Fran-

Arrivée du Duc de Bourbon à Burgues en Espagne.

Le Duc de Lanclastre se pouuoit contre la venue du Duc de Bourbon, par le Roy de Portugal,

Le Duc de Bourbon prend congé du Roy d'Espagne, ne luy estant pour lors de besoing.

*Bon recueil du
Roy de Navarre
au Duc Loys
de Bourbon.*

ce: car il estoit ainsi ordonné & accordé des Souuerains. Mais encôres demouroient messire Oliuier du Glesquin, Connestable d'Espaigne, & les Mareschaux: & enuiron trois cens Lances de Bretons, de Poicteuins, & de Xaintongers. Or se meit au retour le Duc de Bourbon, quand il eut pris congé au Roy, & à la Royne, & aux Barôs de Castille. Si fut enuoyé iusques à Groing: & entra en Nauarre. Par tout ou il venoit, & il passoit, il estoit le bien venu: car le Duc de Bourbon auoit grand' grace d'estre courtois, & garny d'honneur & de bonne renommee. Le Roy de Nauarre le receut grandement & liement: & ne luy monstra oncques semblant, ne mal-talent, de haine qu'il eust contre le Roy de France: qui luy auoit fait tollir son heritage de la Comté d'Eureux en Normandie. Car bien sauoit que le Roy (qui pour le present estoit au Duc de Bourbon neueu) n'y auoit nulle coulpe: car pour le temps que ce fut, il estoit moult ieune. Mais il luy remonstra doucement toutes ses besongnes: en luy suppliant qu'il voufist estre bon moyen enuers son cousin le Roy de France, pour luy: & il luy en sauroit bon gré. Le Duc de Bourbon luy eut en conuenant, de bonne volonté: & sur cest estat il se departit de luy: & passa parmy le Royaume de Nauarre paisiblement: & aussi firent toutes manieres de Gens-d'armes, qui passer vouloient: & rappasserent toutes les montaignes de Roncevaux, & tout au long du pays de Bascles: & entra le Duc de Bourbon en Bearn, & en Sauueterre.

Comment le Comte de Foix receut honnorablement le Duc de Bourbon: & des beaux dons, qu'il luy fit: & comment les gens messire Guillaume de Lignac & messire Gautier de Passac saccagerent la ville de Saint-Phagbon, en partant d'Espaigne: dont le Roy d'Espaigne monstra courroux à ces deux Capitaines: qui estoient encor pres de luy.

CHAP. XCIII.

*Reception &
present du Comte
de Foix au
Duc de Bourbon.*

Quand le Comte Gaston de Foix (qui se tenoit à Ortais) entendit que le Duc de Bourbon estoit à Sauueterre, si en fut tout réiouy: & manda vne partie de sa meilleure Cheualerie: & se departit vn iour à grand arroy, bien à cinq cens hommes, tous Cheualiers & Escuyers, & gens notables, moult bien montez, & s'en vint sur les champs, au dehors de la ville d'Ortais: & cheuaucha bien deux lieues à l'encontre du Duc de Bourbon: qui cheuauchoit aussi en belle route de Cheualiers & d'Escuyers. Quand le Duc & le Comte s'entrerencotrèrent, ils se conioingnèrent ensemble grandement, & recueillirent amiablement: ainsi que tels haux Seigneurs sauent bien faire (car ils y sont tous nourris) &, quand ils eurent vne espace parlé ensemble, selon ce qu'il me fut compté quand ie fu à Ortais, le Comte de Foix se trayt à vne part sur les champs, & sa route avecques luy: & le Duc de Bourbon demoura en la sienne. Adonc vindrent, de par le Côte de Foix, trois Cheualiers (lesquels se nōmoient messire Espaing de Liô, messire Pierre Campestan, & messire Menault de Nouailles) & vindrent deuant le Duc de Bourbon: & luy dirent ainsi, Monseigneur, veez cy, vn present, que Monseigneur le Comte de Foix vous presente à vostre retour d'Espaigne: car il fait bien que vous auez eu plusieurs fraiz. Si vous donne, à bonne entree en son pais de Bearn, huit mille francs, ce mullet, ces deux courfiers, & ces deux pallefrois. Si respōdit le Duc, Beaux-seigneurs, grand merty au Comte de Foix: mais tant qu'aux florins, nous respondons que nuls n'en prendrons, mais le demourant nous receurons, de bonne volonté. Ainsi furent les florins refusez, & les cheuaux & le mullet retenus. Assez tost apres vint le Comte de Foix à costé du Duc: & l'emmena, deffous son pennon, en la ville d'Ortais: & le logea en son hostel: & tous ses gens furent logez en la ville. Si fut le Duc trois iours à Ortais: & y eut de beaux disners, & de grans soupers: & monstra le Comte de Foix au Duc de Bourbon vne partie de son estat: lequel fait, à Seigneur comme luy, moult à recommander. Au quatrième iour le Duc prit congé du Comte: & le Comte fit & donna aux Cheualiers, & Escuyers du Duc, de beaux dons: & me fut dit que la venue du Duc de Bourbon cousta au Comte de Foix dix mille francs. Apres toutes ces choses il se departit: & s'en retourna en France. Ce fut par Montpellier, & par la cité du Puy, & par la Comté de Forest: dont il estoit Seigneur, de par Madame sa femme. Pourtant si le Duc de Bourbon se meit au retour (comme ie vous ay compté) ne sy meirent point si tost messire Guillaume de Lignac, ne messire Gautier de Passac, ne leurs routes, ou bien auoit: par plusieurs Connestables, plus de trois mille Lances, & biē six mille autres gros varlets: lesquels tous les iours se departoient, & mettoient au retour, petit à petit.

*Modestie du
Duc de Bourbon
n'acceptant le
present des
d'armes du Comte
de Foix.*

Ceux,

Ceux, qui estoient cassez de leurs gages, & tous lassez de la guerre, se mettoient les plusieurs au retour mal montez, mal houzez, & tous desirez : or vous dy que la rencontre de telles gens n'estoit pas bien profitable, car ils demontoient tous ceux, qu'ils rencontroyent : & prenoient guerre à tous marchans, & à toutes gens d'Eglise, & à toutes manieres de gens, qui demourans estoient au plat-pays, ou il y auoit riens à prendre, & disoient les routes, que la guerre les auoit gastez & appouris, & le Roy de Castille malpayez de leurs gages. Si s'en vouloient faire payer : & sachez que citez, chasteaux, & bonnes villes (si n'estoient trop fort enfermées) se doutoyent en Castille moult. A l'encontre se cloient toutes les villes & citez, pour écheuer les perils, car tout estoit d'aduan-tage ce, qu'ils pouuoient trouuer : se trop fort n'estoit deffendu. Les Cheualiers & Escuyers, qui retournoient par la terre au Comte de Foix, mais qu'ils l'allassent veoir, ils estoient de luy bien-venus : & leur departoit de ses biens largement : & cousta le dit voyage au Comte de Foix, l'aller & retourner, de sa bonne & propre volonté, en celle saison (comme il me fut dit) plus de quarante mille francs. Or auint vn incident, sur ceux de la ville de Saint-Phaghon en Espaigne (depuis le departemēt du Duc de Bourbon) que ie vous recorderay. Il cousta (si-comme ie vous diray) la vie de cinq cens homes. Vous deuez sauoir que, quand messire Guillaume de Lignac & messire Gautier de Passac entrerent premierement en Espaigne, les routes (qui estoient grandes & grosses) s'épandirent en plusieurs lieux, sur le pays, & là enuiron de Saint-Phaghon : ou il y a tresbon pays & gras, & remply, en temps de paix, de tous biens. En leur compaignie auoit grande foison de Bretons, de Poicteuins, d'Angeuins, de Xaintongers, & de gens des basses marches. Ceux, qui cheuaucherent premierement à Saint-Phaghon, entrerent en la ville, cy fix, cy dix, cy quinze : cy vingt : tant qu'il en y eut plus de cinq cens, vns & autres, varlets de Seigneurs. Ainsi comme ils se logeoient : & quand ils estoient logez, ils pilloient & déroboient les hostels, & rompoient coffres & huches, & troussioient tout le meilleur. Quand les Citoyens veirent la maniere d'eux, † ils fermerent secrettement leurs portes : à fin que plus n'en y entraist : & quand ces estrangers se cuidoyent reposer, on cria en la ville. Aux armes : & auoient les Espaignols tout le faict guetté de iour. Ils entrerent es hostels là ou le plus il y en auoit de logez : & ainsi comme ils les trouuoient ils les occiōyēt, sans pitié & sans mercy, & y furēt tous heureux ceux, qui sauuer se pouuoient. En celle nuit en occirent plus de cinq cens. Les nouuelles en vindrent au matin aux Seigneurs : qui approcherent de Saint-Phaghon, & qui estoient logez tout au tour. Si se meirent tous ensemble, pour sauoir quelle chose il estoit bonne de faire : & eux bien conseillez, les Seigneurs dirent que ce n'estoit pas bon d'en prendre à present nulle vengeance : & que s'ils commençoient à destruire les villes & les citez, ils les trouueroient toutes ennemies : dont leurs ennemis en seroient réiouis. Mais, quand nostre voyage prendra fin, & nous nous mettrons au retour, lors parlerons nous, & compterons à eux. Ainsi passerent ils outre, sans en monstrier nul semblant : mais pource ne l'auoient ils pas oublié. Or auint que, quand toutes gens se meirent au retour (fors ceux, qui estoient là demourez delez le Conestable, messire Oliuier du Glesquin) & par especial ceux des basses-marches (qui se meirent ensemble) ils dirēt ainsi entre eux. Nous payasmes nostre bien venue à ceux de Saint-Phaghon : mais ils nous payeront nostre bien allée. C'est raison : & tous ceux furent de cest accord : & se cueillirent plus de mille combattans : & approcherent Saint Phaghon : & entrerent en la ville, sans nul guet que les Citoyens fissent sur eux. Car ils n'y pensoient plus, & cuidoient bien que tout fust oublié, & que iamais le mal-talent ne se deust renouueller, mais si fit, à leur grand dommage, car, quand ils cuidoient estre le mieux à leur, ce fut qu'on cria, en plus de cent lieux. Aux armes : & fut dit. Soient occis les Citoyens & les villains de la ville : & tout soit pris, quan qu'ils ont, car ils ont forfait. Dont veissiez ces Bretons & ces routes entrer en ces hostels (là ou ils esperoient plus gagner) rompre huches & escrains, & occire hommes & faire grand degast du leur. Ce iour en y eut d'occis plus de quatre cens : & fut la ville toute pillée, & robée, & bien demie arse : dont ce fut dommage. Ainsi se contreuengerent les routes de leurs compaignons : & puis se departirent de Saint-Phaghon. Les nouuelles vindrent au Roy de Castille : & luy fut ainsi dit, que les gens à messire Guillaume de Lignac, & à messire Gautier de Passac, si auoient couru, robé, & pillé, la bonne ville de Saint-Phaghon, & occis des Citoyens, par nombre, bien quatre cens, & puis bouté le feu en la ville : & luy fut encores dit, que se les Anglois l'eussent conquis de fait

Pilleries des routiers du Sire de Lignac et de Passac, en partant d'Espaigne.

† Nous auons fourni ces cinq mots suyans, pour parfaire le sens de l'Auteur.

Saccagement de la ville de Saint Phaghon en Espaigne par les routiers de France.

† C'est assavoir
quand les nou-
uelles de
Saint Pha-
ghon furent
apportées.

par assaut, ou autrement, ils ne l'eussent point si vaillamment atournée, comme elle estoit. En ce iour † & en celle heure y estoient les deux Cheualiers dessus-nommez: qui pour ceste cause furent grandement repris du Roy, & du Conseil. Ils s'excuserēt, que (se Dieu leur peust aider) à ceste aventure ils ne sauoient riens: mais bien auoient ouy dire à leurs routes, que mal se contentoient d'eux. Car, quand ils passerent premierement, & ils entrèrent à Saint-Phaghon, on leur occit leurs compaignons: dont le mal talent leur en estoit demouré au cuer, mais vrayement nous cuidiōs qu'ils l'eussent oublié. Au Roy d'Espaigne ces nouvelles passer conuint, car trop luy eust cousté, s'il le voulsist amender, mais il n'en feut pas meilleur gré aux Capitaines: & leur mōstra. Je vous diray en quoy.

Mecontente-
ment du Roy de
Castille sur les
sires de Lignac
& de passac,
pour cause de
Saint Phagho.

Au departir, quand ils prirent congé du Roy, pour retourner en France, s'il fust bien d'eux (comme on peut bien supposer) il les eust plus largement payez: & bien s'en sentirent. Car le Duc de Bourbon (qui là estoit venu souuerain Chef & Capitaine, & qui premier festoit mis au retour, au bon gré du Roy, & de ses gens, luy & les Barons & Cheualiers de sa route) en auoient porté, & leuē toute la graisse. Or s'en vindrent leurs gens hors de Castille, par plusieurs chemins: les aucuns par Bisquaye, les autres par Arragon. Si reuenoyent les plus de Cheualiers & Escuyers (qui n'auoient entendu à nul pillage, & à viure fors singulierement de leurs gages) tous pources & mal montez: & les autres (qui s'estoient enhardis & auancez d'entendre au pillage, & à la roberie) bien montez, & bien fournis d'or & d'argent, & de grosses malles. Ainsi est il de telles auentures, L'un y perdi: & l'autre y gaigne. Le Roy de Castille fut moult réiouy, quand il se veit quitte de telles gens, & qu'il en fut deliuré.

Comment le Duc de Lanclastre, estant party de Saint-Iaques, & de Connimbres en Portugal, arriva par mer à Bayonne.

CHAP. XCIIII.

OR retournon vn petit au Duc de Lanclastre (qui gisoit au liēt malade, en la ville de Saint-Iaques) & à la Duchesse sa femme, & à Catherine leur fille. Vous deuez bien croire & imaginer que le Duc de Lanclastre n'estoit pas le plus de la nuit & du iour sans ennuy, car il veoit ses besongnes en dur party, & sa bonne Cheualerie morte (qu'il plaignoit & plouroit, si comme on peut dire, tous les iours) lesquels à grande peine il auoit mis & eleuez hors d'Angleterre: & si n'estoit nul, ne nulle, au Royaume de Castille, n'aillieurs, qui pour luy traittast enuers le Roy, pour venir à paix par composition, ne qui voulsist tenir sa femme à heritiere, ne luy donner part ne partie: mais oyoit dire par ses gens qui estoient informez par pelerins, qui venoient à Saint-Iaques en pelerinage, de Flandres, de Haynaut, de Brabant, & d'autres pays, & qui estoient passez parmy ces Gens-d'armes de France, & aussi tout parmy le Royaume d'Espaigne) que les François, & ceux qui s'en alloient, ne se faisoient que truffer de luy: & disoient aux pelerins. Vous vous en allez à Saint-Iaques vous y trouuerez le Duc de Lanclastre: qui se donne du bon temps:

Mocquerie des
routiers de Fran-
ce sur le Duc
de Lanclastre.

en ses chambres, pour la doute du soleil. Recommandez nous à luy: & si luy demandez, par vostre foy, s'entre nous François sauons guerroyer, & se nous luy auōs fait belle guerre, & s'il se contente de nous. Les Anglois souloient dire que nous sauons mieux dancier & caroler, que mener guerre. Or est le temps retourné, qu'ils se reposeront & caroleront: & nous garderons noz marches & noz frontieres: tellement que point n'y perdrons, n'aurons dommage. Le Duc de Lanclastre: comme sage & vaillant homme, souffroit & prenoit tout en gré (car faire le luy conuenoit) & si tost comme il peut cheuaucher, il se departit (aussi firent sa femme & sa fille) de la ville de Saint-Iaques, & tous leurs gens aussi. car le Roy de Portugal l'enuoya querre par son Conestable le Comte de Nauarre, & par messire Iehan-Ferrand: à tout cinq cens Lances. En celle route estoient, du Royaume de Portugal, tout premierement le Ponnasse de Congne, Ageas Coille, Venasse-Martin de Merlo, Galop-Ferrand, messire Aulde Pierre, Iehan Nadighes de Fay, Gaynes de Falnes, & tous Barons. En la compaignie d'iceux se meirent le Duc de Lanclastre, la Duchesse sa femme, & sa fille: & se departirent vn iour de la ville de Compostelle: & se meirent à chemin: & cheuaucherent tant par leurs iournées, qu'ils vindrent en la cité du Port: là ou le Roy & la Roïne de Portugal les attendoient: qui leur firent bon ne chere. Affez tost apres que le Duc de Lanclastre fut là venu, se departirent le Roy, & la Roïne, & s'en allerent à Connimbres, à vne iournée de là. Le Duc de Lanclastre se tint là bien deux mois: pendant lequel temps il ordonna toutes ses besongnes: & eut galées du Roy (lesquelles il fit appareiller) & le maistre Patron de Portugal: qui s'appelloit

Depart du Duc
de Lanclastre
hors de Saint-
Iaques en Gali-
ce, allant au
Port & à Con-
nimbres en Por-
tugal.

Damp

Damp Alphons Brecart. Quand ils veirent qu'il faisoit bon sur la mer, & qu'ils auoyent bon vent, & à point pour eux, & pour tous leurs gens, entrèrent en leurs vaisseaux: & puis desancrerent: & prirent le parfond: & furent un iour & demy dedans Bayonne (là ou il y a plus de soixante & douze lieues) & là arriuerent: & n'y trouuerent: point messire Iehan de Hollande, ne les Anglois, car ils s'en estoient partis, & venus à Bordeaux: & là monta: & se retrait vers Angleterre. Si se tint le Duc de Lanclastre à Bayonne, vn long temps: & se gouuernoit & s'eforçoit des reuenues des Bayonnois & des Bordelois, & de la terre d'Acquitaine, de ce qui estoit en l'obeissance du Roy Richard d'Angleterre, car il auoit commission de prendre, leuer, & receuoir tous les proffits de ces terres: & s'en escriuoit Duc & Gouverneur. Nous nous souffrerons vn petit à parler, pour le present, du Duc de Lanclastre, & des Anglois, tant que poinct sera, & nous refreschirons d'autres nouuelles.

L'embarquement du Duc de Lanclastre à Connimbres en Portugal, & son arriuee à Bayonne.

Comment le Comte d'Armignac meit grande peine de traitter aux Compaignons, pour leur faire rendre leurs forts, en leur deliurant argent: & comment le Comte de Foix l'en empescha secretement.

CHAPITRE XCV.

EN ce temps se tenoit le Comte d'Armignac en Auvergne: & estoit en traitté enuers les compaignons: lesquels tenoient grande foison de forts & de garnisons en Auvergne, en Quercy, & en Limosin. Le Comte d'Armignac auoit grande affection (& bien le monstra) de faire partir les Capitaines, ennemis du Royaume de France, & leurs gés, & de laisser les chasteaux qu'ils tenoient: dont les terres dessus-nommées estoient foulées & appouries grandement: & estoient en traitté tous ceux, qui forts tenoyent, & qui guerre faisoient (excepté Geoffroy Teste-noire: qui tenoit Ventadour) enuers le Comte d'Armignac: & deuoyent les Capitaines prendre & receuoir, à vn payement, deux cens cinquante mille francs. A la somme de florins payer s'obligerent les terres dessus-nommées: qui volontiers se veissent deliurez de tel gens. Car ils ne pouuoient labourer leurs terres, & aller à leurs marchandises, ne rien faire hors des forts, pour la doutance des pillars dessusdits; fils n'estoient bien acconuenancez & appactis, & les appactis (selon ce qu'ils auoient sommé leur comptes) montoyent bien par an, es terres dessusdites autant, comme la redemption des forts & des garnisons deuoit monter. Or, quoy que ces gens fissent guerre d'Anglois, si y en auoit il trop petit de la nation d'Angleterre: mais estoient Gascons, Bretons, Allemans, Foixois, & gens de diuers pays: qui s'estoient là ainsi recueillis & mis ensemble pour mal faire. Quand la composition des redemptions deut estre faite pour tous acertes, voir est qu'ils exemptoient Geoffroy Teste-noire en son fort, car pour eux il n'en fit riens) le Comte d'Armignac pria au Comte d'Au-
phin d'Auvergne (qui estoit vn grand Chef) de traitter avecques luy (car bien s'en fau-
oit ensoigner) & que par amour il se voulist de tant charger & traualier, que d'aller en
France, deuers le Roy & son conseil, les Ducs de Berry & de Bourgongne (lesquels pour
le temps auoient le gouuernement du Royaume) pour faire leurs besongnes plus fer-
mement & autentiquement, car sans eux ils n'en osoient rien faire, ne leuer nulle taille
au pays. Le Dauphin d'Auvergne, à la priere & requeste du Comte d'Armignac, se meit
à chemin: & exploita tant par ses iournées, qu'il vint à Paris. Pour le tēps ny estoit point
le Roy: mais se tenoit à Rouen. Quand le Dauphin d'Auvergne fut allé là, si remonstra
toutes ses besongnes, & les traittez, au Roy & à son Conseil. Il ne fut pas si tost deliuré
Car les Seigneurs, qui cler y veioient, & qui telles manieres de gens de Compaignies,
croire ne vouloient, se ressongnoient sur cest estat & ces traittez: & disoyent, Comte
Dauphin, nous sauons bien que le Comte d'Armignac & vous verriez tresvolontiers
l'honneur & proffit du Royaume, car part y auez, & belles terres y tenez. Mais nous dou-
tons trop fort, que quand ces Capitaines Gascons, Bearnois, & autres, auront pris & le-
ué telles sommes de florins comme la composition môte, & les pays en seront appouris
& affoiblis, que dedans trois ou quatre mois apres ils ne retournent, & facent pire guer-
re & plus forte que deuant, & ne se reboutent derechef dedans les forts. Là disoit le
Comte Dauphin: & respondit à ce aux oncles du Roy, & aux Cheualiers de France, dōt
il estoit examiné, Messeigneurs, c'est bien l'intétion de nous, la taille faite, & l'argēt cueil-
ly à Clermont, ou à Rion, que ià il ne sera mis outre, iusques à tant que nous serons seurs
& certifiez de toutes ces gens. C'est bien nostre intention, respondirēt les Ducs de Ber-
ry & de Bourgongne. Nous voulons bien que l'argent soit leué, & assemblé, & mis en

*Compositiō des principaux Capitaines, des Compaignies, pour rendre leurs forts, par le moyen du Comte d'Ar-
mignac.*

*† Ceste parēche-
se est parfaite
& éclaircie se-
lon le sens de
l'Auteur.*

*Taille accordée
par le Conseil
du Roy Charles
pour la redemp-
tion des forts
des cōpaignies,*

*† Perard s'en,
taisant sala dit
de la enplaire*

*Imaginatio du
Comte de Foix,
pour empêcher
que les Compai-
gnies ne s'ap-
pointassent au
Comte d'Ar-
mignac, & à
quelles causes.*

certain lieu au pays (à tout le moins en seront ils guerroyez: fils ne veulent venir à amiable traité) & que le Comte d'Armignac, vous l'Euesque de Clermont, & l'Euesque du Puy, vous retourniez par-delà. Entendez pour vostre honneur, & pour le plus grand profit du pays. Volontiers, respondit le Comte Dauphin. Sur cest estat se departit de la cité de Rouen, du Roy & de ses oncles, le Dauphin d'Auvergne: & trouua le Comte d'Armignac & son frere à Clermont en Auvergne, & grande foison des Seigneurs du pais: qui attendoyent sa venue. Il leur compta tout ce, qu'il auoit trouué & exploité, de mot à mot: & les doutes, que le Roy & son Conseil y mettoient: & comme l'on vouloit bien que la taille fust leuee & faite, & l'argent assemblé, & mis en certain lieu, tant qu'on verroit la vraye fin de ces pillars: qui de force tenoient forts chasteaux, & garnisons, à l'encoudre du Royaume. C'est bien nostre intention (respondit le Comte d'Armignac) & puis qu'il plaist au Roy & à son Conseil, nous exploiterôs outre: mais il nous faudroit pour toutes seuretez, prendre & auoir vne bone trêue à eux: pourquoy le pays se peust asseurer & pourueoir, contre la taille qu'on fera. Donc furent Ambassadeurs de par le Comte d'Armignac ensoignez, pour aller seurement parler à Perot le Bearnois, & à Merigot Marcel. Ces deux estoient ainsi que souuerains des forts de par-deçà la Dordonne, avec le Bourg de Copane, Bernard des Isles, Olin Barbe, Abton Seghin, le Seigneur † de l'Exemplaire, & moult d'autres. Ces Capitaines ne se pouuoient accorder ensemble, car ce, que l'un vouloit vne semaine, l'autre le déuouloit & si vous montreray la raison. Ils estoient de diuerses opinions, & de diuers pays. Les Armignacs (qui tenoient aucunes choses du Côte d'Armignac) obeissoient assez legerement: mais tous ne pouuoient pas conclurre par eux, car la greigneur partie: & les plus rusez de pillerie, & les plus renommez, tant que des Capitaines, estoient de Bearn, & de la terre du Comte de Foix. Je ne dy pas que le Comte de Foix ne voulsist bien l'honneur & l'auancemēt du Royaume de France: mais quand les nouuelles luy vindrent premierement comment on traittoit sur ces routes, qui tant de forts tenoyēt es terres d'Auvergne, de Quercy, de Rouergue, & de Limosin, il y voulut trop bien entendre, & s'en voulut tresbien informer, pour en sauoir toute la substance: & demandoit à tous ceux qui informoient & qui aucune chose en sauoient, ou euydoient sauoir, quelle chose le Comte d'Armignac mettoit auant: & tous ces forts deliurez, & les Capitaines & leurs gens partis & mis hors de leurs garnisons, ou ils se retrairoient, ne quel chemin ils tiendroyent: & s'il auoit intention de s'en ensoigner. On luy dit, Monseigneur, ouy, C'est l'intention du Comte d'Armignac, qu'il veut retenir, à ses gages & coups, tous ceux qui de ces forts partiront, & les mener en Lombardie, car son beau frere, qui a par mariage (vous le sauez assez) sa sœur, laquelle eut à espouse Gaston, vostre fils, en a grandement à faire, pour garder & deffendre son héritage, car en Lombardie appert grande guerre. Sur ces parolles ne respondit riens le Comte de Foix: & ne fit aucun semblant de l'auoir entendu: & se tourna autre part: & rentra à ses gens, d'autres parolles, mais pource il n'en pensa pas moins: ains regarda, espoir, & si comme on peut imaginer, & qu'on a veu les apparences depuis, qu'il encombreroit couuertemēt & grandement la besongne. Je vous diray comment. Oncques le Comte d'Armignac ne seut finer (pour traité qu'il feust dire ne faire, monstrier ne prescher) enuers ceux, qui estoient de la Comté de Bearn & des teneures mesmes au Comte de Foix, & de sa faueur (de quelconques pays que ce fust) qu'ils voulsissent rendre forteresse, ne garnison qu'ils teinsissent, ne d'eux en rien conuenancer, n'aller au Comte d'Armignac, n'à Bernard son frere. Or le Comte de Foix (qui estoit plain de grande prudence) regardoit que ces deux Seigneurs d'Armignac, ses cousins, avecques les Labriciens, estoient puissans hommes, & qu'à leur venir acqueroyent amis de tous lez. Si ne les vouloit pas reconforter de ceux, qui le deuoyent seruir. Encores imagina le Comte de Foix vn point tresraisonnable: que messire Espaing du Lyon me dit (quand ie fu à Ortais) & aussi fit le Bourg de Copane, Capitaine de Carlat en Auvergne, avecques le Bourg Anglois. Le Comte de Foix regarda qu'il auoit guerre ouverte enuers ceux d'Armignac: & ce que de present y auoit paix entre eux, n'estoit que par trêues: dont on a vsage que cinq ou six fois l'ā on les renouuelle. Se le Comte d'Armignac auoit sur les champs, en son obeissance, tous ces compaignons, Capitaines, & autres (qui estoient rusez d'armes) sa guerre en seroit plus belle: & pourroyent les Armignacgeois & les Labriciens, avecques leurs alliez, faire vn grand déplaisir au Comte de Foix. C'estoit la principale cause, pourquoy les fauorables & les tenables du Comte de Foix

de Foix ne s'accorderent point au Côte d'Armignac. Si luy donnerent esperance que si feroient ils: mais c'estoit tousiours en eux dissimulant, car de ses † iournées, ils n'en tenoyent nulles: mais ils ne couroyent pas sur le pays si songneusement, comme ils souloyent faire, auant que les traittez fussent entamez. Par ce point cuida le Comte d'Armignac tousiours atteindre à ses atteintes: & le greigneur Capitaine, qu'il attrayoit plus volontiers à luy, estoit Perot le Bearnois: qui tenoit le fort chastel de Salucet, & qui estoit le souuerain en Auuergne & en Limosin, car ses pactis duroient iusques à la Rochelle. Les autres estoient Guillaume de Sainte Foy (qui tenoit Bouteuille) & aussi Merigot Marcel (qui se tenoit à Loyse, deuant Saint Flour en Auuergne) & le Bourg de Copane, & le Bourg Anglois: qui tenoyent Carlat. Assez tost auroit il Merigot Marcel (cōme il disoit) mais qu'il peust auoir Perot le Bearnois, & Geoffroy Teste noire: qui tenoit Ventadour, & qui estoit encores souuerain de tous les autres, mais il ne se faisoit que gaber & truser: & ne daignoit entendre à nul traité du Comte d'Armignac, ne d'autrui. Aussi, car il sentoit son chastel imprenable, & pourueu, pour sept ou pour huit ans, de bonnes garnisons: & si n'estoit pas en puissance de Seigneur: qu'on leur peust clorre vn pas ou deux, en issant hors de leur fort, quand ils vouloient, pour eux refreschir. Si mettoit Geoffroy Teste-noire en ses saufs-conduits & lettres de pactis, Geoffroy Teste noire, Duc de Ventadour, Comte de Limosin, Sire & souuerain de tous les Capitaines d'Auuergne, de Rouergue, & de Lymosin. Nous nous souffrerons à parler de ces besongnes loingtaines, tant que nous aurons cause d'y retourner. Si nous refreschirons des besongnes prochaines, tant qu'à ma nation: si comme il est cōtenu cy-dessus: ou est traité de la fin de la guerre de Flandres, & de la charte de la paix, que le Duc de Bourgogne & la Duchesse donnerent, accorderent, & scellerent à ceux de Gand, en la bonne ville & noble cité de Tournay, & trestous les traitteurs. Pour renforcer nostre matiere & Histoire, parlerons de ceux de Guerles & de Brabant: & me suis embesongé & reueillé, de ce faire, pour la cause de ce que le Roy de France & le Duc de Bourgogne (ausquels il en toucha grandement, par les incidens qui cy engendrerent) meirent la main à celle guerre: & pour venir au fond de la vraye Histoire & matiere, & le contenu au long: ie diray ainsi.

† C'est adire assignations pour parler.

C'est aux chap. 277. et 178 du 2, Volume.

Digression, ou discours, aucunement hors du propos principal, sur vne querelle d'entre la maison de Brabant & celle de Gueldres, avec la vie d'un Comte Regnaud de Gueldres & de ses successeurs, pour mieux venir au temps de celui, qui désia le Roy Charles sixiesme, en faueur du Roy Richard d'Angleterre, & aux causes de ce desfi.

CHAPITRE XCVI.

Long temps ont esté, & se sont tenus en haine, ceux de Guerles & ceux de Brabant. Si sont ces pays marchissans, sur aucunes bandes, l'un à l'autre. Or la greigneur haine que les Brabançons ayent au Duc de Guerles & à ses hoirs, c'est pour la ville de Grane: que les Ducs de Guerles ont tenue de force, vn long temps, contre les Brabançons. Car ils disent ainsi (pourtant que celle ville de Grane sied deçà la Muse, au pays de Brabant) que le Duc de Guerles la tient, à grand blasme, sur eux: & du temps passé plusieurs Parlemēs en ont esté: mais tousiours sont demourez les Guerlois en leur cueur. Aussi ont haine les Guerlois aux Brabançons, pour la cause de trois beaux chasteaux, qui sont par de là la riuere de Meuse: tels que † Gambet, Beut, & Mille: que le Duc de Brabant tient aussi de force, & par raison aussi (cōme en lisant ie le vous exposeray) sur le Duc de Guerles, & à l'entrée de son pays. Ces mal-talens par plusieurs fois se sont renouvellez entre ces deux Chefs, Brabant & Guerles: & sont les suppositions de plusieurs Cheualiers, qui en armes se congnoissent, que si messire Edouard de Guerles, lequel fut occis par merueilleuse incidence à la bataille de Iuillers, d'un traict d'une sagette d'un Archer, que le Duc Wincelant de Boême, Duc de Luxembourg, ou de Brabant, auoit là en sa route, fust demouré en vie, avecques ce que ses gens eurent la victoire de la bataille, dont ie vous parle, il fust venu à son entente de ces chasteaux, car il estoit si vaillant, & si hardy, qu'il les eust reconquis. Or vous vueil-je declarer, car ie l'ay promis à faire, comment ne par quelle maniere, ces trois chasteaux, dessus-nommez, vindrēt en la Seignurie des Brabançons: & tout pour embellir & verifir nostre matiere: & le vueil prendre, au commencement, par les Ducs de Guerles. Vn temps fut (& pas n'y auoit trop long terme es iours que ie dictay & ordonnay ceste Histoire) qu'il y eut vn Comte en Guer-

Cause de querelle entre les Brabançons & Gueldrois, mene d'assez long temps. † Verard dit gander, & sa la gaughet, buch & mille

*L'excès de
pensée d'un
Comte Regnaud
de Guerles, & la
remonstrance
d'un sien oncle
Archeuesque
de Coulongne.*

les: qui s'appelloit Regnaud. Or n'est pas Guerles un trop riche pays, ne si grand comme le Duché de Brabant. Toutesfois ce Comte Regnaud de Guerles (qui vint à sa terre & Seigneurie ieune homme) fut de grande volonté pour bien despendre: & ne pésoit pas à quelle fin les besongnes pourroyent traire, fors qu'à sa plaifance accomplir: & suiuoit ioustes & tournois à grande renommée & grans frais: & despendoit tous les ans quatre fois plus qu'il n'auoit de reuenue: & empruntoit aux Lombars, & à tous lez (car il estoit en dons large & outrageux) s'endebta tellemēt, qu'il ne se pouuoit aider de chose qu'il eust: & tant que ses parens en furent grandement courroucez: & l'en blasmerent: & par especial un sien oncle, de par sa Dame de mere qui estoit de ceux d'Orle, & Archeuesque de Coulongne, & luy disoit ainsi en destroit cōseil, Regnaud, beau-neueu, vous auez tant fait, que vous vous trouuerez un poure homme, & vostre terre engagée de toutes parts: & en ce monde on ne fait compte de pources Seigneurs. Pensez vous que ceux, qui ont eu les grans dons de vous, & les grans proffits, les vous doyuent rendre? Se m'aist, Dieu, nenny: mais ils vous défuiront, quand ils vous verront en cest estat, & que vous n'aurez plus que donner. Ils se mocqueront de vous, & de voz folles largeffes: ne vous ne trouuerez nul amy. Ne pensez point sur moy (qui suis Archeuesque de Coulongne) que ie doye rompre mon estat pour le vostre refaire, ne vous donner le patrimoine de l'Eglise. M'aist Dieu, nenny. Ma consciencie ne s'y accorderoit iamais: & aussi le Pape ne les Cardinaux ne le souffriroyent point. Le Comte de Haynaut ne s'est pas ainsi maintenu, comme vous auez fait: qui a donné Marguerite, son aînée fille, au Roy d'Allemagne Louis de Bauiere. Encores en a il trois: mais toutes mariera il bien hautement. Se vous vous fussiez bien porté, sans ainsi auoir engagé vostre héritage, ne nuls de voz chasteaux, ne voz villes mis hors de voz mains, vous estiez bien taillé de venir à tel mariage comme à l'une des filles du Comte de Haynaut: mais, au point ou vous estes, vous n'y viendrez iamais. Vous n'auiez villes ne chasteaux (dont vous puissiez douer une femme, se vous l'auiez) & non pas une poure Seigneurie. Le Comte de Guerles, pour le temps des parolles de son oncle l'Archeuesque de Coulongne fut tout ébahy. Car il sentoît bien, & recognoissoit, qu'il luy monstroît verité. Si luy demanda, à cause d'amour & de lignage, conseil. Conseil, respondit l'Archeuesque. Beau neueu, c'est trop tard, vous vous lez clorre l'estable, quand le cheual est perdu. Le ne voy en toutes voz besongnes qu'un seul remede. Quel? dit le Comte. Le le vous diray, dit l'Archeuesque. Vous deuez à Berthaut de Malines: qui est auourd'huy renommé le plus riche homme, d'or & d'argent, qu'on sache en nul pays, par les grans faits de marchandise qu'il meine, par mer & par terre. Car iusques en Damas, au Caire, & en Alexandrie, ses gallées & ses marchandises vallent cent mille florins: & tient en pleige une partie de vostre héritage. Celuy, dont ie vous parle, a une belle fille à marier: & si n'a plus d'enfans. Haux Barons d'Allemagne & des marches de pardeçà l'ont requise en mariage, pour eux & pour leurs enfans, que bien say: & si n'y peuuent venir, car les uns il ressongne: & les autres il tient à trop petis. Si vous conseillez que vous faciez traitter deuers ledit Berthaut, que volontiers vous prendrez sa fille à femme, à fin qu'il vous oste & nettoye de toutes debtes, & remette villes, chasteaux, & Seigneuries, qui sont de vostre héritage, en vostre main: & ie suppose assez (pourtant que vous estes haut de lignage & Seigneurie, & garny de villes, chasteaux, & citez, entre la Meuse & le Rein) qu'il s'enclinera volontiers à vostre petition & requeste. Par ma foy (respondit le Comte de Guerles) vous me conseillez loyaument, beau oncle. Je le feray. Adonc le Comte Regnaud de Guerles (dont j'ay parlé) meit ensemble de son meilleur conseil, & de ceux qui l'aimoient le mieux & esquels il auoit la meilleure fiance Cheualiers & Clercs: & leur dit, & decourrit son entente: & leur pria & chargea, qu'ils vouffissent aller, en son nō, deuers Berthaut de Malines, & luy requissent pour luy, sa fille en mariage: & il la feroit Comtesse de Guerles sur telle condition, que l'Archeuesque luy auoit baillée. Ceux respondirent qu'ils le feroient volontiers: & ordonnerent, au plus brief qu'ils peurent, leur arroy: & vindrent deuers Berthaut de Malines honorablement: & luy recorderent tout ce, dont ils estoient chargez. Berthaut fit à ces Cheualiers & Clercs, là enuoyez par le Comte de Guerles, tresbonne chere: & leur respondit courtoisemēt qu'il s'en conseileroit. Luy, qui estoit riche sans nōbre, de cinq ou six millions de florins, & qui desiroit l'auancement de sa fille (car pour lors il ne la pouoit marier plus haut, qu'au Comte de Guerles) fauisa qu'il retiendroit ce mariage: mais auāt qu'il s'y assentist, en foy-mesme il eut plusieurs imaginations, car il mettoit en doute: & disoit

Conseil de l'Archeuesque de Coulongne au Comte Regnaud de Guerles, pour tascher d'auoir en mariage la fille de Berthaut de Malines: au quel il estoit tenu en grande somme de deniers.

Ambassadeurs du Comte Regnaud de Guerles à Berthaut de Malines, pour demander sa fille en mariage.

disoit ainsi, Si ie donne Marie ma fille au Comte de Guerles, il voudra estre, & sera mon maistre, ie ne seray pas le sien. En outre s'il a enfans de ma fille, & elle meurt (ainsi que les choses peuuent auenir) luy (qui sera en richi du mien, & mis en la possession des villes & des chasteaux de la Comté de Guerles) se mariera secondement, si haut qu'il vouldra: & pourra auoir de sa seconde femme enfans. Ces enfans (qui seront de puissant lignage, de par leur mere) ne feront compte des enfans issus de ma fille: mais les desheriteront: & si ce point & article n'y estoit, assez legerement ie m'y assentiroye. Nonobstant ie parleray de tout, à ceux que le Comte de Guerles a enuoyez icy: & leur respondray ainsi. Que leur venue me plaist grandement, & que ma fille seroit bien-heureuse, si elle pouuoit venir à si grande perfection, comme à la coniunction du Comte de Guerles, au cas que ses besongnes fussent cleres: mais qu'à present tous ceux, qui le congnoissent, & qui en oyent parler, sauent bien qu'elles ne sont pas cleres, mais moult troubles, & qu'il a presque † forfait tous ses heritages d'entre la Meuse & le Rein, & que, pour les acquitter, on peut clerement veoir qu'il me demande ma fille en mariage: & si ie luy donne, ie voudroye bien sauoir comment ce sera: & au cas que ma fille ait fils ou filles de luy, ils demourront hoirs de Guerles, pour quelsconques mariages qu'il peust refoudre apres: & de ce conuenant & alliance, i'en seray bien fort, & de luy & de ses prochains, & de ceux, qui cause auroyent, par succession, de demander aucun droit à la Comté de Guerles, & des Nobles & bonnes-villes du pays. Ainsi se fonda de response, & de parlermenter, Berthaut de Malines aux Commissaires du Comte de Guerles. Quand ce vint au matin, à heure competente, Berthaut fit signifier à ces Seigneurs, Cheualiers & Clercs, là enuoyez de par le Comte de Guerles, qu'ils auroyent response: & de ce furent ils tous ioyeux: & se retrairent deuers l'hostel dudit Berthaut: qui bien monstroït qu'il fust riche homme. Berthaut vint à l'encontre d'eux, en la salle: & les recueillit doucemēt & parla à eux moult liement: & puis les mena en vne moult belle chambre, parée & aornée, ainsi que pour le Roy: & auoit en celle heure aucuns de ses amis. Quand ils furent tous venus & arrestez au Parlement, on cloit l'huis de la chambre: & puis leur endicta Berthaut, qu'ils dissent ce, pourquoy ils estoient là venus: & que sur leur parolle, ils auroyent response finale. Ils le firent: & parla le Doyen de Coulongne, bien moult vaillāt Clerc, & cousin au Comte de Guerles: & remōstra la cause de leur Ambassade, tellemēt que c'estoit plaisir de l'ouir. Des parolles, ne des requestes, n'ay-ie que faire d'en plus parler, car elles sont assez remonstrées cy-dessus: & toutes touchoient & pourpensoient sur la forme du mariage, pourquoy ils estoient là enuoyez. Adonc respondit Berthaut de Malines (qui des le iour deuant auoit getté tout son fait, & par quelle ordōnance & maniere il respondroit) & dit, Beaux Seigneurs, ie me tiendroye moult honoré, & ma fille aussi, si nous pouuions venir à si haute entreprise, comme est le Côte de Guerles: & quād on veut approcher vne besongne, on ne la doit point éloigner. Ie le dy, pourtant que l'alliance, par mariage prise & faite entre haut Prince & redouté Monseigneur Regnaud Comte de Guerles & Marie ma fille, me plaist tresbiē. Vous me faites vne requeste, que ses terres (qui pour le present sont moult chargées, & ensoignées enuers Lombars, & autres gens) par le point & article du mariage toutes les acquitte, deliure, & nettoye de toutes debtes, & tout ce, qui obscur luy est, ie face cler, & le mette au net. La Dieu mercy, tant que par puissance, il est bien en moy: & suis en bōne volōté de le faire, mais ie vueil premierement que les conuenances soient si feaument prises, escrites, grossoyées, tabel lionnées, & seellées, que iamais en ruine, n'é debat, de toutes parties elles ne puissent en courir, n'enchoir. C'est que ma fille sera héritiere de la Comté de Guerles, ainsi qu'elle festend, & cōme elle se prend dedans ses bornes: & fil auenoit que Monseigneur le Côte Regnaud de Guerles allast de vie à trespas deuant ma fille, sans auoir hoir de sa chair que ma fille paisiblement tinst & possedast, cōme son bon héritage la Comté de Guerles, sa vie durāt: & apres son deces, qu'elle retournaist ou elle deuroit aller. En outre ie dy, & vueil encore, sur la forme & stille des confirmatiōs, que se madite fille a hoir, ou hoirs d'honoré Prince le Comte Regnaud de Guerles, & madite fille aille de vie à trespas, que pour quelzconques remariages, que le Comte de Guerles face secondement, on ne puisse éloigner, tollir, deshérir, n'oster l'hoir, ne les hoirs, qui de ma fille serōt issus & venus: fors tāt que ie veux bien, s'il a plaissance & volōté de foy remarier (pourtāt qu'ō doit douer sa secōde fēme) il la puisse douer des héritages, acquis outre la riuere de Meuse, marchiffās à l'Euesché du Liège & à la Duché de Brabāt, sans en riē charger la princi-

Response de Berthaut de Malines aux Ambassadeurs du Côte Regnaud de Guerles, sur le mariage de sa fille & de luy, et sur les conditions d'iceluy.

pale Seigneurie de Guerles. Et, là ou les amis & les parens d'honoré Prince. le Comte Regnaud de Guerles voudront seeller, & aussi ceux, qui cause pourroient auoir, par prochaineté, en chalenge de la Comté & Seigneurie de Guerles, & les bonnes-villes du pays aussi, pour entretenir les deuises & conuenances deuant-dites, ie m'en assentiray au mariage. Si pouuez à ce respondre: si vous en estes chargés. Adonc respondirent les Cheualiers, qui estoient de la Comté de Guerles (quand ils eurent vn petit parlementé) & l'un, pour tous, dit ainsi, Sire, vostre response auons nous bien ouye: mais nous n'auons pas la charge de rien confermer, ne conuenancer si auant, comme vous le requerez. Si retournerons deuers Monseigneur & son Conseil: & luy dirons ceste response hastiuement. Vous en ordrez nouuelles. Respondit Berthaut, Dieu y ait part: ie le vueil bien. Sur cest estat ils issirent hors de la chambre. Vous auez bien ouy tous les traittés, les requestes, & responses, qui furent entre ces parties: si ne les pense plus à demener. Or, quand ceux, qui furent enuoyés par ledit Comte de Guerles audit Berthaut de Malines, furent retournés arriere, les besongnes s'approcherent grandement, car le Comte de Guerles ne pouuoit, pour le present, mieux faire ailleurs, car Berthaut de Malines estoit riche sans nombre. On escriuit tout ce qu'il voulut deuiser, pour le meilleur & le plus seur, au lez de luy de son Conseil: & quand tout fut escrit & grossoyé, & que riens n'y auoit plus que faire, le Comte de

Le pretendu mariage du Comte Regnaud de Guerles, avec la fille de Berthaut de Malines, accordé & accompli.

Trepas de la Comtesse de Guerles, laissant vne seule fille à son mari: qui se remarie en Angleterre, au chap. 3 du premier Vol.

† Aux chap. 33 & 35. du premier vol. en l'an 1338.
* Annot. 9.

Debat pour la Duché de Guerles, entre Ysabel du premier mariage, & Jeanne fille du second mariage du Duc Regnaud de Guerles, & ses deux fils aussi, sans enfans.

Guerles seella: & ses prochains amis & parens, qui dedans les lettres estoient denommés, seellerent. Ainsi firent les Cheualiers de Guerles, & les bonnes-villes. Quand tout ce fut accompli & confirmé, tant que Berthaut se tint pour content, le mariage se passa outre: & furent les debtes payees, que ledit Comte Regnaud auoit faites en son temps, & sa terre quitte, & deliure de tous gages, & liberale. Ainsi fut le Comte de Guerles au-dessus de ses besongnes: & prit nouuel hostel, & nouuel estat. Si par-deuant il l'auoit tenu bon, encores le tenoit il meilleur apres, car il auoit moult bien dequoy. Finance ne luy failloit point de par la partie de Berthaut de Malines: & se porta le Comte, avecques sa femme, moult honnorablement, & moult en paix, car elle estoit moult belle Dame, bonne, sage, deuote, & preude femme. Mais ils ne furent que quatre ans ensemble en mariage, que la Dame se mourut. Si eut vne fille, qui demoura d'elle: qui eut à nom Ysabel. Quand le Comte de Guerles fut vesue, il estoit encores vn ieune homme. On le remarria treshautement: & luy donna le Roy Edouard d'Angleterre (le pere au bon Roy Edouard, qui assiegea Tournay, & qui conquist Calais) sa fille: qui auoit à nom Ysabel. De celle le Comte eut trois enfans: deux fils, & vne fille: messire Regnaud & messire Edouard, & Jehanne: qui depuis fut duchesse de Guerles. Or, tout ainsi que le preudhomme Berthaut auoit imaginé au commencement du mariage de sa fille, au Comte de Guerles en auint: n'oncques ne luy en tint loyauté nulle. Quand le Roy Edouard d'Angleterre (qui oncle estoit des enfans de Guerles) vint premierement en Allemagne, deuers le Roy & Empereur Louis de Bauieres, & que ci l'Empereur l'institua à l'Empire, à estre son Vicaire par toutes les marches de l'Empire (si comme il est contenu † au commencement du premier liure) adoncques fut fait, de la Côté de Guerles, Duché, & du Marquisat de Iulliers, Comté, pour augmenter leurs noms & descendans, de degré en degré. Or, pour approcher nostre matiere, & pour la verifier, * il auint depuis, estat mort ce Regnaud, premier Duc de Guerles, que son fils aisné, semblablement nommé Regnaud, neveu dudit Roy Edouard d'Angleterre, mourut sans auoir enfans: & à tous deux succeda messire Edouard de Guerles: qui se maria en Hainaut: & prit la fille aisnée, pour ce temps, du Duc Aubert, mais la Dame estoit si ieune, qu'oncques charnellement messire Edouard ne toucha à elle: & mourut iceluy Edouard: qui fut moult vaillant Cheualier, car il fut occis en la bataille, qu'il eut contre le duc de Brabant, le Duc Wincelant: & fut deuant Iulliers. De ce messire Edouard de Guerles ne demoura nuls enfans: mais sa sœur germaine, femme au Duc Guillaume de Iulliers, auoit des enfans: si que, par la succession de ses freres, elle dit, & porta outre, que la Duché de Guerles luy retournoit, & appartenoit: & le mettoit auant. Aussi fit son aisnée sœur, du premier mariage. Car on luy dit (puis que ses deux freres estoient morts, sans auoir hoirs de leurs propres corps, par mariage) que l'heritage luy retournoit. Ainsi vint la difference entre les deux sœurs, & le pays, car l'un vouloit l'une, & l'autre l'autre. Si fut conseillé à la fille aisnée, qu'elle se mariaist, & prenist homme, à Seigneur, de haut lignage, qui luy aidast à chalenger & deffendre son heritage. Elle eut conseil: & fit traiter par l'Archeuesque de Coulongne (qui pour ce temps estoit deuers messire Jehan de Blois, car le Comte Louis son frere

frere viuoit) qu'il voulist à luy entendre, & qu'elle le feroit Duc de Guerles, car par la succession de ses deux freres (qui morts estoient, sans auoir hoirs masles de leurs corps, par loyauté de mariage) s'en retournoit à elle, & de droit, la Duché de Guerles, & que nul, ne nules, par-dessus elle, n'y auoit proclamation de chalenge. Messire Iehan de Blois (qui tousiours auoit esté nourry ens, es parties de Hollande & de Zelande. car il y tenoit bel heritage, & en auoit la langue: n'oncques ne f'estoit voulu marier en France) entendit à ce traitté voulontiers: & luy sembla qu'il feroit vn grand terrien, es marches qu'il aimoit le mieux: & aussi les Cheualiers de son Conseil de Hollande luy conseilloyent. Si accepta ceste chose, mais auant il s'en vint (à quant qu'il peut exploiter de cheuaucher) courir en Hainaut, & au Quesnoy, pour parler à son cousin le Duc Aubert, pour sauoir & veoir qu'il luy en diroit & conseileroit. Le Duc Aubert, au voir dire, ne luy en feut bonnement que conseiller: & si le feut, si ne luy en fit oncques nul semblant: mais s'en diffimula vn petit: & tant que messire Iehan de Blois ne voulut point attendre la longueur de son Conseil: ainçois monta tantost à cheual: & s'en retourna au plustost qu'il peut, en Guerles: & là espousa la Dame, de quoy ie vous parle: & se bouta en la possession du pays. Mais tous, ne toutes, ne le voulurent pas prendre, ne recueillir, à Seigneur, ne la Dame à Dame: ainçois se tint la plus saine partie du pays, Cheualiers, Escuyers, & bones villes, à la Duchesse de Iulliers, car celle Dame auoit de beaux enfans: parquoy ceux de Guerles si l'aimoient mieux. Ainsi eut messire Iehan de Blois femme & guerre: qui moult luy cousta, car le Comte Louis, son frere, mourut: & lors il fut Comte de Blois, & Sire d'Auclnes en Hainaut: & luy demouroient toutes les terres de Hollande & de Zelande: & tenoit esdites Comtes grans heritages: & tousiours luy conseilloyent ceux de son Conseil, qu'il poursuiuist son droit, qu'il auoit de par sa femme, la Duchesse de Guerles. Aussi fit il à son loyal pouuoir. Mais Allemans sont durement conuoiteux: si ne faisoient guerre pour luy (fors seulement tant que son argent couroit, & duroit) en ce chalenge de la Duché de Guerles: qui oncques profit ne luy porta, fors que tresgrans dommages: & mourut le gentil Comte messire Iehan de Blois dedans le chastel de la bonne-ville d'Esloue-homme, en l'an de grace nostre-Seigneur mil trois cens quatre vingts & vn, ou mois de Iuin: & fut porté en l'Eglise des Cordeliers, en la ville de Valenciennes: & là fut enseuely delez messire Iehan de Hainaut, * son tayan. Si fut messire Guy de Blois Comte (qui estoit son frere) & tint toutes les terrés, par droite hoirie & succession, que ses deux freres auoient tenues, tant en France, comme en Picardie, en Hainaut, en Hollande, & en Zelande, avec ladite Comté de Blois. Ne say quants ans apres, celle Dame mourut: qui auoit esté femme au Côte Iehā de Blois. Si demoura sa sœur, la Duchesse de Iulliers, paisiblement Duchesse de Guerles. Or estoit ordonné par l'accord des pays, & à la requeste des Cheualiers & des bones villes de la Duché de Guerles, qu'ils eussent à Seigneur messire Guillaume de Iulliers, aîné fils au Duc de Iulliers (car la terre luy retournoit, par droite succession de ses oucles) & à ceste instance luy auoient le Duc Aubert & la Duchesse, donné leur fille: laquelle auoit eu en espoux messire Edouard de Guerles. Ainsi demoura la Dame, fille de Hainaut, Duchesse de Guerles: & au iour qu'elle espousa le Duc de Guerles fils au Duc de Iulliers, ils estoient eux deux presque d'un aage, dōt le mariage estoit plus bel. Si se tint le ieune Duc de Guerles en son pays: & tāt plus croissoit en aage, tāt pl^{us} aimoit les armes, les ioustes, les tournois & les ebatemēs: & estoit tousiours ce Duc plus Anglois, que François: & bien le monstra, tant comme il vesquit, car il tint tousiours le mal-talent, que ses predesceffeurs auoyent tenu en la Duché de Brabant: & queroit tousiours occasion & cautelle, commēt il peust auoir la guerre, pour deux raisons. L'une, qu'il f'estoit allié, de foy & d'hommage, au Roy Richard d'Angleterre. L'autre estoit, que le Duc Wincelant de Boême, Duc de Luxembourg, & de Brabant, auoit rachapté, du Comte de † Mours, vn haut Baron d'Allemagne, les trois chasteaux dessus-nommés: & encores les vous nommeray, pour vous refreschir en la matière: † Gangelth, Buth, & Mille, outre la Meuse, sur la terre de Fauquemont. Desquels chasteaux anciennement le Duc de Guerles auoit esté Seigneur & heritier: & pour ce deplaisoit il au ieune Duc Guillaume de Iulliers, Duc de Guerles, qu'il ne pouuoit retourner à son heritage: & tant que le Duc Wincelant de Brabant vesquit, il n'en fit nul semblant. Or vous diray comment il en estoit auenu: à fin que la matiere vous soit plus claire à entendre.

Mariage de Iehan de Blois, avec Isabel, aînée fille du Duc Regnaud de Guerles.

Mort du Comte Iehan de Blois, Estonnehomme, selon Sala.

** Annotat. 10*

Iehanne de Guerles fille du second mariage du Côte, ou Duc, Regnaud, demeure paisible de la Duché, par la mort de sa sœur Isabel: & en met en possession Guillaume de Iulliers, son fils: qui espouse une fille du Duc Aubert, Comte de Hainaut. † Sala dit meurs. † Gerard, s'en taisāt icy Sala, dit Gogelth.

Retour au discours de la querelle d'entre la maison de Brabant & celle de Gueldres, aucunement entrelaissé au chapitre precedent, pour mieux continuer la race du premier Duc de Gueldres, iusques à ce Guillaume de Iulliers, Duc de Gueldres, qui désia le Roy Charles sixième.

CHAP. XCVII.

* Annotat. II.

*Occasion de la
seconde querelle
de Brabant &
de Guerles.*

*Le Duc Wincelant de Boême
souverain Regard de la Languefride, par
l'Empereur Charles son frere qui fut ren-
grégemēt de la querelle susdite*

A Venu estoit que le Duc Regnaud de Guerles cousin germain au prince * de Galles, & son frere, auoit en son temps engagé les chasteau, dessus-nommés, en vne somme de Florins, à vn haut Baron d'Allemagne: lequel s'appelloit le Comte de Mours. Ce Comte tint ces chasteaux vn temps: & quand il veit qu'on ne luy rendoit point son argent, que sur il auoit presté, si se melancolia: & enuoya suffisamment sommer le Duc Regnaud de Guerles. Ce Duc Regnaud n'en fit compte, pource qu'il n'auoit de quoy les rachapter: car les Seigneurs n'ont pas tousiours argent, quand ils en ont besoing. Quand le Comte de Mours veit ce, il s'en vint au Duc de Brabant: & traitta deuers luy, pour en auoir l'argent. Le Duc y entendit volontiers: pourtant que ces chasteaux marchiffoient à la terre de Fauquemont: de laquelle terre il estoit Seigneur: car trop volontiers ce Duc augmentoit son heritage: comme celuy, qui cuidoit bien suruiure Madame la Duchesse, Iehanne de Brabant, sa femme. Si se meit en la possession desdits chasteaux: & y establit, de premier, le Seigneur de Kale, à y estre souuerain Regard. Quand ce Duc Regnaud de Guerles fut mort, messire Edouard de Guerles se trayt à l'heritage: & enuoya, deuers le duc de Brabant, Ambassadeurs: en luy priant qu'il peust rauoir les chasteaux, pour l'argent qu'il auoit payé. Le Duc si n'eust iamais fait ce marché: & respondit que non feroit. De ceste responce fut messire Edouard de Guerles grandement indigné: & si fut moult dur à la vefue sa sœur, Madame Ysabeau de Brabant, sœur maisnee à la Duchesse (laquelle Dame auoit eu, pour mary, le Comte Regnaud de Guerles) & luy empescha son douaire. La Dame s'en vint en Brabant: & fit plainte des torts & des iniures, que messire Edouard luy faisoit, au duc, son frere, de Brabant, & à la Duchesse: & pource que tousiours le mal-talent a esté entre les Brabançons & les Guerlois, pour la terre & la ville de Grane (qui sied en Brabant, deçà la Meuse) furent en ce temps le Duc & les Brabançons plus enclins à aider la dame: & auint vne fois qu'une grand' assemblee de Gens d'armes se fit de Brabant & d'ailleurs: & s'en vindrent au Bos-le-duc: & furēt là bien douze cens Lances. Messire Edouard de Guerles fit aussi son assemblee d'autre part: & fut telle fois qu'on cuida bien qu'il y deust auoir bataille: mais le Duc Aubert, le Duc de Mours, & le duc de Iulliers, se meirent sur estat d'accord: & se departit ceste assemblee, sans rien faire. En ceste propre annee rua ius le duc Wincelant de Brabant les Compaignons, au pays de Luxembourg (qui luy gasterent sa terre) & en meit grand' foison en exil: & là mourut, en la tour du chastel de Luxembourg, le souuerain Capitaine, qui les menoit: qui s'appelloit le Petit Meselin. En ceste propre annee messire Charles de Boême (qui pour ce temps regnoit, & estoit Roy d'Allemagne, & Empereur de Romme) institua le duc Wincelant de Boême, & le fit souuerain Regard d'une institution & ordonnance, qu'on dit en Allemagne la Languefride: c'est à dire tenir les chemins couuerts & seurs, & que toutes manieres de gens peussent aller, venir, & cheuaucher, de ville en autre, seurement: & luy bailla encores ledit Empereur vne grand' parcie de la terre & pays d'Aussay, delà & deçà le Rein, pour la deffendre & garder dedans, & contre les Linsars. Ce sont vnes manieres de gens, lesquels sont mallement perilleux, & robeurs: car ils n'ont de nully pitié. Si luy donna encores la souueraineté de la belle, bonne, & riche cité de Strasbourg: & le fit Marquis du Sainct-Empire, pour augmenter son estat. Et certes il ne luy pouuoit trop donner. Car ce duc Wincelant fut large, doux, courtois, amiable: & volontiers s'armoit: & grand' chose eut esté de luy, s'il eust longuement vesçu. mais il mourut, en la fleur de sa ieunesse: dont ie, qui ay escrit ceste histoire, le plain trop grandement, qu'il n'eut plus longue vie, tant qu'à quatre vingts ans, ou plus: car il eust en son temps fait moult de biens: & luy déplaisoit grandement le scisme de l'Eglise: & bien le me disoit, car ie fu moult priué & accointé de luy. Or, pourtant que j'aye veu, au temps que j'ay trauaillé par le monde, deux cens haux Princes, si n'en ay-ie oncques veu vn plus humble, plus debonnaire, ne plus traittable: & aussi, avecques luy, Monseigneur & mon bon maistre, messire Guy, Comte de Blois: qui ces Histoires me comanda faire. Si furent les deux Princes de mon temps, d'humilité, de largesse, & de bonté, sans nul mauuais malice, qui sont plus à recommander: car ils viuoyent largement & honnestement

honnestement du leur, sans guerroyer ne trauailler leur peuple, ne mettre nulles mauuaïses ordonnances, ne coustumes, en leurs terres. Or retournerôs au droit propos, à parler pourquoy ie l'ay commencé. Quand le Duc de Iulliers & messire Edouard de Guerles (qui s'escriuoient † freres, & lesquels auoyent leurs cœurs trop grandement Anglois : car ils estoient de long temps alliés avec les Roys d'Angleterre, & conioints par amour & faueur, & adherans à leurs guerres) veirent que le Duc de Brabant auoit celle haute Seigneurie, que d'estre Seigneur & souuerain Regard, & par l'Empereur, de la Languefride, & qu'il corrigeoit les pillars Linfars, & autres robeurs, qu'il trouuoit sur les chemins en Allemagne, si en eurent indignation & enuie: non du bien faire, ne de tenir iustice & corriger les mauuais: mais de ce qu'il auoit souueraineté, Regard, & Seigneurie sus Fride (qui est vne partie en leur terre) laquelle souueraineté fut premierement instituee, pour aller & cheuaucher paisiblement les marchans de Brabant, de Hainaut, de Flandres, de France, ou du Liège, à Coulongne, à Tréues, à Lucques, à Conualence, & dedans ces autres citéz, villes, & foires d'Allemagne: & les autres marchans, n'autres, ne pouuoient aller, passer, n'entrer, en Allemagne, par les terres & dangers du Duc de Iulliers & du Duc de Guerles. Or auint qu'aucunes roberies furent, sur les chemins, faites des Linfars: & estoient ceux, qui auoient fait ceste violence, passez parmy la terre du Duc de Iulliers: & me fut dit que le Duc de Iulliers leur auoit presté cheuaux & chasteaux. Les plaintes grandes & grosses en vindrent au Duc Vvinclant de Brabant & de Luxembourg (qui pour le temps se tenoient à Brucelles) & comment la Languefride (dont il estoit souuerain Regard & gardien) estoit rompue & violée, & que ceux, qui ce mal, violence, & roberie faisoient, & auoyent faite, seiournoyent & retournoyent en la Duché de Iulliers. Le Duc de Brabant (qui pour le temps estoit ieune & cheualeureux, puissant de lignage, de terres, & de mises) si prit en moult grand despit ces offenses, & à desplaïr les plaintes du peuple: & dit qu'il y pouruoyeroit de remede. Ou cas qu'il estoit chargé de tenir, sauuer, & garder la Languefride, il ne vouloit pas que par sa negligence il fust repris, n'approché de blasme: & pour conclure son faict, & mettre raison à sa demande, parmy le bon conseil & auis qu'il eut, il enuoya deuers le Duc de Iulliers notables hommes (tels que le Seigneur d'Vrquon, Seigneur de Bourgueuol, messire Scelar, Archediacre de Hainaut, Geofroy de la Tour, grand routier de Brabant, & autres) en luy remonstrant bellement, sagement, & doucement, que ceste offense fust amendee: & qu'elle touchoit trop grandement au blasme & préiudice du Duc de brabant: qui estoit gardien & souuerain Regard de la Languefride. Le Duc de Iulliers s'excusa foiblement (car, à ce qu'il monstroït, il aimoit autant la guerre, que la paix) & tant que le Conseil du Duc de Brabant (qui de parfond sens estoit) ne s'en contenta pas bien: & prirent congé au Duc de Iulliers (ce qu'il leur donna) & retournerent en Brabant: & recorderent ce qu'ils auoyent trouué. Quand le Duc de Brabant entendit ce, il demanda quelle chose il estoit bon de faire. On luy respondit, Sire, vous le sauez bien. Dites le de vous-mesme. Ie le vueil, dit le Duc. C'est l'intention de moy, que ie ne me vueil pas endormir en ce blasme, ne qu'on die que par lascheté, ou fausseté de cœur, ie souffre ma sauuegarde rober, n'à faire nulles villenies, roberies, ou pilleries, car ie monstrey, & vueil monstrey de faict, à mon cousin de Iulliers, & à ses aidans, que la besongne me touche. Le Duc ne se refroidit pas de sa parolle: ains meit clers en œuvre: & enuoya deuers ceux, desquels il pensa estre seruy & aidé. Les vns prioit, & les autres mandoit: & enuoya signifier suffisamment le Duc de Iulliers, & tous ceux, qui de son alliance estoient. Chacun de ces deux Seigneurs se pourueut grossièrement, & bien. Le Duc de Iulliers eust eu petite aide: si ce n'eust esté son frere, messire Edouard de Guerles: mais il le reconforta grandement de gens, & d'amis: & faisoient ces deux Seigneurs leurs mandemens quoyement, & bien auant en Allemagne: & pourtant qu'Allemands sont conuoiteux, & desirent fort à gagner, & grand temps auoit qu'ils ne s'estoient trouués en place, ou il peussent auoir nulle bonne-aventure, vindrent ils, † & de tant plus abondamment, qu'ils ne seurent, de verité, qu'ils auoient à faire cōtre le Duc de Brabant. Le Duc de Brabant en grand arroy se départit de Brucelles: & s'en vint à Louvain, & de là à Trait sus Meuse: & là trouua plus de mille Lances de ses gens, qui l'attendoient: & tousiours gens luy venoyent de tous costés, de France, de Flandres, de Hainaut, de Namur, de Lorraine, de Barrois, & d'autres pays, & tant, qu'il eut bien deux mille & cinq cens Lances de tresbonnes gens: & encores luy en venoit de Bourgongne: que le Sire de Grant si luy amenoit, & ou bien auoit quatre

† Le Duc de Iulliers auoit espousé la sœur germaine de cest Edouard, selon le chapitre précédent.

Voleries des Linfars, soustenus par le Duc de Iulliers, contre la sauuegarde de la Languefride.

Ambassadeurs du Duc de Brabant au Duc de Iulliers, pour reparation de l'offense faite à la Languefride.

Dés du Duc de Brabant au Duc de Iulliers, ne luy ayant voulu faire raison du tort fait à la Languefride.

† Nous auôs adiousté les trois mots suyuants: sans lesquels le sens estoit obscur & imparfait.

cens Lances. Mais ceux vindrent trop tard, car pas ne seurent le iour de la besongne, que ie vous diray: dont moult leur ennuya: quand ils ouyrent dire qu'elle estoit passée sans eux. Le Duc de Brabant, estant au Trait sus Meuse, ouyt trop petites nouuelles de ses ennemis. Lors voulut le Duc cheuaucher: & se partit du Trait par vn Mercredy: & s'en vint loger sur la terre des ennemis: & là se tint tout le soir & la nuit, & le Ieudy, tant qu'il en ouit certaines nouuelles: & luy fut dit par ses coureurs, qui auoient couru sur le pays, que ses ennemis cheuauchoyent. Adoncques cheuaucha il plus-avant: & commanda à bouter le feu en la terre de Iulliers: & se logea ce Ieudy, de haute heure: & faisoient l'Auanguard le Comte Guy de Ligny, Comte de Saint-Paul, & messire Valleran son fils: lequel pour ce temps estoit moult ieune (car il n'auoit que seize ans) & fut là fait Cheualier. Ces gens approcherent: & se logerent ce Ieudy assez pres l'un de l'autre: & à ce qui apparut, les Allemans sauoient trop mieux le conuenant des Brabançons, qu'on ne sauoit le leur: car, quand ce vint le Vendredy au matin, que le Duc de Brabant eut ouy sa messe, & que tous estoient sur les champs, & ne se cuidoyent pas combattre si trestost, veez cy venir le Duc de Iulliers & messire Edouard de Guerles, tous bien montez, en vne grosse bataille. On dit au Duc de Brabant, Sire, veez cy voz ennemis, mettez voz bacinets en testes, au nom de Dieu & de Saint George. De ceste parolle eut il grand'ioye. Pour ce iour il auoit delez luy quatre Escuyers de grand'voulonté, & bien taillez de seruir vn haut Prince, à estre delez luy. car ils auoyent veu plusieurs grans faits-d'armes, & esté en plusieurs besongnes arrestees. Ce furent Iehan de Valcon, Baudouyn de Beaufort, Girard de Bies, & Roland de Coulongne. Autour du Duc estoient, sur les champs, les Brucellois, montés les aucuns à cheual, & leurs valets par derriere eux: qui portoient flascons & bouteilles de vin, trouffees à leurs selles, & aussi, parmy ce, fourrage, & pastés de saumons, de truites, & d'anguilles, enuelopees de belles petites touailles: & ensongnoient là durement ces gens la place, de leurs cheuaux: tant qu'on ne se pouuoit aider de nul costé. Donc dit Girard de Bies au Duc, Sire, commandez que la place soit vuide de ces cheuaux. Ils nous empeschent trop grandement. Nous ne pouuons veoir

*Approche des
batailles du Duc
de Brabant &
du Duc de Iul-
liers, soutenu
par son beau-
frere Edouard,
Duc de Guer-
les.*

*† Il y auoit icy
de l'arriere ne
de l'auantgar-
de: que nous a-
uons chargée, se-
lon ce qu'il a dit
& dira du Co-
te de Saint-
Paul.*

*Deconfiture &
prise du Duc de
Brabant, par le
Duc de Iulliers.*

*† Le Duc E-
douard de Guer-
les nauré à
mort en la ba-
taille de Iul-
liers: qui fut au
mois d'Aoust
1371.*

*† Entendez du
cinquième de ce
nom, fils du Roy
Iehan & de Ma-
dame Bonne de
Boëme, sœur de*

autour de nous, n'auoir la congnoissance † de l'Auanguard, ne de l'Arriere garde de vostre Mareschal, messire Robert de Namur. Ie le vueil, dit le Duc: & le cōmanda. Adonc prit Girard son glaiue entre ses mains, & aussi firent ses compaignons: & commencerent à fraper sur les bacinets & sur les cheuaux: & tantost la place en fut deliuree. car nul ne vouloit vouldiers veoir son coursier naurer, ne méhaigner. Pour venir à fin de besongne, le Duc de Iulliers, & son beau-frere messire Edouard de Guerles, & leur routes, s'en vindrent sur eux tout brochant: & trouuerent le Comte de Saint-Paul & son fils: qui faisoient l'Auanguard. Si se bouterēt en eux de grand'voulonté, & les rōpirent: & tantost se déconfirent: & là en y eut grād' foison de morts & pris, & de blecés. Si fut la bataille, qui eut le plus à faire: & là mourut le Comte Guy de Saint-Paul: & y fut messire Valleran, son fils, pris. Ainsi que les fortunes tournent, fut la bataille trop felle & trop dure pour le Duc de Brabant, & pour ceux qui avecques luy furent: car petit se sauuerent de gens d'honneur, qu'ils ne fussent morts ou pris. Le Duc de Brabant fut pris, & messire Robert de Namur, & messire Louis de Namur son frere, & messire Guillaume de Namur, fils au Comte de Namur, & tant d'autres, que leurs ennemis estoient tous ensongnés de les recevoir, quand ils se rendoient à eux. Aussi du costé du Duc de Iulliers en y eut de morts, & de blecés aucuns. Mais vous sauez, & c'est vne règle generale, que les grosses pertes se treuuent sur les déconfits. Nonobstant, parmy le dommage que le Duc de Brabant & ses gens eurent là à celle iournee, il y eut vn grand point de remede & confort pour eux: car messire † Edouard de Guerles y fut nauré à mort. Si le dy, pourtant que c'est l'opinion de plusieurs, que, s'il fust demouré en vie, il eust cheuauché si-avant en puissance, qu'il fust venu deuant Brucelles, & conquis tout le pays: ne nul ne fust allé au-deuant d'eux, car il estoit outrageux, & hardy Cheualier: & hayoit les Brabançons, pour la cause des trois chasteaux dessus-nommés: qu'ils tenoyent à l'encontre de luy. Ceste victoire & iournee eut le Duc de Iulliers, en l'an de grace Nostre Seigneur mil trois cēts septante & vn, la nuit Saint Berthelemy en Aoust: qui fut par vn Vendredy. Or se pourchaça la Duchesse de Brabant: & eut conseil du Roy Charles † de France: lequel Roy pour ce temps estoit neveu du Duc de Brabant, & tous ses freres, car ils auoient esté enfans de sa sœur. Si luy fut signifié du Roy, qu'elle se traist deuers le Roy d'Allemagne, l'Empereur, frere au Duc de Brabant, & pour lequel le Duc, son mary, auoit dommage receu. La Dame le fit: & vint à Conualance sur le Rin: & là trouua l'Empereur. Si fit sa plainte belle-

Charles de Boëme, Empereur, & de ce Duc de Brabant aussi.

Assemblée de l'Empereur

Charles 4. pour guerroyer le Duc de Iuliers. † Qui fut donc 1372. au compte de l'a de la bataille sudite.

† Il y auoit icy son fils: mais, disant tātost sō Vicaire & son frere, il mōstre assez, qu'il entend de l'Empereur mesme.

Le Duc de Iuliers, parle conseil de ses amis, deliure le Duc de Brabant, & le meine à l'Empereur, son frere

Le Duc de Iuliers presente obeissance à l'Empereur.

† Je pense qu'il y faut Vence-lant: qui fut Empereur après son pere.

bellement & sagement. L'Empereur y entendit volontiers, car tenu estoit d'y entendre, par plusieurs raisons. L'une, pourtant que le Duc estoit son frere, & l'autre, que l'Empereur l'auoit institué suffisamment à estre son Vicaire & Regard souverain de la Languefride. Si reconforta la Dame: & luy dit qu'à l'Esté, qui retourneroit, il y remédieroit, tellement qu'elle s'en aperceuroit. La Dame retourna en Brabant toute reconfortee. L'Empereur, messire Charles de Boëme, ne dormit pas sur ceste besongne: mais se reueilla, tellement que ie vous diray. Car tantost, l'Yuer passé, il approcha la noble cité de Coulongne: & fit ses pourueances si grosses, comme s'il voulist aller conquerir vn Royaume, ou vn pays de deffense: & escriuit deuers les Ducs & les Comtes, qui de luy tenoient, que, le troisieme iour du mois de Juin, ils fussent tous deuers luy, à Ays, à tout chacun cinquante cheuaux en sa compaignie, sur peine de perdre leurs terres, si en desobeissance estoient: & par especial il manda trefestroitement le Duc Aubert, Comte de Hainaut, qu'il venist à Ays la Chapelle, à cinquante cheuaux en sa compaignie. Lequel y vint. Quand tous ces Seigneurs furent là venus, ie vous dy (si comme ie fu à l'heure informé) qu'il y eut moult de peuple: & dit messire Charles, † l'Empereur, que de fait on entreroit en la terre du Duc de Iuliers, & seroit toute destruite, pour la cause du grand outrage qu'il auoit fait, que de soy mettre sur les champs, à main armee, contre son Vicaire, & son frere: & fut celle sentence rendue en la chambre de l'Empereur, par iugement. Dont regarderēt l'Archeuesque de Treues, l'Archeuesque de Coulongne, l'Euesque de Maiance, l'Euesque du Liege, le Duc Aubert de Bauiere, le Duc Oste son frere, & encore de haults barons d'Allemaigne, que de destruire la terre d'un si vaillant Cheualier, cōme le Duc de Iuliers estoit, ce seroit par trop mal fait, car il leur estoit prochain du lignage. Si dirent ces Seigneurs, que le Duc de Iuliers fust mandé, & qu'on le fist venir à obeissance. Cest appointment fut tenu: & se trauaillerent tous, pour l'amour des deux parties. Le duc Aubert & son frere vindrēt à Iuliers: & trouuerēt le Duc: qui estoit tout esbahi, & ne sauoit que faire ne quel conseil croire: car on luy auoit dit que ceste grosse assemblee, que l'Empereur de Rome auoit faite, & faisoit encores, retourneroit toute sur luy: si ces bons amis & prochains n'y pouruoyoient. Quand ces Seigneurs furent venuz deuers le Duc, si en fut tout resiouy, & moult recōforté, & par especial, par la venue de ses deux cousins germains, le Duc Aubert de Bauiere, & le Duc Oste son frere: car bien sauoit qu'ils ne luy lairoient auoir nul deshōneur: mais le cōseilleroiēt loyaument, ainsi qu'ils firent. Le conseil fut tel, que ie vous diray: & le feray brief. Il enuoya querre, par ses cheualiers, les plus honnorez qu'il eust, son cousin le duc de Luxēbourg & de Brabant, dedans le chastel & ville de Iudeque: ou il auoit tenu prison courtoise. Quand ce Duc fut venu, tous ces Seigneurs l'honorèrent grandement, ce fut raison. Adonques se departirēt ils de là, & cheuaucherent tous ensemble, iusques à Ais: & descendirent à leurs hostels: qui estoient ordonnez pour eux. Le duc Aubert & son frere, & les Prelats dessus nommez (qui moyens estoient de ces choses) se trahirent deuers l'Empereur & son Conseil, & luy remontrērēt comment le duc de Iuliers, son cousin, de bonne volonté l'estoit venu veoir, & se vouloit mettre purement, sans reseruation aucune en son obeissance & cōmandemēt: & le recognoissoit à souverain, & à lige Seigneur. Ces paroles douces & moult amiables amolirent grandement le courroux, l'ire, & contēpt, que l'empereur auoit auant sa venue: & dit l'Empereur, Qu'on face venir le Duc de Iuliers. Il vint, & quād il fut venu deuant l'Empereur, il se meit à genoux: & dit ainsi, Mon trefredouté & souverain Seigneur, ie croy assez que vous auez eu mal talent sur moy, pour la cause de vostre frere de Brabant, que i'ay tenu trop longuement en prison: de laquelle chose ie me mets du tout en vostre ordonnance, & en la disposition de vostre trefnoble Conseil. Sur ceste parolle ne respondit point l'Empereur: mais son fils, messire † Charles (qui iā s'escriuoit Roy de Boëme) respondit: & dit, Duc de Iuliers, vous auez esté moult outrageux: quand tant, & si longuement, vous auez tenu nostre oncle en prison: & sans voz bien-amés cousins (qui s'en sont meslés, & ont prié pour vous) les Ducs Aubert & Oste de Bauiere, ceste besongne vous fust plus durement remonstree, qu'elle ne sera, car vous l'auiez bien defferuy. Mais parlez en outre, tant qu'on vous sache gré, & que nous n'ayons cause de renouveler nostre mal-talent sur vous, car trop vous cousteroit. Donc dit le Duc de Iuliers, estant à genoux deuant l'Empereur (qui seoit en vne chaize imperiale) Mon trefredouté & souverain Seigneur, sur la hauteffe & puissance de vous ie me tien auoir mespris, de tant qu'à main armee ie me mei & assemblay contre

Le Duc de Iuilliers quitte le Duc de Brabant à l'Empereur son frere, & l'Empereur reçoit le Duc de Iuilliers en grace, luy pardonnant son forfait.

mon cousin, vostre frere, & Vicaire du Saint Empire: & si la journée d'armes me fut donnée ou enuoyée par l'auenture de fortune, & que vostre frere, & mon cousin, fut mon prisonnier, ie le vous ren quitte & deliure: & vous plaise que de vous & de luy, iamaïs mal-talēt, ne haine, ne m'en soit monstré. Donc respondirent, en confortant les parolles, les Prelats & les Princes circonstants, qui là estoient, & qui les parolles ouïs auoyent, Tresfredouté & noble Prince, vous suffise ce, que vostre cousin de Iuilliers dit & presente. Nous le voulons, dit l'Empereur. Adonc le prit par la main: & me fut dit, que par confirmation d'amour, il baïsa le Duc de Iuilliers, quand il fut leué, à la bouche: & puis son fils le Roy de Boême, & le Duc de Brabant. Ainsi fut deliuré de sa prison, par la puissance de l'Empereur, le Duc Wincelant de Boême, Duc de Brabant, & de Luxembourg & furent quittez & deliurez, sans faire rançon, tous ceux, qui prisonniers estoient dessous le Duc de Iuilliers, & qui point à finance mis ne c'estoient, par l'ordonnance des traittez: & retournerent ces choses faites, chacun en leur lieu. L'Empereur s'en alla à Prague en Behaigne: & le Duc de Brabant, en Brabant: & tons les autres Seigneurs chacun en leurs lieux. Et quand le Duc de Brabant fut retourné, vne taille se fit en son pays, grande & grosse, pour restituer aux Cheualiers & Escuyers aucuns de leurs dommages.

Continuation du discours de la querelle de Brabant & de Gueldres: & comment, estant mort, le Duc Wincelant de Brabant, le ieune Guillaume de Iuilliers, Duc de Gueldres par sa femme, tascha par tous moyens de recouurer les chasteaux; dont il estoit question, s'alliant mesme avec le Roy d'Angleterre, contre le Roy de France: qui deuoit soutenir le party de la veufue de Brabant.

CHVP. XCIII

Excuse de Froissart, sur ce qu'il n'a couché par escrit, selon l'ordre des temps, ce qu'il a compté aux deux chas. precedens, & qu'il compte aussi en vne partie de cestuy-cy

IE me suis ensoigné de traiter ceste matiere, & au long renforcer ceste Histoire, pour la mener au point & au fait, là ou ie ten à venir. qui est d'éclaircir toute la verité de la cause, pourquoy le Roy Charles de France fut mené à puissance de Gens-d'armes en Allemagne. Or me fuisse-je bien passé (si ie voulsisse) de l'auoir tant prolongée, car toutes choses, quant au regard des dates & des saisons, sont passées: & deussent estre, en record, mis au proces de nostre Histoire, cy-dessus. Verité est que i'en compte bien en aucune maniere: & toutesfois c'est petit. Mais quand la cognoissance me vint que le Roy de France & le Roy d'Angleterre s'en vouloient ensoigner, ie me réueillay à ouurer Histoire & matiere, plus auât que ie n'eusse encores fait. Si diray ainsi. Quand le Duc Wincelât fut retourné en son pays, & il fut de tous points deliuré de la prisō du danger & du Duc de Iuilliers (si-cōme vous auez ouy) il luy prit volonté de visiter ses terres & ses chasteaux, tant en la Duché de Luxembourg, comme ailleurs: & prit son chemin, en allant en Auffay, deuers la cité de Strasbourg, parmy la terre de Fauquemont: & regarda à ces trois chasteaux, par lesquels venoit tout le mal-talent au Duc de Guerles (c'est assauoir Gaugelth, Buth, & Mille) & les trouua beaux & forts, biē seās & de belle garde. Si au deuât il les auoit bien-aimez, encores les aima il mieux apres: & ordonna, par les rentiers des lieux, qu'on fist ouurer à tous, & fortifier: & furent mis ouuriers en œuvre, maçons, charpentiers, & fossoyeurs, pour remparer les lieux & les ouurages, mais à son departement institua vn vaillant Cheualier, & sage homme, à estre souuerain regard & gardien dedit chasteaux: lequel Cheualier on appelloit messire Iehan Grosset: qui au commandement & ordōnance du Duc, prit le soing, & la charge de garder, à son peril, les chasteaux. Le Duc passa outre: & fit son chemin: & visita toutes ses terres: & seiourna sus, tant que bon luy sembla: & puis s'en retourna en Brabant, car là estoit sa souueraine demeure. En ce temps † auoit espousé messire Iehan de Blois l'aisnée Dame & Duchesse de Guerles, car l'heritage de son droit luy estoit reuenu, par la mort de messire Edouard de Guerles son frere: lequel auoit esté occis (si-comme vous sauez) en la bataille de Iuilliers, mais sa sœur, la Duchesse de Iuilliers, luy debattoit, & demonstroït grand chalenge: & aussi les Cheualiers, la greigneur partie, & les bonnes-villes de Guerles, s'enclinoient plus à la Dame de Iuilliers (pourtant qu'elle auoit vn beau fils, qui ià cheuauchoit) qu'à l'autre: & bien luy monstrent, car tousiours la premiere fut tenue en guerre: n'oncques possesiō paisible n'en peut auoir: ne messire Iehan de Blois son mary, mais luy cousta ceste guerre au pourfuir le chalenge & droit de sadite femme, plus de cent mille francs: dont le fils au Duc de Iuilliers, Guillaume de Iuilliers (qui bien monstroït en son venir, & en sa ieunesse, qu'il seroit cheualeureux, & aimerait les armes, car il en tenoit de toutes extractions) demoura Duc de Guerles: & fut fait le mariage de luy & de la fille au Duc Aubert

† Il en a parlé plus amplemēt au ch. 96. & auroit esté ce mariage en l'ā 1361 ou 62. comme l'on peut apperceuoir par le ch. precedent

Guillaume de Iulliers, fils de Jehanne fille du second mariage de Regnaud, premier Duc de Guerles, demeure paisible d'icelle Duché de Guerles, comme il a dit au chap. 96.

† Il a parlé de ceste mort du Duc Vincelin ou Vincelât de Brabant aux chap. 146. & 157. du 2. vol. pouvant estre auenue en l'an 1383.

† Il a par-anât dit Iean Grosset.

Le Capitaine des trois châteaux, querelés occis en faueur du Duc de Guerles.

† Choisissez Grane ou Graue. Car il met tous les deux.

Le ieune Duc de Gueldres, Guillaume de Iulliers, fait alli-

bert, l'aînée: qui auoit esté espousee à messire Edouard de Guerles: mais oncques n'auoit geu charnellement avec elle: car elle estoit trop ieune. Or retourna elle tout à point à messire Guillaume de Iulliers (car ils estoient pres que tous d'un aage) & demoura la dame, duchesse, comme deuant. Les saisons passerent: & ce ieune duc creut en honneur, en force, en sens, & en grand vouloir de faire armes, & d'augmenter son heritage: & auoit le cœur trop plus Anglois que François: & disoit tousiours bien (comme ieune qu'il fust) qu'il aideroit au Roy d'Angleterre, à soustenir sa querelle: car celui d'Angleterre luy estoit plus prochain, que celui de France: & si auoit aux Anglois plus d'affection. On luy mettoit sus, à la fois, que les Brabançons luy faisoient grand tort, de ces trois chasteaux dessus-nommés: que le duc & la duchesse tenoient à l'encontre de luy. Si disoit, Bien. Souffrez vous. Il n'est chose, qui ne vienne à tour. Il n'est pas heure encores de moy reueiller, car nostre cousin de Brabant a trop de grans amis, & si est trop sage Cheualier, mais il pourra bien venir un temps, que ie me reueilleray, tout à certes. Ainsi les choses demourerent en cest estat: & tant que Dieu fit son commandement du Duc Vincelant, au dernier de ses iours: & mourut duc de Boême, duc de Luxembourg, & de Brabant: comme il est contenu cy-dessus en nostre Histoire. A la mort de ce gentil duc perdit moult la duchesse de Brabant: & aussi firent toutes ses terres. Le ieune duc de Guerles (qui ià estoit assez cheualeureux, pour courroucer ses ennemis) si meit en termes qu'il n'auoit ses trois chasteaux dessus-nommés: pour qui le debat estoit, & auoit esté entre Brabant & son oncle messire Edouard de Guerles. Si enuoya pour traitter deuers la duchesse de Brabant, qu'elle les luy voulsist rendre, pour la somme de l'argêt qu'il auoit presté dessus, & qu'on ne les auoit que pour gage. La dame respōdit à ceux, qui enuoyés y furent, qu'elle estoit en possession & saisine des chasteaux, & qu'elle les tiendrait pour elle & son hoir, comme son bon heritage: mais se voulsist nourrir le duc en bon amour & voisinage à Brabant: & remist arriere la ville de Grane: qu'indeuement il tenoit sur la duché de Brabant. Quand le duc de Guerles eut ouy ces responses, si ne luy furent pas biē agreables: mais les prit à despit: & n'en pensa pas moins: & getta sa visée sur le Cheualier, qui souverain Regard estoit desdits chasteaux, messire Jehan Grosselot, pour luy attraire, pour les auoir par rachapt, ou autrement: & fit couuertement traitter deuers luy. Le Cheualier (qui estoit sage & loyal) n'y voulut entendre, & dit que de telle chose on ne luy parlait plus, car, pour receuoir mort, on ne trouuerait ià faute en luy, ne qu'il voulsist faire nulle trahison enuers sa naturelle Dame. Quand le Duc de Guerles veit ce (si comme ie fu adonc informé) il fit tant vers messire Regnaud d'Escouenort, qu'il emprist vne haine, à petite achoison, deuers le Cheualier: & tant que sur les champs vne fois il le rencontra, ou fit rencontrer par ses gens, ou trouuer par vne embusche, ou autrement: & fut messire Jehan Grosselot occis: dont Madame la Duchesse de Brabant fut trop grandement courroucée, & aussi fut tout le pays: & furent lesdits chasteaux mis en autre garde, par l'accord de Madame la Duchesse, & du Conseil du pays & Duché de Brabant. Ainsi demourerent ces choses plusieurs annees: & se nourrissoient haines couuertes, & s'estoient nourries de long temps, tant pour la ville de Grane, que pour ces trois chasteaux, entre le Duc de Guerles & la Duchesse de Brabant & leurs pays: & tenoient ceux des frontieres de Guerles rancoeur, & mal-talent couuert, aux Brabançons, à eux marchiffans: & leur faisoient tous les tors, qu'ils leur pouuoient faire: & especialement ceux, qui se tenoient en la ville de Grane: & entre le Bois-le-Duc (qui est de Brabant) & Graue, n'a que quatre lieues, & tout plain pays, & beaux plains champs pour cheuaucher. Si faisoient des despits assez ces Guerlois sur celle frontiere, que ie vous nomme, aux Brabançons: & alla la chose si auant, que le duc de Guerles passa la mer vne saison, & s'en vint en Angleterre veoir le Roy Richard, son cousin, & ses autres cousins (qui pour le temps y estoient) le duc de Lancastre, le duc d'Yorch, & le duc de Glocestre, & les haux Barons d'Angleterre. On luy fit bonne chere, car on le desiroit à veoir, & sa cognoissance & accointance auoir, car bien fauoient les Anglois, & bien informés estoient, que ce Duc, leur cousin, de cœur, de courage, d'imagination, & d'affection, estoit tout Anglois. En ce voyage il fit grandes alliances au Roy d'Angleterre: &, pourtant qu'il ne tenoit riens à ce iour du Roy d'Angleterre, pour estre de foy & hommage son homme, le Roy Richard d'Angleterre luy donna rentes sur ses coffres, mille marcs, de reuenue par an (ce sont, à priser en argent, quatre mille francs, à estre bien payés) & luy fut dit qu'il réueillast son droit enuers la duchesse de Brabant & le pays, car il seroit seruy & aidé des Anglois, tellement que nul

ce au Roy Richard d'Angleterre & de vient son homme.

Avantages paroles du Duc de Gueldres, sur quelques remontrances de son pere, touchant son alliance de l'Angleterre.

† Ce passage est corrigé selon le sens de l'Auteur.

† C'est à dire, quant à eux.

blasme ne dommage il ne prendroit: & parmy tant il iura aussi estre loyal, en tous services, au Roy d'Angleterre & au pays: & tout ce fit il trop liement. Quand ces alliances furent faites, il prit congé du Roy, de ses oncles, & des Barons d'Angleterre: & s'en retourna arriere en son pays de Guerles: & recorda au Duc de Iulliers tout son exploit, & comment il s'estoit fortifié des Anglois. Le Duc de Iulliers (qui par experience d'age, estoit plus sage, que son fils) ne monstra point qu'il en fust trop réiouy: & luy dit, Guillaume, vous ferez tant que moy & vous pourrons bien comparer vostre allée en Angleterre. Ne savez vous comment le Duc de Bourgongne est si puissant, que nul Duc plus de luy? & il est attendant la Duché & héritage de Brabant, comment pourrez vous resister contre si puissant Seigneur? Comment! respondit le Duc de Guerles à son pere: & dit, Plus est riche & puissant, tant y vaut la guerre mieux. l'ay trop plus cher à auoir à faire à vn riche homme (qui tient grande foison d'heritages) qu'à vn petit Comte, ou ie ne pourroye rien conquerir. Pour vne buffe, que ie receuray, i'en donneray six: & aussi le Roy d'Allemaigne est allé avecques le Roy d'Anglet. si seray au besoing aidé de luy. Par ma foy, Guillaume, & beau fils, vous estes vn fol: & demourra plus de voz cuiders à accôplir, qu'il ne s'en achéuera: Or vous diray pourquoy le Duc de Iulliers corrigeoit vn petit son fils & le mettoit en doute. Le Roy Charles de France, le dernier trépassé, pour le réps dôt ie vous parle, & de bonne memoire, meit en son temps d'acquérir amis, à tous lez, grande peine: & bien luy besongna. A tout le moins (s'il ne pouuoit acquérir si-auant, que pour faire guerre à l'encontre de ses ennemis) si faisoit il tant, par dons & par promesses qu'il ne luy fut que bié: & par celle maniere il en acquit plusieurs en l'Empire, & ailleurs aussi: & fit tant en son temps (apres ce que le Duc de Iulliers eut entendu arriere à son oncle le Duc de Brabant, & quitté & deliuré de sa prison) qu'ils furent assez bons amis ensemble, par les ordonnances que l'Empereur de Romme y ordonna: & institua que ce Duc de Iulliers le vinst veoir à Paris: & là le receut le Roy de Frâce grandement & grossièrement: & luy donna dons & ioyaux à grande foison, & à ses Cheualiers aussi, tant que le Duc se contenta grandement: & releua du Roy, en ce voyage le Vierçon & sa Seigneurie (laquelle appartenoit au Comte de Blois: & sied ceste terre entre Blois & Berry: & y peut auoir de reuenue, par an, cinq cens liures, monnoye de France) & iura d'oe le Duc de Iulliers que iamais ne s'armeroit contre la couronne de France. Ce Roy viuant, il tint bien sa parolle & son serment, car voirement, tant comme le Roy Charles vesquit, il ne porta aucun dommage, ne consentit à porter, à l'encontre de la couronne de France. Quand le Roy Charles cinquiesme fut mort, & q son fils Charles sixieme, fut Roy (lequel pour les guerres de Flandres, si-côme savez & il est contenu en nostre Histoire, † eut apres sa creation plusieurs encombrements, & tant qu'il ne pouuoit pas par tout entédre) le Duc de Iulliers ne vint point en France, ny ne releua point ses terres de Vierçon: pourquoy le Duc de Berry (qui souverain s'en tenoit, disant que les reliefs luy en appartenoint) en saisit les profits, & de puissance il en borta hors de son droit le Comte de Blois. Sachez † (tant comme d'eux) ie les vy plusieurs fois ensemble: mais oncques, pour debat de ces terres, ils ne s'en monstrerent mal-talent: & bien y auoit cause, fils furent amis ensemble car Louis, le fils au Comte de Blois, auoit par mariage, Madame Marie, la fille au Duc de Berry. Or bien pensoit le Duc de Iulliers à retourner encores sur l'heritage: mais il veoit que son fils, qui deuoit estre son héritier, s'exposoit de courage, & de fait, avec les Anglois: & pource n'en faisoit il pas trop grâd cōpte. Si luy dit ainsi les parolles, que ie vous ay prononcées, quand il fut reuenu d'Angleterre, mais le Duc de Guerles (qui estoit ieune & entreprenant) n'en fit nul compte: & respondit à son pere qu'il n'en feroit autrement, & que pluscher il aimoit la guerre, que la paix, & au Roy de France, qu'à vn pource homme.

Comment la Duchesse de Brabant enuoya Ambassadeurs deuers Charles sixiesme, Roy de France, contre le Duc de Guerles, sur le temps qu'il auoit défié le Roy, & de la bonne response qu'elle eut.

CHAP. XCIX.

LA Duchesse de Brabant, qui se tenoit à Brucelles, estoit bien informée de tous ces L'affaires, & comment le Duc de Guerles menaçoit les Brabâçons, & disoit ainsi, que il leur feroit guerre: & bien s'en doutoit: & disoit en ceste maniere la Duchesse, Haa, Dieu pardoint, par sa grace, à Monseigneur mon mary, car s'il vesquist, le Duc de Gueldres n'o-

dres n'osast penser à mettre hors ces parolles: mais, pource que ie suis vne femme toute ancienne, il me veut assaillir & faire guerre, Lors meit la Dame de son Conseil ensemble, pour sauoir comme elle se cheuiroit, car elle sentoit celuy hastif, & de grand' entreprise. En ce tēps, que la Dame demāda conseil de ces choses, estoit nouuellemēt défié du Duc le Roy de France: dont grand esclandre couroit parmy le Royaume, & entre toutes autres terres voisines, ou les nouuelles en estoient venues & espandues, tant pource que le Duc de Guerles est vn petit Prince, au regard des autres, que pource que la lettre de defiance (si comme commune renommee couroit, car oncques ne la vy) estoit si felle & impetueuse, qu'elle faisoit emérueiller tous ceux, qui en oyoyent la deuise. Si en parloit on, en ces iours, en plusieurs manieres: l'un en vne maniere: l'autre en vne autre: ainsi que les cœurs sont de diuerses opinions. En nom Dieu, Dame (respondirent ceux du conseil de la Dame) Vous ne demandez pas grans merueilles: & nous vous conseillons que vous enuoyez deuers le Roy de France, & deuers le Duc de Bourgongne. Il est heure, car le Duc de Guerles (comme vous auez iā ouy dire) a défié le Roy: & tous ses aidans: & (ou cas qu'il vouldra faire guerre au Royaume: comme il dit, selon que renommee court, qu'il a les Anglois & les Allemans en son alliance) il ne peut auoir plus belle entree dedans le Royaume, que parmy vostre pays. Si est bon que le Roy & le Duc de Bourgongne en soyent auiés & informés, & que voz chasteaux, sur les frontieres, soyent garnis & pourueus de Gés-d'armes: pour quoy nuls maux ne s'y prennent, car il n'est si petit ennemy, qu'on ne doye douter. Non-pas que nous disons que pour luy singulierement, ne pour les Guerlois, il nous conuienne prendre confort, n'alliāce. Nenny: mais nous le disons pour les grādes alliances, qu'il peut de-leger prendre & auoir au-dehors, & des Anglois par especial (dōt il s'arme) & des Allemans: qui moult sont conuoiteux, & qui tousiours desirent à guerroyer le Royaume de France, pour la cause de la graisse, qu'ils y prennent. La Duchesse dit, & respondi t à son Conseil, Vous dites verité: & ie vueil qu'on y voise. Lors furent élus & nommés ceux, qui iroient en celle saison pour celle besongne, le Sire de Bourgueual, Maistre d'hostel: messire Jehan Opem, moult gracieux Cheualier, vn Clerc, & vn Escuyer d'honneur, & sage. Le Clerc auoit nom messire Jehan Graue, & l'Escuyer messire Nicolas de la Monnoye: & tous quatre estoient du droit Conseil de Madame de Brabant. Ceux se departirent de Brucelles, quand leurs lettres de creances furent ecrites & seellees: & se meirent à chemin: & vindrent à Paris. Pour ce temps, le Roy, ne le Duc de Bourgongne n'y estoient point: mais se tenoient en la bonne cité de Rouen, en Normandie. Si se departirent de Paris, quand ils seurent les nouuelles ou estoit le Roy. Tant exploiterent ces Ambassadeurs de Brabant, qu'ils vindrent à Rouen. Si se logerent: & tout premierement se trayrent deuers le Duc de Bourgongne (ce fut raison qu'il leur fist bonne chere, car bien les congnoissoit) & monstrent leurs lettres. Le Duc les prit, & les leut, & puis, quand il feut qu'heure fut, il les mena deuers le Roy: lequel, pour l'amour de leur Dame, les receut moult benignement. Il leut les lettres: & puis les ouyt parler. Il leur fit responce: & leur dit, Voz parolles & requestes demandent bien conseil, Retrayez vous tousiours deuers bel oncle de Bourgongne: & vous serez ouys & expédiés le plus tost qu'on pourra. Ceste parolle contenta moult les dessus-nommés: & prirent congé du Roy, & du Duc de Bourgogne: & se trayrēt à leur logis. Si estoient le Roy & ses oncles, & les Seigneurs, moult embesognés, & tous les iours ensemble, & en conseil, pour plusieurs causes & incidences: qui leurourdoyent à conseiller, car les defiances du Duc de Guerles n'estoient pas bien plaisantes. Aussi on ne sauoit pas bien à quoy le Duc de Bretaigne tendoit: qui auoit pris merueilleusement le Connestable de France, & rançonné à cent mille frans, à trois chasteaux, & à vne bonne-ville: & entendoit le Roy, & le Conseil, qu'il garnissoit grandement, de pourueances & artillerie, ses garnisons, ses villes, & ses chasteaux: & enuoyoit souuent lettres & messagers en Angleterre, au Roy, & à ses deux oncles, car le Duc de Lancastre pour ce temps estoit en Galice. Si auoit le Conseil de France grandement à penser & à faire sur ces besongnes, car elles estoient moult grosses. Si en furent plus longuement sans responce les Ambassadeurs de la Duchesse de Brabant. En la fin, le Duc de Bourgongne fit la responce: & leur dit, Vous retournerez deuers nostre belle ante, & la nous saluerez beaucoup de fois: & luy baillerez ces lettres du Roy: & les nostres aussi: & luy direz que toutes ses besongnes sont nostres, sans nul moyē: & qu'elles ne s'ebahisse en rien, car elle sera reconfortee, tellemēt qu'elle s'en apperceura, & que le pays de Brabant n'y aura blasme, ne reproche, ne dommage. Ceste responce con-

† Froissart cōtinue ici la vraye deduction du chap. 69. selon l'ordre du tēps, & de l'ā 1387 comme dessus.

Ambassadeurs de la Duchesse de Brabant vers le Roy de France à Rouen.

La responce de France aux Ambassadeurs de Brabant, à leur contentement.

tenta grandement les Ambassadeurs de Brabant: & se departirēt sur cest estat: & s'en retournerēt à Paris, & de là à Brucelles: & firent à la Duchesse relation de la respōse, tout en telle maniere & sur la forme que vous avez ouye: tant que la Dame en fut biē contente.

De quelque grand bruit de sainteté d'un Cardinal de Luxembourg, estant à mort: & de la merueilleuse fin du Roy Charles de Navarre.

CHAP. C.

Qui fut le Cardinal de Luxembourg.

EN ce temps & en celle saison furent les nouvelles espandues de Saint Pierre de Luxembourg, le Cardinal, & que son corps estoit Saint en la cité d'Auignon, & lequel en ce temps faisoit, & fit, merueilles de miracles. Ce Saint Cardinal auoit esté fils au Comte Guy de Saint-Pol: qui demoura en la bataille de Iulliers. Si vous dy que ce Saint Cardinal en son temps fut vn homme de tresbonne, noble, sainte, & deuote vie: & fit toutes œuures plaisantes à Dieu. Il estoit doux, courtois, & debonnaire, vierge de son corps, & large aumosnier. Tout donnoit, tout departoit aux pauvres gens, riens ne retenoit des biens de l'Eglise, fors que pour simplement tenir son estat. Le plus du iour & de la nuit il estoit en oraison. Les vanités & superfluités de ce monde il fuyoit & écheuoit: & tant fit que Dieu, en sa ieunesse, l'appela en sa compagnie: &, tantost apres son trépas, il fit grans miracles: & ordonna à estre enseuely au sepulchre commun des pauvres gens: & en toute sa vie n'y eut qu'humilité: & là gist: & fut mis en la chapelle S. Michel. Le Pape & les Cardinaux, quand ils veirent que les miracles du corps Saint se multiplierent, si en escriuit au Roy de France, & especialement à son frere aîné, le Comte Waleran de Saint-Pol: & luy manderent qu'il allast en Auignon. Le Comte ne se voulut point excuser ne deporter d'y aller: mais y alla: & donna de belles lampes d'argent: qui sont deuant son autel. On se pourroit émerueiller de la grand' creance, que ceux du pays de là enuiron y auoient, & des visitations qu'ils y faisoient, en ces iours que ie fu en Auignon, car par là, pour le veoir, ie retournay de la Comté de Foix, mais de iour en iour ses œuures & magnificences s'augmentoient: & me fut dit qu'il seroit canonisé. Je ne say pas comment depuis il en est auenu. Or, si ie vous ay parlé de la mort de luy, ie vous parleray aussi de la mort d'un autre, car point n'ay parlé encores de la mort d'un Roy, par lequel ceste Histoire, en plusieurs lieux, est moult augmentee: mais ses œuures furent autres, que raisonnables: car par luy, & ses incidences, le Royaume de France eut moult affaire de son temps. Vous deuez entendre que c'est pour le Roy de Navarre. On dit, & est vray, qu'il n'est chose si certaine, que la mort. Je le dy, à propos que le Roy de Navarre ne cuidoit point (quand il mourut) estre si pres de la fin: car, s'il l'eust seu, par-aventure se fust il auisé, & n'eust point mis en termes, ny en auant, ce qu'il meit. Il se tenoit en la cité de Pampelune en Navarre. Là luy vint en imagination qu'il conuenoit qu'il prenist sur son pays, par taille, la somme de deux cens mille florins: & manda son Conseil: & leur dit qu'il cōuenoit qu'il fust ainsi. Son Conseil n'osa dire mot: car il estoit moult cruel. Adonc furent mandés venir les plus-notables des cités & bonnes-villes du Royaume de Navarre à Pampelune. Tous les plus-notables hommes y vindrent: & n'y oferent desobeyr. Quand ils furent tous venus là, & assemblés au Palais du Roy, luy-mesme, sans autre moyen, remonstra la querelle (car ce fut vn Roy moult subtil, & bien enlangagé à parler) & dit ainsi, tout conclu, qu'il luy faisoit besoing: & conuenoit auoir, la somme de deux cens mille florins: & vouloit qu'une taille s'en fist: & monstra comme le riche en seroit à dix francs pour taille, le moyen à cinq francs, & le petit à vn franc. Ceste requeste ébahit moult fort le peuple, car l'annee deuant il auoit eu vne bataille en son pays de Navarre: dont il falut faire vne taille: qui auoit monté à la somme de cent mille florins: &, avecques ce, il maria sa fille, Madame Jehanne, au Duc Jehan de Bretagne, en celledite annee, mais encores il y auoit de celle taille grand argent à payer. Adonc, quand le Roy eut fait sa demande, requit qu'il luy fust respondu. Ils demanderent lors à auoir conseil, & delay pour parler ensemble. Il leur donna quinze iour de conseil, à estre là: voire les chefs & les riches des cités & des bonnes-villes. La chose se departit sur cest estat. Les nouvelles s'espandirent, parmy Navarre, de celle grosse taille: & toutes gens, & plus l'un que l'autre, en furent tous ébahis. Au quinziesme iour, tous retournerent à Pampelune: voire ceux des bonnes-villes & cités, & qui souuerainement y estoient ordonnés, & furent enuiron soixante notables hommes chargés, de par le pays, pour respondre. Le Roy fut present à la respōse: & voulut qu'ils respondissent en vn grand verger: qui estoit loing de toutes gens, & enclos de haux murs. Quand ils respondirent, ils dirent ainsi,

& tous

Requête du Roy de Navarre à son pays, pour y leuer vne taille de deux cens mille florins.

& tous d'un accord, qu'il n'estoit pas possible, en remonstrent la poureté du Royaume, & comment la taille passée n'estoit pas encores toute payée: & que pour Dieu il y vou-
 list remedier, car le pays n'estoit point aisé pour en faire vne autre. Quand il veit qu'il
 ne viendroit pas aisément à son entente, si se melancia: & se departit d'eux, en disant, *Excuse des de-
 putez de Na-
 uarre, pour ne
 payer la taille
 demandée par
 le Roy.*
 Vous estes mal-conseillez, parlez encores ensemble. Puis les laissa là: & s'en entra en sa
 chambre, & les gens de son Conseil avec luy: & lors les bonnes gens demourerent en
 ce verger, bien clos de haux murs & furent là dedans bien enfermez de tous costez, &
 commanda que nul ne les laissast issir hors, & que petitement on leur donnast à boire &
 à manger. Donc demourerent ils là, en grande doutance de leurs vies: ne nul n'en osoit
 parler: & veut on bien supposer que par contrainte il fust venu à ses atteintes, car ià en
 fit iusques à trois mourir, & décoller (qui estoient, tant qu'à son opinion) les plus rebelles
 pour donner cremeur & exemple aux autres. Or auint soudainement, par merueilleu-
 se incidence, que Dieu y enuoya vn grand mirable, vous orrez comment: selon ce que
 ie fu informé en la Comté de Foix, à Ortais, en l'hostel du Comte, par les hommes de
 Pampelune mesme: car c'est deux ou trois iournées par delà. Si me fut dit que ce Roy
 en son viuant auoit tousiours aimé femmes: & encores en ces iours auoit il vne tresbelle
 Damoiselle à amie, ou à la fois il se deportoit: car de grand temps auoit-il esté veuf. *Cruauté du Roi
 de Nauarre,
 pour le refus de
 la taille susdite*
 Vne nuit il auoit ieu avecques elle: si s'en retourna en sa chambre, tout frileux: & dit à vn
 de ses varlets de chambre. Appareillez moy ce liêt, car ie me vueil coucher, & reposer
 vn petit. Il fut fait, il se depouilla: & se mit en ce liêt. Quand il fut couché, il commen-
 ça à trembler & ne se pouoit échauffer, car ià auoit il grand aage, & enuiron soixante
 ans: & auoit on d'usage, que pour le réchauffer en son liêt, & le faire suer, on boutoit vne
 bucine d'airain, & luy souffloit on à air volant. On dit que cestoit eaue ardant, & que ce-
 la le réchauffoit, & le faisoit suer (si comme on auoit autresfois fait) sans luy faire mal, ne
 déplaisir de son corps, ne de sa personne. Adoncques on luy fit comme on auoit de cou-
 stume: mais lors se tourna la chose en pis pour le Roy: ainsi que Dieu ou les Diabes le
 vouloyent, car flambe ardant se bouta en ce liêt, entre ses linceux, par telle maniere qu'il
 n'y peut oncques venir à temps, ne luy secourir, qu'il ne fust tout ars, iusques à la boudi-
 ne, luy qui estoit là couché & enuélé entre les linceux: & fut ainsi atteint de celle flam-
 be, mais pour ce ne mourut pas si trestost: ains vesquit quinze iours en grande peine, &
 en grande misere: ne Chirurgien, ne Médecin, n'y peurent oncques remedier, qu'il n'en
 mourust. Ce fut la fin du Roy de Nauarre: & ainsi furent les bonnes gens deliurez de
 la taille, & quittes de la non recueillir, ne payer à son fils Charles: qui fut beau Cheua-
 lier, & ieune: & grand & fort estoit au iour que ie rescriuy & translatay ceste Histoire: &
 fu Roy de Nauarre & des tenances: & se fit couronner, tantost apres l'obsequie de son
 pere, fait en la cité de Pampelune.

Comment le Duc de Berry fit assieger la forteresse de Ventadour.

CHAP. CI.

Vous auez bien cy dessus ouy recorder comment les traitez se faisoient du Comte
 d'Armignac, & du Dauphin d'Auvergne, & avec les Capitaines des forts d'Auer-
 gne, de Galuadan, de Limosin, & des enuirs: lesquels estoient cōtraires & ennemis à
 tous leurs voisins. Plusieurs s'y enclinerent, & vouloient bien partir, car il leur sembloit
 qu'ils auoient assez guerroyé & trauaillé le Royaume de France. Si vouloient d'autre part
 aller piller. Le Comte d'Armignac leur promettoit de les mener en Lombardie, & le
 Comte de Foix (qui n'estoit mie leger à deceuoir) pensoit tout le contraire. Tout quoy
 se taisoit, pour veoir la fin de ceste besongne: & enqueroit songneusement à ceux, qui
 taillez estoient du saoir, comment les traitez se portoient, & quelle part ces Gens d'ar-
 mes traieroient, quand partis de leurs forts seroient. Adonc la commune renommée si
 estoit qu'ils s'alloient tousiours, car ceux du pais le luy disoient. Et lors il baissoit la te-
 ste, ou il la hochoit, & disoit, Nenny, tousiours suiuent nouuelles sentinettes entre Gens
 d'armes. Le Comte d'Armignac & Bernard, son frere, sont ieunes, & say bien qu'ils ne
 m'ont pas trop en grace, ne mon pais aussi. Si pourroient cēs Gens d'armes retourner
 sur moy, & pource me vueil ie pourueoir à l'écōtre d'eux, & tāt faire, que ie n'y aye blas-
 me, ne dommage, car c'est possessiō de loingtaine prouisiō. Ainsi disoit le Côte de Foix
 & veritablement il n'auoit pas folle imagination, si cōe les apparences en furēt vne fois
 si cōme vous orrez recorder, si ie puis traicter, ne venir, iusques à là. Encores auez vous
 bien ouy compter de Geoffroy Teste noire Breton, qui se tenoit, & auoit tenu long tēps
 y

*Excuse des de-
 putez de Na-
 uarre, pour ne
 payer la taille
 demandée par
 le Roy.*

*Cruauté du Roi
 de Nauarre,
 pour le refus de
 la taille susdite*

*Esrange mort
 du Roy Char-
 les de Nauarre
 fils de Iehan-
 ne fille du Roy
 Louis Hutin.
 Il abuse de ce
 mot, comme il
 fait plusieurs
 fois de quelques
 autres.*

*† Ceste clause
 est icy fournie
 selon le sens de
 l'Auteur, di-
 sant Gerard
 Geluadan
 pour Galuadā*

*† Gerard dit
 courroient,
 Mais quoy que
 ce soit, ie confes-
 se n'entendre
 point bien ce
 passage iusques
 à Le Comte
 d'Armignac
 etc.*

Siege de Ventadour par Guillaume de Lignac au commandement du duc de Berry.

à la garnison & fort chasteil de Ventadour en Limosin, sur les bandes d'Auvergne & de Bourbonnois. Ce Geoffroy ne s'en fust iamais party, pour nul auoir. Car il tenoit ledit chasteil de Ventadour comme sien, & son propre héritage: & auoit mis tout le pays à certain pactis: & parmy toutes ces pactions, toutes gens labouroient en paix deffous luy, & demouroyēt: & tenoit là estat de Seigneur, mais trop cruel estoit: & trop perilleux, quand il se courrouçoit, car il ne faisoit compte d'occire vn homme, non plus qu'une beste. Or deuez vous sauoir, pour approcher les besongnes, que quand les nouuelles vindrent premierement en Auvergne & en Limosin pour celle taille leuer & recueillir, commune renommée couroit que ceux de Ventadour partiroyent de leur forteresse, & rendroient la garnison au Duc de Berry: & en seroit le pays quitte & deliure. Pour ces nouuelles s'accorderent toutes gens à la taille: & payoyent moult volontiers. Quand les bonnes gens veirent le contraire, & que ceux, qui plus songneusement couroyent, estoient ceux de Ventadour, si furent tous déconfits: & tindrent leur argent de la premiere cueillette à perdu: & disoyent que iamais ne payeroient croix, maille, ne denier: si ceux de Ventadour n'estoient tellement contraints, qu'ils ne peussent issir hors de leur fort. Les nouuelles en vindrent au Duc de Berry: qui estoit souverain Regard, & auoit tout le pays d'Auvergne, de Geluadan, & de Limosin en garde. Si penserent le Duc de Berry & son Conseil vn petit: & disoyent que les bonnes-gens auoient grand droit de cela dire & faire, & que voirement on s'acquittoit petitement, de ce qu'on n'y mettoit tel siège, que ils ne peussent issir hors de leur fort. Adoncques furent ordonnez, de par le Duc de Berry, & aux coustages du pays, la greigneur partie, bien quatre cens Lances de bons Gens d'armes, pour assieger Ventadour, & par bastides: desquels Gens-d'armes on fit souverains Capitaines messire Guillaume de Lignac, & messire Jehan Bonne lance, vn gracieux & vaillant Cheualier de Bourbonnois. Si s'en vindrēt ces Cheualiers & Seigneurs & ces Gens-d'armes, mettre le siege au plus pres qu'ils peurent de Ventadour: & meirent bastides en quatre lieux: & firent faire, par les hommes du pays, grans tranchées & rollis sur les destroits, par ou ils auoient usage de passer: & leur furent faites moult destroites. Mais ledit Geoffroy n'en faisoit gueres de compte, car il sentoit sa garnison pourueüe de toutes choses (& ne leur veinst il rien de nouuel, pour eux refreschir, de sept ans) & si sied le chasteil en si fort lieu, & sur telle roche, que par assaut, qu'on luy peust faire, ne luy pouuoit on porter nul dommage, & non-obstant ces sièges & ces bastides, si issoyent ils à la fois hors par vne poterne, qui euvre entre deux roches à la couuerte: & aucuns compaignons auentureux cheuauchoyent sur le pays, pour trouuer aucuns bons prisonniers. Autre chose ne ramenoient ils en leur fort, car ils ne peussent, pour les destroits, montaignes, & diuers pays, ou ils passoient: & si ne leur pouuoit on clorre, de nul costé, ceste issue, ne ceste allée: si à l'auēture, sept ou huit lieues en sus de leur fort, on ne les trouuoit sur les champs: & quand ils estoient rentrez en la trace de leur chemin (qui bien duroit trois lieues) ils estoient aussi asseurs, que si adonc ils fussent en leur garnison. Ain si tindrent ils vn long temps celle ruse, & fut le siege plus d'un an deuant le chasteil, par l'ordonnance que ie vous dy: mais on leur tollit grand foison de redemption du pays, & des pactis. Nous nous souffrerons à parler de Ventadour, quand pour le present, car nous nous voudrons refreschir d'autres nouuelles matieres.

Comment le Duc de Bourgogne enuoya quatre cens Lances à la Duchesse de Brabant, & comment ils surprirent & brullerent la ville de Seaulle en Guerles. CHAP. CII.

Guillaume de la Trimouille enuoyé à la Duchesse de Brabant, par le Duc de Bourgogne avec quatre cens lances.

LE Duc de Bourgogne ne meit pas en oubly ce qu'il promit à sa belle ante, la Duchesse de Brabant: mais ordonna enuiron quatre cens Lances de bonnes Gens-d'armes, de Bourgongnons, & autres & en fit souverains Capitaines deux Cheualiers le premier, messire Guillaume de la Trimouille, Bourgongnon, & l'autre, Sire Geruais de Merande, Allemand: & leur dit. Vous vous en irez, à tout vostre charge, sur les frontieres de Brabant, & de Guerles: là ou nostre belle ante & son Conseil vous ordonneront à estre: & faites bone guerre, nous le voulōs. Les deux Cheualiers respōdirēt qu'ils estoient tous appareillez à faire tout ce qu'on voudroit. Si ordonnerēt leurs besongnes: & maderent leurs gens: & passerent outre, le plus tost qu'ils peurent, & s'auallērēt deuers Brabant: & signifierēt leur venue à la Duchesse, & passerēt parmy sa terre de Luxebourg. Ils furēt mis & menez, par l'ordonnance du Marechal de Brabant & du Cōseil de la Duchesse, dedās
les trois

les trois chasteaux, que le Duc de Guerles chalengeoit, & lesquels il vouloit auoir, pour tant qu'ils auoient esté engagez (Gangelth, Buth, & Mille) & là se tindrent en garnison, & firent bonne frontiere: & estoient à la fois sur les chāps, pour rencontrer leurs ennemis. Le Duc de Guerles se fortifia à l'encontre, & si pourueut ses villes & ses chasteaux à l'encôtre de ses ennemis, car il veit que la guerre estoit ouuerte. Or auint ainsi, que messire Guillaume de la Trimaille (qui se desiroit à auancer, & à faire chose, dont on feust qu'il estoit au pays) getta sa visée vn iour, sur vne ville (qui estoit en Guerles, à quatre lieues de son fort: pour la venir: laquelle on appelle Seaulle. Si dit secrettement toute son intention à messire Geruais de Merande, son compaignon, & l'emprise qu'il vouloit faire. Le Cheualier sy accorda legerement, car il se desiroit à armer, & cheuaucher: & cueillirent leurs compaignons, des garnisons qu'ils tenoyent: & se trouuerent tous ensemble: & se departirent enuiron minuiet: & cheuaucherent le grand trot vers Seaulle: & auoient guides, qui les menoient: & vindrent sur le iour assez pres de Seaulle. Adoncques s'arrestèrent ils: & prirent illecques nouuelle ordonnance: & me fut dit que messire Geruais, à tout trente Lances: se departit de la route, pour venir deuant, conquerir la porte, & la tenir, tant que messire Guillaume de la Trimaille & sa route seroyent venus, car à cheuaucher tant de gēs ensemble, on s'en apperceuroit: mais, pour vn peu de gens on cuideroit que ce fussent gens, que le Duc de Guerles y enuoyast, pour refreschir la garnison, ou que ses gens cheuauchassent de lieu en autre. Ainsi fut fait, comme il fut ordonné: & se departit messire Geruais de Merande à tout trente Lances d'Allemās & cheuaucherent tout deuant celle place de Seaulle. Bien trouuerent sur le chemin, du tin, hommes & femmes, qui alloient en la ville (car en ce iour il estoit iour de marché,) & ainsi comme ils les trouuoient, ils les saluoient en Allemand: & passoyent outre.

*Entreprise de
Guillaume de
la Trimaille sur
la ville de
Seaulle en
Guerles.*

*Seaulle en Guer
les surprise par
les François de
Guillaume de
la Trimaille, le
matin de Saint
Martin en No-
uembre. 1387.*

Ces gens du pays cuidoyent que ce fussent ceux du pays, & des gens au Duc de Guerles, qui veinssent là en garnison. Messire Geruais & sa route cheuaucherent, tant qu'ils vindrent à la porte: & la trouuerent toute ouuerte, & à petit de garde: & estoit si matin, que moult de gens si estoient encores en leurs lits. Ils s'arrestèrent là: & furent Seigneurs de la porte: & veez cy venir tantost, les grans gallops, messire Guillaume de la Trimaille, à tout sa grosse route: & se bouterent en celle ville, en écriant leurs cris. Ainsi fut la ville gaignée: n' oncques deffense n'y eut, car les hommes de la ville (qui point ne pensoient que les François deussent faire telle emprise) estoient encores la pluspart en leurs lits couchez. Ce fut la nuit Saint Martin en Yuer, que ceste entreprinse fut faite sur la ville de Seaulle en Guerles, & la ville gaignée: & vous dy que, trois iours deuant, y estoit vn Cheualier entré, d'Angleterre, à tout dix Lances, & trente Archers: que le Roy d'Angleterre y auoit enuoyez. On nommoit le Cheualier messire Guillaume Fikaoul. A ceste heure, que l'estourne monta, & le haro, il estoit en son hostel: & se com mença à découcher. Si entendit les nouvelles que leur ville estoit prise. Et de quelles gens? demanda il. Et luy respondirent ceux: qui à luy parloyent. Ce sont Bretons. Haa (dit il) Bretons sont malles gens. Ils pilleront & ardront la ville: & puis ils s'en partiront. Et quel cry crient ils? En nom Dieu (ce dit vn Cheualier) ils crient Trimaille.

Adoncques fit le Cheualier Anglois fermer & clorre son hostel: & s'arma, & tous ses gens aussi: & se tint là dedans, pour sauoir si point de rescousse y auoit: mais nenny, car tous estoient si ébahis, qu'ils fuyoient l'vn çà, l'autre là, les pources gens au monstier: & les autres vuidoyent la ville, par vne autre porte: & guerpiissoient tout: & les François bouterent le feu en la ville, pour encores ébahir plus fort les gens, en plusieurs lieux, mais il y auoit de grans hostels de pierre & de brique: si ne sy pouuoit le feu attacher, ne prendre legerement. La greigneur partie de la ville fut toute arse, pillée, & robée, & rien n'y demoura de bon, tant qu'ils le peussent trouuer: & eurent des plus riches hommes de la ville à prisonniers: & fut pris le Cheualier Anglois en bon conuenant, car quand il veit que tout alloit mal, il fit son hostel ouurir (car il doutoit le feu: pourtāt que de premier il veoit grans fumées en la salle) & se meit tout deuant son hostel, son pou uoir deuant luy, & ses gens, Archers, & autres: & là se deffendirent tresvaillamment & biē, mais à la fin il fut pris: & se rendit prisonnier à messire Guillaume de la Trimaille: & tous ses gens furent pris, & petit en y eut de morts. Quand les François eurent fait leur volōté de la ville de Seaulle en Guerles, & leurs varlets eurent mis en voye tout leur pil lage, ils se partirēt, car ils n'eurent pas cōseil d'eux là tenir aussi eussēt fait folie, & se meirēt au chemin & au retour, deuers leurs garnisons: dont ils estoient partis. Ainsi alla de ceste

*Seaulle sacca-
gee et brulée.*

*Prise de quel-
ques Anglois,
& de leur Ca-
pitaine, en la
ville de Seaulle*

*Le Duc de Guer
les fait remp-
rer la ville de
Seaulle apres
q les François
l'eurent succa-
gée & aban-
d'onnée.*

aventure:& eut le Duc de Guerles ceste premiere buffe,& ce premier dommage: dont il fut moult courroucé, quand il le feut, mais il vint là, à tout grans Gés-d'armes:& y cuida moult bien trouuer les François. Si fit réparer le lieu,& le pourueoir d'autres Gésd'armes: qui furent depuis plus diligens de garder la ville, qu'ils n'auoiét, ou eussent esté, par deuant. Ainsi auient des aventures, l'un perd vne fois, & l'autre vne autre. Moult fut la Duchesse de Brabant & tous ceux de son pays réiouys de ceste aventure, & y acquirent messire Guillaume de la Trimouille & messire Geruais de Merande grande grace:& adóc disoient ils parmy le pays communement, qu'à l'Esté, qui venoit, sans nulle faute, ils iroient mettre le siege deuant la ville:& ne s'en partiroyent, iusques à ce qu'ils l'auroient, car ils se trouuoient assez gens pour ce faire. Quand le Duc de Bourgongne eut ouy ces nouuelles, comment les gens, qui estoient en garnison en Brabant, se portoient tresbien, il en eut grande ioye:& pour eux encourager mieux, & donner bonne volonté, il escriuoit souuent à messire Guillaume, son Cheualier. Ainsi se tindrent ils là cest Yuer, grandement, bien gardant leur frontiere: n'aussi ils ne prirent point de dommage. & aussi les chasteaux & villes, depuis la prise de la ville de Seaulle, furent plus songneux d'eux garder, qu'ils n'auoient esté par deuant. Or vous vueil ie recorder d'une autre prise que Perrot le Bearnois fit en Auvergne: ou il eut grand profit, & par quelle incidence il se meit sus, ie le vous diray au long de la matiere.

Comment Geronnet de Maudurant l'un des Capitaines de Perrot le Bearnois, ayant esté prisonnier de Iehan Bonne-lance à Montferrant en Auvergne, trouua façon, apres sa rançon payée, de mettre le Bearnois dedans icelle ville de Montferrant.

CHAPITRE CIII.

AVenu estoit en celle propre année & saison, enuiron la moyenne de May, qu'aucuns compaignons aventureux, enuiron quarante Lances, estoient partis & issus de Galuscet: que Perrot le Bearnois tenoit:& sied ceste forteresse en Limosin. Ces compaignons couroyent à l'auanture en Auvergne:& auoient vn Escuyer Gascon, Capitaine, qui s'appelloit Geronnet de Maudurant, appert Homme-d'armes durement. Or, pour ce que le pays a esté & est tousiours en doute pour ces gens, sur les frontieres de Bourbonnois se tenoit, de par le Duc de Bourbon, vn sien Cheualier, vaillant homme aux armes: qui s'appelloit messire Iehan Bonne lance, gracieux & amoureux, & qui grand courage auoit de luy auancer. Entendis que les Anglois cheuauchoyent, il demanda quelle somme de Gentils-hommes ils estoient:& on luy respondit qu'ils estoient enuiron quarante Lances. Pour quarante Lances (dit il) nous n'auons garde, l'en vueil mettre autant à l'encontre. Lors, se departit il du lieu ou il estoit (car sa plus grande charge de Gés d'armes se tenoient deuant Ventadour) & tousiours pour trouuer armes, car ils les desiroyent forment. Il à quarante ou cinquante Lâces, sur les frontieres de Limosin, d'Auvergne, & de Bourbonnois, se meit à l'adrée, à ce qu'il auoit de gens. Là estoit avecques luy vn Cheualier, nommé messire Louis d'Ambiere:& aussi messire Louis d'Abton, & le Sire de Saint Obise:& prirent les champs, sans tenir voye, ne chemin (car bien cognoissoient le pays) & s'en vindrent sur vn pas: là ou il conuenoit que leurs ennemis passassent, & non par ailleurs, pour les diuerses montaignes, & pour vne riuere, qui descend & vient d'icelles: qui est mallement grande, quand il pleut; ou que les neiges fondét es montaignes. Ils n'eurent pas esté demie heure, que les Anglois vindrent, qui ne se donnoyent garde de celle rencontre. Bonne lance & les siens abaissèrent les glaiues, & s'en vindrent sur ces compaignons (qui estoient descendus au pié d'une môtaigne) & écrierent leur cry. Quand ils veirent que combattre leur conuenoit, ils monstrenterent visage, & se meirent en deffense:& aussi fit Geronnet, qui estoit fort Escuyer. Là eut, de premiere venue, forte rencontre de lances & de boutis, & aussi de renuersez, des vns & des autres. Mais à parler par raison, les François estoient droitz Gens-d'armes, & plus que n'estoient les aventureux:& bien le mōstrerēt, car nul n'en re tourna, si ce ne furēt varlets, qui se meirent en fuite, & se sauuerent, endementiers que les autres se cōbattoiet. Il en y eut vingt & denx pris, & seize morts sur la place, & fut le Capitaine pris & fiancé prisonnier de Bonne lance. Puis ils se meirent incontinent au retour. En cheuauchant, & en ramenant les prisonniers, Bonne lance f'auisa cōment, puis vn mois il auoit esté en la ville de Montferrant en Auvergne, en grand ebatement avec Dames & Damoiselles, tant qu'elles luy auoiēt prié & requis, en disāt ainsi, Bōne lance, beau frere, vous cheuauchez souuent,

*Sur prise &
prise de Geron
net de Maudu-
rant & autres
pillars du par-
ti Anglois par
Iehan Bonne
lance, l'un des
Capitaines du
Duc de Berry.*

souuent sur les champs: & ne peut estre que vous ne voyez voz ennemis à la fois, & que vous n'ayez aucune rencontre. Je le vous dy, pourtant (dit l'une des Dames, qui fauâça de parler deuât toutes les autres, & laquelle Bonne lance auoit en grace) que ie verroye volôtiers vn Anglois. On ma dit aucunes fois, & par especial vn Escuyer de ce pays (qui s'appelle Gourdines, & que bien cognoissez) que ce sont durement bons Gens-d'armes & aussi apperts, que ceux de ce pays: & bien le monstrent, car ils cheuauchent moult souuent: & font souuent de belles appertises d'armes: & prennent sur nous, villes & chasteaux: & les tiennent. Et Bonne lance auoit respondu, Par Dieu, Dame si l'auenture me peut venir si belle & si bonne, que i'en puisse nul prendre, vous le verrez. Grand mercy, dit elle. Quand ceste souuenance fut venue à Bonne lance, il auoit pris le chemin pour venir à Clermont en Auvergne (car la bataille auoit esté assez pres de là) mais il l'écheua & prit le chemin de Montferrant (qui sied enuiron vne petite lieue pres) & passerent sur la fenestre: & vindrent à Montferrât. De la venue de Bône lance, & de la journée que il auoit eüe sur ses aduersaires & auentureux (qui trauiilloient à la fois le pays) furent les gens de Montferrant trestous réiouis: & fut bonne lance grandement le bien venu.

*Bonne lance
meine ses pri-
sonniers à Mont-
ferrant, par
une folle pro-
messe dont mal
prit à la ville
puis apres.*

Quand luy & ses gens se furent descendus à l'hostel, ils faiserent & desarmerent. Les Dames & les Damoiselles se meirent auant, pour coniouir & festoyer Bonne lance: & le vindrent plus de vingt fois veoir à l'hostel. Il les receuillit moult doucement (car il est, ou estoit, sage Cheualier) & leur dit (especialement à celle, qui demandé luy auoit à veoir des Anglois) Dame, ie me vueil acquitter vers vous. Je vous ay eu en conuenant, n'a pas vn mois ou enuiron, que si ie pouuoie par l'auenture d'armes cheoir à tail- le, que ie prenusse vn Anglois: que ie le vous monstroye. Or m'a Dieu huy donné que i'en ay trouué, & rencontré de bien vaillans, car vrayement aux armes ils nous ont donné assez affaire: mais toutesfois la place nous est demourée. Ils ne sont pas Anglois de nation: mais ils sont Gascons, qui font guerre d'Anglois. Ils sont de Bearn & de haute Gascongne. Si les verrez à grand loisir, car pour l'amour de vous, ie les vous lair- ray en ceste ville, tant qu'ils auront trouué, qui leur rançon payera. Les Dames commé- cerent à rire, qui tournerent ceste chose en réueil, & dirent, Grand mercy. Bonne lan- ce s'en alla avecques elles: & fut dedans Montferrant trois iours, entre les Dames & Da- moiselles: & là endementiers Geronnet de Maudurant & ses compagnons se rançon- nerent: & leur fit tresbonne compaignie Bonne lance, car il veit qu'ils estoient pauures compagnons auentureux. Mais mieux vauisist qu'il les eust tous pendus, ou noyez, qu'arançonnez, ne laissez en la ville. Quand il se voulut partir, si dit à Geronnet. Vous demourrez cy pour tous les compagnons. Les autres s'en retourneront querre vostre rançon: & quant à ce que vous ferez & payerez, i'ay ordonné qui receura les deniers: & si tost comme ils seront mis en outre, vous partirez, car ie l'ay ainsi ordonné. Or vous souuienne: Geronnet, que ie vous fay bonne compaignie. Se les nostres par auenture d'armes se trouuent en ce party, faites leur ainsi. Par ma foy, respondit Geronnet, beau maistre, & Sire, volontiers, car ie, & tous les nostres, y sommes tenus. Adoncques se departit Bonne lance: & s'en retourna au siège de Ventadour: & ses prisonniers, iusques à douze, demourerēt dedās la ville de Mōtferrant: & les autres, par l'ordonāce qui faite auoit esté, qui estoient dix, s'en retournerēt vers Galuscet, pour querir à Perrot le Bear- nois vingt & deux cens frācs. A tant, l'un parmy l'autre, furent ils rāçonnez: & estoient les douze, qui demourez estoient tous à vn hostel: & se portoient bellement: & faisoiet de bons despens: & n'auoient point de trop grand guet sur eux: mais alloient par dedās ladite ville, eux ebattre & furent là quinze iours: & entrementiers apprirēt ils beaucoup de l'estat du comun de la ville, & tant que depuis cousta l'auenture cent mille francs. Quand le Capitaine de Galuscet fut informé de l'auenture à Geronnet de Maudurant, & comment luy & les autres auoient esté ruez ius de mesire Iehan Bonne lance, il n'en fit pas trop grand compte. Si respondit à ceux, qui le luy auoient compté. Vous estes cy venus pour querir argent, & leur deliurance? n'estes pas? dit le Capitaine. Ouy, respon- dirent ils. L'ō ne gaigne pas tousiours. Je ne say, dit il, de gaigne, ne de perte: mais ils n'au- ront rien de moy. Je ne les y si pas aller, mais cheuaucherent à leur auenture. Or leur mandez, ou dites, quand vous les verrez, qu'auenture les deliure. Pésiez vous que ie vueil le mettre mon argent en tel exploict? Par ma foy, compaignons, nenny. Tousiours au- ray des compaignons assez: qui cheuaucheront plus sagement, que ceux n'ont fait. Si ne deliureray, ne rachapteray ià homme, s'il n'est pris en ma compaignie.

*Les prisonniers
de Bonne lan-
mis à rançon.*

*Refus de Perrot
le Bearnois à
payer la rancō
des peisonniers
de Bonne lance.*

Ce fut la responce finale, qu'ils peurent lors auoir, pour Geronnet. C'est bon (dirent ils entre eux) que les deux, ou les trois des nostres, retournent à Montferrant, & comptent ces nouuelles à Geronnet: parquoy il ayt sur ce auis. Ils le firent. Les trois retournerent à Montferrant: & compterent ces nouuelles à Geronnet: & passerent au dehors de Clermont en Auvergne: & abreuuerent tous au ru du moulin, qui court bien pres des murs: & là se tindrent vn grand temps en l'eau, regardans la maniere & ordonnance des murs de Clermont, & comment ils n'estoyent pas trop haux au monter, ne trop malaisez. Haa, cap de Saint Anthoine (dirent ils entre eux) comment celle ville de Clermont est bien prenable. Se nous y venons vne nuit, nous l'aurons: voire s'ils ne sont trop grand guet. Puis dirent ils, tous en riant, en leur Gascon. Nous la barguignons: & vne au tresfois nous l'achapterons. On ne peut pas barguigner, n'aussi achapter à vne fois n'à vn iour. Ainsi passerent ils outre: & cheuaucherent iusques à Montferrant: & trouuerent illecques Geronnet & leurs compaignons: & leur compterent illecques leurs parolles, & leurs responses, toutes telles, ne plus ne moins, que Perot de Bearn auoit dites & parlées: dont ils furent tous ébahis & déconfits, car ils ne pouuoient, ne sauoiēt, ou ailleurs trouuer finances. Si furent vn iour & vne nuit tous courroucez. A l'autre iour Geronnet s'auifa: & dit à ceux, qui ces nouuelles auoient apportées, Seigneurs compaignons, retournez deuers nostre Capitaine: & luy dites, de par moy, que ie l'ay à mon pouuoir (tant que i'ay esté delez luy) seruy bien & loyaument, & seruiray encores, si luy plaist: & sache de par moy, que se ie me tourne François pour moy deliurer, il ny gaignera riē. Ce que ie feray trop enuis, & du plus tard que ie pourray. Si luy dites qu'il nous deliure, d'icy: & vn mois apres ma deliurance, ie le mettray en tel parti d'armes (si à luy ne tient) qu'il gaignera, avecques ses compaignons, cent mille francs. Sur ces parolles retournerent les trois compaignons, Gascons, à Galuscet: & trouuerent Perrot le Bearnois: & luy compterent ces nouuelles: ainsi que Geronnet de Maudurant les luy mandoit. Il commença à penser sus: & puis dit. Il pourroit bien estre qu'il seroit ainsi qu'il dit. Ie le deliureray tantost. Il fit ouurir vn coffre: ou il y auoit plus de quarante mille francs, tout de pillage (que vous l'entendez) & non pas de ses rentes, ne de ses reuenues de Bearn, car à la ville, là ou il fut né, & ou il demouroit quand il se partit de Bearn, n'a que douze maisons: & en est le Comte de Foix Sire: & a nom la ville Dadam: & sied la ville à trois lieues d'Ortais. Perrot le Bearnois fit cōpter deuāt luy xxij cēs frācs, & puis cēt frācs pour les frais des cōpaignōs: & puis les fit mettre en vne bourse: & appella les trois cōpaignōs qui estoient là venus pour querre l'argent. Tenez (dit il) ie vous deliure xxij. cens frācs. Au besoing voit on son amy. Ie les auentureray. Il est bien taillé de les reconquerir, & autant ou plus: si il veut. Les compaignons prirent l'argent: & se departirent de Galuscet, & retournerent à Montferrant: & y a de l'vn à l'autre, quatorze grans lieues, mais ils auoient bon saufconduit. Cela les faisoit aller, venir, passer, & rapasser souuent. Quand Geronnet de Maudurāt feut la venue, & qu'il & ses cōpaignons seroiēt deliurez, si en fut grandement réiouy, & manda ceux, qui de par messire Iehan Bonne-lance deuoient recevoir l'argent: & leur dit, Comptez, car vela tout ce, que nous deuons. Ils compterent iusques à vingt & deux cens francs. Apres ce, ils compterent de leurs menus fraiz à leur hostel: & payerent bien & largement, tant que tous se contenterent: & quand ils eurent par tout payé, Geronnet emprunta & loua hommes & cheuaux, pour aller, & eux mener & porter, iusques à Galluscet: & Bonne-lance fut certifié de son argent. Si l'enuoya querre, si comme ie le croy, ou il le laissa. Espoir que sur la fiance du lieu fort l'y peut il laisser, car messire Pierre de Giach, pour ce tēps Chancelier de France, y laissa son tresor: lequel il y perdit celle année, tout, ou en partie, & à tout le moins, ce qu'on en trouua: si comme ie vous diray. Quand Geronnet de Maudurant s'en fut retourné à Galuscet, les compaignons luy firent bonne chere: & apres trois ou quatre iours, qu'il fut là refreschy, Perrot le Bearnois l'appella, & luy dit, Or Geronnet, la belle promesse, que vous me signifiastes par mes varlets, vous a faite certainement vostre deliurance, & nō autre chose, car ie n'y estoie en rien tenu: au cas que, sans mon feu, vous estiez allé cheuaucher à l'auenture. Or tenez vostre parole, & faites tant qu'elle soit veritable, ou autrement il y aura mautalent & tresgrand courroux de vous à moy: & sachez de vray, que ie n'ay pas appris de perdre, mais à gaigner. Capitaine, dit Gerōnet, vous avez raison de cela dire & vous dy que si vous voulez, ie vous mettray dedās la ville de Mōtferrāt, en quinze iours en laquelle ville gist grand tresor, & de pillage, car elle est riche de soy, & bien marchande: & y a

Menaces de Geronnet de Maudurāt à Perrot le Bearnois, s'il nepayoit la rançon de luy et de ses compaignōs avec promesses, de grand profit s'il les deliuroit

Rançon des prisonniers de Bonne lance fournie par le Bearnois en faueur, des promesses de Geronnet.

Retour de Geronnet, et de ses cōpaignōs vers le Bearnois.

de:& y a de riches villains à grand' foison:& aussi meffire Pierre de Giach(qui est Chan-
celier de Frâce, & qui sied bié, & a ou mettre la main) a dedàs la ville de Môtferrant(fi-
comme ie l'ay entendu) grand tresor: & vous dy que c'est la ville, ou on fait le plus sim-
ple & poure guet, qui soit au royaume. Veez là la parolle que ie vous vueil dire,& la pro-
messe que ie vous ay promise. Ou nom Dieu(dit Perrot le Bearnois) c'est bien dit:& ie
m'y encline:car ie m'y entendray:& vous sauez les aïsemens & ordonnances de la ville.
Mais y faudroit il grans gens? Respondit Geronnet, De trois à quatre cens Lances ferôs
nous bien nostre fait:car ce ne sont pas gens de grand' deffense. De par Dieu, dit Perrot
le Bearnois. l'y entendray: & le signifïeray aux autres Capitaines des fortresses & des
forts d'icy enuiron: & nous mettrons & cueillerons ensemble: & puis irons celle part.
Sur cest estat, que ie vous dy, fordonna Perrot le Bearnois: & manda aux Capitaines,
qui tenoient les forts prochains, tout son fait, & la volonté de son emprise: & assit sa
iournee à estre à Ouzac, vn chastel en l'Euesché de Clermont, assez pres de là: duquel
Olim Barbe, vn grand pillard, & Gascon, estoit Capitaine. Tous s'assemblerent à Ouzac
les compaignons de sept forts, tous Anglois:& se trouuerent largemét quatre cens Lâ-
ces, & tous bien montez:& n'auoient que six lieues à cheuaucher. Le premier des Capi-
taines, qui vint à Ouzac, ce fut Perrot le Bearnois, pour môstrer que l'emprise estoit sié-
ne, & auiser les compaignons, le iour deuant, qu'ils fussent tous assemblez & conseillez
l'un à l'autre, parmy l'information, que Geronnet de Maudurant luy auoit faite & dite,
en luy monstrant à quelle heure ils viendroient. Ce Geronnet, luy douzième de com-
paignons, vestus en habits de gros villains marchans, à cottes de bureau, & chacun me-
nant cheuaux de harnois, tous vnis, à tous baz, selon l'vsage qu'ils ont au pays, se depar-
tirent d'Ouzac, deuant l'aube du iour:& se meirent au chemin vers Montferrant, tenans
arroutez leurs cheuaux, comme marchans voituriers: & entrerent comme enuiron
nonne, en la ville de Montferrant. On ne se prit point de garde quelles gens ils estoient:
car iamais on n'eust pensé que ce fussent pillars ne robeurs: mais marchans qui vein-
sent à la foire là, pour cueillir & achapter draps, ou touailles: en disant qu'ils estoient de
deuers Montpessier, & outre: & venoient là en marchandise: car la foire y deuoit estre:
& y auoit grand' foison de marchandises, ià venues des villes & citez de là enuiron. Si
se trayrent Geronnet & les siens à l'hostel de la Courône: & establerent leurs cheuaux,
& prirent vne belle chambre pour eux: & se tindrent tous quois, sans aller aual la ville:
à fin qu'on ne s'apperceust de leur malice. Or bien penserent ce iour d'eux: car ils pen-
soient bien, que rien ne payeroient pour leur iour. Quand ce vint sur le soir, ils sembe-
songnerent trop grandement entour leurs cheuaux: & faisoient entendre à l'hoste
& à l'hostesse, & aux varlets de l'hostel, qu'ils estoient grandement trauaillezz, & qu'il
les conuenoit aïser. Si se pourueurent trop grandement de chandelles: & on ne les en
pouuoit assouuir:& ne se vouloient aller coucher: mais beuuoient en leurs chambres:&
menoient ioyeuse vie. L'hoste & l'hostesse, & tous ceux de l'hostel: par ennuy s'en alle-
rent coucher:& les laisserent faire leurs volontez: & n'auoient nulle souspeçon sur eux.
Or vous diray de Perrot le Bearnois & de sa route. Ce propre iour, le soir, ils se partirent
d'Ouzac:& estoient sept Capitaines::& tout premierement, Perrot le Bearnois, pour le
souuerain:& puis le Bourg de Compagne(qui s'appelloit Arnaudon) le Bourg-Anglois,
le Bourg de Carlat, Apton Seghon, Olim Barbe, & Bernadô des Isles:& encores y estoit
vn grand pillard de Bearn: qui s'appelloit le Sire de Lanceplaine. Par cestuy, & par le
Bourg de Compagne, seu-ie ce, & fu informé de toute la besongne, & commét ceste en-
treprise fut faite apres la Chandleur: que les nuïcts sont encores longues & froides.

*Geronnet de
Maudurant en
deuoit de tenir
sa promesse à
Perrot le Bear-
nois, entrant
subtilement en
Montferrant
luy douzième.*

*† Je croy qu'il
veut entendre
de l'an 1388.
à ma mode.*

Le Bearnois allant à la surprise de Montferrant rencontre Aimerigot Marcel qui refuse d'y aller avec luy.

choient, tant comme ils pouuoient: & leur conuenoit passer assez pres de Clermont, ioignant des fossez & des murs. Ainsi comme à vne lieue de Clermont, ils rencontrèrent Aimerigot Marcel, & bien cent Lances: lequel estoit capitaine de la garnison d'Aloze, delez saint Flour. Quand ils se furent rauisez & congnoz, ils se firēt grand' chere: & demanderent l'un à l'autre, ou ils alloient par tel temps, ne quelle chose ils queroient. Si respondit Aimerigot Marcel, Je vien de mon fort d'Aloze: & m'en vois vers Carlat. En nom Dieu (respondirent les deux Capitaines de Carlat, qui là estoient: le Bourg-Anglois, & le Bourg de Compagne) Veez nous cy: si vous auez à parler à nous. Voulez vous rien? Ouy, dit il. Vous auez aucuns prisonniers au Comte Dauphin d'Auuergne: & vous sauez que nous sommes en traité, par le moyen du Côte d'Armignac. Si voudroye biē ces prisonniers à échāger à aucūns autres, que i'ay en ma garnison: car i'en suis trop fort requis de la Comtesse Dauphine: qui est vne tresbōne Dame, & pour qui on doit moult faire. Respondit le Bourg de Compagne, Aimerigot vous estes bien tenu de faire aucune chose pour la Dame: car vous eustes (n'a pas trois ans) cinq mille francs de son argent, pour le rachapt du chastel du Mercier. Et ou est le Comte Dauphin pour le present? Respondit Aimerigot. On m'a dit qu'il est en France, sur l'estat des traittez que vous sauez, que nous auons au Comte d'Armignac & au Comte Dauphin. Adonc respondit Perrot le Bearnois, Venez avecques nous, & laissez ces parolles: si ferez vostre proffit: car vous partirez à nostre butin. Et ou allez vous? dit Aimerigot. Par ma foy, cōpaignons, nous nous en allon tout droit à Monferant: car la ville me doit huy estre rendue. Adonc respondit Aimerigot à Perrot: & luy dit, Trop est mal fait ce, que vous voulez faire: car vous sauez que nous sommes en traité avec le Comte d'Armignac & ce pays: & sont ainsi toutes les villes, & tous les chasteaux, comme demy-assurez. Si ferez trop grandement vostre blasme, si vous faites ce que vous dites, & si rompez tous noz traittez. Par ma foy, cōpaignons (dit Perrot) ie n'y tiendray iā traité, tant que ie pourray courir sur les champs: car il faut les cōpaignons viure. Mais venez vous en avecques nous: car vous n'auiez que faire à Carlat, veez en cy les cōpaignons. Ceux, qui y sont demourez, ne vous lairront iamais au fort entrer. Avecques vous (dit Aimerigot) n'iray-je point. Je m'en retourneray à mon fort, puis qu'ainsi est. Adonc se departirent ils l'un de l'autre. Perrot tint le chemin de Clermont & de Montferrant: & auint que, quand ils furent au-dessous de Clermont, ils s'arrestèrent tout quoy: & eurent vne nouvelle imagination: que les Gascons, qui là estoient (qui auoient porté & raporté les traittez de la deliurance de Geronnet de Maudurant) leur émeurent. Si dirent aux Capitaines (qui se tenoient tous ensemble) Veez cy la cité de Clermont: qui est bonne & riche, & aussi prenable, ou plus, que ne seroit Montferrant. Nous auons eschelles. Eschellons là. Nous y aurons plus de proffit, qu'à Montferrant. Sur ce propos ils furent ainsi comme d'accord, & sur le poinct de faire leur faict: quand aucuns des Capitaines se rauiserent, & remeirent en termes, & dirent, Clermont est vne puissante ville, & fort peuplee: & les gens pourueus d'armeures. Se nous les auions iā émeus, ils s'assembleroient, & mettroient en deffense. Il n'est pas doute que nous ne l'aurions pas d'auantage, & se nous estions reculez par force d'armes, & noz cheuaux prins & perdus, nous ne pourrions aller auant. Nous sommes loing de noz forts. Le pays s'émouuerait. Nous serions poursuiuis, & en auenture d'estre tous morts sans remede. Il nous vaut mieux penser d'aller outre, & de poursuivre ce que nous auons empris, que de faire nouvelle emprise: car il nous pourroit trop couster. Ce conseil fut tenu, nul ne le releua, ne debattit depuis. Ils passerent, outre, ioignant Clermont, au plus bellement qu'ils peurent & sans faire noise: & cheuaucherent tant, que sur le poinct d'onze heures ils vindrent assez pres de Montferrant. Quand ils veirent la ville, ils s'arrestèrent tous quois ainsi comme à deux traiets d'arc pres: & lors dit Perrot, Veez cy Montferrant. Noz gens sont dedans, vous demourrez tous icy. Je m'en vois par ces valles, pour ouyr & sauoir si i'auray nulles nouvelles de Geronnet, qui nous a mis en ceste queste: & ne vous partez, tant que ie retourneray. Or allez, dirent les cōpaignons: nous vous attendrons icy. A ces mots se departit Perrot le Bearnois, luy quatrième tant seulement, & faisoit si noir, si brun, & si tenebreux, qu'on ne veoit point, deuant soy, vn arpent loing, avec ce qu'il plouuoit, nēgeoit, ventoit, & faisoit moult fort temps. Geronnet à celle heure là estoit sur l'allée des murs: & n'attēdoit autre chose, que qu'il ouyst des nouvelles. Il regarda tout bas & veit (ce luy fut auis) ombres d'hōmes, qui alloiēt sur les fossez. Il cōmença à siffler en faucer.

Le Bearnois & ses gens arrivent pres de Montferrant sur les onze heures du soir.

Tantost

Tantost l'entendirent ceux, qui estoient en aguet: & approcherent plus pres: car, es fosses, à ce lez là n'y auoit point d'eau. Geronnet parla, en demandant, Qui estes vous là? Perrot le recognut tantost en son Gascon: & luy dit, Je suis Perrot le Bearnois, Geronnet, es tu là? Ouy, dit il. Appareillez vous: & faites approcher voz gens: car ie vous mettray par cy en la ville. La chose se portera bien: car tous ceux de la ville dorment. Par là! dit Perrot. Dieu m'en gard. Je n'y entreray ià par là: car, se i'y entre, ce sera par la porte, & non par ailleurs. Non donc, dit Geronnet, qui fut fort courroucé de ceste response. Par ma foy, Perrot, il n'est mie en ma puissance: mais venez par cy: & faites apporter voz eschelles cordees, & nul ne vous debattra l'entrer, ne le monter. Enten, Geronnet, dit Perrot. Tu me dois mettre en la ville. Par le party que tu me monstres, ie n'y entreray, fors que par la porte. Je ne le puis amender, dit Geronnet. Par la porte ne vous y puis-je mettre: car elle est fermee, & si sont les gardes dedans: mais ils dorment. Endementiers qu'ils estoient en cest estrif, les aucuns des compaignons de Geronnet alloient & venoient dessus les allees des murs, pour sauoir s'ils orroient rien. Assez pres de là auoit vne petite maison, en descendant des murs: & celle maison estoit toute seule, & hors des autres: & vn pource homme cousturier, demouroit dedans: qui auoit veillé iusques à celle heure: & s'en deuoit aller coucher. Ainsi que le vent porte le son des choses, il auoit ouy parler sur les murs: car de nuict on oit moult cler. Si estoit issu hors de sa maison: & auoit rampé amont: & d'auenture il trouua ces hommes, qui alloient & venoient. Si tost comme il les veit, il commença à crier. L'un d'eux saillit tantost auant: & le prit parmy la gorge, & luy dit, Villain, tu es mort, si tu sonnes mot. Quand il se veit en ce party, il se teut tout quoy: car il doutoit la mort. Geronnet se retourna (qui auoit ouy la voix de l'homme) & dit, Ho, ho. N'occiez pas le villain. Il nous vient trop bien à poinct. Dieu le nous enuoye: car par luy feront tous le parfait de nostre entreprise. Or adoncques dit il à Perrot le Bearnois, Perrot, retournez vers les compaignons, & si vous oyez la premiere porte ouurir, si sailliez auant, & de voz haches, ou espees taillez, ou decoupaz celle de deuers vous. Adoncques luy dit il l'auenture de l'homme, qu'il auoit trouué, & Perrot se departit, & retourna vers ses compaignons, & leur dit toutes les parolles, que vous auez cy-dessus ouyes. Ce dit Geronnet de Maudurant à celui homme qu'il auoit trouué. Si tu ne fais nostre volonté, tu es mort sans remede. Et que voulez vous que ie face, dit l'homme. Je vueil (dit Geronnet) que tu voisies à la porte, & que tu éveilles les portiers, & puis leur dy que le Capitaine si t'en uoye là, & qu'ils ouurent la porte, ou qu'ils te baillât les clefs, & tu l'ouuriras, pour laisser entrer dedans des marchans de Montpessier, qui sont là dehors, à tout grans fardeaux: lesquels viennent à la foire. Je ne say (dit l'homme) s'ils me voudront croire. Ouy (dit Geronnet) à celles enseignes qu'il ne fut point à soir au guet: mais son fils y fut. Si tu ne fais bien & sagement ce que ie dy, ie t'occiray de ma dague: & say tant, que ie ne puisse pas veoir que par ton defaut nous faillions à nostre entreprise. Le pource homme (qui foyoit menacer d'occire, & en veoit les apparences, & ces Gascons tous appareillez pour l'occire) si en estoit tout ébahy, & tout effrayé, & leur respondit, Je feray mon pouuoir loyaument de ce, que vous me requerez. Il s'en vint à la porte, & heurta à l'huis, là où ils dormoient, & fit tant qu'ils furent éveillés. Ils demanderent, Qui es tu? qui nous éveilles à ceste heure? Je suis (dit-il) tel, & se nōma par son nom. J'ay enhuy fait de la besongne pour l'hostel du Capitaine: si que, ainsi que ie luy rapportoye son ouurage, nouuelles luy sont venues que quelques marchans de Montpessier sont là dehors, tous lassez & mouillez, & leurs fardages. Si vous mande, de par moy, ou que vous leur ouurez la porte, ou que vous me baillez les clefs, & ie l'ouuriray, à ces enseignes qu'il n'a point esté au guet: mais son fils y a esté. C'est verité, dirent ils. Tu les auras. Atten vn petit. Adonc se leua vn d'eux: & prit les clefs, qui pendoient à vne cheuille, & ouurit vne petite fenestre, & les luy bailla. L'homme les prit. Si tost comme il les eut & tint, Geronnet les luy tollit, & puis vint au flayel: & bouta d'auenture premierement la clef en la ferrure, & de celle, que premierement il y meit, il l'ouurit toute, & puis vindrent aussi apres à l'autre porte, luy & ses compaignons, & la cuida ouurir: mais oncques il ne peut, ny ne seut. Perrot le Bearnois & ses routes estoient au-dehors: qui attendoient que la porte fust ouuerte. Adonc leur dit Geronnet. Beaux-Seigneurs, aidez vous, & vous auancez. Je ne puis ouurir ceste seconde porte. Derompez là de voz haches. Autrement vous ne pourriez entrer dedans la ville. Adonc ceux, qui estoient pourueus de haches & congnees, commencerent à ferir & fraper en celle porte, cōme charpentiers.

Perrot le Bearnois ne veut quitter Geronnet de sa promesse, s'il ne le fait entrer dedans Montferrant par la porte.

Auerture d'un pource homme de Montferrant qui moyenna que Geronnet eust les clefs de Montferrant pour sauuer sa vie.

Geronnet ne pouvant ouurir la seconde porte la fait rompre par le Bearnois & ceux de dehors.

*Le Bearnois en
Montferat par
une porte rom-
pue & une au-
tre ouverte.*

*† Je pense que
c'estoit de l'an
1388. à ma-
mode, comme
j'ay naguères
dit.*

*† C'est à dire,
& on sauoit
que luy qui
estoit l'un
des Gouver-
neurs du pais
en estoit ab-
sent, pendat
qu'il y de-
uoit estre
present à sa
charge.*

Si donnerent à Geronnet & à ses compaignons, quand ils eurent pertuisé la porte, haches & congnees pour couper le flayel de la porte. Adonc s'émuerēt & éueillerent plusieurs hommes, & issirent hors de leurs lits, quand ils ouyrent le hutin, & au premier qu'ils s'émueillerent, s'émueillerēt bien que ce pouuoit estre: car iamais ils n'eussent pensé, n'imaginé, que ce fussent Anglois: qui à ceste heure les veinssent réueiller. Adonc les gardes de la porte (qui mal l'auoient gardee) quand ils ouyrent l'effroy & le buchis, & gens parler & cheuaux hennir, cognurent bien qu'ils estoient deceuz & surpris. Si se leuerent, & vindrent aux fenestres de la porte, & commencerent à crier, à haute voix, Trahis, trahis: & adoncques s'émueut toute la ville, à tresgrand effroy, & plusieurs se leuerent, & penserent à sauuer le leur, & à fuir vers le chastel, Mais trop petit de gens y entrerent: car quand le Chastelain (qui le chastel gardoit) entendit que les Anglois auoient pris la ville, pour la doutace de plus perdre il ne voulut oncques le pont abaisser, Aucuns de ses amis (qui premiers s'apperceurent de ceste auenture) il recueillit par vne plâche: & puis tantost quand il ouyt grand effroy en la ville, hommes, femmes & enfans crier, il retraît à luy la planche, ne point depuis ne la voulut remettre, & entendit fort comment le chastel fust deffendu, s'on l'assailloit. Je vous ay dit comment la premiere porte fut ouuerte, & la deuxieme rompue & brisée, par force de congnees & de haches. Adoncques entrerent dedans tout bellement, & paisiblement, les Capitaines & leurs routes en la ville, & tout premier, sans entrer en nulle maison, pour sauoir & ouir si nuls se recueilliroyent, ne mettroient ensemble, pour faire deffense, ils allerent au long de la ville: & la chercherent toute. Oncques n'y trouuerent hommes, qui se missent en deffense: si ce ne furent aucuns, qui s'estoient mis à retrait deuers le chastel, & cuidoyent entrer dedans. Ceux se deffendirent vn petit: mais ils furent tantost déconfits, ou morts, ou pris. Que vous feray-je long compte? Ainsi fut la ville de Mōtferrant en Auuergne prise, vn Ieudy par nuict, treizieme iour † de Feurier, par Perrot le Bearnois & ses complices, & si tost qu'ils veirent qu'ils estoient Seigneurs de la ville, ils se logerent par les hostels, tout à leur aise sans mettrē feu, ne faire autre violence: car Perrot le Bearnois deffendoit, sur peine de la teste, que nul ne violast femme, ne pucelle, ny ne boutast feu, ne prenlist pillage, ne prisonnier, grand ne petit, dont il n'eust la cognoissance, & que nul, sur la peine dessusdite, ne molestast Eglise nulle, n'homme d'Eglise, ne que riens n'y fust pris n'osté. Toutes ses choses auoit Perrot le Bearnois accoustumé d'êtretenir, & les auoit entretenues, depuis qu'il se bouta en Frâce, pour faire guerre, es villes & chasteaux qu'il prenoit: fust par force ou autrement. Mais Geoffroy Teste-noire faisoit tout le contraire: car il n'auoit cure ou il fust pris, en Eglise, ou ailleurs: mais qu'il en eust. Quand ce vint au matin, que les nouuelles vindrent en la cité de Clermont en Auuergne (qui sied à vne petite lieue de là) comment les Anglois en la nuict auoient pris & conquis la bonne ville de Montferrant (qui leur estoit si prochaine voisine) si en furent toutes gens durement ébahis, & à bonne cause: car leurs ennemis estoient trop pres, & n'en sauoient que faire, ne que dire, & entendoient fort à garder leur ville. Ces nouuelles s'espandirent en plusieurs lieux, à Chateau-neuf-sus-Allier, à Thion, à Vic, à Yffoire, à Rion, vne grosse ville, & là delez, à Aigue-Perse, & au fort chastel de Montpensier, & de tout ce pays, que ie vous nomme, & de toutes ces villes, la greigneur partie est au Duc de Berry. Les nouuelles furent tantost trop loing semées, comment les Anglois, Gascons, & Pillars, auoient pris & conquis la bonne-ville de Montferrant en Auuergne. Tous ceux, qui en ouyrent parler, & à qui il en touchoit, s'en émerueilloient, & s'en doutoiēt & fremissoiēt les voisins pais, Auuergne, Bourbonnois, Forestz, & iusques en Berry. Quand les nouuelles en furēt venues à Paris, le Roy & ses oncles en furēt tous courroucez: ce fut raison. Pour ce tēps estoit le Côte Dauphin à Paris, pour les besongnes du pais: car il en estoit souuerain Regard & gardien avec le Côte d'Armignac. Si luy vindrēt à tresgrande déplaisance. Car il luy fut auis qu'il en receuroit blasme & parole: pourtant qu'il en estoit ainsi auenu, † & on le sauoit hors du pays. Mais l'excusance estoit veritable, & raisonnable, qu'il auoit, & estoit telle, qu'il estoit en traitté enuers eux, & sur cest estat il tenoit le pays pour asscur. Or, ces nouuelles seues, le Comte Dauphin se departit tātost de Paris, pour venir vers Auuergne & pour remedier à ces besongnes: & laissa tout son estat derriere, & cheuaucha, luy & son page seulement, le chemin de Moulins en Bourbonnois, pour venir en Auuergne, & renouueloit tous les iours cheuaux, en cheuauchant. En celle haste il ouyt autres nouuelles à S. Pierre-le-monstier, qu'il n'auoit ouyes en-deuant: lesquelles ie vous diray.

Comment

Comment Perrot le Bearnois & ses compagnons, eurent conseil de non tenir la ville de Montferrant: & comment ils saillirent sur ceux de Clermont, qui les estoient allez visiter iusques aux barrieres de la ville prise, là ou il les déconfirent incontinent. CHAP. CIIII.

Q Vand ce vint le Vendredy au matin, dont la ville auoit esté prise le Ieudy par nuict (si-comme vous auez cy-dessus ouy parler) & que les Capitaines furent tous Seigneurs de la ville & des hommes, premierement ils les tindrent tous liez delez eux, tellement & en telle façon, qu'ils ne leur pouuoient porter dommage ne contraire. Adoncques ils chercherent par tout: & prirent, & firent trousser & enfardeler, draps, touailles, linges, robes, pennes, & toutes autres choses, dont ils pensoient à auoir profit: car ils auoient esté en conseil ensemble & collation, à sauoir comment ils se maintiendroient, & s'ils se tiendroient là ou non. Les aucuns d'entre eux s'accordoient à ce qu'ils teinssent la ville, & s'y fortifiassent: mais le plus d'eux s'en debatoient: & disoient que du tenir, & là dedans demourer, ils feroient folie & outrage: car ils seroient enclos de tous costez, & ils estoient trop loing de leurs forts, & s'ils estoient assiegez, ils n'estoient pas assez forts, ny n'estoit apparent qu'on les secourust, qu'ils ne fussent là dedans pris & affamez par long siege: car il y auoit au pays grand foison de bons Gentils-hommes, de citez, & de bonnes-villes: & le Duc de Berry (si tost comme il sauroit ces nouuelles) y enuoyeroit le Marechal de France, messire Louis de Sâxerre, & aussi le Comte d'Armignac & le Côté d'Auuergne, sans y enuoyer, y viendroient mettre le siege, à moult grand puissance: car là estoient de haux Barons & Seigneurs: le Sire de la Tour, le Sire † d'Apton, le Sire † d'Aptiel, le Sire de Renel, le Sire de la Palisse, & plusieurs autres, & encores souuerainement messire Jehan Bône-lance y viendrait, à tout grans gés: par lequel & son incidence (si-côme ils veulent dire) elle est perdue, & gaignee. Toutes ces doutes mettoient les sages, & Perrot le Bearnois, & Olim Barbe, auât, & encores autres raisons: car, s'ils estoient là pris, n'attrapez, ils perdroyent leur fait: & seroient punis de leur outrage, & au mieux venir, perdroyent tous les forts qu'ils tenoient. Si arresterent & conclurent les Capitaines ensemble, que sur le soir ils se departiroient, & emmeneroient tout leur butin & leurs prisonniers (dont ils auoient plus de deux cens) & de ce furent ils songneux d'y entendre: car ils meirent bonnes-gens aux portes: à fin que nul, ne nulle, ne peust détourner leur conuenant, n'issir hors de la ville. Or vous compteray d'une écar mouche, que ceux de Clermont en Auuergne leur firent. Quand les nouuelles furent venues à Clermont que Anglois estoient venus à Montferrant, & l'auoient pris, si en furent tous ébahis: car ils leur estoient trop pres voisins. Si eurent plusieurs parolles & imaginations: & vous dy qu'au dehors de Clermont, au chemin de Montferrant, a une Eglise de freres Mendians, la plus belle, la plus forte, & la mieux edifiée, qu'on sache en tout le Royaume de France: & y a un tresbeau clos & grand, fermé de beaux forts murs & haux, & dedans ce clos, grand foison de vignoble: car, an par autre, y ont bien les Freres de cent à six vingts queués de vin. Les aucuns disoient, Ce seroit bon que la maison des Freres fust abbattue: car par celle maison (qui ioint à nostre porte) pourrions nous estre perdus, & autresfois en a on parlé, & si l'a on voulu commander à abbatre. Les autres disoient que non, & que ce seroit pitié & dommage, s'une telle maison, & si belle, estoit perdue & abbattue: mais qu'on allast tantost, & de fait, deuers Montferrant, eux écaroucher, & là mettre le siege: à fin qu'ils n'en peussent iamais partir: car Cheualiers & Escuyers de ce pais, de Bourbonnois, & de Forests, se recueillirent, & retrairont ceste part, & tout le pays aussi, & n'y demourront point quatre iours, qu'ils ne soient assiegez. Endementiers que tels effrois & telles murmurations couroient parmy la ville & cité de Clermont, il y eut enuiron soixante compagnons, bien armez & bien montez, qui s'ordonnerent de partir & issir de la ville, pour cheuaucher vers Montferrant, & faire aux barrieres aucunes écarouches: & puis s'en retourneroient arriere. Nul ne les déuia: car il y auoit des plus nobles de la ville en leur compagnie, & qui, selon leur estat, desferoient les armes. Si monterent aux cheuaux: & emmenerent trente Arbalestiers avec eux: & cheuaucherent, tout le pas, deuers Montferrant. Encores issirent, de volonté, au si de Clermont, plus de deux cens hommes, tous de pié: qui se meirent au chemin, apres ces coureurs & ces cheuaucheurs: lesquels s'en vindrent iusques aux barrieres des portes de Montferrant. Les nouuelles vindrent entre ces compagnons, qui estoient Seigneurs de la ville, que les hommes de Clermont les estoient venus veoir, & estoient deuant

† Verard dit daphon, & daphier apres.

En quelles delibérations furent ceux de Clermont en Auuergne, apres les nouuelles de la prise de Montferrant.

Quelques compagnons de Clermont visitent les barrieres de Montferrant, dont ils sont repoussez, & chassiez, par les pillars du Bearnois.

les barrières de la porte. De ces nouvelles furent ils tous réiouys, & s'armerent plus de cent, tous des plus apperts: & monterent sur leurs cheuaux: & firent ouurir hastiuement la porte: & puis issirēt hors, tous à vne route, en écriant S. George. Mais, quand les Clermontois les veirent venir ainsi, & de si grand' volonté, si furent tous effrayez, & vaincus d'eux mesmes: & commencerent à reculer, sans monstrier visage de deffense, & à fuyr l'un ça, & l'autre là. Les mieux montez, au departir de Clermont estoient deuant: & auoiet dit, sur les champs, qu'ils vouloient auoir le premier assaut: mais tantost ils furent les premiers retournans deuers leur ville: & ces Gascons apres, & si leurs cheuaux eussent esté aussi bons & aussi forts que les Clermontois estoient, tous, ou en partie, fussent illecques demourez. Toutesfois ils les chacerēt assez loing, & iusques à ceux de pié: qui venoient: mais, quand ils veirent la chace, il n'y eut point par entre eux de conroy: ains se meirēt à la fuite aussi: & failloient de vigne en vigne, & de fossé en fossé, pour eux sauuer. Les Arbalestiers de Clermont, quand ils veirent que leurs gens fuyoient, furent de meilleur arroy que les autres: car ils se meirent en vn vignoble: & s'arrestèrent là, & tendirent leurs arbalestes: & monstrent deffense & visage. Iamais on ne les fust là allé querre: & s'y tindrent, tant que les Anglois fussent retraits dedans Montferrant. Les Clermontois perdirent vingt de leurs hommes. Il en y eut six morts, & quatorze pris.

Comment Perrot le Bearnois & les compaignons, ayans pillé Montferrant l'abandonnerent, & se retirerēt en leurs forts, & de la responce, qu'il fit au Comte Dauphin d'Auuergne, se plaignant de ce qu'il auoit emblé ceste ville là, pendant les traittez. CHAP. CV.

*Soudain depart
du Bearnois &
de ses gens, a-
pres auoir pillé
Montferrant.*

Ainsi se porta ceste besongne: tout le iour, iusques à la nuit (qu'ils eurent arresté & conseillé qu'ils se departiroient) entendit chacun à trousser, & à mettre sa besongne à poinct. Droit sur le poinct de six heures, ils eurent tout trouffé, & chargé leurs cheuaux. Ils se meirent tous à pié: & n'y en eut pas soixante, qui fussent à cheual: & arrouterent, sur les rues, leurs sommages & chariages: & auoient bien quatre cens cheuaux, tous chargez de draps, de nappes, pennes, touailles: & de toutes autres choses, qui leur estoient necessaires. Ils trouuerent les escrits tous plains en ces riches hostels: mais ils les laisserent tous vuides. Ils arrestèrent & lierent leurs prisonniers, deux à deux: & quand ils eurent tout fait, sur la nuit ils firent ouurir la porte: & s'en partirent. Ils n'arrestèrent en Montferrant, que dixhuit heures. Ils meirent tout leur sommage & leur chariage deuant, & les prisonniers, & ceux de pié: & les Capitaines (qui estoient à cheual) venoient tout le pas derriere. Il estoit nuit, & faisoit brun, & si n'estoit pas le pays auisé de ce traitté: parquoy ils ne furent point poursuuyis. Enuiron minuit ils vindrent à Onzac (dont ils f'estoient partis le iour second deuant) & là détroussèrent leur pillage: & s'aizerent de ce qu'ils trouuerent, & auoient dequoy: car il me fut dit, au pays mesme, qu'ils eurent de profit, de ce voyage, la valeur de cent mille francs, & leurs prisonniers. Seulement messire Pierre de Giac, Chancelier de France, y perdit bien en or trente mille francs. Moulte bien furēt conseillez ces compaignons, de ce qu'ils auoient laissé Montferrant en Auuergne si tost. Car, s'ils y fussent demourez, n'arrestez deux iours, iamais n'en fussent partis, fors en grand danger: & espoir qu'ils y eussent laissé les vies: car tout le pays d'environ, Cheualiers & Escuyers, se mettoient ensemble, & y venoient à puiffance, pour y mettre le siege tels que le Sire de la tour, le Sire de Montagu, le Sire d'Apthier, le Sire d'Apton, messire Guichard Dauphin, le Marquis de Gaiulhat, messire Loys d'Ambiere, le Sire de la Palisse, messire Ploustrac de Chasteluz, & le Seneschal des Montaignes. Nul ne demouroit derriere, & aussi le Comte Dauphin s'exploitoit fort. Il eust là esté sur deux iours: mais les nouvelles luy vindrent comment les Anglois & Gascons estoient retraits en leurs forts: & luy fut compté, avecques ce, la besongne toute. Quand il en feut la verité, il cheuaucha vn peu plus à son aise, & vint à Saint-Poursain, & de là à Moulins en Bourbonnois: & là trouua la Duchesse de Bourbon, sa fille, qui auoit esté toute effrayée de ceste auenture, & toutesfois, quand elle feut qu'ils estoient retraits (quoy que ceux de Montferrant auoient receu grand dommage) elle se réiouit, de ce que son pays estoit plus asseuré que deuant: car ils luy marchissoient de trop pres. Par ma foy (dit le Comte Dauphin) ie voudroye qu'il m'eust cousté grandement, & que les pillars, qui s'en sont partis, fussent encore dedans Montferrât encloz: car s'ils y estoient, ils y finiroient mal. Nous ne pourrions en Auuergne auoir plus belle prise, pour rauoir tous les forts qu'ils tiennent, & sauent bien, à ce qu'ils monstrent, que c'est

c'est que de guerre, quand si hastiuement ils ont fait leur faict. Ils s'en sont partis, & retraits en leurs forts: & là ont mis à sauueté leur pillage. Ainsi se deuisoient le Côte Dauphin & la Duchesse sa fille enséble: & Perrot le Bearnois, Olim Barbe, le Bourg de Campane, le Bourg-Anglois, Arpthon Seghin, & les autres Capitaines des garnisons (quand ils furent venus à Onzac, & ils seurent que point fut) departirent entre eux tout leur pillage, leur butin, & leurs prisonniers. Si en rançonnerent aucuns: & les autres emmenèrent (quand ils se departirent d'Onzac, pour aller & retraire chacun en son fort) les vns à Carlat, & les autres à Galuscet: & ainsi de garnison en garnison. Si fut tout le pays d'Auvergne mieux sur sa garde, qu'il n'auoit par-auant esté. Toutesfois le Comte d'Armignac & le Comte Dauphin si enuoyerent par deuers Perrot le Bearnois: en disant que faussement & traistreusement ils auoient pris & emblé la ville de Montferrant, & enleué pillage, & emmené les bonnes-gens: & que tout ce fust amendé: & qu'ils estoient en traité ensemble: si comme il le sauoit bien. Perrot le Bearnois respondit à ces parolles: & dit que sauf leurs graces, luy de sa personne, & les sept Capitaines, qui auoient esté à Montferrant prendre, n'estoient en nul traité enuers eux: ne qu'ils n'auoient pas pris la ville, ne frauduleusement emblée, n'eschellée: mais y estoient entrez par la porte: laquelle on ouurit à l'encontre d'eux & de leur venue. Et, quand ils seroient en traité iuré & sceillé ensemble, ils le tiendroient, de leur partie, bien & loyaument: mais ils n'auoient pas intention, qu'ils s'y deussent encores mettre. Si demoura la chose en cest estat: & n'en peurent les Seigneurs autre chose auoir. Messire Pierre de Giach fut fort courroucé de ce qu'il auoit perdu: & les hommes de Montferrant se recouurerent au plus beau qu'ils peurent: & ainsi leur auint ceste fortune & auenture.

† Estans mes Exemp. souuēt differens en tels propres noms d'hommes & de places, & variat chacun d'eux maintenant en un lieu, maintenant en un autre, en fin ie trouue peine, presque inutile de vous ramener telles variations, si les lieux ne le requierent grandement.

Des mariages de Louis de Blois avec Marie de Berry, & de Iehan de Berry avecques Marie de France, & comment elle mourut assez tost apres, & Madame Iehanne d'Armignac, Duchesse de Berry, semblablement.

CHAP. CVI.

EN l'an de l'incarnation nostre Seigneur Iesuchrist, † mil trois cens quatre vingts & six, au mois d'Aoust, se departit le Comte Guy de Blois, & la Comtesse Marie sa femme, bien accompagné de Cheualiers, & d'Escuyers, de Dames & de Damoiselles, en bon arroy, & bien ordonnez, de la ville de Blois: & se meirent au chemin, pour venir en Berry: & emmenerent avecques eux leur ieune fils: qui l'année deuant auoit fiancé Marie, fille au Duc de Berry: & estoit l'intention au Comte de Blois, & à la Comtesse, que, eux venus à Bourges, en Berry, leur fils procedoit auant au mariage: & aussi estoit telle l'intention au Duc de Berry & à la Duchesse sa femme. Si que, quand toutes ces parolles furent les vnes venues deuant les autres, le mariage de ces deux enfans se conferma: & furent conioints par mariage ensemble, en l'Eglise de Saint-Estienne de Bourges (qui est la grande Eglise Cathedrale) par vn vaillant Prelat & Cardinal: & le Chancelier de Berry, † & Euesque de Poictiers, en l'an deuant les auoient fiancé ensemble. A ces noces & à ce mariage de Louis de Blois & de Madame Marie de Berry, en la cité de Bourges furēt faites grâdes festes, ebatemens, & grandes ioustes de Cheualiers & Escuyers: & durerent les festes plus de huit iours. Quand tout ce fut accôply, le Comte de Blois & la Comtesse prirent congé au Duc de Berry & à la Duchesse: & se meirent au retour: & s'en retournerent à Blois: & emmenerent avecques eux leur ieune fille. En celuy an aussi espousa Iehan de Berry, fils au Duc de Berry (qui pour ce temps s'appelloit Côte de Montpensier) Marie de France, sœur au ieune Roy Charles de France. En l'année mesme que ces mariages furent faicts, en temps † de Quaresme vindrent la Duchesse de Berry & Marie de France, sa fille, & leur fils, en la ville de Blois, veoir le Comte de Blois & la Comtesse, & leurs enfans. Si furent recueillis dedans le chastel de Blois, bien grandement & puissamment, tous leurs gens aussi: car le Comte Guy le sçauoit bien faire. A toutes ces choses, dont il parle, ie fu present. Quand la Duchesse de Berry & ses enfans eurent là esté trois iours, ils se departirēt, & prirēt le chemin de Poictiers: mais ils allerent par eau, sur la riuiere de Loire, iusques à Amboise: & depuis là, à chars & à cheuaux, tant qu'ils furent en Poictou. Si tindrēt leur hostel la Duchesse & ses enfans, le plus en vn bel chastel & bonne ville, qu'on dit Chinon. En cest an mourut Marie de France (qui ieune estoit) la femme au Comte de Montpensier, Asscz tost trépassa aussi de ce siecle Madame Iehan de Berry, Duchesse de Berry. Ainsi furēt le Duc de Berry & son

† Froissart ayäe par auenture oublié de mettre ces mariages en leur lieu, selon l'ordre des tēps a mieux aimé les mettre icy, que les auoir dū tout laisēs.

† Il dit Archeuesque de Bourges au chap. 155. du 2. Volume. Mariage de Iehan de Berry avec Marie de France. † C'estoit donc de 1387. à ma mode.

Trépas de Marie de France, Comtesse de Montpensier, & de Iehan-

ne d'Armi-
gnac, Duchesse
de Berry, en l'an
1387. selon la de-
duction de ce
chapitre.

filz à remariier: si comme ils furēt puis apres remariés, mais ce ne fut pas si tost. Desquels mariages, especialement de celui du Duc, ie vous parleray, quand temps & lieu en sera: pource que nostre matiere requiert & demande qu'il soit declairé.

Comment, estant le Conseil de France en deliberation d'aller contre le Duc de Guerles, qui auoit outrageusement desfié le Roy de France, le Duc de Berry enuoya le Comte d'Estampes vers le Duc de Bretagne, pour tascher premierement à le regaigner au party de France, apres s'en estre presque ouuertement estrangé par la prise du Connestable de Clisson.

CHAP. CVII.

Vous auez bien cy-dessus ouy recorder comment le Duc de Guerles auoit desfié le Roy de France, par défiances impetueuses, & dont on parla en plusieurs manieres, dedans le Royaume & dehors: pourtant que les défiances (si comme renommee courroit) n'auoient pas esté courtoises: mais hors du stille, vsage, & ordonnance des autres défiances. Bien est verité que i'en vei aucunes cedulles, gettees & escrites en papier: & disoit on que c'en estoit la propre copie: mais, pourtant que ie ne les vei mie sceller, n'approuuer (ainsi que telles choses doiuent estre: qui touchent si grandement, que d'un petit Prince, au regard du Roy de France) ie n'y adioustay point de foy. Si monstra on depuis au Royaume, que les défiances déplaissent, & qu'on vouloit qu'il fust amendé, & que ce Duc de Guerles s'excusast des impetueuses parolles, qui en la défiance estoient contenues, car on ne veoit, ne pouuoit trouuer au Conseil du Roy, que ceste chose demourast ainsi: car les haux barons de France disoient, que, se le Roy n'y remédioit (quoy ne combien qu'il deust cōster de finance, ne de cheuance) on y prendroit trop grand blasme: car le Roy estoit ieune & à venir, & en vouldonté de trauailler: & bien auoit monstré en Flandres, & ailleurs, comme de bonne vouldonté il alloit au-deuant de ses besongnes: & fil n'alloit au-deuant de ceux, qui estoient hors reculés, le pays voisin (auquel il n'en touchoit riens) on parleroit diuersement sur les Nobles du Royaume de France: qui auoient le Roy à conseiller, & auoient iuré à garder son honneur. A toutes reformer ces choses, & les mettre à point, & que le Roy & son Royaume n'y eussent point de blasme, rendoit grand' peine & conseil le Sire de Coucy: & mōstroit bien que la chose luy touchoit, car il congnoissoit mieux les Allemans, que nul des autres: pourtāt qu'il auoit plus trauaillé à estre entour eux plusieurs fois, tant pour la chalange de la duché d'Austriche (dont on luy faisoit grand tort) que pour autres incidences & actions, qu'ils auoient eues entre eux. Aussi les deux oncles du Roy veoient bien que la greigneur partie des Nobles du Royaume s'enclinoient à ce qu'il fust amédé: & par espécial le duc de Bourgogne y auoit grand' affection, & pour cause, car le Duc de Guerles harioit sa belle ante, duchesse de brabant, & son pais, lequel heritage luy deuoit retourner apres le deces des dames (qui estoient à toutes anciēnes) la duchesse, & sa *

* Annotat. 12.

† Ceste clause estoit tellement corrompue, que l'on n'en pouuoit rīver construction: mais nous l'auons amendee selon le sens de l'Au-

† Auecques ce, il enuoioit souuent, & escrivoit au Roy d'Angleterre, & à son Conseil, des parolles & promesses traittables grandemēt, & affectueusement tendātes à amour & reformation d'alliāces, à durer à tousiours mais, & telles que les Anglois pourroient, pour le tēps à venir, en réforcer & embellir leur guerre, à grād espoir. Si ne vouloient pas les Nobles du Royaume de France (qui le Royaume auoient à conseiller) laisser telle bruine de Bretagne, qu'elle ne fust abbattue, ou ostee aucunemēt, par bon conduit bon incident: pourquoy le Royaume fust hors de celle doute. Car, le Roy allant en Allemagne, & sa

puissan-

puissance, le Royaume seroit grandement dénué. Et tout ce, par especial, imaginoient & presumoient les oncles du Roy: mais ils ne sauoient bonnement entrer es traittez de bri-^{teur, s'en tai-}ser le Duc de Bretagne. Car ià estoient retournez ceux, qui enuoyez y auoient esté (l'E-^{sant sala, qui}uesque de Langres, messire Jehan de Vienne, & messire Jehan de Buil) & auoient bien ^{est maintenant} dit & recordé au Roy, & à ses oncles, que riens ils n'auoient fait. Si sauïsa de rechef le Duc de Berry, qu'il y enuoiroit son cousin, le Comte d'Estampes: lequel on tenoit adōc à vaillant homme, & à grand & sage traicteur. Si l'en pria: & luy dit. Beau cousin, il vous faut aller en Bretagne, deuers nostre cousin le Duc, parler à luy. Si vous le trouuez dur, ne hautain en ses parolles, & responses, ne vous chaille: n'ē riēs ne vous échaufez contre luy. Traictez doucemēt, & de bōne façō, & parlez à luy sagemēt: & le ramenez à voye de raison: & luy dites que le Roy & moy, & beau frere de Bourgongne, ne luy voulons que tout bien & toute amour: & que, là ou il vouldra demourer delez nous, il nous trouuera tousiours tous appareillez: & aussi, de ces chasteaux, qu'il tient du Conestable, remonstrez luy bien & doucement, en riant, qu'à petite achoïson il les a saisis, & qu'il luy plaïse à les rendre (si en sera grandement son honneur) & que le Roy luy en rendra & ordonnera d'aussi beaux, & aussi bons, que ceux là, sont, en quelque lieu qu'il les vouldra choisir en son Royaume. Faites tant, beau-cousin, que vous nous rapportez de ce bonnes nouvelles: & nullemēt, pour quelque seiour que vous faciez, vous n'e partiez poīt de luy, sans exploiter aucunemēt: & mettez biē en memoire tout son affaire, ses respōses, & toute l'ordonnance de son estat. Le Comte d'Estampes respondit à Monseigneur de Berry, en disant, Monseigneur ie le feray volontiers. Depuis que le Comte d'Estampes eut celle charge, de par le Duc de Berry, d'aller en Bretagne, deuers le Duc son cousin; ne seiourna il pas trop longuement: mais ordonna, & fit ordonner, toutes ses besongnes: & se meit au chemin: & passa parmy Chartres & le Mans, & parmy le bon païs du Maine: & vint à Angers: & là trouua il la Roïne de Naples (qui femme auoit esté au Duc d'Aniou: qui s'estoit en son temps escrit & nommé Roy de Naples, de Cecille, & de Hierusalē, Duc de Pouille, & de Calabre, & Côte de Prouence) & ses deux beaux fils delez elle: Louis & Charles. La Dame receut son cousin le Comte d'Estampes liēment & doucement, car bien elle le sauoit faire. Si eurent aucuns parlements ensēble: ainsi que Seig. & Dames ont. Là estoit delez sa sœur, Jehan de Bretagne: qui trop à grace n'auoit pas le Duc de Bretagne: deuers lequel le Côte d'Estampes alloit, mais il s'en portoit bel, ce qu'il pouuoit, car il n'auoit nul le puissance dessus luy, pour luy remonstrier, n'amender son mal-talent. Si luy conuenoit souffrir, & porter bellement. Quand le Comte d'Estampes eut là esté vn iour & vne nuit, & il eut pris congé, il s'en partit au matin: & cheuaucha deuers Chantouceaux: & vint là ce iour: & exploita tant par ses iournées, qu'il vint en la cité de Nantes: & là se refreschit, & demanda du Duc. On luy dit qu'il estoit en la marche de Vennes, & là se tenoit par voyage. Il prit le chemin, & fit tant par ses iournées, qu'il vint à Vennes, & là trouua le Duc, qui le receut assez liēment, car ils estoient cousins prochains ensemble. Le Comte d'Estampes (qui bien se sauoit acquitter de haux Princes & de hautes Dames, car il auoit esté nourry & introduit entre eux & elles en sa ieunesse) s'acquitta treffagemēt & doucemēt du Duc: & ne luy remonstra pas, si trestost comme il fut venu, la principale affection de son courage: ainçois se dissimula deux ou trois iours. Puis, quand il veit son temps & son heure, il entama ses proces, en luy moult ꝑ cautement enuers le Duc humiliant, pour le mieux attraire en son amour, & luy dit ainsi, ou sur telle forme, Monseig. & cher beau cousin, vous ne vous deuez point emerueiller, se ie vous suis venu veoir de loing, car ie vous desiroye moult. En apres luy dit, & racompta bien & notablement les parolles & charge, qu'il auoit de par le Duc de Berry. Ausquelles le Duc de Bretagne ne faisoit pas grand semblant d'entendre (comme il monstroït) & pour toute solution de parolles, dit au Comte d'Estampes. Nous sauons que tout ce, que nous auez dit par plusieurs fois & recité, est vray: & y penserons, nous n'y auons pas encores bien pensé, & vous demourrez deuers nous, tant comme il vous plaira, car vostre venue nous fait tresgrand plaisir.

Autre response, pour le present, le Comte d'Estampes ne peut auoir, mais il demoura delez le Duc de Bretagne, & estoit son corps en son hostel. Enuiron quinze iours fut le Comte d'Estāpes en la cité & en la marche de Vennes, deuers le Duc de Bretagne, qui luy mōstroït grād' amour & grāde cōpaignie, & luy mōstra le bel chastel de l'Ermine, qui sied assez pres de Vēnes, lequel le Duc auoit fait nouuellemēt edifier, massōner, & ouurer: & y prenoit vne partie de ses delits. Or le Côte à la fois, quand il cuidoit trouuer, le Duc en

Le Comte d'Estāpes se charge d'aller vers le Duc de Bretagne, pour tâcher à le refaire bon François.

Arrivée du Comte d'Estāpes vers le Duc de Bretagne.

Il y auoit hautement, qui eust esté au contraire de ce que veut la deduction.

*Depart du Côte
d'Estâpes, d'a-
vec le Duc de
Bretaigne, sans
en auoir eu re-
sponse certaine.*

*Retour du Côte
d'Estâpes vers
le Duc de Berry:
auquel il racom-
pte son peud'ex-
ploir.*

bonnes, luy remonstroit doucement, & sagement, ce, pourquoy il estoit venu: & le Duc couuertement tousiours respondoit: mais sur ses responses l'on ne pouuoit aiouster grâd' seureté de faire nulle restitution des cent mille francs, & des chasteaux, qu'il tenoit du Connestable. Ce qu'en la fin il fit: mais ce fut sans parolle, sans requeste, ne sans priere de nully: quand on s'en donna le moins de garde: si comme ie vous diray le tout, en traittant de la matiere, & selon ce que ie fu adoncques informé. Quand le Comte d'Estampes veit qu'il seiournoit là en riens exploitant, si l'auisa qu'il prendroit congé au Duc: & retourneroit en France, deuers le Duc de Berry: qui là l'auoit enuoyé. Si prit congé au Duc. Le Duc le luy donna moult amiablement: & luy fit presenter, au partir, vn tres-beau pallefroy blanc, ordonné en selle, & appareillé, ainsi que pour le corps du Roy: & luy donna vn anel, & vne pierre dedans: qui bien auoit cousté mille francs. Ainsi se departir le Comte d'Estampes du Duc de Bretaigne: & se meit au chemin: & s'en retourna par Angers: & la trouua la Royne de Naples, & Iehan de Bretaigne, son frere: qui moult desiroit à ouyr des nouvelles: & luy dirent, Beau cousin, vous devez bien auoir besongné: car vous auez moult longuement demouré. Adonc leur recorda il vne partie de son exploit: dont la fin fut telle, qu'il n'auoit riens fait. Quand il eut esté delez eux vn iour, il prit congé: & se meit à chemin, pour retourner deuers Tours: & fit tant par ses iournees, qu'il vint en Berry: & trouua le Duc de Berry à Mehun-sus-Yeuire, vn sien moult bel chastel: le quel aussi il auoit fait nouuellement edifier: & encores y faisoit il ouurer tous les iours. Quand le Duc de Berry veit le Comte d'Estampes reuenu, il luy fit bonne chere, & luy demanda des nouvelles de Bretaigne. Il luy recorda de point en point, & de clause en clause, tout ce, qu'il auoit veu, ouy, & trouué: & luy dit bien que ce Duc de Bretaigne on ne pouuoit briser: mais demouroit tousiours en son fait. Le Duc de Berry s'en passa assez legèrement & bellement, quand il veit qu'autre chose il n'en pouuoit auoir, & retourna assez tost en France, deuers le Roy, & son frere de Bourgongne: & leur remonstra comment il auoit enuoyé, pour traitter en Bretaigne, deuers le Duc son beau cousin, le Comte d'Estampes: & quelle chose en ce voyage il auoit exploité & besongné. La chose demoura en cest estat, quand on veit que l'on n'en pouuoit autre chose auoir: & demoura on sur ce point.

Comment, apres le departement, que le Duc de Lanclastre fit de Galice en Portugal, les Espaignols & les François reconquirent, en peu de temps, le pays de Galice: comment les Anglois, qui auoyent esté à la guerre de Galice, avec le Duc de Lanclastre, diffamoiert le pays d'Espagne en leur pays: & comment le Duc d'Irlande (qui s'estoit retiré d'Angleterre) fut enuoyé querir par le Roy de France & son Conseil.

CHAP. CVIII.

*† C'est depuis
le chap. 89. du
present Vol.*

*Reconqueste du
pays de Galice,
sur le Duc de
Lanclastre, pour
le Roy de Cas-
tille.*

Vous sauez (ainsi qu'il est † cy dessus contenu en nostre Histoire) comment la departie des Anglois (qui estoient allés en Galice avecques le Duc de Lanclastre) se fit, & comment le Duc, sa femme, & sa fille, vindrent au Port de Portugal, & que là se tindrent vn temps, delez le Roy Iehan de Portugal & la ieune Royne, fille au Duc de Lanclastre: si comme vous sauez. S'il ennuyoit beaucoup au Duc, assez y auoit il cause, carriens de son profit en celle saison il n'auoit fait en Castille: mais son grand dommage, y estans ses hommes morts de la mortalité, & tous les meilleurs Cheualiers & Escuyers de sa route: & le pays de Galice, qu'en yenant il auoit conquestré à grand' peine, il le veoit trestout perdu, & retourné deuers le Roy de Castille: car si tost qu'il se fut departy, & rentré en Portugal, & que les Espaignols veirent, & les Cheualiers de France (qui derniers estoient demourés avecques le Roy, & messire Oliuier du Glesquin, Connestable de Castille) qu'il n'y auoit ens nuls Anglois, n'au Duc de Lanclastre nulle congnoissance, ne recourance, ils entrerent en queste de reconquerre, à leur alliance & obeyssance, le pays de Galice: & ce fut tantost fait. Car ceux des villes, des cités, & des chasteaux de Galice, auoient plus grand' affection à estre deuers le Roy, que deuers le Duc de Lanclastre: ou cas qu'il ne pouuoit tenir les champs, ne le pays: car, si come en Lombardie & en Italie, ils ont d'vsage en Galice & en Castille: & dient, Vire le fort, viue qui vinque. Tout quant, que le Duc de Lanclastre auoit peu assembler de là Pasques iusques à l'entree de Iuillet, tout fut retourné & reconquis, & refreschi de nouvelles gens, François & autres, obeissans au Roy de Castille: & les Anglois, qui estoient demourés, de par le Duc, en Galice, es cités, villes, & chasteaux, en garnison, & qui bien & paisiblement s'y cuidoiert tenir & estre tout l'Yuer, en estoient boutés hors, ou doucement, ou autrement, ou morts les aucuns, qui

qui se vouloient tenir en leur force:& les autres (qui voiët tout mal aller) s'en departirët par traitté:& on leur donnoit saufconduit de retourner en Gascongne, & de passer parmy le pais de Castille, & retourner à Bayonne, ou à Bordeaux: & de tout ce cas estoit bien informé le Duc de Lanclastre (qui se tenoit en la cité du Port) & si n'y pouuoit, ne sauoit, aucunement remédier: sinon qu'il auoit aucunesfois des angoisses, & de grandes déplaissances au cueur. On ne doit pas croire du cōtraire: car tant plus est le sens haut, & de grande noblesse, & de prudence, tant luy sont les déplaissances plus ameres, quand ses besongnes retournent sur le pis, † & de ce ne cuide nul. Il faisoit assez bonne chere & disoit à la fois. Or si nous auons perdu ceste année, nous aurons, par la grace de Dieu, † *c'est adire & qu'il n'attéd rien de tel.* autre saison pour nous. Les fortunes de ce monde nous sont moult merueilleuses. Elles ne peuuent pas estre vnies. D'autre part aussi le Roy de Portugal le reconfortoit tout: & luy disoit, Sire, vous tiendrez icy en ceste terre vostre estat:& escrirez à voz freres en Angleterre, & à voz amis (quoy qu'ils en sachent assez) que, sur le Mars qui retourne, ils vous enuoient cinq ou six cens Lances, & deux mille Archers: & ie remettray d'autre part mon pouuoir ensemble, car mon pouuoir, & mon peuple, est de bonne volonté à faire guerre en Castille. Si leur ferons vne bonne guerre. Vne saison auient qu'un pays se gaigne, & l'autre se perd. Ainsi le Duc de Lanclastre (qui oyoit le Roy de Portugal parler) prenoit en grand gré toutes ses parolles:& luy disoit grand mercy. Toutesfois quoy que le Roy de Portugal fust son fils (car il auoit sa fille espousée) & qu'il luy dist ce de bōne volōté, & que le Duc y pouuoit bien aiouster foy, fait & creance, neantmoins il ne decouuroit pas tout son courage, car bien sauoit qu'Angleterre estoit troublée, & tout le pays en moult grand different:& auoient les Seigneurs à plusieurs choses à entēdre, tāt pour la frontiere du Royaume d'Escoce (qui moult leur touchoit) que pour le Duc de Bretagne: qui estoit en grans traittez enuers eux. Or, pour ce qu'à trop grande peine (quand il se departit d'Angleterre) il auoit eu celle charge & armée de Gens d'armes & Archers, ce n'estoit pas son intention (car bien cognoissoit les Anglois) que de rechef il deust estre cōforté, car biē sentoit que le Royaume d'Angleterre, pour le present, auoit plus que son faix & charge, & que ceux, qui pour celle saison presente auoiēt esté en Castille, tant Gens-d'armes comme Archers, n'y retourneroient plus: & mettoit en doute & le sauoit de verité) que le retourné decourageroit le demourant du pays. Nonobstant qu'il imaginast bien toutes ces choses & ces doutes, † si s'en portoit il mal enuers le Roy de Portugal, & les Barons d'iceluy pays: & quand il eut esté au Port vn grand temps: & sejourné, il dit au Roy que proffitable luy estoit de retourner à Bayonne, & en la marche de Bordeaux, pour plusieurs raisons. Car d'estre en Portugal (quoy qu'ō l'y veist volontiers,) il n'estoit pas sur son héritage: lequel il desiroit à auoir:& disoit bien qu'en l'Archeuesché de Bordeaux & d'Aulx, en retournant & en descendant de Bigorre, & franchissant toute la terre des Labrissiens, du Comte de Foix & du Côte d'Armignac, & d'outre la Garonne & la Dordonne, en rentrant à Perrigourd, en Quercy, en Rochellois, en Xaintonge, en costoyant Poictou, en rentrant en Auvergne & en Limosin, auoit grande foison de forts, & de garnisons, & de chasteaux, qui se tenoient bons & loyaux Anglois, & qui tous faisoient guerre, en ombre & au nom de luy. Si estoit bō, & pour le meilleur, qu'il fust delez eux, pour les reconforter & conseiller, si mestier estoit. Auecques tout ce, en Portugal il estoit trop loing des nouuelles d'Angleterre, car les Anglois resongnoient ce voyage pour le loingtain chemin, & pour les rencontres de mer, car tousiours y sont nefes Espagnoles, ou Galiciennes, ou Sebiloises, ou des autres terres de Castille, aux ports, & sur la mer, allans en Flandres pour leurs marchandises, ou retour de Flandres en leurs pays: pourquoy les perils y sont trop grans. † Sur toutes ces raisons, & encores autres, fardonna le Duc de Lanclastre, à toutes ses gallées armées: que le Roy luy fit auoir, & son maistre Patron Alphons Bretat. Quand les gallées furent chargées & appareillées, & que le temps fut bon & souef, & vent bas & quoy & bien attrempermēt, le Duc de Lanclastre, la Duchesse, & leur fille, prirent congé du Roy de Portugal, & de la Roynne: & puis entrerent dedans les galées: & se defancrerent: & prirent le parfond de la mer, costoyant les terres: & se meirent au danger de Dieu & du vent. Si eurent orage bel, moult agreable, & vindrēt, en bien briefs iours, ferir au haure de Bayonne. De la venue du Duc de Lanclastre furent moult reiois ceux de Bayonne, & autres car moult fort desiroient leur venue, & à les veoir & visiter. Quand le Duc de Lanclastre, la Duchesse, & leur fille, furent arriuez à Bayonne) si comme vous l'auiez ouy re-

† Comme s'il
voulloit dire
qu'il ne fai-
soit pas bien
de les leur
dissimuler.

† Froissart, pen-
sant auoir par-
lé trop briève-
ment, au chap.
94 du sejour
du Duc de Lan-
clastre en Por-
tugal, & de
son depart pour
aller à Bayonne
l'a voulu repe-
ter plus ample-
ment, par occa-
sion, en ce pre-
sent chapitre.

corder) les nouvelles s'en espendirent en beaucoup de lieux : & en furent grandement réiouys ceux de Bordeaux, & de Bordelois. Si allerent veoir messire Iehan de Harpedonne, Sénéchal de Bordeaux, & le Sénéchal des Landes: & aussi firent tous les Gentilshommes du pays: le Sire de Mucident, le Sire de Duras, le Sire de Rosem, le Sire de Lâduras, le Sire de Chaumont, le Sire de l'Esparre, le Sire de Chastelneuf, le Sire de Copane, & plusieurs autres Barons & Cheualiers du pays. Il les recueillit: ainsi comme ils venoyent. Ce ne fut pas tout à vne fois. Tous luy offrirent service & amour: ainsi comme l'on doit faire à son Seigneur. Si se tint le Duc toute celle saison à Bayonne: & enuoyoit aucunesfois en Angleterre, deuers le Roy son neveu, & aussi à ses freres: mais, pour chose qu'il enuoyast, n'escriuist, il n'estoit en riens conforté des Gens-d'armes ne d'Archers d'Angleterre: & estoit, quant à la venue presente du monde, le Duc de Lanclastre, & tout son affaire, mis en nonchaloir: & ne s'offroit nul en Angleterre des Seigneurs, n'a-

Les Anglois, retournés du voyage de Galice, en découragēt d'autres d'y aller.

uançoit, pour mettre Gens-d'armes sus, pour aller deuers le Duc de Lanclastre. Car ceux, qui auoyent esté au voyage de Portugal, en disoient parolles déplaissantes parmy le Royaume d'Anglet. qui decourageoient tous les autres. Si disoit ces Anglois, qui en Castille & en Portugal auoient esté, Ce voyage là ne nous est pas bien à la main. Il nous est trop loin. Mieux nous vaut, & plus profitable nous est, la guerre de Frâce. Car en Frâce y a tressouef pays, & doux & courtoise contree, & air attrépé, & douces riuieres, & beaux logis mais en Castille n'a que roches (qui ne sont pas bonnes à manger au verius) & montaignes moult hautes, & dur air, & riuieres troubles, & viures diuers, & vins moult forts & secs, & chaux, & hors de nostre boisson, & pauvres gens & ords, & qui sont mal vestus & mal habillés, & tous hors de nostre ordonnance: & est moult grand folie d'y aller: car, quand on entre en vne grosse cité, ou ville, ou chasteil, ou on y cuide merueilles trouuer, on n'y treuve riens, que vins & lards, & huches de sapin, vuides. C'est tout le contraire du Royaume de France, car là auons trouué, dedans les cités & les bonnes-villes plusieurs fois (quand les auentures d'armes nous venoyent, & que nous les conquerions) tant de biens & de richesses, que nous en estions tous ébahis. A celle guerre doit on entendre (là ou profit y a) & là hardiment s'auenturer, & nō pas en ceste mechâte guerre de Castille & de Portugal: ou il n'y a que toute paureté, & tout dommage. Ainsi disoyent les Anglois, en Angleterre, qui en Castille & en Galice auoient esté: tant que les Seigneurs, qui le pays auoient à conseiller & gouverner, s'aperceuoient que ce voyage estoit tout hors de la grace des Anglois: & aussi le pays estoit encore en trouble, & les iustices nouvellement faites de Triuillien & des autres, & le Duc d'Irlande party hors d'Angleterre, & le Roy Richard venu en l'administration de nouuel Conseil: lequel il n'auoit pas encores bien appris. Si conuenoit, par ces incidences: que les choses demourassent en dur estat pour le Duc de Lanclastre: qui se tenoit en la cité de Bayonne, & s'y tint toute celle saison. Toutes ces besongnes & ces ordonnances, tant d'Angleterre que de Castille & de Portugal, & toutes les differences qui estoient auenues en Angleterre, tant du Duc d'Irlande comme des autres, estoient bien seües en France, en la chambre du Roy, & de tout

Deliberation & resolutio du Conseil de France, à enuoyer querir le Duc d'Irlande.

son Conseil. Or fut auisé du Conseil du Roy de France & de ses oncles, pour encores plus parfaitement sauoir de toutes les auenuës, qu'on enuoyeroit querre à Vtrecht, de par le Roy de France, le Duc d'Irlande (qui s'y tenoit) & luy seroit donné bon saufconduif & seur, pour venir en France, & là demourer, tant comme au Roy plairoit, & de retourner aussi arriere: si la plaissiance du Roy & du Duc estoit. Bien conuenoit qu'il fust enuoyé querre par espéciaux messagers, & que lettres du Roy fussent faites especialement: ou autrement le Duc d'Irlande ne se fust point party d'Vtrecht & de la marche. Car il sauoit bien qu'il estoit tout hors de l'amour & de la grace du Seigneur de Coucy (qui est vn moult grand Baron en France, & de grand lignage) & bien y auoit cause: comme il est cy-dessus dit & éclaircy: car, au vray dire, ce Duc s'estoit acquitté bien petitement vers sa femme, la fille au Seigneur de Coucy: & certes s'estoit, en conscience, la principale matiere, qui plus le chargeoit, & luy tolloit bonne renommee, tant en France comme ailleurs, car autant en estoit blasmé, diffamé, & hay en Angleterre, comme il estoit en France. Quand on fut auisé & entallenté au Conseil du Roy, & de ses oncles, de le mander, le Sire de Coucy le debattit grandement: mais on luy monstra tant de raisons & de voyes, qu'il s'en souffrit: & faire le conuenoit: puis que le Roy le vouloit. Le Roy (qui estoit ieune) auoit moult grand desir de voir ce Duc d'Irlande: pourtant qu'on luy auoit dit qu'il estoit bon Cheualier, & que le Roy d'Angleterre l'auoit tant aimé, que merueilles. Si fut mādé par vn Che-

ualier

ualier & vn Clerc, Notaire du Roy. Quand le Duc d'Irlande ouit les premieres nouuelles que le Roy de France le demandoit, il fut moult emérueillé : & eut mainte imagination sur ce mandement, à quoy il pouuoit tendre, ne toucher. Toutesfois en son conseil il trouua, que, sur le faufconduit du Roy, il pouuoit bien aller en France, veoir le Roy, & puis retourner: si bon luy sembloit. Si fit ainsi: & se departit d'Vtrecht: & se meit au chemin, avecques ceux, qui de par le Roy l'estoyent allé querre: & cheuaucherent tant par leurs iournees, qu'ils vindrent à Paris, car pour le temps le Roy se tenoit là, & au chasteau du Louure. Si fut ce Duc bien-venu & recueilly du Roy, & de ses oncles moult-bien. Si voulut le Roy de France qu'il prist sa residence en France: & luy fit administrer place & hostel, pour luy & pour son estat tenir. Il auoit bien de quoy, car il auoit mis hors d'Angleterre grans finances: & encores luy en deuoit aussi le Connestable de France, pour la rançon de Iean de Bretagne, dont il n'estoit pas encores tout payé. Si alloit & venoit le Duc d'Irlande à la fois deuers le Roy: & luy estoit faite bonne chere: & à toutes les festes, ioufftes, & ebatemens, le Duc d'Irlande estoit appelé.

Le Duc d'Irlande à Paris.

Comment le Conseil de France ne pouuoit accorder qu'on menast le Roy en Allemagne, pour les incidens du Royaume: comment le Duc de Bretagne faisoit ses garnisons en son pays, & alliances aux Anglois, & au Roy de Nauarre: & de l'armee, qui fut faite par les Anglois.

CHAP. CIX.

Vous sauez comment le Comte d'Estampes fut, de par le Duc de Berry, enuoyé en Bretagne, deuers le Duc: lequel il cuida moult bien par ses parolles amener, & attirer par raison: mais il n'en peut cheuir, ne venir à chef: & s'en retourna: sans riens exploiter: dont on estoit tout ébahy en France: voire ceux, à qui il en touchoit: qui du Conseil du Roy s'embesongnoient: car ils sentoient le Roy en tresgrand desir d'aller en Allemagne, veoir la terre † des voisins au Duc de Iulliers, & prendre vengeance des hautaines parolles & felles défiances, dont le Duc de Guerles l'auoit défié. Or imaginoient les sages (qui bien conceuoient l'affaire) vn trop grand peril pour le Royaume: car ils entendoient, & clairement voyoient, que le Duc de Bretagne ne vouloit venir ne condescendre à raison: lequel tenoit son propos: & estoit moult préiudiciable, contre l'honneur & maiesté souveraine du Royaume de France, que d'auoir pris le Connestable: & rançonné à cent mille francs, & à trois chasteaux, & vne bone ville. Si entendoient encores les Seigneurs, qui du Conseil du Roy le plus se chargeoyent, que le Duc de Bretagne auoit grans traités au Roy d'Angleterre & aux Anglois, & qu'il pourueoit grandement ses villes & ses chasteaux parmy Bretagne, & acquerroit amis de toutes parts, & alliances, tant que les Barons, les Prelats, & les Nobles de Bretagne (voire la plus grand' partie) ne sauroient que faire, ne que douter de venir en France, ou qu'ils voufissent demourer delez le Duc, à l'encontre du Roy & du Royaume de France: & ce ne feroient ils iamais: car les Cheualiers & Escuyers de Bretagne sont bons & loyaux François. Mais on se doutoit en France, & à bonne cause, que, se le Roy se departoit de sa puissance (car autrement ne pouuoit il aller en Allemagne) que le Duc de Bretagne ne mist les Anglois en son pays: fust à Saint-Mallo, ou à Saint Matthieu, ou à Lamballe, ou à Camperle, ou à Lantrigui, ou en Guerrandé, ou à Bonte, ou à Vennes, ou sur les bendes de la mer, là ou les Anglois voudroient descendre: & plus belle entree ne pourroient ils auoir que par Bretagne. Si ne fauoit on comment, à l'honneur du Roy & du Royaume, on peust à ce Duc briser son fait. Bien est verité que les aucuns Nobles du Conseil du Roy mettoient en termes, & disoient ainsi, Ce sera moult grand blafme, si le Roy rompt ne brise son voyage pour ce Duc de Bretagne: qui n'est pas encores Sire de son pays. Entant que des Barons, Cheualiers, & Escuyers de Bretagne, ils ne feroient iamais contre nous, pour tenir l'opinion du Duc. Le Roy, au nom de Dieu, face son voyage: & le Connestable & les Bretons demeurent en leur pays, pour garder la terre. Ceste parolle fut grandement soutenue au Conseil du Roy de France, & les autres disoient, Nenny. Ce ne se peut faire. Le Roy ne feroit iamais ce voyage, sans le Connestable: car il fait plus que c'est de guerre, que nuls autres Cheualiers. Dont les autres arguoient: & respondoient, Si demeure le Roy. Il suffit bien que les deux oncles du Roy, ou l'un y voise. Monseigneur le Duc de Bourgongne y aille, & meine deux mille Lances, & six ou sept mille gros-varlets. Il est tenu principalement d'y aller: car la guerre est sienne: & sement du costé de Brabant: & aura tous les Brabançons avecques luy, ou il trouuera bien sept cens Lances, & bien vingt ou trente mille de Com-

† Il y auoit icy de ses cousins le Duc de Iulliers & prendre, &c. Mais c'estoit sans propos: soit que l'on leust son cousin le Duc, ou les cousins les ducs: ainsi que l'on peut veoir par les deductions précédentes.

Divers amis en France, sur l'entreprise du voyage de Guerles.

munautés du pays de Brabant. Dont respondirent les autres, Vous ne dites riens, car le Roy y veut aller: & dit qu'il est Chef de ceste guerre (car on l'a défié) & si ira: puis qu'en-chargé l'a. Or c'est bon qu'il y voise: car il est ieune: & tant plus continuera les armes, & plus les aimera. Adonc respondirent encores les autres, Qui sera si osé, qui conseille le Roy, n'enhorter d'aller en Allemagne, si loingtain pays, & entre ces Allemans, qui sont si hautains gens, & tresperilleux à entrer sur eux? Encores, s'on y estoit entré, il y a bien maniere à en issir & retourner. Car, quand ils sentiront le Roy & les Nobles du Royaume de France entrer en leur pays, tous se mettront ensemble: & se mettront sus vn certain pays (qu'ils congnoistront, & les nostres non) & nous pourront porter trop grand dommage: car ils sont moult conuoiteux, & plus que nulles autres gens: & n'ont point pitié de nully, puis qu'ils en sont Seigneurs: mais les mettent en prisons estroites, & en seps fort merueilleux, & forts gresillons, & en autres attournemens de prisons: dont ils sont de ce faire subtils, pour attirer plus grand' rançon: & quand ils sentent qu'ils ont à prisonnier vn grand Seigneur, ou vn noble & vaillant homme, ils en font trop grandement réiouys: & les emmeinent avecques eux en Boesme, ou en Autriche, ou en Saxoigne, ou autre part: & les tiendront en lieux, ou en chasteaux, inhabirables. Allez les querre là. Telles gens vallent pis que Sarrazins, ne Payens, car la grand' ardeur de conuoitise, qu'ils ont en eux, leur toult la congnoissance d'honneur. Allez: & si mettez le Roy entre tels gens: & puis, qu'il en mesauienne (ainsi que les fortunes sont merueilleuses & perilleuses) on dira qu'on l'aura trahy, & là mené pour la destruction du Royaume, & non pour l'augmentation. Avecques tout ce (Dieu deffende le Royaume, de tout dommage & peril) à present qui prendroit le Roy, & vne partie des Nobles qui iroyent avecques luy (car, si luy va en Allemagne, il ira bien-accompagné) le Royaume de France sans nulle recourance seroit perdu. Or conseillez donc le Roy à aller en tel voyage. Et quelle chose en pourra on adoncques faire? les autres disoyent. Au nom de Dieu (respondirent les bien conseillés, selon leur imagination, & qui iustement glosoient les perils, & pensoient les fortunes ou auentures qui pourroient auenir) ne le Roy n'y voise, ne nul n'y voise à grād' puissance. Ce Duc de Guerles est ieune. Ieunesse de teste, & fumece, l'a à present émeu de défier le Roy de France. Ce n'a pas esté grand sens, ne bon conseil, fors de ieunes gens: qui sont outrecuidés: & lesquels veulent voler, auant qu'ils ayent ailles. Or, puis qu'il a défié le Roy de France, qu'on le laisse mettre auant, & poursuivre sa défiance. Le Royaume de France est grand. S'il se boute dedans, ne met en façon qu'il soit, le Roy de France en sera tantost informé: & lors aura il cause, & iuste querelle, d'émouuoir son peuple, & d'aller contre luy, & de le combattre (s'il le treuve en son conseil, & à ieu party) en France: ou le faire, mesmement sur les champs, retourner, & venir à mercy: ou le faire fuir deuant luy: & rentrer en Allemagne: & là aura le Roy plus d'honneur assez, & le Royaume moins de fraiz, que d'aller en Guerles. Car nous entendons par ceux, qui congnoissent le pays, qu'il y a à passer, auant qu'on puisse entrer en Guerles, ne venir iusques au Duc (s'il veut) quatre grosses riuieres: & la moindre est aussi grosse comme la riuiere de Loire est à † Neuers, ou à la Charité, & ord pays & mal logeable. Or allez: & conseillez le Roy de faire vn tel voyage & emprise. Ainsi, que ie vous dy, en ce temps estoient en plusieurs & diuerses imaginations & parolles les aucuns Nobles du Conseil du Roy de France: ausquels il touchoit grandement du parler, & pensoient bien à ce voyage, que le Roy de France vouloit faire: & sachez qu'il se fust pluost auancé qu'il ne fit, s'on ne doutast le venin, qui pouoit naistre & venir de Bretagne, & du Duc mesme: car tout cela le retardoit grādement: & bien auoit on cause de le douter, car le Duc de Bretagne (qui estoit tout informé de ces défiances du Duc de Guerles, & aussi de l'imagination, que le ieune Roy Charles auoit d'aller en Allemagne) n'attendoit autre chose: sinon qu'on se fust mis au chemin, & party du Royaume. Il auoit ordonné & tout conclu, entre luy & les Anglois, qu'il eust bouté les Anglois en son pays: & ià auoit par ses subtils tours attiré à luy, & à son accord, la greigneur partie des bonnes-villes de Bretagne, & par espécial Nantes, Vennes, Renes, Lentriguier, Guerrande, Lamballe, Sainct-Malo, & Sainct-Mathieu-de-fine-poterne: mais les corps des Nobles ne pouuoit il auoir. Or imaginoit il qu'iceux s'en iroient avecques le Connestable, en Allemagne: & en seroit sa guerre plus douce & plus belle. Si faisoit le Duc de Bretagne ses villes & ses chasteaux grandement pourueoir de toutes choses, qui à guerre pouuoient appartenir, viures & artilleries: & monstroient bien qu'il s'enclinoit plus à la guerre, qu'à la paix. D'autre part aussi il auoit grandes alliances à son serour-

† Il y auoit icy
Nemours.

Conclusion du
Duc de Bretai-
gne, pour met-
tre les Anglois
en son pais, à
guerroyer le
Royaume de
France: si le Roy
Charles fust al-
lé en Allemai-
gne.

ge, le ieune Roy de Nauarre, nommé Charles: & le Roy à luy, car le Duc luy promettoit, q'il pouuoit venir à ses entêtes, & qu'il tint puissance de Gés-d'armes & d'Achers d'Angleterre sur les champs, il les meneroit tout droit en Normandie, & recouurerait de prime-face toutes les bonne-villes & les chasteaux, que le Roy † Charles de France, oncle de ce Roy de Nauarre, auoit pris, & fait prendre par ses gens, le Seigneur de Coucy, & autres. Sur cest estat auoit le Roy de Nauarre grand'esperance: & en tenoit en humble amour le Duc de Lancaſtre (qui ſejournoit à Bayonne) & auoit entre eux grandes alliâces: & de tout ce vey ie l'apparence: comme ie vous diray cy-apres. En l'an de grace Noſtre-Seigneur mil trois cens quatre vingts & huit, le ſeptième iour du mois d'Auril, fut conclu, arreſté, & ordonné, au Conſeil du Roy d'Angleterre & de ſes oncles, le Duc d'Yorch & le Duc de Gloceſtre, que le Comte Richard d'Arondel ſeroit Chef & ſouuerain d'une armee par mer: ou il y auroit mille Hommes-d'armes, & trois mille Archers: qui ſe tireroient à Hantonne: & ſeroient là le quinzième iour du mois de May: & y trouueroient la naue, toute preſte, chargée, & appareillée: & là à ce iour deuoient eſtre en la marche tous ceux, qui avecques luy iroient, & deuoient aller en ce voyage. Si tint le Roy d'Angleterre, le iour Saint George enſuyuant, vne très-grande feſte, au chaſtel Windeſore: & là furent, en partie, les chefs des Seigneurs, qui avecques le Comte d'Arondel deuoient aller en ce voyage: & prirent congé du Roy, de ſes oncles, de la Roynie, & des Dames. Si furent tous à Hantonne, ou là pres, au iour qui ordonné eſtoit. Puis entrerent en leurs vaiſſeaux, le vingtième iour de May: qu'il faiſoit très-bel & très-clair. Là eſtoient le Côte d'Arondel, le Côte de Nortighen, le Côte de Dôneſiere, meſſire Thomas de Perſy, le ſire de Clifſort, meſſire Iehan de Warnich, meſſire Guillaume de la Seellee, le Sire de Cameux, meſſire Eſtienne de Libery, meſſire Guillaume Belmen, meſſire Thomas Moreaux, meſſire Iehan d'Auberticourt, meſſire Robert Sere, meſſire Pierre de Montbery, meſſire Louis Clumbo, meſſire Thomas Coq, meſſire Guillaume Paule, & pluſieurs autres: & eſtoient de bonnes Gens-d'armes mille Lances, & trois mille Archers, ou enuiron: & ne menoient nuls cheuaux, car ils eſperoient, que, ſi les choſes venoient à leurs ententes, ils entreroient en Bretagne: & là ſe reſreſchiroient: & trouueroient des cheuaux aſſez, & à bon marché, pour eux ſeruir, & faiſoit ce iour, qu'ils ſe deſancrerent de Hantonne, ſi quoy, & ſi ſery, que la mer eſtoit ſi paſſible, que merueille. Si demeurerent en leurs vaiſſeaux: & tournerent vers Normandie: & ne tiroient à prendre terre nulle part, fors à frontoyer les terres de Normandie & de Bretagne: tant qu'autres nouuelles leur viendroient. Si menoient en leur armee vaiſſeaux (qu'on appelle Balniers courſiers) qui flo-toient ſur la mer, & alloient deuant, pour trouuer les auentures: ainſi que par terre aucuns Cheualiers & Eſcuyers montent ſur fleur de cheuaux, allans deuant les batailles, & cheuauchans, pour decourir les embuſches. Nous nous ſouffrerons vn petit à parler de ceſte armee: & parlerons des beſongnes de Guerles & de Brabant, & compterons, à preſent, comment on mit le ſiege deuant la ville de Grane.

† Il entend de Charles cinquième.

Armee marine d'Angleterre l'an 1388.

Embarquement de pluſieurs Seigneurs d'Angleterre, avec le Comte d'Arondel, pour couſtoier la marine de Normandie & de Bretagne.

Comment les Brabançons meurent le ſiege deuant la ville de Grane: comment le Conneſtable de France prit Saint-Malo & Saint-Matthieu-de-fine-poterne, y mettant gens en garniſon.

CHAP. CX.

IE vous ay † ci-deſſus compté des anciens Ducs de Guerles, & comment l'aiſné fils du premier Duc de Guerles (dont i'ay traité premierement, & qui ſe maria à la fille Berthaut de Malines, pour luy oſter de danger, & rachapter ſon heritage: qui grandement eſtoit empeſché) engagea trois de ſes chasteaux à vn Comte de Mours: qui depuis, ne pouuant retirer ſon argent de luy, les mit pour ſa meſme ſomme, entre mains du Comte Vincelant de Brabant, & ce qui ſ'en enſuiuit, iuſques au Duc Guillaume de Guerles, fils du Duc de Iulliers. Or ce Duc de Guerles, fils de Guillaume de Iulliers, pour entretenir la ville de Grane ſur les Brabançons, & qu'il en euſt cauſe & iuſte tiltre, regarda (quand il veit qu'il ne peut auoir les trois chasteaux deſſus-nommés, ſeans ſur la riuere de meuſe: Gangelch, Buth, & Mille: qui iadis auoient eſté de l'heritage tresfoncier du pays de Guerles) qui attribuerait la ville de Grane à ſon heritage perpetuellement. Si auoit ce Duc vne ſienne fille Baſtarde, donnée & mariee au Damiſel de Bruk: lequel Sire de Bruk eſtoit heritier de la ville de Grane. Si fit vn traité amiable (ainſi cōme entre le pere & le fils: ou nul moyē ne doit auoir) & luy dōna le Damiſel de Bruk la ville & Seigneurie de Grane: & l'en hérita, preſens les Cheualiers de Guerles & de Iulliers: &

† Ceſte premiere clause, eſtoit corrompue: & imparſaite: & l'auons redrecce & fournie ſelon les dedutions precedentes, & depuis le cha. 96. du preſent vol.

† Le sens estoit
corrompu en ce-
ste sorte a pré-
dre vn bel
chastel & vne
bonne grosse
ville, &c.

† Nous auons
dionsté les qua-
tre mots suiuas,
des lesquels n'y
auoit nulle en-
tente: sinon cō-
traire au sens
del' Auteur.

le Duc de Guerles pour celle cause le recompensa de la terre & Seigneurie de Bresde, seant sur la riuere de Lighue, en la Duché de Guerles, marchissant sur le pays de Hollâde bien en sus de Brabant. A celle ville de Bresde † append vn bel chastel: & est vne bonne grosse ville, & de grand profit, mais Grane vaut mieux. Cet échange fit le Duc de Guerles ainsi, sur l'entente que d'auoir iuste cause, & tiltre, d'obtenir la ville à l'encontre des Brabançons. La Duchesse de Brabant & les Brabançons † disoient que les Seigneurs de Bruk l'auoient tenue pour gage, & que, toutes & quantes fois qu'il leur plairoit, ou à leurs hoirs, ils la pouuoient rachapter: & le Duc de Guerles disoit que non: & pourtant s'eueut la guerre & mal-talent, & vindrent à celle saison, au mois de May, mettre le siege les Brabançons deuant la ville de Grane, Barons, Cheualiers, & Escuyers, & puissances des bonnes-villes de Brabant: & y firent amener & charier engins, espringalles, & tels aornemens d'affaux: & estoient bien quarante mille, qu'vns qu'autres. Si y eut fait plusieurs assaux & ecarmouches aux barrieres, & presque tous les iours, car la ville de Grane gist pardecà la Meuse sur le pays de Brabant, & au lez. Par là a vn pont, par dessus la riuere, par ou on entre en la Duché de Guerles, & au pays d'environ. Si fut le siege de grand' entreprise & plantureux, en l'ost de Brabant, de tous biens: & y recouuroit on aussi bien de ce qu'on vouloit, pour ses deniers, & aussi à bon marché, comme on faisoit au-deuant en la ville de Brucelles. Si y auoit presque tous les iours ecarmouches aux barrieres de Grane, des cōpaignons, qui auenturer s'y alloient: & aussi les Arbalestiers à la fois y alloient traire, & ecarmoucher. Vne heure estoient reboutés, & à l'autre reboutoient: ainsi que les auentures auiennent en tels partis d'armes. Le Duc de Guerles estoit bien informé de ce siege, & de tout ce qu'ils y auoient fait, car il se tenoit à quatre lieuës pres de Nymars: & escriuoit souuent en Angleterre: dont il pensoit à estre reconforté: & auoit esperance que l'armee d'Angleterre (qui estoit sur la mer, & de laquelle le Comte d'Arondel estoit chef) en briefs iours, quand ils voudroient, & vent à ce propre auroient, viendroient en la Duché de Guerles, leuer le siege. Bien sauoit le Duc de Guerles que la ville de Grane estoit forte: & si l'auoit fait pourueoir grandement & grossièrement: & n'estoit pas à conquerre par assaut: fors que par traitté: mais il sentoit ceux de Grane feaux enuers luy: ne pour riens ils ne le relenquiroient. Si s'en sentoit plus assuré. Ainsi se tint le siege, deuant Grane, des Brabançons, long & grâd, en celle saison: si-comme vous pouuez ouir. L'armee du Comte d'Arondel & des Anglois estoit sur la mer, & ne prenoit point terre: & n'elongnoit point les frontieres de Bretagne & de Normandie: tant que les Normâs, deuers le Môt-Saint-Michel, & en costioient toute la bande, en descédant iusques à la bande & bourne de Diépe, de Saint-Valery, du Crotoy, & de Ponthieu, n'estoiét pas assurez: car ils ne sauoient à quoy ils tendoient. Si furent ces ports & villes de Normandie pourueüs de par le Roy, & refreschies de bonnes Gens-d'armes, & d'Arbalestiers, pour resister à l'encontre des perils, & furent mis & establis, de par le Marechal de Blain-ville, en la ville de Carenten (qui sied sur la mer, & quiadis auoit esté heritage du Roy Charles de Nauarre) le Sire de † Hambre & le Sire de Coucy, deux grans barons de Normandie. Le Connestable de France se saisit de la ville de Saint-Malo, & aussi fit il de celle de Saint-Mathieu: & aussi tost qu'il peut sauoir que les Anglois estoient sur la mer, il y meit gens, au nõ du Roy de France. En celle saison cuidèrent bien les François auoir la guerre ouuerte, contre le Duc de Bretagne: & disoient Cheualiers & Escuyers, que l'armee sur mer des Anglois n'y estoit en autre instance, & que le Duc de Bretagne les y auoit mandés, pour les mettre en son pays, par les apparences qu'on y veoit: car ils frontoioient tousiours les bandes de Bretagne: ne point ils ne s'en elongnoient, si force de vent ne les reboutoit arriere en la mer: mais tousiours (commēt qu'il allast) ils s'en retournoient delez Bretagne.

† Verard dit
chambre.

Saint-Malo
& Saint-Mat-
thieu, saisis par
le Connestable
de France en
Bretagne.

Comment le Duc de Lanclastre eut en pensée de marier sa maisnee fille au Duc de Touraine, frere du Roy Charles sixieme: & comment, en estant parlé au Duc de Berry, pour son fils, en escriuit pour soy-mesme au Duc de Lanclastre, qui pourtant se renforça de courage.

CHAP. CXI.

Vous sauez (comme il est cy-dessus contenu) comment le Duc de Lanclastre estoit issu & party hors du Royaume de Castille & de Portugal. Les imaginations, qu'il auoit, luy tournoient à grand' déplaissance. Car il veoit bien ses besongnes trop troubles & obscures, ainsi que les fortunes, à la fois, à toutes gens viennent (soit en bien, soit en mal) quand on s'en donne le moins de garde: car, quand il se partit du Royaume d'Angle-

d'Angleterre, bien-accompagné de bonnes Gens-d'armes & d'Archers, il cuidoit bien autrement exploiter, qu'il ne fit. Il veoit & oyoit recorder (quand il en vouloit demander) que sur le quinzième iour il auoit perdu Galice, & il auoit mis longuement à le conquerre, & comme par l'espace de seize semaines: & avecques tout ce, ses gens estoient morts, & espars, l'un çà, & l'autre là: & nul confort il n'espéroit à auoir d'Angleterre, car les Anglois estoient tous lassés de celle guerre d'Espagne. Elle leur estoit trop dure & trop loingtaine, & si sentoient aussi bien que le Royaume estoit en autre estat. Si ne voioit le Duc de Lanclastre sur ses affaires nul bon moyen, ne reconfort en ses besongnes. Petit en parloit, mais moult fort y pensoit: & figuroit à la fois, en ses imaginations, son voyage, à l'emprise du Duc d'Aniou: qu'il auoit faite au Royaume de Naples: car, au departir du Royaume de France, il s'en y estoit allé bien garny, & aussi étofement que nul Sire pourroit estre allé, en grand arroy, riche, noble, & puissant, & grand foison de beaux & bons Gens-d'armes, & la fin auoit esté telle, que tout mort & tout perdu auoit. Ainsi comptoit le Duc de Lanclastre son fait tout à neant: & le déconfort, qu'il prenoit à la fois, ce n'estoit pas merueilles. Car le Comte de Foix (qui se tenoit en Bearn, en son pays, & qui grand sens & imaginatif auoit) comptoit, en parlant aussi entre les siens, le Duc de Lanclastre pour tout perdu, tant qu'à la requeste du Royaume de Castille. Le Duc de Lanclastre (qui sage & vaillant Prince estoit) entre les déconforts estoit patient: & receuoit à la fois un tresgrand reconfort. Je vous diray de quoy, & comment. Il veoit une belle fille: qu'il auoit de Madame Constance, sa femme; qui fille auoit esté du Roy Dampietre, & en quelle instance il faisoit la guerre en Castille. Si pensoit, & disoit ainsi, Si la fortune pour le present m'est dure & contraire, elle se tournera pour ma fille, qui est belle & ieune, car elle a grand droit en l'héritage de Castille, de par son taylor & de par sa mere. Quelque vaillant homme de France, ou d'ailleurs, la conuoitera, tant pour l'héritage qui de droit luy doit reuenir, que pour son lignage, car elle peut bien dire qu'elle est de la plus haute & noble extraction des Chrestiens. Si eust volontiers veu le Duc de Lanclastre, que nouvelles & traittés luy fussent venus de France: car bien sauoit que le ieune Roy de France auoit un ieune frere (qui s'appelloit Duc de Touraine) lequel pourroit recouurer le droit en Castille: car il est verité que la puissance de France a mis, & tient noz auersaires, en l'héritage de Castille. Aussi (sils vouloient le contraire) ce leur seroit moult leger à faire, de mettre ius ceux, qui sont en possession, & y remettre ma fille: ou cas qu'elle auroit le frere au Roy de France. Sur ces imaginations s'arresta le Duc de Lanclastre: qui aucuns apparens en veit, non pour le Duc de Touraine, mais pour autrui: & qui estoit bien taillé de faire un grand fait en Castille: & pour ce tēps il auoit la greigneur partie du Royaume de France en gouuernement, & par luy estoit tout fait, & sans luy n'estoit riens fait. Je le vous nommeray, C'est le Duc de Berry. Vous sauez (si comme il est contenu cy-dessus en nostre Histoire) comment le duc de berry & son fils estoient veufs de leurs deux femmes. Ce say ie tout seurement: car ie Acteur & augmenteur de ce liure, pour ce tēps estoie sur les frōtieres de ce pays de berry & de Poictou, en la Comté de blois, delez mon trescher & honoré Seigneur le Comte Guy de blois: par lequel ceste Histoire est emprise, pour suiue & augmentee. Le Duc de berry, entre toutes autres imaginatiōs & plaisances qu'il auoit, c'estoit de luy remarier: & disoit entre ses gens moult souvent, une heure entre les autres, & l'autre par sens, qu'un Seigneur ne vaut riens sans dame, & pareillement homme sans femme. Si luy fut dit de ceux, à qui il se fioit le mieux, Monseigneur, mariez le hā vostre fils, si en sera vostre hostel plus ioyeux, & de beaucoup mieux refait. Hau (disoit le Duc) il est trop ieune. Disoient ses gens, Vous voyez que le Comte de blois a marié son fils (qui est presque aussi ieune, & d'environ son aage) à Marie vostre fille. Il est verité, dit le Duc. Or nommez femme pour luy. Nous vous nommons la fille du duc de Lanclastre. Adoncques pensa le duc de berry sur ceste parolle. Si n'en respondit pas si tost: & entra en imagination trop grande: & s'en decouurit à ceux, qu'il tenoit les plus secrets: & dit, Vous parlez de marier le hā, mon fils, à ma cousine, la fille au duc de Lanclastre. Par Saint denis, vous nous en auez auisés: mais ce sera une bonne femme pour nous, & tost en escriray à nostre cousin le duc de Lanclastre. Il se tient à bayonne, comme ie suis informé. Je luy vueil signifier que ie luy enuoyeray hastiement de mon conseil, pour traiter de mariage. Pour moy le dy: non pour mon fils. Je le marieray ailleurs. Quand le Conseil du duc de berry l'entendirent ainsi parler, si commencerent tous à rire. De quoy riez vous? dit le Duc. Nous rions, Monseigneur, de ce que vous aimez plus

*Reconfort du
duc de Lanclastre, sur sa fille à marier.*

*† Entendez, que
le Duc de Lanclastre disoit
tels mots à par
soy.*

*Messagers du
Duc de Berry au
Duc de Lancla-
stre, pour auoir
sa fille en ma-
riage : dont il
eut response à
son gré.*

cher vn bien pour vous, que pour vostre fils : à ce que vous monstrez. Par ma foy (dit le Duc) mais raison, car beau cousin de Lanclastre ne s'accorderoit iamais si tost à mon fils, comme il feroit à moy. Adonc furent sans delay lettres escrites, & messagers honnora- bles enuoyés en la haute Gascongne, & à Bayonne, deuers le Duc de Lanclastre. Quand ces messagers furent venus iusques au Duc de Lanclastre, ils baillerent leurs lettres. Il les prit : & les ouurit : & les leut. Quand il eut bien conceu la matiere & la substance, dont les lettres parloient, si en fut moult réiouy : & fit aux messagers bonne chere : & leur monstra bien qu'il les auoit pour agreables : & rescriuit par eux, deuers le Duc de Berry, & moult amiablement : & monstroient ses rescriptions qu'il entendroit volontiers & legéremēt à ceste matiere, & qu'il en auoit grād' ioye. Les messagers se meirent au retour : & trouue- rent leur Seigneur en Poictou : qui s'ordonnoit pour aller en France. Car le Roy & le Duc de Bourgongne, pour l'estat de Bretagne, l'auoient estroitement mandé. Il prit les lettres, que son cousin de Lanclastre luy auoit enuoyees, & les leut, & de la response eut grand' ioye, & fauisa qu'il poursuiuroit ces proces : mais le voyage de France ne pou- uoit il laisser. Non-obstant, il se mit au chemin, pour le plus court : comme il peut a- uiser. Il escriuit deuers vn sien Cheualier (qui s'appeloit messire Helion de Lignac, & pour le temps estoit Sénéchal de la Rochelle, & ou pays de Rochelois) & luy mandoit par ses lettres, que, icelles veuës, il ordonnast sagement ses choses en la Rochelle, & ou pays de Rochelois : & luy mandoit qu'il le suiust à Paris (car là le trouueroit il) & qu'en ce n'y eust point de faute. Quand messire Helion de Lignac (qui se tenoit en la Rochelle : car il en estoit Sénéchal) entendit ces nouuelles, & veit les lettres & le seel du Duc de Berry (qui le mandoit si hastiement) si s'ordonna sur ce : & pour venir & aller, à son de- partement il institua à la Rochelle, à estre Capitaines, deux vaillans hommes, & à souue- rains, de par luy, en toute la marche & Sénéchaucce de Rochelois. Les deux Cheualiers estoient du bon pays de Beauſſe : & appeloit on l'vn, messire Pierre d'Yon, & l'autre, Mon- seigneur Pierre Taillepié : & depuis ceste ordonnance faite, messire Helion se mit au chemin pour venir en France, & tout par le plus court chemin qu'il peut, car ne sauoit que le Duc de Berry luy vouloit : qui si hastiement le mandoit. Or vous parleray vn peu du Duc de Lanclastre : qui se tenoit à Bayonne, & lequel auoit grand' imagination sur ces besongnes, & de quoy son cousin de Berry luy auoit escrit. Premièrement il ne voulut pas qu'elles fussent celes, mais publiees par tout : à fin que ses ennemis pensassent sus, & que ses traittés fussent ſceus en l'hostel du Roy Iehan de Castille. Si escriuit le Duc de Lanclastre tout l'Estat, & dedans ses lettres, la copie des lettres, que le Duc de Berry luy auoit enuoyees & escrites : & monstroient ses rescriptions à ceux, ausquels il rescriuoit, qu'il a- uoit grande affection à ceste matiere & traitté du mariage de sa fille & du Duc de Berry : qui se deuoit entamer. Et tout premièrement en escriuit au Comte de Foix : pourtant qu'il sauoit bien qu'en son hostel retournoient toutes manieres de Cheualiers & d'Es- cuyers, allans & venans en Espagne, tant deuers le Roy d'Espagne, comme deuers le pe- lerinage de Saint-Iaques, & en escriuit aussi deuers le Roy de Nauarre (qui auoit la sœur de ce Roy de Castille : dont il auoit eu moult d'enfans) à celle fin que ces nouuelles fussent affermees & certifiees en l'hostel d'Espagne, mieux & plus creablement par luy, que par parolles vollans. Encores en escriuit il aussi au Roy de Portugal, mais il n'en escriuit point en Angleterre, deuers le Roy, ne deuers ses freres, car bien sauoit, que, se les Anglois le sauoient, ils ne luy en sauroient nul bon gré : ainsi comme ils ne firent : comme ie vous di- ray, quand ie seray venu iusques là, au traitté de la matiere. Mais nous traiterōs icy vn pe- tit d'autre matiere : & parlerons du Duc de Bretagne, car l'histoire le veut, & desire.

*Prudence du
Duc de Lancla-
stre, pour faire
penser ses enne-
mis au mariage
de sa fille.*

Comment le Sire de Coucy & autres Barons de France furent enuoyés deuers le Duc de Bretagne : & comment, deuant leur arriuee vers luy, reſtablit, aux gens du Conne- ſtable, les places, qu'il auoit de luy.

CHAP. CXII.

QVand le Duc de Berry fut venu en France, delez le Roy & le Duc de bourgongne son frere, & leurs Conſaux (commel'Eueſque de Langres, l'Eueſque de Laon, le Si- re de Coucy, & les barons de France, qui du deſtroit Conſeil estoient) si eurent plusieurs colations de parlemens ensemble, tant pour l'estat de Guerles (ou le Roy auoit grād' ima- gination d'aller) que pour le Duc de Bretagne : qu'o ne pouuoit mettre à raison : & qui ne vouloit obeyr : & ne sauoit on enuers luy qui enuoier, pour ſagemēt traiter & doucemēt, & aussi qu'il vouſiſt croire, car ià y auoiēt eſté pluſieurs vaillās hōmes & ſages, qui ſ'eſtoiēt acqui-

acquitez de remonstrier droiture, & ce pourquoy ils estoient là venus & enuoyez: mais tout estoit retourné à neât: car on n'y auoit riens besögné n'exploité: döt le cöseil du roy estoit tout troublé: car on entëdoit que le Duc de Bretagne auoit, tout l'Yuer & tout le réps, pourueu ses villes & ses chasteaux, & möstroit qu'il auoit plus cher la guerre que la paix. Et disoiët bië les plus sages du cöseil de Fräce, On parle d'aller en Allemaigne: mais on deuroit parler d'aller en Bretagne, & ruer ius de tous points ce Duc: qui est si hautain, & a tousiours esté, cötre la couröne de Fräce, qu'il ne veut öbeyr, ny ne daigne. On n'aura iä nulle raison de luy: son ne met en luy tout son mal-talët: & son ne l'y met, il paroist estre trop presomptueux. Il ne craint, aime, ne prise, q'luy. C'est vne chose toute clere. Si le Roy va en Allemaigne, & il denue son Royaume de Gës-d'armes (ainsi qu'il cöuiët qu'il face: car il n'y peut pas aller, si l'y va tresgrandemët bië pourueu) ce duc de Bretagne mettra les Anglois en son pays: & entreröt en Fräce: & iä en sont les apparëces trop grädes: car il y a vne grosse armée de Gës-d'armes & d'Archers sur la mer: lesquels ne se partät des bēdes de Bretagne, tāt qu'ils le puissent amēder: &, ou que la mer ou les vëts les reboutët, tousiours si reuiēnent ils deuāt Bretagne, & puis y demeurēt à l'äcre: si qu'il est de necessité qu'ö ait à luy la guerre ouuertë, ou la paix. Et disoiët les aucuns (qui grädemët imaginoiët ce fait) Ce seroit bon qu'ö y enuoyast de-rechef l'euesque de Lāgres & le Cöte de S. Pol: car ces deux, duc & Cöte, eurēt par mariage les † deux söurs. Nēny, nēny (respödit Maistre Yues Douët: qui estoit vray Bretö) puis que de rechef vous voulez enuoyer deuers le Duc, vous n'y pouuez enuoyer de meilleur traicteur, ne plus agreable pour luy, que le Sire de Coucy (car aussi bië ils eurēt deux söurs: & se sont tousiours entr'amez: & souloiët l'vn à l'autre, quād ils s'escriuoiët, escrire Beau-frere) & avec le seigneur de Coucy boutez y ceux, que vous voudrez. Or nommez, Maistre Yues, puis que vous auez cömencé, dit le Duc de Bourgogne. Volötiers (dit il) mais qu'il vous plaise. Avecques le Sire de Coucy iront messire Iehan de Vienne & le Sire de la riuiere. Ce sont trois Seigneurs, tresbien pourueus, & qui l'ameneront à raison: se iamais y doit venir. Et nous le voulons respondirent les Ducs de Berry & de Bourgogne. Donc furent ils chargez de ce, de quoy ils deuoient parler, & sur quoy se deuoient fonder, & tousiours sur la plus douce voye, qu'on peut auiser: mais pas ne se partirent si trestost de Paris. Le Duc de Bretagne seut, auant que les seigneurs se missent à voye, qu'ils deuoient venir en Bretagne, pour parler à luy: mais il ne sauoit pas (aussi ne faisoient pas ceux, qui l'informerent) leur charge. Toutesfois il veoit bien que la chose touchoit grandement: puis que le Sire de Coucy y venoit. Si eut plusieurs imaginations sur cest affaire: & se decourrit à aucuns de son Conseil † assauoir comment il se cheuiroit: & demandoit à estre conseillë: pourtant que commune renömée couroit que le Duc de Lancastre marioit sa fille en France, au Duc de Berry: & estoiet iä les choses si aprochées, que messire Helion de Lignac s'estoit mis au chemin, pour aller parler au Duc: qui se tenoit à Bayöne, & qui grandement s'enclinoit à ce mariage: dont il auoit grand' merueille que le Duc de Lancastre son beau-frere, ne luy en auoit riens rescrit, & qu'il n'en sauoit riens, fors que par ouyr dire. Ce que du temps passé ils n'auoiët point accoustumé: car de toutes ces besongnes (puis qu'elles touchoient en Fräce) il luy escriuait. Son conseil si respondit adonc, sur le poinët de son imagination: & luy dit, Sire, il vous faudra briser vostre propos (cö-mët que ce soit) ou perdre trop grossemët, & mettre vostre terre en guerre. Ce que vous deuez bië ressongner: car vous n'avez que faire de iamais guerroyer: puis q'vous demourez en paix, & puis qu'ö vous en prie: & si est madame, vostre fēme, grosse, ou vous deuez bië pēser & regarder. Le Roy de Nauarre ne vous peut qu'vn petit aider: car il a iä moult affaire de soy-mesme. Le Duc de Lāclastre (qui est vn sage & vaillät Prince) döne & marie sa fille (ainsi qu'on dit) au Duc de Berry. Ce sera vn grand cömencement de traiter paix entre France & Angleterre, ou vnes longues trēues, cöuenances & alliances: & verrez en fin bouter hors le Roy de Castille de son Royaume: car autāt bien est il en la puissance de France, & des François, du defaire, comme il a estë du faire: & encores mieux: puis qu'ils auront le Duc de Lancastre & les Anglois de leur accord. Nous auons entëdu, & verité est, q'le Sire de Coucy, l'Admiral de Fräce, & le Sire de la Riuiere, si doiuent venir en ce pays. Vous deuez bië sauoir qu'il y a gräd' cause, & q'la chose touche de pres au Roy, qui s'ēbesongne pour sö Cönestable, & pour son royaume: & voudröt, de par le Roy & ses oncles, que vo' leur faciez sauoir déterminemët q'lle chose vo' voudrez faire, & si vous tiēdrez tousiours vostre opiniö: &, si vo' la tenez, no' imaginös (car par les ap-

† Qui furent
filles du pre-
mier mariage
de la Princesse
de Galles, &
surnommees de
Hollande: com-
me il se voit
par quelques
ch. du premier
vol. & en ent.
le duc de Bret.
l'vne en second
mariage, & le
Comte de S. Pol
l'autre. Quant
au sire de Cou-
cy il eut vne des
filles du Roy
Edouard d'An-
glet. 3. & le
duc de Bret. v-
ne autre, en pre-
mieres nocces.
† Il y auoit a-
pres Conseil
le Seigneur
de Montbou-
chier, que i'ay
ostë: pource que
Berard ne l'a
point, & qu'il
m'a semblë n'y
seruir de rien.

*pruces ou -
seil de Bretai-
gne à leur Duc.*

parées appréd on les choses) que ceste armée (qui sappareille si grâde & si grosse, pour aller en Guerles, cōme la renōmée court) se tournera toute sur vous. Or pēsez de qui vo^r serez conforté, se vous auez la guerre (ainsi q̄ vous auez, & n'y pouuez faillir) si le Duc de Lâclastre marie sa fille en Frâce: ainsi cōme il fera: car il ne la fauroit mieux mettre pour recouurer son heritage. Avec tout ce, la plus-saine partie des Prelats barōs, Cheualiers, citez, & bōnes-villes de ce pays, sont tous cōtre vous. Nous vous disons (puis que cōseil demâdez) qu'il est heure, plus qu'il ne fut iamais, que vous vous auisiez, & si mettez peine à garder vostre heritage (qui tāt vous a cousté de sang, de sueur & de trauail) & brisez vn petit, ou assez, la pointe de vostre haine, Nous sauōs biē qu'auez en grād' haine messire Oliuier de Clifson, & qu'il vous a courroucé par plusieurs fois (aussi auez vous luy) cōment qu'il ne soit pas pareil à vous. Mais, puis que le roy de Frâce, ses oncles, & les barōs de Frâce, l'enchargēt à l'ēcontre de vous, il sera secouru (car il est & sera leur Connestable) & si le Roy Charles, dernier mort, vesquist (qui tāt l'aimoit) & ce fust auenu de vous à luy, nous sauōs de verité, & de fait, qu'il eust auāt cousté au Roy la moitié de son royaume, que l'iniure ne fust amēdée: mais le Roy Charles, son fils, est ieune: si ne prise pas les choses, comme il fera encores, fil vit dix ans. Il vient: & vous vous en allez. Se vous entrez en nouuelle guerre cōtre les Frāçois, avec toutes les choses que nous vous auōs dites, ce ne fera pas de nostre conseil, ne de conseil d'hōme, qui vous aime. Il vous faut dissimuler que: quelque chose que vous ayez à faire, ny à dire. Mais aussi qu'auez à faire de tenir à present 3. chasteaux de messire Oliuier de Clifson, ou de son heritage? & les auoir pris sur la forme, que vous les tenez? Soit que vous demourez en paix, ou en guerre, ils vous cousterōt plus à faire garder en 3. ans, qu'ils ne vous profiterōt en 12. Si les rédés, & ostez de vostre main nuemēt, & quād la renōmée courra (car on ne fait riēs qu'il ne soit seu) que sans cōtrainte & doucement vous en serez party, vous adoucirez & attréperez grandemēt la felonie de plusieurs, & ferez grādement au plaisir de Mōseigneur de Bourgogne, qui ne vous griēuera pas en voz besongnes (ce sauōs nous biē, du plus qu'il pourroit, fil vouloit: & ce luy vient de par vostre bōne amie & cousine, Madame de Bourgogne sa femme. Car il en a eu moult de beaux enfans: & ce sōt ceux, qui auourd'huy plus pres vous appartiēnent. Si cōsiderez biē dōcques, & d'ou vous venez, & les parties dont vous estes issu: & n'élōgnez pas ce, que vous deuez approcher: car ce seroit follie: & si en seriez petit plaint. En Angleterre n'auez vous iāmais que faire: car les Anglois sont assez embesongnez d'eux mesmes. Ils vous mōstrerōt grād' amour & grād seruice, de tāt qu'ils pourrōt, & pēserōt, à mieux valoir de vous, & riēs outre. Vous l'auez autresfois éprouué: & le sauez de certain: car vous fustes nourry entre eux, des vostre ieunesse. Quād le Duc de Bretagne eut ouy parler son cōseil, & remōstrer les doutes, ou il pouuoit encore encourre, si raisonnement, il fut tout ébahi: & se teut vn tēps, sans riēs parler ne respōdre: luy appuyāt sur vne fenestre (qui regardoit emmy sa court) son Cōseil deuāt, & derriere luy: & là eut plusieurs imaginatiōs, & quād il se retourna, il dit ainsi, Je croy & voy bien du tout cleremēt, qu'à vostre pouuoir me cōseillez hautemēt: & autre chose ne m'est besoing, que bon cōseil. Mais cōment se pourroit nourrir parfaite amour, ou n'a que toute haine? Cōment pourroy-ie aimer Oliuier de Clifson? qui tant m'a courroucé de fois? & pourtāt la chose du mōde, dōt ie me repē le pl^r, c'est q̄ ie ne le fey mourir, quād ie le tein au chastel de l'Ermine. Ou nō Dieu, Sire (dirēt ceux de son Cōseil) fil eust esté occis & il fust mort, vous ne l'eussiez pas rançōné, pris, n'ésaisiné son heritage: car no^r auōs ressort en la chābre de Parlemēt à Paris. Jehan de Bretagne & le fils du Vicōte de Rohā (qui sōt ses hoirs: & heritiers de toutes ses terres: car ses filles sont leurs fēmes) si se fufsēt retraits à l'heritage, cōme au leur, & de ce costé receuez vous biē grād blasme & parolles en Frâce: quoy que vous soyez ici, & que vous tenez la possession des chasteaux. C'est la cause & querelle, demenée & parlemētée au Palais à Paris, à la chābre de Parlemēt: & la perdrez par sentēce arrestée (car nul n'est là qui pour vo^r respōde aux articles, dōt le Conestable vous a mis en iugemēt (& quād vous l'aurez perdue, lors aurōt messire Oliuier de Clifson & ses hoirs iuste cause & querelle de vo^r traire en defaut, & en tiltre de guerre: & si le Roy & le pays de Bretagne vous veulēt guerre, & eux aider: il vous faudra pl^r grād' puissance auoir pour vous deffendre, que nous ne voiōs à present que vous auez. Si vaut trop mieux, plaïd pēdant, que vo^r remettez les chasteaux arriere, & qu'ō vous en sache grē, que nō pas adōc qu'une diffinitive sentēce sera dōnée à l'écōtre de vous: & accorderrez des dōmages & interests, au plus bel q̄ vous pourrez. Ainsi vous departirez vo^r d'esc

*Conseil au Duc
de Bretagne
pour rendre les
places au Con-
nestable de Clif-
son.*

*Autre bon con-
seil & raison
de rendre par
le Duc de Bre-
tagne les pla-
ces du Conne-
stable.*

clandre

clandre du peuple (qu'on doit moult redouter à son deshonneur) & vous reformerez, comme devant, en paix & en amour: enuers ceux, ou vous le deuez estre. C'est le Roy de France, vostre souverain & naturel Seigneur, & Mōseigneur de Bourgogne, & voz cousins, ses enfans. A l'exēple dequoy, vous avez veu, de vostre tēps, le Comte de Flandres, vostre cousin germain (qui estoit si haut Prince, si sage, & si vaillant) & comme sur la fin de ses iours il eut affaire d'eux par incidēces merueilleuses, qui luy suruindrēt: & cōuint (ou autrement il eust esté tout défait, & bouté hors de son heritage) qu'il s'humiliaist enuers le Roy de France & ses oncles, & les Nobles du Royaume: qui tous luy aiderēt à recouurer son heritage. Or (dit le Duc) ie voy biē (puis que i'ay demandé conseil) qu'il faut que ie prenne & accepte vostre parolle, & ce qu'avez dit. Il me semble que, de puis les choses se porterent si bien, qu'on en veit l'aparence. Car le duc de Bretagne (qui bouté festoit en possession & saisine des chasteaux du Cōnestable: comme vous sauez, & que ci-dessus est contenu) remanda ses gens, & se deporta de la saisine: & furent reſtablis les Cōmis du Cōnestable. Ainsi s'amodererēt les besongnes. Sachez, neātmoins, que ceste restitution, ainsi faire, ne suffit mie au Conseil du Roy: si le Cōnestable, ne r'auoit son argent, & en outre, si le Duc ne venoit, en personne s'excuser au Roy, presens les Pers, à Paris, & de l'amende, en attrēdre l'auēture, telle que le Roy & les Pers de France, par grand deliberation de Conseil voudroient iuger sur luy. Quand les nouuelles de la restitution des chasteaux du Cōnestable & vraye cognoissance en furent venus aux Seigneurs, qui ordōnez estoiet d'aller en Bretagne deuers le Duc, si en furent tous réiouis. Si dit le Sire de Coucy, Or auōs nous moins à faire. Je suppose que le Duc de Bretagne nous croira, quand nous parlerōs à luy, Il me fut dit ainsi, qu'auant que ces trois barons, qui ordonnez estoient de faire ce voyage se partissent de Paris, les ducs de Berry & de Bourgogne eurent estreit conseil à eux, en disant qu'ils fissent tant par douces parolles, non par rigoureuses (si le Duc de Bretagne vouloit à ce descendre) qu'il veinst iusques à Paris, à tout le moins qu'il veinst iusques à la moitié du chemin, en la ville de Blois, & là ils les trouueroient, & auroiet parlemēt ensemble. Ces trois Barons (qui prudēs & pourueus estoiet) respondirent qu'ils en feroient leur pouuoir. Or se meirent ils à chemin: & cheuaucherēt tant par leurs iournées, qu'ils vindrent en la cirē de Rénes en Bretagne, & demanderēt nouuelles du Duc: & on leur dit qu'il estoit à Vennes: & tant firent, par leurs iournées, qu'ils y arriuerent. Leur venue estoit ià toute seuē en l'hostel du Duc: car ils auoient enuoyé, deuant, leurs varlets, pour prédre leur hostel pour loger. Le Duc s'estoit aussi pourueu de bon conseil delez luy, & de ceux ou il auoit la greigneur fiance, & des haux barōs de Bretagne, pour plus honnorablemēt recueillir les dessusnommez. Quand ils entrerent en la ville de Vennes, on leur fit tres-bonne chere, & vindrent au-deuant d'eux les Cheualiers & les gens du Duc, & proprement le Sire de Laual: qui là se tenoit. Si descendirent en leurs hostels: & s'appareillerent & refreschirent de ce qu'ils trouuerent: & puis monterent sur leurs cheuaux: & allerent droit au chastel, qu'on dit à la Motte: ou ils trouuerent le Duc: qui leur vint au-deuant, & les recueillit moult ioyeusement: & si leur dit qu'ils fussent tous les bien venus, & qu'il les veoit tresvolōtiers: & prit le Seigneur de Coucy par la main, & par especial luy fit grand' chere: & luy dit, Beau-frere, vous soyez le bien-venu. Je vous voy volontiess en Bretagne. Si vous monstreray chace de cerfs, & vols de faucons, beaux & bons, auant que vous departez de moy. Beau-frere, & Sire (respondit le Sire de Coucy) grand mercy: & tout ce verrons nous volontiers, avec ces Seigneurs, mes compaignons: qui vous sommes venus veoir. Là y eut grand approchement d'amour: & les mena le Duc en sa chambre, en riant & fēbatant, & parlant en plusieurs oiseuses parolles: ainsi cōme font volōtiers Seigneurs, qui ne se sont veus de grand tēps, & cōme tous quatre, l'un parmy l'autre, le seurent bien faire, autant bien, ou mieus, que Seigneurs que ie veisse oncques (sans parler du Duc de Brabant, du Comte de Foix, ne du Côte de Sauoye) & par especial le Sire de Coucy: tant qu'à mon auis, en toutes ces choses, en estoit le souverain maistre: & celle grâce luy portoient seigneurs & dames par tout (fust en France, en Angleterre, Allemagne, Lombardie, & en tous lieux, ou il auoit cōuersé: & auoit il en son temps moult trauaillé, & veu du mōde) & de nature il y estoit aussi introduit & enclin. Entandis que ces Seigneurs fēbattoient & parloient de toutes accointances, furent apportées espices en beaux drageoirs, & bons vins en pots d'or & d'argent. Si prirent les Seigneurs vin & espices: & assez tost apres prirent congé: & retournerent en leurs hostels, pour eux aiser. Ainsi se porterent les besongnes ce pre-

Restitution des places du Cōnestable, par la Duc de Bretaigne.

Recueil du Duc de Bretagne au Sire de Coucy, & à ses compaignons, Ambassadeurs de France.

mier iour, n'oncques ils n'entamerent nuls de leurs proces: sur lesquels ils estoient fondés, & pour lesquels ils estoient là venus.

Comment ce pendant que le Duc de Lanclastre entretenoit Helion de Lignac, Ambassadeur du Duc de Berry, sur le traité du mariage pourparlé, vindrēt aussi quelques secrets ambassadeurs du Roy de Castille pour rompre ce mariage, & auoir la fille de Lanclastre pour son fils: & comment Helion de Lignac fut renuoyé le iour mesme de leur arriuee, avec certaines tréues sur les marches d'Aquitaine.

CHAP.

CXIII.

Nous parlerōs vn petit de messire Heliō de Lignac: lequel le duc de Berry enuoyoit deuers le duc de Lanclastre. Tant exploita le Cheualier qu'il vint à Bayonne: & descendit à son hostel: & s'ordonna & appareilla (ainsi comme à luy appartenoit) pour aller parler au duc de Lanclastre: qui ià estoit informé de sa venue: & enuoya moult honorablement deux de ses Cheualiers: qui le vindrent veoir en son hostel, & l'emmenèrent deuers le Duc. Quand messire Helion fut venu en la presence du Duc, il s'enclina bienbas, & le salua: ainsi comme il appartenoit, & que bien le seut faire.

Helion de Lignac declare sa charge au Duc de Lanclastre,

Le Duc le receut moult honorablement: & le leua entre ces bras: & puis le prit par la main: & le mena en sa chambre: car ils estoient encontrez en la salle. Ledit messire Helion luy bailla lettres de creance: que le Duc de Berry luy enuoyoit. Le Duc les ouurit & leut, & puis se trayt vers messire Helion: lequel commença à entamer sa parolle & sa matiere & à parler de ce, pourquoy il estoit là enuoyé. Le Duc respondit moult courtoisement: & dit à messire Helion qu'il fust le bien-venu, & que la matiere, dont il traittoit, estoit grande & grosse, & qu'elle demandoit bien à auoir grand conseil, & qu'elle ne pouuoit estre si tost deliurée. Messire Helion de Lignac demoura à Bayonne, delez le Duc de Lanclastre & ses Cheualiers, plus d'un mois: & tousiours estoit il bien seruy de belles parolles, & mōstroit le Duc de Lanclastre par ses paroles, qu'il auoit grād' affection d'entēdre à ce mariage du Duc de Berry: mais nō auoit: car tout ce, qu'il disoit & monstroit, n'estoit que fiction & dissimulation: & ce, qu'il tenoit le Cheualier si longuement delez luy, n'estoit fors pource que les nouuelles fussent plus scandalisées par tout, & par especial au Royaume de Castille: car là gisoit toute son affection. Bien disoit le Duc à messire Helion, que, si son cousin de Berry prenoit sa fille en mariage, qu'il se r'allieroit avec luy de toute sa puissance, à l'encontre de ses auersaires d'Espaigne, & qu'il vouloit que l'heritage de sa femme & de sa fille fust recouverts. Messire Helion respondit: & dit ainsi, Monseigneur, ie ne suis pas chargé de riēs confermer auant, comme des alliances: mais, auant mon departement, vous escrirez tout vostre fait: & ie retourneray, & le mōstreray à Monseigneur de Berry. Ie le sen bien tel, & si affectueux en ceste besongne, que toutes les alliāces, qu'il pourra faire parmy raison, il les accordera. C'est biē nostre entēte, disoit le Duc de Lanclastre. Ainsi, & sur cest estat, seiournoit à Bayonne messire Helion de Lignac: mais on le tenoit tout aise & ioyeux: car le duc vouloit qu'ainsi fust. Nouvelles vindrēt au Royaume de Castille, en trop de lieux, & especialemēt en l'hostel de Iehan, Roy de Castille: en disant ainsi, Vous ne sauez quoy? Il y a grās traittez entre le duc de Berry & le duc de Lanclastre. Car le Duc de Berry traite pour auoir la fille, au duc de Lanclastre & à la duchesse Madame Constance, & si le mariage se cōferme (ainsi comme il est

Nouvelles du pour-parlé du mariage d'entre le Duc de Berry & la fille de Lanclastre.

bien taillé qu'il auienne) ce ne sera pas sans grans alliāces: car le duc de Berry est vn grād chef, pour le present, au Royaume de France. Il est oncle du Roy: & a vne partie du gouvernement du Royaume de France. Si sera creu de ce qu'il voudra faire (ce sera raison) soit de paix, ou de lōgues tréues: & le duc de Lanclastre, d'autre part, est l'aîné de ses freres, & des oncles du Royaume d'Angleterre. Si en sera creu: car il est sage & puissant: & les Anglois (à ce qu'ils monstret) sont lassez de guerroyer. Si se taille bien la chose, parmi le mariage de Berry & de Lanclastre, qu'une bōne paix être Frāce & Angleterre en viēne & nous demourrōs en la guerre: car le duc de Lanclastre voudra finir le chalēge de Castille, & le droit, qu'il y a, le dōnera à sa fille: & ainsi serōs nous en la guerte des Frāçois & des Anglois. Toutes ces doutes mettoient les plusieurs en auant au Royaume de Castille: & ià estoient retournez en France, de trop grand temps auoir, tous les Cheualiers & Escuyers, lesquels estoient allez seruir le Roy en sa guerre: ainsi comme il est contenu ici deuāt en nostre Histoire. Or fut dit au Roy de Castille, des plus especiaux de son hostel & de son grand Conseil, Sire, Sire, entendez à nous. Vous n'eustes oncques si grand mestier d'auoir cōseil, q' vo' auez pour le presēt: car vne bruine, trop felle & perilleuse, se nourrit

nourrit entre vous & le Duc de Lanclastre, plus grande assez que iamais: & si vient du costé de France. Comment (dit le Roy) que peut c'estre? En nom Dieu, Sire, renommée court parmi ce pays, & ailleurs aussi, que le Duc de Berry se marie à la fille au Duc de Lanclastre, & vous devez bien croire que ce ne soit pas sans grans alliances. Si pourrez au temps auenir estre aussi reculé par les François, que vous en auez esté auancé. Quand le Roy de Castille feut ces nouuelles, il fut moult pensif: & veoit bien qu'on luy disoit verité. Si demanda conseil à ceux, qui en espee de tout bien luy auoient conseillé ce, & recordé, & comment pour le mieux on se pourroit cheuir & ordonner. Ceux le conseilèrent loyaument, selon que le fait & la matiere le demandoit: cōme ie vous diray. Vous sauez (comme il est ci-dessus, bien-deuant, en nostre Histoire traitté) comment le Roy Henry d'Espaigne s'appaisa au Roy Pietre d'Arragon, sur cest appoitement que le Roy d'Arragon donna sa fille au Roy de Castille (ce fut ce Iehan: qui pour le present est Roy) & parmi la conionction de ce mariage, ils demourerēt en paix, eux & leurs Royaumes. De ce Iehan, fils du Roy Héry, & de ceste fille d'Arragon, y eut vn fils: & puis se mourut la Dame. Apres la mort du Roy Henry, le Roy de Castille, par le conseil de ses hommes, se remaria à la fille du Roy Ferrand de Portugal, Madame Bietrix. Celuy fils à la fille du Roy d'Arragon auoit à nom Héry: & estoit beau fils & bien-auenāt: mais il estoit moult ieune. Toutesfois le Conseil du Roy de Castille luy disoit ainsi, Sire, nous ne voyons en ces choses, dont nous vous parlōs, qu'un seul moyen. Quel est il? dit le Roy Iehan. Nous le vous dirons. C'est de vostre fils l'Enfant Henry de Castille: qui seroit bien taillé de rompre ce mariage, qui se traite au duc de Berry, & d'auoir la fille au duc de Lanclastre, & croyons que, si le duc & la duchesse en auoient les nouuelles, ils auroient plus cher marchander à vous, & à vostre fils, qu'ils n'auroient au duc de Berri. En nom Dieu (dit le Roy de Castille) vous parlez bien, & ie vueil entamer ceste matiere: & aussi noz gens s'y enclineront moult volōtiers: car parmi ce mariage auront ils paix aux Anglois, par mer & par terre. Or regardons qui pourra, en nom de nous, & pour traiter sagement, aller deuers le duc de Lanclastre. Sire (dirent ils) il conuient que vous ayez, en ces traittez portant, gens moult discrets, & que la chose soit sagement & moult seurement demenee, au plus secrettemēt que faire se pourra: par quoy vous n'en cheez en l'indignation du Roy de France, ne des François: car auiourd'huy sont les enuies grandes: & est plustost qui raporte le mal, que le bien, & le mal plustost eleué, que le bien. Quand on saura que vous traitterez deuers le duc de Lāclastre, on voudra en l'hostel de France sauoir de quoy, ne sur quoy voz traittez se fonderont, n'ordonneront pour la cause des grādes alliances, que le Roy de bōne memoire, vostre pere, eut iadis, & conferma aux François: & aussi les François vous ont tousiours fait vostre guerre. Si vous faudra faire secrettement voz traittez, & enuoyer deuers le duc de Lāclastre hōmes sages & couuers, & qui bien sachēt vostre affaire, & non pas y enuoyer par bobans, tant que les choses si seront (si elles doiuent auenir) en bō estat & seur. Il est verité, dit le Roy. Or nōmez qui est taillé d'aller en ce voyage. Sire, on y enuoyera vostre Confesseur, Frere Ferrant de Forre, & aussi l'Euesque de Ghehene (qui fut iadis Confesseur de vostre pere le Roy) & Pierre Gadelempo, qui est bien enlangagé. Or soit (dit le Roy) ie le vueil. Qu'on les mande, & informe de ce qu'ils diront. Autresfois ont ils voulu traiter de la paix. Ils n'en peurēt auoir esté ouïs, tant de nostre costé, que du duc de Lanclastre: car le duc & son Conseil vouloient que ie me demis de la courōne. Ce que ie ne feroie iamais. Lors furēt mandez les trois, dessus-nōmez, en la ville de Burgues en Espaigne: ou le Roy se tenoit. Si leur fut dit du Roy, & de son destroit cōseil, qu'ils s'en iroient vers Bayōne, parler au duc de Lanclastre. Ils respondirent que le message & voyage ils feroiēt volontiers. Si s'en chargerent: & se meirent à chemin, non-pas en trop grād estat: mais simplemēt: car ils ne vouloiēt pas donner à entendre, qu'ils allassent deuers le duc de Lāclastre en Ambassade, pour traiter de nulle alliance: car ils ne sauiōt encōres cōment ils exploiteroiēt. Si entrerent en Nauarre: & entrerent en Pampelune, & là trouuerent le Roy & la Roine: & tout premieremēt, ils se trairent là: pource qu'elle estoit sœur du Roy de Castille. Elle leur fit bonne chere: mais point ne se decourirēt à elle, de chose qu'ils eussent à faire. Aussi ne firēt au Roy. Si passerent outre le cōble de Pāpelune, & les mōtaignes de Rōceuaux: & entrerēt en Bascle, & cheuaucherent tant, qu'ils vindrent à Bayonne, la bonne-ville. Quand ces Ambassadeurs furēt venus de Castille en la ville de Bayōne, messire Helion de Lignac estoit encōres là (lequel y estoit enuoyé de par le duc de Berri: ainsi cōme vo' sauez) mais, depuis

Le cōseil de Castille declare au Roy les nouuelles du pourparlé du mariage susdit.

Ouverture du cōseil de Castille à leur Roy, pour traiter du mariage de son fils avec la fille de Lanclastre.

Ambassadeurs secrets, députés par le Roy Jean de castille pour aller traiter du mariage de son fils avec la fille de Lanclastre.

Arrivée des ambass. de Castille vers le duc de Lanclastre à Bayonne.

Depeſche d'Helion de Lignac, pour s'en retourner vers le Duc de Berry, ſon maïſtre, avec trêues ſur les marches de Aquitaine, iuſques en May 1389.

Harangue du Confeſſeur du Roy Iehan de Caſtille, l'un de ſes Ambaſſadeurs, preſent le Duc & la Duchefſe de Lanclaſtre, ſur le point de la charge de luy & de ſes compaignons.

la venue des Caſtillans, il n'y ſejourna pas longuement: car le Frere Dam Ferrant, confeſſeur du Roy de Caſtille, ſe trait deuers le Duc de Lanclaſtre (pource qu'il auoit mieux la cognoiſſance de luy, que les autres) & luy alla vn petit entamer la matiere, & remonſtrer pourquoy ils eſtoient là venus, n'à quelle inſtance. Le Duc à ſes parolles ouurit les oreilles: & entédit ces nouuelles moult volôtiers: & luy dit, Frere Ferrant, vous ſoyez le bien venu. Depuis, en celuy iour, il deliura meſſire Helyon de Lignac: & me ſemble que le Duc afferma & accorda vne trêue, de tous lez, à chacun qui faiſoit guerre, pour luy, & à toutes les Sénéſchauffées d'Acquitaine, de Bigorre, & de Toulouze, côme ailleurs, à durer iuſques au premier iour de May (qu'on cōpteroit 1489.) en cōptant & comprenant tous les pays, iuſqu'à la riuere de Loire, & outre la riuere riē. Si furēt ces trêues accordées à la requeſte du duc de Berry, pour enuoyer, aller, venir, & retourner plus ſeuement ſes gens, de deuers le Duc de Lanclaſtre: car ceux de Mortaigne ſur mer, ceux de Bouteuille, & les forts de Rouergue, de Quercy, de Pierregourd, & ſur la riuere de Garonne, eſtoient trop felles & trop perilleux: & ne vouloient nully cognoiſtre. Pourtant y ordonnerent ces deux Ducs les trêues: qui furent bien tenues. Quand meſſire Helyon de Lignac ſe departit du Duc de Lanclaſtre, ce fut ſur grand' amour & douceur: & donna à entendre à Meſſire Helyon, que la choſe alloit & luy plaſoit bien: mais il meit en termes que nullement il ne marieroit ſa fille en France, ſans le conſentement & accord de ſon neveu le Roy d'Angleterre, & auſſi de l'accord & plaifance du Conſeil d'Angleterre: mais que les choſes approchoiēt ſi auant, qu'il y mettroit, & péſeroit à mettre, tel & ſi bon moyen, qu'elles ſe tourneroient à bien. Sur ceſt eſtat ſe partit meſſire Helion de Lignac: & retourna en France: & monſtra au Duc de Berry les lettres, qui venoient du Duc de Lanclaſtre: & avec tout ce, de bouche, il luy recorda toute la maniere du faiēt, tant que pour l'heure le Duc ſe contēta. Or parlerons nous des Ambaſſadeurs du Roy de Caſtille. A ceux voulut le Duc entēdre. Auſſi fit la Duchefſe: car tous leurs cueurs & imaginations giſoient, & eſtoient, à auoir leur entente, ou en partie, du chalenge d'Eſpaigne. Si fit on bonne chere à ces Ambaſſadeurs: & vindrent tous trois au chaſtel, au Duc & à la Duchefſe: & monſtroient leurs créances par lettres, & ce, dont ils eſtoient chargez de faire & de dire. Tout premierement ils traiterent du pays de Caſtille: & la preſcha le Frere Confeſſeur en la chambre du Duc, preſent le Duc & la Duchefſe de Lanclaſtre: qui depuis relata au Duc toutes les parolles, ou en partie: car le Duc ne les auoit pas biē entendues: mais la Dame les entendoit bien: car de ieuneſſe elle auoit eſté nourrie en Eſpaigne. Le Duc de Lanclaſtre à ce commencement (quoy qu'il fiſt bonne chere à ces Ambaſſadeurs) ne ſe decouurit point trop auant: mais dit que ce ſeroit trop fort à faire, de trouuer paix, ne la mettre en lieu, ou ſi grād' haine & guerre appartenoit: quand on le deſheritoit de ſon héritage: & que ce n'eſtoit pas ſon intention qu'il ſ'en deuſt deporter ſ'il ne venoit à la Couronne: car c'eſtoit ſon droit. Le Frere & l'Fueſque reſpondirent qu'entre ſon droit & le droit de leur Seigneur, le Roy de Caſtille: ne conuenoit qu'un bon moyen: & Monſieur nous l'auons trouué. Quel dit le Duc. C'eſt, Sire, que vous auez de Madame vne belle ieune fille à marier: & mon Sire, le Roy de Caſtille a vn beau ſils & ieune. Si ce mariage ſe pouuoit faire des deux, le Royaume de Caſtille demourroit en paix: car touſiours ce, qui eſt voſtre, doit retourner à vous: & mieux ne le pourriez vous mettre, qu'en voſtre hoir (qui deſcend de la droite ligne de Caſtille) & ce, que vous vous armez, combattez, & auenturez, & trauaillez le corps, ce n'eſt que pour voſtre hoir. C'eſt verité, dit le Duc: mais ie vueil q̄ les pourſuites ſoient ſatisfaites: & vueil bien que vous ſachez que les affaires du Royaume de Caſtille ont, qu'à moy qu'au Royaume d'Angleterre, couſté cinq cens mille francs. Si verroye volontiers qu'aucune recourance en fuſt faite. Monſieur (reſpondit le confeſſeur du Roy de Caſtille) mais que vous ayez agreable noſtre traitté, nous trouuerons vn ſi bon moyen entre ces choſes, que les beſongnes ſe traitront à bon chef. Ouy (dit le Duc) vous nous eſtes les bien venus: & (ou que ce ſoit) auant que ie retourne en Angleterre (ſoit en Caſtille, ou France) ie marieray ma fille: car ie ſuis prié & requis: mais choſes, qui ſont ſi grandes & ſi groſſes, ne ſont pas aux premieres requeſtes: car, quant à ma fille (que ie tien, pour le temps qui viendra, en droite heritiere d'Eſpaigne) ie voudray bien ſauoir qui l'aura par mariage, ne qui la douera. C'eſt raiſon, Monſieur, reſpondit le Confeſſeur. Ainſi, comme ie vous compte, ſe commença à entamer le proces & le traitté entre le Duc de Lanclaſtre & ces parties tant de Caſtille comme de France: & tous les receuoit: n'à nuls

n'à nuls n'en donnoit congé:& faisoit à tous bonne chere. Mais, en son imagination, le traitté en Espagne, de sa fille à auoir le fils du Roy, luy sembloit meilleur, que d'autre part: pourtant qu'au temps auenir sa fille demourroit Roïne de Castille: & aussi la Duchesse, sa femme, sy enclinoit trop mieux, que d'autre part. Nous nous souffrerons vn petit à parler du Duc de Lanclastre & de tous ces traittez: & retournerons à parler du Duc de Bretagne.

Comment les Ducs de Berry & de Bourgongne partirent pour aller à Blois: & des parlemēs & traittez, qui furent faits au Duc de Bretagne, qui là vint, tellement qu'ils l'emmenèrent à Paris, ainsi comme outre & contre sa volonté propre. CHAP. CXIIII.

SI comme il est cy-dessus contenu, & que ie vous ay cōmencé à dire, fit le Duc de Bretagne aux Ambassadeurs de France tresbonne chere, & par especial au Seigneur de Coucy, car il auoit grand desir de veoir le Sire de Coucy, & comme ie fu adonques informé, fut l'vn de ceux, qui plus brisa le Duc de Bretagne par ses belles, douces, & amiables parolles, quoy que messire Jehan de Vienne, & le Sire de la Riuiere en firent aussi, du traitter & du parler, tresbien leur deuoir, mais il ne fut oncques heure, qu'un Prince & un Seigneur (puis qu'on le prie) ne s'enclinaist plustost au traitté & parolles d'un Prince, que d'un autre. A grande peine voulut accorder le Duc de Bretagne qu'il viendrait iusques en la ville de Blois, à l'encōtre des Ducs de Berry & de Bourgogne. Neantmoins il fut mené par si belles parolles, qu'il l'accorda: mais il dit qu'il n'iroit plus auant. C'est nostre entente, Sire (ce dit le Sire de Coucy) si vous vient grandement à plaifance, & à point. Ces trois Seigneurs furent avecques le Duc de Bretagne ne say quants iours: & puis prirent congé: & retournerent en France: & compterent aux Ducs de Berry & de Bourgongne, comment ils auoient exploité. Sur cest estat les deux Ducs s'ordonnerent, pour aller à Blois, & pour là en la ville attendre le Duc de Bretagne, & parlementer à luy, & enuoyerent deuant faire les pourueāces: ainsi comme à eux appartient. Tout premierement le Duc de Berry y vint. Si se logea au chastel: & là trouua la Comtesse de Blois, son fils, & sa fille: qui le recueillirent grandement & bellemēt: ainsi comme à luy appartenoit, & que bien le sauoit faire. Le Comte Guy de Blois pour ce temps estoit en son pays: mais il se tenoit au Chastel-Regnaud: & ne faisoit nul grand compte de la venue du Duc de Bretagne. Il suffisoit assez, quand la Comtesse, sa femme, & ses enfans y estoient. Or vint le Duc de Bourgongne, à grand arroy: & vint adonc en sa compaignie messire Guillaume de Hainaut, son gendre, Comte d'Ostrenant, & Jehan de Bourgongne, fils du Duc: qui se nommoit Comte de Neuers. Si se logea le Duc au chastel: & tint là son estat. Apres ce, vint le Duc de Bretagne: nompas en trop grand arroy: mais à son hostel seulement: ou bien estoit à trois cens cheuaux, car l'intention de luy estoit telle, que veus les Ducs, dessus nommez, & parlé à eux, sans venir en France plus auant, il retourneroit arriere en son pais, dont il estoit parti: & l'intention des Ducs de Berry & de Bourgongne estoit toute autre, car ils disoient que (vousist ou non) ils le feroient venir iusques dedans la ville de Paris. Le Duc de Bretagne, son corps, se logea dedans le chastel de Blois, en l'hostel d'un Chanoine de Saint-Sauueur: & les gens se logerent bas en la ville. Aussi firent les gens des Ducs & Comtes dessus nommez: mais les Seigneurs tenoient leur estat au chastel: lequel est bel, grād fort, & plātueux: & des beaux du Royaume de France. Là furent les seigneurs en parlement ensemble: & firent les deux Ducs au Duc de Bretagne bonne chere, & induisirent grande amour: & le remercierent grandement, de ce qu'il s'estoit trauaillé, & qu'il estoit là venu & descendu en la ville de Blois. Le Duc de Bretagne se faignoit, ce qu'il pouuoit & disoit que pour l'amour d'eux voirement estoit là venu, & à grande peine, car il n'estoit pas bien haité. Or s'entamerent parolles & traittez de ces deux Ducs au Duc de Bretagne, en luy remontrant (puis qu'il estoit venu iusques là, & si auant) qu'il n'auoit riens fait, si ne venoit à Paris veoir le Roy: qui trop grandemēt le desiroit à veoir. De ce voyage se commença fort à excuser ce Duc de Bretagne, par plusieurs raisons: & dit qu'il estoit trop déhaité, pour faire un si long chemin: & que là il estoit simplement venu, sans nul arroy: ainsi que pour tantost retourner. On luy dit moult doucement, que, sauue sa grace, il ne luy conuenoit point auoir trop grand estat, pour venir veoir son souuerain Seigneur: & qu'au besoing, si ne pouuoit cheuaucher, ils estoient tous pourueus de char & de litier, pour venir plus aisement: & qu'il estoit tenu de faire hōmage au Roy, car encores ne l'auoit il point

Retour du Sire de Coucy & de ses cōpaignons ayans impetré que le Duc de Bretagne viendroit iusques, à Blois, pour parlementer avec les Ducs de Bourgongne & de Berry.

Parlement des Ducs de Berry et de Bourgongne avec celui de Bretagne, au chasteau de Blois.

fait. Le Duc disoit, en luy excusant, que quand le Roy auroit son aage, & seroit en son gouvernement, il viendrait à Paris, ou là où il plairoit au Roy luy mander: & luy feroit hommage, car ce seroit raison. Les Ducs de Berry & de Bourgogne disoient qu'il auoit aage, & sens assez, pour recevoir hommage: & que tous les Seigneurs du Royaume de France, tenans de luy (excepté luy, à qui ils parloient) l'auoient fait & releué, & qu'il estoit au vingt & unième an de son aage. Quand le Duc de Bretagne veit que ses excusations n'estoient point ouïes, & n'auoient lieu, dit ainsi. Si ie vois à Paris, ce sera trop grâdemment hors ma volonté, & à mon préiudice. Car là est, ou sera, quand i'y seray, messire Oliuier de Clifson (que ie ne puis aimer: ne iamais n'aimeray, ne luy moy) qui m'assaudra de parolles déplaissantes & impetueuses. Or regardez les grans méchefs: qui en pourront naistre & venir. Nenny (respondirent les deux Ducs, & par especial le Duc de Bourgogne) Beau-cousin ne faites nulle doute de ce costé là, car nous vous iurons solennellement, & veritablement, que ià le Connestable & Iehan † de Bretagne (si vous ne voulez) ne verrez, ny ne parlerez à eux (de ce point soyez tout assuré) mais verrez le Roy (qui vous desire à veoir) & les Barons & Cheualiers de France: qui vous feront bonne chere: & quand vous aurez fait ce, pourquoy vous serez là venu, vous vous en retournerez, sans peril & sans dommage. Que vous feray-ie long compte? Tant fut le Duc de Bretagne prié, & mené de douces parolles & courtoises, qu'il fassent à ce, & se condescendit qu'à Paris il iroit: mais toutesfois ses deuises estoient telles, que le Connestable, ne Iehan de Bretagne, il ne verroit point, n'à la presence de luy on ne les mettroit point: & tout ce luy eurent les deux Ducs, par foy & par serment, loyaument en conuenance: & il leur creança aussi, par foy, que sur cest estat à Paris il iroit. Enuiron cinq ou six iours ils furent à Blois ensemble: & donnerent les Ducs, chacun à son tour, à disner bien hautement l'un à l'autre, & la Comtesse de Blois aussi, & ses enfans: & quand toutes ces choses furent accomplies, les deux Ducs prirent congé au Duc de Bretagne: & s'en retournerent à Paris, mais messire Guillaume de Hainaut ne retourna pas à Paris avecques son beau pere & Seigneur, Monseigneur de Bourgogne: auant se meit à chemin, avecques la Comtesse de Blois & sa cousine, la fille au Duc de Berry: & s'en vint, en leur compaignie, au Chastel-Regnaud, veoir le Comte Guy de Blois (qui là se tenoit) lequel luy fit tresbonne chere, & le veit tresvolontiers: & fut en ebatemēt là, delez eux, enuiron trois iours: & puis print congé: & se partit d'eux: & s'en retourna en France, par Chasteaudun & par Bonneual.

Comment Louis d'Aniou, fils du feu Duc d'Aniou (qui fut oncle du Roy Charles sixième entra dedans Paris, comme Roy de Secile: comment le Duc de Bretagne y arriua peu apres, & comment Thomas de Hapurgan, Anglois, & Iehan des Barres, François, firent fait d'armes à Montereau fault-yonne, deuant le Roy. CHAP. CXV.

LE Duc de Bretagne s'en vint à Boigency sur Loire: & là ordonna vne partie de ses besongnes, pour venir vers Paris. En ce temps entra à Paris, par-auant que le Duc de Bretagne y entraist, la Roïne de Secille & de Hierusalem: qui fême auoit esté au Duc d'Aniou: qui nommé s'estoit Roy de toutes ces terres, & estoit aussi Roy de Naples: & vous dy que la dame (pource en fay-ie mention) amenoit son ieune fils, Louis, en sa compaignie lequel on nommoit ià, par toute France, Roy des terres dessusdites. En leur compaignie estoit Iehan de Bretagne, frere à la dame, & venoient à Paris. Auant que la dame entraist en Paris, elle signifia à ses † freres, les Ducs de Berry & de Bourgogne, qu'elle venoit à Paris, & amenoit son ieune fils Louis en sa compaignie, & leur neveu. Si vouloit sauoir s'il entreroit à Paris comme Roy, ou simplement comme Louis d'Aniou. Les deux ducs luy remanderent, eux auisez & conseiliez qu'ils vouloient qu'il entraist, cōme Roy de Naples, de Secille, & de Hierusalem: & (quoy que pour le present il n'en fust pas en possession) ils luy aideroient, & luy feroient au Roy de France aider, tant, & si auant, qu'ils auroient & tendroient possession & Seigneurie, & qu'ils la luy conqueroient, & qu'il en seroit Roy & Seigneur, & paisible des terres, dont il auoit pris le tiltre, car ainsi l'auoient ils iuré à leur frere, le Roy Louis. Sur cest estat s'ordonna la Dame, & vint & entra à Paris: & y fit cheuaucher son fils toute la grande rue Saint-Iaques, iusques en son hostel en grēue, en estat de Roy, accompagné de Ducs, Comtes, & de Prelats, à grande foison: & là demoura la Dame: & se tint avecques son fils, & puis allerent veoir le Roy qui se tenoit en son chasteau du Louure, en attendant la venue du Duc de Bretagne.

Quand

† Il y auoit icy & apres de Mōtfort: qui estoit le duc de Bretagne mesme & il veut entendre du fils de Charles de Blois.

Promesse & serment du duc de Bretagne d'aller de Blois à Paris.

† C'est à dire, ses beaux freres, & propres freres de son feu mary, Louis d'Aniou.

Entree de Loys d'Aniou 2. à Paris en estat de roy de Secile.

Quand le Duc de Bretagne approcha Paris, il s'arresta au Bourg-la-royne, vne nuit, & au lendemain il deuoit entrer à Paris, ainsi qu'il fit. Si estoit grande nouuelle parmy Paris de sa venue, pour la cause des incidences dessusdites, de ce qu'il auoit ainsi pris & tenu en danger le Connestable de France, & que par tant de fois on l'auoit enuoyé querre, & n'estoit voulu venir, fors que maintenant. Si en parloient les plusieurs en diuerses manieres: & vous dy que, sur le point de dix heures au matin, & par vn Dimanche (qui fut la veille Saint Iehan Baptiste, mil trois cens quatre vingts & huit) entra le Duc de Bretagne en la ville de Paris, par la porte † d'Enfer: & passa tout du long de la rue de la Harpe, & le Pont-Saint-Michel: & deuant le Palais: & estoit bien accompagné de Barons & Cheualiers à grande foison: & là estoient messire Guillaume de Haynaut, Comte d'Ostrenant, & son beau frere Iehan de Bourgongne: & deuant luy cheuauchoit messire Guillaume de Namur. Si s'en vint ainsi iusques au chastel du Louure: & là descendit. En s'en venant parmy Paris, il fut moult regardé du menu peuple. Quand le Duc fut descendu, il entra en la porte, tout auisé de ce qu'il deuoit dire & faire: & estoient deuant luy le Sire de Coucy, le Côte de Sauoye, messire Iehan de Vienne, messire Guy de la Trimouille, messire Iehan Vernail, le Comte de Meaux, messire Iehan de Voye, & messire Iehan des Barres: & encores plus pres de luy, & delez luy, messire Guillaume de Namur, Iehan de Bourgongne, & le Comte d'Ostrenant: & derriere luy le Sire de Montfort, de Bretagne, & le Sire de Malestroit. Ceux estoient de † son issue & de son Conseil. A luy veoir, quelle chose il feroit, y eut grande presse, car la salle estoit petite: & l'auoit on couuerte, pour le Roy dîner: lequel se tenoit deuant la table, & ses trois oncles delez luy. les

† Arrivee du Duc de Bretagne à Paris, par la porte d'enfer, maintenant de saint-Michel. la veille saint Iehan Baptiste 1388.

† Je doute qu'il n'y falle de la suite.

Ducs de Berry, de Bourgongne, & de Bourbon. Si tost que le Duc de Bretagne fut entré en l'huis de la salle, la voye estoit, de luy iusques au Roy, toute decouverte, car chacun s'ouuroit: & se meirent les Seigneurs sur les deux aëles, hors de la veüe du Roy sur le Duc de Bretagne. La premiere fois il s'agenouilla sur vn genoil, & puis si se leua assez tost, & passa auant enuiron dix ou douze pas: & puis s'agenouilla la seconde fois, & puis se leua & passa outre tout le pas, & adonc se meit deuant le Roy: & de rechef la tierce fois il s'agenouilla, & salua le Roy, à nu chef: & luy dit, Monseigneur, ie vous suis venu veoir. Dieu vous maintienne. Grand mercy, dit le Roy. Nous auons grand desir de vous veoir. Si vous verrons tout à loisir: & parlerons à vous. A ces mots il le prit par les bras, & le fit leuer sus. Quand le Duc fut leué, il enclina tous les Princes, qui là estoient, l'un apres l'autre: & puis si s'arresta en la presence du Roy, & sans riens dire. Le Roy le regardoit moult fort. Adonc firent signe les Maistres-d'hostels d'apporter l'eau auant. Si lava le Roy: & meit le Duc de Bretagne main à la touaille, & au bacin: & quand le Roy fut assis il prit congé du Roy, & à ses oncles. Si le reconuoierent le Sire de Coucy, le Comte de Saint Pol, & autres grans barons, iusques à la court: où ses cheuaux estoient. Si monta: & monterent ses gens, & retourna, le chemin qu'il estoit venu, iusques en la rue de la Harpe, en son hostel, & là descendit, & ne demoura nul delez luy, de ceux qui conuoyé l'auoient, fors que ses gens, qui estoient issus hors de Bretagne, & qui estoient venus avecques luy à Paris. Depuis, le Duc de Bretagne parla, tout à loisir, au Roy de France, & à ses oncles, tant que tous se contenterent bien de luy, & luy tint on bien ce qu'il luy auoit promis, car oncques il ne veit, de ce voyage, Iehan de Bretagne, ne le Connestable de France. Quand ces Seigneurs veirent que les choses estoient en bon estat, & que du Duc de Bretagne, ils n'auoient que faire de douter (puis que dedans Paris le tenoient, car de là partir iamais ne le lairroient, si auroit fait, en partie, tout ce que le Roy & son Conseil vouloient) il fut heure (ce leur fut auis) qu'ils ordonnassent pour le voyage de Guerles, ou le Roy auoit si grande volonté & affection d'aller, pour rebouter ce Duc de Guerles, qui si villainement & fellement l'auoit défié. Lesquelles choses, considerées, ne faisoient pas à souffrir. Si fut ordonné que le sire de Coucy se traitroit en la marche de Reims & de Chaalons en Champaigne, & regarderoit sur le voyage du Roy & de son ost, & quel chemin il feroit, & emouueroit Cheualiers & Escuyers en Barrois & en Lorraine, & les receuroit au nô de luy, pour mener là ou il luy plairoit, sans faire nul bruit ne trop grand esclandre du Roy, mais mettroit en termes qu'il voudroit faire vne cheuauchée pour luy, & en son appartenace, en Autriche. Le sire de Coucy sur cest estat se departit de Paris & s'en vint à Chaalons en Champaigne, & là se tint enuiron vn mois, & retint, de toutes parts, Cheualiers & Escuyers, en Bar en Lorraine, & en Champaigne & en Rethe-lois. Or le Roy de France se departit de Paris, quand on eut parlementé & traité aucu-

Reuerences du Duc de Bretagne à son arriuee deuers la persone du Roy

Le sire de Coucy leue secretement gès pour le voyage de Guerles.

† Nous auons
remis ce mot
selon Verard,
y ayāt hache,
en nostre Exēp.
Or signifie at-
rainner,
principalemēt,
en nostre langa-
ge de Brie, e-
mouuoir à
colere & à
querelle.
† Verard dit ne
se tenist, &
mieux, à mon
auis.

nement au Duc de Bretagne, & nompas encores tout accomply, car la court du Roy de France est moult longue, quand on veut: & tresbiē on y fait tenir les gens, & faire le leur despendre, & petitemēt besongner. Le Roy s'en vint à Montereau, ou faut Yonne, en la marche de Brie & de Gastinois: & là tint son hostel: & souuent chaçoit aux cerfs & aux autres bestes, es forests de Brie & de Gastinois. En ces iours dessusdits, le Roy estant à Montereau, vn fait-d'armes s'entreprit d'un Cheualier d'Angleterre (qui estoit avecques le Duc d'Irlande, & lequel on appelloit messire Thomas Hapurghan) & de messire Iehan des Barres. De laquelle † attainne il fut, parmy le Royaume de France, grand bruit & grandes nouuelles, & ailleurs aussi, & se deuoit faire l'emprise & faits-d'armes, de cinq lances à cheual, & de cinq coups d'espée, & de cinq coups de dague, & de cinq coups de hache: & si les armeures dont ils deuoient fraper, rompoient, ils en deuoient recouurer de nouuelles: tant que lescdites armes seroient parfaites. Si mōterent les Cheualiers, vn iour, sur leurs cheuaux, quand ils se furent bien-armez (ainsi qu'à telle chose appartient) & pourueus de tous leurs harnois, pour faire leurs armes: & là estoient le Roy & les Seigneurs, à grande foison de barons & de Cheualiers, & de peuple, pour veoir les armes. Si iousterent sur cheuaux, de quatre lances, moult roidement: & furent bien assez assises: & estoit l'vsage (ce me semble, à tout le moins, comme il estoit) d'adonc, que l'on n'attachoit son bacinet, qu'à vne seule lanier: à fin que le fer du glauiue † se teinst. Le cinquiesme coup de glauiue fut tel, que messire Iehan des Barres consuiuit, tout à plain coup, en la targe du Cheualier Anglois (dont il estoit couuert) & l'empoigna de telle maniere, qu'il le porta ius, par outre la croupe de son cheual: & l'abbattit, tout estourdi, & conuint, à grande peine: messire Thomas releuer. Depuis fut il remis à point, & parfirent leurs armes bien & bel: tant que le Roy & les Seigneurs s'en contenterent.

Comment Perrot le Bearnois se meit aux champs, avec plusieurs de ses compaignons, au mandement du Comte d'Arondel, qui alla prendre terre à Marant, pres la Rochelle, avec son armée marine.

CHAP. CXVI.

† Verard dit
Brehat, & sa
la bichac.
† Je doute qu'il
ne falle icy lire
Roche d'A-
rien, place de
Bretaigne, de-
uant laquelle,
fut pris Char-
les de Blois au
cha. 143. du
premier vol.

† Ces deux mots
sont fournis, et
le reste amendé
selon qu'il di-
ra tantost.

LE me suis tenu longuemēt à parler de l'armée de la mer, dont le Comte Richard d'Arondel estoit Chef, avecques grande foison de Cheualiers & d'Escuyers, & autres gēs d'armes d'Angleterre. Si en parleray, car la matiere le demande. Vous auez bien ici dessus ouy recorder comment, n'en quel estat, ils estoient issus d'Angleterre, & les grans traittez, qui auoient esté entre le Roy d'Angleterre & son Conseil & le Duc de Bretagne. Or auoient ces Anglois en leur nauire & vaissel toute la saison nagé, & costoyé les bendes de Bretagne & Normandie: si force de trop grand vent ne les auoit reboutez auant en la mer, mais tousiours s'estoient ils retraits sur les bendes de Bretagne: & auoit en leur armée vaisseaux, qu'on dit balleniers (qu'escumeurs de mer par coustume ont volontiers, & qui approcherent les terres de plus pres, que les autres vaisseaux ne font) & auoit geu à l'ancre ceste armée plus d'un mois, à l'encontre de l'Isle de † Breshat en Bretagne: & s'estoient là refreschis & là eurent nouuelles (car ce n'est pas loing de la † marche d'Orient) que le Duc de Bretagne estoit allé à Blois, parlementer aux Ducs de Berry & de Bourgogne: & ces Seigneurs auoient tāt exploité & parlemēté, que le Duc estoit allé, sur bon estat, à Paris: & couroit renommée, parmy Bretagne, que le Duc auoit esté si bien-venu du Roy & de son Conseil, à Paris, que de là il ne departiroit, si seroient les choses en leur estat. Quand le Comte d'Arondel entendit ces nouuelles, si fut tout pensif: & se trait en conseil, avecques les plus grans de son armée, pour sauoir comment ils se maintiendroient, ne quelle part ils se traitoient, pour employer leur saison. Conseil fut là entre eux tenu & arresté, qu'ils se traitoient vers la Rochelle, & feroient en Rochellois quelque chose, car nō obstant qu'ils n'eussent nuls chasteaux, ils estoient assez gens, pour attendre sur les champs toute la puissance de Xainctonge & de Poictou: parmy tant aussi qu'ils signiferoient leur estat en Auvergne, & en Limosin, par qui que ce fust de leurs naues: † qu'ils mettroient, par vne barge, sur terre, & passeroit parmy Bretagne. Encores n'estoient les tréues entrées, ne confermées, à la riuere de Loire: mais on les traitoit: & deuoient commēcer le premier iour d'Aoust: & estoit messire Helyon de Lignac sur le chemin, allant, ou retournant (ne say lequel) de Bayonne (ou le Duc de Lanclastre se tenoit, en France. Si comme le Comte d'Arondel & les Cheualiers d'Angleterre, qui à ce Conseil furent appelez, imaginerent, il auint. Car ils fauiferent: & prirent vn breton-bretonnant, qui estoit de la nation de Vennes, & seruoit messire Guillaume Helimon,

mon, qui là estoit, lequel fauoit bien & parfaitement trois, voire quatre, langues (le Breton-Bretonnant, l'Anglois, l'Espagnol, & le François) & le firét mettre hors, par vne barge, sur le sablon: & l'endiéterent ainsi. Tu t'en iras, les couuertes voyes, tout le pays (tu cognois bien les torces & les adrées, & les chemins frayans) tant que tu viendras à Chaslucet: & salue nous Perrot le Bearnois: & luy dy de par nous, qu'il mette sus vne cheuauchée de Gens-d'armes & de compagnons de son chastel & des forts & des garnisons, qui obeissent à nous, & lesquels font guerre en France à tiltre de nous. Tu ne porteras nulles lettres, pour les auentures des prises & des rencontres. Dy (si tu trouues nul peril) que tu es à vn marchand de vins de la Rochelle, qui t'enuoye quelque part: & tousiours passeras tu bien: & dy à Perrot qu'il meue ses gens, & qu'il tienne le pays de Berry, d'Auuergne & de Limosin, en doute, & en guerre: & qu'il tienne les champs, car nous prédrons terre en Rochellois: & là ferons guerre telle, qu'il en aura bien la cognoissance. Le Breton dit qu'il sacquitteroit bien de faire son message: se trop grand empeschement ne l'encôbroit sur le chemin. Il fut mis par vne barge hors, sur le sablon. Luy: qui congnoissoit toute la marche de Bretagne, se meit à terre: & élongna du premier toutes les villes: & puis passa par le pays de Poictou: & entra en Limosin: & fir & cheuaucha tant par ses iournées qu'il vint à Chaslucet: dôt Perrot le Bearnois estoit Capitaine. Ce messager vint aux barrières: & se fit auoir cognoissance à ceux de la garnison, On le meit dedàs, quand on l'eut examiné à la porte: & puis fut mené deuant Perrot le Bearnois: & fit bien son message: duquel message Perrot eut grande ioye, car il desiroit à auoir & ouir certaines nouuelles de l'armée de mer. Or les eut il toutes fresches: Si dit au Breton, Tu nous es bien venu. Aussi auions nous tous, moy & mes compagnons grand desir de cheuaucher: & nous cheuaucherons hastiuement, & puis ferons, apres, ce qu'on nous enseignera. Sur cest estat f'ordonna Perrot le Bearnois: & manda au Capitaine de Carlar, le Bourg de Copane, & au Capitaine d'Ouzach, Olim Barbe, au Capitaine d'Aloise, delez S. Flour, Aimerigot Marcel, & aux autres Capitaines, au long du pays, en Auuergne, & en Limosin, qu'il vouloit cheuaucher, & qu'ils se missent tous sur les champs (car il apparoit vne bonne saison pour eux) & laissassent en leurs forts, à leur departemēt, si bones gardes, qu'ils ne prissent point de dōmage. Ces compagnons, qui aussi grand desir auoient de cheuaucher, cōme Perrot le Bearnois auoit, car ils ne pouuoient enrichir, s'autres ne perdoient, se pouruoyent tantost: & se meirent sur les champs: & s'en vindrent à Chaslucet (ou l'assemblée se faisoit, & se trouuerent bien quatre cens Lances. Si leur fut bien auis qu'ils estoient assez gens, pour faire vn grand fait: & qu'ils ne sauoient nul Seigneur au pays, qui deust rompre leur emprise, n'aller au deuant. Car le siege de Ventadour de messire Guillaume de Lignac, ne de bonne lance, ne se déferoit pas pour eux. Si commencerent à cheuaucher & à estre Seigneurs des champs: & passerent Auuergne à la bonne main: & prirent le droit chemin, pour venir en Berry, car bien sau o i t que le Duc n'y estoit pas: ainçois ce tenoit en France delez le Roy, à Montreul: ou faut Yonne. Nous lairrons à parler vn petit de Perrot le Bearnois, & de son emprise: & parlerons du Comte d'Arondel & de son armée, qu'il tenoit sur la mer, & auoit tenue toute la saison, & compterons comment il perseuera, puis qu'il fut party des bendes de Bretagne: là ou il se tenoit luy & ses gens. Quand le Comte d'Arondel & les Seigneurs, qui avecques luy estoient, se furent departis des bēdes de Bretagne, ils singlerēt, à l'entēte de Dieu & du vent, à plain voile. Car ils auoient le tēps, & la marée pour eux: & faisoit si bel & si sery, & vent si à point, que grand plaisir estoit de veoir ces vaisseaux sur la mer, car ils estoiet environ fix vingts voiles, vns & autres: & venteloient sur t'estrainnières, trop gētement armoyées des armes des Seigneurs: qui resplendissoient contre le soleil. Ainsi s'en vindrent ils, tout nageant & flottāt, parmi celle mer, qui lors estoit haitée, & mōstroit qu'elle eust grande plaifance d'eux porter. Ainsi comme vn cheual, agrené & seiourné, quand il est hors de l'estable, a grāde faim de hennir: ainsi la mer, avec l'aide du vent, qui luy estoit si à point commē à son hait, monstroit cheminer. Ce pouuoit elle dire par figure, liement & hardiment. Je suis pour vous. Je vous mettray en haure & port sans peril. Ainsi de grande volonté s'en vindrent ces Seigneurs & leurs nauires, frontoyant Poictou & Xainctonge: & ancrerent en la mer de la Rochelle, & au propre haure, voire au lez deuers Marant. Là deffous la Rochelle si comme ie vous dy, & monstre, ancrerent, & s'arrestèrent aucuns compagnons auentureux, pourtant que la marée venoit, n'estoit pas encores plaine, & entrerent es barges, encores plus de deux cens, vns & autres, & s'en vindrent arriuer, avec la mer, iusques en la

† Sala dit icy
Sallucher.

Messager du
Comte d'Arondel
en Bearnois

Perrot le Bearnois
& autres
Capitaines, ses
compagnons,
tiennent les
champs pour
les Anglois.

† Verard dit
estrainnières,
Mais ie confesse
s'en entendre
ne l'un ne l'autre.

L'armée du
Comte d'Arondel
del ancre pres
la Rochelle,
vers Marant.

La ville de Marant pillée par quelques Anglois de l'armée d'Arondel, y descendus par barges avec la marée.

Descente du Comte d'Arondel à Marant, par barges & petits vaisseaux.

ville de Marant. La guette du chastel de Marant d'amont auoit veu venir la nauire d'Angleterre, & prendre port au haure, & aussi les barges venir, tout le fil de l'eau, avec la marée. Si auoit corné d'amont, & mené grande noise, pour réveiller les hommes de la ville, & pour sauuer le leur, si qu'hômes & femmes, grâde foison, sauuerēt de leurs meilleures choses: qu'ils porterēt au chastel: & celà leur vint biē à point. Autremēt ils eussent perdu tout. Quand ils veirent le fort, & que les Anglois leur estoient aux talons, si laisserent le demourant: & entendirent à sauuer leurs corps. Anglois Archers, & autres, qui là estoient venus, & issus hors de leurs barges, entrèrent en la ville: & entendirēt au pillage, car pour pillage estoient ils là venus, mais petit y trouuerēt: fors que grâdes huches vuides. Tout le bon estoit retrait au chastel. De blez, de vins, & de porcs salez, & d'autres pourueāces, trouuerent ils assez, car il y auoit plus de quatre cens tonneaux de vin en la ville. Si auiserent qu'ils demourroient là, pour garder ces pourueāces: qui leur venoient grâdemēt à point, & aux leurs aussi, car, s'ils se departoient, ils supposoient biē, & de verité, que la greigneur partie seroit retraitte au fort, ou éloignée par la riuere mesme, iusques à Fôtenay-le-Comte, par les François: & ce qu'ils ne pourroient sauuer, gasteroient. Si demourerēt celle nuit en la ville (car ils estoient là venus à heure de vespres) & se donnerent du bon temps: & manderent leur estat à leurs gens, & la cause, pourquoy ils estoient là demourer. Le Comte d'Arondel & les autres Cheualiers s'en contenterent: & disoient qu'ils auoient bien fait. Celle nuit se passa. Au lendemain, quand la marée commença à retourner, toutes gens s'appareillerent: & se desancrerent petis vaisseaux: & furent mis, des gros vaisseaux dedās les petits, & des grosses barges, tous leurs harnois, qui aux armes appartenoient: & laisserent là leurs grosses nefes, qui la riuere de Marant, pour le petit parfond ne fauoient & ne pouuoient passer. Encores ordōnerent ils cent Homes-d'armes & deux cēs Archers, pour garder la nauire: qui estoit au haure, & là gisoit à lācre, à l'emboucheure de la mer. Puis, quand ils eurent ainsi ordōné, ils nagerēt tāt, qu'ils vindrēt à Marant: & là prirēt ils terre, tout à loisir (car nul ne leur nuisoit) & se logerēt tous sur terre, entre Marant & la ville de la Rochelle: laquelle sied à quatre petites lieues de là. Ces nouuelles sēpādirēt sur le pays, q̄ les Ang. estoient arriuez à Marant, & y auoient pris terre, & estoient bien quatre cens, cōbattans, parmy les Archers. Si furent le plat, pays, les villes & les chasteaux, tous effrayez, & sur leur garde: & cōmencerent des villages à fuir deuant eux, & à retraire leurs biens es forests, en Bresuire, & ailleurs: là au plus tost ils pouuoient estre.

Comment les Rochellois allerent ecaroucher aux Anglois, pres Marant, & comment les Anglois, apres auoir pillé le pays d'environ, se retirerent en leurs vaisseaux sur la mer, avec leur pillage, & comment Perrot le Bearnois se retira semblablement en son fort avec grand butin.

CHAP. CXVII.

SE les Anglois eussent eu cheuaux, pour courir à leur aise sur les Rochellois, ils eussent bien grandement fait leur profit, car le pays estoit dégarny de Gens-d'armes: voire pour eux aller au deuant. Bien est verité que le Sire de Partenay, le Sire de Pons, le Sire de Linieres, le Sire de Tanaybouton, messire Geoffroy d'Argenton, le Sire de Monttendre, messire Aimery de Rochechouart, le Vicomte de Touars, & plusieurs Cheualiers & Escuyers de Poictou & de Xainctonge, estoient au pays: mais c'estoit chacun en son pays, & en son fort, car le pays n'estoit pas auisé de la venue des Anglois. S'ils en eussent esté signifiez, en deuant vn mois, ou enuiron, & qu'ils eussent seu de verité que les Anglois deussent arriuer à Marant, ils y eussent bien pourueu: & de bonne heure, mais nenny. Ceste chose leur vint soudainement: pourquoy ils en furent plus effrayez, & mettoit chacun peine à entendre de garder le sien, & les bonnes gens du plat pays à moissonner les blez, car il estoit à l'entrée d'Aoust. Avec tout ce, il n'y auoit nul chef au pays, qui les e-meust. Le Duc de Berry (qui estoit Sire & souuerain de Poictou) si estoit en France. Le Sénéchal de Poictou estoit venu nouuellemēt à Paris. Le Sénéchal de Xainctōge n'estoit pas aussi en la Sénéchaussée. Le Sénéchal de la Rochelle aussi, Helymon de Lignac n'estoit pas à la Rochelle, n'au pays, mais grandement embesongé pour le Duc de Berry en allant & retournāt, en ces iours, sur le chemin de Bayonne & de France: & par ces raisons le pays en estoit plus foible. Car, qui defaut de bōs Chefs, il defaut de bon moyē, & de bon piē: & qui n'a bon piē, il ne peut faire chose qui vaille. Aussi estoient les terres defusdites effrayées par deux manieres, car ils auoient les Anglois deuant eux, l'armée de mer, si cōme vous pouuez ouir, & d'autre part les nouuelles leur venoient fort, des parties de Berry

de Berry & de Limosin, que Perrot le Bearnois cheuauchoit, & menoit plus de cinq cēs cōbartās: & iā estoient entrez en Berry. Si ne fauoiet auquel entēdre, fors à garder, le leur car renōmée couroit que ses deux osts se trouueroient ensēble, & se rencontreroiet: fust au pays de Poictou, ou au pays de Xainctōge, car telle estoit l'intentiō de plusieurs. Vray est qu'en la ville de la Rochelle estoient pour ces iours, q̄ les Anglois prirent terre à Marant, deux vaillans Cheualiers de la natiō de Beauffe. L'un appelloit on messire Pierre de Iouy, & l'autre, messire Taillepié: lesquels messire Helyon de Lignac auoit mis, laissez, & establis, à son départemēt, en la Rochelle, pour garder la ville & le pays: & ils s'en acquitterent à leur pouuoir. Quand ils sceurēt ce, & les nouuelles furent venues à la Rochelle, q̄ le Côte d'Arondel & l'armée de mer (dōt l'on auoit parlé toute la saison) auoit pris terre sous Marāt, & qu'ils se logeoient là, si dirent à ceux de leur charge, & au Maieur de la Rochelle, & aux bōnes gēs (car, c'est vne ville assez peuplée). Il nous faut aller veoir le logis & le cōuenāt des Anglois. On nous a dit qu'ils se logent, & amassent en ce pays. Nous voulons, moy & mō cōpaignon, aller querre leur bien venue: ou ils nous la payerōt, ou nous la payerōs. Mais blasme nous feroit & reproche (au cas que nous auons à garder pour le present ceste ville, & le pays) se paisiblement nous les y laissons arrester, & si y a vn point moult bel, pour nous. Ils n'ont nul cheuaux (ce sont gens de mer) & nous sōmes tous bien montez. Nous enuoyerons noz Arbalestiers deuant: qui les ironr rēcueiller, traire, & blecer: & quand ils auront fait leur enuahie, ils retourneront. Les Ang. saudrōt tous dehors. Ils sont tous de pié. Nous remettrons noz Arbalestiers vers la ville: & ces premiers nous recueillirons aux fers des glaiues: & aurons nous, qui seront sur noz cheuaux, grand auātage de leur porter dōmage. Tous ceux, qui ouirent les Cheualiers parler, les tindrēt à sages & bien vaillans hommes: & s'accorderent à ce conseil ensemble les Arbalestiers, & les gros-varlets: & en trouuerent bien douze cēs, qu'vns qu'autres. Quand ce vint au matin, droit à l'aube du iour, ils furēt to⁹ appareillez dedaas la ville de la Rochelle, & s'assemblerent en la place: & se partirent les Arbalestiers, & les gens de pié, & se meirent au chemin, de bon pas, pour venir au logis des Anglois. Endementiers s'ordonnerent & appareillerēt ceux de cheual: & estoient biē enuiron trois cēs, car il y auoit des Cheualiers & des Escuyers, qui venus estoiet en la Rochelle, si tost qu'ils ouirēt dire que les Anglois estoient arriuez à Marant. Si issirent les hommes de cheual, & les deux Cheualiers, qui les menoient deuant. Certes, si par aucune inspiration les Anglois eussent sceu la venue des Rochellois, & qu'ils peussent auoir mis sus vne seule embusche des deux cēs Archers, & de cent Hommes-d'armes, il n'en fust iā pié retourné. Quand les archers & les arbalestiers de la Rochelle vindrent sur le logis des Anglois, il estoit encorēs assez matin: & tāt y eut de bon guet pour eux, qu'ils l'auoient fait la nuit, iusques à soleil leuant: & s'estoiēt retraits en leurs logis. Adonc Arbalestiers commencerent à tendre leurs arbalestes, en approchant les Anglois, & leurs logis, & puis à traire viretons: qui passioient parmy les fueilles des logis: dont les Anglois (qui estoient en leurs logis: ou ils se repositoient sur litiere d'estraim: qu'ils auoient faite) s'emerveilloient d'ou ce venoit. Si en y eut beaucoup de blecez, auāt qu'on sceust que ce fussent les François. Quand ils eurēt traits chacun fix coups, ou enuiron, ils se meirent au retour: ainsi cōme ordonné leur estoit. Adonc s'approcherēt les Gens-d'armes (lesquels estoient bien montez) & se meirent entre les logis des Anglois. Lors se cōmencerēt à émouuoir Cheualiers & Escuyers de leurs logis, & venir sur les champs, & eux mettre ensemble. Quand les Capitaines François veirent que l'ost se mouuoit si au vray, & que les Cheualiers & Escuyers se recueilloient sur les chāps, si suyuirent leurs gēs: qui s'en r'alloiēt bon pas: & iā estoient les premiers moult pres de la Rochelle, car ils doutoient le trait des Anglois. Ainsi, en hariant & trayāt, & les gens de cheual gardans leurs gens, furent les Rochellois amenez & poursuyuis iusques bien pres de la Rochelle: & alors veez cy venir le Comte d'Arondel, & plus de quatre cēs Hōmes-d'armes: qui auoient poursuiuy le grād pas, chacun son glaiue en ses mains, & sur son col. Là fut grand l'empeschement des hommes de pié, & la presse moult grande, au rentrer en la Rochelle. Messire Pierre de Iouy & messire Pierre Taillepié ouurerent comme vaillans gens, car en deffendant & en gardant leurs gens, ils se meirent derriere: & firent tāt, tourefois, qu'ils vindrēt iusqu'aux barrieres: & tousiours les poursuyuirēt les Ang. Là furent en grāde auēture les deux cheualiers d'estre pris ou morts, en faisant armes. Car l'assemblée estoit plus sur eux, que sur nuls des autres: pourtant qu'on veoit bien que c'estoiēt les maistres, dōt il auint que messire Pierre de Iouy eut mort sous luy son coursier, & à grāde.

Conseil des Capitaines de la Rochelle. Lieutenant d'Helyon de Lignac, d'aller ecaroucher aux Anglois pres Marant.

† Tout ce reste de clause, iusques à Adonc Arbalestiers n'est point en Verard, et ainsi si ne me semble guerres y seruir.

L'Ecarmouche des Rochellois recene et repoussée des Anglois, iusques au pres de la ville.

Retraite des Rochellois en leur ville, & des Anglois en leurs logis, apres auoir chacé iusques aux portes.

peine fut il trait, de leurs gens, dedans les barrieres : & messire Pierre Taillepié fut feru tout outre la cuisse, d'un glaive, & d'une fleche parmy le bacinet, iusques dedans la teste : & cheut son bon cheual mort dedans la porte, à ses piés. Au r'entrer dedans la ville y eut grand' occision, & de morts & de blecés plus de quarante. On estoit monté en la porte : & gettoit on canons & bombardes sur les Anglois, par tel party, que les Anglois ne fesoient bouter auant, n'eux approcher, pour les grans coups qu'on ruoit. Ainsi se porta ceste premiere ecarmouche des Rochellois & des Anglois. Quand ils eurent ecarmouché iusques pres de nonne, le Comte d'Arondel fit sonner la retraite. Adonc se retirèrent par bonne maniere Gens-d'armes & Archers en bon arroy, & tout le pas, iusques à leurs logis : & là se desarmèrent & pensèrent d'eux : & bien auoient dequoy, car de vins & de chairs estoient ils bien pourueus : & moult en auoient ils trouué sur le pays. Si se tindrent ces Seigneurs d'Angleterre là, enuiron Marant & la place ou le droit haure est, plus de quinze iours, attendans les armes & les auentures : mais depuis nissirent point de la Rochelle nuls Gens-d'armes, pour ecarmoucher n'écueillir les Anglois, car ils veioient bien que les Anglois se maintenoient & portoient sagement : & aussi les deux Capitaines estoient blecés : parquoy les autres auoient bien cause d'eux tenir en paix. Bien est verité que le Comte d'Arondel enuoya par quatre fois courir sur le pays de Rochellois, vers Bresuire, & en la terre de Touars : & y porterent ceux, qui enuoyés y furent, grand dommage : dont le pays fut tout effrayé. Encores eussent les Anglois fait autre exploit d'armes, s'ils eussent eu cheuaux : mais ils n'en auoient, fors qu'un petit : & encores les auoient ils trouués sur le pays. Planté ne fut ce pas : car, si tost que le plat-pays fut informé de leur venue, tous se retirèrent à garand : & s'encloyoient es bonnes villes, eux & le leur. Quand l'armee de mer (si comme ie vous compte) eut esté & seiourné sur le pays de Rochellois enuiron quinze iours, & qu'ils s'y furent refreschis, & ils veirent que nul ne venoit à l'encontre d'eux, pour eux deffendre ne chalanger terre, & que vent bon & propice leur fut venu, ils se retirèrent vers leurs nauires, & les rechargerent de grand' foison de vins (qu'ils auoient trouués sur le pays) & de chairs fresches : & puis entrèrent en leurs vaisseaux. Si se desancrerent, estans leurs nefes routes chargees : & aualerent leurs voiles : & le vent si se bouta dedans : & singulierent en éloignant la terre : & prirent le parfond : & entrèrent en la mer : & encontrèrent, en ce propre iour, douze nefes de Bayonne, qui s'en alloient en Angleterre, & mennoient vins de Gascongne & autres marchâdises. Si se conioignirēt les vns, & les autres, tous ensemble : & s'entrefirent moult grand' feste, quand ils se furent auisés & congus (car ils estoient tous vns, & d'une alliance) & donnerent les Bayonois deux piéces de vin de Gascongne au Comte d'Arôdel, en cause d'amour. † Puis prirent congé les Bayonois, tenans leur route encommencee : & les autres demourerent sur la mer, tousiours vagant, & attendant les auentures. Or vous parlerons de Perrot le Bearnois, & des autres Capitaines qui estoient en sa compaignie, & de toutes leurs routes : qui se traierēt en leurs forts. En ce propre termine, que l'armee d'Angleterre fut à Marât, & en Rochellois, estoit Perrot le Bearnois & sa route (ou bien auoit quatre cens Lances, & autant de pillars) sur les champs, & passa parmy Lymosin : & vindrent en Berry : & leuerent, en un iour, toutes les marchâdises de la ville du Blac en Berry : ou pour ce iour il y auoit foire : & y eurent grand profit, & de bons prisonniers : & puis passerent outre : & vindrent iusques à Selles en Berry : & là fut toute la ville pillée & robée. Ainsi se maintindrent Perrot le Bearnois, & ses Capitaines : & cheuaucherent moult auant sur le pays, & y porterent bien grand domage (car nul ne leur alloit au-deuant) & en fut le pays tout effrayé delà la riuere de Loire, & de ça, iusques en la Comté de Blois, & en Touraine, car on ne pouuoit songer n'imaginer, que ces deux armées, qui estoient sur les châps, auoient en pensée de faire. Les aucuns disoient qu'ils se deuoient tous trouuer ensemble : mais non firent, car l'armee de mer se retirait (côme ie vous diray) & aussi firent Perrot le Bearnois & sa route. Quand ils eurent grandement pillé le pays, & gagné, ils eurent cōseil d'eux retourner en leurs chasteaux, & mettre à sauueté tout ce, qu'ils auoient conquis † & gagné. Si reprirent le chemin d'Auuergne & de Limosin : & s'en allerent chacun en son fort. Si n'y eut plus fait-d'armes, ne de cheuauchee, pour celle saison, en Auuergne, n'en Lymosin. Car les tréues vindrent par delà la riuere de Loire : qui deuoient durer (comme elles firent) iusques au mois de Mars. Mais tousiours se tenoit le siege deuant Vantadour, de messire Guillaume de Lignac, de messire Jehan bône-lâce, de messire Jehan le bouteiller, & des autres, car Geoffroy Testenoire estoit bien si orgueilleux, qu'il ne tenoit cōpte nul de tréues, ne de paix, & tout sur

Remarque-met & retraite du Comte d'Arondel & de ses gens en leurs vaisseaux, et en haute mer.

† Nous auonsourné les neuf mots suyns, selon le sens de l'Auteur, estant le reste autrement sans chef, et sans suite, Perrot le Bearnois ayant pillé, Blanc & Selles en Berry, & le plat pays des environs, se retire en son fort, & ses compaignons aux leurs.

† Il y auoit seulement & gagné sur le chemin d'Auuergne & s'en allerent &c. Mais nous auons parfait le reste selon les deductions précédentes.

la fiance

la fiance de son fort. Nous nous souffrirons à parler du siege de Vantadour & de dire la fin qu'il prit, tant que point sera: & nous refreschirons d'autres nouuelles: c'est à entendre d'autres besongnes, de Brabant & de Guerles.

Comment les Brabançons trauaillerent fort ceux de Grane par leur siege: & comment les Gueldrois brulerent & ruinerent vn pont, que les Brabançons auoient fait sur Meuse, pour entrer du costé de Gueldres, & contraindre la ville de Grane plus estroitement.

CHAP. CXVIII.

Vous sauez (si comme il est contenu cy-dessus en ceste Histoire) comment la Duchesse de Brabant s'estoit aherse à faire guerre au Duc de Guerles, & faisoit tenir le siege deuant la ville de Grane. Or y estoient à puissance Cheualiers & Escuyers des bonnes villes de Brabant: & estoit telle leur intention, que du siege ne partiroient, si auoient leur volonté plainement de la ville de Grane: & pour mieux monstrier que la besongne estoit sienne, la Duchesse se tenoit au Bois-le-Duc, à quatre lieues pres. Si estoit l'ost de Brabant plantureux de tous biens. Car ils estoient souuēt refreschis de nouuelles pourueances: qui leur venoient de tous lez, tât par mer, par la riuere de Meuse, que par le noble & gentil pays de Brabant. Si fut là le siege moult bien & longuement tenu: & auoient les Brabançons de tresgrans engins deuant la ville: qui gettoient pierres de faix, & mangonneaux, iusques en la ville: & là ou elles cheoient, elles y portoyent grand dommage. Auec tout ce, pour empunaïfir les hommes & les femmes de la ville, ils faisoient getter, par leurs engins, toutes les charongnes mortes de leur ost. Ce qui leur greuoit grandement, car il faisoit chaud: & estoit l'air tout quoy & cler, & tout corrompu en la ville, de ceste punaisie. A la fois Cheualiers & Escuyers de Brabant s'en venoient aux barrieres, pour écarmoucher à ceux de la ville, & là estoient faites plusieurs appetisies d'armes, car il y auoit en la ville de Grane en garnison, de par le Duc de Guerles, d'aspres cōpaignons, qui ne se faignoient mie à monstrier leur prouesse, quād la besongne touchoit, & on s'approchoient de si pres, comme deuant leurs barrieres, & dura ce siege moult longuement. Le Duc (qui se tenoient à Nymaye) n'y pouuoit remedier, tant que de leuer le siege, ne de combattre les Brabançons, car il n'auoit pas gens assez: mais il auoit mandé son estat en Angleterre: & cuidoit tout certainement auoir vn grand secours: mais non eut, car en Angleterre, pour celle saison, ils estoient tous triboullés, & en mauuais arroy: quoy que le Roy se fust informé en nouuel Conseil, par l'ordonnance de ses oncles, & de l'Archeueque de Cantorbie; Bien fut parlementé, enuiron la Saint Iehan Baptiste, à sauoir son enuoyeroit Gens-d'armes & Archers en Guerles, pour conforter le Duc: ainsi qu'enconuenancé luy auoit esté. Mais, tout considéré, on ne le trouuoit point en Conseil, car renommée couroit en Angleterre, que le Roy de France faisoit vn tresgrand mandement: mais on ne sauoit dire ou il se vouloit traire: & faisoient les Anglois doute, par imagination, qu'il ne venist deuant Calais. D'autre part aussi, ils doutoient la benede d'Escocce: & pourtant ne s'osoient dénuer, en Angleterre, de Gens-d'armes, ne d'Archers, car ià en auoit sur l'armee de la mer grand' foison: & si conuenoit que leur pays fust gardé & pourueu. Si disoient les aucuns, en conseil, des Nobles d'Angleterre. Nenny, laissez le Duc de Guerles conuenir. Il est de soy cheualeureux moult: & si demeure en fort pays. Il se cheuira bien de la guerre contre ces brabançons. Se plus grand' chose luy sourdoit, tout à temps seroit il reconforté. Il a les Ailemans de son accord, & ses voisins: qui autresfois se sont mis en sa route, à l'encontre des François. Ainsi se porterent les choses en Angleterre: mais ceux de la ville de Grane en auoient la peine, les assaux, & les écarmouches. Or auiferent, en celle saison que le siege se tenoit deuant Grane, les brabançons, qu'ils feroient faire, ouurer, & charpenter vn pont de bois, sur la riuere de Meuse: & par ou ils entreroient en la Duché de Guerles: & courroient le pays: parquoy nulle douceur, ne nuls viures, ne viendroient en la ville de Grane: & l'enclorroient deuant & derriere, & de tous costés: & clorroient le pays, tellement qu'on ne la pourroit auitailler, car ils estoient gens assez, & forts à ce faire. Si meirent tantost grand' foison d'ouuriers & de charpentiers en oeuvre: & se hastoient, & deliura, d'ouurer & charpenter ce pont, sur le riuage. A la mesure qu'on le charpentoit, & ouuroit, on l'asseoit, & fut fait bien-auant, & assis sur la riuere, & si pres du riuage de la terre de l'autre lez, que les Guerlois y pouuoient bien auenir du get d'une lance. De toute ceste ordonnance, & de ce pont qu'on faisoit, vous deuez bien croire & sauoir qu'ils estoient bien informés & signifiés. Le Duc de Guerles & les Guerlois si ne

Causes, pour lesquelles le Duc de Gueldres ne peut auoir secours d'Angleterre, durant le siege de Grane.

† A toutes années i'aymis ce mot, en lieu de serce: que ie ne cognoisse aucunement.

*Pör de bois, fait
par les Braban-
cons, sur Meu-
se, brûlé par les
Gueldrois.*

meirent nul cōtredit, en grād tēps, à ce pont faire: mais, quād ils veirēt qu'il estoit si avan-
cé, que sur le poinēt de parfaire, ils allerent au-deuant, & par leurs canons, & autres artille-
ries, il trayrēt feu: & l'appareillerēt, tellemēt que le pont fut tout ars, & desēparé: & per-
dirent les Brabançons tout leur ouurage: dont ils furent moult courroucés: & se meirent
les Brabançons ensemble, pour auoir & prendre conseil de ce, qu'ils auoient à faire.

*Cōment les Brabācons, estans passés parmy la ville de Rouestain & entrés en Guerles furent
déconfits par le Duc de Guerles: dont se leua le siege de Grane.* CHAP. CXIX.

*† sala dir Rau-
estain.*

ATrois petites lieuës de la ville de Grane fied la ville & le chastel de † Rouestain: le-
quel est au Seigneur de Bourne: qui est des hommes & tenables de Brabant. Si fut à
ce Conseil requis & prié le Sire de Bourne, de par les barons & Cheualiers, & première-
ment de par le Conseil de la Duchesse de Brabant & des bonnes-villes, qu'il voufist ou-
vrir la ville de Rouestain, pour laisser passer vne partie de leur ost, & aller courir dedans le
pays de Guerles. A la priere de la Duchesse, des bourgeois, des Cheualiers, & des bonnes-
villes, il l'accorda à ouvrir sa ville. Le Duc de Guerles (qui se tenoit à Nymaye) fut infor-
mé veritablement (ne say par qui, par ses espies, ou autres gens) que le Sire de Bourne li-
ureroit passage aux Brabançons: & entreroient en sa terre, par la ville & pont de Roue-
stain. Quand ces nouuelles furent venues, si fut tout pensif & melancolieux, car il veoit
qu'il n'auoit pas gens assez, pour resister contre la puissance de Brabant: ou bien y auoit,
qui passoit quarante mille hommes, qu'vns, qu'autres. Si eut le Duc plusieurs imagina-
tions sur ce, pour sauoir comme il se maintiendrait. Finalement, tout consideré, il regar-
da qu'il mettroit toutes ses gens ensemble, & se mettroit sur les champs, & viendrait vers
la ville de Grane: & si les Brabançons entroient en Guerles, il entreroit aussi en Brabant,
car pas ne vouloit estre enclos en nulles de ses villes. Si en parla au Seigneur de Ghelme,
vn grand Baron de Guerles, son principal Conseiller. Celuy de-premier ne fut pas d'ac-
cord qu'il se meist sur les champs, car il auoit trop petit de gens. Et que feray-ie donc? dit
le Duc. Me lairray-ie enclore en vne de mes villes: & endementiers on ardra & exillera
mon pays. Ce me seroit trop coustable. Je vouë à Dieu & à nostre-dame (dit le Duc) que
ie tireray sur les champs, & iray contre mon dommage, & y pouruoieray à mon pouuoir.
Tout ainsi, comme il ordonna, il fut fait: & se partit, au matin, de Nymaye. Quand il eut
esté à l'Eglise, & il se fut offert, donné, & presenté à Nostre-dame de Nymaye: & il & ses
gens eurent beu vn coup, tous monterent à cheual: & estoient enuiron trois cens Lan-
ces, auant moins que plus: & prirent les champs, le plus droit qu'ils peurent, deuers leurs
ennemis. Or regardez comment il estoit de grand' voulonté. Aucuns luy retournent à
outrage: mais il disoit, comme vn Cheualier grandement conforté, & de moult grād cou-
rage, Allon, allon, au nom de Dieu & de Monseigneur Saint George, contre noz enne-
mis: car i'ay plus-cher mourir sur les champs à honneur, qu'à des-honneur estre enclos
dedans vne ville. Delez luy estoient le Sire de Ghelme, tout souuerain de la cheuauchee
& Cheualerie, & vn vaillant & sage Cheualier, le Damoiseau de Hanseberth, le Sire de
Huckelem, messire Ostez, Sire de Vaspre, & plusieurs autres bōs Cheualiers, & Escuyers
de grand' voulonté. Ce propre iour, que le Duc de Guerles estoit sur les champs, des le
poinēt du iour moult matin estoient venus le Senechal de Brabant & la puissance de Bra-
bant, Cheualiers & Escuyers, & grand' foison des hommes des bonnes-villes (qui desi-
roient à passer & entrer en Guerles, pour auoir honneur & proffit, & pour porter au pays
dommage) au pont de Rouestain, par le consentement du Seigneur de Bourne: & là passe-
rent plus de dix mille hommes la riuere: & moult furent réiouys le Senechal de Brabant,
le Sire de Ligniere, le Sire de bourgueual, le Sire de Gence & les autres, quand ils se trou-
uerent outre la Meuse. Si disoient entre-eux, qu'ils viendroient courir ce iour deuant Ny-
maye, & arderoient les moulins & les fauxbourgs, & les villages d'enuiron: mais ils eu-
rent tantost autres nouuelles, par les Cheuaucheurs & decouureurs de leur costé: qu'ils
auoient enuoyés deuant, pour decouvrir le pays. Adoncques nouuelles vindrent au Duc
de Guerles (qui cheuauchoit) que ses ennemis, plus de dix mille, estoient outre la Meu-
se, & passés à Rouestian: & encores passaient. Donc s'arrestèrent le Duc & tous les gens,
pour auoir conseil ensemble de-rechef, comment ils se maintiendroient: car les aucuns
s'ebahissoient: pource qu'ils n'estoient qu'vne poignée de gens, & leurs ennemis estoient
trente ou quarante, contre vn. Comment pourroient durer quatre cens Lances, à dix ou
douze mille hommes? il n'est pas en nostre puissance de les ruer ius: mais il est bien en
la leur

*Le Duc de Guel-
dres, avec trois
cens Lāces, sen-
lement, tient les
champs, contre
ses ennemis.*

*Passage des Bra-
bançons en Guel-
dres, par le pont
de Rouestain.*

la leur de nous y ruer. Là s'assemblerent autour du Duc aucuns Cheualiers: & luy con-
seillerent qu'ils se traissent à Grane: & lors dit qu'il n'en feroit riens, & que ià il ne s'enclo-
roit en ville qu'il eust: mais iroit ferir sur ses ennemis: & luy disoit son courage, qu'il les
déconfiroit, car l'aime mieux (disoit il) mourir à honneur, que viure à blasme. Nous rue-
rons ius noz ennemis: & si aurons à ce iourd'huy profit & hōneur trefgrand, Et puis apres
commença à dire, de moult grande volenté, Auant auant, qui m'aimera, si mette pcine
à me suyure legerement. Ceste parolle, que le Duc dit, rencouragea tous les gens, & par
especial ceux, qui l'auoient ouy: & monstrent tous, par semblant, qu'ils fussent en gran
de volenté de combattre, & tous reconfortez de courir sur leurs ennemis, qui s'appro-
choient. Si estraingnient leurs plates, & aualerēt les visieres de leurs bacinets, & restrain-
gnirent les sangles de leurs cheuaux: & se meirēt en bon arroy: & tous ensemble: & che-
uaucherent tout le pas, pour auoir leurs cheuaux plus-fraits & plus-forts à l'assembler: &
là furent faits aucuns Cheualiers nouueaux (qui se desiroient à auancer) & cheuauche-
rent en cest arroy, en bon conuenant, deuers Rouestain. Là estoient, tout outre, les Brabā
çons, & grande foison de communes des bōnes villes. Nouuelles vindrēt au Sénéchal
de Brabāt, & aux Cheualiers, que le Duc de Guerles estoit sur les champs, & si pres qu'il
venoit sur eux, & que tantost l'auroient. Ceux, à quiles premieres nouuelles vindrent,
furent moult émerueillez de l'aventure: & cuiderent bien de verité, que le Duc de Guer-
les pour vn homme qu'il auoit en sa compaignie, en eust fix. Si s'arrestèrent sur les chāps
& se vouloient mettre en arroy, mais ils n'en eurent pas loisir. Car veez cy venir le Duc
de Guerles & sa route, tous venus ensemble, en esperonnant leurs cheuaux, & criant No-
stre Dame de Guerles, les lances abbaissées: & là eut vn Escuyer de Guerles: le quel on
doit recommander, car pour le grād desir qu'il auoit d'exaucer son nom & de venir aux
armes, tout deuant les batailles il ferit son cheual des esperons, abbaissant son glaue: &
fut tout le premier ioustāt & assaillant, & entrāt sur les ennemis. On appelloit l'Escuyer,
adonc Hermant de Morbec. De ceste iouste il en porta vn à terre, moult valeureusemēt
Ie ne say s'il fut puis releué, car la foule vint si grande, & la presse des cheuaux, que qui
estoit abbattu, c'estoit le fort de releuer: s'il n'estoit trop bien aidé: & vous say bien à dire
q̄ de ceste premiere iouste il y eut plus de six vingts Brabāçons portez par terre. Là veis-
siez grand effroy, & moult grand abbattis de gens, & petite deffense des Brabançons. Car
ils furent soudainement pris, & ainsi doit on faire, qui veut porter dommage à ses enne-
mis, car les Brabāçons (quoy qu'ils eussent grand' foison de gens & de grans Seigneurs)
furent si espars, qu'onques ne se peurent mettre en ordonnance, n'arroy de bataille: &
furent percez tout outre, & espars, les vns çà, les autres là: ne les grans Seigneurs de Bra-
bant ne pouuoient venir à leurs gens, ne leurs gens à eux. Adonc ceux, qui estoient der-
riere, entendirent l'effroy, & veirent la grande poudriere: & leur sembla propremēt que
la voix & la tumulte venoit sur eux, & que leurs gens fussent déconfits: dōt pour l'effroy
& la grande hideur ou ils écheurent, tantost ils se meirent au retour, les aucuns vers Ro-
uestain, les autres vers la riuiera: & entroiēt dedans (fust à pié, ou à cheual) sans taster le
fōd, ne demāder du gué: & estoit proprement auis à ceux qui fuyoiēt, que leurs ennemis
leur fussent sur le col. Par celle déconfiture, deux mesmes, en y eut de noyez & de peris
en la riuiera de Meuse, plus de douze cens, car ils sailloiet l'un sur l'autre, ainsi cōe bestes
sans arroy n'ordonāce: & plusieurs grās Seigneurs barōs de Brabāt (que ie ne vūeil point
nōmer, car blasme seroit pour eux, & pour leurs hoirs) fuyoient hōteusemēt, & queroiet
leur sauement, sans prendre le chemin de la riuiera, ne de Rouestain, mais autres, voyes
pour élongner leurs ennemis. En celle pestillēce cheut ce iour la Cheualerie de Brabāt
entre la ville de Grane & Rouestain: & y eut grande foison de morts & de pris, car ceux,
qui pouuoient venir à rançon, se rendoyent, & legerement, & ces Allemās les prenoiēt
& fiançoient volontiers, pour le grand profit qu'ils en pensoient auoir. Ceux qui retour-
noient au logis deuant Grane, ébahissoient ceux, qui estoient demourez, car ils venoiēt,
ainsi que gens tous déconfits, en leur grosse alaine: n'à peine auoiēt ils puissance de par-
ler, ne de dire, Reculez tout, car nous sommes tous decōfīts: n'en nous n'a nul recōfort.
Quand ceux des logis eurent entendu la verité de la besongne, & ils veirent leurs gens
en tel party, si furent tous épouuentez, & n'eurent pas loisir ne puissance de prendre le
leur, n'à déloger leurs tentes, leurs trefs, ne leurs pauillōs, ne du trousser, ne mettre à voi-
ture, mais se departirent les plus, sans dire Adieu, & laissoiet tout derriere. Car ils estoiet
si effrayez, que nulle contenance d'arrest ils ne tenoient, ny n'auoit avec eux vitailers,

*Excessive auda-
ce & temerité
du Duc de Guel-
dres, par la-
quelle, neant-
moins, il décon-
fit grand nom-
bre de Braban-
çons.*

*Vilaine fuite
des Brabançons
deuant le Duc
de Gueldres.*

*Siège de Grane
incontinent le-
ué, aux nouuel-
les de la décon-
fiture.*

ne voituriers, qui ne laissent là leur voitures, leurs chars, leurs somniers, & leurs pourueances: & montoient sur leurs cheuaux: & s'enfuyoient à sauueté vers le Bois-le-duc, ou vers Houdan, ou le Mont-Saint-Geruais, ou à Gertras, & Dordec. Ils n'auoient cure, que pour eux sauuer, & éloigner leurs ennemis: & si ceux de la ville de Grane, & ceux qui s'y tenoient en garnison de par le Duc de Guerles, eussent seu plus-tost assez la déconfiture qui se faisoit sur les Brabançons, ils eussent tresgrandement fait leur profit: & en eussent beaucoup rué ius, & rateins. Mais point ne le seurent iusques à bien tard: & non-obstant, quand ils issirent hors, ils trouuerent grand' foison de tentes, & de trefs & pavillons, & de pourueances, & d'engins drecés, de canons & d'artillerie: & recueillirent tour, & le ramenerent à leur ville, à grand loisir, car nul ne leur denioit, n'alloit au deuant. Ainsi se porta le departement du siège de Grane: & receurent les Brabançons ce dommage: dont il fut grand' nouuelle en plusieurs pays, comment vne poignée de gens en deconfirent quarante mille, & leuerēt le siège: & là fut pris le grand Seigneur de Bourgueual, & le Seigneur de Liniere, & des autres, iusques à dix & sept bannieres, & en trouuez les pennons deuant l'image nostre-Dame de Nymaye: à fin qu'il en soit perpetuelle memoire.

Comment le Duc de Guerles, apres ce qu'il eut déconfit les Brabançons, se retrait à Nymaye: & comment, aux nouuelles de ceste déconfiture, le Roy & son Conseil enuoyèrent messagers au Roy d'Allemagne en ambassade, pour guerroyer plus seurement en Guerles.

CHAP. CXX.

L'an & mois de la déconfiture des Brabançons par les Gueldrois.

A Peine puis ie recorder n'escire, pour honneur, la honteuse déconfiture, qui fut ce iour sur les Brabançons: mais ou cas que i'ay promis (si comme i'ay dit ou chef de mon liure) que ie vueil faire, & escire vraye Histoie, il m'en faut faire vraye narration, sur qui que la fortune tourne. Le ieune Duc de Guerles eut ceste iournee pour luy, en l'an de grace mil trois cens quatre vingts & huit, enuiron la Magdaleine, ou mois de Iuillet. Quand la déconfiture & la chace fut passée & le champ tout deliuré (& ce fust tantost fait, en moins de deux heures) les Guerlois se meirent tous ensemble sur les champs: & furent tresgrandement réiouys (& bien le deuoient estre) de la grand' auenture qu'ils auoient trouuee, car ils tenoient autant de prisonniers, ou plus, comme ils estoient de gens. Là estoient les Heraux de leur costé, qui cherchoient les morts, & qui auoient esté entre les batailles. Entre les autres fut occis vn beau ieune fils de la Comté de Namur (qui s'appelloit Vaissier des Colles, Sire de Balastre) de laquelle mort le Duc de Guerles, quand on luy compta, fut trop durement courroucé: & bien le monstra & plaingit, & si dit que la mort du ieune Cheualier luy déplaisoit grandement, car il estoit tresgracieux homme, tresplaisant & iolis: & aussi l'année deuant il auoit esté en Puce en la compagnie du Duc de Guerles, pourquoy il en estoit doulent. Si regarderent le Duc & ses gens sur les chaps: & eurent conseil & auis quelle chose ils feroient, s'ils s'en iroient à Grane, pour eux rafraichir, & la mettre leurs prisonniers. Nenny, dit le Duc. Je me donnay & vouay, au departement de Nymaye, & suis donné & voué huy, au commencement de la bataille, à nostre-Dame de Nymaye. Si vueil & ordonne que tous à lie chere retournons celle part, & allons remercier la Dame, qui nous a aidé à auoir la victoire. Ce conseil fut tenu, nul ne l'eust brisé: puis que le Duc auoit parlé. Si se meirent à chemin: & cheuaucherent les grans galops. A aller vers Nymaye, il n'y auoit que deux bones lieuës, de la ou la bataille auoit esté. Tãtost l'approcherēt. Quand les nouuelles furent venues a Nymaye & ils seurent la verité de la besongne, donc veissiez vous réiouir hommes & femmes, & enfans, & le Clergé issir & venir à l'encontre du Duc, & le recueillir à grand' ioye. Le Duc de Guerles, accompagné de ses Cheualiers, sans tourner autre part, s'en vint tout droit à l'Eglise, ou celle image de nostre-dame est, ou il a, & auoit, grand' fiance: & là en la chappelle se desarma de toutes ses piéces, & se mit en pur son pourpoint: & donna toutes ses armeures à l'Eglise, en l'honneur de nostre-Dame, la remerciant & regrant de la belle iournee, qu'il auoit eue: & là furent mis tous les pennons des Chefs & des Seigneurs, qui ce iour furent pris en la bataille, deuant l'image nostre-Dame (ie ne say s'ils y sont encores) & puis s'en vint le Duc en son hostel: & aussi tous les Cheualiers, & vn chacun se retrait au sien, comme ils estoient logés: & penserent d'eux, & de leurs prisonniers, car ils pensoient biē qu'ils payeroient l'escot. Grans nouuelles furent en plusieurs lieux de ce Duc de Guerles, qui auoit ainsi rué ius les Brabançons, & fut de tous plus douté & honoré, qu'il n'estoit par-deuant. La Duchesse de Brabant (qui se tenoit au Bois-le-Duc, à tout son estat) quand

Le Duc de Guerles presente ses armes à l'Eglise Nostre-Dame de Nymaye.

quand elle veit que les choses se portioient mal, & que le siège de Grane estoit leué, fut toute courroucée: & bien auoit cause, car la chose luy touchoit de pres. Si ordonna garnison au Bois-le Duc, pour garder la frontiere, & puis s'en retourna, parmy la Champagne, à Brucelles, tant qu'elle ouyt autres nouvelles: & escriuoit souuent de son estat au Duc de Bourgongne, car toute son esperance estoit de sy recouurer. Vous deuez bien croire & sauoir que ces nouvelles, qui auenues estoient au Duc de Guerles, sur les Brabançons, furent tantost seües & volees au Royaume de France, & par espécial en la court du Roy: † ou l'on n'en fit compte, ou cas que le Roy auoit si grand' affection de là aller. On escriuit tâtost deuers messire Guillaume de la Trimaille, & deuers messire Geruais de Merande (qui estoient souuerains Capitaines de ces Gens-d'armes, que le Duc de Bourgongne auoit là enuoyés, & des trois chasteaux, seans sur la Meuse, Gauth, Buth, & Mil-le) qu'ils fussent songneux de bien garder leur frontiere: & aussi qu'ils ne fissent nulle issue, pour quoy ils prenussent dommage, & que dedans brief terme ils orroient nouvelles du Roy, car le Roy en personne vouloit aller veoir ce Duc de Guerles, & son pays. Messire Guillaume auoit esté courroucé de l'aventure, qui estoit auenue sur ceux de sa partie: mais les nouvelles de France le refreschirent tout: & se régla selon ce qu'on luy escriuit & manda. Or reuenon aux consaux du Roy de France, qui grâd desir auoit d'aller en Guerles, † n'il n'y regardoit commencement, moyen, ne fin: fors tousiours à l'empire, car en trop grâd déplaisance auoit pris les défiances, que le duc de Guerles luy auoit enuoyées: & disoit, & mettoit (comme fil se voulsist tresfort courroucer) en-outre, que (quoy qu'il deüst couster) il seroit amédé: & feroit ce Duc dedire: ou sa terre & toute la terre au Duc de Iulliers son pere seroient arses & destruites. Ducs, Comtes, Cheualiers, Barons, & toutes autres manieres de Gens-d'armes, parmi le Royaume de France en furent signifiés: & que chacun se pourueust selon le loingtain voyage: & fut ordonné que l'un des Mareschaulx de France demourroit en France (qui fut messire Louis de Pontieure) & celuy garderoit la frontiere d'outre la riuere de Dordonne, iusques à la mer (car en Languedoc, entre la riuere de Gironde, descendant iusques à la riuere de Loire, tréues estoient) & l'autre Mareschal, messire Mouton de Blainville, iroit avec le Roy. Quand aux pourueances, que les Seigneurs faisoient, elles furent si grandes & si grosses: que merueilles seroit à penser, & principalement de vins retenir & ensoingner, pour le Roy premierement, pour les Ducs de Berry, de Bourgongne, de Touraine, & de Bourbon, en la cité de Reims, de Chaallons, de Troyes, & tout sur le pays de Champagne, de Reims, & Euechés de Laon & de Langres: & tous estoient retenus pour les Seigneurs, & tous charrois: de quelque part qu'ils fussent. L'appareil pour ce voyage estoit si grand, que merueille est à considerer. Encores estoit le Duc de Bretaigne à Paris: & ne pouuoit auoir nulle fin ne deliurance du Roy: qui se tenoit le plus, pour ceste saison, à Monstereau-faut-yonne. Mais on luy faisoit bonne chere, & estoit seruy de belles parolles & courtoises: & luy prioient les Seigneurs que point il ne ennuyast, & qu'il auoit hastiuement deliurance: mais le Roy auoit tant affaire pour ce voyage, qu'il entreprenoit d'aller en Allemagne, qu'on n'entendoit à autre chose. Ainsi se souffrit le duc, car il n'en pouuoit autre chose auoir: & puis qu'il estoit si-uant que dedans Paris, il se vouloit partir au gré du Roy & des Seigneurs: mais il seiournoit là à grans frais, despens, & coustages. Quand on veit que c'estoit à certes, & que le voyage de Guerles se feroit, & que la † taille estoit toute ordonnée parmy le Royaume de France, & payoient toutes gens, selon sa proportion, tailles (voire fil n'estoit Gentil-homme, Cheualier, ou Escuyer, & taillé de seruir le Roy en armes) plusieurs sages hommes disoient parmi le Royaume de France, & au Conseil du Roy, & hors du Conseil, que c'estoit grand outrage de conseiller le Roy de France d'aller si loing, requerre ses ennemis: & qu'on mettoit le Royaume de France en grand' aventure (car il estoit ieune, & grandement en la grace de tout son peuple) & qu'il deuoit suffire que l'un de ses oncles, ou tous deux y allassent, & le Conestable de France, & six ou sept mille Lances, & non pas la personne du Roy. bien estoient les oncles du Roy de ce conseil & de cest accord: & remonstrent moult bien & sagement, & pour grand bien, au Roy, en la fin, qu'il s'en voulsist deporter: mais, quand ils luy en parlerent, il fut tout courroucé: & leur respondit, & dit ainsi, Se vous y allez sans moy, ce sera outre ma plaissance & vouldonté: & avec tout ce, vous n'aurez point d'argent. Autremét ne vous puis ie contraindre. Quand les ducs de Berry & de Bourgongne oyrent la responce du Roy, ils congneurent & sentirent bien la grand' affection, qu'il auoit d'aller en ce voyage. Si respondirent,

† Il veut dire que l'on n'en fit point trop l'ébahy: d'autant que l'on esperoit que le voyage du Roy recouurerait incontinent ceste perte.

† Il entend que le Roy (côme ieune qu'il estoit) n'auoit autre consideration que de mettre à fin son desir, le continuant tousiours de pis en pis pour le Duc de Gueldres, Toutesfois ie li-roie vouldrois l'entreprise pour l'Empire

† Ce, qu'il dit incontinent apres, m'a fait couper le mot de bataille: qui parauant y tenoit lieu.

Courageuses parolles du ieune Roy Charles, sixième, à ses oncles, le voulans

démouoir d'al
ler luy-mesme
en Gueldres.

Pour quelle
cause furent en
uoyés Ambas-
sadeurs de Frâ-
ce vers le Roy
d'Allemagne,
deuant le voya-
ge de Gueldres.

Dieu y ait part : & vous irez donc ne sans vous nous ne ferons ià le voyage. Soyez en tout reconforté. Or regarderent les Seigneurs, & les prochains du Roy, vne chose, qui moult estoit necessaire. Le vous diray quelle. Entre le Roy de Frâce & le Roy d'Allemagne de long temps estoient moult grans ordonnances, que nul des deux ne pouuoit, à main armee, entrer sur la terre de son voisin. C'est à entendre que le Roy de France ne pouuoit faire guerre au Roy d'Allemagne, ne le Roy d'Allemagne au Roy de France, sur trop grand' peine de mise, & de sentence de Pape, ou ils s'estoient liés & obligés : & le leur faisoit on iurer solennellement au iour de leur couronnement & creation, pour entretenir fermement les deux Royaumes en paix & vnion. Si fut auisé & conseillé (ou cas que le Roy de Frâce vouloit aller en ce voyage : c'est à entédre en Guerles : qui est tenu du Roy d'Allemagne) que suffisammēt, de par le Roy de France & son Cōseil, on informeroit le Roy d'Allemagne, que le Duc de Guerles impetueusement & follement auoit défié le Roy de France, de défiances dures & felles, & hors du stille & vsage, que Seigneurs, qui veulent guerroyer, doiuent tenir à défier l'un l'autre & pour ce Duc de Guerles (qu'on en vouloit faire dédire, & mener à raison) le Roy de France, à main armee & puissance, vouloit venir en Allemagne : non à l'encontre du Roy & sa Seigneurie : mais contre son ennemi, & le querre là ou il le pourroit trouuer. Pour faire ce voyage furent chargés messire Guy de Honcourt, vn moult sage & pourueu Cheualier, & auecques luy vn des Maistres de Parlement : qui s'appeloit maistre Yues Dorient. Ces deux dessusdits furent nommés au Conseil du Roy de France, & chargés d'aller au voyage, deuers le Roy d'Allemagne : & eux, bien-informés quelle chose ils deuoient faire & dire, si ordonnerent leur besongne : & si-tost comme ils eurent leur charge, ils se departirent du Roy & de ses oncles : & prirent le chemin à Chaallons en Champaigne, & cheuaucherent en bon arroy (ainsi comme hommes notables, & Commissaires de par le Roy de France) & trouuerent le Seigneur de Coucy à Chaallons : qui là se tenoit, & retenoit Cheualiers & Escuyers de Bar, de Lorraine, & Champaigne, pour aller à ce voyage, car il deuoit faire l'Auant-garde. Si fit à messire Guy & à Maistre Yues Dorient tresbonne chere : & leur donna moult notablement vn iour à disner, en l'hostel là ou il se tenoit : & puis lendemain ils passerent outre, & cheuaucherent deuers Saint-Menehout, & deuers le pays de Lutzembourg, pour là ouïr certaines nouuelles du Roy d'Allemagne.

Comment le Roy de France & son Conseil donnerent congé au Duc de Bretagne de retourner en son pays : & comment le pays de Brabant s'enuoya excuser de ne pouuoir bailler passage au Roy & à son ost : comment les Ambassadeurs de France exploiterent enuers le Roy d'Allemagne.

CHAP. CXXI.

POurce que les Ambassadeurs du Roy de France tiroiēt pour aller parler au Roy d'Allemagne, ne seiournoient pas les François à aller faire leurs pourueances tresgrandes & trefgrosses : & fut signifié qu'à la Miaoult chacun fust sur les champs, & au chemin de la Champaigne, & là enuiron, car le Roy se mettroit sur les champs en ce voyage : n'ō n'attendroit pas la responce que messire Guy de Hancourt & Maistre Yues Dorient rapporteroient, n'auroient du Roy d'Allemagne. Or sembla il bon au Roy de France, à ses oncles, & à leurs Consaux, que le Duc de Bretagne fust expédié : qui long temps auoit seiourné à Paris. Si fut mandé à Monstereau-ou-faut-yonne : & là recueilly moult liement du Roy & du Duc de Touraine, car pour ce tēps le duc de Berry n'y estoit pas : mais estoit en son païs de Berry, & ordonnoit ses besongnes : & assembloit gens, & auoit fait faire son mandement en Poictou : & là manda Cheualiers & Escuyers, & aux Gens-d'armes, qu'ils se traissent auant. Le Roy (si-comme dessus est dit) & le duc de Bourgongne traiterent moult amiablement, & parlerent au duc de Bretagne : & luy remonstrent toute amour. Vous sauez comment il auoit remis arriere, & rendu au Connestable, & à ses Commis, les chasteaux & la ville de Iugon, mais des cent mille francs, qu'il auoit eus & receus, fort luy estoit du rendre, car ils estoient tous aloués en pourueances & en garnisons de chasteaux, de villes, & de Gens-d'armes estrangers : qu'il auoit retenus & loués tout l'Yuer, car il cuidoit bien auoir la guerre : mais on le refrena, & adoucit de douces parolles. Or fut si sagement mené & traité, qu'il eut en conuenant au Roy, & au duc de Bourgongne, de remettre arriere les cent mille francs, à payer à cinq ans, vingt mille francs l'an, iusques à fin de payemēt : & puis s'en partit le Duc de Bretagne moult amiablement : & luy donna le Roy, à son departement, de beaux ioyaux. Si s'en retourna à Paris : & là luy donna le

Promesse du
Duc de Bretai-
gne au Roy de

Duc de

Duc de Bourgongne, en l'hostel qu'on dit d'Artois, à dîner, moult hautemēt & à ses Che-
 ualiers aussi: & là prit congé de luy, & eux semblablement. Ne seiourna gueres, depuis, le
 Duc de Bretagne à Paris: mais fit ordonner toutes ses besongnes, & par ses gens payer,
 par tout, ce qu'on auoit acreu: & puis issit: & prit le chemin d'Estampes: & cheuaucha, par-
 mi la Beausse, à Boigency sur Loire: & plusieurs de ses gens tirerent & cheuaucherēt tous-
 iours deuant eux: & passerent parmi les pays de Blois, du Maine, de Touraine, & d'An-
 iou: & rentrerent en Bretagne: mais le Duc auoit sa nauie toute preste à Boigency: & se
 meit en vne belle nef, le Seigneur de Montfort, & le Seigneur de Malatraict en sa com-
 paignie: & se fit nager tout contre-val la riuere de Loire: & passa par deffous le pont de
 Blois: & ainsi: alla, aual la riuere, en la cité de Nantes: & là fut il en son pays. Nous souffre-
 rons à parler du Duc de Bretagne car il me semble qu'il a bien tenu son conuenāt au Roy
 & à ses oncles: & n'a fait chose, qui à ramentevoir face (n'auoit fait) au iour que ie cloy ce
 liure. Je ne say s'il en fera nulle. S'il en fait, j'en parleray, selon ce qu'en sauray. Si retourne-
 ray au Roy de France: qui s'ordonnoit moult fort, pour aller en la Duché de Guerles.
 Quand le Sire de Coucy fut reuenu à Mōstreau, deuers le Roy & ses oncles, il leur recor-
 da comment il auoit exploité, & que tous Cheualiers & Escuyers, en Bar, en Lorraine, en
 Bourgongne, & iusques à la riuere du Rin & de † Seine, estoient reueillés & appareillés
 d'aller en ce voyage avec luy. Le Roy en eut grand' ioye: & dit que, s'il plaisoit à Dieu, il
 verroit en cest an ses cousins les Ducs de Iulliers & de Guerles: & fut du commencement
 parlemēté, & regardé, par ou on pourroit passer, pour le meilleur, & le plus-aisé, & le plus
 brief. Les aucuns dirent que le droit chemin est à descendre par la Thierasche, & passer
 sur la frontiere de Hainaut & du Liège, & passer parmi brabant, & entrer par là en Guer-
 les, ou passer la riuere de Meuse à Vtrecht sus Meuse, & la Meuse passée, on entreroit en
 la terre de Iulliers, & de là en Guerles. Sur cest estat le Roy & son Conseil en escriuit à la
 Duchesse de Brabant, & au pays, en remonstrant quel chemin le Roy de France & ses gés
 vouloient faire. Il plaisoit moult bien à la Duchesse: mais le pays n'é estoit mie bien d'ac-
 cord, & dirent que le Roy, ne les François, n'auroient pas le voyage ne passage, & que trop
 y prendroient grand dommage. Les bonnes-villes de brabant & les Cheualiers furent
 tous de ceste opinion: & dirent bien à la Duchesse, leur Dame, que, si elle mettoit les Frā-
 çois en son pays, iamaïs pour la guerre de Guerles ne s'armeroient: mais se clorroiēt tous,
 & iroient au-deuant, deffendre & garder leurs chemins & leurs terres, car ils seroiēt plus
 perdus & destruits à ce par ces passans, que se leurs ennemis fussent emmi leur pays. Quād
 la Duchesse entendit & veit la volonté de ses gens, tant des Cheualiers comme des bō-
 nes-villes, si la conuint dissimuler: & prit messire Jehan Opem, Cheualier, & Maistre Jehā
 de Graue, & Nicolas de la Monnoye: & les enchargea d'aller en France, parler au Roy &
 au Duc de Bourgongne, & excuser le pays de brabant, de non auoir voyage ne passage par
 là, car le pays se tiendrait à trop greué: & que pour Dieu ils ne se contentassent mie mal
 d'elle: car elle en auoit fait son plain pouuoir. Les dessus-nommés au commandement de
 leur dame partirent de brucelles, & se meirent au chemin deuers Paris, & tant exploiterēt
 par leurs iournees, qu'ils vindrent à Monstereau-ou-faut-yonne: ou le Roy & ses oncles se
 tenoient: & ne parloient, nuiēt ne iour, fors du chemin de Guerles. Les Commissaires de
 la Duchesse de brabant se trayrēt premierement deuers le Duc de Bourgongne: & luy
 monstrent leurs lettres, & puis parlerent & compterent leur message si bien & à point, &
 que le Duc de Bourgogne, à la priere de sa belle ante, en moyenna vers le Roy & son Cō-
 seil. Auecques cele Sire de Coucy y rēdit grād' peine: tāt que le premier propos, à passer
 parmi Brabāt pour entrer en Guerles, fut rôpu, & la Duchesse & le pays excusé, & fut re-
 gardé, & auisé, qu'on iroit tout au long du Royaume: & que mieux valoit assez, & plus ho-
 norable estoit pour le Roy & ses gens, & aussi pour les brabantons, bourguignōs, Sauoi-
 siens, & autres. Conseil fut donné & arresté, & ceux nommés, qui feroient l'Auantgarde:
 & furent ordōnés vingt & cinq cens tailleurs de bois, de hayes, de buissons, & fossoyeurs,
 pour remplir & vnir les chemins. Affez bon chemin auoiēt les François parmi le Royau-
 me de France, iusques à Ardenne: mais eux, venus à Ardenne, leur bon chemin leur de-
 faillloit: car bois, valees, roches, & montaignes rencontroient, & pource deuant furent
 enuoyés par l'ordonnance du Sire de Coucy (qui deuoit faire l'Auantgarde à tout mil-
 le Lances) ceux, qui auiseroient le meilleur passage pour le Roy, & pour tout l'ost, &
 le grand charroy (ou bien estoient douze mille chars, sans le sommage) & pour abbat-
 tre les haux bois d'Ardenne, & mettre, vnir, & faire nouveaux chemins, ou onques

*France de ren-
dre encor les cēt
mille francs du
Cōestable, a-
pres luy auoir
rendu sa ville
et ses cha-
teaux.*

*Retour du Duc
de Bretagne, de
Paris à Nantes.*

*† Il y auoit son
ne: que ie n'ay
peu prédre pour
Somme.*

*Ambassadeurs
de Brabāt, pour
s'excuser de dō-
ner passage à
l'ost du Roy.*

*Le Duc de Bours-
gongne moyen-
ne que le passa-
ge de Brabant
soit rompu.*

*Esplanadeurs
enuoyés es Ar-
dennes, pour fai-
re les chemins
du camp de
France.*

Le Sire de Coucy enuoyé, vers le Pape Clement en Auignon.

homme n'auoit passé, ne cheminé: & moult se mettoient toutes gens en grande peine & trauail de bié faire la besögne, & par especial ceux, qui delez le Roy estoiet, & qui l'oyoyent parler, car oncques de si grande affection il ne fut en Flandres, comme il fut, de fait & de volonté, en Guerles, en ordonnant ses besongnes, & en faisant les pouruances: qui furent grandes & grosses: & telles les luy conuenoit il faire à la saison, moult auant. Si fut le Sire de Coucy, de par le Roy enuoyé en Auignon, deuers celuy, qui se disoit Pape Clement (ie ne say pas pour quelles besongnes) & demourerent le Vicöte de Meaux messire Ichau de Roye, & le Sire de la Bonne, Regars, de ses gens, tât qu'il retourneroit. Or parlerös nous de messire Guy de Hancourt & de Maistre Yues Dorient: qui estoiet

† Ce mot est selon Verard, y ayt autrement coualescence.

enuoyez deuers le Roy d'Allemagne. Ils exploiterent tant qu'ils vindrent en † Conualence: là ou il se tenoit pour le temps. Quand ils furent descendus en leurs hostels, ils se meirēt en arroy: ainsi que pour aller deuers le Roy. Le Roy fut informé de leur venue: & ià le sauoit bien, deuant qu'ils fussent venus. Si auoit grand desir de sauoir à quelle instance. Si assembla de son Conseil. Ces deux Seigneurs se trairent deuers le Roy d'Allemagne: & l'enclinerent: & l'approcherent de parolles courtoises & amiables (ainsi que bien le sceurent faire) & monstrent leurs lettres de creance, de par le Roy de France.

Guy de Hancourt l'un des Ambassadeurs de France, de-claire sa charge au Roy d'Allemagne, sur le fait du Duc de Gueldres.

Le Roy d'Allemagne les prit: & les leur de mot à mot: & puis regarda messire Guy de Hancourt: & luy dit, Guy, dites de par Dieu ce, de quoy vous estes chargé. Ce Cheualier parla moult sagement: & par grand loisir: & remonstra au Roy d'Allemagne, & à son Conseil, comment le Roy de France, à main armée, & de puissance, vouloit venir sur les bandes & frontieres d'Allemagne: non pour faire guerre au corps du Roy d'Allemagne: mais contre vn sien ennemy. Et puis le nomma, Sire, c'est le Duc de Guerles, qui a défié si haut & si noble Roy, comme est le Roy de France, par langue impetueuse, & d'usage, & hors stille, qu'autres défiances doiuent estre, & lesquelles le Roy de France & son Conseil ne peuuent, ne veulent souffrir. Si vous prie, cher Sire, comme Roy de son sang & luy du vostre (ainsi que tout le monde fait) que l'orgueil de ce Duc vous ne vueillez aider, ne soustenir: mais tenez les alliances & confirmations, iadis faites & iurées entre le Royaume de France & l'Empire d'Allemagne: & il les tiendra aussi, & fera tenir à ses gens. Adonc respödit le Roy: & dit, Messire Guy, nous sommes informez que nostre cousin le Roy de France veut mettre ensemble trop durement de grand peuple. Il conueinst (si l'ouist) auoir faits si grans frais, † ne mener gens tant ensemble, & si loing venir requerre son ennemy, car si prié fuisse de luy, sans auoir tant de trauaux, nous eussions bien fait venir le Duc de Guerles à mercy & a raison. Sire respondit messire Guy la vostre mercy: quand tât en dire vous plaist, mais le Roy de France, nostre Sire, ne regarde point aux frais, n'à son trauail, ne de ses hommes, fors à son honneur, qu'il luy soit gardé: & ainsi le trouue en son plus especial Conseil: & pour ce que vous ne vostre Conseil, ne vous contétez mie mal sur le Roy, nostre Sire, & son Cöseil, qui ne veulent enfreindre, ne violer, par nulle incidence, les ordonnances & confirmatiös, qui sont entre les deux Royau-

† Ce passage est remis selon le sens de l'Aut.

Bonne response du Roy d'Allemagne aux Ambassadeurs de France avecques lettres de pesche de mesme.

mes: de France & d'Allemagne: mais les garder & tenir, sur la peine qui assise y est, sommes nous enuoyez deuers vous, Maistre Yues Dorient & moy. Nenny, dit le Roy, De ce que vous dites, vous faites bien à croire: & i'en say à nostre cousin bon gré: & vienne de par Dieu, car ie ne m'en pense ià à mouuoir. De ceste parolle se contenterent grandement les messagers du Roy de France, & leur fut auis qu'ils auoient bien exploité. Si en demanderent doucement lettres. Le Roy dit qu'ils les auroient volontiers. Ils demourerent ce iour en l'hostel du Roy, au disner: & leur fit on bonne chere, car le Roy le commanda, & apres disner ils se retirerent en leur hostel. Que vous feray ie long compte? Ils exploiterent si bien, qu'ils voulurent, & eurent lettres & responses à leur gré. Puis prirent congé du Roy d'Allemagne, & se meirent au retour, par le chemin qu'ils estoient venus. Or parlerons nous du Roy de France.

Comment le Comte de Blois enuoya deux cens Lances au Roy, pour aller en Guerles: de la bonne response, que les Ambassadeurs rapportèrent du Roy d'Allemagne: comment le Roy continua son voyage, tirant vers la forest d'Ardenne: & comment Helion de Lignac fit son rapport au Duc de Berry, touchant le mariage de la fille de Lanclastre.

CHAPITRE CXXII.

Pour ce voyage entreprendre & acheuer, à leur loyal pouuoir s'ordonnerent & appareillerent en France tous les Seigneurs, & étofoient grandement de ce, qui leur besongnoit.

longnoit. Tous Barons, Cheualiers, Escuyers, & Gens-d'armes, se pouruoient: & par-
toient de leurs lieux, & des loingtains marches, dont ils estoient, tant d'Auuergne, de
Rouergue, de Quercy, de Limosin, de Perigourd, de Poictou, de Xaintonge, de Bretai-
gne, de Normandie, d'Aniou, du Maine, de Blois, de Touraine, de Beauffe, de Champai-
gne, que de toutes les mettes & limitations du Royaume de France. Mais le moins de
gens venoient des loingtains, & le plus de Bourgongne, de Picardie, de Champagne,
de Bar, & de Lorraine: & pourtant qu'ils estoient ainsi qu'à mi-chemin, en trauailloient
le moins leurs corps. † Aussi furent les villages du Royaume de France aucunement sou-
lagés, car il fut ordonné du Roy, & du Conseil, que nul sur le plat-pays ne deuoit, ne pou-
uoit, riens prendre, sans payer: à fin que les pauures gens fussent moins greües, mais, nō-
obstant ceste ordonnance & deffense (qui fut par tout seuë & esbandue, sur peine de pu-
nition tresgrande) si firent sur le chemin les Gens-d'armes beaucoup de maux: & trauail-
lerent moult les marches & le pays, là ou ils passerent: n'ils ne s'en sauoient abstenir. Af-
sez estoient ils mal-deliurés & payés de leurs gages: si les conuenoit viure. Ceste excu-
sance & raison ils mettoient, quand de leur forfaiture & pillage ils estoient blasmés & re-
pris du Conestable, de leur Capitaine, ou de leur Mareschal. Le Comte de Blois fut
mandé, & escrit qu'il enuoyast deux cens Lances de bonnes gens à l'élite: & ils seroient
bien payés & deliurés. Je ne say, du bien, comment il en alla: mais il enuoya au seruice du
Roy deux cens Lances, Escuyers de la Comté de Blois (ou pour lors il se tenoit) & en fu-
rent Capitaines le Sire de Vienne, messire Guillaume de Saint-Martin, messire Guillau-
me de Chaumont, & le Sire de Montigny. A ces quatre Cheualiers furent deliurés tous
ces Gens-d'armes de la Comté de Blois, de par le Comte: qui se trairent, petit à petit, de-
uers Champaigne: là ou ils estoient ordonnés d'aller. Le Roy de France se partit de Mō-
streau-faut-yonne: & prit le chemin de Chaalons en Champaigne. Encores n'estoit
pas venu le Duc de Berry, car ils cuidoit bien ouyr nouvelles, auant son departement, de
messire Helion de Lignac (qu'il auoit enuoyé deuers le Duc de Lancastre à Bayonne,
pour auoir femme: si comme vous sauez, & comme il est cy-dessus contenu) mais non
eut, car le Duc de Lancastre se dissimuloit enuers luy: & tenoit le Cheualier à Bayonne:
& entendoit à deux parties: & plus il s'enclinoit au Roy de Castille, qu'il ne faisoit au
Duc de Berry, & aussi faisoit la Duchesse Constance, sa femme, mais il monstroït chere &
bonné † parolle deuant les messagers, du Roy de Castille, à messire Helion, pour les en-
flammer, & eux faire haster au mariage de sa fille. Les messagers du Roy de Castille (les-
quels auoient grandement trauailé pour traiter ce mariage) estoient Frere Ferrand de
Lion, Maistre en diuinité, & Confesseur du Roy, l'Euesque de Segone, Dam-Pierre Go-
delopie, & Damp Dighes Loup. Ces quatre menoient la besongne, & ne faisoient que
cheuaucher de l'un à l'autre. Mais tant y auoit que le Duc de Lancastre leur donnoit plus
grand'esperance de venir à leur entête (ou cas qu'il auroit sa demande † qui estoit à auoir
dedans trois ans six cens mille francs, & douze mille francs par an de reuenue tout son
vivant, & le vivant de la Duchesse sa femme, & douze mille francs, que de la Duchesse au-
roit de reuenue par an, pour sa chambre) qu'il ne fit à messire Helion de Lignac. Quand,
par les nouvelles du Royaume de France, Cheualiers & Escuyers seurent que le Roy de
France estoit à Chaalons, & s'en alloit son chemin vers la Duché de Guerles, si se depar-
tirent de leurs hostels toutes manieres de gens, qui derriere estoient, & se trahirent celle
part, pour venir deuers le Roy, & l'acconsuyuit: & là vindrent le Duc de Berry (qui se lo-
gea à Espinay) & le Duc de Bourbon d'autre part, & le Comte de la Marche, le Comte
Dauphin d'Auuergne, le Comte de Sancerre, le Comte de Saint Pol, & le Comte de
Tonnairre. D'autre part, delez le Roy se tenoient le Duc de Bourgongne, le Duc de Lor-
raine, le Duc de Touraine, le Conestable de France, messire Jehan de Vienne, messire
Guy de la Trimouille, le Barrois des Barres, & messire Jehan de Bueil, & appeloient gens
de tous lez: & proprement tout le pays d'environ Reims & Chaalons, bien plus de douze
lieues de terre, estoit tout mangé & deliuré, ou ces Gens-d'armes conuersoient, iusques à
Saint-Menehaut, & iusques à Monstier en Bar, iusques à Chaumont en Bassighi, & ius-
ques à Vitry en Parlois, & en tout l'Euesché de Troyes & de Langres. Encores n'estoit
point venu le Sire de Coucy, du voyage d'Auignon, ou il estoit allé: mais il se mettoit
au retour. Or retournerent de leur Ambassade messire Guillaume de Haneourt & Mai-
stre Yues Dorient: & retrouvèrent le Roy de France & ses oncles à Chaalons en Cham-
paigne. De leur venue furēt le Roy & les Seigneurs tous réiouys: & demanderēt des nou-

† Ceste clause est
parfaite et four-
nie selon la de-
duction suivan-
te de l'Auteur.

Deux cens Lan-
ces, enuoyees au
Roy par le Com-
te de Blois.

† Ce lien est
amendé selon le
sens de l'Au-
teur.

† Sala dit Il de-
mandoit six-
vingts mille
francs auoir
comptans &
60000. fracs
de pension sa
viedurant: &
12000. fracs
pour la cha-
bre de sa fem-
me sa vie du-
rant.

Retour de ceux, qui estoient allés en Ambassade vers le Roy d'Allemagne, de la part du Roy de France. uelles. Ils recorderēt au Roy tout ce qu'ils auoient veu & trouué: & dirent bien que le Roy d'Allemagne leur auoit fait bōne chere, & liement les auoit recueillis & entēdus. Et oultre, Sire, & vous, Messieurs (ce dit messire Guy de Honcourt) quād luy & son Conseil ouyrent lire la copie de la defiance, que le Duc de Guerles auoit enuoyé par-deça, ils furent de luy & de son Conseil mal-contēs: & le tindrent le Roy d'Allemagne & son Conseil à grand orgueil & presumption, & veulēt bien, par l'apparēt que nous auōs peu conceuoir en eux & en leurs responses, qu'il soit amendé, & luy soit remōstré, ne iā par le Roy d'Allemagne, ne par les siens, vous n'y aurez empeschemēt: mais se contentent de vous & de vostre emprise moult grandement: & veut bien le Roy tenir, & sans iā enfreindre, les

† Le doute qu'il ne felle lire cōfederations. alliāces & les † cōfirmatiōs, de iadis faites entre l'Empire & le Royaume de Frāce: & nul de vostre party n'a que faire de s'ē douter. De ces nouvelles furēt le Roy de France & son

Voyage du Roy, avec son armee, vers la forest d'Ardenne, pour entrer en Guel-dres. Conseil tous réiouis: quoy que plusieurs disoient que (vousist le Roy d'Allemagne, ou nō) ils auoient gens & puissance assez, pour aller là ou ils voudroient, sans danger. Or f'ordonna le Roy de France, à partir de Chaalōs en Champaigne, & de foy mettre au chemin. Si s'en partit: & prit le chemin droit à aller à Grand pré. Tant exploita le Roy de Frāce, qu'il vint à Grandpré: & seiourna là trois iours: & deuez sauoir qu'il ne pouuoit pas faire grand iournee, car tant de gens auoit, deuant & derriere, & de tous costés à la ronde, qu'il cōuenoit qu'il cheminaist tout bellement, pour auoir le logis, & pour les grāns pourueāces qui les suiuiōient, de charroy & de sommages: & comprenoient les derniers, iusquēs aux premiers, quatorze lieues, de pays, & aussi tout à la ronde: & tousiours venoient gēs. Le Conte de Grādpré receut le Roy en sa ville, & en son pays, moult grandemēt & moult liēmēt: & meit & ordōna toute sa puissance au plaisir du Roy, & rāt, que le Roy se cōtenta grādemēt: & estoit le Côte de l'auantgarde: & là vindrēt, deuers le Roy, le Duc de Lorraine & messire Henry de Bar, à belles Gens-d'armes. Le Duc de Lorraine fut ordonné à estre auec † son fils, le Sire de Coucy: & messire Henry de Bar demeura delez le Roy. Si estoient

† Au premier chap. du 4. volume il dira que le Sire de Coucy auoit espouse une fille du Duc de Lorraine, vray est que, pour le tēps duquel il parle icy le Sire de Coucy n'estoit encores venu d'Auignon. abbatteurs de bois, fossoyeurs, & administrateurs de chemins, moult songneux, en celle forest d'Ardenne, à abattre bois, dedans les lieux, ou on n'auoit oncques passé ne conuerfē: & à grand' peine se faisoient les chemins, pour remplir les valles, & mettre à vnion, pour le charroy passer à leur aise: & plus y auoit de trois mille ouuriers: qui n'entendoient à autre chose, deuers le Vierton & le Neuf-chastel d'ardenne. Quand la Duchesse de Brabant entendit la verité du Roy (qui cheminoit, & approchoit d'Ardenne) si en fut réiouye grandement, car elle pensoit bien qu'à ce coup seroit elle vengée de ce Duc de Guerles, & que le Roy de France le mettroit à raison, & son pere le Duc de Iulliers: qui maint ennuy luy auoient fait. Si s'en partit de Brucelles en bon arroy (ou elle se tenoient) le Comte de Samines en Ardenne en sa compaignie, le Sire de Bocelars aussi, & le Sire de Bocquehort, & plusieurs autres, pour venir à Luxembourg, & là veoir le Roy, & parler à luy. Si passa la Meuse au pont à Huy: & chemina tant par ses iournees, qu'elle vint à Basconque: & là s'arresta, car le Roy deuoit passer par là, ou illec pres: si comme il fit: car, quand il se partit de Grand pré, il vint passer la Meuse à Morfay, & tout l'ost aussi: mais leurs iournees estoient petites, pour les raisons dessusdites. Or vindrent les nouvelles (car elles voloient par tout) en la Duché de Iulliers & en la Duché de Guerles, que le Roy de France les venoit veoir, à plus de cent mille hommes: n'oncques

† Il y auoit Bourbon. il ne meit si grand peuple ensemble: si ce ne fut quand il vint à † Bourbourg: ou il cuida bien que la puissance d'Angleterre fust plus grande, qu'il ne l'y trouua. Le Duc de Iulliers, par espécial, se commença fort à douter: & le Duc de Guerles, son fils, n'en faisoit compte nul: & disoit, Or les laissez venir, plus viendront auant, & plus se laisseront: & eux & leur conroy affoibliront & annichileront leurs pourueances: & si est sus l'Yuer: & ie

Le pen de compte, que le Duc de Guelldres fait de l'armee du Roy de France. seiourne en fort pays. Ils n'y entreront pas à leur aise: & si seront reculés à la fois, autrement que de trompettes. Il leur faudra tousiours estre ensemble. Ce qu'ils ne pourront faire, s'ils veulent entrer en mon pays: & s'ils se deroutent, noz gens en auront, vueillent ou non. Mais toutesfois, au vray dire, nostre cousin de France est de bonne volonté, & de grand' emprise, car il monstre & fait ce, que ie deusse faire. Ainsi deuisoit le Duc de Guerles à ses Cheualiers: & le Duc de Iulliers pensoit, & estoit tout ébahy, car il veoit bien que, si les François vouloient, toute sa terre seroit arse & perdue. Si manda son frere, l'Archeuesque de Coulongne, & son cousin, l'Euesque du Liège, messire Arnoult de Hornes, pour auoir Conseil, & pour sauoir comment il pourroit remedier, à la fin, que sa terre ne fust exilée ne gastée. Ces deux Prelats le conseillèrent à leur

leur pouuoit:& luy dirent qu'il luy conuenoit soy humilier enuers le Roy de France & ses oncles,& venir à obeissance. Le Duc respondit que tout ce feroit il volontiers. Adonc par le cōseil de l'Euesque d'Vtrech (qui là estoit) & aussi de l'Archeuesque de Coulōgne se departit l'Euesque du Liège en son arroy, pour venir à l'encōtre du Roy, & traiter de ces besōgnes. Le Roy de Frāce approchoit tousiours: mais c'estoit trois ou quatre lieues ou deux le iour, & bien souuent point, car l'arroy, qu'il menoit, estoit trop grand. Entre Morfay & Nostre dame d'Amot (là ou le Duc de Berry & toute sa route, ou plus auoit de cinq cens Lances, estoient logez) là vindrēt vn iour messire Guillaume de Lignac & messire Helion son frere. Messire Guillaume venoit du siēge de Vétadour (car le Duc l'auoit mandé) & le Duc de Bourbon messire Iehan Bonne lance: & auoient au siēge laissé tous leurs gens, & pour Capitaines, messire Iehan Bouteiller & messire Louis d'Ambiere, & vouloient estre en la cheuauchée & voyage du Roy: messire Helion venoit de Gascongne & de Bayonne, de parler au Duc de Lanclastre, pour le mariage de sa fille: si comme vous sauez. Le Duc de Berry luy fit bonne chere: & luy demanda des nouuelles. Messire Helion luy en dit assez: & luy dit que le Roy de Castille procuroit bien d'autre part à venir à paix au Duc de Lanclastre, & traittoit fort pour son fils le Prince de Galice, à venir à ce mariage. De ceste parolle fut le Duc de Berry tout pensif, & dit, messire Helion, vous retournerez en France. Je vous y enuoyeray encores vn coup, plus à certes que vous n'y auez esté, & l'Euesque de Poictou, mais pour le present nous auons charge assez. En celle semaine retourna le Sire de Coucy (qui estoit allé en Auignon) & vint deuers le Roy en Ardenne. Ils furent tous réiois de sa venue.

Helion de Lignac declare au duc de Berry la poursuite du mariage du fils de Castille avec la fille de Lanclastre.

Comment les principaux Barons d'Escoce s'assemblerent en armes, pour faire guerre aux Anglois, & comment ils prirent vn Espion par lequel ils seurent que les Anglois fauoient leur entrepryse.

CHAP.

CXXIII.

Vous sauez comment le Roy Richard d'Angleterre auoit esté troublé, & en emoy le temps passé, & que le Roy Richard estoit contre ses oncles, & ses oncles contre luy: & souverainement de toutes ces incidences estoit demandé le Duc d'Irlande, comme il est contenu en nostre Histoire) dont plusieurs Cheualiers en Angleterre auoient esté morts & décolez, & l'Archeuesque d'Yorch, frere au Seigneur de Neufuille, sur le point de perdre son bénéfice: & par le nouuel cōseil des oncles du Roy, & de l'Archeuesque de Cantorbie, le Seigneur de Neufuille, qui auoit tenu biē cinq ans la frontiere de Northombellande à l'écōtre des Escoçois) auoit esté cassé de ses gages (car il prenoit tous les ans seize mille francs sus la Sénéchaucée d'Yorch & l'Euesché de Durem) & pour garder la dite frontiere de Northombellande fut mis messire Henry de Persy: & faisoit celle frontiere, par an, pour onze mille francs: dont ces Seigneurs & leur lignage (quoy qu'ils fussent parens & amis, & voisins l'un à l'autre) auoient grande enuie, haine, & indignation l'un contre l'autre: & tout fauoient bien les Escoçois. Si fauiserent les Barons d'Escoce & les Cheualiers, vne fois, qu'ils mettroient sus vne armée: & feroient vne cheuauchée en Angleterre, car il estoit temps & heure: & sentoient assez que les Anglois n'estoient pas bien d'accord, mais en different: & au temps passé ils auoient receu par eux tant de gros ses buffes, qu'il estoit bien heure qu'ils en rendissent vne belle, & tout à certes. Or, à fin que leurs affaires ne fussent point seus, ils ordonnerent vne feste sur la frontiere de la sauage Escoce, en vne cité, nommée Bredane: & la furent, ou en partie, tous les Barons d'Escoce. A ceste feste fut obligé, & ordonné, & conuenancé, qu'à la My-aoust (qui fut l'an de grace mil trois cens quatre vingts & huit) ils seroient tous, & chacun à toute leur puissance, sur les frontieres de Galles, à vn chastel des hautes forests, qu'on dit Gedeours & sur cest estat ils se departirent l'un de l'autre, & sachez que de ceste assemblée, qu'ils auoient ordonné de faire, ils n'en parlerent oncques à leur Roy, n'y n'en firent compte, car ils disoient entre eux, qu'il ne fauoit guerroyer. Au iour de l'assignation (qui fut faite à Gedeours) vindrent tout premierement le Comte Iames de Donglas, † messire Iehan Comte de Moray, le Comte de la Marche & de Dōbar, messire Guillaume de Fife, messire Estienne Comte de Montheth, messire Guillaume Comte de la Marre, & messire Archambaud de Donglas, messire Robert Auercequi, messire Marc Ordrennen, messire Guillaume de Lindefée, & messire Iaq̃s son frere; Thomas de Bery, messire Alexandre de Lindefée, le Sire de Sechin, messire Iehan de Sobelans, messire Patris de Dōbar, messire Iehā de S. Clar, messire Parris Sohophone, messire Ieā fils du Seigneur de Moricōbre,

† Entendez parauant.

Assemblée des Escoçois au mois d'Aoust 1388. pour courir sus Angleterre.

† Nous auons remis aucuns de ses noms de places, ou regions de ces Seigneurs selon Hector Boeth.

& ses deux fils, messire Iehan Malisnel, messire Adam de Glasdiuin, messire Guillaume de Redurin, messire Guillaume Stanac, messire Iehan de Halpebretō, messire Alidier, & messire Robert Landre: messire Estienne Fiesiel, messire Alexandre de Ramesay, & messire Iehan son frere, messire Guillaume de Morbereth, messire Maubert Here, messire Guillaume de Waleram, messire Iehan Amoustan, David Filiū, Robert Colennie, & moult d'autres Cheualiers & Escuyers d'Escoce. Onc, depuis soixante ans, ne s'estoient trouuez tant de bonnes gens ensemble: & estoient bien douze cens Lances, & quarante mil le hommes, parmy les archers. Mais, quant au mestier de l'arc, Escoçois en fauent petit, ainçois portent, chacun sur son espaule, sa hache: & s'approchèt tantost en la bataille: & de ses haches donnerent trop beaux horions. Quand ces Seigneurs se furent tous trouuez en la marche de Gedeours, ils furent moult liez: & dirent que iamais en leurs hostels ils n'entreroient, qu'ils n'eussent cheuauché en Angleterre, & allé si auant, qu'on en parleroit vingt ans apres: & pour sauoir encores, plus certainement ou ils se trouueroient, ne comment ils s'ordonneroient, les Barons, qui estoient Capitaines de tout le demourant du peuple, assignerent vn iour entre eux à estre en vne Eglise, & vne lande, sur la forest de Gedeours, qu'on appelle au pays Zedon. Nouuelles estoient venues en Northōbellande (car on ne fait riens, qui ne soit feu: qui bonne diligence y met) au Comte & à ses enfans, & au Sénéchal d'Yorch & à messire Matthieu Rademen, Capitaine de Beruich, de l'assemblée & feste, qui auoit esté faite, en la cité de Bredane. Dōt, pour en sauoir la verité, & à quelle instance elle estoit faite, ces Seigneurs y auoient enuoyé, tout couuertement, Heraux & menestriers. Les Escoçois ne seurent si secrettement parler ensemble, ne faire leur besongne, que ceux, qui enuoyez furent d'Angl. en Escoce, ne fussent biē, & l'apparēt en vissent, q̄ le pays s'émouuoit & mettoit ensemble: & deuoient auoir les Seigneurs d'Escoce vne iournée de Parlement ensemble, en la forest & au chastel de Gedeours. Tout rapporterent ils, à Neuf-chastel sur Tin, à leurs maistres. Quand les Barons & Cheualiers de Northombellande furent informez de cest affaire, si se pourueurent & furent sur leur garde: & (à fin que les Escoçois ne fussent riens de leurs conuenances, ne de leurs secrets, parquoy ils ne rōpissent leur emprise) tō se tindrēt à leurs chasteaux & maisons: mais ils estoient auisez de partir: si tost que les Escoçois cheuaucheroient: & auoient ainsi auisé. Si les Escoçois cheuauchent, nous saurons biē ou ils se trairont. S'ils vōt vers Cardueil ne Carlō en Galles, nous entrerōs d'autre part en leurs pays: & leur porterons plus de dōmage assez, qu'ils ne nous peuuent faire, car leur pays est tout declos, on y entre à tous lez: & nostre terre est forte: & sont les villes & les chasteaux bien fermez. Sur cest estat encore, pour sauoir comment ils se deuiferoient, ils enuoyerent de rechef, vn Anglois, Gentilhomme, qui bien cognoissoit toutes les marches d'Escoce (voire la forest, ou ceste assemblée deuoit estre) & tant exploita l'Escuyer Anglois, sans estre aperceu n'auisé, qu'il vint en l'Eglise de Zedon, où ces Seigneurs estoient, & se bouta entre eux, ainsi comme vn seruant fait apres son maistre: & feut vne grande partie de l'entente & emprise des Escoçois. Sur la fin du Parlement, il sen vouloit partir. Si vint à vn arbre, ou il auoit attaché son cheual par la resne, & le cuida trouuer: mais point ne le trouua, car vn Escoçois (qui sont grans larrons) luy auoit emblé. Il n'osa sonner mot: & se meit à cheminer tout de pié, housé, & esperonné. Ainsi qu'il auoit éloigné le mōstier, le trait d'un arc deux fois, il y auoit la des Cheualiers d'Escoce, qui deuisoient entre eux. Dit l'un d'eux (qui premieremēt s'y adōna) ie voy, & ay veu merueilles. Veez la vn hōme tout seul, qui a perdu son cheual (comme i'espere) & n'en a sonné mot. Par ma foy, dit il, ie fay doute qu'il ne soit point des nostres. Or tost apres, pour sauoir si ie di vray ou non. Tātost Escuyers cheuaucherent apres luy, & l'acōsuyirēt. Quād il les sentit sur luy, si fut tout ébahy, & voulist bien estre ailleurs. Ils l'ëuironnerent de tous costez, & luy demāderēt ou il alloit, ne dont il venoit, & quelle chose il auoit fait de son cheual. Il commença à varier, & ne répondit point bien à leur propos. Ils le tournerent & dirent qu'il conuenoit que il allast parler à leurs Seigneurs: & ainsi fut il ramené iusques au monstier de Zedō, & présenté au Comte de Donglas, & aux autres: qui tantost l'examinerent, car ils veirent bien qu'il estoit Anglois, Adōc ils voulurēt sauoir la verité, qui l'auoit là amené, Trop enuis la disoit: & toutesfois il fut mené si auāt, qu'il cognut toute la verité, car on luy dit, q̄ s'il ne la disoit, sās mercy on luy couperoit la teste, & q̄ s'il disoit verité, il n'auoit garde de mal. Là cognut il, pour sa saluatiō, que les Barons de Northombellande l'auoient là enuoyé, pour sauoir l'estat de leur cheuauchée, & quelle part ils vouloient traire. De ceste parolle furēt les Ba-

Les Anglois aduertis de l'entreprise des Escoçois.

Prise d'un espion d'Angleterre par les Escoçois.

les Barons grandement réiouis, & ne voufissent pas, pour nul riens, qu'ils ne l'eussent retenu, & parlé à luy. Adonc luy fut demandé quelle part les Barons de Northombellande estoient: & s'entre eux estoient nulles apparences de cheuaucher: & lequel chemin en Escoce ils vouloient tenir, ou selon la marine par Beruich & par Dôbar, ou le haut chemin, par la Comté de Montheth & deuers Strumelin. Il respondit: & dit, Puis qu'il conuient que ie cognoisse verité, ie la diray. Quand ie me party d'eux de Neuf-chastel sur Thin, il n'estoit nul apparent de leur cheuauchée: mais ils sont tous pourueus pour partir au lendemain: & si tost qu'ils sauront que vous cheuaucherez & que vous entrerez en Angleterre, ils ne viendront point au-deuant, car ils ne sont pas gens assez, pour combattre si grand peuple, qu'on dit en Angleterre que vous vous mettez ensemble. Et quel nombre dit on en Northombellande (demanda le Comte de Moray) que nous ferons? On dit, Seigneur (respondit l'Escuyer) que vous ferez bien quarante mille hommes, & douze cens Lances: & pour briser vostre fait, si vous prenez le chemin de Galles, ils prendront la voye de Beruich, pour venir par Dombar en Haindebourg & en Alqueft: & si vous prenez le chemin là, ils prendront le chemin de Cardueil & de Carliô, pour entrer par les montaignes en ce pays. Quand les Seigneurs d'Escoce eurent ce ouy, si cefferêt de parler: & regarderent l'un l'autre. Adonc fut pris l'Escuyer Anglois, & recommandé au Chastelain de Gedeours, qu'il le gardast bien, & qu'il en rendist bon cōpte: & puis parlerent ensemble: & eurent conseil & nouuel auis en ce propre lieu de Zedon.

L'espion Anglois declare aux Escocois le secret de ses maistres.

Comment les Escocois se meirent en deux Compaignies, desquelles Archambaud de Donglas mena l'une vers Carlion en Galles, & le Comte de Donglas l'autre, vers Neuf-chastel sur Thin, es barrières de laquelle ville il conquist pennon de messire Henry de Persy, Gouverneur de Northombellande.

CHAP. CXXIIII.

Trop estoient réiouis les Barons d'Escoce, & tenoient ceste auenture à belle, de ce qu'ils sauoient ainsi veritablement le conuenant de leurs ennemis: & regarderent sur ce comment ils cheuiroient. Les plus sages, & les mieux visez d'armes, parlerent. Ce furent messire Archambaud de Donglas, le Comte de Fif, messire Alexandre de Ramsay, messire Iehan de Saint-Cler, & messire Iaques de Lindelee: & dirent. De peur de faillir à nostre entente, nous cōseillôs que nous faciôs deux cheuauchées (parquoy noz auersaires ne sauront ausquels entendre) & la plus grande cheuauchée tout l'ost, & nostre sommage & charroy, s'en voise vers Carliô en Galles, & l'autre cheuauchée sera de trois ou quatre cens Lances, & deux mille gros-varlets & Archers, & tous bien montez, car il conuient qu'ils sen voissent vers Neuf-chastel sur Thin, & passent la riuere, & entrent en l'Euesché de Duré, ardent & exilant le pays. Ils feront bien grand t cran en Angleterre, auant que noz ennemis soient pourueus: & (si nous voyons & sentons qu'ils nous pour-
fuyent: ainsi qu'ils feront) nous nous remettrons ensemble, & nous trouuerons en bon ne place, & nous combattrons, Aussi en auons nous grand desir. Mais faisons tant, que nous y ayons honneur. Si est heure, puis que nous nous trouuons tous ensēble, que nous leur montrons les dōmages, qu'ils nous ont faits. Ce conseil fut tenu: & ordōnerēt que messire Archambaud de Donglas, le Côte de t Fif, le Comte de Suthirlād, le Comte de Montheth, le Comte de la Marre, le Comte d'Astroderne, messire Estienne Fresiel, messire George de Dombar, & seize bien grans Barons d'Escoce, meneroient la plus grande partie de l'ost vers Carlion: & le Comte de Donglas, messire George, Comte de la Marche & de Dombar, & le Comte Iehan de Moray, ces trois seroient capitaines de trois cens Lances de bonnes gens à election, & de deux mille hommes, gros-varlets & Archers: & s'en iroient deuers le Neuf-chastel sur Thin: & entreroient en Northombellande. Là se departirent ces deux osts les vns des autres: & pricrent, au departement, trop affectueusement les Seigneurs l'un à l'autre, que si les Anglois cheuaucheroient, & les poursuioient qu'ils fussent decriez de nō combattre, tant qu'ils fussent tous ensemble, si en seroient plus forts, & leurs affaires si en vaudroient mieux. Ainsi se departirent yn matin, de la forests de Gedeours: & prirent les champs, les vns à dextre, les autres à senestre. Quand les Barons de Northombellande si veirent que leur homme ne retournoit point à l'heure qu'ils l'attendoient, & que nulles nouuelles ils n'en oyoient, ne des Escocois aussi, si entrèrent en suspection: & penserent bien ce, qu'aucun en estoit. Si signifierent l'un à l'autre, que chacun se teinst sur sa garde, & tout prest de traire sur les chāps, aussi tost qu'ō orroit nouuelles des Escocois, car ils tenoient leur messager pour perdu.

t C'est adire grande brèche grand degast.

t Plusieurs de ces mots sont encores remis selon Boeth, cōme au commencement de ce chapitre.

L'armee des Escocois departie en deux, pour entrer en Angleterre par deux lieux.

*Cheuauchée de
l'une partie
des Eſcoçois,
ſous le Comte
de Douglas,
vers Neuf-cha-
ſtel ſur Thin.*

*Meſſire Henry
de Perſy et ſon
frère Raoul, en-
ſans du Comte
de Northom-
bellande, en-
uoyez à Neuf-
chaſtel ſur Tin
contre les Eſ-
coçois.*

*Conqueſte d'un
pennon de meſſire
Henry de Perſy
par le Comte
de Douglas.*

Or parlô de la cheuauchée du Côte de Dôglas, & des autres, car ils eurent plus affaire af-
fez, que ceux, qui prirent le chemin de Carlion: & auffi ils ne demâdoiêt que les armes.
Quand les Côtes de Dôglas, de Moray, & de la Marche (qui Capitaines estoient) furent
ſeparez des autres, & la groſſe route d'eux, & chacû eut pris ſon chemin, ils cômencerêt
à cheminer: & dirêt qu'ils paſſeroiêt l'eau & entreroiêt en l'Eueſché de Durê, & cheua-
cheroient iuſques à la cité: & puis retourneroient, ardât & exilant le pays: & viendroiêt
deuât le Neuf-chaſtel: & là ſe logeroiêt dedans, au deſpit des Ang. Tout ainſi, cõe ils l'or-
dônerent, ils le firêt: & cheminerêt le bon pas, à la couuerte du pays, ſans entendre à pil-
lage nul, n'affaillir chaſtel, tour, ne maiſon: & vindrent à la terre au Seigneur de Perſy:
& paſſerêt la riuiere de Thin, ſans nul empeſchement, là ou ils l'auoient ordonné, à trois
lieuës pres, & au deſſus, de Neuf-chaſtel, aſſez pres de Brâſpres: & cheuaucherêt tât, que
ils entrèrent en l'Eueſché de Durê: ou il y a tresbon pays. Quand ils furent venus, lors côm-
mencerent ils à faire guerre, à occire gens, & ardoir villes, & faire moult de détourniers.
Encores ne ſauoient le Comte de Northombellande & les Barons & Cheualiers de cel
le contrée riens de leur venue. Quand les nouuelles vindrent à Durê, & à Neuf-chaſtel,
que les Eſcoçois cheuaucheroient, & on en veit moult toſt les apparences, par les feux &
les fumées, qui voloient parmi le pays, le Côte de Northôbellande enuoya ſes deux fils
au Neuf-chaſtel ſur Thin, & il ſe tint à Ninich: & fit par tout ſon mandement, que chacû
ſe traitt auant deuers le Neuf-chaſtel: & dit à ſes enfâs. Vous irez à Neuf-chaſtel: & tout
le pays ſ'aſſêblera là: & ie me tiédrai à Ninich. C'eſt ſur leur paſſage. Si nous les pouuôs
enclorre, nous exploiterôs trop biê, mais ie ne ſay encores cômment ils cheuauchêt. Meſ-
ſire Henry de Perſy & meſſire Raoul ſon frere obeirent: & fut raiſon: & ſ'en vindrêt avec
tous ceux du pays, Gêtils-hômes & villains: & ſe recueilloiêt au Neuf-chaſtel, & ce pen-
dant cheuaucheroient les Eſcots: qui ardoient & exiloïêt le pays, tât que les fumées en ve-
noiêt iuſques au Neuf-chaſtel. Les Eſcoçois furent iuſques aux portes de la cité de Du-
rê: & liurerent là ecarmouche: mais lôguemêt ne fut ce pas. Si ſe meirêt au retour (ſi cõe
ils auoient ordôné au cômencement) & tout ce, qu'ils trouuoient deuât eux, qui bô leur
eſtoit à porter ou emmener, ils emportoïêt. Entre Durê & le Neuf-chaſtel n'a que douze
lieuës Angleſches: mais grande foiſon de bôs pays y a Onc n'y demoura ville (ſi elle n'e-
ſtoit fermée) qui ne fuſt arſe: & repaſſerent le Thin, là ou paſſé l'auoient: & vindrent de-
uant le Neuf-chaſtel: & là ſarreſterent. Tous Cheualiers & Eſcuyers de la Senechaucée
d'Yorch, & de l'Eueſché de Durê, ſe recueilloient au Neuf-chaſtel, & là vindrent les Sé-
nechaux d'Yorch, meſſire Raoul de Lôbre, meſſire Raoul Demeren, Capitaine de War-
uich, meſſire Robert Angle, meſſire Thomas Grea, meſſire Thomas Holcô, meſſire Iehâ
de Felcon, meſſire Iehan de Lierbon, meſſire Guillaume Wanichon, meſſire Thomas A-
boiton, le Baron de Helcon, meſſire Iehan Colpedic, & moult d'autres, & tant, que la vil-
le eſtoit ſi pleine, qu'on ne ſauoit ou ſoy logger nullemêt. Quand les trois Côtes d'Eſcoce
deſſus nommez (qui Capitaines & meneurs estoient de tous les autres) eurent fait leur
emprife en l'Eueſché de Durê, & moult tempeſté le pays, ils ſ'en retournerent deuers le
Neuf-chaſtel ſi comme ordonné l'auoient, & là ſarreſterent, & furent deux iours par de-
uant, & touſiours la greigneur partie du iour, y auoit ecarmouche. Là estoient les enfâs
de Northombellande, deux ieunes Cheualiers de bonne volôré, qui touſiours premiers
estoient à l'ecarmouche aux barrières. Là auoit de lâces feru, & ecarmouché, & fait main-
te appertiſe d'armes, & là main à main, au deuant des barrières, les vaillâs ſe cōbattoïêt.
Entre eux deux ſe combattirent moult longuemêt enſemble le Côte de Dôglas & meſ-
ſire Héry de Perſy, & par appertiſes d'armes le Côte de Douglas cōquit le pennon à meſ-
ſire Henry de Perſy, dont il fut moult courroucé, auffi furent tous les Anglois, & là dit le
Côte de Dôglas à meſſire Héry. Ie reporteray tât de voſtre proueſſe en Eſcoce, & le met-
tray ſur mô chaſtel d'Alqueſt, parquoy on le verra de plus loing. Par Dieu, Côte de Don-
glas (reſpondit meſſire Henry) vous ne le vuiderez iâ de Northôbellande. Soyez de tout
ce aſſeuré. Vous ne vous en aurez que vanter. Donc, dit le Côte de Douglas, ainſi. Or ve-
nez donc querre ennuit en mon logis voſtre pennon, car ie le mettray deuant ma loge,
& ie verray ſi vous le viendrez oſter. A ceſte heure là eſtoit tard. Si ceſſa l'ecarmouche, &
ſe retirèrent les oſts en leurs logis, & ſe deſarmerent, & aiſerent de ce qu'ils eurent. Ils a-
uoient de quoy, par eſpecial de chairs, tant qu'ils vouloient. Si firent celle nuit bon guet,
car ils cuidoient bien eſtre reueillez, pour les parolles, qui auoient eſté dites, mais non
furent. Car meſſire Henry ne le trouua pas en ſon Conſeil.

Comment, s'estant le Comte de Donglas campé deuant une place, nommee Otebourg, messire Héry de Percy, voulant reconquerir son pennon, luy alla liurer bataille.

CHAPITRE CXXV.

LE lendemain les Escocois délogerent de deuant le Neuf-chastel: & se meirent à chemin, deuers leur pays: & vindrent à vn chastel & ville: qui s'appelloit Ponclau, dont messire Haymon d'Alphel est Sire: & est vn moult bon Cheualier de Northombellâde. Si s'arrestèrent là, car ils vindrent à heure de prime: & entendirent que ce Cheualier estoit en son chastel. Adoncques s'ordonnerent ils pour l'assaillir. Si y liurerent trop grand assaut: & firent tant par force d'armes, qu'ils le conquirent, & le Cheualier dedans. Si fut la ville & le chastel tout ars: & puis s'en partirent: & vindrent iusques à la ville & chastel d'Otebourg à huit lieues Anglefches de Neuf-chastel: & là se logerent. En ce iour n'y firent point d'assaut: mais lendemain, à heure de prime, ils sonnerent leurs buçines: & s'ordonnerent tous pour assaillir: & se trairent vers le chastel: lequel est fort assez, car il sied en marests. Si y liurerent ce iour assaut assez, tant qu'ils furent tous lassez, mais riens n'y firent: & sonnerent la retraite. Quand ils furent venus en leurs logis, les Seigneurs se retrairent ensemble en conseil, pour sauoir quelle chose ils feroient: & estoient la greigneur partie d'accord, que le lendemain ils se delogeroient delà, sans point assaillir: & se retrairoient tourbellement deuers Carlion, à leurs gens, mais le Comte de Donglas rōpit ce conseil: & dit. En despit de messire Henry de Percy (qui dit auant hier qu'il m'osterait son pennon, que ie conqui par beaux faits d'armes à la porte de Neuf-chastel) nous ne nous partirons point d'icy, iusques à deux ou trois iours: & ferons assaillir le chastel de ce bourg. Il est bien prenable. Si aurons double honneur: & verrez si là dedans il viedra querir son pennon. S'il y vient, il sera défendu. A la parole du Comte de Donglas s'accorderent tous les autres, tant pour leur honneur, que pour l'amour de luy (car c'estoit le plus-grand de leur route) & se logerent bien & en paix, car nul ne leur dénioit. Si firent grande foison de logis d'arbres & de fueilles: & se fortifierent, enfermerent, & cloirent sa gement, d'vns grans marescages, qui l'à sont: & à l'entrée de ces marescages, du costé de Neuf-chastel, se logerent leurs varlets, & leurs sommages: & meirent tout leur bestial dedans les marests: & puis firent ouurer & appareiller tresgrans atournemens d'assaux, pour assaillir au lendemain, car telle estoit leur intention. Or vous diray, de messire Henry de Percy & de messire Raoul, son frere, quelle chose ils firent. Il leur ennuyoit grandement, & tournoit à grande déplaisance, que le Côte de Donglas auoit cōquis à la porte du Neuf-chastel, à l'écarmouche, le pennon de leurs armes. Encores, avec tout ce, leur touchoit, pour l'honneur, trop fort, la parole, que messire Henry auoit dite, si ne la pour suyuoit outre, car il auoit dit au Comte de Donglas, que point n'emporteroit son pennon hors d'Angleterre: & tout ce il auoit remonsté aux Cheualiers de Northombellâde, qui estoient logez avec luy en la ville de Neuf-chastel. Or cuydoient les Anglois que le Côte de Donglas & ceux, qui à leurs barrières auoient esté, ne fussent que l'auantgarde des Escocois (qui là fussent venus ecarmoucher) & que leur grand ost fust demouré derriere. Parquoy les Cheualiers de Northombellande (qui le plus auoient vŕé des armes: & qui mieux sauoient comment on se deuoit maintenir & deduire) si auoient rabbattue l'opinion de messire Henry de Percy, à leur pouuoir, en disant ainsi. Sire, il auient souuent en armes moult de pertes. Si le Comte de Donglas a conquis vostre pennon, il l'a bien fort achepté, car il est venu à la porte le querir: & a esté bien battu. Vne autre fois conquerrez vous sur luy autant ou plus. Nous le vous disons: pourtant que vous sauez, & nous sauons aussi, que toute la puissance d'Escoce est hors, sur les champs. Si nous issions hors, nous ne sommes pas assez pour eux combattre: & ont fait par-aventure ceste saillie, pour nous attraire hors: & se telle puissance (cōme ils sont plus de quarâte mille: qui nous desirēt à trouuer) nous auoient dehors, à leur aise ils nous enclorroient: & feroient de nous à leur volonté. Encores vaut il mieux perdre vn pennon, que deux ou trois cens Cheualiers & Escuyers, & mettre nostre pays à l'auenture. Ces parolles auoient refrené messire Henry de Percy & son frere (car ils ne vouloient pas issir hors du Conseil) quand autres nouvelles vindrent, de Cheualiers & Escuyers: qui auoient veu les Escocois, & lesquels sauoient tout leur conuenant, & quel chemin ils estoient allez, & où ils festoient arrestez. Compté & dit fut l'estat des Escocois à messire Henry de Percy, & à messire Raoul son frere, & aux autres, qui là estoient, par Cheualiers & Escuyers, droits Gens-d'armes de

† Il y auoit de Cōbure, que nous auons remis selon qu'il le nommera cy apres qui est Otterburn en Boeth.

† Je pense qu'il entende dedās deux outrois iours, comme il a dit.

*Nouvelles à
messire Henry
de Persy que le
Comte Douglas
estoit campé a-
uât Otebourg.*

*Le petit Camp
du Comte Don-
glas assailly
par messire Hé-
ry de Persy, de-
uât Otebourg.
† Ce passage est
fourni et éclair-
ci selon le sens,
de l'Auteur,
avec la clause
suivante, &
celle d'après en
cores.*

Northobellande: qui poursuivy auoient les Escotois, depuis qu'ils se departirēt de Neuf chastel sur Thin, & decouuert tout le pays enuiron, pour mieux auiser leur fait, car ils ne vouloient informer leur fait aux Seigneurs, que de verité. Si dirēt ainsi les rapporteurs. Vous, messire Henry & messire Raoul, deuez sauoir que nous auons poursuivy les Escotois, & decouuert le pays tout à l'enuiron. Les Escotois ont esté à Pontclau: & ont pris en son fort messire Haymon Alphil: & de là s'en sont ils allez deuant Otebourg: & là coucheront ennuict. Nous ne sauons de demain, car là sont ils ordonnez, pour y demourer. Si vous sauons bien à dire, que leur grand ost n'est pas avec eux, car en toutes sommes, ils ne sont pas plus de trois mille hommes. Quand messire Henry de Persy entendit ces nouvelles, il fut moult réiouy: & dit ainsi. Or sus, aux cheuaux, aux cheuaux, car foy que ie doy à Dieu, & à Monseigneur mon pere, ie vueil aller requerre mô pennon: & feront délogez de la ceste nuit. Cheualiers & Escuyers, qui ouirent ces nouvelles, sy accorderent tresvolontiers: & s'appareillerent parmy la ville de Neuf-chastel. Ce propre soir deuoit venir l'Euesque de Durem, à tout grans gens, car il auoit entendu, à Durem, que les grosses routes des Escotois estoient arrestez deuant le Neuf chastel, & que les enfans de Persy & les Barons & Cheualiers, qui là estoient, les deuoient combattre: dōt l'Euesque, pour venir à la recousse, auoit assemblé toutes manieres de gens sur le plat pays: & s'en venoit au Neuf-chastel, mais messire Héry de Persy ne le vouloit point attēdre, car il se tenoit accōpagné bien de six cens Lāces, Cheualiers & Escuyers, & biē d'ēuirō huit mille de piē. Si disoit que c'estoit assez pour cōbattre les Escotois: qui n'estoient pas trois cens Lāces, & d'eux mille d'autre gēs. Quād ils furent tous assemblez, ils se departirēt du Neuf-chastel apres disner: & se meirent aux chāps en bonne ordōnance: & prirēt le chemin tout tel, que les Escotois estoient allez: & cheuaucherēt vers Otebourg à sept petites lieues de là, mais ils ne pouuoient pas fort aller, pour les gēs de piē, qu'il les suiuoient. Ainsi que les Escotois souppoient (d'aucuns estoient couchez, & reposoient car ils auoient trauaillé le iour, à assaillir le chastel: & se vouloient leuer au matin, pour assaillir à la froidure) veez ci venir les Anglois: qui de premiere venue, en entrant es logis, cuidèrent que les logis des varlets (qui estoient à l'entrée) fussent ceux des maistres. Si commencerent les Anglois à crier Persy Persy, & à entrer en ces logis: lesquels estoient forts assez. Vous sauez qu'en telles choses tantost grand effroy biē tost est leué: & trop bien echeut à point aux Escotois de ce que tout premierement ils se pourueurent & auiserent que les Anglois de premiere venue s'embattroient sur les logis de leurs valets, qui leur donneroient quelque empeschement: nonobstant qu'ils ne leur durassent qu'un petit. Les Escotois furent tous pourueus & auisez de ce fait, sentans bien que les Anglois les viendroient reueiller. Adonc enuoyerent les Seigneurs vne quātité de leurs gros varlets, & de leurs gens de piē, ou l'ecarmouche estoit, pour eux ensoigner, & ce pendant ils s'ordonnerent, armerent, & appareillerent: & se meirent ensemble, chacun Sire, & Hommes-d'armes, vers la banniere & pennon de leurs Capitaines, & des Comtes, sous qui ils deuoient aller & respondre, car des trois Comtes, qui estoient là, chacun auoit sa charge. En ce faisāt, la nuit approchoit, mais il faisoit assez cler, car la lune luisoit: & estoit au mois d'Aoust: & faisoit bel & fery: & si estoit l'air quoy & pur, assez attrempement. En celle ordonnance, que ie vous dy, se meirent les Escotois: & quand ils se furent tous réueillez & mis ensemble, sans sonner mot ils se departirent de leurs logis, & ne prirent pas leur chemin deuant les Anglois: mais costoyerent vne montaigne, qui là estoit, qu'il leur fit grand auantage: car tout le iour ils auoient auisé le lieu, ou ils estoient logez: & auoient entre eux deuisé, & dit ainsi, Se les Anglois nous venoient reueiller sur noz logis, nous ferions par ce party: par tel & par tel: & ce les sauua, car c'est grāde chose de Gens-d'armes quand on court sus de nuit en leurs logis, & que deuant ils ont auisé le lieu ou ils se sont logez, & dit & deuisé entre eux, Par tel party le pouons nous perdre, & gagner. Quand ces Anglois furent venus sur ces varlets, de premiere venue, ils les eurent tātost ruez ius: mais en allant dedans les logis, tousiours ils trouuoient nouvelles gens, qui ecarmouchoient à eux, & les ensoignoient, à ce pendant veez cy venir les Escotois tout autour (cōme ie vous ay iā dit) & à un faix ils s'embatirent sur les Anglois (qui ne s'en donoient garde) en écriant, tous à vne voix, leurs cris. Si furent les Anglois de cest affaire moult étonnez: & s'en renforcerent, en prenāt pas & forme, & en écriāt Persy, & les autres Douglas. Là cōmença la bataille felonnie & cruelle, & les pousis de lāces durs & forts: & en y eut, à ce premier récontrer, moult d'abbattus d'un costé & d'autre, & pource que les Anglois

glois estoient grand foison, & que moult ils desiroient à déconfire leurs ennemis, ils se restèrent sur leur pas, en poulsant & reculant grandement les Escocois, qui furent sur le point d'estre déconfits. Le Côte Iames de Donglas (qui estoit ieune & fort, & de moult grand volonte, & qui moult desiroit à auoir grace & recommandation d'armes, & bien les vouloit desseruir, & ne refusoit pas la peine & le peril) fit sa banniere passer auant, en écriant Donglas, Donglas. Messire Henry de Perly & messire Raoul son frere (qui auoient grand indignation sur le Comte: pourtant qu'il auoit conquis le pennon de leurs armes, aux barrières de Neufchastel) le vouloient rencontrer, s'ils pouuoient: & s'adrecent celle part, en écriant tout haut Perly, Perly. Là se trouuerent ces deux bannietes, & leurs gens: ou il y eut grand appertise d'armes: & vous dy que les Anglois estoient si fort, & à ce commencement si bien se combattirent, qu'ils reculerent les Escocois: & là furent deux Cheualiers d'Escoce (qu'on clamoit messire † Patris de Hepborne, & messire † Patris son fils) qui trop vaillamment s'acquitterent: & estoient delez la banniere de Donglas, & de sa charge: & là firent merueilles d'armes: & eust esté la banniere conquise sans faute: s'ils n'eussent là esté: mais ils la deffendirent si bien & vaillamment, au poulsier, & aux coups & horions donner, & aider leurs gens, & venir à la recousse, qu'encores ils en font, eux & leurs hoirs, à recommander. † Or ay-ie proprement seu le total de ce fait, par ceux qui à la bataille furent, tant du costé des Anglois, comme des Escocois, & de Cheualiers & d'Escuyers: car, du pays au Comte de Foix, & de son lignage, avecques les Anglois y eut deux Escuyers, moult vaillans hommes: lesquels ie trouuay (la saison ensuiuât, que la bataille fut entre le Neuf-Chastel & Otebourg (à Ortais, delez le Côte de Foix: c'est assauoir Iehan de Chastel-neuf, & Iehan de Cautiron. Aussi à mon retour, en celle saison, en Auignô ie trouuay vn Cheualier, & deux Escuyers d'Escoce, du costé au Comte de Donglas: lesquels ie cognu: & me recognurent aussi, par les vrayes enseignes, que ie leur dy de leur pays. Car des ma ieunesse, ie, Ateur de ceste Histoie, cheuauchay tout par tout le Royaume d'Escoce: & fu bien quinze iours en l'hostel du Comte Guillaume de Donglas, pere de ce Comte Iames, dont ie parle presentement en vn chastel, à cinq lieues de Haindebourg (qu'on dit au pays Alquest) & ce Comte Iames, ie l'auoye veu ieune fils, & bel Damoisel, & vne siene sœur: qu'on appeloit Blanche. Je fu donc informé des deux parties: qui me dirent que ç'auoit esté la plus dure bataille, & la plus cruelle, & la mieux combattue, que i'amaie bataille fut. Ce que ie croy: car Anglois, d'un costé, & Escocois, de l'autre, sont moult bons Gens-d'armes: & quand ils se trouuent ou rencontrent au party d'armes, c'est sans s'épargner. Il n'y a entre eux nul ho. Tant que lances, espées, haches, & dagues, peuuent durer, ils fient & frapent l'un sur l'autre: & quand ils se sont bien battus, & que l'une partie obtient, ils se glorifient tant en leurs armes, & sont si réiouis, que sur les champs, ceux, qui sont pris & fiancez, sont rançonnez: & sauez vous comment? si-trestost & si courtoisement, que chacun se contente de son compaignon, & qu'au departement ils dient, Grand mercy. Mais, en combattant & en faisant armes l'un sur l'autre, il n'y a point de ieu, ne d'épargne: ainçois est tout à certes: & bien le monstrent là: ainssi que ie vous diray: ains que me parte de la besongne: car ceste rencontre fut aussi bien demenée, au droit d'armes, que nulle chose peut oncques estre.

Comment le Comte Iames de Donglas, remettant en-auant ses gens qui reculoient, fut nauré à mort: & comment Raoul de Perly, estant grièvement blecé, se rendit à messire Iehan Makirel, Escocois: qui le mit entre les mains du Côte de Moray. CHAP. CXXVI.

Moult estoient prests & ententifs & de bonne volonte Cheualiers & Escuyers, d'un costé & d'autre, à faire armes, & à eux combattre vaillamment & ardamment, tant que lances leur duroient. Là n'auoit couardise point de lieu: mais hardement re-
gnoit en celle place, par moult belles appertises d'armes, que des ieunes Cheualiers & Escuyers faisoient: & estoient si fort ioints l'un à l'autre, & attachez, que traict des Archiers, de nul costé, n'y auoit point de lieu. Car ils estoient si pres assemblez, que main à main, & l'un dedans l'autre: & encores ne branloit nulle des batailles: & là se monstre-
rent les Escocois moult preux & hardis: & combattoient liement & de moult grand volonte: car les Anglois estoient, pour ce fait, trois contre vn. Je ne dy pas que les Anglois ne s'acquittassent bien & loyaument: & auroient plus cher à estre morts, ou pris sur la place, quand ils sont en bataille, qu'on leur reprochast la fuite. Ains, que ie vous ay dit, la banniere de Donglas & la banniere de Perly festoient encontres, & Gens-

d'armes des deux parties, enuieux l'un sur l'autre, pour auoir honneur de la iournée. A ce commencement les Anglois furent si forts, qu'ils rebouterent bien leurs ennemis. Le Comte Iames de Donglas (qui estoit de grand' volonté, & de haute entreprise) sentit que ses gens reculoient: & adonc, pour recouurer terre, & pour monstrier vaillance de Cheualier, il prit vne hache à deux mains: & se bouta dedans ses ennemis: & fit faire voye deuant luy, tant que nul n'osoit approcher de luy, & ainsi ouurit la presse. Car il n'y auoit nul, si bien armé de bacinet & de plattes: qui ne le reffongnast, pour les grans horions qu'il donnoit: & tant alla auant sans mesure (ainsi qu'un Hector: qui tout seul cuidoit & vouloit déconfire & veindre toute la besongne) qu'il fut rencontré de trois lan-

Le Comte de Donglas abbat en esblecé de trois lances toutes d'une charge.

ces, attachées & arrestées, en venant tout d'un coup sur luy. L'une en l'espaule, l'autre en la poitrine, sur le descendant au ventre, & l'autre en la cuisse. Oncques il ne se peut détacher, n'oster de ces coups, qu'il ne fust porté à terre, & de toutes les lances bien nauré en combattant vaillamment. Depuis qu'il fut atterré, point ne se releua. Aucuns de ses gens, Cheualiers & Escuyers, le suyuoient, & non pas tous: car il estoit ià toute nuit: & si ils ne veoient que de l'air & de la Lune. Les Anglois sauoient bien qu'ils l'auoient porté à terre: mais ils ne sauoient qui: car, s'ils eussent sceu que ç'eust esté le Comte de Donglas, ils se fussent si-tresfort réiouys & enorgueillis, que la besongne eust esté leur. Aussi les Escotois n'en sauoient pas riens: ny ne seurent, iusques à la fin de la bataille: car, s'ils l'eussent seü, ils se fussent, sans recouurer, tous desesperez & déconfits. Si vous diray

Autres bleues du Comte de Donglas, estant atterré.

comment il auint depuis, Ainsi que le Comte de Donglas fut abbattu, il fut incontinent feru d'une hache sur la teste, tout outre, & l'autre sur la cuisse, tout outre: & Anglois passerent outre: & n'en firent compte: & ne cuiderent mie auoir occis qu'un Homme-d'armes. Or d'autre part le Comte George de la Marche & de Dombars se combattoit tresvaillamment: & donnoient moult à faire les Anglois aux Escotois, arrestez là tous quois, en suiuant Donglas, sur les enfans de Perfy: & la tiroient, boutoient, & frapoient. D'autre part le Comte Iehan de Moray, sa banniere & ses gens, se combattirent moult vaillamment: & suiuoient les Anglois sur leur rencontre: & leur donnoient moult à faire, tant qu'ils ne sauoient ou entendre. De toutes les besongnes, batailles, & rencôtres, qui sont cy-dessus en ceste Histoire (dont ie traite, & ay traité) grandes, moyennes, & petites, ceste cy, dont ie parle pour le present, en fut l'une des plus dures, & des mieux combattues, sans feintise: car il n'y auoit homme, Cheualier, n'Escuyer, qui ne s'acquittast, & fist son deuoir: & tout main à main. Celle bataille fut quasi pareille à la bataille de Becherel: car aussi elle fut moult bien combattue, & longuemēt. Les enfans au Comte de Northombellande, messire Henry & messire Raoul de Perfy (qui là estoient souuerains Capitaines) s'acquitterent loyaument par bien combattre: & quasi pareil party, que celui, par qui le Comte de Donglas fut arresté, auint & cheut à messire Raoul de Perfy: car il se bouta si auant entre ses ennemis, qu'il fut enclos & durement nauré: mis à la grosse aleine, pris, & fiancé d'un Cheualier: lequel estoit de la charge & du mesme hostel du Comte de Moray: & l'appeloit on messire Iehan Makirel. En le prenant, & fiançant, le Cheualier Escotois demanda, à messire Raoul de Perfy, qui il estoit (car il estoit si nuit, que point ne le cognoissoit) & messire Raoul (qui estoit si outré que plus ne pouuoit, & luy couloit le sang tout aual: qui l'affoiblissoit) luy dit, Je suis messire Raoul de Perfy.

† Je pense qu'il veut dire Cocherel: dont il est question au chap. 222. du premier vol.

Messire Raoul de Perfy prisonnier à Iehan Makirel Escotois qui le baille au Comte de Moray.

Adonc dit l'Escotois, Messire Raoul, récoux, ou non récoux, ie vous fiance mon prisonnier. Je suis Makirel. Bien, dit messire Raoul. Je le vueil: mais entendez à moy: car ie suis trop durement nauré: & mes chausses & mes grêues sont ià toutes emplies de sang. A ces mots estoit le Cheualier Escotois ententif, quand delez luy il ouyt crier Moray, & au Comte: & veoit le Comte & sa banniere droit delez luy. Si luy dit messire Iehan Makirel, Mōseigneur, tenez. Je vous baille messire Raoul de Perfy pour prisonnier: mais faites entendre à luy: car il est durement nauré. Le Comte de Moray de ceste parole fut réiouy moult grandement: & dit, Makirel, tu as bien gagné les esperons. Adonc fit il venir ses gens: & leur chargea messire Raoul de Perfy: lesquels luy banderent & etancherent ses playes. Si se tenoit la bataille forte & dure: & ne sauoit on encores lesquels en auroient le meilleur: car ie vous dy qu'il y eut là plusieurs prises & recouffes faites: qui toutes ne vindrent pas à cognoissance.

Comment le Comte de Donglas, tout nauré à mort qu'il estoit, fit releuer sa banniere, dont le porteur estoit mort: & comment, ayant deffendu de ne publier son piteux estat, ses gens le poulsans

le pouls sans tousiours au combat, d'ésirent leurs ennemis avec prise de messire Henry de Perfy, & de plusieurs autres.

CHAP.

CXXVII.

OR prendray la parolle, ou ie la laissay, au ieune Côte de Donglas, nommé Iames: qui celle nuit là fit merueilles de faire armes. Quand il fut abbattu, la presse fut grande à l'enuiron de luy. Il ne se peut releuer: car il fut feru au corps, d'une hache à mort. Ses gens le suiuiot du plus pres qu'ils pouuoient: & vindrent vers luy messire Iagues de Lindelee vn sien cousin, & messire Iehan, & messire Gautier de Sainct-Cler, & autres Cheualiers & Escuyers: & trouuerent delez luy vn moult gentil Cheualier (qui tousiours l'auoit suiuy de pres) & vn sien Chapellain: qui n'estoit pas comme Prestre, mais il estoit *vaillance du* comme vaillant homme d'armes: car toute la nuit, ou plus fort de la besongne il l'auoit *Chappellain du* suiuy, vne hache en sa main: & encores, comme vaillant homme, autour du Comte se *Comte de Donglas.* carmochoit, reboutoit, & faisoit reculer Anglois, par les coups d'une hache, dont il ruoit & lançoit roidement sur eux: & en cest estat le trouuerent: dont ils luy seurent bon gré: & luy tournerent puis à grand vaillance: & en fut, en l'an mesme, Archediacre & Chanoine d'Abredane. Le Prestre, ie le vous nommeray. On l'appeloit messire Guillaume de Norbenich. Au vray dire, il auoit bien corps, taille, membres, grandeur, & hardement aussi, pour bien faire au combat: mais il fut là nauré moult durement. Quand ces Cheualiers furent venus delez le Comte ils le trouuerent en bien petit point: & aussi vn sien Cheualier (dont ie vous ay dit que toute la nuit il l'auoit suiuy) messire Robert Hert: lequel auoit quinze playes, que de lances, que d'autres armeures: & gisoit delez le Comte. Messire Iehan de Sainct-Cler demanda au Comte, Cousin, comment vous va? Petitement, dit le Comte. Loué en soit Dieu. Il n'est gueres de mes ancesseurs, qui soient morts en chambres, ne sur lits. Le vous dy, Pensez de moy venger: car ie me compte pour mort. Le cuer me faut trop souuēt. Gautier & vous, messire Iehan de Sainct-Cler, redrecez ma banniere (car certes elle estoit à terre, & mort vn Escuyer, vaillant homme, qui la portoit, Dauid Colle-mine: & ne voulut estre Cheualier celle iournée: car le Comte le voulut faire: pourtant qu'en toutes places il auoit esté l'outrepasse des bons Cheualiers & Escuyers) & criez Donglas: mais ne dites à amy, n'à ennemy, que ie soye *Le Comte de* au party, ou vous me voyez: car mes ennemis (s'ils le sauoient) s'en reconforteroient. Les *Donglas, nauré* deux freres de Sainct-Cler & messire Iehan de Lindelee firent ce qu'il en ordonna: & fut la banniere releuee: & écrierent Donglas: & pource qu'ils estoient si-uant, leurs gés *à mort, fait re-* (qui estoient derriere, & qui oyrent crier moult haut Donglas, Donglas) pour venir *leuer sa bannie-* celle part se meirent en vn mont: & comencerent ceux, qui lances auoient, à bouter, & *re, pour tous-* à pousser de telle vertu, qu'ils reculerent vaillamment les Anglois, & en y eut de renuersez *gers ses gens.* beaucoup, & portez par terre. Les Escotois, qui partoiēt premiers, & qui faisoient voye, *Trépas du Com-* sy porterent si vaillamment en poussant & boutant, qu'ils reculerēt les Anglois moult auant, *te de Donglas.* & outre le Côte de Donglas (qui ià estoit déuié) & vindrēt à la banniere: q̄ messire Iehan de Sainct-Cler tenoit: & estoit enuironné & appuyé de bons Cheualiers & Escuyers d'Escoce: & encores le fut il plus, quand la grosse route y arriua: & tousiours crioient, à haute voix, Donglas, Donglas. Là vint le Comte de Moray & sa banniere, bien accompagnée de bonnes gens: & le Comte de la Marche & de Dombars aussi: & estoient ainsi que tous rēfreschis. Quand ils veirent les Anglois reculer, & ils se trouuerent tous ensemble, si se renouela la bataille, & les boutis de lances, & les frapis de haches, sur ces bacinets durs & forts. Au vray dire, & à parler par raison, les Anglois estoient plus foulez & trauallez, que n'estoient les Escotois. Car ils estoient venus ce iour iusques là, du Chastel-neuf-sur-Thin (ou bien y a six lieues Anglesches (& cheminerent legerement, pour trouuer les Escotois (ainsi qu'ils firent) dont le plus, pour le traual du chemin (quoy que la volonte y fust bone & grande) hors estoient de leur aleine: & les Escotois estoient frais, & de nouveau reposez: & tout ce leur valut moult grandement, & bien le monterent au plus fort de la besongne. Car en celle derniere empreinte (comme cy-dessus est *† Prise de mes-* contenu) ils reculerent les Anglois, tellement & par telle maniere, que depuis ils ne *sire Henry de* rent retourner sur leur premier pas, & passerent les batailles tout outre le Comte de *Perfy, Chef des* Donglas, qui la estoit atterré. En ce dur party cheut en la main du Seigneur de Montcombe *Anglois, par le* (vn mout vaillant Cheualier d'Escoce) messire † Henry de Perfy, & se combattirent *Seigneur de* ensemble moult vaillamment, sans empeschement de nul autre: car il n'y auoit Cheualier *Montcombe* n'Escuyer, de l'une partie ne de l'autre, qui ne fust empesché de combattre à son pou- *(que ie pense e-* *sire Montgome-* *ry) Escotois.*

uoir, & à son pareil. Là fut mené tellement par armes messire Henry de Persy, que le Sire de Montcombrel le prit & fiança. Là veissiez vous Cheualiers & Escuyers, messire Mare Adrement, messire Thomas Auermesquin, messire Guillaume, messire Iaques, & messire Alexandre de Lindefée, le Seigneur de Saulcon, messire Iehan de Saintdelanx, messire Patris de Dombard, messire Iehan & messire Gaultier de Saint-Cler, messire Patris de Hepborne, & les deux fils de messire Patris, & messire Milles, le Seigneur de Môtcombrel, messire Iehan Messurel, messire Ichâ Glauduvin, messire Guillaume de Redoue, messire Guillaume Steuart, messire Iehan de Hallibretton, messire Iehan Alidier, messire Robert Landre, messire Alexandre de Ramesay, messire Alexâdre Fresiel: messite Iehan Ermoufcon, messire Guillaume Varlan, David Fremin, Robert Colomme, & ses deux fils Iehan & Robert (qui furent là Cheualiers) & bien cent Cheualiers & Escuyers, que ie ne puis pas tous nommer: mais il n'y en auoit nul, qui n'entendist bien & vaillamment à faire sa besongne. Du costé des Anglois aussi, deuant la prise du Seigneur de Persy, se combattirent bien vaillamment, & se cōbattirent depuis aussi, messire Raoul de Longblé, messire Matthieu Rademen, messire Robert Aucugle, messire Thomas Graty, messire Thomas Helquon, messire Thomas Abreton, messire Iehan de Liebon, messire Guillaume Valfincon, le Baron de Helcon, & messire Iehan de Colpedup, le Sénéchal d'Iorch, & plusieurs autres, & tous à pié, que vous entendez. Là fut la bataille fort dure, & bien combattue: mais (ainsi que la fortune tourne) quoy que les Anglois fussent plus, & tous vaillans hommes, & vfités d'armes, & qu'ils assaillirent, reculerent, & rebouterēt,

*Victoire aux
Escoçois, & pri
se de plusieurs
des principaux
Cheualiers An
glois.*

de la premiere venue, les Escoçois moult auant, neantmoins les Escoçois obtindrent la place: & furent tous pris les Cheualiers dessus-nommez (& encores plus de cent autres) excepté Matthieu Rademen, Capitaine de Beruich: lequel (quand il veit la déconfiture, & que nul recouurer n'y auoit, & que leurs gens fuyoient deuant les Escoçois de tous lez, & Cheualiers & Escuyers se rendoiēt aux Escoçois, & fiançoiēt iceux Anglois) monta à cheual: & s'en partit de là, pour soy sauuer. Sur le poinct de la déconfiture, & ce pendant qu'on fiançoit Anglois, & qu'en plusieurs lieux encores on se combattoit, fut enclos des Escoçois vn Escuyer Anglois: qui s'apeloit Thomas Veltem: & estoit de l'hofstel & charge au seigneur de Persy, bel homme, & vaillant aux armes: & bien le monstra.

*Vœu d'un An
glois, suivi d'un
ne fin, digne de
son outrecui
dance & va
nité.*

Car ce soir là, & la nuit ensuiuant, il fit grand foison d'armes: & ne se voulut oncques rendre, ny ne daigna fuyr: & me fut dit qu'il l'auoit de vœu: & auoit dit à vne feste (qui fut à Northombellande) que la premiere fois qu'Escoçois & Anglois s'entrerencontrentoient en bataille, il s'acquitteroit si vaillamment & loyaument d'armes à son pouuoir, que, pour demourer sur la place, on le tiendrait le meilleur combattant des deux parties: & certainement ainsi me fut dit: car ie ne le vey oncques, que ie cogusse. Il auoit corps, taille, & membre, de vaillât homme & hardy: & tant fit † par sa prouesse, que de sa promesse sous la banniere du Comte de Moray il faisoit si grand foison d'armes, que les Escoçois en estoient tous émerueillez: & fut occis en combattant. Pour sa vaillance on l'eust volontiers pris & fiancé, si l'eussent: & s'en meirent en peine Cheualiers & Escuyers: mais il disoit tousiours que non: car il cuidoit bien estre secouru. Là mourut Thomas Veltem,

*† Je pense qu'il
entend qu'ils
s'entretuerent.*

au parti d'armes que ie vous dy, † & avecques vn Escuyer d'Escoce, cousin du Roy d'Escoce (qui s'apeloit Symon Glauduvin) qui eut grand plainte de ceux de son costé. Je vous dy bien, selon que j'ay seu, de la bataille, qu'elle fut trop felonnie & trop dure, iusques à la déconfiture. † Mais, quand Escoçois veirent qu'Anglois reculoiēt, & perdoient terre, & se rendoient, ils leur estoient courtois & debonnaire, & les fiançoiēt doucement: & leur disoient, Allez vous seoir, & vous desarmer. Je suis vostre maistre. Apres ce, ne leur faisoient greuaance, nomplus que s'ils fussent freres. La chace commença: qui dura longuement, & plus de cinq lieues Anglesches: & sachez, que, si les Escoçois fussent assez gés, il n'en fust retourné nuls, qu'ils ne fussent morts ou pris: & se messire Archambaud de Donglas, le Comte de Fif, le Comte de Suthirlant, & les autres de la grosse route (qui cheuauchoiēt vers Carlion) eussent là esté, ils eussent pris l'Euesque de Durem, & la ville de Neuf-chastel-sur-Thin. Je vous diray comment.

*† J'ay suivi ve
rard, pour les
deux clauses
suyuantes.*

Comment l'Euesque de Durem, voulant secourir les Anglois, & aller à la recousse de messire Henry de Persy, fut mal seruy de ses gens, & contraint s'en retourner: & comment il fit prisonnier Iaques de Lindefée, Escoçois, qui auoit pris Matthieu Rademen, Anglois.

CHAP.

CXXVIII.

Ce pro-

CE propre soir, dont à la remontée les enfans de Perfy estoient partis & issus de Neufchastel sur Thin (si comme cy-dessus est contenu) l'Euesque de Durem, & tout l'Arriereban de la Seneschaucée de Durem, auoit entré en la ville, & y auoit soupé. En seant à table, imaginations luy allerent au-deuant, qu'il ne s'acquittoit pas bien, quand les Anglois estoient sur les champs, & il se tenoit à la ville. Si fit oster la table: & fit seller ses cheuaux, & sonner ses trompettes, & réueiller gens parmy la ville, armer, & mōter aux cheuaux, qui cheuaux auoient: & gens-de-pié s'ordonnerent, partirent, & issirent hors de la ville. Quand ils furent tous hors, ils estoient bien sept mille hommes (c'est assavoir deux mille à cheual, & cinq mille de pié) & prirent le chemin d'Ostebourg, ou la bataille estoit: & ià estoit la nuit venue: & cheminerent hors du Neufchastel vne grosse lieue: & veez cy nouvelles, qui leur vindrent, que leurs gens se combattoient aux Escosçois. A ces nouvelles s'arresta l'euesque: & fit arrester ses gens. Tantost autres vindrent, fuyant: qui estoient hors de leur aleine. On leur demanda comment la besongne alloit. Ils respondirent, Mal & laid. Nous sommes tous déconfits, veez cy les Escosçois, qui nous enchacent. Ces secondes nouvelles ne furent pas pareilles aux autres: & commencerent à douter & à se dérouter les aucuns. Encore tiercement les foudres de telles gens commencerent à venir: qui fuyoient tous comme déconfits. Quand les gens de cest Euesque de Durem veirent qu'ils rapportoient tous pures nouvelles, ils commencerent à eux ébahir & dérouter: tellement qu'onques l'Euesque n'en peut retenir ensemble cinq cens. Or regardez doncques. Si grand route de gens fussent venus sur eux, & les eussent de pres suivis (auecques ce qu'il estoit toute nuit, au rentrer en la ville) il y eust eu grand pestilence: & supposoient les aucuns (qui se recognoissoient en armes, & en telles besongnes) que les ébahis & déconfits eussent eu telle peur à entrer en la ville, que les Escosçois les eussent éforcez: & par-ainci ils eussent pris & gagné la ville. Quand l'Euesque de Durem (qui se tenoit sur les champs, & qui bonne volonté auoit d'aller secourir les Anglois) reconfortoit ces gens, & ceux de son costé, il veit comment les siens proprement se déroutoient, & se mertoient auecques les fuyans. Si demanda conseil à messire Guillaume de Luffy, & à messire Thomas Clifford, & à aucuns Cheualiers qui là estoient, quelle chose ils en feroient, & comment ils se maintiendroient. Ces Cheualiers, pour leur honneur, ne le fauoient ou vouloient conseiller: car, de retourner sans riens faire, leur tourneroit à grand blasme, & d'aller auant, prendroient dommage. Si se tindrent tous quois, & plus attendoient, & plus amendrissoient leurs gens. A donc dit l'Euesque, Seigneurs, tout considéré, il ne fait pas son honneur, qui se met en peril, & qui pour vn domage fait deux. Nous voyons & oyons que noz gens sont déconfits. A ce ne pouuons nous remedier: car, pour les recouurer, vous veez qu'à peine nous ne sauons ou nous allons, ne quelle quantité de gens nous trouuerons. Nous retournerons ceste nuit tout bellement par-deuers le Neuf-chastel: & demain nous nous remettrons tous ensemble, & viendrons veoir noz ennemis. Ils respondirent, Dieu y ayt part. A ces mots ils retournerent tout bellement le pas, deuers le Neuf-chastel. Or regardez la grand' defaute qui est en gens ébahis & déconfits. S'ils se fussent ensemble tenus (ainsi qu'ils departirent du Neufchastel) & les fuyans remis auecques eux, ils eussent déconfit les Escosçois, c'est l'opinion de plusieurs. Mais il ne deuoit pas estre, n'auenir: & pour ce eurent les Escosçois victoire. Or vueil-je recorder de messire Matthieu Rademen: qui estoit monté à cheual, & departy de la bataille, pour soy sauuer: car luy tout seul ne pouuoit pas recouurer la besongne. A son departement, messire Iaques de Lindelee, vn vaillant Cheualier d'Escocce, estoit assez pres de luy: & veit comment messire Matthieu se partoait. Messire Iaques, pour vaillance & pour gagner, voulut entrer en chace. En ce temps, que Rademen se partoait, son cheual estoit tout prest: & y monta vne hache à son col, & le glaive au poing, & suivit le Cheualier les grans galops: & éloigna la bataille, & les siens, & entra en chace: & vint de si-pres sus Rademen, que de la lance il le pouuoit bien atteindre, s'il vouloit. Si luy dit, Haa, Cheualier, retournez. C'est honte & blasme de fuir. Je suis Iaques de Lindelee. Si vous ne retournez, je vous feriray par derriere de ma lance. Messire Mathieu Rademen ne sonna mot: ains ferit son cheual des esperons, plus que deuant. En cest estat dura la chace plus de trois lieues: & auint que le cheual de Rademen trébucha deffous luy. Adonc s'arresta il tout quoy: & saillit à terre: & mit main à l'espée (qu'il tira hors du fourreau) & se conforta de luy deffendre: & veez cy le Cheualier d'Escocce, qui cuida ferir de son glaive en la poitrine du Cheualier Anglois, mais Rademen gauchit au coup, &

L'Euesque de Durem allant pour renfort aux enfans de Perfy soit nouvelles de leur déconfiture.

L'Euesque de Durem abandonné de la plupart de ses gens.

Retour de l'Euesque de Durem à Neufchastel, sans estre allé pour ce soir en (ques aux Escosçois.

Iaques de Lindelee Escosçois poursuit Matthieu Rademen Anglois.

ne fut point conuiuyn: & à ce qu'il faillit, la lance alla à terre: & sy attacha le fer. A ce coup Rademen faillit auant: & ferit de son espée sur la lâce: & le coupa en deux moitez. Quand messire Iaques de Lindefée veit qu'il auoit perdu sa lance, il getta le tronçon, qu'il tenoit, à terre: & se meit à pié: & reprit la hache, qu'il portoit sur son espaul: & la mania gentemēt à vne main (car les Escocois de ce mestier sont biē vsitez, & coustumiers) & requit le Cheualier de grand' volonte: & le Cheualier aussi se commēça à deffendre par grand art. Là tournoyent ils entre eux deux (l'un de la hache, & l'autre de l'espée) moult longuement: & ne les empeschoit nul. Finalemēt messire Iaques de Lindefée se demena tellement à l'escrimer, & à donner grans horions sur Rademen, qu'il le meit à la grosse aleine: & le fit rendre à luy: & luy dit ainsi Messire Matthieu, Lindefée ie me ren à vous. Voire (dit le Cheualier d'Escoce) recoux, ou non recoux. Ie le vueil, dit Rademen, vous me ferez bonne compaignie. C'est verité, respondit messire Iaques. Et lors rebouta son espée au fourreau messire Matthieu Rademen: & demāda à Lindefée, Quelle chose voulez vous que ie face? vostre prisonnier suis, vous m'avez conquis. Et quelle chose voulez vous q'ie vous face, respōdit messire Iaques. Ie retourneroye volōtiers (dit messire Matthieu) au Neufchastel: & dedans quinze iours ie me retrairay vers vous en Escoce, là ou il vous plaira m'assigner iournée. Ie le vueil, dit Lindefée, vous ferez, par vostre foy, dedās trois semaines en la ville de Haindebourg: & ou que vous soyez & aillez, vous estes mon prisonnier. Tout ce luy conuenança & iura messire Matthieu Rademē. Lors reprit chacun son cheual (qui là pasturoient en l'herbage) & monta chacun sur le sien: & prirent congé l'un de l'autre: & s'en retourna messire Iaques de Lindefée, en son entente, deuers ses gens, & le chemin qu'il estoit venu: & messire Matthieu Rademen s'en alla vers le Neufchastel. Messire Iaques de Lindefée ne sceut pas bien tenir le chemin, qu'il estoit venu: car la Lune estoit obscure, & faisoit bien brun. Il n'eut pas cheuauché demie lieuē, que, face à face, il encontra l'Euesque de Durem, & plus de cinq cens Anglois avec luy. Encores les eust il bien échenez, s'il vouldist: mais il cuidoit que ce fussent de ses gens, qui poursuiuoient les Anglois. Quand il fut entre eux, les premiers d'encontre luy demanderent qui il estoit. Ie suis (respondit il) messire Iaques de Lindefée. A ces mots l'Euesque de Durem n'estoit pas loing: qui faillit tantost auant: & dit, Lindefée vous estes pris. Rendez vous à moy. Qui estes vous? dit Lindefée. Ie suis l'Euesque de Durem. Et dont venez vous? dit messire Iaques. Par ma foy compaigns (respondit l'Euesque) ie vien de la bataille: mais ie n'y ay feru coup de lance. Si m'en reuois pour mes-huy: & vous en viendrez au Neuf-chastel avecques moy. Il le conuient: puis que vous le voulez, dit Lindefée. I'ay pris & suis pris. Ainsi vont les auentures d'armes. Auez vous pris? luy demanda l'Euesque. I'ay pris & fiancé en chace (dit Lindefée) messire Matthieu Rademen. Et ou est il? demāda l'Euesque. Par ma foy (dit il) il s'en retourne vers le Neuf-chastel: car il m'a prié que ie le voufisse acroire iusques à trois semaines: & ie l'ay acreu. Allon, allon (dit l'Euesque) au Neufchastel: & là parlerez vous à luy. Ainsi retournerent ils vers le Neufchastel ensemble: & fut prisonnier messire Iaques de Lindefée à l'Euesque de Durem: & eut messire Iaques telle auenture. Dessous la banniere du Côte de la Marche & de Dobar fut pris & fait prisonnier au Comte, cest Escuyer de Gascongne, † Iehan de Chastel-neuf: & dessous la banniere au Comte de Moray fut pris son compaignon, Gascon aussi, Iehan de Cantiron.

Combat de Iaques de Lindefée et Matthieu Rademen: qui se rend.

Lindefée relasche Rademen sur sa foy.

Iaques de Lindefée, s'estant fournoyé en retournant vers ses gens deuient prisonnier à l'Euesque de Durem.

† Ces prisonniers sont les les 2. escuyers desquels il a parlé sur la fin du cha. 125. en disant qu'il apprit d'eux comment celle bataille s'estoit portee.

comment l'Euesque de Durem, estant retourné vers le camp des Escocois du Comte de Douglas au lendemain de la bataille, se retira, sans les oser assaillir: & comment ils se retirèrent tous aussi en leur pays d'Escoce.

CHAP.

CXXIX

LA place fut ià toute deliurée, auant que l'aube du iour apparust. Les Escocois se retrairent, & meirent tous ensemble: & enuoyerent guettes & cheuaucheurs sur les chāps, & sur les chemins de Neuf-chastel, pour sauoir si les ennemis se recueilleroiēt & remettroiēt ensemble: à fin qu'ils ne fussent surpris en leurs logis. Qui fut vn bō auis: car quād l'Euesque de Durem fut reuenu au Neufchastel, & retrait en son hostel, & desarmé, il fut moult fort pensif: & ne sauoit que dire, ne que faire, d'ennuy: car il ouyt dire que les enfans de Perfy, ses cousins, estoient morts ou pris, & tous les Cheualiers, qui avec eux estoient issus. Si manda les Cheualiers & Escuyers, qui estoient au Neuf-chastel: & quand ils furent venus à son hostel: il leur demanda s'ils laisseroient la chose ainsi: & que trop grand blasme leur auenoit, quand ils estoient retournez, sans veoir leurs ennemis.

Adonc

Adonc eurent ils conseil, qu'à heure de soleil leuant ils s'armeroyent, & s'ordonneroyent: & se departiroient de là toutes gens de pié & de cheual: & s'en iroient vers Otebourg, cōbattre les Escōçois: & tout ce fut signifié parmy la ville: & sonna la trōpette à l'heure, qui ordonnée fut. Si s'armerent toutes gens, & s'assemblerent en la place, deuant le pont: & enuiron soleil leuant ils se departirent du Neuf-chastel: & issirent par la porte de Beruich: & se meirent sur les champs: & prirent le chemin d'Otebourg: & estoient bien dix mille, qu'vns, qu'autres, à pié & à cheual. Ils n'eurent pas élongné Neuf-chastel de deux lieuës, qu'àux Escōçois fut signifié que l'Euesque de Durem (qui recueille auoit faite) venoit sur eux, pour combattre: & le sceurent par les guettes, qu'ils auoient establies sur les champs. Or fut informé messire Matthieu Rademen (qui retourné estoit au Neuf-chastel, & qui auoit ià dit à plusieurs cōment il luy estoit auenu de la bataille, & de messire Jaques de Lindefée, qui l'auoit pris & acreu) commēt l'Euesque de Durem auoit rencontré Jaques de Lindefée: & estoit son prisonnier. Ainsi luy fut il dit de l'Euesque ou de ses gens. Messire Matthieu, aussi tost que l'Euesque fut party du Neuf-chastel, s'en vint à l'hostel de l'Euesque, pour veoir son maistre, & le trouua, ou il s'appuyoit tout pensif, à vne fenestre. Quelle chose faites vous cy, messire Jaques? Adōc messire Jaques brisa son pensement: & se trait vers luy: & luy donna bon iour: & respōdit à sa parolle. Par ma foy, Rademen, auētūre m'y a amené: car, aussi tost que vous partistes de moy, & ie retournoye mon chemin, ie rencontray l'Euesque de Durem: auquel ie suis prisonnier, comme vous estes à moy. Si croy qu'il ne vous faudra point venir à Haindebourg, pour vous mettre à finance. Si finerons l'un pour l'autre: mais que mon maistre le vueille. Nous serons bien d'accord, dit Rademen: mais vous disnerez huy auecques moy. L'Euesque cheuauche, & noz gens: & vont combattre les vostres. Je ne say comment la chose se portera. Nous le saurons au retour. Je le vueil, dit Lindefée. Ainsi ces deux Cheualiers, messire Jaques Lindefée & messire Matthieu Rademen, se coniouirent au Neuf-chastel. Quand les Barons & Cheualiers d'Escoce furent informez que l'Euesque de Durem venoit, & amenoit bien dix mille hommes, si se trayrent à conseil ensemble, pour sauoir comment ils se maintiendroient: ou s'ils demourroient sur la place, ou s'ils attendroient l'auenture. Tout considéré, fut dit qu'ils demourroient, & qu'ils ne se pouuoient traire ne trouuer en meilleure place, ne plus forte: au cas qu'ils en estoient auisez: car ils auoient grand foison de prisonniers: Si ne les pouuoient pas mener auecques eux, fort à leur aise: & si auoient foison des leurs blecez, & aussi de leurs prisonniers: si ne les vouloient pas laisser derriere. Adonc ils se recueillirent tous ensemble: comme gens de bon conseil, & de grand faict. En celle recueille ils s'ordonnerent par telle ordonnance, & si bonne, qu'on ne pouuoit entrer, ne venir sur euy, fors que par vn seul pas: & iurerent tous leurs prisonniers ensemble (dont ils auoient grand' foison) que récoux, ou non récoux, ils demourroient leurs prisonniers. Apres tout ce, ils firent corner leurs menestriers, & mener le plus grand réueil du monde. Si vous dy qu'Escōçois ont vsage, que, quand ils sont ainsi ensemble en armes, les hommes - de - pié sont bien parez de porter à leur col vn grand cor de corne, en maniere d'un veneur: & là (quand ils les sonnent tous à vne voix, l'un grand, l'autre gros, le tiers sur le moyen, & les autres sur le delié, ils font si grand' noise, qu'on les oit bien aisément bondir de quatre lieuës: & c'est vn grand ébahissement entre leurs ennemis, & vn grand ébaudissement entre eux. De ce mestier commanderent là les Seigneurs à iouer sur l'instant, & à faire ce que ie vous diray. Quand l'Euesque de Durem & sa banniere (ou bien auoit dix mille hommes, qu'vns, qu'autres) estoient durement approchez, & qu'ils furent ainsi qu'à vne lieuë pres des Escōçois, ils cōmencerent à corner & à bondir leurs cors, par telle maniere, qu'il sembloit que les Diabes d'enfer fussent par entre eux descendus, pour faire noise: & tant que ceux, qui venoient, & qui de leur vsage riens ne sauoient, en furent ébahis: & dura ce corner & bondissement moult longuemēt: & puis cessa: & apres vne espace (espoir que les Anglois estoient à demie lieuë pres, ou enuiron) ils commencerent de-rechef à corner aussi haut, & aussi longuemēt comme deuant: & puis cesserent. Or approcha l'Euesque & sa banniere, à toute sa bataille, tous rangez: & vint à la veuë des Escōçois, aussi pres que le traict d'un arc, deux fois. A ceste heure que les Anglois approcherent, cornerent les menestriers des Seigneurs d'Escoce, moult haut & moult cler: & puis cesserent: & les grans bondissements de ces cors se renouellerent, & durerent moult longue espace. L'Euesque de Durem se tenoit là dehors deuant eux: & en regardoit la maniere, & comment ils

L'Euesque de Durem sort de rechef de Neuf chastel pour aller trouver les Escōçois au lendemain de la bataille d'otebourg.

Jaques de Lindefée prisonnier de l'Euesque de Durem, est traité par Matthieu Rademen son prisonnier à Neuf chastel.

Les Escōçois se ordonnent en leur fort aux nouvelles de la venue de l'Euesque de Durem.

Le cornement des Escōçois espouuente les Anglois.

estoyent fortifiez & ordonnez de bonne façon, & mis en tel party & estat, que grandement estoient à leur auantage. Si se conseilla à aucuns Cheualiers, qui là estoient, quelle chose ils feroient. Il me semble que, tout conseillé & auisé, ils n'eurent point propos d'entrer sur eux, ne de les assaillir: mais s'en retournerent, sans riens faire: car ils veoient bien

*L'Escheque de
Dunelm se retire,
sans assaillir
les Escosois.*

qu'ils pouuoient plus perdre, qu'à gagner. Quand les Escosois veirent que les Anglois estoient tous retraits, & que point n'estoit appareil qu'ils eussent bataille, ils se retirèrent en leurs logis: & mangerent, & beurent un coup: & puis s'ordonnerent de partir: & pource que messire Raoul de Persy estoit durement nauré, si pria à son maistre, qu'il luy fist grace de retourner à Neufchastel, ou là ou mieux il luy plairoit en Northôbellade, à estre là, & demourer, tant qu'il fust guarî: & si tost qu'il seroit en point de cheuaucher, il s'obligeoit, par sa foy, de cheuaucher & de retourner vers luy en Escocce: fust à Hainbebourg, ou ailleurs. Le Comte de Moray, dessous qui il auoit esté pris, luy accorda légèrement: & luy fit appreiller une licthiere, & le deliura. Par la caution dessusdite plusieurs Cheualiers & Escuyers,

*Deliurance de
Raoul de Persy
sur sa foy, par
le Comte de
Moray.*

*L'an & iour
de la bataille,
qui fut entre le
Neufchastel
& Otebourg,
entre les An-
glois & Escos-
gois.*

qui prisonniers estoient: furent là acrus, ou mis à finace: & prenoient terme du retourner, ou du payer, ou l'assignation estoit faite: Il me fut dit, par l'informatiō de la partie dessusdite victorieuse (c'est assauoir des Escosois) qu'à celle bataille (qui fut entre le Neufchastel & Otebourg, en l'an de grace mil trois cens quatre vingts & huit, le dixneuuième iour d'Aoust) furent prins, de la partie des Anglois, 1040. hommes, qu'un, qu'autres, & morts sur la place, qu'en la chace, dixhuit cens 40. & plus de mille naurez & blecez: & des Escosois, il y en eut environ cent de morts, & pris deux cens en la chace. Ainsi que les Anglois fuyoient, ils se recueilloient: & quand ils veoient leur plus bel, ils retournoient & combattoient à ceux, qui les suiuoient. En telle maniere furent ils pris en chace: & non autrement. Or regardez si ce fut une dure besongne, & bien combattue: quand en y eut tant de morts, & de pris, d'un costé & d'autre. Apres toutes ces choses faites & ordonnées, & tout recueilly, & le Comte de Donglas (qui mort estoit) mis en un cercueil, sur un char, & messire Robert Hert, & Simon de Glaudion aussi, ils s'ordonnerent de partir. Si se departirent, & ordonnerent & emmenerent messire Henry de Persy, & plus de 40. Cheualiers d'Angleterre: & prirent le chemin de Nymaye sur la Cinde. A leur departement ils bouterent le feu en leurs logis: & cheminerent ce iour: & se logerent encores en Angleterre. Nul ne leur dénoit. Le lendemain ils se delogerent bien-matin, & vindrent ce iour à Nymaye. C'est une Abbaye de Moines noirs, seant sur le departement des deux

*Retraite du pe-
tit camp des
Escosois.*

*† Sala dit
maures sur
la tinde: que
ie pense estre
celle, que Frois-
sart a plusieurs
fois nommée
Mauros, sur le
fleuve Tude.*

Royaumes. Là farresterent ils: & firent au monstier mettre & enseuelir le Côte de Donglas, nommé Iames: & le second iour, qu'ils firent là venus, ils luy firent faire son obsequie, bien & reueramment: & fut sur le corps mise une tumba de pierre, & la banniere de Donglas par-dessus. De ce Comte n'en y a plus (Dieu en ait l'ame) ne ie ne say à qui la terre de Donglas est retournée: car, quand ie, Aeteur de ceste Histoie, fu en Escocce, & en son chastel d'Alquest, viuant le Comte Guillaume, ils n'estoient que deux enfans, fils & fille: mais encores y auoit assez de ceux de Donglas: car i'en vey iusques à cinq beaux, freres, tous Escuyers (qui portoiēt le furnō de Donglas) en l'hostel du Roy David d'Escocce, & auoient esté enfans à un Cheualier d'Escocce, qui s'appeloit messire Iames de Dōglas: & les armes (qui sont d'or à trois oreilles de gueules) leur retournerent: mais de l'heritage ne say-ie. Si deuez sauoir & entēdre que messire Archambaud de Donglas (dont i'ay traité icy-dessus en plusieurs lieux, cōme de vaillant Cheualier, & qui fut moult redouté des Anglois) estoit bastart. Quand ils eurent fait à Nymaye, l'Abbaye, ce, pourquoy ils estoient là venus & arrestez, ils se departirent les uns des autres: & prirent congé ensemble: & chacun s'en retourna en sa cōtrée, & ceux, qui prisonniers auoient, les acroient, ou emmenoient, ou rançonnoient: & vous dy qu'en ce party d'armes les Anglois trouuerent les Escots moult courtois & debonnaires en leurs deliurāces & rançons: tant qu'ils s'en contenterent: ainsi que me dit au pays de Bearn, en l'hostel du Côte de Foix, Jehan de Chasteau-neuf (qui pris y auoit esté dessous la banniere du Comte de la Marche & de Dombar) & il mesme se louoit du Comte, son maistre, moult grandement: car il l'auoit laissé passer, comme il auoit voulu. Ainsi se departirent ces Gens d'armes les uns d'avecques les autres, & finerent les Anglois, & rançonnerent, au plustost qu'ils peurent, & au plus courtoisement: & retournerent petit à petit en leurs lieux. Si me fut dit, & le croy assez, que les Escots eurent bien deux cens mille francs de rançon des prisonniers: ne depuis la bataille, qui fut deuant le chastel † de Sterling en Escocce (quand de

*† Il y auoit icy
Destrēclîn:*

Brus, messire Guillaume de Dōglas, messire Robert de Versy, messire Simō Fresiel, & les Escots

Escots furent sur les Anglois, & que la chace dura trois iours) ils n'eurent nulle journée de proffit, ne de victoire si grande, comme ceste. Quand les nouuellés vindrent en Galles, deuant la cité de Carlion (ou messire Archambaut de Donglas, le Comte de Fife, le Comte de Suthrlant, & la greigneur partie des Escots, se tenoient) & ils furent iustement informez de la verité, & comment la besongne d'Otebourg s'estoit portée & le grand conquest que leurs gens auoient eu & fait sur les Anglois, si en furent grandement réiouys, & courroucez aussi de ce qu'ils n'y auoient esté: & eurent conseil d'eux déloger, & eux retraire en leurs pays: puis que leurs gens estoient retraits. Si se délogerent de deuant Carlion: & se meirent au retour: & rétrèrent en Escoce. Nous nous soufrerons à parler des Escots & des Anglois, pour le present: & retournerons au ieune roy Charles de France: qui de grand' volonté, & à tout grand peuple, s'en alloit en Allemagne, pour mettre à raison le Duc de Guerles.

que l'ay remis selon Boeth. & fut ceste bataille en l'an 1314. iour Saint Iehan Baptiste.

Retraite du grand camp de Escoce, hors de Galles.

Comment le Roy de France entra en la Duché de Luxembourg, poursuivant son voyage de Gueldres: & comment le Duc de Iuliers, pere du Duc de Gueldres, s'estant venn excuser & décharger de la faute de son fils, fut receu en grace du roy: duquel il releua la terre de Vierzon en Berry, luy en faisant hommage.

CHAP. CXXX.

Quand le Roy de France & tout l'ost fust passé outre la riuere de Meuse, au port de Morfay, ils prirent le chemin d'Ardenne, & de l'Euesché de Luxembourg: & tousiours estoient les ouuriers deuant: qui abbattoient bois & buissons, & faisoient les chemins vnus. Mout estoit l'arroy du Roy de France grand, & bien ordonné: & fort se doutoient de sa venue le Duc de Iuliers & ceux de son pais: car ils sauoient bien qu'ils auroient le premier assaut: & Iuliers est vn pays, qui sied en plain: & sur vn iour Gens-d'armes l'auroient gasté & exilé tantost: exceptez aucuns chasteaux & bonnes-villes: qui se tiendroient: mais grandement ne seroit ce pas. Le Roy de France entra au pays de Luxembourg: & vint en l'Abbaye, ou le Duc Wincelant de Brabant fut ensevely: & là se logea deux iours. A son departement il prit le chemin de Bascongne (& s'en vint loger pres, à vne lieuë) d'ou la Duchesse de Brabant estoit logée. A Bascongne elle auoit sa venue signifiée au Duc de Bourgongne: lequel vint deuers la Duchesse & l'emmena parler au Roy: qui estoit logé aux champs. Le Roy de France recueillit mout doucement la Duchesse: & eurent là parlement ensemble: & puis retourna la Duchesse à Bascongne: & la reconuoyerent messire Iehan de Vienne & messire Guy de la Trimouille: & le Roy alla le lendemain loger plus-auant, approchant tousiours la terre de ses ennemis, & vint iusques sur le point d'étrier en Allemagne, sur les bades de la Duché de Iuliers. Mais, auant qu'il fust venu iusques là, l'Euesque Arnoul du Liege auoit esté deuers le Roy: & auoit mout parlé en l'aide du Duc de Iuliers, pour briser le mal-talent, que le Roy & le Royaume auoient sur le Duc de Iuliers (qui pere estoit du Duc de Guerles) & auoit bien dit au Roy, & à ses oncles (quant à ce que le Duc de Guerles auoit fait de ses défiances, qui furent enuoyées en Frâce, & qui felônes & cruelles estoient, & hors du droit stille & vsage des autres défiances) que le Duc de Guerles n'en auoit pas pris le conseil, ne l'auis de son pere, le Duc de Iuliers, parquoy luy, ne son pais, ne le deuoient pas coparer. Ceste excusation ne suffisoit pas bien au Roy, n'à ses oncles: & estoit l'intention du Roy & de ses oncles, & de son conseil aussi, que (se le duc de Iuliers ne se venoit autremet excuser, & de tous points se mettre & rendre à la volonté du Roy) luy, tout premier, & son pais, le compareroit. Adoncques offrit l'Euesque du Liege, & les Barons du Hasban, & les Consaux des bonnes-villes (qui avec le Roy estoient, & avec l'Euesque) au Roy & à ses oncles, tout l'Euesché du Liege entierement, pour entrer & passer parmy, & repasser en payant leurs deniers, & pour refreschir, & eux reposer: si leur plaisoit. Le Roy de Frâce les remercia: & aussi firent ses oncles: & ne renoncerent pas à ce present: car ils ne sauoient quel besoing ils en auroient. Or retourna l'Euesque du Liege deuers le Duc de Iuliers & l'Archeuesque de Coulongne: & leur compta quelle chose il auoit exploité: & sur ce, eurent auis. Si se douta tresgrandement le Duc de Iuliers d'auoir tout son pais exilé: & manda les Cheualiers de sa terre (qui de luy tenoient) pour auoir conseil: & tousiours approchoient les François. Le Sire de Coucy en l'Avantgarde, qu'il menoit, auoit bien mille Lances. Le Duc de Lorraine estoit avec luy, & le Vicomte de Meaux, à tout deux cens Lances. Quand les François approcherent les bandes & limitations d'Allemagne, si cheuaucherent ensemble: & comencerent à loger sagement. Car bien trois cens Lâces de Linfars, Allemas

Le Roy de France au pays de Luxembourg.

La Duchesse de Brabant vers le Roy.

L'Euesque du Liege offre passage au Roy par son pays.

d'outre le Rhin, f'estoient cueillis & amassez ensemble: & vous dy que ce sont les plus-grans pillars & robeurs de tout le monde: & ne poursuivoient ne costoyoient les François: que pour les trouuer à découuert, & leur porter dommage: & bien s'en doutoiēt les François, & n'osoient aller fourrager, qu'à grans routes: & me semble que messire Bouciquaut, l'aisné, & messire Louis de Grach en furēt atteins, & menez à Nymaye: & cheuauchoiēt ces Allemans, que ie vous compte, à couuert: & alloient ainsi, cōme oiseaux de proye volent: & quand ils veoient leur plus bel, ils se mettoient es François, de soir & de matin: & pour celle cause ils estoient moult ressongnez. Quand le Roy de France fut si-auant, que sur le poinct d'entrer en la Duché de Iulliers, & ià y couroient ceux de l'Auantgarde & les fourrageurs, le Duc de Iulliers (qui ne vouloit pas perdre son païs) creut le Conseil de l'Archeuesque de Coulongne, & de l'Euesque du Liège: & ces deux traitterent & prierent pour luy au Roy & à ses oncles, & l'amoyennerent tellement, qu'il & sa terre demourerent en paix parmy les conditions que ie vous diray. Ces deux Prelats, dessus-nōmez, amenerēt par bon moyen, & sur les traittez qu'ils auoient ià bastis & ordōnez, le Duc de Iulliers, en la presence du Roy & de ses oncles, & du Duc de Lorraine, & d'aucuns haux Barōs de France, & du sang du Roy, & de son Conseil, qui là estoiet. Quand il fut deuant le Roy, il se meit à genoux: & s'excusa bellement, & sagement de la défiance que son fils auoit enuoyée en France: & dit au Roy, que son fils estoit vn fol, & que de la défiance, & d'autres choses, nul conseil il n'en auoit pris à luy, ny ne prenoit de chose qu'il eust à faire: mais vloit de sa teste, & de sa volonté: & s'offrit au Roy en disant, Mōseigneur, pour luy faire venir à cognoissance & à raison, par vostre cōgé i'iray deuers luy: & luy remōstreray ses folies, au plus vif que ie pourray: & luy diray cōment il se vienne excuser par-deuers vo^r & vostre cōseil: & s'il ne veut ce faire, & qu'il vueille issir hors mon conseil, ie vous abandonne toutes les villes & les chasteaux fermez de mon pays, pour les garnir & pourueoir de gens-d'armes, pour luy faire guerre, tant que vous l'ayez à mercy. Le Roy regarda son frere & ses oncles, & puis ceux de son Conseil, qui estoient delez luy: & luy sembla que ceste offre estoit belle & raisonnable: & aussi sembla elle à plusieurs. Si fit le Roy leuer le Duc de Iulliers (qui à genoux auoit parlé à luy) & luy dit ainsi, Nous aurons conseil & auis sur vos propres promesses, & parolles. Adonc se leua le duc de Iulliers, & demoura delez l'archeuesque de Coulongne & l'Euesque du Liège, qui là l'auoient amené: & le Roy de France, ses oncles, & son especial Conseil, se traierēt tous ensemble & parlemēterent de ceste matiere & querelle longuement. Là eut (ie vous dy) parolles proposées plusieurs: & retournées. L'un vouloit d'un: & l'autre d'autre. Le Duc de Bourgogne (qui estoit au milieu de ce parlemēt, & auquel principalemēt la chose touchoit grandemēt, pour la cause de la Duchesse de Brabāt & de son pays, ou il clamoit auoir chalāge & grād droit en l'heritage apres la mort de la Duchesse Iehanne, à cause de Madame sa fēme, nōmée Marguerite, & qui, au vray dire auoit là mené le Roy de Frāce & sa puissance) entēdoit grandemēt à ce, que les choses tournassent sur le mieux, & que bōne paix se fist de toutes parties: à fin qu'il ne conueinst là plus venir ne retourner: car le voyage estoit loingtain pour le Roy & les Seigneurs, † & coustable, & dōmageable, pour le Royaume. Si dit, ainsi qu'aucuns eurent remōstré leur meilleur auis en la presence du Roy, Mōseigneur (dit il au Roy) & vous beau-frere de Berry, & vous, & vo^r (si se tourna tout autour) en toutes choses, mal-cōmencées & mal-emprises, gist auis. Nous oyons que nostre cousin, le Duc de Iulliers, s'excuse grandemēt, & se veut excuser de son fils: & il est bien si vaillāt & si haut hōme (car il est de nostre sang, † & nous du siē) que nous le deuōs croire. Il offre & presente au Roy assez grād chose, son corps son pays, ses villes, & ses chasteaux: au cas q son fils voudra estre rebelle, & nō venir à la cognoissāce & amēdement de ceste défiance. Au parler par raison, c'est grād chose. Si nous auōs delez nous le Duc de Iulliers, le Duc de Guerles (lequel voulons corriger) en fera plus foible, & plus nous doutera, & plustost viendra à obeysance: si que ie cōseille qu'il soit recueilly, & ses parolles acceptées: car il s'humilie moult. Aussi l'Archeuesque de Coulongne & l'Euesque du Liège: & autres haux Barōs d'Allemagne en priēt. A ceste parolle ne respōdit nul du contraire: mais s'y consentirent tous, d'une vnitē, & d'un accord. Lors furēt appelez l'Archeuesque de Coulongne & l'euesque du Liège (qui les traittez enuers ces parties auoiēt traittez & menez) & leur fut remōstré de poinct en poinct, & de clause en clause, quelle chose il conuenoit que le Duc de Iulliers iurast & sceillast, fil & sa terre vouloiēt demorer en paix. Premierement qu'il iroit, ou enuoyeroit, deuers le Duc de Guerles, son fils:

& luy

Excuse du Duc de Iulliers, en personne deuant le Roy, sur la défiance de son fils pour le regard de soy.

† *Il y auoit & le Connestable.*

† *Le n'ay encores peu veoir comment.*

Conditions par lesquelles le duc de Iulliers fut receu en grace du Roy.

& luy remonstreroit sa folie, & le grand outrage qu'il auoit fait, que d'enuoyer défier si grand & si puissant Prince comme le Roy de France, par défiances felonnes, & hors du stille de tout droit & raison: & le feroit venir à raison & à mercy: & si le Duc de Guerles ne vouloit ce faire, ains demourer en son opinion, par hautaine maniere, & foible sens & conseil) le Duc de Iulliers deuoit iurer & sceller de renoncer à toutes aides, soustenances, & confors, que faire luy pourroit: ne nul, ne nulle, luy en feroit: mais luy seroit contraire & ennemy, ainsi comme les autres, & tant, que de tenir & soustenir les gens du Roy, qui establis & ordonnés de demourer seroient cest Yuer en garnison ens, ou pays de Iulliers, pour faire guerre & frontiere à l'encontre du Duc de Guerles: & trouueroiét les gens du Roy villes & chasteaux, appareillés, & amiable recueille. Ces deux Prelats (qui principalemēt furēt appelés au Cōseil du Roy, pour tout ce remonstrier au Duc de Iulliers) luy remonstrerēt à part, & plusieurs autres raisons, fondees sur les articles, & tant que le Duc de Iulliers (qui veoit bien qu'il conuenoit qu'il se fist, ou autrement sa terre estoit toute gastee, perdue, & exilee) les accorda, iura, & scella: & demoura biē amy au Roy & à ses oncles: parmy ce que son pays fut respité de non estre couru, n'exilé: mais viures (dont il y auoit abondance ou plat-pays) furent tous abandonnés: & là deuint le Duc de Iulliers hō-
me du Roy de France: & releua la terre de Vierzon, seant entre Blois & Berry: & soupa le soir (qui fut vn Ieudy) à la table du Roy de France: & seoit à la table premierement l'E-
uesque du Liège, l'Archeuesque de Coulongne, le Roy, le Duc de Bourgongne, le Duc
de Touraine, le Duc de Iulliers, & le Duc de Bourbon.

*Le Duc de Iul-
liers relēue, du
Roy de France,
la terre de Vier-
zon.*

Comment le Roy Charles, sixième, se logea amiablement sur la terre du Duc de Iulliers:

& comment vn Escuyer d'Auuergne fut tué d'un coup de coignée, par vn buscheron

Gueldrois: qu'il pensoit emmener prisonnier.

CHAP. CXXXI.

Ainsi se porterent ces ordonnances: & demoura en paix, par le moyen que ie vous dy, le Duc de Iulliers. Mais le Roy & les François se logerent emmy son pays: qu'ils trouuerent bon, gras, & tout remply de viures. Or fut le Duc de Iulliers deuers son fils, le Duc de Guerles: mais ce ne fut pas si tost. Si auindrent aucuns beaux faits d'armes ou pays, car ces Allemans (qui sont moult couuoiteux) s'abandonnoient à la fois de nuict, ou de bon matin: & venoient les François réueiller en leurs logis, vne fois gaignoient, & prenoient: & autresfois estoient pris: mais pour vn Allemand, qui pris estoit, les Allemans prenoient quatre François. Si firent vn iour monstre le Cōnestable de France, le Sire de Coucy, le Duc de Lorraine, le Marechal de Blainville, messire Jehan de Vienne, messire Iean de la Trimouille, & bien enuiron quatre mille Hommes-d'armes: & s'en vindrent deuant vne ville en Guerles, qu'on dit Remongne: & s'ordonnerent & meirent en arroy par-deuant. Ce iour le Duc de Guerles estoit dedans: qui pris bien leur conuenāt: mais il ne fit nulle faillie sur eux, car il n'auoit pas gens assez: dont moult il luy ennuyoit. Si furent là ces gens de France, en ordonnance de bataille, bien quatre heures: & quand ils veirent que nul ne failloit sur eux, ils se departirent, & retournerent en leurs logis. Or auint que du soir, au logis du Duc de Berry, aucuns Cheualiers & Escuyers se recueillirent, sous l'entente de cheuaucher, le matin, sur la terre des ennemis, à l'aventure: & l'accorderent & fiancerent tous l'un à l'autre: & pouuoient bien estre enuiron cent Lances. Quand ce vint au matin, tout fut rompu. Or auoit là vn Escuyer d'Auuergne (qui s'appelloit Godinos) vaillant homme aux armes: & estoit dessous la banniere au Seigneur d'Alégre. Quand il veit qu'on ne cheuauchoit point, si fut moult courroucé: & parla à aucuns compaignons, qui estoient de bonne volonté: & fit tant, qu'ils s'accompagnerent ensemble trente Lances: qui cheuaucherent à l'aventure tout ce matin: & ne trouuerent riens. Quand Godinos (qui aimoit & desiroit armes) veit qu'ils retournoient sans riens faire, si fut moult courroucé: & dit à ses compaignons. Or cheuachez (dit-il) ie vueil aller costoyer tout bellement ce bois, moy & mon page: tant-seulement, pour sauoir si nulle embusche y a, ne se riens faudroit dehors: & m'attendez là, dessus celle montaigne. Ils luy accorderent. Godinos se partit, & son page: & cheuaucha tout costoyant les bois. Quand il eut vn petit cheuauché, il ouyt siffler au bois: si ferit des esperons: & vint celle part, droit à la sente du bois. Quand il fut là venu, il trouua vn Allemand Guerlois, qui charpentoit bois: & Godinos prit son glaue, & vint sur cest homme: & l'homme fut tout ébahy. Adonc luy fit Godinos signe, qu'il se venist avecques luy: & pensa Godinos, & dit en luy-mesme. Au moins monstreray-ie à mes com-

*Monstre du
Cōnestable &
d'autres Sei-
gneurs François
deuant la ville
de Remongne:
ou estoit le Duc
de Guelbres.*

*Vn Escuyer
d'Auuergne,*

ayāt pris par si
gne un busche-
ron de Guel-
dres, en est tūē
d'aguet.

paignōs, que i'auray fait cecy, & que i'auray pris quelque chose. Il nous fera quelque ser-
uice en noz logis. Donc il se meit au chemin, & au retour deuers ses compaignons. Go-
dinos cheuauchoit, deuant, vne basse hacquenee. L'Allemand le suyuoit tout de pié, vne
grande coignee sur son espaule: dont il auoit ouuré au bois. Le page de Godinos, monté
sur son courfier, les suyuoit: & portoit le bacinet de son maistre: & trainoit sa lāce: & s'en
venoit sommeillant, pource qu'il estoit leué trop matin. L'Allemand (qui ne sauoit là ou
il alloit, ne quelle chose on vouloit faire de luy) l'auisa qu'il se deliureroit bien: & vint tout
bellement delez Godinos: & haulse sa coignee: & le fiert dessus la teste: & le pourfendit
iusques aux dents: & l'abbattit tout mort. Oncques le page n'en veit riens, ny ne le seut,
qu'il ne le veist auant cheoir. Le villain s'enfuit muffer au bois, car il n'en estoit pas trop
loing. Celle auanture auint à Godinos: dont tous ceux, qui le cognoissoient, si en furent
moult courroucés, & par especial ceux du pays d'Auuergne, car c'estoit l'Homme-dar-
mes, que les Anglois craignoient le plus & doutoient, & qui plus de dommage leur a-
uoit fait & porté: & pour vingt mille francs il ne fust point demouré en prison, qu'on ne
l'eust rachapté. Or retournons au Duc de Iulliers.

*Comment le Duc de Iulliers & l'Archeuesque de Coulongne se partirent du Roy de
France, & s'en allerent à Nymaye, deuers le Duc de Guerles: & comment, par l'ad-
monnestement & entremise d'iceux, il fut reconcilié & mis à paix vers le Roy & la
Duchesse de Brabant.*

CHAP. CXXXII.

Bien auez entendu (si comme il est cy-dessus contenu) que le Duc de Iulliers fit sa paix
au Roy de France, parmi les traittés & moyens des Prelats, qui s'en ensongnerent, &
du Duc de Lorraine, au vray dire, son cousin, qui y rendit grand peine, & qui l'alla querre
à Atdeke, & l'amena, avecques l'Archeuesque de Coulongne, parler au Roy & à ses on-
cles, & si sauez bien comment il promit à aller deuers son fils le Duc de Guerles, & le fai-
re venir à mercy au Roy & conioindre avecques le Roy, ou il luy feroit guerre: & faire
re luy conuenoit ce marché, car autrement tout son pays eust esté perdu. Le Duc de Iul-
liers s'ordonna & appareilla, l'Archeuesque en sa compaignie: & s'en allerent en Guerles:
& passerent la riuere: & vindrent à Nymaye: ou le Duc se tenoit: qui les receut moult lié-
ment & grandement: ainsi que bien le seut faire: & faire le deuoit aussi (car rien n'est plus
prochain, que pere & mere) & ià estoit informé que le Duc de Iulliers son pere estoit ac-
cordé & composé au Roy de France: dont il n'en estoit pas plus lié: mais mal-talent ne
luy en estoit mestier. Le Duc de Iulliers & l'Archeuesque de Coulongne luy remontre-
rent tout au long de la matiere, & en quel party toute sa terre estoit. Du commencement,
il n'en fit compte, car il s'estoit si fort cōioint & alié au Roy d'Angl. qu'il ne s'en pouuoit
partir, ny ne vouloit aussi, car son cœur estoit tout Anglois. Si s'excusa trop fort: & dit
bien qu'il vouloit attendre l'auenture: & que, si par la venue du Roy de France il auoit vn
grand dommage, il estoit ieune, & le pouoit bien porter & amender, ou temps auenir,
sur le Royaume de France, ou sur les cōioints les Brabançons, & dit que nul Seigneur ne
peut guerroyer sans dommage, vne fois perd, & l'autre gaigne. Quand le Duc de Iulliers
l'ouyt ainsi excuser & langager, si fut tout courroucé, & luy demanda, Guillaume, dequoy
ferez vous vostre guerre? & qui sont ceux, qui amenderont voz dommages? Il respon-
dit, Le Roy d'Angleterre & sa puissance: & encores suis i'émueillé, que ie n'ouy pieça
nouuelles de l'armee de la mer, car (s'ils fussent venus: ainsi que promis me l'auoient) i'eus-
se réueillé, vne fois ou deux, les François. Guillaume, attendez vous cela? dit le Duc de
Iulliers. Les Anglois sont si éloignés de tous lez, qu'ils ne sauent auquel entendre. Vecy
le Duc de Lancastre, nostre cousin, qui gist à Bayonne ou à Bordeaux: & est retourné d'Es-
paigne en moult petit arroy: & a perdu ses gens, & saison, & prie qu'il puisse auoir Gens-
d'armes & Archers: mais il n'auroit pas vingt Lances. D'autre part les Anglois ont receu,
puis vn peu de temps, par bataille, vn trop grand dommage en Northombellande, car
toute la bonne Cheualerie assez pres de Neuf-chastel-sus-Thin a esté ruce ius par terre,
& morts & pris. Aussi le pays d'Angleterre n'est pas bien à vn, parquoy vous n'aucez que
faire de vous fier trop-auāt, pour le present, aux Anglois, car de ce costé n'aurez vous nul
confort, ne d'autre aussi. Si vous conseille que vous vous laissez regler & mener par nous:
& nous vous appaiserons au Roy de France, & ferons tant, que vous n'y aurez honte, ne
dommage. Monseigneur (dit le Duc de Guerles) comment se pourroit ce faire, à mon
honneur, que ie m'accordasse au Roy de France? Pour perdre tout mon pays, & aller de-
mourer

Remonstrances
du Duc de Iul-
liers au Duc de
Gueldres, son
fils, pour le faire
venir à raison
vers le Roy de
France.

mourer ailleurs, ie ne le feroye, car ie me suis trop fort conioint & adheré au Roy d'Angl. *Obstination du Duc de Gueldres, contre les sages remonstrances de son pere.*
 & si ay défié le Roy de France. Pensez vous (dit-il) que ie doyue, pour les menaces, rap-
 peler ma parolle, ne rompre mon seel? Vous me voulez bien deshonnorer. Ie vous prie,
 laissez moy en cest estat conuenir & demourer. Ie me tiendray trop bien contre les Frā-
 çois, ne de leurs menaces ne me chāt, Les eaues, les pluyes, & les froids, tant guerroye-
 ront pour moy, auant que la saison de Ianuier soit venue, qu'ils seront si lassés & si rannés,
 que le plus hardy d'eux voudroit estre en son hostel. A ce commencement de leurs trait-
 tés ne pouuoient le Duc de Iulliers ne l'archeuesque de Coulongne briser le propos du
 Duc de Guerles: & furent delez luy plus de six iours, ouurans sur cest estat, & tous les
 iours en Conseil. Quand le Duc de Iulliers veit qu'il n'en auroit autre chose, si se com-
 mença moult fort à arguer: & luy dit, que, si il ne le croyoit à certes, il se courrouceroit,
 & de sa terre & de son heritage de Iulliers, il n'en tiendrait iamais vn pié: mais le donne-
 roit à autrui, qui bien puissant seroit de le deffendre & tenir contre luy, & luy dit encores
 qu'il n'estoit qu'un fol: puis qu'il ne vouloit croire conseil. Le Duc de Guerles (qui bien
 veit son pere enflammé d'ire sur luy) pour l'amoderer respondit: & dit, Conseillez moy à
 mon honneur: & volontiers pour l'amour de vous, qui me requerez, i'y entendray, car
 voirement ie vous doy toute obeissance, & vueil deuoir & tenir, sans nul moyen. Donc
 dit le Duc de Iulliers, Or parlez vous bien & à point: & nous y prendrons garde. Or fut
 auisé par grand delibération de conseil, & pour sauuer & garder l'honneur de toutes par-
 ties, que le Duc de Guerles viendroit par deuers le Roy de France: & luy feroit honneur
 & reuerence, telle comme il appartient de faire à vn Roy: & s'excuseroit de la défiance
 qu'il luy auoit enuoyee: & diroit ainsi, Monseigneur, il est bien verité qu'une lettre, seel-
 lee deffous mon seel, fut vne fois enuoyee & portee en France, & vint à la congnoissance
 de vous: en laquelle lettre sont escrites & contenues défiāces, appartenans à vous & à vo-
 stre Royaume, avec parolles impetueuses & deraisonnables, & hors du droit stille & vsa-
 ge, que Princes & Seigneurs ont à défier l'un l'autre. Lesquelles ie n'auoue pas: ne que de
 ma bouche soit issue, ne de commandement mien, parolle nulle, en amendrissant ny en
 diffamant vostre nom & Seigneurie. Or, que ceste excusance soit veritable & mise hors
 de villaine suspicion, auint que pour les grans alliances & seruices, que nous auons à no-
 stre tref-redouté Seigneur, le Roy d'Angleterre, à la requeste de luy, & de son Conseil,
 nous enuoyasmes en Angleterre quatre de noz Cheualiers: & leur baillasmes nostre seel,
 pour sceller ce, dont ils seroient requis. A eux en fut, non à moy, de l'escire & du sceller,
 car ie ne sauoye, n'oncques ne seu, auant la lettre scelee, quelle chose estoit dedans con-
 tenue. Si vous plaist que ceste excusance vaille, car elle est veritable. Quant au reste, onc-
 ques du serment ne de l'alliance de mon trefredouté Seigneur, Mōseigneur le Roy d'An-
 gleterre, ie ne me vueil oster: ne departir n'aller à l'encontre de ce qu'il me commandera,
 que ie ne puisse bien, à sa requeste & commandement, défier vous & autrui, quand il luy
 plaira, & semons en seray: excepté mon naturel Seigneur le Roy d'Allemagne, car tout
 ce ay-ie de serment enuers luy, fait de bouche, ouurant & parlant de main mise. Mais pour
 l'honneur de vous, en considerant & recompensant les peines & les traux que vous a-
 neez eus pour venir iusques cy, pour sauoir le fond & la verité de la défiance, ie vous iure-
 ray, & le sermēt ie vous tiēdray, que iamais ie ne vous guerroyeray, ne défieray, que vous
 n'en soyiez signifié vn an deuāt. Et Mōseigneur, il vous suffise. A ces parolles respondit le
 Duc de Guerles: Tout ce feray i'assez bien & volontiers. Il n'y a rien de deshonneur ne
 blasme pour moy, à mon semblant. Sur cest estat & traité, que ie vous dy, & ay ici com-
 mencé à traiter, se departit le Duc de Iulliers de son fils le Duc de Guerles: & aussi fit
 l'Archeuesque de Coulongne: s'en retournerent en Iulliers, & vindrent à Endesker. Quād
 temps & lieu fut, ils allerēt deuers le Roy de France: & luy remōstrerent tous les poincts
 & articles cy-dessus-nommés: & dirent bien au Roy & à ses oncles (à fin qu'on l'auisast des-
 fus) que du Duc de Guerles on n'auroit autre chose. Le Roy de France desiroit trop fort
 à veoir ce Duc de Guerles, son cousin: pource qu'il leur auoit donné tant de peine. Si sen-
 clinoit assez à ces traittés. Le Duc de Bourgongne vouloit aussi que Madame de Brabāt
 & son pays demourast en son estat. Si prenoit pres, que ce traité fust ouy & tenu, & que
 le Duc de Guerles, sur le moyen qui mis estoit, venist auant. Si ne conseilloit point le con-
 traire. Aussi vne chose, faibit à raisonner. L'Yuer approchoit fort. Les nuicts deuenoient
 longues & froides. Les Seigneurs de France estoient informés que Guerles n'estoit pas
 vn pays à arrester en temps d'yuer: & aussi tous les iours on leur rapportoit qu'ils perdoierēt

Menaces du Duc de Iulliers au Duc de Guerles, son fils: auxquelles il flechit

Forme de l'excuse, que feroit le Duc de Gueldres au Roy Charles sixième, sur sa défiance.

Le Duc de Gueldres gagné à faire son excuse, suyuant la forme prescrite.

Excuse du Duc de Gueldres, en personne deuant le Roy: qui s'en contente.

Excuse du Duc de Gueldres, de ne pouuoir faire de liurer les prisonniers François que pouuoient tenir ses gens.

Congé au Duc de Gueldres, & de part du Roy vers France.

de leurs gés, Cheualiers & Escuyers, par ces Linfars: qui faisoient embusches sur eux. Tant fut allé, demené, & parlementé, que les choses cheurent à accord: & approcha le Duc de Guerles: & l'amena le Duc de Iulliers son pere, le Duc de Lorraine son cousin, & l'Archeuesque de Coulongne, en la tente du Roy de France. Là estoient ses trois oncles, & son frere le Duc de Touraine, le Duc de Bar, le Comte de la Marche, le Comte de Saint Pol le Comte Dauphin d'Auuergne, le Sire de Coucy & le Connestable de France: & là se meit à genoux, deuant le Roy, le Duc de Guerles, mais il me fut dit que le Roy le fit leuer (ie n'en say riens: fors par ceux, qui m'en ont informé) & que vaillamment & sagement, pour la défiance de quoy il estoit là venu, en la forme dessusdite il s'excusa: & tint le Roy son excusance à bonne: & de rechef il iura, que si iamais il vouloit défiér le Roy de France, ne le Royaume guerroyer, il leur signifieroit vn an deuant: & demoureroit le pays de Guerles & de Brabant en leur estat: & qui plus y auoit mis, plus y auoit perdu. Ainsi se porterent les ordonnances: & soupale le Duc de Guerles, delez le Roy, à sa table. Si vous dy qu'il fut moult regardé, pour la cause qui leur auoit tant donné de peine. De toutes ces deuises, ordonnances, conuenances, & assurance de pais, lettres furent leuës escriptes, & seellées: & apres toutes ces choses faites & mises auant en leur estat, ces Seigneurs prirent congé, mais auant le departement, le Duc de Guerles demanda que ses prisonniers, qui auoient esté pris des François par ceste guerre, il eust quittes & deliures. Il les eut: & furent rendus en la maniere qu'il les auoit demandez. Aussi le Roy luy demanda que tous les prisonniers de ses gens, qu'ils tenoient & auoient pris de ce voyage, il les voufist rendre & deliurer. Le Duc de Guerles les excusa: & dit. Monseigneur, ce ne peut faire, le suis vn pource homme: & quand ie senti vostre venue, ie me fortifiay, au mieux que ie peu, de Cheualiers d'outre le Rin, & d'autres: & leur eu en conuenant que tout le conquest, qu'ils feroient en celle guerre, leur demourroit. Si ne leur puis tollir ce, que ie leur ay donné, ne nulle puissance ne pouuoir n'en ay: & si de rigueur ie vouloye vser, ils me feroient guerre. Il vous plaise que ce se passe, car ie n'y puis remédier. Le Roy veit bié que il n'en auroit autre chose. Si s'en souffrit à tant: & imagina que c'est grande chose & renommée de luy, & de son Royaume: & q moult peut faire de gens pources riches. Si se teut, & passa outre: & ne releua point la parole. Au departement, & au congé prendre, se contentoient assez l'un de l'autre. Adoncques fut ordonné du déloger & du retraire, & de chacun retourner, dont il estoit party: & fut dit que le Roy de France seroit le iour de la Toussaints en la cité de Reims: & là feroit sa feste: dont se délogerent toutes gens, & se meirent au retour. Or vous diray, vn petit, de l'armee de mer des Anglois.

Comment le Comte d'Arondel & les Cheualiers d'Angleterre, qui se tenoyent sur mer, par force de vent vindrent à la Palice, pres de la Rochelle: comment messire Louis de Sancerre, en estant auerty par les Rochellois, les poursuivit pour-neant par mer: & comment le Duc de Lanclastre conclud le mariage de sa fille avecques l'Infant de Castille.

CHAP. CXXXV.

Le Comte d'Arondel, avecques peu de vaisseaux, est poussé pres la Rochelle par force de vent: & arresté au haur de la Palice

EN ce temps que le Roy de France estoit en Guerles, & deuant aussi, & depuis, se tenoit sur mer le Roy d'Angleterre, ou son armée: de laquelle le Comte d'Arondel estoit souuerain Capitaine: & venoient vne fois amont, l'autre aual (ainsi que les vent les demenoit) & tousiours, contre la Saint-Remy & la Toussaints, volontiers fait fort réps & des vents perilleux sur la mer. Encores en fit il adonc vn tresgrand: qui se bouta entre la nauie d'Angleterre, & tellement, qu'il les éperdit l'un de l'autre durement: & n'y auoit si hardy marinier, qui ne fust tout ébahy du grand vent qu'il faisoit: & tant, qu'il conuint par force, ou pis auoir, prendre terre & port. Le Comte d'Arondel, luy vingt & septiesme de vaisseaux, à deux petites lieuës de la Rochelle, en vn haure, qu'on dit la Palice, ancrent: & s'arrestèrent là, (vousissent ou non) & auoient le vent de mer si fort sur eux, qu'ils ne pouuoient partir. Quand les nouvelles en furent venues à la Rochelle, si se douterent de premier les Rochellois, que les Anglois veinssent là pour leur porter dommage: & cloirent leurs portes: & se tindrent là sans partir: & y furent bien vn iour & demy. Or vindrent autres nouvelles aux Rochellois, de ceux de la Palice, que les Anglois n'estoient pas vingt & deux vaisseaux, & que grand vent & fortune de mer les auoit là boutez, & ne tiroient, fors qu'au partir: & toutesfois le Comte d'Arondel, messire Henry de Beaumont, messire Guillaume Helmen, & plus de trente Cheualiers d'Angleterre, estoient là. Si se conseillèrent les Rochellois quelle chose ils feroient. Tout considéré, dirét qu'ils ne s'ac-

ne s'acquitteroient pas bien, fils ne les alloient ecaroucher. En ce temps seoit, deuant le chastel de Bouteuille, messire Louis de Sancerre, Marechal de France: & auoit enclos Guillaume de Sainte foy, Gascon, à tout grande Cheualerie de Poictou, de Xainctonge, de Perigourd, de la Rochelle & des basses marches (car tous n'estoient pas allez en Allemagne avec le Roy de France) & messire Louis estoit Regard & souuerain Capitaine de toutes les frontieres, mouuantes de Montpeslier iusqu'à la Rochelle, tant que le Sire de Coucy fust retourné du voyage d'Allemagne. Si auiserent les Rochellois qu'ils signifieroient tout ce à messire Louis: ainsi qu'ils le firent. Si tost qu'il le seut, il en fut tout réiouy, & manda à ceux de la Rochelle, qu'ils armaissent six ou huit gallées, & missent dedans de leurs gens, car il viendrait combattre les Anglois. Ils le firent. Messire Louis se departit de son siege: & le rompit pour celle besongne, car auis luy estoit que de combattre le Côte d'Arondel, & les Cheualiers d'Angleterre (qui là estoient à l'ancre) estoit plus honorable & plus profitable, que tenir le siege, car tousiours y pouuoit il bien recouurer. Si s'en vint à la Rochelle: & toutes manieres de gens, Cheualiers & Escuyers, le suiuoient. Je ne say par quelle inspiration ce fut: mais le Comte d'Arondel à la Palice fut informé, que le Marechal de France, à toute puissance de Cheualiers & Escuyers, le venoit combattre. Ces nouuelles ne furent pas trop plaisantes au Comte d'Arondel. D'auenture le vent estoit assez auale, & les ondes de mer assez aualees. Le Comte tantost fit desancrer ses nefes: & prit la mer si à point, que s'il enst plus attendu, il eust là esté enclos au haur, & là pris, & toute sa nauie: ne ià n'en fust échapé pié. Sur ce point veez cy venir les gallées de la Rochelle: qui vindrent sur la mer, armées & appareillées, & pourueues de canons & d'artilleries: & venoient droit à la Palice, Si trouuerent les Anglois desancrez & s'en alloient. Si les poursuyirent, ainsi que deux lieues en mer: & les conuoyerent de canons. Toutesfois ils ne les oferent longuemēt poursuyuir, pour les embusches de mer. Si les laisserent aller, & retournerent. Mais le Marechal de France fut moult courroucé sur ceux de la Rochelle, de ce que si tard ils luy auoient signifié la venue des Anglois. Le Comte d'Arondel prit le chemin de la mer, pour venir à Bordeaux par la Garonne, & le siege de Bouteuille se dérompit, car Guillónet de Sainte-Foy se pourueut de tout point endementiers que messire Louis de Sancerre vint à la Rochelle & à la Palice, pour vouloir (comme il est) combattre les Anglois. Or retournons vn petit à parler du Duc de Lanclastre, & des traittez qu'il auoit aux Espaignols, & aussi au Duc de Berry, pour le mariage de sa fille. Le Roy de Castille y entendoit pour son fils, & pour venir à paix aux Anglois. Le Duc de Berry y entendoit pour luy, car trop grand desit auoit de luy marier. Le Duc de Lanclastre, comme sage & imaginatif, veoit que plus profitable luy estoit & à l'Angleterre, au Roy de Castille: qu'au Duc de Berry. Car parmi tant, il recouurerait l'héritage de Castille, au temps auenir, pour sa fille: & fil donnoit par mariage sa fille au Duc de Berry, & le Duc de Berry mouroit, sa fille seroit vne poure femme, au regard des autres Dames, car le Duc de Berri de son premier mariage auoit des enfans, qui emporteroient le profit. Aussi la Duchesse de Lanclastre du tout s'enclinoit au fils du Roy de Castille: dont il auint, quand messire Helion de Lignac se fut parri du Duc de Lanclastre, & mis au retour deuers ls Duc de Berri (qui estoit en Allemagne) les traitteurs & les Procureurs, qui le mariage demenoient, se traitent auant, de par le Roy de Castille, Ceux furent recueillis, & ouïs, & acceptées leur parolles: & fut le mariage enconuenancé, & iuré, de Catherine de Lanclastre au fils au Roy de Castille: & furent lettres & instrumens publiques pris de toutes les conuenances & obligations sans nul retour de rapel, ne de repentaille: & parmi tant, la Duchesse Constance de Lanclastre (quand ses besongnes seroient assez ordonnees) deuoit sa fille mener en Castille.

*Oportu departt
du Comte d'Ar
rondel, hors du
haur de la Pa
lice, estant en
vain poursuiui
par le Maref-
chal de Sancer
re, & par les
Rochellois.*

*Accord du ma
riage de l'en-
fant de Castil-
le avec Cathé-
rine de Lan-
clastre.*

Comment estant encores le Roy Charles sur les frontieres de Iulliers, quelques pillars Alemans se getterent par vne nuit, sur vne partie de son camp, y prenans plusieurs prisonniers: comme le Roy, entrant au 21. de son aage, eut luy mesme le gouvernement de son Royaume, & comment, sachant la conclusion du mariage de Castille & de Lanclastre, enuoya vers le Roy d'Espagne, pour luy remonstrer de ne faire nulles alliances à son préiudice.

CHAP. CXXXIIII,

ENcores estoit le Roy de France en Iulliers, ou sur les frontieres. Vous sauez (comme icy dessus est contenu) comment les conuenances & ordonnances se porterent entre le Roy de France & les Ducs de Iulliers & de Guerles, & sur quel estat le departement

fut fait. Toutes gens se meirent au retour, & auint que, sur les frontieres d'Allemaingne & le departement des terres, vne nuict, qu'il faisoit moult cler de la lune, enuiron la mi-nuict vindrent Allemans, robeurs & pillars: qui ne tenoient, ne faisoient, ne tréue ne paix: mais vouloient tousiours aller à l'auantage, & estoient des gés, & deffous le Seigneur de Blanquenemen, & de messire Pierre de Cronebech. Ceux s'en vindrent, moult bien mōtez, auiser en l'ost, ou ils feroient le mieux leur profit: & passerent parmy le logis du Vicomte de Meaux: & le trouuerent, & ses gens, en bon conuenant. Ils passerēt outre, puis retournerent, & sans sonner mot, allant & retournant: & se trairent là ou ils auoient leur embusche: & recorderent ce qu'ils auoient trouué. Assez tost apres auint qu'une grande route d'Allemans, pillars, vint: & se bouta dedans le logis des François, sur leur auantage: & en ruerent ius ie ne say quants (qu'ils trouuerent à la découuerte) & prirent quatorze Hommes-d'armes. La furent pris le Sire de la Viéuille, & le Sire de Montkrel, des ennemis. Ceste auenture eurent celle nuit, pour faire poure guet, & par mauuais gouuernement & conduite. Lendemain, quand les nouuelles furent seuës du Seigneur de la Viéuille & du Seigneur de Montbarel, qu'ils estoient pris, en furent courroucez tous ceux, ausquels la cognoissance en vint: & l'ordonnerent depuis plus sagement. Quand le Roy se departit de Iulliers & il se meit au retour, nul ne demoura derriere: & vindrent toutes les garnisons, messire Guillaume de la Trimouille & messire Seruais de Merande, & tous les autres: & se trairent les Brabançons en leurs lieux. Sur le chemin, & au retour, fut ordonné, par grande deliberation de Conseil, que le Roy de France (qui estoit en gouuernement de ses oncles, & auoit esté depuis le Roy son pere mort) prendroit le gouuernement & la charge de son Royaume, & s'en deporteroient ses oncles: qui auoient bien à quoy entendre ailleurs. Là auoit il 20. ans accomplis: & entroit au 21. an. Ceste chose

*Surprise de
quelque partie
du cap du Roy,
par pillars Al-
lemans, sur son
depart de Guel-
dres.*

*Le Roy Charles
sixieme entre
luy mesme au
gouuernement
de son Royaume
sur le 21. an de
son age, au re-
tour de Guel-
dres.*

*Mescontentement
des François
contre le Roy de
Castille, pour le
mariage de son
fils et de la fil-
le de Lancastre.*

fut seuë, & publiée à chacun, si sembla à chacun bōne & raisonnable. Il me semble que le Roy fut à Reims le iour de la Toussaincts: & là tint sa feste, & ses oncles & son frere delez luy, & là vint la premiere cognoissance aux Seigneurs, que le Roy de Castille & le Duc de Lancastre auoient ensemble paix, & que le mariage se faisoit de la fille au Duc de Lancastre au fils du Roy Iehan de Castille. Le Roy de France en gengla & en gaba son oncle, le Duc de Berry: & luy dit, Bel oncle, vous auez failly à vostre entente, vn autre vous depesche de la femme, que vous deuiez auoir. Quelle chose en dites vous? que vous en dit le courage? Le Duc de Berry respondit: & dit moult bien, Monseigneur, si i'ay failly là, i'adreceray ailleurs. Or commencerent à murmurer les François: & parler sur ce mariage, & à dire que point ne se faisoit sans grandes alliances, & que c'estoit vne chose moult préiudiciable, & qui au temps auenir pourroit trop grandement toucher, par plusieurs incidences, au Royaume de France, car (comme disoient ceux, qui en parloyent, & qui iusques au fond de la besongne venoient) si Angleterre, Castille, & Portugal, estoient d'un accord & d'une alliance, ces trois Royaumes, par mer & par terre, feroient, ou pourroient faire & donner, guerre, au Royaume de France. Ce seroit bon que le Roy en uoyast, & pourueust que ce mechant Roy d'Espaigne (qui l'accorde & allie maintenant à vn homme mort, car le Duc de Lancastre n'auoit point de puissance, ne gens) ne fist nuls traittez, ne nuls accords, sans le Conseil du Roy de France: & autrement il le faisoit, le Roy luy mandast bien, qu'il le feroit aussi petit varlet, comme il'auoit faict grand Seigneur. Aussi n'a il maintenant à quoy entendre. Si nous viendrait ceste guerre de Castille bien à point, & boutast ce méchât Roy, fils d'un bastard, hors du Royaume de Castille: & le donnast à son frere, le Duc de Touraine: qui n'a pas de present trop grand héritage. Il le gouuernerait & garderait bien & sagement. Mais comment a il osé faire nul traité de paix, ne d'accord, ne d'alliance, au Duc de Lancastre, sans le seu & consentement du Roy de France? qui tant l'a prisé, aidé, honoré, & auancé, qu'il eust perdu son Royaume: se la puissance & le sang de France n'eust esté. Il marchande bien, & ià a marchandé (mais qu'il soit ainsi, comme on dit) de luy honnir & deserter: & pour Dieu, qu'il se deliure de luy remōstrer, & par hōme si croiable, qu'il cognoisse qu'il a mal-fait. Tant se multiplierent ces parolles, en imaginant & considerant toutes raisons, que les oncles du Roy, & le Roy de France & son Conseil, se meirent ensemble: & eurent conseil & arrest sur ces nouuelles, pour enuoyer en Castille, deuers le Roy Iehan, en luy remonstrant & disant, de par le Roy de France, qu'il auisast & regardast bien à ses besongnes, & qu'il ne fust tel, ne si osé, qu'il fist nul traité n'alliance aux Anglois, n'au Duc de Lancastre, qui en riens fust préiudiciable à la couronne, n'au Roy de France: & fil le faisoit, n'auoit

fait,

fait, n'en pensée de faire, qu'il fust tout seur que la puissance de France le reculeroit de rât ou plus, qu'elle l'auoit auancé: & n'entendrait le Roy de France (c'est assauoir le Roy & les François) à autre chose, tant qu'ils l'auoient destruit. Or fut auisé & regardé, par grande deliberation de Conseil, qui feroit ce message: & fut dit qu'il y conuenoit homme hardy, & bien enlangagé (qui sagement & vaillamment remonstroit la parole du Roy) & qu'on n'auoit que faire d'y enuoyer simplement, ny vn simple homme. On en nomma trois: le Seigneur de Coucy, messire Iehan de Vienne, Admiral de France, & messire Guy de la Trimouille, & de ces trois prendre l'un il suffiroit, pour aller en Castille fournir ce voyage & message. Tout considéré, fut arrêté que messire Iehan de Vienne le feroit: & chemineroit en Espagne. Si luy fut dit du Roy, & de son Conseil. Admiral, ordonnez vous, & apprestez, vous ferez ce voyage: & ne porterez autres lettres presentement au Roy de Castille, fors de creance. C'est assez vous estes assez informé de la matiere, sur quoy & comment on vous enuoye là: & dites bien à ce Roy d'Espaigne qu'il auise, ou face auiser, & qu'il lise, ou face lire, les alliances, ordonnances, & promesses, iurées & sellées, qu'il a de nous, & nous de luy: & retenez bien toutes les responses, qu'il vous fera, ne son Conseil: parquoy sur icelles nous nous puissions fonder & regler de raisons. L'Admiral respondit volontiers. Depuis ne demoura mie l'Admiral de France à Paris long terme, que toutes ses besongnes furent prestes. Si prit congé du Roy & de ses oncles: & se partit: & prit le chemin de Bourgongne, car il vouloit aller par Auignon, veoir le Pape, & son frere: ainsi qu'il fit. Nous nous souffrirons vn petit à parler de luy: & parlerons de Geoffroy Testenoire, & du siege qui estoit deuant Ventadour, ou dedans on l'auoit enclos. Mais auant encores parlerons nous du Duc de Berry: qui si grand talent auoit de luy marier, qu'il le monstra en l'année, car il eut vne femme: & si vous diray quelle, & ou il se maria.

Despesche de l'Admiral de France, pour aller en Castille Ambassadeur pour le Roy Charles, sur l'alliance ancienne de France et d'Espagne.

Comment le Duc Iehan de Berry, oncle du Roy, ayant failly au mariage de la fille de Lanclastre, enuoya vers le Comte de Foix, pour auoir la fille du Comte de Boulongne, qu'il nourrissoit & gardoit.

CHAP. CXXXV.

Q Vand le Duc de Berry veit qu'il auoit failly à la fille du Duc de Lanclastre, il fut informé & auisé que le Côte de Boulongne auoit vne belle fille (qui s'appelloit Iehanne) fille de Madame Helienor de Comminges: mais elle n'estoit pas delez le pere, ne la mere: ainçois estoit au pays de Bearn, delez le Comte de Foix, son grand amy & cousin: lequel Comte l'auoit nourrie, élevée, & gardée bien-doucement, & nettemēt traitée, l'espace de plus de neuf ans, en son chastel à Ortai: & gouuernoit tout son estat, qu'onques pere ne mere, qu'elle eust (puis que le gentil Comte la prit en garde & en nourrisson) n'y auoit riens mis: ne la Damoiselle n'auoit à nulluy riens cousté, fors au Comte de Foix. Si auoit esté par plusieurs requis & prié de son mariage: mais il n'y auoit voulu entendre: & respondit à ceux, qui luy en parloient, que la Damoiselle estoit encores trop ieune: & par especial messire Bernard, frere du Comte d'Armignac, en auoit fait prier & parler par plusieurs fois: & promettoit, que s'il l'auoit par mariage, la guerre seroit finie entre eux & luy du chalange de la terre de Bearn, & nonobstant toutes ces promesses, le Comte n'en fit compte: & respondit que sa cousine estoit trop ieune, mais il disoit autre chose à ses gés: ainsi comme me dit messire Espaen du Lion. Ceux d'Armignac me veulent bien tenir pour beste: quand ils me requierent de mon dommage. Si ie leur donnoye ma cousine, ie les renforceroye, & si m'afoblireroye. Ià tiennent ils de force, & non de droit, la Comté de Comminges: qui est héritage de par sa mere, & sa tante, ma cousine de Boulongne. Ie vueil bien qu'ils sachent que ie ne la marieray ià en lieu, fors si fort & si puissant, qu'ils en seront tenus en guerre pour son héritage de Comminges, car il n'auoit de present à respondre, fors qu'à vn homme mort, le Côte de Boulongne, son pere. Dont il estoit auenu que, quand le Comte d'Armignac & messire Bernard son frere veirent qu'ils n'y pouuoient venir venant leur ante, Madame de Berry, ils en auoient parlé au Duc de Berry, & que ce seroit vn beau mariage pour Iehan de Berry son fils: dont le Duc auoit enuoyé suffisans messagers en Bearn, deuers le Comte de Foix, en priant, & tous mal-talens mis ius & pardonnez, qu'au temps passé auoient eus ensemble, il peust auoir la Damoiselle de Boulongne pour Iehan son fils, à cause de mariage: & que le Comte de Boulongne, pere de la Damoiselle, le vouloit, accordoit, & s'y assentoit. Le Comte de Foix auoit fait bonne chere aux Ambassadeurs: mais il festoit excusé: & disoit qu'elle estoit trop ieune: & aussi (quand la Côtresse de Boulongne, sa cousine, la luy bailla & deliura, & meit en garde

Ce que disoit le Comte de Foix à ses priuez, quand Bernard d'Armignac luy demandoit sa cousine de Boulongne en mariage.

*Le Duc de Berry
escriit au Comte
de Foix, pour
auoir de luy la
fille de Boulon-
gne en mariage*

& en charge) elle luy auoit fait iurer, que sans son feu, il ne la marieroit ià, en lieu qui fust Si vouloit tenir son serment, & de l'enfreindre nul ne le deuoit requerre: & ceste excuse mettoit auant le Côte de Foix, car il sauoit bien que sa cousine de Cōminges (qui se tenoit au Royaume d'Arragō, delez le Comte d'Urguel, son frere) à nul de ceux d'Armignac elle point ne l'accorderoit. Parquoy les Ambassadeurs du Duc de Berry retournerent adonc, sans riens faire: & en l'absence d'eux, le Comte de Foix auoit dit (si comme dit messire Espaeng du Lion) Le Duc de Berry & son Conseil me veulent bien tenir pour beste & ignorant: quand il veut que ie renforce mes ennemis. Ichā de Berry est cousin germain à mes auersaires d'Armignac. Ce marché ne feroye iamais. Je la marieroye auant en Angleterre (& ià en a on parlé) à messire Henry de Lanclastre, Côte d'Erby, & fils au Duc de Lanclastre. Si ie ne cuydoye trop fort courroucer le Roy de Frāce, nul autre n'y viēdroit, fors luy. Encores ne say ie quelle chose i'en feray: car auāt la marieroye ie lā à ma plaissance, que nul de ceux d'Armignac l'eust à ma déplaisance: & à moy en est du faire, ou du laisser, ie n'ay que faire m'en melācolier, ne soucier. Quand le Duc de Berry feut de verité, que le Duc de Lāclastre marioit sa fille au fils du Roy de Castille, & que ce mariage en nulle maniere il ne le pouuoit rompre ne briser, qu'il ne se fust, si fut cinq ou six iours fort penstif, & tant que les plus prochains de luy luy demanderent quelle chose il auoit. Il s'en decouurit à eux: & leur dit son intention. Dont luy dirent ceux de son Conseil, Sire, si vous auez failly à la fille du Duc de Lanclastre, vous pouuez bien recouurer ailleurs, & en fille de grand Seigneur, & taillée d'estre grande héritiere au tēps auenir: mais pour le present elle est encores trop ieune vn peu, contre vostre aage. Je ne say si pour ceste cause le Comte de Foix (qui l'a en garde) la vous refusera. Est-ce la fille au Comte de Boulongne? dit le Duc de Berry. Ouy, Monseigneur, respondirēt ceux de son Conseil. En nom Dieu (respondit le Duc) il y faudra essayer. Depuis ne demoura gueres de temps, qu'il escriuit au Comte de Foix, en luy signifiant moult doucement & moult honnorablement, qu'il luy enuoyeroit quatre Cheualiers especiaux, & grans Seigneurs (tels comme le Comte de Sancerre, le Sire de la Riuiere, messire Guy de la Trimouille, & le Vicomte d'Assy) & ces quatre seroiēt si forts & si seurs, pour traiter du mariage de luy à la fille de Boulongne (qu'il auoit en garde) que bien luy deueroit suffire: mais que ce fust sa plaissance: & prioit en ses lettres, au Comte de Foix, que sur ce il voulsist rescrire son intention: parquoy ses gens ne se trauaillassent pas en vain, ny ne perdissent leur peine. Le Comte de Foix recueillit les messagers, qui ces lettres de traittez à entamer apportèrent, moult liement: & rescriuit, par ceux mesmes, au Duc de Berry, que de ses nouvelles il estoit tout réiouy: & qu'il estoit appareillé de recueillir (fust en Foix, ou en Bearn) les Cheualiers dessus-nommez: mais qu'il eust l'accord du Comte de Boulongne, & de la Comtesse. Quand le Duc de Berry, au retour de ses messagers, ouit ces nouvelles, il fut tout réiouy: & exploita tout cest Yuer, puis à l'un, puis à l'autre, pour auenir, sur l'Esté à ce mariage. Si ne se firent pas les besongnes si tost, car bien sauoit le Duc de Berry, que le Comte de Foix n'estoit pas vn homme leger à entamer, & qu'il auroit moult de parolles retournées, auant que tous les proces fussent conclus. Si voulut sagement ouurer de ses besongnes, & enuoya especiaux messagers deuers le Pape Clemēt: qui cousin estoit mout prochain de la Damoiselle de Boulongne. Lequel Pape fut moult réiouy, quand il feut que sa cousine pouuoit estre si hautement mariée, comme au Duc de Berry, oncle du Roy de France: & escriuit le Pape au Comte de Foix, en luy signifiant moult honnorablement qu'il ne voulsist pas varier aux traittez de ce mariage, car leur lignage en seroit trop refait. Le Comte de Foix receut lettres à tous lez, car bien sauoit dissimuler de telles besongnes: & tenoit toutes les parties en amour, le Pape & le Duc de Berry aussi, mais il n'y auoit si sage d'eux deux, ne de leurs Consaux, qui feust à dire quelle chose le Comte de Foix pensoit parfaitement. Nous nous souffrerons vn petit de ces besongnes: & parlerons du siège de Ventadour.

*Lettres du Pape
Clement au Comte
de Foix, en
faueur du mariage
susdit.*

Comment Geoffroy Teste-noire, ayant esté blecé par la teste en vne ecarrouche, fit quelque excès, qui le mena mourir: & du testament, qu'il fit par auant, ayant substitué deux autres Capitaines en sa place.

CHAP. CXXXVI.

Vous sauez (si comme il est contenu cy-dessus en ceste Histoire) comment messire Guillaume de Lignac, & messire Iehan Bonne lance, & plusieurs autres Cheualiers, & Escuyers d'Auuergne & de Limosin auoient assiégué le chastel de Ventadour, & Geoffroy

froy Teste noire dedans. Or est il si fort, que pour assaut, qu'on puisse faire, il n'est pas à conquerre: & par dedans il estoit pourueu de toutes choses necessaires, qu'il leur falloit pour sept ou pour huit ans: & n'eussent ils rien eu de nouuel. Les compaignons, qui deuât estoient, & qui par bastides assiegé l'auoient, venoient à la fois ecaroucher, du plus pres qu'ils pouuoient: & là, le siège pendant, il y eut faites maintes ecarouches d'armes: & y en auoit à la fois de blecez des vns, & des autres. Or auint qu'à vne ecarouche, qui y fut Geoffroy Teste noire s'auança si auant, que du trait d'une arbaleste, tout outre le bacinet & la coëffe furent percez: & fut nauré d'un carrel en la teste, tant qu'il luy en conuint gesir au liect: dont tous les compaignons en furent courroucez: & le terme, qu'il fut en tel estat, les ecarouches cesserēt. De ceste bleceure, si se fust bien gardé, il eust esté tost guery: mais mal se garda, especialement de fornication de femme: dont cher l'achēpta, car il en mourut, mais auant que la mort le prenist, il en eut bien la congnoissance: & luy fut dit qu'il s'estoit mal gardé, & qu'il estoit & gisoit en grand peril (car sa teste estoit apostumée) & qu'il voulist penser à ses besongnes, & à ses ordonnances. Il y pensa: & fit ses laiz, sur telle forme & par telle ordonnance, que ie vous diray. Tout premierement il fit venir deuant luy, & en sa presence, tous les souuerains compaignons de la garnison, & qui le plus estoient vſitez d'armes, & quand il les veit, il l'assit emmy son liect: & puis dit ainsi, Beaux Seigneurs & compaignons, ie congnoy que ie suis en grande auenture de mort. Nous auons long temps ensemble esté, & tenu bonne compaignie. Ie vous ay esté maître & loyal Capitaine à mon pouuoir: & verroye volōtiers que de mon viuant eussiez vn Capitaine, qui loyaumēt s'acquitaſt enuers vous, & gardaſt ceste forteresse, car ie la laisse pourueue de toutes choses necessaires, qui appartiennent pour vn chastel garder: de vins de viures, d'artillerie, & de toutes autres choses necessaires. Au surplus, ie vous prie que vous me disez entre vous tous, en général, si vo' auez auisé, n'eleu, Capitaine: ne Capitaines, qui vous sache, ou sachent, mener & gouverner en la forme & maniere que Gēs-d'armes auentureux doyuent estre menez & gouvernez. Car ma guerre a esté telle: & au fort ie n'auoye cure à qui. Dont sur l'ombre de la guerre & querelle du Roy d'Angleterre ie me fi informer, plus que de nul autre, car ie me suis tousiours tenu en tetre de conquest: & là se doyuent traire & tousiours trouuer compaignons auētueux, qui desirent armes, & qui desirent eux auancer. En ceste frontiere icy a bon pays & rendable: & y appendent grande foison de bons pactis: quoy qu'à present les François nous facent guerre, & tiennent siège. Mais ce n'est pas à tousiours durer. Ce siège & ces bastides rompront vn iour. Or me respondes à ce propos, dont ie vous parle, si vous auez Capitaine eleu, ne trouué, entre vous trestous. Les compaignons se teurent vn petit: & quand il veit qu'ils se taisoient, il les refreschit de douces parolles & nouuelles, en leur disant, Ie croy bien qu'en ce, que vous demande, vous auez petit pensé: & moy estant en ce liect, ay pensé pour vous. Sire (respondirent ils lors) nous le croyons bien: & il nous sera plus acceptable & agreable, se de vous vient, que de nous: & vous le nous direz, si il vous plaist. Ouy (respondit Geoffroy Teste noire) ie le vous diray & nommeray. Beaux Seigneurs (dit Geoffroy Teste noire) ie say bien que vous m'auez tousiours seruy & honoré (ainsi comme on doit son souuerain & Capitaine) & i'auroye trop plus cher (se vous l'accordez) que vous ayez Capitaine, qui descende de mon sang, que nul autre. Veez cy Alain Roux, mon cousin, & Pierre, son frere: qui sont bons Hommes-d'armes, & de mon sang. Si vous prie qu'Alain vueillez retenir à Capitaine, & luy iurer, en la presence de moy, foy, obeissance, amour, seruice, & loyauté, & aussi à son frere, mais toutesfois ie vueil que la souueraine charge soit sur Alain. Ils respondirent, Sire, volontiers: & vous l'auez bien eleu & choisi. Là fut de tous les compaignons Alain Roux sermenté: & aussi fut Pierre son frere. Quand toutes ces choses furent faites & passées, Geoffroy Teste noire parla encores: & dit. Or bien, Seigneurs, vous auez obeï à mon plaisir. Si vous en say gré: & pource ie vueil que vous partissiez à ce que vous auez aidé à conquerir. Ie vous dy qu'en cest arche, que veez là (& lors la monstra à son doy: & dit) il y a iusques à la somme de trente mille frācs. Si en vueil ordonner, donner, & laisser à ma conscience: & vous accomplirez loyaumēt mon testament. Dites ouy. Et ils respondirent tous, Sire ouy. Tout premierement (dit Geoffroy) ie laisse à la chapelle Saint George (qui sied au clos de ceans) pour les reparatiōs & reedificatiōs, mille & cinq cens frans. En apres à m'amie qui loyaumēt m'a seruy, deux mil cinq cens frācs. En apres à Alain Roux, vostre Capitaine, quatre mille frans. Item à mes varlets de chambre cinq cens frans. A mes officiers,

*Parolles de
Geoffroy Teste-
noire à ses com-
paignons, estāt au
liect de la mort.*

*Nouveaux Ca-
pitaines baillés
aux cōpaignons
de Fétadour par
Geoffroy Teste-
noire.*

*Testament de
Geoffroy Teste-
noire.*

Trepas & sepulture de Geoffroy Teste noire Capitaine de Ventadour. † Entendez du parti Francois

mil & cinq cens francs. Item le surplus ie laisse & done ainsi comme ie vous diray. Vous estes (comme il me semble) enuiron trente compaignons d'un fait & d'une emprise: & deuez estre freres, & d'une alliance, sans debat & riotte, n'estrif, entre vous. Tout ce, que ie vous ay dit, vous trouuerez en l'arche: Si departez entre vous trente le surplus bellement & si vous ne pouuez estre d'accord & que le Diable se mette entre vous, veez la vne hache, bonne & forte, & bien trenchant, rompez l'arche: & puis en ayt, qui auoir en pourra. A ces mots ils respondirent tous: & dirent, Sire, & maistre, nous serons bien d'accord. Nous vous auons tant douté & aimé, que nous ne romprons mie l'arche: ny ne briserons ià chose, que vous ayez ordonnée & commandée. Ainsi, que ie vous compte, fut du testament Geoffroy Teste-noire: & ne vesquit depuis, que deux iours: & fut enseueuly en la chappelle de Saint-George de Ventadour. Tout son laiz fut accomply, & les trente mille francs departis à chacun, ainsi que dit & ordonné l'auoit: & demourerent Capitaines de Ventadour Alain Roux & Pierre Roux freres. Pour ce ne se leuerent pas les bastides, qui se renoient à lenuiron: ne les écarouches ne laisserent à se faire moult souuent. Toutesfois de la mort Geoffroy Teste-noire (quand les compaignons d'Auuergne & de Limosin le seurent, Cheualiers & Escuyers) ils en furent † tous réiours: & ne douterent pas tât le demourant, car il auoit esté en son temps trop douté, & grand Capitaine, pour sagement fauoir guerroyer, & tenir garnisons. Or reuenon au Duc de Guerles aussi vn petit: & compton quelle chose luy auint en celle saison. I'en vueil vn petit parler: pourtant qu'il m'a ensongné icy dessus à traiter de ses besongnes, & qu'il fit le Roy de France, ses oncles, son frere, & les Nobles de France, venir si auant, que iusques à l'entrée de son pays, & bellement se porta entre eux, car il se partit de celle guerre, à petit de son dommage.

Comment le Duc de Guerles fut fait prisonnier en allant en Puce, & comment, ayant esté deliuré par les Cheualiers de Puce, neantmoins alla puis apres retrouver son Maistre, pour garder sa foy.

CHAP. CXXXVII.

Le Duc de Guerles & ses gens deuallisez & faits prisonniers en allant en Puce.

Quand le Duc de Guerles veit que toutes Gens-d'armes s'estoient retraits, & qu'il n'estoit plus nulles nouuelles, & estoit appaisé à la Duchesse de Brabât & à tous ses enemis (parmi la composition & ordonnances, qui faites estoient telles, qu'il deuoit rendre la ville de Grane sur certains points & articles, qui ordonnez estoient entre le Duc de Bourgongne, la Duchesse de Brabant, & luy & s'en deuoit cōclurre & determiner dedans l'an ensuyuant) il regarda que, pour employer son temps (car non plus ne sauoit il riens que faire en son hostel) il s'en iroit en Puce. Si ordonna ses besongnes: & s'accointa & accompaigna de Cheualiers & Escuyers de son pays, & d'ailleurs aussi: & se meit au chemin, pour faire ce voyage, enuiron † les Octaues Saint-Martin: & cheuaucha parmi Allemagne: & par tout ou il venoit, & ou il passoit, on luy faisoit bone chere: & tant alla, & si auant, qu'il vint en la terre de Puce. Ne say par quelle incidence il auint: mais on fit vn guet sur luy, par les champs, & sur ses gens: & luy vindrent courir sur Gens-d'armes (dont point ne se doutoit) & le ruerent ius, & tous les siens: & perdirent tous leurs cheuaux, armures, vaisselle, or, & argent: & furent menez tous prisonniers à vne ville: & fiancerent chacun, qui taillé estoit de ce faire, foy, prison, & sermēt, enuers ceux, qui les ruerent ius, & par especial le Duc de Guerles fiança prison, par foy, obligation, & serment, enuers vn Escuyer, qui s'appelloit Arurant (son surnom ne say-ie pas) & furent le Duc de Guerles & ses gens menez en vne forte ville, en la terre du Duc de Stulpe: non que le Duc personnellement y fust. De cela ne fu ie pas informé si auant. Quand les haux Maistres de Puce entendirent ces nouuelles, que le Duc de Guerles sur son chemin, en là venant, auoit esté rué ius, si en furent durement courroucez: & dirent que la chose n'en demourroit pas ainsi, & que trop à grand blasme leur tourneroit celle emprise. Si firent tantost leur mandement grand: & s'en partirent de Cammisberge, & s'en vindrent, à effort de Gens-d'armes deuers la ville, ou le chastel, là ou on tenoit en prison le Duc de Guerles. Quand cest Escuyer, qui son Maistre estoit, fut informé de ceste cheuauchée, si se douta, & s'auisa qu'il ne se tiendrait point en ce chastel: mais se departiroit, car trop mal luy iroit, se repris & attrapé estoit, mais, auant son departement, il s'en vint au Duc de Guerles: & luy dit ainsi, Duc de Guerles, vous estes mon prisonnier, & ie suis vostre Maistre. Vous estes vn gentil-homme, & loyal, vous m'auez, conuenancé & iuré par foy (quelque part que ie iroye, ou voudroye aller) que vous me suyriez. Je ne say si vous auez mandé le haut

Maistre

Maistre de Puce. Il vient cy efforcement: & ne suis pas conseillé de l'attendre. Demourez, si vous voulez. L'emporte vostre foy avecques moy. Le Duc de Guerles à ces parolles ne respondit rien: & l'Escuyer monta: & se partit: & se meit en lieu & en place, fors assez. Mais à son departement il dit ainsi encores au Duc de Guerles. Vous me trouuerez en tel lieu. Si luy nomma vn chastel, fort durement, & hors du chemin. Quand il se fut de party & mis à sauueté, le haut Maistre de Puce, à tout puissance de gés, vint là ou le Duc de Guerles estoit. Nul ne luy alla au deuant, pour le deffendre. Il le deliura de là ou il estoit, & tous les gens aussi, qui là estoient: & s'il y eust trouué l'Escuyer qui pris l'auoit sans faute il l'eust mis à mort. Si s'en retournerét vers sa ville de Cammisberge: & s'y retira, & le Duc de Guerles en sa compaignie. Or vous diray qu'il auint de ceste besongne. Bien est verité qu'il en fut grans nouuelles en plusieurs pays, & especialement en Allemagne & en parla on en plusieurs manieres: & venoient à grand merueille aux Seigneurs, qui les ouirent recorder. Quand le Duc de Guerles fut venu à Cammisberge (qui deliuré auoit esté par la forme & ordonnance, que ie vous dy) & il eut pensé & imaginé sur les besongnes, & comment cest Escuyer l'auoit fiancé par foy obligée, & quelle chose il auoit dit à son departement, il fut moult emerueillé: & dit en foy-mesme que nullement il ne pouuoit veoir qu'il fust loyauté, ne s'acquitaist bien de sa foy: & dit au haut Maistre de Puce, qu'il ne vouloit là plus sejourner, ne pour chose, qu'on luy feust dire ne monstrier (fust par dispensation, absolution, n'autrement) il ne se voulut abstenir, qu'il ne se departist, de là, & mist au chemin: & s'en alla en la ville & lieu, ou son Maistre, qui pris & fiancé l'auoit, demouroit: dont toutes gens, qui en ouirent parler, luy tournerent à grande vaillance. Quand ces choses vindrent à la congnoissance de ses prochains & des Guerlois, & qu'ils veirent la volonté du Duc leur Seigneur, si traitterent de sa deliurance: & fut deliuré par le moyen de ce Duc de Stulpe: qui y rendit grande peine: & nonobstant tout ce auant que ce Duc de Stulpe consentist que le Duc de Guerles issist hors de danger, & de sa terre, il conuint qu'il iurast & seellast, que pour tousiours & à iamais, de ceste prise luy ne ses hoirs, n'homme de sa terre, ne pourroit prendre vengeance, par voye de dissimulation, n'autrement: & ainsi se departit le Duc de Guerles, mais il eut en celuy an telle auenture. Or retournerons nous à messire Iehan de Vienne, Admiral de France: & comterôs quelle chose il fit, ne cōment il parla au Roy de Castille, de par le Roy de France.

Delirance du Duc de Guerles & de ses gens par le Maistre de Puce.

Le Duc de Guerles s'acquitte enuers celuy qui pris l'auoit, retournant en sa prison.

Le Duc de Guerles deliuré par consentement de son Maistre

Comment messire Iehan de Vienne, ayant fait son ambassade au Roy de Castille, en eut response & de pesche: & cōment ce Roy & le Duc de Lancastre procederent en leurs alliances de mariages, & comment le Comte d'Arondel, avecques son armée de mer, se retira en Angleterre, après auoir fait quelque course sur la coste de Normandie.

CHAP. CXXXVII.

Tant exploita ledit Admiral de France par ses journées, qu'il entra en Castille: & demanda du Roy, & là ou on le trouueroit. On luy dit que par vsage il se tenoit volontiers à Burgues. Il cheuaucha celle part: & fit tant: qu'il y arriua. Si descendit à son logis: & se refreschit, & appareilla, pour aller au Palais du Roy. Si tost que ceux de l'hostel du Roy seurent que l'Admiral de France estoit là venu, si le recueillirent, selon l'vsage du pays, moult honnorablement, pour l'honneur & amour du Roy de France (auquel lon se sentoient grandement tenu) & fut mené en la chambre du Roy. Moult liement le receut le Roy de Castille: & lors messire Iehan de Vienne luy bailla ses lettres. Le Roy les prit, & les leut, & appella son Conseil à vne part: & furent veuës & leuës. Quand on veit que creance y auoit, on appella l'Admiral: & luy dit, on, qu'il parlast, & qu'il remonstrast ce, pourquoy il estoit là venu. Il (qui tout prest estoit) dit ainsi, par beau langage aorné, Sire Roy, & vous tous de son Conseil, le Roy de Frâce m'enuoye par-deuers vous pour cause de ce qu'il luy est venu en congnoissance, que vous mariez vostre fils à la fille du Duc de Lancastre, & vous sauez que ceste partie, ou vous vous aliez, luy est contraire & auersaire: & vient à grande merueille au Roy de France, & à son Conseil.

Arrivée de l'Admiral de Vienne en Castille, pour Ambassadeur du Roy de France.

L'Admiral de France declaire sa charge au Roy de Castille.

Comment vous pouuez recueillir, ouyr, n'entendre à nul traitté du monde, de Mariage ou autre, sans le sceu de mes trefredoutez Seigneurs le Roy nostre Sire & son conseil, car ils diēt ainsi, & est vray, qu'on ne peut marier ses enfans, sans cōiunction & alliance de grande paix & amour. Si vous mande, par moy, que vous auisez bien de faire, ou d'auoir fait, de pēser, ou d'auoir pēfé, chose aucune, qui soit préiudiciable au Roy de Frâce

*Promesse de
Propre dispo-
sition à l'Admi-
ral de France,
par le Conseil
de Castille.*

*Response du
Conseil de Ca-
stille à l'Admi-
ral de Vienne
Ambassadeur
de France.*

*Le Roy de Ca-
stille et le Duc
de Lancastre
procedent en
leur mariage
& alliance.*

*† Il arriva à
Ortais le iour
Sainte Catheri-
ne en l'ā 1388
qu'il poursuit
ici cōme il dit
au prem. cha-
de ce present
Volume.*

*Le Côte d'Ar-
rondel descen-
du en Norman-
die.*

*† Il a desja dit
quelques fois
ainsi, mais ie
doute qu'il n'y
faillie Torci.*

parquoy les obligations & alliances, qui sont iurées & seellées du Roy Henry, vostre pere, & des Prelats, Nobles, & citez de ce Royaume, ne soient en riens enfreintes ne corrompues, car s'il estoit seu, n'ouuert, vous seriez encouru en sentence de Pape, d'excommunication, & peine impardonnable, & en l'indignation du Roy & de tous les Nobles de France: & les trouueriez, avec le blasme que vous encouriez & receuriez, les plus grans ennemis. C'est la parolle du Roy de France & de son Conseil: qu'ils vous mandent. Quand le Roy de Castille & vne partie de son Conseil, qui là estoient, entendirēt & eurent ouie la parolle du Roy de France ainsi parler, & si viuement, ils furent tous ébahis: & regarderent l'un l'autre: & n'y eut oncques homme, qui releuast le mot, ne fist response. Toutesfois vn Euesque, qui là estoit, respondit: & dit ainsi. Messire Iehan, vous estes nouvellement venu en ce pays: & le Roy & nous voyons volōtiers que bien y soyez venu. Beau Sire, le Roy a bien ouy & entendu ce, que vous aiez dit & parlé. Si en auez hastiuement response, dedans vn iour ou deux, telle que vous vous en contenterez. Il fust, respondit messire Iehan de Vienne. A ces mots il prit congé du Roy & de son Cōseil, & se retrait en son hostel: & me fut dit que messire Iehan de Viēne seiourna la plus de sept iours, sans auoir response: mais estoient les choses trop dissimulées, & tant, qu'il s'en melancolia, car point ne veoit le Roy: mais se tenoit tousiours en ses chābres, sans se mōstrer. Quand messire Iehan de Vienne veit qu'il n'en auroit autre chose, il en parla à ceux du Conseil du Roy: ausquels il parloit à la fois: & dit qu'il se departiroit sans response. On se douta de ceste parolle, & qu'il ne fist ce, qu'il disoit, & de fait, il l'eust fait. Si fut vn iour appelé: & luy fut response faite sur telle forme, qu'il dit au Roy de France, & à ceux qui l'auoient la enuoyé, qu'ils ne fussent en nulle suspectiō du Roy de Castille, ne de son Cōseil, car ils n'auroient, iā, ny ne feroient iā, au Roy d'Angleterre chose, qui peust briser, n'entamer, ne chanceler, par quelque voye que ce soit, les alliances qui estoient iurées, escrites, & seellees, entre France & Castille. Mais si le Roy de Castille marioit son fils à la fille du Duc de Lancastre, & faisoit paix à luy, du costé de la chalange: que le Duc demandoit au Royaume de Castille, de par sa femme) tout son pays, generalmente, luy cōseilloit: sy assentoit, & le vouloit: & de ce ne deuoit il pas deplaire au Roy de France, n'à son conseil. Car tousiours, & en toutes choses, le Roy de Castille vouloit demourer (& aussi faisoient les gens) coniointement, par ferme ordonnance & alliance, avec & delez le Roy de France & les François. Telle fut la substance & la response, que messire Iehan de Vienne rapporta en France: & le Roy de Castille & le Duc de Lancastre procederent auant en leur mariage: & firent paix amiablement ensemble, par le moyen des traitteurs de Castille, dessus-nommez, car le Duc de Lancastre se tenoit tousiours en la marche de Bordeaux: & vint de Bayonne à Bordeaux, & la Duchesse, & leur fille: ou ils furent receus à grāde ioye (car on les desiroit au pays) & puis vint de Bordeaux à Libourne. Quand les vrayes & certaines nouuelles venues furent, & sceuēs en l'hostel du Comte de Foix, que le Roy de Castille s'accorderoit & appaisoit au Duc de Lancastre, & marioit son fils à sa fille, & luy donnoit grande terre & grand pays en Castille, & moult nombre de florins, enuiron deux cens mille nobles, si en fut le Comte moult emerueillé (car pour ce temps i'y † estoie) & dit le Comte de Foix, Ce Roy de Castille est vn grand chetif, car il a fait paix à vn homme mort, car ie say bien (dit il) que le Duc de Lancastre estoit en tel party, & en tel danger, qu'il ne se pouuoit aider. Par ma foy (dit le Comte) il y a vn sage hōme au Duc de Lancastre: & vaillamment & sagement il s'est porté de ceste guerre. Or auint qu'en uiron Noel l'armée du Comte d'Arondel (qui toute l'année f'estoit tenue sur mer, vauçant & frontenant le pays de Bretagne, de la Rochelle, de Xaintōge, & de Bordelois) s'auala en Normandie, & passa deuant Karentem: mais auant auoient ils pris terre à Cherbourg: & vouloient là faire aucunes armes au pays. De la ville & garnison de Karentem estoient gardiens, & souuerains pour ce temps, le Sire de Hambre & le Sire de † Coucy: & avec eux il y auoit grande foison de Cheualiers & Escuyers de Normandie. Quand le Comte d'Arondel, & sa route, entendit que la ville de Karentē estoit biē pour ueuē & garnie de bōs Gens-d'armes, si passerent outre, car ils venoient biē qu'à l'assaillir ils pouuoient plus perdre que gagner, & s'en vindrēt à vne autre ville, assez pres de la (qui s'appelle Thorigny) & l'assaillirent, & prirent par force, & la pillerent, & y cōquirēt moult grand auoir, & emmenerēt grande foison de prisonniers, & puis vindrent deuant la bonne ville & cité de Bayeux, & furēt iusques aux barrieres, mais point n'y assaillirent fors que d'une seule écar mouche, & passerēt les Anglois les Guez S. Clemēt, & firent moult grand

grand dommage au pays, car ils y seiournerent quinze iours, ou enuiron: ne nul ne leur ala au deuant. Si estoit le Marechal de Blainville en Normandie: mais il n'estoit pas signifié de leur venue, car fil l'eust sceu, il y eust pourueu. Quand les Anglois eurent fait leur voyage & leur emprise, & porté au pays de Normandie domage de biē cent mille frācs ils se retrairent bien & sagement: & passerent les Guez: & retournerent à Cherbourg: & meirent tout leur conquest à sauueté, & à leur nauie: & quand ils eurent vent à volonté, & leurs vaisseaux furent chargez, ils entrerent dedans: & se desancrerent: & puis prirent le parfond: & retournerēt en Angleterre: & arriuerent à Hantonne. Ainsi en celle saison se porta sur mer, & sur les bandes de mer, l'armée du Comte d'Arondel.

*Retour du Côte
d'Arondel en
Angleterre.*

*Comment messire Louis de Sancerre alla veoir le Comte de Foix à Ortais: & comment
deuant le Duc de Lanclastre: à Bordeaux, se firent faits-d'armes, de cinq François et
de cinq Anglois.*

CHAP. CXXXIX.

EN ce temps se tenoit messire Louis de Sancerre, Marechal de France, en Languedoc, en la marche de Toulouze & de Carcassonne: & sauoit bien les traittez, qui estoient faits entre le Duc de Berry & le Comte de Foix, pour le mariage de la fille au Comte de Boulongne: que le Duc de Berry vouloit auoir: quoy que la Damoiselle fust moult ieune. Si eut affection le Marechal de France d'aller veoir le Côte de Foix: & croy (selon que ie fu informé de ses gēs à Ortais, car là me trouua il enuiron Noel, quand il vint) que le Roy de France l'y enuoya. Je vous diray à quelle instance. Le Roy de Frāce, pour ce tēps estoit ieune: & volontiers trauailloit: & encor n'auoit il point esté en Languedoc: qui est vn tresgrand pays, & répli de citez, de villes & de chasteaux: & pour lors estoit tout gasté. Car le Duc de Berry & son Conseil (qui le gouuernement en auoient eu) l'auoient trop durement appouri & gasté, par tailles & par oppressions: dont les plaintes estoiet venues iusques au Roy, pour ce point qu'il estoit nouuellement entré en la domination de son Royaume: & auoit dit qu'il vouloit aller en Lāguedoc, visiter le pays, & aussi le Pape: qu'ocques il n'auoit vœu: & aussi en ce voyage il vouloit veoir le Comte de Foix: duquel il auoit tant ouy parler, pour les largesses & les vaillances de luy. Si se meit au chemin le Marechal messire Louis de Sancerre: & se partit de la cité de Toulouse, bien à cinq cens: cheuaux: & cheuaucha tant, qu'il vint à Tarbe en Bigorre: & de là à † Morelois en Bearn. Le Comte de Foix (qui estoit signifié de sa venue) en fut tout réiouy: & commanda à ses Maistres-d'hostels que sa ville d'Ortais fust tresbiē appareillée, pour l'y receuoir: car sa venue luy plaisoit trop grandement. On fit le commandement du Comte: & furent les hostels ordonnez pour ses gens. Car il descendit au chastel d'Ortais: & alla promptement le Comte de Foix à l'encontre de luy, sur les champs, à plus de trois cens cheuaux: & le recueillit grandement & liement: & fut à Ortais messire Louis de Sancerre enuiron fix iours: & là dit ledit messire Louis au Comte de Foix, que le Roy auoit grande affectiō de venir en Languedoc, & de le veoir. Le Comte de Foix respondit: & dit, Bonne foy, il soit le bien venu: & aussi le verroy-ie volontiers. Voire, Sire (respōdit messire Louis) mais c'est l'intention du Roy qu'il voudra, à sa venue, sauoir plainement, & ouuertement, lequel vous voulez tenir, François, ou Anglois, car tousiours vous vous estes dissimulé de la guerre: & point ne vous estes armé, pour priere, ne pour mandement, que vous ayez eu. Haa, messire Louis, dit le Comte de Foix, grand mercy: quand de celle chose m'auiez parlé & auisé. Si ie me suis excusé & deporté de non moy armer, i'ay eu, à iuste entendement, cause, car la guerre du Roy de France & du Roy d'Angleterre ne me regarde en riens. Je tien mon pays de Bearn de Dieu, & de l'espée, & de ligne. Si n'ay que faire de me bouter en seruitude, ne rancune, vers l'un Roy ne l'autre: & bien say que mes auersaires d'Armignac ont bien fait leur pouuoir de me mettre en la mal-vueillance, & indignation de l'une partie & de l'autre. Car, auant ce que le Prince allast en Espagne, par l'information du Côte d'Armignac il me voulut faire guerre: & en estoit en tresgrande volonté: se messire Chandos ne l'eust brisée. Toutesfois, la Dieu mercy, ie me suis tousiours tenu & gardé, au plus-courtoisement que i'ay peu: & feray, tant comme ie viuray: & apres ma mort, les choses voient & tournent ainsi, comme elles deurent aller.

*† Ce qu'il dira
tātost, il me
semble qu'il faut
icy Ortais.*

*Le Marechal
de Sancerre à
Ortais, vers le
Comte de Foix
aucunement de
la part du Roy
Charles.*

*La Comté de
Bearn tenue de
Dieu & de
l'espée.*

Ainsi s'ēbattirent ensemble, le terme que le Marechal de France fut là, le Comte de Foix & ledit Marechal: & quand il print congé, le Comte de Foix luy fit donner vn tres beau coursier, & vn tresbeau mulet, & vn tresbeau rouffin, tous ensellez tresrichement, & à messire Robert de Challus, qui là estoit, & à messire Richard Dauphin, & aux Che-

Present du Comte de Foix au Marechal de Sanxerre, à son depart d'auec luy.

† Il veut dire au renouellement de l'an, qui mesmemēt fut compris 1389.

ualiers du Marechal, à chacun d'eux cens francs, & à cinq Escuyers, à chacun cinquante francs. Dont prit congé le Marechal, du retourner vers Toulouze: & ie vouloye retourner aussi avecques luy, mais le Comte de Foix ne le voulut consentir: & me dit que ie demoureroye encores. Si me conuint demourer, & attendre sa volonté: & messire Louis se departit d'Ortais: & se mit à chemin vers Tarbe: & le conuoyerent le Seigneur Dauphin de Bigorre, & de l'hostel du Comte de Foix, messire Pierre de Calesstā, Cheualier. En ce temps, & enuiron l'an † neuf, eut à Bordeaux sur Gironde vn fait-d'armes, deuant le Duc de Lanclastre, de cinq Anglois de son hostel, & de cinq François: dont les aucūns estoient de l'hostel du Marechal de France. Premièrement, de messire Pecton d'Allagine, Gascon-Anglois, contre messire Morice Manniguet, François: secondemēt, de messire Arragon Raymon, Anglois, contre le Bastard de Chauuigny, François: tiercement, de Louis Malapus, Capitaine d'Aiguemortes, François, contre Iacquemin Corne-de-Cerf. Quartement, d'Archambaud de Villiers, François, contre le fils du Seigneur de Chaumont, Gascon-Anglois. Quintement, de Guillaume Foucaut, contre le frere du Seigneur de Chaumont, Anglois: & vous dy que, pour ces armes veoir faire, plusieurs Cheualiers & Escuyers de Bearn, & de l'hostel du Comte de Foix, se meirent au chemin & ie me mey en leur compaignie (car d'Ortais iusques à Bordeaux, n'a que vingt & quatre lieues) & veismes faire les armes: qui furent faites deuāt Saint-Andry, present le Duc de Lanclastre, la Duchesse, leur fille, & les Dames & Damoiseilles du pays: & n'estoient pas les armez tous ensemble: mais chacun à son pareil, à part luy. Si estoient les armes de trois coups de glaue, de trois coups d'espee, & de trois coups de haches & de trois coups de dagues, & tous à cheual: & y meirent trois iours: & les firent bien & à point: & n'y eut nul des dix blecez, mais messire Raymon occit le cheual du Bastard de Chauuigny: dōt le Duc de Lanclastre fut durement courroucé: & en blasma moult le Cheualier (pour tant qu'il auoit porté sa lance trop bas) & en fit tost rendre vne des siens au Bastard.

Ainsi se porterent les armes: & puis se departirent toutes gens: & se meirent au retour chacun en son lieu.

Comment la Duchesse de Lanclastre mena sa fille en Castille, pour la marier au fils du Roy, & comment ayant trouué les os de son pere, les fit porter en la cité de Seville, & inhumer avecques Royal obseques.

CHAP. CXL.

† De l'an 1389 à ma mode.

Arrivée de la Duchesse de Lanclastre & de sa fille à Pampelune

** Annos. 13.*

A Ssez tost apres fordonna la Duchesse de Lanclastre, pour aller en Castille, & pour y Amener sa fille (qui deuoit auoir, par mariage, le fils du Roy de Castille) & estoit l'intention de la Duchesse, qu'à son entrée & venue en Castille, elle iroit tout premieremēt à Montiel (ou la bataille fut iadis du Roy Dampietre, son pere à l'encontre du Roy Henry de Castille, & de messire Bertrand du Glesquin) & feroit iuste enqueste là ou le corps son pere pour ce temps fut enseuely: & feroit défouir les os, qu'ō trouueroit, & apporter en la cité de Seville: & là de-rechef le feroit enseuelir richemēt & puiffamment: ainsi cōme à Roy appartenoit. Quand ce vint l'entrée du mois de † Mars (que le soleil commence à monter, & les iours à croistre, & le beau temps à venir) la Duchesse de Lanclastre & son arroy, tout prest pour elle & pour sa fille, se departit de Bordeaux, & vint à Bayōne: & la prit congé d'elle le Duc de Lanclastre (qui s'en retourna à Bordeaux) & les Dames se meirēt à chemin vers Dap la cité: & tant exploiterent, qu'elles y vindrent: & furēt receuēs moult grandemēt, car la cité de Dap est obeissante au Roy d'Angl. Si furent là, & s'y reposerent deux iours: & puis passerēt parmi la terre des Bascles, & les pas de Ronceuaux: & entrerēt en Nauarre: & vindrēt en Pāpelune: & trouuerēt le Roy de Nauarre: & la Roïne: qui les recueillirent moult grandement & honorablemēt, car la Roïne de Nauarre: pour ce temps estoit sœur au Roy de Castille. La Duchesse de Lanclastre & sa fille meirēt, à passer le Royaume de Nauarre, plus d'un mois, car elles seiournoient par plusieurs fois avecques le Roy & la Roïne: & tout par tout, pour elles & leurs gens, estoient leurs fraiz payez. Et apres elles entrerent en Espagne: & la trouuerent les gens, du Roy de Castille, à l'entrée du Royaume: qui les recueillirēt liēmēt, car pour ce faire ils estoient enuoyez de to^r les Royaumes d'Espagne, & se deuoit le ieune fils apeller Prince de Galice. Quand toutes ces choses furent faites, renouvelles, & cōfermées, & le mariage confrmé, la Duchesse laissa sa fille delez le Roy, & son ieune mary, qui auoir la deuoit: & qui auoit enuiron huiēt ans. Elle prit congé du Roy, pour aller à Mōtiel si cōme elle

elle auoit proposé. Le Roy luy donna: & la fit accôpaigner des plus grâs de sa court. Elle vint à Môtiel: & fit tant, par sa iuste enqueste, qu'elle feut de verité, là ou fut iadis son pere enseueley, si-côme vous sauez: & aussi il est contenu en nostre Histoire cy-dessus. Si fut defouy, & les os pris, & lauez, & embasmez, & mis en vn cercueil, & portez en la cité de Seville: & vindrent toutes les processions à l'encontre, & au deuant, au dehors de la cité. Si furēt en l'Eglise cathedrale ces os portez, & là mis bien & reueremment: & luy fit on tresfolennellement obseque: & y fut le Roy Iehan de Castille, & son fils, le ieune Prince de Galice: & la greigneur partie des Prelats & Barons. Apres l'obseque fait, chacun s'en retourna en son lieu. Le Roy de Castille s'en vint au Val-de-Sorie, & son fils & sa fille avec luy: & la Duchesse de Lanclastre s'en alla à Medine de Camp, vne bōne ville & grosse cité (dont elle estoit dame, par la confirmation de la paix) & se tint là vn temps. Nous nous souffrerons à parler d'elle & de Castille, tant que temps & lieu seront: & parlerons du mariage du Duc de Berry, & aussi d'autres incidences, qui ensuiuent.

Obseque & sepulture des os du feu roy Pierre de Castille, par la diligence de Clemence sa fille, duchesse de Lanclastre.

Commēt le Duc de Berry pratiqua si bien vers le Comte de Foix, qu'il luy enuoya sa cousine de Boulongne: laquelle il espousa incontinent.

CHAP. CXLII.

LE Duc de Berry (qui eut espousé Madame Iehāne d'Armignac, sa premiere femme, Ltrépassée de ce siecle) auoit grād' imagination (& bien le monstra) que seconдемēt il fust marié: car si tost cōme il peut veoir qu'il eut failly à la fille de Lāclastre, il ne fut aise: mais meit Clercs en euure, & messagers, pōur enuoyer deuers le cōte Gastō de Foix: qui auoit en garde la fille au Côte de Boulongne, & auoit eue, plus de neuf ans. Or pourtant que le Duc de Berry à ce mariage ne pouuoit venir, fors que par le danger du Comte de Foix (car, au fort, ledit Comte, ne pour pere, ne pour mere, ne pour Pape, ne pour amy, que la Damoiselle eust, il n'en eust riēs fait, s'il ne luy fust bien venu à plaissance) il en parla au Roy de Frāce, son neueu, & au Duc de Bourgōgne, son frere: & leur pria affectueusement, qu'ils s'en voufissent charger avec luy, & mesler. Le Roy de France en eut bon ris: pourtant que le Duc de Berry, son oncle, estoit iā tout ancien: & luy dit, Bel oncle, que ferez vous d'une fillette? elle n'a que douze ans: & vous en auez soixante. Par ma foy c'est grand' folie de penser pour vous à celle chose, faites en parler pour Iehan, beau-cousin, vostre fils: qui est ieune à venir. La chose est micux pareille à luy, qu'à vous. Monseigneur (respondit le Duc de Berry) on en a parlé: mais le Comte de Foix n'y voulut entendre: pour la cause de ce, que mon fils descend de ceux d'Armignac: & ils sont en guerre & en haine, & ont esté lōg temps ensemble. Si la fille est ieune, ie l'épargneray trois ou quatre ans, tant qu'elle sera femme parfaite & formée. Voire (respondit le Roy) bel oncle: mais elle ne vous épargnera pas. Et puis dit, tout en riāt, Bel oncle, puis que nous voyons que vous y auez si grand' affection, nous y entendrons volontiers. Depuis, ne demoura gueres de tēps, que le Roy ordonna le Sire de la Riuiere, messire Bureau, son souuerain Cheualier, Maistre d'hostel & Chābellan, pour aller en ce voyage, & avec luy le Côte d'Assy: & le Duc de Bourgongne y ordonna, pour luy l'Euesque d'Authun, & messire Guillaume de la Trimouille: & le Duc de Berry y ordonna, & en pria le Comte Iehan de Sācerre: vn sage & vaillant Cheualier. Ces cinq Seigneurs, pour venir deuers le Comte de Foix, & requerir au nom de mariage, pour le Duc de Berry, ceste ieune Dame, se partirent de leurs lieux: & se deuoiēt trouuer en Auignon: ainsi qu'ils firēt. Là, delez le Pape Clemēt, bien quinze iours y furent (qui cousin germain estoit du pere à la damoiselle) & environ la Chandeleur ils se partirent: & prirent le chemin de Nismes pour aller à Toulouze: & passerent par Montpesslier: & cheminerēt à petites iournées, & à grans fraiz: & passerent Besiers, & vindrent à Carcassonne: & là trouuerent ils messire Louis de Sancerre Marechal de France: qui les recueillit moult grandemēt (ce fut raison) & lequel parla à eux assez du Comte de Foix, de son estat, & de son affaire: car il y auoit esté, n'auoit qu'environ deux mois. De Carcassonne, ils se departirent, & vindrent à Toulouze: & là sarresterent: & enuoyerent leurs messages deuers le Côte de Foix, qui se tenoit à Ortais en Bearn. Si s'entamerent les traittez de ce mariage: mais ils furent moult loingtains: car, du cōmencement, le Comte de Foix fut moult bien froid: pourtant que le Duc de Lanclastre (qui se tenoit pour le temps à Bordeaux, ou à Libourne) en faisoit parler pour son fils, messire Henry, Comte d'Erby. Si fut telle fois, pour le loingrain seiour qu'on veoit, qu'on disoit que le mariage, pour lequel ces Seigneurs sarresterent à Toulouze, ne se feroit point: & tout leur estat, leurs ordonnances, & les responses & traittez du Comte de Foix, de iour

royennes paroles du roy Charles, sixiesme à son oncle de Berry, se voulant remariar à la fille de Boulongne.

Quelques notables personnaiges enuoyez par le Roy, par le Duc de Bourgongne, & par le Duc de Berry pour traiter du mariage de la fille de Boulongne vers le Comte de Foix

Accord du mariage de la fille de Boulōgne au Duc de Berry: auquel elle est honorablement enuoyee par le comte de Foix.

Froissart retourne de Bearn avec la compagnie de la fille de Boulōgne, future duchesse de Berry.

La ieune Dame de Berry vers le Pape son cousin en Auignon.

Noces du Duc de Berry avec la fille de Boulōgne, le iour de la Pêthecoste. 1389.

en iour, & de semaine en semaine, ils enuoyoient songneusemēt deuers le Duc de Berry (qui se tenoit à la Nonnette en Auvergne) & le Duc (qui n'auoit autre desir, fors que les choses aprochassent) récriuoit deuers eux, & les refreschissoit souuēt de nouueaux messages, en signifiāt que nullemēt ils ne cessassent point, tāt que la besongne se fist. Le Côte de Foix (qui estoit sage & subtil, & qui veoit l'ardāt desir du Duc de Berry) traittoit sagement & froidemēt: & bellemēt mena ces proces, que par l'accord de tous, & encores à grād priere, il eut trēte mille frācs, pour les ans, qu'il auoit gardée la Damoiselle, nourrie, & tenue en son estat. Encores, se plus en eust demandé, plus en eust eu: mais moyennement il voulut ouurer sur la conclusion de ceste matiere, à fin qu'on luy en feust gré, & aussi que le duc de Berry sentist, qu'il fist aucune chose pour luy. Quād toutes ces besongnes furēt approchées, & les parties d'accord, le Côte de Foix enuoya sa cousine, la damoiselle de Boulōgne, à Morlans, accompagnee de plus de cinq cens Lāces: desquels messire Espaing du Liō & messire Regnaud Guillaume, messire Pierre de Calestā, messire Adā de Cacasse, messire Manaut de Nouables, & messire Pierre de Kes estoiet Capitaines: & là sur les chāps fut deliurée, aux Ambassadeurs de France, au nō du Duc de Berry, la Damoiselle de Boulōgne: & là estoit messire Louis de Sancerre, à tout bien cinq cēs Lances: qui les receut, avec ses Seigneurs & cōpaignons: & là fut leur departement fait. Ceux de Foix retournerēt: & les Frāçois emmenerēt la Dame. Si vueil que vous sachez que le Duc de Berry luy auoit enuoyé son arroy de chars & de chariots, garnis de cheuaux, avec habits & aornemens, pour son corps & pour son chef, cōme s'elle deust estre Roïne de France. Si se meirēt au retour: & ie, Iehan Froissart (qui toute ceste Histoire ay ditée, & ordonnée) estoie en leur cōpaignie: car le Côte de Foix m'auoit tousiours bien dit, quand ie vouloye prendre congé, que ie n'auoye que faire de me hastier, & que ie retourneroye tousiours en bōne cōpaignie. Si exploita tant la Duchesse de Berry (car ainsi la nōmeray- ie doreśnauāt) qu'elle & toute sa route vindrēt pres d' Auignon: car elle descēdit vn soir à Ville-neufue, hors Auignon, en l'hostel du Pape: & lēdemain entre 8. & 9. heures, tous les Cardinaux allerēt à l'ēcontre d'elle: & passa le pont du Rosne en grand estat, mōtée sur vne hacquenée blāche: que le Pape luy fit presenter. Si vint ainsi iusques au Palais en Auignō: & là descēdit: & alla voir le Pape: qui se seoit en Cōsistoire, en chaise Pontificale. Si la baïsa en la bouche, pour cause de lignage: & puis alla la Duchesse & ses gēs disner, & grand' foison de Cardinaux, en l'hostel du Cardinal de Thurin, deffous le Palais. Là estoit sō hostel. Ce fut le Mardi: & le iour ensuiuant luy dōna à disner, & à to^s ses gēs aussi: & vous say biē à dire que la venue de la dame cousta au Pape la sōme de dix mille frācs. Le Vēdredy elle soupa au Palais: & prit cōgé du Pape. Le Samedy elle partit: & vint disner à Orāge, & gesir: car sa cousine germaine en estoit Princeesse. Le Dimēche elle partit d'Orāge, & cheuaucha, ou charroya, tousiours auāt: & passa à Valēce, & puis à Viēne, & puis à Liō sur le Rosne: & là se refreschit 2. iours entiers. Puis elle partit: & vīt à la Bresle: & puis entra en la Comté de Forest, & passa tout au long: & puis vint à la Palisse en Bourbonnois, & puis à Quissy, & puis à Hanche-sur-alier, & puis à Riō en Auvergne: & fut là 2. iours entiers, deuāt que le duc de Berry vinst: lequel vint à grād arroy la nuit de la Pêthecoste: & le iour de la Penthecoste biē matin, à 2. heures, il l'espousa. Si furent les noces moult grandes, & là furent le Comte de Boulōgne, le Comte d'Estampes, & le Comte Dauphin d'Auvergne: & durerent les noces, les festes, & ioustes, quatre iours, & puis cesserent, & à toutes ces choses, ie, acteur deffusdit, fu present.

Comment certains traitteurs & sages hommes pourparlerent, & prirent vnes trēues, à durer trois ans, entre les François & les Anglois, & tous leurs alliez, tant d'une partie comme d'autre, & par mer & par terre.

CHAP. CXLII.

Vous sauez commēt vnes trēues furent prises entre les parties & garnisons d'entre la riuere de Loire, durans de tous costez, iusques à la riuere de Dordōne & de Geronde, iusques à la S. Iehan Baptiste, qu'on compta, pour lors, en l'an de grace 1389. Ces trēues durans en cest estat, aussi d'autre part se songnoiēt grans Seigneurs & sages entre les parties de France & d'Angleterre, pour traitter vne treues, à durer trois ans, par mer & par terre: & estoit l'intention des traitteurs, qui de ce s'embesongnoiēt, que dedans ces trēues feroient enclos, pour la partie du Roy de France, tous ceux, qui de la guerre s'embesongnoient, & premierement le Royaume de Castille tout entierement, par mer & par terre, & aussi le royaume d'Escoce, par mer & par terre: & d'autre part, du costé du royaume

me

me d'Angleterre, tous ses alliez, & enclos, dedās. Le Roy & le Royaume de Portugal, & plusieurs Barons de la haute Gascongne, Si eurent moult de peine & de trauail ces traiteurs, auant qu'ils peussent auenir à leurs ententes: car nullemēt les Escotois ne s'y vouloient assentir: & quand les nouuelles furēt venues en Escocce, de par le Roy de Frāce, au Roy Robert d'Escocce, luy, de sa personne s'y accordoit legerement: car il ne demandoit point la guerre. Si fit venir, vn iour, tous les Barons & Prelats d'Escocce: ausquels de ceste besōgne respōdre en appartenoit: car, sans leur feu, le Roy ne l'eust point fait: &, fil l'eust accordé, ils ne l'eussent pas tenu. Si furent en leur presence leuēs les lettres, que le Roy de Frāce leur enuoyoit: & vouloit, par ses lettres, qu'ils s'alliaffent avec luy, & s'accordassent à ces trēues de trois ans. Ces nouuelles leur furent trop dures: & dirent adoncques, *Escotois durs à recevoir trēues, pour raison de leur victoire d'Ostebourg.* Le Roy de France ne sert fors à trēues, quand il est tēps de guerroyer. Nous auons en cestuy an rué ius les Anglois: & encores se taille bien la saison, que nous les y ruerōs secon dement, & tiercement. Là eut plusieurs parolles retournées entre eux: car nullement ils ne s'y vouloient consentir, n'accorder. Finalement il fut accordé qu'ils enuoyeroient vn Euesque, & trois Cheualiers, de par eux, en France, deuers le Roy & son Conseil, pour briser tous ces traittez, & pour monstrea la bonne volōté du Royaume d'Escocce. Si furent ordōnez l'Euesque de S. Andrieu, & des Cheualiers, messire Archambaud de Douglas, messire Guillaume de Lindeſée, & messire Iehan de S. Cler. Ceux se departirent, le plus tost qu'ils peurēt: & monterent en mer, & arriuerēt à l'Escluse: & puis cheuaucherēt tant: qu'ils vindrēt à Paris. Deuant le Roy & son cōseil monstrent les lettres de creance, de par tous les Barons & Prelats du Royaume d'Escocce. Ils furent ouïs, & volontiers entendus, pour la grande affection qu'ils auoiet de proceder à la guerre à l'encontre des Anglois: mais, non-obstant ce: la chose estoit des parties ià si-auant menée, traittée, & pourparlée, qu'on ne la vouloit reculer. Si fut respondu aux Escotois doucemēt: & conuint que la chose se fist. Si le firent: & prirent vnes trēues, par l'aide des moyens, qui s'en embesongnerent: & eurent plusieurs iournées de traittez & de parlemens à la Linghen, entre Boulōgne & Calais: & tant fut parlé, traitté, & mené, qu'vnes trēues furent prises, données, & accordées, entre France & Angleterre: car ceux, qui s'embesongnoient de demener les traittez (qui estoient Prelats, & haux Barons, & sages des deux Royaumes: c'estassauoir de France & d'Angleterre) les auoient si approchées, qu'il conuenoit qu'elles se fissent. Or furent elles prises entre les deux Royaumes de France & d'Angleterre, & tous leurs adherans, conioints & alliez, par mer & par terre, à durer fermement, sans dissimulation, ny ombre nulle de mal engin, trois ans, entre toutes les parties. Si se tenoient à Bonlongne les traiteurs pour celles trēues, de par le Roy de France, l'Euesque de Bayeux, le Comte Vallerans de S. Pol, messire Guillaume de Melin, messire Nicolas Bracque, & messire Iehan le Mercier: & en la ville de Calais, de par le Roy d'Angleterre, messeigneurs l'Euesque de Durem, messire Guillaume de Montagu, Comte de Salbery, messire Guillaume de Beauchamp, Capitaine de Calais, Iehan Lanon, Nicole de Gabreth, & Richard Roelle, Clerc, Docteur en Loix: & se tenoient les Parlemēs de ces parties sur le milien du chemin, entre Boulōgne & Calais, en vn lieu, qu'on dit le Linghen. En * ce temps estoient grans nouuelles en France, & en tous autres lieux & pays, d'vne * *Annot. 14. Appareil de l'entrée de la Roine Ysabel de Baviere à Paris.* trespuissante feste de iouſtes & d'ebatemens, que le ieune roy Charles vouloit faire à Paris, à la venue d'Ysabel, Roine de France, sa femme: qui encores n'auoit point esté à Paris. Pour laquelle feste Cheualiers & Escuyers, Dames & Damoiselles, s'appareilloient par tout grandement & richement: & de laquelle feste ie parleray çà en auant, & de la charte de la trēue: qui fut leuée, grossoyée, & seellée de toutes parties.

FIN DV TIERS VOLUME DE MESSIRE
IEHAN FROISSART.

ANNOTATIONS SVR LE TIERS VOLUME DE FROISSART.

ANNOTATION PREMIERE.

Je me suis) l'Antiquité de l'Abregé du seigneur Sala, & la disposition de la matiere suyuante, m'ont semblé de telle autorité, que ie n'ay point feint de commencer icy, avec luy, le tiers Volume de nostre Auteur. Les mots donc de cest Abregé sont tels, apres la charte de la paix de Gand, finissant par la date d'icelle 1485.

Cy fine maistre Jehan Froissart son second liure.

Puis dit ainsi, au commencement de la coulonne suyuante.

Cy commence la table du tiers liure de messire Jehan Froissart.

En-apres fait suyre la table de ses chapit. qu'il commence au voyage de Froissart vers le Comte de Foix, les acheuant de telle sorte.

Comment la Duchesse de Lanclastre fist enseuelir son pere à Seuille. Puis parle d'vnes tréues entre François & Anglois.

Cela fait, il met au commencement de la coulonne suyuante tels mots, en lettres rouges.

Cy commence le tiers liure de maistre Jehan Froissart qui contient les nouvelles guerres de France, d'Angleterre, d'Espagne, de Portugal, de Naples, & de Romme. Et premierement parle comment il se partit de France pout allet en la Comté de Foix, & des guerres de Portugal & d'Espagne.

Puis suit sa matiere en ceste sorte.

Extrait du tiers liure de maistre Jehan Froissart lequel liure est redigé en plusieurs chapitres. Et sur le premier chapitre desclairer illec en son proesme comment persenera ceste cronique à l'instance & requeste de messire Guy de Chastillou Comte de Blois Seigneur d'Auesnes, de Beaumont d'Escornuchue & de la Gonde. Et commet pour enquerre de plusieurs besongnes & faits d'armes dignes de croniquer. Il veut aller deuers messire Gascon de Foix Comte, & de Berne, &c.

ANNOTATION II.

pour la cause) Ce passage, estant par-avant ainsi, pour la cause de quelle a grád droit à tenir & posséder de la greigneur partie de la terre, sans autre punctuation, est ambigu. Car il semble qu'il vueille dire que la Dame, ayant ainsi ses enfans pres d'elle, eust droit de tenir & posséder la greigneur partie de la terre de son mary, pour la nourriture & entretenement de ses enfans, ou bié de la terre propre d'elle mesme: & ne trouueroye point mauuais, pour oster l'amphibologie, de lire en ceste sorte: pour la cause de ce qu'il eust eu grand droit de tenir & posséder la greigneur partie de la terre (c'est assauoir d'elle sa femme, pour la nourriture & entretenement dessusdicts) & ainsi reuiendrait bien à ce qu'il a dit par-avant, qu'il n'en tenoit que la quarte partie.

ANNOTATION III.

avecques sa mere) Entendez de Madame Philippe de Hainaut, mere du Duc de Lanclastre & des autres oncles du Roy Richard: & sachez que faute de punctuation auoit bien obscurcy ce passage en ceste sorte. Le filz estoit pour lors beau Cheualier & ieune & auoit esté fils des madame Bláche la tresbóne Duchesse de Lanclastre avec sa mere madame la Roine Philippe d'Angleterre. Je ne vy oncques 2. meilleures dames. &c.

ANNOTATION IIII.

& se targea) C'est adire tarda & seiourna pout l'appareiller: ou bien faudroit lire se chargea.

ANNOTATION V.

& ballangers) Encores que ie ne vous puisse bien specifier quels estoient ces vaisseaux, ne d'ou vient ce mot: neantmoins le vray sens de l'Auteur ne vous peut fuir pour cela.

ANNOTATION VI.

qui estoit Connestable) l'ose presque asséurer d'auoir bien remis ce passage. Toutesfois, à fin de mieu x y asseoir vostre iugement, la vieille leçon estoit telle, qui estoit le Connestable de tout l'ost & Marechal. Messire Thomas Moriaux lequel auoit aussi par mariage vne de ses filles à femme: mais elle estoit bastarde & fut mere à la Dame Morielle Damoiselle Marie de Saint Hylaire de Hauman, & estoit Admiral de la mer de toute la nauie du Duc de Lanclastre & de Thomas de Percy.

ANNOTATION VII.

& fut adonc] Deuant ces mots finissoit seulement le second Volume en noz deux Exemplaires, apres tels mots cent mille francs trente fois. Puis commençoit le tiers, par tel sommaire.

Cy commence la tierce partie des Croniques messire Jehan Froissart qui contiennent les nouvelles guerres de France, d'Angleterre, d'Espagne, Arragon, Portugal, Itallie, Bretagne, Flandres & lieux circonuoisins. Et parle premierement comment le Roy Charles de France & les Seigneurs François s'en retournerent mal contens & enuis de l'Escluse & de Flandres ou leurs pourueances estoient faictes pour aller en Angleterre, & de la feste qui fut faicte à Londres,

En-apres il entroit en matiere, de telle sorte,

Vous auez cy-deuant ouy recorder comment vn grand & merueilleux appareil c'estoit fait en France du Roy & des Seigneurs François à grans cousts & despens tant en nauires, gallées que autres choses pour passer la mer & aller guerroyer les Anglois leurs ennemis, & comment ce voyage fut destrópu pour les ventz qui n'estoient pas propices & aussi que c'estoit en fin cueur d'Yuer. Il fut ordonné adonc par le Conseil. &c.

Sur lesquels derniers mots nous auons continué nostre tiers Volume, & le chapitre, commencé, suyuant l'autorité de l'Antiquité de l'Abregé du seigneur de Sala.

ANNOTATIONS.

ANNOTATION VIII.

Laquelle estoit) *Encores que ie pense auoir bien amendé & éclaircy ce passage, selon les chapitres 249. 278. & 324. du premier Volume, & principalement selon l'octantième du present tiers Vol. neantmoins ie suis content que voyez icy la vieille leçon: qui estoit telle: laquelle auoit esté fille de la fille de la Roïne d'Angleterre Madame Ysabel ainsi que vous sauez qui estoit belle Dame & bõne & plus noble & haute attraction qu'il ne fut: mais il en ayma vne des Damoiselles &c. Ayez aussi les mots de l'Abregé de Sala qui sont tels. Le Duc d'Irlande fils de ce Comte d'Acquessuffort acquist malle renommée en Angleterre pour ce qu'il repudia sa femme qui estoit belle & bonne fille du Seigneur de Coucy & de la Roïne (mais il efface Roïne) fille de la Roïne d'Angleterre & print vne Allemande Damoiselle de la Roïne du Roy Richard & l'espousa viuant sa bonne femme & l'en dispensa le pape Urbain de Romme & luy souffroit le Roy d'Angleterre faire tout ce qu'il vouloit tant en estoit aueuglé. Pour donc. &c.*

ANNOTATION IX.

Il auoit) *Nous auons fourny ce passage selon le sens de l'Auteur, n'y ayant par-auant que tels mots, il auitt que depuis le Duc de Guerles nepueu dudit Roy Edouard d'Angleterre mourut sans auoir enfans. Messire Edouard de Guerles si se maria &c. Aussi l'Abregé de Sala nous y a aucunement aidez: combien qu'il y ait aussi quelque defect, en ceste sorte, Or auint en ce temps que le Comte Regnaud mourut & fut son fils aîné Comte de Guerles apres son trespas & ne laisserent nuls enfans & lors leur seur germaine qui auoit espousé le Comte de Iulliers fut Duchesse de Guerles &c.*

ANNOTATION X.

son rayon) *Ce mot signifie ayeul, ou grand-pere: & aussi ces Louis, Iehan, & Guy, estoient fils du Comte Guy de Blois, frere de Charles de Blois, Duc de Bretagne, & d'une fille de Iehan de Hainaut: qui remena la Roïne Ysabel de France, en Angleterre, avec son fils Edouard troisième du nom.*

ANNOTATION XI.

de Galles) *Il y auoit de Guerles: que nous auons corrigé selon la deduction de nostre Auteur mesme selon lequel entendez, pour frere, peu-apres, Edouard, second fils de Regnaud, premier Duc de Guelbres, oncle du Prince de Galles par sa femme, sœur du Roy Edouard d'Angleterre troisième de ce nom.*

ANNOTATION XII.

la sœur) *Ie penseroie que ceste sœur fust Iehanne, veufue du dernier Guillaume de Hainaut, selon les chap. 30. & 117. du premier Volume, si le chap. 257. du premier Volume aussi, & le 146. du 2. ne me faisoient soupçonner que ceste veufue fust la mesme Iehanne de Brabant remariée au Duc Vincelant de Luxebourg, Duc de Brabant à cause d'elle. Quant à la Comtesse de Flandres (qui estoit aussi vne des filles du dernier Duc de Brabant, & sœur de ceste Duchesse de Brabant, femme de ce Vincelant de Boème, Duc de Luxembourg) elle estoit morte, cinq ans deuant le Comte Louis de Flandres son mary, qui trépassa au mois de Ianuier 1384. à ma mode, selon le chap. 148. du second Vol. Tellement que ie ne vous puis encores dire qui estoit ceste sœur: & me doute qu'il ne faille ainsi lire par-auant: lequel heritage luy deuoit retourner apres le deces de la Dame: qui estoit ià toute ancienne, sans autre chose.*

ANNOTATION XIII.

& le deuoit) *La clause suyuante me fait soupçonner qu'il y ait icy faute de plusieurs mots: & de fait, Sala dit ainsi, elles y furēt receues à grand ioye de tout le pays pour l'esperance du bien de paix qu'ils esperoierēt à auoir par le moyen de ce mariage, & le Duc de Lanclastre eust ordonnance & certaine assignation de 50. mille francs de rente sa vie durant. Et pour la chambre de sa femme seize mille francs par an. Et le filz du Roy deuoit iouyr promptement du pays de Galice, & estre nommé Prince de Galice & auoit enuiron huit ans d'aage. La Duchesse de Lanclastre se feit mener à Nantueil en Espagne. &c.*

ANNOTATION XIII.

En ce temps) *Il n'est faite aucune mention de cest appareil de l'étrée de la Roïne Ysabeau de Paris en Sala: mais, apres telle clause. Et furent ces tréues traictées & accordées à Linghen entre Boulongne & Calais à durer trois ans fermement par terre & par mer entre les deux Royaumes de France & d'Angleterre & de leurs conioints & aliez de Castille, d'Escoce, & de Portugal, il clost son liure en ceste sorte.*

Cy fine maistre Iehan Froissart son tiers liure.

Fin des Annotations du tiers Volume.

HISTOIRE ET CHRONIQUE MEMORABLE DE MES- SIRE IEHAN FROISSART.

REVEV ET CORRIGE SVS DIVERS
EXEMPLAIRES, ET SVIVANT LES BONS AV-
teurs, par Denis Sauuage de Fontenailles en Brie, Histo-
riographe du Treschrestien Roy Henry
deuxiesme de ce nom.

QVART VOLUME.



A PARIS.

A L'OLIVIER DE PIERRE L'HVILLIER,
RVE SAINT IACQUES.

M. D. LXXIIII.



TABLE DES CHAPITRES DV QUART VOLUME DE MESSIRE IEHAN FROISSART.

D E quelques voyages de messire Jehan Froissart, depuis son depart d'Ortais.	CH. I.	page 1
De l'ordonnance de l'entree & bien-venue de la roïne Ysabel de France en la ville de Paris.		
I.		2
comment le Seigneur de chasteaumorât, que le comte de S. Pol auoit laissé en Angleterre, apporta la charte des trêues de trois ans, accordee & scellée du roy Richard & de ses oncles: & comment Louis d'Anjou, Roy de Sicile, fut fiancé & marié à la fille d'Arragon.	II.	8
Comment le ieune roy de France eut volonte d'aller visiter les loingtaines marches de son royaume: & comment il fit retirer le duc d'Irlande hors de France, à la poursuite du Sire de coucy.		
III.		10
comment le roy Charles, sixième, alla visiter son oncle de Bourgongne, & le Pape Clement d'Auignon.	III.	11
comment le roy Charles, enuoyant ses oncles de Berri & de Bourgongne en leurs maisons au mécontentement d'iceux, partit d'Auignon, pour aller en Languedoc.	V.	3
Comment, estant le roy Charles à Montpeslier, trois de ses plus priuez chabellans entreprirēt à faire armes sur les marches de Calais, à tous venans, de qualité, le signifiant par cartel escrit.	VI.	14
comment, estant le roy à Besiers, informations furent faites contre vn, nommé Betisach, Tresorier du duc de Berri. & comment, ayant iceluy confessé qu'il estoit heretique & Sodomite, pensant pour cela estre renuoyé vers le Pape, fut mis entre mains du bras seculier par l'Official de Besiers, & là fut brullé.	VII.	20
Comment le roy de France, luy estant à Toulouse, manda le comte de Foix: & commēt, y estant venu, fit hommage au roy, de se comté de Foix.	VIII.	23
De la gageure, qui fut faite entre le roy de France & le duc de Touraine son frere, à qui plus-tost d'eux deux viendroit de Montpeslier à Paris, chacun avec vn seul cheualier en sa compagnie.	IX.	26
Du trépas du Pape Urbain de Romme, qu'on disoit Antipape: & comment le Pape clement en escriuit au roy, & à ses oncles, & à l'Vniuersité de Paris: & de l'election du Pape Boniface, par les cardinaux de Romme.	X.	27
De la rendition & prise du fort chasteau de Mont-Vantadour en Limosin: que souloit tenir messire Geoffroy Tesle-noire.	XI.	29
Du fait-d'armes de Saint-Inqueluert: & comment les trois cheualiers de France, deffendans le pas, se maintindrent trente iours, à l'encontre de tous venans, des pais d'Angleterre, & d'ailleurs.	XII.	35
Du voiage d'Afrique, entrepris par le Duc de Bourbon, chef de l'armee, & par plusieurs Cheualiers de France & d'Angleterre, à la requeste des Géneuois.	XIII.	51
Comment Aimerigot Marcel, capitaine de pillars de compagnies, fortifia la roche de Vandais es msrches de Limosin & d'Auuergne: & comment le roy de France le fit assieger par le Vicomte de Meaux.	XIII.	53
comment Aimerigot Marcel, en vain tascha de faire leuer le siege de deuant son fort de la Roche-de-Vandais, par lettres & messages du roy d'Angleterre & du duc de Lancastire au Vicomte de Meaux, & mesmes au duc de Berri.	XV.	60
Comment estant Aimerigot Marcel secrettement sorti de la Roche-de-Vandais, pour auoir secours d'autres pillars ses compagnons, Guiot du Sel, son Lieutenant, fut surpris par embusche, & la forteresse rendue par composition.	XVI.	66
Comment, apres les nouuelles de la composition de la Roche-de-Vandais, les messagers d'Angl. prirent congé du duc de Berri: & comment Aimerigot Marcel, s'estant retiré vers vn sien parent nommé Tournemine, fut por luy mis entre mains des commissaires du roy de France: qui le menerent à Paris: ou il fut decapité, & ecartelé par apres.	XVII.	68
Comment les Seigneurs chrestiens, François & Géneuois, estans en l'Isle de Connimbres à l'ancre, se meirent hors, pour aller mettre le siege deuant la ville d'Afrique en Barbarie: & commēt il sy conduisirent & maintindrent.	XVIII.	71
Du maintien des Sarrazins, durant le siege de la ville d'Afrique: & comment ils enuoyerent		

T A B L E

les François du siege, pour sauoir à quelle cause ils les guerroyoient.	XIX. 75
De quelques merueilles auenues, aux Sarrazins de la ville d'Afrique, ainsi qu'ils vouloient assail- lir & surprendre le camp des chrestiens, & de plusieurs écarrouches durant ce siege, avec quel- ques contrarietez d'air corrompu, & quelques autres mesaises aux asiegeans.	XX. 77
Cōment estat vn fait-d'armes de dix chrestiens accordé contre dix Sarrazins, durant le siege d'A- frique, les Sarrazins faillirent à l'assignation, & comment la ville fut assaillie, à peu de profit des chrestiens, & plustost à leur dommage par la perte de plusieurs gens-de-bien.	XXI. 79
D'une feste & ioustes, qui furent faites, de par le roy d'Angleterre, en la ville de Londres, durant le siege des Chrestiens deuant la ville d'Afrique: & comment le Comte d'Ostrenant y receut l'Ordre du Iartier, dont le roy de France fut malcontent.	XXII. 83
Comment & par quelle incidence le siege fut leué de deuant la forte ville d'Afrique, & pour quelle occasion, & comment chacun s'en retourna en son lieu.	XXIII. 88
comment estant le roy Charles en propos d'aller en barbarie, & premierement en Italie, pour l'u- nion de l'Eglise, luy vindrent Ambassadeurs d'Angleterre, sur pourparlé de paix finale en- tre le roy Richard & luy: & comment, estant mort le roy Iehan de castille, Henry, son fils, fut couronné, en l'age de neuf ans.	XXIII. 91
De l'armee & voyage du Comte Iehan d'Armignac en Lombardie: & comment il mourut au siege deuant la ville d'Alexandrie.	XXV. 95
comment continuant le roy d'Angleterre en affection de faire paix finale avec le roy de France, le duc de Clocestre son oncle, y mettoit difficulté: & comment messire Pierre de Craon, par-a- uant grand mignon du roy Charles & du duc de Touraine, encourut leur indignation, & se re- vira vers le duc de Bretagne.	XXVI. 105
De la mort du ieune comte de Chastillon, fils du comte Guy de Blois: & aussi de la soudaine mort du Comte Gaston de Foix.	XXVII. 106
Comment, incontinent apres la mort du comte de Foix: son fils bastart, Ieubain, ou Ruain, se vou- lant secrettement saisir du tresor du chasteau d'Ortais, fut decouvert par ceux de la ville, qui neantmoins luy promirent toute faueur, pour son frere & pour luy, saul le droit du vray heri- tier, vicomte de castelbon.	XXVIII. 107
Comment le corps du comte de Foix fut apporté de l'Hospital de Rion, ou il estoit mort, à Ortais, & comment le Roy enuoya l'Euesque de Noyon & le Seigneur de la Riviere en la comté de Foix, pour en ordonner à l'entente de son conseil.	XXIX. 109
comment le Vicomte de castelbon, prochain parent & legitime héritier du feu comte de Foix, vint à Ortais, à l'obsequé d'iceluy trépassé, & comment, par le conseil qui fut là tenu, enuoya vers les deux dessusnommez commissaires du roy, pour estre mis en possession par luy preten- due, & finalement vers le roy mesme.	XXX. 110
Comment le roy de France & le duc de Bretagne s'assemblerent à Tours, pour vuidr quelques differents, & comment nouueaux Ambassadeurs d'Angleterre s'y trouuerent sur le pourpar- lé de la paix finale.	XXXI. 115
comment messire Roger d'Espaigne & Espaeng du Lyon, Ambassadeurs du Vicomte de Castelbon pratiquerent si bien en la court de France, qu'il fut déclaré héritier & successeur de la Comté de Foix, par lettres patentes du roy.	XXXII. 117
Comment, estans le roy & le duc de Bretagne assemblez à Tours, quelques differents furent ac- cordez entre eux, moyennant le mariage du fils de Bret. avec une fille de France, & d'un fils de Iehan de Bretagne, fils du feu Charles de blois, avec la fille d'iceluy duc de Bret.	XXXIII. 119
Comment le comte de Blois & Marie de Namur sa femme, vendirēt la Comté de blois, & autres de leurs terres, au duc de Touraine, frere du roy de France: & comment le Vicomte de Castel- bon entra en possession & saisine de l'hoirie du feu Comte de Foix.	XXXIII. 121
De la grand' assemblee du roy & des Seigneurs de France & d'Angleterre, à Amiens, pour trait- ter de paix finale entre les deux roiaumes.	XXXV. 123
comment, ne pouuans les Seigneurs de France & d'Angleterre tomber d'accord aux Parlemens d'Amiens: continuerent les tréues pour vn an, & comment, s'en retournans les Anglois, furent accompagnez du seigneur de chasteaumorant, pour rapporter quelque conclusion du roy d'An- gleterre,	XXXVI. 126
De quelque maladie du roy Charles, de l'hommage d'Armignac, à luy fait par le Comte Bernard, & de la responce, que le Seigneur de Chasteaumorant rapporta d'Angleterre.	XXXVII. 128
Cōment messire Pierre de Craon par haine & mauuais aguēt batit & naura griëuement messire Oliuier de Clisson, dont le roy & ses consaux furent moult courroucez.	XXXVIII. 129
Comment	

comment le Roy alla visiter son connestable en plaine nuit, luy faisant venir ses Medecins & chirurgiens, & comment il enuoia le Preuost de Paris, & autres, à la poursuite de messire Pierre de Craon, quice pendant se retira vers le Duc de Bretagne, demeurans aucuns de ses gens iusticiez à Paris.

XXXIX. 132

comment le Duc de Bretagne, estant sommé, par le Roy, de luy enuoir messire Pierre de Craon, respondit en telle sorte, que le Roy, conclut de luy mener guerre, & comment murmure s'elena sur le Connestable de Clisson, entre les oncles du Roy, pour la grande richesse qu'il se congnoit auoir par son testament.

XL. 135

comment le Duc de Touraine Louis, frere du Roy, fut fait Duc d'Orleans, & comment estant le Connestable guerri, le Roy alla iusques à la ville du Mans, en intentiō de passer outre pour faire guerre au Duc de Bretagne.

XLI. 137

Comment le Roy, estant en la ville du Mans, manda de-rechef au Duc de Bretagne, par quelques notables personages, qu'il luy enuoiaist Pierre de Craon, & comment on cuida faire entendre au Roy qu'il estoit arresté à Barcelonne, par la Roine d'Arragon.

XLII. 139

comment estant le Roy parti de la ville du Mans, pour aller faire sa guerre en Bretagne, fut estrangement auerti de retourner arriere, par un homme incognu, & comment ce iour mesme il se troubla de sens, & fut remené au Mans.

XLIII. 140

comment, estant le Roy Charles, sixiesme, troublé de sens & d'entendement par maladie, fut amené du Mans à Creil sur Oise, & comment le gouuernement du Roiaume fut mis entre mains des Ducs de Berri & de Bourgongne, par l'auis des trois Estats.

XLIII. 144

D'un grand Medecin, nommé Maistre Guillaume de Harfeli, que le Sire de Couci fit venir pour la maladie du Roy, & des diuers propos, que l'on tenoit sur icelle.

XLV. 145

comment les Ducs de Berri & de Bourgongne entreprirent de ruiner ceux, qui nagueres auoient esté du conseil de la chambre du Roy, & comment le Duc de Bourgongne comença premierement à estranger rudement le Connestable de Clisson.

XLVI. 149.

Comment messire Oliuier de Clisson, connestable de France, ayant esté rudement repoussé de parolle par le Duc de Bourgongne, se retira à Montleheri, & comment, estant poursuint iusques là, eut loisir de se retirer au chasteau-Iosselin en Bretagne.

XLVII. 148

comment le Sire de la Riviere, l'un des principaux du conseil de la chambre du Roy durant sa santé, fut fait prisonnier par le commandement des Ducs de Berri & de Bourgongne, & comment Madame Jehanne de Bourgongne, Duchesse de Berri, intercedoit pour luy enuers le Duc son mari.

XLVIII. 150.

Comment, apres plusieurs aiournemens & defauts cōtre le connestable clisson, il fut banni du roiaume de France par arrest de la court de Parlement de Paris, & condamné à cent mille marcs d'argent, & à perdre son office à perpetuité.

XLIX. 153

Comment le Roy Charles recoura le sens, par la grace de Dieu, moyennant la diligence de son Medecin, maistre Guillaume de Harfeli.

L. 154

comment treues furent prolongees entre les Roiaumes de France & d'Angl. & comment le Viconte de castelbon fit hommage au Roy Charles, pour la comté de Foix.

LI 155

De l'auenture d'une dance & mōmerie, faite à Paris, en semblance d'hommes sauuages: là ou le Roy de France fut en moult grand peril, & comment le Pape Boniface & les cardinaux de Rome enuoierent un Frere sage clerc, deuers iceluy Roy.

LII. 157

Comment la Duchesse de Berri soustenoit le Sire de la Riviere, prisonnier, contre la Duchesse de Bourgongne.

LIII. 160

comment le Sire de Couci ne voulut accepter l'office de Connestable, au lieu de Clisson: & comment les Ducs de Berri & de Bourgongne en firent pourueoir messire Philippe d'Artois, comte d'Eu, moyennant le mariage d'iceluy avec Madame Marie, fille du Duc de Berri.

LIII. 161

De la guerre du Connestable de Clisson, pendant son absence de France, contre le Duc de Bretagne & comment ils s'appointerent fort amiablement.

LV. 163

D'une forme de paix faite entre les Rois de France & d'Angl. par le moyē de leurs oncles.

LVI. 165

comment la susdite forme de paix se cuide rompre pour cause du Pape Boniface de Rome, & par la rencheute du Roy en sa maladie.

LVII. 170

De la mort du Pape Clement d'Auignon, de l'election du Pape Benedic, comment un grand clerc de l'Archeuesché de Reims tenoit fort pour le siege d'Auignon, en ses parolles & predications.

LVIII.

171

comment le Roy d'Angleterre fut conseillé de faire un voyage en Irlande, & donner au Duc de Lancastre, pour luy & ses hoirs, perpetuellement, la Duché d'Aquitaine, & toutes les terres &

T A B L E

<i>Seneschauſſees appendantes à icelle.</i>	LIX. 173
<i>Du trepas de Madame Anne de Boëme, Roine d'Angleterre, & comment le Duc de Lanclaſtre deſcendit en Aquitaine, & le Roy Richard en Irlande.</i>	LX. 174
<i>Comment Sire Iehan Froiſſart arriva en Angleterre, & fut preſenté au Roy Richard par ſon oncle le Duc d'Iorch.</i>	LXI. 175
<i>De ce que Froiſſard apprit en Angleterre, touchant la difficulté que ceux d'Aquitaine firent au Duc de Lanclaſtre, ſur le don que le Roy Richard luy auoit fait de leur Duché, & comment, eſtans allez en Angleterre, pour faire leurs remonſtrances au Roy là deſſus, n'en peurent auoir brieue reſolution.</i>	LXII. 178
<i>Comment Froiſſart preſenta vn ſien liure d'amours au Roy Richard d'Angleterre, & de ce qu'il apprit du voiage dernier des Anglois en Irlande.</i>	LXIII. 184
<i>Comment le Duc de Lanclaſtre fut mandé ſ'en retourner d'Aquitaine, ſans en auoir la iouiſſance: & de l'amiable reſponſe, qui fut faite aux Ambaſſadeurs du Roy Richard d'Angl. ſur le traité de mariage d'entre luy & Madame Yſabel, aiſnee fille du Roy Charles de France, ſixieſme du nom.</i>	LXIII. 189
<i>Comment vn Eſcuier de Normandie, nommé Robert l'Hermitte, diſant auoir eu ſur mer quelque viſion ou reuelation pour ſ'entremettre de la paix entre France & Angleterre, fut enuoié vers le Roy Richard & ſes oncles, pour ceſt effect.</i>	LXV. 191
<i>De la deliurance du Seigneur de la Riuiere & meſſire Iehan le Mercier, & comment ils furent mis hors de priſon.</i>	LXVI. 196
<i>De la paix & accord d'entre le Duc de Bretagne & meſſire Oliuier de Cliſſon: & comment la roine de Sicile, la veufue, tenoit en proces meſſire Pierre de Craon à Paris.</i>	LXVII. 197
<i>Comment le Roy de Hongrie eſcriuit au Roy de France l'eſtat de l'Amorabaquin: & comment Iehan de Bourgongne, fils aiſné du Duc de Bourgongne, fut chef de toute l'armee, qui y alla au ſecours des Hongres.</i>	LXVII. 200
<i>Comment le Côte d'Oſtrenant, ſerourge de Iehan de Bourgongne, voulant aller en Hongrie, fut conſeillé, par ſon pere, d'eſreprendre pluſtoſt la recōqueſte de Friſe: qui leur appartenoit.</i>	LXVIII. 204
<i>Comment Iehan de Bourgongne, Comte de Neuers, mena ſon armee en Hongrie, contre les Turcs & comment le pourparlé du mariage du Roy Richard d'Angleterre, avec l'aiſnée fille de France, fut continué.</i>	LXIX. 205
<i>D'une ſentence & arreſt du Parlement de Paris, pour la veufue de feu Louis d'Aniou, premier du nom, Roy de Naples & de Hieruſalem, contre meſſire Pierre de Craon.</i>	LXX. 206
<i>Comment concluſion de mariage fut priſe à Paris entre le Roy Richard d'Angleterre & Madame Yſabel, aiſnee fille du Roy Charles de France, ſixieſme du nom: comment le Duc de Lanclaſtre ſe remaria: & comment meſſire Pierre de Craon fut quelque temps reſaſché de priſon, à la priere de la ieune roine d'Angleterre.</i>	LXXI. 207
<i>Comment Iehan de Bourgongne, comte de Neuers, paſſa la riuiere de la Dunoe, avec ſon armee & celle des Hongres, & comment, apres la priſe de quelques places, aſſiegerent la ville de Nicopoli.</i>	LXXII. 209
<i>Discours hors du propos principal, pour mieux deſcendre à la cauſe, qui meut Iehan Galeas de Milan à donner auertiffement au Turc, du voiage des François contre luy.</i>	LXXIII. 212
<i>Comment, pendant que l'Amorabaquin aſſembloit grand armee, pour venir contre les Hongres & François, le Sire de Concy, eſtant le ſiege deuant Nicopoli, deconſit avec peu de gens, vne fort grande troupe de Turcs.</i>	LXXIII. 215
<i>Comment le duc de Guerles empeſcha que le Comte d'Erbi n'allat au voyage de Friſe, avec le Côte de Hainaut & d'Oſtrenant, & comment les traittez de paix entre France & Angl. furent tant continuez, que le Roy Richard paſſa iuſques à Calais, pour en conclurre avec le Duc de Bourgongne.</i>	LXXV. 217
<i>Comment le Comte de Hainaut & le Comte d'Oſtrenant, ſon fils, meirent ſus vne grãde armee de Gens-d'armes, Chenaliers & Eſcuiers, pour aller en Friſe: & comment le Roy de France leur enuoia de ſes gens-de-guerre, ſous la conduite du comte Valeran de Saint-Pol, & de Monſeigneur Charles de Labret.</i>	LXXVI. 219
<i>Comment le Comte de Hainaut deſcendit en Friſe, avec ſon armee: & comment, ayant deconſit les Friſons en bataille, fut neantmoins contraint ſe retirer en Hollande, pour paſſer l'Yuer ſans auoir rien conquis au pays de Friſe.</i>	LXXVII. 222
<i>Comment l'ordonnance des noces du Roy d'Angleterre & de la fille de France ſe fit: & comment le Roy de France la luy liura en ſa tente, entre Ardres & Calais.</i>	LXXVIII. 226
	Comment

- Comment le siège, que les Chrestiens auoient mis deuant la forte ville de Nicopoli en Turquie, fut leué par l'Amorabaquin: & comment ils y furent deconfits, & les Hongres mis en fuite, par l'outracuidance des François.* LXXIX. 230
- Comment, apres la bataille de Nicopoli, le Turc fit tuer tous les prisonniers Chrestiens: excepté le comte de Neuers, & quelques autres grans Seigneurs.* LXXX. 233
- De la poureté & misere, qu'eurent quelques François & autres estrangers, pour venir en leurs pais, apres s'estre sauuez de la decōfiture de Nicopoli: & cōment messire Iaques de Helli, enuoïé par le Turc, apporta certaines nouuelles de ceste deconfiture, au Roy Charles sixiesme.* LXXXI. 236
- Comment messire Iaques de Helli, ayant eu sa depesche du Roy de France, arrina en Hongrie, pour retourner vers le Turc: comment messire Iehan de Chastel-morât fut aussi depesché par le Roy, pour porter quelques presens à ce Turc, en recommandation des prisonniers de Frâce, & comment ce pendant ils estoient traittez.* LXXXII. 238
- Comment messire Iaques de Helli, estât retourné vers le Turc, & quitté de sa prison, apporta sauf conduit de luy à messire Iehan de Chastel-morant, en Hongrie: & comment chastel-morât fut contraint d'enuoier messager en France, estant empesché, par le Roy de Hongrie, de porter ses presens au Turc.* LXXXIII. 240
- Comment la Duchesse d'Orleans fille au Duc de Milan, fut soupsonnee de la maladie du Roy.* LXXXIII. 243
- Comment le Duc de Bourgogne & Madame sa femme mettoient grande diligence à trouuer maniere de rachepter le comte de Neuers, leur fils, & les autres prisonniers, estâs en Turquie: & comment le Roy de Hongrie, à la persuation du Grand Maistre de Rhodes, laissa passer l'Ambassadeur & les presens du Roy de France au Turc.* LXXXV. 244
- Comment le duc de Clocestre subtilloit, & queroit les manieres, pour destruire le Roy d'Angleterre son neveu, & comment le Roy en estant bien aduertit, le fit prendre prisonnier par le comte Marechal.* LXXXVI. 246
- Comment sur les derniers traittez de la deliurance des Seigneurs de France, prisonniers du Turc par la bataille de Nicopoli, le Sire de Couci & le Comte d'Eu, Connestable de France, moururent: & comment on accorda pour la rançon du reste des autres.* LXXXVII. 255
- Comment les Seigneurs de France, prisonniers en Turquie, retournerent par mer iusques à Venise & des Isles, qu'ils trouuerent.* LXXXVIII. 260
- Comment messire Louis de Sancerre fut fait Connestable de France, au lieu du Comte d'Eu, mort en Turquie, & Bouciquant, estant encor absent avec le comte de Neuers, Marechal au lieu d'iceluy Sancerre: & comment les dessusdits Seigneurs, nagueres prisonniers du Turc, retournerent en France.* LXXXIX. 265
- De la mort du Duc de Clocestre & du comte d'Arondel: & cōment les oncles du Roy d'Angl. (c'est à sauoir les ducs de Lancastre & d'Iorch) & les Londriens s'en contenterent.* XC. 267
- De la grande assemblee, qui fut faite en la ville de Reims, tant de l'Empire d'Allemagne, cōme du royaume de France sur l'estat & vniō de Sainte Eglise.* XCI. 271
- Comment le cōte Marechal appela de gage, à outrance, le cōte d'Erbi, fils au Duc de Lancastre, en la presence du Roy & de tout son conseil.* XCII. 273
- Comment le Roy Richard d'Angleterre rendit sa sentence: par laquelle il bannit d'Angl. le comte d'Erbi iusques à dix ans, & le comte Marechal à iamais.* XCIII. 278
- Comment le cōte d'Erbi, apres son bannissement donné, se partit d'Angl. & de la ville de Londres, pour venir en France: & aussi le Comte Marechal (qui banni estoit a tousiours) s'en alla en Flādres, & de là en Lombardie.* XCIII. 279
- Comment messire Guillaume, comte d'Ostrenant, enuoia deuers le Comte d'Erbi ses messagers: & comment le Comte d'Erbi vint & fut receu à Paris.* XCV. 280
- Comment les traittez, faits à Reims entre le Roy de France & le Roy d'Allemagne sur l'uniō de l'Eglise, furent poursuiuis, & cōmmēt l'Euesque de Cambray fut enuoïé, de par lesdits rois, vers le Pape de Rome, pour ceste fin: & de la resposēse qu'il luy fit.* XCVI. 281
- Comment le Roy de France, apres l'auis des Prelats de Frâce & de l'Vniuersité de Paris sur la resposēse du Pape de Rome & du Roy d'Allemagne, enuoia l'Euesque de Cābray vers le Pape d'Auignon, pour la mesme raison de l'union de l'Eglise, & son Marechal Bouciquant, pour le contraindre par armes, si besoing estoit.* XCVIII. 283
- Cōment apres auoir ouy la resposēse du Pape Benedic d'Auignō, le Marechal Bouciquant le cōtraingnit, à force d'armes, de se soumettre à la volōtē du Roy, sur l'union de l'Eglise.* XCVIII. 285
- Comment, retournant le Marechal Bouciquant en Hongrie contre les turcs, le comte d'Erbi, en-*

noya vers le Duc de Lanclastre, son pere, pour auoir congé de faire aussi ce voiage, comment le Roy d'Angleterre, estant sollicité par le Roy de France, ne peut faire condescendre ses sugets à la neutralité des Papes, pour faire nouvelle election.	xcix. 287
De la responce, que le Duc de Lanclastre fit au Cheualier, enuoyé de par son fils le Côte d'Erbi, pour obtenir congé d'aller contre les Turcs, & comment le Duc de Lanclastre mourut.	c. 288
comment la mort du Duc de Lanclastre fut sceue en France: & comment le Roy Richard d'Angl. le fit sauoir au Roy de France, son grand Seigneur: & riens n'en manda à son cousin, le comte d'Erbi: qui fils estoit au Duc de Lanclastre.	ci. 289
du traité de mariage, encommencé entre le Comte d'Erbi & la fille au Duc de Berri: & comment le Roy Richard d'Angleterre le fit empescher par le comte de Salberi.	cii. 291.
Commēt le Roy Richard d'Angleterre fit publier vne iouste & feste, à laquelle peu de gens se trouuerent: & comment voulant aller en Irlande, bannit le comte de Northombellande, & son fils hors d'Angleterre.	ciii. 294
Comment les Anglois, & principalement ceux de Londres s'emeurent contre le Roy Richard, en faueur du Comte d'Erbi.	ciii. 295
Comment l'Archeuesque de Cantorbie fut enuoyé en France deuers le comte d'Erbi de par les Londriens & aucuns leurs consors d'Angleterre, pour faire reuenir ledit Comte.	cv. 297
comment le Comte d'Erbi prit congé du Roy de France & des Seigneurs François, & s'en alla en Bretaigne, deuers le Duc son cousin.	cvi. 299
Comment le comte d'Erbi arriua de Bretaigne en Angleterre: & comment il fut receu des citoyens de Londres.	cvii. 300
Comment le comte d'Erbi, nouveau Duc de Lanclastre, entreprit le gouuernement du Royaume d'Angleterre, & de s'en faire Roy, à l'aide des Londriens, & comment il marcha, en armes, contre le Roy Richard, vers Bristol.	cviii. 302
Comment nouvelles vindrent au Roy Richard de Bordeaux, que le Comte d'Erbi venoit à puissance sur luy: & comment il se retira au chasteau de Fluich.	cix. 303
Comment le Roy Richard se rendit au comte d'Erbi, pour estre mené à Londres.	cx. 304
Comment la Dame de Couci fut ostee à la ieune roine d'Angleterre, Isabel de France, luy estant nouvel estat baillé, avec nouvelles gens: & comment le Roy Richard, son mari, fut mis en la grosse tour de Londres.	cx. 306
Comment le Comte de Rostellant, Connestable d'Angl. sachant que le Roy Richard s'estoit rendu, donna congé à quelques Gens-de-guerre, qu'il luy auoit laissez: & comment le Roy, estans quatre des cheualiers de sa chābre iusticiez à mort par les Londriens, fut conseillé par les autres, prisonniers avec luy, de resigner sa couronne au Duc de Lanclastre, comte d'Erbi.	cxii. 307
comment le Roy Richard d'Angleterre resigna sa couronne, & son royaume, en la main du Comte d'Erbi, Duc de Lanclastre.	cxiii. 309
du Parlement & assemblée de Westmonstier, ou Henri de Lanclastre, parauant Comte d'Erbi, fut publiquement accepté pour Roy d'Angleterre: & comment il fut peu-apres couronné en grande feste & magnificence.	cxiiii. 311
comment les nouvelles de la prise du Roy Richard furent sceues en France, par la venue de la Dame de Couci, au grand deplaisir du Roy Charles: & comment le Duc de Bourbon tascha pour-neât à reduire Bordeaux, & autres villes d'Aquitaine, à la couronne de France.	cxv. 313
Comment le conseil de France enuoya veoir & visiter Madame Ysabeau de France, femme du Roy Richard, par la permission du nouveau Roy Henri.	cxvi. 315
Comment les côtes de Hestidonne & de Salleberi, & autres Seigneurs d'Angl. ayās failli à tuer le Roy Henry de Lanclastre en trahison, se leuerent en armes contre luy: & comment ils furent déconfits, & leurs testes tranchees, & enuoiees, au Roy.	cxvii. 316
Comment estant mort le Duc Iehan de Bretaigne, Comte de Montfort, les Bretons entreprirent la garde du ieune Duc son fils, s'en obligeans vers le Roy de France: & comment les François, se défians du nouveau regne d'Angleterre, se pourueurent contre les soudaines mutations.	cxviii. 319
De la mort du Roy Richard d'Angleterre: & comment les tréues furent renouvelles, & tenues, entre François & Anglois: & comment le Comte Marechal, banny d'Angleterre, mourut à Venise.	cxix. 320
de la neutralité de France enuers les Papes de Rome & d'Avignon, & de l'election de l'Empereur Robert.	cxx. 322



CY COMMENCE LE

QVART VOLVME DES CRONIC-

QVES MESSIRE IEHAN FROISSART: AV

*premier Chapitre duquel il parle de quelques siens voyages,
depuis son depart d'Ortais.*

CHAPITRE PREMIER.



O v s deuez * sçavoir, que, quand i'eu le traitt de ceste Histoire, & fu
issu de l'hostel du noble Gaston de Foix, & retourné en Auvergne &
en France, en la compaignie & route du gentil Seigneur de la Riuiere
& de messire Guillaume de la Trimaille (lesquels auoient amené
la Duchesse de Berry, Madame Iehanne de Boulongne, deuers le Duc
Iehan de Berry, son mary: qui espousée l'auoit en la ville de Rion en
Auvergne: si comme il est contenu cy-dessus en nostre Histoire: car à

* Annotat. 1.

toutes choses ie fu, si en puis bien parler) & ie fu venu à Paris, ie trouuay le gentil Sei-
gneur de Coucy, vn de mes Seigneurs & Maistres, qui nouuellemēt estoit † marié à vne
ieune Dame, fille au seigneur & Duc de Lorraine. Lequel seigneur de Coucy me fit tres-
bonne chere, & me demanda des nouuelles de Foix, de Bearn, & du Pape Clement d'A
uignon, & de ce mariage de Berry & de Boulōgne, & d'vn grand sien amy, vn mien Sei-
gneur & maistre aussi, le Comte Beraud Dauphin d'Auvergne. A toutes ces demādes, ie
respondi de ce que ie sauoye, & que i'auoye veu, & tant qu'il m'en feut bon gré: & me dit,
Vous vous en viendrez avec moy. Je m'en vois en Cābrefis, en vn chastel, que le roy m'a
donné: qu'on apelle Creuecueur. C'est à deux lieuës de Cambray, & à neuf lieuës de Va-
lenciennes. Monseigneur (di-ie) vous dites verité. Je me mei en sa route & compaignie:
& sur le chemin il me dit que l'Euesque de Bayeux, le Comte de S. Pol, messire Guillau-
me de Melin, & messire Iehan le Mercier, estoient à Boulongne, enuoyez de par le Roy
de France & son Conseil, & d'autre part se tenoiēt à Calais de par le Roy Richard d'An-
gleterre, l'Euesque de Durem, messire Guillaume de Mōtagu, le Comte de Salbery, mes-
sire Guillaume de Beauchamp, capitaine de Calais, messire Iehan Chambou, messire Ni-
cole de Grandbourg, Cheualiers & Chambellans du Roy d'Angleterre, & Richard Ro-
charle, Clerc & Docteur en Loix: & se sont là tenus plus d'vn mois (dit il) les vns à Bou-
longne, les autres à Calais, attendans Ambassadeurs du Royaume d'Escoce: qui pas n'e-
stoient venus, n'a pas six iours: car mon cousin de S. Pol m'en a escrit. Si a le Roy de Frā-
ce enuoyé deuers le Roy d'Escoce & son Conseil, parquoy il prenne tréues: car les An-
glois ne veulēt donner nulles tréues: se les Escoçois ne sont enclos dedās. Ainsi cheua-
chant nous vinsmes à Creuecueur: & là fu delez luy trois iours, tāt que ie fu reposé & re-
freschy: & puis pry congé de luy: & vein à Valenciēnes: & là fu quinze iours: & puis m'en
party: & m'en allay en Hollande, veoir mon gentil maistre & Seigneur le Côte de Blois:
& le trouuay à Estonchouc: & me fit tresbonne chere: & me demanda des nouuelles.
Je luy en dy assez, de celles que ie sauoye: & fu delez luy bien vn mois, que là qu'à la Go-
de, & puis pry congé, pour retourner en France, & pour sauoir la verité de ce Parlemēt,
qui se tenoit à Belinghem, des François & des Anglois, & aussi pour estre à vne tresbel-
le feste, qui deuoit estre en la ville de Paris, à la premiere entrée de la Royne Ysabel de
France, qui encores n'y auoit point entré. Pour sauoir le fond de toutes ces choses, ie
m'en retournay parmy Brabant, & fey tant, que ie me trouuay à Paris, huit iours auant
que la feste se teinst. Tant eu ie de pourueance des Seigneurs de France & d'Escoce, qui
estoient venus au Parlement, que ie m'accointay de messire Guillaume de Melin: qui

† Il en a touché
vn mot au ch.
122. du 3. Vol.

Froissart, estāt
venu d'Ortais à
Rion, & de Rion
à Paris, accōpai-
gne le sire de
Coucy, iusques à
Creuecueur en
Cambresis.

Froissart va
de Creuecueur à
Valenciēnes,
& de Valenciē-
nes en Hollande,
vers le Côte de
Blois.

Retour de Frois-
sart à Paris,
pour l'entrée de
la Royne Ysa-
beau de Baviè-
re.

m'en dit toute l'ordonnance, & comment le Comte de Saint Pol estoit passé outre en Angleterre, pour veoir le Roy Richard son serourge, & pour confermer la tréue: qui estoit donnée à trois ans: mais il sera icy (dit-il) comment que ce soit, à nostre feste. Je demanday audit messire Guillaume de Melin quels Seigneurs d'Escoce auoient esté à ce Parlemēt: & le demandoye, pourtāt qu'en ma ieunesse ie fu en Escoce: & cherchay tout le Royaume d'Escoce, iusques à la sauuage Escoce: & en ce temps que i'y fu & y demouray en la court du Roy Dauid d'Escoce, eu la cognoissance de la greigneur partie des Barons & Cheualiers. Il me respondit: & dit, † l'Euesque de Bredane y a esté, messire Ialemme & messire Dauid de Lindesce, & messire Gautier de Saint-Clar. Je mis tout en retenance: & puis entendy à escrire & registrer tout ce que ie vey & ouy de dire verité, qui adueni estoit à la feste, à l'entrée, & venue à Paris, de la Roynie Ysabel de France: dont l'ordonnance ainsi s'ensuit.

† Il en nomme d'autres au dernier chap. du Vol. precedent: & ne vous puis faire raison, de telles varietez, comme desia ie m'e suis plusieurs fois excusé.

De l'ordonnance de l'entrée & bien-venue de la Roynie Ysabel de France en la ville de Paris.

CHAP. II.

LE Dimenche vingtième iour du mois de Iuin (qui fut en l'an de nostre Seigneur mil trois cens quatre vingts & neuf) auoit tant de peuple dedans Paris, & dehors, que merueilles estoit de veoir: & ce Dimenche, à heure de releuée, fut l'assemblée faite, en l'Eglise de Saint-Denis, des hautes & nobles Dames de France, qui la Roynie deuoient accompagner, & des Seigneurs qui les liètières de la Roynie & des Dames deuoient adestrer: & estoient des Bourgeois de Paris douze cens, tous à cheual, & sur les champs, rangez d'une part du chemin & de l'autre part, parez & vestus tous d'un parement, de † gonnes de baudequin verd & vermeil. Si entra la Roynie Iehanne, & sa fille, la Duchesse d'Orleans, premierement à Paris, ainsi qu'une heure apres nonne) en liètiere couuerte, bien-accompagnée de Seigneurs: & passerent parmy la grād' rue Saint-Denis: & vindrent au Palais: & les attendoit le Roy, & pour ce iour ces deux Dames n'allerent plus-aunt. Or se meirent la Roynie de France, & les autres Dames, au chemin, la Duchesse de Berry, la Duchesse de Bourgongne, la Duchesse de Touraine, la Duchesse de Bar, la Cōtesse de Neuers, la Dame de Coucy, & toutes les Dames & damoiselles, & toutes par ordonnāce: & auoient toutes leurs liètières, parées si richement, que riē n'y failloit. Mais la Duchesse de Touraine n'auoit point de liètiere, * pour elle differer des autres: ains estoit sur un pallefroy, tresrichement aorné: & cheuauchoit d'un lez, & tout le pas. La liètiere de la Roynie de France estoit adestrée du Duc de Touraine & du Duc de Bourbon, au premier chef. * Secondement & au milieu tenoient & adestroient la liètiere le Duc de Berry & le Duc de Bourgongne: & à la dernière suite messire Pierre de Navarre, & le Comte d'Ostrenant: & vous dy que la liètiere de la Roynie estoit tresriche, & bien aornées, & toute découuerte. Apres venoit sur un pallefroy, tresbien paré & aorné, & sans liètiere, la Duchesse * de Touraine: qui estoit adestrée & menée du Comte de la Marche, & du Comte de Neuers: & alloient tout souef le pas: & aussi faisoient ceux, qui conduisoient les liètières. Apres vindrēt en liètiere, toute découuerte. Madame de Bourgongne & Marguerite de Haynaut, Comtesse de Neuers, sa fille: & estoit la liètiere menée & adestrée de messire Héry de Bar, & du Comte de Namur, le ieune: qu'on nomme messire Guillaume. Apres * venoit une liètiere toute découuerte, derriere Madame de Berry (qui estoit sur un pallefroy, tresbiē & richement paré) & deuant la Duchesse de Bar & la fille au Seigneur de Coucy: & menoit madicte Dame de Berry messire Jaques de Bourbon & messire Philippe d'Artois. Apres venoient les autres Dames dessus-nommées, la Duchesse de Bar & sa fille: & estoient adestrées de messire Charles de Labreth & du Seigneur de Coucy. Des autres Dames & Damoiselles, qui venoient derriere sur charriots couuers, & sur pallefrois, n'est nulle mētion, & des Cheualiers qui les suiuoient. Mais biē vous dy q̄ Sergēs d'armes & officiers du Roy estoient to⁹ embesongnez à faire voye, & à rōpre la presse & les gens: tant y auoit grand peuple sur les rues, & tel, qu'il sembloit, que tout le monde fust là mandé. A la premiere porte de S. Denis, ainsi qu'on entre dedans Paris, auoit un ciel tout estoillé: & dedans ce ciel ieunes enfans, appareillez & mis en ordonnance d'Ange. Lesquels enfans chantoient moult melodieusement & doucement, & avec tout ce, il y auoit une image de Nostre-Dame, qui tenoit par figure son petit enfans, lequel enfant, s'ébatoit, par soy, à un petit moulinet, fait d'une grosse noix. Si estoit haut le ciel, & aorné moult richemēt des armes de France, & de bauliere, à un soleil d'or,

† Gonnes est pour l'habillement, & baudequin pour le drap: fust de soye ou autre. Mais ie ne les vous puis autrement specifier.

* Annotat. 2.

* Annotat. 3.

* Annotat. 4.

* Annotat. 5.

† Il a par-auāt nommé la Dame de Coucy mesme: & tantost dira la Dame de Bar & sa fille.

Entrée de la Roynie Ysabeau de Bauliere à Paris le 20. de Iuin 1389. comme il a dit au commencement de ce chap.

d'or, resplédisant & donnant ses rays: & le ciel d'or, rayât, estoit deuise du roy, & pour la feste des ioustes. Lesquelles choses la Royne de France & les dames, en passant outre, & deffous la porte, veirent moult volontiers: & aussi firent toutes gens, qui par là passerét. Apres ce veu, la Royne de France & les Dames vindrent, tout le petit pas, deuant la Fontaine, en la rue S. Denis, laquelle Fontaine estoit toute couuerte & parée d'un drap de fin azur, peinct & semé de fleurs de lys d'or: & les pilliers, qui enuironnoient la Fontaine, armoiez des armes de plusieurs haux & nobles Seigneurs du royaume de France: & donnoit ceste Fontaine, par ses conduits, † clairé & piemét tresbon, & par grâs rieux, & auoit là, autour de la Fontaine, ieunes filles, trefrichement aornees, & sur leurs chefs chapeaux d'or, bons & riches: lesquelles chantoient tant melodieusement, que douce chose & plaisante estoit à l'ouir: & tenoient en leurs mains hanaps d'or & coupes d'or: & offroient, & donnoient à boire à tous ceux, qui boire vouloient, & en passant deuant elles, la royne de France s'arresta, & les regarda moult volontiers, & se réioui de l'ordonnance: & aussi firent toutes les autres dames & damoiselles, & tous ceux & celles, qui les veirent. Apres, deffous le monstier de la Trinité, sur la rue auoit vn échaufaut, & sur l'échaufaut vn charstel: & là, au long de l'échaufaut, estoit ordonné le pas du roy Salhadin, & tous faits de personages, les Chrestiens d'une part, & les Sarrazins de l'autre: & là estoient par personnages, tous les Seigneurs de nom, qui iadis au pas Salhadin furent, & armoiez de leurs armes, ainsi que pour le temps d'adonc ils s'armoierent: & vn petit en sus d'eux, estoit, par personnage, le Roy de France: & entour luy les douze Pers de France, tous armoiez de leurs armes: &, quand la Royne de France fut amenée si auant en sa litiere, que deuant l'échaufaut ou ces ordonnances estoient, le Roy Richard se departit de ses compagnons: & s'en vint au Roy de France: & demanda congé, pour aller assaillir les Sarrazins: & le Roy luy donna. Ce congé pris, le Roy Richard s'en retourna deuers ses compagnons: & lors se meirent en ordonnance: & allerent incontinent assaillir le Roy Salhadin & ses Sarrazins: & là y eut par ébatemēt, grand' bataille: & dura vne bonne espace: & tout fut veu moult volontiers. Puis passerent outre: & vindrent à la † seconde porte S. Denis: & là auoit on ordonné, comme à la premiere porte, vn ciel, nué & estoillé trefrichement, & Dieu par figure, seant en sa magesté, le Pere, le Fils, & le S. Esprit: & là dedans le ciel, petis enfans de chœur chantoient moult doucement, en forme d'Anges (laquelle chose on veoit, & oyoit moult volontiers) & ainsi que la royne passa, dedans sa litiere, sous la porte de Paradis, d'amont deux Anges issirent hors, en leur aualant: & tenoient en leurs mains vne trefriche courōne d'or, garnie de pierres precieuses: & la meirēt les deux Anges. & l'affirent moult doucement, sur le chef de la Royne, en chantant moult doucement tels vers,

Dame, enclose entre fleurs de lys,

Royne estes vous du Paradis

De France, & de tout le pays.

Nous en r'allons en Paradis.

Apres trouuerēt les Seigneurs & les Dames, deuant la Chapelle S. Iaques, vn échaufaut, fait moult richemēt, & tresbien ordonné, seant au dextre, ainsi cōme ils s'en alloient: & estoit ledit échaufaut couuert de drap de haute lice, & encourtiné en maniere d'une chambre: & dedans celle chambre auoit hommes, qui sonnoient orgues moult doucement: & sachez que toute la grand' rue S. Denis estoit couuerte, à ciel, de drap cameloté & de soye, si richement, comme s'on eust les draps pour neâr, ou qu'on fust en Alexandrie, ou en Damas: & ie, Acteur de ce liure (qui fu present à toutes ces choses) quand i'en vey si grand' foison, ie m'emerveillay ou l'on en auoit tant pris: car toutes les maisons des deux costez de la grand' rue S. Denis, iusques au Chastelet, voire iusques au grand pont de Paris, estoient parées & vestues de † draps de haute lice, de diuerses Histoires: dont grand' plaissance estoit de veoir. Ainsi tout le petit pas s'en vindrent les dames en leurs litières, & les seigneurs, qui les menoient, iusques à la porte du Chastelet de Paris, & là s'arrestèrent, pour veoir autres belles ordonnances, qu'ils trouuerent deuant la porte. A la porte du Chastelet de Paris auoit vn Chastel, ouuré & cherpenté de bois, & de garites, faites aussi fortes, que pour durer quarante ans: & là auoit, à chacun des creneaux, vn Homme-d'armes, armé de toutes pièces: & sur le chastel vn Liēt, paré, & ordonné, & encourtiné, aussi richement de toutes choses, comme pour la chambre du Roy, & estoit apelé ce Liēt, le Liēt de Iustice, & là en ce Liēt, par figure & par personnage, se gisoit Madame S. Anne. Au plain de ce chastel (qui estoit contenant grand' espace) auoit vne garenne:

& grand foison de ramée, & dedans la ramée grād' foison de lièvres, & de cōnils, & d'oisillōs, qui voloiet hors, & y reuoloiet à sauf garāt, pour la doute du peuple, qu'ils veoient: & de ce bois & ramée du costé ou les Dames vindrent, issir vn grand blanc Cerf, deuers le Liēt de Iustice. D'autre part issit hors du bois, & de la ramée, vn Lyon, & vn Aigle, faits trespropement: & approchoient fiéremēt ce Cerf & le liēt de Iustice. Lors issirent hors du bois, & de la ramée, ieunes pucelles, enuiron douze, tresrichement parées en chapelers d'or, tenans espées toutes nues en leurs mains: & se meirent entre le Cerf & l'Aigle & le Lyon: & monstrerent qu'à l'espée elles vouloiet garder le Cerf, & le Liēt de Iustice.

*p. Il entend par
ler du Pont No
stre-Dame.* Laquelle ordonnance la Royne & les dames, & les Seigneurs, veirent moult volonriers: & puis passerēt outre en aprochāt le † grand pont de Paris: lequel estoit couuert & paré si tresrichemēt, que riens on n'y sceust, ne peust, amēder: & estoit couuert d'vn ciel estoillé, de verd & de vermeil semé: & iusques à l'Eglise Nostre-Dame estoient les rues parées.

Quand les Dames eurent passé le grand pont, en approchant la grand' Eglise Nostre-Dame, il estoit iā tard: car les cheuaux, & ceux, qui les dames menoiet dedās les littieres, n'alloient, ny n'estoient allez, depuis qu'ils estoiet partis de S. Denis, que le petit pas. Le grād Pont de Paris estoit tout au lōg couuert & ciclé de verd & de blanc cendal: & auāt que la Royne de France, les Dames, & les Seigneurs, entraissent dedans l'Eglise Nostre-dame, elle trouua, sur son chemin, autres ieux: qui grādement luy vindrent à plaissance & aussi firent ils à tous ceux & celles, qui les veirēt: & ie vous diray que ce fut. Bien vn mois deuant la venue de la Royne en Paris, vn maistre engingneur, d'apertise, & de la nation de Genēue, sur la haute tour Nostre-Dame de Paris, & tout au plus-haut, auoit attaché vne corde (laquelle corde comprenoit biē loing, & par dessus les maisons: & venoit tout haut: & estoit attachée sur la plus haute maison du Pont S. Michel) & ainsi cōme la Royne & les autres Dames passoiēt, & estoient en la grand' rue Nostre-Dame, celuy Maistre pource qu'il estoit tard) portant deux cierges ardans en ses mains, issit hors de son échaut (lequel estoit fait sur la haute tour Nostre-Dame) & s'assit sur elle: & tout chantant sur la corde, il s'en vint au long de la grand' rue: dont ceux & celles, qui le veoient, s'émervelloient comment cela se pouuoit faire: & celuy tousiours portoit les deux cierges allumez: lesquels on pouuoit voir tout au long de Paris, & au-dehors de Paris, deux ou trois lieues loing. Moult fit d'appertises, tant que la legéreté de luy, & de ses œuures, fut moult prisée. Deuant ladite Eglise Nostre-Dame, en la place, l'Euesque de Paris estoit reuestu des armēs Nostre-Seigneur, & tout le College aussi (ou moult auoit grand Clergé) & là descendit la Royne: & la meirent ius, hors de sa littiere, les quatre Ducs, qui là estoient: Berry, Bourgongne, Touraine, & Bourbon. Pareillement toutes les autres Dames furent mises hors de leus littieres, & celles, qui à cheual estoient, ius de leurs pallefrois: & par ordonnance elles entrerent en l'Eglise, l'Euesque & le Clergé deuant: qui chantoient haut & cler à la louenge de Dieu & de la vierge Marie. La Royne de Frāce fut adestrée & menée, parmy l'Eglise & le Chœur, iusques au grand autel: & là se mit à genoux, & fit ses oraisons, ainsi que bon luy sembla: & bailla & offrit à la Tresorerie de Nostre-Dame quatre draps d'or, & la belle couronne, que les Anges luy auoiet posée sur le chef à la porte de Paris, entrant dedans (si comme il est cy-dessus contenu) & tantost furent appareillez messire Jehan de la riuiere & messire Jehan le Mercier: qui luy en baillerent vne, plus riche assez, que celle ne fut: & luy assirent, sur le chef, l'Euesque de Paris, & les quatre Ducs dessus-nommez. Tout ce fait, on se mit au retour parmy l'eglise: & fut la Royne & les Damoiselles remises sur leurs littieres, comme deuant: & là auoit plus de cinq cens cierges tous ardans: car il estoit iā tard. Si furent en tel arroy amenées au Palais de Paris: ou le Roy estoit, & la Royne † Jehanne, & la Duchesse d'Orleans sa fille: qui là les attendoient: & là descendirent les Dames ius de leurs littieres: & furent menées, chacune à son ordonnance, en chābres parties, & les Seigneurs retournerent à leurs hostels, apres les dances. Le lendemain, le Lundy, le Roy donna à disner au Palais, aux Dames: dont il y auoit tresgrand' foison, & à l'heure de haute messe, la Royne de France fut adestrée & amenée, des quatre Ducs dessus-nommez, en la Sainte-chapelle, & fut, à la messe, sacrée & enoingte: ainsi comme Royne de France le doit estre: & fit l'office de ladite messe l'Archeuesque de Rouen, qui pour lors s'apeloit messire Guillaume de Viare. Apres la messe (qui fut bien chantée, & solennellement) le Roy de France & la royne retournerent en leurs chambres, & toutes les dames aussi: qui chambres au Palais auoiet, Assez tost apres le retour de la messe, le Roy & la Royne de France entrerent en la salle,

† C'estoit Madame Jehanne d'Eureux, veue du Roy Charles le Bel, & leur fille Blanche, mariée au Duc Philippe d'Orleans frere du feu Roy Jehan, & grand oncle du Roy Charles sixième de lesquelles il a iā parlé au commencement de ce chap.

& tou-

& toutes les Dames. Vous devez sauoir que la grand table de marbre (qui continuellement est au Palais, ne point ne se bouge) estoit réforcée d'une grosse planche de chesne, épaisse de quatre poulces. Laquelle table estoit couverte pour dîner dessus. En sus de la grand' table, encontre vn des pilliers, estoit le dresouer du Roy, grand, bel, & bien paré, couuert & aorné de vaisselle d'or & d'argent, & bien conuoité de plusieurs, qui ce iour le veirent. Deuant la table du Roy, tout au long descendant, auoit vnes baillies de gros mesrien, par raison, à trois entrées: & là estoient Sergens d'armes, Huissiers du roy, & Archers moult grād' foison, qui les entrees gardoient: à celle fin que nul n'y entraist: s'il n'estoit seruiteur, ordonné pour seruir à table: car vous devez sauoir, & verité fut, qu'éladite salle auoit si grād' peuple, & telle presse de gēs, qu'ō ne sy pouuoit retourner, fors à grād' peine. Menciñriers estoient là, à grand' foison: qui ouuroient de leurs mestiers, de ce que chacun sauoit faire. Les Roys Prelats, & Dames, lauerēt. Lon fassit à table: & fut l'affi-
Le festin de l'entrée de la Roïne Tsabeau de Baniere.
 te telle. Pour la haute table du roy, l'Euesque de Noyon faisoit le chef, & puis l'Euesque de Langres, & puis, delez le Roy, l'Archeuesque de Rouen, & puis le Roy de France: qui seoit en vn surcot, tout couuert de vermeil, fourré d'ermine, la courōne d'or sur le chef. Apres le Roy, vn petit en sus, seoit la Roine de France, courōnée aussi de courōne d'or, moult riche. Apres la Roïne, seoit le Roy d'Armenie, & puis la duchesse de Berry, & puis la Duchesse de Bourgōgne, & puis la duchesse de Touraine, & puis Madame de Nevers & puis Madamoiselle Bonne de Bar, & puis Madame de Coucy, & puis Madamoiselle, Marie de Harrecourt. Plus n'é y auoit à la haute table du Roy, fors encores tout dessous, la Dame de Suily, femme de messire Guy de la Trimouille. A deux autres tables, tout enuiron le Palais, seoiēt plus de cinq cens Damoiselles: mais la presse y estoit si grand', qu'à peine les pouuoit on seruir de metz: qui estoient grans & notables. De ce ne vous ay-ie que faire de tenir compte: mais ie vous parleray des entremetz, qui y furent, qui si bien estoient ordōnez, qu'on ne pourroit mieux, & eust esté pour le Roy de France tresgrād' plaissance à veoir: si ceux, qui auoient entrepris à iouer, eussent ioué. Au milieu du Palais auoit vn chastel, ouuré & charpenté en quarreure, de 40. piez de long, & vingt piez de lé: & auoit quatre tours sur les quatre quartiers, & vne tour, plus haute assez, au milieu du chastel, & estoit figuré le chastel pour la cité de Troye la grād', & la tour du milieu pour le Palais d'Ilion: & là estoient en pennons les armes des Troyens, telles que du Roy Priā, d'Hector son fils, & de ses autres enfans, & aussi des Roys & des Princes, qui enclos furent en Troye avecques eux: & alloit ce chastel sur quatre roues: qui tournoient dedans moult subtilement. Si vindrent ce Chastel requerre & assailir autres gens d'un lez, qui estoient en vn pauillon: lequel pareillement alloit sur roues couuertement & subtilement (car on ne veoit riens du mouuement) & là estoient les armoiries des Roys de Grece & d'ailleurs, qui meirent le siege iadis deuant Troye. Encores y auoit (si comme on leur aida) vne nef tresproprement faite, ou bien pouuoient cent Hommes-d'armes: & tout par l'art & engin des roues se mouuoient ces trois choses: le chastel, la nef, & le pauillon: & eut de ceux de la nef, & du pauillon, grand assaut, d'un lez à ceux du chastel, & de ceux du chastel aux dessusdits grand' defense: mais l'ébatement ne pouuoit longuement durer, pour cause de la grand' presse des gens, qui les enuironnoient: & là eut de gens par la chaleur étoufez, & par presse moult mesaisez: & fut vne table seant au lez deuers l'huis de Parlement (ou grand' foison de Dames & Damoiselles, estoient assises) de force ruée par terre: & conuint les Dames & Damoiselles, qui y estoient soudainement, & sans arroy, leuer sus. Par l'échauffement de la presse, & de la grand' chaleur, qui estoit au Palais, la Roïne de France fut sur le poinct d'estre mesaisée: & conuint vne barriere rompre (qui estoit derriere l'huis) pour auoir vent & air. La Dame de Coucy fut pareillement trop mesaisée. Le Roy de France s'aperceut bien de cest affaire: si commanda à cesser. On cessa: & furent les tables leuées & abbattues soudainement, pour les Dames & Damoiselles estre au large. On se deliura de donner vin & espices: & se trahit tantost chascun & chascune, quand le Roy & la Roïne furent retraits en leurs chambres. Aucunes Dames demourerent au Palais: & aucunes s'en retournerent en leurs hostels en la ville, pour mieux estre à leur aise: car elles auoient esté de chaleur & de presse fort greuées. La Dame de Coucy retourna à son hostel: & là se tint iusques sur le tard. Sur le poinct de cinq heures la roïne de France, accompagnée des Duchesses, dessus-nommées, se departit du Palais de Paris: & s'en vint en sa lieñiere découuerte,

parmy les rues, au plus long, & les Dames aussi en leurs liètières, & sur leurs pallefrois: & vindrent à l'hostel du Roy, qu'on dit S. Pol-sur-seine. En la cōpaignie de la Roïne & des Dames aussi auoit plus de mille cheuaux: & le Roy de France entra en vn baïtel, sur Seine, au Palais: & se fist auancer en la riuere, iusques à S. Pol: auquel hostel de S. Pol (cōbien qu'il soit grand assez, & bien amendé) on auoit fait faire en la court (qui contient grand place, ainli qu'on entre dedans par la porte de Seine) & charpenter vne treshaute salle: laquelle estoit toute couuerte de draps escrus, de Normâdie) lesquels on auoit fait venir de plusieurs lieux) & les parois estoient parées & couuertes à l'enuiron de draps de haute lice, d'estranges Histoires: lesquels on veit moult volontiers: & dedans ceste salle donna le Roy à souper aux Dames: mais la Roïne demoura en ses chambres, & là soupa: & point ne se monstra celle nuit: & les autres Dames, & le Roy, & les Seigneurs, dancierēt & s'ebattirēt toute la nuit, iusques sur le poinct du iour, que les festes cessèrent: & retournerent chascun & chascune en son lieu, pour dormir & reposer: car bien estoit heure. Or vous vueil parler des dons & des presens, que les Parisiēs firent, le Mardy deuant disner, à la Roïne de Frâce, & à la duchesse de Touraine: qui nouuellemēt estoit venue en France, & issue hors de Lombardie: car elle estoit fille au Duc de Milan: & l'auoit en celuy an espousée le Duc Loïs de Touraine: & encores n'auoit la ieune Dame (qui s'appelloit Valentine) entré en la cité de Paris, quād elle y entra premierement en la compaignie de la Roïne de France. Si luy deuoient les Bourgeois de Paris sa bien-venue. Vous deuez sauoir que le Mardy, sur le poinct de douze heures, vindrent les Bourgeois de Paris, environ 40. tous des plus notables, vestus d'vns draps tous pareils, à l'hostel du Roy, à S. Pol: & apporterent vn present, qu'ils firent au Roy, tout au long de Paris: & estoit le present en vne liètiere, tresrichement ouurée: & portoient la liètiere deux fors hommes, ordonnez & habillez trespropremēt, cōme hōmes sages: & estoit la liètiere couuerte d'vn ciel, fait d'vne deliée cresppe de foye: parquoy, tout parmi, on pouuoit biē veoir les ioyaux, qui sur la liètiere estoiet. Eux venus à S. Pol, ils s'adreçerent premierement deuers la chābre du Roy (qui estoit toute ouuerte, & appareillée pour eux receuoir: car on sauoit iā bien leur venue: & tousiours est biē-venu, qui apporte) & meirēt les Bourgeois, qui le present firent, la liètiere ius, sur deux traiteaux, emmy la place, en la chambre: & s'agenouillerēt

Presens des Parisiens au Roy, & à la Roïne.

† Il dit ce mot, pource que par auant le Roy estoit sous le gouvernement de ses oncles, ie alors il gouvernoit par soy, ayant esté déclaré habile à tel gouvernement, à son retour de Gueldres: comme il a dit au ch. 134. du tiers Vol.

deuāt le Roy, en disant ainli, Trescher Sire & noble Roy, voz Bourgeois de la ville de Paris vous presentent, au ioyeux raduenement de vostre regne, tous les ioyaux, qui sont sur ceste liètiere. Grand mercy (respondit le roy) bonnes gens. Ils sont beaux & riches. Dōc se leuerent les Bourgeois: & se retraitent arriere. Ce fait prirent congé: & le Roy le leur donna. Quand ils furent partis, le Roy dit à messire Guillaume des Lordes & à Montagu (qui estoient delez luy) Allon veoir, de plus pres, les presens, quels ils sont. Ils vindrēt iusques: à la littiere: & regarderent sus. Or vueil-ie dire tout ce, qui sur la liètiere estoit, & dont on auoit fait present au Roy. Premierement, il y auoit quatre pots d'or, six trépoirs d'or, & six plats d'or, & pesoient toutes ces vaisselles cent cinquante marcs d'or. Pareillement autres Bourgeois de Paris, tresrichement parez, & vestus tous d'vns draps, vindrent deuers la Roïne de France: & luy firent present sur vne liètiere, qui fut apportée en sa chambre: & recommanderent la cité, & les hommes de Paris, à elle. Auquel present auoit vne nef d'or, deux grans flascons d'or, deux drageoirs d'or, deux salieres d'or, six pots d'or, six trempoirs d'or, douze lampes d'argent: & deux bacsins d'argent: & y eut, en somme, pour trois cens marcs, qu'or, qu'argent: & fut ce present apporté en la chambre de la Roïne, en vne liètiere (si-comme icy dessus est dict) par deux hommes: lesquels estoient figurez, l'vn en la forme d'vn ours, & l'autre en la forme d'vne licorne. Le tiers present fut apporté semblablement en la chambre de la Duchesse de Touraine par deux hōmes, figurez en la forme de Mores, noircis par les viaires, & biērichement vestus de touailles blanches, enelopez parmy leurs chefs: si-comme ce fussent Sarrazins ou Tartres. Si estoit la littiere belle & riche, & couuerte d'vn delié cœuureche de foye, comme les autres, & conuoyée & destrée de douze Bourgeois de Paris,

Present des Parisiens à Madame Valentine de Milan, femme du Duc de Touraine, frere du Roy.

vestus moult richement, & tous d'vn parement: lesquels firent le present à la Duchesse dessusdite: auquel present auoit vne nef d'or, vn grand pot d'or, deux drageoirs d'or, deux grans plats d'or, deux salieres d'or, six pots d'argent, deux douzaines de saucieres d'argent, & deux douzaines de tasses d'argent: & y auoit en somme toute, que d'or que d'argent, deux cens marcs. Le present réiouit grandement la Duchesse de Touraine (& ce fut raison: car il estoit bel & riche) & remercia grandement & sagement ceux, qui pre-

qui presenté l'auoient, & la bonne ville de Paris: de par qu'il le profit venoit. Ainsi en ce iour (qui fut nommé Mardy) furent faits, donnez, & presentez au Roy, à la Roïne, & à la Duchesse de Touraine, ces trois presens. Or confidez la grande valeur des presens, & aussi la puissance des Parisiens, car il fut dit à moy Acteur de ceste Histoire (qui tous les presens vei) qu'ils auoient cousté plus de soixante mille couronnes d'or. Ces presens faits & presentez, il fut heure d'aller disner: mais ce iour, le Roy, les Dames, & les Seigneurs disnerent en chambre, pour plus légèrement auoir fait, car sur le point de trois heures apres disner, l'on se deuoit traire au champ de Sainte-Katherine, & là estoit l'appareil fait & ordonné tresgrand pour iouster, de loges & d'eschaufaux, ouurez & charpentez pour la Roïne & les Dames. Or vueil-je nōmer, par ordonnance, les Cheualiers, qui estoient là dedans: & s'appelloient les Cheualiers du Roy, du Soleil d'or: & quoy que ce fust pour ces iours la deuise du Roy: si estoit il de ceux de dehors, & iousta comme les autres forains, pour conquerre le prix par armes, si en pouuoit auoir l'auenture. Or estoient ceux Cheualiers trente: & tout premier le Duc de Berry, secondement le Duc de Bourgogne, le Duc de Bourbon, le Comte de la Marche, messire Iacquemart de Bourbon son frere, messire Guillaume de Namur, messire Oliuier de Clifson, Connestable de France, messire Jehan de Vienne, messire Iagues de Vienne, Seigneur d'Espaigny, messire Guy de la Trimouille, messire Guillaume son frere, messire Philippe de Bar, le Seigneur de Rochefort, Breton, le Seigneur de Rais, le Seigneur de Beaumont, messire Jehan de Barbençon, dit l'Ardenois, le Halze de Flandres, le Seigneur de Torcy, Normand, messire Jehan de Barres, le Seigneur de Nātoillet, le Seigneur de Rochefoucaut, le Seigneur de Garanciers, messire Jehan de Harpedant, le Baron d'Vry, messire Guillaume Marciel, messire Regnaud de Roye, messire Geoffroy de Carin, messire Charles de Changiet, & messire Guillaume de Lignac. Tous ces Cheualiers estoient armez & parez, en leurs targes, d'un Rayon du soleil: & furēt sur le point de trois heures, apres disner, en la place de Sainte Katherine: & iā estoient venues les Dames, & la Roïne de France toute premiere: & fut amenée iusques là, en un char, couuert si richement, q̄ pour le corps d'elle: & les autres Dames & Duchesses chacune en grand arroy: & monterent & entrerent dedans les eschaufaux, qui ordonnez estoient pour elles. Apres vint le Roy de France, tout appareillé pour iouster (lequel mestier il faisoit tresvolontiers) & quād il entra sur les chāps vous deuez sauoir qu'il estoit bien accompagné, & arce de ce qu'il luy falloit. Si commencerent les ioustes, & les ebatemens, grans & roides, car grande foison de Seigneurs y auoit de tous pays: & vous dy que messire Guillaume de Hainaut, Comte d'Ostrenant, iousta moult bien: & aussi firent les Cheualiers, qui avecques luy venus estoient, le Sire de Gommines, messire Jehan d'Andregines, le Sire de Cantan, messire Ansel de Trāsegines & messire Clinquart de Herinno. Tous le firent bien, à la louenge des Dames: & aussi iousta moult bien le Duc d'Irlande: qui pour ces iours se tenoit en France deuers le Roy, car il y auoit esté mādē. Aussi iousta moult bien un Cheualier Allemand, de defus le Rin: qui s'appelloit messire Seruais de Mirande. Si furent ces ioustes fortes & roides, & bien ioustées: mais il y auoit tant de Cheualiers, qu'à peine se pouuoient ils assener de plain coup: & la foule des cheuaux, & la poudriere, y estoit si grande, que ce les greuoit & empeschoit. Par especial trop grandement le Sire de Coucy s'y porta bien.

Si durerent les ioustes, fortes & roides, iusques à la nuit: qu'on se departit: & furent les Dames menées à leurs hostels. La Roïne de France, en son arroy, fut ramenée à Saint-Pol: & là fut le souper des Dames si tresgrand, si bien, & si étofé de toutes choses, qu'à peine feroit du recorder: & durerent les festes & les dances iusques au soleil leuant, & eut le pris des ioustes, pour le mieux ioustant de tous, & qui le plus auoit continué de ceux de dehors, par l'assentement & iugement des Dames & des Héraux, le Roy de France: & de ceux de dedans, le Halze de Flandres, frere bastart à la Duchesse de Bourgogne. Or, pource que les Cheualiers se plaignoient de la grand poudriere qu'il auoit fait le iour des ioustes, & disoient les aucuns que leurs faits en auoient esté perdus, le Roy ordōna qu'on y pouruenst. Si furent pris plus de deux cens porteurs d'eau: qui arroserent la place le Mercredi, & amenderent grandement la poudriere: mais, non-obstāt les porteurs d'eau, encōres en y eut il assez. Ce Mercredi arriua à Paris le Côte de Saint-Pol: qui venoit tout droit hors d'Angleterre: & festoit moult hasté pour estre à ceste feste: & auoit laissé derrierē, en Angleterre, messire Jehan de Chastel-morant, pour apporter la chartre de la trēue, par mer. Si fut le Comte de Saint-Pol tresbien venu du Roy, & de tous les Seigneurs

† Je croy qu'il prend ce mor pour escus de Roy: que l'on ne me encore main tenāt escus couronne. Mais ie ne puis dire de quel prix ils estoient pour lors.

† Il ne s'y en trouue que 29. par le menū, se Iagues de Vienne, & le Seigneure d'Espaigny ne sont deux. Mais ie pense qu'il entend que le roy en fust souverain, combien qu'il se meist de ceux de dehors, pour la raison qu'il a ditte.

Ioustes au clos S. Catherine à Paris.

Le roy Charles emporte le prix des ioustes pour ceux de dehors.

Retour du Côte de S. Pol venāt de faire iurer les trēues aux Anglois.

& estoit à celle feste, & delez la Roynie de France, la femme: qui fut moult réiouie de sa venue. Ce Mercredy, apres disner, se trahirent 30. Escuyers (qui attendans estoient) sur le champ, ou on auoit iousté le Mardy: & là vindrent les Dames, en grand arroy (si cōme elles estoient venues le iour deuant) & monterent sur les échaufaux, qui ordonnez & appareillez estoient pour elles. Si cōmencerent les ioustes fortes & roides: qui furent bien ioustées, & continuées iusques à la nuit: qu'on se departit & retourna aux hostels, & fut le souper des Dames à Saint-Pol: qui fut grand, bel, & bien étofé: & là fut dōné prix, par l'assentement & iugement des Dames & des Heraux: & l'eut, pour ceux de dehors, vn Escuyer de Haynaut (qui se nommoit Iehan de Flaron) venu en la compagnie du Comte d'Ostrenant: & de ceux de dedans l'eut vn Escuyer du Duc de Bourgongne: qui s'appelloit Iehan de Polceres. Encores de rechef, le Ieudy ensuyuant, iousterent Cheualiers & Escuyers tous ensemble: & furent les ioustes fortes, roides, & bien ioustées (car chacun se penoit de bien faire) & durerent iusques à la nuit: & fut le souper des Dames à Saint-Pol: & là fut donné le prix des ioustes: & l'eut, pour ceux de dehors, messire Charles des Armoyes: & de ceux de dedans, vn Escuyer de la Roynie de Frâce: qu'on appelloit Lōs.

Le Vendredy donna le Roy de France à disner à toutes les Dames & Damoiselles: & fut le disner grand, bel, & bien étofé: & auint que sur le deffaillement du disner, le Roy seāt à table, avec la Duchesse de Berry, la Duchesse de Bourgongne, la Duchesse de Touraine la Comtesse de Saint-Pol, la Dame de Coucy, & grande foison de Dames, entrerent en la salle (qui estoit ample & large: comme celle qui faite estoit nouuellemēt pour la feste) deux Cheualiers, montez aux cheuaux, armez de toutes pièces pour la iouste, la lance en leurs mains. L'vn fut messire Regnaud de Roye, & l'autre, messire Bouciquaut le ieune: & là iousterent roidement & fortement: & tantost vindrent à ces deux Cheualiers (messire Regnaud de Roye & messire Bouciquaut) messire Guillaume de Namur, messire Charles des Armoyés, le Sire de Garancieres, le Sire de Nantoillet, l'Ardenois de Doustenne, & plusieurs autres: & iousterent là bien par l'espace de deux heures, deuant le Roy & les Dames, & quand ils se furent assez ebanoyez, ils s'en retournerent en leurs hostels. Ce Vendredy prirent congé au Roy, & à la Roynie, les Dames & les Damoiselles, qui s'en retournoient, & qui aller s'en vouloiēt en leurs lieux: & aussi les Seigneurs, qui partir vouloient. Le Roy de France & la Roynie, au congé prendre, remercierent grandement ceux & celles, qui à eux parloient, & qui à la feste venus estoient.

+ Cette classe est éclaircie sur unāt le sens de l'auteur, étant par auant fort obscure par suite de quelque peu de mots, et principalement de pūctuatiō. Autant en est de la signifiante.

Comment le Seigneur de Chasteaumorant, que le Comte de Saint-Pol auoit laisse en Angleterre, apporta la charte des trēues de trois ans accordée & seellée du Roy Richard & de ses oncles: & comment Louis d'Anjou, Roy de Sicile, fut fiancé & marié à la fille d'Arragon.

CHAP. II.

A Pres celle grande feste (de laquelle ie vous ay parlé) & que tous Seigneurs & Dames, qui y auoient esté, furent retournez, en bonne paix & amour, en leurs lieux, le Sire de Chasteaumorant (que le Sire de Saint-Pol auoit laissé en Angleterre) retourna arriere en France, deuers le Roy & son Conseil: & monstra la charte de la trēue, donnée, accordée, & seellée du Roy Richard d'Angleterre & de ses oncles, & de tous ceux auxquels il en appartenoit, à durer trois ans par mer & par terre. Si chātoient ainsi les paroles, qui en la lettre estoient cōtenues: que quicōques l'enfreindroit, ou briserait, par quel que maniere ne condition que ce fust, il estoit tenu comme traistre, & encheu en peine de pūction mortelle: & pource que le Sire de Coucy estoit souuerain Capitaine, élu de par le Roy à garder & deffendre les loingtaines marches, entre la riuiere de Dordōne & la mer, & tout le pays d'Auuergne & de Limosin, on la lisit, tout au long, deuant luy & puis luy en fut baillée & deliurée copie, pour monstrier (se mestier estoit) à tous ceux, qui à l'encontre voudroiēt rien dire, n'y aller: parquoy ceux de Vétadour, de Callusser, d'Orbessy, d'Onsach, & des garnisons qui faisoient guerre d'Anglois, ne s'en peussent excuser: si en la peine, qui mise y estoit, par leur coulepe ils encheoient. Pareillement le Marechal de France, messire Louis de Sancerre, les veit & ouit, & en eut la copie, & bien luy besongnoit, car il estoit Regard & souuerain des loingtaines marches de Languedoc, mouuēt de la riuiere du Rosne & du pont d'Auignon, & auirōnant les Sénéchaucées que ie vous nommeray (ou moult de terres, & de Seigneuries appendēt) iusques à la riuiere de Dordonne: & premierement la Sénéchaucée de Beaucaire, la Sénéchaucée de Carcassonne, la Sénéchaucée de Toulouze, la Sénéchaucée de Rouergue, la Sénéchaucée d'Agé, la Séné-

la Sénéchaucée de Querci, la Sénéchaucée de Bigorre, la Sénéchaucée de Pierregourd & la Sénéchaucée de Limoges : & en ces Sénéchaucées auoit encores plusieurs forts & garnisons, qui petitement vouloient obeyr à tréues, n'à paix : mais tendoient tousiours à faire guerre (tels que ceux de Castel-cullier & du fort chastel de Lorde, seans en Bigorre, sur les frontieres de Bearne) & trop fort les doutoient & reffongnoient les pays voisins. En ce temps estoit traitté le mariage de Louis d'Aniou, fils au Duc d'Aniou (lequel s'escriuoit ia Roy de Naples, de Cecille, & de Hierusalem, & Comte de Prouence) à la fille du Roy Pierre d'Arragon. Si vint la Royne de Naples en Auignon, veoir le Pape Clement : & y trouua le Seigneur de Coucy : & amena, en sa compaignie, son ieune fils Louis. Le Seigneur de Coucy fut moult ioyeux de sa venue. La Royne, dessus-nommée, fut du Pape Clement & des Cardinaux recueillie tresnotablement, car bien le valoit : & sachez que ce fut vne Dame de moult grand fait, & de moult grand pourchas, car point ne dormoit, en poursuuant ses besongnes. Si fut prié le Seigneur de Coucy d'aider à couoyer son fils iusques au Royaume d'Arragon, & estre delez luy, tant comme il auroit espousé. Le seigneur de Coucy ne luy eust iamais refusé : mais s'ordonna de tous points, d'aller en Arragō : & s'offrit encores, & dit ainsi. Certes Madame, ie ne fit voyage (passé à sept ans) plus volontiers, que ie feroye celui d'aller es marches de Cecille & de Naples, avecques Monseigneur vostre fils : si le congé en auoye du Roy Nostre Sire. Grand mercy, Sire de Coucy, dit la Dame. Nous veons bien vostre bonne volonté : mais maintenant il nous suffira, se vous allez avecques nostre fils iusques en Arragon : & la Royne d'Arragon vous verra volontiers, car vostre fille a espousé son frere, messire Henry de Bar. Le Sire de Coucy s'accorda à ce voyage volontiers, & liement. Le ieune Roy de Cecille se mit au chemin, bien accompagné : quand il eut pris congé au Pape Clement, & à sa mere, tout en plorant : & bien y auoit raison, au departir, que la Dame & son fils eussent les cueurs estreints. Car il alloit en vn loingtain pays : & éloingnoient l'un l'autre moult grandement & ne sauoient quand ils se verroient, car il estoit ordonné, que le mariage fäict, monteroyent en mer le ieune Roy & la ieune Royne, au port à Barcelonne : & s'en yroient, au plus droit qu'ils pourroient, pour arriuer au port de Naples, ou là au plus pres. Tāt exploita le ieune Roy Louis de Cecille, qu'il passa Montpellier & Besiers, & vint à Narbonne : ou il fut receu liement, & tous ses gens aussi. Si se refreschirent eux & leurs cheuaux vn iour : & puis s'en partirent : & prirent le chemin de Parpignan, la premiere ville du Royaume d'arragon. La venue du ieune Roy Louis estoit bien sceüe en la Court du Roy d'Arragon & de la Royne. Si auoient enuoyé leurs gens au deuât, pour eux recevoir & festoyer ainsi comme il appartenoit : & par tout ou ils beuuoient, passioient, & arrestoient, ils estoient deliurez : & les conduisoient le Vicomte de Rocquebertin & messire Raymond de Baighes. Tant cheuaucherent, qu'ils vindrent en la cité de Barcelonne : ou le Roy, la Royne : & leur fille estoient. Si fut le ieune Roy Louis recueilly liement & tresdoucelement : & par especial la Royne d'Arragon fut tresfort réiouye de la venue du Seigneur de Coucy & seut tresbongré à son fils (qui deuoit estre) de ce qu'il l'auoit amené en sa compaignie : & dit bien que tout le demourant en valoit grandement mieux. Ce mariage se fit & conferma entre ces deux enfans : mais pourtant que l'yuer approcha, on delaya leur voyage d'eux non mettre en mer, car par yuer les hautes mers sont felles & perilleuses. Si fut dit qu'on feroit les pourueances celui yuer, tout bellement : & au Mars qui venoit, ils passeroient outre. Le Seigneur de Coucy, luy estant en Arragon deuers le Roy & la Royne, qui le veoient moult volontiers, receut lettres du Roy de France : & fut mandé de retourner arriere. Il prit congé du Roy d'Arragon, de la Royne, & du ieune Roy de Cecille, de sa femme, & des Seigneurs qui là estoient : & puis se mit au retour : & eust pris le loisir de retourner par Auignon : mais il s'enuoya excuser au Pape & à la Royne de Naples : & puis s'en retourna par Auergne, au Royaume de France. Quand le mariage fut fait du ieune Roy Louis de Cecille à la fille du Roy d'Arragon, parmy le mariage faisant il y eut, entre les parties, grandes alliances : & deuoient les Arragonnois, à vne quantité de gallées, seruir & aider le ieune Roy de Cecille & de Hierusalem, & le mener au Royaume de Naples, & le laisser, tant qu'il feroit tout au-dessus, & assure de Naples, de Cecille, & des appendances, Pouille, Calabre, & la cité de Caiette, ou Marguerite de Duras se tenoit, qui luy faisoit guerre, & qui clamoit à auoir droit en l'heritage dessus-nommé, & le deuoient les Arragōnois, sa guerre durât, seruir à deux cens lances, à leurs coustages, & à mil Arballestiers, & à mil brigandiniers. Quand la douce saison de Mars fut venue, & que les

La venue du premier Duc Louis d'Aniou en Auignō vers le Pape, avec sōs fils Loys d'Aniou second Roy de Naples,

Le ieune Roy Louis de Sicile, prend congé de sa mere pour s'aller marier en Arragon.

Arrivée du ieune Roy Louis de Sicile à Barcelonne, avec le Sire de Coucy assistant à son mariage.

† Nous pourrōs ici compter 1390. à nostre mode, quant à ce voyage.

*Le ieune Roy
Louis de Sicile
& sa femme
prennent congé
d'Arragón pour
aller à la cogue
ste de Naples.*

vens se commencerent à appaïser, & les eaues de leur fureur à eux retraire, & les bois a reuerdir, & que les pourueances furent faites à Barcelonne sur les gallées, & tous ceux venus & appareillez, qui avecques le ieune Roy deuoient aller & voyager, le ieune Roy & la Royne, sa femme, lors prirent congé au Roy d'Arragon & à la Royne: qui tout en plourant leur donna: & fut de la bouche de la Royne, sa fille recommandée au Comte de Roddes, vn moult vaillant Cheualier, & à messire Raymont de Baighes. Ces deux en prirent la charge, par especial: quoy que le Comte d'Orghel & le Comte de la Lune fussent en bon arroy en la compagnie, & au chemin du conuoy. Si furēt sus les gallées biē quinze cens lances, deux mille Arbalestiers: & deux mille gros-varlets, aux lances, & aux pauois: & s'en alloient ainsi fortifiez de bonnes Gens d'armes & d'Archers, & de bon cōseil, pour resister mieux à l'encontre de leurs ennemis, & aussi pour la doute des rencontres sur mer: qui bien se pounoient faire, car le chemin par mer de Barcelonne, dont ils partoient, tant qu'on soit à Naples, est moult long: & Marguerite de Duras, leur aduersaire, pouuoit bien sauoir aucunes choses de leurs besongnes: & pource vouloient ils estre au dessus de leur emprise. Nous nous souffrerons à parler, pour le present, du ieune Roy de Cecille: & parlerons des besongnes du Royaume de France (car c'est nostre principale matiere) & de plusieurs incidences, & autres choses, qui en sourdirent.

Comment le ieune Roy de France eut volenté d'aller visiter les loingtaines marches de son Royaume, & comment il fit retirer le Duc d'Irlande hors de France, à la poursuite du Sire de Concy.

CHAP. III,

*Quelques mi-
gnons du Roy
Charles, sixi-
me, l'induisent à
voyager sur les
marches de son
Royaume, à la
charge du Duc
de Berry, son on-
cle.*

Vous deuez sauoir qu'assez tost apres ce que ceste grande feste eut esté à Paris (si-com me il est cy-dessus contenu) & que les choses furent appaïfées, & les Seigneurs & Dames retraits, & reuenus chacun & chacune en son lieu, & que le Roy de France veit qu'il auoit tréues aux Anglois pour trois ans à venir, si eut deuotion & imagination de visiter son Royaume: voire les loingtaines marches de Languedoc. Car le Sire de la Riuiere & messire Iehan le Mercier (qui en ce temps estoient les plus prochains de son destroit Cōseil) luy enhortèrent qu'il feroit bon qu'il fallast ebatre iusques en Auignon, & veoir le Pape Clement & les Cardinaux, qui le desiroient à voir: & aussi de se voyage il allast outre à Toulouse, car vn Roy en sa ieunesse deuoit visiter ses terres, & congnoistre ses gēs, & sauoir & apprendre comme ils estoient gouuernez: & celuy feroit grandement honneur & profit: & l'en aimeroient trop mieux ses sugets. Le Roy s'y enclinoit assez, car il trauailloit volontiers, & veoit nouuelles choses: & biē luy disoit le Sire de la Riuiere (qui nouuellement estoit retourné des marches, dont ie parle) que les gens de la Sénéchaucée de Toulouse, de Carcassonne, & de Beaucaire, le desiroient grandement à veoir, car le Duc de Berry (qui le gouuernement en auoit eu) les auoit tant trauaillez, & chargez de tailles & d'aides, par l'information d'un sien familier, qui s'appelloit Betyfach (lequel n'auoit pitié de nulluy) que riens ne leur estoit demouré: & pour y pourueoir, bon feroit qu'il y allast: & aussi il verroit, & manderoit à Toulouse, le Comte de Foix: lequel il desiroit moult à veoir. Si s'ordonna le Roy sur ce propos: & ordonna enuoyer faire ses pourueances sur les chemins, grandes & grosses: & signifia à son oncle le Duc de Bourgongne, & à sa tante la Duchesse, qu'il passeroit au long, parmy sa terre & pays: & vouloit veoir ses cousins, leurs enfans: & meneroit en sa compagnie son frere de Touraine, & son oncle de Bourbon. Ces nouuelles du Roy, qui vouloit venir en Bourgongne, pleurent trop grandement bien au Duc de Bourgongne & à la Duchesse: & ordonnerent tantost, & firent crier & publier vne feste, & vnes ioustes, à estre à Dyion: & furent Cheualiers & Escuyers de Bourgongne, de Sauoye, & des marches prochaines, requis & priez à estre à celle feste: & s'ordonnerent & appareillerent tous selon ce. Entretant que les pourueances du Roy de France se faisoient pour aller en Auignon & Languedoc, & que le Duc de Bourgongne & la Duchesse, sa femme, s'ordonnoient grandement & appareilloient pour recueillir le Roy, & aussi faisoient tous Cheualiers & Escuyers de leurs marches, & encores plus loingtains (qui vouloient estre à la feste à Dyion, & aux ioustes) aduindrent autres choses en France. Vous sauez comment le Duc d'Irlande (qui iadis fut nommé Comte d'Acquessuffort) estoit debouté, banny, & chacé, par ses demerites & desertes, hors du Royaume d'Angleterre, par le fait & puissance des oncles du Roy Richard d'Angleterre, & especiallement le Duc de Glocestre l'auoit plus accueilly & greué, que nul des autres, & comment, pour luy sauuer & garder, il estoit affouy en Hollande, & se tint vn petit de temps en la ville de Dourdrech, en Hollande, & depuis len cōuint partir,

partir, car le Duc Aubert (qui Seigneur estoit de Dourdrech & de Hollande) luy fa terre & sa demeure deffous luy: ne pas ne le vouloit tenir à l'encontre de ses cousins germains d'Angleterre: quoy que le Roy Richard luy en eust rescrit. Si conuint ce Duc d'Irlande departir de Dourdrech & venir à Vtrecht demourer: & là se tint, & fust tenu vn grand temps s'il voulist, car la ville d'Vtrecht est franche à receuoir toutes gens, puis qu'o paye bien ce qu'on prend: & ce Duc d'Irlande auoit bien de quoy payer, car soixante mille francs de France luy estoient venus du Connestable de France pour la redéption de Iehan de Bretagne. Vous sauez aussi comment le Roy l'auoit mandé: & estoit sus saufconduit, venu deuers le Roy: & fy tint plus d'un an, ou enuiron: & en faisoit le Roy grande feste: pource qu'il estoit estranger. Or n'est il riens, dont on ne se tanne. Bien est verité (quoy que ce Duc fust deuers le Roy) le Sire de Coucy le hayoit de tout son cœur: & bien y auoit cause, car ce Duc (ainsi que vous sauez) combien qu'en autres affaires il fust bien pourueu de sens, d'honneur, de belle parleur, & de grande largesse: si f'estoit il trop forfait enuers la fille au Seigneur de Coucy, qu'il auoit à femme prise & espousée, car sans nul tiltre de raison, fors par mauuaise & traistreuse tentation & deception, s'en estoit demarié: & auoit pris vne autre femme (laquelle estoit de Boême, & des Damoiselles à la Roïne d'Angleterre) & tout ce auoient cōsenty le Roy & la Roïne sa femme, à tort & à peché: & l'en auoit dispensé le Pape Urbain de Romme, à la priere & faueur du Roy dessusdit & de la Roïne: & ce peché greua fort en conscience, & en tous autres affaires, ce Duc d'Irlande. Pourquoy le Sire de Coucy (qui trop estoit du Conseil de France: & aussi il le valoit & desseruoit, & le pouuoit, es besongnes du Royaume, valoir & desseruir tous les iours, car il estoit sage & pourueu) fit tant & procura, avecques ses bons amis, messire Oliuier de Clifson, le Seigneur de la Riuiere, messire Iehan le Mercier, & autres, que le Roy luy donna congé: & luy fut dit, de par le Roy, qu'il élisist place & demeure ou il voulist (mais que ce ne fust au Royaume de France) & il l'y feroit conduire & mener sauement & seurement. Ce Duc d'Irlande regarda qu'on estoit tanné de luy: & se veoit en peril, tous les iours, du Seigneur de Coucy, & de son lignage. Si considera que mieux luy valoit élongner, qu'approcher: & auisa qu'il se traitroit en Brabant: & fit prier, au Roy, qu'il voulist escrire à la Duchesse de Brabant, que par grace il peust paisiblement, & courtoisement demourer en son pays. Le Roy luy accorda volontiers: & en escriuit à la belle ante de Brabant: laquelle se condescendit, à la priere du Roy. Si fut le Duc d'Irlande conduit & mené, par les gens du Roy, iusques à Louuain: & là se tint, & par fois aloit à vn chastel: qui sied pres de Louuain: lequel il auoit emprunté à vn Cheualier de Brabant. Avecques ce Duc d'Irlande setenoit l'Archeuesque d'Yorch: lequel estoit aussi chacé, banny, & bouté hors d'Angleterre, pour vne mesme matiere: & estoit iceluy Archeuesque de ceux de Neufuille d'Angleterre. Ce sont en Northombellande grans gens, & puissans de lignage, & de terres. Si se tindrent ces deux Seigneurs (si cōme vous oyez dire) à Louuain, ou là prés, tant qu'ils vesquirent (car oncques depuis ils ne peurent venir à paix, n'à merci, avecques les oncles du Roy) & là moururent. Je ne say d'eux parler plus auant.

*Congé du Roy
au Duc d'Irlā-
de, au pour-
chas du Sire de
Coucy.*

*Le Duc d'Irlā-
de conduit &
mené en Brabāt
par les gens du
Roy de France.*

Comment le Roy Charles, sixiesme, alla visiter son oncle de Bourgongne, & le Pape Clement d'Avignon.

CHAP. IIIL.

Enuiron la Saint-Michel fse departit le Roy de France de l'hostel de Beauté lez Paris & laissa la Roïne: & prit le chemin de Troie en Champaigne, pour aller en Bourgongne, avec son oncle le Duc de Bourbon, le Duc Louis de Touraine, le Seigneur de Coucy, & moult d'autres Cheualiers en sa compaignie. Si exploita tant ledit Roy, qu'il vint en Bourgongne: & arriua à Dyion. Le Duc de Bourgongne: & le Comte de Neuers, son fils, estoient venus au deuant, à Chastillon sur Seine. Quand le Roy fut venu à Dyion, vous deuez sauoir que la Duchesse de Bourgongne & la Comtesse de Neuers, sa fille, le recueillirent liement & grandement, & tous les autres aussi. Pour l'amour du Roy, & à sa bien venue, estoient venues à Dyion grande foison de Dames & de Damoiselles, que le Roy veoit moult volontiers. Là estoit la Dame de Sully, la Dame de Vergy, la Dame de Pagny: & moult d'autres Dames, belles & friskues, & moult bien aornées. Si commencerent les festes, les dances, les caroles, & les ebatemens: & f'efforçoient ces Dames & ces Damoiselles de dancer, chanter, & elles fort réiouir, pour l'amour du Roy, du Duc de Touraine, du Duc de Bourbō, & du Seigneur de Coucy, vn Lundy, vn Mardy & vn Mer-

*† C'est encores
de 1389.*

*Le Roy Charles
à Dyion.*

*Le Roy & ses
oncles à Ville-
neuve, lez A-
uignon.*

*Accueil du Pa-
pe Clement au
Roy Charles en
Auignon.*

*† Il y auoit Bour-
gogne, mais
Sala et Verard
auec la verité,
me l'ont fait
changer.*

*† Il a nagueres
vse de ce mot,
pour lequel il a
quelques fois
aussi pris re-
ueil et reueils*

credy. Tous ces trois iours il y eut à Dyion ioustes, fortes & roides, & bien ioustées, & à toutes donné prix aux mieux-faisans: & fut le Roy huit iours en la ville de Dyion, en ébatement. Au dixiesme iour, il m'est aduis qu'il prit congé à son oncle le Duc de Bourgogne, & sa belle ante la Duchesse de Bourgogne, & à leurs enfans. L'intention du Duc de Bourgogne estoit telle, que hastiuement il poursuuyroit le Roy, son neveu: & seroit delez luy: & sur celuy estat le Roy se departir de Dyion, quand il eut pris congé aux Dames & Damoiselles. Ainsi se departir le Roy, apres toutes ses festes: & exploita tant par ses iournées, qu'il vint à Ville-neufue, delez Auignón: ou son hostel Royal estoit appareillé pour luy: & là estoient les Cardinaux: celui d'Amiens, celui d'Aisgrenel, celui de Saint Marcel, celui de Chastel-neuf, & plus de treize: qui allerent sur les champs à l'encontre de luy: & si furent tous réiouis de sa venue. Le Duc de Berry estoit ià venu, & logé en Auignon, au Palais du Pape: mais il vint à Ville-neufue, contre le Roy son neveu: & se logea en la liurée d'Arras: qu'on dit Amontais, au chemin de Montpessier. Le Duc de Bourgogne arriua, le lendemain que le Roy fut venu à Ville-neufue, par la riuere du Rosne, car il estoit entré en vne grosse barge à Lyon sur le Rosne. Si furent le Roy & les quatre Ducs tous ensemble à Ville-neufue: & eurent conseil & volonté de passer outre le pont d'Auignon, & aller veoir le Pape au Palais. Si s'ordonnerent sur ce: & sur le point de neuf heures du matin, passa le Roy de France le pont d'Auignon, accompagné de son frere & de ses trois oncles, & de douze Cardinaux: & s'en vint au Palais: & l'attendoit celui, qui se nommoit Pape Clement, en la chambre du Consistoire, seant en vne chaire pontificament, en sa Papalité. Quand le Roy de France fut venu si auant qu'à la veüe du Pape, il l'enclina: & quand il fut venu iusques à luy, le Pape se leua: & le Roy de France le baïsa en la main, & en la bouche. Le Pape s'assit, & fit asseoir le Roy delez luy, sur vn siège: lequel on auoit ordonné tout propre pour luy. Puis s'assirent les quatre Ducs, quand ils eurent faite la reuerence au Pape, seant: qu'ils baisèrent en la main, & en la bouche: & seioient les quatre Ducs entre les Cardinaux. Apres toutes ses reuerences & bien venues, il fut heure de disner. Si se retrairent deuers la grande chambre du Pape, & la salle: ou les tables estoient mises & adrecées. On l'aua. Le Pape s'assit tout seul à sa table: & tint son estat. Le Roy s'assit aussi deffous luy, à vne autre table, & tout seul. Les Cardinaux & les Ducs s'assirent tous par ordonnance. Si fut le disner bel & long, & bien étofé. Apres ce disner, vin & espices, prises, la chambre du Roy au Palais estoit ordonnée & appareillée. Si se retrait le Roy & les quatre Ducs. Chacun auoit sa chambre, toute parée, & ordonnée, dedans le Palais. Si se retrait chacun en son lieu: & là se tindrent le plus des iours, qu'ils sejournerét en Auignon. Au cinquiesme iour, que le Roy de France fut entré & venu en Auignon, vint le ieune Comte de Sauoye, cousin du Roy de France, & neveu au Duc de † Bourbon. Si fut le Roy moult réiouy de sa venue, car le Roy l'auoit veu, quand il passa à Lyon sur le Rosne: & luy auoit dit qu'il le veinst veoir. Le Roy de France & le Duc de Touraine son frere, & le Comte de Sauoye (qui estoient de leger esprit) quoy qu'ils fussent loges delez le Pape & les Cardinaux, ne se vouloient, ny ne pouuoient tenir, qu'ils ne fussent en dances, en karolles, & en ebatemens, auecques les Dames & les Damoiselles d'Auignon: & leur administroit leur rameaux le Comte de Genéue: lequel estoit frere du Pape. Si fit & donna le Roy de France moult de largesses, & de dons, aux dames & aux damoiselles d'Auignon, tant qu'elles s'en louoient toutes. Vous deuez sauoir que le Pape & tous les Cardinaux furent moult réiouis, en ces iours, de la venue du ieune Roy de France: & bien y auoit raison qu'ils le fussent, car sans l'amour du Roy, leur affaire estoit petit: & bien confideroient, & deuoient confiderer, que de tous les Roys Chrestiens, ils n'auoient nul obedient à eux: si ce n'estoit par la faueur, amour, & alliance du Roy de France. Voir est que le Roy d'Espaigne & le Roy d'Escocce obeïssioient: & que le Roy d'Arragon s'estoit nouvellement déterminé: mais la determination auoir fait la Royne Yoland de Bar (qui cousine germaine du Roy de France estoit) autrement il n'en eust riens esté, car, au deuant, le Roy d'Arragon, le pere, & tout le Royaume, se tenoit neutre. Or regardez doncques si le Pape & les Cardinaux deuoient bien coniouir le Roy de France & son Conseil: quand toute leur puissance, & le proffit de quoy ils viuoient & tenoient leurs estats, venoit de ce costé. Le Roy de France fut avec le Pape & les Cardinaux (si comme ie vous recorde) ie ne say quants iours en ioye, en † rameaux, & en ebatemés: & au ioyeux aduenement du Roy, le Pape fit grace ouuerte à tous Clercs, estās, en Court, & vn mois à venir: & donna nominations au Roy, sur tous les Colleges cathedraux, & autres Collegiaux,

giaux, & sur chacun College deux prouuendes d'expectation: & réserva toutes graces, & doute qu'il en deuant faictes: & vouloit que les graces du Roy précédassent: ainsi comme elles firent ne faille icy reuauux, comme il vse souuent de Consaux pour Cōseils.

na au Duc de Touraine, au Duc de Berry, au Duc de Bourgongne, & au Sire de Coucy: & furent toutes expectations retardées, qui au deuant auoient esté faites & données: & estoit le pape si courtois & si large, pour la venue du Roy de France, que nul ne s'en alloit esconduit.

Comment le Roy Charles, enuoyant ses oncles de Berry & de Bourgongne en leurs maisons, au mecontentement d'iceux, partit d'Auignon, pour aller en Languedoc.

CHAPITRE V.

Q Vand le Roy de France se fut ébatu delez le Pape, & tenu au Palais enuiron huit iours, & que le Pape à grand loisir luy eut remonstré ses besongnes (comme bien luy donnoit à entendre par ses parolles, en se plaignant grandement de l'autre Pape de Rome, qui luy empeschoit son droit, & mettoit le trouble & le different en l'Eglise) le Roy s'enclina bien à ce que pour y pourueoir, promit de bone voloté au Pape Clemēt, luy retourné en France, qu'il n'entendroit à autre chose, si auroit mis l'Eglise à vn: & sur ces parolles se recōforta tresgrandement le Pape: & le Roy de France prit cōgé de luy, & s'en retourna à Ville-neufue: & aussi firent son frere, & ses oncles, Berry & Bourgongne: là ou vn iour donna à disner à tous les Cardinaux, & au Côte de Genēue, frere du Pape. Ce disner fait, il prit cōgé à eux: & dit qu'au lēdemain il cheuaucheroit deuers Mōpellier: & les remercia mout grādemēt des reuerences qu'ils luy auoient faites. Les Cardinaux retournez en Auignō ordōné fut du Cōseil du Roy, qu'il se departiroit au matin, son frere & le Duc de Bourbon en sa cōpaignie: & prit cōgé à ses oncles, le duc de Berry & le duc de Bourgōgne: & leur dit qu'ils retourneroient en leur pays, & qu'ils n'auoient que faire avec luy pour ceste fois. car il vouloit aller iusques à Toulouse: & là mander & veoir le Côte de Foix, Ses oncles se contenterent mout mal de ce, car pour lors le Conseil du Roy estoit si grand, que Berry ne Bourgongne n'y auoient nulle voix n'audience, fors que des menues choses: & iā auoit on osté le Gouuernement de Languedoc au Duc de Berry, & remis par membres & Senéchaucées, au profit du Roy: dont le pays & marches de Carcassonne, de Besiers, de Narbonne, de Fonges, de Bigorre, & de Toulouse estoit tout réiouy, car voirement du temps passé auoit esté trop fort curé & trauaillé des tailles, que le Duc de Berry y auoit mises & assises: si comme ie vous declareray assez prochainement, car la matiere le demande. Quand ce Duc de Berry & le Duc de Bourgongne veirent que le Roy s'ordonnoit ainsi pour aller vers Montpellier, & pour visiter Languedoc, & les mettre derriere, & qu'il ne les vouloit mener avec luy, si en furent tous melancolieux: mais sagement s'en dissimulerent: & en parlerent ensemble, en disant, Le Roy s'en va en Languedoc, pour faire inquisition sur ceux, qui l'ont gouverné, & pour traicter au Comte de Foix (qui est le plus orgueilleux Comte, qui viue auiourd'huy: n'ocques n'aima, ne pris, voisin qu'il eust ne Roy de France, d'Angleterre, d'Espaigne, d'Arragon, ne de Nauarre) & si n'emmeine le Roy de France avec luy, de son Conseil, que la Riuiere, le Mercier, Montagu, & le Begue de Villaines. Quelle chose en dites vous? Frere, ce dit le Duc de Berry, le Roy, nostre neveu, est ieune, & si il croit ieune conseil, il se deceura: & sachez que la conclusion n'en fera pas bone: & vous le verrez. Pour le present il le nous faut souffrir: mais vn tēps viendra, que ceux qui le cōseillent, s'en repentiront, & le Roy aussi. Voient, de par Dieu, ou ils veulent: & nous retournerons en noz pays. Tāt que nous serons ensēble, nul ne nous fera tort. Nous sommes les deux plus grans mēbres du Royaume de France. Ainsi deuisoient les deux Ducs, & le Roy de France se departit, au matin, de Ville-neufue, delez Auignon & prit le chemin de Nimes: & y vint disner. Encores demourerent les deux Ducs, dessus nommez, delez le Pape, trois iours: & le Seigneur de Coucy aussi. Au quatriesme iour ils se departirent: & s'en ralla chacun en lieu & en son pays. Le Roy, le iour mesme qu'il vint disner en la cité de Nimes, s'en alla gesir à Lunel. Quand le Roy partit de Lunel, il s'en vint disner à Montpellier, car il n'y a que trois petites lieues. Si fut receu des Bourgeois, des Dames, & des Damoiseilles de la ville, mout ioyeusement & grandement, car ils le desiroient à veoir, & luy furent faits & donnez plusieurs beaux presens & riches. Car Montpellier est vne puissante ville & riche, & garnie de grande marchandise: & mout la prise le Roy, quand il eut veu & considéré leur faict & leur puissance: & bien fut dit au Roy

Le Roy prend congé du Pape.

Le Roy, voulant aller d'Auignon à Tolouse, prend congé de ses oncles de Berry & de Bourgongne, les renouant en leurs maisons.

Mecontentement des deux oncles du Roy.

Depart du Roy hors de Ville-neufue d'Auignon.

Le Roy à Montpellier.

*Le Roy mal in-
formé cōtre ses
deux oncles,
pour leur gou-
uernement de
Languedoc.*

que sans comparaison elle auoit esté trop plus riche, que pour le present on ne la voit & trouuoit, car le Duc d'Aniou & le Duc de Berry, chacun à son tour, l'auoient mallement pillée & robée: dont le Roy plaingnoit bien les bonnes-gens, qui auoient eu si grand dommage: & disoit, & leur promettoit, qu'il y pouruoyeroit, & reformeroit tout le pays en bon estat. Encōres fut dit au Roy, luy estant & seiournant à Montpellier, Sire ce n'est riens de la poureté de ceste ville, enuers ce que vous trouuerez, plus irez auant, car ceste ville icy est de soy-mesme de grande recourance, pour le fait de la marchandise: dont ceux de la ville s'ensoignent par mer & par terre. Mais en la Sénéchaucée de Carcassonne, de Toulouse, & marches d'environ, ou ces deux Ducs ont eu puissance de mettre la main, ils n'y ont riens laissé: mais tout leué & emporté: & trouuerez les gens si pources, que ceux qui souloient estre riches & puissans, à peine ont ils de quoy faire ouurer, ne labourer leurs vignes, ne leurs terres. C'est grande pitié de veoir eux, leurs femmes, & leurs enfans, car ils auoient tous les ans cinq ou six tailles sur leurs bras: & estoient rançonnez au tiers, au quart, ou au douziesme du leur, & à la fois du tout: & ne pouuoit estre vne taille payée, qu'une autre leur sourdoit sur les bras: & ont (si comme on le peut bien sauoir) ces deux Seigneurs, voz oncles, depuis qu'ils ont eu le gouuernement de Languedoc, leué du pais mouuant de Ville-neuve delez Auignon iusques en Toulousain, allant enuiron iusques à la riuere de Garonne, & retournant iusques à la riuere de Dordōne, la somme de trente cens mille francs: & par especial, depuis que le Duc d'Aniou s'en fut party du Gouuernement, & qu'on le rendit au Duc de Berry, il l'a trop fort endomnagé & appoury, car encōres le trouua il gras, dru, & plein, car le Duc d'Aniou prenoit sur les riches hommes, qui bien auoient puissance de payer: mais le Duc de Berry n'a nully épargné, ne pouru, ne riche: & a tout moissonné & cueilly deuant luy, par le fait d'un sien Conseiller & Trésorier (qu'on appelle Betisach: qui est de la nation de Besiers) si comme vous verrez & orrez les complaints des bonnes-gens: qui vous en crieront à auoir la vengeance. A ces parolles respondit le Roy: & dit, Si Dieu m'aist à l'ame, j'y entendray volontiers: & y pouruoyray auant mon retour: & puniray les mauuais, car ie feray faire inquisition sur les seruiteurs & officiers de mes oncles (qui ont au temps passé gouuerné les parties de Languedoc) & seront corrigez ceux, qui l'aurent desferuy.

*Comment, estant le Roy Charles à Montpellier, trois de ses plus priuez Chambellans entre-
prirent à faire armes sur les marches de Calais, à tous venans, de qualité, le signifiant
par cartel escrit.*

CHAP. VI.

*† C'est ce qu'il
a par auant dit
rameaux.*

LE Roy de France se tint en la ville de Montpellier plus de douze iours, car l'ordonnance de la ville, des Dames, & des Damoiselles, & leurs estats, & les ébatemens, qu'il trouuoit & veoit, & ses gens aussi, luy plaisoient grandement. Bien le Roy, au voir dire, estoit là à sa nourisson, car pour ce temps il estoit ieune, & de leger esprit: si dançoit & karolloit avec ces friskues Dames de Montpellier toute la nuit: & leur donnoit & faisoit banquets & soupers, grans & beaux, & bien étofez: & leur donnoit anneaux d'or & fermaillets, à chacune selon ce qu'il veoit & cōsideroit qu'elle le valoit. Tant fit le Roy qu'il acquit des Dames de Montpellier & des Damoiselles grande grace: & voufissent bien les aucunes, qu'il fust là demouré plus longuement, qu'il ne fit, car c'estoient tous † ranceaux, dancés, & soulas, tous les iours, & tousiours à recommencer. Vous sauez, & bien l'auiez ouy dire & recorder plusieurs fois, que les ebatemens des Dames & Damoiselles encouragent volontiers les cœurs des ieunes Gentils-hommes, & les eleuerent, en requérant & desirant tout honneur. Je le dy: pourtāt qu'en la compaignie du roy auoit trois ieunes Gentils-hommes de bon affaire, d'entreprise, & de grande vaillance: & bien le monstrent: comme ie vous recorderay: mais les noms des trois Cheualiers ainçois ie vous nommeray: premierement messire Bouciquaut le ieune, messire Regnaut de Roie, & tiercement le Sire de S. Py. Ces trois Cheualiers pour ce temps estoient Chambellā du Roy: & les aimoit le Roy moult grandement: & bien le valoient, car il en estoit tresbien paré & seruy, en armes, & en tous estats, que bons Cheualiers doiuent & peurent seruir leur Seigneur. Eux estans à Montpellier entre les Dames & Damoiselles, ils furent recueillis de faire armes, sur l'esté qui retourneroit: & (si comme ie fu adonc informé) la principale cause, qui les enclina, vint de ce que ie vous diray. Vous sauez (si comme il est † cy dessus contenu bien-auant en nostre Histoire) le Roy Charles de bone memoire, viuāt, cōmēt vn Cheualier (qui sapelloit messire Pierre de Courtenay, Anglois, de grād affaire & de nom)

*† l'ay cherché
& recherché
diligemēt ce*

de nom) iſſit hors d'Angleterre: & vint en France, à Paris: & demanda armes à faire à meſſire Guy de la Trimouille, preſent le Roy & les Seigneurs, & ceux, qui veoir les voudroient. Meſſire Guy de la Trimouille reſpondit à ce, pour faire les armes: & ne luy euſt iamais reſuſé: & furent, le Roy de France & le Duc de Bourgongne eſtans en la place, & pluſieurs haults Barons & Cheualiers de France, les deux Cheualiers armez: & coururent l'un contre l'autre (comme il me ſemble vne lance. A la ſeconde, on les prit ſus: & ne voulut conſentir le Roy qu'ils feiſſent plus-avant: dont le Cheualier du Royaume d'Angleterre ſe contenta aſſez mal: & vouliſt (à ce qu'il monſtroit) auoir fait les armes iuſques à outrance: mais on l'appaiſa de belles parolles: & luy fut dit qu'il en auoit aſſez fait, & que bien deuoit ſuffire: & luy furent donnez du Roy, & du Duc de Bourgongne, de beaux dons & preſens: & ſe mit au retour (quand il veit qu'il n'en auroit autre choſe) pour retourner à Calais: & luy fut baillé, pour conuoy, le Sire de Clary: qui pour le temps eſtoit vn friſque & réueillé Cheualier. Tant cheuaucherent meſſire Pierre de Courtenay & le Sire de Clary, qu'ils vindrent à Lucen: ou la Comteſſe de Saint Pol (qui pour lors eſtoit) ſœur du Roy Richard d'Angleterre, ſe tenoit. La Comteſſe fut moult réiouye de la venue meſſire Pierre de Courtenay, car elle auoit eu à mary, au deuant le Comte Saint-Pol, ſon couſin, le Seigneur de Courtenay (mais il mourut ieune) & encores les Anglois l'appeloient Madame de Courtenay, & non pas la Comteſſe de Saint Pol. Ainſi que meſſire Pierre de Courtenay & le Sire de Clary eſtoient à Lucen en Artois delez la Comteſſe de Saint Pol (qui moult ioyeuſe eſtoit de leur venue) ainſi qu'on ſe deuſe & parle de pluſieurs beſongnes, la Comteſſe de Saint Pol demanda à meſſire Pierre de Courtenay quelle choſe il luy ſembloit des eſtats de France. Meſſire Pierre reſpondit bien & à point: & dit, Certainement, Madame, les eſtats de France ſont grans, beaux, & bien-étofez, & bien gardez. En noſtre pays nous n'y ſaurions auenir. Et vous contentez vous bien (dit la Dame) des Seigneurs de France? ne vous ont ils point fait bonne chere, & bien recueilly? Certes, Madame (reſpondit le Cheualier) ie me contente grandement d'eux, tant que de la recueille. mais de ce, pourquoy ie paſſay la mer, ils ſe ſont petitement acquitez enuers moy: & vueil bien que vous le ſachez, que ſe le Sire de Clary (qui eſt Cheualier de France (fuſt venu en Angleterre, & euſt demandé armes à qui que ce fuſt, on l'eut reſpondu, ſeruy, & accompli ſon deſir & ſa plaifance: & on m'a fait tout le contraire. Bien eſt verité qu'on nous mit l'un deuant l'autre, pour faire armes, meſſire Guy de la Trimouille & moy & lors que nous euſmes iouſté vne lance ſans plus, on me prit ſus: & me fut dit, de par le Roy, que nous n'en ferions plus, & que nous en auions fait aſſez. Si dy, Madame, & le di-

paſſage, ſans l'auoir peu trouuer, & n'ay point memoire de l'auoir leu.

Paroles de Pierre de Courtenay, deuant la comteſſe de Saint-Pol, occaſion de combat entre luy & le Sire de Clary.

ray & maintiendray par tout ou ie viendray, que ie n'ay à qui ſceu faire armes, & que pas il n'a demouré en moy: mais es Cheualiers de France. Le Sire de Clary, qui là eſtoit, nota bien ceſte parolle: & ſe teut à grâde peine: & toutesfois il ſe ſouffrit: pourtât qu'il auoit le Cheualier Anglois en garde & charge, & en conuoy. La Cōteſſe de Saint-Pol reſpondit: & dit, Monſeigneur, vous vous departez treſhonorablement de France: quâd vous auez obey, en armes faiſant, à la priere du Roy de France, car plus n'en pouuez faire: puis qu'on ne vouloit. Au venir, au retourner, & au faire ce que vous auez fait, ne pouuez vous point auoir de blaſme: & tous ceux & celles, qui en orrôt parler delà la mer & deçà, vous en donneront plus d'honneur que de blaſme. Si vous contétez de tout, ie vous en prie. Dame (reſpondit le Cheualier) auſſi fay-ie. & feray. Je n'en quiers iamais ſoucier. A tant laiſſerent ils ceſte parolle: & entrèrent en autres: & perſeuererēt le iour & la nuit. Au lendemain, que meſſire Pierre de Courtenay prit cōgé à la Comteſſe de Saint Pol, elle luy donna, au departement, vn tresbel fermail d'or, & auſſi vn au Sire de Clary, par compaignie: pourtant que le Cheualier Anglois eſtoit en ſon conuoy, & en ſa garde. Si ſe departirent de Lucen au matin: & prirent le chemin de Boulongne: & tant firent, qu'ils y vindrent: & y logerent vne nuit: & au lendemain ils cheuaucherent vers Marquiſe, & deuers Calais. Entre Boulongne & Calais n'a que ſept lieuës, bien courtoiſes, & beau chemin & ample. Ainſi qu'à deux lieuës de Calais, on entre ſur la terre de Melle & d'Oye, & de la Comté de Guines: leſquelles terres eſtoient pour ce temps au Roy d'Angleterre.

Quand ils approcherent Calais, meſſire Pierre de Courtenay dit au Sire de Clary, Nous ſommes en la terre du Roy d'Angleterre. Sire de Clary, vous vous eſtes bien acquité de moy conduire & conuoyer. De voſtre compaignie, grand mercy. Le Sire de Clary auoit encores l'ire au cœur, & la melâcolie en la teſte, des parolles, que meſſire Pierre de Courtenay auoit dictes à la Comteſſe de Saint Pol, en ſa preſence, & de pluſieurs qui

l'auoient dūy, en l'hostel de Lucen: lesquelles parolles (combien que pas ne les eūst là recueues, ne reprises) ne vouloit pas qu'elles demourassent ainsi, car il les tenoit à impetueuses, orgueilleuses, trop grandes, & trop hautes contre l'honneur de la Cheualerie de France, car il auoit dit ainsi, & mis outre, qu'en la France, en la Cour du Roy il estoit venu, & issu hors d'Angleterre, pour faire armes: & point n'auoit esté recueilly. Si dit le Sire de Clary, & auoit tousiours bien dit en soy-mesme (quoy qu'il se fust souffert) que la chose

¶ Ce qu'il a iadis dit, & dira encor cy-apres de Pierre de Courtenay, & du sire de Clary, est hors leu-ray ordre des temps, & amené seulemēt pour monstrer l'ocasio du fait - d'armes de Bouciquant & desescampaignōs, & qu'ils ne voulurēt combattre mēt, cōme auoit fait le Sire de Clary, encores qu'il eust porté l'honneur de son entreprise. Prayest que ceste occasion me semble un peu tirée de loing, et que Froissart, ayant oublié de mettre ce fait d'armes en son lieu, ou ne le sachant pour lors l'a fait être icy comme il a peu, ne le voulāt perdre, comme veritablement la consequence en est bien notable.

ne demouroit pas ainsi: & parla à messire Pierre de Courtenay, en disant, au cōgé prédre
 ¶ Messire Pierre, vous estes en Angleterre, sur la terre de vostre Roy. Je vous ay cōuoyé & accompagné tant qu'icy, au commandement du Roy Nostre Sire, & de Monseigneur de Bourgongne. Il vous peut bien souuenir comment deuant-hier vous & moy nous estions en la chambre de Madame de Saint-Pol: qui nous fit tresbonne chere. Vous parlastes là trop largement (ce me semble) & au trop grand blasme & préiudice des Cheualiers de Frâce, car vous dites que vous veniez de la Court du Roy: & n'auiez trouué à qui faire armes. Voz parolles, là dites & proposées, donnent à entendre qu'il n'y a Cheualier en Frâce, qui ait osé faire armes, ne iouster à vo^o, ou courir trois coups de glaue, Je vueil bien que vous sachez que ie m'offre icy à soustenir (quoy que ie soye l'un des médres de nostre marche) que le Royaume de France n'est pas si vuide de Cheualiers, que vous n'y trouuez bien à faire armes, & si vous voulez, à moy: soit encores en huy, ou demain: au matin: & le dy à celle entente, que ce n'est pas par haine ne felonnie, que j'aye à vous, ne sur vous. Ce n'est fors pour garder l'honneur de nostre costé, car ie ne vueil pas que vous retourné à Calais, ou en Angleterre, vous vâtez que, sans coup ferir, vous auez déconfit les Cheualiers de France. Or respondes (si vous voulez) à ma parolle. Messire Pierre de Courtenay fut tantost conseillé de respondre. Si dit ainsi, Sire de Clary, vous parlez biē: & i'accepte vostre parolle: & vueil que demain en ceste place vous soyez armé à vostre entente, & ie le seray aussi: & courrons ensemble, l'un contre l'autre, trois coups de glaue: & par ainsi rachepterez vous l'honneur de la Court du Roy de Frâce: & me ferez grand plaisir. Je vous creance (dit le Sire de Clary) que ie seray cy à l'heure, que vous me dites. La fut creâcée des deux Cheualiers la iouste. Le Seigneur de Clary se departit du Sire de Courtenay: & vint à Marquise, aupres de là: & se pourueut d'armes, de targe, de glaue, & de cheual: & si eut tantost tout ce, qui luy fut mestier, car sur la frontiere de Calais & de Boulongne, les compagnons sont tousiours bien pourueus. Si fit là sa prouision & sa requeste, au plus secrettement qu'il peut, car il ne vouloit pas que trop de gens en sceussēt parler. Pareillement messire Pierre de Courtenay, venu à Calais, ne meit point en oubly ce que promis & creâcé auoit: mais se pourueut de bōnes & fortes armeures, à son point & ià en estoit tout pourueu, car harnois, pour son corps, bon & bel, il auoit mis hors d'Angleterre, & fait amener à Paris avecques luy: & l'eut tout prest, quand il luy besongna. Pour ce temps estoit Capitaine de Calais messire Iehan Warnes: auquel il dit la défiance d'armes, qui entreprise estoit entre luy & le Sire de Clary. Messire Iehan Warnes dit qu'il luy feroit compagnie, & feroit faire d'aucuns compagnons de la ville de Calais. Aussi c'estoit raison. Quand ce vint au lendemain, les deux Cheualiers: François & Anglois, vindrent sur la place, ou la parolle & là défiance d'armes auoit esté prise: & vint le Cheualier Anglois trop mieux accōpaigné, que ne fit le Seigneur de Clary, car le Capitaine de Calais fut avec luy. Les deux Cheualiers, qui entrepris auoient à faire l'un contre l'autre armes de trois coups de glaues de guerre (si comme ie vous recorde) vindrēt sur la place, ou iouster deuōient: si comme enconuenancé l'auoient. Quand ils furent venus, il n'y eut point planté de parlement, car ils sauoient bien quelle chose ils deuoiēt faire. Tous deux estoient armez bien & fort, ainsi que pour attendre l'auenture: & estoient bien-montez. Ils prirent les targes, & on les leur boucla bien & fort, ainsi que pour attendre l'auēture: & puis leur furēt baillez leurs glaues, à pointes acerees de fers de Bordeaux trenchans, & affilez. Et fers n'y auoit point d'epargne, fors l'auenture, telle que les armes l'enuoyent. Ils élongnerent l'un l'autre: & esperonnerēt les cheuaux: & vindrent l'un cōtre l'autre par aduis, au plus droit qu'ils peurent. Ce premier coup ils faillirēt: & point ne fassenerent: dont par semblant ils furent moult courroucez. A la seconde iouste ils se rencontrerent: & vindrent l'un sur l'autre de plain elais. Le Sire de Clary ioignit: & ataignit le Cheualier d'Angleterre, de plain coup, de son glaue (qui estoit bon & roide, & bien éprouué) & luy perça tout outre la targe, & parmy l'espaule, tant que le fer passa outre, biē vne poignée: & l'abatit ius du cheual de ce coup. Le Sire de Clary (qui si biē auoit iousté)

passa

passa outre franchement: & fit son tour (ainsi qu'un Cheualier, bien arrée, doit faire) & se tint tout quoy, car il vit qu'il auoit abatu le Cheualier Anglois, & que toutes gens de son costé l'environnoient. Si pensa bien qu'il l'auoit blecé, car de ce coup son glaiue estoit volé en tronçons. Si vint sus son cheual, de celle part. Les Anglois vindrent au deuant de luy & luy dirent. Vous n'estes pas bié courtois iousteur. Pourquoi? dit le Sire de Clary. Pour ce (dirent ils) que vous avez enfermé, tout outre l'espaule, messire Pierre de Courtenay.

Vous deussiez, & peussiez bien plus courtoisement auoir iousté. Respōdit le Sire de Clary, La courtoisie n'estoit pas en moy, puis que j'estoye appareillé & accueilly pour la iouste: & autant en peusse-je auoir eu, se l'auenture se fust portée contre moy, en venant de luy sur moy, mais au cas qu'il s'est attrait de la iouste à moy, demandez luy (ou ie luy demanderay, se vous voulez) s'il luy suffit, & s'il luy en faut, ou veut plus. Messire Jehā War-

nes adonc respondit à icelle parolle: & dit, Nenny, Cheualier, partez vons, car vous en avez assez fait. Le Sire de Clary se departit avecques ses gens: & les Anglois emmenerent à Calais messire Pierre de Courtenay, & entendirent à sa naureure & bleceure mettre en point. Le Sire de Clary retourna en France: & cuida tresbien auoir exploité, & que de ce

faict on luy deust porter & donner grande louenge & grande grace, mais ie vous diray qu'il luy en auint. Quand la nouuelle fut sceue deuers le Roy, & le Duc de Bourgongne & leurs Consaux, que remenant à Calais messire Pierre de Courtenay, le Sire de Clary auoit fait armes contre luy, & tellement blecé & nauré, que mis l'auoit en grand peril de mort, le Roy & le Duc de Bourgongne, & par especial messire Guy de la Trimouille, en furent trop fort courtoicez & marris sur le Cheualier: & dirent qu'il auoit bien ouuré & exploité pour du moins perdre toute sa terre, & estre banny hors du Royaume de France à tousioursmais, & sans rapel: & les aucuns disoient (qui nuire luy vouloit) qu'il auoit ouuré

comme faux & mauuais traistre: quand un Cheualier estrange, sur le conduit du Roy & du Duc de Bourgogne, il auoit requis & appelé en armes, & l'auoit mis en peril de mort & que celui outrage ne faisoit point à pardonner. Le Sire de Clary fut mandé. Il vint

au mandement du Roy. Quand il fut venu, il fut mené deuant le Roy & le Duc de Bourgongne, & leurs Consaux. Là fut il mis à question, & examiné de grande maniere: & luy fut dit & remonstré, trop à certes, comment il auoit esté si osé, ne si outrageux, que s'acheurter à un Cheualier estrange (qui par amour, & pour son honneur exaucer, & faire armes, venu en la Court du Roy de France estoit, & de celle Court party liement & par

bône amour: & lequel, à fin que nul mechef ne peril sur son chemin de retour ne luy adueinst, on luy auoit recommandé en garde & conduite) & sur le departement des Royaumes, prendre party d'armes à luy, & en respondre, ou à iouste mortelle, ou à chāp, sans le signifier à son souuerain, dont il tient sa terre. Ce forfait n'estoit pas à pardonner: mais à punir si grandement, que les autres y prédroient exēple. Le Sire de Clary, quand il ouit ces dures parolles, fut tout ébahy, car en ce il cuidoit auoir trop bien fait. Si se cōseilla de respōdre, & dit ainsi, Messieurs, il est bié verité que messire Pierre de Courtenay vous

me liuastes en charge & conuoy, à luy faire compaignie, tant qu'il fust à Calais, ou sur la frontiere. De tout ce, que chargé me fut, me suis acquité bien & loyaument: & s'il m'est besoing de prouuer, ie le prouueray & tesmoigneray par luy. Voir est que sur nostre chemin nous veismes à Lucien, en l'hostel de Madame la Comtesse de Saint Pol: qui doucement & liement nous recueillit. En ce recueil, il y eut parolles telles, que ie vous diray. La Dame luy demanda: & dit, Messire Pierre, comment vous contentez vous des Seigneurs de France? & que vous sēble des estats de Frāce? Le Cheualier respōdit courtoisement: & dit, Madame, les estats sont en France & grans & beaux & bien étofez. Apres, des Seigneurs de France, ie me contente assez bien de leur chere & de leur recueille, reserué

une chose. A peine & à trauail, & à grans coustages, & pour faire armes, ie suis issu hors d'Angleterre: & venu à la Court du Roy de France, mais ie n'ay sceu à qui faire armes. Messieurs, quand ie luy ouy dire celle parolle en ma presence, deuant si haute Dame, que la Cōtesse de S. Pol, sœur au Roy d'Angleterre, elle me fut trop pesante. Néanmoins ie m'en souffry pour l'heure, pour la cause de ce qu'e garde & en conuoy vous le m'auiez

recommandé: & ne luy en monstray onc semblant, tandis que nous fumes en cōpaignie ensemble sur le Royaume de France. Mais au congé prendre, en la marche de Calais, verité est que ie luy remei au deuant les parolles, lesquelles il auoit dites à Lucie: & luy dit bié qu'elles n'estoient point courtoises, n'honorables: & donnoient ses parolles à entēdre, que la cheualerie de Frāce estoit si reboutée & foulée, que nul n'auoit osé faire armes à luy: & s'il

Le sire de Clary, ayant blecé Pierre de Courtenay, et a batu son orgueil, par un seul coup de iouste, s'en retourne, des marches de Calais, en France.

Le sire de Clary asprement repris deuant le Roy de France, d'auoir entrepris armes contre Pierre de Courtenay, sans congé.

Excuses du Sire de Clary, racontant son fait par le menu.

B iij

les vouloit mettre outre, i'estoye vn Cheualier du Royaume de France, de nom, d'armes & de nation, qui ne vouloye pas qu'il se peust vanter, ne dire en Angleterre, qu'il n'eust fceue en France, ne sur son voyage, à qui faire armes: & que i'estoye tout prest & desirant à faire armes à luy, & pour accomplir sa plaifance & son desir, courir trois coups de glaive sur ce iour ou autre. Certainement, Messieurs, pour l'honneur du Royaume de France, & de la Cheualerie qui y est, ie di ceste parolle: & me semble qu'il en eut grande ioye & accepta à faire armes le lendemain, ou propre lieu ou nous parlions ensemble. Il alla à Calais. Je vein à Marquise. Je me pourueu. Il se pourueut. Le lendemain (ainsi comme dit & cōuenancé l'auis) nous retournasmes en la place. Il y vint, bié accompagné de ceux de la garnison de Calais. Aussi vindrent avec moy aucuns Cheualiers & Escuyers de la frontiere: le Sire de Montkarel & messire Jehan de Longuilliers. Nous veismes l'un l'autre: & eusmes pour l'heure petit de parlemēt. Nous ioustasmes de fers de guerre, & estis armez de toutes piéces, au mieux que nous pouuions. L'aucture d'armes fut telle, que du second coup, que ie couru contre luy, ie le conceu, & enferry tout outre: & portay par terre. Depuis ie me retournay sur luy, pour sauoir en quel estat il estoit, & se des armes il vouloit plus faire. Le Capitaine de Calais me dit que ce, que fait en estoit, suffisoit, & que ie me meisse au retour. Je m'y suis mis. Vous m'avez mandé. Je suis venu. Je cuydoie auoir tresbié fait, exploité, & gardé l'honneur du Royaume de France, & des Cheualiers qui y sont. Je vous ay cōpté la pure verité du fait. S'amēde s'en ensuyt sur ce, pour bien faire, ie m'en rapporte, par l'accord & iugement de Mōseig. le Cōestable, & de Messieurs les Mareschaux de France, & avec tout ce, en la voix & discretion du Cheualier, messire Pierre de Courtenay (à laquelle requeste ie fei les armes) & à ce, aussi que to^s Cheualiers & Escuyers d'honneur, de Frāce, & d'Angleterre, en voudront eux bien cōseiller & aussi informer, discerner. Quand le Sire de Clary eut remonstré ses affaires & ses excusatiōs bien & sagement (ainsi que vous avez ouy) il adoucit & brisa grandement l'ire & felonnie de ceux, qui accueilly l'auoient, mais, nonobstant toutes ses parolles & excusations, onc il ne peut estre excusé, ne deliuré, qu'il ne luy conuenist tenir prison: & en demoura vn grand temps en grand dāgers: & en fut sa terre saisie: & luy sur le point d'estre banny, & de perdre le Royaume de France. Mais le Sire de Coucy & le Duc de Bourbon (qui trop l'aimoient) prièrent pour luy, & à grande peine luy acquirent sa paix, avecques l'aide de la Comtesse de Saint-Pol: deuant qui les parolles auoient esté proposées & prononcées. Si luy fut dit à sa deliurance, Sire de Clary, vous cuidastes trop bien auoir fait, & trop villainement avez ouuré: quād vous vous offristes à faire faits d'armes à messire Pierre de Courtenay: qui estoit au conduit du Roy: & on le vous auoit baillé en garde, pour mener & conduire iusques en la ville de Calais. Vous fistes vn grand outrage, quand vous releuastes les parolles, lesquelles il disoit, en gengles, à la Comtesse de Saint-Pol. Deuāt que vous eussiez entrepris la iouste à faire, vo^s deussiez estre retourné deuers les Seig. & à eux dire & remōstrer, Telles parolles impetueuses, cōtre l'honneur des Cheualiers de France, a dites messire Pierre de Courtenay, en la presence de moy. Et ce qu'o vous eust cōseillé à faire, vous deussiez auoir fait: & pource que point ne l'avez fait, avez eu celle peine. Or soyez vne autrefois mieux aduise: & si remerciez, de vostre deliurance Monseig. de Bourbō, & le Seigneur de Coucy. Car ils ont fort entēdu pour vous, & aussi à la Cōtesse de S. Pol, car la bonne Dame s'est bien grādemēt acquitée à vous aider & excuser. Le Sire de Clary respondit: & dit, Grand mercy, mais certes ie cuidoye auoir bien fait. Le Roy seiournant à la bonne ville de Montpellier, en ébatant & festoyāt (si cōme il est cy-dessus contenu) en vn banquet (qui fut tresbeau & tresétosé, & lequel il auoit donné aux Dames & Damoiselles de ladite ville de Montpellier) furent recordées & mises, auant toutes les parolles, lesquelles ie vous ay proposées: & la cause pourquoy elles furent recitées. ie la vous diray. Verité est que ie vous ay commencé à parler de trois vaillans Cheualiers de France, messire Bouciquaut le ieune, messire Regnaut de Roie, & le Sire de S. Py: lesquels trois auoient entrepris à faire armes en la frōtiere de Calais, sur le tēps d'esté qui retournoit: & là attendroient tous Cheualiers & Escuyers estrāgers, le terme de treshautaine) & il leur fut dit & remōstré: pour le meilleur, q̄ ils la fissent escrire & getter en vne fueille de papier, car le Roy & son Cōseil la vouloient veoir & collatiōner: & se riē ou trageux auoit en ladite entreprise, on l'amēderoit, car le Roy & son Cōseil ne vouloient mettre,

Le Sire de Clary prisonnier nonobstant ses excuses et remōstrances, & de puis deliuré, moyennant ses amis.

Retour à l'entreprise des ioustes de trois des Chambellans du Roy Charles sixiesme, se voulans garder de tomber en inuenient semblable à celui du seigneur de clary.

tre sus, ne faire chose nulle, ne soustenir, qui fust de raisonnable. Les trois cheualiers à ceste requeste respondirent: & dirent, Vous parlez de raison. Nous le ferons volontiers. Si prirent vn clerc, ancre, & papier: & se bouterent en vne chambre: & escriuit le cler ainsi.

Pour le grand desir que nous auons de veoir & d'auoir la cognoissance des Nobles, Gentils hommes, Cheualiers, & Escuyers, voisins du Royaume de Frâce, & aussi de ceux des autres Royaumes estranges & loingtains, nous serons à † Sainct Iuqueluert, le vingt-ième iour du mois de May, prochainement venant: & y serons trente iours accomplis, tous continuels: & tous les trente iours, hors mis les Vendredis, deliurerons toutes manieres de Cheualiers & d'Escuyers, Gentils-hommes estrangers (de quelques marches ne pays qu'ils soient, & qui venir y voudront) chacun de cinq poinctes de glaïue, ou de cinq de roquet (lequel que mieux leur plaira) ou de tous † les deux, fil leur agréé. Et au dehors de nostre logement seront trouuées noz targes & noz escus, armoyez de noz armes: c'est assauoir de noz targes de guerre, & de noz escus de paix: & quiconque voudra iouster vienne, ou enuoye, le iour deuant, heurter, ou toucher d'vne vergette, auquel que mieux luy plaira choisir: &, fil heurte, ou fait heurter à la targe de guerre, à lendemain, de quel homme qu'il voudra, il aura la iouste de guerre: &, fil heurte, ou fait heurter, à la targe de paix, il aura la iouste de paix: &, fil fait heurter à toutes les deux, il aura la iouste de paix & de guerre. Et conuiendra que tous ceux, qui voudront iouster, & enuoyeront heurter, dient, ou facent dire leurs noms à ceux, qui commis seront de par nous à garder noz targes de guerre & les escus de paix. Et seront tenus tous Cheualiers & Escuyers estrangers, qui iouster voudront, d'amener vn Noble homme de leur part, † & nous en aurons autres tant de par nous: lesquels ordonneront de toutes les choses, qui pour ceste cause pourroient estre faictes, ou auenir à faire. Et prions à tous les Nobles Cheualiers & Escuyers estrangers, qui venir y voudront, que point ne vueillent penser, n'imaginer, que nous facions ceste chose par orgueil, haine, ou malle-vueillance: mais pour les veoir, & auoir leur honorable compaignie & accointance: laquelle de tous noz cueurs entierement nous desirons. Et n'y aura nulle de noz targes couverte de fer, ne d'acier, ne celles de ceux qui viendront à nous iouster, & nous à eux, ne nul autre aduantage, fraude, barat, ne mal-engin, fors que par le regard de ceux, qui seront commis, des deux parties, à garder les ioustes. Et, pource que tous Gentils-hommes Nobles Cheualiers & Escuyers (ausquels ceste chose viendra à cognoissance) la tiennent pour ferme & estable, nous auons seellé ces presentes du seel de noz armes, Escriptes, & données à Montpeslier le xx. iour de Nouembre, en l'an 1389. Et par-dessous auoit Regnaud de Roye, Bouciquaut, S. Py. De la haute emprise & courageuse des 3. Cheualiers fut le roy de France tout réiouy: &, qu'il voulist conceder que la chose passast outre, auant fut grandement la besongne bien examinée, & regardé se nul membre de vice y pouuoit estre entendu: & sembloit à aucuns, qui premierement à ce conseil pour auoir aduis furent appelez, que la chose n'estoit pas raisonnable: pourtant que les armes se deuoient faire si pres de Calais: & que les Anglois pourroient tenir ceste chose à † attine d'orgueil & de presumption. Laquelle chose on deuoit bien considerer: car trespues estoient données, & iurées à tenir, le terme de trois ans, entre France & Angleterre. Si ne deuoit on pas escrimer, ne faire chose, parquoy nulle dissension s'en ensuiuiust entre les deux Royaumes. Et furent ceux du Conseil du Roy plus d'un iour sur cest estat, qu'on ne sauoit que faire: & le vouloit on briser: & disoient les sages, que ce n'estoit pas bon de consentir à faire tous les propos des ieunes gens & Cheualiers: & que plustost en pouuoit venir incident & mal, que bien. Neantmoins le Roy (qui estoit ieune) s'enclinoit trop grandement à ses cheualiers: & disoit, Qu'on leur laisse faire leur emprise. Ils sont ieunes, & de grand'volonté: & si l'ont promis, & iuré à faire, deuant les Dames, à Montpeslier, Nous voulés que la chose se commence & poursuyue, à leur loyal pouuoir. Quand on veit l'affection que le Roy y auoit, nul ne l'osa contredire, ne briser sa volonté, & de ce furent les Cheualiers tous réiouys, & fut conclu & accordé que la chose se passeroit, sur la forme & maniere que les trois Cheualiers auoient escripte, seellée, & intitulée, & manda le Roy en sa chambre, à part, les trois Cheualiers: & leur dit, Bouciquaut, Regnaud, & vous Sainct-Py, en ceste ordonnance gardez bien l'honneur de vous & de nostre Royaume: &, à tenir estat, rien n'y ayt épargné: car nous ne vous fauldront point pour dix mille francs. Les trois Cheualiers dessus-nommez s'agenouillerent deuant le Roy, & dirent, Sire, grand mercy.

Le Cartel est remis, en plusieurs lieux, selon le sens de l'Auteur. † saladit saint Iuqueluert.

† Ce passage, est ce qu'il en dirá tantost plus amplement est selon sala, disant tels mots: ou de tous les deux, s'il stoit choient aux deux targes.

† Pour ce que ie n'enten pas bien cette clause à mon contentement, ie marque volontiers icy la vieille leçon: qui est telle: & nous aurons en doctrine de par nous lesquels &c.

Date du Cartel des ioustes de S. Iuqueluert par Regnaud de Roye, Bouciquaut le ieune, & S. Py, Chambellans du Roy Charles: † C'est à dire, à eueure & agacemēt de querelle, prouenant d'orgueil, &c.

Les ioustes de S. Iuqueluert accordées, & poursuivies par le Roy, vers son conseil.

Comment estant le Roy à Besiers, informations furent faites contre vn, nommé Betisach, Tresorier du Duc de Berry: & comment, ayant iceluy confessé qu'il estoit heretique & Sodomite, pensant pour cela estre renuoyé vers le Pape, fut mis entre mains du bras seculier par l'Official de Besiers, & là fut brüllé.

C H A P. VII.

† Gerard dit d'Alpian.

Le Roy Charles à Besiers.

Betisach examiné par le Conseil du Roy sur plusieurs charges, à Besiers.

Betisach emprisonné, et ses papiers saisis.

Quand le Roy de France eut pris ses ébatemens en la bonne ville de Montpellier, environ quinze iours ou plus, avec les Dames & les Damoiselles: & luy & ses Consaux eurent bien parfaictement entendu aux besongnes necessaires de la ville (car il y estoit principalement venu pour ceste cause) & tout reformé & mis en bon estat, selon l'aduis & ordonnance de son plus especial conseil, & osté & abatu plusieurs oppressions, dont les bonnes gens de ladicte ville de Montpellier auoient esté trauaillezz, il prit congé aux Dames & Damoiselles moult doucement, & puis se departit vn iour au matin: & prit le chemin † d'Alpian, & là disna, & vint gesir à Saint Vbere: & lendemain apres car moult le desiroient à voir les bonnes gens de la ville, & du pays enuiron, de Pefenas, boire du matin, incontinēt il se partit & vint à Besiers: ou il fut recueilly à grand ioye: de Cabestan, & de Narbonne, pour luy remontrer, & getter cōplaintes outre, en sa presence, sur vn Officier du Duc de Berry (lequel on appelloit Betisach) qui tout auoit apoury le pays, & les contrées d'environ, ou il auoit peu mettre les mains. Cil Betisach, depuis la cité d'Auignon, auoit tousiours cheuauché en la cōpaignie du Roy: & ne luy disoient pas les Consaux du Roy (qui pensoiēt à regarder sur luy, pour le destruire de tous points.) Betisach, gardez vous: car trop dures enquestes se ferōt sur vous, & sont ia cōplaintes, dures & crueuses à l'encontre de vous, venues iusques au Roy. Mais luy faisoient bonne chere: & l'entrenoient de iangles & de bobes: & luy promettoient de l'honneur assez, dont il n'eut riens, ainsi que ie vous recorderay assez prochainement. Quand le Roy se partit de S. Vbere, il estoit vne heure de iour apres nonne: & entre trois & quatre, il entra en la cité de Besiers. L'Euesque du lieu & le Clergé de toutes les Eglises, reueustus des armes de Nostre Seigneur, & les Bourgeois de la ville, & les Dames & les Damoiselles, yssirent, à procession, tous hors, à l'encontre du Roy: & ainsi qu'il cheuauchoit tout le pas, estoient ordonnez & rangez à deux lez du chemin: & tous & toutes s'agenouillerent à l'écontre de luy: & fut ainsi amené en l'Eglise Cathedrale, & là descēdit deuant le portail. Audeuant du portail on auoit fait vn autel, aorné tresrichement, & paré des reliques de l'Eglise: & là s'agenouilla le Roy, & fit son oraison bien & deuotement, puis entra en l'Eglise, adextre de l'Euesque de Besiers & de son oncle le Duc de Bourbon, & tous les Seigneurs le suiuiōt: & fut le Roy dedans l'Eglise environ demie heure: & puis en issit, & s'en alla loger au Palais (qui n'estoit pas trop loing de là) & son frere de Touraine, & son oncle de Bourbon avec luy: & les autres Seigneurs se logerent & espendirent parmi la ville: car il y a logis assez, pour estre logez tout au large, & à leur aise: car Besiers est vne bonne cité. Trois iours se tint le Roy à Besiers, en ioye & en réueil, avec les Dames & Damoiselles, auant que Betisach fust en rien requis ne demaudé: mais les Inquisiteurs, qui commis estoient par le Conseil du Roy, faisoient celément & secrettemēt enqueste sur luy. Si trouuerent par enqueste plusieurs cas horribles sur luy: lesquels n'estoiēt pas à pardonner. Or auint qu'au 4^e. iour, que le Roy eut là esté, il fut mandé deuant le conseil du Roy, & enclos en vne chambre, pour estre examiné: & luy fut dit, Betisach, regardez, & respondes à ces cedulles, que veez cy. Lors fut monstrée vne grande quantité de lettres & de cōplaintes: lesquelles auoient esté apportees à Besiers, & données au Roy par maniere de supplications, qui toutes parloient & chantoient du fol gouuernement de Betisach, & des oppressions & extorsions, qu'il auoit faictes au peuple, Toutes luy furent leuēs en sa presence, l'une apres l'autre. Aux vnes respondit bien & sagement pour ses deffenses, & aux autres non, & disoit. De celle n'ay ie nulle cognoissance. Parlent aux Senechaux de Beaucaire & de Carcassonne, & au Chancelier de Berry. Finalement pour l'heure il luy fut dit, que pour le purger, il conuenoit qu'il teinst prison. Il obeyt à ce faire, & il le conuenoit. Si tost qu'il fut emprisonné, les Inquisiteurs allerent à son hostel, & saisièrent tous les escripts & les comptes, dont du temps passé il s'estoit entremessé, & les emporterent avecques eux: & les visiterent par grand loisir, & trouuerent dedans moult de diuerfes choses, & grandes sommes de fināces, lesquelles il auoit euēs & leuees du temps passé des Senechaussées dessusdites. Il luy fut demandé s'elles estoient bonnes, & quelles choses on en auoit fait, n'ou tout pouuoit estre contourné, ne deuenu.

Il respon-

Il respondit à ce: & dit, Les sommes sont bonnes & vraies: & tout est tourné deuers Monseigneur de Berry, & passé par ses mains, & par ses tresoriers: & de tout ie doy auoir, & ay bonnes quittances en mon hostel, en tel lieu. On y alla: & furent apportées deuant le Conseil, & toutes leuës: & se concordoient assez aux sommes des receptes. Adonc furent les Inquisiteurs & le Conseil tous appeisez, & Betifach remis en prison courtoise: & parlerent les Consaux ensemble sur cel estat: & dirent, Betifach est net de toutes ces demandes, qu'on luy demande. Il monstre bien que les leuës, dont le peuple se plaint. Monseigneur de Berry les a toutes eues. Quelle chose en peut il, felles sont mal-allées ne mal-mises? A considerer raison, Betifach n'auoit nul tort en ses deffenses & excusations: car ce Duc de Berry fut le plus conuoiteux homme du monde: & n'auoit cure ou il fust pris: mais qu'il l'eust: & quand il auoit la finance deuers luy, si l'employoit trop pitteusement: ainsi que plusieurs Seigneurs font, & ont fait du temps passé. Les Consaux du roy ne veoient en Betifach, nulle chose pourquoy il deust mort receuoir: voire les aucuns: & non pas tous: car parmy eux il y en auoit de tels, qui disoient ainsi, Betifach a fait tant de cruelles leuës, & appoury tant le peuple, pour accomplir le desir à Monseigneur de Berry, que le sang humain du pauvre peuple s'en plaint, & crie hautement: & dient qu'il a deffieruy mort: car luy, qui estoit es parties de par-deça tout le Cōseil du Duc de Berry, & qui voit la poureté du peuple, luy deust doucemēt auoir remonstré: & si le Duc n'y voulist auoir entēdu, & il fust venu vers le Roy & son Cōseil, & leur eust remonstré la poureté du peuple, & comment le Duc de Berry les menoit, on y eust pourueu: & grandement il se fust excusé des amasses, dont il est encoulpé. Adonc fut Betifach remandé en vne chambre, deuant le Conseil. Derechef il fut moult fort examiné, pour sauoir que toutes ces finances pouuoient estre deuenues: car on trouuoit la somme de trente cens mille francs. Il respondit à ce: & dit, Messeigneurs, ie ne le puis bonnement sauoir. Il en a mis grand' planté en ourages & reparatiōs de chasteaux & hostels, & en achapts de terres, au Comte de Boulogne & au Comte d'Estampes, & en pierreries (ainsi que vous sauez) que telles choses il achapte legerement: & si en a étoffé son estat tresgrand (qu'il a tousiours tenu) & si en a donné à Thibaut & Morinot, & à ses varlets d'autour de luy, tant, qu'ils sont tous riches. Et vous, Betifach (dit le Conseil du Roy) en auez vous bien eu pour voz peines & seruices, que vous luy auez faits, cent mille francs à vostre singulier profit? Messeigneurs (respōdit Betifach) ce, que i'en ay eu, Monseigneur de Berry me le consent bien: car il veut que ses gens deuiennent riches. Donc respondit le Conseil, d'une voix, Ha, Betifach, c'est follement parlé. La richesse n'est pas bonne, ne raisonnable, qui est mal-acquise. Il vous faut retourner en prison: & nous aurons auis & conseil sur ce, q̄ vous no^r auez icy dit & mōstré. Il vous faut attēdre la volōté du Roy: à qui nous remontrerons toutes voz deffenses, Messeigneurs (respondit Betifach) Dieu y ait part. Il fut remis en prison: & là laissé, sans estre mandé deuant le conseil du Roy, bien quatre iours. Quand les nouuelles furent espendues, parmy le pays, que Betifach estoit pris de par le Roy, & mis en prison, & qu'ō faisoit enqueste sur luy de toutes parts, & estoit la renommée telle, que, qui riens luy voulist demander, se trayst auant, adonc veissiez gens de toutes pars venir à Besiers, & demander l'hostel du Roy: & quand ils estoient venus à l'hostel du Roy, getter en place, supplications & plaintes crueuses, & douloureuses, sur Betifach. Les aucunes se plaignoient que Betifach les auoit desheritez, sans cause & sans raison. Les autres se plaignoient de la force, qu'il auoit fait à leurs femmes, ou à leurs filles. Vous deuez sauoir que, quand tant de diuers cas venoient sur Betifach, les Consaux du Roy estoient tous lassez de les ouyr: car, à ce que les plaintes montoient il estoit durement hay du peuple: & tout ce luy veuoit à considerer raison, pour accomplir la plaissance & volōté du Duc de Berry, pour emplir sa bourse. Les Consaux du Roy ne sauoient que faire: car là estoient venus deux Cheualiers, de par le Duc de Berry (le Sire de Nantoillet. & messire Pierre Mespīn) qui apportoint, & auoient apporté, lettres de creance au Roy: & auouoient ces Cheualiers, de par le Duc de Berry, tout ce, que Betifach auoit fait du temps passé: & requeroit le Duc de Berry, au Roy & à son Conseil, à rauoir son homme & son Tresorier: Le Roy auoit Betifach accueilly en grand' haine, pour la clameur & la fame diuerse & cruelle, qui couroit sur luy: & s'enclinoit le Roy, & son frere, trop grandement, à ce qu'il fust pendu: & disoient que bien l'auoit deffieruy: mais les Consaux du Roy ne l'osoient iuger: car trop doutoient le Duc de Berry. Si fut dit ainsi au Roy, Sire, au cas que Monseigneur de Berry auoue tous les faits de Betifach à

Betifach rend bon compte, à la charge du Duc de Berry.

Betifach chargé d'auoir trop cōpleu au duc de Berry, & qu'il deuoit réueler ses exactions au Conseil du Roy.

Il n'y auoit icy que 30000. francs. Mais nous l'auons remis selō vn passage du chap. 5. du present Vol. sur la fin: avec ce qu'on demandera tātōst à Betifach, s'il en auoit bien eu cent mille à sa part.

Diueres plaintes sur Betifach

Le Duc de Berry auoue les leues de Betifach, & en auoir receues les sommes, demandans qu'il luy fust relasché & deliuré.

*Betifach, estant
sur le poinct de
sa deliurance à
la poursuite du
Duc de Berry,
est circonuenu
en prison.*

vous (quels qu'ils soient) nous ne pouuons veoir, par nulle voye de raison, que Betifach ayt defferuy mort: car du temps qu'il fust entremis, es contrées de par-deça, des tailles, des subides, & des aides asseoir & mettre, prendre & leuer, Monseigneur de Berry (en quelle instance il le faisoit) auoit puissance Royale: comme vous auez pour le present. Mais on pourra bien faire vne chose, selon les articles de ses forfaits: c'est de saisir tous ses meubles & heritages, & le mettre au point, ou Monseigneur de Berry le prit: & restituer & rendre aux pources gens, par les Sénéchaucées, lesquels il a plus foullez & appouris. Que vous feroy-ie long compte? Betifach fut sur le poinct d'estre deliuré) voire parmy sa cheuance luy ostant) quand autres nouuelles vindrent en place. Je vous diray quelles. Je ne say, ne sauoit ie ne le peu, fors que par la recognoissance de luy, fil estoit tel, qu'il se iugea. Il dit qu'il auoit esté vn grand temps heretique, & auoit fait vne moult merueilleuse chose, & infortuneuse. Selon ce, que ie fu informé, on vint de nuit à Betifach, pour l'effrayer: & luy fut dit, Betifach, vous estes en dur party. Le Roy de France, son frere, & le Duc de Bourbon, son oncle, vous ont accueilly mortellement: car il leur sont venues sur vous tant de plaintes diuerfes de diuers lieux, des oppressions que vous auez faictes par deça, au tēps que vous auez gouuerné Lāguedoc, q̄ tous vous iugēt à pēdre: ne vo^e ne pouuez passer pour vostre cheuāce. On l'a offerte au Roy: mais le Roy qui vous hait mortellement a respondu que vostre cheuāce est siēne, & le corps aussi: & ne serez point longuement gardé. Nous le vous disons pour bien: car demain du iour on vous deliurera: & supposons bien, par les apparences que nous en voyons, & que nous auons veu, que vous serez iugé à mort. Ceste parolle effraya trop grandement Betifach, & dit à ceux, qui parloient à luy, Haa, Sainte-Marie, & est il nul conseil, qui y peust pourueoir? Ouy, respondirent ils. Demain, dictes que vous voulez parler au Conseil du Roy. Ils viendront parler à vous: ou ils vous manderont. Quand vous serez en leur presence, vous leur direz, Messieurs, ie tien Dieu auoir courroucé trop grandement, & pour le courroux, que Dieu a sur moy, me court ceste esclandre. On vous demandera en quoy. Vous respondrez que vous auez vn grand temps erré contre la foy, & que vous estes heretique: & tenez bien celle opinion. L'Euesque de Bessiers, quand il vous orra parler, vous chalengera, & voudra auoir. Vous serez deliuré incontinent deuers luy: car tels cas appartiennent à estre eclaircis, par l'Eglise. On vous enuoyera en Auignon. Nul ne sera partie à l'encontre de Monseigneur de Berry: ne le Pape ne l'oseroit courroucer. Par ce moyen, que nous disons, aurez vous vostre deliurance: & ne perdrez ne corps, ne cheuance. Mais, si vous demourez en l'estat ou vous estes, sans iusir ia du iour de demain, vous serez pendu: car le Roy vous hait par la clameur du peuple: dont vous estes trop fort accueilly. Betifach (qui se confia sur ceste faulse parolle & information: car, qui est en danger & en peril de mort, ne fait que faire) respondit, Vous estes mes bons amis, qui loyaument me conseillez: & Dieu le vous puisse remeriter: & encores viēdra le temps, que ie le vous remeriteray grādemment. Ceux se departirent & Betifach demoura. Quand ce vint au matin, il appela le Geollier, qui le gardoit: & luy dit, Mon amy, ie vous prie qu'allez querir, ou enuoyez querir, tels & tels, qu'il luy nomma: lesquels estoient informateurs & inquisiteurs sur luy. Il respondit, Volōtiers. Il furent signifiez que Betifach les demandoit en prison. Les Informateurs vindrent, qui iā, sauoient bien (espoir) quelle chose Betifach vouloit, ou deuoit dire. Quand ils furent en la presence de Betifach, ils luy demanderent, Que voulez vous dire? Il respondit: & dit ainsi, Beaux Seigneurs, i'ay regardé en mes besongnes, & en ma conscience. Je tien grandement auoir Dieu courroucé: car ia de long temps ay erré contre la Foy: & ne puis croire qu'il soit riens de la Trinité: ne que le fils de Dieu se daignast oncques tant abaïsser, qu'il veinst des cieux descendre en corps humain de femme: & croy & dy que, quand nous mourons, il n'est riēs de l'ame. Haa Sainte Marie, Betifach (respondirent les Informateurs) vous errez trop grandement contre l'Eglise. Voz parolles demandent le feu. Auïsez vous. Je ne say (dit Betifach) que mes parolles demandent, ou feu ou eauē: mais i'ay tenu celle opinion, depuis que i'ay eu cognoissance: & la tiendray tousiours, iusques à la fin. Les informateurs n'en voulurent pour le present plus ouyr: & furent (espoir) tous ioyeux de ces parolles: & commanderent trefestroitement au Geollier, qu'il ne laissast homme, ne femme, parler à luy: afin qu'il ne fust retourné de son opinion, & s'en vindrent deuers le Conseil du Roy, & leur recorderent ces nouuelles. Quand ils les eurent ouyes, ils allerent deuers le Roy: qui estoit en sa chambre, & se leuoit. Si luy dirent toute l'ordonnance de Betifach: ainsi que vous auez ouy. Le Roy en fut moult

Betifach, circonuenu en prison, se confesse heretique, pour tascher à euader par la Court d'Eglise.

fut moult émerueillé, & dit, Nous voulons qu'il meure: c'est vn mauuais homme. Il est heretique & larron. Nous voulons qu'il soit ars & pendu (si aura le guerdon de ses merites, ne ià pour bel oncle de Berry il n'en sera excusé, ne deporté. Ces nouvelles s'espandirent parmy la cité de Besiers, & en plusieurs lieux, que Betisach auoit dit & confessé de sa volonte sans contrainte, qu'il estoit heretique: & auoit tenu vn long temps l'opinion de bougre: & que le Roy auoit dit qu'il vouloit qu'il fust ars & pendu. Lors veissiez par tout Besiers grand' foison de peuple réiouy: car trop fort estoit hay & accueilli. Les deux Cheualiers, qui le demandoient de par le Duc de Berry, furent tous ébahis & émerueillez, & n'en sauoient que supposer. Messire Pierre Mespin s'aduisa, & dit, Sire de Nantoillet, ie fay doute que Betisach ne soit trahy: & peut estre que secrettement on a esté à luy en prison, & l'a on informé de ce dire, & luy a on donné à entendre, que (s'il tient ceste erreur: qui est horrible & villaine) l'Eglise le chalengera, & sera enuoyé en Auignon, & là deliuré du Pape. Haa du fol. Il est deceu: caria oyez vous dire que le Roy veut qu'il soit ars & pendu. Allon, allon, tantost deuers luy en prison: & parlon à luy: & le réformon en autre estat: car il est tout déuoyé, & mal conseillé. Les deux Cheualiers se departirent incontinent de leur hostel, & vindrent deuers la prison du Roy, & requirèrent au geollier, qu'ils peussent parler à Betisach. Le Geollier s'excusa: & dit, Messigneurs, il m'est enioinct & commandé, & aussi à ces quatre Sergens d'armes (qui cy sont enuoyez de par le Roy) sur la teste, que nul ne parle à luy. Le commandement du Roy n'oserions nous briser. Les Cheualiers congurent tantost qu'ils trauailloient en vain, & que Betisach auoit fait, & que mourir le conuenoit, tant auoit on tournoyé. Si retournerent à leur hostel, & compterent & payerent, & monterent à cheual, & puis s'en retournerent deuers le duc de Berry, leur maistre. La conclusion de Betisach fut telle, que quand ce vint à lendemain, sur le point de dix heures, on le trahit hors de prison: & fut amené au Palais de l'Euesque: & là estoient tous les Iuges & les Officiaux, de par l'Euesque, & tons ceux de sa Court. Le Baillif de Besiers (qui l'auoit tenu en prison) dit ainsi aux gens de l'Euesque, Veez cy Betisach: lequel nous vous rendons pour bougre, & pour heretique, & errant contre la Foy, & s'il ne fust Clerc, nous eussions fait de luy ce, que ses œuures demandent. L'Official demanda à Betisach fil estoit tel qu'on leur rendoit: & que, oyant le peuple, il le voulsist dire & confesser. Betisach (qui cuida moult bien dire, & échaper parmy sa confession) respondit, & dit, ouy. On luy demanda par trois fois, & par trois fois le congut tout haut, oyant le peuple. Or regardez fil estoit deceu & enchâté: car fil eust toujours tenu sa parolle, & ce pourquoy il estoit pris & arresté, il n'eust eu nul mal: mais l'eust on deliuré: car le duc de Berry auoit tous ses faits auouez, tant que des assises, aides, & extorsions: lesquelles il auoit à son commandement mises & assises en Languedoc. Mais on peut supposer que fortune luy ioua de son tour: & quand il cuida estre plus asseur sur sa roue, elle se tourna ius en boue: ainsi qu'elle a fait tels cēt mille, depuis q le monde fut premierement edifié & estauré. Betisach fut, de la main du Iuge Official, rendu & remis en la main du Baillif de Besiers: qui gouuernoit pour le Roy le temporel. Lequel Baillif, sans plus de delay, le fit amener en la place, deuant le Palais, & fut si hasté Betisach, qu'il n'eut pas loisir de respondre, & luy dedire. Car, quand il veit en la place le feu, & il se trouua en la main du bourreau, il fut tout ébahy: & veit bien qu'il estoit deceu & trahy. Si requit, en criant tout haut, à estre ouy: mais on n'en tint compte: & luy fut dit, Betisach, il est ordonné, il vous fault mourir. Voz males œuures vous meinēt à male fin, Il fut hasté: & le feu estoit tout prest. On auoit en la place fait leuer vnes fourchettes, vne attache, vn collier, & vne grād' chaine de fer. On ouurit par vne charnerie ledit collier: & luy fut mis au col, & puis reclos, & puis tiré contremont, & afin qu'il durast plus-longuement, on l'euelopa de ceste chaine autour de l'atache: afin qu'il teinst plus roide. Il crioit, & disoit, Duc de Berri, on me fait mourir sans raison. On me fait tort. Si tost qu'il fut lié à l'atache, & tãtost on apuya autour grād' foison de bourrées & de fagots secs. On bouta ie feu dedās: les fagots s'allumerēt. Ainsi fut Betisach pendu & ars: & le pouuoit le Roy de Frāce veoir de sa chambre: fil vouloit. A celle pource fin vint Betisach: & ainsi fut le peuple vengé de luy: car, au vray dire, il leur auoit fait moult d'extorsions & de grans dommages, depuis qu'il auoit eu en gouuernement les marches de Languedoc.

*Les pourfuyuas
du Duc de Ber-
ry, se doutās de
la circonuention
de Betisach, sta-
schent pourneās
à parler à luy.*

*Betisach, mis
entre mains de
l'Official, se con-
fesse heretique,
et sodomite, pu-
bliquement.*

*Betisach, remis
entre mains du
bras seculier, de
māde pourneās
à estre ouy.*

*Betisach, Tre-
sorier du Duc
de Berry brulé
à Besiers.*

*Comment le Roy de France, luy étant à Toulouze, manda le Comte de Foix: & comment y étant
venu, fit hommage au Roy, de sa Comté de Foix.*

CHAP. VIII.

A Pres ceste crueuse iustice, le Roy de France ne seiourna point longuement à Be-
 fiers: mais partit à tout son arroy: & prit le chemin de Carcassonne, & tousiours, de-
 puis Anignon, auoit cheuauché, & cheuauchoit encores, son Marechal, messire Louis
 de Sancerre. Tant cheuaucha le Roy par les iournées, en visitant le pas (car il n'alloit
 pas les droits chemins: mais fut à Cabestan, à Narbonne, à Lymons, à Mont-royal, & à
 Bougaux, & de là retourna à Carcassonne, & sy tint quatre iours, & puis s'en partit, &
 passa Villefranche, Auignolet, & Montgiscard) qu'il vint à Toulouze. Les Bourgeois de
 Toulouze (qui grandement le desiroient à veoir, & auoir delez eux) le recueillirent lié-
 ment: & issirent tous hors de la ville, vestus d'vnes pareures: & fut à grand' solennité ame-
 né & conuoyé au chastel de Toulouze: Ceux de Toulouze (qui est cité riche & notable)
 firent au Roy, à sa venue, plusieurs presens, & tant que le Roy s'en contenta grandement.
 Quand le roy eut là esté & seiourné trois iours, & il se fut refreschy, fut conseillé qu'il man-
 deroit le Comte de Foix, lequel estoit issu de Bearn & venu en la Comté de Foix, & se te-
 noit en vne ville, qu'on dit Masieres, à quatorze lieues pres de Toulouze: car de l'estat &
 de l'ordonnance du Roy il estoit tout informé. Si furent ordonnez, pour l'aller querir, le
 Marechal de France, & le Sire de la Riuere: lesquels partirent, vn Mecredi, apres boire:
 & vindrent gesir en vne cité, assez bonne, en Toulousain (qu'on dit Ville-en-iourdain)
 & le lendemain, à heure de disner, ils vindrent à Masieres. Le Comte de Foix (qui bien
 sauoit leur venue) les recueillit doucement & liément, pour l'amour du Roy, & aussi les
 cognoissoit assez. Car autresfois les auoit il veus. Messire Loys de Sancerre porta la pa-
 rolle: & dit, Monseigneur de Foix, nostre trescher Sire, le Roy de France vous mande,
 par nous, que vous le vueillez venir veoir à Toulouze: ou il se trauaillera tant, qu'il vous
 viendra veoir en vostre pays: & moult vous desire à veoir. Le Comte de Foix respondit:
 & dit, Messire Loys, ie ne vueil pas que le Roy ait ce trauail pour moy: mieux appartient
 que ie l'aye pour luy. Si luy direz ainsi, de par moy (fil vous plaist) que ie seray là à Tou-
 louze, dedans quatre iours. C'est bien dit, respondirent les Cheualiers. Nous retourne-
 rons, & luy dirons ces nouuelles, de par vous: Voire (dit il) hardimét: mais vous demour-
 rez meshuy empres moy: & vous tiendray tous aises (car ie vous voy volontiers) & de-
 main vous vous mettez au retour. Les Cheualiers obeyrent, & demourerent delez le
 Comte de Foix ce iour, & la nuit (car moult y estoient à plaissance) & deuia à eux de plu-
 sieurs choses. Car il estoit sage, & bien entendu, & de beau parlement, & trop bien sauoit
 attraire, en parlât à vn hōme (quel qu'il fust, selon son estat) tout ce qu'il auoit dedans le
 cueur. Ils prirent congé au Comte d'aller coucher, pour retourner à lendemain: & le
 Comte à eux. Au bon matin, ils partirent: & cheuaucherent tant, que ce iour il m'est
 aduis qu'ils retournerent à Toulouze: & trouuerent le Roy, iouant aux eschecs à son on-
 cle, le Duc de Bourbon. Il leur demanda tout haut, Or auant, des nouuelles: que dit ce
 Comte de Foix? Voudra il venir? Ouy, Sire, respondit de la Riuere. Il a tresgrande affe-
 ction de vous veoir: & sera cy deuers vous, dedans quatre iours. Or bien (dit le Roy) nous
 le verrons volontiers. Les deux Cheualiers se departirent du Roy, & le laisserent iouant:
 & allerent souper, & eux aiser: car ils auoient cheuauché vne grand' iournée. Le Comte
 de Foix (qui demouré estoit à Masieres) ne mit pas en oubly le voyage, qu'il deuoit fai-
 re: mais se pourueut tresgrandement: & estoit ia tout pourueu: car bien sauoit la venue du
 Roy. Si enuoya deuant, à Toulouze, faire ses pourueances, grandes & grosses (ainsi com-
 me à luy apartenoit) & auoit mandé Cheualiers & Escuyers de Bearn, plus de deux cens
 pour luy seruir & accompagner en ce voyage. Au iour, que le Comte de Foix auoit mis
 & assigné, il entra en la cité de Toulouze, à plus de six cens cheuaux, bien accompagné
 de Cheualiers & d'Escuyers, & tous à sa deliurance, & estoient delez luy, † messire Ro-
 ger d'Espaigne, son cousin, le Sire de Courasse, le Sire de Valentin, le Sire de Quer, le
 Sire de Baruge, messire Espaen du Lion, le Sire de Roquepaire, le Sire de Lane, le Sire
 de Besach, le Sire de Perle, messire Pierre de Cabestaing, messire Mouuans de Nouual-
 les, messire Richard de la Mecte, messire Arnout de Sainte-Basille, & plusieurs autres,
 & messire Pierre de Bearn, & messire Arnaut, ses deux freres, & ses deux fils bastards
 (qu'il aimoit tresgrandement) messire Iobbain & messire Gracien de Foix: & auoit in-
 tention le Comte de Foix d'heriter ses deux fils, de la greigneur partie de la terre
 de Bearn: de laquelle terre il pouuoit bien faire sa volonté: car il la tenoit lige & fran-
 che, sans la releuer de nul homme: fors de Dieu. Si descendit le Comte aux Predi-
 cateurs, & fut là logé son corps & son tinel: & ses gens se logerent au plus pres de luy,
 qu'ils

Le Marechal
 de Sancerre
 vers le comte
 de Foix pour le
 faire venir
 vers le Roy à
 Toulouze.

† Il y auoit icy
 deuant messire
 Roger Bô-
 niquet & mes-
 sire Jehā son
 frere. Mais con-
 siderāt ce qu'il
 a parlé du pa-
 rentage du Cōte
 de Foix au com-
 mencement du
 tiers liure, &
 ce qu'il dira tāt-
 tost ien ay feint
 de les oster: com-
 me ayant esté
 ie ne say com-
 ment icy brouil-
 lez au lieu des
 deux qu'il nom-
 me à la fin de
 ce rolle de sei-
 gneurs. Quant
 à Iobbain, il
 l'a nommé Ie-
 nuain au cha-
 p. 6. & Yusin
 au chap. 8. d'i-
 celuy tiers vol.

qu'ils peurent. Vous devez sauoir que les Bourgeois de la ville de Toulouse luy firent grande feste: & moult l'aimoient, car tousiours il leur auoit esté bon voisin & courtois, & traitable: n'oncques ne souffrit que nul de sa terre leur fist guerre, ne violence: & pour tant l'aimoient ils mieus: & luy firent les Bourgeois de Toulouse grans presens de bons vins, & de plusieurs autres choses, tant que bien se contenta. Il entra en la cité de Toulouse: ainsi qu'à basses vespres: & se tint tout le iour, & toute la nuit, en son hostel. Aulendemain, à dix heures, il monta à cheual: & monterent, de ses gens, ceux, qui ordonnez y estoient, pour aller avecques luy deuers le Roy: & furent plus de deux cens Cheualiers tous hommes d'honneur: & s'en vint en cest estat, tout au long parmy les rues, iusques au chastel de Toulouse, ou le Roy estoit logé: & descendit en la court, dedans la premiere place du chastel. Varlets prirent & tindrent les cheuaux. Le Comte & ses gens monterent les degrez de la grande salle. Le Roy de France estoit issu de sa chambre, & venu en la salle: & là attédoit le Côte: que moult desiroit à veoir, pour les grans vaillances de luy, & pour sa bõne renommée. Le Comte de Foix (qui estoit vn beau Prince, & de tresbelle forme, & de belle taille) à nu chef, vns cheueux tous espars (car oncques ne portoit chaperon) entra en la salle: & lors qu'il veit le Roy & les Seigneurs de France, son frere & son oncle, pour honorer le Roy: & non autrui, il s'agenouilla tout bas, d'un genouil: & puis se leua: & passa auant: & à la seconde fois, il s'agenouilla moult pres du Roy. Le Roy le prit par la main: & l'embracea, & leua sus: & luy dit, Comte de Foix, beau cousin, vous nous estes le bien-venu. Vostre veue & venue nous réiouit moult grandement. Monseigneur (respondit le Comte de Foix) grand mercy: quand tant vous en plaist à dire. Là eurent parlement ensemble le Roy & le Comte de Foix (lesquelles parolles ie ne peu pas toutes ouir ne sauoir) & puis fut heure de disner. On donna l'eue, on laua: & puis on fassit. A celle table fut, au premier chef, l'Archeuesque de Toulouse: & puis le Roy, puis son oncle, le Duc de Bourbon: puis le Comte de Foix, & puis messire Iehan de Bourbõ, Côte de la Marche & de Vendosme. A celle table n'en y eut plus. A la seconde table fit on seoir messire Iehan de Labreth, Comte de Harecourt, Messire Philippe de Bar, & quatre, des Cheualiers du Comte de Foix. A l'autre table s'assirent le Marechal de Sancerre, messire Roger d'Espagne, & huit des Cheualiers du Comte de Foix. Si fut ce disner moult grand, & bien étofé de toutes choses: & quand on eut disné, on leua les tables, & apres graces rendues, on prit autres ébatemens, & furent le Roy & les Seigneurs en estat sur leurs piez, en chambre de parement, pres de deux heures, en oyant ménestriers, car le Comte de Foix s'y délectoit grandement. Apres tout ce, on apporta vin & espices, & seruit du drageoir, deuant le Roy de France tant seulement, le Comte de Harecourt, & messire Girard de la Pierre deuant le Duc de Bourbon, & messire Mouuant de Nouaillles, deuant le Comte de Foix. Apres tous ces estats, enuirõ sur le point de quatre heures apres nonne, le Côte de Foix prit congé au Roy. Le Roy luy donna, & aussi le Duc de Bourbon, & les autres Seigneurs. Il issit hors de la salle, & vint en la court, & trouua ses cheuaux tous prests, & ses gens tous appareillez, qui l'attendoient. Si monta ledit Comte, & monterent tous ceux, qui accõpaigner le deuoient, ou vouloient, & s'en retourna arriere en son hostel, & se contenta grandement de la bonne chere & recueillette, que le Roy de Frâce luy auoit faite, & luy retourné en son hostel, s'en loua moult fort à ses cheualiers. Entre le Roy de France & le Côte Gaston de Foix, eux estãs & seiournans en la cité de Toulouse, y eut plusieurs traittez & appointemēs d'amour, & grãde peine y rendirēt le Marechal de Frâce & le Sire de la Riuiere, pourtāt qu'ils veoiēt que le Roy s'en clinoit, & que volōtiers il veoit le Côte de Foix, & aussi son oncle le Duc de Bourbon le tesmoignoit. Le Côte de Foix donna vn iour à disner à Monseig. le Duc de Touraine, à Monseigneur le Duc de Bourbon, au Côte de la Marche, & à tous les Seig. de France, & fut ce disner outre mesure grand & bel, & grande foison y eut de mets & d'entremets, & seans, à table plus de deux cens Cheualiers, & seruoient lesdits Seigneurs les Cheualiers au Côte de Foix, & sur le point que les tables furēt leuées, le Roy de Frâce (qui auoit disné au chastel de Toulouze, & messire Charles de Labreth, & messire Philippe de Bar, ses deux cousins germains) ne se peut tenir qu'il ne vint veoir la cõpaignie, & vint à l'hostel du Côte de Foix, luy 12^e tāt seulemēt. Le Côte de Foix de la venue du Roy (pour ce que tant s'estoit humilié, q̃ de venir iusques à luy) fut tresgrãdemēt réiouy, & aussi fut toute la cõpaignie. Si y eut fait plusieurs ebatemēs, & s'eprouuoient tous ces Gascõs & ces Frãçois à la luitte l'un cõtre l'autre, ou à getter la pierre, ou à traire la darde au plus loing, &

† Il y auoit la tierce fois: mais ne specifia point la seconde & estat ce Côte assez hautain, ie me doute que deux fois y peurent bien suffire.

Disner du Côte de Foix au Duc de Touraine, et aux autres Princes et Seigneurs de Frâce: à l'issue duquel le Roy alla priuement.

au plus haut: & là furent iusques à la nuit, que le Roy & les Seigneurs s'en retournerent. Le Côte de Foix donna ce iour aux Cheualiers & Escuyers du Roy, & du Duc de Touraine, & du Duc de Bourbon, plus de soixâte, que coursiers, que palefrois, que mulets, tous amblans, sellez, & apprestez de tous points: ainsi cōme à eux appartenoit. Si donna aux Ménestriers du Roy, & du Duc de Touraine, & du Duc de Bourbon, deux cēs courōnes d'or, & aux Heraux deux cens couronnes d'or. Aussi tous se louoient des largesses du Côte de Foix. Au 4^e iour apres, vint le Comte de Foix au Palais du Roy, bien acōpaigné de Barōs & Cheualiers de Bearn & de Foix, pour veoir le Roy, & faire ce qu'il appartenoit & dont il estoit requis: c'est à entendre hōmage de la Côte de Foix, & des appendances, reseruee la terre de Bearn. Si vous dy qu'au deuant auoit eu grans traittez entre le Roy & le Comte de Foix, par les moyens du Conseil du Roy, du Seigneur de la Riuere, & de messire Iehan le Mercier, & de l'Euesque de Noyon, qui là estoit venu nouuellemēt d'Auignon: mais les traittez furent moult secrets. On disoit ainsi que le Côte de Foix requeroit au Roy, que son fils, Iobbain de Foix, fust, apres son decez, heritier de toute la Côte de Foix, parmy, cent mille francs, que le Comte donnoit & ordonnoit au Roy de France, au iour de son trepas, & messire Gracien, son frere, deuoit tenir en Bearn la terre d'Aire, vne bōne cité, & du Mont-de-marce: & toutes les terres acquises, que le Comte, de Foix tenoit en la terre de Bearn deuoient retourner à l'heritier, le Vicōte de † Chastillon. Ces assignations estoient en debat & en differēt entre le Côte & les Barōs & les Cheualiers de son pays: & disoient ainsi plusieurs, que ce ne se pouuoit bōnement faire, sans tout le general Conseil de Bearn & de Foix: & pour cause de moyen, l'hommage fut de la Côte de Foix: au Roy de France: & le Roy de France dit ainsi, par le conseil qu'il eut, au Comte de Foix, & aux Barons de Foix: le tien en main l'hōmage de ma terre de Foix: & si aduient que de nostre temps la terre vauque par la mort & succession de nostre cousin le Côte de Foix, nous en déterminerōs adonc si à point, & par si bon cōseil, que nous aurons, que Iobbain de Foix, & tous les hommes de Foix, se contenteront: Ceste parolle suffit bien au Comte de Foix, & aux Barons & Cheualiers de Foix, qui là estoient. Ces ordonnances faites, escriptes & seellees, le Comte de Foix prit congé au Roy de France, & au Duc de Touraine, & aux haux Seigneurs, qui là estoient: & ils le luy donnerent, mais cē iour il disna avec le Roy: & retourna à son hostel. Au lendemain, apres boire, il se departit de Toulouse: & laissa les fourriers derriere, pour contenter & payer par tout: & passa

† Il a dit Chastillon-bon aux chap. 6. & 7. du 3. vol. Hommage au Roy, par le Côte Gaston, pour Foix.

au pont à Toulouse, ledit Côte la riuere de Gironde: & retourna en son pays par le Mōt de Marsen, & s'en vint à Ortais, & là donna congé à tous ses gens, qui acōpaigné l'auoient: & ne retint delez luy, fors ceux, qui luy besongnoient. Il me fut dit (& ie le croy assez) que la venue du Roy de France, venant en Languedoc & à Toulouse, & sur les marches que vous auez ouy, cousta au Comte de Foix plus de quarâte mille francs, & (quel que coustage qu'il y eust) le Comte de Foix fut large & courtois, & les paya volontiers.

Depart du Côte de Foix hors de Toulouse, et retour en son pais † Il y auoit l'Estine: que vous retiēdre, si bō semble. Quant à moy, ie ne say d'ou vient ce mot. Mais sala escriuant hastiue, me fait penser qu'il pourroit venir de haster, pource que celles entre prises se font soudainement, & à la haste. Deux quartiers des armes des fleurs de lys de France donnez à Charles d'Albreth, par le Roy Charles sixiesme.

De la † gageure, qui fut faite entre le Roy de France & le Duc de Touraine son frere, à qui plus tost d'eux deux viendroient de Mōtpešlier à Paris, chacun avec vn seul Cheualier en sa compaignie.

CHAP. IX.

LE Roy de France estant à Toulouse, il m'est aduis qu'il ordonna & entendit à ses besongnes tresgrandement, & remua Senechaux, & officiers plusieurs, & reforma le pays en bon estat, tant que tous s'en contenterent, & ordonna vn iour, present son frere & son oncle de Bourbon, & les Seigneurs de France & de Gascongne, dont il y auoit grande foison, & le fit afin que memoire perpetuelle fust de luy, & donna à son cousin germain, messire Charles de Labreth, pour cause d'augmentation, deux quartiers des armes des fleurs de lis de France, car au deuant les Seigneurs de Labreth portoient, & ont porté tousiours en armoiries, de gueulles tout plain, sās nulle briseure. Or sont elles maintenant ecartelées, de France & de Labreth. Laquelle chose le Seigneur de Labreth tint à riche, & à grand don, & ce iour, que le Roy donna & renouuella l'armoyrie de Labreth à Toulouse, fit le Sire de Labreth vn disner, qui cousta plus de mille francs, & donna aux Heraux (qui la estoient pour ce iour) & aux Ménestriers, deux cens francs, & fit des largesses sur luy grandement. Assez tost apres fut ordonné que le Roy se departiroit de Toulouse, & se mettroit au retour pour venir en France, & l'ordonnerent sur cest estat tous les gens, & prirent congé au Roy (quand ils sceurent son departement) l'Archeuesque de Toulouse, le Senechal, & les Bourgeois de Toulouse, & les Dames & les

Damoi-

Damoiselles. Le Roy leur dōna le cōgé, à tous & à toutes, moult doucemēt. Or se departit de Toulouze, apres boire: & vint ce iour gesir à Chastel-neuf d'Aulroy: & puis de là toujours en-auant, & exploita tant par ses iournées, qu'il vint à Montpellier: ou il fut receu à ioye, & là se tint trois iours, pour luy refreschir. Car la villa de Montpellier, & les Dames & les Damoiselles luy plaisoient moult grandement bien. Si auoit il moult grand desir de retourner à Paris, & de veoir la Royne. Or aduint vn iour, luy estant à Mōtpellier, en ianglāt à son frere de Touraine, il luy dit, beaufrere ie voudroye q̄ moy & vous fussions à Paris: & nostre estat fust icy, cōme il est maintenāt: car j'ay grand desir que ie voye la Royne, & vous belle sœur de Touraine. Respondit le Duc: & dit, Monseigneur, nous n'y serons pas pour nous y souhaitter. Il y a vn trop long chemin d'icy. Respondit le Roy, Vous dictes verité. Si m'est il aduis que i'y seroye bien tost, au fort, si ie vouloye. Voire à force & à exploict de cheual (dit le Duc de Touraine) & non autrement. Pareillement aussi seroye-ic: mais cheual m'y porteroit. Auant (dit le Roy) lequel y sera plus-tost de vous ou de moy? Faison y gageure. Je le vueil, dit le Duc: qui volontiers se mettoit en peine, pour gagner l'argent du Roy. Si fut l'entreprise telle, entre le Duc & le Roy, pour cinq mille francs, à gagner sur celui, qui dernier seroit venu à Paris, & à partir à lendemain, & tous d'une heure, & ne pouuoient mener qu'un varlet chacun avec luy, ou un Cheualier, pour un varlet. On le doit entēdre ainsi. Nul ne brisa ne cōtredit à la gageure. Ils se meirēt au chemin: ainsi qu'ordonné fut. Le Sire de Garanciers estoit delez le Roy (plus n'y eut il de compaignie) & le Seigneur de la Vieuille estoit avecques le Duc de Touraine. Or cheuaucherent ces qurtre (qui estoient ieunes & de grand' volenté) nuit & iour: ou ils se faisoient charier (quand ils vouloient reposer) si leur plaioit & deuez sauoir qu'ils remuerent plusieurs cheuaux. Le Duc de Bourbon retourna par le Puy en Auvergne, en son pays, & alla veoir son beau-pere, sur son chemin, le Comte Dauphin d'Auuergne, & la Comtesse Dauphine, & leurs enfans, dont ils auoient iusques à huit que fils que filles, tous freres & sœurs à la Duchesse de Bourbon sa femme: mais c'estoit d'un remariage. Or cheminerent le Roy de France & son frere, le Duc de Touraine, à grand exploict, & se meirent chascun en grand' peine, pour gagner l'argent & les florins l'un de l'autre. Considez la peine de ces deux riches Seigneurs Par ieunesse & liberté de courage entrepirēt ce: car tous leurs estats demourerēt derriere. Le Roy de France meit quatre iours & demy à venir iusqu'en la cité de Paris, & le Duc de Touraine n'en y mit que quatre & un tiers. De si pres suyirent ils l'un l'autre: & gagna le Duc la gageure: par tant que le Roy de France se reposa enuiron huit heures de nuit à Troyes en Champaigne: & le Duc se meit en un batel en Seine, & se fit mener parmy la Riuiere de Seine iusquea à Melun: & là monta à cheual, & cheuaucha tant, qu'il vint à Paris, & s'en alla à Saint-Pol, deuers la Royne, & deuers sa femme: & demanda nouuelles du Roy (car encores n'en sauoit il, si il estoit venu, ou non) & quand il feut qu'il n'estoit point venu, fut tout réiouy: & dit à la Royne de France, Madame, vous en orrez tātost nouuelles. Il dit verité: car le Roy, depuis la venue de son frere de Touraine, ne se iourna point longuement: & quand son frere veit le Roy, si alla contre luy: & dit, Monseigneur, j'ay gagné la gageure. Faites moy payer. C'est raison (respōdit le Roy) & vous le ferez. Là recorderent ils, deuant les Dames, tout leur chemin, & par ou ils estoient venus: & comment, sur quatre iours & demy, ils estoient là arriuez de Montpellier: ou bien a, de Paris, cent cinquante lieues. Les Dames tournerent tout en ris & en ébatement: mais bien iugerent qu'ils auoient eu grand' peine: fors tant que ieunesse de corps & de cuer leur auoit ce faict faire. Et bien sachez que le Duc de Touraine se fit payer en deniers contens.

Depart du Roy Charles sixième hors de Toulouze.

Gageure de cinq mille francs entre le Roy & son frere pour le premier arriue d'eux deux, de Montpellier à Paris.

La gageure gagnée par le Duc de Touraine, estant arriue à Paris auant le Roy.

Du trepas du Pape Urbain de Romme, qu'on disoit Antipape: & comment le Pape Clement en escriuit au Roy & à ses oncles, & à l'Vniuersité de Paris: & de l'election du Pape Boniface, par les Cardinaux de Romme.

CHAP. X.

EN ce temps † trépassa à Rome le Pape Urbain vj. Les Romains furēt moult courrouceez de sa mort: car moult l'auoient aimé. Si fut enseuely en l'Eglise S. Pierre de Rome, & ses obseques faictes bien & reueremment: & puis se meirent les Cardinaux en Conclauē, pour faire un nouuel Pape: & le firent, auant que les nouuelles dudit Urbain peussent estre sceues en Auignon. Si furent le Pape d'Auignon & les Cardinaux

† Nous pouuons ici compter l'an 1390. à nostre mode, selon tous bons auteurs.

*Nouvelles au
Pape Clemēt de
la mort de son
Antipape Vr-
bain.*

certifiez de la mort dudit Urbain, le dixième iour en Auignon: & quād le Pape Clemēt & les Cardinaux en eurent la certification, ils se mirent ensemble au Palais, & là parlerent & proposerent plusieurs choses, & eurent en eux tresgrande esperance que le schisme de l'Eglise ce concluroit & faudroit, & qu'elle retourneroit à vraye vnion: car longuement auoit duré l'erreur. Si presupposèrent que les Cardinaux de Romme ne seroient pas bien d'accord d'eux mettre en Conclau: mais se viendroient rendre, pour le mieux au Pape d'Auignon, & furent en celie liesse & esperāce, tant qu'autres nouvelles

*Le Roy Charles
aduerti de la
mort de l'An-
tipape Urbain,
par celui d'A-
uignon.*

leur reuindrent, & signifierent au roy de France la mort de celui Urbain (lequel ils appelloient Antipape) & luy prièrent généralement & especiallement, pour mieux éclaircir leur besongne, qu'il voulsist rescrire à ses cousins: premièrement au Roy d'Allemagne & au Roy de Hongrie, au Comte de Vertus & au Duc d'Autriche (qui en celui erreur auoient tenu celui Urbain) qu'ils voulsissent cesser, & mettre paix & attrempance en l'Eglise: & qu'il leur remonstrest, par ses lettres, & par voyes raisonnables, qu'en nostre foy

*Ceste demie
clause est four-
nie selon Verard.*

ne doit auoir nulle variation: & si comme il n'est qu'un seul Dieu es cieus, il ne peut, ne doit estre de droit, qu'un seul Dieu en terre. Pour ces iours, que la cognoissance de ces choses vindrent au roy de France, le Duc de Bourgongne, son oncle, estoit à Paris delez luy: auquel Clement & les Cardinaux escriuoient autant bien, par vne mesme substance. Si en parla le Roy à son oncle, & se monstra de ces nouvelles grandement réiouy: & dit, Bel oncle, nous auions grand desir & imagination d'aller, à puissance de Gens d'armes, à Romme, pour destruire tous incredules: mais nostre chemin est retardé & attrempé grandement: car celui Antipape est mort, selon que Clement & les Cardinaux nous escriuent & certifient, & supposent qu'ils ne feront point à Romme Conclau, ne d'election: mais se détermineront ceux, qui là sont, & s'en viendront mettre en l'obeyssance de Clement. Or sommes nous priez de la partie d'Auignon, & pour la plus grande seurte, que nous escriuōs lettres de douceur à nos cousins le roy d'Allemagne, & à son frere le Roy de Hongrie, & au Comte de Vertus, & au Duc d'Autriche. Quelle chose nous en conseillez vous à faire? Le Duc de Bourgongne respondit, Monseigneur vraye chose est qu'Urbain est mort: mais nous ne sauōs encores riēs de l'estat des Cardinaux, qui se tiennent à Romme, ne des Rōmains, ne si ces cardinaux voudront tenir leur opinion. Forte chose est qu'ils la laissassent: car les Rōmains sont Seigneurs & maistres d'eux: & si cōme par force ils voulurent que l'Archeuesque de Bar fust créé Pape (lequel ils ont tenu iusques en la fin) secondemēt ils voudront, de force, que les Cardinaux se mettent en Conclau, & créent entre eux Pape à leur plaissāce. Si n'avez que faire de trauailler encores trop-avant, ne prier ceux, qui en cest estat feroiēt trop-petit pour vous: & bien l'ont mōstré iusques à ores. Cessez vous, tāt que vous aurez autres nouvelles: & pourroit aduenir que les Cardinaux de Romme feroient si bien d'accord, qu'en differant l'un avec l'autre ils se dissimuleroient contre les Rommains, & ne voudroiēt faire, n'élire, point de Pape, autre que Clement: & leur promettoient, pour adoucir leur fureur & erreur, qu'ils le feroiēt venir & retraire à Romme (laquelle chose Clemēt feroit moult volontiers: si l'ordonnance & composition alloit iusques à là) & si ce vous apparoiſſoit cleremēt, lors seroit il temps d'escrire à tous les Roys Chrestiens & Seigneurs, qui tiēnent opinion contraire à la vostre, sur la meilleure forme qu'on pourroit, pour oster le schisme, & remettre tout en vne vnion. Laquelle chose par raison se deuroit faire. Or n'en sommes nous pas affeurs. Si nous en faut attēdre l'auenture: & ne demourra point longuemēt que nous en orrons nouvelles. Quand le Duc de Bourgōgne eut parlé & remōstré la parolle au Roy de France & à son cōseil, & ce que vous avez ouy, il n'y eut nul, qui répliquast, ne cōtre-dist à sa parolle: mais se tenoient, & tindrent, tous quois; & par espécial, sa parolle sembla au Roy estre véritable & raisonnable: & dit, Bel oncle, nous croyons que c'est raison: car plus cler y veez, que nous tous, & de l'affaire de l'Eglise, nous ne ferions riēs, sans vostre

*L'vniuersité de
Paris en attente
de ce que feroiēt
les Cardinaux
de Rōme, apres
la mort d'Ur-
bain.*

ordonnance & conseil. Et alors cesserent à tant leurs parolles: & rentrerēt en autres besongnes. Vous deuez sauoir que grand' murmuration estoit entre les clerics de l'Vniuersité, pour ces nouvelles, & cessoient de lire & d'estudier, & n'auoient puissance, n'affection, de rien faire, pour le grand desir qui les enclinoit à sauoir comment les Cardinaux de Romme se maintiendroient: ou s'ils feroient election, ou s'ils s'en cesseroient, & se retourneroient au Pape d'Auignon. Ils mettoient tout le fait en doute, & se debatoient & arguoient l'un à l'autre entre eux. Bien sauiēt que Clement auoit rescrit au roy au Duc de Touraine, & au Duc de Bourgongne, & au Conseil du Roy, sur l'estat, qu'icy dessus

dessus est deuise: car aussi, généralement & especialement, il en auoit escript à l'Vniuersité: à fin qu'ils y voussissent adreuer selō leur pouuoir, & en faire bonne diligence. Si en propoisoient les Clercs entre eux, & en parloient & deuisoient plusieurs choses, & disoient tous ceux, qui l'auancement de Clement vouloient, Il est heure que le Roy & noz Seigneurs de France rescriuent aux grans Chefs de la Chrestienté (tels qu'au Roy d'Allemagne, au Roy de Hongrie, au Seigneur de Milan, au Duc d'Autriche) & à ceux, qui tiennent opinion contraire à la nostre, à fin qu'ils se vueillent retourner & mettre en bon estat: car c'est vne chose, qui moult y pourroit valoir & aider. Si aduint que par trois fois, sur trois iours, les plus notables Clercs de l'Vniuersité se meirent ensemble: & s'en vindrent à Saint-Pol, sur l'estat que pour parler au Roy & à son Conseil, & luy prier qu'il voulsist obuier à ce schisme, & d'entendre à l'ordonnance du Pape: qui leur auoit doucement rescrit & humblement. Mais, quand ils furent venus à Saint-Pol, ils ne furent de riens respondus: mais se dissimula on trop-fort à l'encontre d'eux, tant que mal s'en contenterent, & finalement ce les appaisa, qu'on ouyt, sur briefs iours, autres nouvelles. Car les Cardinaux de Romme se meirent en Conclau: & firent tantost Pape du Cardinal de Naples, vn moult vaillant Clerc & preud'homme: qui fut appelé Boniface. Quand le Roy de France & les Seigneurs en furent certifiez, si furent tous pen-

Boniface, neu-
sième, Pape, &
le schisme con-
sinné.

sifs: & imaginèrent bien que les choses se tailleroient de demourer vn moult long temps en cest estat. Or regardez (dit monseigneur de Bourgongne au roy de France) se voz descriptions eussent esté biē perdues, ou on vouloit que vous en escriussiez. Il en est aduenu tout ce, que i'en proposoye. Bel oncle (respondit le roy) vous dites voir. Or furent graces ouuertes à Romme de par Boniface, & signifié, par toutes les prouinces, aux Clercs, qui de luy tenoient, & luy obeyssoient. Si se mirent ceux, qui graces vouloient auoir, au chemin, pour aller à Romme, & quand ils approcherent la Marche d'Ancone & la Romagne, ils cheminerent en grand peril: car messire Bernard de la Salle (qui gardoit la frontiere, & faisoit guerre aux Rommains de par le Pape Clement) fit garder & guetter les Clercs par passages & par chemins, & leur fit moult de maux: & en y eut beaucoup, en celle saison, d'occis & de perdus. Nous nous souffrerons, pour le present, à parler de ces Papes, & proposerons autres matieres & besongnes.

De la rendition & prise du fort Chasteau de Mont-vantadour en Lymosin: que souloit tenir messire Geofroy Teste-noire.

C H A P. X I.

Vous sauez cōmēt Geofroy Teste-noire (qui Capitaine auoit esté lōg tēps du chastel du Mont-vantadour en Limosin) regna, & comment vaillāment il le tint cōtre tout homme, tant comme il vesquit, & qu'il auoit en son viuant mis le pays à pactis, plus de trente lieues loing entour de luy, & auez ouy comment il mourut, & par quelle incidence, & comment au liēt mortel il ordonna ses deux neueux, Alain Roux, & Pierre Roux, à estre Capitaines dudit chastel de Mont-vantadour apres sa mort, & fit, en la presence de luy, tous les compaignons, qui là dedans se tenoient, iurer foy, loyauté hōmage, & vraye obeissance, aux deux Capitaines dessusnōmez. Apres la mort de ce Geofroy Teste-noire ces deux freres regnerēt vn temps grandement, & tindrent rousiours le país en guerre & en composition d'appactis, & pourtant que celuy chastel de Mont-vantadour est hēritage au Duc de Berry (car il l'acquit par achapt, du Comte de Montpencier, & en portoit son fils Iehan de Berry le nom & le tiltre) ce venoit & tournoit à déplaisance, trop-grandement, au Duc de Berry: mais amender ne le pouuoit. Si l'auoit il fait assieger plusieurs fois par bastides (autrement non) & moult contraindre: mais ceux, qui dedaus estoient, n'en faisoient compte, & issoient quand ils vouloient, & cheuauchioient sur le pays, & si ne vouloient Alain, ne Pierre Roux, obeir, ne tenir nulle trēues, que le Roy de France & le Roy d'Angleterre eussent ensemble: & disoient qu'ils n'estoient en riens tenus d'obeyr: mais feroient guerre, toutesfois & quantes qu'il leur plairoit. Dont le pays d'Auuergne & de Limosin se tenoit à moult trauaillé, & pour y remedier & obuier, messire Guillaume le Bouteiller, vn gentil Cheualier d'Auuergne, messire Iehan Bonne-lance, messire Louis d'Ambiere, & plusieurs autres Cheualiers & Escuyers d'Auuergne & de Lymosin auoient mis les bastides deuant Vantadour: & se tenoient là aux coustages du pays: & sy estoient tenus toute la saison. Or aduint à ce temps (si-comme ie fu lors informé) qu'Alain & Pierre Roux getterent adonc leur visée, qu'ils prendroient & attrapperoient messire Guillaume le Bouteiller & messire Iehan Bōne-lance: qui trop

Siege de Vanta-
dour, ne voulās
ceux du dedans
tenir les trēues
d'entre les Roys
de France &
d'Angleterre.

de contraires leur faisoient. Si vous dy que ce fut sur telle forme & telle ordonnance, que ces deux freres imaginerent entre eux. Nous leur signifions (ce dirent ils) tout secrettemēt, que nous leur rendrons la forteresse pour vne somme de florins, qu'ils apporteront avec eux: & que nous sommes tous lassez & ennuyez de la tenir, & plus n'y voulons demeurer, & nous en voulons retourner en nostre pays, ou là ou bon nous semblera. Ils y entendront volontiers (car le Duc de Berry la desire moult à rauoir) & ne leur ferons pas rendage pour vne si grand' somme de florins, qu'on ne les trouue, tātost tous apareillez. Et quelle somme demanderons nous? Dix mille francs tant seulemēt. C'est assez: car en-

*celle entreprise
des Capitaines
de Vantadour,
pour euidier sur
prendre les Ca-
pitaines du sie-
ge, par trahi-
son.*

cores aurons nous les corps des deux Cheualiers, par vne belle embusche de gens-d'armes, que nous mettrōs en vne tour. Or regardez la folle imagination, que ces deux Bretons eurent de trahir ainsi ces deux Cheualiers, & d'auoir leur argēt. Si mal leur en prit, ils ne sont point à regretter, ne plaindre. Sur l'estrt qu'ils ordonnerent, deuiferent, & proposerent, ils bouterēt hors du chastel de Vantadour vn de leurs varlets: & luy dirent, Vient iusques aux bastides des François, & te laisse hardimēt prendre: mais requier que tu foyes mené iusques à messire Pierre Bouteiller & à Bōne-lāce, & auquel que tu voudras, baille premieremēt ces lettres de par nous: & en demande auoir responce: car elles nous touchent: & si font elles à eux bien grandement. Le varlet dit qu'il feroit volontiers le message (qui ne pēsoit que tout bien) & se departit d'eux. Si cheuaucha tant, qu'il vint aux bastides des François. On vint audeuāt de luy, quand on le veit aprocher: & luy fut demandé quelle chose il queroit, ne demandoit. Il respondit qu'il vouloit parler à messire

*† Pour Pierre
ou pour Guil-
laume, vous
ne pouuez icy
faillir au sens.*

† Guillaume le Bouteiller, ou à messire Iehan Bonne-lance. Il fut mené iusques à eux: car les deux Cheualiers pour l'heure estoient ensemble. Quand il fut en leur presence, il les enclina, & les trait à vne part: & leur bailla la lettre, & dit ainsi, qu'Alain & Pierre Roux, la leur enuoyoit. De ces nouvelles furent ils tous émeruellez (pourtāt que les Capitaines de Vantadour leur escriuoiēt) & prirent la lettre, & la leurēt: & estoit contenu dedans la lettre seulement, qu'Alain & Pierre Roux volontiers auroiēt parlement à eux, & pour leur proffit. Quand ils ouïrent ces nouvelles, encores furent ils plus émerueillez que deuant, & se douterēt de trahison, & toutesfois ils sauferēt, l'un par l'autre, que pour sauoir quelle chose ils leur vouloient, ils leur signifioiēt, que, s'ils venoient au dehors du fort, ils les assureroient d'eux & de leurs gens, tant qu'ils seroient rentrez dedans leur fort. Ce fut la responce, que le varlet rapporta à ses maistres. Si dirent Alain & Pierre Roux, Nous pouuons nous assurer sur telles parolles? Ouy (dirent ils) tout consideré: puis que la foy & leur seellé y est. Ce sont loyaux Cheualiers, & aussi nous leur parlerōs de traitté, ou ils entendront volontiers. Quād ce vint à lendemain, heure de tierce, ils firent ouurir vn guichet, ioignant la porte, & aualer vne planche, & s'appuyerent aux chaines, tant & si longuement, que messire Guillaume Bouteiller & Bonne-lance furent venus, qui descendirēt deuant le pont, ius de leurs cheuaux, & firēt leurs gens traire arriere. Quand les Capitaines Bretons de Vantadour (qui estoient sur la planche, au dehors du fort) les virent, si dirent, Pouuons nous bien passer delà outre, pour auoir Parlement à vous? Ouy (respondirent les Cheualiers) & aussi, de vostre costé, n'y a il nulle trahison? Nenny respondirent les Bretons: car tréues sont. Or venez donc seurement parler icy à nous. Alain & Pierre Roux passerent, à ces mots, outre la planche, & vindrent ou les autres estoient. Or furent ils eux quatre. Les deux Cheualiers leur demanderent. Quel traitté & parlement voulez vous auoir à nous? Estes vous en volenté de nous rendre le fort de Vanta-

*Feinte promesse
d'Alain &
Pierre Roux,
Capitaines de
Vantadour,
Capitaines du
siege, de leur
rendre le fort
moyennant dix
mille francs.*

dou? Ouy (ce dirent ils) par vne condition, que nous voulons auoir dix mille frācs, tant-seulement pour les pourueances: car nous sommes tennez de guerroyer, & nous voulons retraire en Bretagne, ou autre part, là ou mieux nous plaira. Les deux Cheualiers (qui furent tous réiouis de ces parolles) respondirent, & dirent, Vous parlez de marchandise, & nous y entendrons volontiers: mais, quand pour le present, nous n'auons point l'argent appareillé. Si le pouruoyrons, & ferons tant, que nous l'aurons. Quand vous l'aurez pourueu (respondirent ceux de Vantadour) si nous le signifiez, & nous tiendrons le marché. Mais demenez ceste chose secrettement, & sagement: car, si estoit sceu des compaignons de Vantadour, ils nous prendroient à force, & nous occiroient: & ainsi faudriez vous à vostre entente. Respondit messire Guillaume le Bouteiller, Ne vous doutez. Nous demenerons la chose tellement, que vous n'y aürez point de dommage. A ces parolles ils se departirent, & prirent congé les vns aux autres, & rentrerent les Bretons au fort de Vantadour, & les Cheualiers retournerent à leurs logis.

Messire

Messire Guillaume le Bouteiller & messire Jehan Bonnelance (qui ne pensoient en ceste ordonnance, que tout bien pour eux, & ne cuidoient pas que les deux Bretons les voulsissent trahir, ne decevoir, pour auoir leurs corps & leur argent) escriuirent tantost vnes lettres, au mieux faire qu'ils peurent, & le mieux dictées, pour enuoyer au Duc de Berry (qui pour ces iours se tenoit à Ryon en Auvergne) & prirent vn Gêtil-homme des leurs qui bien sauoit parler, & se nommoit Guyonnel de Saint Wydal, & l'informerēt de tout le fait: & luy dirent que riens il n'oubliait à dire au Duc de Berry: & pensoient que de ces nouuelles il feroit moult réiouy, car fort desiroit, & auoit désiré grand temps, à r'auoir le chastel de Mont-vantadour. L'Escuyer prit les lettres, à l'ordonnance & parole des deux Cheualiers: & se departit des bastides, informé quelle chose il deuoit dire & faire, & tāt cheuaucha, traufferant Limosin & Auvergne, qu'il vint à Ryon: & là (ce m'est aduis) trouua le Duc de Berry. Il s'agenouilla deuant: & luy bailla les lettres, en recommandant les Cheualiers à luy: ainsi que bien le sceut faire. Le Duc prit les lettres. Il les ouurit: & lisit: & quand il eut bien entendu & conceu dequoy elles parloient, si fut grandement réiouy, & commanda à ses Maistres-d'hostel, qu'on pensast bien de l'Escuyer. Il fut fait. Le Duc de Berry, assez tost apres ce que l'Escuyer fut venu, & qu'il eut receu les lettres, appella son Conseil & ses Tresoriers, & ceux, que pour le temps il auoit delez luy: & luy dit Veez cy grandes nouuelles. Noz Cheualiers, qui tiennent les bastides deuant le fort de Ventadour, nous ont escrit qu'ils sont en certain traitté enuers Alain & Pierre Roux, lesquels veulent rendre le fort de Ventadour, pour la somme de dix mille francs. Ce n'est pas grande chose. Il couste, & a cousté tous les ans, au pays d'Auvergne & Limosin, à eux tenir† en guerre, soixante mille francs. Nous voulons accepter cest offre: & nous deliurons d'en prendre le marché, & la fin: que point ne se repentent. Or sus, Tresoriers, trouuez la somme de dix mille francs. Nous les presterons (c'est raison) & quand nous serons en la possession dudit chastel, nous en ferons en Limosin, & sur les terres & les frontieres là ou ils ont tenu leurs appactis, vne taille. Ils le rendront largement au double. Monseigneur (respondirent les Tresoriers) nous sommes tous prests: mais que vous nous donnez cinq ou six iours de pourueances. Vous les aurez, dit le Duc. C'est raison. Sur cest estat la chose fut arrestée & conclue. Les Tresoriers se conclurent: & appareillerent tout l'argent, en couronnes d'or, & en francs de France: & fut mise la finance en quatre petits sommiers. Ce propre iour (que ceux, qui commis estoient pour porter l'argent aux Cheualiers dessus nommez, deuoient partir, & ià estoit tout ordonné pour mouuoir) vindrēt à Rion, deuers le Duc de Berry, le Dauphin d'Auvergne & le Sire de Reneil, pour besogner d'aucunes choses: ainsi qu'on a affaire à la fois deuant les Seigneurs. Ils furent les bien-venus du Duc: & luy (qui estoit tout réiouy de ce qu'il pouuoit, ce luy sembloit, à si bon marché r'auoir le chastel de Mont-vantadour) ne s'en voulut pas taire aux Seigneurs dessus-nommez: & leur monstra les lettres de messire Guillaume le Bouteiller & de messire Jehan Bonnelance. Quand ils l'eurent ouy, ils penserent sus vn petit: & le Duc, qui les veit penser, demanda, Aquoy pensez vous, y veez vous point de soupeon. Dites le moy: auant que l'argent voise plus auant. Monseigneur (respondit le Comte Dauphin) vous sauez comment le Comte d'Armignac & moy sommes ordonnez, & auons esté vn grand temps, de par le pays d'Auvergne, de Carnosin, de Rouergue & de Limosin, à racher & retraire à nous les forts & les garnisons cōtraires & ennemies aux Sénéchaucées dessus dites: & en auons eu plusieurs traittez: & oncques pour chose que nous peussions faire, nous ne peusmes amener à traitté ceux de Ventadour, qu'ils voulsissent rendre, ne vendre, leur fort, par quelque voye ne maniere que ce fust: n'apeine, quand nous enuoyons aucuns deuers eux: ils nous daignoient respondre. Si sauons veritablement, que s'ils font ce traitté, dont nous auez parlé, ce ne sera pas par faute de viures, car se nulles pourueances n'entroient dedans huit ans au fort de Ventadour, si en ont ils assez: & pour ce nous nous emerueillons à present, qui les meut à ce faire: & faisons doute qu'il n'y ait trahison, car Gens-d'armes, encloz en fortresses, & qui ont poursuivy routes, sont trop imaginatifs: & quand leur imagination, s'encline sur le mal, ils sauent trop bien adre-
† Le liroye volentiers sans guerre, entendant des pacifis comme il dira tantost.

Ben amis du
Côte Dauphin
d'Auvergne
au Duc de Ber-
ry, pour faire
que ses Capitai-
nes du siege de
Ventadour ne
se fassent trop
à ceux de de-
dans.

teiller & Bonne-lance, que de ce traitté (dont ils nous ont escrit) ils vsent sagement : & qu'ils ne se confient pas trop sur ces Bretons de Ventadour, car nous auons de costé ouy dire des nouuelles, qu'ils ne sauent pas. Pour ce y soient aduisez de tous points. Le Cheualier respondit, A la bonne heure. Il fordonna tantost : & fut prest : & se departit de Riô, avecques la finance. Si cheuaucherent tant luy & sa route, qu'ils vindrent aux bastides & aux logis de leurs gens : & trouuerent les compagnons, qui les recueillirent liémét. Les sommiers furent dechargez, & mis en saul lieu. Messire Pierre Mespín, quand luy & les deux Cheualiers eurent parlé vn petit ensemble, ouurit le message, dont il estoit chargé : & dit ainsi, Vous messire Guillaume, & vous Ichán, Monseigneur de Berry vous mande, par moy, que de ce traitté, que vous auez à ceux de Ventadour, vous ouurez sagemét, par quoy vous ne perdez pas voz corps, & la finance, que monseigneur vous enuoye : & me dit ainsi, qu'il a ouy nouuelles à fenestre, qui pas ne luy plaisent, & pourtant veut il que vous en foyez au dessus, & aduisez, car il se doute de trahison. Par trop de fois les pays d'Auergne & de Limosin eussent donné, au rachapt de Ventadour, soixante mille frâcs & ils l'offrent à present pour dix mille. C'est ce, qui met Monseigneur, & son Conseil, en souspeçon. Les deux Cheualiers de ceste parolle furent tous pensifs : & respondirent.

Le Duc de Berry, enuoyant les dixmilles frâcs de la cõposition de Vantadour, aduertit ses Capitaines de se garder qu'on ne les trahisse.

Double sens vaut trop mieux qu'un seul. Vous dites bien : & grâd mercy de ce, que vous nous en aduisez. Vous demourrez icy delez nous : & nous aiderez à conseiller. C'est bien raison. Dedans deux iours vous verrez (& nous le verrons aussi) comme les besongnes se voudront porter. Messire Pierre Mespín respondit qu'il demourroit volontiers : & demoura. Assez tost apres, les deux Cheualiers, dessusnommez, enuoyerent vn de leurs varlets du chastel de Ventadour (car trêues estoient) en signifiant aux Capitaines Alain & Pierre Roux, que les dix mille francs estoient tous prests : & qu'ils teinsent leur conuenât ainsi, que promis l'auoient. Ils respondirent que si feroient ils : ne ià au contraire ils n'en iroient : & que quand ils voudroient, veinssent. Ils le leur nonçoient & signifioient. Alain Roux & Pierre Roux (qui à nul bien ne pensoient, cõme il fut sceu & prouué sur eux) auoiét ia leur fait tout bastý & ordonné, pour prẽdre messire Guillaume le Bouteiller & messire Ichán Bonne-lance : & auoient getté leur visée ainsi A l'entrée du chastel de Vantadour, par dedás a vne grosse tour : qui est maistresse & souueraine de la porte du chastel ne sans celle tour on ne peut estre Seigneur du chastel : & tenoiét tousiours ceux du fort, pour celle auẽture celle tour garnie de pourueaces, & d'artillerie : à fin que si surpris eussent esté, que leur retraiët fust en la tour. Les deux Bretons (qui n'entendoient qu'à malice) pourueurent celle tour de trente compagnons, bien armez, bien adoubez : à fin que quand les François seroient dedans le chastel, & ils cuideroiét tous estre maistres & Seigneurs du fort : & assurez, sur le tard ces trente sourdissent, & les occissent à volonté.

Ce passage est amẽdẽ selonc le vard.

Tout ce ordonné, ils enuoyerent dire à messire Guillaume le Bouteiller, & à messire Ichán Bonne-lance, qu'ils veinssent seurement, & apportassent auecques eux l'argẽt, qu'apporter deuoient : & on leur ouueroit le fort. Les Cheualiers François de ces nouuelles furent tous réueillez : & respondirent au varlet, qui là estoit venu : & dirent, Retourne-deuers tes maistres & leur dy, de par nous, que demain au matin nous irons celle part. Le varlet partit & retourna arriere. Les Cheualiers demourerent : & eurent aduis & Conseil ensemble, encores plus grand, & plus fort, qu'ils n'auoient eu par-deuât, pour cause des nouuelles, que messire Pierre Mespín leur auoit apportées, de par le Duc de Berry. Ordonné fut, conseillé, & conclu entrẽ eux, qu'ils mettroient leurs gens en embusche assez pres du chastel : & eux premiers iroient, armes à la couuerte : & meneroient trente hommes des leurs (lesquels seroient aussi couuertement armez) & eux venus & entrez ainsi dedans le fort de Ventadour, ils regarderoient bien & parfaitement l'ordonnance & le conuenant du fort, & se nulle doute, ne souspeçon, y pourroit estre, ne naistre : & se riens veoient, qui en doute les meist ils sonneroiẽt vn cor : & faisiroient le pont : & le son de ce cor ouy, l'embusche saudroit auant, & à pointe d'esperons : & descendroient deuant la porte & s'en faisiroient, & du chastel aussi. Tout en telle maniere, comme ils l'ordonnerent, ils le firent : & l'endemain ils furent tous pourueus : & cheuaucherent deuant : & merent en l'embusche bien largement six vingts Lances : & eux trentiesmes, armez à la couuerte, vindrent à Vantadour : & menerent messire Pierre Mespín avec eux, pour auoir plus de conseil : & n'oublierent pas la finance : mais estoit en trois panniẽs moult faitissement, sur deux fors cheuaux de sommiers. Ils trouuerent Alain Roux & pierre Roux à la barriere : lesquels l'ouurirent toute arriere, à l'encontre d'eux. Ils passerent outre.

Embusche des François pres Vantadour, contre les Capitaines du fort, s'ils vouloyent user de trahison, en faisant semblant de rendre leur place.

Quand

Quād ils furēt outre, & dās la porte, Alain Roux & son frere voulurēt reclorre la barrière: mais les Cheualiers de Frāce leur dirent, Souffrez vous. Marchandise loyale, ou non. Vous sauez que vous nous deuez rendre le chastel, parmy dix mille frācs payāt. Ils sont tous prests. Vous les voyez deuant vous sur ces sommiers. Si nous tenez loyauté: & nous la vous tiendrons aussi. A ces parolles ne sceurent que dire, ne respondre, Alain ne Pierre Roux: & pour mettre les François hors de toutes souspeçons, ils respondirent, Vous parlez bien: & nous le voulons, ainsi que vous voudrez. Ils passerent outre: & demoura la barriere ouuerte, car si elle eust esté close, ceux de l'embusche n'y fussent iamais venus à temps, selon le tour de fausseté, dont les Bretons leur vouloient iouer. Et pource l'auroient les penseurs: se n'estoient les contrepenseurs. Tous entrerent en la porte, François & Bretons. Alain Roux & Pierre Roux vindrent pour re fermer la porte: mais les François dirent à Alain, Laissez la porte ouuerte. Nous la voulons auoir ouuerte: & c'est raison. Nous sommes tous prests de vous liurer l'argent: si comme ordonnance & conuenance le porte. Or ça (respondirent les Bretons) mettez l'argent auant. Volontiers, respondirent ils. Là estendirent, emmy la place, les Bretons vn drap de liēt: & furent les florins tous espars dessus. Entretant qu'Alain & Pierre Roux entendoient à regarder la finance (en laquelle il y auoit vn beau mont de florins) les Cheualiers aussi entendoient à regarder le conuenant du chastel. Si dit messire Pierre Mespin à messire Guillaume le Bouteiller, Faictes ouurir ceste tour, auant que vous mettez vostre argent outre, car il pourroit là dedans auoir vne embusche: parquoy nous serions tous attrapez, & perdriōs nos corps & nostre argent. Ainsi à ces mots, messire Guillaume le Bouteiller dit à Alain Roux, Faictes nous ouurir celle tour. Nous voulons que celle tour soit ouuerte, auant que nous vous deliurons riens. Alain respondit que non feroit: & que les clerfs en estoient perdues. Si tost comme il eut dit ce mot, les Cheualiers entrerent en plus grāde souspeçon que deuāt: & dirēt ainsi, Alain, il ne peut estre que de la souueraine tour, & garde de ceans, vous ayez les clefs perdues. Ouurez la nous bellement: ou nous la ferons ouurir à force, car vous nous auez promis & iuré à rendre le chastel, tout ainsi comme il est, sans fraude, mal-engin, ne cautelle & vous deuez auoir dix mille francs. Vous les veez tous appareillés sur ceste place. Alain respondit encores: & dit ainsi. Je ne l'ouuriray pas ne feray ouurir, iusques à tant que j'auray receu les deniers: & mis en saulieu & seur: & quand ie les auray recōus, ie chercheray les clefs. Respondirent les Cheualiers, Nous ne voulons pas tant attendre: & vous disons clērement que sur voz parolles nous n'esperons nul bien: & monstrez que vous nous voulez deceuoir & trahir. Si mettons la main à vous & à vous aussi, Pierre Roux, de par le Roy nostre souuerain Seigneur & Monseigneur de Berry: & sera la tour ouuerte à force incontinent: & deussions rompre l'huis par puissance: & serōt tous les lieux de ceans cherchez haut & bas, pour veoir & sauoir que vous n'y ayez mis, ne rescous, nulle embusche: & se nous trouuons dedans le chastel chose qui à trouuer ne face, vous estes perdus sans pardon ne remission nulle, car raison le vouldra. Mais se nous trouuons le chastel en bon conuenant (ainsi que loyale marchandise doit porter) nous vous tiendrons en vostre marché bien & paisiblement: & vous ferons conduire en saulieu & seur, iusques es portes d'Auignon: si vous en estoit besoing. Quand Alain & Pierre Roux entendirent ces besongnes, & ils se veirent arrestez, ils furent tous ébahis: & deuindrent ainsi que demy morts: & se repentoient en leur courage, trop fort, de ce que si auant auoient parlé, car ils veioient bien qu'ils festoient deceus. Les Cheualiers François apperceurent moult bien qu'ils estoient coupables de ce, dōt ils les souspeçonnoient, & que la chose n'estoit pas en estat. Si firent signe à vn des leurs (qui portoit le cor) qu'il le sonnast, pout faire saillir auant l'embusche. Il le sonna. Ceux de l'embusche l'ouirent. Si firent tantost cheuaux des esperons: & dirent, Allon, allon à Vantadour, car on nous y demande. Noz gens n'ont pas trouué la chose en bon conuenant, pour Alain & Pierre Roux. Il y a quelque trahison. Ceux de l'embusche furent tātost venus au chastel, car ils n'estoient pas loing. La barriere estoit ouuerte, & la porte aussi, & bien gardée des François. Les Bretons du fort n'en furent pas maistres. Si entrerent dedans habandonnément: & trouuerent leurs Capitaines emmy la court: qui parloient aux Bretons. Or furent plus ébahis assez, que deuant, Alain & Pierre Roux, quand ils se veirent ainsi enuironnez de leurs ennemis: & si se sentoient à trop forfaits. Ceux, qui estoient dedans la tour, ne sauoient riens de ce conuenāt: ne sauoir, ne voir, ne pouuoiet, car la tour estoit trop espeffe. Les aucuns disoient. J'ay ouy en la place grand son de

*Les Capitaines
Bouteiller &
Bōnelāce entrēs
dedans Vanta-
dour avec leurs
dix mille frācs*

*La trahison
des Capitaines
de Vantadour
decouuerte par
les François,
estans iā dedās*

*L'embusche des
François appel-
lee au chastel
de Vantadour*

murmuration. Tous nous pourrions estre attrapez, car François sont trop subtils. Nous cuidions prendre: mais nous sommes pris. Alain s'est deceu & nous aussi: & ne pouuons d'icy issir: si ce n'est par son congé. Sachez qu'ils voulsissent bié estre autre part: & à bone cause, car mauvais iour leur adiourna Alain, & Pierre Roux aussi, car quand messire Guillaume le Bouteiller & messire Jehan Bonne lance se veirent au dessus du chastel, si parlerent: & firent leur fait plus hardiment: & les florins (qui estoient espars sur le tapis) ils remeirent dedans les panniens (ce veant Alain & Pierre Roux: qui estoient ià des compaignons tous enuironnez) & dirent, Alain & Pierre, enseignez nous les clefs de celle tour. Car il nous faut entrer dedans, & veoir ce, qui y est. Ceux prolongeoient, tant comme ils pouuoient: & disoient, Commencez ailleurs: & puis vous retournerez par icy. Les Cheualiers respondirent ainsi, Alain, vous y mettez trop longuement, car nous voulons cy commencer: & si vous ne vous deliurez, nous vous occirons icy, de bonnes dagues. Ces deux, qui ouirent ces parolles, douterét la mort, car vrayemēt on la fuit, tant cōme on peut. Mais, au vray dire, il vauisist trop mieux, & plus honorable leur eust esté, qu'on les eust là occis, que deportez, car depuis, pour ce fait, ils moururent de mort honteuse: ainsi comme vous orrez recorder incontinent en l'Histoire. Encores, en ce destry faisant s'aduifa Pierre Roux: & trouua vn autre art de pratique (se riens luy eust valu) & dit, Monseigneur Guillaume, & vous, Sire Jehan, il est bien verité que là, dedans celle tour, a iusques à trente hommes armez: & les y auons mis moy & mon frere: & les y auons fait entrer en grande peine, car bien sauons que iamais ils ne se fussent enclinez, n'accordez à nostre traitté: & pour ce les auons nous enfermez pardeuers nous, pour estre au dessus d'eux: tant que vous eussiez la possession du fort: & les y lairros tres-volōtiers, si vous voulez: & seront bons prisonniers: mais baillez nous les deniers tous, ou en partie: ainsi que faire le deuez. Si nous en laissez aller. Les Cheualiers, quand ils ouirent ces parolles, se contenterent assez: & puis se rauifa messire Guillaume le Bouteiller: & dit ainsi. Comment qu'il soit, auant que nous mettons l'argent ius, ne plus hors des penniers, nous voulons auoir congnoissance de toutes les clefs de ceans: & nous monstrerez les lieux ou elles vont. Alain veit bien, & entendit, qu'il ne pouuoit finer autrement. Si les enuoya que rir en vne chambre, ou elles estoient. Quand elles furent apportées sur la place, on luy demanda. Or nous enseignez comment, n'ou elles vont, ne qu'elles deferment. Trop enuis leur monstroient les clefs de la grosse tour, car sa destruction y gisoit. Toutesfois ils les eurent: & défermerét la tour, & trouuerent tous les trente compaignons tresbien armez, qui dedans estoient mussiez. Alain fut tout ébahy, quand il veit que les Cheualiers François se meirent en ordonnance deuant l'huis & leurs gens, & il ouit les parolles, que messire Guillaume le Bouteiller dit: qui furent telles, que ie vous diray, Entre vous, qui là dedans auez esté, enclos, issez tout bellement & sans effroy: se vous ne voulez estre trestous morts. Nous vous prendrons à prisonniers: & n'auetz garde de mort: se vous nous voulez dire verité. Quand ceux veirent les François, & ils entendirent qu'on leur vouloit faire ceste grace, que pour estre prisonniers, ils meirent ius leurs bastons & armeures: & s'en vindrent rendre à eux tout bellement, car deffense ne leur valoit riens. Or furent pris ces trente hommes, & mis à part, & examinez bien & loyaument: & congurent le fait & la trahison en la presence d'Alain & Pierre Roux: qui ne le pouuoient pas nier. Si dirent donques à eux les Cheualiers de Frâce. Il nous deplaist moult grandement de ce, que nous vous auons trouuez en celle faute. Nous ne vous en punirōs pas, car la matiere est trop grande. Nous en lairrons conuenir Monseigneur de Berry, & fil veut auoir pitié de vous, nous le voulons bien. Espoir l'en aura il pour le grand plaisir, qu'il aura de la prise de ce chastel, car c'estoit le chastel du monde, qu'il conuoitoit plus à r'auoir.

Encores fit ceste parolle à Alain & Pierre Roux (qui se veoient attrapez) grand bien, pour la deliurance. On les mit tous deux en vne chambre, & bonnes gardes sur eux, & les autres aussi en tours, & en chambres bien fermées, & puis fut le chastel visité, haut & bas, & y trouuerent les François assez de pourueances. Toutes les y laisserét, sans rien vider ne departir: fors l'or, & l'argent, & les armeures. Tout ce fut mis au butin, & en eut chacun sa part, & les prisonniers demourerent aux Cheualiers. En celle forme & maniere, que ie vous recorde, fut le fort chastel de Ventadour repris des François. En celle saison messire Guillaume le Bouteiller y ordonna Capitaine, pour le garder, vn Escuyer de Limosin, moult vaillant homme & sage (qui s'appelloit Pierre Madich) & avec luy bien trente Lances de bonnes gens, & rançonnerét ceux, qui à rançonner faisoient, & aux plusieurs,

Les deux Capitaines de Ventadour taschent à courir leur trahison.

La trahison decouverte & declarée contre les Capitaines de Ventadour, par ceux, qu'ils auoyent apostés pour l'exécuter

Le chastel de Ventadour repris & remis du tout entre les mains des François.

seurs, forts & grans pillars, François reniez, ils feirent trencher les testes, ou pendre à vn gibet: qu'on fit tout neuf deuant le fort. Quand ils eurent ordonné du lieu, les Cheualiers se departirent: & aduiserent qu'ils iroient à Rion, deuers le Duc de Berry: & luy meneroient Alain & Pierre Roux. Nouuelles s'épandirent par tout, que le fort chastel de Ventadour estoit repris. Le pays d'Auuergne & de Limosin, & des marches voisines, en furent grandement réiouys, car les ennemis du Royaume de France l'auoient tenu plus de quinze ans, & durant cet tēps faict moult de dōmages & de contraires au pays, & moult de gēs ^{vn surnommé le Monadich,} appouriz. Messire Guillaume le Bouteiller trouua, dedans le fort de Ventadour, vn ieune ^{consin de son} Escuyer de Bretagne, moult bel enfant: qu'on nommoit le Monadich: & auoit esté cou- ^{Geofroy Teste-} fin à Geofroy Teste-noire: & estoit là nouuellement venu, pour apprendre les armes: & ^{noire, répité de} estoit issu d'une Abbaye de Bretagne, car point ne vouloit estre Moyne. Les Cheualiers François le vouloient pendre, ou décoler, avecques les autres: mais le Cheualier en eut ^{mort, prometant} pitié: & luy sauua la vie: parmy tant, qu'il iura, qu'il le seruiroit iusques à sa volonté: & il de ^{estre bon Fran-} moura bon François: & il le fut. Depuis ne seiournerent ils point longuement: mais se meirent au retour, pour venir deuers le Duc de Berry: & si desfirent les bastides. Les Gēs d'armes se departirent les vns des autres: & retournerent chacun en son lieu. Mais les Capitaines vindrent à Rion, deuers le Duc de Berry: & menerent en leur compagnie, les Cheualiers Bretons: qui estoient tous bien ébahis: & prioient, sur le chemin, à messire Guillaume le Bouteiller, & à messire Jehan Bōne-lance, que pour Dieu, & en pitié, ils ne voussissent pas le Duc de Berry informer trop dur à l'encontre d'eux: & ils le leur en- conuēnancerent: & tant cheuaucherent qu'ils vindrent à Rion: & là trouuerent le Duc & la Duchesse. Le Duc recueillit à grande ioye ses gens (car moult tenoit à grand, & à bel, la conquēste du chastel de Ventadour) & leur donna de beaux dons & presens. Les Cheualiers demanderent au Duc quelle chose il vouloit qu'on fit d'Alain & de Pierre Roux. Il respondit qu'il sen conseilleroit: comme il fit: & trouua, en son conseil, qu'il les enuoye ^{Le Bouteiller & Bōne-lance vers le Duc de Berry,} roit en France, deuers le Roy. Adōc fut mandé le Sénéchal d'Auuergne. Il vint. On luy ^{avec les Capi-} dellura les deux Bretons dessusdits: & sil les amena en France à Paris: & furent mis & em- ^{tadour prison-} prisonnez au chastel de Saint-Anthoine, en la garde du Vicomte d'Aser: qui gardien & ^{niers: qui furent} Chastelain estoit, pour le temps, dudit chastel. Ils n'y furent point trop longuement: mais ^{menés à Paris.} furent deliurez au Preuost de Paris, & amenez en Chastelet, & là iugez à mourir, comme traistres, & robeurs, au Royaume de France. Si furent deliurez au bourrel, & mis & liez en vne charrette, & amenez à la trompette, iusques à vne place (qu'on dit aux Halles) & là mis au pillory, & tournez quatre tours deuant tous: & là furent leus & publiez tous leurs faits: & puis furent décolez & escartelez: & puis enuoyez les quartiers aux quatre ^{Alain & Pier-} souveraines portes de la ville. Ainsi finirent Alain & Pierre Roux: & perdirent les vies ^{re Roux, Capi-} honteusement, & le fort chastel de Mont-vantadour. ^{tadour, décolés} ^{a Paris.}

On fait d'armes de Saint-Iuqueluert, & comment les trois Cheualiers de France, defendans le pas, se maintindrent trente iours, aleancontre de tous venans, des pays d'Angleterre, & d'ailleurs.

CHAPITRE XII.

EN celle saison, & entretant, les trēues se tenoient en France & en Angleterre, par mer & par terre: & les Roys & leurs sugets les vouloient bien tenir: reseruez encores aucuns pillars, qui estoient en Auuergne. Ceux cy, au tiltre de marque, guerroyoient le pays & les pources gens deçà la riuere de Dordonne & de la. Mais les souverains Capitaines qui s'estoient rendus par traité ou composition, n'auoient pas les forfaits: mais s'en dissimuloient grandement: & (quelque dissimulation, qu'il y eust) pour le dommage que le pays d'Auuergne en receuoit, les plaintes en venoient à Paris: & eut conseil le Roy de France d'enuoyer deuers le Roy d'Angleterre, & luy escrire & signifier tout l'estat de ces pillars: qui guerre faisoient aux pays & es parties enclos en la paix, sous ombre de leurs pātis, Laquelle chose ne se deuoit, ne pouuoit, bonnement faire. Entendis que ces choses se demenoient (ie croy bien que le Roy d'Angleterre sen excusa, car tenu estoit de ce faire, & du pourueoir) les trois Cheualiers dessusnommez (dont nostre Histoire fait mention) qui auoient emprisi les armes à faire en la marche de Calais, pres de Saint-Iuqueluert (c'est assauoir messire Bouciquaut le ieune, messire Regnaud de Roie, & le Sire de S. Py) s'ordonnoient grandement, pour accomplir leur desir, & payer leur promesse & le droit des armes, car signifié notoirement ils l'auoient, & publié, & par especial au Royaume d'Angleterre: dont ia estoit tresgrande nouuelle: & en estoient audit Royaume Cheualiers, & Escuyers, reueillez tresgrandement: & auoient les ieunes Cheualiers & Escuyers ^{Preparatifs pour les ioustes de S. Iuqueluert.}

† Ces 2. clauses
sont punctuées
& éclaircies se-
lon le sens de
l'Auteur.

† C'est assavoir
du premier ma-
riage de sa me-
re, comme nous
auons dit ailleurs

Le 21. de May.
1390. cōmen-
cement des iou-
stes de Saint-
Iuqueliert, te-
nues & deffen-
dus par Bou-
ciquant le ieu-
ne, Regnaud de
Roye, & le Sire
de Saint-Py,
Chambellans
du Roy Charles
sixiesme.

aduentureux, & qui armes faire desiroient, imaginations eues sur ce, pour sauoir quelle chose ils en feroient. Les aucuns disoient que grand blasme leur seroit, & grand reproche leur tourneroit (au cas q̄ la place, prise, estoit si pres de Calais) s'ils ne passoiēt la mer, pour aller voir les Cheualiers & faire armes. Si vous nōmeray aucuns de ceux, qui le plus de parlement en tenoient. Messire Iehan de Hollande, Comte de Hostidonne, premierement en auoit grand desir. Aussi auoit messire Iehan de Courtenay, messire Iehan Traicton, messire Iehan Goulouffre, messire Iehan Roussel, messire Thomas Scorbōne, messire Guillaume Clifeton, messire Guillaume Clineton, messire Guillaume Taillebourg, messire Godefroy de Seta, messire Guillaume de Hacquenay, messire Iehā Vobeas, messire Iehan d'Auberthicourt, messire Henry de Beaumont, & plusieurs autres, plus de cēt Cheualiers & Escuyers: & disoient, Pourueon nous d'aller par-dela à Calais, car ces Cheualiers de France n'ont mis, n'ordonné ce ieu, en nostre party, fors que pour nous auoir & veoir: & certainement ils ont bien fait, & sont bons compaignons. Si ne leur faudrōs pas au besoing. Ceste chose fut si eleuée & publiée en Angleterre, que proprement ceux qui nul desir ne volonté n'auoient de faire armes, certifioiēt qu'ils y feroiēt, † pour veoir ceux, qui armes feroient sur la place, au iour & terme, qui mis y estoit. L'un pour l'autre, & pour plaissance des armes, à venir à Calais s'ordonnerent Cheualiers & Escuyers, & les grans Seigneurs, qui tenir estat y vouloient, y enuoyerent deuant, faire leurs pouruēces: & firent passer leur harnois de paix & de guerre, quand ils sentirent que les iours approchoient, que les ioustes se deuoient faire. Messire Iehan de Hollande passa tout premierement la mer (qui estoit † frere du Roy d'Angleterre) & plus de soixante Cheualiers & Escuyers avecques luy: & vindrent arriuer à Calais: & là se logerent. A l'entree du ioly mois de May furent tous pourueus les trois ieunes Cheualiers de France, dessus nommez: qui à Saint-Iuqueliert les armes faire deuoient, car à ce faire, en France, en Angleterre, & en Escocce, signifioient l'auoient. Si vindrent premierement à Boulongne sur la mer & là furent ie ne say quants iours: & puis se departirent, & vindrent en l'Abbaye de Saint-Iuqueliert. Eux là venus, ils entendirent que grande foison de Cheualiers & d'Escuyers estoient issus hors d'Angleterre, & venus à Calais. De ce furent ils tous réiouis: & pour approcher la besongne, & que les nouvelles veinssēt iusques entre les Anglois, ils enuoyerent ordonnément sur la place, entre Calais & Saint-Iuqueliert, tendre trois vermaux, pauillons, moult beaux & riches: & à l'entree de chacun pauillon, par deuant, auoit deux targes, qui là pendirent, armoyées des armes des Seigneurs, vne targe de paix, & l'autre de guerre. Et estoit ordonné que ceux, qui courir & faire armes vouldroient à l'un d'eux, deuoient toucher, ou enuoyer faire toucher, l'une des targes, ou toutes deux s'il leur plaisoit: & ils seroient recueillis & deliurez de iouste, selon ce qu'ils demandoient. Or pour approcher & parler des armes, ie vous diray comment il en aduint. Le vingtième iour du mois de May (si comme certifié & prononcé estoit) furent les trois Cheualiers, dessus nommez pour faire armes, & les cheuaux tous prests, ordonnez, & ensellez, ainsi que la iouste le requeroit: & issirent ce iour, hors de la ville de Calais, tous Cheualiers & Escuyers, qui faire armes ce iour vouldoient, ou qui desir ou plaissance des armes veoir faire auoient: & cheuaucherent tant, que sur la place ils vindrent: & se trairent tous d'un lez. La place, ou iouster on deuoit, estoit belle, & ample, vnie, verte, & herbue. Messire Iehan de Hollande enuoya tout premierement heurter, par un sien Escuyer, à la targe de guerre de messire Bouciquaut. Ce fait Bouciquaut issit hors de son pauillon, tout appareillé, & monta à cheual: & prit targe, & puis lance, bonne, roide, & bien acérée. Si s'éloignerent les deux Cheualiers: & quand ils eurent aduisé l'un l'autre, ils esperonnerent leurs cheuaux moult fort: & vindrent l'un sur l'autre sans eux épargner: & consuyuit en telle maniere Bouciquaut le Comte de Hostidonne, qu'il luy perça la targe: & luy coula le fer au dessus des bras, & tout outre, sans point le blecer: & passerent de ce coup les deux Cheualiers tout outre: & s'arrestèrent ordonnément sur le pas. Ceste iouste fut moult prisee. A la seconde iouste, ils se heurterent un petit: mais nul mal ne se firent: & à la tierce lance les cheuaux refuserent. Le Comte de Hostidonne (qui volontiers ioustoit, & qui estoit échaufé) reuint sur son lez attendant que messire Bouciquaut reprist sa lâce, mais point ne la reprit, & monstroient Bouciquant contenance & ordonnance, que plus pour ce iour, tant qu'audit Comte, n'en vouloit faire. Quand le Comte de Hostidonne veit ce, il enuoya heurter, par un sien Escuyer, à l'escu de guerre du Seigneur de Saint-Py, & celui, qui iamais n'eust refusé, issit tantost hors de son pauillon, & prit sa targe & sa lâce, & quand le Comte

Comte veit qu'il estoit prest, & qu'il ne demandoit que la iouste, il esperonna le cheual de grande volenté: & Sainct Py autant bien le sien. Si aualerent leurs lances, & s'adreccerent l'un sur l'autre: mais, à l'entrer dedans, les cheuaux croiserent & toutesfois ils se con-
 fuiurent, mais par la croisure, qui fut prise à mechef, le Comte fut deheaumé. Si retour-
 na vers ses gens: & moult tost il se fit r'enheaumer, & prit sa lāce, & le Sire de S-Py la sien-
 ne: & esperonnerent les cheuaux: & s'encōtrerent de plaines lāces: & se ferirent es targes
 dur & roide: & furēt sur le point de porter l'un l'autre à terre: mais ils sanglerēt leurs che-
 uaux de leurs iambes, & bien se tindrent: & retournerent chacun à son lez: & se refres-
 chirent vn petit: & prirent vent & alaine. Messire Iehā de Hollande (qui grande affectiō
 auoit de faire honnorablemēt ses armes) reprit sa lance, & se ioingnit en sa targe, & espe-
 ronna son cheual: & quand le Sire de S. Py le veit venir, il ne le refusa pas: mais s'en vint
 à l'encontre de luy au pluſtost qu'onques il peut. Si s'attaingnirent les deux Cheualiers,
 de leurs lances de guerre, sur leurs heaumes d'acier, si dur & si roide, que les estincelles
 toutes vermailles, en voloient. De ceste atteinte fut le Sire de S. Py deheaumé: & passe-
 rent les deux Cheualiers outre: & retournerent chacun à son lez. Ceste iouste fut moult
 grandement prisee: & disoient François & Anglois, que les trois Cheualiers (le Comte
 de Hostidonne, messire Bouciquaut, & le Sire de S. Py) auoient tresbien ioustē, sans eux
 épargner, ne porter dommage. Encorēs de rechef requit le Comte à auoir vne lance, *iouste du Comte*
 pour l'amour de sa Dame: mais on luy refusa. Adonc se departit messire Iehan de Hollan- *se Mareschal;*
 de du rang, pour reuenir vn autre, car il auoit toutes ses six lances bien courues, & bien *Anglois, con-*
 assises, tant qu'hōneur & grace il en auoit acquis de toutes les parties. Donc fut appareil *tre Regnaud de*
 lē vn gētil Cheualier d'Angleterre (qui s'appelloit le Comte Mareschal) & enuoya heur- *Roye.*
 ter (ainsi que l'ordonnance le portoit) à l'escu de guerre de messire Regnaud de Roye:
 & ce fait messire Regnaud issit hors de son paillon, armé de toutes piēces: ainsi cōme à
 luy appartenoit. Il monta sur son cheual: qui luy fut tout prest. On luy mit sa targe au col,
 & boucla: & prit sa lance. Si s'elōgnerent les deux Cheualiers: & puis esperōnerent de
 moult grād randō, en venant tous deux l'un cōtre l'autre, & faillirent ceste premiere iou-
 ste, par le deroyement de leurs cheuaux, dōt ils furent moult courroucez. De la secōde
 lāce fut messire Regnaud enferrē: & rōpit sa lāce. A la tierce ils retournerēt: & se ferirēt
 de tel randō sur les heaumes, que les estincelles de feu en faillirent: & fut le Comte Ma- *iouste du Sire*
 reschal deheaumé. Il passa outre: & retourna à son lez: & ne iousta pl^{us} pour ce iour, car il *de Clifford,*
 en auoit assez fait. Adōc se trait auant le Sire de Clifford, vn moult appert & vaillāt Cheua- *Anglois, con-*
 lier d'Angl. cousin germain à messire Iehā Chandos (qui fut si preux & si vaillant Cheua- *tre Bouciquaut*
 lier) & enuoya heurter, ainsi que l'ordonnance le portoit, d'vne verge, à la targe de guer-
 re messire Bouciquaut. Tantost le Cheualier issit de son paillon, armé de toutes piēces,
 ainsi qu'à luy appartenoit, & monta sur son coursier, qui luy estoit tout prest: & prit sa tar-
 ge au col. On la luy laça. Il empoigna sa lance: & la mit en arrest. Les deux Cheualiers ef-
 perōnerent, & vindrent l'un sur l'autre de grand rādō: & se ferirent sur les heaumes, tant *iouste du Sire*
 que les estincelles de feu en faillirent: Point ne rōpirent les lances: n'onc les Cheualiers *de Clifford, con-*
 les estriers n'en laisserent, mais passerēt: & puis s'arresterēt chacū sur son pas, & s'ordōne- *tre le Sire de*
 rent de grāde volōté, pour courir la secōde lance, & esperōnerēt les cheuaux, & vindrēt *Sainct-Py.*
 l'un cōtre l'autre, sans eux épargner. Messire Bouciquaut rōpit sa lance, & fut de ce coup
 deheaumé: mais poit ne cheut. Les deux Cheualiers passerēt outre, & s'arresterēt sur leur
 pas. Messire Louis de Clifford s'apareilloit encorēs, pour iouster à Bouciquaut, mais Bou-
 ciquaut ne mettoit point son heaume. Dōc s'auisa le Sire de Clifford, qu'il parferoit ses ar-
 mes à vn autre. Si enuoya heurter, par vn sien Escuyer sur l'escu de guerre au Seigneur de
 S. Py: lequel issit tātost hors de son paillon, & monta sur son cheual, qui luy estoit tout
 prest: & prit sa targe & sa lance, & s'ordōna pour iouster, & s'en vindrent l'un cōtre l'autre *iouste de Henry*
 tre de grand randon, & le cōsuyirent de plain coup. Le Sire de Clifford rōpit sa lāce en *de Beaumont;*
 trois tronçons, sur la targe du Seigneur de Sainct-Py. Le Seigneur de Sainct-Py le fe- *Anglois, con-*
 rit sur le heaume, & le deheauma: & puis passa outre. Chacun des Cheualiers se trait sur *tre Bouciquaut*
 son lez. Le Sire de Clifford retourna entre ses gens, & n'en fit plus pour ce iour, car on luy
 dit que vaillamment & honnorablement il s'estoit porté. Apres se trait auant vn gen-
 til Cheualier & de grande volenté, qui s'appelloit Henry de Beaumont, en Angleterre,
 & enuoya heurter sur la targe de guerre à messire Bouciquaut. Le Seigneur fut tantost
 prest de respondre (car ia estoit il à cheual d'auantage, car il auoit deuāt ioustē au Sire de
 Clifford) & prit sa targe & sa lāce, & se mit en ordōnāce, pour biē iouster. Les deux Che-

Iouste de Henry de Beaumont, Anglois, contre le sire de Saint Py.

ualiers esperonnerent leurs cheuaux: & sen vindrent l'un sur l'autre. Le Sire de Beaumont n'employa pas bien sa lance, & consuyuit Bouciquaut en vuidant: & Bouciquaut le ferit de bone lance emmy sa targe, & le porta ius par terre: & puis passa outre. Le Cheualier se re leua: & fut aidé de ses gens, & remis à cheual. Adonc se trahit le Sire de S. Py auât: & for na pour iouster au Cheualier. Si iousterent deux lances bien courtoisement, sans eux en- dōmager. Messire Pierre de Courtenay (qui grand desir auoit de iouster, & de faire six lances) enuoya heurter par vn sien Escuyer d'une verge (ainsi qu'ordonné estoit) aux trois Escuyers de guerre. De laquelle chose on fut émerueillé: & luy fut demandé comment il l'entēdoit. Il respondit que sa plaissance estoit telle qu'il vouloit courir, à chacū des Che ualiers de France, deux lances, s'il ne luy mēcheoit sur le chemin: & leur prioit qu'ils luy voussissent accorder. Ainsi ils luy accorderent. Adōc sauanga messire Regnaud de Roye, tout premier: & prit sa targe & sa lance: & se meit en bone ordonnance pour iouster, & esperonnerent leurs cheuaux de grande volonté: & fauiserent iustement, pour cōsuyuir

Iouste de Pierre de Courtenay, Anglois, contre les trois cheualiers de France, l'un apres l'autre.

l'un l'autre, sans eux épargner: mais à ceste premiere lance ils faillirent, car les cheuaux refuserent. Dequoy ils furent moult courroucez. Si retournerent sur leur lez: & depuis esperonnerent: & porterent les lances franchement, & ne faillirent pas à ceste seconde iouste: mais se consuyrirent de grand randon. Messire Regnaud deheuma le Cheualier d'Angl. & passa outre: & puis retourna sur son lez: & se tint tout quoy, car il auoit fait ses deux lances. Messire Pierre de Courtenay fut reheaumé & remis en bon estat. Adōc se trait auant le Sire de Saint Py, pour iouster: & coururent l'un contre l'autre, & rompirent leurs lances: & passerent outre. On leur rēdit lances: & esperonnerent leurs cheuaux: & vindrent l'un sur l'autre de grand randon. Le Sire de Saint-Py consuyuit messire Pierre de Courtenay, en vuidāt, car son cheual se déroya vn petit. Messire Pierre le ferit au heaume: & le deheuma: & puis passa franchement outre: & reuint tout le pas sur son lez. Adonc se trait auât messire Bouciquaut, pour accomplir le desir de messire Pierre de Courtenay: & prit sa lance, & esperōna le cheual, & messire Pierre cōtre luy. Si se consuyrirent emmy les targes de plain coup, si dur & si roide, que les cheuaux farresterent tous quois sur la place, ne nul autre dōmage ils ne firent. De la secōde lāce ils deheumerēt l'un l'autre. Ces six lāces faites, messire Pierre de Courtenay requit encōres graces, qu'il en peust auoir vne, auquel des Cheualiers que ce fust: mais on luy refusa: & luy fut mandé, & dit, qu'il en auoit assez fait pour ce iour. Si se reposa atant messire Pierre de Courtenay. Adōc se trahit auant vn Gētil-homme, Cheualier d'Angleterre (qui s'appelloit messire Iehan

Iouste de messire Iehan Gouloufre, Anglois, contre Regnaud de Roye.

Gouloufre) armé de rōutes piēces, la targe au col, & la lance toute preste: & enuoya heurter, par vn sien Escuyer, à l'escu de guerre de messire Regnaud. Messire Regnaud fut tout prest pour respondre: & pour iouster: & esperonnerent leurs cheuaux de grand randon: & vindrent l'un sur l'autre: & se consuyriēt sur les heaumes, mais point ne se deheumerēt ne rompirent les lances, & passerent outre franchement. De la secōde lance les cheuaux refuserent: dont ils furent moult courroucez. De la tierce ils fassenerent emmy les targes: & rompirent leurs lances, & en recouurerent des autres. De la quatriesme lāce ils se consuyrirent, en vuidant, sans riens faire. La cinquieme lāce fut trop mieux employée, car ils deheumerent l'un l'autre, & passerēt de ce coup frāchement outre, & se meirēt chacun sur son lez. Apres reuint en place messire Iehan Rousseau, vn appert Cheualier, & vaillant, d'Angleterre, & bien trauaillāt, & cognu en plusieurs terres: & enuoya heurter

Iouste de messire Iehan Rousseau, Anglois, contre le seigneur de Saint Py.

par vn sien Escuyer, sur la targe au Seigneur de Saint Py. Le Cheualier respondit à ce: & fut tantost appareillé, car il estoit iā armé d'auantage, & sur son cheual, la targe au col. On luy bailla sa lance. Il la prit, & puis se departit de son lieu, en esperonnant le cheual, & le Cheualier Anglois cōtre luy. Si se consuyrirent de plain coup sur les targes, & par force de bien bouter, les cheuaux farresterent tous quois de ce coup & puis retourna chacun en son lieu, & sans lōg seiour, ils esperonnerent les cheuaux, & vindrēt l'un cōtre l'autre, mais, quand ils deurēt approcher, les deux cheuaux viderēt, parquoy de plain coup ils ne peurent atteindre l'un l'autre. Si en furēt courroucez, & retournerēt sur leurs pas, dōt partis estoient, & puis esperonnerent les cheuaux, & baissèrent les glaiues, & s'adrecerēt l'un sur l'autre, & s'attaingirēt des fers de lāce, sur la visiere des heaumes, si fort que tous deux se deheumerent. Ils passerent outre, & retourna le Cheualier Anglois deuers ses gens, & ne iousta plus pour ce iour.

Iouste de messire Pierre descornebonne, Anglois, contre Bouciquaut.

Apres se trait auant messire Pierre Scornebonne, vn ieune Cheualier, & de grande volonté, & enuoya heurter, par vn sien Escuyer, d'une verge, à l'escu de guerre de messire Bouciquaut. Le Cheualier fut tout prest de respō-

dre,

dre: car il estoit ià armé d'auantage, & monté sur son cheual, la targe au col, & s'appuyoit sur son glaue: & n'attendoit que l'auenture: & quand il veit qu'on le demandoit à la iouste, il leua son glaue, & regarda quelle chose le Cheualier Anglois faisoit: & quād il veit qu'il poignoit le cheual, il eueut autant bien le sien: & en venant l'un sur l'autre, ils abbatirent leurs glaues: & se cuiderent de ceste iouste bien encontre: mais ils ne peurēt, car leurs cheuaux se déroutèrent: dont ils furent moult courrouceez: & retourna chacun sur son pas: & imaginoient comment ils tiēdroient telle mēt leurs cheuaux, qu'ils assenassent à la iouste l'un l'autre: & petit seiournerent, quand ils ferirent leurs cheuaux des esperōs, & adrecerent l'un contre l'autre: & assenerent & ferirent haut, en la lumiere des heaumes. Messire Bouciquaut rompit son glaue: & le Cheualier Anglois ne rōpit pas le sien: mais l'employa bien & grandement, car il dehéauma messire Bouciquaut, si dur, que le sang luy vola hors du nez, en dehéaumant. Adōc se trait messire Bouciquaut vers son pauillō: & ne fit plus de iouste pour ce iour, car il approchoit le vespre, Mais messire Pierre Scornebonne ne se voulut pas cesser, qu'il ne parfist ses lances. Si enuoya heurter par vn sien Escuyer, à la targe de guerre du Seigneur de Saint Py: lequel fut tantost appareillé, car il estoit ià tout prest: & armé d'auantage, monté sur son cheual, la targe au col: & se tenoit sur son lez. Si esperonnerent les deux Cheualiers leurs cheuaux: & vindrent l'un sur l'autre, au plus dur qu'ils peurent: & se consuyirent haut sur leurs heaumes: mais les glaues ne s'attacherent pas: ains coulerent outre: & passerent, en ioignant l'un delez l'autre: & dirent bien les plusieurs, qui la iouste veirent, que s'ils se fussent atteins dedans les targes, il cōuenist que l'un, ou tous deux eussent receu dōmage. Ceste iouste faite, ils retournerēt chacun sur son pas, & puis s'ordonnerent pour iouster vne autre iouste, & esperonnerent leurs cheuaux: & vindrent l'un sur l'autre, si droit, qu'ils se consuyirent emmy les targes, & rompirent les lances en trois tronçons. Le Sire de Saint-Py le cōsuyuit si fort & si roide, qu'il luy fit vider les harnois: & cheut le Cheualier Anglois à terre. Il se releua tātost & fut aidé des siens, & mené de leur costé. Le Seigneur de Saint Py rotourna deuers son lez, en regardant & considerant l'ordonnance des Anglois: & mōstroit qu'il estoit tout prest de faire iouste (fust au Cheualier, qu'il auoit abbatu, ou à autrui) mais nul ne se trait auant, car il estoit heure pour ce iour, de laisser œuure, & de retourner aux hostels: & se meirent tous les Anglois ensemble, & ceux, qui de leur compaignie, estoient: & s'en retournerent, les bons galops, vers la ville de Calais: & là se tindrent pour celle nuit tous aises: & parlerent & deuiferent entre eux des armes, qui ce iour, auoient esté faites, & les François retournerent aussi à Saint-Iuqueluert: & (se les Anglois deuisoient entre eux, à Calais, des armes, qui auoient esté faictes se iour) vous deuez croire & sauoir que les François aussi en parloient. Le Mardy, apres la messe dicte, & apres boire, issirent hors la ville de Calais tous ceux, qui à iouster auoient, & ceux qui iouster les veoir vouloient, & cheuaucherent ensemble, & en vne compaignie, moult ordonnément, & firent tant, que ils vindrent en la place dessusdicte, ou les armes se faisoient, & quand les Anglois furent venus, estoient les François tous appareillez deux recueillir, & c'estoit raison. Ce iour fut bel & cler, chaud à point, & ioly: Les Anglois s'ordonnerent sur la place, & s'armerēt ceux qui iouster vouloient. Premieremēt messire Guillaume Clisetō, vn moult appert Cheualier, & biē ioustāt de leur costé, enuoya heurter vn siē Escuyer à la targe de messire Bouciquaut: & tantost le Cheualier issit hors de son pauillō, armé de toutes pieces, ainsi que pour la iouste appartenoit, & monta sur son cheual, qu'il auoit tout prest, & estoit pourueu de targe: & prit son glaue. Les deux Cheualiers esperonnerent l'un contre l'autre de grand randon, & vindrent ensemble, & se consuyirent es targes: & passerēt outre, sans dōmage, ne rompre les glaues, De la seconde iouste ils recouurerent, & se consuyirent sur les heaumes, & fut le coup moult bel, car ils se croiserent sur les heaumes. De la tierce lance ils se ferirēt de rechef es targes, si grād coup & si droit, que les cheuaux s'arrestèrent, pour la force du dur encontre. La quatriesme lance fut bien employée, car ils se cōsuyirent sur les lumieres des heaumes, si fort qu'ils se dehéaumerēt, dont se trait chacun sur son lez, & deuers sa cōpaigie, Le Cheualier Anglois n'e fit plus pour ce iour, car on luy dit qu'il en auoit assez fait. Apres se trait auāt, de la partie des Angl. vn ieune Cheualier (qui se nōmoit messire Nicole Clinetō) & enuoya heurter à la targe de guerre du Seigneur de S. Py. Le Cheualier issit tātost hors de sō pauillō, armé de toutes pieces, ainsi q les armes le requierent, & mōta sur son cheual. On luy boucla sa targe. Il prit sa lance, & la mit en arrest, & vōt les deux Cheualiers partir de leurs lez, & frapper leurs cheuaux des

Iouste de messire Pierre de Scornebonne, Anglois contre le sire de saint Py.

seconde iournee des ioustes de saint Iuqueluert. Iouste de messire Guillaume Cliseton, Anglois, contre Bouciquaut.

Iouste de messire Nicole Clinetō Anglois, contre le sire de saint Py.

esperons rudement, & porter leurs lances arrément: & quand ils deurent approcher au baïsser, si se confuyrēt de plain coup es targes, si roide, que lesfers s'y attacherent: & fut merueille qu'ils ne s'endommagerent moult grandement, car les Cheualiers estoient ieunes, & de grande volontré: & point ne s'épargnoient, Ils ne cheurēt, ne furent naurez: mais les lances rōpirent en plusieurs tronçons. Ils passerent outre franchemēt, & retournerent, apres leurs coursiers, chacun sur son lez. De la seconde lence ils iousterēt moult bien: & se confuyrent sur les heaumes, mais les coups viderent, si passerent outre. De la tierce lance les cheuaux croiserent, & faillirent: dont ils furent moult courroucez. De la quatriesme lance le Seigneur de S. Py deheuma le Cheualier Anglois: lequel retourna à son lez deuers ses gens: & n'en fit plus pour ce iour, car dit luy fut, qu'il en auoit assez fait, & que vaillāmēt il s'estoit acquiré, & qu'il cōuenoit les autres iouster, & faire armes, Apres ce q̄ messire Nicole Clinetō eut iousté, & qu'il fut retourné entre ses gēs, issit hors de leurs têtes vn gentil Cheualier d'Angleterre, & moult prochain du Comte de Hostidonne (leq̄l on nōmoit Guillaume Stamart) & enuoya heurter à la targe messire Regnaut de Roye: lequel respondit: & issit hors de son paillon, & monta sur son cheual, qui luy estoit tout prest: & prit sa targe & sa lance, & vint sur son lez, & là d'ou il deuoit partir pour faire course. Quand le Cheualier Anglois (qui tout prest estoit) veit le Cheualier qui l'at-

*Iouste de messire
Guillaume Sta
mart Anglois,
contre Regnaut
de Roye.*

tendoit, il brocha son cheual des esperons, & messire Regnaut le sien. Si vindrent l'un sur l'autre de grande volontré, pour faire armes: & se confuyrent des lances & targes moult roidement. Merueilles fut qu'ils ne se porterent à terre, mais bien se tindrent, car tous deux sauoient bien cheuaucher. Si passerent outre, & s'arresterēt chacun sur son lez, ayant neantmoins l'Anglois laissé tomber sa lance. Regnaut de Roye portoit la sienne moult ordōnement. On rendit au Cheualier Anglois sa lāce. Quād il la tint, il la meist en l'arrest, & puis esperonna de grand randon: & luy sembloit bien, en esperōnant & en allant, qu'il iousteroit outre mesure. Voiremēt il ferit vn beau coup: si l'eust esté droit assez, mais le cheual vuida. Si en fut le coup plus foible, le ne say si ce fut la coulpe du Cheualier. Messire Regnaut le confuyuit en la targe si roidement, qu'il luy fit ployer l'eschine. Ils passerent outre, sans autre dommage, & firent leur tour bien & à point, & puis retournerent chacun sur son lez: & s'appresterēt pour iouster la tierce fois, & esperōnerēt leurs cheuaux: & baïsserent leurs lances: & de ce coup ils se ferirent amont sur les heaumes, si roidement, que du fer, & de l'acier, les estincelles de feu en faillirent. Ils passerent outre, & cheurent ius à terre leurs lances, de ce coup: mais gens y'estoient tous appareillez, qui les leuerent, & leur rendirēt. Si les reprirent: & meirēt chacun la sienne en l'arrest: & puis esperonnerent les cheuaux, & coururent. Ils sauiserent moult bien l'un l'autre. Si se confuyrent tout à plain, ens es lumieres des heaumes, & se donnerent deux horions durs & roides. De celle iouste fut Guillaume Stamart deheumé, & pres porté à terre, mais biē

*Iouste de Lan-
clastre, Escuyer
Anglois, con-
tre Bouciquant*

se tint. Toutesfois il chancela. Adonc s'en retourna l'Anglois vers ses gens: & ne fit pour ce iour plus nulles armes. Apres se trait vn autre Escuyer auant: qui s'appelloit Lāclastre. Si enuoya heurter à la targe de guerre à messire Bouciquant, lequel Cheualier respondit Ce fut raison, car d'auantage il estoit ia monté sur son cheual, & la targe au col bouclée. On luy bailla son glaiue. Il le prit: & mit en l'arrest: & vindrēt l'un sur l'autre de grād randon: & se confuyrent sur les heaumes tresdurement, tant que du fer & de l'acier, les flammes de feu en faillirent, & merueille fut, qu'ils ne se deheumerent. Les coups viderent. Si passerent outre, & retourna chacun sur son lez, & guerres n'y seiournerent, quād de rechef ils esperonnerent, & vindrēt l'un cōtre l'autre de grād randon, & se cōfuyrēt es targes, mais les cheuaux croiserēt. Parquoy la iouste ne fut pas trop belle, ne trop forte quoy qu'amender ils ne le peurent. Donc reuindrēt ils à la tierce lance, & se confuyrent de plain coup sur les heaumes. L'atteincte fut si acertes faite, que l'Anglois fut deheumé, & demoura le chef tout nu à la coiffe. Si passerent outre, & se trait chacun en son

*Iouste de messire
Iehan de Taille-
bourg Anglois,
contre le sire de
saint-py.*

lieu, mais l'Escuyer Anglois ne voulut pour ce iour plus riens faire. Apres se trait auant vn ieune Cheualier, Anglois (qui se nōmoit messire Iehan Taillebourg) armé de toutes piéces, bien & franchement, & enuoya heurter à la targe de guerre du Seigneur de S. Py, lequel respondit, & fut tantost appareillé pour iouster. Il prit son glaiue, & ferit le cheual des esperōs. Le Cheualier Anglois vint à l'encontre de luy, de grande volontré. Si se confuyrent ce premier coup es targes, si roidement & si dur, que les lances volerent en trōçōs, & passerēt outre les deux Cheualiers, sans eux porter plus de dōmage, & s'en vint chacun sur son lez. Guerres ne seiournerent, quād de rechef ils retournerēt, & esperōnerent.

La leur

La leur auoit on baillé nouuelles lances, car elles estoient toutes prestes, & d'une loigneur, Ils vindrent l'un sur l'autre: & se cuidèrent tresbien atteindre. mais non firent, car les chevaux croiserent, parquoy leurs coups n'eurent point de force. Si passerent outre: & firent leur tour: & s'appareillerent pour ioster la tierce lance, laquelle fut mout bien assise, car les deux Cheualiers se deheumerent tout du coup. Donc se trait chacun sur son lez, & entre ses gens. Le Cheualier Anglois n'en fit plus ce iour. Après se trait auât messire Godefroy de Seca, vn Cheualier gentil, & bien ioustant: & monstroit bien, à qui le veoit sur son cheual tenir son glaive, qu'il auoit grand desir de ioster: & enuoya, par vn sien Escuyer, heurter à la targe de guerre de messire Regnaud de Roye. Le Cheualier respondit, car il estoit tout prest sur son cheual, d'auantage, la targe au col. Il prit son glaive: & se mit en ordonnance, pour bien ioster. Les deux Cheualiers, qui ioster deuoient & vouloient, esperōnerent d'un tenant: & vindrent l'un sur l'autre, au plus droit qu'ils peurent: & se ferirent grās horions es targes. Les lances furent fortes, & point ne briserent, mais arcōnerent: & par fort bouter, & de bon bras, les chevaux arresterēt tous quois. Adōc retourna chacun Cheualier sur son lez, sans perdre ne getter à terre leurs glaives, mais franchement les rapporterent deuant eux: & puis les meirēt en arrest: & esperōnerēt les chevaux, qui estoient assez fors & roides. Si vindrent l'un cōtre l'autre, & s'écōtrerēt, mais ce fut en croissant, par le coup des chevaux, non des Cheualiers. En passant outre, pour faire leur tour, les glaives leur cheurent, Ceux furent prests, qui les releuerent, & qui rēdirēt à chacun Cheualier la sienne. Lors qu'ils les eurent, ils les meirēt en l'arrest, & esperōnerent leurs chevaux: & à ce qu'ils mōstroient, ils ne se vouloiēt pas epargner, car ils estoient échaufez. Le Cheualier d'Angleterre consuyuit messire Regnaut de Roye amōt sur son heaume: & luy donna vn coup moult dur (autrement il ne le dommagea) & messire Regnaut le ferit en la targe, si dur & si roide, en boutant, & de si bon bras (car pour le tēps d'adōc il estoit vn des forts & des roides iousteurs du Royaume de France: & si aimoit, par amour, ieune Dame: dont en tous estats son affaire en valoit grandemēt mieux) qu'il perça la targe au Cheualier, au fenestre lez, & le bras tout outre: & en passant, le glaive rōpit, & en allant, la greigneur partie cheut à terre, & le moindre trōçon demoura en la targe, & le fer au bras. Pour ce ne laissa pas le Cheualier à faire son tour, & reuint sur son lez moult franchement, Ses compaignons entendirent à luy: & fut le tronçon, à tout le fer, tiré hors, & le bras estāché & lié, & messire Regnaut de Roye retourna entre ses gēs, & se tint là en s'appuyant sur vn glaive, qu'on luy auoit rendu. De celle iouste fut messire Regnaut de Roye moult prisē entre ses gens. Aussi fut il entre les Anglois, n'onc nul ne luy dit villēie, cōbien que blecé eust le Cheualier, car les aduētures d'armes sont telles. A l'un en chet bien: à l'autre en chet mal: & là ils ioustoiēt sans point epargner, Apres se tira auât vn Escuyer Anglois (qui se nōmoit Blaquet) & enuoya à la targe de guerre du Seigneur de S. Py: lequel estoit tout prest, & monté sur son cheual d'auantage, & la targe au col toute bouclée. Si prit son glaive: & se trait auât, pour respondre à l'Escuyer, & faire armes: ainsi comme il le demandoit. Ils esperōnerent les chevaux: & abaissèrent les glaives: & les ioignirent de pres, deffous les bras. Ce premier coup ils se cōsuyuirēt es heaumes moult durement: mais les fers viderent. Ils passerent outre, & perdirēt leurs glaives, Si retournerēt chacun sur son lez. Ils n'y seiournerēt pas longuemēt. On leur rēdit leurs glaives. Ils les meirent en arrest: & puis esperonnerent les chevaux de grād randō, & en venant (à ce qu'ils mōstroient) ils estoient en grande volonté de faire bien la besongne, mais en approchant les chevaux croiserēt, & ne se consuyuirēt qu'un trop petit, & passerent outre, & firent leur tour: & puis s'en reuint chacū sur son lez. Guerres n'y seiournerēt quand ils eurent leurs lances. Ils les meirent en arrest. Ils esperōnerēt, & vindrent de celle iouste l'un sur l'autre. Blaquet consuyuit le Sire de S. Py amōt sur le heaume, & luy donna vn coup moult dur: & Saint Py le ferit en la lumiere du heaume, vn coup plus dur, car il le deheuma: tellement que la boucle, à laquelle le heaume estoit affermé par derriere, rompit, & cheut sur la pree: & puis passerent outre, & s'en retourna l'Escuyer deuers ses gens, & ne fit plus de ioustes, pour ce iour, & le Sire de Saint-Py se tint tout franc sur son cheual, appuyé sur son glaive, attendant les armes, & qu'il fust admonesté de faire aill leurs la iouste, ainsi comme il appartenoit. Apres se trait auant vn gentil Cheualier d'Angleterre, bien ioustant & trauaillant (qui s'appelloit messire Iehā Bolcas) & enuoya heurter, par vn siē Cheualier, à la targe de guerre du Sire de S. Py. Celuy respōdit, car il estoit tout prest, & mōté sur sō cheual d'auantage, & la targe au col toute bouclée, on luy bailla sō

Iouste de messire Godefroy de Seca, Anglois, cōtre Regnaut de Roye.

Iouste de Blaquet, Escuyer Anglois, cōtre le Seigneur de Saint-Py.

Iouste de messire Iehā Bolcas, Anglois, cōtre le Sire de saint Py.

glaiue. Il le prit, & meit en arrest. Tous deux esperonnerent, & se rencontrerent, & ferirent sur les targes, de grande volonte: & merueilles fut qu'ils ne les percerent (car les lances estoient fortes, & les fers durs & bien trepez) mais ils passerent outre, sans eux porter domage: fors que les glaiues leur cheurent. Ceux estoient prests, qui les drecheret, & leur redirent. Quand ils furent sur leur lez pour recouurer ioustes, ils esperonerent leurs cheuaux: & vindrent l'un sur l'autre: & se confuyrent sur les heaumes: mais point de domage ne se porterent. Si passerent outre. De la tierce lance les cheuaux croiseret. La quatrieme lance, le Sire de S. Py deheauma messire Jehan Bolcas, moult durement: & le cheualier Anglois retourna sur son lez, vers ses gens: & le Sire de S. Py entre les siens. Celle iouste faite, le Cheualier retourna entre ses gens. Puis se trait auant Thomelin Messidon vn ieune Cheualier d'Angl. arme bien & richement de toutes pieces, & en grande volonte de faire armes: & enuoya heurter a la targe de guerre de messire Bouciquaut. Le Che-

Iouste de Thomelin Messidon Anglois, cōtre Bouciquaut.

ualier estoit tout prest, si respondit: & prit son glaiue. Les deux esperonneret les cheuaux & vindrent l'un contre l'autre: & se confuyrent ce premier coup, en croisant dessus les heaumes. Ils passerent outre, sans blasme ne domage: & retournerent chacun sur son lez, mais guerres n'y seiournerent, quand de rechef ils esperonnerent. De ceste iouste ils se ferirent sur les targes moult roidement. Thomelin Messidon ropit son glaiue en tronçons. Le Sire Bouciquaut le ferit si roidement, qu'il le porta a terre, derriere le dos de son cheual. Ceux de son costé vindret tantost vers luy, & le leuerent sus, & l'emeneret: & ne iousta plus pour ce iour. Tantost fut appareillē vn autre Escuyer d'Angl. mout appert (qui sapelloit Nauartō) & enuoya heurter sur la targe de guerre de messire Bouciquaut, car il vouloit (ce disoit il) reuenger son compaignon, que Bouciquaut auoit abbatu en

Iouste de Nauartō, Escuyer Anglois, contre Bouciquaut.

sa presence, Bouciquaut fut tout prest de respondre, car ia estoit il tout armē d'auantage, & mōtē sur son cheual, la targe au col toute bouclēe: & s'appuyoit sur son glaiue. Ils esperonnerent leurs cheuaux: & coururent de grand rādon: & vindrent droit l'un sur l'autre: & se feriret des fers, tous acerez, les lumieres des heaumes: & passerent outre sans autre domage: & retourna chacū sur son lez. On leur remeit & releua leurs heaumes: & leur rendit on leurs lances. Ils fauserent, & esperonerent les cheuaux de grand randō. Si se ferirent, ce second coup, sur les targes, si dur & si roide, que les cheuaux s'arresterent: & ropirēt en trois trōçons leurs glaiues. Chacū retourna sur son lez. On leur redit nouveaux glaiues. Si esperonneret leurs cheuaux: & abaissē les glaiues: & vindrent l'un cōtre l'autre. Messire Bouciquaut fut feru en la targe, assez roidement, & il ferit Nauartō tellemēt qu'il le deheauma: dont se trait l'Escuyer cōtre ses gens: & ne iousta plus pour ce iour, car

Iouste de Sequaquetō, Escuyer Anglois, contre Regnaud de Roye.

il luy fut dit qu'il en auoit fait assez, & que bien il s'estoit acquitē. Apres l'Escuyer dessus-nommē, vn autre Escuyer se trait auant (qui s'appelloit Sequaquetō) appert homme d'armes, & bien ioustāt. Il enuoya heurter sur la targe de guerre a messire Regnaud de Roye. Le Cheualier respondit, car il estoit tout prest d'auantage, montē sur son coursier, la targe au col, la lance en la main. Les deux esperonnerent: & vindrent l'un cōtre l'autre: & se ferirent sur les targes, moult dur & roide, sans eux ēpargner. Sequaqueton se porta bien, sans cheoir: dont on fut moult emereuillez, car messire Regnaud le pourfuyuit de telle façō & maniere, qu'il luy fit ployer l'eschine sur la croupe de son cheual. Il se releua, en passant outre moult frāchemēt, mais il perdit son glaiue. Quād il eut fait son tour, & il fut retournē sur son lez, tātost fut prest, qui luy rendit son glaiue. Si le prit, & le meit en arrest & esperonna son cheual: & messire Regnaud le sien. Si s'en vindrent: & s'encontrerent, & se donnerent sur les heaumes trop durs horions, tant qu'ō en veit voler les estincelles de feu. Le coup fut moult bel, & n'y eurent point de domage. Ils passerent outre, & retourna chacun sur son lez, & s'appareilleret pour fournir la tierce lance, & esperonerent leurs cheuaux, & s'en vindrent l'un cōtre l'autre. De celle iouste fut Sequaqueton deheaumē moult dur, & sur le point de cheoir, luy & son cheual, car il chancela tout, & se meit fort en estant, sur les piez. Il retourna vers ses gens, & pour ce iour il ne fit plus iouste. Aussi ne firent les autres, car le vespre approchoit, & ia estoit sur le tard. Si se meirent les Anglois tous ensemble, & se departirent de la place en vne compaignie, & s'en retournerent a Calais, & les François a Saint Inqueluert. Vous deuez sauoir (combien que nulle mention ie n'ē aye fait, iusques cy) que le Roy Charles de France se fut moult enuis, & a dur, tenu, q'il n'eust veu ces ioustes, qui pour ce tēps se firēt ētre Calais & S. Inquērt, car pour lors il estoit de leger esprit, & vouloit & desiroit trop fort a veoir nouvelles choses. Dit me fut qu'a toutes les ioustes, & primeraines & deraines il fut, mais il estoit decognu, telle-

Que le Roy Charles vestles ioustes, sans y estre cognu.

ment que

ment que nul ne l'y sceut fors le Sire de Garençiers: qui vint en sa compaignie: lequel estoit aussi decognu: & retournoient tous les iours à Marquise. Le Mardy passa. Le Mercredy vint: & ce iour fit tresbel & trefattrempé. Les Anglois, qui estoient à Calais, & qui l'iermer auoient passée pour veoir les François & leur ordonnance, & faire armes, se recueillirent tous ensemble, & monterent sur les cheuaux, apres la messe & le boire, & issirent de la ville de Calais ordonnément, & cheuaucherent le chemin de Saint-Gathe: & firent tant qu'ils vindrent sur la place, ou les armes se faisoient, & les François se réioüirent tous de leur venue. Depuis que les Anglois furent venus, ils ne seiournerent gueres: mais se trayt auant vn Escuyer d'Angleterre, bon iousteur (qui se nommoit Iehan Sauuage) & estoit Escuyer d'honneur, & du corps, au Comte de Hostidonne. L'Escuyer enuoya heurter à la targe de guerre de messire Regnaut de Roye. Lequel Cheualier respondit: car il estoit tout prest & appareillé dedans son paillon. Si issit hors en grand volonté de faire armes, & monta sur son cheual. On luy boucla sa targe. Il prit son glaue: & le meit en arrest. Là les veissiez tous deux venans & esperonnans de moult grand randon: & encontrerent l'un l'autre. Si ferirent des plaines lances emmy les targes: & se donnerent si grans horions, qu'il conuint estre l'un cheu, ou tous deux: si les lances ne fussent rompues. Ce coup fut bel & perilleux: quoy que les ioustes ne prirent point de dōmage: car les fers des glaues passerent tout outre, en vuidant sur le costé: & rompirent enuiron vn pié en la hante: & les fers demourerent es targes: & les deux emporterent les hantes deuant eux. Ceux, qui la iouste auoient veue, se douterent qu'ils ne fussent atteints en chair mallement, & vindrent les deux parties, chacun sur son compaignon. On trouua qu'ils n'auoient nul mal: dōt on fut tout réioüy: & leur fut dit qu'ils en auoient assez fait pour la journée: mais ceste requeste ne suffisoit point à Iehan Sauuage: & disoit qu'il n'auoit pas passé la mer, pour courir vne lance. Ceste parolle fut recorder à messire Regnaud de Roye. Le Cheualier respondit. & dit, Il a raison: & droict est qu'il soit assouuy de tous poinets, ou de Moy, ou de mes compaignons. Lors furent ils remis en bonne ordonnance & rafreschis de targes & de lances. Quand chacun fut en son deuoir & sur son lez, ils auiserent l'un l'autre, & esperonnerent d'un tenant. En approchant ils abaissèrent les glaues: & se cuiderent trop bien encōtrer: mais ils ne peurent: car leurs cheuaux croiserent. Si faillirent de la seconde lance (dont ils furent moult courroucez) & retournerent chacun sur son lez. On leur rendit leurs lances: car par mal-talent ils les auoient gettées à terre. Quand ils les tindrent, ils les meirent en arrests, & aduiserent l'un l'autre: & esperonnerent leurs cheuaux. De celle iouste ils se croiserent sur les heaumes, & droit es lumieres les fers se prirent par telle façon, qu'en passant outre ils se déheaumerent. Le coup fut bel, & prié de toutes gens. Chacun retourna sus son lez. Les Anglois vindrent à Iehan Sauuage, & luy dirent qu'il en auoit assez fait pour ce iour, & qu'honorablemēt il s'en départoit, & qu'il cōuenoit les autres autāt biē iouster cōme luy, & faire armes. Il obeyt à ceste parolle, & meit lance & targe ius, & descendit du courfier: & monta sur vn rouffin, pour veoir courir les autres. Apres se trayt auant vn Escuyer d'Angleterre cousin au Côte Mareschal: qui s'appeloit Guillaume Basquenay: & estoit armé de toutes pièces, ainsi cōme à luy appartenoit: & enuoya heurter, d'une verge, à la targe de guerre à messire Bouciquaut. Le Cheualier respōdit, car ia estoit tout prest d'auantage, & la targe au col, toute bouclée. On luy bailla son glaue. Il le prit: & le meit en l'arrest. Les 2. Cheualiers esperonnerēt leurs cheuaux: & vindrent l'un contre l'autre, au plus droit qu'il leur peurent, & ferirent des fers de lances sur les heaumes, sans eux épargner. Le coup fut bel & bien assis: car ils se consuiurent es visieres des heaumes, tellement, si dur, & si roide, qu'ils se déheaumerent. Ils passerent outre franchement: & firent leur tour: & puis s'en vindrēt chacun sur son lez. Ceux de chacune partie estoient appareillez, qui les heaumerent & meirent à point. On leur rendit leurs glaues. Ils les prirent, & meirēt en arrest: & puis esperonnerent les cheuaux: & s'en vindrent l'un contre l'autre, au plus droit qu'ils peurēt, pour mieux faire la besongne: & se consuiurent sur les targes, & se donnerent de grans horions. Les glaues rompirent sans porter point de dōmage. Ils passerent outre: & retourna chacun sār son lez. On leur rendit des glaues nouueaux, bons & roides. Ils les prirent & meirent en arrest: & puis esperonnerent, & vindrent l'un contre l'autre: mais de celle course les cheuaux croiserent: parquoy ils ne consuiurent point l'un l'autre: dont ils furēt moult courroucez. De la quatrieme lance ils s'assenerēt, & fut Guillaume Basquenay la secōde fois deheaumé. Ils retourna vers ses gēs, & n'en fit plus pour le iour.

*Tierce iournée
des ioustes de
Saint-Inquel
uert.*

*Iouste de Iehan
Sauuage Es-
cuyer Anglois
contre Regnaut
de Roye.*

*Iouste de Guil-
laume de Bas-
quenay, Es-
cuyer Anglois
contre Bouci-
quant.*

Iouste d'un Escuyer Anglois nommé Scot, contre le sire de saint-Py.

Après se traya avant un autre Escuyer Anglois (qui s'appeloit Scot) & enuoya heurter à la targe de guerre du Seigneur de Saint-Py. Le Cheualier respondit: car ia estoit il en ordonnance & tout prest pour ce faire. Ils prirent leurs lances, & meirent en arrest: & puis esperonnerent leurs cheuaux, & s'en vindrent l'un contre l'autre, & se ferirent sur les targes, si grand horion, que les cheuaux estançonnerent. Les glaiues furent roides. Point ne briserent, n'issirent hors des mains de ceux, qui les portoient. Ils tournerent chacun sur son lez, & puis s'ordonnerent à iouster la seconde lance: laquelle fut belle & bien assise. Le Seigneur de Saint-Py le consuiuit sur le chemin: & Iehan Scot luy, autant bien, & le déheuma: & passa outre franchement. De ceste iouste fut l'Escuyer moult honoré entre les siens. Le Sire de Saint-Py fut heaumé tantost: & sur l'heure on luy rendit son glaiue. Il le prit & meit en arrest. Ils esperonnerent l'un contre l'autre de tres-grand' volonté. De ce coup ils se consuyirent sur les targes: & se donnerent de grans horions. Iehan Scot fut abbattu, & volé des arçons. Ainsi se contreuengea le Seigneur de Saint-Py. L'Escuyer Anglois fut releué & amené deuers ses gens: & n'en fit plus pour ce iour.

Iouste de Bernard Staplepton Escuyer Anglois, contre le sire de saint-Py.

Après se traya avant un Escuyer d'Angleterre (qui se nommoit Bernard Staplepton) armé de toutes pièces, ainsi comme à luy appartenoit: & enuoya heurter à la targe de guerre au Seigneur de Saint-Py. Le Cheualier respondit, car ia estoit il tout prest d'auantage, On luy bailla son glaiue, & à Bernard le sien. Ils esperonnerent leurs cheuaux d'un tenant, & vindrent l'un contre l'autre de moult grande volonté. Ce premier coup ils consuyirent l'un l'autre sur les heaumes: & se donnerent de grans horions, tant que de l'acier, par le fer des glaiues, estincelles volèrent & faillirēt, & quoy que les coups fussent durs & bien assis, ils passerent outre, & ne porterent point de dommage: & retourna chacun sur son lez. Encores tenoient ils leurs glaiues. Si les abaissèrent: & esperonnerent les cheuaux: & vindrent l'un contre l'autre, au plus droit qu'ils peurent, sans eux point épargner. De ce coup ils se consuyirent es targes fort durement, & se donnerent de moult grans horions: mais bien se tindrent leurs cheuaux: car point ne cheurent, ne chancelèrent. Ils passerent outre, & firent leur tour moult honorablement: & retourna chacun sur son lez. De la tierce Lance ils se consuyirent es heaumes & fut le coup bien assis. Car ils se déheumerent. L'Escuyer Anglois retourna entre ses gens: & n'en fist plus de ce iour: car il luy fut dit qu'il estoit honorablement acquitté. Après se traya avant, pour iouster à l'ordonnance des autres, un Gentil homme, Cheualier ieune & frisque, bien ioustant, bien-dançant, & bien-chantant (lequel estoit nommé messire Iehan d'Arondel) & enuoya heurter par un sien Escuyer, à la targe de guerre à messire Regnaud de Roie. Le Cheualier respondit qu'il ne demandoit autre chose: car ia estoit il tout prest d'auantage. On leur bailla les glaiues. Ils les prirent, & meirent en l'arrest: & puis esperonnerēt leurs cheuaux d'un point, & vindrēt l'un sur l'autre de grand' volonté. Ce premier coup ils se consuyirent es targes, & se donnerent de grans horions: mais bien se tindrent: car point ne cheurēt. Ils passerent outre: & retournerent chacun sur son lez. Les glaiues leur estoient cheus. Appareillé fut, qui leur rendit. Ils les prirent & meirent en arrest: & puis esperonnerent les cheuaux, & fauiserent. Ils abaissèrent les glaiues, & se consuyirent de ce coup, sur les heaumes, si dur que pour l'acier les estincelles en faillirent. Ils passerent outre, sans point de dommage. De la tierce lance les cheuaux croiserent en vuidant & se consuyirent, & perdirent les glaiues. Ils passerent outre, & recouurerent moult roidement. Si se ferirent sur les heaumes: mais point ne les dommagerent, ne déheumerent. La cinquiesme lance fut bien assise sur les targes. Si rompirent les glaiues. Autre dommage ils ne se firent. Messire Iehan d'Arondel passa outre, & fit son tour: & puis tourna entre ses gens: & n'en fit plus pour ce iour.

Iouste de Nicolas Ston, Escuyer Anglois, contre Bouciquant

Après se traya avant un autre Escuyers d'Angleterre (qui se nommoit Nicolas Ston) moult appert homme, & biē-ioustant, & enuoya heurter sur la targe de guerre de messire Bouciquant. Le Cheualier respōdit (car ia il estoit tout prest d'auantage) & prit son glaiue, & le meit en arrest. Ils esperonnerent les chaux, & abaissèrent les glaiues: & vindrēt l'un sur l'autre: & se consuyirent. ce premier coup, sur les heaumes: mais les fers vuidèrent. Ils passerent outre franchement, & puis retournerent chacun sur son lez. Encores tenoient ils les glaiues es arrests. Si esperonnerent les cheuaux, & vindrent l'un sur l'autre de grād' volonté: & se ferirent de plain coup sur les targes: & se consuyirent si durement, que les cheuaux estançonnerent. Les iousteurs vindrent, & passerent outre: mais ils perdirēt les glaiues: & quand ils furent venus sur leurs lez, on leur rendit leurs glaiues. Ils les prirent &

rent & meirent en arrest: & puis esperonnerent de grand randon. Si ferirent de ceste iouste tout à certes sur les heaumes. De ce coup fut Nicolas Ston deheaumé. Donc retourna vers les gens: & ne retourna plus pour ce iour, car il luy fut dit qu'il en auoit fait assez, pour ce iour. Adonc se trait auant, pour iouster, vn autre Escuyer d'Angleterre, qui s'appelloit Iehan Mareschal: & estoit armé de toutes pièces, bien & fort, & enuoya heurter à la targe de guerre de messire Bouciquaut. Le Cheualier respondit, car il estoit tout prest, & n'attendoit que la iouste. Si prit son glaue, & le meit en l'arrest. Les deux esperonnerent les cheuaux, & coururent par grand randon, & abaissèrent les glaues, & se rencontrèrent, & se ferirent de plain coup sur les targes: sans eux épargner. Point ne se porterent de dommage. Les glaues leur cheurent. Ils passerent outre, & firent leur tour, & quand ils furent reuenus chacun sur son lez, on leur rendit leurs glaues. Ils les prirent, & meirent en arrest: & se ioignirent en leurs targes, & esperonnerent leurs cheuaux, & vindrent l'un sur l'autre, & se confuyirent sur les heaumes: & se donnerent grans horions: & passerent outre: & porterent leurs glaues tous droitz, & quand ils eurent fait leur tour, & ils furent venus sur leurs lez, ils s'arrestèrent vn petit, & aduisèrent comment ils se pourroient confuyre & atteindre de plain coup: & esperonnerent les cheuaux: & se ioignirent en leurs escus, & vindrent l'un sur l'autre. Iehan Mareschal ferit Bouciquaut sur la targe: & luy donna si grand horion, qu'il rōpit la lance en trois tronçons: & Bouciquaut le ferit amont sur le heaume, par telle maniere qu'il le deheauma, & le fit ployer tout bas, sur la croupiere de son cheual. L'Escuyer passa outre, sans cheoir, & quand il eut fait son tour, il retourna à ses gens, & ne iousta plus pour ce iour, car on luy dit qu'il en auoit assez fait, & que bien luy deuoit suffire.

Iouste de Iehan Mareschal, Escuyer Anglois, contre Bouciquaut.

Après se trait auant, & sur les rangs, vn gentil Cheualier d'Angleterre, ieune & frisque, & grandement desirant conquerre honneur, Le Cheualier, on appelloit messire Iehan Clifeton: & s'armoit d'argent, froissé d'azur, à vne molette d'argent au chef: & estoit le Cheualier appareillé de tous points, ainsi que les armes le demandent: & enuoya heurter d'une verge, par vn sien Escuyer, à la targe de guerre de messire Regnaud de Roye. Le Cheualier respondit (car ia estoit tout prest, & armé d'auantage) & fut moult réiouy de la venue du Cheualier. Chacun se trait sur son lez. On leur bailla glaues. Il les prirent & les arrestèrent. Puis esperonnerent leurs cheuaux de grand randon. Ce premier coup ils se confuyirent de plain coup, sur les heaumes, en voidant. Ils passerent outre: & puis firent leur tour: & puis reuindrent sur leur lez. Encores tenoient ils leur glaues, en leur arrests. Gueres ne sejournerent, quand ils esperonnerent leurs cheuaux, & vindrent l'un sur l'autre, & se confuyirent, sur les targes, & se donnerent grans horions: mais point ne se dommagerent. Ils passerent outre. Les glaues leur cheurent. Ceux estoient tous prests qui les releuerent. Les deux Cheualiers retournerent sur leur lez moult franchement. On leur bailla les glaues. Ils esperonnerent leurs cheuaux: & vindrent l'un sur l'autre. De ce tiers coup ils se confuyirent amont sur les heaumes, si dur, que les estincelles de feu en saillirent. Ils passerent outre. De la quatriesme lance les cheuaux croiserent: & dont ils furent moult courroucez. La cinquiesme lance fut bien assise, car chacun brisa sa lance. Les deux Cheualiers estoient échaufez l'un sur l'autre: & monstroient bien qu'ils auoient grand desir de iouster, & d'eux éprouuer. Quand ils furent venus sur leurs lez, on bailla à chacun vn glaue, bon & roide. Gueres ne sejournerent, quand ils esperonnerent leurs cheuaux de grand randon: & s'en vindrent l'un sur l'autre. De la sixiesme lance ils se ferirent sur les heaumes, tellement que tous deux se deheaumerent. Ceste iouste fut moult prisee de tous ceux qui là veirent, & ils passerent outre: & firent leur tour: & puis retourna chacun entre ses gens. Le Cheualier Anglois n'en fit plus pour ce iour, car il auoit assez fait. Après se trait auant vn Escuyer Anglois: qui s'appelloit Roger Leau: & s'armoit d'argent & de noir ecartelé, à vne croix de gueules emmy: & estoit armé de toutes pièces: bien & frisque: & enuoya heurter sur la targe de guerre du Seigneur de Saint Py. Le Cheualier respondit (ce fut raison: puis qu'il en estoit appelé) & bien monstroir qu'il auoit plus cher à iouster, qu'à le laisser. On luy bailla son glaue. Il le meit en arrest. Les deux Cheualiers esperonnerent les cheuaux, sans les épargner: & quand ils deurent rencontrer l'un l'autre, ils baissèrent les glaues, & se ferirent es targes, si fort & si roide: ment que les cheuaux estançonnerent: Les glaues furent forts. Point ne rompirent. Ils passerent outre franchement, & firent leur tour, & puis reuindrent chacun sur son lieu. Gueres ne sejournerent, quand ils retournerent: & esperonnerent leurs cheuaux de grand

Iouste de messire Iehan Clifeton Anglois, contre Regnaud de Roye.

Iouste de Roger Leau, Escuyer Anglois, contre le sire de Saint Py.

Iouste de messire Jehan d'Auberthicourt, Hannuyer Anglois, contre Regnaut de Roye.

randon, & abaissèrent leurs glaives, & vindrent l'un sur l'autre, & assenerent sur les heaumes moult durement, mais les coups viderent. Ils passerent outre. De la tierce lance Roger Leau fut deheaumé. Si retourna vers ses gens: & ne iousta plus pour ce iour: car il luy fut dit qu'il en auoit assez fait. Apres se trait auant vn gentil Cheualier, & biē ioustāt, d'armes & de natiō de la Cōté de Haynaut, & d'une marche qu'on dit Ostrenant mais de ieunesse il auoit esté nourri en Angleterre, en l'hostel du noble Roy Edouard. On appelloit le Cheualier messire Jehan d'Auberthicourt: & fut fils du frere de ce bon Cheualier, messire Eustace d'Auberthicourt: & portoit escu party d'or & d'ermine: & sur l'or vne face noire, bretegnie, à lambeaux de gueulles: & sur l'ermine trois hamedes de gueulles: & sur la premiere hamede vne coquille d'or: sur la secōde deux coquilles d'or: & sur la tierce hamede, trois coquilles d'or. Le Cheualier estoit biē appareillé de tous points, ainsi qu'à la iouste appartenoit: & enuoya heurter, par vn sien Escuyer, à la targe de guerre de messire Regnaut de Roye. Le Cheualier respondit, car il estoit tout prest, & monté sur son cheual d'auantage. Chacun se trait sur son lez: & aduiserent bien l'un l'autre. On leur bail la les glaives. Ils les prirent & meirent en arrest: & puis esperonnerent les cheuaux. Si s'en vindrent de grand randon l'un sur l'autre: & se confuyirent de plain coup sur les heaumes: si que les estincelles de feu en saillirent. Les cheuaux viderent. Le coup fut bel, car nul n'y prit dommage: & passerent outre franchement, en faisant leur tour: & puis reuint chacun sur son lieu. Guerres ne seiournerent, quand ils esperonnerent leurs cheuaux, & se ioingnirent en leurs targes, & en approchant ils aualerent leurs glaives, & approcherent l'un sur l'autre. Merueille fut que ce coup ils ne passerent tout outre, car ils estoient tous deux forts iousteurs & orgueilleux: & ne craignoient peine, mort, ne peril. De la grande force de ce coup, qu'ils se donnerent sur les targes, leurs cheuaux furent eleuez sur les piez deuant: & chancelerent les deux Cheualiers. Neantmoins ils passerent tout outre, & perdirent leurs glaives, & retourna chacun sur son lieu, & quand ils y furēt on leur rendit les glaives, & quand ils les eurent, ils les meirent en arrests: & se ioingnirent en leurs escus: & esperonnerēt les cheuaux, & vindrent l'un sur l'autre, & se confuyirent sur les heaumes. De ce coup fut messire Regnaut de Roye deheaumé, moult dur. Messire Jehan d'Auberthicourt passa outre franchement: & fit son tour: & puis se mit sur son lieu. Messire Regnaut de Roye s'en retourna vers ses gens, & monstra qu'il ne vouloit, pour ce iour, plus iouster. Quand messire Jehan d'Auberthicourt vit l'ordonnance (comme celuy, qui desiroit moult le iouster) encores enuoya heurter sur l'escu de guerre de messire Bouciquaut. Le Cheualier respondit (ce fut raison) & se trait sur son lieu. On luy Boucla sa targe: & luy bailla on son glaue. Il le prit & meit en arrest: & puis esperonna son cheual, & l'autre le sien. Si vindrent l'un sur l'autre, de grand randon: & se ferirent sur les targes grans horions. Merueille fut selon ce qu'ils s'entr'encontrerēt de grande force, qu'ils ne percerent les targes tout outre: mais non firent, car les cheuaux viderent. Les deux Cheualiers passerent outre moult franchement: & puis firent leur tour, & vindrent chacun sur son lieu. Guerres n'y seiournerent, quand ils se ioingnirent en leurs targes, & estraingnirent les lances de grande volonté deffous leur bras, & esperonnerēt les cheuaux (qui leur estoient bien à main) & vindrent l'un sur l'autre, sans eux épargner. De ce coup ils se confuyirent es heaumes, moult dur: mais les fers des glaives viderent ne point ne s'attoucherent. Les Cheualiers passerent outre: & perdirent les glaives: & firent leur tour moult franchement: & puis retourna chacun sur son lieu. Escuyers vindrēt qui prestement leur rendirent leurs glaives. Ils les reprirent, & meirent en l'arrest: & regarderent l'un sur l'autre: & esperonnerent les cheuaux de grand randon. Ils se confuyirent es lumieres des heaumes, tellement que tous deux moult dur se deheaumerent. Ils passerent tout outre, en faisant leur tour moult bien & franchement, & s'en vindrent chacun sur son lieu, & regarderent entre eux les Anglois que le vespre approchoit. Si se meirent tous ensemble: & se departirent de la place, & cheuaucherent tous en vne compagnie à Calais: & se trait chacun en son hostel. Toute la nuit & le soir ils parlerent ensemble, & deuiserent entr'eux, moult longuement, des armes, qu'ils auoient faites aux François, & les François à eux: & aussi tout pareillement, les François, qui retournez estoient à Saint-Iuqueltuert, ne s'en taisoient pas. Quand vint le Ieudy au matin, le quatriesme iour de la semaine, les Anglois, qui estoient à Calais, regarderent entre eux qu'encores y auoit il de leurs compagnons, Cheualiers & Escuyers, qui auoient à iouster & à faire armes, & en celle instance ils estoient passez la mer. Si dirent qu'il conuenoit que chacun,

Quarte iournee des ioustes de saint Iuqueltuert.

qui

qui desir & volonte auoit de faire armes, fust contenté, autrement ce ne seroit pas compaignie. Tous les Seigneurs furent d'accord que ce leudy ils retourneroient à Saint Iu queluerr: & laisseroient payer les armes à ceux des leurs, qui payer les vouldroient. Si que apres la messe & boire, ils monterent sur les cheuaux, & se departirent de Calais en vne compaignie, & cheuaucherent tant, qu'ils vindrent en la place, ou les armes & les ioufles se faisoient. La estoient venus les trois Cheualiers de France, attédans, & tous prests; dedans leurs pauillons, & ceux de leur costé, qui seruir les deuoient, ou qui veoir iouster les vouloient, & qui les accompaignoient. Or se meit premierement en place, pour iouster, vn Cheualier d'Angleterre: qui se nommoit messire Godefroy d'Estas, & s'armoit d'or à vn Lyon noir, à lambeaux de gueulles, & à vne molette d'or sur l'espaule du Lyon. Il estoit armé de toutes pièces, bien & friskement: comme à luy appartenoit: & enuoya heurter, par vn sien Escuyer, à la targe de guerre de messire Bouciquaut: lequel issit tantost hors de son pauillon, armé & appresté pour respondre à la requeste, & pour fournir armes à son pouuoir. Son cheual fut tout prest: & monta sus. On luy boucla sa targe. On luy bailla son glaue. Il le prit & meit en arrest. Le Cheualier Anglois estoit ia tout pourueu de la sienne. Ils regarderent l'un l'autre: & puis esperonnerent les cheuaux de grand randon. De ce premier coup ils se cōsuiurent sur les heaumes; & se dōnerent grans horions. Les glaues vūiderent. Ils passerent outre: & firent leur tour, & puis retournerent chacun sur son lieu. Encores tenoient ils leurs glaues, & les emporterent. Si esperonnerent leurs cheuaux, en eux approchant. Ils abaissēt les glaues, & vindrent l'un sur l'autre, & se ferirent de plain coupes targes, si grand horion, que les glaues rompirent: autrement ils se fussent moult domagez. Ils passerent outre, & retourna chacun sur son lieu. Ceux furent prests, qui les rafraichirent de nouuelles lances. Quand ils les tindrent, ils les meirent en l'arrest: & se ioignirent en leurs targes, & esperonnerent les cheuaux: & vindrent l'un sur l'autre moult roidement: & se consuyurent sur les heaumes, parmy leurs lumieres. Le coup fut bel & dur: car tous deux se déheaumerent, & puis ils passerent outre, & retourna chacun vers ses gens. Le Cheualier Anglois n'en fit plus pour ce iour: car il luy fut dit que vaillāment il s'estoit porté, & qu'il cōuenoit laisser iouster les autres. Puis apres se trayt auant, pour iouster, vn Escuyer Anglois (qui s'appeloit Alain Burch) moult appert homme en armes: & enuoya heurter sur la targe de guerre du Seigneur de Saint Py. Le Cheualier issit hors de son pauillon, armé & pourueu pour respondre à la requeste. Il monta sur le cheual: qui luy fut tout prest. On luy boucla sa targe. On luy bailla son glaue. Il le meit en l'arrest. Ils esperonnerent en approchant. Ils abaissēt les glaues, & se donnerent sur les heaumes grans horions, tant que les estincelles de feu en faillirēt. Ils passerent outre, & firent leur tour, & puis reuindrent chacun sur son lieu. Guerres n'y seiournerent, quand ils esperonnerent leurs cheuaux de grand' volonte, & se ioignirent en leurs targes, & abaissèrent leurs glaues, & s'en vindrent l'un sur l'autre, & se ferirent & consuyurent au milieu des targes, & se donnerent de grans horions, tant que les glaues tronçonnerent. Ils passerent outre franchement, & firent leur tour, & puis reuindrent sur leurs lieux. Ils auiserent l'un l'autre, & esperonnerent les cheuaux, & abaissèrent les glaues, que prestemēt on leur auoit baillez. De ce coup ils ferirent, & consuyurent, des fers des glaues, es lumieres de leurs heaumes. Le coup fut moult bel & biē boure: car tous deux se déheaumerent. Ils passerent outre, & retourna chacun en son lieu. L'Anglois pour ce iour n'en fit plus: car il cōuenoit iouster les autres. Apres se trayt auāt vn Escuyer Anglois (qui sapeloit Iehan Storp) & enuoya heurter à la targe de guerre de messire Bouciquaut: lequel Cheualier issit tantost hors de son pauillon, armé de toutes pièces: & trouua son cheual tout prest. Il monta sus. On luy boucla sa targe. On luy bailla son glaue. Il le meit en arrest. Ils esperonnerent d'un mesme point. Ce premier coup ils ne se consuyurent point à plain: car leurs cheuaux croiserent. Ils passerent tout outre: & firent leur tour entier: & puis reuindrent chacun sur son lieu. Guerres n'y seiournerent, quand ils esperonnerēt les cheuaux, & vindrent l'un sur l'autre, & se ferirent sur les heaumes, & se donnerent grans horions: mais de ce coup ils ne receurēt ne blasme, ne dômage. De la tierce lance Iehan Storp fut abbattu moult dur, de messire Bouciquaut. On luy aida à releuer, & fut mené entre ses gens: & n'en fit plus pour ce iour. Apres se trait auant vn Cheualier de Behaigne, de la chābre à la Roynie d'Angleterre, lequel on nōmoit Herchance, & le tenoit on à bon iousteur, fort & roide, & s'armoit d'argent à trois piez de griffon noirs, onglez d'azur. Quand il fut venu sur les rangs, on luy demanda auquel des

*Iouste de messire
Godefroy d'Estas, Anglois
contre Bouciquaut.*

*Iouste d'Alain
Burch, Escuyer
Anglois, contre le sire de
Saint-Py.*

*Iouste de Iehan
Storp, Escuyer
Anglois, contre
Bouciquaut.*

*Iouste d'un
Cheualier Behaignon, nōmé
Herchance, chābre la de la
Roynie d'Angleterre, contre
Bouciquaut.*

trois il vouloit iouster. Il respondit, A Bouciquaut. Donc fut enuoyé vn Escuyer Anglois (ainsi que l'ordonnance le portoit) heurter à la targe de guerre de messire Bouciquaut. Le Cheualier estoit ia tout prest d'auantage, & monté sur son cheual. Si respōdit ce fut raison: puis qu'il estoit appellé. On luy boucla sa targe. Il prit son glaive, & le meit en arrest, & auisa le Cheualier, qui aussi estoit tout pourueu pour iouster, la targe au col, & le glaive au poing. Ils esperonnerēt les cheuaux de grand' volōté: & s'en vindrēt l'un contre l'autre, & cuidèrent bien atteindre de plain coup: mais non firent: & la se forfit le Cheualier de Behaigne, dont il fut grandement blasmé: car de son cours mal deuement il consuiuit sur le heaume messire Bouciquaut, & passa outre. Les Anglois virent bien qu'il s'estoit méfait, & qu'il auoit perdu armes & cheual, si les François vouloient. De ce coup mal assis eurent les François & les Anglois grand parlemēt ensemble: mais finalement pardōné luy fut des Cheualiers, pour mieux cōplaire aux Angl. Herchauce requit q̄ de grace il peust encore iouster vne lāce. Tant seulemēt. Il luy fut demādé auquel des trois Cheualiers il vouloit. Il enuoya heurter à la targe de guerre de messire Regnaut de

*Encores autre
ioste du Behai
gnō Herchauce
contre Regnaut
de Roye.*

Roye le Cheualier (qui estoit en son paillon, & qui pour ce iour n'auoit encore fait nul les armes) issit tout prest, & dit qu'il se deliureroit volōtiers: puis q̄ acordé luy estoit. Messire Regnaut mōta sur son cheual. On luy boucla sa targe. On luy bailla son glaive. Il le prit, & meit en arrest: & getta pour biē atteindre, & de grande volōté, toute sa visce, à bien assener le Behaignon. Tous deux esperonnerent les cheuaux, & aualerent les glaives, & se ferirent de plain coup sur les targes. Messire Regnaut de Roye (qui pour ce tēps estoit l'un des forts & durs ioustēurs de France) le consuiuit, & ferit par telle maniere qu'il le vola tout nettemēt hors des arçōs: & le porta si dur à terre, qu'ō cuidoit qu'il fust mort. Le cheualier passa outre: & fit son tour, & puis reuint sur le lieu. Herchauce fut releué de ses gens à grand' peine, & ramenē entre les Anglois qui furent tous liez de ce qu'il auoit ainsi esté abbatu: pource que mal courtoisement de la premiere lance il auoit

*Iouste de Robin
Scornebonne,
escuyer Angl.
contre le sire de
S. Py.*

iousté: & vous di que ce iour il n'eut plus talēt de iouster. Apres se trait auāt vn Escuyer d'Angleterre, frisque homme & habile durement (lequel s'appeloit Robin Scornebonne) & enuoya hurter à la targe de guerre du Seig. de S. Py. Lequel respōdit: car ia estoit il tout prest d'auantage, & monté sur son cheual. On luy bailla son glaive, Il le prit & meit en arrest. Ils esperonnerent ainsi que d'un point, & vindrēt l'un contre l'autre de grād' volōté. Ce premier coup ils se consuiuirent sur les heaumes: mais les coups vuidèrent. Ils passerent outre, & firēt leur tour: & puis retournerent chacun en son lez. Guerres n'y sejournerent quand ils esperonnerēt les cheuaux, & s'en vindrent l'un sur l'autre & se consuiuirēt de ce coup sur les targes assez dur: mais point de dōmage ne se porterēt. Ils passerent outre: & quand ils furent reuenus chacū sur son lez, on leur rendit les glaives: car ils les auoiēt en passant rué ius. Quād ils les tindrent, ils les empoignerēt, & meirēt dessous leurs bras, & se ioignirent en leurs targes: & puis esperonnerēt leurs cheuaux, & s'en vindrent de grand rādon l'un sur l'autre. Si se consuiuirent de plain coup es lumieres des heaumes si durement que tous deux furent déheaumez. Ils passerent outre & firent leur tour. L'Anglois retourna entre ses gens: & n'en fit plus pour ce iour. Apres se trayt auāt vn Escuyer d'Angl. (qui s'apeloit Ichā Merlan) frisque hōme & bō iousteur: & l'ar-

*Iouste de Jean
Merlan escuyer
Anglois cōtre
Regnaut de
Roye.*

moit d'argent à vne bande de sable, à trois testes de Lion de sable. Il enuoya heurter à la targe de guerre messire Regnaut de Roye. Le Cheualier respondit, car il estoit ia tout prest d'auantage, & mōté sur son cheual. Il prit son glaive, & le meit en arrest. Tous deux esperonnerent les cheuaux de grand rādon. Ce premier coup ils se consuiuirent sur les heaumes en vuidant, & passerent outre en fretant, tenans les glaives, ne point ne les perdirent: & quand ils eurent fait leur tour, chacun retourna sur son lieu. Guerres n'y sejournerent, quand ils brocherent les cheuaux rudement, & abbaissèrent les glaives, & se ferirent si dur que les cheuaux, par la force du coup se tindrent tous quois. Ils getterent les glaives ius: & passerent outre, & retourna chacun apres sur son lieu: & s'afficherent de bien iouster la tierce lance. Ceux estoient tous prests & pourueuz, qui les lances auoient leuees, & leur furent rendues, & quand ils les tindrent, ils les meirent en arrest: & puis esperonnerēt les cheuaux. Messire Regnaut cōsuiuit messire Ichā Merlan de telle façon en la targe, qu'il luy fit vider les arçons: & l'abbatit tout plat à terre. Il passa outre franchement, & fit son tour: & puis s'en reuint sur son lieu. L'Anglois fut releué, & mené entre ses gens, si se trayt auant, pour iouster, vn autre Escuyer d'Angleterre, qui s'appeloit Ichā Mouton: & s'armoit de gueules à vn cheurō de sable, & trois molettes d'or perrees,

à vne

à vne bordure de sable endentée. Cil enuoya heurter à la targe de messire Bouciquaut. Le Cheualier respōdit, ce fut raison, car il estoit tout prest pour iouster. On luy bailla sa targe. On luy bailla son glaue. Il esperonna de grand randon, & Iehan Mouton contre luy. Ce premier coup ils se consuyirent sur les targes: mais point ils n'y prirent de domage: aussi ne firent ils de blasme, car le coup fut bien assis: & faictissement ils passerent outre, en portant leurs glaues droitz: & firent leur tour: & puis s'en reuint chacun sur son lez. Ils ne seiournerent gueres, quand ils aualerent les glaues, & si brocherēt les cheuaux & s'en vindrent de celle seconde iouste, de grand randon, l'un sur l'autre. De ce coup ils se consuyirent sur les heaumes: & se donnerent grans horions: & passerent outre, mais ils perdirent les glaues. Ils firent leurs tours: & puis retournerent sur leurs lez. Ceux estoient tous prests, qui leur rendirent les glaues. Ils les meirēt en l'arrest: & puis brocherent: & abaissèrent les glaues: & s'en vindrent l'un sur l'autre. De celle tierce iouste fut Iehan Mouton deheaumé de messire Bonciquaut. Adonc se retournerent ils deuers leurs gens. Iehan Moutō pour ce iour ne iousta plus, mais laissa iouster les autres. Apres se trait auant vn autre Cheualier d'Angleterre, bel homme, long, droit, & bien ioustant & bien seant en selle: & estoit appareillé de tous points, pour tātost iouster: & s'appelloit Iaquemin Strop. Si enuoya heurter sur la targe de guerre au Seigneur de S. Py. Le Cheualier respōdit, car il estoit deuant son paüllō, armé, & monté d'auantage. On luy bailla son glaue. Il le prit, & meit en arrest. Les deux esperonnerēt les cheuaux, & puis abaissereut les glaues: & s'en vindrēt l'un contre l'autre de grand volōté: mais ce premier coup ils faillirent, car les cheuaux croiserēt, dōt ils furent moult courrouceez. Or retourna chacun sur son lieu: & gueres ne seiournerent, quand ils brocherent les cheuaux des esperōs, & baissereut les glaues, & s'ordonnerent, par semblance, pour bien iouster. Ils s'en vindrēt l'un contre l'autre: & se consuyirent haut sur les heaumes, vn coup si dur, q̄ les estincelles en faillirēt. Ils passerēt outre, car poit ne s'atacherēt les fers des glaues. En passant, par leur deroyement les glaues leur cheurēt: mais si trestost qu'ils furēt venus sur leur lieu, ceux estoient tous prests, qui les rendirent. Ils les prirēt, & meirent en arrest: & puis les abaissereut en esperōnant les cheuaux. Si s'en vindrent l'un sur l'autre, de grand randon, & se cōsuyirent sur les targes biē à certes. Iaquemin Strop rompit son glaue. Le Sire de S. Py. employa bien le sien, car il ferit le Cheualier si durement, qu'il le vola hors des arçōs. Il passa outre, en faisant son tour, & reuint sur son lieu. Iaquemin Strop (qui cheu estoit) fut releué, & mené entre ses gens: & n'en fit plus pour ce iour. Apres se trait auant vn autre Cheualier d'Angleterre (qui s'appelloit Guillaume Masquelée) & estoit tout prest pour iouster, & pour payer les armes, auquel que ce fust, ainsi qu'ordonnance portoit: & pour ce auoit il passé la mer, en la compagnie du Comte de Hostidonne. Il enuoya heurter à la targe de guerre de messire Bouciquaut. Le Cheualier respondit, car il estoit armé, & monté sur son cheval d'auantage. On luy boucla sa targe, & bailla son glaue. Il le prit, & meit en arrest. Tous deux esperonnerent, d'un point, les cheuaux, surquoy ils estoient montez, & monstrerent bien qu'ils estoient fraiz & nouveaux, & en bonne volonté pour courir. Car si tost comme ils sentirent les pointes des esperons, ils s'escueillirēt à la course. Les deux iousteurs en venant s'auiserent. De ce premier coup ils se consuyirent haut iusques sur les heaumes: & se donnerent si grand & si dur horion, qu'on veit les flamesches de feu faillir. Les coups vuidèrent: ne point les fers des glaues ne s'attacherent. Le coup fut bel, & bien prisé de toutes parties. Les Cheualiers passerent outre, & firent leur tour: & retourna chacun sur son lieu. Gueres ne seiournerent, quād de rechef brocherēt les cheuaux, & abaissèrent les glaues, car point ne les auoient perdus pour la premiere iouste. Ils s'entr'encontrerēt, sans épargner: & se ferirēt, de plain coup, sur les targes. Merueille fut qu'ils ne les percerent: mais non firent, car les cheuaux croiserent. Ils passerent outre: & ruerent ius leurs glaues. Ils firent leur tour bien & franchement (ainsi que bons iousteurs en leur arroy sauēt faire) & puis reuindrent chacun sur son lieu. Messire Bouciquaut & Guillaume Masquelée recouurerent leurs glaues. Quād il les eurent, ils les meirent en arrest: & se ioingnirent en leurs targes moult proprement: & esperonnerent les cheuaux: & adreçerent l'un sur l'autre, au plus droit qu'ils peurent. Si se cōsuyirent, & se donnerent es lumieres des heaumes grand hōiō, dur, & bien assis. Le coup fut bel & biē prisé, car tous deux demourerent deheaumez, & les testes emmy les coiffes. Ils passerēt outre: & firent leur tour, & se tourna chacun entre ses gens, & ne iousterent plus pour ce iour, car ils en auoient assez fait. Adonc se trait auant vn autre Escuyer d'Angl. (qui s'appelle

Iouste de Iehan Moutō, Escuyer Anglois, contre Bouciquaut.

Tonstede messire Iaquemin Strop Anglois, contre le Sire de saint-Py.

Tonstede messire Guillaume Masquelée, Anglois, contre Bouciquaut.

Iouste de Nicolas Leau, Escuyer Anglois, contre le Sire de Saint-Py.

loit Nicolas Leau) qui estoit armé de toutes pièces, bien & faitissement, & en tresgrand desir de iouster: & de faire armes pour ce iour. Si enuoya heurter à la targe de guerre du Seigneur de Saint-py. Le Cheualier fut tout prest de respondre, il se trait tantost auant: car il d'auantage il estoit sur son cheual, la targe au col, armoyé de ses armes. Il prit son glaiue: & le meit en arrest, & se ioignit comme vn emerillon, qui veut voler en la targe, & pareillement l'Escuyer Anglois fit ainsi. Ils esperonnerent d'un point, & en venant ils abaissèrent les glaiues: & entrèrent de plain coup l'un dedans l'autre: & se ferirent si dur sur les targes, que se les glaiues ne fussent volez en trôçons, ils se fussent endommagés, ou portez par terre. Tresbien se tindrent: ne point ne cheurent. Ils passerét outre, en faisant leur tour: & puis reuindrent sur leur lieu. On les refreschit de nouveaux glaiues. Ils les prirent, & meirent en arrest: & esperonnerent les cheuaux. De ce second coup ils se dōnerent sur les heaumes tresgrād horion, tant qu'on veit les estincelles de feu faillir. Autre dōmage ils ne se firent. Les coups croiserent. Ils passerét outre: & firent leur tour, & puis reuint chacun sur son lieu. Guerres n'y seiournerét quand ils esperōnerét les cheuaux, & abaissèrent les lances. Au-deuant, bien s'estoient aduisez: ne point ne vouloient faillir d'atteindre l'un l'autre. Le tiers coup de la iouste fut bel, car ils se cōsuiurent amōt es lumieres des heaumes, si dur & si roide, que les pointes des glaiues se prirent & attachèrent. De ce coup tous deux se dehēaumerēt, si nettemēt, que les tissus des heaumes rōpērēt, & volerēt ius sus la pree, par derriere les croupes des cheuaux. Biē se tindrēt les iousteurs, car point ne cheurent. Ils passerent outre, en faisant leur tour: & puis par bō arroy chacun reuint entre ses gens. Ceux estoient tous prests, qui recueillirent les heaumes, & les porterent es lieux, dont ils estoient partis. Pour ce iour les iousteurs cesserēt, ne nul depuis ne se trait auant, de la partie des Anglois. Donc s'en vindrent le Comte de Hostidonne, le Côte Mareschal, le Sire de Clifford, le Sire de Beaumont, messire Jehan Cliferton, messire Jehan d'Auberthicourt, messire Pierre Scornebonne: & tous les Cheualiers qui iouste auoient les quatre iours, en vne compagnie, deuers les Cheualiers François: & les remercièrent grandement de leurs ebatemens: & leur dirent, Tous Cheualiers & Escuyers de nostre compagnie, qui iouster vouloient ont fait armes. Si prenōs congé à vous, car nous retournōs à Calais: & de la en Angl. Nous sauons assez, que qui voudra iouster à vous, & faire armes, il vous trouuera icy les trente iours durant, selon la teneur de vostre cri. Nous reuenus en Angl. nous vous certifiōs qu'à to^r Cheualiers & Escuyers, que nous verrons, & qui à nous de ces armes parleront, nous leur dirons & prierōs qu'ils vous viennent veoir. Grand mercy (respondirent les trois Cheualiers) & ils seront recueillis de bonne volonté, & deliurez au droit des armes: ainsi comme vous auez esté. Avec tout ce, nous vous remercions grandement de la courtoisie, que vous nous auez faite. Ainsi sur l'estat doucement & amiablement se departirent, de la place de S. Iuqueliert, les Anglois des François, & s'en retournerent à Calais. Guerres n'y eurent de seiour. Ce fut le Samedy au matin, qu'ils entrèrent es vaisseaux passagers: dont ils vindrent deuāt midy à Douures. Si issirent hors des vaisseaux: & entrèrent en la ville: & se trairent chacun en son hostel. Si furent ce Samedy tout le iour, & le Dimenche, iusques apres messe, à boire, en la ville de Douures: & sy refreschirent, eux & leurs cheuaux, & le Dimenche ils vindrent au soir, & au giste, en la ville de Rocestre, & lendemain à Londres. Si se departirent là: & prirent cōgé l'un de l'autre, & retourna chacun en son lieu. Les trois Cheualiers de France: dessus-nommez, tindrent leur place & leur iournée vaillāment à S. Iuqueliert. Vous deuez sauoir, quand la compagnie des Anglois eut pris congé aux Cheualiers de Frāce (comme cy dessus ay dit) que le Roy de Frāce & le Sire de Garenciers (qui là estoient tous decognus, & qui veu auoiet les armes faites) s'en vindrēt ce iour gésir à Marquise: & au lendemain, quand il aiourna le Vendredy, ils s'en retournerēt en Frāce: & ne cesserent de cheuaucher, si furent venus à Crail, sur la riuere d'Oise: ou pour ces iours la Royne de France se tenoit. Petit de gens seurent ou le Roy auoit esté: fors que ses plus secrets Varlets de chambre. Depuis la route des Anglois, desquels ie vous ay parlé retournée en Angleterre, il n'est point venu en ma congnoissance, que nul du depuis issist hors d'Angleterre, ne veinist à Saint Iuqueliert, pour faire armes, car ceux, qui iouster vouloient, & ausquels les nouvelles venues estoient premierement, se cueillirent & accompagnerent tous ensemble, & retournerent tout ainsi. Neantmoins les trois Cheualiers, dessus nommez se tindrent sur la place, les trente iours accomplis, & outre, & puis s'en retournerent, tout par loisir, chacun en son lieu. Quand ils furent venus

Les Iousteurs Anglois, et autres Seigneurs de leur compagnie, prennent congé des François, pour repaser en Angleterre.

Retour du Roy vers la Royne, apres qu'il eut veu les ioustes de Saint-Iuqueliert, en habir decognu.

Retour des trois cheualiers de

veoir

veoir le Roy de France, le Duc de Touraine, & les Seigneurs à Paris, ils leur firent bonne chere: & ce fut raison, car vaillamment ils s'estoient portez, & auoient gardé l'honneur du Roy & du Royaume de France.

Du voyage d'Afrique entrepris par le Duc de Bourbon, Chef de l'armee, & par plusieurs Cheualiers de France & d'Angleterre, à la requeste des Geneuois.

CHAP. XIII

IE me suis souffert à parler & mettre auant vne haute & noble emprise: qui se fit en celle saison des cheualiers de France & d'Angleterre, & d'autres pais, outre mer, au Royaume de Barbarie. Si ne la vueil-je pas oublier, ne laisser derriere, mais pource que i'auois commencé à parler des armes faictes à saint Iuqueluert (si comme il est cy dessus contenu) ie les ay voulu poursuivre. Or puis que ie les ay conclues ie me mettray aux autres nouuelles: & sur ce me refreschiray, car telles choses à dire & mettre auant me sont grandement plaissantes: & si plaissance ne m'eut encliné à dicter & à l'enquerre, ie n'en fusse ia venu à bout. Or dit le texte de mon proces, sur lequel ie vueil proceder, qu'en celle saison nouuelles s'espandirent en France & en plusieurs pays, que les Geneuois vouloient faire vne armee, pour aller en Barbarie, & d'eux mesmes grand aduantage de pourueances, tât de biscuit, d'eau douce & de vin aigre, que de gallees, & de vaisseaux à tous cheualiers & escuyers, qui en ce voyage voudroient aller: & la cause qui les mouuoit à ce faire, ie la vous diray. De long temps s'estoient les Affriquans auancez & venus par mer guerroyer les frontieres des Geneuois, piller & rober les Isles, qu'ils tiennent encloues en la mer, & qui à eux obeissent: & mesmement en emblant, quand ils ne s'en donnoient garde, toute la riuere de Genes: qui gisoit & seiournoit en peril par ceux d'Afrique, & auoient, & ont encores par deuers eux vne ville seant sur mer (qui est forte outre mesure, & laquelle ville on appelle Afrique) garnie & pouruee de portes, de tours & de haux murs, durs & espes, & de fosses, & (si cōme la forte ville de Calais est clef, & que, quicouque en soit Sire, peut quād il veut entrer au Royaume de France, ou au pays de Flandres, & aussi aller par mer, & faire soudainement, par puissance de gens, des maux assez) tout ainsi par comparaison, celle ville d'Afrique est clef & retour des Barbariens, & de ceux du Royaume d'Afrique, & du Royaume de Bougie † & des Thinees, & des Royaumes incredules par dela, & leur vient ladite ville tresgrandement à point, & trop resongnoient les Geneuois (qui sont grands marchans) ceste ville d'Afrique: car souuēt ils estoient par mer aguettez & atteins des escumeurs d'Afrique: lesquels, quand ils veioient leur plus bel, couroient sur les Geneuois, allans & retournans en leur marchandise: & les déroboient: & mettoient tout à bord: & faisoient de la ville d'Afrique, leur garnison: & font encores. Mais, pour y pourueoir les Geneuois, (qui sont riches & puissans par mer & par terre, & qui ont grans Seigneuries) regarderent & considererent le faict des Affriquans * & des Barbariens aussi & à la complainte de ceux qui sont & demeurēt es isles subiettes à eux, enclos depuis la mer de la riuere de Genes (tels que ceux de l'isle d'Albe, l'isle de Sire, l'isle de Guerse, l'isle de Bostan, & l'isle de Gorgennem) iusques au Gouffre du Lyon, & aussi des isles de Sardonne & de Finesse & iusques en l'isle de Mailorque, mais ces trois isles obeissoient au Roy d'Arragon. Si getterent leur visée, par cōmun & par general accord, que tout leur fait par especial ils signiferoiēt en France, en l'hostel du Roy, & feroient offre & present à tous Cheualiers & Escuyers, qui vouldroient passer avec eux pour aller assieger celle male & forte ville d'Afrique, de gallees & vaisseaux, chargez de biscuit, d'eau douce, & de vin aigre, pour eux mener & ramener à leurs fraiz & coustages, mais qu'eussent lesdits voyagers à Chef & à Capitaine, vn des oncles du Roy ou son frere, le duc de Touraine (qui pour ce tēps estoit ieune & auenāt, & qui deuoit trauailler pour conquerir honneur (& auroient en leur compaignie & aide les pelerins estranges douze mille Arbalestiers Geneuois, tous d'epreue, & huit mille gros varlets, aux lances & aux pauais & tout à leurs despens. Et ce faisoient les Geneuois, pource qu'ils sentoient, que treues estoient donees, par mer & par terre, à durer trois ans, entre les Royaumes de France & d'Angl. Si supposoient & imaginoient, que pour celle saison, Cheualiers & Escuyers tant en France cōme en Angle. seiournoient: n'apparent n'estoit de nulle part, ou ils se deussent ne peussent ensoigner. Si en recouvreroient ils plus legerement & largement. Quand les premieres nouuelles de cest emprise vindrent en France en l'hostel du Roy, vous deuez sauoir que les seigneurs, Cheualiers & Escuyers qui se desiroient à auancer, en furent moult reiois: & fut dit aux Ambassadeurs

France apres auoir tenu le pas de saint-Iuqueluert par trente iours.

Forteresse de la ville, qui porte le nom d'Afrique, l'une des trois parts du monde.

† Verard, s'en taisant sala, dit & escrit ainsi: mais il y liroye volontiers de Thunnes.

** Annotat. 6.*

Adrece des Geneuois au Roy de France: à fin de auoir ges pour leur voyage de Barbarie.

*Le Duc de Bourbon
bon chef de l'ar-
mee enuoyee par
le roy de Fran-
ce contre les Bar-
bariens en com-
paignie des Ge-
neuois.*

de Genes, qu'il la certification de ses besongnes auoient apportee, que point ne s'en retourneroient arriere, sans estre ouys ne secouruz: car leur requeste, pour aider la foy Chrestienne à augmenter, estoit bien raisonnable. Si les fit on seiourner à Paris, pour pourueoir à ses besongnes, & examiner les poincts & articles de leur requeste, & pour regarder qui pourroit estre chef souuerain de ce voyage: auq'l to⁹ cheualiers & Escuyers obeyront. Le Duc de Touraine de trop grand volonte s'offroit, & representoit: mais le Roy & son Conseil. Le Duc de Berry & le Duc de Bourgogne, ne luy vouloient nullement accorder, & disoient que ce n'estoit pas voyage pour luy. Or fut regardé & aduisé au cas des Geneuois, que le frere ou l'un des oncles du Roy iroit: ou que le Duc de Bourbon (qui estoit oncle du Roy) seroit chef & souuerain de ce voyage: & auroit à compaignon le Seigneur de Coucy. Quand les Geneuois, qui en Ambassade estoient venus en eurent la responce du Roy certaine (cōme conclu estoit que sans faute ils seroient celle saison secourus des Cheualiers & Escuyers de France, & auoyent le duc de Bourbon qui estoit oncle du Roy, à souuerain chef & capitaine) si se tindrēt grandemēt à contens, & prirent congé au Roy & à son Conseil, & dirent qu'ils s'en vouloient retourner en leurs pays, & recorder ces nouuelles: parquoy on se pouruoyeroit sur ce Respondu leur fut que ce seroit bien fait. Ils se departirent, & meirent au retour. Or s'espandirent ces nouuelles parmy le Royaume de France, & q̄ le voyage se feroit, pour aller en Barbarie. Aux aucuns Cheualiers & escuyers estoit plaissant & acceptable, & aux autres non, & sachez que tous ceux qui y voufissent bien aller, n'y alloient pas. Premièrement on alloit à ses fraiz: ne nul haut Seigneur ne deliuroit que ceux de son hostel. Secondement fut ordonné que nul ne passeroit outre de la nation de France sans le cōgé du Roy (car on ne vouloit pas que le Royaume de France fust trop denué de Cheualiers & d'Escuyers) & si fut dit & ordonné & bien l'auoient mis en terme, les Geneuois) qu'il ne passeroit nuls varlets, fors tous Gentilshōmes, & gens de fait & de deffence. Aussi regardé fut pour le meilleur & pour cōplaire aux autres nations hors du Royaume de France, qu'aussi bien à cest honorable voyage deuoient partir Cheualiers & Escuyers estrangers, comme faisoient ceux du Royaume de France. Ceste ordonnance fut bien emprise: & en sceurent cheualiers & escuyers, hors du Royaume de France, grand gré au Roy & à son cōseil. Le duc de Bourbon (qui chef estoit de ce voyage) enuoya tantost ses officiers en la cité de Genes, ou les pourueances se deuoient faire (pour pourueoir ce, qu'à luy & à son estat appartenoit. Le gentil Comte d'Auuergne (qui en ce voyage aussi deuoit & vouloit aller) enuoya à Genes faire ses pourueances. Le Sire de Coucy ne demoura pas derriere: mais y enuoya aussi. Messire Guy de la Trimouille, messire Jehan de Vienne, Admiral de France, & tous les Barons & cheualiers, qui ordonnez estoient de là aller, y enuoyèrent aussi grandement & puissammēt, selon que chacun y sentoit son affaire & vouloit monstrier son estat. Messire Philippe d'Artois, Comte d'Eu, Messire phelippe de Bar, le Sire de Harcourt, & messire Héry d'Antoing, ne se meirēt pas derriere: mais enuoyèrent faire leurs pourueances, ainsi comme à eux appartenoit. De Bretagne, & aussi de Normandie, s'ordonnerent moult grand foison de gens-d'armes & de Seigneurs, pour aller en ce voyage de Barbarie: & pareillement de Hainaut: comme le Sire de Linge & le Sire de Hanrech. De Flandres s'ordonnerent aussi en ce tēps grandement, pour aller audit voyage. Le Duc de Lâclastre auoit aussi vn fils bastart, qui s'appelloit messire Henry de Lâclastre. Si eut grace & deuotion, qu'il l'enuoyeroit audit voyage. Si le pourueut grandement de Cheualiers & Escuyers d'Angleterre, & toutes gens de bien & honneur l'acōpaignerent en ce voyage. Le Côte de Foix n'eust iamais son fils bastart, Iobbain de Foix, laissé derriere: mais le pourueut de Cheualiers & d'Escuyers de Bearn grandemēt, & voulut qu'il tint bō estat & bien etoffé. Tous les Seig., qui s'ordōnoient pour là aller, se pourueoiēt & estofoiēt moult grâdemēt, & chacū l'un pour l'autre: & sur la moitié de May, les plus lointains demourās de la ville de Genes se departirent de leurs hostels, & se meirēt au chemin, pour venir à Gene: ou l'assēblee deuoit estre, & ou les gallees, vaisseaux & naues, se chargeoient, Si meirent bien vn mois ou enuiron, à là venir, auāt qu'ils fussent tous assemblez. Les Geneuois de leur venue estoient moult reioys: & faisoient aux Chefs des Seig. grans dons & beaux p̄sents, pour eux tenir en plus grand' amour: & quād ils furēt tous venus à Genes & sur la riuere de Genes, ils suiurēt to⁹ l'un l'autre. Il fut sceu & nōbré par l'ordonnance des Mareschaux, qu'ils estoient quatorze cēs Cheualiers & Escuyers. Si entrerēt es gallees & vaisseaux, fretez, & appareillez de to⁹ points, si bien

*Quelques grās
Seig. de France
& d'ailleurs
au voyage de
monsieur de
Bourbon en Bar-
barie.*

si bien que vaisseaux, courans parmy la mer, pouuoient estre: & se departirent du port de Gènes, & d'une veüe, enuiron la S. Jehan Baptiste: qu'on compta pour lors en l'an de grace Nostre Seigneur mil trois cens quatre vintgs & dix. Moult grande beauté & plai-
 tance fut à veoir l'ordonnance du partement, & comment ces bannieres, ces pennons, & ces estrannieres, bien & richement armoyez des armes des Seigneurs, venteloient au vent, & resplendissoient au soleil, & d'ouir ces trompettes & ces claronées retentir & bondir, & autres ménestriers faisans leurs mestiers, de pipes, de chalemelles, & de naquaires, tant que du son & de la voix, qui en issoient, en retentissoit toute la mer. Ce premier coup qu'ils entrerent en leurs vaisseaux, en eux assemblant, ils ancrerēt, & se tindrēt la nuit & le vespre à l'ācre, en l'emboucheure de la haute mer: & deuez sauoir que tous les varlets & cheuaux demourerent derriere. Vn cheual de cinquante francs, on l'auoit à Gènes, à leur departemēt, pour dix frācs, car plusieurs Cheualiers & Escuyers, qui en ce voyage alloiēt & se mettoiēt, ne sauiōt quād ils retourneroiēt: & si n'auoit on que cinq cheuaux, à Gènes, gouuernez pour vn franc: & pource au departir ils en faisoient argēt, mais c'estoit petit. Or estoient ils en nōbre enuiron trois cens gallées, toutes garnies & pourueues de Gens-d'armes, d'Arbalestiers, & pauescheurs, & plus de cēt vaisseaux, garnis de pourueances, & de ce qui leur besongnoir. Au lendemain, droit au point du iour, ils desancrerēt du lieu, ou ils estoient: & nagerēt tout ce iour, à force de rames, cōstoyāt les terres, & la nuit aussi. Le tiers iour de leur departement ils vindrent à † Porte-fin, & là ancrerent: & la nuit aussi furent au port, & lendemain, au point du iour, ils desancrerēt & nagerent: & vindrent à vn autre port, à la ville, qu'on dit † Porte-vendre, & lendemain au point du iour, ils desancrerent, & passerent outre: & se bouterent au parfond, en la gar-
 de de Dieu, de Nostre-dame, & de Saint George, & trouuerēt premieremēt l'Isle d'Albe, & puis l'Isle de Guerse, l'Isle de † Gorgennen, & l'Isle de Sardins, passerent le Gouffre du Lyon: qui est moult fort perilleux, dāgereux, & doutable à passer, mais, au chemin qu'ils alloient, ils ne le pouuoient ēcheuer. Là furēt ils en grād peril d'estre tous perdus, par fortune de vens diuers, d'orages de temps, & autres troubles & empeschemens de mer, & n'y auoit si sage patron, ne marinier, qui y sceust mettre ne donner conseil, fors qu'attendre la volonté de Dieu & l'auenture: & s'espātirerent generalement: & s'en allerent l'vn çā, l'autre là: & dura celle tēpeste vn iour & vne nuit. Quand ceste tempeste fut passée, & la mer appaisée, & les vens reuenus plus souefs, les patrons & les nautonniers, qui la mer congnoissoient, prirent le chemin (comme pres, & comme en sus qu'ils en fussent) pour venir en l'Isle de † Commeres: qui sied à trente mils d'Afrique: la ville ou ils vouloient & tendoient à aller, car à l'entrée du Gouffre du Lyon, les patrons, & les meneurs des gallées & des vaisseaux, auoient eu conseil & relation ensemble, & auoient dit & proposé ainsi, Se nous auons fortune trop diuerse, & que nous perdons nostre chemin & la veüe l'vn de l'autre, si nous radreçons en l'Isle de Commeres: & là attendon tous l'vn l'autre. Ainsi comme proposé l'auoient, ils le firent: & les premiers, qui à ladite Isle vindrent, attendirent les seconds, & les derniers, & auant que tous fussent venus ceux, qui espars estoient parmy la mer, ils meirent bien neuf iours. En l'Isle de Commeres a de tresbeaux ebatemens: combien qu'elle ne soit pas grande. Si se refreschirent les Seigneurs: & louèrent Dieu, quand ils eurent la congnoissance d'eux tous, & que sans perte ne dommage, ils se trouuerent là assemblez: & quand ils se voulurent departir, les patrons & les Seigneurs de France, qui souuerains estoient des autres, eurent conseil & colacion ensemble, pour eux pourueoir de conseil & d'aduis (quand ils sceurent que si pres de la ville d'Afrique ils estoient) comme au venir sus ils se maintiendroient. Nous nous souffrerōs à parler des Seigneurs de France & leur arroy (car à temps nous y retournerons) & parlerons de plusieurs autres besongnes: qui en celle saison aduindrent en France, & par espciél au pays d'Auuergne, en la marche de la terre du Comte Dauphin: lequel estoit en ce voyage, dont ie parloie presentement.

Comment Aimerigot Mareel, Capitaine de pillars de Compaignies, fortifia la Roche de Vandais es marches de Limosin & d'Auuergne, & comment le Roy de France le feit assieger par le Vicomte de Meaux. CHAP. XIII.

EN celle saison, que la cueillette de Gens-d'armes se fit en France pour aller en Barba-
 Erie, & qu'ils n'auoient entendu fors de fournir leur voyage, sur bonne entente, & pour exaucer la Sainte Foy Chrestienne, autres imaginations mauuaises & traistreuses estoiet

*Embarquemen-
 du Duc de Bour-
 bon & des Ge-
 nevois, pour al-
 ler en Barbarie
 enuiron la S.
 Jehan Baptiste,
 1390.*

*† Qui est Por-
 tofino, en Ita-
 lien.*

*† Porto vene-
 re, en Italien.*

*† Il y auoit icy
 Dargemen, que
 nous auons re-
 mis selon le pré-
 cedent & suy-
 uant Sala, qui
 dit icy Gargen-
 nen, n'ayant
 rien dit de tou-
 tes ces isles par
 auant.*

*† Sala dit Com-
 mimeres.*

es cœurs des pillars & robeurs, qui se tenoient en Auvergne, en Rouergue & en Limosin: quoy que les pays cuidoient bien estre assurez, & le deussent par droit & par raison estre. Car la charte de la trêve, entre France & Angleterre, auoit esté publiée par tous les forts, & aux Capitaines, qui guerre d'Anglois faisoient: & leur estoit dit, & monstré, & éclaré vniment à ceux, qui l'enfreindroient, ou briseroient, ne violeroient point, n'article, qui en ladite charte de trêve fust escrit ne contenu, que ce seroit sur si grande amende, que de receuoir punition mortelle, sans auoir nulle esperance de remission: & par especial Perrot le Bearnois, Capitaine de Caluseet, Aimerigot Marcel, Olim Barbe, Capitaine de Donzac en la marche d'Auvergne, estoient nommez estreitement & clausément en ladite charte: à fin que de nul cas preiudiciable (seux, ou les leurs, le faisoient, ou consentoient faire) ne se peussent point excuser. Les aucuns Capitaines (qui doutoient la sentence de receuoir mort honteuse, ou d'encheoir en l'indignation du Roy de France & de ses vassaux) tenoient & tindrent bié les points de la charte, sans enfreindre, n'obuiuer à l'encontre: & les autres non: dont depuis ils le cōparerent chèrement: si comme il vous sera remōstré auant en l'Histoire. Vous sauez (si cōme il est icy dessus cōtenu en nostre liure & dedans le proces de l'Histoire, faite, & dictée, & ordonnée, † par moy Sire Jehan Froissart, Trésorier & Chanoine de Climay) comment traittez furent entre les pays (c'est assauoir Auvergne, Limosin, Rouergue, & Carnosin) & les Capitaines, qui tenoient plusieurs forts & garnisons esdits pays, ennemis & contraires au Royaume de France: & en furent meneurs & traiteurs Jehan, Comte d'Armignac, & Bernard Dauphin d'Auvergne, & Comte de Clermont: & tant exploiterent ces deux Seigneurs, par bonne diligence qu'ils rendirent, qu'ils adoucirent aucuns Capitaines, & les amenèrent iusques à composition & vendition de leurs forts. L'achat des Seigneurs dessus nommez fut fait aux Capitaines, par maniere de composition, telle qu'ils deuoient renoncer à la guerre de France & d'Angleterre, & le terme durant ces trêues, s'en deuoient aller, avecques le Comte d'Armignac, en Lombardie, & là ou il les vouldroit mener, pour aider à faire la guerre à l'encontre de messire Galeas, Comte de Vertus: lequel auoit deshérité ses cousins germains, les enfans de son oncle messire Barnabo: si comme il est escrit & contenu cy dessus en nostre Histoire. Or pour auoir l'aide & le confort, & nettoyer les pays dessus nommez, des pillars & des robeurs, qui tant méfaisoient aux hommes & femmes des pays dessusdits, ledit Comte d'Armignac & le Comte Dauphin, son cousin, s'en estoient ainfiloyaument & diligemment ensongnez, à la requeste & prieres des bonnes gens des citez, des villes, & du plat pays des terres dessus nommees, & tant que par amiable ordonnance, vne taille & cueillette d'or & d'argēt auoit esté faite en Auvergne, en Giuauldan, Rouergue, Carnosin, & en Limosin, iusques à la somme de deux mille francs, & estoient les pources du pays, & les riches pris si pres du payer, que plusieurs en auoient vendu & engagé leur héritage, pour vouloir demourer en paix en leur nation. Si cuidoient les bonnes gens, en le leur donnant à entendre, que de ces cinq pillars & robeurs (qui les fors & les garnisons auoient vuidez, parmy l'argent & l'or deliuré, que payé auoient) estre quittes à tousiours finis, & de ceux là, sans nul retour: mais non furent en trop de lieux, & par especial d'Aimerigot Marcel & de ses gens. Car depuis que le chastel d'Aloise (qui sied au droit cœur d'Auvergne) fut rendu par vendition au Comte d'Armignac, si fit Aimerigot Marcel plusieurs maux au pays. Celuy Aimerigot pouuoit bié, en deniers tous appareillez, payer & finer cent mille francs: & tout luy venoit de pillage, de roberies, de rançons, & d'appactis: & auoit mené celle ruse plus de dix ans. Le Comte d'Armignac rendoit trop fort à auoir celuy Aimerigot en sa route. & disoit ainsi, que point ne le lairroit derriere, pour deux raisons. L'une raison estoit, que d'Aimerigot il aimoit grandement la compagnie, & le conseil, car en tous faits d'armes il le sentoit subtil & appert, pour embler & escheller fortresses, ou pour donner conseil, en toutes les manieres d'armes, qu'on vouloit auoir, & luy faisoit dire & remonstrier, par aucuns moyens, que trop grand profit luy seroit, s'il s'en alloit avec luy. La seconde raison estoit, & l'entendoit le Cōte ainsi, que s'Aimerigot demouroit derriere (quoy qu'il eust vendu & liuré Aloise, & autres fors qu'il tenoit, & receu l'argent) il pouuoit de rechef en Auvergne & en Rouergue faire moult de maux. Aimerigot aux traittez du Cōte se dissimuloit, & disoit ainsi. Quand ie verray le departement du Comte d'Armignac, & sera tout à certes qu'il s'en ira, ie croy bien, au bon vouloir que i'ay maintenant, que ie ne demourray point derriere. Autre response, ne plus acceptable, ne pouuoit on auoir, n'attirer de luy. Le Comte d'Armi-

d'Armignac se tenoit en Comminge, & sur le Toulousain, en son pays: & entendoit à faire ses finances, & à pourueoir gens: & eust son voyage trop plus-tost hasté qu'il ne fit, se le voyage d'Afrique n'eust esté: mais il le détourba vne saison, car plusieurs Cheualiers & Escuyers (qui audit voyage estoient allez) luy auoient promis aide & compaignie, si tost qu'il se mettroit à chemin, & il ne pouuoit ses besongnes faire, fors en faisant, & ce voyage de Barbarie se fit si soudainement, qu'on ne s'en donnoit de garde. Quand les nouvelles en vindrent en France & sy espendirent premier, se conclurent les traittez & compositions du Comte d'Armignac à ces guerroyeurs d'Auuergne & des terres dessusdites. Si se hastâ, tant qu'il peut, de payer & deliurer l'argent aux Capitaines. Trop estoit Aimerigot Marcel courroucé (& bien le monstra) de ce que le fort d'Aloise, delez Saint-Flour, auoit rendu, ne vendu pour argent: & s'en veoit trop abaissé de Seigneurie, & moins craint, car au temps, qu'il l'auoit tenu à l'encontre de toute la puissance du pays il estoit douté plus, que nul autre, & honoré des compaignons & Gens d'armes de son costé: & tenoit, & auoit tenu tousiours, au chastel d'Aloise, grand estat, bel, bon & bieu pourueu, car ses pactis luy valoient plus de 20000 florins par an. Si estoit tout triste & pêsif, quand il regardoit en soy comme il se deuisoit, car son tresor il ne vouloit point dimi-
nuer, & si auoit pris tous les iours à veoir pillages & nouvelles roberies (dont il auoit aux parties fait la plus grand partie du butin) & il veoit à present que ce proffit luy estoit clos. Si disoit & imaginoit ainsi en soy, que tantost il f'estoit repentu de faire bien, & que de piller & rober, en la maniere que deuant il faisoit & auoit fait, tout considéré, c'estoit bonne vie. A la fois il s'en deuisoit aux compaignons, qui luy auoient aidé à mener celle ruse: & disoit, Il n'est tēps n'ebatement, ne gloire en ce monde, que de Gens d'armes de guerre, par la maniere que nous auons fait. Comment estions nous réiouis, quand nous cheuauchions à l'aenture, & nous pouuions trouuer sur les champs vn riche Prieur, ou marchand, ou vne route de mulets de Montpessier de Narbonne, de Limons, de Fongàs de Besiers, de Toulouse, ou de Carcassonne, chargez de draps de Brucelles, de Monstier-villier, ou de pelletterie, venant de la foire du Lendit, ou d'espiceries, venans de Bruges, & de draps de soye, de Damas, ou d'Alexandrie? Tout estoit nostre, ou rançonnez à nostre volonté. Tous les iours auions nouuel argent. Les villains d'Auuergne & de Limosin nous pourueoient, & aimoient, & amenoient, en nostre chastel les blez, la farine, le pain tout cuit, l'auoine pour les cheuaux, la litiere, les bons vins, les beufs, les brebis, moutons tous gras, la poullaille & la volaille. Nous estions gouuernez & étofez comme Roys, & quand nous cheuauchions, tout le pays trembloit deuant nous. Tout estoit nostre, allant & retournant. Comment prîmes nous Carlat, moy & le Bourg de Coppane & Caluscet, moy & Perrot le Bearnois? Comment eschellâmes nous, vous & moy, sans autre aide, le fort chastel de Marquet qui est au Côte Dauphin. Je ne le tins q̄ cinq iours & si en receu, sur vne table, cinq mille francs: & encores en quittay ie mille, pour l'amour des enfans du Comte Dauphin. Par ma foy ceste vie estoit bōne & belle, & me tien pour trop deceu, de ce que i'ay vendu & rendu Aloise, car il faisoit à tenir contre tout le monde: & si estoit au iour que ie le rédy, pourueu de viures, sans estre refreschy d'autres pourueances, pour sept ans. Je me rien de ce Comte d'Armignac trop villainement deceu. Olim Barbe & Perrot le Bearnois le me disoient bien, que ie m'en repentiroye. Certes, de ce, que i'ay fait, ie m'en repen trop grandement. Quand les compaignons qui pourres estoient, & qui seruy auoient Aimerigot Marcel, luy ouirent dire telles parolles, ils veoyent bien qu'il luy ennuyoit, & qu'il parloit de bon cœur, & tout à certes. Si luy disoient ainsi, Aimerigot, nous sommes tous prests à vostre commandement. Si renouuellō guerre: & aduison quelque bon fort en Auuergne, ou en Limosin: & le prenō & le fortifion. Nous aurons tantost recouuré tous noz dommages, & si fait si bel & si bon voler en Auuergne & en Limosin, que merueilles: & tant, que meilleur ne peut faire. Car premiere-
ment le Côte Dauphin & messire Hugues, son frere, sont hors du pays, & plusieurs Che-
ualiers & Escuyers en leur compaignie, au voyage de Barbarie: & par especial le Sire de
Coucy (qui est regard & souuerain de par le Roy es marches de par-deça) est audit voya-
ge. De luy n'auons nous garde, ne du Duc de Berry. Cestuy là se tient à Paris, & se donne
du bon temps. Je ne say (dit Aimerigot) mais i'en suis en bonne volonté reserué ce qu'on
m'a par mots expres, enclos en la charte de la trêue. Haa (respondirent les compaignons
de ce ne tiendrez vous riens, si vous voulez. Vous n'estes homs en rien au Roy de Fran-
ce. Si ne luy deuez foy, n'obeissance. Vous estes homs au Roy d'Angleterre, car vostre

Paroles d'Aimerigot Marcel, se repentant d'auoir rendu son fort d'Aloise, et sa vie de pillard, par la trêue des trois ans.

Conseil des compaignons pillars à Aimerigot Marcel, pour renoueler leur ancienne vie.

heritage(lequel est tout destruit & perdu) sied en Limosin. Et se nous faisons guerre pour viure(car viure nous faut) ià les Anglois ne nous en sauront mal gré: mais se traitront tãtost ceux qui gagner voudront, avecques nous: & si auons cause & tiltre assez maintenãt pour faire guerre, car nous ne sommes pas en Auvergne tous payez des pactis, qu'õ nous y doit. Si manderons aux villains des villages(mais que nous ayõs trouuë fort pour nous tenir) qu'ils nous payët, ou autremët nous leur ferõs guerre. Or auant(dit Aimerigot) ou nous pourrons nous à ce commencement loger, pour nous recueillir? Là en y eut aucuns qui respondirent: & dirent ainsi, Nous sauons vn fort, desemparé, sur l'heritage du Seigneur de la Tour, que nul ne tient ne garde. Trayon nous là tout premierement, & le fortifion: & quand fortifié l'aurons, nous le garnirons, & courrons légèrement, & à nostre aise, en Auvergne & en Limosin. Et ou gist ce fort? demanda Aimerigot. A vne lieuë de la Tour, respondirent ceux, qui le cognoissoient, & qui ià aduifé l'auoient. On le nôme la Roche de Vandais. Par ma foy(dit Aimerigot) vous dites vray. La Roche est vn droit lieu pour nous: & est tenue la terre ou il sied, quoy que pour le present il soit desemparé, des arrieffiez de Limoges, & nous l'irons veoir: si le prendrons & fortifierons. Ainsi sur

La Roche de Vandais fortifiée par Aimerigot Marcel, & par ses compagnons pillars, recommenceans leur train passé.

ce propos ils se fonderent, & conclurent: & s'assemblerent à la Roche de Vandais. Quãd Aimerigot, & sa route, fut là venu, de rechef il le voulut encores aduifer, pour veoir & cognoistre si leur peincy seroit bien employée du fortifier: & quand il eut bien aduifé, enuironné, & conceu toutes les gardes & deffenses, si luy pleut encores grandement, mieux que deuant. Si le prirent de fait, & le fortifierent, petit à petit, auant qu'ils courussent, ne qu'ils feissent nul contraire sur le pays, & quand ils veirent qu'il estoit fortassez pour eux tenir contre siége & assaut, & que tous les compagnons furent montez & pourueus, ils commencerent à courir sur le pays, & à prendre prisonniers, & rançonner, & pourueoir leur fort de chairs de farines, de cires, de vin, de sel, de fer, d'acier, & de toutes choses qui leur pouuoient seruir. Rien n'estoit qui ne leur veinist à point: s'il n'estoit trop chaud, ou trop pesant. Les pays de là enuiron, & les bonnes-gens, qui cuidoiët estre en paix & en repos, parmy la trêue qui estoit donnée entre les Roys & les Royaumes, se commencerent à ébahir, car ces robeurs & pillars les prenoient en leurs maisons, & par tout ou ils les pouuoient trouuer, aux champs & aux labourages: & se nommoient les Auétureux. Le Sire de la Tour(quãd il sentit qu'il auoit tels voisins, si pres de luy, qu'à vne lieuë de sa meilleure ville de la Tour) ne fut pas bië assuré: mais fit garder fortemët & estroitement ses villes & ses chasteaux. La Comtesse Dauphine: vne moult vaillante Dame & de grande prudence(qui se tenoit, avecques ses enfans, en vne sienne bonne ville & fort chastel, qu'on dit Sardes, seant sur la Riuiere l'Euesque) ne fut pas bien assurée, quand elle ouit dire qu'Aimerigot & sa route auoient fortifié le chastel de la Roche de Vandais. Si enuoya tantost à tous ses chasteaux & bõnes-villes(& les fit pourueoir de Gens-d'armes deffensables) tels qu'à Marquel, à Ondable, à Chillac, à Blere, & par tout, à fin que nul n'en fust surpris, car trop fort doutoit celuy Aimerigot: pourtant qu'autrefois il auoit eu de ses florins, à vn seul payemët cinq mille. Sachez que tous les pays d'Auvergne & de Limosin se commencerent grandement à effroyer. Si fauiferent Cheualiers & Escuyers, que les gens des bonnes-villes(telles que de Clermont, de Montferrât & de Rion) enuoyerent deuers le Roy de France: ainsi comme ils firent. Ce pendant que ce pourchas se fit des bonnes villes-d'Auvergne, & de la Comtesse Dauphine(qui se meit avecques eux) & qu'ils enuoyerent par deuers le Roy de France & son Conseil, & deuers le Duc de Berry(qui pour lors se tenoit à Paris delez le Roy) se fortifierent grãde mët ceux de la Roche de Vandais: & au commencement de leur fortifiement, ils firent vne fueille, ou ils logerent leurs cheuaux. Quãd toutes manieres, de gens auétureux(qui cassez estoient de leurs gages) entendirent qu'Aimerigot Marcel faisoit guerre, si en furent tous réiouis: & s'en vindrent plusieurs bouter en sa route & compagnie: & eut tantost des pillars, & des robeurs, plus qu'il n'en voulist auoir. Nul ne demandoit gage, fors la retenue de luy, car bien sauoient tous ceux, qui en sa compagnie se mettoient, qu'assez ils gaigneroient: puis que l'abandon du pillier & rober ils auoient. Si couroient vne fois tousiours dessous, & l'autre dessus, ne nul n'alloit au deuât: & se faisoïët renõmer & congnoistre en moult de lieux. On ne parloit d'autre chose en Auvergne, & en Limosin, que de ceux de la Roche-de Vandais. Moult en estoit le pays effrayé. Ceux de Calusset(dont Perrot le Bearnois estoit Capitaine) tenoient fermement la trêue: & ne faisoient nulle guerre: & quand ledit Perrot veit que ledit Aimerigot couroit ainsi le pays qui cui-

qui cuidoit bien estre en tréues, & assurez si fut trop courroucé sus Aimerigot: & dit que il faisoit mal: & luy mada ainsi, qu'il ne vouloit que luy ne les siens eussent nul retour en Calusset, n'en lieu, ou il eust puissance. Aimerigot n'en fit compte, car il auoit bien ou aller, & retraire, ailleurs qu'à Calusset: & auoit gens assez: & tous les iours luy en venoit de ceux, qui se vouloient auenturer, & mal faire. Perrot le Bearnois deffendit, sur la vie, à ceux qui avecques luy estoient & se tenoient, que nul ne se mit aux champs, pour porter dommage ne contraire à ses voisins: mais vouloit entierement & loyaument tenir la tréue. Olim Barbe, Capitaine de Donzac se dissimuloit aussi de cest affaire: & disoit tousiours qu'il vouloit tenir les tréues: mais il me fut dit que ses gens couroient secrettement à la fois: & quand ils auoient aucuns tresbons pillages, il en vouloit bien auoir le profit. Les bonnes gens d'Auvergne & par especial ceux de Clermont, de Montferrant, & de Rion (qui en message alloient deuers le Roy de France & le Duc de Berry) exploiterent tant par leurs iournées, qu'ils vindrent à Paris: & trouuerēt là le Roy, le Duc de Berry, le Duc de Touraine, & le Connestable de France, messire Oliuier de Clifson: & se trahirent tantost deuers le Duc de Berry, & son Conseil: & remonstrerent ce, pour quoy ils estoient venus, & comment Aimerigot Marcel guerroyoit & destruisoit tout le pays d'Auvergne, & comment les gens (qui mal y faisoient) se multiplioient tous les iours: & prioient pour Dieu, qu'on y pourueust, car s'on les laissoit longuement conuenir, ils honniroyent le pays d'Auvergne & la frontiere de Limosin. Quand les nouuelles en furent venues au Roy & au Duc de Berry, ils en furēt grâdemement courroucez, car ils cuidoiēt le pays auoir tréue. Si demanderent, Ceux de la garnison de Calusset & de Donzac font ils nuls maux? Ils respondirent q de nully ils ne se plaignoient encores, fors que d'Aimerigot Marcel & de sa route: qui fortifié auoit la Roche-de-Vandais. Donc respondirent le Roy de France & le Duc de Berry, son oncle, Or allez, bonnes-gens. Pensez de vous, car nous y pouruoyons de brief, tellement que vous vous en apperceurez: & retournez au plus tost que vous pourrez, en voz lieux & maisons: & si dites ces respôces à ceux qui cy vous enuoyent. Ces bonnes gens du pays d'Auvergne se tindrent moult contens de ses responses: & se refreschirēt & reposerēt deux iours à Paris: & puis s'en retournerēt en leurs maisons en Auvergne, quand ils eurent pris congé au Roy & a son oncle le Duc de Berry. Le Roy de France & ses Conseils ne meirent point en oubly les nouuelles, car le Duc de Berry (auquel il en touchoit grandement: pourtant qu'il tient grans heritages en Auvergne) fit auancer la besongne. Si regarderent qu'ils pourroiet enuoyer des parties de France. Vous sauez (si comme il est cy dessus contenu en nostre Histoire) que le Sire de Coucy estoit ordonné & constitué, de par le Roy & son Conseil, à estre Capitaine & souverain Regard de tout le pays, mouuant de la mer de la Rochelle, & retournant & comprenant iusques à la riuere de Dordonne, en allant iusques à Bordeaux sur Gironde. Or sauez vous que le Sire de Coucy n'estoit pas au pays: mais au voyage de Barbarie avec les autres Seigneurs de France & d'autres pays. Neantmoins à son departement il auoit ordonné & institué son cousin, messire Robert de Bethune, Vicomte de Meaux, à estre Lieutenant au pays dessus-nommé. Si en souuint au Cōseil du Roy: & dirent ainsi que mieux appartenoit que le Vicomte eust la charge de ce voyage, pour aller en Languedoc, que nul autre: & fut demandé ou on orroit nouuelles: & fut sceu qu'il se tenoit à Condé sur Marne. On escriuit deuers luy, au nom du Roy: & le mandoit le Roy. Celuy, qui ces lettres portoit, se hâta tant qu'il vint à Condé: & là trouua le Vicomte delez sa femme. Si luy bailla les lettres de par le Roy de France. Le Vicomte les prit, ouurit, leur: & quand il feut de quoy elles parloient, si dit qu'il obéiroit au commandement du Roy, car c'estoit raison. Il ordonna ses besongnes, le plus tost qu'il peut: & se partit de Condé sur Marne: & chevaucha tant, qu'il vint à Paris: ou il trouua le Roy & son Conseil: qui luy dirent, Vicomte, exploitez vous, & assemblez Gens-d'armes de vostre retenue, car il vous faut aller en Auvergne. Il y a là des pillars (desquels Aimerigot Marcel est Chef: selon ce que nous sommes informez) qui destruisent & trauiillent les bonnes gens: Faites tant que tous soiēt boutez hors: & si vous pouuez atraper iceluy Aimerigot Marcel, si le nous amenez: & nous en aurons moult grande ioye. Il est ordonné que vous serez deliuré, à Clermont en Auvergne, de la somme que vous aurez de Gens-d'armes: & pour aller d'icy iusques là, parlez au Thresorier des guerres. Il luy est chargé qu'il vous deliure aucune chose, pour vos menus frais, & vous deliurez, car la besongne demande haste. Le Vicomte respondit qu'il estoit tout prest. Si retourna à son hostel, & luy estant à Paris, il fit

Quelques députés d'Auvergne vers le Roy pour faire plaindre contre Aimerigot Marcel.

Le Vicomte de Meaux ordonné par le Roy, pour aller contre Aimerigot Marcel.

*Repentance
d'Aimerigot
Marcel quant à
ce qu'il auoit
fait contre la
trêue, & le re-
confort de ses
gens.*

*Le Vicomte de
Meaux à Cler-
mont en Au-
uergne avec ses
gens de guerre.*

lettres escrire. & enuoyer hastiuement aux Cheualiers & Escuyers de France & de Picardie, de sa cognoissance & retenue. en eux signifiant qu'ils se deliurassent, & veinssent à Chartres, & que là le trouueroient ils, & y feroit sa mōstre. Tous Cheualiers & Escuyers que escrits & mādéz furent obeirent volontiers (car ils aimoiēt le Vicōte, & le tenoient à bon Capitaine) & vindrēt & furēt tous en la cité de Chartres, au iour, qui prefix y estoit & se trouuerent bien deux cens Lances: & tous gens de guerre, bōs & feables. Quand la furent tous assēblez, les François & les Picars, ils se departirent de Chartres & prirent le chemin & l'adrece, pour aller vers Auuergne, & exploiterēt tāt, qu'ils vindrent en Bourbonnois. Les nouuelles s'espandirent, par tout le pays d'Auuergne, que grād secours leur venoit de Frāce. Si en fut tout le pays bien réueillé & réiouy. Biē estoit de neccesité que ces Gens-d'armes de France s'aduançassent, pour venir en Auuergne, au deuant de ceux de la Roche de Vandais. Car s'ils eussent encor' entēdu six iours, Aimerigot & ceux de sa suite auoient getté leur visée de venir courir à puissāce, en ce plain pays d'entre Clermōt & Monferrant la ville, & mesme sur Allier, tout enuiron Rion, & iusques à Ganap: & sachez, s'ils eussent fait ce voyage, ils eussent porté dommage au pays, de cent mille frācs car en la marche que ie vous dy, gist tonte la greffe d'Auuergne: ne nul ne fust allē au deuant, car le pays, pour lors estoit tout vuide de Gēs-d'armes: & si couroit renommée, que la route Aimerigot estoit plus grande assez, qu'elle ne fut iamais. Aimerigot & sa route estoiet tous prests de faire celle cheuauchée: mais nouuelles vindrēt entre eux (ie ne say comment: & fut par pelerins, ou par espies) que grande foison de Gēs-d'armes, desquels le Vicomte de Meaux estoit Chef, approchoient durement: & venoiet de France, pour eux faire guerre, & bouter hors de la Roche de Vandais. Ces nouuelles les retarderent: & firent tenir tous clos dedans leur fort: & sentirent tantost qu'ils auroient le siège. Or se commença Aimerigot à douter, & à se repentir de ce qu'il auoit fait, car bien sauoit, que s'il estoit tenu, il ne viendrait à nulle rançon. Si en parla à d'aucuns de ses cōpaignōs & dit, l'ay tout honny. l'ay creu mauuais conseil. Conuoitise sans raison me destruira: se reconfort n'y a. Dōcques respondirēt ceux, à qui il en parloit & deuisoit, Pourquoi vous doutez vous? Nous vous auons veu le plus fort Homme-d'armes: qui fust en toutes ces marches. Nous auons bonne garnison: & si est bien pourueuē: & si sommes gens tous de deffense, & d'vne volonté, & qui auons & aimons autant cher à garder noz corps, comme vous faites le vostre. Vous ne pouuez perdre, que nous ne perdons. Se par cas d'auenture vous estes pris, vous finerez trop par rançon, car vous auez grande finance: & nous n'auons rien. Se nous sommes pris, c'est sur la teste. Autre remission n'y a. Si nous vendrons bien chèrement: & nous garderons aussi, du mieux que nous pourrons. Donc en riens ne vous ebahissez, de chose que vous oyez ne veez, car nous n'auōs garde de siège: & si guerroyerons sagement. Ainsi reconforterent les cōpaignōs Aimerigot Marcel. Tant exploiterent ces Gens-d'armes de France, le Vicomte de Meaux & les autres, que ils vindrent à Moulins en Bourbonnois: & puis passerent outre, mais la Duchesse de Bourbon, fille au Comte Dauphin, recueillit à Moulins le Vicomte & les Cheualiers moult grandement: & leur donna à disner. Puis passerent outre: & vindrent ce iour gēfir du soir à Saint Pourfain. Là se refreschirent, & vindrent à Ganap, & puis à Aigueperse, & puis à Rion: là se refreschirent: & de là ils vindrent à Clermont: ou ils furent bien recueillis de l'Euesque du lieu, & de ceux de la ville. Là eurent les cōpaignons de l'argēt, car le pays pour payer les Gens-d'armes, auoit fait vne taille & cueillette. Si furent deliurez à Clermont. Ils passerēt outre: & vindrēt à Nostre-dame-d'Orcinal, à quatre lieues de la Roche de Vandais. Là s'arresterent le Vicomte de Meaux & ses gēs: & là estoit fait le mandement des Cheualiers & Escuyers d'Auuergne & de Limosin: & s'assemblerent là tous: & eux assemblez, il se trouuerent plus de quatre cens Lances, qu'vns qu'autres, & enuiron cinq vingts Arbalestiers Généuois. Là estoit, avecques ledit Comte, le Seigneur de Mōtagu, Vermendisien, & son frere, le Sire de Dōmart, messire Bernard de la Riuiere, messire Guillaume le Bouteiller, le Seigneur de Dōme, le Seigneur de la Roche, le Sire de la Tour, messire Louis d'Abiere, le Seigneur de Saint-Ampisse, messire Robert Dauphin, & plusieurs autres: & estoient Capitaines des Généuois deux vaillans Escuyers: lesquels on nommoit Aubert d'Espinoille, & Callenace, & estoit pour ces iours Maistre de l'hostel du Vicomte de Meaux vn gentil Escuyer: qui s'appelloit Louis de l'Esclinelle, & estoiet tous ces Généuois bons Gens-d'armes & Arbalestiers, pourueus & armez de toutes piēces: autrement ils ne fussent point passez aux gages n'au regard du Vicomte de Meaux.

Quand

Quand ceux de la Roche-de-Vandais (c'est assavoir Aimerigot Marcel, & Guiot du Sel, son oncle) entendirent que ces Gens-d'armes François, Picars, Auvergnois, & Géneuois, s'auançoient, & estoient venus à Nostre-dame-d'Orcinal, & s'ordonnoient pour venir mettre le siège deuant leur fort, si auiserent quelle chose ils feroient, pour mieus résister à l'encontre d'eux. Premièrement ils regarderent qu'ils n'auoient là que faire de tenir cheuaux (puis qu'ils auroient le siège) & qu'ils en feroient trop empeschez. Assez pres de la Roche-de-Vandais s'ied vn autre fort (qui s'appelle Saint-Souppery) & se tenoit pour ce temps ce fort à Aimerigot Marcel: & là se tenoit sa femme. Si y enuoya grâ de partie de sa cheuance, & ordonnerent qu'ils enuoiroient leurs pages & leurs cheuaux à Saint-Souppery: & les y enuoyerēt. Vous deuez sauoir que la Roche de Vandais estoit durement fortifiée: & si s'ied, à vray dire, en moult forte place, & moult auoit esté le Seigneur de la Tour de ceux du pays blasmé, de ce qu'il l'auoit laissée & desemparée: & disoient en Auvergne cōmunément les hōmes, que ce dōmage ils receuoient par luy: car biē il peust auoir tenu la Roche de Vādaïs: ou se tenir ne la vouloit pour les coustages, l'auoir abandonnée aux hommes du pays: tellemēt l'eussent desemparée, que iamais nul depuis ne si fust amassé, mais au desēparer, on auoit laissé les murs tous entiers, & vne partie du manoir: & tel l'auoit trouuée Aimerigot, & ses gens. La Roche de Vādais est diuisée des montaignes, qui sont à l'enuiron moult hautes & dures, & est vne Roche à part: & sur l'vn des lez il ya vn pan de Roche, qu'ils auoient fortifié, & fait leurs manteaux & attournemens, pour eux garder & deffendre: & ne les pouuoit on assaillir de nul costé, fors que par-deuant, & par écar mouche. Or se departirent de Nostre-dame d'Orcinal le Vicomte de Meaux, Cheualiers & Escuyers, & Géneuois Arbalestiers: & cheminerent tant, que ils vindrent deuant la Roche de Vandais. Si se logerent, & amasserent (ainsi que gens, biē rusez d'armes, deuoient faire) & meirent le siège: & petit à petit amenderent leurs logis. Quand la Comtesse Dauphine (qui se tenoit à Sardes) sceut les nouuelles que la Roche de Vandais estoit assiegée, & les Anglois dedans, si en fut moult réiouie: & (pour ce que elle pensoit bien que le Vicomte de Meaux, de si loing venu que de France & de Picardie, n'auoit fait venir, ne charier, tentes ne pauillons) elle ordonna tantost, & fit appareiller, deux tentes, belles & bōnes (qui estoient de son Seigneur, le Comte Dauphin) & les enuoya au Vicomte de Meaux (qui estoit deuant la Roche de Vandais) par maniere de prest, & pour luy aider, le siege durant. Le Vicomte receut ce present en bon gré: & se recommanda moult de Foix à la Comtesse Dauphine, en la remerciāt des tentes, qu'ēuoyées luy auoit, car moult bien luy venoient à point. Le Sire de la Tour estoit en son pays, à vne lieuē de son chastel & de sa maison: si auoit aussi ce qu'il luy conuenoit. Tous Cheualiers & Escuyers s'ordonnoient, tout au mieus qu'ils sauoient ou pouuoient: & auoient viures & pourueances à foison (qui leur venoient de toutes parts) & à bon marché. Le temps estoit bel & sec, & l'air quoy & chaud, tel comme il est au † mois d'Aoust. Si se tenoient volōtiers les Cheualiers & les cōpaignons deffous les fueillées & ramées, quand elles estoient verdes, & nouuellemēt coupées. Or vindrēt nouuelles en l'ost (qui meirent en doute les Seigneurs & les cōpaignōs) que les garnisons voisines des ennemis, comme de Calusset, & de Donzac, se recueilleroient ensemble, & viendroient vn soir, ou vne matinee, reueiller l'ost, quand on ne s'en donneroit en garde, & leueroient le siège. Le Vicomte de Meaux & les Cheualiers en eurent conseil ensemble, & ordonnerent que ce seroit bien fait qu'ils enuoyassent vn Heraut à Perrot le Bearnois, Capitaine de Calusset, & à Olim Barbe, Capitaine de Donzac, pour sauoir leur entente, à celle fin qu'ils n'en fussent surpris, & q̄ des garnisons Anglesches ils fussent asseurez, ou en guerre: & selon ce qu'on leur feroit de responce, ils se pouruoyeroient. Si enuoyerent vn Heraut de leur costé: & l'instruirent, & chargerent, de ce qu'il deuoit dire. Le Heraut se partit de l'ost, & cheuaucha vers le fort de Calusset, & exploita tant, qu'il y vint: & trouua d'auenture Perrot à la barriere, & grande foison de ses cōpaignons: qui se battoient à getter la pierre. Il descendit ius de dessus son cheual: & demanda le Capitaine. On luy enseigna. Quand il fut deuant luy, il parla: & fit son message bien & à point, de tout ce, dont instruit on l'auoit. Pierre le Bearnois respondit à cē & dit, Heraut, vous direz à voz maistres, qui cy vous enuoyent, que nous voulons aussi entierement & loyaument tenir la trēue, qui donnée est & scellée entre France & Angleterre, comme nous voulons qu'ō nous la tienne, & se nous sauions aucuns des nostres, qui l'enfreint, ne violast, par aucune incidence, & nous le pouuions tenir, nous en prendrions telle correction, comme il en

Aimerigot Marcel, assiegé par le Vicomte de Meaux en la Roche de Vandais.

†Tousiours de 1390.

Perrot le Bearnois promet à un Heraut du vicomte de Meaux, de tenir la trēue, desauouant le fait d'Aimerigot Marcel.

*Responſes d'Olim
Barbe, pareille à
celle de Perrot le
Bernois, quant
à la tenue des
tréues.*

appartient à apprendre, & que promis l'auons. Si vueil bien que vous diſſiez à voz maîtres, que ce, qu'Aimerigot a fait, eſt hors de noſtre conſeil & ordonnance: n'oncques n'eſt parla à nous: & luy auons bien deſſendu, & au ſiens, le retour en noſtre Seigneurie: & ſe nous le tenions, il auroit mal fini. Le Heraut fut mené deuant le fort: & y diſna. Apres diſner il prit congé. Perrot le Bernois luy fit deliurer, pour l'amour des Seigneurs de France, dix francs. Il les prit: & le remercia: & puis ſe departit: & demanda le chemin à Donſac: & trouua le Capitaine du lieu: qui ſ'appelloit Olim Barbe, & eſtoit Gascon. Le Heraut parla à luy, ſur la forme & maniere que parlé auoit à Perrot le Bernois. Olim Barbe reſpondit tout pareillement, & dit que pour riens il n'enfreindroit la tréue, car il ne vouloit pas eſtre deſhonoré. Le Heraut diſna au chaſtel de Donſac: & au prédre cōgé, on luy donna dix francs: & puis ſe partit: & retourna vers ſes maîtres à la Roche de Vandais. Quand il fut venu & deſcendu, les Cheualiers eſtoient en grand deſir d'ouir, nouuelles. Si ſ'aſſemblerent entour du Vicomte: & là generally il dit & remonſtra, bien & ſagement, comment il auoit eſté à Caluſſet & à Donſac (eſquels il auoit trouué les Capitaines) & les reſponſes ſur les parolles, que dit auoit, & dōt reſpondu auoit eſté. Le Vicomte de Meaux & les Cheualiers tindrent plus grand compte, que deuant ne faiſoient, de Perrot le Bernois, & d'Olim Barbe: & furent hors de toutes doutes de ce coſté: & continuerent le ſiege deuant la Roche.

*Comment Aimerigot Marcel, en vain taſcha de faire leuer le ſiege de deuant ſon fort
de la Roche de Vandais, par lettres & meſſages du Roy d'Angleterre & du Duc
de Lanclaſtre au Vicomte de Meaux, & meſmes au Duc de Berry. CHAP. XV.*

LE ſiege eſtant deuant la Roche de Vandais, vous deuez ſauoir que tous les iours il y auoit écar mouche de ceux de dehors à ceux de dedans: & ſouuent en y auoit de Blecez du trait, car Généuois ſont bons Arbaleſtiers, ſubtils, & de iuſte viſée. Ainſi ſe continua & tint le ſiege neuf ſemaines. L'entrepriſe de la garniſon eſtoit grandement à l'auantage de ceux de dedans: & ie vous en cōpteray la maniere & ordonnāce. Sur aucuns coſtez ils pouuoient bien iſſir, quand ils vouloient, maugré leurs ennemis, car pour tout aſſieger enuironnement, & eux tollir leurs iſſues, il conuenoit plus de fix mille hommes. Or aduint quand le ſiege eſtoit deuant la Roche, Aimerigot (qui eſtoit lors moult imaginatif) regarda à ſon fait: & conſidera toutes choſes: & veoit que point n'auoit bien fait. mais, pour retourner ſon fait en droit, & à fin que celle Roche de Vandais luy demourraſt, il aduiſa qu'il enuoyeroit en Angleterre vn ſien varlet, bien enlangagé, & bien beſongnant: & porteroit lettres de creance au Roy d'Angleterre, & au Duc de Lanclaſtre De ce propos, il en parla à vn ſiē oncle: qui ſ'appelloit Guiot du Sel, en l'age (eſpoir) de ſoixante ans: mais moult eſtoit vſité d'armes: & congnoiſſoit aſſez le monde. Quand Aimerigot luy en dit la maniere, & ſur quelle forme il vouloit enuoyer en Angleterre, celui Guiot en fut aſſez d'accord: & dit que, de la enuoyer homme bien-enlangagé & inſtruit, on ne pouuoit perdre. Si prirent vn varlet de leur congnoiſſance, nourry avec eux. Aimerigot, auant ſon partement, induit & inſtruit celui, en diſant. Nous te mettrōs hors de ceans ſauuement: & hors de tous perils, maugré noz ennemis. Ie te deliuray or & argent aſſez, pour mieux beſongner & exploiter, Tu t'en iras en Angleterre: & porteras ces lettres, vnes au Roy, vnes au Duc de Lanclaſtre, & les tierces au Conſeil du Roy. Tu me recommanderas bien & ſagement à eux. Toutes les lettres ſont de creances. On te recommandera tantōſt ſur quel eſtat tu es là venu. Les recommandations faites: tu diras qu'Aimerigot Marcel (leur petit ſoudoyer, & leur ſuget, & homme de bonne volonté, & appareillé à tous leurs ſeruices) eſt enclos & aſſiégué en vn petit fort (lequel eſt tenu des arriereſcifs de Limoſin, héritage au Roy d'Angleterre) & ceux, qui ſont deuant ce fort, ſe peinent & trauaillent tous les iours pour le prendre, & les compaignons qui le gardent & deſſendent: & de ceux, qui ſont deuant, eſt vn Cheualier couſin au Seigneur de Coucy (qui ſ'appelle Robert, & Vicomte de Meaux) Capitaine, inſtitué de par le Roy de France Si prie au Roy & à ſon Conſeil, auſſi au Duc de Lanclaſtre (comme à celui, qui eſt ſouuerain Regard en Bordelois, & en l'héritage du Roy d'Angleterre) qu'ils vueillent eſcrire, mander, & commander à ce Vicomte de Meaux, qu'il ſe departe du ſiege, & leuē & oſte ſes gens. Et n'oublie pas à faire mettre & eſcrire ce point en la lettre, pour donner au Vicomte plus grande congnoiſſance de cremeur, qu'il ſe met en peine, de rompre la paix donnée & ſeelle à Loliſſen, ſeant entre Boulongne & Calais. Et (pour ce que ie ne ſay,

*Inſtruccio d'un
varlet d'Aimerigot
Marcel, par luy enuoyé
en Angleterre,
pour taſcher à
faire leuer le
ſiege de la Roche
de Vandais.*

ne say, ces lettres veuës, que le Vicomte en voudra dire, ne quelle response il en fera, car il est assez estrange & merueilleux) fait que i'aye autant bien lettres du Roy, & des Seigneurs de son Conseil, & du Duc de Lancastre, adressées au Duc de Berry, & se le Duc de Berry veut, tantost ils se departiront, & leueront le siège. Et say tât, pour le mieux besongner, que tu ayes avec toy vn Cheualier d'honneur, de par le Roy, ou du Duc de Lancastre, ou Erby, le Heraut. Si le me salue: & dy, de par moy, qu'il vienne avec toy (il fait trop bien besongner: & si est bien congnu du Duc de Berry, & des Seigneurs de France) & ie luy donneray cent frâcs. Et mets bien en memoire toutes les parolles, dont ie t'instruis & informe: & en soyes bien soingneux: & di bien par dela à ceux, à qui tu parleras, que ce fort: que i'ay fortifié (s'il demeure Anglois) viendra encores bien à point, & tresgrandement, à ceux, qui es marches de par de çà guerre ferôt pour le Roy d'Ang. (car il sied sur frôtiere de pays) & pourra faire: sur vne saison, gaigner, à courir en Auvergne & en Limosin, à l'auenture deux cens mille francs. Quand Aimerigot Marcel, present Guiot du Sel son oncle, eut bien induit & instruit son varlet, & que les lettres de creance furent escrites & seellées, & qui luy eut deliuré cent frâcs pour ses menues frais, il s'ordôna pour partir: & partit: & s'en vint de nuit, & tout à pié, bié accompagné & conuoya à vn autre fort lequel estoit à Aimerigot Marcel: & le nomme l'on Saint Soupery. Quand il fut là venu, il prit tel cheual cõe il voulut auoir, à s'õ aduis le meilleur de la route, car il estoit à chois. & aussi auoit il à faire grand chemin. Il monta sus: & passa parmy le Royaume de France comme vn François d'Auvergne: & vint à Calais: & s'acointa du Capitaine, messire Jehan de Beauchamp: & luy compta vne partie de ses besongnes, afin qu'il fust plus tost auacé: si comme il fut, car le Capitaine luy fit tantost auoir passage. Il passa: & vint outre à Douures: & lors que son cheual fut hors du vaissel, il monta, & se meit au chemin, & exploita tât, que sur vn iour & demy, il vint à Lõdres, & eut si bonne aduenture, que le Roy d'Angleterre, & ses deux oncles, le Duc de Lancastre & le Duc d'Yorch, & le Cõseil, estoient tous au Palais à Westmonstier, pour cõseiller des besongnes de Northombellande, car les Escocois, selon ce que les plaintes en venoient au Roy & à son Conseil, ne tenoient point trop bien la trêue. Si deuoit on ordonner pour y enuoyer. A ce point vint le varlet d'Aimerigot à Londres. Si se trait à l'hostel. Il s'acointa de son hoste, & luy dit vne partie de son entente. L'hoste, pour l'adreuer, le mena à Westmonstier, & fit tant que premier il parla au Duc de Lancastre, qui se tenoit en sa chambre. car encores, n'estoient ils point entrez en Conseil. Il luy bailla les lettres, qui venoient à luy. Le Duc les prit & leut. Quand il les eut leuës, il le tira à part, pour celle créace. Le varlet luy dit & compta tout, de chef en chef, comme la besongne alloit, ainsi comme vous auez ouy, & qu'Aimerigot luy auoit dit & enchargé. Le Duc entendit à ses parolles, & luy demâda s'il auoit plus de lettres. Il respondit ouy, au Roy & à son conseil. Cest bien dit: dit le Duc, ie vous feray auoir entrée & audience, & le recommâda à vn sié varlet de chambre. Le Duc de Lancastre alla au Conseil, & quand il vit que point & heure fut il pourueut tresgrandement à la besongne du varlet. A la promotion du Duc, le varlet fut appelé. Il vint auât, & bail la ses lettres au Roy & à son Conseil. On les ouurit, & leut, & fut la examiné & demandé de sa creance. Celuy, qui estoit tout aduisé, & bien hardy de parler, ne fut point ébahy. Autrement, qu'il n'eust là que faire. Si remõstra la besongne d'Aimerigot Marcel moult sagement, & plus seurement assez, qu'on ne luy auoit chargé, tant que de tous il fut volontiers ouy. Quand il eut tout dit, & fait ses requestes, on luy dit qu'on en auroit conseil & aduis, & que de ce qu'il requeroit il seroit respondu. Il issit hors de la chambre du Conseil, & vint au dehors, & là attendit tant que ses lettres furent conseillées, & que la response en fut faite & rendue. La response fut telle, que le Roy escriroit au Vicomte de Meaux, & au Duc de Berry, sur la forme & ordonnance, qu'Aimerigot requeroit: & aussi feroit le Duc de Lancastre, & deliureroit on à l'homme, qui ç'auoit apporté, vn Escuyer Gentil-homme d'Angleterre, & de l'hostel du Duc de Lancastre, lequel passeroit la mer & feroit tous ces messages, & porteroit ces lettres, & pour mieux exploiter, Herby, le Heraut, iroit avec luy: & aideroit à faire tous ces pourchas, pourtant qu'il cognoist assez les Seigneurs d'Auvergne, & par especial le Duc de Berry. Dont le varlet qui les lettres auoit apportées de par Aimerigot Marcel, se contenta grandement de ceste response, & pourfuyuit depuis le Duc de Lancastre, & fit si bié son deuoir & sa diligēce, que sur briebs iours ses lettres furent escrites, & le Gentil-homme au Duc de Lancastre ordonné, & chargé pour y aller en message, & l'apelloit on (ce me semble) Charbery, & le Heraut, qui

† Cette fin de
clausse est selon
Verard, avec la
deduction suy-
uante.

Response à l'in-
struction et char-
ge du messenger
d'Aimerigot
Marcel, par le
Roy d'Angle-
terre & son
Conseil.

deuoit passer la mer avec luy, Herby laquelle chose il fit moult volontiers, car le varlet à Aimerigot luy dit, que s'il passoit la mer il auroit, de son maistre, cent frâcs tous contés. Quand les lettres furent escriptes, & seellées, les trois les prirrent, & puis se partirent du Duc de Lanclastre: & se meirent au chemin: & exploiterent tant, qu'ils vindrent à Douures, & auancerent leur voyage: & eurent vne fois vne nef passagere, qui les meit outre, d'une marée, au haure de Calais: & issirent hors: & allerēt en la ville loger: & quād la mer fut retraite, ils meirent hors leurs cheuaux: & se departirent de Calais: & prirēt le chemin de Boulongne. Ils passerent outre, & toute Picardie: & vindrent à Paris. Point n'y seiournerent. Ils se meirent au chemin: & exploiterent rāt, qu'ils vindrēt en Auuergne, & quād ils approcherent Lymoges, & le pays ou la Roche-de Vandais sied, ils allerēt tout autour pour y venir couuertement. Sur la forme & estat, que ie vous recorde, exploiterent tant les messagers, l'Escuyer & Herby le Heraut, qu'ils vindrēt assez pres de la Roche-de Vandais. Quand ils furent venus iusques sur le siége, l'Escuyer & le Heraut aduiserent pour le mieux: que point n'iroient, pour le present, en la Roche de Vandais: mais réuoyeroiēt le varlet, qui les estoit venus querir en Angleterre: & disoient qu'ils exploiteroient bien du surplus sans luy, car s'on le veoit en leur compaignie, on supposeroit tantost, qu'on les feroit allē querir en Angleterre, & que c'estoit vne chose faite à la main: & monstroiēt mieux, quand on les orroit entre eux deux parler & deuifer, que la besongne seroit à certes pour le Roy d'Angleterre, que se plus de gens s'en ensoignoient. Le varlet obeit à l'ordonnance des deux, pour le mieux: & retourna au fort, de nuit par le chemin qu'il fauoit sans le danger de ceux, qui deuant seioient: & trouua Aimerigot Marcel, & Guiot du Sel son oncle, & les compaignons: qui luy firent bonne chere, quand ils le virent, & furent tous emeuillez qu'en si briefs iours il estoit allē & retournē d'Angleterre. Il recorda à Aimerigot Marcel comment il auoit exploité, & comment l'Escuyer du Duc de Lanclastre, & Herby le Heraut, estoit issu hors d'Angleterre en sa compaignie, pourueu de lettres du Roy d'Angleterre & du Duc de Lanclastre, adreçans au Vicomte de Meaux, & au Duc ne Berry: s'il se besognoit. Et pourquoy (dit Aimerigot) ne sont ils venus iusques cy? Respondit le varlet, C'est par cautelle: si comme ils me dirent, car entr'eux deux feront bien & acheueront le message: & ne veulent point, que nul, de par vous, soit veu en leur compaignie. Ils sont sages & bien auisz, respondit Guiot du Sel. Ils mōstreront que de ce fait le Roy d'Angleterre & le Duc de Lanclastre les enuoyent par deçā la mer, & que la besongne leur touche. Respondit le varlet, Vous dites verité. De ces nouuelles fut Aimerigot moult reiouy: & dit à son varlet, Tu as moult bien exploité, & sur briefs iours: & bien te le guerdonneray. Vous deuez sauoir que l'homme, enuoyē de par le Duc de Lanclastre, & Herby le Heraut en sa compaignie, tantost issus hors d'Angleterre, s'en vindrent deuant la Roche de Vandais, & droit ou les François tenoient leur siege, & demanderent le Vicomte de Meaux. On le leur enseigna. Ils y furez menez, & trouuerent le Vicōte qui deuant sa tente s'ebatoit, à veoir getter la pierre. Quand ils furent venus iusqu'à luy ils s'enclinerent: & le saluerent. Le Vicomte leur rendit leur salut: & puis leur demanda dont ils venoient. Ils respondirent qu'ils venoient d'Angleterre, & qu'ils estoient là enuoyez de par le Roy d'Angleterre & le Duc de Lanclastre. Vous soyez les bien venus dit le Vicomte. Quelles nouuelles vous amēinent maintenant en ceste terre sauuage? Monseigneur (dit le Heraut) veez cy vn Escnyer (qui est à Monseigneur de Lanclastre) qui vous apporte lettres du Roy d'Angleterre, & du Duc de Lanclastre (si les lirez, s'il vous plaist) & pource que ie cognoi vn petit le pays de par-deçā, ie suis venu en sa cōpaignie. Adonc luy bailla l'Escuyer les lettres: & le Vicomte les prit, & regarda les seaux: & congnt bien qu'elles estoient bonnes, & apportées d'Angl. Si prit vn de ses hommes à part: qui bien sauoit lire. Si les leut toutes de chef en chef, par deux ou par trois fois: rāt que le Vicōte les eut biē entendues. Si pēsa sur ces escritures: & regarda contre le Roy d'Ang. qui luy escriuoit qu'il estoit logē, dormoit & reposoit sur son heritage, à main armee, & se mettoit en peine, tous les iours, de rōpre la trēue. Laquelle chose il ne pouuoit, ne deuoit faire, car c'estoit grandement au préiudice des seellez, que seellez auoient luy & son aduersaire de France: & mandoit (telle estoit la conclusion de la lettre) qu'apres ces lettres veues, & leues, le Vicomte & ses gens se partissent de là, & laissassent le siege, & le leuassent, & laissassent Aimerigot Marcel paisiblement posseder son heritage: lequel luy auoit moult coustē à fortifier. Ces parolles, & autres plusieurs, encloses auoit encore dedans ces lettres, & tout à l'aide d'Aimerigot Marcel.

Retour du messager d'Aimerigot vers son maistre, luy apportant & amenant de pesche telle, qu'il demandoit.

Lettres du Roy d'Angleterre, & du Duc de Lanclastre au Vicomte de Meaux, obtenues par Aimerigot Marcel, pour ascher à faire leuer le siege de Vandais

Tout ainsi, & sur vne mesme forme & maniere, comme les lettres du Roy d'Angleterre, parloient, celles du Duc de Lancastre chantoient: & madoit comme Duc t'excelsis d'Acetse en terminaitaine & d'icelle Duché. Adonc respondit le Vicomte de Meaux, quand il fut aduision François: & dit, Beaux Seigneurs, ces nouuelles, que vous m'apportez, demandent bien auoir se, nous le prendrons pour haut Conseil. Je m'en conseilleray: & puis ie vous en respōdray. Lors se traitēt auant l'Escuyer & le Heraut: & tantost trouuerent qu'ils mena boire du vin au Vicomte. Ce pendant & souverain, comme ie croy qu'il veut aussi par ce mot Latin, tel qu'il est.

se conseilla le Vicomte, car il manda le Seigneur de la Tour, messire Guillaume le Boureiller, messire Robert Dauphin, messire Loys d'Aubiere, le Seigneur de Montigny, Vermendisien & messire Berart de la Riuiere: mais celuy estoit de son hostel. Quand ils furent venus ensemble, il leur renouella incontinent les parolles, & ce pourquoy il les auoit mandez: & leur fit lire les lettres, là enuoyées. Quand les Cheualiers les eurent ouyes, ils furent emerueillez comme ia lettres pouuoient estre venues & apportées d'Angleterre, car encores n'auoient ils pas esté au siège vn mois. Je vous diray (dit le Vicomte) que ie suppose. Celuy Aimerigot Marcel est vn subtil varlet. Si tost qu'il veit qu'il auroit le siège, il enuoya vn sien varlet (espoir) en Angleterre, pour impetrer ces lettres. Or y obeyray-ie, si ie vueil. Je vous dy bien que i'en respondray tātost: mais de ce, que le Roy d'Angleterre & le Duc de Lancastre me mādent, ie n'en feray riens, car nullemēt ne suis tenu d'obeyr à eux, fors au Roy de Frāce † mon Sire: qui m'acy cōmis & enuoyé. Qu'on face venir le Héraut & l'Escuyer auant: & ie leur feray responce. Tātost on les alla querir: & furent amenez deuant le Vicomte & les Cheualiers, qui là estoient. Quand ils furent venus, ils enclinerent leurs chefs: & le Vicomte commença à parler. Vous Herby, & Thomelin Herberi (ainsi estes vous nommez, selō la teneur des lettres, que vous m'avez apportées) il me semble que vous estes cy venus & enuoyez de par le Roy d'Angleterre & le Duc de Lancastre: lesquels sont informez (ie ne say pas comment, ou par l'interpretatiō d'Aimerigot Marcel, ou par autrui, qui le vueille aider, & qui ayt esté en Angleterre, au nom de luy) que ie suis à present, à main armée, demouré & logé sur l'heritage du Roy d'Angleterre: & me mandent: que ie m'en parte & lēue le siège, & laisse paisiblement iouir, & posséder Aimerigot Marcel, d'un petit fort: lequel à grande peine & à grand coutage il a fortifié. Et me mandent encores, que ie me mets en peril & en auenture de moy deshonorer, car ie vueil & consent à rōpre la trēue, qui est donnée, & scellée à tenir fermement & establement, le terme de trois ans, entre le Roy de Frāce & le Roy d'Angleterre, leurs cōioints & leurs adhers. Je vo⁹ dy, beaux Seigneurs, qu'à lencōtre de la charte ie ne puis ne vueil obuier, que ie ne tienne la trēue, & pour chose que ie sejourne & loge icy, qu'elle soit en riens enfreinte, violée, ne brisée. Je suis homme du Roy de France Nostre Sire: lequel m'a cy enuoyé & estably, comme vn sien petit Marechal, pour le present. Car il est venu à la cognoissance du Roy & de son Conseil, par la complainte des Nobles du pays d'Auuergne & de Limosin & des bōnes-gēs des villes & du plat pays (qui grād' perte & dōmage y ont receu) qu'Aimerigot Marcel a en celle marche, & sur le departemēt des pays, aduisé vne forte place, laquelle estoit bien vuidee (& l'habitation toute desertee, & condamnée à non y demourer iamais) & qu'il la prise & fortifiée: & sur ce, il ne la pas fait pour fort, ne maison de paix, ne de soulas: mais en a fait vn fort & retour ne larrōs, pillars. & meurtriers. Si m'est commādē, de par le Roy, que ie me tienne icy, pour deffendre & garder le pays: & afin que ceux, qui y sont amassez, & qui tiennent le fort qu'on nomme la Roche-de-vādais, ne puissent multiplier en leur mauuaistiē (ce qu'ils ōt fait) pour eux punir & corriger, par telle sentēce qu'à leur forfait appartient, ie me mets en peine d'eux prendre & auoir. Donc, beaux Seigneurs, au cōmandemēt, auquel ie vueil & doy obeyr, ie feray mon deuoir, & m'en aquiteray loyaument, & d'icy ie ne me mouueray, ne partiray, pour mandement qu'il me vienne, tant que i'auray le fort, & ceux, qui le tiennent cōtre moy & mes compaignons. Et s'Aimerigot Marcel vouloit dire & mettre auant que ie me foye auancé de rompre la paix de la treue (car en treue doit estre bonne paix) il se traye auāt, & ie le feray cōbattre par aussi bō, ou meilleur, qu'il n'est & luy feray prouuer que luy mesme l'a enfreinte plainement, & rōpue par trop de points & d'articles. Doncques, beaux Seig. tout cōsideré, ie vous fay responce, vous pouuez rētourner, quād il vo⁹ plaist: & vous reuenus par de là, ne vueillez ne dire ne recorder autres parolles, ne plus ne moins, que ie vous en dy. Car les rapporteurs des parolles mal-affises informent telle fois les Seigneurs à l'encontre & au contraire de verité. Monseigneur (respondit l'Escuyer) Nous ne sōmes, Herby ne moy, cy venus fors que pour rapporter ce que nous or-

*Depart des mes-
sagers d'An-
gleterre vers le
Duc de Berry,
sans auoir peu
rien profiter en-
uers le Vicomte
de Meaux pour
Aimerigot
Marcel.*

*Les messagers
d'Angleterre,
présentēt leurs
lettres au Duc
de Berry, en fa-
ueur d'Aimeri-
got Marcel.*

*Lettres du Duc
de Berry au Vi-
comte de Meaux,
selon que luy re-
queroient les
Ang. à la pour-
suite d'Aimeri-
got Marcel.*

rons, & qu'on nous dira, & puis que vous n'en voulez autre chose faire, nous n'auōs que
sejourner cy. Ils prirent congé: & le Vicomte demoura. Il fit, à leur departement, au He-
aut deliurer dix francs, pour l'honneur du Roy d'Angleterre & du Duc de Lancastre
qui là l'auoient enuoyé, & ausquels il estoit. Quand ils furent departis du Vicomte & on
les eut mis au grand chemin, pour venir & retourner en la cité de Clermont (car ils di-
soient qu'ils s'en vouloient aller à Paris, & que par là ils estoient venus) & ils eurent che-
ueuché enuiron demie lieuë, entre eux deux commencerent à parler, & rentrer en leur
matiere: & dirent ainsi, Nous n'auons rien fait. Il nous faut aller deuers le Duc de Berry
& d'Auuergne. Il est Sire de ce pays, dit Herby. Il s'escriit Duc de Berry & d'Auuergne.
Le Vicomte de Meaux ne l'osera courroucer, se le Duc luy mande qu'il se departe de la,
& nous auons lettres du Roy d'Angleterre & du Duc de Lancastre, adreçans à luy. Si est
raison qu'il les voye, & que nous sachons son entête. Ils tindrēt ce propos, & cheuauche-
rent fort, tant qu'ils vindrent à Clermont. Ils y furent les bien-venus, car le Heraut con-
gnoissoit assez le pays. Il y auoit esté autresfois: & disoit par tout, quād on leur demādoit
qu'ils queroient, qu'ils estoient messagers au Roy d'Angleterre. Eux venus à Clermont
en Auuergne, ils demāderēt, du Duc de Berry, ou il se tenoit, On leur dit que pour le pre-
sent il estoit en Auuergne, en vn tresbel chastel: qu'on appelloit la Nonette. Le Heraut
sauoit bien ledit chastel de la Nonette, car autresfois il y auoit esté. Si se departirent de
Clermont: & cheuaucherent: & vindrent à Vioire, & de là à la Nonette, car la montai-
gne est moult haute à monter, auāt qu'on soit au chastel. Quand ils furēt venns là sus, ils
trouuerent grande foison de gens au Duc de Berry: qui s'ebatoient en la place, deuant la
porte. Le Heraut fut tantost cognu des aucuns. Si furent menez deuers le Duc: qui pour
l'amour du Roy d'Angleterre & du Duc de Lancastre, leur fit bonne chere. L'Escuyer
Anglois, qui portoit les lettres, adreçans au Duc de Berry, les luy bailla. Le Duc les prit,
ouurit, lisit tout au long, par deux fois: & adonc il pensa sus vn petit: & puis respondit cour-
toisement, à la plaissance de ceux, qui apportez les auoiet. Car il dit, Pour l'amour de noz
cousins, nous en ferons volontiers nostre pouuoir. De ceste responce furent l'Escuyer
& le Heraut tous ioyeux: & cuyderent à ce coup auoir exploité de tous points, mais non
eurent: si comme ie vous diray. Si ne demoura il mie en la négligence du Duc de Berry,
car de ce commencement il fit deuoir de leuer le siege, grandement. Sa diligence sy en-
clinoit, pour complaire au Roy d'Angleterre & au Duc de Lancastre: qui le prioyēt que
le siege fust leué de deuant la Roche de Vandais, & que ledit petit fort demourast à Ai-
merigot, & au cas qu'il luy demourroit, on le feroit tenir tout paisible, & amender son
forfait: s'il auoit courroucé le Roy de France & son Conseil. Le Duc de Berry (qui se vou-
loit acquiter de ce, dont il estoit prié & requis des Anglois, qui estoient en son hostel (es-
criuit tantost vnes lettres, bien dictes, & ordonnées au mieux qu'on les pouuoit faire, a-
dreçans au Vicomte de Meaux: & les lettres faites auant qu'elles fussent scellées, il les fit
lire deuant les Anglois: lesquels les cuidèrent à bien bonnes, & bien parlans, Ces lettres
furent apportees, par vn Escuyer, notable, du Duc de Berry, au siege de la Roche de Van-
dais, & baillies au Vicomte de Meaux: lequel les prit & ouurit, & lisit, & puis appella les
Cheualiers & Escuyers d'honneur, qui la estoient: & les fit lire en leur présence, entretāt
que celui, qui apportees les auoit, estoit mené boire, car on luy fit bonne chere, pour l'a-
mour du Duc de Berry. Ce fut raison. Seigneurs (dit le Vicomte à ses compaignōs) nous
ne demourrons pas en paix: puis que le Duc de Berry veut porter Aimerigot, l'homme
du monde, qui puis douze ans a plus greué, trauaillé, & guerroyé le pays d'Auuergne, &
fait de poures gens: & cuidoye que le Duc le haist moult grandement: mais non fait, à ce
qu'il monstre, quand il veut, & demande expressement, que ie me departe d'icy. Par ma
foy ie n'obeiray pas à present à ses lettres: mais ie m'excuseray, & de raison, de par le Roy
Nostre Sire & son conseil, qui cy m'ōt enuoyé, & au departemēt de Paris enioint estroite-
ment, & commandé, que pour mandement que i'eusse (s'il ne venoit de la bouche du
Roy) ie ne me departisse d'icy, tāt que i'auroye le fort de la Roche de Vandais pris & con-
questé, & Aimerigot Marcel aussi pris (comme qu'il fust) se prendre le pouuoie: & le Duc
de Berry me mande tout le contraire, & que tantost, & sans delay, ses lettres veues, ie le-
ue le siege. Par ma foy ie n'en feray riens. Sire (respondirent les Cheualiers & Escuyers
d'Auuergne, qui là estoient, & qui ouy l'auoient) vous parlez royaument, & loyaument:
& nous demourerons avec vous. Mais sachez que pour le costé: qui eueut maintenant
Monseigneur de Berry à prier & escrire pour ses ennemis, nous supposons qu'Herby, le
Heraut

Herault, & l'Efcuyer Anglois (qui aposteret les lettres l'autre iour cy à vous) pareillemēt par le Roy d'Ang. & le Duc de Lanclastre, luy ayant auffi apportées lettres. Vous dites grand merueille (dit le Vicomte) & ie le ſauray, ſi ie puis. Adonc fut appellé l'Efcuyer du Duc de Berry, pour luy faire ſa reſponſe. Il vint: & quād il fut venu en la preſence du Vicomte & des Cheualiers & Eſcuyers d'honneur, le Vicomte parla ainſi: & dit, & nomma l'Eſcuyer par ſon nom (car bien le congnoiſſoit) Pierre ie vueil bien que vous ſachez que ie doy, & vueil deuoir, toute obeiffance à Monſeigneur de Berry, car il eſt ſi grand & ſi prochain du Roy Noſtre-Sire, que ie ne l'oſeroye courroucer. Mais moy & mes compaignons (qui cy ſommes, & auons eſté cinq ſemaines au ſiege deuant ce fort, pour le prendre, & les larrons qui dedans ſont, à l'eſtroit commandement de la bouche du Roy & de ſon Conſeil) nous émerueillons grandement (& bien y a cauſe) comme Monſeigneur de Berry nous mande & prie pour ſes ennemis, & que nous oſtions d'icy, & leuions le ſiege. Si fait eſtoit, nous diſons généralement (& le dirent tous ceux, qui cy ſont, par la bouche de moy) que nous donnerions grand matiere & bon exemple à tous larrons & pillars (qui courir vouldroient au Royaume) qu'ils fiſſent du pis, qu'ils pourroient. Pierre vous direz ainſi à Mōſeigneur de Berry de par nous tous, & de par moy en chef, que nous ſommes, & ſuis tout preſt & enclin à faire ce qu'il luy plairoit, & commanderoit: mais il m'eſt ſi eſtroitement enioinct & commandé du Roy, & de ſon Conſeil, à cy eſtre & tenir le ſiege, tant qu'à bonne concluſion l'auray mis (comme ſouuerain Capitaine de tous ceux, qui deuant le fort à ſiege ſont) que ie ne l'oſeroye enfreindre, ne paſſer: & dites biē qu'à nul autre mandement, ne commandement ie n'obeiray, fors au Roy: à qui ie ſuis ſuget, & qui m'a icy enuoyé. Mais ie vous prie que vo' me diez vne choſe, ſe ſauoir le puis, dont vient il maintenant à prier à Monſeigneur le Duc de Berry pour Aimerigot Marcel? qui tant a fait de contraire & mauuaiſtiē en Auuergne & en Limosin: & il eſt pris & attrapé, ainſi comme vn traître doit eſtre, pour venir à male fin, car bien ill'a deſſeruy, & contre ce, qu'il a iuré, il erre. Reſpōdit l'Eſcuyer, il ſont venus, deuers Monſeig. deux hommes d'Angleterre, vn Herault, & vn autre homme: qui ont apporté lettres à Mōſeigneur, de par le Roy d'Angleterre, & de par le Duc de Lanclastre: & prient trop fort pour Aimerigot. Je vous en croy bien, dit le Vicomte. C'eſt Herby, le Herault, & vn Eſcuyer avecques luy: qui ſapelloit Herbery. Ils m'apporterent auffi l'autre iour lettres, ſur la forme, ſi comme ie ſuppoſe, que le Roy d'Angleterre & le Duc de Lanclastre eſcriuēt à Mōſeigneur de Berry. Doncques, Pierre, dites à Monſeigneur de Berry, de par moy encores avecques les parolles que ie vous ay chargées à dire, qu'il conſidere bien toutes choſes. Car toutes ces prieres, qui viennent de delà la mer, ce ſont prieres impetrees, & auxquelles nul Seigneur de par deçà, ſil aime l'honneur & le proffit du Royaume de France, ne ſe doit encliner, ne deſcendre. Monſeigneur reſpōdit l'Eſcuyer, ſoyez certain que ie n'oubliſſerai riens: car Aimerigot n'eſt pas trop biē en ma grace: & aime trop plus cher à veoir ſa punition, que ſa deliurāce. Adonc prit l'Eſcuyer congé au Vicomte: & aux Cheualiers. Ils luy donnerent. Il monta à cheual: & ſe partit d'eux: & puis exploita tant, luy & ſon cheual, qu'il reuint à la Nonette: ou il trouua Monſeigneur de Berry, à qui il fit ſon meſſage. Si recorda tout ce, dont on l'auoit chargé de dire, bien & ſagement. La concluſion fut telle, qu'il dit bien que le Vicomte de Meaux auoit dit, que pour mādēmēt qui veinſt ne qu'il euſt, ne ſe partiroit du ſiege de deuant la Roche de Vandais: ſe le Roy de France eſtroitement ne luy mandoit. C'eſte reſponſe ne receut pas le Duc de Berry trop en grē: & luy ſembla qu'il pouuoit bien. tant au Royaume de France, qu'on deuoit obeir à ſes lettres, & par eſpecial en la terre d'Auuergne. Quand l'Eſcuyer Anglois & Herby, le Herault, eurent ouy la reſponſe, que l'Eſcuyer de Monſeigneur de Berry auoit rapportée, & que point le ſiege ne ſe leueroit, ſi furent tous penſifs: & veirent bien qu'ils traualloient en vain. Si demanderent au Duc, Monſeigneur, que nous conſeillez vous de faire? Nous departirons nous de vous ſans riens exploiter? Le Roy d'Angleterre & le Duc de Lanclastre auoient grande fiance en vous, que vous feriez leuer le ſiege, pourtāt que la Roche de Vandais giſt en voſtre Seigneurie. Souffrez vous dit le Duc de Berry. Aimerigot eſt en forte place. Il n'a garde d'eſtre pris: ſil ne luy mechet trop grandement: & ie doy prochainement aller en France deuers le Roy, & moy venu par delà, ie parleray au Roy, & à ſon Cōſeil: & pour l'amour de mes couſins d'Angleterre: qui en prient, i'y adreſceray ce que ie pourray: & vous viendrez auffi avecques moy, ſi verrez comme i'exploiteray. Sur c'eſte parolle ſe contenterent & appaiſerent l'Eſcuyer & le Herault.

Reſponſe du Vicomte de Meaux aux lettres du Duc de Berry, s'excusant de n'oſer leuer le ſiege ſans expreſ commandement du Roy

Le Duc de Berry, aucunemēt, mal content de la reſponſe du Vicomte de Meaux.

Le Duc de Berry fait temporiser les meſſagers d'Angleterre, leur promettāt d'aller parler au Roy ſon neveu pour leur poursuite.

Les sejours du Duc de Berry, ennuyez aux messagers d'Angleterre.

Le Duc de Berry refroidi par le Conte de Sancerre, de faire leuer le siege de la Roche de Vandais.

Verard dit, Pierreguis.

Auertissement d'Aimerigot Marcel voulant aller querir secours à son oncle Guiot du Sel le laissant lieutenant de la Roche de Vandais.

Depuis ne demoura que quatre iours, que le Duc se partit de la Nonnette: & y laissa la Duchesse sa femme, & grande partie de son hostel: & s'en vint à Rion en Auvergne. Quand il fut là, il sejourna plus de huit iours, attendant le Côte de Sanxerre, & le Sire de Renel: qu'il auoit enuoyés en Auignon, pour ses besongnes. Quand ils furēt venus, ils se departirent de là tous ensemble, & se meirent au chemin, parmy Bourbonnois: & cheuauchèrent tant, & à petites journées, qu'ils vindrent à Bourges en Berry: & là fut le Duc deux iours. Il s'en partit au tiers iour: & vint à Mehū-sur-Yeure, vn chastel, là ou a l'une des plus belles maisons du monde: qu'il auoit pour lors. Car le Duc de Berry excellentement y auoit fait ouurer & edifier: & auoit bien cousté trois cēs mille francs. Là sejourna le Duc quinze iours: dont moult ennuyoit aux Anglois, qui procuroient pour Aimerigot, mais ils n'en pouuoient auoir autre chose: & s'en dissimuloient, & le Duc n'en faisoit plus compte: & ie vous diray pourquoy, & comment. Le Comte de Sancerre & le Sire de Renel (qui estoient les souuerains de son Conseil, avecques messire Pierre Mespín) auoient trop grandement chargé le fait d'iceluy Aimerigot: & en auoient, par conseil, blasme doucement le Duc de Berry: & luy auoient dit qu'il n'auoit que faire de soy mesler des besongnes d'Aimerigot: car sa vie auoit esté, & estoit, deshōorable: & estoit vn paillard faux & mauuais contre la couronne de France, & par lequel trop de villains faits, de pilleries & de rōberies, auoient esté faits, soustenus, & auancez en Auvergne, & en Limosin: & n'estoit pas vn homme, pour qui on deust prier ne parler: mais en deuoit on laisser conuenir le Roy & son Conseil. Ces parolles, & autres, auoient grandement refroidy, & retardoient grandement le Duc de Berry: & n'en faisoit plus nul compte. Neantmoins les deux Anglois, dessus-nommez, faisoient grandement leur deuoir de se ramenteuoir au Duc: & le Duc, en dissimulant, leur respondoit courtoisement: & leur disoit, Souffrez vous. Nous ferons tantost à Paris: mais que nous soyōs departis d'icy: & (quoy qu'il dit) encore se tenoit à Mehun-sur-Yeure: & s'y tint plus de trois semaines: & deuisoit au Maistre de ses œuures, de taille & de peinture. Maistre Andrieu Beau-neueu, à faire nouvelles images & peintures, car en telles choses auoit il grandemēt sa fātasie: & de tousiours faire ouurer de taille & de peinture: & il estoit bien adrecé, car dessus ce maistre Andrieu, dont ie parle, n'auoit pour lors meilleur, ne le pareil en nulles terres, ne de qui tāt de bōs ourages fust demouré en France, ou en Haynaut (dont il estoit de nation) & au Royau me d'Angleterre.

Comment estant Aimerigot Marcel secretement sorty de la Roche de Vandais, pour auoir secours d'autres pillars ses compaignons, Guiot du Sel, son Lieutenant, fut surpris par embusche, & la forteresse rendue par composition. CHAP. XVI.

OR vous vueil ie dire & recorder quelle chose il aduint d'Aimerigot, & de la Roche de Vandais. Il, qui estoit assez imaginatif (quand il veit que la decreance se mettoit si longue à leuer le siege) pensa bien que les messagers du Roy d'Angleterre & du Duc de Lancastre ne pouuoient riens impetrer, & que ses prieres & ses lettres alloient toutes au neant. Si aduisa vn autre tour, s'auisa qu'il se departiroit de là: & cheuaucheroit de nuit & de iour, tant qu'il reueilleroit les Capitaines de Perigourd & de Pierregins, Guiōnet de Sainte Foy, Ernauton de Sainte Coulombe, Ernauton de Rostem, Jehan de Morfen, Pierre d'Anchin, Remonnet de Compagne, & plusieurs autres Gascons & Bearnois, & fors Anglois, & gens guerroyeurs, & feroit tant par belles parolles, que tous ces Capitaines s'assembleroient & monstrepoient en Auvergne: sur l'espece & conuoitise de fort gaigner, & viendroient de soir, ou du matin, leuer le siege: & prendroient tous les Gentils-hommes, qui là estoient: & bien auroient pour cent mille francs de prisonniers, sans le menu butin. Si en parla à son oncle Guiot du Sel, & luy dit tout le long de sa pensée. I'ay telle chose proposée. Qu'en dites vous? Il respondit, & dit. Ie n'y voy que tout bien, autrement ne ferons nous deliurez de ces François. Or mon oncle (dit Aimerigot) ie feray ce voyage, puis que vous me le conseillez, mais ie vous prie d'une chose, auant mon departement. Qu'elle? dit Guiot du Sel, Que pour écar mouche que les François facent ne pour faillies, vous ne vueillez point ouurer les barrieres, n'issir au dehors, car se vous le feisiez, vous pourriez plus perdre que gaigner. Respondit Guiot, Ie m'en garderay bien. Nous nous tiendrons icy dedans tous clos, tant que reuiendrez, & que nous orons nouvelles de vous. Voire bel oncle (dit Aimerigot) ie vous en prie. Autremēt ne les pouuōs nous courroucer, q̄ de nous tenir enclos. De leurs assaux & écar mouches n'auōs nous garde. Depuis ne demourerēt pas trois iours, qu'Aimerigot Marcel se departit de la Roche-

Roche de Vandais, & vn page tant seulement avecques luy: & se meit en chemin. Il passa tout outre, sans le danger des François, il auoit intention d'amener compaignons aventureux, & leuer le siège: & (quoy qu'Aimerigot Marcel fust hors de la garnison) ceux del'hostel n'en sauoyét riens. Car on pouuoit entrer & iussir hors de la Roche-de-Vandais, quād on vouloit, sans le danger & sceu des François. Tous les iours il y auoit deuant le fort, escarmouche, & assaut aux barrieres: & aduint, enuiron cinq ou six iours apres ce qu'Aimerigot se fut parti de la Roche de Vandais, qu'il y eut des François vn assaut, grād & bel & bien ordonné: & furent departis les François en trois parties: & toutes les trois parties firent armes, car iceluy Guiot du Sel estoit bon homme d'armes: & long temps en auoit vſé. Mais encores en ce iour il se forſit par outre cuidance: car il alla hors de l'ordonnance de son neueu: qui luy auoit chargé que pour assaut qu'on fist: point n'iſſist hors, n'ouurist les barrieres. A celuy assaut il y eut trois escuyers (deux d'Auuergne & vn Breton) lesquels estoiet, en faisant armes, sur vn pâ de mur, tout au plus pres de la forteresse. Ces escuyers par especial, dessus tous les autres, ſy porterent vaillamment: & firent beaucoup d'armes ceux d'Auuergne estoient nommez Richard de la Violette & Lubinot de Rochefort: & le Breton, le Monadic: qui ia fut pris en Limosin, au chastel de Mont-vantadour, & estoit à messire Guillaume le Bouteiller. Si dura cest assaut iusques à la nuit, & acquirent ces trois Escuyers tresgrand' grace, (mais quelque peine ne trauail, que les François eussent en assaillant) si n'y conquirent ils riens. Or aduint qu'à vne autre escarmouche, apres que le Vicôte de Meaux eut nouuel sens & aduis, il meit en embusche douze hōmes d'armes de ses gens, en vne vieille grotte, au dehors du fort: & dit aux autres compaignōs, allez escarmoucher aux barrieres: & se vous veez que ceux qui sont dedans, saillent dehors, ainsi qu'ilz pourront faire, car ils sont conuoitez de gaigner (si reculez petit à petit, tant que vous soyez retraits outre l'embusche. Ils saudront auant, & vous aussi retourneriez: & ainsi seront-ils enclos: & par celle maniere seront ils pris & attrapez. Je n'y voy meilleur aduantage. Tout ainsi que le vicomte de uisa & ordonna, il fut fait, & furent ceux nommez, qui seroient à l'embuche. Louis de Lesglinelle, en fut l'vn, Robert de Berthencourt, Vandelle, Guillaume de la Saulsoye, Pierre de S. Vidal, Gionet de Villeracque, Pierre de Col, Andrieu de la Roche, lehan Salmage, & tant qu'ils furent douze bons Hommes: & s'embuscherent en vne vieille grotte, au dehors du fort: & les autres compaignons allerent escarmoucher: tels que † Be-
linot de Rochefort, Richard de la Violette, & le Monadic: & estoient moult frisque-
mēt armez de toutes pieces, à fin qu'ils fussent plus conuoitez de ceux de dedās, & estoient
les escarmoucheurs aussi eux douze tant seulement. Quand ils furent si auāt qu'à la bar-
riere ils commencerent à assaillir feintement, & à faire les simples. Parquoy Guiot du
Sel n'en fit compte, & saillit hors. Si dit à ses compaignons, Par saint Marcel, nous sau-
drons hors: car à la barriere sont ieunes compaignons qui ne cognoissent encores les
armes: à ce qu'ils monstrent. Nous leur apprendrons à les cognoistre. Ils seront noz pri-
sonniers, & ne nous peuuent eschapper. A ces mots il fit ouurir la barriere, & saillit hors
tout le premier, & ne luy souuint pas de ce q̄ Aimerigot luy auoit dit à son departemēt
car le grand desir qu'il eut de faire armes, & de gaigner aucune chose, luy fit l'escarmou-
che cōmencer. Quand les François virent que ceux du fort estoient hors des barrieres,
& Guiot du Sel le premier, si en furent tous resiouis, & se commencerent à reculer pe-
tit à petit: & ceux du fort apres, & tant allerent, qu'ils passerēt outre la premiere embu-
che: & quand ils furent en sus, & ceux de l'embusche virent qu'il estoit heure, ils saillirēt
hors de la grotte, & se meirent sur le chemin, entre le fort & les ennemis en criāt Coucy
au Vicomte. Si furent les issus du fort tous enclos, deuant & derriere. Quand Guiot du
Sel veit l'ordonnance, il cognut bien qu'il s'estoit méfait, & que fort estoit de luy sauuer,
ne retraire. Si cōmença à reculer, pour venir à la Garnison: mais on luy saillit au deuant.
Que vous feroi-je lōg cōpte? ils furēt là tous pris, & attrapez: n'oncques nul n'en récha-
pa: & furent amenez au logis du Vicomte, deuant les cheualiers qui là estoient: lesquels
en eurent moult grand ioye. Par le conseil, que le Vicôte de Meaux donna, furēt Guiot
du Sel, & ceux qui ce iour estoient issus hors du fort, pris attrapez & menez en l'oſt, de-
uant les Seigneurs de France & d'Auuergne. Quand le Vicomte de Meaux veit ledit
Guiot du Sel, Si luy demanda ou Amerigot Marcel estoit, & qu'il dist la verité: car il le
cuidoit au fort. Il respondit qu'il ne sauoit, & qu'il estoit parti du fort, auoit plus de dou-
ze iours. Adonc deuinerent les Seigneurs qu'il estoit allé au pourchas. On le fit mener

† N'agueres
Lubinot.

saillie de Guiot
du sel contre
l'aduertissemēt
de son neueu
Aimerigot
pour lors absent
à la poursuite
de secours.

Guiot du Sel,
& ceux qui
estoient saillis
avec luy, pris
par embusche.

arriere, & les compaignons, qui avecques luy auoient esté pris. Là demanda le Vicomte de Meaux, aux Cheualiers d'Auuergne, quelle chose il estoit bõ à faire de ce Guiot du Sel & de ses compaignons, & qu'il en vouloit vser par leur conseil Messire Guillaume le Bouteiller luy respõdit, & dit ainsi, Certes Sire, ie suppose qu'Aimerigot Marcel soit allé en secours, & reueiller les compaignons des garnisons, en Pierregourd & en Pierreguis. Car tousiours trouuera (quoy que tréues sont) qui s'auenturera volontiers, pour mal faire, & pourroit aduenir qu'il viendroît sur nous, ou de soir ou de matin, auât que nous en sceussions rien: & nous pourroit porter du contraire ou dommage. Car Aimerigot est moult subtil: & si est de grand pourchas. Si faisons vne chose. Dison à Guiot du Sel, & à ceux qui sont avecques luy, qu'il nous facent rendre le fort de la Roche de Vandais, ou nous leur ferons trencher les testes sans deport: de laquelle chose, s'ils ne la veulent faire, ils ne soient point espargnez. Ce conseil est bon respondit le Vicomte, car au voir dire pour auoir ce fort, sommes nous venus en ce pays. Se nous n'auõs Aimerigot Marcel maintenant, vne autre fois viendra il à point. Adonc s'appareillerent le Vicomte, le Seigneur de la Tour, Messire Robert Daulphin, messire Guillaume le Bouteiller, & les autres: & vindrent deuant le fort au plus pres qu'ils peurent, & là furent amenez Guiot du Sel & les autres. Le Vicomte ouurit la parolle & leur dit (& s'adreça premierement à Guiot pourtant qu'il estoit capitaine) Guiot vous deuez sauoir, & vous & tous ceux qui cy sont des vostres, que nous vous ferons tous trencher les testes sans deport, se vous ne nous faiêtes rendre le fort de la Roche de Vandais, & là ou vous nous le rendrez, nous vous lairrons aller quictez & deliures. Or auisez laquelle part vous voulez, ou la mort ou la vie: De ceste parole furent Guiot & ses compaignons tous ébahis: & regarderent que trop mieux leur valoit sauuer leurs vies, que mourir. Guiot du Sel respondit, & dit ainsi, Sire, ie m'en mettray en peine. Adonc vint iusques à la barriere, & fit tât qu'il parla à ceux qui dedans le fort estoient. Ils se trayrent auant: & sachez que ceux qui au fort estoient, se tenoient ia pour tous decõfirs. Ils ne sauiët de qui faire Capitaine, puis qu'ils auoiët perdu leurs deux maîtres, & les meilleurs de leurs compaignons. Si trestost que Guiot du Sel parla à eux & traitta, ils furent d'accord, & conseillez de rendre le fort, par condition telle qu'ils emporteroient tout le leur, ce que porter en pourroient: & auoiët respit bon & seur, vn mois entier, pour eux traire là ou mieux il leur plairoit. Tout ce leur fut accordé, escrit & scellé: & ainsi eurent le François la Roche de Vandais, par la bonne auenture de l'escarmouche: & pource dit-on bié que toutes fortunes bonnes & males auiennent en armes qui les poursuit. Quand la Roche de Vandais fut rendue aux Seigneurs de France & d'Auuergne, qui assiegeel'auoient, vous deuez sauoir que ceux du pays d'enuiron en furent moult resiouis. On tint à Guiot du Sel, & aux autres, mout bié tout ce, qu'on leur auoit promis. Quand ils eurent prins ce que porter en pouuoient, & voulurent, on leur donna congé, & vrays assurances (qui duroient vn mois) pour aller là ou mieux leur plairoit. Le Vicomte de Meaux & les Seig. abandonnerent la Roche de Vandais à ceux du pais: lesquels entendirent tantost à la desemparer, rompre & briser, tellemēt n'y demoura muraille entiere, n'abitatiõ nulle, ne pierre l'une sur l'autre. Tout fut renuersé & porté par terre. Les François qui là estoient venuz au seruice du Roy, avec le Vicomte, prirent congé aux Cheualiers & Escuyers d'Auuergne, & eux à eux: & se departirent les vns des autres, & retournerēt ceux d'Auuergne & de Limosin en leurs maisons. Le Vicomte de Meaux donna congé de retourner en Picardie, à vne quantité de ses gens: il s'en alla deuers la Rochelle: & s'en vint loger à saint Iehan d'Angeli, pour garder la frontiere, car encores y auoit-il des pillars & robeurs, qui couroient à la fois en Xaintonge, quand ils veoient leur plus bel. Si leur vouloit aller au deuant, car il y estoit tenu.

Le fort de la Roche-de-Vandais rendu aux François, parla prise de Guiot du Sel & de ses cõpaignons, sous composition pour les autres.

Comment, apres les nouuelles de la composition de la Roche-de-Vandais, les messagers d'Angleterre prirent congé du Duc de Berry, & comment Aimerigot Marcel s'estant retiré vers un sien parent, nommé Tournemine, fut par luy mis entre mains des Commissaires du Roy de France, qui le menerent à Paris, ou il fut decapité, & écartelé par apres.

CHAP. XVII.

EN la forme & maniere, que vous m'auiez ouy recorder fut pris & conquis ce nouveau fort de la Roche de Vandais, & fut mis à execution: dont tout le pays fut réiouy, & en furēt les bõnes gens plus aßeurs, car au vray dire, s'il fust demouré, il leur eust porté

porté trop de dommage & de contraire. Les nouvelles de la prise, & du fait (si comme il estoit de la Roche de Vadais) en vindrent au duc de Berry, à Cantelou, en vn manoir qui sien estoit: & est seant entre Chartres & Môtlehery à neuf lieues de Paris. Il n'en fit compte: car il estoit tout refroidi d'impetrer grace au Roy pour Aimerigot. Quād Herby le Heraut en fut informé, & que les Cheualiers du Duc luy dirent que la Roche de Vadais estoit prise & abatue, si dit à l'Escuyer, qui avec luy estoit, i'ay perdu cent francs, qu'Aimerigot m'auoit promis: pourquoy? ne comment? dit l'Escuyer. En nom Dieu, la Roche de Vadais est rédue, Les François l'ont conquise. Prenon congé du Duc de Berry: & retournō en Angleterre. Nous n'anous icy que faire. Respondit l'Escuyer, Puis qu'ainsi est, ie l'accorde. Donc prirent ils congé au Duc. Le Duc le leur donna: & escriuit au Roy d'Angleterre, & au Duc de Lanclastre, sur la forme qu'ils luy auoient écrit: & fit au departement donner au Heraut quarante francs, & à l'Escuyer vn moult bel rouffin, ils se departirent du Duc: & semeirent au chemin, au plus droit qu'ils peurent venir à Calais. Ie croy assez qu'ils retournerent en Angleterre. Or vindrent aussi les nouvelles à Aimerigot Marcel: qui faisoit son pourchas, pour leuer le siege des François. Quād les premieres nouvelles luy en vindrent, si voulut sauoir comment la besongne estoit. On luy dit que ç'auoit esté par vne saillie: que son oncle Guiot du Sel auoit faite, mal aduisée, & outrecuidement, sur les François. Haa, du traistre vieillart, dit Aimerigot. Par Saint Marcel, se ie le tenoye icy, ie l'occroye. Il m'a deshonoré, & tous les autres compaignons aussi. Ie luy auoye, à mon departement si estroitement enioint & commandé que pour assaut, ne pour écar mouche, que les François fissent, nullement il ne s'en auançast d'ouir la barriere: & il a fait tout le cōtraire. Ce dōmage ne fait pas à recouurer: ne ie ne me sauray ou retraire. Ceux de Calusset, Perrot le Bearnois, & ceux d'Onsac, veulēt tenir la treue: & mes compaignons sont tous espars, ainsi que gens déconfits, Iamais ne les auroye rassembler: & aussi se ie les auois tous ensemble, ie ne les sçauroye ou mener. A tout considerer, ie me trouue en vn dur party. Car i'ay courroucé trop grandement le Roy de Frāce, le Duc de Berry, les Barōs d'Auuergne, & tous les gens du pais, car ie leur ay fait guerre la treue durant. Ie cuidoye gagner: mais ie suis en grand auenture de perdre: ne ie n'ay à qui me conseiller. Ie voudroye ores estre, moy & le mien, & ma femme en Angleterre. Là seroye-je bien. Et cōment, Diable y pourroy-je aller? ne tout mon auoir porter? & ie seroye derobé & rué ius vingt fois, auant que ie fusse à la mer: car tous les passages en Poictou, en la Rochelle, en France, en Normandie & en Picardie, sur la mer, sont estroitement gardez: & ie me suis forfait, ceste chose est toute clere. Si seroye pris, retenu & enuoyé deuers le Roy: & seroye perdu, & le mien aussi. Le plus seur pour moy, seroit de moy traire à Bordeaux sur Gironde, & petit à petit de fort en fort, mader le mien & moy là tant tenir, que la guerre renouuelle: car i'ay biē espoir qu'après ces treues (mal fussent elles prises ne venues) la guerre entre France & Angleterre sera plus forte que deuant. Car les compaignons auront tout aloué: si en voudront auoir & reconquerir (comme qu'il en prenne, n'auienne) de nouuel. Ainsi se deuisoit, que ie vous dy, Aimerigot Marcel, à part soy: & estoit tout triste & pensif: & ne sçauoit quel chemin tenir, ne fil deuoit retourner, en Auuergne, ou aller à Bordeaux, & là mander sa femme, & le sien retraire petit à petit, quoyemēt & secretemēt. S'il eust ce fait, toutes voyes, il eust tenu la plus seure & la meilleure partie: mais il fit tout le contraire: dont il luy mescheut grandement. Ainsi paye fortune ses gens. Quand elle les a esleuez. & mis tout hault sur sa rouē, elle les renuerse tout bas en la bouē. Exemple par celuy Aimerigot. Le fol auoit bien la cheuance (si comme lon disoit en Auuergne) de cent mille francs: & tout perdit sur vn iour, corps & auoir, si que ie di que fortune luy ioua moult biē de son ieu: ainsi qu'à maint en a ioué & iouera encores. Celuy Aimerigot Marcel en ses plus grandes tribulations, fauisa qu'il auoit en Auuergne vn sien cousin germain, Escuyer & gentilhomme (lequel on nommoit Tournemine: & qu'il iroit deuers luy: & luy monstreroit toutes ses besongnes: & prendroit conseil de luy. Si comme il deuisa, il fit. Il s'en vint, luy & son page seulement chez ce Tournemine: & entra au chastel. Il cuida trop bien estre arriué pour cause de lignage: mais non fut. Car celuy Escuyer, nommé Tournemine, n'estoit pas biē en la grace du duc de Berri: mais le hayoit moult fort, & bien le sçauoit l'Escuyer: dont en estoit plus douteux. Si fauisa, quād il veit venir en son hostel son cousin Aimerigot, qu'il le prendroit, & retiendroit: ne iamais de là partir ne le lairoit, & sa prise signifieroit au duc de Berry: en luy remonstrant, que, s'il luy vouloit remettre son mal talent, il

Nouvelles au Duc de Berry et aux messagers Anglois estās à sa suite de la composition de la Roche de Vadais, dont s'en retournerent sans estre venus à leur entente.

Nouvelles à Aimerigot Marcel, quant à la prise de sa forteresse de Vadais.

*Manuaise re-
traite pour Ai-
merigot Marcel
vers son cousin
Tournemine*

luy enuoyeroit Aimerigot Marcel, & puis en fist ce qu'il voudroit. Tout ainsi comme il le proposa il le fit, car quand Aimerigot fut venu dedans le chastel de Tournemine à son cousin, & il eut mis son espee ius, & on luy eut baillé chambre pour soy appareiller, & il fut reuestu & mis à point, il demanda aux varlets, Ou est mon cousin Tournemine? car encores ne l'auoit il point veu. il est en sa chambre respondirent les varlets. Venez l'y voir. Volontiers respondit Aimerigot. Et ceux sauoient ia toute la volonté de leur maistre. Quand Aimerigot fut reuestu de nouvelle robe, & appareillé, & eut deuestu vne bonne cotte d'acier (que par vsage il portoit) & mis ius son espee, il dist aux varlets, Alon, allon, ie vueil aller veoir mô cousin Tournemine. Il y a grâd temps que ie ne le vey. Ceux le menerent tout droit ou Tournemine estoit. Quand il fut venu iusques à luy, Aimerigot le salua, qui nul mal n'y pësoit. Tournemine respondit, Comment? Aimerigot, qui vous a mandé ne vous a fait venir ceans? Vous me voulez bien deshoner. Le vous pren & arreste pour mon prisonnier. Autrement ie ne m'acquiteroye pas bien enuers la couronne de France & Monseigneur de Berri, car vous estes faux & traistre, qui auez les treues enfreintes & brisees. Si le vous faut comparoir, & pour la cause de vous Monseigneur de Berri me hait & traite à mort, mais ie feray ma paix de vous, car ie vous y rêdray mort on vif, ne iamais d'icy de faudrez. De ces parolles fut Aimerigot tout esbahy: & respondit: Comment! Tournemine, ie suis vostre cousin. Est-ce tout à certes ce que vous me dites? Le faites vous pour moy essayer? Le suis venu ici en grâd fiance, pour vous veoir, & remonstrer mes besongnes: & vous me faites si crueuse chere, & me dites parolles si dures. Ie ne sçay (dit Tournemine) que vous voulez dire ne proposer: mais ce, que ie vous ai dit ie le vous tiendray. Adonc meit la main à luy, & de fait & ses varlets faillirent auant qui estoient tous auisez quelle chose ils deuoient faire. Là fut pris Aimerigot ne nulle deffence ne pouuoit auoir en luy, car il estoit tout nud, & enclos en vn Chastel: ne pour parolle ne pour langage qu'il sceust dire ne monstrier, Tournemine ne se voulut souffrir, que des deux iambes il ne le fist mettre en vns fers tresfors, & dedans vne tour forte & bien fermee, & bonnes gardes sur luy. Quand il eut ainsi fait il fit le chastel clorre & bien fermer & en prit les clefs, & fit vn commandement, que nul de ses varlets, sur la vie, ne sauançast d'aller vers la porte s'il n'y estoit enuoyé. Son commandement fut bien tenu. Il escriuit vnes lettres tout à sa volonté: lesquelles lettres se deuoient adreces à Monseigneur de Berry. Si escriuoit qu'il tenoit en prison Aimerigot Marcel: & se le duc de Berry luy vouloit quicter & pardonner son mal talent, & faire sa paix par tout, il le luy deliureroit. Quand les lettres furent escriptes & sceelles, il prit vn de ses varlets, le plus loyal, & auquel le plus il se fioit: & luy dit, Vaten en France deuers Monseigneur de Berri: & luy baille ces lettres: & me recommande bien à luy, & ne retourne point que

*Aimerigot
Marcel arresté
par son cousin
Tournemine en
vn sie chastel*

*Le duc de Berri
aduerti de la
prise d'Aimeri-
got par son cou-
sin Tournemine*

tu n'ayes response, Le varlet prit les lettres & monta sur vn cheual, bon & appert. Si se departit du chastel: & exploita tant par ses iournees, qu'il vint à Paris, Le Duc de Berry sy tenoit pour le temps. Il vint deuers luy, & luy bailla les lettres de son maistre Tournemine. Le duc prit les lettres & les leut, & quand il les eut leuës, il commença à souffrire, & à dire ainsi à ses Cheualiers qui estoient pres de luy, Voulez vous ouïr des nouuelles? Aimerigot Marcel est attrapé. Son cousin germain Tournemine (comme il m'escrit) le tient en prison. Les Cheualiers qui ouyrent ces nouuelles, respōdirent, Monseigneur, ce sont bōnes nouuelles pour le pays d'Auuergne & de Limosin: car en Aimerigot ils ont eu long temps vn mauuais voisin. Il a tant fait de mal, que si vous voulez il passera parmi le gibet, n'autre pardon, ne rācon, il ne deuroit auoir. Ie ne sçay (dit le duc de Berri) que le Roy & son Conseil en voudront faire, i'en parleray à eux. Ne demoura gueres depuis que le Duc de Berri entra en vn batel sur Seine, & vint tout au trauers, iusqu'au chastel du Loure: ou le Roy & son conseil estoient. Il compta là ses nouuelles, & il les sceut bien dire. Il fit lire la lettre, que Tournemine luy auoit escrite, & enuoyee: & de ces nouuelles fut tout chacun resiouy, & dirent les Seigneurs. Telles manieres de pillars ne peuuent venir à bōne fin, quoy qu'ils attēdent neque longuemēt on y mette. Conseillé fut que le Duc de Berri se chargeroit de ceste besongne: & l'enuoyeroit querir par le Seneschal de Auuergne, qui l'ameneroit à Paris, & seroit mis au chastel de sainct Anthoine, & luy là venu, le Preuost de chastelet en ordōneroit. Encores fut ordonné & accordé qu'à Tournemine, pour le bel & bon seruice qu'il faisoit à la couronne de Faance, tous maltalents & inconueniens estoient pardonnez: & de ce ou fit lettres patentes & ouuertes, lesquelles le varlet rapporta en Auuergne à son maistre: qui se contenta moult bien & se fia sur ses lettres.

ses lettres. Depuis ne demoura gueres de temps, que le Seneschal d'Auvergne, par vne commission qu'il eut de Monseigneur de Berry, s'en vint au chastelet de Tournemine: & là luy fut deliuré Aimerigot Marcel: qui fut tout esbahi, quand il se trouua en la compagnie de ses ennemis. Que vous feroie-je long record? Le Seneschal l'amena en la cōpaigrie de gēs-d'armes, tout parmi le pays, & passerēt Seine & Marne, au pōt de Charēton: & de là ils vindrēt au chastelet S. Anthoine, si fut chargé en la charge du Vicōte d'Achi: qui pour lors estoit Chastelain dudit lieu. On ne l'y garda gueres longuement, quand il fut rendu & deliuré au Preuost du Chastelet de Paris, & amené en Chastelet. Bien est verité qu'il offroit pour sa rançon soixāte mille francs, mais nul n'y vouloit entēdre. On luy respondit que le Roy estoit riche assez: & que de son argent il n'en auoit que faire. Depuis qu'Aimerigot Marcel fut rendu au Preuost de Chastelet, on n'en fist pas longuement garde. Il fut iugé à mourir honteusement, cōme vn traistre à la courōne de France. Si fut mené vn iour en vne charette, en vne place qu'on dit aux Halles: & là tourné au pilori, plusieurs fois depuis on lisit tous ses forfaitis, pour lesquels il receuoit mort: & là fut pres de luy, moult longuement, messire Guillaume le Trun: qui moult parla à luy. On supposoit que c'estoit pour les besongnes d'Auvergne, & pour sauoir la verité de plusieurs Capitaines, qu'il y auoit, se point estoient participās à son meffait. Les Seigneurs le sceurent bien, mais ie n'en peu oncques riens sçauoir. Il fut là executé. On luy treucha la teste: & puis fut écartelé, & chacū des quartiers mis & leué sur vne atache, aux quatre fouueraines portes de Paris. A ceste fin Aimerigot Marcel vint. De luy, sa femme ne de son auoir, ie n'en sçay point autre chose, ne plus auant.

*Tournemine ab
sous de tous cri-
mes en mettā
Aimerigot en-
tremains du
roy Charles ou
de ses commis:
qui le meurent
à Paris.*

*Aimerigot
Marcel decapi-
té à Paris.*

Comment les Seigneurs Chrestiens, François & Geneuois, estans en l'Isle de† Connimbres à l'ancre, se meirent hors, pour aller mettre le siege deuant la ville d'Afrique en Barbarie: & comment ils sy conduisirent & maintindrent.

CHAP. XVIII.

*† Il a parauant
dit Commeres.*

IE me suis mis à parler, tout au long, de la vie d'Aimerigot Marcel, & de remonstret tous ses faits. La cause a esté, pour embellir son ame & sepulture: car des bons & mauuais on doit parler & traicter en vne Histoire (quand elle est si grande, comme ceste cy est) pour exemple à ceux qui viendront, & pour donner matiere & action de bien faire. car, s'Aimerigot eust tourné ses voyes & argus en bonnes vertus, il estoit bon homme d'armes, de faict & d'emprise, pour moult valoir, & pource qu'il en fit tout le contraire, il en vint à male fin. Nous nous lairrons à parler de luy, & retournerons à la noble, haute & belle emprise: que les Cheualiers de France & d'autres nations firent en celle saison sur le Royaume d'Afrique, & la prendrons droitement ou ie la laissay. Il m'est aduis que ce fut, que les Seigneurs dessus nommez: & leurs charges estoient rassemblez en l'Isle de† Connimbres (apres la grande tempeste & peril, qu'ils eurent à passer le gouffre du Lion) & qu'ils attendirent là tous l'un l'autre. Car ils estoient à trente mils de la forte ville d'Afrique: là ou ils tendoient à venir mettre le siege. En celle isle de Connimbres furent ils neuf iours, & se rafreschirent, là dirent aux Seigneurs les patrons des gallees, & leurs geueurneurs qui les menoiēt, Seigneurs nous sommes ici sur la plus prochaine terre, qui m'archisse à la forte ville d'Afrique, à laquelle nous tendons aller par la grace de Dieu, & là ou nous voulons mettre le siege. Si nous faut auoir conseil l'un à l'autre comment nous entrerons au haure & prendrons terre. Pour nous sauuer nous enuoyerōs premiers, & mettrōs outre nos petits vaisseaux armez qu'on appelle brigandins: & nous tiendrons à l'entree du haure, le iour que nous approcherons, & toute la nuit ensuiuant: & le lendemain nous prendrons terre par la grace de Dieu, & tout à loisir nous nous logerons au plus pres de la ville que nous pourrons, hors du trait de leurs bricoles, & accoustrerons des arbalestiers Geneuois: lesquels seront tousiours prest aux deffences & aux escarmouches. Nous supposons assez bien, que, quand nous deurons prendre terre, à l'issue hors des vaisseaux, mout grand foison de ieunes Escuyers des vostres, pour leur honneur & leur auancement, requerront auoir l'ordre de cheualerie. Si leur dites, doucement & sagement, comment ils se deurent maintenir, ainsi que bien le sauez faire. Si sachez Seigneurs, que nous sommes en bonne volonte de nous acquitter enuers vous, & de nous monstret & enseigner par quel point, maniere & ordonnāce, nous pourrons le plus dommager & greuer noz ennemis, & prendrons peine & soing tresgrandement, en toutes manieres & en tous estats, que la ville d'Afrique soit conquise: car par trop de fois elle nous a porté dommage & contraire: car du costé de par dela,

*† Sala dit icy
Comminieres.*

*Il se doute qu'il
ne felle de Ma
roch, & qu'il
n'y ait aussi
faute de plu-
sieurs noms de
autres tels roy-
aumes.*

*Depart de l'ar-
mee Chrestien-
ne hors pe l'isle
de Connimbres
pour aller sur
la ville d'Afri-
que.*

*Pourueances de
ceux de la ville
d'Afrique
pour leur defen-
se.*

elle est la clef de tout l'Empire de Barbarie, & des royaumes, qui s'ensuiuent : premiere-
ment du royaume d'Afrique, de † Maglorques, du Royaume de Bougie. Et se Dieu con-
sent par sa grace que nous l'ayons & tenons, tous les Sarrazins trembleront iusques
en Libye & Surie, & de ce on parlera par tout le mode, & avec l'aide des royaumes Chre-
stiens, voisins & des isles que nous tenons, marchiffans à Afrique, nous la pourrons bien
obtenir, & refreschir de nouuelles pourueances, & de nouuelles gens, tous les iours. car
ce sera vn commun voyage (mais qu'il soit acquis) pour faire armes tous les iours sur
les ennemis de Dieu, & de conquerir tousiours terre, Auât Cheualiers & Seigneurs (di-
rent les souuerains patrons de Genes, En la conclusion de leur proces) nous ne vous re-
monstrons pas par maniere de Doctrine, ne de grandeur, fors par amour & humilité:
car vous estes tous nobles, sages & vaillans, & sauez trop mieux commét ce peut estre,
& doit estre ordonné & fait, que nous ne faisons, qui en parlons & deuifons, Adonc re-
spondit le Seigneur de Coucy: & dit. Vostre parole dite & remōstree par auis, nous doit
grandement plaire, car nous n'y voyons que tout Bien, & bonne ordonnance: & sachez
que nous ne ferons riens hors de vostre conseil, car vous nous auez cy amenez pour fai-
re armes. Ainsi fut proposé & auisé des l'Isle de connimbres, present le duc de Bour-
bon & le comte d'Eu, & aucuns hauts barons de France, par les souuerains patrons Ge-
neuois, comment on approcheroit la forte ville d'Afrique, & qui au prendre terre bien
se maintiendroient. Quand tout fut bien aduisé & ordonné par l'ordonnance des sou-
uerains patrons & de l'admiral de mer, & on veit le temps & la mer en point, chacun
se retira en sa gallee entre ses gens (ainsi qu'ordonnez estoient) en bonne volonté & grād
desir de trouuer leurs ennemis: c'est assauoir les Sarrazins. Quand tous furent rentrez
en leurs vaisseaux, & le nauire tout appareillé, on sonna les trompettes du departement:
& se meit on au chemin. C'estoit grand plaifance & beauté de voir ces rameurs ramer
par mer, à force de rames: car la mer (qui estoit belle & apaisée de tous tourmens) se
fendoit & brisoit à l'encontre d'eux: & monstroit par semblāce, qu'elle auoit grand desir
que les Chrestiens venissent deuant Afrique. La naue des Chresties estoit belle & grosse
& bien ordonnee. Grande beauté estoit à voir les bannieres & pennons de foye & de
cendal, armoyez des armes des Seigneurs, ventelans au vent (qui n'estoit point grand)
& refflamboyer au soleil. Enuiron heure de basse nonne apperceurent les Chrestiens les
tours de la ville d'Afrique: car les mariniers le leur enseignerent: & comment plus a-
uant alloient, plus s'ouuroient, & les pouuoient veoir & choisir. Toutes gens en estoiet
réiois, & à bonne cause au cas qu'il yentendoient & desiroient à venir) & leur estoit a-
uis que leur peine estoit acquitee & leur voyage accompli. Si les Chrestiens (qui par la
nageoient) veoient Afrique, & la terre de l'entree du Royaume d'Afrique, & qu'en ve-
nant là, & en approchant ils en parloient & deuifioient, vous deuez sauoir que les Sarra-
zins (qui estoient en la ville d'Afrique & sur leur garde) aussi en parloient & deuifioient à
veüe d'œil: car ils les veirent, & quand ils congurent le grand nombre de nauires &
vaisseaux qui approchoient, si furent tous ébahis, & disoient entre eux, par l'apparen-
ce qu'ils veoient, que grand peuple leur venoit courir sus, & qu'ils auroient siege Or se
sentiēt ils en ville forte, & biē garnie de tours & murs, & pourueüe d'artillerie: qui les
reconfortoit, & donnoit courage & hardement. Quand ils les veirent premierement (à
fin que ceux du pays fussent refueillez & aduisez) ils sonnerent dessus les tours, là ou ils e-
stoient posez en leur garde, à leur vsage, grand foison de timbres & de tabours, tel-
lement que la noise & la signifiance des venans, s'espārtit sur le pays: car ia estoient venus
& logez sur la terre, du costé deuers eux, grand foison de Barbariens & de mescreans: que
le Roy d'Afrique, le Roy de Tunes, & le Roy de Bougie, y auoient enuoyez, pour defen-
dre & garder la terre, que les Chresties n'entraffent à ce premier coup trop auāt au pays.
Quand la cognoissance vint entre eux, par la noise des timbres, & tabours que les Chre-
stiens approchoient, si furent chacun sur sa garde: & puis s'ordonnerent à leur mode, &
enuoyerent leurs Capitaines, les aucūs des plus aspres, sur les riuies de la mer, pour veoir
l'approchement des François, & comment pour celuy soir ils se maintenoient: & aussi
pourueurent grandement d'appers compaignons, les tours les portes, & les murs, qui re-
gardoiēt sur le haure d'Afrique, afin que par leur simpleffe, & petite garde, ils ne receuf-
sent dommage en la ville d'Afrique-laquelle comme ie vous ay dit autresfois) est moult
forte & n'est pas aisee à conquerir de plaine venue s'il n'estoit par long siege. Or ie Iean
Froissart, Acteur de ses Croniques (pourtant qu'onques en Afrique ne fu, n'onques n'a-
uoye esté

uoie esté au iour, que ie m'en laissay informer par les Cheualiers & Escuyers, qui audit voyage furent (afin que plus iustement i'en peusse escrire, leur demanday la façon, la maniere, & la grandeur: & pource moult de fois en mon temps ie fu en la ville de Calais, pour enquerir à ceux, qui y auoient esté, la verité. † Si me fut dit que les Sartazins disoyent, Ces François, & ceux qui sont venus en leur compaignie pour faire armes, sont trop experts & subtils en armes. Pource (disoyent ils) il vaut trop mieux, tout considéré, que point à ce commencement ne voyent nostre puissance. Aussi nous n'auons pas gens assez pour eux combattre: & tous les iours en vient & viendra. Si conseillōs, pour le mieux que nous leur laissons prédre terre, car ils n'ont nuls cheuaux, pour courir sur le pays, & point n'y courront: & se tiendrōt tous ensemble, & tousiours en doute de nous. La ville d'Afrique n'a garde d'eux, ne de leurs assaux, car elle est forte assez, & biē pourueüe. L'air est chaud: & encores sera il plus chaud. Il serōt logez au soleil, & nous en fucillées. Ils gasteront leurs pourueāces: & n'auront esperāce d'en r'auoir nūles: & s'ils logent icy lōgue mēt: & nous en aurōs assez, car nous sommes en nostre pays, & ils serōt souuēt ecarmouchez & réueillez à leur dommage, & non au nostre. Ils se laisseront, & tēneront (car point ne les cōbatrons: & autremēt ne les pouons nous déconfire (car ils n'ont pas vſé, ne n'y sont nez, de l'air de ce pays: qui leur est, selon leur nature, tout contraire. Je n'y voy de ma part meilleur conseil, & se ie le veoye ou fauoye, ie le diroye & mettroye auant tres-volontiers. † A ceste parole, que disoit vn ancien Cheualier, s'accorderent tous ceux, qui à ce Conseil estoient, leurs & vſez d'armes, Si fut ordonné de par eux, & commandé sur la vie, que nul ne s'auançast d'aller ecarmoucher sur la marine aux Chrestiens, sans le cōmandement d'eux: mais se teinſſent en paix, & tous quois, en leur logis: & laissassent prendre terre aux Chrestiens, & arriuer & loger. Ceste parole & ordonnance fut tenue: & nul ne l'eust osé briser: & enuoyerent de leurs Archers vne quantité en la ville d'Afrique pour aider à la garder & deffendre. Les Sarrazins, iusques au lendemain, oncques ne se monstrent: & sembloit qu'il n'y eust nulluy sur le pays. Quand les Chrestiens eurent celle nuit geuē à l'ancre (ainsi que ie vous ay dit (à l'entrée de l'éboucheure du haure d'Afrique, & ce vint au lendemain, que le iour fut bel & cler, & l'air sery & attrépé, le soleil leua: qui fut bel & plaisant à regarder. Donc se commencerēt à regarder & réueillir: & s'appareillerent toutes manieres de Gens d'armes, & auoient grand desir d'approcher de la ville, & prendre terre. Trompettes & clairons commencerent à sonner en ces gallées & vaisseaux, & à mener grand noise. Quand le iour fut tout venu, sur le point de neuf heures, & que les Chrestiens eurent beu vn coup, & mangé vne soupe en vin Grec, Maluoisie, ou Grenache (dont ils s'estoient bien largement aisez) si en furent plus ioyeux & legers. La estoit ordonné des l'Isle de Connimbres (si comme ie vous ay dit cy dessus) lesquels vaisseaux iroiēt † premiers, & lesquels suyuroiēt. Il m'est aduis qu'ō mit au premier chef & entrāt au haure, vne maniere de vaisseaux courans: lesquels on nōme Brigādins, & estoient pourueus de bricolles & de canons. Quand ils furent aroutez & mis en ordonnance, ainsi qu'aller ils deuoient, ils ouurirent le haure, & entrèrent dedans, en tirant, & saluant, la ville, de trait. Ces brigandins passoient outre sans dōmage, & prirent le haure. Apres vindrent gallées armées, & vaisseaux d'une flotte, par bonne ordonnance à veoir. En tournant sur la terre, vers la marine, à vn chasteil moult fort, & grosses tours, & par especial il y a vne tour, qui garde, de leur costé, la mer & la terre: & sur celle tour auoit vne bricolle, qui n'estoit pas oiseuse: mais tiroit & gettoit carreaux, entre les naues des Chrestiens. Sur chacune des tours de la ville, au lez deuers la marine, y auoit aussi, pour deffense, vne bricolle biē-gettant: & au vray dire les Sarrazins s'estoient pourueus de lōg tēps: car bien esperoient auoir le siège deuant eux: si cōme ils eurent. Quand les Chrestiens entrèrent au haure d'Afrique pour prédre terre, il faisoit moult bel & plaisant veoir leur arroy, & ouir les clairōs & trōpettes sonner & bondir, si clerement, que toute la mer en retentissoit. Là bouterent plusieurs Cheualiers & vaillans, hōmes du Royaume de France, & des autres nations, hors les bannieres: & premierement y eut plusieurs Cheualiers nouueaux: & par especial le sire de Ligny, du pays de † Chauny, fut fait là tout premieremēt Cheualier, nōmé le hā, & fut là fait de la main d'un sien cousin, qui se nōmoit messire Héry d'Antoig, & bouta la hors celuy sire de Ligny premieremēt sa bāniere, à sa premiere Cheualerie: laq̃lle bāniere est dorée, à vne bāde de gueulles, & estoit delez son cousin germain, le sire de Hauret en Chauny. Ainsi s'auancerent, de grand volōté, tous Cheualiers & Escuyers, & prirēt terre, & se logerent sur la terre de leurs ennemis, à la veuē des Sar

† Ce passage est
éclairci selon le
sens de l'Au-
teur.

† Il y auoit icy
A la parole
de Lancien
Cheualier.
Mais il n'en
fait nulle men-
tion par auant.

† Il y auoit à
terre, qui eust
esté pour demē-
tir la deductiō
precedente &
subsequente,

† Il y auoit par
mer, pour pre-
mier, sans pro-
pos.

† Je doute qu'il
n'y faille de
Haynant, &
encor apres.

*L'an & iour
que les Chrestiens
prirent terre de-
uant la ville
d'Afrique.*

*Seigneurs de
nom, qui estoient
avec le Duc
de Bourbon, de-
uant la ville
d'Afrique.*

razins, par vn Meccredy, la nuit de la magdalene (qui fut en l'ã de grace Nostre Seigneur mil trois cens quatre vingts & dix) & tout ainsi qu'ils arriuoiẽt & prenoient terre, ils se logerent, à l'ordonnance de leurs Marefchaux: & mesmement les Sarrazins, qui estoient dedans la ville d'Afrique, & qui l'arroy ueoient, recommandoyent & prisoient moult grandement l'ordonnance: & pour ce que les grosses gallées ne pouuoient approcher la terre, ils se mettoient en bateaux: qui les amenoient iusques à terre: & suyuoient la banniere nostre Dame. Assez paisiblement souffrirent les Sarrazins, qui pour lors estoient dedans la ville d'Afrique, & de dehors, à prendre terre aux Chrestiens (car ils ueoient bien que, d'eux assaillir, ils nauroient pas l'auantage) & ainsi que les François venoient à bannieres déployées, & à pennons deployez, & armoyez de leurs armes, ils se logeoient & prenoient terre & place, & logis, par l'ordonnance des Marefchaux. Le Duc de Bourbon (qui pour lors estoit souuerain Capitaine de tous eux) fut logé au milieu de tous, moult honorablement & puiffamment, selon la quantité des gens qui y estoient, & les charges que les Seigneurs y auoient: & estoit là deuise dudit Duc & sa banniere pour lors tout plainement armoyée de fleurs de lis de France, à vne blanche Image de Nostre-dame, Vierge, mere de Iesuchrist, au milieu assise & figuree, à vn escuillon de Bourbon desous les piez de l'Image. Or premierement ie vous nommeray les Seigneurs de nom, qui estoient à la dextre dudit Seigneur de Bourbon logez, en regardant la ville. Premierement messire Guillaume la de Trimouille, & son frere, à pennon: le Sire de Bordelay, à banniere, messire Helion de Lignac, à pennon: & le Sire de Tours, à pennon. Apres estoient en ordonnance les Hainuyers: & auoient en estandard la deuise Monseigneur Guillaume de Haynaut: pour celuy temps Comte d'Ostrenant, aîné fils du Duc Aubert de Bauiere, Côte de Hainaut, de Hollande, & de Zellande: & estoit la deuise, sur l'estandard, vne Herse d'or, assise sur vne champaigne de gueulles. Là estoient le Sire de Haureth, à banniere: le Seigneur de Ligny, à banniere: & puis messire Philippe d'Artois, Comte d'Eu, à banniere: le Seigneur de Matefelon, à banniere: le Sire de Calan, à pennon, le Sénéchal d'Eu, à pennon: le sire de Linieres, à banniere, le sire de Thim, à banniere, le sire d'Ameual, à banniere, messire Gautier de Champenon, à pennon, messire Iehan de Chasteaumorant, à banniere, le frere du Marechal de Sancerre, à pennon, le sire de Coucy, à banniere, & plus étofement que nul des autres, excepté le Duc de Bourbon: le sire de Ligne, à pennon, messire Estienne de Sancerre, à pennon: & puis le pennon du Roy de France, & sa deuise, & delez luy estoit messire Iehan le Barrois, à pennon, armoyé de ses armes, & puis messire Guillaume Morles, à banniere, le Sire de Longueual, à pennon, messire Iehan de Roye, à banniere, le Sire de Bours, à pennon, le Vicomte d'Aufnay, à banniere, & Monseigneur l'Admiral, à banniere, qui se nommoit Iehan de Vienne. Apres s'ensuit ceux, qui au lez fenestre estoient. Au costé fenestre du Duc Louis de Bourbon estoient tous ceux, que ie vous nommeray, & tout premierement le seigneur d'Aufemôt: à banniere, messire Iehan de Beaufort, fils bastart du Duc de Lancastre, à banniere, messire Iehan le Bouteiller, Anglois, à pennon, messire Iehan de Crama, à banniere, le Souldich de l'Estrade, à pennon, messire Iehan de Harcourt, à banniere, Monseigneur Beraut, Comte de Clermont, & Dauphin d'Aauergne, à bannieres, & en bon arroy, messire Hugues Dauphin, son frere, à pennon, le Sire Berthençourt, à pennon, le sire de Pierrebussire, à banniere, le sire de S. S. emere, à banniere, Monseigneur de Louuart, Marechal de l'ost, à pennon, Monseigneur le Bégue de Beausse, à pennon, Monseigneur de Louuy à banniere, messire Girard de Louuy, son frere, à pennon, le Sire de saint Germain à banniere, & puis le pennon sur l'estandard de la deuise au Duc de Bourgogne, messire Philippe de Bar, à banniere, messire Louis de Poitiers, à pennon, messire Robert de Calobre, à pennon, le Vicomte de Ses, à banniere, le sire de Montagu, à banniere, le sire de Villeneuve, à pennon, messire Guillaume de Moulin, à pennon, Monseigneur de Longny à pennon, messire Angorget d'Anboise, à pennon, & messire Alain de la Champaigne, à pennon, si deuez sauoir que toutes ces bannieres & pennonceaux, que ie vous ay nommez & deuisez, estoient en front, & en monstre, deuant la forte ville d'Afrique, & encores y auoit il grand nombre de bons Cheualiers & Escuyers, tous vaillans hōes de courage & d'entreprise, qui estoient logez sur les chāps, lesquels ie ne puis pas tous nommer par nom, & furnō car trop y faudroit d'écriture, mais ils estoient quatorze mille, tous Gēils-hōes. A cōsiderer raison, c'estoit vne tresbelle compaignie, & pour faire vn grand fait, & pour soustenir vn grand faix de bataille, si

raille: si les Sarrazins fussent tirez auant. Ce que ne firent, car pour ce iour ils ne monstre-
rent autre deffense, que de bricolles: qui gettoient gros carreaux, car ils ne vouloiēt pas
rompre leur ordonnance. Quand les Chrestiens le furent tous logez, au mieux qu'ils
peurent, il leur cōuenoit viure de ce qu'ils auoiēt apporté avec eux. Car ils ne pouuoient
pas courir sur le pays, n'aller cueillir au bois, de la ramée, ne des arbres, pour faire leurs
loges, car trop leur eust cousté: & se fussent follement aduenturez. Les Seigneurs auoiēt
tentes & paillons, & toilles legères: qu'ils auoient fait venir de Gennes. Au dessous ils
se logeoient, & tenoient en bonne ordonnance. Les Arbalestiers Gēueois estoient lo-
gez en deux failles, tout deuant: & cloyoient en leurs logis les Seigneurs, & prenoient
ces deux ailles grande quantité de terre, retournant iusques sur la marine (car ils estoient
grande foison) & toutes les pourueances estoient sur les gallees, & les vaisseaux: & y auoit
certains nautonniers & rameurs de bateaux, qui tout le iour ne faisoient faute aux Sei-
gneurs. Quand ceux des isles voisines (comme Sicille & autres) & aussi ceux de la terre
ferme (comme du Royaume de Naples, de Pouille, & de Calabre) sceurēt que les Chre-
stiens auoient assiegé la forte ville d'Afrique, si se meirent en peine, bien grande, d'eux
aitailler, fournir, & pourueoir. Les vns, pour gagner: les autres, pour amour & affection
qu'ils auoient aux Gēueois. De l'isle de Candie il leur venoit tresbonnes maluoisies
& grenaches: dont ils estoient largement seruis & confortez, & sans ce confort, ne peuf-
sent pas longuement auoir duré, car ils estoient grand peuple, bien beuans & bien man-
geans, & sachez que les pourueances ne leur venoient pas egalelement. Auecques ce, qu'ils
auoient ils grande largesse, & aucunes fois grande defaute.

*Il y auoit isles,
que nous auons
remis selon l'e-
nard.*

*† Ayant amen
de la clause pre
cedente selon le
sens de l'Au-
teur, ie n'ay
feint de mettre
encor icy Can-
die pour Cādre*

*Du maintien des Sarrazins, durant le siege de la ville d'Afrique, & comment ils enuoye-
rent vers les François, du siege, pour sauoir à quelle cause ils les guerroyoient. CHA. XIX.*

OR vous parlerons vn petit des Sarrazins, autant bien que ie vous ay parlé des Chre-
stiens, & c'est raison, pour rateindre & conclurre toutes choses. Vous deuez sauoir,
& verité fut, que ceux d'Afrique & de Barbarie auoient bien sceu, de long temps, que les
Gēueois les menaçoient: & esperoient assez qu'en celle année ils auroient le siege, ain-
si qu'ils eurent. Si estoient pourueus pour résister à l'encontre, & quand les nouuelles fu-
rent respandues, sur le pays, que les Chrestiens estoient venus, toutes manieres de gens,
de leurs Royaumes prochains long tēps furent en doute, car celuy n'est pas sage, ne bien
conseillé, qui ne craint ses ennemis, tant soient ils petits. Auecques ce, que les Sarrazins
ne tiennent pas les Chrestiens à petits, ains à vaillans & bons guerroyeurs, & moult les
doutent. Or, pour obuier à l'encontre d'eux encores, & garder leurs terres & frontieres,
ils se concueillirent & assemblerent des Royaumes voisins, † d'Afrique (en laquelle terre
& Seigneurie la ville d'Afrique fut) du Royaume de Maroch, & du Royaume de Bougie
tous les meilleurs guerroyeurs, & les plus experts d'armes, & qui le moins craingnoient
la mort, & s'en vindrent loger sur les champs, & sur le sabló, à l'encōtre des Chrestiens, &
prirent l'auantage, derriere eux, d'un haut bois: à fin q de ce costé ils ne receussent dom-
mage, par ambusche, & escarmouche, & se logerent lesdits Sarrazins moult sagement,
& estoient bien, par aduis & consideration, de Gens-d'armes, trente mil bons Archers,
& dix mil de cheual, & plus selon les plusieurs, qui meirent peine de les veoir, pour nom-
brer leur force. On ne peut oncques sauoir la verité, ne quel nombre de gens ils estoient
& supposoient les Chrestiens qu'il y en auoit grand nombre de logez es bois. Bien pou-
uoient estre, à considerer raison, grand nombre de gens, car ils estoient sur leur pays, &
pouuoient aller & venir en l'ost à toute heure, sans peril ne dommage, ainsi qu'ils vou-
loient. Ils estoient refreschis souuent de nouuelles pourueances, car on leur en amenoit
à somniers & chameaux. Le second iour, que les Chrestiens furent logez, droit sur le point
du iour, & celle nuit auoit fait messire Henry d'Antoing le guet, à deux cens Hommes-
d'armes & mille Arbalestiers Gēueois, & vindrent les Sarrazins réueiller l'ost & ecar-
moucher, & dura l'ecarmouche plus de deux heures, & là furent faites plusieurs apperti-
ses, cōme de tirer & lancer, car de pres, à assaillir a la main, de glaiue, ne despée, ne se trou-
uerent, ne s'embesongnerent, & sagement tiroient & lançoient les Sarrazins, & point fol-
lement ne s'abandonnoient, & aussi ne faisoient les Chrestiens. Quand ils eurent as-
sez ecarmouché, ils se retirerent, & l'ost des Chrestiens s'emeut adonc, & allerent veoir
les ecarmouches aucuns grans Seigneurs de France, & le conuenāt des Sarrazins, pour
estre mieux duits & appris pour vne antre fois, quand ecarmouche se feroit entre eux.

*† Il prend cest
ancien nom,
pour le nom ge-
neral du pays,
que nous disons
maintenant
Barbarie.*

*Ecarmouche
des Sarrazins,
à l'ost des Chre-
stiens deuant la
ville d'Afrique*

*Agadinquor.
d'Oliferne Che
ualier Sarra-
zin.*

Si se porta ceste ecarrouche assez bien: & se retirerent sagement les Sarrazins en leurs logis, & les Chrestiens au leur: & vous dy, que le siège là estant deuant la ville d'Afrique, les Chrestiens ne furent oncques à seur, pour les Sarrazins, car tous les iours, ou de soir ou de matin, ils venoient réueiller, tirer, & lancer sur eux. Entre les Sarrazins y auoit vn ieune Cheualier des leur, lequel se nōmoit Agadinquor d'Oliferne: & estoit tousiours ce Sarrazin monté sur vn cheual appert, leger, & bien courant, & bien tournant à la main: & sembloit, quand ledit cheual couroit, qu'il volast. Agadinquor, qui le cheuauchoit, sembloit estre bon Homme-darmes, par les appertises qu'il faisoit: & portoit par vsage tousiours trois iauelots, empennez & ferrez: & tresbien en sauoit iouer, lancer, & traire: & selon l'vsage de leur pays, estoit armé de toutes piéces: & auoit en maniere d'une nappe blanche parmy le chef: & estoient ses parures noires: & luy, de sa couleur, brun & noir, & bien seant en celle de cheual, & bien disoient les Chrestiens que les appertises d'armes, qu'il faisoit, c'estoit pour l'amour d'une ieune Dame de son pays. A considerer raison, verité estoit qu'Agadinquor aimoit parfaictemēt, de bon cœur, la fille du Roy de Thunes, vne belle Dame (selon ce qu'aucuns marchās Gēueois disoient l'auoir veue en la ville de Thunes) & appelloit on celle Dame Afala: & estoit hēritiere du Roy son pere, apres son deces, & celuy Cheualier, nommé Agadinquor, estoit fils au Duc d'Oliferne. Je ne say si depuis ils se marierent ensemble: mais il me fut dit que le Cheualier, pour l'amour de la Dame, le siege estant des Chrestiens deuant la ville d'Afrique, fit plusieurs appertises d'armes: & volontiers les luy veoient faire les Cheualiers de France: & mit on grāde peine à l'enclorre & à l'attraper: mais il cheuauchoit si legērement & sagement, & auoit cheual si bō, & fait à la main, qu'on ne le pouuoit auoir ne retenir. La gregneur entente que les Seigneurs de l'ost des Chrestiens auoient, estoit telle qu'ils peussent prendre, pour amener deuers eux, aucun Sarrazin: à fin que par luy on peust sauoir la verite, & le secret de leur conuenant, mais oncques n'y peurent aduenir. Bien s'en gardoyent les Sarrazins. Aussi s'en estoient ils bien apperceus, car ils auoient pourueu & remedié à l'encontre de ce, & par conseil. Les Sarrazins craignoient moult grandement les Arbalestiers Gēueois, & contre leur trait tresbien se paueschoient: & deuez sauoir que les Sarrazins ne sont pas si bien armez, ne si fort, comme sont les Chrestiens, car ils n'ont point, l'art, ne la maniere, ne les ouuriers, pour faire ne forger les armeures, en la forme & maniere que les Chrestiens ont, n'aussi les etofes (& est à entēdre le fer, & l'acier) ne sont pas entre eux cōmunemēt: & s'armēt, le plus, de cuirs: & portēt targes, à leurs cols, moult legeres, couuertes de cuir bouilli de Capadoce: ou nul fer ne peut prédre, n'attacher: si le cuir n'est trop échaufé. Pour lors (si comme ie fu informé de leur affaire & conuenance) quand ils venoient à la bataille deuant les Chrestiens, & que les Arbalestiers Gēueois les apperceuoient, & monstroient visage, les Sarrazins tout d'un trait tiroient: & quand les Gēueois Arbalestiers tiroient, tout audeuant du trait ils se couchoient, & de leurs targes se couuroient, & ainsi la force & peril du trait ils écheuoient, car les flēches par dessus les targes passioient: & incontinent, le trait passé, sus se mettoient & releuoient, & à tirer & lancer leurs dardes penoient & entendoient. Ainsi par l'espace de neuf semaines, que le siège se tint deuant Afrique, ecarrouchoient & ébatoient: & ne pouuoient estre que de blecez & naurez n'y eust de tous les deux costez, & par especial de ceux, qui legērement s'auenturoient: & en la forme & maniere, que les Sarrazins de pres se gardoient, pareillement aussi faisoient les Chrestiens, & tous les Seigneurs de Frāce, & d'autre, part ceux des autres pays (qui pour l'honneur, & la foy Chrestienne exaucer, venus estoient) la maniere & l'estat des mécreans volontiers regardoient (car au vray dire, entre Seig. d'estat & d'honneur toute nouuelleté plaist) & si les Chrestiens à eux regarder plaissance auoient, autant bien, & plus, prenoient de plaisir les Sarrazins à les veoir, car vous deuez croire & sauoir qu'entre eux y auoit de ieunes Gentils-hommes selon leur loy: qui grand plaissance à veoir l'arroy des Chrestiens, leurs armes, & leurs pennōs, prenoient, & à grand richesse & noblesse le tenoient, & quand au soir à leurs logis estoient retournez, en parloient & deuisoient. Mais d'une chose (ainsi qu'il me fut dit) entre eux moult s'ēmerueilloient: & ie vous diray de quoy ce fut, pour éclaircir la matiere. Les Sarrazins, qui dedās la ville d'Afrique estoient, & se logeoient, grand merueille auoient à quel tiltre, n'instāce les Chrestiens si efforcément là venus estoient, & guerre leur faisoient. Si me fut dit qu'entre eux ils prirent vn aduis, que s'ils pouuoient ils le sauroient, & deuers les Chrestiens, pour le sauoir, le signifieroient. Ils prirent vn Truchement (qui bien sauoit Gēueois parler) & luy

& luy dirent, Par d'icy & chemine vers l'ost des Chrestiens, & leur demande de par nous, en quel nom & instance ils nous font guerre, ne pourquoy ils sont venuz par deça si efforcément, en l'empire de Barbarie, & en la terre du roy d'Afrique, & qu'en riens nous ne leur auons meffait. Bien est verité que du temps passé nous & les Geneuois nous sommes guerroyez: mais ceste guerre, par raison, ne doit à eux toucher, ne regarder, car ils sont de trop lointaine nation & les Geneuois nous sont voisins. Nous prenons sur eux, & ils prennent sur nous, & ainsi anciennement nous sommes nous demourés, & à tousiours esté vray, finō quand nous eufmes tréues ensemble. Sur cest estat, & ainsi informé, le Truchemēt se departit de ses maistres, & cheuaucha tant, qu'il vint en l'ost des Chrestiens, & trouua premierement vn Geneuois, auquel il parla, & dit, qu'il estoit messager aux Sarrazins, & là estoit enuoyé pour parler à quelque Baron de France. Le Geneuois (auquel il l'adreçoit) auoit nom Anthoine Marthi, & estoit vn cēturion d'arbalestiers, & le prit sur son conduit (dont il eut grand ioye) & le mena tout droit deuers le Duc de Bourbon & le Seigneur de Coucy, lesquels le virent & ouïrent volontiers parler: & les paroles, que les Seigneurs entendre ne pouuoient, le Centurion les exposoit en bon François: car bien l'entendoit, Quand il eut parlé aux Seigneurs, & remonstré ce dont il estoit chargé de dire, & qu'il eut demandé réponse. Les Seigneurs de France dirent qu'il l'auroit, qu'ils se conseilleroient & se meirent ensemble, iusques à douze des plus grans Barons de l'ost, en la tente du duc de Bourbon. La réponse fut telle: & la compta ce Centurion Geneuois: & dit au Truchement, de par les Seigneurs de France, que la matiere & la querelle estoit telle. Que le fils de Dieu, nommé & appelé Iesus Christ, vray Propheté, leur lignee & generation auoient mis à mort, & crucifié, & pource que leur Dieu ils auoient iugé à mort, & sans tiltre de raison, ils vouloient amender sur eux ce fait & meffait, & le faux iugement, que ceux de leur loy auoient fait. Secondement ils ne croioient point au Sainct Baptême & estoient tous contraires à leur loy & à leur foy. Aussi à la vierge Marie mere de Iesus Christ, ils n'auoient point de creance ne de raison. Pour quoy, toutes ces choses considerées ils tenoient les Sarrazins, & toute leur secte pour leurs ennemis: & si vouloiēt contreuēger les despits, qu'ils auoient fait à leur Dieu & à leur loy, & faisoient à leur pouuoir encores tous les iours. Quand la réponse fut faite, le Truchement retourna, & se partit de l'ost sans peril & sans dommage, & vint deuers ses maistres, & leur dit ce que vous auez ouy. De celle réponse ne firent les Sarrazins que rire, & dire qu'elle n'estoit pas raisonnable, & bien prouuee, car les Iuifs auoient mis ce Iesus Christ à mort & non eux, & demoura la chose en ce party, & se tint le siege deuant la ville d'Afrique, & chacun des osts sur sa garde.

Truchemēt des Sarrazins enuoyé vers les Chrestiens du siege d'Afrique pour sauoir à cause de quoy on les guerroyoit

Response des Chrestiens au Truchement des Sarrazins.

De quelques merueilles auenues aux Sarrazins de la ville d'Afrique, ainsi qu'ils vouloient assaillir & surprendre le Camp des Chrestiens: & de plusieurs escarmouches durant ce siege, avec quelques contrarietez d'air corrompu, & quelques autres mesaises aux assiegeans.

CHAPITRE XX.

A Ssez tost apres il aduint que les Sarrazins eurent vn conseil entr'eux, que sept ou huit iours ils se reposeroient, ne point l'ost des Chrestiens ils ne reueilleroient; n'escarmoucheroient, & quand les Chrestiens tous à repos estre cuideroient, sur le point de minuit sur eux viendroient, & puis les assaudoient, & grand deluge d'eux ils feroiēt. Ainsi cōme ils proposerent, ils le firent & seiournerent huit iours ou enuiron, que point n'escarmouchoiēt. Au neuſieme iour deuant minuit, tout secretemēt ils s'apareillerent & armerent de tels harnois, selō leur vsage qu'ils auoiēt, & s'en vindrent tous ferrez, le pas sans sonner mot deuers les logis des Chrestiens, & auoient entrepris d'en faire vn grand faict. Car ils vouloiēt l'ost assaillir, à l'opposite du guet, pour porter grand dommage, & fussent venuz à leur entente, si Dieu proprement n'eust veillé cōtre eux, & monstré miracles tous apperts, & vous diray quels. Ainsi que les Sarrazins approchoient ils veirent deuant eux vne compaignie de Dames toutes blanches, & par especial vne au premier chef, qui sans comparaison estoit plus belle que toutes les autres, & portoit deuant elle vn confanon tout blanc & vermeil par dedans, & de celle rencontre & veuē furent si effrayez qu'ils furēt d'esprit & de force tous esperdūz & n'eurēt pouuoir ne puiffāce, pour leur entreprise, d'aller plus auant, & se tindrent tous quois, & les Dames deuant. Auec tout ce il me fut dit que les Geneuois arbalestiers auoiēt amené vn chien d'outrē la mer en leur cōpaignie, & ne sauoiet dont il estoit venu; car nul n'auouoit le chien pour sien,

Merueilleuse vision auenue aux Sarrazins d'Afrique, voulans surprendre le camp des Chrestiens.

*Merveille d'un
chien qui estoit
en l'ost des bre-
stiens deuant
Afrique.*

*Mesaisies des
Chrestiens au
siege d'Afrique*

Ce chien leur auoit fait, & à tout leur ost, grans seruices: car les Sarrazins ne pouuoient venir écaroucher, que ce chié faisoit si grand bruit qu'il reueilloit les endormis: & fauoient bien toutes gés, que quand le chien glapoit, tous les Sarrazins venoiēt (parquoy on se pourueoit à l'encôtre d'eux) & le nommoient les Geneuois le chien nostre Dame. Encores à celle heure, que celle signifiante vint en l'ost, le chien ne fut pas oisieux: mais mena vn moult grand bruit, & s'en alla premierement deuers le guet, & le faisoient celle nuit le Seigneur de Coucy, Normand, & messire Henry d'Antoing. Et pource que de nuit on oit plus cler que de iour, toutes gens qui l'ouïrent, saillirent sus & s'armerent, & se meirēt chacun bien tost en arroy & ordonnance, & cognurent bien que les Sarrazins venoient & approchoient pour réueiller l'ost. Verité estoit, mais la vierge Marie, & sa compaignie (qui les auoit en garde) leur fut au deuant: & celle nuit ils ne prirent point de dommage: car les Sarrazins n'ozèrent approcher, & retournerent sans riens faire, chacun en son logis, & depuis les Chrestiens furent plus songneux de leur guet. Les Sarrazins Cheualiers & escuyers, qui en celuy temps estoient dedans la ville d'Afrique, & par especial ceux qui les Dames virent, furent si esbahis, qu'ils ne sauoient que penser: & les Cheualiers & Escuyers, qui deuant la ville d'Afrique se tenoient, grand imagination & affection auoient à la conquérir: & ceux de dedans, pour la bien garder, bien songneux estoient. En celuy temps faisoit moult sec & chaud: car le soleil estoit en sa plus grande force (si comme il est au mois d'Aoust) & les marches de par dela, du Royaume d'Afrique, sont moult chaudes pour les sablons, & aussi trop plus pres du soleil, que nous ne sommes, & les vins que les Chrestiens auoient, & qui de Poille & Calabre leur venoient estoient secs & chauds, & hors de la contemperacion François: dont plusieurs le comparerent: car en fiente & en chaleur en cheurent. A considérer raison, ie ne fay commēt la peine & le gros air & sec, sans nulle douceur, par especial les François porter pouuoient: car de nulle bonne douce eau ils ne recouuroiēt. Et de, qui leur fit moult grand bien, fut qu'ils firent fontaines, & fouïrent au sable, selon la marine en plus de deux cens lieux: dont ils eurent eau douce: de laquelle ils furēt seruis & refreschis: mais encor estoit elle, pour la grand chaleur du soleil, toute tempestee: & moult souuent, à la fois, auoient-ils grand deffaut de viures, & par fois ils en auoient abondamment, qui leur venoient du Royaume de Cecile, & des isles prochaines. Les sains se confortoient les malades: & ceux, qui auoient des viures, en departoient à ceux, qui point n'en auoient, autrement ils n'eussent point duré: & aussi en celle compaignie ils estoient freres & amis. Le Sire de Coucy, par especial auoit tout le retour des Gentils hommes, & bien sauoit estre entre eux doucement, & auecques eux, trop mieux sans comparaison, que le Duc de Bourbon ne faisoit. Car il estoit de haut courage, & de maniere orgueilleuse & presumptueuse, & point ne parloit si doucement, n'humblement aux Cheualiers & Escuyers estranges, que le sire de Coucy faisoit, & seoit le dit Duc de Bourbon par vsage, le plus du iour au dehors du paillon, iambes croisées: & contenoit parler à luy par procureur, & luy faire grand reuerence, & ne cōsideroit pas si l'estat & affaire des petis cōpaignons estoit bien. Ce que le sire de Coucy faisoit, pourquoy il estoit mieux en leur grace q̄ le Duc de Bourbon: & me fut dit des Cheualiers & Escuyers, qui estoient estrangers, que si le sire de Coucy eust seulement entrepris le voyage souverainemēt & esté capitaine de tous, leur imagination & parole estoit telle, qu'on eust fait autre chose, qu'on ne fit pas, & demourerent par celle defaute, & par l'orgueil d'iceluy Duc de Bourbon, plusieurs belles entreprises, à non estre faictes sur la ville d'Afrique, & fut le propos de plusieurs, qu'il la garda d'estre prise. Le siege estant deuant la ville dessusdite (qui dura par droit compte & ordonnance, soixante & vn iour) il y eut plusieurs écarouches, faictes des Chrestiens aux Sarrazins, & aussi aux barrières de la ville, laquelle fut moult bien gardee & deffendue, & grandement besongnoit aux assistans qu'ils fussent gens de garde & de deffense: car là estoit toute fleur de cheualerie & d'escuirie, & disoient ainsi les cheualiers & escuyers auctureux, Si nous pouuions prendre celle ville d'affaut, ou autrement, & qu'elle fust nostre, nous la pouruoirions, refreschirions & recōforterions cest yuer: & à l'esté, vn grand voyage de Chrestiens se feroit par deçà, lesquels auroient l'auantage de prendre legeremēt terre, & d'entrer parey en la Barbarie & Afrique & au Royaume de Thunes: & si le voyage y estoit acoustume, les Chrestiens y viendroient cōmunemēt, tout conquérāt anāt. Ce disoient les aucuns. Pleust à Dieu qu'il fust ainsi car les Cheualiers & Escuyers qui cy demouroient seroient logez honorablement. Car tous les iours s'ils vouloiēt, & malgré eux,

eux, ils auroient les armes. De ce propos & affaire se doutoient bien ceux de dedans: & pource mettoient-ils grand'peine & entente d'eux bien garder. La grand' chaleur & ardeur du soleil, qui descendoiet du ciel & d'amont, trop grand'peine & trauail donnoiet aux Chrestiens: car les Sarrazins les tenoient tousiours en doute, & en soïn d'estre ecar-mouchés: & quand leurs armeures estoient échaufées, ils ardoient tout là dedans. Merueilles fut à parler par raison qu'onques nul s'en peut sauuer, n'issir qu'il ny mourust de chaleur: car, quand le mois d'Aoust fut échaufé, tout l'air fut corrompu. Encore leur aduint vne incidence merueilleuse: & si elle eust esté de lōgue duree, ils fussent tous morts sans coup ferir. Ce fut qu'une semaine, par grand chaleur qu'il faisoit, & par la corruptiō de l'air, ils vindrent & descendirent generalement tant de mouches, que tout leur ost en fut moult chargé, & ne se pouoient ne sauoient comment garder: & tous les iours ils multiplioiet & si en furent plusieurs bien ébahis, mais par la grace de Dieu & de la vierge Marie (à qui ils estoient tous donnez & vouez) pourueance de remede y vint: car vn iour fut qu'une foudre & vne gresle du ciel descendit si grande & si forte que tous ces mouscherons furent morts & perduz, & par ce gresil l'air fut grandement refroidi & attrépé, & Cheualiers & Escuyers en meilleur estat & ordonnance de leurs corps & santé aurāt que deuāt. Qui est en tel party d'armes, que les Chrestiens pour lors estoient, il faut qu'il prenne en grē ce, que le temps luy enuoye. Il ne peut pas auoir ce qu'il veut, pour souhaitter ne demander. Quand aucun cheoit malade, il conuenoit qu'il fust gardé diligemment & songneusement ou il alloit outre, iusques à la mort: mais ils estoient là venuz de si bonne volonté & affection, qu'ils vouloient accomplir honnorablement leur voyage: & ce leur aidoit, & les supportoit cōtre leur peine, trelgrandement. Mais de toutes douceurs propices à leurs complexions, les François estoient mal garnis: car rien ne leur venoit du Royaume de France, ne nulles pourueances ou nouuelles, n'on ne sauoit en France qu'ils estoient deuenuz, nomplus que fils fussent entrez dedans terre. Il leur vint vne fois du party du Royaume d'Arragon, & de la cité de Barcelonne, pourueance en vne gallee, en laquelle auoit plus de pommes d'oranges, & menues graines, que d'autres choses. Les pommes, à leur appetit, les refreschirent, & aiserent moult grandement: & (quelque gallee, ou naue, qui y veint) nul ne s'en retournoit, tant pour doute des rencontres des Sarrazins sur mer, que pour attēdre la cōclusion du siege, & voir se les Chrestiens prendroient celle forte ville d'Afrique. Le ieune Roy Loys de Cecile les faisoit, par les gens de son Royaume souuent reuisiter: & refreschir de viures (car il leur estoit plus prochain, que nul autre) & si les Sarrazins eussent esté forts pour leur clorre la mer, & leur détourner les viures & pourueances, qui leur venoient de Pouille, Calabre, Naples, & Cecille, ils les eussent fait mourir sans coup fraper: mais nenny, ils leur faisoient guerre & détourbier, ainsi qu'ils pouuoiet, par terre. Aussi Sarrazins ne sont point puissans sur mer de gallees ne de vaisseaux ainsi que sont Geneuois & Veniciens: & quand Sarrazins courent par mer ce n'est riens, fors en happant en larcin, & n'osent attendre les Chrestiens: fils ne sont grandement au dessus d'eux. Car vne gallee bien armee, des Chrestiens en deconfiroit quatre des Sarrazins. Verité est que les Turs sont plus fors & meilleurs Gens d'armes, par mer & par terre, de toute la secte des mécreans contraires à nostre foy: mais ils demouroient trop loing du Royaume d'Afrique. Si n'en pouuoiet les Afriquans estre aidez ne confortez. Bien auoiet les Turcs ouy parler cōment la ville d'Afrique estoit assiegee des Chrestiens, si souhaitoiet souuent les Turcs estre au siege.

Comment estant vn faict d'armes de dix Chrestiens accordé contre dix Sarrazins, durant le siege d'Afrique, les Sarrazins faillirent à l'assignation, & comment la ville fut assaillie, à peu de profit des Chrestiens, & plustost à leur dommage par la perte de plusieurs gens de bien.

CHAPITRE XXI.

Les Chrestiens subtilloient sur les Sarrazins pour leur porter dōmage, fils pouuoiet: & autant bien faisoient les Sarrazins nuit & iour, comment ils pourroient destruire les Chrestiens, pour en deliurer leur terre: Vne fois auiserent Agadinquor d'Oliferne, Madifer de Thunes, Belins Maldages, & Brahadin de Dougie, & aucuns autres Sarrazins de leur costé, & dirent ainsi, Veez-cy ces Chrestiens, noz ennemis, qui sont & gisent trop vaillāment en la presence de nous, & ne les pouons deconfire. Veu qu'ils ne sont qu'un peu de gens au regard de nous, il fault qu'ils soient gardez, conseillez & confortez par aucuns vaillans hōmes des leurs: car nous ne pouons, pour écaroucher, ne pour

chose que nous sachons tant faire, qu'un Cheualier des leur puissions auoir, prendre n'amener vers nous prisonnier, & si nous en tenions vn ou deux des plus vaillans, nous en ferions grandement honorez & saurons leur conuenant & puissance par celuy ou ceux & quelle chose ils proposent faire. Or regardon quel conseil nous pourrions mettre sur ce. Si dit Agadinquor. Je suis le plus ieune: mais ie parleray deuant. Nous le voulons, dirent les autres. Par ma loy (dit-il) ie desire trop grandement à faire armes à eux, & me semble que si l'auoye mon pareil en bataille, ie le combatroye & deconfiroye: & se vous voulez faire tant que nous puissions trouuer iusques à vingt ou trente vaillans hommes ie mettray peine de faire que les Chrestiens mettront autant des leur en bataille. Nous auons iuste querelle (car ils n'ont nulle cause ne raison de nous guerroyer) & le droit, que nous auons avecques le bon courage qu'il me semble que j'ay, nous donnera victoire. Adonc respondit Madifer de Thunes (qui estoit mout vaillant homme) & dit Agadinquor, en vostre parole dit n'a que tout honneur. Le matin si vous vous voulez, cheuauchez, & soyez au premier chef des nostres, & approchez sur vostre cheual vers nos ennemis, & menez vn Truchement delez vous, & faictes signe que vous voulez parler & proposer quelque chose à eux, & si vous les trouuez en volenté, si prenez & acceptez la bataille de dix des nostres à dix des leurs. Nous verrons & orrons quelle chose ils diront ne respondront, & tousiours (quoy que la chose soit acceptee) aurons nous bon cōseil & ordonnance que nous en ferons, & en tiendront les Chrestiens plus de bien & de vaillance de nous. Tous s'arrestierent sur cest estat, & passerent la nuit iusques au matin. Or donné fut que (ainsi que plusieurs fois ils auoient acoustumé) ils iroient voir & écaroucher leurs ennemis: mais toutefois à celle écarmouche Agadinquor seroit tout deuant les autres, monté sur son cheual, & vn truchement de coste luy. Ce iour fut moult cler & beau: & vn petit apres soleil leuant, les Sarrazins qui vouloient approcher les Chrestiens) furent tous prests, & se meirent en bataille. Pour celle nuit de la partie des Chrestiens, auoit fait le guet messire Guillaume de la Trimaille & messire Guy son frere, & estoient ainsi que sur le departement du guet, qu'on se vouloit retraire, quand veez cy venir les Sarrazins, qui se meirent à la veue des Chrestiens, tous quois & loing comme de trois traits d'arbaleste. Agadinquor auoit son truchement delez luy, & departirét de leur route & cheuaucherent contre les Sarrazins, en approchant les Chrestiens, & s'en vindrent sur vne aëlle, en signifiante & demonstrance qu'ils venoient là pour parler, & cheurent d'auenture sur le pennon d'un gentil Escuyer, & pour lors bon homme d'armes, qui se nommoit Affrenal. Quand il veit le conuenant du Sarrazin, & les signes qu'il faisoit, si cheuaucha hors des fiens, enuiron vn pas: & dit, Demourez icy tous quois. Je vois parler à ce Sarrazin, qui cheuauche & vient vers nous. Il a vn truchement

† Il y auoit icy
quelque super-
fluité de mots
troublés le sens
que nous auons
retranchés selon
Verard mis
en leur lieu,
quand Affrenal
racompte le con-
uenant du Sar-
razin & de
luy aux deux
freres de la Tri-
maille.

avec luy. Il vient † pour proposer aucune chose. Tous se tindrent quois. L'Escuyer (que dessus vous ay nommé) vint iusques au Sarrazin, qui estoit arresté sur les champs, & se tenoit sur son cheual, & entendoit à son Truchement, quelle chose il diroit. Quand ils furent l'un deuant l'autre, le Truchement parla, & dit en demandant, Chrestien, estes vous noble homme, de nom & d'armes, & prest de faire response à ce qu'on vous demandera? Ouy, dit Affrenal. Dictes ce qu'il vous plaist, vous serez ouy & recueilly. Dit le Truchement, Veez cy vn Gentilhomme, & noble des nostres, qui demande la bataille à vous corps à corps: & si plus y voulez mettre, vous trouuerez dix des nostres contre dix des vostres & la querelle que les nostres proposent, est telle. Ils dient que nostre loy vaut mieus & est plus belle, que la vostre, car elle est des le commencement du monde, & escrire & la vostre n'est fors vne Loy trouuee, & ordōnee par vn homme, que les Iuifs pensent, & firent mourir en vne croix. Ho respondit Affrenal. Ne parle plus auant de ceste matiere. A roy n'appartient point à parler ne disputer de nostre Loy. Mais di au Sarrazin qui te fait parler, qu'il iure sur sa loy, & qu'il creance & afferme la bataille, & il l'aura dedans quatre heures, & qu'il amene iusques à dix de son costé (qui soient tous gentils hommes de nom & d'armes) & autant ie luy en mettray au deuant. Le Truchement recita toutes ces paroles au Sarrazin, qui par semblant auoit grād ioye d'accepter & affermer la bataille. Laquelle fut affermee & prise entre eux deux. Et ainsi que le Sarrazin s'en retournoit, & qu'Affrenal retournoit aussi deuers les siens, les nouvelles estoient venues à messire Guy de la Trimaille & à messire Guillaume son frere. Si rencontrerent Affrenal, & luy demanderent dont il venoit, & quelle chose il auoit faite à ce Sarrazin & quelle chose il auoit proposee & dicté. Affrenal leur recorda tout, & ainsi que les paroles

Accord de
bataille de dix
Chrestiens contre
dix Sarrazins,
fait entre Affre-
nal Chrestien
Agadinquor
Sarrazin par
le moyen d'un
Truchement.

rolles estoient demourees. A ce qu'il auoit affermé la bataille, & acceptée, furent les Cheualiers moult resiois: & dirent les deux freres, de grand volenté, Affrenal parle aux autres: car nous ferons du nombre des dix. Affrenal respondit, Dieu y ait part. Je croy bien que i'en trouueray assez qui cōbattre voudront aux Sarrazins. Assez tost apres Affrenal rencontra le Seigneur de Thim: auquel il compta l'auenture, & luy demanda s'il vouloit estre en la compaignie. Le Seigneur de Thim ne l'eust iamais refusé: mais l'accepta de grand volenté: & à ceux, qu'Affrenal rencontroit, il leur en parloit: & pour vn, il en eust trouué cent, s'il eust voulu. Il trouua messire Bouciquaut le ieune: qui l'accepta de grand courage. Aussi firent messire Helion de Lignac, messire Iean Roussel, Anglois, messire Iehan Harpedonne, Alain Boudet, & Bouchet. Quand le nombre de dix fut accompli, on n'en demanda plus. Adonc se retira chacun deuers son logis, pour soy armer & appareiller, ainsi que pour aller tantost combattre. Quand les nouvelles s'espartirent parmy l'ost, & qu'on nommoit ceux, qui aux Sarrazins combattre deuoient, si dirent tous Cheualiers & Escuyers, Veez la gens en bonne heure nez, qui si belle aduenture d'armes ont auourd'huy trouuee. Pleust à Dieu (faisoient les plusieurs) que ie fusse du nombre des dix. Toutes manieres de gens, dedans l'ost, s'en tenoient à réioys, & par especial Cheualiers & Escuyers: & recommandoient moult l'auenture excepté le gentil Seigneur de Coucy. Il m'est aduis que le Seigneur de Thim estoit de la compaignie du Seigneur de Coucy: si que, quand il eut conuenancé à Affrenal à estre l'un des dix, pour luy appareiller il s'en retourna à son logis: & trouua en sa tente le Seigneur de Coucy: lequel il tenoit bien à Seigneur & à maistre. Si luy compta toute l'auenture, ainsi qu'Affrenal auoit marchandé aux Sarrazins, & aussi comment il estoit alié à estre de sa compaignie. Tous ceux, qui autour de luy estoient, louoient & prisoient grandement l'auenture: mais le Sire de Coucy n'en fit compte: & respondit, en disant, Sus, entre vous ieunes gens, qui ne cognoissez le monde, & qui pas ne pensez ne sauourez les choses, exercez tantost vne folie, plustost qu'un bien. En celle entreprise, ie n'y voy nulle raison, par plusieurs voyes. L'une si est, que dix Cheualiers & Escuyers des nostres, tous nobles Gentils-hommes de nom, se doiuent & veulent combattre aux Sarrazins. Comment sauront les nostres si ceux, qui viendront combattre avecques eux, seront Gentils-hommes? Ils pourront mettre à l'encontre d'eux, s'ils veulent pour combattre, dix ribaux ou varlets: & si on les déconfit, au mieux venir on n'aura rien gaigné, que dix varlets: & pource n'aurons nous pas la ville d'Afrique: & mettrons nos bonnes gens à l'auenture. Espoireront ils à l'auenture en embusche sur nous: & quand les dix seront sur les chāps, attendans les leurs, ils les pourront enclorre: dont nous ferons de tant affoiblis. Le dy (dit le Seigneur de Coucy) qu'Affrenal n'a point sagement n'auisément ouuré de ceste matiere: & quand il eut la premiere aduenture de trouuer le Sarrazin qui le défia d'armes, il deust auoir autrement respondu, & dire, Je ne suis pas Chef de l'ost: mais ie suis le moindre, & vous, Sarrazin (qui parlez à moy, & qui blasmez nostre loy) vous n'estes pas pour respondre de ceste matiere, ne bien adressé. Je vous meneray droit deuers les Seigneurs: & vous pren sur mon saufconduit que ia mal vous n'aurez ne receurez, allant & venant: mais vous orront tresvolontiers les Seigneurs à parler. Si les deust auoir mener ledit Affrenal deuers Monseigneur le Duc de Bourbon & le conseil de l'ost: & là eussent ils esté ouys à loisir: & on eust sceu leur entente, & respondu selon ce qu'ils eussent parlé & proposé. Telle défiance d'armes, pour celle querelle, ne se doit point passer, fors par grans traittez & deliberation de bon conseil: & quand les armes eussent esté accordées des nostres, on eust sceu veritablement de leur costé quelles gens se fussent combatus, par nom & par surnom, de nom & d'armes: & aussi nous eussions aduisé & élu les autres à nostre entente, pour nostre honneur & profit, & de ce pris aux Sarrazins creance & Hostage: & ainsi ce fust liuré le combat: & c'estoit raison pour faire plus deuement. Si la chose eust esté demenee par ce party, Sire de Thim, il me semble qu'elle vaulst mieux, que par la défiance dont vous m'avez parlé: & qui la pourroit par aucun traité ramener à raison, ce seroit fait: & ie vueil aller parler au Duc de Bourbon: & en feray mettre le conseil des Barons & de l'ost ensemble, pour sauoir en science qu'ils en diront. Lors se departirent le Sire de Coucy du Seigneur de Thim, & se mit en voye: & s'en vint deuers la tente du Duc de Bourbon: ou ia tous les Barons s'amassoient (car on estoit informé de ceste matiere) pour auoir aduis & conseil comment on s'en cheueroit. Quoy que le Sire de Coucy eust parlé au Seigneur de Thim sur forme de bon aduis, & en espee

Le Sire de Coucy blasme l'accord du combat promis par Affrenal aux Sarrazins.

de bien, le Seigneur de Thim ne laissa pour ce à soy armer & appareiller: & s'en vint en estat (ainsi comme il deuoit estre pour combattre) avecques les autres, aux Sarrazins. Tous furent appareillez & en bon arroy, & messire Guy de la Trimouille ou chef, tout de uant. Cependant proposerent les Seigneurs de France, en la tente du Duc de Bourbon, plusieurs parolles: & ne sembloit pas à aucuns celle défiance estre raisonnable, & soustenoit grandement la parolle & opinion du Seigneur de Coucy: qui disoit qu'on y allast par autre traitté: & les aucuns disoient, par especial messire † Louis d'Artois Comte, & messire Philippe de Bar, puis que les armes estoient entreprises, & enconuenances à faire de leur costé, trop grand blasme seroit de les briser, & que, au nom de Dieu & de Nostre-Dame, on en laissast conuenir les Cheualiers & Escuyers. Ce propos fut tenu & soustenu: car, d'autrement le briser, on n'en fust iamais venu à chef. Or fut regardé, tout considéré pour le mieux, qu'on feroit armer & appareiller tout l'ost generalement, & mettre en arroy & ordonnance de batailler: par quoy, si les Sarrazins vouloient faire leur mauuaistié, on fust pourueu à l'encontre d'eux. A celle ordonnance ne desobeit nul (comme raison estoit) ains s'armerent & appareillerent toutes gens, chacun selon son estat: & se retirerent sur les champs: & se meirent moult conuenablement en ordonnance de bataille, ainsi comme pour aller combattre. Les Arbalestiers Geneuois d'un party, & les Cheualiers & Escuyers d'autre part, chacun Seigneur deffous sa banniere & son pennon, armoyé de ses armes: & fut, du commencement de leur ordonnance, moult belle chose à regarder: & monstroient bien les Chrestiens qu'ils auoient grand desir, que les Sarrazins veinssent, pour aller combattre: & estoient lesdits Cheualiers & Escuyers Chrestiens sur les champs, tiréz à vn party: & attendoient les dix Sarrazins, qui deuoient venir: mais ils n'en auoient (si comme ils monstroient) nulle volonté: car quand ils veirent l'arroy des Chrestiens, & comment sagement & bellement ils estoient mis en ordonnance de bataille, ils se doubterent, & n'oserent tirer auant: quoy qu'ils fussent, de peuple trois fois plus de gens, que les Chrestiens. A la fois ils faisoient faire voyages par aucuns des leurs, bien-montez, & cheuaucher deuant les batailles, pour veoir le conuenant: & puis tantost se retournoient: & tout ce faisoient par malice, pour donner peine aux Chrestiens. Celuy iour fit il grand chaud & aspre, & de si grand ardeur d'air & de soleil, que deuant, ne depuis, pour vn iour, n'en fut veu de pareille: & tant, que les plus durs, & les plus iolis & friskes, en leurs armeures estoient si échaufez, qu'à peu qu'ils n'estaignoient par deffaute d'air & de vent: & tousiours attendoient les Chrestiens les dix Sarrazins: mais nuls n'en veioient: ne nulles nouuelles n'en oyoient. Si fut auisé qu'on aprocheroit la ville d'Afrique: & là iroit on assaillir (puis que Cheualiers & Escuyers estoient armez) & employeroient là leur iournée: & tousiours tiendroient, pour leur honneur, les dix Cheualiers les champs, iusques à la retraite du soir. Donc allerent à l'assaut Cheualiers & Escuyers, de grand volonté: car tous desiroient à faire armes: &, tant plus estoient échaufez & trauaillez, & plus encores se trauailloient: &, se les Sarrazins eussent bien sceu le conuenant des Chrestiens, ils leur eussent porté grand dommage, & leué le siege, & tout deliuré, & eu victoire: car tant estoient trauaillez & lassez les Chrestiens, qu'ils n'auoient point grand force. Vray est qu'ils conquerent, par assaut, la premiere muraille de la ville d'Afrique, au dehors de la souueraine fermeré: en laquelle muraille nul ne demouroit. Donc se retirerent les Sarrazins dedans la seconde forteresse de la ville, en écarrouchant: & sans prendre, n'auoir trop grand dommage: mais les Chrestiens eurent trop grand, & à peu de conqueste: car, en écarrouchant & assaillant, ils furent, d'à chaleur de l'air & du soleil, & sur le sablon, iusques à la nuit: dôt plusieurs bons Cheualiers & Escuyers le comparerent iusques à la mort: desquels ce fut pitié & dommage. Et là demourerent ceux, que ie vous nommeray: & premieremēt messire Guillaume de Gracille, messire Guichard de la Garde, messire Lyon Scalet, messire Guy de la Salueste, messire Guillaume d'Estapelle, messire Guillaume de Guiret, messire Roffroy de la Chapelle, le Seigneur de Pierre-Buffiere, le Seigneur de Bonnet, messire Robert de Hanges, messire Estienne de Sancerre, messire Aubert de la Motte, messire Alain de la Châpaigne, messire Geoffroy Sresiers, messire Raoul d'Ecôflan, le Seigneur de Bourg, Artisien, messire Jehan de Crie, Bastard, messire Bertrand de Sinach, messire Pinchart de la Mortlaine, messire Tristan son frere, messire Amé de Coufay, messire Amé de Tonnay, messire Fourques d'Estanfours, & messire Jean de Chatenas. Apres s'ensuiuet les noms des Escuyers: Fouquans de Lyège, Jehan des Isles, Blondelet d'Areton, Jehan de la Motte, Bom-

† Ainsi met
Verard: mais
à ymeroye
mieux lire
Philippe d'Ar-
tois Cored'Eu,
selon les cha. 13
& 18. du pre-
sent Volume.

Les dix Chre-
stiens sur le chap
attendants les
dix Sarrazins,
pour le combat
entrepris: au-
quel ils defail-
lent.

La ville d'A-
frique assaillie
des Chrestiens.

Gens de nom:
qui moururent
à l'assaut de la
ville d'Afri-
que.

Bôberis, Floridas de Rocque, le Seigneur de Belles-frere, Guillaume Fodrigay, Gautier de Canfours, Jehan Morillon, Pierre des Maulues, Guillot Vilain, Jehan de la Lâde, Jehâ Perier, Jehan le Moine, Jehan de Lanay, & Guillaume du Parc. Or cōsiderez le tresgrād dommage, & la grande perte: & si le gentil Seigneur de Coucy eust esté creu, tout ce ne fust point aduenü: mais se fussent les François tenus chacun en son logis: ainsi qu'on auoit fait par-auant. De celle auenture & auenue des Cheualiers & Escuyers furent tous ceux de l'ost courroucez & ébahis. Ce fut raison. Chacun plaingnoit ses amis. On se retira sur le tard es logis: & fit on plus grand guet celle nuit, qu'on n'auoit fait par-auant, pour la doute des Sarrazins. La nuit se passa, sans autre dommage: & s'ordonna chacun iour plus sagement: & deuez sauoir que de † celle auenture & auenue les Sarrazins ne sceurent riens: car, s'ils eussent sceu le conuenant des Chrestiens, ils auoient bien auantage, pour eux porter dōmage & contraire: mais tousiours les douterent: & ne s'oserent auenturer, n'auancer, ne fier trop en leur puissance: fors que sur l'ordonnance d'écarmoucher, ou de tirer deux ou trois fois. Et ceux de leur costé, qui faisoient les plus d'armes & d'appertises, & qui auoient le plus grand nom de ce faire, c'estoit Agadinquor d'Oliferne: car il aimoit par amour la fille au Roy de Thunes. Parquoy il en estoit plus gay, plus ioly & plus appert en armes. Ainsi & par telle maniere se porta & continua le siege deuant la ville d'Afrique: & deuez sauoir qu'au Royaume de France, & au Royaume d'Angleterre, n'es pays dont les Cheualiers estoient issus, & qui deuant Afrique se tenoient, on ne sauoit nouuelles d'eux non plus que s'ils fussent entrez en terre: dont les amis des seigneurs & des Cheualiers & Escuyers en estoient ébahis: & ne sauoient que dire, ne que penser. Si en furent en plusieurs lieux, en France & en Angleterre, & en Hainaut, processions faictes, en instance de prier Dieu, qu'il les voulüst sauuer, & ramener à ioye & à santé à leurs lieux. L'intention des Chrestiens estoit telle, qu'ils se tiendroient tant deuant Afrique, qu'ils la conquerroient: fust par force, ou par famine, ou par traitté. Le Roy de Cecile eust bien voulu que ce fust auenu: & aussi eussent tous ceux des isles voisines & prochaines (car celle ville d'Afrique leur estoit trop ennemie & contraire) & par especial les Géneuois y prenoient grand' peine à seruir les Seigneurs à gré & à plaisir: à fin qu'ils ne s'ennuyassent de long siege. A proprement parler, c'estoit vne merueilleuse entreprise, & qui venoit d'un grand courage aux Chrestiens, Cheualiers & Escuyers, & mesmément aux François, qu'apres la grand' auenture & perte de leurs Cheualiers & gens, en celle poreté & malaise (comme dit est) tindrēt siege, à grans fraiz & despens, sans aucune ayde, ne confort, de nulluy, & lors que les Géneuois (qui entrepris auoient le voyage) ià se faignoient: & sembloit (ainsi que renommee couroit) qu'ils vouloient auoir traitté avec les Sarrazins, & laisser les François & Cheualiers d'Angleterre, & pays voisins, en la besongne ainsi que nous dirons cy-apres: comme nous auons esté informez. Nous nous souffrerons à parler, pour le present, du siege d'Afrique: & parlerons d'une moult belle feste: qui fut en celuy temps faicte en Angleterre,

† C'est assauoir que les Chrestiens fussent si debilitiez.

D'une feste & ioustes, qui furent faictes, de par le Roy d'Angleterre, en la ville de Londres, durant le siege des Chrestiens deuant la ville d'Afrique: & comment le Comte d'Ostrenant y receut l'Ordre du Tiertier: dont le Roy de France fut mal-content.

CHAPITRE XXII.

Vous deuez bien sauoir (ainsi que vous auez ouy recorder en nostre Histoire) comment la belle feste se tint en la cité de Paris, quand la royne Ysabel de France y entra premierement. De celle feste fut grans nouuelles en tous pays: & fut raison: car elle fut moult honnoree, & bien festoyee. Le Roy Richard d'Angleterre, ses trois oncles, & les Barons d'Angleterre, auoient bien ouy parler qu'excellamment elle auoit esté belle & grande, & bien gardee: car il y eut des Cheualiers & Escuyers d'Angleterre: † qui leur en rapporterēt la verité. Parquoy le Roy & ses oncles ordōnerent aussi vne tresgrand' feste à estre en la cité de Londres: & y seroient soixante Cheualiers dedans, attendans: & auroient en leur compaignie soixante Dames, nobles, bien aornees & parees: & iousteroient les Cheualiers deux iours, c'est à entendre le Dimenche prochain d'apres le iour Saint-Michel (qu'on compra pour lors L'an de grace Mil trois cens quatrevingts & dix) & le Lundy suiuant. Les soixante Cheualiers & soixante Dames istroient & partiroient, à deux heures apres nonne, hors du chasteil de Londres: & viendroient tout le long de la ville, & tout parmy la rue, qu'on dit de Yep, en vne belle & grande place,

† Ce passage est fourny selon le sens de l'Auteur, & de trois ou quatre clauses suivantes aussi.

nommee Semeeste fille: & là, ce Dimenche attédroient les soixante Cheualiers tous autres Cheualiers estranges, qui iouster vouldroient: & appelleroit on ces ioustes du Dimenche, La feste de Calenge. Le Lundy seroient en celle mesme place les soixante Cheualiers, armez & appareillez pour iouster: & attendoient tous venans: & iousteroient courtoisement de lances & de rocquets: & le mieux ioustant de ceux de dehors (c'est à entendre des Cheualiers, auroit, pour le prix, vne couronne d'or trefriche: & celuy de dedans (qui mieux iousteroit à l'examen des Dames, qui là presentes seroient en chambres, & prendroient garde sur eux, en la compaignie de la Roynie d'Angleterre, & des haux Barons, qui se verroient & iugeroient, auroit pour le prix vn fermail d'or trefriche. Et le Mardy ensuiuant seroient sur celle place les Escuyers du Royaume tresbien montez & armez pour la iouste: & attendoient tous Escuyers estrangers, qui venir & iouster vouldroient: & seroient receus & recueillis courtoisement de lances & de rocquets: & celuy, qui mieux iousteroit de dehors, auroit pour le prix, vn courfier tout sellé: & celuy de dedans auroit vn faucon. La maniere de la feste fut ainsi ordonnee & deuisee: & furent Heraux appareillez & chargez, sur ordonnance, de celle feste crier par tout, en Angleterre, en Escoce, en Allemaigne, en Flandres, en Brabant, en Hainaut, & parmy le Royaume de France. Les Heraux furent partis, & enseignez lesquels iroient çà, & lesquels iroient là: ainsi que le Conseil du Roy & des seigneurs le porta, & que bien le sceur

La iouste du roy d'Angleterre, appelee la feste de la Calenge, publiee par ses Heraux en diuers pais.

renr faire. Les nouuelles s'estendirent, & coururent en plusieurs lieux & pais: car les Heraux auoient bien iour & pourueance de temps. Si s'ordonnerent de plusieurs pays Cheualiers & Escuyers, pour estre à ceste feste: les aucuns pour veoir l'ordonnance des Anglois, & les autres pour iouster. Quand les nouuelles en furent venues en Hainaut, messire Guillaume de Hainaut, Comte d'Ostrenant (qui pour lors estoit ieune, liberal, & de grand' volonte, pour iouster & festoyer) en chargea, & proposa de soy-mesme, qu'à celle feste il iroit, pour veoir & honorer son cousin le Roy Richard d'Angleterre, & ses oncles: que iamais n'auoit veus, & de les veoir & cognoistre il auoit grand desir. Si pria & retint Cheualiers & Escuyers, pour estre en sa compaignie: & par especial le Seigneur de Gommegines: pourtant qu'il cognoissoit bien les Anglois: car plusieurs fois il auoit demouré entre eux. Or s'auita messire Guillaume de Hainaut, ce pendant qu'on faisoit les pourueances pour aller à celle feste, publiee & crie, qu'il iroit en Hollande, veoir son pere Aubert, Comte de Hainaut, Hollande, & Zellande: afin de parler à luy, & prendre congé d'aller en Angleterre. Il se departit du Quesnoy en Hainaut: & cheuaucha tant par ses iournees, qu'il vint à la Haye, vne bonne ville en Hollande: ou le Comte son pere se tenoit pour lors. Quand il fut avec son seigneur de pere, il luy déclara le propos & intention, qu'il auoit d'aller à celle feste en Angleterre, pour veoir le pays, ses cousins, &

Le Comte Aubert de Hainaut tasche en vain de rōpre le dessein du Comte d'Ostrenant son fils, voulāt aller à la feste d'Angleterre.

les Seigneurs, que iamais n'auoit veus. Le Comte, son pere, respondit & dit, Guillaume, beau-fils, vous n'avez que faire en Angleterre: car ia estes vous par mariage conuenancé aux Royaux de France: & vostre seur à l'aisné fils de beau cousin le Duc de Bourgogne: tellement que vous ne deuez querir, ne demander autre alliance. Monseigneur (respondit le Comte d'Ostrenant) ie ne vueil en Angleterre aller, pour faire quelque alliance: fors que pour iouer, & festoyer mes cousins: qu'oncques ie ne vey: & pour le present, la feste qui se tiendra à Londres, est crie & noncée par tout: & se ia n'y alloie (au cas que i'en suis signifié) on le tiendrait à orgueil & presumption: & puis que par homme le m'a esté signifié, & par honneur, ie feray ce chemin. Le vous prie, mon pere, que le m'accordez. Guillaume (respondit le Comte) vous estes vostre. Faictes ce que vous voudrez: mais il me semble par toute paix, qu'il vaudroit mieux que point n'y alissiez. Quand le Comte d'Ostrenant veit qu'il ennuyoit son pere de parler, si ce cessa de parler de ce: & entra en autres parolles: mais bien sauoit quelle chose il auoit entreprise de faire: & tousiours se faisoient ses pourueances: & les menoit on vers Calais. Gommegines, le Heraut, fut enuoyé en Angleterre, de par le Comte d'Ostrenant pour signifier au Roy Richard d'Angleterre, & à ses oncles, qu'il viendrait honnorablement à leur feste.

De ces nouuelles furent le Roy & ses oncles grandement réiouys: & donnerent au Heraut, de beaux dons: qui depuis luy vindrēt bien à point: car depuis il au eugla: & fut batu en la fin de ses iours de telles verges. Le ne say sil auoit Dieu courroucé: mais celuy Heraut en son temps regna assez merueilleusement: parquoy, quand il eut perdu sa veue, & il ne veit goutte, il n'en eut que petit de plainte. Or se departit le Comte d'Ostrenant de la Haye en Hollande: & prit congé au Comte son pere: & puis retourna en Hainaut, & au Quesnoy.

Quefnoy, deuers sa fême. Celle noble feste (dont ie vous fay mention) fut publice, crie & noncée, en plusieurs lieux: dont Cheualiers & Escuyers fauancerent, ordonnerent, & appareillerent d'y aller. Le Comte Waleran de Saint-Pol (qui pour lors auoit pour femme & espouse la seur du Roy Richard d'Angleterre) l'ordonna & appareilla grandemēt, & pourueut de Cheualiers & Escuyers, & tout pour aller en Angleterre à celle feste: & s'en vint à Calais. Là estoient les nefz passageres de Douures: qui attēdoient les Seigneurs & leurs varlets, puis vindrent à Londres: & appareillerent leurs hostels. Le Comte d'Ostrenant se partit de Haynaut, fort bien accompagné & garny de Cheualiers & Escuyers & passa parmy le pays d'Artois: & puis vint à Calais: & là se trouuerēt le Comte de Saint Pol & luy. Quand il fut heure, & ils eurent vent à gré pour passer à volonté, & que les vaisseaux furent chargez, ces Seigneurs passerent. Il me fut dit (& biē le croy) que le Cōte de S. Pol passa, & vint en Angleterre, premieremēt que le Comte d'Ostrenant, & quād il vint à Londres, il trouua le Roy & son beau frere, messire Jehan de Hollande, & les Barons & Cheualiers d'Angleterre: qui le recueillirent à grande ioye: & luy demanderent des nouuelles de France: & il en respondit bien & sagement. Or passa le Comte d'Ostrenant en vn leudy, & s'en vint à Cantorbie, & le Vendredy alla veoir Saint Thomas, à cueur ieun: & y fit offrande, belle & riche: & là se tint tout le iour ensuyuant, & lēdemain il vint à Rocestre (ce fut le Samedy) & pource qu'il menoit grande route de Cheualerie & d'Escuyrie, & pour l'arroy qu'ils menoient, il alloit à petites iournées, & à l'aise des chevaux, & le Dimenche, apres messe, il se departit de Rocestre, & s'en vint disner à Dardesforte, & puis monta, tantost apres disner, & chemina, pour estre ce Dimenche (que la feste & les ioustes se commençoient) à Londres en Angleterre. Ce dimēche, dont ie vous parle (qui fut, en l'an de l'incarnation dessusdit, le plus prochain ¶ deuant le iour de S. Michel) se deuoit commencer la feste (si comme elle fit) & deuoit ce iour auoir ioustes en la place Semeſteſille, & icelles ioustes on les appelloit du Calenge. Ce Dimenche, sur le point de trois heures, issirent hors du chastel de Londres, seant sur Thamise (lequel chastel sied en la place S. Catherine) tout premierement soixāte coursiers, ordōnez & parez, pour la iouste, & sur chacun, vn Escuyer d'honneur, & cheuaucherent tout le pas, & puis issirent soixante Dames d'honneur, montées sur pallefrois, cheuauchans toutes d'vn lez, si richement aornées, que riens n'y faloit, & menoit chacune Dame vn Cheualier, à vne chaisne d'argent, lesquels Cheualiers estoient armez & ordonnez pour la iouste, & ainsi s'en vindrent, tout le long de Londres, à grande foison de trompettes & de ménestriers, iusques en la place de Semeſteſille. La Royne d'Angleterre, & ses Dames & Damoiselles, pour son corps estoit, & estoient, en chambres, aornées & parées tresrichemēt pour veoir la iouste, & estoit le Roy delez la Royne. Quād les Dames (qui les Cheualiers menoient) furent venues en la place, leurs gens estoient tous pourueus, qu'ils descēdirēt de leurs pallefrois, & les monterent en chābres, qui parees & aornées pour elles estoient. Ces Cheualiers demourerent sur la place, & descendirent les Escuyers d'honneur (qui les coursiers, sur lesquels on deuoit iouster, menoient) & monterent les Cheualiers ordonnément. Si leur furent mis les heaumes, & appareillez de tous points. Là vint le Cōte de Saint Pol, tresbien garni & accompagné de Cheualiers & Escuyers, & tous armez de harnois de ioustes, pour commencer la feste & le tournoy. Laquelle tantost se commença, & iousterent tous cheualiers estrangers, qui iouster voulurent, & qui loisir & espace en eurent, car le vespre vint tantost. Si furent ces ioustes (qu'on dit Calenges) fortes, belles, & bien ioustées, & continuées iusques au soir. Puis se retirerent Seigneurs & Dames là ou retraire se deuoient, & estoit la Royne logee en la rue de Saint-Pol, en l'hostel de l'Euesque de Londres, & là fut fait le souper. Celuy soir vint le Comte Guillaume d'Ostrenant, lequel fut du Roy, & des Seigneurs, ioyeusement recueilly. De ces ioustes eut le prix, pour le Dimenche, de ceux de dehors, le Comte Waleran de Saint-Pol, & de ceux de dedans, le Comte de Hostidonne, & furent les dances à l'hostel de la Royne, present le Roy, ses freres, & ses oncles, & les Barons d'Angleterre, & les Dames, & les Damoiselles, grandes, belles, & bien dançans, menées en tous ebatemens, iusques au temps que tous & toutes, qui au souper & dances auoient esté, se retrairent à leurs hostels: excepté le Roy & la Royne, qui demourerent à l'hostel de l'Euesque, car ils y logerent les ioustes durant. Quand ce vint au lendemain Lundi, vous veissiez en plusieurs lieux, & en mout de places, parmi la cité de Lōdres, Escuiers & varlets en songnez de mettre à point les harnois & besongnes de leurs Seig. & maistres. Apres nōne s'en vint le Roy Richard

Le Comte de S. Pol aux ioustes d'Angleterre.

† Il aparauāt de dir d'apres.

L'ordonnance du premier iour des ioustes de Calage, en Angleterre.

Arrivée du Comte d'Ostrenant vers le Roy d'Angleterre pour les ioustes.

Second iour des ioustes du Roy Richard d'Angleterre.

d'Angleterre sur la place armé, & bien garny, & acompaigné de Ducs & de Comtes, de Seigneurs, & de Cheualiers, car il estoit de ceux de dedans. La Royne d'Angleterre, bié acompaignée de Dames & de Damoiselles, s'en vint en la place, ou les ioustes se tenoyent: & monterent sur les chambres & échaufaux, qui ordonnez estoient pour elles. Apres vint le Comte d'Ostrenant, bié acompaigné des Cheualiers de son pays: qui pour iouster tous appareillez estoient. Apres vindrent le Comte de Saint-Pol, & les Cheualiers de France, qui iouster vouloient. Lors commencerent ioustes, grandes & belles: & fit chacun son plain pouuoir de foy bien acquiter: & y en eut plusieurs ruez ius de leurs cheuaux, & découuerts de leurs heaumes: & durerent & continuerent icelles ioustes, fortes & roides, iusques à la nuit, que chacun se retira aux hostels, chacun Seigneur à son logis, & les Dames aussi pareillement: & quand il fut heure de foy retraire là ou le souper estoit ordonné, chacun se retira. Si fut le souper moult beau, & bien ordonné: & pour ce-luy iour eut le prix des ioustes, des mieux-ioustés de ceux de dehors, le Comte d'Ostrenant, & bien le desseruit (car outre mesure il auoit tresbien iousté) & luy fut donné le prix de par les Dames, Seigneurs, & Heraux: qui à ce ordonnez estoient pour iuger: & de ceux de dedans eut le prix vn gentil Cheualier d'Angleterre: qui s'appelloit messire Hugue le Despensier. Au lendemain Mardy, furent les ioustes, en la place dessus-nommée, des Escuyers: & furent, en la presence du Roy, des Seigneurs, des Dames & des Damoiselles, tresbien ioustées & continuees, & durerent iusques à la nuit, que chacun se retira aux hostels, ainsi comme on auoit fait le iour de deuât: & puis au souper on s'en retourna à l'hostel de l'Euesque de Londres: ou le Roy, la Royne, & les Dames, estoient: & fut le souper bel & gent, bien dancé, & cōtinué toute la nuit, iusques apres du iour, que ceux & celles qui là estoient, s'en retournerent à leurs hostels. Le Mecredy, apres disner, en la place dessus-nommée iousterent ensemble tous Cheualiers & Escuyers, qui iouster voulurent: & furent les ioustes roides & fortes, iusques à la nuit, que chacun se retira aux hostels, chacun Seigneur à son logis, & les Dames aussi: & quand il fut heure de foy retraire au souper, on s'y retraits: & fut le souper, & les dances, au lieu ou il auoit esté deuant. Le leudy ensuyuant donna à souper à tous Cheualiers, & Gentils-hommes estrangers, le Roy Richard d'Angleterre, en ce mesme hostel: & la Royne, sa femme, aux Dames & aux Damoiselles. Le Vendredy donna le disner le Duc de Lâclastre à tous Cheualiers & Escuyers estrangers: & fut le disner grand & beau. Le Samedy, le Roy & les Seigneurs se departirent de Londres, & s'en allerent à Windesore: & furent priez de là aller le Côte d'Ostrenant, le Côte de Saint Pol, & les Cheualiers & Escuyers de France, qui estoient venus à la feste. Tous allerent (ce fut raison) au chasteau de Windesore (qui est moult grand, beau & bien ordonné: & sied sur la riuere de la Tamise, à vn mille de Londres) & furent de rechef les festes grandes & puissans disners & soupers, que le Roy Richard d'Angleterre donna, & par especial il ne sauoit pas comment il peust excellentement honorer, le Comte d'Ostrenât, son cousin: lequel Comte d'Ostrenât fut là requis, par le Roy d'Angleterre & ses oncles, qu'il voulist estre de l'ordre des Cheualiers du † bleu iartier, dont la chappelle S. George est au chasteau de Windesore. Le Comte d'Ostrenant, à la parolle du Roy Richard, & des Barons d'Angleterre, respondit, & dit, qu'il s'en conseileroit. Il s'en conseilla à tels, comme au Seigneur de Gommegines & à Fierabras de Vertain, Bastard: lesquels ne l'eussent iamais découragé, ne décourné, de receuoir l'ordonnance de l'ordre du bleu iartier, de la compaignie S. George. Si y entra, & le prit, dont les Cheualiers & Escuyers François (qui là estoient) furent moult grandement emerueillez, & murmurèrent entre eux, & en tenoient leurs parolles, & disoient, Ce Comte d'Ostrenant monstre bien qu'il a le courage beaucoup plus Anglois, que François, quand il prend le bleu iartier, & la deuise du Roy Richard d'Angleterre. Il marchande bien à estre mal de l'hostel du Roy de France & de Monseigneur de Bourgongne. Il viendra vn temps, qu'il s'en repentira. Tout cōsideré, il ne fait qu'il fait, car il estoit bien aimé du Roy de Frâce & du Duc de Touraine, son frere, & des Royaux, tellement que, quand il venoit à Paris, ou ailleurs, par deuers eux, ils luy monstroient & faisoient plus d'honneur & beau semblant, qu'à nul de leurs cousins. Ainsi en diuers propos l'accusoient les François, de mal & contraire, là ou il n'auoit cause, ne coulpe, car ce qu'il en auoit fait, n'estoit point pour cōtrairier n'endômager le Royaume de Frâce, ne ses cousins & amis de Frâce. En riens il n'y auoit pensé, fors que pour hōneur & amour de complaire à ses cousins d'Angl. & pour estre, au besoin, plus bō entre France & Angleterre, n'à ce iour, qu'il fit le serment de prēdre le bleu iartier, toutes gēs doiuent sa-

Tiers iour des ioustes d'Angleterre.

Quart & dernier iour des ioustes d'Angleterre.

† il y auoit blāc par tout, mais nous l'auons corrigé selon sa la, & selon la verité. Guillaume de Hainaut, Comte d'Ostrenant, reçoit l'ordre du iartier d'Angleterre.

uent fauoir (fils le doyuent entendre) qu'onques n'y eut parolle, n'alliâce, qui fust pour porter préiudice au Royaume de Frâce: fors amour & compaignie, mais on ne peut garder de parler les enuieux. Quand on eut dancé, ioué, & carolé assez, au chasteau de Windesore, & le Roy d'Angleterre eut donné de beaux dōs aux Cheualiers & Escuyers d'honneur du Royaume de France, & par especial au ieune Comte d'Ostrenant, on prit congé au Roy, à la Royne, aux Dames & Damoiselles, aux freres & oncles du Roy: & puis se fit le departement. Le Comte de Saint-Pol, & tous les François, & les Hainuyers, & Alle-mans, se departirent: & fut faillie la grande feste, qui fut en la cité de Londres: & retour-na chacun en son lieu. Or auint (ainsi comme nouuelles vōt par tout) que le Roy de Frā-
ce, son frere, & ses oncles, furent informez par ceux, qui en Angleterre de leur costé auoient esté, de tout ce qui y estoit auenu, dit, & fait: & riens n'y eut oublié: mais ainçois mis & aiousté de nouveau assez, pour acroistre la besongne, & exauçer auant plus tost le mal, que le bien: & comment Guillaume de Haynaut (qui Comte d'Ostrenāt s'affermoit auoit esté en Angleterre, & pris peine grandement à honorer les Anglois, & aider à faire leur feste: & auoit eu le prix & l'honneur des ioustes, dessus tous Cheualiers estrangers: mais il auoit trop grandement bien parlé aux Anglois, car il se estoit fait homme au Roy d'Angleterre: & auoit fait sermēt & alliâce à luy, & pris l'ordre du bleu iartier en la chapelle du chasteau de Windesore, en la compaignie & confrairie des Cheualiers de Saint-George: laquelle ordre le Roy Edouard d'Angleterre & son fils le Prince de Galles auoient mis sus: & ne pourroit nul entrer en la compaignie, ne faire serment, qui iamais se peust armer contre la couronne d'Angleterre: & tel serment auoit fait le Com-
te d'Ostrenant, sans nulle réseruation. De ces nouuelles furent le Roy, son frere, & ses oncles, troublez, & fort courroucez sur le ieune Comte d'Ostrenant: & adoncques dit le Roy de France, Or regardez. Il n'y a pas vn an, qu'on me prioit que son frere fust Eueque de Câbray: laquelle chose seroit à present trop préiudiciable, selō les nouuelles, que nous auons ouyes. Trop mieux vaut que nostre cousin de Saint Pol soit en la possession de l'Euesché de Cambray, que Jehan de Haynaut. Les Hainuyers ne nous firent iamais bien: & ne feront, car ils sont trop orgueilleux, presumptueux, & fiers: & ont tousiours eu à grace trop plus les Anglois, & le Royaume d'Angleterre, que nous, mais vn iour viendra, qu'ils s'en repentiront tout cherement. Nous voulons (dit le Roy) mander à ce Comte d'Ostrenant, qu'il vienne deuers nous, faire ce qu'il doit (c'est l'hommage de la Comté d'Ostrenant) ou nous la luy osterōs, & l'attribuerōs à nostre Royaume. Tous ceux du Cōseil du Roy par science respondirent: & dirent par telle maniere, Sire, vous parlez bien. Ainsi doit il estre fait. Vous deuez fauoir, que le Duc de Bourgogne † (la fille duquel le Côte d'Ostrenāt auoit à fême) ne fut pas réioui de ces nouuelles: car tousiours auoit porté & auancé son fils d'Ostrenant: deuers le Roy & les Royaux. Ceste chose ne demoura pas en nonchaloir, mais escriuit tantost le Roy de France lettres moult dures, & les enuoya au Côte d'Ostrenant (qui se tenoit au Quesnoy en Haynaut) en luy signifiant, mandant, & cōmandant, qu'il vint à Paris, faire hommage au Roy, presens les Pers de France, & releuer la Comté d'Ostrenant, ou il la luy osteroit, & feroit guerre. Quand le Comte d'Ostrenant eut veuës les lettres, & apperceut que le Roy de Frâce & son Conseil estoient durement informez & indignez contre luy, pour respondre aux lettres assembla son Conseil plus priuē de luy, le Seigneur de Fontaines, le Seigneur de Gommegines, messire Guillaume de Heremies, le Seig. de Traffegnies, le Bailly de Hainaut, le Seigneur de Sancelles, messire Race de Montigny, l'Abbē de Crespin, Jehan Seulbart, & laquemart Barrier de Valenciennes. Ces sages hommes, pour respōdre aux lettres du Roy, se meirēt ensemble, & parlerenterent moult longuement, & là eut mainte parolle proposée & retournée. Tout cōsidéré, auisē fut pour le meilleur, & le plus seur, qu'on rescriroit au Roy de France & à son Conseil, sur forme & maniere de prendre iour de respondre cleremēt aux demandes. Ce qu'on feroit par bouche de personnes croyables, & non par lettres, & cependant on enuoyeroit, du Conseil, de notables personnes, deuers le Comte de Haynaut, le Duc Aubert, en Hollande, pour auoir sens plus discerné, pour response. Ainsi fut fait. On escriuit doucement & pourueumēt au Roy & à son Conseil, tant que de ces premieres lettres on se contenta apres assez, & depuis on se pourueut d'enuoyer en Hollāde le Seigneur de Traffegnies, & le Seigneur de Sācelles, Jehā Semart & Jaqs Barrier. Ceux parlerent au Côte de Haynaut, & luy firent remōstrance de l'estat du pays de Hainaut en la forme des lettres, que le Roy de Frâce auoit escrites & enuoyées deuers sō fils le Côte

*Departement
des festes &
ioustes d'An-
gleterre, & re-
tour de chacun
en son pays.*

*Le Roy Charles
sixième mal in-
formé contre le
Comte Guillau-
me d'Ostrenant
ayāt receu l'or-
dre du iartier
d'Angleterre.*

*† Ce passage est
remis selon que
il a dit plu-
sieurs fois, avec
la verité.*

d'Ostrenant. Si le Comte de Haynaut fut moult émerueillé de ces parolles, ce ne fut pas de merucilles: & dit à ceux, qui en parlerent. Je n'en pensoye n'attendoie pas autre chose. Guillaume, mon fils, n'auoit que faire d'aller en Angleterre. Le luy ay baillé & luré le gouuernement de la Comté de Haynaut. Or en face, & vse, par le Cōseil, qui est au pays, Tirez vous vers beau cousin, le Duc de Bourgongne, car il est bien en la puissance de mettre regard & ordonnance à toutes ces choses & demandes, que le Roy de France fait à present. Je ne vous en sauroye autrement conseiller, n'adrecer. Sur celuy estat, ceux, qui auoient esté enuoyez en Hollande, s'en retournerent, & allerent en Haynaut, & firēt response, selon que dit on leur auoit. On s'en contenta assez. Adonc furent ordonnez, pour aller deuers le Roy en France, & deuers le Duc de Bourgongne, le sire de Trassegnies, messire Guillaume, de Heremies, messire Race de Montigny, Iehan Semart, laèques Barret. Toutes les incidences, qui dependent de ces besongnes, seroient trop longues à recorder & proposer: qui de toutes voudroit parler. Finalement, la conclusion fut telle (nō obstant l'aide & moyen du Duc de Bourgongne) qu'il conuint que le Comte d'Ostrenāt allast à Paris, faire son deuoir, & releuer la Comté d'Ostrenāt, & en recognoistre l'hommage estre deu au Roy de France: autrement on eust eu la guerre toute preste en Haynaut: & prenoient grande peine, pour l'auoir, le Sire de Coucy & messire Oliuier de Clifson, mais messire Iehan le Mercier & le Sire de la Riuere belongnoient au contraire, tāt qu'ils pouuoient. Nous nous souffrerons à parler de ceste matiere (& encores en auons nous parlé trop longuement) & retournerons aux Barons & Cheualiers de France, qui tenoient le siège deuant la forte ville d'Afrique, contre les Sarrazins.

Guillaume de Haynaut, fait hommage au Roy de France de la Comté d'Ostrenant.

Comment & par quelle incidence le siege fut leué de deuant la forte ville d'Afrique, & pour quelle occasion, & comment chacun s'en retourna en son lieu. CH. XXIII.

Vous auez cy-dessus ouy recorder moult bien comment les Chrestiens auoient assié-
gé la forte ville d'Afrique, par mer & par terre, & que grande imagination mettoient & rendoient, pour la conquérre & auoir. Car auis leur estoit (si comme ils disoient) que, si conquerir la pouuoient, à haut honneur & grande prouesse leur seroit conuert: & là se tiendroient bien vne saison ensemble, & entiere, contre la puissance des mécreans: & là dedans ils seroient confortez des Chrestiens, & du Roy de France par especial: qui estoit ieune, & qui desiroit les armes, & auoit auecques les Anglois tréue pour deux ans encores à venir: & pour ses causes les Chrestiens (ainsi qu'ils disoient & proposoient là estans au siège) auoient du commencement auisé vne telle ville comme Afrique: qui est l'entrée de Barbarie deuant eux. Or bien sentoient & proposoient les mécreans tel estat & affaire entre eux: & pour ce de iour en iour ils se refreschissoient: & mettoient grande peine à bien garder leur ville, & refreschir leur ost de nouvelles gens, hardis & auentureux, selon leur vsage. Ainsi se passa la saison moult auant: & depuis la grande perte, qui fut faite, à petit de fait, des Cheualiers & Escuyers cy-dessus nommez, la greigneur partie de l'ost fut ainsi que toute decouragée, car ils ne veoient pas que leur ennuy & dommage ils peussent à leur honneur sur leurs ennemis contreuenger. Si commencerent à murmurer plusieurs, & à dire ainsi, par telle maniere. No^s nous tenōs cy en seiournāt en vain. Par telles ecarmouches, que nous faisons, n'auiōs nous iamais, sans faire autre chose, ceste ville d'Afrique, car par vn mécreāt (se nous l'occions à l'auenture pour le trait) il leur en retourne dix autres. Ils sont sur leur pays. Ils ont viures & pourueances à leur aise & volonté, & nous les auons en moult grand danger & peril. Que pensons nous faire ne deuenir? Se nous nous tenons icy tout cest Yuer, à froides nuits & longues, nous serons morfondus, & gelez: & mourrons de froid, & serōs en trop dur party par plusieurs raisons. Premièrement, en Yuer les mers sont deffendues, ne nul ne sy ose bouter, pour la cruauté & horribleté des vens & des tempestes de mer (car les mers & les tempestes se tourmentent moult cruellement. trop plus en Yuer qu'en Esté) & se nous auōs defaute, huit iours tant seulement, de viures, & que la mer nous soit close, que nous n'en puissions recouurer, nous sommes morts sans remède. Secondement (or soit ainsi que nous ayons viures, & de toutes choses, necessaires à nous, à planté, & sans nul danger) commēt pourra le guet porter la peine & le trauail toutes les nuits reglément? Le peril & l'auenture nous y est trop grande, car nos ennemis (qui sont sur leur terre, & qui cognoissent le pays) nous pourront de nuit venir écaroucher & assaillir à leur grand auantage, & nous porter & faire trop grand dommage, & ia l'auōs nous veu. Tiercemēt, se par faute de bon

Murmures des Chrestiens, se decourageans au siege d'Afrique.

de bon air & de bonnes viandes & douces, dont nous sommes nourris, mortalité se bou-
 roit en nostre ost, tous mourroient l'un pour l'autre, car nous n'auons riens, pour reme-
 dier à l'encontre. Apres en outre, se les Geneuois se tournoient hors, d'avec nous (qui
 sont tresdures gens, & trahistres) ils pourroient bien de nuit rentrer en leurs nauires: &
 fils en estoient au dessus, il ne seroit pas en nous de conquerir sur eux: mais nous laisse-
 roient icy: & nous feroient payer l'escot. Tous ces doutes sont à considerer & imaginer
 à noz Seigneurs, qui sont à leur aise, & n'y ont nul regard: & ia les Géuenois ne s'en peu-
 uent taire: & dient les aucuns bourdeurs à noz gens. Quels hommes d'armes vous faites
 vous entre vous François? Quand nous partismes de Gènes, nous esperions que, tantost
 que seriez venus deuant Afrique, sur huit ou quinze iours, vous l'auriez conquise: & nous
 y auons ia esté plus de deux mois, ou enuiron: & encorés n'y auez vous riens fait. Par tels
 assaux & ecarouches, que vous faites, la ville n'a garde de cest an, ne de l'autre. Ainsi fai-
 sant, vous n'auriez iamais conquis tout le Royaume d'Afrique, ne de Thunes: Tant fut
 parlementé des Geneuois aux varlets & aux maistres, que les plus grands de l'ost en eū-
 rent cognoissance, & par especial le Sire de Coucy: qui sage estoit & imaginatif, & sur le
 quel la greigneur partie de l'ost s'affermoit & inclinoit. Quand il fut informé & aduisé,
 si dit à soy mesme. Toutes ces doutes sont valables & veritables, & afin que hastiuemēt
 on y meist ordonnance & pourueance, il fit faire vn parlemēt secret, des plus haux Barōs
 de l'ost, & des plus vſitez d'armes, pour auoir auis & conseil cōment on se gouuernerait.
 car l'Yuer approchoit. A ce parlement (qui fut fait en la tente du Duc de Bourbon) eut
 mainte parolle proposée. La conclusion fut telle, qu'on se delogeroit pour ceste saison, &
 retourneroit chacun en son lieu, & par le chemin dont on estoit venu. Si s'ordonnerent
 tout secrettement les Seigneurs sur ce: & furent mādēz deuāt eux les patrons de gallées.
 & les maistres qui les auoient là amenez: & leur fut dit ce que proposé estoit. Ceux ne sceu-
 rent que respondre au contraire: fors tant qu'ils dirent, Seigneurs, ne soyez en nulle dou-
 te ne souspeçon de nous, car vous auez noz fois & sermens. Si nous voulons loyaument
 acquiter, en toutes manieres, enuers vous: & si nous voulsissios estre enclinez & auoir en
 tendu aux traittez des Afriquans, ils nous en ont fait requerir, mais nenny, nous voulōs
 entretenir loyauté: puis que promis l'auons. Nenny, Seigneurs, respondit le Seigneur de
 Coucy. Nous vous tenons pour bons, loyaux, & vaillans hōmes. Mais nous auōs confide-
 ré plusieurs choses. L'Yuer approche. Nous auons faute de pourueances. Si nous en re-
 tournerons par la grace de Dieu, & par son bon plaisir, au Royaume de France: & nous
 tous là venus, nous informerons le Roy de France (lequel est ieune, & de grande volon-
 té) des manieres & ordonnances des marches de par-deça. Pour le present il ne scait ou
 s'employer, car il a treues aux Anglois: & les Anglois à luy. Il est enuis oiseux: & moult tost
 seroit il cōseillé & aduisé de venir icy à puiffāce, tant pour veoir & aider le Roy de Cecil
 le, que pour faire aucune cōqueste sur les Sarrazins. Si vous ordōnez, & faites appareiller
 voz gallées & vaisseaux, car nous voulons partir dedans briefs iours. Pas ne se cōtētoiet
 les Geneuois des Seigneurs de Frāce, de ce que du siege de la ville d'Afrique ils se vou-
 loient partir, & sans riens faire: mais ils n'en pouuoiet autre chose auoir, si leur cōuenoit
 souffrir & porter. Vne générale renōmée s'espādīt parmy l'ost, & courut, q̄ les Geneuois
 deuoient auoir marchandé aux Sarrazins d'eux deliurer & tirer deuers eux, & trahir les
 Chresties, & tāt que la plus grāde partie des Chresties les croyoient, & disoient ainsi plu-
 sieurs les vns aux autres, Noz souverains Seigneurs & Capitaines, le Duc de Bourbō, le
 Côte Dauphin d'Auuergne, le Sire de Coucy, messire Guy de la Trimouille, messire Jehā
 de Vienne, & messire Philippe de Bar, fauent bien tout clerement comment il en est: &
 pource nous departons nous du siege si soudainemēt. Il fut publié & signifié, parmy l'ost
 de retraire tout bellement, & par grand loisir, ce qui sur terre estoit, & qui leur faisoit
 tresgrand besoing, es gallées & aux vaisseaux. Adoncques vous veissiez varlets embe-
 songnez à trousser & porter es barges & vaisseaux, & à remettre les besongnes de leurs
 maistres es gallées, qui gisoyent à l'ancre en la mer. Quand tout fut deliuré & déchar-
 gé dedans, les Seigneurs entrerent es gallées & es vaisseaux, esquels ils estoient venus,
 & là auoient plusieurs Barons & Cheualiers marchandé à leurs maistres patrons à aller
 les vns à Naples, les autres en Cecille, les autres en Cypre, & à Rhodes, pour faire le che-
 min en Hierusalem. Quand ils furent tous montez, iusques † au soixante & vniesme,
 qu'ils furent là venus, ils se departirent du siege d'Afrique, & se bouterent en la mer, à la

*Conseil des Frā
 çois, ou fut con-
 clu de leuer le
 siege d'Afri-
 que & s'en re-
 tourner chacun
 chez soy.*

*Mecontentemēt
 des Geneuois
 sur le depart
 des François,
 & soupçon des
 François sur
 eux, en partie
 cause de leuer
 le siege.*

*Le siege d'Afri-
 que leué, &
 rembarquemēt
 des Chrestiens
 pour le retour.*

† Il y auoit seu-

lemés l'onzieme iour, mais ce qu'il a dit par-avant au cha. 20. me l'a fait changer en toixâte vnieme, lequel nombre, ayant esté ainsi abrégé les vieux exemplaires a depuis peu estre tronqué à xi. & apres escrit au long onzieme.

† Entendez de ceux du dehors de la ville.

† Il a nagueres dit Brahadist & au cha. 21. Madifer & Brahadin de Bougie.

Les Sarrazins informez de quelques particularitez des Chrestiens, apres leur depart par un varlet Geneuois demeuré malade en la place du siege.

veue des Sarrazins de la ville d'Afrique. Lesquels quand ils apperceurent la nauire, ne se tindrent pas quois de mener grand noise, & de bondir grands cors, & de fraper sur tabours, & huer & crier: & firent tant, que ceux de l'ost des Sarrazins en eurent la cognoissance. Lors vous veüssiez les ieunes Sarrazins monter, & venir là ou le siege auoit esté, pour veoir si riens y trouueroient. Agadinquor d'Oliferne, & Brahadist de Thunes vindrent tout deuant, & trouuerent que les Chrestiens estoient si nettement delogez, que rien n'auoient laissé derriere, que porter ils peussent. Si allerent les Sarrazins parmi leur ost, & se partirent & tindrent plus de deux heures, pour conceuoir la maniere & contenance comment ils auoient esté logez. Si priferent grandement entre eux leur subtilité, de ce qu'ils auoient ainsi fouy en terre, pour auoir douce eau: & quand ils eurent là esté vne espace, & veu en la mer au loing les galees, & les naues qui s'en alloient, les aucuns s'en allerent en la ville d'Afrique, pour voir leurs amis, & les autres s'en retournerent en leurs logis, & se donnerent du bon temps de ce qu'ils auoient, & disoient que les Chrestiens n'auoient plus osé demourer, ne seioutner deuant Afrique, & que de leur puissance n'estoit nulle chose, ne des François ne des Geneuois, ne douterioient iamais tant qu'ils faisoient au deuant. De tout ce dirent ils verité, & ie vous diray comment & pourquoy. Apres que le siege eut esté deuant la ville d'Afrique, en la forme & maniere que ie vous ay recordé & suis informé, les Sarrazins entrerent en grand orgueil, & veirent bien que les Geneuois auoient fait & monstre toute leur puissance & leur plain pouuoir, pour eux greuer, & ne pouuoient auoir fait ce voyage sans grans cousts, & n'auoient rien conque-
 tit: & de ce disoient ils verité. Encor ne sauoient riens les † Sarrazins de la mort des Cheualiers & Escuyers Chrestiens, mais ils le sceurent en ce iour. Ie vous diray par quelle incidence. Es loges des Chrestiens fut trouué vn varlet, Geneuois, qui estoit couché sur l'herbe, tout malade des fieures & de chaleur: & ne peut aller iusqu'aux vaisseaux, quand les barges des Geneuois vindrent querir leurs gens pour mener aux gallees. De la tenue d'iceluy furent les Sarrazins moult resiois, & se garderent bien de luy mal faire, & l'emmenèrent deuant les Seigneurs de l'ost, & leur compterent là ou ils l'auoient trouué. On fit venir vn truchement deuant luy pour l'examiner. Du commencement ne voulut rié dire: car il se tenoit pour mort, & requeroit aux Sarrazins que tantost on le fist mourir. Les Seigneurs de l'ost (c'est assauoir Agadinquor d'Oliferne, † Brahadin de Thunes, & plusieurs autres) s'auiserent que de sa mort ils n'auoient que faire, mais qu'il leur voulsist dire verité. Si luy firent dire, que s'il vouloit iustement respondre à tout ce qui luy seroit demandé, & qu'il ne dist nulle mensonge ils luy saueroient la vie, & luy promettoient de le renuoyer sain, sauf, & en bon point, & son pays par la premiere naue ou gallee, qui de son pays leur seroit enuoyee (fust en la terre de Genes, ou à Marseille) & à son partement ils luy donneroient cent besans d'or. Le varlet (qui se veoit en dâger de mort) quand il ouit ces promesses, se conforta & assura. Car bien sauoit que les Sarrazins de ce qu'ils promettent & iurent sur leur foy & loy, sont veritables, ne iamais n'enfreindroient leur parole. Or vous sauez par nature, que chacū meurt au plus tard qu'il peut. Si dit au Truchement, Faites les tous iurer, & sur leur loy, que ce que vous me dites, ils me tiendront & ie penseray à mes besongnes: & de tout ce que ie seray interrogué & examiné, j'en respondray volôtiers ce que j'en sauray. Le Truchement le remonstra aux Seigneurs: & luy conuenancerent à tenir, sur leur loy, fermement leur parole & promesse. Or me demande (dit le varlet) & ie respondray. Là fut-il interrogué d'ou il estoit. Il respondit, De Portenances. Adonc il fut interrogué du fait des François, qui là auoient esté au siege. Il en nomma plusieurs. Car il auoit volontiers accompagné les Heraux, & beu avecques eux. Si les auoit ouy nommer à la fois: & pource il auoit retenu leurs noms. Donc fut-il interrogué s'il sauoit pourquoy si soudainement ils estoient delogez & departiz. A ce respondit-il assez sagement: & dit de tout ce ie ne say riens, ny ne puis sauoir, fors par suppositiō, & selon ce que j'ay ouy recorder en nostre ost communement: car ie ne fus pas appelé au conseil des Seigneurs. Mais comme renommee estoit & courtoit, les François se doutoient des Geneuois, qu'ils ne les voulsissent par cautelle, ou trahison, deceuoir, & les Geneuois de nostre costé disoient que de tout ce il n'estoit riens, & que les François auoient fait & basti sans raison celle fraude sur eux. Si se departirent, pource qu'en l'Yuer ne se vouloient bouter en auenture d'attendre le peril, ne recevoir le dommage si grand qu'ils auoient eu vne fois. Quels dommages ont ils euz dirent les Seigneurs au Truchement, Demandez luy. Il luy demanda, & il luy respondit, Tel dommage, que le iour que
 la ba-

la bataille se deult faire de dix des nostres à dix des vostres, ils perdirent de fait enuiron soixante Cheualiers & Escuyers, tous de nom & d'armes, & pource se departirent ils, ce dient les Geneuois. De ceste parolle fut bien creu le varlet, & en eurent les Seigneurs Sarrazins grand ioye: à ce qu'ils monstrerent. Il ne fut enquis plus auant, & luy tindrent bien tout ce, qu'ils luy auoient promis. Depuis on le vit retourner à Portenâces, & à Genes, & recordoit tout ainsi qu'auenu luy estoit: & à tout ce dire ne prenoit point de blafme. Bien disoient les Sarrazins, entre eux, qu'en trop grand temps ils n'auoient pas garde des Geneuois & des François: & que deuant Afrique ils n'auoient pris nul profit: mais encores deslors en auant ils se pouuoient garder plus sagement leurs ports & leurs bondes de mer en leur Royaume (car bié estoit en leur puissance) & par especial les destroits de Maroch ils feroient estroitement garder, que Geneuois ne Veniciens, ne passeroient point pour aller autour des terres en Flandres mener leurs marchandises, sans payer si grand tru, que tous en seroient esmerueillez & encores seroit ce par grace & par congé. Tout ce, que les Afriquans proposerent ils le firent: & s'allierent ensemble tous les Royaumes, deuers nonne, soleil leuant, & vespres: Afrique, Thunes Bougie, Maroch, Bellemarine, † Tramefaines, & le Royaume de Grenade, & entreprirēt tous ces Royaumes à garder fort & songneusement leurs ports & destroits: & mirent gallees armées sur la mer grād' quātité, pour estre seigneurs & maistres de la mer, & tout pour la grande haine qu'ils eurent aux François & Geneuois, pour le siege d'Afrique: & contraignirent tous allans & venans par mer, tant que plusieurs meschefs en sourdirent: & par celle grande contrainte, que les Sarrazins firent (qui furent Seigneurs de toutes les mers) les marchandises qui venoient de Damas, du Quaire, d'Alexandrie, de Venise, de Naples & de Génes, furent vn temps tellement & si fort rencheries en Flandres, que de plusieurs choses on ne pouuoit recouurer, pour or ne pour argent: & par especial, toute espicerie fut mallement chere.

† Nous auōs iā
annoté sur quel
que autre lieu
que ce nom est
Tremessen.

Comment, estant le Roy Charles en propos d'aller en Barbarie, & premierement en Italie, pour l'union de l'Eglise, luy vindrent Ambassadeurs, d'Angleterre, sur pour parlē de paix finale entre le Roy Richard & luy, & comment estant mort le Roy Iehan de Castille Henry, son fils, fut couronné en l'aage de neuf ans.

CHAP. XXIIII.

Vous auez bien ouy cy dessus recorder comment se fit le departemēt du siege d'Afrique. Tous repasserent la mer ceux qui se departirent: mais ce ne fut pas tout à vn port: car il y en eut d'aucuns, qui eurent des tourmens & tempestes plusieurs sur mer, qui ne retournerent, fors à grand danger. Toutesuoyes la greigneur partie d'eux retourna à Genes. On faisoit en France procession pour eux, à fin que Dieu les voufist sauuer: car on ne sauoit qu'ils estoient deuenuz, & n'en oyoit-on nulles nouuelles. La Dame de Coucy, la Dame de Sully la Daulphine d'Auuergne, & toutes les Dames de Frâce, qui auoient leurs Seigneurs & maris en celuy voyage, estoient en grād' emoy pour eux, le terme que le voyage dura: & quand les nouuelles leur vindrent qu'ils auoient iā passé la mer elles furent toutes resiouies. Le Duc de Bourbon & le sire de Coucy retournerent tout quoyement: & laisserent tout leur train derriere: & vindrent à Paris, enuiron † la Saint Martin d'Yuer. Le Roy de Frâce fut moult resiony de leur venue. Et fut raison. Il leur demanda des nouuelles de Barbarie, & du voyage comment il s'estoit porté. Ils recorderent tout ce, qu'ils en sauoient & que vœu ils en auoient. Le Roy en ouyt volontiers parler. Aussi fit le Duc de Touraine, son frere & respondit le Roy, & dit se nous pouuons tant faire, que paix soit faicte entre l'Eglise, & entre nous & les Anglois nous ferōs volōtiers vn voyage à puissance par dela pour exaucer la foy Chrestienne, & confondre les incredules, & acquiter les ames de noz predecēseurs, le Roy Philippe de bonne memoire, & le Roy Iehan nostre ayeul, car tous deux, l'vn apres l'autre, prirent la croix, pour aller l'vn apres l'autre, outre la mer, & en sainte terre: & y fussent allez si les guerres ne leur fussent si tresfort venues sur leur Royaume. Or si nous mettons bonne vnion & paix en l'Eglise, & bonne ordonnance de paix ou de longues treues, entre noz aduersaires les Anglois & nous, volontiers entendrons à faire ce voyage. Ainsi se deuisoit & parloit le Roy de France à son oncle le Duc de Bourbon & au Seigneur de Coucy: & demoura la chose en cest estat. Si retournerent petit à petit les voyageurs, qui au voyage de Barbarie auoient esté: & ainsi coula la saison: & le Roy Charles de France se tenoit lors communement à Paris, vne fois au chastel du Louure, l'autre fois au bel hostel de S. Paul: auquel hostel Ma-

Tousiours 1390

Le Roy en volō
se d'aller cōtre
les Sarrazins.

dame Ysabel, la Royne sa femme, se tenoit. Or aduint en celle saison, environ la sainct Andrieu ensuiuant, quand tous Cheualiers & Escuyers furent retournez du voyage de Barbarie & tout le monde ne cessoit d'en parler, qu'un autre voyage promu fut en l'hôtel du Roy de France, & ne vous sauroye pas dire d'ou la promotion vint premierement. Mais le Roy de France (qui tresgrand' affection auoit aux armes) y fut conseillé & enhorté, & luy fut dit ainsi, Sire, vous auez deuotion & imagination treigrade (& bié le voyös) d'aller outre la mer sur les méscreens, & de conquerre la Sainte-terre. C'est verité, dit le Roy. Toutes mes pensees, nuit ne iour, ne s'enclinent ailleurs. Or croy ie (selon ce que fu pour lors informé) que ce fut par le conseil du Seigneur de la Trimouille & de messire Iehan le Meier: car ils estoient trop bien de celui, qui se nommoit Pape Clement (lequel se tenoit en Auignō) & tout ce, que ces deux vouloient, il estoit fait, sans nul moyē, deuers le Roy. Donc respondirent ceux, qui parloient & deuisoient au Roy & dirent, Sire, vous ne pouuez à conscience bonnement faire ce voyage, se l'Eglise n'est à vn. Cōmencez au Chef: si aura vostre entreprise bonne conclusion. Ou voulez vous que ie cōmence? dit le Roy. Sire (respondirent-ils) pour le present vous n'estes pas chargé de riē. Vous auez treues aux Anglois, pour vn lōg temps. Vous pouuez faire (si vous voulez) la treue durant, vn beau voyage, & nous n'en voyons plus beau, ne plus raisonnable pour vous: c'est que vous allez vers Rome à puissance de gens-d'armes, & destruisiez cest Antipape, que les Romains ont de force & par erreur créé, & mis au siege cathedral de Sainct Pierre. Se vous voulez vous accomplir trop biē ce fait, & mieux vous ne pouuez, ne plus honorablement, vostre saison passer: & sachez que, si cest Antipape & ses Cardinaux fauent que vous voulez aller sur eux à main armée, ils se mettront & rendront tous à mercy. Le Roy pensa sur ceste parole, & dit qu'il y entendroit: car voirement tout considéré, il se sentoient grandement tenu au pape Clement; Car l'annee passée il auoit esté en Auignon: ou le Pape & les Cardinaux tresexcellerement l'atoyent honoré, & donné plus qu'il ne leur auoit demandé, à luy à son frere & à ses oncles: si l'ensuiuoit qu'il leur meritaist le guerdon: & aussi, au departement d'Auignon, il auoit dit & promis au Pape Clement, qu'il pouruoiroit & entédroit à ses besonghes, tellement qu'on s'en aperceuroit: car il s'y sentoient tenu, & vouloit estre. Polit ces iours estoient à Paris les Ducs de Berry & de Bourgongne. Si fut proposé & généralement dit & accordé, que tantost à ce Mars qui approchoit, le Roy de France se departiroit de Paris, & se mettroit au chemin pour aller vers Sauoye & Lombardie: & le Duc de Sauoye enuoyeroit son cousin germain avecques luy & deuoit auoir le Roy, de sa charge son frere le Duc de Touraine, & quatre mille Lances: le duc de Bourgongne, deux mille Lances: le duc de Berry, deux mille Lances: Le Cōestable de France deux mille Lances de Bretons, Xainctongiers, & des basses marches: le duc de Bourbon mille Lances: & le Sire de S. Pol & le Sire de Coucy mille lances, & deuoient ces gens d'armes estre payez & deliurez pour trois mois, & ainsi de terme en terme. Quand les nouvelles en furent venues & sceues en Auignon, au Pape & aux Cardinaux, si furent tresgrandement resiouis, & leur fut biē aduis que la besongne estoit ia ainsi cōme acheuee. Encore estoit ia proposé au Cōseil du Roy, & aduisé pour le meilleur) pource qu'on ne vouloit pas le Duc de Bretagne laisser derriere) que le Roy le manderoit, & prieroit qu'il s'ordonnast, pour aller en ce beau voyage avecques luy. Le Roy luy manda & escriuit notablement: & luy enuoya ses lettres par vn siē huissier d'armes, hōme d'honneur: & luy signifia, par le contenu des lettres, tout l'estat & ordonnance dudit voyage. Quand le duc de Bretagne eut leu les lettres que le Roy luy enuoyoit, il se tourna d'autre part: & cōmença à rire, & appela le Seigneur de Montboucher, qui estoit en sa presence: & luy dit, Regardez & entédez, que Mōseigneur me rescrit. Il a entrepris de partir à ce mois de Mars, pour aller vers Rome, & destruire par puissance de gens-d'armes, le Pape Boniface & ses Cardinaux. Se m'aist Dieu, il n'en fera ia rien. Il aura en bref temps autres estoupes en sa quenaille. De ce que fol pense assez remaint. Il me prie que ie luy vueille tenir cōpaignie, à deux mille Lances, à ce voyage. Je le vueil bien tant honorer & doy (& luy escriray moult ioyeusement: à fin qu'il se contente) que s'il va au voyage, qu'il m'a rescrit, il n'ira pas sans moy: puis qu'il veut que ie luy tienne cōpaignie. Mais ie vous diray, Sire de Montboucher, que ie n'en trauailleray ia homme des miens: car de tout ce qu'il ait proposé & dit, il n'en sera ia riens fait. Le duc de Bretagne escriuit vnes lettres moult douces au Roy de France: & les apporta l'huissier d'armes, qui les autres auoit apportees: & retourna deuers le Roy, qui estoit à Paris. Le Roy les ouurit, & leur: &

Le Roy Charles delibere d'aller à Rome pour redre Italie obeissance au pape Clement d'Auignon.

Paroles du duc de Bretagne ayant receu les sres du Roy pour le faire aller prestier d'aller en Italie avec luy.

leut: & se contenta assez de la responce du Duc. La volonté & propos, que le Roy de France auoir, se tenoit: & nul ne la brisoit ne contredisoit: mais plaisoit grandement, & bien, à tous Cheualiers & Escuyers du Royaume de France, pource qu'ils en pensoient mieux à valoir, & pour employer leur saison. Toutes gens s'ordonnerent sur celuy estat: & mesmement le Clergé, par les prouinces, se vouloit tailler & ordonner, pour enuoyer à leurs despens des gens avecques le Roy de France. Or retourna ce voyage tout à neant (ainsi que le Duc de Bretagne l'auoit proposé) & ie vous diray par quelle incidence. Enuiron ¶ la Chandeleur vindrent autres nouuelles au Roy de France & à son Conseil, d'ort on ne se donnoit garde, ne point on ne pensoit ne n'auoit on pensé sur ce. Le Conseil du Roy d'Angleterre, & le plus prochain qu'il eust (celuy de sa chambre) fut enuoyé en tref-bon arroy à Paris, deuers le Roy de France: & estoient les souuerains de ceste legation messire Thomas de Persy, messire Loïs de Clifford, & messire Robert Bricquet. Encores y auoit il d'autres Cheualiers en leur compaignie: mais ie n'en ouy pour lors plus nom-mer. Quand ces trois Cheualiers d'Angleterre & de la chambre du Roy furent venus en la cité de Paris, il en fut tresgrand' nouuelle. Si estoit bien leur venue deuât signifiée au Roy de France: car le Roy d'Angleterre luy auoit escript lettre, & enuoyé certain mes-sage, en luy faisant sauoir qu'il enuoyeroit de brief deuers luy, à Paris, de son plus espe-cial Conseil: & qu'il s'y voulsist trouuer. Si desiroit moult le Roy de France sauoir, sur la forme & teneur de ces lettres, quelle chose ce pourroit estre, que le Roy d'Angleterre, pour le present, si hastiuement voudroit traiter & proposer. Si descendirent ces Cheua-liers d'Angleterre, messire Thomas de Persy & les autres, en la rue, qu'on dit la Croix du Tirouer, à l'hostel & enseigne du Chasteau de Festu: & là logerent pour lors. Le Roy de France estoit au chasteau du Louure, & son frere le Duc de Touraine avecques luy, & ses trois oncles en leurs hostels à Paris, & le Connestable, messire Oliuier de Clisson. Le iour que les Anglois vindrent à Paris, ce fut apres nonne. Ils se tindrent tout celuy iour, & la nuit ensuiuant, en l'hostel, sans point issir hors. Au lendemain sur le point de neuf heures, ils monterent tous à cheual moult honnorablement: & s'en allerent au Louure, par-deuers le Roy: qui les attendoit, son frere, & ses oncles avec luy, le Comte de saint-Pol, aussi le Sire de Coucy, le Connestable de France: messire Iehan de Vienne, messire Guy de la Trimouille, & plusieurs haux Barons de France. Ils descendirent en la place, deuant le chastel: & entrerent en la porte. Tout premierement ils trouuerēt le Seigneur de la Riuere, messire Iehan le Mercier, messire Helion de Lignac, messire Pierre de Vil-liers, messire Guillaume de la Trimouille, & messire Marcel: qui les recueillirent comme les Cheualiers de la chambre du Roy d'Angleterre, & les amenerent là dedans moult doucement, en vne belle chambre: ou le Roy les attendoit. Quand ils furent là venus, ils osterent leurs chaperôs: & s'enclinerent tous ius. Messire Thomas de Persy tenoit les lettres de creance, que le Roy d'Angleterre enuoyoit au Roy de France. Si les bailla au Roy: qui les prit: & en les prenant, il fit leuer les Cheualiers, qui les auoient presentees. Quand ils furent leuez, ils se tirerent vn peu arriere, Le Roy de France ouurit les lettres: & les leut: & veit qu'il y auoit creance. Si appela son frere le Duc de Touraine, & ses on-cles: & leur monstra lesdites lettres. Adonc dirent ses oncles, Monseigneur, appelez les Cheualiers d'Angleterre: & sachez quelle chose ils veulent dire. Le Roy le fit. Si furent appelez les Cheualiers Anglois: & leur fut demandé, de la creance, quelle chose ils vou-loient dire. Messire Thomas de Persy parla: & dit, Cher Sire, l'intention de nostre Sire, le roy d'Angleterre, est telle, que volontiers il verroit que son plus especial Cōseil (tels que ses oncles, Monseigneur de Lanclastre, & Monseigneur d'Iorch, ou de Clocestre, ou aucuns Prelats d'Angleterre: là ou ¶ le pays, de sens & de credence, se confie le plus) fus-sent en la presence de vous & de vostre Conseil, assez prochainement, sur forme & trait-té de paix: & (se par aucune voye: conuenable & raisonnable, on pouuoit entre vous & luy, voz conioincts & adherens & les siens, trouuer moyen & conclusion de paix) il en auroit grand' ioye: & ne plaindroit pas la peine, ne le trauail de luy, ne de ses hommes, pour venir, ou enuoyer suffisamment les dessus-nommez par-deça la mer (fust en la cité d'Amiens, ou ailleurs: là ou l'assignation seroit faicte) & sommes cy venus sur cest estat, & enuoyez pour en sauoir vostre entente. Messire Thomas (respondit le Roy) & tous vous autres, vous soyez les tres-bien venus: & de vostre venue & parole auons nous grand' ioye. Vous ne partirez pas si tost de Paris. Nous parlerōs à nostre conseil: & vous ferons responce si conuenable, auant vostre departement, que bien vous deura suffire.

† 1391. à mē
mode.

Ambassadeurs
d'Angleterre,
au roy de Fran-
ce sur pourpar-
lé de paix fina-
le entre les deux
Royaumes.

La creance
charge des am-
bassadeurs de
Angleterre.

† Ce passage est
fourny selon
Verard.

De ceste responce se contenterent les Anglois grandement. Adonc rentra le Roy en autres parolles: & puis vint l'heure du disner. Les Cheualiers d'Angleterre furent retenus pour disner en l'hostel du Louure, & baillez en charge au Seigneur de Coucy & au Seigneur de la Riuere: lesquels les prirent, & menerent en vne chambre, paree & aornee moult richement: & là auoit on couuert pour eux. Si disnerent bien, & à loisir: & leur firent, à table, le Sire de Coucy & le Conneftable de France compaignie. Apres qu'ils eurent dîné, ils retournerent en la chambre du Roy: & là furent tant, qu'on apporta le vin & les espices en grans drageouers d'or & d'argent. Le vin & les espices pris, les Cheualiers d'Angleterre prirent congé au Roy & aux Seigneurs: & se partirent de la chambre, & se meirent en place, puis monterent sur leurs cheuaux, & retournerent à leurs logis. La venue de messire Thomas de Persy & des Cheualiers d'Angleterre, & les nouuelles, qu'ils apportèrent, si pleurent moult grandement au noble Roy de France & au Duc de Bourgogne son oncle, & à plusieurs du cōseil du Roy, & non pas à tous, & par especial à ceux, qui aidoint à soustenir le Pape d'Avignon: car ils veoient bien que par ces nouuelles & traittez (qui se commençoient à entamer au Roy de France) s'il enclinoit au Roy d'Angleterre, que ce retarderoit grandement le voyage, qui estoit entrepris pour aller à Romme, destruire le Pape Boniface & les Cardinaux, ou les ramener à la credence & fuetion du Pape Clement d'Avignon. La chose estoit si belle & si haute du traité de la paix (qui s'entamoit & proposoit) & tant touchoit pour le profit cōmun de toute Chrestienté, que nul n'osoit parler du contraire: & le Duc de Bourgogne & son conseil, avecques le Roy & son frere, & le Duc de Bourbon, estoient tous en vn. Le Roy fit tresbonne chere à messire Thomas de Persy & aux Anglois: mais en leur compaignie auoit vn Cheualier (qu'on appeloit messire Robert Bricquet) que le Roy ne veoit pas volontiers: lequel estoit de la nation du royaume de France: & tousiours auoit esté Nauarrois ou Anglois: & encōres estoit il de la chambre du Roy d'Angleterre. Si dissimuloit le Roy assez sagement: mais, quand il parloit à eux, si tournoit il tousiours ses parolles sur Thomas de Persy, ou messire Loys de Clifford, ou sur messire Jehan de Clambon: & disoit bien le Roy de France. Nous verrons volontiers la paix entre nous & nostre aduersaire le Roy d'Angleterre: car la guerre & la querelle a trop longuement duré: & veux bien que vous sachez que point ne tiendra à nous, & pour y mettre grandement du nostre. Sire (respondirent les Cheualiers) nostre Sire, le Roy d'Angleterre (qui nous a icy transmis) y a tresbonne affection: & dit que point ne tiendra en luy, & que la guerre & dissension, entre voz terres & voz pays, a trop longuement duré: & s'emerueille, par fois, comment aucuns moyens, bons, sages, & amiables, ne s'en sont ensoignez plus à certes. Or (respondit le Roy de France) nous verrons la bonne affection qu'il y a. Ainsi furent les Anglois à Paris six iours: & tousiours disnerent hors de leurs logis, avecques l'un des Ducs. En ces six iours, qu'ils se reposerent & seiournerent à Paris, il fut proposé, parlementé & arresté seurement, que le Roy de France, ses oncles, & son souuerain & especial conseil, seroient, à la moitié du mois de Mars, en la cité d'Amiens: & là attendroient le Roy d'Angleterre ses oncles, & leurs Consaulx: si venir y vouloient. Les Cheualiers d'Angleterre (qui là estoient) se firent forts de toutes ces choses & ordonnances, appartenans à leur costé: & dirent bien que point n'y auroit de faute: du moins, que les oncles du Roy d'Angleterre ne fussent, au iour assigné & prefix, en la cité d'Amiens. Ainsi se porta la conclusion de ceste ordonnance. Le iour de deuant que les Anglois deussent partir de Paris, & prendre congé du Roy, le Roy vint à Paris, au Palais (auquel estoient ses frere & oncles) & donna à disner tresnoblement aux Cheualiers d'Angleterre: & fit messire Thomas de Persy asseoir à sa table: & l'apeloit & tenoit pour son cousin, du costé de Northombellande. A celuy disner furent donnez & presentez à messire Thomas de Persy, & aux Cheualiers d'Angleterre, & Escuyers d'honneur de leur costé, grans dons, & beaux ioyaux: mais en dōnant & presentant, on passa messire Robert Bricquet: & dit le Cheualier qui les dons asseoit & presentoit (ce fut messire Pierre de Villiers, souuerain maistre d'hostel du Roy) Quand vous aurez fait seruice au Roy qui luy plaist, il est riche & puissant assez pour vous remunerer. A ces mots le Cheualier passa outre. Messire Robert Bricquet demoura tout pensif & melancolieux: & lors cognut bien que le Roy ne l'aimoit point. Si luy conuint souffrir ce blasme & parole. Apres qu'on eut dîné à grand loisir, laué, & leué les tables, & rendu graces, menestriers de bouche & du bas mestier furent appareillez deuant le Roy: & firent leur deuoir de ce, qu'ils deuoient

*Assignation de
iour & de lieu
aux Ambassa-
deurs d'An-
gleterre, pour
les deputer au
traitté de paix
finale.*

deuoient dire & faire : ainsi comme ils ont vſage . Ces ébatemens passez, messire Thomas de Perſy fauança : & vint à genoux deuant le Roy disant ainsi. Trescher Sire, moy & mes compaignons nous émerueillons d'une chose . Vous nous auez fait si tresbonne chere, que nous vous en deuons sauoir gré : & nous auez grandement & largement fait donner & departir de voz biens & riches ioyaux : mais de ce, qu'on a trépassé, en ces dōs donnant, messire Robert Bricquet (qui est Cheualier d'armes, & homme & Chambellan, avecques nous, à nostre Sire, le Roy d'Angleterre) moy & mes compaignons faurions volontiers à quoy il tient. A ceste parolle respondit le Roy de France : & dit, Thomas, le Cheualier, que vous nommez (puis que sauoir vous le voulez) n'a pas mestier de se trouuer en bataille contre nous : car, s'il estoit pris prisonnier, sa rançon seroit toute payee . A ces mots le Roy fit leuer sus messire Thomas de Perſy : & rentra en autres parolles . Assez tost apres on apporta vin & espices : & en prirent le Roy & les Seigneurs à leur plaissance : & tantost, ce fait, le congé fut pris & donné : & retournerent les Anglois en leurs logis : & firent compter & payer par tout. Lendemain ils se departirent, & meirerent au retour : & exploiterent tant par leurs iournees, qu'ils retournerent en Angleterre : & recorderent au Roy, & à ses oncles, commēt ils auoient exploité : & se louerent grandement du Roy de France, & de la bonne chere, qui leur auoit esté faicte, & des dons & des ioyaux, qui donnez leur furent. Nous nous souffrerons pour le present à parler des Anglois : & parlerons, vn petit, & compterons du Roy Iehan de Castille . Or sçauiez vous bien (si comme il est cy-dessus contenu) comment la paix fut faicte entre le Roy de Castille & le Duc de Lanclastre : qui chalengeoit & demandoit auoir grand droit au Royaume de Castille, à cause de Madame Constance, sa femme (qui fille auoit esté du Roy Dampietre) & par le moyen d'une belle fille, que le Duc de Lanclastre auoit de celle Dame Constance, la paix se fit & conferma : car celuy Roy Iehan de Castille auoit à hoir vn fils, lequel on appeloit Henry : qui estoit Prince de Galice . Si fut le mariage faict de celuy fils à ladite fille de Lanclastre : & , par ce, eut bonne paix entre Castille & Angleterre . † Depuis le mariage faict, ne demoura pas deux ans, que le Roy Iehan de Castille alla de vie à trépas : & fut enséuely en la cité de Burgues en Espagne . Tantost apres sa mort, les Prelats & grands Barons de Castille se meirent ensemble : & dirent qu'ils vouloient couronner à Roy leur ieune héritier, le Prince de Gallice . Ce propos fut tenu, & le Prince de Gallice couronné, au neuſième an de son aage : & sa femme fille au Duc de Lanclastre, en auoit quinze. Ainsi demoura la fille au Duc de Lanclastre, & à Madame Constance, Ronye de Castille, & Dame & heritiere de toutes les terres & contrées, dont le Roy Dampietre, le Roy Henry, & le Roy Iehan, tindrēt les Seigneuries : reserué ce que le Duc de Lanclastre & sa femme (tant comme ils vesquirent) eurent vne pension † de cent mille florins par an de reuenue : dont les quatre meilleurs Comtes d'Espagne demourerent en pleige & debte deuers eux . Ainsi auoit & veoit le Duc de Lanclastre ses deux filles, l'une Roine d'Espagne, & l'autre Roine de Portugal. Or parlon du Comte Iehan d'Armignac, & du voyage qu'il fit en Lombardie (car la matiere le requiert) & nous souffron du Roy de Castille.

De l'armee & voyage du Comte Iehan d'Armignac en Lombardie : & comment il mourut au siege, deuant la ville d'Alexandrie.

CHAP. XXV.

Bien fauez (comme il est cy-dessus contenu en nostre Histoire) comment le Comte Iehan d'Armignac auoit intétion & affection tresgrande d'aller en Lombardie, pour aider & conforter, par puissance de Gens-d'armes, sa seur germaine & son beau-frere, son mary & Seigneur, messire Barnabo, fils aîné à messire Barnabo : que iadis le Duc de Millan auoit fait mourir merueilleusement : & estoit ce Duc de Millan (qui se nommoit Galeas) Comte de Vertus : duquel le Duc d'Orleans auoit à femme sa fille. La Dame dessusdicte (qui fille auoit esté à messire Iehan d'Armignac) comme Dame toute ébahie & déconfortee, & qui n'auoit autre recours, ne retour, qu'à ses freres, leur auoit signifié tout son estat, sa poureté & necessité, & le dommage ou on la tenoit : & humblement, & en pitié, leur auoit prié, qu'ils y voulussent entendre, & la garder & deffendre contre ce Tyran, le Comte de Vertus : qui la deshéritoit, sans nul tiltre de raison. A la priere de sa seur, le Comte d'Armignac estoit descendu : & en auoit pitié : & auoit bien dit, & disoit, que (quoy qu'il deust couſter à remettre sus les besongnes de sa seur) il en feroit son deuoir, & plain pouuoir : & tout ce, qu'il auoit dit & promis, il accomplit & monstra de fait,

Depart des Ambassadeurs d'Angleterre, & retour vers leur Roy.

† Trépas du Roy Iehan de Castille, & couronnement de Henry, son fils, en l'an 1391. selon les Annales de France & de Foix, & cōme semble vouloir Froissart, en commenceant l'an à ma mode.

† S'il a dit plus, ou moins, sur les derniers chap. du 3. Vol. ne vous en prenez pas à moy. Quant aux pléges, ie liroye volontiers Comtez pour Comtes.

† Ce passage est
fourny des cinq
mots suivans,
selon Verard.

& de volonté. Car (si-comme vous sauez: & i'en ay fait mention en ceste Histoire) il auoit, avec l'aide du Côte Dauphin d'Auuergne, † fait les traittez en Auuergne, Rouergue, Quercy, Limosin, Perigord, Engoulmois, & Agenois, & rachapté plusieurs places & forteresses, que les Anglois, Gascons, & Bretons tenoient: qui guerre faisoient, & auoient faicte au Royaume de France, sous couleur & ombre de la guerre du Roy d'Angleterre, es terres & pays dessusdits & nommez: & tous ceux, qu'il auoit par traitté fait issir & departir des lieux & forts ou ils festoient tenus & recueillis, estoient deuers le Roy de France absous & nommez quittes: & encores leur deliuroit on or & argent, pour departir entre eux: mais ils s'obligeoient, enuers le Comte d'Armignac, d'aller en Lombardie, pour luy aider à faire sa guerre: & à ce qu'ils monstroient, tous sy enclinoient & accordoient de grand' volonté: & tous se retiroient vers la riuere du Rosne & la riuere de Soïne. Le Duc de Berry & le Duc de Bourgongne leur souffroient bien en leurs Seigneuries prendre des viures & pourueances: car moult en desiroient auoir la deliurance. Or gouernoit, pour celuy temps, le Dauphiné, de par le Roy de France, messire Enguerrand Durdin: & luy auoit le Roy escrit, & mandé, que ces Gens-d'armes & routes, qui se disoient au Comte d'Armignac, il souffrist debonnairement passer parmy le Dauphiné: & leur fist deliurer ce, qui leur faisoit besoing, pour leurs deniers. Quand le Comte de Foix (qui se tenoit en Bearn, & en son chastel d'Ortais) entendit que le Comte d'Armignac mettoit Gens-d'armes sus, & assembloit, si comença à penser: car il estoit moult imaginatif. Bien auoit ouy dire (ainsi que parolles volent de l'un à l'autre) que ceste assemblee s'ordonnoit pour aller en Lōbardie, sur le Seigneur de Millan: mais, pour ce que du temps passé il & les predecesseurs du Comte d'Armignac & ce mesme Comte & son frere Bernard d'Armignac s'estoient guerroyez, il ne fauoit à quoy ils pensoient, ne si ceste cheuauchee retourneroit sur luy. Si ne voulut pas estre depourueu: mais garnit toute ses forteresses de Gens-d'armes: & mit telle prouision en ces besongnes, que, s'on l'eust assailly, il fust allé au-deuāt, de toute sa puissance: mais le Comte d'Armignac ne son frere n'en auoient nulle volonté: & vouloient bien tenir les tréues qui estoient entre eux dōnees, & faire leur faict & emprise. Moult de Cheualiers & Escuyers, Bretōs, Gascons, & Anglois, estoient obligez à seruir le ieune Comte Iehan d'Armignac: mais, s'il voulist guerroyer ne contrarier le Comte de Foix, ils eussent renoncé à son seruice, & fussent venus de grand' volonté seruir le Comte de Foix: tant estoit aimé de tous Gens-d'armes, pour la prudence, largesse, & prouesse de luy. Quand la Duchesse de Touraine fut informee que le Comte d'Armignac s'ordonnoit pour passer les monts & entrer en Lombardie à puissance de Gens-d'armes, & y faire guerre au Duc de Millan son pere, & que le Roy de France, & ses oncles, les Ducs de Berry & de Bourgongne, le consentoier, pour oster & nettoyer le Royaume de France de ces routiers & pillars, dont ledit Royaume estoit moult greué & outragé à la fois, si ne voulut pas mettre ces nouvelles en nonchaloir, ny en oubly: mais escriuit à son pere, le Duc de Millan, Comte de Vertus: à fin qu'il se teinst sur sa garde. Le Duc de Millan estoit ià tout aduisé & informé de ces besongnes: & se pourueoit de Gens-d'armes par tout ou il les pouuoit trouuer: & refreschit ses citez, villes & chasteaux, de pourueances & viures: & se tenoit tout asseuré qu'il auroit guerre du Comte d'Armignac: ainsi qu'il eut. Enuiron la moitié du mois de

Le Comte de
Foix sur ses gar
des, au bruit de
l'armee du Côte
d'Armignac.

† 1391. à ma
mode: comme
i'ay desia mar
qué: & ainsi
met la Croni
que de Millan
ce voyage ou
mesme an.

† Mars, furent ces Gens-d'armes & routes assemblees & amassees, la greigneur partie en la marche d'Auignon: & comprenoier la riuere du Rosne, mouuant de Lyon sur le Rosne, iusques à quinze mille cheuaux: & passioient au trauers du Rosne, là ou il estoit le plus aisé à passer: & si tost comme ils estoient outre, ils se trouuoient au Dauphiné de Vienne: & se logeoient es villages, sur les champs: & les aucuns passioient outre, pour mieux auoir le passage des destroits & des montaignes: qui sont moult obscures & perilleuses à passer aux hommes & aux cheuaux. Le Comte d'Armignac, son frere & aucuns Cheualiers de leur aliance, vindrent veoir celuy, qui se nommoit Pape Clement, au palais d'Auignon, & les Cardinaux: & s'offrirent à seruir celuy Pape Clement & l'Eglise, à l'encontre de ces Tyrans Lombards: & de ces offres leur en sceut on bon gré: & en furent moult remerciez. Quand ils eurent esté en Auignon huit iours, & que moult de leurs routes furent passees outre, ils prirent congé du Pape Clement & des Cardinaux: & s'ordonnerent & appareillerent pour suiuir leurs gens. Là se departirent les deux freres l'un d'auecques l'autre, messire Iehan, Comte d'Armignac, & messire Bernard: & dit ainsi le Comte d'Armignac, Beau-frere, vous retournerez en Comminge & en Armignac: & gar-

& garderez nostre heritage de Comminge & d'Armignac: car encor ne sont pas tois les forts deliurez, ny acquitez. Veez là ceux de Lourde (que messire Pierre Arnaut de Bearn tiét en garnison, de par le Roy d'Angleterre) & aussi la garnison de Bouteuille (que messire Iehan de Granly tiét: qui fut fils au Captal de Buz) † ou tout Foixons: & non-obstât que pour le present nous ayons tréues au Comte de Foix, il est fort cruel & chaud Cheualier: & ne pouuons sauoir à quoy il pense: ne nostre terre ne peut pas demourer dégarnie: & pour ces estats, que ie vous remonstre, vous retournerez. Souuēt vous orrez nouuelles de moy, & moy de vous. Bernard, frere au Comte d'Armignac, l'accorda legement à ceste ordōnance: & luy sembla bonne & bien aduisee: & aussi il n'auoit pas moult grande affection de là aller. Encores à son departement luy dit son frere, Bernard, vous vous en retournerez deuers nostre cousin, Raymond de Touraine: qui se tiét en la Côte de Venise, terre du Pape, & la guerroye: & si a ma cousine espousée, la fille au Prince d'Orange. Si luy priez de par moy & vous (car i'en suis prié du Pape) qu'il l'ordonne à venir en ce voyage avec moy: & ie le feray mon compaignon en toutes choses: & le surattendray en la cité de Gap, seant entre les montaignes. Bernard d'Armignac respondit à son frere: & luy dit que le message il feroit tres-volontiers. Si se departirent les deux freres à ceste parolle, sur les champs, d'ensemble à telle fin, qu'oncques puis ne se veirent. Le Comte d'Armignac prit le chemin des mōtaignes, pour aller vers Gap, en la terre des Gauos: & son frere s'en vint au chasteau de Boulongne: ou messire Raymond de Touraine se tenoit, & lequel receut son cousin moult ioyeusement. Messire Bernard d'Armignac luy remōstra l'affaire, duquel il estoit chargé de par son frere le Comte d'Armignac, moult sagement & doucement: à fin qu'il y eust plus grande inclination. Adonc respondit Raymond de Touraine: & luy dit ainsi, par telle maniere, Beau-cousin, auāt que vostre frere, le Comte soit entré trop auant en Lombardie, & qu'il ait assiegé aucune ville, il pourra bien aduenir que ie le suiuray: mais il est encores assez tost pour moy & mes gens mettre au chemin. Si m'escrira vostre frere, mō cousin, des nouuelles: & enuirō ce mois de May ie le suiuray. Car, dedans ce temps là, ie pēse bien auoir fin de guerre à mon oncle le Pape d'Avignon, & aux Cardinaux: qui ne me veulent faire nul droict, & me detiennent, de force, tout ce que mon oncle, Pape Gregoire, me dōna & ordonna. Ils me cuidēt lasser, pour me faire excommunier: mais non ferōt. Ils prient Cheualiers & Escuyers, & les absoulēt de peine & de coulpe, pour me faire guerroyer: mais ils n'en ont nul talēt. L'auroye beaucoup plus de Gens-d'armes pour mille florins, qu'ils n'auoiēt pour toutes absolutions, qu'ils pourroient faire, ne donner en sept ans. Beau-cousin (respondit Bernard) vous dites verité. Tenez vostre propos: car ie ne vous veux en nulle maniere autrement conseiller: & tout ainsi, cōme vous m'en auez respondu & parlé, i'en escriray à mon frere, le Comte d'Armignac. De par Dieu, respondit Raimonnet de Touraine. Ainsi furent ils vn iour ensemble au chasteau de Boulongne: & puis, au second iour, Bernard d'Armignac se departir: & passa le Rosne au Pont-Sainct-Esperit: & retourna en Quercy & Rouergue par les mōtaignes: & fit tant par ses iournees, qu'il vint ou il desiroit estre: & laissa son frere conuenir de ceste guerre à l'écontre du Seigneur de Millan, Comte de Vertus. Mais, auant qu'il se departist du Pont-S. Esperit: ainsi que cy-dessus est contenu & dit, il escriuit vnes lettres au Comte d'Armignac, son frere: esquelles lettres estoit cōtenue toute la responce, que messire Raymond de Touraine son cousin auoit respondu: & receut les lettres ledit Comte sur son chemin, en allant vers la cité de Gap: & les leut. Quand il veit le contenu, il passa outre: & n'en fit pas grand cōpte. Nous continuerons à parler du Comte Iehan d'Armignac, & cōpterons tout son faict, auant que nous entendons à proposer, ne dire, autre matiere: & dirons ainsi, que la bonne amout & affection, qu'il auoit à cōforter sa seur & son serourge (que le Comte de Vertus, qui se nommoit & apeloit Seigneur de Millā, desheritoit frauduleusement, & sās nulle cause ne tiltre) le menoit ioyeusement en la marche de Piémont, & en Lombardie. En ceste armee & cheuauchee, que ledit Comte Iehan d'Armignac faisoit, y auoit deux raisons, moult fort belles: lesquelles toutes s'enclinoient à bien & droicture. La premiere si estoit, que de ces routes & compaignies, qu'il mettoit hors du Royaume de Frāce, ledit Royaume en estoit moult grandement nettoyé, & les pays asseurez, ou telles manieres de gens & de pillars auoient demouré & conuersé. La seconde raison estoit telle, que pour aider sa seur: dont il auoit grād' pitie: par ce qu'on luy ostoit & tolloit, & à son mary, aussi, son heritage, & ce, dōt ils

† Toute cette clause est éclaircie & amendée selon le sens de l'Auteur, y ayant parauant es 2. Exemp. de tout Soixons: qui donnoit un peu à fantasier.

Depart des deux freres de Armignac, s'en allant le Comte Iehan en Lombardie, & Bernard son frere, à la garde de leurs terres.

Deux principales causes du voyage du Comte d'Armignac en Lombardie.

Lettres du Comte d'Armignac au Capitaine Iehan Haſtonde, Anglois, faisant guerre aux Florentins, pour l'auoir à son aide.

deuoient viure & tenir leur estat: & sur ceste intétion, en tout bien faisant, ceste cheuauchee estoit emprise: & disoiét les compagnons des routes, Cheuauchon liément sur les Lōbars. Nous auons bōne querelle & iuste, & bon capitaine: Si en vaudra nōstre guerre grandement mieux, & en sera plus belle: & aussi nous allons au meilleur pays du monde: car Lombardie reçoit, de tous costez, toute la graisse de ce monde: & sont Lombars, de leur nature, riches & couars. Nous y ferons nōstre profit. Chacun de nous (qui sommes capitaines) retournerons si trefriches, que nous n'aurons iamais que faire de guerroyer, n'auoir guerre contre nulluy. Ainsi deuſoient les cōpaignons l'un à l'autre: &, quand ils trouuoient vne grasse marche, ils ſy tenoiét & logeoient vn temps, pour mieux aiser & refreschir eux, & leurs cheuaux pareillement. Pour celuy tēps, dont ie vous parle, ce bon Cheualier aduentureux d'Angleterre, messire Iehan Haſtonde, se tenoit & seiournoit en la marche de Florence, & guerroyoit les Florentins, pour la querelle du Pape Boniface: qui estoit & se tenoit à Rōme: car ils estoient grandement rebelles à ses obeissances & mandemens: & aussi estoient les Perusins. Si fauſa le Comte d'Armignac, que fil pouuoit auoir à son aide ledit Cheualier, messire Iehan Haſtonde, Anglois (qui estoit moult vaillant homme, & de haute entreprise en armes, & biē ſeant à ses besongnes) sa guerre en feroit plus belle. Si escriuit, au terme qu'il se tenoit en la cité de Grande sur la frōtiere de Piémont, especiales lettres à luy: & luy signifiā tout son estat, & q̄lle cause le mouuoit de faire guerre au Seig. de Millā. Lesquelles toutes entieres, ſeellees, escrites, dictées, & ordonnees moult especialement, furent tantost enuoyees & portees, par hōme prudēt & sage: qui moult bien en fit son deuoir enuers ledit Cheualier, nōmé messire Iehan Haſtonde: qui se tenoit en la marche de Florēce, & auoit route de bien deux mille combattans. Il receut les lettres, & les leut, ou ſit lire, tout au long: &, apres qu'il eut bien entendu toute la substance de la matiere, il fut moult réiouy: & respōdit que, sa guerre acheuee, il n'entendroient iamais à autre chose, iusques à ce qu'il fuſt venu en la cōpaignie du Comte d'Armignac. L'Eſcuyer dudit Côte (qui les lettres auoit apportees, & qui estoit homme d'hōneur) respondit: & dit, Sire, vous parlez bien & à point: & à voſtre volōté (ainſi que preſentement vous le me dictes) vueillez escrire à Monſeigneur le Comte d'Armignac: ſi en fera mieux certifiē. Volōtiers (respondit messire Iehan Haſtonde) & c'eſt raiſon: au cas que ma plaifance & volōté eſt d'aller là. Si escriuit le Cheualier Anglois deux ou trois iours apres: & bailla les lettres à celuy Eſcuyer, que le Côte d'Armignac auoit là enuoyé. Si ſe mit ledit Eſcuyer au retonr: & ſit tāt par ſes iournees, & exploita, qu'il retourna deuers son Seigneur, le Côte d'Armignac: & le trouua en la marche de Pinerol: & auoit traittez moult grās entre luy & le Marquis de Saluces: & ſe deuoit ledit Marquis allier avec luy, pour faire sa guerre plus forte, cōtre le Sire de Millan, Comte de Vertus. Des nouuelles quel'Eſcuyer du Comte d'Armignac rapporta, & qui retournoient de messire Iehan Haſtonde, & des lettres & paroles qui dedans estoient escrites, le Comte d'Armignac en fut moult grādement réiouy: & dit qu'en celle ſaiſon il feroit vne moult forte guerre au Seigneur de Millā, & telle, que, ſ'il plaſoit à Dieu, il le mettroit à raiſon, ou il mourroit en la peine. Le Côte d'Armignac (à ce que vous pouuez entēdre & ouir) auoit trefgrande affection d'aider ſa ſeur: & à ce pitié le mouuoit. Quand ſes Gens-d'armes eurent paſſé tous les deſtroits des mōtagnes, & ils ſe trouuerent en ce bel & bon païs de Piémont, vers Turin, & là enuiron, ſi furent tous au large: & commencerent à courir, & faire moult de dérois aux villages, qui ne ſe pouuoient tenir contre eux: & ſ'en vint le Côte d'Armignac mettre le ſiege deuant Aſt en Piémont: & auoit intention de là attendre messire Iehan de Haſtonde. Pourueances leur venoient de toutes parts: & aussi les compagnons rançonnoient petis forts, & chasteaux, à viures: & leur oſtoient tout tant qu'ils auoient de pourueances. Le pays de Pinerol & la terre au Marquis de Montferrat furent toutes ouuertes & appareillees pour auoir viures & choses neceſſaires pour eux, & pour leurs cheuaux: & ſi leur en venoit grād' planté du Dauphiné, & de la Comté de Sauiſſe: & ſ'enclinoient moult de gens à bien faire au Comte d'Armignac: pourtant qu'ils ſentoient & veoient qu'il auoit bonne querelle & iuste, & que celuy Comte de Vertus auoit fait mourir son oncle, messire Barnabo, par enuie & mauuaistiē, & † pour mettre les Seigneuries de Lombardie en ſon héritage, & deſhériter ſes couſins germains, dont pluſieurs grans Seigneurs, non-obſtant que point n'en parlaſſent, en auoient grand pitié. Ce pendant que le Comte d'Armignac tenoit ſon ſiege deuant Aſt en Piémont,

Aſt, en Piémōt aſſiégé par le Comte d'Armignac. † Il y auoit es deux Exemp. s'en faiſant Sala, tels mots & pour remettre les Seigneurs de Lombardie en ſon héritage & deſhériter ſes couſins: que nous auons corrigez ſelō le ſens de l'Auteur.

luy

luy vindrent nouuelles de messire Iehan Haſtonde, dōt il fut tout réiouy: & diſoient ces nouuelles certaines, que les Florentins eſtoient venus à mercy au Pape, & auſſi les Veniciens: & deuoit receuoir ledit messire Iehan Haſtonde ſoixante mille florins, pour luy & pour ſes compaignons: & ces florins receus, payez, & departis là ou ils deuroient aller, il ſe mettroit au chemin à tout cinq cens Lances & mille brigans de pié: & viēdroient toute la frontiere de la riuere de Gēnes: & trouueroient bien paſſages (voulſſent leurs ennemis, ou non) pour venir ou le Côte d'Armignac eſtoit. Ces nouuelles réiouyrēt grandement le Comte d'Armignac & tous ſes gens: car l'aide & confort de messire Iehan de Haſtonde eſtoit moult plaiſant. Or fut aduiſé, au Cōſeil du Comte d'Armignac, qu'il ſe departiroit du lieu ou luy & ſes gens ſe tenoient, & viendrait mettre le ſiege deuant vne bonne groſſe cité (qui ſ'appeloit Alexandrie, à l'entree de Lombardie) & apres qu'ils l'auroient priſe, ils ſ'en viendroient deuant Breſſueil: qui eſt auſſi pareillement vne moult bonne cité & belle. Ainſi fut mis le ſiege du Comte, & de ſes gens, deuant la belle cité d'Alexandrie: qui ſied en beau pays & plain, au département de Piémont, à l'entree de Lombardie, & ſur le chemin pour aller vers la riuere de Gēnes: & auoient ces Gens-d'armes paſſé la riuere du Theſin: & ſe logerent à leur aiſe, tout au large: car il y a beau pays, & bon, là enuiron. Messire Galeas, Sire de Millan, & Comte de Vertus, ſe tenoit en vne ville qu'on appeloit la cité de Pauie: & oyoit tous les iours des nouuelles du conuenant de ſes ennemis: & d'une choſe ſ'émuerelloit: c'eſtoit ou le Côte d'Armignac pouoit prendre finance, pour payer & aſſouuir tant de gens-d'armes, qu'il auoit mis en ſon pays. Mais on luy reſpondit, quand il en parloit à ſon Conſeil, Sire ſe ſont gens de routes & de compaignies: qui ne demandent que gagner, & cheuaucher à l'auenture. Ils ont conuerſé vn long temps au Royaume de France, & pris forts & garniſons es pays ou ils demouroient: & n'en pouoit on auoir nulle deliurance. Or eſt ainſi auenu que le Duc de Berry & le Dauphin d'Auuergne (auſquels ils portoient grand' contraire & dommage: car ils ſe tenoient, maugré qu'ils en euſſent, au plus bel & meilleur de leurs heritages, & leur faiſoient guerre) ont traité, & fait traiter deuers eux le Comte d'Armignac: pour tant qu'il ſ'offroit au Roy de France, & aux Seigneurs deſſus-nommez, venir en ce pays pour vous venir faire guerre. Si les a par ce moyen mis hors des forts, qu'ils tenoient par force d'argēt: qui leur a eſté donné: & avec ce, le Roy de France & tous ceux, qui auoient cauſe de les guerroyer, les ont abſous & quittez de tous leurs malfaits: mais par ordonnance & conuenance, à leur département, ils ont promis ſeruir le Comte d'Armignac, de leur pouuoir, en faiſant ſa guerre: & tout ce, que conquerir pourront, ſera leur. Ils ne demandent autres gages: & tel ſe nomme Homme-d'armes en celle compaignie, & eſt à cinq ou ſix cheuaux, qui iroit tout de pié, ſ'il eſtoit en ſon païs, & ſeroit vn pource homme. Pour ce ſ'auenturent ils legèrement. Si eſt vne auenture tresgrande, & vn peril de les combattre: car la greigneur partie ſont tous hōmes de fait. Dont le meilleur & plus bon conſeil, qu'on vous puiſſe donner, c'eſt que vous faciez bien garder vos citez & bonnes villes: car elles ſont fortes & bien pourueüs: & ils n'ont point d'artillerie, ne d'atourmens d'aſſaut: dont on doye faire compte. Ils viendront bien aux barrieres de vos villes, lancer & écarmoucher, & faire grās appertifes d'armes: mais autre choſe n'emporterōt: n'autre dommage vous n'y aurez: ainſi qu'il appert. Ils ont ià eſté en ce païs plus de deux mois: mais ils n'ont pris ne conqueſté tant ſeulement vn petit fort. Si les laiſſez faire & venir, ſans eux cōbattre. Ils ſe tanneront & degaſteront en fin de guerre, mais que point ne ſoient combatus: & quand ils auront exilé tout le plat pays, ils n'auront de quoy viure: & ainſi leur conuiēdra retourner par famine: ſ'autre auenture, ou male fortune plus prochaine, ne leur court ſus. Si eſt bon que les Gens-d'armes, que vous tenez & ſoudoyez es garniſons, ſoiēt touſiours trouuez enſemble: par quoy ils puiſſent aider & conforter l'un l'autre, & cōſeiller: ainſi que leur fait meſtier. Enuoyez en auſſi aux citez & chasteaux, là ou voz ennemis mettront & tiendront ſiege: par quoy les lieux deſſusdits en ſoiēt aidez & deffendus: car les hommes, † manans es citez & bonnes villes, ne ſont pas vſitez ne couſtumiers de guerroyer aux aſſaux & deffenses: ainſi comme ſont Gens-d'armes, Cheualiers & Escuyers: qui y ſont faits & nourris. Si enuoyez de voſtre Cheualerie dedans Alexandrie: & vous y aurez double proffit. Voſtre cité en ſera gardée & deffendue, aux aſſaux, qu'ils ſont, & feront: & ſi vous en aimeront voz gens mieux: quand ils verront que vous les aiderez & conforterez: & à tout ce faire vous eſtes tenu: au cas que vous dominez ſur eux, & qu'ils vous payēt rentes, cēs, ſubſides, & aides: que vous prenez

Le Comte d'Armignac lēue ſon ſiege d'Asſe & l'aſſiet deuant Alexandrie.

Conſeil au Seigneur Galeas de Millan de ne combattre les compaignies de Comte d'Armignac: mais de bien fortifier & garnir ſes villes.

† Il y auoit mauuais es deux Exemp. s'en faiſant ſala.

† Sala dit de la Verme.
Gens-d'armes entrent couuertement en Alexandria, sous la conduite de Laques de la Berme, pour le Seigneur Galeas.

à la fois sur eux. Voz ennemis ne peuuent estre si forts sur les champs, deuant la cité d'Alexandrie, qu'ils la puissent toute enclorre & enuironner, que des Gens-d'armes là enuoyez de par vous, ne puissent bien entrer en la ville: & quand les bonnes gens de la ville d'Alexandrie se trouuerôt & verront refreschis de voz Gens-d'armes, ils en seront de meilleur courage, & en plus grand' amour deuers vous: & osterôt de leurs cueurs & opinions aucuns, ou tous, traitez fenestres, qu'ils pourroiet auoir enuers voz ennemis. A ce conseil, qu'on luy donna, s'accorda le Sire de Millan: & furent tantost, & sans delay, mis ensemble Cheualiers & Escuyers, & tous Gens-d'armes, qui se tenoient à luy & à ses gages: & se trouuerent bien cinq cens Lances, quand ils furent tous assemblez. Si en fut chef, gouuerneur, & meneur, vn ancien Cheualier (qui s'appelloit messire laques † de la Berme) bien vsagé & accoustumé d'armes: & cheuaucherent le pays à la couuerte: & se vindrent bouter sur le soir en Alexandria: & là estoient retraits en leurs logis tous Gens-d'armes, qui ce iour auoient assailly & écarouché à la barriere: car ils ne pouuoient, ne vouloiet, point estre oiseux. De la venue messire laques de la Berme, & de ses cōpaignōs d'armes, furent grandement réiouïs tous ceux de la cité d'Alexandrie, & à bonne cause: car (pource que le Comte d'Armignac ne cuidoit, & n'auoit veu dedans, nuls Gens-d'armes) par trois iours, tous entiers, continuellement auoient esté les assaux aux barrieres: & si bien s'estoient deffendus, tant petit de gens qu'ils estoient, que les Armignacs n'y auoiet riens conquesté. Quand messire laques de la Berme fut, à tout sa route, sur le soir venu & entré en la forte cité d'Alexandrie, & il fut retrait à l'hostel & tous ses gens aussi, par l'ordonnance de ceux, qui les deuoient loger, & il fut vn peu refreschy, vray est que ceux, qui auoiet la ville à garder & à gouuerner, le vindrēt tantost veoir, & festoyer pour sa venue, en son logis. Adonc il leur demāda de l'estat de la ville, & de la maniere & conuenant de leurs ennemis, pour auoir conseil & aduis sur ce. Les plus sages & mieux parlans respondirent: & dirent, Incontinent que le Comte d'Armignac a esté cy-deuant, nous auons eu aux barrieres, tous les iours, assaux & écarouches. Or bien (respondit le Cheualier) Demain (s'il plaist à Dieu) nous verrons comment ils se portent, ne quelle chose ils voudront faire. Ils ne sauent point ma venue. Je feray vne secrette issie & embusche sur eux. Haa, Sire (respondirent ceux, qui parloient à luy) il vous faudra bien regarder quelle chose vous voudrez faire, n'entreprendre: car ils sont bien seize mille cheuaux, ou plus: &, s'ils vous tenoient à la decouuerte sur les champs, sans bataille, par l'effort de leurs cheuaux, ils feroient si grand' poudriere sur vous & sur voz gens, que de vous-mesmes vous seriez tous déconfits. Respondit le Cheualier, Or sus, ie verray demain commēt les besongnes se porteront. Il nous faut faire aucun exploit d'armes: puis que nous sommes cy venus. Ainsi cefferent leurs parolles: & retourna chacun à son hostel: & le Cheualier signifia, tout secrettement qu'au lendemain il vouloit issir d'Alexandrie, & aller en embusche sur les champs, & que chacun fust appareillé. Quand ce vint au lendemain, messire laques de la Berme s'arma & appareilla, & fit armer tous ses cōpaignons: & issirent hors par vne voye, à la couuerte, sur les champs, à l'opposite de l'ost: & s'en allerent avecques luy, enuiron trois cens, hors de la ville, bien demie lieue: & se bouterent en vne vallee, ou point on ne les veoit: & en fit demourer deux cens à la barriere: & leur dit. Si noz ennemis vous viennent écaroucher, si vous deffendez feintement, tout en reculant: & venez iusques là ou nous serons. Ils respondirent qu'ils le feroient volontiers. Celuy iour fit moult beau temps & chaud. Le Comte d'Armignac (qui estoit ieune & entreprenant, & de grand' volonté) apres qu'il eut ouy sa messe en son pauillon, & beu vn coup, demanda ses armes: & s'arma tout au cler, & à l'estroit, & de toutes pieces: & fit son pennon déueloper tant seulement: & quand il se fut departy, n'emmena point avecques luy plus de cent hommes (car il ne pensoit auoir à faire à nully) & s'en vint avecques ses gens, tout le pas, deuant les barrieres. Verité est que, petit à petit, Gens-d'armes le suiuiot: & plusieurs n'en faisoient compte: & disoient ainsi, A quoy faire nous armerions, & trauaillerions nous? quand nous auons esté iusques aux barrieres, & nous n'auons sceu à qui parler? Ainsi se tenoient tous quois: & entendoient à eux loger, à boire & à manger: & le Comte d'Armignac s'en vint, a toute sa compaignie, écaroucher deuant les barrieres: & commencerent à écaroucher, & getter l'vn à l'autre: ainsi que Gens-d'armes sauent bien faire celuy mestier. Guerres n'y furent en celuy estat les deffendeurs, quand ils commencerent à reculer petit à petit, ainsi qu'on leur auoit dit: & tant allerent, qu'ils se trouuerent sur l'embusche.

Quand

Secrette saillie & embusche de laques de la Berme, hors d'Alexandrie.

Ecarouche du Comte de Armignac, ignorant l'embusche, & mesme la venue de laques de la Berme en Alexandria.

Quand messire Jaques de la Berme vit ses gens & ses ennemis approcher, découurit son embusche: & faillit tantost hors. Là furent enuironnez & fort recueilliz, aux pointes des glaives, les Armignageois, & aussi vaillamment se deffendoient, & tousiours leur venoit gés petit à petit. Là eut faite mainte apertise d'armes: Ce fut le iour saint Jaques & saint Christofle, qu'il descendit si grand' chaleur du ciel, que propremēt il estoit auis à ceux, qui estoient en leurs armeures, qu'ils estoient en vn four (tant l'air estoit grandement chaud, & sans vent) & à peine les plus legers & les plus ieunes, n'auoient aucune puissance de faire faits d'armes, & ceux qui aidoient au Seigneur de Millan, estoiet bien trois contre vn. La poudriere & la fumee qui sailloit hors de la terre & de leurs alaines, les greuoit moult grandement: & perdoient la veuē l'un de l'autre: & plus ceux du Comte d'Armignac, que les autres. Là aduint audit Comte vne trop grande auenture d'armes: car il fut si oppressé de chaud, qu'il ne se pouuoit aider, & cheut en tresgrand' foiblesse: & se bōta sur vne aelle hors de la bataille, & nul n'entendoit à luy, fust ami ou ennemi. Si trouua assez près de là vn aulnoy, & vn petit ruisseau d'eau courant: qui venoit au dehors d'iceluy aunoy. Il sentit l'eau au piē, auant qu'il la veist, & luy fut proprement aduis qu'il estoit en paradis: & l'assist tout seul sur ce ruisseau sans que nul l'empeschast. Quād il fut assis, à grand peine osta son bacinet: & demoura nuē teste, couuerte seulement d'une coife de toile. Puis se baissa & plongea son visage en l'eau, & commença à boire, tellement qu'il en valut pis. Car en beuant celle eau froide, la grand' chaleur qu'il auoit, ne le laissoit saouler, & tant en beut & à tel outrage, que le sang du corps luy froidit, & comēça fort à entrer en foiblesse d'Apoplexie, & perdre la force de ses membres & le mouuemēt de la parole, ne ses gens ne sauoient qu'il estoit deuenu, & iā y en auoit grand nombre de pris: qui se tenoient tous quois, Et plus ne combatoient. En apres ie vous dy qu'un Escuyer du Duc de Millan trouua le Comte d'Armignac: & quand il le veit, il eut tresgrand merueille qui c'estoit. Bien veoit qu'il estoit cheualier, & homme de tresgrand honneur. Si luy demanda l'Escuyer, Qui estes vous? Rendez vous, vous estes mō prisonnier. Le Comte entendit bien la parole: mais parler ne peut: car il auoit iā la langue morte, & le palais si clos, qu'il ne faisoit plus que balbucier. Si luy tendit la main, & fit signe qu'il se rendoit, il le voulut faire leuer, mais il ne peut. Si demoura tout quoy delez luy: & les autres entendoient à combattre. Si y fut faite mainte appertise d'armes. Quād messire Jaques de la Berme (qui fut sage Cheualier, & perceuant) veit que la iournee se portoit bien pour eux, & qu'il y auoit de morts & de pris, grand nombre de leurs ennemis, & que ses gens se commençoiet à fouller & à lasser, & les Armignacs à venir & multiplier, tous frais & nouueaux, & qui fort frapioient sur ses gens, si se mit à la retraite deuers Alexandrie, tout sagement & en ecarouchant & defendant. L'Escuyer, qui l'auenture auoit eue de trouuer le Comte d'Armignac en l'estat que ie vous di, ne le voulut pas laisser derriere, car il luy sembloit bien homme d'honneur. Si pria à ses compagnōs qu'il luy voussissent aider à le porter, & mener à sauueté, en la ville & de ce, qu'il en auroit de rançon, il leur en departiroit bien & largement. Ceux, qui priez & requis en furent, le firent & luy aiderent à le porter & mener: & à quelque peine que ce fust, ils le porterent en la cité, & le bouterent chez son Maistre. Adonc, le Comte desarmé & desvestu, & mis sur vn liēt, messire Jaques de la Berme & tous les compagnons entrèrent es barrieres & es portes (qui furent tantost refermees) & auoient moult de prisonniers & se retirerent à l'hostel: & puis se desarmerent, refreschirēt, & aiserent de ce qu'ils eurent: & pareillement les Armignageois, qui à la bataille auoient esté, retournerent & se desarmerent. Et quand les nouvelles vindrent en l'ost, que nul ne sauoit à dire que le Comte d'Armignac estoit deuenu (car point n'estoit retourné) si en furent tous ebahis, & ne sauoient que dire ne penser, & vindrent plusieurs au lieu ou la bataille auoit esté, & retournerent en l'ost ainsi que gens tous ebahis. L'Escuyer qui fiance auoit du Comte de Armignac, auoit grand desir de sauoir quel hōme c'estoit. Si s'en vint à vn Escuyer d'honneur, Gascon (qui prisonnier estoit, & receu sur sa foy) & luy pria & à son maistre aussi, qu'ils voussissent venir & aller avec luy à son hostel. Adonc y allerent. L'Escuyer Lombard mena l'Escuyer François en vne chambre, & sur le liēt du Comte d'Armignac (qui trop fort se plaignoit) & fit mettre grand lumiere, pour micux le voir à son aise. Puis luy demanda, Mon amy, cognoissēz-vous point cestuy homme? L'Escuyer se baissa. & regarda au visage le Comte d'Armignac, & tantost le congnut: & dit, Ouy. Ie le doy bien congnoistre, C'est nostre Capitaine, le Côte d'Armignac. De ceste parole fut l'Escuyer

*Iour de la des-
confiture du Cō
te d'Armignac
deuant Alexan-
drie, en l'an
1391.*

*Boire trop froid
apres grande
chaleur de com-
bat cause de la
mort du Comte
d'Armignac*

*Le Côte d'Ar-
mignac demi
mort, se rend
prisonnier à vn
Escuyer du duc
de Millan, qui
d'auenture le
trouua sur le
ruisseau ou il a-
uoit bien.*

*Retraite de Ja-
ques de la Ber-
me en Alexan-
drie, ou estoit iā
prisonnier le
Comte d'Ar-
mignac.*

*Le Côte d'Ar-
mignac, recon-*

*gnu & decon-
uert par vn Ga
scon, aussi pri-
sonnier, meurt
peu apres.*

*Autre saillie
des Alexand.
sur les Armi-
gnacs, qui furent
du tout decon-
fits au lende-
main de la
mort du Comte.*

*Grande courtoi-
sie du Seigneur
de Millan en-
uers les prison-
niers d'Armi-
gnac.*

*Le Seigneur Ga-
leas de Millan
renuoye le corps
du Comte d'Ar-
mignac à son
frere Bernard
qui le fait ense-
nelir en l'Egli-
se Cathedrale
de Rodais.*

Lombard tout resiouy, quād il sceut qu'il auoit à prisonnier le Comte d'Armignac. Il estoit ia si passé de mal, qu'il n'entendoit nulle chose qu'on luy dist ou demandaist. Si dist son maistre, Allon, allon, laissez-le reposer. Si le laisserent en celuy estat, & celle propre nuit mourut le Comte d'Armignac par la maniere que ie vous recorde. Quād ce vint le lendemain matin, que les nouvelles furent venues & publiees, que le Comte d'Armignac estoit mort en Alexandrie, en son liēt, si ne voulut pas messire Jaques de la Berme que sa mort fust celee: mais la fit sauoir & publier en l'ost par leurs gens mesmes, qu'ils tenoient prisonniers, pour voir & sauoir comme ses gens se maintiendroient. Ils furent si ebahis en l'ost, & deconfits, que bien le monstrerent: car ils n'auoient nul Capitaine, à qui ils se peussent retraire, ne qui fust chef de la guerre: car ce n'estoient que gens de routes & de compagnies. Si dirent Sauuon nous & nous metton au retour: car nous auon perdu la saison. Tantoist fut sceu en la cité d'Alexādie que les Arminacgeois se deconfisoient d'eux mesmes, & n'auoient nul Capitaine, Si fit on tantoist armer & issir hors, à cheual & à pié, & venir sur l'ost, en écriant Paue. Au seigneur de Milan. Oncques homme des Armignacgeois ne se mit en nulle deffense: mais le laisserēt prédre & occire, ainsi que méchans gens, & fut le bien & conquest moult grand pour les compagnons, qui estoient venuz avec ledit messire Jaques de la Berme: & auoient tel effroy & hideur ees meschans gēs, qu'ils se rendoient à leurs ennemis sans deffense nulle: & gettoient à bas leurs armures, & estoient retournez vers Alexādie, & les chaçoient deuant eux les Allemans & soudoyers, ainsi qu'on chace vn troupeau de bestes qui sont deuant vne forteresse. Or regardez & confiderez la grand fortune & poure auenture du Comte d'Armignac & de ses gens, & comment pour bien faire, selon l'intention de luy, il luy tourna à grand mal, quand il mourut là si meschamment: & fil eust encores attendu cinq iours seulement, messire Iean Hastonde fust venu en l'ost, à cinq cens lances, & mille brigans de pié, par lequel Hastonde moult de beaux faits d'armes & recourances se fussent faites: & tout se perdit & rompit par pauvre auenture. Vous deuez & pouuez croire & sauoir, quand le duc de Milan sceut la verité de la besongne, & que ses ennemis (desquels il se doutoit grandement) estoient morts, pris & deconfits, & mis en chace & que proprement le Comte d'Armignac estoit mort, qu'il en fut resiouy grandement, & aima & pris en son cœur son Cheualier, messire Jaques de la Berme: par lequel l'entreprise & bone auēture estoit acheuee. Si l'ordōna & institua depuis son souuerain, dessus toute sa Cheualerie & le fit maistre & regent de son souuerain Cōseil. Le duc de Millan aduīsa sur les prisonniers, quelle chose il en feroit. Il en voulut deliurer son pais: & leur fit telle grace & courtoisie, qu'aux Gentils-hommes fit rendre & donner à chacun vn cheual, & à tout homme vn florin, & parmi tant quictes de leurs prisons, & de leurs maistres, qui pris les auoient: mais à leur departement, il leur fit iurer & conuenancer que iamais à l'encontre de luy ils ne s'armeroient. Si fissent ses gens, deconfits de Lombardie & de Piémōt: & entrerent en la Comté de Sauoye, & au Dauphiné: & eurent tant de pouretez, que merueilles: car on ne les vouloit recueillir en nulle bonne ville fermee: & fermoit on les villes & chasteaux à l'encontre d'eux. Chacun eut tantoist despendu son florin: si leur conuenoit pourchasser (s'ils vouloiēt viure) ou autrement en cheoir en grād danger. Aucunes gens en auoient pitié (qui leur faisoient aumosne & charité) & les autres nom: mais les mocquoient & vituperoient, & leur disoient honteusement, Allez, allez querir vostre Comte d'Armignac: qui s'est tué & creué de boire en vne fontaine, deuant Alexandrie. Encores fut le meschef trop grand pour eux, quand ils vindrēt sur les riuieres du Rosne & de la Sofne, car ils cuidoient passer legerement, pour entrer au Royaume de France: mais nō firēt: car il fut cōmādē & deffēdu de par le Roy, q̄ tous passages leur fussent clos. Si cheurent en grand dāger, peril & pauvreté: n'oncques depuis ne se peurent resoudre ne mettre ensemble. Ainsi se rompit & gasta l'armee du Comte Iean d'Armignac: & de moura sa seur en ce dur parti, comme elle estoit au parauant. Le Duc de Millan renuoya par vn Euesque de son pais, & par les plus prochains que le Comte d'Armignac eust de par delà la iournee, le corps dudit Comte, & commanda qu'il fust mis en cercueil bien embasmé, & enuoyé à son frere Bernard d'Armignac, qui fut moult grandement courroucé de ces piteuses nouvelles, & à bonne cause, mais pour lors il n'en pouuoit autre chose faire. Si fut ledict Comte d'Armignac enseveli en l'Eglise Cathedrale de Rodais: & là gist son corps.

Comment, continuant le Roy d'Angleterre en affection de faire paix finale avec le Roy de France, le Duc de Clocestre, son oncle, y mettoit difficulté, & comment messire Pierre de Craon, par auant grand mignon du Roy Charles & du Duc de Touraine, encourut leur indignation, & se retira vers le Duc de Bretagne. CH. XXVI.

OR devez sauoir (ainsi comme il est cy-dessus contenu en nostre Histoire) comment * *Annot. 7.* messire Thomas de Perfy fut au Royaume de France, enuoyé de par le Roy Richard d'Angleterre: lequel (si comme il monstroït, & monstra depuis) auoit grande affection que ferme paix fust entre France & Angleterre: & auoit par especial deux de ses oncles concordans grandement à toutes ses volonteiz: c'estoient le Duc de Lancastre & le Duc Aimon d'Iorch. Mais son autre oncle, leur frere, messire Thomas de Clocestre, Comte † de Perfes, & de Buc, & Connestable d'Angleterre, ne s'y concordoït, ne vouloit † *Le doute qu'il n'y fust d'Excestre, & Bonquingnam pour Duc.* concorder nullement: & disoit bien, secrettement, que ià ne s'accorderoit à ce que paix fust entre les François & eux (comment qu'on traitast, ou parlementast) si ce n'estoit à leur honneur: & que toutes les terres, citez, villes, chasteaux, & Seigneuries, qui données auoient esté au Roy d'Angleterre & à ses hoirs héritablement (lesquelles frauduleusement & sans nul tiltre de raison les François auoient reprises) seroient rendues, & avecques ce, toute la somme de quatorze cens mille francs (qui demourez estoient derriere à payer, quand les François releuerent la guerre) leur seroit rendue, & baillée, & deliuree. Si disoit que iusques à la mort il n'istroit de ceste opinion: de laquelle estoient aussi plusieurs Barons d'Angleterre, & par especial le Comte † de Condell, & les aucuns autres Barons d'Angleterre (qui bien disoient que le Duc de Clocestre auoit droit, & raison de † *Le doute qu'il n'y fust d'Arondel.* soustenir ce propos) s'en dissimuloient couuertement: pourtant qu'ils veoient que le Roy d'Angleterre de cœur & affection s'y enclinoït si grandement. Aussi s'enclinoïent à la guerre pources Cheualiers, & Escuyers, Archers d'Angleterre: qui auoient appris leurs aïses, & soustenoient leur estat sur la guerre. Or considerez comment paix, amour, & concorde, pouuoit estre ne venir, ne par quel moyen, entre ces parties, car les François mettoïent en leurs traittez, d'auoir Calais abbatu, & tenir en leur Seigneurie Guines, Hames, Merle, & Oye, & toutes les terres de Fretin, & des dependances de Guines, iusques au fil de l'eau de Grauelines. Vray est que le Roy de France & ceux, auxquels il en appartenoit à parler, vouloient bien rendre au Roy d'Angleterre, & à ses hoirs, autant de terre, ou plus venant & retournant au profit, prises en Aquitaine, comme valét les villes & chasteaux dessusnommez, par an, à la couronne d'Angleterre, mais cōtre eeluy article arguoit trop fort le Duc de Clocestre, & disoit ainsi, Les François nous veulēt payer du nostre, & biē le fauent, car nous auons par charte, seellée du Roy Iehan & de tous ses enfans, que toute Aquitaine nous fut baillée & deliuree sans reslort: & ce, qu'ils en ont depuis fait & repris, ç'a esté par fraude & mauuais engin, & ne tendent, nuit ne iour, à autre chose, sinon pour nous deceuoir. Car, si Calais & les terres, qu'ils demandent, leur estoient rendues, ils seroient Seigneurs de toutes les frontieres sur mer: & iroient toutes nos conquestes à neant, ne iamais à la paix, tant comme ie viuray, ne m'accorderay. En ce temps dont ie parle, estoit trop grandement † aimé, du Roy de France, vn Cheualier de la nation d'Aniou & de Bretagne, & moult Gētil-homme & de noble extraction (lequel Cheualier on nommoit messire Pierre de Craon) & aussi estoit il du Duc de Touraine, & par luy estoit tout fait, & sans luy riens fait, deuers le Duc. Celuy cheualier auoit tenu tresgrand estat delez le Duc d'Aniou (qui s'estoit escrit Roy de Naples, de Seeille, & de Hierusalem) & auoit finance grande & sans nombre. Si auoit esclandre sur luy, & commune renommée parmi le Royaume de France, & aussi en autres terres & païs, qu'il auoit dérobé le Duc d'Aniou, pour laquelle renommée & doute ledit messire Pierre de Craon s'estoit absenté du ieune Roy de Cecille, & de la Roïne sa mere (qui femme auoit esté au Duc d'Aniou) & ne se trouuoit point volontiers en leur presence. Neantmoins tāt auoit il fait, que du Roy de France & du Duc de Touraine il estoit tresbiē aimé. Or sauez vous que messire Oliuier de Clifson, pour lors Connestable de France, estoit aussi moult bien du Roy de France & du Duc de Touraine, son frere, & l'auoir acquis pour les bons & beaux seruiçes, qu'il leur auoit fait en armes, tant à eux, es besongnes de France & ailleurs, comme au Roy Charles leur pere. Vous sauez aussi que la fille messire Oliuier de Clifson auoit à mari Iehan de Bretagne, frere germain à la Roïne de Hierusalem. Messire Oliuier de Clifson, pour tant principalement qu'il s'estoit allié de ce mariage à Iehan de Brerai-

gne, estoit si en male grace du Duc de Bretagne, qu'il le hayoit à mort, & le tenoit pour son ennemy couuertement, & Iehan de Bretagne aussi, & se repentoit trop le Duc, que (ce pendant qu'il auoit en son danger, dedans le chasteau de l'Ermine, messire Oliuier de Clifson) il ne l'auoit fait mourir. Celuy messire Pierre de Craon estoit en la grace du Duc de Bretagne comme il vouloit (car il estoit son cousin) & eust, au temps qu'il estoit si prochain du Roy & du Duc de Touraine, volontiers troublé par aucune incidēce (s'il eust peu) le Connestable, deuers le Roy & le Duc de Touraine. Ainsi les enuies (qui tousiours couuertement ont regné en France) se couuroient & dissimuloient, tant qu'elles vindrent à mauuaise conclusion. Le Connestable de France auoit tousiours esté si loyal en ses faits, enuers la couronne de France, que tous l'aimoient: réservé le Duc de Bourgongne, lequel l'auoit grandement contre son courage: & la haine parfaite venoit de par la Duchesse de Bourgongne, sa femme, laquelle estoit, & fut, Dame de haut courage, & ne pouuoit aimer le Connestable de France, car le Duc de Bretagne luy estoit trop prochain de son lignage: & tout ce, que son pere le Comte de Flādras auoit aimé, elle aimoit & ce qu'il auoit hay, elle hayoit: & de telle condition fut elle. Celuy messire Pierre de Craon (qui pour lors se tenoit en la Court de France, & le plus pres du Duc de Touraine) escriuoit souuent de son estat & de ses besongnes, secrettement & amoureuxment, deuers le Duc de Bretagne, & aussi le Duc vers luy. La forme ne substance de leurs descriptions ne puis-je pas sauoir: mais toutesfois ie Iehan Froissart, Acteur de ceste besongne, vne fois que i'estoye à Paris (en ce temps qu'un grand méchef fut presque aduenu par nuit sur le corps messire Oliuier de Clifson, Cōnestable de France, par l'outrageuse & merueilleuse entreprise de messire Pierre de Craon: si comme ie vous recorderay & éclairciray en l'Histoire, quand temps & lieu fera) pource que ie vey les choses obscures, & en grand trouble & grand danger de mal aller, ie me y grāde peine à ce que ie puisse sauoir l'introduction de ceste matiere, & pourquoy messire Pierre de Craon estoit & auoit esté soudainement éloigné de la grosse amour & faueur du Roy de France & du Duc de Touraine. Tant enqui & demanday à ceux, qui cuidoient en sauoir, & en sauoyent, aucune chose, que l'on me dit la verité de l'œuvre, si cōme fame & renommée courut: & premierement la haine vint du Duc de Touraine audit messire Pierre de Craon, par sa coulpe, car il réuela, ou deut réueler, les secrets dudit Duc de Touraine & de Madame: & s'il le fit, il forfit grandement. Le Duc de Touraine auoit pour lors tellement à grace messire Pierre de Craon, qu'il le tenoit pour son cōpaignon, & le vestoit de pareils draps que luy: & le menoit par tout, ou il alloit: & luy découuroit ses secrets. Celuy Duc de Touraine estoit pour lors ieune & amoureux, & volontiers veoit dames & damoiselles, & se iouoit & ébatoit entre elles, & par especial (comme il me fut dit) il aimoit trefardammēt vne belle damoiselle de Paris, ieune & frisque. Ses amours furēt sceuēs, & ses secrets réuelez: tellement que la besongne tourna à grand déplaisance † audit Duc, pour ceste reuelation: de laquelle proprement encoulper ne sauoir, fors messire Pierre de Craon, car le Duc s'estoit découuert de tous ses secrets à luy, & l'auoit mené secrettement avec luy, quand il alloit parler à la noble ieune Dame. Le Duc (qui fort aimoit la ieune dame) luy deuoit auoir promis mille courōnes d'or: mais qu'il en peust auoir sa volōté. La dame les auoit refusez: & disoit qu'elle n'aimoit pas le Duc pour son or, ne pour son argent, fors par bonne amour, qui à ce l'auoit inclinée, & que pour or ne pour argent, elle ne vëdroit ia son honneur. Toutes ces parolles, secrets & promesses, furent sceuēs de la Duchesse de Touraine: laquelle manda tantost la ieune dame, & la fit venir en sa chambre, & quand elle fut venue, elle la nomma par son nō, & luy dit moult ireusement, Cōment! me voulez vous faire tort de Mōseigneur? La ieune dame fut ébahie, & luy respōdit tout en plorant, Nenny, Madame, si Dieu plaist. Je ne le vueil, n'oseroye, penser. Donc reprit la Duchesse la parolle, & dit. Il est ainsi, car ie suis toute informée que Mōseigneur vous aime, & vous luy, & ont les besongnes esté si auant, qu'en tel lieu il vous promit mille courōnes d'or, mais qu'il peust auoir sa volōté de vous. Vous le refusastes (dont vous feistes que sage) & pour celle fois ie le vous pardonne, mais ie vous deffē, si cher que vous aimez vostre vie, qu'à Mōseigneur vous n'ayez plus de parlemēt: mais dōnez luy cōgé. La dame (qui se veoit accusée de verité, & en danger) respōdit, & dit: Madame: ie m'ē deliureray: le plus tost que ie pourray, & feray tāt, que iamais n'ē orrez nouuelles, qui vo' déplaisēt. Sur celuy estat la Duchesse luy dōna cōgé: & elle retourna en son hostel. Or auint que le

† Ce passage est
éclaircy selon le
sens de l'Aut.

Jalousie de la
Duchesse de Tou-
raine contre
vne Dame de
Paris, aimée
du Duc, & de-
couuerte à la
Duchesse par
messire Pierre
de Craon.

Duc

Duc de Touraine (qui de tout ce riens ne sauoit, & qui ardamment aimoit celle Dame) s'en vint au lieu, ou elle estoit. Quand elle le veit, elle s'en fuit, & ne luy fit aucun semblant d'amours, mais tout au contraire de ce, qu'elle auoit fait autresfois, car elle n'osa: & aussi elle l'auoit iuré & promis à la Duchesse de Touraine. Quand le Duc veit la contenance d'elle, si fut tout pensif, & voulut sauoir à quelle fin elle se maintenoit ainsi. La ieune Dame luy dit, tout en plorant, Monseigneur: ou vous m'avez reuelée & dit les secrets de la promesse, que vous me feistes vne fois, à Madame de Touraine, ou autre pour vous. Regardez bien en vous mesmes à qui vous vous en estes decouuert, car de Madame de Touraine, & non d'autre, i'en ay esté en grand danger: & luy ay iuré & promis, reserué ceste fois cy, que ie n'auray iamais parlement à vous, dont elle puisse entrer en ialousie, Quand le Duc ouit ces parolles, elles luy furent trop dures, & moult obscures, à grande déplaisance, & dit, Ma belle Dame, ie vous iure sur ma foy, auant que ie vous eusse decelée à la Duchesse, i'aimeroye plus cher auoir perdu cent mille francs, & puis que vous l'avez iuré, tenez vostre parolle, mais (quoy qu'il me couste) i'en sauray la verité, & qui peut auoir reuelé noz secrets. Sur celuy estat le Duc se departit d'avecques la ieune Dame, & la laissa en paix pour l'heure: & n'en fit nul semblant, mais comme froid & attrempé de maniere souffrit, mais il n'en pensa pas moins: & vint ce soir delez la Dame de Touraine sa femme: & souppa: & luy monstra plus grand semblant d'amour, que iamais parauant il n'auoit fait, & tant fit par douces parolles & traictables, que la Duchesse luy decouurit le secret: & luy dit comme elle le sauoit par messire Pierre de Craon. Le Duc de Touraine laissa ainsi la chose pour l'heure: & n'en parla plus. Celle nuit passa. Le lendemain, sur le point de neuf heures, il monta à chéual, & s'en partit de Saint-Pol, & s'en vint au Louure: ou il trouua son frere, le Roy: qui vouloit ouyr messe. Le Roy le recueillit doucement (car moult l'aimoit) & s'apperceut le Roy, aux manieres que le Duc faisoit, qu'il estoit courroucé. Si luy demanda, Ha, beau frere, qu'elle chose vous faut il? Vous monstrez estre troublé. Monseigneur (dit il) il y a bien cause que ie le soye. Pourquoi? dit le Roy. Nous le voulons sauoir. Le Duc (qui riens ne luy voulut celer) luy compta, tout mot à mot, la besongne, en soy plaignant amèrement de messire Pierre de Craon, & dit, Monseigneur, par la foy que ie vous doy, si ce n'estoit pour l'honneur de vous, ie le feroye occire. Non ferez (dit le Roy) mais nous luy ferons dire par noz plus espéciaux, qu'il vuidé nostre hostel, & que de son seruice n'auons nous plus que faire, & aussi vous le ferez departir du vostre. C'est bien nostre entente (respondit le Duc de Touraine) & se contenta assez de ceste response, Ce propre iour fut dit à messire Pierre de Craon, de par le Seigneur de la Riuere & messire Jehan le Mercier, venant de la bouche du Roy, qu'on n'auoit plus que faire, en l'hostel du Roy, de son seruice, & qu'il quist ailleurs son mieux. Parreillement messire Jehan de Bucil, & le Sire d'Eruaux, Senechal de Touraine, luy dit aussi, † qu'il se retirast de la maison du Duc, son maistre. Quand messire Pierre de Craon se veit ainsi licencié, si fut honteux, & le prit en grande felonnie & despit, & ne sauoit imaginer, n'aduiser, pourquoy c'estoit, car on ne le luy auoit point déclaré. Verité est qu'il voulut venir en la presence du Duc de Touraine, demander en quelle maniere il les pouoit auoir courroucez: mais de rechef il luy fut dit que le Roy ne le Duc ne vouloient ouyr nulles de ses parolles. Quand il veit qu'on l'auoit ainsi accoustré, il ordonna ses besongnes, & se departit de Paris, tout melancolieux, & s'en vint en Aniou, en vn sien chasteau, qu'on dit Sablé, & là se tint vne espace de tēps, & moult luy ennuyoit, car il se veoit éloigné & chacé de l'hostel de France, de l'hostel de Touraine, & de l'hostel de la Roynne de Naples & de Hierusalem. Si auisa, puis que ces trois hostels luy estoient clos, qu'il se tireroit vers le Duc de Bretagne, son cousin, & luy compteroit & remonstreroit toutes ces auentures. Ainsi le fit: & s'en alla en Bretagne, & trouua le Duc à Vennes, qui luy fit bonne chere, & ià estoit informé de la plus grande partie de ses besongnes, & de rechef les luy compta, mot à mot, messire Pierre, & comment on l'auoit † vanné. Quand le Duc de Bretagne l'eut ouy deuiser & parler, il luy respondit: & dit, Beau cousin, confortez vous, car tout ce vous a brâllé le Seigneur de Clifson. Ceste racine & fondation de haine multiplia depuis grandement, comme orrez recorder auant en l'Histoire. Messire Pierre de Craon demoura pres le Duc de Bretagne, tellemēt qu'on l'oublia en France, car le Conestable, messire Oliuier de Clifson, & le Conseil du Roy, luy estoient tous contraires. Encores ne sauoit on nul gré au Duc de Bretagne, de ce qu'il l'auoit appelé & retenu delez luy, mais le Duc, dessus-nommé, à bon gré & mal gré, du courroux du Roy

La Dame, aimée du Duc de Touraine, se plaint de leur secret decouuert à la Duchesse.

La Duchesse de Touraine confesse au Duc d'auoir sen le secret de son amour par messire Pierre de Craon.

Messire Pierre de Craon chacé de la court de France.

† Ceste clause est paracheuee selon le sens de l'Auteur.

Retraite de messire Pierre de Craon vers le Duc de Bretagne. † Le doute qu'il n'y fâle banny

ne luy chaloit qu'un petit, & faisoit pouruoir ses villes, chasteaux, & citez grandement & grossièrement: & monstroït qu'il aimoit autant la guerre, que la paix. Tout ce qu'il faisoit estoit bien sceu en France, & au Conseil du Roy, & le tenoient ceux, qui prochains du Roy estoient, pour orgueilleux & presumptueux, & le menaçoient fort, mais le Duc de leurs menaces ne tenoit compte: & disoit & promettoit (& les apparences on en veoit) qu'il feroit au Comte de Ponthieure guerre, & à tous ses aidans, sur forme de iuste querelle: & disoit, Ce Comte de Ponthieure, nostre cousin, s'escriit & nomme Iehan de Bretagne, aussi bien que s'il en estoit héritier. Nous voulons bien qu'il se nomme Iehan (car c'est son nom) & Comte de Ponthieure. Nous voulons qu'il mette ius les ermines, & s'escriue Ieā de Blois, ou de Chastillō, & nulles autres armes ne porte, & s'il ne le fait, nous luy ferons faire, & luy toudrons sa terre, car il la tient à foy & hommage de nous. Aussi, quant à l'héritage de Bretagne, il n'a iamais que faire de penser qu'il luy retourne, car nous auons fils & fille, qui seront nos héritiers. Si se voise pourchacer ailleurs, car à nostre héritage a il failly. Ainsi se deuisoit par fois le Duc de Bretagne à messire Pierre de Craon, lequel ne luy contredisoit nulles de ses volonteiz, mais auant luy augmentoit, & tout pour la haine, qu'il auoit au Seigneur de Clisson, & à ceux du Conseil de France. Nous nous souffrerons à parler de ceste matiere, & parlerons d'une autre moult piteuse: voire pour le Comte Guy de Blois: lequel en ceste Histoire, & ailleurs, j'ay nommé.

De la mort du ieune Comte Louis de Chastillon, fils du Comte Guy de Blois, & aussi de la soudaine mort du Comte Gaston de Foix.

CHAP. XXVII.

Bien sauez & verité est (si comme contenu est en nostre Histoire, cy arriere bien-auāt) comme j'ay parlé de l'aliance & mariage de Louis de Chastillō, fils au Côte de Blois & de Madamoiselle Marie, fille au Duc Iehan de Berry. A ordonner, & cōformer le mariage, le Duc de Berry y fut trop grandement pour luy & pour sa fille, car elle fut douée & assignée, sur toute la Comté de Blois, de six mille liures, monnoye de France (qui valent bien six mille Francs, à prendre en florins) si ledit Louis de Blois alloit de vie à trépas deuant sa femme, si nettement, que toute la Comté de Blois seroit obligée à payer lesdits six mille Francs. Or auint, enuiron la Saint Iehan Baptiste, qu'on compta pour lors l'an de grace Nostre-Seigneur mille trois cens quatre vingts & vnze, que l'enfant (que ie nomme Louis de Blois, fils au Comte Guy) se departit d'auecques son pere, du Chastel des Moutils, seant en Blois, pour venir en Haynaut, veoir sa Dame de mere, & sa femme. Quand il fut venu à Beaumont en Haynaut, il ne sejourna pas longuement, que fièvre & maladie le prit (car il auoit cheuauché grandes iournées, & par trop chaud tēps & fut mal gardé, car l'enfant estoit tendre, sur l'age de quatorze ans) de laquelle maladie il mourut, sans ce que les Médecins y peussent remedier, n'oster la fièvre. Vous deuez sauoir que le pere & la mere furent moult oourroucez, quand ils veirent leur héritier mort. Aussi fut la ieune Dame, Madamoiselle de Berry, car moult l'aimoit, & se tenoit grandement & hautement mariee. Le courroux & detourbier du pere fut trop grand. car, quand il pésoit & imaginoit sur ses besongnes, il les veoit trop obscures, car il sauoit le Duc de Berry outre mesure conuoiteux, & que pour accomplir & fournir le douaire de sa fille, il se bouteroit en la Comté de Blois, & luy en osteroit l'héritage, & luy conuenoit en attendre l'auenture. Ainsi furent les deux filles du Duc de Berry, Bonne & Marie en celuy an veufues. Bonne, l'aisnée, estoit Duchesse de Sauoye, mais son mary, le ieune Duc de Sauoye (qu'on appelloit Amé) mourut en celuy an, assez merueilleusement, dont depuis il fut grande question, & en vouloit on soumettre messire Othe de Grantson, & en fut soupçonné, tant qu'il luy conuint vider la Duché de Sauoye, le Royau-me de France, & l'Empire d'Allemagne: & s'en aller demourer en Angleterre. En celle mesme saison mourut aussi le noble & gentil Comte de Foix, assez merueilleusement. Le vous diray par quelle incidence. Verité est, que de tous ebats de ce monde, souveraine-ment il aimoit le deduit des chiens, & de ce il estoit tresbien pourueu, car tousiours il en auoit à sa plaissance plus de seize cens. Le Comte de Foix (dont ie parle) estoit en Bearn, en la marche d'Ortais, & estoit allé iouer, ebarre, & chacer es bois de Sauuerterre, sur le chemin de Pampelune en Nauarre, & auoit, le iour qu'il mourut, toute la matinee, auāt nonne, chacé vn Ours. La prise de l'Ours, veue, & la curee faite, ia estoit basse nonne. Si demanda à ceux, qui estoient delez luy, quelle part on luy auoit appareillé à disner. On luy respondit, A l'Hospital de Rion à deux petites lieues d'Ortais. Tout ainsi, comme il fut dit,

† Ces trois mois
suuans sont
asoustez selon
le sens de l'Au-
teur.

L'an 1391.
voyage de Loys
de Blois vers sa
mere en Hay-
naut, ou il
meurt.

Mort du Duc
Amé de Sa-
uoye, laissant
l'autre fille du
Duc de Berry
vefue.
† C'est assauoir
au mesme
1391. comme
la deduction
suuante le mō-
strera.
† Les Ann. de
Foix disent
l'Hospital Don-
rion.

fut dit, il fut fait. Ils s'en vindrent, tout le pas cheuauchant, au village dessus nommé. Le Comte de Foix & ses gens descendirent à l'hostel, puis il entra en sa chambre: laquelle il trouua toute ionchée, & plaine de verdure, fresche & nouvelle, & les parois d'enuirō toutes couuertes de rameaux tous vers, pour y faire plus frais & odorant, car le temps & l'air du dehors estoit merueilleusement chaud: ainsi qu'il est au mois de May. Quand il se sentit en celle chambre, fresche & nouvelles, il dit, Celle verdure me fait grand bien, car ce iour a esté asprement chaud. Et là l'assit sur son siège, puis deuïsa vn petit à messire Espaeng du Lyon, & parloit des chiens, & lesquels auoient le mieux couru. Ainsi comme il parloit & deuïsoit, entrerent en la chambre, messire † Ieubain, son fils Bastard, & messire Pierre Cabestan, qui vindrent (ia estoient les tables couuertes) en la chambre mesme. Adonc demanda il l'eau pour lauer. Deux escuyers saillirent auant, Raimonnet † Lasne & Raimonnet de Compone: & Cayendon d'Espagne prit le bacin d'argent, & vn autre Cheualier (qui se nommoit messire Thibaut) prit la nape. Il se leua de son siège: & tendit les mains auant, pour lauer. Si tost que l'eau froide descendit sur ses dois (qu'il auoit beaux & droits) le visage luy pallit, & le cuer luy tressaillit, & les piez luy tressaillirent aussi & cheut sur le siège tourné, en disant, Je suis mort, Sire Dieu, mercy. Oncques depuis ne parla: mais il ne mourut pas si tost, ains entra en peine & en tranchée. Les Cheualiers (qui là estoient tous ébahis) & son fils, le prirent entre leurs bras moult doucement, & le porterent sur vn liēt, & le coucherent & couurirent: & cuidoiēt qu'il n'eust tant seulement qu'une defaute. Les deux Escuyers, qui l'eau auoient apportée (afin qu'on ne dist qu'ils l'eussent empoisonné) vindrent au bacin, & au lauouer: & dirent ainsi. Veez cy l'eau. En la presence de vous nous en auons fait l'aïssay: de rechef encores le voulons nous faire: & le firent, tant que tous se contenterent. On luy mit en la bouche pain & eau, espices, & toutes choses confortatiues, & tout ce riens ne luy valut, car en moins de demie heure il fut mort: & rendit son ame moult doucement. Dieu par sa grace luy soit misericors. Vous deuez sauoir que tous ceux, qui là estoient, furent moult courroucez, & ébahis outre mesure, & si fermerent la chambre bien estroitement: afin que ceux de l'hostel ne sceussent pas si tost l'auenture & la mort du gentil Comte. Les Cheualiers qui là estoient, regarderent messire Ieubain, son fils, qui ploroit, & lamentoit, & tordoît ses poings: & luy dirent, Ieubain, c'est fait, vous auez perdu vostre pere & Seigneur. Nous sa uōs bien qu'il vous aimoit sur tous. Deliuiez vous. Montez à cheual. Cheuauchez à Ortais. Mettez vous en faïfine du chasteau, & du tresor qui est dedans, auant que nul y vienne, ne que la mort de Monseigneur soit sceue. Messire Ieubain s'enclina à ces parolles: & dit: Seigneurs, grand mercy. Vous faictes courtoisie: laquelle ie vous desseruiray encores. Mais baillez moy les vrayes enseignes de Monseigneur mon pere, car autrement ie n'entreroie point au chasteau, Vous dites verité, respondirent ils. Prenez les. Adonc il les prit. Les enseignes estoient vn anel (que le Comte de Foix portoit en son doy) & vn coutelet, dont il trenchoit aucunes fois à table. Telles estoient les vrayes enseignes, que le Portier du chasteau d'Ortais congnoissoit, & nulles autres, car sans celles monstret, iamais il n'eust ouuert la porte.

Comment, incontinent apres la mort du Comte de Foix, son fils Bastard, Ieubain, ou Yuain, se voulant secrettement saisir du tresor du Chasteau d'Ortais, fut decouvert par ceux de la ville, qui neantmoins luy promirent toute faueur, pour son frere & pour luy, sauf le droit du vray heritier, Vicomte de Castelbon.

CHAP. XXVIII.

Messire Ieubain de Foix se departit de l'Hospital de Rion, luy troisieme tāt seulement & cheuaucha si hastiuement, qu'il vint à Ortais: en laquelle on ne sauoit encores nulles nouvelles de la mort du Comte son pere. Il passa tout au long de la ville, sans rien dire, & nul ne doutoit sur luy: il vint au Chasteau, & apella le portier. Le portier respōdit, Que vous plaist, Monseig. Ieubain? Ou est Monseigneur? Il est à l'Hospital, dit le Cheualier. Il m'enuoye icy, querir certaines choses, qui sont en sa chambre, & puis ie m'en retourneray vers luy: & affin que tu m'en croyes de verité, regarde, voici les enseignes, son anneau & son couteau. Le portier ouurit vne fenestre, & cognut les enseignes, car veues les auoit autres fois. Si ouurit le guichet de la porte, & entra messire Ieubain au dedans: & les varlets gardoient les cheuaux, & les menoient à l'estable. Quand messire Ieubain fut dedans, il dit au portier, Ferme la porte. Quand il l'eut fermee, messire Ieubain † saisit les clefs: & dit au portier, Tu es mort, si tu ne m'obeis. Le portier fut tout ébahy, & luy de-
† Il y auoit fait les choses & dist eu

portier. Tu es mort, ou, se lon Verard, & dist au portier es tu mort. Mais il me semble que le sens de nostre Auteur est tel, que nous l'a-
uons mis.

† il le nomme dorenavant ainsi par tout.

suspeçon de la mort du Comte de Foix, & de l'entreprise de messire Yuain, à ceux d'Ortais

Garde sur le chasteau d'ortais, et sur messire Yuain: par les habitans de la ville.

manda pourquoy. Pource (dit il) que Monseigneur mon pere est trépassé: & ie veux estre au dessus de son tresor, auant que nul y vienne. Le portier obeit, car ainsi faire luy conue noit: & si aimoit autant, ou plus, le tresor, pour messire Ieubain, que pour vn autre. Messire Ieubain sauoit aussi, assez bien, ou le tresor estoit de son pere. Si se tira celle part ou il estoit, en vne grosse tour, en laquelle auoit trois paires de fors huis, barrez & ferrez par deuant: & tous les conuenoit ouurir de diuerses clefs, auant qu'on n'y peust venir. Lesquelles clefs il ne trouua pas promptement, car elles estoient en vn coffret long, tout de fin acier & fermé d'une petite clef d'acier: & celle clef portoit le Comte de Foix sur luy quand il cheuauchoit: & fut trouuée, en vn gipon de soye: pendante: lequel il auoit vestu sur sa chemise. Depuis fut trouuée, que ledit messire Ieubain fut departy: & quand elle fut trouuée des Cheualiers, qui estoient en la chambre à l'Hospital de Rion, & qui gardoient le corps du Côte de Foix, s'emerveillerent de quoy celle petite clef pouuoit seruir. Adonc estoit là present le Chapelain du Comte: qu'on appelloit messire Nicole de l'Escale: lequel sauoit tous les secrets du Comte de Foix, car le Comte l'auoit bié aimé: & les iours, qu'il auoit esté à son tresor, il y auoit mené son Chapelain, & non autre. Si dit ainsi, quand il veit la clef, Messire Ieubain perdra sa peine, car sans celle clef icy, on ne peut entrer au tresor: pource qu'elle ouure vn petit coffret d'acier, ou toutes les clefs du tresor sont. Or furent les Cheualiers tous courroucez: & dirent à messire Nicole, Portez la luy: & vous ferez bien. Il vaut trop mienx que messire Ieubain soit au dessus du tresor, que nul autre car il est bon Cheualier: & feu Monseigneur l'aimoit moult. Adonc respondit le Chapelain: Puis que vous le me conseillez, ie le feray volontiers. Tâtoist monta à cheual: & prit la clef: & se meit au chemin, pour venir au chasteau d'Ortais: là ou messire Ieubain estoit tout pensif, à chercher les clefs: & ne pouuoit trouuer, ne la maniere comment il pourroit rompre les ferreures des huis de la tour, car elles estoient trop fortes: & il n'auoit pas les instrumens appareillez pour ce faire. Ce pèdant, qu'il estoit en ces termes, & q messire Nicole venoit pour adrecer messire Yuain, nouuelles furent sceuës à Ortais (ne say par quelle inspiration, ou par femmes, ou varlets, venôs de l'Hospital de Rion) que le Comte de Foix, leur Seigneur, estoit mort. Ces nouuelles furent moult dures, car le Comte estoit aimé moult grandement de toutes gens. Toute la ville s'emeut: & s'en vindrent au souuerain carrefour de la ville: & là commencerent à parler l'un à l'autre: & dirēt les aucuns, qui auoient veu passer messire Yuain tout seulet, Nous auons veu venir, & passer par my la ville, & aller vers le chasteau, messire Yuain: & monstroient bien, à son semblāt, qu'il estoit courroucé. Adonc respondirent les autres, Sans faute il est aduenü quelque chose, car il n'auoit point accoustumé de cheuaucher deuant son pere. Ainsi que les hommes d'Ortais s'assembloient & tenoient à ce carrefour, & murmuroient, veez cy venir le Chapelain du Comte cheoir tout droit en leurs mains. Pour sauoir des nouuelles ils l'enclōrent: & demanderent, Messire Nicole, comment va de Monseigneur? On nous a dit qu'il est mort, Est il vray? Nenny (dit le Chapelain) mais il est bien fort malade: & ie vien deuant, pour faire administrer aucune chose bōne pour sa santé: & puis retourneray deuers luy. Sur ces parolles il passa outre, & vint au chastel, & fit tant qu'il entra dedans: dont messire Yuain eut grande ioye de sa venue, car sans la clef, qu'il apportoit, il ne pouuoit entrer dedans la tour du tresor. Or vous diray que firent les hommes de la ville. Ils entrerent en trop grand suspeçon du Comte: & dirent ainsi entr'eux, Il est toute nuit: & si n'oyons nulles certaines nouuelles de Monseigneur, ne de ses Maistres-d'hostel, ne de ses clerics, ou officiers: & si sont entrez au chastel messire Yuain, & son Chapelain: qui luy estoit moult secretaire. Mettō garde sur le chastel, pour ceste nuit: & demain nous orrōs autres nouuelles: & enuoyon secrettement à l'Hospital, pour sauoir comment la chose va, car nous sauons bié que la greigneur partie du tresor de Monseigneur est au chasteau: & si il estoit robé, ou osté par aucune fraude, nous en serions coupables, & en receurions blasme & dommage. Si ne deuons pas ignorer telle chose. C'est verité (dirent les autres) qui tindrent le conseil à bon. Vous veissiez incontinent les hōmes d'Ortais eueiller: & s'en allerēt vers le chastel, & s'assemblerent tous en la place, & enuoyerēt les souuerains de la ville garder à toutes les portes, afin que nul ne peust entrer, nissir sans cōgé, & furent là toute la nuit, iusques au lendemain. Adōc fut la verité sceuë, tout clerement, que le Côte de Foix, leur Seigneur, estoit mort. Adōc veissiez grās pleurs, cris, & plaintes de toutes gens, & de femmes, & d'enfans, parmy la ville d'Ortais, car ils auoient ce Côte moult aimé. Celle nouuelle fut sceue de la mort. Les guets se renforcerent par tout, & furent

tous

tous les hommes de la ville en armes, en la place, deuant le chastel. Quand messire Yuain de Foix (qui dedans le chastel d'Ortais estoit) veit l'ordonnance & maniere des hommes de la ville, & qu'ils s'estoient apperceus & sauoient ia la verité de la mort son pere, si dit au Chapelain de son dit feu pere le Comte, Messire Nicole, i'ay failly à mon entente. Je ne pourray issir, ne partir d'icy, sans le congé, car les hommes d'Ortais se sont apperceus de la mort mon pere. Plus viennent, & tousiours plus s'eforcent de venir en la place, deuant le chastel. Il me faut humilier enuers eux. Force n'y vaut riens. Vous dites verité, dit le chapelain. Vous cōquerrez plus par douces paroles que par dures. Allez, & parlez à eux: & faites par conseil. Adonc s'en vint messire Yuain en vne tour, assez pres de la porte: en laq̃lle auoit vne fenestre, qui regardoit sur le pōt, & en la place, ou les hōmes se tenoient. En celle tour fut nourrie & gardee, tant qu'elle se maria, Madame Jehanne de Boulōgne qui depuis fut Duchesse de Berry: si comme il est escrit & contenu † cy deuant en nostre Histoire. Messire Yuain ouurit la fenestre de la tour: & puis appella les hommes de la vil
† il y auoit cy apres, mais il se fust dementi Messire Yuain Bastard de Foix s'humilie & recommande aux habitans d'Ortais, pour participer aux biens de son pere.
le, les plus notables: lesquels se tirerent auant, & meirent sur le pont, moult pres de luy, pour ouyr & saoir quelle chose il voudroit dire. Il parla tout haut: & dit ainsi. Or bonnes gens d'Ortais, ie sçay bien pourquoy vous estes cy assemblez. Il y a cause. Si vous prie chèrement, de tant que vous auez aimé Monseigneur mon pere, que vous ne vueillez pas prendre en déplaisance, ne courroux, si me suis auancé d'estre venu premierement prendre la faisine du chastel d'Ortais, & du meuble qui est dedans, car ie n'y vueil que tout bien, sans autre chose y faire. Vous sauez que Monseigneur mon pere m'aimoit sou
d'Ortais, pour
uerainement, comme son fils: & eust volontiers veu moyen, comment il m'eust peu faire son héritier. Or est aduenue que par le plaisir de Dieu il est allé de vie à trépas, sans accom
participer aux biens de son pere.
plir ne faire nulle ordonnance: & m'a laissé entre vous (ou i'ay esté nourry, & ay demou
son pere.
ré) vn pource Cheualier Bastard du Comte de Foix) si vous ne m'aidez & conseillez. Si vous prie, pour Dieu, & en pitié, que vous y vueillez regarder: & vous ferez aumosne: & ie vous ouuriray le chastel: & entrerez dedans, car contre vous ie ne le vueil garder, ne clorre. Adonc respondirent les plus notables: & dirent, Messire Yuain, vous auez parlé bien & à point, & tant qu'il nous suffit. Si vous disons que nous demourrons auecques vous: & est nostre intention que ce chastel, & les biens qui sont dedans, nous garderōs
† il y auoit icy & tousiours par apres Castellon que nous auons remis selon les Ann. de Foix, & selon le 3. Vol. de nostre Auteur ou il y a de Castellon.
& aiderons à garder auecques vous: & si le Vicomte de † Castellbon, vostre cousin (lequel est héritier de ceste terre de Bearn, & qui est le plus prochain parent, que feu Monseigneur vostre pere eust) se tire auāt pour chalāger les meubles & héritages, nous voulōs biē saoir comment, & vous garderons, & à messire Gracien vostre frere, grandement vostre droit, mais nous supposons, que quand le Roy de France fut dernièrement à Toulouze, & Monseigneur vostre pere fut deuers luy, qu'aucune chose fut faite de ces ordonnances: & de ce deueroit bien parler messire Roger d'Espaigne, vostre cousin. Nous escrirons deuers luy, & luy signifions la mort de Monseigneur, & luy prierons qu'il vienne icy, pour nous aider à adreuer & cōseiller de toutes choses, tant pour les terres de Bearn & de Foix (qui demeurent, ou demeureroient en ruine) que pour les meubles, à saoir quelle chose on en fera, & aussi pour l'obsequie faire de Monseigneur: & tout ce, que dit auons, nous le vous certifions & affermons à tenir loyaument. De ceste response se contenta grandement messire Yuain, & ouurit la porte du chastel d'Ortais, & y entrerent ceux, qui y voulurent entrer, & allerent par tout les Ortaisiens. On y meit bonnes gardes & suffisantes.

Comment le corps du Comte de Foix fut apporté de l'Hospital de Rion, ou il estoit mort, à Ortals, & comment le Roy enuoya l'Euesque de Noyon & le Seigneur de la Riviere en la Comté de Foix, pour en ordonner à l'entente de son conseil.

CHAP. XXIX.

EN ce propre iour fut apporté à Ortals, & mis en vn cercueil, le Côte Gaston de Foix. Tous hommes, femmes, & enfans, ploroient amerement à l'encontre du corps, quand on l'apporta en la ville, & lamentoient, en recordant la vaillance de luy, sa noble vie, son puissant estat & gouuernemēt, son sens, sa prudence, sa prouesse, sa grāde largesse & la grande prosperité de paix, ou ils auoiēt vescu le tēps, que le gētil Seigneur auoit regné, car il n'auoit esté François, n'Anglois, qui les eust osé courroucer. La disoiēt toutes gēs cōmunemēt. Noz voisins no' guerroyerōt, & no' souliōs demourer en terre de paix
Regrets des Ortalsiens sur la mort de leur Comte.
& de frāchise. Or demourōs nous en terre de misere & de sugettio, car nul n'ira au deuant de noz besongnes, nul ne les chalangera, ne deffendra. Haa Gaston, beau fils, pourquoy

*Cheualiers qui
porterent le corps
du Comte de
Foix par la vil-
le d'Ortais ius-
ques aux Cor-
deliers.*

** Annot. 8.*

*† Les Ann. de
Foix escriuent
Pamies.*

*Nouvelles de la
mort du Comte
de Foix, appor-
tees au Roy &
à son conseil.*

*Le Seigneur de
la Riviere &
l'Euesque de
Noyon delegués
pour aller mes-
sire la Comté de
Foix es mains
du Roy.*

courroucastes vous onc vostre pere? Si vo^o no^o fussiez demouré (qui si beau & si grâd cō-
mencement auiez) ce nous fust vn tresgrand reconfort, mais nous vous auōs perdu trop
icune: & vostre pere nous a trop peu duré. Il estoit encores homme de soixante & trois
ans: qui n'estoit pas grand aage, pour vn tel Prince: qui auoit si bon corps, & de grande
volonté: & qui auoit tous ses aïes & souhaits. Terre de Bearn, desolée & de confortée de
noble héritier, que deuendras tu? iamaïs le pareil du gentil & noble Côte de Foix n'au-
ras tu. En telles lamentations & pleurs fut apporté le corps du gentil Comte dessusdit, au
long de la ville, par sept Cheualiers, tels que ie vous nommeray. Le premier, le Vicomte
de Bruniquel, & delez luy le Seigneur de Copane: le tiers, messire Roger d'Espaigne, &
delez luy messire Raimond Laine: le cinquieme messire Raimond de la Motte, & delez
luy le Seigneur de Befach: le septième, messire Menaut de Nouailles, & delez luy Richard
de S. George. Là estoient derriere luy messire Yuain, son fils Bastard, le Sire de Corasse,
le Sire de Barentin, le Sire de Baruge, le Sire de Quer, & plus de soixante Cheualiers de
Bearn: qui tantost furent venus à l'Hospital de Rion, quand les nouvelles furent sceuës.
Si fut découuert, ainsi que ie vous dy, à l'Eglise des Cordeliers. La fut voidé, embasmé,
& mis en vn cercueil de plomb, & laissé en celuy estat, & bōnes gardes delez luy, iusques
au iour de son obsequé & enterrement: & ardoient continuellemēt & sans cesse, de nuit
& de iour, tout à l'entour du corps, vingt & quatre gros cierges: lesquels cierges estoient
tenus de quarante & huit varlets: dont il y en auoit vingts & quatre, qui * veilloient tout
au long de la nuit: & les autres vingt & quatre tout au long du iour. La mort du gentil
Comte Gaston de Foix fut tantost sceuë en plusieurs lieux & pays: & plus de gens en fu-
rent courroucez, que réiouïs: car il auoit fait en son temps tant de beaux dons & de lar-
gesses, qu'on n'en sauroit dire le nombre: & pourtant estoit il moult aimé de tous ceux,
qui auoient la cognoissance de luy. Mesmement le Pape Clement d'Auignon, quand il
en sceut les nouvelles vrayes, en fut moult courroucé: par tant qu'il auoit mis grande pei-
ne au mariage de sa cousine Iehanne de Boulongne: laquelle estoit Duchesse de Berry.
Pour celuy temps se tenoit en Auignon l'Euesque de † Palmes, car il ne fosoit tenir sur
son bénéfice: pourtant que le Comte de Foix (non obstant qu'ils fussent de lignage) l'a-
uoit pris en haine: pource que celuy Euesque vouloit trop exaucer ses iurisdiccions, & af-
foiblir celles du Comte de Foix: lequel l'auoit fait Euesque. Le Pape le manda au Palais,
& quād il fut venu deuers luy, il luy dit, Euesque de Palmes, vostre paix est faite. Le Com-
te de Foix est mort. De ces nouvelles fut l'Euesque tout réiouy, & se departit, en briefts
iours, d'Auignon: & retourna en la Comté de Foix, en son Euesché. Les nouvelles vin-
drent en France, deuers le Roy & son conseil, que le Comte de Foix estoit mort. Sembla-
blement le Roy, & son frere, & le Duc de Bourbon, en furent courroucez pour la vail-
lance de luy: & fut dit au Roy, par ceux de son cōseil, Sire, la Comté de Foix est vostre par
droite succession: puis que le Comte de Foix est mort, sans auoir hoir de sa chair par ma-
riage: ne nul ne la vous peut debattre: & aussi ceux de la Comté de Foix le tiennent: &
encores y a vn point, qui embellit fort vostre besongne. Vous auez presté dessus la som-
me de cinquante mille francs. Si enuoyez saisir vostre gage, & tenir comme vostre bon
héritage, car ceux du pays desirent à venir & estre à vostre main. C'est vne belle terre, &
qui grandement vous viendra à point, car elle marchist au Royaume d'Arragon, & aussi
de Cathelongne: & on ne fait du temps auenir. Si vous auiez guerre au Roy d'Arragon,
la Comté de Foix vous seroit trop belle frôtiere, car il y a de beaux chasteaux, & de forts,
pour pourueoir de Gens-d'armes, & faire bonnes garnisons. Le Roy entendit à ces pa-
rolles: & s'enclina à son conseil: & dit. Or regardez qu'on y pourra enuoyer. Adonc fut ad-
uisé qu'on y enuoyeroit le Seigneur de la Riviere (pourtant qu'autresfois il y auoit esté
cognu) & avec luy l'Euesque de Noyon. Quand ces deux Seigneurs seurent qu'ils auoiēt
celle legation, si s'ordonnerent & pourueurent moult grandement: & ne se departirent
point si tost: & quand ils se partirent, ils cheuaucherēt à petites iournées, & à grand loisir
& prirent leur chemin par Auignon.

*Comment le Vicomte de Castelbon, prochain parent & legitime héritier, du sen Comte
de Foix, vint à Ortais, à l'obsequé d'iceluy trépassé, & comment, par le Conseil qui
fut là tenu, enuoya vers les deux dessusnommez Commissaires du Roy, pour estre
mis en possession de la succession par luy pretendue, & finalement vers le Roy mesme.*

Ce pendant fut signifié au Vicomte de Castelbon (qui se tenoit au Royaume d'Arragon) de la mort de son cousin le Comte de Foix : & se meit au chemin : & tant exploita, qu'il vint en Bearn, & droit à Ortais. Ceux de la ville luy firent assez bonne chere : mais encores ne le recueillirent ils point à Seigneur : & dirent qu'ils n'estoient pas tout le pays, & qu'il conuenoit les Barons, & les Prelats, & ceux des bonnes villes, mettre ensemble, & auoir conseil comment tout se pourroit faire, car † Bearn est vne terre, qui se tient de soy-mesme Noble : & les Seigneurs, qui y demeurent & ont leur héritage, ne se consentiroient iamais que le souuerain la releuast de nul. Si fut auisé, pour le meilleur, qu'on feroit l'obsèque du bon Comte Gaston de Foix, à Ortais : & seroient mandez tous les Nobles & les Prelats de Bearn, & ceux de la Comté de Foix, qui venir y voudroient. & là auroit on conseil comment on se cheuiroit à la recueillie du Seigneur. Si furent escripts & mādéz venir à Ortais, à l'obsèque du Côte, tous les Barons, les Prelats. & les chefs des bonnes-villes de Bearn, & ceux de la Comté de Foix aussi. Ceux de Bearn obeirent : & y vindrent tous, mais ceux de la Comté de Foix refuserent : & dirent qu'ils garderoiēt leur pays & leur terre (car ils auoient entendu que le Roy de France enuoyoit vers eux, & qu'il vouloit, de fait, chalanger la terre de Foix) tant que la declaration en feroit faite. Neantmoins l'Euesque de Palmes, par lignage en fut requis, & prié d'aller à Ortais : & y alla en bon arroy, & suffisant, ainsi comme à luy appartenoit. Au iour de l'obsèque du gentil Comte Gaston de Foix, dernier de ce nom (qui fut fait en la ville d'Ortais, en l'Eglise des Cordeliers, en l'an de Nostre-Seigneur mille trois cens quatre vings & onze, le douziesme iour du mois d'Octobre, par vn Lūdy) y eut moult de peuple du pays de Bearn, & d'ailleurs, Barons, Cheualiers, & Prelats : & eut trois Euesques : & premierement celuy de Palmes (lequel dit la messe, & fit le seruice) & puis l'Euesque d'Aire, & celuy d'Auron, des tenues de Bearn. Moult y eut grand luminaire, & bien ordonné, & fut tenu, deuant l'autel, durant la messe, par quatre Cheualiers, quatre bannieres, armoyées de Foix & de Bearn. La premiere tenoit messire Raymōd du Chastelneuf : la secōde, messire Espaeng, du Lyō, la tierce, messire Pierre † d'Egmer : la quatriēme, messire Menaut de Nouailles. L'espée offrit messire Roger d'Espaigne, adextré du Bourg de Copane, & de Pierre Arnaut de Bearn, Capitaine de Lourde. L'escu portoit le Vicōte de Bruniql, adextré de Iehan de Chastelneuf & de Iehā de Chātirō. Le heaume offrit le Sire de Valētin de Bearn adextré d'Arnaultō de Rostē & d'Arnaultō de S. Colōbe. Le cheual offrit le Sire de Corasse, adextré d'Arnauton d'Espaigne & Raimōnet de cāpane. Tout l'obsèque fut perseueré honnorablement & grandement, selō l'usage du pays, & là furēt les deux fils Bastards au Côte de Foix (messire Yuain, & messire Graciā) le Vicōte de Castelbon, & tous les Barons de Bearn, & aucūs de Foix : mais ceux de Foix, le seruice fait, se departirēt, & mōterēt à cheual, & vindrent disner à Heritiel, deux lieues en sus Ortais. Lendemain, bien matin, l'Euesque de Palmes departit aussi, & ne voulut point estre au général Parlement (lequel fut fait celuy iour) des Prelats, Cheualiers, & conseils des bonnes-villes de Bearn. Si fut le iour de l'obsèque, apres la messe dite, le Comte de Foix ostē du sercueil de plomb, & enuelopē le corps en belle toille neufue cirée, & ensēuely en l'eglise des Cordeliers, deuant le grand autel du cueur. De luy n'est plus. Dieu luy face pardō. Or vous parleray de l'ordonnance & du conseil, qui fut à Ortais. Il m'est auis (si cōme adōc fu informē) qu'on dit au Vicōte de Castelbō ainsi, Sire, nous sauōs biē que par proximité vous deuez succeder, & tenir les héritages, tant en Bearn cōme en Foix, qui viennent par Monseigneur : à qui Dieu pardoiēt, mais nous ne vous pouuons pas à present receuoir ainsi, car trop nous pourrions forfaire, & mettre ceste terre de Bearn en grand guerre & danger, car nous entendōs que le Roy de France (qui est nostre bō voisin, & qui moult peut) enuoye pardeça, de son conseil, & ne sauōs, ne sauoir pouuōs encores, iusques à tāt que les ayōs ouys parler, sur quel estat ceste legation se fait. Bien sauōs, & vous le sauez aussi, que Mōseigneur (à qui Dieu pardoint) fut l'ā passē à Toulouze, deuers le Roy de Frāce, & eurent parlemēs secrets ensemble, dōt il faut qu'aucune chose premieremēt seclaircisse, car fil auoit donē, ne seellē, au Roy de France Foix & Bearn, le Roy par puissance les vouldroit auoir & obtenir, combien que nous vouldriōs bien sauoir les articles & proces des besongnes, car, entre nous de Bearn, nous ne sommes pas cōditionnez sur la forme de la Comté de Foix. Nous sommes tous francs, sans hommage ne seruitude : & la Cōté de Foix est tenue du Roy de Frāce. Auec tout ce les Foixōnois ont le cueur tant Frāçois, que de leger receurōt le Roy de Frāce à Seigneur, & diēt ia, & proposent (puis que nostre Sire est

*L'an & iour
de l'obsèque du
Comte de Foix*

*† Aucūs de ces
surnoms sont
vn peu autres
es Ann. de Foix*

*Parlement de
ceux de Bearn
à Ortais et ex-
cusēs vers le Vi-
comte de Castel-
bō, sur ce qu'ils
ne le receuoient
encor du tout
à Seigneur.*

*Bon conseil des
Bernois, suivi
par le Vicomte
de Castelbon.*

mort, sans auoir héritier de son corps par mariage) que l'héritage de Foix retourne, par droite ordonnance, au Roy de France. Sire, vous deuez sauoir que nous demourrons en nostre tenue: ne iamais ne nous afferuirons, à quelque Seigneur que nous doions auoir soit le Roy de France, ou vous. Mais nous vous conseillons que vous allez au deuant de ces besongnes: soit par sage traité, ou autrement. Donc respondit le Vicomte: & demanda, Par quel moyen voulez vous que l'œuure? Le vous ay ià dit que ie feray tout ce, que par raison vous me conseillerez. Sire (dirent ils) c'est que vous priez messire Roger d'Espagne, vostre cousin, que voicy, qu'il vous tienne compaignie à voz coustages: & allez en la Comté de Foix, & traitez vers les Nobles, les Prelats, & les bonnes-villes. Se tant pouuez faire, qu'ils vous reçoient à Seigneur, ou qu'ils se dissimulēt tant, que vous ayez appaisé le Roy de France, & fait aucune ordonnance & composition par le moyen d'or & d'argent, que l'héritage vous demeure, vous exploiterez bien & sagement: & se vous pouuez estre ouy des Legats (qui en la Comté de Foix sont enuoyez de par le Roy de Frâce) pour payer cent ou deux cens mille francs, encores trouuez vous bien la finâce pour vous acquiter, car Môseigneur (à qui Dieu pardoint (en a beaucoup laissé derriere. Mais nous voulons, & réseruons, que ses deux fils bastards soiēt partis, bien & largemēt, de l'heritage & de la mise. Le Vicomte de Castelbon respondit, & dit, Beaux Seigneurs, ie vueil tout ce que vous voudrez, & veez cy messire Roger d'Espagne, mon cousin. En la presence de vous ie luy prie, qu'il vueille venir avec moy en ceste cheuauchee. Messire Roger respondit, & dit que volontiers il iroit, comme pour estre bon moyen enuers tous, mais si le Roy de France, son souuerain Seigneur, ou ses Commis, le requeroient, qu'il fust de leur Conseil, ou que de ce voyage il se deportast, il s'en voudroit deporter. Le Vicomte de Castelbon fut content de tout, & luy dit, Cousin, hors de vostre volonté, & cōseil ne me veulx ià oster, & quād vous ferez pres de moy, i'ē vaudray trop mieux, & viendray à fin de mes besongnes. Sur celuy estat finirent ils leur parlement. Il m'est auis que le Vicomte de Castelbon fit vne priere & requeste à tous ceux, qui là present estoient, qu'il peust auoir, par emprunt, iusques à cinq ou six mille francs, pour parfour nir ses besongnes. Secondement, les deux Bastards proposerent aussi leur besongnes, & prierent que de l'auoir, que les Ortaisiens auoient, & auoit esté à leur pere, ils peussent auoir part. Et lors se meit de rechef le conseil ensemble, & parlerent les Nobles, & les Prelats, & les hommes des bonnes-villes, & accordé fut que le Vicomte, dessus nommé, au roit sur la forme & condition qu'il mettoit, cinq mille frācs, & les deux Bastards de Foix chacun deux mille frācs, & fut dit & ordonné aux Ortaisiens, qu'ils les deliurassent. Ce que ils firent, & furent incontinent les Trésoriers appelez, pour faire la deliurance, & deuez sauoir que toutes les ordōnances tant d'Officiers que d'autres gens, que le Comte auoit en son viuant faits & instituez, se tindrent sans en changer vn, & fut ordonné, par le Cōseil de tout le pays, que les Ortaisiens auroient en garde le chasteau d'Ortais & tout le meuble, qui dedans estoit. Le Vicomte de Castelbon, à sa nouvelle venue fit grace à tous les prisonniers, qui estoient au chasteau d'Ortais, desquels il y auoit grand nombre. Car le Côte de Foix, de bonne memoire, estoit fort cruel en telles choses, & n'epargnoit homme viuant (tant haut, qu'il fust) quand il luy déplaisoit, ne nul tant hardy estoit, qui de sa deliurance osaſt parler, sur peine d'auoir pareille penitence. Et (que ce soit verité) il fit tenir ce Vicomte de Castelbon (dont ie vous parle) au fond de la fosse (qui estoit son cousin germain) huit iours entiers, & quand il le deliura, il le rançonna à quarante mille francs: & les eut tous comptans, & depuis tant comme il vesquit, il l'eut en telle haine, qu'il ne s'osoit trouuer deuant luy, & si le Comte de Foix eust vesçu encores seulement deux ans, ce Vicomte n'eust iamais tenu son héritage de Foix, ne Bearn. Or se departirēt, les vns d'avec les autres, ceux, qui à ce parlemēt d'Ortais auoient esté, & retournerent à leurs maisons, & laisserent le Vicomte de Castelbon pourueoir à ses besongnes. Lequel s'ordonna, au plus-tost qu'il peut, & pria aucuns Cheualiers & Escuyers (lesquels il pensoit bien auoir) pour estre delez luy, & se departit d'Ortais, bien à deux cens cheuaux, & s'en vint à Morlans, vne bonne-ville fermée, la derniere de Bearn, du costé vers Bigorre, à quatre lieuës de Pau, & à six lieuës de Tarbe. Le second iour qu'ils furēt la venus, & qu'ils s'ordonnerent pour aller à S. Gausens, vne autre bonne ville, à l'entrée de la Comté de Foix, seant sur la riuiera de Garonne, nouuelles leur vindrent q l'Euesque de Noyō & messire Buriaux de la Riuiera, du cōseil du Roy de Frâce, estoient venus à Toulouse. Si demanda le Vicōte de Castelbō cōseil à messire Roger d'Espagne, cōment il se cheui-

Ce qui fut accordé & ordonné par le cōseil de Bearn, apres l'obsequē du feu Comte de Foix

Depart du Parlement ou cōseil d'Ortais.

Le Vicomte de Castelbon à S. Gausens sur l'entrée de Foix ou il oyt nouuelles des Commissaires du Roy, arriuez à Toulouse.

cheuiroit, & quelle chose il feroit. Messire Roger luy respondit. & dit, Puis que nous auons ouy nouuelles d'eux, nous nous tiendrons icy, sans aller plus auant, & regardons buelle chose ils voudront faire. Ils le nous signifient dedans briebs iours. La parolle de messire Roger d'Espaigne fut tenue & ouye: & se tindrent tous quois à Saint-Gaufens, attendans nouuelles, à vray dire, pour entrer en la Comté de Foix, car ils n'auoient que faire plus auant, car les bonnes villes, chasteaux, passages, & les entrees sur la riuere de Garonne, estoient tous clos: & premierement Calamuch, Casteres, Montelquien, Carthas, Orthingas, le Soffa, la cité de Palmes, & le chasteau en la garde de ceux de la ville, & puis Sauuredum, Montant, Maseres, Vespuis, & tous les chasteaux, sur la frontière d'Ar ragon: & disoient, en la Comté de Foix, que nul estranger à puissance de Gens-d'armes, n'entreroit en ville, n'en chasteau qui y fust, tant que la chose fust éclaircie: & toutesfois (à ce que ceux du pays monstroient) ils auoient grande affection à demourer & estre au Roy de France, & estre gouuernez & menez par vn Sénéchal, ainsi comme le pays & la cité de Toulouze, & la cité de Carcassonne, & de Beauvoir, mais il en alla par autre entente: si comme ie vous recorderay assez briefuement, car il auint que, quand le Cōeil & les Commissaires du Roy de France, dessus nōmez, furent venus à Toulouze, ils demanderent des nouuelles à l'Archeuesque du lieu. & au Sénéchal de Foix & de Bearn, & on leur dit assez, car plusieurs suffisans hōmes de Toulouze & de là enuiron (pourtant que grandement ils auoient aimé le Comte de Foix) auoiēt esté à l'obsequē & au seruice, qui fait auoit esté à Ortais. Si auoient enquis & demādē de l'estat du pays, & on leur en auoit dit bonne partie: voire ceux, qui en cuidoient aucune chose sauoir. Sur celuy estat s'auiserent & conseillerent ensemble l'Euesque de Noyon & le Sire de la Riuere. Il fut auisé qu'ils manderoient messire Roger d'Espaigne, car il estoit de la foy & hommage du Roy de France, & son officier, Sénéchal de Carcassonne. Si le retiendroiēt (se mettier estoit) deuers eux. Si comme ils proposerent, ils le firent: & enuoyerent vn homme de bien, Escuyer, & vnes lettres seellées & closes, deuers messire Roger d'Espaigne. Si se departit de Toulouze, & entendit qu'il trouueroit messire Roger d'Espaigne à Montreal de Riue, ou à † S. Gaufens, & le Vicomte de Castelbon: se besoing estoit, car ils festoient de Morlās aualez iusques à l'étrée de la Comté de Foix. Au departir de Toulouze, il prit le chemin de Saint-Gaufens, & puis cheuaucha tant, qu'il y vint: & y peut auoir enuiron douze lieues. Luy venu, il se tira deuers messire Roger: & luy monstra les lettres, & dit qui les luy enuoyoit. Messire Roger les prit, ouurit, & leut: & puis respondit: & dit à l'Escuyer. Vous demourrez pour meshuy: puis demain vous partirez. L'espere que vous aurez compaignie. Si l'accorda le messager. Sur les lettres & estat dessus-nommé se conseillerent ensemble le Vicomte & messire Roger. Tout conseillé, pour le meilleur ordonné fut, que messire Roger se departiroit de là, & s'en iroit à Toulouze, & parleroit à l'Euesque de Noyon & au Seigneur de la Riuere, & orroit & sauroit quelle chose ils voudroiēt dire, ou faire. Au lendemain se meirent au chemin messire Roger d'Espaigne, & celuy qui les lettres auoit apportées: & cheuaucherent tellement celuy iour en leur route, qu'ils vindrent coucher à Toulouze: & se tira messire Roger, & ses gens, à son logis, & le messager deuers ses mai stres. Secu fut, des Commissaires du Roy, que messire Roger d'Espaigne estoit venu: & dirent entre eux, Demain orrons nouuelles, puis que messire Roger est venu. Celle nuit se passa. Le lendemain, apres messe ouye, messire Roger d'Espaigne se retira deuers l'E uesque de Noyon & le Seigneur de la Riuere, moult doucement: & bien le receurent. Quand ils se furent accointez & approchez de parolles, l'Euesque de Noyon & le Sire de la Riuere, l'un pour l'autre, cōmencerent à parler & proposer bellement, & sagemēt, ce pourquoy ils estoient venus, & premierement ils mōstrerent les procurations du Roy, & comment ils estoient establis à prendre possession & saisine de la Cōté de Foix. Messire Roger cognut bien toutes ces choses: & tint les procurations à bonnes, & les lettres de creance aussi: & quand il eut tout ouy & entendu, il répliqua vn autre propos moult dou cement: & dit, Monseigneur de Noyon & vous Sire de la Riuere, ie ne suis pas si auant du Conseil du Roy, comme vous estes, & si i'en estoie, i'ayderoye à conseiller ainsi (sauf vostre correction) que le Roy reprist l'argent (& vn peu outre) qu'il dit & † mōstre (& biē est verité) qu'il a presté sur l'héritage du feu Cōte, pour le reprendre & rauoir sur la Com té de Foix, apres la mort d'iceluy Comte, dernièrement trépassé: & qu'il laissast le droit héritier à la Cōté de Foix, & à son héritage. Si seroit (ie croy) son hōneur, son profit, & sa saluatiō. Et à ce que ie vous dy & propose, ie vo^o y mettray raison, si vo^o la voulez entēdre.

† Les Annales
de Foix disent
Saint Gaufens
& Moblas à
pres.

Messire Roger
d'Espaigne
vers les Com
missaires du
Roy, à leur mā
dement, & à
l'instance du
Vicomte de Ca
stelbon, son pa
rent.

† Toute ceste
clause est éclair
cie selon le sens
de l'auteur, &
les suynantes
aussi.

Premierement c'est vne chose toute claire, que le Comte de Foix engagea sa terre par fraude (car or & argent auoit-il assez) & ce qu'il en fit & auoit intention de faire, n'estoit sinon pour frauder & desheriter son vray heritier, le Vicomte de Castelbon: pourtant qu'il l'auoit pris en haine, & si ne sauoit comment. Parquoy le Roy pourroit tomber en deshonneur, consentant à ceste fraude. Secondement en faisant ce que i'ay dit, le profit du Roy y seroit, en ce que la terre de Foix luy coustera bien autant à garder tous les ans, que les rentes en vaudront à ses receueurs: & avec cela, il perdra l'hommage & le seruice d'un puissant homme. Tiercement il sera grandement chargé, en conscience de desheriter autrui, & aussi au vendre l'heritage & à l'achepter, (qui iustement voulist estre allé auant) on deust auoir appelé tous les prochains du Comte de Foix (qui au temps auenir pouuoient auoir caule par succession, de venir à chalenger l'heritage de la Comté de Foix) & iceux sommer à l'opposer (si riens y fauoient ne vouloient dire) à la vendition: & rien n'en a esté fait. Parquoy, Nosseigneurs toutes ces raisons veues & considerees, vous qui estes icy venuz, & qui estes Seigneurs & hommes de tresgrand entendement & du Conseil du Roy) veuillez penser sur ce que i'ay dit auant que vous approuuez chose nulle qui touche à fraude, ne qui la conscience du Roy forçace (car vous feriez mal & peché) & encores est il bien temps d'y pouruoir, & d'y remedier. Mon cousin le Vicomte de Castelbon, m'a ici enuoyé deuers vous proposer & remonstrer toutes ces choses: & vous prie treshumblement & moy pour luy, que vous y veuillez entēdre: car il ne fait pas bon prendre ne tenir, tout ce que de force on pourroit biē auoir. Quand messire Roger d'Espaigne eut parlé & proposé ce que vous auez ouy, l'Euesque de Noyon & le Seigneur de la Riuere regarderent l'un l'autre, & puis parla l'Euesque de Noyon le premier:

Response des commissaires du roy à messire Roger d'Espaigne, luy conseil las d'aller vers le Roy mesme.

& dit, Messire Roger nous sauons assez, qu'à ce que vous auez dit & proposé, vous ne voulez que tout bien: mais nostre cōmission ne s'estend pas si auant, comme quicter & pardonner ce marché, que le Roy & le Comte de Foix ont fait. Toutefois pour l'amour de vous & pour adreffer les besongnes, & que toutes les parties se contētent, nous mettrōs ceste partie en souffrance: & vous prendrez la peine & le trauail d'aller en Frāce, deuers le Roy & son Conseil: & leur remōstrerez ce, que bon vous semblera. Si vous pouuez tāt ne si bien exploiter par vostre promotion & traitté, que l'heritage de la Comté de Foix demeure au Vicomte de Castelbō (lequel y doit succeder: si comme vous dites) nous en serōs tous ioyeux: car nous ne voulons nulluy desheriter. Messeigneurs (respondit messire Roger) vous m'auiez contenté, en ce disant. Or vous seiournez, & tenez aises, en la cité de Toulouze: car voz fraiz & despens seront payez, de l'argent & finance, qui gist au chasteau d'Ortais. Ainsi exploita messire Roger d'Espaigne, par deux iours qu'il fut à Toulouze, deuers les Cōmissaires du Roy. On n'y pouuoit enuoyer meilleur procureur que luy. Le tiers iour prit congé aux dessusdits Commissaires messire Roger d'Espaigne, & leur dit, Messeigneurs, ie croy bien que pour adrecer ces besongnes (puis que ie les ay entamees) il faudra cheuaucher en France: & ie ne sçay pas en quel estat ie trouueray le Roy & la Cour. Si ie demeure vn peu outre raison, ne vous vueillez pas ennuyer: car ce ne fera pas ma coulpe de brief exploiter, si ie puis: mais la coulpe de ceux ausquels i'auray

Retour de Roger d'Espaigne vers le Vicomte de Castelbon, apres la response des commissaires du roy.

affaire & souuent ie vous enuoyeray lettres & messages. Allez à Dieu (respondirent les Seigneurs) messire Roger. Nous le sauons bien. Ainsi, tous contens, les parties se departirent l'un de l'autre. Ils demourerent à Toulouse, & messire Roger d'Espaigne retourna à Saint Gausens, deuers le Vicomte de Castelbon: auquel il recorda toutes les parolles dessusdites. Le Vicomte fut moult réiouy des nouuelles: & dit, Messire Roger, beau cousin, ie me confie grandement en vous: & la chose me touche trop grandement: car c'est pour l'heritage dont ie suis venu & issu & dont ie porte les armes. Ie ne sçauroye qui en uoyer en France, fors que vous: ne qui sceust deuant le Roy, ses oncles & leurs conseils, proposer, ceste matiere fors que vous. Si vous prie que pour l'amour de moy, & pour le biē desseruir au tēps auenir, vous vueillez prendre la charge de ce voyage. Messire Roger respondit. Ie sauoye biē que vo' m'en chargeriez: & pour l'amour de vous, & du lignage, ie le feray. Depuis ne demoura pas long terme, que messire Roger s'ordonna de tous

Messire Roger d'Espaigne vers le Roy de France pour le Vicomte de Castelbon.

pointz, pour aller en France sur la forme & estat que vous auez ouy: & prit le chemin de Rodais, pour le plus brief: car bonnes treues estoient entre les François & Anglois. Autrement, le chemin qu'il prit ne luy eust pas esté bon, ne profitable: car sur les frontieres de Rouergue, de Quercy & de Limosin, pour lors y auoit encore beaucoup de forts, qui se tenoient pour les Anglois. Nous laisserōs vn petit à parler de messire Roger d'Espaigne (qui che-

(qui cheuauche tant qu'il peut) & parlerons du Roy de France & du Duc de Bretagne.

Comment le Roy de France & le Duc de Bretagne s'assemblerent à Tours, pour vider quelques differents, comment nouveaux Ambassadeurs d'Angleterre sy trouuerent, sur le pourparlé de la paix finale.

CHAPITRE XXXI.

VOUS sauez bien (ainsi comme il est cy dessus contenu en nostre Histoire, en plusieurs lieux) comment le Duc de Bretagne & messire Oliuier de Clifson, pour celuy tēps Connestable de France, auoient haine l'un sur l'autre. Le Duc de Bretagne auecques la haine qu'il auoit sur ledit messire Oliuier, auoit grande enuie dequoy il estoit si bien du Roy, & de son conseil: & volontiers y eust mis trouble & empeschement, s'il eust peu, & n'eust craint le Roy courroucer: & souuent se repētoit que, quand il tenoit en son danger ledit messire Oliuier de Clifson au chasteau de l'Ermine, que tantost on ne l'auoit fait mourir, car si mort eust esté, on l'eust passé, & oublié: ne nul ne luy en eust fait guerre que bien il ne fust allé au deuant. Le Duc pour ses haines & enuies, qu'il auoit sur ledit messire Oliuier, se tenoit dur, haut, & clos en toutes obeissances (là ou bonnement il ne pouuoit resister) à l'encontre de la couronne de France: & bien sauoit qu'il faisoit mal: & point n'y pouruoyoit: mais souffroit les choses aller à l'auenture: & tenoit à amour trop grandement les Anglois: & faisoit pourueoir ses villes, & chasteaux, d'artillerie & de viures: & mandoit couuertement en Angleterre, pour auoir Gens-d'armes & Archers, & les establissoit en ses fors, & donnoit à entendre qu'il attendoit guerre, & ne sauoient ses gens ou, n'à qui, il vouloit faire guerre. Neantmoins tout ce, qu'il faisoit, estoit secu en France, & en parloient les aucuns bien largement sur sa partie, & bien sauoit le Duc de Bretagne que plusieurs Seigneurs en France, & non pas tous, l'auoient grandement cōtre courage, mais il n'en faisoit compte, ains cheminoit tousiours auant, & se confioit grandement, de plusieurs de ses affaires, en sa cousine la Duchesse de Bourgongne, & il auoit droit, car de ce lieu il estoit biē appuyé, & fort supporté, car la Dame, pour cause du lignage, l'aimoit, pourtāt que le Comte de Flandres, † son pere (qui cousin germain auoit esté à ce Duc) l'auoit tousiours aimé, & conforté en toutes ses tribulations. Celle Dame de Bourgongne (que ie vous dy) estoit bien Dame, car le Duc son mary, ne l'eust point volontiers courroucée, & bien y auoit cause, car de par la Dame il tenoit de grans héritages, & si en auoit de beaux enfans, dequoy le Duc estoit plus tenu à elle, & estoit aussi toute la couronne de France. Or haines & dissensions, impetueuses & merueilleuses, se commouuoient entre ces parties, & non obstāt que le Duc de Bretagne eust esté en France & à Paris deuers le Roy, & luy eust fait hōmage, ie vous say bien à dire si ce fut de bon cœur, car luy retourné en Bretagne, on apperceut en luy trop petit de bon amendemēt. Il auoit iuré obeissance, & qu'au Pape d'Auignon il obeïroit, mais non fit oncques, ainçois le condamnoit en ses parolles, & ne vouloit nulluy souffrir soy pourueoir des bulles de ce Pape, & se tenoit neutre en trop de choses, & donnoit les bénéfices, & ne pouuoit nul Clerc venir à prouision de benefice en son pays, s'il ne luy plaisoit grandement. Auecques tout ce des commandemens & exploits, qui venoient de la chambre de Parlement de Paris, il ne faisoit nul compte, † mais vouloit que ses Sergents, exerçassent tousiours deuant en leur office. Mesmement les Prelats de Bretagne (c'est assauoir les Eueques) perdoient grande partie de leurs Iurisdiccions par ce Duc, dont les plaintes venoient grandement, & grosses, en la chambre de Parlement à Paris, mais ils n'en pouuoient auoir autre chose, car quand il estoit requis ou admonesté de venir ouyr droit en la chambre de Parlement, il y enuoyoit personne idoine & suffisamment fondée de procuratiō, pour ouyr droit pour luy, ou contre luy. Les Officiers du Roy, aux commandemens de leurs maistres venoient en Bretagne, pour sommer le Duc, & accomplir leur mandemēt mais ils ne pouuoient (quand ils estoient là venus) veoir le Duc: ne parler à luy, & se faisoit excuser, & quand les Sergents du Roy estoient partis à retourner, le Duc disoit, Ouy. I'iray à Paris, pour ouyr droit. Je ne m'en trauailleray iā. Je fu (n'a pas trois ans) là, pour ouyr & auoir droit, mais oncques ie n'en ouy parler. Noz Seigneurs de Parlemēt le tourmentent bien ainsi qu'ils veulent. Ils me tiennent bien pour ieune & ignorant, quand ainsi me veulent mener. Je veux bien qu'ils sachent, que (si les hommes de ma Duché de Bretagne estoient tous vn, & obeissans à ma volonté, ainsi qu'ils deussent estre) ie donneroie au Royaume de France tant d'affaire, que les deraisonnables entendroient à raison & ceux, qui ont seruy loyaument, seroient aussi payez loyaumēt, & ceux, qui ont defferuy

Quelques actes de desobeissance & d'hostilité du Duc de Bretagne contre la couronne de France, en haine du Connestable de Clifson.

† Ce passage est amendé & fourni selon Vcrard.

† Voyez si la vieille leçon vous plaira en ceste sorte. mais vouloit que ces Seigneurs exerçassent tousiours deuant en leur office, mesmement, &c.

iustement, seroient iusticiez: & ceux qui veulēt auoir droit: l'auroiēt. Vous deuez sauoir que telles choses, & autres assez souuent estoient mises en place, & reuelees en la chambre du Roy: & disoient ceux de son destroit Conseil, Ce Duc est trop ptesumptueux & orgueilleux (quād on ne le peut amener à raison) & si on luy souffre ses opiniōs sur la Noblesse de France & du Royaume, il en fera trop grādement affoibli, & si y prendront exemple tous autres Seigneurs: dont la iurisdiction du Royaume petit à petit se perdra. Si fut auisé, pour remedier & obuier à toutes ces choses, que doucemēt on luy manderōit qu'il vint à Tours en Touraine: & le Roy de France se trauailleroit tāt pour l'amour de luy, qu'il se rendroit aussi là, à l'encontre de luy, & seroiēt delez le Roy, & de son Cōseil souverain, le Duc de Berry, le Duc de Bourgongne, l'Euesque de Chartres, & l'Euesque d'Austun: & estoient ces quatre nommez expressement: pourtant que le Duc les auoit plus à grace, que tout le demourant de France, escepté le seigneur d'Estampes & le Seigneur de Coucy. Encores estoient bien ces deux en sa grace. Sur l'estat que ie vous dy, on perseuera, & furent enuoyez en Bretagne, deuers le Duc, le Comte d'Estampes & maistre Ynes de Noyent, lesquels eurent moult de peine & de trauail à emouuoir le duc à ce qu'il vœulst venir deuers le Roy, & ses oncles, en la ville de Tours en Touraine. Tāt luy monstrent de belles paroles, coulourees & armees de raison, qu'il s'accorda: & dist qu'à Tours en Touraine il viendrait, & qu'on n'auoit que faire de le presser d'aller plus auant: car point il n'iroit: & aussi son aduersaire messire Oliuier de Clisson, point il ne viendrait. Tout ce luy fut accordé, auant qu'il vœulst venir à Tours. Or retournerent, en France les desludits Ambassadeurs: & comterent au Roy, & à ses oncles, comment ils auoient exploité. On s'en contenta: car on n'en pouoit pas autre chose auoir. Si firent le Roy & les Seigneurs, qui à Tours deuoient aller, leurs pourueāces grādes & grosses: ainfi que pour demorer deux ou trois mois: car biē sentoiet & imaginoient q̄ leurs traittez, ne parlemens ne seroiēt pas si tost acomplis. Or vindrent le Roy de France, le Duc de Touraine son frere, le duc de Berry, le Duc de Bourgongne, Iehan de Bourgongne son fils, le Duc de Bourbon, le Sire de Coucy, le comte de la Marche, le comte de Saint Pol, & tous les Conseils de France à Tours en Touraine: & y logerent. Aussi y vindrent d'un les, le Connestable de France Iehan de Bretagne, son beau fils, & leurs Conseils: car biē y auoient affaire. Le Duc de Bretagne vint apres eux bien quinze iours: & disoient les aucuns (quoy qu'il les eust là fait venir) que point il ne viendrait: & disoit qu'il estoit malade, & ne pouoit cheuaucher. Finalement il vint: & estoient ses pourueances toutes faites pour luy & pour ses gens: & furent bien logez tout à leur aise. Apres que tous ces Seigneurs furent assemblez, messire Roger d'Espaigne & messire Espaing du Lyon arriuerent aussi à Tours: & se presenterent au Roy & à son Cōseil, pour les affaires du Vicomte de Castelbon, quāt à la Comté de Foix & Seigneurie de Bearn. Mais le Roy & les Seigneurs estoient si chargez pour le fait de Bretagne (qui leur touchoit moult) qu'à peine pouoiēt ils entēdre à autre chose, fors à ceste. Neātmoins messire Roger fut volōtiers ouy: mais il ne fut pas si briuemēt respōdu: ains seiourna plus de deux mois: & luy disoit on tousiours, Nous nō' cōseillerōs. Mais ce cōseil ne venoit point. Encore y eut vn autre empeschemēt (le Roy estāt à Tours) & qui moult chargea le Cōseil: car de par le Roy de Angleterre vindrēt messire Ieā de Claubou, Cōseiller & Chābellan du Roy, & Richard Choalle, clerc en droit & en loix, du conseil d'Anglet. parler au Roy de France, & à son Cōseil, sur l'estat dont ie vous ay parlé autrefois, & pour le quel messire Thomas de Persy & le sire de Clifford furent, & auoiēt esté au deuāt à Paris. Quād les Anglois furent arriuez, on cloit tous traittez & consaux: & entendit on à eux, & à leur deliurance. Il me fut dit qu'ils apportoiēt lettres de creance au Roy, au duc de Berry, & au duc de Bourgongne. On les ouit parler. La creāce estoit telle, que le Roy d'Angleterre & ses oncles vouloient sauoir, si le Roy de France & ses Consaux estoient en volōté de tenir le Parlemēt à Amiēs, & ainfi que proposé estoit, sur forme de paix entre les deux Rois, leurs cōioints & adhez. Le Roy de France (qui ne desiroit autre chose, à ce qu'il monstroït, que de venir à paix) respōdit. Ouy: & luy deliuré du Duc de Bretagne, & party de Tours il n'entendrait iamais à autre chose, tant qu'il fust venu à Amiens, si comme ordonné estoit: & là attendrait les Ambassadeurs d'Angleterre: & leur seroit faite la meilleure chere que on pourroit. De tout ce se contenterent grandement les Anglois, & furent cinq iours à Tours en Touraine, le plus delez le Roy, les Seigneurs & le Chancelier de France. Quand ils eurent ce fait pourquoy ils estoient venuz, ils prirent cōgé du Roy & des Seigneurs.

Le Comte d'Estampes vers le Duc de Bretagne pour le faire venir au Roy Charles en la ville de Tours.

Assemblée du Roy & du duc de Bretagne à Tours.

† Ceste clause defailloit es deux Exempl. & l'aons adionstee selon le sens de l'auteur rectifiant la suite de mesme. Ambassadeurs d'Angleterre à Tours sur la continuatio du pourparlé de paix finale.

gneurs. Le Roy fit donner de ses largesses aux Anglois: dont ils le remercièrent grandement: & furent deliurez aux hostelleries, de par le Roy: & puis se departirent. Et sachez que pour lors ils ne veirent point le Duc de Bretagne, & si ne parlerent de luy: car pas ne vouloient que les François eussent point de soupçon de mal. Si s'en retournerent, parmy France & Picardie, à Calais: & là monterent sur la mer: & arriuerent à Douures: & puis vindrent à Londres: & trouuerent le Roy, & les Seigneurs du Conseil, à Westminster: auxquels ils firent responce de tout ce, qu'ils auoient veu & trouué: voire qui appartenoit à dire. La responce & la relation, qu'ils firent, pleurent bien au Roy d'Angleterre & à son conseil: & s'ordonnerent sur ce, pour venir à Amiens. Or vous compterons aussi des Legats de Bearn & de Foix.

Retour des Ambassadeurs d'Angleterre:

Comment messire Roger d'Espaigne & Espaeng du Lyon, Ambassadeurs du Vicomte de Castelbon, pratiquerent si bien en la Court de France, qu'il fut déclaré heritier & successeur de la Comté de Foix, par lettres patentes du Roy.

CHAP. XXXII.

Vous devez sauoir que messire Roger d'Espaigne & messire Espaeng du Lyon (qui en legation estoient venus en France, de par le Vicomte de Castelbon, & pour les besongnes s'acquitterent loyaument & vaillamment: & moult de peine & de trauaux eurent à poursuir le Roy & la Court, & ceux de l'estroit conseil: c'est à entendre les Cheualiers & Clercs de la chambre: qui mettoient en conseil au Roy, qu'il prist la Comté de Foix, & l'attribuast à la couronne de France: puis que les Foixois le vouloient. A ce s'enclinoit assez le Roy: mais le Duc de Bourgogne, comme sage & imaginatif, ne s'y vouloit accorder: & disoit que le Roy de France reprist l'argent & les florins qui payez auoient esté, & aucune chose outre. Neantmoins il m'est aduis que le Duc de Bourgogne n'en eust point esté creu: mais le Duc de Berry reprit la besongne, & s'en chargea de tous poincts, par le moyen que ie vous diray. Vous sauez comment il aduint de luy iadis & du Comte Gaston de Foix, quand il enuoya en Bearn, deuers le dit Comte, si notables personnes, comme le Comte de Sancerre, le Vicomte d'Assy, le Seigneur de la Riuiere & messire Guillaume de la Trimouille, traicter du mariage de Madamoiselle Jehanne de Boulongne: † laquelle le Comte de Foix auoit en garde. Le Comte entendit bien aux traitteurs & au mariage: mais sa responce fut telle, que ià le Duc de Berry ne l'auroit à femme, n'autrement l'il ne payoit trente mille francs, pour la garde & nourrisson de la ieune fille: & le Duc les paya: car il vouloit auoir la Dame. Or luy en souuint il en temps & lieu: & manda messire Roger d'Espaigne: & messire Espaeng du Lyon en sa chambre à Tours: & se fit enclorre entre eux trois: & leur dit. Si vous voulez venir à bonne conclusion de voz proces, vous y viédrez: mais auât, il me cōuient auoir trente mille frâcs: lesquels mes gens payerét vn iour au Comte de Foix, quand ie voulu auoir ma femme. Tousiours a esté l'imagination de moy telle, que ie suruiuroye le Côte de Foix, & qu'ils me retourneroient. Les deux Cheualiers, apres qu'ils eurent ouy le Duc de Berry ainsi parler, regarderent l'un l'autre, sans mot sonner. Donc dit le Duc, Beaux Seigneurs, pour verité remonstrier ie vous ay tollu la parolle. Conseillez vous, & parlez ensemble: car, sans ce traité, ie feray du tout à ma volôté. Le vostre ne passera ià. Je me fay fort du beau-frere de Bourgogne. Il en fera à ma volonté. Il a en gouuernement les marches de Picardie: & moy de † Languedoc. Au-dessus de moy, ne contre ma volonté, nul ne parlera, ne contredira. Ce Vicomte de Castelbon trouue, & trouuera, argent assez: car le Comte, qui est mort, en auoit plus assemblé, que le Roy n'en a en son tresor. A donc parla messire Roger d'Espaigne: & dit, Monseigneur, posé ores que nous vous voulussions accorder vostre demande: si n'auons nous pas la mise avec nous. Haa (respondit le Duc) messire Roger, ià pour ce ne demourra. Vous ferez la debte bonne sur vostre foy & seellé: & ie la vous accroiray & encores outre, s'il en est besoing. Monseigneur (dit le Cheualier) grand mercy. Nous parlerons ensemble: & demain nous vous en respondrons. Il me plaist bien, dit le Duc. Lors cesserent ils leur parlement: & fut la chambre ouuerte. Les deux Cheualiers dessus-nommez se departirent du Duc de Berry, & retournerent à leur logis: & eurent ce iour mainte imagination, à sauoir quelle chose ils feroient, & s'ils retourneroient sans accorder ou s'ils accorderoient au Duc de Berry ce, qu'il demandoit. Tout considéré, ils regarderent pour le mieux (puis qu'ils auoient tant seiourné & parlé sur celle matiere) qu'ils accorderoient au Duc de Berry ce, qu'il demandoit: mais qu'il peust tant faire que leur querelle fust claire, & que l'heritage demourast au Vicomte de

† Ceste fin de clause & commencement de l'autre sont fournis selonc Verard.

† Il faudroit pré-supposer que le roy l'y eut remis depuis le voyage qu'il y fit: ou bien que ceux qui en auoient le gouuernement n'osassent rien faire sans son congé pour l'autorité qu'il auoit en France: comme oncle du Roy.

Castelbon. Si retournerent le lendemain deuers le Duc de Berry : & luy offrirent ce, qu'il demandoit : & firent messire Roger d'Espaigne & messire Espaeng du Lyon leur debte, au Duc de Berry, de trente mille francs : par condition telle, qu'il feroit tant deuers le Roy & le Conseil, qu'en rendant la somme de florins, qu'on auoit prestee sur la Comté de Foix, l'heritage demourroit au Vicomte de Castelbon. Respondit le Duc, Or me laissez conuenir du tout. le le vous feray n'autrement ne le veux entendre. Depuis ce iour en-auant, le Duc de Berry (qui desiroit auoir les trente mille francs) fut si bon pour le Vicomte de Castelbon, & si certain Aduocat, que la besongne se conclud du tout à son entente : & se desisterent le Roy & son Conseil de leur premiere volonté : & eurent lettres les deux Cheualiers estranges : de confirmation de la Comté de Foix au Vicomte de Castelbon, adreçans à l'Euesque de Noyon & au Seigneur de la Riuiere : qui se tenoient à Toulouze. Si estoit la substance des lettres telle (si-comme ie fu adonc informé par hommes croyables, qui en la legation auoient esté) Charles, par la grace de Dieu Roy de France, Mandons & commandons à reuerend homme, l'Euesque de Noyon, & à nostre Cheualier & Chambelan, le seigneur de la Riuiere, que le Vicomte de Castelbon, héritier de Foix & de Bearn, laissent iouyr, & posseder, de son héritage de la Comté de Foix, & des appartenances d'icelle terre, par le moyen de remettre auant, en vostre garde, la somme de soixante mille francs, & les prendre & receuoir tout à vn payement, en la cité de Toulouze : & les deniers payez, voulons que, sous le seellé de nostre Sénéchal dudit Toulouze, ait & ayent le Vicomte de Castelbon & ceux, qui de ce s'entremettent, lettres de quittance. Auecques tout ce, par vn autre payement voulons que receuez vingt mille francs, pour les frais & coustemens, que vous auez eus, d'aller & retourner des marches & limitations de la Comté de Foix : & celuy argent payé, donnez lettres de quittance, deffous le deffusdit seellé de nostre Office de Toulouze. Sauf & réservé que nous voulons & résérons, q̄ messire Yuain & messire Gracien de Foix, fils & enfans Bastards du Comte Gaston de Foix de bonne memoire, ayent part & assignation raisonnable es meubles & héritages qui furent à leur pere, par l'auis & discretion de messire Roger d'Espaigne, du Vicomte de Bruniquel, de messire Raimond de Chasteauneuf, & du Seigneur de Corasse : ausquels nous escriuons qu'ils s'en acquittent, tellement que nostre conscience en soit déchargée : car (pieçà) vn iour nous le promismes ainsi au pere. Et, là ou faute y auroit (fust par coulpe des quatre Cheualiers que nous y commettons, ou par la rebellion & durté dudit Vicomte) nous anulons & enfraignons tous traittez & seellez, donnez & accordez : & voulons qu'ils soient de nulle valeur. En tesmoing de ce, auons ces lettres donnees sous nostre seel, en nostre cité de Tours, † le douzième an de nostre regne, le vingtiesme iour du mois de Decembre. Ces lettres faites, escrites & seellees, & toutes les ordonances, à l'entente du Conseil du Roy, & à la plaissance des Legats de Foix, les Cheualiers s'ordonnerent pour retourner en leurs pays : & prirent congé du Roy & des Seigneurs : & payerent par tout : & puis se departirent de Tours : & se meirent au retour. Vous sauez que messire Louis de Sancerre. Marechal de France, se tenoit es marches de Carcassonne, & sy estoit tenu vn long temps, comme souuerain Regard, institué de par le Roy & le Conseil, de toutes les charges & limitations de là, iusques à la riuiere de Dordonne : & l'auoient l'Euesque de Noyon & le Sire de la Riuiere mandé à Toulouze : & y estoit venu. Lesquels Seigneurs luy auoient dit ainsi, Marechal le Vicomte de Castelbon (qui se † tiét & veut tenir héritier, par la mort & succession du Comte Gaston de Foix, de la Comté de Foix & des appendances, dont est sauue & réservée la terre de Bearn) est en traité vers nous. Nous auons enuoyé en France, deuers le Roy & le Conseil : & ne sauons, ne sauoir pouuons encores, que le Roy & son Conseil en veut faire. Si soyez tout pourueu de gens-d'armes : & garnissez la frontiere, sur la Comte de Foix : car, messire Roger d'Espaigne & messire Espaeng du Lyon retournent (qui sont en France) si nous oyons & voyons par eux, ou par autres messages du Roy, qu'iceux ne puissent venir à traité de paix, & que le Roy vueille auoir la terre, vous y entrez de fait, & la saisissez, selon le droit & la puissance, que le Roy nous a donné en ceste querelle. Si qu'à la requeste & ordonnance des deffusdits, messire Louis de Sancerre s'estoit pourueu, & pourueoit encores tous les iours, attendant la responce du Roy. Nous laisserons vn petit ceste matiere : & parlerons du Duc de Bretagne.

Lettres patentes du Roy, pour mettre le Vicomte de Castelbon en iouissance de la Comté de Foix, & hoirre du feu Comte Gaston son cousin.

† Il y auoit le vingtdeuxiesme an es deux exemplaires que mesmes les Annales de Foix auoient suuy : mais le commencement de son regne fut en l'an 1380. & cecy se faisoit 1391. & ainsi ne pouuoit estre que sur le douzième an. † Ceste parenthese est éclaircie selon le sens de l'Auteur.

Comment esians le Roy & le Duc de Bretagne assemblez à Tours, quelques differents furent accordez entre eux, moyennant le mariage du Fils de Bretagne avec vne fille de France, & d'un fils de Iehan de Bretagne, fils de feu Charles de Blois, avec la fille d'ice-luy Duc de Bretagne.

CHAP. XXXIII.

Vous sauez cōment les traittez estoient à Tours en Touraine, entre le Roy de France & le Duc de Bretagne: lequel Duc donna moult de peine au Roy & à son conseil: car il ne vouloit descendre ne venir à raison: si comme on disoit. On luy demandoit: & il refusoit. Pareillement il demandoit: & on le refusoit. Toutes ces choses se declairoient & n'y pouuoient terminer aucun moyen: & ne fut on iamais à conclusion, ne d'accord. Bien disoit le Duc, qu'il vouloit seruir le Roy de France de son hommage, si auant cōme il estoit tenu: & on luy proposoit ainsi, Pourquoi doncques (puis que vous cognoissez que vous estes homme du Roy de France) n'obeïssiez vous à toute raison? Il demandoit en quoy il estoit rebelle: & on luy monstroït par plusieurs poincts: & premierement en la creance du Pape d'Avignon (que le Roy, vostre Sire, tient à vray Pape) vous differez & dissimulez trop grandement: car à ses commandemens vous ne voulez obeyr: mais pouruoyez les Clercs des bénéfices de Bretagne: & les impetrans, apportans bulles du Pape, vous les ignorez. C'est grandement contre la maiesté Royale: & pechez en conscience & en esperit. Le Duc respondoit à ce: & disoit, De ma conscience ne doit nul parler, ne par raison iuger: fors Dieu: qui est souuerain iuge de la matiere & article. Mais à ce, que vous m'opposez & dont vous m'arguez, ie vous veux respondre. De ces Papes, qui sont en different, il n'en est fait nulle declaration: & au iour, que les premieres nouuelles vindrent de la creation d'Vrbain, i'estoye en la ville de Gand, delez mon cousin le Comte de Flâdres: & luy enuoya lettres patentes, scelees de son seel, Robert de Quesne, Cardinal pour ces iours: & signifioit & certifioit ainsi au Comte mō cousin, que par la grâce de Dieu, & l'inspiration diuine, ils auoient Pape, & le nommoit on Urbain. Comment peut on celà deffaire? Il me semble que c'est trop fait. Je ne vueil pas parler contre le Roy ne sa magesté (car ie suis son cousin & son homme, & le seruiray bien & loyaument, quand i'en seray requis, autant que i'y suis tenu) mais ie veux parler contre ceux, qui ne le conseillent pas bien à point. Adonc luy fut demandé, Dites nous lesquels ce sont, qui mal le conseillent: si y pouruoyez. Le Duc de Bretagne leur respondit. Vous les congnoissez mieux que moy: car vous les frequentez & les voyez plus souvent. Mais encores, tant que touche les bénéfices de mon pays, ie veux parler. Je ne suis point si haut, ne si cruel aux impetrans, que vous me dites: car ie souffre bien les Clercs de mon pays à pourueoir de la bulle du Pape Clement: mais ceux qui point ne sont de la nation, ie les refuse: & la cause pourquoy, ie la vous diray. Ils veulent porter la graisse hors de mon pays: sans desseruir les benefices. C'est contre droit, raison & cōscience: & ie n'y puis acorder. Aux Sergēts du Roy, qui viennent en Bretagne pour exploiter, vous dites & mettez en termes q̄ ie suis rebelle & haut: mais non suis, ne vouldroye estre. Vous deuez sauoir (& si ne le sauez, si l'apprenez) q̄ le † Chef de la Duché de Bretagne est de si noble condition, que souuerainement nul n'y peut, ne doit exploiter, tant que leur Seigneur naturel (c'est à entendre le Duc de Bretagne) tiendra sa Court ouuerte, pour ouïr droit, ses Officiers appelez, pour exploiter en droit en la terre de Bretagne: & faire ce qu'office demande. Et, si i'auoye en ma terre Sergent, ou Officier, qui fussent contraires, & qu'estrangers, ou autres eussent cause de leur plaindre d'eux, ie les puniroye, ou feroye punir, tellement que ce seroit à tous exemple. Outre, ie dy que le Conseil du Roy fait fort à reprendre: & veut & desire (à ce qu'il monstre) que guerre & haine se nourrisse entre le Roy & moy. La cause pourquoy? elle est toute claire. Ils souffrent à mō cousin, Iehan de Blois, deux choses, contre moy, irraisonnables. La premiere si est, qu'il s'escriit & nomme Iehan de Bretagne, tant que de ce nom, † il y a cause de proceder à mōstrer qu'il entéd encores à venir à l'heritage de Bretagne: dont il est hors: car i'ay enfans fils & fille: qui succederont à l'heritage. Secondemēt, il porte les Ermines (qui sont les armes de Bretagne) & à toutes choses il a renoncé, au nom, aux armes, & à toutes autres choses. Biē est verité, que pour moy cōtrarier, messire Oliuier de Clifson le tient en celle opinion: & tant qu'il soit en cest estat, ie n'entēdray à nul traitté de paix, n'amour, deuers le Roy. Guerre ie ne luy feray point (car c'est mō seigneur naturel) mais si par haïneuse ou enuieuse information il me fait guerre, ie me deffendray: & me

Responſe du Duc de Bretagne, quant à ce que le Cōſeil de France luy obgettoit qu'il ne croyoit pas au Pape Clement d'Avignon.

Autres responſes au Duc de Bretagne à plusieurs obgections.

† Verard dit ſic, & mienx, à mon auis.

† La vieille leçon eſtoit telle il n'y a cause de proceder & monſtrer &c., contre le ſens de l'Auteur.

trouuera l'on en ma terre. Tout ce ie veux bien que le Roy sache. Ainsi se demenoient les traittez rigoureusement entre le Roy de France & le Duc de Bretagne. Car le Duc de Bretagne estoit maistre & Sire de son Conseil : & le Roy de France ne l'estoit pas du sien : ainçois le conseilloyent messire Oliuier de Clifson, le Begue de Villaines, messire Iehan le Mercier, & messire Guillaume de Montagu. Le Duc de Bourgongne (qui clair veoit, & oyoit sur ces traittez) souffroit assez que raisons & deffenses du Duc de Bretagne fussent gettees en place : & aussi les soustenoit il couuertement, à ce qu'il pouuoit : & auoit de son accord son frere le Duc de Berry : car il hayoit trop grandement en cuer, ceux de la chambre du Roy : pource qu'ils auoient destruit son Trésorier Betisach (si-comme vous sauez qu'il fut honteusement iusticié à Besiers) mais souffrir luy conuenoit : car il n'estoit pas encores heure de se contreuenger. En celle difference de-

† L'an 1392.
pouuoit estre
commencé à no
stre mode, sui
uant la lettre
patente de l'in
uestiture du
Vicomte de Ca
stillon en la
Comté de Foix.

Mariage du fils
du Duc de Bre
tagne avec la
fille du Roy de
France, & de
la fille d'iceluy
Duc au fils de
Iehan de Bretai
gne, son cousin.

† Il y auoit
seulement qui
fille auoit es
té au Duc de
Bretagne :
mais il eust con
tredit à son pre
mier Volume,
& à la verité.

† Ce passage es
toit corrompu en
cette sorte, aus
si firent tous

les autres Sei
gneurs. Le
Duc de Berry
le Duc de
Bourgongne
& le Seign.
de Coucy de
mourerent
derriere. &c.

Ce que nous a
uons redrecé se
lon la deductio
n suivante.

mourerent plus de † trois mois, tousiours seiournans à Tours : & ne pouuoient les traittez venir à bonne conclusion, & furent sur le poinct de departir sans rien faire : & estoit le Roy de France en grand' volonté, eux departis de Tours, de s'en retourner en France & de faire vn grand mandement, & sur l'Esté, qui venoit aller en Bretagne, faire guerre au Duc, & à ceux de son accord : & seroient laissez en paix les autres. Mais les Ducs de Berry & de Bourgongne, le Seigneur de Coucy, le Comte de Saint Pol, messire Guy de la Trimouille, le Chancelier de France, & plusieurs Prelats & haux Barons de France, qui là estoient, & qui le faisoient imaginoient, pour obuier à ces rebellions rigoureuses, en parloient à la fois ensemble : & disoient, Nous, qui sommes les souuerains du Royaume, & si prochains de lignage au Roy, deuons auoir traité & parlement, sur forme de paix, en ce Quaresme, en la cité d'Amiens, avec les Anglois. Si nous faut haster de rompre ce mal-talent cy, qui est entre le Roy & le Duc de Bretagne : car, qui se departiroit d'icy sans accord, les Anglois en leurs traittez en seroient plus forts : car ils s'attendroient estre confortez & aidez du Duc de Bretagne & de son pays : pource que le Duc a les Anglois assez à main, quand il veut : & si nous auons guerre aux Anglois & aux Bretons (comme autresfois auons eu) ce nous seroit trop grand' peine. Tant regarderent ces Seigneurs, & si subtilement, en leurs Consaulx, qu'on trouua vn moyen entre le Roy de France & le Duc de Bretagne. Je vous diray quel il fut : & certainement sans ce moyen on ne fust point venu à conclusion d'accord. Ce fut que le Roy de France auoit vne fille, & le Duc de Bretagne vn fils : & fut fait vn mariage de ce fils à icelle fille. Pareillement Iehan de Bretagne auoit vn fils, de la fille messire Oliuier de Clifson : & le Duc de Bretagne auoit vne fille. Si fut regardé, pour toute paix, que le mariage seroit bon du fils à la fille. Ainsi se firent les mariages à ces parties. Non-obstant toutes ces choses & alliances, il couint à Iehan de Bretagne laisser les armes de Bretagne & prendre celles de Chastillon : &, faucune chose vouloit porter de Bretagne (pourtant qu'il en estoit d'extraction, de par sa mere : † qui fille auoit esté d'un fils de Duc de Bretagne) sur les armes de Chastillon il pouuoit prendre vne bordeure d'Ermines, ou trois lambeaux, & vn Escusson d'Ermines, au chef de gueulles : & non plus auant. Ainsi se porterent ces deuises, & ordonnances : & s'appaierent, & demoura le Duc de Bretagne en l'amour du Roy de France & de ses oncles : & disna delez le Roy. Là fut Iehan de Bretagne, Comte de Ponthièvre : & s'entremostrerent grand semblant d'amour, par le moyen & alliance de ce mariage : mais oncques le Duc ne voulut veoir messire Oliuier de Clifson : tant l'auoit en grand' haine. Aussi messire Oliuier de Clifson n'en fit compte : car il le hayoit de toute sa puissance. Ces mariages concordez & alliez, & les Seigneurs iurez & obligez pour proceder auant au temps auenir, quand les enfans auroient encores vu peu plus d'aage, & estans de tout ce lettres leuees & tabellionnees, les Seigneurs eurent auis qu'ils se departiroient de Tours, & que trop y auoient seiourné : & se retireroient vers Paris : car le terme approchoit qu'ils deuoient aller & estre à Amiens aux Parlemens : le Roy de France personnellement, son frere, ses oncles, & leurs Consaulx, à l'encontre du Roy d'Angleterre, de ses freres, oncles, & leurs Consaulx : qui aussi y deuoient estre. Si prit le Duc de Bretagne congé du Roy, de son frere, & de ses oncles, & de ceux ou il auoit mieux sa grace : & se départit de Tours : & s'en retourna en son pays : † & aussi firent tous les autres Seigneurs : comme le Duc de Berry & le Duc de Bourgongne : Mais le Roy, son frere, le Duc de Bourbon, & le Seigneur de Coucy, demourerent derriere. Je vous diray par quelle raison.

Comment

Comment le Comte de Blois & Marie de Namur, sa femme, vendirent la Comté de Blois, & autres de leurs terres, au Duc de Touraine, frere du Roy de France: & comment le Vicomte de Castelbon entra en possession & saisine de l'hoirie du feu Comte de Foix.

CHAPITRE XXXIII.

Vous auez bien ici dessus ouy parler & recorder, en nostre Histoire, comment Louis de Blois, fils au Comte Guy de Blois, mort estoit ieune enfant, en la ville de Beaumont en Hainaut: dont Madame Marie de Berry, fille au Duc de Berry, en demoura vefue: & par cela perdit elle des biens de ce monde grand' foison: car l'enfant estoit vn grand héritier: & eust esté au temps auenir vn grand Seigneur. Je vous en traite & parle: pourtant qu'au temps auenir ie veux qu'on sache à qui les héritages (qui à autrui furent) sont reuenus, & par quelle maniere & condition. Celuy Comte de Blois & Marie de Namur, sa femme, n'estoient pas taillez ne proportionnez, pour engendrer iamais enfans: car par bien boire & fort mager douces & delectables viandes, ils estoient moult fort engraissez. Le Comte ne pouuoit plus cheuaucher: mais se faisoit mener en vne charrete, quand il vouloit aller d'un lieu en autre, ou au deduit des chiens & des oiseaux: & tout ce sauoient bien les Seigneurs de France. Or aint, ce pendant que le Roy & les Seigneurs dessus-nommez se iournoient à Tours, que le Duc de Touraine & ceux de son Conseil entrèrent en vne imagination: laquelle ils meirent à effect. Je vous diray quelle. Le Duc de Touraine sentoit delez luy grand' finance, & par-aventure vn million de florins lesquels il auoit eus, & pris par mariage, avecques madame Valentine de Millan, sa femme, fille au Comte de Vertus. Ces florins il ne sauoit ou employer: & regarda que le Comte Guy de Blois tenoit grans héritages, & apres sa vie ils iroient tous en diuerses mains. La Côté de Blois deuoit retourner à Iehan de Bretagne: car il estoit son cousin germain. Les terres de Hainaut au Duc de Iulliers, & au Duc de Lanclastre: excepté Chimay: qui deuoit aller à ceux de Conflans, d'hommage. La Comté de Soissons (qui auoit esté au Comte de Blois) † auoit esté anciennement alienee de luy. Car le Sire de Coucy en estoit héritier, moyennant la deliurance de ce Guy de Blois (qui depuis fut Comte de Blois) hors d'Angleterre. La terre de Drages, & de Monnion aussi, retournoit à autres hoirs. Les terres de Hollande & de Zelande retournoient au Comte de Hainaut. Ainsi se dépeçoient ces beaux & grans héritages: & tout ce sauoient bien les Seigneurs de France. Pourquoy le Duc de Touraine (qui finance auoit assez pour achapter & payer tous ces héritages du Comte de Blois: si par achapt raisonnable, & vendition, les pouuoit auoir) s'auisa qu'il en feroit traiter par le Roy, deuers le Comte de Blois, & par especial fil pouuoit paruenir à la Comté de Blois, c'estoit vne terre & vn pays bel & noble, & qui bien luy seroit seant: car la Comté de Blois marchist à la Duché de Touraine: & à la Côté de Blois sont appendans moult de beaux fiefs. Le duc de Touraine sur ceste imagination ne reposa, ne cessa point: & en parla premierement au Roy de France, son frere: puis au Duc de † Bourbon, & au Seigneur de Coucy: pour cause que le Seigneur de Coucy estoit vn grand contracteur, & bien en la grâce du Comte Guy de Blois: & il auoit à femme la fille de son cousin germain le Duc de Lorraine. Bien se garderent le Duc de Touraine, & les dessusdits, & leurs Consaux, qu'ils n'en parlassent, n'en riens se decouurissent de leur intention, ne de ce qu'ils vouloient promouuoir à faire, au Duc de Berry. La raison pourquoy? ie la vous diray. Madame Marie, sa fille, estoit douee, sur toute la Côté de Blois, de six mille francs par an. Si pensoit bien le Duc de Berry, que parmy le moyen de ce douage, & de la charge dont la terre estoit chargee, que la Comté de Blois seroit sienne: car plus conuoiteux de luy on ne pouuoit trouuer. Le Duc de Bourgongne pareillement † fut reculé de ce conseil: pource que Marguerite son aisnee fille, auoit à mary Guillaume de Hainaut, fils au Côté de Hainaut: & les terres de Hollade, Zelande & Hainaut, fussent par achapt, ou autrement, par aucune incidéce, retournees à son fils le Comte d'Ostrenant, ou à son fils Iehan de Bourgongne: qui pour lors auoit à femme Marguerite l'aisnee fille au Comte de Hainaut. Si proposerent ces quatre, le Roy & les dessus-nommez, qu'au departement de Tours en Touraine ils viendroient à Blois vers leur cousin le Côté Guy de Blois (qui se tenoit à huit petites lieues de Tours, en vn moult beau chasteau, qu'on appelle Chasteau-morant) & traitteroient d'icelle marchandise à luy, & à la Comtesse sa femme, Marie de Namur: qui estoit moult conuoiteuse. Or estoit auenu qu'un vaillant homme, & de grand' prudéce, Cheualier en loix & en armes, Bailly de Blois (lequel se nommoit messire

† Nous auons semblablement fourny ce passage à l'entree de l'Auteur: n'y ayant parauant que tels mots, se iournoient à Tours en Touraine en vne imagination laquelle &c.

† Il y auoit & leur auoit esté anciennemet aliacee: Car le sire de Coucy en estoit heritier pour sa deliurance d'Angleterre. Ce que nous auons aussi amede & éclairci selon le chap. 249. du premier Vol.

† Il y auoit Bourgongne & tantost detraqueur, pour contracteur, ou traicteur. Mais la deductio suivante assure nostre premiere correction, & le sens de l'Auteur la seconde.

† Les cinq mots suiuaus sont aionstez à l'entente de l'Auteur.

Regnaud de Sens) fut informé de toutes ces besongnes: & ne vous say pas dire par qui. Quand il les sceut, il en eut pitié, pour l'amour de son Seigneur, le Comte de Blois qui en celle vendition faisant (dont il se pouuoit bien passer) se pourroit deshonnorer & ses loyaux hoirs desheriter: & tout ce seroit à la condamnation de son ame. Ledit messire Regnaud, pour obuier à ces besongnes, se departit de Blois, & cheuaucha tât toute nuit, qu'il vint à Chasteau-morant: & fit tant qu'il parla au Comte: & luy dit, Monseigneur, le Roy de France, le Duc de Touraine, le Duc de Bourbon, & le Sire de Coucy viennent icy. C'est verité, respôdit le Comte. Pourquoi le dites vous? Le le dy, pource que vous ferez

Le Comte de Blois auerty, par son Baillif, de la poursuite qu'on feroit à luy faire vendre ses terres au Duc de Touraine.

requis & pressé de vendre vostre héritage. Si ayez auis. De ceste parolle fut le Comte de Blois tout émerueillé: & luy dit ainsi. Je ne puis pas aux gés deffendre le parler & de faire leurs requestes: mais auant que ie fisse ce marché de vendre mon heritage, ne desheriter, & frauder mes hoirs, & moy deshonnorer, il ne me demourroit plat, n'escuelle d'argent, à vendre ou à engager, Monseigneur (respôdit le Cheualier) or vous en souuienne quand temps & lieu en fera: car vous verrez tout ce, que dit vous en ay. N'en ayez nulle doute, Bailly, dit le Comte, Je ne suis pas encores si ieune, ne si fol, que ie me doye encliner à tels traitez. Sur celuy estat se departit le Bailly (car il ne vouloit pas q' les Seigneurs dessusdits le trouuassent là) & retourna en la ville de Blois: † & là se tint: &, deux iours

† Ce passage est encores parfait selon le sens de l'Auteur, n'ayant par auant que tels mots, & là se tint deux iours apres qu'il se fut departy du Comte. A la venue du Roy &c.

apres qu'il se fut departy du Comte, y arriua le roy, & les dessus-nommez. A la venue du Roy de France, du Duc de Touraine, son frere, du Duc de Bourbon, leur oncle, & du Sire de Coucy à Chasteau-morant, le Côte de Blois & la Comtesse leur firent bonne chere: & estoit raison. Ils furent moult réiouïs à la venue du Roy, de ce qu'il s'estoit humilié de venir en vn chasteau de Côte: Adonc le Roy, pour attraire le Côte de Blois à amour, & pour le mener à son entête, luy dit (Beaucousin) ie voy bié que vous estes vn seigneur en nostre Royaume, garny d'honneur & de largesses, & auez eu au temps passé de grans coustages: & pour vous aider & recompenser, nous vous dōnons vn aide (qui vous vaudra bien vingt mille francs) en la Comté de Blois. Le Comte dit, Grand mercy: & retint ce don: qui oncques profit ne luy fit: car il n'en eut riens. Apres ce don fait, on cōmença à entrer & traicter, pour vendre & achapter la Comté de Blois, pour le duc de Touraine: & en ouurirent premierement la matiere le Roy & le Duc de Bourbon: & trouuerēt sur ces proces le Comte de Blois assez froid. Donc se tirerēt les Seigneurs à la Comtesse de Blois: & luy remonstrenterent tant de parolles coulourees, & comment au temps auenir ce feroit vne poure femme, & que trop mieux beaucoup luy valoit qu'elle demourast vne riche Dame & puissante, garnie d'or & d'argēt, & de beaux ioyaux, q' toute nue & poure (car elle estoit trop bien taillee de suruiure le Comte) & que c'estoit son auantage qu'elle conseillast au Comte, son mary, que celle marchandise se fist. La Comtesse (qui estoit vne femme conuoiteuse, pour la grande ardeur de conuoitise, & pour les florins auoir, sy enclina: & le tout procura, avec autrui: c'est assauoir vn varlet de chābre, que le Comte auoit: le quel on appeloit Sohier: & estoit de la ville de Malines, fils d'un Tisserrant de draps. Ce Sohier auoit tellemēt surmôté le Côte de Blois, que par luy estoit tout fait: & luy auoit donné le Côte de Blois plus de cinq cens francs de reuenue, tant à la vie qu'à heritage. Or regardez le mechef, & comment les aucuns Seigneurs sont menez. En ce Sohier n'auoit Sens, ne prudēce, qui à recorder face, fors la folle plaissance du Seigneur, qui ainsi l'auoit pris en amour. Pareillement le Duc de Berry auoit en celuy temps vn Gardien, nommé Iaques Thibaut (qui n'estoit de nulle valeur) auquel par plusieurs

La Comtesse de Blois induite par le Roy, & autres, à persuader à son mary de vendre ses terres au Duc de Touraine,

† Ceste clause est semblablement éclaircie selon le sens de l'Auteur.

La Comté de Blois vendue au Duc de Touraine pour deux cens mille liures.

fois il auoit bien donné la somme de deux cens mille francs: qui estoient tous perdus. † Si ledit Sohier vouloit s'excuser de la marchandise, que fit le Comte de Blois, il ne sauroit: car, s'il eust voulu, il n'en eust riens esté: mais pour complaire au Roy & à son frere, au Duc de Bourbon, au Seigneur de Coucy, & la Comtesse de Blois (qui ià du tout si estoit consentie & enclinee, pour la grand' conuoitise de l'argent veoir & auoir) bota à son Seigneur en l'oreille: & brassa tant, que le Comte se dedit de ce, que premiere-ment auoit dit & certifié à son Bailly: & fut la Comté vendue, pour apres son deces, la somme de deux cens mille francs: & deuoit ledit Duc de Touraine deliurer du douaire la Dame de Dunois: qui assignee y estoit de six mille francs. Encores y deut auoir faite vne autre vèdition de toutes les terres de Hainaut: & deuoit payer le Duc de Touraine bien deux cens mille francs. Bien est verité que le Comte Guy de Blois reserua la volonté du Comte de Hainaut, son naturel Seigneur, & duquel en foy & hommage, il tenoit les terres: & ne s'en voulut oncques charger: mais le Roy de France & le Duc de Touraine

de Touraine s'en chargerent, & prirent, sur eux, tout ce, qu'auenir en pouuoit: & lierent, auant leur departement, le Côte Guy de Blois si auant en parolles, lettres & scelez comme faire le peurent & sceurent: car il n'auoit là nulluy de son cōseil, fors Sohier: qui oncques ne fut à l'escole, ny ne cognut lettres: & ià estoit tout tourné deuers eux. Ainsi, ou pres, se porterent ces marchandises: & ie les ay escrites le plus iustemēt que i'ay peu: à fin qu'au temps auenir, par la memoire de noz escritures, la verité en soit sceue: car le Côte Guy de Blois, mon Seigneur & mon maistre (comme ieune, ignorāt, & mal-conseillé, le plus par sa femme & son varlet de chābre, Sohier) fit ce poure marché. Or, quād les choses de ces ventes & achapts furent toutes bien & seurement mises, à l'entente du Roy de France & du Duc de Touraine & de leurs Consaux, les Seigneurs prirent congé, & s'en retournerent en France. Si fut grād' nouuelle de celle vête en plusieurs cōtrees & pays. Nous parlerons, & récorderons vn petit, de messire Roger d'Espaigne & de messire Espaing du Lyon: & compterons comment ils exploiterent, depuis qu'ils se furēt departis de la cité de Tours, en instance de rerourner en Foix & en Bearn, deuers l'Euesque de Noyon & le seigneur de la Riuiere: qui les attendoient à Toulouze. Tant exploiterent par leurs grandes iournees qu'ils vindrent en la cité de Toulouze. On fut moult ioyeux de leur venue: car on l'auoit moult desirée. Premièrement ils se tirerent deuers les des-sus-nōmez (c'est assauoir l'Euesque de Noyon & le Seigneur de la Riuiere) & leur mon-strerent & baillerent toutes les lettres & proces, qui venoient de France, & qui mention faisoient de ce qu'ils auoient labouré & exploité. Par semblant l'Euesque de Noyon & le Sire de la Riuiere en firent grand' chere: & furent moult ioyeux de ce que l'heritage de Foix & les dependances demouroient au Vicōte de Castelbon, en la forme & maniere que le bon Comte Gaston de Foix l'auoit tenu, sur les conditions, qui mises & escrites y estoient. Or fut auisé que messire Roger d'Espaigne & messire Espaing du Lyon (qui de celle Legation estoient venus) pour monstrier à leur partie cōment ils auoient en ce voyage exploité, prendroient derechef la peine & le traual (puis que tant ils en auoient eu (& s'en iroient par-deuers ledit Vicomte de Castelbon & les Consaux de Foix & de Bearn: & feroient en telle façon & maniere, que les choses seroient bien conduites, & aussi tout ce qu'il appartenoit de faire. Ainsi qu'il fut proposé, & ordonné, il fut fait: & quand ils furent en la cité de Toulouze refreschis deux iours, ils s'en retournerēt: & prirent le chemin de Saint-Gausens. Le Vicomte n'estoit pas là, quand ils vindrent: mais estoit à l'étree de Bearn, en vn moult beau chasteau, qu'on appelle Pau: & là le trouuerēt. Il fut moult ioyeux de leur venue (car mout les auoit desirez) & quād il seut la verité que le Roy se vouloit desister de la vendition qui deuoit auoir esté faite de la Cōté de Foix, encores fut il plus réiouy que deuant: car, pour payer & rendre prestement les deniers, on sauoit bien ou les prendre, & encores assez de demourant. Il m'est auis, & ainsi pour-roit il sembler à aucuns, que des besongnes de Foix & de Bearn i'ay pour le present assez parlé & traitté. Si m'en veux departir, & rentrer en autres proces: car, pour demener au long la parolle, il faudroit trop d'escriture: & ie me say bieu d'autre chose embesongner: Tout conclu, le Vicomte de Castelbon demoura Comte de Foix, & Sire de Bearn, en la forme & maniere que le Comte Gaston de Foix, de bonne memoire, l'auoit tenue: & luy firent foy & hommage tous ceux, qui faire le deuoient: & departit à ses cousins les Bastards de Foix, messire Ieubain & messire Gracian, bien largement des heritages & meubles de leur feu pere, tellemēt, qu'ils s'en contenterent: & rendit au Roy de France (c'est à entendre à ses Commis) tout l'argent entierement, dont la Comté de Foix estoit chargée. Ces besongnes ne furent pas si tost acheuées: car elles demourerent iusques à t̄ l'Esté bien-auant. L'Euesque de Noyon & le Sire de la Riuiere estoient à Toulouze, & en la marche: car point partir ne s'en vouloient, iusques à tant que toutes ces choses fussent en bon estat, & mises au profit & honneur du Royaume de France, & d'eux: car de ce faire ils estoient chargez.

Retour de messire Roger d'Espaigne vers les Commissaires du Roy à Toulouze.

Roger d'Espaigne vers le Vicomte de Castelbon, luy portāt bonne depesche de la Court de France.

Le Vicomte de Castelbon demeure paisible de la Comté de Foix & de la Seigneurie de Bearn. † C'est assauoir de 1392.

De la grande assemblee du Roy & des Seigneurs de France & d'Angleterre à Amiens, pour traitter de paix finale entre les deux Royaumes.

CHAP. XXXV.

OR parlerons de l'assemblee des Seigneurs de France & d'Angleterre, qui se fit en la bonne cité d'Amiens, sur forme de paix & de tréues, en celle saison (qu'on compra pour lors l'an de grace Nostre-Seigneur t̄ mil trois cens quatre vingts & vnze) à la Mi-quaresme. Vous deuez sauoir que les pourueances y furent faictes grandes & grosses, auant que les Seigneurs y veinssent: & y eut grand appareil pour le Roy premieremēt, &

† Qui est 1392. à ma mode.

*Les plus grōs
Seigneurs de
Angleterre.
qui vindrent à
l'assemblée de
Amiens.*

pour son estat, & pour ses trois oncles, & aussi pour aucuns haux Barōs de Frāce, & Prelats: qui ordōnez estoient à y estre, & y estoiet: & s'efforçoiēt tous les seigneurs d'y estre: car cōmune renōmee estoit, que le Roy Richard d'Angleterre y seroit en personne: & le desiroient à veoir ceux, qui point ne l'auoiēt veu: mais il ne s'y trouua point. Toutesfois si vint il iusqu'à Douures, sur intētion de passer la mer, & ses trois oncles avec luy: le duc de Lanclastre, le Duc d'Iorch, & le Duc de Clocestre. Quand ils furent là venus, ils eurent plusieurs imaginations, à sauoir s'il seroit bon que le Roy passast la mer. Tout regardé & considéré, le Cōseil d'Angleterre se trouua d'opiniō, que le Roy demourroit à Douures, au chastel, avec le duc de Clocestre: qui demourroit delez luy. Si fōrdōnerent, pour passer, le Duc de Lanclastre, le Duc d'Iorch, le Cōte de Hostidonne, le Comte d'Erby, messire Thomas de Perfy, l'Euesque de Durem, & l'Euesque de Lōdres, & tous ceux du Cōseil du Roy Richard d'Angleterre: & ne passerent pas tous en vn iour: mais enuoyerent leurs porueances deuant: & puis passerent les Seigneurs: & vindrēt en la ville de Calais: & là se logerent. Quand le iour approcha, que les Seigneurs deuoient estre ensemble à Amiens, ils se departirent de la ville de Calais: & estoient plus de douze cēs cheuaux (qui estoit vne belle chose à veoir) & cheuaucherēt ordonnēmēt, & par bon arroy. Or estoit ordonné, de par le Roy de France & son conseil, que les Anglois, partis de Calais, & venans sur le chemin à Amiēs, & retournās d'Amiens à Calais, le Parlemēt durant seroiēt deliurez & défrayez de toutes choses: c'est à entēdre pour les fraiz de bouche & de leurs cheuaux. En la compagnie du Duc de Lanclastre & du Duc d'Iorch venoit leur nièce, fille de leur seur & du Seigneur de Coucy, vne ieune Dame: qu'ō appeloit Madame d'Irlande: car elle auoit espousé le Duc d'Irlande: ainsi comme vous sauez. Celle ieune Dame venoit veoir son pere, le Seigneur de Coucy, à Amiens: car ie suppose que parauant elle l'auoit bien petit veu: parquoy elle auoit trefardāt desir de le veoir: & auoit raison. Si venoit en bō arroy: ainsi cōmē vne femme veufue: q petit de ioye auoit en son courage. Ordonné estoit, de par le Roy de France & son conseil, que les Ducs & Seigneurs (lesquels estoiet issus hors du royaume d'Angleterre, & venus à Calais, pour venir à Amiēs en instance de tenir le siege & ordōnance de Parlemēt & traitté de paix) seroient hōnorrez si efforcēmēt cōme on pourroit, & que les quatre ducs de France, qui ia à Amiens estoient venus (c'est assauoir le Duc de Touraine, frere du Roy: le Duc de Berry, le Duc de Bourbon, & le Duc de Bourgogne) istroient tous hors sur les chāps, en recueillant, cognoissant, & honorant tous les Seigneurs d'Angleterre, qui au Parlement venoient. Si auint, que pour accōplir l'ordōnance faire, à l'heure que les ducs d'Angleterre, freres, approchoiēt d'Amiens la cité, les quatre ducs dessus-nommez, & tous les haux Barons de Frāce, qui là estoient, issirent hors de la cité d'Amiēs, en grād arroy: & tout premieremēt

*Quatre Ducs
du sang de Frā
ce auant de
ceux d'Angle
terre, à leur ve
nue à Amiens.*

issirēt sur les chāps le ieune Duc Loys de Touraine: lequel cheuauchoit en grād arroy, & le premier, à l'ēcontre des ducs d'Angl. ses cousins: & s'entresaluerēt treshōnorablement, ainsi que tels Seigneurs le sauent bien faire. Quād ils eurent vn petit esté ensemble & cōiouī l'vn l'autre, le duc de Touraine prit la parole: & apres qu'ils eurent vn peu parlé, il prit congé d'eux, & s'en retourna, accōpaigné de la route, avec qui il estoit venu (la qlle estoit belle & grande) & entra dedās la cité d'Amiēs: & alla au Palais de l'Euesque, ou le Roy estoit: & là descendit: & se tint en la chābre du roy, avec luy: & les autres trois ducs, ses oncles (Berry, Bourgōgne, & Bourbon) cheuaucherēt, depuis le departemēt du duc de Touraine, chacun en son arroy: & rencōtrèrent, sur les chāps, les ducs d'Angleterre, Si les recueillirent de chere, & de parolle, grādement & hōnorablement: & là furent les cognoissantes & accointances de ces Ducs belles à veoir. Apres ce que les ducs se furēt ainsi recueillis & coniouīs, le gētil Comte Dauphin d'Auuergne (qui, du tēps qu'il auoit esté ostager en Angleterre, auoit eu grād' amour & compagnie au Duc de Lāclastre, & pour celuy temps assez s'entr'aimoient) s'auança: & vint, tout à cheual, encliner & saluer le Duc de Lanclastre: & quand le Duc l'eut cognu & auisé, si l'accolla moult estroitemēt, & luy fit grand' signifiāce d'amour: & apres qu'ils eurent vne espace parlé ensemble, ils cessèrent: car les ducs de Berry & de Bourgōgne vindrent: qui reprirēt la parolle au Duc de Lanclastre, & le Duc à eux: & le Duc de Bourbon, le Sire de Coucy, & le Cōte de S. Pol, s'approcherent du Duc d'Iorch, messire Aimond, du Comte de Hostidonne, & de messire Thomas de Perfy: & se coniouirent & assemblèrent de parolles traittables & amoureuses: & tousiours approchoient ils la cité d'Amiens. A l'entrer dedans la cité d'Amiēs furēt les hōneurs moult grās: car le Duc de Lāclastre cheuauchoit entre le duc de

*Entrée des ducs
de Lanclastre et
d'Iorch en la
ville d'Amiēs.*

Berry &

Berri & le duc de Bourgogne, mais quand leurs cheuaux mouuoient, f'estoit d'un pas. Aussi auant estoient les testes des cheuaux les vnes comme les autres : & bien entre eux trois y prenoient garde : & passerent tous trois, & de front ainsi dessous la porte d'Amiès en cheuauchant tout le petit pas, & honnorant l'un l'autre iusques au Palais de l'Euesque ou le Roy & le duc de Touraine estoient : & là descendirent de cheual & monterent les degrez, & tenoient les deux ducs de Berry & de Bourgogne par les mains en montant les degrez du Palais, & en allant deuers le Roy les deux freres ducs d'Angleterre : & tous les autres Seigneurs venoient par derriere. Quand ils furent venuz deuers le Roy, les trois Ducs de France (qui les adestroient) & autres Seigneurs de France s'agenouillerent deuant le Roy : mais les deux ducs demourerent en leur estat : & un seul petit s'enclinèrent, pour l'honneur, le Roy vint tantost iusques à eux, & les prit par les mains (& si fit leuer ses oncles & les autres Seigneurs) & puis parla moult doucemēt à eux, & eux à luy : & s'entreaccointerent de parolles, & aussi tous les autres Barons de France parloient aux Barons & cheualiers d'Angleterre. Apres ces accointances premieres faites, les Seigneurs d'Angleterre, qui là estoient pour l'heure, prirent congé au Roy de France, & à son frere, & à leurs oncles : & on le leur donna. Si s'en issirent hors de la chambre : & furent conuoyez bieu auant, & descendirēt les degrez du Palais. Puis monterent sur les cheuaux : & s'en vindrent, bien accompaignez, à leurs hostels, & les y conuoyerent le Connestable de France, le Sire de Coucy, le Comte de Saint Pol, messire Jehan de Vienne, & plusieurs autres barons & cheualiers du Royaume de France : & quand ils les eurent menez à leurs hostels, ils prirent congé, & retournerent deuers le Roy, ou à leurs hostels. La fille au Seigneur de Coucy, Madame d'Irlande, fut logee avec son pere, & tous ses gens aussi. Ordonné estoit de par le Roy de France & son Conseil, auant que les Seigneurs de Angleterre veinssent en la cité d'Amiens (& l'ordonnance on auoit signifiee & publiee à tous, à fin que nul ne s'en peust par ignorance excuser, & que chacun selon son estat se gardast d'enfreindre) que nul ne fust si outrageux, sur peine d'estre decolé, qu'il eust parole rigoureuse, ne riote en la cité d'Amiens, ny hors, aux Anglois & que nul cheualier n'Escuyer, sur peine d'estre en l'indignation du Roy, ne parlast d'armes faire, ne prédre à cheualier n'escuyer d'Angleterre : & que tous cheualiers & escuyers de France conioussent (fussent es champs, au Palais, ou à l'Eglise) de douces parolles & courtoises, les cheualiers & escuyers d'Angleterre, que nuls pages, ne varlets des Seigneurs de France, sur peine de la teste perdre, n'emeust debat ne riote, hors de son hostel à qui que ce fust : & que tout ce, que cheualiers & escuyers d'Angleterre demâderoiēt, leur fust donné & abādōné & que nul hoste sur se forfaire, ne demandast, ne prist de leur argent pour boire ne pour manger, ne pour autres communs fraiz. Item estoit ordonné, que nul cheualier de France, n'escuyer ne pouuoit aller de nuit sans torche, mais les Anglois y pourroient bien aller s'ils vouloient : & fut ordonné, que si un Anglois estoit de nuit trouué ou encontré sur les chaucees, on le deuoit doucement & courtoisement conuoyer & remettre à son hostel, ou entre ses gens. Item estoient ordonnez, à quatre quarrefours d'Amiens, quatre guets & à chacun guet mille hommes : & se le feu se prenoit en la ville, de nuit, par aucune incidence, les guets ne se deuoient mouuoir, pour aucune chose quelconque de leur place : mais au son d'une cloche se deuoient autres gens auancer, pour remedier au feu. Item estoit ordōné que nul cheualier n'escuyer, pour quelque besongne qu'il eust, ne se deuoit ne pouuoit auancer, pour parler au Roy, se le Roy mesme ne l'appeloit. Item fut ordonné, que nuls cheualiers n'escuyers de France ne pouuoient parler ne deuiser ensemble, tant que cheualiers n'escuyers d'Angleterre seroiēt en place, & que sur eux ils dreçassent leur parole. Item fut ordonné, sur amende tresgrande, que nul hostelain, en son hostel ne autre, ne forcelast ne meist hors de voye, par maniere de conuoitise, ars ne sagettes qui fussent aux Anglois : mais si les Anglois par courtoisie leur en vouloient donner, ils les pouuoient bien prédre. Vous deuez sauoir que toutes ces choses & autres, estoiet pourmenees, faictes & ordonnees pour bien & par deliberation de bon conseil, pour mieux garder & honorer les Anglois (car, sur grand confederatiō de paix & amour, ils estoiet là venus) & estoient ces ordonnances faictes par si destroicte condition, que (qui les eust enfreintes, ne brisees par mauuaistiē) sans nul deport, ou excusation, il eust payé l'amende. Tous les iours (ou peu s'en faillit, pour le terme de quinze iours) furent ces Seigneurs de France & d'Angleterre en parlement ensemble, & riens n'y meirent à conclusion : car ils estoient en trop grand different. Les François demandoient à auoir Calais abbatu, &

Les Ducs du sang d'Angleterre presentent au roy de France ce par ses oncles.

Bonnes ordonnances du Roy pour recevoir & entretenir les Anglois en tout contentement durant le parlement d'Amiens.

Parlement des Seigneurs de France & de Angleterre sur le traitté de paix finale.

† Vous pourrez
retenir la veul
le leçon si elle
vous semble
bonne ainsi.
Et disoient
les deux che
ualiers, celui
de France &
celuy d'An
gleterre.
Vous, &c.

renuersé par terre: tellement que nul n'y habitaist iamais. Les Anglois estoient à ce mot cōtraires: car iamais n'eussent passé ce traité: car vous deuez sauoir & croire que Calais est la ville au môde, q̄ la Cōmunauté d'Angleterre aime le mieulx: car tant cōme ils serōt Seigneurs de Calais, ils diēt qu'ils portēt les clefs du Royaume de Frâce à leur ceinture. Or, quelque different que les Seigneurs François & Anglois eussent ensemble de leurs offres & demâdes, & cōme longuement qu'ils y meissent, si se partoient-ils tousiours, les parlements faits moult amiablement d'ensemble: † & disoient les Cheualiers des deux parties, ceux de France & ceux d'Angleterre. Vous retourneriez demain sur celuy estat & proces: & espoir, parmi la peine & diligence que nous y mettrons, auront noz besongnes bonne conclusion. Si donna le Roy de France à disner, par trois fois moult notablement dedans le Palais d'Amiens, aux Seigneurs d'Angleterre: & aussi firent le Duc de Touraine, le Duc de Berri, le Duc de Bourgongne & le Duc de Bourbon, le Sire de Coucy, & le Comte de S. Pol, chacun par luy donnerent à disner vne fois à tous les Cheualiers d'Angleterre, qui au Parlement estoient venuz, & tout ce que les Anglois prenoient estoit payé & deliuré par le Roy: & estoient Clercs ordonnez, de par luy & son conseil qui tout escriuoient: & ceux qui accroyoient, estoient remis à la chambre des deniers. Vous deuez sauoir que le duc Iehā de Lāclastre & son frere le Duc d'Iorch (quoy qu'ils fussent là venus) auoient leur charge du Roy d'Angleterre & du conseil: tellement que pour nul traitté proposé ny à proposer, ils n'y pouuoient rien prendre ne mettre. Plusieurs gens ne viendroient point contre ce que ie vous diray. Il est ainsi que toute la cōmunauté d'Angleterre s'encline tousiours, & est plus enclinee à la guerre qu'à la paix: car du temps du bon Roy Edouard, de bonne memoire, son fils le prince de Galles & luy eurent tāt de belles & hautes victoires sur les François, & tant de grands conquests & ransons & rachapts de villes & de chasteaux, que les pauures en estoient deuenuz riches: & ceux qui n'estoient pas gentils hōmes de natiuité, par eux auenturer hardiment & vaillamment es guerres, auoient tant conquesté, que par puissance d'or & d'argent ils estoient anobliz: & vouloient les autres, qui venoient apres, ensuiuir celle vie, quoy que moult depuis, du temps du Roy Edouard & de son fils le Prince de Galles par le sens & emprise de messire Bertrand du Glesquin, & de plusieurs autres bons cheualiers de France (si cōme il est contenu en nostre histoire cy deuant) les Anglois estoient moult reculez & deboutez. Le Duc de Clōestre mesme fils du Roy Edouard, s'écloinoit assez à l'opiniō de la Cōmunauté d'Angleterre, & d'aucuns Princes, Cheualiers, & Escuyers qui desiroient la guerre, pour soustenir leur estat, & pource estoient les differens, & les traitez de paix trop forts à faire & à trouuer: quoy que le Roy d'Angleterre la voulsist bien & le Duc de Lancastre, que par leur promotion encorés estoient ces iournees de parlement de paix assignees & ordonnees en la cité d'Amiens. Mais au fort, ils n'osoient courroucer la cōmunauté d'Angleterre. Bien vouloient les Anglois paix: mais qu'on leur restituast toutes les terres donnees & accordees au traitté de la paix, faicte à Bretigny, deuant Chartres: & que les François payassent quatorze cens mille Francs, qui estoient demourez à payer, quand ils renouelerent la guerre.

Comment ne pouuans les Seigneurs de France & d'Angleterre tomber d'accord au Parlement d'Amiens, continuerent les treues pour vn an, & comment sen retournans les Anglois, furent accompaignez du Seigneur de Chasteaumorant, pour rapporter quelque conclusion du Roy d'Angleterre.

CHAP. XXXVI.

offre des An
glois aux Fran
çois pour auoir
paix finale.

EN celle saison, dont ie vous parle, les Parlemēs furent moult grās en la cité d'Amiēs, sur forme de paix, s'on l'y peust auoir trouuee: & grand'peine & moult grand' diligence y rendirent les Seigneurs, qui là estoient. On se peut émerueiller à quoy la defaute fut, que la paix ne se fit: car par especial, le duc de Bourgongne y entendoit de la partie des François, & le duc de Lancastre de la partie des Anglois, reseruē ce qui luy estoit chargé: qu'il n'eust osé passer outre. Quand on vit qu'on traittoit & qu'on parlementoit, & que riens on ne faisoit, si se commencerent les Seigneurs à tanner & lasser: & pour attraire les Anglois: parquoy ils eussent cause d'eux adoucir & incliner à raison, il leur fut offert à tenir en Aquitaine tout ce qu'ils tenoient paisiblement, & neuf Eueschez quittes & deliures, & sans ressort: mais on vouloit auoir Calais abbatu: & la somme de quatorze cens mille francs, on la payeroit sur les trois ans. Le Duc de Lancastre & le Conseil respondirent à ces offres, & dirent ainsi. Nous auons icy seiourné vn grand temps, & n'auons riens

riens conclu, ne conclurre ne pouuons, tant que nous aurons retourné en Angleterre, & tout ce soit remonsté au Roy Nostre-Sire, & aux trois estats du Royaume: & loyez seurs & certains que toute la diligence, que moy & mon frere d'Iorch y pourrons mettre, & noz Consaux, qui icy auons esté, nous l'y mettrons volontiers: reserué, que de la ville de Calais abbatue, nous n'en oferions parler, car si nous en parlions, nous ferions en la haine & indignation de la greigneur partie du Royaume d'Angleterre. Si nous vault mieux taire & cesser, que dire chose, ou nous puissions auoir haine, ne blasme. Encores suffist assez ceste responce au Roy de France & à ses oncles: & dirent que sur traitté de paix, eux retournez en Angleterre, ils se missent en peine: & que du costé du Royaume de France, ils ne tiendroient point pour grande chose, car la guerre auoit trop duré: si en estoient trop de maux auenus au monde. Or fut regardé entre ces parties (pourtant que les tré-
ues failloient à la Saint-Iehan Baptiste, entre France & Angleterre) qu'on les elongne-
roit encores vn an tout entier, à durer & à courir, sans nulle violence, par mer & par terre
pour tous leurs conioints & adherans sans enfreindre: & quant à ce que les Consaux
responddroient en Angleterre, on bailleroit, en la compaignie des retournâs, deux Che-
ualiers de France: & ceux rapporteroient la parolle & l'estat du pays d'Angleterre. A
tout ce faire & tenir s'accorderent le Duc de Lanclastre, & le Duc d'Iorch son frere, & le
Conseil du Roy d'Angleterre, qui là estoient. Il me fut dit en ce temps, & en vei grande-
ment les apparences, que le Roy de France desiroit moult fort à venir à conclusion de
paix, car grans nouuelles couroient pour lors, parmy le Royaume de France & ailleurs,
que l'Amorabaquin estoit entré, à tout grande puissance de Turcs, au Royaume de Hon-
grie: & ces nouuelles auoient rapportées messire Bouciquant l'ainé, Marechal de Fran-
ce, & messire Iehan de Charonge: lesquels estoient reuenus & retournez des parties de
Grèce & de Turquie. Parquoy le Roy de France, en sa ieunesse, auoit tresgrande affectiō
de soy mettre sur le voyage, & aller veoir celuy Amorabaquin, & recouurer le Royaume
d'Armenie: que les Turcs auoient conquis sur le Roy Leon d'Armenie: lequel Roy d'Ar-
menie auoit esté present, à Amiens, à ce Parlement, & y auoit remonsté ces besongnes
au Duc de Lanclastre & au Duc d'Iorch, qui bien le congnoissoient, car ia l'auoient ils
veu en Angleterre, & aussi y fut il vne fois, pour traiter de la paix, quand le Roy de Fran-
ce fut à l'Ecluse. Dont en considerant ces besongnes, & confortant les parolles du Roy
d'Armenie, le Roy de France, sur la fin du Parlement, & au congé prédre, en parla mout
doucement au Duc de Lanclastre, & furent les parolles telles, Beau cousin, se paix pou-
uoit estre entre nous & le Roy d'Angleterre, nous pourrions ouurir vn passage en Tur-
quie, en confortant le Roy de Hongrie, & l'Empereur de Constantinople (ausquels l'A-
morabaquin donne assez affaire) & recourant le Royaume d'Armenie, que les Turcs
tiennent. On nous a bien dit que l'Amorabaquin est vn vaillant homme, & de grand em-
prise, & sur telles gens (qui sont contraires à nostre creance, & la grièuent tous les iours)
nous deurions encliner nostre vouloir, & la deffendre. Si vous prions beau cousin, tout
à certes, que vous y vueillez entendre, & promouuoir ce voyage au Royaume d'Angle-
terre, quand vous y viendrez. Le Duc de Lanclastre luy promit qu'il s'en acquiteroit, &
si bien en feroit son deuoir, qu'on s'en aperceuroit: & sur cest estat furent pris les congez
ensemble. Les Parlemens, qui se tindrent ensemble en la cité d'Amiens, durèrent enuiron
quinze iours, & se departirent tout premierement les Seigneurs d'Angleterre, qui là e-
stoient venus, & rapportoient par escrit les traittez, qui là auoient esté faits, pour remon-
strer au Roy d'Angleterre & à son Conseil. La Duchesse d'Irlande se departit d'Amiens,
& prit congé à son pere, le Seigneur de Coucy: & se meit au retour avecques ses oncles.
Tous les Anglois se departirent, & deuez sauoir, que depuis qu'ils issirent hors de la vil-
le de Calais, venans à Amiens, & eux retournans là, & estans à Amiens, ils ne despendi-
rent riens, fils ne voulurent, car le Roy de France les fit par toutes pars défrayer, eux &
leurs cheuaux. Le Duc de Bourgogne s'en retourna en Artois, & en la cité d'Arras, & là
trouua la Duchesse, sa femme, qui auoit visité le pays de Flandres. Le Duc de Touraine,
le Duc de Berry, & le Duc de Bourbon, demourerent delez le Roy, & estoit l'intention
du Roy de venir à Beauuais & à Gisors, & là iouer & ebatre, & par ce chemin retourner
à Paris. Vous deuez sauoir qu'avec le Duc de Lanclastre & le Duc d'Iorch se meirent en
leur compaignie Cheualiers de France, par l'ordonnance du Roy & du Conseil (ce furēt
messire Iehan de Chasteaumorant, & messire Taupin de Cantemelle) pour aller en An-
gleterre, & pour rapporter nouuelles & respōse des traittez, que les Anglois emportoiet

Tréues prolongées d'un an entre France et Angleterre. Celieu est éclairci selon le sens de l'Auteur.

Depart des Seigneurs d'Angleterre hors d'Amiens, sans conclusion de paix.

Messire Jehan de Chastelmorant, & messire Taupin de Cantemelle, envoyez en Angleterre, par le Roy de France avec le Duc de Lancastre pour tascher à rapporter quelque conclusion de paix.

& vindrent à Calais: & iusques là conuoyèrent messire Regnaud de Roye, le Sire de Moutaurel: & le Sire de la Vieuille, les Ducs d'Angleterre: & là prirent congé: & puis retournerent. Les Anglois passerent outre, quand il leur pleut: & vindrent à Douures: & là trouverent le Roy & le Duc de Glocestre: qui les attendoient. Quand le Roy & les Seigneurs les eurent ouys, si eurent grand Parlement ensemble, sur l'estat & ordonnance du Parlement d'Amiens. Trop bien plaisoit au Roy tout ce, que fait en auoient ses oncles: mais le Duc de Glocestre (qui tousiours auoit esté dur & rebelle à ces traittez) proposa, & dit que ils ne pouuoient faire, dire proposer, n'accepter nulle bonne proposition de paix: & conuenoit que ces traittez & proces fussent apportez au Palais de Westmonstier, à Londres & le Conseil général des trois estats d'Angleterre là mandez: & ce, qu'ils en feroient & conseileroient, on le feroit: & non autrement. La parolle du Duc de Glocestre fut tenue & ouye: & n'eust on osé aller à l'encontre, car il estoit trop grandement en la grace & amour du pays. Adonc fut dit aux deux Cheualiers de France, qui là venus estoient. Il vous en faut venir avecques nous à Londres. Autrement ne pouuez vous auoir response. Les deux Cheualiers obeirent (ce fut raison) & se meirent au chemin, quand le Roy d'Angleterre & les Seigneurs s'y meirent: & exploiterét tant, que la greigneur partie des Seigneurs vint à Londres. Le Roy Richard d'Angleterre, quand il vint à Berdeford, prit la voye & le chemin d'Eltem, vn tresbeau manoir: & là se tint & refreschit (car la Royne, sa femme, y estoit) & depuis vindrent ils à Cenes: & de là ils s'en allerent, pour la S. George, à Windesore: & là furent les Cheualiers de France respondus. Mais, auât que ie vous die la response qu'ils eurent, ie vous parleray vn petit du Roy de France.

De quelque maladie du Roy Charles, de l'hommage d'Armignac, à luy faict par le Comte Bernard: & de la response, que le Seigneur de Chastelmorant rapporta d'Angleterre.

CHAPITRE. XXXVII.

Le Roy Charles en fièvre & chaud mal. ¶ Maintenant 1392. à toutes modes. Homage faict au Roy de France des Comtez d'Armignac & de Rodais par Bernard d'Armignac. Le Roy Charles de retour à Paris en bonne santé.

A Pres que le Parlement eut esté à Amiens, le Roy de France echeut par incidence, & par luy mal garder, en fièvre & en chaude maladie: dont fut conseillé à muer air. Si fut mis en vne litiere: & s'en vint à Beauuais: & là se tint, tant qu'il fut guarý, au Palais de l'Euesque, son frere de Touraine delez luy, & ses oncles de Berry & de Bourbon, & là tindrent ces Seigneurs leur Pasque: & depuis, quand le Roy fut tout fort & en bon pouoir, & qu'il fut en bon point, & que bien il pouoit cheuaucher, il s'en vint à Gisors, à l'entrée de Normandie, pour auoir le deduit des chiens, car il y a, là enuiron, grãde foison de beaux bois. Le Roy estât à Gisors, messire Bernard d'Armignac (qui frere auoit esté au Côte Jehā d'Armignac) vint là en bō arroy, le Côte Dauphin d'Auuergne (qu'il trouua à Paris) en sa compaignie: & releua le Comté d'Armignac, la Comté de Rodais: du Roy, & luy en fit hōmage, aux vs & aux coustumes, que les Seigneurs, sugets du Roy de Frãce: reléuent leurs fiefs: & de ce, qu'il deuint hōme du Roy, on leua les lettres tabelliōnées, grossoyées, & sellées: & puis prit cōgé, & aussi fit le Côte Dauphin, & retournerét ensemble à Paris, & de là, en leurs pays d'Auuergne & de Languedoc. Enuiron l'Ascensiō, retourna le Roy de Frãce, à Paris, en bō point & en bō estat, & se logea à son hostel de S. Pol lequel on auoit tout ordōné pour luy: & ia estoit la Royne de France, & la Duchesse de Touraine, venue. Or compterons de messire Jehan de Chastelmorant & de messire Taupin de Cantemelle: qui attendoient la response du Roy d'Angleterre & des Anglois. Ils furent à la feste de Saint-George à Windesore, ou le Roy d'Angleterre, ses freres, & ses oncles, & grand nombre de Seigneurs d'Angleterre, furent. Si parlerent ensemble ces Seigneurs, sur l'estat qu'ils auoient enconuenācé & promis à faire & tenir au Roy de Frãce & à ses oncles, quand ils se partirét du Parlemēt d'Amiens, & pour deliurer aussi les deux Cheualiers de France, qui estoiet là, & qui les poursuuioiēt pour auoir respōse. Cōseillé fut entre eux: & respondirent ainsi aux Cheualiers Frãçois, Vous Chastelmorāt, & vous Cantemelle, sachez, considerées toutes choses que vous ne pouuez auoir autre response, ne deliurance de nous, maintenant, car trop fort seroit à assēbler, pour le present, les Cōsaux, sur les trois estats du Royaume d'Angleterre, iusques à la S. Michel: que tous viennent par ordonnance aux Parlemens, & aux plaids, à Westmonstier: & de ce, pour nous acquiter & vous tenir excusez, nous en escrirons par de là: & si adoncques vous, ou aucuns de la partie du Royaume de France, vous voulez, ou veulent, tant trauailler, que vous retournez icy, on en fera respōse deuē & raisonnable, telle que generalemēt le cōseil des trois

Response du Cōseil d'Angl. à messire Jehan de Chastelmorant & à son compaignon.

des trois estats du Royàume d'Angleterre respondra. Quand les deux Cheualiers virent qu'ils estoient respondus, & qu'autre chose n'en auroient, si respōdirēt, De par Dieu. Nous nous contentons assez de tout ce que vous dites. Faites escrire & seeller: & puis nous nous mettrōs au retour. Alors furēt lettres escrites & seellées, puis on les leur bailla: & eurent congé du Roy & des Seigneurs: & puis se mirent au retour: & vindrent à Londres: & s'ordonnerent pour partir. Le Roy d'Angleterre les fit par tout deliurer de tous coustages, & conduire iusques à Douures: & leur fit le Bailly de Douures auoir vn vaisfel passager, pour eux & pour leurs cheuaux, mais ils seiournerent là cinq iours, en de

*Retour de Iehan de Chastelmo-
rant, & de son
compaignon.
vers le roy avec
leur response
d'Angleterre:*

*Comment messire Pierre de Craon par haine & mauuais aguet batit & naura griesue-
ment messire Olinier de Clifson, dont le Roy & ses Consaux furent moult courrouce.*

CHAPITRE XXXVIII.

Vous auez bien ouy cy-dessus parler, & proposer, comment messire Pierre de Craon (lequel estoit vn Cheualier en France de grand lignage & affaire) fut elongné de l'amour & grace du Roy de France & du Duc de Touraine son frere, † & par quelle achoi-
son & cause il auoit courroucé si auant le Roy & son frere, & par quel mal-fait, & si auez
bien ouy recorder comment il estoit venu en Bretaigne delez le Duc: lequel luy auoit dit
qu'Olinier de Clifson luy auoit tout ce promeu & brassé. Or peuuent les acuns supposer
que de ce dire le Duc auoit esté informé & enflâmé, pourtāt que sur ledit Connestable il
auoit tresgrande haine, & ne le sauoit comment honnir, ne destruire, & messire Pierre de
Craon estant delez le Duc de Bretaigne, souuent ils parloient ensemble & deuisoient de
messire Olinier de Clifson, comment, ne par quelle maniere, ils le mettroient à mort.
Car bien disoient, que (s'il estoit occis, par quelque voye, que ce fust) nul n'en feroit guer-
res de contreuengence: & trop se repentoit le Duc qu'il ne l'auoit fait mourir, quād il le
tint à son aise au chastel de l'Ermine, delez Vennes, & vousist bien que du sien il luy eust
cousté cent mille francs, & il le tint à sa volonté. Ce messire Pierre de Craon (qui se te-
noit delez le Duc, & confideroit ces parolles, & comment mortellement il hayoit Clif-
son) proposa vne merueilleuse imagination en soy-mesme, car par les apparences se iu-
gent les choses. Il fauisa (comment que ce fust) qu'il mettroit à mort le Connestable, &
n'entēdroit iamais à autre chose, si l'auoit occis de sa main, ou fait occire: & puis on trait-
teroit de la paix. Il ne doutoit, qu'ainsi que neant, Iehan de Blois (qui auoit sa fille) ne le
fils au Vicomte de Rohan, qui auoit l'autre. Avec l'aide du Duc, & de son lignage, il se
cheuiroit bien contre ces deux, car ceux de Blois estoient encores trop fort affoiblis: &
si auoit le Comte Guy de Blois vendu l'heritage de Blois, qui deuoit retourner, par suc-
cession d'hoirie, au Comte de Ponthieure Iehan de Blois, & il veint au Duc de Touraine
& là luy auoit monstré petite amour, confidence, & alliāce de lignage. Or, si ce fait estoit
aueu à Clifson, tant qu'il fust mort, petit à petit on destruiroit les mauuaistiez du Roy
& du Duc de Touraine: c'est à entendre le Seigneur de la Riuere, messire Iehan le Mer-
cier, Montagu, le Begue de Villaines, messire Iehan de Bueil, & aucuns autres de la cham-
bre du Roy: lesquels aidoint à soustenir l'opinion du Connestable, car le Duc de Berry,
& le Duc de Bourgogne ne les aimoient qu'un petit, quelque semblant qu'ils leur mon-
strassent. Aduint qu'il perseuera en sa mauuaistié, & tant confidera ledit messire Pierre de
Craon ses besongnes, qu'il y subrilla par mauuais argu, & par l'hortation de l'ennemy,
qui iamais ne dort, mais veille & reueille les cœurs des mauuais, qui à luy senclinent. Si
getta tout son fait deuant ses yeux: auant qu'il osast riens entreprendre, en la forme & ma-
niere que ie vous diray, & fil eust iustemēt pensé & imaginé les doutes, les perils, & mé-
chefs, qui par son fait pouuoient venir & descendre, & qui depuis descendirent, raison &
attrempance eussent eu autremēt en son cœur leur lieu, qu'elles n'eurent. Mais on dit, &

*† Regardez si
la vieille leçon
vous plaira
mieux ainsi,
& par quelle
achoi son se
cause y auoit
dauoir cour-
roucé si auāt
le Roy & son
frere. Ce fut
mal fait & si
auez, &c.*

† Ce lieu est é-
claircy et amé-
dé selon le sens
de l'Auteur.

est verité, que le grand desir, qu'on a aux choses, auant qu'elles aduiennent, esteint les sens & pource sont les vices maistres, & les vertus violées & corrompues. Ainsi, pource par especial que ledit messire Pierre de Craon auoit si grand affection à la destructiō du Connestable, il s'enclina & accorda de tous points aux conseils d'outrage & de folie: & luy estoit bien auis, en proposant son fait (mais que sauement il peust retourner en Bretaigne deuers le Duc, le Connestable mort) qu'il n'auoit iamais garde que nul le veinist là querir, car le Duc l'aideroit à deliurer, & à s'excuser: & au fort, si la puissance du Roy estoit si grande, qu'il en voulsist faire fait, & le venist querir en Bretaigne, sur vne nuit il se mettroit en vn vaisfel, & s'en iroit à Bordeaux, à Bayonne, ou en Angleterre: & là ne seroit il point poursuyui. Car il sauoit bien que les Anglois hayoient mortellemēt Clifson, pour les dures cruantez qu'il leur auoit faictes, & consenty faire, depuis les iours qu'il s'estoit tourné François, car au-deuant il leur auoit fait plusieurs beaux & grans seruices: comme ils sont contenus & deuisez notoirement cy-dessus en nostre Histoire. Messire Pierre de Craon (si comme vous auez ouy) pour accomplir son desir, auoit de long temps en soy-mesme proposé & getté son fait: & à nully ne s'en estoit decouuert. Il ne peu sauoit si en auoit parlé au Duc de Bretaigne. Les aucuns supposoient qu'ouy, & les autres non, mais la cause de la supposition de plusieurs est: pourtant que, le delict fait par luy & par ses complices, le plus tost comme il peut, & par le plus brief chemin, il s'en retourna en Bretaigne, & s'en vint comme à sauf garand, & à refuge, deuers le Duc de Bretaigne: & outre au-deuant le fait, il auoit rendu & vëdu ses chasteaux & heritages, qu'il tenoit en Aniou, au Duc de Bretaigne: & renonçoit au Roy de France, & à son hommage. & faignoit, & disoit qu'il vouloit voyager outre mer. De toutes ces choses ie me passeray briefuement, mais ie vous éclairciray le fait, car ie Acteur & proposeur de ceste Histoire, pour les iours que le mechef aint sur le Connestable de France, messire Oliuier de Clifson, i'estoye à Paris: si en deu par raison estre bien informé, selon l'enqueste que i'en fei. Vous sauez, ou deuez sauoit, que pour ce temps ledit messire Pierre de Craon auoit en la ville de Paris, au cymetiere Saint Iehan, vn tresbel hostel, ainsi que plusieurs grans Seigneurs de France y ont, pour auoir à leur aise leur retour. Cest hostel (ainsi que coustume est) estoit fort gardé, par vn Concierge. Messire Pierre de Craon auoit enuoyé, des Quaresme prenant, à Paris audit hostel, de ses varlets, qui le seruoient pour son corps, & par iceux fait l'hostel pourueoir, bien & largement, de vins & pourueances, de farines, de chairs, de sel, & de toutes choses, qui appartiennent à vn hostel. Avec tout ce, il auoit escrit au Concierge, qu'il luy acheptast des armeures, cottes de fer, gantelets, coiffettes d'acier, & telles choses, pour armer 40. bons compaignons: & quand il seroit tout pourueu, il le luy signifiait, & il les enuoyeroit querir: & que tout ce il fist secrettement. Le Concierge (qui nul mal n'y pensoit, & qui vouloit obeir au commandement de son maistre) auoit quis, pourueu, & achapté, toute ceste marchandise: & tout ce terme pendant, & ses besongnes faisant, se tenoit encores son maistre en Aniou, en vn chastel de son heritage, bel & fort, qu'on appelle Sablé: & enuoyoit compaignons forts, hardis, & courageux, vne semaine deux, l'autre trois, l'autre quatre, tout secrettement & couuertement, en son hostel à Paris. A leur departement, il ne leur disoit pas pourquoy c'estoit à faire: mais leur disoit. Vous venuz à Paris, tenez vous des biens de mon hostel tous aises, & tout ce, qui vous sera mestier, demandez l'au Concierge, & vous l'aurez tout prest: & point ne vous mōstrez pour chose qui soit. Il vous contenteray vn iour tout à certes, & si vous donneray tresbons gages. Iceux donc sur la forme & estat qu'il leur dit, ouuroient, & venoient à Paris: & y entroient, ou de nuit, ou de matin, car pour lors les portes de Paris nuit & iour estoient toutes ouuertes. Tant s'y amasserent, qu'ils furent environ quarante compaignons, hardis & outrageux (d'autres gens n'auoit ledit messire Pierre que faire) & d'iceux il y en auoit plusieurs, que s'ils eussent sceu pourquoy c'estoit, ils n'y eussent entré, mais de dé-

Messire Pierre
de Craon secre-
tement à Paris
se cachant en
son hostel, jus-
ques à son point
d'agues.

courir son secret il se gardoit bien. Messire Pierre de Craon, enuiron la Penthecouste, ou les festes, il vint bien secrettemēt à Paris, & se bouta en son hostel, & nō en estat: mais ainsi que les autres y estoient venus. Il demanda le varlet, qui gardoit la porte. Il vint à luy, & il luy dit. Je te commande, sur les yeux de la teste à creuer, que tu ne mettes ceās homme, ne femme, ne laisses issir aussi, si ie ne le te commande. Le varlet luy obeit (& ce fut raison) & aussi fit le Concierge: qui auoit la garde de sa maison. La femme du Concierge: & ses enfans, & aussi la chambriere, il faisoit tenir en leur chambre, sans point issir. Il auoit droit, car se femmes, ou enfans, fussent allez sur les rues, la venue de messire

Pierre

Pierre eust esté sceuë, car ieunes enfans, & femmes, par nature celer enuis ce qu'ils voient & qu'on veut celer. En celuy estat & arroy, que ie vous cōpte, furēt ils la dedans cest hostel enclos, iusques au iour du S. Sacrement: & auoit tous les iours (ce deuez vous sauoir & croire) ce messire Pierre ses espies, allans & venans ou il les enuoyoit: qui espioient sur son estat & sur tout son fait, & luy rapportoient la verité de ce qu'il vouloit sauoir: & n'auoit point encores ledit messire Pierre, iusques à ce iour du Sacre, veu son heure: dont ils s'en ennuyoit en soy-mesme. Or auint que, le iour du Saint-Sacrement, le Roy de France, en son hostel de Saint-Pol à Paris, auoit tenu de tous les Barōs & Seigneurs, qui pour ce iour estoient à Paris, court ouuerte, & fut ce iour là en tresgrand soulas: & aussi fut la Royne, & la Duchesse de Touraine: & pour les Dames foulacier, & le iour perséuerer en ioye, apres disner, dedans le clos de l'hostel de Saint-Pol de Paris, les ieunes Cheualiers & Escuyers, montez sur courriers, & tous armez pour iouster, la lance au poing, estoient là venus: & auoient iousté fort & roidement: & furent ce iour les ioustes moult belles, & tresvolontiers veuës du Roy, de la Royne, des Dames & Damoiselles: & ne cesserēt point iusques au soir: & eut le pris, pour le mieux ioustant, par le record des Dames, premierement de la Royne de France, & de la Duchesse de Touraine, & des Heraux, à ce ordonnez du donner & du iuger, messire Guillaume de Flandres, Comte de Namur: & donna le Roy à souper, à l'hostel de Saint-Pol, à tous les Cheualiers, qui y vouloiēt estre, & apres ce souper, on dança, iusques à vne heure apres minuit. Apres ces dances, on se departit: & se retrahit chacun en son hostel, sans doute, & sans garde, l'un çà, l'autre là. Messire Oliuier de Clifson, Connestable de Frâce, pour lors se departit tout le dernier: & auoit pris congé du Roy: & s'en estoit reuenu par la chambre du Duc de Touraine: & luy auoit demandé, Mōseigneur, demourrez vous icy, ou si vous retournerez chez Poulain? Ce Poulain estoit Tresorier du Duc de Touraine: & demouroit à la Croix du Tirouer, assez pres du Lyon d'argent. Le Duc de Touraine luy auoit respondu, & dit, Connestable, ie ne say encores lequel ie feray de demourer, ou retourner. Allez vous en. Il est meshuy biē heure de partir. Monseigneur, Dieu vous doint bonne nuit. Et se departit sur celuy estat, & vint en la place, deuant l'hostel de Saint-Pol: & trouua ses gens & cheuaux, qui l'attendoient: & tout compté, il n'y en auoit que huit, & deux torches: lesquelles les varlets allumerent. Si tost que le Connestable fut monté, & les torches portées deuant luy, se méirent au chemin parmy la rue, pour rentrer en la grande rue de Sainte Katherine. Messire Pierre de Craon auoit de soir si bien espie, qu'il fauoit tout le conuenant du Connestable, & comment il estoit derriere, & de ces cheuaux qui l'attendoient. Si estoit party & issu hors de son hostel, & ses gens, tous armez à la couuerte, & tous montez sur leurs cheuaux, & n'y auoit, de ceux de sa route, pas six, qui sceussent quelle chose il auoit en propos de faire: & estoit venu ledit messire Pierre de Craon sur la chaussée, au carrefour de Sainte Katherine, & là se tenoit il, luy & ses gens tous quois, & attendoient messire Oliuier de Clifson Connestable de France. Si tost que le Connestable fut issu hors de la rue S. Pol, & tourné au carrefour de la grande rue, & ainsi qu'il s'en venoit tout le pas sur son cheual, les deux torches sur son costé, pour luy éclairer, il se prit à iāgler à vn sien Escuyer & luy dit, Le doy demain auoir à disner, chez moy, Mōseigneur de Touraine, le Seigneur de Coucy, messire Iehan de Vienne, messire Charles d'Angers, le Baron d'Iury, & plusieurs autres. Or pensez qu'ils soient tous aises, & que rien n'y ait épargné. Ces parolles disant, veez cy venir messire Pierre de Craon & sa route, qui s'auancent, & premieremēt ils entrent entre les gens du Connestable (qui estoient sans lumiere) sans parler, ne fecrier, & apres on prit les torches, qui furent esteintes & gettées contre terre, en prenant le Connestable, lequel quand il sentit l'effroy des cheuaux, qui venoiēt derriere, cuidoit que ce fust le Duc de Touraine, qui s'ebatist à luy & à ses gens, & dit, Monseigneur, par ma foy c'est mal fait, mais ie le vous pardonne, car vous estes ieune, & sont tous ieux en vous. A ces mots dit messire Pierre de Craon, en tirāt son espée hors du fourrel. Amort, à mort, Clifson, cy vous faut mourir. Qui es tu (dit Clifson) qui dis telles parolles? Le suis Pierre de Craon, vostre ennemy, vous m'auiez par tant de fois courroucé, que cy le vous faut amender. Auant (dit il à ses gens) i'ay celuy que ie demande, & que ie veux auoir. Et, en disant ces parolles, il fiert & lance apres luy. Ses gens tirent espees, & frapent sur le Connestable, & luy (qui estoit tout nu & depourueu, & ne portoit fors vn coutel, espoir de deux piez de long) trait le coutel, & commence à foy deffendre. Ses gens estoient tous nus & depourueus, si s'effrayerent, & furent tātost ouuers & espars. Les aucūs des hōmes

*Messire Pierre
de Craon sur-
prend & blece
outrageusement
& d'aguet, le
Connestable de
Clifson à Paris*

Le Connestable de Clifson auue chez vn fournier, ou boulenger, par grand auenture, ou grace de Dieu.

de messire Pierre de Craon demanderent, Occirons nous tout? Ouy (dit il) ceux qui se mettront en deffense. La deffense estoit petite, car ils n'estoient qu'eux huit, & sans nulle armeure. Ainsi tous ceux de Craon entendoient au Connestable occire: ne messire Pierre ne demandoit autre chose, que le Connestable mort: & vous dy (si comme cognurent depuis aucuns, qui à celuy assaut furent, & emprise) que, quand ils eurent la cognoissance que c'estoit le Connestable qu'ils assailloient, furent si ébahis, que en frapant sur luy, leurs coups n'auoient point de puissance: & aussi ce, qu'ils faisoient, ils le faisoient paoureusement, car en trahison faisant, nul n'est hardy. Le Connestable cōtre les coups se couuroit, & croisoit de son badelaire, en soy deffendant vaillamment. Sa deffense ne luy eust riens valu: si la grace de Dieu ne l'eust gardé & deffendu: & tousiours bien se tenoit sur son cheual, & tant qu'il fut feru sur le chef, d'une espée, à plain coup, moult villainement duquel coup il versa ius de son cheual, droict à l'encontre de l'huis d'un Fournier: qui ià estoit decouché, pour ordonner ses besongnes, & faire son pain, & le cuire, mais au deuant il auoit ouy les cheuaux fretiler sur la chaussée, & plusieurs des parolles qui y furent dites. Or auoit ledit Fournier vn petit entrouuert son huis: dōt trop biē prit au Seigneur de Cliffo, de ce que l'huis estoit entrouuert, car au choir, qu'il fit du cheual encōtre l'huis il fourrit: & le Connestable cheut dedans la maison. Ceux qui estoient à cheual, ne purent entrer dedans, car l'huis n'estoit pas trop haut, ne trop large: & si faisoient leur faict paoureusement. Vous deuez sauoir & verité est, que Dieu fit grande grace au Connestable, car s'il fust aussi bien cheu dehors de l'huis, comme il fit dedans, ou que l'huis eust esté fermé, il estoit mort: & l'eussent pestellé de leurs cheuaux, mais ils n'oserent descendre. De ce coup du chef, duquel il estoit cheu, cuiderēt bien les plusieurs, & mesmes messire Pierre de Craon, & ceux qui sur luy feru auoient, que du moins ils luy eussent donné le coup de la mort. Si dit messire Pierre de Craon, Allon nous en. Nous en auons assez fait. S'il n'est mort, si mourra il du coup de la teste, car il a esté feru de bon bras. A ceste parolle ils se recueillirent tous ensemble, & se partirent de la place, & cheuaucherent le bon pas, & furent tantost à la porte Saint-Anthoine: & vuidèrent par là: & prirent les champs, car pour lors la porte estoit toute ouuerte. & auoit esté bien dix ans au deuant, depuis que le Roy de France retourna de la bataille de Rosebecque, & que le Connestable (dont ie parle) osta les maillets des Parisiens, & en chastia du corps & de leur cheuaſce, les plusieurs: si comme i'en ay traitté cy deuant en nostre Histoire.

Retraite & depart de messire Pierre de Craon hors de Paris, laissant le Connestable de Clifson pour mort.

Comment le Roy alla visiter son Connestable en plaine nuit, luy faisant venir ses Medecins & Chirurgiens, & comment il enuoya le Preuost de Paris, & autres, à la poursuite de messire Pierre de Craon, qui ce pendant se retira vers le Duc de Bretagne, demeurans aucuns de ses gens iusticiez à Paris.

CHAP. XXXIX.

Le Roy Charles incontinet auert de l'inconuenient de Clifson qu'il va veoir sur l'heure mesme.

A Insi fut messire Oliuier de Clifson en ce party laissé, comme homme mort, chez le Fournier: qui moult ébahy, fut quand il veit & cognut que c'estoit le Connestable. Les gens au Connestable (ausquels on fit bien petit de mal: car tous les gens de messire Pierre de Craon auoient entendu à vouloir occire le Connestable) se remeirent ensemble, au mieux qu'ils peurent: & descendirent deuant l'huis du Fournier, & entrèrent en la maison, & trouuerent leur Seigneur & leur Maistre blecé & nauré, le chef durement entamé, & le sang, qui luy couuroit le visage. Si furent tous ébahis, & bien auoient raison, & là y eut grans pleurs & grans cris, car du premier ils cuiderent bien qu'il fust mort, & entendirent à luy. Tantost les nouvelles en vindrent iusques à l'hostel de Saint-Pol, & iusqu'à la chābre du Roy, & fut dit au Roy tout effrayémēt, & sur le point de l'heure que il deuoit entrer dedans son lit, Haa, Sire, nous ne vous osons celer le grand mechef, qui est presentement venu à Paris. Dit le Roy, Quel mechef? De vostre Connestable, messire Oliuier de Clifson (respondirent ils) qui est occis. Occis! (dit le Roy) & comment? qui a ce fait? Sire nous ne sauons, mais ce mechef est auenu sur luy, & biē pres d'icy en la grande rue Sainte Katherine. Or tost (dit le Roy) au torches. Je le vueil aller veoir. On alluma torches, & varlets saillirent auant. Le Roy tant-seulement se vestit d'une houpellande. On luy bouta ses souliers es piez. Ses Gens-d'armes & Huissiers, qui ordonnéz estoient pour faire le guect, & garder la nuit l'hostel de Saint-Pol, saillirent tantost auant. Ceux, qui couchez estoient & ausquels les nouvelles vindrent, s'ordonnerent pour suyuir le Roy qui issit de l'hostel Saint-Pol, sans nul arroy, & lors le Roy n'attendit homme, fors ceux

ceux de la chambre: & s'en vint le bon pas, les torches deuant luy, & derriere: & n'y auoit de ses Chambellans, tant seulement, que messire Gautier Martel & messire Jehan de Lignac. En celuy estat & arroy s'en vint en la maison du Fournier: & entra dedans: & plusieurs torches & Chambellans demourerent dehors. Quand le Roy fut venu, il trouua son Connestable presque au parti, qu'on luy auoit dit: reserué qu'il n'estoit pas mort. Si l'auoient ses gens ià despouillé, pour taster, sauoir & veoir plus-aisement les lieux, ou il estoit nauré, & les playes, comme elles se portoient. La premiere parolle, que le Roy dit, ce fut, Connestable, comment vous sentez vous? Il respondit, Cher Sire, petitement & foiblement. Et qui vous a mis en ce party? dit le Roy. Sire (dit il) Pierre de Craon & ses complices: traistrefusement, & sans nulle deffense. Connestable dit le Roy) onc chose ne fut si comparée, comme elle sera, ne si fort amendée. Or tost (dit le Roy) aux Medecins & Cirurgiens: & ià les estoit on allé querir: & venoient de toutes pars, & personnellement les Medecins du Roy. Quand ils furent venus, le Roy en eut grâde ioye: & leur dit, Regardez moy mon Cōnestable: & me sachez à dire en quel point il est, car de sa naureure ie suis moult dolent. Les Medecins respondirent, Sire, volontiers. Si fut par eux visité, tasté, regardé, & appareillé de tous points, à leur deuoir: & tātost le Roy present (qui trop fort estoit courroucé de ceste auéture) demāda aux Cirurgiēs & Medecins, y a il nul peril de mort? Ils respondirent tous d'une sciēce, Certes Sire, nenny. Nous le vous rendrōs dedans quinze iours cheuauchant. Ceste response réiouit grandement le Roy: & dit, Dieu en soit loué, ce sont riches nouvelles. Puis dit au Connestable, Pensez de vous: & ne vous souciez point de riens, car oncques delict ne fut si cher comparé, ny amendé sur les traistres comme cestuy sera, car la chose est mienne. Le Connestable respondit moult foiblement, Sire, Dieu le vous puisse rendre, & là bonne visitatiō, que fait m'auez. A ces mots prit le Roy congé du Connestable: & s'en retourna à Saint-Pol: & manda incontinent le Preuost de Paris: lequel sans sejourner vint à Saint-Pol: & ià estoit il tout cler. Quand il fut venu le Roy luy demāda, Prenost, prenez gens de toutes pars, bien mōtez & appareillez: & poursuyuez ce traistre Pierre de Craon, qui trahistrefusement a blé cé, & mis en peril de mort, nostre Connestable. Vous ne nous pourrez faire seruice plus agreable, que le trouuer, le prendre & le nous amener. Le Preuost respondit, & dit Sire, i'en feray toute ma puissance, mais quel chemin peut on supposer qu'il tiēne? Informez vous en (dit le Roy) & si en faites bonne diligence. Pour le temps de lors les quatre souueraines portes de Paris estoient toute nuit & tout le iour ouuertes, & auoit ceste ordonnance esté faite au retour de la bataille, qui fut en Flandres (ou le Roy de France déconfit les Flamans à Rosebecque) & lors que les Parisiens se voulurent rebeller, & que les maillets leur furent ostez, & pour mieux à toute heure chastier & seigneurier les Parisiens, messire Oliuier de Clifson auoit donné ce conseil d'oster toutes les chaines des carrefours de Paris pour aller & cheuaucher toute nuit. Par tout furent ostées hors des gōds les souueraines portes des fueilles, & là couchées, & furēt en celuy estat enuiron dix ans, & entroit on à toutes heures dedans la ville de Paris. Or confidez comment les faisons payent. Le Connestable auoit cueilly la verge, dont il fut batu, car si les portes de Paris eussent esté closes, & les chaines leuées, i'amaïs messire Pierre de Craon n'eust osé faire ce delict & outrage, qu'il fit, car il n'eust peu issir hors de Paris, & pour ce qu'il sauoit qu'il istroit bien à toute heure, sauua il de faire ce malefice, & quand il se partit du Connestable, il le cuidoit bien auoir laissé mort, mais non fit (si cōe vous oyez dire) dōt depuis il fut moult courroucé. Quand il issit de Paris, il estoit vne heure apres minuit, & issit par la porte Saint Anthoine, & dient les aucuns qu'il passa la riuere de Seine au pont de Charenton, & depuis il prit le chemin de Chartres, & les aucuns dient qu'à l'issir de Paris il retourna vers la porte Saint-Honoré, deffous Montmartre, & vint passer la riuere de Seine au Ponthon, Par ou qu'il passast la riuere, si vint il sur le point de huit heures à Chartres: & aucuns des siens, les mieux montez, car tous ne le suiurent pas, mais se dessemblèrent, pour faire le moins de mōstre, & pour les poursuites. Au passer il auoit ordonné noīne de sa fauques à vingt cheuaux, & laissez chez vn Chanoine de Chartres, lequel estoit vn de ses gens, & l'auoit seruy, dont mieux luy eust valu qu'oncques ne l'eust veu, ne congnu, quoy que de ce delict & forfait ledit Chanoine ne sceust riē. Messire Pierre de Craon, quād il fut venu à Chartres, beut vn coup: puis fit prōpte diligence de renoueller & chāger de cheuaux, & se partit de Chartres tātost, & prit le chemin du Maine, & exploita tāt, & cheuaucha si bien, qu'il vint en vn chastel, qui se tenoit encores pour luy, qu'on dit Sablé, &

*Le doute que de
fiace n'y fust
aussy bon.*

*Commandemēt
du Roy au Pré-
uost de Paris
d'aller incontī-
nens à la pour
suite de messire
Pierre de Craon.*

*Pierre de Craon
à huit heures
du matin à
Chartres renou-
uellāt cheuaux
chez vn Chā-
noine de sa fa-
uques & se reti-
rant en son cha-
steau de Sablé.*

là se refreschit & arresta: & dit qu'il n'iroit plus-avant, si sauroit avant des nouuelles de messire Oliuier: & là se tint. Vous deuez saoir que le Vendredy (dont le Ieudy par nuict: ce delict fut fait par messire Pierre de Craon & ses complices) il fut grande nouuelle, par my Paris, de celuy outrage: & moult en fut blasmé messire Pierre de Craon. Le Seigneur de Coucy (qui se tenoit en son hostel) si tost qu'il sceut au matin les nouuelles, monta à cheual: & se partit, luy huitiesme tant seulement: & vint à l'hostel du Connestable, derriere le Temple: ou on l'auoit rapporté, car moult s'entr'aimoient: & s'appelloient freres

Le seigneur de Coucy visite le Connestable de Clisson.
 & compaignons d'armes. La uisitation du Seigneur de Coucy fit au Connestable grand bien. Aussi tous les autres Seigneurs à leur tour le venoient veoir: & par especial, auecques le Roy de France, son frere le Duc de Touraine: qui en fut grandement courroucé. Si disoient bien les deux freres, que Craon auoit fait ce delict & outrage à leur t de pit, & que c'estoit vne chose faicte & proposée par traitres, & pour troubler le Royaume.

Il y auoit desir cõtre le sens de l'Auteur.

Le duc de Berri (qui pour ces iours estoit à paris) s'en dissimula moult grandement: & à ce qu'il monstra, n'en fit pas grand compte: & ie, Aeteur de ceste presente Histoire: fu adonques informé, que s'il eust voulu, de ceste auenture il n'eust riens esté, & que trop clerement l'eust brisée, & allé au-deuant: & ie vous declaireray & diray la raison pourquoy, & comment. Le propre iour du Sacrement estoit venu au Duc de Berry vn Clerc (lequel estoit familier audict messire Pierre de Craon) & luy auoit dit ainsi, & réuelé en

Que le Duc de Berry fut assez tost auerti de Laguet de Craon contre Clisson, & qu'il eust bien rompu ceste entreprise, s'il eust voulu.

secret, Monseigneur, ie vous ouuriroye volontiers aucunes choses, qui ne sont pas licites mais taillées de venir à poure conclusiõ: & vous estes mieux taillé d'y pourueoir que nul autre. Quelle chose est ce? dit le Duc. Monseigneur (respondit le Clerc (ie mets bien en termes, que ie ne vueil point estre nommé: & pour obuier à grand mechef, & pour échouer le peril qui peut venir à la matiere, ie me decouure à vous. Hardiment, dit le Duc de Berri. Je t'en porteray tout outre. Adonques luy dit le Clerc en ceste maniere, Monseigneur, ie me doute trop grandement de messire Pierre de Craon, qu'il ne face meurdrir & occire Monseigneur le Connestable, car il a amassé en son hostel, au Cimetiere Saint Iehan, grande foison de compaignons, & les y a tenus couuertement, depuis la Penthecouste, & s'il faisoit le delict, le Roy en seroit trop grandement courroucé, & trop grand trouble en pourroit venir au Royaume de Frâce: & pourtāt, Monseigneur, ie le vous remōstre, car moy-mesme en suis si ébahy, que ie soye Clerc, Secretaire à Monseigneur de Craon, & que i'aye mon serment à luy) ie n'ose passer celuy outrage. Or, si vous n'y pouruoyez, nul n'y pouruoiara pour le present: & de ce, que ie vous dy & remonstre, ie vous prie, & supplie humblement, qu'il vous en souuienne, s'il me besongne: car sur l'estat, ou ie voy que messire Pierre de Craon veut perséuerer, pour l'elongner & fuir ie ne vueil plus retourner vers luy. Le Duc de Berri tresbien en soy-mesme auoit glōsé & entendu ces parolles: & respondit au Clerc: & dit, Demourez delez moy meshui: & lendemain matin i'en informerai Monseigneur. Il est meshui trop haut iour. Je ne vueil pas troubler le Roy mais demain, sans faute, nous y pouruoiérons: puis que messire Pierre de Craon est en la ville. Je ne l'y sauoie point. Ainsi se deporta le Duc de Berri de ceste chose: & ce pendant

Vaine poursuite du Preuost de Paris apres le seigneur de Craon.

ce mechef aduint, en la forme & maniere, que ie vous ay deuant recordée. Le Preuost de Paris, à plus de soixante hommes à cheual, issit hors, par la porte Saint-Honnoré: & suivit, au pas, les esclos de messire Pierre de Craon: & vint au Ponthon, passer outre la riuiere de Seine, & demanda au Ponthonnier se du matin nul ci estoit passé. Il respōdit, Oui, Monseigneur, enuiron douze cheuaux, mais ie n'y ai veu nul Cheualier, n'homme que ie cognusse. Et quel chemin tiennent ils? demanda le Preuost. Sire (respondit le Ponthonnier) le chemin de Vanues. Haa (dit le Preuost) il peut bien estre. Ils s'en vont à Cherbourg. Adonques entrèrent ils en chemin, & laisserent le chemin de Chartres, & par ceste maniere perdirent ils la iuste poursuite de messire Pierre de Craon, & quand ils eurent cheuauché iusques au disner, le chemin de Brues, il leur fut dit par vn Cheualier du païs (qui chaçoit aux lieures, & à qui ils en demanderent) qu'il auoit veu enuiron quinze hommes à cheual du matin, trauersans les champs, & auoient selon son aduis, pris le chemin de Chartres. Adonques entrèrent le Preuost & sa route au chemin de Chartres, & le tindrent iusques au soir, & vindrent là au giste, & sceurent la verité que messire Pierre de Craon sur le point de huit heures auoit là esté chez le Chanoine, & festoit defarmé, & renouuellé de cheuaux. Alors il veit bien que il perdoit sa peine de le plus poursuivre, & que messire Pierre s'estoit trop élongné.

Si retourna le Samedi à Paris. Pource qu'on ne sauoit au vray, ne saoir on ne pouuoit,

uoit, quand ledit messire Pierre de Craon issit hors de Paris, ne quel chemin il tenoit, le Roy de France & le Duc de Touraine (qui trop grande affection auoient à ce que messire Pierre fust attrapé) firent partir, & issir hors de Paris, messire Jehan le Barrois, à plus de soixante cheuaux: & issirent hors par la porte Saint-Anthoine: & passerent la riuiere de Marne & de Seine, au pont de Charenton: & tournerent tout le pays: & vindrent deuers Estampes: & finalement, le Samedi au disner, ils furent à Chartres: & ouïrent là les vrayes nouvelles. Quand le Barrois sceut que messire Pierre estoit passé outre, si veit qu'il vain il se trauailleroit de plus poursuivre, & qu'il estoit ià trop éloigné. Si retourna deuers Paris le Dimenche: & recorda au Roy tout le chemin, qu'il auoit tenu: & tout ainsi auoit fait le Preuost du Chastelet de Paris. Le Samedi au matin furent trouuez par des Serges de Paris (qui poursuuiuoient les esclous en vn village, à 7. lieues de Paris, deux Escuyers Hommes-d'armes, & vn page de messire Pierre de Craon. Si estoient là arrestez: & n'auoient peu suyuir la route, ou ne vouloient. Toutefois ils furent par lesdits Sergents pris & amenez à Paris, & boutez au Chastelet, & le Lundi ils furent décolez: & tout premierement, ou le delict auoit esté fait, ils furent amenez & là leur trencha on à chacun le poing & furent decolez aux halles, & menez au gibet, & là pendus. Le Mecredy ensuiuant, le Concierge del'hostel de messire Pierre fut aussi exécuté & décolé: & disoient plusieurs gens qu'on luy faisoit tort: mais, pour ce que point n'auoit reuelé la venue de messire Pierre de Craon, il eut celle penitence. Aussi le Chanoine de Chartres (ou ledit messire Pierre estoit descendu, & refreschy, & renouvelé de cheuaux) fut accusé, pris, & mis en la prison de l'Euesque. On luy osta tout le sien, & les benefices: & fut condamné en chartre perpetuelle, au pain & à l'eau: n'excusacion qu'on monstra, ne dist, ne luy valut riens. Si auoit il renommée, en la ville de Chartres, d'estre vn vaillant prud'homme. Trop fut courroucé ledit messire Pierre de Craon (qui s'estoit arresté au chasteau de Sablé) quand les nouvelles veritables luy vindrent que messire Oliuier de Clifson n'estoit point mort & n'auoit playe ne bleceure, dont dedans six semaines il laissast à cheuaucher. Lors s'auisa il, tout considéré qu'en ce chasteau de Sablé il n'estoit trop seurement: & quand on en fauroit la verité sur le pays & en France, il seroit là enclos: & l'assiégeroit on tellement qu'il ne s'en departiroit pas quand il voudroit. Si le chargea à aucuns de ses hommes: & puis s'en issit secrettement & couuertement: & cheuaucha tant, & exploita par ses journées, qu'il vint en Bretagne, & là trouua le Duc au Susmet. Le Duc le recueillit: qui ià fauoit toutes les nouvelles du fait, & comment le Connestable n'estoit point mort. Si dit à messire Pierre de Craon, Vous estes vn chetif, quand vous n'avez sceu occire vn homme, duquel vous estiez au dessus. Monseigneur (respondit messire Pierre) c'est bien diabolicque chose. Je croy que tous les Diables d'enfer (à qui il est) l'ont gardé & deliuré des mains de moy & de mes gens, car il eut sur luy lancé & getté plus de soixante coups d'espées & de couteaux, & quand il fut cheu ius de son cheual, en bõne verité ie cuidoye qu'il fust mort: & la bonne auenture, qu'il eut pour luy de bien cheoir, ce fut dedans l'huis d'un Fournier, qui estoit entrouuert, & par ce qu'il cheut à l'encontre, il entra dedans, car fil fust cheu sur les rues, nous l'eussions tué, & defoulé de noz cheuaux. Or dit le Duc) pour le present il ne sera pas autrement. Je suis tout certain que i'en auray de par le Roy de France, prochainement nouvelles, & si auray pareillement la guerre & hayne, que vous aurez. Si vous tenez quoy encores delez moy, car ie say bien, & veritablement, que la chose ne demourra pas gueres longuement en cest estat: mais nous menera le Roy de France & le Connestable grosse guerre, & puis qu'ainsi est que ie vous ay promis sauf garant à tenir, ie le vous tiendray.

*Autre vaine
poursuite de
messire Jehan
le Barrois apres
Craon.*

*Prise & iustice
de quelques
gens dus eig. de
Craon à Paris.*

*Messire Pierre
de Craon, sa-
chant que le Co-
nestable n'estoit
point en danger
de mort, abandonne son chasteau de Sablé
et se retire vers
le Duc de Bre-
tagne.*

Comment le Duc de Bretagne, estant sommé, par le Roy, de luy enuoyer messire Pierre de Craon, respondit en telle sorte, que le Roy conclut de luy mener guerre, & comment murmure seleva sur le Connestable de Clifson, entre les oncles du Roy, pour la grande richesse qu'il se cognut auoir par son testament.

CHAP. XL.

NOuvelles vindrent au Roy de France, en ces iours qu'il se tenoit à Paris, que le Duc de Bretagne auoit recueilly messire Pierre de Craon. Le Roy de France fut informé de son destroié Conseil (c'est à entendre de celui, dont il vsoit le plus) que tantost, & sans delay, il enuoyast en Bretagne, deuers le Duc, & luy mandast, sur sa foy, & sur son hommage, que (si ce trahistre enuers la couronne de France, Pierre de Craon,

*Responſe du
Duc de Bretai-
gne aux lettres
du Roy, luy mā-
dant qu'il luy
enuoyast Pierre
de Craon.*

estoit en Bretagne, ne lieu ou il eust puissance) il fust saisi, & le luy enuoyast. Les lettres furent tantost escrites, seellées, & deliurées à vn des cheuaucheurs du Roy: lequel exploita tāt par ses iournées, qu'il vint en Bretagne: & trouua le Duc à l'Ermine, en la marche de Vennes. Il luy bailla les lettres. Le Duc les prit: & les ouurit, & lisit, & tout de mot à mot: & puis dit à celuy, qui les auoit apportées. Je rescriray au Roy. Si escriuit sur la forme que ie vous diray, en soy excusant, & disant que de messire Pierre de Craon il ne sauoit riens, ne sauoir vouloit, n'à luy du sauoir riens n'appartenoit: & que la guerre, ne haine, laquelle il auoit à messire Oliuier de Clifson, en riens ne luy touchoit, ne regardoit: & de ces choses, il prioit au Roy qu'il le voulist auoir pour recommandé, & excusé. Quand ces lettres furent escrites bien & proprement à l'entente du Duc, le messager du Roy, quand elles furent seellées, les prit (car on les luy deliura) & puis s'en retourna par son chemin: & fit tant par ses iournées, qu'il vint à Paris. Si trouua le Roy & son Cōseil: qui moult desiroient auoir responſe & nouuelles de Bretagne. Quand le messager fut reuenue, il bailla les lettres au Roy: qui les prit, lisit, & ouurit: & tout ce, que dedans estoit, il le dit à son frere, le Duc de Touraine, & à son conseil. Ceste responſe & excusation du Duc de Bretagne ne suffit pas: & disoient les aucuns, que ledit Duc de Bretagne auoit fait & brassé tout cecy. Le Roy de France & le Duc de Touraine disoient que le despit & outrage estoit trop grand, & qu'il ne faisoit aucunement à passer ainsi, ne si légèrement, & qu'il touchoit trop grandement à la magesté Royale du Royaume de France. Pour ces iours se tenoit & seiournoit le Duc de Berry à Paris: & veoit moult souuent le Roy, & le Roy luy, parloit moult souuent de ce delict, qui estoit fait par messire Pierre de Craon. Donc luy respondit le Duc, Monseigneur, il a fait vn grād outrage. Qui le sauroit ou trouuer, ie conseilleye qu'on entendist à le prendre, & faire amender. Bel-oncle (disoit le Roy) il est en Bretagne, delez le Duc & non ailleurs. Nous voulons aller celle part, & vous avecques nous. Le Duc de Berry luy accordoit, & s'en dissimuloit tout du contraire: & disoit au Roy, Monseigneur, il vous faut auoir beau-frere de Bourgongne en vostre cōpaignie. Nous l'aurons dit le Roy. Sās luy ne ferons nous point le voyage. Nous irons en Bretagne en tresgrand arroy, pour resister contre noz ennemis. Nous voyons ores tout appertement que ce Duc de Bretagne ne nous aime, ne prise, qu'vn moult petit. Bel oncle il est orgueilleux & presumptueux: & iamais nous n'entendrons à autre chose, que ne l'ayōs mis à raison. Ainsi se deuisoit le Roy de France au Duc de Berry & menaçoit grandement le Duc de Bretagne & ses complices. Le Duc de Berry luy accordoit toutes ces paroles, en luy dissimulant, mais il pensoit tout le contraire. Trop auoit le Roy de France grāde affection de contreuenger ce despit, qu'on auoit fait à son Conneſtable: & s'ordonnoit de tout point pour aller en Bretagne, & premierement en Aniou, pour faire abatre & destruire tous les chasteaux, qui tenoient de messire Pierre de Craon, quoy que le Duc de Bretagne dist, & proposast qu'il les eust achaptez, car non-obstant ce, le Roy de France & ses Conſaux disoient que point il n'en estoit en l'héritage: & que trop vouloit porter & excuser, & auoit porté & soustenu, ce Pierre de Craon: pourquoy personnellement estoit en l'indignation de la couronne de France: encores qu'e celle saison mesme se fust conionction de mariage emprise & faite entre le fils du Duc de Bretagne & la fille de France. Ce pendant que ces besongnes s'ordonnoient petit à petit, & que grās nouuelles estoient, parmy le Royaume de France, du voyage que le Roy vouloit faire en Bretagne, retournerent à Paris, du voyage de Foix, & de Bearn, l'Euesque de Noïō & le sire de la Riuiere, & recorderent au Roy, & à son conseil, cōment ils auoient exploité. Ils furent volontiers ouïs, mais la matiere de Bretagne, du Cōneſtable & de Pierre de Craon chargeoit si fort le conseil du Roy, qu'on n'entendoit à autre chose, & eust volōtiers veu le Roy, que le Conneſtable fust sain & en bon point, pour cheuaucher. Auant qu'ils se départissent de Paris, vn tresbel hostel (lequel estoit à messire Pierre de Craon) seant au Cimetiere S. Iehan à Paris, fut par le commandement du Roy abatu, & mis à terre, & donné à faire vn Cimetiere à enfouir les mors. Le Roy de France faisoit faire sur le chemin d'Aniou, du Maine, de Touraine, & de Bretagne, sur la riuiere de Loire, ses pourueances grandes & grosses, à l'instance & intention de voïager en Bretagne, ne nul n'oſoit parler n'aller au contraire. Renommée fut en la cité de Paris, & au dehors en plusieurs lieux, qu'il fut notoïrement ſceu, que messire Oliuier de Clifson, Conneſtable pour ce temps du Royaume de France, auoit fait son testament & ordonnance, à fin que si des naureures & bleceures, qu'il auoit, il alloit de vie à trépas, ses hoirs ſceussent, tout de verité, ou le

*Retour de l'E-
uesque de Noïō
et du seigneur
de la Riuiere,
de leur commis-
sion de Foix et
de Bearn.
L'hostel de
Craon tourné
en Cymetiere à
Paris.*

ſien

rien estoit:& en tout,& par tout,n'auoit que deux filles.L'une auoit à femme & à espouse Jehan de Bretagne,Comte de Ponthièvre:& ce fut ceste,qui le meit hors,& deliura de la prison d'Angleterre,par le moyen de six vings mille francs, que messire Oliuier de Clifson en auoit donné & payé au Duc d'Irlande: si comme vous sauez,& cy dessus en nostre Histoire est contenu tout plainement.Quand à son autre fille,elle deuoit estre,ou estoit Vicomtesse de Roham,de par son mary.La somme du testament de messire Oliuier de Clifson montoit en purs meubles,sans son héritage, iusques à dixsept cens mille francs.De ce fut grans nouuelles,& s'émerueillèrent plusieurs, qui en ouirent parler, en quoy ne comment il en pouuoit tant auoir assemblé:& par especial les Ducs de Berry & de Bourgogne en eurent grâde merueille,& aussi leurs consaux, qui n'auoient pas le dit messire Oliuier de Clifson en grace:& en parlerent moult largement, quand ils se trouuerent ensemble,& disoient,En quoy(Diable)peut auoir ce Connestable amassé tant de Florins,& si grand meuble? Le Roy de France ne l'a pas si grand.On doit & peut on bien croire & sauoir,qu'il ne luy vient pas tout de bon conquest.Ce se passa:mais pource n'en pensoient pas moins ceux qui le hayoient,& qui sur luy enuie auoient.Encores se tenoit le Roy de France à Paris:mais ses mandemens estoient ià faits:& tous Seigneurs,qui escripts & mandez estoient,se pouruoyoient & ordonoient pour aller avec le Roy en Bretagne.Ce voyage chargeoit fort le Duc de Bourgogne:& disoit que c'estoit vne chose,& vne guerre sans raison,& que ià la cōclusiō n'en seroit bōne,& que le Royaume de France,le pays de Bretagne,ne les cheualiers & escuyers d'iceux(ausquels riens ne touchoit n'appartenoit la haine de messire Oliuier de Clifson & de messire Pierre de Craon)n'auoient que faire de comparer celle peine,ne d'entrer en guerre pour eux,& qu'à par eux,& leurs gens,on les laissast conuenir & guerroyer l'un l'autre, sans fouller ne greuer les pourés gens.Le Duc de Berry estoit assez de celle opinion,mais ils n'en pouuoient estre ouïs ne creus,car le Roy auoit delez luy du conseil,tout contraire à leur opiniō:lequel il aimoit mieux que la leur.Si ne luy sauoient les dessusdits cōment briser son entreprise:& quand ils veirent que faire leur conuenoit,ils monstrent l'obeissance:mais ce fut laschemēt.Toutesfois il m'est aduis,& verité fut,que le Côte d'Ostrenant,par la promotion du Duc de Bourgogne,fut escrit & mandé d'aller en ce voyage avec le Roy,à trois cens Lances,Le Comte,qui aimoit les armes & le trauail,se pourueut & ordonna pour y aller:& quand il eut tout ordonné & mandé les compagnons,Cheualiers & Escuyers,& departy ses liurées,& fait grans frais,il fut recontremandé de non foy bouger.

Par le testamēt de messire oliuier de Clifson, il se trouue riche de dixsept cēs mille francs en meubles seulement.

Appareil du Roy, pour faire guerre au Duc de Bretagne.

Comment le Duc de Touraine Louis, frere du Roy, fut fait Duc d'Orleans & comment estant le Connestable guery, le Roy alla iusques à la ville du Mans, en intention de passer outre, pour faire guerre au Duc de Bretagne.

CHAP. XLI.

EN ce temps que ces choses s'approchoient grandement, & que le Roy estoit sur le point de son departement de la cité de Paris,& de prendre le chemin, tout premier, pour mieux monstrier que la querelle estoit sienne, fut fait vn échange de terres & de pays, au profit grandement du Duc de Touraine, car il resigna, en la main du Roy son frere la Duché de Touraine, & toutes les appendances:& tantost luy donna le Roy, & rendit en don & hommage, la Duché d'Orleans(qui mieux valoit que les quatre) en la forme & maniere que le Duc Philippe d'Orleans l'auoit anciennement tenue. Si nommerons dorefnauant le Duc de Touraine(qui fut)le Duc d'Orleans.Quand messire Oliuier de Clifson fut ainsi comme tout sain,& il peut cheuaucher,le Roy de France en fut grandement réioui:& dit qu'il se vouloit departir de Paris, & cheuaucher vers Bretagne, pour mieux monstrier que la besongne estoit sienne.Si prit vn soir congé à la Roïne Ysabel sa femme,& à la Duchesse d'Orleans, & aux Dames & Damoiselles, qui delez elle estoient à l'hôtel de Saint-Pol, & le Duc d'Orleans aussi:& puis s'en vindrent coucher & souper chez Montagu:le Duc de Bourbon, le Comte de Namur, & le Sire de Coucy delez eux. Ie ne dy pas que tous y couchassent, mais le Roy y coucha, & disna le lendemain, & apres disner, sur le point de releuée, il s'en departit en tresgrand arroy:& vint ce iour, au soir, souper & gesir à Saint Germain-en-laye:& là se tint enuiron sept iours entiers. Alors n'estoit pas bien le Roy ferme de santé: si comme ses Médecins, qui en cure & garde l'auoient, disoient, mais il s'en alloit de si grande volonté, qu'il disoit qu'il estoit en meilleur point qu'ils n'estoient.Tout ce il faisoit pour emouuoir & mettre au

Echange de la Duché de Touraine à la Duché d'Orleans, entre le Roy Charles & son frere Louis.

Depart du Roy hors de Paris, pour aller guerroyer en Bretagne.

chemin ses gens, car encores estoient ces deux oncles derriere, Berry & Bourgongne: & monstroient bien que ce voyage leur pesoit, & que point volontiers ils n'y alloient. Si auoient ils fait leur mandement, car pour leur honneur il leur conuenoit obeir. Quand le Roy de France eut esté & seiourné à S. Germain en l'aye enuiron quinze iours, & que ses gens & Seigneurs venoient & s'en alloient de toutes pars, il eut conseil de departir. Si le fit: & passa la Seine: & prit le chemin de Chartres: & s'en vint ebatant à Annens, vne bõ ne ville & vn tresbeau chasteau: lequel pour lors estoit & se rendoit au Seigneur de la Riuiere: voire héritage de par sa femme. En la compaignie du Roy estoient le Duc d'Orleãs son frere, & le Duc de Bourbon. Vous deuez sauoir q le Sire de la Riuiere receut le Roy & ces Seigneurs grandement & honnorablement (car moult bien le sauoit faire) & furent là trois iours: & se refreschirēt. Au quatriesme iour, le Roy & les Seigneurs se departirent: & ce iour cheuaucherent, & vindrent à Chartres, dont l'Euesque Montagu estoit Euesque. Le Roy fut logé au Palais de l'Euesque, & le Duc d'Orleans & le Duc de Bourbon. Le second iour, apres ce qu'ils furent là venus, vint le Duc de Berry, & le Comte de la Marche en sa compaignie. Encores estoit à venir le Duc de Bourgongne: mais il fordoit pour mettre au chemin: & vint au quatriesme iour, dont le Roy eut grande ioye. Gens d'armes venoiet de toutes pars: & disoit le Roy ainsi, que iamais ne retourneroit à Paris, qu'il n'eust mis à raisõ ce Duc de Bretagne qui ia par tāt de fois luy auoit donné peine & trauail. Trop bien estoiet delez le Roy, qui le luy boutoiet en la teste: ne le Duc de Berry, ne le Duc de Bourgongne (qui volōtiers eussent moderé ces besongnes) n'y auoiet audience: dont secrettement il leur déplaisoit, & à leurs Consaux aussi, & disoient bien entre eux, à part, que la chose ne pouuoit longuement demourer en tel estat, & que trop biẽ se tailloit que le Roy eust à faire, & le Royaume, quand il refusoit le conseil de ses oncles, & en prenoit de moindre à sa plaissance. Quand le Roy de France eut seiourné en la cité de Chartres enuiron sept iours, il s'en departit, & prit le chemin du Mans, & Gēs-d'armes le suyuoiet de toutes pars, & luy venoiet de loingtains parties, d'Artois, de Beauuais, de Vermandois, & de Picardie, & disoiet les plusieurs l'un à l'autre, Cōment ce Duc de Bretagne nous donne affaire, & de peine & de trauail. Il a tousiours esté dur & haut contre la couronne de France, n'onc parfaitement ne l'aima, prisa, n'honora, & se le Cōte de Flandres son cousin n'eust esté, & Madame de Bourgongne (qui tousiours l'a porté & porte encores) on l'eust des grand temps tout destruit, n'onc depuis que le sire de Clifson se tourna François, il ne le peut aimer. Encores, à vray dire, il est fort coupable de ce fait, car il a tousiours soustenu messire Pierre de Craon à l'encontre du Roy & du Connestable. Or laissez le Roy conuenir, disoient les autres, car pour le present il a tellement la chose en cœor, qu'il mettra ce Duc à raison, auant son retour. Voire (disoiet les autres) fil n'y a trahison. Pensez vous que tous ceux, qui cheuauchent avec luy, soiēt vrais ennemis au Duc de Bretagne? Certes n'enny (qui l'oseroit dire) & en peut on biẽ veoir aucũs signes, car on ne fait nuit, ne iour, que conseil ler, & tout pour rōpre & briser ce voyage & en a le Roy telle merueille, qu'à grande peine peut il auoir bien & santé. Ainsi se deui-foient Cheualiers & Escuyers les vns aux autres, en cheuauchant sur le pays, & tousiours alloit le Roy auant, en approchant le Maine, & la cité du Mans. Tant fit, qu'il y paruint, & tous les Seigneurs en sa compaignie. Le Roy se logea au chasteau, & tous les Seigneurs en la cité, tout au mieux qu'ils peurent, & les Gens-d'armes s'espartirēt sur le pays, qui est bõ & gras, & bien logeant pour Gens-d'armes. En la cité du Mans seiournerēt les Seig. plus de trois semaines, car le Roy n'estoit pas en point de cheuaucher, & estoit tout sieureux, & disoient ses Medecins à son frere, & à ses oncles, On fait le Roy trauailler, mais certainement il n'é eust que faire, car il n'est pas en estat pour lors cheuaucher. Le repos luy vaudroit mieux assez car depuis qu'il se departit de la cité d'Amiens, ou les Parlemens furēt il ne fut en si bon estat, comme il estoit au deuant. Les oncles du Roy luy remonstroient tout ce, & à son conseil (car pour les Medecins le Roy n'en vouloit riens faire) mais pour la grande affection qu'il auoit d'aller en Bretagne. Le me trouue (respōdit il à ses oncles) assez en meilleur point, en cheuauchant & trauaillant, qu'en seiournant. Qui me conseil- le autrement, n'est pas à ma plaissance, & ne m'aime pas. Autre responce n'en pouuoit on auoir du Roy. Tous les iours on estoit au Conseil iusques à Nonne, & outre, & vouloit le Roy tous les iours estre au milieu du conseil, à fin que nul ne peüst mettre empeschemēt de non aller auant à ce voyage de Bretagne.

*Je doute qu'il
n'y fãle le frere
ou autre parent
de ce Montagu.*

*Arrivée du Roy
en la ville du
Mans, sur son
voyage de Bre-
tagne.*

Comment le Roy estant en la ville du Mans, manda derechef au Duc de Bretagne par quelques notables personages qu'il luy enuoyast Pierre de Craon: & comment on cuida faire entendre au Roy qu'il estoit arresté à Barcelonne, par la Royne d'Arragon.

CHAPITRE XLII.

OR fut aduisé, le Roy là estant & seiournant au Mans & s'y assentit assez, pour acomplir le desir de ses oncles, qu'on enuoyeroit quatre Cheualiers notables, deuers le Duc de Bretagne, lesquels luy remonstreroient viuement, & sagement, l'intention du Roy & de son Conseil & que trop grandement il se forfaisoit, & estoit forfait quand l'ennemy du Roy & du Royaume, il soustenoit delez luy, & auoit soustenu & encores se de tant il se vouloit recognoistre & amēder, que l'ennemi du Roy messire Pierre de Craon il voufist enuoyer au Mans, deuers le Roy on trouueroit vn moyen parquoy il n'auroit point de dommage, ne son pays, en ce voyage, & m'est aduis (selō que ie fu informé) que messire Regnaud de Roye, le Sire de Varenciers, le sire de Chastelmorāt, & messire Tau pin de Cantemelle, Chastelain de Gisors, furent ordonnez pour aller en ce voyage. Si se departirent de la cité du Mans, à bien quarante Lances, & passerent parmi la cité d'Angers, & exploiterent tant qu'ils vindrent deuant la cité de Nantes, puis entrerēt dedans la ville: & là trouuerent le Duc, qui leur fit tresbonne chere: & leur donna vn iour à disner mout notablement, mais auant ce ils auoient fait leur message: & luy auoient remonstré ce, pourquoy ils estoient là venuz, & la parole du Roy & de son Conseil. A quoy il auoit respondu grandement & sagement, & dit ainsi, que fort luy feroit rendre, liurer ne mener messire Pierre de Craon, car, se Dieu le peust aider & valloir en toutes ses besongnes, de luy il ne sauoit riens, ou il estoit n'ou il se tenoit: & prioit à ses Seigneurs, que de ce on le voufist tenir pour excusé: mais biē il auoit ouy dire, depuis vn an, à messire Pierre de Craon, qu'il hayoit messire Oliuier de Clifson de tout son cœur & luy feroit guerre mortelle, de toute sa puissance, à quelque fin qu'il en deust venir. † Et, quād il me dist ces parolles, ie luy demanday s'il luy auoit signifié, & il me respondit ouy, & qu'il estoit tout défié, & qu'il le mettroit à mort (fust de nuict ou de iour) là ou il le pourroit rencontrer. De son fait ie ne say plus auant: mais ie m'ēmerueille de ce que Monseigneur me veut faire guerre pour ceste cause. Sauf la grace, ie ne cuide auoir, ny ne voudroye enuers luy, ne enuers son Conseil, riens auoir forfait, pourquoy il me face guerre, ne les alliāces ne cōuenances, tant du mariage de noz enfans, comme d'autres choses, ia iour ny heure (s'il plaist à Dieu) ie n'enfreindray ne briseray. Ce fut la response, que les Cheualiers de France, là enuoyez de par le Roy, eurent: & quand ils eurent disné avec le Duc, & esté à Nantes vn iour, ils prirent congé, & se departirent, & meirent au retour au chemin par ou ils estoient venuz. Le Roy & le Conseil de sa chambre desiroient mout leur venue, pour ouir la response du Duc de Bretagne. Toute telle, que vous auez ouy dire & recorder, ils dirent au Roy, & à ceux qu'il appartenoit, les Ducs de Berri & de Bourgogne, & leurs Consaux, s'en fussent assez contentez s'on voufist, & disoient que la response estoit deuē & raisonnable. Or disoit le Roy par information qu'il auoit, tout le cōtraire: & puis qu'il estoit venu si auant, iamais ne retourneroit vers France ne Paris, qu'il n'eust mis le Duc de Bretagne à raison. Trop volontiers eussent les deux oncles du Roy, Berri & Bourgogne, amoderé ces besongnes, s'ils peussent ou sceussent: mais ils ne peurēt estre ouis. car le Roy auoit pris en si grand' haine Pierre de Craon (qu'il disoit que le Duc de Bretagne soustenoit en son pays (que nulle excusation ny pouuoit venir à point. Or courut vne renommee au Mans, & en plusieurs lieux depuis parmi le Royaume de France, que la Royne d'Arragō, Madame Yoland de Bar, cousine germaine du Roy de Frāce, tenoit en prison en la cité de Barcelonne, vn cheualier qu'elle ne ses gens ne cognoissoiēt point, ne celuy ne se vouloit point nommer: mais on supposoit que c'estoit messire Pierre de Craon: & escriuait la Royne d'Arragon mout amiablement au Roy, pour luy complaire en toutes choses: & luy signifioit & certifioit que le cinquieme iour du mois de Iuillet, vn cheualier, en bon estat & arroy, estoit venu à Barcelonne, en instāce de passer la mer: & auoit loué & retenu, bien & cher, pour ses deniers, vne naue pour aller (ce disoit il) à Naples. † Et (pource que nous auions & encores presentement auons fait garder noz ports & passages des entrees & issues de nostre Royaume, & que nul estrāger ne s'e peut partir sans nostre congé) ledit cheualier (qui nommer ne se veult) auōs retenu & mis en prison: & supposons assez (par ce que nous le voyons esbahi) q'c'est le cheualier que vous demandez, & pour lequel nous auez escrit. Si vueillez enuoyer deuers nous hastiuemēt

† Ce sont les propres paroles du duc en respondant au mēdement du Roy, quant à luy mettre Pierre de Craon entre mains.

Continuatiō du vouloir du Roy au voyage de Bretagne, apres la response du Duc.

Nouvelles d'un cheualier que lon pensoit estre Pierre d'Arragon arresté à Barcelonne en Arragon.

† Ce sont les propres mots, que la Royne d'Arragon escriuoit au roy Charles quant au cheualier arresté à Barcelonne.

† Tousiours
1362.

† Le doute qu'il
n'y eust assez
de Sardaigne
pour tous ces
deux mots.

† Perard dit
Sufement.

† C'est adire
Présque.

hommes, qui messire pierre de Craon cognoissent : car celuy, que nous tenous, n'aura nulle deliurance iusques au iour que nous aurons eu respôse de par vous, & nous verriôs volôtiers que noz nouvelles fussent profitables & agreables à vous & à vostre Conseil. Ce fait le S. Esprit, qui vous ait en sa garde. Escrit à Parpignâ, le neuvieme iour † du mois de Iuillet, par Yoland de Bar, Roine d'Arragon & de Maiorque, Dame de Sardine & de Sardanie. Et en la soucription auoit, A noltre trefredouté Seigneur, le Roy de France. Ces nouvelles amodererent & adoucirent grandement les cœurs de plusieurs, & en fût on sur le point de tout rompre & briser le voyage, mais ceux de la partie messire Oliuier de Clifson disoient bien que de ces nouvelles estoient batus & estoiet toutes choses faites à la main & tout pour briser la cheuauchee du Roy, & que messire Pierre de Craon n'estoit en autre danger ne prison, que delez le duc de Bretagne, lequel l'auoit soustenu & soustenoit. De ses lettres ne fit pas le Roy grâd cōpte : & dit que c'estoit toute trahison. A tout le moins (dist le duc de Bourgogne au Roy) Monseigneur pour appaiser ma niece d'Arragon (qui vous a escrit) & pour deliurer le Cheualier qui pris est (se point n'est coupable de ce meffait) vueillez y enuoyer pourquoy vostre couronne se cōtente de vous & de nous. Nous le voulons bien, bel oncle, dit le Roy. Je ne vous vueil point courroucer. Qu'ô y enuoye. Mais ie tiē fermemēt & seuremēt, que le trahistre Pierre de Craon n'est en autre Barcelōne ne prison que tout quoy delez le duc de Bretagne, & par la foy que ie doy à S. Denys, il nous en rendra vne fois bon cōpte. On ne peut oster le Roy de ceste opinion, que messire Pierre de Craon ne fust en Bretagne delez le Duc. Le Duc de Bretagne (qui estoit informé de toutes ses besongnes, & qui sentoit le Roy de France trop fort courroucé sur luy) ne se tenoit pas bien asseuré : car il voyoit que le Duc de Berri & de Bourgōgne ne pouuoiet faire leur volonté : car ceux de la partie de son aduersaire Clifson informoient le Roy ainsi comme ils vouloient. Si faisoit le duc garder ses villes & ses chasteaux songneusement, & tant y auoit de mal pour luy, que peu auoit de bōnes villes ou il fostaient tenir : excepté Vennes, Cāpelle, Dol, Cāper, l'Ermine, Corantin, & le † Susmet : & auoit escrit aux barōs & cheualiers de Bretagne, desquels il pensoit estre aidé & conseillé : mais tous se dissimuloient contre luy, pour la cause de ce qu'ils sentoient & veoiēt le Roy, leur souuerain seigneur, tant emeu & courroucé sur luy, & aussi que la matiere de ce Pierre de Craon (que le duc portoit à l'encontre du Roy & du Connestable) n'estoit pas conuenable. † A peine se repentoit il de ce, qu'il auoit fait. Neantmoins il auoit le courage si haut & si grand, qu'il ne le daignoit dire : & disoit ainsi. Se le Roy (à ce qu'il monstre) & sa puissance entre en Bretagne, ie le lairray au cōmencemēt cōtēnir : & verray ceux qui me seront amis, ou ennemis. Je ne me hasteray point de luy faire guerre si trestost : mais à l'heure qu'il cuidera mieux estre au repos, ie le réueilleray : puis que par autre moyen d'amour ie ne puis venir à accord à luy. Ainsi se deuisoit le Duc de Bretagne par foy, & par fois à ceux de son Conseil, & se tenoit pour tout asseuré, qu'il auroit la guerre au Roy de France. Mais non eut : car les choses tournerēt autrement qu'il ne pensoit à son tresgrand aduantage & profit. Pourtant fut dit des iadis, Il n'est pas poure, qui est heureux. Ce duc de Bretagne le fut tresgrâdement en celle saison, par vne incidente piteuse & merueilleuse, qui aduint tressoudainement au Roy de France. Par autre voye ne pouuoit-il estre écheué de tous dangers & demourer en paix.

Comment estant le Roy parti de la ville du Mans, pour aller faire sa guerre en Bretagne : fut estrangement aduertit de retourner arriere, par vn homme incongnu : & comment ce iour mesme il se troubla de sens, & fut reimené au Mans. CHAP. XLIII.

Quand on eut biē seiourné enuiron trois semaines en la cité du Mans, & tous les iours conseillé & les Cheualiers reuenus de Bretagne (lesquels on auoit enuoyez de uers le Duc, ainsi que vous sauez) le Roy de France dist, que, puis qu'il auoit eu la responce du Duc de Bretagne, il ne vouloit plus seiourner la, car le seiour le greuoit & desplaisoit : & vouloit cheuaucher outre sur les parties de Bretagne, & veoir ses ennemis : c'est à entēdre le duc de Bretagne, qui soustenoit ce trahistre messire Pierre de Craon. Si auoit le Roy grand desir de voir lesquels barōs, cheualiers & escuyers, se mettroient sur les chāps à l'encontre de luy, & lesquelles citez & bōnes villes se clorroient à l'encontre de luy. L'intention du Roy estoit telle, que de tous points il mettroit hors de l'heritage de Bretagne, pour tousiours mais, ce duc : & y mettroit vn gouuerneur pour les enfās, tāt qu'ils auroiēt aage, & puis leur rendroit leur heritage : & le duc n'y auroit iamais rien : & celle opinion tenoit

tenoit le Roy: & ne l'en pouuoit nul oster: & sur cest estat il se departir de la cité du Mâs, entre neuf & dix heures: & apres la messe ouye, & boire, tous Seigneurs & toutes gens, qui logez estoient en la cité & dehors: se departirent, & aussi se meirent au chemin, deuant & derriere, & auoit, le soir deuant, mandé ses Marechaux en sa chambre, au chasteau du Mans: & leur auoit dit, Ordonnez vous: & faictes de bon matin toutes manieres de Gens-d'armes & routes deloger, & prendre le chemin d'Angers: car il est conclu que nous ne retournerons iamais, tant que nous aurons esté en Bretagne, & destruit ces trahistres, qui nous donnent ceste peine & ce travail. Les Marechaux auoient obey, & signifié, & fait sauoir aux Capitaines des routes le mouuement & ordonnance du Roy, & qu'à ce coup estoit tout à certes. Ce iour, que le Roy issit & se departit du Mâs, il fit tres-àpremiér chaud: & bien le deuoit faire. Car il estoit au plain mois de [†] Hernu, que le Soleil par droiture & nature estoit en sa greigneur force. Or deuez vous sauoir, pour atteindre toutes choses, & les amener à verité, que le Roy de France, luy seiournant en la cité du Mans, auoit esté durement trauaillé de conseiller. Auec tout ce (qui n'y aidait pas) il n'estoit pas bien haïté, ne n'auoit esté, toute la saison: mais foible de sens & de chef, & pitemét mangeant & beuant, & presque tous les iours en chaleur de fièvres, & de chaude maladie: & s'y enclinait tout par droiture de corps & de chef: & luy estoit grandement contraire ennuy & peine. Auec tout ce, pour la déconuene de son Connestable il estoit trop durement fort melancolieux, & son esprit troublé & trauaillé: & bien s'en apperceuoient ses Medecins: & aussi faisoient ses oncles: mais ils n'y pouuoient pourueoir, ne remédier: car il ne vouloit, n'on ne luy osoit conseiller du contraire, non aller en Bretagne. Il me fut dit, & ie m'en laissay informer, qu'ainsi qu'il cheuauchoit, & estoit entré en la forest du Mans, vne tresgrande signifiace luy auint: dont sur ce il se deust bien estre auisé, & auoir remis son Conseil ensemble: ainçois qu'il fust allé plus-auant. Il luy vint soudainement vn homme en pur chef, & tout de chaus, & vestu d'une belle cote de burel blanc: & mōstroït mieus qu'il fust fol, que sage: & se lanca entre deux arbres hardiment, & prit les resnes du cheval, que le Roy cheuauchoit: & si l'arresta tout quoy: & luy dit, Roy, ne cheuauche plus-auant: mais retourne: car tu es trahi. Ceste parolle entra en la teste du Roy (qui estoit foible) dont il a valu depuis trop grandement pis: car son esprit fremit, & se sang mella tout. A ces mots saillirent ses Gens-d'armes auant: & frapperent moult villainement sur les mains de celui, qui auoit arresté le cheval: & tant, qu'il le laissa aller, & demoura derriere: & ne firent compte de sa parolle, nom plus que d'un fol: dont ce fut folle: si-cōme il est auis à plusieurs: car, à tout le moins, ils se deussent estre arrestez sur l'homme vn petit, pour en auoir la cognoissance, l'examiner, demander & veoir s'il estoit naturellement fol, & sauoir qui luy faisoit telles parolles dire, ne dont elles luy venoient. Il n'en fut rien fait: mais le laisserent derriere: car oncques-puis ne fut veu de gens, qui en eussent la cognoissance: mais ceux, qui pour l'heure estoient delez le Roy, luy ouyrent bien les parolles dire. Le Roy & sa route passerent outre: & pouuoit bien estre enuiron douze heures, quand le Roy eut passé la forest: & vindrent sur les champs, sur vns tresbeaux plains, & grand sablonnis. Le Soleil estoit bel, & aussi resplendissoit à grand rais, & si plein de force & de chaleur, que plus ne pouuoit estre: pourquoy les chevaux estoient mout échaufez. Il n'y auoit si vlté de porter les armes, qui ne fust trop pressé de la chaleur: & cheuauchoit les Seigneurs par routes, l'un çà & l'autre là. Le Roy cheuauchoit assez à part, pour luy faire moins de poudrière. Le Duc de Berry & de Bourgongne, parlans ensemble, cheuauchoit sur son fenestre costé, ainsi comme deux arpens de terre en sus de luy. Les autres Seigneurs, le Comte de la Marche, messire Jaques de Bourbon, messire Charles de Labreth, messire Philippe d'Artois, messire Héry & messire Philippe de Bar, & messire Pierre de Navarre, & tous les autres seigneurs cheuauchoit par routes. Le Duc de Bourbo, le Sire de Coucy, messire Charles d'Angers, le Baron d'Iury, & tels autres, en sus & hors de la route du Roy: & deuisoient & parloient les vns aux autres: & ne se donnoient garde de ce, qui soudainement auint, & fut le plus grand chef de la compagnie. Ce fut le propre corps du Roy. Et pour ce sont les œuvres de Dieu moult manifestes: & ses verges crueuses: & sont à douter à toutes creatures. Or en a on veu en l'ancien Testament, & nouuel, moult de figures & d'exemples. N'auons nous pas de Nabugodonosor, Roy des Affiriens, lequel régna vn temps en telle puissance, que dessus luy il n'estoit aucunes nouuelles de nul autre? & soudainement, en sa greigneur force & regne, le souverain des Roys, Dieu, le Sire du ciel & de la terre, &

*Dep art du Roy
hors du Mans:
pour aller en
Bretagne.*

*† Le vray. Alle
mād dit Hervé
mon: qui est le
mois de Iul-
let: & me doute
qu'il ne soit
échappé à Frois-
sart, le tenant
du Flamand:
voisin de son
pays de Hainant.*

*Estrange auer-
tissement au Roy
Charles sixié-
me, de s'ar-
rêter, & retour-
ner, sans aller
en Bretagne.*

formeur & ordonneur de toutes choses, l'appareilla tel, qu'il perdit sens & regne : & fut sept ans en celuy estat : & viuoit de glâs, & de pommes sauuages : & auoit le gouft & l'appetit d'un sanglier, ou pourcel : & quand il eut fait celle penitence. Dieu luy rendit sa memoire & son sens, & adonc dit il à Daniel le Prophete, que dessus le Dieu d'Israël il n'estoit nul autre Dieu. A parler par raison, & éclaircir verité, Dieu le pere, le Fils, & le S. Esprit, trois en nom, & tous en vne substance, fut, est, & sera à tousiours, aussi puissant pour monstrier ses œuvres, comme il fut oncques : n'on ne se doit émerueiller, n'ebahir de quoy qu'il face. A reuenir à propos, pour quoy ie dy ces parolles, vne grand' influence du ciel, merueilleuse, descendit ce iour sur le Roy de Frâce : & en ce fut sa coulpe : ce dient les plusieurs : car selon la disposition de son corps, & estar, ou il estoit, & que ses Médecins le sauoient & iugeoient (qui iustement la cognoissance en deuoient auoir) il ne deust pas auoir ainsi cheuauché en si fort chaud iour, n'à celle heure : fors du matin, & du soir, à la froidure : & pource en furent occupez & deshonnorez ceux, qui le menoient, & qui conseillé ainsi l'auoient, & par lesquels Consaux le plus par ce temps il vsoit, & se gouernoit, & s'estoit vsé & gouuerné. Ainsi le Roy de France cheuauchoit en la chaleur du Soleil, sur vn plain & vn sablonnis, & faisant vn si merueilleux chaud, que deuât, ne depuis, pour celle saison il n'auoit fait, ne fit si chaud : & auoit vestu vn noir iacques de veloux, qui moult l'echauffoit : & auoit tousiours sur son chef vn fangle chape rō de vermeille escarlate, & vn chapelet de blâches & grosses perles, q̄ la Royne, sa femme, luy auoit donné au prédre cōgé : & vn sié page estoit, qui cheuauchoit derriere soy, & portoit sur son chef vn chapelet de Mōtauban, fin, cler & net, tout d'acier, qui resplendoit au Soleil : & derriere ce page cheuauchoit encores vn autre page du Roy : qui portoit vne lance toute vermeille, enuironnee de soye, ainsi que pour le Roy : & auoit la lance vn fer d'acier, large, cler, & fin : & en auoit le Sire de la Riuiere apporté, du temps qu'il seiourna à Toulouze, vne douzaine, dōt celuy là en estoit l'un : car tous douze il les auoit donnez au Roy : & le Roy si en auoit donné trois au Duc d'Orleans, & trois au Duc de Bour-bon. Auint tout ainsi en cheuauchant en l'arroy & estat que ie vous compte, ainsi qu'enfans & pages se déroient par leurs cheuaux, ou par leur negligence, le page, qui portoit la lance du Roy, se déroya, & s'endormit : & ne pensoit point à celle lance, qu'il tenoit : & laissa la lance & le fer cheoir sur le chapel d'acier, que l'autre page auoit sur son chef. Si sonnerent hault les aciers, l'un pour l'autre. Le Roy (qui estoit si pres, que les pages cheuauchoit aux talons de son cheual) tressaillit soudainement & fremit son esprit : car il auoit encores en imagination l'impression des parolles, que le fol homme, ou le sage, luy auoit dites en la forest du Mâs : & vint au Roy en auision, que grand' foison d'ennemis luy couroient sus pour l'occire : En celle abusion il se déroya par foiblesse de chef : & saillit auant en poignant son cheual : & trayt son espee : & se tourna sur ces pages : & en perdit ainsi la cognoissance, & de tous autres hommes : & cuida bien estre en vne bataille, & enclos de ses ennemis : & chauffant son espee, & la leuant contremont : pour ferir & donner vn coup (ne luy chaloit sur qui) il s'ecria & dist, Auant, auant, sur ces trahistres. Adonc les pages veirent le Roy enflammé : & se donnerent garde, & à bonne cause : car ils cuiderent bien, pour leur deroy, auoir le Roy courroucé. Si poignirēt leurs cheuaux, l'un ça, & l'autre là. Le Duc d'Orleans n'estoit pas pour lors trop loing du Roy. Le Roy sadreça deuant luy, tenant son espee toute nue : & ia en auoit le Roy, par sa frenesie & foiblesse de cuer, perdu la cognoissance : n'il ne sauoit qui estoit son frere, ne son oncle. Quand le Duc d'Orleans le veit venir vers luy, l'espee toute nue en sa main, il s'effraya, & ne le voulut pas attendre, & à bonne cause. Si poignit le cheual hastiement : & le Roy apres luy. Le Duc de Bourgongne estoit & cheuauchoit de costé luy : & pour l'effroy des cheuaux, & que ia il auoit ouy des pages du Roy crier, getta son regard de celle part : & cognut le Roy : qui, à l'espee toute nue, chaçoit son frere. Si fut tout ebahy, & à bonne cause : & dit ainsi : Haro ! le grand mechef ! Monseigneur est tout deuoyé. Dieu ! qu'on le preigne. Et puis dit encores, Fuyez, beau-neueu d'Orleans, fuyez. Mōseigneur vous veut occire. Le vous dy que le Duc d'Orleā n'estoit pas bien assés : & fuyoit, tant que le cheual pouuoit aller, & Cheualiers & Escuyers apres. On commença à huer & traire celle part. Les loingtrains, qui cheuauchoit à dextre & à senestre, cuidoit qu'on chaçast au Loup, ou au Liéure : iusques à tant qu'ils sceurent les nouuelles, que c'estoit le Roy : qui n'estoit pas en bon poinct. Toutesfois le Duc d'Orleans se sauua, tant tourna : & aussi on luy aida. Cheualiers & Escuyers & Gens-d'armes se meirent tout à l'entour du Roy :

& le

*Derniere cause
de troublement
d'esprit au Roy
Charles sixies-
me, & les actes
qu'il en fit.*

& le laisserēt lasser & fouler:& plus courroit & traualloit,& plus auoit greigneur foiblesse:& quand il venoit sur vn homme (fust Cheualier ou Escuyer) on se laissoit cheoir deuant le coup. Je n'ouy point dire que nul fust mort de celle emprise: mais il en abbatit plusieurs:car nul ne se meit en aucune deffense.Finalement,quand il fut bien lassé & trauallé, & son cheual bien foulé, & tout attrempé de sueur & d'ardeur, vn Cheualier de Normandie (qui estoit son Chambelan,& lequel le roy moult aimoit:& celuy on nommoit messire Guillaume Martel) vint par derriere: & embrāça le Roy l'espee en sa main:& le tint tout court. Quand il fut tenu tous autres seigneurs approcherēt:& luy fut ostee l'espee: & fut mis ius du cheual,& couché moult doucement,& déuestu de son iacques, pour luy refroidir & refreschir. Là vindrent ses trois oncles & son frere:mais il auoit perdu la cognoissance d'eux:ne nul semblant d'amour, n'aussi de cognoissance, n'aussi d'acointance, ne leur faisoit:& luy tournoient à la fois les yeux en la teste: n'à nulluy il ne parloit. Les Seigneurs de son sang si estoient tous ébahis:& ne sauoient que dire,ne que faire:Là dirent les Ducs de Berry & de Bourgongne, Il faut retourner au Mans. Le voyage est fait pour ceste saison. Encores ne disoient pas tout ce qu'ils pensoient:mais ils le dirent & remonstrerent tresgrandement sur ceux, qu'ils n'auoient point en grace, quand ils furent retournez à Paris:si comme ie vous recorderay cy-auant en l'Histoire. A considerer raison, & imaginer toutes choses en verité, ce fut grand' pitié de ce que le Roy de France (qui est le plus digne,& le plus-noble,& le plus-puissant Roy du monde) pour ce temps cheut en telle debilité, que de perdre son sens ainsi soudainement. On ne luy pouuoit amender,ne faire autre chose: puis que Dieu vouloit qu'il fust ainsi: On l'appareilla,& meit on à poinct,au plus doucement qu'on peut:& fut éuenté,refroidy, & couché en vne litiere, & tout soueframené en la cité du Mans. On enuoya tantost, de par les Marechaux, au-déuant de ceux qui cheuauchioient:& leur fut dit & signifié que tous se meissent au retour, & que le voyage pour celle saison, estoit rompu & brisé. Aux aucuns on disoit la cause pourquoy, & aux autres non. Ce soir, que le Roy fut apporté au Mans, si furent Medecins moult embesongnez, & les Seigneurs & les prochains de son sang moult troublez:& vous dy qu'on parloit là, & deuisoit on en plusieurs manieres & diuerfes. Les aucuns disoient (qui le prenoient & exposoient sur le mal) qu'on auoit le Roy, au matin, auant qu'il issist hors, empoisonné & forcelé, pour destruire le Royaume de France. Tant multiplierent ces parolles, que le Duc d'Orleans, ses oncles, & ceux du sang du Roy, noterent ces mots, & en parlerent ensemble, en disant, Vous, & vous, oyez (s'ouir voulez) comment on murmure en plusieurs lieux sur ceux, qui la garde & administration & gouuernement du Roy auoient. On dit, & commune est la renommee qui court, qu'on l'a enforcelé, ou empoisonné. On sache commēt cela se pourroit faire, n'ou, ne quand ce a esté, & cōment nous le pourrions bonnement & bien subtilement sauoir: nous le saurons par les Medecins qui le doiuent sauoir: car ils cognoissent sa maniere, & sa complexion. Les Médecins si furent mandez. Ils vindrent:& eux venus, ils furent demandez de Monseigneur de Bourgongne,& tresfort examinez. A cel examen ils respondirent, & ainsi dirent: que le Roy de grand temps auoit engendré ceste maladie:& bien sauons nous que ceste foiblesse de chef le traualloit moult fort:& conuenoit que, quand que ce fust, il le monstast. Donc dit le Duc de Bourgongne. De tout ce dire & remonstrer vous vous estes assez bien acquittez: mais il ne nous en a, ne vous aussi, voulu croire, pour la grande affection qu'il auoit de venir en ce voyage. A mal fut il oncques auisé, n'aussi pourparlé:car le voyage l'a deshonoré, Mieux vauisist que Clisson eust esté mort, & tous ceux de sa secte, que le Roy eust conceu ne pris ceste maladie: car il en sera par tout nouuelles (pour tant que c'est encores vn ieune homme) & en receurons nous (qui sommes ses oncles & de son sang, & qui l'auons à conseiller & à introduire) grand blasme:& si n'y auons aucune coulpe. Or nous dites (dit le duc de Bourgongne) huy matin, quand il deut monter à cheual, fustes vous à son disner? En nom Dieu (respondirent les Medecins) ouy. Et cōment mangea il, ne beut? Certes si petitement à peine que riēs:& ne faisoit que pēser à businer. Et qui fut cil, qui luy donna à boire dernièrement? demanda le Duc. Nous ne sauons respondirent les Medecins) car tantost, la table ostee nous nous departismes, pour nous appareiller, & cheuaucher. Sachez ce par ses Bouteillers. ou par ses Chambelans. Doncques fut mandé Robert de Tulles, vn Escuyer de Picardie, & maistre des Eschançons. Il y vint:& quand il fut venu, on luy demanda qui auoit donné au Roy dernièrement à boire. Il respondit:& dit, Messeigneurs messire Robert de Li-

*Le Roy Charles
fixiesme rame-
né malade au
Mans.*

gnac. Adonc il fut mandé. Le Cheualier y vint. Quand il fut venu, on luy demanda ou il auoit pris le vin, dont le Roy auoit beu en sa chambre, quand il deut monter à cheual. Il respōdit: & dit, Messeigneurs, veez là Robert de Tulles, qui le liura, & en fit l'essay, & moy aussi, en la presence du Roy. C'est verité dit Robert de Tulles: mais en tout ce ne peut auoir nulle doute ne souspeçon: car encores il y a du vin es bouteilles, pareil du Roy: & en beurons & ferons volontiers l'essay deuant vous. Donc parla le Duc de Berry: & dit: Nous debatons & trauaillons pour neant. Le Roy n'est empoisonné, n'enforcelé, fors de mauuais conseil: mais il n'est pas heure de parler de ceste matiere maintenant. Mettons tout en souffrance, iusques à vne autre fois.

Comment, estant le Roy Charles, sixiesme, troublé de sens & d'entendement par maladie, fut amené du Mans à Creil sur oyse: & comment le gouvernement du Royaume fut mis entre mains des Ducs de Berry & de Bourgogne, par l'auis des trois Estats.

CHAPITRE XLIIII.

Surcelle conclusion & estat se departirent les Seigneurs, pour ce soir, l'un de l'autre: & se retirèrent en leurs hostels, & en leurs chambres: & furent ordonnez, de par les oncles du Roy, à demourer tous quois delez le Roy, pour le garder & aussi administrer souverainement, quatre Cheualiers d'honneur: premierement messire Regnaud de Roie, & messire Regnaud de Trie, le Sire de Garenciers, & messire Guillaume Martel: & fut dit au Seigneur de la Riuiere, & à messire Jehan le Mercier, à Montagu, au Begue de Villaines, à messire Guillaume des Bordes, & à messire Helion de Lignac, qu'ils s'en deportassent de tous points, tant comme ils verroient comment il se porteroit, & seroit en meilleur estat. Si s'en deporteront: & les autres en eurent l'administration. Quand ce vint à l'endemain, les oncles du Roy l'allerent veoir: & le trouuerent moult foible: & demanderent comment il auoit reposé. Ses Chambelans responderent Petitement, n'il ne se peut prendre à repos. Ce sont pources nouuelles, respondit le Duc de Bourgogne. Adonc se trairent ils tous trois deuers le Roy (& ià y estoit venu le duc d'Orleans) & luy demanderent comment il luy estoit. Il ne sonna, ne respondit, parole: mais les regarda diuersement: & perdit la cognoissance d'eux. Ces Seigneurs furent tous ébahis: & parlerent ensemble: & dirēt, Nous n'auōs cy que faire. Il est en tresmauuais estat. Nous le greuōs plus que nous ne luy aidons. Nous l'auons recommadé à ses Châbelans & à ses Médecins. Ils en songneront, & penseront. Or penson comment le Royaume soit gouverné: car il faut qu'il y ait gouvernement & ordonnance, autrement les choses iroient malement. Adonc dit le Duc de Bourgogne au Duc de Berry, Beau-frere, il nous conuient traire vers Paris, & ordonner que le Roy soit porté là tout souef, & quoyemēt: car mieux entendrons nous à luy par-dela, qu'icy en ceste lointaine marche: & quād nous serons là venus, nous mettrons ensemble tout le Conseil de France: & là sera ordonné & auisé comment on cheuira au Royaume de France, & lesquels en aurōt l'administration & le gouvernement beau-neueu d'Orleans ou nous. C'est bien dit (respōdit le Duc de Berry) Or faut il auiser & regarder en quelle place & lieu on le mettra, qui luy soit bonne & propice, pour plus tost retourner à santé. Il fut auisé & regardé qu'on le meneroit tout bellemēt & souef au chastel de Creil, & que là a tresbon air & beau pais, sur la riuiere d'Oyse. Toutes ces ordonnances tindrent: & donna on congé à tous Gens-d'armes: & leur fut dit, & à tous les Mareschaux, que chacun retournaist en son hostel, tout doucemēt & courtoisemēt, sans faire aucune violence sur le pais: & se les routes en faisoient, on s'en prendroit aux Seigneurs, pour amender se forfait & dommage, que leurs gens auroient fait. Les deux oncles du Roy & le Chancelier de France meirent tātost force varlets de cheual en œuure: & les enuoyerēt par les citez & bonnes villes de France & de Picardie, en eux signifiant & estroitement mandant, qu'ils fussent songneux de faire garder les villes & les citez: & la cause pourquoy, on leur touchoit, vn petit, que le roy n'estoit pas bié disposé. Les mādemens furent tenus & accomplis par tout. Or furent les bonnes gens du Royaume de France bien ébahis & courroucez, quand ainsi les nouuelles furent épandues & notoires: sceuës, que le Roy de Frâce estoit ainsi cheu, par incidēt, en maladie & en frenaisie. Si en parlerent bien largemēt plusieurs gens sur ceux, qui auoiēt conseillé au Roy d'aller en Bretaigne: & les autres disoiēt que le roy auoit esté trahy de ceux, qui vouloient porter à l'encontre de luy le Duc de Bretaigne & messire Pierre de Craon. On ne peut desfendre à parler. La matiere estoit bien telle & si grāde, qu'elle desiroit bien estre vtillee en plusieurs & diuerses manieres. Finalement le Roy fut amené à Creil, & là mis en la garde

† Ce second est pris desala, de-faillant icy, en nostre Exempl. & estant sur-nomé de Teye en Perard.

Le Roy amené du Mans à Creil sur Oyse.

garde des Médecins & des dessusdits Cheualiers. Tous Gens-d'armes se départirēt: & se trahirent en leurs lieux. Il fut ordonné & deffendu qu'on celast celle auenture de la maladie du Roy, à la Royne, vn temps (car pour ces iours elle estoit durement enceinte) & fut deffendu à tous & à routes, qui estoient de la chambre, sur peine d'estre grandement corrigez, que nuls, ne nulles, n'en fissent nulle mention. Ce fut celé vn grand temps, & teui & fut le Roy à Creil, en la marche de Sélis & de Cōpiegne, sur la riuere d'Oyse: & le gardoiēt les cheualiers dessus-nōmez: & les Médecins le medecinoiēt: mais pour leurs Médecines trop petitement il receut santé. En ce temps auoit vn tresvaillāt & sage Médecin au Royaume de France: & n'y auoit point son pareil nulle part: & estoit grandement amy au Seigneur de Coucy, & de la nation de ceste terre. Celuy demouroit pour ce tēps en la cité de Laon: & là faisoit il plus volontiers sa residence, qu'ailleurs: & estoit nommé Maistre Guillaume de Harfely. Quand il sceut premierement les nouuelles de l'accident du Roy, & par quel incident il estoit cheu en maladie, il dit ainsi (car il cuidoit assez cognoistre la cōplexion du Roy) Ceste maladie est venue au Roy † de coulpe. Il tient trop † de la moiteur de la mere. Ces parolles furent rapportees au seigneur de Coucy: qui pour ce temps se tenoit à Paris delez le Duc d'Orleans & les oncles du Roy: car pour lors les Consaux de France, des Nobles, des Prelats, & des bonnes villes, estoient à Paris, pour veoir & conseiller lesquels, ou lequel, auroient le gouuernement du Royaume, tant que le Roy seroit retourné en bon estat, se retourner y deuoit: c'est assauoir, son frere le Duc d'Orleās, ou ses oncles, ou l'un d'eux tout par luy: & fut on sur cest estat & Cōseil plus de quinze iours, qu'on ne pouuoit estre d'accord. Finalement auisé fut & conseillé, pour cause que le Duc d'Orleans estoit trop ieune pour entreprendre si grand faix, que les deux oncles du Roy, le Duc de Berry & celui de Bourgongne, si auroient le gouuernement, & principalement le Duc de Bourgongne: & que Madame de Bourgongne se tiendroir toute quoye delez la Royne, & seroit la seconde apres elle.

D'un grand Médecin, nommé maistre Guillaume de Harfely: que le Sire de Coucy fit venir pour la maladie du Roy: & des diuers propos, que l'on tenoit sur icelle.

CHAP.

XLV.

OR fauifa (comme ie vous dy) le Seigneur de Coucy de Maistre Guillaume de Harfely. Si en parla aux oncles du Roy, & leur remonstra, pour le proffit du Roy, & pour sa santé recouurer, la prudence & la vaillance dudit Maistre Guillaume de Harfely. Les Ducs de Berry & de Bourgongne y entendirent volontiers: & le manderent. Il vint à Paris. Quand il fut venu, le Sire de Coucy (deuers qui il se tragt tout premierement: car il estoit grandement son cognu) le mena deuers les oncles du Roy: & puis leur dit, Veez cy Maistre Guillaume de Harfely: dōt ie vous auoye parlé. Il soit le tresbien venu, respondirent les deux Ducs. Ils le recueillirent: & luy firent tresbonne chere: & puis l'ordonnerent pour aller à Creil, veoir & visiter le Roy: & demourroit tant deuers luy, qu'il seroit en bon estat. Ledit Maistre Guillaume, à la contemplation & ordonnance des seigneurs, se departit de Paris en bon estat & arroy (ainsi cōme à luy appartenoit) & se meit au chemin: & vint à Creil: & ainsi comme les Ducs luy auoient ordonné, il le fit: & se tint tout quoy delez le Roy: & entreprit, par sur tous les autres Médecins, la souueraine administration de luy curer: & veit bien & cognut que la maladie estoit curable; & que le Roy l'auoit prise & conceue par foiblesse de cuer & par incidēce de coulpe: si que pour y pourueoir & remédier il s'entendoit grandement. Les nouuelles de la maladie du Roy de France se porterent bien loing: & (qui qu'en fust doulent & courroucé) vous deuez croire, & sauoir, que le Duc de Bretagne & messire Pierre de Craon si n'en firent pas grand compte: mais l'eurent tantost bien ploré: car il les auoit trauaillez à moult grand haine. Quand le Pape de Romme, Boniface, & ses Cardinaux en sceurent la verité, si en furent tous réiouïs: & se meirent ensemble en Cōsistoire: & dirent que le plus grand de leurs ennemis (qui estoit le Roy de France) estoit battu de verges crueuses (quand Dieu luy auoit ainsi hastiuement tollu son sens) & que ceste influence estoit du ciel descendue sur luy pour le chastier, & que trop auoit soustenu cest Antipape d'Avignon: & la playe crueuse luy estoit enuoyee pour employer & auiser son Royaume: & tenoient entre eux, & disoient, que leur querelle en seroit plus belle. A considerer toutes ces choses, & parler par raison, ce fut vne grande signifiāce, & dont le Pape & les Cardinaux d'Avignon se deussent bien estre auisez & ébahis: Mais ils n'en firēt compte, pour l'honneur du Roy & du Royaume: & dirent, entre eux, que le Roy (qui estoit ieune & plain

*† Ainsi disent
Sala & Verard
mais ie n'enten
point bien pour
quoy.*

*Le gouuerne-
ment du Royais
me de France
mis entre maïs
des ducs de Ber-
ry & de Bour-
gongne, par l'a-
uis des trois Es-
tats, durant la
maladie du
Roy.*

*Maistre Guil-
laume de Har-
fely, Medecin,
entreprend la
cure de la ma-
ladie du Roy.*

*Deuis du Pape
de Romme &
des Cardi-
naux sur la ma-
ladie du Roy.*

*Autres denis
du Pape d'Au-
ignon & de
ses Cardinaux,
sur la maladie
du Roy.*

de ses cuiders & volonte) auoit accueilly ceste maladie par defaute: n'on n'y pouuoit, ne deuoit, entendre autre chose (car on le laissoit trop cōuenir, & auoit l'on laissé le tēps passé) & que petitement & foiblement on l'auoit laissé & gardé, & que trop il auoit fait d'exces de cheuaucher par nuit & par iour, & de trauailler son corps & son chef en toutes peines, hors mesures & les articles de raison: & que ceux, qui gouuerné l'auoient du tēps passé, en deuroient estre chargez, & nuls autres: car c'est leur coulpe: car, fils eussent au Roy, en son enfance & ieunesse, donné vne reigle raisonnable, & l'eussēt tenu en icelle par le conseil & ordonnance de ses oncles, ceste incidēce de maladie ne luy fust point auenue. Auecques tout ce, il y a vn trop grand membre de raison: car il promit l'annee

*† Nompas la
derniere: mais
quand il fut en
Languedoc.*

† passée au Pape, & iura sur sa foy, en parole de Roy, qu'il s'ordonneroit tellement, que par sa puissance il destruiroit l'Antipape de Romme & ses Cardinaux, & osteroit le scisme de l'Eglise, & remettrait les choses, qui sont moult troublees, en bon estat: mais il n'e a riēs fait: ains est allé de tous poincts cōtre sa parole & son serment: dōt Dieu est courroucé: & pour l'auser, le bat de ceste verge de fiēure: & c'est, à entendre raison, tout pour nous: & s'il retourne à santé (ainsi que bien le pourra faire) il nous y faudra enuoyer suffisans & sages Legaux: qui luy remontreront viuement & sagement, la defaute de ses promesses: à fin que point ne les ignore par nostre negligēce. Ainsi se deuisoient en Auignon, & propoisoient le Pape & les Cardinaux: & disoient que de ceste maladie, dōt il auoit esté battu, il l'auoit grandement acquise, & en estoit cause, & tournoient trop grandement le meffait, & incident de l'aenture, sur luy, sur ses gardes, & sur le Conseil de sa chambre.

*Diuerses deu-
tions pour la
santé du Roy.*

Aussi faisoient bien autres gens parmy le Royaume de France: sans eux. On enuoya en vne ville, qu'on appelle Aresnec, en la Comté de Hainaut, entre Cambray & Valenciennes: en laquelle ville a vne Eglise, qui est tenue de l'Abbaye de S. Vast d'Arras: ou on adore S. Aquoie: & là gift en fierté moult richement, en argēt, le benoist corps dessus-nommé: & est requis & fort visité de moult de lieux: pourtāt que ses verges sont moult crueufes de frenaisie & resuerie. Or, pour honorer le saint, il y fut enuoyé vn homme, fait de cire, en forme du Roy de France, & vn tresbeau cierge & grand, & offert moult deuotement & humblement au corps Saint: à fin qu'il voulsist supplier à Dieu, que la maladie du Roy de France (laquelle estoit moult grande & cruelle) fust allegée de ce don & offrande. Aussi fut enuoyé pareillement vn autre don & offrande à Saint Hermier en Rouais: lequel Saint a le merite de guerir de toute frenaisie. En tous lieux, ou on sauoit des corps Saints, ou corps de Saintes, qui eussent grace & merite, par la vertu de Dieu, de guerir de frenaisie & de resuerie, on y enuoyoit ordonnément & deuotement l'offrande du Roy. Quand les nouuelles en furent venues en Angleterre, & que le Roy & les Seigneurs le sceurent, si en furent grandement troublez: & par especial le Duc de Lanclastre le plaignit moult: & dit ainsi aux Cheualiers & Escuyers, qui estoient delez luy, Par ma foy c'est grand pitié: car il monstroist estre homme de grand' entreprise, & de bonne volonté à bien faire: & me dit à Amiens, au congé prendre, Beau-cousin de Lanclastre, ie vous prie cheremēt que vous mettez peine, & rendez vostre diligēce, que ferme paix soit entre nous & vostre neueu, & nostre cousin aussi, le roy d'Angleterre, & noz Royaumes: parquoy nous puissions aller à grand' puissance sur l'Amorabaquin (qui a conquis le Royaume d'Armenie, & qui se met en peine de destruire Chrestienté) parquoy nostre loy soit exaucée: car nous sommes tous tenus de ce faire. Or est (dit le Duc de Lanclastre) la chose moult retardée: car iamais n'aura si grand' credence, comme il auoit par-auant. C'est verité (respondirent ceux, à qui il en parloit) mais le Royaume de France est bien taillé de cheoir en moult grand trouble.

*Plainte du Duc
de Lanclastre
sur la maladie
du Roy de Frā-
ce Charels six-
iesme.*

*Comment les ducs de Berry & de Bourgongne entreprirent de ruiner ceux, qui nagueres auoient
esté du Conseil de la chambre du Roy: & comment le Duc de Bourgongne commença premiere-
ment à estranger rudement le Connestable de Clisson*

CHAP. XLVI.

Ainsi se deuisoient tous Seigneurs & toutes gens es pays loingtains, & prochains: ou la cognoissance de la maladie du Roy de Frāce estoit veüe & sceüe: & le Roy estoit tout quoy au Chastel de Creil, en la garde des Cheualiers cy-cessus-nommez & de Maistre Guillaume de Harfely (qui en auoit la souueraine cure & administration) ne nul ne parloit au Roy, n'entroit au Chastel: fors ceux, qui estoient deputez & ordonnez pour luy. A la fois le Duc d'Orleans & le Duc de Bourbon y venoient, pour le veoir

le veoir & visiter, & sauoir comment il se portoit: & les Ducs de Berri & de Bourgogne se tenoient à Paris: & n'auoient encores riens fait de nouuel: mais ils auoient en propos qu'ils ouureroient de brief, & tout par raison, sur aucuns (lesquels ils n'auoient pas bien à grâce, & leurs Cōsaux: car ils les auoient trouuez durs, haux & rebelles, en plusieurs manieres: & disoit le Duc de Berry, Clifson, la Riuiere, le Mercier, & le Begue de Villaines, quand ils furent avec le roy en Languedoc, m'osterent, & punirent à mort crueusemēt, mon Trésorier & bon seruiteur Betilach, par enuie & mauuaistié: n'oncques pour chose, que ie sceusse & peusse dire, ne faire, ie ne le peu auoir de leurs mains. Or se gardent maintenant de moy: car l'heure viendra, que ie les payeray de monnoye pareille, & forgée en mesme forge. Aussi le Duc de Bourgogne & ses conforis ne pouuoient aimer les defus-nommez: qui auoient gouuerné le Roy: car, quand ils auoient à besongner en Court, ils estoient durement reboutez & reculez: & faisoit on moult petit pour eux: dont ils sauoient bien parler & murmurer en derriere. Pour ces iours la Duchesse de Bourgogne (qui estoit vne trescrueuse & haute Dame) se tenoit à Paris, delez la Roynie de France, & en auoit la souueraine administration: ne nul, ne nulle, ne parloit à la Roynie, fors par le moyen d'elle. Celle Dame hayoit de tout son cuer messire Oliuier de Clifson, pour la cause du Duc de Bretagne (car ce Duc luy estoit moult prochain de sang) & en parloit moult souuent la dame au Duc de Bourgogne: & luy remōstroit viuement que c'estoit grande faute qu'on auoit tant porté Oliuier de Clifson, à l'encontre d'un si grand Prince, que son cousin le Duc de Bretagne. Le Duc de Bourgogne, sage, froid, & imaginatif, & qui sur ces besongnes veoit au long, & ne vouloit pas mettre trouble au Royaume de France, mais tenir en paix toutes parties, tant qu'il pouuoit, ne qui ne vouloit pas, ne n'auoit voulu du temps passé, courroucer ses seigneurs (c'est à entendre le Roy Charles son frere, ne le Roy Charles, son neveu) respondoit à sa femme sagement & doucement: & disoit, Dame, en tout temps fait bel & bon dissimuler. Verité est que nostre cousin de Bretagne est un grand Seigneur, & sa seigneurie & puissance peut trop bien cōtre le Seigneur de Clifson. Si ie me faisoie ià partie avecques luy, au Seigneur de Clifson, on s'euilleroit trop grandement en France: & à bonne cause: car le Seigneur de Clifson dit, monstre, & met outre, que toutes les haines, qu'il a à nostre cousin de Bretagne, sont engendrées pour soustenir le Royaume de France (ou nous auons grand' part) & ainsi l'entend pareillement la commune renommee du Royaume de France: & iusques à ores ie n'ay veu nul certain article, pourquoy de faict ie me soye auancé de demourer delez nostre cousin de Bretagne à l'encontre du Seigneur de Clifson. Si m'en a conuenu dissimuler: si ie vouloye demourer en la grace du Roy & du Royaume: ou ie suis tenu, de foy & de serment, trop plus que ie ne suis au Duc de Bretagne. Or est auenu ainsi, que Monseigneur n'est pas en bon poinct, mais en un dur party, ainsi comme vous sauez: & tout est à l'encontre du seigneur de Clifson, & sera, & contre ceux, qui l'ont conseillé, outre nous, mon frere de Berry & moy, d'aller au voyage, ou il vouloit outrement aller. La verge est toute cueillie, dont ils feront hastiement bartus & corrigez: ainsi que vous verrez, & orrez dire de brief: mais que vous vueillez un petit attendre & souffrir. Dame, Dame, il n'est pas saison, qui ne paye: ne fortune, qui ne tourne: ne cœur courroucé, qui ne s'eiouisse: ne réiouy, qui n'ayt des courroux. Clifson, la Riuiere, Montagu, le Mercier, de Villaines, & encores autres, ont mal ouuré: & on leur montrera de brief. Ainsi, & partels langages, réiouyssoit à la fois le Duc de Bourgogne, la Duchesse sa femme. Or auint un iour, & guerres ne demoura depuis ces parolles dessusdites, que le Duc de Bourgogne & le Duc de Berry eurent un Parlement secret ensemble: & disoient, Il nous faut commencer à destruire ceux, qui ont deshonoré nostre neveu le Roy, & qui ont ouuré & fait de luy à leur entente & volonté: & premierement nous commencerons au Connestable. C'est le plus grand, & qui a le plus de finances: car il meit en termes, & fit testament l'autre iour, quand il fut blecé, de dixsept cens mille francs. Ou (Diable) en a il tant assemblé? veu qu'il luy a bien encores cousté, pour le mariage de sa fille à Jehan de Bretagne nostre cousin (qu'il deliura hors du danger & prison d'Angleterre) deux cens mille francs? Et comment y entrerons nous, tout par poincts & par raisons? car veez cy nostre neveu, le Duc d'Orleans, qui le porte tresgrandement, & aussi font aucuns Barons de France. Neantmoins, si nous le tenons, nous le demenerons par loy & Parlement: lequel nous auons à present pour nous. C'est verité, dit le Duc de Bourgogne. La premiere fois qu'il viendra parler à moy (& si faut qu'il y vienne de dans

Le Duc de Berry en deliberation de venger la mort de son Trésorier Betilach, sur aucuns du Conseil de la châtre du Roy.

Madame de Bourgogne pour chace contre le Connestable de Clifson enuers le Duc son mary.

Deliberation des ducs de Berry & de Bourgogne sur la destruction du Connestable de Clifson & autres fauoris du Roy durant sa santé.

*Le Connestable
de Clifson vers
le Duc de Bour-
gongne, pour
luy parler de
quelques affai-
res de son estat.*

demain) ie luy mōstreray bien, à la recueille que ie luy feray, que ie ne l'ay pas à grace: ou vous, beau-frere de Berry, si premierement il alloit à vous. Ie le feray ainsi dit le Duc de Berry. Et se departirent du Conseil. Or auint que le Sire de Clifson (qui riens ne pensoit: mais cuidoit moyennement bien estre de ces Seigneurs, le Duc de Berry & le Duc de Bourgongne) vint pour le deu de son Office de Connestable. Car il estoit poursuivy d'aucuns Cheualiers & Escuyers: qui en ce voyage auoient esté, & vouloient auoir argent: car encores n'en auoient ils point eu: & les enuoyoit le Chancelier de France, & le Tresorier, deuers luy, pour s'en deliurer. Or vint (si-comme ie vous dy) à vne releuce, le Connestable à l'hostel d'Artois à Paris, remontrer l'estat de ces besongnes au Duc de Bourgongne, & non à autre: car ià luy estoit baillee & deliuree la charge du gouvernement du Royaume de Frâce. Quand il fut venu à l'hostel d'Artois, luy & ses gens (plâté n'y en auoit il mie) ils entrèrent en la court (car le portier leur ouurit la porte) & descendirent de leurs cheuaux. Le Connestable monta les degrez de la salle, luy & vn Escuyer tant-seulement: & les autres l'attendoient bas en la court. Quand le Connestable fut en la salle, il trouua deux des Cheualiers du Duc de Bourgongne, si leur demanda en quel poinct le Duc estoit, & l'il pourroit parler à luy. Sire, nous ne sauons (respondirent les Cheualiers) mais nous le saurons tantost. Demourez icy. Ils entrèrent en la chambre du Duc: & le trouuerent assez à deloisir: car il iangloit à vn Heraut: qui venoit (ce disoit il) d'une feste, qui s'estoit tenue en Allemagne. Les Cheualiers rompirent ces parolles: car ils dirent ainsi, Monseigneur, veez cy messire Oliuier de Clifson en celle salle: & vient (à ce qu'il nous a dit) pour parler à vous: si c'est vostre plaisir. De par Dieu, dit le Duc de Bourgongne. On le face venir auant. Nous auons assez loisir maintenant pour parler à luy, & sauoir qu'il veut dire. L'un des Cheualiers issit hors de la chābre: & appela le Connestable: & luy dit, Sire, venez outre. Monseigneur vous mande. Le Connestable passa auant. Quand le Duc de Bourgongne le veit, si mua couleur trop grandement: & se repentit en soy-mesme de ce qu'il l'auoit fait venir: quoy qu'il eust bien desir & affection de parler à luy. Le Connestable osta le chaperon de son chef: & enclina le Duc de Bourgongne: & luy dit, Ie suis venu par-deuers vous, pour sauoir de l'estat & gouvernement du Royaume, & comme on s'en voudra cheuir: car pour mon Office ie suis tous les iours poursuivy & demandé: & pour le present vous & Monseigneur de Berry en auez le gouvernement. Si m'en vueillez respondre. Le Duc de Bourgongne respondit assez fellement, & dit, Clifson, Clifson, vous n'auiez que faire de vous embesongnez de l'estat du Royaume de France: car sans vostre Office il sera moult bien gouverné. A male heure tant vous en estes vous meslé. Ou (Diable) auez vous tant assemblé, ne cueilly, de finances, que nagueres vous fistes vostre testament & ordonnance plus que de quinze cens mille francs? Monseigneur, ne beau-frere le Duc de Berry, ne moy, pour toute nostre puissance, à present n'en pourrions tant assembler, ne mettre ensemble. Partez de ma presence, issez de ma chambre: & faites que plus ne vous voye, car, se n'estoit pour l'honneur de moy, ie vous feroye l'autre œil creuer. A ces mots le duc de Bourgongne se departit: & laissa le Seigneur de Clifson tout quoy: lequel issit hors de la chambre, baissant le chef, & tout pensif: & nul ne luy fit conuoy: & passa parmy la salle: & l'aualla tout ius: & vint en la court: & monta à cheual: & se departit d'avecques ses gens: & se meit en chemin à la couuerte: & retourna en son hostel, sans dire autre chose.

*La rude respo-
se du Duc de
Bourgongne à
Oliuier de Clif-
son.*

Comment messire Oliuier de Clifson, Connestable de France, ayant esté rudement repoussé de parole par le Duc de Bourgongne, se retira à Montlehery: & comment, estant poursuivy iusques là, eut loisir de se retirer au chastel Ioffelin en Brétaigne. CHAP. XLVII.

Quand le Sire de Clifson fut reuenu à son hostel, il eut maintes pensees & imaginations à soy-mesme, pēsant & imaginant quelle chose il feroit: & cognut tantost que les choses iroient mal: & ne sauoit à qui parler ne decouurir ses besongnes: car le Duc d'Orleans estoit à Creil. Neantmoins, si luy fut à Paris, si n'auoit il nulle puissance de le sauuer ne garder. Si se douta trop fort que le Duc de Bourgongne ne le fist prendre, & efforcer son hostel: & n'osa attendre celle auenture: mais ordonna tantost toutes ses besongnes: & dit à aucuns de ses varlets ce, qu'il vouloit faire: & sur le soir il se departit, luy troisieme: & vuida son hostel par-derriere: & issit de Paris par la porte Saint-Anthoine: & vint au pont de Charenton, passer la riuere de Seine: & cheuaucha tant qu'il se trouua en vn sien chastel, à sept lieues de la ville de Paris: qu'on dit & nomme Montlehery.

*Le Connestable
de Clifson se re-
tire secrettemēt
de Paris à Mōt-
lehery.*

Montleheri, & là se tint tant qu'il ouït autres nouvelles. Ce propre iour que le duc de Bourgongne eut ainsi rauallé le Connestable de France, le duc de Berri & luy se trouuerent: car ils vindrent au Palais, parler ensemble des besongnes, qui touchoient & appartenoient au royaume de France. Si compta le duc de Bourgongne à son frere le duc de Berri, comment il auoit parlé & rauallé messire Oliuier de Clifson. Le duc de Berri respondit & dit, Vous avez bien fait. Par aucune voye fault il entrer en eux: car vrayement Clifson, le Mercier, la Riuiere, & Montagu ont dérobé le royaume de France: mais le temps est venu qu'ils remettront tout arriere, & y laisseront les vies, qui me voudra croire. Je ne say comment il en aduint, ne que ce fut. Ce propre iour que le Connestable issit de Paris, Montagu s'en partit aussi tout secrettement, par la porte saint Anthoine: & prit le chemin de Troye en Champaigne & de Bourgongne, & dit qu'il ne seiourneroit, n'arresteroit nulle part, tant qu'il se trouueroit en Auignon: & ia y auoit enuoyé vne grande partie de ses finances: & si en auoit laissé à sa femme aucune chose, pour tenir son estat courtoisement: car bien veoit & congnoissoit (puis que le Roy auoit perdu son sens) que les choses iroient mal: car les Ducs de Berri & de Bourgongne ne parloient mais à luy. Messire Iehan le Mercier eust volôtiers ainsi fait s'il eust peu: mais on auoit iamis sur luy gardes, que rien sans sceu, n'issoit de son hostel: & ce, qu'au deuant il auoit saué, luy vint bien à point, quand il le trouua: car tout ce, qu'on peut tenir, auoir ne trouuer du sien fut attribué aux ducs de Berry & de Bourgongne. Il luy fut fait vn commandement, de par les dessusdits, qu'il allast tenir son corps prisonnier au chastel du Loure, & au Begue de Villaines, compte de la Rebelde en Espaigne aussi ils y allerent. On enuoya à l'hostel de Montagu: mais ceux qui enuoyez y furent, ne le trouuerent point, & si ne sauoit à dire nul par quelle part il estoit allé. On le lascia quand on ne le peut auoir. On demanda si Oliuier de Clifson estoit à Paris: & fut enuoyé querir à son hostel, pour luy faire commandement (son l'eust trouué) qu'il fust allé aussi tenir son corps prisonnier au chastel du Loure. On ne l'y trouua point, n'homme de par luy, fors le Concierge, qui gardoit l'hostel, & n'en sauoit nulles nouvelles. On lascia ainsi ester les paroles deux iours, tant qu'on sceut de verité qu'il estoit en son hostel de Montleheri. Quand les dessusdits Seigneurs le sceurent (qui le vouloient prendre & attraper, dont il luy eust pris mal) ordonnerent tantost le Barrois des Barres, & messire Iehan de Chastel-mortant, le Seigneur de Coucy, & messire Guillaume de la Trimouille, à trois cens Lances, & leur dirent, Allez vous en à Montleheri, & enuironnez la ville & le chastel, & ne parlez point de là, sans nous ramener Clifson mort ou vif. Les Cheualiers obeirent: & firent leur conuint (car les deux ducs pour l'heure auoient l'administration du royaume de France) & se departirent de Paris, à plus de trois cens Lances, non pas à vne fois, mais à cinq routes, à fin que leur issue fust moins cognue. Mais Dieu aida si bien au Connestable, & eut si bons amis en la cheuauchee, que ceste venue luy fut signifiée, si bien à temps & à point, qu'il ne prit point aucun dommage, & se departit luy & ses gens: & chemina & cheuaucha tant par voyes couuertes, boys & bruyeres, hors des citez & villes fermées, qu'il vint sauement & seurement en Bretagne: & se bouta en vn sien chastel, bien garni & pourueu de toutes choses, lequel on appelle le Chastel-Ioffelin: & là se tint tant qu'il ouït autres nouvelles. Pour ce ne demoura pas long temps que le Barrois des Barres & les autres Cheualiers dessus nommez, ne se meissent en peine de faire leur enprise, ainsi que chargé leur estoit, & vindrent à Montleheri: & se faquirent de la ville, & enuironnerent le chastel: & furent la vne nuit: & cuidèrent que le Connestable fust dedans: mais non estoit: ainsi comme vous sauez. Si s'ordonnerent au matin, ainsi que pour assaillir, & les varlets, qui estoient au chastel, enuoyerent deuers les Cheualiers pour sauoir quelle chose on demandoit. Ils respondirent qu'ils vouloient auoir messire Oliuier de Clifson: & pource estoient ils la venus. Les varlets, qui le chastel gardoient respondirent: & dirent que le Sire de Clifson estoit departi de là, passé auant quatre iours: & offrirent à ouurir le chastel & querir par tout. Les cheualiers si allerent au chastel, & toutes leurs routes, armez de pié en cap, ainsi que pour combattre: & ce firent, à fin que là dedans ils ne fussent surpris de trahison, ne d'aucune embusche: mais ils trouuerent verité, de ce, que les varlets du Seigneur de Clifson disoient: & ils chercherent haut & bas & par tout: mais riens ne trouuerent. Adonc se departirent-ils & retournerent vers Paris. Si compterent à ceux, qui les auoient là enuoyez, comment ils auoient exploité.

*Secret depart
de Montagu
l'un des fauoris
du Roy Charles
hors de Paris.*

*Messire Iehan le
Mercier & le
Begue de Villai-
nes prisonniers
à Paris par com-
mandement des
deux gouver-
neurs du royaume.*

*Quatre vaillans
capitaines ordon-
nez, à aller pren-
dre le Connesta-
ble de Clifson à
Montleheri.*

*Le Connestable
Clifson secrette-
ment auerty, se
retire de Mont-
leheri au cha-
steau Ioffelin en
Bretagne.*

Comment le Sire de la Riviere, l'un des principaux du Conseil de la chambre du Roy durant sa santé, fut fait prisonnier par le commandement des Ducs de Berry & de Bourgogne: & comment Madame Jehanne de Boulogne, Duchesse de Berry, intercedoit pour luy enuers le Duc son mary.

CHAP. XLVIII.

† Il y auoit icy
une fois a-
pres Amiens
puis Mâs, que
nous auons re-
mis selon le cha-
pitre 41. cōbiē
que Sala dit icy
Annaux An-
uaux ou A-
miaux.
† Il y auoit icy
Amiens.

Le Seigneur de
la Riviere se
laisse prédre par
siblemēt en son
chasteau par le
Barrois des Bar-
res, au comman-
demēt des deux
oncles du Roy.

† Il disoit encor
ici au Mans,
& par tout a-
pres: en sorte
que ie ne vous
puis asseurer du
vray nō, mais
i'ay pris An-
nens pour oster
l'Amphibolo-
gie des villes
d'Amiens &
du Mans.

¶ Vand les Ducs de Berri & de Bourgogne, & leurs Cōsaux, veirent que messire Oli-
quier de Clifson leur estoit eschapé, si furēt moult courroucez, & le duc d'Orleans &
le Duc de Bourbon tous resiouis. Or (dit le duc de Bourgogne) il a monstré qu'il se dou-
te: mais, s'il s'en est allé & fuy, pource n'est il pas quicte. Nous le ferons traire & reue-
nir auant hastiuement: ou il perdra tout ce, ou nous pourrons la main mettre: ne ia n'en
fera deporté. Car il y a sur luy plusieurs articles de raisonables, qui ne demandent que
iugement & punition: & se les grans & les puissans, & les mauuais, n'estoient punis & cor-
rigez, les choses ne seroient point iustement proportionnees, & se contenteroient mal
les petits & les foibles. Iustice doit estre loyale, & non pas espargner ne foible, ne fort:
parquoy tous s'y exemplient. Ainsi disoit & deuisoit le Duc de Bourgogne: & messire
Oliuier de Clifson s'estoit mis & bouté sauuemēt en son chasteel-Ioffelin en Bretaigne, &
estoit bien pourueu de tout ce qui appartenoit à forteresse tenir & garder. Ce propre
iour que le Barrois des Barres fut retourné à Paris deuers les Seigneurs, & qu'il leur eut
dit & compté que messire Oliuier de Clifson n'estoit point au chasteel de Montlehery, il
luy fut dit de par le duc de Berri & le duc de Bourgogne, Departez vous Barrois demain
de bon matin & cheuauchez iusques à † Annens. On nous a dit que le Sire de la Riue-
re y est maintenant, Demandez l'y de par nous, & de par le Conseil du Roy, & l'ayez
tel, que vous nous en rendiez bon compte, quand nous vous le demanderons. Et il re-
spondit, Messeigneurs volontiers. Adoncques cheuaucherent le lendemain luy & sa
route: & s'en vindrent à Annens, vne tresbelle forteresse, seant empres Chartres, que le Si-
re de la Riviere tenoit: & l'auoit prise en mariage avecques la Dame d'Annens sa fem-
me: & auoit le chasteel, & toute sa terre, trop grandement amendé, & moult estoit ai-
mé de ses hommes en sa terre: car il ne vouloit que tout bien & loyauté. Les Com-
missaires, de par les Seigneurs dessus nommez, vindrent à † Annens: si firent ce, dont ils
estoint chargez: & trouuerent le Seigneur de la Riviere, sa femme, & ses enfans. Le Sei-
gneur n'attendoit autre chose: car ia luy auoit on signifié que messire Jehan le Mercier
& le Comte de la Rebelde tenoient prison, & que le Connestable estoit party, & fuy
hors de Montlehery, & retrait (quoy que ce fust) à sauueté: & luy auoit on dit, Sire, sau-
uez vostre corps, car les enuieux ont à present regne contre vous: & est fortune tournée
pour eux. Il auoit respondu à ces paroles, & dit ainsi. Icy, & autre part, suis ie à la volonté
de Dieu. Si ie m'en fuyois, ou mufsoie, ie me ietteroie au fait, dont ie me sen pur & net:
Dieu m'a donné ce, que i'ay: & il le me peut oster, quand il luy plaist La volonté de Dieu
soit faite. I'ay serui le Roy Charles de bone memoire, & le Roy son fils, à present regnāt
biē & loyaumēt. Mō seruice a esté biē cognu d'eux: & le m'ont grādemēt remuneré. I'o-
seray bien, sur ce que i'ay fait, serui & trauaillé, à leur cōmandement, pour les besongnes
du Royaume de France, attendre le Iugement du Parlement de Paris: & s'on trouue en
tous mes faits, chose ou il y ait riens à dire, ie soye puni & corrigé. Ainsi disoit & auoit dit
le Seigneur de la Riviere à sa femme, & à son conseil, en deuant ce que les commissaires
des Seigneurs dessus nommez si veinssent † à Annens. Encores on luy dit Monseigneur
veez cy tels & tels: & viennent à main armee, voulans entrer ceans. Que dites vous? ou-
rirons nous la porte? Dir il, Quoy dōcques? ils soient les tresbien venuz. Et à ces mots
il mesme s'en vint à lencontre d'eux, & les recueillit vn à vn, moult honnorablement, &
tout en parlant à eux, eux & tous leurs gens si entrerent dedans la salle, & au chasteau de
Annens. Quand ils furent tous venus, l'a s'arrestèrent, & adonc le Barrois des Barres, vn
moult doux & gentil chevalier, fit de cœur courroucé (& bien le monstra) l'arrest sur le
Seigneur de la Riviere: ainsi que chargé estoit, & que faire luy conuenoit. Le sire de la Ri-
uiere le tint pour excusé: & obeit: car autrement ne le pouuoit il faire: ny ne vouloit. Si
demoura prisonnier en son chasteel d'Annens mesme. Vous devez bien croire & sauoir
que la dame estoit moult deconfortee, & fut quand elle veit ainsi la fortune tournée sur
son Seigneur & mari: & avec ce, se doutoit trop fort de la conclusion. Ainsi fut le Sire de
la Riviere prisonnier en son chasteel d'Annens: & gueres ne demoura depuis qu'il fut en-
uoyé querir par les dessusdits (qui auoient le gouvernement de la temporalité & aussi de
la spiritualité: car celuy qui Pape Clement s'escriuoit, n'auoit riens au Royaume de Fran-
ce, fors

ce, fors ces deux: qui gouernoient ledit Royaume) & fut amené à Paris, & mis au chastelet du Louure. Moult de gens, parmi le Royaume de France, si en auoient grande pitié: & si n'en osoient parler, fors en derriere. Encores ne faisoit on point si grand compte de la tribulation de messire Iehan le Mercier, que de celle du Seigneur de la Riuere, car le Sire de la Riuere auoit tousiours esté doux, courtois debonnaire, & patient aux pöures gens, & à ceux & celles bon moyen, qui auoient à besongner, & qui ne pouuoient auoir audience. On disoit tous les iours, parmi la ville & cité de Paris, qu'on leur trencheroit les testes: & couroit par aucuns, non mie par tout, vne esclandre & renommée, pour eux plus greuer, qu'ils estoient trahistres contre la couronne de France, & auoient vsurpé & emblé les grans profits du Royaume de France: dont ils auoient tenus les grans estats; fait maisons, chasteaux & beaux edifices: & les pöures Cheualiers & Escuyers (qui auoient exposé leurs corps & leurs membres es armes, & seruy le Royaume de France, & vendu & alloué leurs heritages en seruant) n'auoient peu estre au tēps passé payez, tant par messire Oliuier de Clifson, que par ces deux, & aussi par Montagü: qui s'en estoit fui. Les enuieux les condamnoient & iugeoient à mort: & auoient grāde force de haineux: parquoy ils en furent en trop grande auenture: & fut dit sur eux, qu'ils auoient conseillé le Roy de France à aller au Mans & entrer en Bretaigne, & l'auoient mis en maladie & la frenaisie ou il estoit, par luy donner poisons à boire à leurs volötez: & couroit commune renommée, que les Médecins, qui auoient à gouverner le Roy, n'en pouuoient, n'auoient peu, toute la saison iouir, n'vsér pour eux. Tant fut proposé à l'encontre de ces deux, du Seigneur de la Riuere & du Sire Iehan le Mercier, qu'ils furēt ostez du Louure, & liurez au Preuost du Chastelet de Paris, & mis au chastelet de Saint-Anthoine, en la garde du Vicomte d'Achy: qui pour le temps en estoit Chastelain. Quand ils furent là mis, & qu'on en sceut la verité, adonc courut commune renommée par tout, qu'ils seroient executez à mort, mais à verité dire, & parler par raison, ils n'eurent oncques ce iugement, n'arrest contre eux, ne ceux, qui à iuger les auoient, ne se pouuoient trouuer, en conscience, qu'ils deussent mourir: Si en estoient ils tous les iours par eux contrariez & assaillis, & disoient ainsi. Pensez pour vos ames, car vos corps sont perduz, vous estes iugez à mourir & estre décolez. En celle penſee & douleur, que ie vous dy, ils furent vn grand temps, & toutesuoyes le Begue de Villaines, vn tresgrand Cheualier, & vaillāt homme en armes, du pais de Beauffe (lequel estoit encoulpé de leur mesme fait) fut si bien aidé, & eut tant d'amis, qu'il fut deliuré hors de prison, & eut plaine remissiō de toutes choses, mais à l'issir de prison, & à sa deliurance, ceux de son lignage, messire le Barrois & autres, luy dirent qu'il s'ordonnast, & s'en alast iouer en Castille, car là tenoit il bel heritage & bon de par sa femme, la Comtesse de la Rebelde, Si comme il fut conseillé si s'ordonna & appareilla du plus tost qu'il peut, & se departit de France, & s'en alla en Castille, & les deux autres dessus nommez demourerent en prison, & en peril & danger de perdre leurs vies. Tous les meubles & non meubles: heritages, & autres possessions, que messire Iehan le Mercier auoit dedans Paris, & dehors, au Royaume de France (ou on peut la main mettre) tout fut pris (ainsi comme bien acquis, & forfaits) & tous donnez à autrui. Sa belle maison du Pont Aubumen, au Diocèse de Laon (qui tant auoit cousté) luy fut ostee, & donnée au Seigneur de Coucy, & toutes les appendances, terres, rentes, & possessions, qui au manoir, & en ladite ville, appartenöient à luy. Ie ne say si ce fut à sa requeste & demande, mais toutesuoyes il en fut hérité, pour luy & pour son hoir. D'autre part le Sire de la Riuere fut trop dur mené. Verité est que son meuble (là ou on le peut auoir) on luy osta tout, & les terres & heritages, lesquelles il auoit acquises & acheptees, reserué qu'on laissa à sa femme, la Dame † d'Annens, tous les heritages, lesquels venöient de son costé, de pere & de mere. Auecques tout ce, il auoit vne ieune fille, belle Damoiselle & gente, en l'aage de dix ans, laquelle fille auoit espousé, par conionction de mariage, vn ieune fils, qui s'appelloit Iaques de Castillon, fils à messire Hue de Castillon (qui iadis fut Maistre des Arballestiers de France) & estoit ce fils heritier de son pere, & tenoit grans heritages & beaux, & estoit encores raillé d'en plus tenir, & iā cheuauchoit, & auoit iā cheuauché, auecques son grand Seigneur, le Seigneur de la Riuere, mais non obstant toutes ces choses, & outre la volonté de l'enfant, on le demaria de la fille au Seigneur de la Riuere, & fut remarié ailleurs, là ou il pleut au Seigneurs de Berri & de Bourgongne, & à ceux de la Trimouille, qui pour le temps de lors menöient la querelle. Encores outre, le Seigneur de la Riuere auoit vn fils, ieune Escuyer, & son heritier. Ce fils estoit marié à la fille du Côte

Le Sire de la Riuere & messire Iehan le Mercier prisonniers en la bastille de Paris.

Le Begue de Villaines deliuré de prison.

Quelque maison & terres de messire Iehan le Mercier attribuées au Sire de Coucy.

† Il y auoit encor icy du Mans.

Prieres de Madame Jehanne, de Boulogne au Duc de Berri son mari. pour le seigneur de la Riviere.

de Dampmartin: & n'auoit le dit Comte plus d'enfans, ne n'estoit taillé, que iamais en de uist plus auoir: & estoit la fille son héritiere. On les voulut demarier, & mettre la fille plus hautement ailleurs: mais le Comte de Dampmartin, comme vaillant prudhomme, alla au deuant, & dit. Que tant que le fils au Seigneur de la Riviere auroit vie au corps, sa fille n'auroit autre mari. & mettroit son héritage en si dures mains, que ceux, qui voudroient auoir son droit sans cause, par fraude ou par enuie, ne l'en pourroient oster. Quand on veit la bone volonté du Côte de Dampmartin, & ses deffenses, on le laissa en paix & demoura le mariage, & les deux enfans ensemble: mais le premier, dont ie vous ay parlé, se rompit: & en dispensa le Pape Clement: voulüst ou non, car pour lors au Royaume de France il n'auoit autre puissance, que celle qu'on luy donnoit, & consentoit à auoir: tant estoit l'Eglise sugettte & vituperee par le scisme, & par l'ordonnance de ceux, qui gouverner la deuoient. Mout de peuple, par especial au Royaume de France, & ailleurs, excusoient le gentil Seigneur de la Riviere, de toutes choses: voire l'excusation vaulüst riens, mais nenny: ne nul (quel qu'il fust: ne comme cler qu'il veüst en la matiere) n'en osoit parler, n'ouuir la bouche: fors seulement ceste vaillante Dame, Madame Jehanne de Boulogne, Duchesse de Berri. Trop de fois la bonne Dame se meit à genoux, aux piez de son mari: & luy disoit, en priant à mains jointes, Haa, Monseigneur, à tort & peché vous vous laissez, des ennemis & haineux, informer diuerfement sur ce vaillant cheualier, & prudhomme, le Seigneur de la Riviere. On luy fait puiement tort, ne nul n'ose parler pour luy, fors moy. Je vueil bien que vous le sachez, que s'on le fait mourir, iamais ie n'auray ioye: mais seray tous les iours, que ie viuray, en tristesse & en douleur, car il est (ou qu'il soit) tresroyal Cheualier, sage, & aussi vaillant prudhomme. Haa, Monseigneur, vous confiderez trop petitement les beaux seruices, qu'il vous a faits, & les peines & les trauaux, qu'il a eus, pour vous & moy mettre ensemble par mariage. Je ne dy pas que ie le vaille (car ie suis vne petite Dame à l'encontre de vous) mais vous (qui me vouliez auoir) auiez à faire à vn trop dur & auisé Seigneur, Monseigneur de Foix (en qui garde & gouvernement i'estoye pour lors) & se le gēil Cheualier, le Sire de la Riviere, & ses douces parolles & sages n'eussent esté, ie ne fusse pas en vostre compaignie: mais fusse pour le present en Angleterre, car le Duc de Lancastre me vouloit auoir pour son fils, le Côte d'Erby: & plus sy enclinoit le Comte de Foix assez, qu'il ne faisoit à vous. Trescher Sire, il vous doit bien souuenir de toutes ces choses, car elles sont veritables. Si prie humblement, & en pitié que le gentil Cheualier (qui si doucement m'amena par-deçà) n'ait nul dommage de son corps, ne de ses membres. Le Duc de Berri (qui veoit sa femme ieune & belle, & qu'il aimoit de tout son cuer: & sauoit bien qu'elle disoit & remonstroit toute verité) amollloit grandement son cuer (qu'il auoit dur & haut sur le Seigneur de la Riviere) & pour appaiser sa femme (car il veoit qu'elle parloit bien, & prioit de bon cuer) luy disoit, Dame, se Dieu m'aist, ie voudroye bien par especial qu'il m'eust cousté vingt mille francs, & la Riviere ne se fust onc forfait enuers la couronne de Frâce, car en deuant ceste auēture de la maladie Mōseigneur, ie l'aimoie biē, & le tenoie pour vn sage & pourueu Cheualier: & puis que vous en parlez & priez si à certes, ie ne vous voudroye pas courroucer. A vostre priere & parolle il en vaudra grandement mieux: & y feray pour vous si auant, que ma puissance sy pourra estédre, & plus que si tous ceux du Royaume en parloient & prioient. Monseigneur (respondit la Dame) si Dieu plaist, ie m'en aperceuray: & vous ferez bien & aumosne: & ie croy que le gentil Cheualier & vaillant prudhomme n'a nulle aduocate fors que moy. Vous dites verité (disoit le Duc de Berri) & quand vous vous en voulez ensoigner, il vous doit suffire. Ainsi s'apaisoit la Dame sur les parolles de son Seigneur & mari le Duc de Berri, & quand luy & le Duc de Bourgogne & les Confaux parloient ensemble, c'estoit tout troublé: & n'est nulle doute, si la bone Dame n'eust esté, & n'y enst entendu, à certes il eust esté mort: mais pour l'amour d'elle, on s'en dissimula, & valut à messire Jehan le Mercier grandement mieux de la compaignie du Seigneur de la Riviere: pourtant qu'ils estoient pris & accusez d'un mesme fait, n'on n'auoit point de consciēce, ne conseil de faire mourir l'un sans l'autre. Vous deuez sauoir que (quelque detrayance qu'il y eust, & qu'o leur fist) ils n'estoiēt pas en prison trop assurez, car ils sentoient que pour le present ils auoient trop d'enuieux, & leurs ennemis estoient en leur regne & en leur puissance, & mout courroucez estoient (si amender le peussent) de ce qu'on les gardoit tant. Messire Jehā le Mercier, en la prison ou il estoit, au chastel de S. Anthoine, continuellement pleuroit, si soudainemēt, & de si grāde affectiō,

que la

Promesse du Duc de Berri, à sa femme en faueur du seigneur de la Riviere.

que sa veuë en fut si foulée & affoiblie, qu'il en fut sur le point d'estre aueugle: & estoit grande pitié à le veoir & ouir lamenter.

Comment, apres plusieurs aiournemens & defauts contre le Connestable de Clifson, il fut banny du Royaume de France par arrest de la Court de Parlement de Paris, & condamné à cent mille marcs d'argent, & à perdre son office à perpetuité.

CHAP. XLIX.

Cependant que ces deux Cheualiers estoient en ce danger en prison, ou ils furent plus d'un an, qu'on ne sauoit à dire quelle fin ils prendroient, on entendoit de tous points au Seigneur de Clifson, pour le dégrader & oster de son honneur & Office: & plus volentiers on l'eust tenu, que nul des autres, mais il s'en garda bien. Si fit que sage, car s'on l'eust tenu, il estoit tout ordonné qu'il eust eu iugement contre luy, pour le faire mourir sans remede, & tout par enuie & haine, & pour complaire à son aduersaire, le Duc de Bretagne qui oncques ne fit bien au Royaume de France. Quand les Seig. veirent qu'il leur estoit échapé, on tourna le Conseil sur autre forme: & fut demené, en la maniere que ie vous diray. Il fut ordonné qu'il seroit aiourné à venir en la chambre de Parlemēt à Paris, pour ouyr droit, & respondre aux articles dōt on l'accusoit, sur peine de perdre honneur & le Royaume de France: & furent enuoyez Commissaires, à ce deputez & ordonnez, de par ceux de la chambre de Parlement, en Bretagne, pour parler à luy, & faire arrest & aiournement sur luy, de main mise. Ceux, qui enuoyez y furent, s'acquiterent bien de cheuancher iusques en Bretagne, & d'aller es forteresses demander, & aussi es villes de messire Oliuier de Clifson, quelle part il estoit: & disoient, Nous sommes ei enuoyez, de par le Roy nostre Sire, & le Conseil, pour parler à Monseigneur le Connestable. Si le nous enseignez, tant que nous l'ayons veu & parlé à luy, & que nous ayons fait nostre message. Les hommes des villes & des chasteaux de Bretagne, tenables dudit Connestable, auxquels ils s'adreçoient, respondoient: & disoient, ainsi comme tous garnis & auisez de respondre Vous soyez les tresbien venus: & certainement, se nous voulions parler à Monseigneur le Connestable, nous irions en tel lieu, car là le cuiderions nous trouuer sans nulle faute. Ainsi de ville en ville, & de chastel en chastel, les Commissaires si alloient, demandant messire Oliuier de Clifson: & trouuer ne le pouuoient: n'autres nouvelles n'en ouirent: & tant le quirent & demanderent, sans parler à luy, qu'ils se tannerent, & se meirent au retour: & vindrent à Paris: ou ils firent certaine relation, à leurs maistres, de tout ce qu'ils auoient veu & troué: & comment à l'encontre d'eux le Connestable & ses gens festoyent diffimulez. Vous deuez sauoir que ceux, qui l'accusoient, & qui condamner le vouloient, ne voulsissent pas qu'il se fust autrement gouuerné, car ores à primes (ce disoient) ils en auroient plainement raison: & seroit demené selon ce, qu'il auroit deserui. On donna à messire Oliuier de Clifson, par ordonnance du Parlement (fust tort, ou droit) tous les aiournemens, à fin que ceux, qui l'aimoient, ne peussent point dire, ne proposer, que par enuie, ne par haine, on l'eust forcé, ne foruoyé. Quand toutes les quinzaines furēt faites & accomplies, & qu'on veit que de luy on n'auroit, n'orroit, autres nouvelles, & qu'il eut esté ainsi appellé généralement à l'huis de la chambre de Parlemēt, & enfuyuant publiquement à la porte du Palais, & aux degrez, & à la porte de la Court du Palais, qu'on luy eut donné toutes ses solennitez, & que nul ne respondoit pour luy, il eut arrest en Parlement, trop cruel. Car il fut banny du Royaume de France, cōme faux & mauuais traistrre contre la couronne de France, & iugé à cent mille marcs d'argent, pour les extorsions qu'indeuëment & frauduleusement, du temps passé son office faisant de la Connestablie, il auoit faits, tant en la Chambre aux deniers, qu'autre part, & à perdre perpetuellement, & sans espoir de iamais y reuenir, l'Office de Connestable. A celle sentēce fut mandé le Duc d'Orleans, & prié qu'il y voulsist estre: mais point il n'y voulut venir: & s'excusa, mais les Ducs de Berri & de Bourgongne y furent, & grande foison de Barons du Royaume de France. Or regardez, des œures de fortune, comme elles vont, & felles sont fermes & estables: quand ce vaillant & bon Cheualier, & qui tant auoit travaillé pour l'honneur du Royaume de France, fut ainsi mené, & vitupereusement dégradé d'honneur & de cheuance. Oncques homme ne fut plus heureux, de ce que point ne vint à ces aiournemens, car s'il y eust esté, il estoit tout ordonné que honteusement on luy eust tollu la vie: ne pour lors le Duc d'Orleans n'en oloit parler, & s'il en eust parlé, pour luy on n'en eust riens fait. Or considerez d'oncques, & me respōdez (s'il vous plaist) se le Duc de Bretagne & messire Pierre de Craon (qui estoient conioints ensemble) furēt point réioüis

Commissaires de la Court de Parlement de Paris enuoyez en Bretagne, pour aiourner, ou prendre prisonniers, le Connestable de Clifson qu'il ne peurent trouuer

Arrest de la Court de Parlement de Paris, par contumace contre messire Oliuier de Clifson Connestable de France:

de ces nouvelles. Vous devez croire qu'ouy: mais de ce estoient ils courroucez, qu'on ne le tenoit à Paris avecques les autres, messire Jehan le Mercier, & le Seigneur de la Riviere. De celle sentence, vitupereuse contre le Seigneur de Clifson, fut il grandes nouvelles au Royaume de France, & ailleurs aussi. Les aucuns le plaignoient: & disoient en secret, qu'on luy faisoit tort. Les autres opposoient à l'encontre: & si disoient, voire de ce qu'on ne l'a tenu, & pendu, car il l'a bien desservi: & noz seigneurs (qui sont informez de sa vie & de ses mœurs) n'ont pas tort, s'ils consentent qu'il soit ainsi demené. Comme (diable) pourroit il auoir assemblé tant d'or & d'argent, que la somme de milion & demy de florins? Il ne luy vient point de conquest: mais de pillages & roberies, & de tailler les gages des pauvres Cheualiers & Escuyers du Royaume de France & d'ailleurs: si comme on fait par la Chancellerie & Trésorerie: ou tout est escrit & enregistré. Es voyages de Flandres il a leué, & eu à son profit, grande foison d'or & d'argent, & aussi au voyage d'Allemagne: ou le Roy fut. Toutes les tailles du Royaume de France, & les Deliurances des Gens-d'armes dudit Royaume, se passoient parmi ses mains. Il en donnoit, & faisoit donner, ce qu'il vouloit: & la meilleur part il retenoit pour luy: ne nul n'en osoit parler. Ainsi & par tels langages estoit accusé, en derriere, messire Oliuier de Clifson: & pource dit on en proverbe, A qui il mechet, chacun luy mesoffre. Le Duc de Bretagne, luy estant & seiournant en son pais, faisoit courir commune renommée, que quand le Roy de France, Monseigneur de Berri, & aussi Monseigneur de Bourgogne voudroient bien à certes, il feroit bien petit varlet le Seigneur de Clifson: mais il laisseroit encores conuenir vn temps, pour veoir comment les besongnes se porteroient, car il entendoit bien de costé, qu'on donneroit au seigneur de Clifson toutes ses royes, & feroit si auant mené, qu'il luy feroit perdre son office de Connestable. Or regardez si le Duc de Bretagne & messire Pierre de Craon en briefs termes estoient reuenus sur leurs piez & tout par les œuvres de fortune: qui iamais ne seiourne: mais tousiours tourne & betourne, † & le plus haut monté sur la rouë, estrangemēt retourne en la bouë. Ce messire Oliuier de Clifson & les dessus-nommez, le Sire de la Riviere, & messire Jehan le Mercier, principalement & souuerainement estoient encoulpez de la maladie du Roy de France, & couroit commune renommée sur eux, par enuie, & par ceux qui les haïoient, & qui à mort traitter si les vouloient, qu'ils auoient ainsi empoisonné le Roy. Or considerez, vous, qui entendez raison, si celà se pouuoit faire, car ils estoient ceux au monde, qui à la maladie du Roy pouuoient plus perdre, & qui plus volontiers luy eussent gardé sa santé, mais ils n'en pouuoient estre creus, n'ils ne furent: ainsi que vous oyez. Or furent, vn grand temps, & demourerent en prison, & en danger, au chastel de Saint-Anthoine, messire Jehan le Mercier, & la Riviere: & furent en grand peril, sur le point d'estre décolez publiquement: & l'eussent esté, sans doute: se le Roy ne fust retourné, à la saison, en assez bonne santé, & se n'eust esté Madame la Duchesse de Berri: qui grandement y fut pour le Seigneur de la Riviere: & le Sire de Clifson se tenoit en Bretagne: & fit vne tresforte guerre au Duc de Bretagne, & le Duc à luy. Laquelle guerre cousta moult de vies: si comme ie vous recorderay auant en nostre Histoire.

† Ce lieu est four
ny selon verard.

Comment le Roy Charles recoura le sens, par la grace de Dieu, moyennant la diligence de son Medecin, maistre Guillaume de Harfely. CHAPITRE L.

Vous devez sauoir & verité fut, qu'en celle saison l'enfermeté, que le Roy prit au voyage de Bretagne (ainsi comme il est cy dessus contenu) abbattit grandement la ioye de France: & à bonne cause le Royaume sentit la douleur & peine du Roy, car au deuât il estoit grandement en l'amour & en grâce du peuple: & pource qu'il estoit chef, le deuoient mieux toutes gens sentir, car quand le chef a mal, toutes gens s'en sentent: c'est à dire que tous membres s'en sentent. Si n'osoit on parmi le royaume parler de sa maladie plainement: mais le celoient toutes gens, tant qu'ils pouuoient: & fut la maladie trop bien celée & dissimulée deuers la Roine, car iusques à tant qu'elle fut accouchée & releuée, elle n'en sceut riens: & eut celle fois (ce m'est auis) vne fille. Ce Maistre Guillaume de Harfely (lequel auoit le Roy en cure & en garde) se tenoit tout quoy delez luy à Creil, & moult songneux en fut, & grandement s'en acquitta, tant qu'il y acquit honneur & profit car petit à petit il le remeit en bon estat. Premicrement il l'osta de la fièvre, & de la chaleur ou il estoit, & luy fit auoir goust & appetit de boire, de manger, de dormir, & de reposer: & luy fit auoir cognoissance de toutes choses, mais trop il estoit foible: & petit à petit, pour le renouueller & chager d'air, il le fit cheuaucher, aller en gibier, & aller voller de l'espre-

l'espreuier aux allouettes. Quand les nouuelles furēt sceuës, parmi le Royaume de Frâce que le Roy retournoit en sens, santé, & bonne memoire, si en furent toutes manieres de gens réiouis moult fort, en regrant Dieu, & en le louant humblemēt, & de bō eueur. Le Roy, luy estant à Creil, demanda, & voulut veoir, la Roïne sa femme, & le Dauphin son fils. La Roïne vint: & fut le fils apporté. Le Roy leur fit grande chere, & les recueillit liément: & ainsi petit à petit, par la grace de Dieu, le Roy retourna à santé & estat: & quand Maistre Guillaume de Harfely veit qu'il estoit en bon point, si en fut tout réiouy: & ce fut raison, car il auoit fait vne belle cure. Si le rendit à son frere le Duc d'Orleans, & à ses oncles, Berri, Bourgongne, & Bourbon: & leur dit, Dieu mercy, le Roy est en bon estat. Le le vous ren & liure. Dorenavant on se garde de le courroucer & melancolier, car encores n'est il pas bien ferme de tous ses esprits, mais petit à petit il s'affermira dedans. Réiouissances, & depors par raison, luy sont plus profitables, qu'autre chose: & du moins que vous pourrez, le chargez & trauaillez de Consaux, car encores, a il & aura toute ceste saison, le chef tendre & moite, car il a esté battu & mené de trop dure & aspre maladie. Or fut regardé & auisé qu'on retiendroît ce Maistre Guillaume de Harfely, & qu'on luy donneroit tant qu'il s'en contenteroit, car c'est la fin, ou Medecins tendēt tousiours, que d'auoir grans salaires & profits des Seigneurs & des Dames, de ceux & celles qu'ils visitent. Si fut requis & prié de demourer delez le Roy: mais il s'excusa trop fort: & dit qu'il estoit vn vieil homme, foible, & impotent, & qu'il ne pourroit souffrir l'ordonnance de la Court, & que brièvement il s'en vouloit retourner à sa nourrisson. Quand on veit qu'on n'en auroit autre chose, on ne le voulut pas tenir: ains luy dōna on cōgé, mais à son departement on luy donna mille couronnes d'or: & fut escrit & retenu à quatre cheuaux, toutes & quantesfoies qu'il luy plairoit venir à l'hostel du Roy. Je croy qu'onques puis n'y retourna, car quand il fut venu en la cité de Laon, ou plus communément il se tenoit, il mourut trefriche homme: & auoit bien en finances trente mille francs: & fut en son temps le plus echars, qu'autres qu'on sceust: & estoit toute sa puissance, tant que il vesquit, d'assembler grande foison de florins: & en sa maison il ne despendoit tous les iours, deux sols Parisis: mais alloit boire & manger à l'auantage, ou il pouuoit. * De telles

*Le Roy Charles sixiesme recon-
ure santé &
sens.*

*Maistre Guil-
laume de Har-
fely, ayant fait
sa cure enuers
le Roy, se retire
en sa maison.
* Annot. 10.*

*Comment tréues furent prolongées entre les Royaumes de France & d'Angleterre, &
comment le Vicomte de Castellbon fit hommage au Roy Charles de la Comté de Foix.*

CHAPITRE LI.

Ainsi comme vous auez ouy cy-dessus recorder au précédent Liure de ceste haute & excellente Histoire, à la requeste, contemplation & plaissance de treshaut & noble Prince, mon trefcher Seigneur, & maistre, Guy de Castillon, Comte de Blois, Sire d'Ar-
uesnes, de Cimay, † & de Beaumont, de Strumehont, & de la Gode, ie Jehan Froissart, Prestre & Chapelain à mon trefcher Seigneur dessus-nommé, & pour le temps de lors Trésorier & Chanoine de Cimay & de l'Isle en Flandres, me mets en la forge, pour ou-
urer à forger en la haute & noble matiere: laquelle traitte & propose les faits & les au-
nues des guerres de France & d'Angleterre, & de tous leurs conioints & adhierans (si-
comme il appert clerément & plainement par les traittez qui sont iusques au iour de ce-
ste presente date) & laquelle trefexcellēte matiere, tant comme ie viuray, par la grace de
Dieu, ie continueray, car tant plus y suis & plus y labore, plus me plaist: & ainsi comme
le gentil Cheualier & Escuyer, qui aime les armes, en perséuerant & continuant sy nour-
rit & parfait: ainsi en labourant & ouurant sur ceste matiere, ie m'y habilite & delecte.

*† Ces trois Sei-
gneuries sont
nommées Beau-
uais, Estonne-
bonne, & Gen-
de au premier
chap. du Volu.
precedent.*

Vous sauez, & il est ci-dessus contenu en nostre Histoire, comment tréues furent don-
nées à Lolinghen, & accordées à durer trois ans entre France & Angleterre, † & com-
ment les Ambassadeurs de France (c'est à entendre le Comte de Saint-Pol, & le Sire de
Chastelmorant (en eurent lettres, & comment aussi, depuis ce temps, iceluy de Chastel-
morant & messire Taupin de Canthemelle furent en Angleterre, avecques le Duc de
Lancastre & le Duc d'Iorch, pour sauoir l'intention du Roy & du peuple d'Angleterre,
car on auoit tant proposé, & si auant entre les parties, au Parlement à Amiens, qu'on e-
stoit sur forme & estat de paix, & sur certains articles denommez & pronôcez: mais qu'il
pleust à la Communauté d'Angleterre. Tout ce auoient réservé le Duc de Lancastre &
le Duc d'Iorch. Encores sauez vous comment les dessus-nommez estoient retournez en
Frâce, car on leur auoit respōdu qu'à la Saint-Michel † (qui prochainemēt deuoit venir)

*† Ce passage est
fourny selon le
dernier chap.
du Vol. prece-
dent & selon
les premiers
du present avec
les 36. & 37.
d'iceluy.
† Tousiours en
l'an 1392. com-
me dessus.*

*Il y auoit de
Perses que cer-
tains passages,
d'ici apres m'ont
fait changer,
avec P. Ver.*

les Parlements seroient à Westmonstier, des trois estats d'Angleterre: & là seroit remon-
stré tout l'affaire generally: & en oroit on responce. Or auint que, quand les nouuel-
les furent sceuës en Angleterre de la maladie & impotence du Roy de France, les choses
en furent grandement retardées. Neantmoins le Roy Richard d'Angleterre & le Duc
de Lancastre auoient affection tresgrande à la paix: & se par eux la chose allast, la paix
eust esté tost en France & Angleterre, mais nenny, car la Communauté d'Angleterre ne
voulloit point paix, mais la guerre: & disoient que la guerre aux François leur estoit mieux
seant, que la paix: & de ceste opiniõ estoit l'un des oncles du Roy, messire Thomas, Duc
de Glocestre, Comte d'Excestre, & Connestable d'Angleterre: lequel estoit moult
grandement aimé en Angleterre: & s'enclinoit plus à la guerre: qu'à la paix: & auoit la
voix & accord des ieunes Gentils-hommes d'Angleterre, qui se desiroient à armer, mais
son frere, le Duc de Lancastre (pourtant qu'il estoit aîné, & puissant en Angleterre) sur-
montoit tout: & disoit bien que la guerre auoit assez duré entre France & Angleterre, &
que bonne paix (qui bien se teinst) y seroit bien seant, car Sainte Chrestienté en estoit
fort amendrie. Si mettoit encores le Duc de Lancastre en termes, que l'Amorabaquin,
& sa puissance, estoit trop fort sur les frontieres de Hongrie: & que là feroit il bel & bon
entendre: & que tous ieunes Bacheliers & Escuyers, qui cheuaucher desiroient, deuoiẽt
prendre ce chemin, & non autre. Or consideron les parolles du Duc de Lancastre: qui
les proposoit en bien: & qui par armes partant de fois auoit cheuauché & trauaillé au
Royaume de France, & petite conqueste trouuée, fors que trauaillé son corps, & ars & de-
struit en son chemin le plat pays: qui tantost estoit recouuert. Si disoit que ceste guer-
re, à ainsi faire & demener, ne s'ordonnoit à traire à nulle fin, mais tousiours à aller auant:
& se les fortunes retournoient sur eux, ils y pourroient receuoir & prendre trop grand
dommage: & veoit que le Roy, son neueu, s'enclinoit trop plus à la paix, qu'à la guerre.
Ie, Acteur de ceste Histoire, ne say pas bien determiner, pour dire ne mettre outre, qu'il
eust tort ne droit: mais il me fut dit ainsi, que pour la cause de ce que le Duc de Lancastre
veoit ses deux filles mariées en sus de luy, & hors du Royaume (l'une estant Roïne d'Es-
paigne & l'autre de Portugal) il s'enclinoit grandement à la paix, car par espécial il sen-
toit encores son fils (qui auoit la fille) le ieune Roy d'Espagne, au danger de ses hommes
& si paisiblement il vouloit iouir & posseder de l'heritage & pourpris d'Espagne, il con-
uenoit qu'il teinst la paix & l'aliançe qu'ils auoient au Royaume de France, laquelle ceux
d'Angleterre ne pouuoient briser, & fils la brisoient par aucune incidence, tantost les
François le feroient comparer au Royaume d'Espagne, car ils auoient là leurs entrées
toutes ouuertes, tant par le Royaume d'Arragon (dont Madame Yolant de Bar estoit
Roïne, bonne Françoisse, & qui gouernoit pour ce temps tout le Royaume d'Arragon,
& de Catelongne) que par le pays de Bearn & de Baselles, car le Vicomte de Castelbon
(qui héritier estoit du Comte Gaston de Foix) l'auoit ainsi iuré & seellé au Roy de Fran-
ce. Si auoient les François plusieurs belles entrées pour aller en Espagne, sans le danger
du Roy de Nauarre qui au fort, volontiers n'eust point courroucé le Roy de France, son
cousin germain, car encores se tenoit, delez le Roy, messire Pierre de Nauarre, son frere:
qui brisoit grandement aucuns maux-talens, fils sourdoient entre le Roy de France &
son frere, le Roy de Nauarre, car celuy estoit bon François & loyal, ne les Royaux n'y
veoient point de contrarieté. Or toutes ces imaginations & cogitations proposoit en
luy mesme le Duc Iehan de Lancastre: & les remonstroit à la fois à son ieune fils Henry,
Comte d'Erby: lequel estoit deslors (quoy que ieune fust) de grande prudence, & idoine
de venir à toute bonne perfection de bien & d'honneur: & auoit pour lors le Côte d'Er-
by trois beaux fils (Iehan, Offrem, & Thomas) & deux filles, & la mere des enfans auoit e-
sté fille du Connestable d'Angleterre, Comte de Herford & de Norhanthonne: de la-
quelle Dame il tenoit moult grans héritages. La conclusion des Consaux & Parlemens
d'Angleterre (qui furent à Westmonstier, des Prelats, Nobles, & Bourgeois, citez, & bõ-
nes-villes) se porterent ainsi, que tréues furent données & seellées, par mer & par terre, en-
tre France & Angleterre, leurs conioints & adherens, à durer de la S. Michel iusques à la
S. Iehan Baptiste, & de la S. Iehan en vn an ensuiuant & en rapporterent les lettres ceux
qui commis y estoient de par le Roy de France & le Conseil, & furent les tréues bien te-
nues de toutes parties. Le Roy de France grandement auoit esté debilité de santé, par
incidence merueilleuse, & n'en sauoit on conseil prendre, n'à qui, car le Medecin (qui
s'appelloit maistre Guillaume de Harfely) estoit mort. Vray est que, quand il se departit
de Creil

*Tréues alôgees
entre France,
& Angleter-
re, depuis la S.
Michel de l'an
1392, iusques
à la Saint Iean
de 1394.*

de Creil & du Roy, il ordōna plusieurs receptes, dōt on vſa: & retourna le Roy, ſur le tēps d'Yuer: en bonne ſanté: dont tous ſes prochains, qui l'aimoient, furent réiouis, & auſſi tous les membres des Communautéz du Royaume de France, car mout en eſtoit aimé. Si vint à Paris: & la Royné de France auſſi: & tindrēt le plus, leur hoſtel à S. Pol. A la fois le Roy alloit à l'hoſtel du Louure, quād il luy plaifoit: mais le plus ſe tenoit à S. Pol, & toutes les nuits (qui ſont longues en Yuer) il y auoit, audit hoſtel de S. Pol, dances karoles, & ebatemens, deuant le Roy & la Royné, & la Duchefſe de Berri, & la Duchefſe d'Orleans, & les Dames: & paſſoient ainſi le temps & les nuits d'Yuer. En celle ſaiſon eſtoit allé à Paris le Vicomte de Caſtelbon (lequel eſtoit entré en l'heritage de la Comté de Foix & de Bearn, comme hoir droiturier des terres deſſus nommées) & auoit releué ladite Comté de Foix, & fait hommage au Roy de France (ainſi comme appartenoit, & eſtoit tenu de faire) & de Bearn non, car le pays de Bearn eſt de ſi noble condition, que les Seigneurs, qui par heritage le tiennēt, n'en doiuent à nul Roy, n'à autre Seigneur, ſeruiſe, fors à Dieu quoy que le Prince de Galles, de bonne memoire, vouliſt dire & propoſer, au temps paſſé, contre le Comte Gaſton de Foix, dernièrement mort, qu'il le deuoit releuer de luy, & venir au reſſort à la Duché d'Aquitaine: comme auſſi le deſſuſdit Comte ſ'en eſtoit bien defendu: & au vray dire, toutes ces propoſitions & oppoſitions, que le Prince de Galles y auoit miſes, y faiſant chalange, tout auoit eſté par l'information du Comte Iehan d'Armignac: ſi comme il eſt eſcrit & contenu, en bonne forme & veritable: ci-deſſus en noſtre Hiſtoire. Si m'en paſſeray à tant. Quand ce Vicomte de Caſtelbon, appellé d'oreſnauant Comte de Foix, fut venu en France, pour faire les droitures de relief & hommage de la Comté de Foix (comme il appartenoit) il amena en ſa compaignie vn ſien couſin: qui ſ'appelloit meſſire † Yuain de Foix, ſils au Comte Gaſton de Foix, beau Cheualier, ieune gent, & de bonne taille: mais baſtard eſtoit: & en ſon viuant le Comte de Foix, ſon pere, l'eut volontiers fait héritier de tous ſes héritages, avec vn ſié autre ſils (qui ſ'appelloit Gracien, & lequel demouroit delez le Roy de Nauarre) mais les Cheualiers de Bearn ne ſ'y voulurent oncques aſſentir. Si demoura la choſe en celuy eſtat, car le Comte mourut ſoudainemēt: ainſi qu'auéz ouy recorder. Quand le Roy de France veit meſſire Yuain de Foix, le ieune Cheualier, ſi l'aima grandement. Car il luy ſembloit bel à merueilles, & de bonne taille: & ils eſtoient, le Roy & luy, tous d'vn aage: & en valurent les beſongnes mout grandement mieux du Vicomte de Caſtelbon: & eut plus briéue de liurancé. Puis ſ'en retourna le Vicōte en ſon païs: & meſſire Yuain demoura lelez le Roy & fut retenu des Cheualiers du Roy, & de ſa chambre, à douze cheuaux, & tous bien deliurez.

De l'auenture d'une dance & mommerie, faite à Paris, en ſemblance d'hommes ſauuages, là ou le Roy de France fut en moult grand peril: & comment le Pape Boniface & les Cardinaux de Romme enuoyerent vn Frere ſage clerc, deuers iceluy Roy. CHAP. LII.

AVint qu'afſez toſt apres celle retenue, vn mariage ſe fit en l'hoſtel du Roy d'vn ieune Cheualier de Vermandois & d'une des Damoiſelles de la Royné: & tous deux eſtoient de l'hoſtel du Roy & de la Royné. Si en furent les Ducs ſes oncles & les Dames & Damoiſelles & tous les Seigneurs plus réiouis: & pour ceſte cauſe le Roy voulut faire les noces: & furent faites dedans l'hoſtel de Saint-Pol à Paris, & moult y eut grande foiſon de bonnes gens, & de Seigneurs, & y furent les Ducs d'Orleans, de Berri, & de Bourgogne, & leurs femmes. Tout le iour des nopces, qu'ils eſpouſerent, on dança & mena on grande ioye. Le Roy fit le ſouper aux Dames: & tint la Royné de France eſtat: & ſ'efforçoit chacun de ioye faire, pour cauſe qu'ils veoient le Roy, qui ſ'en meſloit ſi auāt. Là auoit vn Eſcuyer d'honneur en l'hoſtel, & moult ſon prochain, de la nation de Normandie: lequel ſ'appelloit Hongrimen de Genſay. Si ſ'auiſa de faire aucun ebatement, pour complaire au Roy, & aux Dames, qui là eſtoient. L'ebatement, qu'il fit, ie le vous diray. Ce iour des nopces (qui fut par vn Mardi, deuant la Chandeſſeur) ſur le ſoir il fit pour uoir ſix cottes de toile, & mettre à part dedans vne chābre, & les cottes eſtoient couuertes de delié lin, en forme & couleur de cheueux. Il en fit au Roy veſtir vne, & au Côte de Iouy, vn ieune tresgentil Cheualier, vne autre, & mettre tresbien à point, & auſſi vne autre à meſſire Charles de Poictiers, ſils au Comte de Valentinois, & à meſſire Yuain de Foix vne autre, & la cinquième au ſils du Seigneur de Nātoillet, vn ieune Cheualier, & il veſtit la ſixième. Quand ils furent tous ſix veſtus de ces cottes (qui eſtoient faites à leur

Hommage de la Côte de Foix au Roy de France, par le Vicomte de Caſtelbon héritier du ſeu Comte Gaſton, ſurnommé Phebus.

† Il y auoit icy, & par tout aſſes. Yuain, que vous ratiendrez ſi bon vous ſemble. Meſſire Yuain, Baſtard du ſeu Comte de Foix retenu au ſeruiſe du Roy.

Mommerie du Roy Charles, et de cinq autres, en guiſe d'hommes ſauuages.

point(& ils furent dedans coufus & ioints,ils se monstroïent estre hommes sauuages,car ils estoient tous chargez de poil,depuis le chef iusques à la plante du pié.Cest ordonnāce plaisoit moult au Roy de France:& en sauoit à l'Escuyer, qui auisé l'auoit, tresgrand gré:& s'habillerent de ces cottes en vne chambre,si secrettement que nul ne sauoit riens de leur affaire:fors eux mesmes,& les varlets,qui vestus les auoient. Messire Yuain de Foix(qui de la compagnie estoit)imagina bien les besongnes,& dit au Roy, Sire, faites cōmander bien à certes,que nous ne soyons approchez de nulles torches, car si l'air du feu entroit en ces cottes dōt nous sōmes deguīsez,le poil happeroit l'air du feu:si serions ars du feu,sans nul remede:& de ce ie vous auise.Respondit le Roy, Yuain,vous parlez bien & sagemēt, & il sera fait. Et de là endroit le Roy deffendit aux varlets:& dit,Nul ne vous suyue.Si fit venir le Roy vn Huissier d'armes(qui estoit à l'entrée de la chambre)& luy dit,Va-ten à la chambre ou les Dames sont,& commande,de par le Roy, que toutes torches se traient à part,& que nul ne se boute entre six hommes sauuages,qui doiuent là venir.L'Huissier fit le commandement du Roy moult estroitement, que toutes torches & torchons,& ceux qui les portoient,se meīssent en sus,au lōg & pres des parois:& que nul n'approchast les dāces,iusques à tāt que six hōmes sauuages, qui là deuoient venir,seroient retraits.Ce commandement fut ouy & tenu:& se retrairent tous ceux, qui torches portoïent,à part:& fut la salle deliurée,qu'il n'y demoura que les Dames & Damoīselles,& les Cheualiers & Escuyers,qui dançoient.Affez tost,apres ce, vint le Duc d'Orleās & entra en la salle:& auoit avec luy quatre Cheualiers(qui luy tenoient compagnie)& six torches tant-seulemēt:& riens ne sauoit du commandemēt qui fait auoit esté, ne des six hommes sauuages,qui deuoient venir:& entendit à regarder les dāces:& luy-mesme commença à dācer.Or vint le Roy de France,luy sixième tant seulement, en l'estat & ordonnance que dessus,tout appareillé comme homme sauuage,& couuert de poil de lin:iusques aux piez.Il n'estoit homme,ne femme,en la compagnie, qui les peust congnoistre:& estoient les autres cinq tous attachez l'un à l'autre,& le Roy tout deuant:qui les menoit à la dāce.Quand ils entrerent en la salle,on entendit tant à eux regarder,que il ne souuint des torches & de torchōs.Le Roy(qui estoit tout deuant) se departit de ses compaignons(dont il fut heureux)& se trait deuers les Dames,pour soy monstrier(ainfi que ieunesse portoit)& passa par deuant la Royne:& s'en vint à la Duchesse de Berri: qui estoit sa tante,& la plus ieune.La Duchesse par ebatement le prit:& voulut sauoir qu'il estoit.Le Roy,estant deuant elle,ne se voulut nommer.Adonc dit la Duchesse de Berri.Vous ne m'echaperez pas ainfi,tant que ie sauray vostre nom.En ce poinct auint le grād mechef sur les autres,& tout par le Duc d'Orleans:qui en fut cause:quoy que ieunesse & ignorance luy fist ce faire,car s'il eust bien presumé & considéré le mechef qui en descendoit,il ne l'eust fait pour nul auoir.Il fut trop en volonté de sauoir dont ce venoit,& qu'ils estoient.Ainfi que les cinq dāçoient,il abaissa la torche,que l'un de ses varlets tenoit deuant luy:si que la chaleur du feu entra au lin.Vous sauez que en lin n'a nul remede,& que tantost il est enflambé.La poix,en quoy le lin estoit attaché à la toile,& les chemises estoient seiches & deliées & ioingnans à la chair:& se prirent au feu à ardoir:& ceux, qui vestus les auoient,& qui l'angoisse sentoient,commencerent à crier moult amerement,& horriblement,& tant y auoit plus de mechef,que nul ne les osoit approcher. Bien y eut aucuns Cheualiers,qui s'auancerent pour eux aider & tirer le feu hors de leurs corps mais la chaleur de la poix leur ardoit toutes les mains,& en furent depuis moult mesaisez.L'un des cinq fut Nāthoillet,qui sauīsa que la boteillerie estoit pres de là.Si fuit cel le part,& se getta en vn cuuier,tout plein d'eaue,ou on reīnoit tasses & hanaps. Cela le sauua,& autrement il eust esté mort & ars comme les autres,& nō obstant tout ce, il fut en mal point.Quand la Royne de France ouit les grans cris & horribles, que ceux, qui ardoient,faisoient elle se douta de son Seigneur le Roy,qu'il ne fust atrapé, car bien sauoit que le Roy luy auoit dit qu'il seroit l'un des six.Si fut durement ébahie,& cheut palmée.Adonc faillirent les Cheualiers & Dames auant,en aidant & confortant. Tel mechef,douleur & criece auoit en la salle,qu'on ne sauoit auquel entendre. La Duchesse de Berri deliura le Roy de ce peril,car elle le bouta dessous sa queuē,& le couurit,pour écheuer le feu,& luy auoit dit(car le Roy se vouloit partir d'elle à force.) Ou voulez vous aller? vous voyez bien que vos compaignons ardent. Qui estes vous? Le Roy se nomma,& dit.Ie suis le Roy.Or tost,allez vous mettre en autre habit,dit la Duchesse de Berri & faites tant,que la Royne vous voye, car elle est moult mesaisée pour vous. Le Roy

à ceste

Le danger auquel fut la mort du Roy par le feu.

Le Roy guaren-ti du feu des autres hommes par la Duchesse de Berry.

à ceste parolle issit hors de la salle: & vint en sa chambre: & se fit deshabiller, le plus tost qu'il peut & se fit mettre en ses habillemés: & vint deuers la Roïne: & là estoit la Duchesse de Berri: qui l'auoit vn peu reconfortée, & luy auoit dit, Madame, reconfortez vous, car tantost vous verrez le Roy, certainement i'ay parlé à luy. A ces mots vint le Roy à la Roïne: & quand elle le veit, elle tressaillit de ioye. Puis elle fut prise & embracée de Cheualiers, & portée en sa chambre: & le Roy aussi s'en alla en sa compaignie: qui tousiours la reconforta. Le Bastard de Foix (qui tout ardoit) crioit à haute voix, sauuez le Roy, sauuez le Roy, & voirement fut il sauué, par la maniere que ie vous ay dit & compté: & Dieu luy voulut aider, quand il se departit de la compaignie, pour aller veoir les Dames, car fil fust là demouré avecques ses compaignons, certes il estoit perdu & mort sans remède. En la salle de Saint-Pol à Paris, sur le point de minuit estoit ceste pestilence & horribleté: & estoit grande pitié & hideur de les ouir & veoir. De quatre, qui là ardoient, il y eut deux morts & esteins en la place. Les autres deux (le Bastard de Foix, & le Comte de Louy) furent portez à leurs hostels: & moururent dedans deux iours apres, à grâde peine & martire. Ainsi se dérompit ceste feste & assemblée de noces en tristesse & ennuy: quoy que l'espoux & espouse ne le peussent amender, car on doit bien supposer & croire que ce ne fut point leur coulpe: mais celle du Duc d'Orleans: qui nul mal n'y pensoit, quand il auala la torche. Ce que ieunesse luy fit faire: & bien dit, tout en audience, quand il veit que la chose alloit mal. Entendez à moy, tous ceux qui me peuuent entendre & ouir. Nul ne soit acouppé de ceste auenture, car ce, que fait en est, c'est tout par moy: & en suis cause. Mais ce poise moy, qu'oc m'auint, car se ie l'eusse cuidé & sceu, i'y eusse bien pourueu. Puis s'en alla le Duc d'Orleans deuers le Roy, pour soy excuser, & le Roy le tint tout excusé. Ceste dolente venue auint en l'hostel de S. Pol à Paris, en l'an de grace mille trois cens quatre vingts & douze, † le Mardi deuant la Chandeleur, de laquelle auenue il fut grande nouuelle par le Royaume de France, & en autre pais. Le Duc de Bourgongne & le Duc de Berri n'estoient point pour l'heure là, mais à leurs hostels, & auoient le soir pris congé du Roy, & à la Roïne, & aux Dames, & si estoient retraits à leurs hostels, pour estre mieux à leurs aises. Quand ce vint au matin, que la nouuelle fut sceüe & espandue parmi la ville & cité de Paris, vous deuez sauoir que toutes gens furent moult émerueillez: & disoient plusieurs trescommunément, parmi la ville de Paris, que Dieu auoit montré encores seconquement vn grand exéple & signe sur le Roy, & qu'il cōuenoit & appartenoit qu'il y regardast, & qu'il se retirast de ses ieunes oisuetes, & que trop en faisoit & auoit fait (lesquelles n'appartenoient pas à faire à vn Roy de Frâce) & que trop ieunement il se maintenoit, & estoit maintenu, iusques à ce iour. La communauté de Paris en murmuroit, & disoit, Regardez le tresgrand mechef, qui est presque auenu sur le Roy, & fil eust esté attrapé & ars (si comme les auentures donnent, & que bien en faisoit les œuures) que fussent ses oncles & son frere deuenuz? Ils doiuent estre certains que ia nul d'eux ne fust échapé, car tous eussent esté occis, & les Cheualiers, qu'on eust trouué dedans Paris. Or auint que si tost que le Duc de Berri & le Duc de Bourgongne au matin sceurent les nouuelles, ils furent bien ebahis & émerueillez: & bien y eut cause. Si monterent à cheual, & vindrent à l'hostel du Roy, à S. Pol: & là le trouuerent. Si le conseillerent, & bien en auoit il mestier, car encores estoit il tout effroïé, & ne se pouuoit oster de l'imagination, quand il pensoit au grand peril ou il auoit esté, & bien dit à ses oncles, que sa belle ante de Berri l'auoit sauué, & osté hors du peril, mais il estoit trop fort marri & courroucé du Côte de Louy: & de messire Yuain de Foix, & de messire Charles de Poitiers. Ses oncles, en le reconfortant, luy dirent, Mōseigneur, ce qui est perdu, ne peut on recouurer. Il vous faut oublier leur mort, & louer Dieu & remercier, de la belle auenture: qui est auenue, car vostre corps, & tout le Royaume de France, a esté par ceste incidēce en grande auēture d'estre tout perdu: & vous le pouuez imaginer, car ia ne s'en peuuent les vaillās gens de Paris taire, & Dieu sçait que, se le mechef fust tourné sur vous, ils nous eussent tous occis. Si vous ordonnez, appareillez, & mettez en estat Roial, ainsi qu'à vous appartient, & montez à cheual, & allez à Nostre-Dame de Paris, en pelerinage (nous irōs en vostre compaignie) & vous mōstrez au peuple, car on vous desire à veoir par la ville & cité de Paris. Le Roy respondit qu'ainsi le feroit il. Sur ces parolles s'ebattit le Duc d'Orleās, frere au Roy (qui mout l'aimoit, & cōe son frere) & ses oncles le reçueillirent doucemēt, & le blasmerēt vn petit de la ieunesse, que faite auoit. A ce qu'il mōstra, il leur en sceut bō grē, & dit biē que il ne cuidoit point mal faire. Assez tost apres, sur le point de neuf heures, monterēt le Roy

*Quatre de la
mōmerie morts
par le feu, entre
lesquels fut T-
uain de Foix.*

*† Nous pouuons
icy commencer
l'an 1393. à
ma mode.*

& tous les compaignons à cheual: & se departirent de S. Pol & cheuaucherent parmi Paris, pour appaier le peuple (qui trop fort estoit emeu) & vindrent en la grande eglise Noſtre-Dame: & là ouit le Roy messe, & y fit ses offrandes: & puis s'en retournerent le Roy & les Seigneurs en l'hostel de S. Pol: & là dînerent. Si se passa & oublia ceste chose petit à petit, & fit on obseques, prieres, & aumosnes pour les morts. Haa, Comte Gaston de Foix, se de ton viuant eusses eu telles nouuelles de ton fils, comme il estoit auenu, tu en eusses esté courroucé outre mesure, car moult l'aimois. Je ne say pas comment on l'en eust appaier. Tous Seigneurs & Dames, qui en ouirent parler parmi le Royaume de France, en estoient tous emerueillez. Vous deuez croire & sauoir que le Pape Boniface (qui se tenoit à Rome) & tous ses Cardinaux & leur college furent moult réiouis de ceste auenture, quand ils en sceurent les certaines nouuelles: pourtant que le Roy de France & son Conseilleur estoient contraires. Si dirent adonc entre eux (qui entendoient à en tenir conscience) que c'estoit vne seconde playe, enuoye de Dieu au Roy de France, pour luy donner exemple, car il soustenoit cest Antipape d'Auignon, Robert de Genesue, falbourdeur, orgueilleux, & presumptueux, qui oncques n'auoit bien fait en son viuât, mais deceu le monde. Puis eurent conseil Pape Boniface & ses Cardinaux, qu'ils enuoiroient en France deuers le Roy, secrettement & couuertement, de prouidence, non de pompes & pour orgueil, vn Frere-mineur, grand Clerc, & instruit, pour parler au Roy, & pour sagement prescher, traicter, & le ramener à voye de salut & de raison, car ils soustenoient, & maintenoient entre eux qu'il estoit tout déuoyé, & qu'il estoit le souuerain Roy de toute Chrestienté, & par lequel sainte Eglise deuoit estre enluminée, plus que par nul autre.

Ce que disoient le pape de Rome & ses Cardinaux sur l'auenture de la mommerie du Roy Charles.

Vn Cordelier, enuoyé vers le Roy Charles, par le Pape & les cardinaux de Rome.

Si auiserent vn Saint-homme de religion, pourueu de prudence & de clergie: & le chargerent pour aller en France: & auant son departement, ils l'enditerent sagement, & aussi le pourueurent de tout ce, qu'il deuoit dire & faire. Ces choses ne furent pas si tost approchées, ne cil, qui enuoyé y fut, si tost venu, car le chemin y est grand & long: & moult de diuers pais y sont à passer: & aussi le Frere estoit Religieux, Cordelier: & auant qu'il veinst en la presence du Roy, il luy conuint sauoir si ce seroit sa volonté.

Comment la Duchesse de Berry soustenoit le Sire de la Riuere, prisonnier, contre la Duchesse de Bourgogne.

CHAPITRE LIII.

OR retournon aux besongnes de France: & racompton & deuison comme elles se portoit. Nonobstant toutes ses auenues, les Ducs de Berri & de Bourgogne, & leurs Conſaux, ne se desistoient point de destruire de tous points le Seigneur de la Riuere, ce vaillant prudhomme, & messire Iehan le Mercier: lesquels estoient au chastelet de Saint-Anthoine, ioingnât Paris, en la garde du Vicomte d'Arcy: & disoit on en plusieurs lieux, parmi Paris qu'on les feroit mourir: & que de iour en iour on n'attendoit autre chose: & qu'on les deliureroit au Preuost de Chastelet, & eux là venus, il estoit ordonné, sans remede, qu'ils seroient decapitez & executez tout publicquement, comme trahistres contre la couronne de France. Et sachez que ie fu pour lors informé, que se Dieu n'y eust pourueu, & les prieres de la Duchesse de Berri n'eussent esté, on leur eust auancé leur condamnation: mais la bonne Dame tresfort pria pour la Riuere: qui l'auoit amenée en France, & fait le mariage du Duc de Berri & d'elle: leq̃l de la Riuere en auoit eu moult de peine.

Parolles de la Duchesse de Berri priant son mari pour le Seigneur de la Riuere.

Si ne pouuoient auoir luy & messire Iehan le Mercier meilleur moyē, que de ladite Dame, car elle en estoit moult songneuse: & disoit à la fois, tout en plorât, & à certes, à son Seigneur de Berri, qu'à tort & peché, & par enuie, on faisoit ceste esclandre & blasme au Seigneur de la Riuere, que tant le tenir en prison, & luy tollir son héritage. Haa, Monseigneur, il eut tant de peine & travail pour nous mettre ensemble, vous l'en remunerez petitement: qui consentez sa mort & destruction. A tout le moins (si on luy a osté sa cheuance) qu'on luy laisse la vie, car (s'il meurt sur la forme & estat, dont ainsi l'esclandre) ie n'auray iamais ioye. Monseigneur, ie ne le di pas de feint courage: mais de grande volonté. Si vous prie pour Dieu, que vous y vueillez pourueoir, & penser à sa deliurance. Le Duc de Berri (qui veoit prier sa femme si à certes, & cognoissoit bien que ses parolles estoient véritables) en auoit pitié: & adoucissoit grandement sa felonnie: & eust eu plus briue deliurance assez le Sire de la Riuere, qu'il n'eut: mais on tendoit du tout à destruire messire Iehan le Mercier: & on ne pouuoit aider l'un sans l'autre. Ce messire Iehan le Mercier auoit tant plouré en prison, que moult en estoit debilité de sa veue. Qui eust creu la Duchesse de Bourgogne, on les eust executez treshonteusement sans deport, car trop fort les hayoit pour cause qu'eux, & messire Oliuier de Clifton, auoient conseillé le Roy d'aller en Bre-

La Duchesse de Bourgogne contre le Mercier & la Riuere.

tagne.

taigne, pour guerroyer & destruire son cousin, le Duc de Bretagne : & disoit ladite Duchesse, que le Mercier Clifson, & la Riuiere, estoient causes de la maladie du Roy de France, car par eux il estoit encheu en enfermeté de maladie, & pour ledit voyage. Vous deuez sauoir (quoy que le Roy de France fust retourné assez en bon point & estat) si ne se departoient point les Ducs de Berry & de Bourgongne du gouuernement du Royaume de France : mais ils en auoient le faix & la charge, & bien vouloient auoir, pour le grand profit, qui leur en sourdoit : & auoient mis, delez le Roy, toutes gens à leur poste & plaïssance. Le Roy pour ces iours auoit le nom de Roy : mais des besongnes, touchans & appartenans à la couronne de France, on ne fit que trop peu pour luy : & vouloient les dessusdits tout veoir, à ceste heure là, & sauoir. La Duchesse de Bourgongne estoit la seconde de la Roïne. La Duchesse d'Orleans n'en estoit pas ioyeuse, car elle prenoit volontiers les honneurs, & disoit ainsi à celles de son secret, la Duchesse de Bourgongne ne peut, ne doit par nulle condition, deuant moy venir à la couronne de France : car i'en suis plus prochaine qu'elle n'est. Monseigneur mon mari est frere du Roy. Encores pourroit auenir qu'il seroit Roy, & moy Roïne. Je ne say pas de quoy elle sauance de prendre les honneurs : & nous met derriere. Nous nous souffrerons à parler de ces Dames, quant à present : & parlerons des ordonnances de France, & de messire Oliuier de Clifson, Connestable de France, comment il fut mené & traité.

Enuie de la Duchesse d'Orleans, sur celle de Bourgongne, tenant le premier rang apres la Roïne.

Comment le Sire de Coucy ne voulut accepter l'office de Connestable, au lieu de Clifson, & comment les Ducs de Berry & de Bourgongne en firent pour uoir messire Philippe d'Artois, Comte d'Eu, moyennant le mariage d'iceluy avec Madame Marie, fille du Duc de Berry.

CHAPITRE LIII.

Vous auez bien oui recorder comment il fut aiourné en Parlement, par quinzaines : & aussi cōment il fut mādē & enuoyé querir par certains Commissaires, qui furent en Bretagne, & le chercherent en toutes places, & point ne le trouuerent, car il se cela, à cautelle : & point ne s'y voulut laisser trouuer, car (si ceux, qui enuoiez y furent, l'eussent trouué) ils eussent parlé à luy, & aiourné de main mise, & fait ce qu'ordonné leur estoit. A leur retour en France, apres auoir fait relation de leur voyage, parlement fut arresté, de par la Chambre & les Seigneurs de Parlement, que messire Oliuier de Clifson, Connestable de France, estoit tout forfait, & qu'il estoit bāni & expulsé hors de toutes offices, & perdoit ses héritages, par tout ou il les auroit, au ressort & dōmaine du royaume de France : & au cas qu'on l'auoit sommé, par lettres ouuertes & seellées du grand seel de la grāde Chambre de Parlement, & mandé qu'il renuoyast le martel (c'est à entendre l'office, de Connestable de France) & que point ne l'auoit fait, l'office vacquoit adonc. Si regarderent les Ducs de Berri & de Bourgongne, & leurs Consaux (qui tous estoient contraires, au Seigneur de Clifson : & qui ne vouloient fors sa destruction) qu'ō y pouruoiroit : & que l'office de Connestable estoit de si noble condition, & de si grande renommée, qu'il ne pouuoit estre longuement sans Gouverneur, pour les incidences qui en pouuoient venir. Si fut auisé que le Sire de Coucy feroit bien celle office, & y estoit propre & idoine, & luy en fut parlé, mais il s'excusa grandement : & dit que ia ne le feroit, ny ne s'en entre-mettrait, pour partir du Royaume de France. Quand on vit qui n'y vouloit entendre, on regarda d'autre part. En ce temps estoit en traité de mariage messire Philippe d'Artois, pour auoir la ieune veufue Dame, Marie de Berri (qui dessus est nommée Comtesse de Dunois, & qui eut à mari Louis de Blois : si comme vous sauez) & eust volōtiers veu le Roy de France, que son cousin dessusdit, fust paruenue à ce mariage, mais le Duc de Berri ne s'y cōsētoit point, car petite chose est de la Côte d'Eu, au regard du premier mariage, que sa fille auoit eu : & là pensoit bien en plus haut lieu marier, car au vray dire la Dame le valoit bien de bonté & beauté, & de tout ce, qui appartient à vne noble & haute Dame. Toutesfois le Duc de Berri, au fort, & à tout conclurre, n'eust osé courroucer le Roy, qui bien sauoit que le Duc de Berri estoit prié & requis de plusieurs, pour auoir sa fille en mariage, du ieune Duc de Lorraine, du Côte d'Armignac, & de l'ainné fils du Côte de Foix, & de Bearn : & tous ces mariages brisoit le Roy : & disoit à son oncle le Duc de Berri, Bel oncle de Berri, nous ne voulōs pas que no^e élōgnōs nostre cousine, vostre fille, des fleurs de Lis. Nous luy pouruoyons vn mariage bel & bon, & bien seant pour elle. Car nous la veōs volōtiers delez nous, & biē affiert d'estre delez nostre belle ante de Berri : car elles sont pres d'un aage. Ces parolles, & autres, si refroidioiēt le Duc de Berri à non accorder sa fille, ne conuenancer nulle part, & veoit biē que le Roy s'enclinoit à leur cousin, messire

† Ce passage est amendé selon le Ch. 49. du present volume.

Le Sire de Coucy refuse la Connestablie de France, en estant Clifson priué par contumace

Philippe d'Artois: qui estoit ieune Cheualier, de grande volôté: & la auoit moult travaillé en armes, & outre mer, & fait plusieurs beaux & hauts voyages (lesquels on recordoit & tenoit à grande vaillance) & estoit moult en la grace des Cheualiers & Escuyers du Royaume de France. Si regarderent ainsi les Ducs de Berri & de Bourgogne par accord que si le Roy vouloit donner à leur cousin d'Artois l'office de Connestable de France (lequel ils tenoient pour vacquant à present, car messire Oliuier de Clifson l'auoit perdu & forfait) le mariage se feroit de Marie à luy, car au cas qu'il seroit Connestable de France, il auroit assez cheuance pour tenir son estat. Si eurent conseils & auis les deux Ducs qu'ils en parleroient au Roy: & luy en parlerent, sur la forme que ie vous diray, en luy disant, Monseigneur, vostre Conseil s'addonne generally, & par science, que nostre cousin, & le vostre, le Comte d'Eu, messire Philippe d'Artois, soit à present pourueu de l'office de Connestable de France: qui vacque car Clifson, par iugement & arrest des Clercs de droit, & de vostre chambre de Parlement, l'a forfait: & l'office ne peut longuement vacquer, que ce ne soit grandement au préiudice du Royaume: & vous estes tenu, & aussi sommes nous, d'aider & auâcer nostre cousin d'Artois, car il nous est moult prochain de sang & de lignage, & puis que la chose est en tel parti que l'office vacque, nous ne le pouuons pour le present mieux mettre, n'asseoir, qu'en messire Philippes d'Artois, car il le saura bien faire & exercer: & si est aimé de toutes gens, Cheualiers & Escuyers: & si est homme sans enuie, ne conuoitise. Ces parolles furent assez plaisans au Roy, & leur respondit ioyeusement, qu'il y penseroit: & l'à dōner estoit l'office, il auroit pluscher qu'il l'eust, que nul autre. Si demoura la chose en cest estat: & le Roy en fut pourluiu de ses vncles, car ils vouloient messire Philippe d'Artois auâcer, & dégrader de tous points messire Oliuier de Clifson, car le Duc de Berri le hayoit (pource qu'il auoit aidé à destruire Betifach) & le Duc de Bourgogne pource qu'il faisoit guerre au Duc de Bretagne: & encores ne le hayoit point tant le Duc, que la Duchesse de Bourgogne faisoit. Finalement le Roy sy assentit, par le moyen de ce, que le Duc de Berri luy accorda sa fille Marie (qui veufue estoit de Louis de Blois) auoir en mariage. Mais, auant qu'on procedast plus auât tant pour faouler le Roy, que pour contenter le Duc d'Orleans, qui supportoient grandement, en l'office de Connestable, messire Oliuier de Clifson) de-rechef messire Guillaume des Bordes & messire Guillaume Martel, tous deux Cheualiers de la châtre du Roy & messire Philippe de Sauoisis, Cheualier au Duc de Berri, furēt chargez & ordōnez d'aller en Bretagne, pour parler à messire Oliuier de Clifson, & enuoyez de par le Roy, & nō par autre. Les dessusdits Cheualiers ordonnerent leurs besongnes: & se meirent à la voie & au chemin, & vindrent à Angers: & là trouuerent la Royne de Hierusalem, & Jehan de Bretagne, qui les receut moult honnorablement, & à l'honneur du Roy, & furent là deux iours, & demâderēt fil sauoit nulles certaines nouuelles de messire Oliuier de Clifson, & qu'ils auoient commission courtoise, de par le Roy, & non par autre, d'aller parler à luy. Il respondit que nulles certaines nouuelles il n'en sauoit, ne sauoit ne pouuoit, fors que bien pensoit qu'il estoit en Bretagne, en vne de ses forteresses: mais point ne se tenoit establement: ains se transportoit souuent de lieu en autre. Or se departirent doncques les dessusdits Cheualiers, & prirent congé à la Royne, & à son fils Charles, Prince de Tarente, & à Jehan de Bretagne. Comte de Ponthièvre, & se meirent au chemin, & exploiterent tant, qu'ils vindrent à Rénes. Le Duc de Bretagne se tenoit mout closemēt avec sa femme, en la cité de Vennes, & ne cheuauchoit point, car il doutoit les embusches, & les rencontres de son aduersaire messire Oliuier de Clifson, car ils faisoiet si dure guerre, que sur les champs il n'y auoit nulle merci. Il conuenoit que la place demotrast aux plus forts, & tout estoit occis, quād on venoit au dessus, & se doutoient l'un de l'autre, & biē y auoit cause & raison. Et (quoy que le Duc soit le souuerain du païs) si ne trouuoit il barō, Cheualier, n'Escuier de Bretagne, qui se voulist armer avecques foy, cōtre messire Oliuier de Clifson, mais s'en dissimuloient tous, & disoient que ceste guerre ne leur touchoit en riens. Ainsi les laissoient ils conuenir, & se tenoit chacun chez soy, & le Duc n'en pouuoit auoir autre confort. Quand les dessus-nommez Cheualiers de France furent venus en la cité de Rénes, ils enquirent, au plus-veritablement qu'ils peurent, où on trouueroit messire Oliuier de Clifson. Nul ne leur en sauoit dire la verité. Adont eurent ils auis & conseil, qu'ils se traitoient deuers le Chastel-Ioffelin, ainsi qu'ils feirent. Ils furent recueillis des gens de messire Oliuier de Clifson moult bellemēt, pour l'amour du Roy de France. Is demâderēt de messire Oliuier de Clifson, & ou ils en oroiet nouuelles, car ils

Parolles des Ducs de Berri & de Bourgogne au Roy, pour faire pourueoir Philippe d'Artois de l'estat de Connestable.

Quelques Cheualiers de la Chambre du Roy Charles enuoyez en Bretagne pour cūder parler au Connestable de Clifson.

car ils auoient à parler à luy, de par le Roy de France & son frere le duc d'Orleans, tant seulement. Nuls ne leur en sceurent dire nulles vraies nouvelles, ou ne voulurent: ains respondirent ainsi ausdits Cheualiers, en eux excusant & messire Oliuier aussi. Certainement Seigneurs, il n'est nul qui le sache trouuer. Huy est en vn lieu, & demain à l'autre. mais vous pouuez bien cheuaucher par toute la duché de Bretagne (puis que vous estes au Roy) & toutes les forteresses & maisons de messire Oliuier vous seront toutes ouuertes & appareillees: car c'est raison. Quand les dessusdits veirent qu'ils n'en auroient autre chose, si se departirent du Chastel-Ioffelin, & si cheuaucherent outre, visitant toutes les forteresses, grandes & petites, de messire Oliuier de Clifson: & autres nouvelles n'en peurent auoir, & vindrent à Vennes: & là trouuerent le duc de Bretagne, & la duchesse, qui bellement les recueillirent, mais ils ne furent, avec eux tant seulement que demi iour: & point ne se descourirēt au duc de la matiere secrette pourquoy ils estoient là venus (aussy le duc ne les en examina pas trop) & adonc ne veirent point messire Pierre de Craon: & prirent congé au Duc & à la Duchesse. Puis se meirent au retour: & exploiterent tant qu'ils vindrent à Paris, ou ils trouuerent le Roy & les Seigneurs: qui les attendoient. Si compterent premierement au Roy & au duc d'Orleans, comment ils auoient visité tous les lieux, villes & chasteaux, en Bretagne de messire Oliuier de Clifson: & point ne l'auoient trouué. De ces nouvelles furent les Ducs de Bourgogne & de Berri tous resiouis, & ne voulsissent point que la besongne se portast autrement. Assez tost apres ce, l'on proceda au mariage de messire Phelippe d'Artois & de Marie de Berri, & fut le dessus nommé Connestable de France, pour vser de l'office, & en leuer les profits, aux vsages & ordonnances anciennes, quoy que messire Oliuier de Clifson n'y eust point renoncé ne renuoyé le Martel de la Connestablie: mais disoit & affermoit que Connestable il demourroit: car il n'auoit fait chose contre le Roy de France, ne contre le Royaume, pour quoy on le luy deust oster. Si demoura la chose en cest estat.

De la guerre du Connestable de Clifson, pendant son absence de France, contre le Duc de Bretagne: & comment ils s'appointerent fort amiablement. CHAP. LV.

Bien sceut les nouvelles messire Oliuier de Clifson cōment le Comte d'Eu estoit pour Bueu de la Connestablie de France, & de ce iour en auant il en leueroit tous les profits par le consentement du Roy de France, & qu'il auoit par mariage espousé la fille au duc de Berri, Madame Marie. De tout ce il ne fit nul compte: car il se sentoit loyal, & aussi prud'hōme, & non forfait deuers le Roy, ne la couronne de France, & tout ce, que fait en estoit auoit esté fait & proposé par enuie & mauuaistié: & luy mōstroient les ducs de Berry & de Bourgogne telle haine qu'ils ne le pouuoient celer. Si entēdit messire Oliuier de Clifson à faire la guerre, & à la fournir sagement contre son aduersaire, le Duc de Bretagne. Laquelle guerre fut dure & crueuse: & ne se faignoiet point leurs gens d'eux occire, quand d'auenture ils s'entretrouuoient sur les champs: & plus souuēt cheuauchoiēt assez messire Oliuier de Clifson & ses gens en allāt de chastel en autre, & faisant embusche que le Duc de Bretagne & ses gens ne faisoient, & se trouuoit ledit messire Oliuier plus fort assez, pour resister alencontre de son aduersaire, que le Duc ne faisoit: car il ne trouuoit Barō ne cheualier en Bretagne qui de ceste guerre se voulsist entremettre: ains dissimuloient: & quand le duc les mandoit, ils venoient parler à luy, pour sçauoir son entente. Là les requeroit ledit duc de Bretagne, de cōfort & d'aide, pour corriger son hōme, messire Oliuier de Clifson: qui trop grandement s'estoit forfait enuers luy. Les barōs de Bretagne (tels que le Vicōte de Rohan, le Seig. de Dignā, & messire Hermē de Lyō, & plusieurs autres) s'excusoiet & disoiet: que de ce ils ne sauoient riens, & que point de guerre ils ne feroient à messire Oliuier de Clifson pour icelle cause: mais que trefuolōtiers ils se trouueroient d'y mettre cause & moyen de venir à paix, s'ils sauoient ou pouuoient. Quand le Duc veit qu'il n'en auroit autre chose, & que plus perdroit de ses hommes par celle guerre, que messire Oliuier de Clifson ne feroit, se consentit d'enuoyer les dessusnommez barōs deuers messire Oliuier de Clifson à traitter deuers luy & qu'ils l'amenassent, sous son saufconduit, à Vennes, parler à luy, & il le trouueroit si traitable & debonnaire, qu'il entendroit à toute raison: & si mespris il auoit enuers luy, il l'amenderoit, à l'ordonnance d'eux, lesquels il prioit d'aller en ce voyage. Les dessusnommez à ce faire s'accorderent volontiers pour cause de bon moyen: & s'en vindrent tous trois deuers messire Oliuier de Clifson, & feirent tant qu'ils parlerent à luy (ce m'est aduis) au chastel de Ioffelin, & luy remonstrent l'intention du Duc, & ce dont ils estoient char-

Retour des cheualiers du Roy Charles hors de Bretagne, sans auoir peu trouuer le Connestable de Clifson.

Excuse des barons de Bretagne enuers leur duc, pour ne guerroyer le Connestable de Clifson.

Ambassadeurs du duc de Bretagne vers Oliuier de Clifson, à ce que sous son saufconduit, il eust à aller vers luy pour traiter de paix.

gez, & plus auant pour approcher la paix: car la guerre d'eux deux estoit mal seâr en Bre-
taigne, & trop desplaistoit aux Nobles de Bretagne, & greuoit à tous marchans & menu
peuple. Messire Oliuier, nous vous disons ainsi, que s'il vous plaist d'aller deuers Monsei-
gneur, en cause d'asseureté, tant que vous serez retourné arriere, nous nous obligeons à
ici demourer & tenir, sans point partir n'issir les portes du chastel de Ioffelin, & nous sup-
posons assez, que, quand vous serez en la presence de Monseigneur, vous serez à paix, &
d'accord: car nous le voyôs en bône volonté. A ces paroles respôdit messire Oliuier de
Cliffon: & dit, Beaux Seigneurs, que vous profiteroit il, si i'estoye mort? Pêsez vous que
ie ne cognoisse pas bien le duc de Bretagne? Certes si fay: il est trop cruel & hault: &
(quoy qu'il vous ait dit & informé, & qu'il me donne sauf aller & retourner) s'il me voy-
oit en sa presence, ia pour parolle qu'il vous ait promise, il ne cesseroit tant qu'il m'eust
veu mort: & si i'estoye mort, vous mourriez aussi: car mes hômes vous occiroiêr. Si vaul-
t mieux que vous vivez & moy aussi d'autre part, que de nous mettre en ce danger: car de
luy ie me garderay bien: & que de moy il se garde, ainsi que bon luy semble. Adonc res-
pondit messire Charles de Dignan, & dit: beau cousin, vous pouuez dire ce qui vous
plaist: mais nous ne l'auons point veu en celle volonté de vous occire, s'il vous voyoit
par le moyen que nous vous offrons: mais a bonne affectiô de vous laisser venir à accord,
& luy & nous vous prions que vous le vueillez faire. Adonc respondit le Seigneur de
Cliffon, & dit, Je croy assez que vous ne me voulez que tout bien: mais sur ceste assuran-
ce, que vous me promettez, ie vous promets que ie ne m'auanceray point d'aller deuers
luy & puis que vous vous entremettez en bonne maniere (ainsi le doy ie & vueil enten-
dre) ie vous diray que ie feray, & quelle response acceptable ie vous bailleray. Vous re-

*Response du Cō-
nestable de Clif-
fon aux ambas-
sadeurs du Duc
de Bretagne.*

tournerez deuers luy, qui ici vous enuoye, & dites que point ie ne vous vueil prendre en
pleige, ny en ostages: mais qu'il m'enuoie son heritier (qui est marié à la fille de Frâce) &
cil demourra en la garde de mes hommes au chastel de Ioffelin, tant que ie seray allé &
retourné. Ceste voye m'est plus acceptable pour moy, que n'est nulle des autres, & plus
raisonnable: car si vous demouriez ici (si comme vous offrez) qui s'entremettroit des be-
songnes & traitez? ne qui seroit moyen entre nous deux? & comment sans moyen se-
rions nous d'accord? Quand les dessus nommez barons de Bretagne virent qu'ils n'en
auroient autre chose, si prirent congé. Messire Oliuier de Cliffon le leur donna, & se de-
partirent du Chastel-Ioffelin, & retournerêt à Vennes deuers le duc de Bretagne: & luy
recorderent toutes les responses & parolles dessusdites: auxquelles tât que de son fils en-
uoyer au Chastel-Ioffelin, il ne se fust iamais consenti. Si demoura la chose en cest estat,
& la guerre comme deuât, crueuse, & n'osoit nul cheuaucher en Bretagne sur les châps,
n'aller sur les chemins pour celle guerre. Marchandise si estoit toute morte parmi la Bre-
taigne, & toutes gens des citez & bonnes villes s'en sentoîêr, & les laboureurs des terres
mesmement s'en refroidioient, & seiournoient. La Duchesse de Bourgogne couuerte-
ment confortoit son cousin, des gens d'armes, tant de Bourgogne que d'autres, l'qu'elle
luy enuoya: car le duc de Bretagne ne trouuoit nul de son pais, qui se voulist armer pour
celle guerre: mais s'en dissimuloient Cheualiers & Escuyers de Bretagne, s'ils n'estoiêr
de l'hostel du duc. Le duc d'Orleans (qui moult aimoit messire Oliuier de Cliffon) le se-
couroit couuertement: & luy enuoyoit Gens d'armes, & bons coursiers pour le refreschir
de montures: trop plus souuent cheuauchioient aux auêtures messire Oliuier de Cliffon
& ses routes, que le duc ne ses gens ne faisoient, & aduint qu'une fois il encontra deux
Escuyers du Duc de Bretagne, qui cheuauchioient & alloient en besongne pour le Duc,
l'un appelé Bernard & l'autre Yuonnet. Ils ne peurent fuir, n'eslongner, car ils cheurent

*Vengeance du
Connestable de
Cliffon contre
un Escuyer du
duc de Bretai-
gne (qui l'auoit
mal traité au
chastel de l'Er-
mine) & recon-
pense du bien,
qu'un autre
luy auoit fait.*

es mains de messire Oliuier de Cliffon, qui fut mout ioyeux de leur venue: car bien les co-
gnoissoit. L'un luy auoit fait seruice au tēps passé, & l'autre non, mais desplaisance, & luy
en souuint là. Quand ils se veirent attrapez, ils furent tous esbahis. Adonc dit messire O-
liuier à Yuonnet, Il te souuienne comment au chastel de l'Ermine, delez Vennes, en vne
tour tu m'y enferras mal courtoisement: & toy aussi Bernard, en auois pitié, & deuestis
ta robe, pourtant que i'estoye en pur mon doublet, sur le pauement) pour moy escheuer
du froid, ie te le vueil icy rendre. La vie te fera sauuee: mais ce garson trahistre Yuon-
net, qui bien de ce se fust passé s'il eust voulu il demourra. A ces mots il trait vne dague:
& luy mesme l'occit, & puis passa outre: aux varlets ne fit riens. Vne autre fois messire
Oliuier de Cliffon cheuauchoit deuers le chastel d'Auroy (car le Duc & la Duchesse es-
toient là) & auoit bien trois cens Lances en sa compagnie, & d'auenture il trouua bien

quarante

quarante des varlets du Duc: qui estoient sur les champs: & fut enuiron la Saint Iehan en Esté. Ces varlets auoient lié leurs chevaux aux arbres: & si auoient faucilles: dequoy ils feoient les blez, pour faire faix & trouffes, & les rapporter à leurs logis, comme fourrageurs: & messire Oliuier vint sur eux: & les épouuenta (autre malil ne leur fit) & leur dit, Comment estes vous tant osez de vous mettre sur les champs, & de tollir & embler la garnison des laboureurs? Vous ne les auez pas semez: & si vous les coupez, auant qu'ils soient meurs. Vous commencez trop tost à faire Aoust. Or tost, prenez voz faucilles, & si montez sur voz chevaux. Pour l'heure ie ne vous feray nul mal: mais allez, & dites au Duc de Bretaigne (qui est en Auroy. Ie le say bien) qu'il vienne cy (ou enuoye ses hommes me recueillir) si que ie soye avecques luy: & que Clifson luy mède, qu'icy on le trouuera iusques au soleil couchant. Les varlets (qui furent tous ioyeux de ceste deliurance: car ils cuidoiēt estre tous morts) reprirent leurs faucilles: & monterent sur leurs chevaux: & s'en retournerent au chastel d'Auroy, au Duc: & croy assez qu'ils luy recorderent ces nouuelles: & autre chose n'en fut: ne point n'issit, ne fit issir ses hommes du chastel. Telles écarouches faisoient adonc en Bretaigne le Duc & messire Oliuier de Clifson, l'un sur l'autre: & ne s'entremettoient point ceux du pays de leur guerre. Nous nous souffrerons à parler du duc de Bretaigne & de messire Oliuier de Clifson, & de leur guerre: & retournerons aux besongnes de France & d'Angleterre.

Clifson, ayant cheuanché iusques aupres d'Auroy, y enuoye desier le Duc de Bretaigne.

D'une forme de paix, faicte entre les Roys de France & d'Angleterre, par le moyen de leurs oncles.

CHAPITRE LVI.

Vous sauez comment les Parlemens furent en la cité d'Amiens, & comment les Seigneurs se departirent l'un de l'autre, & sur quels articles, & comment on enuoya en Angleterre avec le Duc de Lancastre, & la respōse qu'on eut des Anglois: qui durs estoient à venir à paix: car il ne tenoit pas du tout au Roy Richard d'Angleterre, au Duc de Lancastre, au Duc d'Yorch, n'à ceux, qui les traittez & parolles de paix auoient portez: mais grand part à la Communauté d'Angl. & desiroient les communs, Archers & telles gens, à ce qu'ils monstroient, trop plus la guerre que la paix: & les deux parts des ieunes Gentils-hommes d'Angleterre: Cheualiers ou Escuyers: qui ne sauoient ou s'employer: & qui appris auoient à estre oyseux, & tenir bon estat sur le fait de la guerre. Au fort, si conuenoit il qu'ils obeissent, là ou le Roy, ses oncles, & la plus-saine partie d'Angl. s'écloinoient. Le Duc de Lancastre, cōsiderant toutes choses, tant pour l'amour de ses filles (qui Roynes estoient, si comme vous sauez, l'une d'Espagne, & l'autre de Portugal) que pource qu'il veoit biē que le roy, son neueu, s'y enclinoit, disant que la guerre auoit assez duré, estoit de celle opinion, & y rendoit aussi grand' peine: mais qu'il vist que ce fust à l'honneur du Royaume d'Angleterre. Du costé de France, le Duc de Bourgogne y rendoit aussi grand' peine: car il veoit qu'il estoit grandement chargé des Cōsaux & besongnes de France, & que ses deux neueux estoient ieunes d'age & de sens, le Roy & le Duc d'Orleans: & si se trouuoit vn grand hērier, attendant encores de grans héritages de toute la Duché de Brabant: & se * Flandres & Brabant au temps auenir se differoient contre la couronne de France, avecques la puissance d'Angleterre (ainsi qu'autresfois ils auoient fait) le Royaume de France auoir trop d'ennemis car le Duc de Bourgogne estoit moult imaginatif, & veoit moult loing en ces besongnes: si qu'il me fut dit par hommes notables (qui de ces besongnes deuoient sauoir la certainté (qu'il & le Duc de Lancastre rendirent grand' peine à ce, que les Parlemēs fussent de-rechef mis à Bolinghen (ou autresfois auoient esté) & y fussent si forts de toutes parties, & si bien pourueus de toutes procurations, & si puissamment fondez, que pour faire paix, se mestier faisoit: & ces traittez s'entendoient à là estre à Bolinghen, dedans le mois de May, prochainement venant (lequel on compteroit l'an mil trois cens quatre vingts & treize) & ainsi fut accordé & seellé de toutes parties, & nommez ceux, qui les Parlemēs tiendroient, & qui de par les Roys, & leurs Cōsaux enuoyez y seroient. Premierement de la partie du Roy Richard d'Angleterre, y furent principalement eleus ses deux oncles, le Duc de Lancastre & le Duc de Glocestre (lequel estoit grandement en la grace & amour de toute la Cōmunauté d'Angleterre, & des Cheualiers & Escuyers, qui plus cher aimoient la guerre que la paix) & pour les Prelats, l'Archeuesque d'Yorch & l'Euesque de Londres & aucuns Clercs, Licenciez en Loix, pour entendre & exposer les lettres en Latin: & deuoient

** Annotat. 11.*

Il y auoit dixsept enuoyez deux Exempts mais la dedn- tion suruante, avec Salas, seure ma corre- tion.

ces Seigneurs venir à la ville de Calais (ainsi qu'ils firent) à la my-Auril, & tantost apres le iour Saint-George passé: pouttât que le Roy & les Barons d'Angleterre (qui du bleu iartier sont) font solennité tresgrande au chastel de Windesore, D'autre part, du costé de France, les Ducs de Berry & de Bourgongne, & leurs Consaux, s'ordonnerent à estre & venir (ainsi qu'ils firent) en la ville de Boulongne, & eux tenir là, & parlementer à Bolinghen. Le Roy de France (qui tresgrande affection auoit, à ce qu'il môstroït, que paix fust entre eux & les Anglois: car trop guerre y auoit duré) dit à ses oncles, & à son Conseil, qu'il vouloit aller au plus-pres des Parlemens (comme il pourroit par raison) pour mieux y monstrier que la besongne estoit sienne, & luy touchoit. Donc fut auisé ou le Roy de France se tiendrait: à Saint-Omer, pour estre en la marche & frontiere de Calais, ou à Therouenne, ou à Monstereul, ou à Abbeuille. Tout cōsideré, il valoit trop mieux au Roy se tenir à Abbeuille, qu'autre part: car il y a puissante ville, & bien aisee de toutes choses: & là y seroient tous Seigneurs & gens aisément logez, sur celle belle riuere de Somme. Quand ce Conseil fut arresté, on fit les pourueances du Roy, grandes & grosses, en la ville d'Abbeuille: & pour le corps du Roy loger, on ordonna l'Abbaye de Saint-Pierre qui est vne grande Abbaye, & garnie d'edifices: & sont noirs Moynes) & là vindrent le Roy & le Duc d'Orleans & leurs Consaux, & messire Regnaud de Corbie Chancelier de France. Les Ducs de Berry & de Bourgongne & les Parlementeurs François se tin-

Assemblée des Princes de France et d'Angleterre à Bolinghen, pour traiter de paix.

† Ceste parenthèse, et la clause entiere, est amendee selon le sens de l'Auteur.

drent à Boulongne: & les Ducs de Lancastre & de Clocestre à Calais, & tous leurs Consaux. Belle chose fut de veoir l'ordonnance & estat des Parlemēs, qui en ce temps se tindrent entre les François & les Anglois, sur les champs, entre Boulongne & Calais, pres d'une place, que l'on dit Bolinghen: & là estoient, de toutes les deux parties, tendues tentes, trefs & paillons, pour eux tenir, reposer, refreschir, boire, manger, & dormir, s'il conuenoit: & deux ou trois iours en la semaine, les François, qui pour le Parlement estoient là ordōnez, venoient là de Boulongne: & les deux oncles du Roy d'Angleterre venoient là, de Calais: & souuent entroient en Parlement & traitté sur le point de neuf heures: & là se tindrent en vne tresbelle tente, qui par accord de toutes ces parties estoit tendue: & là parlementoient & propoioient plusieurs articles. Or me fut dit † (car, pour sauoir la verité de leurs traittez, ie Jehan Froissart, Acteur & proposeur de ce liure, fu en la bonne ville d'Abbeuille: comme cil, qui grande cognoissance auoit entre les Seigneurs: & ainsi en demandoye à la fois à ceux, qui aucune chose en deuoient sauoir) que, sur l'entree des Parlemens, les François meirēt en termes aux Seigneurs d'Angleterre, qui là estoient (quand ils eurent veu leurs procurations, & la puissance qu'ils auoient de tenir le Parlement, & de donner tréues, & de faire, outre les tréues, bonne paix par mer & par terre, d'eux principalement, leurs conioints & adhers) qu'ils vouloient auoir Calais abbattue, par telle maniere, que iamais nul n'y habitast, ne demourast. A celle parolle & article respondirent les Anglois tantost (c'est à entendre le Duc de Lancastre & le Duc de Clocestre) qu'ils n'auoiēt que faire de mettre ces parolles en termes, d'auoir Calais abbattue car Calais seroit la derniere ville, que la couronne d'Angleterre tiendroït en son domaine & héritage) & que, si on vouloit auoir traitté & parlemēt à eux) on cloist celle parolle: car ils ne vouloiēt plus en ouyr parler. Quand les Ducs de Berry & de Bourgogne ouirēt leurs deux cousins les Ducs d'Angl. parler si acertes, ils cesserēt à parler de ceste matiere: (car ils veirēt biē qu'ils y traualloïēt en vain) & parlerēt sur autres estats. Les Anglois vn lōg tēps demādoïēt à auoir restitutio, toutes les terres, qui baillees & deliurees estoïēt, & auoient esté, au Roy Edouard d'Angleterre, leur Seigneur de pere, ou à ses députez & ou commis: & derechef toute la somme de Florins, qui demouree estoit à payer, au iour que la guerre, si fut renouvellee entre France & Angleterre. Celle demande aux François soustindrent les Anglois vn long temps: & monstroient bien, & faisoient monstrier par leurs Cleres, pour mieux la verité en exposer: leurs parolles, & qu'elles estoient raisonnables. Les Seigneurs de France (c'est à entendre les Ducs qui là estoient, & le Chancelier de France) respondirent doucement contre: & arguoient du contraire: & disoient, † quand du premier point de leurs proces, que de toutes les terres faire retourner arriere au gouuernement & domaine du Roy d'Angleterre, & de ses successeurs, impossible estoit à faire: car les villes, les terres, les chasteaux, les citez, & les Seigneuries & hommages des pays: qui nommez sont & furent en la chartre de paix, donnée & accordee, l'an mille trois cens soixante, à Bretigny, & puis confirmee & scelee à Calais, estoient trop élongnez de ce propos: car le Roy de France (à qui s'estoïēt de volonte, & sans cōtrainte,

† Ceste de clause & les deux suivantes sont amendees selon le sens de l'Auteur, pris au cha. 212. au 246. & 47. du premier Vol.

remis

remis & rendus) leur auoit donné, iuré, & scellé si grans libertez & priuileges, & confermé sur parolles de Roy, que ce ne se pouuoit oster, briser, ne retourner: & que, si on vouloit retourner & venir à paix à eux, il conuenoit entrer en autre traitté. Donc fut regardé, par l'auis & deliberation des quatre Ducs principalement (ausquels tenoit & du tout pendoit la forme de la paix & de la guerre) que les Seigneurs de France de leur costé escriroient tous leurs articles, tels qu'ils voudroient faire & tenir: & les Anglois pareillement de leur costé escriroient aussi: & seroient les articles baillez aux Seigneurs d'un costé & d'autre: qui les regarderoient tout à loisir, & visiteroient, & feroient regarder & visiter, par les Cheualiers, les Prelats, & les Clercs en droit & en Loix, qui de leur Conseil estoient, & qui à ce entêdre estoient habiles & propices: & ce, qui à passer & tenir feroit, il seroit tenu: & ce, qui à chanceler feroit, il seroit chancelé. Ceste ordonnance sembla à toutes parties estre raisonnable & bonne. Car, en deuant ce, les corps des quatre Ducs auoient trop grand' charge d'ouyr lire & rapporter tant de parolles, † & principalement les Anglois celles, qui la estoient proposees de la partie des François: & aussi ils n'estoient pas si enclins d'vser de l'entendement, & conceuoir sur la forme & maniere que les François le bailloient comme les François estoient: car en parleure François à mots tressubtils & couuers, & sur double entendement: & les tournent les François là ou ils veulent, à leur proffit & auantage. Ce que les Anglois ne sauroient trouuer, ne faire: car ceux ne veulent entendre que plainement. Or, pource qu'on leur auoit donné à entêdre du tēps passé que point ils n'auoient tenu les conditions, conditionnees sur les articles de la paix, & vouloient les François dire, prouuer, & monstrier par parolles escrites, seelles, & iurees à tenir sur la parolle du Roy, & sur sentence † de Pape, qu'ils les auoient enfrein-
† Les cinq mots
suuans sont a-
iustez selon le
sens de l'Au-
teur.

tes & brisees, estoient les Anglois plus diligens à les entendre: & quand ils veioient escrites
† Il y auoit de
paix, & peu-
traitez & articles, qui là estoient proposez de par les François, aucune parleure obscure,
après François
pour Anglois
ce que nous a-
uons amendé,
& éclairci tou-
te la clause, sui-
uant le sens de
l'Auteur.

par grand loisir l'examinoint: & demandoient, & faisoient demander par leurs Clercs de droit & de Loix, aux Prelats de France, & aux Ducs de Berry & de Bourgongne, cōme ils l'entendoient. ne nulle chose, ou parolle obscure à entendre, ne vouloient passer outre les deux Ducs d'Angleterre, qui là estoient presens, qu'elle ne fust iustement examinée, visitée, & mise au cler: & se riens y auoit de different, ou de contraire à leur entendement, ils le faisoient en leur presence chanceler & amender: & disoient bien qu'ils n'en vouloient riens mettre ne laisser en trouble: & pour eux raisonnablement excuser, ils disoient que les François (qui auoient appris telle chose d'enfance) estoient plus subtils, que les Anglois. Telles obliques propositions, que ie vous remonstre, élongnerent moult les traittez: & aussi que les † Anglois se tenoient forts, pour mettre à effect la charge, dont ils estoient chargez de par le général conseil d'Angleterre: car ils demandoient à rauoir en restitution toutes les terres & appendances, qui à la Duché d'Aquitaine appartenoiēt, & les profits, qui leuez en auoient esté depuis la guerre renouuëe. Laquelle chose les François n'eussent iamais accordé. Bien vouloient donner les François, aux Anglois le pays de Tarbe & de Bigorre, le pays d'Agen & d'Agenois, & le pays de Pierregourd & de Pierregins: mais de Cahors, Rouergue, Quercy, & de Lymosin, ils n'en vouloient riens bailler ne deliurer, ne de la Comté de † Ponthieu, ne de la Côté de Guines, point plus-avant, que les Anglois en tenoient au iour de ces traittez. Sur celuy estat furent les seigneurs plus de quinze iours: & ne conclurent que ce traitté tant seulement. Les quatre Ducs ordonnerent, que, tout ainsi que proposé estoit & ordonné l'auoient, ils le signifieroient aux deux Rois: † & pour ce faire d'une part, les deux Ducs de France iroient à Abbeuille: & remonstreroient ces traittez au Roy: & se plus élargir il se vouloit de donner aux Anglois, point ne le debatroyent: mais aussi ils prioient amoureusement à leurs cousins d'Angleterre, que doucemēt ils voulussent ces traittez escrire & signifier au Roy d'Angleterre: lequel monstroir, & auoit monsté depuis deux ans, que grande affection il auoit de venir à paix entre France & Angleterre, leurs cōioints & aduers. Les deux Ducs leur promirent ainsi le faire: & deuez sauoir (si comme ie fu adōcques informé, & de verité) que le Duc de Clocestre, estoit trop plus fort à briser, que le Duc de Lanclastre: & pource que bien sauoient son opinion ceux d'Angleterre (qui plus cher auoient la guerre, que la paix) il y fut enuoyé: car biē sauoient que riens ne passeroit, que ce ne fust à l'honneur de leur partie. † Si se departirent les Seigneurs (c'est à entendre les quatre Ducs) amiablement l'un de l'autre, pour estre là au neuuiesme iour de ce parlemēt. Ceux d'Angleterre retournerēt à Calais: & les autres deux à Boulongne: & puis vindrēt

† Il y auoit icy
François se te-
noient Frācs
de mettre à
effect. Mais
vous pouuez
voir comment.
† Encor y auoit
il icy Ponthie-
ure,
† Il y auoit icy
un point fer-
me: puis cōmen-
çoit la clause en
cette sorte. Les
deux de Frā-
ce vindrent à
Abbeuille &
remontre-
rent, &c.
† Ces 2. clauses
(qui n'est faisoit
qu'une toute
corrompue) sont
amendees, &
éclaircies enco-
res selon le sens
de l'Auteur.

à Abbeuile. Quand ils furent venus en la bonne ville d'Abbeuile, ils trouuerēt le Roy de France: qui là s'ebatoit, & moult volontiers: car là enuiron a autant d'ebatement & de plaissance, qu'en ville & cité qui soit en Frâce: & a dedās la ville d'Abbeuile vn iardin tresbel, enclos enuiron de la belle Somme: & là dedans ce clos se tenoit le Roy de Frâce: & moult volontiers, & le plus des iours, y soupoit: & disoit à son frere d'Orleās, & à son cōseil, que le seiour d'Abbeuile luy faisoit grand biē. Pour ces iours estoit auec le Roy de France le Roy Leon d'Armenie: & estoit reuenueu nouuellement de Grèce, & des frontieres de son pays: car dedans n'auoit il point entré: n'étrēr n'y pouuoit: s'il ne se vouloit perdre: car les Turcs l'auoient conquis: & le tenoient contre toutes nations, qui guerre leur

† le n'ay encores peu cognostre ceste ville: mais peu-apres ie n'ay feint de mettre Cádiz, pour Conde.

vouloient faire, tout entieremēt, reseruee la forte ville de † Conich, seant sur la mer: que les Gēueois tenoient & gardoient, pour la doutance des Tures: car, si les Turcs auoient ce port, ils feroient moult de maux, par mer, aux Cypriens, & aux autres Chrestiens, sur les bondes de Rhodes & de Candie. Si eust volontiers veu le Roy d'Armenie que bonne paix fust entre Frâce & Angleterre: à fin que tous Cheualiers & Escuyers, qui les armes demandoiēt fussent allez en Grèce, & luy eussent aidé à recouurer son Royaume. Quand les deux oncles du Roy, furent venus en la ville d'Abbeuile, le Roy les veit moult volontiers: & leur fit tresbonne chere (ce fut raison) & leur demanda, des traittez, comme ils se portoient, & comme tout en alloit. Ils luy cōpterent & recorderent toute la pure verité, & sur quelle maniere & estat ils s'estoiēt departis. De tout ce fut le Roy cōtent & réiouy, monstrant assez qu'il desiroit la paix. Pareillement les deux Ducs d'Angleterre (qui retournez estoient à Calais) escrierēt tous les points & articles des traittez proposez: & puis les sceellerent, & enuoyerent deuers le Roy d'Angleterre, leur neueu: & depuis en eurent bone responce: & leur rescriuit le Roy qu'ils procedassent auāt sur la forme de paix: car la guerre auoit assez duré: & que ce n'estoit que destructiō & perdition de peuple & de païs, & occision de Cheualerie: dōt Chrestienté estoit affoiblie: & ce pourroit trop, au temps auenir, grādement toucher aux terres Chrestiennes: & iā s'auançoit fort l'Amorabaquin, & ses enfans, & les Turcs, pour venir au royaume de Hōgrie: & se tenoit sur la terre, qu'ō dit la Vallaquie: & de ce auoient eu le royaume de France & d'Angleterre lettres. Or, ce pendant † qu'en Abbeuile & aux terres voisines estoient le Roy de Frâce & ses oncles Berry & Bourgongne, & que les Anglois à Calais & pres de Calais s'ebatoient, aduint le terme des iours, que les quatre ducs assigné auoient de retourner, & venir à Lolinghen, pour tenir parlemēt: & tous y furent: & auec les Seigneurs de France y vint le Roy d'Armenie, pour remōstrer à ceux d'Angleterre la necessité de ces besongnes: & par especial il estoit bien congnu du Duc de Clocestre: car il auoit esté en Angleterre, en celle saison que l'armee de France s'ordonnoit pour venir à l'Escluse, & aller en Angleterre: & l'auoit ledit Duc de Clocestre receu moult honorablement en vn sien chastel, & moult belle place, qui sied en Excestre: & se nomme ledit chastel Plauser. De rechef les deux ducs de Lancastre & de Clocestre, freres, luy firent là tresbonne chere (& par especial le Duc de Clocestre: pourtant qu'autresfois l'auoit veu) & l'ouyrēt les deux Ducs moult volōtiers parler de ces besongnes: & luy respondirent doucement & gracieusemēt, en disant que volontiers & de bon cœur ils y adrécerōient: & tant que le Roy d'Armenie se contenta d'eux grandement. A ces parlemens eut plusieurs traittez & proces mis auant: & s'estoit tenu vn grād tēps le Cardinal de la Lune en la ville d'Abbeuile, & logé aux Freres Cordeliers, sur la riuere de Somme: & estoit là enuoyé en legation, de par celui, qui s'appelloit Pape Clement, pour le faict de l'Eglise: & auoient les François voulu proposer, en leurs Parlemens & consistoires, aucuns articles, touchāt la matiere de l'Eglise, pour soutenir les opinions de ce Clemet, Robert de Genēue: mais, quand les freres, Ducs d'Angleterre, veirent la maniere, ils allerent au-deuant grandement & sagement: & dirent à leurs cousins de France, Ostez nous ce Legat: nous n'auons que faire d'entendre à ces parolles, ce n'est que toute charge, sans proffit & sans effect, nous sommes determinez à Pape: auquel nous obeyssons, & voulons obeyr. Si n'auons que faire d'ouyr parler à l'encontre: &, s'il venoit auant sur noz traittez en faueur de vous, nous clorriōs tous noz Parlemens: & nous en retournerions arriere. Depuis ceste parolle dite, on n'ouyt nulle parolle du Cardinal: mais se tint tout quoy en Abbeuile: & lors les Seigneurs allerent si auant en leurs traittez & Parlemens demenez, que les conclusions en furent bonnes: & se contērent toutes parties. Car les quatre Ducs veioient que les Rois s'enclinoient grandement à ce que paix fust entre leurs Royaumes, & leurs conioints & leurs adhers: &

moult

† Ceste clause, parauant toute imparfaite, est encor accomplie selon le sens de l'Auteur, par addition de plusieurs mots.

moult le Roy de France doucement en auoit parlé au Duc de Lancaſtre, quand il fut au Parlement à Amiens, l'an en-deuant: & luy auoit dit au departemēt, Beau couſin, ie vous prie que vous exploitez tant de voſtre coſté, que bonne paix ſoit entre France & Angleterre: ſi ſera aidé noſtre couſin, le Roy de Hongrie, contre l'Amorabaquin: qui eſt ſi fort & puiſſant en Turquie. Le duc de Lancaſtre auoit reſpōdu à ce, & dit que tout ſon pouuoir il en feroit: & ſi fit il voiremēt: † car par luy & ſes remonſtrāces au Roy d'Angleterre, ſon neueu, à ſon frere, & à tous les Conſaux du pays & du Royaume d'Angleterre, ce ſecond Parlemēt fut remis enſemble à Lolinghen, pour y faire paix, ou bon accord, l'honneur d'Angleterre gardé. Sō frere, le Duc de Cloceſtre, y eſtoit plus froid que luy: & reſſoignoit les contētions & deceptions de parolles cōtournees des François: & diſoit que les François vouloient touſiours luter les deux bras deſſus. Si en dit tant, que les parties auerſes ſ'en apperceurent: & vint ce me ſemble vn Eſcuyer d'hōneur François, nommé Robert l'Ermite (qui eſtoit du cōſeil & de la Chambre du Roy de France) deuers le Duc de Cloceſtre. Le ne ſay ſ'il y fut enuoyé, ou ſ'il y vint de luy meſme: mais il diſoit ainſi (cōme toutes ſes parolles ledit Duc me compta en ſon hoſtel, à Plaſtre) Mōſeigneur, pour l'amour de Dieu ne vueillez point briſer les articles de la paix (car vous voyez cōme noz Seigneurs de France y mettent grand' diligence) & vous ferez aumoſne: car la guerre a trop duré: & quand le tēps eſt, & que les deux Rois le veulent, tous leurs prochains & ſugets y doiuent bien obeyr. Robert, Robert (reſpondit le Duc de Cloceſtre) ie vueil bien à tout ce adrecer: & point n'y ſuis cōtraire, ne rebelle: mais entre vous de France auez tāt de parolles coulourees (leſquelles ſont obſcures à noſtre entendement) que, quand vous voulez, eſt guerre: & quād vous voulez, eſt paix: & ainſi nous auez vous menez, iuſques à preſent, de vous † determiner touſiours, tant que ſoyez venus à voſtre entente: & ſi Mōſeigneur m'en euſt creu & la greigneur partie de ſon Royaume (qui tenus ſont de le ſeruir & aider) iamais paix n'eũt eſté entre Frāce & Angleterre, tant que tout nous euſt eſté reſtitué ce, que tollu on nous a, & ſans cauſe, par cautelles ſubtiles, & ainſi que Dieu ſait, & tous autres, qui veulent raiſon congnoiſtre & entendre. Mais, puis que Monſeigneur ſ'encline à la paix, de ce auez cauſe de parler, & c'eſt raiſon que nous le vueillons auſſi: & (ſi paix ainſi que les deux Rois le deſirent, & pourquoy nous ſommes ci aſſemblez) elle ſoit bien tenue de voſtre coſté, & elle le ſera du noſtre. Sur ces parolles ſe departit le Duc de Cloceſtre. Robert l'Ermite prit congé de luy: & vint entre ſes gens: & entra en autres parolles. Le ne vous vueil plus tenir ce proces & propos: mais venir à concluſion, que la matiere deſire. Les quatre Ducs (qui là eſtoient, & plaine puiſſance & autorité auoient de leurs deux ſouuerains: c'eſtaſſauoir des deux Roys) propoſerent & parlerent tant enſemble (car pouuoir auoient de donner trēues, & accorder paix) que renommee generale courut, parmy la ville d'Abbeuille, que paix eſtoit empriſe ſur certains articles, entre le Roy de France & le Roy d'Angleterre, & leurs conioints & adherans. Mais ie, Acteur de ceſte Hiſtoire (qui pour ce temps ſeiurnoye en Abbeuille, pour ouir & ſauoir des nouuelles) ne peu pour lors ſauoir la verité comme la paix eſtoit empriſe: fors tant qu'vnes trēues furēt priſes à durer quatre ans, & à tenir fermes & eſtables, par mer & par terre, de toutes parties: & eſtoit auſſi, imaginé, & cōſideré: en l'auis & imaginatiō de ceux qui à ce Parlement auoient eſté, que, deuant les quatre ans accōplis, toutes ſeroient rendues & deliurees au Roy d'Angleterre, & à ſes cōmis, les terres & Seigneuries qui en Lāguedoc ſont, & qui deuoient venir & retourner au roy d'Angleterre, & à touſiours perpetuellemēt aux Rois d'Angleterre viuans, & deſcēdre au dōmaine & héritage de la couronne d'Angleterre: & parmi ces ordonnances accomplies, & terres, villes, citez, & chaſteaux deliurez aux Anglois, ſur la forme & ordōnance, qui eſcrite & nōmee eſtoit entre les parties, les deux freres de Lāclāſtre & de Cloceſtre deuoient faire vider aucuns capitaines, & leurs hommes (qui tenoient aucuns fors au Royaume de Frāce, & au dōmaine de quelques terres, villes, & chaſteaux, qui deuoient retourner à la couronne de France) & ceux faire partir, & aller leur voye, qui guerre auoient fait, ou faiſoient, ſous ombre du Roy d'Angleterre & des Anglois, de quelque nation qu'ils fuſſent: & de toutes ces parolles & promeſſes furent obligez les Seigneurs & Cōſaux, eux eſtans à Lolinghen, & lettres ſignees & ſeellees, & les copies enuoyees aux deux Rois. Or, pource que le Roy d'Angleterre auoit tresgrande affection à ouir certaines nouuelles de la paix, ſes oncles (qui là ſeiurnoient) prirent vn certain Heraut (qu'on appelloit Marthe, & le Roy d'armes d'Angleterre) & eſcriuirent au Roy, par luy, toute l'ordōnance du proces derniere-

† Ceste clauſe eſt encor amendee & parfaite ſelon le ſens de l'Auteur, par vraye punctuation & addition de quelques mots: cōme ſont auſſi les deux ſuyuantes.

† Il veut dire diſſimuler & déguifer matiere par termes & mots couuers, & à double entente.

Forme de paix accordee entre les Royaumes de France & d'Angleterre & leurs aliez, en l'an 1393.

Le Roy Richard d'Angleterre auert du traité de paix par vn Herault, enuoyé de la part de ses oncles.

ment traité, conclu, & conditionné sur forme de paix, & ainsi que le tenoiét tous, & l'auoient arresté toutes les parties. Le Heraut dessusnommé, quand il eut les lettres des deux Ducs de Lâclastre & de Clocestre, fut moult réiouy: & se departit des têtes des Anglois: & vint à Calais: & loua vne nef de pescheur: & le plus tost qu'il peut, se fit passer outre: & exploita tant le marinier, à l'aide de Dieu & du vêt, qu'ils vindrēt à Douures: & depuis tāt cheuaucha le Heraut, qu'il vint en vn manoir lez Lōdres: ou il trouua le Roy. Si tost qu'il fut venu, on le feit entrer en la chambre du Roy: pource qu'il venoit de Calais, & de vers les ducs, qui au traité auoient esté, & encores estoiet. Si luy bailla les lettres. Le Roy les ouurit: & les leur: & de ce, que dedans trouua, il eut grand' ioye: & pour les bonnes nouvelles, que le Heraut, nommé, au Roy auoit aportees, il luy donna grans dons: si comme ledit Heraut me dit depuis à loisir, cheuauchant avec luy au Royaume d'Angleterre.

Comment la susdite forme de paix se cuida rompre pour cause du Pape Boniface de Romme, & par la rencheute du Roy en sa maladie. CHAP. LVII.

OR retournon aux traitteurs & Seigneurs de France & d'Angleterre, qui estoient encores à Lolinghen. Quand ils vouloient, ils seiournoient en leurs tentes & pauillons (qu'ils auoient fait tendre & parer si grandement, que merueilles) & entendoient à ce que les lettres fussent si verifiees, que nulle chose trouble, ou obscure, n'y peust estre enclose: & de ce auoient les Anglois grand soing & diligence. Si vouloient bien tous les articles & traittez examiner, auant qu'ils les seellassent ou voulussent passer, & toutes ces parolles iustement entendre. Or suruint vn trop grand empeschemēt: par quoy les traittez, ou on auoit tant labouré & trauaillé, furent sur le point d'estre tous perdus & brisez: & la matiere, dont ce vint, ie la vous diray: car on doit parler iustement de toutes choses: à fin que les Histoires en soient tenues pour veritables. Vous sauez (si comme il est cy-dessus contenu) que le Roy de France eut grand' volonté d'estre & seiourner en la ville d'Abbeuille vn grand temps: & les longs seiours venoient pour la cause des proces & traittez, qui se faisoient en celle saison entre les parties dessusdites, Sur la matiere & conclusion de leur paix, les Ducs de Lanclastre & de Clocestre meirent en termes, & proposerent, que c'estoit l'intention du Roy Richard d'Angleterre, & de son Conseil, que le Pape Boniface, estant à Romme (lequel les Rommains, Allemans, Hongres, Lombars, Veniciens, Anglois, & presque toutes les nations du mōde Chrestiens tenoient à vray Pape) fust receu pour tel: & qui cil, qui Clement se nommoit & escriuait, fust dégradé & condamné: & dirent lesdits Ducs, & proposerent, que de ce ils auoient charge espéciale des trois estats d'Angleterre. Quand les Ducs de Berry & de Bourgongne entendirent ces proces, pour à leurs cousins d'Angleterre cōplaire, & que les traittez des tréues & de pays à supposer (qui tāt leur auoiēt cousté) demourassent, & peussent demorer fermes & entiers, ils demanderent trefamiablement à auoir conseil de respōdre. On le leur accorda. Ils se conseillerent: & tantost en respondirent: & parla & remōstra la matiere le Duc de Bourgongne, moult sagement: & bien le feut faire: & pour adoucir, & amoderer l'imagination de leurs cousins d'Angleterre (qui ce auoiēt proposé) dit ainsi, La matiere & question des deux Papes n'est pas conuenable pour mettre en forme, ny en voye, sur noz traittez: & nous émerueillōs, mon frere de Berry & moy, pourquoy vous l'avez mise ne proposée en termes, car, au premier chef de noz traittez, vō^s proposastes, & fistes proposer, que du Cardinal de la Lune (le Legat, qui se tient & seiourne en Abbeuille) vous ne voulez point veoir, n'ouïr nulles paroles: & sur ce nous sommes nous fondez & arrestez, fondons & arrestons: & disons ainsi, que quand les Cardinaux eleurent à Pape Urbain, & puis Boniface, Urbain mort, à l'electiō nul de nostre costé, ne du vostre, n'y fut appelé, ne pareillement aussi à l'electiō de celui, qui s'appelle Clement: qui pour le present se tiēt & seiourne en Auignō. Nous ne cōtredisons pas que grand' aumosne seroit eux appaiser & vnir, qui pourroit: mais qu'entendre y voulsissent. Ce pēdant nous les mettrōs derriere: & en laisserōs cōuenir les Clercs de l'Vniuersité de Paris: & quād toutes noz besongnes seront Conclues en bien, & en ferme paix, de nostre partie, avec le moyen du Conseil & cōsistoire de nostre cousin le Roy d'Allemagne, nous y entēdrōs volōtiers, & aussi vous de vostre partie. Ceste responce, que le Duc de Bourgongne, fit, pleut moult à ses cousins d'Angleterre, & leur sembla raisonnable & acceptable: & respondirent les deux ducs d'Angleterre, Vous avez bien parlé: & ainsi soit, que vous l'avez proposé & mōstré. Si demoura la chose en bon estat: comme au-deuant: mais encores y eut, sur la cōclusion de tous leurs proces & traittez, vn grand empeschement: car le Roy de France (qui tout l'esté,

Demande des Ducs d'Angleterre, pour la confirmation du Papat de Boniface, & abolition de Clement, sur conclusion de paix avec les François.

Responce des François sur la demande des Anglois quant à la Papauté.

l'esté, iusques près de la Sainct-Iehan-Baptiste, f'estoit tenu en la ville d'Abbeville, pour cause des beaux & grâs ébatemés qui y sont) retourna en la maladie de frenaisie (si-comme l'annee en-deuant auoit esté) & se tenoit, & estoit tenu, en l'Abbaye de Sainct-Pierre: & celuy, qui premierement s'en auisa & apperceut, fut messire Guillaume de Martel, vn Cheualier de Normandie, & pour son corps, le plus prochain, que le Roy eust en sa chābre. Encores estoient les Ducs de Berry & de Bourgongne à Boulongne, ou à Lolinghē, sur la fin de leur Parlement: & auoient ainsi que tout conclu ce, que faire & conclurre se pouuoit pour la saison. Si tost que le Duc d'Orleans, frere du Roy de France, fut informé de ceste incidēce, & il eut veu le Roy au party ou il estoit, il le signifia à ses oncles: & y enuoya vn sien Escuyer, le plus prochain qu'il eust: qu'on apeloit Boniface, gracieux homme. Quand les deux Ducs oncles du Roy, seurent les nouuelles de ceste incidence, si en furent moult déplaissans: & se departirent, le plus tost qu'ils peurent: & ia auoient ils pris congé à leurs cousins d'Angleterre: lesquels s'estoient retraits & retournez à Calais: & attendoient là ouyr nouuelles du Roy de Nauarre, & du Duc de Bretaigne. Car proposé auoient en ces Parlemens, quant au chastel de Cherbourg, seant sur la mer, & sur le Clos de Constantin en Normandie (lequel chastel le Roy d'Angleterre auoit en gage, & en garde, ce m'est auis, pour soixante mille nobles d'Angleterre) que le Roy de France deuoit payer les deniers, & le chastel deuoit retourner au Roy de Nauarre: & aussi le fort chastel de Brest pareillement (que les Anglois tenoiēt) deuoit retourner au Duc de Bretaigne. Les Ducs de Berry & de Bourgongne n'attendirent pas la conclusion de ces proces: mais s'en vindrent en Abbeville: & trouuerent le Roy en petit estat de santé: dont ils furent tous courroucez: & aussi furent ceux, qui l'aimoient. La maladie du Roy si fut cee, & tenue secrette, tāt comme on peut: mais ce ne fut pas longuement: car telles auentures sont tantost esclandrees & sceuës: & s'espendent par tout. Si se departirent tous seigneurs, qui en Abbeville estoient venus, l'vn apres l'autre, tout bellement: & s'en retournerent sur leurs lieux. On ordonna à entēdre au Roy (ce fut raison) & fut auisé ou il seroit mis & mené. Auisé fut qu'il seroit en litiere amené au chastel de Creil sur Oyse: ou autrefois il auoit esté. Là fut il amené, & toute nuit: car les iours, pour la chaleur & force du soleil, on seiournoit: & les nuités on cheminoit. Le duc de Berry & le Duc d'Orleans, frere du Roy, si cheuaucherent en la compagnie du Roy, iusques à Creil: & le Duc de Bourgongne s'en alla en Artois & en Flandres, visitant ses pays: & trouua la Duchesse sa femme au chastel de Hedin. On ne parloit plus du seigneur de la Riviere, ne de messire Iehan le Mercier. On les auoit ainsi que tous oubliez: ne nul ne proposoit de leur greuance, ne pour leur deliurance: car encores la seconde maladie, ou le Roy Charles de France estoit rencheu, les excusoit & decoulopoit grandement de la renommee du peuple: & auoient bien les sages du Royaume de France celle cognoissance, que le Roy, par incidence corporelle, & par les grans excès, que du temps passé il auoit faits, & par foiblesse de chef, s'enclinoit trop fort à cheoir en maladie. Or estoit moult regretté de ceux qui sa santé desiroient à veoir, maistre Guillaume de Harfely (qui mort nouuellement estoit) & ne sauoient les plus prochains du Roy ou prendre Médecin prudent, qui se cognust en sa maladie. Toutesfois il se conuenoit passer, & aider de ce qu'on auoit.

De la mort du Pape Clement d'Auignon: de l'election du Pape Benedic: & comment vn grand Clerc de l'Archeuesché de Reims tenoit fort pour le siege d'Auignon, en ses parolles & predications.

CHAPITRE

LVIII.

EN ce temps, & au mois de Septembre, trépassa de ce siecle, au Palais d'Auignō, Robert de Genēue, ci-dessus-nommé, en nostre Histoire, Pape Clement: & auint de luy ce, que tousiours il auoit proposé & mis, quand on parloit de la paix & vnion de l'Eglise: c'est qu'il mourroit Pape. Voiremēt le mourut il, sur la forme & estat, que vous sauez. Du tort, ne du droit, ie n'en vueil pas determiner: car, tant qu'à moy, point ne m'appartiet. Or furent les Cardinaux d'Auignon tous ébahis cōme entre eux, & de l'vn d'eux, ils feroiēt Pape: & eurent Conseil qu'ils se mettroient en Conclauē, & se deliureroient de faire vn Pape: & ia commençoit à retourner en santé le Roy de France: dont tous ceux, qui l'aimoient, auoient grand ioye: & la bonne Roïne de France, vne tresuaillante Dame (qui Dieu doutoit & aimoit) en auoit esté en grande affliction: & en auoit fait plusieurs belles aumosnes & processions, & par especial en la ville de Paris. A ce que ie fu adōc informé, ce college des Cardinaux, qui en Auignon pour ce temps se tenoient, eleurent à Pape le Cardinal, & Legat de la Lune. A parler par raison, il estoit moult sainct homme, & de

Le Roy Charles sixieme rencheu en sa maladie de frenaisie.

Depart du Parlement de Lolinghen.

Le Roy Charles amené malade d'Abbeville à Creil sur Oyse.

Tousiours en l'an 1391.

Renouuellemēt de santé au Roy Charles vj. Electiō du Cardinal de la Lune, au lieu du Pape Clement septiesme, mort en Auignon.

belle vie contemplatiue: mais l'election fut faite par cōdition telle, s'il plaisoit au Roy de France, & à son Conseil: car autrement ils ne l'oserēt accepter, ne porter outre. Or regardez & considerez la grand subgection, ou l'Eglise par son forfait se boutoit & abandonnoit: quand eux (qui francs estoient, ou deussent estre) se soumettoient enuers ceux, qui prier les deuoient. A ce cardinal de la Lune (qui fut élu Pape) on fit en Auignon toutes les solennitez de Papalité: & fut nommé Benedic. Il ouurit grace generale à tous Clercs, qui en Auignon aller vouloient, & voulut escrire au Roy de France, par le Cōseil de ses freres les Cardinaux, de sa Papalité & creatiō: mais il me fut dit que le Roy n'en fit cōpte: car encores n'estoit il point cōseillé, pour sauoir comment il en feroit, ne s'il le tiendrait à vray Pape, ou non: & manda les greigneurs clerics en prudence, qui fussent en l'Vniuersité de Paris, pour auoir conseil & collation à eux. Maistre Jehan de Gigencourt & Maistre Pierre Playons (lesquels estoient en prudence & science les plus grās Clercs de Paris, & plus agus) bien dirent au Roy, & aussi feirēt d'autres, que le scisme de l'Eglise corrompoit la foy Chrestienne, & que ceste chose ne pouuoit lōguement demourer en cest estat, qu'il ne conueinst que la Crestienté eust à souffrir, & par especial les Prestres de l'Eglise: & ne furēt adonc cōseillez ceux de l'Vniuersité de Paris d'euoyer rolles, pour les Clercs auoir grace en Auignon, deuers ce Pape Benedic: &, quand le Roy Charles de Frāce veit leur opiniō, il luy fut auis qu'elle estoit raisonnable, & aussi que pour ses Clercs prier, n'euyoy rolle, il se cesseroit, tant qu'il en seroit déterminé: & demourerent les choses en cel estat. Mout fort portoit le duc de Berry ce pape: & l'exauçoit & autorisoit: & enuoya son rolle: & furent mout de ses gens pourueus de graces de ce Benedic. Le Duc de Bourgogne & la duchesse sa femme s'en dissimuloient, avec le Roy. Aussi fit le Duc d'Orleās, & plusieurs autres grans Seigneurs de France: & les aucuns le tenoient par faueur, à Pape. Ce Benedic n'escondissoit de nulle rien sa grace: à fin que la Court d'Auignon & le College en vauussent mieux. Le Duc de Bretaigne ensuyuit l'opinion du Roy de France mout legēremēt: car il estoit du temps passé si abusé de l'information de son cousin le Comte de Flandres, pour la rebellion de l'Eglise, que son cœur ne s'enclina oncques à croire Clement: quoy que les Clercs de Bretaigne le creussent & teinssent à Pape. Or, quand aucunes prebēdes vacquoient, le Roy en pourueoit ses Clercs, sans parler au Pape: dont Benedic (qui se nommoit Pape) & les Cardinaux d'Auignon (qui créē l'auoient) estoient tous ébahis: & se cōmencerent à douter que le Roy de France ne leur fist clorre les rentes & profits, qu'ils auoient des bénéfices, qu'ils tenoient au royaume de France: & eurent Conseil d'enuoyer vn Legat en France, pour parler au Roy & à son Conseil, & pour sauoir & entendre comment il s'ordonnoit de l'Eglise: & aussi semblablement pour luy remontrer que le Pape, que créē auoient, estoit en creation de Pape, par cōdition telle, que, s'il plaisoit au Roy de France, il y demourroit, ou, sinon, on l'osteroit, & se mettroient les Cardinaux en Conclauē, & en éliroient vn à la plaissance du Roy. En ce temps estoit venu à Paris, & se tenoit delez le Roy par son consentement, le Frere mineur (duquel ie vous ay vn petit touché ci-dessus, & qui enuoyé estoit en France en legation sans orgueil & sans bobans, de par le Pape de Romme: qui se nommoit & escriuoit Boniface) & entendoit & oyoit volontiers le Roy les parolles & sermons de ce Frere mineur. Or vint le Legat d'Auignon (qui grād clerc & subtil praticien estoit, & bien enlangagé) & fut aussi ouy du Roy & des Seigneurs: & luy faisoient voye, & auoir audience, ceux, qui porter & exaucer vouloient le Pape d'Auignon. Or fut auisé au Conseil du Roy (qui ne fut pas si tost déterminé: mais, à celui auis y renbit Conseil l'Vniuersité, à grand' peine) & fut dit ainsi, par la plus-saine partie, que ce seroit bien-labouré, qui pourroit tant faire & exploiter qu'on fist demettre ce Boniface & Benedic hors de leur Papalité, & tous les Cardinaux hors de leur Cardinalité, & puis fussent pris Clercs & vail-lans preud'hommes & de grand' conscience, tant de l'Empire d'Allemagne, comme de France & d'autres nations, qui fussent mis ensemble, & qui par le sens & deliberation d'eux mesmes, & par bon conseil, sans faueur, ne sans vouloir porter l'vn plus que l'autre, retournassent & remissent l'Eglise à poinct, & au droit degré d'vnité, ou elle pourroit estre ferme & estable: & que par autre voye on ne veoit point que bonne conclusion y deust auoir: car l'orgueil du monde estoit si grand es cœurs des Seigneurs, que chacun vouloit soustenir sa partie. Ceste imagination proposée deuant le Roy, les Ducs d'Orleās & de Bourgogne, & leurs Consaux, sembla bonne: & se ioignit le Roy avec l'Vniuersité: qui proposée l'auoit: & dit qu'il en escriroit volontiers: & enuoyeroit ses messages deuers le

L'Vniuersité de Paris, ne le Roy ne se déclairent encores, pour le Cardinal de la Lune, apelé Pape Benedic.

Legat du Pape Benedic d'Auignon vers le Roy Charles, et quel conseil donna l'Vniuersité de Paris au roy sur la Papauté.

deuers le Roy d'Allemagne & de Boëme, & deuers le Roy de Hongrie & d'Angleterre: & se faisoit fort des Roys de Castille, de Nauarre, d'Arragon, de Sicile, de Naples, & de Escoce, qu'il les feroit obeir là ou il obeiroit, & son Royaume. Ceste proposition fut tenue: & pour cause de bõ moyë, & pour entamer ces proces, le Roy de Frâce enuoya tantost ses lettres & ses messagers especiaux à tous les Rois dessus-nommez. Ceste chose ne fut pas si tost faite ne recueillie, ne les messagers allez ne retournent, ne si tost apporté response de leurs lettres. En ces vacations trespassa de ce siecle à Paris à Sorbonne, ce vaillant clerc, dont ie parloye maintenāt, maistre Iehan de Gegincourt, dõt le Roy de France, & tous les Seigneurs furent moult courroucez & ceux de l'vniuersité: car son pareil ne demoura point à Paris, & eust rendu tresgrand' diligēce à l'eglise reformer, & mettre en vnion parfaite. En ce temps auoit vn grand clerc de science & de prudence en Auignon Docteur en Loix, & Auditeur du Palais, de la nation & Archeuesché de Reims, le quel on appelloit Maistre & sire Iehan de Varennes, & estoit par science & par les beaux seruices qu'il auoit faits, tant au pape Clement cōme aux autres grandement auancé & pourueu de benefices, & estoit sur le poinct d'estre Euesque ou Cardinal: & auoit esté chapelain d'un, qu'on appelloit en Auignō S. Pierre de Luxembourg. Ce maistre Iehan de Varennes (comme beneficié & auancé qu'il fust) resigna ses benefices: & retint, pour viure sobrement & petitemēt, † la Chanoinerie de nostre dame de Reims: qui vault en residence cent francs, & en absence trente francs. Puis se departit d'Auignon: & s'en vint demourer es marches de Reims, en sa nation, en vn village, qu'on dit saint Lie: & commença là à monstrier sainte vie & belle, & à prescher la foy & les œures de nostre Seigneur, & moult autorisoit & exauçoit le pape d'Auignon: & disoit quand il fut venu premierement, qu'il estoit vray pape & condamnoit moult celuy de Rome en ses parolles & estoit moult hanté de peuple, qui le venoient voir de tous pais par la sainte vie, sobre & hōneste, qu'il menoit, & tous les iours ieusnoit: & pour les belles & nobles predication, qu'il disoit & faisoit, aucunes gens disoient que les Cardinaux d'Auignon à cautelle l'auoient là enuoyé, pour eux exaucer & coulurer † ou il estoit venu là remonstrier sa vie. Ce Maistre Iehan de Varennes ne vouloit pas qu'on l'appellast le saint homme de S. Lie, mais l'Auditeur: & viuoit là en cōpaignie de sa mere: & disoit tous les iours messe bien deuotement: & tout ce qu'on luy donoit de grace (car à nulluy il ne demādoit riens) il le rendoit & faisoit rendre arriere pour Dieu. Nous nous souffrerons pour le present à parler de luy, & parlerons d'autres besongnes: car la matiere le requiert.

Comment le Roy d'Angleterre fut conseillé de faire vn voyage en Irlande, & donner au Duc de Lancaſtre, pour luy & ses hoirs, perpetuellement, la duché d'Aquitaine & toutes les terres & Seneschauſſees appendantes à icelle.

CHAPITRE LIX.

Vous sauez (si comme il est cy dessus contenu & escrit en nostre histoire) que treues furent prises & données entre le Roy de Frâce & le Royaume d'Angleterre, leurs conioins & adherens. Or furent elles bien tenues & gardees par mer & par terre: mais tousiours auoit des robeurs & pillars en Languedoc: lesquels estoient estranges & de nations lointaines, de Gascongne, de Bearn, & d'Allemagne: & estoit capitaine du fort chasteil, & de la garnison de Bouteuille, messire Iean de Grailly, bastard fils iadis au Captal de Buz, vn ieune & appert cheualier & deuez sauoir que les capitaines de ces garnisons tant de Lourdes (qui sied en Bigorre, sur les parties du Royaume d'Arragon) que de Bouteuille, sur les frontieres de Xaintonge en la marche de la Rochelle, & ceux de la garnison de Mortaigne, estoient trop durement courroucez de ce qu'ils ne pouuoient courir, ne faire leurs cheuauchees ainsi qu'accoustumé auoient, pour prendre, piller & gaigner sur leurs voissins: car on leur auoit clos les voyes & les chemins, & cōmandé estroitement, qu'ils ne fissent, ne consentissent chose à faire, parquoy les treues fussent enfreintes ne brisees: car s'ils le faisoient ils en seroient punis & corrigez estroitement. En † ce temps fut proposé & conseillé en Angleterre de faire vn voyage de guerre en Irlande: car combien que le Roy Richard (qui ieune estoit) eust pris treues & donnees à tous ses ennemis prochains & lointains: neantmoins il auoit reserué les Irlandois: pource qu'à l'heritage d'Irlande ses predecesseurs auoient clamé grand droit: & l'estoit escrit Roy & Sire d'Irlande, apres que le Roy Edouard de bonne memoire, son ayeul, leur eut tousiours fait guerre: cōbien qu'en songné fust d'autre part. Dõt pour les ieunes Cheualiers & Escuyers d'Angleterre (qui les armes desiroient) employer, & pour l'hōneur du Royaume augmēter & les droitz garder, le Roy Richard d'Angl. feroit la vn voyage, à puissance de

*Le Roy Charles
escrit à plu-
sieurs Roys de
Chrestienté,
pour l'union
de l'Eglise.*

*Vn grand clerc
nommé maistre
Iehan de Varen-
nes, souffrent le
Pape d'Auignō
† Il y auoit la
clauonnerie,
es deux Exēpl.
mais Sala escrit
chanoinerie,
† Le liroye vo-
lotiers, & qu'il
estoit là ve-
nu remōstrier
leur vie: ou bie
ainsi ou qu'il
estoit là venu
monstrier sa
vie: c'est assa-
voir par hipocri-
sie ou encor au-
trement comme
ceant la clause
en ceste sorte,
ou il estoit là
venu remon-
strier sa vie, ce
Maistre Iehan
&c.*

*† Les trois clau-
ses suivantes
(qui n'en fai-
soient qu'une
toute embrouil-
lee, & sans con-
struction) sont
separées & es-
claircies selon le
sens de l'Au-
teur.*

Gens d'armes & d'archers, & cheuaucheroit si auant luy avecques ses gens, qu'ils entre-
roient au Royaume d'Irlande, & iamais ne s'en departiroient, qu'ils n'eussent eu vne ho-
norable composition, ou conclusion. Derechef il fut ordonné en celle mesme saison
que le Duc de Lancastre (qui moult auoit trauaillé par mer & par terre, pour les besoi-
gnes & augmentations du Royaume d'Angleterre) feroit vn autre voyage, à cinq cens
hommes d'armes & mille archers; & mōteroit à Pleumonde, ou à Hâton (là où le mieuz
luy plairoit) & s'en iroit en Guyēne & en Aquitaine, & fut adonc l'intention du Roy Ri-
chard telle, & de tout son conseil, que ledit duc de Lancastre pour luy & pour ses hoirs
perpetuellement, demourroit Sire & heritier de tout le pays d'Aquitaine & des terres &
des Seneschauſſees & dōmaines; tous & tels que le Roy Edouard d'Angleterre, son pere
& les autres Rois & ducs d'Aquitaine en deuant auoient tenus & obtenus, & que le Roy
Richard d'Angleterre tenoit à present; reserue l'hommage que faire en deuoit au Roy, &
aux Rois venans, d'Angleterre. Mais, quant à toutes obeissances, rentes, seigneuries &
reuenues, le duc de Lancastre en demourroit Sire; & ce luy donnoit, cōfermoit, & seel-
loit le Roy Richard, purement & nettemēt. Lequel don le duc de Lancastre tint à grād
& bel, & à bonne cause: car en la duché d'Aquitaine a bien terre & pays pour tenir vn
grand Seigneur bon estat. Si furent les lettres de ce don faites, grossoyees, examinées, &
passees, par grand deliberation de Conseil, present le Roy d'Angleterre & ses oncles, le
duc d'Iorch & le duc de Gloceſtre, les comtes de Salbery, & d'Arondel, d'Erby, & celui
fils au Duc de Lancastre, le Comte Mareſchal, le Comte de Roſtellant, les Comtes de
Northombellande & de Northingen, meſſire Thomas de Perſy, les Seigneurs d'Eſpen-
fier & de Beaumont, & meſſire Guillaume d'Arondel, les Archeueſques de Cantorbrie &
d'Iorch, l'Eueſque de Londres, & tous ceux presens, qui y appartenoyent à eſtre, tāt pre-
lats, comme barons d'Angleterre, & en remercia le Duc de Lancastre premierement le
Roy son neueu, ses freres, les prelates & barons d'Angleterre: & puis entendit à faire ses
pourueances, belles & honnestes, & grandes, pour passer la mer & aller en Aquitaine;
& exploiter sur le don, dont le Roy l'audit reueſtu. Pareillement ceux qui cōmis estoient
& ordonnez à faire les pourueances du Roy, pour aller en Irlande, les firent grandes &
grosses, & furent eſcrits & auisez tous Seigneurs, qui avec le Roy feroient le voyage: à fin
qu'ils se pourueussent de toutes choses à eux necessaires.

*Le duc de Lan-
castre inueſty
par le Roy Ri-
chard son ne-
ueu de tout ce
que les Anglois
tenoient en A-
quitaine.*

*Du trespas de Madame Anne de Boēme, Royne d'Angleterre: & comment le Duc de Lan-
castre descendit en Aquitaine, & le Roy Richard en Irlande.* CHAP. LX.

*L'an 1394.
trespas de la
roine d'Angle-
terre, Anne de
Boēme environ
la Pentecouſte.*

SVr la forme, estat & ordonnāce, que ie vous deuise s'appareilloient le Roy & le Duc
de Lancastre, & faisoient ordonner leurs gens, & pourueances grandes aux ports &
passages là où ils vouloyent passer: le Roy pour aller en Irlande, & le Duc de Lancastre
pour aller en Aquitaine: mais leur voyage fut retardé de deux mois, ou enuiron: & vous
diray pour quelle raison. En ce temps que ses besongnes s'ordonnoient, maladie prit à la
Royne Anne d'Angleterre, dont le Roy & tout son hostel furent durement troublez: car
la maladie alla si auant, que ladite Royne trespassa de ce ſiecle, es festes de la Penthecō-
ſte, qu'on compta l'an de grace mil trois cens quatre vings-quatorze. De laquelle mort
furent le Roy & tous ceux qui l'aimoient, dames & damoiselles, tous troublez & cour-
rouceez. Si fut enseuelie en l'Eglise cathedrale de Londres & son obſequ fait depuis à
grand loisir: car le Roy d'Angleterre le voulut depuis faire faire estoſſement & puiffam-
ment, & furent cites à grand foison & couſtages, enuoyees querir en Flandres pour fai-
re cierges & torches: & y eut au iour de l'obſequ vn luminaire si grand, qu'on n'auoit
point ouy raconter ne parler de pareil, ne de la bonne Royne d'Angleterre, Phelippe
de Hānaut ne d'autre qui cy deuant eust esté: & le voulut le Roy Richard ainsi faire, pour
ce que la Roine auoit esté fille du Roy de Boēme, Empereur de Romme, & Roy d'Alle-
maigne: & ne la pouoit le Roy oublier: & moult l'aimoit & auoit aimée: pourtant qu'ils
auoient esté ieunes mariez ensemble. De celle Dame d'Angleterre ne demoura nuls en-
fans: n'onceques n'en eut. Ainsi furent le Roy, le duc de Lancastre: & le comte d'Erby
en vne saison veufs: mais on ne parloit point encores de leur remariage, car le Roy n'en
voulloit point ouyr parler. Quoy que la Royne d'Angleterre fust trespassee de ce ſiecle
(ainsi que ci dessus est cōtenu) & q le voyage d'Irlāde en fust retardé, pource ne ſejourne-
rent point les pourueances des Seigneurs à faire: & les passoier outre la mer d'Irlande en
trois heures & les menoient & adreçoient ceux, qui les conduisoier en vne cité à l'entree
d'Irlande.

d'Irlande, qui tousiours s'est tenue pour le Roy d'Angleterre: laquelle cité on apelle †Dymelin: il y a Archeuesque: & cil estoit avecques le Roy. Tantost apres la Saint-Iehan Baptiste, le Roy se departit de la marche de Londres, & prit le chemin de Galles, tout en chaçant & ébatant, pour oublier la mort de sa femme: & ceux, qui ordonnez estoient d'aller avec luy, se meirent aussi au chemin. Ses deux oncles, le Duc Aimod d'Iorch & le Duc Thomas de Clocestre, Comte d'Excestre & de Bue, & Cōestable d'Angleterre, se meirent aussi sur les champs en tresgrand arroy. Aussi firent tous les autres Seigneurs: le Cōte de Bruth, frere du Roy, nommé messire Thomas de Hollande, le Comte de Rostellāt fils au Duc d'Iorch, le Comte Mareschal, ceux de Salberi & d'Arondel, messire Guillaume d'Arondel, le Comte de Northombellande, Seigneur de Persi, messire Thomas de Persy son frere, Grand Senechal d'Angleterre, les Comtes Dammesiere & de Nertinghen, & grand nombre de Cheualiers & Escuyers: reserue ceux, qui demouroient pour garder la frontiere d'Ecoce. Car Escocois sont mauuaises gens: & ne tiennent tréues ne respit: fors quād ils veulent. Pour ce temps, que le Roy d'Angleterre fit ce voyage en Irlande, n'estoit point en sa compaignie son frere, messire Iehan de Hollande, Comte de Hostidōne, mais estoit au chemin de Hierusalem & de Sainte Katherine: & deuoit retourner par le Royaume de Hongrie, car il auoit entendu en France, quand il passa à Paris (ou le Roy de France, son frere, ses oncles, & les Seigneurs, pour l'amour & honneur, du Roy d'Angleterre, luy firent tresbonne chere) que le Roy de Hongrie & l'Amorabaquin deuoient auoir bataille ensemble. Si ne vouloit pas defaillir à y estre. D'autre part le Duc de Lanclastre, à tout son arroy, ordonné & étofé, s'en vint à Pleumonde: & là estoient les vaisseaux passagers: qui l'attendoient. Quand tous les gens furent venus, & les vaisseaux: tous chargez, & ils eurent vent assez pour passer, si entrerent es vaisseaux: & defancrerent: & prirent le chemin pour aller vers Bordeaux sur Gironde. Nous parlerons du Roy d'Angleterre: qui bien auoit quatre mille Hommes-d'armes, & trēte mille Archers. Passage leur estoit à tous ouuert & abandonné, en trois lieux, à Bristo, à Lolihet, & Herford. & passoient tous les iours, & meirent bien vn mois à passer, auant qu'ils fussent totis outre, eux & leurs cheuaux. D'autre part au pays d'Irlande estoit vn vaillant Cheualier d'Angleterre (lequel s'appeloit Comte † d'Armont) & tenoit terre en Irlande, & ont tenu ses predecesseurs (mais estoit en debat) & estoit ordonné ce Comte d'Armont, comme ses predecesseurs. Le Comte Mareschal d'Angleterre auoit l'Auantgarde de quinze cens Lances, & deux mille Archers, & tous se porterent sagement & vaillamment. Le Roy d'Angleterre & ses deux oncles passerent la mer d'Irlande, au port de Herford en Galles, & les plusieurs à Lolihet, & les autres à Bristo, & tant firent que tous passerēt sans dommage, & ainsi qu'ils passoient par l'ordonnance du Conestable & Duc de Clocestre & des Mareschaux d'Angleterre, ils se logeoient sur le pays, & comprenōient bien de terre, outre la cité de Dymelin, & là enuiron, trente lieues Anglesches (car c'est vn pays inhabitable) & se logeoient les Anglois & l'Auantgarde sagement & vaillamment, pour la doute des Irlandois (car faire le conuenoit, ou autrement ils eussent receu & pris dommage) & le Roy & ses oncles estoient logez en la cité de Dymelin, pres de là, & les Prelats avecques eux, & me fut dit que tout le temps ils se tindrent là, & seiournerent, & furent largement & aisément pourueus de viures & de pourueances, car les Anglois sont gens tous faits à la guerre, & qui bien sauent fourrager & prendre l'auantage, & penser deux & de leurs cheuaux, quand mestier est. La maniere & ordonnance, & ce qu'il auint de ce voyage du Roy d'Angleterre, ie vous declaireray, en la forme & maniere comment i'en fu informé.

Comment Sire Iehan Froissart arriua en Angleterre, & fut presenté au Roy Richard, par son oncle le Duc d'Iorch.

CHAP. LXI.

IL est bien verité, que ie, Sire Iehan Froissart, pour ce temps Trésorier & Chanoine de Chinay, seant en la Comté de Haynaut & au diocese du Liège, eu tresgrande affectiō & imagination d'aller veoir le Royaume d'Angleterre, quand ie (qui auoye esté en Abbeuille) veī que les tréues estoient prises entre le Royaume de France & le Royaume d'Angleterre, leurs conioints & leurs adherens, à durer quatre ans par mer & par terre, & plusieurs railons m'émouuoient à faire ce voyage. La premiere estoit, pource que de ma ieu nesse i'auoye esté nourry en la court du noble Roy Edouard de bonne memoire, & de la noble Royne Philippe sa femme, & entre leurs enfans & les Barons d'Angleterre, qui pour ce temps viuoient & demouroient, car tout honneur, amour, largesse, & courtoisie,

†Sala dit dymelin.

†I'ay encores remis d'Excestre, pour de Perses, comme au ch. 51. mais quand à Bue, ie ne le cognoy point, comme ie ne fay Bruth, combien que ie soye certain.

qu'il entend de Thomas de Hollande, ainsi que ie l'ay remis, et autres suiuaus aussi, selon que ie les puis congnostre ailleurs en nostre Aut.

†Sala dit dormont.

Passage du Roy d'Angleterre en Irlande.

† Il préd ce mot pour le total de ses volumes, et ce mot derriere à la mode de ceux qui voyagent. Car il a traité de ceste matiere cy deuant, sur la moitié du premier volume. † Ce passage est fourni selon le sens de l'Aut. Arrivee de Froissart à Douvres en Angleterre, le 12. de Juillet 1395. selon qu'il apparait par la dernière finis.

i'auoie veu & trouué en eux. Si desiroie à veoir le païs: & me sembloit, à mon imagination, que se veu l'auoye, i'en viuroie plus longuement (car vingt & sept ans, tous accomplis, ie m'estoie tenu d'y aller) & (se ie n'y trouuoie les Seigneurs, lesquels à mon departement i'auoie veus & laissez) i'y verroie leurs hoirs: & me seroit trop grand bien aussi, pour iustifier les Histoires & les matieres, ou i'auoie tant escrit d'eux. Si en parlay à mes chers Seig. qui le temps delors regnoient: Monseigneur le Duc Aubert de Bauiere, Comte de Hainaut, de Hollande, & de Zelâde, & Sire de Frize, & à M^{seigneur} Guillaume son fils pour ces iours Comte d'Ostrenant, & à ma treschere & honorée Dame, Iehanne, Duchesse de Brabant & de Luxembourg, & à mon trescher & grand seigneur, Monseigneur Enguerrant, Seigneur de Couci, & aussi à ce gentil Cheualier, le Seigneur de Gommegines: durant la ieunesse duquel, & la mienne aussi, nous nous estions veus en Angleterre en l'hostel du Roy & de la Roïne, & aussi y auoi- ie veu le Sire de Coucy, & tous les nobles de France, qui à Londres auoient tenu ostagerie, pour la redemption du Roy Iehan de France, qui faite auoit esté, si- comme il est contenu en nostre Histoire, & en ce liure bien derriere. Ces trois seigneurs, dessus-nommez (ausquels i'en parleray) & le Sire de Gommegines, & Madame de Brabant, le me conseillerent: & me donnerent tous des lettres, adreçans au Roy & à ses oncles: reserué le Sire de Couci, car pource qu'il estoit François, il n'y osa escrire: fort tant seulement à sa fille: que pour lors on appelloit la Duchesse d'Irlande. Or auoi- ie de pourueance fait escrire, grossoyer, enluminer, & recueillir tous les traittez amoureux, & de moralité, qu'au temps de vingt & quatre ans i'auoie, par la grace de Dieu & d'Amours, faits & compilez. Laquelle chose réuilloit grandement mon desir, pour aller en Angleterre, veoir le Roy Richard d'Angl. qui fils auoit esté au noble & puissant prince de Galles & d'Aquitaine, car veu ne l'auoie, depuis qu'il fut tenu sur les fons, en l'Eglise Cathedrale de la cité de Bordeaux, car pour ses iours i'y estoie: & auoie intètiō d'aller † au voyage d'Espagne, avec iceluy Prince de Galles, & avec les Seigneurs qui au voyage furent: mais quand nous fusmes en la cité d'Ach, le Prince me renuoya arriere en Angleterre, deuers Madame sa mere. Si desiroie ce Roy à voir & Messieurs ses oncles: & estoie pourueu d'un tresbeau liure & bien aorné, couuert de veloux, & garni de cloux d'argent doré, pour faire present & entrée au Roy, car selon l'imagination que i'e eu, i'en pri legerement la peine & le trauail, car qui volontiers fait & entreprend vne chose, il semble qu'elle ne luy couste riens. Ainsi donc pourueu de cheuaux, & en ordonnance, passay la mer à Calais: & vein à Douvres, le douzième iour du mois de Juillet: & quād i'y fu venu, ie n'y trouuay homme de ma cognoissance, du temps que i'auoie frequenté en Angleterre: & estoient les hostels tous renouuelez de nouuel peuple, & les ieunes enfans deuenus hommes, & femmes: qui point ne me cognoissoient, ne moy eux. Si seiournay là demi iour & vne nuit, pour moy refreschir & mes cheuaux: & fut par vn Mardi, & le Mercredi, ainsi que sur le point de neuf heures, ie vein à saint Thomas de Cantorbie, voir la fierté & le corps Saint, & la tūbe du noble Prince de Galles qui là est enseveli tresrichemēt, l'y ouy la haute messe, & fei mon offrande au corps saint: & puis reucin disner à mon hostel. Si entendī que le Roy d'Angleterre deuoit là venir le Ieudi en pelerinage: & estoit retourné d'Irlande: ou il auoit esté, en ce voyage, bien neuf mois. ou environ: & volontiers visitoit l'Eglise de Saint-Thomas de Cantorbie, pour la cause du digne & honoré corps Saint, & que son pere y estoit enseveli. Si auisay que i'attendroie là le Roy (comme ie fei) & vint le lendemain à tresgrand arroi, & bien accompagné de Seigneurs, & Dames, & Damoiselles: & me mei entre eux & entre elles, & tout me sembla nouuel: ne ie n'y congnoissoie personne, car le temps estoit bien changé en Angleterre, depuis le terme de vingt & huit ans, & en la compagnie du Roy n'auoit nuls de ses oncles, car le Duc de Lancastrre estoit en Acquitaine, & les Ducs d'Yorch, & de Glocestre estoient d'autre part. Si fu, du premier, ainsi que tout ébahi, car encore (si i'eusse veu, ou trouué, vn ancien Cheualier, qui viuoit: lequel fut des Cheualiers & de la chābre du Roy Edouard d'Angleterre: & estoit, pour le present dōt ie parle, encores des Cheualiers du Roy Richard d'Angleterre, & de son plus estroit & especial conseil) ie me fusse recōforté, & me fusse retiré deuers luy. Le cheualier, on le nōmoit messire Richard Seuri. Biē demāдай, pour luy, si luy viuoit. On me dit qu'ouy: mais point n'estoit là: ains seiournoit à Londres. † Adōc m'auisay que ie me traitroie deuers messire Thomas de Persi, Grād Senechal d'Anglet. qui là estoit. Si m'en accointay, & le trouuay doux, raisonnable, & gracieux: & foffrit à moy presēter, & mes letres, au Roy. De ces promesses ie fu tout réioui, car aucuns

moyens

moyens conuient auoir, auant qu'on puisse venir à si haut Prince, comme le Roy d'Angleterre. Si alla voir en la châtre du Roy, si estoit heure: mais il trouua que le Roy estoit retrait, pour aller dormir: & ainsi il me dit que ie me retraisse à mon hostel. Ce que ie fei & quand le Roy eut dormi, ie retournay en l'hostel de l'Archeuesque de Cantorbie (où il estoit logé) & trouuay messire Thomas de Persy: qui s'ordonnoit, & faisoit ses gens ordonner pour cheuaucher & venir gesir à Espringhe, dont au matin il estoit parti. Adonc ie demanday audit messire Thomas de Persy conseil de mes besongnes. Il me dit, & conseilla, que pour l'heure ie ne fisse mie semblant de ma venue: mais me misse en la route du Roy, & que tousiours me feroit il bié loger, tât que le Roy seroit assis au pays où il alloit: & il y seroit, & tout son hostel, dedâs deux iours. C'estoit vn bel chastel & delectable, seât en la Comté de Kent, appellé Ledos. Je m'ordonnay sur son conseil: & me mei au chemin: & vein deuant à Espringhe: où me logeay d'aventure en vn hostel, auquel y auoit logé vn gentil Cheualier d'Angleterre, de la chambre du Roy: mais il estoit là demeuré derriere au matin, quand le Roy se departit de la ville, pour vn petit de douleur de chef, qui pris luy estoit par nuit. Pour ce que le Cheualier (lequel on nommoit messire Guillaume de l'Isle) veit que i'estoye estranger, & des marches de France (car toutes gens de la langue d'ouy, de quelque contrée ou nation qu'ils soient, ils les tiennent François) si s'acointa de moy: & ie de luy, car les Gentils-hommes d'Angleterre sont vn peu courtois, traittables, & accointables. Si me demanda de mon estat & office, & aussi de mon affaire: & ie luy en recorday assez, & tout ce que messire Thomas de Persy m'auoit dit & ordonné à faire. Il respondit assez, que ie ne pouuoye auoir meilleur moyen, & que le vendredy le Roy seroit à Ledos, & là venu, trouueroit son oncle le Duc d'Iorch. De ces nouvelles fu ie tout réiour: pource q' i'auoye lettres au Duc d'Iorch, & aussi de sa ieunesse, & de la mienne, il m'auoit veu en l'hostel du noble Roy Edouard son pere, & de Madame sa mere. Si auoye ie par ce moyen plus de cognoissance (ce me semble) en l'hostel du Roy Richard. Vendredy au matin nous cheuachasmes ensemble messire Guillaume de l'Isle & moy, & sur nostre chemin ie luy demanday s'il auoit esté en ce voyage d'Irlande auecques le Roy. Il me respondit qu'ouy. Donc ie luy demanday si de ce, qu'on appelle le Trou Saint-Patrice, c'estoit verité, & qu'on en disoit. Il me respondit qu'ouy: & que luy & vn Cheualier d'Angleterre, le Roy estant à Dimelin, y auoient esté, & s'y estoient enclos à soleil couchant, & là demourerent toute la nuit, & le lendemain issirent à soleil leuant. Adonc luy demanday, des merueilles & nouuelles, dont on racompte, & qu'on en dit qu'on y veoit, qu'il en estoit. Il me respondit, & dit, Quand moy & mon compaignon eûmes passé la porte du celier, qu'on appelle le Purgatoire Saint-Patris, & nous fûmes descendus trois ou quatre pas (car on y descend, ainsi qu'à vn celier) chaleur nous prit es testes: & nous assîmes sur les pas (qui sont de pierre) & nous assis, tresgrande volôté nous vint de dormir: & dormîmes toute la nuit. Donc luy demanday si en dormant ils sauoient ou ils estoient, & quelles visions leur vindrent. Il me respondit: & dit qu'en dormant ils entrerent en imaginations moult grâdes, & en songes merueilleux: & veoient (ce leur sembloit) en dormant trop plus de choses qu'ils n'eussent fait en leurs chambres sur leurs lits. Tout ce affermoient ils bien. Et quâd au matin nous fûmes éueillez, on ouurit l'huis (car ainsi l'auions nous ordonné) & issîmes hors: & ne nous souuint tantost de chose, que nous eussions veu: & tenôs tout ce à fantasme. De ceste matiere ie ne luy parlay plus auant: & m'en cessay, car volontiers ie luy eusse demandé du voyage d'Irlâde, & luy en vouloye parler: & mettre en voie, mais routes d'autres Cheualiers vindrent, qui parlerent à luy, & ie laissay mon propos, & cheuachasmes iusques à Ledos, & là vint le Roy & toute sa route, & là trouuâ Monseigneur Aimond, Duc d'Iorch. Si m'acointay de luy, & luy baillay les lettres du Comte de Hainaut son cousin, & du Comte d'Ostrenât. Le Duc me congnt assez, & me fit tresbonne chere, & me dit, Messire Jehan, tenez vous tousiours delez nous & noz gens. Nous vous ferons toute amour & courtoisie. Nous y sommes tenus, pour l'amour du temps passé, & de nostre Dame de Mere: à qui vous fustes. Nous en auons bien la souenance. Je le remerciay de ces parolles, ce fût raison. Si fu auancé, tât par luy, que par messire Thomas de Persy & messire Guillaume de l'Isle, & fu mis auant, en la chambre du Roy, & représenté à luy de par son oncle le Duc d'Iorch. Lequel Roy me receut ioieusement & doucement, & prit toutes les lettres, que ie luy baillay, & les ouurit, & leur à grand loisir, & me dit, quand il les eût leuës, que ie fusse le bien venu, & si i'auoie esté de l'hostel du Roy son ayeul, & de Madame son aieule, eneor estoi- ie de l'ho-

Autre acointance de Froissart à messire Guillaume de l'Isle Cheualier d'Angleterre.

Merueilles du Trou S. Patrice en Irlande, racomptées à Froissart par messire Guillaume de l'Isle. Froissart présente lettres du Comte de Hainaut au Duc d'Iorch, qui le recoit gracieusement, le présente mesmes au Roy Richard auecques autres lettres.

fel d'Angleterre. Pour ce iour ie ne luy monstray pas le liure, qu'apporté luy auoie, car messire Thomas de Perles me dit que pas il n'estoit heure, car il estoit trop occupé de grandes besongnes. Pour ces iours il estoit en conseil de deux grosses matieres. La premiere estoit, qu'il vouloit enuoier suffisans messagers (tels que le Comte de Rostelant son cousin germain, le Comte Marechal, l'Archeuesque de Dimelin, l'Euesque de Ly, messire Lois de Clifford, messire Henri de Beaumont, messire Huon le Despenier, & plusieurs autres en grand arroy & bonne ordonnance) outre la mer, deuers le Roy Charles de France: & la cause estoit telle, que pour traiter du mariage de luy & de l'aînée fille du Roy: qui s'appeloit Ysabel: laquelle auoit d'aage enuiron huit ans. L'autre cause estoit, que le Sire, de la Barde, le Sire de la Taride, le Sire de Pinterue, le Sire de Chastelneuf, les Sires de Leuesque, & de Copane, & les Consaux de Bordeaux, de la cité de Bayonne, & d'Ax, estoient venus en Anglet. deuers le Roy: & le poursuuiuoient, & auoient poursuui moult aigrement, depuis son retour d'Irlâde, à auoir des responses aux requestes, parolle, & proces, que mis auoient auant sur le don, que le Roy d'Angleterre auoit donné à son oncle le Duc de Lanclastre, des terres & Seigneuries, Senechaucées & Baronnies d'Aquitaine & qu'audit Roy & Royaume d'Angleterre en appartenoit, & en sa puissance & commandement l'estêdoient, car proposé auoient les Barons dessus nommez & tous les Nobles & Prelats de la Senechaucée d'Aquitaine, & les Consaux des citez & bonnes villes, que le don ne se pouuoit passer, & estoit inutile, car toutes ses terres se tenoient du droit ressort & domaine de la couronne d'Angleterre: & point ne s'en vouloient desioindre, ne departir: & plusieurs actions raisonnables y auoient proposé, & proposoient: lesquelles ie determineray & éclairciray en poursuivant la matiere, quâd temps & lieu sera. Or, pour auoir conseil de ces deux choses (qui assez grandes estoient) le Roy d'Angleterre auoit mandé tous ses plus especiaux Prelats & Barons d'Angleterre, à estre le iour de la Magdaleine en vn sien manoir, & lieu Royal, qu'on dit Elten, à sept lieues Anglesches de Londres, & aussi de Dardeforde. Au quatrieme iour apres la venue du Roy, quand ie sceu que luy & tout son conseil, & le Duc Aimond son oncle en sa compagnie, se departoient du chastel de Ledos, & cheuauchioient deuers la cité de Rocestre, pour venir à Elten, ie me mei en leurs compagnie.

De ce que Froissart apprit en Angleterre, touchant la difficulté que ceux d'Aquitaine firent au Duc de Lanclastre, sur le don que le Roy Richard luy auoit fait de leur Duché, & comment estans alliez en Angleterre, pour faire leurs remonstrances au Roy là dessus, n'en peurent auoir briue resolution.

CHAP. LXII.

EN cheuauchant ce chemin, ie demanday à messire Guillaume de l'Isle, & à messire Jehan de Grailli, Capitaine de Bouteuille, la cause pourquoy le Roy venoit deuers Londres, & assembloit son Parlement, & l'auoit assigné à estre au iour dessus-nommé à Elten. Ils me le dirent: & par especial, messire Jehan de Grailli me recorda plainement pour quoy ces Seigneurs de Gascongne estoient là venus, & les Consaux des citez & bonnes villes. Si en fu informé par ledit Cheualier: qui en sauoit bien la verité, car il auoit souuēt parolle à eux, car ils se cognoissoient: pourtant qu'ils estoient ainsi que d'un pais & d'une frontiere, & des teneures du Roy d'Angleterre. Si me dit ainsi, † Quand le Duc de Lanclastre vint dernièrement en Aquitaine, il y vint pourueu de lettres, grossoiées & sellées du grand scel du Roy d'Angleterre, chancelées & passées par le decret & accord des Prelats, & Barons, & de tous ceux d'Angleterre, auxquels il en appartient à parler & ordonner, & par especial du Duc Aimond d'Yorch, Comte de Cantebruge, & du Duc Thomas de Clœestre, Comte de Bouquinguam & d'Excestre: qui à ces héritages pouuoient retourner, par la succession de leur neveu le Roy Richard d'Angleterre, car pour lors il n'auoit nuls enfans, & les deux Ducs dessus-nommez estoient freres germains, de pere & de mere, au Duc de Lanclastre. Si enuoia le Duc de Lanclastre vne partie de son conseil en la cité de Bordeaux, pour remonstrer au Maire de Bordeaux, & aux consaux de la ville, la forme de sa requeste, & pour quelle cause il estoit venu au pais. Ce qui leur tourna à grand merueille. Non obstant ce, ils festoierent grandement & de bon cuer, les commis du Roy d'Angleterre & du Duc de Lanclastre, pour l'honneur du Roy: à qui ils doiuent seruice & toute obeissance. Si demanderent auoir conseil. Eux conseillez, ils responderent que le Duc de Lanclastre, fils au Roy Edouard de bone memoire (qui leur Seigneur auoit esté) fust le bien-venu entre eux: & non autrement, mais pas n'estoient conseillez si auant,

† Ceste clause est amendée & éclaircie selon le sens de l'Aut. & les deux suivantes aussi. † Il disoit icy de Bruth & de Perles, & Gerard de Buthe & de Perles, comme ils ont ro^o deux de Buc au ch. 60. Ce que vo^o retiendrez, si bon vous semble.

si auant, que le receuoit à souuerain Seigneur, car le Roy Richard, leur Sire (à qui ils auoient fait feauté & hommage) ne leur en auoit encores fait nulle quittance. Dont respondirent les commis de par le Duc de Lanclastre, que de tout ce ils se faisoient forts assez, & le Duc leur Seigneur: & que parmi le contenu des lettres, que le Roy d'Angleterre leur enuoioit, il n'en feroit iamais question. Quand ceux de Bordeaux veirēt qu'ils estoient approchez de si pres, si trouuerent vn autre recours: & dirent ainsi, Seigneurs, vostre commission ne s'entend pas seulement sur nous: mais à ceux de la cité de Bayonne, & aux Prelats & Barons de Gascongne: qui sont en l'obeissance du Roy d'Angleterre. Vous retrairez deuers eux: & tout ce, qu'ils en feront & ordonneront, nous le tiendrons. Autre response ne peurent auoir à ce premier les commis du Duc de Lanclastre de ceux de Bordeaux: & se departirent de Bordeaux: & s'en retournerent à Libourne: ou le Duc estoit. Quand le Duc de Lanclastre ouit la response de ceux de Bordeaux, si pensa moult sur ce & imagina tantost que les besongnes, pour lesquelles il estoit venu au pays, ne seroient pas si tost acheuées, comme du premier il supposoit, & luy auoit on donné à entendre. Nonobstant ce, il enuoia son Conseil vers la cité de Bayonne: & furent recueillis des Bayonnois pareillement, comme ils auoient esté de ceux de Bordeaux: & n'en pouuoient auoir autre chose, n'autre response: & finalement tous les Prelats, les Nobles, les Consaux, les citez, & les bonnes-villes de Gascongne de l'obeissance du Roy d'Angleterre, se conioingnirent ensemble: & conclurent en la forme & maniere, que ie vous diray. Bien vouloient recueillir en leurs citez, chasteaux, & en leurs bones villes, le Duc de Lanclastre comme fils du noble Roy Edouard de bonne memoire, & oncle au Roy Richard d'Angleterre: & au recueillir, & à l'entrée aux fortresses, luy faire iurer solēnellement, que paisiblement & debonnairement luy & les siens entre eux se tiendroient, & demourroient, sans eux en riens efforcer: & leurs deniers payeroient de tout ce, qu'ils prendroient: ne ià la Iurisdiction de la couronne d'Angleterre le Duc de Lanclastre n'oppresseroit, ne feroit opprimer, par quelque voye, n'action, que ce fust. Bien respondit le duc de Lanclastre à ces parolles: & disoit qu'il n'estoit pas venu au pays, pour greuer n'opprimer le peuple: mais le vouloit garder & deffendre contre tout homme, ainsi comme son heritage: & prioit & requeroit que le commandement du Roy d'Angleterre (ainsi qu'il estoit) fust accompli. Le pais, de voix commune, tant qu'à celle entree, disoit, & respondoit, que de la couronne d'Angleterre ne se departiroit: ne point n'estoit au Roy d'Angleterre, n'en sa puissance, d'eux donner ne mettre à autre Seigneur, que luy. Les demandes & deffenses furent ainsi proposées, & moult longuement, entre le Duc de Lanclastre & les dessus-nommez de Gascongne: & quand le Duc de Lanclastre veit qu'il n'en auoit autre chose il fit requeste au pais, que les Nobles, les Prelats, & les Consaux des bonnes-villes voulsissent enuoier deuers le Roy d'Angleterre & son Conseil: & il y enuoieroit aussi de son Conseil, si notablement, que bien deuroit suffire: & tout ce, que veu seroit & trouué au Conseil du Roy d'Angleterre, il le tiendrait à ferme & estable: fust pour luy, ou cōtre luy. Ceux de Gascongne regarderent & considererent que ceste requeste estoit raisonnable. Si y descendirent, & l'accorderent au Duc, ainsi que proposé l'auoit, & vint le Duc de Lanclastre loger & demourer en la cité de Bordeaux, & tous ses gens, & se logea en l'Abbaye de Saint-André, ou autrefois il auoit logé, & ceux de la cité de Bayonne & d'Auxor donnerent suffisans hommes & de grande prudence, pour enuoier en Angleterre, & les Barons de Gascongne de l'obeissance du Roy d'Angleterre par eillement. Or deuez sauoir que, quand le Roy de France, ses oncles, & ses Consaux, entendirent certainement par ceux des frontieres & Sénéchaucées de leurs obeissances, que le Duc de Lanclastre estoit paisiblement entré en la cité de Bordeaux, & là se tenoit & demouroit, ils ne sceurent, ne sauoir ne le pouuoient, à quoy il pensoit, ne s'il vouloit tenir les tréues, qui estoient entre France & Angleterre, iurées à tenir par mer & par terre. Si imaginerent & penserent sur ce grandement, & leur fut auis que bon seroit d'enuoier, deuers le Duc de Lanclastre, suffisans messagers, pour mieux sauoir son intention. Si furent élus, pour y aller, premierement messire Bouciquaut, Marechal de France, messire Jehan de Chastelmorant, & Iehan Barrois des Barres, & deuoient mener mille Lances, toutes en point, & bons Gens-d'armes: ainsi qu'ils firent, & exploiterent tant, qu'ils vindrent en la cité d'Agen, & là se logerent, & au pays d'environ, & puis enuoierent ces Seigneurs heraux & messagers en la cité de Bordeaux, deuers le Duc de Lanclastre, en luy remonstrant que volontiers parleroient à luy. Le Duc fit aux messagers tresbonne chere, & entendit à leur

Conditions sous lesquelles les Gascons venoient recevoir le Duc de Lanclastre, après le don, que le Roy d'Angleterre luy en fit de la Duché d'Aquit.

Accord du duc de Lanclastre & des Gascons pour enuoier vers le roy d'Angleterre, sur la resolution de la donatio susdite

Deputez du Roy Charles pour aller parler au Duc de Lanclastre, étant en Guienne, sur l'intention qu'il auoit quant à l'entree d'armes.

parolle:& escriuit par eux aux Seigneurs dessusnommez, que, puis qu'ils auoient affection de parler à luy, il auoit aussi à eux:& pour leur donner moins de peine, il viendroient à Bergerac,& là parlementeroient ensemble. Les messagers retournerent à Agen:& baillerent à leurs Seigneurs les lettres du Duc de Lancastre. Si y aioustèrent foy & credence:& s'ordonnerent selon ce: & si tost comme ils sceurent que le Duc de Lancastre fut venu à Bergerac, ils se departirent de la cité d'Agen:& se trairent vers Bergerac: & leur fut la ville ouuerte,& appareillée. Puis se meirent les Seigneurs à entrer dedans la ville qui se logerent es hostels, qui leur auoient esté ordonnez, car tous leurs gens si n'entrerent pas dedans la ville:mais se logerent es fauxbourgs & villages de la enuiron. Ces Seigneurs parlerent au Duc de Lancastre: qui les receut doucement & grandement (car bien le sauoit faire)& entendit à toutes leurs parolles:& y respondit:& dit ainsi, que bon voisin & ami il vouloit estre au Roy de France, & au Royaume, & tenir les trêues, telles

*Bonne response
du Duc de Lan-
castre aux dé-
putés du Roy
Charles de
France.*

comme elles estoient données & seellées entre le Roy de France & d'Angleterre, leurs conioints & adherans, par mer & par terre, car luy mesme les auoit aidé à traiter & ordonner, si ne les vouloit, ne deuoit, enfreindre, ne briser:& de ce fust on tout asseuré. Les responses du Duc de Lancastre pleurent moult grandement à ces Seigneurs de France & furent le Duc & eux moult amiablement ensemble:& leur donna le Duc à disner, & à souper, moult grandement, au chasteau de Bergerac: & puis prirent congé l'un de l'autre moult courtoisement:& retourna le Duc de Lancastre à Bordeaux, & les François en France:& trouuerent sur le chemin, en la cité de Poitiers, le Duc de Berry: auquel les trois Seigneurs, dessus-nommez, recorderent ce, qu'exploité auoient, & la response, que le Duc de Lancastre leur auoit faite. Si fust au Duc de Berry & luy sembla bien raisonnable:& aussi fit elle au Roy de France & au Duc de Bourgogne, quand ils en furent informez, & que les Seigneurs, dessus-nommez, furent retournez en France. Si demoura la chose en cest estat, & sur bonne assurance. Or est auenu, si-comme vous le verrez (ce dit messire Jehan de Grailly) que le Duc de Lancastre a enuoié par-deçà en Angleterre de son Conseil (tels que messire Guillaume de la Perriere & messire Pierre Cliqueton & deux Cleres, Maistres en Loix: maistre Jehan Huche, & maistre Jehan Richard de Lincestre) pour parlementer & proposer toutes ses ententes en la presence du Roy & de ses oncles, & de tout leur conseil:& pource cheuauche le Roy deuers Elten, à present:& seront là leudy (qui vient, & qui sera le iour de la Magdaleine) toutes les parties, mais ce,

*Deputés du Duc
de Lancastre
vers le Roy Ri-
chard son ne-
veu, sur la do-
nation susdite.*

qu'ordonné en sera, ie ne le puis sauoir: fors tant que le Duc de Glocestre, frere au Duc de Lancastre, y est, & sera trop grandement en tous estats, & toutes manieres, pour son frere, & suis informé par aucuns Ang. (qui en cuident sauoir aucune chose) que le Duc de Glocestre s'y incline, principalement pource qu'il verroit volôtiers que son frere, le Duc de Lancastre, demourast de tous points en Guienne, & plus pour cause de residence, ne retournaist en Angl. car il y est trop grand. Or ce Thomas, Duc de Glocestre, est de tresmerueilleuse teste, & est orgueilleux, presomptueux, & de perilleuse maniere, mais (quoy qu'il die, ne face, il est tousiours auoué de la Communauté d'Angleterre, & bien-aimé, & tousiours s'enclinent à luy, & luy à eux. C'est celuy, qui fit mourir & decoler ce vaillant Cheualier messire Simon Burle. Le Duc d'Irlande, l'Archeuesque d'Iorch, & plusieurs Cheualiers, & autres du conseil du Roy, il a fait chacer, ou mourir, par haine, & à petite achoison, pendant que le Duc de Lancastre a esté delà la mer, en Castille, & estoit plus craint en ce pays, qu'aimé. Or laissons ester, pour le present, ceste matiere (ce dit messire Jehan de Grailly) & parlon de la seconde, & de la plaissance du Roy. Il m'est auis (selon ce que ie voy, & suis informé) que le Roy d'Angleterre se marieroit volôtiers: & a fait chercher par tout, & ne trouue on nulle femme pour luy, car se le Duc de Bourgogne & le Côte de Hainaut eussent nulles filles en point de marier, il y entédist volontiers, mais ils n'en ont nulles, qui ne soiét toutes assignées. Il est venu auant, qui luy a dit que le Roy de Nauarre a des seurs & des filles, mais il n'y veut entèdre. Le Duc de Glocestre, son oncle,

*Le Roy Richard
d'Angleterre,
en propos de se
remarier à la
fille aînée du
Roy Charles de
France.*

a vne fille toute grande, assez pour entrer en mariage, & verroit on volôtiers que le Roy son neveu, la prist à femme, mais le Roy n'y veut entendre, & dit qu'elle luy est trop procheaine de lignage, car elle est sa cousine germaine. A la fille du Roy de France s'encline fort le Roy d'Angleterre, & non ailleurs, dont on est moult émerueillé en ce pays, de ce qu'il veut prèdre la fille de son aduersaire, & n'est pas le mieux aimé de son peuple, mais il n'en fait cõpte, & montre qu'à tousiours mais il auroit plus cher la guerre d'autre part, qu'au Royaume de France, car il voudroit (& tout ce on fait de luy par experience) que

bonne

bonne paix fust entre luy & le Roy de France, & leurs Royaumes: & dit ainsi, que la guerre a trop duré entre luy, & ses antecessours, au Royaume de France, & que trop de vaillâs hommes en sont morts, tant d'une part que d'autre: dont la foy Chrestienne est moult affoiblie & amoindrie. Or est auenu, que pour oster le Roy de ce propos (car il n'est pas plaissant au Royaume d'Angleterre de le marier en Frâce) on luy a dit que la fille du Roy de France est trop ieune, & qu'écors d'ici à cinq, ou six ans, il ne s'en pourroit aider: mais a respondu, & dit ainsi, que Dieu y ait part, & qu'elle croistra en aage: & à ce il baille raison, selon sa plaissance & imagination: & dit ainsi, que fil l'a ieune, il la duira, & ordonnera à sa volonté, à la maniere d'Angleterre, & qu'il est encores ieune assez, pour attendre tant que la Dame soit aagée. Ce propos ne luy peut nul oster, ne briser: & de tout ce, auât vostre partement, vous verrez plusieurs choses, car pour entendre plainement à toutes ces besongnes, ce Roy cheuauche vers Lōdres. Ainsi par courtoisie se deuisoit sur le chemin à moy, en cheuauchant entre Rocestre & Dardeforte, messire Iehan de Grailly, Capitaine de Bouteuille (qui estoit fils bastart de ce iadis vaillant Cheualier, le Captal de Buz) & ses parolles ouy tresvolontiers, & les mettoie toutes en memoire: & tandis que nous fusmes sur le chemin de Ledox à Eltē, ie cheuauchay tousiours le plus en sa compaignie, & en celle de messire Guillaume de l'Isle. Or vint le Roy à Elten, par vn Mardy. Le Mercedy ensuiuant commencerent Seigneurs à venir de tous costez: & vindrent le Duc de Clocestre, les Comtes d'Erby, d'Arondel, de Northombellande, de Kent, de Roftellant, le Comte Mareschal, les Archeuesques de Cantorbie & d'Iorch, les Euesques de Londres & de Wincestre, & tous ceux, qui mandez estoient: & y furent le Ieudy, à heure de tierce. Si commencerent les Parlements en la chambre du Roy, & estoient en la presence du Roy, de ses oncles, & de tout son conseil, les Cheualiers de Gascongne, qui enuoiez y estoient pour leur partie, & le Conseil des citez & bonnes-villes: & celui du duc de Lanclastre y estoit aussi. Aux parolles, qui furent là dites & proposées, ie n'estoie pas present, n'estre ne pouuoie, ne nul n'estoit en la chambre: fors les Seigneurs du conseil. Mais, quand le conseil fut éparti (qui dura plus de quatre heures) & quand ce vint apres dîner, ie m'accointay d'un ancien Cheualier: que iadis, de ma ieunesse, j'auoye veu en la chambre du Roy Edouard: & pour lors il estoit du destroit Conseil du Roy Richard, & biē le valoit, & estoit nommé messire Richard Seuri: lequel me cognut tātost. Si estoient bien vingt & quatre ans passez, qu'il ne m'auoit veu: & à la derniere fois ce fut à Colleberge, à Brucelles, en l'hostel du Duc Vincelant de Brabant & de la Duchesse Iehanne de Brabant. Messire Richard Seury me fit tresbōne chere: & me recueillit doucemēt & grādemēt: & me demanda de plusieurs nouuelles. Le luy respondy tout à point, de celles q'ie sauoie. Apres tout ce, & allans luy & moy es allées, à l'issue de la chambre du Roy, à Elten, ie luy demanday de ce Conseil, se dire me pouoit comment il estoit conclu.

Il pensa sur ma parolle, & attendit vn petit, & puis me respondit: & dit, Ouy. Ce ne sont pas choses, qui facent à celer, car prochainement on les verra, & orra, publiquement publier par tout. Vous sauez (dit le Cheualier) & auez bien ouy recorder, comment le Duc de Lanclastre est allé en Aquitaine, apres le don, que le Roy Nostre-Sire, luy a faict & donné sur forme & entente de bonne condition, car le Roy aime & croit tous ses charnels amis, & par espécial il se sent moult tenu à eux, & espesialement à son oncle le Duc de Lanclastre, & en cause de remuneration (qui est belle, grande, & bien congnee) & pour les beaux seruices, que ledit Duc a faits à la couronne d'Angleterre, tant deçà la mer, que delà, le Roy luy a donné purement & quittement, à luy & à ses hoirs perpetuellement, toute la Duché d'Aquitaine, ainsi qu'elle s'estend & comprend en toutes les mettes & limitations & Sèneschaucées, Bailliages, Seigneuries, & Vassaudies, & en clame quittes tous ceux, qui de luy tiennent en foy & en hommage: réservé le ressort.

Autre chose n'y ail retenu pour la couronne d'Angleterre, au temps auenir. Or le don, que le Roy a fait à son oncle le Duc de Lanclastre, a esté fait & donné si suffisant, que passé a esté, par l'accord & confirmation de ses autres oncles & de tout le Conseil d'Angleterre, & espesialement a commandé le Roy, que tous les fugets (qui seront es limites & limitations d'Aquitaine, & enclos dedans les bonnes-villes) obeissent de tous poincts, sans nul moyen ne contredit, à son cher & bien aimé oncle, le Duc Iehan de Lanclastre, & le tiennent, ses lettres veuēs, à souuerain Seigneur, & luy iurent foy & hommage à tenir loyaument, ainsi qu'anciennement ils ont fait & tenu, & faisoient & tenoient, au iour que cesdites lettres furent données du Roy d'Angleterre, ou de ses commis:

Parlement du Roy d'Ang. et de son conseil assemblé à Elten sur la donation de la Duché d'Aquitaine, au Duc de Lanclastre.

Froissart informé de ce qui fut conclu au Parlement susdit, par messire Richard de Seury Cheualier d'Angleterre, qui present y estoit.

& fil y a nul rebelle, de quelque estat ou condition qu'il soit, qui cōtredie aux lettres du Roy enuoies, les lettres veuës & entendues parfaitement d'article en article, & pourueance de conseil, pour respondre, tant seulement trois iours, le Roy donne à son oncle le Duc de Lanclastre, & à ses commis & deputez, puissance d'eux punir & corriger à conscience, sans esperance nulle auoir de retour, ne de ressort. Mais il est auenu, nonobstant ces lettres, & le destroit cōmandement du Roy veu, que les citez & bonnes villes de Gascongne, obeissantes au Roy d'Angleterre, & les Barons, Cheualiers, & Gentils-hōmes du pays, se sont conioints & adhers ensemble, & clos vn tēps à l'encontre du Duc, & ne veulent point obeir: ne n'en ont vouloir: & dient maintenāt, & soustiennēt, & ont dit, mainrenu, & soustenu iusques à ores, que le don, que le Roy a fait à son oncle de Lanclastre, est inutile, & hors de mettes & termes de raison. Le Duc (qui ne veut que par douceur aller auant en ceste besongne) a bien oui & entendu leurs deffenses. Si s'est cōseillé sur ce, auāt que plus y proceder, & que plus grand mal s'en ensuiue, que les Nobles, Prelats, & Cōsaulx des citez & bonnes-villes de Gascongne, obeissantes au Roy d'Angleterre, soient cy venus, ou ayent enuoyé, pour ouir droit: à sauoir pourquoy ils ont debatū & debattent, & se sont opposez & opposent au cōmandement du Roy, & certainement ils ont huy remonstré moult sagement leurs respōses & deffenses, & atteint les termes & articles de raison, & volontiers ont esté ouis: & ont dōné au Roy, & à son Cōseil, moult à pēser: & pourroient biē demourer sur leur querelle, & ie vous remōstreray & diray la cause pourquoy: mais vous la tiendrez secrette, tant que plus auant sera cognue & publiée. Et ie respondi, & dy, Sire, ce feray mon. Remōstré, & dit a esté, par la parolle de l'un (qui est, ce me semble, Official de Bordeaux) & tous ceux de sa partie l'ont auoué, & par science: & tout premierement il a monstré procuration pour luy, & pour tous les autres (à fin qu'on y eust plus grande confidēce: cōme c'estoit raison) & a mis en termes que la cité de Bordeaux) les citez de Bayonne, d'Aix, & toutes les Seigneuries, qui sont appendantes es mettes & limitations d'icelles, sont de si noble condition, que nul Roy d'Angl. par quelconque action que ce soit, ne les peut oster, ne deioindre, du domaine de la couronne d'Angl. ne donner, n'aliener, à enfant, oncle, ne frere, qu'il ait, par cause de mariage, n'autrement

† Et que ce soit verité, les dessusdites villes, citez, & Seigneuries, en sont priuilegiees, suffisamment des Rois d'Angleterre: lesquels ont iuré entierement à tenir ses priuilege, sans nul rappel, & si trestost qu'un Roy d'Anglet. entre en la possession de l'héritage & couronne d'Angleterre, il iure suffisamment, sur le messel main mise, à tenir iceluy, & non l'ēfreindre, ne rompre: & vous trescher Sire, l'avez iuré pareillement, & que ce soit verité, veez cy dequoy. A ces parolles il a monstré & mis auant vnes lettres, tabellionnées & seellées du grād seel d'Angl. dōnées du Roy Richard (qui là presēt estoit) & l'a leuē tout au long, de clause en clause. La lettre a esté bien ouïe & entendue, car elle est en Latin & en François, & nomme, en la fin, plusieurs Prelats & haux Barons d'Angleterre, qui à ce faire furent appelez, à cause de seureté: & y en auoir iusques à onze. Quand ils ont ouy la lecture de la lettre, ils ont regardé tous l'un l'autre, & sur le Roy: & n'y a eu homme, qui ait dit mot, ne repliqué contre la lettre. Quand il l'a eu leuē, il la repleyee moult bellement, & puis a parlé auant, & dit, adreçant sa parolle sur le Roy, Trescher Sire & redouté, & vous mes treschers Seigneurs, avec toutes ces choses (lesquelles vous avez ouïes) ie fu chargé, à mon departement, du Conseil des bōnes-villes dessusdites, & de tout le païs enclos dedans, que ie vous die & remonstre vne consideration, que le Conseil des citez & bonnes-villes de Gascongne de l'obeissance & dōmaine de la couronne d'Angleterre

ont sur la forme du mandement qu'enuoié leur avez: † ainsi comme il appert par vostre seellé, que bien cognoissent: posé qu'il soit sur ce, qui ne doit estre, car, s'il estoit ainsi que les citez & bonnes villes de Guienne s'enclinaissent à vouloir recevoir le Duc de Lanclastre à Seigneur, & fussent quittes & deliures pour tousiours mais de l'hommage & obeissance qu'ils vous doiuent, se seroit trop grandement au préiudice de la couronne d'Angleterre, car se pour le temps present le Duc de Lanclastre est homme du Roy, & bien aime à tenir & garder tous les points & articles droituriers de la couronne d'Angleterre, cest amour & teneur au temps auenir se peut trop legerement perdre & éloigner par les hoirs, qui se muent, & par les mariages, qui se font des Seigneurs terriēs & Dames terriennes, de l'un à l'autre (tant soient ils prochains & conioints de lignage) par dispensatiō de Papē, car il est de necessité que mariages soiēt faits de haux Princes, ou de leurs enfās pour tenir leurs terres & eux en amour. Or pourra biē auenir q̄ les hoirs, qui descēdront des Ducs

† Cesont maintenant les propres parolles de celui, qui remonstroit les priuileges d'Aquitaine contre la donation susdite, au Roy d'Angleterre, et à son conseil.

† Voyez si ceste de clause vous plaira bien comme il estoit, ainsi comme il appert par vostre seellé & que bien cognoissent, posé qu'il soit & qu'il ne peut estre.

des Ducs de Lancastre, se conioindrôt par mariage aux enfans des Rois de Frâce, & des Ducs de Berri, Bretagne, au Comte de Foix, ou du pais d'Armignac, des Rois de Navarre, ou des Ducs d'Aniou, ou du Maine, & qu'ils voudront tenir de puissance, avec les alliâces qu'ils trouueront & feront delà la mer: & se clameront héritiers en ses terres: & mettront la Duché de Guienne en ruine, contre la couronne d'Angleterre. Parquoy le Roy & le Royaume d'Angleterre pour le tēps auenir pourroit auoir trop de peine, & le droit élongner de là où il deuroit retourner; & le domaine de la noble courōne d'Angleterre sa Seigneurie. Pourtant trescher & redouté Sire, & vous, noz treschers & aimez Seig. de son Conseil, veuillez considerer tous ces points & articles, que ie vous ay presentement proposez & determinez: si vous semble bō, car c'est la parolle de tout le pais: qui veut de mourir en l'obeissance de vous, tresredouté Seigneur & Roy: & au domaine de la noble couronne d'Angleterre. A tāt a cessé à parler l'Official pour l'heure, & les Seigneurs & Prelats ont regardé tous l'un l'autre: & puis se sont mis ensemble: & ont approché le Roy, tous premiers ses deux oncles, & les Comtes d'Erbi & d'Arondel: & adonc a esté dit que ceux, qui estoient là venus d'Aquitaine, partissent de la chābre, tant qu'ils fussent appelez. Ce qu'ils ont fait: & les deux Cheualiers aussi, qui là estoient de par le Duc de Lancastre: & ce fait, le Roy a demandé conseil aux Prelats & Barons, qui là estoient, quelle chose estoit bonne à faire, & à respondre. Les Prelats ont tourné la respōse sur les oncles du Roy: pourtant que la chose leur deuoit & pouuoit plus toucher, qu'à nuls des autres. Du premier, ils se sont excusé de non respondre: & ont dit que la matiere estoit cōmune & deuoit estre deliberée par cōmun conseil, non par grace de † proémeté, ne de faueur. Sur cest estat ont demouré vne espace. Finalement la response a esté tournée sur le Duc de Clocestre, & luy prié, & requis, qu'il en voulist dire son auis. Il a respōdu, & dit, que forte chose estoit d'oster à Roy le don, qu'il auoit donné, confermé, & seellé par l'accord de tous les hōmes, & par la deliberation de son plus espécial conseil (quoy que ses sugets y fussēt rebelles) & que le Roy n'estoit pas Sire de son héritage, s'il n'en pouuoit faire sa volonté. Aucuns ont glosé ceste parolle: & les aucuns en leur courage ont biē dit que la respōse n'estoit pas raisonnable, mais cōtredire n'y ont osé, car le Duc de Clocestre est trop craint. Le Comte d'Erbi, fils au Duc de Lancastre, estant là present, a releué la parolle tantost: & dit, Bel oncle, vous auez bien parlé, & remonsté toute raison, & ie de ma personne, ensui vostre parolle. Le conseil s'est commencé à depécer, & les aucuns à murmurer l'un à l'autre: & n'ont point esté rappelez ceux de Guienne, ne les Cheualiers du Duc de Lancastre. Surquoy l'âcié Cheualier finit son propos, mais depuis, ie sceu de luy, que quand le Roy d'Angleterre veit ces choses, il dissimula vn peu, sur intention qu'après donner on remettroit le Conseil ensemble, à fauoir si riens, qui fust plus propre & acceptable pour l'honneur de la couronne d'Angleterre, auroit plus de lieu, & d'Aquitaine n'y seroit riens proposé plus auāt, & fit parler l'Archeuesque de Cātorbie de ce, qu'au matin il l'auoit chargé. C'estoit sur l'estat de son mariage, & pour enuoier en Frâce, car il auoit tresbōne & grande affection de perséuerer, car autrefois il en auoit parlé, & estoient les Seigneurs presque d'accord pour y enuoier, & ceux nommez, qui aller y deuoient, mais leur charge ne leur estoit pas encores toute baillée, mais leur fut à ce Parlement ordonné, c'est auoir que l'Archeuesque de Dunclin, le Comte de Rostellant, le Côte Marechal, le Sire de Beaymont, messire Hue le Despésier, messire Louis de Clifort, & iusques à vingt Cheualiers, & quarante Escuyers d'honneur, iroient en Frâce, deuers le Roy, pour parler, traicter, & prier du mariage de sa fille Ysabel, laquelle pouuoit auoir pour lors huit ans, & estoit enconuenancée par mariage ailleurs, au fils du Duc de Bretagne: si comme vous sauez que les traitez s'en porterent à Tours en Touraine. Or regardez commēt ce là se pouuoit défaire, car le Roy de France, & ses oncles, l'auoient tous seillé au Duc de Bretagne. Neantmoins ces Ambassadeurs, de par le Roy d'Angleterre, furent informez de toute leur charge, & se departirent, & issirent hors d'Angleterre, & arriuerent, par deux ou trois iours, de Douures, à Calais, & là se refreschirent, eux & leurs cheuaux, cinq iours, & puis se departirent en grand arroy, & se meirent au chemin, pour venir deuers Amiens, & auoient enuoyé, deuant, † Marie le Heraut, lequel leur auoit apporté faufconduit, allant de Calais deuers le Roy de France, & de luy retournant à Calais. Avecques tout ce, le Sire de Monchourel, leur fut baillé en guide, pour faire ouurir citez & bonnes villes, & eux administrer ce, que bon leur faisoit. Nous souffrerons vn petit à parler d'eux, & parlerōs des matieres deuāt proposées. Ainsi que dessus ie vous ay dit &

† Je doute qu'il n'y felle proximité.

Le Parlement susdit rompu sans resolution quant à la donatio d'Aquitaine au Duc de Lancastre.

† Il en a nommé vn Marthe parauant, qui peut estre cestuy cy.

proposé, les Consaux des citez & bonnes-villes d'Aquitaine prioient & requeroient au Roy, & à son Conseil, qu'ils fussent tenus en leurs libertez & franchises ou domaine de la couronne d'Angleterre, ainsi que iuré on leur auoit, & dont de trop ancien temps priuilegiez ils estoient: & vouloient tenir à bons ces priuileges, pour quelsconques caules, action, ne condition que ce fust: dont les quatre parts du Conseil du Roy d'Angleterre & commune voix du pays les en tenoient à vaillans & preud'hommes. Mais Thomas de † Mescorhy, maisné fils du Roy Edouard d'Angleterre, & Duc de Clocestre, brisoit & empeschoit tout: & monstroient appertement qu'il eust volontiers veu que son frere de Lancastre fust demouré en Aquitaine, car il estoit trop grand en Angleterre, & prochain du Roy. De son frere le Duc d'Iorch ne faisoit il compte, car n'auoit ne pensoit, en nulle mauuaistié, ne malice, n'en autre chose, que d'estre bien-aïse: & auoit pour ce temps vne ieune Dame à femme, belle & gracieuse, fille au Comte de Kent: ou il prenoit tous ses ebatemens: & le Duc de Clocestre (qui subtil estoit & malicieux) demandoit tousiours auant à son neveu le Roy Richard d'Angleterre: & faisoit le poure: quoy qu'il fust vn grâd Seigneur, car il estoit Connestable d'Angleterre, Comte de Herfort, † d'Excestre, & de Buc: & avec tout ce sur les coffres du Roy il auoit par an quatre mille nobles: & n'eust point cheuauché pour les besongnes du Roy ne du Royaume, vn iour: si ne sceust comment. Or donc estoit il different à ce Conseil contre les Aquitains, en tant qu'il s'enclinait fort à ce que son frere, le Duc de Lancastre, demourait à tousiours mais hors d'Angleterre, car il cheuiroit bien du reste. Encores, pour monstrier qu'il estoit Sire & oncle du Roy, & le plus grand du Conseil, si tost comme il eut dit sa sentence, & il veit qu'on murmuroit ensemble en la chambre du Roy, & parloient les Prelats & les Seigneurs deux à deux, il iſt de la chambre, & le Comte d'Erby avec luy: & s'en vindrent dedans la salle à Elten: & firent là estendre vne nappe sur vne table, & s'assirent au disner, & laisserent tous autres parlementer, & quand le Duc d'Iorch sceut qu'ils disoient, il leur vint tenir compagnie, & apres leur disner, qui fut bien brief, le Duc de Clocestre se dissimula, & print cōgé du Roy, seant à table, & se departit, puis monta à cheual, & retourna à Lōdres, mais le Comte d'Erby demoura avec les Seigneurs ce iour, & le lendemain, delez le Roy, & ne peurent ceux d'Aquitaine pour lors auoir nulle expedition, ne deliurance.

† Nous auons
desia dit quel-
ques fois que P.
Verg. le surnō-
me d'Uodestok.

† Il y auoit icy
de Perlees.

*Comment Freiffart presenta vn sien liure d'amours au Roy Richard d'Angleterre, & de
ce qu'il apprit du voyage dernier des Anglois en Irlande. CHAP. LXIII.*

IE me suis delecté vous remonstrier au long les parties des matieres dessusdites & proposées, pour vous mieux informer de la verité, & pource que ie, Acteur de ces Histoires, n'estoye present en toutes les parties cy-dessus contenues, ce vaillant ancien Cheualier les me dit, messire Richard † d'Escuri, & compta mot à mot. Or auint que le Dimenche ensuiuant, qu'eux & leurs Consaux furent departis & retraits à Londres, ou ailleurs, en leurs lieux, reserué le Duc d'Iorch (qui demoura delez le Roy) & messire Richar d'Escuri, ces deux, avec messire Thomas de Persi, remeirent mes besongnes au Roy, & voulut veoir le Roy mon liure, que ie luy auoye apporté. Si le veit en sa chambre, car tout bien pourueu ie l'auoye, & luy mis sur son liſt, & lors il l'ouurit, & regarda dedans, & luy pleut tresgrandement, & plaire bien luy deuoit, car il estoit enluminé, escript, & historié, & couuert de vermeil veloux, à dix cloux d'argent, dorez d'or, & roses d'or au milieu, à deux gros fermaux dorez, & richement ouurez, au milieu rosiers d'or. Adonc me demanda le Roy de quoy il traitoit, & ie luy dy. D'amours. De ceste responce fut tout réiouy, & regarda dedans le liure en plusieurs lieux, & y list (car moult bien parloit & lisoit François) & le fit prendre par vn sié Cheualier (qui se nommoit messire Richard Credon) & porter en sa chambre de retrait, dont il me fit bonne chere. Or auint ce propre Dimenche, quand le Roy eut retenu & receu en grande amour mon Liure, qu'un Escuyer d'Angleterre, estant en la chambre du Roy (qu'on appelloit Henry Castide, homme de bien & de prudence grandement, & bien parlant François) s'accointa de moy, pour la cause de ce qu'il eut veu que le Roy & les Seigneurs me faisoient bonne chere, & auoit veu le Liure, que j'auoye présenté au Roy, & imagina (si comme ie vey par ses parolles) que j'estoye vn Historien, & aussi il luy auoit esté dit de messire Richard Scuri, & parla à moy sur la forme que ie diray. Messire Iehan (dit Henri Castide) auez vous point encores trouué en ce pais, en la Court du Roy Nostre-Sire, qui vous ait dit ne parlé du voyage, que le Roy

† Je laisse ce sur
nom, d'Escuri,
cōme ie le trou-
ue, cōbien qu'il
ait par auant
dit Richard Se-
ury, comme il
dira encores ci-
apres simple-
ment Scuri.

a fait

a fait en ceste saison en Irlande, & la maniere comment quatre Rois d'Irlande sont venus en obeissance du Roy d'Angleterre? Et ie respondi, pour mieux auoir matiere de parler, Nenni. Et ie le vous diray (dit l'Escuyer: qui pouuoit estre pour lors en l'aage de cinquante ans) à fin que vous le mettez en memoire perpetuelle, quand vous serez retourné en vostre país, & vous aurez le loisir & la plaissance de ce faire. De ceste parolle ie fu tout réiouy: & respondi, Grand merci. Lors commença Henri Castide à parler, & dit ainsi. Il n'est point en memoire, qu'onc Roy d'Angleterre fist, pour aller en Irlande & faire guerre aux Irlandois, si grand appareil de Gens-d'armes & d'Archers, comme le Roy a eu en celle saison, & tenu plus de neuf mois sur la frontiere d'Irlande, à grans coustages & tous ces despens a payez volontiers son país: & les tiennent tous à bien employez les marchans des citez & bonnes villes d'Angleterre: quand ils voient que le Roy est retourné à son honneur de ce voyage, & n'a fait ce voyage, fors de Gentils-hommes & d'Archers, & estoient en la champaigne du Roy quatre mille Cheualiers & Escuyers, & trente mille Archers, & tous bien payez & deliurez de semaine en semaine, tant que tous se contenterent. Si vous dy, pour mieux informer de la verité, qu'Irlande est vn des malaisez país du monde à guerroyer, & à soumettre, car il est fermé esirangement & sauagement de hautes forests, de grosses eaues, de crolieres, & de lieux inhabitables: & n'y fait on comment entrer, pour eux porter dommage & faire guerre, car, quand ils veulent, on ne fait à qui parler, n'on n'y treuve nulle ville, & se recueillent Irlandois es bois: & demeurent en grotes, faites deffous arbres ou hayes, & en buissons, ainsi comme bestes sauages: & quand ils sentent qu'on voise sur eux pour faire guerre, & qu'on entre en leurs país, ils se mettent par destroites voyes & diuers lieux ensemble, si qu'on ne peut venir à eux, & quand ils voient leur plus bel, ils trouuent bien l'auantage pour venir à leurs ennemis, car ils cognoissent leur pays, & sont tres appertes gens, & ne peut nul Homme-d'armes, monté à cheual, si fort courir (tant soit bien monté) qu'ils ne l'attaingnent: & saillent de terre sur vn cheual: & embrassent vn homme par derriere: & le tirent ius, car se sont trop fortes gens de bras, parquoy celui, qui est tenu d'eux, ne se peut deffendre. Et ont Irlandois couteaux agus deuant, à large alumelle, & à deux taillans, à la maniere de fer de darde: dont ils occient leur ennemi, & ne tiennent point vn homme pour mort, iusques à tant qu'ils luy ayent coupé la gorge, comme à vn mouton, & luy ouurent le ventre, & en prennent le cueur, & l'emportent, & dient les aucuns, qui cognoissent leur nature, qu'ils le mangent par grand delict, & ne prennent nul hōme à rançon, & quand ils voient qu'ils n'ont pas le plus bel d'aucunes rencontres qu'on leur fait, ils s'espartēt & boutēt en hayes & en buissons, & dedās terre: & les pert on ainsi: & ne fait on qu'ils deuiennent, n'oncques messire Guillaume de Widefort (qui plus a tenu la frontiere d'Irlande en leur faisant guerre, que nul Cheualier d'Anglet.) ne les a sceu tant guerroyer, qu'il peust apprendre la maniere du pays, ne la condition des Irlandois, qui sont trefdures gens, & de gros engin, & de diuerse frequentation & accointance, & ne font cōpte de nulle iolieté, ne de nuls Gentils-hōmes, car (quoy que leur pays soit gouverné souuerainement par Rois dont il y a grande foison) si ne veulent ils auoir nulle congnoissance de gentillesse, mais veulent demourer en leur rudesse, & en ce sont ils nourris. Verité est que quatre Rois d'Irlande, des plus puissans qui y soient, selon la forme de leur pays, sont venus à obeissance, au Roy d'Angleterre, & par amour & douceur, non pas par bataille, ne par contrainte, & y a rendu peine le Comte d'Ormont (qui est marchissant à eux) & à grāde peine les a traittez à ce, qu'ils soient venus à Dunclin (la ou le Roy Nostre-Sire se tenoit) & se sont soumis à luy & à la couronne d'Angleterre, dont le Roy & tout le Royaume tiennent ce fait à grand, & le voyage à bel, car oncques le Roy Edouard, de bonne memoire, ne peut tant exploiter sur eux, comme le Roy Richard a fait. L'honneur y est grand, mais le profit y est petit, car de gens, ainsi rudes qu'ils sont, ne peut on parler ne deuiser, & ie vous compteray leur rudesse, à fin que ce vous soit exemple encontre gens d'autres nations. Le le say: pource que ie l'ay eprouué d'eux-mesmes, car ils furent à Dunclin en mon gouuernement & doctrine, pour les introduire & mener à l'vsage de ceux d'Anglet. enuiron vn mois, par l'ordonnance du Roy Nostre-Sire, & de son Cōseil, pour ce que ie say parler leur langage, aussi biē que ie say le Frāçois & l'Anglois, car de ma ieunesse ie fu nourri entr'eux, & le Comte Thomas d'Ormont, pere de celui qui est Comte presentement, me tenoit avecques luy, & moult m'aimoit, pource que bien ie sauoie cheuaucher. Or auint yne fois que le Côte, dont ie vous parle, fut enuoié, à tout trois cens Lances & mille Ar-

Henry Castide, Escuyer d'Angleterre, raconte à Froissart le voyage du Roy Richard en Irlande.

Du país d'Irlande & des Irlandois.

Grande agilité des Irlandois.

Quatre Rois d'Irlande rendus à l'obeissance du Roy Richard d'Angleterre.

*Henri Castide
raconte à
Froissart, par
occasion comme
il fut pris une
fois en Irlande:
ou il demoura
sept ans.*

chers, sur les frontieres d'Irlande, pour eux faire guerre, car tousiours les ont tenus les Anglois en guerre, pour eux sousmettre. Le Comte d'Ormont (qui marchist de terre à eux) ce iour m'auoit mis sur vn sien coursier, moult appert & moult leger: & cheuauchoit de coste luy. Les Irlandois (qui mis s'estoient en embusche, pour auiser les Anglois, & porter dommage, s'ils peussent) ouurirent leur embusche: & approcherent les Anglois: qui commencerent à traire & getter aigrement. Les Irlandois ne peurent souffrir le trait (car il sont simplement armez) & reculerent au trait: & le Comte, mō maistre, se meit en chace apres eux: & ie, qui estoie bien monté, le luyuoie de moult pres: & auint qu'en celle chace mon coursier s'effroya, & m'efforça (vousisse ou non) & me porta si auant entre les Irlandois, qu'onques noz gens ne me peurent recourir: & en passant entre les Irlandois, l'vn d'eux, par grande appertise de membres, tout en courant, faillit sur mon coursier, & m'embrança: mais nul mal ne me fit, de lance ne de coutel: mais nous deuoya: & cheuaucha avecques moy, sur le coursier, bien deux heures: & nous mena en vn moult détourné lieu, & pres d'un grand buisson: & là trouua de ses gens: qui estoient là venus, & reculez hors de toutes doutes, car les Anglois ne les eussent iamais là pourfuyuis si auant. A ce qu'il monstra, il eut grande ioye de moy: & me mena chez soy, en vne ville, & forte maison, enuironnée de bois & de paliz: & d'eues mortes, & la ville est nommée Herpelin. Le Gentil-homme (qui pris m'auoit) on le nommoit Brin Costeret: & estoit tresbel-hōme: & ay de luy demadé assez à ceux, avec qui i'ay esté: qui m'ont dit qu'il vit encorés, mais il estoit moult ancien. Ce Brin Costeret me tint sept ans avecques luy: & me donna vne sienne fille en mariage, de laquelle i'eueux deux filles. Or vous compteray comment ie fu deliuré. Il auint, sur le septiesme an que i'auoye demouré & conuersé en Irlande, qu'un de leurs Rois (qui s'appelloit Arthus Macquemaire, Roy de Linstre) fit vne armée à l'encontre du Duc Lyon de Clarence, fils au Roy Edouard d'Angle. & s'encontrerent les Irlandois en vne place assez pres de la cité de Linstre, & les Anglois ensemble. Là en y eut, par bataille, de morts & de pris, d'un costé & d'autre. Les Anglois obtindrent la place, & conuint aux Irlandois fuir, & se sauua le Roy Arthus Macquemaire, & là fut pris le pere à ma femme, Brin Costeret, sur le coursier qu'il auoit gagné à moy, & fut pris dessous la banniere du Duc de Clarence (qui en eut grande ioye) & fut sceu par luy, & par le coursier (qui fut cognu des Anglois, & des gens au Comte Thomas d'Ormont) que ie viuoie, & me tenoit assez honnorablement en son pays chez soy, en son manoir de Herpelin, & m'auoit donné vne sienne fille en mariage. De ces nouvelles eurent le Duc de Clarence & messire Guillaume de Windesore, & ceux de nostre costé grande ioye. Dōc fut traitté vers luy, que s'il vouloit auoir sa deliurance, il me rendroit aux Seigneurs d'Angleterre quitte & deliure, ma femme & mes enfans. A peine vouloit il faire ce marché, car moult maimoit, & sa fille, & ce que de nous venoit. Toutefois, quand il veit qu'il ne pouuoit autrement finer, il sy accorda assez, mais il conuint que l'aînée de mes filles luy demourast. Si retournasmes moy, ma femme, & ma seconde fille, en Angleterre, & fu logé en la marche de Bristo, sur la Riuiere de Sauerne. Mes deux filles sont mariées, & a celle d'Irlande trois fils & deux filles, & celle, que i'amenay avecques moy, a quatre fils & deux filles. Or pource que le langage d'Irlar ge m'est en parolle aussi appareillé comme est la langue Anglesche (car tousiours ie l'ay continué avecques ma femme, & m'introduy à l'apprendre à mes enfans, tant que ie puis) fu ie élu & instruit, de par le Roy nostre-Sire & les Seigneurs d'Angleterre, à gouverner, cōduire, & ramener à raison, & à l'usage d'Angleterre, ces quatre Rois d'Irlande, qui mis se sont & rendus en l'obeissance du Roy Nostre-Sire & de la couronne d'Angleterre, & l'ont iuré à tenir à tousiours mais. Si vous dy que les Rois (lesquels à mon pouuoir, pour ce que ie sauoye leur langage, i'ay introduits & enseignez) ay trouuez tresrudes & de gros engins, & ay eu grande peine à eulx adoucir & moderer leur parolle & nature, & toutesfois, felle est en aucune choses brisée, ce n'est pas grandement. Encorés se retrayent ils tousiours, en plusieurs cas, à leur rudesse. Or vous compteray la charge, qui me fut baille sur eux, & comment i'en exploieray. Car l'intention du Roy d'Angleterre si estoit telle, & fut, que de maniere, de cotenance, & d'habits, ils fussent remis à l'usage d'Angleterre, car le Roy d'Angleterre voit loit faire ces quatre Roys d'Irlande Cheualiers. Premièrement on leur donna en la cité de Duncelin vn moult bel hostel & grand, pour eux & leurs gens, & ie fu ordonné pour demourer avecques eux, & sans point issir, se trop grand besoing ne le faisoit faire. Ie fu deux iours, ou quatre en leur compaignie, † pour les apprendre, & eux moy, & riens ne

*Charge de Henri
Castide, pour
debarbariser
les quatre Rois
d'Irlande.*

† C'est adire,

leur

leur disoye fors tousiours à leur volonté : & vei à ces Rois, seans à table, faire contenant-
ces, qui ne me sembloient bonnes ne belles, & di en moy-mesme que ie les leur osterois.
Quand ces Rois estoient assis à table & seruis du premier mets, ils faisoient seoir deuât
eux leurs menestriers & leurs prochains varlets, & manger à leur escuelle, & boire à leurs
hanaps: & me disoient que bel estoit l'usage du pais, & qu'en toutes choses reserué le lit,
ils estoient tous communs. Je leur souffri tout ce faire trois iours, & au quatrieme ie fei
ordonner tables & couvrir en la salle, ainsi cōme il appartenoit, & fei les quatre Rois seoir
à haute table, & les menestriers à vne table, bien ensus d'eux, & les varlets d'autre part:
dont par semblant ils furent tous courroucez, & regardoient l'un l'autre, & ne vouloient
manger, & disoient qu'on leur vouloit oster leur bon usage: auquel ils auoient esté nour-
ris. Je leur respondi, tout en me souffriant, pour les appaiser, que leur estat n'estoit point
honneste n'honorable, à estre ainsi comme au deuant ils auoient faict, & qu'il le leur
conuenoit laisser & eux mettre à l'usage d'Angleterre, car de ce faire i'estoie chargé, &
me l'auoit le Roy & son conseil baillé par ordonnance. Quand ils ouirent ce, ils souffri-
rent pourtant que mis f'estoient en l'obeissance du Roy d'Angleterre) & perseuererent
en celuy estat assez doucement, tant que ie fu avecques eux. Encores auoient ils vn usage,
que bien sauoie qu'ils ont communement en leur pais. C'est qu'ils ne portent nulles
brayes, & ie leur fei faire des draps linges grand foison, & en fei deliurer aux Rois & à
leurs gens: & les remei en celuy usage, & leur ostay durant le terme que ie fu avecques
eux, moult de choses rudes & mal appartenans tant d'habits, comme d'autres choses, &
à trop grand different. leur vint, du premier, de vestir houpelâdes de draps de soye, four-
rees de menu vers & de gris: car au deuant, ces Rois estoient bien parez d'affluber vn
mantel d'Irlande. Ils cheuauchioient sans selle sommiers, & sans nuls estriers. A grand
peine ie les fei cheuaucher sur selles à nostre usage. Vne fois ie leur demanday de la créa-
ce, comment ils croyoient: mais de ce ils ne me sceurent nul gré, & m'en conuint taire
car ils me respondirent qu'ils croyoient en Dieu & en la Trinité, & sans different, autant
bien que nous. Je leur demandai auquel Pape ils auoient leur inclination & affection. Ils
respondirent à celuy de Rome, sans moyen. Je leur demanday se volontiers ils rece-
uoiēt l'ordre de cheualerie: & que le Roy d'Angl. les vouloit faire Cheualiers: ainsi cōme
usage & coustume de Frâce, & en Angl. & en autres pais. Ils respondirent qu'ils estoient
Cheualiers: & que bien leur deuoit suffire. Je leur demanday ou ils l'auoient esté: & ils
respondirent qu'en l'aage de sept ans ils l'auoient esté en Irlande: & qu'un Roy fait le fils
cheualier, & se le fils n'a plus de pere, le pl^r prochain du sang de son lignage le fait: & cō-
mence ce ieune enfant Cheualier à iouster de deliees Lances (lesquelles il peut porter à
son aise) contre vn escu, qu'on aura mis en vn pau, emmi vn pré: & comme plus il brisera
de lances, tant plus sera il honoré. Par cest essay sont faits (disoiēt-ils) les nouveaux Che-
ualiers ieunes en nostre terre, & par especial les enfans des Rois. Et (quoy que de l'estat
luy demandoye) bien sauoie toute l'ordonnance. Si ne releuay point ce propos, tant
que ie leur di que la cheualerie que prise auoient de ieunesse, ne suffisoit pas assez au Roy
d'Angleterre: mais leur donneroit pour autre estat & affaire. Ils demanderent comment:
& ie respondi que ce seroit en sainte Eglise: car plus dignemēt ils ne le pourroient estre.
A mes paroles pensez qu'ils s'enclinerent assez. Environ deux iours apres, quand le roy
nostre Sire les voulut faire Cheualiers, vint par deuers eux le Comte d'Ormont: qui sa-
uoit bien parler en leur langage: car partie de ses seigneuries s'estendoient & gisoient
en la marche d'Irlande. Si fut là enuoyé en nostre hostel de par le Roy & son conseil: à
fin que les Roys d'Irlande y eussent plus grande credence. Quand il fut venu, tous l'ho-
norerent, & il les honnora aussi (car bien le sauoit faire) & furent tous resiouis (à ce qu'ils
monstroient) de sa venue: & entra en parolle à eux, le plus doucement & courtoisement
qu'il sceut: & leur demanda, de moy, quelle chose il leur en sembloit. Ils respondirent
Bien, tout bellement & sagement. Il nous a monstre & enseigné la doctrine & usage de
ce pais: si luy en deuons sauoir gré: & aussi faisons nous. Ceste responce pleut assez au Cō-
te d'Ormont (car elle estoit assez raisonnable) & puis entra à parler, petit à petit, de l'or-
dre de Cheualerie (laquelle ils deuoient receuoir) & leur remonstra de point en point
& d'article en article, comment on sy deuoit maintenir, & quelle chose cheualerie de-
uoit & valoit, & comment ceux qui la prenoient y entroient. Toutes les paroles du
Comte d'Ormont pleurent fort aux vns & aux autres de ces quatre Roys d'Irlande: les-
quels ie ne vous ay point encores nommez. Si les vous nommeray: & premierement le

Les noms des quatre rois d'Irlande qui se mirent en l'obéissance du roy Richard d'Ang. & par luy furent faits Cheualiers.

grand Ancel, Roy de Meiste: le second, Brun de Thomond, Roy de Thomond & d'Aire: le tiers, Arthus Macquemaire Roy de Linstre, & le quart Conhuo, Roy de Cheueno & d'Erpe, & furent faits cheualiers, de la main du Roy Richard d'Angleterre, en l'Eglise cathedrale de Dunclin (qui est fondée sur saint Iehan Baptiste) & fut le iour Nostre dame en Mars, qui fut en ce temps par vn Iendi) & adonc veillerent le Mercredi toute la nuit, ces quatre Rois, en ladite Eglise, & au l'endemain à la messe, & à grand solennité, ils furent faits Cheualiers, & avecques eux, messire Thomas Orphem, & messire Ioathas de Pado, & messire Iehan de Pado, son cousin, & estoient les quatre Rois trèsrichement vêtus, ainsi comme à eux appartenoit, & assirent ce iour à la table du Roy Richard d'Angleterre, & devez sauoir qu'ils furent moult regardez des Seigneurs, & de ceux qui là estoient, & à bonne cause: car ils estoient moult estranges, & hors de contenance de ceux d'Anglet. & d'autres nations, & nature s'encline volôtiers à voir choses nouvelles, & pour lors certainement, messire Iehan c'estoit grande nouveauté à voir ces quatre Rois d'Irlande. Messire Henri (respondi-ielors) ie croy bien & voudroye qu'il m'eust cousté du mien & i'eusse là esté: & tant vous en di, que l'année passée mes besongnes furent toutes prestes pour venir en Angleterre, & y fusse venu sans faute: se n'eussent esté les nouvelles qui me furent comptées de la mort de la Royne Anne d'Angleterre: & cela me retarda de non auoir fait le voyage deslors. Mais ie vous demande vne chose (qui moult me fait émerueiller & volontiers la sauroye, si vous la sauez, & aucune chose en deuriiez sauoir (comment ces 4. rois d'Irlande sont si tost venus à l'obéissance du Roy d'Angleterre: quand oncques le Roy son frayon (qui fut si vaillant homme, si douté & redouté par tout) ne les peut soumettre à sa iugement, & si les a tousiours tenuz en guerre. Vous auez dit que ce fut par traité, & par la grace de Dieu. La grace de Dieu est bonne (qui la peut auoir) & peut moult valloir: mais on voit petit de Seigneurs terriens presentement augmenter leurs Seigneuries, si ce n'est par puissance: & quand ie seray retourné en la Comté de Hainaut (dont ie suis de la nation) & ie parleray de ceste matiere sachez que

† C'est à dire, ayeul ou pere grand.

** Annota. 12.*

† Parauant Castide.

† Je doute qu'il n'y faille notes ou plus faits à nostre mode.

† Je ne doute point qu'il n'en tende parler de Edouard dernier du nom, de uant la conquête de Guillaume le Normand, mais ie ne trouue point ailleurs qu'il fust Sire d'Aquitaine.

ie n'en seray examiné & moult auant. * car veez là noz Seigneurs, le Duc Aubert de Baviere, Comte de Hainaut, de Holande, & de Zelande, & son fils Guillaume de Baviere, qui s'escriuent Seigneurs de Frize (qui est vn grand Royaume & puissant), & lesquels y clament auoir droit, & aussi ont fait leurs predecesseurs: mais les Frizons ne veulent enchoir en nulle voye de raison, ne cognoistre ne venir à obeissance, n'oncques ne firent. Lors respondit Henri † Cristelle à ceste parolle: & dit ainsi. Messire Iehan, en verité ie ne vous scauroye pas biē à dire tout le fait: mais la greigneur supposition qui y soit, est telle (& ainsi le dient plusieurs de nostre costé) que la grande puissance, que le Roy nostre Sire mena par delà, & fit passer la mer d'Irlande, & prendre terre en leurs pays, & les y tenant plus de neuf mois tous bien payez, ébahit les Irlandois: car on leur cloit la mer de tous costez: parquoy viures ne marchādises nulles n'entroient en leurs pays, quoy que les lointains habitans en Irlande n'en font compte, ny ne sauent que c'est que marchandise, ne sauoir ne veulent, mais vivent grossièrement & rudement, pareillement comme bestes, mais ceux qui vivent sur les frontieres d'Angleterre, sont plus † nostrez, & vsent de marchandises. Or le Roy Edouard, de bonne memoire, en son temps auoit à respondre à tant de guerre, en France, en Bretagne, en Gascongne, & en Escoce, que toutes ses gēs estoient espars & bien employez: & n'en pouuoit pas grand foison enuoyer en Irlande: mais quand ils ont senti venir la puissance du Roy Nostre Sire si grande, si se sont auisez, & retournent à congnoissance. Bien est verité que iadis eut vn Roy en Angleterre: lequel fut appelé Edouard, & est Saint, nommé Saint Edouard, & canonisé & solennisé trèsgrandement parmi tout le royaume d'Angleterre: & soumeit en son tēps les Dannois & les desconfit par rude bataille, sur la mer par trois fois. † Ce Saint Edouard, Roy d'Angleterre, Sire d'Irlande & d'Aquitaine, les Irlandois l'aimèrent & craignirent & plus que nul Roy d'Angleterre, qui eust esté en deuant, ny ne fut oncques, & pource nostre Sire le roy Richard, quand l'année passée il fut en Irlande, en toutes ses armoiries il laissa à porter les armes d'Angleterre (c'est à entendre les Liepards & les fleurs de Lys: dont il s'escartele) & print celles du roy Edouard (qui est Saint) qui sont à vne croix potencee d'or & de gueules, à quatre coulombs blancs au champ de l'escu, & de la banniere: ainsi comme vous le voulez prendre. Dont a esté dit de ceux de nostre costé que les Irlandois luy ont sceu grand gré, & plus volôtiers ils se sont enclinez à luy, car verité est, quant à ces quatre Roys qui presentement sont venuz à obeissance à luy, que

que leurs prédecesseurs obeirent, de foy & d'hommage à Saint-Edouard: & ils tiennēt le Roy Richard à preud'homme, & de bonne conscience. Si luy ont fait foy & hommage, en la forme & maniere que faire deuoient, & que iadis firent leurs predécesseurs au Roy Saint-Edouard. Ainsi ie vous ay compté de la maniere comment le Roy Nostre-Sire a, en partie celle annee presente, accomply & fourny son voyage en Irlande. Si le mettez en memoire & retenance: à fin que, quand vous ferez retourné en vostre nation, vous le puissiez escrire, & mettre es Chroniques, avec plusieurs autres Histoires, qui descendent de ceste matiere. Et ie respondy, Henry, vous parlez loyaument: & ainsi sera il fait. Adonc prit il congé de moy, & moy de luy: & trouuay tantost le Roy Marth, Héraut: si luy demanday Marth, dites moy dequoy Henry Castide s'arme: car ie l'ay trouué moult courtois & gracieux: & doucement m'a recordé la maniere comment le Roy d'Angleterre a fait en Irlande, & l'estat de ces quatre Roys d'Irlande: qui ont esté (si comme il dit) en son gouuernement, plus de quinze iours. A quoy Marth respondir, Il s'arme d'argent, à vn cheuron de gueules, à trois besans de gueules, deux dessus le cheuron, & vn dessous. Et toutes ces choses ie mei en memoire & en escrit: car pas ne les vouloye oublier.

Comment le Duc de Lanclastre fut mandé s'en retourner d'Aquitaine, sans en auoir la iouissance: & de l'amiable response, qui fut faite aux Ambassadeurs du Roy Richard d'Angleterre, sur le traité de mariage d'entre luy & Madame Ysabel, aisnee fille du Roy Charles de France, sixiesme du nom:

CHAP. LXIIII.

TANT fu ie à l'hostel du Roy d'Angleterre, cōme estre il me pleut: & non pas tousiours en vne placē: mais en plusieurs: car le Roy muoit souuent d'hostel: & alloit de l'un à l'autre, à Elten, à Ledos, ou à Kinkestoue, à Cenes, à Cartesee, ou à Windesore, & tout en la marche de Londres: & fu informé, & de verité, que le Roy & son Conseil escriuirent au Duc de Lanclastre: & exploiterent tant ceux d'Aquitaine (desquels ie vous ay parlé cy-dessus qu'ils ne vouloient autre Seigneur auoir que le Roy d'Angleterre) qu'au duc de Lanclastre † le fut escrit & mandé: & fut ainsi conclu par le général Conseil d'Angleterre: n'oncques le Duc de Clocestre (qui grand peine y rendoit: car volontiers eust veu son frere hors d'auec luy) ne peut estre ouy, que le don, que le Roy luy auoit donné, luy demourast. Car le Royaume d'Angleterre, & le Cōseil du Roy, pour les doutes des causes à venir, entendirent trop bien les parolles que ceux de Bordeaux & de Bayonne auoient proposees: & ils proposerent voirement, que, si l'héritage d'Aquitaine s'elongoit de la couronne d'Angleterre, ce leur feroit vn tresgrand préiudice au temps auenir: lequel ils ne vouloiēt pas encourir, ne mettre ius ce droit: car encores tousiours Bordeaux & Bayonne, & les frontieres de Gascongne, auoient grandement gardé l'honneur d'Angleterre: & tout ce fut bien ramenteu des sages du Conseil du Roy, le Duc de Clocestre absent: car deuant luy on n'en osoit parler: & demoura la chose sur l'estat. Or vous parleray des Ambassadeurs du roy d'Angleterre (c'est assauoir du Comte de Rostellant, & du Comte Marechal, & des autres: qui furent enuoyez en France, en instāce de traiter du mariage du Roy Richard, leur Seigneur, à la ieune fille du Roy Charles de France: laquelle fille n'auoit pour lors que huit ans) & vous compteray comment ils exploiterent. Tant cheuaucherent ces Seigneurs d'Angleterre dessus-nommez, depuis qu'ils furent issus de la ville de Calais, qu'ils passerent la bonne ville d'Amiens, & de Clermont en Beauuoisin: & vindrent à Paris: & par tout, ou ils auoient passé, ils furent bien receus: car ainsi auoit il esté ordonné du Roy de France & de son Conseil. Si furent logez à Paris, pres la Croix du tirouer, & là enuiron: & auoient bien cinq cens Cheuaux: & le Roy de France estoit logé au Chastel du Louure: & la Roine & ses enfans à l'hostel de Saint Pol sur Seine: le Duc de Berry à l'hostel de Nesle: le Duc de Bourgongne à l'hostel d'Artois & le Duc de Bourbon en son hostel: & aussi le Duc d'Orleans, le Comte de Saint Pol, & le Sire de Coucy, à leurs hostels: car le Roy de France auoit mandé son Conseil, pour estre mieux conseillé & auisé de respondre aux Seigneurs d'Angleterre, qui estoient là venus: & fut ordonné, de par le Roy, que tous les iours, qu'ils seroient seiournans à Paris, on leur deliureroit deux cens couronnes de France, pour leur menus frais, & coustages d'eux & de leurs cheuaux: & estoient souuent les chefs des Seigneurs d'Angleterre, qui là estoient (tels que le Comte Marechal, & le Comte de Rostellant) delez le Roy: & demouroient au disner: & leur faisoient le Roy, son frere, & ses oncles, la meilleure chere

† Combien que nous aidions en tout ce passage cy d'Aquitaine, selon le sens de l'Auteur, neantmoins encor y faut il pl^e entendre qu'il n'y a, selon Salala: qui dit, tout resoluement tels mots. Finalement la chose bien pesee que remonstrent les Gascons le don que le Roy auoit donné au Duc de Lāclastre & de la Duché d'Aquitaine fut adnulle & abolie & fut le Duc mandé pour retourner en Angleterre ainsi cōment il le fit tātost apres.

& compaignie, qu'ils pouuoient en les honnorant, pour l'honneur & amour du Roy d'Angleterre, qui là les auoit enuoyez. Si demandoient ces seigneurs à auoir response de leur demande: & on les menoit tousiours de parolles: car il venoit à grand' merueille à plusieurs Nobles du Royaume de France, & du Conseil du Roy, des requestes & traittez, dont ils estoient moult poursuiuis de par les Anglois: pourtant que la guerre des long temps auoit esté si cruelle entre France & Angleterre. Si proposoient les plusieurs du Conseil du Roy: & disoient ainsi, Comme pourra Nostre-sire le Roy de France donner, n'accorder, sa fille, pour cause de mariage, au Roy d'Angleterre, son auersaire? Il nous est auis, auant que les traittez se facent, que bonne paix, ferme & entiere, deust estre entre les Rois de France & d'Angleterre, leurs conioints & adherans: & toutes ces choses & autres, sur forme de bon estat & auis, estoient remonstrees au destroit Conseil du Roy. Pour ce temps auoit en France vn † Chancelier sage & vaillant homme (qui s'appelloit messire Regnaud de Corbie) & moult imaginatif: & veoit au long toutes les besongnes de France, comme elles pouuoient cheoir & venir: & disoit bien au Roy & à ses oncles, Messieurs, on doit entrer par le droit huis en la maison. Ce Roy Richard d'Angleterre monstre bien qu'il ne veut à vous, n'au Royaume de France, que tout amour: quand par cause de mariage il s'y veut allier. Nous auons eu par deux faisons confaux & traittez ensemble sur forme de paix, à Amiens & à Lolinghen: & oncques ne se peurent tant approcher les traittez, que les Parlemens eussent nulle bonne conclusion, fors sur l'estat de trêues, & sauons de verité que l'oncle du Roy d'Angleterre (qui s'appelle messire Thomas, & Duc de Clocestre) est du tout contraire à la volonté du Roy d'Angleterre, & de ses deux autres oncles, le Duc de Lancastre & le Duc d'Iorch, tant que de venir iusques à la paix. Le Roy d'Angleterre, ne tous ceux, qui bien veulent, pour auoir conclusion & confirmation de paix, ne le peuuent briser: mais au fort, sa puissance sera petite contre celle du Roy. Si entendon à recueillir les traittez & parolles en bien: & faisons tant, auant leur departement, que de nous & de noz responses ils se contentent. A ces parolles, que le Chancelier remonstra, ainsi que dessus est dit, s'enclinoient & apprestoient les oncles du Roy, & par especial le Duc de Bourgogne: car il se tenoit à si chargé de la guerre, que volontiers il eüst veu bonne paix: & la principale cause, qui à ce l'enclinoit, c'estoit pour le pais de Flandres (dont il estoit Sire, de par sa femme) qui gisoit en la main & frontiere des Anglois: & aussi les cueurs de moult de Flamans sont plus Anglois, que François: & tout pour la marchandise, qui vient & arriue en Flandres par mer & par terre. Conseillé fut & arresté au destroit Conseil du Roy de France, que, cōme on auoit commencé à faire & à monstre bonne chere aux Anglois, il seroit ainsi perséueré: & par especial le Roy de France le vouloit: & fut conseillé (fust par dissimulation, ou autrement) que les Anglois, qui estoient là venus en ambassade de par le Roy d'Angleterre, seroient doucement menez & respondus: & leur donneroit on esperance, auant leur departement, que le Roy d'Angleterre viendrait à sa demande. Pour ces iours la Royne de France & ses enfans estoient en l'hostel de Saint-Pol sur Seine. Si fut accordé & ottroyé, pour le mieux, aux seigneurs d'Angleterre, & à leur priere & requeste, qu'ils verroient la Royne de France, & ses enfans, & par especial celle, pour laquelle ils prioient & requeroient, & estoient venus: car moult la desiroient à veoir. L'excusation du Conseil de France, au commencement, fut que ceste fille estoit moult ieune, & qu'en vn enfant il ne peut auoir trop grand' ordonnance de prudence: car elle n'auoit que huit ans. Si estoit elle de son aage bien endoctrinée: & telle la trouuerent les Seigneurs d'Angleterre, quand ils parlerent à elle: & luy dit le Comte Mareschal, estant à genoux deuant elle, Madame, au plaisir de Dieu vous serez nostre Dame, & Royne d'Angleterre. Sire, respondit la ieune fille, toute auisée, sans cōseil d'autrui, S'il plaist à Dieu & à Monseigneur mon pere, que ie soye Royne d'Angleterre, ie le verray volontiers: car on m'a bien dit que ie seroye vne grand' Dame. Et adonc elle fit leuer le Comte Mareschal: & le mena par la main à la royne, sa mere: qui eut grand' ioye de la response: & aussi eurent tous ceux, & celles, qui ouye l'auoient. La maniere, ordonnance, doctrine, & contenance de ceste ieune fille de France pleut moult grandement aux ambassadeurs d'Angleterre: & dirent & imaginerent entre eux, qu'elle seroit encores vne Dame de haut honneur, & de grand bien. La conclusion de ce traitté fut telle, Quand ces Seigneurs d'Angleterre eurent esté & seiourné dedans Paris plus de vingt iours, & que leurs fraiz de bouche & de leurs cheuaux estoient payez de par le Roy de France, response raisonnable leur fut donnée, belle & courtoise

† Il y auoit
Cheualier:
mais le chap.
suyuant assure
nostre correction.

toise de par le Roy & le Conseil en eux donnant grand' esperance que ce, pourquoy ils estoient venus, se feroit: mais ce ne feroit pas si tost: car la dame, qu'ils demandoiēt auoir, moult ieune d'aage estoit: & avec tout ce, elle estoit obligee & conuenancee, en cause de mariage, au Duc de Bretagne, pour son aîné fils. Si conuenoit traitter deuers luy, pour rompre celle conuenance, auant que les proces peussent aller plus auant: & celuy Yuer, qui deuoit entrer & venir, on laisseroit les choses en celuy estat: & là en-dedās on enuoyeroit nouuelles en Angleterre, de par le Roy de France: & sur le temps de Quaresme, que les iours commenceroient à embellir & à éloigner, & les mers à appaiser, ils retourneroient, ou autres, que le Roy d'Angleterre y voudroit enuoyer, en France. deuers le Roy & son Conseil: & ils seroiēt les bien venus. De ceste response: se contēterent les Anglois: & prirent congé de la Royne, & de sa fille, la ieune Dame Ysabel de Frāce, & des freres & oncles du Roy, & de tous ceux, ausquels il appartenoit congé prēdre: & puis se departirent de Paris: & se meirent au retour, pour venir à Calais, le chemin qu'ils estoient venus: & firent tant par leurs iournees, qu'ils retournerēt en Angleterre: & se hastèrent, deuant tous leurs gens, les deux Comtes d'Angleterre, qui chefs auoient esté de ce traité, le Comte de Rostelant & le Comte Mareschal, pour apporter nouuelles au Roy d'Angleterre: & vindrent de Sanduich (ou ils prirent terre) en moins de iour & demy à Windsor: ou le Roy pour ces iours se tenoit: qui fut moult ioyeux de leur venue: & se contenta des responses du Roy de France & de ses oncles: & ne mit pas certe chose à nonchaloir: mais la prit si à cuer & à grand' plaissance, qu'il n'entendoit à autre chose fors à visiter & subtilier comment il pourroit venir à son entente d'auoir à femme & espouse la fille du Roy de France. Le Roy d'Angleterre d'une part pensoit comment il viendrait par toutes voyes au mariage de la ieune fille du Roy de France: & cil de France & ses Consaux, d'autre part, pensoient & subtilloient, nuit & iour, comment ceste chose se feroit à l'honneur d'eux, & du royaume de France. Plusieurs en parloient: & disoient ainsi, Se nous estions appelez en ces traittez de France & d'Angleterre, & nostre parolle fust ouye & acceptee, nous dirions ainsi, que ia le Roy d'Angleterre n'auroit la fille de France, que paix ne fust faite entre luy & le Roy d'Angl. leurs Royaumes, conioints & adherans à la guerre. A quoy sera ce bon, que le Roy d'Angleterre aura à femme la fille du Roy de France, & eux & leurs Royaumes, les trēues passees (qui n'ont à durer que deux ans) se guerroyeront, & feront eux & leurs gens en haine? Ce sont choses, qui sont moult à confiderer. Les Ducs de Berry & d'Orleans estoient de ceste opinion, & plusieurs haux Nobles du Royaume de France: & tout ce sauoient bien le Roy de France & le Duc de Bourgongne: & le Chancelier de France: qui s'enclinoient assez à la paix, reserué l'honneur du Royaume.

Response du roy de France aux ambass. d'Angleterre, sur le mariage de sa fille aînée, avec leur Roy.

Retour des ambassadeurs du Roy Richard en Angleterre.

Comment vn Escuyer de Normandie, nommé Robert l'Hermite, disant auoir eu sur mer quelque vision ou reuelation pour s'entremettre de la paix entre France & Angleterre, fut enuoyé vers le Roy Richard & ses oncles, pour cest effect.

CHAP. LXV.

EN ce temps auoit vn Escuyer en France, prudent & vaillant homme: & estoit nouuellement retourné en France: & auoit en son temps moult trauaillé outre la mer, & esté en plusieurs lieux & moult grans voyages & beaux: pour lesquels il estoit moult recommandé en France & ailleurs, ou la cognoissance de luy estoit venue. Celuy Escuyer estoit de la nation de Normandie, & d'un pais qu'on appelle Caux, & estoit nommé Robert le Menuot: mais à-present on l'appeloit Robert l'Hermite: & estoit moult religieux, & de belle vie, & de bonnes paroles: & pouuoit estre enuiron de l'aage de cinquante ans: & auoit esté aux traittez, qui furēt à Lolinghen, du Duc de Bourgogne & des Seigneurs de France d'une part, & du Duc de Lancastre & du Duc de Glocestre d'autre part: & volontiers y auoit esté ouï: & la forme & maniere comme il y estoit entré, ie la vous diray tresuolontiers. Auenue estoit à ce † Robert l'Hermite, qu'en retournant es pays de France, & estant party du Royaume de Surie, & monté à Baruch sur la haute mer, vne fortune de vent & de tempeste de mer, à luy & à ses compaignōs, luy prit si grande & cruelle, que deux iours & vne nuit ils furent tempestez, que nulle esperance à issir ils n'auoient hors de ce peril: & gens, qui se trouuent en tel danger & parti, sont mieux contricts & repentans, & en grand' cognoissance & cremeur enuers Dieu. Si auint que sur la fin de ceste tempeste, & que le temps se prit à adoucir, & le vêt à appaiser, vne forme d'image, plus clere que n'est cristal, s'apparut à Robert l'Hermite: & dit ainsi, Robert, tu istras &

† Ce, qu'il copie icy de la vision de Robert l'Hermite, n'est que par occasio hors du vray ordre des temps, pour mieux venir à la charge, que le Roy de Frāce lui donna d'aller en Angleterre: come nous verrons tantost.

échaperas de ce peril, & tous ceux, qui sont avec toy, pour l'amour de toy: car Dieu a ouy tes oraisons, & pris en gré: & veut, & te mande par moy, toy retourné en France, du plus tost que tu pourras, que tu te trayes deuers le Roy de Frâce, & tout premierement cōpte luy ton auenture: & luy dy qu'il s'encline à la paix: deuers son auersaire le Roy Richard d'Angleterre: car la guerre a trop lōguemēt duré entre eux: & sur les traittez de paix, qui s'entameront & seront entre le Roy Charles de France & le Roy Richard d'Angleterre & leurs Consaux, si te mets hārdiment: & remonstre ces parolles: car tu en feras ouy: & tous ceux, qui te contrediront à la paix & aux traittez, & soustiendront la guerre & mauuaise opinion, le compareront en leur viuant cheremēt. Sur ceste parolle la clarté & la voix s'euanouit: & Robert demoura tout pensif: mais toutesfois il tint tout ce, qu'il auoit veu & ouy, pour diuine chose: & depuis ceste auenture, ils eurent le temps & le vent à souhait: & arriuerent en la riuere de Gennes: & là prit congé de ses compaignons, quād il fut hors du vaissel: & puis il exploita tant par ses iournees, qu'il vint en Auignon: & la premiere chose, qu'il fit, ce fut qu'il alla à l'Eglise Sainct-Pierre: & là trouua vn vaillant homme, Penitencier: auquel il se confessa deuotement & deument: & luy compta toute son auenture, ainsi qu'audeuant vous l'avez ouye: & demanda à auoir conseil, pour sauoir quelle chose il en feroit: Le preud'homme, auquel il s'estoit confessé, luy dit, & deffendit, que de ceste chose il ne parlast aucunemēt, tant qu'il l'auroit remonstré au roy de France tout premierement, & tout ainsi que l'auision luy estoit venue: & ce, que le Roy en conseileroit, il le fist. Robert prit ce conseil à bon: & le creut: & enchargea tout simple habit: & se vestit & habitua tout de drap gris: & se maintint & ordonna depuis moult simplement, & se departit de la cité d'Auignon: & exploita tāt, & erra par ses iournees, qu'il vint à Paris: mais il n'y trouua pas le Roy: car pour le temps de lors il estoit à Abbeuille: & les traittez estoient ouuers entre les François & les Anglois: ainsi que dessus est contenu en nostre histoire. Tout premierement il se trayt deuers le Roy (qui pour ces iours estoit logé en l'Abbaye Sainct-Pierre) & luy fit voye, pour parler au Roy, vn Cheualier de Normandie: qui estoit de sa congnoissance: & auoit nom messire Guillaume Martel: lequel estoit Cheualier de la chambre du Roy, & le plus prochain qu'il eust. Robert recorda de poinct en poinct, bellemēt & doucement, toute son auēture: si comme cy-dessus est dit. Le Roy sy enclina, & y entendit volōtiers: & pource que son oncle le Duc de Bourgongne, & messire Regnaud de Corbie, Chācelier de France (qui les plus grans estoient du costé de France sur ces traittez) n'estoient point là, mais à Lollinghen contre les Anglois, si dit le Roy à Robert, Nostre conseil est contre les Anglois à Lollinghen. Vous vous tiendrez icy, tant qu'ils seront retournez: & eux reuenus, ie parleray à mon oncle de Bourgongne, & au Chancelier: & feray ce, que pour le mieux ils me conseilleront. Robert respondit, Dieu y ait part. En celle propre semaine retournerent à Abbeuille ceux du cōseil du roy: & apporterēt aucuns articles sur forme de paix: que les Anglois auoient mis outre: & estoient si grans, que ceux qui s'entremettoient du traitté de par le Roy de Frâce, ne les vouloient pas passer, n'accepter, sans sauoir l'intētion du Roy: si que, quand ils furent venus, ils les luy remonstrerent. Adonc trait à part son oncle le Duc de Bourgongne & le Chancelier: & leur remonstra tout ce, dont Robert l'Hermite l'auoit informé: & leur demāda si c'estoit chose licite à croire sus. Ils regarderent l'un l'autre: & penserēt vn petit: puis, eux auisez de parler, dirent qu'ils vouloiēt veoir ce Robert, & l'ouir parler: & sur ce ils auroiēt auis. Robert fut mandé: & vint: car il n'estoit pas loing de la chābre, ou les Parlemens secrets alors estoient. Quand il fut venu deuers le Roy & le Duc de Bourgongne, il les honnora: ainsi cōme bien il le seut faire. Adonc dit le Roy, Robert, remōstrez nous cy tout au long vostre parolle, & de laquelle vous nous avez informé. Robert respondit: & dit, Sire, volontiers. Là emprit il la parolle, & moult doucement: & ne fut de riēs ébahy: & leur recorda les parolles tout au lōg, que vous avez ouyes cy-dessus: ausquelles ils entendirent volontiers. Donc le firent ils issir de la chambre: & y demourerent tous trois ensemble. Le Roy demanda à son oncle quelle chose en estoit bonne à faire. Monseigneur (dit il) nous & le Chancelier en aurons auis dedans demain. Bien, dit le Roy. Sur cel estat ils firent leur conseil depuis: & s'assemblerent ensemble le Duc de Bourgongne & Maistre Regnaud de Corbie, Chancelier de France: & parlerent de ceste matiere assez longuement, à sauoir qu'ils en feroient: car ils veoient bien que le Roy sy enclinoit grandement: & vouloit que Robert fust aiousté avec eux en ces traittez de Parlement: car il auoit moult douce & belle parolle: & conuertissoit, par son langage

gage, tous cœurs, qui l'oyoient parler. Cōseillé fut & auisé, pour le meilleur, au cas que ce Robert monstroït ce par maniere de miracle & vision diuine, qu'on le laisseroit cōuenir, & venir aux traittez & Parlemēs, pour remonstres aux Seigneurs du Royaume d'Angleterre, & à tous ceux qui le voudroient ouyr, tout ce, dont il les auoit informez: & que c'estoit chose bien licite à faire: & dirēt ils tout ce le lendemain au Roy, sur cel estat. Quād le Duc de Bourgongne, oncle du Roy, & le Chancelier de France retournerent aux Parlemens & traittez à Lolinghen à l'encontre des Seigneurs Anglois, ils menerent ce Robert l'Hermite avecques eux: lequel estoit moult bien fondé de parler: ainsi comme vous auez ouy. Apres que tous les Seigneurs de France & d'Angleterre furent assemblez en Parlement ensemble, Robert vint parmy eux: & là commença à parler moult sagement, & remonstres toute l'auēture, qui sur la mer luy estoit auēue: & disoit & maintenoit en ses parolles, que l'auision qui luy estoit auēue, estoit inspiratiō diuine, & que Dieu la luy auoit transmise: pourtant qu'il vouloit qu'il fust ainsi. En ces parolles remonstrant, y entendoient aucuns des Seigneurs d'Angleterre volontiers, & s'y enclinoient en bien: tels que le Duc de Lancastre, oncle du Roy Richard d'Angleterre, le Cōte de Salbery, messire Thomas de Perfy, messire Guillaume Clamou, l'Euesque de Lincole, & l'Euesque de Londres: mais le Duc de Clocestre & le Comte d'Arondel n'en faisoient nul compte: & dirent depuis, en l'absence des ambassadeurs de France, eux retournez à leurs logis, que ce n'estoit que fātisme, & toutes paroles cōtrouuees, & faites à la main, pour eux mieux abuser, & eurent conseil généralemēt, qu'ils en escriroient deuers le Roy Richard d'Angleterre, & tout l'estat de ce Robert l'Hermite, & quelle chose il auoit dit & proposé: & fut ce cōseil tenu, & enuoyé en Angleterre, deuers le Roy, par vn Cheualier & Châbelan du Roy: qui s'appeloit messire Richard Credon: & trouua le Roy d'Angleterre en la Cōté de Brene, en vne belle place & chastel, qu'ō dit † le Dox: & luy bailla les lettres, que les Seigneurs traitteurs de sa partie (qui se tenoiēt en la frontiere de Calais) luy enuoyoiēt: & dedans estoit contenu la certaineté de ce Robert l'Hermite, & toute la signification contenue. Le Roy d'Angleterre lisit tout au lōg les lettres: & y prit tresgrand' plaissance: & par espécial, quand il vint au poinct de ce Robert l'Hermite, le Roy d'Angleterre dit que ce Robert il verroit volontiers, & orroit parler: & s'enclinoit assez à croire en verité, que ceste chose, qu'il remōstroït & prouuoit, estoit auēue: & rescriuit le Roy feablemēt au Duc de Lancastre & au Comte de Salebery, que, si on pouuoit par nulle voye hōnorablement faire que bōne paix fust entre luy & le Roy de France, leurs Royaumes, cōioints & adherens à la guerre, ils s'en voussissent mettre en peine: car vrayement selon la parole de ce Robert l'Hermite, la guerre auoit trop longuement duré: & bien estoit tēps d'y trouuer aucun moyen de paix. Bien est contenu cy-dessus commēt les traittez se porterent, & le departement que les Seigneurs firent l'un de l'autre: & cōment trēues furent iurees, seellees, & donnees de toutes parties, entre les Royaumes de France & d'Angleterre, leurs cōioints & adherens, à durer quatre ans: & ce pendant on feroit bonne paix. Telle fut l'intētion des traitteurs du Roy: reseruē le Duc de Clocestre: car bien promettoit, luy retourné en Angleterre, que iamais de traittez de paix enuers le Royaume de France n'en parleroit nullement: & dissimula adōc, tant comme il peut, pour complaire au Roy & à son frere le Duc de Lancastre. Ainsi, par celle maniere & ordonnance, que ie vous ay dit & recordé, vint en cognoissance, Robert l'Hermite. Assez tost apres que le Comte de Rostellant & le Comte Marechal, l'Archeuesque de Dunclin, messire Hue le Despensier, messire Louis de Clifford, & ceux, qui en France auoient esté enuoyez, furēt retournez en Angleterre, & eurent apporté, sur l'estat de ce mariage, nouuelles plaïsans & agreables au Roy d'Angleterre, les Parlemēs† de la Sainct-Michel (qui se tiennent à Westmonstier) vindrent: & ont vsage & ordōnance de durer quatre iours, & sont Parlemens & cōsaux généraux de toutes les besongnes d'Angleterre, qui là retournēt: A l'entree des Parlemens retourna en Angleterre le Duc de Lancastre, du pays de Gascongne, & de la cité de Bordeaux, ou il auoit esté enuoyé, ainsi cōme vous sauez: & n'auoit point esté receu sur la forme & maniere, qu'il cuida estre, quād il se departit d'Angleterre, & il alla à Bordeaux. Je cuide si bien les causes auoir dites & remōstrees ci-dessus, audit liure, que peine me seroit le reciter encores vne fois. Quand le Duc de Lancastre fut reuenu en Angleterre, le Roy & les Seigneurs luy firent bonne chere (ce fut raison) & parlerēt de leurs besongnes ensemble. Si trestost que les nouuelles furēt venues & sceuēs en France que le Duc de Lancastre estoit retourné en Angleterre, le Roy de France & les Sei-

† Ce peut estre ce, qu'il a parauant nommé Ledos en vn seul mot. Quāt à la Comté de Brene, ou il met l'astiere de ce chastel en ce lieu cy, ie ne la cognoy: & me doute qu'il n'y falle de Kent.

† Toujours 1395. ou il rentre en son propre principal.

gneurs eurent conseil que Robert l'Hermite iroit en Angleterre, & porteroit lettres de creance au Roy d'Angleterre (qui le desiroit à veoir) & luy reuenu en Frâce, on y enuoyeroit le Côte de S. Pol: & faccointeroit Robert l'Hermite du Roy, & des Seigneurs d'Angleterre: qui l'orroient moult volontiers parler des besongnes de Surie & de Tartarie, & de l'Amorabaquin, & de la Turquie: ou il auoit long temps esté & conuersé: car, de telle matiere les Seigneurs d'Angleterre en oyēt volōtiers parler. Il fut dit à Robert l'Hermite qu'il f'ordonnast pour aller en Angleterre. De celle cōmission il fut tout réiouy: & dit que tresvolōtiers il iroit: car onques il y auoit esté. Si luy furēt baillees lettres de creance de par le Roy de France, adreçans au Roy d'Angleterre, & à ses oncles. Robert partit de Paris, avecques son arroy, à sept cheuaux tant seulement, & tout aux despens du Roy (c'estoit raison) & cheuaucha tant, qu'il vint à Boulongne: & là entra en mer: & arriua à

Robert l'Hermite enuoyé vers le Roy d'Angleterre, par le Roy de France.

† Ce peut estre celui, qu'il a par-avant nommé Eltem.

† Je pense que c'est ce, que nous auons quelques fois changé en Excestre.

Douures: & tāt exploita, qu'il vint à † Olten, vn manoir du Roy, à sept lieuës Anglesches de Londres: & trouua le Roy & le Duc de Lanclastre, les Comtes de Salebery & de Hostidonne, & messire Thomas de Perfy: & là fut de tous, pour l'honneur du Roy de Frâce, grandement & ioyeusement recueilly, & especialement du Roy d'Angleterre: qui le desiroit à veoir. Il monstra ses lettres de creance au Roy: qui les receut en bien, & les lisit au long: & aussi firēt tous les Seigneurs, l'un apres l'autre: ausquels il apportoit lettres. Le Duc de Clocestre pour ces iours estoit à † Perfes en vn chastel, qu'on appelloit ce m'est auis Pleffy. Quand il eut esté delez le Roy & le Duc de Lāclastre, à Olten cinq iours, il se departit pour aller veoir le Duc de Clocestre: & sur celle entête prit cōgé du Roy, & des Seigneurs: & vint à Londres: & le lēdemain il f'ordonna de cheuaucher: & vint au giste, à quinze lieuës Anglesches de Lōdres, en vne ville, qu'on nomme Brehonde: & au lēdemain il vint à Pleffy: & trouua le duc & la duchesse, & leurs enfās, qui le recueillirēt doucement, selon son estat. Robert bailla & monstra ses lettres, qu'il apportoit de par le Roy de France, au Duc de Clocestre. Le Duc les ouurit, & les leut tout au long: & quād il veit qu'elles estoient de creance, si trait à part Robert, & luy demāda la creance. Robert respondit que tout à loisir luy diroit: & que pas il n'estoit venu pour si trestost partir. Adōc dit le Duc qu'il fust le bien venu. Bien sauoit Robert l'Hermite que ce Duc de Clocestre, Anglois, estoit vn hōme moult dissimulāt, & fort contraire à la paix, & tout hors de l'accord & opinion du Roy d'Angleterre & du Duc de Lanclastre: qui assez s'enclinoit aux traittez de la paix. Si ne le sauoit comment entamer ne briser: car il l'auoit veu & cognu trop cōtraire aux traittez de Lolinghen: & ne demādoit que la guerre en Frâce. Pour ce ne demoura pas que Robert l'Hermite ne parlast au Duc de Clocestre, sur forme de paix: mais il trouuoit le Duc froid en ces respōses: & disoit que pas il n'estoit à luy: & qu'il auoit deux freres aisnez, le Duc de Lāclastre & le Duc d'Iorch: ausquels de ceste matiere il appartenoit mieux à parler, qu'à luy: & aussi, se luy tout seul le vouloit, par auenture ne le voudroient point accepter les Consaux d'Angleterre, les Prelats, & les bonnes-villes.

Remonstrance de Robert l'Hermite au Duc de Clocestre, contraire à la paix de France & d'Angleterre.

Trescher Seigneur, pour la sainte amour de Nostre-Seigneur Iesuschrist, & ne vueillez point estre cōtraire à la paix, ce disoit Robert l'Hermite. Vous y pouuez moult: & iā veez vous que le Roy vostre neveu la desire, & s'y encline grandement: & veut par voye de mariage auoir la fille au Roy de France: dont par ceste coniōction seroit vne grande alliance de paix & d'amour, A ceste parolle respōdit le Duc de Clocestre: & dit, Robert, quoy que vous soyez creu & ouy à present des Roys & des Seigneurs des deux Royaumes, & que vous ayez grād' voix & grand' audiēce à eux & à leurs Cōsaux, la matiere de la paix est si grande, qu'il conuiēt que plus grand que vous s'en entremette. Je vous dy, & ay dit cy & ailleurs, que ia ne seray contraire à la paix faire: mais qu'elle soit à l'honneur de nostre partie: & iā fut elle du Roy nostre pere, & de nostre frere le Prince de Galles, & des autres, iuree & accordee au roy Iehā, & à to^s ses successeurs, & de leur costé iuree & obligee, & encōuenancee sur peine & sentēce de Pape: & point n'a esté tenue: mais a esté de nulle valeur, & l'ont les François enfreinie & brisee frauduleusement & cauteleusement: & ont tant fait, qu'ils se sont remis en possession & saisine de toutes les terres & Seigneuries, qui furent rendues & deliurees, par paix faisant, à nostredit feu Seigneur & pere, & à noz predēcesseurs: & en outre, de la somme de trente cens mille francs, que la redemption monta en payement, encores en sont à payer six cens mille francs: pour lesquels Robert, tels memoires & souuenances, qui deuant nous reuiennent, nous angoissent & troublent les courages durement: & nous émerueillons, moy & plusieurs de ce Royaume) ausquels il en appartient bien la congnoissance) comment le Roy Nostre-Sire est de si ieune &

ieune & foible auis, qu'il ne considere & regarde autremēt le temps passé, & le tēps present, & cōment il se veut allier à ses auersaires, & par ceste alliance deshēriter la courōne d'Angleterre des hēritages à venir. Trescher Sire (respondit Robert) nostre-Seigneur Iesuschrist souffrit mort & passion en croix, pour nous tons pecheurs: & pardōna sa mort à ceux, qui le crucifierent. Il conuient aussi tout pardonner: qui veut auoir bien, & venir à la gloire de Paradis. Toutes malueuillances, haines, & rancunes, furent pardonnees au iour que la paix fut faite & seellée à Calais par voz predēcesseurs. Or sont renouellees guerres moult dures: qui ont esté entre les vostres & les nostres, espoir par deception & coulpe des deux parties: car, quand le Prince de Galles, & Duc d'Aquitaine, fut issū hors † d'Espagne, & retourné en Aquitaine, vne maniere de gens (qui s'appeloient cōpaignies: dōt la greigneur partie estoient Anglois & Gascōs, tous tenās du Roy d'Angleterre & du Prince de Galles) se meirēt sus, & se recueillirēt ensēble & entrerēt au Royaume de Frāce, sans nul tiltre de raison: & y feirēt mortelle & cruelle guerre, aussi dure & forte, cōme elle auoit esté au-deuāt: & appeloient le Royaume de Frāce leur chābre: & estoient si entalētez de mal faire, qu'ō ne pouuoit resister à l'ēcontre d'eux: & pour ce, quād le Royaume de France se veit ainsi foulé & guerroyé, & plus venoit le tēps auant, plus se multiplioient les ennemis du Royaume, le Roy Charles, fils au Roy Iehan, fut conseillé par ses vassaux, qu'il allast au deuāt de telles offenses, & y pourueust: fust par guerre ou autremēt. Auecques ce, plusieurs grans Barons de Gascongne s'allierēt avec le Roy de France: lesquels le Prince de Galles (qui deuoit estre leur Sire) vouloit trop submettre, & leur faisoit moult grandes iniures (si comme ils disoient, & mōstrerent par plusieurs raisons) & ne les vouloient ne pouuoient plus souffrir: & commencerent la guerre, pour cause du ressort, à l'encontre du Prince: & le Roy Charles de Frāce, d'eux & de ses vassaux, s'ēhardit à la guerre avecques eux, pour obuier à l'encontre de ses Compaignies: & se retournerent deuers le Roy de France & à son aide, en celle nouuelle guerre, plusieurs Seigneurs, & leurs Seigneuries, citez, villes, & chasteaux, pour la grand'oppression, que le Prince de Galles leur faisoit, ou cōsentoit à faire par ses Cōmis. Ainsi a esté renouuelee la guerre moult dure: par laquelle moult de grans mechefs en sont encourus, de destruction de peuple, & de pays, & la Foy de Dieu & de Chrestieté affoiblie, & moult foulée: & s'en sont rēueillez & enhardis les ennemis de Dieu, & ont ia cōquis moult de Grèce, & de l'Empire de Constantinople, par faute de resister contre la puissance d'un Turc: qui s'appelle Basant, dit l'Amorabaquin: & cil a cōquis, & mis en sa subgection: tout le royaume d'Armenie: reserué vne seule ville, seant sur mer (ainsi comme seroit Hantonne, ou Bristol, en ce païs) laquelle ville on appelle Tourch: & la font tenir contre les Turcs les Gēneuois, & Veniciens: & ne peut longuement durer, contre la puissance de l'Amorabaquin † l'Empereur de Constantinople: qui est de vostre sang: car il fut fils à l'Empereur Hugues de Luzignan & à Madame Marie de Bourbon, cousine germaine à Madame la Roïne vostre mere. Mais, se paix est (ainsi qu'elle sera, si à Dieu plaist) entre France & Angleterre, Cheualiers & Escuyers (qui les armes demandent & desirent pour leur auancement) se traitront celle part: & aideront au Roy Leon d'Armenie à recouurer son hēritage, & mettre hors les Turcs, car la guerre a trop duré entre France & Angleterre: & Dieu veut que fin s'y preigne: & tous ceux, tant d'un Royaume comme de l'autre, qui le cōtrediront & empeschent, cherement, à mort, ou à vie, le compareront. Comment pouuez vous ce sauoir? respondit le Duc de Clocestre. A celle parolle dit Robert l'Hermite, Cher Sire, ce, que i'endy & fay, vient par inspiration diuine, & par vne vision, qui me vint sur la mer en retournant de Baruch, un port en Surie, vers l'isle de Rodes. Adonc luy compta, de mot à mot, toute la vision, qui auenue luy estoit, pour mieux émouuoir le cœur du duc de Clocestre à pitié & raison. Mais ce Duc estoit dur & haut contre la paix: & vouloit tousiours retourner à ses opinions: & contemnoit moult fort, à ses parolles, les Frāçois, en toutes choses: quoy que Robert luy eust dit & remōstré: mais pour la cause de ce q'celuy Robert estoit estranger, & qu'il mōstroir à ses parolles, & en ses œuures, qu'il ne vouloit que tout bien, & pource qu'il sentoit aussi q'le roy d'Angleterre son seigneur, s'ēclinoit de tous points à la paix, il s'en dissimuloit, ce qu'il pouuoit & tournoit d'une autre partie, au contraire, ses parolles, que le cœur ne luy donnoit. Deux iours & deux nuiets fut Robert l'Hermite au Pleffis, delez le Duc de Clocestre, sa femme & ses enfans: & luy fit on par semblant tresbōne chere. Au tiers iour, il se departir, & prit cōgé du duc & de la duchesse, & de leurs enfans, & des Cheualiers de l'hostel: & puis s'ē retourna à Londres: & de là à Windesore:

† l'aymeroye
mieux lire
d'Angleterre: car des lors
telles manieres
de gens cōmen-
cerēt leurs cour-
ses & pilleries:
comme on le
voit auspremier
volume.

† Je ne trouue
rien de cest Em-
pereur ailleurs:
ains tous bons
Auteurs tien-
nent que pour
lors estoit Em-
pereur de Con-
stantinople un
nommé Andro-
nic, de la mai-
son des Paleolo-
gues, & l'aques
de Lusignan
Roy de Cypre.

ou le Roy s'estoit retrait: qui luy fit grand' chere: & l'auoit moult en amour, pour cause de ce que le Roy de France le luy auoit enuoyé, & pource qu'il estoit bien eloquent & sage, & plein de douces parolles & hōnestes. On doit biē croire & supposer que le Roy d'Angleterre demanda tout secrettemēt audit Robert l'Hermite l'estat de son oncle de Clocestre, & tout ce qu'il y auoit trouué: & Robert luy en respōdit bien à point. Bien sauoit le Roy d'Angleterre que le Duc de Clocestre ne s'enclinerait iā à la paix, tāt comme il peust: & que plus aimoit la guerre, que la paix. Si tenoit en amour, tant qu'il pouuoit, ses deux autres oncles, les ducs de Lāclastre & d'Iorch, tāt & de si bō cuer, qu'à merueilles: & aussi faisoit il plusieurs Prelats & Barōs d'Angleterre: desquels il pensoit estre seruy & aidé. Quand Robert l'Hermite eut esté vn mois, ou enuiron, delez le Roy d'Angleterre & les seigneurs, il prit congé: & s'ordonna pour partir. A son departement, le Roy d'Angleterre, pour l'honneur & amour du Roy de France, qui là l'auoit enuoyé, luy dōna grās dons & beaux: & aussi feirent les Ducs de Lanclastre & d'Iorch, & les Comtes de Hostidōne & de Salebery, & messire Thomas de Perfy: & le fit le roy recōuoyer iusques à Douures: & là monta sur la mer: & passa outre, tant qu'il vint en France: & se meit par terre luy & ses gens: & trouua le Roy, & la Royne, & ses oncles, à Paris. Si se trait deuers eux: & recorda au Roy de son voyage: & comment il auoit exploité: & la bonne chere, que le Roy d'Angleterre luy auoit fait. Presque tous les iours auoit messagers de France & d'Angleterre, allans & venans de l'un Roy à l'autre: & s'escriuoiet doucement & amiablement l'un à l'autre: & ne desiroit autre chose le Roy d'Angleterre, qu'il peust paruenir par mariage à la fille du Roy de France: & le Roy de France pareillemēt y auoit tresbonne affection: car auis luy estoit que sa fille seroit grande assez: s'elle estoit Royne d'Angleterre.

Retour de Robert l'Hermite vers le Roy de France, son maître, après son voyage d'Angleterre.

De la Deliurance du Seigneur de la Riuiere & messire Iehan le Mercier: & comment ils furent mis hors de prison.

CHAP. LXVI.

Vous auez bien ouy cy-dessus recorder comment le Sire de la Riuiere & messire Iehan le Mercier furent demenez & promenez de chastel en chastel, & de prison en autre, & en la fin rendus au Preuost du Chastelet de Paris: & furent sur le point de perdre le corps & vie: & tout par haine & enuie, que les Ducs de Berry & de Bourgogne auoient & leurs Consaux sur eux: & furent en ce danger plus † de deux ans: & à peine les pouuoit aider le Roy de France: & la plus grande aide qu'on leur faisoit, le Roy ne vouloit point qu'ils fussent traittez à mort: & aussi les Ducs de Berry & de Bourgogne, & leurs Consaux, veoient bien que le Duc d'Orleans leur aidait, tant qu'il pouuoit. La Duchesse de Berry estoit bonne moyenne pour eux: & prioit fort son Seigneur pour eux, & par especial, pour le Sire de la Riuiere: mais on ne vouloit, ne pouuoit point. condamner l'un sans l'autre: car ils estoient tenus & accusez pour vne mesme cause. La priere des bonnes personnes, avec le grand droit qu'ils auoient, les aida grandement: & fut regardé parmi ce que plusieurs haux Barons du Royaume de France en eurent pitié, & que trop de penitences auoient eu & souffert en prison, qu'on leur feroit grace & allegeance: car, par especial: Sire Iehan le Mercier auoit tant ploré en prison, qu'il estoit si debilité de sa veuē, qu'à peine veoit il, & couroit commune renommee parmi le Royaume de France, & ailleurs, qu'il estoit aucugle. Si eurent sentence pour eux, telle, que ie la vous diray. Le Roy de France, qui (pour quelque cause qu'on luy donnoit à entendre, les tenoit en prison) leur faisoit grace: car il mettoit en souffrance leur meffait, tāt que plus auāt, & mieux il en seroit informé: & estoient rendues au seigneur de la Riuiere toutes ses terres & chasteaux, & premierement le bel chastel † d'Aniou) qui seoit en Chartrois, sur les morches de Beaulle) mais, luy reuenu en Aniou, il ne deuoit iamais repasser la riuiere de Seine: s'il n'estoit rappelé de la bouche du Roy. Et messire Iehan le Mercier retournoit au pont de Nonnon, en sa belle maison, en Laōnois: & luy reuenu là, il ne deuoit iamais repasser les riuieres d'Oyse, de Marne, ne de Seine: s'il n'estoit aussi rappelé de la bouche du Roy: & s'obligerent à aller en prison fermee, là où on leur diroit: & requis en seroient suffisamment de par le Roy, ou ses Commissaires. Les deux Seigneurs, dessus-nommez tindrent celle grace à bonne & belle, & quand ils sceurent qu'ils seroient deliurez du Chastelet, si furent tous ioyeux. Si furent mis hors, & cuidèrent, à leur issue, aller parler au Roy, & le remercier de la grace, qui faite leur estoit: mais ils ne peurent, & les conuint tantost vider, & partir de Paris, & aller es lieux & terres, qui ordonnez leur estoient. Ainsi eurent ils leur deliurance: dont ceux, qui les aimoient, en furent moult réiouys.

† Ils furent faits prisonniers des l'an 1392. incontinent apres la maladie du Roy & il semble qu'il vneille attribuer ceste deliurance à l'an 1395.

† Sala dit icy Danniaux en Beaulle, & Nouuio, pour Nonnon puis apres,

Deliurance du Seigneur de la Riuiere & de Messire Iehan le Mercier.

De la

De la paix & accord d'entre le Duc de Bretagne & messire Oliuier de Clifson, & comment la Roynie de Sicile, la veufue tenoit en proces messire Pierre de Craon à Paris.

CHAPITRE LXVII.

Bien sauez commēt le duc de Bretagne & messire Oliuier de Clifson se guerroyerent long tēps & tellement que quand ils se trouuoient sur les champs, ils se combattoient à outrance, & ne prenoient nulli à merci: & tant qu'à parler de ceste guerre, messire Oliuier de Clifson & sa partie se porterent si vaillamment, que de trois il en auoit les deux: car les seigneurs de Bretagne dissimuloient: & les citez & bonnes villes auoient bien dit au duc, que viure & marchander les conuenoit (quelque guerre qu'il eust au seigneur de Clifson) & que ceste guerre en rien ne leur touchoit: si ne s'en vouloient point mesler: & le Sire de Clifson si les tenoit bien pour excusez entre ses haines & maltalens, pour cause de moyen & mettre accord & bōne paix, traitoient le Vicomte de Rohan, le sire de Leō & le Sire de Dignan en Bretagne, & tant menerent les traittez, que le duc de Bretagne promit à ces trois Seigneurs (mais qu'il veist messire Oliuier en sa presence) qu'il en feroit tout ce, qu'ordonner ils en voudroient: & sur cest eitar les trois Barons vindrent vn iour en l'vne des fortereffes au Seigneur de Clifson: & luy remonstrēt en parlāt à luy comme par bon moyen, ils estoient là venus, & auoient amenē le duc de Bretagne à ce qu'il donnoit & accordoit à messire Oliuier de Clifson, & à sa compagnie, sauf aller, venir & retourner: & pensoiēt & supposoient bien, que luy venu en sa presence, les maltalens seroient pardonnez. Adonc respondit messire Oliuier de Clifson, & dit, Vous estes tous mes amis & cousins: & me confie bien en vous, & croy que le duc vous a dit, ce, que vous me dites: & me verroit volōtiers en sa presence. Se m'aist Dieu & S. Yues, Messieig. sur ceste parole & pmesse ie ne me mettray ia hors de ma maison, n'au chemin: mais vo⁹ luy direz (puis que ci vous a enuoyez) qu'il m'enuoye son aîné fils, & il sera & demourra pleige pour moy, & quand il sera ceans, volontiers iray parler à luy, là ou il sera: & tout telle fin, que ie feray son fils fera. Si ie retourne, il retournera. Si ie demeure, il demourra. Ainsi se feront les parties. Quand les trois barons de Bretagne, dessus nommez, veirent qu'ils n'en auroient autre chose, si prirent congé de luy moult doucement & se contenterent, de ceste responce & retournerent arriere à Vennes, ou le duc les attendoit: & eux venuz deuers luy, recorderent tout ce qu'ils auoient trouué, & n'en peut auoir le duc de Bretagne autre chose: & se porta si biē ledit messire Oliuier de Clifson, en ceste guerre, que le duc ne conquist riens sur luy, mais il conquist sur le duc: & prit par deux fois toute sa vaisselle d'or & d'argent, & grand' foison d'autres beaux ioyaux: lesquels il tourna tout à son profit. La conclusion de ceste guerre & haine d'entre le duc de Bretagne & le Sire de Clifson fut telle, que ie vous diray. Le duc de Bretagne (comme grand Seigneur qu'il fust) vit bien que nullement il ne pourroit venir à ses intentions, du Sire de Clifson, & qu'il auoit trop d'amis en Bretagne: car reseruē la hauteffe de la duchē de Bretagne, to⁹ les Bretons, Cheualiers & Escuyers, Prelats, & hommes des citez & bonnes villes, s'enclinoient plus au sire de Clifson: & les haults Barons dissimuloient: & auoient bien respondu au duc que de ceste guerre ne se mesleroiēt ia, fors par maniere de mettre paix & accord se trouuer moyen y pouuoient, ou sauoient: & aussi le Duc d'Orleans, par especial, confortoit couuertement, en plusieurs manieres messire Oliuier de Clifson: & estoit tout resiouy quand de ses emprises, ou cheuauchees, il oioit recorder bonnes nouvelles. Le duc de Bretagne (qui estoit assez subtil & imaginatif, & qui moult auoit eu d'affaire, de peine & de trauail, en son temps) consideroit toutes choses, & que de ses gens il n'estoit gueres aimé (se monstrier luy osassent, reseruē l'hommage qu'ils luy deuoient) comme estoient aimez les enfans de messire Charles de Bretagne (qu'on dit de Blois: qui fut occis dedans la bataille d'Auroy) Jehan de Bretagne Comte de Pontieure & de Limoges (qui auoit à femme la fille messire Oliuier de Clifson) & messire Henri de Bretagne, son frere & leur seur la Roïne de Naples & de Hierusalem. Puis il sentoit qu'il deuenoit vieux: & veoit ses enfans ieunes, & à venir: & reseruē l'amour du duc de Bourgogne & de la duchesse sa femme, il n'auoit nul ami en France, & n'y en pouuoient auoir ses enfans: car de par leur mere ils venoient & issioient des membres & branches de Nauarre. Laquelle generation n'estoit pas trop aimee en France, pour les grās meschefs que le Roy Charles de Nauarre, pere de la duchesse de Bretagne, auoit fait & esleué, du tēps passé, en Frāce dōt les souuenāces encor en duroient. Si donc il deffailloit en celuy estat, & en haine mortelle avec messire Oliuier de Clifson, & le Côte de Ponthieure, il se

Trois des principaux Seigneurs de Bretagne vers messire Oliuier de Clifson pour le cuidoier mener vers le Duc, à fin d'y conclurre paix & quelle responce ils remporterent de luy.

† Iōne luy ay point encor ouy parler de cestuy cy: & me semble que pour lors ce Comte de Pontieure n'auoit plus de frere.

doutoit trop fort (quand il se reueilloit en ses pensées) que les enfans (qui estoient ieunes) n'eussent trop de grans ennemis. Auecques tout ce, il veoit que les amours & alliances d'Angleterre (qui en l'heritage de Bretagne, & en tout son honneur l'auoient mis) s'elongnoient trop fort, & estoient taillez d'elongner: car encorés, selō ce qu'il estoit loialement informé il veoit que les alliances s'approchoient trop fort entre les Rois de France & d'Angleterre: car traittez se portoient & auançoient, tellement que le Roy d'Angleterre vouloit auoir à femme la fille du Roy de France, & celle proprement qui luy estoit obligee & enconuenancee pour son aîné fils. Toutes ces doutes mettoit le duc de Bretagne deuant & par especial de la dernière il auoit plus à penser, que de nulle des autres: car c'estoit pour luy la plus doutable. Si fabisa & imagina en soy-mesme, toutes ces choses considerees à grand loisir, qu'il briserait son cuer, sans nulle dissimulation: & feroit paix ferme & entiere, à messire Oliuier de Clifson & à Iehan de Bretagne, & se mettroit en leur pure volōté d'amēder courroux, forfaits ou autres dōmages, q̄ luy & ses gēs leur auroient faits ceste guerre durant, & autres que du temps passé ils auoient eu ensemble, reserue ce qu'il demourroit duc & heritier de Bretagne, & ses enfans apres luy; sur la forme des articles de paix, qui ia auoit esté faite & scelee, par l'accord de toutes parties, entre luy & les enfans messire Charles de Blois. Laquelle charte de paix, il ne vouloit violer, ne briser, n'aller cōtre nul des articles: mais tenir & accōplir à son pouuoir, & derechef iurer & sceller fermemēt & loyaumēt tenir tout ce, qu'il disoit & promettoit à faire & porter outre. Et se l'heritage de Bretagne à Iehan de Blois, Côte de Ponthieure, son cousin, n'estoit biē parti à son gré & suffisance, de ce, qu'à dire y auoit, il s'en vouldroit mettre à la pure ordonnance, sans nulle exception ne dissimulation, du Viconte de Rohan, des Seigneurs de Dignan, de Leon, de Laual, de Beaumōt & de messire Iehā de Harpedane. Quand le Duc de Bretagne eut auisé en soy-mesme tout ce propos, sans appeler hōme de son Cōseil, il fit venir auāt vn clerc, & eux enfermez en vne chābre tant seulement, prit le Duc vne feuille de papier, de la grand forme: & dit au clerc, Escript moy ce que ie te nōmeray. Le clerc s'ordonna à escrire: & puis le Duc luy nōma, mot à mot, tout ainsi qu'il vouloit qu'il escriuist, si fut celle lettre escrete & ditee si doucemēt & amiablement cōme il sceūt & peut, & sur forme & maniere de paix, & prioit moult doucemēt à messire Oliuier de Clifson, qu'il se meist en maniere qu'ils peussent auoir secret parlemēt ensemble, & les choses descendroient en tout bien. Quand la lettre fut faite & deuisee cōme dessus, sans nul appeler fors luy & le clerc, il la sceilla de son seel, & prit le plus secret prochain varlet de sa chāmbre qu'il eust: & luy dit, Va t'en au chāstel Iosselin: & dy hardimēt que ie t'enuoye parler à mon cousin, messire Oliuier de Clifson. On te fera parler à luy. Si le me salue, & luy baille ces lettres de par moy, & rapporte la responce & garde bien sur ta vie, qu'à nul homme ne femme, tu ne dis ou tu vas, ne qui t'y enuoye. Le varlet respondit, Monseigneur volontiers. Il se mit au chemin & tant exploita, qu'il vint au Chāstel Iosselin. Les gardes du chāstel eurent grand merueille, quād ils luy ouirent dire que le Duc de Bretagne, l'enuoyoit parler au seigneur de Clifson, neantmoins ils compterent ces nouuelles à leur seigneur lequel fait tātost venir parler à luy le varlet, qui les lettres auoit apportees: & le fit venir detiār luy, & illec fit bien son message. Adonc messire Oliuier prit les lettres, que luy enuoyoit le Duc de Bretagne, scelees de son seel secret, leq̄l il cōgnoissoit moult biē. Si les ouurit & list par deux ou trois fois, pour mieux les entēdre, & en lisant il s'esmerueilloit des douces paroles traitables & amiables, qui es lettres estoient cōtēties & escribes. Si pēsa sus moult lōguemēt: & dit qu'il auroit auis de rescrire, & fit le varlet, qui les auoit apportees, mener & mettre en vne chābre, tout par luy. De toutes ces choses, faites et auēues, auoient les gens grād merueille, et biē la deuoient auoir, car au deuant il n'eust deporté homme, varlet n'autre de par le duc: qui tātost n'eust esté mort, ou mis en prison douloureuse. Quand messire Oliuier de Clifson fut entré en sa chābre, il cōmença moult fort à pēser sur ces nouuelles: et rompit tous ses maltalens (pource que le Duc s'humilioit tant enuers luy, et que si doucemēt luy rescriuoit) & dit à soy-mesme qu'il le vouldroit éprouuer: car sur ceste lettre, ne paroles qui dedans fussent escribes, il ne feroit asseurer, & se mal luy en prenoit, il ne feroit de nully plaint. Il dit qu'il rescriroit à luy: & là où il vouldroit enuoyer son fils, qui en ostage fust pour luy, il iroit parler à luy là où il vouldroit & non autrement. Adonc escriuit messire Oliuier de Clifson vnes lettres moult douces & traitables au duc: mais la conclusion estoit telle, q̄ s'il vouloit qu'il allast parler à luy, il enuoyast son fils en pleige & en ostage, & qu'il se-

Amiable lettre & message du duc de Bretagne au Conestable de Clifson, pour s'apporter avec luy.

Responce du Conestable Clifson aux lettres du duc de Bretagne.

qu'il feroit gardé, iufqu'à son retour. Ceste lettre fut efcrite, feellée, & baillée au varlet du Duc: lequel se meit au retour: & vint à Vennes: là ou le Duc l'attendoit. Il luy bailla les lettres de messire Oliuier de Clifson. Le Duc les prit, les ouurit, & puis les lifit: & quand il vit le contenu, il pensa vn peu: & puis dit, Je le feray. Au cas que ie traitte amoureusement à luy, toute conionction d'amour y doit estre. Et tantost il rescruitt deuers le Vicomte de Rohan: qui se tenoit au Caire, vn chastel en la marche de Vennes. Quand le Vicomte vit les lettres au Duc, tantost il vint à Vennes. Luy venu, le Duc luy monstra toute son intention, & luy dit, Vicomte, vous & le Sire de Môtbourfier menerez mon fils au chastel-Ioffelin, & le laisserez là: & m'amenez messire Oliuier de Clifson, car ie me vueil accorder avec luy. Le Vicomte respondit: & dit que tout ce il feroit volontiers. Depuis ne demoura gueres de iours que le Vicomte, & le Sire de Montbourfier, & messire Yues de Tregre, menerent l'enfant (qui pouoit auoir enuiron sept ans) au Chastel-Ioffelin, à messire Oliuier de Clifson: qui les recueillit & honnora moult grandement. Quand il vit l'enfant & la bonne affection du Duc, il s'humilia grandement: avecques ce que les trois Cheualiers, luy dirent, Sire, vous voyez la bonne volonté du Duc. Il n'a riens de parolle, que le cœur & la bonne affection n'y soit. Je le voy bien (respondit messire Oliuier) & pourtant que l'apperceoy la bonne volonté de luy, ie me mettray si auant, que tenu seray, en son obéissance: & à vous (qui estes assez de luy prochains, & esquels il a grand fiance: quand il vous a baillé son heritier pour moy amener, & ici laisser en ostage, tant que ie soie retour né) ie ne say fil vous a dit ce, dont il m'a efcrit, & seelé de son seel. Adonques responderent les Cheualiers, & tous d'une voix, Sire, il nous a bien dit qu'il a tresgrand desir de venir à paix & accord par-deuers vous: & de ce nous pouuez vous bien croire, car nous sommes de vostre sang. Je vous en croy bien, respondit messire Oliuier de Clifson. Et adonc alla querir les lettres, que le Duc luy auoit enuoyees, & les lifit. Quand ils les eurent ouies, ils responderent: & dirent, Certes tout ainsi, comme ceste lettre contient, il nous a dit: & sur celuy estat nous a il mandez, & ici enuoiez. Or tant vaut mieux, respondit messire Oliuier de Clifson. Depuis la venue des trois Cheualiers (qui l'heritier du Duc de Bretagne auoient amené) messire Oliuier de Clifson fordonna: & se meit en bon arroy. Puis se departit du chastel-Ioffelin, avecques les trois Cheualiers: & remeit l'enfant en leur compaignie: & dit qu'il le remeneroit à son pere, le Duc de Bretagne, car bien se fioit do renauant au Duc, & en ses parolles: quand il l'auoit éprouué si auant. Dont ce fut grande humilité: & deuoient leurs cœurs estre concordans, & tous d'une vnité. Or tant cheualcherent tous ensemble: qu'ils vindrent à Vennes, & auoit le Duc ordonné, que messire Oliuier de Clifson descendroit en vne Eglise des Freres Prescheurs (laquelle sied au dehors de Vennes) & là viendroit le Duc parler à luy. Ainsi, comme il fut ordonné, il fut fait: & quand le Duc veit que messire Oliuier de Clifson auoit ramené son fils en sa compaignie, il le tint à tresgrande courtoisie, & s'en contenta grandement. Puis vint, de son chastel de la Motte, parler à messire Oliuier de Clifson, en la maison de ces Freres: & s'enfermerent ensemble: & là s'entracointerent de parolles, & puis issirent dehors, par les iardins derriere: & vindrent sur vn riuage, qui respondoit à vn courât, qui entroit en la mer. Le Duc vint sur le riuage, messire Oliuier de Clifson en sa compaignie: & entra en vn batel: & fut messire Oliuier entré avecques luy, & de là ils se meirent en vne plus grosse nef qui gisoit à lancre, à l'encontre de l'emboucheure de la mer) & quand ils furent éloignez de toutes gens, ils parlerent moult longuement ensemble. Toutes leurs deuises & parolles ie ne puis sauoir: mais l'ordonnance fut telle, que ie vous compteray: & cuidoiét leurs gens, qu'ils fussent encores en l'Eglise, parlans ensemble, mais nonobstant ils n'y estoiet pas. Ainsi parlerenterent en la mer: & ordonnerent & composerent leurs besongnes, de parolles, ainsi qu'ils vouloient qu'elles fussent & demourassent, & furét en celuy estat (ainsi qu'il me fut dit) & bien & largemēt, l'espace de plus de deux heures, & là feirēt ils tresbonne paix, & la iurerent de foy & de creance, l'un à l'autre, sans dissimulatiō, & quād ils voulurent issir, ils appelerent le batelier, qui les auoit là amenez: lequel les alla querir, & les ramena ou il les auoit pris, & rentrerent tous deux par l'eglise derriere, & par dedās les iardins, au cloistre des Freres, & assez tost apres ils se departirent de là, & amena le Duc de Bretagne messire Oliuier de Clifson, tenant par la main, amont, au chhstel de Vennes: qu'on dit la Motte. De ceste accointance, paix & aliance, furent réiouis tous ceux, qui si amiablement les veirent ensemble, & aussi furent ceux de Bretagne, quand les nouuelles en furent sceuës & espondues parmy le pays, & furent moult emerueillez

Le Duc de Bretagne enuoye son fils en ostage à messire Oliuier de Clifson pendant qu'il iroit traiter de paix avec ice-luy Duc.

Messire Oliuier de Clifson à Ven nes vers le Duc de Bretagne, luy remenant son fils sans le retenir pour ostage.

† Paix entre le duc de Bretagne & Oliuier de Clifson, tous iours en l'an 1395. comme semble vouloir nostre Auteur, combien que ie n'e puisse vraie ment asseuer.

† Ces trois mots
suivans sont
ajoutez selon
Sala.

de ce qu'ils l'auoient faite par la maniere que dit vous ay. A celle paix & ordonnance ne perdit riens Iehan de Blois, Comte de Ponthièvre: mais y gagna, & augmenta ses reuenues, en Bretaigne, de vingt mille couronnes d'or de France, par an, bien assignées, prises, & mises, au los & entente de son cōseil, à durer perpetuellemēt à luy, & à ses hoirs, & fut adonc fait & ordōné le mariage † d'un sien fils a la fille du Duc de Bretaigne, pour mieux confermer & tenir en amour toutes les aliances: & qui plus auoit mis à la guerre, plus y auoit perdu. De ceste paix furent grans nouuelles en France & Angleterre. Vous auez cy-dessus oui recorder comment messire Pierre de Craon cheut en la haine & indignation du Roy de France & du Duc d'Orleans, pour la cause du Connestable de France, messire Oliuier de Clifson, qu'il auoit voulu occire & meurdrir de nuit, en retournāt de Saint-Pol en son hostel: & comment le Duc de Bretaigne si auoit soustenu, en ses forteresses, messire Pierre de Craon: pour lesquelles soustenances le Roy de France s'estoit entremis, & eust fait guerre au Duc de Bretaigne: si la maladie, qui soudainement le prit sur les champs, entre le Mans & Angers, ne luy fust venue: & par ceste incidēce merueilleuse, l'armée du Roy & l'assemblée se desit, & rompit: & s'en retourna chacun en son lieu. Aussi auez vous oui comment le Duc de Berri & le Duc de Bourgongne allerent au deuant de ceste besongne, & accueillerent en grand haine (telle qu'ils demonstrerent) ceux, qui auoient conseillé le Roy de France à aller en Bretaigne: tels que messire Oliuier de Clifson, le Seigneur de la Riuere, messire Iehan le Mercier, Montagu, & autres, qui depuis en eurent long temps grande penitence. Si eurent en gouuernement le Royaume de France, tant que le Roy fut en la maladie, souverainemēt ses deux oncles, les ducs de Berri, & de Bourgongne. Encor auez vous oui comment messire Oliuier de Clifson & le Duc de Bretaigne se guerroyerent de guerre mortelle, & crueuse, & aussi comment ils feirent paix, & la deliurance de messire Iehan de la Riuere, & messire Iehā le Mercier, & de Montagu: lequel n'eut pas tant de peine, à beaucoup pres comme les autres, car si tost cōme le Roy fut retourné en santé, il voulut auoir delez luy Mōtagu: & l'aida à excuser de moult de choses. Vous deuez sauoir que la maladie du Roy de France, & les autres maladies (car il en eut plusieurs, qui luy suruindrent: ou il rêcheut: dont on en estoit tout emerveillé & troublé au Royaume de France) abbatirent grandement la puissance du Roy, & ses volonteiz à faire: & en furent pres perdus, & menez iusques à mort: les dessus-dits. En ces vacations, & tribulations, messire Pierre de Craon de toutes ces mechainces & peines, que le Roy & ses Consaux auoient, n'estoit mie courroucé, mais réiouy, & procuroit trop fort, & faisoit traicter & prier, qu'il peust retourner à la grace & amour du Roy & de l'hostel de France: & estoient ses procureurs & traiteurs le Duc de Bourgongne & messire Guy de la Trimouille: & trop legerement fust venu à toute paix & accord, se n'eust esté le Duc d'Orleans: qui à la fois empeschoit tous ses traittez: & tant que la haine eust duré entre le Duc de Bretaigne & messire Oliuier de Clifson, il ne fust venu à nul le paix, n'accord, mais, quand la chose veritablemēt fut sceue de la paix & accord du duc de Bretaigne & du Seigneur de Clifson, la querelle de messire Pierre de Craon si en fut grandement adoucie. En ce temps l'auoit en plaid en Parlement acueilli, pour la somme de cent mille francs, la Roynie Iehanne de Naples & de Hierusalem, & Duchesse d'Aniou & se tenoit ladite Dame toute quoye à Paris, pour mieux entendre à ses besongnes. Messire Pierre de Craon (qui se veoit en ce danger, & ainsi traicter en Parlement) ne sauoit, ne sauoir pouuoit, comment les besongnes se porteroiēt pour luy, ou contre luy, & auoit à faire à forte partie: & prouuoit bien la dame sur qui il auoit eu & receu, viuant le Roy Louis son mari, Roy de Naples & de Hierusalem. Toutes ces choses imaginant & considerant, n'estoit pas bien aise, car encores se sentoit il en la mal-vueillāce & haine du Roy de France, & du Duc d'Orleans, mais le Duc & la Duchesse de Bourgongne le confortoient, aidoient, & conseilloyent, tant qu'ils pouuoient. Il auoit grace d'estre à Paris; mais c'estoit couuertement, & se tenoit le plus en l'hostel d'Artois, delez la Duchesse de Bourgongne.

Proces entre la
veufue Roynie
de Sicile &
messire Pierre
de Craon, au
Parlement de
Paris.

Comment le Roy de Hongrie escriuit au Roy de France l'estat de l'Amorabaquin, & comment Iehan de Bourgongne, fils aîné du Duc de Bourgongne, fut Chef de toute l'armée, qui y alla au secours des Hongres.

CHAP. LXVII.

† Les Allemas
le nomment Sigismont, par-
auant

EN ce temps escriuit le Roy de Hongrie, † nommé Henri, lettres (qui estoient moult edouces & amiables) au Roy de France, & les enuoia en France si notablement, que par vn Euesque de Hongrie, & deux de ses Cheualiers, & estoit en ces lettres contenue

vne grande partie de l'estat & affaire de l'Amorabaquin: & comment iceluy se vantoit (ainfi comme il auoit mandé au Roy de Hongrie) qu'il le viendrait combattre iusques au milieu de son pais: & cheuauchoit si auant, qu'il viendrait à Romme: & feroit son cheual manger de l'auoine sur l'autel de Saint-Pierre de Romme, & là tiendrait son siège Imperial: & ameneroit l'Empereur de Constantinople en sa compagnie, & tous les grans Barons du Royaume de Grèce: & tiendrait chacun en sa loy: n'en voulant auoir que le tiltre & la Seigneurie. Si prioit le Roy de Hongrie, par ses lettres, au Roy de France, qu'il voulsist entendre à ce, & luy encliner, que ces hautes besongnes de marches loingtaines fussent signifiées notablement par luy, au Royaume de France, à fin que tous cheualiers & Escuiers se voulsissent émouuoir sur l'esté, à eux pourueoir, & aller en Hongrie pour résister contre le Roy Basant, dit l'Amorabaquin: à fin que la Sainte Chrestienté ne fust foulée, ne violée par luy, & que ses vantances luy fussent ostées & reboutées. Autres plusieurs parolles, & ordonnances de grande amour (ainfi que Rois & cousins escriuent l'un à l'autre, en cas de necessité & d'amour) estoient escrites & contenues es lettres & aussi ceux, qui les apportèrent (lesquels estoient suffisans hommes, & bien en langagez) s'en acquiterent moult bien: & tant, que le Roy Charles de France s'y enclina de tout son cœur: & en valurent grandement mieux les traittez du mariage de sa fille au Roy Richard d'Angleterre: & s'en approcherent plus tost, que si ces nouuelles ne fussent point venues ne rapportées de Hongrie en la Court, car comme Roy de France & Chef de tous les Rois Chrestiens de ce monde, il y vouloit adrecer & pourueoir. Si furent ces lettres tantost & ces nouuelles de Hongrie publiées, certifiées, & signifiées en plusieurs lieux, & escrites en plusieurs pais, pour émouuoir les cœurs des Gentils-hômes, Cheualiers & Escuiers, qui desiroient à voïager & auantager leurs corps. Quand ces nouuelles furent venues au Roy, pour ces iours le Duc de Bourgogne, la Duchesse de Bourgogne, & Iehan de Bourgogne, leur aîné fils, Comte de Nevers (qui point n'estoit encores Cheualier) estoit à Paris, & messire Guy de la Trimouille, & messire Guillaume son frere, messire Iehan de Vienne, Admiral de France, & plusieurs barons & cheualiers du Royaume de France. Si fut auisé & considéré, à l'hostel du Duc de Bourgogne (car par especial à ce s'enclinoit le Duc de Bourgogne grandement) que Iehan de Bourgogne, son fils, entreprist le voyage, & se fist Chef de tous les François, & des natiōs nommées es loingtaines marches. Ce Iehan de Bourgogne estoit pour lors ieune fils, en l'age de vingt-deux ans, assez sage, courtois, traittable, humble, debonnaire, & moult aimé de tous Cheualiers, & Escuiers de Bourgogne, & d'autres nations, qui auoient la cognoissance de luy: & auoit pour femme espousée, en ces iours, la fille au Duc Aubert de Bauïere, Côte de Hainaut, de Hollande, & de Zellande, vne bonne Dame, sage & deuote: & auoient ià deux enfans: par lesquels on esperoit au temps auenir grans mariages. On donna à entendre, à Iehan de Bourgogne, sur l'ordonnance de ce voyage, & que le Roy de France l'y vouloit enuoier, à la priere & contemplation de son cousin le Roy de Hongrie, pour sauoir quel semblant il en feroit. Il parla adonc, & dit. S'il plaïsoit à mes deux Seigneurs, à Monseigneur le Roy, & à Monseigneur mon pere, ie me feroie volontiers chef de ceste armee & assemblée: & si me viendrait bien à point, car j'ay grand desir de moy auancer. Adonc luy fut respondu, Sire, parlez en premier à vostre pere, pour sauoir s'il voudroit qu'allissiez en ce voyage, & s'il en parleroit au Roy, car sans luy & son ordonnance ne pouuez vous riens faire. Sur cest auis & information ne demoura gueres de iours que Iehan de Bourgogne parla au Duc son pere, en luy priant humblement qu'il voulsist consentir & accorder qu'il peust aller en ce voyage de Hongrie, car il en auoit tresbonne volonté. A ceste priere faire au pere, du fils, estoit delez luy messire Guy & messire Guillaume de la Trimouille, & autres Cheualiers: qui se bouterēt es parolles: & dirēt au Duc, Monseigneur ceste priere, que Iehan de Bourgogne vous fait, est raisonnable, car il est temps qu'il pregne l'ordonnance de Cheualier: & plus honnorablement il ne la peut prendre, n'auoir, que sur les ennemis de Dieu & de nostre creance, & au cas que le Roy de France y vueil le enuoier, & n'y peut enuoier plus honnorable chef, que son cousin germain, vostre fils, & vous verrez & trouuerez que moult de Cheualiers, pour leur auancement, se mettrōt & iront en ce voyage, & en sa compagnie. Aces parolles respondit le Duc: & dit. Vous auez raison de ce dire: & la bonne volonté de nostre fils nous ne luy voulons oster, ne briser, mais nous en parlerons au Roy, & verrons qu'il en respondra. Ils se teurent atant. Depuis ne demoura gueres que le Duc de Bourgogne en parla au Roy: & le Roy incon-

Marquis de Brandebourg, qui fut celui, qui raut l'heritiere de Hongrie, ià fiace à Monseigneur Louis de France, frere du Roy Charles sixieme: que nous trouuons maintenant par tout en ceste Hist. Duc d'Orléans. Sur quoy notés encores, que ie commenceroye, volontiers icy, l'an 1396. à ma mode.

Iehan de Bourgongne fait chef de l'armee que le Roy Charles, sixiesme, en uoy. en Hongrie

tinent s'y enclina:& dit que ce seroit bien fait, s'il y alloit-& nous voulons qu'il y voise:& accordons,& le faisons Chef de ceste besongne. Adonc s'espandirent les nouvelles par mi Paris,& dehors, que Iehan de Bourgongne, à tout grande charge de Cheualiers, iroit en Hongrie:& passeroit outre:& iroit veoir la puissance de l'Amorabaquin : & ce voyage acheué, les Chrestiens iroient à Constantinople:& passeroient au Bras-Saint-George & entreroient en Surie:& acquiteroient la Sainte-terre:& deliureroient Hierusalem,& le Saint-Sepulcre, des Payens,& de la lugeion du Soudan,& des ennemis de Dieu. Dôt se recueillirent Cheualiers & Escuyers & autres Gentils-hômes, qui desiroient eux auancer, parmi le Royaume de France. Le Duc de Bourgongne, quand il sentit que Iehā son fils iroit en ce voyage,& en seroit Chef, honnora encores plus les dessusdits Ambassadeurs, que par deuant:lesquels, quand ils veirent la bonne volonté du Roy de France & des François, s'en contenterent grandement:& prirent cōgé du Roy & des Seigneurs de France, des ducs d'Orleans, de Berri, de messire Philippe d'Artois, Comte d'Eu & Cōnestable de France, du Comte de la Marche,& de tous les Seigneurs : & puis se meirent au retour deuers leurs païs:& rapporterent ces nouvelles en Hongie, & au Roy: qui en fut tout réiouy:& fit sur, celle entente & venue des François, ordonner grandes pourueâces & grosses,& enuoia ses messagers & Ambassadeurs deuers son frere, le Roy d'Allemagne, pour ouurir son passage,& aussi deuers son cousin le Duc d'Austriche(car parmi son pays,& les destroits d'Austriche, conuenoit qu'ils passassent)& fit par tout sur les chemins ordonner & administrer viures & pourueances, pour les Seigneurs de France, & escriuit toutes ces nouvelles & certifiâces au grand Maistre de Puce & aux Seig. de Rodes, à fin qu'ils eussent auis & se pourueussent cōtre la venue de Iehā de Bourgogne, qui sur cest † esté viendroit en Hongrie, accōpagné de mille Cheualiers & Escuyers, tous vaillās hommes, pour entrer en Turquie & pour résister aux menaces & parolles du Roy Basant dit l'Amorabaquin. En ce temps, que ces nouvelles estoient mises hors pour aller

† Qui seroit de 1396.

† Ce voyage du Sire de Coucy, vers Gènes, ici briuement raconté par occasion, comme ce au mois de Septembre en l'an 1394, selon les Croniq. de Milan, & de Gènes.

audit voyage dont ie vous ay parlé, estoit le Sire de Coucy nouvellemēt retourné à Paris d'un voyage, † ou il auoit esté pres d'un an, & fut sur les frontieres & marches de la riuier de Gènes, car aucuns grans Maistres Gèneuois auoient informé le Duc d'Orleās, que la terre & toute la Duché de Gènes desiroient auoir vn chef, à Seigneur, venu & issu des Fleurs de lys, & pourtant que le duc d'Orleās auoit à femme espoulée la fille au Seigneur de Millan, ceste terre & Seigneurie de Gènes luy seroit tresbien. En celle instâce le Sire de Coucy, à tout trois cens Lances, & cinq cens Arbalestiers, auoit passé outre en Sauoie & en Piémont, par l'accord & consentement du Comte de Sauoye & des Sauois, & luy venu en Ast & en Piémont, par le consentement du Seigneur de Milan descédit plus aual, deffous vne cité, qui s'appelle Alexandrie, & vint sur les frontieres des Gèneuois, pour traiter à eux, & sauoir plus plainement leur intention. Car de force (s'il n'auoit pl^r grand puissance, accord, & aliance, aumoins des Gèneuois) il n'y pouuoit riens faire.

Quand le Sire de Coucy, vint premieremēt sur les frōtieres de la riuier de Gènes(ou les entrees du pays sont tant fortes à conquerir, se ceux du pays les cloent & mettent en defense) aucuns Seigneurs Gèneuois(par laquelle faueur & ordonnance il estoit là venu, & auoient informé le Duc d'Orleans, & son conseil) luy feirent bonne chere, & le recueillirent doucement & amiablement, & le meirent en leur païs, & luy offrirent leurs chasteaux. Le Sire de Coucy(qui estoit sage & subtil, & cheualier moult imaginatif, & qui cognoissoit assez la nature des Lombars & des Gèneuois) ne se voulut pas trop auant cōfier en leurs offres & promesses, & toutesfois il les tint sagement en amour, tant qu'il fut & conuersa avecques eux, & trop bien les sauoit mener par parolles & traittez, & eut plusieurs parlemens sur les champs(non pas en maison, n'en forteresse) à ceux de la cité de Gènes, & plus parlemantoit à eux, & moins y conqueroit. Bien luy faisoient les Gèneuois tout signe d'amour:& luy promettoient moult de choses, & vouloient qu'il faualast en la cité de Gènes, ou à † Porte-vendre, mais le Sire de Coucy ne s'y osa oncques asseuerer. La conclusion de son voyage fut telle, que riens il n'exploita, & quand il vit que riens ne faisoit(quoy que moult songneusemēt il rescriuoit & signifioit son estat au Duc d'Orleans) il fut remandé, & retourna à Paris, & y vint, sur le point que ces emprises, & nouvelles d'allet en Hongrie, estoient moult grandes. Si fut le Duc de Bourgongne moult réiouy de son retour, & le manderent en l'hostel d'Artois le Duc & la Duchesse, en signe de grande amour, & dirent, Sire de Coucy, nous nous confions grandement en vous, & à vostre sens. Nous faisons Iehan, nostre fils & héritier, entreprendre vn voyage. En l'honneur

† Porto-Venere est le propre, c'est adire le Port de Venus.

neur de Dieu & de toute Chrestienté puisse il estre. Nous sauons bien, que sur tous les Cheualiers de France, vous estes le plus vſité & coustumier en toutes choses. Si vous prions chèrement, & feablement, qu'en ce voyage vous vueillez estre compaignon & conseilleur de nostre fils: & nous vous en saurons gré, à deſſeruir à vous & aux vostres. A celle parolle & requeste respōdit le Sire de Couci: & dit, Monseig. & vo^r Madame, vostre parole & requeste me doiuent estre commandement. En ce voyage i'iray (ſil plaist à Dieu) doublement. Premièrement par deuotion, pour deſſendre la foy de Iesuchrist. Se condement (puis que tant d'honneur vous me faites, & vous me voulez charger que i'en tende à Iehan Monseigneur vostre fils) ie m'en tien pour tout chargé: & m'en acquiteray en toutes choses, à mon loyal pouuoir. Mais cher Sire, & vous matreschere Dame, de ce faix me pourrez bien excuser, & deporter, & en charger eſpecialement son cousin, & son prochain, messire Philippe d'Artois, Comte d'Eu & Conneſtable de France, & son autre cousin, le Comte de la Marche, car ils vous ſont moult prochains de ſang & d'armes: & tous deux en ce voyage ils doiuent aller. Adonc respondiſt le Duc de Bourgongne: & dit, Sire de Coucy, vous auez trop plus veu, que ces deux n'ont: & fauez trop mieux ou on doit aller par le pays, que noz couſins d'Eu & de la Marche ne ſont. Si vous chargez de ce dont vous estes requis, & nous vous en prions. Monseigneur (reſpondiſt le Sire de Coucy) vostre priere m'est commandement: & ie le feray (puis qu'il vous plaist) à l'aide & conduite de messire Guy de la Trimouille, & de messire Guillaume son frere, & de l'Admiral de France messire Iehan de Vienne. De ceste reſponſe eurent le Duc & la Duchesse grande ioye. Or ſordonnerent ces Seigneurs de France grandement, pour aller au voyage de Hongrie: & prierent Barons & Cheualiers, & Eſcuyers, pour auoir leur compaignie & leur ſeruice: & ceux, qui point prierz n'en eſtoient, & qui deſir & affection d'y aller auoient, prioient aux Seigneurs (tels que le Comte d'Eu, Conneſtable de France, le Comte de la Marche, & le Seigneur de Coucy) qu'ils les vouſſent prendre de leur compaignie. Les aucuns eſtoient retenus, & les autres n'auoiēt point de maistre: & pour ce que le voyage eſtoit lōg d'aller en Hōgrie, & de là en Turquie, Cheualiers & Eſcuiers, (quoy qu'ils euſſent bonne volonté d'auancer leurs corps) ne ſe ſentans pas auoir la miſe ne cheuance, pour honnorablement faire ce voyage, ſe reſtroidoient de leur entrepriſe, quand point de retenue n'auoient. Vous deuez ſauoir, que pour l'eſtat du ieune Iehā de Bourgongne en rien n'eſtoient épargnez monteures & armeures, tymbres, habits grans & riches, ne vaiſſelle d'or & d'argent, & n'entendoient Chambrelans à autre choſe, & fut tout deliuré, à tous officiers, pour le corps Iehan de Bourgongne, & à chacun à par luy grand nombre de Florins: & ceux les payoient & deliuroient, par ordonnance, aux ourriers & marchans, qui les ouurages à eux faiſoient & ouuroient. Tous Barons, Cheualiers, & Eſcuyers, pour l'honneur de Iehan de Bourgongne, & auſſi pour l'auancement de leurs corps, ſ'efforçoient d'eux mettre en point. Messire Philippe d'Artois, Comte d'Eu, ſ'ordonna ſi puiſſamment, que riens n'eſtoit épargné, & vouloit aller en ce voyage, comme Conneſtable de France: & le Roy de France (qui moult l'aimoit) luy aidoit, tant qu'à la cheuance, grandement: & auſſi fit il messire Bouciquaut, Mareſchal de France. Le Duc de Bourgongne auſſa & conſidera vne choſe, que ce voyage, à tout appareiller, couſteroit trop grandement, à miſe de finance: & ſi conuenoit que l'eſtat de luy, de ſa femme: la Duchesse & d'Athoine ſon fils, fuſt maintenu, & point brisé, n'amoindry: & pour trouuer argent, il trouua ſubtilement vne arriere taille, car de la premiere taille, le plat pays, hommes des citez & chasteaux & des villes fermées, ſe taillerent: & monta icelle taille en Bourgongne pour la Cheualerie premiere de ſon aiſné fils, fix [†] cens mille couronnes d'or. De rechef, à tous Cheualiers & qui de luy ſiefs tenoient, ieunes & vieux, il leur fit dire qu'ils allaſſent à leurs couſtages en Hongrie, en la compaignie de ſon fils, ou ils payaſſent vn taux d'argent. Si eſtoient tauxez les vns à mille liures, les autres à deux mille, les autres à cinq cens francs, & chacun ſelon ſa cheuance & la valeur de ſa terre. Dames, & anciens Cheualiers, qui reſſongnoient le tratuail du corps, & qui n'eſtoiēt mie taillez d'auoir celle peine, ſe compoſoient, & payoient à la volonté du Duc, & ſauoit on bien leſquels eſtoient portez de ceste taille. Ieunes Cheualiers & Eſcuyers eſtoient ordonnez à aller en ce voyage, & leur eſtoit dit. Monseigneur, ne veut point de vostre argent, mais vous irez avec Iehan Monseigneur, à voz propres couſts (autrement non) & luy ſerez compaignie. De ceste arriere taille le Duc de Bourgongne trouua ſur ſes Gentils hōmes ſoixante mille couronnes, & ainſi ne fut nul deporté.

Promesses du Sire de Couci au Duc de Bourgongne, pour accompagner & conduire Iehan de Bourgongne en ſon voyage de Hongrie contre les Turcs.

† Ainſi dit versard mais ſa la modere à six vingt mille, et mieux à mon auis. N'entendez pas qu'il com-mandaſt aux Dames d'aller à la guerre, mais de payer certain taux, pour y enuoyer ſoldats en lieu d'elles.

Comment le Comte d'Ostrenant, serourge de Iehan de Bourgongne, voulant aller en Hongrie, fut conseillé, par son pere, d'entreprendre plustost la reconqueste de Frise, qui leur appartenoit.

CHAPITRE LXVIII.

Response du Duc Aubert de Bauière au Comte d'Ostrenant, son fils, luy demandant cōgé d'accompagner son Beau frere au voyage de Hongrie.

Les nouvelles de ce voyage de Hongrie, s'espendirent par tout : & quand elles furent venues en la Comté de Hainaut, Cheualiers & Escuyers, qui se desiroient auancer & voyager, commencerent à parler ensemble : & dirent, Par auis ceste chose se taille, que Monseigneur d'Ostrenant (qui est ieune, & à venir) voise en ce voyage, avec son beau frere le Comte de Neuers : & s'vne telle compaignie, cōme d'eux deux, se faisoit, nous n'y faudrions pas : mais leur ferions compaignie, car aussi desirons nous les armes. Le Comte d'Ostrenant (qui pour ses iours se tenoit au Quesnoy) entendoit & fauoit ce, que Cheualiers & Escuyers de son pays disoient. Si n'en pensoit pas moins : & auoit tresbon desir, & affectiō grāde d'aller en ce voyage, & faire cōpaignie à son beau frere de Bourgongne : & quand il auenoit qu'on en parloit & deuisoit aucune chose en la presence de luy, petit en respondoit : mais en diffimuloit, car bien auoit intention d'ē parler à son Seig. le Duc Aubert de Bauière, Comte de Hainaut : & ce qu'il en conseileroit, il feroit. Si auint que ledit Côte d'Ostrenant en briefs iours vint à la Haye en Hollande, ou son pere estoit & pour ce temps se tenoit là le plus, avec la Duchesse sa femme. Si luy dit vne fois, Monseigneur, telles nouvelles courent. Mon beau frere de Neuers a emprisi sur cest estē à aller en Hongrie, & de là en Turquie, sur l'Amorabaquin : & là doiuent estre & auenir grans faits-d'armes : & pour le present ie ne me say ou mettre & employer, pour les armes auoir. Si sauroye volōtiers l'intention de vous. S'il vous plaifoit que i'allasse en celuy honorable voyage, à tout vne route de cent Cheualiers, & feisse compaignie à mon beau frere, Monseigneur & Madame de Bourgongne m'en sauroient bon grē, & moult de Cheualiers & Escuyers en Hainaut : qui moult volontiers m'accompaigneroient. A ceste parole le respondit le Duc Aubert, comme homme tout pourueu de respondre : & dit, Guillaume, puis que tu as la volonté de voyager, & d'aller en Hongrie & en Turquie querir les armes, sur gens & païs qui onc ne nous forfrent, nul tiltre de raison tu n'as d'y aller, fors que pour la vaine gloire de ce monde. Laisse Iehan de Bourgongne & noz cousins de France faire leur emprise : & fay la tienne à part : & t'en va en Frise, & conquerir nostre héritage (que les Frisons par orgueil & rudesse nous ostent & tollent, ne voulās venir à nul le obeissance) & à ce faire t'aideray. La parole du pere au fils eleua grandement le cuer du Comte d'Ostrenant : & respondit, & dit, Monseigneur, vous dites bien, & au cas qu'il vous plaise que ie face voyage, ie le feray de bōne volonté. De petit à petit ces paroles du pere au fils, & du fils au pere, multiplierent tant, que le voyage d'aller en Frise pour celle saison fut accepté : & moult y aida ce, que ie diray. Le Comte d'Ostrenant auoit pour ces iours delez luy, & de son Conseil, le plus-prochain qu'il peust auoir, vn Escuyer de Hainaut, qui s'appeloit Fierabras. & autrement le Bastard de Vertain, sage homme, & moult stilé en fait-d'armes : si que, quand les parolles vindrent à l'Escuyer du Comte d'Ostrenant il respondit, & dit, Sire, Monseigneur vostre pere parle bien, & vous conseille loyaumēt. Mieux vous vaut, pour vostre honneur, que vous faciez ce voyage, que cil de Hongrie, & vous ordonnez selō ce : & vous trouuez Cheualiers & Escuyers de Hainaut, & d'aillieurs, qui se mettront en vostre compaignie, & vous aideront, de leur pouuoir, à faire ceste entreprise & ce voyage, & au cas que vous ayez, ou aurez, bonne volonté de là aller, ie vous auerti & conseille que vous aillez en Angleterre, & signifiez vostre estat & entreprise aux Cheualiers & Escuyers, & priez au Roy d'Angleterre, vostre cousin, qu'il vous vueille accorder Cheualiers & Escuyers, & Archers d'Angleterre, parmi vos deniers payant, & qu'il vous face celle grace, qu'il les laisse partir & issir hors d'Angleterre, pour aller en ce voyage de Frise, en vostre compaignie. Anglois sont gens de fait & d'emplaite : & au cas que vous les ayez, vous en ferez bien vostre emplaite & besongne, & se vous pouuez par priere auoir vostre cousin, le Côte d'Erby, en vostre compaignie, vostre voyage en seroit plus bel, & vostre emprise de plus grand renommée. Le Comte d'Ostrenant aux parolles & remonstrance de Fierabras de Vertain s'enclina du tout (car auis luy fut, qu'il le conseilloit loyaument) & quand il en parla au Seigneur de Gommegines, il luy en dit, à cause de conseil, autant, & aussi feirent tous ceux, qui l'aimoient. Adōc se commencerent ces parolles & ces nouvelles à esandre en Hainaut, & fut mis vne ordonnance, & defense, sur tous Cheualiers & Escuyers Hainuyers, que nul n'entreprenist voyage à faire, n'à

Le voyage de Frise entrepris par le Comte d'Ostrenant.

faire, n'à vuidier le pays de Hainaut, pour aller en Hongrie, ne pour aller ailleurs, car le Comte d'Ostrenant les embesongneroit bien pour celle saison, & les meneroit avecques luy en Frise. Nous nous souffrirons vn petit à parler de ceste besongne: & parlerons des besongnes deuant emprises.

Comment Iehan de Bourgongne, Comte de Neuers, mena son armée en Hongrie, contre les Turcs, & comment le pourparlé du mariage du Roy Richard d'Angleterre, avec l'aisnée fille de France, fut continué.

CHAP. LIX.

Ainsi auoient cause d'eux reueiller Cheualiers & Escuyers en plusieurs parties, pour les armes, qui apparoient en celle saison, les vns s'apprestās pour le voyage de Hongrie, & les autres pour le voyage de Frise, & en parloient & deuisoient l'vn à l'autre, quād ils se trouuoient où estoient ensemble. Premièrement le Comte de Neuers auança son voyage, & furent nommez & escrits tous Cheualiers & Escuyers, qui avecques luy, de sa charge & deliurance iroient. Les pourueances furent faites, grandes & grosses, & biē ordonnées, & pource que le voyage mouuoit de luy, & qu'il deuoit auoir la renommée, en sa nouuelle cheualerie, de ceste emprise, il feit plusieurs largesses aux Cheualiers & Escuyers, qui en sa compaignie se meirent, & grans auantages de deliurāces, car le voyage estoit long & coustable. Si conuenoit que les compaignōs, sur leurs finances & menus frais, fussent aidez. Pareillement s'ordonnerent & appareillerent les autres Chefs & Seigneurs, tels que le Conestable de Frāce, Comte d'Eu, le Comte de la Marche, messire Henri & Philippe de Bar, le Sire de Coucy, messire Guy de la Trimouille, Iehan de Vienne, Admiral de France, Bouciquaut Marechal de France, Regnaud de Roye, les Seigneurs de S. Pol, de Montorel, & S. Py, le Hazele de Flandres, messire Louis de Brezé, son frere, & le Borgne de Montquel: & tant, qu'ils estoient bien mille Cheualiers, & mille Escuyers, & tous de vaillance & d'emprise: & se partirēt † tous de leurs lieux sur la my-Mars & cheuaucherent tous par ordonnance & par cōpaignie, & trouuoiet tous les chemins ouuerts, car le Roy d'Allemaigne auoit cōmandé & ordonné par tout son Royaume, en Allemaigne & en Boēme, qu'il leur fust ouuert, & appareillé ce, qui leur estoit nécessaire & que nuls viures ne leur fussent rencheris. Ces Seigneurs de France cheuauchoiēt & trauailloient, sur la forme que ie vous dy, pour aller à l'aide du Roy de Hongrie (qui deuoit auoir bataille contre l'Amorabaquin, puissance cōtre puissance, le vingtiesme iour du mois de May) & passerent Lorraine, la Comté de Bar, & toute la Comte de Montbeliar, & la Duché de Bourgongne, & entrerent en Aussais, & passerent tout le pays d'Aussais: & la riuere du Rin en plusieurs lieux, & la Comté de Ferrette, & puis entrerent en Autriche: & passerent, tout au long, parmy le pays d'Autriche: qui est moult grand, & de diuers pays, & les entrées & issues fortes & desertes, mais ils y alloiet de si grāde volonte, que peine ne trauail qu'ils eussēt, ne leur faisoit point de mal, & parloiet les plusieurs en cheuauchant, de cel' Amorabaquin: & prisoiet moult petit sa puissance. Le Duc d'Autriche fit aussi bon recueil aux Chefs des Seigneurs en son pays: & là trouuerent tresbonne chere: & par especial Iehan de Bourgongne, Comte de Neuers, car l'aisné fils d'Autriche, Othes, Monseigneur, auoit Marie de Bourgongne espousée (ainsi ieunes qu'ils fussent) fille au Duc de Bourgongne, & seur germaine à ce Iehan de Bourgongne, qui Chef estoit de ceste entreprise. Touts ces Seig. de France, & leurs routes, se deuoient attendre & trouuer en Hongrie, en vne cité qu'on dit † Bode. Or retournerons aux autres auenues de France. Vous sauez (si comme il est cy dessus contenu en nostre Histoire) commēt le Roy d'Angleterre auoit enuoyé en celle saison suffisans Ambassadeurs & messagers, deuers le Roy de France & son Conseil, pour auoir à femme & espouse Ysabel sa fille: & tels que l'Archeuesque de Dūclin, l'Euesque de Lincestre, le Comte Marechal, le Comte de Rostellant, fils au Duc d'Iorch, messire Henry de Clifford, le Sire de Beaumont, le Despenfier, Iehan de Roberfat, & plusieurs autres, & auoient tresbien exploité, & besongné en ce voyage: auquel le Roy Charles de France leur auoit fait bonne chere, & aussi trestous ses oncles, & leurs Consaux, & estoient lesdits Ambassadeurs, & leurs gens, retournez en Angleterre en ioye: & auoient donné au Roy d'Angl. sur ces requestes & plaisances, grās espoirs de venir & atteindre à ses demādes, & sur ce le Roy d'Angleterre n'auoit pas ignoré, ne dormi sur ces besongnes, mais auoit tout l'Yuer qui s'ensuyuit, souuēt enuoyé, & réueillé le Roy de Frāce, & fait souuenir des matieres, & à

† *Depart de l'armée de France pour aller en Hongrie, sus la conduite de Iehan de Bourgogne, au mois de Mars 1366. à ma mode.*

† *Nous la nommons au iour d'huy Bude.*

*Les Comtes
Mareschal de
Rostellant, An
glois, de rechef,
en France, pour
le mariage de
leur Roy Ri-
chard avec l'ais-
née fille du Roy
Charles.*

tout ce fencloinoit le Roy de France & ses Consaux assez, qui esperoient & tendoient venir à fin de guerre, qui trop longuement auoit duré entre France & Angleterre. Tant & si bien s'estoient portez ces proces, poursuites, & traitez, & si amoureusement auoient escrit les deux Rois l'un à l'autre, que les besongnes estoient grandement approchées, car le Roy d'Ang. promettoit loyaument, qu'il auoit tels ses hommes & son pays, que paix seroit entre France & Angleterre. Par le moyen de ce traité s'approcherent si fort les besongnes, que derechef les Comtes Mareschal & de Rostellant, & tous ceux, ou en partie, qui la premiere fois furent en France sur l'estat du mariage, y furent renuoyez, & vindrent à Paris, & se logerent tous à la croix du Tirouer, & comprenoient les Anglois toute la rue, & là enuiron, bien auant, car ils estoient bien six cens, qui tous furent deliurez de par le Roy de France. Si seiournerent ils à Paris plus de trois semaines.

D'une sentence & arrest du Parlement de Paris, pour la veufue de feu Louis d'Aniou, premier du nom, Roy de Naples & de Hierusalem, contre messire Pierre de Craon.

CHAPITRE LXX.

*† Gerard dit
Breyenne.*

Entretant que ces Seigneurs, Ambassadeurs & messagers de par le Roy d'Angleterre estoit à Paris, la Roynne Iehanne Duchesse d'Aniou (qui s'escriuoit Roynne de Naples, & de Hierusalem) estoit aussi à Paris, & poursuiuoit moult fort ses besongnes, car ce fut vne Dame de moult grande diligence. Ses besongnes estoient telles pour lors, que ie vous diray. Elle plaidoit en Parlement pour deux causes. La premiere estoit, pour l'heritage de la Comté de Rouffy, à l'encontre du Duc de † Brayenne. Car Louis, Duc d'Aniou, son Seigneur, l'auoit achaptée, & payé les deniers à vne Dame, qui fut Comtesse de Rouffy, & iadis femme à messire Louis de Namur: mais elle se demaria, en son temps, de ce messire Louis de Namur, & trouua cause raisonnable, comme que ce fust. La seconde estoit à l'encontre de messire Pierre de Craon, & luy demandoit la somme de cent mille francs: lesquels elle monstroït bien, & prouuoit sur luy, les auoir euz, & leuez, & receus au nom de son Seigneur & maistre, le Roy Louis de Naples, de Cecile, & de Hierusalem & s'en estoit chargé ledit messire Pierre de Craon, & de les payer en Pouille, mais, quād les nouuelles vindrent que son maistre le Duc d'Aniou, Roy & Sire desdites terres, estoit mort, il ne chemina plus auant, & retourna en France, & meit toute celle somme d'argent à son profit, & n'en rendit oncques compte à la Dame, Roynne dessusdite, n'à ses enfans, Louis, & Charles, mais les dissipa en orgueil, & en bobans, & par celle defaute, la Dame disoit & monstroït sur luy, que la terre de Naples estoit perdue, & conquise de Marguerite de Duras, & des hoirs messire Charles de la paix. Car les soudoyers du Roy dessusdit (qui luy aidoyent à maintenir sa guerre en Pouille, & en Calabre) n'auoient point esté payez. Si estoient tournez les plusieurs, deuers le Comte de S. Seurin, & deuers Marguerite de Duras, & les autres auoient cessé de faire guerre. Et toutes ces causes estoient mises en iugement, en la chambre du Parlement de Paris, & proposées, monstrées, & demandées, & toutes deffenses de parties données, & en auoit on plaidoyé longuement, & biē trois ans tous entiers, quoy que ledit messire Pierre de Craon fust absent de Paris, & de Parlement, mais ses Aduocats le deffendoient de grande maniere, & disoient qu'en ce, que messire Pierre de Craon auoit receu au nom du Roy Louis de Cecille, de Naples, & de Hierusalem, cent mil' francs, ledit Roy estoit bien de tant & plus tenu enuers ledit messire Pierre de Craon, pour les grans & beaux seruices, que faits luy auoit. Tant furent menées ces choses, & plaidoyees en Parlement à Paris, qu'il leur conuint auoir fin & cōclusion: & la Dame dessusdite rendoit grande peine, qu'arrest en Parlement en fust rendu. Les Seigneurs de Parlement, consideré toutes ces choses, ne vouloyent pas parler si auāt que pour rēdre arrest, s'ils n'estoiēt fors de toutes choses, & messire Pierre de Craon n'osoit bonnement comparoir à Paris (car il se sentoït en l'indignation du Roy, & du Duc d'Orleans, pour l'offense que faite auoit, & commādē à faire, sur messire Oliuier de Clifson, Connestable de France) & il conuenoit (auant que Parlement rendist sentence definitive des demandes, dont la dessusdite Dame & Roynne le poursuyuoit) qu'il fust cler en France, & luy fussent pardōnez tous ses meffaits, & peust quittement & sauuemēt cheuau cher par tout, si q̄ la Dame, qui estoit cōtraire, & aduerfaire à luy-mesme, mettoit peine, & tendoit grandement à ce que messire Pierre de Craon fust quitte & deliure par tout, referuē vers elle, pour le grand desir qu'elle auoit de veoir le fond de ses besongnes. Tant fut procuré, traité, & prié enuers les courrouceux sur messire Pierre de Craon, especialemēt vers

vers le Roy, Monseigneur d'Orleans, le Comte de Ponthiéure, & messire Jehan Harpedane, & tous autres du Royaume de France, qui action pouuoient auoir en ces matieres, que tout luy fut quitté & pardonné: & fut cler en ses besongnes, & par tout le Royaume de France luy monstroient & faisoient bonne chere tous Seigneurs & toutes Dames (ne say si c'estoit, ou fut, par dissimulatiō, ou autrement) tant que ledit arrest de Parlemēt eust esté rendu: & estoit à Paris, tenant son estat aussi grand, cōme il fut onc, au iour, ou iours, que ces Seigneurs d'Angleterre, qui là estoient venus pour le mariage de Frāce & d'Angleterre, s'y tenoient, & les auoit aidez à honnorer, & recueillir deuers le Roy & les ducs, qui là estoient, Berri, Bourgongne, & Bourbon, car ce fut vn Cheualier, qui sauoit moult d'honneur. Or fut le iour déterminé & nōmé, que les Seigneurs de Parlemēt rendroient leur arrest, car ia estoit il tout escrit, déterminé, & clos, iusques à tāt que les choses dessusdites fussent en l'estat, ou elles estoient. Au iour, que les Seigneurs de Parlement rendirēt leur arrest, auoit grand nombre des Nobles du Royaume de France, à fin que la chose fust plus autentique, & y estoit la Royne de Cecile, & de Hierusalem, Duchesse d'Aniou & Comtesse de Prouēce, & son fils Charles, Prince de Tarente, & Jehan de Blois, dit de Bretagne, Comte de Ponthiéure, & de Limoges. Les Ducs d'Orleāns, de Berry, de Bourgongne, & de Bourbon, & le Comte de Brayne, & l'Euesque de Laon (qui traitté en Parlement auoient la Dame dessusdite, pour la Comté de Rouffy) & d'autre part messire Pierre de Craon, & plusieurs de son lignage. Premierement arrest & sentence furent rendus moult autentiquemēt, pour la Comté de Rouffy, & fut l'heritage aiugé & remis es mains & possession du Comte de Brayne, & ses hoirs: qui descendroient de la droite branche de Rouffy, reserué ce qu'il fut dit, que la Royne dessusdite, deuoit r'auoir, en deniers contans, tout ce que le Roy Louis, son mari, en auoit payé à la Comtesse de Rouffy, dernièrement morte. De ce iugemēt & arrest les héritiers de la Comtesse de Rouffy (ausquels l'heritage appartenoit) remercierent les Seigneurs de Parlement, qui celuy arrest auoiēt rendu, & donné. Apres se leuerent ceux, qui ordonnez estoient à parler pour le second iugement, & fut dit ainsi, par sentence de Parlement, que messire Pierre de Craon, estoit tenu enuers Madame la Royne de Naples, & de Hierusalem, Duchesse d'Aniou, & Comtesse de Prouence, en la somme de cent mille francs, à payer de deniers appareillez, ou son corps aller en prison, tant qu'elle seroit de tous points contente & satisfaite. De cest arrest remercia ladite Dame les Seigneurs de Parlement: & incontinent, à la complainte de la Dame, main fut mise, de par le Roy de France, & messire Pierre de Craon saisi & mené, sans deport, au chastel du Louure, & sans excusation, & là enfermé, & bien gardé, & sur celuy estat les Seigneurs se departirent de la chambre du Parlement, & retournerent chacun en leurs lieux. Ainsi furent rendus ces deux arrests, que ie vous dy, dont Madame d'Aniou principalement fut cause.

Messire Pierre de Craon retour né en France, avecques toutes franchises & libertez.

La Comté de Rouffy remise es mains du Côte de Brayne

Arrest du Parlement de Paris contre messire de Craon, & luy prisonnier en faulte de payer cent mille francs à la veufue Royne de Naples.

Comment conclusion de mariage fut prise à Paris entre le Roy Richard d'Angleterre & Madame Ysabel, aînée fille du Roy Charles de France, sixieme du nom, comment le Duc de Lancastre se remaria, & comment messire Pierre de Craon fut quelque temps relasché de prison, à la priere de la ieune Royne d'Angleterre. CHAP. LXXI.

ENuiron vingt & deux iours furent le Comte Marechal, le Comte de Rostellant, & les Ambassadeurs d'Angleterre, deuers le Roy de France, & la Royne, & les Seig. à Paris, & leur fut faite toute la meilleure chere & compaignie, que lon peut, & se porterēt si bien les traittez & ordonnances, que le mariage fut accordé (pour quoy ils estoient là venus) du Roy d'Angleterre à Ysabel, aînée fille du Roy Charles de France, & la fiança, & espousa, par la vertu d'une procuration, au nom du Roy d'Angleterre, le Côte Marechal, & fut ceste Dame nommée, & sera d'oresnauant, Royne d'Angleterre, & pour lors ie fu informé, qu'il la faisoit plaissant veoir, cōme ieune qu'elle fust, car mout biē sceut, & sauoit faire la Royne. Apres toutes ces choses faites, & les ordōnāces escrites & seellées les Ambassadeurs d'Angl. prirent congé du Roy de France: & de la Royne, & de sa fille la Royne d'Angleterre, & des Seigneurs, & se departirent de Paris, puis retournerent arriere à Calais, & de là en Angleterre, ou ils furent grandement recueillis du Roy, & du Seigneur de Lāclastre, & des autres Seigneurs, fauorables au Roy & à ses plaissances, & intentiōs, Mais (quiconque fust réiouy de ce mariage en Angl.) le Duc de Clocestre, oncle du Roy, n'en eut point de feste, car il veit biē, que par ce mariage & alliāce paix seroit encores entre les Rois, & leurs Royaumes de Fr. & d'Ang. laquelle chose il verroit trop

Mariage du Roy d'Angleterre, avec Ysabel, fille aînée de France, & retour des Ambassadeurs d'Angleterre, vers leur Roy.

enuis: se la paix n'estoit grandement à l'honneur du Roy & des Anglois, & le tout remis au point & en l'estat, ou les choses estoient, quand la guerre renouuela es parties de Gascongne. Si en parloit aucunefois à son frere le Duc d'Iorch (quand il le trouuoit à loisir) & le tiroit, tant qu'il pouuoit, à ses opinions: pourtant qu'il le sentoît moult simple. Au Duc de Lanclastre, son aîné frere, il n'en osoit parler trop largement: pource qu'il le sentoît du tout de l'alliance du Roy: & bien plaisoit au Duc l'alliance de ce mariage, principalement pour l'amour de ses deux filles, la Roïne d'Espaigne, & la Roïne de Portugal. En ce temps se remaria le Duc de Lanclastre, tiercemét, à vne Dame, fille d'un cheualier de Hainaut: qui iadis s'appela messire Paon de Ruet: & fut en son temps à la bonne & noble Roïne Phelippe d'Angleterre: qui tant aima les Hainuyers, car elle en fut de nation. Celle Dame, à qui le Duc de Lanclastre se remaria, Katherine on l'appelloit: & fut mise, des sa ieunesse en l'hostel du Duc & de la Duchesse Blanche de Lanclastre, & auint que, quand ladite Duchesse Blanche fut trépassée de ce siecle (si comme il est contenu en nostre Histoire cy-dessus bien-auant) & encores Madame Constâce d'Espaigne, au Duc de Lanclastre se remaria, la Dame viuant, il auoit tenu celle Dame Katherine de Ruet, qui aussi auoit esté mariée à un Cheualier d'Angleterre: lequel est mort. Tousiours le Duc lehan de Lanclastre a tenu celle Dame Katherine: de laquelle il eut trois enfans: deux fils & vne fille: dont on nommoit l'aîné Iehan, & autrement messire Beaufort de Lanclastre & moult l'aimoit le Duc: & l'autre eut nō Thomas: & le tint le Duc son pere, à l'escolle à Aqueffuffort, & en fit un grand Iuriste & Legiste, & fut depuis ce Clerc là Euesque de Lincolle (qui est la plus noble, & mieux reuenant en grand profit d'argēt, de toute Angleterre) & pour l'amour de ses enfans, le Duc de Lanclastre espousa leur mere, Madame Katherine de Ruet, dont on fut moult emerueillé en France & en Angl. (car elle estoit de basse lignée, au regard des deux autres Dames, la Duchesse Blanche, & la Duchesse Constance, que le Duc en deuant auoit eues par mariage) & quand la cognoissance de ce mariage de Katherine de Ruet, fut venue aux hautes Dames d'Angl. (telle que la Duchesse de Clocestre, la Cōtesse d'Erby, & la Cōtesse d'Arondel) & aux autres Dames, descédāt du sang Royal d'Angl. si furent moult emerueillées, & tindrent ce fait à grand blasme, & disoient ainsi, q̄ ce Duc de Lanclastre s'estoit trop forfait & vituperé, quād il auoit espousé sa concubine, & conuenoit (puis que iusques là elle estoit venue) qu'elle fust seconde en honneur, en Ang. Or sera la Roïne d'Angl. recueillie vitupereusement. Puis disoient outre, Nous la lairrons toute seule faire les hōneurs. Nous n'irons, ne viendrons, en nulle place, ou elle soit, car ce nous tourneroit à grand blasme, que vne telle Duchesse (qui vient de basse ligne, & qui a esté concubine du Duc moult long tēps, en ses mariages, & hors ses mariages) allast, ne passast deuant nous. Les cueurs nous creueroient de dueil, & à bonne cause. Et ceux & celles, qui plus en parloient, c'estoient le Duc de Clocestre & la Duchesse sa fēme, & tenoient le Duc de Lāclastre à fol & à outrecuidé, quād il auoit pris par mariage sa concubine, & disoient que ia ne luy feroient honneur de la nōmer Dame ne sœur. Le Duc d'Iorch s'en passoit assez briēuement, car il estoit le plus residāt delez le Roy, & son frere le Duc de Lanclastre. Le Duc de Clocestre estoit d'une autre maniere & ordonnāce, car il ne faisoit cōpte de nulluy (quoy que ce fust le maisné de tous ses freres, mais il estoit orgueilleux & presomptueux de maniere (& en ce s'enclinoit sa nature) & mal-accordant à tous les Consaux du Roy, fils ne tournoient à son gré. Or demoura Katherine de Ruet, tant qu'elle vesquit, Duchesse de Lanclastre, & fut la seconde en Angl. & ailleurs, apres la Roïne d'Angl. & fut vne Dame, qui sauoit moult d'honneurs (car des sa ieunesse, & de tout son tēps, elle y auoit esté amenée & nourrie) & moult aima le Duc de Lanclastre les enfans, qu'il eut d'elle, & bien leur monstra, à mort & à vie. Vous sauez, & il est cy dessus contenu en nostre Histoire, cōment iugement, & arrest de Parlement fut rendu sur messire Pierre de Craon: lequel fut condāné, à cent mille francs, enuers la Roïne de Naples & de Hierusalē Duchesse d'Aniou, & Cōtesse de Prouēce. Quād messire Pierre de Craon veit qu'il auoit telle condānation si fut tout ébahy, car il luy conuenoit tantost payer les cēt mil frācs, ou demourer tout quoy au chasteau du Louure à Paris, en prison. Si fut cōseillé (& le conseil luy vint de coste, par le moyen du Duc de Bourgongne, & de la Duchesse) qu'il fist faire vne priere, par la ieune Roïne d'Angl. à la Roïne de Naples dessusdite, qu'il fust relasché quinze iours de prison, tant seulemēt, & peust aller & venir parmi Paris, pour prier ses amis, & payer celle fināce: ou qu'ils demourassēt ostagers pour luy, & il s'en peust tost aller en Bretaigne, & tāt faire, que r'apporter, en deniers

*Remariage du
Duc de Lanclastre
à Katherine de Ruet.*

niers tous appareillez, la somme, en quoy il auoit esté iugé. A la priere de la ieune Roynne d'Angleterre la Roynne de Naples descendit, parmi tant, que messire Pierre de Craõ tous les soirs deuoit aller, & retourner dormir, au chastel du Loure. Messire Pierre pria moult de son sang: mais il ne trouua nully, qui pour luy voulsist demourer, car la somme estoit trop grosse. Au chef de quinze iours, il luy cōuint demourer tout quoy en prison, & auoir ce dāger, & attendre l'aenture: & estoit moult pres gardé, de iour & de nuit: & les gardes à ses coustages. Nous parlerons vn petit des cheuauchées & emprises, que le Comte de Neuers & les Seigneurs de France firent en celuy Esté, en Hongrie, & puis parlerons de l'allée de Frise: ou le Comte de Hainaut & le Comte d'Ostrenant furent

Comment Iehan de Bourgongne, Comte de Neuers, passa la riuere de la Dunoe, avec son armee & celle des Hongres, & comment, apres la prise de quelques places, assiegerent la ville de Nicopoly.

CHAP.

LXXII.

Quand le Comte de Neuers & ses routes (ou moult auoit de vaillans hommes de France, & d'autres pays) furent venus en Hongrie, en vne cité bonne & grande (qu'on nommoit Bode) le Roy fit à tous les Seigneurs vne bonne recueillie: & bien le deuoit faire, car ils l'estoient de loing venu veoir. L'intention du Roy de Hongrie estoit telle, que, deuant que luy & ses gens, ne ces Seigneurs de France, se meissent sur les champs, il auroit certaines nouvelles de l'Amorabaquin. Car ledit Amorabaquin luy auoit mādē, des le mois de Feurier, qu'il fust tout conforté, & qu'il feroit à grande puissance en Hongrie auant l'issue du mois de May: & le viendrait combattre: & passeroit la Dunoe. Dōt on auoit grande merueille comment il se pourroit faire: & disoient plusieurs. Il n'est rien, que ne face hōme. L'Amorabaquin est hōme vaillāt, & de grāde emprise, & qui desire moult les armes, à ce qu'il monstre, & puis qu'il l'a dit, il le fera: & si ne le fait, & ne passe la Dunoe au lez de deça, nous la deurions passer outre, au lez de dela, & entrer en la Turquie à puissance. Car le Roy de Hongrie, parmi les estrangers, fera bien cent mille hommes: & tel nōbre de vaillans gens sont bien pour cōquerir toute la Turquie, & pour aller iusques en l'Empire de Perse, & si nous pouuōs auoir vne iournée de victoire sur l'Amorabaquin nous viendrons au dessus de nostre emprise, & conquerons Surie, & la S. terre de Hierusalem: & la deliurerons des mains du Soudan, & des ennemis de Dieu, car à l'esté, qui retournera les Rois de France & d'Angl. (qui se conioingnent ensemble) mettrōt sus grād nombre de Gens d'armes & d'Archers: & trouueront les passages ouuers, & appareillez pour eux receuoir: & riens ne demourera deuant nous, que tout ne soit cōquis & mis en nostre obeissance, quand nous serōs tous ensemble. Ainsi deuisoient les François, qui estoient au Royaume de Hongrie. Quand le mois de May fut venu, en esperance, d'ouir des nouvelles del'Amorabaquin, enuoya le Roy de Hongrie de ses gens, sur les passages de la riuere de † Dunoe, & fit vn tresgrand mandement parmi son Royaume, & meit la greigneur partie de sa puissance ensemble, & vindrent les Seig. de Rodes moult efforcē- † Nous appelōs auioird'uy ce fleue le Danube, approchant au plus pres du nom Latin Danubius.

ment tout le mois de May, en attendant la venue des Sarrazins, mais on n'en eut nulles nouvelles. Si fit le Roy de Hongrie cheuaucher aucuns Hongriens (qui estoient coustumiers d'armes, & cognoissoient le pays d'outre la Dunoe) pour sauoir s'ils orroient aucunes nouvelles del'Amorabaquin. Quand ceux, qui enuoyez furent en celle commissiō, eurent cherché moult de pays, ils ne sauiēt à qui parler, n'il n'estoit nouvelles de l'Amorabaquin, ne de ses gēs, & estoiet encores par-dela le Bras S. George, † en la marche d'Alexādrie, de Damas, & d'Antioche. Si retournerēt en Hongrie deuers le Roy, & les Seig. & rapporterent ces nouvelles. Quand le Roy de Hōgrie ouit ainsi ses gens parler, si ap- † Il prend le Bras S. George anciennement, nommé Hellepontus pour tout l'Archipel, que les anciens Geographes ont appelé mare Sægæū.

pela son Conseil, & les Seigneurs de France, qui là estoiet, & à faire armes desiroiet, pour sauoir comment ils se maintiendroient en ceste besongne, & remonstra ledit Roy comment aucuns apperts Hommes d'armes auoient cheuauché sur la frontiere de Turquie, mais il n'estoit nul apparent que l'Amorabaquin vint auant, si comme il auoit mandé notablement, qu'il feroit dedans la My-May, à puissance, outre la Dunoe, & viendrait combattre le Roy de Hongrie en son pays. Desquelles choses ledit Roy vouloit auoir & demander Conseil, & par especial il l'adreça aux Barons de France, & eux conseillez, ils respondirent, & le Sire de Coucy pour tous, & dit, que au cas que l'Amorabaquin, ne trayoit pas auant, & qu'il estoit demouré en Bourde & en mensonge, on ne demourroit pas, pour ce, à voyager, & à faire armes (puis qu'ils estoient là venus pour les faire) & que tous les François, les Allemans, & estrangers, y auoient grand desir, & se monstroient

prestis, de fait, & de volonté, à trouuer les Turcs & ledit, l'Amorabaquin, & de tant leur feroit l'honneur plus grand. La parole du Seigneur de Coucy fut acceptee de tous les Barons de France, qui là estoient: & aussi fut l'opinion des Allemans, des Behaignois, & de tous les estrangers, pour employer leur saison. Adonc fut ordonné, de par le Roy de Hongrie & les Marechaux, que chacun s'ordonnast & apareillast selon luy, & que dedàs tel iour (qui fut nommé, ce fut aux Octaues de la S. Iehan Baptiste) on se partiroit, & mettroit on au chemin, pour aller sur la Turquie. Ainsi, qu'il fut dit, il fut fait. Adonc veissiez vous gens, & homes d'offices, appareiller ce, qu'il conuenoit à leurs maistres, & l'appointer tellement, que faute n'y eust. Ces Seig. de France, qui vouloient outre passer, pour estre frisquement & richement ordonnez firent entendre à leurs barnois, & à leurs armeres, & n'epargnoient, or n'argent, pour le mettre en ourage entour d'eux. Mout fut l'estat grand & bel, quand ce vint au departir de Bode, la souveraine cité de Hongrie, & se meirent tous sur les champs. Le Conestable de Hongrie, eut l'Auãgarde, & grand nombre de Hongres, & d'Allemans en sa compagnie: pourtant qu'il cognoissoit le pays. Apres luy cheminoient & cheuauchioient les François, le Conestable de France, le Comte de la Marche, le Sire de Coucy, messire Henri & messire Philippe de Bar, & plusieurs autres. En la compagnie du Roy, & delez luy, le plus du temps cheuauchioient les plus grans de son pays (c'estoit raison) & aussi de ceste luy, Iehan de Bourgongne: & bien souuent deuisoient ensemble. Bien se trouuoient sur les champs soixante mille hommes à cheual. Car peu y en auoit à pié: si ce n'estoient poursuuans. La compagnie des Chrestiens estoit noble & belle, & bien ordonnée. Entre les Hongres y auoit grand nombre d'Arbalestiers à cheual. Tant cheuaucherent ces osts, qu'ils vindrent sur la riuiera de la Dunoe: & la passerent tous à barges, à nefes, & à ponthons (qui à ce auoient esté ordonnez vn grand temps, pour le passage) & meirent plus de huit iours, auant qu'ils fussent tous outre: & à la mesure qu'ils passioient, ils se logeoient, & tous attendoient l'un l'autre.

Passage du Roy de Hongrie & de Iehan de Bourgongne, entre la Dunoe, contre les Turcs

La ville de Comecte assiegee par les Chrestiens, contre les Turcs.

Vous deuez croire, & sauoir, que la Riuiera de la Dunoe depart les Royaumes de Hongrie & de Turquie. Quand ces Chrestiens furent tous outre, & que riens ne demoura derriere, & ils se trouuerent sur les frontieres de la Turquie, si furent tous réiouis, car ils desiroient trop grandement à faire armes. Si eurent conseil & auis, qu'ils viendroient mettre le siège deuant vne ville en Turquie, qui s'appelle la Comecte. Ainsi, qu'ils l'ordonnerent, ils le firent: & l'assiegerent à l'environ. Bien ce pouuoit faire. Car elle sied au plain du pays: & court vne riuiera au dehors, portant nauire: laquelle on appelle Mecte: & viét amont de la Turquie: & s'en va cheoir, assez pres de la mer, en la Dunoe. Ceste eue de la Dunoe est grosse riuiera: & a bien enuiron quatre cens lieues de cours, depuis quelle cōmence, auat qu'elle entre en la mer, & seroit la Dunoe la plus profitable du mode pour le Royaume de Hongrie, & pour les pays voisins, se la nauire, qu'elle porte, pouuoit entrer & issir en la mer: mais non peut. Car droit à l'entree & à l'emboucheure de la mer, il ya, en la riuiera de la Dunoe, vne mōtaigne, qui fend l'eue en deux moities, & rend si grand bruit, que on l'oit bien, de sept grãdes lieues loing, bruire, & pource ne l'ose nulle nauire approcher. Sur ceste riuiera de Mecte, tout contremōt, & cōtreual (ainsi cōme elle court a de belles praeries (dont le pays est aisé & ferui) & d'autre part grãs vignobles: qui font par saisons bons vins: & les vendagent les Turcs: & les mettent (quand ils sont vendangez) en cuirs de chèvres: & les vendent aux Chrestiens, car selon leur loy, ils n'en peuuent n'osent, boire nul (là ou on le sache) & leur est deffendu sur la vie, mais ils mangent bien les raisins: & ont mout de bons fruits, & d'espices, dont ils font especiaux breuuages, & vsent à boire, entre eux, grande foison de laiët de chèvres, pour le chaud tēps, qui les refrechit & refroide. Le Roy de Hongrie, & tout l'ost, se logerent deuant celle cité, & tout à leur aise, car nul ne leur détourna le siège, ne nul n'estoit en ost de par l'Amorabaquin, ne personne de par luy. Quand ils vindrēt deuât la cité, ils trouuerēt tous fruits meurs qui leur firent grãde douceur. À celle cité de la Comecte on fit plusieurs assaux, & biē se gar

La ville de Comecte prise d'assaut par les Chrestiens, sur les Turcs,

doiēt & deffēdoiēt ceux, qui dedàs estoient, & esperoiēt tous les iours estre cōfortez, & q'l'Amorabaquin, leur Sire, deust venir leuer leur siège à puissance, mais non fit, dont la cité, par force de siège & d'assaut, fut prise & destruite, & y eut grande occision d'hommes & de femmes: & d'enfans, & n'en auoient les Chrestiens, qui dedans entrerēt, nulle pitié, ne merci. Quand la Comecte fut prise (ainsi que ie vous dy) le Roy de Hongrie, & son ost se delogerent, & entrerent plus auant en la Turquie, pour venir deuant vne cité, grand & forte, qui s'appelle Nicopoli, mais auant qu'ils y parueussent, ils trouuerent en leur chemin la

min la ville de † Laquaire & là s'arrestèrent: & y furent quinze iours, auant qu'ils la peussent auoir. Toutefois finalement ils la conquièrent par assaut: & fut toute destruite: & puis passerent outre & trouuerēt vne autre ville, & fort chastel, qu'on dit Brehappe en la Turquie: & la gouuerne & la maintiēt vn Cheualier Turc, qui en tient la Seigneurie: & pour lors que les Chrestiens vindrent deuant, il y estoit à grans gens de deffense. Le Roy de Hongrie se logea à tout ses Hongres, à vne lieuë pres, pour la cause de ce qu'il y auoit vne riuere & deuant Brehappe n'en y a point. † Mais plus pres s'approcherent les Comtes de Neuers, d'Eu, & de la Marche, & les Seigneurs de Couci, Bouciquaut, de saint Py, Regnaut de Roye, Henri de Bar, son frere Phelippe de Bar, & les François ou bien auoit mil Cheualiers & Escuyers, & ia estoit le Comte de Neuers Cheualier: car le Roy de Hongrie le fit Cheualier, si tost qu'il entra en la Turquie: & leua banniere: & ce iour, qu'il fut fait Cheualier, il y en eut fait plus de trois cens. Tous ceux que ie vous ay nommez & leurs routes vindrent deuant Brehappe, & l'assiègerent, & conquièrent de fait & de force sur le fait de quatre iours, mais ils n'eurent pas le chastel: car il estoit trop fort. Le Sire de Brehappe sauua moult de ses gens par la force du chastel: & estoit nommé (ce m'est auis) Corbadas, moult vaillant homme & auoit trois freres. L'un auoit nom Maladius, & le second Balachius, & le tiers Ruffin. Depuis la prise de la ville de Brehappe furent les Chrestiens deuant le chastel sept iours: & y liurerent aucuns assaux: mais plus y perdirēt qu'ils n'y gaignerent. Ces quatre freres cheualiers Turcs, qui dedans estoient, monstrent bien à la deffense, qu'ils estoient vaillans hommes. Quand les Seigneurs de France eurent bien imaginé la force du chastel, & l'ordonnance de ceux de dedans, cōme moult vaillamment ils se defendoient, quand on les assailloit, si veirent biē qu'ils perdoient leur peine, & se delogerent: car ils entendirent que le Roy de Hongrie vouloit aller mettre le siege deuant la cité de Nicopoli. Ainsi se desit le siege de Brehappe: & demourerent pour celle saison, le chastel & tous ceux, qui dedans estoient, en paix: mais la ville fut toute arse: & se retrait le Comte de Neuers & tous les Seigneurs de France, en la compagnie du Roy de Hongrie, de son Conestable & de ses Mareschaux: qui s'ordonnoient pour aller deuant Nicopoli. Quand Corbadas de Brehappe se veit desassiegé des François, si fut tout resiouy: & dit, Nous n'auons plus garde, pour ceste saison. Se ma ville a esté arse & exilee, elle se recouuera: mais d'une chose ay grand merueille. Car il n'est nouuelle, que nous ayons de nostre sire le Roy Basant, dit l'Amorabaquin: & il me dit la dernière fois que ie le vey & parlay à luy en la cité de Nicopoli en Turquie qu'il seroit cy en ceste cōtree, des l'entree du mois de May: & auoit bonne intention & sur ce il estoit tout fondé & ordonné, de passer le bras saint George pour venir en Hongrie: & combattre les Chrestiens: & ainsi l'auoit-il mandé au Roy de Hongrie & riens il n'en a fait: & sur ce sont les Hongres fortifiez, & ont pour le present grand confort, & secours de France: & ont par vaillance passé sur la riuere de Dunoe: & sont entrez en la Turquie: & destruisent, & destruiront la terre de l'Amorabaquin: car nul ne resistera à l'encontre d'eux. Ils y sont trop fort entrez: & tien qu'ils iront seurement mettre le siege deuant Nicopoli. La cité est forte assez, pour soy tenir au siege vn grād temps: mais qu'elle soit bien deffendue & gardee. Nous sommes nous quatre freres cheualiers: & du lignage au roy Basant. Si deuons & sommes tenus entendre à ses besongnes: pourquoy nous ordonnerons par la maniere que ie vous diray. Moy & mon frere Maladius iurons en la cité de Nicopoli, pour l'aider à garder & deffendre: & Balachius demourera ici, pour garder le chastel de Brehappe: & i'ordonne à Ruffin mon quart frere, à cheuaucher outre: & passer le Bras Saint George, & tant faire & exploiter qu'il trouue l'Amorabaquin, & luy recorde veritablemēt tout ce, qu'il aura veu & laissé derriere, & luy dire par telle maniere, qu'il y entēde & sy encline pour son honneur, & pour garder & defendre son heritage, & vienne si fort, que pour resister alencontre des Chrestiens & rompre & briser leur emprise & puissance: autrement il perdra tout le Royaume d'Armenie (qu'il a cōquis) & tout son pays aussi. Car, à ce qu'on peut sentir & imaginer, le Roy de Hongrie & les Chrestiens sont accueillis à faire vn moult grand fait. A la parole & promotion de leur frere Corbadas, obeirēt tous les trois Turcs: & luy dirent bien, que sa parole seroit tenue & faite. Si s'ordonnerēt sur ce parti: & le siege fut mis par grand puissance, & par bonne ordonnance, deuant la cité de Nicopoli & estoient les Chrestiens bien cent mille hommes ou enuiron. Ainsi se fit le siege en celle saison, du Roy de Hongrie & des Chrestiens, deuant la cité de Nicopoli en Turquie: & Corbadas, de Brehappe & Malladius son frere, se vindrent bouter dedans,

† sala dit
aquatye.

† Ceste clause
& les deux sui-
uantes sont four-
nies & amen-
dees selō le sens
de l'Auteur.

La ville de Bre-
happe prise
dassaut par les
Chrestiens sur
les Turcs.

Les Chrestiens
leuent le siege
de deuant le
chateau de Bre-
happe.

La ville de Ni-
copoli assiegee
par les Chre-
stiens estant de-
fendue par vn
Turc nommé
Corbadas.

† C'est le mesme
qu'il a nomme
Basant &
l'Amoraba-
quin, appelé
Baiazet par
P. Iouio, & Ba-
zait par Fr.
Anth. Gouffroy
estant premier
de ce nom, en la
maison des Or-
tomans, & fils
d'Amurat,
aussy premier
de ce nom en celle
duquel il est
aussy le surnom
d'Amoraba-
quin.

Que le Turc Ba-
iazet fut aduer-
si du voyage
des Chrestiens
par lea Galeas
de Milan quatre
mois parauant.

(dont tous ceux de la cité si furent tous resiouis) & Balachius demoura en Brehappe, pour garder le chastel: & Ruffin, quand il sceut qu'il fut heure, se meit au chemin & eslongna de nuit l'ost des Chrestiens (car bien cognoissoit le pais) & prit le chemin du bras Saint George pour passer outre, & pour ouir & auoir nouuelles de l'Amorabaquin. Bien est verité que le Roy † Basaach estoit au Quaire, avecques le Soudan de Babyloine, pour auoir gens: & là le trouua le Turc dessus nommé. Quand le Roy Basaach le veit, si fut tout émerueillé, & pensa tantost qu'il y auoit grandes nouuelles en Turquie. Si l'appela: & puis luy demanda comment on se portoit en Turquie. Monseigneur (respondit il) on vous y desire moult à voir: car le Roy de Hongrie à puissance a passé la Dunoe, & est entré en Turquie, & y ont fait ses gens moult de derols, & ars & assailly, cinq ou six de voz villes fermées, & quand ie me parti de Brehappe, ils tiroient tous à aller deuant Nicopoli. Corbadas mon frere, & Maladius, s'y sont boutez avec gens d'armes, pour l'aider à garder & deffendre: & sachez qu'en la route & compagnie du Roy de Hongrie, à la plus belle gēt & les mieux armez & appointez (qui sont venus de France) que lon puisse voir. Si vous conuient entendre à ce, & émouuoir vostre ost, & semondre vos amis & voz gens, & retourner en Turquie, mette voz gens en arroy, pour mettre vos ennemis, les Chrestiens outre la Dunoe par puissance: car se grand' puissance ne le fait, vous n'en viendrez point à chef. Quel nombre de gens sont ils? demanda l'Amorabaquin. Ils sont plus de cent mille (respondit le Turc) & les mieux armez & tous à cheual. A ces paroles ne respondit pas l'Amorabaquin: mais entra en la chambre du Soudan: & laissa le Turc, qui ces nouuelles auoit apportées entre ces gens, & recorda tout l'affaire & ordonnance (ainsi comme il estoit informé de son Cheualier) au Soudan. Dont dist le Soudā, Il y couient pourueoir. Vous aurez gens assez pour resister alencontre d'eux. Car il nous fault deffendre nostre loy & nostre heritage. C'est voir respondit l'Amorabaquin. Or sont mes desirs venus: car ie ne desiroie autre chose, fors que le Roy de Hongrie & sa puissance tenit outre la Dunoe, & au Royaume de Turquie. A ce premier ie les lairay vn peu conuenir: mais en la fin ils payeront leur escot: & de tout ce i'ay esté signifié, plus a de quatre mois, par mon grand ami, le Seigneur de Milan, lequel m'enuoya autours, gerfaux, & faucons iusques à douze: lesquels estoient les meilleurs & les plus beaux que ie veisse oncques. Avecques ces presens il m'escriuit, par nom & par surnom, tous les Chefs des Barons de France, qui me deuoient venir veoir & faire guerre: & denomma ces seigneurs par leurs noms & surnoms: & contenoient les lettres ainsi, que si i'auoye ceux, qu'il nommoit, en mon danger, ils me vaudroient vn million de florins. Avecques tout ce, deuoient estre en leur compagnie, du Royaume, ou des limites de France, plus de cinq cens Cheualiers tous vaillans hommes: & m'escriuoit bien le duc de Milan, que si nous auons bataille (ainsi que nous aurons, & n'y pouuons faillir, car ie leur iray au deuant à puissance) que ie m'y conduise par art d'auis, & de tresbonte ordonnance, pour eux combattre: car ce sont gēs de si grand faict & tant vaillans aux armes, que point ne fuirōt tous les moindres pour mourir, & sont issus (ce m'a rescrit le Sire de Milan) de leur nation, par vaillance & pour trouuer les armes, & de tout ce faite ie leur say bon gré, & accompliray leur desir dedans trois mois, si auant que par raison ils en auront assez.

Discours, aucunemēt hors du propos principal, pour mieux descendre à la cause, qui meut Iehan Galeas de Milan à donner auertissement au Turc, du voyage des François contre luy.

CHAPITRE LXXIII.

A Consideret les paroles dessusdites, comment l'Amorabaquin parloit & deuisoit de messire Galeas, Comte de Vertus, & duc de Milan, on s'en peut & doit émerveiller. Car on le tenoit pour Chrestien, & homme Baptizé & regeneré à nostre foy, & il auoit quis, & requeroit, amour & alliance à vn Roy mécreant, hors de nostre loy & foy: & luy enuoyoit tous les ans dons & presens de chiens ou d'oiseaux, ou de draps & de fines toiles, & des plus excellentes, qu'on pouuoit trouuer comme de Reims, de Cambray de Hollande, ou autres qui sont moult plaisantes aux Sarrazins (car ils n'en ont nulles, s'ils ne viennent de noz parties) & l'Amorabaquin luy renuoyoit autres dōs & riches presens de draps d'or & de pierres precieuses, dont ils ont grand largesse entre eux: & nous les auons en danger: si ce n'est par le moyen des Venitiens, Geneuois & Italiens, qui les vont querir entre eux. † Or quant à ce Comte de Vertus, Duc de Milan, & à messire Galeas son pere (qui en leurs iours regnerent & obtindrēt leurs Seigneuries comme Tyrās) merueille est à pēser de leur fait, & comment premieremēt ils entrerent en la Seigneurie de Milan.

† Ceste clause est
amendee & es-
claircie selon le
sens de l'Au-
teur; & les sui-
uantes aussi a-
uec l'accord de
tous bons Au-
teurs.

de Milan. Il y eut trois freres de la maison des Vicomtes à Milan: messire Matthee, messire Galeas, & messire Barnabo. Ces trois freres eurent vn oncle: lequel fut Archeuesque de Milan, du temps que messire Charles de Luxembourg, Roy de Boëme, & d'Allemagne, fut fait Empereur de Romme, pour regner au lieu du Roy Louïs de Bauiere: lequel Louïs obtint l'Empire, en son viuant, à force. Car il ne fut oncques accepté Empereur par l'Eglise: mais excommunié du Pape † Iehan: qui pour ce temps regnoit. Car ce Louïs de Bauiere alla à Romme: & s'y fit couronner Empereur, par vn Pape, & douze Cardinaux: qu'il fit. Si tost qu'il fut couronné, il fit par ces Allemans, pour eux payer de leurs gages & soudoyees, courir Romme, & tonte piller & dérober. Ce fut le guerdon, que les Rommains eurent de sa recueille. Pourquoy il mourut excommunié: & en celle sentence le Pape & les Cardinaux, que fait auoit, sans contrainte vindrent, depuis en Auignon, & se meirent en la mercy du Pape Innocent (qui regna deuant Urbain, cinquiemesme) (& se firent absoudre de leur erreur. A reuenir au propos, dont ie parloye maintenant pour les Seigneurs de Milan, & comment ils entrerent premieremēt en la Seigneurie de Milan, ie le vous diray. Celuy Archeuesque de Milan, leur oncle, receut le Roy Charles de Boëme en la cité de Milan moult autentiquement, quand il eut fait son faict deuant Aix la chapelle, & ses quarāte iours (ainsi comme vsage est) & pour le bel recueil & grande chere, qu'il fit à l'Empereur Charles, & pour cent mille ducats qu'il luy presta, il le constitua † Vicomte de Milan, & ses neueux apres luy, & à tenir la terre, & la Seigneurie de Milan, iusques à sa volonté, & que tout à vne fois il luy auroit rendu les cent mille ducats. Celuy Archeuesque mourut. Messire Matthee, son neueu, par l'accord de l'Empereur, & pour l'amour de son oncle l'Archeuesque de Milan, fut receu en la Seigneurie de Milan à Vicomte. Ses deux freres (qui lors n'estoient pas bien riches) messire Galeas & Barnabo eurent conseil entre eux, qu'ils regneroient, & tiendroient les terres de Lombardie, & se conioindroient par mariage à si grans Seigneurs, qu'on ne les oseroit, ne pourroit courroucer: & feroient mourir messire Matthee leur frere, par venin, ou autrement. Quand il fut mort, ils regnerent par puissance, & de sens: & furent tout leur viuant trop bien d'accord: & departirēt les citez de Lombardie. † Messire Galeas en eut dix (pource que c'estoit l'aîné) & messire Barnabo en eut neuf: & Milan estoit gouuerné vn an par l'un, & vn an par l'autre: & pour demourer en leurs Seigneuries, & auoir grand quantité de finances, ils meirent sus impositiōs, subides, & gabelles, & moult de malles coustumes, pour extorquer grand' foison d'or & d'argent, & pour regner en grand' puissance. Ils faisoient garder leurs citez, & villes, de iour & de nuict, par soudoyers estrangers, Allemans, François, Bretons Anglois, & de toutes nations, referué que de Lombards (car en sentence de Lombard, ils n'auoient nulle fiance) à fin que nulle rebellion ne s'y leuast ne meist contre eux: & estoient ces soudoyers payez de mois en mois: & se firent tant douter & craindre du peuple, que nul ne les osoit courroucer. Car, en toutes leurs Seigneuries, qui se voulsist eleuer, n'aller au contraire d'eux, ils en prissent si cruelle vengeance, que pour eux destruire: & plusieurs en destruisirent en leurs temps, pour en donner exemple aux autres: n'e toutes les citez, chasteaux, & villes de messire Galeas & Barnabo, nul n'auoit riens, s'ils ne vouloient: & tailloient vn riche homme trois ou quatre fois, du sien, en l'an: & disoient que Lombards sont trop orgueilleux & presumptueux en leurs richesses, & ne valent riens, s'ils ne sont tenus en suggestion: & bien les y tindrent: car nul ne les osa courroucer, ne contredire à chose, qu'ils voulsissent faire, dire, ne commander. Si se marierent les deux freres, messire Galeas & Barnabo, grandement & hautement: mai ils achapterent leurs femmes de l'auoir de leur peuple. Messire Galeas eut la sœur au bon Comte de Sauoye à femme, nommee Blanche: mais, auant qu'il l'espousast il en paya au Côte cent mille ducats. Messire Barnabo se maria en Allemagne, à la sœur du Duc de † Bresluch: & n'en paye pas moins, que son frere fit de la sienne. Ces deux freres eurent beaucoup d'enfans, & les marierent grandemēt & richement, pour auoir plusieurs fortes alliances. Messire Galeas eut vn fils: qu'on appela Iehan Galeas. Si entendit, quand le roy Iehan de France fut issu hors d'Angleterre, & mis à trente cens mille frācs de redemption, que le premier payement on ne sauoit bonnement ou prendre. Si fit traicter deuers le Roy, & son Conseil, comment il pourroit auoir vne de ses filles, pour Iehan Galeas son fils. On entendit à ses traittez: pourtant qu'on le sentit fondé, & pourueu de grand' finance. Il achapta la fille du Roy Iehan six cens mille francs: qui furent tournez en payement, deuers le Roy d'Angleterre: &, parmy tant, son fils espousa la fille

† Il y auoit Innocent, contre tous autres Histor. & Chroniqueurs: qui sont ce Iehan 22. du nom, tenant son siege en Auignon.

† Tous autres tiennent que c'estoit le surnom de leur maison, & quant à la dignité ils les nomment Seigneurs de Milan iusques à tant qu'ils eurent le tiltre de Duc.

† Il en a parlé au cha. 158. du 2. Vol. & suyuant iceluy & quelques autres siens passages nous le laissons dire: combien qu'il difere aux Croniques de Milan en quelques particulartiez.

† Sala dit de Bresluch: que ie pēseroye estre Brunluch. Mais ie n'en trouue rien ailleurs.

du Roy Iehan: & luy fut donnee en mariage la Comté de Vertus en Champaigne. De ce fils & de celle fille issirent fils & fille. La fille par force d'argent eut espousé le fils secōd du Roy Charles de France, cinquième: lequel on appelloit Louys: & fut Duc d'Orleans, Comte de Blois, & de Valois: mais le mariage cousta au Comte de Vertus, pere d'icelle Dame, dix cens mille francs: & en fut achaptee la Comté de Blois: si comme il est contenu cy-dessus en nostre Histoire. Messire Galeas & messire Barnabo en leur viuant furēt tousiours bien d'accord: n'oncques ne se discorderent: ne leurs gens, d'ensemble: & pour ce regnerent ils en grand' puissance: & ne peut oncques nul auoir raison d'eux (Pape, ne Cardinaux) qui leur fist guerre: fors le Marquis de Montferrat: Ce fut par le moyen de messire Iehan Haçtonde, Anglois, & des routes des compaignies: qu'il vint querir en Prouence: & les mena en Lombardie: & en fit sa guerre. Apres la mort de Galeas regna le Comte de Vertus son fils, nommé Iehan Galeas, en grand' puissance: & se fit, au commencement de son regne, moult aimer en Lōbardie: & monstra ordonnance de simple, & preudhomme. Car il osta toutes mauuaises coustumes, éluees en ses Seigneuries (lesquelles son pere auoit mises sus) & fut tant aimé, & renommé de bonne grace, que tous en disoient bien: & quand il veit son poinct, il monstra le venin: que moult il auoit gardé longuement, & porté en son cuer: car il fit vn iour sur les champs faire vne embusche: ou fut pris messire Barnabo son oncle, & saisi (qui riens n'y pensoit, & qui de son neveu trop bien estre cuidoit) & luy fut dit en le prenant, Il y a assez d'un Seigneur en Lombardie. Si n'en peut autre chose auoir (car la force n'estoit pas sienne) & fut détourné, & mené en vn chastel: & le fit son neveu mourir, ie ne say comment (ce messire Barnabo auoit de beaux enfans: dont la Roïne de Frāce est fille de l'une de ses filles: laquelle eut espousé le Duc d'Ostrenant & de Bauiere) & les enfans fils & filles, qu'il peut haper, il les fit em prisonner: & saisit tontes les Seigneuries, que messire Barnabo tenoit: & les aiousta, & attribua, avec les siennes, & regna en grand' puissance d'or, & d'argent. Car il remeit sus les matieres, dont on les forge, & assemble en Lombardie, & ailleurs, là ou on vse de telles coustumes. Ce sont impositions, gabelles, subsides, dismes, quatrièmes, & toutes extorsions sur le Peuple. Si se fit trop plus craindre, qu'aimer: & tint l'opinion & erreur de son pere: car il disoit, & maintenoit fermement, que ià n'adoreroit, ne croiroit en Dieu, qu'il peust: & osta à des Abbayes, & des Prieurez, tresgrand' foison de leurs reuenus, & les attribua à luy: & disoit que les Moines estoient trop delicieusement nourris de bons vins, & de delicieuses viandes: par lesquelles delices & superfluites ils ne se pouuoient releuer à minuiçt, ne faire leur office: & que Sainct Benoist n'auoit point ainsi tenu l'ordre de religion: & les remeit aux œufs, & au petit vin, pour auoir claire voix & chanter plus haut. Aussi se faisoient le pere & le fils, & messire Barnabo, tant qu'ils vesquirent ainsi cōme Papes en leurs Seigneuries: & firent moult de cruauté & de despits aux personnes & gens d'Eglise, n'ils ne doutoient riens, ny ne donnoiet, de nulle sentence de Pape: & par espécial depuis les iours du scisme (auquel se nommerent deux Papes: qui excommunioient l'un l'autre) ces Seigneurs de Milan ne s'en faisoient que moquer: & à leurs propos, aussi ne faisoient moult d'autres Seigneurs de par le monde. La fille de ce messire Iehan Galeas, qui s'escriuoit Duc de Milā (laquelle estoit duchesse d'Orleans) tenoit moult du pere, & riens de sa mere (qui fille auoit esté au Roy Iehan de France) Car elle estoit enuieuse, & cōuoiteuse sur les delices & estats de ce mode: & volōtiers eust veu que son mary, le Duc d'Orleans, fust paruenue à la couronne de France, (ne luy chaloit commēt) & couroit sur elle, fame, & esclādre général, que toutes les enfermetez, & maladies, que le Roy de Frāce auoit eues, & encores moult louuēt auoit (dont nul Médecin ne le pouuoit, ou sauoit, conseiller) venoient d'elle, par ses sorts & ses arts: & ce, qui decouurit trop grandement ses œures, ie le vous diray: & qui meit tous ceux & celles, qui parler en oyoient en grand' suspicion. Ceste Dame, dont ie parle nommee Valentine, Duchesse d'Orleās, auoit pour lors vn fils de son mary bel enfant, & de l'aage du Dauphin de Vienne, fils au Roy de France. Vne fois ces deux enfans estoient en la chābre de la Duchesse d'Orleans, & s'ébatoiet (ainsi que font enfans) ensemble. Si fut gettee vne pomme, toute enuenimee, sur le paumēt de ladite chābre, & du costé du Dauphin: car on cuidoit qu'il la deust prendre: mais non fit, par la grace de Dieu: qui l'en garda. L'enfant à la Duchesse (qui nul mal n'y pensoit) courut apres: & la hapa: &, si tost qu'il la tint, il la meit en sa bouche: & deslors qu'il eut mis dedans, il fut tout enuenimé: & mourut là: n'ocques ne l'en peut on garder. Ceux, qui auoient Charles le Dauphin à garder, le prirent & remene-

*Est rages mœurs
de Valentine de
Milan Duchesse
de d'Orleans.*

rent: n'oncques-puis ne rentri en la chambre de la Duchesse d'Orleans. De ceste auēture issirēt grans murmures par la cité de Paris, & ailleurs. Aussi en fut de tout le peuple celle Duchesse scandalisee, & tant que le duc d'Orleans s'en apperceut: car commune renommee courroit à Paris, que, si on ne l'ostoit de costé le roy, on l'iroit querir de fait: & la feroit on mourir: car on disoit, & proposoit, qu'elle vouloit empoisonner le Roy, & ses enfans: & là l'auoit elle bien enforcélé. Car le Roy, en ses maladies, ne vouloit point veoir la Roynne, ne recognoistre, ne nulle femme du monde: fors celle Duchesse. Dont le Duc d'Orleans, pour celle doute & esclandre, la fit oster luy-mesme: & la meit hors de l'hostel de Saint-Pol de Paris: & l'enuoya en vn chastel (qui sied sur la costiere de Paris, au chemin de Beauuais) qu'on dit Asnières, & fut là vn grand temps: ne point n'issoit hors des portes du chastel: & de là elle fut transmuee, mise & enuoyee, au Neuf-chastel sur Loire: & l'auoit le Duc d'Orleans, son mary, accueillie à grand' haine, pour la cause de l'auenture, qui par elle estoit auenue à son fils: mais ce, qu'il en auoit encores de beaux enfans, luy brisoit assez ses maltalents. Ces nouvelles s'espartirēt iusques à Milan: & fut informé messire Galeas, comme sa fille estoit demouree en grand danger. Si en fut moult fort courroucé sur le Roy de France & son Conseil: & enuoya suffisans messages (messire Jaquetmet de la Verme, & autres) à Paris, deuers le Roy & son Cōseil, en excusant sa fille, & remontrant, que, si estoit nul corps de Cheualier, qui la voulist charger de trahison, il le feroit combattre iusques à outrance. Pour lors que ces Ambassadeurs vindrent à Paris, le Roy de France estoit en bon poinct: mais il ne fit compte des parolles excusantes ne des messagers du Duc de Milan: & leur fut respondu moult briuement. Quand il veirent ce, ils retournerent en Lomberdie: & recorderent au Duc de Milan tout ce, qu'ils auoient veu & trouué. Or fut le Duc de Milan plus courroucé, que deuant: & tint ce à grand blafme & iniure: & enuoya défiér le Roy, & tout le Royaume de France entierement: & quand ces défiances furent apportees à Paris deuers le Roy, les Barōs de France & Cheualiers cy-dessus nommez, estoient en Hongrie: & ia estoient entrez en la Turquie: & par despit, & haine, que le Duc de Milan auoit sur le Roy de France, & sur aucuns membres du Conseil de France, pour porter outre son opinion, & la défiance: il tenoit en amour & alliance grandement l'Amorabaquin: & il aussi luy: par pàr ce Seigneur de Milan si estoient sceus & reuelez, deuers l'Amorabaquin, plusieurs secrets de France. Nous nous souffrerons à parler de luy pour le present: & retournerons à la matiere dessusdite: & parlerons du Roy Basant, dit l'Amorabaquin, & des Chrestiens, Barons, & Cheualiers, qui estoient en la Turquie.

Comment, pendant que l'Amorabaquin assembloit grand' armee, pour venir contre les Hongres & François, le Sire de Concy, estant le siege deuant Nicopoly, déconfit, avec peu de gens, vne fort grande troupe de Turcs.

CHAP. LXXIIII.

NE demoura gueres de temps, que l'Amorabaquin se departit du Quaire & du Soudan: lequel luy promeit qu'il luy enuoyeroit grand' ayde, & tout de l'élite des meilleurs hommes-d'armes de toutes ces Seigneuries, pour resister contre la puissance du Roy de Hongrie, & des Barons de France: † qui à ce commencement n'estoient encor entrez deuers Alexandrie, & deuers Damas. Or, tout ainsi comme il cheminoit à grand' puissance, il enuoyoit par tout ses messagers, es Royaumes & pays, dont il pensoit auoir aide & confort: & aussi faisoit le Soudan, & mandoiēt, & prioient le plus affectueusement qu'ils pouuoient, qu'à ce grand besoing ne voulist nul demourer derriere: car la doute & les perils estoient trop grans, à confiderer l'affaire: car si les François conqueroient Turquie, tous les Royaumes voisins trembleroient deuant eux. Ainsi seroit leur foy destruite: & seroient en la fugettion des Chrestiens: & mieux & pluscher leur vaudroit à mourir, qu'ils le fussent. Sur le mandement & priere du Soudan, du Calife de Baudas, & de l'Amorabaquin, s'enclinoient plusieurs Sarrazins Roys: & s'estendoient ses mandemens iusques en Perse, en Mede, & en † Tarce: & d'autre part, sur le Septentrion, au Royaume de Lecto, & tout outre, iusques sur les bondes de Puce: & pourtant qu'ils estoient informez que leurs ennemis, les Chrestiens, estoient fleur de Cheualerie, les Roys Sarrazins, & les Seigneurs de leur loy, éliſoient entre eux les mieux trauaillans, & combattans, & plus coustumiers, & vsagers d'armes: si que ce mandement ne se peut pas si tost faire, ne les Sarrazins eux appareiller, & issir hors de leurs terres & leurs pays: ne leurs pourueances faire. Car c'estoit l'intention de l'Amorabaquin, qu'il viēdroit si fort, que pour resister

Cause, qui peut mouoir Iehan Galeas de Milan à auertir le Turc de l'armée de France qui se preparoit contre luy.

† Ceste demie clause est amende selon qu'il a dit, & dira encores tantost. † Je doute qu'il ne falle Tartarie, pour Tartarie: duquel mot les anciens ont fort vsé: & mesmes il ioin-dra tantost Tartarie à Mede & à Perse. Quant au Royaume de Lecto, c'est la premiere fois que ie l'aye leu: à mon souuenir.

contre la puissance des Chrestiens. Si se meit sur les champs ledit Amorabaquin tousiours attendant son peuple: qui venoit par compaignies, de moult longues & diuerfes marches: & par especial de Tartarie, de Mede, & de Perse, luy vindrent moult de vaillans hommes, Sarrazins. Car grand desir entre eux auoient de combattre, pour éprouuer leur force à l'encontre des Chrestiens. Nous nous souffrerons vn peu à parler de l'Amorabaquin (qui se tenoit es parties d'Alexandrie) & parlerons des Chrestiens: qui estoient au siege, deuant la cité de Nicopoli en Turquie. Ces Chrestiens si auoient assiégué enuironnement la cité & forte ville de Nicopoli: en laquelle auoit dedas, en garnison, moult de vaillans hommes Turcs: qui se deffendoient vaillamment contre les Chrestiens: qui deuant estoient, tous ébahis: pource qu'ils n'oyoient nulles nouvelles de l'Amorabaquin. Bien leur auoit escrit l'Empereur de Constantinople, qu'il estoit es parties d'Alexandrie, & n'auoit encores point passé le Bras-Saint-George. Si tenoient les Chrestiens leur siege deuant Nicopoli. Car ils auoient viures à foison, & à bon marché: qui leur venoient de Hongrie, & des marches prochaines. Le siege estant là (ainsi que ie vous dy) il prit plaisir au Seigneur de Coucy, & à aucuns Chrestiens François, qui là estoient, de cheuaucher à l'auenture, & d'aller veoir la Turquie plus-auant (car trop se tenoient sur vne place)

*Cheuauchee du
Sire de Coucy
sur les Turcs,
durant le siege
de Nicopoli.*

*† Brulloient
y seroit aussi bon
à mon auis.*

& le Roy de Hongrie & les autres tiendroient le siege. Si se departirent du siege enuiron cinq cens Lances, & autât d'Arbalestiers, tous à cheual: & fut le Sire de Coucy Seigneur de ceste cheuauchee, & messire Regnaud de Roye, & le Sire de Saint-Py, en sa compaignie, & le Chastelain de Beauvoir, le Seigneur de Montcaurel, le Borgne de Montquel, & plusieurs autres: & prirēt guides, pour eux mener: qui cognoissoient le pays, pour les guider: & auoient aucuns Cheuaucheurs, Hongres, & autres, montez sur fleurs de cheuaux, pour decouurer le pays, & sauoir se riens y trouueroient. En celle propre semaine, que l'armee des Chrestiens se fit, se meit sus aussi vne armee des Turcs: ou bien estoient vingt mille hommes. Car ils auoient entendu que les Chrestiens cheuaucheroient, † brulloient, & gastoient leur pays. Si auiserent qu'ils y pouruoyeroient: & se meirent ensemble (ainsi que ie vous dy) biē vingt mille: & vindrēt sur vn destroit & vn pas, par ou il conuenoit aux chrestiens entrer en la plaine Turquie, & n'y pouuoient entrer, au chemin qu'ils tenoient, par autre pas, que par là: & sy tindrēt & y furent deux iours, que nulles nouvelles ils n'ouyrēt de nul hōme: & s'en voulurent retourner au tiers iour, quand les cheuaucheurs Chrestiens vindrēt à Brehaut, iusques là ou les Turcs estoient: & quād les Turcs les veirēt venir & approcher, ils se tindrēt tous quois, pour regarder le cōuenant des Chrestiens: ne nul signe, n'apparēt, ils ne firent de traire, ne de lācer. Les cheuaucheurs approcherēt les Turcs de moult pres: & veirent bien qu'ils estoient grand nōbre: & encores ne les peurēt ils pas tous auiser. Quand ils eurent fait vn petit de cōtenance, ils s'en retournerēt arriere: & vindrent nōcer au Seigneur de Coucy, & aux autres Seigneurs, tout ce, qu'ils auoient veu. De ces nouvelles furent les Chrestiens tous réiouys: & dit le Sire de Coucy, Il nous faut aller veoir, de plus pres, quels gens ce sont. Puis que nous sommes venus si-auant, nous ne departirons point sans eux combattre: car, si le contraire faisions nous receurions blasme. C'est verité, respondirent les Cheualiers, qui l'auoient ouy parler. Adonq ils restreignirent leurs armeures, & ressanglerent leurs cheuaux: & cheuaucherēt tout le pas, vers le lieu, ou les Turcs estoient arrestez: & entre eux, & les Turcs, auoit vn bois: qui n'estoit pas trop grand. Quand ils furent à l'encontre de ce bois, ils s'arrestērēt. Car le Sire de Coucy dit ainsi à messire Regnaud de Roye, & à Mōseigneur de S. Py, Je conseille, pour traire hors de leur pas ces Turcs, que vous prenez tant seulement des nostres cens Lances: & nous mettrons le demourant en ce bois: & vous cheuaucherez auant, & les ferez saillir hors de ce pas, ou ils se sont boutez: & vous vous ferez chacer d'eux, & tant qu'ils nous auront passez: & adonc vous retournerez tous à vn moment, sus eux: & nous les enclorrons par derriere, & les aurons à volonté. A celuy auis & propos fenclinerēt les Cheualiers, & se departirēt enuiron cent Lāces, tous des mieux montez: & tout le demourant (ou il pouuoit auoir enuiron huit cens combattans, tous hommes d'hōneur) se bouterent à la couuerte dedans le bois: & là se tindrent: & les autres cheuauchèrent les bons gallops, tout deuant: & vindrent iusques au pas, ou les Turcs estoient. Quand ils veirent venir les Chrestiens, ils en furent tous réiouys: & cuiderent qu'il n'y en eust plus. Si issirent tous hors de leurs embusches: & vindrent dessus les champs: & quād les Seigneurs Chrestiens les veirent approcher, si retournerent tous à vn fil: & se firent chacer. Ils estoient tous bien montez, & ne les pouuoient les Turcs ratteindre: & tant allerent.

allèrent, qu'ils passèrent tout outre le bois, & l'embusche du Seigneur de Coucy, sans eux en appercevoir. Lors saillirent les Seigneurs Chrestiens, quand ils veirent les Turcs outre leur embusche, en écriât, Nostre-dame. Au Seigneur de Coucy: & vindrēt fraper sur les Turcs par derriere: & en abbattirēt à ce cōmencement grand' foison. Les Turcs se tindrent tous quois, quād ils se veirent enclos deuant & derriere: & se meirent à deffense, tant qu'ils peurent: mais ils ne tindrent point d'ordonance. Car de ceste arrieregarde ils ne sauoient riens: & quand ils se veirent ainsi pris soudainemēt, ils furent tous ebahis. Là furent les François vaillans gens d'armes: & les occirent à volōté, & les meirent en fuite: & en fuyant, les occioient à grans mōceaux, ainsi que bestes. Là en y eut grand nombre d'occis: & n'en prirent les Chrestiens nuls à merci. Heureux furent ceux, qui se pouuoient sauuer & échaper, & retourner au lieu, duquel ils estoient departis au matin: & apres celle decōfiture, sur le soir les Chrestiens retournerent en l'ost, deuant Nicopoli. Sirespan dirent les nouuelles, par tout l'ost, comment le Sire de Coucy, par sens & par vaillance, auoit rué ius par terre, & decōfit plus de quinze mille Turcs. Les plusieurs en recordoient & disoient grand bien de luy: mais le Comte d'Eu ne le tint pas à bien, n'à vaillāce: & disoit que ceste emprise auoit esté faite par bobans: & auoit mis les Chrestiens (& par especial la route) en grand' auenture, & peril: quād, à tout vne poingnee de gens, il festoit cōbattu & abandonné follement à la route de vingt mille Turcs: & de-rechef, à considerer raison (puis que faire armes il vouloit, & que les Turcs estoient sur les champs) il le deust auoir signifié, auant qu'affaillir, à leur Chef, messire Iehan de Bourgogne, Comte de Neuers (qui desiroit à faire armes) pourquoy il en eust eu l'hōneur, & la renommee. Ainsi par enuie (ce doit on supposer) parloit le Comte d'Eu, sur le Sire de Coucy: & en tout ce voyage ne le peut oncques auoir en amour parfaitement: pōurtant qu'il veoit que le Sire de Coucy auoit tout le retour de l'amour, & de la cōpaignie des Cheualiers de Frāce, & des estrāgers: & luy (si comme il luy estoit auis) le deust auoir. Car il estoit moult prochain, de sang & de lignage, au Roy de France: & portoit les fleurs de Lis, à moult petit de briseure: & avec tout ce, il estoit Connestable de France. Ainsi se nourrissoit vne haine couuerte du Comte d'Eu, messire Philippe d'Artois, deuers ce gentil Cheualier le seigneur de Coucy: laquelle haine ne se peut depuis celer, qu'elle ne se montrast clerement: dont grans mechefs en auindrent en celle saison sur les Chrestiens: comme ie vous recorderay ci-auant en l'Histoire. Nous nous souffrerons à parler, pour le present de ceste matiere: & retournerons à nostre premiere matiere des Rois de France & d'Angleterre.

Grande decōfiture de Turcs, par le seigneur de Coucy.

Murmure du comte d'Eu, sur le sire de Coucy, pour sa victoire susdite.

Comment le Duc de Guerles empescha, que le Comte d'Erby n'allast au voyage de Frise, avec le Comte de Hainaut & d'Ostrenant: & comment les traitez de paix entre France & Angleterre, furent tant continuez, que le Roy Richard passa iusques à Calais, pour en conclurre avec le Duc de Bourgogne.

CHAP. LXXV.

Vous sauez (si comme il est contenu cy-dessus en nostre Histoire) que le mariage de la fille au Roy de France, & du Roy d'Angleterre pour celle saison † s'approchoit fort: & y auoient les deux Rois tresgrande affection, & aussi toutes les parties, & lignages, reserué le Duc Thomas de Cloestre: mais celuy n'en auoit point de ioye. Car il veoit bien que par ce mariage grandes confederations & grandes alliances se garderoient entre les deux Rois dessus-nommez: parquoy paix seroit es Royaumes. Laquelle chose il verroit trop enuis: car il ne desiroit que la guerre: & émouuoit en cuer tous ceux, qu'il pēsoit qui s'y enclineroient. Pour ce tēps il y auoit vn Cheualier delez luy (qui s'appeloit messire Iehan Baquigay) couuert hōme: lequel Cheualier sauoit tous les secrets du Duc: & en l'émouuant & échauffant à la guerre, ne se faingnoit pas: mais en parloit audit Duc, par merueilleuse maniere. En ce tēps vint le duc de Guerles en Angleterre, voir le roy & ses oncles, & offrir à faire tous seruices licites au roy: car il y estoit tenu, de foy & d'hommage. Si vist ce Duc volontiers, que le Roy d'Angleterre l'embefongnast en guerre: car trop enuis se veoit en paix. Ce Duc de Guerles & le Duc de Lancastre eurent moult grād parlement ensemble du voyage, que le Comte de Hainaut & le Comte d'Ostrenant son fils vouloient faire en Frise: car, pour ces iours, Fierabras de Vertain estoit en Angleterre, enuoyé de par le Comte d'Ostrenant, querir Gens-d'armes, & Archers, pour aller en ce voyage: & en estoit prié le Comte d'Erby, pour aller avecques ses cousins de Hainaut: & le gentil Comte en auoit tresbonne affection: & si auoit respondu audit Fierabras moult à poinct: en disant qu'au voyage de Frise il iroit moult volontiers: mais qu'il

† Entendez pour estre fait de partie à partie personnellement. Car il estoit desia fait par Procureur: comme il est cōtenu au chap. 71. de ce present Vol.

*Reſponſe du
Duc de Guerles
interrogué par
le Duc de Lan-
claſtre ſur le
voyage de Fri-
ſe.*

*Le Duc de Lan-
claſtre détour-
né par le Duc
de Guerles, d'en-
oyer le Comte
d'Erby, ſon fils
au voyage de
Friſe.*

*† Sala dit
Neuſe.*

*Le Comte Va-
leran de Saint-
Pol en Angle-
terre pour le
Roy de France,
ſur les traittez
de paix pourp.*

*† Froiſſart a
bien dit quel-
quesfois que le
Roy Richard a-
uoit deux freres
de mere: mais ie
n'ay point me-
moire d'auoir
encores leuqu'il
attribue le til-
tre de ceſte
Comté à au-
cun d'eux.*

pleuſt au Roy, & à ſon pere. Dont il auint que, quand le Duc de Guerles fut venu en Angleterre, le Duc de Lanclaſtre luy en parla: & luy demanda principalemēt de ce voyage de Friſe, quelle choſe il luy en ſembloit. Il reſpōdit: & dit que le voyage eſtoit moult perilleux; & que Friſe n'eſtoit pas terre aiſee à cōquerre: & que pluſieurs Côtes de Hollāde & de Hainaut, du tēps paſſé y auoient moult cōtendu, & clamé droit à l'heritage: & que, pour vouloir ſouſmettre les Friſons, & les faire venir à leur obeiffance, ils ſ'eſtoiēt moult éprouuez, & allez en Friſe: mais ils y eſtoiēt tous demourez. Quāt à la cauſe, pourquoy il diſoit q̄ c'eſtoit vn voyage perilleux, il en éclairciſſoit ſa parole: en diſant, que Friſons ſont gēs ſans honneur, & ſans cognoiſſance: n'en eax n'y a nulle merci: n'ils ne priſent, n'aimēt nul Seigneur du monde (tant ſoit il grād) & ont vn trop fort pays: car il eſt tout enuironé de la mer, & fermé d'Iſles, de croulieres, & de mareſcages: n'on ne ſ'y fait commēt auoir, ne gouverner: fors ceux, qui ſont de la nation. P'en ay eſté prié, & requis grandemēt: mais ie n'y entreray iā: ne ie ne conſeille point que mon couſin d'Erby, voſtre fils, y voiſe. Car ce n'eſt point vn voyage pour luy. Je croy aſſez que mon beau-frere d'Oſtrenant ira (car il en a tresgrāde volōté) & y menera des Hainuyers en ſa compagnie: mais auētūre eſt, ſi iamais en retourne. Ceſte parolle, que le Duc de Guerles dit, refroidit tellemēt, & auifa le Duc de Lanclaſtre, qu'il dit en ſoy meſme que ſon fils n'y entreroit iā, & qu'il en eſtoit reuenu; & luy ſignifia ſecrettemēt toute ſon entēte (car pour lors il n'eſtoit pas délez luy) & qu'il ſe diſſimulaſt de ce voyage de Friſe: car le Roy, ne luy, ne vuloient point qu'il y allaſt. Ainſi oſta le Duc de Guerles, en celle faiſon, au Côte de Hainaut, & à ſon fils, l'aide & compagnie du Comte d'Erby: dont il ſembla à pluſieurs, qu'il ne fut pas biē aiſé ne conſeillé: ne point n'auoit l'honneur de l'un ne de l'autre: & de celle condition, & nature fut il toute ſa vie, enuieux & orgueilleux. Pour ce ne demoura pas que Fierabras de Vertain (qui enuoyé eſtoit en Angleterre, pour auoir des compaignons en ce voyage) ne fiſt grandement ſa diligence: & eut Cheualiers & Eſcuyers, & bien deux cens Archers: mais le Comte d'Erby, par la maniere que ie vous ay dit, ſ'excufa. Laquelle excuſance il conuint ouir, & prendre en grē: mais on voit bien que volontiers y fuſt allé: ſe le Roy n'y euſt mis deffenſe, à la priere & moyen du Duc de Lanclaſtre. Si ordonna le Roy, pour l'auācement de ſes couſins de Hainaut, ſur la riuiere de la Tamife, à auoir vaiſſeaux à ſes couſtages, pour mener les Anglois, qui en ce voyage iroiēt, juſques à † Encuſe, vne ville, qui eſt au Côte de Hainaut, & tout au bout du païs de Hollande: & giſt celle ville d'Encuſe ſur la mer, à douze lieuës d'eauē pres du royaume de Friſe. En ce temps fut enuoyé en Angleterre, de par le Roy de Frāce, le Comte Valeran de Saint-Pol, ſur certains articles, & aucunes matieres, en-deuant miſes, traittees, & propoſees, ſur forme de paix: & eſtoit ledit Comte de S. Pol informé, de par le Roy de France & ſon Conſeil, pour remonſtrer ſecrettemēt & viuement au Roy d'Angleterre: & avecques luy fut enuoyé Robert l'Hermitte: qui de la paix auoit iā traitté, & parlé au Roy d'Angleterre: & volontiers en fut ouï. Quand le Comte de Saint-Pol fut venu en Angleterre: & il trouua le Roy & ſes freres, le Comte de † Brenne & le Comte de Hoſtidonne, & ſon oncle le Duc de Lanclaſtre, en vn tresbel manoir: qu'on dit Elten. Le Roy le recueillit doucemēt & ioyeuſemēt (car biē le ſauoit faire) & entendit à toutes ſes parolles moult volontiers: & luy dit à part, Beau-frere de S. Pol, tant qu'au traitté de la paix à auoir à mon beau-pere le Roy de France, ie m'y encline du tout: mais ie ne puis pas, tout ſenl, du tout faire, ne promouoir, ceſte beſongne. Vray eſt que mes freres, & mes deux oncles de Lanclaſtre & d'Yorch ſ'y enclinerōiēt aſſez toſt: mais i'ay vn autre oncle de Cloceſtre, trop perilleux & merueilleux, & qui en ce met tout le trouble qu'il peut: & ne ceſſe d'attraire les Londriens à ſa volōté, pour mettre vne rebellion au pays, & pour émouuoir & faire éleuer le peuple à l'encōtre de moy. Or regardez le grand peril: car, ſe le peuple d'Angleterre ſe releuoit ſecondemēt à l'encontre de moy, & ils euſſent avecques eux mon oncle le Duc de Cloceſtre, & aucuns autres Barons & Cheualiers d'Angleterre (qui ſont de leur accord & alliances, que bien ſay) le Royaume ſeroit perdu: & ſi n'y ſauroye cōment pourueoir: car mon oncle de Cloceſtre eſt de ſi tresmerueilleuſe maniere, & couuerte, que nul ne ſe cognoiſt en luy. Mōſeigneur (reſpondit le Comte de Saint-Pol) il le vous faut mener par douces parolles & amoureuſes. Dōnez luy du voſtre largement. S'il vous demāde aucune choſe (quoy que ce ſoit) accordez luy tout. Car c'eſt la voye, par laquelle vous le gagnerez. Il le vous faut blādir, tāt que vous en aurez fait, & que le mariage ſoit paſſé, & que vous ayez voſtre femme amenee en ce pays: &, quand tout ſera fait & accompli, vous aurez nouuel conſeil &

seil & auis: & aurez bien puissance d'oster les rebelles & mauuais contré vous: car le Roy de Frâce au besoing vous aidera. De ce deuéz vous estre assuré. En nō Dieu (dit le Roy) Beau-frere, vous parlez bien: & ie le feray ainsi. Ce tēps, que le Cōte de S. Pol fut en Angleterre, il estoit logé à Londres: & souuent alloit veoir le Roy, à Elten, & le Duc de Lancastre: & auoient parlement ensemble, & le plus sur les ordonnances de ce mariage. Ordonné estoit en France (& le Comte de S. Pol si l'auoit remonsté au Roy d'Angleterre) que le Roy de France & ses oncles viendroient à Sainct-Omer: & y ameneroient la ieune fille, qui deuoit estre Roïne d'Angleterre: & estoit leur intention que le Roy d'Angleterre viendroît à Calais: & là, entre Sainct-Omer & Calais, les deux Roys se veroient (car de veuē, & de parleur ensemble, c'est conionction d'amour) & auroient secrets traittez les deux Roys & leurs oncles, sans plus embesongner planté de gens, sur la forme & ordonnance de paix, auant que le Roy d'Angleterre emmenast sa femme en Angleterre: & se paix n'y pouuoit auoir, on alongeroit les trēues trente, ou quarāte ans, à durer entre les deux Royaumes, leurs conioints & adherens. Ceste ordōnance sembla bonne & belle au Roy & à son conseil: & enuoya tantost faire ses pourueances grandes & grosses, par mer & par terre, à Calais: & aussi firent tous les Seigneurs: & fut le Duc de Clocestre prié, de par le Roy, d'aller en ce voyage, & la Duchesse sa femme, & ses enfans aussi, & pareillement, les Ducs & Duchesses d'Yorch & de Lāclastre: mais la Duchesse de Lancastre estoit toute priece: car elle estoit à Elten, delez le Roy, avec le duc de Lāclastre son mary: & se departirent le Roy & le Comte de S. Pol tous ensemble: & cheuaucherēt vers Cantorbie, & vers Douures: & apres eux les suyuoient tous les Seigneurs, qui aller en ce voyage deuoient, & qui priez en estoiet. A vray dire, le Comte de S. Pol, pour rapporter ces nouuelles en France deuers le Roy, passa premierement la mer: & vint à Bourgongne: & luy là venu, il exploita tant, qu'il vint à Paris: & là trouua le Roy de Frâce & ses oncles: & leur recorda comment il auoit besongné. Tous s'en contenterent: & se departirent de Paris: & approcherent, petit à petit, la cité d'Amiens: † & le Roy d'Angleterre & ses oncles vindrent à Calais: & là se logerent, & grand nōbre de Seigneurs & de Dames, & le Duc de Bourgōgne, oncle du Roy de Frâce, sur certains traittez s'en vint à S. Omer: & de toutes ces besongnes & approchemens d'amour, & sur le traitté de paix, estoient moyens le Comte de S. Pol & Robert l'Hermite, & veint, la nuit de la Nostre-dame en Myaoust pour lors, le Duc de Bourgongne à Calais: & l'y mena le Comte de S. Pol, veoir le Roy d'Angleterre & ses oncles. Si y fut recueilly grandement & ioyeusement du Roy, & de tous les Seigneurs & eurent là Parlement ensemble, sur certains articles de paix: ausquelles choses le Roy d'Angleterre s'enclinoit du tout: & ne luy chaloit au vray dire, quelle chose on fist: mais qu'il eust sa femme. Quand le Duc de Bourgongne eut esté à Calais deux iours, & parlemēt au Roy d'Angleterre sur les articles de paix, le Roy luy dit que tous ces articles & proces il feroit rapporter en Angleterre, & les feroit remōstrer au peuple: car luy, ne tous les Seigneurs qui là estoiet, ne les pouuoiet conclurre n'accorder seuremēt, qu'ils teinsent fermes & estables sans la generale volonte du peuple d'Angleterre: & aussi bien luy conuenoit il y retourner. Si feroit tout d'un voyage. C'est bien dit (respondit le Duc de Bourgongne, & le Comte de S. Pol) & de Calais retournerēt à S. Omer, & de là à Amiens: ou le Roy estoit, & la Roïne, & leur fille: qui Roïne d'Angleterre deuoit estre. Aussi y estoient les Ducs de Berry & de Bretagne: car le Roy de France l'auoit mandé: & il y estoit venu à grand arroy. Et le Roy d'Angleterre, ses oncles: & autres Seigneurs Anglois retournerent en Angleterre: mais leurs femmes demourerent là, & vne partie de leur estat: car ils esperoient retourner: ainsi qu'ils firent. En ces vacations se fit le voyage en Frise, des Hainuyers: & premierement du Comte de Hainaut, de Hollande, & de Zelande, & de son fils, le Comte d'Ostrenant. Si vous compterons & remonstresons l'ordonnance: car la matiere le requiert.

Comment le Comte de Hainaut & le Comte d'Ostrenant, son fils, meirent sus vne grand' armee de Gens-d'armes, Cheualiers & Escuyers, pour aller en Frise: & comment le Roy de France leur enuoya de ses gens-de guerre, sous la conduite du Comte Valeran de Sainct-Pol, & de Monseigneur Charles de Labret.

CHAP. LXXVI.

Vous avez ouy cy-dessus recorder comment le Duc Aubert de Bauiere, & Guillaume son fils, Comte d'Ostrenant, estoient tresfort desirans de passer & aller en Frise, & là employer leur saison, pour le pays conquerre: & aussi estoient les Cheualiers & Escuyers de leurs pays, de Hainaut, de Hollande, & de Zelande: dont ledit Duc Aubert

† Arrivee du Roy d'Angleterre à Calais: ou le Duc de Bourgongne eut parlemēt à luy sur le traitté de paix d'entre France & Angleterre au mois d'Aoust tous iours 1396.

Retour du Roy d'Angleterre en son royaume pour y faire conclurre le traitté de paix pour-parlé.

estoit, par droite succession d'heritage, Seigneur & Côte. Pour laquelle besongne auancer & mettre à effect, ledit Guillaume Comte d'Ostrenant, auoit enuoyé en Angleterre, vn sien Escuyer, moult renommé en armes, appelé Fierabras de Vertain, pour auoir l'aide des Anglois: lequel Fierabras tât fit & exploita, que le roy Richard d'Angleterre, pour l'honneur de ses cousins de Hainaut auancer, enuoya aucuns Hommes-d'armes accôpaignez de deux cens Anglois, Archers: desquels estoient chefs & capitaines trois seigneurs Anglois, nommez l'un Cornouaille, & l'autre Colleuille: & du tiers (qui estoit Escuyer) n'ay-ie peu sauoir le nom: mais bien ay esté informé, qu'il estoit vaillant homme de son corps, & bié vité d'armes, de guerre, & de batailles: & auoit eu son méton coupé en vne noïse & ruse, ou il auoit vn peu par-auant esté: & luy auoit on fait vn méton d'argent: qui luy tenoit à vn cordon de soye, par-alétour de sa teste. Iceux Anglois vindrent à Encuse,

† Ceste clause
et les deux sui-
uantes sont a-
mendées & é-
claircies selon le
sens mesme de
l'Auteur.

à heure & à temps: ainsi que par-auant est dit. Mais, † pour la matiere verifier, j'ay esté informé que le Duc Aubert de Bauiere eut plusieurs cōsultations, ou Cōsaux, avec son fils aîné: c'est assauoir Monseigneur Guillaume, Comte d'Ostrenant: qui estoit vn homme moult bien fourny de tous mēbres: car il estoit grand & gros à merueilles, & de tresbon courage. Aussi à ses Consaux estoit moult recommandé, & bien ouy, vn tresuaillât Escuyer, & noble hōme à merueille, Guillaume de Croëbourg: qui tresfort enhortoit & admōnestoit ledit voyage: car il auoit vne merueilleuse haine aux Frisons: & leur auoit fait moult de dépirs & de contraires: & leur en fit encores assez depuis: ainsi que vous orrez. Ledit Duc Aubert se departit de la Haye en Hollāde, avec Guillaume son fils, Côte d'Ostrenāt: & s'en vint en son pays de Hainaut: & par espécial en la ville de Mōts: en laquelle il fit assembler & conuenir les trois Estats du païs: qui tresvolontiers, cōme à leur droiturier Seigneur obeyrent: & eux venus & assemblez, il leur remonstra, & fit remontrer, la bonne & haute volōté, qu'il auoit sur le faict du voyage de Frise, & le droit & action qu'il auoit de ce faire: & en ces remonstrances faisant, il leur fit lire plusieurs lettres patentes, Apostoliques, & Imperiales, noblemēt & authentiquement de plōb & d'or seelées, saines & entieres: par lesquelles apparoiſſoit, & apparut euidentement, le droit, qu'il auoit en la Seigneurie de Frise: en disant, Seigneurs, & vaillans hommes, noz sugets, vous sauez que tout homme doit son héritage garder & deffendre, & que l'hōme, pour son pays & pour sa terre, peut de droit émouuoir guerre. Vous sauez que les Frisons doiuent par droit estre noz sugets: & ils sont tresinobediens & rebelles à nous, & à nostre hauteſſe & Seigneurie comme gens sans loy, & sans foy. Et pourtant, treschers Seigneurs & bonnes gens, vous sauez que de nous-mesmes, sans l'aide de vous (c'est assauoir de voz corps, & de voz cheuances) nous ne pouuōs bonnemēt vn si haut faict fournir, ne mettre à execution. Nous vous prions qu'à ce besoing vous nous vueillez aider (c'est assauoir d'aide & d'argent & de Gēs-d'armes) à celle fin qu'iceux Frisons, inobediens, nous puissions subiuguer, & mettre en nostre obeissance. Ceste remonstration, de telle ou de pareille substance, ainsi faite que dit est, tantost iceux trois estats, d'vn commun accord & assentement, accorderent à leur Seigneur, le Duc Aubert, sa petition & requeste: cōme ceux, qui tresdesirās estoient

Remonstrances
du duc Aubert,
Comte de Hai-
naut, aux trois
Estats du pays,
sur le droit que
il auoit en Fri-
se ou il preten-
doit aller.

Aide de trente
mille francs, ac-
cordée par les
Estats de Hai-
naut à leur
Comte, pour son
voyage de Fri-
se.

Ambassadeurs
du Comte de
Hainaut, pour
auoir aide du
Roy de France.

(& ont tousiours esté trouuez tels) de faire plaisir, seruice, & toute obeissance à leur Seigneur & Prince pleinement: & (comme i'en ay esté informé) ils luy firent tout prestemēt auoir sur son pays de Hainaut, & en deniers cōptans, la somme de trente mille liures, sans y comprendre la ville de Valenciennes: laquelle ville fit de ce tresbien son deuoir: car le Duc Aubert, avec son fils, les alla veoir: & leur fit vne pareille requeste, qu'il auoit faicte aux Hainuyers, en la ville de Monts. Les choses ainsi conclues, ces bons vaillans Princes le bon Duc Aubert & Guillaume son fils, Comte d'Ostrenant, voyant la bonne volōté de leurs gens, furēt moult ioyeux: & nō pas de merueilles: car ils sentoient & veoient que par eux ils estoient tresgrandement aimez: & si en feroient treshautelement honnorer: & pourtant qu'ils se sentoient assez bien fournis d'argent & de finance, ils eurent cōseil d'enuoyer pardeuers le Roy de France: & luy feroient remōstrer l'emprise de leur voyage: & avecques ce, ils le prioient d'aide: & le firent ainsi: & y furent enuoyez deux vaillans, sages, & prudents hommes (qui moult bien s'en acquitterent) c'est assauoir Monseigneur de Ligne, & Monseigneur de Leumont: lesquels estoient deux moult vaillans Cheualiers, & qui estoient moult bien aimez des François: & par espécial le Seigneur de Ligne: que le Roy auoit fait son Chābelan: & estoit tresbien en la grace du Roy. Si en parla au Roy: & luy remonstra, bien & à poinct, la volōté & l'emprise de son Seigneur le Duc Aubert de Bauiere, en faisant sa petition & requeste. A laquelle tresfavorablement condescen-

Le Comte Vale
ran de S. Pol et
Charles d'Al-
bret capit. de
cinq cens lances,
enuoyez au cō-
te de Hainaut,
pour son voya-
ge de Frise.

Les noms de
plusieurs nobles
hommes de Hai-
naut, qui accom-
pagnerent leur
Comte à son
voyage en Fri-

bert, tout ce qu'il auoit labouré en Angleterre : dont le duc estoit moult ioyeux) le Seigneur d'Osteuene, messire Rasse de Montigni, & Thuq de Merse, le seigneur de Rorfin, messire Iehan d'Andregines, Perlant son frere, & plusieurs autres gentilshommes & escuyers, tous lesquels assemblez estoient à son hostel de monts. Il les pria & requit, que tous se voussissent armer & appareiller, & aussi pourueoir de bons compaignons, chacun selon sa puissance, les mieux en point, que faire le pourroient : & voussissent tous de bonne volonté, & par bonne affection, pour son honneur & le leur auancer, le suiur, & estre en sa compaignie, en la ville d'Encule, en la basse Frise, à Meemelic, & là entour, pour auer luy monter en mer, & passer en la haute Frise : ou il en entendoit à estre, au plaisir de Dieu, à la My-aoust, prochainement venant : & que là les attendroit il : car son intention estoit d'aller denant, pour ses affaires preparer, & ses gens d'armes recueillir & assembler, & aussi Hollandois & Zelandois émouuoir & induire à son seruice faire, & son desir accomplir. Tous lesquels Cheualiers & Escuyers & Seigneurs Hainuyers, de bonnaïremēt & sans quelconque contredit, luy accorderent sa requeste : & promirent tous à luy faire seruice, comme ses loyaux vassaux. A quoy nulle defaute le dit Duc Aubert ne Guillaume son fils, Comte d'Ostrenant, ne trouuerent : mais tresdiligemment se preparerent & ordonnerent : & firent tant qu'à l'entree du moys d'Aoust, l'an da grace 1376. ils furent tous prests & appareillez & se meirent au chemin, par routes & par compaignies, tant bien de compaignons étoffés, & de gens d'armes, que mieux dire on ne pourroit : & s'en allerent en Auernes, pour monter sur l'eau, & aller à Encuse, en la basse Frise : ou l'assemblée se faisoit : ainsi que dit est. Or pensez si adonc au pais de Hainaut, quand ces appareils & pourueaces se faisoient & que ces gētils Cheualiers & Escuyers, & Gētilshōmes, & aussi plusieurs autres gentils compaignons s'appareilloient, les Dames & les Damoiselles, plusieurs autres femmes, estoient ioyeuses. Il faut dire que non : car elles veoient, les vnes leurs peres, freres oncles & maris, & les autres leurs amis par amours, qui s'en alloient en celle guerre, perilleuse & mortelle : car les aucunes & plusieurs, bien sauoient comment au temps passé les Hainuyers, avec leur Seigneur le Comte Guillaume, y estoient demourez mors. Si doutoient encores qu'ainsi n'auinst à leurs amis, comme il auoit fait à leurs predecesseurs : & moult bon gré sauoient à la Duchesse de Brabant, qui auoit defendu, par tout son pays de Brabant : que nul Gentilhomme, n'autre ne s'auançast d'y aller. Si en parloient lescdites dames souuent à leurs amis, en eux prians qu'ils se voussissent deporter de ce voyage faire : & en tenoient souuent plusieurs parlemens & consaux : qui bien peu leur profitoient. Toutesfois elles en sauoiet tresmauuais gré au bastart de Vertain : c'est assauoir Fierabras : car elles disoient que c'estoit celuy, qui plus auoit emeu la besongne. Quand le Duc Aubert & Guillaume son fils eurent ouye la response de leurs bonnes gens de Hainaut, ils s'en retournerent en Zelande, & remonstrent aux Zelandois tresbenignement leur affaire. Lesquels descendirent doucement à leur requeste & petition, & à ces exploits faire s'enclina grandement le Seigneur de la Vere, messire Floris de Boessel, Floris d'Abel, le Seigneur de Zenemberge, messire Clais de Boyfel, & Phe lippe de Cortien, & plusieurs autres gentilshommes : tous lesquels se meirēt tout prestement en armes, & en ordonnance de tresbel arroy, & monstrent tresbien, à leurs appareils qu'ils auoient tous desir d'eux auancer.

Le Côte de Hainaut & son fils en Zelāde pour leur appareil de Frise.

Comment le Comte de Hainaut descendit en Frise, avec son armee, & comment ayant desconfit les Frisons en bataille, fut neantmoins contraint se retirer en Hollande, pour passer l'Yuer, sans auoir rien conquis au pays de Frise.

CHAP. LXXVII.

Les Comtes de Hainaut en leur pays de Hollande qui leur fait grand aide.

A Pres ces choses passerent les deux Seigneurs (c'est assauoir le pere & le fils) en Hollande : & pareillement ils firent leurs requestes aux Hollandois (especialement aux Barons & bonnes villes) ainsi qu'ils auoient fait en Hainaut & en Zelande, & à vous dire verité, les Hollandois en furent moult ioyeux : car sur toutes choses ils haient les Frisons, & par especial les Cheualiers & Escuyers du pais : pource qu'ils ont continuelles guerres ensemble sur la mer, & sur les bondes du pais, & prennent & pillent souuent l'un sur l'autre. Et pourtant les Seigneurs de Hollande (tels que le Seigneur d'Artrel, & plusieurs autres gentils Escuyers & nobles hōmes) oyans les supplications & hauts vouloirs de leurs Princes, le Duc Aubert & Guillaume son fils, de grād volonté s'offrirēt à eux & leur promirent confort & aide de toutes leurs puissances : & biē le mōstrent : car tout prestement ils se meirent en armes, & aussi firent les bonnes villes & gens du pais, qui liurerent aux dessusdits

deffusdits Seigneurs & Princes grand nombre d'Arbalestiers & † Cranequiniers, pique-
naires, & Gens-d'armes, & ne demoura gueres que de toutes parts Gens-d'armes se com-
mencerent à assembler, & venir enuers ceste ville d'Encuse, là ou l'assemblée se faisoit,
& venoient vaisseaux de toutes parts, & tellement, qu'on tenoit qu'ils estoient plus de
trente mille mariniers: & disoit on que la ville de Harlen en auoit seulement liuré douze
cens. Tous lesquels vaisseaux furent retenus, & tresbien pourueus de tous viures & au-
tres habillemens de guerre, tant & si suffisamment, que mieux on ne pourroit. Or sans fau-
te, se les Dames de Hainaut estoient ennuyeuses pour les hommes, autant bien l'estoiet
les Hollandoises & Zelandoises: † & fut vray que leur malueillance cheut sur Guillaume
de Cruembourg (pourtant qu'il auoit le nom d'estre celuy, qui plus auoit emeu & incité
la besongne à faire, & qui plus conseilloit au Duc Aubert qu'il fît ceste entreprise) & pa-
reillement sur le Sire de Merebbede: qui trop desiroit se venger sur les Frisons, pour les
deplaisirs qu'ils luy auoient faits, car à la bataille de-par-auant (là ou le Comte Guillau-
me fut piteusement & douloureusement occis) il auoit perdu trente & trois cottes d'ar-
mes de son lignage (dont messire Daniel de Merebbede estoit Chef) qu'onceques les Fri-
sons n'en voulurent prendre vn à rançon. Ces deux Seigneurs, Guillaume de Cruem-
bourg & le Seigneur de Merebbede, ne s'osoient veoir deuant les Princeffes & Dames
de la court du Duc Aubert. Ne demoura gueres que toutes manieres de Gens-d'armes
furent venus & arriuez: & vindrent premierement les Anglois (si leur fut leur deliuran-
ce faite) & en apres vindrent les Hainuyers, en tresbel arroy: & les menoit Monseigneur
le Sénéchal de Ieumont, & Mōseigneur de Commegines (qui en estoit Mareschal) qui
tout prestement aussi furent deliurez. Puis Hollandois & Zelandois en apres. Mais les
François si ne vindrent pas si tost: ainçois, depuis que toutes manieres de Gens-d'armes
furent venus & assemblez, & tous prests pour passer, il conuint tarder vnze iours, apres
les François. Auquel terme pendant s'ensuyuit vn debat entre les Hollandois & les An-
glois: & sans faute (se n'eust esté Guillaume, le Comte d'Ostrenant) tous les Anglois eus-
sent esté occis des Hollandois. Lesquels debats furent rappaisez, & les François venus,
dont on fut moult réiouy: car c'estoient Gens-d'armes moult bien appareillez de tous
harnois. On commanda tantost, que tout homme (quel qu'il fust) se meit en son vaisfel.
Si fut ainsi fait, & monterent toutes manieres de gens: & quand ils furent es vaisseaux, ils
leuerent les voiles, & se commanderent à Dieu, & commencerēt à singler parmy la mer
qui estoit belle, quoye, & serie: & sembloit parfaitement qu'elle desirast à eux faire plai-
sir: & tanty auoit de vaisseaux, que (s'ils eussent esté arrangez l'un pres l'autre) de deuers
Encuse iusques à la bonde Cundrem (qui est en la haute Frise: ou ils contendoient à des-
cendre: comme ils firent) ou il y a douze lieues d'eau, ils eussent bien couuert toute la
marine: mais ils alloient de front, tant ordonnément, que mieux on ne pouuoit. Si vous
laisserons vn petit à parler d'eux: & parlerons des Frisons: lesquels (comme j'ay esté infor-
mé) estoient de long temps auertis de la venue dudit Duc Aubert, & de la grande puis-
sance de Gensd'armes, qu'il amenoit sur eux. Quand Frisons seurent & entendirent qu'ils
auroient la guerre, ils se meirent ensemble, & firent tous conuenir les plus sages hom-
mes de leurs terres, pour sur ceste grande besongne auoir auis, comment pour le mieux
ils se pourroient ordonner & tenir, & combien qu'ils en tenissent, ou eussent tenu, quel-
ques confaux, si estoit leur intention telle, qu'ils combatroient leurs aduersaires tantost,
& tout prestement qu'ils les sauroient & sentiroient sur leur pays: & disoient entre eux,
que mieux ils aimoient à mourir frâcs Frisons, qu'estre à quelque Roy, ne Prince, en ser-
uage, ne fugection: & que pour tous mourir, ils ne se departiroient de combattre leurs en-
nemis: & ordonnoient en leurs confaux, que ia homme ils ne prendroient à rançon (tant
grand fust il) mais mettroient tout à mort, & exil perpetuel. Entre eux auoit vn moult no-
ble homme, grand à merueilles, puissant homme & veritablement il excedoit tout le pl^r
grand Frison, de toute la teste, & plus: & estoit nommé, en la terre, Yue Iouere: & Hollan-
dois, Zelandois, & Hainuyers, l'appelloient le grād Frison. Cestuy vaillant homme estoit
moult recommandé en Pruce, en Hongrie, en Turquie, à Rhodes, & en Cypre: ou il auoit
fait plusieurs grans & nobles faits d'armes de son corps, tāt que sa renommée estoit par
tout moult augmentée. Quand il ouit les Frisons parler de combattre leurs aduersaires,
il respondit: & dit, O vous nobles hommes & francs Frisons, sachez qu'il n'est chance,
qui ne retourne. Si par voz vaillantises & prouesses vous auez autrefois les Hainuyers,
Hollandois, & Zelandois déconfits, sachez maintenant que ceux, qui viennent, sont gens

† Cessoient Ar-
balestiers, qui
bandoier leurs
arbalestes, avec
vn bandage,
nommé Crane-
quin, autrement
Pié de Biche.

Quant à pique-
naires, il les
prend pour pi-
quiers, duquel
mot vſe quel-
quesfois Oli-
uier de la Mar-
che en ses Me-
moires, & de
ce passage, nous
en pouuons cor-
riger vn autre
au chap. 82 du
2. Vol. ou il y a
piques noires.

† Ce reste de
clause est four-
ni selon le sens
de l'Auteur, y
desaillant para-
uant quelques
mots.

Embarquemēt
de l'armée du
Comte de Hai-
naut pour des-
cendre en la hau-
te Frise.

Deliberation et
preparatifs des
Frisons, pour
recevoir leurs
ennemis de Hai-
naut.

trop appris de guerre, & croyez tout de certain, qu'ils feront tout autrement, que leurs predecesseurs ne firent: & verrez qu'ils ne s'abandonneront point, mais seront tous auliez & maintenus de leurs faits. Et pourtant ie conseilleroye, que nous les laissions venir, & entrer si auant, qu'ils pourront: & gardissions noz villes & forteresses, & les laissions aux champs: ou ils se degasteront, Nostre pays n'est pas pour eux longuement soutenir. Nous auons plusieurs bons fossez, ou digues. Si ne pourront aller aual le pays: car ils n'y pourront cheuaucher, n'aller aual le pays à cheual, & ils ne peuuent gueres aller à pié, & pourtant ils seront tantost si tainnez, qu'ils se degasteront, & s'en retourneront, quand ils auront ars dix ou douze villages. Si ne no⁹ greuera, ainsi que riens, car tousiours les refera on bien. Mais si nous les combatons, ie me doute que nous ne serons point assez forts pour eux combattre vne fois, car à ce que i'ay entendu, & sceu par certaine relation, ils sont plus de cent mille testés armées. Et il disoit verité, car ils estoient bien autât, ou plus. A ces parolles se consentoient assez trois vaillans Cheualiers Frisons, qui nommez estoient, l'un messire Feu de Dorekerq, l'autre messire Girard Cauin, & le tiers messire Tiny de Valturg: mais le peuple nullement ne s'y consentoit, & aussi ne faisoient plusieurs nobles hommes (qu'ils appellent au pays les Elins, c'est adire les Gétils-hômes, ou les Iuges des causes) & tant opposerēt à cestuy grād Frison, qu'il fut cōclu entre eux, que si tost qu'ils sauroient leurs ennemis arriuez, ils les cōbattoient, & demourerent tous sur ce propos & deliberation, & pourtant se meirent tous prestement aux armes. Mais, au vray dire, ils estoient trespourement armez, & n'auoient les plusieurs quelcōques armeres deffensables, sinon leurs vestures, qui estoient de gros bureaux, & de gros draps, ainsi que on fait ces † flassars de cheuaux. Les aucuns estoient armez de cuirs, & les autres de haubergeons, tous enrouillez, & sembloit proprement qu'ils deussent faire vn caribary, les plusieurs, mais si en auoit il aucuns, qui estoient assez bien armez. Ainsi se meirēt ces Frisons en armes, & quand ils furent habillez & prests, ils s'en allerent à leurs eglises, & là prirent les Crucifix, confanons, & croix de leurs eglises, & se meirēt par trois batailles (dont en chacune auoit bien dix mille combatans) & vindrent iusques à vne Loueuerē c'estoit vne deffense d'un fossé, qui estoit assez pres de là ou les Hainuyers, Hollandois, & Zelandois, deuoient prendre terre & port, & là sarresterent, & bien les veoient les Hainuyers, Hollandois & Zelandois, car ils estoient ia comme tous arriuez, & vouloient descendre ius des vaisseaux. † & fut verité que le iour, que le Duc Aubert & ses gens attriuerent, il estoit le iour Saint Barthelemy, par vn Dimenche, en l'an que dessus. Quand les Frisons veirēt leurs auersaires ainsi approcher, ils issirent enuiron six mille de leurs gens sur les digues, pour auiser s'ils pourroient détourner à leurs ennemis le descendre. Mais entre ces Frisons y eut vne femme, vestue de bleu drap, qui comme folle & derunée, se bouta hors des Frisons, & s'en vint par deuant les Hainuyers, Hollandois, & Zelandois, qui s'appareilloient pour combattre leurs ennemis, & auisoient la maniere d'eux, & que celle femme vouloit faire. Laquelle femme vint tant, en approchant iceux Hainuyers & Hollandois, qu'elle fut pres d'eux, le trait d'une flèche. Tantost ceste femme, là venue, se met en place, & puis tourna le derriere, & leua ses draps (c'est assauoir sa robe & sa chemise) & monstra son derriere aux Hainuyers, Hollandois, & Zelandois, & à toute la compaignie, qui veoir la vouloit, en criant aucuns mots, ne say pas quels, sinon qu'elle dit, en son langage, Prenez là vostre bien venue. Tantost que ceux des nefes & des vaisseaux aperceurent la mauuaitié d'icelle femme, ils tirerent, apres, flèches & viretons. Si fut prestement enfermée par les fesses, & par les iâbes (car à vray dire, ce sembloit neige, qui volast vers elle, du trait qu'on luy enuoyoit) & ne demoura gueres, que les aucuns saillirent hors des nefes, les aucuns en l'eau, & les autres dehors, & se meirent à la course apres ceste malheureuse femme, les espees toutes nues en leurs mains. Si fut tantost prile, & dépecée en cent mille pièces, ou plus, & tandis s'auançoient toutes manieres de Gens-d'armes à issir hors des nefes & des vaisseaux, & s'en vindrent contre ces Frisons, qui les receurent par tresgrande vaillance, & les repoussioient & reboutoient de longues picques, & les aucuns abbatoient à terre, de longs batons, ferrez au bout, & bien bandez de part en part, & pour vray dire, à prendre terre il y eut moult de faits d'armes faits, & plusieurs emprises, moult vaillamment, car de morts & d'abbatus, il en y eut sans nombre, mais, par la force des Archers & Cranequiniers, Hainuyers, Hollandois, & Zelandois, & tous les autres qui se combattoient par tresbelle ordonnance, gaagnerent sur les Frisons la digue & la place, & demourerent victorieux pour ceste premiere emprise, & là sur celle digue s'arangerent

† Sala dit flachars, que ie pe se estre quelque gros draps pour faire couuertes à cheuaux, de peur de les inorfondre. Quand à caribary, nous autres, disons charinari. † Le iour de la descente du duc Aubert en Frise. 1396,

Cōbat des Hainuyers, à leur desembarquement & descente, contre les Frisons,

rangerent ils moult ordonnément, chacun sous sa banniere, en attendant l'un l'autre: & veritablement, quand ils furent tous arrangez, ils tenoient plus de demie lieue de long. Ces Frisons, qui auoient esté reboutez, & qui auoient perdu celle digue, se retrairent entre leurs gens: qui estoient bien trente mille, tous enclos en vne t Lauure, dont ils auoient getté la terre par deuers eux: & estoit le fossé tresparfond: lequel fossé n'estoit point loing de là, car tresbien le pouuoient veoir les Hainuyers, Hollandois, Zelandois & François: qui rangez estoient sur celle digue. Et en celle ordonnance furent ils tant & si longuement, que toutes manieres de gens furent hors des nefes & vaisseaux, & tous leurs habillemens, & aucunes tentes drecées & se reposerent & aiserent ce Dimenche, & le Lundy, en auisant leurs ennemis les Frisons: & y eut fait en ces deux iours plusieurs écarrouches & faits d'armes. Quand ce vint le Mardy au matin, ils furent tous pres d'un costé & d'autre: & adonc furent faits plusieurs nouveaux Cheualiers entre les Hainuyers, Hollandois, & Zelandois: & estoit ordonné que les Frisons seroient combatus. Si se meirent tous ces Hainuyers, Hollandois, & Zelandois, avecques leurs aidans, en bataille, tresordonnément, & leurs Archers entre eux, & deuant: & puis firent sonner trôpettes & clairons, & en ce faisant, ils commencerent à venir pas à pas, pour passer ce fossé. Lors vindrent Frisons auant: qui se deffendoient: & Archers tiroient sur eux, mais ces Frisons se couuroient de targes, & de la terre du fossé: qui estoit haute deuers eux. Neantmoins ils furent de si pres approchez, que plusieurs Hollandois se bouterent en ce fossé: & faisoient ponts de lances, & de picques: & par tresmerueilleuse maniere commencerent à enuahir ces Frisons: lesquels deffendoient le pas tresvaillamment: & ruoient des coups si grans, sur ceux qui vouloient monter sur la digue du fossé, qu'il les regettoient tous plats estendus en ce fossé. Mais les Hainuyers, Hollandois, & Zelandois, François, & Anglois, estoient si fort armez, que les Frisons ne les pouuoient endommager: n'autre mal ne leur faisoient, que ruer par terre: & là estoient les faits-d'armes & les appertises monstrées & veuës, si grans & si nobles, que ce seroit chose impossible de tant recorder. Là s'acquiteroient ces nouveaux Cheualiers: qui desiroient à faire armes, & mettre leurs ennemis au dessous: lesquels se deffendoient tresmerueilleusement & aigrement, car, au vray dire, ce sont fors hommes, grans & gros: mais ils estoient tresmal armez: & en y auoit plusieurs tous déchaux, sans chausses & sans souliers, combien que tons se deffendissent par tresgrand courage. En cest assaut faisant, trouuerent Monseigneur de Ligne, Monseigneur le Sénéchal de Hainaut, Monseigneur de Ieumôt, & plusieurs autres Seigneurs de Hainaut, à tout leurs gens, en tournant & viroissant celuy fossé, vne sente: là ou ils passerent, outre: & vindrent dessus ces Frisons: ou ils se bouterent aux fers de lances, tellement que les Frisons furent tous comme ébahis, & laisserent plusieurs des Frisons le fossé & la digue, qu'ils deffendoient, aux Hollandois, & s'en vindrent ferir sur ces Hainuyers: qui les receurent tresvaillamment: & tellement qu'ils les firent partir & ouurir: & lors Hollandois & Zelandois passerent ce fossé, & s'en vindrent aussi bouter & plonger en ces Frisons, & les commencerent tresfort à espartir, puis ça, puis là. En ceste griue & horrible bataille fut mort & occis le grand Frison: qu'ils nommoient Yue Louere. Si ne demoura guères apres, que les Frisons s'ébahirent tellement, qu'ils commencerent à fuir, à qui mieux mieux: & laisserent la place à leurs aduersaires, mais la chace fut grande & horrible, car on n'y prenoit nully à rançon, & par especial les Hollandois les tuoient tous, & mesme ceux, qui estoient pris des Hainuyers, des François, ou des Anglois, si les tuoient ils entre leurs mains. Entre ces Hollandois estoit Monseigneur Willem de Cruébourg, & ses deux fils, Iehan & Henri (qui nouveaux Cheualiers estoient deuenus la matinée) qui merueilleusement s'acquitoient de faire armes, & d'occire Frisons: & bien monstroient, à leur semblant, que petit les aimoient. A vray dire, finalement Frisons furent déconfits, & en demoura la plus grande partie de morts sur les champs. Aucuns, & bié peu, furent pris enuiron cinquante: qui depuis furent menez à la Haye en Hollande, & y furent grande piece de temps: & est à sauoir, que le Seigneur de Cundrem (c'est assauoir le Seigneur de la terre ou le Duc Aubert & ses gens estoient descendus) s'estoit rendu au Duc Aubert, le Lundy deuant: & furent luy & ses deux fils à la bataille contre les Frisons lesquels deux furent, depuis long temps delez le Duc Aubert & son fils, le Comte Guillaume, tant en Hollande & Zelande, comme en Hainaut. Apres ceste deconfiture sejournerent les Hainuyers, Hollandois, Zelandois, François, & Anglois audit pays de Cundrem, en prenant villes & fortresses, mais certainement ils conqueroient bien petit,

*† il a dit par auant Loue-
vvere, inter-
pretant que c'e-
stoit vne defen-
se d'un fossé.*

*Autre combat
ou bataille con-
tre les Frisons,
estant toute
l'armée du Cô-
te de Hainaut,
de scélue à terre*

*Le fort des Fri-
sons enuahis, et
eux déconfits.*

*† il y auoit en-
tre, au contrai-
re du sens de
l'Auteur.*

†Entendez de
ceux de l'Ar-
mee de hainaut

car les Frisons les endommageoient fort par aguets & par rencôtres, & quand † ils prenoient aucuns prisonniers, si n'en pouuoit on riens auoir : n'ils ne se vouloient rendre, mais se combattoient iusques à la mort: & disoient que mieux aimoient à mourir Frans Frisons, que d'estre en nulle sugection de Seigneur ou de Prince, & quant est aux prisonniers qu'on prenoit, on n'en pouuoit traire nulle rançon, ne leurs amis & parens ne les vouloient racheter: mais laissoient l'un l'autre mourir es prisons, ne iamais autrement ne vouloient racheter leurs gens, sinon que, quand ils prenoient aucuns de leurs aduersaires, ils rendoient homme pour homme, autrement nom, mais, s'ils sentoient qu'ils n'eussent nuls de leurs gens prisonniers, certainement ils tuoient & mettoient tous leurs ennemis à mort. Quand ce vint au bout de cinq semaines, & que là on auoit ars moult de villes & de villages, qui n'estoient point de trop grande valeur, le temps commença à refroidir merueilleusement, & à plouuoir pres que tous les iours, & la mer, pour les vents se tempestoit moult souuent. Le Duc Aubert, & Guillaume son fils, ce voyant, proposerent d'eux mettre au retour, & reuenir en la basse Frise (dont ils estoient partis) & de là en Hollande, pour plus conuenablement passer l'Yuer, qui estoit moult fort. Si le firent ainsi, car ils se meirent au retour, & firent tant, qu'ils furent à Encuse, & là donnerent iceux Seigneurs congé à toutes manieres de Gens d'armes, & par especial aux estrangers: qui se contenterent tresgrandemēt d'eux, & leur payerent tresbien leurs soudoyées, & si les remercierent de la bonne aide & seruice, que fait leur auoient. Ainsi se deffit ceste armee de Frise, & n'y conquererent aucune chose pour celle saison, mais, dedans le terme de deux ans apres, ces deux nobles Princes (c'est assauoir le Duc Aubert, & Guillaume son fils, Côte d'Ostrenant, & adonc Gouverneur de Hainaut) y retournerent la seconde fois & y conquererent grandement & largement: & y firent moult de belles prouesses: ainsi que au plaisir de Dieu, cy apres apperra. Mais nous nous en taisons à tant: & parlerons de l'ordonnance des nopces du Roy d'Angleterre, & de la fille de France.

Retraite du
Duc Aubert,
et de son armee
en la basse Fri-
se, et en Hollan-
de pour Yuerner

*Comment l'ordonnance des nopces du Roy d'Angleterre & de la fille de France se fit,
& comment le Roy de France la luy liura en sa tente, entre Ardres & Calais.*

CHAPITRE

LXXVIII.

†Ceste clausse,
& la suivante,
est eclaircie se-
lon le sens de
l'Auteur.

Vous sauez comment le Roy d'Angleterre † fut à Calais, & là seiourna, avec ses oncles & plusieurs Prelats & Barons d'Angleterre de son Conseil, & parlemēta au duc de Bourgogne sur certains traittez. Apres qu'il fut retourné en Angleterre, il sy tint, tant que la Sainct-Michel fut venue, que les Parlemens généraux se tenoient au Palais, à Westmonstier: & entretant on fit ses pourueances, à Calais, grandes & grosses, & aussi à Guines, & de tous les Seigneurs d'Angleterre, & là estoient enuoyez, la greigneur partie, des ports & des haures d'Angleterre, & de la riuere de la Thamise: & aussi on en prenoit grande foison en Flandres, à Bruges, au Dan, & à l'Escluse, & toutes ces pourueances venoient par mer à Calais. Pareillement, pour le Roy de France & son frere le Duc d'Orleans, & leurs oncles, & pour les Barons & Prelats de France, on faisoit grande pourueance à Sainct Omere, à Aire, à Therouenne, à Ardres, à la Montoire, à † Banelingnen, & en toutes les maisons & Abbayes de là enuiron: & n'y estoit riens épargné, ne d'un costé ne d'autre, & s'efforçoient tous les Officiers des Seigneurs, l'un pour l'autre, & par especial, l'Abbaye de Sainct-Bretin estoit moult fort remplie de tous biens, pour recueillir les Royaux. Quand les Parlemens † d'Angleterre (qui sont & se font par vsage au Palais du Roy, à Westmonstier, & comment à la Sainct-Michel, & ont ordonnance de durer quarante iours) furent passez (comme pour lors on les abbregea, car le Roy n'y fut que cinq iours) & remōstrées les besongnes du Royaume, le plus pres touchās, & les plus necessaires & par especial celles, qui à luy appartenoiet, & pour lesquelles il estoit là venu, & retourné de Calais, il se meit au chemin, & aussi firent ses deux oncles de Lanclastre & de Clocestre, & tous les Prelats, Barons, & Cheualiers d'Angleterre, qui du Conseil estoiet & tant exploiterent, que tous passerent la mer: & se trouuerent à Calais. Le Duc Aymōd d'Iorch ne passa point la mer (ains demoura en Angleterre) & aussi ne fit le Côte d'Erby & demourerent derriere, pour garder en Angleterre, iusques au retour du Roy. Quand le Roy d'Angleterre & ses oncles furent retournez à Calais, les nouuelles en furent tantost signifiées aux Seigneurs de France, qui se tenoient en la Picardie. Si s'en vindrent à Sainct-Omer: & se logerent le Duc de Bourgogne & sa femme en l'Abbaye de Sainct † Vertin. Tantost que le Roy de France sceut que le Roy d'Angleterre estoit venu à Calais, il y

† Verard dit
belinguen.

†Ceste elanse
est encor eclai-
cie selon le sens
de l'Auteur.

Retour du Roy
Richard d'An-
gleterre à Ca-
lais, pour para-
cheuer son ma-
riage.
† Il a nagueres
dit Bretin.

lais, il y enuoya le Comte de Saint-Pol, veoir le Roy, & luy dire de son ordonnance, & comment on vouloit en France qu'elle se fist. Le Roy d'Angleterre y entendit volontiers, car grande plaifance il prenoit à la matiere. Or retournerent à Saint-Omer, en la compaignie du Comte de Saint-Pol, le Duc de Lancastre, & son fils messire Beaufort de Lancastre, & le Duc de Glocestre, & Offrem son fils, le Comte de Rostellant, & le Comte Marschal, & le Comte de Hostidonne, Chambelan d'Angleterre, & grand nombre de Barons, de Cheualiers, & d'Escuyers, lesquels furent grandement & bien recueillis du Duc de Bourgongne & de la Duchesse: & là vint aussi le Duc de Bretagne: & auoit laissé le Roy de France à Aire, & la ieune Roine d'Angleterre, sa fille. Vous deuez sauoir que toute la peine & diligence, qu'on peut par honneur mettre à bien festoyer ces Seigneurs d'Angleterre, on le fit & meit: & leur donna la Duchesse de Bourgongne grandement & richement à disner: & y fut la Duchesse de Lancastre, & ses deux filles, & ses fils & y eut donné grande foison de mets & d'entremets, & grans presens, nobles & riches, de vaisselle d'or & d'argent, & de toutes nouvelles choses: & riens n'y eut épargné en estat tenir: & tant que les Anglois semerueilloiet ou telles richesses pouuoiet estre prises: & par especial, le Duc de Glocestre en auoit grande merueille: & disoit à ceux de son Conseil, qu'au Royaume de France est toute richesse & puissance. Ace Duc de Glocestre, pour l'adoucir & mettre en bonne voye de raison & d'humilité (car les Seigneurs de France sauoient qu'il estoit haut & dur en toutes concordances) on luy faisoit, & mōstroient on, tous les signes d'amour & d'honneur, qu'on pouuoit. Neantmoins tout ce, il prenoit bien tous les ioyaux, qu'on luy donnoit & presentoit: mais tousiours demouroit la racine de sa rancune dedans le cuer: n'oncques pour chose que les François feussent faire, on ne le peut adoucir, qu'il ne demourast tousiours fel & cruel en toutes responses: puis qu'elles traittoient & parloiet de paix. François sont moult subtils, mais tant, que à luy, ils n'y sauoient auenir, ne comment y entrer, car ses parolles & responses estoient si couuertes, qu'on ne le sauoit comment entendre, ne sur quel bout prendre, & quand le Duc de Bourgongne en veit la maniere, si dit à son Conseil. Nous perdōs tant que nous mettons à ce Duc de Glocestre, car ia, tant qu'il viue, il ne fera paix entre France & Angleterre: mais trouuera tousiours nouvelles cautelles & accidences, par quoy les haines s'engendreront & releueront es cueurs des hommes de l'un Royaume & de l'autre, car il n'entend, n'y ne pense à autre chose, se n'estoit le grand bien que veons au Roy d'Angleterre, par quoy au temps auenir nous esperons mieux valoir, par verité il n'auroit ia à femme nostre † cousine de France. Quand le Duc & la Duchesse de Bourgongne, la Comtesse de Neuers, & la Comtesse de Saint-Pol, les Dames, & les Seigneurs de France eurent receu ces Seigneurs & Dames d'Angleterre, & festoyé grandement, comme vous auez ouy (en laquelle recueille fut auisé comment, ou & quand les deux Roys se rencontreroient, & trouueroient sur les champs, & feroit au Roy d'Angleterre deliurée sa femme) congé fut pris, & donné de toutes parties, & retournerent les deux Ducs d'Angleterre, leurs femmes & enfans, & tous les Barons & Cheualiers d'Angleterre, qui là auoient esté à Calais, deuers le Roy: auquel ils recorderent comme on les auoit recueillis & festoyez, & grandement enrichis de dons & de ioyaux. Ces parolles & louenges pleurent moult grandement au Roy d'Angleterre, car il estoit bien ioyeux, quand il oyait bien dire du Roy de France & des François: tant les auoit-il ia enamourez, pour cause de la fille du Roy: qu'il tendoit à auoir à femme. Assez tost apres vint le Roy de France à Saint-Omer, & se logea en l'Abbaye de Saint Vertin, & bouta hors tous ceux & celles, qui logez y estoient: & amena le Duc de Bretagne en sa compaignie, & furent ordonnez pour aller à Calais, parler au Roy d'Angleterre & à son Conseil, les Ducs de Berry, de Bourgongne & de Bourbon, & se departirent de Saint-Omer: & cheuaucherent vers Calais, & feirent tant, qu'ils y vindrent. Si furent recueillis du Roy, & des Seigneurs, grandement & ioyeu sement, & leur fut faite la meilleure chere, qu'on peut, & eurent les trois Ducs, dessus nommez, certain & especial traité au Roy d'Angleterre, & à ses oncles, & tindrēt moult des gens de France & d'Angleterre, que paix fut accordée entre France & Angleterre: & estoient presque sur celuy estat, & s'y assentoit assez, pour ce temps, le Duc de Glocestre, car le Roy, son neveu, l'auoit si auant amené de parolles, que promis luy auoit, que, là ou la paix se feroit, qu'il feroit son fils, Offrem, Comte de Rocestre, en héritage, & feroit valoir ladite Comté, par an, de reuenue, deux mille liures à l'estrelin, & audit Duc de Glocestre, son oncle, il donneroit, luy retourné en Angleterre, en deniers appareillez,

† Ainsi dit le
rare, mais elle
luy estoit arrie-
re nièce.

Le Roy Charles
de France à S.
Omer, pour par
acheuer le ma-
riage de sa fille
avec le Roy
d'Angleterre.

† l'ay remis ce
mot suivant sa
la n'y ayans
par auant que
Darde, & dar-
ne en Verard.
† L'an 1396.
vne & parle
ment des Rois
de France &
d'Angl. entre
Guines et Ar-
dres, la veille
s. Simo et s. Iu-
de, & est ceste
clause amende
& redrece se-
lon la deductio
suivante.

Le Roy d'An-
gleterre prend
son vin en la
tente du Roy de
Frâce avec luy

† Il y a auoit ici
Gordes, &
cordre en Ve-
rard, mais
nous l'auons re-
mis selon le pre-
cedent. Quant
à Tournehā,
ou tournehē,
selon Verard, il
a parauant dit
Banelinghē.
& Verard Ba-
nelingen s'en
faisant sala.

cinquante mille Nobles. Si que, par la conuoitise de ces dons, le Duc de Clocestre auoit grandement adoucy ses dures opinions: tant que les Seigneurs de France (qui là estoient venus) s'en apperceurent assez: & le trouuerent plus humble & doux, qu'oncques mais, n'auoient fait. Quand tout fut ordonné ce, pour quoy ils estoient là venus, ils prirent congé du Roy & des Seigneurs: & s'en retournerent arriere à Saint Omer, deuers le Roy de France & le Duc d'Orleans, son frere (qui là les attendoient) & recorderēt comment ils auoient exploité. Le Roy de France se departit de Saint Omer: & s'en vint loger en la bastide † d'Ardres, & le Duc de Bourgongne alla à Montoire: le Duc de Bretagne en la ville d'Esque: & le Duc de Berry à Banelinghen: & furent tendues sur les champs, de toutes parts, tentes & trefs, & tout réply de peuple, tant de Frâce cōme d'Angleterre, & vint le Roy d'Angl. loger à Guines, & le Duc de Lancastre avec luy & le Duc de Clocestre à Hames. † La veille S. Symon S. Iude (qui fut par vn Védredy, en l'an de grace Nostre Seigneur mil trois cēs quatre vingts & seize) sur le point de dix heures, se departirēt les deux Rois, chacun avec ses gens, de sa tente: & s'en vindrent, tout à pié, l'un contre l'autre, & sur vne certaine place de terre, ou ils se deuoient trouuer & encontre: & là estoient rangez, tout d'un lez, quatre cens Cheualiers François, armez, tout au cler, & les espées aux mains: & d'autre part pareillement 400. Cheualiers Anglois, armez les espées es mains (ainsi comme dessus) & estoient ces huit cēs Cheualiers tous rāgez d'une part & d'autre: & passerent les deux Rois tout au long, parmy eux: & estoient menez par ordōnance telle, que ie vous diray. Le Duc de Lancastre & le Duc de Clocestre menoient & adestroient le Roy de France: & les Ducs de Berry & de Bourgongne menoient & adestroient le Roy d'Angleterre: & ainsi, tout le pas, ils s'en vindrent parmi ces huit cens Cheualiers: & quand les deux Rois vindrent si pres, que pour rencontrer l'un l'autre, les huit cens Cheualiers: s'agenouillerent tout bas, à terre, & plorerent de pitié. Les deux Rois à nuls chefs s'entrerencontrerent. Si s'enclinerent vn petit: & se prirent par les mains: & amena le Roy de France le Roy d'Angleterre en sa tente (laquelle estoit belle & riche, & bien ordonnée) & les quatre Ducs se prirent par les mains: & suyurent de pres les deux Rois: & les Cheualiers aussi: les François d'un costé, & les Anglois de l'autre, & se tindrent sur leur estant, regardant l'un l'autre, par bōne & hūble maniere: & point ne se departirēt de la place, tāt que tout fut acheué: & fut trop biē auisée la place & la terre, ou les deux Rois s'encontrerent, & prirent par les mains l'un l'autre: & fut dit & auisé, que droit sur celle piece de terre, on fonderoit & ordonneroit vne chappelle, en l'hōneur de la Vierge Marie: & seroit celle chappelle nommée Nostre-dame de la grace. Je ne say se riens il en fut fait. Quand les Rois de France & d'Angleterre (qui se tenoient par les mains) entrerent en la tente du Roy de France, les Ducs d'Orleans & de Bourbon vindrent au deuant, & s'agenouillerent deuant les Rois. Les deux Rois s'arrestērent: & les feirent leuer. Les six Ducs se recueillirent en front: & se meirent en parolles ensemble: & les deux Rois passerent outre: & s'arrestērent sur le pas: & parlerent vne espace ensemble, & entretant on appareilla vin & espices, & seruit du dragouer, & espices, le Roy de France le Duc de Berry: & de la coupe, & du vin, le Duc de Bourgongne: & le Roy d'Angleterre pareillement le Duc de Lancastre & le Duc de Clocestre. Le vin & les espices prises des deux Rois, Cheualiers de France & d'Angleterre prirent les dragouers, les espices, & les coupes: & le vin, & seruirent les Prelats, les Ducs, & les Princes, & Comtes, & apres, les Escuyers & gens d'offices feirent ce mestier, & tant que tous ceux, qui dedans la tente estoient, eurent vin & espices, & entretant, sans nul empeschement, parlerent les deux Rois ensemble. Cest estat & affaire passé, les deux Rois prirent congé ensemble, & tous les Seigneurs l'un à l'autre, & retournerent le Roy d'Angleterre & ses oncles en leurs tentes, & tantost s'ordonnerent, & monterent sur leurs cheuaux, & se departirent, & retournerent vers Calais, & le Roy à Guines, & les Ducs de Lancastre & de Clocestre à Hames, & les autres à Calais, chacun à son logis. Pareillement le Roy de France à † Ardres, & le Duc d'Orleans avecques luy, & le Duc de Berry à Tournehan, à son logis, & le Duc de Bourgongne à la Montoire: & ainsi de lieu en lieu, tant qu'ils furent tous logez, & n'y eut plus riens fait, pour le iour & demourerent les tentes du Roy de France & des Seigneurs sur les champs. Quand ce vint le Samedy, iour Saint Symon Saint Iude, sur le point d'onze heures, le Roy d'Angleterre, ses oncles, & tous les hommes d'hōneur d'Angleterre, qui avecques le Roy passé la mer auoient, vindrent deuers le Roy de France en sa tente, & là furent recueillis solennellement du Roy, de son frere, de ses oncles, & des Seigneurs

Seigneurs: & parloit chacun à son pareil ioyeuses parolles, & là furent les tables ordonnées: & premierement celle des Rois (qui fut longue & belle, & le dresseoir couuert de noble vaisselle, & de grande richesse) & se feirent les deux Rois, tant seulement, à vne table: le Roy de France au dessus, & le Roy d'Angleterre au dessous, assez loing l'un de l'autre, & seruirent, deuant les Rois, les Ducs de Berry, de Bourgongne, & de Bourbon, & là dit le Duc de Bourbon plusieurs ioyeuses parolles & gayeres, pour faire rire les Rois, & les Seigneurs, qui deuant la table estoient (car ce Duc, dont ie vous parle, fut moult ioyeux) adreçant sa parolle au Roy d'Angleterre, Monseigneur le Roy d'Angleterre, vous deuez faire bonne chere. Vous auez tout ce, que demandez & desirez. Vous auez vostre femme, ou aurez. Elle vous sera deliuree. Adonc (dit le Roy de France) Bourbonnois, si nous voudrions que nostre fille fust autant aagée, comme nostre cousine de Saint Pol est (elle prendroit nostre fils d'Angleterre au plus grand gré) & il nous eust cousté grandement du nostre. Ceste parolle ouit & entendit le Roy d'Angleterre. Si respondit, en s'enclinant deuers le Roy de France (& ne fut sa parolle adrecee au Duc de Bourbon: pourtant que le Roy auoit fait comparaison de sa fille, à la Comtesse de Saint Pol) Beau pere, l'age que nostre femme a, nous plaist bien: & nous n'aimons pas tant le grand aage d'elle, que nous faisons l'amour de nous & de noz Royaumes, car, là ou nous serons ensemble d'un accord, il n'est Roy Chrestien, n'autre, qui nous puisse nuire. Le disner passé en la tente du Roy de France (qui fut bien brief) on leua les nappes. Les tables furent abaissées. On prit vin & espices. Apres tout ce fait, la ieune Roine d'Angleterre si fut amenée en la place, & dedans la tente du Roy, accompagnée de grand nombre de Dames & de Damoiselles: & là fut deliurée au Roy d'Angleterre, & la luy bailla le Roy de France, son pere, par la main. Si tost que le Roy d'Angleterre en fut saisy, congé fut pris de toutes pars. On mit la ieune Roine d'Angleterre en vne littiere, moult riche (qui estoit ordonnée pour elle) & de toutes les Dames de France, qui là estoient, n'en allerent nullés avec la Roine, fors la Dame de Couci. Là estoient les Dames d'Angleterre, les Duchesses de Lancaestre, d'Iorch, & de Glocestre, & d'Irlande, la Dame de Namur, la Dame de Pômis & grand nombre d'autres hautes Dames, qui recueillirent la Roine Ysabel d'Angleterre à grande ioye. Tout ce fait, & les Dames appareillées, le Roy d'Angleterre & tous les Seigneurs Anglois se meirent au chemin, & cheuaucherent le bon pas, & vindrent à Calais, & le Roy de France & tous les Seigneurs à Saint Omer: & là estoient la Roine de France & la Duchesse de Bourgongne, & furent là le Dimanche & le Lundy: & le Mardi ensuiuant (qui fut le iour de la Toussaincts) espousa le Roy d'Angleterre, en l'Eglise S. Nicolas de Calais, Ysabel de France (qui fut sa femme, & Roine d'Angleterre) & les espousa l'Archeuesque de Cantorbie, & furent là les festes & solénitez mout grandes & hautes & les menestiers payez bien & grandement, tant que tous s'en contenterent. Le Ieudy ensuiuant vindrent à Calais les Ducs d'Orleans & de Bourbon, veoir le Roy d'Angleterre & la Roine, & puis prirent congé d'eux, & des Seigneurs d'Angleterre, & le Vendredi au matin retournerent, & s'en vindrent à disner à Saint-Omer, & trouuerent le Roy de France, qui les attendoit, & le Roy d'Angleterre & la Roine, apres messe de bon matin, & beu vn petit, qui boire voulut, si entrerent en leurs vaisseaux passagers (qui pour eux ordonnez estoient) & eurent vent appareillé. Quand ils furent desancrez, ils équiperent en mer, & furent à Douures en moins de trois heures, & là vint le Roy disner au chastel, & gesir le lendemain à Rocestre, & puis à Dardefort, & puis à Eltem, le manoir du Roy, & prirent cōgé les Seigneurs & les Dames d'Angleterre au Roy & à la Roine, & s'en retournerent chacun en leurs lieux. Depuis environ quinze iours fut la Roine d'Angl. amenée en la cité de Londres, accompagnée grandement de Seigneurs, de Dames, & de Damoiselles, & geut vne nuit au chastel à Londres, scant sur la riuere de la Tamise, & le lendemain fut amenée tout au long de Londres, à grande solénité, iusques au Palais de Westmonstier, & là estoit le Roy, qui la recueillit, & ce iour feirent les Londriens à la Roine grans dons & riches presens (qui tous furent receus en ioye) & le Roy & la Roine & les Seigneurs & les Dames estans à Westmonstier: se prirent vne ioustes, à estre ordonnées & assises en la cité de Londres, à la Chandeleur, de quarante Cheualiers dedans, & quarante Escuyers, & fut la feste baillée & deliuree aux Heraux, pour la denoncer & signifier de ça & de là la mer, iusques au Royaume d'Escoce. En ce tēps, le Roy de France reuenu à Paris, depuis le mariage de sa fille, & les seigneurs retournez en leurs lieux, estoient grās nouvelles en Fr. de guerre, car on proposoit que tātost, à l'étrée de Mars, le Roy de France

† Ioyeuses parolles des deux Rois au disner, que le Roy de France donna au Roy d'Angleterre en sa tente au iour S. Symonet saint Iude, en l'an que dessus luy liurant sa fille pour femme et espouse, & est la seconde classe d'apres ceste cy amendee selon le sens de l'Auteur.

Le Roy Richard d'Angleterre, espouse personnellement Madame Ysabeau de France à Calais,

Retour du Roy Richard en Angleterre avec sa nouvelle espouse

prendroit le chemin, à puissance, d'aller & entrer en Lombardie, destruire messire Ga-leas, Duc de Millan: & l'auroit pris le Roy de France en telle haine, que point ne vouloit ouïr parler du contraire que le voyage ne se fist: & luy deuoit enuoyer le Roy d'Angle-terre six mille Archers: & proprement le Duc de Bretagne (qui tout ce temps festoit te-nu avecques le Roy) festoit offert à luy, pour aller en ce voyage, à tout deux mille Lan-ces, Bretons: & se faisoient ià les pourueances du Roy, & des Seigneurs, sur les chemins, au Dauphiné de Vienne, & en la Comté de Sauoye. Or quand le Duc de Bretagne se de-partit du Roy & des Seigneurs pour retourner en son pays, il m'est auis, quant à messire Pierre de Craon (qui estoit condamné enuers la Royne de Hierusalem, à payer cent mil le francs, & surce il tenoit prison au chasteau du Louure à Paris, & là estoit à ses fraiz & coustages) que le Duc de Bourgongne fit tant, par prieres, au Roy & aux Seigneurs, & par bons moyens, qu'il emmena en sa compaignie son cousin messire Pierre de Craon. Je croy qu'il promit assez de payer à termes la Royne dessus nommée. De ce payement du Duc de Bretagne, & de messire Pierre de Craon, ie me laisseray à parler de present, & traitteray des auentures de Turquie.

*Delirance de
Pierre de Craon,
au moy du duc
de Bretagne.*

*Comment le siège, que les Chrestiens auoient mis deuant la ville de Nicopoli en Turquie,
fut leué par l'Amorabaquin, & comment, ils y furent déconfits, & les Hongres mis
en fuite, par l'oultreuidance des François.*

CHAP.

LXXIX.

Vous sauez (si comme il est cy-dessus cōtenu en nostre Histoire) comment le Roy de Hongrie & les Seigneurs de France, qui celle saison estoient allez au Royaume de Hongrie, pour querir les armes, auoient passé vaillamment la riuere de Dunoe, & estoient entrez en Turquie: & tout l'esté, depuis le mois de Iuillet, y auoient fait moult d'armes, & pris & mis moult de pays, & de gens à merci, & aussi plusieurs villes & chasteaux, qu'ils auoient mis en leur sigection, ne nul n'estoit allé au deuant, qui peust resister à leur puissance, & auoient assiégé la cité de Nicopoli, & durement absteinte, & tellement me-née par force d'affauts, qu'elle estoit en petit estat, & sur le point de rendre, & n'oioient nulles nouuelles de l'Amorabaquin: & ià auoit dit le Roy de Hongrie aux Seigneurs de France, aux Comtes de Neuers, d'Eu, de la Marche, de Soissons, au Seigneur de Coucy, & aux Barons & Cheualiers de Frâce & de Bourgongne, Beaux Seig. Dieu merci nous auons eu bonne saison, car nous auons fait moult d'armes, & destruit de la Turquie. Je tien & cōpte celle ville de Nicopoli pour nostre, & toutesfois que no^r voudrōs. Elle est si mi-née & absteinte, qu'elle ne se peut tenir. Si que tout, cōsidéré, ie cōseille, que la ville prise & mise à merci, nous n'alliōs plus auāt pour la saison. Nous nous retrairōs delà la Dunoe, Royaume de Hongrie, auquel i'ay plusieurs citez, villes & chasteaux, tous appareillez & ouuers, pour vous receuoir (car c'est raison, au cas que vous m'aidez à faire ma guerre cōtre ces Turcs: lesquels i'ay trouuez durs ennemis) & celuy yuer nous ferons nos pourueances, chacū cōme il les voudra auoir pour l'esté auenir, & signifierons nostre estat au Roy de France, lequel, sur l'esté qui viēdra, nous rāfreschira de nouuelles gēs, & (espoir) quand il saura l'ordonnance & le contēnement de nous, aura il affection de venir en per-sonne (car il est ieune, & de grande volonté, & aime les armes) & vienne ou non) à l'esté qui retourne (si il plaist à Dieu) nous acquesterōs le Royaume de Hermenie, & passerōs le Bras S. George, & irōs en Surie, & acquesterōs les ports de Iaphes, & de Baruth, & cōquerons Hierusalē, & toute la S. terre: & si le Soudan viēt au-deuāt, nous le cōbatrōs: & point ne se partira sans bataille. Ainsi auoit dit & proposé le Roy de Hongrie aux Seig. de Frâce: & tenoient & comptoient Nicopoli pour leur, mais il en auint bien autrement. Tou-te celle saison le Roy Basant, dit l'Amorabaquin, auoit fait son armée de Sarrazins & de mécreans, & estoient priez & demandez iusques au Royaume de Perse, & se presenterēt tous les Seigneurs de la loy à luy aider, pour destruire la Sainte Chrestienté, & auoient tous passé le Bras-Saint George, & estoient bien deux cens mille de puissance, & du nom-bre d'eux n'estoient point les Chrestiens certifiez, & tant approcherent le Roy Basant & ses gens, en cheminant voies couuertes, qu'ils approcherent la cité de Nicopoli, & riens ne sauoient les Chrestiens de leur conuenant, ne qu'ils fussent si pres d'eux appro-chez, comme ils estoient, car celuy l'Amorabaquin sauoit de guerre autant qu'on en-pourroit sauoir, & fut en son temps vn moult vaillant homme, & de grande emprise, & bien le monstra, par le sens, qui en luy estoit. Il auisoit bien la puissance des Chrestiens, & disoit qu'ils estoient moult vaillans gens. L'Amorabaquin (qui venoit leuer le sié-ge de deuant la cité de Nicopoli) cheuauchoit en l'ordonnance, que ie vous diray.

Tout

*† s'il prend ce
mot pour Ar-
menie, comme
il me semble
par plusieurs
autres lieux pré-
cedens, il faloit
passer le Bras S.
George premie-
rement. Surquoy
notez, que le bō
homme Froissart
semble n'auoir
gueres bien en-
tendu la Geo-
graphie de Le-
nant.*

Tout son ost estoit en aelles, à maniere d'une herse, & comprenoient bien les gens une grand lieuë de terre: & deuant, enuiron une lieuë, pour faire monstre & visage, cheuauchoiert huit mille Turcs, & les deux aelles de la bataille de l'Amorabaquin estoient ouuertes au front deuant, & estroites derriere: mais elles espessitoient tousiours, & estoit l'Amorabaquin au fond de la bataille: & tous cheminoient à la couuerte: & les huit mille Turcs (qui faisoient l'auantgarde de deuant) estoient ordonnez en celle entête, pour faire monstre & visage: mais si trestost qu'ils verroient les Chrestiens approcher, petit à petit ils deuoient reculer, & eux retraire au fond de la grosse bataille, & ces deux aelles (lesquelles estoient toutes ouuertes) quand les Chrestiens seroient entrez dedans, se deuoient clorre deuant, & mettre en une, & par grande puissance de peuple tout estraindre, & cōfondre tant qu'ils trouueroient & enclorroient en leurs aelles. Ainsi fut faite l'ordonnance de la bataille de l'Amorabaquin. Auint en ce temps, qu'on compta l'an mil trois cens quatre vingts & seize, † le Lundy deuant la Saint Michel en Septembre, sur le point de dix heures, ainsi que le Roy de Hongrie & tous les Seigneurs & leurs gens, qui au siège deuant Nicopoli estoient, seioient à disner, que nouuelles vindrent en l'ost, que leurs ennemis, les Turcs, cheuauchoiēt, & (si comme il me fut dit) les Coureurs ne rapporterēt pas la verité de la besongne, car ils n'auoiēt pas cheuauché si auāt, qu'ils eussēt veu la puissance des deux aelles, & de la grosse bataille dudit l'Amorabaquin, car si tost qu'ils veirent l'auantgarde, ils ne cheuaucherent plus auāt, ou ils n'oserēt, ou ils n'estoient pas hōmes d'armes de sages emprises, & auoient les François leurs decouureurs, & les Hongres les leurs. A leur retour, chacun Coureur retourna deuers ses Seigneurs & maistres, & rapporterent nouuelles, aussi tost l'un comme l'autre. La greigneur partie de l'ost seioit au disner. Nouuelles vindrent au Comte de Neuers, & à tous Seigneurs en general: en disant, Or tost, armez vous, & vo'aprestez, que vous ne soyiez deceus & surpris, car veez cy les Turcs qui viennent & cheuauchent. Ces nouuelles réiouirent grandement plusieurs Chrestliēs qui desiroient les armes, & se leuerēt sus, & bouterēt les tables outre: & demāderent les armes & cheuaux, & auoient le vin en la teste (dont ils estoient échaufez) & se trairent chacun, qui mieux mieux, sur les champs. Bannieres & pennons furent déuelopez, & mis auant, & se trait chacun sous sa banniere & son pennon, & là fut déuelopee la banniere Nostre-dame, & estoit ordonné pour elle ce vaillant Cheualier messire Jehan de Vienne Admiral de France. Moul't'auancerent les François d'eux armer, & traire sur les chāps & y furent tous des premiers, en tresgrande puissance & riche arroy, & donnoient moul't petit des Turcs, à ce qu'ils monstroient, car ils ne cuidoient point que le nombre y fust si grand, comme il estoit, & l'Amorabaquin en propre personne. Ainsi que les Seigneurs de France issioient hors de leurs logis, & venoient moul't hastiement sur les chāps, à petite ordonnance, alla venir le Marechal du Roy de Hongrie, un moul't vaillant & biē apert Cheualier (qui s'appelloit messire Henry d'Ostenlehalle) mōté sur un coursier tres bien allant, & portoit un pēon de ses armes (qui estoient d'argent, à une noire croix, ancree, qu'on appelle en armoirie, un fer de moulin) & vint cheuauchant iusques aux Seigneurs de France, & s'arresta deuant la banniere Nostre-dame, & là estoient la plus grande partie des Barons de France, & dit tant haut, que bien fut ouy & entēdu, Le suis cy enuoyé de par Monseig. le Roy de Hōgrie, qui vous prie, & mādē par moy, que point ne faites si grand outrage, que d'aller encōmencer la bataille & assaillir les ennemis, iusques à tāt que vous aurez de par le Roy, autres nouuelles (car il fait doute q̄ noz decouureurs & coureurs, & aussi font ceux de son Cōseil, n'ōt point biē raporté la certainté des Turcs) & dedans deux heures, ou enuiron, vous orrez autres nouuelles, car nous auons enuoyé Cheuaucheurs, qui cheuaucheront plus auāt, que ceux n'ont fait, qui y ont esté enuoyez & qui en sont retournez, & par lesquels nous auōs eu ces nouuelles. Si soyiez tous assēurs que les Turcs ne vous greueront point (si vous ne les assaillez) iusques à tant qu'ils serōt en puissance tous ensemble. Or faites ce, que ie vous deuise, car c'est l'ordonāce du Roy & de son Conseil. Je m'en retourne, & ne puis plus demourer. A ces mots s'en retourna le Marechal de Hongrie, & les Seigneurs demourerent, & se meirent ensemble, pour sa uoir quelle chose † ils feroient. Là fut demādē, au Seig. de Coucy, quelle chose estoit bōne à faire. Il respondit, Le Roy de Hongrie à cause de nous mādē ce, qu'il veut que nous facions, & l'ordonnance du Marechal est bōne. Or me fut dit que messire Philippe d'Artois, Comte d'Eu, & Connestable de France, se felonna de ce, qu'on ne luy auoit demādē premieremēt l'auis de sa respōse, & de ce que Coucy f'estoit auācé de parler, & dit, par or

Ordre de l'armée de l'Amorabaquin, venant liuer le siège de Nicopoli.

† Jour de la bataille de Nicopoli, entre les Chrestiens & les Turcs, tousiours en l'an 1396. comme vent aussi Antoine Bonfin en son Hist. de Hongrie, nonobstant que P. Ionio, en son traité des Turcs, dit 1395 s'il n'est corrompu

Avertissement du Roy de Hongrie aux François pour les empêcher de n'entrer en bataille iusques à tant, qu'il leur mandast autres nouvelles.

† Ces deux mots et les autres de la clause suivante, iusques à estoit bōne à faire, sont de Verard, confirmé par Sala, estant le sens autrement imparfait.

gueil & par despit, tout le contraire de ce, que le Sire de Coucy auoit dit & remonstré: & dit, Ouy, ouy. Le Roy de Hongrie veut auoir la fleur & l'honneur de la journée. Nous auons l'Avantgarde, & là nous a donnée, si la nous veut retollir, & auoir la premiere bataille & qui quel'en croye, ie ne l'en croiray ià. Puis dit au Cheualier, qui portoit sa banniere, Au nō de Dieu, & de S: George, on me verra huy bon Cheualier. Quand le Sire de Coucy eut ouy le Cōnestable de France ainsi parler, si tint la parolle à grāde presomption: & regarda sur messire Jehan de Vienne: qui tenoit & portoit la banniere Nostre-dame, la fouueraine de toutes les autres, & leur ralliance. Si luy demāda quelle chose estoit bōne à faire. Sire de Coucy (respondit il) là ou la verité & raison ne peut estre ouye, il conuiēt qu'outrecuidance regne, & puis que le Comte d'Eu se veut combatre & assembler aux ennemis, il faut que nous le suiuous, mais no^r serios plus forts, si nous estiōs tous ensēble, que nous ne serōs, là ou nous nous assēblerōs sans le Roy de Hōgrie. Tādis qu'ainsi ils deuisoient & parloient sur les champs, les mēcreās approchoient moult fort, & les deux aelles des Batailles, ou bien auoit en chacune soixāte mille hōes, se cōmēçoient à approcher & à clorre: & se trouuerent les Chrestiens emmy eux: & se reculer voufissent, ils ne peussēt pour les Sarrazins, qui iā les auoient enclos: tant estoient fortes & espees les aelles. Lors cognurent tātost plusieurs Cheualiers & Escuyers, vītez d'armes, que la journée ne pouoit estre pour eux. Nonobstant ils sauancerent: & suyurent la banniere Nostre Dame: que ce vaillant Cheualier, messire Jehan de Vienne, portoit. Là estoient ces Seigneurs de France en leurs armes, & si proprement, que chacū sēbloit vn Roy: & quand ils assemblerent premierement aux Turcs (si cōme il me fut dit) ils n'estoient pas sept cens. Or regardez la grande folie & outrage, car s'ils eussent attendu le Roy de Hongrie, & les Hōgres (ou bien auoit soixante mille hōmes) ils eussent fait vn grād fait: & par eux, & par leur orgueil, fut toute la perte & le dōmage, qu'ils receurent, si grand, que depuis la bataille de Roncevaux (ou les douze Pers de France furent morts, & occis, & déconfits) ne receurent si grand dōmage, mais à vray dire, ils feirent, auāt qu'ils cheussent en danger de leurs ennemis, grand meurdre de Gens-d'armes Turcs: & veoient plusieurs Cheualiers, & Escuyers, qui falloient perdre, & tout par orgueil, & bobāt d'eux. Si décofirēt Neantmoins les François la premiere bataille, & la meirent en chace: & vindrent sur vn grand val, ou l'Amorabaquin & sa puissance estoit. Lors voulurent les François retourner deuers l'ost (car ils estoient tous mōtez sur cheuaux couuers) mais ils ne peurent, car ils furēt enclos & ferrez de toutes pars. Là eut grande bataille dure, & fort cōbatue: & durement les François moult longuement. Les nouuelles vindrent en l'ost du Roy de Hōgrie. que les François, Anglois, & Allemans, se cōbatoient aux Turcs, & que point ils n'auoient tenu son ordonnance ne conseil, & de son Mareschal aussi. Si fut moult courroucé (& bien y auoit cause) & cognut tantost que la journée n'estoit point pour eux. Si dit ainsi, au grand maistre de Rodas (qui estoit de coste luy) Nous perdrōs auourd'huy la journée, par l'orgueil & bobant de ces François, & s'ils m'eussent creu, nous auions gens assez pour combatre nos ennemis. A ces parolles regarda le Roy de Hongrie derriere luy, & vit que ses gens fuyoient, & se deconfisoient d'eux mēmes, & que les Turcs les mettoient en chace. Adonc il vit que point n'y auoit de recourance. Lors luy escrierent ceux, qui estoient delez luy, Sire, sauuez vous, car si vous estiez mort, ne pris, toute Hongrie seroit perdue. Il conuiēt huy perdre sa journée, par l'orgueil des François, Leur vaillance leur tournera à outrecuidāce, car tous y serōt morts & pris, ne ia nul ne s'en sauuera. Si échapez ce danger, si vous nous croyez. Au Roy de Hongrie n'auoit que courroux, quand il vit qu'il perdoit la journée par le defarroy des François, & qu'il luy conuenoit fuir, sil ne vouloit estre mort, ou pris. A vray dire, là aint tresgrāde pestilēce sur les François, & sur les Hōgriens, car vous sauiez que, qui fuit, on le chace. Les Hōgriens fuioient sans ordōnāce, n'arroy, & les Turcs les chaçoient. Si en y eut moult de morts & pris, en chace. Toutesfois Dieu aidā au Roy de Hongrie, & au grand Maistre de Rodas, car ils vindrent sur la riuere de la Dunoc: & trouuerent vne petite barge, qui s'arrestoit, laquelle estoit au grād Maistre de Rodas. Ils entrerēt dedās, eux septiēmes tāt seulement, & élongnerēt tātost la riue, autrement ils eussent esté tous morts ou pris, car les Turcs vindrēt iusqs au riuage, & là eut grād occisiō de ceux, qui cōsuiuoient le Roy, & qui se cuidoient sauuer. Or parlerōs des François & des Allemā, qui se cōbatoient vaillāment, & moult d'armes y feirent. Quād le Sire de Mōtcaurel, vn vaillant Seig. & gentil Cheualier (qui estoit d'Artois) vit q la déconfiture touruoit sur eux, il auoit là vn ieune fils sien. Adonc dit à vn sien Escuyer, Pren mon fils

& l'em-

*Les François
enclos entre les
Turcs, sans les
Hongres, prin-
cipalement par
l'outrecuidan-
ce de Philippe
d'Artois Con-
nestable de
France.*

*Fuite des Hon-
gres et retraitte
de leur Roy,
hors la bataille
de Nicopoly.*

& l'emmeine. Tu te peux bien partir par celle aelle là: qui est toute ouuerte, Sauue moy mon fils, & l'attendray l'aventure avec les autres. L'enfant, quād il ouit parler son pere si dit que point il ne se departiroit, & ne le lairroit, mais le pere fit tant à force, q̄ l'Escuyer l'emmena, & le meit hors du peril: & vindrēt dessus la Dunoe: mais là endroit l'ēfant de Mōtcaurel (qui estoit melācolieux pour son pere) fut noyé par grande mesaventure, entre deux barges: n'onc nul ne le peut sauuer, Messire Guillaume de la Trimaille estoit en la bataille, & se cōbatoit moult vaillāment: & fit ce iour grās faits-d'armes: & fut là occis & vn sien fils: sur le lieu. Messire Iehan de Vienne (qui portoit la banniere Nostre-dame) fit merucilles d'armes: mais il fut occis, la banniere Nostre-dame entre ses poings. Ainsi fut il trouué: & toute la force des Seig. de Frāce, qui pour ce iour furēt à la besōgne de Nicopoli, fut la ruce ius & destruite, par la maniere & ordonnance, que ie vous dy. Messire Iehan de Bourgongne, Côte de Neuers, estoit en si grand arroy, & si riche, que merueilles: & aussi estoiet messire Guy de la Riuiere, & plusieurs Barōs & Cheualiers de Bourgōgne: qui tous festoient ēforcez pour l'amour de luy. Là eut deux Escuyers de Picardie vaillans hōmes: lesquels festoiet trouuez en plusieurs places de rencontres & de batailles, & en estoient partis & issus à leur hōneur: & aussi feirent ils de la besongne de Nicopoli. Ce furent Guillaume d'Eu & le Borgne de Montquel. Ces deux Escuyers, par grand vaillance & faits d'armes & hardement, à force de cōbatre passerent outre les batailles, & retournerent en la bataille par deux fois: ou ils feirēt plusieurs appertises d'armes, puis furent là occis, A vray dire, les Cheualiers & Escuyers de France (qui là furēt) & les estrāgers d'autres nations s'acquiterent, & porterent à combattre, tresvaillamment & y feirēt moult d'appertises d'armes: & se les Hongriens se fussent aussi vaillamment portez & acquitez, comme feirent les François, la besongne fust autrement tournée, qu'elle ne fit. Mais de tout le mechef, à considerer raison, les François, en furent cause & coulpe, car par leur orgueil tout se perdit. Là auoit vn Cheualier de Picardie (qui s'appelloit messire Jaques † de Helles) lequel auoit demouré en son temps en Turquie, & auoit serui, en armes, l'Amorabaquin, pere à ce Roy Basaach, dont ie parle presentement: & sauoit vn peu parler de Turc. Quand il vit que la deconfiture tournoit sur les Chrestiens, si eut auis de soy sauuer, car il veoit que, qui pouuoit estre pris, il se rendoit & mettoit à sauueté, & Sarrazins (qui sont conuoiteux sus or & sus argent) les prenoient, & tournoient de costé: & les sauuoient. Par ceste maniere il fut sauué, de non estre occis en la prise, & aussi vn Escuyer de Tournaisis, qui se nommoit Jaques du Fay, & auoit seruy le Roy de Tartarie (le quel Roy s'appeloit Tauburin) & quand ce Jaques sceut les nouuelles que les François, venoient en Turquie, il prit congé du Roy de Tartarie, lequel luy donna assez legeremēt. Si fut à la bataille, & là pris, & sauué proprement des gens de Tauburin de Tartarie, qui là estoiet, car le Roy Tauburin, à la priere & requeste de l'Amorabaquin, y enuoya grād nombre de Gens-d'armes, ainsi que font † tous Roys Sarrazins, ou Payens, quād mestier est, & confortent l'vn l'autre.

Le Seigneur de Montcaurel asche de sauuer son fils mais en vain.

† Il le surnommera par apres de Helly.

Comment, apres la bataille de Nicopoli, le Turc fit tuer tous les prisonniers Chrestiens, excepté le Comte de Neuers, & quelques autres grans Seigneurs. CHAP. LXXXI.

CE grand dommage receurent, deuant Nicopoli en Turquie, les François, & furent tous morts, ou pris, & ce qu'ils estoient si richement armez, & arroyez de si riches armes, que ce sembloient Rois, en sauua à grand nombre les vies, car Sarrazins, Turcs, & ceux de leur foy, sont grandement conuoiteux sus or & sus argent: & il leur estoit auis que des Seig. qui pris auoient, ils en tireroient moult de grans fināces, & les tenoient en cores à plus grans Seigneurs, qu'ils n'estoient. Messire Iehan de Bourgongne, Comte de Neuers, fut pris. Aussi furent pris les Comtes d'Eu & de la Marche. Le Sire de Coucy, messire Henry de Bar messire Guy de la Trimaille, Bouciquaut, & autres, & messire Philippe de Bar fut mort, & messire Iehan de Vienne, Guillaume de la Trimaille, & son fils, sur la place. De trois heures ceste grosse bataille ne fut faite, & perdit le Roy de Hōgrie tout son arroy entierement, & toute sa vaisselle d'or & d'argēt, que là auoit, & ioyaux, & autres choses, & se sauua, luy sepriēme tant seulement. & entra en vn batel de Rodes, lequel on auoit là amené pour pourueance, dont il luy en prit biē, car autremēt, il eust esté mort, ou pris, sans recouurer. Si y eut en fuyant, morts & occis plus d'hōmes assez, qu'ē la bataille, & en grād nōbre, & aussi beaucoup en y eut de noyez. Heureux estoit, qui se pouoit sauuer, & échaper, par quelque voye que ce fust. Quand toute ceste deconfiture fut passée, & que Turcs, Persans, & tous autres, là enuoyez de par le Soudā & les Roys Payés

† Il y auoit tous Rois Chrestiens aux Payens, cōtre le sens de l'Auteur.

Le Comte de Neuers, & autres grans Seigneurs prisonniers des Turcs par la bataille de Nicopoli.

furent retraits en leurs logis (c'est à entendre es trefs, tentes & paillons, que conquis auoient des Chrestiens, & que bien garnis trouuerent, & remplis de moult de biens, de vins, de viandes, & de pourueances, toutes prestes : dont ils f'aierent, & menerent leur gloire en ioye & en reueil : ainsi que peuple, qui a eu victoire sur ses ennemis) le Roy Basaach, dit l'Amorabaquin, vint descendre, à grâd nombre de ménestriers, selô l'usage que ils ont en leur pays, deuant la maistresse tente, qui auoit esté au Roy de Hongrie : laquelle

Contenance & propos du Turc apres sa victoire de Nicopolis.

estoit belle, noble, & bien aornée de beaux paremens, ou ledit Amorabaquin prit grand de plaissance & magnificence : & se glorifioit, en son cœur, de la iournée, qu'il auoit eue sur les Chrestiens : & en remercioit leur Dieu, selô leur loy, ou ils croioient. Quand on l'eut desarmé, pour soy rafraeschir & refroidir, il l'assit sur vn tapis de ioye, emmi la tente, & fit venir, deuant luy, tous les plus principaux & grans amis, pour iangler & bourder à eux, & luy mesme les mettoit en voye & en matiere de rire, & de iouer, & d'ébatre, & disoit que prochainement tous passeroient, à puissance, au Royaume de Hongrie : & conquerroient tout le païs, & en ensuiuant, tous les autres Royaumes & païs Chrestiens, & mettroit en

† C'est adire en uiron douze ans, et quand il dit de tout le monde, entendez de la plus part ; & qu'il n'y auoit pour lors tel Monarque au monde que luy.

son obeissance tout : & qu'il luy suffiroit de tenir chacū en sa loy, mais qu'il en eust la Seigneurie : & voudroit regner cōme Alexandre de Macedoine (qui fut Roy, sur douze ans de tout le monde) duquel sang, & duquel lignage, il se disoit estre descēdu & issu : & tous ceux, qui en uiron luy estoient, luy accorderent sa parolle : & s'enclinoient contre luy. Là fit le Roy Basaach faire trois commandemens. Le premier fut, que, quiconque auroit pri

sonnier, il le meist auant, dedās le secōd iour : & l'amenast deuers le Roy & ses hommes. Le second cōmandement fut, que tous les morts fussent cherchez & visitez : & les Nobles, qui se monstroient à estre plus grans Seigneurs que les autres, fussent tons mis d'un costé, & laissez en leur point, tant qu'il les eust veus, car il vouloit là aller deuant. Le tiers commandement fut, qu'on enquist iustemēt & veritablemēt, entre les morts & les vifs, se le Roy de Hōgrie estoit mort ou vif, ou pris prisonnier. Tout fut fait, ainsi cōme il ordōna, ne nul n'eust osé faire du cōtraire. Quand l'Amorabaquin fut rafraeschi, & remis en autres habits, il luy vint en plaissance & volōté, qu'il iroit veoir les morts, ou la bataille auoit esté : car il luy fut dit que grand nombre de gens il auoit perdu & que trop luy auoit

† Ce pouuoient estre les noms de ces dignitez que l'on appelle aujour-d'huy Bassas et Visirbassas enuiron les Turcs

cousté la bataille. Desquelles parolles il estoit moult emueillé : & ne les pouuoit croire. Si mōta à cheual, & grand nōbre de Nobles de son ost en sa cōpaignie, & estoient les prochains du Roy, & de son Cōseil, le † Basaach & le Sourbasach. Aucunes gens disoient, que c'estoient ses freres : mais il ne les vouloit point cognoistre : & disoit qu'il n'auoit nuls freres. Quand il fut venu iusques au lieu, là ou la bataille auoit esté, & ou les morts & occis, gisoient, si trouua en verité ce q̄ dit luy auoit esté, car pour vn Chrestien, qui là gisoit mort,

il y en auoit bien trente Turcs, ou autres hommes de sa loy. Si fut durement courroucé en soy-mesme, & dit tout haut, Il y a cy eu cruelle bataille sur noz gens : & fort se sont defendus ces Chrestiens ; mais ie feray celle occision bien comparoir à ceux, qui sont demourez en vie. Adonc se departit le Roy de la place, & retourna au logis, & f'aisa de ce qu'il trouua, tant du sien, que de ce qu'ils auoient conquesté : & passa la nuit en grâd fureur de cœur. Quand ce vint au matin, auant qu'il fust leuē, ne qu'il se monstraist, grand nōbre de ses gens s'assemblerent en la place, deuant sa tête, pour veoir & sauoir quelle chose il vou droit faire des prisonniers, qui pris estoient, car cōmune renommée couroit cōtre eux, que tous seroient détrenchez & demēbrez, sans nulluy prendre à merci, n'à pitié. l'Amorabaquin auoit reserué (quelque fureur, ou courroux, qu'il eust) & ordōné de soy-mesme, que les plus grans Seig. des Chrestiens, & que ses hōmes auoient pris, trouuez, & veus en grâd arroy en la bataille, fussent tournez d'un costé, car il luy fut dit que ceux payeroient grā-

† Le p̄se qu'ils estoient de ceux que quelques autres nommēt Beduins.

des rançons, & pource s'estoit il encliné à eux sauuer. Avec tout ce, estoit il bien auenu q̄ plusieurs Sarrazins & Payens, Persans, Tartres, & Arabes, † Beduaires, & Suriens, auoient pris des prisonniers : dont ils pensoient grandement mieux valoir, ainsi qu'ils feirent. Si les celerent & mufferent, & ne vindrent pas tous à la congnoissance de l'Amorabaquin. Si auint que messire Iacques de Helly fut amené, le Mardy au matin, deuant la tente du Roy, avecques plusieurs autres, & ne l'osa plus celer celuy, qui l'auoit pris, ne plus garder & ainsi qu'on attendoit la venue de l'Amorabaquin, les Cheualiers & hommes de son hostel se tenoient là tous quois, & regardoient l'un l'autre. Si eut ledit Cheualier de France, messire Iacques de Helly, telle auēture, & bōne pour luy, qu'il fut recognu des gens & seruiteurs du corps & hostel de l'Amorabaquin, Si fit recognoissance à eux, & eux à luy & le deliurerent tantost les Turcs, qui le recognerent, des mains de celuy, qui pris l'auoit

& de-

& demoura es mains & ordonnance des hommes de l'Amorabaquin: dont il tenoit l'a-
 uenture à belle: & voirement aussi le fut elle: ainsi que vous orrez recorder: car aux au-
 cuns Chrestiens elle fut piteuse & cruelle. Auant que le Roy Basaach veinst en place, ne
 qu'il se monstraft generallyment à tous ses hommes, on auoit enquis & demandé, par or-
 donnance, lesquels des seigneurs Chrestiens estoient les plus grans & furent bien exa-
 minez des † Latiniers du Roy, & mis d'un costé pour les garder, & non occire: premiere-
 ment messire Jehan de Bourgogne, Comte de Neuers, Chef de tous les autres: secon-
 dement messire Phelippe d'Artois, Comte d'Eu, le Comte de la Marche, le sire de Cou-
 ci, messire Henri de Bar messire Guy de la Trimouille, & tant qu'il en y eut iusques à huit
 lesquels l'Amorabaquin voulut veoir & parler à eux & les regarda moult longuement:
 & furent coniuerez ces Seigneurs, sur leur loy, s'ils estoient tels qu'ils se nommoient: &
 encorés pour mieux sauoir la verité, on faisa qu'on enuoyeroit deuers eux le Cheualier
 François, que l'ay nommé messire Jaques de Helli: car par raison il les deuoit cognoistre
 & ia estoit il recognu de l'Amorabaquin, auquel il auoit serui. Si estoit seur & hors du pe-
 ril de la mort. Si luy fut dit & demandé, s'il cognoist ses Cheualiers de France prison-
 niers, qui là estoient tous ensemble au fond des autres. Il respōdit, Je ne say. Si ie les veoye,
 ie les cognoistroye bien. Adonc luy fut dit, & enioint à aller deuers eux, & les auiser &
 regarder bien, & rapporter la certainté d'eux à l'Amorabaquin, & de leurs noms, car sur
 vostre parole (luy dit-on) il aura auis. Il le fit, ainsi que dit & ordonné luy fut, & s'en vint
 deuers les Seigneurs dessus nommez, & s'enclina: & tantost les auisa, & cognut. Si parla
 à eux: & leur dit son auenture & comment il estoit là enuoyé de par l'Amorabaquin, à sa-
 uoir s'ils estoient tels, qu'ils se disoient & nommoient. Ils respondirent sagement & dirēt,
 Haa, messire Jaques vous nous cognoissez tous: & si voyez comme la fortune est contre
 nous, & que sommes en grand dāger, & en là mercy de ce Roy. Si que pour nous sauuer
 les vies, faites nous encorés plus grans, deuers le Roy, que nous ne sommes: & luy dites
 que nous sommes hommes & seigneurs, pour payer grans finances. Adonc respondit
 messire Jaques. Messieurs, tout ce feray-je volontiers: & à ce faire suis-je tenu. Adōc
 retourna le cheualier deuers l'Amorabaquin & son conseil, & leur dit que ces Seigneurs
 qui pris estoient, & ausquels prestement parlé auoit, estoient les plus grans & les plus no-
 bles de France, & moult prochains du lignage du Roy de France, & payeroient volōtiers
 pour leur deliurance, grand somme d'or. Ces paroles furent assez agreables à l'Amora-
 baquin & ne voulut entendre à autre chose: & dit ainsi, Que ceux tant seulement reser-
 uez, tous les autres qui prisonniers estoient, seroient morts & detranchez: & deliureroit
 on le pays d'eux, parquoy tous les autres s'exempleroient. Adonc se mōstra le Roy à tout
 le peuple, qui là estoit assemblé, & quand ils le virent venir, tous s'enclinerēt contre luy,
 & luy firent la reuerence, & se meirent les hommes de l'Amorabaquin en deux aelles, &
 fourirrent, & tenoient les espees toutes nues, & ledit Roy & les plus nobles de son ho-
 stel & de sa cōpaignie, estoient au chef de ses deux aelles & le Comte de Neuers & ceux
 qui reseruez estoient de non mourir, assez pres d'eux: car le Roy vouloit qu'ils veissent la
 correction & discipline, qu'on feroit du demourant des autres. A laquelle chose les Sarra-
 zins estoient tous enclins & desirans de ce faire. Adonc furent amenez, ainsi que tous
 nus, en leurs draps linges, & l'un apres l'autre, plusieurs bons Cheualiers & Escuyers du
 Royaume de France, & d'autres nations qui pris auoient esté en la bataille & sur la cha-
 ce) deuant l'Amorabaquin: lesquels il regarda vn petit, & quand il les auoit veuz, on les
 tournoit hors de son regard (car il faisoit vn signe qu'ils fussent morts & detranchez) &
 si tost qu'ils estoient entre ceux qui avec espees toutes nues les attendoient, ils estoient
 detranchez piece à piece, & occis sans nulle merci. Celle cruelle iustice fit faire ce iour
 l'Amorabaquin, & en y eut plus de trois cens, tous Gētils-hommes de diuerfes nations,
 mis en ce parti, dont ce fut dommage & pitié, quand ainsi furēt tourmētez pour l'amour
 de nostre Sauueur Iesus Christ: qui en vueille auoir les ames. Entre ceux qui furēt là de-
 tranchez & occis en la forme & maniere que ie vous di, ce gentil Cheualier François &
 Hainuyer messire Henri d'Antoing en fut l'un. Dieu luy soit piteux & misericors, à l'ame.
 Si auint que messire Bouciquaut, Marechal de Frāce, fut amené, tout nu, avec les autres
 deuant ledit Amorabaquin: & eust eu celle peine & celle mort cruelle sans merci: se le Cō-
 te de Neuers ne l'eust auisé: mais si trestost qu'il le veit, il se departit de ses compaignons
 qui tous ébahis estoient de la cruelle peine qu'on faisoit souffrir à leurs gens) & s'en vint
 mettre, & getter à genoux, deuant ledit roy Basaach: & luy pria de bō cuer, trefaffectueu-

*Bonne auenture
à messire Ja-
ques de Helly
cheualier de
France prison-
nier des Turcs.
† C'est à dire
Truchemens
de la langue
Latine.*

*Messire Jaques
de Helli enuoyé
recongnoistre les
grās Seigneurs
de Frāce prison-
niers au com-
mandement du
Turc.*

*Cruauté des
Turcs, faisant
mourir plu-
sieurs prison-
niers Chrestiens
en la presence
de luy & des
grās Seigneurs
de France aussi
ses prisonniers,
là ou fut sauué
Bouciquaut à
la grande re-
queste du Com-
te de Neuers.*

semēt qu'on voulsist sauuer & repiter ce Cheualier, nōmé, Bouciquaut: car il estoit moult bien grandement du Roy de France, & puissant assez pour payer grand rançon: & luy fit encor ledit Comte signe en comptant d'une main en l'autre, qu'il payeroit grand finance, pour mieux adoucir la fureur du Roy. Le Roy s'enclina: & se condescendit à la parole & priere du comte de Neuers: & fut messire Bouciquaut tourné d'un costé, & mis avecques les autres, & fut repité de nō mourir. Depuis en y eut des autres, & tant que le nombre, cy dessus dit, fut accompli & empli: & ainsi fut faite ceste cruelle vengeance & iustice des Chrestiens: & puis on entendit à autre chose: & me semble qu'il aduint ainsi (selon ce que ie fu informé) que l'Amorabaquin eut plaissance & volonté, que la belle iournee de victoire, qu'il auoit eue sur les Chrestiens, & la prise du comte de Neuers, seroit signifiée en France, & manifestee par vn Cheualier de France. Si furent pris trois Cheualiers François (entre lesquels messire Iaques de Helli estoit l'un) & furent amenez deuant l'Amorabaquin & le Comte de Neuers, & fut demandé audit comte, lequel des trois il vouloit qui fust le message, & allast deuers le Roy de France, & son pere le duc de

Messire Iaques de Helli choisi entre deux autres Cheualiers François par le Cōte de Neuers selon l'ordonnance du Turc pour aller porter les prisonniers nouuelles de Nicopolis en France.

† Quand ce mot ne sera corrompu, ie confesse neantmoins, que ie n'en cognoy encores le pays.

Bourgongne. Adonc messire Iaques de Helli eut celle bonne auanture: pourtant que le Comte de Neuers le cognoissoit ià, & dit, Sire ie vueil que cestui-ci y voise de par vous & de par nous. Ceste parole fut acceptee de l'Amorabaquin: & demoura messire Iaques de Helli avec l'Amorabaquin & les autres Seigneurs de France: & les autres deux Cheualiers furent renuoyez & deliurez au peuple pour occire & demembrer, ainsi qu'ils firent: donc se fut pitié. Apres toutes ces choses faites on s'appaita: & entendit le Roy dit l'Amorabaquin que le Roy de Hōgrien estoit mort ne pris, mais s'estoit sauué. Si eut conseil qu'il se retrairoit en Turquie, & deuers la cité de Burse: & là seroient menez ses prisonniers & que pour celle saison il en auoit assez fait, & dōneroit à ses hommes congé, & à ceux de lointains Royaumes, qui serui l'auoient en ce lointain voyage. Ainsi fut fait, comme ill'ordonna: & se departirēt ses osts: car il y en auoit de Tartarie, de Perse, de Mede, de Surie d'Alexandrie & de † Lecto & de moult lointaines contrees de mécreans. Encores avec toutes ces ordonnances, fut ordonné & deliuré, par l'Amorabaquin, le Cheualier François, messire Iaques de Helli, de retourner en France, & luy fut dit, enioint, & chargé, qu'il prit son chemin, parmi la Lombardie, & luy saluast le duc de Milan, & vouloit bien. l'Amorabaquin, & estoit son intention que messire Iaques de Helli sur son chemin, par tout ou il viendroit & passeroit, prononceast & manifestast la belle iournee de victoire, que l'Amorabaquin auoit eue sur les Chrestiens. Le Comte de Neuers escriuiť pour luy & pour tous les autres qui pris estoient au Roy de France, à son pere le Duc de Bourgongne & à la Duchesse sa mere. Quand le Cheualier si eut toute sa charge, tant de lettres que de paroles, il se departit de l'Amorabaquin & des Barons de France, & se mit à chemin, & fit l'Amorabaquin iurer & certifier ledit Cheualier, que fait son voyage en France & noncé au Roy & aux Seigneurs tout ce dont chargé estoit, au plustost qu'il pourroit se mettroit au retour, & ainsi le promit & iura le Cheualier, & le tint à son loyal pouuoir. Nous nous souffrerons vn peu à parler de l'Amorabaquin, & des Seigneurs de France, qui ses prisonniers estoient: & demourerent tant qu'il luy vint à plaissance: & parlerons d'autres nouuelles qui toutes descendent de ceste matiere.

De la poureté & misere qu'eurent quelques François & autres estrangers, pour venir en leurs pays, apres s'estre sauez de la déconfiture de Nicopolis, & comment messire Iaques de Helly, enuoyé par le Turc, apporta certaines nouuelles de ceste déconfiture, au Roy Charles sixieme.

CHAPITRE LXXXI.

Pres ceste grand' déconfiture, qui fut faite par les Turcs, & leurs aidās, sur les Chrestiens (si comme il est contenu cy dessus en l'Histoire) Cheualiers & Escuyers (qui sauuer se peurent) se sauuerent: & en y eut plus de trois cens Cheualiers & Escuyers: qui ce Lundi matin estoient allez fourrager, & qui point ne furent à la bataille, n'à la déconfiture: car quand ils entendirent par les déconfits & fuyans, comment la déconfiture se portoit sur leurs gens, ils n'eurent nul talent de retourner deuers leurs logis: mais se meirent, le plustost qu'ils peurent, à sauueté, & prirent diuers chemins, en elongnant le peril de la Turquie: & entrerent les fuyans François & d'autres nations, Allemans, Ecoçois, Flamans, & autres en vn país, qui ioint à la Hōgrie, qu'on appelle la † Blacquie: & est vne terre remplie de diuerses gens: & furent cōquis sur les Turcs, & tournez de force à la foy Chrestienne. Les gardes des portes & des passages, des villes & des chasteaux de celle cōtree, nōmee la Blacquie, laisserēt entrer & venir assez legeremēt les Chrestiens (qui de la

† Ce mot est corrompu de Valachia Latin & l'ont aussi quelques François corrompu par Vallaigne estant icy dit, Valaquie par Sala.

de la Turquie venoient) par entre eux:& les logeoient:mais au matin,au prendre congé, ils tolloient aux Cheualiers & Escuyers, tout ce, qu'ils auoient: & les mettoient en vne pource coteile:& leur donnoient vn petit d'argent,pour passer la iournee tant seulement. Celle grace faisoient aux Gentils-hommes: & les autres gros varlets (qui pas n'estoient Gentils-hommes)ils despouilloient tous nus,& bateient de verges vilainement: & n'en auoient nulle pitié:& eurent toutes gens, François & autres, moult de poureté,& de paine,à passer le pays de Blacquie,& aussi celuy de Hongrie:& à grand peine pouuoient ils recouurer qui pour l'amour de Dieu leur voufist auoir donné vn morceau de pain,n'eux aux vespre loger,n'heberger:& endurerent ceste poureté & misere les passans,iusques à tant qu'ils furent venus & arriuez à Viëne en Austriche. Là furent ils recueillis plus doucement des bonnes gens: qui en eurent pitié: & reuestoient les nus: & leur departoient de leurs biens:& ainsi parmi le Royaume de Boesme:car, s'ils eussent trouué aussi durs les Allemans,comme ils auoient fait les Hongres,ils ne peussent estre retournez: mais tous fussent morts de froid & de faim par les chemins. Ainsi comme ils venoient,ou retournoient,seuls ou accompagnez, ils recordoient les pources nouvelles: dont toutes gens, qui les oyoiët, en auoient pitié:& plus les vns que les autres: & tant auallerët ces effuyàs, qu'ils vindrent en France,à Paris:& commécerent à dire,& à bouter hors,ces angouïsses nouvelles:lesquelles du premier on ne vouloit,ny ne pouuoit on croire:& disoiët les aucuns,parmy la ville de Paris, C'est dommage qu'on ne pëd,ou noye,ceste ribaudaille: qui semët tous les iours telles iangles & fallaces. Nonobstât ces menaces,tous les iours les nouvelles multiplioient & s'epartoient par tout: car nouvelles gens reuenoient: qui en parloient. Les vns en vne maniere,& les autres en vn autre. Quand le Roy de France entendit que telles nouvelles se multiplioient & continuoient, si ne luy furent pas plaisantes(car trop grand dommage y auoit des Nobles de son sang,& des bons Cheualiers & Escuyers de son Royaume de France) & fit vn commandement, à la fin, que nul n'en parlast plus-avant,iusques à ce qu'on seroit encores mieux informé de la verité,ou de la mensonge:& que tous ceux,qui en parloient,& disoient qu'ils retournoient de Hongrie & de Turquie,fussent pris & boutez au Chastelet de Paris. Il y en eut de mis moult grand nombre: & leur fut bien dit, que, s'on trouuoit mësonger les parolles que dit ils auoiët, il estoit ainsi ordonné qu'ils seroient tous noyez: & en furent, en la fureur du Roy, en grand' auenture. Or auint que le propre iour de † Noel (qu'on dit en France Kalendes) messire Iaques de Helly, sur heure de nonne,entra en la cité de Paris: & si tost comme il fut descendu de cheual à son logis,il demanda ou le Roy estoit. On luy dit, A Sainët Pol sur Saine. Il se retira celle part. Pour cestuy iour se tenoient,delez le Roy,le duc d'Orleãs son frere,le Duc de Berry,le Duc de Bourgogne,& le Duc de Bourbon,le Comte de Sainët-Pol,& moult de Nobles du Royaume de France:ainsi qu'à vne telle solennité les Seigneurs vont veoir volontiers le Roy: & est l'vsage. Messire Iaques de Helly entra en l'hostel de Sainët-Pol,en l'arroy que ie vous dy,tout houlé & esperonné: & pour ce iour il n'y estoit point cognu: car il auoit plus poursuiuy & hâté les parties lointaines,en querant ses auëtures,que les prochaines de sa nation.Si fit tant par sa parole,qu'il approcha la chambre du Roy: & se fit à cognoître: car il dit qu'il venoit tout droit de l'Amorabaquin,& de Turquie:& auoit esté à la bataille de Nicopoli.ou les Chrestiens auoient perdu la iournee:& que de tout il apportoit certaines nouvelles,tât du costé de Mōseigneur de Neuers, comme des autres Seigneurs de Frâce,qui en sa compagnie estoient passez outre en Hongrie. Les Cheualiers de la chambre du Roy,entendirent à ces parolles volontiers:car bien sauoient que le Roy de France,le Duc de Bourgogne,& les Seigneurs, desiroient ouyr des nouvelles, veritablement, des parties dont il venoit. Si luy feirent voye,& audience,à venir deuant le Roy. Quand il fut venu iusques au Roy,il s'agenouilla,ainsi que raison fut: & parla moult sagement,en remonstrant tout ce qu'il sauoit, & dōt il estoit chargé de dire, tât de par l'Amorabaquin,que de par le Comte de Neuers & les Seigneurs de France, qui prisonniers estoient. A toutes ses parolles entendit le Roy de France moult volōtiers:& aussi feirent les Seigneurs, qui delez luy estoient:car elles leur semblerent veritables:ainsi qu'elles estoient. Si fut de tout enquis & demandé,& doucement examiné,pour atteindre mieus & plus veritablement la matiere:& à tout il respondit moult sagement & à poinët, tant que le Roy & les Seigneurs si en furent moult contents: & furent moult courrouceez du dommage,que le Roy de Hongrie & les Seigneurs auoient receu: & d'autre part ils se reconfortoient, en ce, que le Roy de Hongrie estoit

Les échapez de la décofiture de Nicopoli assez bien receus en Austriche & en Boëme.

Nouvelles de la route de Nicopoli à Paris, & au Roy de France par les échapez: dōt les aucuns furent mis prisonniers en Chastelet.

† Toujours 1396. arriuee de messire Iaques de Helly à Paris, apport às nouvelles certaines au Roy de la décofiture des Chrestiens deuant Nicopoli.

ainsi échapé sans mort & sans prison: car ils supposoient, & disoient, & deuisoient là entre eux, qu'encores il feroit de belles & grandes recouurances sur l'Amorabaquin & sur la Turquie: & leur porteroit encores moult de dommages: & si estoient moult réionys de ce que le Comte de Neuers, & les Comtes d'Eu, de la Marche, & de Vendosme, messire Henry de Bar, le Sire de Coucy, messire Guy de la Trimouille, & messire Bouciquaut, estoient hors du peril de mort, & pris & retenus prisonniers: car tousiours (ainsi que les Seigneurs disoient & deuisoient deuant le Roy) viennent Seigneurs à rançon & à finance: & on trouueroit aucun moyen, parquoy ils seroient rachaptez & deliurez: car (ainsi que messire Iaques de Helly leur disoit, & remonstroit) il esperoit bien que l'Amorabaquin dedans vn an, ou deux au plus tard, les mettroit à finance, car il aimoit or & richesses auoir deuers luy, trop grandement: & ce sauoit il: car il auoit demouré & conuersé en Turquie avecques eux, & seruy l'Amorabaquin, pere à celuy dont ie parle presentemēt, plus de trois ans. Si fit le Roy de France leuer sus le Cheualier, qui ces nouuelles auoit apportees: & le festoya moult grandement: & aussi feirent les Seigneurs, qui là estoient: & luy dirent généralement, qu'il estoit en ce monde bien-heureux: quand il auoit esté en vne telle iournee de bataille, & qu'il auoit la cognoissance & accointance d'un si grād Roy mécreant, que de l'Amorabaquin: qui l'auoit enuoyé en message deuers le Roy de France & les Seigneurs. De laquelle bonne auenture luy & son lignage deuoient trop mieux valoir. Si fit tantost, & incontinent, le Roy de France, ces nouuelles ouyes, deliurer. hors de prison du Chastelet, tous ceux, qui mis y auoient esté pour les nouuelles parolles, qui semées auoient esté parmy Paris, & ailleurs, auant que messire Iaques de Helly fust venu. De laquelle deliurance ils eurent tous grand'ioye: car plusieurs se repentoient de ce, qu'ils auoient tant parlé.

Comment Messire Iaques de Helly, ayant eu sa depesche du Roy de France, arriva en Hongrie, pour retourner vers le Turc: comment Messire Iehan de Chastel-morant fut aussi depesche par le Roy, pour porter quelques presens à ce Turc, en recommandation des prisonniers de France: & comment ce pendant ils estoient traittez.

CHAPITRE LXXXII.

OR s'espandirent ces nouuelles, que messire Iaques de Helly apporta en France & à Paris: & furent tenues veritables. Ceux & celles, qui leurs Seigneurs, maris, freres, peres, & enfans, auoient perdus, si furent courroucez, & à bōne cause. Les hantes Dames de France (telles que la Duchesse de Bourgongne pour son fils le Comte de Neuers, & sa fille Marguerite de Hainaut pour son mary le dit Côte) furent fort courroucees: & bien y auoit cause: car ce leur tenoit trop pres du cœur. Aussi furent Marie de Berry, Comtesse d'Eu, pour son mary, messire Philippe d'Artois, Connestable de France: † & la Comtesse de la Marche, la Dame de Coucy, sa fille de Bar, & la Dame de Sully, & toutes généralement, tant au Royaume de France, qu'ailleurs. Mais ce les recōfortoit au fort, quand elles auoient assez ploré & lamenté, qu'ils estoient prisonniers: mais il n'y auoit nul reconfort en celles, qui sentoient & entendoient leurs maris mors, leurs freres, peres, enfans, & amis: & durerent ces lamentations moult longuement, parmy le Royaume de France, & ailleurs. Aussi vous deuez sauoir que le Duc de Bourgongne festoya grandement le Cheualier de Helly, qui ces nouuelles luy auoit apportees de son fils: & luy donna de beaux dons & riches: & le retint de ses Cheualiers, parmy deux cens liures de reuenue par an: dont il luy donna à tenir son viuant. Le Roy de France & tous les Seigneurs firent grand profit audit Cheualier: lequel meit en termes (puis qu'il auoit fait son message) qu'il luy cōuenoit retourner deuers l'Amorabaquin: car ainsi luy auoit esté dit à son departemēt: & se tenoit encor prisonnier à l'Amorabaquin quoy qu'il fust venu. Car ce n'auoit esté que pour apporter nouuelles tāt de l'Amorabaquin & de sa victoire, que des Seigneurs de France, qui pris ou morts estoient, & auoient esté, en la bataille de Nicopolis. Ces parolles & signifiāces de retour, que messire Iaques fit au Roy & aux Seigneurs, leur furent assez agreables: & leur sembloient raisonnables: & entēdirent sur sa deliurance: & escriuirent le Roy, le Duc de Bourgongne, & les Seigneurs, qui à Paris estoient, à leurs † proches & amis. Mais, auant toutes choses, auisé fut au conseil du Roy de France, qu'on enuoyeroit, de par le Roy de France, vn Cheualier d'honneur, de prudence, & de vaillāce, deuers l'Amorabaquin: & lequel, son message fait audit l'Amorabaquin, retourneroit en France, & rapporteroit secondes nouuelles dudit l'Amorabaquin: au cas que messire Iaques de Helly ne pouuoit retourner, fors que par congé: car il estoit encores prisonnier

† Ceste Comtesse est icy remise selon Verard.

† Il y auoit procēmes.

prisonnier, & obligé audit l'Amorabaquin. Si fut élu, pour aller en ce voyage, & faire le message de par le Roy de France, messire Iehan de Chastel-morant, Cheualier, pourueu de sens & de langage, froid & attrempé en toutes manieres: & fut sceu, & demandé à messire Iagues, de quels ioyaux on pourroit transmettre & enuoyer, de par le Roy de France, audit Roy Basant: qui mieus luy peussent complaire, à fin que le Comte de Neuers, & tous les autres Seigneurs, qui prisonniers estoient, en vauussent mieus. Le Cheualier respondit à ce: & dit que l'Amorabaquin prendroit grand' plaissance à veoir draps de haute lice, ouurez à Arras en Picardie (mais qu'ils fussent de bonnes Histoires anciènes) & aussi à veoir blancs Faucons: qui sont nommez Gerfaux. Avec tout ce, il pensoit que fines blanches toiles de Reims seroient de l'Amorabaquin, & de ses gens, recueillies à grand gré, & fines écarlates: car de draps d'or, & de draps de soye, en Turquie le Roy & les Seigneurs auoient assez, & largement: & prenoient en nouuelles choses leurs ébatemens & plaissances. Ces parolles furent arrestees du Roy, & du Duc de Bourgogne: qui toute son entente mettoit à complaire à l'Amorabaquin, pour la cause de son fils. Enuiron † douze iours demoura messire Iagues de Helly à Paris, delez le Roy & les Seigneurs (qui volentiers l'escoutoient: pourtât que tresproprement il parloit des auentures de Turquie & de Hongrie, de l'Amorabaquin, & de son ordonnance, & aussi pourtant qu'il deuoit retourner deuers luy, & deuers les Seigneurs. A son departement il luy fut dit. Messire Iagues, vous cheminerez tout souef, & à vostre aise. Nous croyons bien (dirent les Seigneurs) que vous irez par Lombardie, & parlerez au Duc de Milan (car ils s'entraiment, & cognoissent assez par ouyr dire, & par recommandations, l'Amorabaquin & luy: car oncques ne se veirét) mais (quelque chemin que vous tenez) nous vous prions, & enioignons, que messire Iehan de chastel-morant (lequel nous auons ordonné enuoyer de par le Roy) attendez en Hôgrie: car c'est nostre entête qu'il passera outre, & ira en Turquie, & portera dons & presens, de par le Roy de France, à l'Amorabaquin: à fin qu'il soit plus doux & debonnaire au Comte de Neuers & à sa compaignie: qui sont au danger de l'Amorabaquin. Messire Iagues de Helly respondit à ce: & dit que tout ce il feroit volôtiers. Adonc fut faite sa deliurance de tous poinçts: & se departit du Roy de France, du Duc de Bourgogne, & des Seigneurs de France: & issit de Paris: & prit le chemin, ainsi qu'il estoit venu. Puis se meit au retour: & fut son entente telle, que iamais au Royaume de France ne retourneroit, tant qu'il auroit esté au Royaume de Hongrie, & en Turquie. D'autre part, depuis son departement, le Roy de France & le Duc de Bourgogne n'entendirent à autre chose, fors de pourueoir les presens, qu'ils vouloient enuoyer deuers l'Amorabaquin: & quand ils furent pourueus tresbien, messire Iehan de Chastel-morant fut tout prest & ordonné pour partir: car bien sauoit qu'il estoit chargé, de par le Roy, d'aller en ce voyage, & faire ce message. On se diligenta d'enuoyer ces presens, de par le Roy de France, à l'Amorabaquin à fin que messire Iehan de Chastel-morant peust atteindre messire Iagues de Helly, à six sommiers. Si vous diray de quoy ils furent chargez. Les deux furent de draps de haute lice: & furent pris & faits à Arras, les mieus ouurez qu'on peust auoir & recouurer: & estoient ces draps faits de l'Histoire du Roy Alexandre, & de la greigneur partie de sa vie, & de ses conquestes. Laquelle chose estoit tresplaisante, & agreable à veoir, à toutes gens d'honneur & de bien. † Deux autres estoient aussi chargez de fines toilles de Reims: & les autres deux sommiers, de fines écarlates, blanches & vermeilles. De toutes ces choses recouura on assez legerement, par les deniers payant: & on trouua & recouura, à trop grand' peine, des blancs Gerfaux: toutesfois en Paris, ou en Allemaigne, on en eut: & de tout fut chargé messire Iehan de Chastel-morant, à faire presens, & son message: & se departit de Paris, du Roy & des Seigneurs, quinze iours apres que messire Iagues de Helly se fut mis en voye, & à chemin. Entretant que ces voyageurs cheminoient, le Roy de Hongrie (qui si grand dommage auoit receu & eu en la bataille: si comme il est cy-dessus dit, & contenu en l'Histoire) retourna en son pays. Adonc, quand on sceut sa reueneue, tous les gens qui moult l'aimoient furent moult grandement reioys, & vindrent deuers luy: & le reconforterent: & dirent, que, si l'auoit perdu & eu dommage, vne autre fois il auroit profit. Il conuint au Roy de Hongrie porter son dommage, le plus bel qu'il peut: & aussi fit il. D'autre part l'Amorabaquin retourna en son pays: & la bataille passée (ainsi que cy-dessus est contenu) il vint en vne grosse ville en Turquie, qu'on appelle Burse: & là furent les Cheualiers de France, prisonniers, amenez, & là se tindrent en bonnes gardes: qui furent mises & establies sur eux: & deuez

† *Ayant esté dit au chap. precedent, que ce messire Iagues de Helly arriva vers le Roy au iour de Noel 1396. nous pouuons donc icy commencer l'an 1397. à ma mode.*

De pesche de messire Iagues de Helly par le Roy de France, pour s'en retourner vers le Turc.

† *Ceste dernière clause, inscrite à les autres deux, est prise de Sala.*

Depart de messire Iehan de Chastel-morant, pour aller vers le Turc, de la part du Roy de France.

† C'est adire
leurs cuili-
niers.

Confort des Sei-
gneurs François
prisonniers des
Turcs, entr'eux
mesmes.

Déconfiture du
Sire de Concy,
prisonnier du
Turc, avec les
autres Sei-
gneurs Fran-
çois.

fauoir qu'ils n'auoiēt pas toutes leurs aises:mais moult cōtraires. Trop fort leur chāgerēt le temps & les viures:car ils auoiēt appris la nourriture de douces viandes delicieuses:& fouloiet auoir leurs † queux, varlets,& mesgnies, qui leur administroient leurs viandes à leurs gousts & appetis:& de ce ils n'auoiēt riēs: fors tout le cōtraire: grosses viādes, chairs mal-cuites & appareillees. Des espices auoient ils assez, & à largeesse, & du pain de millet: qui moult est doucereux, & hors de la nature de Frāce. Des vins auoiēt ils à grand dāger: & (quoy que tous fussent grās Seigneurs) on ne faisoit pas grād cōpte d'eux:& les auoient aussi cher les Turcs malades comme sains, & morts que vifs: car, se par le conseil & aus de plusieurs allast, on les eust tous mis à execution. Ces Seigneurs de France (qui ainfi estoiet prisonniers en Turquie) se cōfortoient l'un parmy l'autre:& prenoiet en gré tout ce, qu'on leur faisoit & administroit: car ils n'en pouuoiet auoir autre chose. Si se muerēt moult de sang, & en cōmencement de maladies, & trop plus les vns que les autres:& par especial, celuy, qui se confortoit le mieux, c'estoit le Comte de Neuers: mais il le faisoit tout par sens, pour réiouyr & reconforter les autres: & avec luy estoit de bon reconfort messire Bouciquaut, le Comte de la Marche, & messire Henry de Bar: & prenoient assez le tēps en gré, & en patiēce:& disoiet qu'on ne pouuoit point auoir les hōneurs d'armes, & les gloires de ce mōde, sans auoir peine, & à la fois de dures auētures & des rencontres: & oncques ne fut en ce monde (tant fust vaillāt, n'heureux, ne bien vſé d'armes) qui eust tous ses souhaits ne volonteiz:& deuoiet encores Dieu louer, quand ils se trouuoient en ce party, qu'on leur auoit sauué leurs vies, en la fureur & courroux, ou ils veirēt l'Amorabaquin & les plus prochains de son conseil. Car il fut dit en l'ost, & conseillē (ou s'enclinoit & arrestoit généralement le peuple) que tous fussent morts & détranchez:& il mesme, Bouciquaut, disoit que de sa vie il deuoit plus louer Dieu, que nuls de tous. Car ie fu (disoit il) sur le point d'estre mort & occis, & détranchē (ainfi que les autres noz compaignons furent) & estoit tout ordonnē, quand mōseigneur de Neuers me rauisa:& tantost il se meit à genoux deuāt l'Amorabaquin, & pria pour moy:& à sa priere ie fu deliuré. Si tien & recorde ceste auenture à belle & bonne: quand il plaist à nostre-Seigneur: car dorénavant ce, que ie viuray, il me semble que ce sera auātage:& Dieu, qui nous a deliurez de ce peril, nous deliurera encores de plus grād (car nous sommes ses soudoyers, & pour luy nous auons ceste peine:& par messire Iaques de Helly (qui chemine en Frāce de par l'Amorabaquin, & qui recordera ces nouuelles au Roy, & aux Barons de Frāce) pourrōs nous auoir dedans vn an bon reconfort & deliurance. La chose ne demourera pas ainfi. Il y a moult de sens delez le Roy de France, & en Monseigneur le Duc de Bourgogne. Iamais ils ne nous mettront en oubly, que par aucun temps & moyen nous ne venons à quelque finance, & à plaine deliurance. Ainfi se recōfortoit ce gentil Cheualier messire Bouciquaut, & prenoit le temps assez en bon gré & patience:& aussi faisoit le ieune Cōte de Neuers: mais le Seigneur de Coucy le prenoit en tresgrande déplaisance: dont c'estoit merueille: car, deuant ceste auēture, il auoit tousiours esté vn Sire pourueu & plein de grand reconfort: n'oncques il ne fut ébahy: mais en celle prison, ou il estoit à Burse en Turquie, il se decōfortoit & ébahissoit de luy-mesme, plus que nul des autres:& se melācolioit:& auoit le cueur trop pesant:& disoit biē, que iamais il ne retourneroit en Frāce: car il estoit issu de tant grās perils & de dures auētures, que ceste seroit la dernière. Messire Henry de Bar le recōfortoit, si acertes cōme il pouuoit:& luy blasmoit les decōforts, lesquels sans besoing il prenoit: & que c'estoit folie de dire & faire ainfi:& qu'en luy deuoit auoir plus de reconfort, qu'en tous les autres: mais, nonobstant ce, il s'ébahissoit de soy-mesme:& luy souuenoit trop durement de sa femme:& la regrettoit moult souuent:& aussi faisoit messire Philippe d'Artois, Comte d'Eu, & Connestable de France. Messire Guy de la Trimouille se reconfortoit assez bien. Aussi faisoit le Comte de la Marche. L'Amorabaquin voulut bien qu'ils eussent aucunes graces & ébatemens de leurs deliēs: & les vouloit veoir à la fois, & iangler & bourder avec eux: & leur estoit assez gracieux, & debonnaire:& vouloit bien qu'ils veissent son estat, & vne partie de sa puissance. Nous laisserons vn petit à parler d'eux:& parlerons de messire Iaques de Helly, & de messire Iehan de Chastel-morant: qui tous deux cheminoient pour venir en Hongrie.

Comment messire Iaques de Helly, estant retourné vers le Turc, et quitte de sa prison, apporua sauf-conduit de luy à messire Iehan de Chastel-morant, en Hongrie: & comment Chastel-morant fut contraint d'enuoyer messager en Faance, estant empesché, par le Roy de Hongrie, de porter ses presens au Turc.

ENuiron dix ou douze iours seiourna messire Iaques de Helly en la cité de Bode en Hongrie, en attendant messire Iehan de Chastel-morant: lequel exploita en cheminant, & auança du plus tost qu'il peut: & quand il fut venu en l'arroy & ordonnance que dessus auez ouï recorder, messire Iaques de Helly en fut tout réiouï: car il desiroit passer outre en Turquie, pour s'aquiter de sa foy enuers l'Amorabaquin, & pour veoir le Côte de Neuers, & les autres Seigneurs de France (qui là estoient prisonniers) pour eux de son pouuoir reconforter. Quand le Roy de Hongrie veit messire Iehan de Chastel-morant, si luy fit tresbonne chere, pour l'honneur du Roy de France, & des Royaux ses cousins: & entendit par ses hommes mesmes, que le Roy de France enuoyoit, par son Cheualier, à l'Amorabaquin, moult de grans presens & de beaux ioyaux. Desquelles choses il fut tout courroucé & marri: mais il se dissimula grandement, & courir sagement, tant que messire Iaques de Helly fut departy, & allé en Turquie: car il dit moult bien à soy-mesme, & à ceux de son plus destroit & espécial Conseil (ausquels il se decourrit) que ia ce chien mécreant, son auersaire, l'Amorabaquin, n'auroit dons ne presens, qui veinsent du Royaume de France, ne d'ailleurs, tant qu'il eust puissance de les détourner. Quand messire Iaques se fut rafreschi à Bode en Hongrie, il prit congé du Roy & de Chastel-morant: & dit qu'il vouloit passer outre, pour aller en la Turquie, deuers l'Amorabaquin, & pour impetrer vn saufconduit, pour messire Iehan de Chastel-morant: afin que luy, & ce, qu'il menoit, peussent passer outre, & venir deuers luy. Le Roy luy dit que ce seroit bien fait. Lors se departit ledit Cheualier, avec ses gens, & se meit au chemin, & prit guides: qui le menerent parmy Hongrie & la Blacque: & tant exploita, par ses iournees, qu'il vint deuers l'Amorabaquin: & ne le trouua pas à Burse: mais estoit ailleurs, en vne cité en Turquie, qu'on appelle Poly: & par tout ou il alloit & se tenoit, les prisonniers estoient meuez: réservé le Sire de Coucy: qui tousiours demoura à Burse, à l'etree de la Turquie (car il ne pouuoit souffrir la peine de cheuaucher: pourtant qu'il n'estoit pas bien haïté) & avec luy estoit demouré vn sien cousin de Grece, vn moult vaillant Baron (qui issu estoit des Ducs d'Austriche) nommé le Sire de Mathelin. Quand messire Iaques de Helly fut venu à Poly, il se trouua deuers l'Amorabaquin: qui le veit volontiers: pourtant qu'il estoit retourné de France. Messire Iaques de Helly s'humilia deuers luy moult doucement: & luy dit, Trescher Sire & redouté, veez cy vostre prisonnier. A mon pouuoir i'ay fait vostre message, & ce, dont i'estoye chargé. Adonc respondit ledit l'Amorabaquin: & dit, Tu soyes le bien venu. Tu t'es acquité loyaument: & pourtant ie te quitte ta prison: & peux aller, venir, & retourner, quand il te plaira. Adonc le remercia messire Iaques de Helly, pour celle grace qu'il luy faisoit, moult humblement: & luy dit cōment le Roy de France & le Duc de Bourgōgne, pere au Comte de Neuers son prisonnier, luy enuoyoit vn Cheualier d'honneur, & de credence, en ambassade: lequel de par le Roy luy apportoit aucuns ioyaux de recreation: lesquels il verroit volontiers. L'Amorabaquin luy demanda s'il les auoit veus. Il respondit que non: mais le Cheualier les a, qui est chargé de faire le message: qui est demeuré delez le Roy de Hongrie, à Bode: & ie suis venu deuant deuers vous, noncer ces nouuelles, & pour auoir vn saufconduit, allant & retournant, deuers vous, & arriere en Hongrie. A ceste parolle respondit l'Amorabaquin: & dit, Nous voulons qu'il l'ait: & luy accordons, tout ainsi & en telle forme, que le voulez auoir. De ceste parolle remercia le Cheualier l'Amorabaquin: & s'humilia moult deuers luy. Adonc se departit l'Amorabaquin de sa presence: & entendit à autres choses: ainsi que grans Seigneurs font. Depuis auint, à vne autre heure, que messire Iaques de Helly parla à l'Amorabaquin: & se meit à genoux deuant luy: & luy pria moult doucemēt qu'il peust veoir ses seigneurs, les Cheualiers de France: car il auoit à parler à eux de plusieurs choses. L'Amorabaquin à ceste requeste ne respondit pas si tost: mais pensa vn petit: & quand il parla, il dit, Tu en verras l'vn tant-seulement, & non les autres. Adonc fit vn signe à aucuns de ses hōmes, que le Côte de Neuers, tout seul, luy fust amené en la place, en sa presence, tant qu'il eust vn petit parlé à luy: & puis fust remené. On fit tantost son commandement: & alla on querir le Comte de Neuers: & fut amené deuant le Cheualier: qui s'encline contre luy. Le Comte le veit volontiers (ce fut raison) & luy demanda du Roy & de son Sire de pere, de sa Dame de mere, & des nouuelles de France. Le Cheualier luy recorda tout ce qu'il en sauoit, & auoit veu: & tout ce luy dit de bouche, dont il estoit chargé: & n'eurent pas si grand loisir de parler l'vn à l'autre, comme ils voufissent bien: car les hommes de l'Amorabaquin estoient là presens: qui leur disoient

Depart de messire Iaques de Helly hors de Hongrie, y laissant messire Iehan de Chastel-morant, tant qu'il luy eust apporté saufconduit du Turc.

Retour de messire Iaques de Helly vers le Turc qui le quitte de sa prison.

Messire Iaques de Helly parle au Comte de Neuers, par la permission du Turc.

qu'ils se deliurassent de parler, & qu'il leur conuenoit entendre à autre chose. Adonc demanda messire Jaques de Helly au Côte de Neuers, se tous les autres seigneurs de France estoient en bon poinct. Il respōdit, Ouy: mais le Sire de Coucy n'est point avec nous. Il est à Burse demeuré, & comme récreāt de maladie: & c'est sur le credit du Seigneur de Mathelin: qui est demeuré pour luy (ainsi que ie l'éten) & ce Sire de Mathelin est assez en la grace de l'Amorabaquin. Donc dit messire Jaques, & cōpta commēt messire Iehan de Chastel-morāt estoit issu hors de Frāce, & venu de par le Roy & le duc de Bourgongne, en ambassade, deuers l'Amorabaquin: & luy aporloit pour adoucir sa felōnie & son ire, de beaux ioyaux, nobles & riches: mais il est arresté à Bode en Hongrie, delez le Roy: & ie suis venu querir vn sauscōduit pour luy, allant & retournant, luy & toute sa famille: & l'Amorabaquin le m'a ia accordé: & croy que ie retourneray assez de brief deuers luy. De ces nouuelles fut le Comte de Neuers tout réiouī: mais il n'en osa monstrier nul semblant pour les Turcs, qui le regardoient. La dernière parolle, que le Comte de Neuers dit à messire Jaques, fut telle, Messire Jaques, i'enten par vous, que l'Amorabaquin vous a quitté de tous poincts, & pouuez, quand il vous plaist, retourner en France. Vous, venu de là, dites, de par moy, à monseigneur mon pere, s'il a intention de moy & mēs compaignons rauoir, qu'il enuoye traitter de nostre deliurance hastiuemēt, par aucuns marchans Généuois & Veniciēs, & se cōpose & accorde, à la première demande, que le Roy Basant, dit l'Amorabaquin, ou ceux de par luy, qui de ce serōt chargez, feront & demanderont: car nous sommes tous perdus pour tousioursmais, si on s'arreste, ne varie, trop longuement. Mais i'ay assez cognu, & entendu, que l'Amorabaquin est moult loyal, courtois, & brief en toutes choses: mais qu'on le sache prendre en point. A tant finirent leur parlement, & fut remené le Comte de Neuers avecques ses compaignons: & messire Jaques de Helly retonrna d'autre part: & entendit à auoir le sauscōduit, qui otroyé luy estoit de par l'Amorabaquin, pour reuenir en Hongrie. Quand le sauscōduit fut escrit & seellé, selon l'vsage & coustume que l'Amorabaquin, a de faire & de donner, on le bailla & deliura au Cheualier: qui le prit, avec le congé de l'Amorabaquin, & de ceux de sa Court, & de sa cognoissance. Au retour il se meit: & chemina tāt par ses iournees, qu'il vint à Bode en Hongrie. Si se trait tantost deuers messire Iehan de Chastel-morant: qui l'attendoit, & qui fort desiroit sa venue. Si luy dit, Le vous apporte vn sauscōduit, allant & retournant en Turquie, pour vous & pour vostre famille: & le m'a accordé, & doné le Roy Basaac, assez legerement. C'est bien fait, dit le Cheualier. Or allon deuers le Roy de Hongrie: & luy recordon ces nouuelles: & puis demain au matin ie m'en departiray: car i'ay icy assez seiourné. Adonc s'en allerent les deux Cheualiers tous d'un accord, deuers le Roy (qui estoit en sa chambre) & parlerent à luy, en luy remonstrent tout l'affaire, que vous auez ouy. Le Roy respondit à ce: & dit ainsi, Vous, Chastel-morant & Helly, soyez les tresbien venus. Nous vous voyons volontiers, pour l'amour de nos cousins de France, & leur ferions volontiers plaisir, & à vous aussi: & pouuez aller & venir parmi nostre Royaume à vostre volonté, & aussi en la Turquie, s'il vous plaist. Mais, pour le present nous ne sommes pas d'accord que les presens & ioyaux, lesquels vous, Chastel-morant, qui messager en estes, auez fait venir du Royaume de France, vous menez outre, ne presentez à ce chien mécreant, le Roy Basaach. Il n'en sera ia enrichi ne réiouy. Il nous tourneroit à trop grand blasme & vilité, s'au temps auenir il se pouuoit vanter, que, pour luy traire à amour, & par cremeur (pourtant qu'il a eu vne victoire sus nous, & qu'il tient en danger & en prison aucuns hauts Barons de France) il fust tant honoré, qu'il peüst monstrier, & dire, Le Roy de France & les Seigneurs de son sang m'ont enuoyé, ou enuoyerēt, tels riches presens & ioyaux. Tant que des gerfaux, ie n'en feroye pas grand cōpte (car oiseaux volent legérement de pais en autres, ils sont tost donnez, & tost perdus) mais, des draps de haute lice, ce sont choses à monstrier, garder, demeurer, & à veoir tousioursmais: si que, Chastel-morant (dit le Roy de Hongrie) si vous voulez passer outre en Turquie, & porter les faucons & gerfaux, & veoir ce roy Basaac, faire le pouuez: mais autre chose n'y porterez. Adonc respondit messire Iehan de Chastel-morant: & dit, Certes: cher Sire, & redouté Roy, ce ne seroit pas honneur, ne la plaissance du Roy de France & des Seigneurs qui cy m'enuoyent, si ie n'accomplissoye mon voyage, en la forme & maniere, qu'il m'est chargé de faire. Or bien (dit le Roy) vous n'en aurez autre chose presentement, par moy. Si se departit à tant des Cheualiers: & entra en ses chambres: & les laissa tous deux parlans ensemble, eux conseillans quelle chose ils pourroient faire:

re: car

Retour de messire Jaques de Helly en Hongrie, vers le seigneur de Chastel-morant, luy apportant sauscōduit du Turc.

Le Roy de Hongrie empesche Chastel-morant de porter les presens du Roy de France au Turc.

re: car ceste abusio[n] du Roy de Hongrie leur tournoit à grand déplaisir: & en parlerent eux deux en plusieurs manieres, pour auoir conseil comment ils s'en cheueroient: & auferent que tout leur estat, & l'imagination du Roy de Hongrie, ils enuoyeroient par lettres & hastifs messagers, au Roy de France, & au Duc de Bourgogne: à fin qu'ils y voufissent pourueoir (puis qu'ils n'en pouuoient auoir autre chose) parquoy ils fussent aussi excuzez de leur longue demouree, par le moyen du Roy de Hongrie. Si escriuient lettres les deux Cheualiers, & seellerent, adreçans au Roy de France, & au Duc de Bourgogne (à fin qu'ils y voufissent pourueoir) & prirent certain messager, bien exploitant, pour cheuaucher en France: & luy firent finance d'or & d'argent assez, pour souuent remuer & changer de cheuaux (à fin qu'il fust plus exploitant son chemin) & demurerent à Bode en Hongrie, attendans le retour dudit messager. Tant exploita le messager des Cheualiers de France dessus-nommez, & si bonne diligence fit sur le chemin, qu'il vint en France & à Paris: & là trouua le Roy, le Duc de Bourgogne, & les Seigneurs. Si monstra ses lettres. On les prit: & les ouurit on: & furent leuës tout au long. Desquelles, & des parties qui dedans estoient escrites, furent trop durement courrouceez & émerueilleez: & penserent sur cela grandemēt, & pourquoy le Roy de Hongrie si auoit empesché, n'epeschoit, à passer outre en la Turquie, & de faire les presens à l'Amorabaquin, ainsi qu'ordonné & déterminé ils l'auoient. Le duc de Berry excusoit fort le Roy de Hongrie: & disoit qu'il n'auoit nul tort de ce faire: car on s'estoit trop humilié & abbaissé: quand le Roy de France enuoyoit dōs, presens, & ioyaux à vn tel Roy, Payé & mécréant. Le Duc de Bourgogne (auquel la matiere touchoit) proposoit à l'encontre que c'estoit chose raisonnable: au cas q[ue] fortune & auēture luy auoient fait tāt de grace qu'il auoit eue victoire & iournee pour luy de la bataille, si belle & si grande, & auoit decōfit & mis en chace le roy de Hōgrie, & pris tous les plus-nobles & plus-grās (réservé le corps du Roy) qui ce iour estoient armez en bataille contre luy: & les tenoit prisonniers, & en danger. Pour laquelle chose il conuenoit aux prochains & amis d'iceux, que par aucun moyen ils fussent aidez & confortez: son entendoit à eux auoir & deliurer. Les parolles du Duc de Bourgogne furent aidees & soustenues du Roy de France & de son conseil: & fut dit qu'il auoit bōne cause de ce dire & remōstrer, & demāda le Roy au Duc de Berry, en disant, Bel oncle, se l'Amorabaquin, le Soudan, ou vn autre Roy Payen, vous enuoyoit vn Ruby noble & riche, ie vous demāde si vous le receuriez. Le Duc de Berry respōdit: & dit, Monseigneur i'en auroye auis. Or fut il remonstré du Roy, qu'il n'y auoit pas dix ans que le Soudan luy auoit enuoyé vn Ruby: le q[ue]l il auoit achapté vingt mille frācs. L'affaire du Roy de Hōgrie ne fut en riēs soustenu: mais dit qu'il auoit mal fait, quand il empeschoit, & auoit empesché, les presens de passer outre deuers le Roy Basāach: & que ce pourroit les Seigneurs de France plus arrester, qu'auācer. Si fut ordōné ainsi, & cōseillé au Roy de France, d'escire au Roy de Hongrie lettres moult amiables, en priant qu'il ne meist nul empeschement à ce que son chevalier ne passast outre en Turquie, & ne fist son message. Si furent de-rechef lettres escrites sur la forme que ie vous dy, & seellees, & baillées à celui, qui les nouvelles auoit apportees: & quand il eut sa deliurance, il se departit du Roy, & du Duc de Bourgogne, & des seigneurs de France: & se meit au retour, pour venir en Hongrie.

Messager du sire de Chastellorant au Roy de France, sur l'empeschement du Roy de Hongrie quant à porter ses presens au Turc.

Lettres du Roy de France au Roy de Hongrie pour laisser passer ses presens au Turc.

Comment la Duchesse d'Orleans, fille au Duc de Milan, fut soupsonnee de la maladie du Roy.

CHAPITRE LXXXIIII.

Vous sauez (si comme il est contenu en nostre Histoire) comment le Roy de France tous les ans estoit enclin de cheoir en maladie frenaieuse: & n'estoient nuls Cirurgiens, ne Médecins, qui l'en sceussent conseiller, ne peussent pourueoir. Aucuns s'estoient bien auancez: & se vantoient qu'ils le gueriroient & mettroient en ferme santé: mais, quant ils auoient tout emprisi & labouré, ils labouroient en vain: car la maladie du Roy ne se cessoit point pour prieres ne pour medecines, iusques à tant qu'elle auoit pris tout son cours. Les aucuns de ces Médecins & Arioles, qui deuisoient & deuinoient sur l'entente de mieux valoir sur la maladie du Roy, mettoient outre (quand ils veoient que leur labour estoit nul) que le Roy estoit empoisonné & enherbé: & ce mettoit les Seigneurs de France, & le peuple généralement, en grans variations & suppositions de mal: car les aucuns de ces Arioles affermoient, pour mieux atteindre leurs gueules, & pour plus donner à toutes gens à penser, que le Roy estoit demené par sors & par charmes: & le sauoient par le diable: qui leur reueloit cest affaire. Desquels arioles & deuins il en y eut de destruis

† Le doute qu'il n'y felle purges: c'est adire purgations.

† C'estoient anciennement, enuiron les Romains, certains

personnages, qui
deuinoient: &
vient ce mot
d'Ariolus ou
Harilus Latin
Qu'il à ce qu'il
dit apres, pour
mieux attein
dre leurs
gucules, ie
doute qu'il n'y
falle lire pour
micux attein
dre à leurs
œuvres: c'est
à dire pour
courir leurs
abus.
Le Duc Galeas
de Milan en-
uoya excuser sa
fille, la Duches-
se d'Orleans,
suspçonnee de
la maladie du
Roy Charles.

& ars à Paris, & en Auignon. Car ils parleront si-avant, qu'ils dirent que la Duchesse Valentine d'Orleans, fillé au Duc de Milan, si faisoit tout celuy encôbrier, & en estoit cause, pour paruenir à la couronne de France: & en fut tellemēt accueillie la Dame, par les parolles de ces deuins & Arioles, que commune renômee couroit parmy le Royaume de France, qu'elle iouoit de tels ars, & que tant qu'elle seroit delez le roy de Frâce, à ce iour que le Roy la verroit, n'orroit parler, il n'en auroit autre chose: & conuint à ladite Dame, pour oster celuy esclandre & fuir tels perils (qui de trop pres l'approchoiēt) dissimuler, & partir de Paris, & aller demourer à Asnieres, vn moult bel chastel, pres de Pontoise (lequel pour lors estoit au duc d'Orleans son mary) & depuis elle alla demourer à Neufchastel sur Loire: qui est, & estoit pour lors, audit duc d'Orleans: lequel, sentant que telle fame & renommee couroit sur sa femme (dont il estoit moult melancolieux, & dont il se dissimuloit au mieux & le plus bel qu'il pouuoit) n'elongnoit pas pour ce le roy son frere, ne la Court: car moult y auoit de besongnes du Royaume de France pour les Consaux: ou il estoit apelé. Le Duc de Milan (qui s'apeloit Galeas) estoit bié informé que de telles viles choses, & desordônees, sa fille, la Duchesse d'Orleans, estoit accusée. Si tournoit ce blasme à grand' iniure: & enuoya deux ou trois fois, en Frâce, Ambass. excuser sa fille: de uers le Roy & son cōseil & offroit cheualier aux cheualiers du Royaume de France, pour cōbattre à outrance tout hōme, qui luy, ne sa fille vouldoit accuser de nulle trahison: & monstroient bien ses messages si à-certés les parolles, qu'ils disoient de par le Duc Galeas, qu'il en menaçoit faire guerre au Royaume de France & aux François: car le Roy de France auoit dit & proposé, en sa bonne santé (quand il fut sur le mont de Banelinghen, entre Sainct-Omer & Calais, & sa fille donna par mariage au Roy Richard d'Angleterre) que luy retourné en France, iamais n'entendrait à autre chose, tant qu'il seroit allé à puissance sur le Duc de Milan: & le Roy d'Angleterre (qui s'escriuoit & nommoit son fils) luy auoit promis en ce voyage, de purs Anglois, mille Lâces, & six mille Archers: dont le Roy de France si estoit réiouy, & grandement: & furent les pourueances, pour le Roy de France, faites & ordônees en la Comté de Sanoye & en Dauphiné: car par là vouldoit le Roy de France entrer en Piemôt, & en Lombardie. Or auint que ce voyage se brisa, & dérompit, & alla tout au neant, quand les certaines nouuelles vindrent en France de la bataille & décôfiture de Nicopoly, & de la mort & prise des Seigneurs de France: car le Roy, le Duc de Bourgongne, & tous les Seigneurs furent si chargez de ces dures nouuelles, qu'ils eurent bien à entendre à autre chose: & aussi ils sentoient le Duc de Milan estre moult bien del' Amorabaquin. Si ne l'oserent pour l'heure courroucer: & le laisserent pour lors en celuy estat.

Comment le Duc de Bourgongne & madame sa femme mettoient grand' diligence à trouuer maniere de rachapter le Comte de Neuers, leur fils, & les autres prisonniers, estans en Turquie: & comment le Roy de Hongrie, à la persuation du grand-maistre de Rhodes, laissa passer l'Ambassadeur & les presens du Roy de France au Turc.

CHAP. LXXXV.

† re doute qu'il
n'y falle Lu-
quois.
† Sala escrit
Dindie Res-
ponde, estant
par-avant es
deux Exem-
Din de Res-
ponde.

LE Duc de Bourgongne & la Duchesse sa femme, si auisoient en toutes les manieres du monde, comment, & par quels pourchas & traitez ils pourroient rauoir leur fils, bien fauoient qu'il conuenoit, auant qu'il issist hors de Turquie, en payer grands finances. Si restreingnirent leur estat, pour épargner & assembler, par toutes leurs terres, grand' quantité d'or & d'argent (car sans ce moyen ne se pouuoient bien faire leurs besongnes) & acquirent de toutes parts amis, & par especial marchands Veniciens, Généuois & hōmes d'icelle sorte: car bien sentoient, & cognoissoient, que par tels gens conuenoit il qu'ils fussent adrecez. Le duc de Bourgongne pour ce temps se tenoit tout quoy à Paris, delez le Roy son neveu: & luy remonstroit souuent ses besongnes. Le Roy sy enclinoit assez: car le Duc, son oncle, auoit la greigneur partie du gouvernement du Royaume: dont ses besongnes si en deuoient mieux valoir. En ce temps auoit vn marchand † Turquois à Paris: qui estoit moult puissant hōme, & grand marchand, & auquel tous les faits d'autres Lombards se rapportoient: & estoit cognu, à parler par raison, par tout le monde, là ou marchands vont, viennent, & hantent: & celuy marchand on nommoit † Dinde Responde, & par luy se pouuoient faire toutes finances: & (quoy que deuant ceste auenture de la prise de ces Seigneurs de France en Turquie, il fust bien aimé & honoré du Roy & des Seigneurs de France) encores fut il derechef plus grandement: & parloit souuent le Duc de Bourgongne à luy, pour auoir conseil comment il pourroit cheuir, n'entrer en traitté deuers l'Amorabaquin, & commēt il pourroit venir, pour rauoir son fils, & les autres

autres

autres Seigneurs de France, qui avec luy estoient prisonniers en Turquie. Sire Dinde Responde respondit à ces paroles, & dit, Monseigneur, on y regardera petit à petit. Les marchans de Genes, & des Isles obeissans à eux, sont congnus par tout & font le fait de marchandise au Quaire en Alexandrie, à Damas, Damiette, Turquie, & par toutes les mettes & limites lointaines des mécreâs: car (ainsi que vous sauez) marchandise va & court par tout: & se gouuerne le monde par celle ordonnance. Si escriuez, & faites le Roy escrire amiablement deuers eux, & aussi que vous leur promettez de grans biens & de grans profits, s'ils y veulent entendre. Car il n'est chose, qui ne s'appaise & moyenne par or & par argêt. Aussi le Roy de Cypre (qui est marchissant à la Turquie, & qui encor n'a point fait de guerre à l'Amorabaquin) y peut bié aider. Vous devez croire & sauoir que de bon cueur & tres acertes, i'y entendray, car ie suis en tout ce, tenu de le faire. On ne se deuoit pas esmeruiller se le duc de Bourgogne & la duchesse, sa femme, queroiét voyès & adrees pour la deliurâce de leur fils, le Comte de Neuers. Car ceste prison leur touchoit de trop pres: au cas qu'il deuoit estre leur hoir, & successeur de tous leurs heritages: dont ils auoient grand' foison: & si luy estoit ceste auenture & fortune auenue en la ieunesse, & en sa nouvelle Cheualerie. Les dames de France regrettoient leurs amis & maris. La Dame de Couci, par especial ne pouuoit oublier son mari, & ploroit & lamentoit nuit & iour, n'on ne la pouuoit reconforter. Le duc de Lorraine & messire Ferri, ses deux freres la vindrent veoir à Sainct Gobin, ou elle se tenoit, & la reconforterent tant comme ils peurent: & l'auiserent qu'elle voulist enuoyer en Turquie & en Hongrie, pour sauoir cōment il luy estoit: car ils auoient entendu qu'il auoit plus douce & plus courtoise prison, que nuls des autres. La Dame sceut à son frere le Duc & à messire Ferri, son second frere bon gré de celuy auis, & manda messire Robert Desne, vn bon & vaillant Cheualier de Cambresis, & luy pria doucement, qu'il sy voulist tant trauailler, pour l'amour d'elle de prédre le chemin & d'aller droit en Hongrie & en Turquie, & de faire diligēce pour voir en quel estat son sire & mari, le sire de Coucy estoit. Le Cheualier se cōdescendit legere-
mēt à la priere de la dame de Couci, & respondit que moult volōtiers il feroit le mes-
sage, & iroit si auant, qu'il en rapporteroit certaines nouuelles. Adonc l'ordonna messire Robert de tous points, & accoustra ses besongnes, & tātost se mit au chemin luy cinq-
ième tant seulemēt, & pareillement les autres Dames de France si enuoyerēt apres leurs maris pour en sauoir la verité. Vous auez ci dessus bien ouy recorder cōment le Roy de Hongrie s'estoit arresté à ce que nullement il ne vouloit consentir que le sire de Chastel morant passast outre en Turquie, pour faire de grās dons à l'Amorabaquin, de par le roy de France & demoura le Roy de Hongrie sur cest estar & opinion vn long temps, dont il deplaisoit moult grandement à Chastel-morant, & à messire Iaques de Helli: quoy que pourueoir n'y peussent. Or auint que le grand maistre de Rodes vint en Hongrie, & en la cité de Bode, deuers le Roy (qui luy fit tresbonne chere: & bien luy deuoit faire, & y estoit tenu, car le iour de la bataille, il le sauua de mort, ou de prison) & là trouua les Cheualiers de France, qui là seiournoient. Si se tirerent deuers luy, & luy remonstrerent la maniere pourquoy le Roy de Hongrie les faisoit là tenir en seiour. De laquelle chose il fut tresgrandemēt esmerueillé: & les appaisa: & leur dit qu'il en parleroit au Roy, & tant qu'ils s'en aperceuroient bien, ainsi qu'il fit, & luy remonstra tellement & si sagemēt qu'il brisa les argus du roy de Hōgrie: & lors eurent congé de passer outre en Turquie, & tous les presens & dons (tels comme ils les portoient) leur furent deliurez & passerent outre sans nul empeschement (car ils auoient bon sauconduir: lequel messire Iaques de Helli leur fit auoir) & vindrent iusqu'à l'Amorabaquin, qui receut les Cheualiers & les presens & dons, de par le Roy de France, selon son vsage, assez honorablement, & fit l'Amorabaquin de ce que le Roy de Frāce luy auoit enuoyé, grand festé, & grād compte. Les Cheualiers parlerent vne fois tant seulemēt, au Côte de Neuers, & non pas aux autres, assez longuement, tant que bien deust suffire: & à prédre congé, le Comte de Neuers leur dit, Recommandez moy à Monseigneur mon pere, & à Madame ma mere, à Monseigneur de Berri, & à Monseigneur le Roy: & me saluez tous mies amis de par delà: & fil est ainsi que par aucun traitté (soit par marchans, ou autrement) l'Amorabaquin vueille entēdre à nostre rāçon, qu'on s'en deliure au plustost qu'on pourra: car à y mettre longuemēt, on y perdrait assez, Nous fusmes du commencement huit. Depuis en sont reuenuz ¶ seize. Ce sont 24. Qu'on face vn rachapt tout ensemble. Aussi bien finera lon des 24. que d'vn
tout seul: car l'Amorabaquin s'est arresté à ce, & soyez certains q sa parole sera veritable, quels ils estoient

La Dame de Couci enuoye visiter son mari iusques en Turquie.

Permission du roy de Hongrie au sire de Chastel-morant pour mener les presens du roy de Frāce au Turc, qui luy permet aussi parler au Comte de Neuers.

¶ Il n'a point encor parlé & ne puis trouuer

& estable: & y peuuent mout bien adiouster foy ceux de dela: qui cy vous ont enuoyez Messire laques de Helly, & messire Iehan de Chastel-morant respondirēt, & dirent que toutes ces choses & tout le bien qu'ils pourroient dire & faire, ils le feroiēt mout volōtiers, & qu'ils y estoient tenus. Si prirent congé du Comre de Neuers & puis de l'Amb-rabaquin: & se departirent, & retournerent arriere en Hongrie, & de là en France, & trouuerent sur le chemin, leur messager (qu'ils auoient enuoyé en France, deuers le Roy de France, ainsi qu'il est contenu en l'Histoire) lequel rapportoit lettres au Roy de Hongrie. S'il le firent retourner avec eux (car il n'auoit que faire d'aller plus auant, puis qu'ils estoient deliurez, & aussi qu'ils auoient ia fait leur voyage de Turquie) & s'en retournerent tous ensemble en France deuers le Roy.

Retour de Chastel-morant & de messire laques de Helly en France, apres leur Ambassade de en Turquie.

Comment le Duc de Clocestre subtilloit, & querroit les manieres, pour destruire le Roy d'Angleterre, son neveu & comment le Roy en estant bien auerti, le fit prendre prisonnier par le Comte Marechal.

CHAPITRE LXXXVI.

IE me suis tenu vne espace à parler du duc de Clocestre d'Angleterre, messire Thomas Imaigné fils du feu Roy Edouard d'Angleterre (car ie n'ay pas biē eū cause d'en parler) mais i'en parleray vn petit pour la cause de ce que nullement son cuer ne se pouoit incliner à aimer les François, & de la perte que les François auoient reccu en Hongrie: il estoit plus esiouy, que courroucé & auoit pour ce temps vn cheualier delez luy qui fa-peloit messire Iehan Laquinqay (le plus especial & souuerain de son Conseil. Si se de-uisoit à luy (ainsi que depuis il fut bien sceu) & disoit, à la fois. Ces fumees des François ont bien esté abbatues & decirees en Hongrie & en Turquie. Tous Cheualiers & Escuyers estrangers, qui se boutent en leur compagnie, ne sauent qu'ils font: mais sont mal conseillez: car ils sont si plains de pompes & d'outrecuidances, qu'ils ne peuuent auē-nir à nulle bonne conclusion de chose, qu'ils entreprennent & trop de fois est appa-ru ce cas durant les guerres d'entre mōseigneur mon pere, nostre frere le Prince de Galles, & eux: n'oncques ils ne peurent obtenir place, ne iournee de bataille, contre les ho-sires. Je ne sçay pourquoy nous auons treues à eux: car se la guerre fust ouuerte, selō que nostre querelle est belle, nous leur ferions bonne guerre, & mieux presentement, qu'on-quesmais: car toute la fleur de Cheualerie & Escuyerie de France est morte: ou prinse, & si desirent ceux de ceste contree la guerre: car sans ce ils ne sauent, ny ne peuuent viure: ne le seiour d'armes ne leur vaut riē: & par Dieu, si ie vi deux ans en bōne santé, la guerre sera renouvellee: ne ie n'y tiendray ia treues, ne respits, n'assurance: car du temps passé les François ne nous en ont nuls tenus: mais ont tellement quellement, frauduleusemēt & cauteleusemēt retollu l'heritage de la Duché d'Aquitaine: qui iadis fut donné & deli-uré par bons traittez de paix, à Monseigneur mon pere: ainsi que plusieurs-fois ie leur ay dit & remōstré aux parlemēs, quand nous estions sur marche, en la frontiere de Calais, l'un contre l'autre. Mais ils me florissoiēt leurs paroles si douces & si belles, que tous-iours rechēoient sur leur pied & si n'en pouuoie estre creu, n'ouy du Roy, ne de mes freres & si l'y eust vn bon chef à Roy en Angleterre (qui desirast la guerre aussi bien comme moy, & qui son heritage meist peine de recouurer lequel on luy a osté & tollu cauteleusemēt & malicieusemēt, sans nul titre de raison) il trouueroit cēt mille Archers appareil-lez, & six mille Hommes d'armes: qui le seruiroiēt & qui tresuolōtiers la mer passeroiēt, & leurs corps & cheuaux en le seruant auantureroient. Mais nenny. Pour le present il n'y a point de Roy en Angleterre, qui vueille, desire, n'aime les armes: car si l'y estoit, il se remōstreroit en France: n'oncques pour soy guerroyer il ne fit si bon en France, comme au iourd'huy: car si on y alloit, on seroit combatu: & le peuple de ce païs (qui desire à auoir la bataille à plus grand & riche que luy (s'auentureroit hardiment, pour la bonne & grasse despouille, qu'il en espereroit auoir: ainsi que du tēps passé nos gens ont eū, du tēps du Roy de bōne memoire, mon pere, & mō frere le Prince de Galles. Je suis le dernier né des enfans d'Angleterre, mais si ie pouuoie estre creu & ouy ie seroye le premier à renouveler la guerre & à recouurer les torts, lesq̄ls on no⁹ a faits & fait on encōr tous les iours, par la simplese & lascheté de nous & de tous quanque nous sommes: & par especial de nostre Chef, le Roy d'Angl. qui s'est allié par mariage à la fille du Roy de France son aduersaire, ce n'est pas signe qu'il le vueille guerroyer. Certes nenny: car il a le cul trop pesant. Il ne demāde q̄ le boire, le māger, & le repos, & d'estre avec les Damēs. Ce n'est pas la vie des Gēs-d'armes, qui veulēt aquerir hōneur par prouesses d'armes, & aussi de trauailler leurs corps: car encor me souuiēt-il bien du dernier voyage, que ie fi en

France

Deuis du Duc de Clocestre avec vn frere cheualier cōtre les François, en murmurant mesme contre le Roy Richard son neveu.

† Je doute qu'il n'y faille che-tances.

France. Je pouuoie auoir en ma compaignie bien enuiron deux mille Lances, & huit mil le Archers: & passâmes la mer: & entraâmes au Royaume de France, de Calais mouuât tout au long & au trauers: & oncques ne trouuâmes à qui parier, ne qui se voulsist, n'osast à nous combattre ne rebeller. Aussi firêt ainsi iadis messire Robert Canolle, messire Hue de Caurelee, & Thomas de Grantson, & messire Philippe Giffart, & n'auoient pas si grâd de charge d'hommes-d'armes, ne d'Archers, comme i'auoie: lesquels i'amenay quant & moy. Si furent deuant Paris: & manderent la bataille au Roy de France, mais ils ne furent oncques respondus, ny ne trouuerent personne en France, qui onc leur dist mot, & cheuaucherent paisiblement iusques en Bretaigne. Autant bien cheuaucherent tout au long du Royaume de France, mouuans de Calais iusquess à Bordeaux sur Girôde, qu'ôcques ils n'eurent bataille, ne rencontre, & pour ce ie me fay fort, qui y feroit maintenant tels voyages, qu'il y feroit combatu, car celuy, qui se dit Roy: & escrit, est ieune & chaud, & de grande volonté, & aussi de grande entreprise. Si nous combattroit, à quelque fin qu'il en deust venir: & aussi c'est tout tant que nous desirons, & voulons desirer, vouloir, & aimer, que la bataille, car, si ce n'est par bataille & victoire sur les François (qui sont si riches) nous n'aurons ià recourances: mais languirons: comme nous faisons, & auôs fait, depuis que mon neueu fut Roy d'Angleterre. Ceste chose si ne peut longuement demourer ainsi en cestuy estat, que le pays d'Angleterre ne s'en apperçoine & dueille, car il prend & lève grandes tailles sur les marchands (qui mal s'en contentent) & ne fait on que tout deuient: & ainsi s'apourit le Royaume d'Angleterre. Vray est qu'il donne aux vns, & aux autres, lourdement & largement, & là ou il est mal assis & employé: & son peuple le compare: dont on verra de bref vne grande rebelliõ en ce país, car le peuple comméce ià à parler, & à murmurer, en ce país, que telles choses ils ne veulêr point souffrir ne porter. Il donne à entendre, pource que tréues sont presentement entre France & Angleterre, qu'il veut faire vn voyage en Irlande, & là employer ses gens-d'armes & archers & ià y a il esté, & petit conquesté, car Irlande n'est pas terre de conqueste, ne de proffit. Irlandois sont pources, & méchans gens, & ont vn pource país & inhabitable, & qui l'auroit tout conquesté en vn an, si le perdrait il l'autre, Laquinquay, Laquinquay, en tout ce, que ie vous dy ie vous compte vray. Ainsi deuioit le Duc de Clocestre à son Cheualier, de telles parolles oiseuses, & d'autres plus grandes (ainsi que depuis fut bien sceu) & auoit accueilly le Roy d'Anglet. en tresgrâde haine, & ne pouuoit nul bié dire, ne recorder de luy: & quoy (qu'il fust, avecques son frere le Duc de Lanclastre, le plus grâd d'Angleterre, & par lequel les besongnes du Royaume se deussent conseiller & rapporter) il n'en faisoit compte, & quand le Roy, le mandoit, si luy venoit bien à plaissance, il y alloit mais le plus du temps il demouroit: & quand il venoit deuers le Roy, c'estoit le dernier venu, & le premier qui se départoit. Si tost qu'il auoit dit son entente, il ne vouloit point qu'elle fust brisée, mais acceptée. Puis prenoit à la fois congé, & montoit à cheual, & se t'ay changé. départoit, & auoit vn chastel & beau manoir en la Comté d'Excestre à trente milles de Londres: lequel on nommoit Plaify: & là cõmunément il auoit son demeure, plus qu'ailleurs. Ce Messire Thomas estoit grand Seigneur, & pouuoit bien par an, despendre de son propre, soixante mille escus. Il estoit Duc de Clocestre, Côte d'Excestre & de Bucq, & Connestable d'Angleterre, & vous dy que, pour ses merueilleuses manieres, le Roy d'Angleterre le doutoit plus, que nul de ses autres oncles, car en ses parolles il n'espar- *comme autres- fois de Xerses, en d'Excestre, Mais quant à Bucq, ie ne le cognoy point en cor, si ce n'est la premiere Côté de Bouquingua.* gnoit point le Roy, qui s'humilioit tousiours enuers luy, & ne sauoit ce Duc chose demâder au Roy, qu'il ne luy otroyast. Ce Duc de Clocestre auoit fait faire en Angleterre de trescruelles & hastiues iustices. Il fit decoler, sans nul tiltre de raison, ce vaillant & pru d'homme Cheualier, messire Simon Burle, & plusieurs autres du Conseil du Roy. Ce Duc dessusdit enchaça & bouta hors d'Angleterre l'Archeuesque d'Iorch, & le Duc d'Irlande, pourtant qu'ils estoient trop prochains du Conseil du Roy, & leur reprocha qu'ils forconseilloient le Roy, & le tenoient en leurs laiz, & despendoient & alouoient les reuenues d'Angleterre. Ce Duc de Clocestre auoit deux freres: le Duc de Lanclastre, & le Duc d'Iorch. Ces deux Ducs continuellement estoient en l'hostel du Roy, mais encôres en auoit il enuie, & disoit à plusieurs (à tels qu'à l'Euesque, Robert de Londres & autres) quand ils l'alloient veoir en son hostel de Plaify, que ses freres chargeoiêt trop l'hostel du Roy, & que chacun vauisist mieux estre chez soy. Ce Duc attraioit à luy, en toutes manieres, par subtilitez & conuertes voies, les Londriens, & luy estoit auis, que si luy estoit de son costé & accord, il auroit le demourant d'Angleterre. Ce Duc auoit vn sien

Le Duc de Clocestre tâche à induire le Comte de la Marche son arriereneueu, à se faire Roy d'Angleterre.

Menees du duc de Clocestre envers les Londriens, contre le Roy Richard, son neuen.

† C'est adire quand les Londriens firent ceste requeste.

neueu, fils de la fille à vn sien frere aîné: lequel on appella Lion: & fut Duc de Clarence: & se maria en Lombardie; à la fille messire Galeas, Sire de Millan, & mourut ce Duc Lyô en la cité d'Ast en Piémout. Ce Duc de Clocestre eust volontiers veu que son neueu; fils de la fille au Duc de Clarence (qu'on appelloit Iehan, & Comte de la Marche) eüst esté Roy d'Ang. & vouloit de mettre de la couronne son neueu, le Roy Richard, & disoit qu'il n'estoit pas digne, ne vallable; de tenir, ne gouverner, le Royaume d'Angl. & le donnoit ainsi à entendre à ceux, auxquels il l'estoit bien hardiment decouvert de ses secrets; & fit tant que le Comte de la Marche, son neueu, le vint veoir, & quand il fut delez luy, il luy ouurit tous les secrets de son cuer, & luy dit qu'ô l'auoit éleu à faire Roy d'Ang. & que le Roy Richard seroit emmuré, & sa femme aussi, & là leur tiédroit on leur estat de boire & de manger, tât qu'ils viuroient, & pria cedit Côte de la marche moult affectueusement qu'il voulsist accepter ses parolles. Car il se faisoit fort de le mettre sus: & auoit ià de son accord, & alliance, le Côte d'Arondel, messire Iehan d'Arondel, le Côte de Watuich, & plusieurs autres Prelats, & Barons d'Angleterre. Ce Comte de la Marche si fut tout ébahy, quand il ouit à son oncle mettre en termes tels propos, & toutesfois (comme ieune qu'il fust) en luy dissimulant, il en respondit sagement, & dit, pour complaire à son oncle, & departir delà, qu'il n'estoit pas cōseillé d'accepter si tost telles promesses, & qu'il sur ce il auroit auis & deliberation. Adonc dit le Duc de Clocestre, quand il veit la maniere de son neueu, qu'il teinst sa parolle en secret. Et lors il respōdit que si feroit il, & se départit ledit Comte de son oncle, au plus tost qu'il peut, & s'élongna: Car il s'en alla en la Marche d'Irlande, sur son héritage: n'onc puis ne voulut entendre à lettre, ne traitté, que son oncle luy enuoyast, & s'excusoit bien & sagement, n'onc de chose qu'on luy eust dit, ne fait requeste, il ne se voulut decouvrir, car bien veoit, & sentoit, que la conclusion n'esteroit pas bonne. Le Duc de Clocestre si queroit voies & chemins de toutes parts, comment il peust mettre & bouter vn moult grand trouble en Angleterre, & emouuoir les Londriens encontre le Roy d'Angleterre, & auint qu'en celle propre année que les trêues furent iurées, données, & sceellées, à durer trente ans entre France & Angleterre, le Roy reuenue en Angleterre, & la ieune Royne sa femme, le Duc de Clocestre informâ les Londriens, & leur bouta en l'oreille, & dit, faites vne requeste au Roy (qui sera toute raisonnable: au cas qu'il a paix à ses ennemis, & qu'il n'a point de guerre) que l'on soit frâc de toutes subides & aides, données & accordées depuis vingt ans; car elles ne furent données tant seulement, fors la guerre durant, pour aider à payer les Gens-d'armes & Archers, qui maintiendroient la guerre, car entre vous marchans, vous estes trop mallement grëuez, & oppressez, à payer, de cent florins, treize, & s'en vont tous ces profits en oisietez, en danses & festes, en boires & en mangiers, & toutesfois vous les payez, & en estes de tant trauailliez. Si dites que vous voulez que le Royaume soit mené, & gouverné aux coustumes anciennes, & quand il en sera besoin au Roy & au Royaume, pour l'honneur du pays deffendre & garder, vous vous voulez tailler bien & grandement, & tant qu'il deura suffire au Roy, & à son conseil; Dont il auint que, par l'information que le duc de Clocestre fit aux Londriens, les Londriens, & les Consaux de plusieurs citez & bonnes-villes d'Angleterre, s'accueillirent & meirent ensemble, & s'en vindrent vn iour à Elnen, à sept mille de Londres, ou le Roy estoit, & quand ils furent deuant le Roy, si firent vne requeste de toutes ces choses dessusdites, & vouloiēt que sans delay elles fussent toutes mises ius & abbatues, & à † ceste requeste faire, estoient tant seulement les deux oncles du Roy d'Angleterre (c'est assauoir les Ducs de Lancastre & d'Iorch) lesquels y estoient presens. Si les chargea le Roy d'Angleterre, & especialement en chargea le Duc de Lancastre, à respondre de ceste matiere aux Londriens, & à ceux des autres villes, qui en leur compaignie estoient. Lequel leur dit, Beaux Seigneurs, vous vous retraitez chacun sur son lieu, & dedans vn mois, au plus tard, vous retournerez à Londres, ou au Palais, à Westmonstier, & là sera le Roy, & aura son Conseil, & des Nobles, & Prelats de son pays presens, lesquels ces requestes icy orront & ce que vous demâdez à oster. Puis elles vous seront données & accordées, & tout ce, qu'il trouuera en leur conseil, & pour le meilleur à faire, si sera fait, si à point, & par telle maniere, que bien vous deura suffire. Ceste response si contenta assez les aucuns, & non pas tous, car en la compaignie il en y auoit de rebelles, & tous à l'opinion du Duc de Clocestre. Si vouloient que plus briuevement, & autrement, ils fussent respondus. Mais le Duc de Lancastre & le Duc d'Iorch, par belles & douces parolles, les appaiserent, & se departirent tous, & se retrairent chacun en son lieu.

Neant-

Neantmoins, pour ce ne demoura pas la matiere à pourſuiuir, & le mois venu, ils furent tous au Palais de Weſtmonſtier: & là y fut le Roy, & eut les Prelats & les Nobles de ſon Conſeil, & y fut preſent le Duc de Cloceſtre, qui ſ'enclinoit fort à l'opinion des demandans: mais, à la reſponſe faire, il ne demōſtra pas tout ce, que ſon cuer penſoit, mais ainçois ſ'en ſceut bien diſſimuler: à fin que le Roy, & ſes deux freres, & le Cōſeil du Roy (qui par raiſon y deuoit eſtre) ne ſ'en apperceuſſent: & reſpondit encores le Duc de Lanclaſtre pour le Roy, & adreça ſa parolle ſur les Londriens (car ils faiſoient principalemēt la requeſte) & dit, Entre vous, hommes de Londres, il plaist à Monſeigneur, que ie vous reſponde determinément de voſtre requeſte: & ie vous en reſpondray, par le commandement de luy, & de ſon Conſeil, & par l'accord & volenté des Prelats & Nobles de ſon Royaume. Vous ſauez comment, pour écheuer plus grans maux, & pour obuier à l'encō-

Reſpoſe du duc de Lanclaſtre, pour le Roy Richard ſon neveu à certaines requeſtes des Londriens faites par la menee du duc de Cloceſtre

tre de tels malefices, regardé fut généralement, & accordé de vous, & de tous les Conſaux des citez & bonnes villes d'Angleterre, que ſur l'eſtat de la marchandise vne taille feroit aſſiſe, en la forme & en la maniere comme elle a couru enuiron a ſix ans, à payer, du cent, treize, ſur ceux qui vendroient: & parmi tant, le Roy vous iura à tenir, & ſeella, moult de frāchiſes: leſquelles il ne vous veut pas oſter, mais accroiſtre, & emplir tous les iours au cas que vous le deſſeruirez. Mais là ou vous voudrez eſtre rebelles, & contredifans à ce que vous auez de bonne volenté accordé, il rappelle toutes les graces faites, & veez ſi les Nobles & Prelats, qui ont iuré à luy, & luy à eux, à aider à tenir & ſouſtenir toutes choſes licites, données, eſtablies, & accordées pour le meilleur: & à ce faire généralement tous ſe ſont arreſtez, & par ſcience. Si ayez auiſ ſur ce: & conſiderez que l'eſtat du Roy eſt grand & puiſſant, & ſil eſt augmenté en vne maniere, il eſt diminué en l'autre, car les rentes, ne reuenues, ne retournent pas, pour le Roy, à ſi grand profit, comme elles ont fait le temps paſſé: & ont eu le Roy & ſes Conſaux moult à ſouffrir, & à porter de grans couſtages, puis les guerres renouuellées entre France & Angleterre & moult ont frayé les traitteurs, qui ont eſté par-delà la mer, traiter & tenir iournée contre les François. Auffi le mariage du Roy à pourſuiuir a moult couſté: & quoy que tréues ſoient entre France & Angleterre, ſi couſtent moult, par an, les garniſons des villes & chasteaux, qui ſont en l'obeiſſance du Roy, tant en Gaſcogne, Bordelois, Bayonnois, Bigorre, qu'en la marche de Guines & de Calais. Auffi toute la bonde de la mer, pour garder les ports, haures, & frontieres. D'autre part toute la marche, entrée, & iſſue d'Eſcoce (qui ne peut eſtre depourueë, qu'elle ne ſoit gardée) & auffi la frontiere d'Irlande: qui eſt longue & eſtendue. Toutes ces choſes, & autres pluſieurs, qui ſe rapportent en l'eſtat du Roy, & ſur l'honneur & eſtat du Royaume d'Angleterre, ſe montent à grands frais & couſtages tous les ans: & le ſauent & entendent mieux les Nobles & Prelats de ce Royaume, que vous ne faites, qui ouurez & labourez, & menez voz marchandises. Louez Dieu de ce que vous eſtes ſi en paix: & regardez, entre vous, que nul ne paye, ſil ne le vaut, & fait marchandise: & autant bien le payent les eſtrangers, que ſont ceux de ceſte terre. Vous en eſtes à meilleur marché quittes, que ne ſont ceux de France, de Lōbardie, ne des autres Royaumes, ou (eſpoir) voz marchandises vont, car ils ſont taillez, & retaillez, deux ou trois fois en l'an, & vous paſſez parmi vne ordonnance raiſonnable, qui eſt miſe & aſſiſe ſur voz marchandises. Ce que le Duc de Lanclaſtre parla & remonſtra ce propos doucement & ſagement au Peuple (qui eſtoit fort conſeillé, & accueilli de mal faire, par information d'autrui) ſi les appaiſa & adoucit grandement, & ſe dérompit & departit ce Conſeil & ceſte aſſemblée, ſans riens faire de nouuel, & ſe tindrent les plus grandes & ſaines parties des Conſaux des citez & bonnes villes à contens. S'il en y auoit aucuns, qui vouſſiſſent veoir le contraire, ſi n'en monſtroient ils nuls ſemblans. Le Duc de Cloceſtre retourna

Le Duc de Cloceſtre decen de ſon entrepriſe.

en ſon hoſtel & chaſtel de Plaiſy, & veit bien que pour celle fois il ne viendroit point à ſes atteintes: & demoura la choſe en celuy eſtat, & luy touſiours viſant, & ſubtillant, comme il pourroit mettre & bouter vn trouble en Angleterre, & trouuer moyen que la guerre fuſt renouuélée en France, & auoit de ſon accord l'oncle à ſa femme, le Comte d'Arōndel: qui deſiroit la guerre ſur toutes riens, & tant auoient fait & pourchacé, qu'ils auoient attrait à leur volenté le Comte de Waruich. Le Roy d'Angleterre auoit deux freres, de par ſa mere, l'un & l'aiſné, qu'on appelloit meſſire Thomas, Comte de Kent, & le ſecond meſſire Iehan de Hollande, vaillant Cheualier. Ce meſſire Iehan de Hollande auoit à femme la fille au Duc de Lanclaſtre, & eſtoit Comte de Hoſtidonne, & Chambeſlan d'Angleterre, & fut celui, qui occit le ſils au Comte Richard de Stanford, ſi comme

† *Ancha. 170*
du 2. Vol.

il est cy dessus contenu † en nostre Histoire. De messire Richard de Stanfort estoit demouré vn ieune fils Escuyer, & ce fils estoit en la protection & garde du Duc de Clocestre, Le Comte de Hostidonne se tenoit le plus du temps en la Court du Roy d'Angleterre, son frere, & bien sauoit, plus que nul autre, des conuenans & affaires du Duc de Clocestre, car couuertement & sagemēt il en faisoit enquerir, & aussi il doutoit le Duc trop grandement, car il le sentoit felon, soudain, & haut durement, & son ennemi se tenoit de lez luy, car du delict, qu'il auoit fait de messire Richard de Stanfort, il n'estoit encores nulles concordances de paix. Le Roy Richard d'Angleterre aimoit son frere (c'estoit raison) & le portoit contre tous, & veoit bien, & conceuoit, que le Duc de Clocestre, son oncle, luy estoit trop fort contraire, & se mettoit en peine de faire conspiration contre luy, & d'émouuoir le Royaume. Si en parloient souuent ensēble, luy & son frere de Hollande. En ce temps auoit enuoyé en Angleterre le Roy de France le Comte de Saint-Pol, pour veoir la Royne, sa ieune fille, Royne d'Angleterre, & pour sauoir de leur estat, & nourrir toute amour, car les tréues estoient données par telle maniere & condition, que c'estoit l'intention des deux Rois, & de ceux de leur plus priué Conseil, que paix se nourriroit & feroit entre France & Angleterre, mal gré tous les mal-vueillās, qui le contraire y voudroient. Quand le Comte de Saint-Pol fut venu en Angleterre, le Roy & le Comte de Hostidonne luy firent tresbonne chere, tant pour l'honneur du Roy de France (qui là l'enuoyoit) que pource qu'il auoit eu à femme leur sœur. Pour ces iours n'estoient point delez le Roy, quand le Comte de Saint-Pol vint là, le Duc de Lancastre, ne le Duc d'Iorch, & se commençoient à diffimuler, car ils sentoient, & veoient, que murmurations se commençoient à émouuoir & éleuer en Angleterre, en plusieurs lieux, sur l'estat du Roy, & que les choses se tailloient & ordonnoient à aller mal (si ne vouloient point estre demandez du Roy, ne du peuple d'Angleterre & tout venoit du Duc de Clocestre & de ses complices. Le Roy d'Angleterre, n'oublia riens à dire & remonstrer au Comte, de Saint-Pol, tant de l'estat d'Angleterre, que de son oncle le Duc de Clocestre (lequel il trouuoit dur & rebelle, & moult merueilleux) & luy compta tout au long le Roy d'Angleterre son affaire. Quand le Comte de Saint-Pol si eut ouy parler le Roy, si s'emerveilla de plusieurs parolles, que le Roy luy dit, & respondit qu'elles ne faisoient pas à souffrir, ne soustenir. Car Monseigneur (dit il) si vous le laissez conuenir, il vous destraira. On dit bien en France, qu'il ne tend à autre chose, fors que les tréues soient rompues, & la guerre renouvellee entre France & Angleterre, & petit à petit il attraira les cueurs de plusieurs pources Bacheliers de ce Royaume, qui desirent plus la guerre que la paix, ne les vaillans hommes (se la guerre s'emeut, & que Gens-d'armes & Archers s'alignent ensemble) ne seroient point ouïs, ne creus, car raison, droiture, & iustice, n'ot point de lieu, n'audience, ou mauuaistié regne. Si y pouruoyez donc, auant plus tost, que plus tard. Il vaut mieux que vous tenez en danger, qu'on vous y tienne. Ces parolles du Comte de Saint-Pol si donnerent moult à penser au Roy d'Angleterre, & luy entrèrent au cueur moult grandement, & depuis que le Comte de Saint-Pol fut retourné en France si les remontra à son frere, le Comte de Hostidonne, lequel luy dit, Monseigneur, beau-frere de Saint-Pol, vous a remontré, à la lettre, la pure verité. Si ayez sur ce auis & ordonnance. Je fu informé qu'environ vn mois, apres que le Comte de Saint-Pol fut issu d'Angleterre & retourné en France, fame & renommée coururent en Angleterre moult perilleuses sur le Roy, & fut vn général esclandre, que le Comte de Saint-Pol estoit venu en Angleterre, pour traitter deuers le Roy, comment les François pourroient rauoir la ville de Calais. On ne pouuoit pas de plus grand trouble émouuoir le peuple d'Angleterre que parler de ceste matiere, & tant que les Londriens en parlerent au Duc de Clocestre, & en furent iusques à plaisy. Le Duc ne les appaisa pas, ny n'aneantit les parolles, mais les éleua, & exauça du plus qu'il peut, voire en disant ainsi. Il n'y auroit que faire, Les François voudroient bien qu'il leur eust cousté toutes les filles du Roy de France, & ils eussent Calais à leur volonté. De ceste responce furent les Londriens tous melācolieux, & dirēt qu'ils en parleroient au Roy, & luy remonstrentoient, bellement, comment le pays en estoit réueillé. Voire (dit le Duc de Clocestre) remonstrez luy tout à certes, & par bonne maniere, & en faites doute, & entendez bien quelle chose il vous dira, & respondra, si le me saurez à dire, quand ie parleray à vous, & sur sa responce ie vous conseilleray. Il n'y auroit que faire, qu'aucuns mauuais traittez se feroient, car veez là le Comte Mareschal (qui est Capitaine & gardien de Calais) lequel a ià esté en France par deux fois, & seiourné à Paris,

Admonestemēs du Roy Richard sur le fait du Duc de Clocestre, par le Comte de Saint Pol, estant allé veoir la ieune Royne d'Angleterre de par le Roy de France son Pere.

Soupeçon de redre Calais aux François par le Roy Richard, entretenu du Duc de Clocestre, & rabaisé par le Roy envers les Londriens

Paris, & fait & procuré, plus que nul autre, tous les traittez du mariage du Roy & de la fille du Roy de France, & François sont moult subtils & sauent trop bien au long regarder vne chose, & poursuivre la matiere petit à petit, & promettre & donner largement, tant qu'ils viennent à leurs ententes. Sur la parolle du Duc de Clocestre se fonderent les Londriens, & vindrent vn iour à Elten, parler au Roy d'Angleterre. Pour ceste heure y estoient ses deux freres, le Comte de Kent & le Comte de Hostidonne, le Comte de Sallebery, les Archeuesques de Cantorbie † & de Mellun, son Confesseur, messire Thomas de Persi, messire Guillaume de l'Isle, Richard Credon, Jehan Boulouffre, & plusieurs autres, tous Cheualiers de sa chambre. Si remonstrent au Roy les Londriens, moult sageement, leur entente, & ce pourquoy ils estoient là venus, non mie par nulle hauteſſe, ne dure maniere, fors que par douce & amiable voye, & dirent ainsi, en leurs parolles, que fame & renommée en couroit que par tout le Royaume d'Angleterre. Le Roy fut moult emerveillé de ces nouuelles, & moult de pres en son cueur luy toucherent, mais moult sagement, pour le present, il l'en sceut bien diffimuler, & appaisa les Londriens: & dit que de tout ce, qu'ils auoient dit & parlé, il n'estoit riens. Vray est que le Comte de Saint Pol estoit là venu iouer & ébatre, & voir le Roy, mais le Roy de France en toute bône amour luy auoit enuoyé, pour veoir sa fille, la ieune royne d'Angl. n'autre marchādise, ne traité, ils n'auoient en eux deux: se Dieu luy aidast, ne par la foy, qu'il deuoit à la couronne d'Angleterre: & trop s'emerveilloit dont telles parolles pouuoient naistre ne venir. Le Comte de Salbery, apres que le Roy d'Angleterre eust parlé, si parla, & dit, Bonnes gens de Londres, trayez vous en vos hostels, & foyez tous assurez que le Roy & son Conseil ne veulent que tout honneur & proffit au Royaume d'Angleterre, & ceux qui premiere-ment ont mis hors telles nouuelles, sont mal-conseillez, & monstrent qu'ils verroient volentiers vne grande tribulation en Angleterre, & le peuple eleuer & émouuoir contre le Roy. Laquelle chose especialement vous deuez moult craindre qu'elle n'auienne, car ià par la rebellion des mauuais (qui puis en furent corrigez) en fustes vous en peril & en auenture d'estre tous perdus & destruits, car là ou a peuple mauuais, Seigneurie, ne Iustice, ne raison n'y ont point de lieu. Ceste parolle adoucit moult grandement les Londriens, & se contenterent assez du Roy, & de son Conseil, & de sa responce, & prirent cōgé, & se departirent, & retournerent arriere en la cité de Londres, & le Roy demoura, & se tint à Elten tout pensif & melancolieux des paroles qu'il auoit ouyes & entendues, & retint delez luy ses deux freres, & ses plus prochains amis, & esquels il auoit plus de fiance: & ne fosoit bonnement assurez entre ses oncles, & veoit qu'ils ressongnoient, & se tenoient en leurs manoirs. Si se commença à douter d'eux, & trop plus du Duc de Clocestre, que des deux, de Lanclastre & d'Iorch (car ces deux, il les auoit assez volontiers, & le Duc de Clocestre non) & se faisoit garder tous les iours, & toutes nuits, à mille Archers. Il auint ainsi, que le Roy d'Angleterre fut informé, & fut dit pour verité, que le Duc de Clocestre, son oncle, & le Comte d'Arondel, proposoient, & auoient getté leur auis, que de fait, & à puissance de gens, ils le viendroient querir, & le prendroient (ou que il fust en Angleterre) & aussi la ieune Roine sa femme, & les emmeneroient en vn chasteil & là seroient mis & enclos bien courtoisement, & sur bonne gardes, & leur tiendroient on leur estat bien & largement pour boire & manger, & du surplus, ce que necessaire & appartenant leur estoit, & seroient mis quatre * Manibours en Angleterre, pour gouverner le Royaume, desquels le Duc de Lanclastre & le Duc d'Iorch si seroient les deux premiers pour gouverner toute la marche du North, * mouuant de la Thamise iusques à la riuere du Hombre & du Thin, & iusqu'à la riuere † de Tued (qui court deuant la cité de Beruic) en comprenant toutes les terres & Seigneuries de Northombellande, & de toute la bonde de d'Escoce. Le Duc de Clocestre auroit tout le gouvernement de Londres & des Londriens, & de tout Excestre, en comprenant toute la bonde de la mer, & iusques là ou la riuere de Hombre entre en mer, & tous les ports & haures au dessous de Londres, iusqu'à Hantonne, & la bode de Cornouaille, Le Comte d'Arôdel de rechef auroit le gouvernement des terres, mouuâs de Lōdres en Soucestre, en la Côté de Kent, d'Arôdel de † Siere, de Deunefiere, & de Borcqueslere, & de toutes les Seigneuries d'être la riuere de la Thamise & Bristo, & la riuere de Sauerne (qui depart le Royaume d'Angleterre, & la contree de Galles, ou moult sont de grandes Seigneuries) & tiendroient & feroient iustice & raison à tout homme & à toute femme. Mais, c'estoit leur intention qu'on trouueroit voye raisonnable commēt la guerre seroit renouuellée entre Frâce & Angleterre, & se le Roy

† Verard escriit
du Mellun, que
ie pense estre de
Dunelme, au-
cunefois Durē-
me & Dures-
me en nostre
Auteur.

Le Roy Richard
d'Ang. auerty
que le Duc de
de Clocestre, son
oncle conspiroit
à le prendre.

* Ann. 13.

* Annot. 14.

† Il y auoit de
Thaye, & peu
apres VVar-
nich, pour Ber-
uic, que nous a-
uons amendez
selon la verité
des Cartes &
descriptions.

† Je pense que
les cartes nom-
ment ces trois
Surree, Nuberi
& Bercherie,
ou autrement
ie ne les cognoy
point.

de France vouloit rauoir sa fille, elle estoit encores ieune, del'aage de huit ans & demy, si pouuoit bien attendre aage de femme, & par auenture, quand elle auroit douze ans, se repentiroit elle de son mariage (car en innocence l'auoit on mariée: si n'estoit pas chose de raison de la demarier de l'hoir de Bretagne) & s'elle vouloit demourer & tenir mariage, elle demourroit, par droit Royné d'Angl. & auroit son douaire, mais ià ne seroit cōpaigné du Roy d'Angl. & se le Roy d'Angl. se mouroit, auāt q̄ la ieune Dame eust aage, on auroit conseil de la renuoyer en France. Toutes telles propositions & actions mettoient en terme plusieurs Anglois, & par especial en Londres, & ne pouuoient les Londriens aimer le Roy & son affaire, & se repentoient plusieurs, que quand les communautéz, en la Comté de Kent en Excestre & Soucestre, & en la Comté d'Arondel, s'éleuerent & vindrent à Londres, qu'on leur brisa leur propos. Car ils auoient entrepris (ainsi qu'ils confessèrent à la mort) d'occire le Roy, le Comte de Salbery, le Comte d'Acquessuffort, & tout le Conseil du Roy: & s'ils eussent ainsi fait pour cause de rebelliō, le Royaume de ce meffait en fust legerement venu à chef, & eussent les Londriens, avec l'accord du pays & du Côte de Bouquinghen, nōmé le Duc de Clocestre (qui rendoit grande peine à tout troubler) trouué aucun: qui eust pris le gouuernement de la couronne, & remis le Royaume d'Angleterre en autre main, qu'il n'estoit. Tout ainsi, & encores plus, murmuroient les Londriens & ceux de leur secte, & se faisoient secrets Consaux, & tout ce sauoit bien le Roy Richard, & biē estoit qui en secret lieu luy remōstroit, & estoit de ce plus encoulpé le Duc de Clocestre, que nul des autres. Le Roy Richard d'Angleterre s'ebahissoit à la fois, quand il sentoit les haines couuertes sur luy, si enuieuses & perilleuses, & ce n'estoit pas de merueilles, Si monstroit il tous les semblans d'amour, cōme il pouuoit, à son oncle le Duc de Clocestre, & aux Londriens, quand ils le venoiēt voir, mais riens n'y valoit. A la fois le Roy en parloit tout souef, à ses deux ōcles, le Duc de Lāclastre & le Duc d'Iorch (qui se tenoient le plus du temps delez luy) & leur remonstroit doucemēt & sage ment, pour auoir leur conseil, comment il se pourroit cheuir † d'eux, & de ce, dōt il estoit informé. Puis leur disoit, Mes beaux oncles, pour Dieu ie vous prie conseillez moy que i'ay à faire. Le suis tous les iours bien informé, de verité, que vostre beau frere, mon oncle de Clocestre, le Comte d'Arondel, & leurs complices, me veulent prendre (& de fait ils ont assez l'accord des Londriens) & me veulent mettre en vn chastel, & là enclorre, & me veulent donner mon estat par portion, & à ma femme aussi (qui n'est qu'une ieune fille & fille du Roy de France) & la me veulent separer de moy, & l'enuoyer autre part tenir son estat, & pource, mes beaux oncles, ce sont trescrueules choses, & qui pas ne font a souffrir, tant qu'on y puisse obuier. Vous m'avez fait hommage, & iuré foy à tenir, en la presence de vostre Seigneur de pere le Roy Edouard de bonne memoire, mō grand Seigneur, & à ce iour iurerent tous les Prelats, & Barōs du Royaume d'Angleterre à moy tenir pour leur Roy, & y demourer, passé est ià le terme de vingt ans. Si vous prie, mes oncles, au nō d'amour & de charité, & par le serment que vous avez à moy, & que vous me deuez, que vous me conseillez loyaumēt, & tout ainsi que vous y estes tenus, car à ce que ie puis veoir & imaginer, mon oncle de Clocestre ne chace, ny ne demande autre chose fors que la guerre se puisse renoueller entre France & Angleterre, & que les tréues soiēt rompues: lesquelles nous auons confirmées vous & tout le Royaume d'Angleterre (à qui il en appartiēt à parler) & iuré solennellement, & seellé, & sur celle cōposition & ordonnance on m'a conioint par mariage à la fille du Roy de France, & n'y entendons que tout bien, & pource vous sauez, mes beaux oncles, que qui va à l'encontre de ce qu'il a iuré tenir, & seellé pour cause de preuue, il se forfait trop grandement, & est, de droit escrit qu'il soit puni de corps & d'auoir, & vous sauez que ie deporté mon oncle de Clocestre vostre frere, tāt que ie puis, & tourne à neāt toutes ses menaces & promesses, qui trop me pourroient couster. Vous estes tenus (puis que ie le vous di & remonstre, & que ie demande vostre cōseil) à moy cōseiller, ainsi que de raison. Quand les deux oncles du Roy (c'est à sauoir le Duc de Lanclastre & le Duc d'Iorch, dessus nōmez) eurent oui le Roy d'Angl. leur neveu, ainsi parler, & aussi qu'ils veioient bien, à ses parolles, qu'il auoit le cuer tout angoisseux, & qu'il leur remonstroit si bel, & si à certes: ces parolles (qui de pres luy touchoient) & qui bien sauiōt, sans faire nulle enqueste, qu'elles estoient veritables, si luy dirent, Monseig. souffrez vous. Laissez le temps couler à val. Nous sauōs biē que nostre frere de Clocestre a la pire teste, & la plus perilleuse d'Ang. Nous sauons bien qu'il ne peut plus qu'un hōme, & s'il charpēte d'un costé, nous charpenterōs de l'autre. Tant que vous

† C'est assauoir
du Duc de Clo
cestre & des
Londriens.

Prieres du Roy
Richard à ses
oncles de Lan
clastre &
d'Iorch, pour le
conseiller sur la
conspiration de
leur frere de
Clocestre.

Confort des
Ducs de Lan
clastre & d'Iorch
à leur neveu le
Roy d'Angl.

voudrez

voudrez demourer en nostre conseil, vous n'aurez garde de nostre frere. Il dit à la fois moult de choses, dont il n'est riens. Il ne peut tout seul, ne ceux de son Conseil, rompre ne briser les tréues, qui sont données, ne de vous enclorre en vn chastel, nous ne le souffrirons iamais, ne que vous fussiez iamais de la Roine d'Angl. separé, & de ce qu'il dit, il se meffait & abuse. Si vous priions humblement que vous vous appaisez. Les choses si tournerōt bien, si à Dieu plaist. Tout ce, qu'on dit, ne viēt pas à effect: ne ce, qu'on dit & pense à la fois, ne se peut pas tousiours faire n'accomplir. Et ainsi appaisoient le Duc de Lancastre & le Duc d'Iorch leur neveu, le Roy Richard d'Angleterre. Pour autant que ces deux Seigneurs, dessus-nommez, veoient bien que les besongnes d'Angleterre si se commençoient à mal porter, & grandes haines nourrir entre le Roy & le Duc de Clocestre, à fin qu'ils n'en fussent en riens demandez, ils se departirent de l'hostel du Roy, eux & toutes leurs familles: & prirent congé du Roy, pour vne espace de temps: & s'en allerent les deux freres chacun en son lieu: & emmena le Duc de Lancastre avec luy sa femme, Madame Katherine de Ruet (laquelle s'estoit tenue vn temps en la compagnie de la ieune Roine d'Angleterre) & prirent occasiō d'aller chacer aux cerfs & aux daims, ainsi que l'usage est en Angleterre: & demoura le Roy d'Angleterre delez ses gēs, en la marche de Londres. Mais depuis se repentirent les oncles du Roy, moult grandement, de ce que de partis ils festoient d'avec luy, car telles choses auindrent en Angl. assez tost apres, dont toute Angl. fut troublée & emeuē, & qui point ne fussent auenues, s'ils fussent demourer delez le Roy, car ils y eussent autrement pourueu, que ceux ne firent, qui le Roy conseilloyent. Il n'y auoit nul des seruiteurs du Roy, qui ne doutast le Duc de Clocestre trop grandement, & qui bien ne voulsist qu'il fust mort, & ne leur eust chalu cōment. Ce gentil & loyal Cheualier messire Thomas de Persy, auoit esté vn grand temps souuerain Escuyer de l'hostel du Roy d'Angl. c'est adire, en François. Maistre & Senechal, car tout l'estat du Roy passoit par luy, & aussi conuient il qu'il passe par l'Escuyer: quiconque le soit. Il cōsidera les haines, qui se nourrissoiēt entre le Roy & son oncle le Duc de Clocestre, & plusieurs haux Barōs d'Angl. quoy que de tous il estoit tresbien aimé, mais il sentit, cōme imaginatif & sage, que les conclusions n'en seroient pas bonnes. Si prit congé de son office, le plus honnorablement qu'il peut du Roy, mais le Roy si luy dōna enuis. Tou tefois il monstra tant de belles parolles & d'excusations, qu'il s'en departit, & y fut mis & estably vn autre en son lieu: & s'en vint messire Thomas de Persy demourer chez soy: & là se tint. Le Roy auoit, delez luy, ieune Conseil, & qui trop doutoient ce Duc de Clocestre: & ce disoient à la fois au Roy, Trescher Sire, il vous fait trop perilleux seruir. Nous auons veu que tous ceux, qui vous ont serui du tēps passé (voire ausquels vous auiez mis vostre amour & grace) en ont eu poure guerdon. Messire Symon Burle (qui fut si vaillant & si sage Cheualier, & preudhōme, & tant aimé de vostre Sire de Pere, que Dieu absoute: & qui eut tāt de peine & de trauail pour vostre premier mariage) vostre oncle, le Duc de Clocestre, si le fit mourir honteusement, & trécher la teste cōme à vn trahistre, deuant tout le mōde, & plusieurs en a fait mourir, ainsi que vous le sauez, ne toute vostre puissance si ne les en a peu aider ne garder. Cher Sire, nous n'attendōs tous les iours autre chose car quand il vient deuers vous (ce n'est pas souuent) nous n'osons les yeux leuer, ny regarder personne du mōde. Il nous regarde sur la teste, & luy sēble que nous sommes si prochains de vous, & en vostre seruice, car, cher Sire, sachez que iā tant qu'il viue, il n'y aura paix en Ang. & n'oseriez à nulluy bien faire. Encores, outreplus il vous menace de vous & vostre femme, Madame la Roine, enclorre en vn chastel, & là vous tenir en sūgectiō, & à portiō. Vous estes vn Roy perdu (si vous ne vous auisez) & nous aussi. Vostre fēme si n'aura garde. Elle est ieune fille, & est fille du roy de Frāce. Si ne l'osera l'on courroucer, car trop de maux en viendroiēt en Angleterre. Vostre oncle de Clocestre, pour vous faire plus enhair de vostre peuple, fait semer parmi Londres telles parolles (nous les auons ouyes) que vous n'estes pas digne de porter couronne, ne de tenir si noble hērirage, cōme le Royaume d'Angleterre est, & les appendances, quand vous avez pris à femme, & espouse, la fille du Roy de Frāce, vostre auerlaire: & que par ce vous estes trop forfait, & aneanti, & que trop vous avez affoibli & amoindri la Seigneurie & le Royaume d'Angleterre, & les courages des vaillās Cheualiers, Escuyers & Nobles du pays (qui tousiours ont vaillamment continué la guerre, & vouloient continuer) affoiblis & decouragez, & que vous mettez le Royaume d'Angl. en grand peril, & en grāde auēture d'estre perdu, & que c'est dōmage, & pitié tresgrāde, de quoy on le vous souffre, & a-on souffert iusqs icy.

Les Ducs de Lancastre & d'Iorch prennent congé du Roy, leur neveu pour quelque temps.

Quel conseil on donnoit au Roy d'Angleterre, en l'absence de ses oncles, contre le Duc de Clocestre.

† *A mon auis
que ce mot se
doit rapporter
à ces preceden-
tes dont ceux
de ce pays, com-
me si aucuns
François, s'a-
uans trop
de parler, dis-
sent que c'estoit
bien de vouloir
oster les armes
aux Anglois,
puis qu'il auoit
accordé si lon-
gues tréues.*

Les François diēt (ainsi que renommée court: dōt ceux de ce pays ont haine sur vous) qu'il leur veut oster les armes. La cause est: pource que si songneusement auez entēdu à leurs traittez, & pris & donné tréues, le plus par force: que le moins par amour (car les Nobles de ce pays, dōt on est serui & aidé es guerres, ne s'y vouloient accorder) & que vous n'auez pas trop songneusement reuisité les lettres dōnées, accordees, & iurees à tenir, & sceelées du Roy Iehan de France & de ses enfans: desquelles les enfans viuans n'ont nulles tenues, mais enfreintes cauteusement, & ont les François trouuē cautelles & voyes obliques, par lesquelles ils ont renouuellé la guerre, tollu, osté, & vsurpé tous les droits, que vos predecesseurs ont eu en la querelle, & repris, tellement quellemēt, terres, pays, & Sēneschaucēes en Aquitaine, citez, chasteaux, & villes, & tout ce vous auez ancātī, & mis en negligence, & auez monstřé pource courage, & q̄ vous auez douté voz ennemis, & n'auez pas poursuī les accidens de la matiere, & de la bonne & iuste querelle que vous auez eu, & auez encores, se vous cōsiderez bien tous les points & articles de la querelle, sur lesquels proces voz prodēcesseurs sont morts, & premierement vostre Sire de Pere, le Prince de Galles & d'Aquitaine, & le bō Roy Edouard de bōne memoire, vostre ayeul qui tant de peine, de soing, de trauail, & de diligēce, meirent à l'augmenter. Cher Sire, vn iour viendra (ce dient les Londriens: & aussi font autres en Angleterre, nous ne le pouuons plus celer) q̄ telles choses vo' serōt si fort renouuēlées, qu'elles vous cuirōt. Le roy Richard d'Angleterre si nota bien toutes ces parolles (qu'on luy disoit en son retrait, en grand secret) & tant les nota, & pensa sus (cōme imaginatif, qu'il estoit) qu'un petit apres ce que ses deux oncles, les Ducs de Lancastre & d'Iorch se furent departis de sa compaignie, & allez en leurs manoirs (ainsi comme cy-dessus est dit) il meit oser & hardement ensemble en luy, & dit en soy-mesme premierement, que mieux valoit qu'il déconfist au truy, que qu'il fust déconfit, & que briēuement il tiendroīt tel son oncle de Clocestre, qu'on en seroit à tousiours assēuré de luy, & pource qu'il ne pouuoit celle emprise faire seul, il se decourrit à ceux, ou il auoit la greigneur fiance. Ce fut au Comte Marechal, son cousin (qui Cōte estoit de Nortingham) & luy dit, de mot à mot, tout ce qu'il vouloit qui se fist. Le Comte Marechal (qui plus aimoit le Roy, que le Duc de Clocestre, car il luy auoit fait moult de biens) si tint la parolle du Roy en secret, fors à ceux là, desquels il se vouloit aider, car il ne pouuoit faire ce seul. Les parolles, qui s'ensuyuent, vous éclairci-
ront la maniere & ordonnance du proces. Le Roy d'Angleterre sē vint, sur forme & maniere d'ebatement, & pour chacer aux daims, en vn manoir, à vingt mils de Londres, qu'on dit Hanoinges le bourg, en la marche d'Excestre, à vingts mils, ou enuiron, pres de Plaify, ou le Duc de Clocestre continuellement tenoit son hostel. Le Roy se departit vne apres disnee, de Hanoinges le bourg (& ne menoit pas tout son estat avec luy: mais l'auoit laissé à Elten, delez la Roïne) & s'en vint à Plaify, ainsi que sur le point de cinq heures, & faisoit moult bel & moult chaud, & quād il entra au chasteil de Plaify, on ne se donnoit de garde, quand on dit Veez cy le Roy. Iā auoit le Duc de Clocestre soupé, car il estoit moult sobre de bouche, & petit se seoit à table, tāt de disner, cōme de souper. Il vint à l'encontre du Roy, emmi la place du chasteil, & l'honnora, ainsi qu'on doit faire son Seigneure, & que bien le sceut faire. Aussi fit la Duchesse, & ses enfans, qui là estoient. Le Roy entra en la salle, & puis en la chābre. On couurit vne table pour le Roy, & petit soupa, & iā auoit il dit au Duc, Bel oncle, faites seller voz cheuaux, nō pas tous, mais cinq ou six. Il cōuient que vous me tenez cōpaignie à Londres, car i'ay demain vne iournée aux Londriens, & trouuerons là mes oncles de Lancastre & d'Iorch sans faute: & d'une requeste qu'ils me veulent faire, i'en ordonneray par vostre conseil, & dites à vostre maistre d'hostel qu'il vienne, & qu'il vous suyue, avec vos gens, à Londres, & que là ils vous trouueront. Le Duc (qui nul mal n'y pensoit) luy accorda assez legērement. Tantost le Roy eut soupé: & se leua sus. Tous furent prests. Le Roy prit congé de la Duchesse, & de ses enfans: & monta à cheual. Aussi fit le Duc: qui ne partit de Plaify, que luy huitiesme de ses gens, trois Escuyers, & quatre varlets, & prirent le chemin de Bondelay, pour auoir plus plain chemin, & pour écheuer la ville de Behode, & autres, & le grand chemin de Londres, & cheuaucherēt fort, car le Roy faignoīt venir à Lōdres, & se deuisoit, sur les chemis à son oncle de Clocestre, & son oncle à luy, & vindrēt tāt, en cheuauchāt, qu'ils approcherēt Stadeforte, & la riuere de la Thamise. Quād le Roy deut choir sur celle ébusche il se departit de son oncle, & cheuaucha plus fort que deuant, & meit son oncle derriere: & lors voicy venir le Cōte Marechal, par derriere, à tout vne grand' quātité d'hōmes & de cheuaux:

*Feinte du Roy
Richard d'An-
gleterre, pour
plus aisement
faire prendre
son oncle de Clo-
cestre.*

cheuaux, & faillit sur le Duc de Clocestre: & dit, Le mets la main en vous, de par le Roy. Le Duc fut tout éperdu: & veit bien qu'il estoit trahy, & commença à crier, à haute voix apres le Roy. Je ne say si le Roy l'ouit, ou non, mais point ne retourna, & cheuaucha tousiours moult fort deuant, & ses gens le suiuioint. Nous nous souffrerons vn petit à parler de ceste matiere, & assez tost y retournerons.

Comment sur les derniers traittez de la deliurance des Seigneurs de France, prisonniers du Turc par la bataille de Nicopoli, le Sire de Coucy & le Comte d'Eu, Connestable de France, moururent, & comment on accorda pour la rançon du reste des autres.

CHAPITRE LXXXVII

Vous sauez (si comme il est cy-dessus contenu en nostre Histoire) comment messire Jehan de Chastel-morant & messire Jaques de Helli furent enuoyez en Turquie deuers l'Amorabaquin, de par le Roy de France & le Duc de Bourgongne, & qu'elle chose ils exploiterét. Quand ils furét retournez en France, ils furent tresvolontiers veus du Roy, du Duc de Bourgongne, & de la Duchesse sa femme, pourtant qu'ils rapportoient certaines nouuelles du Comte de Neuers, & des Seigneurs, qui auecques luy estoient, & dirent bien les dessusdits Cheualiers au Roy, & aux Seigneurs, qu'ils esperoient que l'Amorabaquin entédroit assez légèrement à traiter, pour auoir finance & rançon de ses prisonniers, car (ainsi qu'on luy auoit dit & remonstré, de tous les plus especiaux de son Conseil) se ces Seigneurs de France (qui ses prisonniers estoient) mouroient en prison) laquelle chose estoit bien taillee d'aueir, car ils estoient hors de leur air & nourriture) on n'en auroit rien, & pour eux deliurer, on en pouuoit auoir & extraire grande finance. Sur ces parolles & remonstrances fordonnerent & auiserent le Roy, le Duc de Bourgongne, & la Duchesse sa femme, qui n'entendoit à autre chose, fors à auiser, & subtiler nuit & iour, comment on pourroit si bien exploiter, ne par quel traitté elle peust rauoir son fils & héritier, & disoit bien, à la fois, que la iournee de la bataille des Turcs contre les Chrestiens, deuant Nicopoli, auoit esté trop dure, & que trop luy auoit cousté, car elle y auoit eü morts trois siens freres, Cheualiers, vaillans hommes, que moult elle aimoit: quoy qu'ils fussét bastards. Le premier fut le Haffre de Flandres, le secōd, messire Louis de Briele: & le tiers, messire Jehan d'Ippre. Encores en y auoit vn ieune, & tout le moins né, & celuy estoit demouré. A vray dire, la Duchesse de Bourgongne, Cōtesse de Flandres, auoit assez à penser, & tant pensa sur ces besongnes, parmi le moyen de son mari & de leur Conseil, qu'elle fut appaisée de ses ennuis & tribulations, mais ce ne fut pas si trestost, car la chose gisoit bien en tel parti, qu'il les conuenoit demener par sens & auis, petit à petit. Or en ce temps, que ie recorde, trépassa de ce siecle, à Burse en Turquie, ce gentil & vaillant Cheualier François, messire Enguerrand, Sire de Coucy, Comte de Soissons, & moult grand Seigneur en Frâce, & ne peut oncques messire Robert d'Esne (qui estoit enuoyé deuers luy, de par la Dame de Coucy) paruenir iusques à luy, qu'il ne fust sur son chemin signifié de sa mort, & luy fut dit à Vienne en Autriche. Si retourna, sur ces nouuelles, en France, & les signifia à aucuns du lignage au Seigneur de Coucy, & non pas à la Dame de Coucy, ne point ne se monstra si trestost à elle, iusques à tant que le Chastelain de Saint-Gaubain y fut enuoyé, pour querir le corps, lequel estoit embasmé & fut apporté en France, & recueilli en l'Abbaye de Nogent, empres Coucy, de la Duchesse de Bar, de l'Euesque de Laõ, & de plusieurs Abbez, & là fut, & est, le gentil Cheualier enseveli, & ainsi finit, l'an de grace mil trois cēs quatre vingts, & dixsept. Vous deuez sauoir que le Roy de France & le Duc de Bourgōgne pensoiēt diligemment cōment ils pourroiēt allegier la prison de leurs amis (lesquels estoient au dāger de l'Amorabaquin, en Turquie) & n'estoit iour, qu'ils n'en parlassent ensēble, & moult souuent. Sire Dinde Responde estoit tousiours à leurs consaux & parlements, & disoit bien que Marchans Venitiens, & Gēneuois, pouuoient à ce fait fort valoir & aider, car par marchādises (dōt toutes gens se gouernent) ils peuuent aller par tout, & sauoir par autres Marchans, le cōuenant des Turcs, & des Tartres, & des ports & passages des Rois & Soudans mécreans & par especial au Quaire, en Alexandrie, en Damas, en Antioche, & es grosses & puissantes villes des Sarrazins, ils ont leurs voyes & retour, & domiciles & marchādēt là les Chresties aux Sarrazins, & prēnent & changent, l'vn à l'autre, debonnairement leurs marchādises. Si acqueroient le Roy de France & le Duc de Bourgongne de toutes parts amis, moyens & bien vueillans, & n'auoient nul talent, ne desir, de guerroyer le Duc de Millan car ils auoiēt entendu qu'il estoit moult biē de l'Amorabaquin. D'autre part trop biē sa-

Surprise du Duc de Clocestre, emmené prisonnier par le commandement du Roy Richar son neveu.

Il a dit plusieurs fois par auant le Haffre & le Haffre de Flandres. Le Sire de Coucy mort en Turquie l'an 1397.

Poursuite du Roy de France & du Duc de Bourgongne à la deliurance du Comte de Neuers & de ses compagnons, prisonniers du Turc.

Pratique du Roy Jaques de Cypre enuers le Turc, pour la deliurance des prisonniers de France.

uoit le Roy Iaques de Cypre, que (s'il pouuoit tant faire par aucune voye, deuers l'Amorabaquin, qu'il l'amolist de sa fureur, à fin qu'il se voulist descendre à amiable compositiō des Seigneurs de France, qu'il tenoit en prison, parquoy ils eussent courtoisie issue & de liurance) il seruiroit bien à gré le Roy de France, le Duc de Bourgongne, & les Frâçois. Dequoy le Roy de Cypre, pour eux complaire, sans luy épargner, fit faire & ouurer vne nef de fin or, tresnoble & riche, & estoit biē du prix & valeur de dix mille ducats. Laquelle nef il enuoya, pour present, à l'Amorabaquin, par ses Cheualiers, & estoit ladite nef d'or, tant belle & tant ouuree, que grād plaisir estoit à la regarder, & là recueillit & receut ledit Amorabaquin à grād gré, & remāda au Roy de Cypre, qu'il luy feroit valoir au double, en amour & courtoisie, & ainsi le rapporterēt les Cheualiers, qui le presēt auoit, au Roy leur Seigneur, & tout ce fut tantost sceu en France, deuers le Roy & le Duc de Bourgongne, par autres marchans, qui en escriurent à Sire Dinde Responde: à fin qu'il en fust renommée deuers le Roy de France, & le Duc de Bourgongne, & les Seigneurs. Or bien auoit cause ce Roy Iaques de ce faire, car il se tenoit en doute, trop grādemēt, du Roy de Frāce & des Royaux: pour cause de ce qu'il fit occire & meurdrir de nuit son frere, le vaillant Roy Pierre, qui tāt greua les Sarrazins, & qui prit Satalie & Alexādie, & le doutoiēt, plus les Sarrazins, que nuls Rois, n'Empereurs Chrestiens, par les grandes & vaillantes entreprises, qui audit Roy estoiet: & (quoy q̄ Iaques eust ainsi fait, † & qu'à ce il eust esté present) tresgrādemēt s'en repentoit, & se reputoit auoir forfait grādemēt, & pour ce forfait & delit vers le vaillāt Roy Pierre son frere, il n'osa demourer au Royaume de Cypre (car les Chresties l'eussent occis hôteusement, sans merci) mais entra tantost en vne galée de Généuois (laquelle estoit au port de † Nicoposie: là ou le vice fut fait) & s'équipa en mer, avec les Généuois marchās, ausquels la galée estoit, & vint en la cité de Gènes & se sauua, & le recueillirent les Généuois, & veulent aucunes gēs dire, que ce vilain fait & meurdre du vaillant Roy de Cypre, les Généuois l'auoiēt fait faire, car assez tost apres ils vindrent à grande puissance de Gens-d'armes & de galees, & prirent assez tost apres la cité de † Famagouffe, & le port, & le tiennent de puissance. Vray est que le Roy de Cypre auoit vn fils, moult bel enfant, lequel (quand il vint pardeça la mer, la dernière fois qu'il y fut) il amena avec luy, † & vn Cheualier, qui auoit esté à Rome, & à Lombardie, avec son pere, le Roy mort. Les Cypriens couronnerent à Roy celuy enfant, mais depuis son couronnement, il ne vesquit point longuement, & mourut, & l'enfant mort, les Généuois, de fait & de puissance, amenerent Iaques en Cypre, & le couronnerent à Roy, & regna Roy & Sire du Royaume de Cypre, & l'ont tousiours les Généuois soustenu contre toutes nations, mais oncques ils ne se voulurent dégarnir, ne rendre le port & la cité de Famagouffe, & le tenoiēt encores à leur Seigneurie au iour, & au terme, que ie Aeteur de ces Chroniques & Histoires, les escriui, & à vray dire, se la puissance des Généuois, n'eust esté, les Turcs & mécreās eussent cōquis, & eu tout, le Royaume de Cypre, & mis & tourné en leur obeissance & subiectiō l'Isle de Rodas, & toutes les Isles, qui sont encloses en la mer, iusques à Venise (mais les Généuois & les Venitiens leur font grande obstacle au deuant) & quand ils veirent que le Royaume d'Armenie se perdoit, & que les Turcs le conqueroient, ils prirent & saisirent la forte ville, qu'ō dit † Courq en Armenie seant sur la mer, & la tiennent & gouernent, autrement les Turcs (s'ils ne doutoiēt ce passage, & les destroits de Courq, & aussi de † Pere, deuāt Cōstantinople) ils viendroiēt trop auant sur les bondes de la mer, & feroient trop de contraires à tous passans, & cheminās sur la mer, & par especial à l'Isle de Rodas, & aux Isles voisines. Ainsi, par telles actions & conditions, sont gardées & deffendues les frontières & bondes de la Chrestienté. Or re tournon au droit propos, dont ie parloie presentement. Ce Roy Iaques de Cypre (qui se sentoit forfait de la polution du Roy son frere, qu'il auoit occis, & que tous autres Rois & Seigneurs l'en deuoient auoir en haine & mal-vueillance) rendoit grandē peine à ce qu'il peust retourner en leur grace, & faueur, & se tint à moult honoré, quand le Roy de France escriuir à luy premierement. Car il le doutoit plus que nul des autres, & bien y auoit cause, car le Duc de Bourbon, oncle du Roy de France, de droite hoirie, & successiō par ceux de Lusignan, deust estre, & deuroit, & les hoirs qui de luy descendent, Roy & héritier de Cypre, & quoy que ce Roy Iaques fust frere au bon Roy Pierre de Cypre, il ne l'estoit pas de droit mariage, mais Bastard, & tout ce sauoient bien les Généuois, & quād ils le couronnerent à Roy, il y eut grans alliances d'eux à luy, & de luy à eux, & ne se peuvent, ne doiuent, nullement briser, & le doiuent les Généuois, & les hoirs, qui de luy descen-

† C'est assauoir à la mort & occisiō le son frere
 † Les Ann. de Gènes disent Nicolia, racōprans toute cette matiere de Cypre vn peu autrement.
 † Les Ann. de Gènes Famagosta.
 † Nous auons adionsté ceste coniectiō, & pour mieux faire entendre que le Roy Pierre amena aussi ce Cheualier, qui auoit esté à feu, son Pere, aieul de cet enfant.
 duquel il parle
 † Sala dit icy correq.
 † Il y auoit icy xere & exere en Verard, que nous auons feint de changer en son vray nom, & est au iourd'huy ceste ville en la subiectiō du Turc, n'y ayant que la mer nommée le Bras S. Geor entre Cōstantinople & icelle, qui est du costé d'Asie. Quāt à Courq, ie ne la cognoy point encores.

descendront, par mer & par terre deffendre & garder, contre tout homme, & parmi tant ils ont moult de Seigneuries & franchises au Royaume de Cypre, car tout ce, qu'ils firent, & ont fait, d'exaucement & d'auantage à ce Roy Iaques, ce fut, est, & a esté, tousiours pour mieux valoir, & pour estre plus forts contre les Venitiens, & mieux auoir la hantise & congnoissance de leurs marchandises, dont ils sont grand facteurs entre les Sarrazins & ceux de leur loy. Si mettoit, & meit tousiours, ce Roy Iaques, tant qu'il vesquit grande peine à complaire au Roy de France, & aux François, moyennant les Généuois (car ceux là nullement il ne voulist courroucer) & pour ce fit il en celle saison, de celle belle nef d'or, don & present à l'Amorabaquin, pour auoir eutree d'amour & de congnoissance. Lequel don & present fut recueilly à grande ioye, & moult prisé, de l'Amorabaquin, & de ceux de son Conseil, & suppoloient les aucuns que Sire Dinde Responde moyenna toutes ces besongnes, & en escriuit aux Généuois, car en celle maniere, entre autres, ils rendirent grande peine à la deliurance du Comte de Neuers & des Batons de France à entamer, & à poursuiuir les traittez. Quand le Duc de Bourgogne & la Duchesse Marguerite, sa femme, entendirent que l'Amorabaquin se commençoit à tanner de ses prisonniers, & qu'assez legerement il entendroit à traiter de leurs deliurâces, si leur vindrét ces nouuelles grandement à leur plaissance: & eleurent vn sage & vaillant Cheualier des leur, de la Comté de Flandres (lequel on appelloit messire Guissebreth de Linrenghen, tout Souuerain & Regard de Flandres, de par le Duc de Bourgogne & la Duchesse) & firent venir, deuers eux messire Iaques de Helly (pourtant qu'il sauoit bien les voyes chemins, & passages) & l'accompagnerent auecques leur Cheualier: & luy prièrent que bien fist la belongne, & aidast à traitter, auecques messire Guissebreth, deuers ledit Roy Amorabaquin, & ses peines & seruices seroient bien considerées, & remunerées. Messire Iaques leur promit, & si leur tint, & se départirent les deux dessusdits Cheualiers, & meirēt au chemin, & tant exploiterent, qu'ils vindrent au Royaume de Hongrie, & se tirerent deuers le Roy de Hongrie, car ils auoient lettres pour luy. Le Roy receut les lettres, & les Cheualiers, ioyeusement, pour l'honneur & amour du Roy de France: & ia congnoissoit il assez messire Iaques de Helly, car il l'auoit veu autrefois. Ils remonstrenterent assez au Roy ce, pourquoy ils estoient là venus, & issus hors de France, & que c'estoit pour aller traitter deuers l'Amorabaquin, pour deliurance du Comte de Neuers, & des Seigneurs de France, si c'estoit chose: qu'il y voulist entendre. Le Roy de Hongrie respondit que ce seroit bien fait, que de les rachapter, se pour finance on les pouuoit auoir, & toutesfois à l'essayer on n'y pouuoit riens perdre. Auec tout ce, il offrit corps & biens à leur aider en toutes manieres, dont les Cheualiers luy sceurent bon gré. Pour entrer en traitté deuers l'Amorabaquin, auant qu'ils y peussent venir, les Cheualiers si eurent moult de peine, & y meirent tresgrande diligēce, car tout premièrement, il cōuint que messire Iaques de Helly allast deuers l'Amorabaquin, pour requerre vn saufconduit pour messire Guissebreth de Linrenghen, à venir deuers luy en Turquie, & quād il fut accordé de l'Amorabaquin, escrit & certifié, selon leur vsage, il l'apporta en Hongrie. Adonc passerent ils outre en Turquie, sur la fiance du saufconduit. Si fut recueilly le souuerain de Flandres dudit l'Amorabaquin, & de ses gens, moult doucement, & entendit on à ses parolles, & cōmencerent à entamer les traittez petit à petit. En ce temps repairoit & hātoit au pays de Turquie vn marchand Généuois (voire de l'Isle de Sio † qui est es mettes & obeissances des Généuois) & estoit appelé ledit marchand Barartholomieu Pologrinc, & estoit moult aimé & cognu, pour le fait de sa marchandise, en Turquie, & en l'hostel dudit Amorabaquin, & de luy mesmement. Sire Dinde Responde (qui se tenoit à Paris) pour adrecer les besongnes, à fin qu'elles eussent meilleure expedition, en auoit escrit audit marchand de l'Isle de Sio, car ils se congnoissoient tous l'un l'autre, & signifioit, que pour complaire au Roy de Frāce, au Duc de Bourgogne, & à la Duchesse sa femme, & aux Seigneurs & Dames de France, qui auoient là leurs maris & amis en prison & es dāgers deuers l'Amorabaquin, & pour estre bien remuneré de ses seruices faits il voulist demourer de la redemption & finance faite, quand elle seroit menée & cōposée iusques à là, & en faire sa debte, quelque, que la somme fust, deuers l'Amorabaquin, & lesdits Seigneurs de Frāce remettre & amener à Venise, ou sur le pouuoir des Venitiēs, & il luy certifioit seuremēt, q̄ si trestost cōe il pourroit sentir & sauoir qu'ils seroiet † pourueus iusq̄s à là, que luy mesme personnellement n'ētēdroit à autre chose, qu'il seroit venu à Venise, & en feroit la finance & deliurāce. A ces parolles & prieres de Sire Dinde Responde s'ēclina & descēdit

Messire Guissebreth de Linrenghen et messire Iaques de Helly enuoyez vers le Turc par le Duc de Bourgogne, pour la deliurance du Comte de Neuers, et de ses compagnons.

† Elle se nomme ainsi encor aujourdhuy, et anciennement, Chios.

† Je doute qu'il n'y falle paruenus.

† Je ne doute
point qu'il n'en
rende de l'Isle
de Mathelin,
qui fut ancien
nommè Lesbos.
Quand à Ami-
ne, ie ne la con-
gnoy, et ay peur
qu'il n'y ayt de
la corruption
pour Stalimene
qui fut iadis
Lemnos.

Accord de la
rançon des Sei-
gneurs de Fran-
ce prisonniers
en Turquie, à
deux cens mille
francs.

† Le Côté d'Eu
Connestable de
France meurt
prisonnier en
Turquie. Sur-
quoy faut pre-
supposer que ce
fut deuant que
les autres fus-
sent remenez à
Burse, comme il
a naguères dit.

Present du
Turc aux deux
Cheualiers du
Duc de Bour-
gongne, au con-
gé prendre de
luy, apres l'ac-
cord de la ran-
çon des prison-
niers de France.

ledit Gécnois moult volontiers, tant pour le proffit & bon gré qu'il en pensoit à auoir, que pour l'amour du Roy de France (car à tel Roy on peut bien tendre l'oreille) & m'est auis) selon que ie fu lors informé) qu'à ces traittez faire le Roy de Cypre (qui prié en estoit du Roy de France & du Duc de Bourgongne, & lequel auoit ia fait les presens que nous auons dit cy-dessus) enuoya de ses plus especiaux, de l'Isle de Cypre: & aussi le Sire de † Mathelin, & le Sire d'Amine, deux grans Barons de Grèce, & assez en la grace & amour de l'Amorabaquin, s'en trauailloient, & tout pour complaire au Roy de France, car sans ce moyen ils n'eussent riens fait. Or (pourtant que la Turquie est vn grand pays, & mal à maint pour errer & cheuaucher homes & Seigneurs, qui ne l'ont point appris, n'accoustumé) quand l'Amorabaquin descendit à ce qu'il entendist aux traittez de deliurance, regardé fut en son Conseil, qu'on ameneroit tous les prisonniers François en la ville de Burse en Turquie, & là se conclurroient les traittez. Si y furent amenez lesdits Seigneurs de France: dont il y auoit iusques à vingt & cinq. Mais en venant, & en amenant iusques là les Barons, les Turcs, qui guides & gardes en estoient, leur firent moult de peine, & les batterent, & trauaillerent, car ils les auoient bassement & foiblement montez, si ne pouuoient aller que le pas, & pour ce estoient ils batus, & tout volôtiers aubiét ce fait les Turcs, car ils veoient bien, & entendoient, qu'ils seroient deliurez, dôt il leur ennuoyoit grandement. Quand ils furent venus & amenez (ainsi que ie vous di) en la ville de Burse en Turquie, les Seigneurs & traitteurs, qui là estoient de par le Duc de Bourgongne & de par le Roy de Cypre, & les Venitiens & Gécnois, les recueillirent doucemēt & furent vn petit plus à leur aise, qu'ils n'eussent esté es prisons de l'Amorabaquin, mais nonobstāt tout ce qu'ils fussent là, & qu'ils entendoient bien, & veoient, qu'on mettoit grā de peine à leur deliurance, si estoient ils tousiours prisonniers, & gardez de si pres, qu'ils n'auoient pas la quarte partie de leurs volōtez. Entre les autres Seigneurs traitteurs, qui là estoient, & qui des traittez se mesloient, l'Amorabaquin vouloit ouir parler le souuerain de Flādes, messire Guissebreth de Linrenghen, car on luy auoit dit, & par especial messire Iaques de Helli l'auoit informé, que le Duc de Bourgogne especialmēt l'auoit enuoyé là (car il estoit le plus priué de son Cōseil) & pource s'enclinoit il à luy. L'Amorabaquin estoit en vn tresbel chastel, delez Burse, venu & descēdu, & là venoient les traitteurs parler & besongner à luy, & tant fut traité, parlemēté, & proposé, que la redēption des vingt & cinq Seigneurs fut mise en somme, & deuoit auoir l'Amorabaquin deux cens mille ducats. De laquelle somme les Seigneurs de Mathelin & d'Amine en Grèce, & le marchand de Gēnes & de Sio, faisoient leur debte, & en demouroient audit Amorabaquin, & le Comte de Neuers iuroit & seelloit pour tous, deuers les marchans, que luy venu à Venise, iamais de là ne se partiroit, qu'ils seroient tous satisfaits & payez. Ainsi se porterent les traittez, † mais auant qu'ils fussent tous conclus & accomplis, le Comte d'Eu fut si debilité de maladie, & alteré des airs & viandes dures & estranges qu'il eut (lesquelles il n'auoit pas apris) qu'à Haute loge en Grèce (là ou il se tenoit avecques les autres) il mourut, & trépassa de ce siecle, dont tous les Seigneurs & cōpaignons furent moult courrouce: mais amender ne le pouuoient. Si fut ledit messire Philippe d'Artois, Côte d'Eu, & Connestable de France, apres ce qu'il fut mort, vuidé & embalmé, & en celuy estat en vn cercueil apporté en France: & ensevely en l'Eglise de Saint-Laurens d'Eu. & là gist. Quand l'Amorabaquin se fut tenu du tout content de la somme dessusdite, par le moyen & ordonnance des marchans, Gécnois & autres, qui en estoient demourez, & en auoient fait leur debte, les deux Cheualiers, là enuoyez de par le Duc de Bourgongne, pour faire & poursuiuir ces traittez (ainsi comme dit est) messire Guissebreth de Linrenghen & Iaques de Helly (qui grand desir auoient de retourner en France, & de réiourir le Roy, le Duc de Bourgongne, & la Duchesse sa femme, & leurs amis, & recorder ces bonnes nouuelles) prirent congé de l'Amorabaquin, & de ceux de son hostel, que mieux ils cognoissoient, & prirent adōc ledit Amorabaquin, en si bon point, que tresliément leur donna, & avecques tout ce, ordonna que de deux cens mille ducats (lesquels il deuoit auoir, si cōme dessus est dit) les deux Cheualiers eussent vingt mille, en amendrissant la somme, & qu'on fist de tant quittance deuers les Marchans, qui ses debtors estoient, & considéra le gentil Roy Basaac les peines & les trauaux, qu'ils en auoient eu, & ainsi que j'ay dit, le Souuerain de Flandres estoit grandement entré en sa grace. Les deux Cheualiers remercierent le Roy grandement de ce don (ce fut raison) & prirent de tous points cōgé de luy, & apres des Seigneurs de France, Quand ils se furēt departis du Roy, & reuenus à Burse,

Burse, & ses congez pris, ils se meirent au retour: & laisserent là encores le Côte de Neuers & les Barons de France, en la ville de Burse (car ils attendoient les seigneurs de Mathelin & d'Amine: qui par mer les deuoient venir querir en leurs galees) & se meirēt les deux Cheualiers en vne galee passagere, nō pas trop grande, pour venir à Mathelin. Au departement du port, là ou ils monterent, le temps si estoit bel, quoy & assez attempé: mais, quand ils furent equippees en la mer, le vent se changea, & fortune monta, & furēt trop mallement tempestez, & tant que messire Guissebreth fut si fort & durement tempesté & fort trauaillé du corps & de la santé, qu'il prit si tresgrande maladie sur la mer, qu'il mourut, auant qu'il peust paruenir à Mathelin. De laquelle mort & male-aventure messire Jaques de Helli si fut moult courroucé: mais amender ne le peut, & se meit au retour-avecques sa compaignie, & tout par mer en vne galee de Venise: & passa en Rodas, & par tout, ou il venoit, il prenōit la venue dudit Comte de Neuers, & des Barons de France (desquelles nouuelles les Seigneurs de Rodas furent moult reiois) & tant fit le dit cheualier, qu'il retourna en France & recorda au Roy, au Duc & à la Duchesse de Bourgōgne ces nouuelles, lesquelles si furent moult plaisantes à tous seigneurs & dames: & recorderēt grand bien dudit cheualier messire Jaques de Helli, de la peine & diligence qu'il auoit eue en celle besongne procurant. Quand la redemptiō du comte de Neuers & des Seigneurs de France fut menee si auant, que sur le point & estat que vous sauez & auez ouy dire, & que l'Amorabaquin se tint cōtēt de toutes choses, si s'auisa, auāt que le departement des Seigneurs fust, qu'il les manderoit en sa compaignie, & les feroit tenir plus au large & plus à leurs aises, qu'ils n'estoient parauant (car c'estoit raison: puis qu'ils n'estoient plus ses prisonniers) & leur remonstreroit & feroit remōstrer vne partie de ses puissances & estats: lesquels (à ce qui me fut dit) si estoient moult grans & outre mesure, tant que de tenir grand peuple, tous les iours autour de luy. Si furēt enuoyez querir par notables hommes de son hostel, le Comte de Neuers & tous les autres: & quād ils furēt venuz, le Roy leur fit bonne chere & ioyeuse, & les accueillit & fit auoir ordonnance & deliurāce à Court, de tout ce que leur faisoit mestier, selon l'vsage du pais: & parloit tous les iours le Roy au comte de Neuers, bien & largemēt, voire par le moyen d'un Latinier: qui remonstroit les paroles de l'un & de l'autre: & honoroit assez grandement le Roy le Côte de Neuers, car il fauoit bien qu'il estoit ou deuoit estre vn grand Seigneur en France & fils d'un grand Seigneur, & de ce estoit il tout informé, & bien il l'auoit veu & trouué en verité, par les grans pourchas, lesquels on auoit faits pour luy, & par la grand' somme de deniers, dont on l'auoit racheté: car du rachapt il se tint pour content, parmi le bō moyen des pleiges qu'il en auoit à payer la redemption & finance, & y eust-il vn million de florins. Outre le Comte de Neuers, tous les Seigneurs de France, qui en la Court estoient, s'emerueilloient du grand estat qu'il tenoit, & faisoit ce moult à emerueiller, & se logeoient luy & ses gens aux champs (car nulles villes ne le peussent porter) & ce, qu'on depēdoit & frayoit tant en boires comme en mangiers en l'hostel dudit Amorabaquin, n'est point à penser dont tout venoit: fors tant que pour les chaudes contrées, où ils conuerfent, toutes gens y font de sobre vie, & se passent legeremēt de viandes, & vsent grand foison d'espices, & par especial de succres (car ils en ont abondance) & aussi de lait de chèvres. Ce sont les communs boires des Turcs & des Sarrazins: & ont assez & largemēt de pain, fait de grain qu'on appelle millet. Pour ce temps l'Amorabaquin auoit biē sept mille fauconniers pour son corps, & autant de veneurs: Cōsiderez que ce pouuoit estre. Si auint vn iour, qu'il fit voler vn de ses faucons (qu'il tenoit à tresbon) en la presence du Comte de Neuers: & me fut dit qu'il estoit loirré pour les Aigles. Ce faucon ne vola pas bien à la plaissance du Roy, dont il fut moult courrouce: & pour la faute qu'il fit il fut sur le point de faire trencher les testes iusques à deux mille Fauconniers: & les chargeoit qu'ils n'estoient pas diligens de leurs Oiseaux: quand il l'auoit veu en sa presence, & trouué & en celui qu'il tenoit tout outre bon entre les autres. Encores auint, le Comte de Neuers & les Barons de France estans en la route & compaignie de l'Amorabaquin, qu'une femme vint à plainte, pour auoir droit & iustice d'un des varlets dudit Roy, car souverainement & especialement il vouloit que iustice fust tenue & gardee en toutes ses Seigneuries. Si fit la femme sa plainte, en disant sire Roy, ie m'adrece à toy, cōme à mon souverain: & me plein d'un des varlets de ta chambre: si comme ie suis informee. Il est huy & n'agueres venu & entré en ma maison: & le lait de ma cheure (lequel i'auois pourueu, pour moy & pour mes enfans passer la iournee) il m'a beu & mangé, outre

Mort de messire Guissebreth de Linrenghe l'un des ambassa. du duc de Bourgogne vers le Turc & retour de messire Jaques de Helli son compaignon à la Court de France.

Traictement du Turc aux Seig. de France apres estre content de leur rançon.

Le grand nombre des Fauconniers & veneurs du Turc.

*Seuere iustice
du Turc, en cho-
semesme de peu
d'importance
presens les Sei-
gneurs de Fran-
ce.*

ma volonté. Bien luy ay dit que si luy me faisoit tels outrages, ie m'en pleindroye à toy, & si trestost que i'ay eu dit la parole, il m'a donné deux paumees, & ne s'en voulut pas deporter pour le nom de toy. Sire Roy, tien Iustice (comme tu l'as iurée à tenir à ton peuple) parquoy ie soye contente & de ce meffait satisfaite, & que toutes gens cognoissent que tu veux tenir ton peuple en Iustice & en droiture. Le Roy entédit aux paroles de la femme, & dit, volontiers. Adonc fit il venir le varlet Turquois, & amener deuant luy, & là femme aussi, & fit à ladite femme renouveler sa cōplainte. Le varlet (qui douta fort le Roy) se commença moult fort à s'excuser, & dire que de tout ce il n'estoit rien. La femme (qui cause auoit) parla bien sagement & asseurement, & afferma que ses paroles estoient veritables. Adonc le Roy s'arresta & dit, Femme, auise toy. Si ie treuve à bourde tes parolles tu mourras de mauuaise mort. La femme respondit & dit, Sire, ie le vueil: car si ce ne fust verité, ie n'auroye nulle cause de me mettre en ta presence: & tié iustice. Ie ne te demande autre chose. Ie la tiendray (dit le Roy) car ie l'ay iurée à tout homme & à toute femme, en mes Seigneuries. Adonc fit tātost prendre le varlet, par les autres varlets, à ce ordonnez, & luy fit ouurit le ventre, car autrement ne pouuoit il sauoir si l'auoit beu & mangé le lait. On trouua qu'ouy: car encores il n'estoit pas tourné au ventre du varlet, à digestion. Quand le Roy veit ce, & entédit, par ses ministres, que la querelle de la femme estoit bōne, si dit à la femme, Tu as eu cause de toy plaindre. Or t'en va quitte & deliure. Tu es vègee du meffait qu'on t'a fait. Et luy fit deliurer & recouurer tout son dommage: & le varlet fut mort, qui se delict auoit fait. Ce Iugemēt de l'Amorabaquin virēt les Seigneurs de France, qui pour lors se tenoient en sa compaignie.

Comment les Seigneurs de France prisonniers en Turquie retournerent par mer iusques à Venise: & des Isles, qu'ils trouuerent. CHAPITRE LXXXVIII.

Q Vand le Comte de Neuers & les Seigneurs de France, qui avecques luy auoient esté pris en la bataille de Nicopoli en Turquie (reservez le Comte d'Eu, nommé messire Phelippe d'Artois, & le seigneur de Couci: car ia estoient-ils mors) se furēt vn temps deportez & ébatus avecques l'Amorabaquin, & veu & consideré moult de ses estats en plusieurs manieres, & que ledit Amorabaquin, se tint à bien content de toutes choses c'est à entendre des finances, dont il deuoit estre payé pour leur redemptiō & il entendit que le Sire de Mathelin & le Sire d'Amine (qui entremis s'estoient de poursuiuir les traittez avecques les dessus nommez que le duc de Bourgongne y auoit enuoyez, & les marchans de Genes & de Sio) estoient venuz à Burselle en Turquie, pour faire compaignie au Comte de Neuers & aux barons de France, il consentit assez qu'ils eussent leur bon congé: & le leur fut donné à entendre par ceux qui le plus leur administroient ce, qui leur estoit besoing, ils le firent & quand ce vint au congé prendre, le Comte de Neuers & les Barons de France se meirent tous ensemble: & s'en vindrent bien en point (ainsi qu'ils le sceurēt faire) deuers l'Amorabaquin & prirent tous congé de luy & le remercierent de ses bien-faits & de ses courtoisies. Ledit Amorabaquin parla au Comte de Neuers, par la bouche d'un Latinier, qui trāsportoit la parolle & dit ainsi, Iehā, ie say assez & suis informé, que tu es en ton pais vn grād Seigneur, & fils d'un grād Seigneur. Tu es Ieune & à venir: & pourras & peux par auēture prendre & recueillir en blasme, & vergongne, ce qui t'est ainsi auenu en ta premiere cheualerie, & volontiers pour esconfer ce blasme, & recouurer ton honneur, tu assembleras puissances, pour venir sur moy, & donner bataille. Se ie faisoie doute, & ie vouloye auant ta deliurāce ie te feroye iurer, sur ta foy & sur ta loy que iamais tu ne t'armeras contre moy, ne tous ceux qui sont en ta cōpaignie. Mais n'enny. Ce serment à toy, n'à eux, ne feray ia faire: mais ie vueil, quand tu seras venu & retourné par dela, & il te vient à plaissance que tu assembles ta puissance, & viennes cōtre moy. Tu me trouueras tousiours tout prest, & appareillé à toy & à tes gēs recueillir sur les chāps, par bataille, & ce que ie di, di-l'ainsi à tous ceux, à qui tu auras plaissance de parler: car assez suis-je pour faire armes, & tousiours prest, & de cōquēster auāt. Ces hautes paroles & notables entendit bien le Comte de Neuers: & aussi feirent bien tous ceux qui en sa compaignie estoient: & bien leur en souuint depuis tout le tēps qu'ils vesquirēt. Depuis les paroles dites, & le cōgé pris, tout leur affaire estoit bien ordōné: & biē sauoiēt quelle chose ils deuoient faire. Si se departirēt de l'Amorabaquin, & furēt les Seig. de Frāce, delà ou le Roy estoit, cōuoyez de †Aslibaath & du Sourbasaach, à grans gens, & rendus & deliurez aux Seigneurs de Mathelin & d'Amine, & à ceux: qui estoient cause de leur deliurance: & quād les galees furēt prestes tous entrerent dedans, ceux qui

*Magnaninie
parole du Turc
au Cōte de Ne-
uers à son de-
part d'avec luy
& sur sa deli-
urance.*

*† Te doute qu'il
ne faille lire, ou
entendre, de
l'Asapaga,*

partir

partir deuoient: & auant leur departement, par tout fut compté, payé, & fait tant, qu'on leur portoit en la ville de Burse, & ailleurs, ou ils auoient conuersé, bonne grace. Quand ils furent entrez en galees, & qu'elles se defancrerent, les gens de l'Amorabaquin se departirent, & retournerent deuers le Roy: & les galees du Sire de Mathelin tant exploierent par mer, qu'elles vindrent à port. Si furent le Côte de Neuers & tous les Seigneurs de France: receus à tresgrand' ioye. La dame de Mathelin, femme dudit Seigneur, estoit moult reuerente: & sauoit d'honneur tout ce, qu'on en peut faire: & estoit Dame pourueüe, & garnie sur toutes autres, tant qu'en la contree de Grèce: car de ieunesse elle auoit esté nourrie & introduite en l'hostel de l'Empereur de Constantinople, avecques Madame Marie de Bourbon. Si y auoit grandement appris & retenu: car en France tous seigneurs & toutes Dames sont trop plus hōnorables, & mieux pourueüs, qu'en nulles autres terres. Si se tint ladite Dame à bien paree & honnoree, quand elle veit venir en son hostel le Comte de Neuers, messire Henri de Bar, Guy de la Trimouille, & tous les autres: & en fut moult ioyeuse: & les recueillit ioyeusement & doucement: & f'ordonna de tous points à leur faire plaisir: & premierement elle reuestit les Seigneurs de France. Elle les renouella de nouveaux draps linges, & de robes & vestures de fins draps de Damas, selon l'ordonnance & coustume de Grèce: & apres eux, tous les seruiteurs des Seigneurs, chacun selon son estat, de degré en degré: & le fit la Dame bonnement & pleinement, sans riens épargner. Dequoy les Seigneurs luy sceurēt bon gré: & dirent tresgrand bien d'elle, en recommandant son estat & son ordonnance, & aussi du bon Seigneur de Mathelin & du Seigneur d'Armine: qui les honnoroient tant qu'ils pouuoient, & leur administroient leurs necessitez: Or tātost nouuelles certaines vindrent en l'isle de Rhodes, que le Comte de Neuers & les Seigneurs de France estoient deliurez de tous points, du Roy Bafaach, & ià venus à Mathelin: ou ils se tenoient. Desquelles nouuelles le Grand-prieur de Rhodes & tous les Seigneurs si furent grandement réiouys. Donc fut regardé, & bien auisé entre eux, qu'ils feroient armer & appareiller deux galees: & enuoyeroient querir les dessusdits Seigneurs, & les ameneroient en l'isle de Rhodes. Tout ainsi fut fait: & furent lesdites galees pourueues de tout ce qu'il faisoit mestier: & se meit en l'vne desdites galees messire Jaques de Brasemont, Bourgongnon (qui estoit Mareschal de Rhodes) & se bouterent en la mer: ou ils exploierent tant, au vent & aux rames, qu'ils arriuerent au port de Mathelin. Le Mareschal fut là recueilly de tous les Seigneurs de France, & du Sire de Mathelin, & de la Dame, à grād' ioye: & depuis qu'il fut venu, il se rafreschit quatre iours, & au cinqiesme les galees furent toutes prestes, & chargees de l'ordonnance & pourueances nouuelles des Seigneurs de France: dont elles furent refreschies. Le Côte de Neuers & les Seigneurs de France, qui avecques luy estoient, prirent congé de la dame de Mathelin: & la remercierent grandement, & aussi feirent ils le Seigneur, de leurs biés-faits & courtoisies, à desseruir au temps auenir: & par especial le Comte de Neuers (qui chef estoit de tous) se disoit, & obligeoit de bonne volonté, y estre grandement tenu. La dame à tous, comme bien pourueüe, respondit sagement: & ainsi se feirent les departies. Si entrerent les Seigneurs de France es galees, au port de Mathelin: & iusques à tant qu'ils furent dedans la mer, le Sire de Mathelin les conuoya de parole, & de veüe: & puis retourna arriere. Les galees, & ceux qui dedans estoient, & qui les gouernoient eurent le temps: le vent, & la mer pour eux: & exploierent tant, qu'ils vindrent & arriuerent, sans dōmage & peril, en l'isle de Rhodes, & au lieu commun, ou les galees s'arrestent: qui viennent & retournent de Cypre, & de † Berne, & des autres ports marins, qui s'estendent sur les bondes des mers oriētales. Lors qu'ils furent venus à port, là estoient les Seigneurs de Rhodes, à grand foison: lesquels sont, & doiuent estre, vaillans hommes: car ils portēt la croix blanche en signifiāce de la croix, ou nostre-Seigneur Iesuschrist mourut, & prit peine, pour les siens deliurer de la tribulation d'enfer: & tous les iours, ou pres ils ont les assaux, pour aider la foy Chrestienne à garder & soustenir, à l'encontre des mecreans, Si doiuent estre vaillans hommes: & nourris d'armes. Quand le Comte de Neuers & les Seigneurs de France furent venus en Rode, le Grand-prieur de Rhodes & le Grād-prieur d'Aquitaine (qui là estoient chacu en ordōnance & degré) les recueillirēt doucement & ioyeusement: & s'offrirent & presenterent à eux prester finances d'or & d'argent, si auāt que leur puissance se pourroit estēdre, pour payer & faire leurs menus fraiz. Laquelle chose sembla au Comte de Neuers, & aux autres, grand' courtoisie: & les en remercia assez: car, à vray dire, il leur besongnoit: & de fait le Grand-prieur d'Aquitaine,

Capitaine de gens-de-piē, nommez Alpiz, & puis apres Solachler, bāssi. Capitaine d'autres gēs de-piē l'anissaires nommez Solachler, selon frere Geoffroy en sō traité des Turcs.

L'honneste traitement de la Dame de Mathelin, enuers le Comte de Neuers & ses compaignons, deliuree de la prison du Turc.

Le Comte de Neuers & ses compaignons à Rhodes.

† Gerard, s'en taisant Sala, dit Barne, pour Baruth, à mon auis: qui fut iadis Beryrus.

Trepas de messire Guy de la Trimouille à Rodes: ou il fut inhumé.

Arrivée du Comte de Neuers & de ses compagnons à Modon, anciennement Methone. Et s'il parloit de ceste isle (que sa la nomme de conseil) apres Chifolignie (qui fut iadis Cephallenia & maintenant Cephalouio) ie la prendroye pour corphou anciennement Corcira: mais en ceste deduction ie ne say pour qui la prendre, nō plus que Garre: qui neāt moins me semble Zante, autresfois Zacynthos.

vn moult vaillant homme, & Cheualier d'outre-mer, presta au Comte de Neuers bien trente mille francs, en deniers appareillez: & les compterent messire Regnier Pot, Maistre d'hostel dudit Comte de Neuers, & le Sire de Rochefort de Bourgongne. Je croy bien que ce fut autant pour les autres, que pour le Comte de Neuers, & que tous les Seigneurs, chacun en leur endroit, en eurent leur part: mais le Comte de Neuers en fit souverainement sa debte. Les Seigneurs de France seiournerent en l'isle de Rodes vn long temps, par raison, pour eux rafreschir & aiser, & remettre en bonne ordonnance: car encores y est l'air plus attrempé, qu'il n'est es parties, ou ils auoient conuerlé: & auint, eux seiournans en la ville de Saint-Iehan-de-Rodes, & attédans les galees de Venise, qui les deuoient venir querir, maladie prit à messire Guy de la Trimouille Seigneur de Suilly: de laquelle maladie il fut si greué, qu'il mourut: & ordōna à demourer sur le lieu, ou il estoit mort: & fut enseuely en l'Eglise Saint-Iehan-de-Rodes, & là gist: & luy feirent faire son obseques les Seigneurs de France moult honnorablement, & trefreuerement: qui de sa mort estoient moult courroucez, si remedier y peussent: & par especial le Comte de Neuers: car il sentoit bien que de la mort de messire Guy, le Duc de Bourgongne seroit moult courroucé: pourtant qu'il l'auoit trouué tousiours sage, & de bon conseil. Or vindrent & arriuerent les galees de Venise à Rodes, toutes armées & appareillees: dont les Seigneurs de France eurent grand' ioye: & ne seiournerent point depuis longuement, que tous s'ordonnerent au departir: & prirent congé des Seigneurs de Rodes: qui le leur donnerent: & se recommanderent ceux de l'isle de Rodes à eux, & à leurs biens, & à tous ceux, qui bone deuotiō & affectiō ont d'eux bien faire. Sur celuy estat se departit le Côte de Neuers, messire Héry de Bar, messire Bouciquaut, messire Guillaume de la Trimouille, le Sire de Rochefort, & messire Regnier Pot, & tous les autres: & pour cheminer par mer mieux à leur aise, & eux rafreschir plus souuēt, & monstrier au Comte de Neuers les isles & terres, qui sont entre Venise & Rodes, les maistres Patrons des galees eurent conseil de venir d'isle en isle, & eux là dedans refreschir: & cheurent premierement à Modon, à cinq cens mille de Rodes: & là se rafreschirent vne espace de temps: car la terre, le port, & la Seigneurie, est aux Veniciens: & ainsi se rafreschirent là les Seigneurs dessusdits. De Modon, quand ils se departirent & entrerent es galees, ils cheminerent par mer (laquelle estoit, & fut tousiours pour eux assez quoye) & vindrent en l'isle de Colefo: & sy rafreschirent: & de Colefo ils vindrent en l'isle de Garre: & sy rafreschirent: & de là ils vindrent cheoir dens l'isle de Chifolignie: & là ancrerent: & puis issirent hors des galees: & trouuerent grand nombre de Dames & de Damoiselles, qui demourent en ladite isle, & en ont la Seigneurie & domination: lesquelles receurent les Seigneurs de France à grand' ioye: & les menerent ébattre tout parmy l'isle: qui est moult belle & plaisante: & disent & maintiennent ceux, qui la condition de l'isle cognoissent, que les Fees y conuersent & les Nymphes, & que plusieurs fois les marchands de Venise, de Gènes, & des autres terres (qui là arriuoient, & qui y seiournoient vn peu de temps, pour les fortunes, qui sur la mer estoient) les apparences bien en veoient, & en verité les parolles, qui dites en sont, éprouuoient. Moult se contenterent le Comte de Neuers & les Seigneurs de France des Dames de Chifolignie: car ioyeusement elles les recueillirent: & leur dirent que leur venue leur auoit fait grād bien, pour cause de ce qu'ils estoient Cheualiers, hommes d'honneur & de bien: car on n'a pas accoustumé (si ce ne sont marchans) aller, ne cōuerfer entre elles. Or me pourroit on demander ainsi, se l'isle de Clifolignie n'est habitee que de femmes. Si est: mais les femmes en sont ainsi que souveraines Dames & maistresses: pourtant qu'elles ouurent en ouurage de la main, & tissent, & font les draps de soye si subtils, & si bien, que nul ouurage, tant que de telles choses, n'est pareil au leur: ne les hommes de ladite isle ne sauent riens faire: mais au-dehors ils les portent vendre, là ou mieux ils en cudent faire leur profit, & les femmes demeurent en ladite isle, & les honorent les hommes, pour la cause que ie vous ay dit cy-deuant. & qu'elles ont cheuance & fināce à moult grande planté: & est celle isle de telle cōdition, que personne du monde ne l'oseroit approcher, pour aucū mal y faire: car qui y essayeroit, il periroit: & tout ce a esté veu & éprouué: & pource demeurent ainsi les Dames en paix: & ne se doutent de nulluy: & auecques ce, elles sont douces & amiables femmes, & humbles à merueilles, sans malice: & quand elles veulēt bien à certes elles parlent à Fees, & sont en leurs compaignie. Quand le Comte de Neuers & aussi ceux, qui en sa compaignie estoient, les Barons & Cheualiers de France, se furēt tenus & rafreschis en l'isle de Chifolignie vn tēps, enuiron

enuiron cinq iours, ils prirent congé aux dames: & leur laissa le Comte de Neuers de ses biens assez largement, selon l'aïsement qu'il en auoit, & tant, que les dames luy en sceurent vn tresgrand gré, & moult l'en remercierent au departir. Puis les Seigneurs rentrent en leurs galees, & par la force du vent singlerēt tant par mer, & exploiterent qu'ils vindrent en vne terre, qu'on dit Raguse: là ou ils se rafreschirēt de rechef: & depuis ils vindrent à † Clarence, à cent mils de Venise: & là les trouua gisans à lancre (ou ils se rafreschissoient en ladite ville de Clarence: laquelle est aux Veniciēs) vn Escuyer de Hainaut, d'honneur, & de grand' recommandation, natif de la ville de Mons, nommé Bridoul de la Porte: qui venoit, à ses deniers, & par tresgrād' deuotion, du voyage du Sainct-sepulchre, du Quaire, de Hierusalem, & de Saincte Katherine: & quand il arriua à Clarēce, les seigneurs y estoient venus deux iours deuant. Si luy feirent tous bonne chere: pourtant qu'ils le veirent homme de bien, & natif de Hainaut (dont la Comtesse de Neuers, femme dudit Comte, estoit fille au Comte de Hainaut) & aussi qu'ils estoient en loingtaines contrees. Si luy demanderēt des parties dont il venoit, & aussi du Roy Iaques de Cypre, de son affaire, & des besongnes de Turquie: & sans faire grande inquisition, il respondit du tout moult volontiers, & sagement. Le Comte de Neuers & les Barons de France, reposez, cheminerent par mer, droit au port de † Pareuse. Là arriuerent grosses nauires, & galees: qui ne peuuent venir plus auant sur la mer, en venant au port de Venise: car la f'y commence à terminer. Quand ils furent venus à Pareuse sans long seiour ils rentrent en petits vaisseaux passagers: & furent amenez à Venise: ou ils furent receus à grand' ioye: & lors qu'ils furent arriuez à Venise, si prirent terre: & rendirent trestous graces & louenges à Dieu, de ce qu'ils se trouuoient là descendus, & deliurez des mains aux mécreans: car telle fois auoit esté, qu'ils ne cuidoient iamais auoir leur deliurance. Ledit Comte de Neuers & les Seigneurs de France, chacun à part luy, se trayrent aux hostels: car leur deliurance si auoit ia esté de grand temps signifiée en leur pays. Si s'estoient diligentez leurs gens, qui gouuerner les deuoiēt, de venir à Venise, mettre en point & en ordonnance vne partie de leur estat. Le Comte de Neuers (qui souuerain estoit de tous) trouua là vne partie de ses gens: que le Duc son pere & la Duchesse sa mere y auoient enuoyez: & ia estoit venu, & auoit vn temps seiourné en les attendant, messire Dinde Responde, pour cause da la finance: car sans luy on ne pouuoit riens faire. Les Seigneurs venus & arrestez en la bonne cité de Venise, Clercs furēt chargez d'escrire lettres, & messagers mis en œuvre, pour apporter ces lettres en France, & ailleurs, & signifier à leurs amis leur venue. Ces nouuelles si furent tantost par tout sceues & entendues: si en furent réiouys tous ceux & celles, ausquels elles appartenoient. Le Duc de Bourgogne & la Duchesse sa femme si ordōnerent tantost sur l'estat du Comte de Neuers, leur fils, mettre telle ordonnance, cōme à luy appartenoit: & vaisselle d'or & d'argēt, draps de chambre, de parement, vestures & habits, pour le corps dudit Comte leur fils, furent mis en voitures de sommiers, & enuoyez vers Venise: & furent souuerains & cōducteurs de toutes ces choses & ordonnances le Sire de † Hangiers & messire Iaques de Helly: & exploiterēt tant par leurs iournees, qu'ils vindrent à Venise. Aussi tous seigneurs & dames, qui leurs Seigneurs, maïstres, & amis sauoïēt retournez de Turquie à Venise s'efforçoïēt enuoyer celle part toutes choses necessaires, pour le corps des seigneurs: & pouuez croire que tout se faisoit à grans fraiz, despens, & coustages (car il n'y auoit riens espargné) & aussi ils gisoient à grans fraiz. Car Venise est l'vne des chères villes du monde, pour estrangers. Si conuenoit il que les Seigneurs teinsent leur estat: & trop plus estoit chargé ledit Comte, que nul des autres: & aussi c'estoit raison: car il estoit le Souuerain par dessus tous. Le Duc de Bourgogne son pere & la duchesse sa mere entendoient, de toute leur entente, à la finance, pour la deliurer: à fin que de Venise, & des marches, le Comte de Neuers, leur fils & héritier peust honorablement issir, partir, & auoir sa deliurance, & venir en France & en Flandres: car moult le desiroient à veoir: & aussi faisoient plusieurs gens, & en parloient souuent ensemble: & disoient le Duc & la duchesse, que, sans grand' aide, de leurs bonnes gens des terres & pays qu'ils tenoient, tant en Bourgogne comme en Artois & en Flandres, la somme de florins de la rançon ne se pourroit faire, avecques les autres despens & coustages, qui tous les iours en venoient. Car ces allees, venues, traittez, seiours, & demourances, estoient de grans fraiz: &, quoy que la rançon deuers ledit l'Amorabaquin ne coustoit que deux cens mille florins: ainsi que disoient ceux, qui du fait de la recepte & de la mise s'entremettoient: autrement toutes ces cho-

† Sala dit clarence: mais ie ne vous puis assigner que ce mot ne soit corrompu.

† Ainsi dit sala: & me doute que ce ne soit Parenzo es Cartes & descriptions.

† Je doute qu'il ne falle lire de Hangest: laquelle maison dure encor au iourdbui en Picardie.

ses ne seroient point accomplies, ne payees. Or estoit à sauoir ou celuy auoir seroit pris & trouué, pour tout satisfaire: car encores, avecques tous ces méchefs, il conuenoit au Duc, à la Duchesse, & à leurs enfans (ou qu'ils fussent) tenir leur estat, grand & étofé: qui ne se pouuoit rompre, ne laisser: & aussi n'estoit ce pas leur intention. Si fut auisé & regardé en leur Conseil, que les citez & bônes-villes des terres & Seigneuries qu'ils tenoiēt, & dont ils auoient grād' quantité (voire les bonnes gens, qui y demouroient & habitoiēt) fussent taillez: & par especial ceux de Flandres (ou il abonde moult de finances, pour le fait de marchandise, qui s'y fait) eussent la greigneur part de la taxation: si que petit à petit le Côte de Neuers, estant & seiournant à Venise, ou es marches, fust deliuré. Ces traittez souurirent & entamerent: & en respondirent ceux de la ville de Gand, quand ils en furent appelez, moult courtoisemēt: & dirent qu'ils vouloient bien payer, & aider à leur héritier, iusques à la somme de cinquante mille florins. Aussi ceux de Bruges, & des bonnes villes de Flandres & ressors semblablement: & qu'on les trouueroit tous prests pour aider à leur Seigneur: & de toutes ces douces & courtoises respôses le Duc de Bourgogne & la Duchesse sa femme remercierent grandement les Consaulx des bônes villes de Flandres, & pareillement d'Artois & de Bourgogne. A la taxation de ces rachapts des Seigneurs, qui estoient à Venise, le Roy de France vouloit aider grandement du sien. Si luy auoit il ia cousté grand' somme de deniers à enuoyer ses Cheualiers en Hongrie & en Turquie: mais, quelques coustages qui faits en eussent esté, il ne les plaingnoit point: puis que ses cousins estoient à Venise, sains & saufs & en bô point, & son Cheualier messire Bouciquaut. En ce temps pendant le Comte de Neuers estoit à Venise, & gisoit là à l'ancre, & les autres Seigneurs: ainsi que vous sauez: car à faire les payemens & les finances si grans, dont ils estoient en debte, ne sont pas legeres choses à assembler: car, quoy que les marchâs de Gênes & de Sio se fussent obligez enuers l'Amorabaquin à payer, si vouloient ils bien sauoir ou ils prendroient leur acquit: & aussi l'intention du Comte de Neuers si estoit telle, que de là ils ne partiroyent, que toutes les parties ne fussent contentes: & à ces finances & deliurances faire, & diligenter, Sire Dinde Responde mettoit grand' peine & diligence, pour plus complaire au Roy de France, & au Duc de Bourgogne: qui là l'auoient enuoyé: car, à telles choses faire, il estoit moult subtil, & bien y sauoit adreccer mieux que nuls autres. Les Seigneurs s'ébatoient les vns comme les autres: & passioient le tēps & la saison, le plus ioyeusement qu'ils pouuoient: & leurs gens, qui cōmis y estoient, entendoient à leur deliurance, le plus brief qu'ils pouuoient. En ce temps se bouta vne mortalité tresgrāde & perilleuse en la cité de Venise, & là enuiron: & cōmēça des le mois d'Aoust: & dura sans cesser, iusques à la S. Andrieu. Laquelle mortalité abbattit & occit moult de peuple: & mourut (dōt ce fut dōmage) messire Héry de Bar, aîné fils au duc de Bar, & héritier de par sa femme, de toutes les terres, q̄ le Sire de Couci tenoit (reserué le douaire) & ainsi, en celle saison, furēt les deux dames de Coucy veufes de leurs deux maris: dont ce fut vn grand dōmage. Si fut le corps de messire Héry de Bar embasme, & apporté en Frāce: & croy qu'il fut enseuely à Paris: car là luy fut fait sō seruice moult reuerēment. Pour cause & doutance de la mortalité, & écheuer les perils, se departit le Côte de Neuers, de Venise: & vint demourer à Treuise: & là se logea, luy & tout son estat: & y fut l'espace de plus de quatre mois, ou enuiron, sans en bouger, luy & tous les Seigneurs de France, qui avec luy estoient. Le Côte de Neuers estant & demourant à Treuise, ainsi que i'ay cy-dessus racompté, le Roy de Hongrie si fut informé, par les Seigneurs de Rodés, & autres, de tout son estat, & cōment il estoit appaisé deuers l'Amorabaquin, moyēnant deux cens mille florins, qu'il deuoit payer pour sa rāçon, tant pour luy, que pour les autres seigneurs de France, qui demourez estoient en vie. Si enuoya, deuers son cousin le Comte de Neuers, vn Euesque, & de ses Cheualiers, à cause & signifiāce d'amour, & lettres & traittez, & aussi mots certains deuers les Seigneurs de Venise (lesquels en auoient le gouuernement) & estoient chargez, de par le Roy de Hongrie, ledit Euesque & lesdits Cheualiers, de dire ainsi au Côte de Neuers, & remōstrer les parolles, telles que ie vous diray: & bien s'en acquitterent. Les remonstrances si furent telles, ou sur telle forme & maniere, en disant, Monseigneur, nous sommes cy enuoyez de-par nostre trefredouté, Seigneur, le Roy de Hōgrie, vostre cousin: lequel vous salue par nous: & voila des lettres qu'il vous enuoye: & a entēdu (& vray est, selon les apparēces, que nous voyōs) que vous estes mis à rachapt & à finance deuers le Roy Basaach, son auersaire: de laquelle chose, quand de vostre deliurance, il se contente moult grandement, & s'en tient pour ioyeux:

car

Ceux de Gand & des autres bonnes-villes de Flandres, d'Artois, et de Bourgogne, se taxent pour la rāçon du Comte de Neuers.

Mortalité dedans la ville de Venise, durant que le Comte de Neuers y estoit, y trespasant Messire Henry de Bar.

† Je n'ay point feint de mettre icy Treuise, pour Treuise: comme verité le veut.

Ambassade du Roy de Hongrie au Côte de Neuers, luy estant encor à Treuise, en la terre des Veniciens.

car autrement bonnement vous, ne les autres, sans ce moyen & traité, ne pouuez issir de telles mains. Cher Seigneur, Mōseigneur est tout certain & informé, que ces traittez ne se peuuent faire, ne conclurre, sans grans despens, & qu'avec les dommages, que vous eustes grans, outre mesure, à la iournee de la bataille, derechef vous & les vostres auez pris, tant pour rançon qu'il vous faut, qu'en toutes autres choses, grans mises de deniers. Cher Seigneur, Monseigneur, s'excuse par nous, deuers vous, que, faider il y pouuoit, il le feroit tresvolontiers (car il se sent, & dit y estre tenu par lignage, & autrement) mais à la iournee de la bataille, qui fut deuant Nicopoli, il prit & receut, luy & les siens, si tresgrand dommage, que vous, qui estes plein d'entendement, le pouuez sauoir & imaginer & encores toutes ces rentes & reuenues du Royaume de Hongrie, pour ceste annee & l'autre, sont perdues: & quand elles seront retournees & deliurees, & qu'il aura puissance, cher Seigneur, plaise vous sauoir qu'il y pouruoyera si grandement, que vous vous en apperceurez: car de ce faire il a tresbonne volonté. Or, à fin que vous tenez ce que nous vous disons seur & veritable, nostre redouté Sire, vostre cousin, le Roy, à sur la cité de Venise, de reuenue par an, sept mille ducats. Si vous certifie & signifie par nous (qui sommes ses hommes, & cy enuoyez) que celle rente soit vendue & rendue aux Veniciens: & de l'argent, qui en pourra naistre & venir, que vous vous en aidiez, ainsi que du vostre. Nous en baillerons & deliurerons lettres de quittance: & de tout ce nous faisons nous fors. De ces remonstrances & significences, que les Ambassadeurs du Roy de Hongrie auoient dit & remontré par bel & courtois langage, si se contenterent assez le Comte de Neuers & ses Consaux: & respondit le Sire de Rochefort: & dit pour tous, que grand mercy au Roy de Hongrie: puis qu'il s'offre & presente si auant, que pour vendre & engager son héritage, pour son cousin le Comte de Neuers. Il n'estoit pas de refus: & ceste amour & courtoisie n'estoit pas à refuser, n'à oublier: & que sur ce on auroit conseil & auis, & bien briuement: & ainsi qu'il fut dit, il fut fait. Depuis, ne demoura gueres de iours, qu'il fut dit aux Ambassadeurs du roy de Hongrie, de-par ledit Comte de Neuers, que pas il n'appartenoit à luy, de vendre n'engager l'heritage d'autrui: mais, si l'plaisoit à ceux, qui puissance auoient de ce faire, remontrier aux Veniciens qu'ils voussissent entendre de l'achapter, ou prester vne somme de florins dessus, pour aider audit Comte de Neuers à payer les menus fraiz, & rendre au Grand-prieur d'Aquitaine trente mille florins (lesquels il auoit prestez debonnairement en l'isle de Rodes) il luy viendrait bien à point, & en remerciroit le Roy de Hongrie, & son Conseil. A ces parolles entendirent tresvolontiers les Ambassadeurs Hongriens: & dirent qu'ils le feroient, & assayeroient les Veniciens. Quand les Veniciens les ouïrent parler de ceste matiere, ils respondirent froidement, & meurement: & dirēt qu'ils en auroient conseil ensemble: & le demanderent de quinze iours. Si leur fut accordé: & au bout de quinze iours, ils respondirent (selon ce que ie fu informé par celui, qui fut à la response faire) Si le Roy de Hongrie vouloit vendre tout son royaume, les Veniciēs, tant qu'à l'achapter & payer les deniers tous promptement, ils y entendraient: mais à si petite chose, qu'à sept mille ducats (lesquels par an il a de reuenue sur la ville de Venise) ils ne sauroiēt donner prix ne valeur, tant que pour vendre, n'achapter: & conuenoit que la chose demourast en celuy estat. Ce fut la response que les Veniciens feirent aux Ambassadeurs du Roy de Hongrie. Les aucuns supposèrent & imaginerent que ceste response, par voye de dissimulation, les Hongres moyennent (quoy qu'ils l'eussent offert) la feirent couuertement faire. Si demoura la chose en celuy estat, & le Roy de Hongrie en sa reuenue: & prirent congé les messagers & Ambassadeurs du Comte de Neuers & de son Conseil (lequel pour lors il auoit delez luy: messire Regnier Pot, le Sire de Rochefort, & messire Guillaume de la Trimouille) & se departirent de Venise, & retournerent en Hongrie: & le Comte de Neuers, & son estat, se tint à Treuise, pour cause de la mortalité: qui estoit si grande à Venise.

Comment Messire Louis de Sancerre fut fait Connestable de France, au lieu du Comte d'Eu, mort en Turquie, & Bouciquant, estant encor absent avec le Comte de Neuers, Marechal au lieu d'iceluy Sancerre, & comment les dessusdits Seigneurs, nagueres prisonniers du Turc, retournerent en France.

CHAP. LXXXIX.

Vous auez ci-dessus en nostre Histoire ouy recorder cōment messire Philippe d'Artois, Comte d'Eu, & Connestable de France, mourut sur son liēt, en la ville de Burse en Turquie: de laquelle mort tous ses amis furēt courroucez (mais remedier n'y peurēt) & par especial le Roy de France: car moult l'aimoit. Or vaqua, par la mort dudit Comte

*Honneste offre
du roy de Hongrie au Comte de Neuers,
mais sans nul
effect.*

d'Eu, la Cōestablie de France: laquelle est vn bel & grād office: & ne peut estre longuement en vacation, qu'on n'y pouruoye. Si se meirēt tous les Seigneurs de France ensemble, pour auoir auis & conseil, de qui on feroit Conneftable, Eux conseillez, la plus saine partie du Conseil du Roy & du Royaume nommerēt & eleurent ce vaillant Cheualier, messire Louis de Sancerre: qui moult lōg temps auoit esté Marechal de France: & encores l'estoit il au iour qu'il fut élu, & estoit aux Marches de Languedoc: & fut mandé. Si trestost qu'il ouit les nouuelles, qu'on luy signifia de par le Roy, il vint à Paris. Luy venu, fut pourueu de l'office de Conneftable, Or vaqua l'office de Marechal. Donc dit le Roy qu'il y auoit pourueu, & que nul autre ne le feroit, que sō Cheualier, messire Bouciquaut. Tous les seigneurs s'y consentirent: car bien le valoit. Pour lors, qu'il fut élu, il estoit en-

*Retour du Côte
de Neuers, &
de ses compai-
gnons en France.*

cores à Venise: mais il vint assez tost apres: car les finances & deliurāces des Seigneurs se feirēt: & retournerent tous en France: ou ils furent receus à grād' ioye. Si demoura messire Bouciquaut Marechal de France. Le Comte de Neuers se retira deuers le Duc de Bourgōgne son pere, & deuers la Duchesse sa mere. Si fut festoyé & coniouy grandemēt d'eux, & de tous autres. Ce fut raison: car il venoit d'un loingtain voyage: lequel estoit tresperilleux pour luy, & pour ses compaignōs: mais, au plaisir de Dieu, il en fut deliuré: & s'en vint es pays de son pere: & quād il fut arriué, si fut volōtiers veu par tout, en Flandres, en Artois, en Bourgongne, & en toutes les Seigneuries & terres de son pere: desquelles il estoit, à l'apparēt du monde, heritier & successeur. Le Comte de Neuers adōc, quand il fut reuenu & retourné en France, à grand' ioye, du voyage de Turquie (ou il auoit esté contre les Turcs, par la forme & maniere qu'il est ci-dessus contenu & declairé, avec les Seigneurs dessusdits (il se tint, le plus du temps, decoste son pere & sa Dame de mere: & apres ce qu'il sy fut tenu vne espace de tēps, & qu'il eut visité le pais, terres, & Seigneuries de son dit pere, luy prit volonté d'aller deuers le Roy de France, & deuers

*Le Comte de
Neuers en
Court, vers le
Roy Charles,
son cousin.*

Monseigneur le Duc d'Orleans, frere du Roy: lesquels le recueillirent moult hōnorablement, & à grand' ioye: & là fut moult festoyé de toutes les Dames & Seigneurs, qui avec le Roy estoient. Adonc le Roy & le duc d'Orleans (qui grād' volonté auoient de le veoir) si l'ouirent volontiers parler, Puis apres luy demanderent des nouuelles de Turquie, & de la bataille de Nicopoli, & des auentures qu'ils auoient trouuees par-dela, & de sa prise, & comment il fut pris, & de l'estat & affaire de l'Amorabaquin: & lors le Comte de Neuers si leur rendit la responce: car tresproprement il en parloit: & ne se plaignoit nullement (à ce qu'il mōstroir à ses parolles) de l'Amorabaquin: mais disoit qu'il l'auoit trou-

† *Je ne vous
puis asseurer
s'il entend que
le plus pro-
chain du
corps de l'A-
morabaquin
les gens, qui
ses prisonniers
auoient esté,
ne se peussent
encores armer
contre luy, &
le eust esté
courtois au
Comte de
Neuers, ou
s'il veut dire
que le plus
prochain du
corps du Côte
de Neuers
eust trouué
aussi l'Amo-
rabaquin af-
sez courtois.
Vous pouvez
choisir.*

† *Il me semble
que l'Italie se-
roit meilleur en
ce lieu.*

uē assez courtois & debonnaire, & le plus † prochain de son corps: & qu'il le fit tresbien traitter & entretenir: & n'oublia pas à dire & remonstrier au Roy & aux Seigneurs de France, ausquels il adreçoit ses parolles, comment ledit l'Amorabaquin, au congé prendre, quand il se departit d'avec luy, & de Turquie, luy auoit dit qu'il estoit né en ce mode pour faire armes, & cōquerre tousiours de pl^s en plus, & ne vouloit pas que luy & toutes ses gens, qui ses prisonniers auoient esté, ne se peussent encores armer contre luy, & le venir veoir: car volontiers il les trouueroit à la seconde fois, ou à la tierce, ou à la quarte (si besoing faisoit, & si les auentures d'armes se portoient ainsi) en bataille: & bien estoit l'intention dudit Amorabaquin, qu'ēcores il viendroit veoir Romme, & feroit son cheual manger auoine sur l'autel S. Pierre. Et disoit encores le Comte de Neuers, que l'opinion de l'Amorabaquin estoit telle, que nostre foy estoit nulle, & toute corrompue, par les chefs de ceux, qui la deuioient gouverner: & ne s'en faisoient les Turcs que moquer & gaber: & à ceste cause la Chrestienté seroit destruite, & que le tēps estoit venu, & disoient plusieurs Sarrazins que l'Amorabaquin, Roy de Turquie, estoit né à ce, qu'il seroit Sire de tout le monde, & telles parolles assez auoit ouy dire aux Latiniers: qui transportoient les langages de l'un à l'autre. A ce, qu'il auoit veu & entēdu, ils sauoient bien en Turquie, Tartarie, Perse, Alexandrie, & en toutes les parties de Sarrazine terre, cōment les Chrestiens erroient par ceux, qui s'escriuoient & nommoient Papes, en France & en † Picardie, & comment les Chrestiens n'estoient pas tous d'une suite, mais differoient (car les uns croyoient en vn, & les autres en autre) & auoient les Sarrazins, qui de ce estoient informez, merueilleuses imaginations, comment les chefs des pais le souffroient. Ces parolles, que le Comte de Neuers remonstra au Roy & aux Seigneurs de France, leur donna moult à pēser: & disoient les aucuns, Les Sarrazins ont cause & raison, s'ils s'en truffent & moquent: car on laisse les Prelats, & ceux qui se nomment Pasteurs, conuenir. Qui leur batroit le ventre, on les mettroit à raison: ou ils sy mettroient eux-mesmes. Les Clercs

de l'Vni-

de l'Vniuersité de Paris (qui trauailloient là, en apprenant les escritures) ne pouuoient venir à benefices, pour le fait de ce scisme de l'Eglise: & pour le fait de ces Papes, entendoient volôtiers aux murmuratiōs du peuple, qui venoit vers eux: & estoient tous réioiūs de ce que le Côte de Neuers en auoit rapporté, & de ce qu'il disoit que les Turcs, & Sarrazins (qui sont cōtraires de nostre Loy) s'en truffoient, & faisoient leurs derisions: & disoient, † En bonne verité ils ont cause: & vous disons, que, si le Roy de France & le Roy d'Allemaigne n'y pouruoient, les choses irōt encores pis: & tout cōsidéré, ceux, qui ont tenu le neutre, se sont biē acquittez: & ainsi le cōuiendra il faire, qui voudra auoir vnion en l'Eglise. Dit & remonstré fut en secret au Roy de France, de ceux qui bien l'aimoient, & qui sa santé à veoir desiroiēt, que l'opinion cōmune du royaume de France estoit, que iamais il n'auoit parfaite santé, iusques à ce que l'Eglise seroit en autre estat: & luy fut remonstré sur telle forme & maniere qu'on luy donna à entendre que le Roy Charles son pere, de bonne memoire, au liēt de la mort en auoit chargé son Conseil: & faisoit doute qu'il ne fust trop abusé de ces Papes, & de luy estre si tost déterminé: & en tenoit sa conscience à moult chargée. Le Roy de France s'excusoit: en disant, Quand Nostre-Seigneur de pere trépassa de ce siecle, nous estiōs encores moult ieune. Si auōs creu le conseil de ceux, qui nous ont gouverné iusques à present: & si nous auons abusé & folloyé, à eux en est la coulpe, non pas à nous: & puis que nous en sommes informez si auant, nous y pouruoierōs briēuement, tellement qu'on s'en apperceura. Le Roy Charles de France sentit & entendit bien ces parolles, mieux que iamais il n'auoit fait: & dit à soy-mesme, & aussi à ceux de son conseil de sa chambre, qu'il y pouruoeroit: & en parla à son frere le Duc d'Orleans, Comte de Blois & de Vallois: lequel il eut tantost à sa volonté: & aussi eut il le Duc de Bourgongne: car, non-obstant qu'il eust obey à cil, qui se nommoit Pape Clement: si n'y eut il oncques ferme fiance: mais les prelatz du Royaume de France (& par especial Guy de Roye, Archeuesq̃ de Reims, les Archeuesques de Sēs & de Rouen, & l'Euesque d'Austun) l'auoient bouré en celle creance. Or fut auisé au destroit Conseil du royaume de France, que, s'ils vouloient remettre l'Eglise à point, il conuenoit auoir l'accord de toute Allemaigne. Si furent enuoyez suffisans hommes, & Clercs de droit (desquels Maistre Philippe de Playes fut l'un) en Ambassade en Allemaigne, deuers le Roy de Boēme & d'Allemaigne (lequel s'escriuoit Roy des Rommains) & adonc fut tant procuré par lesdits Ambassadeurs, qu'ils feirent tant enuers le Roy d'Allemaigne, qu'une iournee fut assignee à estre, entre luy & son Conseil & le Roy de France & le sien, en la cité de Reims: & eurent promesse les deux Roys d'y estre: & à fin que nuls Prelatz, Cardinaux, Archeuesques, & Euesques, ne peussent rompre leur propos & imagination, qu'ils auoient de bien faire, on fit dire, par commune renommee: que les Rois, Seigneurs, & leurs Consaulx (qui se deuoient trouuer à Reims) faisoient celle assemblee, pour traitter vn mariage du fils au Marquis de † Blanchebourg, frere du Roy d'Allemaigne, & d'une fille, que le Duc d'Orleans auoit: & moyennant ces besongnes on parleroit d'autres matieres. En ce temps, que ces traitez se faisoient & approchoient, trépassa de ce siecle, en son hostel à Nesues en Hainaut, messire Guy de Chastillō, Comte de Blois: & fut porté à Valenciennes: & là enseuēly à Saint-François (qui est l'Eglise des Freres-mineurs) en vne chapelle, laq̃lle est nommee la chapelle d'Ortais. Vray est qu'il en faisoit faire vne tresbelle & notable, au pourpris du clos desdits Freres-mineurs, & assez pres de là, ou il cuidoit gesir: & mourut si endépté, qu'il cōuint à la Cōtesse Marie de Namur renoncer à tous meubles: n'elie n'osa accepter le testament: & retourna à son douaire de la terre de Chimay & de Bedumont: & les héritages allerent ou ils deuoient aller. Le Duc d'Orleans eut la Comté de Blois (car il en auoit payé, viuant le Comte Guy de Blois, deux cens mille couronnes de France) & les terres de Hainaut, Hollande, & Zelande, allerent au Duc Aubert de Bauiere, Comte de Hainaut: & la terre d'Auesnes, de Landrecies, & de † Lonnon en Terrasse, écheurent à Ichā de Blois (qu'on dit de Bretagne) & si le dessusdit Comte Guy n'eust fait la vente qu'il fit, il estoit son droit hoir de la Comte de Blois. Considérez le grand dommage, qu'un Seigneur, & autre, peut faire à son hoir, par croire mauuais conseil Dieu luy face merci. Or retournon aux besongnes d'Angleterre.

† Ce sont les
mors de ceux de
l'Vniuersité de
Paris.

Le Roy Charles
en deliberation
d'entēdre à l'v-
nion de l'Eglise
enuoye Ambas-
sadeurs vers le
Roy d'Allemai-
gne, à ceste fin.

† Il a desia v^u
de ce mot au Vo-
lume precedent
pour Brande-
bourg, à mon
auis.

Mort du Comte
Guy de Blois.

† La dit Lon-
non.

De la mort du Duc de Glocestre & du Comte d'Arondel: & comment les oncles du Roy d'Angleterre (c'est assauoir les Ducs de Lancastre & d'Orch) & les Londriens s'en contenterent.

† Ceste clause
par auant sans
construction, est
éclaircie selon
le sens de l'Au-
teur.

† Cecy est plus.
qu'il n'a dit, et
ainsi aionste il
par cy par là.

Le Duc de Clo-
cestre prisonier
à Calais.

Les Ducs de
Lancastre &
d'Iorch auertis
de la prise du
Duc de Cloce-
stre, leur frere,
par sa femme.

Les Comtes
d'Arondel &
de Waruich
prisonniers, à
Londres.

Vous sauez (comme il est cy-dessus cōtenu & traitté en nostre Histoire) que † le Roy Richard d'Angleterre ne voulut pas porter ne celer les haines couuertes, qui estoient engendrees de long temps, & par plusieurs cas, entre luy & son oncle le duc Thomas de Clocestre, ains luy voulut ouurer de fait: & mieux aimoit (ainsi qu'il disoit, & que cōseillé estoit) qu'il destruisist autrui, que qu'il fust destruit. Aussi auez vous ouy comment ledit Roy fut au chastel de Plaify, à trente milles de Londres: & par belles parolles & fausses (comme celuy, qui vouloit estre au-dessus de son oncle) l'emmena, & meit hors de son chastel de Plaify: & le mena assez pres de Lōdres, & sur vn verd chemin, qui tourne droit sur la riuere de la Tamise: & † estoit entre dix & vnze heures de nuit. Encor auez ouy cōment le Côte Marechal (qui là estoit en embusche) l'arresta de par le Roy, & le tourna deuers la riuere de la Tamise, & ouyt cōment ledit Duc cria apres le Roy, pour estre deliuré de ce peril (car tous ses esprits sentirēt tantost, en celuy arrest faisant, que les choses se portoient mal à l'encontre de luy) mais le Roy, par qui ordonnance & cōmandement tout ce fut fait, fit la sourde oreille: & cheuaucha tousiours deuant luy: & vint celle nuit au chasteau de Lōdres. Le duc de Clocestre, son oncle, fut autremēt logé: car (vous fist, ou non) de fait & de force on le fit entrer dedās vne barge, & de celle barge à vne nef, qui gisoit à l'ancre, à la riuere de la Tamise: & là fut mis: & y entrerēt le Côte Marechal, avec tous ses gens: & se bouterēt aual la riuere: & feirent tant par l'aide du vēr, que lēdemain, sur le tard, ils vindrent à Calais, sans ce qu'on en feut riens, fors les officiers du Roy, de ladite ville de Celais. Vous deuez croire, & sauoir, que, quād la cognoissāce de la prise du Duc de Clocestre fut venue à Plaify deuers la Duchesse & ses enfans, ils furēt grādemēt troublez & ébahis: & sentirent tātost que les choses alloiēt mal, & estoit le Duc, leur Sire, en grād peril de sa vie: & en demanderent cōseil à messire Iehan Laquinghay, quelle chose estoit bon de faire. Le Cheualier respondit: & dit, Le meilleur est d'euoyer deuers messeigneurs de Lāclastre & d'Iorch, ses freres: car par leur moyen se pourra appaiser ce maltalent, que le Roy a sur Mōseigneur de Clocestre, & non par autrui: car il ne les oseroit courroucer. La Duchesse de Clocestre fit tout ce, que le Cheualier luy conseilla: & enuoya tātost grans messages deuers les deux ducs: qui ne se tenoiēt pas ensemble, mais bien loing l'un de l'autre. Si fu: & tous courroucez de la prise: & māderent à la Duchesse de Clocestre, que point ne fust trop déconfortee de son mary, leur frere: car le Roy leur neveu, n'oseroit le traitter, fors par iugement & par raison: ne pas autremēt ne luy feroit souffert. La duchesse de Clocestre: & ses enfans aucunemēt se reconforterent sur ces parolles. Le roy d'Angl. de bō matin se departit du chasteau de Lōdres: & s'en vint à Elten: & là sa tīt. Ce propre iour, au soir, furēt amenez au chasteau de Lōdres, & mis en la court des officiers du Roy, & là emprisonnez, les Côtes d'Arondel & de Waruich: dōr on fut trop émerueillé parmy la cité de Lōdres, & sur le pays: & grādes murmuratiōs en furēt: mais nul n'osoit faire fait, ne partie à l'encōtre du Roy, qu'il ne luy tournast à grād' déplaissance: & disoiēt toutes gens, Cheualiers, Escuyers, & Bourgeois de Lōdres & des cittez & bōnes-villes d'Angl. Nous nous en auōs beau taire & souffrir. Veez là les Ducs de Lāclastre & d'Iorch, les freres au Duc de Clocestre: qui bien y pouruoyerōt, quād il leur plaira. Voiremēt y eussent ils biē pourueu: si ils eussent cognu le courage du roy, & quelle chose il auoit en pēsee de faire de leur frere: mais, pourtāt qu'ils n'en firent bōne diligence, tournerēt les choses mal: ainsi que ie vous recorderay. Quād le Duc de Clocestre fut amené au chasteau de Calais, & il se veit là enclos & priué de ses hommes, se commença à douter & effrayer grādemēt: & dit au Côte Marechal, Pour q̄lle cause suis ie mis hors d'Angl. & ici amené? Il me semble q̄ vous me tenez en prison. Laissez moy aller, & voir la forteresse, les hōmes & gardes de la ville. Mōseigneur (respondit le Marechal) ce, que vous me demandez, ie n'oseroie faire nullement: car vous m'estes baillé en garde sur ma vie. Le Roy nostre-Sire, pour le presēt est vn peu courroucé cōtre vous. Si veut que vous tenez ici, & deportez avec nous: & vous le ferez, iusques à ce q̄ i'aye eu autres nouuelles: & si dieu plaist ce sera briēuemēt: car de vostre déplaisāce (si m'aist dieu) ie suis biē courroucé, si remediery pouuoie: mais vous sauez que i'ay mō fermēt au Roy. Si m'y cōuiēt obeyr: & aussi le feray pour mon honneur. Le Duc de Clocestre n'en pouuoit auoir autre chose & bien luy iugeoient ses esprits, selon aucunes apparences qu'il apperceut vn iour, qu'il estoit en peril de sa vie: & requit à vn Prestre (qui auoit chanté messe deuant luy) qu'il le voulist confesser: ce qu'il fit, & par grand loisir: & se meit deuant l'autel en bon estat, & de cœur deuot & contrit: & cria mercy à Dieu, le createur de toutes choses:

& fut

& fut dolent & repentant de tous ses pechez, & bié auoit mestier qu'à celle fois il entendist à sa cōscience: car le meschef luy estoit plus prochain, qu'il ne pensoit: car (ainsi que ie fu informé) sur le point du disner, & que les tables estoient mises au chastel de Calais, à l'heure qu'il deuoit ses mains lauer, quatre hōmes à ce ordonnez, issirent d'une chambre & luy getterent vne touaille au col, & l'estraignirent tellement les deux d'un costé, & les autres deux de l'autre, qu'ils l'abbatirent à terre, & là l'estranglerent & cloirent les yeux: & tout mort le porterent sur vn liēt, & le despouillerēt & deschaufferēt tout mort & le coucherent entre deux linceux, & meirent son chef sur vn oreiller, & le couvrirent de manteaux fourrez: & puis issirent de la chambre, & vindrent en la salle tous pourueus de ce qu'ils deuoient dire & faire, en disant telles parolles, qu'une fausse maladie d'apoplexie estoit prise au Duc de Clocestre, en lauāt ses mains, & qu'à grand peine on l'auoit peu coucher. On tint ses paroles en public au chasteau, & en la ville, & bien le croyoient les aucuns, & les autres non. Dedans deux iours apres, grande renommee fut que le duc de Clocestre estoit mort dessus son lit, au chasteau de Calais: & s'en vestit le Comte Mareschal de noir (pourtant qu'il estoit son cousin, moult prochain, & aussi firent tous Cheualiers & Escuyers qui dedans Calais estoient: & furent plustost sceuēs les nouuelles de la mort du duc de Clocestre es parties de France & de Flādres, qu'en Angleterre. Si en furent mout de François resiouis: car cōmune renommee auoit couru vn grand tēps, que ia ne seroit bonnie paix entre France & Angleterre, ne point d'amour n'y auroit tant cōme le duc de Clocestre fust en vie: & aussi aux traitez, qui tenus s'estoient par plusieurs fois entrē les François & les Anglois, il auoit esté plus rebelle & contraire, que nul de ses freres, & pource de sa mort ne chaloit en Frāce. Pareillement en Angl. plusieurs hōmes Cheualiers & Escuyers & officiers du Roy (qui l'auoient douté & craint trop grandement pour ses cruelles & mauuaises manieres & metueilleuses) furent moult resiouys de sa mort, & furent entre eux ramēteus le duc d'Irlande (lequel il auoit bouté hors d'Angl. & enuoyé en exil) & aussi messire Simon Burle (qui si vaillāt Cheualier & preud'homme auoit esté, & serui le Prince de Galles, & le Royaume d'Angl.) qu'il auoit fait decapiter & mourir honteusemēt: & aussi messire Robert Triuillien, messire Nicolas Brambre, messire Iehan Standinch, & plusieurs autres: & en fut ledit duc de Clocestre moins plaint en Angl. fors de ceux lesquels auoient esté de son conseil & opinion. Le duc mort à Calais, il fut moult honorablement embarmé & mis en vn vaisfel de plomb, & dessus couuert de bois, & enuoyé en l'estat par mer en Angl. & arriua la nef qui apporta le corps, dessus le chasteau de Hadelee, sur la riuere de la Tamise: & de là amené par charoÿ, tout simplement au chasteau de Plaisy, & mis en l'Eglise, laquelle ledit Duc auoit fait edifier & fonder en l'hōneur de la S. Trinité: & là auoit douze chanoines, qui mout deuotemēt y font le diuin seruice: & là fut ensepuluré Vo⁹ deuez sauoir q̄ la duchesse de Clocestre, & Offrem, son fils & du duc dessus-nommé, & leurs deux filles, furent moult decōfortez, quād le duc de Clocestre, leur Sire & pere, fut là amené tout mort: & encores doublemēt eut ladite Duchesse mout grand courroux, car le comte Richard d'Arōdel son oncle fut decolé publiquement, & par le commandement du Roy en la rue de Sep à Londres, & n'o sa nul hault baron d'Angleterre aller au deuant, ne conseiller le Roy du contraire, & fut ledit Roy present à icelle iustice faire, & fut faite par le Côte Mareschal (qui auoit à femme la fille au côte d'Arondel) & luy mesme luy banda les yeux. Le côte de Waruich fut aussi en grād auāture d'estre decapité: mais le comte de Salberi (qui estoit en la grace du Roy) pria le Roy pour luy & aussi feirēt autres Barōs, Seig. & Prelats d'Angl. & si bié, que le Roy s'enclina à leurs prieres: mais il dit qu'il fust mis en tel lieu que iamais ne venist en place: car le roy ne luy vouloit point pardonner absolūmēt son meffait: car bié auoit desferui mort, quād il auoit esté du cōseil & accord, avec le duc de Clocestre & le Côte d'Arōdel, de vouloir briser la paix & les treues, donnees, accordees, & seellees entre les deux Rois de Frāce & d'Angl. leurs conioints & adherens. Celuy article estoit cas, leql requeroit punition de mort hôteuse: car les treues estoient iurees & dōnees par telle conditiō, d'un costé & d'autre, que quiconque les enfreindroit, ou cōseilleroit enfreindre, il estoit digne de receuoir mort. Le Comte de Salberi (qui trefespecialemēt prioit pour le Côte de Waruich: car ils auoient esté cōpagnons d'armes tous leurs iours ensemble) l'excusoit en disant qu'il estoit moult ancien, & que le comte d'Arondel & le duc de Clocestre l'auoient deceu par leurs paroles: & ce qui auoit esté fait (pour laquelle chose ils estoient morts) n'auoit point esté de son mouuemēt, mais par eux, & qu'onc ceux de Beauchamp

*Violente mort
du duc de Cloce
stre par cōman
dement du Roy
Richard son ne
ueu.*

*Le corps du duc
de Clocestre me
né de Calais en
son chasteau de
Plaisy & illē
inhumé.*

*Le Comte d'Ar
ondel decolé
publiquemēt à
Londres par cō
mandement du
Roy Richard.*

Le Côte de Waruich confiné en l'isle de Visque ou de Rugth, anciennement nommée Vectis.

ne feirent ne penserent traison cōtre la courōne d'Angleterre: & que le Comte de Waruich estoit chef de ceux, & des armes de Beauchâp: & descendoient tous ceux de Beauchamp du Côte de Waruich. Ledit Comte de Waruich par pitié fut respité de la mort & taxé à telle penitence que ie vous diray. Il fut enuoyé en l'isle de Visque (qui est des terres tenues d'Angleterre) & luy fut dit ainsi, Comte de Waruich, ce iugement va tout droit deuant vous. Vous avez deffervi mort, telle que le comte d'Arōdel a receuë: mais les beaux seruices & grans qu'au temps passé vous avez faits au Roy Edouard de bonne memoire, à mōseigneur le Prince son fils, & à la courōne d'Angleterre, tant deçà la mer comme par dela, vous aident bien & ont le Roy & son conseil pitié de vous: & vous rédent la vie. Mais il est ordōné & dit par Iugement & sentence, que vous irez en l'isle de Visque: & la viurez tāt que vous pourrez: & aurez assez du vostre pour tenir vostre estat: ne iamais de là vous ne partirez. Le Comte de Waruich prit en bon gré celle punition, en remerciant le Roy & son conseil, quand ils luy rendoient & sauuoiet la vie: & ordonna ses besongnes, le plustost qu'il peut: car il y deuoit estre, & entrer dedās vn iour, qu'on luy assigna. Il y fut, en vne partie de son estat. L'isle de Visque est enuironnee de la mer: & sied du costé de Normandie, & y a assez lieu & place, pour y demourer vn seigneur: mais il fault qu'il soit serui & administré des terres voisines: autrement il ne se pourroit point étofer, ne pourueoir, Ainsi se porterent ses iugemens & ordonnances en Angleterre: qui se multiplierent tousiours en pis: ainsi que vous orrez reeorder auant en l'histoire. Quand la congnoissance fut venue au Duc de Lancastre & au Duc d'Iorch que le Duc de Clocestre leur frere estoit mort à Calais, tantost ils imaginerent que le Roy leur neueu, l'auoit fait mourir. Pour lors ils ne se tenoient pas ensemble: mais estoient l'vn çà & l'autre là, en leurs places & manoirs, selon la coustume d'Angleterre. Si escriuirent l'vn à l'autre, pour sauoir comment ils en feroient, & vindrent à Londres, pour ce qu'ils sauoient bien que les Londriens estoient moult courroucez de la mort du duc leur frere. Quand ils furēt là venus ils eurent parlemēt ensemble: & dirēt que ce ne faisoit pas à souffrir, d'occir & meurtrir leur frere si hault prince & vaillāt, q̄ le duc de Clocestre pour parolles oiseuses. Car nonobstant qu'il eust parlé volontairement, de chaud sang, à l'encōtre des treues dōnees & seelles entre France & Angl. si n'en auoit il point ouuré de faire: & qu'entre fait & dire a trop grand difference: ne point pour paroles il ne pouuoit deffervir mort, ne punition si cruelle, & dirent qu'il conuenoit qu'il fust amendé, & furēt les deux freres sur vn estat, cōe pour troubler toute Angl. car biē auoiet qui le leur conseilloit, & par especial le lignage du Côte d'Arondel (lequel est moult grand & fort en Angleterre) & celuy aussi du comte d'Estanfort. Le roy d'Angl. pour lors se tenoit à Elten, & auoit mandé & semons tous hommes de fief qui de luy tenoient, & qui foy luy deuoient, & auoit amassé & pourueu autour de Londres en la Côte de Kent & en Excestre, plus de dix mille archerers, & auoit son frere messire Iehan de Hollande, delez luy, le comte Marechal, le côte de Salberi & grand nōbre de Cheualiers & Barons d'Angl. & māda aux Londriens, que point ne recueillissent le duc de Lāclastre. Les Londriens respondirent à ce, & dirent qu'ils ne sauoient choses au duc de Lāclastre, par quoy ils le deussent refuser & demoura le duc de Lāclastre à Londres, & le Comte d'Erbi, son fils, & aussi le Duc d'Iorch: lequel auoit vn fils qui se nommoit Iehan, Comte de Rostellant, & estoit si bien du Roy que merueilles, & l'aimoit le Roy avecques le comte Marechal outre mesure: & ce côte de Rostellāt se dissimuloit grandement de la mort de son oncle le duc de Clocestre, & monstroit assez qu'il eust volontiers veu que paix eust esté entre les parties, & disoit biē q̄ son oncle auoit eu tort, en plusieurs cas deuers le Roy son cousin. Les Lōdriēs aussi cōsideroiet le grād méchef qui pourroit venir en Angl. par la dissēsiō des oncles du Roy, & des alliances des vns & des autres: & regardoient, q̄ (puisque ce méchef estoit auenu) on ne le pouuoit recouurer: & q̄ le duc de Clocestre en aucune maniere en auoit esté cause, par trop parler: & vouloit émouuoir tout le Royaume d'Angl. à rompre & briser les treues, qui iurees, dōnees & seellees estoient entre Frāce & Angl. & dissimuloiet grādemēt les Lōdriēs, & auiserēt les plus sages, q̄ ce ne faisoit pas à amēder pour le present & doubterēt le roy de Frāce & sa puissance & leurs marchādises à perdre. Si cōmencerent à traitter, & aller par cause de moyen, entre le roy d'Angl. & le Duc de Lancastre, lequel eut aussi plusieurs imaginations: car la mort de son frere luy tourna à grād' déplaisance. Aussi il voyoit que le Roy Richard, son neueu, estoit par mariage grādemēt allié au Roy de France (car il auoit sa fille à femme) & auoit le dit Duc deux de ses filles

Les ducs de Lāclastre & d'Iorch auertis de la mort du duc de Clocestre leur frere viennent à Londres en deliberation de vengeance.

filles par dela la mer, l'une Roïne d'Espaigne, & l'autre de Portugal, qui pouuoient grandement aider, se guerre se mouuoit entre le Roy d'Angleterre son neueu. Mais il conuint adoncques audit Duc changer son courage (vousist ou non) de toutes choses, & descendre à la priere des Londriens, & d'aucuns Prelats d'Angleterre, qui de ce s'entremettoient en bien, comme bons moyens entre le Roy d'Angleterre & les oncles, & vint le Roy à accord & à paix, moyennant qu'il promit, que, de celuy iour en auant, il se gouuernerait tout entierement par le conseil du Duc de Lancastre: & ne feroit riens, sans luy en demander conseil. Mais de ceste parolle & promesse il ne fit riens: & se laissa fort conseiller de mauuais conseil: dont trop grandement luy mecheut: ainsi que vous orrez recorder cy apres en l'Histoire. Ainsi vint le Roy d'Angleterre à paix à ses oncles, de la mort du Duc de Clocestre: & commença à regner plus fierement, que deuant: & s'en vint tenir son estat en la Comté d'Excestre: qui auoit esté au Duc de Clocestre: & deuoit estre à son fils Offrem, héritier de son pere: mais le Roy prit la sailine de tout, par deuers luy: & l'ordonnance est en Angleterre, que le Roy a en garde tous héritages d'enfans, qui demeurent orphelins de pere, deffous l'age de vingt & vn an: & puis leur sont rendus leurs héritages. Le Roy Richard prit la garde de son cousin, & héritier de Clocestre, & attribua toutes ses terres & possessions à son profit, & meit Offrem, le ieune héritier, demourer delez luy, & la Duchesse de Clocestre, & ses deux filles, delez la Roïne sa femme. Le Duc de Clocestre, en son viuant, estoit, de son droit héritage, Connestable d'Angleterre: mais le Roy osta celuy droit & office à l'héritier: & le donna au Comte de Ro-

Accord du Roy Richard avec ses deux oncles sur la mort du duc de Clocestre, leur frere.

Le Comte de Ro-
stellant, fils du
Duc d'York,
fait Connestable d'Angle-
terre, par le roy

De la grande assemblée, qui fut faite en la ville de Reims, tant de l'Empire d'Allemagne, comme du Royaume de France, sur l'estat & union de Sainte Eglise.

CHAP. XCI.

EN ce temps se fit vne grande assemblée de Seigneurs en la cité de Reims, tant de l'Empire d'Allemagne, que du Royaume de France: & fut la cause telle, que pour mettre l'Eglise en vnion: & fit tant le Roy de France, par priere & par moyen: que le Roy d'Allemagne, son cousin, vint à Reims, avecques tout son Conseil: & (pource qu'on ne voulut pas donner à entendre generally que ceste assemble se fist tant seulement pour parler des Papes, de celuy qui se tenoit à Rome, & de celuy qui se tenoit en Auignon) les Seigneurs feirēt courir renommée, que le Roy d'Allemagne & les Seigneurs de l'Empire venoient là, pour traitter vn mariage, du fils au Marquis de Blancquebourg à la fille du Duc d'Orleans: & estoit ce Marquis frere au Roy d'Allemagne. Si se logea le Roy de France au Palais de l'Archeuesque: & là estoient les Ducs d'Orleans, de Berri, & de Bourgongne, le Comte de Saint-Pol, & plusieurs hauts Barons & Prelats de France, & quand le Roy d'Allemagne entra dedans la cité de Reims, tous ces Seigneurs & Prelats, & le Roy Charles de Nauarre (qui aussi estoit là) allerent tous à l'encontre de luy, & le recueillirent doucement & liement: & le menerent tout premierement en l'Eglise Nostre dame, & puis en l'Abbaye de S. Remy. Là fut le Roy & tous les Seigneurs d'Allemagne, qui avecques luy estoient venus, logez au plus pres de luy, qu'on peut par raison: & estoit ordonné, de par le Roy de France & son Conseil, que tout ce, que le Roy d'Allemagne & ses gens despendroient en la cité de Reims, que tout seroit compté & deliuré de par les Officiers du Roy de France, & qu'on luy bailleroit si largement de toutes choses, que nulle defaute n'y auroit: & falloit bien deliurer aux Allemans, tous les iours qu'ils

Nous pouuons icy commencer nostre an 1398 à ma mode, comme l'on pourra tantost veoir.

L'Empereur Vaincelant à Reims, pour parlerement avec le Roy Charles sixiesme, sur l'union de l'Eglise.

sejournoient en la cité de Reims, dix tonneaux de harencs (car ce fut au temps de Quarresme) & huit cens carpes, sans les autres poissons & ordonnances. Cōsiderez quels grās fraiz furent là, lesquels le Roy de France paya tous. Quand le Roy d'Allemagne vint la premiere fois deuers le Roy de France au Palais, tous les Seigneurs, dessus-nommez, le furent querir à l'Abbaïe de Saint Remi: & l'amenerēt en grand arroy, au Palais. Quand les deux Rois s'entreurent, & rencontrèrent tout premierement, ils s'entrefirent moult grans honneurs & reuerences, car bien estoient sages & duits pour ce faire, & par especial le Roy de France, plus que le Roy d'Allemagne, car Allemans de nature sont rudes: & de gros engin: si ce n'est à prendre leur profit: mais à ce sont ils assez experts & habiles. Tous les Seigneurs de France & d'Allemagne: qui là estoient, s'entreaccointerent de parolles & de contenance moult grandement: & donna le Roy de France à disner au Roy d'Allemagne, & à tous les Allemans: & fut l'affiette de la table telle, que ie vous diray. A la table du Roy fut tout premierement assis le Patriarche de Hierusalem, le Roy d'Allemagne apres, le Roy de France le tiers, & le Roy de Nauarre le quart, & plus n'eut assis à celle table. Aux autres tables furent assis les Seigneurs & Prelats d'Allemagne: ne nuls des Seigneurs de France ne s'assirent: mais seruirent: & apporterent tous les mets, à la haute table du Roy, les Ducs de Berri & de Bourbon, le Comte de Saint-Pol, & les haux barons de France: & le Duc d'Orléans fit toutes les assiettes. Vaisselle d'or & d'argent courroit à telle largesse parmi le Palais, cōme s'elle fust toute de bois, & fut ce disner moult bien pourueu, & fait grandemēt à merueilles à recorder, & fu informé que le Roy de France donna à son cousin, le Roy d'Allemagne, toute la vaisselle d'or & d'argent, qui estoit au Palais, tant au dresseur, comme ailleurs, & tous les aornemens & paremēs de la salle & chambre du Roy d'Allemagne, ou il se retira apres disner, vin & espices pris & fut pris ce don à deux cens mille florins: & encores fut donné à tous les Allemans, qui là estoient, grans dons & beaux presens, de vaisselle d'or & d'argent. De quoy tous les Allemans & gens d'estranges nations, qui estoient venus pour veoir l'estat, s'emerveillerent & de la grande puissance qui est, & peut estre, au Royaume de France. Ces Rois sejourna en la cité de Reims, leurs Consaulx se meirēt ensemble par plusieurs fois, sur l'estat pourquoy ils estoient là venus, tant du mariage d'Orléans & de Blancquebourg, que pour le fait des Papes & de l'Eglise, & y eut entre iceux Consaulx plusieurs propos retournez. Toutesfois le mariage dessusdit fut accordé, & tout publié parmi la cité de Reims, mais, tant qu'au faict de l'Eglise & des Papes, hors du Conseil il n'en fut pour lors riens sceu, mais ce, qui accordé fut au Conseil, fut tenu secret, & se que i'en ay escrit, ie l'ay sceu depuis par les apparences. Accordé fut que Maistre Pierre d'Ailli, l'Euesque de Câbray, iroit en legation, tant de par le Roy de France que de par le Roy d'Allemagne, à Rome, deuers celui qui se nommoit & escriuoit Pape Boniface, & traitteroit deuers luy, de par les deux Rois dessus-nommez, qu'il se voulist soumettre à entendre à faire vne autre election de Pape, & si droit auoit en ce cas, il demourroit Pape, & si le cōtraire estoit veu, ne trouuē, il se deporteroit, & que celui des deux Papes, qui seroit rebelle à l'ordonnance des deux dessusdits Rois, seroit dégradé, & luy seroient clos tous droitz d'Eglise, & prendroit le Roy de France, sur luy, son fils le Roy d'Angleterre, le Roy d'Ecosse, le Roy Héry d'Espaigne, le Roy Ieā de Portugal, le Roy Charles de Nauarre, & le Roy d'Arragō, & le Roy d'Allemagne prendroit aussi sur luy son frere le Roy de Hongrie, & tout le Royaume de Boesme, & l'Allemagne, iusques en Puce, pour amener à leur volonté, & fut ordonné & appointé des deux Rois, de France & d'Allemagne, que l'Euesque de Câbray retourneroit de Rome, & sommē ce Pape de leurs intentions, ils y tourneroient leurs conioints & adherēs, & les Royaumes & païs dessusnommez, & ainsi le iurerent à faire & tenir les deux Rois, sans iamais y mettre variation, n'empeschement, & se diffinirent leurs Consaulx sur tel estat, & se departirent amiablement ces Rois & Seigneurs, & leurs Consaulx, les vns d'avec les autres, & issirent de la cité de Reims, & retourna chacun en son païs. A ces assemblées & Consaulx, qui furent en celle saison en la cité de Reims, oncques le Duc de Bourgongne ne fut, ne voulut estre, & bien auoit dit par-auant, qu'on perdoit toutes peines, & ce qu'on donnoit aux Allemans, car ia ne tiendroient riens, de chose qu'ils eussent promis, ne cōuenancē. Neārmōins, pour chose que le dit Duc dist, riens ne fut laissé à faire cōme il appert par l'ordonnāce, qui faite toute au long en fut, ainsi que vous auez ouï ci dessus recorder. Assez tost apres messire Pierre d'Ailli Euesque de Câbray, ordōna ses besongnes, & se meit au chemin, pour faire sa legation, & aller à Rome, ainsi que dit & ordonné

Festin du Roy Charles à l'Empereur Vainc-bant, avec present de deux cens mille florins, en vaisselle d'or & d'argent, & autres riches meubles

Ce qui fut accordé au Cōseil des deux Princes pour venir à l'union de l'Eglise. Il y auoit Loïs pour le Roy qui se nommoit Sigismond, comme ie pense auoir desia noté, & faudroit quād il fut fait Roy de Hongrie en raiussat l'heritiere, qu'il eust laissé son Marquisat de Blanquebourg, ou de Brandebourg, à vn sien autre frere, pour le fils duquel frere ait ci-deuant esté parlé du mariage, avec la fille d'Orléans. Autrement ie ne voy point comment Froissart se puisse accorder à s'y mesme.

ordonné estoit des Confaux & accord desdits Rois de France & d'Allemagne. Avec tout ce, le Roy de France enuoya grans messagers en Angleterre, pour veoir le Roy Richard (lequel il tenoit à fils) & sa fille: & portoient nouvelles iceux messagers, que le Roy d'Angleterre se voulist tout determiner à ce, que le Roy de France & les François auoient ordonné & accordé. Quand ces Ambassadeurs de France furent venus en Angleterre, ils furent recueillis du Roy ioyeusement, & (quand il veit l'estat, dont son grand Sire le Roy de France, luy prioit si à certes qu'il voulist fallier avecques luy, & tourner son Royaume à son opinion: parquoy il fust neutre, si estoit besoin, si ces deux Papes ne se vouloient sousmettre à leur intention: c'est assauoir des Rois de France & d'Allemagne, & leurs Confaux il en respondit tantost: & dit qu'il feroit que son Royaume & toutes ses gens feroient ce qu'il luy plairoit: & dit tout ce plainement, pour complaire aux Ambassadeurs François, qui moult se contenterent de ceste response. Apres qu'ils eurent sejourné delez le Roy, & delez la Roïne, tant que bon leur sembla, ils prirent congé du Roy & de la ieune Roïne d'Angleterre, & puis retournèrent en France par Boulogne & recorderent tout, ce qu'ils auoient veu & trouué. Si furent ces nouvelles moult plaisantes au Roy de France, & à son Conseil, & demeurerēt les choses en celuy estat vne piece. Le Roy Charles de Nauarre (qui estoit venu veoir son cousin le Roy de France, & qui bien pensoit retourner, & recouurer son héritage de Normandie, & la Comté d'Eu-
 ureux, laquelle de fait & de force le Roy de France luy auoit tollue, & detenoit: ainsi que dit & contenu est en plusieurs lieux cy-dessus en ceste Histoire) ny peut retourner, par quelque voye, ne maniere, que luy ne ses Confaux peussent dire, proposer, ne remōstrer, & quand ledit Roy de Nauarre veit qu'il perdoit sa peine, & labouroit en vain, il prit toutes ces choses en grand deplaisance, & prit congé, le plus sobrement qu'il peut, mal content du Roy de France & de son Conseil: & retourna au Royaume de Nauarre. Nous nous souffrerons à parler des Roy de France, d'Allemagne, & de Nauarre, & parlerons des autres accidens, qui auindrēt en Angleterre: dont s'ensuiuit de si grans maux, que les pareils ne sont point escripts, dits, ne remōstrez en ceste Histoire: & direz que c'est vérité, quand ie seray venu iusques là: & s'ensuit l'entree & commencement de la matiere.

Le Roy de Nauarre, estat venu veoir le Roy Charles, s'en retournant malcontent.

Comment le Comte Marechal appella de gage, à outrance, le Comte d'Erby, fils au Duc de Lancastre, en la presence du Roy & de tout son Conseil.

CHAP. XCII.

LE Roy Richard d'Angleterre auoit vne condition telle, que quand il aimoit vn homme, il le faisoit si grand & si prochain de luy, que merueilles: & nul n'osoit parler du contraire: & croioit aussi legerement ce, qu'on luy disoit & conseilloit, que Roy, qui eust esté en Angleterre, dont memoire fust de grand temps: & point ne s'exēploient ceux qui estoient en sa grace & amour, comment il en estoit mal auenu à plusieurs: ainsi comme au Duc d'Irlande (qui en fut bouté hors d'Angleterre) & à messire Simon Burle (qui par les confaux qu'il donna au Roy, fut decapité) & à messire Robert Triuilien, à messire Nicolas Brambre, à messire Iehan Valourde, & à plusieurs autres: qui conseillé l'auoient, & pour ce morts en estoient, car le Duc de Clocestre auoit mis grande peine à ceux, destruire. Or estoit il mort, ainsi que vous sauez: dont ceux qui demourez estoient delez le Roy, & qui nuit & iour le conseilloit à leur volonté, n'estoient point courroucez de sa mort, car ils supposoient que nuls n'y contrediroient. Si se fonderēt les aucuns, qui pres du Roy estoient, en grand orgueil, & tant, qu'ils ne le peurent celer, & par especial le Cōte Marechal (qui tant estoit en la grace & amour du Roy, qu'il n'y peust plus estre) & auint, que pour mieux complaire au Roy, & le flater, & donner à entendre qu'il estoit vn bō seruiteur & loyal, & secret enuers luy, ne qu'il ne pourroit ouïr ne souffrir parolle nulle, qui fust dite, pensée, ne proposée, à l'encōtre de luy, & telles parolles il dit au Roy, que il en cuidoit bien exploiter, & auoir doublement l'amour & la grace de luy: & tel se cuid de aucunes fois auancer, qui se recule, Ainsi en auint au Comte Marechal: & ie vous diray comment. Vous deuez sauoir que le Comte d'Erby & le Duc de Clocestre (qui mort estoit) auoient eu, à femmes & espouses, les deux seurs: qui filles auoient esté au Comte de Herfort & de Norhantonne, Connestable d'Angleterre: & estoient les enfans du Comte d'Erby, & du Duc de Clocestre cousins germains de par leurs meres, & aussi vn degré moins de par leurs peres. A vray dire la mort du Duc de Clocestre estoit moult déplaisante à plusieurs haux Barons d'Angleterre: & en parloient & murmuroient les aucuns souuent ensemble, & tant les auoit le Roy surmontez, que nul semblāt (pourueu

† C'est adire ne prenoient point exemple commē il en estoit mal auenu, &c.

† Ce lien est éclairci selon le sens de l'Auteur.

que le Roy le sceust) n'en osoient faire, ne monstrier, car il auoit donné à entendre, & fait semer parolles, parmi le Royaume d'Angleterre, que quiconque en releueroit iamais parolles, tant du Duc de Clocestre comme du Comte d'Arondel, il seroit réputé à faux & mauuais trahistre, & en l'indignation de luy: tellement que ces menaces en auoient fait cesser moult de peuple: ausquels les accidens, venus, estoient trop déplaisans: & ceux qui en pourroient auenir. Ce terme durant, ainsi que le Comte d'Erby & le Comte Marechal parloient ensemble de plusieurs parolles, entrerét de l'un à l'autre: tellemēt qu'ils vindrent à parler de l'estat du Roy & de son Conseil, qu'il tenoit delez luy, & croioit, & tant que le Comte Marechal happa en soy-mesme aucunes parolles, que le Comte d'Erby deult là dire, en esperance de bien, & pour parolles de fiance & de conseil: & cuidoit bien que les parolles iamais ne fussent réuelées, ne renouvelées, & furent adonc telles (non point villaines, n'outrageuses) Sainte Marie, beau cousin, quelles choses a le Roy, nostre cousin, en pensée de faire? Veut il mettre hors d'Angleterre tous les Nobles? Il n'y aura tantost nully: & monstre, tout clerement, qu'il ne veut pas l'augmentation de son Royaume. Le Comte Marechal ne respondit point à ceste parolle: mais dissimula: & la tint impetueuse trop grandement contre le Roy: & ne s'en peut taire en soy-mesme: & dit que le Comte d'Erby estoit bien accueilly de mettre vn grand trouble en Angleterre, car il estoit si bien des Londriens, que merueilles. Si fauisa(car le Diable luy entra en la teste: comment les choses tournent, ainsi qu'elles doiuent tourner & venir: n'on ne les peut écheuer, ne fuir) que ces parolles seroient si notoiremēt remonstrées deuāt le Roy, & là ou il auroit tant de Nobles en d'Angleterre, que tous en seroient ébahis, & vint assez tost apres ces parolles dites entre luy & le Comte d'Erby, deuers le Roy, & pour luy complaire & seruir à gré, il luy dit ainsi, Trescher Sire & redouté, ie suis de vostre sang, & vostre homme lige, & Marechal d'Angleterre, si suis de foy & de serment trop grandement tenu enuers vous: & ay juré, de ma main en la vostre, que ie ne doy, ne puis estre en lieu, ne place, ou on puisse riens dire, qui touche nul vice à l'encontre de vostre maiesté Royale: & là ou ie le céleroye, ou dissimuleroie, par quelconque voye que ce fust, ie seroye & deuroie estre tenu à faux, mauuais, & trahistre. Laquelle chose ie ne veux pas estre: mais moy acquiter enuers vous, en tous estats. Le Roy d'Angleterre assit son regard sur luy, & demanda, Pourquoi dites vous ces parolles, Comte Marechal? Nous le voulons sauoir. Mon trescher & redouté Seigneur (respondit le Comte) ie le dy pourtāt que ie ne veux rien souffrir, ne celer chose, qui soit préiudiciable à l'encontre de vous. Faites venir auant le Comte d'Erby, & ie parleray outre. Adonc fut appellé, de par le Roy, le Comte d'Erby: & fit leuer le Comte Marechal, qui auoit parlé à luy à deux genoux. Quand le Comte d'Erby fut venu auant (qui nul mal n'y pensoit) le Comte Marechal dit ainsi, Comte d'Erby, ie vous dy que vous auez pensé mal, & parlé autrement que vous ne deussiez, contre vostre naturel Seigneur, le Roy d'Angleterre: quand vous auez dit qu'il n'est pas digne de tenir terre, ne Royaume, quand sans loy & iustice faire, ne demander à ses hōmes, il estourbe son Royaume, & sans nul tiltre de raison met hors les vaillans hommes, qui le doiuent aider à garder & soustenir. Pourquoi ie vous presente mon gage, & vous veux prouuer de mon corps contre le vostre, que vous estes faux, mauuais, & trahistre. Le Comte d'Erby fut tout ébahi de ces parolles, & se tira arriere, & se tint tout droit vne espace, sans riens dire, ne demander au Duc son pere, n'à ses hommes, quelle chose il deuoit respondre. Quand il eut pensé vn petit, il se tira auant, & prit son chaperon en sa main, & vint deuant le Roy, & le Comte Marechal & dit, Comte Marechal, ie di que tu es faux, mauuais, & trahistre, & tout ce ie prouueray mon corps contre le tien, & voila mon gage. Le Comte Marechal (qui se veit appelé, & auoit oui les parolles, & monstroie qu'il desiroit la bataille au Comte d'Erby) respondit. Le mets vostre parolle en l'entente du Roy, & de tous les Seigneurs, qui sont ci, & vous tourneray vostre parolle en bourde, & la mienne en verité. Adonc se tira chacun des Comtes entre ses gens: & furent là perdues contenances & ordonnances de donner vin & espices, car le Roy monstra qu'il fut grandement courroucé, & se retira dedans la chambre: & là s'enclloit: & ses deux oncles demurerent dehors, & tous leurs enfans, & les Comtes de Salbery & de Hostidonne, freres du Roy. Assez tost apres, le Roy fit appeler ses deux oncles, & entrer en la chambre avecques luy. Quand ils furent venus, il leur demanda quelle chose estoit bonne à faire de ceste ordonnance. Sire faites venir vostre Conneftable, & nous le vous dirons. Le Conneftable d'Angleterre, Comte de Rostellant, fut tantost enuoyé

Nous auons amendé ce passage selō le sens de l'Auteur, y ayant par auāt ainsi. Lesquel les il print pour parolles de deffiance & de conseil, &c.

Le Comte Marechal d'Angleterre accuse le Comte d'Erby de trahison, enuers le Roy Richard qui les reçoit tous deux à gage de bataille.

enuoyé querir: & luy venu en la chābre du Roy, on luy dit, Conneſtable, allez dehors, & parlez au Côte d'Erby & au Côte Mareſchal, & les faites obliger que hors du Royaume d'Angl. ſans le cōgé du Roy, ils ne ſ'en iroint. Le Cōneſtable fit ce, dōt il eſtoit chargé: & puis ſ'en retourna en la chambre du Roy. Vous devez croire & ſauoir que toute la court pour la iournée, fut grandement troublée, & moult des Seigneurs, Barōs, & Cheualiers, courroucez de ceſte auenture: & grandement en ſecret blaſmoiēt le Comte Mareſchal: mais ce, qu'il auoit dit, il ne pouuoit retraire: & monſtroit, par ſemblant, qu'il n'en faiſoit compte: tant eſtoit de cuer orgueilleux & preſomptueux. Or ſe departirent ces Seigneurs: & alla chacun en ſon lieu. Le Duc de Lancaſtre (quelque ſéblant qu'il monſtraſt eſtoit fort courroucé de ces parolles: & luy eſtoit auis que le Roy ne les deuſt pas auoir recueillies en la forme & maniere qu'il fit, mais tournées à neant: & ainſi eſtoit il auis à la plus ſaine partie des barōs d'Angl. Le Comte d'Erbi ſ'en vint demourer à Londres, & tenir ſon eſtat (car il y auoit ſon hoſtel) & furent pour luy pleiges le Duc de Lancaſtre ſon pere, le Duc d'Iorch, ſon oncle, le Comte de Northombellande, & moult de haux Barons d'Angleterre, car il y eſtoit bien aimé. Le Comte Mareſchal fut enuoyé au chateau de Londres (qu'on dit la tour) & là tint ſon eſtat: & ſe pourueurent ces deux Seigneurs grandement de ce, que pour le champ appartenoit: & enuoya le Comte d'Erbi, grans meſſagers en Lombardie, deuers le Duc de Millan, meſſire Galeas, pour auoir armes à ſon point, & à ſa volonté. Ledit Duc descendit moult ioyeuſement à la priere du Comte d'Erbi, & meit à choiſ vn Cheualier (qui ſe nommoit meſſire François, & que le Comte d'Erbi auoit là enuoyé) de toutes ſes armes, pour ſeruir ledit Comte, Auecques tout ce (quand le Cheualier, deſſus-nommé, eut auſé & choſi, par toutes les armes, tant de plates que de mailles, du Seigneur de Milan) ledit Seigneur de Milan, d'abondant, & pour faire plaſir & amour au Côte d'Erby, ordonna quatre les meilleurs ouuriers, armeuriers, qui fuſſent en Lōbardie, pour aller en Angl. avec ledit Cheualier, pour entēdre à armer à ſon point le côte d'Erbi. Le côte Mareſchal, d'autre part, enuoya auſſi en Allemagne, & là ou il penſoit eſtre aidé & recourré de ſes amis, & ſe pouruoioit auſſi moult grandement pour tenir ſa iournée, & couſta à ces deux Seigneurs celuy eſtat à mettre ſus, grandement (car tous deux ſ'efforçoiēt l'un pour l'autre) & par eſpecial trop plus couſterent les miſes & pourſuites, à mettre ſus, du coſté au Comte d'Erbi, que du Comte Mareſchal, & vous di que le Comte Mareſchal (quand il entreprit & commença celle beſongne) cuidoit trop mieux eſtre porté & conforté, & aidé du Roy d'Angleterre, qu'il ne fut, car il fut dit au Roy, par ceux, qui de luy plus preſ eſtoient, Sire, vous n'avez que faire de vous entremettre de ceſte beſongne, trop auant. Diſſimulez, & les laiſſez conuenir. Ils ſe cheuiront bien. Le Comte d'Erbi eſt tant aimé en ce païs, que merueilles, & par eſpecial des Londriens, & ſi les Londriens vcoient que vous vouſſiez partie faire avec le Comte Mareſchal contre le Côte d'Erbi, vous ne ſeriez pas bien en leur grace & amour: mais la perdriez de tous points. Le Roy d'Anglet. entendit aſſez ces parolles, & ſauoit biē qu'on luy diſoit verité. Si ſe diſſimuloit, tāt qu'il pouuoit, & les laiſſoit pourueoir chacun en ſon eſtat. Grandes nouuelles furent, en pluſieurs contrees. de ces deſſiances d'armes, qui eſtoient entrepriſes en Angleterre entre le côté d'Erbi & le comte Mareſchal, & les faits d'armes iuſques à outrance, deuant le Roy & les haux Barons d'Angleterre, & moult de gens en parloient en pluſieurs manieres. Aucuns diſoiēt, & par eſpecial en France, Qu'on les laiſſe faire. Ces Cheualiers d'Angleterre ſont trop orgueilleux, & (combien qu'ils attendent) ils deſtruiront encores tous l'un l'autre, car c'eſt la plus peruerſe nation, qui ſoit au monde, de deſſous le ſoleil, & là dedans demeurent & habitēt les plus preſomptueux peuples, qui ſoient. Mais autres gens diſoient (qui parloient plus ſeulement) Le Roy d'Angleterre ne monſtre pas eſtre ſage, ne bien conſeillé, quand pour parolles, ou il n'appartient nulles armes faire, il laiſſe ainſi entrer, l'un ſur l'autre, en haine, deux ſi hauts & nobles hommes, de ſon ſang & lignage, comme le Comte d'Erbi, ſon couſin germain, & le Comte Mareſchal, & deuſt, ſelon l'auis & parolles de moult de gens, auoir dit, quand les parolles vindrent premierement deuant luy. Vous, Comte d'Erbi, & vous, Comte Mareſchal, vous eſtes tous deux de mon ſang & lignage, & auſſi moult prochains. A tous deux enſemble ie vous commande paix, & ne veux que nulle haine, ne rancune, ſ'engendre, ne nourriſſe, entre vous deux, mais ſoyez amis & couſins enſemble, & ſil vous ennuye en ce pays à ſeiourner, allez en eſtrange contrée ſoit au Royaume de Hongrie, ou ailleurs) querir les armes, & les auentures. Si le

Deſenſe au Côte d'Erby et au Côte Mareſchal de ne partir hors d'Angl. ſans le cōgé du Roy.

Pourueances des côtes d'Erbi & Mareſchal, pour leur combat à outrance.

Parolles & opinions de pluſieurs perſonnages de France ſur l'entrepriſe du combat deſſus dit.

*secrets propos
du Duc de Lan-
castre, sur le
mauvais conseil
du roy Richard
son neveu.*

*† Il entend par
la diuision du
Roy Philippe de
Valois avec Ro-
bert d'Artois,
et du Roy Char-
les de Navarre
avecques le Roy
Jehan & Char-
les son fils.*

*Bonnes paroles
des Londriens
au Comte d'Er-
bi, attendant le
iour de son com-
bat.*

Roy d'Angleterre eust dit ces parolles, & mis auant, pour appaiser ces deux Seigneurs par ce moyen il eust ouuré sagement, au dit de toutes gens. Vous deuez sauoir que le Duc de Lancastre, estoit moult courroucé & melancolieux, de ce qu'il veoit ainsi le Roy d'Angleterre son neveu, mal vser de plusieurs choses: & ne sauoit à qui s'en adrecer: & si consideroit bien le temps auenir (comme sage & imaginatif qu'il estoit) & disoit aucunes fois à ceux, à qui il se confioit de parolle le plus. Nostre neveu, le Roy d'Angleterre, honnira tout, auant qu'il cesse. Il croit legerement mauuais conseil: qui le destruira, & son Royaume aussi. Il perdra (si luy vit longuement) simplement, & à petit d'armes faire, tout ce, qui a tant cousté de peine & de traual à noz predécesseurs, à nous aussi. Il laisse & souffre engendrer haines en ce Royaume, entre les Nobles & les grans Seigneurs: desquels il deuroit estre seruy & honoré, & le pays gardé & douté. Il a fait mourir mon frere (c'est chose, qui est toute notoire) & le Côte d'Arondel: pourtât qu'ils luy montroient verité: laquelle il ne veut point ouir, ne parler à homme, qui bien luy vueille dire ou enseigner, fors sa volonté. Il ne peut mieux destruire son Royaume, que d'y mettre trouble & haine entre les Nobles & bonnes-villes. François sont trop subtils. Pour vn mal & mechef, qui nous vient, ils voudroient qu'il nous en veinist dix, car autrement ne peuuent ils recouurer leurs dommages, ne venir à leurs ententes, fors que par nous mesmes, & on veoit tout clerement, tous les iours, que tous Royaumes, qui d'eux-mesmes se deuissent, sont desolez & destruits. On l'a veu par le Royaume de Frâce, d'Espaigne, & de Naples, & par la terre de l'Eglise: & veoit on encores tous les iours, par le fait des Papes, toute leur destruction. De rechef on l'a veu par le pais de Flandres, & commēt d'eux mesmes ils se sont destruits. On le voit aussi presentement par le Royaume de Frise: lequel noz cousins de Hainaut ont enchargé en guerre. Comment aussi les François d'eux-mesmes se sont destruits, aussi de nous mesmes (se Dieu n'y pourroit) nous nous destruirōs. On en veoit trop grandement les apparences. Or consent le Roy, & souffre, que mon fils & mon héritier (& plus d'autres n'ay de mon costé) se combatte pour petit de chose. Moy, qui suis son pere, n'en daigne parler, pour l'honneur de moy, & de mon fils aussi, car mon fils a bien corps de Cheualier, pour entrer en armes contre le Côte Marechal, & toute fois, au mieux prendre, iamaïs ils ne s'entr'aimeront si bien, comme ils faisoient par deuant. Ainsi, & par telle maniere, en parloit le Duc de Lancastre. Ce terme pendant, que ces deux Seigneurs se pourueoient, les Côtes d'Erbi & Marechal, pour armes faire iusques à outrance (comme dessus est deuisé) onc le Duc de Lancastre n'alla deuers le Roy & aussi peu fut il deuers son fils: & faisoit tout ce par grand sens, car bien sauoit le Duc, que son fils estoit tant aimé en Angleterre, que merueilles, des Nobles & de toutes gēs, & par especial des Londriens: lesquels luy promettoient, & disoient ainsi, Monseig. d'Erby, foyez tout conforté que de ceste emprise (comment que la besongne se tourne) vous en iustrez à vostre honneur: vueille le Roy ou non, & tous les marmoufets, car nous sauōs biē comment les choses se portēt, & ce que fait en est, car c'est matiere pourueue, & couuée par enuie, pour vous mettre hors de ce pays: pourtant qu'on veoit, & sent, que vous estes bien aimé de tous & de toutes, & si conuenoit que vous en faillissiez en trouble, vous y rentrieriez en ioye, car mieux y deuez estre, que ne fait Richard de Bordeaux: & qui voudroit aller iusques au parfond, & biē sentir & cognoistre dont vous venez & il vient aussi on voustrouueroit plus-prochain de l'héritage & couronne d'Angleterre, qu'on ne deueroit faire Richard de Bordeaux, nō obstant que nous luy ayōs fait foy & hōmage, & le teniōs, & ayons tenu, plus de vingt ans à Roy, mais ce fut par faueur & pourchas de vostre ayeul, le Roy Edouard de bonne memoire: qui se douta bien de ce point, lequel nous vous mettōs auant, & vne fois en fut question & grand parolle entre le Roy Edouard, vostre ayeul de par vostre pere, & entre vostre tayeul de par vostre mere, madame Blanche de Lancastre: mais les Seigneurs d'Angleterre, qui pour lors regnoient, allerent entre-deux: & furent appelez, car le Roy Edouard fut si vaillant hōme, & biē heureux de toutes ses emprises, qu'il auoit l'amour de tout son peuple, francs & villains, & aussi vostre ayeul de Lancastre ne luy vouloit, ne demādoit, que tout bien, & seruit en son tēps si loyaumēt le Roy, & le Royaume d'Angl. qu'encores en est il à recōmander, & tous ceux, qui le veirent & congurent, ou qui en ont ouy parler, l'appellent leur pere ancien, & predécesseur & toutes ces choses pourront encores si grandement retourner deuant les yeux du Roy Richard, qu'il s'en repentira (si faire le pouuoit, ou loisir en auoit) de ce qu'autrement il ne s'est gouuerné. Ainsi, & telles parolles, sur forme d'amour, remonstroient les Londriens & autres

& autres nobles d'Angleterre, au comte d'Erby: lequel les receuoit toutes en bien, & leur en fauoit bon gré: & se pourueoit, & ordonoit tousiours, de ce qu'appartenoit à faire gage de bataille, & prioit ses amis, parmi le Royaume d'Angleterre, moult doucemēt qu'ils se voufissent tant traualier, de venir, & estre à sa iournée, lesquels s'ordonnoient à la priere dudit comte tresgrandement. Vous deuez fauoir que le Roy Richard d'Angleterre (qui souffert auoit ces appeaux & gage de bataille, deuant luy, du comte d'Erby & du comte Mareschal) eut, ce temps pendant que les armes se deuoient faire, mainte imagination, à fauoir comment il se maintiendroir, & s'il laisseroit cōbattre ou nō, & non obstant qu'il fust Roy d'Angleterre, & plus douré que iamais n'auoit esté Roy, si se faisoit il garder, de iour & de nuit, à deux mille Archers (lesquels estoient toutes les semaines biē payez de leurs gages) & ne se confioit point le Roy en ses plus prochains de sang & de lignage, fors en son frere le Comte de Hostidonne, & es comtes de Salleberi & de Rostellant, son cousin germain, fils au Duc d'Iorch: qui estoit assez en grace: mais de tout le demourant il ne faisoit compte: fors d'aucuns Cheualiers de la chambre, qui le conseilloyent. Quand la iournée approcha, que les deux Seigneurs, dessus-nommez, deuoient faire les armes en la forme & maniere que conuenancé l'auoient, & de ceils estoient tous pourueus, & n'attendoient autre chose, sinon qu'on les meist ensemble, il fut vn iour, qu'on demanda au Roy Richard d'Angleterre, en grand secret & especialité de conseil, Sire, quelle est vostre intention de la deffiance, entreprise entre ces deux Seigneurs cousins, le Comte d'Erby & le Comte Mareschal? Les laisserez vous conuenir? Ouy, dit le Roy. Pourquoi non? Le vueil veoir les armes, & le proces. L'espere que de leger nous pourrons fauoir, par leurs armes, telles choses, que pas ne sauons, & qui nous sont tresnecessaires à fauoir: à fin que nous soyons au dessus de noz besongnes, car il n'y a si grand en Angleterre (s'il me courrouce) qu'il ne l'amende grandement, car si ie me laisse aucunement soumettre de mes sugets, ils domineroient dessus moy: & say de vray, & de certain, que ceux de mon sang ont eu, iusques ci, plusieurs Consaux & secrets traitez sur moy & mon estat, & le plus grand & perilleux de tous, ce fut le Duc de Glocestre, car de luy en toute Angleterre n'auoit pire teste. Or en est paix. D'oresnauant ie me cheuiray bien du demourant. Mais ie vous prie, dites moy pourquoi vous mettez telles parolles auant? Sire nous le vous dirons, respondirent ceux, qui parloient à luy. Nous vous auons à conseiller loyaument: & nous oyons & entendons aucunes fois, & souuent auons ouy & entendu, telle chose dire & parler, que vous ne pouuez ouyr, n'entēdre, car vous estes en voz chambres: & nous sommes sur les champs, ou à Londres: là ou on compte & parle de plusieurs choses: qui trop grandement vous pourroient toucher, & nous aussi. Il est biē encores heure d'y pourueoir. Si y pouruoyez sans nulle faute. Nous vous le conseillons pour bien. Et comment? dit le Roy. Parlez outre: & ne m'epargnez point. car ie veux faire & ouurer toutes choses de raison, & tenir iustice en mon Royaume, en ce que ie seray cōseillé. Sire (dirēt ceux, qui parloient à luy) commune renommée court parmi Angleterre, & par especial en la cité de Londres (qui est la souueraine, & chef de tout le Royaume) que vous estes cause de ce fait, & que vous avez fait tirer auant le comte Mareschal, pour combattre le comte d'Erby: & dient les Londriens generalement, & moult des Nobles & Prelats de ce pays, que vous allez le droit chemin pour destruire vostre lignage, & le Royaume d'Angleterre: lesquelles choses ne vous serōt point souffertes, & si les Lōdriens s'eleuēt contre vous avec les Nobles, qui ira au deuāt? Vous n'avez nulle puissance, s'elle ne vient de voz hōmes, & encores derechef, plus qu'oncquesmais, il y a vne grande suspicion, & perilleuse: pour cause de ce que par mariage vous estes allié au Roy de France: de laquelle chose vous en estes moins aimé de voz gens, & sachez que si vous faictes ces deux Comtes venir en armes l'un contre l'autre, vous ne ferez pas Sire de la place: mais le seront les Londriens, avec grands alliances des Nobles, lesquels ils ont en ce pays, & tous ont amour & faueur au Côte d'Erby, & tant est encheu en grande haine le Comte Mareschal de toutes gens, & par especial des Londriens, qu'il gist en si dur & mauuais parti, qu'on le voudroit auoir occis, aux auētures du païs, & diēt les trois parts du peuple en Angleterre, qu'au iour que vous ouistes les parolles, en vostre presence du côte Mareschal à l'encōtre du côte d'Erby, vous y deussiez autremēt estre porté, q̄ vous ne fistes, & deussiez les auoir abatues & brisées, & dit ainsi. Vous estes tous deux mes cousins & mes hōmes. Ie vous commande paix de ci en auant. Et deussiez auoir pris par la main le Comte d'Erby, & mené avecques vous en vostre chambre, & mōstré tout sem-

Le Roy d'Angleterre, contre sa deliberation cōseillé de ne laisser cōbattre le Comte d'Erby & le Comte Mareschal.

blant d'amour, & pource que riens n'en fistes, court cōmune renommée parmi Angleterre, que vous portez trop forte partie pour le Comte Mareschal à l'encontre du Comte d'Erby, & confidez les parolles, que nous vous disons, car elles sont veritables, & n'eustes iamais si bon mestier d'amour, & d'auoir bon conseil, que vous auez presentement. Quand le Roy entendit ces parolles, si mua couleur (car ceux, qui parloient à luy, luy remonstroient si viuement & à certes, que nul ne sauoit dire du contraire) & se tourna d'autre part, & puis se vint appuyer sus vne fenestre, & là pensa & musa vne espace, & quand il se retourna deuers ceux, qui parlé auoient avecques luy sur la forme que dessus est dite (iceux Conseillers estoient l'Archeuesque d'Iorch, les Comtes de Salleberi, & de Hostidonne, son frere, & trois autres Cheualiers de sa chambre) il parla, & dit ainsi, Je vous ay bien ouis, & entendus, & si ie vouloie issir hors de vostre conseil, ie mefferoie. Confirez & regardez quelle chose est bonne que ie face. Sire, respondirent ils par l'un d'eux pour tous) la matiere est si tresfort perilleuse, dont nous vous auons parlé, que trop grandement il vous faut dissimuler, & briser de ces besongnes, si vous en voulez partir à vostre honneur & par toute paix, & vous deuez la generalité de vostre Royaume, dont vous vinez, mieux entretenir, que les parolles oiseuses de deux Cheualiers. Mais, tant qu'à la voix du Royaume d'Angleterre, le Comte Mareschal s'est trop grandement forfait, & à renouuellé trop choses mauuaises (& se renouellent encores tous les iours, & le pays sent & note toutes ces parolles) quand pour oiseuses parolles, qui riens ne valent, il veut faire vn grand proces à l'encontre du comte d'Erby, & émouuoir tout le pais, & mettre tout en trouble. Il faut tout premier, qu'il le compare, & le comte d'Erby en demourra quitte. Nous auons auisé & regardé pour le meilleur, sans ce que point ils s'arment, ne voient l'un l'autre, que vous enuoyerez deuers eux: & les ferez obliger que de ce faict &

*Auis du conseil
du Roy Richard
pour rompre la
querelle & le
cōbat du Côte
d'Erby & du
Côte Mareschal*

entreprise ils vous croiront, & feront ce que vous en ordonnerez & direz, & eux obligiez à tenir vostre ordonnance, vous direz ainsi par sentence, que dedans quinze iours le Côte Mareschal s'ordonne à ce qu'il vuide hors d'Angleterre, sans iamais y retourner, n'auoir espoir d'y retourner, & le comte d'Erby pareillement vuide hors d'Angleterre, comme banni, dix ans, & quand ce viendra sur le departement de la terre dudit comte d'Erby, pour complaire au peuple, vous luy relascherez la peine de quatre ans, & ainsi en demourront fix ans, & de celà vous neluy ferez nulle grace. Cest le conseil, que nous vous donnons: mais gardez vous que nullement vous ne les mettez en armes l'un deuant l'autre, car tous maux en pourroient venir & ensuiuir. Le Roy d'Angleterre pensa vn petit, & dit. Vous me conseillez loyaument: & aussi feray-je vostre conseil.

Comment le Roy Richard d'Angleterre rendit sa sentence, par laquelle il bannit d'Angleterre le Comte d'Erby iusques à dix ans, & le Comte Mareschal à iamais.

CHAPITRE XCII.

NE demoura gueres de temps, apres ces parolles remonstrées au Roy sur le faict & forme que vous auez ouy, que le Roy assembla grand nombre de Prelats & haux barons d'Angleterre, & les fit venir à Elten. Quand ils furēt tous venus, par le conseil, qu'il eut, il meit ses deux oncles delez luy (les Ducs de Lancastre & d'Iorch) les Comtes de Northombellande, de Salbery, de Hostidonne, & les plus grans de son Royaume, lesquels estoient là pour la iournée: & aussi y auoient esté mandez le Comte d'Erby & le Côte Mareschal: qui y estoient venus: & auoient chacun sa chambre & ordonnance, car point n'estoit ordonné qu'ils fussent l'un deuant l'autre. Le Roy monstra qu'il vouloit estre moyen entre eux, & que moult fort luy déplaisoient les parolles, qui faites & dites auoient esté, si grandes, que point ne faisoient à pardonner legérement. Si vouloit que de tous points ils se sousmeissent à son ordonnance, & ordonna là au Connestable d'Angleterre, & à quatre haux Barons, qu'ils allassent deuers le Comte d'Erby & le Comte Mareschal, & les fissent obliger, pour tenir tout ce, que il en ordonneroit & diroit. Les dessus-nommez vindrent deuers les deux Comtes & leur remonstrerent la parolle du Roy: & comment le Roy vouloit ceste chose entreprendre sur luy, Tous deux s'obligerent, & accorderent à tenir ce, que le Roy en ordonneroit, en la presence de ceux, qui là estoient. Adonc dit le Roy, Iedy, & ordonne, que le Côte Mareschal (pour la cause qu'il a mis ce pais en trouble, & emeu & élevé parolles, dont il n'est congnoissance, fors par ce qu'il a donné à entendre) ordonne ses besongnes, & vuide le Royaume d'Angl. (& quiere place & terre, ou mieux luy plaira, pour demourer) & en soit bāny par telle maniere, que

*Sentence du Roy
Richard sur la
querelle du Côte
d'Erby &
du Comte Ma-
reschal, en la
presence des
plus grans Pre-
lats & Barons
de son Royaume*

iamais

iamais n'ait esperance d'y retourner. Apres ie dy, & ordonne, que le Comte d'Erby, nostre cousin (pour la cause de ce qu'il nous a courroucé, & qu'il est cause, en aucune maniere, de ce peché & condamnation du Comte Marechal) l'ordonne à ce, que dedans quinze iours il vuide le Royaume d'Angleterre, & voise querir & elire place, là ou il luy plaira: & soit banny, de nostredit Royaume d'Angleterre, le terme de dix ans, sans point y retourner, si nous ne le rappelons: mais, tant qu'à luy, nous mettons nostre grace & rappel, ou relaxation, toutesfois & quantes, que bon nous semblera & plaira. Ceste sentence contenta assez les Seigneurs, qui là estoient: & dirent ainsi. Monseigneur d'Erby pourra bien aller iouer & ebatre hors de ce Royaume deux ou trois ans. Il est ieune: & non obstant qu'il ayt assez trauaillé en allant en Puce, & au S. sepulchre, au Quaire, & à Sainte Katherine, il prendra autres voyages pour oublier le temps. Il saura bien ou aller. Veez là ses sœurs. L'une est Royne d'Espagne, & l'autre de Portugal. Si pourra moult legèrement passer le temps delez elles: & le verront tous Seigneurs, Cheualiers & Escuyers desdits Royaumes moult volontiers: & aussi pour le present les armes y sont moult refroidies. Luy venu en Espagne (car il est de grande volonté) il les emouuera, & mettra sus, & se pourra faire vn voyage en Grenade, ou sur les mécreans: parquoy il employera mieux son temps, que de sejourner en Angleterre: ou il pourra aller en Hainaut, delez son frere † & son cousin le Comte d'Ostrenant, qui le recueillira à grande ioye, & qui le tiédra delez luy, & employera (car il a guerre aux Frisons) & si est en Hainaut, il orra souuent des nouvelles de son pays & de ses enfans. Ainsi, il ne peut que bien aller (quelque part qu'il voise) & le rappellera vn de ces iours le Roy d'Angleterre, par les bons moyens qui s'en ensuyuront, car c'est la plus belle fleur de tout son chapeau. Si n'a que faire de trop s'elongner: si veut auoir l'amour, & la grace de son peuple. Mais le Comte Marechal à trop dur party, car on luy a baillé hautement sa peine, sans nulle esperance auoir de iamais ne retourner en Angleterre, & au vray dire, bien là defferuy, car tous ces mechefs sont auenus par luy, & par ses parolles. Si fault qu'il le compare: Ainsi parloient & deuisoient plusieurs Cheualiers d'Angleterre, les vns avecques les autres, au iour que le iugement fut rendu entre le Comte d'Erby & le Comte Marechal, par la bouche du Roy, & non par autre.

† Il faut qu'il
le prenne pour
frere d'armes

Comment le Comte d'Erby, apres son bannissement donné, se partit d'Angleterre & de la ville de Londres, pour venir en France, & aussi le Comte Marechal (qui banny estoit à tousiours) s'en alla en Flandres, & de là en Lombardie. CHAP. XCIIII.

Q Vand les deux Comtes, dessus-nommez, seurent leur fin, & la sentence que le Roy auoit rendue & donnée sus eux, si furent tous pensifs, & à bonne cause, & moult se repentoit le Comte Marechal de ce que dit & fait auoit: mais il n'y pouuoit pourueoir, & quand il commença la noise, il pensoit autrement estre aidé & soustenu du Roy qu'il ne fut, car s'il eust sceu en isir par tel parti, il eust encores à commencer. Or conuint que il se deliberaist sur ce, qu'ordonné luy estoit. Si ordonna ses besongnes, & fit ses finances prendre aux Lombards à Bruges. Puis se departit d'Angleterre, & vint à Calais (dont il auoit esté par auant Capitaine & Gouverneur) & prit là aucunes besongnes, qu'il auoit encores laissées derriere, & prit congé des Bourgeois de la cité de Calais. Au departement, il auoit ordonné son chemin, tout tel qu'il tiendroit, & ne voulut aller en France, n'en Hainaut (car il n'y auoit que faire) mais vint à Bruges (& fut là enuiron quinze iours & de Bruges, à Gand, à Malines, & finalement à Coulongne. Nous nous souffrerons à parler de luy, & parlerons du Comte d'Erby, qui pareillement s'ordonna, pour aller hors d'Angleterre, ainsi que dit & sentencié estoit par le Roy. Quand le terme, auquel il deut partir, s'approcha, il vint à Elten, deuers le Roy, ou estoient son pere & son oncle le Duc d'Iorch, & estoient en sa compagnie le Comte de Northombellande, & son fils messire Henry de Persi, & grand nombre de Cheualiers & Escuyers d'Angleterre, qui moult l'aimoient, & courrouce de ceste fortune estoient, qu'il conuenoit qu'il vuidast le pays, & la greigneur partie des Seigneurs estoient allez avecques ledit Comte, pour fauoir la diffinitive intentiō du Roy. A la venue de ces Seigneurs le Roy d'Angleterre se réiouit bien grandement, par semblant, & leur fit tresbonne chere, & fut la court grāde à leur venue, & là furent le Comte de Salbery & le Comte de Hostidonné, frere du Roy, & qui auoit à femme la fille au Duc de Lāclastre, & sœur au Comte d'Erby, & se tirerēt ces deux Seigneurs dessus-nommez (ie ne say si ce fut par dissimulation, ou autrement) delez

Depart du côté
Marechal hors
d'Angl. & de
Calais suivant
la sentence du
Roy Richard.

*Le bannissement
du Comte d'Erby
modéré à six
ans par le Roy
Richard, pre-
nant le Comte
congé de luy,
pour partir hors
d'Anglet. se-
lon la sentence
susdite.*

le Comte d'Erby. Quand ce vint au cōgé prédre, le Roy d'Angleterre s'humilia par semblant, moult grandement, deuers son cousin: & luy dit, Si Dieu luy pleust aider, que les parolles, qui ainsi auoient esté entre luy & le Comte Mareschal, luy déplaissent grande ment: & ce que fait & dit auoit, c'estoit pour le meilleur, & pour appaïser le peuple: qui moult auoit murmuré sur ceste matiere. Et pource considerez raison (dit il au Côte d'Erby) & à fin que vous ayez allegeance de vostre peine, ie vous relasche la taxation, faite de dix ans à six ans. Si vous auisez, & ordonnez sur ce. Le Comte respondit, Monseigneur, ie vous remercie. Encores me ferez vous bien plus grande grace, quand il vous plaira, Tous les Seigneurs, qui là estoient, se contenterent assez du Roy, pour celle fois (car il les recueillit assez doucement) & se departirent du Roy: & s'en retournerent les aucuns à Londres, avec le Comte d'Erby, Toutes les ordonnances, lesquelles appartenoient au Comte d'Erby, estoient toutes prestes, & enuoyées à Douures, pour passer outre à Calais, Le Comte d'Erby, estant à Londres, fut conseillé du Duc de Lâclastre son pere, que luy venu à Calais, il ne prist nul autre chemin, mais s'en allast tout droit deuers le Roy de France, & ses cousins les Seigneurs de France, car par eux pouuoit il auoir plus d'adrecs, de conseil, & de cōfort, q̄ par nuls autres, & si le Duc son pere ne luy eust dit si expressement, en amour & en conseil: ainsi que le pere, au besoing, en amour conseille & conforte le fils) il s'en fust allé tout droit en Hainaut, deuers le Comte d'Ostrenant son frere & cousin, Quand le Comte d'Erby monta à cheual, & il se departit de Londres, plus de

*Regrets des Lō-
driens sur le de-
part du Comte
d'Erby.*

quarante mille hommes estoient sur les rues: qui crioient & ploroient apres luy, si piteusement, que c'estoit grande pitié de les veoir, & disoient, Haa, gētil Comte d'Erby, nous laisserez vous donc? Iamais ce pays n'aura bien ne ioye, iusques à ce qu'y soyez retourné mais les iours du retour sont trop lōgs. Par enuie, cautelle, & trahison, on vo' met hors de ce Royaume, ou deuriez mieux demourer, que nuls autres, car vous estes de si noble extraction & gentil sang, que dessus vous nuls autres ne s'accomparent. Et pourquoy nous laissez vous, gentil Comte d'Erby? Vous ne fistes, ne pensastes oncques, mal, ne faire, ou le penser, vous ne sauriez. Ainsi parloient hommes & femmes, si piteusement, que c'estoit douleur à veoir. Le Côte d'Erby ne fut pas conuoyé, n'accompagné, à trompettes n'instrumens de la ville, mais en pleurs & en lamentations, & les aucuns disoient en secret, Considérez l'ordonnance de ce peuple, comment il se demaine en grande déplaissance, de petite achoison. Qui voudroit emouuoir ce peuple Londrien contre le Roy, il seroit bien tost cōseillé de faire, & dire de fait, q̄ le Roy s'en allast pourchacer autre part, & que le côte d'Erby leur demourra: mais il n'est pas heure, puis que Môseig. de Lanclastre son pere s'en passe, il nous en faut passer aussi. Le Maire de Londres (qui pour le temps estoit) & grand nombre des plus notables Bourgeois de Londres firent compaignie au departement du Comte d'Erby, & cheuaucherent les plusieurs avecques luy iusques à Dade-forde, & outre, & aucuns iusques à Douures, & tant qu'il fust entré au vaisseau (qui le mena iusques à Calais, & tout son estat) & puis ceux, qui conuoyé l'auoient, retournerent en leurs lieux. Le Comte d'Erby, auant qu'il allast à Calais, auoit enuoyé vn sien Cheualier, & Heraut deuers le Roy de France & son frere le Duc d'Orleans, & leurs oncles les Ducs de Berry, de Bourgongne, & de Bourbon, pour sauoir s'il luy plaisoit qu'il veinst tenir son estat à Paris, en bien payant par tout, ce que ses gens prendroient, & s'il y seroit receu. A ceste requeste & priere s'enclinerent assez légèrement, & bien volontiers, le Roy de France & ses oncles, & monstrent par semblant, que de sa venue ils auroient tresgrande ioye, & leur déplaistoit grandement (ainsi qu'ils dirēt audit Cheualier) des ennuis du Comte, que pour le present il auoit à porter, & retournerent si à point ceux, qui ce message auoient apporté, qu'ils trouuerēt le Comte d'Erby à Calais, & avecques eux le Roy enuoya messire Charles de Hangers, pour faire ouuir citez & bonnes villes aux Anglois, tout leur chemin venant à Paris. Si se departit ledit Comte d'Erby en bon arroy (ainsi qu'à son estat appartenoit) & prit le chemin d'Amiens, & par toutes les villes de France ils estoient moult bien recueillis.

*Retraite du
comte d'Erby
de Calais en
France.*

*Comment messire Guillaume, Comte d'Ostrenant, enuoya deuers le Comte d'Erby ses messagers,
& comment le Comte d'Erby vint & fut receu à Paris.* C H A P . . . X C V .

Si tost que messire Guillaume d'Ostrenant (qui se tenoit au Quesnoy) sceut que le Côte d'Erby, son cousin, auoit passé la mer, & estoit venu à Calais, il ordonna messire Ancel de Traffaguies & messire Fierabras de Vertain, ses Cheualiers, qui cheuaucherent vers

vers Calais, pour aller querir ledit Comte, & luy prier qu'il se voufist venir ébatre en Hainaut, & là demourer, & qu'il luy feroit grand chere, car il luy feroit tresgrand plaisir, & à la Comtesse d'Ostrenant sa femme, Les deux Cheualiers, au cōmandement du Côte, se departirent du Quesnoy : & cheuaucherent vers Câbray & Bapaumes : car nouuelles leur vindrent que le Côte d'Erby estoit parti de Calais, & auoit pris le chemin pour aller à la cité d'Amiens, & de là à Paris. Si auiserent les deux Cheualiers, dessus nommez, sur ce, & cheuaucherent au deuant : & firent tant par leur exploit, qu'ils trouuerent le Comte d'Erby, & sa route. Ils parlerent à luy : & firent leur message bien & à point, ainsi que chargez estoient de faire, tellement que le Côte d'Erby les remercia, & aussi son cousin de Hainaut, qui là les éuoyoit : & s'excusa, en disant que pour le present il l'ordōnoit pour aller en France, deuers le Roy & ses cousins de France : mais pas ne renonçoit à l'amour & courtoisie, que son cousin d'Ostrenant luy presentoit. Ce message fait, les deux cheualiers prirent cōgé dudit Côte : & retournerent en Hainaut, recorder au Côte d'Ostrenant ce que veu & trouué auoient, & le Côte d'Erby & sa route cheminerent tant, qu'ils approcherent de Paris. Quand les nouuelles vindrent au Roy, au Duc d'Orleans, & à leurs oncles, que le Côte d'Erby s'en venoit à Paris, si s'efforcerent les Seigneurs & leurs gēs d'eux ordonner, pour issir hors de Paris & aller à l'encontrē dudit côte : & furent les chābres de S. Pol parées trefrichement, & vuidèrent hors de Paris tous les Seig. qui adone y estoient (& le Roy demoura à l'hostel de S. Pol sur Seine) & cheuaucherent le chemin de S. Denis, & estoient tous les premiers les Ducs de Berry & d'Orleans (qui eurent la premiere rencontre) puis les Ducs de Bourgogne & de Bourbon, messire Charles, † & apres plusieurs nobles Prelats & Cheualiers : & furent, à la rencontre de ces Seigneurs, les accointances belles à veoir, & entrerent par moult belle ordonnance dedans Paris, à grande ioye. Mais là auint vn mechef, par dure auenture & fortune. Le vous diray cōmēt. Vn Escuyer : nomē Boniface, estoit mōté sur vn haut courfier : lequel n'estoit pas biē duit : & se drēça tout droit sur les piez de derriere. L'Escuyer le cuida maistrer : & le tira fort : & le cheual se laissa cheoir ea arriere. A la cheute, qu'il fit, Boniface renuerfa, & heurta, de sa teste, contre les carreaux de la chauffée : & eut toute la teste rompue. Ainsi finit Boniface : qui eut grande plainte des Seigneurs, & par especial du Duc d'Orleans, car moult l'aimoit : & aussi faisoit le Sire de Coucy, en son temps, & l'auoit mis hors de Lombardie, & amené en France. Tant exploiterent ces Seigneurs, qu'ils vindrēt en l'hostel de Saint-Pol sur Seine : là ou le Roy les attendoit : qui les recueillit doucement, & par especial le Comte d'Erby, son cousin, pour l'amour duquel ceste assemblée estoit faite. Le Comte d'Erby (comme sage & prudent, & qui des honneurs & réuerēces de cc monde fauoit grandement) s'accointa du Roy de France par bonne maniere, & tellement qu'il fut bien en grace de luy, & par grande amour donna audit Comte d'Erby sa deuise à porter, lequel Comte la prit ioyeusement, & l'en remercia. Toutes les parolles, qui furent là entre eux dites, ie ne puis sauoir, mais tout fut en bien. A celle heure, apres vin & espices, le Comte d'Erby prit congé du Roy : puis alla deuers la Royne (laquelle estoit d'autre part en ses chambres, en celuy hostel mesme) & là fut vne espace de temps, & donna moult grande reiouissance audit Comte d'Erby, & apres toutes ces choses faites, ledit Comte prit congé, pour celle heure, de la Royne de France, & vint à la place, & monta, luy & ses gens, à cheual, pour aller à son logis : & fut ledit Comte d'Erby conuoyé de tous ces Seigneurs de France, & mis en son hostel : auquel il demoura celuy soir, à souper avecques ses gens. Ainsi se porterent ses besongnes pour lors, & le tenoient les Seigneurs en parolles & ebatemens plusieurs, à fin que moins luy ennuyast : pource qu'il estoit hors de sa nation (ainsi que vous auez ouy) dont il déplaisoit ausdits Seigneurs de France : qui grandement le festoyoient. Nous nous souffrerons vn peu à parler dudit Comte d'Erby, & parlerons de l'ordonnance de l'Eglise, & des Papes, Benedic (qui se tenoit en Auignon) & Boniface, qui se tenoit à Rome.

Messagers du Comte d'Ostrenant au Comte d'Erby, pour luy offrir de-meurance au pays de Hainant,

L'honneste accueil des Princes de France vers le Comte d'Erby, arrivant à Paris,

† Le surnom de ce Charles de-faut & ne sçay par qui vous en faire la raison, ne pouuant ce propre nom estre rapporté au Duc de Bourbon car il estoit apellé Louis-

Faveur du Roy Charles au comte d'Erby.

Comment les traittez, faits à Reims entre le Roy de France & le Roy d'Allemagne sur l'union de l'Eglise, furent poursuivis, & comment l'Euesque de Cambray fut enuoyé, de par lesdits Roys, vers le Pape de Rome, pour ceste fin, & de la responce qu'il luy fit.

CHAPITRE XCVI.

Vous sauez comment le Roy d'Allemagne, le Roy de France, & les Seigneurs de l'Empire & leurs Cōsaulx, furēt en la cité de Reims, & eūrēt là entre eux plusieurs cōsaulx,

† C'est encor au
sourd'hui Fon
di, sur les mar
ches du Royau
me de Naples.

Conseil des Car
dinaux de Ro
me sur la res
ponse que feroit
le Pape Bonifa
ce à l'Euesque
de Cambray, Am
bassadeur pour
les Rois d'Al
lemagne &
de France.

Romains en
crainte de per
dre le siege Pa
pal, pour le pro
fit qu'ils eussent
perdu, & mes
mement au lu
bilé futur.

Response du pa
pe de Rome à
l'Euesque de
Cambray, Am
bassadeur vers
luy sur l'ordon
ne de l'Eglise.

secrets & traitez, & n'estoit leur intention, que pour mettre l'Eglise en vnité, car à tenir la voye, que ceux de l'Eglise tenoient, l'erreur estoit trop grande. Aussi auez ouy dire & recorder comment Maistre Pierre d'Ailly, Euesque de Cambray, fut enuoyé en legatō à Rome, pour parler au Pape Boniface. Tant exploita ledit Euesque, qu'il vint à Fondes & là trouua le Pape Boniface, auquel il monstra ses lettres de creance, de par les Rois de France & d'Allemagne. Lequel Pape les tint à bonnes: & les receipt assez benignement & doucement, avecques ledit Euesque & ià cuidoit sauoir vne partie de ce, pourquoy il estoit là venu. L'Euesque de Cambray, comme Legat, là dessus remonstra & proposa ce, pourquoy il estoit là venu. Quand le Pape Boniface l'eut entendu, & ouy sa parolle tout au long, il respondit, & dit ainsi: Que la response n'appartenoit pas seulement faire à luy, mais à tous ses freres Cardinaux, qui pourueu l'auoient de la dignité de Papalite, & quand il en auroit parlé à eux par deliberation de Conseil, il respondroit si à point, & de toutes choses on se cōtenteroit. Ceste respōse pour l'heure fust assez au Legat, Euesque de Cambray: & disna celuy iour au Palais du Pape, & aucuns Cardinaux en sa compagnie: & puis se departit de Fondes: & s'en vint à Rome. Le Pape Boniface fit assez tost apres vne conuocation & congregation de tous ses freres les Cardinaux, car de Fondes il estoit venu à Rome: & se tira au Palais, delez l'Eglise Saint Pierre. En ce consistoire ne furent fors le Pape & les Cardinaux: & là monstra ledit Pape toutes les parolles & requestes, que l'Euesque de Cambray (qui là estoit enuoyé en Legation de par les Rois de France & d'Allemagne) auoit fait: & demanda en auoir conseil, pour sauoir comment il en pourroit respondre. Là eut maint propos mis auant (car moult sembloit contraire aux Cardinaux de deffaire ce, que fait auoient: & à trop grand vitupere leur tourneroit) & fut ce Pape conseillé de respondre, & dirent ainsi, Pere Saint, pour donner au Roy de France, & à tous les adherans à son opinion, esperance d'obeir, vous dissimulerez de ce fait cy: & direz que vous obeirez bien volontiers à tout ce, que le Roy d'Allemagne, le Roy de Hongrie, & le Roy d'Angleterre vous conseilleront pour le mieux à faire: mais que celuy, qui demeure en Auignon, & qui s'escriit Benedic, & lequel le Roy de France & les François ont tenu en son opinion & erreur, se demette du nom de Papalite: & là on il plaira aux deffusdits Rois que Conclau se face, vōs vous y trouuerez volontiers, & y ferez trouuer voz freres Cardinaux. Ce conseil plut moult grandement audit Boniface, & en respondit généralement & especialemēt audit Euesque de Cambray: lequel se quitta grandement de faire son message, & ce pourquoy il estoit là venu. Quand les Romains entendirent que les Roys de France & d'Allemagne auoient enuoyé deuers le Pape Boniface vn Legat, pour luy soumettre de sa Papalite, si multiplia tantost grande murmuration parmi la cité de Rome: & se douterent fort les Romains qu'ils perdissent le siege du Pape: qui par chacun an trop leur valoit & portoit grād profit, & en tous les pardons generaux: qui deuoiēt estre dedās deux ans à venir: dōt tout profit venoit redōder en la cité de Rome, & là enuiron: & ià en attendant profit & ce pardon, ils faisoient grās pourueances, & se douterent de les perdre. Laquelle chose leur tourneroit à grand preiudice. Si s'assemblerent les plus notables hommes de Rome, & vindrent deuers leur Pape: & luy monstreient semblant d'amour, plus qu'onques mais: en luy disant, Pere Saint, vous estes vray Pape: & demourez sur l'heritage & patrimoine de l'Eglise, qui fut à Saint Pierre. Ne vous laissez nullement conseiller du contraire, que ne demourez en vostre estat & Papalite, car (quiconque soit contre vous) nous demourrons avecques vous, & exposerons noz corps & cheuances, pour deffendre & garder vostre droit. Ce Pape Boniface respondit à ce, & dit, Mes enfans, soyez tous confortez & assurez, que Pape ie demouray, & ià pour traitté ou parolles, que les Rois de France & d'Allemagne, ne leurs Consaux, aient, ie ne me soumettray à leur volonté. Ainsi se contenterent les Romains, & appaiserent, & retournerent à leurs hostels, & ne firent nul semblant de ce au Legat de France, l'Euesque de Cambray: lequel proceda tousiours auant audit Pape, & aux Cardinaux, sur l'estat dont il estoit chargé. Si m'est auis que la response de ce Pape Boniface fut tousiours telle, que quand il apperroit clerement que ce Benedic d'Auignon, se feroit soumis, il l'ordoneroit par telle maniere & party, qu'il plairoit bié à ceux, qui l'auoient enuoyé. Sur celuy estat se departit l'Euesque de Cambray, & retourna: & tant fit par ses iournées, qu'il vint en Allemagne, & trouua le Roy à Conualence: auquel il fit son message, & la respōse, telle que vous auez ouy. Le Roy d'Allemagne à ce respōdit, & dit, Euesque, vous direz tout ce, à nostre frere, & cousin, le Roy de France, & selon ce qu'il

qu'il l'ordonnera, ie m'ordonneray & feray tout mon empire ordonner: mais à ce que ie puis veoir & cognoistre, il conuient qu'il commence, & quand il aura soumis le sien, ie soumettray le nostre. Sur ces paroles prit congé du Roy l'Euesque de Câbray, & fit tant qu'il vint en France, & à Paris, ou il trouua le Roy & les Seigneurs qui l'attendoient. Si fit ledit Euesque sa responce bien & à point: & fut pour lors tenue en secret, tant que le Roy de France eust encores plus grande congregation de Nobles & de Prelats de son Royaume, par lesquels il se vouloit conseiller.

Retour de l'Euesque de Cambray vers le roy de France, luy rapportant responce du Roy d'Allemagne sur celle du pape de Romme.

Comment le Roy de France, apres l'avis des Prelats de France, & de l'vniuersité de Paris sur la responce du Pape de Romme & du Roy d'Allemagne enuoya l'Euesque de Cambray vers le Pape d'Auignon pour la mesme raison de l'union de l'Eglise, & son Mareschal Bouciquant, pour le contraindre par armes si besoin estoit. CHAP. XCVII.

QVand le Roy de France eut ouye la responce que l'Euesque de Câbray luy fit du Pape Boniface de Rome, & cōment le Roy d'Allemagne auoit respōdu qu'il conuenoit premier soumettre celuy qui s'escriuoit Pape Benedic, & se tenoit en Auignon il fit vne cōuocation des nobles & Prelats de son royaume: & vindrēt tous à Paris. Au deuāt de ces besongnes aucuns prelatz de France (tels que l'Archeuesque de Reims, messire Guy de Roie, les Archeuesques de Rouen & de Sēs, & les Euesques de Paris, Beauuois, & d'Auxerre) auoient trop fort soustenu l'opinion du pape d'Auignon, & especialemēt de Clement: pourtant qu'il les auoit auancez, & beneficiez. Si ne furent point, par l'ordonnance du Roy, ses six Prelats appelez à ce conseil: mais autres Prelats, avec le conseil de l'vniuersité de Paris, & quand l'Euesque de Cambray, tous oyans eut remōstré comment il auoit à Romme exploité, & la responce de Boniface & de ses Cardinaux, & la respōse du Roy d'Allemagne (car il auoit fait son retour par luy) ils se meirent tous en conclaue: & m'est auis q' l'Vniuersité eut la grād' voix: & à la plaissance du Roy, & de son frere le duc d'Orleans, & de leurs oncles, & de ceux qui appelez estoient à ce conseil, fut dit & deteminé, que de fait le Roy de France enuoyast messire Bouciquant, son Mareschal, es parties d'Auignon: lequel fist tant (fust par traitté ou autrement) que Benedic se soumsist de la Papalite, & l'ordonnast de tous points par l'ordonnance & conseil du roy de France, & que l'Eglise fust neutre, par toutes les mettes & limitations du royaume de France, iusques au iour que par accord l'eglise seroit remise & retournee en vñité, & l'vniō faite par le sens & decret des Prelats à ce deputez, les choses retournassent à leur droit. Ce cōseil sembla moult bon à tous, & fut accepté du Roy de France & de tous les autres, qui assistoient & furent lors instituez le Mareschal de France & l'Euesque de Cambray, pour aller en Auignon. Si se departirent de Paris ces deux Seigneurs, assez tost apres icelles ordonnances faites & cheminerēt ensemble, tant qu'ils vindrent à Lion sur le Rosne: & là se departirent l'un de l'autre: & eurent auis & ordonnance, que le Mareschal se tiendroīt là, tāt qu'il auroit ouy nouuelles de l'Euesque de Câbray, lequel chemineroit deuāt: & iroit ouir quelle responce celuy, qui se disoit Pape en Auignon, feroit sur les paroles & requestes qui là faites luy seroient de par le Roy de France. Tant exploita ledit Euesque qu'il vint en Auignon & se logea en la grand Fusterie, & ia fauoient bien aucuns Cardinaux quelle chose il demādoit & requeroit, puis qu'il venoit de par le Roy de France: mais ils dissimulerēt tāt qu'ils eurent ouy & veu les manieres & paroles de Benedic. Quand l'Euesque de Câbray fut descendu & refreschi à son logis, & chāgé d'habillemēs, il vint au palais & tāt fit, qu'il vint en la presence de ce pape Benedic: auq' il fit la reuerēce, telle cōme à luy appartenoit, & non pas si grāde, comme sil teint à Pape, & fust tenu par tout le monde: nonobstant qu'il l'eust pourueu de l'Euesché de Cambray: mais ce que fait en estoit, tout ce auoit esté par la promotion des Seig. de France. L'Euesque de Câbray, comme tout seur, bien enlangagé en latin & en François, cōmença à parler sur bonne forme & remōstra cōment de par le Roy de France & le Roy d'Allemagne il estoit là enuoyé. Quand ledit euesque vint sur les proces, qu'on estoit en ordonnance qu'iceluy se soumsist derechef de resigner la Papalite, & que l'autre qui se tenoit à Romme, le deuoit ainsi faire, si mua couleur moult grandement: & eleua sa voix en disant. l'ay eu moult de peine & travail pour l'Eglise, & par bonne election on m'a creé pape, & on veut que ie me soumsette à ce, que i'y renonce. Ce ne sera iamais, tant que ie viue: & veux bien que le Roy de France sache, que pour ses ordonnances ie ne feray riens: mais tiendray mon nom, & ma Papalite iusqu'au mourir. Sire (respondit l'Euesque de Cambray) ie vous tenoye à plus prudent (sauf vostre reuerēce) que ie ne vous trouue. Demādez iour de con-

Avis des Prelats de France & de l'vniuersité de Paris, pour faire soumettre le pape d'Auignon à l'vniō de l'Eglise.

L'Euesque de Cambray vers le pape d'Auignon pour le sommer de se soumsmettre à l'union de l'Eglise.

Chande responce du pape Benedic d'Auignon à l'Euesque de Cambray sans auoir pris l'avis de ses Cardinaux.

seil à voz freres les Cardinaux, & puis vous respondrez: car vous tout seul ne pouuez pas resister contre eux (s'ils ne s'accordēt à ceste opinion) ne contre la puissance des Rois de France & d'Allemagne. Adonc se tirerent auant deux Cardinaux, qui là estoient (lesquels il auoit creez) qui sentirent tantost que les choses ne pouuoient tourner à bien: & dirēt ainsi, Pere-sainct, l'Euesque de Câbray parle bien. Faites apres ses paroles, & nous vous en prions. Adonc respondit il, volontiers. Si faillirent pour l'heure les parlemens: & retourna l'Euesque de Câbray à son logis: & n'alla point voir nuls des Cardinaux: mais s'en dissimula. Quand ce vint au lendemain matin, on sonna la câpane du consistoire: & fut faite conuocation de tous les Cardinaux, qui en Auignon estoient, & vindrent tous au palais, & se meirent en consistoire, & là fut l'Euesque de Câbray, Maistre Pierre d'Ailly: qui en latin remonstra tout au long son message, & la cause pourquoy il estoit là venu. Apres qu'il eut parlé on respondit & dit, qu'on auroit conseil de respondre, apres qu'ils feroient bien conseillez: mais il conuenoit qu'il se departist de là. Il s'en alla autre part, pour s'ébatre, & ce pendāt Benedic & les Cardinaux parlementoient ensemble, & furēt moult longuemēt sur celuy estat: & sembloit à aucuns moult dur & contraire de deffaire ce que fait & cree estoit: mais le Cardinal d'Amiens proposoit, & disoit, Beaux Seign. (vueillons ou non) il nous conuient, & conuiendra obeir aux Rois de France & d'Allemagne, puis qu'adherans & conioints ils sont ensemble: car sans eux nous ne pouuons viure, encor nous cheuirions nous bien du Roy d'Allemagne, si le Roy de Frâce vouloit tenir pour nous. Mais nenni: car il nous mande que nous obeissons, ou quil nous clorra les fruits de noz benefices, sans lesquels nous ne pouuons viure. Verité est Pere-sainct, que nous vous auons pourueu & créé en la papalité, par forme & cōdition, que vous deuez, à vostre pouuoir, aider à reformer l'Eglise, & mettre en bonne vnion, & ainsi l'avez vous tousiours iusques ici dit, & maintenu. Si respondes de vous mēse, par attrempee & ordōnee maniere, que no^s vous en sachōs grē: car mieūx deuez cognoistre vostre courage, que nous ne le cognoissons. Adonc respondirent plusieurs Cardinaux, & tous d'une science, Pere S. le Cardinal d'Amiens parle bien, & nous vous prions tous generalement, que vous parlez, & dites ce que faire en voulez. Adonc respondit Benedic: & dit, L'vnion de l'Eglise desirée- ie à auoir, & grand' peine y ay pris: mais (puis que Dieu m'a pourueu, par diuine grace, de la Papalité, & vo^s m'avez eleu) tāt, cōe ie viuray ie demourray Pape, ie n'y renōceray, ne me sōusmettray, pour Roy, Duc, ou Côte, ne par nul traitté quiconque, proces ou moyē, que ie ne soye Pape. Donc se leuerent les Cardinaux tous ensemble & eurent grandes murmurations, & disoient les aucuns qu'il parloit bien, & les autres disoient au contraire. Ainsi furent en different & discord: & issirent du consistoire, le plus sans cōgé prēdre du Pape: & retournerēt à leurs hostels. Aucū Cardinaux (lesquels estoient de la faueur de ce Pape) demurerent delez luy. Quand l'Euesque de Câbray veit que le departement se faisoit par telle forme, il sentit tantost qu'ils ne concordoient pas bien & s'auança & entra dedans le consistoire: & vint deuant Benedic (qui estoit encor en son siege) & dit ainsi, sans luy faire trop grand reuerence, Sire faites moy response. Il la me faut auoir: puis que vous avez eu vostre conseil ensemble. Si me deuez respondre de ce, que vous y avez veu, trouué & ouy, & puis ie me mettray au retour. Ce Pape Benedic (qui estoit encore tout enflē d'ire & malalent, sur les paroles que le Cardinal d'Amiens auoit proposees) respondit, Euesque, ie trouue par conseil en plusieurs de mes freres Cardinaux (lesquels m'ont pourueu & créé en celle dignité de papalité) que toutes les solennitez, qu'on y doit faire & receuoir, ie les ay eues, & Pape me suis escrit & nommé par tous mes sugets, & Pape ie demourray tant que ie viuray: ne ia ne me sōusmettray à faire au contraire, pour mourir en la peine: car ie n'ay fait chose parquoy la diuine prouisiō ie doye perdre. Si direz à nostre fils de France, que iusques-ci l'auons tenu à bon Catholique, & de nouuel, par informatiō sinistre, il veut entter en erreur, mais il sē repētira. Je vous prie que de par moy vous luy dites, & qu'il s'auise, qu'il ne s'éccline à nulle chose, qui luy trouble sa conscience. A tant se leua de sa chaize celuy Benedic, & s'en alla vers sa chambre, & aucuns Cardinaux avec luy, & l'Euesque de Cambray retourna à son hostel, & disna moult sobrement: & puis monta à cheual, & passa le pont du Rosne, & vint à Villeneuve, & celuy iour au giste à Baignous (qui est au Royaume de France, & entendit que messire Bouciquaut, Marechal de France, estoit venu au port saint Andrieu, à neuf lieüs d'Avignon. Si y vint le lendemain ledit Euesque, & luy compra la response de ce Benedic, lequel se nommoit Pape,

*Responce finale
du pape d'Avi-
gnon à l'Eues-
que de Câbray,
de vouloir mou-
rir Pape.*

Comment, apres auoir ouy la responce du Pape Benedic d' Auignon, le Marechal Bouciquant le contreingnit, à force d'armes, de se soumettre à la volonté du Roy, sur l'union de l'Eglise.

CHAPITRE XCVIII.

Quand le Marechal de France entendit ces parolles, & cognut que ce Pape ne vouloit point obeyr à l'ordonnance du Roy de France son Seigneur, si dit à l'Euesque, Sire, vous retournerez en France (vous n'avez icy que faire) & i'exploiteray sur ce, que ie suis chargé du Roy, de Messeigneurs ses oncles, & de son Conseil. L'Euesque respondit, De par Dieu. Si fut tout celuy iour audit Bourg: & le lendemain en partit: & prit le chemin d'Albenois, & du Pin: & le Marechal de France meit Clercs, varlets, & sergents en œuvres, pour mander Cheualiers & Escuyers, & Gens-d'armes, par tout le pays de Viarais, de Viuières, & d'Auvergne, iusques à Montpessier: car commission & puissance il auoit de ce faire, de par le Roy de France. Si manda au Sénéchal de Beauquaire, qu'il fermast tous les passages, tant par la riuere du Rosne, que par terre: à fin que riens ne peust entrer ne venir en Auignon: & luy mesme vint au Pont-Saint-Esperit: & fit clorre la riuere du Rosne: à fin que riens n'allast aual: c'est à entendre qu'il vouloit garder qu'il n'allast nulles pourueances en la cité d'Auignon: & fit ledit Marechal son mandement & amas de Gens-d'armes: & toutes gens le vindrent seruir, les aucuns par obeissance, & les autres pour piller & rober sur ceux d'Auignon. Or vindrent, deuers le Marechal de France, messire Raymond de Touraine à grand' ioye (qui estoit tout prest de cheualcher) le Sire de la Bothe, le Sire de Tournō, le Sire de Monclau, & le Sire d'Vzes: & furent tantost grand nombre de Gens-d'armes: & enuoya tantost ledit Marechal de France defier, par vn Heraut, Benedic, Pape, dedans son Palais, & tous les Cardinaux, & ceux d'Auignon. Ces nouuelles furent moult dures aux Cardinaux, & aussi à ceux de la cité d'Auignon: car ils cognurent qu'ils ne pouuoient longuement soustenir celle guerre à l'encontre du Roy de France: car sa puissance estoit trop grande. Si eurent conseil entre eux les Cardinaux, & les hommes d'Auignon, d'aller parler à Benedic: ainsi qu'ils feirent: & luy remonstrent moult sagement, que nullement ils ne pouuoient, ne vouloient, soustenir la guerre à l'encontre du Roy de France: car il leur conuenoit viure, & auoir de la marchandise, tant par terre que par la riuere. Ce Benedic leur respondit follement: & dit, Vostre cité est forte, & bien pourueue. Je manderay querir des Gens-d'armes en la ville de Gènes, & ailleurs, & à mon fils le Roy d'Arragon, qu'il me vienne seruir: & il le fera: car il y est tenu pour deux cas. Je suis de son lignage, & aussi il doit obeissance au Pape. Vous vous ébahissez de trop petit de chose. Partez vous d'icy: & gardez vostre ville: & ie garderay mon Palais. Autre responce n'en peurent auoir les Cardinaux, & les homes d'Auignon: & retournerēt chacun en son hostel. Ce Pape (que ie nome Benedic) auoit des long tēps fait pouruoir son Palais, de vins, grains, lards, huiles, & de toutes choses, qui à pourueace de fortresse appartenoiēt: & aussi il estoit de sa persōne assez haut & cruel: & ne s'ébahissoit point pour peu de chose. Le Marechal de France se partit du Pont-Saint-Esperit, & passa, avec tous ses Gens-d'armes, par la ville d'Orenge, par le consentement du Prince d'Orenge: & entrèrent en la Comté de Venise (qui est terre d'Eglise) laquelle fut tantost courue: & passerent les Gens-d'armes au Pont de Sorgues: & furent maistres & Seigneurs de toute la riuere, & laissa dedans la ville de Sorgues ledit Marechal grand nombre de Gens-d'armes, pour garder la ville & le passage: & aussi pour la garnison de Noues (qui se tenoit pour le Pape) & s'en vint ledit Marechal loger à Saint-Verain, pres d'Auignon, & toutes ses gens là enuiron: & tousiours venoient Gens-d'armes de tous costez. Or fut ladite cité d'Auignon si enclose, deuant & derriere, par terre & par la riuere, que riens n'en issoit, n'entroit, fors que par cōgé: car à Ville-noue (qui est dehors Auignon, & sur le Royaume de France) se tenoit le Seneschal de Beauquaire, à bien cinq cens combattans: & gardoit là l'entree d'Auignon. Le Marechal de France se tenoit, bien à deux mille combattans, d'autre part, outre Auignon: & manda aux hommes d'Auignon, que, s'ils n'ouuroient leur uille, & venoient à obeissance, il leur feroit ardoir tous les vignobles & manoirs, qu'ils auoient au plat-pais, au-dehors d'Auignon, iusques à la riuere de la † Dureuse. Ces parolles & menaces ébahirent moult grandement hommes & femmes d'Auignon, qui leurs héritages auoient au dehors d'Auignon, iusqu'à la riuere de la Dureuse: & se meirēt ensemble tous à conseil, sans point aller deuers le Pape: & appellerent aucuns Cardinaux (tels que celuy d'Amiens, celuy de Poictiers, de Neufchastel, de Viuiers, & plusieurs autres) pour estre mieux cōseillez. Là proposerēt

Le Pape Benedic, ses Cardinaux, & les habitans d'Auignon desiez par le Marechal Bouciquant.

Auignon assié gé par le Marechal de France, Bouciquant.

† Je pense qu'il y faut Durand.

les hommes d'Auignon (qui auoient le plus à perdre) comment le Marechal de France les menaçoit à faire ardoir leurs vignes & leurs manoirs: & tout ce faisoit faire le Roy de France (contre lequel ils ne pouuoient obuier, ne resister: car il estoit trop grand & prochain) & que, tout consideré, mieux leur valoit obeir au Roy, & aux François, que tenir vne opinion perilleuse: car de ce Benedic ils ne pouuoient nullement estre aidez, ne confortez. Si demanderent aux Cardinaux, s'ils vouloiēt eux ioinde avecques eux. Les Cardinaux respondirent Ouy: car viures leur commençoient à defaillir: & viure leur conuenoit dedans Auignon: & leurs benefices, rentes, & reuenues, estoient au Royaume de France (lesquels ils ne vouloient pas perdre) & ainsi furent d'accord les hommes d'Auignon, & les Cardinaux: & entendirent aux traittez du Marechal de France: lesquels se porterent ainsi, que luy & les siens entrerent dedans Auignon: & fut appointé qu'ils assiegeroient le Palais: mais violence nulle ils ne feroient, ne porteroient, aux Cardinaux, n'à leurs familiers, n'au corps de la ville: & tout ce iura le Marechal de France à tenir bien & loyaument, & tous les Seigneurs de France, & aussi les Capitaines & Gens-d'ar-

*Le Marechal
Bouciquant re-
ceut dedans A-
uignon par ceux
de la ville, &
le Pape assiegé
en son Palais.*

mes. Les conuenances prises tous entrerent en Auignon: & se logerent par ordonnance, & tout au large (car bien y a ville pour ce faire) & ouurirent les passages, entrees & issues, sur la terre & sur la riuere du Rosne, pour auoir viures. Quand celuy, qui se nommoit Pape Benedic, & qui se tenoit en son Palais clos, veit que, sans parler à luy, les Cardinaux & les hommes d'Auignon auoient par traité fait accord au Marechal de France & aux François, si en eut moult grand' melancolie: & nonobstant ce, il dit que ià ne se soufmettroit, pour mourir: & deust il mourir en la peine: & se tint & encloit dedans le Palais, qui est la plus belle & forte maison du monde, & plus aisé à tenir: mais que ceux, qui seroiēt dedans eussent viures. Ce Pape Benedic enuoya ses lettres & messagers (& les auoit ià fait partir d'Auignon, auant que le Marechal de France y entraist) deuers le Roy d'Arragon: & luy prioit, par ses lettres, moult humblement, qu'il voulist à ce grand besoing le secourir, conforter & luy enuoyer ses gens-d'armes: parquoy il fust si fort, qu'il peust resister contre le Marechal de France. Si disoit ainsi celuy Benedic, par ses lettres, que (si on

*Le Roy d'Ar-
ragon pourneut
sollicité de se-
cours par le Pa-
pe Benedic.*

le vouloit, ou pouuoit, oster de là, & mener en Arragon) il tiēdroit à Parnapian, ou à Barcelonne, son siège. Le Roy d'Arragon veit bien les lettres de ce Benedic, & les leut tout au long: mais il n'en fit compte: & respondit à ceux, qui delez luy estoient, Cuide ce Prestre que, pour ses argus aider à soustenir, ie doye entreprendre la guerre contre le Roy de France? On me tiendrait bien à mal-conseillé. Respondirent ses Cheualiers, Sire, vous dites verité. De tel cas n'avez que faire de vous entremettre: & deuez cognoistre & sauoir que le Roy de France a de si bon conseil delez luy, que tout ce il fait à iuste cause. Laissez le Clergé conuenir: car, s'ils veulent viure, il faut qu'ils obeyssent aux Seigneurs, deffous lesquels ils ont leurs rentes & reuenues. Ils les ont trop tenues longuement en paix. Il faut qu'ils sentent & cognoissent dont bien leur viēt: & ià vous a le Roy de France escrit & prié, que vous vous determinez, avecques luy, à estre neutre. Si le faites: car Madame la Royne, vostre femme (qui est sa cousine germaine) s'y accorde: & aussi fait la plus grand' partie de ce Royaume & du Clergé, & par especial Cathelongne, & aussi Espaigne: & nous tenons que c'est la meilleure opinion: car autrement si tous les Seigneurs Chrestiens ne le font, l'Eglise ne peut venir à vnion, pour ces Papes. Ainsi se deuisoient les hommes du Roy d'Arragon à luy, & luy aussi avecques eux, & ce Pape Benedic se tenoit enclos en son Palais: qui bien pensoit estre aidé du Roy d'Arragon: mais point ne le fut: & demoura en son Palais, & le Marechal de France, dedans Auignon: & estoit le Palais gardé de si pres, que nul n'y entroit, n'issoit: & viuoient là dedans de ce qu'ils auoient. Des viures auoient ils assez par raison, pour eux tenir deux ou trois ans: mais la busche, à faire feu, leur defailloit: & ne sauoient dequoy faire feu, pour cuire leurs viandes: & se commencerent à ébahir: & toutes les semaines oyoit le Marechal nouvelles du Roy de France, & le Roy aussi de luy, & de l'estat de ce Benedic: & bien luy mandoit le Roy, que point ne se partist de là, sans paracheuer son fait: aussi que iamais il ne laissast ce Pape Benedic issir hors du Palais: mais meist bones gardes sur luy: reserué que manger & boire bien luy fust administré. La cōclusion de ce Pape Benedic fut telle, que quand il veit qu'il estoit si absteint, que busche leur estoit faillie, & leurs pourueances amoindrissent tous les iours & secours ne confort de leur costé ne leur venoit, il vint à mercy, parmy ce qu'aucuns Cardinaux l'en prierēt: & se porta le traité par ordonnāce telle, que iamais du Palais d'Auignō ne partiroit, iusques à tāt qu'vniō seroit en Sainte

Eglise:

Eglise: & furent mis sur luy gardes especiaux: & les Cardinaux & riches hommes d'Auignon s'obligerent, qu'ils le garderoient de si-pres, qu'ils en rendroient bon compte, mort ou vif (autrement ne s'en voudroient ils charger) & il suffist assez audit Mareschal: & les Cardinaux, qui tenoient leurs bénéfices en France, d'ot ils viuoient, prirent grand peine à ce traité & composition: & dirent, tous d'un accord, qu'ils vouloient demourer avec le Roy de France: & ainsi se porterent les besongnes: & se departirent les Gens-d'armes d'Auignon, & de là enuiron: & retourna chacun en son lieu.

Le Pape Benedic se rend au Mareschal Bouciquant, par composition.

Comment, retournant le Mareschal Bouciquant en Hongrie contre les Turcs, le Comte d'Erby enuoya vers le Duc de Lancastre, son pere, pour auoir congé de faire aussi ce voyage: & comment le Roy d'Angleterre, estant sollicité par le Roy de France, ne peut faire condescendre ses sugets à la neutralité des Papes, pour faire nouvelle election.

CHAPITRE XCIX.

A Pres cest exploit, le Mareschal Bouciquant alla à Paris: & tantost il s'ordonna pour aller en Hongrie: car le Roy de Hongrie auoit escrit deuers le Roy de France & ses oncles, & les Cheualiers & Seigneurs de France, que l'Amorabaquin assembloit sa puissance de Gens-d'armes, de Turcs, d'Arabes, de Persans, de Tartres, de Suriens, & de tous ceux de sa secte. Si vouloit estre ledit Roy de Hongrie aussi au-deuant de luy, & combattre par meilleure ordonnance, qu'il n'auoit fait autresfois. Le Comte d'Erby (qui se tenoit à Paris, en l'hostel de Clisson, moult pres du Temple) y fust moult volontiers allé, pour moins couster au Roy de France: car toutes les semaines il auoit, en deniers tous appareillez, pour payer les menus fraiz, cinq cens couronnes d'or: & les receuoient les gens au nom de luy: & à ceste deliurance n'auoit point de faute. Si se sentoient moult grandement tenu le Comte d'Erby au Roy de France, pour celle grace qu'on luy faisoit: & le recognoissoit moult bien: & quand les nouvelles vindrent du Roy de Hongrie en France, il y entendit moult volontiers: & luy fut auis que c'estoit vn voyage honorable pour luy, pour passer sa saison plus légèrement, & oublier le temps: & en parla aux plus especiaux de son Conseil. Bien luy conseillerent ses gens aller audit voyage: mais qu'il veinst à plaissance au Duc de Lancastre, son pere. Si enuoya en instance de ce, le Comte d'Erby, en Angleterre, le plus prochain de ses Cheualiers, pour sauoir que son pere en diroit & conseileroit: Quand le Cheualier (qui se nommoit Dinorth) fut venu en Angleterre, il trouua le Duc de Lancastre en vn chasteau, à vingt mils de Londres: lequel chasteau on appelloit Harfort. Si luy dit & recorda l'estat de son fils: & quand le Duc entedit parler le Cheualier de creance, de l'estat de son fils: & la bonne volonté qu'il auoit d'aller en Hongrie, pour employer sa saison, & passer les termes, & le temps qu'il auoit de non retourner en Angleterre, si fut moult bien content de toutes ces choses: & dit au Cheualier, Vous soyez le bien venu. Voz parolles, & les lettres de mon fils, requierēt bien auoir conseil. Vous reposerez icy delez nous: & ce pendant nous auiserons: & aussi vous estes venu pour entendre à noz fils & filles, les enfans de nostre fils: car de tout ce vous faut rapporter nouuelles par-delà. Monseigneur, respondit le Cheualier, vous dites verité. Ainsi demoura messire Dinorth en Angleterre, par l'ordonnance du Duc de Lancastre. Or eut le Roy de France tiltre & cause d'escrire au Roy d'Allemaigne & à son Conseil comment il tenoit Benedic (qui s'estoit nommé vn temps Pape) à sa volonté, & tous ses Cardinaux aussi: ainsi qu'il fit: & y enuoya ses especiaux messagers (c'estassauoir le Patriarche de Hierusalē, messire Charles de Hâgiers: & encores de ses Cheualiers) & trouuerent le Roy d'Allemaigne à Strasbourg: & firent leur message bien & à point, tant que luy & ses Consaux s'en contenterent: & dirent que sur ce ils exploiteroient: mais ils veroient volontiers que le Roy d'Angleterre se voulist determiner: & le Roy de France estoit fait fort de luy faire faire. Ce Legat, & commis de par le Roy de France, sur ceste response retourna en France deuers le Roy: & compta à luy, & à son Conseil, tout ce que vous auez ouy. Le Roy de France, pour abreger & amoyenner les besongnes, & pour les mettre en l'estat qu'il desiroit à veoir, enuoya de-rechef en Angleterre grans messagers, deuers le Roy Richard: lesquels remonstrenterent bien au Roy la cause pourpuoy ils furēt là enuoyez: c'estassauoir les ordonnances & affaires dessusdites. Le Roy d'Angleterre y entendit volōtiers: mais il n'auoit pas les Prelats d'Angleterre, ne le Clergé, & les hommes, si bien à poinct & à sa volonté, pour leur faire determiner, comme le Roy de France auoit: & tout ce sceut il bien dire & remonstrier, en confidence, aux Legaux & Commis-

Le comte d'Erby enuoye vers son pere, pour auoir congé de aller en Hongrie contre les Turcs.

Le Roy de France enuoye de-rechef en Allemaigne pour l'union de l'Eglise.

Messagers du Roy de France encores vers le Roy d'Angleterre, pour la dessusdite union de l'Eglise.

*Remonstrances
du Roy Richard
d'Angleterre
aux Prelats &
Clergé de son
Royaume, sur
l'union de l'E-
glise.*

faïres, que le Roy de France auoit enuoyez: mais bien leur promit qu'il en feroit son de-
voir: ainsi qu'il fit. Les Commissaires, Prelats, & Cheualiers enuoyez en Angleterre de
par le Roy de France, retournerent en France: & le Roy Richard exploita sur les reques-
tes & ordonnances, que son Seigneur de pere, le Roy de France, luy auoit scablement
escrit & signifié: & fit vn iour venir à Westminster, en son Palais, au-dehors de Lon-
dres, tous les Prelats & Clergé d'Angleterre. Eux venus en sa presence, il leur fit remon-
strer moult sagement l'estat & different de l'Eglise: & comment le Roy de France, par
deliberation de grand auis & conseil (lequel il auoit tout pourueu de l'Vniuersité de Pa-
ris, & par autres Clercs: qui tous s'estoiēt aioints à son opinion) s'estoit déterminé à estre
neutre: & aussi estoient les Rois d'Espagne, d'Escocce, d'Arragon, & de Nauarre: & aussi à
ceste determination se deuoit ordonner toute Allemaigne, Boesme, & Italie. Si prioit
ledit Roy d'Angleterre que son país aussi se voulist ordonner à cē. Quand les Prelats &
Clergé (qui riens ne fauoient pourquoy ils estoient mandez) entendirent ce propos, si
furent tous émerueillez & ébahis: & se tindrent les plusieurs tous quois: & les autres cō-
mencerent à murmurer, & dire, Ce roy est tout François. Il ne tend fors à nous deshonor-
er & destruire: mais il ne l'aura pas ainsi. Nous veut il mettre hors de nostre creance?
Il pourra bien tant faire, que mal luy en prendra. Or n'en ferons nous riens: puis que le
Roy de France le propose ainsi. Tienne la neutralité en sa puissance: & nous tiendrons
fermement nostre creance en Angleterre: & ne verrons ia homme, qui nous en oste, fil
ne nous est apparent par plus grand conseil que celui, sur lequel il est fondé. Quand le
Roy d'Angleterre veit ainsi murmurer & differer son Clergé, il leur fit demāder par l'E-
uesque de Londres (qui remōstré auoit les parolles, & proposé (pour sauoir quelle chose
estoit bon de faire. Ils respondirent tous, subsecutiuelement, que la matiere estoit si gran-
de, qu'elle demandoit bien auoir conseil. Sur celuy estat finit le Parlement: & se departi-
rent tous ceux du Clergé, là assemblez: & retournerent en leurs hostels, en la cité de Lon-
dres: & quand les Londriens sceurent la verité pourquoy ils estoient là venus, & la reques-
te que le Roy auoit faite, si furent moult émeus & troublez sur le Roy d'Angleterre: car
ils estoient en Angleterre, généralement, si fort boutez en la credence du Pape de Rom-
me, que point ne s'en vouloient partir: & dirent, Ce Richard de Bordeaux gastera tout:
qui le laissera conuenir. Il est de cuer si François, qu'il ne le peut celer: mais il fera vn
iour payé si estrangement, qu'il ne pourra venir à temps pour s'en repentir: aussi ne ferōt
tous ceux, qui le conseillent. Si demourerent ces choses en celuy estat: ne de toutes ses
predications, pour remonstrer en Angleterre à estre neutre, on n'en fit compte: & ne se
cōtenterent pas le Roy de France & son Cōseil de son fils, le Roy d'Angleterre: pourtāt
que tantost, & de fait, il ne faisoit determiner son royaume à estre neutre: mais, à la verité
dire, le Roy d'Angleterre n'y pouuoit pourueoir: & aussi aucuns accidēs luy vindrēt, sur
le coup, si grās & horribles, qu'ils ne sont point trouuez les semblables en toute ceste Hi-
stoire, ne de nul roy Chrestien, tant cōme l'Histoire dure: excepté du Noble Roy Pierre
de Luzignan, Roy de Cypre & de Hierusalem: que son frere & les Cipriens martyrerent.

*De la responce, que le Duc de Lanclastre fit au Cheualier enuoyé de par son fils le Comte
d'Erby, pour obtenir congé d'aller contre les Turcs: & comment le Duc de Lancla-
stre mourut.*

CHAPITRE C.

*Conseil du Duc
de Lanclastre au
Comte d'Erby
de ne se mettre
au voyage de
Turquie.*

*Maladie du
Duc de Lancla-
stre principale
cause d'empes-
cher le voyage
du Comte d'Er-
by.*

Quand messire Dinorth (lequel le Côte d'Erby auoit enuoyé en Angleterre, deuers
le Duc de Lanclastre, son pere) eut la responce dudit Duc, & visité toutes les terres
dudit Comte son maistre, & veu ses enfans (quatre fils, & deux filles: qui demourez e-
stoient en Angleterre) il prit congé: & s'en retourna en France. La responce du Duc de
Lanclastre fut telle, q point il ne cōseilloit à son fils, qu'il entreprit le voyage de Hongrie:
mais, quand il seroit ennuyé d'estre en France, qu'il s'en allast en Castille, delez le roy son
frere & sa sœur: & de là, s'il vouloit aller ébarre outre, qu'il allast voir sa sœur, la Roine de
Portugal. Le Côte d'Erby leut au lōg les lettres, par deux fois, qu'on luy auoit enuoyees
d'Angleterre: & pensa dessus moult longuement: & aussi messire Dinorth luy dit, en grā-
de especialité, que Medecins & Cyrurgiens luy auoient dit, & confessé, que son pere, le
Duc de Lanclastre, portoit vne maladie moult perilleuse, & que iamais n'en istroit sans
mort. Ces parolles & informations retarderent grandement le Comte d'Erby de nulle
part voyager: mais se tint tout quoy à Paris, en l'hostel de Clifson: lequel estoit tout or-
donné pour luy & ses gens. Aucunefois, & bien souuent (il alloit veoir le Roy, le Duc
d'Orleans, & leurs oncles, pour s'ébarre avecques eux: & luy faisoient toute la meilleure
compaignie,

compaignie, qu'ils pouuoient tellement que grandement se tenoit tenu à eux : & disoit au Roy de France, Mōseigneur vous me faites tant d'honneur & courtoisie, & me monstrez si grans signes d'amour, que ie ne say pas comment iamais iour de ma vie ie le vous pourray defferuir : & s'il plaist à Dieu que iamais ie puisse entrer en Anglet. Madame la Roine vostre fille (que Dieu sauue & gard) en vaudra, à mon pouoir, mieux. Grād merci beau-cousin, respōdit le Roy. Or auint qu'enuirō † Noel le Duc de Lāclastre (qui viuoit en grās déplaissances, tāt pour son fils, q̄ le Roy auoit mis hors d'Angl. pou rpetite cause, q̄ pour le gouuernemēt, qu'il veoit en son neueu le Roy Richard, & sentāt bien le dit duc que s'il perseueroit en celuy estat longuement, & on le laissoit conuenir, le royaume seroit perdu) tomba en vne maladie, de laquelle il mourut : & eut grand plainte de ses amis. Le Roy Richard d'Angleterre (à ce qu'il monstra) n'en fit pas grand compte : Mais l'eut tantost oublié. Or regarderent les aucuns des Nobles d'Angleterre, & nō pas tous, que le royaume affoiblissoit fort (quād le duc de Lāclastre estoit mort, & le duc de Clocestre son frere & le comte d'Arōdel, & estoit le comte d'Erbi banni d'Angleterre : qui deuoit estre duc de Lanclastre, par droite hoirie & succession) & disoient les aucuns. Or voyons que le Roy fera. Il est heure qu'il mande son cousin le comte d'Erbi, & qn'il luy pardonne son maltalent, nonobstant qu'il n'y ait nulle cause. Nous le tenons & disons ainsi. Il est heure qu'il vienne releuer sa terre, & qu'il soit duc de Lanclastre. Telles paroles furēt dites & semees par le royaume d'Angleterre en plusieurs lieux, especialement en la cité de Lōdres : ou le cōte d'Erby estoit cēt fois mieux aimé, que le roy Richard. Neātmoins pour chose qu'on en parlaist ne murmurast, ou que le Roy en ouist parler, & ses consaux, riens il n'en fit : mais du contraire. Il fut trop mal conseillé : car, s'il eust mandé le Comte d'Erby (tantost que son pere fut mort) & luy eust dit, luy retourné en Angleterre, Beau-cousin, vous soyez le bien-venu. Vous estes Duc de Lanclastre, & le plus grand qui soit en Angleterre apres nous. Si voulons que vous vous teniez delez nous, & nous nous gouernerons par vostre conseil de tous poincts, & ne ferons chose que vous ne voyez passer, il fust demouré en son estat, & Roy d'Angleterre : & n'eust point eu le grand encombrer, qu'il receut, lequel luy estoit si prochain, qu'il ne pouuoit éloigner : ainsi que ie je vous recorderay assez prochainement en l'Histoire.

Comment la mort du duc de Lanclastre fut sceüe en France : & comment la roy Richard d'Angleterre le fit sauoir au Roy de France, son grand Seigneur, & riens n'en manda à son cousin, le Comte d'Erby : qui fils estoit au Duc de Lanclastre.

CHAP. CI.

Nouvelles vindrent en France de la mort du duc de Lanclastre : & en escriuit le roy Richard d'Angleterre, sur forme & maniere de ioye, à son grand seigneur le roy de France, & non pas à son cousin le Comte d'Erby : mais le Comte † le sceut aussi tost, ou plus, que le roy de France, par ses hommes, qu'il auoit en Angleterre. Si se vestit de noir, & ses gens aussi (comme raison estoit) & luy fit faire son obsequie moult grandement : & y furent le roy de France, & son frere le duc d'Orleans, & tous ses oncles, avec grand nombre de Prelats, & haux Barons de France : car le Comte d'Erby estoit moult bien aimé de tous : & les Seigneurs le veoient volontiers : & prenoient les aucuns grād déplaissir de son dueil & défortune : car il estoit plaissant Cheualier, honneste de personne, courtois, & doux à toutes gens, & disoient communement ceux, qui le veoient, que le roy d'Angleterre n'estoit pas bien-cōseillé, quand il ne le rappeloit. Au vray dire, selon bon auis, bien y deuoit auoir eu le roy d'Angleterre regard, & si bien eust esté conseillé, les choses ne fussent pas venues, ne tournees, ainsi qu'elles firent : car cedit Comte d'Erby estoit, par la mort de son pere le duc de Lāclastre, héritier & successeur de la Duché de Lanclastre, & le plus grand Seigneur de tout le royaume d'Angleterre, & le second apres le roy, & par lesquelles besongnes du royaume deussent auoir esté conseillées & rapportées. Avecques ce, deuoit bien considerer & imaginer le Roy & son Conseil, que par plusieurs fois le peuple d'Angleterre, & mesmement les Londriens, auoient fort murmuré & murmuroient, contre luy : & sauoit bien que pas n'estoit aimé du peuple des Cheualiers, ne d'autres, & que du viuant du Duc de Clocestre, son oncle, moult auoit eu de contrarietez & dangers de sa personne : & mesmement quand les Londriens & les Consaux de plusieurs citez & bonnes-villes vindrent deuers luy à Eltem (ou pour lors il tenoit son estat) & qu'adonc ils luy firent requeste que toutes les subsides & aides, dōnees & accordees au royaume d'Angleterre depuis vint ans auoit, fussent anichillees & nulles, ou au-

† Encor en l'an 1398. trépas du Duc de Lanclastre.

† Le Cōte d'Erby auerty de la mort de son pere, par ses gens d'Angleterre, aussi tost que le Roy de France par le roy Richard. Sur quoy me semble que nous pouuons commēcer l'an 1399. à mō mode.

trement, par deliberation du duc de Clocestre & plusieurs Nobles & autres d'Angleterre leurs confaux, secrettement estoit entrepris le prendre, & mettre vn autre en son lieu, qui regneroit, & luy pris il seroit emmené, & la femme avecques luy: & la leur tiendroient ou leur estat de boire & de manger, tant qu'ils viuroient: & fut par le dit duc de Clocestre, oncle dudit Roy Richard, prié & requis vn sien neveu, fils de la fille au duc de Clarence qu'on appelloit Iehan, & Comte de la Marche (qu'il vouloit entreprendre la charge & le gouuernement du royaume d'Angleterre, & qu'on le feroit Roy: mais celuy comte s'excusa honnestement de ceste chose, & toutes ces choses furent appaisées & accordées par le moyen, sagesse & prudence dudit duc de Lanclastre, pere à celiuy comte d'Erbi, & fut le roy Richard en plus grande prosperité que deuant, & bien sceut toutes ces choses ledit roy Richard: & par mauvais conseil, luy donnant à entendre que ce faisoit ledit duc de Clocestre son oncle, il le fit prendre de nuit, sous ombre & couleur d'amour, & le fit mener à Calais: ou là il fut estranglé & meurtry, dont fut par tout le royaume d'Angleterre moult grand bruit, & grandes murmurations, sur le poinct de destruire & deposer ledit roy Richard, & toutefois ledit duc de Lanclastre, comme sage & prudent (nonobstant qu'iceluy duc de Clocestre fust son frere, & que la chose & meurtre d'iceluy luy touchoit fort au cœur) toutes ces choses considérées & qu'il ne pouuoit recouurer son dit frere, appaisa toutes ces choses amiablement: & fut le roy Richard son neveu plus craint que deuant en Angleterre: & tout ce deuoit considérer ledit roy Richard, & mesmement que ledit comte d'Erbi estoit le plus aimé, & en grace de tout le peuple d'Angleterre, tant barons & cheualiers, qu'Escuyers, qu'autre Prince, ny homme, qui fust au royaume d'Angleterre. Parquoy le roy, tout considéré apres la mort de son pere le duc de Lanclastre, le deuoit rappeler: mais ledit roy n'en auoit nul talent, auant en faisoit tout le contraire: & enuoya tantost ses Officiers par toutes les terres & tenemens du duc de Lanclastre, & en fit leuer & saisir les profits: & dit ainsi, que tant que le comte d'Erbi auroit accompli tous les termes, qui baillez luy estoient (encores au mieux venir) luy, ne les siens, ne receuroit rentes ne reuenues, qu'il eust en Angleterre: & encores outre (dōt il estoit moult blasmé de ceux, qui aimoient le comte d'Erby & ses enfans) le Roy donnoit & departoit aucuns heritages de la Duché de Lanclastre, à aucuns de ses cheualiers & à ceux qui les demandoient, pour laquelle chose moult de cheualiers d'Angleterre en parloient: & disoient. Le roy d'Angleterre donne bien signe qu'il ne veut point de bien à son cousin le comte d'Erbi, quand il ne le rappelle delez luy, & souffre qu'il releue sa terre. Ce seroit avecques ses enfans, vn membre bel & grand en Angleterre, & pour luy vn bourdon à s'appuyer, mais il fait tout le contraire. Il l'a chacé de luy & le veut tenir en ce danger, & en plus grand encores, s'il peut: car il a ia attribué à luy son heritage avecques le sien: & y enuoye les gens, & officiers, exploiter plus auant, & qu'il n'y a nul heritage, qui soit en Angleterre: & si les manans se plaignent des iniures qu'on leur fait, leur seigneur absent, ils n'en sont point ouïs, & n'y a nul qui droit leur face: & outre, ce sont petits signes d'amour, & de bien qu'il vueille au comte d'Erbi, & à ses enfans, quand l'heritage de Lanclastre (qui leur vient par droite hoirie, de leur grande dame, la Duchesse Blanche: fille au Duc Henri de Lanclastre, & ce qui leur vient de par Madame leur mere: qui fut fille au Comte de Herfort, & de Norhanton, & Connestable) il leur oste & amoindrit tous les iours & donne, en sa faueur, là ou il luy plaist. C'est trop auant fait contre l'ordonnance de droit & de raison, à la desplaisance de trop de gens de bien d'Angleterre, & ne peut ce durer ne demourer longuement en celuy estat, qu'il ne soit amendé. Ainsi deuisoient & parloient la greigneur partie des nobles & Prelats & des Communautéz d'Angleterre. Pareillement au royaume de France les Seigneurs d'honneur & de bien (qui oyoiēt parler de ceste matiere, & qui veu auoient le comte d'Erbi, ou pouuoient veoir encores à Paris tous les iours, s'en emerueilloient & parloient l'un à l'autre, en disant selon nostre auis ce Roy d'Angleterre a pris en trop grand courroux & haine le Comte d'Erbi, son cousin germain, qui est le plus grand en Angleterre apres luy. Si est-il gracieux Cheualier, doux & courtois, & traitable & le fait bon veoir, & parler à luy. Ou le Roy d'Angleterre fait autre chose sur luy que nous ne sauons, ou il est mal conseillé, & merueilles est que le Roy de France & son frere le duc d'Orléans, & ses oncles, de Berry, Bourgogne & Bourbon, n'y mettent attrempace: car il est tous les iours avec eux. Si y deuroiēt mieux: pouruoir, que nuls des autres: car plus feroit le Roy d'Angl. pour le Roy de France, & ces Seigneurs, son frere le Duc d'Orléans, & leurs oncles, que pour nul autre, pour l'amour de

*La faute que
fit le Roy Ri-
chard, apres la
mort du duc de
Lanclastre, dōt
il perdit son
royaume, & fi-
nalement la vie.*

la fem-

la femme: qui est fille au Roy de France: mais ils n'en font riens. Si nous en deuõs taire. A vray dire, le Roy de France ne pensoit, n'imaginoit en toutes ces choses, que tout bien: & aussi ne faisoient son frere, le Duc d'Orleans, & ses oncles: & aimoient & honno- roient moult le Comte d'Erbi: & le desiroient, le plus, auoir avec eux: & moult bien y sa- uoit estre aussi. Si fut auisé, & regardé, qu'il estoit veuf, & à marier, & que le Duc de Berri auoit vne fille, vefue de deux maris, toute ieune qu'elle estoit (laquelle s'appeloit Marie) car elle auoit eu par mariage, Louïs de Blois (qui estoit mort bien ieune) & secondemēt messire Philippe d'Artois, Comte d'Eu: lequel estoit mort en Hongrie, sur le retour: ainsi comme il est ci-dessus contenu en nostre Histoire. Marie de Berry ne pouuoit auoir d'a- ge, que vingt & trois ans: & fut vn mariage auisé, & traicté, & sur le poinct de faire, de Ma- rie de Berri & du Comte d'Erbi: † car bien sauoit le Duc de Berri que le Comte d'Erbi, † Cette clause est fournie selon le sens de l'Au- teur, comme les suivantes aussi.

fils du Duc de Lancastre, estoit vn grand héritier en Angleterre: & aussi faisoit le Roy de France: qui eust bien voulu ce mariage estre fait, pour la cause de sa fille, la Roïne d'An- gleterre: car auis leur estoit, & à moult d'autres Seigneurs de France, que la compaignie seroit bonne & belle de deux si grans Dames comme elles estoient, & si prochaines de sang, & en demourroient & seroient, les deux Royaumes de France & d'Angleterre en plus grand' conionction de paix & amour: & tous ceux qui consideroient & imaginoiēt cela: disoiēt verité: mais il ne se peut accōplir: & conuint toutes ces choses briser & rom- pre, pour le roy Richard d'Angleterre & son conseil: qui en furent cause: car à ce, qui doit auenir, on ne peut fuir, ny aux fortunes de ce mōde, qui sont trop merueilleuses: & elles furent, en celle saison, pour le Roy Richard d'Angleterre si dures & si merueilleuses, que merueille seroit à pēser. Mais bien y eust pourueu, s'il voulist: sinon qu'auenir faut ce, qui doit estre, Si vous recorderay, à la lettre, ce, dont ie Jehan Froissart, Acteur & Croniseur de ces Croniques, en mon ieune aage ouï parler, en vn manoir, qui sied en vne ville, à trente mils de Londres, qu'on apelle † Berquaneſtede: & estoit, pour le temps que ie par- † Il dit Bar- quaneſtede au chap. 119. ou il parle en- cor de cecy.

le, la ville, le manoir, & Seigneurie au Prince de Galles, pere audit Roy Richard: & fut en l'an de grace mille trois cens soixante & vn. Or (pource que le Prince & la Princeſſe se deuoient departir d'Angleterre, & aller en Aquitaine tenir leur estat) le Roy Edouard d'Angleterre, Madame la Royne Philippe ma maistresse, le Duc Lyon de Clarence, le Duc Jehan de Lancastre, & messire Aimon (qui depuis fut Comte de Cantebruge, & duc d'Iorch) & leurs enfans, estoient la venus audit manoir, veoir le Prince & la Princeſ- ſe, pour prendre cōgé. Et ie (qui pour lors estoie en l'aage de vingt & quatre ans, & des Clercs de la chambre de madite Dame la Royne, ouy, seant sur vn banc, vn Cheualier parler, & deuiser, avec plusieurs Dames & Damoiselles de la Royne: & dit ainsi, Il y a en ce pays vn Liure, qui s'appelle Brust, & dient moult de gens que ce sont des sorts Mer- lin: mais selon le contenu d'iceluy Liure, le Royaume & la couronne d'Angleterre ne re- tournera pas au Prince de Galles, n'au Duc de Clarence: ne ia ne seront Rois d'Angleter- re (non-obstant qu'ils soient fils au Roy Edouard) mais retournera la couronne en l'ho- stel de Lancastre. En ces iours, que le Cheualier dit la parolle, n'estoit point Henry, le Comte d'Erby né, ny ne fut sept ans depuis: mais ces parolles vindrent de mon temps à effect: car ie vei, depuis, le Comte Henri d'Erbi Roy d'Angleterre.

Du traicté de mariage, encommencé entre le Comte d'Erby & la fille au Duc de Berry: & com- ment le Roy Richard d'Angleterre le fit empeschier par le Comte de Sallebery.

C H A P I T R E

C I I .

SI tost que les nouuelles vindrent au Roy Richard, en Angleterre, qu'on traittoit le mariage du Comte d'Erbi & de Marie de Berri, & que les parties estoient d'accord, il entra en grand' doute & melancolie: & prit ces nouuelles en grand' déplaisance: & dit au Comte de Sallebery (auquel il auoit grand' fiance) Sire, il faut que vous vous ordon- nez pour cheuaucher en Frâce: & ie vous bailleray lettres de creance de par nous, qui sa- drécerōt au Roy nostre pere, & à noz aimez son frere & leurs oncles: & leur dites de par nous, qu'ils s'auisē, & regardent qu'ils n'ayent nulle alliance, ne conionction de maria- ge, à vn tel trahistre, comme le Comte d'Erbi, qui a voulu trahir son naturel Seigneur: & du surplus, vous estes sage assez, & cognoissez les faits, & la matiere. Faites tant, que ie vous en sache gré, & que le mariage en soit rompu. Le Comte de Sallebery respondit: & dit, Sire, ie feray bien tout cest affaire, que vous me commādez: mais, si ce mariage pou- uez briser par autre forme que par moy là enuoyer, ie vous en sauray tresbon gré. Adōc respondit le Roy, Comte de Sallebery, ne vous excusez point: car ie veux, & vous prie,

que vous y allez:& de tout ce, que naistre pourra & venir, ie vous soust iendray outre. Le Comte respondit, Sire, puis que vous le me cōmandez si especiallement, & par semblant qu'il m'est auis qu'il vous touche, ie le feray: mais i'y vois moult enuis. Vous irez (dit le Roy) & vous hastez, auant que les alliances & conuenances soient prises. Le Comte de Sallebery s'ordonna à ce. Les lettres de creance escrites & sceelées, il se departit du Roy (qui pour lors se tenoit à Ledos, & la roïne aussi) & emporta ledit Comte lettres closes, d'estat, & de par la Roïne Ysabel d'Angleterre, au Roy de France son pere, & à son frere, & à la Roïne sa mere:& se hasta le plus-toist qu'il peust:& vint à Douures:& tantost entra en mer:& eut vent pour luy:& arriua à Calais:& là trouua le Comte de Hostidonne (qui gardien & Capitaine estoit de Calais, & frere du Roy d'Angleterre) & luy cōpta vne partie de ses besongnes: & ne seiourna gueres à Calais:& se meit au chemin, pour aller vers Amiens, & par tout, ou il arriuait, on luy faisoit bōne chere:& tant cheuaucha, qu'il vint à Paris:& se logea au blanc-cheual, à la place de grēue:& apres qu'il se fut ordōné, il alla deuers le Roy, les Seigneurs, & la Roïne:& bailla ses lettres de creāce tout dernièrement. Quand le Roy de France eut les lettres de creance du Côte de Sallebery, il le tira à part, & luy demanda de la creance. Le Comte luy dit, & recorda tout au long, ce dōt il estoit chargé de par son Seigneur le Roy d'Angleterre: & nomma le Comte d'Erby trahistre enuers son Seig. naturel. Quand le Roy de France ouit ceste parolle, si luy tourna à grand' déplaissance (car il auoit ia tant aimé le Côte d'Erby) qu'il n'en vouloit nul mal ouir dire:& rendit au Comte de Sallebery ses lettres:& dit, Côte, nous vous croyons bien: mais nostre fils d'Angleterre est vn petit trop meü contre nostre cousin d'Erby:& nous émerueillons grandement pourquoy tient si longuement son maltalent, car il nous est auis qu'il seroit bien paré, s'il l'auoit deuant luy:& les plus prochains du Conseil de nostre fils d'Angleterre y deuroient pourueoir. Trescher Sire (respondit le Comte de Sallebery) ie fay ce, qu'on me fait faire. C'est verité, dit, le Roy. Nous ne vous en sauōs nul mal-gré:& nostre fils d'Angleterre fait par-auēture telle chose, que nous ne sauons pas. Faites vostre message, ainsi que chargé vous est. Et aussi fit il:& pareillement au Duc de Berri. Le Duc de Berri ne respōdit point à ce: mais vint deuers le Roy, à S. Pol:& luy demanda des nouvelles d'Angleterre. Le Roy luy en dit, toutes telles, que le Comte de Sallebery luy auoit dites. Si furent ces Seigneurs de France, le Roy & ses oncles, pour ces nouvelles secretelement ensemble:& dirent. Le Roy d'Angleterre se doute du Comte d'Erbi grandement: ou il fait parauenture telle chose, que nous ne sauons pas: laquelle ne peut venir à nostre cognoissance: & nous deuōs auoir plus grād' faueur & cōiōction d'amour à luy, qu'au Comte d'Erbi: puis que par conionction de mariage il s'est allié à nostre sang & tiēdroit en grand despit & contraire (à ce que nous voyons, & sommes informez) se nous accordions au Côte d'Erbi, par mariage, la Cōtesse d'Eu. Nous n'en ferōs riēs. Il nous conuiēt vn peu diffimuler de cecy, & tenir en secret ces nouvelles & parolles, tāt que le Côte de Sallebery fut mis au retour. Si demourerēt le Roy & ses oncles sur celuy estat. Quand le Côte de Sallebery eut fait ce, pourquoy il estoit venu deuers le Roy de France & les Seigneurs, il prit congé, & se departit:& fut le Roy courroucé de sa venue, pour les nouvelles qu'il apporta, plus que réiouï: à ce qu'il monstra: car il rendit au Côte de Sallebery ses lettres de creance: ne nulles n'en voulut retenir: tant auoit ia pris en amour le Comte d'Erbi: lequel Comte sceut bien que le Côte de Sallebery estoit venu à Paris: mais point ne se veirēt:& se departit le Comte de Sallebery, sans parler au Côte d'Erbi: & retourna à Calais, & de là en Angleterre:& recorda au Roy comment il auoit exploité. Quand le Comte d'Erbi sceut que le Côte de Sallebery estoit retourné en Angleterre, & parti de Paris sans parler à luy, si luy tourna à grand' déplaissance:& en tout ce ne pēsa nul bien:& aussi ne firent ceux de son Conseil:& luy dirent, Sire, vous apperceurez en brief d'autres choses, que n'avez point veuēs, n'ouïes iusques ci: nonobstant qu'on ne vous en die ne monstre nul semblant maintenant. François sont sages & couuerts: & peut estre que le Roy d'Angleterre & ceux de sa secte sont courroucez de ce que le Roy de France & les François vous mōstrent, & font si bōne chere:& esperons qu'on a ouy parler en Angleterre, que vous voulez marier à la fille du Duc de Berry. Si a le Roy d'Angleterre (auquel la chose ne vient point à plaisir) esté au-deuant, & rompu ce mariage: &, s'il est ainsi, vous en orrez de brief nouvelles. Tout ainsi, que les Cheualiers du Comte d'Erbi & de son Conseil imaginerent, la chose estoit:& auint ainsi vn mois apres que le Côte de Sallebery fut departi & mis au retour, que ceux du Comte d'Erbi (qui entremis s'estoient de traiter

Parolle du Côte de Sallebery, Ambassadeur du Roy d'Angleterre: par laquelle fut empesché le mariage du Comte d'Erby avec la fille de Berry.

Retour du Comte de Sallebery en Angleterre, sans auoir veu, ne parlé au Côte d'Erby.

de traiter ce mariage, dont nous auons ci-dessus parlé) remeirent les parolles sus, à ceux du conseil du duc de Berri: lesquels estoient chargez de respondre: & dirent ainsi, Dites à Monseigneur d'Erbi, que quand il sera en la presence du Roy, de ses oncles, & aussi de Monseigneur d'Orleâs, qu'il en parle, car en tant qu'à nous appartient, n'en voulons plus parler: puis qu'on ne veut. Tout ce ne plus ne moins, fut dit au Comte d'Erbi, & recordé, lequel n'y pensoit encor nul mal: mais pésoit que les traitteurs l'eussent dit en especialité, pour plustost approcher la besongne (car le Roy de France & tous les Seigneurs luy monstrerent aussi bon semblant au dernier comme au commencement) & meit bien en memoire tout ce qu'on luy auoit dit: & luy en souuint, quand il fut heure: car, quand il veit le Roy & les Seigneurs tous ensemble, il renouela les paroles du mariage. Adonc respondit le Duc de Bourgogne (qui estoit chargé de parler) & dit, Cousin d'Erby, nous n'auons que faire de donner à vn trahistre nostre † cousine par mariage. De ceste parolle mua tresgrandement couleur le Comte d'Erbi, & dit, Sire, ie suis en la presence de Monseigneur le Roy: & veux respôdre à ce. Ie ne fu onques trahistre, ne trahison ne pensay: & si aucun estoit, qui de trahison me voulist charger, ie suis tout prest de respôdre: soit presentement, ou quand il plaira à Monseigneur qui cy est. Nenni, cousin dit le Roy. Ie croy que vous ne trouuierez ia homme en France, de la nation & teneur de France, qui vous chalenge vostre hōneur, & les paroles que mon oncle vous dit, viēēt d'Angl. Adonc s'agenouilla le Comte d'Erbi, & dit Monseigneur, ie vous en croy biē. Dieu nous y garde tous noz amis, & y confonde tous noz ennemis. Le Roy de France fit leuer le Comte, & dit, Cousin, appeisez vous. Toutes ces choses tourneront à biē: & quād vous ferez d'accord par tout, adonc pourra on biē parler du mariage: mais auāt il cōuiēt que vous ayez releué la duché de Lâclastre: car c'est l'usage de France, & de plusieurs païs de deça la mer, quād vn seigneur se marie, que par le grē de son Seigneur (l'il a souuerain) il † douē sa femme. Adonc furēt apportez vin & espices: & cefferēt ces paroles, & s'en alla chacun ou aller deuoit, si tost que le Roy fut retourné en son secret. Vous deuez sauoir que, quād le comte d'Erbi fut reuenue en l'hostel de Clifson, il fut amerement courroucé, & biē y auoit cause quād luy (qui se tenoit vn des plus loyaux Cheualiers du mōde) en la presence du Roy de Frâce (qui moult l'aimoit & auoit fait de grans courtoisies, & faisoit encor tous les iours) on l'auoit reputé pour vn trahistre, & que ces paroles venoiēt d'Angl. & les auoit apportees le cōte de Salberi. Les Cheualiers dudit cōte le rappaiserent moult doucement & sagement, & luy dirent, Monseigneur, il fault en ce monde viure & endurer qui viure veult. Confortez vous pour le present, & endurez & portez patiemment: & par auāturez vous assez, apres gloire & ioye & de tous les Seig. qui sont deça la mer, Le Roy de France est celuy, qui mieux vous aime, & à ce que nous voyōs & entendōs, il y pouruoiroit volontiers, s'il veoit que peine y fust employee: & vous deuez sauoir grād grē à luy & à ses oncles: quād ils ont tenu ses parolles en secret, ce pendāt que le Comte de Salberi fut par deça & iusques à ce qu'il est retourné en Angleterre. Voire? dit le Cōte d'Erby à ses cheualiers. Il m'est aduis qu'il vaudroit beaucoup mieulx qu'on le m'eust dit en la presence de luy, que tant auoir attēdu, le me fust excusé suffisammēt. & si acertes deuant le Roy & les Seigneurs qu'on l'eust bien veu. Or demourray en ce blasme, iusques à ce qu'il sera autrement éclairci. Monseigneur (respondirent les cheualiers) tous meffaits ne sont pas amēdez à la premiere fois. Souffrez & laissez le tēps couler auāl. I'espere que voz besongnes se porteront mieulx en Angl. que vous ne pensez. L'aimour que les bonnes gens ont à vous en leurs cœurs, avec leurs bōnes prieres, vous deliureront en brief, s'il plaist à Dieu, de tous dangers. Ainsi disoient ils, pour reconforter leur Seign. le comte d'Erby (qui tant estoit desconforté, que nul homme pourroit aucunement estre) & de ce qu'ils luy remonstroiet en bien à l'auenture, ils disoient verité: cōme ie vous diray sur heure. Les nouuelles vindrent en Angl. du comte de Salberi, qui auoit esté en France, deuers le Roy & ses oncles, & ses amis, & porté lettres de creāce † & sur ces lettres informé le Roy de Frâce son frere & ses oncles, que le Cōte d'Erbi estoit periure, faux, mauvais & trahistre. Desquelles parolles aucuns des Nobles & des Prelats furent grandement troublez parmi le royaume d'Angl. & en sceurent au comte de Salberi tresmauvais grē, & dirent generalement entr'eux. Le comte de Salberi a mal fait: quand il l'est chargé de porter en France telles nouuelles, & sur le plus preud'homme du mōde Vn iour viēdra qu'il s'en repētira si à certes, qu'il dira, Ce poise moy, qu'onques ie fu en France, porter message à lencontre du Comte d'Erbi. Vous deuez sauoir que les

† La parole du comte de Salberi declairee au Comte d'Erbi. Surquoy prenes ce mot, cousin ne pour patēte de tout le sig royal de France

† Il y auoit ne doue contre le sens de l'Auteur.

Confort des cheualiers du Comte d'Erbi à leur seigneur sur la parole du comte de Salberi.

† Ceste clause est faurnie selonc Verard.

† *A mon aui
qu'il fuit venir
ce mot de ville
cōme citoyēs
de cité sans le
vouloir tourner
à oustrage, ou
bien faudroit li
re les vaillans
hommes de
Lōdres, &c.
routesfois les
chap. 108. &
112. semblent
vouloir du con-
traire.*

† vilains de Londres en furent grandement courroucez: & en parlerent & murmurerēt grandement contre le Roy & son conseil, & dirent, Haa, gentil Cheualier, Comte d'Erbi, les grāns enuis qu'on a sur vous! Il ne suffit pas au Roy & à son Conseil, si on vous a mis & debouté hors de ce pays: quand on vous accuse encor de trahison, pour plus vous blasmer & vergongner, & par Dieu toutes choses viendront à point, à leur tour. Helas (disoit le peuple) & q̃lle chose ont voz enfans forfait? quand le Roy leur toult & ostel l'heritage de leur pere, & leur ayeul, & ce qui doit estre à eux par droite ligne d'hoirie & succession (Ceste chose ne peut longuement demourer en celuy estat, sans chāger ne nous ne le pouuons voir, ne souffrir nullement).

Comment le Roy Richard d'Angleterre fit publier vne iouste & feste, à laquelle peu de gens se trouuerent: & comment voulant aller en Irlande, bannit le Comte de Northombellande, & son fils hors d'Angleterre.

CHAP. CIII.

*Voyage du Roy
Richard vers
Bristo pour al-
ler en Irlande.*

*Cause de ban-
nissement sur le
Comte de Northombellande
& son fils.*

*Le comte de
Northombellande
& son fils
aduertis de ne
venir au voyage
du Roy Ri-
chard.*

OR auint assez tost apres la reuenue du Comte de Salberi en Angleterre, du voyage qu'il auoit fait en Frāce que le Roy Richard fit crier, & publier par tout son Royau me, iusques en Escoce, vnes ioustes estre à Windesore, de quarante cheualiers dedaits, & de quarante Escuyers: qui deuoient estre vestus de verd, à vn blanc faucon, & estre la Royne à celle feste, biē acōpaignee de Dames & de Damoiselles. La feste se tint: & y fut la Roine, à grād artoy: mais trop peu de Seigneurs y vindrent, car bien les deux pars des Cheualiers & escuyers d'Angleterre auoient pris le Roy en trop grande haine, tant pour le Comte d'Erbi (qu'il auoit mis hors d'Angleterre) & pour ces iniures qu'il auoit fait à ses enfans, que pour la mort du Duc de Glocestre (lequel il auoit fait tuer au chasteau de Calais) & aussi pour le Comte d'Arondel (qu'il auoit fait decoler à Londres) dont les lignages des dessusdit Seigneurs ne vindrent oncques à la feste: & ainsi n'y eut que bien peu de gens. A celle feste le Roy ordonna aller sur les frontieres d'Irlande, pour là employer son temps, & ses hommes, & laissa la Royne Isabel sa femme, & tout son estat, au chasteau de Windesore, & puis il prit le chemin de Bristo, & fit là par tout ses pais, faire ses pourueances grandes & grosses, & auoit bien deux mille lances de cheualiers & Escuyers & dix mille Archers. Quand les Londriens entendirent qu'il tenoit ce chemin, si cōmencerent à murmurer plusieurs ensemble, & dire par maniere de sort. Or s'en va Richard de Bordeaux le chemin de Bristo & d'Irlāde. C'est à sa destruction. Iamais n'en retournera à ioye non plus que fit le Roy Edouard, son ayeul qui se gouuerna si follement, qu'il le cōparut, & par trop croire le Seigneur Despensier. Aussi Richard de Bordeaux a tāt creu pource & mauuais Conseil, que ce ne se peut celer, ne souffrir longuement. Vous deuez sauoir que plusieurs barons, cheualiers & escuyers d'Angleterre, nonobstāt qu'ils cheuauchassent & fussent à la compaignie du Roy Richard en ce voyage d'Irlande, si se malcontentoient ils de luy, & n'y alloient pas de bon cœur: & parloient l'un à l'autre moult souuent, en disant, Nostre Roy se gouuerne trop follement & croit mauuais conseil: & tant en parlerent les vns aux autres, que le comte de Northombellāde, & messire Henri de Persi son fils en parlerent si auant & à certes, que les paroles vindrent à la cōnoissance du Roy & de son conseil, & fut dit au Roy Sire, telles choses ne sont point à souffrir, que le comte de Northombellande & son fils dient: car c'est pour troubler voz sugets à l'encontre de vous. Il vous fault tous les rebelles l'un apres l'autre corriger: parquoy les plus grans vous doutent, & s'y exemplient. Il est verité (dit le Roy) & comment est-il bō que i'en vse? Nous le vous dirons. Sire ils ne sont point en ceste cheuauchee. Ils y doiuent venir, & eux venus ils viendront en vostre presence: & là par le comte de Salberi, ou par autre qu'il vous plaira vous leur ferez remonstrer les parolles impetueuses, lesquelles ils ont parlé sur vous & vostre conseil. Vous orrez qu'ils vous respondront: & sur ce vous aurez auis de les corriger: soit par prison ou autre forme. Le Roy respondit à ce, & dit, Vous parlez bien. Ainsi sera fait. Le comte de Northombellande & son fils etirent de bons amis en ceste cheuauchee, par lesquels vne partie des secrets confaux du Roy leur furent reuelez, & si notoirement dits, qu'ils n'auoient que faire de venir en la cheuauchee, n'en la presence du Roy: car s'ils y venoient, ils receuroient blasme, & dōmage, & que le Roy estoit dur informé alencontre d'eux. Quand ces nouvelles leur furent venues, ils retarderent de venir au seruice du Roy, & à bonne cause: car il estoit tellement cōseillé, que s'ils y fussent venus, ils estoient en peril de leurs vies. Quand ceux du conseil veirent que le Comte de Northombellande & son fils ne venoient point, ils dirent au Roy, Sire regardez si nous vous informons de verité. Le comte de Northombellāde ne son fils ne vous daignēt

daignent seruir: ne point ne viendront, pour mandement que vous faciez: & si vous les mandez, vous cognoistrez si nous difons verité. Le Roy respondit, ie le feray. Lors furent lettres escrites, seellees, & enuoyees, par messager notable, deuers le Comte de Northombellande, & messire Henry de Perfi son fils: & estoit contenu en icelles lettres, que tantost & sans delay: icelles veues, ils veinssent; & feissent leur deuoir: ainsi que tentus estoient de faire. Tant exploita le messager, qu'il vint à vn tresbeau chasteau dudit Comte, seant sur la frontiere d'Escoce. Le messager sacquita bien de faire ce, dont il estoit chargé. Le Comte lisit les lettres tout au long: & puis les monstra à son fils. Ils eurent auis de faire bonne chere audit messager, & d'escire au Roy, & eux excuser, que pour le present ils n'estoient pas en point, ne conseiliez de partir de leur pays, & que le Roy auoit assez gens sans eux, pour la besongne qu'il auoit à faire. Le messager du Roy retourna, & apporta les lettres du Comte. Le Roy les ouurit, & lisit: & ne luy furent pas plaisantes les responfes, n'à ceux qui le conseilloyent: & auint que, pource, & autres choses, dōt le Comte de Northombellande & son fils furent publiquement chargez & accusez, ils furent bannis du Royaume d'Angleterre, à non retourner, iusques au rapeau du Roy, & fut, ceste ordonnance publiée par toutes les citez du Royaume d'Angleterre: & par especial à Londres: dont les Londriens furent émerueillez, & ne pouuoient sauoir, ne congnoistre iustement, pour quel cas cela estoit fait, car ils tenoient le Comte de Northombellande & messire Henry son fils, pour aussi vaillans & preudhommes, que nuls, qui fussent au Royaume d'Angleterre. Adonc dirent les aucuns (qui imaginoient le fait, en parlant & deuissant l'un à l'autre) Ceste haine & rancune vient du Conseil du Roy: lequel le destrui-
ra. Je croy que le Comte de Northombellande & messire Henry son fils ont parlé trop auant sur le conseil du Roy & sur son fol gouuernement: & verité ne peut estre ouye. Si conuient que les gentils Cheualiers le comparent, & apres le compareront ceux, qui à present les iugent. Ainsi parloient les Londriens, déplaissans, & la plus saine partie d'Angleterre, de l'ennuy & déplaissance dudit Comte & son fils, les plus grans du pays, d'auoir & de lignage, & qui auoient à frere ce vaillant Cheualier, messire Thomas de Perfi: lequel de long temps auoit fait de beaux seruices au Roy & au Royaume d'Angleterre. Quand il sceut les nouvelles comment on l'auoit banni, il tint celuy cas & fait à déraisonnable: & manda en Northombellande tous les amis, que pour lors il peut auoir & assembler, car plusieurs de son lignage estoient encores en la compagnie & cheuauchée du Roy: qui ne le pouuoient laisser: † & toutesfois messire Thomas de Perfi, frere dudit Comte le voulut faire son heritier. Quand ils furent tous venus le Comte se conseilla à eux, pour sauoir comment il se maintiendrait de ce blasme, que le Roy luy faisoit, sans nulle cause. Il fut cōseillé qu'on enuieroit au Royaume d'Escoce, prier au Roy, qu'à luy & à son fils il voulsist prester terre & manoir, pour eux tenir vn temps, iusques à ce que les choses seroient retournees à leur droit, & que le Roy seroit appaisé. Ce conseil fut tenu: & enuoyerent en Escoce, deuers le Roy & les Barons, sur la forme que dit vous ay. Le Roy Robert d'Escoce & le Comte Archambaut Douglas, & les Barons d'Escoce qui pour ce temps regnoient, descendirent légèrement & volontiers à la priere du Comte de Northombellande & de son fils: & leur manderent qu'eux & leur pais estoient tous appareillez de les recueillir, & fils auoient besoing de cinq ou six cens Lances, ils les au-
roient sur heure, mais qu'ils en fussent signifiez. Ceste responce pleut grandement au Comte de Northombellande, & à son lignage, & demeura la chose en l'estat, & ledit Comte en son pays entre ses amis, car le Roy Richard & ceux, qui le conseilloyent, eurent tant à faire, sur briebs iours, qu'ils n'eurent loisir d'entendre au Comte de Northombellande, n'à luy dire. Vous vuiderez Angleterre, ou nous la vous ferons vider de fait. Mais leur conuint cesser, & perdre tout leur propos, ainsi que vous orrez recorder bien briuement en l'Histoire.

Comment les Anglois, & principalement ceux de Londres s'emeurent contre le Roy Richard, en faueur du Comte d'Erby.

CHAP. CIIII.

LE Roy Richard d'Angleterre estant en la marche de Bristo, & y tenant ses estats, les hommes généralement parmi Angleterre se commencerent fort à émouuoir & eleuer l'un contre l'autre: & estoit iustice close par toutes les cours d'Angleterre: dont les vaillans hommes † Prelats, & paisibles, qui ne vouloient que paix simpleffe, & amour, & payer ce qu'ils deuoient, se cōmencerent grandement à ébahir, car il comencea à se mettre sus vne maniere de gens, par plusieurs routes & cōpaignies, qui tenoient les chāps

Le Comte de Northombellande & son fils bannis d'Angleterre.

† Rapportez cest il au Comte de Northombellande.

† Ce passage est obscur, & n'ay par qui l'éclaircir. Neantmoins ie liroye volontiers & pour lors, entendars que Thomas de Perfi voulust faire le Comte de Northombellande son heritier.

† Je doute qu'il n'y faille lire prudens & paisible.

*Brigandages et
voleries en An-
gleterre. Istant
le Roy sur son
voyage d'Ir-
lande.*

& n'osoient les marchands cheuaucher, n'aller en leurs marchandises, pour doute d'estre dérobez, & ne sauoient à qui s'en plaindre, pour leur en faire raison & iustice. Lesquelles choses estoient moult préiudiciables & déplaisantes en Angl. & hors de leurs coustumes & vsages, car au Royaume d'Angleterre, tous gés, laboureurs & marchands, ont appris de viure en paix, & à mener leurs marchandises paisiblement, & les laboureurs de leurs terres labourer, & on leur faisoit tout au contraire. Premièrement, quād les marchā des villes alloient de l'une à l'autre faire leurs marchādises, s'ils portoiēt or ou argent, on leur ostoit de leurs bourses: & n'en auoient autre chose. Aux laboureurs, on prenoit en leurs maisons, blez, auoines, beufs, vaches, porcs, moutons, & brebis: & n'en osoient les bōnes gens mot sonner, & commencerent ces meffaits grandement à multiplier, & tant, que les regrets & lamentations en furent par toute Angleterre, ou ces meffaits se faisoient: & disoiēt les bōnes gés. Le tēps no⁹ est biē mué en mal, depuis la mort du Roy Edouard de bonne memoire. Iustice estoit tenue & gardée grandement & iustissamment. De son temps il n'estoit homme (tant fust hardy) qui osast prēdre en Angleterre vne poule n'un mouton, sans payer, & pour le present on nous oste le nostre: & n'en osons parler. Ceste chose ne se peut longuement tenir en l'estat, qu'Angleterre ne soit perdue toute, sans recouurer, car nul ne va au deuant, ne nous n'auons, point de Roy, qui vaille. Il n'entend qu'à toutes oisietez, & à ses plaisances accomplir, & ne luy chaud (à ce que il monstre) cōment les choses voient: mais que sa volonté soit faite. Il y faut pourueoir, ou noz ennemis & mal vueillans seront réiouis de nous. Ia a ce Roy Richard mis en voye son frere, le Côte de Hostidonne, à Calais, Il y pourroit bien auoir par luy aucunes choses, & se pourroient faire aucuns couuers & mauuais traittez, deuers les François, à Calais, & le leur rēdre (leq̄l est tant propice & nécessaire au Royaume d'Angl.) & si le cas auenoit que Calais fust rendue aux François, onc gens ne furent plus ébahis, ne déconfits, que les Anglois seroient, & à bonne cause: car ils auroient perdu les clefs du Royaume de France. Ainsi se multiplioiēt lamentations & parolles en plusieurs contrées d'Angleterre, & venoient les Prelats & riches hommes demourer à Londres, pour estre mieux assurez de ce mechef. Or estoient tous réiouis ceux des lignages des Princes, que le Roy auoit fait mourir & enuoyé en exil: & n'attendoient, sinon que plus grand mechef encores suruenist. Les citoyens de Londres (qui sont riches, & qui plus viuent des marchandises qui courent par mer & par terre, & ont appris à tenir grand estat sur ce, & par lesquels tout le Royaume d'Angleterre s'ordonne & gouuerne, ne tout le demourant du pais n'en pourroit n'oseroit faire autre chose) considererent cest à faire, & veirent bien que trop grand mechef estoit apparent de venir soudainement en Angleterre: son n'y pourueoit, ainsi que iadis ils auoient pourueu † tant seulement sur le Roy Edouard & le Seigneur Despēfier: qui auoient mis hors d'Angleterre la Royne Ysabel & Edouard son fils, & les vouloient destruire, & ne sauoient cause pourquoy: & furēt absens & hors du Royaume d'Angleterre plus de trois ans: & en fin, quād les Londriens veirent que celui Roy Edouard estoit fort assoté sur messire Hue le Despensier, ils y pourueurēt, car ils manderent tout secrettement à la Royne Ysabel, si elle pouoit faire qu'elle eust trois cens armeures de fer, qu'elle veinst en Angl. & elle trouueroit les Londriens, & la plus saine partie des hōmes des villes d'Angleterre, & aussi Cheualiers & Escuyers, qui la recueilleroient, & mettroient en possession du Royaume d'Angleterre. La Dame trouua messire Jehan de Hainaut Sire de Beaumont & de Chimay, & frere au Côte Guillaume de Hainaut, qui de grand volenté, par amour & par pitié, entreprit le voyage à faire, & à remener la Royne & son fils, & pria tant de Cheualiers & Escuyers, qu'ils se trouuerēt quatre cens armeures de fer & arriuerent en Angleterre, sur le cōfort des Londriens, lesquels leur aiderent leur fait à acheuer (car sans leur aide & puissāce, ils ne fussent iamais ven^u au dessus de leur entrepri se) & fut le Roy Edouard pris au chasteau de Bristo, & mis au chasteau de Bercler, auq̄l il mourut, & furēt tous morts, & exécutez cruellement, ceux qui l'auoient forcōseillé, & celui iour † Edouard fut couronné à Roy d'Angleterre au Palais de Westminster, De tout ce il souuenoit biē aux Londriens, car les enfans (qui hōmes estoient deuenuz) l'auoient ouy recorder à leurs peres, & les plusieurs le trouuoient par escrit, es escritures de celui tēps. Si disoient l'un à l'autre secrettement, Noz peres, & anceffeurs de bonne memoire, pourueurent iadis aux grans mechefs, lesquels estoient apparés en Angleterre, & onc ne furent si grans, cōme ils apparent pour le present, car qui laissera faire les volōtez à ce mechāt Roy Richard de Bordeaux, il gastera tout, ne oncques, depuis qu'il fut Roy, bien ne

*† le doute qu'il
n'y faille tout
sagement.*

*† C'est assavoir
siers du nō, fils
de ce pauvre in-
fortuné.*

bien ne prosperité n'auindrent au Royaume d'Angleterre, ainsi comme ils faisoient par-
 auant, n'il ne monstre pas que son pere fust le Prince de Galles, car s'il l'eust esté, il eust sui-
 ui ses meurs, & pris garde & plaissance à ses prouesses, & onques ne voulut que le repos
 & seiour, les ebatemens & oisietez des Dames, & estre tousiours avecques elles pour
 deuifer, & croire homme de peu d'effect, & assembler grans tresors, & destruire le Royau-
 me d'Angl. Lesquelles choses on ne luy doit point souffrir. Or (pour ce que ce vaillant
 homme, le Duc de Clocestre, y voioit si cler, & que les besongnes d'Angleterre se por-
 toient si mauuaisement, & tons les iours alloient de pis en pis, & qu'il en parloit plain-
 ment & hardiment) l'ont les trahistres (qui se tiennent delez le Roy) fait mourir, & aussi
 ce vaillant homme & Cheualier le Comte d'Arondel, & bouté hors du Royaume d'An-
 gleterre, sans nul tiltre de raison, ce ieune & vaillant Seigneur, Monseigneur Henri de
 Lanclastre, Comte d'Erbi: par lequel ledit Royaume peut & doit estre conseillé, & souste-
 nu, & par quatre beaux fils, qu'il a. Dont c'est grand cruauté, car avecques tous les con-
 traires & dommages, qu'on fait souffrir au pere (qui est par dela la mer en grande deplai-
 sance) ont desherité ses enfans, & les heritages, qui furent à leur tante, ^{† il prend le} Madame Blan-
 che de Lanclastre, on les donne & depart, tous les iours à ceux, qui ne sont pas dignes de ^{mot pour} ayeule.
 les auoir: & (pour ce que ces deux vaillans Cheualiers, le Comte de Northombellande
 & messire Henri de Perfi son fils, en ont parlé, & par raison) le Roy Richard les a fait ban-
 nir d'Angleterre: & ainsi il est apparent que bien tost il n'y aura nul homme de vaillance
 en Angleterre: & s'y nourrirent, & sont à engendrées, toutes felonnie, & haines, qui se
 multiplient grandement, & bien tost (s'on n'y pouruoit) tout ira mal, & la pourueance est
 qu'on mande le Comte d'Erbi (qui perd son temps en France) & luy venu par de ça, on
 luy baille, par bonne ordonnance, le regime du Royaume d'Angleterre, parquoy il se re-
 forme en bon estat: & soient punis & corrigez ceux, qui l'ont defferrui, & Richard de Bor-
 deaux pris, & mis en la tour de Londres, & tous ses faits escripts & mis par articles (des-
 quels on trouuera grand foison) & quand ils seront venus & bien examinez: on verra ^{Propos des Lon-}
 bien clerement, qu'il n'est pas digne de porter couronne, ne tenir Royaume, car ses œu-
 res les condamneront: qui sont infames.

*Comment l'Archeuesque de Cantorbie fut enuoyé en France deuers le Comte d'Erby de
 par les Londriens & aucuns leurs consors d'Angleterre, pour faire reuenir ledit
 Comte.*

CHAPITRE CV.

Ainsi, & en plusieurs manieres, parloient les Londriens, & deuisoient l'un à l'autre, &
 non pas tât seulemēt en la cité de Lōdres, mais aussi en plusieurs lieux du Royaume
 d'Angleterre: & vous devez croire, que pour retourner Angleterre, ce dessus deffous
 (quelques deuis, parolles, & murmurations, que les hommes eussent les uns aux autres)
 ils n'eussent iamais osé entreprendre ce, qui fut entrepris contre le Roy: si les Londriens,
 n'eussent commencé. Les citoyens de Londres, comme chefs du Royaume d'Angleter-
 re, & puissans qu'ils sont, pour obuier & pourueoir aux grans mechefs, lesques estoient
 apparens en Angleterre, eurent secrets Consaux ensemble, & avecques eux aucuns Pre-
 lats & Cheualiers d'Angleterre: esquels Consaux il fut dit, & arresté, qu'on enuoyeroit
 querir le Comte d'Erby (qui se tenoit à Paris, ou là pres) & le feroit on retourner en An-
 gleterre: & luy reuenu, on luy remonstreroit le mauuais gouuernement de ce mauuais
 Roy Richard, & luy mettroit auant qu'il voulsist entreprendre le gouuernement del'he-
 ritage & couronne d'Angleterre, & on le feroit Roy, & luy & ses hoirs, à demeurer per-
 petuellement: mais qu'il voulsist tenir ledit Royaume en tous bons vsages. Or fut auisé, &
 regardé, que pour faire ce message, il conuenoit enuoyer deuers le Comte d'Erby hom-
 me prudent, & de creance, car c'estoit grāde chose à eleuer le Comte d'Erby hors du
 Royaume de France: là ou le Roy de France, ses oncles, & les Seigneurs, luy auoient fait
 & faisoient encores tous les iours, amour & courtoisie, & iamais sur les simples parolles
 d'un messager, ne par lettres enuoyées, il n'adiousteroit foy: mais pourroit penser & sup-
 poser tout le contraire. Si fut prié l'Archeuesque de Cantorbie, homme d'honneur, &
 d'excellēce & prudēce, de faire ce message, lequel, pour le proffit commun du Royaume
 d'Angleterre, l'accorda legerement de le faire, à la priere & requeste des Londriens, &
 ordonna ses besongnes si sagement, & si pourteument que nul ne sceut son partement,
 fors ceux qui deuoient le sauoir, & entra en vne nef, luy septiesme tant seulement, à Lon-
 dres, sur la riuere de la Tamise: & passa outre, sans peril n'empeschement, & vint à l'Es-

† ne doute qu'il
n'y fallle l'Es-
caud.

L' Archeuef-
que de Can or-
bie, enuoyé par
les Londriens,
trouuer le Com-
te d' Erby au
chasteau de
Winchestre, pres
Paris, ou il luy
declaire sa char-
ge en secret.

cluse en Flandres, & de là en Ardembourg, & puis à Gand, & à Audenarde, à Aath en Bra-
bant, à Condé sur l'estaule, & de là à Valenciennes : & descendit à l'hostel du Cigne,
sur le marché : & là s'arresta trois iours, & puis se refreschit : & ne cheuauchoit pas com-
me Archeuesque de Cantorbie, mais comme vn moine, pelerin, & ne découuroit à nul
du monde son estat, ne ce qu'il auoit en pensée de faire : & se departit de Valenciennes,
au quatriesme iour, & prit vn homme, pour le conduire, qui sauoit bien le chemin pour
aller à Paris : & donnoit à entendre qu'il alloit en pellerinage à Saint Mor des fossez, &
tant fit par ses iournées, qu'il vint là ou le Comte d'Erby se tenoit : & croy que c'estoit à
l'hostel qu'on dit Wicestre, seant pres Paris. Quand le Comte d'Erby veid l'Archeuef-
que de Cantorbie venir deuers luy, tout le cœur luy eleua : & se réiouirét tous ses esprits,
& aussi feirent ils à tous ceux, qui delez luy estoient, & supposèrent tantost qu'aucunes
nouuelles il apportoit d'Angleterre. L'Archeuesque ne dit pas presentement ce, qu'il a-
uoit en propos, de dire & faire : mais dissimula, à fin qu'on ne sceust riens de ses secrets : &
dit, oyans tous, pour couvrir ses besongnes, qu'il estoit venu en pelerinage à Saint Mor
des fossez : & tous ceux de l'hostel au Comte d'Erby le cuiderent, & s'appaiserent sur ce.
Quand l'Archeuesque de Cantorbie vit qu'il fut heure de parler de la matiere & beson-
gne pour laquelle il estoit especialement venu, il tira à part le Comte d'Erby tant seule-
ment : & s'enfermerent en vne chambre, & luy remonstra & recorda ledit Archeuesque
la debilité du Royaume d'Angleterre, & la violence & desolation, qui en plusieurs lieux
& contrées y estoient, & comment iustice n'y auoit regne, siége, ne lieu, par defaute de
Roy, & comment les Londriens, avecques aucuns vaillans hommes, Prelats, & autres,
y vouloient pourueoir, & y auoient auisé generalement, & pour ce estoit il là enuoyé,
pour luy dire qu'il voulsist retourner en Angleterre (car il perdoit son temps en France)
& on le feroit Roy, car Richard de Bordeaux auoit fait & consenty à faire, tant de faits
infames, que tout le peuple s'en douloit amerement, & se vouloit eleuer contre luy : Et,
ores ou iamais (dit l'Archeuesque) il est heure que vous entendez à vostre deliurance &
proffit, & aussi de voz enfans, car si vous n'y entendez, nul n'y entendra pour eux : & ce
Richard de Bordeaux donne & depart à ses varlets, & à ceux qui luy demandent, vostre
héritage, & l'heritage de voz enfans. Desquelles choses les Londriens, & moult de vail-
lans hommes en Angleterre, sont moult courroucez, si amender le pouuoient, & n'ont
osé parler iusques à ores. Mais (pource que Richard de Bordeaux à mal vsé, & s'est for-
fait enuers vous & vostre oncle le Duc de Glocestre, lequel par trahison il fit prendre de
nuit & enuoyer à Calais pour le meurtrir, & le Comte d'Arondel, sans nul tiltre de rai-
son, & le Comte de Waruich enuoya en exil, & vous a mis hois d'Angleterre, & veut des
hériter le Royaume d'Angleterre des Nobles & vaillans hommes, qui bien y affierent, &
par lesquels il doit estre soustenu & gardé, & qu'encores a il chacé & banni hors d'Angle-
terre le Comte de Northombellande & messire Henri de Perfi son fils, pource qu'ils ont
parlé trop auant sur ce Richard de Bordeaux & sur son Conseil, & qu'il s'efforce tous les
iours de mal faire, & fera, qui n'ira au denant) les Londriens, & la plus grande partie des
Cheualiers & Prelats du Royaume d'Angleterre, en ont pitié : & vous prient, & mandent
que vous ne vous endormez pas, mais prenez congé du Roy de France & des François,
& retournez en Angleterre, car vous y serez recueilly à ioye, & vous tiendra l'on toutes
conuenances, que ie vous dy, car on ne desire auoir autre que vous : tant y estes aimé & de-
siré. Quand le Comte d'Erby eut ouy, tout au long l'Archeuesque de Cantorbie, si ne
respondit point si tost, mais s'apuya sus vne fenestre, qui regardoit dedans les iardins, &
pésa vne espace : & eut mainte imaginatiō, & quād il se retourna deuers l'Archeuesque,
il dit, Sire, voz parolles me donnent à penser. Enuis i'entrepen ceste chose : & enuis la
laisse aller, car bien say que bonnement, en trop long temps, ie ne puis retourner en An-
gleterre, fors que par le moyen, que vous me dites. Enuis m'encline à ce, car le Roy de
France & les François me font, & ont fait, & feront tant que ie voudray icy demourer,
à mon honneur compaignie, & courtoisie, & si ie fay selon les parolles & promesses, que
vous & les Londriens, mes bons amis, me dites & promettez, il faudra que ie m'allie &
conuenance du tout à leur volonté, & que le Roy Richard soit pris & destruit, & de ce
ie seray blasmé, laquelle choses ie ne feroye pas volontiers, si par autre voye & forme il
se pouuoit faire. Sire (respondit l'Archeuesque) ie suis icy enuoyé deuers vous, en espé-
ce de bien. Appelez vostre conseil, & leur remonstrez les parolles, que ie vous ay dites, &
ie leur remonstrey la cause, pourquoy ie suis icy venu. Aussi ie croy qu'il ne vous con-
seille-

† Entēde des
Londriens, &
que pour le re-
ste il pourra e-
stre blasmé des
François &
autres.

seilleront pas du contraire. Le le veulx (dit le Comte d'Erby) car telles choses demandent bien auoir conseil. Adonc fit le Comte d'Erby appeller son conseil, Cheualiers & Escuyers, qui là estoient: esquels il se fioit le plus. Quand ils furent venus & entrez en la chambre, le Côte d'Erby fit audit Archeuesque recorder les parolles, qui cy dessus sont dites. Lequel bien & à droit les forma, moult sagement. Apres ledit Comte en demanda conseil à ses hommes, pour sauoir quelle chose en estoit bon de faire. Tous respondirent d'une suite, & dirent: Monseigneur, Dieu vous a regardé en pitié. Gardez vous bien que iamais vous ne refusez ce marché, car iamais vous ne l'aurez meilleur, ne plus beau. Et qui voudroit bien enquerre de vostre lignage, & dont vous venez & descendez, vous estes du droit & escot & generation de Saint Edouard: qui fut Roy d'Angleterre. Remerciez voz bons amis les Londriens, de ce qu'ils vous veulent oster & deliurer de danger, & ont pitié de voz enfans & du Royaume d'Angl. qui gist en desolation, & vous souuienne des torts & iniures, que ce Richard de Bordeaux vous a fait, & ne se fait pas encôres tous les iours de vous faire, car quâd le mariage devous & de la Comtesse d'Eu, Madame Marie de Berri, fut sur le point d'estre fait. Richard de Bordeaux enuoya en France le Comte de Salleberi, pour tout briser: & fustes nommé trahistre, faux & mauuais, en la presence du Roy & des Seigneurs: lesquelles choses & parolles ne sont pas à pardonner mais deuez desirer comment vous en pourrez auoir vengeance. Si vous ne vous voulez aider, nulluy ne vous peut aider, Si ayez auis sur ce.

Comment le Comte d'Erby prit congé du Roy de France & des Seigneurs François, & sen alla en Bretagne, deuers le Duc son cousin.

CHAPITRE CVI.

Quand le Comte d'Erby eut ouy parler son Conseil si à certes, & remonstrer ces besongnes par belle forme, si ouurit tous ses esprits: & dit, Je feray tout ce que vous voudrez, car pour auoir conseil ie vous ay icy mandez & assemblez. Et ils respondirent tous, Vous dites bien. Nous vous conseillons à nostre pouuoir loyaument, selon ce que la matiere le requiert. Et depuis n'entendirent à autre choses, fors ordonner leurs besongnes, si secrettemēt & couuertemēt, & que nul de ceux de l'hostel, fors qu'eux, n'en sauoient riens, ne de ce qu'il vouloit faire. Or fut là auisé par entre eux, & regardé cōment ils pourroient passer la mer, auant que nulles nouuelles en fussent en Angleterre, & auiserent que de deux chemins ils conuenoit qu'ils en prissent vn, ou de venir en Hainaut & en Hollande, & monter sur la mer à Dourdreth, où aller en Bretagne, deuers le Duc & de la monter en mer, & arriuer à Pleumonde, où là ou Dieu les voudroit mettre, ou mener. Tout consideré, ils regarderent que le chemin de Bretagne leur estoit plus licite à faire que celui de Hainaut, ne de Hollande: & là fut dit au Comte d'Erby, Sire, vous irez prendre congé du Roy de France, & le remerciez des grâces & courtoisies, qui faites vous ont esté par luy: & prenez aussi congé de son frere & de ses oncles, & les remerciez tous, l'un apres l'autre, & apres que vous aurez ainsi fait, vous prierez au Roy qu'il vous baille conduite, pour aller en Bretagne, car vous voulez aller veoir le Duc de Bretagne, & demourer vne espace de temps avecques luy. Le Comte d'Erby l'accorda à tout ce, qu'on luy conseilla: & vint à Paris, apres que ces besongnes furent ordonnées pour son partemēt. Il alla deuers le Roy, ainsi qu'acoustumé auoit quâd il vouloit: & toutes les fois qu'il y venoit, les portes & chambres du Roy luy estoient ouuertes. A celle dernière fois il parla au Roy moult sagement, & ordonnément, ainsi que biē le sauoit faire, & dit qu'il se vouloit aller iouer & ebatre en Bretagne, & veoit le Duc: qu'il appelloit son oncle, car il auoit eu à femme la seur de son pere, fille au Roy Edouard. Le Roy de France n'y pensoit que tout bien. Parquoy il luy accorda bien légèrement. Apres celui accord, le Côte d'Erby luy pria qu'il peust auoir guides & cōduite, pour estre mené iusques là. Le Roy luy dit que tout il feroit, & deliureroit volontiers. Pour faire brief compte, le Comte d'Erby ordonna toutes ses besongnes par grande prudence & conseil, & prit congé de tous les Seigneurs de France, qui pour lors estoient delez le Roy: & fit donner & departir à tous les officiers du Roy grans dons (car il s'y sentoit tenu) & aussi à tous ménestriers & Heraux, qui pour ces iours dedans Paris estoient, & qui furent à l'hostel de Clifson, à vn souper, où il paya sa bien allée à tous Cheualiers François, qui là vouloient estre. Toutes ces choses faites, lendemain au matin il monta à cheual, luy & ses gens, & se departirent de Paris, & issirent hors, par la porte Saint Iaques: & prirent le chemin d'Estampes, & les conduisoit vn Cheualier de Beauffe (qui se nommoit messire Guy de Baigneux) & tant cheuaucherent, qu'ils vindrent en la ville de Blois, où ils furent enuiron huit iours,

*Autres disent
estoc ne pro-
nonçant la let-
tre s, qu'à demi
& vient du
Latin Stirps.
Quant à ce roy
s. Edouard, ce
fut le dernier
de la race des
Anglois-Saxons
apres la mort
duquel Guillau-
me le Normand
ayāt vaincu et
fait mourir Ha-
ralde, dernier
Roy de la lignee
des Danois en
Angl, cōquist
le Royaume
demeurant en-
cor aujour d'hu-
à sa posterité.*

*Depart du côte
d'Erby, apres
auoir pris con-
gé du Roy, &
des Seigneurs
de France,*

*¶ Le liroie volon-
tiers Sous
le terme, c'est
adire depuis
le terme.*

*Arrivée du
Comte d'Erby,
à Nantes, vers
le Duc de Bre-
tagne auquel
il declare par-
tie de ses affai-
res, mais non le
principal point
de se faire Roy
d'Angleterre.*

*Conseiller aide
du Duc de Bre-
tagne au com-
te d'Erby, pour
le remettre en
ses héritages
d'Angleterre.*

car le Comte d'Erby enuoia vn de ses Cheualiers, & son Heraut, en Bretagne, pour par-
ler au Duc, & signifier sa venue, car encorcs n'en sauoit il riens : & bien appartenoit qu'il
fust signifié. Quand le Duc Iehan de Bretagne entédit que le Comte d'Erby, son ne-
ueu, le venoit voir, il en fut tout réiouy, car il aimoit, & tousiours auoit esté, le Duc de Lan-
clastre, & tous ses freres. Si dit au Cheualier (qui se nōmoit messire Guillaume de la Pier-
re) Pourquoy a pris nostre neueu arrest çà ne là? puis qu'il auoit intention de nous venir
veoir, qui tout droit il n'est icy venu. Le Cheualier l'excusa, le plus qu'il peut. Nenni (dit
le Duc de Bretagne) ¶ sans le terme de sept ans ie ne vey Cheualier venir en Bretagne
si volontiers, comme ie fay mon beau neueu, & cousin le Côte d'Erby. Or tost retournez
deuers luy, & le faites venir à bonne chere, car il trouuera nostre pays tout ouuert, & ap-
pareillé pour le receuoir. De ceste respōse fut le Cheualier d'Angleterre tout réiouy : &
se meit au retour, le plus tost qu'il peut. Si vint à Blois : & recorda les parolles du Duc de
Bretagne au Comte d'Erby, & à son Conseil. Le lendemain ils monterent tous à chēual
& issirent hors de Blois, au gré des bonnes gens, car ils auoient par tout payé bien & la-
gement, tant que tous s'en contentoient. En la compagnie du Comte d'Erby estoit mes-
sire Pierre de Craon : lequel auoit esté tellement demené en Parlement, encontre la Du-
chesse d'Aniou, Roïne de Naples, qu'il estoit comme banni du Royaume de France,
& pris & saisis tous ses chasteaux, rentes & reuenues, pour la somme de cent mille francs
& encorcs moult d'autres mises, qui contribuées estoient, en poursuyuant les proces de
ceste plaidoirie. Tant exploita le Comte d'Erby, qu'il vint à Nantes : & là trouua le Duc
de Bretagne : qui le recueillit, luy & sa route, moult liément. Adōc retourna messire Gui-
de Baigneux en France : & le Comte d'Erby demoura delez le Duc de Bretagne : qui luy
fit toute la meilleure chere, qu'il peut : & là estoit tousiours l'Archeuesque de Cantorbrie
mais point ne se deceloit, à homme du monde, pourquoy il estoit là venu : & ne le sauoit
nul, fors ledit Comte d'Erby, & son Conseil. Le Comte d'Erby veit que le Duc luy
faisoit & monstroit tout l'amour du monde : & si n'epargnoit rien, pour luy, ne pour ses
gens : & bien sauoit le Duc que le Roy Richard d'Angleterre s'estoit grandement cour-
roucé à l'encontre de luy, dont il auoit pitié. Quand le Comte d'Erby eut bien considéré
l'ordonnance du Duc, & sa bonne volonté, par le conseil, qu'il eut, il se decourut à luy
d'aucunes de ses besongnes : voire par maniere & ainsi qu'en demandant conseil cōment
il se cheuiroit de ce, car la Duché de Lanclastre & tous les héritages, que son Seigneur
de pere auoit tenus, & tenoit au iour de son trepas, luy estoient echeus par hoirie & suc-
cession : & point n'estoit rappelé du Roy d'Angleterre, mais chacé & debouté, & dōnoit
to^r les iours les terres & les héritages, qui siēs estoiet & à ses enfans, aux vns & aux autres
qui legerement luy demandoient : dont plusieurs Nobles & Prelats d'Angleterre se cō-
tentoient mal sur le Roy : & en estoit le pays en grand different l'un contre l'autre : & tāt
que les bonnes gens de Londres en auoient pitié : & luy donnoient à entendre que vo-
lontiers ils le verroient (s'il vouloit retourner) & le mettroient d'accord & en amour a-
uecques le Roy : & luy feroient rauoir tous ses héritages. Quand le Duc de Bretagne en-
tendit ceste parolle, si luy dit. Beau neueu, de tous chemins on doit prendre le meilleur
& le plus propice. Par luy vous estes en dur parti. Vous de mandez conseil, & ie vous con-
seille que vous croyez les Londriens, car ils sont grans & puissans, & fera le Roy Richard
(qui mal se porte enuers vous, & de tout ce suis ie bien informé) ce qu'ils voudront, avec-
ques le moyen des Prelats, Barons, & Cheualiers, que vous auez au pays : & ie vous aide-
ray de nauire, Geus-d'armes, & Arbalestiers, pour les auentures des rencontres, qui
pourroient auenir sur la mer. De ceste parolle & offre remercia grandement le Comte
d'Erby le Duc de Bretagne.

*Comment le Comte d'Erby arriua de Bretagne en Angleterre, & cōment il fut receu
des citoyens de Londres.*

CHAPITRE CVII.

Ainsi se porterent ces ordonnances & conuenances, seablement & amoureuxment
faites du Duc de Bretagne au Comte d'Erby, & fut avecques le Duc de Bretagne
vne espace de temps : & monstroit qu'il vouloit là demourer. Ce pendant on fit toutes
les pourueances sur vn haure de mer : & m'est auis que ce fut à Vennes : & là vindrent le
Duc & le Comte : & quand il fut heure, & que le vent fut bon pour aller en Angleterre,
le Comte d'Erby & toute sa route monterent en mer, & entrerent es vaisseaux : & là y a-
uoit en la compagnie trois vaisseaux, armez de Gens-d'armes & d'Arbalestiers, pour
conduire ledit Comte iusques en Angleterre. Le nauire desancra du haure, & entra en la
mer : &

mer:& tant plus alloient auant vers Angleterre, plus auoient meilleur vent:& tant singlerent, qu'en deux iours, & en deux nuits, ils vindrent prendre terre à Pleumonde:& issirēt hors des vaisseaux:& entrèrent dedans la ville, petit à petit. Le Baillif de Pleumonde (qui auoit la ville à garder, & le port de par le Roy d'Angleterre) fut tout emerueillé quand il vit tant de Gens-d'armes & d'Arbalestiers: mais l'Archeuesque de Cantorbie l'appaisa:& luy dit que c'estoient Gens-d'armes:qui ne vouloient que tout bien en Angleterre, & que le Duc de Bretagne les enuoioit là, pour seruir le Roy & le pays:& sur ces parolles le Baillif, & gardien du port & de la ville, l'appaisa:& le Comte d'Erbi se couurit tellement qu'onques homme de la ville ne le cognut:& se tint tout quoy en vne chambre. Incontinent qu'ils furent retraits en la ville, l'Archeuesque de Cantorbie escriuit vnes lettres (qu'il signa & seella de sa main)& prit vn de ses hommes, & incontinent l'enuoya à Londres, pour porter les nouuelles du Comte d'Erbi. L'homme cheuaucha si bien, & prit cheuaux fraiz de ville en ville, que sur le point du iour: dont ils estoient arrivez la nuit: il vint à Londres:& entra dedans:& passa la porte du pont de la Thamise (car point n'estoit fermee)& vint à l'hostel du Maieur de Londres:qui estoit encores en son liēt. Si tost que le Maieur sceut qu'il estoit là venu de par l'Archeuesque de Cantorbie, si faillit sus:& fit l'homme entrer en sa chambre:& puis luy bailla ledit homme les lettres, de par l'Archeuesque. Le Maire la leut, & ouurit:& se réiouit grandement de ces nouuelles:& se leua tantost:& prit ses varlets:& les enuoya, d'hostel en hostel, chez ceux principalemēt, par qui le comte d'Erbi estoit mandé. Tous furent réiouis de ces nouuelles:& se trouuerent tantost, des plus notables hommes de Londres, plus de deux cens:qui parlerent ensemble, & ne tindrent pas long cōseil (car le cas ne le requeroit pas) mais dirent, Or tost appareillon nous, & allon querir Monseigneur de Lanclastre, puis que nous l'auons mādē. L'Archeuesque de Cātorbie a bien exploité, puis qu'il l'a amené par-deça. Si soit signifiée la venue du gentil cōte & Duc à tous les Cheualiers, qui le desirēt voir, & auoir à Seigneur. Adonc furent élus grand foison d'hōmes à Londres, à prononcer ces nouuelles & faire les messages sur le pays, aux Barōs, Cheualiers, & Escuyers, qui de leur parti estoient, & plus de cinq cens Londriens monterent à cheual: & attendoient à grande peine l'vn l'autre, de la grande volonté qu'ils auoient de veoir le Comte d'Erbi, lequel comte, ne sa route, ne s'arresta pas à Pleumonde longuemēt: mais au matin, au plus tost que leurs cheuaux furent tirez dehors des vaisseaux, ils monterent à cheual, & prirent le chemin de Lōdres, & tousiours messire Pierre de Craon, & les Bretons, en la cōpaignie du cōte d'Erbi. Le Maire de Lōdres, & tous ceux, qui la cité auoient à gouverner, furēt tous les premiers, qui rencontrèrent ledit comte sur les chāps, & l'Archeuesque de Cātorbie, & leurs routes. Si se coniouirent liēmēt, & grandemēt, de fait & de parolles, & doucemēt se recueillirent & tant plus ils cheuauchoiēt, & plus ils rencontroient de gens & Londriens, & vindrēt ce premier iour coucher à Gillesforde, à vingt huit mille pas de Lōdres & quād ce vint le lendemain, tous les citoyens & eitoyennes de Lōdres, sauiēt iā que le Comte d'Erbi, nommé, Duc de Lāclastre, venoit à Londres. Adōc vindrent toutes gens hōmes, femmes, enfans, & clergē (chacun qui mieux mieux) à l'encōtre de luy (tāt auoiēt grand desir de le veoir) & cheminoient toutes gens, à cheual & à piē, si auant qu'ils en auoient la veuē, & quand ils le veirent, ils crièrent, à haute voix. A ioye, à bien, & à prospérité, vienne le desirē, Monseigneur d'Erbi, & de Lanclastre, & disoiēt, Oncques puis qu'il issit d'Angleterre, nul bien n'auint au pays. Par luy serons nous recouuers, & mis en estat deu & raisonnable. Nous auons vescu & esté en déplaisance & ruine, pour le poure conseil que Richard de Bordeaux a eu:& de soy-mesme il en est moult coupable, car vn roy pour bien gouverner vn Royaume & vn peuple, doit auoir tant de sens & discretion, qu'il congnoisse le bien & le mal (ou autremēt il n'est pas digne de tenir & gouverner Royaume) & ce Richard a fait en tous cas le contraire:ainsi que bien sera sceu, & prouué sur luy.

De telles voix & parolles estoit recueilly & acconuoyé le Comte d'Erby, en venant à Londres. Le Maire de Londres cheuauchoit coste à coste de luy, qui grand plaisir prenoit au peuple, qui ainsi humblement & doucement le recueilloit, & disoit aucunes fois au Comte, Monseigneur, regardez & confiderez cōment ce peuple se réiouit de vostre venue. C'est verité, respondit le Comte. Et cheuauchoit en chef, & les enclinoit à dextre & à senestre, ainsi qu'ils venoient & le recueilloient. En celuy estat vindrent ils en la ville de Londres, & menerent le Comte d'Erby en son hostel, & puis se retirerent chacun au sien tant qu'ils eurent disné, que le Maire, les notables hommes, & le Conseil de Lōdres,

Embarquēmēt du Comte d'Erbi, pour s'en aller de Bretagne en Angl. ou il prēd port à Pleumonde, sans y estre cognu par le moyē de l'Archeuesque de Cantorbie, son conducteur.

Le Maieur de Londres auerty de l'arriuee du Comte d'Erbi à Pleumonde par l'Archeuesque de Cantorbie.

Les Londriens au deuant du Comte d'Erby, estant parti de Pleumonde.

Ioyuses acclamations du peuple de Londres au retour du cōte d'Erbi, nouveau Duc de Lanclastre.

& moult de Barons, Cheualiers, Euesques, & Abbez, qui dedans Londres, estoient le vindrent veoir, & réiourir, & pareillement la Duchesse de Clocestre, & ses deux filles: qui dedans Londres se tenoient, & qui ses cousines germaines estoient. Offrem, leur frere, estoient en la chambre du Roy, plus par contrainte, que par amour. Auecques ces Dames vint la Comtesse d'Arondel, & aucuns de ses enfans, & aussi la Comtesse de Waruich, & plusieurs autres Dames, qui se tenoient à Londres: & devez sauoir que toutes gens estoient si réiouis à Londres, que nuls hommes de leur mestiers ne faisoient oeuvre, ne seruice, non plus que le iour de Pasques.

Je doute qu'il n'y felle cheualier, entendant du voyage d'Irlande.

Comment le comte d'Erbi, nouveau Duc de Lancastre entreprit le gouvernement du royaume d'Angleterre, & de s'en faire roy, à l'aide des Londriens; & comment il marcha, en armes, contre le roi Richard, vers Bristo.

CHAP. CVIII.

Sous quelles conditions le comte d'Erbi accepta le Royaume d'Angl. de la main des Londriens.

Pour venir à la conclusion de la besongne, dont ie demaine le traité, conseillé fut, & pausé, qu'on se deliureroit de cheuaucher, & aller deuers le Roy, lequel ils nommoient, dedans la ville de Londres, & ailleurs, sans nul tiltre d'honneur, Richard de Bordeaux, & auoient les villains Londriens accueilli en si grande haine, qu'à peine pouuoient, ou vouloient, ouir parler de luy, fors à sa condamnation & destruction: & ia auoient traité les Londriens, deuers le Comte d'Erbi: qu'il seroit leur Seigneur & Roy: & s'ordonnerent de tous points, par leur Conseil, a ceste alliance & ordonnance faire. Le Comte d'Erbi meit en termes, qu'il entreprendroit le gouvernement du Royaume, à demourer perpetuellement, & à tousiours, à luy & à ses hoirs: & ainsi les Londriens luy iurerent, escriurent, & seellerent: & luy promirent faire, iurer, & seeller, tout le demourât du Royaume d'Angleterre, si solennellement, que iamais n'en seroit question, & demourroient tousiours delez luy: & luy aideroient à mettre tous ses fraiz sus. Ces conuenances & obligations prises, tant de l'une partie que de l'autre, & bien brièvement (car on se vouloit deliurer) il fut ordonné que douze cens hommes de Londres, tous armez & montez à cheual, se départiroient avec le Côte d'Erbi: & cheuaucheroient vers Bristo avec luy: & feroient tant que Richard de Bordeaux ils prendroient, & ameneroient à Londres, & apres qu'il seroit là amené, on auroit auis quelle chose on feroit de luy, car il seroit dedit, & demené par loy & iugement des Nobles, Prelats, & Communauté d'Angleterre, & iugé par ses articles. Encores fut il dit & ordonné, pour faire moins d'esclandre, que les hommes d'armes & Arbalestiers, que le Duc de Bretagne auoit prestez au Comte d'Erbi, pour son conuoy, fussent renuoyez, car ils auoient gens assez, sans eux, pour faire leur fait. Sur celuy estat, & mesme iour, les Londriens furent appelez par l'ordonnance du comte d'Erbi & aussi les plus grans cheualiers de ceux de Bretagne, qui là estoient venus: & les remercia le comte d'Erbi, du seruice que fait luy auoient, & leur fit donner & départir moult de florins, tant que tous s'en contenterent: & retournerent en leur nauire à Pleumonde, & retournerent en Bretagne. Or parlon du Comte d'Erbi: qui s'ordonna pour cheualier vers Bristo. Le comte d'Erbi se fit chef de toute ceste armée de Londriens: & estoit

Nouvelles de la venue du Côte d'Erbi, apportées en l'ost du Roy Richard, de la venue du Comte d'Erbi, & des Londriens: & fut sceu de moult de gens, Cheualiers, Escuyers, & Archers, auant que le Roy le sceust: & le sceurent tels, qui ne luy eussent osé dire.

raison (car elle luy touchoit, plus qu'à nul homme) & partit de Londres en grand arroy: & haïsta grandement son voyage. Ainsi que luy & les Londriens cheminoient, tout le pais sémouuoit, & venoit deuers eux. Nouvelles vindrent, en l'ost du Roy Richard, de la venue du Comte d'Erbi, & des Londriens: & fut sceu de moult de gens, Cheualiers, Escuyers, & Archers, auant que le Roy le sceust: & le sceurent tels, qui ne luy eussent osé dire.

Offrem de Clocestre et Richard d'Arondel, abandonnant le Roy d'Angleterre se joignent au Comte d'Erbi.

Quand ces nouvelles furent esparties par murmutation entre eux, si entrèrent les plusieurs, & ceux qui estoient là les plus prochains du Roy, en grand peur & cremeur & cognurent tantost que la besongne s'ordonnoit pour cheoir en peril, pour eux & pour le Roy, car trop auoient d'ennemis en Angleterre: & tel leur seroit ennemy (puis que le Comte d'Erby estoit deça la mer) qui beau semblant leur auoit monstré: ainsi qu'il futeu & scu, car moult de Cheualiers, Escuyers, & Archers (qui auoient seruy le Roy la saison) se dissimulerent: & departirent de la route du Roy, sans prendre congé: ne dire, Je m'en vois, & s'en alloient les aucuns vers leurs hostels: & les autres, au plus-droit qu'ils pouuoient, venoient deuers le Comte d'Erbi, & se mettoient en sa compagnie. Au plus tost qu'Offrem de Clocestre & Richard d'Arondel, fils au Comte d'Arondel, peurent sauoir que le Comte d'Erbi, leur cousin, & les Londriens, venoient, ils recueillirent leurs gens: & se departirent d'avecques le Roy Richard: & ne cesserent de cheuaucher, iusques à ce qu'ils eurent trouué le Comte d'Erby & sa route: qui ia auoit passé Acquestuffort, & estoit venu à vne ville qu'on appelle Souffestre. Le Comte d'Erbi eut grande ioye de ses cousins,

cousins, quand il les veit: & aussi eurent ils de le veoir: & leur demanda de l'estat de leur cousin le Roy, & ou il estoit, & comment ils estoient partis d'avecques luy. Ils respondirent, A nostre departement nous ne parlâmes point à luy: car, si tost que nous auons sceu vostre venue, nous sommes montez à cheual, & venus vers vous, pour seruir & aider à contreuenger la mort de nos pères, que Richard de Bordeaux a fait mourir. Adonc dit le Côte, vous soyez les bien-venus. Vous m'aidez: & ie vous aideray: car il faut que nostre cousin Richard de Bordeaux soit mené à Lōdres. Ainsi l'ay ie promis aux Londriens, & ie leur tiendray promesse: car à ce faire de toute leur puissance ils me veulent aider: & nous auons gens assez pour les combattre. Si combatre veulent, nous leur liurerōs bataille.

Comment nouvelles vindrent au roy Richard de Bordeaux, que le comte d'Erby venoit à puissance sur luy, & comment il se retira au chasteau de Fluich. CHAP. CIX.

IL fut dit au Roy Richard, en grand'especialité, quand on ne luy peut plus celer, Sire, auiuez vous. Il vous faut auoir bon conseil, & brief: car veez cy les Londriens, qui à grand effort sont eleuez contre vous: & monstrent qu'ils vous viennent querir: & ont leur Conseil en leur cōpaigrie, avecques le Comte d'Erby, vostre cousin: duquel ils ont fait leur Capitaine: & puis qu'il a passé la mer, & est venu par deçà par le moyē d'eux, ce n'est pas sans grand traitté, que ceste entreprise est faite. Quand le Roy ouit ces patolles, il fut tout ébahy, & ne sceut que dire (car tous les esperits luy fremirent) & congnt tātost, que les choses alloient, & iroient, mauuaisēmēt: si de puissance il n'y pouuoit pourueoir: & quād il respondit, il dit aux Cheualiers, qui luy compterent ces nouvelles, Or faites tost appareiller noz gens, & Archers, & Gens d'armes: & faites faire vn mandement † par tout le Royaume, que tout soit prest: car ie ne veux pas fuir deuant mes sugets. Par Dieu (respondirent les Cheualiers) la besongne va mal: car vos gens vous laissent & defuyent, vous en auez ia bien perdu la moitié: & encores voyōs nous le demourant tout ébahy, & perdre cōtenāce. Et que voulez dōc (dit le Roy) que ie face? Nous le vous dirōs, Sire. Vous laissez les chāps (car vous ne les pouuez tenir) & entrerez en vn chasteau: ou vo⁹ vous tiendrez, iusques à tāt que messire Iehan de Hollāde, vostre frere (qui est courageux & cheualereux) soit venu (car il fait ores ces nouvelles) & luy venu par deçà, il l'ordonnera tellemēt (soit par force de Gēs d'armes & d'Archers, ou par traittez) que vos besongnes serōt en autre estat, qu'elles ne sont pour le present: car, quād ils le sentirōt cheuaucher sur les champs, tel se deffuit de vous, qui se boutera en sa route. A tout ce cōseil s'accorda le Roy. Pour ces iours le Côte de Sallebery n'estoit pas delez le Roy: mais estoit autre part, bien en sus: & quād il ouit dire l'estat d'Angleterre, & que le Côte d'Erby cheuauchoit à puissance, avec les Londriens, cōtre le Roy, il imagina tātost que les choses alloient mal: & gisoient en grand peril, pour luy & pour le Roy, & pour ceux, par qui il auoit pris conseil iusques alors. Si se tint tout quoy, iusq's à ce qu'il eut d'autres nouvelles. Le Duc d'Iorch, oncle du Roy, n'estoit pas en sa cheuauchee, ny n'auoit esté: mais son fils, le Côte de Rostellāt, y auoit tousiours esté, pour deux raisons. L'une estoit, q' le roy Richard l'aimoit souverainēmēt: & l'autre raison, pource qu'il estoit Cōnestable d'Angl. Ainsi par droit il cōuenoit qu'il fust en la cheuauchee. Secōdes nouvelles vindrent au Roy, ainsi qu'il auoit soupé: & luy fut dit, Sire, il conuiēt que vous ayez auis cōmēt vous vous deuez ordōner. Vostre puissance est nulle, cōtre celle, qui viēt cōtre vous: & à la bataille vo⁹ ne ferez riēs. Il faut q' vous issiez d'icy par sens, & par bon cōseil, & que vous appaisiez voz mal-veillans, ainsi qu'autrefois vous auez fait: & puis les corrigez tout à loisir. Il y a vn chasteau, à douze milles d'icy (qui se nomme Fluich) lequel est fort assez. Nous vous cōseillons q' vous vous tirez celle part, & vous enfermez dedās, & vous y tenez, tāt que vous voudrez, & aurez autres nouvelles du Côte de Hostidonne, vostre frere, & de voz amis: & on enuoyera en Irlande, & par tout, au secours: & si le Roy de France, vostre beau-pere & grand Seigneur, fait que vous ayez affaire, il vous confortera. Le roy Richard d'Angleterre entendit à ce cōseil: & luy sembla bon, & ordonna ceux, qu'il vouloit qui cheuauchassent ce chemin avecques luy: & ordonna son cousin le Comte de Rostellāt, pour demorer à Bristo, & aussi tous les autres: & que chacun fust pourueu de tirer auant, quand nouvelles leur viendroient, & qu'ils seroient assez forts pour cōbattre leurs ennemis. Tous tindrent ceste ordonnance: & quād ce vint au matin, le Roy Richard d'Angleterre & ceux de sa maison, tant seulement, se meirent au chemin: & tirerēt vers le chasteau de Fluich: & se bouterent dedans, sans monstrier nul semblāt, qu'ils voussissent faire aucune guerre, fors eux tenir & garder là dedans, & aussi defendre le lieu, si on les vouloit assaillir.

LE Comte d'Erbi & les Londriens auoient leurs espies, allans & venans, qui leur rap-
portoient tout l'estat du Roy, & aussi Cheualiers & Escuyers, qui se venoient rendre
au Comte d'Erbi de leur bonne volonté. Nouuelles vindrent audir Comte d'Erbi, & à
son Cōseil, que le Roy estoit retrait & enfermé au chasteau de Fluich, & n'auoit pas grās
gens avecques luy, fors ceux de son hostel tant seulement, & ne monstroït pas qu'il vou-
lust guerre, ne bataille, fors issir de ce danger (s'il pouuoit) par traité. Conseillé fut tan-
tost de cheuaucher celle part: & eux là venus, faire tant, qu'on l'eust par force, ou autré-
ment. Adonc cheuaucherent le Comte d'Erbi & sa route deuant la place, dessus nom-
mée, & quand ils approcherent & furent ainsi qu'à deux, petites lieues près, ils trouverēt
vn grand village. Si arresta le Comte d'Erbi, & māgea & beut vn coup, & eut conseil de
soymesme, & non d'autrui, qu'il cheuaucheroit deuant, à deux cens cheuaux, ou enui-
ron, & laisseroit tout le demourant derriere: & luy venu au chasteau ou le Roy estoit, il fe-
roit tant par traité (s'il pouuoit) qu'il entreroit dedans par amour, non pas par force: &
mettroit hors le Roy, par douces parolles: & l'asseureroit de tous perils, fors de venir à Lō-
dres: & encōres luy promettroit il que son corps n'auoit ia mal: & seroit pour luy moyen
enuers les Londriens, qui trop fort estoïēt courroucez sur luy. Ce conseil & auis, que le
comte dit, sembla bon à ceux, à qui les parolles furent addrecées, sinon qu'il fut là dit au
comte, Sire, gardez vous qu'en ces choses il n'y ait nulle dissimulatiō. Il faut que Richard
de Bordeaux soit pris, mort ou vif, & tous les trahistres qui l'ont conseillé, & amené à Lō-
dres, & mis en la tour. Les Londriens ne vous pourroient point souffrir le contraire. A-
donc respondit le comte d'Erbi: & dit, Nenni. Ne vous doutez de riens. Tout ce, qui est
entrepris à faire, sera fait. Mais, si ie le puis par douces parolles mettre hors du chastel au-
quel il est retrait & enclos, ie le feray, & si ie ne puis, & qu'il ne me vueille croire, tantost,
& sur l'heure, ie le vous signifieray. Vous viēdrez incontinent là: & nous y mettrons le
siège: & ferons tant par force & par assaut (car la place est bien prenable) que nous l'au-
rons, mort ou vif. A ceste derniere parolle s'accorderent les londriens. Adoncques
se departit le comte d'Erbi, de la grosse route, & cheuaucha avecques deux cens hom-
mes tant seulement: & tantost furent venus deuant le chastel, ou estoit le Roy dedans v-
ne chambre, entre ses gens, tout ébahi. Le Comte d'Erby & sa route cheuaucherent
deuant la porte du chasteau, laquelle estoit close & fermée, car le cas le requeroit. Le
Comte vint iusques à la porte, & y fit heurter grans coups. Ceux, qui estoient dedans,
demanderent, Qui est celà? Le comte d'Erbi respondit à leur demande Je suis Henri de
Lanclastre, qui vien au Roy, pour recouurer mon héritage de la Duché de Lanclastre.
Qu'on luy die ainsi de par moy. Monseigneur (respondirent ceux qui l'ouïrent) nous luy
dirons volontiers. Tantost ils monterent amont en la sale, & au dongeon, là ou le Roy es-
toit, & tous les Cheualiers, qui conseillé & gouverné l'auoient vn long temps delez luy,
Si luy dirent ces nouuelles, car il les voulut ouïr, & sauoir, Sire, c'est vostre cousin le cōte
d'Erbi, qui viēt recueillir son héritage de Lanclastre de vous. Le Roy regarda ses Cheua-
liers, & leur demanda, quelle chose estoit bonne de faire. Sire, respondirent ils. En ceste
requeste n'a que tout bien. Vous le pouuez bien faire venir à vous, luy douziēme tant
seulement, pour ouïr & entendre quelle chose il voudra dire. C'est vostre cousin, & vn
grand Seigneur en ce pays. Il vous peut bien par tout accorder, s'il veut, car il est gran-
dement aimé au Royaume d'Angleterre, & par especial des Londriens (qui l'ont enuoyé
querir de la mer) lesquels sont si fort presentement éleuez contre vous. Si vous faut dis-
simuler, tant que ces choses soient appaïsees, & que le comte de Hostidonne, vostre frē-
re, soit delez vous, & mal vous vient à point, & à luy aussi, de ce qu'il est à Calais, car tel en
Angleterre se deffuit & éleue contre vous, que, s'il le sentoït delez vous, il se tiēdroit tout
quoy, & ne vous oseroit courroucer. Ia il a la sœur de vostre cousin d'Erbi à femme, &
par le moyē de luy, & de ses parolles, nous esperōs, & supposons, que vous viēdrez à paix
& accord. Par tout le Roy s'enclina à ces parolles, & dit, Allez le querir, & luy faites ouurir
la porte, & entrer dedans, luy douziēme tant seulement. Deux cheualiers se departirent
d'avec le Roy, & vindrent bas en la place du chasteau, & iusques à la porte. Puis firent
eourir le guichet, & issirent dehors, & enclinerent le comte d'Erbi, & les cheualiers qui là
estoient, & les receurent de parolles, assez gratieusement, car ils congurent bien que la
force n'estoit pas à eux, & si sentoïēt grādement auoir meffait, & courroucé les Lōdriens.

Si vou-

*Le Comte d'Er-
bi vers le cha-
steau de Fluich
avec deux cens
hommes seule-
ment.*

Si vouloyent tout remettre à point, par belles parolles, aornées de semblant (sils pouuoient) & dirēt au Comte, Monseigneur, quelle chose vous plaist? le Roy est à la Messe. Il nous a cy enuoyez parler à vous. Je vous diray (dit le Comte d'Erby) Vous sauez que i'ay à releuer la Duché de Lancastre. Si vien en partie pour cela, & pour aucunes choses, parler au Roy. Monseigneur (respondirēt ils) vous soyez le bien-venu. Le Roy vous verra volontiers, & orra aussi: & nous a dit que vous veniez, vous douzième tāt seulement. Le Comte respōdit, Il me plaist bien. Il entra au chasteau, luy douzième: & puis tātost on re-ferma le chasteau: & demourerēt tous les autres dehors. Or cōsiderez le grād peril & dā-ger, ou le Comte d'Erby se meit adonc: car on l'eust aussi aisément occis (cōme faire on deuoit, par droit & par raison) là dedās, & toute sa cōpaignie, qu'on prendroit vn oiselet en vne cage: mais il ne glofa pas le peril, ou il estoit: ainçois alla tousiours auāt: & fut mené deuant le Roy. Quand le Roy le veit, il mua couleur: ainsi que celui, qui sceut auoir grandemēt meffait. Le Comte d'Erby parla tout haut, sans faire nul hōneur, ne reuerence: & demāda au Roy, Estes vous encores ieun? Le Roy respondit, Ouy. Il est encore assez matin. Pourquoi le dites vous? Il seroit heure (dit le Comte d'Erby) que vous deuenissiez: car vous auez à faire vn grand chemin. Et quel chemin? dit le Roy. Il vous faut venir à Londres, respōdit le Comte d'Erby. Si vous cōseille que vous beuez & mangez: à fin que cheminez plus liēmēt. Adōc respōdit le Roy (qui fut tout melācolieux, & effrayé de ces parolles) Je n'ay point faim encores, ne volonté de māger. Adōc dirēt les Cheualiers (qui voulurēt flater le Comte d'Erby, & qui bien veoyent que les choses alloiēt diuersemēt) Sire, croyez Monseigneur de Lancastre vostre cousin: car il ne vous veut que tout bien. Adonc dit le Roy, Je le veux. Faites couvrir les tables. On se hastia de les couvrir. Le Roy l'aua les mains, & puis s'assit à table, & fut seruy. On demāda au Comte sil se vouloit asseoir & manger. Il respondit que nenny, & qu'il n'estoit pas ieun. Ce pendant que le Roy estoit à son disner (qui fut bien petit: car il auoit le cuer si destraint, qu'il ne pouuoit māger) tout le pais d'environ le chasteau de Fluich (ou le Roy se tenoit) fut couuert de Gens-d'armes & d'Archers, & bien les pouuoient veoir ceux dudit chasteau, par les fenestres, qui regardoiēt sur les chāps: & les veit le Roy, quād il se leua de la table (car il n'y assit pas trop lōguemēt: mais fit vn tresbrief disner, & de cœur tout melācolieux) & demanda à son cousin quels gens c'estoiēt, qui se tenoyēt sur les champs. Il respondit qu'ils estoient Londriēs, le plus. Et que veulent ils? dit le Roy. Ils vous veulēt auoir (dit le Comte d'Erby) & mener à Londres, & mettre dedans la tour: & par autre voye ne vous pouuez vous excuser, ne passer dedās. Non! dit le Roy: lequel s'effroya grādemēt de ceste parolle: car il fauoit bien que les Londriēs le hayoyēt. Si dit ainsi, Et vous, cousin, n'y pouuez vous pourueoir? Le ne me mets point volontiers entre leurs mains: car ie say biē qu'ils me hayēt, & ont hay vn long tēps, moy, qui suis leur Sire. Adōc respōdit le Comte d'Erby: & dit, Je ne voy autre remede, ne pourueāce, fors que vous vous rēdez à moy: & quād ils faurōt que vous ferez mon prisonnier, ils ne vous ferōt nul mal: mais il vous faut ordōner, avec tous vos gēs, pour venir à Londres, tenir prison à la tour de Londres. Le Roy (qui se veoit en dur party, & tous ses esprits s'esbahissoient fort: comme celui, qui se doutoit de fait que les Londriēs le voussent occire) se rēdit au Comte d'Erby, son cousin, cōme son prisonnier: & s'obligea, & promit faire tout ce, qu'il voudroit: & aussi tous les Cheualiers du Roy, Escuyers, & Officiers, se rēdirēt audit Comte, pour écheuer plus grād peril & dommage: & le Comte, presens ses hommes, lesquels il auoit là amenez, les prit cōme les prisonniers: & ordonna tantost que cheuaux fussent scellez, & tous mis en auāt en la court, & les portes du chasteau ouuertes: & quād elles furent ouuertes, moult de Gens-d'armes & d'Archers entrerent dedās. Là fit faire le Duc de Lancastre, Comte d'Erby, vn ban, & cōmandemēt trespecial, que nul ne sauācst de prédre chose, qui au chasteau fust, ny ne meist la main sus hōme, ne varlet, sur peine d'estre pēdu & trainé au gibet: car tout estoit en la garde & protection. Ce ban & cōmandemēt fut ouy & tenu: car nul ne l'eust osé enfreindre ne passer. Si amena le Comte d'Erby son cousin, le Roy Richard, du chastel d'amont iusques à la court, parlās ensemble: & luy fit auoir son estat tout entier, sans muer ne chāger, ainsi qu'il auoit eu deuant: & ce pēdāt qu'on selloit & appareilloit les cheuaux, le Roy Richard & le Cōte deuisoient ensemble de parolles, & estoient moult fort regardez d'aucūs Londriēs, qui là estoient: & auint vne chose (dont ie fu informé) que ie vous diray. Le Roy Richard auoit vn Leurier (lequel on nommoit Math) tresbeau Leurier outre mesure: & ne vouloit ce chiē cognoistre nul hōme, fors le

Excessive teme-
rité du Comte
d'Erby entrant
luy douzième
seulement au
chasteau de
Fluich, vers le
roy Richard qui
faillit en sem-
blable excès de
pusillanimité.

† Je doute qu'il
n'y faille auant
ou sans passer
dedans.

Le Roy Richard
d'Angleterre
se rend prison-
nier au Comte
d'Erby.

Chose admira-
ble d'un leurier
du roy Richard,
le laissant co-
mécognoissant
pour festoyer le
duc de Lancas-
tre Comte d'Er-
by.

Roy, & quand le Roy vouloit cheuaucher, celui, qui l'auoit en garde, le laissoit aller: & ce Leurier venoit tantost deuers le Roy, le festoyer, & luy mettoit, incontinēt qu'il estoit échapé, les deux piez sur les espauls: & adoncques auint, que le Roy & le comte d'Erbi parlans ensemble en la place de la cour dudit chasteau, & estans leurs cheuaux tous sellez (car ils vouloient monter à cheual) ce Leurier, nommé Math (qui estoit coustumier de faire au Roy ce que dit est) laissa le Roy: & s'en vint au Duc de Lanclastre, & luy fit toutes telles contenances, que par auant il auoit accoustumé de faire au Roy, & luy assit les deux piez sur le col: & le commença moult grandement à cherir. Le Duc de Lanclastre (qui point ne cognoissoit ce Leurier) demâda au Roy. Et que veut ce Leurier faire? Cousin (dit le Roy) ce vous est vne grande signifiante, & à moy petite. Comment (dit le Duc) l'entendez vous? Le l'enten, dit le Roy. Le Leurier vous festoye, & recueult aujourd'huy, comme Roy d'Angleterre, que vous serez, & i'en seray depose: & le Leurier en a cognoissance naturelle. Si le tenez delez vous: car il vous suiura, & m'elongnera. Le Duc de Lanclastre entendit bien ceste parolle, & fit chere au Leurier: lequel onc depuis ne voulut suiure Richard de Bordeaux: mais suiuit le Duc de Lanclastre.

comment la Dame de coucy fut ostee à la ieune royne d'Angleterre, Ysabel de France, luy estant nouuel estat baillé, avec nouvelles gens, & comment le Roy Richard son mary, fut mis en la grosse tour de Londres.

CAAP. CXI.

AV departir du chasteau de Fluich, ils monterent tous à cheual, & prirent les chāps, & cheuauchoit le Duc Henri de Lanclastre (que nous ne nommerons plus le Comte d'Erbi, mais Duc) coste à coste du Roy: & parloit aucunefois à luy: & Gens d'armes, estoient deuant & derriere, de tous costez, à grande planté. Tous ceux, qui estoient de la route du Roy, cheuauchoit ensemble: & celle nuit se logerent en la marche d'Acquessuffort: & ne menoit point le Duc de Lanclastre le Roy Richard par les chasteaux & bonnes-villes, de peur d'emotion de peuple: mais tenoit tousiours les champs. Puis donna le Duc à grand nombre de ses gens congé: & leur dit. Le suis au dessus de ce que nous voulions auoir. Ils ne nous peuuent fuir, n'échaper. Nous & nostre route les mènerons à Lōdres, & les mettrons en sauuegarde au chasteau de Londres. Ils sont mes prisonniers. Je les puis mener là ou ie veux. Si retournerez en voz lieux, tant que vous orrez autres nouvelles. Tous s'accorderent à la parolle & propos du Duc de Lanclastre: lequel prit le chemin de Windesore: & vint là tout droit: & les Lōdriens) fors ceux, qu'il voulut auoir delez luy) retournerēt à Lōdres, & les autres à leurs lieux. Le Duc de Lanclastre s'ordōna, & partit de Windesore: & ne prit point le chemin de Collebruch, mais le chemin de Chēnes: & vint disner, le Roy en sa cōpaignie, à Cartesec. Le Roy Richard de Bordeaux auoit par grande affection prié à son cousin, le Duc de Lanclastre, qu'il ne le menast point, parmi Londres: & pource prirent ils ce chemin. Or deuez vous sauoir, que si tost que les Londriens furent au dessus du Roy Richard, ils enuoyerent hommes notables, deuers la ieune Royne Ysabel (laquelle estoit pour lors à Ledos: & là tenoit son estat: & vindrent à la Dame de Coucy (qui seconde estoit de la Royne) & luy dirēt Dame, ordonnez vous & mettez toutes voz choses à point. Il vous faut departir d'icy: & vous gardez bien, à vostre departement, que ne faciez nul semblant de courroux, vers la Royne: mais dites que vostre mari vous mande, & vostre fille aussi. Ce que nous vous disons, c'est sur vostre vie, si nous voyons le contraire, & vous n'avez que faire d'enquerir, ne sauoir plus auant. On vous fera mener à Douures, & deliurer vne nef passagere: qui vous menera à Boulōgne. La dame de Coucy (qui douta ces menaces, & qui sētoit les Angl. cruels & haux) respōdit & dit, De par Dieu, ie feray tout ce que l'on voudra. Elle fut tātost appareillée, & on luy pourueut de cheuaux & haquenees, pour elle & pour ses gens. Tous & toutes se departirent, François & Françaises. Oncques n'y demoura hommes, ne femmes, & se meirent à chemin, & furent conuoyez iusques à Douures, & là payez bien & largement, chacun selon son estat, & de la premiere marée qui vint, ils entrerēt en vne nef: & eurent bon vent, pour venir à Boulōgne. Quant à parler de l'estat de la ieune Royne d'Angleterre, il fut si brisé, qu'on ne laissa homme, femme, n'enfans, delez elle. Tous furēt mis hors ceux & celles de la nation de France, & encores moult de ceux de la nation d'Angleterre, qui estoient de la faueur du Roy Richard, & fut son estat renouuellé de Dames & de Damoiselles, de gens d'Office, & de varlets, & estoient tous & toutes bien introduits, que point ne parlassent du Roy Richard, sur leur vie, en caquetant l'un à l'autre. Le Duc de Lanclastre & sa route se partirent de Cartesec, & vindrent à Chennes, & de là, sur la nuit, ils

Le Duc de Lanclastre, Comte d'Erby, donne congé à la plus part de ses gens de guerre.

La Dame de Coucy & tous François & Françaises separez de la Royne Ysabel d'Angleterre, fille du Roy Charles sixiesme.

nuiet, ils amenerent le roy Richard au chasteau de Lōdres, & tous les Cheualiers & hommes du Roy, lesquels ils y vouloient auoir. Quand ce vint au matin, & les Londriens sceuerent que le Roy estoit au chasteau, ils furent moult réiouys : mais grand' murmuration s'eueut entre eux, de ce que secrettement & couuertement on l'auoit amené : & estoient moult grandement courrouceez toutes gens, de ce que le Duc de Lanclastre ne l'auoit amené parmy Londres, non pas pour le réiouyr & honnorer : mais pour le vituperer : tant l'auoient accueilly en grand' haine. Considérez que c'est du peuple, quand il se meult & eleue à puissance contre son Seigneur, & par especial en Angleterre. Là il n'y a nul remede : car c'est le plus perilleux peuple, qui soit au monde, & plus outrageux & orgueilleux : & de tous ceux d'Angleterre les Londriens sont chefs : & à vray dire, ils sont moult puissans de mises, & de gens : car ils se treuuent bien, du clos de Londres, vingt & quatre mille hōmes, armez de pié en cap, de toutes pieces, & bien trente mille Archers. C'est grand' force : car ils sont fors, durs, & hardis, & haux en courage : tant plus voyent de sang respandu, & plus sont cruels, & moins ébahis.

Comment le comte de Rostellant, connestable d'Angleterre, sachant que le roy Richard se estoit rendu, donna congé à quelques Gens-de-guerre, qu'il luy auoit laissez : & comment le roy, estans quatre des cheualiers de sa chambre iusticiez à mort par les Londriens, fut conseillé par les autres, prisonniers avec luy, de resigner sa couronne au Duc de Lanclastre, comte d'Erby.

CHAP. CXII.

OR parlerōs du Comte de Rostellant, fils au duc d'Iorch, pour ces iours Connestable d'Angleterre : qui estoit demouré à Bristo, & le Sire Despésier (qui sa sœur auoit à femme) delez luy, & leurs gens. Quand ils entendirent que le Chasteau de Fluich (ou le Roy Richard estoit enclos) s'estoit rendu, & le Roy pris, & toutes ses gens, & menez à Londres, tantost ils imaginerent le fait : & sentirent & congurent bien que les choses se portoyent mal pour le Roy Richard : & ne voulurent là plus demourer : & donnerent congé à tous les Gens-d'armes, qu'ils tenoyent, fors à leurs familiers : & se departirent de Bristo : & cheuaucherent, & vindrent ensemble à Heulle en la marche de Galles, yn tref-beau manoir, qui est au Seigneur Despensier : & là se tindrent, tant qu'ils ouirent autres nouvelles. Le Duc d'Iorch le tenoit en son chasteau entre ses gens : & ne s'entremettoit de chose, qui auenist en Angleterre, ny ne s'estoit entremis ou tēps passé, ny ne s'en vouloit entremettre : mais prenoit le temps en gré, ainsi qu'il venoit. Courroucé estoit grandement en cuer de ce que les differens estoient si grans en Angleterre, & entre ses neueuz & parens. Or retournon à parler du Roy Richard de Bordeaux. Quand le Duc de Lanclastre eut mis dedans la tour de Londres son cousin le Roy Richard, & ceux de son Conseil, qu'auoir il vouloit, & mis bonnes gardes sur eux, la premiere chose, que le Duc fit, ce fut que tantost il enuoya querir le Comte de Vuaruich (qui condamné estoit à vser ses iours en l'Isle de Visque) & le deliura de tous poincts : & secondement il enuoya ses messagers deuers le Comte de Northombellande, & messire Henry de Persy son fils : & leur manda qu'il vissent deuers luy, ainsi qu'ils firent. Apres il entendit comme il pourroit estre faisy de quatre gentils compaignons, qui estranglé auoient son oncle le Duc de Clocestre au chasteau de Calais : & tant fit, procura, & enquit, qu'il les eut tous quatre : & ne les eust point rendus pour vingt mille nobles. S'ils fit mettrē en prison, tous à part, à Londres. Le Duc de Lanclastre, les Consaux, & les Londriens, eurent conseil ensemble comment ils ordonneroyent de Richard de Bordeaux : qui estoit mis dedans la grosse tour : ou le Roy Iehan de France se tint vne fois, ce pendant que le Roy Edouard cheuauchoit au Royaume de France. Regardé fut & auisé entre eux, qu'il conuenoit à ce Roy Richard dompter toutes ses ioyes, si deuement ils en vouloient vser : car trop grās nouvelles seroient en tous Royaumes Chrestiens de sa prise : car vingt & deux ans ils l'auoient tenu à Roy : & puis le vouloient garder prisonnier. Premièrement ils regarderent à son regne : & tous les faits escriuirent, & meirent par articles : & en trouuerent vingt & huit, & puis s'en vindrent au chasteau, qu'on dit la Tour, le Duc de Lanclastre en leur compaignie, & aucuns Cheualiers & Escuyers de son Conseil. Quand ils furent venus iusques là, ils entrerent tous en la chambre, ou le Roy Richard estoit : auquel, en venant, entrant, ne parlant à luy, ne firent nulle reuerence : & luy leurēt au long tous ces articles : ausquels il ne respondit rien (car il veit bien & congnt qu'ils estoient veritables) fors ce qu'il dit que tout ce qu'il auoit fait, estoit passé par son Conseil. Adonc luy fut dit qu'il voulist nommer ceux, par lesquels il se estoit le plus conseillé. Il les nomma : comme celui, qui

Le Roy Richard mis au chasteau de Lōdres, par le Duc de Lanclastre, Comte d'Erby.

Il y auoit d'ostrenāt es deux Exemp. que nous auons corrigez selonc la, & comme nostre Auteur a tousiours dit. Retraite du Comte de Rostellant, Connestable d'Angleterre, & du sire Despésier, son beau-frere, en la marche de Galles.

Les Comtes de Vuaruich & de Northombellande rappelez de leur bannissement, par le Duc de Lanclastre, Comte d'Erby.

Procez fait au Roy Richard, par les Londriens.

*† Il entend que
ceux qui auoient
autres fois re-
formé le gouuer-
nement du Roy
Richard, &
puny aucuns de
son Conseil,
estoyent bien au-
tres que ces vi-
lains Londriens.
Car c'estoyent
les oncles du
Roy mesme.*

auoit esperance d'auoir deliurance de là, & passer, en accusant ceux, qui plus l'auoyent
conseillé: ainsi qu'autrefois on l'auoit quitté, & que ceux, par le conseil desquels il auoit
mal vſé, estoient demourez en la peine: mais ce n'estoyt pas de ces loudiets Londriens,
& autres vilains, qui accueilly l'auoient. Pour celle fois ils ne parlerent plus auant: mais
s'en retournerent: & s'en alla le Duc de Lancastre en son hostel: & en laissa faire au Mai-
re de Lōdres, & aux hommes de la Loy: lesquels vindrent en la maison de la ville (qu'on
dit à Londres la Ginalle: & là sont faits & rendus les iugemens des cas, qui appartiennēt
aux citoyens de Londres) & encores moult de peuple s'y assembla, quand ils veirēt que
les Seigneurs de la ville & de la Loy se tiroient là: & pensoient bien qu'on feroit iustice:
ainsi qu'on fit. Je vous diray par quelle forme. Tout premierement, les faits contraires
contre le Roy, & les articles, qui auoient esté leuz deuant luy en la Tour, furent là leuz ge-
neralement & publiquement, & remonstré par celuy, qui les leur, que le Roy n'en auoit
nuls debatus: mais bien auoit dit que tout ce, que cōsenty auoit à faire, le principal con-
seil luy en auoient donné quatre Cheualiers de sa chambre, & par leur conseil auoient
esté fait mourir le Duc de Gloceſtre, le Comte d'Arondel, & messire Thomas Corbet: &
auoient conseillé & endité Richard de Bordeaux, vn long temps, à faire tous ses faits:
lesquels estoient irremissibles, & demandoient punition: car par eux, & par leurs Con-
seils, auoit esté cloſe la court de droit & de iustice du Palais de Westmōstier, & de tou-
tes autres Cours Royales, parmy Angleterre: dont moult de malesices estoient mis sus,
& boutees routes & compagnies sur le païs: qui déroboient les marchans, & les labou-
reurs en leurs maisōs. Pour lesquels cas le Royaume d'Angleterre auoit esté en peril d'e-
stre perdu, sans recouurer: & ne pouuoit on imaginer, ne supposer autre chose, fors qu'ils
vouloient rendre Calais & Guines à leurs aduersaires, les François. Ces paroles, que ie
vous dy, remonstrees au peuple, ébahirent & émerueillerēt moult de gens: & commen-
cerēt plusieurs à murmurer, & dire, Ces cas icy demādent auoir punition (à fin que tous
s'y exempliēt) & ce Richard de Bordeaux estre dégradé: ne iamais n'est digne de porter
couronne: mais doit estre priué de tous honneurs, & mis (au mieux venir) au pain & à
l'eau, en prison fermee: & viue là tant comme il pourra. Si aucuns godaliers murmuroiēt
entre eux, les aucuns autres diſoient, tout haut, Sire Maire de Londres, & vous autres, qui
auez la iustice à tenir & garder, faites iustice (nous le voulōs) & n'espargnez homme: car
vous voyez bien que les cas, qu'auuez monstrez, le demandēt, & tantost: car ils sont Iuges
de leur fait mesme. Adonc se tirerent ensemble le Maire de Londres & les Seigneurs de
la Loy: & se incirent ensemble en la chambre du iugement: & furēt les quatre Cheualiers
iugez à mourir, & estre amenez au pié de la Tour du chasteau (afin que Richard de Bor-
deaux les peust veoir des fenestres de la Tour) & traidez sur les fossez, à cheuaux, cha-
cun par soy, le long de la ville de Londres, & amenez en la rue, qu'on dit de Cept, & la
leur estre trenché les testēs, & mises sur glaiues, au pont de Londres, & les corps traidez
au gibet, & là laissez. Ce iugement rendu, on se deliura de l'executer. Toutes les beson-
gnes estoient prestes. Le Maire de Londres & les Seigneurs, qui à ce estoient depurez, se
departirent de la Ginalle, à tout grand' compagnie de peuple: & s'en vindrent au cha-
steau de Londres: & firent tantost mettre hors les quatre Cheualiers du Roy (qui nom-
mez estoient ainsi: Siré Bernard Brocas, Sire Marelais, Maistre Iehan d'Erby, Receueur
de Lincolle, & Monseigneur Stelle, son Maistre-d'hostel) & furent amenez en la court,
& là chacun attelé à deux cheuaux, à la veüē de ceux, qui en la Tour estoient: qui bien le
veirent, & le Roy aussi: dont ils furent fort courroucez & éperdus: car tout le demourant
des Cheualiers, qui avec le Roy estoient, n'en attendoient autre chose: tāt sauiēt cruels
& vilains les Londriens. Il n'y eut plus riens dit. Tous quatre alloient l'vn apres l'autre: &
furent traidez du chasteau, allans au long de Londres, à la rue dessusdite: & là, sur vn estal
de poissonnier, on leur trencha les testēs: lesquelles furēt mises sur quatre glaiues, à la por-
te du pont de Londres, & les corps traidez, par les espaules, au gibet, & là pendus. Ceste
iustice faite, tous hōmes retournerent à leur hostel: & deuez sauoir que le Roy Richard
(qui se sentoit pris, & en danger des Londriens) estoit en grād mechef du cuer: & com-
ptoit sa puissance à neant: car il veoit que tous hommes d'Angleterre estoient à l'encon-
tre de luy: & si aucuns en y auoit, qui luy vouſſent aider, ou le porter, il n'estoit point en
leur puissance de le faire, ne d'en monſtrer aucun semblant, tant estoient toutes gens a
l'encontre de luy. Il fut dit au Roy, de ceux qui avecques luy estoient, Sire, nous n'auōs
rien en noz vies: ainsi cōme il appert. Quand vostre cousin de Lancastre vint auant-hier
au cha-

*Quatre des
Cheualiers de
la chambre du
Roy Richard,
decapitez à
Londres.*

au chasteau de Fluich, & de bonne volonté vous vous rendistes à luy, il vous eut en conuenant que vous, & douze des vostres, demourroyét ses prisonniers, & n'auroyent autre mal: & de ces douze les quatre en sont executez honteusement. Nous n'en deuons aussi attendre autre chose: & veez cy cause pourquoy. Les Londriens, qui luy font son fait, l'ont fait si fort lier & obliger enuers eux, qu'il ne peut aller au cōtraire. Dieu nous feroit grād grace, si nous mouriōs ceās de mort naturelle, nō de mort hōteuie: car c'est grād pitié à penser sur ce. A ces mots cōmença le Roy Richard moult tendrement à plorer, & tordre ses mains, & maudire l'heure, qu'oncques il auoit esté né, pour celle fin prendre, & tāt que ceux, qui là estoient, en prirent pitié, & le recōforterent tant qu'ils peurēt: & dit l'un de ses Cheualiers, Sire, il se faut recōforter. Nous voyōs bien, & vous aussi, que de ce mode n'est riēs, & que les fortunes sont merueilleuses, & tournent aucunes fois aussi bien sur les Roys & Princes, que sur les pources gens. Le Roy de Frāce, dont vous auez la fille à femme, ne vous peut aider presentement: car il est trop loing. Si vous pouuez ce mechef eschaper par dissimulation, & sauuer vostre vie & les nostres, ce seroit bien fait & exploité: & puis dedās vn an, ou deux, se pourroient bien faire autres recourances. Et que voulez vous (dit le Roy) que ie face? Il n'est chose, que ie ne doye faire pour nō sauuer. Sire (dit le Cheualier) nous disons verité, & les apparences nous en voyōs, que les Lōdriens veulent couronner à Roy vostre cousin de Lāclastre, & sur celuy estat ils l'ont mandé, & luy aident son fait à faire. Or n'est possible, tant que vous soyez en vie (si vous ne le cōsentez) que le couronnement se puisse faire. Si vous mettōs en termes, pour le meilleur, & pour vostre saluation & la nostre, quand vostre cousin viendra icy parler à vous (& le mandez pour la besongne auācer) que luy venu, par douces & traittables parolles dites que vous voulez la courōne d'Angleterre, & tel droit que vous y auez eu iusques icy, resigner purement & ligement en ses mains, & voulez qu'il soit Roy: & par ce point vous l'appaiserez & adoucirez moult grādemment, & les Londriens aussi: & lors vous luy prierez affectueusemēt, qu'il vous laisse icy viure, ou ailleurs, & parfaire vostre vie, & nous aussi avecques vous, & chacun à part luy, ou enuoyer hors d'Angleterre, cōme bānis: car, qui perd la vie, perd tout. Le Roy Richard entendit bien ces parolles: & les glosa en son cueur: & dit qu'il feroit tout ainsi qu'on le conseilloit, comme celuy, qui se voit en grand danger, & dōna à entēdre à ceux qui le gardoyēt, que volōtiers il parleroit au Duc de Lāclastre:

Comment le Roy Richard d'Angleterre resigna sa couronne, & son Royaume, en la main du Comte d'Erby, Duc de Lanclastre.

CHAPITRE CXIII.

LES nouuelles vindrent au Duc de Lāclastre que Richard de Bordeaux le demādoit, & auoit grand desir de parler à luy. Tantost ledit Duc se departit de son hostel, sur le tard: & vint par vne barge, sur la Tamise, accompagné de ses Cheualiers, au chasteau de Londres: & entra dedās par derriere: & vint en la Tour, ou le Roy estoit: lequel recueillit le Duc de Lanclastre moult doucement, & s'humilia tresgrādemment enuers luy: ainsi que celuy, qui se veoit & sentoit en grād dāger. Si luy dit, Cousin, i'ay regardé & cōsidéré mon estat: lequel est en petit point, Dieu mercy: & tant qu'à tenir iamais regne, gouuerner peuple, ne porter courōne, ie n'ay que faire d'y penser: & (si Dieu m'aide à l'ame) si ie ne voudroye estre de ce siecle mort, de mort naturelle, & que le Roy de France tēnist sa fille: car nous n'auōs pas pris, n'eu, gueres de ioye ensemble, n'oncques puis que ie l'amenay en ce païs, ie ne peu estre si bien de mon peuple, que i'estoye parauant. Cousin, tout considéré, ie say bien, & congnoy, que ie me suis grandement mepris enuers vous & plusieurs Nobles de mon sang, en ce païs, par lesquelles choses ie cognoy que iamais ie ne viendray à paix, n'à pardon. Pourtāt, de bonne & liberale volonté, ie vous veux resigner l'heritage de la couronne d'Angleterre, & vous prie que le don vous prenez, avec la resignation. Quād le Duc de Lāclastre ouit ceste parolle, il respondit & dit, Il cōuient qu'à ceste parolle soient appelez plusieurs des trois Estats d'Angleterre: & i'ay rescrit & mandé les Prelats & Nobles de ce païs, & les Consaux des Bonnes-villes, & dedās trois iours il y en aura assez, pour faire la resignation deuēment, laquelle vous voulez faire, & par ce point vous appaiserez grādemment & adoucirez l'ire de plusieurs hommes d'Angleterre: car pour obuier à tous malefices (qui estoiet trop fort eleuez en Angleterre par faute de Iustice, qui n'auoit lieu, ne regne) i'ay esté mandé de delà la mer, & me veut de fait le peuple couronner, & est la renōmée (qui court parmy Angleterre) qu'à la courōne i'ay, & ay eu, meilleur droit, & tousiours plus grād action, que vous n'aez eu, & quād nostre aieul, le Roy Edouard de bonne memoire, vous eleua & couronna, il luy fut biē dit

*Le Roy Richard
conseillé de resigner sa couronne au Duc de Lāclastre, Cōte d'Erby, pour sauuer la vie de luy & du reste de ses Cheualiers, prisonniers avec luy.*

Piteuses parolles du Roy Richard au Comte d'Erby, son cousin, luy voyant resigner son Royaume.

Estranges parolles du Comte d'Erby au Roy Richard, fondees sur le commun bruit d'Angleterre: come il disoit.

† Je doute qu'il n'y faille sur ma garde.

Assistance du Duc d'Iorch, & de plusieurs autres Seigneurs, Prelats, & gens des trois Estats, à la resignatiō, que fit le Roy Richard de sa couronne, & Royaume d'Angleterre, au Duc de Lâclastre, Comte d'Erby.

& remonstrez: mais il aimoit tant son fils, & auoit aimé, le Prince de Galles, que nul ne luy peut rompre son propos & opinion, que vous ne fussiez Roy: & si vous eussiez ensuiuy les œuures du Prince, & creu son Conseil (ainsi que bon fils, à son loyal pouuoir, en tout bien doit ensuyr les œuures de son pere) vous fussiez demouré Roy, & en vostre estat: mais vous auez tousiours fait le contraire, & tât, que cōmune renōmee court parmy Angleterre, & ailleurs, que vous ne fustes oncques fils au Prince de Galles: mais d'un Clerc, ou d'un Chanoine: car i'ay ouy dire à aucuns Cheualiers (qui furēt de l'hostel au Prince, mon oncle) que le Prince, se sentoit meffait de mariage: car vostre mere estoit cousine germaine du Roy Edouard: & la commençoit à prendre en haine, pourtant qu'il n'en auoit point de generation: & si estoit sa cōmere deux fois, des enfans qu'il auoit tenus sur les fons: qui furent à messire Thomas de Hollande. Elle (qui bien sauoit tenir le Prince en ses laqs, & qui cōquis l'auoit en mariage, par subtilité & cautelle) se doutât que mon oncle le Prince, par vne diuerse voye, se voulust demarier, fit tant qu'elle fut grosse de vous: & encores en eut vn autre, deuât vous. Du premier, on ne sait que dire, ne iuger: mais de vous (pourtât qu'on a veu voz meurs & conditions trop cōtraires & differētes aux vailances & prouesses du Prince) on dit & parle en ce país cy, & ailleurs, que vous fustes fils d'un Clerc, ou d'un Chanoine: car pour le temps, que vous fustes engendré & né à Bordeaux sur Gironde, il y en auoit moult de ieunes, & beaux, en l'hostel du Prince. Or c'est la renommee de ceux de ce país: & bien en auez monstrez les œuures: car vous vous estes tousiours incliné à la plaissance des François, & à vouloir faire paix, à la cōfusion & deshonneur du Royaume d'Angleterre: & pourtât que mon oncle de Clocestre & le Côte d'Arondel le vous remonstroient sagement & loyaumēt, & vouloient garder l'honneur de ce Royaume, & ensuyuir les œuures de leurs peres, les auez vous trahitreusement fait mourir. Tât qu'à moy, ie vous ay prist fleur: & vous defendray & alongeray vostre vie, au nom de pitié, tât que ie pourray: & prieray pour vous enuers les Lōdriens, & les hoirs de ceux, que vous auez fait mourir. Grād mercy, dit le Roy. Ie me cōfie plus en vous, qu'en tout le demourant d'Angleterre. Vous auez droit, respondit le Duc de Lanclastre: car, si ie ne fusse allé au-deuât de la volonté du peuple, vous eussiez esté pris de luy, & degradé à grand confusion, & mort, par vos mauuaises œuures: qui vous font auoir celle peine, & danger. Le Roy Richard entendit bien toutes ces parolles, que le Duc de Lanclastre luy remōstroir: & ne sauoit que dire, ne que respondre à l'encontre: car bien veoit que force n'argumens ne luy valoient riens, fors que douceur & amour, avec simplesse: & s'humilioit tant qu'il pouuoit: & prioit au Duc de Lâclastre tousiours, que sa vie luy fut sauuee. Quād le Duc de Lanclastre eut esté en la Tour de Londres, avec le Roy Richard, plus de deux heures, & tousiours le plus parlāt à luy, en luy remonstrant les ignorances dont il estoit accusé, & qui estoient toutes cleres, il prit congé: & se departir: & rentra en sa barge: & retourna, par la riuierē de la Tamise, en son hostel: & renforça encores le lendemain ses mandemens par toutes les mettes & limitations d'Angleterre: & vindrēt à Londres son oncle le Duc d'Iorch, le Comte de Rostellant son fils, le Comte de Northombel-lande, & messire Thomas de Persy son frere (ausquels le Duc de Lanclastre fit bōne chere) & vindrent grand nombre de Prelats, Archeuesques, & Abbez. Adōc vint le Duc de Lâclastre, accompagné de ces Seigneurs, Ducs, Prelats, Comtes, Barōs, & Cheualiers, & des plus notables hommes de Londres, au chasteau, tous à cheual: lesquels descendirent en la place: & entrerēt dedās le chasteau: & fut mis le roy Richard hors de la Tour: & vint en la salle, ordonné & appareillé comme Roy, en mâteau ouuert, tenāt le sceptre en sa main, & la couronne en son chef: & ne fut adextré, ne tenu de nully, quand il parla, & dit ainsi, oyans tous, I'ay esté Roy d'Angleterre, Duc d'Acquitaine, & Sire d'Irlande, enuiron xxij. ans: laquelle Royauté, Seigneurie, sceptre, couronne, & heritage, ie resigne purement, & quitement, à mon cousin Henry de Lâclastre: & luy prie, en la presence de tous, qu'il prenne le sceptre. Adonc tendit il le sceptre au Duc de Lanclastre: qui le prit: & tâtost le bailla à l'Archeuesque de Cantorbie: lequel le prit. Secondemēt le Roy Richard prit la couronne d'or sur son chef, à deux mains, & la meit deuât luy: & dit, Henry, beau-cousin, & Duc de Lâclastre, ie vous donne & rapporte ceste couronne (de laquelle i'ay esté nommé Roy d'Angleterre) & avec ce, toutes les droitures, qui en dependēt. Le Duc de Lanclastre la prit: & fut là l'Archeuesque de Cantorbie tout appareillé: qui la prit es mains du Duc de Lâclastre. Ces deux choses faites, & la resignation ainsi consentie, le duc de Lâclastre appela vn Notaire public: & en demāda auoir lettres, & tesmoins,

des

des Prelats & des Seigneurs, qui là estoient: & assez tost apres, Richard de Bordeaux retourna au lieu, dont il estoit yssu: & le Duc de Lanclastre & tous les Seigneurs, qui là estoient venus, monterent à cheual: & firent emporter, en coffres & custodes, les deux ioyaux solennels, dessus-nommez: & furent mis en la Tresorerie de l'Abbaie de Westmonstier: & retournerent tous les Seigneurs chacun en sa maison: & attendirent le iour de Conseil & de Parlement, qui deuoit estre au Palais dudit Westmonstier.

Du Parlement & assemblée de Westmonstier, ou Henry de Lanclastre, parauant comte d'Erby, fut publiquement accepté pour Roy d'Angleterre: & comment il fut peu-apres couronné en grande feste & magnificence.

CHAP. CXIIII.

EN l'an de l'incarnation nostre Seigneur mil trois cens nonante & neuf, auint en Angleterre, en Septembre, le dernier iour dudit mois, par vn Mardy, que Héry, Duc de Lanclastre, tint Parlement au Palais de Westmonstier (qui est hors de Londres) & audit Parlement furent assemblez tous les Prelats & Clergé du Royaume d'Angleterre, ou la plus grand' partie: & apres y furent tous les Ducs & Comtes dudit Royaume, & aussi du Commun de chacune ville vne quantité de gens, selon ce que les villes estoient: & là fut tout le peuple assemblé audit Westmonstier ce Mardy deuât-dit, present le Duc de Lanclastre & ses gens: & adonc chalengea ledit Henry, Duc, ledit Royaume d'Angleterre: & requit estre Roy, par trois manieres & raisons: premierement par conquest: secondemēt par ce qu'il se disoit estre hoir: & tiercemēt, par ce que le Roy Richard de Bordeaux luy auoit resigné le Royaume en sa main, de pure & liberale volonté, presens Prelats, Ducs, & Comtes, en la salle de la grand' Tour de Londres. Ces trois cas remonstrez, requit le Duc Henry de Lanclastre à tout le peuple d'Angleterre, qui estoit là, que de ce ils dissent leur bonne volonté: & incontinct respondit le Peuple, tout d'une voix, que c'estoit bien leur volonté qu'il fust leur Roy, & ne vouloient autre que luy: & encores, en ensuyuant ce propos, requit & demanda ledit Duc au Peuple, si c'estoit bien leur volonté: & ils respondirent, tous à vne voix, Ouy: & de là en present fassit le Duc Héry en siège Royal. Lequel siège estoit haut élevé en la salle & estoit couuert tout d'un drap d'or, & à ciel dessus, si que tous ceux, qui là estoient, le pouuoient bien veoir. Incontinent que le Duc fut assis audit siège, tout le Peuple tendit les mains contremont, en luy promettant foy, & faisant grand lieue: & fut lors ce Parlement conclu: & puis fut iournee assignee pour son couronnement, au iour S. Edouard, qui fut le lūdi 13. iour d'Octobre. Le samedi deuât son couronnement il se departit de Westmonstier: & s'en alla au chasteau de Londres, à tout grand nombre de gens: & celle nuit y veillerent tous les Escuyers, qui deuoient estre faits Cheualiers le lendemain: qui furent le nombre de xlvj. & eurent tous ces Escuyers chacun sa chambre, & chacun son baing, ou ils se baignerent celle nuit: & le lendemain le Duc de Lanclastre les fit Cheualiers, à sa Messe: & leur donna longues corttes verdes, à estroites manches, fourrees de menu-ver, en guise de Prelats: & auoient lesdits Cheualiers, sur la fenestre espaule, vn double cordeau de soye blanche, à blanches houpettes pendans: & se departit le Duc de Lanclastre celuy Dimanche, apres dîner, du chasteau de Londres, pour venir à Westmonstier: & estoit en pur chef, & auoit à son col, la deuise du Roy de France: & estoit accompagné du Prince son fils, de six Ducs, six Comtes, & xvij. Barons: & estoient en somme toute, de huit à neuf cens Cheualiers en sa compagnie: & auoit adonc vestu vn court iaques d'un drap d'or, à la façon d'Allemagne: & estoit monté sur vn blanc courfier: & auoit le bleu iartier à la fenestre iambe: & vint ledit Duc tout parmy la ville de Londres, & grand nombre de Seigneurs, & leurs gens, vestus chacun de sa liuree en deuise, & tous les Bourgeois & Lombars marchas de Londres, & tous les grās maistres chacun mestier aorné & paré de sa deuise, en conuoiant ledit Duc iusques à Westmonstier: & furent le nombre de six mille chevaux, & les rues ou passa ledit Duc, furent ce-luy iour couvertes & parees de plusieurs manieres de paremens: & y eut celuy iour, & l'autre d'apres, neuf brocherons de fontaines, en Cepr, à Londres, coulans, par plusieurs conduits, vin blanc & vermeil. Item la nuit fut baigné ledit Duc de Lanclastre: & le lendemain, quand il fut leué, il se confessa (car il en auoit bon mestier) & ouï trois Messes, ainsi qu'accoustumé auoit, & celuy matin les Prelats, qui là estoient assemblez, & grand nombre de Clergé, vindrent en procession en l'Eglise de Westmonstier, & de là au Palais, pour amener le Roy en ladite Eglise, & s'en retourna la procession en ladite Eglise, & le Roy ensuyuant apres, & tous les Seigneurs avec le Roy, & les Ducs, Comtes & Barons, auoient longues houpelandes d'escarlade, & longs mâteaux,

Trois raisons, pour lesquelles Henry de Lanclastre requit estre Roy en l'assemblée des Estats d'Angleterre, qui le receurent & acceptèrent.

Quarantefix Cheualiers faits par le Roy Henry de Lanclastre, la veille de son couronnement.

La suite semble monstrier qu'il y faille mestiers.

Le iour du couronnement de Henry, quatrième du nom, Roy d'Angleterre, parauant Duc de Lanclastre, & Comte d'Erby, le 13. d'Octobre 1399. comme il a esté nagueres dit en ce present chapitre.

*Sacre du Roy
Henry de Lan-
castre.*

*Festin du cou-
ronnement du
Roy Henry de
Lancastre.*

*Le Comte de
Sallebery en
grand danger
de sa vie, pour
les parolles
qu'il auoit por-
tees en France
contre le Comte
d'Erby, nou-
veau Roy
d'Angleterre.*

fourrez de menu-ver, & grans chaperons, aussi fourrez en celle maniere: & tous les Ducs & les Côtes auoient trois honobles de menu-ver, assises sur l'espaule fenestre, d'un quartier de long, ou enuiron: & les Barons n'en auoient que deux: & tous autres Cheualiers & Escuyers auoient houpelandes fourrees, de liuree: & estoient d'escarlata. Item, en venant dudit Palais à l'Eglise, auoit sur le chef dudit Duc, un drap de soye, de couleur inde, & quatre clochettes d'or sonnantes: & portoient ledit ciel quatre Bourgeois de Douures (pour la cause que c'est leur droit) & auoit à chacun costé, l'espee de l'Eglise, & l'espee de Iustice: & portoit l'espee de l'Eglise le Prince de Galles, son aîné fils, & l'espee de Iustice messire Henry de Paisy, Comte de Northombelande, & Cônestable d'Angleterre (car le Comte de Rostellant estoit déposé de celui office) & le Comte de Westmalay, Mareschal d'Angleterre, portoit le sceptre: & entrèrent les processions & lesdits Seigneurs en ladite Eglise, ainsi comme à neuf heures: & auoit au milieu de l'Eglise un haut échaufaut, tout couuert de paremens vermaux: & au milieu dudit échaufaut auoit une chaize Royale, couuerte de drap d'or. Quand le Duc fut venu en l'Eglise, il monta sur l'échaufaut, & s'assit en la chaize Royale: & estoit le Duc en estat Royal, fors qu'il n'auoit point la couronne sur le chef, ne le bonnet: & là en present, & dessus l'échaufaut, remonstra l'Archeuesque de Cantorbie, par les quatre cornets de l'échaufaut, comment Dieu leur auoit transmis un homme, pour estre leur Roy & Sire. Puis demanda ledit Archeuesque audit peuple, si chacun vouloit qu'il fust consacré & couronné à Roy: & ils respondirent tous d'une voix, Ouy, en tenant les mains contremont, & luy promettant foy & loyauté. Apres ce, dit, & respondit, le Duc descendit ius de l'échaufaut, & vint à l'autel pour estre sacré: & à le sacrer y auoit deux Archeuesques, & dix Euesques: & là deuant l'autel fut déuestu de l'estat Royal, tout nud, iusques à la conroye: & là en present fut oingt & sacré en six lieux: c'est assauoir sur le chef, en la poitrine, sur les deux espauls, & derriere, entre les deux espauls, & es mains: & puis on luy mit un bonnet sur son chef: & ce pendant qu'on le sacroit & oingnoit, le Clergé chantoit la letanie, & tel office, qu'on dit à benistre les fons: & là le Roy fut vestu des draps de l'Eglise, comme un Diacre: & luy chaussa on un veloux de vermeil, en guise de Prelat, & puis uns esperons, à une pointe sans molette: & fut tirée hors du fourreau l'espee de Iustice, & là fut beniste, & puis baillée au Roy (lequel la remeit au fourreau) & là en present l'Archeuesque de Cantorbie luy ceignit ladite espee: & puis luy fut apportée la couronne Saint Edouard (laquelle couronne estoit archée en croix) & fut beniste: & puis la luy assit ledit Archeuesque sur le chef: & apres la Messe dite & ouïe, le Roy se departit de l'Eglise, audit estat, pour venir au Palais: & y auoit au milieu de ce Palais une fontaine, qui rendoit vin blanc & vin vermeil, par plusieurs sources. Puis alla le Roy en la salle, & en son retrait: & apres retourna en la salle, pour dîner: & fut la premiere table, du Roy: la seconde, des cinq Pers d'Angleterre: la tierce, des vilains de Londres: la quatrième, des Cheualiers qui auoient esté faits nouveaux: la cinquième, des Cheualiers & Escuyers d'honneur: & estoit ledit Roy acosté du Prince de Galles) qui tenoit l'espee de l'Eglise) &, de l'autre costé, du Cônestable d'Angleterre (qui tenoit l'espee de Iustice) &, au dessous, le Mareschal (qui tenoit le sceptre) & n'y eut à la table du Roy que deux Archeuesques, & dix & sept Euesques. En la moitié de ce dîner vint un Cheualier (qui se nommoit Diureth) tout armé, monté sur un cheual, tout couuert de mailles de vermeil, Cheualier & cheual: & estoit armé pour gage de bataille: & auoit un Cheualier deuant luy qui portoit sa lance: & auoit ledit Cheualier à son costé l'espee toute nue, & sa dague à l'autre costé: & bailla ledit Cheualier un libelle au Roy (qui fut leu) lequel libelle contenoit, que, si estoit Cheualier, Escuyer, ou Gentil-homme, qui voulsist dire, ne maintenir, que le Roy Henry ne fust vray Roy, il estoit tout prest de le combattre, present le Roy, quand il plairoit au Roy assigner iournee: & le fit le Roy crier par un Heraut d'armes, par six lieux, en ladite ville, & aussi en la salle. A quoy nul ne s'apparut. Quand le Roy Henry eut dîné, il prit vin & espices en ladite salle, & puis alla à son retrait: & toutes gens se departirēt: & alla chacun en son hostel. Ainsi se porta la iournee du couronnement du Roy Henry: lequel demoura ce iour, & la nuit ensuiuant, & le lendemain aussi, au Palais dudit Westmonstier. Vous deuez sauoir que le Comte de Sallebery ne fut point à ces solennitez: & mal-aisément y eust esté: car on le tenoit en prison fermée: & auoit bonnes gardes sur luy: & vouloit le Conseil du Roy, & moult de Nobles du pais, & les Londriens, qu'on luy trenchast la teste publiquement, en la rue de Cep, à Londres: & disoient que bien l'auoit desseruy (quand il s'estoit auacé de porter

porter lettres de creāce, de par Richard de Bordeaux, au roy de Frāce, & aux Seigneurs: & auoit tesmoigné, dit, & porté outre, que le roy Héry estoit faux & mauuais trahistre) & que ce peché & meffait n'estoit point à pardōner: mais demādoit punition trescruelle. Le roy Henry, comme doux & sage, ne s'enclinoit pas à le faire mourir: mais en auoit aucunemēt pitié: car le Comte s'excusoit de ce que fait en auoit: & disoit que c'estoit par l'ordonnance & parolle des quatre Cheualiers dessus-nommez, qui decolez estoiet. Le Roy croioit assez tost excusances: mais ceux de son Conseil n'y vouloient pas entendre: & disoient, & aussi faisoient les Londriens, qu'il mourroit: car bien l'auoit desserui. Si demoura le Comte de Sallebery en prison, en grand danger de sa vie: & messire Iehan de Hollande, Côte de Hostidōne, & pour ce temps gardien de la ville de Calais, auoit esté informé tout au long de la matiere dessusdite: & comment son frere le roy Richard auoit esté pris, & mené en prison en la tour de Lōdres, & là cōdamné, ou ailleurs, à vser sa vie: & auoit resigné couronne, & tout, & estoit Henry de Lanclastre roy d'Angleterre. Le Côte de Hostidonne (quelque ennuy, ou déplaisance, qu'il eust du roy Richard, son frere) considera le temps & les auentures: & regarda que luy tout seul contre la puissance d'Angleterre (q trop grāde estoit) il ne pouuoit obuier. Aussi la Cōtesse, sa femme (la qlle estoit sœur germaine du roy Héry) luy dit (quād il fut retourné de Calais en Angleterre) Mōseigneur, il vo⁹ faut passer vostre courroux patiēmēt & sagemēt: & ne faites pas chose, ou vous ayez dōmage: car Mōseigneur le Roy, mō frere, vous peut faire beaucoup de biēs: & si voyez que tout le païs s'encline à luy: & si vous mōstrez aucun maltalent, vous estes perdu. Si dissimulez de ce fait ici, ie vous en prie, & ie le vous conseille: car autant bien est le roy Henry vostre frere, que le roy Richard estoit. Si demeurez delez luy: & vous le trouuerez bon & loyal amy: car il n'y eut onques si riche roy en Angleterre, cōme il est. Si vous pourra, & à voz enfans encores, faire beaucoup de biens. Le Comte de Hostidonne entendit bien les parolles que sa femme luy dit & remonstra: car il fut assez imaginatif. Si la creut & sy enclina: & vint deuers le roy Henry son serourge: & s'humilia: & luy promit foy, loyauté, & seruice à faire. Depuis fit tant le Comte de Hostidonne, parmy les bons moiens des amis qu'il acquit, & tāt en pria au Roy, que le Comte de Sallebery fut ouy, & recueilli à toutes excusations: & luy fut pardonné tout ce que fait auoit au voiage de France: & retourna en la grace du roy Henry, & du peuple.

Cōment les nouvelles de la prise du roy Richard furēt sceues en Frāce, par la venue de la Dame de Coucy, au grand deplaisir du Roy Charles: & cōment le Duc de Bourbon tascha pour neant à reduire Bordeaux, & autres villes d'Aquitaine, à la courōne de France. CHAP. CXV.

Quand la Dame de Coucy fut descendue à Boulongne, elle hastas ses besongnes, le plus tost qu'elle peut: & se meit au chemin, pour venir vers Paris, & ia murmuroit on en France, en aucuns lieux, des incidens, qui estoient auenus en Angleterre. On en fauoit aucunes choses par aucuns marchās de Bruges, mais, quād la Dame de Coucy, q estoit en Angleterre avec la ieune Roine Ysabel) fut retournee, on sceut la verité pure. La Dame, quād elle fut venne, se tira à l'hostel de sō mari. Ce fut raisō. Nouvelles furēt incōtinēt à l'hostel de Saint-Pol (auquel le Roy estoit) q la Dame de Coucy estoit venue, & tout incōtinēt fut mādē le Seigneur de Coucy (le q l'auoit couché à son hostel, la nuit de uāt) qu'il venist deuers le Roy, pour luy faire sauoir des nouvelles du roy Richard d'Angleterre, & de la Roine Ysabel sa fēme. Si tost cōme il fut venu, il entra en la chābre du Roy: le quel luy demāda de l'estat du roy d'Angleterre, & de sa fille. Le Cheualier ne luy osa celer: mais luy dit tout plainemēt ce, dōt sa femme l'auoit informé. Quād le Roy de Frāce sceut ses nouvelles, si luy furēt moult déplaisātes (car il sauoit les Anglois durs & merueilleux) & auoit ledit roy de Frāce esté en bon poinct, vn grand tēps: mais de courroux il retourna en sa maladie de frenaisie: dont les Barons de Frāce, ses oncles, son frere, & moult d'autres, furēt moult courrouceuz, si amēder le peussēt: & dit le duc de Bourgongne, Ce fut vn mariage fait sans raison: & bien en parlay adonc, quand on le traittoit & procuroit. Je n'en peu estre ouy. Oncques les Londriens n'aimerent parfaitement le roy Richard, & tout ce mechef vient, & est engēdré par le duc de Clocestre. Il nous faut sauoir, & pourueoir, comment les Anglois se voudront maintenir. Puis qu'ils ont pris leur Roy, & mis en prison, ils le feront mourir (car oncques ne l'aimerent: pourtant qu'il ne vouloit point de guerre, mais toute paix) & couronnerent à Roy le Duc de Lanclastre. Il se liera & obligera grandement enuers eux: & fera (vueille ou non) tout ce qu'ils voudront. Là fut dit & proposé, par ledit Duc de Bourgongne, qu'il conuenoit sauoir comment se vouldroient porter ceux de Bordeaux (car le roy Richard fut là né: &

Le Comte de Hostidonne, receu en grace du roy Henry, son serourge, moyēne pardon & deliurance au Comte de Sallebery.

Le roy de Frāce retombé en sa maladie de frenaisie, aux nouvelles de la prise du Roy Richard, son gendre.

† Le surnom de
cesteuy ci desaut
et me doute
que ce ne soit de
Roie. Quand
au Barrois
il me semble que
il l'a tousiours
nommé Iehan.

Lamentations,
des Bordelois
sur le mechef
du roy Richard

Avertissement
du Senechal
de Bordeaux
au Roy Henri:
sur l'estat des
Bordelois.
ébranlez à se
rendre Franç.
† Au premier
et second Vol.
il a souvent nō-
mé Pōmiers,
et Langurāt
qui pourroient
estre ce Puiers
et Logeren,
pen apres.

moult l'aimoient: & aussi faisoient ceux d'Ax, & de Bayonne, & ceux des limites de Bordelois) & bon seroit (ainsi qu'il dit) que le Connestable de France, messire Louis de Sancerre, en fust signifié, & se tiraist sur les frontieres de par-delà, & eust avec luy messire † Regnaut, le Barrois des Barres, & aucuns Barons & Prelats, qui seussent traitter, & que son frere de Berry s'en allast en Poictou, & se tiraist sur les frontieres de Xaintes, de Blaues, & de Mirebel, parquoy, si ceux de Bordeaux vouloient entendre à noz traittez, ils fussēt recueillis, car nous les deurions auoir maintenant ou iamaïs. Les parolles du Duc de Bourgogne furent ouies & creuës, & en fut ordonné tout ainsi comme il auisa: & aussi il l'en doit bien, & par bonne maniere: & eut de ce dire & conseiller bonne & clere imaginatiō car (quand ceux de la cité de Bordeaux, de Bayonne, & d'Ax, entendirent que leur Sire, le Roy Richard, estoit pris, & mis en la tour de Londres, & comment on auoit son conseil exécuté, & le Duc Héri de Lâclastre courōné à Roy) ils furent trop emerueillez: & ne peurēt croire, du premier, que si grād mechef fust auenu en Angleterre: mais petit à petit tant de nouuelles vindrent, qu'ils cognurent que c'estoit toute verité. Adonc furent closes ces trois citez: & ne laisserent homme, n'Escuyer, entrer dedans, n'issir dehors. & furent fort melancieux: & par especial ceux de la cité de Bordeaux, car le Roy Richard auoit esté nourri entre eux: Si l'aimoient bien, & quand les Bordelois venoient deuers luy, il les recueilloit doucement & ioyeusement: & s'enclinoit à leur faire toutes leurs requestes & volonteiz. Doncques ils dirent, quand les certaines nouuelles en furēt venues. Haa, Richard, gentil Roy, Par Dieu, vous estes le plus preudhomme de vostre Royaume. Ce dommage & encombrer vous ont brassé les Londriens, n'oncques ne vous peurent aimer: & encores moins, depuis que vous vous alliastes par mariage au Roy de France. Ce mechef est si grand, que nous ne le pouuons souffrir. Ha, Roy Richard, ils vous ont tenu à Roy vingt & deux ans: & puis vous ont cōdamné, & mis à mort, car puis que vous estes en prison, & qu'ils ont couronné à Roy le Duc de Lanclastre, ils vous mettront à mort. Ainsi couroient les lamentations parmi la cité de Bordeaux & en Bordelois: & tāt que le Senechal de Bordeaux, vn moult vaillant Cheualier, Anglois, escriuit toutes les parolles & regrets, que ceux de Bordeaux, de Bayonne, & d'Ax faisoient, & qu'avec ce ils estoient sur le point d'eux rendre au Roy de France. Ses lettres escrites & scelees, il prit vn sien feable varlet: & fit tant qu'il eut vne nef, qu'il fit équiper: & fit tant par la force du bon vent, qu'il vint à Cornouaille: & puis cheuaucha tant par ses iournées, qu'il vint à Londres. Pour lors y estoit le Roy Henri: & auoit Parlement aux Londriens: lesquels par accord prirent ces lettres, car elles s'adreçoient généralement au Roy & aux Londriens. Si furēt ouuertes & leuës: & sur ce le Roy & les Lōdriens eurent conseil, mais ie vous diray que les Londrien, en respondirent, comment ceux, qui gueres ne furent ébahis des nouuelles. Ils dirent, les lettres ouies & entendues, Ce ne sera ia que ceux de Bordeaux, ne de Bayonne, se tournent François, car ils ne sauroient viure en leur danger: n'ils ne sauroient souffrir les ruses, qu'ils font. Ils demourent avec nous francs & quittes: & si les François les dominoient, ils seroient raillezz, & retaillezz, deux ou trois fois l'an. Laquelle chose ils n'ont pas accoustumé. Si leur seroit trop dur à commēcer. Avecques tout ce, ces trois citez sont encloses & enuironnées de grans Seigneurs) lesquels sont loyaux & bons Anglois, & tousiours ont esté: tels que les Seigneurs de † Puiers, de Mucident, de Duras de Lenduras, de Copane, de Rosem, de Logeren, & plusieurs autres barons & Cheualiers) par lesquels ils auroient la guerre toute preste à la main: n'ils ne pourroient issir, ne saillir hors de leurs citez, qu'ils ne fussent pris. Non-obstant ce, que le Senechal de Bordeaux nous ait escrit, nō ne faisōs nulle doute que iamaïs ils se tournēt Fran. Neātmoins nous y enuoierōs homme de vaillance & de prudence: que bien ils aiment & cognoissent, car ils les a gouuernez autresfois. Ce sera messire Thomas de Perfi. Ainsi comme ils le proposerent il fut fait: & fut prié & ordonné messire Thomas de Perfi, de par le Roy & les Londriens, d'aller en ce voyage, & d'entendre aux besongnes du pays. Messire Thomas de Perfi n'y eust iamaïs refusé: mais s'ordonna de partir, le plus-toſt qu'il peut. Il estoit enuiron Noel, que les mers ont fort vent, & sont moult creuses. Si fit faire ses pourueances tout bellemēt en Cornouaille, au plus prochain port dudit Bordeaux, & furēt de sa deliurance deux cens hōmes-d'armes, & quatre cens Archers. En sa cōpaigie estoit son neveu. Hue de hastingues, Thomas Colleuille, Guillaume de l'Isle, Ieā de Grailli, bastard, fils du Captal de Suz, Guillaume Traicton, Iehan d'Auberticourt, & plusieurs autres & aussi l'Euesque Robert de Londres, & maistre Richard Doalle, & attendirent iusques à

† la My-

† la My-mars, auant qu'ils entraissent en mer. En ce temps, auant que ces Seigneurs venissent à Bordeaux, le Duc de Bourbon vint en la cité d'Agen, pour traiter aux Bordelais: & fit tant par les parolles, & bonnes assurances, que les Consaux des citez de Bordeaux, d'Ax, & de Bayône, furēt enuoiez en la cité d'Agen. Le Duc les receut & recueillit grandement de parolles, toutes farsies de promesses: & leur dōna à entendre, que s'ils se vouloient tourner François, & venir en l'obeissance du Roy de France, il leur accorderoit tout ce qu'il luy demanderoient, & le leur seelleroit à tenir à perpetuité: & quand ils viendroient en France, ou à Paris, les François de toute leur puissance les expedieroient: & moult de choses leur promit à iurer, tenir, & seeller: & ceux respondirent que, retournez es citez dessus-nommees, ils le remonstrentoient au Peuple, & auroient conseil & auis de ce faire: & sur celuy estat ils se departirēt d'Agen & du Duc de Bourbō, & retournerent chacun en son lieu: & remōstrerent à ceulx auxquels il appartenoit de parler, les traittez du Duc de Bourbon: lesquels se dérompirent, & allerent tous à neant: car les communautés des citez dessus-nōmees considererent leurs affaires, & comment le Royaume de France estoit vexé & molesté de tailles, de fouages, & de toutes exactions vilaines, dōt on pouuoit extorquer argent. Si dirēt ainsi, Si les François dominoient sur nous, ils nous tiendroient en ces vsages. Encores nous vaut il mieux estre Anglois: car ils nous tiennent frācs & liberaux. Si les Lōdriens ont depōsé le roy Richard, & couronné le roy Henry, que nous touche cela? tousiours auōs nous Roy: & nous auōs entēdu que l'Euesque de Londres & messire Thomas de Persy serōt de brief ici. Si nous informerōt de la verité. Nous auons pl⁹ de marchādises de laines, de vins, & de draps, aux Anglois, q̄ nous n'auons aux François: & si nous y enclinons par nature beaucoup mieux. Gardon que ne facions traitté nul, dont nous puissions apres repentir. Ainsi se rompirent les traittez de Bordeaux, d'Ax, & de Bayonne, aux François: ne riēs n'en fut fait. Aussi l'Euesque de Lōdres, messire Thomas de Persy, & leur charge de Gens-d'armes & d'Archers arriuerent au haure de Bordeaux: dont moult de gens furent réiouis, & aucuns courroucez: qui le parti vouloient tenir du roy de France. Si se logerent ces Seigneurs d'Angleterre tous ensemble en l'Abbaie de Saint-Andrieu: & quand ils veirent que temps & heure fut, ils remonstrent à la Communauté de Bordeaux l'estat d'Angleterre, & ce pour quoy ils estoient là venus: & feirent tant que tous s'appaiserent & contenterent, & aussi ceux d'Ax & de Bayonne. Si demourerent les citez, & toutes les appendances, Anglesches, & trop y auroit à faire à les tourner Françoises.

Comment le Conseil de France enuoia veoir & visiter Madame Ysabeau de France, femme du roy Richard, par la permission du nouveau roy Henry. CHAP. CXVI.

A Visé & conseillé fut en France, en l'hostel du Roy (pourtant qu'on le voioit desolé, & courroucé de l'aenture, laquelle estoit auenue à son fils le roy Richard) qu'ils enuoierent en Angleterre, de par le Roy, aucun Seigneur notable & prudent, pour veoir & sauoir l'estat de la Roïne. Si furent priez & chargez de là aller messire Charles de Labreth & Charles de Hangers: lesquels au commandement & ordonnance du Roy obeirent volontiers: & ordonnerent leurs besongnes: & se departirent de Paris, & tant cheminerent qu'ils vindrent à Boulongne: & là s'arrestèrent: car ils auoient enuoie vn Heraut, parler au roy Henry: car sans assurance (nonobstant que trēues fussent entre France & Angleterre) ils ne sy fussent pas volontiers boutez. Le roy Hēry (qui moult se sentoit tenu au roy de France) parla à son Conseil. Accordé fut & dit au Heraut François, que c'estoit bien la plaissance & volonté du Roy, & de son Conseil, qu'eux & leur compagnie venissent en Angleterre, & tout le droit chemin deuers le Roy, sans tirer ailleurs, fors que par congé. Le Heraut François retourna à Boulongne: & dit aux Seigneurs François tout ce qu'il auoit impetré. Laquelle chose leur pleut assez bien: puis qu'autre chose ils n'en pouuoient auoir. Si feirent équiper leurs cheuaux en deux vaisseaux passagers: & puis entrerent es nefes: & prirent le parfond: & nagerent tant, par le fort du vēr, qu'ils vindrent au port de Doures. Puis issirent de leurs vaisseaux: & entrerent en la ville: & trouuerēt vn des Cheualiers du roy d'Angleterre (qu'il auoit là enuoie pour les recueillir) qui les receut: & autresfois l'auoient ils veu à Paris auecques le roy Henry: par quoy ils en furent plustost accointez. Messire Charles de Labreth & le sire de Hangers furent logez en la ville de Doures bien & honnorablement: & seiournerent là, tāt que leurs cheuaux furent mis hors de vaisseaux, & rafraischis: & puis monterēt sus: & cheuaucherent vers Cantorbie: & par tout, ou ils s'arrestoient & venoient, tout estoit paie & deliuré de par le Roy: & cheuaucherent tant qu'ils vindrent à Elreim: & là trouuerent le

† Qui fut de 1400.

Pratique du Duc de Bourbō, pour cuidoier reduire les Bordelais, & autres Aquitanien, à la couronne de France.

Les Aquitaniens prennent resolution de se tenir encor Anglois.

Arrivee de l'Euesque de Londres & de Messire Thomas de Persy à Bordeaux, pour le Roy Henry d'Angleterre.

† Sala dit icy de Hangest: qui est le vray a mon auis.

*Messire Charles
d'Albresh et le
Sire de Hangeft
vers le Roy Hé-
ry d'Angl. de
la part du roy
Charles de Fr.*

*Condition, sous
laquelle il fut
permis aux
Ambass. du roy
Charles de voir
sa fille en An-
gleterre.*

*Depart des Am-
bassadeurs du
roy Charles. a-
pres auoir veu
& parlé à la
royne d'Angl.
sa fille avec bon-
nes promesses
du roy Henry.*

Roy Henri, & assez de son conseil par raison. Le Roy leur fit moult bõne chere, pour l'amour du Roy de France: auquel il se sentoît grandement tenu. Messire Charles de Labreth remonstra au Roy ce, pourquoy ils estoïent là enuoiez, & venus. Le Roy leur respõdit & dit, Vous tirerez à Londres: & ie seray là, dedans quatre iours, & auray mõ cõseil, puis vous aurez response de ce, que vous demandez. Il leur suffit assez: & disneret celuy iour avec le Roy: & puis apres disner, monterent à cheual & cheuaucheret à Lõdres, & estoit tousiours avec eux le Cheualier du Roy: qui les logeoit tout à leur aise, & onc ne les laissa: mais fut tousiours en leur cõpaignie. Le Roy d'Angl. vint à Londres (ainsi que dit auoit) & au Palais de Westmonstier. Les Seigneurs de France furēt signifiez de sa venue & f'ordonnerent pour aller deuers luy, quand on les manda, Le Roy auoit son conseil avec luy, & estoit auisé de ce qu'il deuoit respondre: & fut respondu selõ leur demãde. Ils disoient qu'ils estoient venus, & enuoiez en Angl. de par le Roy de France & la Royne, pour veoir la Roine leur fille, la ieune Roine d'Angleterre. Il leur fut dit, Seigneurs, nous ne vous voulons pas déuoier, que vous ne la voiez, mais auât, vous nous iurerez suffisamment, que de chose nulle, qui auenue soit en Angl. de Richard de Bordeaux, ne d'autre chose, vous ne parlerez, ne ferez parler hõme des vostres: & si vous faites le contraire, il est ainsi determiné que vous courroucerez le pays grandement, & vous mettrez en peril de voz vies. Les deux Cheualiers respondirent: & dirent que point ne vouloient rõpre l'ordonnance, qui faite estoit, & que, mais qu'ils l'eussent veuë, & parlé à elle, ils se contenteroient, & mettroïent au retour. Depuis ne demoura guères que le Côte de Northombellade les mena à Anouinges-le-bourg, deuers la ieune Roine d'Angl. qui sy tenoit pour l'heure, & là estoient la Duchesse d'Irlãde, fille au Seigneur de Couci, & la Duchesse de Clocestre, delez elle, avec ses filles, & aucunes Dames & Damoiselles: qui luy tenoient compaignie. Le Comte de Northombellande amena messire Charles de Labreth & messire Charles de Hãgers à Anouinges-le-bourg, deuers la Roine d'Angleterre: qui les recueillit doucement & benignement, & parla assez à eux: & demanda de son Seigneur de pere, & de sa Dame de mere, comment ils se portoient. Ils respondirent bien: & parlerent à grand loisir ensemble: & bien tindrent ce, que promis auoient, car ils n'ouurirent onc leur bouche du Roy Richard. Quand ils eurent fait ce, pourquoy ils estoient là venus, ils prirent congé de la Roine: & s'en retournerent à Lõdres. Depuis ne seiournerent pas longnemët: & ordõnerent leurs besongnes, & tout ce qu'ils despendoient, estoit cõpté, & payé par les Officiers du Roy: & se departirent de Londres: & vindrent à Eltem ou ils disnerent delez le Roy: qui leur fit donner & presenter beaux ioyaux. Si prirent congé du Roy, assez amiablement, & il leur donna (car il se sentoît tenu au Roy, & à la Roine de France) & leur dit au departement, Dites à tous ceux, qui cy vous enuoïent, que la Roine d'Angleterre n'aura ia mal, ne nul encõbrier: & tousiours tiendra son estat bien ordonné, & grand, ainsi comme à elle appartient: & iouira de tous ses droits, car pas ne doit cognoistre, ne sentir, mutations aucunes, s'elles ont esté, ou sont. De ces parolles, dites de la bouche du Roy, se contenterent les Cheualiers, & se departirent atant, & vindrent coucher celuy iour à Dardeforte, & le lendemain à Espringhe, & puis à S. Thomas de Cantorbie: & de là vindrent à Douures: & quelque lieu qu'ils allassent, les Officiers du Roy comptoient & payoient, Puis monterent en mer: & vindrent à Boulongne: & puis exploiterent tant, qu'ils vindrent à Paris: & là trouuerent le Roy & la Royne: ausquels ils recorderent tout ce, que vous auez ouy, & la maniere comment ils auoient exploité. Si demourerent les choses en celuy estat. Nous parlerons vn petit d'Angleterre.

comment les comtes de Hostidonne & de Salberi, & autres Seigneurs d'Angl. aiant failli à tuer le roy Henry de Lanclastre en trahison, s'elevèrent en armes contre luy: & comment ils furent deconfits, & leurs testes tranchees, & enuoiees au Roy. CHAP. CXVII.

Plusieurs argumens & questions furent en Angleterre, des Nobles & Consaux des bonnes-villes, que Richard de Bordeaux fust mort & occis: par quoy on ne penfast plus sur luy, car bien l'auoit desserui. A ces cas & articles respondit le Roy Henry, que pitié il en auoit: & disoit que sa mort iamais il ne consentiroit, & que la prison, ou il estoit tenu, deuoit suffire: & remonstroit qu'il l'auoit pris sur luy. Si luy tiendrait sa promesse entierement. On disoit au Roy (ceux, qui nuire luy vouloient) Sire, nous voyõs bien que pitié vous meut à dire & faire: mais vous faites pour vous vne perilleuse chose, car tant comment il sera en vie (non-obstant que doucement il vous ait resigné la courõne d'Angleterre, & que tous vous ont reccu à Roy, & fait foy, serment, & hõmage) il ne peut estre qu'il

qu'il n'y ait encores en ce pais aucuns, qui l'aiment & ont aimé, & qui tost seroient releuez contre vous, si aucunes apparences il veoient de sa deliurance. Aussi le roy de Frâce (duquel il a la fille à mariage) est de ces auentures moult courroucé, & volōtiers y pouruoieroit, s'il y trouuoit moyen, & sa puissance est bien grande, avecques les alliāces qu'il pourroit auoir en Angleterre. Le roy Henry respondit à ce, & dit, Iusques à tant que ie verray le contraire, & que le roy de Frâce, ou autre pour luy, voudroit faire partie à l'encontre de moy, ie ne me mueray point: mais tiendray ce que ie luy ay promis. C'estoit la response du Roy: dont il luy fust presque mal auenu: ainsi que ie vous recorderay. Le Cōte de Hostidonne, messire Iehan de Holande, frere du Roy Richard (qui auoit à femme la seur du Roy Henry) ne pouuoit oublier l'aenture, & non faisoit aussi le Côte de Sallebery. Si eurent vers Acquesuffort secret parlement ensemble, & regarderent cōment ils pourroient deliurer Richard de Bordeaux de la Tour de Lōdres, & destruire & occire le roy Henry, & mettre vn trouble en Angleterre, & auiserent qu'ils feroient vnes ioustes de vingt Cheualiers dedans, & vingt Escuiers, & que la feste se tiendrait à Acquesuffort, & tout couuertement ils prioient le Roy qu'il y voulüst venir: &, seant à table, ils l'occiroient (car ils seroient si pourueus de gēs de leur costé, que tout ce ils pourroient bien faire) & feroient vestir, & appareiller en habit Royal, vn Clerc (qui s'appeloit Magdalain, & auoit esté de la chapelle au roy Richard, & bien luy pourtraoit de forme & de figure) & feroient entendant au peuple, que Richard seroit deliuré, & retourné en son estat, & puis māderoient leur fait au roy de Frâce: qui tātost leur enuoieroit, par les ports & haures de mer, grād secours, par le Comte de Saint-Pol, & autres. Tout ainsi, comme ils le proposerent, il fut fait, & feirent par vingt Cheualiers & vingt Escuiers, bien accōpaignez de Dames & Damoiselles, anoncer vne feste à Acquesuffort, & auoient de leur costé & alliance le ieune Comte Thomas de Kent, neveu à messire Iehan de Holande, & aussi vn des grans Barons d'Angleterre, le Seigneur Despensier: & cuiderent auoir le Comte Iehan de Rostellant (pourtant que le Roy Henry luy auoit osté l'office de Connestable) mais ils y saillirent, & veulent aucuns dire que par luy fut leur secret reuelé. Ceste feste arrestee, & les pourueances faites, le Comte de Hostidonne vint à Windesore (ou le Roy estoit, & tenoit son estat) & s'humilia grandement enuers luy: comme celuy, qui vouloit par douces parolles le deceuoir, & faire aller à celle feste, & en pria moult affectueusement le Roy: lequel n'y pensoit que tout bien, & luy accorda assez legeremēt: dont le Comte de Hostidōne fut moult réiouy, & se departit d'avecques le Roy, & prit congé, & dit au Chanoine de Roberfac, Appareille toy de venir à nostre feste. Je te promets, que se tu y viens, & si ie te rencontre sur les rangs, ie la te donneray belle, ou toy à moy. Adonc respondit messire Iehan de Roberfac, Par ma foy, Sire, si le Roy va à vostre feste, ie ne faudray pas que ie n'y voise. Et adonc le frapa le Comte de Hostidonne en sa main, & dit, Grand merci: & passa outre. Plusieurs Cheualiers & Escuiers d'Angleterre, ausquels la cognoissance de ceste feste venoit, s'appareilloient, & leurs harnois ordōnoient: & en estoient tous les armeuriers de Londres moult embesongnez. Il fut dit au Roy, par ceux qui cōseiller le deuoient, & garder, Sire à ceste fois vous n'y auez que faire, ne point vous n'irez: car nous auons ouy murmurer aucunes choses, qui ne nous sont pas plaisantes, n'agreables, & de brief nous en saurons la verité. Le Roy creut son Conseil, & ne fut poit à ceste feste, ne nuls de ses Cheualiers, & n'y eut quasi nul, fors ceux qui le vouloient occire & meurtrir. Quand les Comtes de Sallebery, de Hostidonne, & de Kent, & le sire Despensier, veirent qu'ils auoient failli à leur entente, & q point ils n'auroient le Roy par la maniere qu'ils le cuidoient auoir, si parlerēt ensemble, & dirēt: Il nous faut aller à Windesore & émouuoir le pais. Nous mettrōs Magdalain en estat Roial, & le ferons cheuaucher avec nous, & dōnerōs à entendre q c'est le roy Richard, qui est deliuré. Tous ceux qui le verront, le croirōt, & aussi ceux qui en orront parler, & par ainsi destruirons nous noz ennemis. Ainsi, cōme ils proposerent, ils le feirent, & se meirent tous ensemble d'vne alliāce, & se trouuerent bien cinq cens hōmes, vns & autres, & meirent celuy Magdalain en droit estat & habit Roial, & le feirent cheuaucher avecques eux, & s'en vindrēt vers ledit Windesore: ou le roy Héry se tenoit en son estat. Dieu luy aida proprement: car nouvelles luy vindrent que les Côtes de Hostidonne, de Sallebery, & le ieune Côte de Kent, & le sire Despensier cheuachoient & venoient vers Windesore, pour le prendre & occire, & estoient forts assez, pour prendre le chasteau de Windesore, & faisoient Magdalain, vn des Clercs de la chapelle, qui auoit esté au Roy Richard, cheuaucher avecques eux, & donnoient à entendre que le roy Richard estoit deliuré: & le croyoient luy.

Le Roy Henry de Lanclastre ne vent condescendre à la mort du Roy Richard.

Ioustes du Côte de Hostidonne & d'autres, entreprises pour y tuer le Roy Henry de Lanclastre.

Le Comte de Hostidonne frustré de son attente, ne se trouua à la feste de ses ioustes. Autre vaine inuention du Comte de Hostidonne & de ses complices, pour cuidoier surprendre le Roy Henry, & faire eleuer le peuple d'Angleterre contre luy.

moult de gens sur le païs: & disoient. Nous l'auons veu: & cuidoient bien de luy que eust fust le roy Richard: & fut dit au roy Henry, Sire, partez vous tâtost d'icy: & cheuauchez vers Londres: car ils viennent icy tout droit. Le Roy creut ce conseil, & luy & tous ses gés monterent à cheual: & se departirent de Windesore, cheuauchant le chemin que i'e vo^y ay nommé: & n'estoient pas loing, quand ces Gens-d'armes, qui occire le vouloient, arriuerent audit Windesore: & entrerēt en la porte du chasteau (car ils n'y trouuerēt nul luy, qui la leur refusast) & allerēt par tout, cherchant de chambre en chambre, & promptement es maisons des Chanoines: & cuidoient trouuer là le Roy: mais non firent. Quand ils veirent qu'ils auoient failly, ils furent moult courrouce: & se departirēt de là: & vindrent celuy iour loger à Collebruth: & faisoient moult de peuple, par force & par traitté, aller avecques eux, & disoient que le roy Richard estoit en leur cōpaignie. Les aucuns le croyoient, & les autres non. Le Roy Henry (qui se douta de trahison) se hastia de cheuaucher: & s'en vint boutet, par derriere, au chasteau de Londres: & se meit en la Tour: & eut grosses parolles à Richard de Bordeaux: & luy dit, Le vous ay sauué la vie, & en ay eu moult de peine: & vous me voulez faire meurtir par vostre frere, mō serotige, & par les Comtes de Sallebery & de Kent, vostre neueu, & le Seigneur Despensier: mais ce sera mal pour vous, quand ce vous auez ordonné. Richard de Bordeaux s'exexcusa tresfort: & dit, Si Dieu luy pleüst aider & valoir à l'ame, que de tout ce il ne sauoit riens, n'il n'atēdoit iamais auoir plus grād estat, & que biē luy suffisoit. La chose demoura en ce point. Le Roy manda le Maieur de Londres, & tous ses plus espéciaux amis: & leur recorda, de point en point, toute la chose, ainsi comme elle alloit. Les Londriens en furent moult émerueillez, & dirent au Roy, Sire, il faut que vous mandez voz hommes. Il conuient aller auant, premier qu'ils multiplient plus. Nous vous auōs fait Roy: & aussi Roy demourrez: quoy qui en ait enuie, ne vous vueille greuer. Tantost fit le Roy lettres escrire par moult de Clercs, & furent mis varlets & messagers en œuure, pour réueiller Cheualiers & Escuyers: & escriuit le Roy à son Conestable, le comte de Northombellande, & à son Mareschal, le comte de Westeselan, & à tous Cheualiers & Escuyers en Excestre, en Lincole, & par tout ou il les pensoit auoir, & tous ceux qui ces nouuelles seurent & ouïrent, au plus tost qu'ils peurent vindrent deuers le Roy. Les dessus-nomméz comtes de Hostidonne & de Sallebery, & tous les autres de leur alliance, eurent conseil & auis, qu'ils tireroient vers Londres: & ne pouuoit estre qu'il n'y eust aucuns Lōdriens (qui aimoient le roy Richard) qui se tireroient à eux, pour tenir leur party. Si se departirent de Collebruth: & celuy iour vindrent loger à Brandeforde, à sept mille de Londres: n'ontques aucuns Londriens ne se tirerent vers eux, mais se tirerent à leur ville. Quand ils veirent ce, ils se tirerent au matin vers Saint-Albons, vne grosse ville: & là se logerent, & y furent vn iour, & le lendemain ils allerent à Varquemestede. Ainsi enuironnoient ils le païs, & faisoient entendā, de ce Magdalain, que c'estoit le roy Richard, & vindrēt à vne grosse ville & forte, qu'on dit Souscestre: & là auoit vn Bailly, de par le Roy, vaillāt homme & prudent: qui gardoit la ville & le païs d'environ. Quand ces trois Comtes & le sire Despensier furent venus à Souscestre, ils se logerent, & furent vne nuict assez en paix: car le Bailly n'estoit pas assez fort pour les cōbatre, & les dissimula, le mieux qu'il peut. Quand ce vint au matin, le comte de Sallebery & le Seigneur Despensier se partirēt du comte de Hostidonne & du comte de Kent, & dirent qu'ils cheuaucheroiēt outre, pour acquerir encores des hommes à leur opinion, & iroient veoir le Seigneur de Vercler, & cheuaucheroient toute la riuere de la Sauerne. Ils furent mal-conseillez, quād ils departirent l'un d'avecques l'autre: car ils en furent plus foibles. Le comte de Hostidonne (qui s'estoit arresté en ladite ville de Souscestre) vouloit traitter deuers le Bailly & ceux de la ville, & leur dit que le roy Richard estoit deliuré, & l'auoient les Londriens deliuré, & q̄ dedans deux iours ils feroit là. Le Bailly (qui auoit assemblé moult de ceux du païs) dit q̄ tout le contraire estoit verité, & qu'il auoit ouï nouuelles certaines du roy Henry & des Londriens: sur lesquelles il conuenoit qu'il exploita. Quand le comte de Hostidonne ouït ces parolles, il mua couleur, & vit biē qu'il estoit deceu, & s'en retourna à l'hostel, & arma, & fit armer tout ce qu'il auoit de gés, & sauifa q̄ de fait & par bataille il conquerroit ces vilains godaliers, & feroit mettre la ville en feu & en flambe, pour plus ébahir le païs. Le Bailly dudit Souscestre, d'autre part, se hastia d'y pourueoir, & fit venir to^s ses gés, Archers & autres, en la placē, & se trouuerent bien deux mille hommes, & les Côtes de Hostidonne & de Kent n'en auoient point trois cens, & toutesfois ils s'en issirēt hors de leur hostels, & s'ordonnerent par deuant, pour commencer la bataille, & commencerēt

les Ar-

*Grand danger
du Roy Ri-
chard, par l'é-
meute du Com-
te de Hostidon-
ne, le cuidant
deliurer.*

*† Il a dit
Vvest melay,
au chap. 114.
que ie pense e-
stre Vvestmer
land & Cartes
& descriptions.*

*Depart du Cō-
te de Sallebery
& du sire
Despensier d'a-
uec les Comtes
de Hostidonne
de Kent, au
malheur des
vns & des
autres.*

les Archers à tirer les vns aux autres, tant que du trait y en eut de blecez & naurez. Le Bailly & ses gens (qui estoient grand nombre) si vindrent à force sus eux, sans les épargner: car ils auoient cōmandement du Roy, tresespecial, qu'ils fussent pris, morts ou vifs. Si les surmonterent de grand'volonté, & de bonne: & conuint aux gens de Hostidonnie par force leur retraire dedans les maisons. Le Bailly & ses gens enuironnerēt l'hostel, de toutes parts, ou les deux Comtes estoient: & y liurerent tel assaut, que de fait ils le conquirent, & entrèrent dedans. Là en y eut beaucoup de morts, & de naurez. On entendit au Comte de Hostidonnie affaillir: car bien se deffendit: comme vaillant homme d'armes, qu'il estoit: mais la force fut sur luy si grande, qu'il ne la peut surmonter: & là fut tant altéré, qu'il fut occis en armes, & avecques luy le ieune Comte de Két: qui depuis fut moult plaint de plusieurs vaillans Cheualiers, en Angleterre, & ailleurs: car il estoit ieune & beau fils: & moult enuis s'estoit mis en la compagnie: mais son oncle & le Côte de Sallebery l'y bouterent. Les hommes de Souscestre (qui moult estoient échauffez sus eux) leur trécherēt les testtes: & puis les enuoyerēt, par vn varlet & vn cheual (ainsi qu'o porte maree) à Lōdres, pour réiouir le Roy, & les Lōdriés. Pareillemēt le Comte de Sallebery & le sire Despēsier vindrēt à celle cōclusiō, au lieu ou ils estoiet allez: car les Cheualiers & Escuiers, q le Roy y enuoia, les priēt, & leur trécherēt les testtes: & les enuoierēt à Lōdres. Encores pour ce fait, des alliez & accōpaignez avecqs eux, il y en eut moult d'executez, de Cheualiers & d'Escuyers: & apres tout ce, demeura le pais assez en paix. Quand vint à Pasques (qu'on comptat mil quatre cens) le Roy de France son frere, leurs oncles, & leurs Consaux, entendirēt que les Anglois, Gens-d'armes & Archers, passoiēt la mer, & se mettoient dedans Calais, & dedans Guines, Oyse, Meleth, Hames, & Baucloguhen: & aussi pouruoyent les lieux grandement. Si fut fait vn commandement par tout le Royaume de France, à tous Cheualiers & Escuyers, que tous fussent pourueus, pout monter à cheual, pour aller là ou on les vouldroit mener, ou enuoier. Tous se pourueurent, & par especial sur la frōtiere de Boulongnois, & de Guines, & sur toute la marine.

Les Comtes de Hostidonnie & de Kent suez par les habitas de Souscestre: comme le Comte de Sallebery & le sire Despēsier par autres gens du Roy Henry.

L'an 1400. à toutes modes.

Comment estant mort le Duc Iehan de Bretagne, Comte de Montfort, les Bretons entreprirent la garde du ieune Duc son fils, s'en obligeans vers le Roy de France: & comment les François, se défians du nouveau regne d'Angleterre, se pourueurent contre les soudaines mutations.

CHAPITRE CXVIII.

EN celuy temps trépassa de ce siecle le Duc Iehan de Bretagne: & de luy demourerēt deux fils, & vne fille. L'aîné fils dudit Duc de Bretagne auoit pleuue en Frâce, pour estre sa femme au tēps auenir, la fille seconde du Roy de France: car il ne pouuoit auoir la premiere: parce qu'elle estoit mariee en Angleterre: ainsi que vous sauez. Si luy auoit on promise: & en furēt les traittez de mariage faits à Tours en Touraine: mais, pour marier ladite fille plus richement, par l'auis du Roy & de son Conseil, on la demaria d'avecques l'hoir de Bretagne, & fut mariee en Angleterre: dont plusieurs Seigneurs en France dirent, quand le cas fut auenu, que ia bien n'en prendroit. Conseillé fut, & auisé au Conseil de France, que le Duc d'Orleans, avecques Gens-d'armes s'aualleroit sur les marches de Bretagne, pour parler aux Bretons, & aux Consaux des citez & bonnes-villes de Bretagne, pour sauoir commēt ils se vouldroient de leur hoir maintenir: & leur requeroit qu'on le luy deliurast, pour amener en l'hostel de France. Sur ce Conseil & auis exploita le Duc d'Orleans, & fit son mandement assez grād par raison, & s'en vint à Pontorson. Puis s'arresta: & signifia sa venue aux Barons de Bretagne, & s'assemblerent tous les Prelats, Barons, & Cōsaux des trois Estats, audit Pōtorson, pour parler au Duc d'Orleans: qui leur fit la requeste dessusdite. Ils estoient tous auisez & conseillez de respōdre. Si respondirent, & tous d'une suite, que leur ieune Seigneur, & hoir de Bretagne, ils garderoient, & tiendroient delez eux & leurs terres. Quand le Duc d'Orleans vit qu'il n'en auroit autre chose, il prit l'obligation des plus grans Barons de Bretagne (qui auoient la charge de la garde dudit hoir de Bretagne) pour le liurer à son naturel Seigneur le roy de France, quand l'enfant seroit en aage. Ces lettres escrites & sceellees, le Duc d'Orleans les prit en garde deuers luy, & puis apres prit congé des Barōs de Bretagne, & se departit de Pontorson: & retourna en France: & luy reuenu, recorda au Roy son frere, comment il auoit exploité. Il fut sceu en Angleterre, qu'au commandemēt du Roy de France, & de son Conseil, les François se pouruoyent moult fort, & garnissoient citez, bonnes-villes, & chasteaux, sur les frontieres de Picardie & de Boulongnois, & auoient clos la riuere de Somme, par telle maniere, que nulles marchandises, blez, auoines, ne chose qui appartenist d'aller en Angleterre, ne passoit point Abbeuile, ne les marchans d'An-

Responce des Bretons au Duc d'Orleans, requérant de luy deliurer leur ieune Duc, pour le mener vers le Roy de France.

*Remonstrances
faites au Roy
Henry de Lan-
castre sur les
poursuivons des
François, &
pour faire mou-
rir le Roy Ri-
chard.*

gleterre, qui souloient aller en France marchander aux François, ne s'y osoient plus trou-
uer, n'aussi les marchâds François en Angleterre: mais estoient les frôtières, tât de Fran-
ce comme de Guines & Calais, en ruine, & point ne couroient encores l'un sur l'autre:
car point n'en auoient de cōmandemēt. Si fut dit au Roy & à son Conseil, Auisez vous:
car les François monstrent qu'ils veulent la guerre: & font grandes pourueances de navi-
res, à Herfieu, & en doiuent estre Capitaines le Côte de Sainēt-Pol, & messire Charles de
Labreth: & est à presupposer (si les Comtes de Hostidōne & de Sallebery fussent enco-
res en vie, & tous ceux qui avecques eux sont mors) que les Frâçois eussent passé la mer:
& auoient ia grâs alliâces en Angleterre. Si fut dit au Roy, Sire, tant que Richard de Bor-
deaux viue, vous, ne le pais, ne ferez assēurez. Le Roy respondit, Je croy que vous dites
verité: mais, quāt à moy, ie ne le feray ia mourir: car ie luy ay ainsi promis. Si luy tiendray
promesse, tāt qu'apparu me sera, qu'il m'aura fait trahison. Si respondirēt les Cheualiers,
Il vous vaudroit mieux qu'il fust mort que vif: &, tant que les François sauront qu'il sera
en vie, ils s'efforcerōt tousiours de vous guerroyer, & aurōt esperāce de le retourner en-
cores en son estat: pour la cause qu'il a à femme la fille du Roy de France. Le Roy d'An-
gleterre ne respondit riens: & se departit de là: & les laissa en la chambre, parlans, & en-
tendit à ses Fauconniers, & meit vn faucon sur son poing, & oubliā tout, en le paissant.

*De la mort du Roy Richard d'Angleterre: & comment les trēues furent renouuēlles, &
tenues, entre François & Anglois: & comment le Comte Marechal, banny d'Angle-
terre, mourut à Venise.*

CHAP. CXIX.

*Piteux conuoy
& spectacle du
Roy Richard,
mené mort, &
découuert, par-
my la ville de
Londres.*

DE P V I S, ne demoura pas long temps, que renommee veritable courut parmy Lon-
dres, que Richard de Bordeaux estoit mort. La cause comment ce fut, ne par quelle
incidence, point ie ne la fauoie au iour, que i'escrui ces Croniques: Le roy Richard de
Bordeaux mort, il fut couché sur vne litiere, dedans vn char, couuert de Brodequin, tout
noir, & estoient quatre cheuaux, tout noirs, atelez audit char, & deux varlets, vestus de
noir (qui menoient ledit char) & quatre Cheualiers aussi, vestus de noir, venans derriere,
& suiuoient ledit char, & ainsi se departirent de la Tour de Londres (ou mort estoit) &
fut amené ainsi, au long de Londres, le petit pas, iusques à la grand' rue du Cep (ou tout
le retour de Londres est) & là en plaine rue l'arrestèrent le char, les chartiers, & Cheua-
liers, & y furent bien deux heures: & vindrent plus de vingt mille personnes, hommes &
femmes, veoir le Roy: qui là gisoit, le chef sur vn oreillier noir, le visage découuert. Les
aucuns en auoient pitié (qui le voyoient en celuy estat) & les autres non, & disoient que
de long temps il auoit la mort acquise. Or confidez, Seigneurs, Rois, Ducs, Côtes, Pre-
lats, & toutes gens de lignage & de puissance, comment les fortunes de ce monde sont
merueilleuses, & tournent diuersement. Ce roy Richard regna roy d'Angleterre vingt
& deux ans, en grand prosperité, pour entretenir estat & Seigneurie: car il n'y eut oncqs
Roy en Angleterre, qui tant despendist, à cēt mille florins pres par an, pour son estat seu-
lement & hostel entretenir, que fit en son tēps iceluy roy Richard de Bordeaux: car moy
Iehan Froissart, Chanoine & Tresorier de Chimay, le vei & consideray, & y fut vn quart
d'an, & me fit tresbonne chere, pour la cause de ce qu'en ma ieunesse i'auoye esté Clerc
& familier au noble roy Edouard, son grand pere, & à Madame Philippe de Hainaut,
royne d'Angleterre, son ayeule: & quand ie me departi d'avecques luy (ce fut à Winde-
fore) au prēdre cōgé il me feit, par vn sien Cheualier (lequel on nommoit messire Iehan
Boulouffre) donner vn gobelet d'argent doré, pesant deux marcs largement, & dedans
cent nobles, dont ie valu mieux depuis tout mon viuant, & suis moult tenu à prier Dieu
pour luy, & enuis escrui de sa mort. Mais, pourtant que i'ay dictee, ordōnee, & augmen-
tee, à mon loyal pouuoir, ceste Histoire, ie l'escry pour donner congnoissance qu'il de-
uint. En mon temps ie vei deux choses qui furent veritables: nonobstant qu'elles cheuf-
sent en grand different. A fauoir est, que i'estoie en la cité de Bordeaux, & seant à table,
quand le roy Richard fut né, lequel vint au mōde à vn Mercredy, sur le point de dix heu-
res, & à celle heure que ie dy, vint messire Richard de Pont-cardon, Marechal pour ce-
luy temps d'Acquitaine, & me dit, Froissart, escriuez, & mettez en memoire, que Mada-
me la Princesse est accouchee d'un beau fils, qui est venu au mōde au iour des Roys, & si
est fils de Roy. Le gentil Cheualier de Pont-cardon ne mētit pas, car il fut Roy d'An-
gleterre vingt & deux ans, mais au iour qu'il me dit ces paroles, il ne fauoit pas la conclu-
sion de sa vie, quelle elle seroit, & pour le temps que le Roy Richard fut né, son pere es-
toit en Galice (que le Roy Dampietre luy auoit donné) & estoit là pour conquerir le
Royaume. Ce sont choses bien à imaginer, & par lesquelles i'ay moult pensé depuis, car
le pre-

*Liberalité du
feu roy Richard
de Bordeaux
enuers Frois-
sart.*

*† Je doute qu'il
ne s'ale lire ain-
si, pour mieux
venir au sens
de l'Auteur,
& si est fils de
fils de Roy,
& si sera
Roy: ou bien
qu'il entende
que le Prince
de Galles fust
aucunement
Roy, tenant Ga-
lice, & cōquē-
stant le reste
d'Espaigne,
pour y remet-
tre le Roy Pie-
tre.*

le premier an q̄ ie vein en Angleterre, au seruice de la noble Roïne Philippe (ainſi q̄ le Roy Edouard, ladite Roïne, & tous leurs enfans eſtoient venus à Barquameſtede, vn manoir du Prince de Galles, ſeāt outre Lōdres, pour prendre cōgē du Prince & de la Prin-
ceſſe: qui deuoient aller en Aquitaine) i'ouy là parler vn Cheualier anciē, deuſāt aux Da-
mes: lequel dit, Nous auōs vn liure, appellē le Bruſt: qui deuſe q̄ le Prince de Galles aīſné
fils du Roy, le Duc de Clarence, ne le Duc d'Iorch, ne de Cloceſtre, ne ſerōt point Roys
d'Angleterre: mais retournera le Royaume à l'hoſtel de Lāclafre. Or dy ie moy, Acteur
de ceſte Hiſtoire, cōſiderāt toutes ces choſes, q̄ les deux Cheualiers (c'eſtaſſauoir meſſire
Richard de Pōt-cardō & meſſire Berthelmieu de Brules) eurent chacun raiſon: car ie vey,
& auſſi fit tout le mōde, Richard de Bordeaux vingt & deux ans roy d'Angleterre, & puis
le Royaume retourner en l'hoſtel de Lāclafre. Ce fut, quād le roy Hēry, par les cōditiōs
deſſuſdites, fut roy d'Angleterre, & point ne pēſoit en la courōne, ne n'eut pēſē, ſi le dit
Richard ſe fut porté familiarēmēt deuers luy, & amiablemēt: & encores le ſeirēt les Lō-
driēs Roy, pour eiter les grās dōmages de luy, & de ſes enfans: deſq̄ls les Lōdriēs eurent
pitiē. Quand le char ou eſtoit Richard de Bordeaux, eut eſtē en la rue de Cep plus de
deux heures, il ſe departit de là: & charierēt les charetiers pl^o auāt, & les Cheualiers tous
quatre derriere. Quād ils furēt au dehors de Lōdres, les quatre Cheualiers monterent à
cheual (car là ils trouuerēt les varlets avecq̄s leurs cheuaux) & puis cheminerent auāt, &
feirent tāt qu'ils vindrēt en vn village (auquel eſt le manoir du Roy & de la Roïne) q̄ l'ō
dit † Lenglee: & ſied à trente mil de Lōdres. Là eſt le roy Richard de Bordeaux enſepul-
turē. Dieu luy face pardō & merci à l'ame. Nouuelle ſeſpartirent par tout, que le roy Ri-
chard eſtoit mort. On n'attendoit to^o les iours autre choſe: car bien pouuoient ſauoir &
cōſiderer toutes gēs, q̄ iamais du chasteau de Lōdres il n'iſtroit en vie. Sa mort fut celee
& couuerte, tāt qu'à la Roïne ſa femme, & fut ordōné, & cōmandē, q̄ point ne luy ſeroit
dit encores. Ceſte ordōnāce fut celee, & tenue vn grād tēps, bien & ſagemēt. De toutes
ces auenues eſtoient ils aſſez informez en Frāce: & n'attendoient autre choſe Cheualiers &
Eſcuiers, qui la guerre deſiroient, ſinō qu'ils cheuauchaffent de païs en autre, ſur les frō-
tieres. Toutesſois, tāt d'un Royaume comme d'autre, auſē fut ēs Cōſaux deſdits Roys,
pour le meilleur, q̄ les trēues fuſſent tenues, & q̄ ce ſeroit pl^o profitable choſe, pour tou-
tes les parties, q̄ la guerre, & ſ'approcherēt traitteurs, par le moiē q̄ ie vo^o diray, à eſtre en
la marche de Calais: pourtāt q̄ le roy de Frāce n'eſtoit pas en bon point, ny n'auoit eſtē,
depuis le iour que fut venue à ſa cognoiſſance la tribulation de ſon fils, le roy Richard
d'Angleterre, & encores ſes douleurs luy doublerēt grādement, quād il ſceut qu'il eſtoit
mort. Si que le duc de Bourgōgne prit le ſoing du Royaume de Frāce, pl^o que nul autre:
& vint à Saint-Omer & à Bourbourg, ou eſtoient le Duc de Bourbō, meſſire Charles de
Labret, Charles de Hangers, & Iehan de Chaſtel-morāt, & des Prelats de leur partie, le
Patriache de Hieruſalem, & les Eueſques de Paris & de Beauuais: & de la partie des An-
glois eſtoient le Cōte de Northōbellāde, le Cōte de Roſtellāt & † Deuneſiē, meſſire Hē-
ry de Perſy, fils au Cōte de Northōbellāde, & Yuō fils Warin, & des Prelats, les Eueſqs
de Wiceſtre & de Ly. Les Frāçois traittoient d'auoir deuers eux la ieune roïne d'Angle-
terre: & les Anglois ne vouloit pas entendre à la rēdre: mais diſoient que volontiers la
voioient en Angleterre ſur ſon douaire: & que, ſi elle auoit perdu ſon mari, on luy en a-
uoit pourueu d'un autre: qui eſtoit beau, ieune, & gent: ou aſſez toſt elle ſ'enclineroit: car
Richard de Bordeaux luy eſtoit trop vieil, & celui qu'ils nommoient, luy venoit tout à
point. C'eſtoit le Prince de Galles, aīſné fils du roy Henry. A ce traitté ne ſ'accorderent
point les François: car iamais ne l'euffent paſſē, ſans le conſeil, cōgē, & licence du roy
ſon pere. Or n'eſtoit il pas en bon eſtat, mais moult debilité de ſa ſantē: & ne trouuerent
oncques Medecin, qui ſe cōgnuſt en ſa maladie. Si fut ce traitté mis arriere, & repris ce-
luy de la trēue, & tant demenē par l'accord de toutes les parties, qu'il fut ordōnnē & iu-
rē à tenir les trēues vingt & ſix ans à venir, & quatre ans qu'elles auoient durē. Ce furent
trente ans: ainſi que la premiere conuenance & obligation ſe portoit. Si furent lettres
eſcrites, & ſeellees de ceux qui puissance auoient, par bōne procuracion des deux Roys.
Ces choſes faites & acheuees, tout homme retourna en ſon lieu. Je ne vous ay pas dit
que le Comte Mareſchal deuint (par lequel toutes ces tribulations eſtoient auenues)
mais ie le vous diray. Il ſe tenoit à Veniſe: & quand les nouuelles vindrent que le Roy
Henry eſtoit Roy d'Angleterre, & le roy Richard mort, il prit ces choſes en ſi grand
dedain & déplaiſance, qu'il ſ'en acoucha au liēt: & entra en maladie de frenaiſie: de la
quelle il morut. Ainſi auindrent tels mechefs ſur les plus grās Seigneurs d'Angleterre.

† ſepulture du
Roy Richard à
Lenglee: que
ſala nomme
Langle.

† Je ne ſay qu'il
veut dire par
ce mot: ſinon
qu'il me ſemble
eſtre corrompu,
pour quelque
nom de Sei-
gneurie.

Confirmation
des trēues d'en-
tre France &
Angleterre,
apres la mort
du Roy Ri-
chard.

De la neutralité de France envers les Papes de Romme & d'Aignon, & de l'election de l'Empereur Robert. CHAPITRE CCXX.

*Annotas. 15.

† *A mon aui
qu'il y faut de
Heidelberg,
principale vil-
le du Palati-
nat du Rin: du-
quel il estoit
Comte.*

EN l'an de grace mil quatre cens, *vn moins, fut Pape Benedic (que les François de grand' volonté auoient mis sus, & soustenu) depose: & aussi fut le roy d'Allemagne, par ses meffais: car les Eliseurs de l'Empire, & tous les Ducs & Barons d'Allemagne s'e-meurent à l'encontre de luy: & le renuoierent en Boesme (dont il estoit Roy) & eleurent vn homme, vaillant & prudent, pour estre Roy d'Allemagne: & estoit des Bauieres: & se nommoit Robert, Duc de Heleberge: & vint à Coulongne: ou il fut là couronné de la couronne d'Allemagne: car ceux d'Aix ne vouloient pas ouurir leur ville à l'encôte de luy: ne le Duc de Guerles ne vouloit point venir à obeissance: dont il en demoura en indignation. Si promit ce nouveau Roy d'Allemagne de remettre l'Eglise à vnion: & ce pendant le Roy de France & ses Consaux traitterēt deuers les Liegeois (lesquels estoient determinez au Pape de Romme) & tant feirent, par le moyen de messire Baudouin de Mont-iardin (qui gouernoit en partie tout l'Euesché du Liège, & lequel estoit au Roy de France, Cheualier de sa chambre) que tout le pais se tourna neutre, à la cōtemplation du roy de France: & manderent les Liegeois à tout le Clergé de leur costé (lequel se tenoit à Romme) que dedans vn tel iour ils ordonnoient qu'ils fussent venus au pays du Liège, ou qu'ils perdroyent leurs benefices. Quand ils entendirent ces nouuelles, tous se meirent au retour: & vindrent au Liège: & Pape Bonifac (qui tant perdit à sa transmutation) enuoia vn Legat en Allemagne, pour prescher les Liegeois, & les faire retourner à sa creance: *mais le Legat n'osa passer Coulongne: & enuoia lettres au Liège. On lit ces lettres: & puis fut dit au messager, Ne retourne plus, pour la matiere dont tu es ici venu, sur peine d'estre noyé: car autant de messagers qui viendront, nous les getterons en Meuze.

*FIN DV QUATRIEME ET DERNIER VOLUME
de messire Iehan Froissart.*

ANNOTATIONS SVR LE QUART VOLUME DE FROISSART.

ANNOTATION PREMIERE.

Vous deuez scauoir.) Ainsi que l'autorité de l'antiquité de l'Abregé du Seigneur Sala m'a fait commencer le tiers volume de nostre Auteur à mesme article que luy: ainsi m'a elle encor enhardy de commencer ce present quart & dernier volume d'iceluy nostre Auteur au propre lieu que cet Abregé commence: cōme aussi la matiere sy est monstree manifestement disposée. Apres auoir donc nostre Abregé mis l'article des tréues, prises pour trois ans, en lan 1389. entre les Royaumes de France & d'Escoce, & leurs aliez, & auoir semblablement clos son liure par sels mots.

Cy fine maistre Iehan Froissart son tiers liure.

il met ainsi en la coulonne suiuante.

Cy commence la table du quart liure de maistre Iehan Froissart.

Puis fait suyuire la table de ses chapitres, par l'entree de la Roynie Ysabeau de Bauiere à Paris: & en fin les achéue par telle maniere.

De la mort du Roy Richard d'Angleterre. Et comment les tréues furent ralongees entre France & Angleterre. Et puis parle de la deposition du Pape Benedic.

En apres il escrit de lettres rouges, au commencement de la coulonne prochaine, ces propres mots.

Cy commence le quart liure de maistre Iehan Froissart qui traite au premier chapitre de la noble feste qui fut faicte à Paris à l'entree de la Roynie Ysabel de France. Des ioustes qui y furent faictes, & des presens de ceux de Paris. Et comment le Seigneur du chastel morant apporta d'Angleterre la chartre des tréues.

Cela fait, il poursuit sa matiere, en telle sorte.

Le quart liure de maistre Iehan Froissart est reduit en plusieurs chapitres, auquel liure il poursuit l'histoire des faicts d'armes auenus entre les Royaumes de France & d'Angleterre, & de leurs conioints & aliez. Et dist tout premierement au premier chapitre dudit quart liure* qu'il estoit de l'aage de xx. ans quand il commença sa Cronique, & la continua par grand' diligence tout son temps, & fut es maisons des Roys & des Princes, de l'une partie & de l'autre, enquerant diligemment de gens dignes de foy, des besongnes aduenues dudit temps. Car il fut en temps que les plus grandes besongnes aduindrent en iceux Royaumes. Puis recite la maniere comment la Roynie Ysabel de France entra à Paris.

ANNOTATION II.

Pour elle differer) C'est adire afin qu'elle fust mieux choisie & congnee parmy les autres, comme noullement venue de Milan: ainsi qu'il dira par-apres.

*Noz exem-
plaires n'ont
rien de cet ar-
ticle: mais, en
lieu de ce, di-
sent quels voya-
ges fit Frois-
sart, depuis son
retour d'Ortais
iusques à l'en-
tree de la Ro-
ynie Ysabel de
Bauiere à Pa-
ris: ou il fut, cō-
me aussi il en
parle bien am-
plement.

ANNOTATION III.

Secondement] *Deuant ceste clause il y auoit tels mots en nostre copie & estoient ces six seigneurs qui tenoient a la lieutene de la royne de France ceux que ie vous ay nommez les premiers: & en celle de Verard ainsi. Et estoient ces six seigneurs maris des Dames que ie vous ay nommez autour de la lieutene de la royne de France. Mais ne l'une ny l'autre leçon ne pouuoit accorder à ce qu'il a dit deuant: & pourtant n'auons feint de les oster du tout: comme n'y seruans de rien: fors que de troubler la deduction de l'Auteur.*

ANNOTATION IIII.

de Touraine] *Il y auoit ici de Berry: que j'ay changé, pour l'accorder à ce qu'il a naguères dit que la Duchesse de Berry auoit lieutene comme les autres, & que la Duchesse de Touraine n'en auoit point.*

ANNOTATION V.

Après venoit] *J'ay corrigé & accordé ceste clause à ce qu'il a dit par auant que la Royne Jehanne & sa fille d'Orléans s'en allerent, deuant l'entree de la Royne, au Palais: d'où elles ne bougerent pour ce iour. Pray est que lon pourroit dire qu'il nommat ici Orléans pour Touraine: par ce que ceste Dame, Valentine de Milan, fut peu-apres Duchesse d'Orléans, à cause de son mari, frere du Roy. Mais, pource qu'il a dit que Madame de Berry venoit en lieutene comme les autres, il m'a semblé bon de luy attribuer cet article: entendant que, comme ieune qu'elle estoit, & en desir de ce faire veoir, fust montée sur un pallefroy estant pres Paris, & qu'elle eust fait suivre sa lieutene en rang. Toutesfois voyez si vous ferez mieux vostre profit de la vieille leçon: qui estoit en ceste sorte. Après venoient en lieutene toute decouuerte derriere madame d'Orléans sur un pallefroy tresbien & richement paré deuant la Duchesse de Bar, & la fille au seigneur de Coucy. Et menoit madicte dame d'Orléans messire Jaques de Bourbon, & messire Philippes d'Artois. Après venoient &c.*

ANNOTATION VI.

& de Barbariens] *Combien que ie pense auoir remis & éclairci ce passage à l'entente de l'Auteur: neantmoins, pour ce que la corruption des noms des isles, m'y donne encor quelque scrupule, ingez ce qu'il vous plaira sur l'ancienne leçon: qui est telle, & des Barbariens ainsi a la complainte de ceux qui sont & demeurent es isles subiectes a eux, enclos delà la mer, a la riuere de Gennes, & tels que l'isle d'Albe, l'isle de Sire, l'isle de Guerse, l'isle de Bostan, l'isle de Gorgennem, & iusques au gouffre de Lyon, & aussi les isles de Sardonne, & de Finesse, & iusques en l'isle de Maillorques, mais ces trois isles obeissoient au roy d'Arragon. Si iceiterent &c. Quant aux isles, ie pren les trois premieres pour celles que nous pouuons aujourd'huy nommer, suivant leur nom Italien, l'Elbe, le Lis, & Corse, m'estant la quarte incongne, la cinquieme se nomme encor Gorgonne. Au regard du gouffre du Lyon, il m'est semblablement incongne. Sardonne est Sardaigne: & cherchez finesse ailleurs qu'en moy. Vous pourrez veoir un liure Italien, nommé l'Isolario del Bordone, pour veoir si il vous en fera meilleure raison que moy.*

ANNOTATION VII.

comment messire Thomas] *sala ne dit pas un seul mot de tout ce propos d'Angleterre: ains saute incontinent à messire Pierre de Craon, apres la sepulture du Comte d'Armignac. Aussi, à la verité, ie ne le trouue gueres bien approprié en ce lieu: encores qu'il suiuit sans distinction de chapitres, comme il faisoit par auant, commençant le chapitre à l'affaire de Craon.*

ANNOTATION VIII.

veilloient] *Il y auoit brusloient, contre le sens de l'Auteur. Mais Verard nous l'a fait changer: encores qu'il ne die que tels mots, apres varlets, Les xxiiij par nuit, & les autres xxiiij par iour.*

ANNOTATION IX.

car Bearn] *il y auoit car bonne es deux Exemp. & de luy, pour les deux derniers mots de ceste clause. Ce que nous auons changé, selon le sens de l'Auteur: qui veut dire que les Ortois craignoient que le Vicomte de Castelbon, pour iouir aussi de la Comté de Foix, ne fist hommage au roy de France, pour la terre de Bearn: & pourtant, deuant que le recevoir à Seigneur, vouloient bien auoir conseil avec le reste du pais.*

ANNOTATION X.

De telles verges] *Ceste petite clause finissoit seulement encores le tiers Volume en noz deux Exempl. Puis se commençoit le quart, par tel sommaire.*

Cy comence le quart liure de Sire Jehan Froissart sur les Croniques de France, d'Angleterre, Bretraigne, Flandres & pais circonuoinins, depuis l'an nostre Seigneur, mil trois cés quatre vingts & vnze. Et premierement comment les tréues faictes & accordees a durer trois ans entre France & Angleterre furent ralongees.

Cela dict, suiuoit la matiere, ainsi que nous la faisons suivre aussi comme luy, n'ayant nostre Abregé que tels mots, pour fin de son chapitre, parlant du Medecin Harsely, car il gaignoit tousiours, & tousiours vouloit viure d'auantage, & riens despendre: comme semblablement, apres tel sommaire du chapitre suiuant,

Comment les tréues furent ralongees entre France & Angleterre. Et comment le Roy estoit reuenue en son sens. De l'aduenture d'une mommerie faicte à Paris, en semblances d'hommes sauages. il n'a, pour entrer en matiere, que les mots suiuaus. Les Anglois accorderent les tréues a durer de la saint Michel iusques à la saint Jehan, & de la saint Jehan encore un an, en intention de venir a paix, &c. Qui me fait douter que ce passage, par où noz Exemplaires commençoient leur quart liure, & là où ie commence mon 51. chsp. d'iceluy ne soit pas vrayement de l'Auteur iusques à Vous sauez, & il est ci-dessus contenu, &c.

ANNOTATION XI.

&, (se Flâdres) *Il faut ici entendre plus, que nostre Auteur ne dit: c'est assauoir que le Duc de Bourgogne craignoit d'auoir des enfans & heritiers, apres sa mort, qui ne fussent pas bons François, & qui pourtant (ainsi puissans qu'il les laisseroit) s'alliasent avec les Anglois: si paix ne se faisoit, telle qu'il pr estoit.*

ANNOTATION XII.

car veez là] *Il faut encor entendre plus que ceste clause ne dit: c'est assauoir que les Comtes de Hainaut, voulans re-*

duire à leur obeissance le ruile & rebelle pais de Frise (comme le Roy Richard auroit fait celuy d'Irlande) s'enqueroient diligemment de Froissart, comment le Roy y auroit procedé, pour tascher à en faire autant en Frise.

ANNOTATION XIII.

Manibours) Oliuier de la Marche, en ses memoires, par nous reueus, & nouuellemēt mis en lumiere, use de ce mot Manbourg, ou Mambourg, pour vn gouuerneur de quelque pais, & ayant la garde-noble & protection de certaine vesue, ou pupille.

ANNOTATION XIIIII.

Mouuant de la Thamise) Entendez depuis le commencement de la Thamise, en montant vers Galles, & descendant apres par le reste de la longueur du Royaume, iusques en Escocce, sans rien comprendre de ce qui est situé entre le Hombre & la Thamise (car cela estoit pour le Duc de Clocestre: comme il dit incontinent) mais seulement passer par le dessus du Hombre.

ANNOTATION XV.

vn moins) Cet article deuoit estre mis par-auant, en son an: mais possible que Froissart craignit d'entrempre sa deduction des affaires d'Angleterre, pour si peu. Sur quoy notez encores, que, quand il dit que Benedic fut depose, il faut entendre seulement que ceux qui parauant estoient de son obeissance, s'en osterent & se tindrent neutres: comme le Roy de France taschoit aussi que ceux qui obeissoient à Boniface de Romme, en fissent autant, pour venir à nouvelle election & union de l'Eglise.

ANNOTATION XVI.

mais le Legat) Sur cet article finit aussi l'abbregé du Seigneur Sala, en tels mots. mais deuant que le legat entraist en pays du Liege, il luy fust dit qu'il n'allast plus auant s'il ne vouloit estre noyé, & qu'autant comme il y viendroit pour celle matiere qu'ils les feroient tous noyer. Puis escrit ainsi.

Si fine maistre Iehan Froissart son quart Liure,
& ne parle plus-auant.

21m 20

76

